


# JOANNIS LAUNOII

CONSTANTIENSIS, *Parisiensis* Theologi,

EPISTOLÆ Omnes,

*Octo Partibus* comprehensæ, nunc demum  441—20

SIMUL EDITÆ.

*Accesserunt Accurate Huic EDITIONI (præter Argumenta  
singulis antehac Tomis præfixa)*

INDICES QUATUOR.

- I. Authorum majoris Notæ, quorum Opera in Dogmatibus hic controversis adhibetur.
- II. Eorum, ad quos scripserit *Launoïus*.
- III. Locorum *S. Scripturæ*, qui hic vel cursim attinguntur, vel integre aut aliqua ex parte explicantur.
- IV. Index *Rerum, Verborum, Authorumque*, qui illustrantur, vindicantur, vel emendantur, Locupletissimus, *Alphabetico* Ordine digestus; ubi nihil Notatu dignum in toto hoc Opere prætermittitur.

Cum PRÆFATIONE Apologetica,

Pro Reformatione *Ecclesiæ Anglicanæ*, à V. admodum Rev. conscriptâ; in qua agitur de Authoritatē & Usu *Catholicæ* Traditionis & OEcumenicorum Conciliorum, eorūque cum *Sacris Scripturis* Consensu, prout in EPISTOLIS LAUNOII fusiùs explicatur.



CANTABRIGIÆ,

Ex Officina *Joan. Hayes*, Celebrerrimæ *Academiæ* Typographi; Impensis *Edvardi Hall*, Bibliopolæ *Cantabr.* MDC LXXXIX.



JOHANNES  
HONORI



345:10

JOHANNES HONORI  
JOHANNES HONORI  
JOHANNES HONORI

<sup>3</sup> Aug. in Psal.  
44. quotquot  
genuerunt, non  
Paulianos &  
Petrianos, sed  
Christianos no-  
minauerunt ---  
sumus. n. Chri-  
stiani non Pe-  
triani.

<sup>b</sup> *Synod. Lond.*  
1604. c. 30.

Tantum aberat, ut Ecclesie Anglicana ab Italia, Gallia, Hispania, Germania, disjunctis similibus Ecclesiis voluerit per omnia recedere, quicquid eam sciret tenere, & observare, ut [quod Ecclesie Anglicanae Apologia profertur] ceremonias illos cum reverentia suscipere, quas citra Ecclesie incommodum ad hominum fobriorum offensionem retineri posse sentiant, & in eis tantum articulis à prædictis Ecclesiis differant, in quibus eadem ipsæ ad pristina sua integritate rursus desciverunt, tum etiam ab Ecclesiis Apodicticis, à quibus tantum profemi-

<sup>d</sup> *Vid. Tractatum Anglicanum cui Titulus, The Reformation of the Church of England justified according to the Canons of the Council of Nice, &c.*

<sup>c</sup> Dall. *de usu pat.* c. 3. p. 33.

*Confess. August. c. 21.* Haec summa est Doctrinae quae in Ecclesiis nostris Traditur, & consentaneam esse iudicamus & Prophetica, & Apostolica Scriptura & Catholica Ecclesia, quotiens ex probatis Scripторibus nota est; atque ita iudicatorios esse speramus omnes bonos & doctos viros: non enim aspernamur consensum Catholicæ Ecclesiae, nec eius animi nobis ullum novum dogma & ignotum sanctæ Ecclesiae invessere in Ecclesiam, nec patrocinari impijs & seditiosis opinionibus volumus quas Catholica Ecclesia damnavit; non enim addidit prava cupiditate, sed coacti autoritate Verbi Dei, & veteris Ecclesiae, amplexi sumus hanc Doctrinam.

*Concil. Trid. Sess. 4. Ad coercenda petulantia ingenia decernit, ut nemo suae prudentiae innixus, in rebus Fidei, & morum ad adificationem Doctrinae Christianae pertinentium, sacrae Scripturam ad suos sensus contorqueus contra eum sensum quem tenuit & tenet sancta Mater Ecclesia, cujus est judicare de vero sensu & interpretatione Scripturarum sanctarum, aut etiam contra unanimem Consensum Patrum ipsam Scripturam interpretari audeat.*

Luther. Ep. ad March. Brandeburg. T. 1. Ger. fol. 143. Periculofum & horrendum eft quicquam audire vel credere, quod adverfetur unanimi testimonio Fidei & Doctrinae fanctæ & Catholicæ Ecclefie, cum illa inde ab initio annos plufquam mille quingentos unanimiter fervavit.

Jacobus IMMS. R. respons. per Calaub. ad Ep. C. Perronii p. 388. Hanc demum *ve Doctrinam* per *verâ* simul. & *necessariâ* ad salutem agnoscere *que* à Scripturâ S. manavit per *Consensum Ecclesiæ veteris*, seu per *canalem* ad hæc tempora fuerit derivata. — Ecclesiæ Anglicanæ adeo non *descripsit* à Fide veteris Ecclesiæ Catholice *quam* veneratur & *fuspiciit*, ut *ne* à Fide quidem Romanæ Ecclesiæ *describerit*, quatenus illa cum veteri Catholica *consentit*. Si *queritur* Successio Personarum, in promptu sunt Nomina Episcoporum & *series* à primo nasquum interrupta: Si *successio Doctrinæ*, agite, periculum facite, Concilium liberum date, quodque ex *unius* voluntate non *pendeat*; parata est Ecclesiæ Anglicanæ Fidei sue reddere rationem, & rebus ipsis evincere Authoribus Reformationis hic institutis non *fuisse* propositum novam atque Ecclesiam *condere*, sed *que* erant collapsa ad *formam* revocare *quam* fieri potuit *optimam*. Hanc etiam methodum Doctores Scholastici in suis Disquisitionibus sibi *propulerunt*, ut post Theologiam Naturalem *per* interpretationem sacre Scripturæ et



# P R Æ F A T I O.

mente sanctorum Patrum & Traditionis Ecclesie nobis exponerent, licet hæc omnia minus feliciter affecti sint; eo quod nec Scripturas Sacras, nec Historias Ecclesiasticas, in suis propriis Linguis intelligerent, & plerumque ex corruptis & suppositiis Libris & Scriptoribus Disputationum suarum Argumenta desumerent: Deinde, Theologiam suam non secundum Scripturas & Traditionem Ecclesie Catholice verè dictæ, sed Scripturas ipsas, & Traditionem Ecclesie ad normam & placita Curie Romanæ efformarent. Consensum vero Patrum & Traditionem Ecclesie in interpretandis Scripturis & Veritate Theologica exponenda esse optimam Regulam, semper pro certo & immobili fundamento agnoverunt, & multis Capitibus contra Hæreticos & Schismaticos satis acutè & nervosè asseruerunt.

Sed ne videamur temerè *Laurois* methodum & auctoritatem Ecclesie Catholice & traditionis Ecclesiasticæ dissidentibus Ecclesiis & aliis objicere, liceat Scripturas hac in re consulere, & quale testimonium perhibent seriò expendere. Tota vero potestas & auctoritas <sup>a</sup> docendi, <sup>b</sup> regendi, <sup>c</sup> corrigendi Ecclesiam, Episcopis & Pastoribus commissa est; & nihil magis Christianis injungitur quam pacem colere, <sup>e</sup> Schismata vitare, <sup>f</sup> Pastores audire, iis obedire, & se subicere, eorum fidem sequi: & ne sub aliquo prætextu, in doctrinâ & moribus ab Ecclesia unitate recedat, semper ad Episcopos in dubiis & arduis recurrendum est: Qui vos <sup>g</sup> audit me audit, qui vos rejicit me etiam rejicit; & ecce vobiscum sum, usque ad <sup>h</sup> consummationem seculi. Deinde Dominus ipse modum definiens quomodo lites & dissidia in Ecclesia terminanda sunt, ait: Si peccaverit in te frater, dic Ecclesie, & si <sup>i</sup> Ecclesiam non audierit, sit tibi tanquam Ethnicus & Publicanus. Et per Ecclesiam hic Episcopi & Presbyteri sunt intelligendi; quia statim subjungit, <sup>k</sup> Quodcumque ligaveritis in terris, ligatum erit & in cælis. Per Ecclesiam itaque Servator denotat eos, quibus incumbit sententiam ferre, & non obediens excommunicationis vinculo ligare. Et si possent omnes <sup>l</sup> Episcopi in unum convenire, proculdubio omnibus æquale esset jus & auctoritas de rebus Ecclesiasticis communi suffragio dijudicandi, ut est in Regimine Aristocratico: sed cum hoc sæpe fieri non possit, unanimi Episcoporum consensu Ecclesia ita in Provincias, Dioceses & Parochias distributa est, ut quamvis diversis locis, eandem tamen fidem & charitatem omnes verè Catholici summa cum benevolentia amplectantur; & ad ostendendam strictam unionem & connexionem omnium membrorum inter se, & cum Christo capite, sæpe Ecclesia comparatur corpori, viti, domui, &c. Quorum partes vitam & perfectionem amittunt, quamprimum à toto vel sua propria sede & loco separantur. Atque ita hac ratione, Laicus qui non audit Parochum, & Parochus qui non audit Episcopum, & Episcopus qui non audit Synodum Provinciam, & Synodus Provincialis, quæ non audit Collegium Pastorum sive Concilium verè generale, in rebus ad pacem & unitatem Ecclesie spectantibus, non audit Ecclesiam, ac proinde non Dominum ipsum qui dixit: Si Ecclesiam non audierit, sit tibi tanquam Ethnicus & Publicanus. Hanc etiam methodum praxis Apostolorum & totius Ecclesie, & recta ratio in aliis rebus peragendis nobis demonstrant. Unde rectè <sup>m</sup> Augustinus: Si auctoritas Cypriani est sequenda, magis eam sequendam esse in unitate servanda quam in Ecclesia consuetudine commutanda. Si autem Concilium ejus attenditur, huic est universa Ecclesia potius quam novum est, fierius Concilium præponendum; nam universum partibus semper jure optimo præponitur.

Frater Charissime, ut Novatiano nuper retuso & refutato, & per totum orbem à Sacerdotibus [h. e. Episcopis] Dei abstinere, nunc adulescentes adhuc nobis patiantur illudere, & de majestate & dignitate Ecclesie judicare. Euseb. lib. 5. c. 22. Συνοδοὶ δὲ τῆς ὁμοεπισκοπῆς ἐποπτεύοντες ἐπὶ τῷ αὐτῷ ἔργῳ. Πλαγίως τὴν μὴ ὁμοῦν δὲ ἐπισκοπῶν ἐκκλησιαστικὸν δόγμα τοῖς παταρχοῖς διατηροῦντο. August. Ep. 166. Sed quia Constantinus non est ausus de causa Episcopi judicare, eam discutiendam atque finiendam Episcopis delegavit. Con. Lab. T. 3. p. 441. Theodosius & Valentinianus Imperatores. Ep. ad Synod. Ephes. Ἀδελφῶν δὲ τῶν μὴ τῷ κατὰ λόγον ἔργῳ ἀνωτατὴν ἐποπτεύοντα τοῖς ἐκκλησιαστικῶς ἐκτελεσθῆναι δὲ μὴ ὑποβῆναι. Cyprian Ep. ad Anton. Manente Concordiæ vinculo, & perseverante Catholice Ecclesie indiviso Sacramento, alium suum disponit & dirigit unusquisque Episcopus, rationem propositi sui Domino redditurus. ---Quisquis ille est, & qualiscunque est, Christianus non est, qui in Christi Ecclesia non est. Jactet se licet, & Philosophiam & Eloquentiam superbis vocibus prædicet, qui nec fraternam Charitatem, nec Ecclesiasticam unitatem tenuit, etiam quod prius fuerat amisit. Una Ecclesia per totum mundum in multa Membra divisa; item Episcopatus unus, Episcoporum multorum concordia numerositate diffusus. ---Qui ergo se ab Ecclesia vinculo, atque Sacerdotum Collegio separat, Episcopi nec Potestatem potest habere nec Honorem, qui Episcopatus nec Unitatem voluit tenere nec Pacem. Canon. Apostol. 12, 14, 30, 33, 36, 73. Concil. Nicen. 1. c. c. Concil. Constantinopolit. 1. c. 2. C. Antiochen. passim. Synodus quinta Ecolat. 8. ap. Lab. Concil. Tom. 5. p. 562. Licet enim S. Spiritus gratia & circa singulos Apostolos abundaret, ut non indigerent alieno consilio ad ea quæ agenda erant, non tamen aliter voluerunt de eo quod movebatur, si oporteret gentes circumcidi, definire, priusquam communiter congregati divinarum Scripturarum Testimoniis unusquisque sua dicta confirmaverunt. Unde communiter de eo sententiam protulerunt, ad gentes scribentes, Visum est Spiritui Sancto & nobis, &c. Sed & sancti Patres qui per tempora in quatuor Conciliis convenerunt, antiquis Exemplis utentes communiter de exortis Hæresibus & Questionibus disposerunt. ---Nec enim potest in communibus de fide Disputationibus aliter Veritas manifestari, cum unusquisque proximi adiutorio indiget; sicut in Proverbiis dicit Solomon: Frater fratri adiutorium præstans, exaltabitur sicut Civitas munita: Valet vero sicut Regnum fundatum. ---Sed etiam Dominus ipse dicit, Si duo ex vobis, &c. Matt. 18.

Reverendiss. Usherus Arch. Armachan. Concione coram Rege Jun. 20. 1624. p. 6. The Catholick Church must not be sought for in any one Angle or Quarter of the World, but among all that in every place call upon the Name of the Lord, both theirs and ours. 1 Cor. 1. 2. ---Thus must we conceive of the Catholick Church as of one Intire Body, made up by the Collection and Aggregation of all the Faithfull unto the Unity thereof; from which Union there ariseth unto every one of them such a Relation to, and Dependance upon the Church Catholick, as Parts use to have in respect of their Whole. Whereupon it followeth that neither Particular Persons, nor Particular Churches, are to work as several Divided Bodies by themselves (which is the Ground of all Schism) but are to teach and to be taught, and to do all other Christian Duties, as Parts conjoynd unto the Whole and Members of the same Common-Wealth and Corporation; and therefore the Bishops of the Ancient Church, though they had the Government of particular Congregations only committed unto them, yet in regard of this Communion which they held with the Universal, did usually take to themselves the Rank of Bishops of the Catholick Church, which maketh strongly as well against the New Separatists, as the Old Denatists, who held it a thing not much material so they profess the Faith of Christ, whether they do it in the Catholick Communion or out of it. Or else (which is worse) dote so much upon their own Part, that they refuse to joyn in Fellowship with the rest of the Body of Christian, as if they themselves were the only People of God, and all Wildom must live and die with them and their Generation. And herein do our Romanists most fearfully offend; as being the Authors of the most cruel Schism that ever hath been seen in the Church of God. Reverendiss. Bramhallus Successor in Sede Armachan. Vindicat Eccles. Angl. p. 15. Edit. 1. External Communion consists first in the same Creeds and Symbols or Confessions of Faith, which are the ancient Badges or Cognifances of Christianity. ---Lastly in the admission of the same Discipline and Subjection to the same Supream Ecclesiastical Authority, that is, Episcopacy, or a General Council. For as single Bishops are the Heads of particular Churches, so Episcopacy, that is, a General Council, or Oecumenicall Assembly of Bishops, is the Head of the Universal Church. pag. 7. Neither is there so strict and perpetuall adherence required to a Particular Church as to the Universal Church.

Chamierus lib. 10. c. 8. Superest questio de omnium Ecclesiarum toto orbe politia: hæc vero qui neget ab æcumenicis Synodis administrari, oportet insigniter aut impudentem aut totius antiquitatis esse imperitum. ---n. 5. quibus argumentis non utiles tantum sed etiam necessaria docentur Synodi, adeo ut nullo alio remedio curari queant Ecclesie Catholice morbi: ad Synodos autem convocatos fuisse, atque admissos omnes Episcopos, nemo dubitat, sedesque judices suo jure prout fieri solet in Aristocratia. + Cont. Donat. l. 2. c. 9.

## P R Æ F A T I O.

At objiciat aliquis: verum est, hanc methodum & Scripturæ, & Ecclesiæ praxi, & rectæ rationi consentaneam esse, nec aliter pax & ordo in Regimine Ecclesiæ conservari possit, nisi ubi populus à Pastoribus, Pastores à Conciliis œcumenicis, h. e. membra à capite, & partes à toto dirigantur. Sed quomodo consulendum est Collegium Pastorum aut Concilium generale, cum per mille annos nullus ejusmodi conventus haberetur, nec unquam sperandum est Episcopos per tot terrarum spatia, quibus sparguntur, iterum posse in unum coire ad Concilium generale celebrandum?

Quamvis igitur Concilium generale sit unus modus, quo Ecclesia mentem suam de rebus Theologicis exponit, non tamen est solus & per se absolutè necessarius. Non enim Dominus dixit solummodo; Obedite Ecclesiæ & Pastoribus in Concilio congregatis, *sed si Ecclesiam non audierit*, sive in Concilio, sive extra Concilium, eadem est autoritas Pastorum, & eorum monitis & decretis de rebus Ecclesiasticis fideles obedientiam præstare tenentur. Abunde enim sufficit si ex Scripturis & ex antiquorum scriptis, & usu passim recepto, res nobis traduntur, licet nullis Conciliorum decretis confirmantur. Fundamentum enim & norma omnis veritatis est sacra Scriptura: Ecclesia est custos & interpret istius regulæ; & semper in omnibus seculis in Liturgiis & Catechismis, in Concionibus, in literis formatis, in Conciliis particularibus, & nonnunquam in generalibus, quando Ecclesiæ necessitas postulabat, fidem Evangelicam unà cum Scripturis, omnibus Christianis commendavit.

At *Concilia generalia* (ut dicit articulus Ecclesiæ Anglicanæ) *errare possunt & erraverunt*. Sed non necesse est, <sup>Art. 21.</sup> ut articulus de sex œcumenicis Conciliis intelligeretur, sed de aliis duodecim Conciliis quæ eo nomine vulgo notantur & occurrunt, licet verè generalia non sint. Et si de Conciliis verè generalibus intelligeretur, mitius tamen de eorum erroribus pronunciat Ecclesia. Dicit enim, *errare possunt in pertinentibus ad Deum*, non autem in rebus ad salutem necessariis. Non enim promisit Deus, Ecclesiam fore ab erroribus immunem in omnibus quæstionibus & capitibus minoris momenti, magis quàm à levioribus peccatis in Moribus & Praxi: Sed tantum aberat ut per traditionem Ecclesiæ aut Concilium verè generale ab Ecclesia Catholica approbatum, aliquid contra fundamentalem veritatem in hunc usque diem decerneretur, quod audacter affirmare possumus, quod tot hæreses & Schismata funditus evellerentur, aut saltem reprimerentur, & veritas Christiana tanta claritate per orbem terrarum, ringente Diabolo, obnitentibus Hæreticis, & frendentibus Atheis, diffunderetur, maxime deberi Episcoporum studiis & pietati, & œcumenicorum Conciliorum decretis. Ingrati igitur sunt posterius, si non gesta Sanctorum Patrum cum laude celebrent, & summæ injuriæ postulandi, si contemptui habeant, quæ ab illis in fide Catholica & Ecclesiæ pace & unitate conservanda foeliciter peraguntur.

Tandem igitur concedent nonnulli, Ecclesiæ pacem & salutem maximè periclitari, & sanctissima illius membra in gravissimas angustias cogi, si Pastores & cœtus Christianorum per orbem terrarum diffusi passim hæreticæ labe inficerentur: at inquirunt, Hoc non credimus aut supponimus; non dubitamus enim quin traditio Ecclesiæ Catholicæ in hunc usque diem pura & incorrupta defluerit; sed de Conciliis generalibus non adeo certum est: in talibus enim conventibus aliquando contingit, quod Doctores plus studio partium quam veritati indulgeant ut de Concilio *Arminensi*, *Ephefino*, *Nicano* secundis, & Synodis occidentalibus notum est.

Non ignoramus igitur quod prædixerit Apostolus: *Oportet esse hæreses, ut & qui probati sunt, manifesti fiant in vobis.* Et Sanctus Paulus monet Episcopos: *Act. 20. quod ex ipsis exurgant viri loquentes perversa, ut abducant discipulos post se:* imo & frequentibus Conciliis idem contingere potest. Sed de Collegio Pastorum, aut Concilio verè œcumenico ab Ecclesia Catholica receptis ac approbatis, nihil tale dici potest: nec est quod aliquis Scripturam & traditionem Ecclesiæ, traditioni Concilii œcumenici passim recepti & approbati opponat: idem enim docent, & pari passu fidem Evangelicam enunciant, nec aliter testantur Pastores sparsim diffusi, aliter in Concilio verè libero collecti. Eadem veritas continetur in Scripturis, continetur in <sup>c</sup> traditione, continetur in Conciliis œcumenicis. Non est Concilium œcumenicum, h. e. liberum & verum testimonium Collegii Pastorum quod contrariatur traditioni Ecclesiæ; nec potest aliquod dogma traditione Ecclesiæ confirmari, quod repugnat Sacræ Scripturæ, cum inter omnes traditiones nulla sit certior traditione Sacræ Scripturæ. Sua itaque maneat in Scripturis perspicuitas & sufficientia, sua in traditione firmitas & constantia, sua in Pastoribus & Conciliis œcumenicis autoritas & Reverentia: nec aliquis sibi invicem opponat, cum eadem fides, eadem doctrina in omnibus ad salutem necessariis suo modo & ordine à singulis prædicetur, & in veritate tradenda & conservanda suis cuique usus & auctoritas. Si quid dubium & difficile occurrit in Scripturis, Ecclesiæ doctrina & traditio lumen affert, Textus & tenebras dispellit; si quid Disceputationi obnoxium est in Ecclesiâ, Scripturæ Canon litem dirimit; & si de mente Scripturæ & Ecclesiæ controvertitur, Pastores afflatu Divini spiritus ad hoc munus instructi, de Doctrina recepta, & recto sensu testimonium perhibent: Atque ita, ex ore duorum vel trium Testium, hæreticorum & schismaticorum ora obstruuntur, & pax & veritas Catholica facta tecta conservantur.

preserved, and is at this day entirely professed in our Church. And it is well observed by a Learned Man who hath written a full Discourse of this Argument, that whatever the Father of Lies hath either attempted or *shall attempt*, yet neither hath he hitherto effected, nor shall he ever bring to pass hereafter, that this *Catholic* Doctrine ratified by the Common Consent of Christians always, and every where, should be abolished, but that in the thickest Mist rather of the most perplexed Trouble, it still obtained victory both in the Minds and *Open Confession* of all Christians,

<sup>c</sup> Reverendiss. Usher Arch. Armacan. Concione prædicta: That which in the time of the Ancient Fathers, was accounted to be truly and properly Catholic, namely, that which was believed every where, always and by all; that in succeeding Ages hath evermore been



# P R A E F A T I O.

nor was any ways overturned in the Foundation thereof, and that in this Verity that one Church of Christ was preserved in the Temples of the most cruel Winter, or in the thickest Darkness of her Waning. Thus if at this Day we should take a Survey of the several Professions of Christianity that have any large spread in any part of the World, as of the Religion of the Roman and Reformed Churches in our Quarters, of the Egyptians and Ethiopians in the South, of the Grecians and other Christians in the Eastern Parts, and should put by the Points wherein they did differ one from another, and gather into one Body the rest wherein they all did generally agree, we should find that in those Propositions which without all Controversie are universally received in the whole Christian World, so much Truth is contained, as being joyned with Obedience and an Holy Life, may be sufficient to bring a man to Salvation.

Dum itaque alii suam particularem Ecclesiam & interpretationem Scripturis & Ecclesiae catholicae praepouunt, & alii suam privatam expositionem Scripturae, decretis Conciliorum generalium & Traditioni Ecclesiae Catholicae opponunt, ambo a veritate evangelica recedunt, & haereticis & schismaticis ad Ecclesiae pacem & unitatem convellendam, viam praemonstrant. Unde factum est, quod membra Corporis mystici Domini nostri in tot particulas discerperentur, nec unquam spes subesse potest ut in unum coirent, donec traditionem Ecclesiae ad normam sacrae Scripturae, & interpretationem Scripturae, ad analogiam Fidei, seu traditionem Ecclesiae catholicae componant. Si vero e medio tollantur quae praeter vel contra Scripturas pro doctrina Catholica traduntur, & quae praeter vel contra Scripturas, pro Doctrina evangelica praedicantur, statim dissidentes Ecclesiae inter se Communionem cohererent. Nec opus est ut Concilium generale ad has lites dirimendas cogeretur: si id quod superadditum est a Romanensibus auferetur, & quod omisum est a Reformatis restitueretur, nulla disceptandi causa restaret, nec ulla contentio inter Ecclesias superesset, nisi ut pio affectu erga Deum, & fraterna erga se invicem charitate, aliae aliis antecederent. Imo si Pontifex Romanus limites a Canonibus praescriptos, quorum observationi a juramento astringitur, non transiliret, & Ecclesiae reformatae ordinem Episcopalem secundum Traditionem Apostolicam Canonibus definitum, & usu Ecclesiae Catholicae per mille & quingentos annos ubique receptum, denuo restituerent, quod facile possunt & debent, Pax & Communio Ecclesiastica non tam misere perturbarentur. Et mirum quidem est, viros doctos & pios velle incerta pro certis, nova pro veteribus, in re tanti momenti substituere: nam quod ordinationes Episcopales sint verae & legitimae, ordinationis Presbyterianae acerrimi vindices agnoscunt; igitur tutissimum sane est, & rationi magis consentaneum, ut omnis dubitandi ansa praescinderetur, & certa incertis, antiqua novis in rebus Ecclesiasticis praeferrantur. Hac in re itaque sequantur verba Apostoli: Qui habent fidem de Ordinatione Presbyterali, sibi habeant, nec aliis suam sententiam obtudant. Sed cum Ordinatio Episcopalis sit tutior, & magis ab Ecclesia recepta & approbata, non decet viros pacificos & Christianos novitatibus & privatis criticorum conjecturis, scandalum fratribus offerre, & Ecclesiae ordinem & pacem de rebus non necessariis perturbare. Nec est quod metuant, ne jam rebus aliter apud se constitutis, pax & ordo Ecclesiarum suarum tali restitutione pessunderentur. Si enim Ordinatio Episcopalis tam in superintendentibus quam in Ministris, ubi deest, suppleatur, Episcopi & Presbyteri in Synodis Provincialibus facile constitutiones Ecclesiasticas pro regimine Ecclesiae eo modo temperare possunt, ut turbis & querelis apud se viam pracludant, atque ita majori auctoritate & certitudine, non solum Haereticis & Schismaticis, sed etiam piis & Catholicis veritatem commendarent, cum Ecclesiae consensus & traditio Constitutiones Ecclesiasticas suffragio suo confirmarent. Non haec exprobandi aut insultandi causa, sed pio affectu & animo vere benevolo dicta sunt, ut saluti & paci Ecclesiarum Reformatarum consulatur, quae nulla in re apud viros modestos & pacificos magis quam hac in parte male audiunt: Tam apertam enim novitatem nullo modo nisi sub necessitatis praetextu excusare possunt; at quomodo haec necessitas multis Ecclesiis obtendi potest nondum constat; proculdubio si id summo studio ab iis tentatum esset, jamdudum a Bohemicis, Anglicis aut Gracis Episcopis Consecrationes Episcopales consequi potuissent. Amici igitur inter Reformatos non sine lacrymis & gravissimis doloribus hunc defectum saepe deplorant; & eandem ob causam Ecclesiae quas vocant Protestantium, a Romanensibus & Gracis magno contemptu excipiuntur. Deus pacis & dilectionis hanc mentem Pontificis & Reformatis concedat, ut privata Catholicis, nova veteribus commutent, nec suis privatis commodis & dogmatibus, Ecclesiae paci & unitati obicem ponant.

<sup>a</sup> Dist. 16. c. 8. Con. Constantinens. sess. 39. sancta octo Concilia.

<sup>b</sup> Calvin de necess. Reformat. Eccl. Talem nobis Hierarchiam si exhibeant, in qua sic emineant Episcopi, ut Christo subesse non recusent; ut ab illo tanquam unico capite pendeant & ad ipsum referantur; in qua sic fraternam societatem colant, ut non alio modo quam ejus Veritate sint colligati: tum vero nullo non anathemate dignos fateor, si qui erunt qui non eam reverentur, summae Obedientiae observent. Theodor. Beza ad Tract. de Ministr. Eccl. gradibus ab Hadr. Sarau-

editum. Si qui sunt (quod sane mihi non facile persuaseris) qui omnem Episcoporum Ordinem rejiciant, absit ut quisquam sane mentis furoribus illorum assentiatur. ibid. c. 18. Quod si nunc Anglicanae Ecclesiae instauratae suorum Episcoporum & Archiepiscoporum Auctoritate assultae persistant; quemadmodum hoc illi nostra memoria contigit, ut ejus Ordinis homines non tantum insignes Dei Martyres, sed etiam praestantissimos Pastores ac Doctores habuerit, fruatur sane isto singulari Dei beneficio, quae utinam sit illi perpetua. Blondellus etiam conclusit suam Apologiam pro Hieronymo cum verbis in hunc sensum. By all that we have said to assert the Rights of the Presbytery, we do not intend to invalid the Ancient and Apostolicall Constitution of Episcopall Preheminence. But we believe that wheresoever it is established conformably to the ancient Canons it must be carefully preserved, and wheresoever by some Heat of Contention or otherwise it hath been put down or violated, it ought to be Reverently restored. Sed haec verba excisa fuerunt instantia & fraude Presbyterianorum Anglicanorum. Vide Ep. Molin. apud Durell. pag. 339. Of the View of the Government of the Reformed Churches, &c. Ubi multa ad hanc rem occurrunt. <sup>c</sup> Calv. Beza, Blondell. Bochartus. <sup>d</sup> Vid. Epist. R. Episc. Andræ Winton. ad Pet. Molin. P.

At dicant nonnulli: haec quidem satis commodè proponuntur, & optandum esset, ut Pastores & Concilia sacris Scripturis tam firmiter adhererent, ut eorum Traditionibus & Decretis sine damno salutis tuto innitatur; non enim aliter externa Ecclesiae disciplina & Regiminis forma rectè administrari potest: Sed ex nullo sacrae Scripturae textu hoc non deficiendi privilegium, Pastoribus & Conciliis certò ac necessario colligitur. Quamvis itaque summa cum reverentia Pastores & Concilia sint excipienda, nec temerè ab eorum Monitis & Decretis recedendum sit, oportet tamen potius Deo obedire quam hominibus; itaque si Deus aliquid asserit, Concilium negat, si quod praecipit Ecclesia, prohibet Deus, non Ecclesia, sed Deus audiendus est. Ve-

# P R Æ F A T I O.

Verum quidem & verissimum. Absit itaque, longe absit, ut Ecclesia Deo aut Catholicæ veritati in rebus ad salutem necessariis contradicat. Quare tale aliquod fingunt & supponunt, cum Deus Pastores & Episcopos hanc ipsam ob causam ordinaverit, ut Ecclesiam regant & instituant, & in rectam veritatis cognitionem perducant. Nec enim in dubium vocatur, utrum vox Dei in Scripturis sit audienda; sed de vero sensu & interpretatione verbi Dei in rebus ad unitatem & pacem Ecclesiæ spectantibus, cui sit fides adhibenda? Plebeis an Episcopis? privatis Pastoribus an Conciliis? particularibus Conciliis, an Collegio Pastorum? h. e. partibus an toti? Si Scripturæ sunt claræ & perspicuæ populo, sunt etiam Pastoribus; si uni Episcopo, multò magis Synodo Provinciali, & Collegio Pastorum, seu concilio verè Generali. De Fide, Pietate, & diligentia Conciliorum in tradenda Ecclesiæ Doctrinâ, & in eruendis & expendendis sacrarum Litterarum mysteriis, multo minus quam de privatorum hominum fide & diligentia dubitandum est: quod unus videt, plures videre possunt, præsertim Episcopi qui sunt speculatores & huic muneri à Deo ipso præficiuntur. Et si non in apertis verbis, tamen certis rationibus hanc Pastorum in tradenda veritate firmitatem colligere licet: non solum enim promisit Deus, quod porta inferorum contra Ecclesiam in genere non sint valitura, sed in hunc finem dedit Pastores, ne circumferamur omni vento Doctrinæ; & ubique præcipit obedire iis, & habere abundantius in honore propter opus illorum; & pacem habere cum iis, eorum fidem sequi. Et ne fortè aliquis metus subesset, quasi ipsi deficerent, promisit Christus se cum illis adfuturum usque ad consummationem sæculi; nec solum in angulis & latibulis, sed Mons Domini exaltabitur super omnes montes, & non faciet avolare à te ultra Doctorem tuum, erunt oculi tui videntes præceptorem tuum. Ecclesia dicitur Columna & Firmamentum veritatis; semper itaque extat, & errantibus viam demonstrat. Nec solum unitatem, sed pulchritudinem & ordinem Ecclesiæ Scripturæ repræsentant. Hinc comparatur domui, horto, exercitui, in quibus omnia decentè & certis Regulis disponuntur, nec aliquod Membrum aut particula totius Corporis aggregati, à sua sede & loco sine præfectorum imperio dimoveatur. Si aliter se res habet in Communione & Regimine Ecclesiastico, hoc non fit vitio Ecclesiæ, sed quia privati homines & particulares Ecclesiæ à regula Traditionis Catholicæ & Conciliorum Decretis, in rebus ad Unitatem Ecclesiæ pertinentibus defecerunt. Hæc itaque supradicta si non certò probare, satis innuere videntur, quod Spiritus Sanctus ita reget & disponet corda Episcoporum, ut saltem in Decretis & Interpretationibus quæ præstant ad Fidem & Pacem Ecclesiæ, nusquam à veritate Catholicâ aberraverint. Omnes fatentur Ecclesiam usque ad finem mundi saltem in angulis & locis abditis permanfuram. Sed cum tot præclara & magnifica de ordine, pulchritudine, pace & unitate hujus civitatis Dei in sacris Scripturis dicantur, & ea tanquam Dux & lumen dubiis & errantibus porrigatur; Deo curæ erit proculdubio, ne instabiles & inconstantes in Hæreses & Schismata, Auctoritate Collegii Pastorum, aut Concilii verè ecumenici impellantur, & pax & regimen Ecclesiæ defectione Episcoporum dissolverentur.

<sup>a</sup> Confessio August. c. 21. *Utitur & legitima via in Ecclesia dirimendi dissensiones, videlicet ad Synodos referre controversias Ecclesiasticas: hunc morem servavit Ecclesia inde usque ab Apostolis; & præstantissimi Imperatores Constantinus & Theodosius etiam in rebus non valde obsecratis, & de gravibus abusus, tamen sine Synodo nihil constituere voluerunt, ut Ecclesiæ libertatem in judiciis dogmatum conservarent.*

<sup>b</sup> Reverendus Montacutius Episcopus Norwicensis. Orig. Ecclesiæ part. post. Tom. prior. Iniqui agunt cum Ecclesia Anglicana, qui tenere & tueri illam mentuntur, non esse de

necessitate [i. e. præcepti] vocationem & missionem Pastorum, Ministrorum ac Sacerdotum ordinariam per Manuum Impositionem. Sancte credimus, accurate tuemur, & defendimus extitisse, extare, existuram semper, contra omnes inferorum & demonum machinationes, Ecclesiam & Convocatio hominum in Christum credentium evocatorum: Ceterum nullis interceptam, intercisam intercedentibus, perpetuo extantem alicubi visibilem, oculis usurpandam in eum finem & eo modo ut intelligere possint quibus curæ: Illud est, apud quos habeatur Verbum vite, Sacramenta salutaria administrantur. --- Nam quod præstant ordinariam vocationem retinendam, adhibendam, eique adhaerendum nisi in casu necessitatis, suppositioni innititur impossibilitatis; neque enim talis casus, aut extitit aliquando aut contingere potest, nisi fallat nos Dominus qui promisit: Porta inferorum non prævalerunt; ecce sum vobiscum usque ad consummationem mundi.

Wittenbergica Confessio. c. de Ecclesia. Credimus & confitemur quod una sit Sancta Catholica & Apostolica Ecclesia, juxta Symbolum Apostolorum & Nicænum. 2. Quod hæc Ecclesia à Spiritu Sancto ita gubernetur, ut etsi finit eam esse in terris imbecilem, conservet tamen eam perpetuam, ne vel erroribus vel peccatis pereat. 6. Quod hæc Ecclesia habeat jus judicandi de omnibus Doctrinis juxta illud, Probate Spiritus num ex Deo sint. Et ceteri judicent. 7. Quod hæc Ecclesia habeat jus interpretande Scripturæ. ibid. de Concilio. Fatemur sua debere esse in Ecclesia de dogmatibus & sacris judiciis, & magnam esse Legitimum Conciliorum auctoritatem.

\* Argentinensis Confessio. c. 15. Ecclesia Sponsa Christi. --- Domus Dei, columna & stabilimentum Veritatis, Mons Sion, Civitas Dei Viventis. Hierusalem celestis, Ecclesia primogenitorum qui conscripti sunt in calis. --- In his cum verè regnet Servator, propriè eius Ecclesia, & Sanctorum κοινωνία, id est Societas ut in Symbolo Apostolorum vocabulum Ecclesiæ expressum est, nominatur. Hanc regit Spiritus Sanctus, huic Christus nunquam abest sed sanctificat, ut eam sibi tandem exhibeat non habentem maculam aut rugam. Hanc denique qui audire non sustinuerit, ut Ethnicus habendus est atque Publicanus. --- Præterea cum Ecclesia Regnumque Dei sit, atque ideo cuncta in eo optimo Ordine geri necesse sit, habet varia Ministrorum munera, Corpus siquidem est ex variis Membris quibus singulis sui actus sunt compactum. Et hi dum suo Ministerio, bonâ fide funguntur, in Verbo & Doctrina graviter laborantes, Ecclesiam verè repræsentant, ut qui eos audierit rectè dicatur audisse Ecclesiam. Psalmis & Canticis psalmi: Isai. 60. &c.

\* Sereniss. Rex Jacobus Responsione ad Franciscum Suares per Archiepiscopum. Spalaten. pag. 928. n. 25. Rex non negat Concilia extra Britanniam ritè & legitime celebrata Auctoritatem habere in rebus Fidei, cui Anglicana quoque Ecclesia parere teneatur: & in Apologia pag. 297. expressè à se removel Officium omne, omnemque Auctoritatem ferendi judicium circa Articulos Fidei, quibus se subijcit non minori cum humilitate quam quovis subditorum vel infimæ.

Reverendus Andreas Episcopus Winton. in Apolog. pro Rege Jacob. contra Bellarm. c. 14. pag. 333. Date nobis Concilia legitime congregata & procedentia. Date Patres unanimi consensu judicantes, & in eorum sententiam imus statim. Vid. Respons. etiam ad Cardinal. Perz. 26. &c.

Laudus Archiepiscopus Cantuariensis & Martyr. p. 378. f. 39. I submit my self in all humility to the Scripture interpreted by the Primitive Church, and in new and necessary Doubts to the Judgment of a Lawfull and free General Council. This I do from my Heart; and do abhor in Matter of Religion that my own or any private Mans Fancy should take any place, and least of all against any thing held or practised by the Universall Church; which to oppose in such Things, is certainly as St. Augustin calls it, insolentissime insania, an Attempt of insolent Madneis. pag. 386. I have expressly declared that Scripture interpreted by the Primitive Church, and a lawfull and free General Council determining according to these, is Judge of Controversies, and that no Private Man whatsoever is or can be Judge of these.

Reverendiss. Bramhallus Archiepiscopus Armacan. & Confessor, Vindictæ. Ecclesiæ Anglicanæ. pag. 26. To sum up all that hath been said. Whosoever doth preserve his Obedience intire to the Universall Church, or its Representative a General Council, he may securely say, my Name is Christian, my Surname is Catholic. From hence it appears plainly by the Rule of Contraries who are Schismatics. --- Whosoever withdraws his Obedience from the Catholic Church, or its Representative a General Council, or any Superiours without just Grounds; lastly whosoever doth willfully break the Line of Apostolical Succession, which is the very Nerves and Sinews of Ecclesiasticall Unity and Communion both with the Present Church, and with the Catholic Symbolical Church of all Successive Ages, he is a Schismatick (quâ talis) whether he be guilty of Heretical Pravity or no.

Reverend. Franciscus White Episcopus Eliensis. in Replicat. ad Fisherum pag. 157. Protestants have always desired a Lawfull General Council for the concluding of Differences in Religion, and they are most ready and resolute to submit themselves to the Determination thereof; and they yield the same Honour and Authority to all such Councils which the Ancient Church in the Days of Constantine the Great, Theodosius & Martinus, and which St. Augustin did.

Reverendus Christopher Potter Coll. Regii. apud Oxon. Præpositus Respons. ad lib. cui titulus. Charity Mistaken. sect. 5. c. 6. p. 30. We say that such General Councils as are lawfully called and proceed orderly, are great and awfull Representations of the Church Catholick; that they are the highest external Tribunal which the Church hath on Earth; that their Authority is immediately derived and delegated from Christ; that no Christian is exempted from their Censures or Jurisdiction: and it is very probable the Good Spirit will so direct them that they shall not err, at least



# P R Æ F A T I O.

nor was any ways overturned in the Foundation thereof, and that in this Verity that one Church of Christ was preserved in the Tempests of the most cruel Winter, or in the thickest Darkness of her Waning. Thus if at this Day we should take a Survey of the several Professions of Christianity that have any large spread in any part of the World, as of the Religion of the Roman and Reformed Churches in our Quarters, of the Egyptians and Ethiopians in the South, of the Grecians and other Christians in the Eastern Parts, and should put by the Points wherein they did differ one from another, and gather into one Body the rest wherein they all did generally agree, we should find that in those Propositions which without all Controversie are universally received in the whole Christian World, so much Truth is contained, as being joyned with Obedience and an Holy Life, may be sufficient to bring a man to Salvation.

Dum itaque alii suam particularem Ecclesiam & interpretationem Scripturis & Ecclesiæ catholicæ præponunt, & alii suam privatam expositionem Scripturæ, decretis Conciliorum generalium & Traditioni Ecclesiæ Catholicæ opponunt, ambo à veritate evangelica recedunt, & hæreticis & schismaticis ad Ecclesiæ pacem & unitatem convellendam, viam præmonstrant. Unde factum est, quod membra Corporis mystici Domini nostri in tot particulas discerperentur, nec unquam spes subesse potest ut in unum coirent, donec traditionem Ecclesiæ ad normam sacræ Scripturæ, & interpretationem Scripturæ, ad analogiam Fidei, seu traditionem Ecclesiæ catholicæ componant. Si vero è medio tollantur quæ præter vel contra Scripturas pro doctrinâ Catholicâ traduntur, & quæ præter vel contra Scripturas, pro Doctrina evangelica prædicantur, statim dissidentes Ecclesiæ inter se Communionem cohererent. Nec opus est ut Concilium generale ad has lites dirimendas cogeretur: si id quod superadditum est à *Romanensibus* auferetur, & quod omissum est à Reformatis restitueretur, nulla disceptandi causa restaret, nec ulla contentio inter Ecclesias superesset, nisi ut pio affectu erga Deum, & fraterna erga se invicem charitate, aliæ aliis antecederent. Imo si Pontifex *Romanus* limites à Canonibus præscriptos, quorum observationi<sup>a</sup> juramento astringitur, non transiliret, & Ecclesiæ reformatæ ordinem Episcopalem secundum Traditionem Apostolicam Canonibus definitum, & usu Ecclesiæ Catholicæ per mille & quingentos annos ubique receptum, denuo restituerent, quod facile possunt & debent, Pax & Communio Ecclesiastica non tam misere perturbarentur. Et mirum quidem est, viros doctos & pios velle incerta pro certis, nova pro veteribus, in re tanti momenti substituere: nam quod ordinationes Episcopales sint veræ & legitimæ, ordinationis Presbyterianæ acerrimi<sup>b</sup> vindices agnoscunt; igitur tutissimum sane<sup>c</sup> est, & rationi magis consentaneum, ut omnis dubitandi ansa præscinderetur, & certa incertis, antiqua novis in rebus Ecclesiasticis præferantur. Hæc in re itaque sequantur verba Apostoli: Qui habent fidem de Ordinatione Presbyterali, sibi habeant, nec aliis suam sententiam obtudant. Sed cum Ordinatio Episcopalis sit tutior, & magis ab Ecclesia recepta & approbata, non decet viros pacificos & Christianos novitatibus & privatis criticorum conjecturis, scandalum fratribus offerre, & Ecclesiæ ordinem & pacem de rebus non necessariis perturbare. Nec est quod metuant, ne jam rebus aliter apud se constitutis, pax & ordo Ecclesiarum suarum tali restitutione pessunderentur. Si enim Ordinatio Episcopalis tam in superintendentibus quam in Ministris, ubi deest, suppleatur, Episcopi & Presbyteri in Synodis Provincialibus facile constitutiones Ecclesiasticas pro regimine Ecclesiæ eo modo temperare possunt, ut turbis & querelis apud se viam præcludant, atque ita majori auctoritate & certitudine, non solum Hæreticis & Schismaticis, sed etiam piis & Catholicis veritatem commendarent, cum Ecclesiæ consensus & traditio Constitutiones<sup>d</sup> Ecclesiasticas suffragio suo confirmarent. Non hæc exprobandi aut insultandi causâ, sed pio affectu & animo verè benevolo dicta sunt, ut salutis & paci Ecclesiarum Reformatarum consulatur, quæ nulla in re apud viros modestos & pacificos magis quam hac in parte male audiunt: Tam apertam enim novitatem nullo modo nisi sub necessitatis prætextu excusare possunt; at quomodo hæc necessitas multis Ecclesiis obtendi potest nondum constat; proculdubio si id summo studio ab iis tentatum esset, jamdudum à *Bohemicis*, *Anglicis* aut *Græcis* Episcopis Consecrationes Episcopales consequi potuissent. Amici igitur inter Reformatos non sine lacrymis & gravissimis doloribus hunc defectum sæpe deplorarunt; & eandem ob causam Ecclesiæ quas vocant Protestantium, à *Romanensibus* & *Græcis* magno contemptu excipiuntur. Deus pacis & dilectionis hanc mentem Pontificiis & Reformatis concedat, ut privata Catholicis, nova veteribus commutent, nec suis privatis commodis & dogmatibus, Ecclesiæ paci & unitati obicem ponant.

<sup>a</sup> Dist. 16. c. 8. Con. Constantin. sess. 39. sancta octo Concilia.

<sup>b</sup> Calvin de necess. Reformat. Eccl. Talem nobis Hierarchiam si exhibeant, in qua sic emineant Episcopi, ut Christo subesse non recuset; ut ab illo tanquam unico capite pendeant & ad ipsum referantur; in qua sic fraternam societatem colant, ut non alio modo quam ejus Veritate sint colligati: tum vero nullo non anathemate dignos fateor, si qui erunt qui non eam reverentur, summaque Obedientia observent.

Theodor. Beza ad Tract. de Ministr. Eccl. gradibus ab Hadr. Sarau. editum. Si qui

sunt (quod sanè mihi non facile persuaseris) qui omnem Episcoporum Ordinem rejiciant, absit ut quisquam sanæ mentis furoribus illorum assentiatur. ibid. c. 18. Quod si nunc Anglicanæ Ecclesiæ instauratæ suorum Episcoporum & Archiepiscoporum Autoritate suffultæ perstant; quemadmodum hoc illi nostra memoria contigit, ut ejus Ordinis homines non tantum insignes Dei Martyres, sed etiam præstantissimos Pastores ac Doctores habuerit, fruatur sanè isto singulari Dei beneficio, quæ utinam sit illi perpetua.

Blondellus etiam conclusit suam Apologiam pro Hieronymo cum verbis in hunc sensum. By all that we have said to assert the Rights of the Presbytery, we do not intend to invalid the Ancient and Apostolical Constitution of Episcopall Preheminence. But we believe that wheresoever it is established conformably to the ancient Canons it must be carefully preserved, and wheresoever by some Heat of Contention or otherwise it hath been put down or violated, it ought to be Reverently restored. Sed hæc verba excisa fuerunt instantia & fraude Presbyterianorum Anglicanorum. Vide Ep. Molin. apud Durell. pag. 339. Of the View of the Government of the Reformed Churches, &c. Ubi multa ad hanc rem occurrunt.

<sup>c</sup> Calv. Beza, Blondell. Bochartus.

<sup>d</sup> Vid. Epist. R. Episc. Andræ Winton. ad Pet. Molin. p.

At dicant nonnulli: hæc quidem satis commodè proponuntur, & optandum esset, ut Pastores & Concilia sacris Scripturis tam firmiter adhererent, ut eorum Traditionibus & Decretis sine damno salutis tutò innitatur; non enim aliter externa Ecclesiæ disciplina & Regiminis forma rectè administrari potest: Sed ex nullo sacræ Scripturæ textu hoc non deficiendi privilegium, Pastoribus & Conciliis certò ac necessariò colligitur. Quamvis itaque summa cum reverentia Pastores & Concilia sint excipienda, nec temerè ab eorum Monitis & Decretis recedendum sit, oportet tamen potius Deo obedire quam hominibus; itaque si Deus aliquid asserit, Concilium negat, si quod præcipit Ecclesia, prohibet Deus, non Ecclesia, sed Deus audiendus est.

Ve-

# P R Æ F A T I O.

Verum quidem & verissimum. Absit itaque, longe absit, ut Ecclesia Deo aut Catholica veritati in rebus ad salutem necessariis contradicat. Quare tale aliquod fingunt & supponunt, cum Deus Pastores & Episcopos hanc ipsam ob causam ordinaverit, ut Ecclesiam regant & instituant, & in rectam veritatis cognitionem perducant. Nec enim in dubium vocatur, utrum vox Dei in Scripturis sit audienda; sed de vero sensu & interpretatione verbi Dei in rebus ad unitatem & pacem Ecclesiae spectantibus, cui sit fides adhibenda? Plebeis an Episcopis? privatis Pastoribus an Conciliis? particularibus Conciliis, an Collegio<sup>a</sup> Pastorum? h. e. partibus an toti? Si Scripturae sunt clarae & perspicuae populo, sunt etiam Pastoribus; si uni Episcopo, multo magis Synodo Provinciali, & Collegio Pastorum, seu concilio verè Generali. De Fide, Pietate, & diligentia Conciliorum in tradenda Ecclesiae Doctrina, & in erudendis & expendendis sacrarum Litterarum mysteriis, multo minus quam de privatorum hominum fide & diligentia dubitandum est: quod unus videt, plures videre possunt, praesertim Episcopi qui sunt speculatores & huic muneri à Deo ipso praeficiuntur. Et si non in apertis verbis, tamen certis rationibus hanc Pastorum in tradenda veritate firmitatem colligere licet: non solum enim promisit Deus, *quod porta inferorum contra Ecclesiam in genere non sint valitura*, sed in hunc finem dedit Pastores, *ne circumferamur omni vento Doctrina*; & ubique praecipit obedire iis, & habere abundantius in honore propter opus illorum; & pacem habere cum iis, eorum fidem sequi. Et ne fortè aliquis metus subesset, quasi ipsi deficerent, promisit Christus se cum illis adfuturum usque ad consummationem seculi; nec solum in angulis & latibulis, sed *Mons Domini exaltabitur super omnes montes*, & *non faciet avolare à te ultra Doctorem tuum, erunt oculi tui videntes praeceptorem tuum*. Ecclesia dicitur *Columna & Firmamentum veritatis*; semper itaque extat, & errantibus viam demonstrat. Nec solum unitatem, sed pulchritudinem & ordinem Ecclesiae Scripturae repraesentant. Hinc comparatur domui, horto, exercitui, in quibus omnia decenter & certis Regulis disponuntur, nec aliquod Membrum aut particula totius Corporis aggregati, à sua sede & loco sine praefectorum imperio dimoveatur. Si aliter se res habet in Communione & Regimine Ecclesiastico, hoc non fit vitio Ecclesiae, sed quia privati homines & particulares Ecclesiae à regula Traditionis Catholicae & Conciliorum Decretis, in rebus ad Unitatem Ecclesiae pertinentibus defecerunt. Hæc itaque supradicta si non certò probare, satis innuere videntur, quod<sup>b</sup> Spiritus Sanctus ita reget & disponet corda Episcoporum, ut saltem in Decretis & Interpretationibus quæ<sup>c</sup> fiunt ad Fidem & Pacem Ecclesiae, nusquam à veritate Catholica aberraverint. Omnes fatentur Ecclesiam usque ad finem mundi saltem in angulis & locis abditis permanfuram. Sed cum tot præclara<sup>\*</sup> & magnifica de ordine, pulchritudine, pace & unitate hujus civitatis Dei in sacris Scripturis dicantur, & ea tanquam Dux & lumen dubiis & errantibus porrigatur; Deo curæ erit procudubio, ne instabiles & indocili in Hæreses & Schismata, Auctoritate Collegii Pastorum, aut<sup>e</sup> Concilii verè œcumenici impellantur, & pax & regimen Ecclesiae defectione Episcoporum dissolverentur.

<sup>a</sup> Confesso August. c. 21. Unitata & legitima via in Ecclesia dirimendi dissensiones, videlicet ad Synodos referre Controversias Ecclesiasticas: hunc morem servavit Ecclesia inde usque ab Apostolis, & præstantissimi Imperatores Constantinus & Theodosius etiam in rebus non valde obscuris, & deigmatibus absurdis, tamen sine Synodo nihil constituere voluerunt, ut Ecclesie libertatem in judiciis dogmatum conservarent.

<sup>b</sup> Reverendus Montacutus Episcopus Norwicensis. Orig. Eccles. part. post. Tom. prior. Iniquius agunt cum Ecclesia Anglicana, qui tenere & tueri illam mentiantur, non esse de

necessitate [i. e. præcepti] vocationem & missionem Pastorum, Ministrorum ac Sacerdotum ordinariam per Manuum Impositionem. Sanctæ credimus, accurate tuemur, & defendimus extitisse, extare, extitum semper, contra omnes inferorum & demonum machinationes, Ecclesiam & Cuiusvis hominum in Christum credentium evocatorum: Ceterum nullis interceptam; intercisam interapedinibus, perpetuo extantem alicubi visibilem, oculis usque pandam in eum finem & eo modo ut intelligere possint quibus curæ: Illud est, apud quos habeatur Verbum vite, Sacramenta salutaria administrantur. --- Nam quod præstant ordinariam Vocationem retinendam, adhibendam, eique adhærescendum nisi in casu Necessitatis, suppositioni innititur impossibilitatis; neque enim talis Casus, aut extitit aliquando aut continere potest, nisi fallat nos Dominus qui promisit: Porta inferorum non prævalent; ecce sum vobiscum usque ad consummationem mundi.

Wittenbergica Confessio. c. de Ecclesia. Credimus & confitemur quod una sit sancta Catholica & Apostolica Ecclesia, juxta Symbolum Apostolorum & Niceorum. 2. Quod hæc Ecclesia à Spiritu Sancto ita gubernetur, ut etsi sint eam esse in terris imbecille, conservet tamen eam perpetuo, ne vel erroribus vel peccatis pereat. 6. Quod hæc Ecclesia habeat jus judicandi de omnibus Doctrinis juxta illud, Probate Spiritus num ex Deo sint. Et ceteri judicent. 7. Quod hæc Ecclesia habeat jus interpretande Scripturae. ibid. de Concilio. Fatemur sua debere esse in Ecclesia de dogmatibus & sacris judiciis, & magnam esse Legitimum Conciliorum auctoritatem. \* Argentinensis Confessio. c. 15. Ecclesia Sponsa Christi. --- Domus Dei, columna & stabilimentum Veritatis; Mons Sion, Civitas Dei Viventis. Hierusalem celestis, Ecclesia primogenitorum qui conscripti sunt in calis. --- In his cum verè regnet Servator, propriè eius Ecclesia, & Sanctorum Dei Viventis, id est Societas ut in Symbolo Apostolorum vocabulum Ecclesie expressum est, nominatur. Hanc regit Spiritus Sanctus, hæc Christus nunquam abest sed significat, ut eam sibi tandem exhibeat non habentem maculam aut rugam. Hanc denique qui audire non sustinuerit, ut Ethnicus habendus est atque Publicanus. --- Præterea cum Ecclesia Regnumque Dei sit, atque ideo cuncta in eo optimo Ordine geri necesse sit, habet varia Ministrorum munera, Corpus siquidem est ex variis Membris quibus singulis sui actus sunt compactum. Et hi dum suo Ministerio, bona fide funguntur, in Verbo & Doctrina graviter laborantes, Ecclesiam verè repræsentant, ut qui eos audierit rectè dicatur audisse Ecclesiam. Psalmis & Canticis psalmi: Isa. 60. &c.

<sup>c</sup> Sereniss. Rex Jacobus Responsione ad Franciscum Suares per Archiepiscopum Spalatensem. pag. 928. n. 25. Rex non negat Concilia extra Britanniam ritè & legitime celebrata Auctoritatem habere in rebus Fidei, cui Anglicana quoque Ecclesia parere teneatur: & in Apologia pag. 297. expresse à se removet Officium omne, omnemque Auctoritatem ferendi judicium circa Articulos Fidei, quibus se subjicit non minori cum humilitate quam quovis subditorum vel infimus.

Reverendus Andreas Episcopus Winton. in Apolog. pro Rege Jacobo. contra Bellarm. c. 14. pag. 333. Date nobis Concilia legitime congregata & procedentia. Date Patres unanimi consensu judicantes, & in eorum sententiam in nos statim. Vid. Respons. etiam ad Cardinalem Perr. 26. &c. Reverendiss. Laudus Archiepiscopus Cantuariensis & Martyr. p. 378. f. 39. I submit my self in all humility to the Scripture interpreted by the Primitive Church, and in new and necessary Doubts to the Judgment of a lawfull and free General Council. This I do from my Heart; and do abhor in Matter of Religion that my own or any private Mans Fancy should take any place, and least of all against any thing held or practised by the Universall Church; which to oppose in such Things, is certainly as St. Augustin calls it, insolentissimæ insaniæ, an Attempt of insolent Madnets. pag. 386. I have expressly declared that Scripture interpreted by the Primitive Church, and a lawfull and free General Council determining according to these, is Judge of Controversies, and that no Private Man whatsoever is or can be Judge of these.

Reverendiss. Bramhallus Archiepiscopus Armacan. & Confessor, Vindictæ. Eccles. Anglican. pag. 26. To sum up all that hath been said. Whosoever doth preserve his Obedience intire to the Universall Church, or its Representative a General Council, he may securely say, my Name is Christian, my Surname is Catholic. From hence it appears plainly by the Rule of Contraries who are Schismaticks. ---Whoever withdraws his Obedience from the Catholic Church, or its Representative a General Council, or any Superiours without just Grounds; lastly whosoever doth willfully break the Line of Apostolicall Succession, which is the very Nerves and Sinews of Ecclesiasticall Unity and Communion both with the Present Church, and with the Catholic Symbolical Church of all Successive Ages, he is a Schismatick (qua talis) whether he be guilty of Hereticall Pravity or no.

Reverend. Francis, White Episcopus Eliensis. in Replicat. ad Fisherum pag. 157. Protestants have always desired a Lawfull General Council for the concluding of Differences in Religion, and they are most ready and resolute to submit themselves to the Determination thereof; and they yield the same Honour and Authority to all such Councils which the Ancient Church in the Days of Constantine the Great, Theodosius & Martinus, and which St. Augustin did.

Reverendus Christopher Potter Coll. Regii. apud Oxon. Propositus Respons. ad lib. cui titulus. Charity Mistaken. sect. 5. c. 6. p. 30. We say that such General Councils as are lawfully called and proceed orderly, are great and awfull Representations of the Church Catholick; that they are the highest externall Tribunal which the Church hath on Earth; that their Authority is immediately derived and delegated from Christ; that no Christian is exempted from their Censures or Jurisdiction: and it is very probable the Good Spirit will so direct them that they shall not err, at least



# P R Æ F A T I O.

least not Fundamentally.

Reverendus Hammondus S. Theol. Prof. cui Titulus, the Dispatcher Dispatched sec. 2. c. 2. n. 26. p. 107. The Sorbonist hath more reason to forbear Censure on the Church of England as Schismaticall than on the Jesuits, because a General Council (which is of so little weight with the Jesuit without the Pope) is acknowledged by us to be the Supreme External Living Determiner of Controversies, and We together with the Council of Basil do hold a Pope Schismaticall that pertinaciously opposeth, and divideth himself from a Lawfull Generall Council. Idem de Hæresi sect. 15. n. 6. We do not believe that any Generall Council truly such, ever did, or ever shall err in any matter of Faith, nor shall we further dispute the Authority, when we shall be duly satisfied of the Universality of any such.

Inquisit. Nos palam fatemur oportere in Ecclesia judicium esse, & affirmamus multas pias Synodos fuisse, & presuisse Ecclesie, & maxime optimas nunc in his Diffidiis rectè constitui judicium Ecclesie. Chemnit. Ex. Par. 1. de Tradit. pag. 76. Clamitant à multis jam annis totius Orbis iustissime Querelæ, Regnum Pontificium multis Corruptelæ, abusus & Superstitiones invexisse in Ecclesiam. Petunt in Legitimo Concilio has Controversias ex Verbo Dei dijudicari & definiri. Bucer Scripta Angl. pag. 232. n. 103. At quis tandem judicabit inter tot Ecclesie Partes, quarum aliæ Pontificem Romanum sequuntur, &c. aliæ secus. R. Concilia Nationalia & Generalia. Eruditissimus Dall. de vero Usu Patrum. lib. 1. c. 10. Inquirendum supererit quanam fuerit ea Ecclesia quam dicit, num Universalis an Particularis tantum -- id levis non esse momenti vel ex eo apparet, quod Ecclesie Universalis de Fide Opiniones Infallibiles & necessariæ veræ habentur, cum de Ecclesiis Particularibus idem non sit Judicium, obnoxie enim errorum sententur. Dixit prius c. 9. p. 184. Nam si Symbola & Canones sex priorum Conciliorum Universalium & quarundam Synodorum provincialium exceperis, nulla hujusmodi Monumenta [h. e. sententia Ecclesie Universalis in sensu lato] superant. Ubi videtur agnoscere sex Oecumenica Concilia, eaque continere Monumenta Ecclesie Universalis, & pro talibus accipienda, & non alia.

Agmen claudant duo Episcopi Norwicenses. Reverend. Ric. Montacutus lib. cui titulus, the Gagger Gagged. c. 4. The Church Representative [or a Generall Council] True and Lawfull, never yet erred in Fundamentals; therefore I see no cause but to vouch she cannot err in Fundamentals. Et Reverendus Anton. Sparrow Prefatione ad Collectionem Canonum Ecclesie Anglicanæ, ubi copiose disputat hac de re, & inter alia dicit: Nor did the Christian World ever question her Authority in this particular.

Neque hæc ex suis Capitibus finierunt, sed à Patribus accepta posteris tradiderunt. Sit unus pro omnibus Magnus ille Pater Latinorum, Sanctus Augustinus lib. 1. de Baptismo. cont. Donatist. c. 7. Questionis hujus obscuritas prioribus Ecclesie temporibus ante Schisma Donati magnos viros & magna charitate præditos, Patres, Episcopos, ita inter se compulsi salva Pace disceptare & fluctuare, ut diu Conciliorum in suis quibusque Regionibus diversa statuta nutarent, donec plenario totius orbis Concilio, quod saluberrime sentiebatur etiam remotis dubitationibus firmaretur. & c. 18. Hoc de Baptismo pie credamus quod universa Ecclesia à sacrilegio Schismatis remota custodit. In qua tamen, si aliud alii, & aliud alii adhuc de ista Questione salva Pace sentirent, donec Universali Concilio unum aliquid Eliquatum sincerumque placuisset, humane infirmitatis errorem excusaret charitas Unitatis.

Et cum per mille & septingentos fere annos in Traditione universali, & Conciliis ab Ecclesia Catholica receptis nihil contra fidem & mores in rebus ad Salutem necessariis occurrat, sed veritas Evangelica contra Hæreticos & Schismaticos magno cum fructu ab Episcopis & Conciliis vindicata sit; Mirum sane est posse viros doctos & pios de eadem Providentiâ in dirigendis & gubernandis Pastoribus & Conciliis pro conservatione Pacis & Unitatis Ecclesie in posterum dubitare; præsertim cum Dominus semper moneat & adhortetur Discipulos, ut Episcoporum præceptis & institutionibus se subjiciant: \* Si ignoras te, O pulcherrima, inter mulieres egredere, & abi post vestigia gregum, & pasc hædos juxta tabernacula pastorum. Non errantes pecudes sequimini, aut hos vel illos Pastores qui seorsim Greges pascunt, sed Tabernacula Pastorum & Collegium Pastorum: apud \* Cyprianum. Deinde si non audierit Ecclesiam, h. e. singularem aliquem Presbyterum aut Episcopum in Ecclesia legitime constitutum, & in ejus Fide & Unitate permanentem, aut in rebus arduis, Concilium Provinciale, aut Collegium Pastorum, prout causæ ratio postulaverit, sit tibi tanquam \* Ethnicus & Publicanus. Viderint omnes, quomodo rationem sint Deo & Ecclesie Catholice reddituri, qui privatæ discretionis obtentu à propriis Parochis recesserunt; multo magis Pontificii & alii qui cum contemptu Ecclesie Catholice & Conciliorum oecumenicorum, Ecclesiam contra Ecclesiam, & Altare contra Altare apud nos erigunt, & Episcopis verè Catholicis & Apostolicis Ecclesie Anglicanæ sese opponunt.

Hæc dicta sufficiant, ut ostendam in genere, quid sacræ Scripturæ, quid Traditioni Ecclesie Catholice, quid oecumenicis Conciliis; & quæ cuique Partes in componendis Controversiis & Unitate Ecclesie stabienda, tribuendæ sint. Restat jam, ut breviter expendamus, cui usui hæc methodus inservit; & utrum veritas Historica de Doctrina Ecclesie & Conciliorum oecumenicorum, cum Doctrina Christi & Apostolorum in sacris Scripturis, non solum in rebus quibus Ecclesie dissidentes conveniunt, sed in iis etiam capitibus quæ Schismaticis fovendis agitantur, consentiat. Primum verò memoria recolendum est, quantus Ecclesiarum Consensus in hac methodo asserenda supra à nobis allatus est. Nec prætermittendum est, quam optime convenit inter Ecclesias, in Articulis Religionis maximi momenti, in Libris sacræ Scripturæ [licet non in omnibus eodem modo.] in Decalogo, in Symbolis, in Sacramentis, in Cultu Divino, in Regimine Ecclesie; in genere. Quamvis enim horum omnium, in minutioribus, in Ritibus & Circumstantiis, in Dogmatibus scholasticis, ut plurimum dissentiant; nihilominus, de rebus ipsis in genere quæ spectant ad Fidem & Mores, non tanta est Controversia, quin sepositis affectibus, ea quæ in dubium vocantur, à Fide Christianorum sine damno Pietatis secluderentur. Non hæc dico de istis Capitibus, prout crasse ab Adversariis intelliguntur, sed ut à Synodorum Decretis & viris doctis & pacificis exponuntur. Nam si Quæstionis status, & quo sensu verba accipiuntur, rectè intelligatur, Lites non essent tam graves, nec in tantum numerum excrescerent. De rebus ipsis fere idem sentiunt, de verbis acriter decertant: aliter ab his, aliter ab illis, eadem verba accipiuntur, & pro Temporum & Scriptorum ratione, nunc hoc, nunc illo modo, exponi debent. Quantæ rixæ de vocibus, Meritum, Sacramentum, Sacrificium, Εμ- ονοπος, Προβύτης, Διάκονος, &c. moventur, & quilibet iis suum sensum affigit; cum apud diversos Autores non idem significant! Cum igitur tot lites ex ipsa terminorum acceptione ori- antur, quid magis rationi consentaneum, quam ut Ecclesie testimonium de usu & sensu vocabulo- rum privatorum expositionibus præferatur? His omnibus rectè perpensis à duobus Scriptoribus magni Nominis apud Romanenses, disputationes inter Pontificios & Ecclesiam Anglicanam ad qua- tuor vel quinque præcipua Capita reducuntur. \* Quatuor res Principales, propter quas à nobis [Mi- nistri] separaverunt, sunt, Præsentia Realis Corporis Christi in Sacramento; Olatio Sacrificii in Eucharistia; Preces & Oblationes pro Defunctis; Invocatio Sanctorum-- Hæc quatuor Capita sunt præcipui fontes nostræ Dissensionis; de quibus si inter nos conveniret, facile esset de aliis rebus convenire.

Et cum per mille & septingentos fere annos in Traditione universali, & Conciliis ab Ecclesia Catholica receptis nihil contra fidem & mores in rebus ad Salutem necessariis occurrat, sed veritas Evangelica contra Hæreticos & Schismaticos magno cum fructu ab Episcopis & Conciliis vindicata sit; Mirum sane est posse viros doctos & pios de eadem Providentiâ in dirigendis & gubernandis Pastoribus & Conciliis pro conservatione Pacis & Unitatis Ecclesie in posterum dubitare; præsertim cum Dominus semper moneat & adhortetur Discipulos, ut Episcoporum præceptis & institutionibus se subjiciant: \* Si ignoras te, O pulcherrima, inter mulieres egredere, & abi post vestigia gregum, & pasc hædos juxta tabernacula pastorum. Non errantes pecudes sequimini, aut hos vel illos Pastores qui seorsim Greges pascunt, sed Tabernacula Pastorum & Collegium Pastorum: apud \* Cyprianum. Deinde si non audierit Ecclesiam, h. e. singularem aliquem Presbyterum aut Episcopum in Ecclesia legitime constitutum, & in ejus Fide & Unitate permanentem, aut in rebus arduis, Concilium Provinciale, aut Collegium Pastorum, prout causæ ratio postulaverit, sit tibi tanquam \* Ethnicus & Publicanus. Viderint omnes, quomodo rationem sint Deo & Ecclesie Catholice reddituri, qui privatæ discretionis obtentu à propriis Parochis recesserunt; multo magis Pontificii & alii qui cum contemptu Ecclesie Catholice & Conciliorum oecumenicorum, Ecclesiam contra Ecclesiam, & Altare contra Altare apud nos erigunt, & Episcopis verè Catholicis & Apostolicis Ecclesie Anglicanæ sese opponunt.

Hæc dicta sufficiant, ut ostendam in genere, quid sacræ Scripturæ, quid Traditioni Ecclesie Catholice, quid oecumenicis Conciliis; & quæ cuique Partes in componendis Controversiis & Unitate Ecclesie stabienda, tribuendæ sint. Restat jam, ut breviter expendamus, cui usui hæc methodus inservit; & utrum veritas Historica de Doctrina Ecclesie & Conciliorum oecumenicorum, cum Doctrina Christi & Apostolorum in sacris Scripturis, non solum in rebus quibus Ecclesie dissidentes conveniunt, sed in iis etiam capitibus quæ Schismaticis fovendis agitantur, consentiat. Primum verò memoria recolendum est, quantus Ecclesiarum Consensus in hac methodo asserenda supra à nobis allatus est. Nec prætermittendum est, quam optime convenit inter Ecclesias, in Articulis Religionis maximi momenti, in Libris sacræ Scripturæ [licet non in omnibus eodem modo.] in Decalogo, in Symbolis, in Sacramentis, in Cultu Divino, in Regimine Ecclesie; in genere. Quamvis enim horum omnium, in minutioribus, in Ritibus & Circumstantiis, in Dogmatibus scholasticis, ut plurimum dissentiant; nihilominus, de rebus ipsis in genere quæ spectant ad Fidem & Mores, non tanta est Controversia, quin sepositis affectibus, ea quæ in dubium vocantur, à Fide Christianorum sine damno Pietatis secluderentur. Non hæc dico de istis Capitibus, prout crasse ab Adversariis intelliguntur, sed ut à Synodorum Decretis & viris doctis & pacificis exponuntur. Nam si Quæstionis status, & quo sensu verba accipiuntur, rectè intelligatur, Lites non essent tam graves, nec in tantum numerum excrescerent. De rebus ipsis fere idem sentiunt, de verbis acriter decertant: aliter ab his, aliter ab illis, eadem verba accipiuntur, & pro Temporum & Scriptorum ratione, nunc hoc, nunc illo modo, exponi debent. Quantæ rixæ de vocibus, Meritum, Sacramentum, Sacrificium, Εμ- ονοπος, Προβύτης, Διάκονος, &c. moventur, & quilibet iis suum sensum affigit; cum apud diversos Autores non idem significant! Cum igitur tot lites ex ipsa terminorum acceptione ori- antur, quid magis rationi consentaneum, quam ut Ecclesie testimonium de usu & sensu vocabulo- rum privatorum expositionibus præferatur? His omnibus rectè perpensis à duobus Scriptoribus magni Nominis apud Romanenses, disputationes inter Pontificios & Ecclesiam Anglicanam ad qua- tuor vel quinque præcipua Capita reducuntur. \* Quatuor res Principales, propter quas à nobis [Mi- nistri] separaverunt, sunt, Præsentia Realis Corporis Christi in Sacramento; Olatio Sacrificii in Eucharistia; Preces & Oblationes pro Defunctis; Invocatio Sanctorum-- Hæc quatuor Capita sunt præcipui fontes nostræ Dissensionis; de quibus si inter nos conveniret, facile esset de aliis rebus convenire.

Hæc dicta sufficiant, ut ostendam in genere, quid sacræ Scripturæ, quid Traditioni Ecclesie Catholice, quid oecumenicis Conciliis; & quæ cuique Partes in componendis Controversiis & Unitate Ecclesie stabienda, tribuendæ sint. Restat jam, ut breviter expendamus, cui usui hæc methodus inservit; & utrum veritas Historica de Doctrina Ecclesie & Conciliorum oecumenicorum, cum Doctrina Christi & Apostolorum in sacris Scripturis, non solum in rebus quibus Ecclesie dissidentes conveniunt, sed in iis etiam capitibus quæ Schismaticis fovendis agitantur, consentiat. Primum verò memoria recolendum est, quantus Ecclesiarum Consensus in hac methodo asserenda supra à nobis allatus est. Nec prætermittendum est, quam optime convenit inter Ecclesias, in Articulis Religionis maximi momenti, in Libris sacræ Scripturæ [licet non in omnibus eodem modo.] in Decalogo, in Symbolis, in Sacramentis, in Cultu Divino, in Regimine Ecclesie; in genere. Quamvis enim horum omnium, in minutioribus, in Ritibus & Circumstantiis, in Dogmatibus scholasticis, ut plurimum dissentiant; nihilominus, de rebus ipsis in genere quæ spectant ad Fidem & Mores, non tanta est Controversia, quin sepositis affectibus, ea quæ in dubium vocantur, à Fide Christianorum sine damno Pietatis secluderentur. Non hæc dico de istis Capitibus, prout crasse ab Adversariis intelliguntur, sed ut à Synodorum Decretis & viris doctis & pacificis exponuntur. Nam si Quæstionis status, & quo sensu verba accipiuntur, rectè intelligatur, Lites non essent tam graves, nec in tantum numerum excrescerent. De rebus ipsis fere idem sentiunt, de verbis acriter decertant: aliter ab his, aliter ab illis, eadem verba accipiuntur, & pro Temporum & Scriptorum ratione, nunc hoc, nunc illo modo, exponi debent. Quantæ rixæ de vocibus, Meritum, Sacramentum, Sacrificium, Εμ- ονοπος, Προβύτης, Διάκονος, &c. moventur, & quilibet iis suum sensum affigit; cum apud diversos Autores non idem significant! Cum igitur tot lites ex ipsa terminorum acceptione ori- antur, quid magis rationi consentaneum, quam ut Ecclesie testimonium de usu & sensu vocabulo- rum privatorum expositionibus præferatur? His omnibus rectè perpensis à duobus Scriptoribus magni Nominis apud Romanenses, disputationes inter Pontificios & Ecclesiam Anglicanam ad qua- tuor vel quinque præcipua Capita reducuntur. \* Quatuor res Principales, propter quas à nobis [Mi- nistri] separaverunt, sunt, Præsentia Realis Corporis Christi in Sacramento; Olatio Sacrificii in Eucharistia; Preces & Oblationes pro Defunctis; Invocatio Sanctorum-- Hæc quatuor Capita sunt præcipui fontes nostræ Dissensionis; de quibus si inter nos conveniret, facile esset de aliis rebus convenire.

Hæc dicta sufficiant, ut ostendam in genere, quid sacræ Scripturæ, quid Traditioni Ecclesie Catholice, quid oecumenicis Conciliis; & quæ cuique Partes in componendis Controversiis & Unitate Ecclesie stabienda, tribuendæ sint. Restat jam, ut breviter expendamus, cui usui hæc methodus inservit; & utrum veritas Historica de Doctrina Ecclesie & Conciliorum oecumenicorum, cum Doctrina Christi & Apostolorum in sacris Scripturis, non solum in rebus quibus Ecclesie dissidentes conveniunt, sed in iis etiam capitibus quæ Schismaticis fovendis agitantur, consentiat. Primum verò memoria recolendum est, quantus Ecclesiarum Consensus in hac methodo asserenda supra à nobis allatus est. Nec prætermittendum est, quam optime convenit inter Ecclesias, in Articulis Religionis maximi momenti, in Libris sacræ Scripturæ [licet non in omnibus eodem modo.] in Decalogo, in Symbolis, in Sacramentis, in Cultu Divino, in Regimine Ecclesie; in genere. Quamvis enim horum omnium, in minutioribus, in Ritibus & Circumstantiis, in Dogmatibus scholasticis, ut plurimum dissentiant; nihilominus, de rebus ipsis in genere quæ spectant ad Fidem & Mores, non tanta est Controversia, quin sepositis affectibus, ea quæ in dubium vocantur, à Fide Christianorum sine damno Pietatis secluderentur. Non hæc dico de istis Capitibus, prout crasse ab Adversariis intelliguntur, sed ut à Synodorum Decretis & viris doctis & pacificis exponuntur. Nam si Quæstionis status, & quo sensu verba accipiuntur, rectè intelligatur, Lites non essent tam graves, nec in tantum numerum excrescerent. De rebus ipsis fere idem sentiunt, de verbis acriter decertant: aliter ab his, aliter ab illis, eadem verba accipiuntur, & pro Temporum & Scriptorum ratione, nunc hoc, nunc illo modo, exponi debent. Quantæ rixæ de vocibus, Meritum, Sacramentum, Sacrificium, Εμ- ονοπος, Προβύτης, Διάκονος, &c. moventur, & quilibet iis suum sensum affigit; cum apud diversos Autores non idem significant! Cum igitur tot lites ex ipsa terminorum acceptione ori- antur, quid magis rationi consentaneum, quam ut Ecclesie testimonium de usu & sensu vocabulo- rum privatorum expositionibus præferatur? His omnibus rectè perpensis à duobus Scriptoribus magni Nominis apud Romanenses, disputationes inter Pontificios & Ecclesiam Anglicanam ad qua- tuor vel quinque præcipua Capita reducuntur. \* Quatuor res Principales, propter quas à nobis [Mi- nistri] separaverunt, sunt, Præsentia Realis Corporis Christi in Sacramento; Olatio Sacrificii in Eucharistia; Preces & Oblationes pro Defunctis; Invocatio Sanctorum-- Hæc quatuor Capita sunt præcipui fontes nostræ Dissensionis; de quibus si inter nos conveniret, facile esset de aliis rebus convenire.

Hæc dicta sufficiant, ut ostendam in genere, quid sacræ Scripturæ, quid Traditioni Ecclesie Catholice, quid oecumenicis Conciliis; & quæ cuique Partes in componendis Controversiis & Unitate Ecclesie stabienda, tribuendæ sint. Restat jam, ut breviter expendamus, cui usui hæc methodus inservit; & utrum veritas Historica de Doctrina Ecclesie & Conciliorum oecumenicorum, cum Doctrina Christi & Apostolorum in sacris Scripturis, non solum in rebus quibus Ecclesie dissidentes conveniunt, sed in iis etiam capitibus quæ Schismaticis fovendis agitantur, consentiat. Primum verò memoria recolendum est, quantus Ecclesiarum Consensus in hac methodo asserenda supra à nobis allatus est. Nec prætermittendum est, quam optime convenit inter Ecclesias, in Articulis Religionis maximi momenti, in Libris sacræ Scripturæ [licet non in omnibus eodem modo.] in Decalogo, in Symbolis, in Sacramentis, in Cultu Divino, in Regimine Ecclesie; in genere. Quamvis enim horum omnium, in minutioribus, in Ritibus & Circumstantiis, in Dogmatibus scholasticis, ut plurimum dissentiant; nihilominus, de rebus ipsis in genere quæ spectant ad Fidem & Mores, non tanta est Controversia, quin sepositis affectibus, ea quæ in dubium vocantur, à Fide Christianorum sine damno Pietatis secluderentur. Non hæc dico de istis Capitibus, prout crasse ab Adversariis intelliguntur, sed ut à Synodorum Decretis & viris doctis & pacificis exponuntur. Nam si Quæstionis status, & quo sensu verba accipiuntur, rectè intelligatur, Lites non essent tam graves, nec in tantum numerum excrescerent. De rebus ipsis fere idem sentiunt, de verbis acriter decertant: aliter ab his, aliter ab illis, eadem verba accipiuntur, & pro Temporum & Scriptorum ratione, nunc hoc, nunc illo modo, exponi debent. Quantæ rixæ de vocibus, Meritum, Sacramentum, Sacrificium, Εμ- ονοπος, Προβύτης, Διάκονος, &c. moventur, & quilibet iis suum sensum affigit; cum apud diversos Autores non idem significant! Cum igitur tot lites ex ipsa terminorum acceptione ori- antur, quid magis rationi consentaneum, quam ut Ecclesie testimonium de usu & sensu vocabulo- rum privatorum expositionibus præferatur? His omnibus rectè perpensis à duobus Scriptoribus magni Nominis apud Romanenses, disputationes inter Pontificios & Ecclesiam Anglicanam ad qua- tuor vel quinque præcipua Capita reducuntur. \* Quatuor res Principales, propter quas à nobis [Mi- nistri] separaverunt, sunt, Præsentia Realis Corporis Christi in Sacramento; Olatio Sacrificii in Eucharistia; Preces & Oblationes pro Defunctis; Invocatio Sanctorum-- Hæc quatuor Capita sunt præcipui fontes nostræ Dissensionis; de quibus si inter nos conveniret, facile esset de aliis rebus convenire.

Hæc dicta sufficiant, ut ostendam in genere, quid sacræ Scripturæ, quid Traditioni Ecclesie Catholice, quid oecumenicis Conciliis; & quæ cuique Partes in componendis Controversiis & Unitate Ecclesie stabienda, tribuendæ sint. Restat jam, ut breviter expendamus, cui usui hæc methodus inservit; & utrum veritas Historica de Doctrina Ecclesie & Conciliorum oecumenicorum, cum Doctrina Christi & Apostolorum in sacris Scripturis, non solum in rebus quibus Ecclesie dissidentes conveniunt, sed in iis etiam capitibus quæ Schismaticis fovendis agitantur, consentiat. Primum verò memoria recolendum est, quantus Ecclesiarum Consensus in hac methodo asserenda supra à nobis allatus est. Nec prætermittendum est, quam optime convenit inter Ecclesias, in Articulis Religionis maximi momenti, in Libris sacræ Scripturæ [licet non in omnibus eodem modo.] in Decalogo, in Symbolis, in Sacramentis, in Cultu Divino, in Regimine Ecclesie; in genere. Quamvis enim horum omnium, in minutioribus, in Ritibus & Circumstantiis, in Dogmatibus scholasticis, ut plurimum dissentiant; nihilominus, de rebus ipsis in genere quæ spectant ad Fidem & Mores, non tanta est Controversia, quin sepositis affectibus, ea quæ in dubium vocantur, à Fide Christianorum sine damno Pietatis secluderentur. Non hæc dico de istis Capitibus, prout crasse ab Adversariis intelliguntur, sed ut à Synodorum Decretis & viris doctis & pacificis exponuntur. Nam si Quæstionis status, & quo sensu verba accipiuntur, rectè intelligatur, Lites non essent tam graves, nec in tantum numerum excrescerent. De rebus ipsis fere idem sentiunt, de verbis acriter decertant: aliter ab his, aliter ab illis, eadem verba accipiuntur, & pro Temporum & Scriptorum ratione, nunc hoc, nunc illo modo, exponi debent. Quantæ rixæ de vocibus, Meritum, Sacramentum, Sacrificium, Εμ- ονοπος, Προβύτης, Διάκονος, &c. moventur, & quilibet iis suum sensum affigit; cum apud diversos Autores non idem significant! Cum igitur tot lites ex ipsa terminorum acceptione ori- antur, quid magis rationi consentaneum, quam ut Ecclesie testimonium de usu & sensu vocabulo- rum privatorum expositionibus præferatur? His omnibus rectè perpensis à duobus Scriptoribus magni Nominis apud Romanenses, disputationes inter Pontificios & Ecclesiam Anglicanam ad qua- tuor vel quinque præcipua Capita reducuntur. \* Quatuor res Principales, propter quas à nobis [Mi- nistri] separaverunt, sunt, Præsentia Realis Corporis Christi in Sacramento; Olatio Sacrificii in Eucharistia; Preces & Oblationes pro Defunctis; Invocatio Sanctorum-- Hæc quatuor Capita sunt præcipui fontes nostræ Dissensionis; de quibus si inter nos conveniret, facile esset de aliis rebus convenire.

Hæc dicta sufficiant, ut ostendam in genere, quid sacræ Scripturæ, quid Traditioni Ecclesie Catholice, quid oecumenicis Conciliis; & quæ cuique Partes in componendis Controversiis & Unitate Ecclesie stabienda, tribuendæ sint. Restat jam, ut breviter expendamus, cui usui hæc methodus inservit; & utrum veritas Historica de Doctrina Ecclesie & Conciliorum oecumenicorum, cum Doctrina Christi & Apostolorum in sacris Scripturis, non solum in rebus quibus Ecclesie dissidentes conveniunt, sed in iis etiam capitibus quæ Schismaticis fovendis agitantur, consentiat. Primum verò memoria recolendum est, quantus Ecclesiarum Consensus in hac methodo asserenda supra à nobis allatus est. Nec prætermittendum est, quam optime convenit inter Ecclesias, in Articulis Religionis maximi momenti, in Libris sacræ Scripturæ [licet non in omnibus eodem modo.] in Decalogo, in Symbolis, in Sacramentis, in Cultu Divino, in Regimine Ecclesie; in genere. Quamvis enim horum omnium, in minutioribus, in Ritibus & Circumstantiis, in Dogmatibus scholasticis, ut plurimum dissentiant; nihilominus, de rebus ipsis in genere quæ spectant ad Fidem & Mores, non tanta est Controversia, quin sepositis affectibus, ea quæ in dubium vocantur, à Fide Christianorum sine damno Pietatis secluderentur. Non hæc dico de istis Capitibus, prout crasse ab Adversariis intelliguntur, sed ut à Synodorum Decretis & viris doctis & pacificis exponuntur. Nam si Quæstionis status, & quo sensu verba accipiuntur, rectè intelligatur, Lites non essent tam graves, nec in tantum numerum excrescerent. De rebus ipsis fere idem sentiunt, de verbis acriter decertant: aliter ab his, aliter ab illis, eadem verba accipiuntur, & pro Temporum & Scriptorum ratione, nunc hoc, nunc illo modo, exponi debent. Quantæ rixæ de vocibus, Meritum, Sacramentum, Sacrificium, Εμ- ονοπος, Προβύτης, Διάκονος, &c. moventur, & quilibet iis suum sensum affigit; cum apud diversos Autores non idem significant! Cum igitur tot lites ex ipsa terminorum acceptione ori- antur, quid magis rationi consentaneum, quam ut Ecclesie testimonium de usu & sensu vocabulo- rum privatorum expositionibus præferatur? His omnibus rectè perpensis à duobus Scriptoribus magni Nominis apud Romanenses, disputationes inter Pontificios & Ecclesiam Anglicanam ad qua- tuor vel quinque præcipua Capita reducuntur. \* Quatuor res Principales, propter quas à nobis [Mi- nistri] separaverunt, sunt, Præsentia Realis Corporis Christi in Sacramento; Olatio Sacrificii in Eucharistia; Preces & Oblationes pro Defunctis; Invocatio Sanctorum-- Hæc quatuor Capita sunt præcipui fontes nostræ Dissensionis; de quibus si inter nos conveniret, facile esset de aliis rebus convenire.

Hæc dicta sufficiant, ut ostendam in genere, quid sacræ Scripturæ, quid Traditioni Ecclesie Catholice, quid oecumenicis Conciliis; & quæ cuique Partes in componendis Controversiis & Unitate Ecclesie stabienda, tribuendæ sint. Restat jam, ut breviter expendamus, cui usui hæc methodus inservit; & utrum veritas Historica de Doctrina Ecclesie & Conciliorum oecumenicorum, cum Doctrina Christi & Apostolorum in sacris Scripturis, non solum in rebus quibus Ecclesie dissidentes conveniunt, sed in iis etiam capitibus quæ Schismaticis fovendis agitantur, consentiat. Primum verò memoria recolendum est, quantus Ecclesiarum Consensus in hac methodo asserenda supra à nobis allatus est. Nec prætermittendum est, quam optime convenit inter Ecclesias, in Articulis Religionis maximi momenti, in Libris sacræ Scripturæ [licet non in omnibus eodem modo.] in Decalogo, in Symbolis, in Sacramentis, in Cultu Divino, in Regimine Ecclesie; in genere. Quamvis enim horum omnium, in minutioribus, in Ritibus & Circumstantiis, in Dogmatibus scholasticis, ut plurimum dissentiant; nihilominus, de rebus ipsis in genere quæ spectant ad Fidem & Mores, non tanta est Controversia, quin sepositis affectibus, ea quæ in dubium vocantur, à Fide Christianorum sine damno Pietatis secluderentur. Non hæc dico de istis Capitibus, prout crasse ab Adversariis intelliguntur, sed ut à Synodorum Decretis & viris doctis & pacificis exponuntur. Nam si Quæstionis status, & quo sensu verba accipiuntur, rectè intelligatur, Lites non essent tam graves, nec in tantum numerum excrescerent. De rebus ipsis fere idem sentiunt, de verbis acriter decertant: aliter ab his, aliter ab illis, eadem verba accipiuntur, & pro Temporum & Scriptorum ratione, nunc hoc, nunc illo modo, exponi debent. Quantæ rixæ de vocibus, Meritum, Sacramentum, Sacrificium, Εμ- ονοπος, Προβύτης, Διάκονος, &c. moventur, & quilibet iis suum sensum affigit; cum apud diversos Autores non idem significant! Cum igitur tot lites ex ipsa terminorum acceptione ori- antur, quid magis rationi consentaneum, quam ut Ecclesie testimonium de usu & sensu vocabulo- rum privatorum expositionibus præferatur? His omnibus rectè perpensis à duobus Scriptoribus magni Nominis apud Romanenses, disputationes inter Pontificios & Ecclesiam Anglicanam ad qua- tuor vel quinque præcipua Capita reducuntur. \* Quatuor res Principales, propter quas à nobis [Mi- nistri] separaverunt, sunt, Præsentia Realis Corporis Christi in Sacramento; Olatio Sacrificii in Eucharistia; Preces & Oblationes pro Defunctis; Invocatio Sanctorum-- Hæc quatuor Capita sunt præcipui fontes nostræ Dissensionis; de quibus si inter nos conveniret, facile esset de aliis rebus convenire.

Hæc dicta sufficiant, ut ostendam in genere, quid sacræ Scripturæ, quid Traditioni Ecclesie Catholice, quid oecumenicis Conciliis; & quæ cuique Partes in componendis Controversiis & Unitate Ecclesie stabienda, tribuendæ sint. Restat jam, ut breviter expendamus, cui usui hæc methodus inservit; & utrum veritas Historica de Doctrina Ecclesie & Conciliorum oecumenicorum, cum Doctrina Christi & Apostolorum in sacris Scripturis, non solum in rebus quibus Ecclesie dissidentes conveniunt, sed in iis etiam capitibus quæ Schismaticis fovendis agitantur, consentiat. Primum verò memoria recolendum est, quantus Ecclesiarum Consensus in hac methodo asserenda supra à nobis allatus est. Nec prætermittendum est, quam optime convenit inter Ecclesias, in Articulis Religionis maximi momenti, in Libris sacræ Scripturæ [licet non in omnibus eodem modo.] in Decalogo, in Symbolis, in Sacramentis, in Cultu Divino, in Regimine Ecclesie; in genere. Quamvis enim horum omnium, in minutioribus, in Ritibus & Circumstantiis, in Dogmatibus scholasticis, ut plurimum dissentiant; nihilominus, de rebus ipsis in genere quæ spectant ad Fidem & Mores, non tanta est Controversia, quin sepositis affectibus, ea quæ in dubium vocantur, à Fide Christianorum sine damno Pietatis secluderentur. Non hæc dico de istis Capitibus, prout crasse ab Adversariis intelliguntur, sed ut à Synodorum Decretis & viris doctis & pacificis exponuntur. Nam si Quæstionis status, & quo sensu verba accipiuntur, rectè intelligatur, Lites non essent tam graves, nec in tantum numerum excrescerent. De rebus ipsis fere idem sentiunt, de verbis acriter decertant: aliter ab his, aliter ab illis, eadem verba accipiuntur, & pro Temporum & Scriptorum ratione, nunc hoc, nunc illo modo, exponi debent. Quantæ rixæ de vocibus, Meritum, Sacramentum, Sacrificium, Εμ- ονοπος, Προβύτης, Διάκονος, &c. moventur, & quilibet iis suum sensum affigit; cum apud diversos Autores non idem significant! Cum igitur tot lites ex ipsa terminorum acceptione ori- antur, quid magis rationi consentaneum, quam ut Ecclesie testimonium de usu & sensu vocabulo- rum privatorum expositionibus præferatur? His omnibus rectè perpensis à duobus Scriptoribus magni Nominis apud Romanenses, disputationes inter Pontificios & Ecclesiam Anglicanam ad qua- tuor vel quinque præcipua Capita reducuntur. \* Quatuor res Principales, propter quas à nobis [Mi- nistri] separaverunt, sunt, Præsentia Realis Corporis Christi in Sacramento; Olatio Sacrificii in Eucharistia; Preces & Oblationes pro Defunctis; Invocatio Sanctorum-- Hæc quatuor Capita sunt præcipui fontes nostræ Dissensionis; de quibus si inter nos conveniret, facile esset de aliis rebus convenire.

Hæc dicta sufficiant, ut ostendam in genere, quid sacræ Scripturæ, quid Traditioni Ecclesie Catholice, quid oecumenicis Conciliis; & quæ cuique Partes in componendis Controversiis & Unitate Ecclesie stabienda, tribuendæ sint. Restat jam, ut breviter expendamus, cui usui hæc methodus inservit; & utrum veritas Historica de Doctrina Ecclesie & Conciliorum oecumenicorum, cum Doctrina Christi & Apostolorum in sacris Scripturis, non solum in rebus quibus Ecclesie dissidentes conveniunt, sed in iis etiam capitibus quæ Schismaticis fovendis agitantur, consentiat. Primum verò memoria recolendum est, quantus Ecclesiarum Consensus in hac methodo asserenda supra à nobis allatus est. Nec prætermittendum est, quam optime convenit inter Ecclesias, in Articulis Religionis maximi momenti, in Libris sacræ Scripturæ [licet non in omnibus eodem modo.] in Decalogo, in Symbolis, in Sacramentis, in Cultu Divino, in Regimine Ecclesie; in genere. Quamvis enim horum omnium, in minutioribus, in Ritibus & Circumstantiis, in Dogmatibus scholasticis, ut plurimum dissentiant; nihilominus, de rebus ipsis in genere quæ spectant ad Fidem & Mores, non tanta est Controversia, quin sepositis affectibus, ea quæ in dubium vocantur, à Fide Christianorum sine damno Pietatis secluderentur. Non hæc dico de istis Capitibus, prout crasse ab Adversariis intelliguntur, sed ut à Synodorum Decretis & viris doctis & pacificis exponuntur. Nam si Quæstionis status, & quo sensu verba accipiuntur, rectè intelligatur, Lites non essent tam graves, nec in tantum numerum excrescerent. De rebus ipsis fere idem sentiunt, de verbis acriter decertant: aliter ab his, aliter ab illis, eadem verba accipiuntur, & pro Temporum & Scriptorum ratione, nunc hoc, nunc illo modo, exponi debent. Quantæ rixæ de vocibus, Meritum, Sacramentum, Sacrificium, Εμ- ονοπος, Προβύτης, Διάκονος, &c. moventur, & quilibet iis suum sensum affigit; cum apud diversos Autores non idem significant! Cum igitur tot lites ex ipsa terminorum acceptione ori- antur, quid magis rationi consentaneum, quam ut Ecclesie testimonium de usu & sensu vocabulo- rum privatorum expositionibus præferatur? His omnibus rectè perpensis à duobus Scriptoribus magni Nominis apud Romanenses, disputationes inter Pontificios & Ecclesiam Anglicanam ad qua- tuor vel quinque præcipua Capita reducuntur. \* Quatuor res Principales, propter quas à nobis [Mi- nistri] separaverunt, sunt, Præsentia Realis Corporis Christi in Sacramento; Olatio Sacrificii in Eucharistia; Preces & Oblationes pro Defunctis; Invocatio Sanctorum-- Hæc quatuor Capita sunt præcipui fontes nostræ Dissensionis; de quibus si inter nos conveniret, facile esset de aliis rebus convenire.

Hæc dicta sufficiant, ut ostendam in genere, quid sacræ Scripturæ, quid Traditioni Ecclesie Catholice, quid oecumenicis Conciliis; & quæ cuique Partes in componendis Controversiis & Unitate Ecclesie stabienda, tribuendæ sint. Restat jam, ut breviter expendamus, cui usui hæc methodus inservit; & utrum veritas Historica de Doctrina Ecclesie & Conciliorum oecumenicorum, cum Doctrina Christi & Apostolorum in sacris Scripturis, non solum in rebus quibus Ecclesie dissidentes conveniunt, sed in iis etiam capitibus quæ Schismaticis fovendis agitantur, consentiat. Primum verò memoria recolendum est, quantus Ecclesiarum Consensus in hac methodo asserenda supra à nobis allatus est. Nec prætermittendum est, quam optime convenit inter Ecclesias, in Articulis Religionis maximi momenti, in Libris sacræ Scripturæ [licet non in omnibus eodem modo.] in Decalogo, in Symbolis, in Sacramentis, in Cultu Divino, in Regimine Ecclesie; in genere. Quamvis enim horum omnium, in minutioribus, in Ritibus & Circumstantiis, in Dogmatibus scholasticis, ut plurimum dissentiant; nihilominus, de rebus ipsis in genere quæ spectant ad Fidem & Mores, non tanta est Controversia, quin sepositis affectibus, ea quæ in dubium vocantur, à Fide Christianorum sine damno Pietatis secluderentur. Non hæc dico de istis Capitibus, prout crasse ab Adversariis intelliguntur, sed ut à Synodorum Decretis & viris doctis & pacificis exponuntur. Nam si Quæstionis status, & quo sensu verba accipiuntur, rectè intelligatur, Lites non essent tam graves, nec in tantum numerum excrescerent. De rebus ipsis fere idem sentiunt, de verbis acriter decertant: aliter ab his, aliter ab illis, eadem verba accipiuntur, & pro Temporum & Scriptorum ratione, nunc hoc, nunc illo modo, exponi debent. Quantæ rixæ de vocibus, Meritum, Sacramentum, Sacrificium, Εμ- ονοπος, Προβύτης, Διάκονος, &c. moventur, & quilibet iis suum sensum affigit; cum apud diversos Autores non idem significant! Cum igitur tot lites ex ipsa terminorum acceptione ori- antur, quid magis rationi consentaneum, quam ut Ecclesie testimonium de usu & sensu vocabulo- rum privatorum expositionibus præferatur? His omnibus rectè perpensis à duobus Scriptoribus magni Nominis apud Romanenses, disputationes inter Pontificios & Ecclesiam Anglicanam ad qua- tuor vel quinque præcipua Capita reducuntur. \* Quatuor res Principales, propter quas à nobis [Mi- nistri] separaverunt, sunt, Præsentia Realis Corporis Christi in Sacramento; Olatio Sacrificii in Eucharistia; Preces & Oblationes pro Defunctis; Invocatio Sanctorum-- Hæc quatuor Capita sunt præcipui fontes nostræ Dissensionis; de quibus si inter nos conveniret, facile esset de aliis rebus convenire.

Hæc dicta sufficiant, ut ostendam in genere, quid sacræ Scripturæ, quid Traditioni Ecclesie Catholice, quid oecumenicis Conciliis; & quæ cuique Partes in componendis Controversiis & Unitate Ecclesie stabienda, tribuendæ sint. Restat jam, ut breviter expendamus, cui usui hæc methodus inservit; & utrum veritas Historica de Doctrina Ecclesie & Conciliorum oecumenicorum, cum Doctrina Christi & Apostolorum in sacris Scripturis, non solum in re

# P R Æ F A T I O.

<sup>a</sup> Quatuor præcipua Capita, quæ afferuntur à Suprema Authoritate Ecclesiastica [Pontificiâ, non Ecclesiæ Catholicæ] quibus Protestantes se conformes præstare respuunt, & quæ iis sunt maxime offendiculo; Sunt 1<sup>mo</sup> Corporalis Præsentia Corporis & Sanguinis Christi in Eucharistia, & consequenter Adoratio ejus tanquam præsentis, 2<sup>do</sup> Cultus & Invocatio Sanctorum, 3<sup>io</sup> Veneratio Imaginum, 4<sup>to</sup> Communio sub Una Specie. Non autem à veterum Fide in his Rebus, sed à recentiorum Novitatibus & Corruptelis dissentimus. Nam in tribus prioribus Quæstionibus, de Transubstantiatione, de Absentiâ Panis & Vini, & Præsentia Corporis Christi super Altari, ita ut à muribus devorari possit, & in secessum abire, &c. de Purgatorio, cum Romanensibus controversia est. Quod verò ad Invocationem Sanctorum attinet, in publicis Liturgiis per primos sexcentos annos nihil tale occurrit, & <sup>b</sup> Concilium Laodicenum aperte prohibet, ne quis precetur Angelos; ut patet ex <sup>c</sup> Theodoro in c. 2. & 3. ad Coloss. Par est autem & de Sanctis ratio: <sup>d</sup> Et Augustinus, manifeste dicit, non à Sacerdote qui sacrificat invocantur, hoc est, nec in Synaxi, nec alibi.

Unde duo consideranda sunt, utrum Quæstiones sunt tanti momenti, ut sub periculo Salutis omnes teneantur more Pontificio iis assensum adhibere, vel potius an non ad Dogmata Scholastica referantur, de quibus sine detrimento Fidei & Pacis Ecclesiastica viri boni tuto dubitare possunt. Vel secundo utrum ii qui hæc dogmata aliis obtrudere conantur, possunt ex Principiis Theologicis, h. e. ex Scripturis & Traditione Ecclesiæ necessitatem hanc confirmare. Nam nisi hoc evicerint, Schismatis nota iis inurenda est, qui his de rebus Ecclesiæ Pacem & Unitatem perturbant. Siquis vero Doctrinam vel Articulis Ecclesiæ Anglicanæ contentam, cum Decretis Concilii Tridentini in his quatuor vel quinque Capitibus ad hanc normam componat; illi compertum erit, non solum Ecclesiæ Romanæ sine ulla necessitate bellum injustè intentare ut ea nobis imponeret, sed etiam veritatem Catholicam à nobis defendi. Si itaque Romanenses regulam in Concilio Tridentino præscriptam, observarent, & cum Ecclesiâ Catholicâ pacem inirent, cum quâ perpetuum bellum multa per secula gesserunt; ista Dogmata à professionibus Fidei, à Breviariis, Missalibus & Conciliorum Decretis rejicienda sunt, aut saltem inter Disputationes Scholasticorum relinquenda, nec aliorum Fidei, diris & Excommunicationibus, vi & armis, ferro & flammis more abominando obtrudenda.

Quare non hic sistimus omnes & pedem figimus? Si potuit Pius 4<sup>us</sup> Liturgiam nostram comprobare, quare non potest Innocentius undecimus? Si Symbolum Nicænum est firmum & unicum Fundamentum Fidei secundum Concilium <sup>†</sup> Tridentinum, & semper habitum fuit per mille & quingentos annos, quare jam non sufficit absque Additamentis Pii 4<sup>ti</sup>? Si Schismatici essent tempore Nicæni Concilii, &c. & non à Pontifice Romano nec ab alio Episcopo ad Communionem Ecclesiasticam recipiendi, aut in Catholicorum numero recensendi, qui seorsum à suis Episcopis in Britannia sacra colerent, iisque obedientiam præstare detrectarent, quare nunc non idem obtinet, & ejusdem criminis rei peragendi sunt?

At inquiunt Romanenses, De Pontifice Romano, de Sacramento Eucharistiæ, de Imaginibus, de Invocatione Sanctorum, & de aliis rebus, aliter Concilium Tridentinum, aliter Ecclesia Anglicana pronunciat; non aliter verò quam sacra Scriptura, sancti Patres & sex œcumenica Concilia docuerunt, docet Ecclesia Anglicana. At Fidem Catholicam de Doctrina Transubstantiationis in Eucharistia abnegamus, quæ est Hæresis non nisi flammis exitialibus expianda. Cum Scripturis & Patribus firmiter credimus, verum <sup>h</sup> Corpus & verum Sanguinem Domini nostri Jesu Christi fidelibus in sacra Eucharistia exhiberi: de modo non admodum sumus solliciti, vel anxie inquirimus.

<sup>f</sup> Ita Romana utitur tanquam principium in quo omnes, qui fidem Christi profitentur necessario conveniunt, & fundamentum firmum & unicum, contra quod portæ inferi nunquam prævalerunt, totidem verbis quibus in omnibus Ecclesiis legitur, exprimendum esse censuit, quod ejusmodi est: credo &c. Si Symbolum Nicænum est fundamentum firmum & unicum, ut dicit Concil. Tum ex mente Concilii & Ecclesiæ Romanæ, additamenta Pii 4. ad Symbolum, non sunt articuli Fidei, sed dogmata Scholastica, solummodo minoris momenti, de quibus Viri boni salva fide dubitare possunt; licet non permittantur intra limites Ecclesiæ Romanæ contrarium asserere. Sunt Curiales tantum & Sacrificuli nugigeruli, qui pro rebus Fidei, imperiti & fallarii inter imperitos, venditant, & illiusmodi funestæ Seditionis faeces, non pro membris Ecclesiæ Romanæ, ut ut corruptæ, nedum Catholicæ, sed pro Ethnicis & Publicanis ab omnibus verè Catholicis meritò habendi sunt. Concilium N. enim rarò dicit quis non crediderit, sed si quis dixerit, aut negaverit, sic paci inter membra sua consuluit, non a. novam fidem condidit, hoc factum fuit solius Papæ, non Concilii; ac proinde nullius momenti.

<sup>g</sup> Vid. Epist. Launoii ad Ludovic. Cusinum, T. 1.  
<sup>h</sup> Præter alios Scriptores satis multos his de rebus, consulat lector, si placeat, librum cui Titulus, The Originall of all Plots in Christendom, with the Danger and Remedy of Schism; Ubi Romanensium Dogmata ex Traditione Ecclesiæ abundè refutantur.

<sup>i</sup> Catechismus Eccles. Angl. Q. What is the Inward part [of the Lords Supper] or thing signified? R. The Body and Blood of Christ which are verily and indeed taken and received by the Faithfull in the Lords Supper. Art. 28. Rite, dignè, & cum fide sumentibus, Panis quem frangimus, est Communicatio Corporis Christi, & similiter Poculum Benedictionis, est Communicatio Sanguinis Christi.

Modi rerum ut plurimum sunt incogniti; & cum de Rebus ipsis convenit, de Modis non est curiose disputandum. Dogma vero & Nomen Transubstantiationis quid horridum sonat, & Scripturis & Patribus inauditum, & serò tandem, & non nisi Barbaris seculis adinventum. Sed quid per portentosum illud Transubstantiationis vocabulum de Fide propunciant? Aiunt vero non solum Corpus & Sanguinem Christi adesse super Altari, ita ut à muribus & canibus devorari possint, & vermibus corrumpi; sed non adesse Panem aut Vinum, sed in Substantiam corporis & sanguinis Domini converti.

De Corpore & Sanguine Christi in sacra Eucharistia Communicatis, res est in confesso; de Pane & Vino lis est, utrum adsint necne: de Speciebus fatentur, de Substantia negant Romanenses.

Scriptura vero de Eucharistia verba faciens, solum de Corpore & Sanguine affirmat, dicendo, <sup>i</sup> Hoc <sup>1</sup> Mat. 26. est Corpus meum, hic est Sanguis meus. Deinde verba Domini sic interpretatur S. Paulus: <sup>1</sup> Cor. 10. 16. Poculum

<sup>a</sup> Considerations on the Council of Trent, being the fifth Discourse concerning the Guide in Controversies, p. 280, f. 320.

<sup>b</sup> Con. Laodic. c. 35.

<sup>c</sup> Theodoret. in Coloss. 2. v. 18.

<sup>d</sup> Ἡ συνελθούσα σύνοδος ἐν Λαοδικείᾳ τῷ θεοῦ μαρτύρου καὶ ἀποστόλου τοῦ αἵματος τοῦ κυρίου ἡμετέρου ἡμεῖς οὐχ ὡς δὲ.

<sup>e</sup> Et in c. 3. v. 17.

<sup>f</sup> Ἐπειδὴ τὸ ἐκείνου τοῦ ἀγγέλου στίχου ἐκείνου, αὐτὸς τὸ ἐναντίον παρεγγύα, ὥστε ἡ τοῦ λόγου καὶ τῆς ἑγῆρα κοινῆς τῆς μνήμης τῆς ἀποστολῆς Χριστοῦ.

<sup>g</sup> καὶ τὸ θεῶ καὶ πατέρῃ ἐνχαριστῶν δι' αὐτῶν φωνῶν ἀναπνεύματος, καὶ διὰ τῆς ἀγγελίας.

<sup>h</sup> Τὸ τῶν ἐπουδίων τῶν ἡμεῶν καὶ ἡ λαοὶ καὶ αὐτῶν τοῦ αἵματος καὶ τοῦ πλάτους ὅν ἐκείνου τοῦ δακτύλου τοῦ θεοῦ.

<sup>i</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>j</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>k</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>l</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>m</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>n</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>o</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>p</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>q</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>r</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>s</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>t</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>u</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>v</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>w</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>x</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>y</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>z</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>aa</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>ab</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>ac</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>ad</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>ae</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>af</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>ag</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>ah</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>ai</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>aj</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>ak</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>al</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>am</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>an</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>ao</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.

<sup>ap</sup> καὶ τῆς ἐγῆρας κοινῆς τῆς μνήμης τῆς ἀποστολῆς Χριστοῦ.



# P R Æ F A T I O.

*Iam Benedictionis quod benedicimus, nonne est Communicatio Sanguinis Christi? Panis quem frangimus, nonne est Communicatio Corporis Christi? Tantum abest ut neget Panem & Vinum adesse, ut potius supponat Textus, tanquam Signa & Instrumenta divinitus instituta; per quæ Corpus & Sanguis Domini nobis in Eucharistia communicantur; uti Aqua est Instrumentum per quod communicatur Spiritus Sanctus in Baptismo. Manet Aqua in Baptismo, & tamen per Aquam communicatur Spiritus Sanctus. Quid ni maneant Panis & Vinum, & tamen per ea, Corpus & Sanguis Christi nobis in Eucharistia communicentur, ut verba Scripturæ innuere videntur? Imo multi ex Romanensibus fatentur, verba a Scripturæ Absentiam Panis & Vini non inferre; multa etiam occurrunt apud Patres quæ probant ex Antiquorum Sententia superesse: Quod dicant corpora nostra à rebus terrenis nutriri, ea in secessum abire, &c.*

<sup>a</sup> Scotus, Durandus, Biel, Cameracensis, Cajetanus, Bellarminus de Eucharist. lib. 3. c. 23. Dicit Scotus in 4. dist. 11. q. 3. quem sequitur Cameracensis, non extare locum ullum Scripturæ tam expressum, ut sine Ecclesiæ declaratione evidenter cogat Transubstantiationem admittere. Atque id non est omnino improbabile. Nam

etiam si Scriptura, quam nos adduximus videatur tam clara, ut post cogere hominem non protervum; Tamen an ita sit, meritò dubitari potest, cum homines doctissimi & acutissimi, qualis in primis Scotus fuit, contrarium sentiant.

<sup>b</sup> Justin. Martyr Apolog. 2. prope finem. εἰς τὸ αὐτὸν αὐτὸν, εἰς τὸ αὐτὸν πῶτα πάντα λαμβάνοντες. ἀλλ' ὅν τινος διὰ λόγου ὁ καὶ τοῦ αὐτοῦ ὡς οὐκ ἔστιν ὁ αὐτὸς, ἀλλ' ὡς οὐκ ἔστιν ὁ αὐτὸς [At in Incarnatione Christi utraque Natura permansit integra sine aliqua mutatione prioris substantiæ: sic ergo ex mente Justin. Substantia Panis & Vini post Consecrationem manent in Eucharistia] ὅπως καὶ τὸ ἐν ἡμεῖς τὸ ἐν ἡμεῖς τὸ ἐν ἡμεῖς. Insuper & ὁ αὐτὸς καὶ ὁ αὐτὸς ἐν ἡμεῖς ἐν ἡμεῖς. Item. lib. 5. c. 12. Quando ergo Calix & Panis percipiunt Verbum Dei sit Eucharistia Sanguinis & Corporis Christi ex quibus augetur & consistit carnis nostræ substantia.

<sup>c</sup> Origen. in Matt. 15. Ille Cibum qui sanctificatur per Verbum Dei, perque Obsecrationem, juxta id quod habet materiale, in ventrem abit & secessum ejicitur.

<sup>d</sup> Thomas Aquin. p. 3. q. 80. Art. 3. Res. 3. Ad tertium dicendum, quod etiam si non vel tantis Hostiam consecratam manducet, Substantia Corporis Christi non definit esse sub speciebus, quamdiu Species illæ manent, h. e. quamdiu panis ille maneret, sicut etiam si proscinderetur in lutum. Quidam autem dixerunt quod statim cum Sacramentum tangitur à mure vel cane, definit esse Corpus Christi, quod etiam derogat veritati Sacramenti, sicut supra dictum est. Addunt recentiores Scholastici: Si quis modò contrarium diceret post determinationem Pape ab Ecclesiâ [Romana scilicet] condemnaretur. Vasquez in 3. D. Tho. Tom. 3. Disput. 185. c. 5. Multo minus probabile est quod ait D. Bonaventura, Corpus Christi non comitari Species, nec sub illis esse, quando devorantur à mure vel à bestia -- hoc enim est contra communem sensum Ecclesiæ, quæ Species è loco sordido erutas tanquam verum Sacramentum veneraretur, sicut etiam si à bestia sumptæ evomerentur. -- Porro autem, Christum semper esse sub speciebus, communis Scholæ opinio fert, ut paulo inferius videbimus. Imò & Gregorius XI. in Directorio Inquisitorum 2. p. q. 10. damnant prædictam sententiam quam ex D. Bonaventura retulimus. Nempe, asserentes sub Hostia consecrata prædicta in lutum, aut locum sordidum non manere Corpus Christi, nedum corruptis membris.

<sup>e</sup> Dr. Wardus p. 108. Per Ecclesias Reformatas intelligimus Ecclesias illas Protestantium per Britanniam, Germaniam, Daniam, Rhetiam, Helvetiam, quæ detectis erroribus & abusus Papatus ad eorum Reformationem impensè flagitarunt Concilium liberum œcumenicum, in quo de hisce omnibus disquiri potuit: quod cum impetrare non potuerunt, exemplo Regum Israel, coactis Synodis Nationalibus aut Provincialibus, sese reformatant. -- In harum Ecclesiarum Censum non admittimus Anabaptistas, Arianos, & id genus Sæctiariorum, quos non Ecclesias aut Partes Ecclesiarum, sed Pestes dicimus, quod Cicero olim de Catalina in Repub. Dicimus perro has Ecclesias Reformatas non dissentire in Fundamentis Fidei.

Et ex hoc Fonte omnes Hæreses, Schismata & Dissensiones in Ecclesiâ derivantur, quod privati homines Scripturas Scripturis opponunt, & pro more suo non secundum Traditionem Ecclesiæ interpretentur. Sed si modestius de suo, & melius de Ecclesiæ & Præpositorum judicio sentirent; non tot Schismatibus & Disputationibus Ecclesia Christiana scinderetur: imo si Dissidentes Ecclesiæ suas observarent Regulas, & quæ in genere profitentur, non in his vel illis Capitibus abnegarent; controversiis de Religione finis imponderetur. Atque ita Bella quiescerent, Lites cessarent, Pax & Charitas inter Christianos antiquo more effervescent.

Non opus est, ut veritatem Historicam talis consensus Traditionis & Conciliorum cum sacris Scripturis & in hac methodo asserendâ, latius ostendam: hac in parte tam egregiam Operam navavit Doctissimus Lannoïus, ut satis fuerit Lectorem ad illius Epistolas amandare, in quibus Baronii, Bellarmini, & quæ ex illis, Binius, & alii, Sophismata desumpserunt, ut Traditionem & Historiam Ecclesiasticam in gratiam Curie Romanæ corrumpere, tam nervosè & acutè in præcipuis Capitibus & Quæstionibus quæ hodiè spectant ad Fidem & Unitatem Ecclesiæ, refutavit; ita ut jam nullus Tergiversandi locus relinquatur, & si Theologi istis telis Romanensium & aliorum Errores confoderent, non amplius in Scriptis his de rebus Curiales & Politici contendere possent.

Non igitur Paci & Unitati Ecclesiæ consulunt, sed Hæreticis & Schismaticis, Scripturis detorqueendis, & privatis Dogmatibus fovendis, & viam patefaciunt, qui de Traditione & Conciliis minus honorificè pronunciant, & ab eorum Fide & Autoritate quicquam detrudere conantur; multo magis quæ ab illis unanimi consensu exhibentur, sine ulla necessitate (uti planè nulla esse potest) aperte abjiciunt. Non dico de rebus indifferentibus, & constitutionibus Ecclesiasticis, quæ certis de causis pro varia rerum & temporum Ratione mutari possunt & debent. Sed in iis etiam observanda sunt, quæ à Lannoïo disputantur, Ep. ad Henr. Barillonium Tom. 5.

<sup>f</sup> Reverendus in Christo Pater Petrus Gunning Episc. Eliensis. Reg. Profess. apud Cantabrig. lib. cui Titul. The

Paschal or Lent Fast. pag. 23. Reason, Experience and the Direction of all Wise Men in the Church of God (Ancient and Modern) the House of Wisdom, Councils, Fathers, and Writers, and our Church in particular, have directed and commanded us not to interpret Scripture in things of Public

# P R Æ F A T I O.

lick Concernment to the Churches Rule of Believing and Doing, but as we find interpreted by the Holy Fathers and Doctors of the Church as they have received it from those before them. For that the leaving of every Man to make any thing of any Text upon any Device out of his own Head-- leaves all bold Innovators -- to be as much Lawgivers to the Church --- as any Pope or Enthusiast can or need pretend to be; this hath been, and ever will be to the end of the World the Ground of most Heresies and Schisms brought into the Church. Such pervert the Scriptures to their own, and others (their Obdurate Followers) destruction.

Reverendus in Christo Pater Dr. Fernus Episcop. nuper Cestrensis. & Coll. St. Trin. apud Cantabrig. Praefectus, in lib. cui Titul. Certain Considerations of present Concernment touching this Reformed Church of England, c. 1. p. 59. & 60. But what if Men will be perverse (as we have seen in these Days) to pretend Error and Superstition in Worship where there is none? Who shall judge? As for Us We answer unanimously, the Church shall judge, (be it National or Universal) and take order with such Persons: by the Church we mean the Guides and Governours that have publick Judgment and Authority in every National Church, or in the Catholick assembled in a General Council; and by judging, we mean their Defining and Demonstrating the Truth according to the infallible Rule of Gods Word, and their Sentencing of Persons Refractory, to due Punishment. So the Church shall judge either to the Convincing and Satisfying, or to the Censuring and punishing such Persons, who are to answer unto God also for their Disobedience.

De Methodo quam observavit Ecclesia in finiendis Controversiis, & tradenda Fide & Disciplina vid. Epist. ad Ludovicum Maras. Tom. 8. & Epistolam ad Carolum Magistrum Tom. 5. ubi methodum à nobis descriptam abundè demonstrat.

De numero Conciliorum Generalium nihil certi pronunciat; nec tutum ei esset aliquid aperte definire. Qui vero legit, quæ occurrunt in Epistolis ad Hieronymum Sambæwium, Franciscum Bonum, & Claudium Amelinam, satis illi constabit, nec Synodum Nicenam secundam, nec Synodum octavam, nec Synodos Occidentales, ne vel Tridentinam ipsam, pro Conciliis œcumenicis, nec ab Ecclesiâ Catholicâ nec à Launoio nostro approbari. Dicit enim totidem verbis in Epist. ad Hieron. Samb. p. 733. b. Septimam enim Synodum veteres, & cum primis Galli, pro œcumenica non habuerunt. Octava vero, & Occidentales à Græcis, &c. rejiciuntur: & proinde a sex tantum sunt Concilia œcumenica ab Ecclesiâ Catholicâ recepta & approbata, uti supra monuimus. Alia itaque Concilia, & quæ occurrunt in Actis & Historiis Ecclesiæ, non aliter recipienda sunt, nisi quatenus cum his Conciliis & eorum Decretis conveniunt, præsertim in Dogmatibus & rebus Fidei; semper enim privata Catholicis, nova antiquis cedere debent.

Sex Concilia prima passim recipiuntur in Ecclesiâ & non alia. Nam 2dum Nicenum non habebatur pro œcumenico nec in Ecclesiâ Græ-

ca, nec Romana multis annis, postquam teneretur. Sic diu post Conc. Nic. 2dum Nicolaus Primus Epist. 7. ad Michaellem Imperat. agnoscit Sex tantum. Apud Lab. Tom. 8. p. 287. & Hadr. II. Epist. 34. ad Carolum Calvum. ibid. pag. 938. Photius etiam Epist. 2. Encycl. ad Patriarch. Orient. rogat, ut recenserent 2dum Nicenum Concilium inter œcumenica, quod antea eo Nomine non gaudebat. Præter ea quæ occurrunt apud Launoium vide Admonitorium Jacobi Sirmondi de Canone secundo Concilii Francofordensis, quo rejecta est secunda Synodus Nicæna, &c. apud Labb. Tom. Concil. 7. pag. 1054. Bellarminus de reliqu. Sanct. c. 22. fatetur non innuisse Thomæ Aquin. & reliquis Doctoribus Scholasticis. Synod. Thorunens. in Polon. Ann. 1646. cui etiam consenare quæ quinta & sexta Synodus --- docuerit. Quinimo quicquid Primitiva Ecclesia ab ipsis usque Apostolorum Temporibus unanimi deinceps, & notorio consensu tanquam Articulum Fidei necessarium credidit, docuit. idem nos quæque ex Scripturis credere, & docere profiteamur.

Chamierus Tom. 2. lib. 14. c. 6. num. 48. Falsum est nos quatuor aut quinque tantum Concilia numerare, --- etsi vix concedamus septimum & octavum digna eo Nomine. Agnoscit vero sextum. Alsted. Chronolog. Concil. pag. 34. in Thel. Chronolog. ed. in 8º Synodus sexta Generalis quæ est Constantinopolitana tertia --- alii perperam addunt Septimam, videlicet Nicenam secundam. Reverendus Dr. Sam. Wardus Praefect. Dna. Margaret. apud Cantabrig. & Coll. Sid. Praefect. unus è Theologis Anglis apud Synod. Dordracen. determinat. Theolog. pag. 103. Concludo ex Sententia totius Antiquitatis, normam perfectam credendum in Symbolis Apostolorum Athanasii & sex primorum Conciliorum Generalium contineri. Idem p. 109. p. 107. quod ad Concilia Generalia attinet, sive sex duntaxat prout verissima habet Opinio. Erudit. Dall. de Usa Patr. l. 1. c. 9. Si Symbola & Canones sex primorum Conciliorum Universalium & quarundam Synodorum Provincialium exceperis, nulla istiusmodi Monumenta [h. e. Ecclesiæ Universalis] supersunt. Ergo ex Mente Cl. Dall. sex Concilia recipiuntur ab Ecclesiâ.

Reverendus Dr. Hammondus Traſiat. de Heresi. secti. 9. p. 395. ed. in Fol. For the Fifth Council our Church makes no more doubt of than of the Fourth. --- We believe the Four First Councils to be the Conservatories of all truly Catholick and Apostolick Tradition, from whence together with the Scriptures, all Heresies may be oppugned and refuted. For the Sixth --- We willingly receive it. Secti. 10. As for the Seventh, that Second of Nice, I have already intimated the Reasons why no Romanist can blame him that allows not the Authority thereof. The same he says Sect. 11. concerning the Eight. Per sextum Concil. intelligitur C. P. 3. sub Agath. nihil autem dicitur de Trullano. Non enim pari modo ab omnibus recipitur, nihil itaque de eo statuitur. Nihil autem ibi additur aut immittitur in rebus Fidei & Morum. de aliis vero quæ occurrunt, (quamvis admittatur pro parte sexti) si causa subest, viri boni dubitare possunt, & forsitan nihil invenitur quod Traditioni Ecclesiæ rectè intellectæ, adversetur, certè in Ecclesiâ Græca semper summo honore habebatur.

Et quoniam Romanenses diris & Excommunicationibus, vi & armis, omnes tanquam Hæreticos & Schismaticos prosequuntur qui Conciliis & Decretis Papalibus non se subijciunt, & hanc Papæ arrogant Authoritatem ex his verbis, [Tu es Petrus,] [pasce oves, &c.] b Ostendit Launoius hunc Sensum eis verbis contra Traditionem Ecclesiæ inaniter affigi; Ac proinde iniquè illi vindicari. De Potestate convocandi, dissolvendi, confirmandi Concilia œcumenica, & non Errandi privilegio, passim in multis Epistolis disputat; ubi late probat nullum ejusmodi jus Papæ competere, sed Papam ipsum posse esse Hæreticum & Schismaticum, & Decretis & Canonibus Conciliorum subesse debere: non itaque Schismatici sunt qui Decretis Papalibus non obediunt; sed Papæ ipsi Schismatici, qui Decretis Conciliorum non se subijciunt.

b Epist. ad Car. Magistrum, p. 5. & ad Jacobum Bevilacqua, Guil. Voellum & Raimundum Formentinum, ibid.

Ut quis ab Uno Episcopo excommunicatus ab alio sine Excommunicantis Consensu in Communionem non admittatur. Ep. ad Ludov. Cusin. T. 1. de distinctione Potestatis Civilis & Ecclesiasticæ Tom. 4. ad Franciscum Bonum. De Conciliorum Utilitate & Necessitate To. 3. Ep. ad Jacobum Malatestam. Contra Inquisitores Curiae vindicatur Episcoporum jus in decidendis Fidei, & morum Universalis Ecclesiæ Controversiis. Epist. ad Joan. Molendinum Tom. 4. De Observantia Canonum, Ep. ad Hieron. Sambæw. T. 1. & ad Thom. Rullandum T. 3. Frustrâ ex illis verbis, [Quicquid ligaveris in terris ligatum erit in cælis, & quicquid solveris in terris solutum erit in cælis,] ascribi Pontifici Romano Authoritatem Deponendi Reges, Absolvendi Subditos à Juramento Fidelitatis, & etiam Disponendi de Regnis & rebus Temporalibus. Epist. VII. VIII. IX. X. XI. Tom. 7.

Non opus est de Argumentis aliarum Epistolarum aliquid notare, cum breviter hæc à Launoio ipso describuntur. Satis erit Lectorem in ejus scriptis minus versatum, de his rebus breviter monere, ut intelligat, quanto cum fructu pecuniam & operam iis impendat; cum sint Claves Traditionis Ecclesiasticæ, & in iis Radices Hæresium & Schismatum, quibus Unitas Christianorum hodie perturbatur,



# P R Æ F A T I O.

funditus evellantur. Nec solum in tot Quæstionibus illustrandis, sed etiam in Methodo delineandâ, per quam veritas Catholica in aliis rebus dilucidaretur, rem literariam egregiè auxit.

Si igitur Viri docti pari acumine & diligentia cæteras Controversias ad examen revocarent, & quæ sparsim à diversis Scriptoribus tractantur, in unum fasciculum colligerent, Traditio Ecclesiæ in apertam lucem ederetur; & nullus dubitandi locus restaret, quin illius suffragio in rebus ad Fidem & Pacem Catholicam spectantibus, sine damno salutis, si non sine errandi metu, innitatur. Tanto itaque illius conatus *Baronii & Bellarmini, &c.* laboribus antecellunt, quantum Veritas errori, Pax & Unitas Ecclesiæ tyrannidi Papæ anteponenda sunt.

<sup>a</sup> Laici apud nos non tenentur subscribere articulis Religionis: hoc exigitur solummodo à Clericis & Academicis: & in Publica Liturgia uti nihil deest, ita nihil occurrit de quo aliquis Christianus dubitare potest, & ut eam ob causam à nostra Communione defugiat. Utinam Romanenses & alii eandem moderationem observarent! tunc res Christianæ multo melius se haberent, nec de Pace in Ecclesia desperandum esset.

Sepositis itaque Papalibus Traditionibus & Decretis & aliorum Novatorum placitis, & figmentis, & rebus ad antiquos Mores & Decreta Primitivæ Ecclesiæ & Conciliorum (quoad fieri potest) restitutis; facile esset Lites Ecclesiasticas componere, & Pacem & Unitatem in externâ Christianorum Communione resarcire. Videant Rectores aliarum Ecclesiarum, quomodo Deo & Ecclesiæ Catholicæ sint hac in parte Rationem reddituri. De *Anglicanâ* Ecclesiâ tutissimò possumus affirmare, quod nec crimen nec causa Schismatis ei impingi possit: Nullum enim Officium Pietatis erga Deum, Reverentiæ erga Ecclesiam Primitivam & Catholicam, Charitatis erga reliquas Ecclesias particulares, aut Benevolentia & Eruditionis maternæ erga Clerum & Populum sibi subditum, in illa prætermittitur.

Faxit Clementissimus Deus, unicus Pacis & Concordiæ Largitor, ut ii omnes qui eandem Fidem Christianam profitentur, eandem Salutem & Communionem, cum Patre & Filio ejus *Jesu Christo* in Cœlis, toto corde anhelant, omnibus modis quibus possunt & debent, *Pacem cum omnibus* [ in Terris ] *sequantur cum sanctimonia, & xweis* [ scil. *τὴν δὲ αἰώνιον* ] *nemo videbit Deum; & cum omni Humilitate, Mansuetudine, cum Patientia supportantes invicem in Charitate, [ sint ] solliciti servare unitatem Spiritus in vinculo Pacis.* Ita impensè optat, & ardentissimis Votis precatur,

*Veritatis & Pacis Catholicæ Studiosissimus,*

**GUIL. SAYVELL.**

Dat. è Coll. Jéf.  
Cantab. No<sup>a</sup>  
vemb. 1. 1688.

**SERIES**

# S E R I E S A R G U M E N T O R U M, QUÆ IN Hoc Opere continentur.

## PARTIS PRIMÆ

### I. In Priori ad ANTONIUM FAURUM Epistolâ.

**Q**UÆ Tria ex Cyrillo Alexandrino referuntur, in B. Thoma Opusculo contra Græcorum errores, Testimonia, Cyrillo subiecta esse, Ostenditur. Primum, quod in nullis Cyrilli extant commentariis: Deinde, quod extare non possunt, spectatâ hinc Universum ejusdem Patris doctrinâ, inde Romana Ecclesia Traditione. Subjectionis tempus designatur, præter-propter: Quis auctor, Græcus, an Latinus: & Quis demum usus testimoniorum. pag. 1.

### II. In posteriori ad eundem Epistolâ.

Quod ex eodem Cyrillo refert Thomas ad caput XVI. Matthæi, Testimonium, Cyrillo quoque esse suppositum, Probatur. Suppositionem verba ipsa Testimonii obijciunt, & Alia multa, que ex Ecclesiasticâ illius temporis Historiâ repetuntur. Bellarminus Thoma auctoritate abutitur. p. 8.

### III. In Epistolâ ad PAULUM RATUMNUM.

Expenduntur Testimonia Duodecim, que in Opusculo S. Thoma contra Græcorum errores attribuntur Conciliis, Constantinopolitanâ & Chalcedonensi, Chrysostomâ, & aliis Patribus Græcis. Quid Chrysostomus de Romani Pontificis, & generalis Synodi Auctoritate; & quid ipse Romanus Pontifex Innocentius senserint, exponitur. Thomas excusatur, ut à Baronio Gregorius Nazianzenus, in multis Thomâ superior, excusatur. p. 12.

### IV. In Epistolâ ad FRANCISCUM BONUM.

Romana Ecclesiæ Traditio refertur, ut quo in sensu Recens hæc Subscriptio [N. Catholicæ Ecclesiæ Episcopus] capienda sit, intelligatur. Succurrit aliorum quorundam Episcoporum Usus, disceptationi lucem adferens. Nonnullarum Leonis I. epistolarum Inscriptio emendatur. p. 18.

### V. In Epistolâ ad RAIMUNDUM FORMENTINUM.

Exhibetur initum inter Almainum Parisiensem Theologum, & Thomam Cajetanum coriamen; & Almaini causa Potior ostenditur. Abstergâ verborum & argutiarum Cajetani fuligine, Romana ipsiusmet Ecclesiæ, circa negatum Romani Pontifici Non-errandi privilegium, Traditio subjungitur, & adversus Patronos adulatricis Curia defenditur. p. 22.

### VI. In Epistolâ ad FELICEM PHELIPPÆUM BROSSAM.

Almaini & Cajetani de Damasi Auctoritate, & Synodo Capuensi disceptatio profertur; & equitatis, pro quâ pugnat Almainus, patrocinium suscipitur: & Cajetanus propriis illaqueatur argutiis. p. 30.

### VII. In Epistolâ ad HIERONYMUM SAMBOEUVIUM.

Capuensis Synodi Historia texitur. Siricii Papa Epistola ad Anysium Thessalonicensem, & alios Illyrici Episcopos recensetur integra: Et docetur ex ea, Romanum Pontificem generali Concilio & sacris Canonibus subiectum esse. Quod derivata ab initio Romana Ecclesiæ per suos Pontifices Traditione confirmatur. p. 34.

### VIII. In Epistolâ ad LUDOVICUM CUSINUM.

Demonstratur, Romanam Ecclesiam Apostolicâ Traditione, atque Exemplo proprio ceteras docuisse Ecclesias; Ut quis ab uno Episcopo Excommunicatus, ab alio sine Excommunicatis consensu in Communionem non admittatur. Et hic est Ecclesiastica disciplina totius cardo; hic nervus, hæc fibula. p. 45.

### IX. In Epistolâ ad CLAUDIUM SANTEULIUM.

Traditur, quo in sensu Romana Synodi, propter Symmachum à Theodorico congregata, Dictum istud [Romana Sedis antistitem Minorum nunquam subjacuisse Judicio] accipi debeat. Per Ennodii Ticinensis, & Aviri Viennensis locutio explicatur. Quod dictum est in Synodo, non de Synodo, qua Symmachum restituit, sed de  
his,



## Synopsis Argumentorum.

is, qui novâ Judicandi formâ Symmachum expulerant, dictum ostenditur; Rejctis ubique nescio quibus Præjudiciis, quæ contra Sedis Apostolica Traditionem assumuntur. p. 53.

### X. In Epistolâ ad CHRISTOPHORUM FAUVÆUM.

Ostenditur, falsam esse Epocham, à Bellarmino præfixam Ecclesiastico Dogmati, quo Romanus Pontifex universalibus Conciliis, & sacris Canonibus subicitur. Ubi hanc in rem recensentur, multa de Parisiensi, & aliis Academiis, quibus Romana Ecclesia per sanctissimos quosque suos Antistites præluxit; & Florentina Synodus suppeditas venit. p. 58.

### XI. In Epistola ad LUDOVICUM MARÆSIUM.

Probat, Eugenium IV. Basileensis Concilii initium & progressum luculenter approbasse; Bellarminum, & alios Romana Curia Magistros, abuti Leonis X. constitutione, quæ in Lateranensis Concilii Sessione XI. edita est. Hinc expenduntur, quæ in eâ Constitutione Historicè narrantur. Ex occasione datâ, refertur Diploma, quo Clemens VII. in Beatorum numero posuit Ludovicum Alamandum Cardinalem, qui Basileensi Concilio post Dissolutionem ab Eugenio factam præfuit. Ludovici gesta & miracula perstringuntur. Eugenii morientis Vota & suspiria. p. 71.

## PARTIS SECUNDÆ

### I. In Epistola ad RAIMUNDUM FORMENTINUM.

**P**robat, Bellarminum in Ratione, quâ ex Scripturis suadere nititur, Romanum Pontificem simpliciter & Absolutè esse supra Ecclesiam & Concilium, præscriptas à Tridentino Concilio & fidei professione Leges sprevisse, & disputando Sophisticen exercuisse. p. 85.

### II. In Epistolâ ad FELICEM PHELIPPÆUM BROSSAM.

Probat, Bellarminum abuti Romanorum Pontificum octo Testimoniis, ut Pontificem supra Ecclesiam & Concilium esse confirmet. Pontifices illi Octo in Bellarminum retorquentur, ad excidium opinionis suæ. Idipsum confirmatur ex Officio, quod ipsa Romana Ecclesia in festis Romanorum Pontificum, seu Martyrum seu Confessorum, celebrat. p. 98.

### III. In Epistolâ ad JACOBUM BOETIUM.

Probat, quæsum ex Appellationibus ad Romanum Pontificem Argumentum, quo Bellarminus eundem Pontificem supra Concilium statuit, invalidum esse. Appellationum materia retractatur. p. 110.

### IV. In Epistolâ ad JACOBUM BEVILAQUAM.

Examinantur, quæ ad Pontificiam universalium Synodorum Confirmationem pertinent. Atque iis examinatis, Apparet, Confirmatione hujusmodi probari non posse, Pontificem esse supra Concilium. Quæ autem ex ipsis Pontificibus colligitur Confirmationis Synodorum notio, hac Bellarmini placitis incommodat. p. 119.

### V. In Epistolâ ad HADRIANUM VALLANTIUM.

Parisiensis, de Proximo & immediato Potestatis Ecclesiæ Subjecto, Articulus, confirmatur Traditione, quæ ab Origine usque ad Tridentinum Concilium per Patres, Concilia, & Pontifices deducitur. Ex quæsti-

one hæc Ecclesia & Concilii supra Pontificem Auctoritas pendet quam maximè. p. 135.

### VI. In Epistolâ ad JOANNEM GERBASIVM.

Pontificem subesse Concilio, ad fidem pertinere, Statuitur, ex Disputandi modo, quem Bellarminus & alii Curiales Theologi servant; cum de confirmatorum à Pontifice Conciliorum Auctoritate scribunt. p. 151.

### VII. In Epistolâ ad NICOLAUM PARVIPEDIUM.

Ex Pontificum scriptis colligitur, Ab ipsis Pontificibus ad Concilium Provocari nonnunquam posse. Pii II. constitutio [Execrabilis] mitigatur. p. 159.

## PARTIS TERTIÆ

### I. In Epistolâ ad JOANNEM GERBASIVM.

**B**reviter ac dilucidè Proponitur, Romana Ecclesia circa negatum illius Pontificibus Indeficientis Judicii privilegium Traditio; quæ & Gregorii XI. Testamento, & ingenuâ Pauli IV. Iestificatione confirmatur. p. 163.

### II. In Epistolâ ad MICHAEM MAROLLIVM.

Vindicatur Traditio, quâ hinc Romanus Pontifex Beati Petri Vicarius dicitur, hinc Pontifices alii Christi Vicarii nuncupantur. Exinde malè philosophantur, qui Romanum Pontificem Errare non posse asserunt, quod ille Christi Vicarius appelletur. p. 167.

### III. In Epistolâ ad THOMAM RULLANDUM.

Producuntur Romanorum Pontificum LXII. testimonia, quibus probatur, Canone, non Absolutâ Auctoritate, vel proprio Motu regendam esse Ecclesiam Dei. His testimoniis accedunt, Vetus fidei Professio, quam electi quondam Pontifices emittebant; Florentina Synodi Decretum, quod circa Romani Pontificis dignitatem & Munus editum est; & Rationum momenta, quibus Legati in Tridentinâ Synodo intercesserunt, ne in illius actis Formula hæc [Synodus universalem representans Ecclesiam] adhiberetur. p. 175.

### IV. In Epistolâ ad JACOBUM MALATESTAM.

Producuntur Romanorum Pontificum XXXVI. Testimonia, quibus Conciliorum non modò Utilitas, sed etiam Necessitas idemidè comprobatur. Quæ Bellarminus Traditioni Sedis Apostolica opponit, consulantur. p. 193.

### V. In Epistolâ ad MARTINUM METAYERUM.

Quid sit, & quid significet [Loqui seu Pronuntiare de Cathedrâ] disquiritur: Quâ de re Varii variè & variâ protulere. p. 221.

### VI. In primâ ad CHRISTOPHORUM FAUVÆUM Epistolâ.

Romanum Pontificem Indeficientis Judicii privilegio destitui, ad fidem pertinere, statuitur, ex Disputandi modo, quem Bellarminus & alii Curiales Magistri servant, cum de confirmatorum à Pontifice Conciliorum Auctoritate scribunt. p. 231.

### VII. In secundâ ad Eundem Epistolâ.

Probat, Bellarminum neglexisse leges Historiæ, cum Quæstionis statim circa Errandi & Non-errandi Privilegium

## Synopsis Argumentorum.

legium statuit: ubi innumeros Auctores pro Parisiensium sententiâ pratermisit, & iis fere omnibus Imponit, quos pro opinione suâ laudat. Bellarmini censura excutitur: excussa in Auctorem rejicitur, & in Complexionem absurdissimam infertur. pag. 236.

### PARTIS QUARTÆ

#### I. In Epistolâ ad LUDOVICUM MARÆSIUM.

**A**dversus Thomam Cajetanum ostenditur, Ecclesiam nec servam natam esse, nec Principatus jure omni carere. Quo Principio falso [Ecclesiam servam natam esse, & Principandi jure carere] nixus ille, sibi arroganter sumit, Roman. Pontificem Ecclesiæ & Concilii Ecclesiæ figurantis, Correctioni subditum non esse, & continuò veram Parisiensium Theologorum, immo & Sedis R. doctrinam oppugnat. Serva nata non est Ecclesia, quia communis Christianorum mater, Domina, Judex, Sponsa, & Corpus Christi; docentibus sanctis Patribus, & cum primis Romanis Pontificibus. Traditio hac confirmatur exemplis Tribus, quorum Primum ex Silvestro I. Alterum ex Joanne XII. Tertium ex Paschali II. repetitur. Contra Baronium, Binium, & alia Curia mancipia probatur, Romanum Concilium, quod Joannem deposuit, Legitimum, & illud, quo Joannem restitutum fuisse volunt, Suppositum esse. p. 263.

#### II. In Epistolâ ad FRANCISCUM BONUM.

Occurritur nonnullis è Secularium Molitionum scholâ Magistris, qui institutâ inter Reges & Romanos Pontifices comparatione, sacris profana immiscent; & ita conantur efficere, ut Romani Pontifices Ecclesiæ & Conciliis subiecti non sint, etiam si Sedis illius Traditio repugnet. Seditiosis argumentis utuntur. His opponuntur Evangelistæ tres, Matthæus, Marcus, & Lucas; Paures; & maxime Romani ipsimet Pontifices; qui institutam ab Adulatoribus comparationem rejiciunt: tantum abest, ut eam probent, aut probare velint. Ecclesia & Pontificalis Dignitas suis Legibus continentur. Seculares Status, Ordines & Regna suis quoque Legibus, sed aliter tamen atque aliter Reguntur. p. 281.

#### III. In Epistolâ ad JOANNEM MOLENDINUM.

Contra Inquisitores Curia vindicatur Episcoporum jus in decidendis Fidei, & Morum universalis Ecclesiæ controversiis. Vindicandi modus sumitur, primum, ex beato Petro, qui Hierosolymitano Concilio præfuit, atque ex Synodo V. Concilii hujus acta interpretante, quam Romani Pontifices approbarunt: Deinde, ex Sedis Romane Traditione, quam Pontifices XXIX. suis quisque temporibus exponunt: Denique, ex Catholice Ecclesiæ Traditione, quam alia Concilia in oculis omnium designant. Erroris Inquisitorum origo Luculenta demonstratur. p. 284.

#### IV. In Epistolâ ad JOANNEM BAPTISTAM FRANCKEVILLAM.

Quanam fuerit Lovaniensis Academia ab Origine suâ usque ad nostrum Tempus circa Conciliorum supra Papam Auctoritatem, & Indeficientis Judicii prerogativam judicium traditio, disquiritur. Præcipui Academia hujus Theologi referuntur, & eorundem Placita explicantur. Sed cum de Origine censenda sint omnia, Lovaniensis Academia non aliter nunc sentit de rebus ad scribendum propositis, quam ab Initio sensit, & Univerſa sentiebat Ecclesia. Et si recentiores quidam Theologi sentirent aliter, in Præteritis relinquendi essent, ut qui a Majorum suorum placitis & traditione recessissent. Hæc in re Cornelii Jansenii mens excutitur; & nunc Doctorem suum Augustinum deseruerit, indagatur. p. 298.

#### V. In Epistolâ ad RAIMUNDUM FORMENTINUM.

Ad liquidum deducitur primum, Romanos Inquisitores damnata nuper à se Opinione, quam recens Auctor unus auctoritate suâ probabilem effecerat, confirmasse Censuram, quâ novum Amadei Guimenii de Pontificio indeficientis Judicii privilegio dogma Parisienses Theologi notarunt: Deinde Alexandrum VII. cum Inquisitorum decreto calculum adjecit suum, occasione tacitâ revocasse illam certè Constitutionis sua partem, quâ propter novum Guimenii dogma Parisiensium Theologorum censuram confixerat: Tum Alexandro injuriam magnam illatum iri ab eo, qui Pontificem hunc, rejectâ Parisiensium censurâ, novum Guimenii Dogma comprobasse pugnaret. Hinc enim necessario consequens foret, ut cum Romana Ecclesia Hadrianum Dertusensem Cardinalem elegit in suum Episcopum, imbutum Hæreticâ doctrinâ hominem elegisset in Episcopum, & in eam Doctrinam consensisset. Occurritur Tergiversationi, quâ in posterum prospicientes quidam ex adularice Curia Magistri, ut illum hunc quoquo modo effugiant, utuntur. p. 315.

#### VI. In Epistolâ ad HENRICUM BARRILLONIUM.

Perspicue demonstratur, Andreæ Eudæmon-Joannem, è Societate Jesu Theologum, in Ecclesiastica Quæstione historiâ graviter lapsum esse; cum falsis Curia & maxime Bellarmini præjudiciis occupatus scripsit, commune Catholicarum Ecclesiarum Dogma hoc esse, ut illa recipiant, in judicandis fidei causis ac moribus toti Ecclesiæ præscribendis Summum Pontificem nec Falli posse, nec Fallere: quod & ipsi etiam Parisiensi Academiæ asserunt. Contraria propositioni huic Parisiensis, Andegavensis, Aurelianensis, Tolosana, Bononiensis, Viennensis, Cracoviensis, Herfordiensis, Coloniensis, Lovaniensis, Papiensis, Sebensis, Hispaniensium Academicarum Doctrina explicatur. In Orientalium Academicarum locum Orientalis ipsa subrogatur Ecclesia, quæ per Veterum nationis sua Patrum Monumenta seipsam prodit. Certa quadam Parisiensis Academia propositio, quâ Eudæmon-Joannes abutitur, explanata, & ad legitimam Auctorum suorum intelligentiam reducta. Hinc, si quæ Academia veterem mutassent sententiam, his opponuntur multi Patres, in quibus Romani Pontifices duo, Celestinus I. & Sixtus III. Additur Scriptura, quæ sola sufficeret. p. 323.

#### VII. In alterâ ad eundem BARRILLONIUM Epistolâ.

Hadrianus VI. defenditur adversus Cardinalem Pallavicinum, & alios Aule sectatores; qui Hadrianum ad regendam Sedem Romanam, minus Idoneum fuisse calumniantur. Nimirum id facere voluit Pontifex, quod Lovaniensis Theologus faciendum esse docuerat; sive in iis, quæ ad Clerum omnem in Officio, in vestibus & vestitus Moderatione continentur, sive in iis, quæ ad relaxandos nonnisi necessaria & urgenti de causa sacros Canones, & ad legitimam Sacerdotiorum Distributionem pertinent: Quod Nepoti cuidam suo Unum dumtaxat Sacerdotium impertiret, & ut impertiret duo, adduci non potuerit; Quod ornandas esse Sacerdotibus Ecclesias, non ornandos esse Ecclesiis Sacerdotes, dicere solitus fuerit; Quod denique Romana Curia Vicia corrigere, & eam ad meliorem Frugem revocare, sibi omnino proposuerit. Aulicis in hæc instituenda vitæ Disciplinâ nec Cor sapit, nec Palatium. Sedis Romana circa infrequentem, & necessitate ac utilitate summâ tantum definitam, sacrorum Canonum Relaxationem, per Pontifices XXII. exponitur Traditio, quam Hadrianus, Pallavicini & cæterorum Aulicorum judicio, Pontifex mediocris, sibi semper ante oculos constituit. p. 340.

#### VIII. In



## Synopsis Argumentorum.

### VIII. In Epistolâ ad CAROLUM MAURITIUM TELLERIUM.

Ex Anastasio Bibliothecario eruntur certa quedam nova Rationum momenta, quibus Joana Papissæ Fabula clarissimam in lucem proditur, sed lucis hujus fugitans statim evanescit. Hinc Credendi Scribendique Facilitas, quæ in plerisque Auctoribus fabulam narrantibus deprehenditur, Errori potius, quàm Culpa adscribenda videtur. Credulitas hæc effecit, ut illi non Aurificum staterâ, sed Popolari solùm trutinâ examinaverint, quæ suos in commentarios jecerunt. Hoc ingenue fatendum est; quia negari nequit, id pluribus fuisse Persuasum, quod nemini persuaderi debuit. Sed quidquid in causâ, Veritati non præscribitur. Non dissimile de Cyriaco Papâ fictitio, adjungitur Commemum, quod ex eadem temporum Face in multorum libros, etiam in Ecclesiasticos codices, defluxit. Qui Cyriacum vindicavit nuper, reprehenditur; non modo, quia figmentum Anile propugnat, sed etiam quia propugnandis figmentis omnibus Viam aperit: Quo nihil est ab Ecclesiæ Spiritu alienius. p. 351.

## PARTIS QUINTÆ

### I. In Epistolâ ad CAROLUM MAGISTRUM.

Beatus Augustinus in variis, quas de Religione scripsit, Controversiis, non aliud Supremum vel ultimum iudicem agnoscit, quàm Episcoporum Concilium. Hinc Scriptura loca tria, [Oravi pro te, Petre, &c.] [Tu es Petrus, & Super hanc petram, &c.] & [Pasce oves meas] non interpretatur, ut interpretantur, qui ex illis Romano Pontifici Non-errandi Privilegium attribunt. Plenarii Concilii sententiam, cujuscunque Episcopi, etiam Romani, sententia anteponit. Quæ Augustini opinio, videtur sacris Ecclesiæ Ritibus consecrata. Ex occasione ostenditur, Synodicam Arelatensium Patrum Epistolam ad Silvestrum, non omnes continere seu Primi seu Secundi ordinis Antistites, qui Concilio interfuerunt. p. 361.

### II. In Epistolâ ad ANTONIUM VARILLAUM.

Examinantur Patrum Testimonia, ex quorum auctoritate Bellarminus non Errandi privilegium Romano Pontifici adscribit. Patres sunt Lucius I. Felix I. Leo I. Agatho, Nicolaus I. Leo IX. Innocentius III. Petrus Chrysologus, Theophylactus, Bernardus. Exponuntur & per seipsum, & per respondentem Unicuique Traditionem Ecclesiæ. Detegitur Bellarmini Fallacia, quæ Romanum Pontificem cum Sede Romanâ confundit, etiamsi plurimum inter se distinguantur. Pereunte Romano Pontifice, non Perit Sedes Romana, sed Vacare dicitur. In Theophylacto notatur insignis Bellarmini ætrogia. Florentina Synodi decretum opponitur, & Censura nota rejicitur, quam Parisiensem Placitum inurit. p. 375.

### III. In priori ad ANDREAM BERRUERIUM Epistolâ.

Ex damnatâ Romæ ab Inquisitoribus Propositione hæc, [Libri Prohibiti, donec Expurgentur, possunt Retineri, usque dum adhibitâ diligentia Corriganter] omnino infertur, Aristotelis libros complures turâ conscientia nec legi nec doceri posse, uspiam, etiam in Urbe, nisi exemplo Malo; quia Gregorius IX. Senonensis provincie Concilii vestigiis insistent, vetuit, nè damnati ab illo Concilio Aristotelis Libri legerentur, aut docerentur, Quousque examinati fuerint, & ab omni

Errorum suspicione Purgati. At nondum examinati, nondum purgati sunt. Examinabuntur & purgabuntur, quando Romanis Inquisitoribus placuerit. Agendi vetus Romanorum Pontificum in Sanctionibus hujusmodi Traditio perstringitur. p. 392.

### IV. In posteriori ad Eundem Epistolâ.

Ex occasione cujusdam Theologici Programmatæ, quo plerique Sapientes offensi sunt, Docetur, Theologia quæstiones sacrarum Scripturarum Auctoritate, & sanctorum Patrum Tractatibus, & Deductis inde Rationibus dirimendas esse; non Philosophorum opinionibus, aut frivolis Hypothesibus; quæ Christianos nec in Fide nec in Moribus adificant; sed quæ potius Theologiam & Religionem veram Hæreticorum & Gentilium ludibrio exponunt. Quæ in re Exempla mala nec pro Bonis habenda sunt, nec pro Lege, ut solet, legum Prævaricatio. Docetur, inquit, sic ibi, docetur sic alibi: sed an sic & sic Docendum sit, ex docendi in Facultate sacra Regulis asserendum est. Legitima non censetur Defensio, cum Facti quæstio in Juris quæstionem sufficitur. p. 394.

### V. In Epistolâ ad FELICEM PHELIPPÆUM BROSSAM.

Referuntur Hieronymi Epistola ad Damasum Pontificem due; ex quibus perperam intellectis, Romano Pontifici non Errandi privilegium vindicatur. Hæc per seipsas & per Hieronymum explicantur eum in sensum, qui Auctoris menti conveniat. Adjungitur Florentina Synodus, quæ in definitione Fidei Pontificiarum quæstionum omnium dirimendarum Modum certissimum præscribit. Sed illum Curie Adulatores sequuntur nulli, aut pauci, nisi Definitionis verba corrumperint, aut interpolaverint, contra fidem exemplarium Græcorum & Latinorum, quæ stante Synodo exarata sunt. p. 397.

### VI. In Epistolâ ad JACOBUM BEVILAQUAM.

Bellarminus Tridentina fidei professionem (quæ ab omnibus servanda est) negligit, cum Christi apud Lucam verba hæc, [Oravi pro te, Petre, &c.] secundum Unanimum consensum Patrum non interpretatur; quod paratius ex illis deducat, Petri successorem, Romanum Pontificem, Definendo Errare non posse. Referuntur Loci hujus Expositiones numero quatuor sanctorum Patrum & Theologorum; ut luculenter appareat, Bellarminum Tridentina fidei professionem Insuper habere, & Argumentum esse Inutile, quod ex memoratis verbis colligit. Sigillatim expenduntur, quæ Bellarminus ad Argumenti sui confirmationem scribit. Expositiones Patrum & Theologorum committuntur inter se; & ibi nulla Bellarmini consilio propriè inservit. p. 402.

### VII. In Epistolâ ad GUILLELMUM VOELLUM.

Bellarminus Tridentina fidei professionem (quæ ab omnibus servanda est) negligit, cum Christi apud Matthæum verba hæc [Tu es Petrus & Super hanc Petram, &c.] secundum Unanimum consensum Patrum non accipit; ut ex iis Probet, Petri successorem, Romanum Pontificem, Definendo errare non posse. Referuntur loci hujus Expositiones numero quatuor Patrum & Theologorum: Quibus omisiss; Bellarminus philosophatur, & male præterea Philosophatur. Patrum sincerè utitur nonnullis Patrum Auctoritatibus, quæ referuntur, atque Expenduntur. Patrum & Theologorum interpretationes Scripturæ quatuor contenduntur inter se; & quæ ad Tridentina fidei professionem magis accedunt, hæc Bellarmini consilio magis adversantur. p. 419.

### VIII. In

## Synopsis Argumentorum.

### VIII. In Epistolâ ad RAIMUNDUM FORMENTINUM.

Bellarminus Tridentini Concilii regulam de interpretandis juxta unanimum consensum Patrum Scripturis negligit; cum ex Christi apud Joannem verbis [Pascite oves meas] colligit, successorem Petri, Romanum Pontificem, Desiniendo errare non posse. Quas Patrum auctoritates refert vel indicat, hæc per ipsosmet Patres explicantur: Et sic explicata invalidum efficiunt Argumentum; & simul ostenditur, ex illis Auctoritatibus nihil nisi fallaciter concludi. Referuntur Romani Pontifices XL. qui, Episcopos suos appellando Coepiscopos, Demonstrant aperte, verba hæc [Pascite oves meas] sibi solis propria non esse; contra quam in argumento Bellarmini, ut valeat, sumendum est. Hæc autem certissima est Romana Ecclesia per suos Praesules Traditio, quæ à Stephano Papâ I. usque ad Innocentium III. Testimoniis præterpropter CCXX. asseritur; & confirmatur insuper ex Ephesina Synodi gestis, ad quæ nos Florentina Synodus remittit, ut sanciantur Romani Antistitis potestas. Cur Romani Pontifices Episcopos suos appellent Coepiscopos, disquiritur: Atque ex Cypriano, Optato, Hieronymo, & Symmacho Papâ, quibus prævit beatus Petrus, redditur Ratio. p. 433.

### IX. In Epistolâ ad THOMAM FORTINUM.

Defenduntur adversus fratrem Vincentium Baronem Duo maximè, quæ in parte primâ Epistolarum nostrarum traduntur. Unum est, B. Cyrilli Alexandrini testimonia, quæ S. Thomas suis in operibus refert, Cyrillo subiecta esse. Critices & Locorum Communium, quibus Baro S. Thomam tueretur, Futilitas declaratur splendide. Hinc Doctorem sanctum accusat potius, quam propugnat. Privilegia (si tamen nonnulla sint reipsâ & sine fraude concessa) quibus Presbyteri, Clerici, vel Monachi subtrahuntur Jurisdictioni & obedientia Diocesani Episcopi, defendi non possunt in Galliâ, nisi violatis Regis & Regni Juribus, & Libertatibus Gallicanæ Ecclesiæ. Alterum est, assertâ Romanæ Ecclesiæ per suos Praesules traditione confirmari omnino antiquum Gallicanæ Ecclesiæ, & Parisiensis Academia Dogma; Romanos nempe ipsos Pontifices Ecclesiæ, sacris Canonibus, & Conciliis verè subijci, & Non-errandi privilegio carere. Et hæc sunt præcipuè, quæ Gallic. Ecclesiæ Libertates dicuntur. Exinde Baro in Regum duorum Francisci I. & Ludovici XIV. Edicta, & Regni jura, & Gallicanæ Ecclesiæ libertates per occultas Insidias invadit; & cum Rom. Pontificem edificare nititur, Romanam Ecclesiam cum Pastore suo funditus evertit. Quid id est, per varia demonstratur Capita, quorum Inscriptiones remissam ante oculos constituunt. In quibusdam Epistolis meis Pii II. Epistolam ad Carolum VII. sincerè laudari ostenditur; & dua Baronis Philippica remouentur. Injecta de Cardin. Perronii ad Regem Angliæ Responsione dispelluntur Offucia; & habita de confutato nonnunquam Bellarmino Querimonia satisfiat abundè. In Capite ad Saturam, & in conclusione tractantur Variâ, quæ curioso Lectori fortasse non displiceant: Ubi & à disceptante Barone nova suppeditatur Ratio, quæ solâ relatum apud Thomam in Catenâ Cyrilli Testimonium supposititium esse probaretur. p. 447.

## PARTIS SEXTÆ

### I. In Epistolâ I. ad HENRICUM LUDOVICUM HABERTUM MOMMORIUM.

Ostenduntur res quatuor: Primum, quod nullus est Scriptura sacra locus, qui juxta Tridentina fidei

regulam, id est, juxta Unanimum consensum Patrum acceptus, Romano Pontifici universalium Conciliorum Indictionem & convocationem privatim vindicet. Id Gelasius I. Synodum benè vel malè gestam Desiniens confirmat. Deindè, quod Constantinus I. Concilia duo Nicanum præcedentia, Romanum & Arelatense fieri iussit. Tum, quod Nicanam Synodum indicit, & coëgit; indicisseque & coëgisse amplissimâ Traditione docetur. Ubi Prophnetici ad Constantinum IV. locus ex actis Synodi VI. quid hoc in negotio usui esse possit, exponitur, & redditur inutilis; quin etiam contrâ sententium Proposito contrarius demonstratur. Postremò, quod pleraque ex iis, quæ inter Nicanam Synodum & Constantinopolitanam I. intercedunt, Conciliis, auctoritate Principum indicta sunt & Coacta. Ubique diluuntur Objectiones, quæ ex Philosophicis potius, quam Theologicis principiis, Scripturâ & Traditione, comparantur. p. 483.

### II. In Epistolâ II. ad Eundem.

Theodosius Magnus Constantinopolitanam Synodum primam congregat: Bellarmini certa quadam Aberrationes corriguntur. Ecclesiastica & Historica de congregatione hæc Traditio asseritur: Pleraque ex iis, quæ inter Constantinopolitanam & Ephesinam Synodum interjacent, Conciliis, ab eodem Theodosio vel aliis Imperatoribus celebrantur. Horum in numero collocantur habita Carthaginensi Collationes, ubi beatus Augustinus doctrina Principatum tenet. p. 497.

### III. In Epistolâ ad GUILLELMUM VOELLUM.

Clerici & Monachi à Theodosio Juniore postulant, ut Synodum cogat. Theodosius de cogendâ Synodo apud se constituit. Ad Cyrillum & Metropolitanos scribit. Eam Ephesi indicit & convocat. Quæ de re ipsi sibi testis est pluribus in Epistolis; ut & Ephesina Synodus, quæ se passim in singulis panè Actionibus Imperatoria auctoritate convocata esse libenter agnoscit. Dispelluntur tenebræ, quibus lucem hanc Bellarminus eripere voluit. Ubi & à seipso discordat, & disputationum suarum laqueis irretitus tenetur. Verba Epistolæ Sixti III. ad Orientales corruptè proponit. Adhuc Sixti Epistola fabulosa ostenditur. p. 505.

### IV. In Epistolâ ad JOANNEM BRAYERUM.

Constantinopolitana Synodus Theodosii jussu habetur, ut Eutychetis causa dijudicetur. Hinc ejusdem Imperatoris auctoritate, Ephesina Synodus Secunda congregatur. Id Theodosius & Leo Papa testantur pluribus in Epistolis. Ephesina Synodus postquam Secunda Synodus non dicenda evasit; Leo instat & urget summo cum studio, ut Imperator Synodum aliam indicat, & aggreget. Indicta est Nicæa Synodus, sed paullo post Calchedonem translata per Valentianum & Marcianum. Probationes rei ex Imperatoribus, ex Leone Papâ, ex Calchedonenfis Synodi actionibus conglobantur aequaliter, & ferme Redundant. Expenduntur Leonis testimonia numero Tria, quæ Bellarminus Leoni opponit & perperam intelligit; relictis nempe pluribus Testimoniis, quæ Leonis mentem omnino patefaciunt. Gelasius Pontifex (cujus Textum Bellarminus vocabulis duobus auge) videtur neglexisse leges Historia, cum de Calchedonenfis Concilii indictione scribit: à Leone I. & ipsismet Concilii actis dissentit; & Historici tam qui præcesserunt, quam qui secuti sunt, à Gelasio dissentiant. In convocandis Conciliis, si non omnibus, certè in quâ plurimis, quæ inter Quartam & Quinam Synodum aggregata sunt, Imperatorum & Regum Auctoritas elucet. p. 509.

### V. In Epistolâ ad MICHAELEM MAROLLUM.

Justinianus Synodum V. indicit & convocat. Nec Bellarminus, nec Auctores ulli, qui sint alicujus nominis,



## Synopsis Argumentorum.

repugnant. Omnes Justinianea indictioni & Convocationi assentiuntur. Pelagii II. Epistola ad Orientales prima, ubi de generalium Synodorum Convocatione agitur, ficta & supposita pluribus Rationum momentis demonstratur. Ex Isidori Mercatoris officinâ prodiit. Inducuntur nonnulla Concilia, quae inter Quintam & Sextam Synodum à variis Principibus congregata reperiuntur. Congrediendum fuit cum Bellarmino, qui nec Scripturâ, nec Traditione, nec Auctoritate notabili, sed fallaci Syllogismo, quem Dialectici Pseudographum appellant, convocationem particularium, seu Regionalium Synodorum Principibus adimere voluit. Sincere semper agendum esse, Christiana nos docet Religio. p. 521.

### VI. In Epistolâ ad JACOBUM MALATESTAM.

Constantinus IV. Synodum Sextam indicit. Tot sunt indictionis hujusce Probationes, quot Synodi Actiones, in quibus hoc ipsum Patres attestantur; & cum primis Agatho Romanus Pontifex, qui nihil dissimulat, & veritatis amantior Bellarmino, Pelagii II. Epistole, venturis Isidori mercibus, occurrit. Imperatoria Indictionis & convocationis Traditio ad Nostram usque aetatem per varios Scriptores deducitur. In ea retardandâ vel inobscurandâ nullus se Bellarminus sinit. De nomine vocatur & laudantur Principes, qui Concilia inter Synodum VI. & VII. cogi jusserunt. p. 525.

### VII. In Epistolâ ad LUDOVICUM HENRICUM FAIUM SPESSEUM.

Expedita & facilis est Septima Synodi convocatio, quam Hadrianus I. Tharasius Constantinopolitanus Patriarcha, Synodus ipsa semel atque iterum Constantino & Irenae attribuit; & nullus obsistit. Vis obsistendi post Calchedonensem Concilium apud Bellarminum hebetari retundique coepit. Ad Constantinum & Irenae accurrunt quotquot Auctores, qui de Nicaenâ Synodo II. verba fecerunt. Subnectitur Disciplina, quae in quibusdam convocandis ab Regibus Conciliis, usque ad Octavam Synodum retenta & Observata est. In hac Epochâ & Disciplina Reges Galliae eminent; & ceteris Regibus antecellunt Carolus Magnus, Ludovicus Pius, Carolus Calvus. Hadriano I. fraudulenter obreptum est per Isidori Mercatoris collectionem Canonum, qua hoc in saeculo emerfit ad perpetuam Simplicitatem & illiteratorum hominum Fraudem. Regula Tres, quibus à falso fecernitur Verum, in questionibus Theologicis explicatur. p. 528.

### VIII. In Epistolâ ad HIERONYMUM SAMBOEUVIUM.

Octava Synodi convocationem Hadrianus I. sanctus Ignatius Patriarcha Constantinopolitanus, ipsimet Synodi hujus Patres Basilio Imperatori transcribunt. Historici vobis succurrunt Pauci, quia non omnes Synodum Octavam agnoverunt. Cur Florentina Synodus non agnoverit, Ostenditur. Adjunguntur certa quadam Concilia, quae varii Reges habuerunt. Confirmatur in hac Epistolâ, ut & in superioribus, Regi Carolo VIII. datum à Facultate Theologiae Responsum, de congregandis à Regibus Conciliis, si Pontifex ea congregare nollet. p. 532.

### IX. In Epistolâ ad RAIMUNDUM FORMENTINUM.

Sed Florentini Concilii finem, instauratum est circa illius Convocationem, quod sub initium Graecis absentibus, pro vetere apud ipsos Disciplina, fieri non potuit. Id quia observatione summâ dignum est, & fugientem à nobis Antiquitatem retinet, Horatio Justiniano Florentini Concilii actorum Editori nupero displicuit. Hinc Decreti, quo Graeci cum Latinis concordare efficiuntur, Inscriptionem aliter representat, quam primò

exarata sit, Omnibus post habitam concertationem Assentientibus. Refertur utraque Inscriptio, Vetus & Nova, ut nova vtrumque inter se prodant Contentio. In Justinianum culpa transferenda est, non in Petri Sedem, quae simplicitatem colit eminentissimam. Manet enim Petri privilegium, ubicunque ex ipsius fertur aequitate Judicium, ut ait S. Leo. p. 534.

### X. In Epistolâ ad THOMAM RULLANDUM.

Bellarmini ratio disputandi circa Conciliorum indictionem & Convocationem expenditur: Expensa in Bellarminum retorquetur; & ostenditur, Universalis Concilia, quae Romani Pontificis auctoritate Indicta & convocata sunt, Regum & Principum auctoritate indicta & convocata esse. Utitur locis communibus, qui Utenti magis, quam Adversario incommodant. Dum ille amorem Contradicens sequitur, Quaestionum lineis excidit. Continuo tria proponuntur vera Theologia Principia, quae inveniendae asserendaeque Veritati inserviunt, & falsitatem huic contrariam excindunt. Hac repetita displicere merito non possunt. p. 535.

### XI. In Epistolâ ad LUDOVICUM CUSINUM.

Demonstratur ex eo, Rejiciendam non esse Trideminam Synodum, quod eam Principes moribus antiquis non indixerint, aut congregaverint. Pontificia indictioni & convocationi idoneum consensum praeberunt. Sed quod rei caput est, Gelasius, Romanus Pontifex, in bene gesta Synodi definitione Indictionem & convocationem praetermittit; praetermissurus nunquam sine dubio, si ex Romana Sedis Traditione didicisset, Synodi generalis Indictionem & convocationem ad Synodi bene gesta naturam spectare. Bellarminus quocumque ducamur, hanc in re, velis nolis, id fateretur, cum ait, Consuetudini consuetudinem Opponi posse. Quae verba rem aliter atque aliter, hanc invidiam dogmatibus Ecclesiasticis mutatione corrigisse produm, & tamen Bellarminum illaqueant. Nam consuetudo prior Imperatorum est, posterior Pontificum. Sed illa non Deterior; quia Prior. p. 536.

### XII. In Epistolâ ad JACOBUM BEVILAQUAM.

Propositionis hujus apud Socratem & Sozomenum, [Canon Ecclesiasticus vetat, ne Decreta absque sententia Romani Episcopi Ecclesiis fiantur] vel [Acta irrita esse, quia praeter sententiam Rom. Episcopi constituuntur] Origo, Usus, & Progressus disquiruntur. Sed quia Canon hic Julii I. Rom. Pont. censui deputatur, in disquisitionis partem veniunt Romani Pontifices, qui Julii Decessores & Successores existere. Bellarminus aegre eas reus peragitur, cum ut laudatum Canonem asserat, Marcelli Papae Epistolam ad Episcopos Antiochena Provincia, & Synodum Alexandrinam in Epistolâ ad Felicem adducit: Adducere non debuit, quia Veritas hominum Mendacio non eget. Utraque Epistola & Marcelli & Alexandrina Synodi ad illum Mercatorem pertinet, cujus plenissima est falsorum Chirographorum officina. p. 538.

### XIII. In Epistolâ ad ANTONIUM FAURUM.

Qui vulgo dicitur Gregorius VII. Papa Dictatus, Gregorio abjudicatur. Abjudicandi rationes ex ipsomet Dictato quaruntur septem vel octo, quae & ab illius Ingenio & Scriptis plane dissident. Suppositor credidit satis esse, si Dictatus nonnullis Gregorii Placitis aptaretur. Aptatur quidem, sed pluribus aliis Adversatur. Id ad praefaciendam Fraudem sufficit: Quod enim bonum est, suis debet Cunctis Absolvi partibus, quarum Una si desit, quidquid Restat, Bonum esse desinit, quia Malum esse incipit. p. 542.

### XIV. In

## Synopsis Argumentorum.

### XIV. In Epistolâ ad LUDOVICUM MARÆSIUM.

*Animadversiones sunt XXI. quibus fratris Vincentii Baronis Exercitatio in nostram ad Thomam Fortinum Parisensem Theologum Epistolam castigatur. Animadversionum tituli rem satis aperiant & declarant.*

I. *Pauca de pluribus notantur Mendacia, cum ad specimen Operis, tum ad indicium Opificis.*

II. *In dicendis mendaciis superioribus, Consilium suum Baro exponit.*

III. *Frater Baro in Alexandrum VIII. contumeliosus.*

IV. *Frater Baro Romana Inquisitionis censuras nunc Parvi, nunc Magni pendit.*

V. *Insigne exemplum, quo calumniis mactati à Fratre Barone, has Patienter ferre debent; levatione quasitâ ex Romanis Pontificibus, & aliis præstantibus viris, qui Baronis judicio nos in Atheorum Voraginem præcipientes dederunt.*

VI. *Baronis Error circa Visibilis Ecclesiæ rationem detegitur & configitur.*

VII. *Pessimi consilii accusatus Baro, convincitur in Quaestione de Abdicandis ob Hæresim Regibus. Tum Quæstio hac certis & Idoneis ad disputandum Regulis profigitur.*

VIII. *Frater Baro in Exercitationis Articulo II. Paragrapho I. de pluribus Camarinam movet inconsulto.*

XI. *Frater Baro cum respondet, dissimulat, quæ in Adversarii Objectionibus sunt præcipua & Invieta.*

X. *Cum Baro pro evertentibus Episcopalem Obedientiam Privilegiis Pontificia & Regia auctoritati blanditur, Utriusque Exitium machinatur.*

XI. *Exemplum stupenda in explicandâ Theologorum, & cum primis Hadriani VI. circa Pontificium Non-errandi Privilegium mente Protervitat.*

XII. *Tradita à Barone definitio Definitionis ex Cathedrâ refertur, & ad S. Thomæ & Discipulorum ejus scripta expenditur & rejicitur.*

XIII. *Frater Baro Proteum agit. In Bellarmino, & in Cajetano se prodit Historia rudem & imperitum.*

XIV. *Frater Baro, ut suis & Curie studiis & placitis serviat, Christi Ecclesiam in statum Secularem transcribit.*

XV. *Frater Baro in Joanne XII. desultoria Levitatis exemplum præbet; & sibi turpiter Contradicit, & Innocentio III.*

XVI. *Frater Baro tantâ in scribendo laborat imprudentiâ, ut Adversarium cogat ea scribere, quæ ab eo nē scriberentur, omni ope & operâ eniti deberet.*

XVII. *Frater Baro in Romanam Synodum, quæ à Theodorico Rege Italia habita est pro causâ Symmachi, & in Baronium, injuriosissimus.*

XVIII. *In re, quæ ad laudatum à me ex Epistolâ Pii II. testimonium pertinet, Frater Baro peccatum suum convolvit, secum pugnat, gravissima Reprehensioni B. Thomam exponit, calces Gregorio IX. & Romanis censoribus impingit.*

XIX. *In Barone luculentum amissa fidei & frontis exemplum, circa Bellarmini de Gratiâ Efficaci sententiam, ostenditur.*

XX. *Frater Baro suus Naturale violat in Silentio, quod exigit Privata & familiaris Congressio.*

XXI. *Incredibilis est Baronis æneria, cum Adversario de vitiis Sociorum suorum Campanella & Catharini dicam scribit.*

p. 548.

## PARTIS SEPTIMÆ

### I. In Epistolâ I. ad MICHAËLEM GIRARDUM.

*Confutantur Annotationes Antonii Dadini Alteserræ, Jurisconsulti Tolosani, in Privilegium monasterii sancti Medardi Snesionensis. Suppositum esse Gregorio I.*

*Privilegium ostenditur. & multis, quæ adducuntur, Rationibus, palmares sunt numero Tres. Prima sumitur ex Joviniani & Stoicorum errore, qui ab auctore Privilegii incurritur; aut nusquam incurri potest. Altera ex falsis Episcoporum Subscriptionibus. Tertia ex Violatione sacrorum Canonum: Quæ Tria privilegium Gregorio in tantum abjudicant, in quantum abjudicari potest. Adducuntur multa, quibus probatur, difficile esse Epistolarum Recensionem, & ad eam Manuscriptos codices non sufficere. Fungenda est maxime Cognatio, Stabilitas & Constantia in Doctrina, quam Gregorius Magnus circa Principum Observantiam, ac circa Episcopalis Jurisdictionis, & sacrorum Canonum Custodiam semper retinuit. Quibus ferè Rationum momentis Sammedardense Privilegium, ut Gregorio subiectum aut interpolatum, rejicitur; iisdem rejiciuntur Augustodunensia Privilegia, numero Tria, totidem Epistolis, unâ ad Senatorem, alterâ ad Thessaliam, tertiâ ad Lupponem, comprehensa.*

p. 605

### II. In Epistolâ ad Eundem secundâ.

*Confutantur ejusdem Alteserræ Annotationes ad libri II. Indict. XI. Epistolam XLVIII. Gregorii Papæ, de necessariâ per Romanum Pontificem Provincialium Synodorum Confirmatione. Quæ sit hæc in re Gregorii sententia, per varias Epistolas disquiritur. Alteserræ toto aberravit cælo, dicens, Provincialia Concilia non habere vim, priusquam ab Romano Pontifice comprobentur. Id nec Gregorius exigit, nec Nicanum Concilium statuens, ut Provincialia Concilia bis in anno celebrentur. Alteserræ præsidium quasivit ex can. Conc. XVII. dist. qui nec re ipsa Canon est, & aliâ ab eo perperam intellectus, neglectâ Origine illius rei, quæ Gratianum in errorem induxit. Gratiani C. Alius discutitur, & in Discussionem apparet, purum putum esse Secularis Historia factum, quod nec Canon esse potest, & aliunde ab rei gesta Veritate in pluribus abhorret.*

p. 617.

### III. In Epistolâ ad JOANNEM JACOBUM BARILLONIUM.

*Continetur Tumulus Antonii Cavlerii, Baccalavrei Theologi, & Laudunensis Canonici, quo vix ullus fuit Religiosior, Modestior, & ad præstanda quælibet Christiana Pietatis ac Misericordia Opera expeditior: Atque hæc Tria universum sunt Capita, quæ verum Christi Discipulum efficiunt.*

p. 623.

### IV. In Epistolâ ad CÆSAREM Laudunensem Episcopum, Ducem, ac Parem Franciæ.

*Continetur Petri Maynonii, Laudunensis Canonici, Epitaphium; cuius summa est, Vivere Deo, Pauperibus, Sibi & Musis. Spartam hanc, quæ quadripartita est, impensè coluit. Dilexit Deum, ut qui maxime: Pauperes fovit, ut qui benignissime: Sibi suoque muneri satisfecit, ut qui diligentissime: Vacavit Musis, ut qui amantissime: Et tandem Omnia ut Singula absolvit. Hunc morbus insanabilis, & supremus vitæ dies hominem Prisci apud Christianos Moris ostenderunt.*

p. 624.

### V. In Epistolâ ad CAROLUM VAIRONIUM.

*Continetur Caroli Vaironii, Laudunensis quoque Canonici, Epitaphium; ubi & vitæ Honestas & Industria fecerunt, ut Cleri Syndicus crearetur. Commendabilem reddiderunt, quæ eo in Officio gnæviter & industriâ gessit. Primus omnium exstruendi Gerontocomii suavor & auctor fuit; & ob id continuo sat magnam Pecuniæ summam largitus est. Perspectâ & animadversâ Seminarii Clericorum Utilitate, immò & Necessitate, illud pro viribus & facultatibus Promovit.*

p. 625.

### VI. In Epistolâ I. ad JOANNEM RULLANDUM.

*Augustodunensia Privilegia numero Tria, quorum Unum*



## Synopsis Argumentorum.

in libri XI. epistolarum Gregorii Papa I. epistola X. ad Senatorem; Alterum in epistola XI. ad Thessaliam; Tertium in epistola XI. ad Lupponem continetur, referuntur, & Gregorio Subjecta vel certe Interpolata demonstrantur. Hic supponitur, non repetitur quaestio ex Foviniani & Stoicorum Hæresi ratio, quæ in priori ad Michaellem Girardum Epistolâ latius explicatur. Supponitur quoque, non repetitur, quod ibidem notatur, Privilegia hæc tria iisdem planè exarari verbis, si uniuscujusque Privilegii, seu Epistola Titulus excipiat vel Inscriptio. Adferuntur Rationes Duae, quæ ad Gregorii morem, & Stylum scribendi pertinent. Comparatur prior ex Epistolis octo, in quibus varia concedit Privilegia: sed ibi nusquam adhibetur Clausula postrema, quæ in Augustodunensibus adhibetur privilegiis, etiamsi par adhibendi sese præbeat occasio. Comparatur posterior ex epistolis XV. in quibus Gregorius Simoniacam pravitatem, seu, ut vocat, Hæresim exagitat: sed ibi nusquam adhibetur clausula Postrema, quæ in Augustodunensibus adhibetur privilegiis, etiamsi par, immo major adhibendi sese præbeat Occasio. Ad extremum memorata clausula [Siquis verò Regum, &c.] definitur Tempus, quod à Gregorio distat pluribus sæculis. Quæ sola Observatio Augustodunensia privilegia tria Gregorio satis superque abjudicaret. p. 626.

### VII. In Epistolâ ad Eundem secundâ.

Baronius neglexit leges Historia scribens, Græcos Historicos omnes prodidisse literis, Leonem Isaurum à Gregorio II. privatum esse exactiōe Tributorum Italia. Ex quaestione hæc, quæ Facti est & in factò versatur, fit gradus ad Juris quaestionem; quam & vetustiorum Patrum Doctrina, & Sedis Apostolica Traditio dirimit; & dirimendo, potestatem privandi Reges exactiōe Tributorum, Romanis Pontificibus abjudicat. Gregorii II. epistola duæ ad Leonem Isaurum referuntur pænè integra; & in iis observantur multa, quæ Juris quaestionem illustrent: Ubi & hæc est ingenua Pontificis confessio: Pontificem introspectiendi in Palatium potestatem non habere, ac Regias dignitates deferendi. Quod Lemma in gratiam Gregorii confirmatur productis Patrum, & Romanorum Pontificum testimoniis: Ex quibus liquido patet, Christi verba hæc ad B. Petrum [Pascè oves meas] ad potestatem Privandi Reges suis regnis, & Imperiis non flecti, & eos qui flectunt, & cum primis Bellarminum, violare Tridentina professionis fidei Articulum hunc: [Item sacram Scripturam juxta eum sensum, quem tenet, & tenuit sancta mater Ecclesia, cujus est Judicare de vero sensu, & interpretatione sacrarum Scripturarum, admitto, nec eam unquam nisi juxta unanimum consensum Patrum Accipiam & interpretabor;] Deinde uti Rationibus, quæ plena sunt Fallacii. p. 633.

### VIII. In Epistolâ ad CAROLUM PRESTIUM.

Bellarminus in lucem prodit, & statim Rejicitur; cum in Theologicis Philosophicâ tantum ratione utatur, ut Romanum Pontificem Hæreticos Reges de regnis suis Deturbare posse confirmet. In propositione Ponderis tantum, non sufficit Aristoteles; sed præterea Propheta, Evangelista, & Apostoli requiruntur. Deinde licet Philosophica Bellarmini ratio admittatur, sophisticâ fraude non carere, Ostenditur. Bellarmino philosophanti Gregorius II. opponitur; cui aptum & Idoneum nihil unquam respondebitur. Nam Pontifex ille, in posteriori ad Rullandum Epistolâ, Testimoniis Patrum & perpetuâ Sedis Romana Traditione armatus in Aciem procedit. p. 644.

### IX. In Epistolâ ad LUDOVICUM MARÆSIUM.

Bellarminus falsò docet, Historicos omnes tam Græcos, quam Latinos tradere, Zachariam Romanum Ponti-

ficem deposuisse Childericum Regem Francorum, & jussisse, ut Pipinus Rex crearetur. Historici XI. quos ille in medium profert, expanduntur; & planum fit, Paucos esse, qui tradant Duo illa, quæ sibi sumit. Hic qui, & qualis sit Bellarminus in citandis Auctoribus, patet. Ad hæc Historici produuntur alii Pures, qui Bellarmino minimè consentiunt. In commodum sensum exponuntur quorundam Historicorum verba, quibus Adulatores Curia abui solent. Zacharias Francorum consultationi respondit; & metienda est ex consultatione vel interrogatione Responsio. In consultatione suâ Franci non petebant à Zachariâ, ut Childericum Regem deponeret, & in ejus locum creari Pipinum juberet. Bellarminus fucum facit de Calvino & Magdeburgensibus, quos causæ huic interponit; perinde ac si negotium fidei ageretur. Quâ in re Bellarminus & Magdeburgenses conveniunt, & quâ in re non conveniunt, Ostenditur. p. 645.

### X. In Epistolâ ad CLAUDIUM AMELINAM.

Examinatur, Utrum id quod inter Ambrosium, & Theodosium ob eadem Thessalonicensem peractum est, inservire possit Bellarmino, ut Probet, Romanum Pontificem in ordine ad Bonum Spirituale summam Potestatem habere Disponendi de rebus Temporalibus Christianorum omnium. Inservire nihil quicquam posse, demonstratur. Bellarminus Theodoretum laudat, nec quid ille scribat, satis attendit. Theodoretus Textus integer refertur. Ambrosii, Paulini, Rufini, Augustini, Sozomeni testimonia adjunguntur. Bellarminus in hos Patres non inspicit, cum ait Theodosium ab Ambrosio Excommunicatum fuisse. Non inspicit quoque in seipsum alio in loco de Excommunicatione disferentem; & sic pugnancia locutus est. Quid Ambrosius, & Augustinus de Potentioribus Excommunicandis sentiant, notatur. p. 652.

### XI. In Epistolâ ad RAIMUNDUM FORMENTINUM.

Refellitur opinio quorundam Theologorum Recentium, qui ex verbis Scripturæ sacræ [Quodcunque solveris] colligunt, Romanum Pontificem posse Regum Subditos à jumento Fidelitatis absolvere. Sed fallaci ratione colligunt, & violant Professionis fidei articulum hunc: Item sacram Scripturam juxta eum sensum, quem tenet & tenuit sancta mater Ecclesia, cujus est Judicare de vero sensu, & interpretatione sanctarum Scripturarum, admitto, nec eam unquam nisi juxta unanimum consensum Patrum accipiam & Interpretabor.] In Epistolâ nostrâ servatur hic articulus duplici modo, qui in unum & eundem recidit. Et primum in luce, & in oculis omnium desiguitur Romana Sedis Traditio, in quâ Cardinales permulti Romanis Pontificibus conjunguntur. Accedunt Generales Synodi tres, Ephesina, Nicæna Secunda, & Tridentina. Deinde unanimis sanctorum Patrum, aliorum Ecclesiasticorum Tractatorum, & celebrium & scholâ Magistrorum in eandem intelligentiam Conspiratio. Hinc apertam in lucem prodit Oratio, quæ in festo Cathedræ S. Petri in divinis Romana Ecclesia officiis à tempore Gregorii Papa I. usque ad tempus Clementis Papa VIII. recitata est; ubi Ligandi & Solvendi Potestas in ligandis, & solvendis Animabus definitur. Hæc in re Mediolanensis Ecclesia cum Romanâ in Missali Ambrosiano consentit. Quæ vox [Animas] licet ex Romano Breviario & Missali sublata sit, propter adeò Vetustam tamen traditionem, Veritatis indicem, sustineri potuit; & cur remanere debuerit, ratio sat conveniens redditur: Nec siletur, quod de Leone IV. & Anastasio Bibliothecario adfertur. Ut Pontifices quidam in recitandis divinis Ecclesiæ suæ officiis ligandi, & solvendi animas Pontificum; sic & Pontifices alii in œcumenicis Conciliis ligandi, & solvendi peccata Potestatem dixerunt. Sed illi omnes Unum & Idem

## Synopsis Argumentorum.

*Idem dixerunt. De Sedis Romana traditione, & de SS. Patrum doctrinâ, Gregorio VII. in Romanâ Synodo contra Henricum IV. & Innocentio IV. in Lugdunensi Synodo contra Fredericum II. decernenti accommodatur; & Greg. & Innoc. subreptum vel obreptum esse ostenditur. Plerique Doctores, & Florentina Synodus obreptionem, vel Subreptionem valide confirmant. An Lugdunensis illa Synodus prima sit Oecumenica, disputatur; & Bellarminus nisi secum pugnet, & ob id repellatur à ferendo Iudicio, generalem seu Oecumenicam non esse concludit. Quæstio non Juris, sed Facti est. p. 656.*

### XII. In Epistola ad MICHAËLEM GIRARDUM.

*Id Defenditur, quod in primâ ad eundem Epistolâ adversus privilegium Sammedardense, primùm in Veritatis, deinde in Regum nostrorum, tum in Gregorii primi Gratiam scriptum fuerat. Defensio hac Capitulis XXXIII. continetur. In unoquoque capite Alteserra Dicta, Obiecta, Responsa, Parerga referuntur & refelluntur; & quæ respondendo dissimulat, notantur. Antiquus juris Antistes in cap. I. argumentum Falsi ab Adversario propositum truncavit. In cap. II. luculentè imponit scribens, Gregorii atque privilegia Exemptionis, & à Fundatoribus Monasteriorum petita, & à Sede Romanâ concessa esse, cujusmodi Sammedardense & Augustodunensis. In cap. III. Toletana Concilia laudantur duo, IV. & IX. quibus quia confirmatione Pontificiâ carent, auctoritatem nullam tribuit. In cap. IV. Regi injuriosus ostenditur, scribens in fundando Monasterio Regis & Plebei conditionem Parem esse, & eam ob causam Duriorem minime videri penam, quæ Sammedardensi privilegio apponitur. In cap. V. falsò dicit in pœnis Ecclesiasticis personarum Distinctionem nullam fieri. In cap. VI. quod à me notatum fuerat, nempe nec Joannem III. nec Gregorium I. Sammedardensis privilegii Auctores esse, dissimulat. In cap. VII. perperam ait, Landerici Parisiensis Episcopi privilegium eandem habere cum Sammedardensi privilegio Formulam, de quâ disputatur. In cap. VIII. contendit falsò, Legitimam, & canonicam esse Penam, quæ in Sammedardensi privilegio statuitur: Et cum Gregorio legumlationem tribuit, improprie loquitur, & in Romanorum Pontificum scriptis minus exercitatum se esse prodit. In cap. IX. cum ait, latam in Sammedardensi privilegio Penam nudam Imprecationem, & nudam Comminationem esse; merum est effugium, quod statim intercluditur. In cap. X. videtur nullam Joanniani, & Stoicorum errorem agnoscere, nè si agnosceret, ferret incommodum. In cap. XI. Alteserra mala fides & Tergiversatio detegitur, cum ut Sammedardense privilegium defendat, ea suggerit de quibus non agitur. In cap. XII. significat se legisse Petrum Damianum, quem adduxeram: Sed Textum illius non refert, quò facilius responderet, quod non auderet, relato textu, respondere. Hinc describuntur Argumenta duo, quæ coactus est intacta relinquere. In cap. XIII. fragmenta de Inscriptione [Ad omnes Episcopos Galliarum] disselluntur; & aliena sunt, quæ de Episcoporum Veteri more Scribendi obijcit. In cap. XIV. fingit id à me factum, quod factum non est, velle me scilicet Gregorio Inscriptionis Epistolarum Formulam imponere. In cap. XV. & in cap. XVI. Alteserra male arguitur fidei, quod Adversarii argumenta referens duo illa magnâ sui parte muilet. Tum ut sua teneatur effugia, Gregorium in absurdas complexiones deducit. In cap. XVII. palàm fit, Privilegium omne sacris Canonibus derogans in perpetuum, & Inferiores à Superiorum obedientia subducens (quia Pontificiam & Regiam Dignitatem, Ecclesiasticam, & monasticam vitæ integritatem graviter sine dubio minuit) non posse non esse Subreptum vel Obreptum. Id latè probatur & Inviçè. In cap. XVIII. intercluditur repetitum Effugium, quo recipit in Sammedardensi privilegio legem dictam non Regi, sed Fundatori monaste-*

*rii; atque hoc ut Regem jure Patronatus privet facilius. Id animo imbibit, ut Rex jure Patronatus privetur, si vel Monachi unius quietem turbet. In cap. XIX. Can. Eleutherius discutitur, & incerti Auctoris esse demonstratur. Tum ad Quæstionem inutilis est. In cap. XX. non erubescit dicere, à Gregorii genio alienam non esse Clausulam, quæ in argumentum falsi assumitur; & tamen certum est, nihil esse à Gregorii genio magis alienum, Enumeratione per omnes illius Epistolas factâ. In cap. XXI. quæstum à Subscriptionibus Episcoporum argumentum falsi inscitè eludit, ad aliud Subscriptionis Episcoporum genus divertens. In cap. XXII. cum ait Sammedardense privilegium inter Epistolas Gregorii fuisse, quo tempore Joannes Diaconus vitam Gregorii composuit; Id sibi sumit, quod Probaturus est nunquam. In cap. XXIV. Alteserra ratione falsâ inductus scripsit Perronium, & Gretserum Sammedardense rejecisse privilegium. Rejecerunt quia Falsum illis visum est. In cap. XXIII. dissimulat, quæ Adversarius de Romano Archivo, & de contentis in eo Gregorii operibus animadvertat; & monuerat insuper, in penitentialibus Psalmos VI. Commentarium, qualis est in operibus Gregorii, non esse illius: Et nunc hoc ipsum tribus Testimoniis à commentario petitis probatur. In cap. XXV. dicit, Adversarium Augustodunensi privilegio (scribendum erat, tribus Augustodunensibus privilegiis) non parcere: Nec iis respondet, quæ obijcit Adversarius, ut illa Gregorio supposita esse confirmet. In cap. XXVI. ne, ut par est, respondeat Argumento, quod ex Joanne Diacono ducitur, id suis convestitum adjunctis & Conditionibus non repræsentat. In cap. XXVII. pugnat Veritati præscribi posse: Et hoc solum Propone, Confutare est. In cap. XXVIII. inutiliter profert C. Hinc est etiam. XVI. qu. I. ut Augustodunensis Xenodochii privilegium verum esse comprobet. Gratiani opus est, non Gregorii Papa, non illius etiam qui privilegium Gregorio subjecit. In cap. XXIX. Damiani Epistolam, quam laudat, non legisse convincitur. Non probat quod probandum erat, fuisse tunc quendam Romæ Epistolarum Gregorii codicem, qui Sammedardensis, & Augustodunensis privilegia exhiberet. In cap. XXX. non minuit, sed potius malè respondendo augeat falsi suspensionem, quæ petitur ex Gregorii Epistolis, ubi Pontifex ne qui Presbyter vel Diaconus est, sit Abbas, vel ne qui Abbas, sit eodem tempore Abbas, & Presbyter, vel Diaconus, vetat. In cap. XXXI. tantâ cum Judicii vi, & acrimoniâ disputat, ut cogatur fabulas de Cyriaco Papâ, de Germano Autissiodorensi Regem Angliæ ex subulco creante, & Joannâ Papissâ, ut veras Historias admittere. In cap. XXXII. Alteserra imprudenti diligentia confirmat falsi indicium ex eo petiitum, quod Gregorius Episcopum qui viveret & cui scriberet, virum Apostolicum nusquam appellaverit. Repetuntur Argumenta Triâ, quæ tacendo corroborat. Notantur MSS. Epistolarum Gregorii codices XIX. in quibus Sammedardense non habetur privilegium. His accedunt MSS. codices omnes Angliæ. Contra Sammedardense, & Augustodunensis privilegia conglutinantur Præscriptiones multe. In cap. XXXIII. Romana Inquisitionis censuras obijciens Alteserra, Camarinam movet, & suo sibi jumento malum accersit ex Parisiensi Senatusconsulto contra Joannem Chastellum parricidam factò, quod Romani Censores damnaverunt, & prohibitorio Indici adscripserunt. Hi nonnunquam in notandis Libris jure Pignorationis utuntur, idque exemplo comprobatur. Expeditum adversus Censuras hujusmodi Amuletum, cuius vim nulla unquam minutura est etas? Alteserra, ut ἀλλὰ ὅν ob Sammedardensis privilegium, & in eo sancitæ contra Reges nostros Penæ defensionem, Martyrium expectare se dicit. p. 674.*

PAR-



## Synopsis Argumentorum.

in libri XI. epistolarum Gregorii Papæ I. epistola X. ad Senatorem; Alterum in epistolâ XI. ad Thessaliam; Tertium in epistolâ XI. ad Lupponem continetur, referuntur, & Gregorio Subiecta vel certè Interpolata demonstrantur. Hic supponitur, non repetitur quæstia ex Joviniani & Stoicorum Hæresi ratio, quæ in priori ad Michaellem Girardum Epistolâ latius explicatur. Supponitur quoque, non repetitur, quod ibidem notatur, Privilegia hæc tria iisdem planè exarari verbis, si uniuscujusque Privilegii, seu Epistolæ Titulus excipiat vel Inscriptio. Adferuntur Rationes Duæ, quæ ad Gregorii morem, & Stylum scribendi pertinent. Comparatur prior ex Epistolis octo, in quibus varia concedit Privilegia: sed ibi nusquam adhibetur Clausula postrema, quæ in Augustodunensibus adhibetur privilegiis, etiamsi par adhibendi sese præbeat occasio. Comparatur posterior ex epistolis XV. in quibus Gregorius Simoniacam pravitatem, seu, ut vocat, Hæresim exagitat: sed ibi nusquam adhibetur clausula Postrema, quæ in Augustodunensibus adhibetur privilegiis, etiamsi par, immo major adhibendi sese præbeat Occasio. Ad extremum memorata clausula [Siquis verò Regum, &c.] definitur Tempus, quod à Gregorio distat pluribus sæculis. Quæ sola Observatio Augustodunensia privilegia tria Gregorio satis superque abjudicaret. p. 626.

### VII. In Epistolâ ad Eundem secundâ.

Baronius neglexit leges Historiæ scribens, Græcos Historicos omnes prodidisse literis, Leonem Isaurum à Gregorio II. privatum esse exactione Tributorum Italiæ. Ex quæstione hæc, quæ Facti est & in factò versatur, fit gradus ad Juris quæstionem; quam & vetustiorum Patrum Doctrina, & Sedis Apostolica Traditio dirimit; & dirimendo, potestatem privandi Reges exactione Tributorum, Romanis Pontificibus abjudicat. Gregorii II. epistola duæ ad Leonem Isaurum referuntur pænè integra; & in iis observantur multa, quæ Juris quæstionem illustrent: Ubi & hæc est ingenua Pontificis confessio: Pontificem introspectendi in Palatium potestatem non habere, ac Regias dignitates deferendi. Quod Lemma in gratiam Gregorii confirmatur productis Patrum, & Romanorum Pontificum testimoniis: Ex quibus liquido patet, Christi verba hæc ad B. Petrum [Pascite oves meas] ad potestatem Privandi Reges suis regnis, & Imperiis non flecti, & eos qui flectunt, & cum primis Bellarminum, violare Tridentinæ professionis fidei Articulum hunc: [Item sacram Scripturam juxta eum sensum, quem tenet, & tenuit sancta mater Ecclesia, cujus est Judicare de vero sensu, & interpretatione sacrarum Scripturarum, admitto, nec eam unquam nisi juxta unanimem consensum Patrum Accipiam & interpretabor;] Deinde uti Rationibus, quæ plena sunt Fallacis. p. 633.

### VIII. In Epistolâ ad CAROLUM PRESTIUM.

Bellarminus in lucem prodit, & statim Rejicitur; cum in Theologicis Philosophicâ tantum ratione utatur, ut Romanum Pontificem Hæreticos Reges de regnis suis Deturbare posse confirmet. In propositione Ponderis tantum, non sufficit Aristoteles; sed præterea Propheta, Evangelista, & Apostoli requiruntur. Deinde licet Philosophica Bellarmini ratio admittatur, sophisticâ fraude non carere, Ostenditur. Bellarmino philosophanti Gregorius II. opponitur; cui aptum & Idoneum nihil unquam respondebitur. Nam Pontifex ille, in posteriori ad Rullandum Epistolâ, Testimoniis Patrum & perpetuâ Sedis Romana Traditione armatus in Aciem procedit. p. 644.

### IX. In Epistolâ ad LUDOVICUM MARÆSIUM.

Bellarminus falsò docet, Historicos omnes tam Græcos, quam Latinos tradere, Zachariam Romanum Ponti-

ficem deposuisse Childericum Regem Francorum, & jusfisse, ut Pipinus Rex crearetur. Historici XI. quos ille in medium profert, expanduntur; & planum fit, Paucos esse, qui tradant Duo illa, quæ sibi sumit. Hic qui, & qualis sit Bellarminus in citandis Auctoribus, patet. Ad hæc Historici produntur alii Plures, qui Bellarmino minime consentiunt. In commodum sensum exponuntur quorundam Historicorum verba, quibus Adulatores Curie abusi solent. Zacharias Francorum consultationi respondit; & metienda est ex consultatione vel interrogatione Responsio. In consultatione suâ Franci non petebant à Zachariâ, ut Childericum Regem deponeret, & in ejus locum creari Pipinum juberet. Bellarminus fucum facit de Calvino & Magdeburgensibus, quos causa huic interponit; perinde ac si negotium fidei ageretur. Quâ in re Bellarminus & Magdeburgenses conveniunt, & quâ in re non conveniunt, Ostenditur. p. 645.

### X. In Epistolâ ad CLAUDIUM AMELINAM.

Examinatur, Virum id quod inter Ambrosium, & Theodosium ob cadem Thessalonicensem peractum est, inservire possit Bellarmino, ut Probet, Romanum Pontificem in ordine ad Bonum Spirituale summam Potestatem habere Disponendi de rebus Temporalibus Christianorum omnium. Inservire nihil quicquam posse, demonstratur. Bellarminus Theodoretum laudat, nec quid ille scribat, satis attendit. Theodoretus Textus integer refertur. Ambrosii, Paulini, Rufini, Augustini, Sozomeni testimonia adjunguntur. Bellarminus in hos Patres non inspicit, cum ait Theodosium ab Ambrosio Excommunicatum fuisse. Non inspicit quoque in seipsum alio in loco de Excommunicatione disferentem; & sic pugnancia locutus est. Quid Ambrosius, & Augustinus de Potentioribus Excommunicandis sentiant, notatur. p. 652.

### XI. In Epistolâ ad RAIMUNDUM FORMENTINUM.

Refellitur opinio quorundam Theologorum Recentium, qui ex verbis Scripturæ sacre [Quodcunque solveris] colligunt, Romanum Pontificem posse Regum Subditos à jramento Fidelitatis absolvere. Sed fallaci ratione colligunt, & violant Professionis fidei articulum hunc: Item sacram Scripturam juxta eum sensum, quem tenet & tenuit sancta mater Ecclesia, cujus est Judicare de vero Sensu, & interpretatione sanctarum Scripturarum, admitto, nec eam unquam nisi juxta unanimem consensum Patrum accipiam & interpretabor. In Epistolâ nostrâ servatur hic articulus duplici modo, qui in unum & eundem recidit. Et primum in luce, & in oculis omnium desigatur Romana Sedis Traditio, in quâ Cardinales permulti Romanis Pontificibus conjunguntur. Accedunt Generales Synodi tres, Ephesina, Nicæna Secunda, & Tridentina. Deinde unanimis sanctorum Patrum, aliorum Ecclesiasticorum Tractatorum, & celebrium è scholâ Magistrorum in eandem intelligentiam Conspiratio. Hinc apertam in lucem prodit Oratio, quæ in festo Cathedra S. Petri in divinis Romana Ecclesia officiis à tempore Gregorii Papæ I. usque ad tempus Clementis Papæ VIII. recitata est; ubi Ligandi & Solvendi Potestas in ligandis, & solvendis Animabus definitur. Hæc in re Mediolanensis Ecclesia cum Romanâ in Missali Ambrosiano consentit. Quæ vox [Animas] licet ex Romano Breviario & Missali sublata sit, propter adeò Vetustam tamen traditionem, Veritatis indicem, sustineri potuit; & cur remanere debuerit, ratio sat conveniens redditur: Nec siletur, quod de Leone IV. & Anastasio Bibliothecario adfertur. Ut Pontifices quidam in recitandis divinis Ecclesiæ suæ officiis ligandi, & solvendi animas Pontificum; sic & Pontifices alii in œcumenicis Conciliis ligandi, & solvendi peccata Potestatem dixerunt. Sed illi omnes Unum &

Idem

## Synopsis Argumentorum.

Idem dixerunt. De Sedis Romana traditione, & de SS. Patrum doctrina, Gregorio VII. in Romanâ Synodo contra Henricum IV. & Innocentio IV. in Lugdunensi Synodo contra Fredericum II. decernenti accommodatur; & Greg. & Innoc. subreptum vel obreptum esse ostenditur. Plerique Doctores, & Florentina Synodus obreptionem, vel Subreptionem valide confirmant. An Lugdunensis illa Synodus prima sit Oecumenica, disputatur; & Bellarminus nisi secum pugnet, & ob id repellatur à ferendo iudicio, generalem seu Oecumenicam non esse concludet. *Quaestio non Juris, sed Facti est.* p. 656.

### XII. In Epistola ad MICHAELEM GIRARDUM.

Id Defenditur, quod in primâ ad eundem Epistolâ adversus privilegium Sammedardense, primum in Veritatis, deinde in Regum nostrorum, tum in Gregorii primi Gratiam scriptum fuerat. Defensio hac Capitulis XXXIII. continetur. In unoquoque capituli Alteserra Dicta, Obiecta, Responsa, Parerga referuntur & refelluntur; & quae respondendo dissimulat, notantur. Antiquus juris Antistes in cap. I. argumentum Falsi ab Adversario propositum truncavit. In cap. II. luculentè imponit scribens, Gregorii aetate privilegia Exemptionis, & à Fundatoribus Monasteriorum petita, & à Sede Romanâ concessa esse, cuiusmodi Sammedardense & Augustodunensis. In cap. III. Toletana Concilia laudantur duo, IV. & IX. quibus quia confirmatione Pontificiâ carent, auctoritatem nullam tribuit. In cap. IV. Regi injuriosus ostenditur, scribens in fundando Monasterio Regis & Plebei conditionem Parem esse, & eam ob causam Duriorem minime videri penam, quae Sammedardensi privilegio apponitur. In cap. V. falsò dicit in pœnis Ecclesiasticis personarum Distinctionem nullam fieri. In cap. VI. quod à me notatum fuerat, nempe nec Joannem III. nec Gregorium I. Sammedardensis privilegii Auctores esse, dissimulat. In cap. VII. perperam ait, Landerici Parisiensis Episcopi privilegium eandem habere cum Sammedardensi privilegio Formulam, de qua disputatur. In cap. VIII. contendit falsò, Legitimam, & canonicam esse Penam, quae in Sammedardensi privilegio statuitur: Et cum Gregorio legumlationem tribuit, improprie loquitur, & in Romanorum Pontificum scriptis minus exercitatum se esse prodit. In cap. IX. cum ait, latam in Sammedardensi privilegio Penam nudam Imprecationem, & nudam Comminationem esse; merum est effugium, quod statim intercluditur. In cap. X. videtur nullum Joviniani, & Stoicorum errorem agnoscere, nè si agnosceret, ferret incommodum. In cap. XI. Alteserra mala fides & Tergiversatio detegitur, cum ut Sammedardense privilegium defendat, ea suggerit de quibus non agitur. In cap. XII. significat se legisse Petrum Damianum, quem adduxeram: Sed Textum illius non refert, quò facilius responderet, quod non auderet, relato textu, respondere. Hinc describuntur Argumenta duo, quae coactus est intacta relinquere. In cap. XIII. figmenta de Inscriptione [Ad omnes Episcopos Galliarum] dispelluntur; & aliena sunt, quae de Episcoporum Veteri more Scribendi obijcit. In cap. XIV. fingit id à me factum, quod factum non est, velle me scilicet Gregorio Inscriptionis Epistolarum Formulam imponere. In cap. XV. & in cap. XVI. Alteserra mala arguitur fidei, quòd Adversarii argumenta referens dno illa magnâ sui parte muilet. Tum ut sua teneatur effugia, Gregorium in absurdas complexiones deducit. In cap. XVII. palam fit, Privilegium omne sacris Canonibus derogans in perperum, & Inferiores à Superiorum obedientia subducens (quia Pontificiam & Regiam Dignitatem, Ecclesiasticam, & monasticam vite integritatem graviter sine dubio minuit) non posse non esse Subreptum vel Obreptum. Id late probatur & Invidet. In cap. XVIII. intercluditur repetitum Effugium, quo recipit in Sammedardensi privilegio legem dictam non Regi, sed Fundatori monaste-

rii; atque hoc ut Regem jure Patronatus prioret facilius. Id animo imbibit, ut Rex jure Patronatus prioretur, si vel Monachi unius quietem turbet. In cap. XIX. Can. Eleutherius discuitur, & incerti Auctoris esse commonstratur. Tum ad Quaestionem inutilis est. In cap. XX. non erubescit dicere, à Gregorii genio alienam non esse Clausulam, quae in argumentum falsi assumitur; & tamen certum est, nibile esse à Gregorii genio magis alienum, Enumeratione per omnes illius Epistolas factâ. In cap. XXI. quaesitum à Subscriptionibus Episcoporum argumentum falsi insciitè eludit, ad aliud Subscriptionis Episcoporum genus divertens. In cap. XXII. cum ait Sammedardense privilegium inter Epistolas Gregorii fuisse, quo tempore Joannes Diaconus vitam Gregorii composuit; Id sibi sumit, quod Probaturus est nunquam. In cap. XXIV. Alteserra ratione falsâ inductus scripsit Perronium, & Gretserum Sammedardense rejecisse privilegium. Rejecerunt quia Falsum illis visum est. In cap. XXIII. dissimulat, quae Adversarius de Romano Archivo, & de contentis in eo Gregorii operibus animadvertenterat; & monuerat insuper, in penitentialibus Psalmos VI. Commentarium, qualis est in operibus Gregorii, non esse illius: Et nunc hoc ipsum tribus Testimoniis à commentario petitis probatur. In cap. XXV. dicit, Adversarium Augustodunensi privilegio (scribendum erat, tribus Augustodunensibus privilegiis) non parere: Nec iis responderet, quae objecit Adversarius, ut illa Gregorio supposita esse confirmet. In cap. XXVI. ne, ut par est, respondeat Argumento, quod ex Joanne Diacono ducitur, id suis convestitum adjunctis & Conditionibus non representat. In cap. XXVII. pugnat Veritati praescribi posse: Et hoc solum Proponere, Constatum est. In cap. XXVIII. inutiliter profert C. Hinc est etiam. XVI. qu. 1. ut Augustodunensis Xenodochii privilegium verum esse comprobet. Gratiani opus est, non Gregorii Papae, non illius etiam qui privilegium Gregorio subjecit. In cap. XXIX. Damiani Epistolam, quam laudat, non legisse convincitur. Non probat quod probandum erat, fuisse tunc quendam Roma Epistolarum Gregorii codicem, qui Sammedardensis, & Augustodunensis privilegia exhiberet. In cap. XXX. non minuit, sed potius malè respondendo auget falsi suspicionem, quae petiit ex Gregorii Epistolis, ubi Pontifex ne qui Presbyter vel Diaconus est, sit Abbas, vel ne qui Abbas, sit eodem tempore Abbas, & Presbyter, vel Diaconus, vetat. In cap. XXXI. tantâ cum iudicii vi, & acrimoniâ disputat, ut cogatur fabulas de Cyriaco Papâ, de Germano Antistiodorensi Regem Anglia ex subulco creante, & Joannâ Papissâ, ut veras Historias admittere. In cap. XXXII. Alteserra imprudenti diligentia confirmat falsi indicium ex eo petitum, quòd Gregorius Episcopum qui viveret & cui scriberet, virum Apostolicum nusquam appellaverit. Repetuntur Argumenta Tria, quae tacendo corroborat. Notantur MSS. Epistolarum Gregorii codices XIX. in quibus Sammedardense non habetur privilegium. His accedunt MSS. codices omnes Anglia. Contra Sammedardense, & Augustodunensis privilegia conglutinantur Praescriptiones multae. In cap. XXXIII. Romanae Inquisitionis censuras obijciens Alteserra, Camarinam movet, & suo sibi jumento malum accersit ex Parisiensi Senatusconsulto contra Joannem Chastellum parricidam facto, quod Romani Censores damnarunt, & prohibitorio Indici adscripserunt. Hi nonnunquam in notandis Libris jure Pignorationis utuntur, idque exemplo comprobatur. Expeditum adversus Censuras hujusmodi Amuletum, cuius vim nulla unquam minutura est etas? Alteserra, ut ἀναζωὴ ἐκ Sammedardensis privilegii, & in eo sancita contra Reges nostros Pœne defensionem, Martyrium exspectare se dicit. p. 674.

PAR-



## Synopsis Argumentorum.

### PARTIS OCTAVÆ

#### I. In Epistolâ ad RAIMUNDUM FORMENTINUM.

**D**E Præsede Nicæna Synodi referuntur Opiniones multa, & per varias Ætates disponuntur. Hinc comparet Alexander Alexandrinus, cui favet Synodus. Inde Eustathius Antiochenus, cui suffragantur Eusebius, Proclus Constantinop. Felix III. Papa, Facundus. Hinc Hosius Cordubensis, cui patrocinantur Athanasius, Theodoretus, & Sozomenus. Inde Vitus & Vincentius Rom. Presbyteri, quibus non antiqui, sed recentiores tantum Scriptores adstipulantur, ii scilicet qui post Carolum Magnum vixerunt. In posterioribus sæculis Romani sunt Pontifices, qui non Hosium, sed Vitum duntaxat & Vincentium Synodi præsides faciant. Post Eusebium scriptores quidam Græci constituunt multos Synodi Præsides. In tantâ opinionum Varietate certum aliquid ac Irrevocabile pronunciare, non est facile, si quæstiones Historicae haud eo modo tractentur, quo casus Conscientiæ, in quibus plerumque spernitur, quod Tertullianus ait in Apologetico: Religionis est initium, fidem de Temporibus asserere. Examinantur Gelasii Cyziceni de Nicænâ Synodo Commentarius, & vulgata Subscriptiones. Aliud est Interesse Synodo, aliud Præfisse, ostenditur argumentis, quæ Romani Pontifices suppeditant. Videtur probabilius, Vitum & Vincentium non præfuisse Synodo, cui interfuerunt. Quæ Juris quæstio de generalium Conciliorum Præsidentia dum tractari potest & debet ad mentem Tridentina Synodi, tractatur adversus eos, qui Leges illius negligunt. p. 693.

#### II. In Epistolâ ad RENATUM BURGEUM.

Hosius Cordubensis Sardicensi præfuit Synodo, nec Julii Rom. Pont. Vicarium egit. Id probant. Synodus ipsa, Athanasius, Theodoretus, Hadrianus, vel Angilramus Metensis Episcopus, & Libellus Synodicus. Eminentiſſimi cujusdam viri Argutia ad asserendam Julio Præsidentiam comparata dispelluntur. Gelasii Papa locus, dum agitur de Synodorum convocatione & præsidentia, notandus, quia rem Decernit. Bellarminus argumentum Epistola suo silentio confirmat. p. 705.

#### III. In Epistolâ ad GERMANUM GRUINUM.

Damasus Constantinopolitana Synodo Prima nec per Se, nec per Legatos præfuit. Hoc Synodica ad Occidentales Epistola, Concilium Italia in Epistolâ v. ad Theodosium Imp. Vigilius Papa in Epistolâ x. ad universum populum Dei in appendice ad Codicem Theodosianum, Pelagius II. in Epistolâ v. ad Episcopos Istria, vetus Romana Ecclesia Diurnum conficiunt. Scriptores Græci, de Synodi hujus præsidentia locuti, variant inter se, & multos præsides faciunt: Et quidquid est Variationis & controversiæ, sic Componitur. Timotheus Alexandrinus Synodo, quæ anno CCCLXXXI. habita est, præfuit; non Nestorius: Sed hic præfuit Synodo, quæ inſequenti anno celebrata est. Productus à Baronio Vaticanæ cod. locus excutitur, duplicisque Falsitatis arguitur. Quæ Bellarminus hæc de re scribit, hæc ventilantur, quo mundiora fiant: Alia veritati consonant, alia non consonant. p. 707.

#### IV. In Epistolâ ad ANTONIUM FAURUM.

Ephesine Synodi Prima Præsidentia per varias Ætates distribuitur. In ætate primâ, uni Cyrillo, ut Alexandria Episcopo, Præsidentia assignatur. In ætate secun-

dâ, Celestinus & Cyrillus Ephesine Synodi præsides dicuntur. In ætate tertiâ Cyrillus Celestini legatus dicitur. In ætate quartâ Cyrillo Celestini vicario Memnon Ephesiorum, & Juvenalis Hierosolymorum Episcopi conjunguntur. Quæ de Cyrillo in ætate primâ dicuntur, Rationibus x. suffulciuntur. Deinde, cur Celestinus & Cyrillus ambo dicantur Præsides in ætate secundâ, explicatur; & simul animadvertitur, decurrentis Epochæ auctores nusquam ab iis, qui Cyrillum Celestini vicarium faciunt, laudari. Et hæc est vitiosa xp̄i. Tunc ætatis III. & IV. Scriptores cum ætatis I. & II. Auctoribus committuntur, & ad inveniendi asserendiq; Veri regulas expendantur. p. 711.

#### V. In Epistolâ ad THOMAM RULLANDUM.

Ephesine Secunda, quæ talis postea dicenda non fuit, Præsides designatur, & sine ullâ controversiâ agnoscitur Dioscorus Alexandria Episcopus. In id inter alios consentit Leo Romanus Antistes; Theodosius Junior significat, significant & alia Synodi hujus Calchedone relecta, & Scriptores idonei. Dioscorus, qui Synodo incipienti præfuit, tranquille præfuisse usque in finem, nisi sacras Ecclesiæ regulas violasset. Liberati testimonium discutiunt. Juvenalis Hierosolymorum, & Thalassius Casarea Episcopi, præsidentia Dioscori consortes fuerunt. p. 719.

#### VI. In Epistolâ ad LUDOVICUM CUSINUM.

Leo I. Rom. Pont. Calchedonensi Synodo per suos Legatos præfuit. Cur id ita factum sit, & quomodo, cum ex literis Leonis ad Theodosium, Pulcheriam, Valentinianum, & Marcianum, tum ex Epistolis Valentiniani & Marciani ad Leonem, atque ex aliis Scriptoris ostenditur. In Actione XII. res sic se habet: Ut ei Anatolius præfuerit, non Leonis legat, si per eos qui Primi loquuntur, Præsidentia potest agnosci. Id Discipline genus obijciunt, quæ ibi geruntur. Scriptores Græci Photius, Cedrenus, Zonaras, Nilus, Nicephorus, plures Synodi hujus faciunt Præsides: Sed in eo differunt inter se, quod Photius primum Præsidentem faciat Anatolium, ceteri Leonem. p. 723.

#### VII. In Epistolâ ad CAROLUM PRESTIUM.

Confusa ab aliis Synodi duæ, una sub Menâ, altera sub Vigilio, distinguuntur. Priori Menas præfuit, posteriori non præfuit Vigilius; sed si voluisset adire Synodum, ei præfuisse. Absente Vigilio, præfuit Eurychius Constantinopolitanus. Scriptores Græci præsides Synodi hujus faciunt quinque. p. 727.

#### VIII. In Epistolâ ad JOANNEM GERBASIIUM.

Agatho Rom. Pont. Synodo Sexta præfuit. Id exordia actionis I. VIII. & XVIII. cum veteri Romana Ecclesiæ Diurno confirmant. Rejiciuntur Beda, Hincmarus, & alii, qui Synodi hujus Præsidentiam Georgio Constantinopolitano & Macario Antiocheno tribuunt. Photius & Græci scriptores alii multos constituunt præsides; quorum Sergius Constant. primus est apud Photium, sed apud alios Agatho seu Vicarii illius. Constantinus IV. Imperator in Actionibus duodecim Præsidentem appellatur. Appellationem hanc retinent vetus Rom. Ecclesiæ Diurnum, Anastasius Bibliothecarius, & Romanum Breviarium anno M. CCCCLXXVII. & M. CCCCLXXXI. Venetiis editum, in festo beati Leonis II. ad IV. Calend. Quintiles. Id Romani Breviarii Correctoribus displicuit. Et primum quidem (Præsidente) in vocem (Residente) mutarunt. Deinde cum hoc adhuc iis displicere cepit ævi progressionem, vocem (Residente) in vocem (Præsente) verterunt: Ita ut, cum ante legeretur [Præ-

## Synopsis Argumentorum.

[Præsidente Constantino] nunc [Præsente Constantino] legatur. Hoc est autem certum quoddam genus Novitatis, cuius robur non est, quæ esse deberet, antiquitas. p. 729.

### IX. In Epistola ad HIERONYMUM SAMBOEVIVM.

Hadrianus I. per suos Legatos Synodo VII. præfuit. Id illius Acta confirmant. Nilus Rhodiensis consentit, sed Photius & Libellus Synodicus dissentiunt. Prasides multos faciunt, quorum primus est Tarasius, secundus Hadrianus: sed apponendus Tarasius Hadrianus. Cur Græci in hac Synodo Concilium universalium Prasides, non improbabilis Ratio redditur ex Theodoro Studita, qui Ecclesiam vocat *πρωτόδικον* & *πρωτάδελφον*. Pro Synodi VII. presidenti non adferuntur Latini Scriptores, quia olim Synodum hanc pro generali vel Oecumenicâ non habuerunt. p. 733.

### X. In Epistola ad FRANCISCUM BONUM.

Hadrianus II. Synodo VIII. præfuit: Sed disquiritur, cur Photius, Cedrenus, Zonaras, & Nilus de Praside Synodi huius tacerint. Libellus Synodicus Synodum VIII. agnoscit: sed Florentina Synodus non agnoscit in Editione sui primâ, quæ Clementis VII. Medicei privilegio munita in lucem prodit. Hæc in Synodo Imperatores Basilius, Constantinus, & Leo Præsidentes dicuntur, & ab Romana Ecclesia Legatis rogantur, ut primi Subscribant. Acclamantur prius, quam Romani Pontifices. p. 734.

### XI. In Epistola ad CLAUDIUM AMELINAM.

Quanta sit in numerandis universalibus Conciliis Difficultas, ostenditur. Scriptores Græci aliter ac Latini oecumenicas Synodos numerant: Galli aliter ac Itali. Ex variâ universalis Concilii Definitione Difficultas hæc augetur, cum minus debet, si Ecclesiastici tractatores, Theologi, & Jurisperiti, in eâ definitione omnes concordarent. Non concordant. Bellarminus in iis, quos recenset, Universalis Concilii conditionibus, secum pugnat. p. 736.

### XII. In Epistola ad LUDOVICUM HENRICUM GONDRIUM.

Produntur Nicæni, Constantinenses, Antiocheni, Ephesini, & Chalcedonensis Canones, quibus Metropolitanorum dignitas asseritur. Hanc Romani Pontifices XLVII. suis decretis validissimè confirmant. Interferitur Professio fidei Pontificum recens creatorum. Excitata inter Joannem VIII. & Cyrillum Viennensem Archiepiscopum controversia explicanda. Quæ sunt Discipline, etiamsi sint talia, tamen facili Mutari debent, auctoritate Romanorum Pontificum Leonis I. Agapeti I. Gregorii I. Leonis III. Gregorii VII. Paschalis II. & Clementis IX. ostenditur. Deinde cum illa mutantur, mutanda sunt in rebus. Id constituunt Romani Pontifices XIV. quibus Terullianus præluxit. p. 743.

### XIII. In Epistola ad NICOLAUM GATINEUM.

Ex Scripturis & propriâ Patrum Traditione quid sit Ecclesia, colligitur. Fideum seu Catholicorum cætus

est Ecclesia definitio; quæ vel iisdem verbis, vel aliis idem significantibus constat. Hæc seculorum panè Quindecim usu firmata, quasi non suffecisset amplius, à quibusdam Theologis post Tridentinam Synodum Mutari seu Augeri cepit. Tunc Petrus Canisius sic deformavit Ecclesiam: Ecclesia est omnium Christi fidem æque doctrinam profitentium Congregatio, quæ sub uno & summo post Christum capite & Pastore in terris gubernatur. Canisius ut antiquam sprevit Definitionem, ita & Bellarminus definitionem Canisii sprexit, & aliam confecit, quæ talis est: Ecclesia est cætus hominum ejusdem fidei Professione, & eorundem Sacramentorum communione colligata, sub regimine legitimorum Pastorum, & præcipue unius Christi in terris Vicarii Rom. Pont. Definitiones hæc due, & mutuo inter se, & cum inveterata Traditione conflictu labefactata disperunt. Accedit eorum omnium, qui post Tridentinum Concilium antiquam retinuerunt Definitionem Ecclesie, contemptus. Quæ Canisius & Bellarminus antiquæ Definitioni adjuvant, insuperhabitis Dialecticæ legibus, ad Ecclesie statum & Regimen, non ad explicandam illius Naturam pertinent. Disputatur deinceps, utra duarum Definitionum, quæ uti jacent novæ sunt, retinenda esset, siquæ tamen (quod non videtur necessarium) retinenda. Pro Bellarminianâ definitione, præcumbis potissimum Romanis Pontificibus, concluditur. p. 762.

### XIV. In Epistola ad LUDOVICUM MARÆSUM.

Observatus de Conciliis, de sanctis Patribus, de Romanis Pontificibus, de illustrioribus Ecclesie Tractatoribus, dirimendarum Theologia questionum Modus explicatur. p. 781.

### XV. In Epistola ad JACOBUM BEVILAQUAM.

Stephanus Papa, & Cyprianus Carthaginiensis, ambo Martyres, componuntur inter se: & compositione factâ per Ecclesie Traditionem apparet, Cyprianum plurius quam Stephanum apud Orientis & Occidentis Ecclesias, Romanam cum primis, habitum fuisse. Hæc Epistola duas in partes distribuitur. In priori, quæ ab Apostolorum tempore usque ad Stephani & Cypriani tempus utrinque, tractantur, ex Traditione, quæ sex rationum Momentis comprehenditur. In posteriori, quæ ad consequentes annos ab Utriusque excessu: Atque istud argumentis LXXI. continetur. In utraque parte, non Cypriani modo persona, sed etiam doctrina de Hæreticorum Baptismate agitur. Interim Joannis Davidis erga Cyprianum Doctorem Irreverentia & inhumana Durities notatur. Pighii, Bellarmini, Becani, & aliorum, qui Commentarios illorum exscribunt, Aberrationes circa Cyprianum & questionem de Baptismo Hæreticorum totam, quamplurima eduntur in lucem atque extinguuntur. Expenditur Bellarmini & Becani Propositio hæc [Cyprianus habitus non est Hæreticus.] Expensa suis Auctoribus incommodat, non Cypriano. Quinetiam causæ, quam illi tinentur, incommodat. Productus ad defendendum Stephaniani decretum Epistola ad Philippenses Locis, ab illâ defensione remanet. Inter illos, à quibus remanet, Patres, beatus eminet Augustinus. Exinde Bellarminus & Becanus, vel qui sapiunt ex illorum Commentariis, propositæ Questioni consequenter suis Principis, cum licebit per orum, respondebunt. p. 806.

INDI



# INDICULUS AUCTORUM, &c.

Qui in

## LAUNOIANIS

HiscE COMMENTARIIS citantur.

### A.

**A**bbas { Siculus.  
Urspergensis.  
Abrahamus, Cretensis.  
Academix V.  
Adalbertus, Morinensis.  
Adamus, Bremensis.  
Ado, Viennensis.  
Æneas Silvius, seu Pius II.  
Agobardus, Lugdunensis.  
Aiala (Peregrinus).  
Aimoinus.  
Alanus.  
Albanus (Hieronymus) Card.  
Albericus, { III<sup>um</sup> Fontium Abbas.  
de Rosate, Bergomenf.  
Argentinenfis.  
Albertus, { Magn. Ratisponenf.  
Stadenfis.  
Albinus Alcuinus.  
Alexander, { Alenfis.  
Alexandrinus.  
de Ord. Minorum.  
Alfonfus, { à Castro.  
Pifanus.  
Algerus.  
Alliacus (Petrus) Card.  
Almainus (Jacobus).  
Alteferra (Anton. Dadinus).  
Alva (Petrus).  
Amalarius, Metenfis.  
Ambrosius, { Anspertus.  
Autpertus.  
Calepinus.  
Mediolanenfis.  
Ammo, Adrianopolitanus.  
Amphilochius, Iconienfis.  
Anastafius, { Antiochenus.  
Bibliothecarius.  
Andreas, { (Joan. Coppenstinus)  
(Valerius)  
Angelus è Clavasio.  
Angilramus, vel Hadrian, Metenf.  
M. S.  
Annales V.

Anonymi Scriptores.  
Anselmus, Cantuarienfis.  
Antoninus, Florentinus.  
Antonius, { Cordubenfis.  
Sabellicus.  
Spalatenfis.  
Apollinaris Sidonius.  
Arboreus (Johannes).  
Ardens (Radulphus).  
Arnoldus, Moguntinus.  
Arnulphus, Lexovienfis.  
Athanasius, Alexandrinus.  
Atto, Vercellenfis.  
Aubertus.  
Aventinus, { (Johannes)  
Augerius (Edmundus).  
Augustinus, { Anconitanus.  
Hipponeregienfis.  
Avitus, Viennensis.  
Auxilius.  
Azorius (Johannes).

### B.

**B**Agotius (Joannes).  
Balsamon (Theodorus).  
Baluzius (Stephanus).  
Bandinus.  
Bannes (Dominicus).  
Baptista Trovamala.  
Barbofa (Augustinus).  
Barclaus (Guilelmus).  
Baro (Vincentius).  
Baronius (Cæfar) Card.  
Bartholomæus Pifanus.  
Bafilus, Seleucienfis.  
Becanus (Martinus).  
Beda Ven.  
Bellarminus (Rob.) C.  
Belleforestus (Franciscus).  
Bembus (Petr.) Card.  
Benedictus (Joannes).  
Benetus (Cyprianus).  
Beneventus, Imolenfis.  
Bentivolus, Card.  
Bernardinus, Senenfis.

Bernardus, { Clarævallenfis.  
de Fonte calido.  
Guidonis.  
Bertiniani Annales.  
Bignonius (Hieronymus).  
Binius (Severinus).  
Blaftares (Matthæus).  
Blondellus (David).  
Blondus (Flavius).  
Bonaventura.  
Boncompagnius (Cataldinus).  
Bonfinius (Antonius).  
Bonifacius.  
Bonius (Carolus) Ingolismenfis.  
Bouffardus (Goffridus).  
Breviar: V.  
Brevicoxa (Joannes) M. S.  
Bruno, Signienfis.  
Buccheus (Honorat.) Aquenfis.  
Bucchingerus (Michael).  
Bullæ V.  
Burchardus, Wormatienfis.  
Bzovius (Abrahamus).

### C.

**C**Abafilas (Nicolaus).  
Cabrera (Petrus).  
Canalis (Robertus).  
Cæfarius, Ciftercienfis.  
Cajetanus (Tho.) Card.  
Caillocius (Norbertus).  
Calendar: V.  
Calvinus (Johannes).  
Calvus (Minutius).  
Campanella, { (Thomas)  
Campegius.  
Canifius, { (Henricus)  
(Petrus)  
Cantipratanus (Thomas).  
Cantor (Petr.) Parifenf.  
Canus (Melchior).  
Capgravius, { (Johannes)  
Capistranus.  
Capitular: V.  
Carolus { Card. Lotharingius.  
Magnus.  
Caffianus (Johannes).

Caffio-

# Index Authorum, &c.

Cassiodorus Senator.  
 Catechismi V.  
 Catharinus (Ambrosius.)  
 Cedrenus (Georgius.)  
 Celaia (Johannes.)  
 Celestinus.  
 Cellotius (Ludovicus.)  
 Centelles (Franciscus.)  
 Christophorus (Johann.)  
 Christophorus à Sacro-bosco.  
 Chronica V. Cœnobiorum.  
 Chryfologus (Petr.) Ravennas.  
 Chryfosthomus (Johannes.)  
 Ciaconius (Alphonfus.)  
 Cicero.  
 Clamengius (Nicolaus.)  
 Clemens Alexandrinus.  
 Clithoveus. } (Judocus)  
 Coccius.  
 Cocchleus (Johannes.)  
 Cod. Can. { Afric.  
 { Rom. } Eccles.  
 { Univ. }  
 { Dionysii.  
 Coëffetus (Nicolaus.)  
 Collect. Rom. Bipartit.  
 Collenucius (Pandolphus.)  
 Colluthus.  
 Combesius.  
 Combesius (Franciscus.)  
 Comnena (Anna.)  
 Comptonus (Thomas.)  
 Conciliorum Tom.  
 Conradus, Urspergensis. *Vid. A.*  
 Confortius (Claudius.)  
 Constitutiones V.  
 Corceon (Robert.) Card. M. S.  
 Coriolanus (Franciscus.)  
 Corius (Bernardinus.)  
 Corfellus (Thomas.)  
 Coterellus (Johannes.)  
 Crabbus (Petrus.)  
 Crantzius (Albertus.)  
 Cucchus (Antonius.)  
 Curopalates (Joannes.)  
 Cursius (Petrus.)  
 Cusanus (Nicolaus.) Card.  
 Cyprianus.  
 Cyrillus Alexandrinus.

## D.

Dacherius (Lucas.)  
 Damascenus (Johannes.)  
 Damianus (Petr.) Card.  
 Decius (Philippus.)  
 Decretal.  
 Delius (Hieronymus.)  
 Dionysius { Alexandrinus.  
 { Areopagita.  
 { Carthulianus.  
 { Exiguus.  
 { Romanus.  
 Diplomati. V.  
 Diurn: V.  
 Dominicus { à S. Geminiano.  
 { Tempesta.  
 Driedo (Johannes.) Lovaniensis.  
 Drogo, Ostiensis, Card.  
 Drutmarus (Christianus.)  
 Dungalus Diaconus.  
 Durandus (Guilelmus.)  
 { Mimatenfis.  
 { de S. Porciano.  
 { Trarnensis.  
 Duvallius (Andreas.)

## E.

Eberhardus.  
 Edmundus Camplanus.  
 Eginhardus.  
 Ekus (Johannes.)  
 Elias, Cretenfis.  
 Enckenuvoertius (Guilhelm.)  
 Engolismensis Monachus.  
 Ennodius, Ticinensis.  
 Ephremius, Antiochenus.  
 Epiphanius, Diaconus.  
 Epistol. R. Pontific.  
 Erasmus, Rotterodamus.  
 Espencæus (Claudius.)  
 Estius (Guilelm.) Duacensis.  
 Etherius.  
 Evagrius.  
 Eucherius.  
 Eudæmon-Johannes.  
 Eulogius Presbyter.  
 Eusebius, { Alexandrinus.  
 { Cæsariensis.  
 Euthymius, Zigabenus.

## F.

Faber (Jacob.) Stapulensis.  
 Facultates S.  
 Facundus, Hermianensis.  
 Falkenbergius (Johannes.)  
 Faustinus Presbyter.  
 Fazellus (Thomas.)  
 Ferrerius (Vincentius.)  
 Firmilianus, Cappadox.  
 Fischerus (Johann.) Roffensis.  
 Flodoardus.  
 Fortunatus, Pictaviensis.  
 Franciscus { Fevardentius.  
 { Lucas, Brugens.  
 { Torrensis.  
 Freculphus, Lexoviensis.  
 Fredegarius Scholasticus.  
 Frodoardus.  
 Fronto (Johannes.)  
 Fuldenfes Annales.  
 Fulgentius, Ruspensis.

## G.

Gabriel à Porta.  
 Gagnæus (Johannes.)  
 Galterius (Jacobus.)  
 Galterus (Hadrianus.)  
 Gaspar Contarenus, Card.  
 Gelasius, Cyzicenus.  
 Genebrardus (Gilbertus.)  
 Gennadius, Massiliensis.  
 Gentianus Hervetus.  
 Georgius { Alexandrinus.  
 { Cedrenus.  
 Gerardus, Leodiensis.  
 Gerfo (Johannes.)  
 Gillius (Christophorus.)  
 Glossæ V.  
 Glycas.  
 Goffridus, { Vindocinensis.  
 { Viterbienfis.  
 Goldastus (Melchior.)  
 Gondius (Petrus.) Card.  
 Gordonus (Jacobus.)  
 Gratianus, Benedictinus.

Gregorius, { Cæsariensis.  
 { Magnus, &c. P.  
 { Nazianzenus.  
 { Nyssenus.  
 { Turonensis.  
 { de Valentia.  
 Gretferus (Jacobus.)  
 Gribaldus (Matthæus.)  
 Grisaldus (Paulus.)  
 Grodecus. { (Johannes)  
 Gropperus.  
 Guaguinus (Robertus.)  
 Gualterus { Ruys à Gravia.  
 { Tarvanensis.  
 Guido { Bononienfis.  
 { Papa.  
 Guillartius (Carol.) Carnotensis.  
 { Abbas.  
 Guillelmus { Autissiodorensis.  
 { Parvus.  
 Guimenius (Amadæus.)  
 Guinognius (Francisc.) Card.  
 Guitmundus.  
 Gummitanus, Carthaginienfis.

## H.

Hadrianus VI.  
 Hassianus (Henricus.)  
 Haya (Johannes.)  
 Henriquez.  
 Henricus { Card. Ostiensis.  
 { Rex, VIII.  
 Hericus Autissiodorensis.  
 Hermannus { Contractus.  
 { Hamelmannus.  
 Hermias.  
 Hervæus Dolensis.  
 Hesselius, vel Johannes à Lovanio.  
*Vid. D.*  
 Hieronymus.  
 Hieronymus { Hangeftus.  
 { Higuera.  
 { Rubeus.  
 { Surita.  
 Hilarius, { R. Diaconus.  
 { Pictaviensis.  
 Hildefonfus Toletanus.  
 Hincmarus { Laudunensis.  
 { Remensis.  
 Hippolytus Martyr.  
 Holstenius (Lucas.)  
 Homerus.  
 Honorius Augustodunensis.  
 Horatius Flaccus.  
 Horatius (Justinianus) Card.  
 Hofius (Stanislaus) Card.  
 Hucbaldus Elnonensis.  
 { Cardinalis.  
 Hugo { Monachus.  
 { de S. Viçore.  
 Humbertus Cardinalis.

## J.

Jacobatius (Dominic.) Card.  
 { Philipp. Bergomas.  
 { Genuensis.  
 { Merlinus.  
 { Card. Papiensis.  
 { de Paradiso.  
 { R. I.  
 { Tirenus.  
 { Card. Vitriacus.  
 Janfenius (Cornelius.)  
 Idatius, Lemicensis.



# Index Authorum, &c.

Abrincensis.  
Cyparissiotæ.  
Diaconus.  
Gabalorum Ep.  
Imolensis.  
à Lovanio. Vifefis H.  
Joannes { Nicolaus.  
de Parisiis.  
Francisc. Picus.  
Sarisberienfis.  
Scotus.  
Tabienfis.

Jonas, Aurelianensis.  
Irenæus, Lugdunensis.  
Hispalensis.  
Ifidorus { Mercator.  
Pelusiota.

Italia Sacra.  
Ivo, Carnotensis.  
Justellus (Christophorus.)  
Justinianus.  
Justinus Martyr.

K.

Kerverus (Thielmanus.)

L.

Lactantius.  
Lambertus, Schafnaburgens.  
Lanfrancus.  
Langius (Paulus.)  
Leidhresserus.  
Legend : V.  
Leo { P.  
Ostienfis.  
Leontius, Byzantinus.  
Libellus Synodicus.  
Liberatus Afer.  
Libri Sacerdotales V.  
Lipfius (Justus.)  
Litanæ V.  
Livius.  
Lucas, Tudenfis.  
Ludovicus Pius.  
Luitprandus, Ticinensis.  
Lutherus (Mart.)  
Lychetus (Franciscus.)

M.

Magdeburgenses.  
Maginfredus.  
Magister Sent.  
Magno.  
Major (Johannes.)  
Maironius (Franciscus.)  
Maldonatus (Joannes.)  
Malvisserius (Castelnovus.)  
Manual : V.

Anglican.  
S. Audoen. Rotomag.  
Carmelit. Parif.  
Giftercienf.  
Corbeienf.  
Gemeticenf.  
Lyrenf.  
Mazarin.  
Moiffiacenf.  
Navarric.  
S. Peter. Carnot.  
Pratellenf.  
Putean.  
S. Remig. Remenf.

M. S. in Biblioth.

Sorbonic.  
Tellerian.  
Thuan.  
Vallislucenf.  
Victorin.  
Voffian.

Mapinius, Remensis.  
Marcellinus Comes.  
Marcellus (Christophorus.)  
Marculphus Monachus.  
Marcus Vigerius.  
Mariana (Johannes.)  
Martyrolog :  
Massæus (Christianus.)  
Massonius (Papyrius.)  
Mathæus Parisiensis.  
Maximus { Constantinopolit.  
Taurinensis.  
Menochius (Stephanus.)  
Mercator (Ifidorus.)  
Metensæ Annales.  
Michael { Alex. Card. i. e. Pius V.  
Constantinopolit.  
Merspurgenfis.  
Micrologus, seu Guido Abbas.  
Middendorpius (Jacobus.)  
Middelburgius. { Georgius.)  
(Paul. Germ.)  
Miræus (Aubertus.)  
Missal : V.  
Moiffiacense Chronicon.  
Monilianus (Clem.) Card.  
Monodus (Petrus.)  
Montefonus (Joannes.)  
Mornæus (Philippus.)  
Mutius (Henricus.)

N.

Nangius (Guilielm.) M. S.  
Natalis (Hervæus.)  
Navarrus (Martinus.)  
Naclerus (Johan.) Tübingenf.  
Nausea (Fredericus.)  
Nazarius (Paulus.)  
Nicephorus Callistus.  
Nicetas.  
Nicolaus { de Lyrâ.  
Pelveus, Card.  
Nilus Metropolit. Rhodius.  
Nostradamus (Cæsar.)  
Notkerus Monachus.  
Novatianus.

O.

Odo { Abbas Ursicampi, Card. M. S.  
Cameracensis.  
Cluniacensis.  
Oecumenius.  
Okam (Guillelmus.)  
Olahus (Nicolaus.)  
Oliverius de Lugduno.  
Onuphrius Panvinus.  
Optatus Milevitanus.  
Ordericus Vitalis.  
Origenes.  
Orius (Matthæus.)  
Ortifiis (Petrus.)  
Ofius, Cordubensis.  
Otto, Frisingensis.

P.

Pacianus, Barcinonensis.  
Palavicinus (Sforza) Card.

Palladius, Helenopolitanus.  
Palmerius (Matthæus.)  
Paludanus (Petrus.)  
Pamelius.  
Panormitanus, i. e. Tadeus.  
Paradinus (Guillelmus.)  
Paterius.

Paulinus, { Aquileienfis.  
Nolæ Episc.  
Aquilegienfis.  
Diaconus.  
Paulus { Emilii.  
Iovius.  
Suavis.

Pelagius (Alvar.) Sylvensis.  
Pennafortius (Raimundus.)  
Perefius (Mart.) Guidixenfis.  
Perronius (Jacob.) Card.  
Persona (Gobelinus.)  
Petavius (Dionysius.)

Blesensis.  
Cluniacensis.  
Comestor.  
Diaconus.  
Equienfis.  
Guffanvilla.  
de Honestis.  
Justinianus.  
e Monte, Brixienfis.  
à Soto.  
Suavis.  
Sutor.  
Venerabilis.

Philippus { Abbas.  
Diez.  
Philostorgius.  
Phoriz, Constantinopolitanus.  
Pighius (Albert.) Campenfis.  
Pindarus.  
Platina (Baptista.)  
Plinius Junior.  
Polonus (Martinus.)  
Polydorus Vergilius.  
Pontifical : V.  
Pontifices R.  
Pontius.  
Ponzetus (Ferdinandus.)  
Possevinus (Antonius.)  
Prateolus (Gabriel.)  
Privileg : V.  
Proclus Constantinopolit.  
Procopius.  
Prosper Aquitanus.  
Prudentius, Hispanus.  
Pfellus.  
Ptolomæus, Lucensis.  
Pullus (Robertus.) Card.  
Puteanus (Petrus.)

Quatremarius (Robertus.)  
Quercetanus (Andreas.)

R.

Abanus, Moguntinus.  
Radbertus (Paschasius.)  
Radulphus, Flaviacensis.  
Ragufius (Johannes.)  
Raimundus Lullius.  
Rainaldus (Odoricus.)  
Rainaudus (Theophilus.)  
Rainerius, Pifanus.  
Regino, Prumienfis.

Re.

## Index Authorum, &c.

Remigius, Lugdunensis.  
 Renatus Benedictus.  
 Rescripta V.  
 Ribadeneira (Petrus.)  
 Richardus de Mediavilla.  
 Rigordus.  
 Ritual: V.  
 Rivefius (Gregorius.)  
 Robertus, { Autissiodorensis.  
                   { Stephanus.  
 Rolewinkius (Wernerus.)  
 Rom. Eccl. Diurn. Vetus.  
 Rota (Claudius.)  
 Rothadus, Sueffionensis.  
 Rufinus, Aquileiensis.  
 Rupertus, Tuitiensis.

### S.

**S**acramental: V.  
 Salefius (Franciscus.)  
 Salus (Baptista.)  
 Salmeron (Alfonfus.)  
 Salsobolus (Adamus.)  
 Sabrianus, Massiliensis.  
 Sanctesius (Claudius.)  
 Sapromanus (Michael.)  
 Saxonicus Poeta.  
 Schedelius (Hartmannus.)  
 Scipio Dupleix.  
 Scombachus, { (Hermannus)  
                   { (Stephanus)  
 Scotus (Marian.) Fuldenfis.  
 Sculkenius (Adolphus.)  
 Seraphinus Cherubinus.  
 Severianus, Gabalensis.  
 Sidonius, Arvernorum Episcop.  
 Sigebertus, Gemblacensis.  
 Sigonius (Carolus.)  
 Silvester Prieras.  
                   { Metaphrastes.  
 Simeon { Stylita.  
                   { Thessalonicensis.  
 Simlerus (Josias.)  
 Simon Starovolscius.  
 Simplicianus, Mediolanensis.  
 Siphridus Presbyter.  
 Siricius.  
 Sirletus, Cardinalis.  
 Sirmondus (Jacobus.)  
 Socrates.

Sotus, { (Dominicus)  
           { (Petrus)  
 Sozomenus.  
 Spondanus (Henricus.)  
 Stapletonus (Thomas.)  
 Statileus (Marinus.)  
 Stella (Johannes.)  
 Stephanus Junior.  
 Sturmius (Johannes.)  
 Suaves (Franciscus.)  
 Sugerius.  
 Sulpicius Severus.  
                   { Baptifliniana.  
                   { Bartholina.  
 Summa { Rosella.  
           { Summarum.  
           { Tabiena.  
 Syriamachus.

### T.

**T**abiena (Joannes.)  
 Tamburius (Afcianus.)  
 Tannerus (Adamus.)  
 Tapperus (Ruardus.)  
 Tertullianus.  
 Tharafius, Constantinopolit.  
 Theodoretus.  
 Theodorus { Abucara, seu Cariz Episc.  
                   { Antiochenus.  
                   { Lector.  
                   { Studita.  
 Theodosius.  
 Theodulphus, Aurelianensis.  
 Theophanes Cerameus.  
 Theophylactus, Bulgar. Archiep.  
 Theuvrochtus (Joannes.)  
                   { Aquinas.  
 Thomas { Illyricus.  
                   { Valdenfis.  
 Tillius (Johannes.)  
 Titus (Bostrenfis.)  
 Toletanus (Rodericus.)  
 Tortarius, Floriacensis.  
 Toftatus (Alphonf.) Abulensis.  
 Tractatores Ecclesiastici.  
 Trapezuntius (Georgius.)  
 Trecassinz Antiquitates.  
 Tretius (Petr. Albinianus.)  
 Tritemius (Johannes.)

Tudescus (Nicolaus.) Vifefis, P.  
 Turrecremata (Joannes) Card.  
 Turrianus (Franciscus.)  
 Turfellinus (Horatius.)

### V.

**V**alerius Probus.  
 Valefius (Hadrianus.)  
 Vanderburchius (Lambertus.)  
 Varro.  
 Vafques (Gabriel.)  
 Vecerius (Conradus.)  
 Ughellus (Ferdinandus.)  
 Victor { Tunnonensis.  
           { Uticenfis.  
 Victorellus (Andreas.)  
 Victoria (Franciscus.)  
 Victorinus, { (Hugo)  
                   { (Johannes)  
                   { (Richardus)  
 Vielus (Petrus.)  
 Viexmontius (Claudius.)  
 Vigilius Afer.  
 Vignerius (Nicolaus.)  
 Vigorius (Simon.)  
 Viguerius, { (Joannes)  
 Villandus, {  
 Vincentius { Baro.  
                   { Bellovacenfis.  
                   { Lirinensis.  
 Virgilius Maro.  
 Ulricus Velenus.  
 Ufuardus.

### W.

**W**alafridus Strabo.  
 Walinghamus (Thomas.)  
 Wendelstinus (Johannes.)

### X.

**X**iftus.

### Z.

**Z**Abarella (Franciscus.)  
 Zecchius (Lælius.)  
 Zonaras (Johannes.)  
 Zofimus.

NOMEN-



# NOMENCLATOR

Eorum, ad quos scripsit

## LAUNOIIUS.

<b>A</b> ndrea Berruerio,	p. 392, 394.	Joanni Rolando,	626, 633.
Antonio Fauro,	1, 8, 542, 711.	Ludovico Cusino,	45, 536, 723.
Antonio Varillao,	375.	Ludovico Gondrino,	743.
Casari Laudunensi Episcopo,	624.	Ludovico Marafio,	71, 263, 548, 645, 781.
Carolo Magistro,	361.	Ludovico Speffao,	528.
Carolo Prestio,	644, 727.	Martino Metayero,	221.
Carolo Tellerio,	351.	Michaëli Girardo,	605, 617, 674.
Carolo Vaironio,	625.	Michaëli Marollio,	167, 521.
Christophoro Fauvao,	58, 231, 236.	Nicolao Gatinao,	762.
Claudio Amelina,	652, 736.	Nicolao Parvipedio,	159.
Claudio Santeulio,	53.	Paulo Ratuino,	12.
Felici Brosse,	30, 98, 397.	Raimundo Formentino,	22, 85, 315, 433, 534.
Francisco Bono,	18, 281, 734.	656, 693.	
Germano Gruino,	707.	Renato Burgeo,	705.
Gulielmo Voello,	419, 505.	Thoma Fortino,	447.
Hadriano Vallantio,	135.	Thoma Rullando,	175, 535, 719.
Henrico Barrillonio,	323, 340.		
Henrico Mommorio,	483, 497.		
Hieronymo Samboenurio,	34, 532, 733.		
Jacobo Bevilaqua,	119, 402, 538, 806.	<b>E</b> pistol. Pars Prima,	p. 1.
Jacobo Boetio,	110.	Pars Secunda,	85.
Jacobo Malatesta,	193, 525.	Pars Tertia,	163.
Joanni Barillonio,	623.	Pars Quarta,	263.
Joanni Brayero,	509.	Pars Quinta,	361.
Joanni Franckevilla,	298.	Pars Sexta,	483.
Joanni Gerbasio,	151, 163, 729.	Pars Septima,	605.
Joanni Molendino,	284.	Pars Octava,	693.

¶ Numeri, quos in Marginibus vides, Prioris Editionis  
Paginas ostendunt.

JOAN-

# Joannes Launoius

## ANTONIO FAURO

Parisiensi Theologo, & Collegii Sancti Michaelis in Academia principe Moderatori.

**A**NNUS est tertius, quod de subjectis quibusdam Cyrillo Alexandrino testimoniis, quæ beatus Thomas in auctoritatem recipit, judicium tuli. Hoc quidem non ingratum habes, sed quia tibi breve & adstrictum videtur, à me postulas, ut illud retractem, & paulo latius exponam. De his testimoniis censere poteras accuratius, quam equidem quantum censuerim, si studia doctrinæ gravioris intermitteres, & te referres in otium. Quod argumenti genus jam ego ipse sumpseram & tractaveram, ut resumerem & retractarem, quæ tua est prudentia & humanitas, existimasti convenientius.

Rem igitur aggredior. Hæc testimonia sic leguntur apud beatum Thomam, & primum quidem in quartum sent. dist. xxiv. quæst. iiii. art. ii. Præterea, inquit, beatus Cyrillus Episcopus Alexandrinus dicit: Ut membra maneamus in capite nostro Apostolico throno Romanorum Pontificum, à quo nostrum est querere, quid credere, & quid tenere debeamus, ipsum venerantes, ipsum rogantes pro omnibus: quoniam IPSIUS SOLIUS est reprehendere, corripere, statuere, disponere, solvere & ligare, loco illius, qui ipsum edificavit, & nulli alii, quod suum est plenum, sed ipsi soli dedit, cui omnes jure divino caput inclinant, & primates mundi tanquam ipsi Domino Jesu Christo obediunt.

In libri contra impugnantes religionem capite iiii. sub finem: Hoc autem privilegium Christus Romana Ecclesia contulit, ut omnes ei sicut Christo obediant, unde dicit Cyrillus Alexandrinus Episcopus in libro ii. Theaurorum, ut membra maneamus in capite nostro Apostolico throno Romanorum Pontificum, à quo nostrum est querere, quid credere, & quid tenere debeamus, ipsum venerantes, ipsum rogantes pro omnibus: quoniam IPSIUS SOLIUS est reprehendere, corripere, statuere, disponere, solvere & ligare, loco illius, qui ipsum edificavit; & nulli alii, quod suum est plenum, sed IPSI SOLI dedit, cui omnes jure divino caput inclinant, & primates mundi tanquam ipsi Domino Jesu Christo obediunt. Mox in cap. iv. Unde & 1. Petri 2. dicitur de Christo, Conversi estis ad Pastorem & Episcopum animarum vestrarum: Hoc autem præcipue verum est de Romano Pontifice, cui, ut Cyrillus dicit, omnes jure divino caput inclinant, & ei tanquam ipsi Domino Jesu Christo obediunt.

In opusculo contra errores Græcorum: Habetur etiam ex prædictorum Doctorum auctoritatibus, quod Romanus Pontifex habeat in Ecclesiâ plenitudinem potestatis. Dicit Cyrillus Patriarcha Alexandrinus in libro Theaurorum: Sicut Christus accepit à Patre ducatum & sceptrum Ecclesiæ gentium ex Israel egrediens super omnes principatum & potestatem, super omne quodcumque est, ut ei cuncta curvantur, plenissimam potestatem, sic & Petro & ejus successoribus plenissime commisit. & etiam: Nulli alii quam Petro Christus quod suum est plenum, ipsi soli dedit. & infra: Pedes Christi humanitas est, scilicet ipse homo, cui tota æternitas plenissimam dedit potestatem, quem unus trium assumpsit in unitate persona, transvexit ad patrem super omnem principatum & potestatem, ut adorent eum omnes Angeli Dei, quem totum dimisit per sacramentum & potestatem Petro & Ecclesiæ ejus.

Ibidem: Ostenditur etiam, quod ad dictum Pontificem pertinet quæ sunt fidei determinare. Dicit enim Cyrillus in libro Theaurorum: Ut membra maneamus in capite nostro Apostolico throno Romanorum Pontificum, à quo nostrum est querere, quid credere & quid tenere debeamus. Et quibusdam interpositis: Patet etiam, quod ipse Patriarchis prælatus existat: Ex hoc quod dicit Cyrillus, quod ipsius scilicet Apostolici throni Romanorum Pontificum solius est reprehendere, corrigere, statuere, solvere, disponere, & loco illius ligare, qui ipsum edificavit.

Ibidem: Ostenditur etiam, quod subesse Romano Pontifici sit de necessitate salutis. Dicit enim Cyrillus in libro Theaurorum: Itaque, Fratres, si Christum imitamur, ut ipsius oves vocem ejus audiamus, manentes in Ecclesiâ Petri, & non inflemur vento superbiæ, ne forte tortuosus serpens propter nostram contentionem nos ejiciat, ut Evam olim de paradiso. Hæc autem sunt testimonia, quæ Cyrillo Alexandrino subjecta contendimus & probatum imus.

Beatus Thomas ætatis annum agens xxv. qui Christi erat m. cc. xlviii. Magistri sententias interpretari cœpit, & commentariis illustrare. Hinc sub Alexandro IV. qui anno m. cc. lxi. excessit è vitâ, librum contra impugnantes religionem composuit. Tunc in Parisiensi Academia exarsit ingens illa contentio, quæ ut Thomam, ita & Bonaventuram ad scribendum impulit. Mox sub Urbano IV. qui anno m. cc. lxi. mortem oppetiit, ad confutandos Græcorum errores aggressus est, & tractatum suum huic Pontifici nuncupavit. Sic Doctor sanctus cum esset junior Theologus, imponi sibi passus est ab eo, qui relatâ testimonia Cyrillo Alexandrino supposuit. Verum enim verò ad maturiorem cum pervenit ætatem, factus doctior & cautior, testimonia hæc pro derelicto habuit, & silentio deprehensæ vel saltem olfactæ falsitatis indice suppressit. Inter omnes convenit Theologiæ summam Doctoris sancti opus esse ultimum & cæterorum perfectissimum: quod tamen priusquam emigraret ab hominibus, absolvere non potuit. In secundâ secundæ sunt loca maxime tria, quæ nec minus utiliter, nec minus opportunè, quam Commentarius in quartum sententiarum, & opuscula contra expugnantes religionem & contra errores Græcorum, videntur auctoritates illas omnes, vel certè aliquas postulare, si quæ veritate nitantur.

Locus primus est in quæstionis i. articulo x. cui titulus: Utrum ad Summum Pontificem pertineat fidei symbolum ordinare. Sed contra est, quod editio symboli facta est in Synodo generali: sed hujusmodi Synodus auctoritate solius Summi Pontificis potest congregari, ut habetur in Decret. dist. 17. Ergo editio symboli ad auctoritatem Summi Pontificis pertinet. Respondeo dicendum, quod sicut supra dictum est, nova editio symboli necessaria est ad vitandum insurgentes errores. Ad illius ergo auctoritatem pertinet editio symboli, ad cujus auctoritatem pertinet finaliter determinare ea, quæ sunt fidei, ut ab omnibus inconcussa fide teneantur. Hoc autem pertinet ad auctoritatem Summi Pontificis, ad quem majores & difficiliores Ecclesiæ quæstiones referuntur, ut dicitur in Decret. dist. 43.



unde & Dominus Luc. 22. Petro dixit, quem Summum Pontificem constituit: Ego pro te rogavi Petre, ut non deficiat fides tua, & tu aliquando conversus confirma fratres tuos. Et hujus ratio est, quia una fides debet esse totius Ecclesie, secundum illud 1. ad Corinth. 1. Idipsum dicatis omnes, & non sint in vobis schismata. Quod servari non posset, nisi questio fidei de fide exorta determinetur per eum, qui toti Ecclesie praeest: ut sic ejus sententia a tota Ecclesia firmiter teneatur, & ideo ad solam auctoritatem Summi Pontificis pertinet nova editio Symboli, sicut & omnia alia, quae pertinent ad totam Ecclesiam, ut congregare Synodum generalem, & alia hujusmodi.

Ad secundum dicendum, quod prohibitio & sententia Synodi (Ephesinae primae) se extendit ad privatas personas, quarum non est determinare de fide. Neque enim per hujusmodi sententiam Synodi generalis ablata est potestas sequenti Synodo novam editionem Symboli facere, non quidem aliam fidem continentem, sed eandem magis expositam. Sic enim qualibet Synodus observavit, ut sequens Synodus aliquid exponeret supra id, quod praecedens Synodus exposuerat propter necessitatem alicujus haereseis insurgentis. Unde pertinet ad Summum Pontificem, cujus auctoritate Synodus congregatur, & ejus sententia confirmatur.

Alter est in quaest. xi. articulo ii. cui titulus, Utrum haereseis sit proprie circa ea quae sunt fidei. Ad tertium dicendum, quod sicut Augustinus dicit, & habetur in decret. 24. quaest. 3. C. dixit Apost. si qui sententiam suam, quamvis falsam atque perversam nulla pertinaci animositate defendunt, quarum autem tota sollicitudine veritatem, corrigi parati cum invenerint, nequaquam sunt inter haereticos deputandi, quia scilicet non habent electionem contradicentem Ecclesiae doctrina. Sic ergo aliqui Doctores videntur dissensisse vel circa ea, quorum nihil interest ad fidem, utrum sic aliter teneantur, vel etiam in quibusdam ad fidem pertinentibus, quae nondum erant per Ecclesiam determinata. Postquam autem essent auctoritate universalis Ecclesiae determinata, si quis tali ordinationi pertinaciter repugnaret, haereticus censureretur. Quae quidem auctoritas principaliter residet in summo Pontifice. Dicitur enim vigesima quarta quaest. 1. Quoties fidei ratio ventilatur, arbitror omnes fratres nostros & Coepiscopos nonnisi ad Petrum, id est ad sui nominis auctoritatem referri debere. Contra cujus auctoritatem nec Hieronymus, nec Augustinus, nec aliquis sacrorum Doctorum suam sententiam defendit. Unde dicit Hieronymus ad Damasum Papam: Hac est fides, Papa beatissime, quam in Catholica didicimus Ecclesia &c.

Tertius in quaestione xxxix, articulo i. cui titulus: Utrum schisma sit peccatum speciale. Respondeo dicendum. Et quibusdam interiectis: Et ideo proprie Schismatici dicuntur, qui propria sponte & intentione se ab unitate Ecclesiae separant, quae est unitas principalis, Nam unitas particularis aliorum ad invicem ordinatur ad unitatem Ecclesiae, sicut compositio singulorum membrorum in corpore naturali ordinatur ad totius corporis unitatem. Ecclesia autem unitas in duobus attenditur, scilicet in connexionione membrorum Ecclesiae ad invicem, seu communicatione, & iterum in ordine omnium membrorum Ecclesiae ad unum caput, secundum illud ad Coloss. 2. Inflatu sensu carnis suae, & non tenens caput, ex quo totum corpus per nexus & conjunctiones subministratum & constructum crescit in augmentum Dei. Hoc autem caput est ipse Christus, cujus vicem in Ecclesia gerit Summus Pontifex; & ideo schismatici dicuntur, qui subesse renuntiant Summo Pontifici, & qui membris Ecclesiae ei subiectis communicare recusant.

His tribus locis adjungo quartum, qui repetitur ex quolibet ix. articulo x. ubi de Romano Pontifice homines pios in Sanctorum album referente agitur. In argumento, sed contra: Sicut tenemur credere, quod est in scriptura sacra, ita illud, quod est communiter per Ecclesiam determinatum. Unde haereticus ju-

dicatur, qui semit contra determinationem Conciliorum, ergo commune iudicium Ecclesiae erroneum esse non potest, Mox in corpore articuli: Dico ergo, quod iudicium eorum, qui praesunt Ecclesiae, potest errare in quibusdam, si persona eorum tantum respiciantur, si vero consideretur divina providentia, quae Ecclesiam suam Spiritu sancto dirigit, ut non erret, sicut ipse promissit Joannis 14. quod Spiritus adveniens docebit omnem veritatem de necessariis scilicet ad salutem, certum est, quod iudicium Ecclesiae universalis errare in his, quae ad fidem pertinent, impossibile est. Unde magis est standum sententiae Papae, ad quem pertinet determinare; quam in iudicio proferri, quam quorumlibet sapientium hominum in scripturis opinioni. Et paulo post. Canonizatio vero Sanctorum medium est inter haec duo, quia tamen honor quem Sanctis exhibemus, quaedam fidei professio est, quae Sanctorum gloriam credimus, pie credendum est, quod nec etiam in his iudicium Ecclesiae errare potest.

Ecce tibi loca quatuor, in quibus firmamenti ac roboris non parum attulissent relata Cyrilli testimonia. Haec rem decretorio stilo conficere quis negaret? praetermissionis causa quae; nisi quod Thomas factus consultior falsitatem suboluit, quam minus consultus olim subolere non potuerat? Audebitne aliquis Chrysostomo tribuere, quae Thomas illi in opusculo contra Graecorum errores tribuit? Verba sunt: Chrysostomus dicit ad consulta Bulgarorum ex persona Christi loquens: Ter te interrogo, an ames, an ames, an diligas, quia ter me trepidus & timidus negasti. Nunc autem reduktus, ne credant te fratres gratiam & clavium auctoritatem amisisse, quia amas me coram ipsis, id tibi iam confirmo, quod meum est plenum. Hoc non urgeo, ne videar Thomae facinus tam absurdum imponere. Cum Bulgari Christianam susceperunt fidem, annusolvebatur octingentesimus quinquagesimus quintus, qui erat ab excessu Chrysostomi quadringentesimus trigessimus octavus. Sua est aetati cuique scribendi disputandique ratio. Cogitationes secundae, quia sapientiores esse solent, anteponendae sunt primis, non secundis primae, nisi qui de beato Thoma pessime mereri voluerit: Ut sine dubio meretur, dum pro relatis Cyrilli testimoniis vadem illum accipit, & sponsores appellat. Magister absolvitur, & damnatur discipulus: qui hinc magistro facit injuriam, hinc sponte se erroris periculo exponit.

Ceterum in quaestione xi. articulo ii. reperies, edendi symboli, & sancienda fidei jus principaliter residere in summo Pontifice, non propter certum atque indubitatum iudicium, quo Pontifex seorsum ab Ecclesia vel Synodo valeat, sed propter auctoritatem convocandae Synodi, in qua & symbolum editur & fides sancitur. Id collata inter se loca superiora, & nihil aliud obijciunt, si ex seipsis pensentur. Contradicentem involves, si Thomae rationes ad dialecticorum regulas exigantur.

Verum ad relata testimonia quod attinet, haec tam non sunt, nec esse possunt apud Cyrillum, quam non sunt nec esse possunt apud Virgilium, vel Hesiodum. Et primo quidem testimonium illud, quod ter aut quater apud Thomam repetitur, Thesaurorum liber ii. non habet, ut habere dicitur in opusculo contra impugnantes religionem. Bellarminus hic tenetur in libri ii. de Rom. Pont. capite xv. ita scribens: Quae verba (de quibus nunc agitur) non habentur in libris Thesauri, qui nunc extant, sed citantur a beato Thoma in opusculo contra Graecos, & a Gemadio Scholario Graeco auctore in libro de primatu Romani Pontificis. Constat autem multos libros Thesauri periisse. Nam citatur in VI. Synodo actione 10, liber 32. Thesauri Cyrilli, cum non extant hoc tempore libri, nisi quatuordecim. At verba quae refert Bellarminus, ea Thomas scribit esse in libro ii. Thesaurorum. Quod nunc effugiet Bellarminus, qui thesaurorum librum ii. habuit? Præterea auctor iste secum pugnat. Hoc enim in loco certa vult esse

esse Cyrilli apud B. Thomam testimonia, quæ incerta sibi esse significat in Libri 1. de Sum. Pont. capite xxvi. *Cyrillus in Thesauris* (si beato Thoma in opusculo contra Græcos credimus) sicut Christus, inquit, accepit à Patre sceptrum Ecclesiæ gentium, & cætera, quæ superius relata sunt in pag. 11. & 111.

Sic verba hæc non extant in libro 11. Thesaurorum; nec deinde exstare possunt, quod libri hujus argumentum & Cyrilli proprius tractandi modus prohibeant. Argumentum quidem libri hocce: quod *ingenitum non sit substantia, sed substantia significativum*; Cyrilli proprius tractandi modus, quia Cyrillus operi suo semper insistit, nec unquam à proposito digreditur, vel amplificandis rebus indulget.

Tum Thesaurorum liber totus, qui assertionibus *τῶν λόγων* xxxv. constat, paginam nullam potest obijcere, in qua quæ Thomas Cyrillo tribuit, locum habeant. Siquidem de *sancta & consubstantiali Trinitate* totus est, & in eo toto proponuntur & variè diluuntur objectiones, quibus Ariani, Eunomiani & alii id genus hæretici Trinitatem impetunt. His causis adductus facile credo, nec Bellarminum, nec alios qui relata apud Thomam Cyrilli testimonia vindicant, legisse unquam Thesaurorum codicem, quem laudarent. Hunc codicem putarunt arcam esse veluti quandam maximam, quæ rebus cujuscumque generis repleteretur.

Denique Gennadius seu Georgius Scholarius qui 11 Florentinæ Synodo interfuit, à quibusdam Latinis deceptus est, & forsitan decipi voluit. Arcanam non revolve historiam. Quidquid id est, Gennadius efficere non valet, ut Cyrillus in Thesaurorum libro scripserit, quod non scripsit.

Non moror Synodum VI. quæ Bellarmini consilio non prodest, sed nocet. Nam quæ in actione x. de Thesaurorum libro vel assertionem non solum xxxii. sed etiam de libro seu assertionem xxiv. citantur, hæc ipsa prorsus apud Cyrillum occurrunt. Ergo inter Synodum & Thomam discrimen est, quod synodus verè, Thomas falsò laudaverit Cyrillum. Quid ex eo Bellarminus & sectatores lucrantur?

Præterea quæ gesta sunt in Florentina Synodo, testimoniorum suppositionem validissimè confirmant. In sessione vii. fuit, qui palam dixerit: *Habemus, patres optimi, multas alias hæc de re sententias, sed longe ante omnes Cyrilli in Thesauris.* Elucet enim præcipuè Romani Pontificis auctoritas in scriptis Cyrilli. Sed homo iste in sessione xxv. obmutuit, cum loqui debuit etiam Stentore clamorior. Cyrilli Thesaurus non aperuit, cum aperiendi occasio sese obtulit. Nonne tunc vehemens & pugnax concertatio Romanos & Græcos diu tenuit, cum faciendum fuit decretum fidei circa Romani Pontificis dignitatem? Cur quæso Romani Græcis non objecerunt Cyrillum, summæ apud eos auctoritatis Episcopum, qui plura Petro, & in Petro Petri successoribus, quàm Romani peterent, concedit? Cur Romani Græcis non objecerunt relata testimonia, quæ Græcis ad moram & tergiversationem aditum intercludunt omnem? Cur in præstandis illis testimoniis

12 non oppignerarunt Thomæ fidem? oppignerare non sunt ausi. Et primum quidem Græci Græca postulassent Cyrilli exemplaria: quis dedisset? & quis etiamnum ea daret, in quibus quæ Thomas habet, reperirentur? integrum Thesaurorum opus in lucem prodit, ubi nec vola nec vestigium testimoniorum, quæ exhibuimus. Græci à Latinis sciscitati essent, quis relata testimonia è Græco vertisset in Latinum? an Thomas, vel alius? Nemo affirmasset vertisse Thomam, qui Græcè non intelligebat: si alius: quæsissem quo tempore claruerat? an totum thesauri opus verterat, an eas tantum partes, quas Beatus Thomas in suos jecit commentarios? Cur vertendo periodum imperfectam & mutilam reddiderat? *Ut membra maneamus, &c.* Certa quædam verba præcedentia cum insequentibus

jungenda utique fuerant, ne Cyrillus vastè & hiulcè loqui videretur. Quæsissem quoque, quosnam Cyrillus alloquatur per illud, *ut membra maneamus in capite nostro Apostolico throno Romanorum Pontificum*? Vel per illud: *Itaque fratres si Christum imitamur, ut ipsius oves vocem ejus audiamus, manentes in Ecclesia Petri*? An alloquatur Egypti, Orientis, vel occidentis Episcopos? quare sic alloquatur? quare in Thesaurorum opere res tam alienas tractet? quare Thomas non omnia, quæ ex Thesauris arcessit, unicuique Thesaurorum seu libro seu capiti, seu assertioni non consignet? quare hac in parte Synodum VI. non imitetur? quare in Thesauris extant, quæ Synodus VI. laudat; non extant, quæ Thomas?

Interea dum Latinorum nonnullus Græcis respondeat, quid Cyrillus de Petro, de Apostolis, de Petri 13 & Apostolorum successoribus tradiderit, breviter expono, & primum de Petro.

In Thesaurorum assertionem xxxiv. *Præcipuum Apostolorum Petrus* ὁ πρῶτος ἀποστόλων ἀρχιεπὶς ad Ananiam loquitur.

In libro 11. super Joannem: *Congrua similitudine Petrum à Petra vocari placuit, puta super quem fundaturus erat suam Ecclesiam.*

In libro ix. super eundem Joannem. *Ne ullus dixerit Petrum, qui primum inter ceteros locum tenebat, idcirco interrogavit, quod ceteris intelligentibus ipse forsitan ignoraret, sed ei ut præcipuo primas loquendi ac liberè interrogandi partes concedit.*

In libro xii. super eundem Joannem, *Petrus sanctorum Apostolorum Princeps*, ὁ ἀρχιεπὶς πάντων ἀποστόλων.

In libro 11. super Esaiam oratione 1. *Quod autem divinus Petrus & ipsemet Paulus sapientissimus occidentibus partibus occupatis Christum annuntiaverint, nemo est, qui ambigat.*

In libro iv. super Esaiam oratione 11. *Tu es Petrus & super hanc Petram, &c. Petram opinor vocans immutam fidem discipuli.*

Hæc de Petro: nunc de Apostolis, & successoribus Apostolorum Episcopis.

In libro 11. Glaphyrorum super Genes. ad illud: *Deus est judex aut judicium: præ se fert autem hic gloriosum atque admirabilem sanctorum Apostolorum Chorum, qui in principatum fidelium sunt constituti, & judicium consecuti, tribuente hoc ipsis Christo.*

In libro 1. super Leviticum: *Divini discipuli Salvatoris nostri mysteriis insignes habiti, neque sibi rapuerunt honorem, neque absque vocatione sese ingesserunt, sed potius delecti sunt ad munus Apostolicum, & ordinati, ut toti orbi sacra administrarent per salutarem predicationem, hoc est, Christi Evangelium. Illustres enim & præclaros constituit eos magistros ille, qui Apostolis dixit, Euntes docete omnes gentes.* 14

In Libro quarto super Esaiam orat. 11. *Fundamenta proxima & viciniore nobis intelligi possunt Apostoli & Evangelista oculati testes, ministri sermonis, facti in confirmationem fidei.*

In Thesaurorum assertionem xxiv. *Deus bona quæ adventus Salvatoris nostri esset allaturus, prænuntians, ita alicubi de suis gregibus scribit: Suscitabo ipsis pastores secundum cor meum & pascunt greges cum scientia. Paulus verò præco veritatis Ephesiorum senioribus scribens, Attendite, inquit, vobis ipsis & omni gregi, in quo vos Spiritus sanctus posuit Episcopos.*

In libro 111. de adoratione in spiritu & veritatis: *Dixit etiam certè Christus ejusdem David voce de terra & de sanctis Apostolis: Ego firmavi columnas ejus: formati quippe sunt sancti Apostoli, qui supra terram eminent, cum virtute ex alto, gratia nempe sunt sancti Spiritus induti: iidem etiam erant columnæ, eo quod Christo conformes erant atque similes per gratiam sancti Spiritus.*

In libro iv. de eadem adoratione: *Ideoque scriptum reliquit ille Salvatoris nostri Discipulus: Nolite plures magi-*



magistri fieri, fratres mei, scientes, quod majus iudicium sumemus. In Episcopos igitur & eos, qui ordinibus praesunt, communis culpa confertur. Semper enim ferè principum vigilantia sit, ut ii, qui parent, laudabiliter se gerant. Ideoque scriptum est populis, qui sub imperio erant, Obedite praepositis vestris & subjacete eis, ipsi enim vigilant pro animabus vestris tanquam rationem reddituri.

In libro iv. de eadem adoratione sub finem: In Christo patres multarum gentium & seminis innumerabilis ut Abraham in Isaac facti sunt. Quod autem hac de re dictum est à nobis, id non solum priscis illis viris ac sanctis Apostolis tribuimus, sed ad eos quoque, qui post illos sacerdotale sunt officium sortiti & Ecclesia duces constituti.

In libro x. de eadem adoratione: Ecclesia ex gentibus velut edificatorum quosdam & spirituales artifices sanctos Apostolos constituit, dicens, Euntes docete &c.

In libro xiii. de eadem adoratione: Ceterum illi (Levitae) Amon in sacris operibus administrant sanctum illum & admirabilem Apostolorum chorum significare poterunt. Dei namque cooperatores fuerunt & asservatores, dispensatoresque mysteriorum Dei, atque ministri etiam per quos credidimus. Quod si quis velit etiam Ecclesia ordinem perquirere, illam legis praefigurationem iure admirabitur. Episcopis enim, utpote qui duces creati sunt, necnon etiam iis, qui inferioris dignitatis gradum gerunt, Presbyteris inquam, concreditum est altare & qua intra velum continentur. Quibus etiam dici convenit, Et custodient Sacerdotium suum. Et quibusdam interpositis: Igitur praefamiores quidem sacerdotale munus expleant, sed Levitae adjuvant: ita ut ordinem Ecclesiastici Sacerdotii legis litera praedicare videatur.

16 In Apologetico ad Theodosium Imperatorem: Ad eum ferè modum unusquisque sacerdotum, (quandoquidem speculator à Domino constitutus est) siquidem populis sua cura commissum malum, quod ladere solet, annuntiaverit, coronam hac vigilantia sibi conciliabit. Et post alia: Beati namque patres nostri cum sacerdotium à Deo accepissent, haereticorum perversitati, suo quisque tempore, sese intrepide opposuerunt, maxime vero impiorum Arianorum.

In libro vi. in beatum Joannem: Quod factum est in Apostolis Sanctis, & in Sanctarum Ecclesiarum post illos Doctoribus, quibus janitor aperit, hoc est, vel ordinatus Angelus ad praesidendum Ecclesiis, & opem ferendam iis, qui sacerdotium sortiti sunt ad populorum utilitatem: vel rursus, ipse Servator, ipse & janua & janua Dominus. Et post alia: Adjungens oves suis pastoribus obsequi, ab alienis verò resiliere, rursus ingeniose subindicat, eos nunquam praefuturos iis, qui credituri sunt in ipsum: contra verò oves ab eorum doctrina refugient, & pastoribus ab eo (Christo) datis adhaerebunt. Et quibusdam interjectis: Qui verò divinitus sibi concessa gubernacula susceperunt, atque ad ea capeffenda per Christum veniunt, summa cum auctoritate & gratia sacro praerunt ovili.

In cap. iiii. Micheae: Sed aequius erat illos cogitare eversores fore potius, quamquam ad adificationem & emendationem constitutos velut nimirum & gregum praefectos, sacerdotisque & custodes legum à Deo lectos.

In cap. ix. Zachariae: Evaserunt autem adeo clari & fulgentes tum divini Discipuli, tum praefones Evangelii Salvatoris, & qui eos secuti sunt populorum rectores, & 17 Praefides Ecclesiarum, ut claritudinem virtutis eorum nemo ignoraverit.

In cap. xi. ejusdem Zachariae: Et inducam vos in Sion, & dabo vobis pastores secundum cor meum, pascent vos pastores cum scientia. Quinam isti? Divini Discipuli, & Ecclesiarum suis quisque temporibus Praefides & rectores.

In libro x. contra Julianum: Quid in pejus traditum est ab eorum (Apostolorum) successoribus, quibus verbi vices à Deo demandatae sunt?

Quot sunt in singulis locis commata, tot argumenta, quibus relata apud Thomam Cyrilli testimonia Cyrillo penitus abjudicantur, & illorum vindicationi fortiter interceditur.

Nunc de Petri successoribus: Cyrillus in Epistola ad Juvenalem Hierosolymorum Episcopum: Nestorius scripsit ad Romanam Ecclesiam Episcopum Celestinum, Dominum fratrem & comministrum meum *κύριον καὶ κομμινίστρον μου*. Ut Cyrillus Juvenalem in epistolae titulo, Dominum & comministrum suum, sic & Celestinum in ipsa epistola, Dominum & comministrum suum nominat. Deinde in Epistola, quam & suo & Ephesinae Synodi nomine ad Nestorium mittit, Celestinum semel atque iterum fratrem & comministrum, & semel Coepiscopum nostrum appellat. Tum deum in Epistola, quam & suo & Synodi illius nomine ad Constantinopolitanos Monachos dedit, Celestinum fratrem & comministrum nostrum vocat. Quae igitur Cyrillus de Petro, de Apostolis, de successoribus Apostolorum Episcopis, de Petri successore Celestino scribit, ad demonstrandam relatorum testimoniorum falsitatem sufficerent, si opus esset.

Testimoniorum istiusmodi doctrina non minus re- 18 pugnat Chrysostomo, qui annis tantum quinque antequam Cyrillus crearetur Episcopus, vitam deposuit. Sic enim primum in libro i. de Sacerdotio, ubi persuasurus Basilio, ut Episcopatum ad quem vocabatur, susciperet, hunc Joannis locum adducens, Tum ostensurum, inquit, Basilium eximiam suam dilectionem in Christum, si pascat ejus gregem, cum scriptum sit, si diligis, pasce oves meas. Quod Petro dicitur, Basilio quoque dicitur.

Deinde in Homilia xxxi. de beato Philogonio Episcopo: Quantum autem sit pietatis argumentum, quod Deus illum tanto magistratu dignum iudicavit, audi; Christus excitatus à mortuis, quid dicat Petro, Petre amas me, isque respondisset, Tu Domine scis, quod amo te: Si diligis me, pasce oves meas. Et post alia: Si quis voluerit illi commendatus esse, curam ovium habeat illius, publicam quaerat utilitatem fratrum suorum. Chrysostomus dicit, si quis voluerit Christo, non Petro, commendatus esse: iterum ait: curam habeat ovium, Christi, non Petri.

In Homilia lxxviii. super caput xxiv. Matthaei: Amas me Petre, inquit, pasce oves meas, cum tertio ipsum interrogasset, hoc amoris esse argumentum confirmavit, quod non ad Sacerdotes solummodo dictum est, verum etiam ad singulos nostrum, quibus vel minimus grex commissus esse videtur, nec enim quia minimus est, negligi debet. Pater namque meus complacuit in ipsis, habet unusquisque nostrum ovem, ad pinguiam eam pascua ducat. Haec tam aperta sunt & perspicua, ut commentariis nullis indigeant. Ceterum Chrysostomus eo videtur scripsisse consilio, ut ex iis quae scripsit, relata testimo- 19 nia suppositionis accusarentur. Deinde non obscure significat quomodo intelligendus sit ipsemet, cum alibi de Petro & de ovibus Petro commissis simpliciter loquitur.

Sed ne sint haec omnia, Romani Pontifices soli relatorum testimoniorum suppositionem ostenderent.

Celestinus in Epistola ad Joannem Antiochenum excludit particulas illas, quibus illa testimonia sedium aliarum consortium excludunt: Sciat sanctitas tua, ejusmodi à nobis, vel ab ipso verius Christo Domino ac Deo nostro per nos sententiam in Nestorium latam esse: videlicet, Quod nisi intra decem dies post acceptam monitionis nostrae syngrapham enumerandos, sacrilegam de Christi ortu doctrinam scripta confessione damnaverit, eamque fidem in posterum se sectaturum promiserit, quam & Romanorum & Alexandrinorum & universa profectur & servat Ecclesia, certo fore, ut ab Episcoporum Synodo exauthoretur. Hoc idem penè repetit in Epistola ad Cyrillum. Eam de Christi Dei nostri generatione fidem in posterum confessurum se spondeat, quam & Romana & tua sanctitatis Ecclesia & universa denique religio Christiana praedicat.

Leo Cyrilli aequalis & superstes in sermone de anniversario assumptionis suae: Propter quod dicitur beatissimo Petro; Tibi dabo claves regni caelorum, & quaecunque ligaveris super terram, erunt ligatae & in caelis, & quaecunque solveris super terram, erunt soluta & in caelis

calis. Transiit quidem etiam in alios Apostolos vis potestatis istius, & ad omnes Ecclesia Principes decreti huius constitutio committitur, sed non frustra uni commendatur, quod omnibus intimatur. Petro enim ideo hoc singulariter creditur, quia cunctis Ecclesia rectoribus Petri forma praeponitur. Nonne exclusivas testimoniorum particulas omnes funditus evertit?

Sed curiosè ac diligenter id notandum est, quod in Epistola LXIII. ad Theodoretum capite IV. ita scribit: In nullo ab illis, quas Spiritus sancti divinitas in Chalcedonensi Concilio protulit, fidei regulis recedentes, inter utrumque hostem, novella perfidia sermonem nostrum cum omni cautela libremus: non jam, quod absit, tanquam de dubiis disceptantes, sed auctoritate sua, quae bene definita sunt, adstruentes, cum in Apostolica Sedis Epistola, universalis sancta Synodi assensu firmata, tanta divina auctoritatis testimonia noverimus esse congesta, ut nullus queat ulterius dubitare, nisi qui sibi ipsis errorum tenebras inferre maluerit. Et primum quidem non sibi soli, tamen Chalcedonensi Concilio per Legatos praesuerit, sed ipsi Concilio tribuit, quod illas, à quibus minime recedendum sit, fidei regulas condiderit. Deinde non sibi soli, sed Concilio Sancti Spiritus auxilium in condendis fidei regulis adscribit. Tum demum asserere non veretur Apostolica Sedis Epistolam universalis Synodi assensu firmatam esse. Quo fit, ut nullus super sit de rebus in Epistola definitis ambigendi locus. Hæc autem tria quidquid in subjectis Cyrillo testimoniis astruitur, omnino destruunt.

Quid tibi proferam Siricio, qui ante Leonis & Cyrilli tempus non dubitavit ad Anysium & ceteros Illyrici Episcopos scribere, quæ sequuntur: Accepi litteras vestras de Bonoso, quibus vel pro veritate vel pro modestia nostram sententiam sciscitari voluistis. Sed cum huiusmodi fuerit Concilii Capuensis iudicium, ut finitimi Bonoso atque ejus accusatoribus iudicet tribueretur, & præcipue Macedones, qui cum Episcopo Thessalonicensi de ejus factis vel cognoscerent, advertimus, quod nobis iudicandi forma competere non posset. Nam si integra esset hodie Synodus, recte de his, quæ comprehendit vestrorum scriptorum series, decerneremus. Vestrum est igitur, qui hoc recipistis iudicium, sententiam ferre de omnibus, nec refugiendi, vel elabendi, vel accusatoribus, vel accusato copiam dare. Vicem enim Synodi recepistis, quos ad examinandum Synodus elegit. Denique cum Bonosus Episcopus post iudicium vestrum misisset ad fratrem nostrum Ambrosium, qui ejus sententiam consuleret, interdictam sibi Ecclesiam irrumpere atque ingredi; responsum est ei, quod nihil temerandum foret, sed omnia modestè, patienter, ordine gerenda; neque contra sententiam tentandum aliquid, ut quod videretur vobis iustitia convenire, statueretis, quibus hanc Synodus dederat auctoritatem. Ideo primum est ut ii iudicent, quibus iudicandi facultas est data. Vos enim totius, ut scripsimus, Synodi vice decernitis; nos quasi ex Synodi auctoritate iudicare non convenit. Epistola huic, quæ attribuebatur Ambrosio nec attribui jure poterat, Romæ nuper restituta est propria inscriptio. Et ut inscriptionis restitutio firmaretur amplius, Franciscus Cardinalis Barberinus librum, cui Epistola inferitur, Alexandro VII. postquam Raimundus Capisuccus sacri Palatii Magister de libro censuit, nuncupavit. Porro autem in hac Epistola quot periodi, quot versus, tot fulmina, quibus suppositæ Cyrillo auctoritates consumuntur. Satiùs est cum Hieronymo dicere: Propositionum, quæ Cyrillo assignantur, rivuli omnes uno Romana Ecclesia sole fiantur, & alia multa recentiorum quorundam Theologorum placita, quæ modò enumerare non licet, ultro se obijciunt intelligentibus.

Intereadum neque Siricio, neque Alexandro Septimo, cui in operis nuncupatione tribuuntur multa, quæ editionem vindicant, neque Franciscus Cardinali Barberino, neque sacri Palatii Magistro subreptum vel obreptum esse notaveris, Siricii factum Petri & Pauli,

qui Romanam fundarunt, & suo sanguine consecraverunt Ecclesiam, Lini, Cleti, Clementis, Anacleti, Evaristi, Alexandri, Sixti, Telesphori, Hygini & Pii traditione confirmabo. Res hæc sic se habet apud Epiphanium in hæresi XLII. quæ est Marcionistarum: Marcion fuit genere Ponticus, parente natus Catholicae communionis Episcopo. Postea cum virginem quandam adamasset, ac fraudibus pellexisset, ab ipse vita celestis illam juxta ac semetipsum dejecit. Ob hunc igitur incestum Ecclesia ab ipso parente pulsus est, viro cum primis religioso ac veritatis amore flagrantissimo, & in hac Episcopalis muneris administratione praestanti. Cui cum Marcion diu multumque supplicasset, ac penitentiam postulasset, hanc à patre precibus nullis obtinuit. Vehementem siquidem ex ea re dolorem optimus senex & Episcopus cepit, quod non ille solum excidisset, sed & ignominiam sibi ac dedecus imposuisset. Ergo ubi se nullis artibus eblandiri posse, quod cuperat, animadvertit, popularium suorum probra & ludibria non sustinens, clam ab oppido secessit, ac Romam post Hygini Papæ obitum sese contulit, qui à Petro Pauloque Apostolis novus Ecclesia praesuerat. Eò statim ac pervenit Marcion ad seniores adiens, qui ab Apostolorum discipulis edocti supererant, ut in communionem admitteretur, frustra ab iis petiit. Quamobrem exstimulatus invidia, quod non principem illic locum, ac ne Ecclesia quidem aditum impetrasset, ad impostoris Cerdonis hæresim confugere in animum induxit. Tum ab ipso principio, ipsisque, ut ita dixerim, questionum foribus exorsus, presbyteris, qui tunc temporis erant, cepit proponere. Cedo, inquit, quid hoc sibi vult; non mittunt novum vinum in ures veteres, neque commissuram panni rudis in vestimentum vetus, alioqui tollit plenitudinem, neque veteri congruet. Major enim scissura sit. Quod candidi & sanctissimi Dei Ecclesia presbyteri ac doctores audientes hunc in modum respondebant: Fili, Veteres illi ures nihil aliud sunt, quam Phariseorum scribarumque corda, quæ peccatis inveteraverant, nec Evangelii doctrinam admiserant, eodemque vetus illud vestimentum pertinet: Cujusmodi Judas extitit, qui in avaritia tanquam vetustate quadam obsoleverat, neque novi ac sanctissimi, celestisque mysterii prædicationem accepit, tamen ad XI. Apostolos esset aggregatus, & ab ipso Domino vocatus. Ex quo majorem scissuram, non alio, quam ipsomet auctore sibi conscivit. Propterea quod ejus animus caducis his opibus ac fastu, fluxaque hominum amicitia, ac spe, voluptatēque contemptis, nequaquam se celestem ad spem, ac futurorum bonorum rationem accommodaverat. Ad hæc contradicere Marcion, ac longè secus id habere se dicere, pro eo, quod admittere sese decreverat. Quare palam eos alloquens: Cur me, inquit, recipere noluitis? Respondere illi: [Nos injussu venerandi Patris tui facere illud non possumus. Una siquidem fides & animorum una consensus; neque contra spectatissimum collegam Patrem tuum quidquam moliri possumus.] Ecce tibi certissima, & recentissimo Martyrum cruore munitissima Sedis Apostolicæ traditio, quæ postea Nicænæ Synodi Canone v. asseritur, & digna insuper, quam retineat istud Catholicae fidei professionis caput, Apostolicas & Ecclesiasticas traditiones firmissimè admitto & amplector. Et sanè circumspectanti mihi quid impediatur occurrit nihil, & si quid tibi solidum occurrat, traditionibus aliis non incommodum, nec paribus moris & tergiversationibus expositum, quando monueris, pergratum facies. Sed interim memorato Catholicae fidei professionis capiti, quod plurali numero enunciatur, suam semper constare debere veritatem memineris. Verum Apostolica Sedis traditio hæc Siricii manum ad conscribendam Epistolam tenuit & direxit.

Pius Pontifex I. & Romanus Clerus dicunt Marcioni: Nos injussu venerandi Patris tui, ἀνευ τῆς ἐμπιστῆς τοῦ πατρὸς σου, illud facere communionem tibi dare non possumus, ἡ διὰ τῆς. Siricius scribit Illyrici Episcopis: Cum huiusmodi fuerit Concilii Capuensis iudicium.



judicium, ut finitimi Bonoso, atque ejus accusatoribus judices tribuerentur, advertimus, quod nobis judicandi forma competere non posset. Pius & Romanus Clerus asseverant Marcioni: *Contra spectatissimum collegam patrem tuum nihil quicquam moliri possumus.* & *divina cunctis* 25 *ἐν τῷ πρῶτῳ ἐκκλησίᾳ πᾶσι τῷ σφ.* Siricius affirmat Illyrici Episcopis: *Vos totius Synodi vice decernitis, nos quasi ex Synodi auctoritate judicare non convenit.* Mutatum quidem in verbis, sed utrobique nihil in doctrina mutatum. Hinc Apostolica illa traditio, & Siricii epistola, quæ Apostolicæ traditionis foboles est verissima, distinctiones frivolas, quæ in volatica dedolari & perpoliri solent academia, non reformidant. Mediolanensis, Capuensis, Ariminensis Episcopi non loquerentur aliter, quàm Pius I. Romanus Clerus & Siricius loquuntur. In summa nihil est quod sophistica fuligine dealbari valeat.

Quamobrem ut subjecta Cyrillo testimonia cum Apostolica traditione, quam Pius Pontifex & Romanus Clerus vindicant, stare non possunt, sic & eadem testimonia cum Siricii epistola coherere nequeunt, & quia coherere nequeunt, in rebus potissimum, quæ ad Apostolicæ Sedis opportunitates spectare creduntur, supposita probantur. Id argumenta non quærit, & velis nolis, in communem hominum intelligentiam irrumpit.

Nunc quæreretur haud inutiliter, quo tempore relata testimonia Cyrillo subjecta fuerint. Post Nicolai I. & Leonis IX. tempus subjecta fuisse facilè mihi persuadeo. Nicolaus & Leo Græcis, quibuscum pugnarunt acriter, non objecerunt testimonia hæc, & quod est eorum ingenium, objecissent, seu quia non licuisset in testimoniorum veritatem inquirere, seu quia sibi ab incertis narrationibus non caveant. Leo auctoritatem Sedis suæ Constantini donatione confir- 26 mat, Nicolaus abdicatione Polychronii Hierosolymorum antistitis, quem fuisse nusquam norunt, qui de Ecclesiastica historia nonnihil degustarunt.

Testimoniorum suppositor & malleator non Græcus, sed Latinus fuit, & recentibus linguæ suæ idiotismis se prodidit: *In omni capitulo & synagoga: in omni electione & affirmatione: jure divino caput inclinant: primates mundi Petro tanquam ipsi Domino Jesu obediunt.* Quæ locutiones novitiolam apud Latinos paraturam sapiunt. Antiquitate Græca, Latina nulla se defendunt. Deinde quid sibi vult? *Pedes Christi humanitas est, scilicet ipse homo, cui tota æternitas plenissimam dedit potestatem.* Theologi veteres non ita loquuntur. Tum verba hæc, *ut membra maneamus in capite nostro Apostolico throno Romanorum Pontificum,* & id genus alia suppositoris tempus & propositum important: tempus quidem, quo Græci à Latinis secesserant. Propositum verò, ut per Græcorum illustrium auctoritatem tollendo schismati consuleretur. Sed strophas & fucos hujusmodi Christiana non agnoscit religio. Hæc in veritate summa, & in eminentissima simplicitate consistit. Id opinor crediderunt plerique omnes, qui suppositis Cyrillo testimoniis uli sunt, & continuo decepti. Mihi non est animo mortalium ulli dicam malæ fidei scribere. Absit, ut in *Καθολικός* jura invadam. Historice loquor, & dissero. Amicus quidem Plato, sed veritas amicior.

Beatum Thomam primum omnium his testimoniis usum reperio. Mox quod ille uni Cyrillo tribuit, Urbanus IV. in Græcorum auctorum plurium censum 27 deputat in Epistola, quam ad Palæologum Imperatorem scribit anno M. CC. LXIII. Verba sunt: *Manentes sicut membra in eorum capite Apostolico scilicet throno Pontificum Romanorum, à quo quærendum est, quid sit tenendum, quidve credendum, cum ejus sit reprehendere, statuere, ordinare, disponere, præcipere, solvere, & loco illius ligare, qui edificavit illum, & quod nulli alii, sed ipsi soli, quod plenum est, tradidit & concessit.* Huic etiam throno omnes Catholici jure divino caput inclinant,

& primates mundi veram consentiens fidem tanquam ipsi Domino Jesu obediunt. . . . prout nonnullorum Sanctorum Patrum, tam Græcorum, quàm aliorum scriptura veridica asseverant. Hæc non tam sunt Urbani, quàm illius scribæ, qui relato apud Thomam Cyrilli testimonio, in quo aliena multa & peregrina videbat, detraxit quædam, & addidit alia, ut quæ citantur è Græcis Patribus, in mansuetiorem & tolerabiliorem auctoritatem erudirentur. Et tamen adornata illa verborum, ut se habet, complexio, apud Græcos Patres reperitur nusquam. Hoc ut animadvertam, exigit veritas, cui nemo præscribere potest, non spatium temporum, non patrocinia personarum, non privilegium regionum. Tertullianus in libri de velandis Virginibus capite 1.

Joannem Montesonum usum esse colligo ex tractatu, quem Petrus Alliacus tunc Navarrici Collegii Magister, Theologicæ Facultatis nomine adversus illum edidit. Adscribo verba è responsione ad objecta Joannis Montefoni: *Tertiò dicendum est, quod illud, quod dictus frater ad suæ appellationis fundamentum principaliter assumit, scilicet, quod solius Sedis Apostolica est declarare, damnare & reprobare. Et iterum, quod eorum,* 28 *qua tangunt fidem, ad solum Summum Pontificem pertinet examinatio & decisio. Hoc, inquam, continet manifestam hæresim, & est dictum sibi ipsi repugnans & contrarium: & ideo propter hoc solum, si nihil aliud erroneum dixisset, Romana Ecclesia ipsum deberet cogere ad revocandum.*

## PRIMA RATIO.

Et istud declaratur 1. supponendo, quid sit Sedes Apostolica. Nam ipsa vel est universalis Ecclesia, vel ali- quod generale Collegium universalem Ecclesiam representans, vel particularis Ecclesia Romana, in qua scilicet Ecclesia sedet, id est, cui præsidet Summus Pontifex, & ideo ipse & Sedes Apostolica non sunt idem, sicut non sunt idem sedes & sedens. Ex quibus clarè patet, si ad solam Sedem Apostolicam pertinet circa fidem declarare vel reprobare, quod ad solum Summum Pontificem hoc non pertinet. Et e contra si ad solum Summum Pontificem pertinet eorum, 29 qua sunt fidei, examinatio & decisio, hoc ad solam Sedem Apostolicam non pertinet, quod in illo dicto est manifesta repugnantia.

## SECUNDA RATIO.

Item hoc tertium dictum manifestè repugnat primo dicto, ubi asserit, quod Stephanus Episcopus Parisiensis & Facultas Theologia approbaverunt doctrinam Sancti Thomæ. Ex quo sequitur, quod nec ad solam Sedem Apostolicam, nec ad solum Summum Pontificem pertinet, eorum qua sunt fidei declaratio, decisio, vel approbatio.

## TERTIA RATIO.

Item secunda pars illius dicti scilicet, quod ad solum Summum Pontificem pertinet eorum, qua tangunt fidem, 29 examinatio & decisio continet manifestam hæresim, imò multas hæreses.

## PRIMA HÆRESIS.

Primò, quia per illam exclusionem excluditur universalis Ecclesia, & generale Concilium eam representans, quod est hæreticum, quia in causis fidei à Summo Pontifice appellari potest ad Concilium, sicut patet 19. dist. cap. Anastasius: & manifestum est, quod ad ipsum pertinet Concilium in causis fidei definire, sicut patet ex auctoritate Gregorii 15. dist. capitulo Sicur.

## SECUNDA HÆRESIS.

Secundò, per illud excluditur Sedes Apostolica, ut dictum est, quod est contra ipsum, & est manifestè hæreticum.

## TERTIA HÆRESIS.

Tertiò, excluduntur Episcopi Catholici ab omnimoda cognitione, examinatione & decisione eorum, qua sunt fidei, quod est contra jus tam divinum, quàm humanum, sicut clarè patet ex 2. conclusione.

Potior autem ad ea, quæ in hæresi prima dicuntur, spectare possunt, quæ supra in eodem tractatu articulo I. conclus. VI. de Facultate Theologiæ, & Joanne XXII. narrantur. Item prædicta Facultas hoc licitè potuit contra Summum Pontificem, igitur à fortiori contra suum subditum, & inferiorem (illius errores doctrinaliter reprobare) Assumptum patuit Joannis XXII. tempore, quia sicut refert Magister Nicolaus de Lyra in tractatu suo de visione beatifica, ferè quadraginta dicta Facultatis Magistri concorditer determinarum contrarium illius, quod Papa publicè assererat. Et simile fecit dictus Magister, & similiter contra eum pulchrè scripsit Magister Guillelmus Okam, ut patet in ejus dialogo. <sup>30</sup> Quæ omnia quoad hoc fuerant reputata licitè facta, sicut apparuit tempore Benedicti XII. illius successoris. Hæc ex manuscripto Collegii Navarrici codice, cujus compendium aliquod vel potius dispendium extat sub finem Magistri Sententiarum.

Tunc Philippus Valesius Rex Galliæ cum Parisiensium Theologorum definitione (tanta erat nostrorum auctoritas) munitum se sentiret, Joanni XXII. minaces scripsit literas in quibus habentur verba hæc: *Qu'il se revoquast, ou qu'il le feroit ardre.* Id est: Ut errorem suum revocaret, alioquin ipsum igni tradendum curaret. Petrus Alliatus jam Cameracensis Episcopus id an. M. CCCC. VI. notavit in certa quadam oratione, quæ in Bibliotheca S. Victoris asservatur manuscripta, & sic incipit: *Pax Dei, exuperat omnem sensum.* Pontifex Regi paruit, errorem revocavit suum, & Ecclesiæ Matri suæ ac Dominæ se subjecit: Revocationis & subjectionis libellus extat apud Odo-ricum Raynaldum in tomo XV. Ecclesiasticorum Annualium, ad annum M. CCC. XXXIV. num. XXVIII. *Ne quis, inquit, sinistrè interpretari possit, nos sensisse aliquid, aut sentire, quod sacra Scriptura obviet, aut fidei orthodoxæ, dicimus & protestamur expressè, quod quidquid in questione, seu materia visionis animarum, videlicet, an anima à peccatis & pœnis peccatorum purgata videant divinam essentiam illa visione, quam Apostolus vocat facialem, seu in quacunque alia materia in sermonibus & collationibus nostris diximus, allegavimus, seu proposuimus, non intendentes aliquid determinare, vel decidere seu credere, quod esset quovis modo Scripturæ sacra obviu, vel contrarium fidei orthodoxæ, sed illud solum tenere & credere, quod & Scriptura sacra potest & poterat Catholica fidei convenire: Et si forsan in prædictis sermonibus vel collationibus aliqua, quæ vel Scripturæ sacra, seu fidei orthodoxæ quovis modo essent, vel viderentur obvia, ipsa præter intentionem à nobis fuisse prolata dicimus & asserimus, eaque revocamus expressè, non intendentes illis adharere, nec ea in presenti defendere, nec etiam in futurum.* Hic concordat antiquæ fidei formulæ, quæ Clementis IV. & Joannis XXI. temporibus præscripta est Græcis apud eundem Raynaldum. Hæc autem fidei formula sic se habet. *Et quidem credimus sanctam Trinitatem, & cætera quibus symbolum Ecclesiæ paullo latius explicatur, eoque explicato subicitur: Hæc est vera fides Catholica, & hanc super dictis articulis tenet & prædicat sacrosancta Romana Ecclesia: Sed & propter diversos errores à quibusdam ex ignorantia, & ab aliis ex malitia introductos dicit & prædicat eos qui post baptismum in peccata labuntur, non rebaptizandos, sed per veram penitentiam suorum posse consequi veniam peccatorum.* Et quibusdam interjectis. *Illas igitur animas, quæ post suum baptismum nullam omnino peccati maculam incurrerunt, illas etiam quæ post peccati maculam contractam, vel in suis manentes corporibus, vel eisdem exuta prout superius dictum est, fuerunt purgatæ, mox in calum recipi.* Apud Raynaldum ad annum M. CC. LXVII.

Montefonus anno M. CCC. LXXXVII. ab Episcopo & Theologis Parisiensibus, ut à iudicibus non legitimis appellavit ad Clementem VII. quem pro <sup>32</sup> vero Pontifice habebat Gallia. Fundamentum appel-

lationis verba sunt ipsa, quæ apud Thomam Cyrillo appinguntur. Id mutua satis superque docet contentio. Jam igitur vides supposita testimonia effecisse, ut homo reus Episcopi & Theologorum Parisiensium jurisdictionem declinaverit; perinde ac si Episcopus & Theologi Parisienses auctoritate caruissent omni.

Sed prætermittere non possum Jacobum Vernantium aliàs & verè Naureum Carmelitam, qui relatis apud S. Thomam Cyrilli testimoniis confusus nuper in Ecclesiasticam Hierarchiam atrociter invasit, primi & secundi ordinis sacerdotum dignitatem, munera & jura pessumdedit, & veteres illos instauravit errores, quos Facultas nostra suis in Joannem Gorellum Minoritam anno M. CCCC. VIII. in Joannem Saracenum Prædicatorem anno M. CCCC. XXIX. in Nicolaum Quadrigarium Augustinianum Eremitam anno M. CCCC. XLII. in Joannem Angelium Minoritam anno M. CCCC. LXXXII. in Claudium Cusinum Prædicatorem anno M. D. XVI. decretis aliis confixit: Quos etiam Gallicana prædamnavit Ecclesia, ut facile colligitur ex Caroli Cardinalis Lotharingii commonitorio, quod ad Joannem Britonem Secretarium Romæ degentem misit anno M. D. LIII. XIX. Calend. Febr. Verba sunt Gallica quidem, quæ alio in loco Latine interpretatus sum. Hic brevitatibus gratiâ Latinam tantum refero interpretationem, quæ talis est: *Nunc superest titulum ultimus, è Florentina Synodo depromptus, quem beatissimo Patri nostro tribuere volumus. Ego verò negare non possum, quin Gallus sim, & Parisiensis Academia alumnus.* IN QUA R. PONTIFICEM <sup>33</sup> SUBESSE CONCILIO TENETUR, ET QUI DOCENT IBI CONTRARIUM, II TANQUAM HÆRETICI NOTANTUR. Apud Gallos Constantiense Concilium in omnibus partibus suis generale habetur, Basileense in auctoritatem admittitur; Florentinum perinde ac nec legitimum nec generale repudiatur. Atque idcirco Galli de vita potius, quàm de sententia decederent. Hæc autem omnia cum ita sint, me ad sanctitatis suæ pedes projicio, & ei per viscera misericordia Dei nostri supplico, ut impresentiarum verba hujusmodi omnia & concretionem hujusmodi mitantur. Afflicto regno non est danda afflictio: Hæretici jam satis offensi sunt: Catholici reguntur ac ducuntur omnes à Theologis, qui clamores usque in calum tollent. PRIVILEGIA SEU LIBERTATES REGNI IN HAC VERITATE POSITÆ SUNT UNIVERSÆ, & eam ob causam disputatio hujusmodi si fiat, tota ad subversionem audientium convertetur, Regnum separabitur, ac distrabatur; quod erit commune ac summum illius exitium. Nam credere futurum esse vel unum antistitem, qui his consentiat, insanum esset. O Romanam & melioris ævi constantiam!

Hic gradum sisto, nec persequor alia mala, quæ supposita illa testimonia in sacra doctrinæ scholas invexerunt. Sufficit malorum indicasse fontes, & unâ statuisse, quæcumque his superstruuntur testimoniis, ruinoso & malè materiato fundamento superstrui; Apostolicæ Sedis dignitati obesse posse, prodesse non posse, quia veritas non eget hominum mendacio. Baronius, quem nemo nescit opportunitatem Sedis hujus assertorem esse cupidissimum, & ubicumque & quomodo- <sup>34</sup> documque corrogare, quæ illius amplitudini, commodis, honori inserviunt, de relatis testimoniis omnibus silet: Contempsit illa potius, quàm non vidit. Atque istud cum observo, etiam si nihil observarem aliud, testimoniorum vanitatem mihi viderer demonstrasse. Jacobo Cardinali Perronio in Responsione ad Regem Britannicæ occasio non defuit faciendi, quod non fecit Baronius: Sed vir prudens & attentus facere quoque neglexit, cum de retinenda & ornanda Pontificis Summi dignitate vel maxime cogitaret.

Hæc habui, quibus in plura conferrem, quæ aliàs in pauca contuleram. Sed vereor ne nimia dixerim, &



& rursus γλαῦν εἰς Ἀδελφούς, qui hæc ad te. Fateor me de Græcis locutum peccasse in eorum proverbium. Sed præterquam quod ut peccarem fecisti, peccatum fatenti venia facilis concedetur. Erit verecundiæ meæ non mediocre solatium, si alii aliud nihil querantur. Si tamen meritò querantur, invenient Theologum, qui se dicto citius corriget, & correctori suo, ut amico & benefactori gratias aget quamplurimas. Fortassis

norunt id quod in præfatione Theauri sui scribit Cyrillus, *δοξοῦμεν τῆς ἀληθείας τὸ καλὸν*, & id quod sibi sumit Augustinus, & quod facio meum: *Nunquam errari tutius existimo, quam cum in amore nimio veritatis, & reiectione nimia falsitatis erratur. Qui enim severe reprehendunt, hoc nimium dicunt esse. Ipsa autem veritas fartasse adhuc dicat, nondum est satis.* Vale Lutetiæ Cal. Maiis anno M. DC. LXIV.

# Joannes Launoius

Eidem

## ANTONIO FAURO.

**E**LEGANS est inprimis & præclarus, ut à Bellarmino citari dicis, locus ille, quem adhuc in sua Catena beatus Thomas Cyrillo Alexandrino tribuit, & ita refert ad caput XVI. Matthæi: *Cyrillus in libris Theauri. Secundum autem hanc Domini promissionem Ecclesia Apostolica Petri ab omni seductione, hereticæque circumventionem manet immaculata super omnes prepositos & Episcopos, & super omnes primates Ecclesiarum & populorum in suis pontificibus in fide plenissima, & auctoritate Petri, & cum alia Ecclesia quorundam errore sint verecundata, stabilita iniquassabiliter ipsa sola regnat, silentium imponens, & omnium obturans ora hereticorum, & nos necessario salutis non decepti superbia, neque vino superbia inebriati typum veritatis, & sanctæ Apostolicæ traditionis unâ cum ipsa profitemur, & predicamus.* Tuo non contentus iudicio, meum circa hoc testimonium exis, quasi tuum tibi non sufficeret, & præ tuo meum esset pretii nonnullius. Meum igitur, quia postulas, interpono iudicium, sed ea lege, ut tuo postponatur, si tuum à meo dissideat.

I. Elegans quidem & præclarus est locus, ut à Bellarmino citatur in libri IV. de Rom. Pont. capite III. sed non integer citatur. *Cyrillus, inquit, apud D. Thomam in Catena huius loci (Matth. XVI.) secundum hanc promissionem Ecclesia Apostolica Petri ab omni seductione & heretica circumventionem manet immaculata, &c.* Sic per & cætera supprimit testimonii residuum, quod sensu & legitima constructione caret, quod à vero in tantum abhorret, in quantum abhorrere potest. Bellarminus falsitatem subolfecit, sed ne alii subolfacerent, vi testimonio allatâ cavendum esse censuit. Indigebat prima parte testimonii, ut quod lemma sibi sumplerat, confirmaret. Hoc observasse, repetitum è Sancti Thomæ Catena testimonium cum fide Bellarmini profligasse est.

II. Qui locum hunc beato Cyrillo supposuit, quò facilius supponeret, & Sancti Thomæ credulitate abuteretur, & per Thomam cæterorum, relatum locum Theauri libris transcripsit: Suppostor Theauri libris putavit eum esse fundum, cui excellentissima & pretiosissima quæque transcribi possent impunè. Quotus enim hominum simplicium quisque est, qui cum laudatum in libris Theauri Cyrillum aspicit, non statim in rem laudatam consentiat, & maxime si res laudata ut hic accidit, præjudicatæ opinioni serviat. Nam animus jam aliqua opinione occupatus, sibi omnia concinere, ut optat ita & retur.

III. Editi sunt à Cyrillo eruditi & ingentes in multos veteris Testamenti libros, & in Joannis Evangelium commentarii, qui non habuerunt fata hæc, ut eos suppostor vultu meliore respiceret. His enim

commentariis de auctoritate falsa non accommodavit. Fatorum genus hoc reservabatur Theauri libris, ut in eos falsa testimonia inferrentur: Illata sunt, ut constat ex beati Thomæ commentariis in quartum Sent. dist. XXIV. quæst. III. art. II. ex libro contra impugnantes religionem, ex Catena Patrum, atque ex opusculo contra Græcorum errores.

IV. Indistinctè tamen ac promiscuè illata sunt, quo fraus agnoscat difficiilius: Sic enim apud Sanctum Thomam in Catena: *Cyrillus in libris Theauri; in opusculo contra Græcorum errores semel iterum & tertio: Semel quidem, dicit Cyrillus Patriarcha Alexandrinus in libro Theaurorum: Iterum verò: Dicit enim Cyrillus in libro Theaurorum: Tertiò denique; dicit enim Cyrillus in libro Theaurorum.* Librum contra impugnantes religionem prætereo. Quia Bellarminus non videtur eum legendo percurrissè. Phrasis prior significat, Theauri libros fuisse complures, phrasis posterior, Theaurorum librum fuisse unum. Bellarminus hoc tacitum tanquam mysterium tenuit, & dissimulante phrasim priorem recepit in Catalogo de Scriptoribus Ecclesiasticis, cum Cyrilli opera recenset, & recensione facta per certas quasdam observationes notat, quid de unoquoque opere sibi videatur. Ad propositum est observatio sexta hæc: *Theaurus creditur esse imperfectus. Multa enim citantur à Sancto Thoma in opusculo de erroribus Græcorum ex Theauro Cyrilli, quæ in his libris (XIV) non inveniuntur. Totidem antè numeraverat. Hoc iudicium est hominis, qui in aqua, ut aiunt, turbida piscatur, & lucrum undecumque captat. Et revera non tam veritati consulit, quam citatis à se cum ex Catena, tum ex opusculo contra Græcorum errores testimoniis, quæ Cyrillo tribuit, dum ait in libri I. de Rom. Pont. capite XXVI. *Cyrillus in Theauro.* Iterum in libri II. de eodem Rom. Pont. capite XV. *Cyrillus in libro Theauri.* Ubi & ea interpolat, quæ Sanctus Thomas beato Cyrillo adscribit: Sic enim Thomas tribus in locis: *Ut membra maneamus in capite nostro Apostolico throno Romanorum Pontificum.* Bellarminus verò ibi. *Debe-* 4 *mus nos, ut qui membra sumus capiti nostro Romano Pontifici & Apostolicæ Sedi adherere.* Et continuo: *Quæ verba non habentur in libris Theauri, qui nunc extant, sed citantur à beato Thoma in opusculo contra Græcos. Constat autem, multos Theauri libros periisse. Nam citatur à sexta Synodo actione X. liber 32. Theauri Cyrilli, cum non extent hoc tempore libri nisi quatuordecim.* Non verò ait in libro vel libris Theaurorum. Sed ubique sponforem sibi vindicat beatum Thomam, qui in libri contra impugnantes religionem capite III. cum laudet Cyrillum in libro I. Theaurorum, & sumum & Bellarmini collum in laqueum inserit. Nam quæ*

quæ ibi Thomas è libro 11. Theſauri refert, & Bellarminus ex opusculo Thomæ contra Græcos, neque in eodem libro 11. neque in libris XIV. qui Bellarmini ætate extabant tantum, neque in libris XXXV. qui nostra extant Græcè & Latine, reperiuntur. *Avvnpov* & oppositio hæc est, quæ nunquam diluatur, quæ adversus Thomam, Bellarminum & eos sectatores cuncta decernit, quæ subjectas Cyrillo auctoritates in oculis, conspectuque omnium exponit.

V. Cyrillus, opinor, non diceret res à suo tempore tam alienas, quàm quæ possunt esse alienissimæ. Diceretne, quod *Ecclesia Apostolica Petri, in fide plenissima & auctoritate Petri stabilita iniquissimè ipsa sola regnet?* Hoc si diceret, pugnaret secum. Alexandrinæ Cyrilli Ecclesiæ quid fieret? Si sola regnabat Ecclesia Romana, jam Alexandrina perierat & eo periisset certius, quod id Cyrillus Alexandrinus Episcopus testatur.

Falluntur ergo Imperatores Gratianus, Valentinianus, & Theodosius, cum anno CCCLXXX. Constantinopolitanis edicunt, eam amplectendam esse religionem, quam Damasus Romanus, & Petrus Alexandrinus prædicant & sequuntur: *Cunctos, inquit, populos, quos clementia nostra regit temperamentum, in tali volumus religione versari, quam divinum Petrum Apostolum tradidisse Romanis religio usque ad nunc ab ipso insinuata declarat, quàmque Pontificem Damasum sequi claret; & Petrum Alexandria Episcopum, virum Apostolica sanctitatis.* In Theod. Cod. lib. XVI. tit. 11.

Falluntur iterum Imperatores iidem & gravius quàm antea, cum inſequenti anno Catholicos ab hæreticis fecernunt, Romanæ Ecclesiæ mentione nullâ factâ. Sic se res habet in rescripto ad Auxonium proconsulem Asiæ: *Petrus tradidit omnes Ecclesias, mox jubemus, qui unius majestatis atque virtutis, Patrem & Filium, & Spiritum Sanctum consententur ejusdem gloriæ, claritatis unius, nihil dissonum profana divisione facientes: Sed Trinitatis ordinem, personarum adſertionem & divinitatis unitatem, quos constat communionem Nestarii Episcopi Constantinopolitani Ecclesiæ, Timothei, necnon intra Egyptum Alexandrinæ urbis Episcopos esse sociatos: Quos etiam in Orientis partibus Pelagio Episcopo Laodicensi, & Diodoro Episcopo Tarsensi in Asia, necnon Proconsulari, atque Asiatica Diocesi, Amphilocho Episcopo Iconiensi, & Optimo Episcopo Antiocheno in Pontica Diocesi, Helladio Episcopo Casariensi, & Otteio Meliteno, & Gregorio Episcopo Nysseno, Terentio Episcopo Scythia, Marmario Episcopo Marcianopolitano communicare constituit, hos ad obſervandas Catholicas Ecclesias ex communione & consortio probabiliſſimum sacerdotum oportebit admitti. Omnes autem, qui ab eorum, quos commemoratio specialis expressit, fide communionis dissentiant, ut manifestos hæreticos ab Ecclesiis expelli, neque his penitus posthac obſervandis Ecclesiis Pontificium facultatemque permitti, ut vera ac Nicæna fidei sacerdotia casta permaneant, nec post evidentem præcepti nostri formam maligna locum detur astutia.* In ejusdem Cod. libro XVI. tit. III.

Fallitur beatus Hieronymus Cyrillo æqualis, qui fidem ut in Romana, sic & in Alexandrinæ Ecclesia regnantem appellat, & se ab hæreticis hoc pacto distinguit in Epistola, quam ad Marcum Celedensem presbyterum scribit: *Hæreticus vocor, hominism prædicans Trinitatem: Sabelliana impietatis arguor, tres subsistentes, veras, integras, perfectasque personas indefessa voce pronuncians. Si ab Ariani meritis, si ab orthodoxis, qui hujusmodi arguunt fidem, orthodoxi esse desierunt; Aut si eis placet, hæreticum me cum Occidente, hæreticum me cum Egypto, hoc est, cum Damaso, Petroque condemnent.*

Fallitur Celestinus Romanus Pontifex, Cyrillo itidem æqualis, cum Nestorio præscribit eam esse tenendam fidem, QUAM ROMANA ET ALEXANDRINA

ET UNIVERSALIS TENET ECCLESIA. Sic enim ea de re scribit ad Cyrillum: *Eam de Christi Dei nostri generatione fidem in posterum confessurum se spondeat, quam Romana & tua sanctitatis Ecclesia, & universa denique religio Christiana prædicat.*

Ad hæc autem omnia respectum non habuit, qui 7 Cyrillo apud sanctum Doctorem relatum subjecit testimonium. Is, opinor, nisi fidem cum fronte amississet, *Apostolicam Ecclesiam Petri in fide plenissima & auctoritate Petri stabilitam iniquissimè ipsam solam regnare, dixisset nunquam.*

VI. Nunc Celestinum ab aliis separo, & præ me fero, illum unicum ad demonstrandam testimonii suppositionem non satis modò, sed abundè etiam esse; sufficere plusquam. Aqua enim & ignis inter se conjungerentur facilius, quàm suppositum Cyrillo testimonium, & edenda à Nestorio fidei confessio, quam Celestinus præscribit. Aut suppositum est testimonium, quod apud Thomam Cyrillo appingitur, aut supposita est Epistola, quam Celestinus ad Cyrillum scribit. Inter utrumque nihil est vel potest esse intermedium: At supposita non est Celestini ad Cyrillum Epistola, quæ actis Ephesinæ Synodi illigatur, quæ Græcè & Latine extat, cum in iisdem actis, tum inter Cyrilli Epistolas.

VII. Redeo ad Bellarminum propter eos, qui causarentur, illum per unum &c. ideo suppressisse, quod suppressit residuum testimonii, quia eo ad probandam assertionem suam minimè indigebat. At illi non tam causarentur, quàm cavillarentur: hæc enim, *super omnes præpositos & Episcopos, & super omnes primates Ecclesiarum & populorum in suis Pontificibus in fide plenissima & auctoritate Petri, & cum alia Ecclesia quorundam errore sint verecundata, stabilita iniquissimè ipsa sola regnat, silentium imponens, & omnium obturans ora hæreticorum, quæ consequuntur proximè, illustriorem ac firmiorem reddunt assertionem, qua Bellarminus Romanum Pontificem errare definiendo non posse proposuerat: Deinde his verbis non utitur in libro 11. de Conciliis capite XV. XVI. & XVII. ut eundem Pontificem supra Ecclesiam & supra Concilia extollat. Et si quis adferret, ex relatis verbis rationem sat firmam colligi non posse, id quidem verum esse responderem, sed omnino contenderem, futuram esse firmiorem argumentis omnibus, quæ ex Sinuesani Concilii, ex Romani sub Silvestro Concilii, ex Chalcedonenſis Synodi, ex Lateranenſis Concilii, sub Alexandro III. ex Leonis I. Gelasii I. Gregorii I. Nicolai I. Paschalis II. Innocentii III. auctoritate depromit. Itaque cum Bellarminus residuo testimonii non utitur, cum uti debuit, & quia noverat, potuit, illud sciens & prudens rejecit, veritatisque est, ne si Camarinam illam moveret, detegendæ fraudis ad uniuscujusque pectus advolantis occasionem præberet.*

VIII. Verba hæc, *primates Ecclesiarum & populorum*, ad Cyrilli stylum quid pertinent? In usu non sunt apud Cyrillum, nec apud vetustiores Græcos Patres, immò nec apud Romanos Pontifices, Celestinum, Bonifacium, Zosimum, Innocentium, Anastasium, Siricium, Damasum, Liberium, Iulium. In usu sunt apud Isidorum Mercatorem, qui primis Romanis Pontificibus epistolas subjecit: hoc notum est iis qui adulterina monumenta hæc legerunt.

IX. Quid sibi volunt opicæ & barbaræ locutiones istæ? Cum alie Ecclesiæ quorundam errore sint verecundata? Item: *Et nos necessario salutis non decepti superbia, neque vino superbia inebriati?* Quis res tam absurde scriptas absque injuria Cyrillo tribueret? Impostor nesciebat enucleatum prorsus & limatum dicendi genus esse, quo Cyrillus utitur. Mitto *empinua* illud iniquissimè, quo velut Herculis clavâ monstrum quamlibet immane perimeretur.

X. Joannes Nicolaus Dominicanus Ordinis & Theologus



logiæ Professor, qui Thomæ Catenam anno M.DC. LVII. Parisiis curavit imprimi, cum videret omnia hæc, in margine notavit: *Verecundata, seu deturpata ac infamata, sed quid quod sequitur, & nos necessario salutis non decepti superbia &c. divinare non licet? An decepti superbia salutis, id est, præsumptione, an salutis necessario, id est, necessitate confitemur? An mutata sunt quadam, quæ sensum turbant? Nec recurri ad fontem potest, cum in libris Thesauri, qui nunc extant, nihil tale reperitur, seu Latine, seu Græcè; adeoque aliquos excidisse conjectura sit, ut Bellarminus tract. de Scripturibus notat. Ut omittatur glossa, quæ nisi textu pejor sit, certè melior non est, ad fontem recurri facile posse dico. Nunc integer habetur Cyrilli Thesaurus, qui πῶς λέγεται, xxxv. constat. Varii variè interpretantur τὰς λέξεις. Leo II. in Synodi VI. ubi Thesaurus non semel allegatur, versione, nunc capitula, nunc libros; Georgius Trapezuntius Cyrilli interpres vetus, librum I. II. III. &c. Thesauri, Joannes Aubertus Interpres novissimus, assertiones. Quidquid id est, de archetypo quod suppetit, censetur. Bellarminus notare potuit, quod notavit: Nicolaus non potuit. Bellarmini tempore publicati tantum erant Thesauri 10 libri quatuordecim, Nicolaii verò triginta quinque: Sed cum Nicolaus in Thesauri libris, qui suo extant tempore, nil tale reperiri seu Græcè, seu Latine dicit, rectè dicit. Dixisset adhuc rectius, si nil tale reperiri posse addidisset; Si quæ Cyrillus de Petro, de Petri successoribus, de Apostolis, & de Episcopis Apostolorum successoribus docuit, inspexisset vel leviter; si tandem Ecclesiæ statum, qui tunc erat, contemplari dignatus esset. Nempè & sancti Thomæ fidem liberare & tenerè adamatum testimonium beato Cyrillo asserere voluit: Sed neutrum fieri potest, si potiora esse jura veritatis, quàm hominis cujuscunque intelligat.*

XI. Qua ætate Cyrillus floruit, affirmari non potuit, Petri Ecclesiam ab omni seductione, hereticæque circumventioni manere immaculatam in suis Pontificibus in fide plenissima, affirmari inquam non potuit, ut ex iis quæ de Liberio in Epistola ad Raimundum Formentinum observavimus, perspicuum est. Adjicio Hilariū Liberii æqualem, qui in fragmentis à Pithæo editis anathema denuntiat Liberio, & verè denuntiare se in libro, quem adversus Constantium Imperatorem scripsit, ita confirmat. *Vertisti deinde usque ad Romam bellum tuum, eripuisti illinc Episcopum: & o te miserum, qui, nescio, majore impietate relegaveris, quàm remiseris: Siquidem ex urbe Liberium relegaverat Catholicum Episcopum, in urbem Liberium remiserat hæreticum Episcopum.* Adjicio Athanasium in Epistola ad Solitarios: *Liberius deinde post exactum in exilio biennium inflexus est, minisque mortis ad subscriptionem inductus est. Verum illud ipsum quoque & eorum violentiam, & Liberii in hæresim odium, & suum pro Athanasio suffragium, cum liberos affectus habebat, satis coarguit.* Liberius excusatione qualicumque hac non egeret, *Si Romana Ecclesia in illo Pontifice immaculata mansisset in fide plenissima.* Sed omnes sciunt eum damnare, qui liberat. Philostorgius non aliter de Liberio, quàm Hilarius, & Athanasius, scribit in libri IV. hist. capite III. Cum ait, *Liberium contra δυνάστην & contra Athanasium subscripsisse.* Hæc autem ratio cum se totam in unum conglobavit, quis ei resisteret, & relatum à B. Thoma testimonium propugnaret?

XII. Romana Ecclesia in Felice Pontifice, qui in Liberii exulis locum suffectus est, immaculata non mansit in fide plenissima, nec silentium imposuit, nec omnium obtinuit ora hereticorum, ut Athanasius Cyrilli decessor in memorata jam Epistola testatur: *Hoc ministro (Epicteto) utens (Constantius) incredibile facinus designavit, & quod verè referat imaginem Antichristi, ut qui in locum Ecclesiæ Palatium suum succe-*

dere voluerit, & pro conventu populi, & jure comitiorum tres eunuchos presentes esse jussit, tresque item παρόντες, malis moribus imbutos exploratores, (non eos Episcopos dixeris) ut ipsi Felicem quendam Episcopum in Palatio crearent, dignum profecto talibus suffragatoribus. Caterum populi omnes cognita hereticorum pravitate non permisere eos Ecclesiam intrare, proculque ab iis recesserunt.

Socrates in libri II. hist. cap. xxx. Principio igitur Liberius Episcopus Romanus simul ac se illi fidei asserere denegaverat, ab Ursacio in exilium ejectus est, & Felix Ecclesiæ Romanae Diaconus, Arianeque sectæ 12 addictus, per vim & violentiam ab eodem Ursacio ad eum dignitatis gradum delectus.

Theodoretus & Sozomenus quanquam rem aliter narrant, instituto tamen nostro convenienter satis: Ille in libri II. hist. capite xvii. Successum est Liberio à fidei quodam illius Diacono nomine Felice, qui tamen fidem in Concilio Nicæno expositam ipse servavit integram, tamen cum illis, qui eandem labefactare studebant, liberè communicavit: ac propterea nemo ex Roma habitatoribus in Ecclesiam, dum ille intus erat, ingredi voluit. Hic in libri IV. hist. capite x. Itaque hac de causa Liberius Ecclesiæ Romana Episcopatu privatus est. Cui præficitur Felix illius clerici Diaconus, quem aiunt fidei Concilii Nicæni semper consensisse, & omnino quantum pertinebat ad religionem, reprehensione caruisse, atque ob id in crimen vocatum esse, quod non modo Arianos ministros Ecclesiæ ordinaret, verumetiam quod eorum communionem uteretur. Theodoretus & Sozomenus in eo conveniunt, quod Liberius Arianorum communionem usus & pollutus fuerit; in eo verò, quod ad religionem pertinet, non conveniunt. Sozomenus affirmatè non scribit, quod Theodoretus affirmatè scribit. Sozomenus id rumori tribuit, quod Theodoretus non tribuit. Quidquid id est, Romana Ecclesia secundum illorum narrationem, in Felice immaculata non mansit in fide plenissima, silentium imponens, & omnium obtinuit ora hereticorum; ut perhibet Cyrilli apud sanctum Doctorem testimonium.

Augustinus post Optatum in Epist. c. lxxv. ad Genesios Romanorum Pontificum seriem textit, & ab ea Felicem istum rejicit, ob id forsitan, quod scribit Athanasius. *Petro, inquit, successit Linus, Lino Clemens: & quibusdam interpositis, Julio Liberius, Liberio Damasus, Damaso Siricius, Siricio Anastasius.* At ibi nullus est Felix. Videamus quid paulo post dicat: *In illum autem ordinem Episcoporum, qui ducitur ab ipso Petro usque ad Anastasium, qui nunc eandem Cathedram sedet, etiam si quisquam traditor per illa tempora subrepsisset, nihil præjudicaret Ecclesiæ & innocentibus Christianis, quibus Dominus providens ait de præpositis malis: Quæ dicunt facite, quæ autem faciunt, facere nolite; Dicunt enim, & non faciunt: Ut certa sit spes fidelibus, quæ non in homine, sed in Domino collocata nunquam tempestate sacrilegi schismatis dissipetur.* Hic dubitari vix potest, quin Augustinus, nisi ad Liberii lapsum, ad aliquid profecto simile respiciat. Ex quo rursus intelligitur, in relato testimonio doctrinam exprimi, quæ ad Augustini & Cyrilli tempus non pertinet.

XIII. Hæc inter se non concordant, Ecclesia stabilita iniquissimè ipsa sola regnat, & nos typum veritatis & sanctæ Apostolicæ traditionis unà cum ipsa profitemur & predicamus. Si sola regnat Petri Ecclesia, quomodo Marci Ecclesia per Cyrillum Alexandrinum unà cum Petri Ecclesiæ typum veritatis & Apostolicæ traditionis proficitur & prædicat? Vel contrà, si Marci Ecclesia veritatis & Apostolicæ traditionis typum unà cum Petri Ecclesia proficitur & prædicat, quo pacto sola Petri regnat Ecclesia? Cyrillus pugnantiæ hæc locutus numquam fuisset: Impostor ita locutus est, non Cyrillus.

XIV. Verba hæc: *Ecclesiæ Petri sola regnat, silentium imponens & omnium obtinuit ora hereticorum,* ad 14 Cyrillum quid attinent? Nonne Cyrillus Nestorio silentium

leatium imposuit? Nonne obturavit illorum ora, qui stabant à Nestorii partibus? Nonne scriptis suis Nestorii hæresim perculit & afflixit? Nonne in actione 11. Ephesini Concilii, ut Celestino ita & Cyrillo acclamatur ab universis Episcopis: Novo Paulo Celestino, novo Paulo Cyrillo, unus Celestinus, unus Cyrillus, una fides Synodi? Nonne post habitam à Paulo Emiseno Episcopo in Alexandrina Ecclesia concionem de Christi Nativitate, & de Virgine Deiparâ acclamavit populus: Hoc Dei donum est, Cyrille, omnes reddidisti tui similes? Leonem Cyrilli æqualem de Cyrillo loquentem audiamus.

Et primum in Epistola xxxiii. ad Theodosium Imperatorem: Relegat (Eutyches) itaque sollicitè, qua à sanctis Patribus Incarnationis Dominica fides fuerit custodita, semperque similiter predicata: & cum sancta memoria Cyrilli Alexandrini Episcopi Epistolam, (qua Nestorium corrigere & sanare voluit, pravae predicationes ipsius arguens, & evidentius fidem Nicænae definitionis exponens, quàmque ab eo missam Apostolica Sedis scrinia suscepit,) præcedentium sensui perspexerit consonantem; Ephesina etiam Synodi gesta recenseat, quibus contra Nestorii impietatem à sancta memoria Cyrillo inserta & allegata sunt de Incarnatione Domini Catholicorum testimonia sacerdotum.

Deinde in Epistola xxv. ad Pulcheriam Imperatricem: Simplex est absolviūque, quod posco, ut remoto longarum disputationum labore, sancta memoria Cyrilli Alexandrini Episcopi Epistola, quam ipse ad Nestorium miserat, acquiescat, in qua & errorem Nestorii arguit, & fidem Nicænae definitionis exposuit.

Tum in Epistola xlvii. ad Calchedonensem Synodum: Prioris autem Ephesinae Synodi, cui sancta memoria Cyrillus Episcopus tunc praesedit, contra Nestorium specialiter statuta permaneant. Sic Leo & Cyrillus conjunctis operis relato testimonio falsi dicam impingunt, & usque adeo luculenter, ut non possit luculentius.

XV. Credibile non est Cyrillum id Romanis Pontificibus tribuere, quod ante Cyrilli tempus Romani Pontifices ipsi sibi non tribuunt. Experiamur de Liberio, qui ad Constantium scribit: Secutus morem ordinemque majorum, nihil addidi Episcopatu urbis Roma, nihil minui passus sum. Et consideremus modò, quid de suo Episcopatu dicat in ipsius & Constantii dialogo, quem Theodoretus in libri 11. hist. capite xiii. refert: Constantius Imperator dixit: Nos quoniam Christianus es & nostrae civitatis Episcopus, faciedum duximus, ut accitum te moneremus, ut nefariae impij Athanasii dementiae communionem repudies. Hoc enim rectum esse orbis terrarum censuit, eumque ab Ecclesiastica communione alienum Synodali sententia pronuntiavit. Liberius Episcopus dixit: Iudicia Ecclesiastica, Imperator, summa cum equitate fieri debent. Quare si pietati tuae placet, iudicium constitui jube, & si condemnationem commoverisse videbitur Athanasius, tum in illum juxta Ecclesiastici ordinis formam sententia proferetur: Fieri enim

non potest, ut virum condemnemus, de quo à nobis iudicatum non sit. Constantius Imperator dixit: Totus terrarum orbis de ejus impietate sententiam tulit, & quod ab initio tempus eludat. Liberius Episcopus dixit: Qui subscripserunt, res ipsi gestas non viderunt, sed gloria metūque ducti, & ne abs te infamiam paterentur, acquieverunt. Infia: Imperator Liberio dixit: Quota pars orbis es, Liberi, ut solus impium hominem vindicēs, & pacem orbis ac mundi totius dissolvas? Liberius: Non eo quod solus sum fidei causa minuitur. Nam & tres olim soli sunt reperti, qui mandato regis resisterent. Eusebius Eunuchus dixit: Imperatorem nostrum Nabuchodonosorem facis. Liberius: Haudquaquam. Sed tu non minus temerè hominem condemnas, de quo nullum factum est iudicium. At ego primum generalem fieri posco subscriptionem, qua fides apud Nicæam expressa confirmetur: Deinde ut revocaris ab exilio, atque in sedes suas restituis fratribus nostris, si hi qui turbas nunciant in Ecclesiis, visi fuerint Apostolica fidei consentire, tum Alexandriam convenientes omnes, ubi & accusatus & accusatores sunt, & defensor eorum, examinata causa sententiam proferamus.

Liberius in hoc Dialogo Imperatori fortiter & constanter respondet, & tamen quod in relato apud Thomam Cyrilli testimonio conspiciamus, non respondet, etiam si prae manibus respondendi fuerit occasio. Nimirum ubi Constantius interrogat, quota pars orbis es, Liberi: Liberius non respondet, Ego sum super omnes praepositos & Episcopos & primates aliarum Ecclesiarum & populorum: Ego sum Episcopus illius Ecclesiae, quae in fide plenissima & auctoritate Petri stabilita iniquissimè ipsa sola regnat, silentium imponens & omnium obturans ora hereticorum. Liberius hæc non respondit, sed alia alibi, secutus morem ordinemque majorum &c. Ut supra. Nonne observatio hæc rationem continet, qua nostri testimonii falsitas demonstratur?

XVI Huc tandem pertinent quaecumque ad abjudicanda Cyrillo testimonia, quæ beatus Thomas habet in quartum Sent. dist. xxiv. quæst. 111. art. 11. in libro contra impugnantes religionem, & in opusculo contra Græcorum errores disseruimus: quibus enim rationum momentis testimonia hæc Cyrillo aliàs abjudicavimus, iisdem & istud, quod est in Catena, potest abjudicari. Ea de re tuum, ANTONI FAURE, sit potius, quàm meum iudicium, & semper memineris Christi Ecclesiam, cujus columna & fundamentum est veritas, hominum non egere mendacio: Sed utinam pronuntiare mihi liceret, subjectum, quo de agimus, Cyrillo testimonium ab alio, quàm à Sancto Thoma Catena Patrum inditum fuisse. At sine ope manuscripti Codicis, in quo non haberetur, pronuntiare non licet. Id rerum genus nostris metiendum non est desiderijs, sed afferendæ veritatis amore, studio, honestate præponderari necesse est. Vale, Lutetiae Parisiorum xi. Calendas Octobris anni M. DC. LXIV.



# Joannes Launoius PAULO RATUYNNO

Parisiensi Theologo.

**S**UPERESSE tu mones, ut reliqua Patrum testimonia, quæ Beatus Thomas in Opusculo contra Græcorum errores commemorat, expendam. Pro non inchoato habes, quod inchoatum est, nisi absolvatur. Facerem libenter, quod optas, si genus hoc literati otii placeret omnibus. Est quidem dulcissimum, sed tamen non omnes eo delectantur. Cæterum magnopere delectari te scio, qui Musas sinceriores colis, nec à concionatoris partibus, quas identidem honorificè sustines, optimarum artium studia sejungis. Hoc autem ut rarissimum est, ita & in prima commendatione ponendum. Quæ duo in aliis disjuncta sunt, in te conjungit amor veritatis, & religio. Jampridem legisti apud Augustinum in libri de vera religione capite LV. Non sit nobis religio in phantasmatibus nostris. Melius est enim qualecunque verum, quam omne quidquid pro arbitrio fingi potest. Melior est vera stipula, quam lux inani cogitatione pro suspicantis voluntate formata. Itaque nec mirum, si velis Scripturas excerni supposititias, quæ in rebus Theologicis materia omnium gravissima adhibentur.

In Opusculo, cujus mentionem antè fecimus, occurrunt testimonia duodecim, quæ sigillatim expendenda sunt.

**2** Primum sic se habet: Quod enim Romanus Pontifex successor Petri & Christi Vicarius sit primus & maximus omnium Episcoporum; Canon Concilii expressè ostendit sic dicens: Veneramur secundum Scripturas & Canonum definitionem sanctissimum antiquæ Romæ Episcopum primum esse, & maximum omnium Episcoporum. Thomas Canonem hunc paullo aliter refert in IV. sent. dist. XXIV. quæst. III. art. II. ubi quærit, Utrum supra Episcopos possit esse aliquis superior in Ecclesia. Sed contra est, quod legitur in Concilio Constantinopolitano: Veneramur secundum Scripturas, & secundum Canonum statuta, & definitiones sanctissimum antiquæ Romæ Episcopum & primum esse, & maximum Episcoporum, & post ipsum, Constantinopolitanum Episcopum. At Canon neque hoc, neque illo modo editus est in Constantinopolitanâ Synodo: Sic verò editus est in Codice Canonum Romanæ Ecclesiæ: Constantinopolitanus Episcopus habeat honoris primatum post Romanum Episcopum, propterea quod urbs ipsa sit junior Roma. Græce: τὸν ὑποτὶ Κωνσταντινουπόλεως ἐπίσκοπον ἔχειν τὴν ἀρετὴν τῆς πρῆτης καὶ τὴν τῆς Ρώμης ἐπισκοπῆς διὰ τὸ, ὅτι ἀπὸ τοῦ νέου Ρώμης. Integer Constantinopolitanæ Synodi Canon, quia causæ servire non poterat, misere depravatus & corruptus est, ut ferviret. Atque hoc, ut quod omnibus notum sit, nihil est necesse pluribus verbis exponere. Nam sufficit Canonem, quem Beatus Thomas refert, cum eo quem refero, contendere: Porro autem facile mihi persuadeo canonem hunc ut & illum, quem paullo post Calchedonensi Concilio affectum videbimus, non à beato Thoma, sed ab alio corruptum esse. Mendofo codice usum esse Thomam, quis non crederet? Quidquid illud sit, si error est hoc credere, pietatis error est.

Alterum: Ostenditur etiam, quod prædictus Christi

Vicarius in totam Ecclesiam Christi universalem pralationem obtineat. Legitur enim in Calchedonensi Concilio, quod tota Synodus clamavit Leoni Papa: Leo sanctissimus Apostolicus, & Icumaraycos, id est, universalis Patriarcha per multos annos vivat. Atqui acclamatio hæc, nec in Græcis, nec in Latinis exemplaribus legitur. Subdicitum est testimonium. Deinde Icumaraycos nec Latinum nec Græcum, sed opicum & barbarum est nomen.

Tertium: Ostenditur etiam, quod Petrus sit Christi Vicarius & Romanus Pontifex Petri successor, in eadem potestate ei à Christo collata: Dicit enim Canon Concilii Calchedonensis: Si quis Episcopus predicatur infamis, liberam habeat sententiam appellandi beatissimum Episcopum antiquæ Romæ, quia habemus Petrum patrem refugii, & ipsi soli libera potestate loco Dei sit ius discernendi Episcopi criminati infamiam secundum claves à Domino sibi datas. Et infra, & omnia ab eo definita, ab eo reneantur tanquam à Vicario Apostolici Throni. Fictitius est omnino Canon, qui Calchedonensi Concilio attribuitur. Oculis tantum est opus, ut Canonis hujus suppositio deprehendatur. Antiqui Patres Græci non ita loquuntur: Neque vetus ferebat disciplina, ut ita loquerentur. Calchedonensis Synodus multo aliter loquitur in can. IX. Si quis Clericus adversus Clericum habet negotium, non deferat Episcopum proprium, & ad secularia percurrat judicia: sed prius actio ventiletur apud Episcopum proprium, vel certe consilio ejusdem Episcopi, apud quos utraque partes voluerint, iudicium continebunt. Si quis autem præter hæc fecerit, canonicis & correptionibus subiacebit. Quod si clericus habet causam adversus Episcopum, vel adversus alterum, apud Synodum provincie iudicetur. Quod si adversus ejusdem provincie Metropolitanum Episcopum, vel Clericum habet querelam, petat primatam diocesanos, aut sedem regie urbis Constantinopolitanæ, & apud ipsum iudicetur.

Qui relatum à Beato Thoma Canonem Calchedonensi Concilio supposuit, hunc ex certis quibusdam Sardicensium Canonum verbis, & pluribus aliis fictis, commentitiisque conflavit: Sed eo conflavit modo, qui Sardicensis disciplinæ nihil exprimat. Ne credas mihi, crede tibi, & Sardicenses Canones duos III. & IV. perlege, & cum fictitio Canone compone: Canon III. hic est: Quod si aliquis Episcopus iudicatus fuerit in aliqua causa, & putat se bonam causam habere, ut iterum Concilium renovetur, si vobis placet, Sancti Petri Apostoli memoriam honoremus, ut scribatur ab his, qui causam examinarunt, Julio Romano Episcopo, & si judicaverit renovandum esse iudicium renovetur, & det iudices: Si autem probaverit, talem causam esse, ut non refricentur ea, quæ acta sunt, quæ decreverit confirmata erunt, si hoc omnibus placet, Synodus respondit, placet. Canon IV. Gaudemus Episcopus dixit: Addendum, si placet, huic sententiæ, quam plenam sanctitate protulisti, (alloquitur Osium) ut cum aliquis Episcopus depositus fuerit eorum Episcoporum iudicio, qui in vicinis locis commorantur, & proclamaverit agendum sibi negotium in urbe Roma; Alter Episcopus, in ejus cathedra post appellationem ejus qui videtur esse depositus, omnino

non ordinetur, nisi causa fuerit in iudicio Episcopi Romani determinata. Nunc facile perspicis in subditio Canone ne adumbrari quidem imaginem disciplinæ, quæ duobus Sardicenis Synodi Canonibus sancitur.

Quartum ibidem: Item Cyrillus Hierosolymitanus Patriarcha dicit ex persona Christi loquens: Tu cum sine, & ego sine fine cum omnibus, quos loco tui ponam, plenè & perfectè, sacramento & auctoritate cum eis ero, sicut sum & tecum. Et primum quidem non dicitur, quo in opere, qua in catechesi leguntur hæc: Hieronymus in libro de Viris illustribus testatur catecheses scripsisse? Extant, inquit, *κατηχησεις*, quas in adolescentia composuit. Deinde in his catechesibus simile nihil habetur: Tum simile nihil haberi potest, si hinc catechesium argumenta, inde illius temporis doctrina spectetur. Denique in relatis verbis nimia est affectatio, quæ dolus æstimatur. Cyrillus testis instructus, & subornatus sistitur. Silentio prætereo, Cyrillum Hierosolymitanum dici Patriarcham, qui Patriarcha non erat. Idque certo certius.

Quintum: Quod ad eum pertineat determinare, quæ sunt fidei. Item Maximus in Epistola Orientalibus directâ dicit: Omnes fines orbis, qui Deum sincerè receperunt, & ubique terrarum Catholici veram fidem confitentes, in Ecclesiam Romanorum tanquam in solem respiciunt, & ex ipsa lumen Catholica & Apostolica fidei recipiunt.

Sextum: Ostenditur etiam, quod subesse Romano Pontifici sit de necessitate salutis: Et Maximus in Epistola Orientalibus directâ dicit: Coadunatam & fundatam super petram confessionis dicimus universalem Ecclesiam secundum definitionem Salvatoris, in qua necessariò salutis animarum nostrarum est remanere, & ei est obedire suam servantes fidem & confessionem. Hæc testimonia duo sunt unius & ejusdem auctoris, quem Sanctus Doctor Maximus appellat. Fuerunt olim plures apud Græcos Episcopi nomine Maximi, nec eorum ullum ad Orientales scripsisse literas memoriæ proditum est. Ut Constantinopolitanæ, & Calchedonenis Synodi Canones, sic & hæc testimonia ex eadem officina videntur exisse.

Sunt è recentioribus, qui testimonium prius Maximiano Constantinopolitano Episcopo adscribant. Ii tamen non proferunt, quo in loco Epistola, quam laudant reperiatur. Maximianus scripsit ad Cyrillum Alexandrinum Epistolam, quæ & Græcè & Latinè extat. Cur non similiter extaret ad Orientales Epistola, si quam ille scripsisset? Cur ab annis quadringentis periisset Epistolæ Græcæ vel Latine editio? Deinde quæ extat Epistola, hæc brevis est, nec multum habet succi. Socrates, Liberatus & Nicephorus rationem hanc reddunt. Primus in libri VII. de Historia Ecclesiastica capite XXXIV. Maximianus literarum ignarus & expertus fuit, vitamque quietam aliisque minimè molestam sibi proposuit ad traducendum. Alter in Breviarii capite VII. Maximianus Idiotam sermone & sub quiete vivere potiùs eligebat. Tertius in libri XIV. capite XXXVII. Et propterea quod doctrina exigua erat, alienam à rebus agendis delegerat vitam. Præterea Baronius, qui nullam prætermittit occasionem amplificandæ & ornandæ dignitatis Romani Pontificis, Maximiano non asserit Epistolam ad Orientales missam, in qua Sedis Apostolicæ auctoritas tantopere commendetur. Quod observamus de Maximiano videri posset superfluum, quia Thomas Maximum non Maximianum citat. Melchior Canus in libri VI. de locis capite V. & ante Canum Thomas Cajetanus in Opusculi de divina institutione Pontificatus capite XIV. Maximum apud Thomam legunt. Porro autem sive Maximianus, sive Maximus legatur, insigne capiendum est ex eo falsitatis indicium, quod Bellarminus Maximiani vel Maximi testimonio non utatur. Utendi enim semel atque iterum sese obtulit occasio: semel quidem in libri II. de Rom. Pont. capite XV.

ubi primatum illius ex Patribus Græcis afferendum suscipit. Iterum in libri IV. de eodem Rom. Pont. capite II. Ubi disputat, sitne certum Papæ iudicium. Allegat Græcos Patres, nec inter eos Maximus aut Maximianus compareret: Comparuisset sine dubio, si potuisset verè comparere, quia disertissimè omnium loquitur.

Septimum: Ostenditur etiam, quod prædictus Christi Vicarius in totam Ecclesiam Christi universalem pralationem habeat, Chrysostomus super Matthæum: Filius, quæ Patris est & ipsius Filii, potestatem Petro ubique terrarum concessit, & homini mortali omnium, quæ in calo sunt, dedit auctoritatem, dando ei claves ad hoc ut Ecclesiam ubique terrarum amplificet. Hic subornatur Chrysostomus: verba illius recitanda sunt ex Homilia IV. in Matthæi caput XVI. Quid igitur Petrus omnium Apostolorum os & vertex consortii totius? cum omnes interrogati essent, ipse solus responderet. Et quandoquidem de sententia vulgi peribat, omnes responderunt, cum verò de sua eos rogaret, Petrus confestim prosilivit, & prævens ait, Tu es Christus Filius Dei vivi. Infra: Super hanc Petram ædificabo Ecclesiam meam, id est, fidem atque confessionem. Infra: Sublimia sapere ipsum facit, & Pastorem constituit novæ mœi, & porta inferi non prævalebunt adversus eum. Si verò adversus Ecclesiam non prævalebunt, multo minus adversus me prævalebunt. Non enim turbari te convenit, cum audieris, quia tradar & crucifigam. Alium deinde honorem ei præbet. Ego autem tibi dabo claves regni celorum. Quid verò est? Ego autem tibi dabo, quemadmodum Pater tibi dedit, ut me cognosceres, sic & ego tibi dabo; & non dixit, rogabo Patrem, ut tibi det. Sed quamvis magna erat potestas, & doni magnitudo ineffabilis. Et ego tamen tibi dabo, inquit: Quid das queso? claves, inquit, regni celorum, & quæcunque ligaveris super terram, erunt ligata & in calis, & quæcunque solveris super terram, erunt soluta & in calis. Quomodo enim non est ejus, qui dicit: Ego tibi dabo, ut etiam in dextris & sinistris sedere concedat? Animadvertis, quo pacto ipse etiam ad altiore de se opinionem Petrum adducit. Et seipsum HIS DUABUS POLLICATIONIBUS Filium esse Dei revelat & ostendit. Nam quæ Deus solus concedere potest, & PECCATORUM SCILICET REMISSIONEM, ET UT ECCLESIA TOT TANTISQUE FLUCTIBUS IMPETU IRRUMPENTIBUS IMMOBILIS MANEAT, cujus Pastor & Piscator homo, atque ignobilis terrarum orbe reluctante adamantis naturam firmitate superat: Hæc inquam omnia, quæ solius Dei sunt, se pollicetur daturum. Hæc est simplicitas sermonis, quem Chrysostomus de Petro instituit, & quem Bellarminus, & alii ad confirmandum Romani Episcopi primatum non infumunt, nec prudenter possent infumere. Chrysostomus exponit duo, quæ solius Dei sunt, & quæ Christus daturum se promittit, peccatorum remissionem, & Ecclesiæ statum immobilem. Quod autem remittendorum criminum jus non soli Petro dedit, sic exponit in libro III. de Sacerdotio: Etenim qui terram incolunt, & in ea versantur, iis commissum est, ut ea, quæ in calis sunt dispensent; iis datum est, ut potestatem habeant, quam Deus optimus neque Angelis neque Archangelis datam esse voluit: Neque enim ad illos dictum est, quæcunque alligaveritis in terra, erunt & alligata in calo, & quæcunque solveritis in terra, erunt soluta & in calo. Habent quidem terrestres principes vinculi potestatem, verum corporum tantum. Id autem quod dico Sacerdotium, ipsam etiam animam comingit, atque ad celos usque pervadit. Usque adeo, ut quæcunque Sacerdotes inferne confecerint, illa eadem Deus supernè rata habeat, ac servorum sententiam Dominus confirmet. Etenim quodnam hoc aliud esse dicis, nisi omnem rerum celestium potestatem illis à Deo concessam? Quæcunque enim, ait, peccata remiseritis, remittantur eis; quæcunque retinueritis retenta sunt. Quenam, obsecro, potestatis hæc una major esse queat?

Pater



Pater omnium iudicium filio dedit: ceterum video iudicium à Deo Filio illis traditum: Illis, inquit, nimirum Sacerdotibus, non uni tantum Petro. Ex his ergo duobus locis apparet; subornatum & corruptum esse testimonium, quod apud Beatum Thomam Joanni Chrysostomo affingitur.

Octavum: ad superiorem titulum: Et super Joannem in Homilia LXXXV. Jacobum localiter in loco terminat; Petrum autem totius orbis ordinat Magistrum & Doctorem: Avulsus à loco suo, & in alienum sensum abductus locus hic sic se habet, non in Homilia LXXXV. sed in Homilia LXXXVI. super caput XXI. Joannis: Quod autem maxime divinum amorem conciliat, est proximi dilectio, quam à Petro Christus exigit. Nam cum finem cibis fecissent, dicit Simoni Petro Jesus: Simon Joannis, diligis me plus his? dicit ei, pascere agnos meos. Quid tandem aliis omisiss de his duntaxat Petrum affatur? Os erat Apostolorum & princeps & vertex ipsius cætus. Propterea & Paulus eum præter alios visurus ascendit, simul ut ei ostenderet, jam sibi fiduciam habendam. Tunc enim negationis oblivisceretur, fratrum curam ei committit. Iterum si amas me, curam fratrum suscipias. Infra: Quod si quis percontaretur; Quomodo igitur Jacobus sedem Hierosolymis acceperit, responderem hunc totius orbis magistrum præposuisse. Conversus Petrus vidit illum Discipulum quem diligebat Jesus, sequentem, qui & recubuit in cæna super pectus ejus, & dixit: Domine hic autem quid? quæ gratiâ recubitus illius meminit, non abs re; Sed ut ostendat Petri post negationem fiduciam: Qui & tunc non est ausus Jesum interrogare: Sed id muneri alteri delegarat. Hic commissæ sibi fratrum cura non modo alteri vicem suam mandat, sed & ipse Magistrum interrogat, & Joannes quidem tacet: Ipse autem loquitur. Præterea & suam in eum præ se fert dilectionem: Diligebat enim majorem in modum Joannem Petrus, quod & ex sequentibus apparet, & passim per Evangelium: atque etiam in actibus eorum vinculum demonstratur. Nam cum magna Christus Petro communicasset, orbis terrarum curam demandasset: Et paullo post: Cum enim essent orbis terrarum curam suscepturi, simul amplius non esse oportebat. Magnum enim fuisset mundo detrimentum. Idcirco qui suscepisti, te considera, perforce, labora, te certaminibus expone. In iis, quæ pastorem curam attinent, Christus omisiss aliis Discipulis Petrum affatur. Scilicet, quia quod Petro dicit, cæteris in Petro dictum, facile intelligitur, ut esset una omnium fides, una animorum consensus. Cur autem Christus omisiss aliis Discipulis Petrum affatur, ratio hæc est: Os erat Apostolorum. Interrogatur pro cæteris, pro cæteris respondet: Id Chrysostomus confirmat in libro II. de Sacerdotio: Tum ostensurum Basilium, putâ eximiam suam dilectionem in Christum, si pascat ejus gregem, cum scriptum sit, si diligis, pascere oves meas. Neque enim tum volebat testatum esse, quantum à Petro amaretur. Siquidem id multis nobis argumentis constabat. Verum hoc ille tum agebat, ut & Petrum & cæteros nos edoceret, quanta benevolentia & charitate erga suam ipse Ecclesiam afficeretur, ut hac ratione nos quoque ejusdem Ecclesie studium, curamque toto animo susciperemus. Iterum in sermone LXI. super illud Pauli: In faciem Petro restiti: Nonne os fuit Apostolorum? Nonne silentibus cunctis ipse loquebatur? Quem me dicunt homines esse Filium hominis, ait Christus: & alii quidem Heliam dicebant, alii verò Jeremiam; alii unum ex Prophetis. Vos verò, quem me esse dicitis, inquit? Tunc respondens Petrus dixit: Tu es Christus Filius Dei vivi. Dixit, & pro omnibus ipse locutus est.

12 Nam quemadmodum pro toto corpore os loquitur, sic Apostolorum lingua erat Petrus, & pro omnibus ipse respondit.

Nonum: ad eundem titulum: Item super Actus Apostolorum. Petrus à Filio super omnes qui filii sunt, potestatem accepit, non ut Moyses in gente una, sed in universo orbe. Suppositus est hic locus, nec in Homi-

liis super Actus Apostolorum, nec in aliis commentariis invenitur.

Decimum: Habetur etiam ex prædictorum doctorum auctoritatibus, quod Romanus Pontifex habeat in Ecclesia plenitudinem potestatis. Infra: Et Chrysostomus dicit ad consulta Bulgarorum ex persona Chrysi loquens: Ter te interrogo, an ames, an ames, an diligas, quia ter me trepidus & timidus negasti. Nunc autem redactus, ne credant te fratres, gratiam & clavium auctoritatem amisisse, quia amas me coram ipsis, id tibi jam confirmo, quod meum est plenum. Jam alio in loco notavimus citationem hanc mirum quantum à vero abhorre. Chrysostomus annos quadringentos & triginta octo prius obiit, quam Bulgari Christianam religionem amplecterentur. Ad consulta Bulgarorum circa annum DCCC LXVI. respondit Nicolaus Papa I. qui & responsum III. Chrysostomi Doctoris, ut ait, Sancti auctoritate confirmat.

Undecimum: Ostenditur etiam, quod Petrus sit Christi Vicarius, & Romanus Pontifex Petro successit in eadem potestate ei à Christo collata. Chrysostomus dicit ex persona Filii loquens, pascere oves meas, id est, loco mei præpositus esto fratri. At non est apud Chrysostomum loco mei, ἀντὶ μου: sic verò est; Si amas me, fratrum curam suscipias, ὅτι ἐγὼ φίλος μου, ἀγαπᾶσαι αὐτοὺς. Quod Beatus Thomas Petro per Chrysostomum attribuit ut singulare privilegium, hoc ipse de Episcopis dicit in quart. dist. XLIV. quæst. III. art. III. de Ministrorum Ecclesiæ vestibus: Per annulum significatur sacramenta fidei, quæ Ecclesia desponsatur Christo. Episcopi enim sunt in Ecclesia loco Christi.

Duodecimum: Ostenditur etiam, quod ad dictum Pontificem pertineat, quæ sunt fidei determinare. Chrysostomus super acta Apostolorum dicit, quod Petrus est vertex sanctissimus Beati Apostolici throni, Pastor bonus. At verba hæc non reperiuntur in Chrysostomi operibus, nedum in Homiliis, quas in Apostolorum acta elucubravimus. Præterea nullus auctor Græcus Chrysostomo vetustior, æqualis, tempore proximus, locutione hac, vertex Beati Apostolici throni, usus est unquam. Quod est manifestissimum falsitatis argumentum.

Hactenus expensa sunt duodecim testimonia, quæ insincerus aliquis homo Thomæ suppeditavit. Non enim credimus, Doctorem Sanctum malâ fide tractasse quæstionem, quam tractandam susceperat.

Reliquum est modò, ut quid Chrysostomus de Romani Pontificis, & Synodi generalis auctoritate, & quid Romanus ipse Pontifex de eadem auctoritate fenserit exponam.

Chrysostomus ad Innocentium I. scribit epistolam, in qua illatas sibi à Theophilo Alexandrino injurias enarrat. Neque enim, inquit, congruum est, ut hi qui in Aegypto sunt, judicent eos, qui in Thracia, & præsertim ille, qui ipse reus est, inimicus & hostis. At ille nihil horum reveritus, magno studio anhelabat, ut perficeret ea, quæ mente conceperat. Cum autem contestaremur, paratos nos esse ad diluendum crimina, & ad innocentiam, sicut & innocentes sumus, declarandam coram centum, vel mille Episcopis, non assensit: sed licet absentes essemus, & ad Synodum appellarem, & judicium requireremus; ipse tamen accusatores suscepit, & excommunicatos à me absolvit, & ab illis, qui nondum se de suis criminibus purgaverant, libellos collegit, & acta perscribi jussit: Quæ omnia legibus & canonibus prohibita erant. Et post alia: Tractus igitur & abductus à Magistratu civitatis in media civitate, & in navim coniectus per noctem navigavi, eo quod ad Synodum & justum judicium provocaveram. Et post alia: Igitur Domini mei maxime venerandi & pii, cum hæc ita se habere didiceritis, studium vestrum, & magnam diligentiam adhibete, quo retundatur hæc, quæ in Ecclesias irruit, iniquitas. Quippe si mox hic invaluerit, & fas fuerit, cuius in alienam parochiam irrumpere, idque ex tantis intervallis, & ejicere

cere quos voluerit, & auctoritate propria quaque pro libidine sua facere, scitote quod brevi transierit omnia, & totus orbis premetur bello non indicto, omnibus ejectis & omnes ejicientibus. Quapropter ne confusio hac omnem, quae sub celo est, nationem invadat, obsecro, ut scribas, ut hac tam iniquè facta & absentibus nobis & declinantibus judicium, non habeant robur, sicut neque natura sua habent. Illi autem, qui adeo iniquè egisse deprehensi sunt, poena Ecclesiasticarum legum subjaceant: Nobis verò, qui nec conjuncti, nec redarguti, nec habiti ut rei sumus, litteris vestris, & caritate vestra aliorumque omnium, quorum scilicet & antea societate fruebamur, frui concedite.

35 Chrysostomus eandem epistolam mutata inscriptione ad Venerium Mediolanensem, & Chromatium Aquilegiensem Episcopum misit. Siquidem apud Palladium in Dialogo de vita illius cap. 11. post finem epistolae subnequit: Scripsimus & ista ad Venerium Mediolanensem, & Chromatium Aquilegiensem Episcopum. Sic scribitur, cum ad plures scribitur, & à pari, vel à paribus scribi dicitur. Hinc ut chartae, ita & epistolae pariculæ cur non dicerentur? Belarminus id notare oblitus est in libri 11. de Rom. Pont. cap. xv. ubi pro Romani Episcopi primatu laudat hanc Chrysostomi Epistolam. Oblivio hæc Ecclesiastica Historiæ non parum importat detrimenti. Quibus enim Epistolæ verbis Romani Episcopi primatum erigit, iisdem & Venerii Mediolanensis & Chromatii Aquilegiensis Episcopi primatum erexisset singulari in tractando religione, accurate magna, æquali iudicio. Pura puta est dissimulatio.

In relatis antè verbis tria sunt, quæ curiosè ac diligenter considerentur. Primum, quod Chrysostomus ad Innocentium non provocet, sed ad Synodum, ut femel atque iterum dicit: Deinde, quod ad opem Innocentii confugiat, eumque roget, ut quæ contra leges & canones in sua causa gesta sunt, statuatur nihil habere roboris, quemadmodum re ipsa nihil habere contendit: Denique, quod sub Innocentii, ad cujus opem confugit, nomine Occidentales Episcopos, qui subsunt Romano Pontifici, comprehendat. Huc illa pertinent, litteris vestris & caritate vestra aliorumque omnium, quorum scilicet & antea societate fruebamur, frui concedite. Hæc est illius & superioris temporis disciplina, cui fidem facit Julius ad Orientales ita scribens apud Athanasium: Nam tametsi solus sim, qui scripsi, non meam tamen solius sententiam, sed omnium Italorum & omnium in his regionibus Episcoporum scripsi. Ego autem omnes nolui scribere, ne à multis onerarentur. Certè ad constitutum tempus convenere Episcopi & ejus sententia fuerunt, quam vobis iterum significo. Quapropter, dilectissimi, etiamsi solus scribo, scribere me tamen communem omnium sententiam vos scire volo.

Innocentius Chrysostomo apud Sozomenum in libri VIII. capite xxvi. sic respondet: Quanquam insonantem omnia expectare bona, & à Deo misericordiam petere conveniat, sunt tamen & à nobis, qui patientiam suademus, competentes litteræ per Diaconum Cyriacum misse, ut contumelia plus posse non debeat in bonâ conscientia prote-  
16 rendâ quàm spes in eadem erigenda. Neque enim tu docendus es, tot populorum Doctor ac Pastor, optimos quosque semper & continuè probari, velint in vigore tolerantia persistere, ac nulli afflictionis molestia succumbere. Etenim conscientia bona firmum revera munimentum est adversus omnes casus immeritos: Quos quidem qui tolerantia non superat, is verò sinistra suspicionis argumentum de se ipse præbet. Omnia enim sufferre debet, quisquis primum Deo, deinde conscientia sua nititur. Siquidem ad patientiam exerceri potest, ut quàm maximè vir bonus, & honestus, vinci non potest: Quandoquidem conservant ejus animum Scripturæ divina, & exemplis eundem communiunt lectiones sacra, quas populo proponimus: Quæ quidem universos penè Sanctos variis modis

& continenter exercitatos, ac velut in examine quodam exploratos fuisse, atque ita ad patientia coronam pervenisse docent. Hæc igitur ipsa conscientia charitatem tuam consoletur, honorandissime frater: Quo facto, in tribulationibus ex virtute consolationem habebis. Inpetante enim Domino nostro Christo in tranquillitatis portum conscientia mundata sistetur.

Mox idem in Epistola ad Clericos Constantinopolitanos: Innocentius Episcopus Presbyteris ac Diaconis, universoque Clero ac populo Ecclesiæ Constantinopolitane, qui subditi sunt Episcopo Joanni, dilectis fratribus salutem. Ex litteris charitatis vestrae, quas per Germanum Presbyterum & Casianum Diaconum misistis, tragædiam malorum, quam ob oculos posuistis, anxiam sollicitudine cognovi, quantisque miseriis ac difficultatibus istic laboret fides, lectione sapius repetita perpexi; quam quidem rem unica patientia consolatio sanat. Dabit enim brevi Deus noster tantis tribulationibus finem, & hæc olim meminisse juvabit. At verò nos quidem, uti necessariam consolationem istam, quam in exordio Epistola vestra proponitis, approbamus, ita & intelligentiam charitatis vestrae agnovimus, quæ multa patientie testimonia complectitur. Etenim nostram consolationem, quam litteris adferre vobis debebamus, scriptis vestris vos ipsi prævenistis. Hanc tolerantiam Dominus noster laborantibus præstare solet, ut etiam in ipsis tribulationibus constituti servi Christi seipsos consolentur, reputantes secum & antea Sanctis accidisse eadem quæ nunc patiuntur ipsi. Itaque nos jam vel ex litteris vestris depromere consolationem possumus. Neque enim tam alieni sumus à vobis, ut non condoleamus, cum & nos in vobis cruciemur. Etenim quis ferre poterit eorum delicta, quos vel præcipuos esse fautores tranquillitatis ac pacis & concordia decebat? Atqui nunc præpostero modo de primatu Ecclesiæ suarum deturbantur Sacerdotes insones: Quo quidem primus frater noster & in Ecclesiastico munere socius Joannes Episcopus vester injustè oppressus est, cui ne id quidem contigit, ut se defensurus audiretur: Nullum crimen obijcitur, nullum auditur. Quod igitur hoc commentum est tam deploratum, ut ne vel suppetat, vel queratur occasio iudicii, in locum Sacerdotum viventium alii substituantur? Quasi illi, qui per hujusmodi perversitatem irrepunt, vel habere ipsi, vel agere quicquam recti, à quoquam judicari possint. Neque enim unquam à patribus nostris talia fuisse patrata cognovimus; Sed interdictum potius fuisse decreto, quo cavebatur, ne cui fieret copia, qua in viventis locum inauthoraretur. Nec enim reproba ordinatio Sacerdotis dignitatem auferre potest: Quomodo nec Episcopus quidem esse potest ille, qui injustè surrogatur. Nos enim quantum ad Canonum observantiam attinet, illis obsequendum esse scribimus, qui Nicæa determinati sunt: Quibus solis obtemperare, & suum suffragium addere, Ecclesia Catholica debet. Si qui verò & alii quibundam proferuntur, qui à Canonibus Nicanis discrepant, & ab hæreticis compositi deprehenduntur, hi verò ab Episcopis Catholicis Canonibus rejiciuntur. Hæreticorum enim commenta Catholicis Canonibus assuere non licet: Semper enim vel per contraria, vel per illicita, labefactare voluntatem student Concilii Nicæni. Non solum igitur his non obtemperandum esse dicimus, sed ipsa potius unâ cum hæreticis ac schismaticis dogmatibus esse condemnanda. Quomodo & antea in Sardicensi Synodo ab Episcopis prædecessoribus nostris factum est. Nam sanè longè præstiterit, vel ea condemnari, Fratres charissimi, quæ rectè facta sunt, quàm ea robur ullum sortiri, quæ adversus istos Canones acta sunt.

Sed quodnam remedium hisce rebus in presenti adferemus? NECESSARIA ERIT SYNODALIS COGNITIO, quam etiam multo jam antea congregandam diximus. EA QUIPPE SOLA EST, quæ hujusmodi procel-  
19 larum impetus retundere potest. Quam quidem donec consequamur, expedit medelam calamitatis hujus committere voluntati magni Dei, ac Christi ejus Domini nostri. Illa universis, quæ nunc per invidiam diaboli ad examen fidelium



fideliū perturbata sunt, tranquillitatem dabit. Nihil autem desperare debemus freti nostra in Deum fide. At nos quidem multum deliberamus, quonam modo SYNODUS OECUMENICA congregari possit, per quam divina voluntate turbulenti isti motus consopiri possint. Exspectemus itaque tantisper; ac vallo patientia communiti, speremus auxilio Dei cuncta nobis esse restituenda. Unversa verò quæ eos ibi sufferre dixistis, jam antea à Coepiscopis vestris, qui Romam licet diversis temporibus convenerunt, Demetrio videlicet, Cyriaco, Eulifio & Palladio, qui nobiscum sunt, diligenti inquisitione habita cognovimus.

Sozomenus non meminit aliarum Epistolarum, quas Innocentius ad Theophilum Alexandrinum dedit. Palladius in dialogi memorati capite III. meminit. Adhæc, inquit, rescriptis beatissimus Papa Innocentius, communionemque utriusque partis admissa, Theopholi iudicium cassum, atque irritum esse, decrevit dicens, oportere conflare aliam irreprehensibilem SYNODUM OCCIDENTALIUM ET ORIENTALIUM SACERDOTUM, ceteris Concilio amicis primum, deinde inimicis: Neutrū quippe partium ut plurimum, rectum esse iudicium. Et quibuldam interpositis, subjicitur Innocentii ad Theophilum Epistola hæc.

Frater Theophile, nos & te & fratrem nostrum Joannem nostra communionis esse decrevimus, sicut & in prioribus literis satis expressimus. Et nunc in sententia nostra & voluntate perdurantes rursus eadem scribimus: Et quotiescunque scripseris, nisi debitum sequatur conveniensque iudicium, propter ea, quæ magno cum dedecore gesta sunt, possibile non est nos à Joannis communionem discedere. Itaque si conscientia confidis, tu quoque accurre ad SYNODUM PROXIME IN CHRISTO CELEBRANDAM: Et illic juxta Nicæni Concilii canones, & decreta contende. Alios quippe Canones Romana non admittit Ecclesia. Quod si obtinueris, evidens & irrefragabilis erit ratio tua. Datæ ad Theophilum priores literæ, quarum meminit Innocentius, ad posteros non pervenerunt. Sed ex his posterioribus priores & posteriores ejusdem fuisse argumenti colligitur. Posteriores, ut apparet, prioribus explicatiores duntaxat fuerunt.

Palladius subjungit continuò, quæ sequuntur: Modicum temporis fluxerat, cum Theotecnus Constantinopolitanus Presbyter venit, literas Concilii Joannis xxv. Episcoporum, aut paullo plurium ferens, quibus docebant Joannem militum auxilio urbe depulsum, & Cucusum in exilium missum, Ecclesiæque incensam fuisse. Cui & ipsi communionis literas, & ad Episcopum Joannem, & ad omnes communicantes sibi Episcopos tradens orabat cum lacrymis, ut patienter tolerarent, cum OPEM IPSE FERRE NON POSSET, eo quod nonnulli obsisterent potentes adversarii Ecclesiasticæque pacis inimici.

Palladius in cap. iv. mentionem injicit Epistolarum, quas Venerius Mediolanensis & Chromatius Aquilegensis ad Chrysostomum scripserant. Sed illas non refert, nec referendas esse censuit. Venerius & Chromatius fecerunt idem, quod fecit Innocentius. Ii gemitu & mœstitia declararunt, quantum haberent odium rerum à Theophilo contra Joannem iniquè gestarum. Quid enim fecissent aliud? Secuti sunt exemplum Innocentii. Nunc quid Innocentius Chrysostomo & Constantinopolitanis Clericis respondit, quid ad Theophilum scripsit, quid tandem egit vel non egit in pauca conferendum est.

I. Innocentius Chrysostomo respondet, patienter ferendam esse calamitatem illam omnem, quam ab inimicis accipiebat. Huic egregium de patientiæ fructibus sermonem facit.

II. Quod Chrysostomus petebat, Innocentius exequitur, decernens cassa & irrita, quæ Theophilus contra illum nullo servato juris ordine gesserat: sed interim Theopholi communionem non abjicit; Utriusque Joannis & Theophili communionem retinet.

III. Innocentius præterea significat, habendam esse aliam Synodum, cui nec amici nec inimici intersint, & in qua Nicænis tantum Canonibus dirimatur controversia. Noverat Romanus Pontifex Ecclesiam non auctoritate absoluta, sed canone regendam esse. Theophilo scribit: Si conscientia confidis, tu quoque iudicio accurre ad Synodum proximè in Christo celebrandam, & illic juxta Nicæni Concilii canones & decreta contende. 22 Constantinopolitanis Clericis scribit: Nos quantum ad canonum observantiam attinet, illis obsequendum esse scribimus, qui Nicæa determinati sunt, quibus solis obtemperare, & suum suffragium addere ECCLESIA CATHOLICA DEBET. At multo magis Romanus Episcopus, qui in fidei regula & in Liturgicis non ponitur ante Ecclesiam, quia & ipse ad Ecclesiam pertinet, ut pars illius, quæ in terris est, sine dubio iudicanda, si vel in fide vel in moribus aberraret, quemadmodum ex eo necessaria prorsus consecutione deducitur, nec apud eruditos homines prius deduci quam à fonte rivus manare, desinet.

IV. Innocentius non dicit, Chrysostomum dignitatem Sedis primæ læsisse, quod ad Venerium Mediolanensem, & Chromatium Aquilegensem non aliter, quam ad se scripserit, quod literas in eandem sententiam exaraverit, in quibus verba hæc reperiuntur; obsecro ut scribas, ut hæc tam iniquè facta, & absentibus nobis, & declinantibus iudicium, non habeant robur, sicut neque natura sua habent. Illi autem, qui adeo iniquè egisse deprehensi sunt, pœna Ecclesiasticarum legum subjaceant, &c. Hoc unicum Chrysostomi factum omnino demonstraret, eum non scripsisse ea omnia, quæ apud Thomam scripsisse dicitur.

V. Innocentius non conqueritur, quod Chrysostomus ad Synodum potius, quam ad Sedem Apostolicam provocaverit. Quid ita? Pontifex Ecclesiasticarum rerum peritus noverat, Chrysostomum nihil fecisse, quod à majorum institutis abhorreret: Id verò fecisse, quod æquitati & rationi consentiret. Immo tantum abest ut ea de re conquestus sit, ut iis, quæ à Theophilo contra Joannem acta fuerant, & à se & à Venerio & Chromatio rescissis, necessariam adhuc Synodum, eamque esse solam iudicaverit, quæ excitatæ inter Chrysostomum & Theophilum, inter Thracas, atque Ægyptios controversiæ finem imponeret; sed expectandum esse usque monet, dum illa congregari possit. Scilicet compertum Innocentio, atque exploratum erat, auctoritatem Synodi, quam Sedis Apostolicæ majorem esse, ac certò & cum auctoritate pronuntiandi privilegium non convenire sibi soli, sed Ecclesiæ & Synodo, in qua Christiani nominis representatio celebratur.

VI. Cur Chrysostomus, ut ad Innocentium Romanum Episcopum, sic & ad Venerium Mediolanensem & Chromatium Aquilegensem iisdem literis confugerit, ne mireris. Non unus tantum Julius, sed & alii Italiæ & vicinarum regionum Episcopi Athanasium absolverunt, & in communionem susceperunt, quod & Julium ad Orientales scripsisse jam vidimus. Gelasius tradit Acacium Constantinopolitanum ut à se, sic & ab aliis Episcopis seorsum à Synodo rectè potuisse damnari. Id scribit in Epistola, quam ad Faustum fungentem legationis officio Constantinopoli dedit. Verba sunt: Euphemium verò miror, si ignorantiam suam ipse non perspicit, qui dicit Acacium ab uno non potuisse damnari. Itaque non perspicit, secundum formam Synodi Calchedonensis Acacium fuisse damnatum? Nec novit eam, aut se nosse dissimulat, in qua utique per numerosam sententiam Sacerdotum erroris hujus auctores fuisse damnatos, sicut in unaquaque hæresi à principio Christiana religionis & factum fuisse, & fieri manifesta rerum ratione monstratur, decessoremque meum executorem fuisse veteris constitutionis, non novæ constitutionis auctorem? Quod non solum præsulì Apostolico facere licet, sed cuicunque Pontifici.

Pontifici, ut quolibet & quemlibet locum secundum regulam hæresios ipsius ante damnata à Catholica communione discernant. Acacius quippe non fuit novi, vel proprii inventor erroris, ut in eum nova scita prodirent, sed alieno facinori sua communione se miscuit. Itaque necesse est, ut in illam recideret iusta lance sententiam, quam cum suis successoribus per convenientiam Synodalem susceperat auctor erroris. Quemadmodum igitur Gelasii iudicio quilibet Episcopus poterat Acacium damnare, quem ipse damnaverat Gelasius, sic & Chrysostomi iudicio Venerius Mediolanensis & Chromatius Aquilegiensis perinde ac Innocentius Romanus poterant latam in Chrysostomum sententiam abrogare: Quippe quæ contra leges & canones penitus lata fuerat. Gelasius in Acacii causâ, unumquemque Episcopum pro Chalchedonensis Synodi executore; Chrysostomus in causâ suâ Venerium & Chromatium pro iustitiæ & æquitatis vindicibus, pro legum & canonum, qui violati fuerant, assertoribus habuit. In dispari negotio par agendi ratio conspicitur: Eadem convenientissimæ disciplinæ propugnatio utrobique est.

VII. Innocentius perspicue significat, incognitum tunc Romæ fuisse placitum illud, quo recentiores quidam volunt, à Romano Pontifice de dogmatibus Ecclesiasticis fiduciario jure, & in rem præsentem decerni. Etenim apud Palladium, postquam abrogavit Theophili sententiam, dicit: *Oportere irreprehensibilem consilium Synodum Occidentalium & Orientalium Sacerdotum, cedentibus Concilio amicis primum, deinde inimicis; neutrarum quippe partium ut plurimum rectum esse iudicium.* In Epistola ad Constantinopolitanos Clericos dicit: *Quam quidem (Synodum) donec consequamur, expedit medelam calamitatis hujus committere voluntati magni Dei, ac Christi ejus Domini nostri. Illa universis, quæ nunc per invidiam diaboli ad examen fidelium perturbata sunt, tranquillitatem dabit: Nihil autem desperare debemus, freti nostra in Deum fide.*

Atqui hæc sunt rerum momenta septem, quæ cum ex Chrysostomi, tum ex Innocentii literis non tam colliguntur, quam in iis planè leguntur. Unicuique vel parum intento ad oculos occurrunt. Has porro literas exaravit Innocentius, non ut privatus Romanæ Ecclesiæ homo, sed ut Episcopus, ad quem Beatus Joannes Chrysostomus & Theophilus scripserant. Quis enim Chrysostomum à Theophilo abdicatum, quis Theophilum de Chrysostomi abdicatione referentem ad privatum Romanæ Ecclesiæ hominem scripsisse somniaret? Præsidium nullum à privato Romanæ Ecclesiæ homine sperandum erat. Quis etiam Innocentium ut privatum Romanæ Ecclesiæ hominem ad Chrysostomum scripsisse proderet, nisi eum, quod esset nefas, vellet & auctoritati suæ & Chrysostomi miseriis illudere? Quis tandem Innocentium ut privatum Romanæ Ecclesiæ hominem ad Nicænos Canones ablegare Theophilum assereret, nisi eum, quod esset quod scelestum ac nefarium facinus, vellet Theophilum ficto sermone compellere?

Hic exhaurietur variarum distinctionum Thesaurus, quarum auxilio perspicaces & acuti homines sibi videntur efficere, ut & dictum & factum sit, quod nec dictum nec factum est; ut nec dictum nec factum sit, quod & dictum & factum est; ut fuerit, quod fuit nunquam; ut non fuerit unquam, quod aliquando in orbis luce, atque in oculis omnium fuit; ut quod non est, nec forsan esse potest, esse incipiat, & figmento applaudatur ab imperita plebe; ut quod uno & simplici enunciatum est sensu, pluribus enunciatum putetur; ut quæ sunt peregrina & nova recentium placita, hæc in veteres Theologos & Patres præposterè transcribantur. Ex propriis monumentis, non ex alienis, Apostolicæ Sedis auctoritatem defendimus; & perniciosos Romanæ Curie assentatoribus veram ac simplicem illius Sedis traditionem, ut murum aheneum opponimus.

Triennio postquam Chrysostomus deductus est in exilium, & secundam ad Innocentium misit Epistola, Innocentius, qui Synodum œcumenicam unicum esse tot incommodis, quot ille patiebatur, remedium censuerat, ad eam congregandam animum appulit. Id Sozomenus testatur in laudati jam libri viii. capite xxviii. Innocentius verò Roma Episcopus prout amica scripserat, cum reverti ipsum cuperet, una cum Orientalibus Episcopis, & iis, qui pro ipso supplicabant, Misit Ecclesia Romana Episcopos quinque, & Presbyteros duos ad Honorium & Arcadium Imperatorem, ut & Synodum & ejus definitum tempus ac locum impetrarent. At Joannis hostes apud Constantinopolim hanc rem, quasi in contumeliam ejus Imperii fieret, calumniari sunt, & ut illi transmarini Imperii turbatores ablegarentur, effecerunt: Tum etiam ut ipse Joannes etiamnum ulterius petuntem scilicet exulatum transferretur, procurarunt. Quod quidem perquam celeriter advenientes milites perfecerunt. Aiunt enim illum dum ab his duceretur, in itinere prævidisse diem, quæ moriturus esset, apparente sibi Basilico Martyre in Comanis Armenia: Quo in loco cum ad iter ulterius non sufficeret, (laborabat enim dolore capitis, & radios solis perferre non poterat) morbo finivit vitam. Igitur interveniente Chrysostomi morte congregata non fuit Synodus, quæ, ut est apud Palladium, Thessalonice in loco utriusque partis commodo congreganda erat, si modò Innocentius consilii & voti sui compos factus esset. Hinc Chrysostomus consequi non potuit Synodum, quam appellaverat: Inde Innocentius videtur fecisse, quod potuit, ut ille Synodum consequeretur. In hac autem rerum & personarum conditione, uterque persuasus fuit, majorem & graviolem in œcumenica Synodo, quam in Romana vel alia sede qualibet auctoritatem residere. Post fidei regulam tunc nihil fuit in Ecclesia Dei, de quo ubique & potissimum Romæ magis constaret: Ubi non inveniebatur Curia hodiernæ Curie similis. Quidquid id est, derivatam ab initio Sedis Apostolicæ traditionem, quam Pius I. & Romanus Clerus in Marcionis excommunicati repulsa Nicænæ Synodi canone v. cœcæ confirmata, Siricius in suis ad Illyrici præfules literis, in negotio videlicet Bonosi & Capuensis Consilii, & Innocentius in causâ Chrysostomi vindicant, prævalituram semper esse quis desperaret? Hæc enim traditio non est similis pluribus aliis, quæ ex scripturis suam non repetunt originem, in scripturis ipsis firmiter constabatur: In Actis enim Apostolorum capite viii. dicitur: *Cum audissent Apostoli, qui erant in Hierosolymis, quod Samaria recepisset verbum Dei, miserunt ad eos Petrum & Joannem.*

Petrus à Collegio Apostolorum, non aliter, quam Joannes mittitur, quia simul mittuntur ambo, ut docent Acta. Quis autem in se reciperet, Joannem consilio duntaxat, non auctoritate & imperio missum esse? Quis ubi scriptura discrimen nullum ponit, ab antiquis Romanis Pontificibus & tractatoribus Ecclesiæ posium ostendet? Hoc certè in loco

*Gens ratione furens, & mentem pasta chimæris,*  
Comprimetur, algebit, & esuriet. Tum effæta, languescens de via non publica, & sibimet displicens haud impediet, quominus traditio

*Illam per immensas spatietur libera terras.*

Verum, unde orsa est, & in eo nostra terminetur Epistola. B. Thomam deceptum fuisse ostendimus cum Conciliis & Patribus ea tribuit, quæ tribuenda non sunt. Illius sanctitas, doctrina, & auctoritas præstabunt nunquam, ut si revera deceptus est ab homine malæ fidei, deceptus non sit, aut non esse credatur. Egregius est in rem similem Baronius ad annum DCIV. num. XL. In his, inquit, quæ rerum gestarum veritatem spectant, quæ frequenter accidunt, falli



29 etiam prudentissimos non in antiquis tantummodo, sed & in his qua facta esse dicuntur in eodem loco quo ipsi sunt, & quo vivunt tempore, cum usus doceat, pluribus demonstrare supervacaneum putamus. Sit in exemplum, quod qui major est Damasceno Theologus, ita antonomastice dictus, celeberrimus sanctitate atque doctrina Gregorius Nazianzenus in ea oratione, quam de sancto Cypriano ad populum habuit, manifestissimo lapsus errore cognoscitur, cum duos in unum Cyprianos constat, Antiochenum, atque Carthaginensem, quos constat fuisse diversos, inter seque distinctos. Ob idque nihil est, ut quantavis sive sanctitatis, sive doctrina cujuscunque prerogativa viri, quod non factum sit unquam, ut factum asserentis, ipsi veritati, prejudicium possit inferre; cum in his qua sunt facti, non dogmatis, potuerit quisque sanctissimus atque doctissimus fidei orthodoxe professor, atque defensor aliquando falli. Num rogo te,

eminentia superexcellens undique comparata, cumulatque in viro tanto efficere potest, ut quod mendacium est, veritas sit, & quod perinde ac verum ab eo falsum assertum est, recipiatur ab omnibus? In summa, cum aliis hominibus, tum maxime Christianis & inter Christianos Theologis fugienda est falsitas & mendacium, à quo etiam Gentiles quidam tantopere abhorruerunt. Quid ego memorem Zenonem illum veterem Stoicum, qui, ut notat Ammianus Marcellinus in Libro XIV. ut memiretur quadam, laceratus diutius, avulsam sedibus linguam suam cum cruento sputamine in oculos interrogantis Cyprii regis impegit? Hæc non ignoras, qui tam multa calles & tam varia; qui publicum Christianarum institutionum diribitorum ac præconem agis, & agere te video, audio, demiror. Vale. Lutetiæ Parisiorum Nonis Junii anno M. DC. LXIV.

## Joannes Launoius FRANCISCO BONO.

1 **A** I S incidisse te in eos, qui quamvis egregie cordati, & optime in Sedem Apostolicam affecti sint homines, gravatè tamen ferunt subscriptionem, qua Romani quidam Pontifices post annum Christi millesimum utuntur: Subscriptio hæc est; *N. Catholica Ecclesia Episcopus*: Tum quia vides me legitimam Sedis Apostolicæ dignitatem subinde tueri, contaris de me, quoniam modo subscriptio hæc defendi possit. Respondeo, nihil tibi metuendum esse, rectè defendi posse. Nam inscriptio vel subscriptio hæc nihil sonat aliud, quàm hunc vel illum N. Episcopum esse Romanæ Ecclesiæ, quæ Catholicam religionem ac fidem profitemur. Id perspicue docet Romanæ ipsius Ecclesiæ traditio, cujus monumenta tibi in medium simpliciter adduco; non omnia, quia non omnia reperi, sed talia, quæ nihilominus rem absolvent.

Leo I. in parte I. Chalcedonensis Concilii num. x. sic se inscribit, ad Theodosium Imp. scribens: *Cæsari Theodosio religiosissimo & piissimo Augusto Leo Papa Ecclesiæ Catholicae urbis Romæ*. Iterum num. XII. *Leo Catholica Ecclesia Romana Episcopus*.

Apostolicæ Sedis Legati in Actione VIII. Chalcedonensis Concilii: *Paschasius & Lucentius Episcopi reverendissimi, & Bonifacius reverendissimus Presbyter, insuper & Julianus reverendissimus Episcopus Coenensis habentes locum Apostolicæ Sedis dixerunt: Sanctissimum & venerabilem Episcopum Theodoretum sanctissimus & beatissimus Catholica Ecclesia Episcopus urbis Romæ Leo dudum in communionem suscepit*. Locus unus hic sufficeret, qui & antecedentia exponit & subsequentibus sic præluet, ut ad diverticula & flexiones Sophistarum aditum omnem intercludat.

Hilarus in Romanâ Synodo, cui præfuit, sic inscribitur: *Hilarus Episcopus Ecclesiæ Catholicae urbis Romæ Synodo præsidens dixit*: In Cod. Canonum Rom. Ecclesiæ.

Felix III. sic se inscribit ad Acacium scribens: *Felix Episcopus Sanctæ Ecclesiæ Catholicae urbis Romæ Acacio*: Rursus in Romanâ Synodo Episcoporum XXXVIII. sic inscribitur: *Felix Episcopus Ecclesiæ Catholicae urbis Romæ præsidens Synodo dixit*: In Cod. Canonum Rom. Ecclesiæ.

Gelasius in Romana Synodo II. ubi Misenus abso-

lutus est, sic inscribitur: *Gelasius Episcopus Ecclesiæ Catholicae urbis Romæ dixit*.

Symmachus in Romana Synodo I. semel atque iterum sic inscribitur: *Symmachus Episcopus Ecclesiæ Catholicae urbis Romæ dixit*: Mox ita subscribit: *Celinius Symmachus Episcopus Sanctæ Ecclesiæ Catholicae urbis Romæ his constitutis synodalibus à me probatis atque firmatis consentiens subscripsi*. Subscriptio par repetitur in Romana Synodo IV. quæ palmaris appellatur.

Vigilius in Epistola v. quam ad Mennam Episcopum mittit, hoc modo subscribit: *Deo juvante per, ipsius gratiam Vigilius Episcopus Sanctæ Ecclesiæ Catholicae urbis Romæ, has schedas Epistolarum superscriptarum recognovi atque subscripsi*.

Iterum in Epistola x. Encyclica ad universam Ecclesiam: *Vigilius Episcopus Catholicae Ecclesiæ urbis Romæ universo populo Dei*. In Jacobi Sirmondi Appendice ad Cod. Theodosianum.

Pelagius I. in Epistola XII. quam ad Childebertum Regem scribit, ita subscribit: *Pelagius misericordia Dei Episcopus Ecclesiæ Catholicae urbis Romæ, exemplari Epistola nostra subscripsimus*.

Pelagius II. in Epistola I. ad Episcopos Istriae sic se inscribit: *Dilectissimis fratribus Elia, aliisque Episcopis, universis filiis in Ecclesia Istria partibus constitutis, Pelagius Episcopus Sanctæ Ecclesiæ Catholicae urbis Romæ*.

Bonifacius II. in Romanæ Synodi, quæ Romæ cum Ecclesiasticis monumentis aliis edita est anno M. DC. LXII. sessione I. & II. inscribitur: *Bonifacius Episcopus Ecclesiæ Catholicae urbis Romæ dixit*.

Gregorius I. in fine decretorum, quæ tempore Mauricii, Tiberii, & Theodosii Augustorum edidit, hoc pacto subscribit: *Gregorius (Episcopus) Sanctæ Catholicae & Apostolicae Romanae Ecclesiæ, huic decreto à nobis promulgato subscripsi*.

Martinus I. in Epistola v. ad Joannem Philadelphiam Episcopum sic se inscribit: *Joanni Episcopo Philadelphiam Martinus servus servorum Dei sanctæ ejus Ecclesiæ Catholicae & Apostolicae Romanorum Ecclesiæ Episcopus*. In pluribus Epistolis aliis hoc modo se inscribit: præterea in Lateranensi Concilio, cui præfuit, passim inscribitur: *Martinus sanctissimus & beatissimus Episcopus*.

pus sancta Dei Ecclesia Catholica, atque Apostolica urbis Rome Concilio presidens dixit.

4 Agatho in Epistola, quæ in Synodi VI. actione IV. lecta & approbata est, sic subscribit: Agatho Episcopus sancta Dei Catholica & Apostolica Ecclesia urbis Roma &c. subscripsi.

Gregorius Junior seu II. in fine decretorum suorum ita subscribit: Gregorius Episcopus sancta Catholica atque Apostolica Romana Ecclesia, huic decreto à nobis promulgato subscripsi.

Zacharias in Romani Concilii, cui præfuit, actione I. sic inscribitur: Zacharias sanctissimus ac beatissimus Papa sancta Dei Ecclesia Catholica atque Apostolica urbis Rome dixit. Et postea subscribit: Zacharias Episcopus sancta Dei Ecclesia Catholica atque Apostolica urbis Rome, his gestis atque sententiis à nobis promulgatis subscripsi. Hinc in Epistola IX. ad Pippinum & Episcopos Francorum ita se inscribit: Domino excellentissimo atque Christianissimo Pippino Majori domus, seu dilectissimis nobis universis Episcopis Ecclesiarum, &c. Zacharias Episcopus sancta Dei Ecclesia, & Apostolica Romana. In tom. I. Conc. Gall.

Hadrianus I. in Francofordiensi Concilio sic inscribitur: Hadrianus sancta Catholica atque Apostolica primæque Pontifex Sedis dilectissimis fratribus & sacerdotibus nostris, Galliciis, Spanisque Ecclesiis presidentibus in rosso Christi sanguine salutem. In tom. II. Conc. Gall.

Iterum in Epistola XXVI. ad Episcopos in Regno Caroli constitutos: Servatur omnino à Deo protectum Imperium suum, quod cum benedictione & sacratissimi olei unctione, Sedis Apostolica præfule ministrante, præcepit ad exaltationem & quietem matris sue huius sancta Catholica & Apostolica Ecclesia licenter ac rectissime moderari.

5 Leo IV. in Romanæ Synodi, quam propter Anastasium Cardinalem Presbyterum habuit, capite XXXIX. dicit: Idem verò huius urbis Presbyteri Episcopum recognoscant. Sic Leo Rom. Pont. urbis Presbyterorum Episcopum proprium appellat. Deinde Synodo ita subscribit: Leo sancta Catholica & Apostolica Romana Ecclesia quartus Episcopus in hac excommunicatione & anathemate sive depositione Anastasii Presbyteri tit. sancti Marcelli, à me facta, sicut superius legitur, manu propria subscripsi. In collectione Romana bipartita.

Nicolaus I. in Epistola I. sic se inscribit: Nicolaus Episcopus sancta Catholica, atque Apostolica Romana Ecclesia omnibus vere religionis ministris.

Hadrianus II. in octavæ Synodi actione IV. & in tertio illius alloquio cap. I. ita subscribit: Hadrianus Episcopus sancta Catholica, & Apostolica Romana Ecclesia, his sententiis à nobis promulgatis manu propria subscripsi.

Joannes VIII. in Tricassino Concilio II. cui præfuit, hoc modo subscripsit: Joannes Apostolica Romana Ecclesia prima Sedis Episcopus huic decreto à nobis promulgato subscripsi.

Joannes XV. in Romano Concilio, cujus auctoritate Udalricus Augustensis Episcopus in Sanctorum numerum relatus est, ita subscribit: Ego Joannes sancta Romana Catholica, atque Apostolica Ecclesia Episcopus huic decreto à nobis promulgato consensu & subscripsi.

6 Concludit omnia Romanæ Ecclesiæ Diurnum vetus, quod non ita pridem Romæ editum est, & ibi nescio qua de causa captivum detinetur. Utinam injusta non sit, nec cognitioni antiquitatis Ecclesiasticæ inopportuna! In eo professionis fidei formulæ sunt duæ: prior, quam initiandus Episcopus facit, posterior, quam initiatus Episcopus. In priori res sic se habet: In nomine Domini Dei Salvatoris nostri Jesu Christi &c. Indiçt. ill. mense ill. die ill. ego ill. misericordia Dei Presbyter electus, futurisque per Dei misericordiam humilis Apostolica Sedis Amicus, tibi profiteor, Beate Petre Apo-

stolorum Princeps &c. Subscribit: Ego qui supra ill. indignus Presbyter & Dei gratia electus huius Apostolica Romana Ecclesia hanc professionem sicut supra continet, faciens, & iurandum corporaliter offerens, tibi Beate Petre Apostolorum Princeps, pura mente & conscientia obuli. In posteriori: Ill. Episcopus Catholica, atque Apostolica Ecclesia urbis Rome reverendissimis fratribus & dilectissimis filiis, seu universæ plebi Dei &c. In fine ita subscribit: Ill. gratia Dei Episcopus sancta Catholica, atque Apostolica Ecclesia urbis Rome huic professioni recta & orthodoxa fidei, sicut superius legitur, subscripsi.

Hic gradum sisto, & præ me fero, contra Sedis Apostolicæ traditionem eos graviter errare qui subscriptionem hanc, N. Catholica Ecclesia Episcopus, perinde interpretantur, quasi Catholica Ecclesia diocesis certa quædam esset, cujus hic vel ille N. Episcopatum gereret: Qua ratione in Catholica Ecclesia ubique diffusa unus esset Episcopus, & cæteri Episcopi non essent Episcopi, præterquam nomine, & vicariam illius unius præfecturam tantum administrarent. Hoc esset ponere Episcopum universalem vel æcumenicum, quem Sedes Apostolica per Gregorium I. duodecies, in libri IV. epistola XXXII. ad Mauritium Imp. in ejusdem lib. epist. XXXIV. ad Constantinam Imperatricem: in ejusdem lib. epist. XXXVI. ad Eulogium Alexand. & Anastasium Antioch. in ejusdem lib. epist. XXXVII. ad Joannem Constantinop. in lib. VI. epist. XII. ad Cyriacum Constantinop. in ejusdem lib. epist. XXIV. ad Anastasium Antioch. in ejusdem lib. epist. XXVIII. ad Cyriacum Constantinop. in ejusdem libri epist. XXX. ad Mauritium Imp. in ejusdem lib. epist. XXXI. ad Eulogium Alexand. & Anastasium Antioch. in lib. VII. indiçt. I. in epistola XXX. ad Eulogium Alexand. in ejusdem libr. indiçt. II. epist. LXX. ad Eusebium Thesalonicensem, & alios Episcopos, in lib. XI. epist. XLVII. ad Cyriacum Constantinop. perculit, & affixit. Pro his locis omnibus nunc unus sufficit, qui habetur in libri VII. indiçt. I. epistola XXX. ad Eulogium Alexand. Indicare quoque vestra beatitudo studuit, jam se quibusdam non scribere superba vocabula, quæ ex vanitatis radice prodierunt, & mihi loquitur, dicens: sicut iussisti. Quod verbum iussionis peto à meo auditu remove, quia scio quis sum, qui estis. Loco enim mihi fratres estis, moribus patres. Non ergo iussi, sed quæ utilia sunt, indicare curavi. Non tamen invenio beatitudinem vestram hoc ipsum, quod memoria vestra intulit, perfecte retinere voluisse. Nam dixi, nec mihi vos, nec cuiquam alteri tale aliquid scribere debere; & ecce in præfatione epistolæ, quam ad me ipsum, qui prohibui, direxistis, superba appellationis verbum, universalem me Papam dicentes, imprimere curastis. Quod, peto, dulcissima mihi sanctitas vestra ultra non faciat, 8 quia vobis subtrahitur, quod alteri plus quam ratio exigit, præbatur. Ego enim non verbis quæro prosperari, sed moribus. Nec honorem esse deputo, in quo fratres meos honorem suum perdere cognosco. Meus namque honor est universalis Ecclesia. Meus honor est, fratrum meorum solidus vigor. Tunc ego verè honoratus sum, cum singulis quibusque honor debitus non negatur. Si enim universalem me Papam vestra sanctitas dicit, negat se hoc esse, quod me fatetur universum. Recedant verba quæ vanitatem inflant, & caritatem vulnerant: & quidem in sancta Calchedonensi Synodo, atque post à subsequentibus Patribus hoc decessoribus meis oblatum vestra sanctitas novit, & tamen nullus eorum uti hoc unquam vocabulo voluit, ut dum in hoc mundo honorem Sacerdotum diligerent omnium, apud omnipotentem Deum custodirent sum. Hæc interprete non egent, hæc per seipsa ut loquuntur, ita & intelliguntur. Perversè religiosus foret, qui aliter ac Sedes Apostolica per Gregorium, tam sentiret, quam scriberet.

Hadrianus I. Gregorii factum exequitur in sua ad Constantinum & Irenem epistola, quæ in Synodi VII. actione IV. recepta & confirmata est; Nicolaus I. in



epistola lxx. ad Hincmarum & alios Galliae Episcopos; Leo IX. in epist. i. ad Michaëlem Constantinop. Gregorius, Hadrianus, Nicolaus, Leo, qui & quales Pontifices, apprimè noverant, decessorem suum Symmachum antiquae traditionis retinentissimum, cum ad Aeonium Arelatensem Episcopum scriberet, dixisse: *Ad Trinitatis instar, cujus una est atque individua potestas, unum esse per diversos antistites Sacerdotium.* Verba haec comparisonem exhibent, qua nulla major est vel augustior, vel explicandae rei aptior. Illa sincerum Sedis Apostolicae animum praedicat, & bonis omnibus commendat, & simul nefarias assentatorum Curiae molitiones patefacit, & ad indignationem odiumque designat. Deinde prae me fero, veteres illos Romanos Pontifices, quorum testimonia produximus, recentium sic explicare mentem, ut tergiversari ac moram trahere judicandus esset, qui refragaretur. Verum ut contentionis funem auferam, & malignae contra Sedem Apostolicam interpretationis speciem omnem detrahā, subnecto quaedam veterum testimonia, in quibus Episcopi, nunc Catholicae Ecclesiae praesesse, nunc Catholicae Ecclesiae Episcopi dicuntur.

Constantinus in epistola ad Anulium, lib. x. hist. Eusebii cap. vii. Caecilium Catholicae Ecclesiae praesesse scribit. *Quare eos, qui in provincia tua fidei concredita in Ecclesia Catholica, cui Caecilianus praest, huic sanctae religioni inserviunt, (quos Clericos nominare solent) ab omnibus omnino communibus & civilibus rerum publicarum ministeriis immunes ac solutos volo.*

Nicaena Synodus prima in epistola ad Alexandrinam Ecclesiam: *Neque quicquam absque consensu Episcoporum Catholica & Apostolica Ecclesia, qui sub ipso Alexandro sunt, omnino transigant.*

Quae habitae sunt Carthagine cum Donatistis collationes, passim obijciunt Episcopos, qui Catholicae Ecclesiae Episcopi vocantur. Sufficient ii, qui Collationi primae interfuerunt, num. l. lxi. & lxxviii.

Fortunatianus Episcopus Ecclesiae Catholicae dixit.

Num. lxi. Aurelius Episcopus Ecclesiae Catholicae dixit.

Num. lxxviii. Augustinus Episcopus Ecclesiae Catholicae dixit.

Cum Fortunatianus, Aurelius, & Augustinus Catholicae Ecclesiae Episcopi inscribuntur, eo inscribuntur modo & sensu, quem illi de quibus loqueris, in Romanis Pontificibus perperam coarguunt: Sed profecto per inscitiam affingunt, ut coarguant. Africani praesules Catholicae Ecclesiae inscribuntur Episcopi, ut Romani Pontifices inscribuntur & subscribuntur. Quinetiam Africani, ut Romani sese interpretantur. Nam in antedictae collationis num. xlii. xliiii. & xlvi. Aurelius Episcopus Catholicae Ecclesiae Carthaginiensis nuncupatur & inscribitur.

Felix III. in Epistola iv. ad Zenonem Imp. ubi de Petro Alexandrino Eutychii sectatore loquitur: *Qui Petrus, tamen, si verè receptus esset, veniam mereri debuit, non honorem qui à damnatis & haereticis falsum Sacerdotii nomen accipiens, Catholica non poterat Ecclesiae praesidere.* Sic Felix Alexandrinam, cui Petrus propter errores suos praesidere non poterat, haud dubitat Catholicam Ecclesiam simpliciter appellare. Catholica verò Ecclesiae praesidere, idem est atque Catholicae Ecclesiae Episcopum esse.

Mausona Emeritensis Episcopus Toletano Concilio III. hac forma subscribit: *Mausona in Christi nomine Ecclesia Catholica Emeritensis Metropolitanus Episcopus provinciae Lusitaniae his constitutionibus, quibus in urbe Toletana interfui, annuens subscripsi.*

Hæc autem cum ita sint, occurrunt mihi duo, quibus vel pertinacissimi quique homines contenti esse debent. Primum, quod posterioris ætatis Pontifices Romani loquuntur, ut Constantinus, ut Nicaena Synodus,

ut veteres Africani praesules, ut Felix III. loquebantur. Tunc Constantinum, Nicenam Synodum, Africanos, & Felicem reprehendit nemo, quorum imitationem Concilii canon nullus, Sedis Apostolicae decretum nullum, quod sciam, prohibuit. Quis igitur Rom. Pontifices nunc meritò reprehenderet? Deinde, quod Romæ cum hic vel ille N. Catholicae Ecclesiae Episcopum se vel inscribit, vel subscribit, ex veteri & indubitata Sedis Apostolicae traditione, verba duo hæc, *urbis Romæ*, subaudiri debeant: Idque tribus de causis; ut explicata per auctores suos retineatur traditio, ut omnia inter se conveniant, posterioraque prioribus respondeant, ut inscriptiones non abiciantur aliæ simpliciores, quibus Pontifices nonnulli utuntur. Liberius urbis Romæ Episcopum se duntaxat inscribit: Inter fragmenta Hilarii: *Dilectissimis fratribus & Coepiscopis nostris universis per Orientem constitutis, Liberius urbis Romæ Episcopus.* Liberium Zosimus imitatur in epistola ad Helychium Salonitanum Episcopum: *Zosimus Episcopus urbis Romæ Helychio Episcopo Salonitano.* Zosimum Bonifacius I. sequitur in epistola ad Hilarium Narbonensem Episcopum: *Bonifacius Episcopus urbis Romæ Hilario Episcopo Narbonensi.*

Leo I. in inscriptionis hujus usu frequens est ad epistolas xix. In epist. i. ad universos Episcopos per Campaniam, Picenum & Tusciam constitutos, in epist. ii. ad Episcopos Italiae, in epist. iii. ad Julianum Aquileiensem Episcopum, in epist. ix. ad Theodosium Imp. in epist. xi. ad Julianum Coensem Episcopum, in epist. xvi. ad Flavianum Constantinopolitanum Episcopum, in epist. xxix. ad Anastasium Thessalonicensem Episcopum, in epist. xxxix. ad Pulcheriam Augustam, in epist. xlvii. ad Calchedonensem Synodum, in epist. lvi. ad Julianum Coensem Episcopum, in epist. lxxvii. ad eundem Julianum, in epist. lxxxi. ad Juvenalem Hierosolymitanum Episcopum, in epist. lxxxiii. ad Leonem Aug. in epist. lxxxiv. ad Anastasium Thessalonicensem Episcopum, in epist. lxxxvi. ad Nicetam Aquileiensem Episcopum, in epist. lxxxix. ad Episcopos per Viennensem provinciam constitutos, in epist. xc. ad Ravennensem Arelatensem Episcopum, in epist. xciv. ad Rusticum, Ravennium, Venerium, & ceteros Episcopos Galliarum, in epist. xcv. ad Episcopos Galliarum & Hispaniarum. In his epistolis omnibus nunc *urbis Romæ*, nunc *Romæ* Episcopum se inscribit. Gelasius Leonis vestigia relegit in epist. xlii. ad Episcopos Dardaniæ: *Gelasius Episcopus urbis Romæ ad Dardanos.* Hormisdas in epist. li. ad omnes Episcopos Hispaniae, Celestinum Papam urbis Romæ nominat: *Anathematizamus Nestorium haereticum damnatum in Concilio Ephesino à Beato Celestino Papa urbis Romæ.* Joannes I. epist. i. ad Zachariam Archiepiscopum: *Joannes Episcopus urbis Romæ Zacharia Archiepiscopo salutem.* Joannes II. in epist. i. ad Julianum Imp. *Joannes Episcopus urbis Romæ Iustino Imp.* Iterum in epist. lxi. ad Senatores: *Joannes Episcopus Romanus illustribus ac magnificis viris Avieno, Senatori, Liberio, Severino &c. Pelagius II. epist. iv. ad Auxanum: Dilectissimo Patri Auxanio Pelagius urbis Romæ Episcopus.*

Pius II. in epistola ad Martinum Meyrum, ubi de moribus Germanorum loquitur: *Commendandi sunt & alii Romanae urbis praesules, qui generalium praecepta Synodorum, quasi divina oracula, & admirati sunt & prosecuti.*

Julius II. in Bulla Indictionis Lateranensis Concilii Alexandrum VI. Romanorum Pontificem appellat: *Quid enim felicitis recordationis Alexandro VI. Romanorum Pontifici praedecessori magis nos odiosos fecit, nisi studium & cura generalis Concilii celebrandi?*

In his Pontificibus sunt quidam, Leo nempe, Gelasius, Pelagius II. qui se, ut vidimus, *Catholica & Apostolica Ecclesia urbis Romæ* Episcopos appellant. Sunt alii, Liberius, Zosimus, Bonifacius, Joannes I. & II. qui

ex Romano more *Catholica & Apostolica Ecclesia urbis Romæ* Episcopos nominasse se intelligi debent.

Porro autem inscriptiones hæc omnes non impediunt, quominus, qui *Catholicæ & Apostolicæ Ecclesiæ urbis Romæ*, vel qui simpliciter *urbis Romæ Episcopus* est, pro *Ecclesiæ capite* habendus sit. Alexander III. duo ista conjungit in Epistola, quam ad Pisenum Archiepiscopum, & universos Episcopos atque Abbates per Thusciam constitutos scribit: *Id licet universis Ecclesiarum rectoribus incumbat, multo tamen fortius imminet Romana urbis antistiti, qui à Domino Iesu Christo, ut caput esset Ecclesiæ, in Beato Petro accepit.* Quid vero sit caput Ecclesiæ, Gregorius I. nos docet in libri IV. Epistola xxxviii. ad Joannem Constantinopolitanum Episcopum: *Certe Petrus Apostolus primum membrum sanctæ & universalis Ecclesiæ est. Paulus, Andreas, Joannes, quid aliud, quam singularium sunt plebium capita? & tamen sub uno capite (Christo) omnes sunt membra Ecclesiæ. Atque ut cuncta brevi cingulo locutionis astringam, sancti ante legem, sancti sub lege, sancti sub gratia, omnes hi perficientes corpus Domini in membris sunt Ecclesiæ constituti, & nemo se unquam universalem vocare voluit.* Ut ergo Petrus, ita & Romanus Episcopus Petri successor primum membrum sanctæ & universalis Ecclesiæ est; Sed nihilominus membrum semper & in membris Ecclesiæ constitutus, atque eam ob causam Ecclesiæ quæ Domini corpus est, necessario postponendus. Nam, ut Beatus ait Augustinus, *Universum partibus semper optimo jure preponitur*: Exinde Sixtus III. Augustino æqualis sapienter & appositè scribit ad Episcopos per Illyricum constitutos: *Sed ut omne corpus capite regitur, ita ipsum caput nisi suo corpore sustentetur, firmitatem & vigorem suum perdit, & non tenet, quam habuerat dignitatem.* In Romana Synodo Collectionis Bipartitæ num. xvii. illustris & perspicua est veritas hæc, quæ argumenta non querit. Sixtus corporis quam capitis, totius quam partis rationem esse potiorē indubitatè objicit.

De reliquo Gregorius & in hac & in superioribus laudatis Epistolis ad Eulogium Alexand. & Anastasium Antioch. & ad Mauricium Imp. nobis idoneus est testis, Leonem non inscripsisse se *universalis vel Catholica Ecclesiæ* Episcopum, ut in tribus Epistolis, una ad Martianum Aug. quæ incipit *Magno munere*; Altera ad Maximum Antioch. quæ incipit, *Quantum dilectioni tuæ*; Tertia ad Eudochiam Aug. quæ incipit, *Sancta memoria Theophilus*, inscribitur, in Epistolarum editione, quam anno M. D. XLVI. curavit Petrus Canisius. Antiquiores editiones carent titulo hujusmodi. Parisiensis Conciliorum editio anni M. D. XXIV. quæ Jacobi Merlini Paris. Theologi studio debetur, sic habet: *Leo Martiano Aug. Magno munere. Leo Eudochia Aug. Sancta memoria Theophilus. Leonis Papa ad Maximum Antioch. Quantum dilectioni tuæ.* Colonienfis Conciliorum editio an. M. D. XXX. & M. D. XXXV. à Parisensi non differt. His Editionibus præverunt MSS. codices: In Bibliotheca Thuana extant codices duo ante annos plus minus sexcentos exarati, ubi prima Epistola sic inscribitur: *Leo Episcopus Martiano Aug. Magno munere.* Desiderantur aliæ duæ. In Bibliotheca Monasterii S. Victoris extant quoque codices duo; quorum alter ante annos quadringentos, alter ante annos quingentos scriptus est. Prior sic habet: *Leo Martiano Aug. Magno munere. Leo Eudochia Aug. Sancta memoria Theophilus.* Deest Epistola ad Maximum Antioch. Posterior: *Leo Episcopus Martiano Aug. desunt aliæ duæ.* Hic codex posterior est Isidori collectio. In collectione Romana bipartita, quæ Romæ anno M. DC. LXII. in lucem prodiiit, Romana Synodus est à Vaticanis manuscriptis deprompta, ubi legitur, *Leo Episcopus Martiano Aug. Magno munere*: De duabus aliis Epistolis par sit judicium. Laurentius Surius in Conciliorum editione, cui vacavit anno M. D. LXXII. memoratas refert Leonis Epistolas, sed illæ vetustiorē anno M. D. XLVI. inscriptionem retinent. Editiones cæteræ

posteriores Canisianam editionem sequuntur: At Canisius vel mendosum codicem nactus fuerat, vel quod facilius crediderim, de suo tribus memoratis Epistolis titulum apposuit. Quo consilio, Deus novit: Sed certum est, nec veritatem, nec Sedem Apostolicam hominum egere mendacio.

Hæc autem omnia, quæ ex variis Romanorum Pontificum Epistolis & operibus breviter recensui, & verissimè disserui, eò spectant, ut qui N. ab anno Christo millesimo se *Catholicæ Ecclesiæ Episcopum* vel inscripsit vel subscripsit, se *Catholicæ atque Apostolicæ Romanæ Ecclesiæ*, vel quod idem est, se *Catholicæ atque Apostolicæ Ecclesiæ urbis Romæ* vel inscripsisse vel subscripsisse intelligas. Sic recta & plana erunt omnia, quæ obliqua & aspera esse suspicacis animi homines existimabant.

Accedit, quod reclamatura non sit Sedes Apostolica, cui maxime proprium est, doctrinæ antiquitatem explorata novitate retinere, vindicare, & asserere. Celestinus I. in Epistola, quam Gallorum Sacerdotibus misit, hoc verbis quatuor, sed expressis & significantioribus declarat: *Desinat incessere novitas vetustatem.* Sixtus III. ut in Celestini locum ita & in eandem cum illo testificationem succedit, ad Joannem scribens Antiochenum Episcopum: *Nihil ultra liceat novitati, quia nihil addi convenit vetustati. Perspicua majorum fides & credulitas nulla cæni permixtione turbetur.*

Cæterum si Cajetanus, si Bellarminus, si similes alii Curia Theologi novissent, qua ratione intelligenda sit inscriptio vel subscriptio, hanc à simplici & vero tot Romanorum Antistitem sensu ad novas & falsas opiniones non deflexissent, nec adeo leviter contra Sedis Apostolicæ traditionem dixissent, Romanum Episcopum supra universam Ecclesiam esse. Jam perspicis, opinor, quod perspecturum te esse sæpenumero monui, quomodo Sedes Apostolica suam per se ipsam auctoritatem tueatur & per seipsam vincat adversarios.

Ad Bellarminum quod attinet, hic sibi canit, non Sedi Apostolicæ, non Ecclesiasticæ veritati. Quæ sibi sumit lemmata; Hæc cujus antiquitatis sint, an certa vel incerta, & quò pertineant, non semper expendit, populari trutina contentus. Nam si aurificum statera expenderet, vereretur, ne quæ ex illis lemmatibus colligit, non colligere, sed potius abjicere cogeretur: Atque ita, quod scripturienti magnum esset malum, paginâ vacaret. In hoc argumenti genere, quod præ manibus est, insigne statuitur exemplum. In libri II. de Conciliis cap. xvii. ex Ambrosio, ut credit, sic disputat, Romanum Pontificem esse supra Ecclesiam & Concilia: *Unde Ambrosius in illud I. Tim. 3. ut scias quomodo te oporteat conversari in domo Dei, &c. domus Dei, inquit, Ecclesia dicitur, cujus hodie rector est Damasus.* Sed in libri IV. de amissione gratiæ, & statu peccati capite V. quæ Commentaria in Pauli Epistolas Ambrosio tribuit, eidem sic abjudicat: *Duodecimus auctor Comment. in Epistolas B. Pauli, quæ S. Ambrosio tribuuntur. Is enim, ut Ambrosius à viris doctis esse non creditur, ita æqualis sine dubio fuit. Vixit enim tempore Damasi Papa, ut ipse testatur in Comment. c. 3. prioris ad Timotheum.* Quasi verò qui commentaria hæc subjecit Ambrosio, Damasi meminisse, aut librarius aliquis inferere commentariis, cujus hodie rector est Damasus, non potuerit? Qua fraude majorem illis fidem conciliaret, & facilius imposeret lectoribus, ut reipsa multis imposuit, & iis qui piè decipi volunt, adhuc imponet. At enim productum à Bellarmino locum demus esse Ambrosii, quid ex eo Bellarminus philosophabitur appositè, si locus conferatur cum Epistola LXXVIII. ad Theophilum Alexandrinum, in qua Siricium *Romanæ Sacerdotem Ecclesiæ* appellat? Collatio efficiet, ut propositio hæc, *Ecclesiæ rector est Damasus*, in suppositione accommoda quemadmodum Dialectici loquuntur, accipienda sit, quam Bellarminus causæ serviens in absoluta & simplici accipiendam esse duxit. Quod vitii genus ibidem



ibidem in quibusdam aliis testimoniis committit, sed per allatas suprà Romanorum Pontificum auctoritates emendari potest. At si emendari velit, nullus est; si nolit, captus: Nullus quidem, quia quod probare intendit, nequiquam probabit; In probatione omnino deficiet: Captus verò, quia tot & tantorum Pontificum auctoritates vel rejiciet, vel eos quorundam aliorum

auctoritatibus postponet. Utrumque hoc aut alterutrum omnium auribus atque animis absurdum judicaretur.

Hæc autem, quæ mihi videntur sufficere, ni sufficiant, adjicies, quæ deesse tibi videbuntur. Non sum nescius, te, qui eruditione multa, Latina, Græca, & acri polles ingenio & judicio, id facere posse. Vale Lutetiæ Parisiorum Idibus Junii ann. M. DC. LXIV.

# Joannes Launoïus

## RAIMUNDO FORMENTINO

### Parisiensi Theologo.

Fonbellaqueum.

**J**ACOBUS Almainus Parisiensis Theologus, ut Romanum Pontificem Ecclesia inferiorem esse, & ab illa judicari posse confirmet, octavæ Synodi canone XXI. utitur: Quæsitum ex eo argumentum Thomas Cajetan diluit, rectè an fecus, scire vis tu, qui me & alios doceres egregiè, si vacares. At scies tum demum, si quod Almainus disputat, & si quod Cajetanus respondet inter se contenduntur. Contendamus igitur: Almainus sic disputat in libro de auctoritate Ecclesiæ: Secundò probatur. Nam in octavo Concilio Can. 21. qui incipit Neminem prorsus, cujus pars habetur 22. dist. can. definimus, dicitur, Universalis Synodus cum convenienti reverentia quamlibet quæstionem de Romana Sede exortam audire tenetur, & in ea proficere, non tamen audacter sententiam in Romanum Pontificem dicere. Ecce quòd licet Concilium omnem quæstionem de Romana Sede definire habeat, id tamen cum reverentia propter ejus primatum facere debet, & hoc notissimum est ad majorem spectare auctoritatem.

Cajetanus in Apologia libri de comparata auctoritate Papa & Concilii, respondet: Ad secundum ex auctoritate octavæ Synodi dicitur: Quòd male exponuntur verba Synodi dicendo, quòd Synodus negat modum judicandi Papam, scilicet audacter, & non judicium ipsum. Et quòd hæc expositio sit mala; probatur, quia ly audacter, aut importat vitium audacia, aut importat auctoritatem: Si primum, cum illud sit vitandum respectu cujuscunque, & non solum respectu Papa, ridicula esset decisio Synodi, quòd ipsa non debet vitiose, vel ex passione judicare Papam: Et si secundum haberetur contrarium expositionis illatæ: Unde literalis sensus est, quòd dicere sententiam in Romanum Pontificem est audacia vitium: Illa siquidem negatio præposita non modum solum, sed totum negat. Dicendo igitur, non tamen audacter dicere sententiam in Romanum Pontificem, significat, quòd non nisi audacter dicere potest sententiam in Romanum Pontificem, sicut cum dicimus: Quòd de manifestis licet nobis judicare; de cordis autem occultis non licet nobis temerè definire: Non intendimus negare modum definiendi tantum, puta temerè: Sed intendimus determinare, quòd ipsa definitio de occultis cordis est temeraria. Determinat igitur ly audacter naturam judicii in Papam, sicut ly temerè in exemplo dato naturam judicii in cor. Et propterea ex hac auctoritate habetur oppositum ejus, quòd arguentes intendunt: In cujus signum Synodus dicit ei competere audientiam & progressum in quæstione de Papa cum reverentia, & de sententia subdidit illam negativam, quam non subjunxisset, si etiam sententia cum reverentia sibi competere, ipsa quippe distinctio expositionis confutare defectum ostendit. Cum autem legeris hæc, memento, quòd sermones morales de his sunt, quæ regulariter accidunt. In casu quippe hæresis pertinacis in Papa, judi-

cium Synodi depositum Papa absque audacia esset. Cajetani responsio hæc solidi nihil habet, nihil expressi, nihil eminentis. Jacet in futilium argutiarum fœtore, & litigiosa est tota, quæ recitato Synodi VIII. canone sua sponte dissilit. Canon est talis, pro diversa editione nunc XXI. nunc XIII. Si quis tanta efferatus audacia, quemadmodum Photius & Dioscorus sive scripto, sive sine scripto insanias quasdam contra Cathedram Coryphæi Apostolorum Petri audeat jactare, eandem atque illi sententiam damnationis subeat. Si qua verò œcumenica Synodo collecta de Romana etiam Ecclesia controversia extiterit, licebit eum decenti reverentia de proposita quæstione veneranter percontari, responsumque admittere, & sive juvare, sive juvare, non tamen impudenter sepius, contra seniores Roma Pontifices sententiam dicere. Sic è Græco editio, quæ brevior est ea, quam habet Anastasius.

Dominicum sermonem, quem Christus Sanctis Apostolis, & Discipulis suis dixit, quia qui vos recipit, me recipit, qui vos spernit, me spernit; ad omnes etiam, qui post eos secundum ipsos facti sunt Summi Pontifices, & Pastorum Principes in Ecclesia Catholica dictum esse credentes definimus, neminem prorsus mundi potentium, quemquam eorum, qui Patriarchalibus Sedibus præsumt inhonorare, aut movere à proprio throno tentare, sed omni reverentia & honore dignos judicare; præcipit quidem sanctissimum Papam senioris Roma, deinceps autem Constantinopoleos Patriarcham, deinde verò Alexandria, ac Antiochia, atque Hierosolymorum; sed nec alium quemcunque conscriptiones contra sanctissimum Papam senioris Roma, ac verba complicate & componere, sub occasione quasi diffamatorum quorundam criminum; quod & nuper Photius fecit, & multò antè Dioscorus. Quisquis autem tanta jactantia & audacia usus fuerit, ut secundum Photium vel Dioscorum in scriptis, vel sine scriptis injurias quasdam contra Sedem Petri Apostolorum Principis moveat, æqualem, & eandem, quam illi condemnationem recipiat. Si verò quis aliqua sæculi potestate fruens vel potens pellere tentaverit præfatam Apostolicam Cathedram Papam, aut aliorum Patriarcharum quemquam, anathema sit. Porro si Synodus universalis fuerit congregata & facta fuerit etiam de sancta Romanorum Ecclesia quævis ambiguitas & controversia, oportet venerabiliter, & cum convenienti reverentia de proposita quæstione sciscitari, & solutionem accipere, aut proficere, aut profectum facere, non tamen audacter sententiam dicere contra Summos senioris Roma Pontifices.

Anastasius, qui octavæ Synodi tempore vivebat, eam Latinitate donavit, ac proinde illius versio melior est & alteri præferenda. Octava Synodus in Anastasii versione modum, qui in coarguendis Patriarchalium Sedium, Romanæ, Constantinopolitanæ, Alexandrinæ, Antiochenæ & Hierosolymitanæ Episcopis fer-

vandus





ibidem in quibusdam aliis testimoniis committit, sed per allatas suprà Romanorum Pontificum auctoritates emendari potest. At si emendari velit, nullus est; si nolit, captus: Nullus quidem, quia quod probare intendit, neutiquam probabit; In probatione omnino deficiet: Captus verò, quia tot & tantorum Pontificum auctoritates vel rejiciet, vel eos quorundam aliorum

auctoritatibus postponet. Utrumque hoc aut alterutrum omnium auribus atque animis absurdum judicaretur.

Hæc autem, quæ mihi videntur sufficere, ni sufficiant, adjicies, quæ deesse tibi videbuntur. Non sum nescius, te, qui eruditione multa, Latina, Græca, & acri polles ingenio & judicio, id facere posse. Vale Lutetiae Parisiorum Idibus Junii ann. M. DC. LXIV.

# Joannes Launoiius

## RAIMUNDO FORMENTINO

### Parisiensi Theologo.

Fonbellaqueum.

**J**ACOBUS Almainus Parisiensis Theologus, ut Romanum Pontificem Ecclesia inferiorem esse, & ab illa judicari posse confirmet, octavæ Synodi canone XXI. utitur: Quæsitum ex eo argumentum Thomas Cajetanus diluit, rectè an secus, scire vis ru, qui me & alios doceres egregiè, si vacares. At scies tum demum, si quod Almainus disputat, & si quod Cajetanus respondet inter se contenduntur. Contendamus igitur: Almainus sic disputat in libro de auctoritate Ecclesiæ: Secundo probatur. Nam in octavo Concilio Can. 21. qui incipit Neminem prorsus, cujus pars habetur 22. dist. can. definimus, dicitur, Universalis Synodus cum convenienti reverentia quamlibet quæstionem de Romana Sede exortam audire tenetur, & in ea proficere, non tamen audacter sententiam in Romanum Pontificem dicere. Ecce quod licet Concilium omnem quæstionem de Romana Sede definire habeat, id tamen cum reverentia propter ejus primatum facere debet, & hoc notissimum est ad majorem spectare auctoritatem.

Cajetanus in Apologia libri de comparata auctoritate Papæ & Concilii, respondet: Ad secundum ex auctoritate octavæ Synodi dicitur: Quod male exponuntur verba Synodi dicendo, quod Synodus negat modum judicandi Papam, scilicet audacter, & non judicium ipsum. Et quod hæc expositio sit mala; probatur, quia ly audacter, aut importat vitium audaciæ, aut importat auctoritatem: Si primum, cum illud sit vitandum respectu cujuscunque, & non solum respectu Papæ, ridicula esset decisio Synodi, quod ipsa non debet vitiosè, vel ex passione judicare Papam: Et si secundum, haberetur contrarium expositionis illata: Unde literalis sensus est, quod dicere sententiam in Romanum Pontificem est audacia vitium: Illa siquidem negatio præposita non modum solum, sed totum negat. Dicendo igitur, non tamen audacter dicere sententiam in Romanum Pontificem, significat, quod non nisi audacter dicere potest sententiam in Romanum Pontificem, sicut cum dicimus: Quod de manifestis licet nobis judicare; de cordis autem occultis non licet nobis temerè definire: Non intendimus negare modum definiendi tantum, puta temerè: Sed intendimus determinare, quod ipsa definitio de occultis cordis est temeraria. Determinat igitur ly audacter naturam judicii in Papam, sicut ly temerè in exemplo dato naturam judicii in cor. Et propterea ex hac auctoritate habetur oppositum ejus, quod arguentes intendunt: In cujus signum Synodus dicit ei competere audientiam & progressum in quæstione de Papa cum reverentia, & de sententia subdidit illam negativam, quam non subjunxisset, si etiam sententia cum reverentia sibi competere, ipsa quippe distinctio expositionis confutare defectum ostendit. Cum autem legeris hæc, memento, quod sermones morales de his sunt, quæ regulariter accidunt. In casu quippe hæresis pertinacis in Papa, judi-

cium Synodi depositivum Papa absque audacia esset. Cajetani responsio hæc solidi nihil habet, nihil expressi, nihil eminentis. Jacet in futilium argutiarum foetore, & litigiosa est tota, quæ recitato Synodi VIII. canone sua sponte dissilit. Canon est talis, pro diversa editione nunc XXI. nunc XIII. Si quis tanta efferatus audacia, quemadmodum Photius & Dioscorus sive scripto, sive sine scripto insanias quasdam contra Cathedram Coryphaei Apostolorum Petri audeat jactare, eandem atque illi sententiam damnationis subeat. Si qua verò œcumenica Synodo collecta de Romana etiam Ecclesia controversia extiterit, licet eum decenti reverentia de proposita quæstione veneranter percontari, responsumque admittere, & sive juvare, sive juvare, non tamen impudenter de auctoritate, contra seniores Romæ Pontifices sententiam dicere. Sic è Græco editio, quæ brevior est ea, quam habet Anastasius.

Dominicum sermonem, quem Christus Sanctis Apostolis, & Discipulis suis dixit, quia qui vos recipit, me recipit, qui vos spernit, me spernit; ad omnes etiam, qui post eos secundum ipsos facti sunt Summi Pontifices, & Pastorum Principes in Ecclesia Catholica dictum esse credentes definimus, neminem prorsus mundi potentium, quemquam eorum, qui Patriarchalibus Sedibus præsumunt inhonorare, aut movere à proprio throno tentare, sed omni reverentia & honore dignos judicare; præcipue quidem sanctissimum Papam senioris Romæ, deinceps autem Constantinopoleos Patriarcham, deinde verò Alexandria, ac Antiochia, atque Hierosolymorum; sed nec alium quemcunque conscriptiones 4 contra sanctissimum Papam senioris Romæ, ac verba complicare & componere, sub occasione quasi diffamatorum quorundam criminum; quod & nuper Photius fecit, & multò antè Dioscorus. Quisquis autem tanta jactantia & audacia usus fuerit, ut secundum Photium vel Dioscorum in scriptis, vel sine scriptis injurias quasdam contra Sedem Petri Apostolorum Principis moveat, æqualem, & eandem, quam illi condemnationem recipiat. Si verò quis aliqua sæculi potestate fruens vel potens pellere tentaverit præfatum Apostolicæ Cathedræ Papam, aut aliorum Patriarcharum quemquam, anathema sit. Porro si Synodus universalis fuerit congregata & facta fuerit etiam de sancta Romanorum Ecclesia quævis ambiguitas & controversia, oportet venerabiliter, & cum convenienti reverentia de proposita quæstione sciscitari, & solutionem accipere, aut proficere, aut profectum facere, non tamen audacter sententiam dicere contra Summos senioris Romæ Pontifices.

Anastasius, qui octavæ Synodi tempore vivebat, eam Latinitate donavit, ac proinde illius versio melior est & alteri præferenda. Octava Synodus in Anastasii versione modum, qui in coarguendis Patriarchalium Sedium, Romanæ, Constantinopolitanæ, Alexandrinæ, Antiochenæ & Hierosolymitanæ Episcopis servandus

vandus est, præstituit, & vetat, nequis Princeps, aut alius Principis potestate usus Patriarcharum quemquam impactorum illis criminum specie, vel contumelia laceſſat, vel de fede propria deturbet. Mox ad Romanum Pontificem cum accedit propius, discernit, non esse cum illo agendum, ut Photius & Dioscorus egerunt. Quo decreti genere nihil est, vel potest esse justius. Nam Photius & Dioscorus, quos Synodus in exemplum adducit, Romanorum Pontificum dignitatem in tantum læserunt, in quantum illa fermè lædi poterat. Sed inde non sequitur Romanum hunc vel illum Pontificem judicari non posse ab Ecclesia, si vel erraret in fide, vel publicam Ecclesiæ toti offensionem concitaret. Et sanè cum prohibet Synodus, ne audacter dicatur in Romanos Pontifices sententia, non prohibet, ne in eisdem secundum leges & canones dicatur. Quinetiam non obscure significat, dicendam esse sententiam, ubi secundum leges & canones dici potest. In hujus Synodi octavæ canone ponitur exceptio, quæ firmat regulam in contrarium: *Non tamen audacter sententiam dicere contra Summos senioris Romæ Pontifices.*

Præterea Synodus loquitur de privatis hominibus, quales fuerunt Dioscorus & Photius, non de provinciali, regionali, vel universali Concilio, quod subductis rationibus omnibus & summa cum æquitate ageret. Observatio hæc lectione sola constat: In editione quæ primò relata est, *Si quis tanta efferatus audacia, quemadmodum Photius & Dioscorus, &c. In editione, quæ secundò prolata est: Quisquis autem tanta jactantia & audacia usus fuerit, ut secundum Photium vel Dioscorum, &c.* His autem perpenſis omnibus apparet, octavam Synodum in ea fuisse sententia ut crederet, Romanum Pontificem Ecclesiæ judicio subesse: Romanum subesse credebatur, quemadmodum & Constantinopolitanum, Alexandrinum, Antiochenum, Hierosolymitanum, qui omnes eodem canone comprehenduntur. Hoc & Canonis titulus importat: *Quod non oporteat Papam Romanum, vel quempiam aliorum Patriarcharum à quolibet inhonorari.* At quamquam unum hoc notasse, diluisse sit quidquid Almaino Cajetanus respondet, responsionis tamen partes confutabo singulas, ut quod Almainus sibi sumit, omni ex parte confirmetur.

## CAJETANI RESPONSIONIS PARS I.

*Ad secundum ex auctoritate octavæ Synodi dicitur, quod male exponuntur verba Synodi, dicendo, quod Synodus negat modum judicandi Papam, scilicet audacter, & non judicium ipsum.*

## CONFUTATIO.

Cajetanus responsione hac probaret Constantinopolitanum Episcopum à Synodo judicari non posse. Sic enim diceret: *Male exponuntur verba Synodi, dicendo, quod Synodus negat modum judicandi Constantinopolitanum Episcopum, scilicet, audacter, & non judicium ipsum.* Quis ista non facile pronunciaret? Sed Cajetanus inquiet, gratis & sine ratione pronunciaret. Videntur est.

## PARS II.

*Et quod hæc expositio sit mala probatur: Quia rō audacter, aut importat vitium audacia, aut importat auctoritatem: Si primum, cum illud sit vitandum respectu cujuscunque, & non solum respectu Papæ, ridicula esset decisio Synodi, quod ipsa non debet vitiose, vel ex passione judicare Papam, &c. Si secundum, haberetur contrarium expositionis illata: Unde literalis sensus est, quod dicere sententiam in Romanum Pontificem, est audacia vitium. Illa siquidem negatio præposita, non modum solum, sed totum negat. Sic gravis auctor philosophatur.*

## CONFUTATIO.

Cajetanus sic optime conficeret, Constantinopolitanum Episcopum à Synodo judicari non posse, & octavam Synodum, quid relato canone decerneret nesciisse: Scilicet per adverbium qualitatis *audacter* judicandi potestatem sibi eripi.

Itaque *literalis sensus est, quod dicere sententiam in Constantinopolitanum Episcopum est audaciæ vitium. Illa siquidem negatio præposita non modum solum, sed totum negat.* Sic Curia Theologus argumentatur.

## PARS III.

*Dicendo igitur, non tamen audacter dicere sententiam in Romanum Pontificem. Sicut cum dicimus, quod de manifestis licet nobis judicare, de cordis autem occultis non licet nobis temerè definire, non intendimus negare modum definiendi tantum, puta temerè, sed intendimus determinare, quod ipsa definitio de occultis cordis est temeraria.*

## CONFUTATIO.

Hæc omnia in Constantinopolitanum Episcopum transferri posse quis non videt? Posse quidem: Quia ut transferantur, Canon liberum facit. Transferamus igitur, ut quod absurdum est, adhuc videatur absurdius: *Dicendo igitur, non tamen audacter dicere sententiam in Constantinopolitanum Episcopum significat, quod non nisi audacter dicere potest sententiam in Constantinopolitanum Episcopum.* Atque istud firmabitur comparatione sequenti, quam Cajetanus instituit. Nam si legitima est comparatio, hæc mihi ad hominem in Canonis sensu disputanti prodest: si non est legitima, auctori suo nocet, qui perperam philosophari dicendus est.

## PARS IV.

*Determinat ergo ly audacter naturam judicii in Papam, sicut ly temerè in exemplo dato naturam judicii in cor.*

## CONFUTATIO.

Propositio hæc pro Constantinopolitano Episcopo sic assumitur: *Determinat ergo ly audacter naturam judicii in Constantinop. Episcopum, sicut ly temerè in exemplo dato naturam judicii in cor.*

## PARS V.

*Et propterea ex hac auctoritate habetur oppositum ejus, quod arguentes intendunt. In cujus signum Synodus dicit ei competere audientiam & progressum in questione de Papa cum reverentia, & de sententia subdidit illam negativam, quam non subjunxisset, si etiam sententia cum reverentia sibi competeret. Ipsa quippe distinctio expositionis confutata defectum offendit.*

## CONFUTATIO.

Et primò quidem evanescunt hæc omnia, si cum relato canone componantur. Canonis aspectum & lucem ferre nequeunt; usque adeò sunt futilia & indigna, quæ legantur. Deinde quidquid de Romano Pontifice disputat, id omne per illum canonem de Constantinopolitano antistite disputabo. Atque ita vel neuter, vel uterque canone comprehendetur.

De reliquo Cajetanus in responsione sua sic se gerit, ut omnibus velit constare, nihil esse tam certum & nihil tam verum, cui futilis & ineptæ rationes non opponantur.

## PARS VI.

*Cum autem legeris hæc, memento, quod sermones morales de his sunt, quæ regulariter accidunt. In casu quippe heresis pertinacis in Papa judicium Synodi depositurum Papæ absque audacia esset.*



## CAJETANI PER SEIPSUM CONFUTATIO.

Hoc epicitharisma post fabulam, in quo noster auctor penitus diruit, quidquid ante uni adverbio, *audacter*, superstruxerat. Si nulla est in Synodo audacia, cum Synodus Hæreticum Papam deponit, hoc adverbio, quod sursum, deorsum agit, & tanquam in gyrum rationis & doctrinæ ducit, quid fiet? Si hærelis in casu audaciæ vitium nullum committit Synodus, cur in publica Ecclesiæ totius offensione vitium idem committeret, si Pontificem de suo statu & loco deturbaret, & alium tanto muneri respondentem, atque ædificandæ doctrinæ & moribus Ecclesiæ idoneum subrogaret? Par est utrobique ratio: Non est in uno, quam in alio casu major difficultas. Cajetanus ergo tergiversatur, contentionis funem trahit, & operam ludit: Atque ita magis audacter, quam peritè ad satisfaciendum Almaino venisse dicendus est. Quem sibi errorem extorqueri volebat, ipsemet extorsit; & tandem post varias tricas in adversarii sententiam discessit.

10 Profectò verus erat Ecclesiæ sententia, quam ille ab Humberto Ordinis sui Magistro generali quinto disce-re poterat, nisi Curia, cui addictus erat, servire voluisset. Hic eam sententiam ut omnibus perspectam & animadversam tradit in *διδασκαλῶν* sermonum parte i. i. serm. lxx. *Papa, qui est super omnes, potest deponi ab Ecclesia, quæ tota subest ei, in casu.* Humbertus, qui ad annum m. cc. lxx. claruit, errare eos, qui quæstionem hanc circa Constantiensis Concilii tempus ortam esse affirmant, validè demonstrat. Sic facile pronuntiant & falluntur, qui ad pauca respiciunt.

Antiqua est igitur sententia, ut Pius II. testatur eo in loco, ubi nisi summa fuisset veritas, negandum esse videbatur. In Retractationis suæ Bulla intelligis. Dum certus quidam inter Æneam Sylvium & Julianum Cardinalem in aula Imperatoris degentes sermo instituitur: *Tuebamur*, inquit Pius, *antiquam sententiam*, ille (Julianus) *novam defendebat.* *Extollebamus generalis Concilii auctoritatem*, ille *Apostolica Sedis potestatem magnopere commendabat.* Sic antiqua est sententia, quam Julianus Pio teste impugnabat, & quam Æneas tuebatur: sed quam postea is factus ex Ænea Pius abiecit, etiam si esset Sedis Apostolicæ sententia. Et sanè cum Retractationis Bullam edidit, sedebat in sede Romanæ Curia, quam Hadrianus VI. eximie virtutis Pontifex describit in mandatis, quæ Francisco Cheregato oratori suo in Germaniam profici-

11 scenti dedit: *Scimus, in hac Sede aliquot jam annis multa abominanda fuisse, abusus in spiritualibus, excessus in mandatis, & omnia denique in perversum mutata.* Hic referre cogor, quod alia in Epistola referre horruì. Non sedebat tunc in Sede Petri, cujus, ut ait Leo, *manet privilegium, ubicunque ex ipsius fertur auctoritate judicium.* Quod non accidit, cum doctrinæ antiquitas novitati postponitur, & ubi quæ una est è notis Catholicæ Ecclesiæ præcipuis, contemnitur.

Tertullianus in libri de præscriptione hæreticorum capite xxxi. *Ita ex ipso ordine manifestatur, id esse dominicum & verum, quod sit prius traditum: Id autem extraneum & falsum, quod sit posterius immisum.* Hinc in libri contra Hermogenem capite i. *Solemus hæreticis compendii gratia de posteritate præscribere.*

Hieronymus id facit in dialogo contra Luciferianos sub finem: *Ex hoc ipso, quod postea instituti sunt, eos se esse indicant, quos futuros Apostolus prænuñciavit.*

Augustinus in libri contra Epistolam Manichæi capite iv. *In Ecclesiæ gremio tenet me consensus populi firmata.*

Vincentius Lirinensis in Commonitorio i. capite i. i. antiquitatem pro secunda Catholicæ Ecclesiæ nota statuit, & in capite iv. dicit: *Tunc Christianus Catholicus providebit, ut antiquitati inhereat, quæ prorsus jam non potest ab ulla novitatis fraude seduci.*

Pellarminus in libri iv. de notis Ecclesiæ capite v. Vincentium sequitur, & antiquitatem ponit alteram Ecclesiæ notam: *Sine dubio, inquit, vera Ecclesia antiquior est, quam falsa.* Et hanc notam latè persequitur.

Itaque cum Pius in Retractationis diplomate à vera recessit sententia, singulari Dei factum est providentia, ut non recederet à veræ sententiæ testimonio, quod monumentis consignavit suis. Opinioni novæ infamiam exagitat in libro i. de gestis Basileensis Concilii; ubi inter alia indignabundus dicit: *Sunt aliqui sive avidi gloriæ, sive quod adulando præmia expectant, qui peregrinas quasdam & omnino novas prædicare doctrinas ceperunt, ipsumque Summum Pontificem ex jurisdictione sacri Concilii demere non verentur. Excecauit namque illos ambitio, à quo non solum hoc hodiernum schisma, sed omnia usque in hanc diem schismata suborta reperiuntur.*

Interim omittere non possum recentiore Theologum, qui annis abhinc quinquaginta Almaini rationem aliter, quam Cajetanus, diluere voluit: *Tantum adest*, inquit, *ut hoc Concilii decretum quicquam contra Pontificem in favorem universalis Concilii moliat, quæ potius ejus primatum aperte confirmet.* Prohibet enim ne audacter sententia in Romanum Pontificem dicatur, quamvis quæstio de ejus sede exorta suscepta fuerit. Neque enim per particulam audacter, intelligitur temere, aut precipitè, quandoquidem temeritas & præcepti festinatio in quibuscumque judiciis, etiam vilissimorum quorumcumque hominum, cavenda est: *Sed per, audacter, intelligitur, ne absolute tantum sibi arroget Concilium, ut sententiam contra Pontificem dicere audeat.* Quò fit ut si decretum hoc attentius, & sine partium ullarum anticipata, atque affectata defensione expendatur, plus feriat, quam juvet Summi Pontificis adversarios. Responsionem totam hanc referre, ut refero, non solum est eam refellere, sed etiam demonstrare, auctorem Concilium VIII. & canonem quo de agitur, legisse nusquam. Si enim legisset, non eo responderet modo, qui totis scholis explodendus est. Ubinam vidit, particulam, audacter, à Grammaticis & literatis hominibus sic expositam esse, ut exponit? Illiteratissima est responsio. Majori cum Latine linguæ ignorantia, quam Cajetanus respondet, & tamen (quod mirum est) perinde respondere sibi videtur, ac si de Almaino triumphum reportaret amplissimum. Canonis hujus editiones seu versiones sunt duæ, quas antè retuli: In una ponitur, *Non tamen impudenter contra senioris Romæ Pontifices sententiam dicere.* In altera: *Non tamen audacter sententiam dicere contra Summos senioris Romæ Pontifices.* Hic auctor verba hæc sic interpretatur: *Sed per, audacter, intelligitur, ne absolute tantum sibi arroget Concilium, ut sententiam contra Summum Pontificem dicere audeat.* O perversum interpretationis genus, quo canonis pars in contrarium sensum traducitur, quo judicandi modus in ipsum judicium convertitur, quo nova & peregrina dogmata sanciantur! Tò impudenter vel audacter contra Romanos Pontifices sententiam dicere, refertur ad Dioscorum & Photium, quorum exemplum utpote malum vetatur, non ad Synodum, quæ de Romano Pontifice non nisi secundum leges & canones pronuntiabit. Utinam inspexisset Gratiani decretum, quod

14 Romæ correctum atque editum est, ubi sic canon extat: *Definimus neminem prorsus mundi potentem, quemquam eorum qui Patriarchalibus præsunt sedibus, inhonorare aut movere à proprio throno tentare, sed omni reverentia & honore dignos judicare, præcipueque sanctissimum Papam senioris Romæ; deinceps autem Constantinopoleos Patriarcham, deinde verò Alexandria, ac Antiochia & Hierosolymorum.* Dist. xxii. cap. vii. Igitur si canonem hunc à Gratiano relatum inspexisset, quod de Synodo dixit, de privatis dixisset hominibus, qui longè aliter, quam Synodus judicare solent: Præterea quod de Romano dixit Pontifice,

non

non dixisset, alioqui de Constantinopolitano, Alexandrino, Antiocheno & Hierosolymitano Patriarchis dixisset. Sed quis animo æquo ferret hoc? Per particulam, *audacter*, intelligitur, ne absolute tantum sibi arroget Concilium, ut sententiam contra Summum Pontificem, Constantinopolitanum, Alexandrinum, Antiochenum, & Hierosolymitanum Patriarchas dicere audeat. In has ineptias coguntur incidere, qui partium studiis ducuntur & excæcantur.

Ad extremum, si vera esset auctoris istius interpretatio, pugnassec secum octava Synodus: Fecisset, quod sibi faciendum non esse decernebat. In definitione sua quum contra Honorium Romanum Episcopum sententiam dixit, hunc ut hæreticum anathemate percussit: *Anathematizamus Theodorum, qui fuit Episcopus Pharan, & Sergium, & Pyrrhum, & Paulum ac Petrum, impios præsules Constantinopolitanorum Ecclesia,* 15 *atque cum eis Honorium Roma, unà cum Cyro Alexandria, nec non & Macarium Antiochie, ac discipulum ejus Stephanum, qui male opinionis Apollinarij & Eutychetis ac Severi impiorum hæresiarcharum dogmata sectantes, sine operatione ac sine voluntate animatam anima rationali & intellectuali Dei carnem sensibus lapsi & revera sine ratione predicaverunt.* Sententiæ huic Sedis Apostolicæ legati tres, Donatus Ostiensis Episcopus, Marinus Romanæ Ecclesiæ Diaconus, & Stephanus Nepefinus Episcopus, qui præerant Synodo, consenserunt, & subscripserunt. Synodum VI. in qua Honorius damnatus legitur, fuisse corruptam, aut Synodi Patres non bene intellexisse Honorii literas, aut Honorium errare & in hæresim labi non potuisse, attulerunt nusquam: Quæ tamen omnia seu sigillatim, seu conjunctim adferre facile fuit, si adferenda legitime fuissent. Legati ii non erant utique, qui præter mentem, præter veritatem, præter Sedis Apostolicæ traditionem aliquid ederent, & in medium proferrent. Noverant Agathonis legatos cum reversi sunt Romam, ac Synodi acta perlegerunt Leoni II. & Leo II. illa vertisset in Latinum, de actorum corruptione conquestos non esse. At si facta fuisset ulla corruptio, nonne apud Imperatorem Constantinum, qui Synodum convocaverat, tanto cum studio interfuerat & subscripserat, de vi actis illata, de injuria Honorio per falsarios irrogata conquesti fuissent? Conquesti non sunt. Occidentales reliqui antistites tacuerunt.

16 Quis autem sciens & prudens Agathonis legatis, quorum unus fuit postea Ioannes V. quis Occidentalibus Episcopis, qui Synodo interfuerunt, exitiosum Honorio, Sedi Apostolicæ, veritati silentium improperearet? Improperandum esset merito, si acta Synodi fuissent corrupta? Quis illos omnes & Legatos & Occidentales Episcopos publicæ causæ prævaricatores appellaret? Appellari jure possent, si de actorum vitiolatione, & de non errandi privilegio, quod haberet Honorius, tacuissent?

Celestinus in epistola ad Galliarum Episcopos: *In talibus causis non caret suspitione taciturnitas, quia occurreret veritas, si falsitas displiceret. Merito namque nos causa respicit, si silentio faveamus errori.*

Felix III. in epistola i. ad Acacium Constantinopolitanum: *Non caret scrupulo societatis occulta, qui evidenter facinori definit obviare.*

Gregorius VII. in libri iv. epistola i. ad Episcopos, Abbates, Duces, ac Principes Romani imperii: *Qui pravis hominibus sui consideratione officii non contradicit, consentit, & qui rescanda non aufert, committit.*

Urbanus II. in epistola ad Remensem & comprovinciales Episcopos: *Peccanti cum possis non contradicere, consentire est.* In tom. v. Spicilegii Lucae Dacherii.

*Qui verum tacet, falsum committit.* L. Presbyteri, citra. L. de Episcop. & Cler.

Albertus Pighius, Baronius, Bellarminus & alii, qui vitiata fuisse acta Syodi VI. contendunt, oculos ad hæc omnia non adjecerunt; aut si adjecerint, Ro-

manam & Occidentalem Ecclesiam, corruptionis actorum Synodi VI. & perfidiæ corruptoris ream peragere non dubitaverunt: nec dubitant etiamnum, qui Pighii, Baronii, & Bellarmini factum exequuntur. Hæc ratio, quæ gravis ni fallor & recta est, dum obversatur mihi,

*Horrendum ac dictu video mirabile monstrum.*

Ut unus servetur Romanus Pontifex Honorius, condemnantur Romani Pontifices duo, Leo II. & Ioannes V. his adhærens urbis æternæ Clerus, subjacentes Sedis Apostolicæ Concilio centum viginti quinque Episcopi, qui ei subscripserunt, ut in Synodi VI. actione iv. traditur, Occidentales cæteri præsules, qui Synodo interfuerunt, & acta Synodi secum retulerunt,

Ad miseram illorum omnium fortunam accedit Hadrianus II. in epistola, quæ in Synodi VIII. actione vii. & lecta & approbata est: *Licet Honorio ab Orientalibus post mortem anathema sit dictum; sciendum tamen est, quia super heresi accusatus fuerat, propter quam solum licitum est minoribus majorum suorum moribus resistere, vel pravos sensus liberè respuere, quamvis & ibi nec Patriarcharum, nec cæterorum antistitem cuiuspiam de eo quamlibet fas fuerit, proferendi sententiam, nisi ejusdem primæ Sedis Pontificis consensus præcessisset, auctoritas.* Hadrianus, inquam, & loquendo & tacendo accedit: loquendo quidem, dum fatetur ingenuè Honorio ab Orientalibus, id est, à Concilio apud Orientales celebrato dictum esse anathema, quod de hæresi accusatus fuisset; quo modo pro incorruptis juxta Sedis Apostolicæ traditionem habuit Synodi VI. 18 acta, quæ pro corruptis adversus eandem traditionem habuerunt Pighius, Baronius, Bellarminus, & eorum sectatores: Tacendo verò, quod acta illa fuisse corrupta, & ea jam corrupta in Latinum traduxisse Leonem II. non acriter contenderit, quod Honorium propter Christi privilegium errare minimè potuisse non dixerit, quod Synodum VI. Honorii literas nequiquam intellexisse non receperit, quia Monothelitis opinor pariter dicturis, Synodum non bene intellexisse Patrum testimonia, quibus ad conficiendum fidei decretum usa est, non potuisset fortiter respondere; quod tandem Agathonis Epistolam non objecerit, in qua scribitur: *Hæc est vera fidei regula, quam & in prosperis & in adversis vivaciter tenuit, atque defendit hæc spiritualis Mater vestri tranquillissimi Imperii, Apostolica Christi Ecclesia, qua per Dei omnipotentis gratiam à tramite Apostolica traditionis nunquam errasse probabitur, nec hereticis novitatibus depravata succubuit &c.* Hanc inquam Agathonis Epistolam non objecerit, seu quia Synodum VI. aliter censuisset, & Synodo Legatos Agathonis consensisse significat; seu quia aliud esse loqui de Romana Ecclesia, aliud de Romanæ Ecclesiæ Episcopo sciebat. Agatho de Honorio non loquitur, & quia non loquitur, cum idoneè loqui non potuisse indicium est certissimum. Quæ de Romana tradit Ecclesia, hæc vera esse possunt etiam si hæreticus fuerit Honorius. Sedes à sedente distinguitur. Beatus Leo in Epistola lxxii. ad Maximum Antiochenum Episcopum capite lxxii. *Et si, in* 19 *quit, diversa nonnunquam sunt merita præsulum, tamen jura permanent sedium.* Auxilius Formosi Papæ defensor in Libri ii. de ordinationibus capite xviii. *Aliud sunt Pontificales Sedes, aliud Præsidentes.*

Deinde Sedes Apostolica consensit in suo vetere Diurno, probavit & subscripsit, qua parte fidei professio antistiti novo sic præstituitur: *Ill. Episcopus Catholica & Apostolica Ecclesia urbis Roma reverentissimis fratribus, & dilectissimis filiis, seu universa plebi Dei.* Infra sub finem: *Inter hæc veneranda universalia quinque Concilia, etiam sextum Concilium universale centum septuaginta quinque venerabilium Præsulum prædicamus, quod favente Deo, & votum pia memoria magni Principis nostri domini Constantini clementer implemte, in urbe regia eo presidente celebratum est, cui*

E

Aposto-



Apostolica recordationis Agatho Papa per legatos suos & responsales praesuit. Et quibusdam interpolitis: Ita quoque & duas naturales habere voluntates, duasque naturales operationes secundum Sanctorum Patrum doctrinam decreverunt: Auctores verò novi & haeretici dogmatis Sergium, Pyrrhum, Paulum, & Petrum Constantinopolitanos una cum Honorio, qui pravis eorum assertionibus fomentum impendit, pariterque Theodorum Pharanitanum, & Cyrum Alexandrinum, cum eorum imitatoribus, simulque & hos, qui haeticorum dogmata veritate fidei Synodali declarata, atque praedicata pertinaciter defenderunt, pessimum & Deo odibilem Macarium cum ejus discipulo & magistro impietatis 20 & Polychronium delirum senem, novum Simonem, cum omnibus haeticis scriptis, aliisque sequacibus nexu perpetui anathematis devinxerunt. Hæc est Sedis Apostolica professio.

Tum Sedes Apostolica in Breviario, quod ad usum illius Venetiis anno M. cccc. lxxxii. & Parisiis M. D. xliiii. in lucem prodiit, Honorium damnatis à Synodo VI. Monothelitis accenset, dum Beati Leonis II. festum agit IV. Calend. Quintiles.

## NOCTURNI I. LECTIO I.

Hic (Leo) suscepit sanctam sextam Synodum, quae nuper per Dei providentiam in regia urbe celebrata est, Græco eloquio conscriptam, exequente ac presidente piissimo ac clementissimo magno Principe Constantino infra regale palatium ejus, quod appellatur Trullus, simulque cum eo residebant legari Sedis Apostolica & duo Patriarchæ, id est, Constantinopolitanus & Antiochenus, atque centum quinquaginta Episcopi.

## LECTIO II.

In qua Synodo condemnati sunt Cyrus & Sergius, Honorius, Pyrrhus, Paulus, & Petrus, nec non & Macarius, cum discipulo suo Stephano, sed & Polychronius novus Simon, qui unam voluntatem & operationem in Domino Jesu Christo dixerunt, vel praedicaverunt, aut quid denuò predicaturi sint, aut defensaverint.

Lectiones hæc duæ Cajetani ætate in Romana canebantur Ecclesia, & canerentur hodieque, nisi illas certi quidam Curiae adulatores sustulissent. Traditionem, quæ à Synodi VI. tempore constanter 21 ac fideliter in Apostolica Sede permanebat, ferre non potuerunt.

Haud dissimili fide se gesserunt erga Sancti Eusebii Confessoris lectionem, quæ in ejus festo XIX. Calend. Septemb. legebatur hujusmodi: Beatus Eusebius Presbyter cum praesente Constantino fidem Catholicam constantissime defenderet, & Liberium Papam doleret Ariana perfidia consensisse, ab irato Constantino Imp. Ariano includitur in quodam cubiculo domus suæ, habente in longitudine pedes quatuor &c. Ipsissima sunt Martyrologii Adonis verba, ex quibus hæc comparata est lectio, ni fortasse quis velit Lectionem in Adonis martyrologio transiisse. Utut sit, eadem utrobique verba reperiuntur. Hanc lectionem expunxerunt, nec ullam aliam ob causam, nisi quod in ea pro haeretico Liberius Pontifex haberetur. At Sedes Apostolica, quæ eminentissimam simplicitatem colit & observat, non removit lectionem illam, quia antiquæ consonat veritati. Liberius testatur hoc ipse in epistola VII. ad Orientales Episcopos: Dilectissimis fratribus & Episcopis Orientalibus salutem. Et paullo post: Ego Athanasium non defendi: sed quia susceperat illum bona memoria Iulius decessor meus, verebar, ne ab aliquo forte prævicator judicaret. At ubi cognovi, quando Deo placuit, iuste vos illum condemnasse, mox consensum meum commodavi sententiis vestris, literasque super nomine ejus (id est, de condemnatione ipsius) per fratrem nostrum Fortunatianum dedi perferendas ad Imperatorem nostrum Constantium. Itaque amoto Athanasio à communione omnium, cujus nec epistola à me suscipienda

sunt, dico me cum omnibus vobis, & cum universis Episcopis Orientalibus, seu per diversas provincias pacem & unanimitatem habere. Nam ut verius sciatis me veram fidem per hanc Epistolam ea loqui, Dominus meus & frater communis Demophilus, qui dignatus est pro sua benevolentia fidem vestram & Catholicam exponere, quæ Sirmii à pluribus fratribus & coepiscopis nostris tractata & exposita, & suscepta est ab omnibus, qui in praesenti fuerunt, hanc ego libenti animo suscepi, in nullo contradixi, consensum accommodavi, hanc sequor, hæc à me tenetur. Hæc perspicua sunt, & lectioni Breviarii consentanea.

Quis verò Fortunatianus fuerit, per quem Liberius deferendas ad Constantium dedit literas, Hieronymus nos docet in libro de viris illustribus: Fortunatianus, inquit, natione Afer, Aquileiensis Episcopus, imperante Constantino, in Evangelia titulis ordinatis brevi & rustico sermone scripsit commentarios, & in hoc habetur detestabilis, quod Liberium Romanæ urbis Episcopum pro fide ad exilium pergentem primus sollicitavit ac fregit, & ad subscriptionem hæreseos compulsi. Deinde in Chronico: Liberio in exilium ob fidem truso omnes Clerici juraverunt, ut nullum alium susciperent. Verum cum Felix ab Arianiis fuisset in Sacerdotium substitutus, plurimi perjuraverunt, & post annum cum Felice ejecti sunt: Quia Liberius radio victus exilii, & in haeretica pravitate subscribens Romam quasi victor intraverat. Hæc pro comperto ita tradit Hieronymus, qui cum Romæ sub Damaso Papa plures annos manserit, Liberii res gestas ignorare non potuit. Has novit 25 optime omnium. Athanasius, Socrates, Sozomenus, Rufinus hac in re debent Hieronymo cedere. Testis est auritus & oculatus, ideoque præferendus cæteris. Auxilius in libri I. de ordinationibus capite xxv. Quis nesciat, quod Liberius, heu pro dolor! Ariana hæresi subscripserit, & per ejus transgressionem nefandissima scelera sunt commissa? Iterum in libri II. capite I. Qui (Liberius) Ariana hæresi subscripsit.

Sunt ergo monumenta septem, quibus Romanæ Ecclesiæ circa Liberium traditio asseritur: Liberii ipsius ad Orientales Epistola, Hieronymi auctoritates duæ, Adonis Martyrologium, Auxilii testimonia duo, & Romani Breviarii lectio, quam supra retulimus, & quam alii sustulerunt è Breviario, ne simplex & ingenua Sedis Apostolicæ confessio agnoscat.

Christophorus Marcellus Corcyrensis Archiepiscopus, sacrarum Cerimoniarum, seu Rituum Ecclesiasticorum S. R. E. libros tres edidit, & Leoni X. nuncupavit. In libri I. de Canonizatione unius Sancti Lectione VI. res sic habet: De his, quæ sunt in die Canonizationis. Intrat Ecclesiam Pontifex, & ascendit suggestum cum Prælati & aliis officialibus: Clerus suggestum circumstat: Pontifex oratione facta ante altare ascendit eminentem sedem. Et quibusdam interpositis: Tunc procurator causa petit à Pontifice nomine procuratorio, & nomine Principum pronuntiari & declarari Beatum N. in Sanctorum Catalogo adscribendum, & ut Sanctum venerandum à Christi fidelibus. Pontifex antequam pronuntiet, consuevit protestari in hanc formam: quod invenimus servatum à multis Pontificibus. Sunt tamen aliqui clarissimi viri, qui dicunt hoc introductum ex quadam causa, quæ nunc cessat, quia Papa tunc quodammodo cogebatur ad canonizandum quendam contra suam opinionem, & propterea protestabatur; nunc autem non videri congruam illam protestationem, Sed de hoc statuat Summus Pontifex, & sacer Senatus.

## FORMA PROTESTATIONIS.

Antequam ad pronuntiationem veniamus, protestamur publice apud vos presentes, quod per hunc actum canonizationis non intendimus aliquid facere, quod sit contra fidem, aut Catholicam Ecclesiam, sive honorem Dei.

Deinde alta voce, sedens tamen cum mitra, pronuntiat in hunc modum: Ad honorem Sanctæ & individua Trinitatis,

nitatis, & exaltationem fidei Catholicae, & Christiana religionis augmentum, auctoritate ejusdem Dei omnipotentis Patris & Filii & Spiritus Sancti, & Reatorum Apostolorum Petri & Pauli, & nostra, de Fratrum nostrorum consilio decernimus & definimus bona memoria N. Sanctum esse, & Sanctorum Catalogo adscribendum, ipsique Catalogo hujusmodi adscribimus; statuentes, ut ab universali Ecclesia anno quolibet in die tali festum ipsius & officium, sicut pro uno Confessore (si sit Confessor) vel Martyre (si sit Martyr) devotè & solemniter celebrentur. Et paulò post: Quibus finis procurator fiscalis rogat Prototarios &c. De protestatione facta per Papam, & procurator causa simpliciter rogat de solemnitate pronuntiationis canonizationis, & petit instrumentum, & à Papa decerni Bullas super his opportunas.

In ritu hocce sunt tria maxime, quæ observationis postulant nonnihil. Primum, quod relata protestatio communi quodam in usu, atque Romanorum Pontificum more & sermone versaretur, ac syncerum olim agendi modum Sedis Apostolicæ palam ostenderet. Hæc protestatio reapse quoad præcipua capita convenit cum ea, quam Baccalaurii Facultatis nostræ suis actibus Theologicis præmittunt, & in humanæ infirmitatis subsidium allumant, parati corrigere si quid correctione dignum ederent, & in medium proferrent: Immo ablegata jam tum pertinacia, & ardenti cognoscendæ & tuendæ veritatis desiderio correcti censentur. Sic Pontifices Summi per protestationem istam significant se sibi minimè tribuere non errandi privilegium, quod Christus Ecclesiæ suæ, & eam representanti Concilio pollicitus est. Hinc Concilium de fide & moribus cum decernit, Christi pollicitatione confisum non adhibet protestationem, quæ relata est.

Deinde, quod credibile prorsus est, Romanos Pontifices, qui protestationis formula usi sunt, usos esse, cum aliquem seorsum ab Episcoporum Concilio in Sanctorum Catalogum referrent. Joannes enim XV. qui Udalricum Augustensem Episcopum Sanctorum numero adscribit in Concilio, protestationis formula non utitur. Episcoporum verò Synodo fuisse quondam opus, nos docent Romani Pontifices Urbanus II. Eugenius III. Alexander III.

26 Primum cum Benedicto Kemperlegiensis Abbati, ut unum è suis decessoribus nomine Gurloesium in Sanctorum ordine collocaret, petenti sic in tom. iv. Galliæ Christianæ respondet: Porro quod de Beati Gurloesii celebratione ab auctoritate nostra iudicium expetiisti, non eadem potuit facilitate concedi. Non enim Sanctorum quisque debet canonibus admisceri, nisi & testes adsint, qui ejus miracula visa suis oculis attestentur, & plenaria Synodi firmentur assensu.

Alter in diplomate, quo Henricum Imperatorem primum cælo intulit, & ad Egbertum Episcopum & Canonicos Bambergensis scripsit Ecclesiæ: Quæ quidem nos omnia simul perpendentes, atque devotionem vestram & Ecclesiæ Bambergensis, quæ Sancta Romana Ecclesiæ subesse dignoscitur, diligenter considerantes, tametsi hujusmodi petitio nisi in generalibus Conciliis admitti non soleat, auctoritate tamen S. R. Ecclesiæ, quæ omnium Conciliorum firmamentum est, petitionibus vestris acquiescimus, atque ejusdem memorabilis viri, cujus exaltationem requiritis, fratrum nostrorum Archiepiscoporum & Episcoporum, qui præsentibus aderant, communicato consilio, memoriam inter Sanctos de cætero fieri censemus.

Tertius in diplomate, quo Edvardum Angliæ Regem in Sanctorum cætu posuit. In eo sic Archiepiscopos, Episcopos & alios affatur: Inde utique fuit, quod super petitione, quam de Edvardo glorioso quondam Rege Anglorum canonizando, & in Sanctorum Catalogo adscribendo, tam carissimus in Christo filius noster Henricus illustris Anglorum Rex, quam vos ipsi nobis instantius porrexistis, sollicitam cum fratribus nostris deliberationem habentes, libro miraculorum inspecto, quæ dum in carne

mortali viveret, & postquam de præsentis sæculo est assumptus, omnipotens Dominus per suam misericordiam declaravit, visis etiam literis antecessoris nostri piæ recordationis Innocentii Papæ, vestris quoque testimoniis inde receptis, quamvis negotium tam arduum & sublime non frequenter soleat, nisi in solemnibus Conciliis de more concedi, de communi tamen fratrum nostrorum consilio juxta votum & desiderium prædicti filii nostri Regis, ac vestrum, corpus ipsius Confessoris ita glorificandum censuimus & debitis præconiis adorandum in terris, sicut eundem Confessorem Dominus per suam gloriam glorificavit in cælis. Hæc autem quæ Pontifices numero tres asserunt, interpretatione nulla indigent: Omnino sunt perspicua & observationi nostræ suffragantur.

Denique, quod nonnulli Cajetano similes protestationem hujusmodi abrogandam esse duxerint; idquæ ea ratione, quæ Romanos Pontifices non errandi privilegio carere doceat. Si retinendæ protestationis iniissent consilium, fecissent prudentius, quam illius tollendæ causam seu veram seu fictam adferre; quæ Sedem Apostolicam infamat. Adulatorii dedecoris exemplum est, quod posteris reliquerunt. Sed relictum perinde prodest, ac si remanisset in usu protestatio: Siquidem minùs honesto nomine veterem conservat traditionem rei, quam honestior protestandi formula conservabat.

Hadrianus VI. antiquæ probitatis vir, qui tunc 23 claruit, antiquam Sedis Apostolicæ traditionem retinere quàm deserere maluit. Adscribo verba illius ex art. 111. de ministro confirmationis: Ad secundum principale de facto Gregorii dico 1. Quod si per Romanam Ecclesiam intelligatur caput illius puta Pontifex, certum est, quod possit errare etiam in iis, quæ tangunt fidem, hæresim per suam determinationem, aut decretalem asserendo. Plures enim fuerunt Pontifices Romani hæretici: Item & novissimè fertur de Joanne XXII. qui publicè docuit, declaravit, & ab omnibus teneri mandavit, quod anima purgata ante finale iudicium non habent stolam, quæ est clara & facialis visio Dei; & Universitatem Parisiensem ad hoc induxisse dicitur, quod nemo in ea poterat gradum in Theologia adipisci, nisi primum hunc errorem pestiferum jurasset se deservitum, & perpetuò ei adhasurum. Item patet de hoc errore quorundam Pontificum circa matrimonium, de quo in cap. Licet de spons. duorum. Item patet hoc de errore, quem ediderat Celestinus circa matrimonium fidelium, quorum alter labitur in hæresim, cujus error olim habebatur in alia compilatione in cap. Laudabilem de convers. conjug. ut refert Ostiensis in cap. Quanto de divortis. Non tamen dico Gregorium hic errare; sed evacuare intendendo impossibilitatem errandi, quam alii asserunt. Hæc ille cum Lovanii doceret Theologiam, quæ revocavit nusquam, sed potius, quoad vixit, asseruit, ut Romana commentariorum illius in quart. Sent. editio testatur, & in perpetuum testabitur: Quæ inquam non revocavit, ut Cardinalis fieret, non revocavit Cardinalis factus, quò faciliorem sibi ad Pontificatum viam muniret: Non revocavit creatus Pontifex, ut dignitati propriæ faveret. Quinetiam cum Pontificatus honorem dogmatibus veris excolendum, nec peregrinis aut novis infuscandum esse sciret, quia syncerus atque eruditus juxta Theologus, memorata commentaria Romano excudi prælo non agere tulit: Id gratum habuit, & viri graves ad librum & libri auctorem elogia addiderunt non pauca, quæ prætermittimus.

Et primum quidem diligenter observandum est, Hadrianum non dicere, Dubium vel probabile est, sed dicere, Certum est, Pontificem errare posse in iis, quæ tangunt fidem, hæresim per suam determinationem aut decretalem asserendo. Hadrianus, inquam, dicit, certum est, ratus asseritionem suam difficultatis habere nihil, quia probè tenebat contrariam asseritionem esse novam & perniciosam Ecclesiæ: Noverat decessorem suum Eugenium



nium IV. scripsisse certam quandam Bullam, quæ nunc in sessione XVI. Basileenſis Concilii refertur, ubi difertè tradit: *Si Papa vel Legatus ejusdem nollet diſponere aliqua, & contra Concilium affectaret, Pape ſententia vel ejus Legati perſonam Summi Pontificis repræſentantis, non Concilii voluntas ſequenda foret, cum ſuper omnia Concilia habeat poteſtatem Papa, niſi forte qua ſtatenda forent, Catholicam fidem reſpicerent, vel ſi non fierent, ſtatum univerſalis Eccleſiæ principaliter perturbarent, quia tunc Concilii ſententia eſſet potiùs attendenda.*  
 30 Quid ita? Concilium certò & ſine erroris periculo decerneret de fide & moribus Eccleſiæ, Pontifex non fic.

Hadrianus noverat Petrum Alliacum Episcopum & Cardinalem Cameracenſem in ſermone II. de Adventu Domini, quem apud Conſtantiens ſis Concilii Patres habuit, dixiſſe: *Quod auctoritas decernendi & definiendi non eſt attribuenda ſoli Pontifici, ſed toti Concilio generali.* Unde manifeſtè reprobatur error quorundam pernicioſiſſimus & toti Eccleſiæ periculoſiſſimus, qui adulando poteſtati Papali ita detrabunt auctoritati ſacri Concilii, ut dicere præſumant, quòd Papa non poteſt neceſſario ſequi deliberationem Concilii; Immo ſtandum eſſe ſententiæ Pape, ſi Eccleſiæ vel Concilio generali contradicat. Quia non Papæ, ſed Concilii tribunal ultimum eſſe ſignificat, in quo certò & ſine erroris formidine pronuntiatur.

Hadrianus noverat Innocentium III. olim ſcripſiſſe ad Philippum Francorum Regem, qui volebat Pontificis auctoritate ab Regina uxore diſcedere: *Non auderemus ſuper huiusmodi caſu de noſtro ſenſu pro te aliquid definire, propter illam ſententiam Evangelicam, quam ipſe Chriſtus expreſſit, ut quod Deus conjunxit, homo non ſeparet; cum abſque dubio, nec Sanctorum exempla, nec Patrum decreta intentioni tue in hoc articulo ſuffragentur. Verùm ſi ſuper hoc abſque generali deliberatione Concilii determinare aliquid tentaremus, præter divinam offenſam & mundanam infamiam, quam ex eo poſſemus incurrere, forſan ordinis & officii nobis periculum immineret, cum contra præmiſſam veritatis ſententiam noſtra non poſſit auctoritas diſpenſare.*  
 31 Pontifex agnoſcit Concilii auctoritatem ſua majorem & efficaciorẽ. Deinde tantum abeſt, ut non errandi privilegium ſibi tribuat, ut illud potiùs abjudicet. At neutrum faceret, niſi ex ſedis ſuæ traditione facere cogeretur. Id in ſermone II. de conſecratione Pontificis confirmat: *In tantum enim mihi fides neceſſaria eſt, ut cum de cæteris peccatis Deum judicem habeam, propter ſolum peccatum, quod in fide committitur, poſſem ab Eccleſia judicari.* Qui fidem poteſt amittere, non errandi privilegio caret, & ſic de rebus fidei certò pronuntiare nequit. Qui ab Eccleſia judicatur, inferior Eccleſia & Concilio eſſe debet. Hinc deceſſoris ſui Clementis circa matrimonium errorem correxit, ut Robertus Corceon teſtatur in Summa quæſt. de impedim. matrimonii: *Non enim uxor Gentilis aut Judei debet eſſe melioris conditionis, ut poſſit liberè tranſire ad ſecunda vota, quàm uxor hæretici converſa ad fidem, quod conceſſit Clemens in illa decretali, Laudabilem, nec dicit hæc ad paria eſſe judicanda. Sed Innocentius, qui modò præſidet, hæc revocavit.* Auctoris huius, qui poſtea Cardinalis fuit, Summa extat MS. in Bibliotheca monaſterii S. Viſtoris. Innocentius cum Clementis decretalem revocat in re tam gravi, Clementem erraſſe demonſtrat. Quare mirum non eſt Innocentium ea de re ſcripſiſſe, quæ retulimus.

Deinde cum ſcribit [*Plures fuerunt Romani Pontifices hæretici*] reſpectum habet ad Liberium & Honorium maximè, qui Romæ etiam pro hæreticis habebantur.

32 Tum accedit ad Joannem XXII. qui reprobatum ab Eccleſia Romana errorem publicè docuerat & prædicaverat. Reprobatum verò errorem illum fu-

iſſe nos docet Clemens IV. in epistoſa, quam ad Palæologum Græcorum Imperatorem anno M. CC. LXVII. ſcripſit. In ea Catholicæ fidei formula continetur hæc: *Et quidem credimus Sanctam Trinitatem, &c.* Quibus ſymbolum paullo latius explicatur, eoque explicato ſubjicitur: *Hæc eſt vera fides Catholica, & hanc ſuper dictis articulis tenet & prædicat ſacro ſancta Romana Eccleſia. Sed & propter diverſos errores à quibuſdam ex ignorantia, & ab aliis ex malitia introductos dicit & prædicat eos, qui poſt baptiſmum in peccata labuntur, non rebaptizandos, ſed per veram poenitentiam ſuorum poſſe conſequi veniam peccatorum.* Et quibuſdam interpolitis: *Illas igitur animas, quæ poſt ſuum baptiſma nullam omnino peccati maculam incurrerint, illas etiam quæ poſt peccati maculam contractam, vel in ſuis manentes corporibus, vel eiſdem exuta, prout ſuperius dictum eſt, fuerunt purgata, mox in calum recipi.* Joannes Patriarcha Conſtantinopolitanus in literis, quas ad Joannem XXI. dedit anno M. CC. LXVII. fidei profeſſionem complectitur; ubi res eadem ſic ſe habet: *Ex quo autem ſancta Romana Eccleſia propter diverſos errores à quibuſdam ex ignorantia, ab aliis ex malitia introductos dicit & prædicat.* Et quibuſdam interjectis: *Et illorum animas, quæ poſt ſacrum baptiſmum ſuſceptum nullam omnino peccati maculam incurrerint, illas etiam quæ poſt baptiſmum maculam peccati contraxerint, vel ſi in ſuis manentes cor-*  
 33 *poribus, vel eiſdem exuta, ſicut ſuperius dictum eſt, fuerint purgata, mox in caeleſte regnum recipi.* Cum igitur alibi, tum præſertim Romæ exploratus erat error, quem Joannes XXII. in ſe receperat. Qua de re Joannes Gerſo Pariſienſis Cancellarius ſic loquitur in ſermone de Feſto Paſchatis, dum illud explicat, *Hodie mecum eris in paradifo.* Propter quod inſuper apparet falſitas doctrina Pape Joannis XXII. quæ damnata fuit cum ſono buccinarum vel tubarum coram Rege Philippo avunculo tuo per Theologos Pariſienſes de viſione beata: *Et credidit potiùs Theologis Pariſienſibus, quàm Curia.*

Denique, quod obſervatione dignum eſt maxima, Hadrianus dedita opera calamum ſtringit adverſus eos, qui Papæ non errandi privilegium attribuunt: *Evacuate, ait, intendo impoſſibilitatem errandi, quam alii aſſerunt.* Quæ ad Gregorii factum pertinent, diſputationem non exigebant tam acrem; ſed illorum, qui Papæ non errandi privilegium aſſingunt, nova & periculosa dogmata, quæ funditus evertere moliebatur.

Huc ſpectat Joannes Franciſcus Picus Theoremate IV. de fide ad Julium II. *Quòd autem Pontifex errare in judicando poſſit, aſſeverantiſſimè à plerisque pronuntiatur. Aium enim notiſſimum eſſe, Pontificem Summum hæreticum fieri poſſe, & deponi à ſede.* Hæc quia veritati congruunt, Julius ingrata non habuit.

Exinde factum arbitror, ut Hadrianus Pico æqualis errorum Lutheri condemnationem à Leone X. factam anno M. D. XX. non adhibuerit, ſive cum Fredericum Saxonie Ducem per literas hortatus eſt, ne Lutherum, quem verbis alioqui durioribus appellat, in fidem ſuam acciperet, aut illius erroribus patrocinaretur, ſive cum Franciſco Cheregato oratori ſuo in Germaniam eunti mandata dedit eo conſilio, ut Germaniæ Principes & populos in Catholicæ Eccleſiæ communionem retineret, vel ad eam illos qui deſeruerant revocaret. In his autem mandatis ſic loquitur: *Et certè ſatemur Luthero (qui ſe inauditum à Leone X. condemnatum eſſe querebatur) deſenſionem negari non debere in his quæ ſunt facti, hoc eſt, utrum dixerit, nec ne, utrum prædicaverit, vel ſcripſerit, nec ne; Super divino vero jure & materia Sacramentorum ſtandum auctoritati Sanctorum & Eccleſiæ.* Adde quod ſerè omnia, in quibus Lutherus ab aliis diſſentit, ſunt per diverſa Concilia priùs reprobata. Non debet autem revocari in dubium, quod per generalia Concilia & univerſam Eccleſiam conſtat eſſe

esse approbatum, tanquam fide tenendum. Injuriam namque facit Ecclesia Synodo, qui semel rectè disposita nititur in dubium revocare. Quid enim unquam certi esse poterit inter homines, vel quis dubitationum contentionumque finis erit, si presumptuoso & perverso cuique libertas seu licentia erit recedendi ab iis, quæ non unius aut paucorum, sed tot sæculorum & tot sapientissimorum hominum consensu, & Catholica Ecclesia, quam Deus in his, quæ sunt fidei, nunquam errare permittit, determinatione sancita sunt? In his Hadrianus totus quantus est agnoscitur, & sibi per omnia consentit.

35 Imbutus hac doctrina Clemens VII. ad convocandam Synodum animum appulit, & in literis quas ea super re ad Franciscum I. Regem Galliarum scripsit anno M. D. XXXIII. illam esse remedium unicum à decessoribus usurpatum affirmat. Superiori biennio, sicut tua Majestas recordari potest, cum Serenissimum Casarem quamquam pro sua inclita pietate omnia conatum, tamen in conventu Augustano nihil remedii ad hæresim Lutheranam in Germania tollendam præ illorum obstinatione afferre potuisse audiremus, solumque Concilii generalis remedium à nostris prædecessoribus in casu simili usitatum, & ab ipsis Lutheranis postulatum superesse videremus, habita super hoc cum venerabilibus fratribus nostris S. R. E. Cardinalibus matura deliberatione ad ipsius Concilii generalis indictionem in Italia, & loco ad hoc commodiore celebrandi devenire intendentes, id tue majestati, sicut Casaris, & cæteris Principibus significandum communicandumque duximus.

Perseverabat hæc Sedis Apostolicæ traditio, cum Romæ suppressa sunt edita Sixti V. auctoritate Biblia, & illius diploma Bibliis præfixum, in quo non privatus homo, sed Pontifex sic decernit. Illud sanè omnibus certum atque exploratum esse volumus, nostros hos labores ac vigilias nunquam cōspectasse, ut nova editio in lucem exeat, sed ut vulgata vetus ex Tridentinæ Synodi præscripto emendatissima, pristinaque suæ puritati, qualis primum ab ipsius interpretis manu, stiloque prodierat, quoad ejus fieri potest, restituta imprimatur.

36 Verba hæc virum sibi præidentem & de Bibliorum emendatione perfectissima securum objiciunt. At neque Bibliorum editio, neque Sixti diploma suppressa essent, nisi Sixtus errasset. Quod ut magis appareat subijciam miserabilem illam controversiam, quæ circa negotium hoc cum in Germaniâ, tum Romæ anno M. DC. X. excitata est. Adamus Tannerus è Societate Jesu Theologus hanc refert, in disput. I. de fide quæst. IV. dub. VI. num. CCLXIII. & sequentibus.

Denique circa ipsum formale decretum definitionis (Pontificiæ) diligenter advertendum est, an id legitime & sufficienter fuerit promulgatum, atque etiam an tempus ejusdem obligationi præfixum fuerit elapsum, priusquam id refingeretur, seu retractaretur. Etenim ut notat Vasquez I. 2. tom. 2. disp. 155. num. 15. id observant Summi Pontifices in Curia Romana, ut nondum intelligantur de sede Petri tanquam iudices & Pontifices in legibus & canonibus ferendis, etiamsi eos imprimi faciant, donec ad valvas Basilicæ Principis Apostolorum de urbe, Cancellariæ Apostolicæ, & in acie Campi Floræ, & ad valvas Beati Petri per aliquantulum temporis affigantur. Atque hoc modo satisfi illi difficultati, quæ ante annos aliquot frustra nonnullos fatigavit de Bibliis Sixtinis à Clemente VIII. suppressis, & emendatis. Nam ut ex viris gravibus & fide dignis, qui Romæ in hanc rem sedulo inquisierunt, compertum est, dictum seu decretum illud, quod Sixtus V. suis Bibliis præfixerat, nunquam fuit 37 planè promulgatum, sed tempestivè revocatum; Ipso etiam Sixto V. animadvertente, non pauca irrepisse, quæ iterata diligentia indigere viderentur. Adeo ut totum opus sub incudem revocandum censuerit atque decreverit, etsi id morte præventus præstare non potuerit, ut in præfatione Bibliorum Clementinorum dicitur.

Et quamvis nonnulli scripserint, decretum illud aliquanto tempore ad valvas Ecclesiæ Romæ fuisse affixum & postea refixum, eoque ipsi quodammodo revocatum, duobus aut mensibus, quam tempus requisitum elaberetur, mortuo nimirum Sixto V. & reclamantibus Cardinalibus: Ego tamen fidem huic rei habere non possum. Et post alia narrat quid ad se ea super re scriptum Romæ fuerit: Ferdinandus Alberus Societatis per Germaniam Assistentis sic mihi scripsit literis datis 28. Augusti 1610. Circa Biblia Sixtina post diligentem inquisitionem, & discussionem, hanc denique responsionem dederunt, qui huic rei incumbabant, quæ omnis tollitur difficultas, & cui omnes acquiescent. Responsio sic se habet: Certum est bullam de iis Bibliis non fuisse promulgatam. Cujus rei certissimum indicium est, in registro hujusmodi promulgationum non reperiri; & Illustrissimus Cardinalis Bellarminus testatur, se cum ex Gallia Romam rediisset, à pluribus Cardinalibus audivisse, bullam illam non fuisse promulgatam. Et id quidem illi se certissime scire affirmabant. Et in literis 4. Septembris eodem anno 1610. ad ejusdem rei confirmationem hac adjungit: Item Pater Azor eo ipso tempore, quo cæperint (typis) publicari illa Biblia, 38 cum instarent aliqui Papam posse errare, quia videbatur jam de facto errasse in Bibliis, respondet publicè pater Azor, bullam illam non fuisse publicatam, quamvis in inscriptione legeretur subscriptio cursorum: Nam hoc factum fuisse per anticipationem typographi ita jubente Pontifice, ne impressio tardaretur. Ecce tibi Theologi quinque opifices futilium argutiarum, quibus expositam Sedis Apostolicæ traditionem inobscurent, & nova Curie placita constabulant, incautisque hominibus fucum faciant, si tamen sint homines usque adeo incauti & imbecilli qui aurem illis accommodent. Christus igitur muris, parietibus & Basilicarum valvis non errandi privilegium, quod Romano Pontifici concessit, illigari voluit, eoque præterea illigari modo, ut tandiu errare posse censeatur Pontifex, quandiu decreta ab illo edita ad muros, parietes, & basilicarum valvas per aliquantulum temporis non affiguntur. Tannerus cum suis auctoribus deliramenta loquitur, Iberas nãias sectatur, & frivola Siculis gerris vaniora Theologiæ importat. Hæc referre me pudet, nec ego referrem, nisi retinendæ traditionis antiquæ interesset quamplurimum. Adhæc gratis sumitur, Pontificiæ definitionis promulgationem esse lineam ultimam, qua indeficiens Papæ judicium terminetur & agnoscat. Promulgatio nec veritatem nec falsitatem definitioni tribuit, sed inesse supponit. Itaque si falsa est definitio, falsa promulgabitur; si vera; vera quoque promulgabitur. Dico amplius, si falsa esset definitio, hæc vera ex promulgatione redderetur nunquam, etiamsi charta promulgationis ad valvas basilicarum omnium Romanæ urbis per æternitatem totam affigeretur, & cursores sexcenti Stentore clamosiores adstarent. In promulgatione necessitatem ad credendum vel agendum cum definitionis veritate vel falsitate auctores nostri confundunt: Promulgatio quidem definitioni necessitatem ad credendum vel agendum imponit, sed definitioni veritatem vel falsitatem nullam tribuit: Veritas vel falsitas aliunde repetitur. Quare Azorius pessimè respondit iis, qui Sixtum V. in editione Bibliorum errasse contendebant. Etenim quod reperta non fuerit bulla in promulgationum registro, quid tum, etiamsi verum id esset? Deleta vel avulsa inde fuerat. Et certè è fronte Bibliorum avulsam fuisse nemo nescit, & inde supposititiam esse prætexet nemo. Sixtus igitur definiendo id, propter quod subblata est illius bulla, luculenter erravit, & cum Clemens VIII. bullam sustulit, & Sixtina Biblia suppressa, hoc ipsum credere debuit, & aliis credendum objecit.



Hæc est igitur Apostolica Sedis doctrina, hæc traditio, comes individua illius alterius, qua Romanus Pontifex Concilio subicitur. Qui Theologus placita duo ista connexa inter se non esse asseveraret, non falleretur modò, sed imperitum etiam se, & professione sua indignum proderet. Nam si Pontifex Concilio subicitur, à Pontificis judicio provocatur ad Concilium: at non provocatur ab illius judicio, qui errare non potest, aut errare non posse creditur. Quid clarius? Hoc non animadverto propter te, quem accuratissimè philosophari scio; Sed propter nonnullos, qui philosophantur tam absurdè, ut separent quæ conjungere oportet. Miserandi tamen & utut ferendi sunt: Quia non omnibus, quod tibi contingit,

Οὐ γὰρ πᾶσι πάντες θεοὶ φαίνονται ὁρατοί.

Almainus noster hæc duo conjungit, tum quia acutissimus erat Theologus, tum etiam quia Synodum octavam illa conjunxisse non ignorabat. Synodus est, ex cujus auctoritate contra Cajetanum disputat, & Sedis Apostolicæ traditionem confirmat. Hinc Cajetanus Almaino respondere frustra conatus est. Materiales & formales illius argutias examinavimus, displosimus, in auctorem refleximus. Qui Cajetano successit in pugnam, hunc miserrimè pugnasse vidimus. Nesciebat ille, quo in loco ipse Martis campus existeret. Itaque succenturiatus miles periit tam infelicitè, ut non potuerit infelicius. Sic Almainus victor evasit, sic victrix evasit Sedis Apostolicæ traditio, pro qua manus conseruerat. Bene vale. Lutetiae Paris, iv. Calend. Quintiles ann. M. DC. LXIV.

# Joannes Launoius

## FELICI PHELIPPÆO BROSSÆ

### Parisiensi Theologo.

**C**UM nuper ad Antonium Faurum de Subjectis Cyrillo Alexandrino testimoniis scripti, & Capuanam synodum in satis bono lumine collocavi, potuissim Jacobi Almaini Parisiensis Theologi mentionem facere, sed fecissem minus commodè. Et primùm quidem veritus sum, ne nimis proluxa foret Epistola. Est enim servandus aliquis in scribendo modus, qui res omnes ad gratiam & venustatem componit. Minuenda insuper mihi fuit molestia, quæ ex controversia & plena dissensionis descriptione trahi poterat. Non enim omnibus *ὁ βελτίους* placent, aut cerulæ miniatulæ probantur. Sunt quos lutilenta loca, quos apocryphi delectant commentarii, delectent eos per me licet. Deinde quæ Jacobum Almainum attinent, proprium differendi locum exigunt.

Almainus in libro de auctoritate Ecclesie, & Damasi Papæ auctoritatem, & Capuanam synodum in medium adducit, objicit, & sedulò argumentatur.

Thomas Cajetanus in Apologia libri de comparata auctoritate Papæ & Concilii Almaino respondet, & illius rationes, quoad ejus facere potest, diluit. Quæ Almainus & Cajetanus hac de re scribunt, refero, & postea Cajetani responsionem dispungam.

**2** Almainus disputat. Tertiò arguitur auctoritate Damasi Papæ, quæ ponitur inter Epistolas Ambrosii septuagesima secunda in libris impressis, ubi deputati à Concilio Capuensi ad cognoscendum de Bono in aliquibus accusato, sententiam sciscitanti sunt à Damaso Papa ex consilio Ambrosii, ut patet Epistola LXXI. & ita respondet Damasus: Sed cum hujusmodi fuerit Concilii Capuensis judicium, ut finitimi Bono Episcopo atque ejus accusatoribus Indices tribuerentur, & præcipuè Macedones, qui cum Episcopo Thessalonicensi de ejus factis cognoscerent, advertimus, quòd nobis judicandi forma competere non posset. Nam si integra esset hodie synodus, rectè de iis, quæ comprehendit vestrorum scriptorum series, decerneremus. Vestrum est igitur, qui hoc receptis judicium, sententiam ferre de omnibus, nec refugiendi vel elabendi, vel accusatoribus vel accusato copiam dare. Vicem enim synodi recepistis, quos ad examinandum synodus elegit. Ecce quòd Damasus dicit se non posse de

illa causa cognoscere, de qua posset, si synodus adhuc esset integra, id est, non commississet aliis judicium. Et quòd illa verba non sint Ambrosii, patet ex sequentibus. Subdiur enim deinde: Cum Episcopus Bono post judicium vestrum misisset ad Fratrem nostrum Ambrosium, qui ejus sententiam consuleret, interdittam sibi Ecclesiam irrumpere atque ingredi, responsum est ei, quòd nihil temerandum foret, sed omnia modeste, patienter, ordine gerenda, neque contra sententiam vestram tentandum aliquid, ut quòd videretur vobis justitia convenire, statueretis, quibus hanc synodus dederat auctoritatem. Hoc **3** de se non dixisset Ambrosius. Sequitur iterum: Idco primùm est. Ut ii judicent, quibus judicandi facultas est data, vos enim totius, ut scripsimus, synodi vice decernitis; nos quasi ex synodi auctoritate judicare non convenit. Ex his manifestè patet, Damasum Papam non solum confessum, Concilium esse eo superius in judicando, sed & ipsos deputatos per Concilium in ea causa, in qua deputati sunt.

Cajetanus respondet. Ad tertium ex auctoritate Damasi dicitur, quòd neutrum deductorum ex illa auctoritate sequitur. Nam in illis verbis non negat potentiam, sed formam sibi judicandi competere non posse, & hujus negationis causam reddit, non impotentiam, aut subjectionem suam, sed indecentiam, ut patet in illis verbis. Hoc autem familiare est principibus. Quinetiam si dixisset, se non posse judicare, verum dixisset, & à consuetudine principum non recessisset, qui ea se negant posse facere quæ indecenter facerent, si exaudirent. Constat autem, quòd indecens est determinationes Concilii etiam provincialis fovere, quàmò magis Concilii generalis, quorum decreta etiam Papam in foro conscientie ligant non minùs quàm propria. Unde & secundùm sacros Canones ad Romanum Pontificem præcipuè spectat servare statuta Patrum. Et si notaveris eandem auctoritatem, contra arguentes facit, pro quamo insinuat excellentiam suam tantam, quòd eum quasi ex synodi auctoritate judicare non convenit.

Hæc est responsio hominis, qui rei difficultate impeditur. Hanc & argumentorum vim subterfugit, ac quæsitis hinc inde diverticulis non obscurè significat, causam suam non in æquitate defensionis poni, sed in mora & tergiversatione latere. Est enim nonnunquam veritas adeo illustris & perspicua, ut nullis verborum præstigiis obui,

obruī, nullis Dialecticorum captionibus implicari possit. Romanus antistes hac in Epistola judicandi formam sibi competere non posse, non modo dicit, ut leviter dicere poterat, sed etiam illud exaggeratis rationibus confirmat. Accidit sæpe, ut magistratus conscientia ducti nolint jurisdictionem sibi contra leges sumere, & disceptationis alicujus Judices se non legitimos agnoscant. Sed accidit rarò, ut argumenta sollicitè compareant, quibus id probetur. Itaque cum Romanus Episcopus hoc in loco facit, quod factu rarissimum est, ac justo sinceròque homine dignum, testatur omnino, quia nec aliter, nec magis testari potest, se Almaino, non Cajetano ad sentiendum facem prætulisse. Jam vides, opinor, Almainum nostrum Sedi Apostolicæ, cui Damasus præfuit, concordare; Cajetanum ab illa Sede discordare. Quæ discordia eò major est ac periculosior, quòd antiquioribus Damaso monumentis nullis sustentetur. Quidquid est à Petro ad Damasum vetustatis sacræ, Almaini non Cajetani est. Hoc premimus, hoc urgemus, in hoc habitamus, quousque ostendatur, quod ostendi non posse credimus.

5 Sed interim placet singula responsionis Cajetani effugia, id est, singula responsionis Cajetani membra dispungere, ut Almaini & Sedis Apostolicæ sententia firmamentum, fidem, & auctoritatem accipiat. Igitur Cajetani responsionem in membra sua partimur omnia, ut hinc dispungendarum rationum vitetur confusio, hinc uniuscujusque rationis disunctio agnoscatur facilius.

## RESP. CAJETANI MEMBRUM I.

*Damasus in illis verbis non negat potentiam, sed formam sibi judicandi competere non posse.*

## DISPUNCTIO.

Cajetanus nodum in scirpo quærit. Damasus non negat judicandi potentiam, quia in alia, ut innuit, rerum & temporum conditione judicare poterat, sed in hac rerum & temporum conditione negat actum potentiam, quia negare se posse credebatur: Quod & argumentis pluribus confirmat. Hoc autem Almaino sufficit, ut ex Damasi auctoritate conficiatur, Capuanæ synodi, quam Damasi partes in judicando Bonoso potiores fuisse, immò & illorum Antistitem, quibus à synodo judicandi facultas data fuerat. Atque ista non loquuntur modò, verum etiam personant, Capuanam synodum Damaso superiorem fuisse. Res hypothese fiet adhuc clarior. Si qui Præsules scripserunt ad Damasum, scripserunt ad Capuanum putà Episcopum, & ab eo sciscitati essent sententiam, ut sciscitati sunt à Damaso, nonne Capuanus Episcopus respondisset appositè, si quomodo respondit Damasus, respondisset? Cum hujusmodi fuerit Concilii Capuensis judicium, ut finitimi Bonoso atque ejus accusatoribus Judices tribuerentur, qui de ejus factis cognoscerent, advertimus, quòd nobis judicandi forma competere non posset. Sic respondens Capuanus Episcopus non negaret judicandi potentiam inesse sibi, quæ ex sese Episcopis inest omnibus, sed negaret, in tali rerum, temporum & personarum conditione judicandi formam sibi competere non posse, quia major illo & potentior synodus judicandi provinciam assumpsit, vel aliis demandavit. Hoc ipsum est, quod contendit Almainus, & verè contendit, ut Romanum Pontificem Concilio subiciat, subjecturus æquè Capuanum Antistitem, si par occurrisset disputandi occasio.

## MEMBRUM II.

*Damasus hujus negationis causam reddit non impotentiam, aut subjectionem suam, sed indecentiam, ut patet in illis verbis.*

## DISPUNCTIO.

Cajetanus verbis illis, quæ perspicua sunt, imponit:

Hæc oculis iterum subijcio: Cum hujusmodi fuerit Concilii Capuensis judicium, ut finitimi Bonoso, atque ejus accusatoribus Judices tribuerentur, qui de ejus factis cognoscerent, advertimus, quòd nobis judicandi forma competere non posset. Nam si integra esset hodie synodus, rectè de iis, quæ comprehendit vestrorum scriptorum series, decerneremus. Vestrum est igitur, qui hoc recepistis judicium, sententiam ferre de omnibus. Vicem enim synodi 7 recepistis, quos ad examinandum synodus elegit. Et post alia: Ideo primum est, ut ii judicent, quibus judicandi facultas est data. Vos enim totius, ut scripsimus, synodi vice decernitis; nos quasi ex synodi auctoritate judicare non convenit. Quid ad intelligendum facilius? Quid ad frangendum pertinacis contentionis funem validius? Quid ad removendas sophistarum insidias explicatius? Pontifex non præcisè quidem negat judicandi potentiam, sed negat illius actum, qui auctoritate majori cohibetur. Hoc autem perinde est ac si potentiam negaret, cum aliunde potentia nonnisi propter actum concedatur. Exinde, frustra est potentia qua ad actum non perducitur, Philosophiæ axioma est, quod in juris quoque axioma transivit. L. multum interest. C. si quis alter vel sibi. L. hæ enim s. Si prætor, de suspecto tut. Hoc in membro Cajetanus vincitur, Almainus vincit, & Damasus pro quo dimicat. Nec tibi mirum videri debet, si Cajetanus vincatur. Pro Romana Curia potius, quam pro Apostolica Sede pugnat. Quæ autem & qualis illa Curia tunc fuerit, Hadrianus VI. antiqui moris Pontifex graphicè describit in mandatis, quæ Francisco Cheregato oratori suo in Germaniam eunti dedit. Referre non modò ve-reor, sed etiam horreo.

## MEMBRUM III.

*Quinetiam si dixisset se non posse judicare, verum dixisset.*

## DISPUNCTIO.

3

Damasus verum dicit, & quia verum dicit, Cajetano incommodat, & Almaino maxime suffragatur. Cur ergo Cajetanus cum Almaino litigat? Cur tergiversatur? Cur veritatem locum suum habere non patitur? Scilicet ut altercando veritas amittatur. Sed concessioni hujus audienda est ratio.

## MEMBRUM IV.

*Damasus à consuetudine principum non recessisset, qui ea se negant posse facere, quæ indecenter facerent, si exaudirent.*

## DISPUNCTIO.

Quodnam genus effugii? Ubinam Christiani Principes id fecerunt ante Damasum, quod Cajetanus eos fecisse pronunciat? Hoc qua facilitate dicitur, eadè & negatur. Deinde si Principes negant se posse facere, quæ indecenter facerent, quonam pacto veniemus in cognitionem eorum, quæ reipsa facere non possunt, nisi forsitan Cajetanus velit, nihil esse omnino, quod Principes absolutè facere non possint? Unusquisque distinctioni huic confusus affirmabit, Principes cum negant se posse aliquid facere, non ideo negare, quòd simpliciter facere non possint, sed quòd indecenter facerent. Quæ rerum in publicis negotiis confusio & perturbatio!

Si Cajetanus in se recipiat, ex subjecta materie discretum iri hæc omnia, tunc quæ Damasus negat se posse facere, ponemus in eorum numero, quæ absolutè facere non potest, & quibus, ut id persuadeat, rationum momentis utitur, confirmabimus. Tum demum si talis esset Principum consuetudo, qualem ille asserit, quomodo Damasum consuetudinem hanc imitatum esse ostenderet? Nam sæculi Principes multa faciunt, quæ Pontifices facere non debent. Nonne Christus apud Matthæum in capite xx. dicit? Reges gentium domi-

nantur



*mantur eorum, non erit ita inter vos.* Nonne Hieronymus, qui Damasum in consultationibus ad Sedem Apostolicam mitti solitis per aliquod tempus adjuvit, in Epistola xxx. ad Oceanum scribit? *Alia sunt leges Caesarum, alia Christi; aliud Papinianus, aliud Paulus noster præcipit.* Nonne sanctus Leo primus Damasi ætati suppar in Epistolæ l. iv. ad Martianum capite iii. docet? *Alia ratio est rerum secularium, alia divinarum; nec præter illam Petram, quam Dominus in fundamento posuit, stabilis erit ulla constructio.*

## MEMBRUM V.

*Constat autem, quod indecens est, determinationes Concilii etiam provincialis solvere, quanto magis generalis? Quorum decreta etiam Papam in foro conscientie ligant, non minus quam propria.*

## DISPUNCTIO.

Cajetanus hoc in loco secum pugnat & adversario favet. Et primum quidem non est indecens, mortalium cuiquam uti jure, quod sibi à Deo concessum est. Nam si Romanus Pontifex sit supra omnia Concilia & generalia & provincialia, ut Cajetanus perperam existimat, generalium & provincialium Conciliorum legibus non tenetur. Si non tenetur, non est illi indecens, provincialium & generalium Conciliorum leges solvere, si neglecta verborum proprietate loqui fas est. Apud literatos enim homines legem solvit, qui legem servare debet: non solvit legem propriè, qui legi non est obnoxius. *Liberis verbis loquuntur Philosophi, nec in rebus ad intelligendum difficillimis offensionem religiosarum aurium pertimescunt. Nobis autem ad certam regulam loqui fas est, ne verborum licentia etiam de rebus, qua his significatur, impiam gignat opinionem:* Augustinus in libri x. de civitate Dei capite xxiii. Sic ergo Cajetanus seipsum illaqueat, & Andabatarum more, ut ait beatus Hieronymus, in tenebris gladium ventilat.

Deinde si provincialis Concilii decreta Romanum Pontificem ligant in foro conscientie, provinciale Concilium Romano Pontifice superius est, & nisi esset superius, Romanum utique Pontificem non ligaret in foro conscientie, ut Cajetanus loquitur. Qui autem ligatur in foro conscientie, eo est inferior, à quo ligatur, & continuo subjectus est pœnæ, quæ ab eo qui ligat, imponitur.

Tum si provinciale Concilium Romanum Pontificem ligat in foro conscientie, generale multo magis ligabit. Et si multo magis ligat, ut non potest non ligare, multo magis erit illo superius. Sic autem Romanus Pontifex ab utroque Concilio cogetur in ordinem, si legis impostæ prævaricator existat. Cajetanus hinc non habitat secum, Almaïno plus tribuens, quam Almaïnus exigere videtur.

Præterea comparatio hæc, *Provincialis & generalis Concilii decreta Papam in foro conscientie ligant non minus, quam propria*, intellectu est difficilis. Nam auctor sibi sumit, ut apparet, provinciale & generale Concilium edere seorsum à Romano Pontifice decreta, quæ Romanum Pontificem ligent in foro conscientie. Hoc autem in Cajetani sententia intellectu difficile est; quia paulo postquam Concilium, quod sine Romano Pontifice celebratur, vocavit acephalum, ei Concilio vim tribuit ferendæ legis, quæ Romanum Pontificem liget in foro conscientie.

Hinc si Romanus Pontifex seorsum à Concilio decreta faciat, quibus ligetur in foro conscientie, tunc erit sibi superior & inferior: superior quidem cum suis seipsum decretis ligat in foro conscientie; inferior verò, cum suis ipse decretis ligetur. In superiori major quam in inferiori potestas attenditur, & tamen superior idem est, qui inferior, rebus in eodem statu semper manentibus. Cajetanus ista facile capit, ego verò difficile, & forsan plures alii. Sed facile capio provinciale Concilium, cui Papa interest & præ-

fidet, decretis suis Papam ligare in foro conscientie; quia id & rationi congruit, & factum reperio in Romana synodo, quam Symmachus de bonis Ecclesiæ non alienandis habuit, cap. iv. *His ergo perpensis, mansuro cum Dei nostri consideratione decreto sancimus, Ut NULLI APOSTOLICÆ SEDIS PRÆSULI à presenti die, donec disponente Domino Catholica fidei manserit doctrina salutaris, liceat prædium rusticum, quantacunque fuerit magnitudinis vel exiguitatis sub perpetua alienatione vel commutatione ad cuiuslibet jura transferre, nec cuiusquam excusentur necessitatis obtentu.* Quod & in cap. vi. confirmatur: *Pari etiam Ecclesiarum per omnes Romana civitatis titulos, qui sunt Presbyteri, vel quicunque fuerint, adstringi volumus lege custodes, quia nefas dictu est, obligatione, qua se per charitatem Christi connectit summus Pontifex, ea hominem secundi in Ecclesia ordinis non teneri.* Dilectio, qua Pontifex commissam sibi ovium Christi & in primis pauperum curam sustinere debet & rei bene ac graviter administrandæ rationes efficiunt, ut editis à concurrente synodo canonibus subdatur; & quia verissime subditur, hinc à majori ad minus disputat, cum ait: *Nefas dictu est, obligatione, qua se per charitatem Christi connectit summus Pontifex, ea hominem secundi in Ecclesia ordinis non teneri.* Quod argumenti genus vanum & inane foret, nisi Pontifex propositis canonibus obligaretur.

Tum confirmatur ex Epistola, quam Agapetus hac de re ad Cæsarium scribit Arelatensem Episcopum: *Revocam nos veneranda Patrum manifestissima constituta, quibus specialiter prohibemur, prædia juris Ecclesiæ, cui nos omnipotens Dominus præesse constituit, quolibet titulo ad aliena jura transferre.* Qua in re vestra quoque sapientia credimus esse gratissimum, quod in nullo contra præscita definitionis constituta, vel regulas pro qualibet occasione, vel sub cuiuscunque persona respectu venire præsumimus; nec tenacitatis studio, aut secularis utilitatis causa hoc facere nos credatis, sed divini consideratione iudicii necesse nobis est, *QUIDQUID SANCTA SYNODALIS DECREVIT AUCTORITAS, INVIOLABILITER CUSTODIRE.* Provinciale Concilium hoc Romanum Pontificem sic obligat, ut is obligari non possit magis, quia lege & religione sempiterna obligatur. At qui obligat major est eo, qui obligatur, ac potentior. Leo IV. in Romano Concilio, quod anno dccccli. habuit sic præfatur: *Si placet, cuncta qua legenda erunt, ut melius in futurum observentur ab omnibus, & fideliter, ut concedet, recolantur, propriis subscriptionibus roboremus, quatenus decretali iudicio aditus cunctis claudatur illicitis.* Leo postea subscribit, quem alii secuti suo quisque ordine subscribunt: Sic omnes & Leo & cæteri qui subscribunt, primi & secundi ordinis antistites conditos à Concilio canones observare tenentur, quia Concilium unoquoque superius est. Provinciale Concilium Provinciam repræsentat universam. At universum partibus semper optimo jure præponitur, ut Augustinus tradit in libri ii. de baptismo capite iv. Deinde in Enchiridii capite lvi. *Spiritus sanctus si creatura, non creator esset, summa creatura esset, & ideo in regula fidei non poneretur ante Ecclesiam, quia & ipse ad Ecclesiam pertineret in illa ejus parte qua in calis est.* At quidquid in sancti Doctoris hujus & in cuiusque hominis non mente capti sensu pertinet ad Ecclesiam, necessario minus est Ecclesia & inferior, quia pars est Ecclesiæ. Hinc Augustiana propositio, me vide, ex omni æternitate vera est. Hanc nulla temporis circumscriptio metitur. Et ne metiatur ulla, impediit adhuc nuper Alexander VII. qui ad Lovanienses rescribens Theologos pronunciat, *Augustini dogmata inconcussa & tutissima esse.* Quid quæso te magis inconcussum est ac tutius, quam quod est inconcussum & tutissimum? Quid tutius est, quam quod est tutissimum & certissimum? In summa, Romanus Pontifex in Tridentinæ fidei formula non præ-

præponitur Ecclesiæ, sed postponitur, ut & in sacro-  
rum rituum Codicibus, qui veterem ac sanctam A-  
postolicæ Sedis traditionem retinent, omni termino  
immobiliorem. Hoc planè ostendit FERIA VI. in pa-  
rasceve Domini, ubi primum pro Ecclesia sic oratur.  
Oremus, dilectissimi nobis, pro Ecclesia sancta Dei, ut  
eam Deus & Dominus noster pacificare, adunare & cu-  
stodire dignetur, &c. Omnipotens sempiterne Deus, qui  
gloriam tuam omnibus in Christo gentibus revelasti, cu-  
stodi opera misericordiæ tuæ, ut Ecclesia tua toto orbe  
diffusa, stabili fide in confessione tui nominis perseveret.  
Deinde pro Papa: Oremus & pro beatissimo Papa nostro  
N., ut Deus & Dominus noster, qui elegit eum in or-  
dinem Episcopatus, saluum & incolumem custodiat Ecclesia  
15 sua sanctæ ad regendum populum sanctum Dei.

Tum in Canone Missæ: Te igitur, clementissime Pa-  
ter, per Iesum Christum Dominum nostrum supplices ro-  
gamus ac petimus, uti accepta habeas & benedicas hac dona,  
hac munera, hac sancta sacrificia illibata in primis qua-  
ribi offerimus, pro Ecclesia tua sancta Catholica, quam  
pacificare, custodire, adunare, & regere digneris una  
cum famulo tuo Papa nostro N. & antistite nostro, &c.  
Sic in divinis officiis Ecclesia Romano Episcopo præ-  
ponitur, ut liquidò pateat eum Ecclesia inferiorem  
esse. Ex his autem omnibus, quæ ad Cajetani ra-  
tionem, seu potiùs effugium disseruimus, apertè con-  
stat, auctorem hunc veritate summâ coactum Almaïno  
suffragari, cum vel minimè suffragari velit.

## MEMBRUM VI.

Vnde & secundum sacros Canones ad Romanum Ponti-  
ficem præcipue spectat, servare statuta Patrum.

## DISPUNCTIO.

Cajetanus hic quoque verum dicit, & quia verum  
dicit, Almaïni causam adjuvat, & suæ nocet quam-  
plurimum. Quod autem Cajetanus verum dicat,  
Romani Pontifices ipsi tradunt.

Julius I. in Epistola ad Orientales apud Athana-  
sium: Id verò ad Synodi & Episcoporum, qui in Synodo  
fuerunt, contumeliam vergeret, si qua illi tanto studio &  
cura velut Deo præsentem egissent, a nobis ut vana futilia-  
que abrogarentur.

Leo I. in Epistola LIV. ad Martianum Imp. cap. III.  
16 In quo opere, auxiliante Christo, fideliter exequendo, necesse  
est, me perseverantem exhibere famulatum, quoniam dis-  
pensatio mihi credita est, & ad meum tendit reatum, si  
paternarum regula sanctionum, quæ in Synodo Nicæna ad  
totius Ecclesiæ regimen Spiritu Dei instruente sunt condita,  
me, quod absit, connivente violentur.

Gelasius I. in Epistola XIII. ad Episcopos Dar-  
daniæ: Quibus convenienter ex paterna traditione  
perpensis confidimus, quòd nullus jam veraciter Chri-  
stianus ignoret, uniuscujusque Synodi constitutum, quod  
universalis Ecclesiæ probavit assensus, non aliquam magis  
exequi sedem præ cæteris oportere quam primam.

Hæc pauca de multis, quæ ad firmandam Caj-  
etani sententiam sufficiunt: ex qua necessario sequitur,  
Episcopos, qui non servant statuta Patrum peccare,  
& inter eos Romanum maximè peccare, vel  
si Romanus Episcopus non peccat, dum statuta  
Patrum minimè servat, cæteros Episcopos multò  
minùs peccare. Sed quoniam dici non potest, cæ-  
teros Episcopos ad servanda sanctorum Patrum sta-  
tuta non ogligari & negligendo haud peccare,  
dici quoque non potest, Romanum ad servanda e-  
adem Patrum statuta neutiquam obligari & negli-  
gendo haud peccare. At si omnes Episcopi ad  
servanda Patrum statuta obligantur, Romanus obli-  
gatur potissimum; & ideo tam Romanus quam alii  
Episcopi subjiciuntur Patrum statutis & Conciliis,  
quæ statuta ediderunt. Cajetanus igitur in hoc  
membro adversarii sententiam ædificat, & suam  
funditus evertit.

## MEMBRUM ULTIMUM.

Et si notaveris eandem auctoritatem, contra arguentes  
facit, pro quanto insinuat excellentiam suam tantam, quòd  
eum quasi ex Synodi auctoritate judicare non convenit.

## DISPUNCTIO.

Hic Cajetanus mala fide agit, absit verbo injuria.  
Nervosam enim Damasi antithesim dissimulat, quia  
illius partem unam tantum refert, veritus, ne si re-  
ferret alteram, & integra videretur antithesis, hanc  
distorque & fallaciter interpretari non posset. Ideo  
primum est, ait Pontifex, ut ii judicent, quibus judi-  
candi facultas est data. Vos enim totius, ut scripsimus,  
Synodi vice decernitis. Nos quasi ex Synodi auctoritate  
judicare non convenit. Damasi antithesi hac præce-  
dentem sermonem, quo judicandi formam sibi com-  
petere non posse dixerat, concludit, non destruit, ut  
destrueret, si Cajetanus audiretur. Cum Damasus Ca-  
puensis Concilii auctoritatem sua majorem esse signi-  
ficat, Cajetanus contra Damasum auctoritatem Da-  
masi Capuensi Concilio majorem esse significare  
contendit. Quid à Damasi proposito alienius, quid  
perversius? Vos, inquit Pontifex, ex Capuensis Concilii  
auctoritate decernitis, quia Capuensis Concilii vicem  
impletis; nos quasi ex Capuensis Concilii auctoritate  
judicare non convenit, quia Capuensis Concilii vicem  
non implemus, ut vos impletis.

Quòd autem Romanos Pontifices ex Synodi aucto-  
ritate judicare conveniat, ipsimet Romani Pontifices 18  
docent.

Felix III. in Epistola VII. ad Vetraniem Episco-  
pum: Quoniam (Eutychis & Dioscori) Timotheus &  
Petrus extitisse docemur proculdubio sectatores, eorū-  
que se communioni nefaria miscuisse, etiam cum à nobis  
prohibitus est Acacius, atque ob hoc ex ferma Synodi  
memorata, similem cunctos, quæ præfixa fuerat pravitati,  
damnationis incidisse sententiam, cujus se elegerunt esse  
confortes: unde merito prædictus Acacius Apostolica Sedis,  
quæ nunc exsecutrix utique sæpe dicti Chalchedonenfis Con-  
cilii pro fide Catholica tunc probati non desuit, iterata  
excommunicatione depulsus est. Nonne Felix ex Cal-  
chedonenfis Synodi auctoritate excommunicavit A-  
cacium? Nonne Sedes Apostolica hoc ipsum ex ead-  
em auctoritate fecit, cum se Concilii hujus ex-  
secutricem præbuit?

Prætereo Leonem I. qui toties ex Nicænæ synodi  
auctoritate scripsit, ut Anatolii Constantinopolitani  
ambitionem comprimeret. Prætereo cæteros Ponti-  
fices, qui quæ statuunt, ex Synodorum auctoritate  
statuere se profitentur.

Jam verò sentis, opinor, quia cum magna vi judicii,  
eruditione, veri perspicentia, firmitate sentire soles,  
contradicendi libidinem effecisse, ut Cajetanus nunc  
secum pugnaverit, nunc Almaïni placitis faverit, nunc  
ad pueriles ineptias abierit. Sic dum aliquis suffra-  
gium suum æmulis invidet, hoc veritati sæpe deneg-  
are creditur, tamen re ipsa non denegat, sed ut Ca-  
19 jetanus, denegare putat. Jam quoque sentis, Cajeta-  
num in erudito Theologorum pulvere ab Almaïno  
victum esse, & Almaïni sententiam, quæ Sedis Apo-  
stolicæ & Facultatis nostræ sententia est verissima, sic  
confirmatam esse, ut vix possit magis confirmari. Sed  
non antè manum de tabula, quam observaverim tria:  
Primum, quòd Nicolaus Cusanus Cardinalis in libri  
secundi de Concordantia Catholica cap. XVII. &  
Almaïnus primi omnium, ni fallor, Epistolam, quæ  
tribuebatur Ambrosio, Ambrosii non esse rectè judi-  
caverint; & hoc est acutorum hominum indicium:  
Deinde, quòd Epistolam Damaso Papæ asseruerint; &  
illud certè ab Ecclesiasticæ Historiæ contextu non  
multum abhorret, si manuscripti codices circumscri-  
bantur: Denique, quòd anno MDCXII. Romæ in a-  
pertum relatus est liber inscriptus, Collectio Romana  
hipar.



bipartita, ubi ex Vaticanis codicibus Epistolæ titulus restituitur, *Dilectissimis fratribus Anytio & ceteris Episcopis per Illyricum constitutis Siricius*. At licet Siricii sit Epistola, non Damasi, Almaïnus ex ea rectè semper argumentatur; quippe qui ex auctoritate Romani Pontificis argumentetur.

Cæterum Almaïnus Cajetani responsionem dispunxisset acrius, ni mors immatura virum tantum sustulisset. Theologiæ magisterium consecutus erat anno MDXI. & ante annum MDXVI. Facultatis Sacræ flos ille in ipso ætatis flore periit, non sine magno Scholæ nostræ & Gallicanæ Ecclesiæ detrimento. Is  
20 à Facultate nostra judicatus fuit unus, qui maximo ingenio refelleret compositum à Cajetano adversus Gerfonem librum, quem Gaufridus Bouffardus Parisiensis Cancellarius de mandato Pisanæ Synodi ad Facultatem Theologiæ misit, ut ei responderetur.

Almaïnus respondit, & illius liber publicè recitatus est in frequentissimo Theologorum audientium & approbantium confesso. Id olim ab Andrea Duvallio accepi, Duvallius, ut aiebat, à Joanne Pictavino, Pictavinus à Dionysio Camusio, Camusius ab iis, qui recitationi interfuerant, magistris acceperat. Tunc erat una majorum nostrorum fides, una animorum consensus. Almaïnus doctrinam suam hauserat ab iis Parisiensibus Theologis, quos Innocentius VIII. mirificè commendat. Verba sunt hæc apud Michaëlem Maulec-  
rum: *Dilecti filii salutem & Apostolicam benedictionem. Intelleximus non sine magna cordis nostri latitiâ sinceram animorum vestrorum devotionem, quam ad nos sanctamque Romanam Ecclesiam & fidem Catholicam habetis, cum omne studium & curam vestram pro ejusdem fidei defensione, & hæresium extirpatione, sicut probatissimos quosque Christianos decet, incessanter adhibueritis.* Pontifex consilii magni vir Almaïni præceptores, intelligis, non ita laudaret, nisi Romanæ Ecclesiæ traditionem, quam & in his literis & in aliis ad Faurum nostrum datis exponimus, conservassent diligentissimè. Neque verò privatus vel doctor vel Episcopus aliquis  
21 Academiæ principis magistros hoc modo laudaret, si ad eos scriberet. Profectò Bononiensis Doctor filios

non appellaret, nec Ariminensis Episcopus salutem illis & benedictionem Apostolicam impertiretur. Præmunienda mihi fuit Innocentii Epistola, ne quis per invidiam de illius auctoritate, & de veris Patrum nostrorum laudibus quicquam detractorus accederet. Interim si *πιστορ* est quod scribo, grati animi & pietatis *εργον* velim existimes.

Theologus fuit recentior, qui quod argumentum Cajetanus solvere non potuit, solvere se posse ratus est, annis ab hinc quinquaginta. Et primum quidem si negaret, uti negat, aut Damasum aut successorem Damasi Siricium Epistolæ auctorem esse; Optimè omnium: Nam si Damasus, aut Siricius conscripsit Epistolam, *πύτυ οὐχίαι, πύτυ ἀνένηαι*, de instituta disputatione actum est. Scilicet docente Romano Pontifice Romanus Pontifex Concilio subijcitur. Nam si Pontifex docendo errat, Theologus captus est, quia Pontifex non poterit non subijci Concilio, à quo emendetur. Si verò non errat, Theologus nullus est, quia Pontifex Pontificis non errantis auctoritate Concilio subijcitur. Deinde si assereret, uti asserit, Ambrosium Mediolanensem verum esse auctorem Epistolæ, quia sic inscribitur in ejus operibus, & Ambrosium, cujus sit in Epistola mentio, ab Ambrosio Mediolanensi diversum esse, quem Bonosus consuluit, Theologus hac in re Baronium, qui sæpè illi est à Consiliis & Bibliothecis, deferit. Nam  
22 Baronius Epistolam hanc, quæ est apud Ambrosium Mediolanensem, Ambrosii hujus non esse fatetur ingenuè, nec alii Ambrosio tribuit; Quippe qui nihil haberet, cur tribueret. Sic vides eos, qui ab oblata sibi veritate abhorrent, & opinionibus falsis occu-  
pari se sinunt, illiteratissima & absurdissima quæque experiri.

Hactenus feci, quod à me fieri tibi placuit: Sed feci accusatione minori, quod tu majori fecisses. Interim meam supplebis indigentiam, si de Zozimi Papæ verbis tibi aurem pervellam: *Obsiste superbia & arrogantia venienti ex Romanæ Curie palpatoribus. Tecum faciunt præcepta Patrum, tecum Apostolica sedis auctoritas.* Vale  
Lutetiæ Parif. IV. Idus Maias ann. MDCLXIV.

# Joannes Launoïus

## HIERONYMO SAMBOEU VIO.

**E**GO tibi facile assentior, cum ais, illam Epistolam, quam Siricius Romanus Pontifex de Bonosi rebus in Capuana Synodo gestis ad Anysium & alios Illyrici Episcopos perscripsit, antiquitatis sacræ monumentum esse omni auro pretiosius, & in Ecclesiastica Historia, quo satis æstimetur, reperiri nihil. Nam Siricius in Epistola id unum statuit & confirmat, quod gravissimis quibusque de Romano Pontifice quæstionibus fieri solitis finem imponit. Sed dolco tecum integra Capuanæ Synodi non superesse acta, quæ rei totius veritatem patefaciant & illustrent. Studioso ac diligenti viro qualis es tu, molestum id quidem est, sed necessariò ferendum. In multis querimur de veterum incuria, sicut & posterì de nostra querentur. Omisiss querelis istiusmodi, utamur Capuanæ Synodi monumentis, quæ supersunt. Hæc verò supersunt tria: Ambrosii ad Theophilum Alexandrinum Epistola; Siricii Papæ alia ad Illyrici præfules Epistola, quæ sub Ambrosii nomine in illius libris edita est, & quæ nunc auctori

suo vindicata, non edetur amplius; Carthaginienſe Concilium, quod in codice Canonum Africanæ Ecclesiæ habitum est anno cccc. xix. Monumenta tria hæc tibi sigillatim referam, & ad unumquodque observabo, quod observandum mihi videbitur. Præmitto tamen Synodi causam, quam habet Theodoretus, etiamſi mentionem illius nullam faciat. Hoc ergo tra-  
2 dit in libri. v. Historiæ capite xxiii. *Flavianus verò, qui unà cum Theodoro in multa atque ardua certamina pro ovium Christi salute descenderat, in præsulatu Antiocheno magni Meletii successor fuit. Atque cum Paulinus Ecclesia administrationem capessere vellet, cæcus sacerdotum resistit, dixitque, eum, qui consilium Meletii repudiaverat, post mortem ejus non debere illius sedem occupare: Immo verò qui multis ac præclaris nobilitatus erat laboribus, & quamplurimis periculis se pro ovibus obtulerat, eum pastorem curandum esse. Quæ res Orienti tum à Romanis, tum ab Aegyptiis odium valde diuturnum peperit. Nam ne Paulino quidem jam mortuo simultas compressa est: Sed cum Evagrius ejus sedem post*

post illum obtinisset, non destiterunt inimicitias cum magno Flaviano exercere, idque cum Evagrius contra legem Ecclesie designatus esset. Quippe solus Paulinus eum ordinaverat: In qua re complures simul canones violavit. Siquidem canones neque faciunt potestatem cuiquam jam mortem appetituro, quemquam in locum suum sufficere, atque omnes Provincia Episcopos jubent in unum ad eam rem convocari. Quinetiam vetant rursus, quemquam absque tribus Episcopis Episcopum constitui. Attamen horum nihil scire cupientes, Evagrii communionem sunt illi quidem amplexati, Imperatorisque animum contra Flavianum incitare obnixè studuerunt. Nam cum Imperatori nimis acriter instando multum saepe exhibuissent molestia, accersit eum Constantinopolim & Romam proficisci jubet.

3 At Flavianus respondet, hyemem jam esse. Itaque pollicitus se ineunte vere imperata facturum, in patriam revertit. Sed cum Episcopi Romani, non Damasus solum ille admirabilis, verum etiam post illum Siricius, & Anastasius Siricii successor, vehementius in Imperatorem invecit essent, dixissentque eum illos, qui tyrannidem contra se exercere molirentur, opprimere nolle, sed his, qui per tyrannidem Christi leges evertere studerent, impunitatem concedere: Eum accersit denuo Imperator, Romamque ut contendat, cogere laborat. Tum sapientissimus Flavianus libere ei non sine maxima omnium laude respondet: Siquis me, o Imperator, ut fidem minimè sinceram ac sanam profitentem insinulent, dicantve vitam me traducere indignam sacerdotio, cum illis ipsis iudicibus utar, tum pronunciatam ab eis lubens subibo sententiam: Sin autem de sede & presulatu digladiantur, neque agam cum illis iudicio, neque his quos eam dignitatem adipiscendi studium tenet, adversabor, sed cedam equidem volens, meque ipse presulatu abdicabo. Quare tu, cui libitum est, sedem Antiochenam tribuito. At vero Imperator hanc ejus animi magnitudinem & sapientiam magnopere admiratus, in patriam reverti, & Ecclesiam sibi commissam sedulo pascere jubet. Longo verò jam tempore intermisso, Imperator Romam denuo adventans, in idem crimen rursus ab Episcopis vocatus est, quod scilicet tyrannidem non represserat. Tum Imperator eos dicere jubet, quod sit tyrannidis genus. Nam ipse, inquit, Flaviani partes suscipiam & causam ejus agam in iudicio. Cum autem illi responderent, se non posse cum Imperatore iudicio disceptare, hortatur,

4 uti deinceps concordiam in Ecclesia constituent, dirimant lites, & inanis contentionis flammam extinguant. Nam Paulinum jam pridem à vita excessisse, & Evagrium contra leges Ecclesie designatum fuisse Episcopum: Quinetiam omnes Ecclesias Orientis Flaviano adhærescere, atque præter eas, Asianam præterea Diocesim, Ponticam, & Trejiciam cum eo communicare, eique se addixisse: Illyriam porro universam agnoscere, eum inter Episcopos Orientis principatum obtinere. Huic hortationi obsecuti Episcopi Occidentis, promittunt se simultatem deposituros, & legatos, qui à Flaviano mitterentur, admissuros. Qua re intellecta, divinus Flavianus Episcopus quosdam illustrissimos, Presbyteros etiam Antiochia, & Diaconos Romam misit. In qua legatione principem locum tenebat Acacius Episcopus Bæræ oppidi Syria, vir omnium ore ac sermone passim celebratus. Qui unà cum cæteris Romam adventans, inimicitias ad decem & septem annos continuatas exinxiit, Ecclesiisque pacem restituit. Qua re audita, Aegyptii quoque odio sedato sunt concordiam amplexati. Id temporis Innocentius successor Anastasii Ecclesia Romana antistes fuit, vir ingenii & prudentie ornamentis egregie instructus. Hæc Theodoretus, qui per ætatem rei gestæ suppar extitit, & qui aliunde vicinus Antiochiæ vix ignorare potuit, quæ ad Flaviani & competitorum causam pertinebant. Quare minor fides habenda videtur Socrati & Sozomeno, qui rem paullo aliter narrant: Ille in libri v. Historiæ capite xv. Eodem ferè tempore Antiochia Syria hæc etiam gesta fuisse accepimus. Cum Paulinus morte occubuerat, populus illius Ecclesie Flavianum detestatus est, & propterea Evagrium, sive ipsius factionis Episcopum designari consti-

tuit, quo non longo tempore vitam protrahente nemo alius in ejus locum delectus est. Sic enim erat res à Flaviano comparata. Quotquot igitur Flavianum propter jusjurandum violatum averfabantur, separatim conventus fecerunt. Flavianus omnem, ut dicitur, movebat lapidem, ut eos sibi subiceret. Quod quidem haud diu post perfecit, odio Theophili Episcopi Alexandria tum versus ipsum placato, cujus subsidio Damasum etiam Episcopum Romanum sibi reconciliavit. Nam uterque erga Flavianum offensore animo fuit, non solum quod pejeraverat, sed etiam quod auctor fuerat eorum consensum dirimendi, qui erant antè concordēs. Hic in libri vii. Historiæ capite xi. Ac Meletius quidem talem ibi sepulturam sortitus est; eligitur verò in illius locum Flavianus præter datum jusjurandum. Adhuc enim Paulinus in vivis erat. Ex eo igitur maxima rursus perturbatio Antiochenam Ecclesiam corripuit, ac plurimi se à Flaviani communione abstraxerunt, & privatum sub Paulino conventum egerunt. Quin & ipsi quoque sacerdotes ob hanc rem inter se contendebant. Atque Aegyptii & Arabici & Cyprii velut ob Paulinum injuria affectum stomachabantur. Syri verò, Palestini & Phænices, tum etiam ex Armeniis, ex Cappadocibus, ex Galatis, & ex Ponticis plurimi pro Flaviano stabant. Non minimè autem indignatus fuit Episcopus Romanus, & cum eo cuncti sacerdotes Occidentales, ac Paulino quidem cum Antiochia Episcopo consuetas scribebant Epistolas, quas Synodales appellant: Ad Flavianum verò silentium agebant. Quin & Diodorum Tarsi & Acacium Bæræ Episcopos, qui illum ordinabant, reos agebant, & pro excommunicatis habebant. Itaque ut de hisce rebus cognosceretur, scripserunt tum ipsi, tum Gratianus Imperator, convocantes in Occidentem Orientales Episcopos. Deinde in cap. xv. Tunc temporis Paulino Antiochia mortuo, auditores ejus Flavianum, ut qui datum Meletii tempore jusjurandum transgressus esset, averfari pergebant, & quidem in dogmate nihil ab illo discrepantes. Constituitur ergo illorum Episcopus Evagrius. Quo quidem breve admodum tempus supervivente, nemo alius hanc successionem adimplevit, obstante Flaviano: Separatim igitur collectas agitarunt, quotquot communionem illius repudiabant.

Socrates & Sozomenus in describendo Antiochenæ Ecclesiæ schismate, Theodoro satis consentiunt; Sed in iis, quæ Flaviani causam attinent, à Theodoro dissentiunt. Stant à partibus Paulini & Evagrii, Theodoro tamen à Flaviani. Et si res hæc ageretur modò, Theodoro magis quam Socrati & Sozomeno, ut jam dixi, crederem. Quicquid sit, ab illis tribus descriptum habemus Antiochenæ Ecclesiæ dissidium, quod uti tolleretur, Capuensis Synodus congregata est.

Nunc referenda est Ambrosii Epistola, quæ sic inscribitur: Ambrosius Episcopus Theophilo. Non habet, quod urgeat Evagrius, & habet, quod metuat Flavianus; ideoque refugit examen. Dent fratres veniam dolori justo, quia propter ipsos universus orbis concutitur, & illi non compatiuntur dolori: Perstringi saltem se equanimiter ferant ab iis, quos vident sua per tantorum curricula temporum vexari intentione. Inter hos etenim duos nihil, quod ad Christi pacem pertineat, eligentes, gravis toto orbe stabat discordia. Cui bona pacis naufragio sancta Synodus Capuensis tandem obtulerat portum tranquillitatis, ut omnibus per totum Orientem daretur communio Catholicam consentibus fidem, & duobus istis tuis sanctitatis examen impertiretur, fratribus & sacerdotibus nostris Aegyptiis pariter consentibus, quia hoc verum iudicium futurum arbitrati sumus, quod neutri parti sociata communione aliquo favore propenderet. Cum ex his igitur æquissima Synodi constitutis speraremus jam remedium datum, finemque oblatum discordia, scribit Sanctitas tua iterum, fratrem nostrum Flavianum ad precum auxilia, & Imperialium rescriptorum suffragia remeavisse. Frustra igitur tantorum Sacerdotum fusus labor: iterum ad hujus sæculi iudicium revertendum; iterum ad rescripta: iterum vexabuntur sacerdotes senes, transfretabuntur ma-



ria, iterum invalidi corpore, patriam peregrino mutabunt solo: iterum sacrosancta altaria deserentur, ut in longinqua proficiscamur: iterum pauperum turba Episcoporum, quibus ante onerosa paupertas non erat, externa opis e-gentes compellentur inopiam gemere, aut certe victum inopum itineris usurpare. Interea solus exlex Flavianus (ut illi videtur) non venit, quando omnes convenimus. Fœnerator & debitor sibi invicem occurrunt, isti sibi non possunt occurrere. Solus exors Flavianus (ut ipse vult) sacerdotalis consortii, qui nec Imperialibus Decretis, nec sacerdotum conventui presentiam faciat sui. Nec tamen etiam hoc moti dolore, fratri Evagrio donamus speciem bonæ causæ, qui eo defensibilior sibi videtur, quod eum refugit Flavianus, aut quod habere se alterum arbitratur aequalem. Uterque aliena magis ordinationis vitiis, quam suis fretus: Quos tamen nos in meliorem vocamus viam, ut malimus eos suis potius bonis, quam alieno vitio defendi. Qua de re quoniam propriis texuisti literis, posse typum reperiri aliquem, quo possit auferri fratrum discordia, cum sancta Synodus cognitionis unanimitati vestra, ceterisque ex Egypto consacerdotibus nostris commiserit: Iterum oportet, fratrem nostrum Flavianum convenias, ut si in eo perseveraverit, quo veniendum non putet, salvis Concilii Nicæni, sed etiam Synodi Capuensis statutis illibata pace universorum ita consulat, ut non videamur destruerre, quod edificatum est. Si enim quæ edificavi, destruo, prævaricatorem me ipse constituo, ac si quæ destruxi, iterum edificem. Servetur ergo impertita pacis gratia inter universos, & nihilominus declinatio partis frustrandi effectum habere non possit. Sanè referendum arbitramur ad sanctum fratrem nostrum Romanæ sacerdotem Ecclesiæ, quoniam præsumimus ea te iudicaturum, quæ etiam illi displicere nequeant. Ita enim utile erit consultum sententia, ita pacis & quietis securitas, si id vestro statuatur consilio, quod communioni nostræ dissensionem non asferat; ut nos quoque accepta vestrorum serie statutorum, cum id gestum esse cognoverimus, quod Ecclesiæ Romana haud dubiè probaverit, lati fructum huiusmodi examinis adipiscamur.

I. Ambrosius in hac Epistola indicat multa, quæ jam facta fuerant; sed eorum monumenta desiderantur. Indicta fuerat Capuæ Synodus, quæ Antiochenæ Ecclesiæ dissidium tolleret. Synodus hæc Theophilo Alexandrino Episcopo tollendi dissidii provinciam dederat, quam susceperat Theophilus. Hic ad Ambrosium rescripsit; quod Flavianus non stiterat, sed potius ad Imperatorem confugerat, & libellum illi precum obtulerat. Desiderantur Imperatoris mandata, quibus Concilium indictum & convocatum est; atque ita certus Concilii annus ignoratur. Sozomenus significat quidem fuisse Imperatorem Gratianum, qui Concilium cogi voluit; sed quo voluit anno tacet. Et quoniam Gratianus anno Christi ccc.lxxxiii. viii. Calend. Septembris periit, planum fiet postea Sozomenum hac in re graviter errasse. Desideratur precum libellus, quo Flavianus Synodi iudicium declinavit. Desiderantur Synodice literæ, quibus Theophilo iudicandi potestas delegata est. Desideratur Epistola quam Theophilus ad Ambrosium misit. Desiderantur nomina sacerdotum, qui ad Synodum conveniant. Cum autem scimus hæc, quæ desiderantur omnia, nos multarum rerum cognitione privari scimus.

II. Ad Synodi Præsidem quod pertinet, quis ille fuerit, ex monumentis, quæ ad nos pervenerint, verè affirmatèque dici non potest. Concilio præfuisse non Romanum Pontificem, sed Ambrosium de pluribus 10 conjecturam facio. Et primum quidem Ambrosius potissima quæque exequitur; ad Theophilum Alexandrinum scribit, eique nomine Concilii dirimendæ controversiæ, quæ erat inter Flavianum & Evagrium, potestatem tribuit. Theophilus ad Ambrosium rescribit, eique rerum à se gestarum rationem reddit. Deinde cur Concilium Theophilo iudicandi potestatem illam tribuerit, id in causa est, cur Romanus Pontifex

Concilio non præfuerit. Quid eâ super re Ambrosius ad Theophilum scripsit, expendamus tantisper. Cui bonæ pacis naufragio Sancta Synodus Capuensis tandem obtulerat portum tranquillitatis, ut omnibus per totum Orientem daretur communio Catholicam consentientibus fidem, & duobus istis tunc sanctitatis examen impertiretur, fratribus & consacerdotibus nostris Egyptiis pariterque confidemus, QUIA HOC VERUM IUDICIUM ARBITRATI SUMUS, QUOD NEUTRI PARTI SOCIATA COMMUNIONE ALIQUO FAVORE PROPENDERET. Theophilus itaque delegatus est à Capuensi Concilio iudex, quia neque cum Flaviano neque cum Evagrio communicabat. Neutri societate iungebatur, & ideo Synodus verum iudicium futurum arbitrabatur. Innocentius, qui post Siricium & Anastasium Romanus creatus est Episcopus, disciplinam hanc, quæ & bona & æqua est, graviter asseruit, cum apud Palladium in Dialogi de Joannis Chrysostomi vita capite iii. sic ad Theophilum scribit: Innocentius Theophili iudicium cassum atque irritum esse decrevit, dicens oportere conflare aliam irreprehensibilem Synodum Occidentalium & Orientalium sacerdotum, CEDENTI- II BUS CONCILIO AMICIS PRIMUM, DEINDE INIMICIS: NEUTRARUM QUIPPE PARTIUM UT PLURIMUM RECTUM ESSE IUDICIUM. Sic decernente Innocentio sacerdotes Theophilo vel Chrysostomo amici aut inimici debebant abesse à Concilio, quod excitatam inter utrumque controversiam dirempturum erat. Quibus ex momentis Romanus Pontifex Capuensi Concilio nec præesse nec interesse debuit. Æquitas in paribus causis paria jura desiderat. Socrates, ut vidimus, Damasum offensiore in Flavianum animo fuisse tradit: Sozomenus quoque Romanum Pontificem cum Flaviano stomachatum esse, nullas ad Flavianum dedisse Epistolas, quæ Synodales vocantur: Has ad Paulinum scripsisse dicit.

Præterea huc spectat extrema Epistolæ Ambrosii ad Theophilum clausula hæc: Sanè referendum arbitramur ad sanctum fratrem nostrum Romanæ sacerdotem Ecclesiæ, quoniam præsumimus ea te iudicaturum, quæ etiam illi displicere nequeant. Ita enim utile erit consultum sententia, ita pacis & quietis securitas, si id vestro statuatur Concilio, quod communioni nostræ dissensionem non adferat, ut nos quoque accepta vestrorum serie statutorum, cum id gestum esse cognoverimus, quod Ecclesiæ Romana haud dubiè comprobaverit, lati fructum huiusmodi examinis adipiscamur. Hic occurrunt mihi duo, cur tanta cum sollicitudine & cura rerum Pontificis Romani Ambrosius satagat: Et quod ille aberat à Concilio; (si quidem absentium semper habenda est ratio:) Et quod Flavianum repudiaverat, & Paulini ac Evagrii communionem retinuerat. Verebatur Ambrosius, ne si 12 cassa & irrita censeretur Evagrii ordinatio, nonnihil inde detrimenti in Romanum Episcopum redundaret. At verò si servandi essent Nicænæ Synodi canones, ut servandos esse significat Ambrosius, Evagrii stare non poterat ordinatio, quippe quæ contra Nicænos imprimis Canones, si Theodoretus verum dicit, facta fuerat. Quare non est mirum, omni ope ac studio conniti Ambrosium, ut à Theophilo iudicaretur nihil, quod Romano Episcopo displicere possit. Sic igitur temperandum erat à Theophilo iudicium, ut hinc pax Antiochenæ conciliaretur Ecclesiæ, hinc Romani Pontificis factum benignè acciperetur. Quæ omnia non obscurè produnt Romanum Pontificem non interfuisse Concilio, cum si interfuisset, Ambrosius id nonnullis significasset indicis, nisi quod non est credibile, de industria cavisset. Denique, ut in Siricii & Illyrici Præsules Epistola videbimus, Bonosus post delegatorum iudicium sententiam ad Ambrosium scripsit, non ad Siricium, ad quem sine dubio scripsisset, si Capuensi Concilio vel præfuisset, vel interfuisset: Denique cum Bonosus Episcopus post iudicium vestrum misisset ad fratrem nostrum Ambrosium, qui ejus sententiam consuleret.

III. Cum Capuensis Synodus Theophilo iudicandi potestatem delegat, non illi soli delegat, sed remittit controversiam ad Synodum, quæ ex Aegyptiis sacerdotibus confletur. Huic autem Synodo præfuisse, si fuisset facta, & fortassis facta est, sed inutiliter, quia  
13 Flavianus vadimonium sistere noluit. Iudicium causæ suæ in Imperatorem transtulit, quemadmodum Theodoretus narrat. Ut in Capuensi, ita nec in Aegyptiaca seu Alexandrina Synodo non comparuit.

IV. Capuensis Synodus id, cuius gratia convenerat, nec fecit, nec facere potuit. Non fecit quidem, ut scribit Ambrosius, quia controversiam, quæ inter Flavianum & Evagrium erat circa Episcopatum Antiochenæ Ecclesiæ, non diremit: Nec vero facere potuit, quia Flavianus & qui stabant ab illius partibus, ad Synodum adesse noluerunt. Causa non erat, in qua Flavianus damnari potuisset contumaciæ: Auctum fuisset schisma non extinctum.

V. Ambrosius Flaviani & Evagrii causam vtrinque agitat, Evagrii quam Flaviani defensionem æquiorē reperit, quia Evagrius Synodi iudicium non refugerat, Flavianus verò refugerat: Atque hoc ipsum est, quod hinc bonæ, inde malæ causæ speciem appellat. Præiudicium tamen fert nullum; sed quidquid est rei, ad Nicæni Concilii Canones & Capuanæ Synodi statuta exigendum esse censet. Iterum oportet fratrem nostrum Flavianum convenias, ut si in eo perseverarit, quo veniendum non putet, salvo Concilii Nicæni, sed etiam Synodi Capuensis statuto illibata pace ita consulat, ut non videamur destruere, quod edificatum est.

VI. Socrates & Sozomenus nonnulla scribunt, quæ si generatim & in aversione sumantur, Ambrosii Epistolæ non concordabunt: Si verò capiantur singulatim & diversis consignentur temporibus, concordare poterunt. Cum Socrates ait Theophilum offensiorē in Flaviano animo fuisse, erraret, si respectum haberes ad tempus, quod susceptam à Theophilo iudicandi provinciam, & coactam ob id Aegyptiam aut Alexandrinam Synodum præcedit. Tunc nec Flaviano, nec Evagrio addictus erat. Cui bonæ pacis naufragio sancta Synodus Capuensis tandem obtulerat portum tranquillitatis, ut omnibus per totum Orientem daretur communio Catholicam profitentibus fidem, & duobus istis (Flaviano & Evagrio) tua sanctitatis examen impertiretur, fratribus & sacerdotibus nostris Aegyptiis pariter considerandis, quia hoc verum iudicium futurum arbitrati sumus, quod neutri parti sociata communione aliquo favore propenderet. Non erraret verò, si respectum haberes ad tempus, quod susceptam à Theophilo iudicandi provinciam, & coactam Aegyptiam seu Alexandrinam Synodum subsequitur. Nam Theophilus contra Flavianum indignari potuit, quod Aegyptiæ seu Alexandrinæ Synodo interesse noluerit. Cætera, quæ de Theophilo & de Damaso narrat ita falsa sunt, ut defendi nequeant: Flavianus, inquit, Theophili subsidio Damasum etiam Episcopum Romanum sibi reconciliavit. Nam uterque erga Flavianum offensiorē animo fuit, non solum, quod pejeraverat, sed etiam quod auctor fuerat eorum consensum dirimendi, qui erant antea concordēs. Quare Theophilus odio in illum restincto Isidorum Presbyterum misit, ut Damasi animum in Flavianum exulceratum mitigaret, docereturque ex usu Ecclesiæ esse, si propter populi concordiam peccatum à Flaviano commissum remitteret. Quocirca communione Flaviano ad hunc modum reddita, populus Antiochenus pedetentim tempore progrediente ad concordiam reducitur. Atque res Antiochiæ administrata hunc habuerunt exitum. Paulinus cui cum Damaso semper fuit communio, migravit anno Christi cccclxxxix. hic annus, cum sit quintus Siricii, qui Damaso successit, tota Socratis cadit narratio: Nam quæ Damaso Pontifice & cum Damaso facta esse dicit, sub Damasi successoribus contigerunt.

Sozomenus in libri vii. hist. capite xi. Imperatori

Gratiano tribuit, quod Theodosio vel Valentiniano tribuendum est. Itaque, inquit, ut de hisce rebus cognoscere, scripserunt tum ipsi, tum Gratianus Imperator in Occidentem convocantes Orientales Episcopos. Gratianus in Prosperi & Cassiodori Chronicis: Parisiis Merobaudis Magistri militum prodicione superatus & fugiens Lugduni captus occiditur Ricomere & Clearcho Consulibus, qui anno Christi cccclxxxiv. respondent. Marcellinus Comes id anno superiori viii. Calend. Septembris factum, tradit, Merobande ii. & Saturnino Consulibus. At Paulinus, cui successit Evagrius, de vita decessit anno cccclxxxix. & sic Gratianus convocare non potuit Capuanam Synodum, de qua sermo instituitur apud Ambrosium. Synodi huius convocatio ad Imperatorem alium referenda est.

Cæterum Gratianus cum vivebat, in Occidente Synodum congregavit nullam, quæ de Flaviani & Paulini contentione iudicaret; & sane contrarium gratis, sine maiorum auctoritate, & contra Ambrosii Epistolam assereretur. Sozomenus Gratianum pro Valentiniano vel Theodosio accepit.

VII. Cum Evagrius Paulino successit ad annum cccclxxxix. & non diu vixit Episcopus, ut Socrates & Sozomenus testantur, & eo vivente facta est Capuensis Synodus, hæc circa hunc vel insequentem annum fieri debuit. Atque hæc habui, quæ ad Ambrosii Epistolam observarem. Nunc veniendum est ad Siricii Epistolam, quæ sic inscribitur:

Dilectissimis fratribus Anytio & cæteris Episcopis per Illyricum constitutis, Siricius. Accepi literas vestras de Bonoso Episcopo, quibus vel pro veritate, vel pro modestia nostram sententiam sciscitari voluistis. Sed cum huiusmodi fuerit Concilii Capuensis iudicium, ut finitimi Bonoso atque ejus accusatoribus iudices tribuerentur, & præcipue Macedones, qui cum Episcopo Thessalonicensi de ejus factis cognoscere, advertimus, quod nobis iudicandi forma competere non posset. Nam si integra esset hodie Synodus, recte de iis, quæ comprehendit vestrorum scriptorum series, decerneremus. Vestrum est igitur, qui hoc recepistis iudicium, sententiam ferre de omnibus, nec refugiendi vel elabendi, vel accusatoribus vel accusato, copiam dare. Vicem enim Synodi recepistis, quos ad examinandum Synodus elegit. Denique cum Bonosus Episcopus post iudicium vestrum misisset ad fratrem nostrum Ambrosium, qui ejus sententiam consuleret, interdictam sibi Ecclesiam irrumpere, atque ingredi, responsum est ei, quod nihil temerandum foret, sed omnia modestè, patienter, ordine gerenda, neque contra sententiam vestram tentandum aliquid, ut quod videretur vobis iustitia convenire statueretis, quibus hanc Synodus dederat auctoritatem. Idco primum est, ut ii iudicent, quibus iudicandi facultas est data. Vos enim totius, ut scripsimus, Synodi vice decernitis, nos quasi ex Synodi auctoritate iudicare non convenit. Sanè non possumus negare de Maria filiis jure reprehensum, meritoque vestram sanctitatem abhorruisse, quod ex eodem utero virginali, ex quo secundum carnem Christus natus est, alius partus effusus sit. Neque enim elegisset Dominus nasci per Virginem, si eam iudicasset tam incontinentem fore, ut illud genitale Domini corporis, illam aulam regis æterni concubitus humani semine coinquinaret. Qui enim hoc adstruit, nihil aliud nisi perfidiam Judæorum adstruit, qui dicunt eum non potuisse nasci ex Virgine. Nam si hanc accipiant à sacerdotibus auctoritatem, & videatur Mariæ parius fuisse plurimos, majore studio veritatem fidei expugnare contendunt, & ubi est illud, quod scriptum est dicente Domino ad Matrem de Ioanne Evangelista: Mulier ecce filius tuus: Et rursus ad Ioannem de Maria: Ecce Mater tua? Quid sibi istud vult, quod cum in cruce Dominus posset peccatum mundi tollerere, pronuntiavit etiam de integritate materna? Aut quid aliud dicitur, nisi ut claudat sua ora perfidia, obmutescat, ne Matrem Domini aliquo audeat temerare convicio? Testis est ergo idem arbiter, idem materni pudoris assertor, quod desponsata fuerit viro tantummodo Joseph, nulla tamen conjugalis coitus consuetudine tori iura  
18  
cogno-



cognoverit: Neque enim eam suscepiuram ex Joseph filios à viri consortio separare voluisset. Sed si hoc parum est, addidit testimonium Evangelista dicens, quod suscepit eam discipulus in suam. Nunquid ergo divortium fecit? Nunquid à viro abduxit, atque abstulit? Ergo qui hoc legit in Evangelio, quomodo quasi naufragus titubat & fluctuat? Hoc ergo testamentum filii est de matris integritate, hæc Maria locuples integri pudoris hereditas, hic totius finis consummationis. Denique hoc dixit, & emisit spiritum, consummans omne mysterium bono fine pietatis. Legimus etiam & omnia percurrimus, vel de eo, quod fratri nostro & Coepiscopo Basso in consortium regendæ Ecclesiæ datus est Senecio, vel de cæteris, unde vestra normam expectamus sententia.

I. Non propter Bonosum apud Macedones Episcopum Capuensis Synodus coacta est, sed Bonosus ad Synodum jam coactam delatus est, & pravæ circa Deiparam doctrinæ accusatus.

II. Capuensis Synodus de Bonoso & Bonosi doctrina sententiam tulit nullam, cum ex aliis, tum ex hoc quoque, quod nec Bonosus, nec Bonosi accusatores Capuæ præfentes adessent.

III. Synodus hæc Anyfio Thessalonicensi & finitimis Episcopis in Bonosum & Bonosi doctrinam inquirendi & de re tota judicandi provinciam dedit. Ut in Flaviani & Evagrii de sede Antiochena contententium, sic & in Bonosi causa se gessit: Illam per seipsam non judicavit, sed aliis judicandam delegavit.

19 IV. Anyfius Thessalonicensis & Illyrici antistites suscepta provincia, quæ illis videbatur gravissima, ad Siricium Romanum Pontificem scribunt, ab eoque de Bonoso & de Bonosi doctrina præjudicium aliquod fieri postulant. Rescribit Siricius rem eo in statu esse, ut sibi judicandi forma competere non posset. Sed cum hujusmodi, inquit, fuerit Concilii Capuensis judicium, ut finitimi Bonoso atque ejus accusatoribus iudices tribuerentur, & præcipue Macedones, qui cum Episcopo Thessalonicensi de ejus factis vel cognoscerent, advertimus, quod nobis judicandi forma competere non posset. Simplex & ingenua est Siricii confessio, quæ non Capuensis modò Concilii, sed etiam delegatorum à Concilio judicium auctoritas Romani Pontificis auctoritate superior exhibetur: ordinatur controversia, & ferendum ab iis, quorum interest, judicium proponitur.

V. Siricius in hac causa se legitimum non esse judicem probare sic pergit. Nam si integra esset hodie Synodus, recte de iis, quæ comprehendit vestrorum scriptorum series, decerneremus. Vestrum est igitur, qui hoc recepistis judicium (potestatem scilicet judicandi) sententiam ferre de omnibus, nec refugiendi vel elabendi, vel accusatoribus vel accusato copiam dare. Vicem enim Synodi recepistis, quos ad examinandum Synodus elegit. Quibus verbis aperte significat, Concilii potestatem qualibet alia etiam sua, quæ Sedis est Apostolica, superiorem existere. Quod & inculcat, dum ita persequitur: Ideo primum est ut ii  
20 judicent, quibus facultas est data. Vos enim totius, ut scripsimus, Synodi vice decernitis, nos quasi ex Synodi auctoritate judicare non convenit. Sic jurisdictionem illam, quæ à Tullio contra leges dicitur, agnoscere, tum refugere ac deprecari non dubitat. Plura in hanc rem discepto in Epistola, quam ad Felicem Phelippæum Brossam Parisiensem Theologum scripsi.

VI. Prinsquam delegati à Synodo iudices de dogmate Ecclesiæ pronunciarent, Bonoso Ecclesiā propriā interdixerunt, sed Bonosus interdixit stare noluit. Siricius conjicienda duo hæc objicit, & primò quidem cum Epistolam orditur: Accepi literas vestras de Bonoso Episcopo, quibus vel pro veritate vel pro modestia nostram sententiam sciscitari voluistis. Deinde dum ita paullo post scribit: Cum Bonosus Episcopus post judicium vestrum misisset ad fratrem no-

strum Ambrosium, qui ejus sententiam consuleret, interdixit sibi Ecclesiā irrumperere atque ingredi, responsum est ei, quod nihil temerandum foret, &c. Judicium illud, cujus meminit Siricius, dogma non attinebat Ecclesiasticum; alioqui de eo Siricius Anyfius & Illyrici præfules non consulissent. Hoc satis perspicuum videtur. Ad aliud igitur referri debet. Bonosus vadimonium sistere recusavit, & eam ob causam Ecclesiæ ingressu prohibitus est.

VII. Ambrosii ad Bonosum desiderantur literæ, quarum summam hic perstringit Siricius, cum ait: Responsum est ei, quod nihil temerandum foret, sed omnia modeste, patienter, ordine gerenda, neque contra sententiam vestram tentandum aliquid, ut quod videretur vobis justitia convenire, statueretis, quibus hanc Synodus 21 dederat auctoritatem. Itaque Ambrosius Bonoso scripserat, delegatos à Capuensi Concilio iudices exceptione nullā excludi posse, quippe qui vicem Synodi gererent. Quod Ambrosius Bonoso per literas significaverat, id Anyfio & iudicibus aliis pariter significat Siricius: Vestrum est igitur, qui hoc recepistis judicium, sententiam ferre de omnibus, nec refugiendi, nec elabendi, vel accusatoribus, vel accusato, copiam dare. Auctoritate in judicando supremā utebantur; nullus restabat appellandi locus, quia vice Synodi judicabant, ut loquitur Siricius.

VIII. Et quanquam Siricius de Bonosi facto nihil pronunciat, quod illi forma pronuntiandi competere non possit, ut fatetur ingenuè, refellit tamen opinionem, quæ Bonoso tribuebatur; scripturis & rationi contrariam esse ostendit. Quod igitur Siricius ut iudex facere non potuit, facit ut privatus Theologus, ne Bonoso tacitus favere videretur, & ut aliunde Bonosum meritò reprehensum fuisse demonstraret. Capuensis Synodus impediit, quo minus Pontifex decerneret, non impediit quo minus doceret. Sanè, inquit, non possumus negare de Maria filiis reprehensum, meritoque vestram sanctitatem abhorruisse, quod ex eodem utero virginali, ex quo secundum carnem Christus natus est, alius partus effusus sit: Et cætera, quæ nervosè atque eruditè persequitur. Deperditæ sunt Anyfii & Antistitis illius collegarum literæ: Et causa hæc est, cur plura scire non possimus.

IX. Siricius in postrema Epistolæ clausula significat se definire nihil, quod ad Ecclesiæ dogma referatur, sed expectare, quid delegati à Capuana Synodo iudices definituri sint. Legimus etiam & omnia percurrimus, vel de eo, quod fratri nostro, & Coepiscopo Basso in consortium regendæ Ecclesiæ datus est Senecio, vel de cæteris, unde vestra normam expectamus sententia, ad quam nimirum & Siricius & cæteri fidem suam dirigant. Hinc enim Siricius adverterat, judicandi formam sibi non posse competere, hinc notaverat, Anyfium & iudices alios totius Synodi vice decreturos esse, quidquid decreturi erant.

X. Porro autem hæc mihi visa sunt omnia colligi posse ex Epistola, quæ sub nomine Ambrosii inter illius opera reperitur: sed quæ anno M. DC. LXXI. Romæ auctori suo Siricio restituta est. Liber, in quo hæc servatur æquitas, inscribitur, Collectio Romana bipartita veterum aliquot Historiæ Ecclesiasticæ monumentorum. Deinde inscriptio restituta est eo apparatu, ut Siricii Epistola nostri temporis vocari possit, & quæ in ea erga Capuensem Synodum disciplina sancitur, nunc dierum eadem erga quamcunque aliam Synodum æqualem vel majorem sancita credatur. Nam è Vaticanis codicibus prodit cum monumentis aliis, Alexandri VII. nuncupatione & auspiciis, Francisci Cardinalis Barberini Vice-Cancellarii commendatione magna, O. Archiepiscopi Patracensis vicesgerentis, & Raimundi Capisucchi Magistri Palatii approbatione, Romana impressione

23 pressione & proscriptione munita contra Curiam, quæ vindicatas Sedis Apostolicæ traditiones cum per ignorantiam supprimit, apud pios & eruditos homines patefacit, & prohibendo confirmat, quia gratis & insuper habito Beati Petri de reddenda fidei suæ ratione mandato prohibet, & in Petri loco Petrum contemnit exemplo pessimo. Sed absit, ut imitemur.

XI. Jacobus Almainus Parisiensis Theologus cum anno M. D. XII. de auctoritate Ecclesiæ adversus Thomam Cajetanum scripsit, & Joannem Gersonem Parisiensem Cancellarium ab hujus impetitione defendit, pro eo quo multum valebat ingenii acumine, Epistolam primus abjudicavit Ambrosio, & decessori Siricii Damaso asseruit. Nec valde aberravit. Prospiciebat Epistolam non posse nisi Romano cuidam Pontifici æquali Ambrosii quadrare. Ambrosius sub Damaso creatus est Mediolanensis Episcopus, & sub Siricio ab hominibus demigravit.

XII. Christophorus Justellus vir antiquitatis Ecclesiasticæ peritus, & sagaci præditus ingenio, in notis ad Canonum Africanæ Ecclesiæ codicem, quem anno M. DC. XV. edidit, Siricium Epistolæ auctorem fuisse conjecit, & optimè conjecit: *Quæ, inquit, Epistola Ambrosii non est, sed, ut opinor, Siricii P. R. sub quo Capuensis Synodus celebrata est, circa annum CCCXXCIX.* Vaticanæ codices manuscripti conjecturam Justelli vindicant.

24 XIII. Baronius quidem censuit Epistolam non esse Ambrosii, etiamsi inter ejus opera extaret, sed cujus esset, querere neglexit. Adhibere noluit diligentiam, quæ & sibi & Annalium suorum scopo vehementer incommodaret. Siricius in Epistola sua Ecclesiasticorum Annalium loca sexcenta, quibus auctor Romanum Pontificem supra Concilia omnia statuit, & sacrorum Canonum derogatorem facit amplissimum, funditus evertit. Siricius contrà fatetur ultro, exquisitiorque sermone asseverat, judicare se non posse controversiam, cujus judicandæ provinciam Capuana Synodus Anyfio Thessalonicensi & aliis Macedoniæ Episcopis dederat. Siricius in hoc lemmate antecedentia concludit, & subsequencia præcludit. Hinc antiquiorem omni memoria disciplinam Ecclesiæ asserit; hinc decurrendam per ætates posteriores disciplinam eandem ita constringit, ut qui contra illam vel dixerit vel fecerit, defixos à primis Patribus terminos refluxisse convincatur. Novum, & de novitate damnamum semper erit, quidquid receptæ ante Siricium retro ad Apostolos versus disciplinæ adversabitur. Nisi fortassis, quæ intervenit mutatio, in melius intervenerit, atque ædificandis in domo Dei populis plus inservierit.

XIV. Romanum Concilium in Epistola I. ad Gratianum & Valentinianum antiquiorem Siricio disciplinam, de qua nunc mihi sermo est, sic concludit: *Memoratus frater noster Damasus quoniam in sua causa vestri tenet insigne iudicii, non fiat inferior his, quibus etsi equalis est munere, prærogativa tamen Apostolica Sedis excellit, ut iudiciis publicis videantur esse subjecti,* 25 *quibus sacerdotale caput lex vestra summovit. In quo post sententiam non videtur declinare iudicium, sed delatam à vobis honorificentiam flagitare: Nam quod ad leges publicas pertinet, quæ potest esse vita munior, quam vestra clementia qua immititur iudicata? Quod verò ad prædicandam Episcopi conscientiam SEVERIORIEUS SE DEDIT IPSE JUDICIIS SACERDOTUM, à quibus non nominis sed etiam morum ratio pensatur, ne quis iterum calumniator existens, dum memoratum conatur appetere, virum quidem ipsum non queat ledere, quem innocentia sua munit, religioni tamen fiat injuria in vexatione ministrorum: Accipite aliud quoque, quod vir sanctus vestra magis conferre pietati, quam sibi præstare desiderat, nec derogare cuiquam, sed principibus adrogare. Quoniam non novum aliquid petit, sed sequitur exempla ma-*

*jorum, ut EPISCOPUS ROMANUS, SI CONCILIO EJUS CAUSA NON CREDITUR, apud Concilium se Imperiale defendat. Nam & Silvester Papa à sacri legis accusatus, apud parem vestrum Constantinum causam propriam prosecutus est. In Jacobi Sirmondi appendice ad Codicem Theodosianum. Hic ut nihil de Imperatoris iudicio dicam, Silvester & Damasus nunc judicantur à Conciliis, nunc sese judicandos sistunt. Quidquid illud est, Conciliorum potestatem sua majorem & superiorem libenter agnoscunt, nec agnoscerent, nisi agnoscendi ratio justa suppetet.*

XV. Exinde Julius, qui inter Silvestrum & Damasum medius est, utriusque sententiam amplectitur in Epistola ad Orientales: *Id verè, inquit, ad Synodi & Episcoporum, qui in Synodo fuerunt, contumeliam vergeret, si qua illi tanto studio & cura velut Deo 26 præsentem egissent, à nobis ut vana futiliæque abrogarentur.*

Liberius in Epistola ad Imperatorem Constantium: *Ad istud officium, testis est mihi Deus meus, invitum accessi, in quo cupio quidem sine offensa Dei, quamdiu in saculo fuero, permanere, & nunquam mea statuta, sed APOSTOLICA, ut essent semper firmata & custodita perfeci: SECUTUS MOREM ORDINEMQUE MAJORUM NIHIL ADDIDI EPISCOPATUI URBIS ROMÆ, NIHIL MINUI PASSUS SUM.* Hæc adeo sunt perspicua, ut explicatione nulla egeant, & si qua egerent, hæc in Constantii & Liberii Dialogo habetur. *Imperator. Unum est, quod queritur: Volo enim te, ubi Ecclesiarum communionem fueris amplexus, mittere iterum Romam; proinde consule paci & subscribens Romam redi. Liberius: Roma jam fratribus vale dixi; POTIORES SUNT ECCLESIAE LEGES, QUAM ROMANA HABITATIO. Nempe inauditum à se Episcopum, & ab adversariis injultè tractatum condemnare non poterat.*

Hæc est Sedis Apostolicæ traditio, quam Siricius in sua Epistola decessores suos secutus concludit; Et quæ successores illius diligentissimè præcludit, & eis ad doctrinam similem præluet.

Innocentius I. in præfatione ad Victricium Rotomagensis Episcopum: *Propter eos igitur, qui vel ignorantia vel desidia non tenent Ecclesiasticam disciplinam, & multa non præsumenda præsumunt, rectè postulasti, ut in illis partibus istiusmodi, quam tenet Ecclesia Romana, forma servetur, non quod nova præcepta aliqua imperentur, sed ea, quæ per desidia aliquorum neglecta sunt, ab omnibus observari cupiamus, quæ ta-* 27 *men Apostolica & Patrum traditione sunt constituta. Deinde in cap. I. Primum ut extra conscientiam Metropolitanæ Episcopi nullus audeat ordinare. Integram enim iudicium est, quod plurimorum sententiis confirmatur, nec unus Episcopus ordinare præsumat, ne furtivum beneficium præstitum videatur. Hoc enim à Nicæna Synodo constitutum est ac definitum. Hæc distasse Siricius videtur: Canonum executorem se præbet.*

Bonifacius I. in Epistola ad Hilarium Narbonensem Episcopum de eo, qui prætermisso Metropolitanæ contra Nicænorum Patrum regulas ordinatus fuerat. *QUOD NEQUAQUAM POSSUMUS FERRE PATIENTER, QUIA CONVENIT NOS PATERNARUM SANCTIONUM DILIGENTES ESSE CUSTODES. Et post alia: Nemo ergo eorum terminos audax temerator excedat, nec aliquid in illorum contumeliam partibus suis, quæ sibi non videntur concessa, defendat. Cesset huiusmodi præstite nostra auctoritate præsumptio eorum, qui ultra licitum sua limitem dignitatis extendant. Quod idcirco dicimus, ut advertat charitas tua, ADEO NOS CANONUM PRÆCEPTA SERVARE, ut ita quoque Constitutio nostra definat, quatenus Metropolitanæ sui unaquaque provincia in omnibus rebus ordinationem semper expectet.* Sic



Sic vindex & assertor Canonum loquitur; sacrorum Canonum derogator non ita loquitur.

Celestinus I. in Epistola ad Perigenem, Dynatum, Basilium, & alios Illyrici Episcopos: DOMINENTUR  
28 NOBIS REGULÆ, NON REGULIS DOMINEMUR. SIMUS SUBJECTI CANONIBUS, CUM CANONUM PRÆCEPTA SERVAMUS. In Romana Synodo Collectionis Romanæ bipartitæ num. XIII. Hæc autem verba, Sedis Apostolicæ speciem, formam, & notionem designant, & Censores Curiae configunt. Celestinus, spero, in librorum prohibitorum indicem mecum detrudetur. Mecum dico, quia nec sentio, nec aliter, quam Celestinus, sentire volo; Celestini sumus, & noster est Celestinus.

Sixtus III. in Epistola ad Episcopos per Illyricum consistentes: Sed ut omne corpus capite regitur, ita ipsum caput, nisi suo corpore sustentetur, firmitatem & vigorem suum perdit, & non tenet, quam habuerat dignitatem. In Romana Synodo Collectionis Romanæ bipartitæ. Ex hoc loco facile probatur decretorum Romani Pontificis firmitatem ab Ecclesia sustentari, & nisi decreta hæc sustententur ab Ecclesia, firmitatem & vigorem suum perdere. Quo in casu Romano Pontifice major est Ecclesia: Quia Romanus Pontifex pars est Ecclesiæ, quia caput, & ut ait Augustinus in libri II. de Bapt. capite IV. Universum partibus semper optimo jure præponitur.

Leo I. in Epistola LIII. ad Anatolium capite III. Nimis hæc improba, nimis sunt prava QUÆ SACRATISSIMIS CANONIBUS INVENIUNTUR ESSE CONTRARIA. Et paullo post: ABSIT A CONSCIENTIA MEA, ut tam prava cupiditas meis studiis adjuvetur, ac non potius meo & omnium, qui non alta sapiunt, sed humilibus consentiant, opere subruatur. Sancti illi & venerabiles Patres, qui in urbe Nicæna sacrilego Arrio cum sua impietate damnato MANSURAS USQUE IN FINEM MUNDI LEGES ECCLESIASTICORUM CANONUM CONDIDERUNT, & apud nos & in toto orbe terrarum in suis constitutionibus vivunt, & siquid usque aliter quam illi statuerunt, præsumitur, sine cunctatione cassatur, ut quæ ad perpetuam utilitatem generaliter instituta sunt, nulla commutatione varientur, nec ad privatum trahantur commodum, quæ ad bonum commune sunt præfixa, & manentibus terminis, quos constituerunt Patres, nemo in jus tendat alienum, sed intra fines proprios atque legitimos, prout quis valuerit, in latitudine charitatis se exerceat. Sic Petrus, sic Petri sedes per Leonem loquitur, & loquendo sese Patribus, qui unicuique terminos constituerunt, subjicit. Deinde idem facit in Epistola ad Metropolitanos per Achaïam Provinciam constitutos: Illud quoque pari observantia ad sacerdotalis concordia vinculum ab omnibus volumus custodiri, ut nullus Episcopus alterius Episcopi Clericum sibi audeat vindicare, sine illius ad quem pertinet, cessione, quoniam & hoc canonum definitur auctoritas, & ipsa servanda unitatis ratio docet, ne omnis ordo Ecclesiasticus per hanc licentiam efficiatur instabilis. In Romana Synodo Collectionis Romanæ bipartitæ num. XXVI. Rationes duæ, quas in medium profert Leo, & rationum hujusmodi scopus omni sunt termino immobiliores, & Leonem ipsum constringunt.

Simplicius in Epistola ad Acacium Constantinopolitanum Episcopum: Ne aliquis dubius rationis & trepidus mentis expectet novi aliquid post Chalcedonense Concilium contra definitiones ipsius retractari, quia per universum mundum INSOLUBILI OBSERVATIONE RETINETUR, quod à sacerdotum universitate est constitutum, & sicut apparuit, cælestis totiens ultionis assertione firmatum. Unde divino judicio reluctatur, quisquis ejusdem venerabilis definita Concilii post tot divina indignationis exempla non sequitur. In Collectione Romana bipartita. Si per universum mundum insolubili observatione retinetur, quod est à sacerdotum universitate constitutum, etiam Romæ, quæ pars est Christiani orbis, insolubili observatione retinebitur. Simplicius

universum pronunciat de rebus omnibus, quas Chalcedonense Concilium definivit: quod Leo de Nicænis, id Simplicius de Chalcedonensibus regulis affirmat. Leo in Epistola LIII. ad Anatolium capite II. scripserat: Et illa Nicanorum Canonum per Spiritum verè sanctum ordinata conditio (ne) in aliqua unquam sit parte solubilis. Et in Epistola LXXXIV. ad Anastasium Thessalonicensem capite II. dixerat, Sanctorum Patrum Cænes Spiritu Dei conditos, & totius mundi reverentia consecratos. Simplicius Chalcedonensibus regulis insolubilem observationem attribuit, & eum qui illis reluctatur, divino judicio reluctari contendit.

Gelasius I. in Epistola XIII. ad Episcopos Dardaniæ: Quibus convenienter ex paterna traditione perpensis confidimus, quod nullus jam veraciter Christianus ignoret, uniuscujusque Synodi constitutum, quod universalis Ecclesia probavit assensus, NON ALIQUAM MAGIS EXEQUI  
31 SEDEM PRÆCÆTERIS OPORTERE, QUAM PRIMAM. At si prima sedes universalis Ecclesiæ constituta magis exequi, quam sedes aliæ, tenetur, cum suo deerit officio, in illa major, quam in aliis officium suum negligenter residere culpa: Nec residere posset, nisi universali subiceretur Ecclesiæ. Hinc in tractatu VIII. qui est in appendice Theodosiani codicis: NON EST, inquit, NOSTRÆ HUMILITATIS, DE TOTIUS ORBIS DISSENTIÆ FERRE SENTENTIAM: Est tamen nostrum de propria salute esse sollicitos; quoniam unusquisque pro se rationem redditurus est ante illud tribunal judicis & regis æterni, in quo etiam de verbo otioso, minimoque quadrante sumus nostrorum rationem altum præstaturi. Hæc aperta sunt, nec difficultatem ad intelligendum ullam patiuntur.

Symmachus in Epistola VII. Apologetica contra famosum Anastasii Imperatoris libellum: Roma mihi testis est, & scrinia testimonium perhibent, utrum à fide Catholica, quam in sede Beati Apostoli Petri veniens ex Paganitate suscepi, aliqua ex parte deviamerim. Procedat aliquis & qualibet ratione convincat; alioquin convitia sunt ista, non criminum probamenta. Quis porro ita loqueretur, si errare in fide & judicari se non posse crederet? Omnino verba sunt hominis, qui superiorem agnoscit, à quo judicetur. Quinetiam persuasus erat se ipsis Ecclesiæ suæ Conciliis subijci; ut ex Romani Concilii illius, quod de bonis Ecclesiæ non alienandis habuit, capite IV. colligitur: His ergo perpensis, mansuro cum  
32 Dei nostri consideratione decreto sancimus, ut nulli Apostolica Sedis Præsuli, à presenti die, donec disponente Domino Catholica fidei manserit doctrina salutaris, liceat pradium rusticum quantacunque fuerit vel magnitudinis vel exiguitatis, sub perpetua alienatione ad cuiuslibet jura transferre, nec cuiusquam excusetur necessitatis obtentu. Mox in cap. VI. Pari etiam Ecclesiarum per omnes Romanæ civitatis titulos, qui sunt Presbyteri, vel quicunque fuerint, adstringi volumus lege custodes, quia nefas est obligatione, quæ se per charitatem Christi connectit summus Pontifex, ea hominem secundi in Ecclesia ordinis non teneri. Qua igitur Concilii lege Romanæ civitatis Presbyteri constringuntur, eadem & Episcopus constringitur: Atque ita ut Presbyteri Romanæ civitatis, sic & Episcopus, subditi sunt Concilio, quod legem tulit. Relati Canones vel hoc, vel nihil important.

Agapetus Romani Concilii hujus lege teneri se fatetur in Epistola VI. ad Cæsarium Arelatensem Episcopum: Tanta est Deo propitio & ad ea libentissime concedenda, quæ alimoniis proficiunt pauperum, & circa tuæ fraternitatis affectum nostra devotio, ut onerosum nobis nullatenus esse judicemus, quod annui vestris desideriis postulatis. Sed revocant nos veneranda Patrum manifestissima constituta, quibus specialiter prohibemur, prædia juris Ecclesiæ, cui nos omnipotens Dominus præesse constituit, quolibet titulo ad aliena jura transferre. Quæ in re vestra quoque sapientia credimus esse gratissimum, quod IN NULLO CONTRA PRISCÆ DEFINITIONIS CONSTITUTA, VEL REGULAS PRO QUALIBET OCCASIONE,  
33

VEL SUB CUIUSCUNQUE PERSONÆ RESPECTU VENIRE PRÆSUMIMUS. Nec tenacitatis studio, aut secularis utilitatis causa hoc facere nos credatis, sed divini consideratione iudicii NECESSE NOBIS EST, QUIDQUID SYNODALIS DECREVIT AUCTORITAS, INVIOABILITER CUSTODIRE: & postea relatos suprà canones subnectit. An potuit significare manifestius se Romano subijci Concilio? Qui negaret, is vel malitiosè facere, vel Latine non intelligere se proderet.

Gregorius I. in libri II. Indict. x. Epistola xxxvii. ad Natalem Salonitanum Episcopum, quem ob convivia lautiora reprehenderat: Si neque ego ad te, neque tu aliquid pertineres ad me, jure tacere compellerer, ut eum non reprehenderem, quem emendare non possem. Hac ergo sententia (qui non manducat, manducantem non iudicet) solummodo propter eos dicta est, qui illos iudicare student, quorum sibi cura commissa non est. AT POSTQUAM NOS AUCTORE DEO UNUM SUMUS, SI EA, QUÆ NOBIS CORRIGENDA SUNT, TACEMUS, VALDE DELINQUIMUS. Ecce fraternitas tua agere tulit se de conviviis à me esse reprehensam, cum ego, qui etsi hanc non vita, tamen loco transgredior, AB OMNIBUS CORRIPI, AB OMNIBUS EMENDARI PARATUS SIM. Et hunc solum mihi amicum aestimo, per cuius linguam ante apparitionem districti iudicis mea maculis mentis tergo. Bellarminus numquam hocce utetur testimonio, ut probet credidisse Gregorium se Concilio inferiorem non esse.

34 Deinde in libri IV. Epistola xxxviii. ad Joannem Constantinopolitanum Episcopum: Et nos quidem, in quos talis tantæque per ausum nefarium culpa committitur, servamus, quod veritas precepit dicens, si peccaverit in te frater tuus, &c. ego itaque per responsales meos semel & bis verbis humilibus hoc quod in tota Ecclesia peccatur, corripere studui: Nunc per me ipsum scribo; quidquid facere humiliter debui, non omisi: SED SI IN MEA CORREPTIONE DESPICIOR, RESTAT UT ECCLESIAM DEBEAM ADHIBERE; Scilicet ut tribunal Gregorii solius auctoritate potentius & sublimius, id effecturum sit tandem, quod ipse fatetur efficere se non posse.

Denique in libri IX. Epistola xxxii. ad Romanum dafensorem Scilicet: Si sua unicuique Episcopo iurisdictione non servatur, quid aliud agitur, nisi ut PER NOS, PER QUOS ECCLESIASTICUS ORDO CUSTODIRI DEBUI, CONFUNDATUR? Si Romanus Pontifex Ecclesiasticum ordinem custodire debet, & cavere ne confundatur, reus erit, si non custodiat, & caveat ne confundatur: Immo magis reus erit, si confundat ipse, qui custos esse debet. At qui huius ordinis violati reus est, Ecclesiæ subijcitur iudicio.

Bonifacius II. apud Anastasium Sedis Apostolicæ Bibliothecarium: Congregavit Synodum in Basilica Beati Petri Apostoli, & fecit constitutum, ut sibi successorem ordinaret. Quo constituto cum chirographis sacerdotum, & iurejurando ante confessionem Beati Petri Apostoli in Diaconem Vigilium instituit. Eodem tempore facta iterum Synodo, hoc censuerunt sacerdotes omnes PROPTER REVERENTIAM SANCTÆ SEDIS, ET QUIA CONTRA

35 CANONES FUERAT FACTUM, ET QUIA EUM CULPA RESPICIEBAT, UT SUCCESSOREM SIBI CONSTITUERET, IPSE BONIFACIUS REUM SE CONFESSUS EST MAJESTATIS, quod Diaconem Vigilium subscriptione chirographi, ante confessionem Beati Apostoli Petri, constituisset, ac ipsum constitutum in presentia omnium sacerdotum, cleri & Senatus INCENDIO CONSUMPSIT. Qui Pontifex propter violatos Canones reum se majestatis profitetur, is se & Canonibus & Conciliis subiectum palam ostendit. Bonifacius sic affectus & comparatus erat, ut & Curialium omnium commentarios, quibus docetur contrarium, non modò relegasset in librorum prohibitorum indicem, si quis tunc fuisset, sed etiam incendio consumpsisset: Laudasset verò auctores illos, qui secundas illius cogitationes sapientissimas, è cælo missas, & sanctæ Sedis reverentiam in luce totius

Ecclesiæ & in oculis omnium desigentes nobiscum approbarent.

Vigilius in Constituto: Ideoque cum fratres nostri neque exaquo nobiscum numero residere, neque in scriptum, quæ ageremus vel tractaremus, redigi paterentur, tantum (quod absit) non convenientia restitundini loqueremur, quæ scribere timeremus. Idem habetur in collatione II. Synodi V. Ille verò (Vigilius) respondit, non posse una nobiscum convenire, eo quod plurimi quidam hic sunt Orientales, pauci verò cum eo; facere autem per semetipsum in scriptis suam sententiam & offerre piissimo Domino. Vigilius Constantinopoli cum esset, Synodo V. interesse noluit, quia Occidentales Orientalibus non exæquabantur. Orientales aderant multi, Occiden- 36 tales pauci, quorum paucitatem sua se auctoritate tota, quanta eminebat, compensare non posse credebatur; tantum abest ut se supra Synodum esse & Synodi auctoritatem à sua pendere crederet? Quid clarius? Quid evidentiùs? Profectò Vigilius se non minùs, quàm Siricius infra Concilium esse censebat. Sedis Apostolicæ traditio erat, quàm & dictis & factis suis asseruit. Non ignorabat, opinor, se in causa fuisse, cur Bonifacius II. id egerit, quod eum egisse mox retulimus ex Anastasio Sedis Apostolicæ Bibliothecario. Et Synodus ipsa V. potestatem in Vigilium suam exercuit, dum quæ in Constituto docet, & Pontificali ritu ac iudicio vindicat, confixit & abrogavit. In Synodi huius decretum Pelagius II. Gregorius I. Romana in diurno suo, & omnis demum consensit Ecclesia.

Martinus I. in Epistola V. ad Joannem Philadelphiam Episcopum: Impossibile est, inquit, ea contigere vel prætermittere, quæ continentem locum defensionis non habent. Sed omnino in iis, qui libenter peccant, & amant peccare, denegare oportet eam veniam, quæ in huiusmodi lapsibus ex dispensatione datur, neve ipsi propter Canonis contemptum graventur, & nos in culpa simus, injustè agendi, iis licentiam permittentes. DEFENSORES ENIM DIVINORUM CANONUM ET CUSTODES SUMUS; NON PRÆVARICATORES. QUANDOQUIDEM PRÆVARICATORIBUS CONJUNCTÆ MANIFESTO RETRIBUTIONES SUNT. Martinus his postremis verbis inquit se Ecclesiasticæ disciplinæ obnoxium esse; tantum 37 abest, ut ab ea liberum se & immunem putet.

Deinde in Epistola ad Amandum Trajectensem Episcopum scribit duo: Primum quod celebrare Concilium ad reprimendam Monothelitarum hæresim necesse habuerit: Deinde, quod Gallicani antistites facta Synodo Synodum à se factam confirmant. IDEO, inquit, NECESSE HABUIMUS, ne pro quadam negligentia & animarum detrimento, quæ nobis commissa sunt, culpa reatu adstringamur, cætum generale fratrum & Coepiscoporum nostrorum in hac Romana civitate congregare, in quorum presentia memoratorum hæreticorum scelerosa conscripta examinata atque denudata sunt, Apostolicæque mucrone, Patrumque definitionibus uno ore, unoque spiritu condemnavimus, ut cognoscentes universi errorem, qui in eis continetur, eorum pollutione nullatenus maculentur. Unde prævidimus volumina gestorum Synodali in presenti vobis dirigere unà cum Encyclia nostra: Ex quorum serie omnia subtiliter potestis addiscere, & tenebras illorum nobiscum ut filii lucis extinguere. Idcirco studeat fraternitas tua omnibus eadem immoescere; ut tam abominandam hæresim NOBISCUM execrentur, quàmque suæ salutis Sacramenta addiscere valeant, atque Synodali conventionem omnium fratrum, & Coepiscoporum nostrorum partium illarum effecta, secundum tenorem encycliæ à nobis directæ scripta unà cum subscriptionibus vestris nobismet destinanda concelebrent, CONFIRMANTES ET CONSENTIENTES EIS, quæ pro orthodoxa fide, & destructione hæreticorum vasa nuper exorta à nobis statuta sunt. Aucto- 38 ritas hæc in libris quos Bellarminus de Conciliis & Conciliorum confirmatione scripsit, reperietur nusquam: Et quare non reperiat, ipsa auctoritatis huius lectio docebit.



Zacharias in Epistola 1. ad Bonifacium Archiepiscopum capite v. De illo namque, qui viduam avunculi sui, quæ & ipsa fuit uxor consobrii sui & sacrum velamen habere monstrata est, & à beata memoria prædecessore nostro sibi licentiam concessam esse divulgavit, ut eam in pernicioso matrimonio assumere debuisset, ABSIT, UT HOC PRÆDECESSOR NOSTER ITA CREDATUR PRÆCEPISSE. NEC ENIM AB HAC APOSTOLICA SEDE ILLA DIRIGUNTUR, QUÆ CONTRARIA ESSE PATRUM SIVE CANONUM INSTITUTIS INVENIRENTUR. In Tomo I. Conciliorum Gall. O egregiam profecto falsitatis notam, quæ ita exprimitur! Hoc vel illud rescriptum aut privilegium institutis Patrum & Canonibus adversatur, ergo non est ab Apostolica Sede concessum. Sic Zacharias & per Zachariam Sedes Apostolica philosophari nos docet, methodo quidem sanctâ, non profanâ illâ Aristotelicâ, quam Patres identidem reprobarunt, ut in libro de varia Aristotelis fortuna demonstravi.

Leo III. in Dialogo qui inscribitur, *Ratio habita de Symbolo fidei in Secretario Sancti Petri Apostoli inter Leonem Papam & Bernardum atque Jesse, seu Adalardum, missos Caroli Imperatoris*, contendentes, ut Symbolo Romæ decantari solito particula filiôque adderetur; *Missi. Nunquid non bene idem tunc auctores (Constantinopolitani Concilii I. Patres) fecissent, si quatuor tantum addendo syllabas tam pernecessarium fidei Sacramentum, cunctis deinceps saculis perspicuum redderetur Papa. Sicut non audeo dicere, non bene fecisse, si fecissent, quia proculdubio sicut cætera, quæ vel omiserunt scientes trique, & non tam humana, quàm divina illuminati sapientia fecerunt: Ita quoque non audeo dicere, istud eos nobis minus intellexisse, perpendisse, cur dimiserunt, vel cur dimissum, ne ultra mitteretur, sicut & cætera, prohibere. Tu et tu videte, quid sentiat de vobis. Nam et ego me illis, non dico præferam, sed illud etiam absit nobis, ut coequare præsumam.* Leo III. ut Siricius loquitur, proferre non dubitat, se infra Concilium esse. Quandoquidem nunc non audeat de facto Concilii pronunciare; nunc dicit, ego me Concilio non præfero, sed illud etiam absit, ut Concilio coequare me præsumam. Hic pro Leone & pro me, qui eum comitabor semper, ab Romanis censoribus omnia metuo.

Leo IV. in Epistola ad gentis Britannicæ Episcopos respondet, se non posse mutare pœnam, quam Concilia Simoniacis imponunt. *Non penitentia illis possumus subvenire, & tantis spiritualibus Patribus obviare, qui videntur. Sic asserere non dubitat se Concilii inferiorem esse.*

Nicolaus I. in Epistola xxxii. ad Episcopos Silvanectensis Concilii: *Ceterum de Balduino, de quo multa jam scripsisti, sciât beatitudo vestra nos non regulas atque sancta decreta velle corrumpere, quibus ab uno Episcopo excommunicatus, ne ab alio recipiatur Episcopo, prohibitum est.* Sic Nicænam Synodum decrevisse noverat. Quæ & id decreverat secuta traditionem Apostolicam, cujus exemplum est illustre apud Epiphanium in hæresi xlii. Marcionistarum. Marcioni, qui fuerat à parente suo Episcopo communionem privatus, communionem ab Romana Ecclesia petenti responsum est: Nos in jussu venerandi Patris tui facere illud non possumus, una si quidem fides, animorum una consensus: Neque contra spectatissimum collegam Patrem tuum quidquam moliri possumus.

Hadrianus II. in Epistola xxvii. ad Carolum Calvum Regem: *Sed de his nihil audent judicare, quod possit Nicæno Concilio et quinque cæterorum Conciliorum regulis vel decretis nostrorum antecessorum obviare.* Quoniam verò Hadrianus se Canonibus Conciliorum agnoscebat subditum, adversus Conciliorum Canones quidquam judicare non audebat. Hæc est certa ratio, quæ ex Sedis Apostolicæ traditione

proficiscitur, & eam ob causam omnium gentium linguis prædicanda est, & semper prædicabitur, etiam si Romani censores prohiberent.

Joannes VIII. in Epistola cccxxxi. ad Carolum Regem: *De cætero autem hoc est de Mediolanensi Archiepiscopatu, ô fili carissime, sicut nobis nunc mandasti, ut Anspertum Archiepiscopum, quem in Synodo pro nonnullis suis negligentibus & presumptionibus judicavimus, reconciliare deberemus. Quod equidem nos pro vestro amore, alacriter omnino perficeremus, si sententia damnationis quam in eundem Archiepiscopum protulimus, sub tenore aliquo fuisset prolata. Dicitur enim, tandiu eum fore ab honore & ministerio sacerdotali suspensum, donec auctore Deo suam specialem nobis ad satisfactionem exhiberet presentiam, & quia Ecclesia Dei privilegium nos decet immutatum solemniter conservare, ne in aliquo Patrum terminos præterire videamur, contra statuta majorum agere nequimus.* Ingenua est Pontificis & per Pontificem Sedis Apostolicæ confessio, cujus ante annos sat multos idoneus & locuples testis fuerat Siricius.

Silvester II. in Epistola cxlv. ad Parisiensem Episcopum: *Esti omnis Ecclesia Catholica una atque eadem est, singulis tamen sacerdotibus modus quidam præscriptus est, quo se extendere, ubi terminos debeant collocare. Itaque in causa Roberti Abbatis ob eam, quam servamus, ac semper vobis servare volumus fidem, hæc tria consultando proponimus: PRIMUM NON ESSE NOSRI JURIS FALCEM IN MESSEM ALIENAM PONERE, Pontifex etuditus noverat Ecclesiam non absolutâ auctoritate, sed Canonibus regendam esse, & in Canonibus unicuique Episcopo limites præstitutos esse.*

Deinde in Epistola ad Wilderodum Argentinensem Episcopum: *Quomodo mansuras in æternum leges trecenti decem & octo Patres constituerunt, si horum constituta ad unius libitum permutantur, aut perimantur? Sic argumentatur ex Leonis I. testimonio, quod supra relatum est.*

Denique in Epistola ad Seguinum Senonensem Archiepiscopum: *CONSTANTER DICO, QUOD SI IPSE ROMANUS EPISCOPUS IN FRATREM PECCAVIT, SÆPIUSQUE ADMONITUS ECCLESIAM NON AUDIERIT, HIC, INQUAM, ROMANUS EPISCOPUS PRÆCEPTO DEI EST HABENDUS Sicut ETHNICUS ET PUBLICANUS. Quanto enim gradus altior, tanto ruina gravior est. Hæc autem Silvester revocavit nusquam, quia nimis aperta traditione constabant.*

Gregorius VII. in libri ii. Epistola l. ad Sancium Aragoniæ Regem: *De quorum vita & conversatione eum interrogantes, alia omnia præterquam quod de concubinis nati erant, bona satis & honesta accepimus. Et quia venerandi CANONES ad sacerdotii gradum tales provehî contradicunt, PROBARE EOS NON SATIS CAUTUM FORE PUTAVIMUS, NE QUICQUAM A NOBIS CONTRARIUM SS. PATRIBUS IN EXEMPLUM ET AUCTORITATEM POSTERIS RELINQUATUR. SOLET ENIM SANCTA ET APOSTOLICA SEDES PLERAQUE CONSIDERATA RATIONE TOLERARE, SED NUNQUAM IN SUI DECRETIS ET CONSTITUTIONIBUS A CONCORDIA CANONICÆ TRADITIONIS DISCEDERE. Vix testari potuit manifestius, se sacris subijci Canonibus, & iis, non verò absoluta auctoritate, regendam esse Ecclesiam. Porro autem Gregorius & Sedem Apostolicam & illius partes non obscure describit. Ab illo discat qui nescit. Pontifex est, qui docet, & cui nemo hætenus minutæ potestatis dicam impexit: De aucta potius, quàm de minuta potestate accusatur. Gregorii VII. testimonium hac in parte omni exceptione majus est. Me ab illo Romani Censores divellent nunquam: Assertæ Romanæ Sedis à Pontifice tanto traditioni immoriar.*

Gelasius II. in Epistola i. ad Archiepiscopos, Episcopos, Abbates, Clericos, & Principes Galliæ: *De controversia, qua inter Ecclesiam & regnum est, vel conventioni*

ventioni vel iustitiæ libenter acquiescimus loco & tempore competenti, videlicet Mediolani vel Cremona in proxima Beati Luca solemnitate fratrum nostrorum iudicio, qui à Deo iudices sunt constituti, & sine quibus hæc causa tractari non potest. Pontifex sibi sumit duo, primum Episcopos à Deo iudices, ac proinde non à se constitutos esse iudices, divino videlicet jure potestatem habere judicandi; deinde causam, quæ attinebat Ecclesiam, sine Concilio Episcoporum tractari non posse. Ex his autem duobus facile colligitur Gelasium in ea fuisse sententia, ut crederet, auctoritatem in Concilio Episcoporum, quam in solo Pontifice residere majorem, & erratum se esse, si sine Episcoporum Concilio causam, cujus meminit, tractaret.

Eugenius III. in Epistola VIII. ad Episcopos Germaniæ: Nos enim siquid de supradicto fratre nostro facere nititur, videremus ratione fulciri, nec voluntati ejus, nec postulationi vestræ duceremus aliquatenus obviandum. CONTRA DEUM AUTEM ET SACRORUM CANONUM SANCTIONES NULLI OMNINO PETITIONI POSSUMUS PRÆBERE CONSENSUM. Hoc, non possumus, ad duo illa, CONTRA DEUM, ET SACRORUM CANONUM SANCTIONES retrahitur ac determinatur: Ut CONTRA DEUM, quia Pontifex ei subicitur, sic & CONTRA SACRORUM CANONUM SANCTIONES, quia eis quoque Pontifex subicitur, consensum præbere non potest. De Eugenio rem memoratu dignissimam Otto Frisingensis narrat in libri I. de gestis Friderici capite LXII. Dum ita per aliquot dies jam sæpe dictus Episcopus (Pictaviensis Gilbertus Porretanus) coram Summo Pontifice (Eugenio III.) de fide sua in civitate Parisiis discuteretur, sentiens UT POTE CAUTUS ET RELIGIOSUS causa difficultatem, protelandam eam usque ad Concilium universale adjudicavit. Erat enim in proxima mediana quadragesima Dominica apud Galliarum metropolim Remis generale indictum Consilium. Verba hæc, UT POTE CAUTUS ET RELIGIOSUS DIFFICILEM CAUSAM AD UNIVERSALE REMISIT CONCILIUM, important ni fallor duo, quæ jam non semel observavimus: Primum divinam prorsus lectionem continet, audiet & docebitur qui voluerit. Deinde epitheta duo illa, cautus & religiosus, quò pertineant, sentiendo magis, quam narrando explicari potest. Hinc credidit decessoris sui Innocentii II. constitutionem, qua absolutionem ab homicidio clericorum Sedi Apostolicæ reservaverat, nec ratam fore nec fixam, nisi generalis Concilii hujus auctoritate & Canone firmaretur. Reservatio hæc firmata est Canone XIII. qui sic se habet: Præsentis scripti serie statuta prædecessoris nostri felicitis memoria Papæ Innocentii confirmantes decernimus, ut siquis suadente Diabolo tanti sacrilegii reatum incurrerit, quod in Clericum vel Monachum violentas manus mittat, anathemati subiaceat, & nullus Episcoporum illum præsumat absolvere, nisi mortis urgente periculo, donec Apostolico conspectui præsentetur, & ejus mandatum suscipiat. Cur quæso? nisi quod Eugenius Remensis Concilii auctoritatem Innocentii II. auctoritate majorem crederet, nec absoluta potestate, sed Canone regendam esse Ecclesiam judicaret. Quare in Epistola x. ad Arnoldum Coloniensem Episcopum scribit: Apostolicam providentiam secundum sacrorum Canonum institutiones universas regere Ecclesias.

Alexander III. in eadem cum Eugenio III. sententia fuit. Nam in lib. v. decret. tit. xxxix. de Sent. excomm. cap. v. non Innocentii II. sed Concilii decretum laudat: Non dubium est, inquit, quod siqui violentas manus in Clericos vel Canonicos, aut cujusvis religionis conversos injiciunt, ex constitutione CONCILII sententiam excommunicationis incurrunt, nec nisi in articulo mortis sine Romano Pontifice absolutionis possunt beneficium impetrare. Alexander hoc ita facere nec potuit, nec debuit, nisi Concilium quo de agitur, potestatem Innocentio majorem habuisse crediderit: Tergiversabitur, ut apparet, & hodiernis Curie placitis occupabitur qui negabit.

Innocentius III. in libri III. Regest. xv. Epistola CIV. ad Philippum Augustum, qui divortium inter se & Reginam fieri postulabat: SI SUPER HOC ABSQUE GENERALI DELIBERATIONE CONCILII determinare aliquid tentavimus, præter divinam offensam & mundanam infamiam, quam ex eo possemus incurrere, 46 FORSAN ORDINIS ET OFFICII NOSTRI PERICULUM IMMINERET, cum contra præmissam veritatis sententiam (quod Deus conjunxit, homo non separet) nostra non possit auctoritas dispensare. In his verbis dogmata connectit duo, potestatem se Concilio minorem habere, & non errandi privilegio se carere, quæ Concilio tribuit. Innocentius, cum adhuc esset Lotharius, doctrinam hanc à Parisiensibus magistris quorum discipulus fuerat, accepit, & Parisienses à Sede Apostolica per incorruptam traditionem acceperant. Censores Curie hoc si semel capiant, capti sunt; si non capiant, nulli, quia seorsum ab Sede Apostolica, cui immobiliter adhæremus, sapient.

Gregorius IX. tit. vi. cap. LVII. de iis, quæ in electione attentantur contra formam Concilii: Neque credendum est Romanum Pontificem (qui jura tuetur) quod aliàs excogitatum est multis vigilis & inventum, uno verbo subvertere voluisse. Injuriam ergo facit Sedi Apostolicæ, qui putat Romanum Pontificem velle subvertere Canones, qui, ut aiunt ipsi Pontifices, Spiritus Dei conditi & totius mundi reverentia consecrati sunt. Quare Gregorius dum Rege & Regina postulantibus, vetustas consuetudines Armeniæ confirmat, non omnes utique confirmat, sed eas tantum, quæ SANCTORUM PATRUM REGULIS MINIME CONTRADICUNT, ET CANONICIS NON OBIANT INSTITUTIS. Apud Odoric. Raynal. tom. XIII. Eccl. Annalium. Hæc est Sedis Apostolicæ traditio, quam diligentissime sequitur & servat Gregorius.

Clemens IV. in diplomate, quo privilegia militum Hospitalis S. Lazari Hierosolymitani confirmat, § IX. Addiscimus insuper, ut si eorumdem fratrum, qui ad easdem fraternitates missi fuerint, vel collectas in quamlibet civitatem, aut castellum, vel vicum, aut alium locum devenerint, si forte locus ille fuerit divinis officiis interdictus, in eorum jucundo adventu semel aperta Ecclesia annuatim excommunicatis & semel interdictis exclusis, divina ibi officia celebrentur, SALVA IN OMNIBUS SUPRADICTA DECLARATIONE CONCILII GENERALIS.

Joannes XXII. in diplomate, quo Monachorum Beatæ Mariæ Montis Oliveti congregationem approbat: Eapropter, inquit, dilecti in Christo filii, vestris justis postulationibus grato concurrentes assensu, personas vestras, & locum, in quo divino estis obsequio mancipati, cum omnibus bonis, quæ impresentiarum rationabiliter possidetis, aut in futurum justis modis præstante Domino poteritis adipisci, sub Beati Petri & nostra protectione suscipimus, specialiter autem decimas, grangias, curtes, terras, &c. SALVA IN PRÆDICTIS DECIMIS MODERATIONE CONCILII GENERALIS.

Joannes XXII. loquitur ut Clemens IV. & eam ob causam uterque eodem modo intelligendus est. Adde quod loquendi formula hæc, salva Concilii generalis declaratione vel moderatione, perinde se habet, atque formula hæc alia, salva Sedis Apostolicæ auctoritate; qua qui utitur, rem de qua est quæstio, Apostolicæ Sedi subiectam esse significat. Clemens igitur & Joannes Concilii generalis auctoritatem suâ majorem agnoscunt, & in Romanæ Ecclesiæ traditione perseverant.

Martinus V. non verbo tantum, sed etiam opere, Constantiensi Concilio subiectum se esse demonstravit. Nam paruit Concilio in cap. Frequens, statuenti, ut post quinquennium universalis Synodus Papiæ celebraretur. Quinetiam in ipsa sessione XLIV. paruit, cum in antecessum universalem Synodum Papiæ indixit. Martinus Episcopus servus servorum Dei ad futuram rei memoriam. Cupientes ac volentes decreto hujus Concilii generalis



generalis satisfacere inter alia disponenti, quod omnimodo generalia Concilia celebrentur in loco, quem Summus Pontifex per mensem ante finem hujus Concilii approbante, & consentiente Concilio deputare & designare teneatur, pro loco dicti proxime futuri Concilii celebrandi supradicti, eodem consentiente & approbante Concilio, civitatem Papiensem tenore presentium deputamus & etiam designamus: &c. Martinus satisfacit, & paret decreto, quod Concilium abdicatis tribus Pontificibus, & antequam ipse eligeretur, conditum fuerat.

Eugenius IV. in Epistola, quam ad Fridericum Romanorum Principem scribit, Constantiensi Concilio ingenuè se fatetur obnoxium: Concilium, inquit, generale Constantiense, decretum, Frequens ac alia ejus decreta, sicut & cetera Concilia Catholicam militantem Ecclesiam representantia, ipsorum potestatem, auctoritatem, honorem, eminentiam, sicut & ceteri antecessores nostri à quorum vestigiis deviare nequaquam intendimus, suscipimus, amplectimur, & veneramur. Apud Odor. Raynald. tom. XVIII. Eccles. Annal. ad annum M. CCCC. XLVII. His autem verbis clarius non esset id, quod radiis solaribus describeretur.

Pius IV. in forma juramenti fidei, cum ita scribit: Injunctum nobis Apostolica servitutis officium, requirit, ut ea, quæ Dominus omnipotens ad providam Ecclesiæ suæ directionem sanctis Patribus in nomine suo congregatis divinitus inspirare dignatus est, ad ejus laudem & gloriam incunctanter exequi properemus. Et primum quidem non Romanis Pontificibus decessoribus suis, sed omnipotenti Deo acceptum refert, quidquid sancti Patres ad providam Ecclesiæ directionem sanxerunt. Qua in re videtur Parisiensem quandam articulum, qui anno M. CCCC. XXIX. editus est, exprimere. Articulus sic se habet: *Quandocunque in aliquo Concilio aliqua instituuntur, tota auctoritas dans vigorem statutis, residet non in solo Summo Pontifice, sed principaliter in Spiritu sancto & Ecclesia Catholica.* Deinde eorum quæ à Concilio definita sunt, executionem se facit. Ex his autem duobus potest colligi, Pium subjici Concilio, non Concilium Pio subjici, nisi fortè quoad executionem: Quo pacto cæteris Episcopis subjicitur.

Pius V. non revocavit approbationem, quæ cum esset Michael Cardinalis Alexandrinus, communiit Cardinalis alterius Clementis Moniliani Theologica-rum Institutionum Compendium, in cujus capite XIX. traditur. Conciliorum celebratio valet ad quinque. Et post alia: *Secundò valet ad firmiorem & faciliorem elucidationem veritatis in dubiis, &c. Quartò valet ad refranandum exorbitantias quorundam Pontificum, qui munus sacrum, aut spretis Sanctorum Patrum regulis pro voluntate exercent, aut simoniaca pravitate debonestant, aut saculi vanitate, aut vita scandalosa confundunt.* Hujus rei causa congregatum legitur Concilium Episcoporum Italiae Romæ per Imperatorem contra Joannem Papam XII. qui venator lubricus & publicus erat & incorrigibilis. Doctrina hæc Pio V. jure tribui potest, quia illam approbando suam fecit & postea quam ita fecit suam, nusquam revocandam esse duxit.

Pius retenta antiquitate suppressit novitatem, quam Cajetanus & quidam alii suo tempore in Romanam Ecclesiam inducere voluerunt. Hoc observasse, diluisse est, quidquid Bellarminus & ejus sectatores ex sessione II. Lateranensis Concilii, quod Leo X. habuit, proponunt. Huc spectant Romani Pontifices duo, Celestinus I. & Sixtus III. ille in Epistola ad Episcopos Galliarum de Beati Augustini doctrina: *Desinat incessere novitas vetustatem:* Hic in Epistola ad Joannem Antiochenum Episcopum: *Nihil ultra liceat novitati, quia nihil adjici convenit vetustati.* Perspicua majorum fides & credulitas nullâ cœni permixtione turbetur.

His adjungendus est Pius II. qui in retractationis

suæ diplomate opinionem, quæ Concilium supra Pontificem statuit, antiquam nominat, & novam aliam, quæ Pontificem supra Concilium ponit. *Tuebamur* (inquit Pius) *antiquam sententiam, ille (Julianus) novam defendebat.* Extollebamus generalis Concilii auctoritatem, ille Apostolica Sedis potestatem magnopere commendabat.

XV Et quamquam illa omnia Romanorum Pontificum testimonia, quæ retulimus, ad intelligendam Concilii Capuensis historiam non requiruntur, à proposito tamen non abhorrent. Nam eo retulimus consilio, ut planè liqueret, Sedem Apostolicam (quæ propria laus ejus est) nullo unquam tempore recessisse ab illa doctrina & disciplina, quam Siricius Anysio Thessalonicensi & aliis antistitibus expoluit; nam si quando recessit, id obreptione contigisse confirmant Gregorius VII. & Beatus Bernardus: Ille in libri IX. Epistol. XXXI. ad Aganonem Eduensem Episcopum: *Noverit itaque prudentia tua, quia multa tanquam à nobis deferuntur & dicta & scripta nobis nescientibus: Multa enim subripi possunt, nimis ad singula intentis, utpote divisis ad plurima, & intentis ad maxima, quibus vehementer arctamur.* Unde in hac causa, quod profectò minimè recordamur, si quid fortè subreptum fuit, optat magis animus corrigere, quam ab aequitate & rationis tramite deviare, vel aliis corrigenda relinquere. Hic in Epistola CLXXX. ad Innocentium II. *Hoc solet habere præcipuum Sedes Apostolica, ut non pigeat revocare, quod à se fortè deprehenderit fraude elicitum, non veritate promeritum.* Res plena aequitate & laude digna, ut de mendacio nemo lucretur, præsertim apud sanctam & summam Sedem. Quid ita? nempe quia ROMANUS PONTIFEX NON IN DESTRUCTIONEM PATERNÆ SENTENTIÆ, SED POTIUS 32 IN DEFENSIONEM ATQUE ULTIONEM PRIMAM ACCEPIT ET MAXIMAM POTESTATEM. Facundus Hermianensis Episcopus in libri II. capite VI.

Præterea Bellarminus & alii recentibus Curiae placitis imbuti Doctores, qui de Romani Pontificis auctoritate ingentes ediderunt commentarios, relata testimonia vel omnia vel certè pleraque silentio prætermittunt. Res est profectò, cui nunquam adscribetur bonum factum. Siquidem illa testimonia, quod secum ipsi sæpius recolerent homines, eò æquiore animo Pontificum DECRETA DE ECCLESIASTICIS ORDINIBUS, ET CANONUM PROMULGATA DISCIPLINIS, ut Leo loquitur, amplecterentur, & majori consolatione perficerent.

Neque verò Doctores illi & Inquisitores Curiae tot & tantas Pontificum auctoritates prætereunt, sed & libros, in quibus pro sedis Apostolicæ defensione similes auctoritates colliguntur fere innumeræ, prohibitorio indici assignant, in publicam ejusdem Sedis offensionem, ut & in publicum Decalogi contemptum assignarunt olim Parisiense Senatusconsultum, quo Joannes Chastellus parricida damnatus est. Sed quoniam hæc clam Sancta Sede contigerunt, detrimentum illi nullum apud pios & cordatos homines important.

I. Superest modò ut expediamus Carthaginienſe Concilium, cujus quadragesimus octavus canon est hic: *Illud autem suggerimus mandatum nobis, quod etiam in Capuensi plenaria Synodo videtur statutum, ut non liceat fieri rebaptizationes, reordinationes, vel translationes Episcoporum.* Hic Africano loquendi more Capuensis Synodus vocatur plenaria, non quòd ad eam ex toto orbe Christiano, sed quòd ex pluribus provinciis antistites concurrerint. Adfuerunt ex diocesi Orientis Evagrius & antistites, qui partes illius sequebantur; suppeditavit alios Italia, regiones suburbicariæ, Sicilia, & adjacentes Provinciæ. Ambrosius Capuensem Synodum semel atque iterum dicit, sed plenariam vel universalem non dicit. Siricius Papa Capuensis Concilii semel, Synodi sexies meminit, sed Concilii, seu Synodi plenariæ vel universalis non meminit, etiamſi

tiam si meminisse debuerit, cum ex aliis, tum ex eo quoque, quod Concilio huic & delegatis ab eo iudicibus potestatem sua maiorem esse scripserit, & pluribus confirmaverit.

II. Deinde Ambrosius in sua ad Theophilum Epistola, quam retulimus, aperte significat Capuensem Synodum nonnullos edidisse Canones, *salvis Nicæni Concilii, & Synodi Capuensis statutis*. Sed quinam sint illi Canones, seu statuta, non commemorat, sed Carthaginienſe Concilium, & insuper ad capita reducit tria; rebaptizationes, reordinationes, translationes Episcoporum: Hi Canones & maximè, qui de iteratis ordinationibus & de translationibus Episcoporum sanciti erant, ad Flaviani & Evagrii causam spectabant. Unde Capuensis Synodus apud Ambrosium Theophilo injunxerat, ut causam illam iudicaret *salvis Capuensis Synodi statutis*. Sic asserenda unius, & rescindenda erat alterius ordinatio, ne si uterque rectè ordinatus iudicaretur, alteruter in aliam transferendus esset Ecclesiam. Quod & Nicænæ Synodi Canone xv. & Capuensis Concilii statuto vetitum erat.

III. Evagrii periclitabatur ordinatio, si verum est, quod Theodoretus de illius ordinatione narrat. Theodoretus verba jam retuli, & illa suo loco possunt expendi. Baronius Theodoretum Flaviano nimium favisse contendit, sed id minimè probat. Baronius ipse Flaviano nimium adversatur, cum in Beati Ambrosii vita tradit, Socratem in libri v. capite xv. de Siricio & Theodosio

scripsisse, quæ non scripsit. Baronii verba sunt: *Scripturæ ea de re Siricius Papa ad Theodosium Imperatorem, cuius præsidio fultus Flavianus Episcopale iudicium contemnere videbatur*. Ad marginem citat Socratem ut dicti huius auctorem, apud quem altum est silentium, ut de Socrate supra relato potest observari.

IV. Hinc opinor Ambrosius, Evagrii, quem Romana Ecclesia pro legitimo Episcopo habuerat, ordinationem cum periclitari cerneret, apud Theophilum agit, ut de suo iudicio Romanam ad Ecclesiam referat: Quo modo Romana eadem Ecclesia consulere rebus suis poterat, si quod iudicaturus erat Theophilus, comprobaret.

V. Capuensis Synodus rebaptizare vetuit, & fortassis ideo vetuit, quod in locis Episcoporum, qui convenerant, non omnes Arelatensis Concilii Canonum viderent, vel quod illis nova quædam iterandi Baptismi ratio appareret, & illi sine Canone Baptismum iterarent. Fuerunt semper in Ecclesia, qui auctoritate, non jure multa fecerint.

VI. An autem Canones relatis plures à Capuana Synodo conditi fuerint, nescitur: Nam de pluribus sine veterum testimonio pronuntiare non licet.

VII. De reliquo quid dicam amplius, nihil mihi occurrit. Sed nisi desiderii tui expectationem omnem expleverim, argumenta saltem præbui, in quæ curiositatem & diligentiam tuam exerceas. Vale. Lutetiae Paris. 111. Calend. Sextiles ann M. DC. LXIV.

# Joannes Launoïus

## LUDOVICO CUSINO

### Nummariorum fudicum Præsidi.

**P**RÆDICAS, nec immeritò, traditionem illam Apostolicam, qua Pius I. & Romanus Clerus Marcioni à cœtu Christianorum segregato, sine segregantis Episcopi arbitrio communionem dare non posse, semel atque iterum, constanter affirmarunt. Sed quæris, num traditio hæc per Ecclesias omnes diu multumque observata fuerit. Quæstionem scitu difficilem proponis. Quis enim respondendo tibi per singulas iret Ecclesias? De Romana tibi respondere possum: Cum de illa, quæ cæterarum exemplum esse debet, responderim, de cæteris erit, quod bene vel malè sentias: Bene quidem, si sese ad Romanam conformaverint, malè verò, si ab Romana deflexerint. Et quoniam Romana Ecclesia cæterarum exemplum esse debet, mihi visum est pretium curæ, ipsam referre Marcionis historiam, qua jam inde à principio religionis sanctæ derivata traditio primùm consignatur, vel eam certè primùm consignatam reperio. Est autem talis apud Epiphanium, ut à majoribus acceperat, in hæresi XLII. Marcionistarum.

Marcion fuit genere Ponticus, parente natus Catholicae communionis Episcopo. Postea cum virginem quandam adamasset, ac fraudibus pellexisset, ab ipse vitæ celestis illam iuxta ac semetipsum dejecit. Ob hunc igitur incestum Ecclesia ab ipso parente pulsus est, viro cum primis religioso, ac veritatis amore flagrantissimo, & in hac Episcopalis muneris administratione, præstanti. Cui cum Marcion diu multumque supplicasset, ac penitentiam postulasset, hanc à patre precibus nullis obtinuit. Vehementem siquidem ex ea re dolorem optimus senex Episco-

pus ceperat, quod non ille solum excidisset, sed & ignominiam sibi ac dedecus imposuisset. Ergo ubi se nullis artibus eblandiri posse quod ceperat, animadvertit, popularium suorum probra & ludibria non sustinens, clam ab oppido secessit, ac Romam post Hygini Papæ obitum sese contulit, qui à Petro Pauloque Apostolis novus Ecclesiæ præfuerat. EO STATIM ATQUE PERVENIT MARCION, ad SENIORES ADIENS, QUI AB APOSTOLORUM DISCIPULIS EDOCTI SUPERERANT, UT IN COMMUNIONEM ADMITTERETUR, FRUSTRA AB IIS PETIIT. Quamobrem exstimulatus invidia, quod non principem illic locum, ac ne Ecclesia quidem aditum impetrasset, ad impostoris Cerdonis hæresim confugere in animum induxit. Tum ab ipso principio, ipsique, ut ita dixerim, quæstionum foribus exorsus, Presbyteris, qui tunc temporis erant, cepit proponere: Cedo, inquit, quid hoc tibi vult: Non mittunt novum vinum in utres veteres, neque commissuram panni rudis in vestimentum vetus, alioqui tollit plenitudinem, neque veteri congruet: Major enim scissura fit. Quid candidi & sanctissimi Dei Ecclesiæ Presbyteri & Doctores audientes, hunc in modum respondebant: Fili, veteres illi utres nihil aliud sunt, quam Phariseorum scribarumque corda, quæ peccatis inveteraverant, nec Evangelii doctrinam admiserant, eodemque vinctus illud vestimentum pertinet. Cujusmodi Judas extitit, qui in avaritiæ tanquam virtutis quadam absoleverat, neque novi ac sanctissimi celestisque mysterii predicationem accepit, tamen ad undecim Apostolos esset aggregatus, & ab ipso Domino vocatus: Ex quo majorem scissuram, non alio quam ipse vel auctore sibi conscivit; Propterea quod ejus animus cæcatus his opibus ac fastu-



fluxaque hominum amicitia ac spe, voluptatēque contem-  
ptis, nequaquam se caelestem ad spem ac futurorum bono-  
rum rationem accommodaverat. Adhuc contradicere  
Marcion, ac longè secus id habere se dicere, pro eo quod  
admittere sese detrectassent: Quare palam eos alloquens,  
cur me, inquit, recipere noluisitis? Respondere illi: Nos  
INJUSSU VENERANDI PATRIS TUI FACERE IL-  
LUD NON POSSUMUS. *Ὁν ἡ συνάξις ἀνέειπε καὶ ἐμὴν ὁμολογίαν  
τὴν πρὸς τὸν πατέρα καὶ τὸν υἱόν.* UNA SIQUIDEM FIDES  
ET ANIMORUM UNA CONSENSIO: NEQUE CON-  
TRA SPCTATISSIMUM COLLEGAM PATREM TU-  
UM QUIDQUAM MOLIRI POSSUMUS. *Ὁν συνάξις  
ἐκαστοῦ τῶν καλῶν συνειρηγῶν, πατέρι ὃ σφ.* At ille  
vehementius exandescens, & superbia invidiæque perci-  
tus schisma conflagravit, ac privatam hæresim architectatus est,  
& Ecclesiam, ait, vestram ego dissociabo, in eamque schisma  
sempiternum immittam.

In narratione hac locus est, ex quo Apostolica  
non operosè colligitur traditio. Eo (Romam) statim  
ac pervenit Marcion, ad seniores adiens, qui ab Apo-  
stolorum discipulis edocti supererant, ut in communionem  
admitteretur, frustra ab eis petiit. Igitur qui excom-  
municato Marcioni communionem denegarunt Roma-  
nam, ab Apostolorum Discipulis cum edocti fuerint,  
hos de familiaribus Apostolorum institutionibus &  
præceptis edoctos fuisse necesse est; alioqui nunquam  
sic abicisè dixissent Marcioni: Nos injussu venerandi  
patris tui facere illud, (quod petis) non possumus: Contra  
spectatissimum Patrem tuum quidquam moliri non possu-  
mus. Res erat, in qua Romani Pontificis fancebatur  
auctoritas. Hanc autem discipulos Apostolorum &  
eos, qui ab his eruditi fuerant, neglexisse, sciens &  
prudens asseverabit nemo. Romana Sedes quæ sua  
sunt, quæ Petri, summæ semper curæ habuit. Inven-  
ti sunt illis temporibus, qui eam de agenda dig-  
nitate sua nonnihil accusarint; qui de minuenda que-  
relas instituerint, inventi non sunt. Liberius in Epi-  
stola ad Imperatorem Constantium religiose pronun-  
tiat: Nunquam mea statuta, sed Apostolica ut essent sem-  
per firmata, & custodita, perfeci; secutus morem, ordi-  
nemque majorum nihil addidi Episcopatu urbis Romæ,  
nihil minus passus sum.

His accedunt quod seniores ab Apostolorum disci-  
pulis edocti factam Marcioni responsum scripturis  
confirmant: Respondere illi; Nos injussu venerandi patris  
tui facere illud non possumus: UNA SIQUIDEM FIDES,  
ET ANIMORUM UNA CONSENSIO. Hoc ipsum  
Alexander Alexandria Episcopus assumit sibi, scribens  
ad ministros omnes Ecclesiæ: Cum in sacris literis sit u-  
num corpus Ecclesiæ Catholica nobis traditum, & præce-  
ptum, ut concordia ac pacis vinculum firmum teneamus,  
consentaneum est, uti per literas colloquamur inter nos,  
aliique alios mutuo de rebus, quæ apud singulos geruntur,  
certiores faciamus, quod siue unum ex membris patitur  
siue letatur, nos inter nos vel patiamur unâ, vel unâ  
latemur: Apud Socratem in libri I Hist. capite III.  
Hæc est Apostolicæ traditionis confirmatio, qua nec  
major dari potest nec augustior.

Cum verò Pius & Romanus Clerus Marcioni re-  
spondent, se sine parentis Episcopi arbitrio, commu-  
nionem illi restituere non posse, unâ significant illam  
restituere se posse, si parens Episcopus assentiretur.  
Quocirca si quando Romæ Marcioni restituta est  
communio, parente Episcopo consentiente restituta  
est. Hinc efficitur, ut frustra quis objiceret, quæ  
de Marcione Tertullianus in libri de præscriptione  
Hæreticorum capite xxx. tradit: Vbi tunc Marcion  
Ponticus Naucerus Stoica studiosus? Vbi tunc Va-  
lentinus Platonicus sc̃tator? Nam constat illos, neque  
adeo olim fuisse Antonini ferè principatu, & in Ca-  
tholicam primò doctrinam credidisse apud Ecclesiam Ro-  
manensem sub Episcopatu Eleutherii benedicti, donec ob  
inquietam semper eorum curiositatem, quam fratres quo-  
que vitabant, semel & iterum ejecti, Marcion quidem

cum ducentis sefertis, quæ Ecclesiæ intulerat, novissimè  
in perpetuum discidium relegati, venena doctrinarum suarum  
disseminaverunt: postmodum idem Marcion penitentiam  
confessus, cum conditioni data sibi occurrit, ita pacem  
recepturus, si ceteros quos perditioni erudisset, Ecclesiæ  
restitueret, morte præventus.

Stat igitur verè Apostolica traditio, qua ne Ro-  
manus quidem Episcopus potest hominem ab alio Epi-  
scopo communionem privatum, sine privantis Episcopi  
assensu communioni restituere.

Hic præterire non possum certam quandam Bel-  
larmini ἀρεσίαν, qui ut jus appellationum ad Ro-  
manum Pontificem stabiliat, in libri II. de eodem  
Rom. Pont. capite XXI. Marcionis historiam ex E-  
piphania in medium adducit: Anno, inquit, CXLII.  
Christi Pio I. Pontifice Marcion excommunicatus ab E-  
piscopo suo in Ponto venit Romam, ut à Romana Ec-  
clesiā absolveretur, ut Epiphanius refert hæresi XLII. Si  
quod ab Epiphania de Marcione narratur, Bellarmi-  
nus propriis usurpasset oculis, ab allegatione tali su-  
perfedisset. Epiphanius narratio Bellarmini consilio no-  
cere potest, prodesse non potest. Quin etiam si bene con-  
sideretur quod apud Epiphanius Romana Marcioni  
respondet Ecclesiā, id Bellarmini de Romano Pontifice  
lemmata non pauca funditus evertit. Hic Chronologi-  
cum errorem, quo Bellarminus annum Christi CXLII.  
cum annis Pii I. copulat, tacerem, nisi erroris hujus  
animadversio ad confirmandam Bellarmini ἀρεσίαν  
valeret quamplurimum.

In Eusebii Chronico ubi Cletus in ordine Roma-  
norum Pontificum non collocatur, annus Christi cen-  
tesimus quadragesimus secundus est annus Hygini ter-  
tius; & annus Christi centesimus quadragesimus  
quartus est Pii primus.

In Annalibus Baronii annus Christi centesimus quin-  
quagesimus octavus est Pii primus. Tantum abest, ut  
annus Christi centesimus quadragesimus secundus in  
ullos Pii annos incidat.

Denique etiamsi Bellarminus Cletum & Anacletum  
in ferie Pontificum non retineret ut retinet, atque ex  
duobus illis unum componeret, ut veteres plerique  
fecerunt; nusquam tamen efficeret, ut annus Christi  
centesimus quadragesimus secundus alicui anno Pii  
respondeat.

Nunc prout Ecclesiasticarum rerum monumenta  
ferent, ostendendum est, Petri & Pauli traditionem ab  
universis susceptam & observatam esse Ecclesiis, & Ro-  
manam in illius observantia præcelluisse. Sed interim  
spectanda est semper fides una, & animorum una consen-  
sio, quam Petrus & Paulus Romanæ Ecclesiæ funda-  
tores sibi proponunt. Hos subsequuntur Antiocheni  
Concillii Patres in Epistola, quam post condemnationem  
Paulum Antiochiæ Episcopum, Dionysio, Maximo, &  
omnibus ubique in orbe terrarum Collegis, Episcopis, Pres-  
byteris, & Diaconis, & universæ ac Catholica sub calo  
Ecclesiæ scripserunt. At sub finem Epistolæ ad insti-  
tutum nostrum faciunt, quæ sic enunciantur: Istum  
igitur (Paulum) tam Deo adversarium, tamque con-  
tumacem eramus coacti Ecclesiæ & congregationi fidelium  
indicare, & alium Episcopum, qui huic Ecclesiæ (Anti-  
ochenæ) Catholica præset, in ejus locum substituere, unde  
Domnum, divina certè (ut putamus) providentia desig-  
navimus, Demetriani hominis felicitis commemorationis,  
(quippe qui hanc Ecclesiam ante hunc præclarè rexisset)  
filium, omni genere virtutum, quæ Episcopum decent, ex-  
ornatum. Ac vos de ejus electione per electionem certos  
fecimus; ut illi scribatis, & ab eo literas accipiatis com-  
munionis. Paulus autem ad Artemonem literas scribat,  
& siqui Artemonis partibus faveant, cum eo deinceps  
communent. Tunc quia Paulus ab Antiochena Syno-  
do depositus & communionem privatus erat, nec Dio-  
nysius Romanus, nec Maximus Alexandrinus, nec alii  
Catholicæ Ecclesiæ rectores literas, communionis bul-  
las, à Paulo accepissent. Id erga Paulum fecissent,  
quod

quod ante annos centum & eò amplius Romana erga Marcionem fecerat Ecclesia.

Eliberitanum Concilium etiam Nicæno vetustius, incerti tamen apud eruditos temporis, traditionem nostram confirmat Canone 1111. qui sic se habet: *Placuit cunctis ut ab eo Episcopo quis recipiat communionem, à quo abstinens in crimine aliquo fuerit. Quod si aliquis Episcopus præsumpserit eum admittere, illo adhuc minime sciente vel consentiente, à quo fuerat communione privatus, sciat se huiusmodi causas inter fratres esse cum status sui periculo præsisturum.* His verbis Hispani antistites Pii primi & Romani cleri factum & antiquos mores expresserunt.

Arelatense Concilium primum alio verborum tenore rem ipsam circumscribit in Canone xvi. *De his, qui pro delicto suo à communione separantur, ita placuit, quibuscunque locis fuerant exclusi, eodem loco communionem consequantur.* Nimirum alii ab excommunicante Episcopo Episcopi excommunicationis causas melius cognoscere non possunt. Disciplina hæc sancitur à Concilio, quod ut aliud Arelatense Concilium ait, *ex omnibus mundi partibus & præcipue Gallicanis, congregatum est, & cui missi à Silvestro Papa Presbyteri & Diaconi interfuerunt & assensum præbuerunt.* Et quamvis Arelatenis Synodus non eo modo Canonem hunc temperet, quo Eliberitana suum temperat, ab illius tamen proposito aberrare non videbitur Episcopus, qui excommunicatum ab alio Episcopo hominem cum huius Episcopi consensu ad Ecclesiæ communionem admittit, quia consentiens Episcopus spectatæ à Synodo utilitati consulere poterit.

Nicæna Synodus Apostolicam traditionem Canone v. vindicat, & quæ in illius observatione vitia intervenire possint, nisi quod crediderim, jam interveniant, emendandi legem præstituit. Ex malis moribus exortas esse leges optimas quis ignorat? Atenim Canon est ejusmodi: *De his, qui communione privantur, seu ex clero, seu ex laico ordine ab Episcopis per unamquamque provinciam, sententia regularis obtineat, ut hi, qui abiciuntur, ab aliis non recipiantur.* En Apostolica traditio confirmata! Quæ sequuntur, retinendæ, ut oportet, traditionis conditionem exponunt. *Requiratur autem, ne pusillanimitate aut contentione, vel alio quolibet Episcopi vitio videatur à congregatione seclusus. Ut hoc ergo decentius inquiratur, bene placuit annis singulis per unamquamque provinciam bis in anno Concilia celebrari, ut communiter, omnibus simul Episcopis Provincia congregatis, discutiantur huiusmodi questiones. Et sic qui suo peccaverunt evidenter Episcopo, excommunicati rationabiliter ab omnibus astimentur; Usquequò vel in communi, vel eidem Episcopo placeat humaniorem pro talibus ferre sententiam. Concilia verò celebrentur, unum quidem ante quadragesimam Pasche, ut omni dissensione sublata munus offeratur Deo purissimum: Secundum verò circa tempus Autumni.*

Hic Canon non minùs ad Romanam, quàm ad cæteras Ecclesias spectat. Concilio interfuisse Presbyteros, qui Silvestri Papæ vicem gererent, Eusebius testatur in libri 111. de vita Constantini capite vii. *Et quanquam urbis illius, penes quam imperium est, ingravescente ætate præpeditus, absuit, ejus tamen Presbyteri, qui aderant, illius locum suppleverunt.* Id etiam Julius I. testatur in Epistola ad Orientales: *De Marcello autem, postquam de illo quoque ut impio in Christum, perscripsisset, vobis studui significare, eum cum hic venisset, affirmasse falsa esse, quæ de se in literis vestris scripta essent: Sed tamen cum à vobis postularetur, ut de fide diceret, tanta cum fiducia per se respondit, ut nemo non perciperet, eum nihil à veritate profiteri alienum, sed eadem cum pietate, qua Ecclesia de Domino ac salvatore nostro sentire, neque jam tantummodo, sed etiam olim huius sententia se fuisse confirmabat; UTI ET NOSTRI PRESBYTERI, QUI TUNC IN NICÆNO CONCILIO A-*

DERANT, τότε ἐν τῇ αἱ Νικαίᾳ συνήλθον ἡρώδης, de ipsius recta fide contestabantur.

Verum ego ipse fallor cum disciplinam nostri Canonis non minùs ad Romanam, quàm ad cæteras Ecclesias spectare dico. Nam revera magis ad Romanam spectat, quàm ad cæteras orbis totius Ecclesias. Traditio est, quæ à Petro & Paulo Romanæ Ecclesiæ fundatoribus descendit.

Hinc Julius I. confirmatas à Nicæna Synodo traditiones vindicat in laudata jam ad Orientales Epistola: *Quod si istiusmodi consuetudo olim fuit, ejusque memoria renovata est, & scripto prodita in magna Synodo, eamque apud vos valere non finitis, rem profectò indecoram facitis. Morem enim, qui semel in Ecclesia obtinuit, & à Synodo confirmatus est, iniquum est à paucis abrogari.* Si traditionem, quæ post Apostolos obtinuit, & à Nicæna Synodo confirmata est, ita commendat, quibus quæso verbis traditionem similem illi, qua Marcion abjectus est à Romana Ecclesia, non commendasset, idque maximè, cum ab eadem Synodo confirmata reperiretur? Sardicensis Synodus traditionem Nicæno Canone v. generatim assertam, in Canone xvi. de Clericis figillatim exponit: *Osus Episcopus dixit: Hoc quoque omnibus placeat, ut sive Diaconus, sive Presbyter, sive quis Clericorum ab Episcopo suo communione privatus fuerit, & ad alterum perrexerit Episcopum, & scierit, ad quem confugit, eum ab Episcopo suo fuisse abjectum, non oportet, ut ei communionem indulgeat: Quod si fecerit, sciat se convocatis Episcopis causas esse dicturum. Universi dixerunt, hoc statutum & pacem servabit & concordiam custodiet.* Confirmanda fuit in Clericis traditio, quam contraria disciplina fortassis inturbare cœperat.

Hæc Synodus proximum statuit Canonem xvii. quo excommunicatorum ab Episcopo Presbyterorum & Diaconorum cognitio & judicium temperatur. *Osus Episcopus dixit: Quod me adhuc moveret, reticere non debeo: Si Episcopus, qui fortè iracundus (quod esse non debet) citò & asperè commoveatur adversus Presbyterum, sive Diaconum suum, & exterminare eum de Ecclesia voluerit, providendum est, ne innocens damnetur, aut perdat communionem: Et ideo habeat potestatem is, qui abjectus est, ut Episcopos finitimos interpellet, & causa ejus audiat, ac diligentius tractetur, quia non oportet ei negare audientiam roganti, & ille Episcopus, qui justè, aut injustè eum abiecit, patienter accipiat, ut negotium discutiatur, ut vel probetur sententia ejus à plurimis, vel emendetur. Tamen priusquam omnia diligenter & fideliter examinentur, eum qui fuerit à communione separatus, ante cognitionem nullus debet præsumere ut eum communione societ. Hi vero qui conveniunt ad audiendum, si viderint Clericorum esse studium & superbiam, quia non decet, ut Episcopus injuriam vel contumeliam patiatur, severioribus eos verbis castigant, ut obediant honesta præcipiente Episcopo, qui sicut ille Clericis sincerum exhibere debet amorem charitatis, ita quoque vicissim ministri infucata debent Episcopo suo exhibere obsequia. At quamvis varia sit in hoc Canone juris temperatio, intantum tamen id remanet, in quo potissimum traditionis momentum consistit: Tamen priusquam omnia diligenter & fideliter examinentur, eum qui fuerit à communione separatus, ante cognitionem NULLUS DEBET PRÆSUMERE UT EUM COMMUNIONE SOCIET. Hic nulla cum sit exceptio, incolumis & salva retinetur Sedis Apostolicæ traditio, quæ in Marcionis historia exaratur, & Nicæno Canone v. communiter.*

Liberius ne latum quidem unguem à Pio I. & Romano ejus Clero discedere se significat, dum ad Imperatorem Constantium ita scribit: *Videt igitur prudentia tua nihil animum meum introisse, quod Deo servientibus non dignum fuerat cogitare. Testis autem est mihi Deus, testis est tota cum suis membris Ecclesia, me fide, & me in Deum meum cuncta mundana, ita ut Evangelica & Apostolica ratio præcepit, calcare atque calcasse, non furore temerario, sed constituto atque observato jure divino,* atque



atque in alio ministerio Ecclesiasticus vivens nihil per jactantiam, nihil per gloria cupiditatem, quod ad legem pertinebat, implevi: Atque ad istud officium testis est mihi Deus meus, invitatus accessi, in quo cupio quidem sine offensa Dei, quamdiu in seculo fuero, permanere; & nunquam MEA STATUTA SED APOSTOLICA, ut essent firmata & custodita, perfeci: SECUTUS MOREM ORDINEMQUE MAJORUM NIHIL ADDIDI EPISCOPATUI URBIS ROMÆ, NIHIL MINUI PASSUS SUM. Ad Episcopatum urbis Romæ pertinet, cum iis, quos alii præfules à communione separant, agere, ut Pium I. & Romanum illius Presbyterium egisse cum Marcione vidimus. Alioquin urbis Romæ Episcopatus minueretur. Minuitur quæcunque dignitas, cum per eam sit aliquid, quo pax turbatur Ecclesiæ, & dissolvitur concordia. Tunc in sacerdotibus oritur animorum alienatio, quæ dissensionem gignit.

Siricius ex occasione Capuensis Synodi ea scribit, quæ non possunt hic sine piaculo prætermitti: In Epistola, quam ad Anysium & cæteros Episcopos per Illyricum constitutos scribit, verba sunt hæc: *Accepi literas vestras de Bonoso Episcopo, quibus vel pro veritate, vel pro modestia nostram sententiam sciscitari voluistis. Sed cum huiusmodi fuerit Consilii Capuensis iudicium, ut finitimi Bonoso, atque ejus accusatoribus iudices tribuerentur, & præcipue Macedones, qui cum Episcopo Thessalonicensi de ejus factis vel cognoscere, advertimus, quod nobis iudicandi forma competere non posset. Nam si integra esset hodie Synodus, recte de iis, quæ comprehendit vestrorum scriptorum series, decerneremus. Vestrum est igitur, qui hoc recepistis iudicium, sententiam ferre de omnibus, nec refugiendi nec elabendi, vel accusatoribus vel accusato copiam dare. Vicem enim Synodi recepistis, quos ad examinandum Synodus elegit. Et quibusdam interjectis: Ideo primum est, ut ii iudicent, quibus iudicandi facultas est data. Vos enim totius, ut scripsimus, Synodi vice decernitis: Nos quasi ex Synodi auctoritate iudicare non convenit. In collectione Romana bipartita. Et sanè quæ Siricius de Capuensi Synodo pronunciat, de Nicæna potiori jure pronunciat. Nicænos Canones atque imprimis quintum assereret, & contra illum iudicandi formam competere sibi non posse fateretur; Pii I. & Romani Presbyterii vestigiis prorsus insisteret.*

Innocentius I. huc tendit in Epistola ad Anysium: *Cui etiam anteriores tanti ac tales viri prædecessores mei Episcopi, id est, sanctæ memoriæ Damasus, Siricius, atque supra memoratus vir ita detulerunt, ut omnia, quæ in illis partibus gererentur, sanctitati tuæ, quæ plena iustitia est, tradere cognoscenda, meam quoque parvitatem hoc tenere iudicium, eandemque habere voluntatem te decet recognoscere. Neque enim fas erat, ut aut ego contra tantorum bonorum virorum iudicium venire tentarem, quorum in locum successisse dignoscor, aut, &c. In Rom. Synodi collectione Rom. bipartita num. 14. Ut in Damasi & Siricii, sic & in Pii I. locum succedit, atque ita contra tam boni viri Pii iudicium venire nunquam tentaret. Deinde apud Sozomenum in libri VIII. capite XXVI. ad Constantinopolitanos Clericos scribere non veretur: Nos quantum ad Canonum observantiam attinet, illis obsequendum esse scribimus, qui Nicææ determinati sunt; quibus solis obtemperare, & suum suffragium addere Ecclesia Catholica debet. Si Nicænis obsequendum est Canonibus, obsequendum est & quinto, quo vetus erga excommunicatos ab aliis Episcopis homines Sedis Apostolicæ traditio corroboratur. Si Nicænis Canonibus solis suffragium suum addere debet Catholica Ecclesia, non addet iis Pontificibus, qui contra Canonem v. vel dicerent vel facerent, ut Sedis Apostolicæ traditio, pro qua pugnamus, non conservaretur. In summa rem conficit in Epistolæ ad Victricium Rotomagensis Episcopum capite VI. Hoc etiam Synodus statuit Nicæna, ut abjectum ab altero Clericum altera Ecclesia non recipiat. Cum Nicæno Canone Apostolicam Sedis suæ traditionem observari præcipit,*

Bonifacius I. in Epistola ad Rufum: *Non est eorum cedendum studiis, quos novitas rerum, & indebita desiderium dignitatis accendit; sed elaborandum est, & Deo nostro favorem præstante præstandum, ut quisquis contra licitum nititur, sibi per omnia recognoscat occursum. Et post alia: Nunquam licuit de eo rursus, quod semel statutum est ab Apostolica Sede, tractari. Tum in alia ad Episcopos Thessaliæ Epistola: Cessit novella præsumptio, nemo audeat sperare quod non licet: Nullus ea, quæ sunt à patribus gesta, & per tantum temporum custodia temerare contendat. In Romanæ Synodi collectione Rom. bipartita num. VIII. & IX. Auctoritatem istarum mole obruerentur, qui vindicatam à Pio I. & à Nicæna Synodo confirmatam traditionem impugnare vellent, & nefaria mutatione convellere.*

Celestinus I. in Epistola ad Perigenem, Dynatum, Basilium, & alios Illyrici Episcopos: *Facile disciplina subdi se patitur, qui ipsam, ut condecet, amplectitur disciplinam. Infra: Dominentur nobis regula, non regulis dominemur; sumus subiecti Canonibus, cum Canonum præcepta servamus. Respectum habet ad Nicænas regulas, quarum quintâ Sedis Apostolicæ traditio circumscribitur.*

Sixtus III. in Epistola ad Proclum: *Sufficiant ergo quæ scripsimus, frater carissime, quoniam ad hæc corrigenda atque servanda animum tuum atque censuram nobiscum sentire confidimus. Quoniam unum cor & animum, ut dicit Scriptura, circa religionis observantiam, Canonum custodiam, & disciplinam Ecclesiasticam nos habere, & debemus, & credimus. In Rom. Synodi collect. Rom. bipart. num. XVI. Sixtus cum Pio consentit, & eadem penè scriptura utitur, quæ Pius Apostolicam traditionem definit.*

Ephesina Synodus actione 1. in legatione illorum antistitum, qui ad Nestorium destinati fuerunt: *Sancta Synodus CANONIBUS OBTEMPERANS, tæque leni & patienti animo ferens, tertio ad suum confessum te invitat. Infra: Synodus necessitate compulsâ juxta Sanctorum Patrum sanctiones sententiam adversus te pronuntiabit. Si Synodus Oecumenica, quam Romana probat & recipit Ecclesia, Canonibus obtemperat, cur ipsa, & alia quælibet particularis non obtemperaret, & Nicænum Canonem v. quo firmatur Apostolica traditio, non servaret? Si Synodus necessitate compulsâ, juxta Sanctorum Patrum sanctiones sententiam adversus Nestorium pronunciat, cur sententiam quoque non pronuntiaret adversus eos, qui Apostolicam traditionem & Nicænum Canonem v. negligerent?*

Leo I. in Ep. IV. ad omnes Siciliæ Episcopos cap. VII. Nicænum Canonem v. ita revolvit: *Quare illud primum pro custodia concordissimæ unitatis exigimus, ut quia saluberrimè à Sanctis Patribus constitutum est, binos in annis singulis Episcoporum debere esse conventus, terni semper ex vobis ad diem tertium Calendarum Octobrium Romanæ fraterno Concilio sociandi occurrant, & indissimulante à vobis hæc consuetudo servetur. Quoniam adjuvante gratia Dei facilius poterit provideri, ut in Ecclesiis Christi nulla scandala, nulli nascentur errores, cum coram Beatissimo Apostolo Petro semper in communione tractatum fuerit, ut omnia instituta Canonumque decreta apud omnes Domini Sacerdotes inviolata permaneant. Apud omnes, inquit, Sacerdotes, ac proinde apud Romanum, qui factus est forma gregis, utpote Petri successor. Deinde observatione summa dignum est, quod dicit, Nicænum Canonem v. pro custodia concordissimæ unitatis editum fuisse. Hinc Romanus Pontifex traditionem illam verè Apostolicam, quæ Canone illo sancitur, diligenter custodiet, ne unitatem, quam [ut Avitus ad Hormisdam scribens loquitur] regit, aliquando dividat ac disrumpat.*

Non dividet aut disrumpet unquam, qui sibi semper ob oculos constituet, quæ Leo de Nicænis Canonibus repetit, inculcat, & insigit: Et primum quidem in Epistolæ LIII. ad Anatolium capite II. *Quibus inauditis & nunquam*

nunquam antè tentatis ita praeveniri excessibus, ut sanctam Synodum (Calchedonensem) ad extinguendam solam haeresim, & confirmationem fidei Catholicae, studio Christianissimi Principis congregatam, in occasionem ambitus trahas, & ut conviventiam suam tibi det, impellas: Tanquam refutari nequeat, quod illicitè voluerit multitudo, & ILLA NICÆNORUM CANONUM PER SPIRITUM VERE SANCTUM ORDINATA CONDITIO IN ALIQUA UNQUAM SIT PARTE SOLUBILIS. Ut Leo de Nicæno Canone VI. sic & de V. loquitur: Inter Nicænae Synodi Canones nihil distinguit. Uniuscujusque per Spiritum verè sanctum conditio ordinata est. Pergit: Neque trecentis illis decem atque octo Episcopis quantumlibet copiosior numerus sacerdotum vel comparare se audeat, vel preferre, cum tanto divinitus privilegio Nicæna sit Synodus consecrata; ut sive per pauciores, sive per plures Ecclesiastica judicia celebrentur, OMNI PENITUS AUCTORITATE SIT VACUUM, QUIDQUID AB ILLORUM FUERIT CONSTITUTIONE DIVERSUM, NIMIS ERGO HÆC IMPROBA, NIMIS SUNT PRAVA, QUÆ SACRATISSIMIS CANONIBUS INVENIUNTUR ESSE CONTRARIA. De Canonibus omnibus & singulis sermonem instituit, & inter Canones distinguit nihil.

Deinde in cap. IV. ABSIT A CONSCIENTIA MEA UT TAM PRAVA CUPIDITAS MEIS STUDIIS ADJUVETUR, AC NON POTIUS ET ME, ET OMNIUM, QUI NON ALTA SAPIUNT, SED HUMILIBUS CONSENTIUNT, OPERE SUBRUATUR. Sancti illi & venerabiles Patres, qui in urbe Nicæna sacrilego Arrio cum sua impietate damnato mansuras usque in finem mundi leges Ecclesiasticorum Canonum considerunt, & apud nos, & in toto orbe terrarum in suis constitutionibus vivunt: & SI QUID USQUAM ALITER, QUAM ILLI STATUERUNT, PRÆSUMITUR, SINE CUNCTATIONE CASSATUR, UT QUÆ AD PERPETUAM UTILITATEM GENERALITER INSTITUTA SUNT, NULLA COMMUTATIONE VARIANTUR, NEC AD PRIVATUM TRAHANTUR COMMODUM, QUÆ AD BONUM SUNT COMMUNE PRÆFIXA, & manentibus terminis, quos constituerunt Patres, nemo in jus tendat alienum, sed intra fines proprios, atque legitimos, prout quis voluerit, in latitudine se charitatis exerceat. Quot commata, tot præsidia, tot propugnacula, quibus per Leonem Nicæna Synodus, & per Nicænam Synodum Apostolica traditio defenditur.

Tum in Epistolæ LIV. ad Martianum Augustum capite III. Privilegia Ecclesiarum Sanctorum Patrum Canonibus instituta, & VENERABILIS NICÆNÆ SYNODI FIXA DECRETIS, NULLA POSSUNT IMPROBITATE CONVELLI, NULLA NOVITATE MUTARI. In quo opere, auxiliante Christo, fideliter exequendo, necesse est me perseverantem exhibere famulatum, quoniam dispensatio mihi credita est, & ad meum tendit reatum, si paternarum regula sanctionum, quæ in Synodo Nicæna ad totius Ecclesiæ regimen Spiritu Dei instruente sunt condita, me, quod absit, convivente violentur; & major sit apud me unius fratris voluntas, quam universa domus Domini communis utilitas. Hæc omnia sunt digna, quæ ab Apostolica Sede proferantur, ad robur & firmitatem Nicænorum Canonum & Apostolicæ traditionis, quæ Nicæno Canone V. fulcitur.

Denique in Epistola LXI. ad Juvenalem Hierosolymitanum: De custodiendis quoque Sanctorum Patrum statutis, QUÆ IN SYNODO NICÆNA INVIOLABILIBUS SUNT FIXA DECRETIS, observantiam vestrae sanctitatis admoneo, ut jura Ecclesiarum, sicut ab illis CCCXVIII. Patribus divinitus inspirata sunt, ordinata permaneant. Si violari non possunt Nicænae Synodi Canones, multò minùs violari poterit Apostolica traditio, quam Nicænorum Patrum auctoritates summæ circumstant.

Et quoniam Apostolica traditione & illius assertionem Nicæno Canone V. non solum concordissima Sacerdotum unitas, sed etiam jura Ecclesiarum fan-

ciuntur, nunc Gregorius I. sese objicit in libri II. Indict. X. Epistola XXXVII. ad Natalem Salonitanum Episcopum. Quod verò dicitis nostris temporibus debere 21 servari, quæ à meis quoque prædecessoribus tradita atque custodita sunt, ABSIT HOC A ME, UT STATUTA MAJORUM CONSACERDOTIBUS MEIS IN QUALIBET ECCLESIA INFRINGAM, QUIA MIHI INJURIAM FACIO, SI FRATRUM MEORUM JURA PERTURBO. Perturbarentur utique, si secus ac fert Apostolica traditio, & Nicæno Canone V. statuitur, fieret.

Deinde in lib. ejusdem Indict. X. Epistola XXXIX. ad Dominicum Carthaginensem Episcopum: De Ecclesiasticis privilegiis quod vestra fraternitas scribit, hoc postposita dubitatione teneat, quia sicut nostra defendimus, ita singulis quibusque Ecclesiis sua jura servamus. At non servarentur, si quod Nicæno Canone V. statuitur, infringereetur.

Tum Nicæno Concilio minimè derogaret Gregorius, qui putat derogare se non posse antiquæ consuetudini Sedis Apostolicæ, quæ prohibet, ne Sanctorum reliquiæ ex locis suis educantur. Hac de re sic scribit in libri III. Epistola XXX. ad Constantinam Augustam, quæ Beati Pauli caput ab eo petierat: Serenitas vestra pietatis religionis studio & sanctitatis amore conspicua, propter eam, quæ in honorem Sancti Pauli Apostoli in palatio edificatur, Ecclesiam, caput ejusdem Sancti Pauli, aut aliud quid de corpore ipsius suis ad se jussionibus à me præcipit debere transmitti. Et DUM ILLA MIHI DESIDERAREM IMPERARI, DE QUIBUS FACILLIMAM OBEDIENTIAM EXHIBENS, VESTRAM ERGA ME AMPLIUS POTUISSEM GRATIAM PROVOCARE, MAJOR ME MOESTITIA TENUIT, QUOD 22 ILLA PRÆCIPITIS, QUÆ FACERE NEC POSSUM NEC AUDEO. Quid ita? In Romanis, ait paullo post, vel totius Occidentis partibus omnino intolerabile est atque sacrilegum, si Sanctorum corpora tangere quisquam fortasse voluerit: Quod si præsumperit, certum est, quia hæc temeritas impunita nullo modo remanebit. Et quibusdam interpolitis: Quis ergo nunc, Serenissima Domina, tam temerarius possit existere, ut hæc sciens eorum corpora non dico tangere, sed vel aliquatenus præsumat inspicere? Dum igitur talia mihi à vobis præcepta sunt, de quibus parere nullatenus potuissem, quantum invenio, non vestrum est: Sed quidem homines contra me pietatem vestram excitare voluerunt, ut mihi, quod absit, voluntatis vestrae gratiam subtraherent, & propterea quæsiverunt capitulum, de quo vobis quasi inobediens inveniretur. Hæc ille, ut suum illud, non possum, non audeo, magis ac magis confirmet.

Cum igitur Gregorius affirmat, [non possum, non audeo] affirmat idem quod Pius I. & Romanus Cæsar, Marcioni: Nos injussu vel sine arbitrio venerandi Patris tui illud (communione tibi dare) non possumus. Quid non Gregorius dixisset de hac Apostolica traditione, postquam à Nicæno Concilio vindicata fuit? Profecto siquid majus potuisset dicere, quam non possum, non audeo, dixisset. Si Romanæ Curie censors Pium ac Gregorium admittant, capti sunt; quia velint nolint nobiscum sentiant; si rejiciant, nulli, quia à Pio & Gregorio & à Sede Apostolica, quæ per eos loquebatur, deficient, & suis se unguibus notabunt. Nos verò & Pio & Gregorio & Sedis Apostolicæ semper adhærebimus. Igitur pergen- 23 dum est.

Martinus I. in Epistola IX. ad Pantalconem: CANONES ECCLESIASTICOS SOLVERE NON POSSUMUS, QUI DEFENSORES ET CUSTODES CANONUM SUMUS, NON TRANSGRESSORES. Inter Ecclesiasticos Canones, quosolvere se non posse dicit, extat Nicænus Canon V.

Nicolaus I. in Epistola IX. ad Michaellem Imperatorem: AT NOS E DIVERSO CREDIMUS, QUOD ECCLESIA CHRISTI SACROS CANONES ET PRÆCIPUE NICÆNOS NON TRADAT OBLIVIONI,



precipientes videlicet, UT HI QUI ABJICIUNTUR, AB ALIIS NON RECIPIANTUR. Ecce tibi Nicænæ Synodi Canon v.

Deinde in Epistola xxx. ad Carolum Calvum: Circa jam dictum Baldwinum usque in finem nequaquam inexorabilis vel inflexibilis persistatis, non quo vos hac dicendo terminos, QUOS POSUERUNT PATRES NOSTRI, TRANSGREDI CUPIAMUS, QUOS PER DEI GRATIAM IMOTOS PERSEVERARE SEMPER OPTAMUS, sed quò gloriam vestram, ultrà quàm dici possit, diligentes, nullum velimus locum dare occasionem querenti: Præcipue cum idem Baldwinus divinum postularit auxilium, & Sanctorum Petri & Pauli intercessorum vestrorum, quemadmodum prætulimus, ut gratiam plenam à clementia vestra consequeretur, legationem atque interventionem petierit. Sic Nicænum Canonem v. exequitur, nec tamen definit pro Baldvino ad Regem deprecator accedere.

24 Tum in Epistola xxxi. ad Silvanectensis Synodi Episcopos: Ceterum de Baldvino, de quo jam multa scripsistis, sciat beatitudo vestra, NOS NON REGULAS, ATQUE SANCTA DECRETA VELLE CORRUMPERE, QUIBUS HOMO AB UNO EPISCOPO EXCOMMUNICATUS, NE RECIPIATUR AB ALIO EPISCOPO, PROHIBITUM EST. Sed quia ad limina Apostolorum veniens à nobis se petiit adjuvari, quanquam nossemus, quòd filius noster Carolus, Rex gloriosus, legaliter possit ei, si vellet, & filiam suam in uxorem dimittere, & misericordie sue gratiam impartiri; tamen non iussa misimus, sed preces obtulimus: Quod textus Epistolarum nostrarum, quas ad jam factum excellentissimum Regem & filiam nostram Reginam ad id obtinendum direximus, vobis satis potest indicare. Nam pro tam presumptuosâ temeritate ipsius viri, maxime cum consideremus dilectissimi filii nostri Caroli sublimis Regis contritionem cordis & pectoris naturalem affectum, & nos valde doluimus, & ei tota mentis affectione hodie compatimur. Hic se rursus Nicæni Canonis mandata exhaustisse profitetur.

Denique in Epistola lviii. ad Episcopos in regno Caroli constitutos: In quo etiamsi Sedis Apostolica iudicium à quovis retractandum esset, etiamsi ab inferioribus potiorum sententia solvenda prorsus existeret, quantum Theotgaudus atque Guntharius circa sacros Canones PRÆCIPUE NICÆNOS, QUI LUCULENTER INNUUNT, NON DEBERE, QUI ABJICIUNTUR AB ALIIS RECIPI, contumaces extiterint. Et post alia: Secundo, quia eandem Ingeltrudim à nobis & à Synodo abjectam  
25 & anathematizatam recipere & absolvere presumpserunt: Et hoc contra Canones & PRÆCIPUE CONTRA IPSUM NICÆNUM MAGNUM CONCILIUM, QUOD HI QUI ABJICIUNTUR AB ALIIS NON RECIPIANTUR, SANXISSE DIGNOSCITUR. Apostolica traditio & Nicænus Canon non potuerunt illustrius vindicari.

Hadrianus II. in Epistola xxvii. ad Carolum Calvum Regem: Sed de his nihil audemus judicare, QUOD POSSIT NICÆNO CONCILIO, ET QUINQUE CÆTERORUM CONCILIORUM REGULIS VEL DECRETIS NOSTRORUM ANTECESSORUM OBTINERE. Qui Pontifex non audeat id facere quod Nicæno repugnet Concilio, Concilii hujus Canones & cum primis quintum, quo Petri & Pauli traditio asseritur, diligenter observabit.

Joannes VIII. præclarum reliquit disciplinæ hujus monumentum in Epistola lxii. quæ sic se habet: Uvidoni Luivensi Episcopo. Leontardus quidam tue dioceseos homo singultibus & gemitu tritus Sanctam Sedem Apostolicam, & nostram humilitatem adiit, referens se primò quidem homicidii incidisse reatum, & à sanctitate sua penitentiam accepisse, quam & peregerit, & ea peracta miserationem & reconciliationem Ecclesiasticam tuo iudicio promeruerit: Post verò cum aliis suis concivibus quosdam prædones publica sanctione iussus sit insequi, ut si eos capere potuissent, modis omnibus interimere non admitterent. Contra quos iste cum aliis proficiscens asse-

rit, quòd uno ex illis capto oculos comprehensores ejus eruerint, ac per hoc ipse prado nefandus vitam finierit. Hoc itaque factò, præfatus Leontardus penitentiam suscepurus, ad tuam præsentiam, veniens, hujuscemodi dixit se fuisse tuo iudicio judicatum: Sanctam videlicet communionem, nisi ad exitum vite non percepturum, carnes & vinum exceptis diebus Dominicis, & Sanctorum festivitatibus non sumpturum, cum hominibus non conversaturum, in cinere & cilicio gemiturum, servis, rebusque suis non dominaturum, seniore & beneficium non habiturum, & aliis his similibus fortè fruendis non fruturum. Qua omnia audientes, & intimo corde pensantes, invenimus aliquid gravius te, quàm expedit, si ita est, judicasse. HUIUS REI GRATIA OMNE HUIUS JUDICIUM TIBI DIMITTIMUS; & ut nostra super hoc vice ad mitiorem in eo preferendam sententiam perfruaris, modis omnibus exhortamur, quatenus pro amore Apostolorum & nostro, & laborem itineris, & lacrymabilem prædicti Laboris intentionem, vel penitentia amaritudinem omnino considerans, mitius cum eo agere non detrectes; & eò quòd ad Sanctos Apostolos fecit confugium, in his quæ oportuerit, ne fortè in desperationem labatur, misereri illius nunquam omittas, quia Dominus (sicut per Prophetam loquitur) misericordiam vult, & non sacrificium. Ideoque monemus, rogamus, ut misericordiam ei impendas, quatenus de impensione misericordiae audientes, sanctitati tue multimodis gratias referamus. Optamus sanctitatem tuam in Christo bene valere. Data IIII Calend. Novembris, Indiæ. xi. quæ anno Christi DCCCLXXVIII. respondet.

Leontardus igitur ad Sedem Apostolicam perfugit, sperans fore, ut impositæ penitentiae, quæ modum  
27 excedebat, pars aliqua minueretur. Non minuitur, etiamsi ab Joanne minuenda iudicaretur. Leontardus ad proprium remittitur Episcopum, quem Pontifex hortatur & rogat, ut ipsemet nonnihil vincula relaxet, quibus devinctum & constrictum penitentem suum tenet. Quidquid in causa, Joannes imperio non utitur, sed precibus & rationum momentis, ut Uvidonem Episcopum ad mitius cum Leontardo agendum inclinet. Noverat sacris Canonibus obsequi, quos præterire se non posse in alia causa dicit, scribens ad Carolum Calvum Regem: De cætero autem, hoc est, de Mediolanensi Archiepiscopatu, ô fili carissime, sicut nobis nunc mandasti, ut Anspertum Archiepiscopum, quem in Synodo pro nonnullis suis negligentis & presumptionibus judicavimus, reconciliare deberemus; quod equidem nos pro vestro amore alacri mente omnino perficeremus, si sententia damnationis, quam in eundem Archiepiscopum protulimus, sub tenore aliquo fuisset prolata. Dictum est enim, tandiu eum fore ab honore & ministerio sacerdotali suspensum, donec auctore Deo suam specialem nobis ad satisfactionem exhiberet præsentiam. Et quia Ecclesia Dei privilegium NOS DECEAT IMMUTILITATE SOLEMNITER CONSERVARE, NE IN ALIQUO PATRUM TERMINOS PRÆTERIRE VIDEAMUR, CONTRA STATUTA MAJORUM AGERE NEQUIVIMUS.

Fulbertus Carnotensis Episcopus in Epistola lxxiii. ad Gauilinum Abbatem significat fuisse Aurelianensem Episcopum, qui quem excommunicaverat, eundem à Coepiscopis suis excommunicari postulaverat. Nicænum Canonem hoc modo exequendum esse putabat.  
28 Et sanè in idem recidit, si Carnotensis Episcopus Abbatem ab Aurelianensi excommunicatum iterum excommunicet, si pro excommunicato habeat & abjiciat. Sed Fulberti narrationem audire præstat: Præsul Aurelianorum, qui vos excommunicavit, Coepiscopos suos idem facere poscit. At ego correctionis vestra non expers III. Cal. Octobris ei respectum dedi. Unde nunc, frater, commoneo, ut gradus humilitatis interim vel usque ad tertium relegens, Episcopo vestro subjiciamini, sicut decet. Aut si vobis non ita faciendum esse videtur, cur fieri non debeat, rationem intimare non pigeat. EGO ENIM, NEQUE LEGEM, NEQUE MODUM RA-

TIOCINATIONIS INVENIRE POSSUM, QUI VOS  
AB JUGO SUBJECTIONIS HUIUS ABSOLVAT.

At si quis alius prater vos invenisse fateatur, novum illum rhetorem de celo magis cecidisse, quam descendisse crediderim. Vereor, ne ex circumspectione illa & accurata consideratione, qua te præditum esse scio, iudices me, cum adfero Fulbertum, à proposito digredi, sed opinor parum digredior. Fulbertus rerum nostrarum fatagit, & ad Romanos Pontifices sese adjungit. Quidquid illud est, ad illos, delicias, amores nostros redeo.

Ioannes XX. seu Benedictus IX. in Lemovicensi Concilio, quod Baronius anno MXXXIV. suis intulit Annalibus, Ioannem VIII. subsequitur & aliter imitatur: Sed res paulo est explicanda latius. Rursum in Concilio conquistum est de excommunicatis Aquitanigenis, qui ignorantibus Episcopis à Romano Papa penitentiam & absolutionem accipiunt, & hac de causa pax & Concilium in Aquitania destruitur, dum quos isti ligant, ille injuste absolvit. Adhuc venerandus Engelricus Cancellarius S. Mariae Aniciensis Ecclesia cepit explicare dicens: Stephanus Arvernensis Præsul ante hos omnes Pontium Comitem Arvernensem excommunicatione obstrinxit pro uxore legitima, quam dimiserat, & aliam duxerat. Quem cum nulla ratione vellet absolvere nisi emendatum, Comes à Domino Papa absolutionem accepit, ignorante Papa, eum excommunicatum: Quod graviter Episcopus ferens, conquestorias literas Romam Apostolico misit, cui ille in hunc modum remisit Epistolam.

Quod nescienter egi, frater carissime, non mea sed tua est culpa: Scis enim, quia quicumque de universa Dei Ecclesia, quæ est in toto orbe terrarum, ad me causa remediis recurrit, impossibile est mihi ejus curam negligere, dicente Domino ad beatum specialiter Petrum: Petre, pasce oves meas. Quo ergo modo Sedes Apostolica poterit ejicere aliquem de medela nisi rationabili causa? Debueras certe mihi, antequam illa mortua ovis Romam veniret, ejus causam tuis innotescere apicibus, & eam omnimodè abjicerem tuamque firmando auctoritatem, eam anathematis ictu repellerem: PROFITEOR QUIPPE OMNIBUS CONSACERDOTIBUS MEIS UBIQUE TERRARUM ADJUTOREM ME ET CONSOLATOREM POTIUS ESSE, QUAM CONTRADICTOREM. ABSIT ENIM SCHISMA A ME, ET A COEPISCOPIS MEIS. Itaque illam penitentiam & absolutionem, quam tuo excommunicato dederam, & ille fraudulenter accepit, irritam facio, & cassam, & de ea nihil aliud speret, quam maledictionem, qua satisfacta, tu ipse absolvas. Gallicani antistites qui Lemovicense celebrarunt Concilium, de Romano Pontifice conqueruntur; sed immeritò. Quem enim hominem excommunicatum Romanus Pontifex absolvit, non absolvisset utique, si qui Episcopus hominem excommunicaverat, de excommunicatione tali Romanum Pontificem monuisset. Et certè monendus erat, ut id servaretur, quod in historia Marcionis Romæ servatum vidimus, quod Nicolaus I. fideliter executus est. Itaque Romanus Pontifex, seu Ioannes seu Benedictus justam de Arvernensi Episcopo & legitimam querelam habet, & verè dicit: Quod nescienter egi, frater carissime, non mea, sed tua est culpa. Deprecatus, ut apparet, culpam non esset, si quod inficienter egit, scienter egisset.

Deinde si monitus esset Pontifex, Arvernensis Episcopi sententiam confirmasset, tantum abest ut infirmaret: Atque ita Nicæni Canonis vindicem se & assertorem præstitisset.

Tum eternitate digna est professio hæc: Profiteor quippe omnibus consacerdotibus meis ubique terrarum adiutorem me & consolatorem potius esse quam contradic-torem. Absit enim schisma à me & à Coepiscopis meis. Ex professione hac colliguntur multa, quæ nostris in Epistolis passim exposuimus.

I. Cum Pontifex Episcopos Consacerdotes & Coepiscopos suos appellat, respectum habet ad decessorem suum Symmachum, qui Aonio scribens Arelateni Episcopo

dicit, ad Trinitatis instar, cujus una est atque individua potestas, unum esse per diversos antistites sacerdotium.

II. Cum Episcoporum adiutorem se & consolatorem potius esse, quam contradic-torem affirmat, respectum habet ad Gelasium, qui in Epistola ad Dardaniæ Episcopos protestatur, uniuscujusque Synodi constitutum, quod universalis Ecclesia probavit assensus, non aliquam magis exequi sedem præ cæteris oportere, quam primam.

III. Cum ait, Absit schisma à me & à Coepiscopis meis, significat se perinde ut cæteros Episcopos posse in schisma incurrere. At quomodo schisma istud fieret, Gregorius à Valentia e Societate Jesu Theologus exponit in tom. III. disput. III. questione XV. de schismate puncto I. Quarta propositio: Si spectemus rationem ipsam schismatis, nullum est membrum Ecclesie, quod non possit aliquo modo ex prædictis committere istud schismatis peccatum, atque adeò ipsa persona Summi Pontificis. Ita affirmat Ioannes à Turrecremata lib. IV. Summa de Ecclesia part. I. cap. XI. Cajetanus hic art. I. & Barnes ibi. Probatur I. auctoritate Cypriani, qui ita omnino videtur supponere Epist. II. lib. IV. ad Antonianum. Et relatis Cypriani verbis subnequit: Secundò probatur manifesta ratione sic: Omne membrum Ecclesie, atque adeo etiam persona Summi Pontificis potest se aliquo modo separare ab unitate corporis Ecclesie; ergo potest committere aliquo modo peccatum schismatis. Consequentia est evidens ex ratione schismatis. Antecedens probatur dupliciter: Primò, omne illud membrum potest seungi & divelli ab unitate corporis Ecclesie, sine cujus conjunctione potest ipsa unitas Ecclesia manere, sed hæc potest manere sine conjunctione cujuscumque membri cum illa, atque adeo sine conjunctione persona Papa, ut patet, quando sedes vacat; ergo &c. II. Nam posset Papa persona nolle ullo modo, neque ut Papa, neque ut alia pars communicare cum reliquo corpore Ecclesie, sed solum vivere & gerere se, ut dominum temporalem, sicut ait Cajetanus. Item posset nolle se cum aliis fidelibus conformare in ritibus Ecclesie universalis, ut si noller celebrare in vestibus & locis sacris, aut cum luminaribus, aut signare se signo crucis &c. Ut ait ibi supra à Turrecremata. In quibus casibus sine dubio ab Ecclesia unitate se aliquomodo separaret. Sicut etiam si totam Ecclesiam excommunicaret, ut ait Cajetanus: Eo enim ipso noller quicquam communionis habere cum illa. At hi sunt modi, quibus Papa fieri posset schismaticus. Adiungi posset casus ille, quem Romanus Pontifex in hac causa, ubi de Apostolica traditione & Nicæni Canonis v. observatione agitur, declarat.

Qui autem potest in schisma, sic & in hæresim incidere. Romanæ Ecclesie circa Liberium & Honorium traditionem noverat: Quam nullus à Synodi VI. tempore ad annum MXXXIV. dissensione commoverat. cui non errandi privilegium nullus opposuerat.

Postremò quidquid Romanus Pontifex in excommunicati hominis gratiam fecerat, rescindit, & negotium totum ad Arvernensem Episcopum remittit, ut excommunicatus ille proprii antistitis iudicio stet vel cadat: Itaque illam penitentiam & absolutionem, quam tuo excommunicato ignoranter dederam, & ille fraudulenter accepit, irritam facio & cassam, & de ea nihil aliud speret, quam maledictionem, qua satisfacta tu ipse absolvas. Quibus in verbis tanquam in brevi quadam tabella traditionem à Petro & Paulo Apostolorum principibus derivatam, & à Pio I. à Conciliis Eliberitano, Arelateni, Nicæno, Sardicensi, à Romanis Pontificibus, & cum primis à Nicolao I. & Joanne VIII. vindicatam non solum amplectitur, sed & disciplinæ severioris nonnihil adjicit, ut successores ad diligentiorē Apostolicæ traditionis custodiam oppigneret & constringat.

Gregorius VII. id in libri II. Epistola I. ad Sancium Regem Aragoniæ sic confirmat: De quorum vita & conversatione eum interrogantes alia omnia præterquam quod de concubinis nati erant, bona satis & honesta accepimus, & quia VENERANDI CANONES ad Sacerdotii gradum tales provehi contradicunt, probare eos non satis cautum fore



fore putavimus: NE QUICQUAM A NOBIS CONTRARIUM SANCTIS PATRIBUS IN EXEMPLUM ET AUCTORITATEM POSTERIS RELINQUATUR. SOLET ENIM SANCTA ET APOSTOLICA SEDES PLENAQUE considerata ratione tolerare, sed nunquam in suis decretis & constitutionibus A CONCORDIA CANONICAE TRADITIONIS DISCEDERE.

Hæc præcipua Sedis Apostolicæ laus est, nihil efficere sacris Canonibus contrarium, ne posteris exemplum malum relinquatur, & in suis decretis & constitutionibus à concordia canonica traditionis nunquam discedere. Quapropter Ivo Carnotensis in Epistola IX. 34 Apostolicæ legato, quod nesciente se quibusdam excommunicatis communionem restituerat: De cætero, inquit, prædam à Puteatensibus in me, & in Carnotensem Ecclesiam factam jure possem à vobis repetere, si reverentiam vestram in jus vocare possem, qui ad suggestionem amulorum meorum, prædictos sacrilegos à me & à Coepiscopis meis communionem privatos ME NESCIENTE communioni reddidistis, ac per hoc scelorum suorum impunitate ad perpetranda majora sacrilegia relaxastis. Quod virum faciendum fuerit, vel post factum cognita veritate corrigendum, judicet justitia vestra, cum iusta vincula non solvat, nisi vera penitentia.

Leo IX. Moguntia cum aliquando consisteret, exemplum præbuit, quo luculenter docemur, illum fuisse diligenter servaturum Apostolicam traditionem, quæ Nicæno Canone v. firmatur, si servandi oblata esset occasio. Res sic se habet apud Albertum Stadensem Abbatem in Chronico ad annum M. LIII. Leone IX. & Imperatore Henrico III. Natalem Domini regio cultu Wormatiæ agentibus, & missarum celebratione in sancta die peracta ab Apostolico, in sequenti die Luitboldum Moguntina Sedis Archiepiscopum utpote in sua Diœcesi subrogavit officio, & peracta processione quidam ex Diaconis Humbertus nomine, lectionem cantavit: Quod quidam ex Papa assistentibus vituperantes, ut contra Papam quasi Romano more non ageretur, objurgantes persuasurunt ei, ut decantationem Diacono interdiceret. Quod factum est, & contempsit, & 35 lectionem usque ad finem perduxit. Quâ finitâ ad illum vocavit, & pro inobedientia degradavit. Archiepiscopus misit ad Papam ut suum sibi redderet ministrum: Quod ubi Papa abnuvit, Moguntinus ubi sacrificii tempus advenit, in sede sua resedit constans, nec se, nec alium quemquam completurum illud officium, nisi reciperet ministrum suum. Quod ubi intellexit, Moguntino cessit, reinductumque ministrum continuo remisit: Quo recepto Moguntinus, officium perfecit. Quia in re & Pontificis Moguntini auctoritas, & Apostolici consideranda est humilitas, dum & ille sui officii dignitatem defendere contendebat, & iste licet majoris dignitatis, Metropolitanus tamen in sua Diœcesi cedendum perpendebat. Hic Leo suorum Assistentium studio plenus Diaconum de gradu suo deturbavit; Leo suorum Assistentium studio vacans Diaconum gradui suo restituit.

Si Leo IX. cessit Moguntino antistiti, dum Ecclesiæ suæ ritum, qui universalis Concilii Canone nullo statuitur, vindicat, is multo magis cederet Moguntinæ vel alterius Sedis Episcopo, qui Apostolicam traditionem universalis Concilii Canone circumscriptam defenderet. Secundum exemplum hoc Leo excommunicatum ab alio Episcopo hominem in communionem suam nunquam, nisi de consensu excommunicantis, reciperet. Quis complexioni nostræ refrageretur? Quis lumen tantum non aspiceret?

Innocentius III. in libri II. Epistola ad Cantuariensem Archiepiscopum: Quia in derogationem sanctorum Canonum attentamus, tanto potius infringi volumus & carere robore firmitatis, quanto auctoritas universalis Ecclesiæ, cui præsidemus, ad id nos provocat & inducit. Cum 36 Sedis Apostolicæ auctoritas eò tendat, ut, quidquid sacris adversatur Canonibus, evertat, ad Nicæni Canonis v. quo ejusdem Sedis confirmatur traditio, custodiam semper advigilabit.

Quod semel atque iterum hac in materia executus

est: Semel in constitutione CXXII. ad Rotomagensem Archiepiscopum: Ad reprimendam malitiam perverforum poena certa sunt in Canonibus constituta, quas sicut latas à vobis interdum in subditis vultis inviolabiliter observari, ita & latas ab aliis debetis inviolabiliter observare. Ideoque mandamus, quatenus sententias, quas Le-xoviensis Episcopus duxerit in subditos suos canonicè promulgandas, & vos ipsi servetis, & à vestris subditis faciatis inviolabiliter observari.

Iterum in libri III. Regist. xv. Epistola XXVIII. ad Archiepiscopum & Capitulum Thebanum: Ad audientiam nostram venerabili fratre nostro Zaratoniensi Episcopo significante pervenit, quod cum milites & Latini Zaratoniensis Diœcesis mansionem habeant apud Thebas, si quando præfatus Episcopus in eos propter suos excessus sententiam excommunicationis promulgat, vos ipsos non facitis evitari: Propter quod idem Episcopus, & Ecclesia sibi commissa suam non potest consequi rationem. Quia igitur non est malitiis hominum indulgendum, discretioni vestræ per Apostolica scripta mandamus atque precipimus, quatenus Patochianos ipsius Episcopi ab eo excommunicationis laqueo rationabiliter inmodatos non præsumatis de cætero recipere ad divina, sed eos faciatis potius evitari. Sic degenerantes à paternorum Canonum gravitate antistites 37 corrigit, & ad illorum observationem revocat.

Huc accedit quod in libri I. Epistola ad rectores Thuscæ scribat: Sicut jura nostra volumus servari, sic aliorum jura volumus illibata servare.

Innocentius III. id per traditionem à Gregorio VII. accepit, cum in libri I. Epistola XXIV. ad Brunonem scribit Veronensem Episcopum: Sicut Romana Ecclesiæ debitum honorem impendi à cæteris Ecclesiis, ita unicuique Ecclesiæ proprium jus servare desideramus.

Gregorius VII. id quoque à Gregorio I. per eandem traditionem habuit; siquidem in libri I. Indict. XI. Epistola XXIX. scribit ad Presbyteros & Diaconos Mediolanensis Ecclesiæ: Sicut ab aliis nostra exigimus, ita singulis sua jura servamus.

Gregorius id tum demum hausit ex his principiis: Alteri ne feceris, quod tibi fieri non vis: Alteri feceris, quod tibi fieri vis.

Eugenius IV. in bulla translationis Synodi Basileensis, & indictionis Synodi Ferrariensis parte I. Florentini Concilii num. XIII. Editionis novæ: Quod factum est sine consideratione justitiæ, & contra omnem Canonum disciplinam, ratum haberi nulla permittit ratio. Quapropter si quis antistes cujuscunque sedis fuerit, Nicænum Canonem v. quo Apostolica fulcitur traditio, infregerit, id ratum haberi ratio nulla permittit.

At vidimus Episcoporum jura esse omni luce clariora, scilicet ut nequis Episcopus etiam Romanus excommunicatus ab alio Episcopo hominem in communionem sine illius qui excommunicavit, consensu admittat. Hæc est Apostolica traditio, quam & Concilia & Romanæ Sedis decreta de Ecclesiasticis ordinibus & Canonum disciplinis promulgata corroborant, immo & ipsum sacramentum, quo Romani Pontifices sese quondam in sua consecratione obstringebant: In nomine Domini Dei Salvatoris nostri Jesu Christi, &c. Indict. ill. mense ill. die ill. ego ill. misericordia Dei Presbyter electus, futurisque per Dei gratiam humilis Sedis Apostolica antistes, tibi profiteor, Beate Petre Apostolorum Princeps, &c. Diligentius autem & vivacius omnia decreta prædecessorum Apostolicorum nostrorum Pontificum, quæque & synodaliter probata sunt, confirmare & indimинуere servare; & sicut ab eis statuta sunt, in sui vigoris stabilitate custodire, quæque vel quosque condemnarunt, vel abdicarunt, simili auctoritatis sententia condemnare; disciplinam & ritum Ecclesiæ sicut inveni, & à sanctis prædecessoribus meis traditum reperi, illibatum custodire, & indimинуtas res Ecclesiæ conservare, & ut indimинуte custodiantur, operam dare; nihil de traditione eorum, quæ à probatissimis prædecessoribus meis servata reperi, diminuisse vel mutare aut aliquam novitatem inducere; sed ferventer,

ut verè eorum discipulus & sequipeda totis mentibus meis & conatibus, quæ tradita sunt, conservare ac venerari: Si qua verò emerferint contra disciplinam canonicam emendare, SACROSQUE CANONES ET CONSTITUTA PONTIFICUM NOSTRORUM UT DIVINA ET CÆLESTIA MANDATA CUSTODIRE, nupotè tibi me reditum sciens de omnibus, quæ profiteor, districtam in divino judicio rationem, cujus locum divina dignatione perago, & vicem intercessionibus tuis adjutus impleo, si præter hac aliquid agere præsumpsero, vel ut præsumatur, permisso. Hæc in veteri Romanæ Ecclesiæ diurno, quod editum est Romæ, sed ibi captivum adhuc detinetur; non in Sede Apostolica, sed in Curia, quæ nec priscae Sedis illius traditiones, nec illarum defensores pati potest: Quo facto Romanam Ecclesiam apud eos, qui seorsum à nobis per religionem sentiunt, pro ludibrio abire permittit, & unà impedit, ne hi ad illius communionem accedant facilius. Ivo Carnotensis in laudata mox Epistola diurni hujus meminit, & professio hæc deprompta ex Antonii Augustini codice habetur inter notas, quibus octava Synodus à Severino Binio illustratur.

Sancta igitur Sedes cum electum antistitem sacramento tali obligandum esse censuit, id profectò intelligebat, quod Leo & Gregorius Pontifices cognomento Magni divinitus tradiderunt: Ille in Epistola LXII. ad Maximum Antiochenum Episcopum capite IV. Hoc PROPRIUM DEFINITIONIS MEÆ EST, ut quantumlibet numerus sacerdotum amplior aliquid per quorundam surreptionem decernat, quod illis trecentorum decem & octo Patrum constitutionibus inveniatur adversum, id justitia consideratione cassetur: QUONIAM UNIVERSÆ PACIS TRANQUILLITAS NON ALITER POTERIT CUSTODIRI, NISI SUA CANONIBUS REVERENTIA INTEMERATA SERVETUR. Hic in libri XI. Epistola XLIV. ad Joannem Panormitanum Episcopum: Illud autem admonemus, ut Apostolica Sedis reverentia nullius presumptione turbetur. Tunc enim status membrorum integer manet, si caput fidei nulla pulset injuria, & Canonum MANET INCOLUMIS ATQUE INTEMERATA SEMPER AUCTORITAS. O nobilissima Synoris Pontificum, quibus è Petri cathedra docentibus, pax Ecclesiæ, ut sacrorum Canonum observatione retinetur, sic & eorumdem violatione turbatur! Hos autem inter Canones notissimus est Canon Nicæni Concilii quintus, quo Apostolica traditio Epistolæ hujus argumentum validissime confirmatur.

Cum verò Gregorius caput fidei dicit, Petrum ni fallor, intelligit, qui interrogante Christo respondit, Tu es Christus filius Dei vivi, & qui ab eo constitutus est primum membrum universalis Ecclesiæ, ut ipse ait in libri IV. Epistola XXXVIII. ad Joannem Constantinopolitanum Episcopum: Certè Petrus Apostolus primum membrum universalis Ecclesiæ est. Paulus, Andreas, Joannes, quid aliud, quàm singularium sunt plebium ca-

pita? Et tamen sub uno capite (Christo) omnes membra sunt Ecclesiæ. Hæc est primi membri universalis Ecclesiæ, id est, capitis notio, quam cum adjunctis suis Sixtus III. & Joannes VIII. explicant.

Sixtus in Epistola ad Episcopos per Illyricum consistentes: Ut omne corpus capite regitur, ita ipsum caput nisi suo corpore sustentetur, firmitatem & vigorem suum perdit, & non tenet, quam habuerat dignitatem. In Romanæ Synodi Collectione Rom. bipartita num. XVII.

Joannes in Epistola CXCIX. ad Basilium & alios Imperatores: Totius familie Domini status & ordo nuntabit, si quod requiritur in corpore, non sit in capite, & inde fiet, ut omnis Ecclesiastica disciplina resolvatur, omnis ordo turbetur. Hic præterire nequeo Eugenium IV. nunquam satis laudatum Pontificem, qui in Basileensis Concilii sessione XVI. potiorum corporis, quàm capitis rationem duobus in eventis, si dissentirent inter se, ducendam esse scribit: Si Papa vel Legatus ejusdem nollet disponere aliqua, & contra Concilium affectaret, Papa sententia, vel ejus Legati personam Summi Pontificis representantis, non Concilii voluntas sequenda foret, cum super omnia Concilia habet potestatem Papa, NISI FORTE QUÆ STATUTA FORENT, CATHOLICAM FIDEM RESPICERENT, VEL SI NON FIERENT, STATUM UNIVERSALIS ECCLESIAE PRINCIPALITER PERTURBARENT, QUIA TUNC CONCILII SENTENTIA ESSET POTIUS ATTENDENDA. E duobus illis eventis, in quibus pronuntiant Eugenio, potior corporis, nimirum Concilii, quàm capitis, nimirum Romani Pontificis, ducenda est ratio, primum fidei dogma respicit, secundum universalis Ecclesiæ statum qui perturbaretur maximè, si universalem Ecclesiam aliter, quàm universalis decreverint Concilia, moderandam esse Romanus Pontifex judicaret. Secundum hoc agitur in præsentiarum. Apostolica enim traditio, quam & Romana erga Marcionem vindicavit Ecclesiæ, & Nicæna Synodus asseruit, & Romani occasione datâ custodierunt Pontifices, & tandem complexa est Tridentinæ fidei professio, ad statum universalis Ecclesiæ non potest non referri. Hæc tamen doctrina est, quæ apud Curia censores nec satis peritos, nec satis cordatos malè audit, & quæ sub aliis nominibus vetatur in hodierno indice, qui fagenæ missæ in mare bonos & malos pisces congreganti verè similis esse perhibetur.

Reliquum esset modò, ut ex traditione tam illustri, celebria illa & nuper instaurata Scholæ Parisiensis nostræ placita deducerem, ni refugeret animus, & reformidaret injuriam tibi facere; qui quod in quaque re verum sincerumque sit, quid consentaneum cuique, quid antecedens, quid consequens, quid disparatum, quid contrarium mihi semper visus es perspicere. Res nostras Ecclesiasticas perinde intelligis, ut monetales tuas, in quibus tam castè, tam integrè, tam diligenter versaris. Vale Lutetia Paris. pridie Idus Sextiles ann. M. DC. LXIV.

## Joannes Launoius CLAUDIO SANTEULIO.

CUM mihi nuper & aliis in sermone iniecisses, te in Symmachi Papæ causa reperisse tria, quæ videntur difficultatis habere nonnihil: Primum, quod in actis Romanæ illius Synodi, quam Theodoricus propter Symmachum coire voluit, dicitur Romana Sedis antistes minorum non sub-

jacere judicio: Deinde, quod in Ennodii Ticinensis Diaconi libello, quem pro Symmachi defensione composuit, sic legimus: Aliorum hominum causas Deus voluit per homines terminari, sed Romana Sedis Prasulem suo sine questione reservavit arbitrio: Denique, quod Avitus Viennensis Episcopus in Epistola ad Faustum & Sym-



Symmachum Senatores urbis scribit: *Non datur facile intelligi, qua ratione vel lege ab inferioribus eminentior judicetur.* Tria hæc cum breviter exposuisses ac dilucidè, subjunxisti, optare te, ut illa differenda & diluenda susciperem. Sed optarem ego vicissim, ut cui vacare me vis operi, vacares ipse tu, qui pro ea, qua præstas eruditione & perspicacitate ingenii, melius vacares ac diligentius. Vacabo tamen pro mearum tenuitate virium, sed imputabis tibi vacantis incommoda, si tuis votis non respondeam. Hac manente conditione, unumquodque singillatim aggredior & persequor.

Ad primum igitur quod attinet, id ex Romana Synodo, quam laudas, repetendum esse censeo. Nam <sup>2</sup> repetendum est altius, quod ad inveniendam, enucleandamque veritatem maximè conducit. Symmachus accusatur criminis, & reus ad Theodoricum Regem Italiæ defertur. Theodoricus interea dum impactum Symmacho crimen examineretur, visitatorem Romanæ Ecclesiæ dedit Petrum Altinensem Episcopum. Rex apud urbem Synodum convocat, ut crimen examinetur.

Actorum Synodi verba sunt: *Sancta Synodus apud urbem Romam ex praecepto gloriosissimi Regis Theodorici diversis ex regionibus congregata in Christi nomine dixit: Cum ex diversis provinciis ad urbem Romam convenire Sacerdotes Regia praecepisset auctoritas, ut de his, quæ venerabili Papæ Symmacho Apostolica Sedis præfati ab adversariis illius dicebantur impingi, sanctum Concilium judicaret legitime; Liguria, Emilia, vel Venetiarum Episcopis (quos ad præsentiam Principis ipse itineris ductus attraxit) consulendi Regem incubuit necessitas, qua hos voluisset atate fractos, debilitate corporis invalidos congregari: Respondit præfatus Rex piissimus bona conversationis affectu, plura ad se de Papæ Symmachi actibus horrenda fuisse perlata, & in Synodi oportere, si vera esset inimicorum ejus oblectio, indicatione constare: Memorati Pontifices, quibus allegandi imminerebat occasio, suggererunt ipsum, qui dicebatur impetitus, debuisse Synodum convocare, scientes, quia ejus Sedi primum Petri Apostoli meritum vel Principatus, deinde secuta jussione Domini Conciliorum venerandorum auctoritas singularem in Ecclesiis tradidit potestatem, nec antedictæ Sedis antistitem minorum subiacuisse judicio, in propositione simili facile forma aliqua testaretur.*

Memorati Pontifices, qui allegandi provinciam susceperant, pro Symmachi defensione adferunt duo: Convocandam ab eo, qui dicebatur impetitus, fuisse Synodum, & Apostolicæ Sedis antistitem minorum non subiacere judicio. Ratio prior, nec probatur, nec Theologiæ nec juris Ecclesiastici principiis probari potest. Theologiæ principia sunt, scriptura & Catholicæ Ecclesiæ Traditio: Ecclesiastici juris, Canones sacri & Sedis Apostolicæ decreta ex iisdem Canonibus promulgata. Quæ omnia Silvester II. complectitur in Epistola ad Seguinum Senonensem Archiepiscopum: *Sit lex communis Ecclesiæ Catholica, Evangelium, Apostoli, Propheta, Canones Spiritu Dei constituti, & totius mundi reverentia consecrati, & decreta Sedis Apostolicæ ab his non discordantia.* In neutris autem principiis traditur, impetitum Pontificem debere Synodum convocare, quomodo hic debere asseritur. Symmachi defensores ea in re modum excedunt, cum (dicis opinor gratiâ) sibi sumunt, quod Symmachus, cujus refert vel maximè, sibi non sumit. Non enim conqueritur, quod Synodum non convocaverit, aut quod eam Theodoricus convocaverit. Præterea quæ adfertur ratio, vitiosa est: A non distributo ad distributum procedit. At quis diceret Romanum Pontificem eo redactum esse, ut ad dignitatis suæ tutelam accidentis indigeat fallaciâ? Aliud est Symmachum ex Beati Petri merito, principatu, & Conciliorum, quæ præcesserant, auctoritate <sup>4</sup> singularem in Ecclesiis potestatem habere; aliud in nullo unquam eventu posse Synodum ei similem qua de

agitur, præterquam à Romano Pontifice congregari. Quidquid id est, Symmachus à Theodorico Synodum cogi consensit, & consentire illius intererat quamplurimum: Siquidem ab objectis criminibus purgatus fuisset nunquam, & eam ob causam visitator Romanæ Ecclesiæ datus à Theodorico remansisset semper.

Rationem priorem sic examinavimus, ut ad posterioris examen viam nobis muniremus. Posterioris robur, si quod in ea esse potest, in minorum nomine consistit. Certum est ante omnia, *minores* appellari non posse antistites, quos & Symmachus & Symmachi decessores collegas, fratres, comministros, confacerdotes, & coepiscopos appellant. Hæc est veritas, quæ argumenta non quærit, sed tantum oculos, qui Ecclesiastica legere possint monumenta, ubi vel oscitantibus & dormientibus id occurrit. Ne verò illud sit, Symmachus periodo unica rem absolvit, ad Aonium scribens Arelatensem Episcopum: *Dum ad Trinitatis instar, cujus una est atque individua potestas, unum est per diversos antistites sacerdotium, quemadmodum priorum statuta à sequentibus convenit violari? Si teste Symmacho unum est inter universos antistites sacerdotium, quinam quæso minores eo modo dicuntur, quo dicuntur ab iis, qui allegandi provinciam susceperunt?*

Deinde Romanæ Synodi hujus Episcopi Symmacho non dicunt: *Judices tui non sumus, te ipsum judica,* tu post Prophetam Deo potes dicere: *Tibi soli peccavi,* tibi soli meam debeo innocentiam. Hoc inquam non dicunt: De Symmacho & de Symmachi rebus ea ratione judicant, qua secundum allegata & probata, ut jurisperiti loquuntur, judicare potuerunt. Hinc removendum esse visitatorem, inde restituendum esse sedi suæ Symmachum decernunt: Hinc restitutus sedi suæ Symmachus ad objecta crimina coram Synodo respondet: Inde Synodus auditis responsonibus Symmachum absolvit quidem, sed non absolvit simpliciter, etiam si purus & innocens apud homines appareret. Itaque cum suspicarenter Patres occulta potuisse esse crimina, id totum divino judicio transcribunt. Quibus, inquit, *allegatis cum Dei nostri obtestatione decernimus, harum necessitatum vel religionum consideratione adstricti, & celesti inspiratione perpensis omnibus, quæ in causa erant secretis, ut Symmachus Papa Sedis Apostolicæ præfatus de hujusmodi propositionibus impetitus, quantum ad homines respicit, quia totum causis obsistentibus superius designatis constat arbitrio divino fuisse dimissum, sit immunis & liber, & Christiana plebi sine aliqua de objectis oblatione, in omnibus Ecclesiis suis ad jus sedis suæ pertinentibus tradat divina mysteria: Quia cum ob impugnatorum suorum impetitionem, propter superius designatas causas obligari non potuisse cognovimus: Unde secundum principalia præcepta, quæ nostra hoc tribuunt potestati, ei quidquid Ecclesiastici intra sacram urbem Romam vel foris juris est, reformamus, totamque causam Dei judicio reservantes universos hortamur, ut sacram communionem (sicut res postulat) <sup>6</sup> ab eo percipiant, & Dei & animarum suarum meminerint, quia ipse & amator pacis est, & ipse pax est qui monet: Pacem meam do vobis, pacem meam relinquo vobis: Et in quacunque civitate pacem esse confirmandam affirmans, beatos esse dicit pacificos. Hec quicumque ex instructione nostra (quod non estimamus) vel non admittit, vel retractari posse crediderit, videat, quia in divino judicio contemptus sui rationem est, sicut de Deo confidimus, rediturus. De Clericis memorati Papæ, qui ab Episcopo suo ante tempus aliquod contra regulas discesserunt, & schisma fecerunt, hoc fieri decrevimus, ut eos satisfaciens Episcopo suo misericordia subsequatur, & officiis Ecclesiasticis se gaudeant restituere; quia Dominus & redemptor noster oves perditas ab errore latatur inventas, & super profugum filium paternam liberalitatem celestis mediator accommodat. Quisquis verò Clericorum, post hanc formam à nobis prolatam, quocumque sacrato Deo loco in Ecclesia Romana missas celebrare præsumperit, præter conscientiam Symmachi Papæ dum vivit, statutis canonicis velut schismaticus percellatur.*

percellatur. *Ista sufficiat nunc cum Dei notitia nos sincere protulisse.*

Subscribunt Episcopi: *Laurentius Episcopus Ecclesie Mediolanensis huic statuto nostro, in quo totam causam Dei iudicio commisimus, subscripsi. Petrus Episcopus Ecclesie Ravennatis huic statuto nostro, in quo totam causam Dei iudicio commisimus, subscripsi: Et lic de cæteris.*

Quot commata, tot sententiæ, quibus Concilium suam in Symmachum & Symmachi Clericos jurisdictionem exercet. Symmachus non repugnat: Symmachus Concilii præfulibus se ab illorum iudicio liberum & immunem esse non denuntiat. Symmachus Concilii decretis assentitur, parere non renuit. Symmachus, nec ante nec post restitutionem suam, protestatur Episcopos de se iudicandi formam non competere. Quis modò Symmachum & suæ & Apostolicæ Sedis causæ indormivisse diceret, cum ad illius conservationem advigilare vel maxime oportuit? Symmachus quod nec suum erat, nec Sedis Apostolicæ, repetebat, aut vindicabat. Obnoxium se Concilio huic agnoscebat, tantum abest ut ei subesse renueret, aut id faceret, quod faciunt qui his verbis, *Romane Sedis antisitem minorum non subiacere iudicio, abutuntur.* Ad Episcoporum Concilium illa non pertinent, sed ad Romanos plures Clericos, ad Senatum & populum, qui sese in Symmachi causa ferventiori, quam par fuit, studio interposuerant. Id facile colligitur ex præceptione, quam Theodoricus ad Episcopalem Synodum misit. *Romana Ecclesia pacem, Episcopo Symmacho criminosis propositionibus impedito sub ea, quam cernitis, confusione turba, quoniam non magis potuit providentia nostra consulere, quam ut iuxta petitionem Senatus & Cleri ad congregandos ex diversis provinciis causam revocare & antistites, & de religiosa actione persona sanctum facere.* Et quibusdam interpositis: *Intentio est vobis servanda iustitia, in cognitione libertas remotis omnibus occasionibus integro si vestra voluntas obsectorum criminum causa examinate iudicium, dummodo* 8 *studiosa certamine defendi amore, & omne confusionis amputetur ambiguum, maxime cum hanc vobis pro religionis reverentia consideratione iustitia nostræ oracula tribuant facultatem; Ut sicut vobis est inquirenda in hoc negotio voluntas, & cura veritatis, personis illic omnibus constitutis, per quas potest fides rerum quesita prestare, vos noveritis & Deus, quid in ipsa causa iudicare debeatis, pacem modis omnibus Clero, Senatui & Romano populo post iudicium reddiduri, nequa turbatio, nulla discordia in civitate remaneat, siue vultis, ut quod propositum est transeat sine discussione negotium, vos sciatis, & Deus, qualiter ordinatis, dummodo pax Clero, Senatui, populoque Romano sub vestra ordinatione reddatur.* Ad clerum ergo, senatum populumque Romanum spectanda est illa propositio, qua dicitur Apostolicæ Sedis præful minorum non subiacere iudicio. Minores ii sunt, qui Symmachum de sede sua dejecerant; & apud Theodoricum effecerant, ut Romanæ Ecclesiæ visitator daretur Petrus Altinensis Episcopus.

Porro autem illud exceptionis genus firmat regulam, qua Romanum Pontificem Episcoporum Concilio subesse constat.

Hoc verò Symmachus semel atque iterum significat: Semel quidem in Romana Synodo, quam de bonis Ecclesiæ non alienandis celebravit, cap. iv. *His ergo perpensis, mansuro cum Dei nostri consideratione decreto sancimus, ut nulli Apostolica Sedis præfuli, à presenti die, donec disponente Domino Catholica fidei manserit doctrina salutaris, liceat prædium rusticum quantacunque fuerit* 9 *vel magnitudinis vel exiguitatis sub perpetua alienatione ad cuiuslibet iura transferre, nec cuiusquam excusetur necessitatis obtentu.* Deinde in capite vi. *Pari etiam Ecclesiarum per omnes Romana civitatis titulos, qui sunt Presbyteri, vel quicumque fuerint, adstringi volumus lege custodes, quia nefas est obligatione, qua se per charitatem Christi connectit Summus Pontifex, ea hominem secundi in*

*Ecclesia ordinis non teneri.* Hic Symmachus Provinciæ Conciliorum legibus obligatur, sed multò magis obligabitur universalium Conciliorum Canonibus, qui Spiritu Dei conditi & totius mundi reverentia consecrati sunt. Iterum verò in Epistola vii. i. Apologetica, quam scripsit adversus famosum Anastasii Imperatoris libellum: *Dicis me esse Manichæum. Nunquid ego Eurychianus sum vel Eurychianos defendo, quorum furor maxime Manichæorum suffragatur errori? Roma mihi testis est, & Scrinia testimonium perhibent, utrum à fide Catholica, quam in Sede Beati Petri Apostoli veniens ex paganismate suscepi, aliqua ex parte deviaverim. Procedat aliquis, & qualibet ratione convincat; alioqui convicta sunt ista, non criminum probamenta.* Hæc cum ita dixerit, nisi fortassis adversario illudat, (quod non est credibile) in hæresim labi se posse innuit, ac proinde quod necessario consequitur ab Episcoporum Concilio iudicari.

In secundo, quod expedietur brevius, res est huiusmodi: Postquam Concilium absolvit Symmachum a criminibus, quæ ei obiciebant æmuli, fuerunt adhuc inter eos, qui adversus Concilium scripserint, titulumque operi suo indiderint, *adversus Synodum absolutionis incongrua.* Id traditur in libello, quam Ennodius pro Symmacho & Synodo ut Apologeticum adversus eos composuit, qui contra Synodum scribere præsumperant. Quæ verò in Apologetico ad quæstionem nostram pertinent, hæc sunt: *Videamus, si superest aliqua de regulari propositione defensio. Visitatores, inquit, & alius Episcopis ipse dedit, & iustum est, ut facti sui lege teneatur. Non vos in hoc titulo falsitatis incesso: Diu mendacis adhærentia verba non arguo. Dico tamen latorem juris definitionis suæ, nisi velit, terminis non includi, & nisi princeps fastigii summa moderetur, frustra ad illud, quod dederit, ius vocatur. Lex probitatis & mentis est, quæ hominem viventem sine lege castigat: Proprie moribus impendit, qui necessitati non debet disciplinam. Aliorum fortè hominum causas Deus voluerit per homines terminare: Sedis istius præfulem, suo sine quæstione reservavit arbitrio. Voluit Beati Petri Apostoli successores calò tantum debere innocentiam, & subtilissimi discussoris indagini involatam exhibere conscientiam.* Qui scribit pro Synodo & Papa, supra Synodum & Papam sapere non debet. Ennodius supra Synodum & Papam saperet, si prout illius verba postrema sonant, intelligeretur. Quæ de Papa dicit Ennodius, de se Papa non dicit, etiam si dicendi necessitas fuerit vel summa. Ubi quæso & quando Symmachus dixisset magis appositè, Deum causas suas suo sine quæstione reservasse iudicio, quam cum Episcoporum Synodus de causis suis iudicare aggreditur? Quam cum re ipsa iudicat? Symmachus hoc non dicit; obstinatè 11 *filet.* Vbi quæso & quando Symmachus ad tuendam suam & Sedis suæ prærogativam, si qua vera fuisset, in medium protulisset accommodatius, se suam calò tantum innocentiam debere, quam cum illa variis criminibus impetitur? Hoc non profert in medium; contumaciter tacet. A maioribus de prærogativa tali per traditionem nihil acceperat; alioqui nec scripsisset in Epistola Apologetica, quod eum scripsisse mox vidimus, nec sivillet se in propria Synodo lege summa constringi, ut constrictum mox vidimus. Qui humana lege constringitur, si legem violat, apud homines penas luit. Quæ de Papa dicit Ennodius, de Papa non dicit Romana Synodus, etiam si dicendi præ manibus fuerit occasio. Vbi quæso & quando dixisset unquam id quod dicit Ennodius, nisi cum in Symmachi mores & vitam inquirendum est? Nisi cum Symmachus de sede sua cleri, senatus, & populi factione dejicitur? Cum visitator in illius locum sufficitur, & innocentia variis criminibus tentatur? Synodus e contrario in tantum iudicat, in quantum iudicare per leges & Canones potest. Quis contenderet, Laurentium Mediolanensem, Petrum Ravennatem & cæteros antistites maturioris ætatis viros alios, senes alios, Romanæ Ecclesiæ traditionem ignorasse, quam unus Ennodius in Gallia



Gallia vel in Liguria natus annos xxx. scivisset? Cùm scripsit Apologeticum, annos ferè natus non erat plures, quia cùm annum ætatis ageret quadragesimum octavum, decessit anno Christi DXXI. ut Sirmundus observat in breviculo de vita illius. Synodus verò, 12 de qua nunc agimus, habita est ad annum Christi DIII. Verumenimverò Romana Synodus V. cùm hoc perspiceret, Ennodii honori consulere voluit; atque ut consuleret, Ennodii libellum probando suum fecit, & ita noluit, ut Ennodii libello plus fidei quàm sibi tribueretur. Quo in casu relata Ennodii verba, aliorum fortè hominum causas, &c. ultra expositum Synodi sensum produci non debent.

Quòd si quis hac erga Ennodium benignitate uti noluerit, & eum intellexerit de occultis tantum criminibus, quæ nec probantur nec legitime probari possunt, efficiet primum ut Romana Synodus V. & Symmachus Ennodii libellum contra se probent, & probando contra se dicant: Tum ut qui Ennodius adversarios falsitatis accusat, ab adversariis etiam falsitatis accusetur. Nam Ennodii adversarii, quæ ad Synodum & Symmachum animadvertimus, Ennodio opponent, & adjicient eum nesciisse, vel, quod esset acerbius dissimulasse, quæ de Silvestro traduntur in Romani Concilii Epistola III. ad Imperatores Gratianum & Valentinianum: *Accipite aliud quoque, quod vir sanctus (Damascus) vestra magis conferre pietati, quàm sibi prestare desiderat, nec derogare cuiquam, sed principibus adrogare. Quoniam non novum aliquid petit, sed sequitur exempla majorum, ut Episcopus Romanus, si Concilio ejus causa non creditur, apud Concilium se Imperiale defendat. Nam & Silvester Papa à sacrilegis accusatus, apud parentem vestrum Constantium causam suam prosecutus est.* Tunc à Silvestro Pontifice non dicebatur, quod annis post illum centum & octoginta plus minùs ab Ennodio dictum est. Impositum Silvestro sacrilegii crimen divino sine quæstione reservatum non est iudicio; Silvestri innocentia, quæ cælo tantum deberetur, non obtenditur. Concilia duo proponuntur, Ecclesiasticum unum, Imperiale alterum, in quibus quod crimen Silvestro impingitur, discutiri possit. Hæc est Apostolicæ Sedis traditio, cuius cognitione caruit Ennodius; Et quòd caruerit, propter ætatem excusatur, salvis juribus veritatis, cui nemo præscribere potest, non spatium temporum, non patrocinia personarum, non privilegium regionum. Tertullianus, in libri de velandis virginibus capite I.

Franciscus Torrens in libro II. de Summi Pontificis supra Concilia auctoritate, & Bellarminus in libri II. de Conciliorum auctoritate capite XVII. Ennodii testimonium adducunt, ut Summum Pontificem supra Concilium esse doceant: Sed non adduxissent, si suis illud momentis expendere per otium licuisset; Alios in errorem inducere noluisse.

Cæterum quota fuerit Synodus, in qua Symmachi tractatum est negotium, inter auctores non convenit. Optimè omnium mea quidem opinione Jacobus Sirmundus in suis ad libellum pro Synodo notis: Synodus, inquit, quam hoc libello defendit Ennodius, ea est, quæ inter Romanas Symmachi Papæ quarta numerari debet x. Calend. Novembris, Rustio Magno Fausto Avieno v. c. Consule peracta, quæ & pulmaris cognominata 14 est. Infrà de libro Ennodii: Quo nomine (Apologetico) adeò Episcopis omnibus probatus est liber, ut eum Synodus altera, quæ post consulatum Avieni habita est, suffragio suo confirmaverit, atque inter quartam & quintam Synodos Symmachianas collocari, decretique vim obtinere jussit. Hodie tamen perperam post Synodum, quæ Avieno ut dixi Consule habita est, subjici debeat. Hæc enim non illa Synodus fuit absolutionis & quarta & palmaris à Symmachi emulis oppugnata, & ab Ennodio defensa. Hæc ille vir nunquam satis laudandus; quæ in nostros usus derivamus.

Supereff tertium, Aviti nimirum Epistola hæc:

Primum fuerat talis status rerum desiderandus, ut ipsi per nos urbem orbi venerabilem pro dependendis divinis humanisque expeteremus officiis. Sed quia istud jam dudum per rationem temporum fieri posse cessavit, velimus quod fatendum est, vel eò securitatis accedere, ut quæ in causa communi supplicari oportet, amplitudo vestra congregatorum Gallia Sacerdotum relatione cognosceret. Sed quoniam hujus quoque nos voti compotes reddit provincia, præfixis regnorum determinata limitibus; Quamprimum supplici prece posco, ne celeberrimo ordini vestro pagina hæc aliquod moveat quasi ab uno dictata fastidium: Quoniam à cunctis Gallicanis fratribus meis ad hoc ipsum non minùs per mandata, quàm per literas oneratus quacumque à vobis omnes ambimus, unus suggerenda suscepi. Dum de causa Romana Ecclesia anxiamur ac trepidi essemus, usque nutare statim in lacerato vertice sentientes, quos omnes una criminatio utique sine invidia multitudinis percussisset, si nostrum Principis obruisset: Perlata est sollicitudini nostræ ab Italia in exemplaribus sacerdotalis forma decreti, quam de Papa Symmacho apud urbem collecti Italia antistes ediderunt. Quam constitutionem licet observabilem numerosi reverendique Concilii reddat adsensus, intelligimus tamen, sanctum Symmachum Papam, si saculo primum fuerat accusatus, consacerdotum suorum solatium potiùs adsciscere, quàm recipere debuisse iudicium. Quia sicut subditos nos esse terrenis potestatibus jubet arbiter cali, staturos nos ante Reges & Principes in quacumque accusatione prædicens: Ita non faciliè datur intelligi, quæ vel ratione vel lege ab inferioribus eminentior iudicetur. Nam cum celebri præcepto Apostolus clamet, accusationem vel in Presbyterum recipi non debere, quid in præcipuum generalis Ecclesiæ criminationibus licere censendum est? Quod Synodus ipsa venerabilis laudabili constitutione prospiciens, causam, quam, salva ejus reverentia dictum sit, pene temerè susceperat inquirendam, divino potiùs servavit examini: Perstringens tamen prout breviter potuit, nihil vel sibi vel gloriosissimo viro Theodorico Regi, de his, quæ Papæ dicebantur objecta, paruisse. Quibus cognitis quasi Senator ipse Romanus, quasi Christianus Episcopus obtestor, sic divinitatis celestis dono temporibus vestris prosperitas optata succedat, sic dignitas quæ floretis, universo orbi speciem Romani nominis mundo labente contineat, ut in conspectu vestro non sit Ecclesiæ minor, quàm reipublicæ status: Quodque vobis Deus posse præstitit, prosit & nobis; Nec minùs diligatis in 16 Ecclesiæ vestra Sedem Petri, quàm in civitate apicem mundi. Si profundo illo tractatus vestri consilio rem videtis, non ea tantummodo quæ Romæ geritur causa cogitanda est; sed & in Sacerdotibus potest siquid forte quod vocaverat reformari. At si Papa urbis vocatur in dubium, Episcopatus jam videbitur, non Episcopus vacillare. Nostis bene inter quas hæresum tempestates veluti ventis circumstantibus fidei puppem ducamus. Si nobiscum hujusmodi pericula formidatis, expedit, ut gubernatorem vestrum participato labore tueamini: Alias autem quæ ultio est, si nautis in magistrum furentibus, non sine illorum periculo cedatur isto discrimine? Reddet rationem, qui ovili Dominico præest, quæ commissam sibi agnorum curam administratione dispenset: Cæterum non est gregis pastorem proprium terrere, sed iudicis. Quapropter reddite nobis principalem, si tamen nec dum est restituta, concordiam. Quoniam clienti vestro venerabili Symmacho, Presbytero idcirco laborem hujus fatigationis injunximus, ut nobis in vestrarum oraculo literarum per reintegratæ pacis nuntium supplicationis nostræ referret effectum.

I. Avitus scribit ad Faustum & Symmachum Senatores urbis, qui sine dubio principem in vexatione Symmachi Papæ locum tenuerant, egerantque ut Symmachus Papa de sede sua dimoveretur, & à Theodorico Romanæ Ecclesiæ visitator daretur Petrus Altinensis Episcopus. Exinde æstimanda est scribentis intentio & scopus, quem auctor potissimum spectat.

II. In his duobus Senatoribus, quos fortè cognoscebat, 17 Senatum

Senatum totum alloquitur, qui Symmacho Papæ adversabatur: *Quamprimum, inquit, supplici prece posco, ne CELEBERRIMO ORDINI VESTRO pagina hac aliquod moveat quasi ab uno dictata fastidium; quoniam à cunctis Gallicanis fratribus meis ad hoc ipsum non minus per mandata, quam per literas oneratus, quacumque à vobis omnes ambimus; unus suggerenda suscepi.*

III. Avitus verbis insequentibus significat ad Senatum adjunxisse se Romanum populum, ut Symmachum criminaretur, præberique exemplum, quo Episcopi omnes à populis pari modo lacerarentur: *Dum de causa Romana Ecclesia anxiamini, ac trepidi essemus, utpote mutare statum nostrum in lacerato vertice sentientes, quos omnes una criminatio utique sine invidia multitudinis percusserat, si statum Principis obruisset. Metuebant Gallicani antistites, ne quo modo Romanus Pontifex Episcopalis coronæ vertex à Rege Theodorico, à Senatu, populoque tractatus esset, eodem & ipsi ab Regibus & Principibus sæculi ac populis tractarentur.*

IV. Hinc ægrè fert, eam ob causam factum esse Episcoporum Concilium, etiam si Concilium à Symmachi partibus steterit. Rem esse pessimi exempli putabat: *Perlata est sollicitudini nostræ ab Italia in exemplaribus Sacerdotalis forma decreti, quam de Papa Symmacho apud urbem collecti Italia antistites ediderunt: quam con-*  
18 *stitutionem licet observabilem numero, reverendique Concilii reddat assensus, intelligimus tamen Sanctum Symmachum Papam, si sæculo primum fuerat accusatus, confacerdotum suorum solatium potius adsciscere, quam recipere debuisse judicium: De modo judicandi, non de re, id est de judicio, non disputat. Judicandi modum improbat, non judicium, quod Symmachus à suis confacerdotibus recepit.*

V. Avitus cum collectos Italiæ antistites, qui Concilium Romæ celebrarunt, Symmachi Papæ confacerdotes appellat, manifestè innuit, se de collectis Italiæ antistitibus non loqui, cum paullo post ait: *Non datur facile intelligi, qua vel ratione vel lege ab inferioribus eminentior judicetur.*

VI. Inferiores in judicando nominat Reges & Principes, ut subsequens periodus ostendit: *Quia sicut subditos nos esse terrenis potestatibus jubet arbiter celi, staturos nos ante Reges & Principes in quacumque accusatione prædicens, ita non datur facile intelligi, qua vel ratione vel lege ab inferioribus eminentior judicetur. Quasi diceret, Deus quidem nos Episcopos terrenis potestatibus subditos esse, & coram Regibus & Principibus accusatum iri prædixit, sed non statuit, ut ab illis judicarentur. At Theodoricus, Senatus, populisque Romanus Symmachum judicaverunt. Senatus & populus cum factiosis Clericis Symmachum abjecerant, & Theodoricus Romanæ Ecclesiæ visitatorem dederat Petrum Altinensem Episcopum. Hoc autem qui fecerunt, Sym-*  
19 *machum Romana Sede indignum judicaverunt: Quò spectat cum ait, Non datur facile intelligi, qua vel ratione vel lege ab inferioribus eminentior judicetur.*

VII. In judicio, quod redarguit, aliter adhuc peccatum esse docet, cum proximè subnequit: *Nam cum celebri præcepto Apostolus clamet, accusationem vel in Presbyterum recipi non debere, quid in præcipuum generalis Ecclesiæ criminationibus licere censendum est? Apostoli præceptum hoc est: Adversus Presbyterum accusationem noli recipere nisi sub duobus aut tribus testibus. Contendit omnino Pauli præceptum, quod in Presbytero servari debet, Theodoricum Regem & Senatum in Symmacho neglexisse: Post unius vel alterius accusationem spoliatus est Symmachus, & in ejus locum suffectus, qui Romanam Ecclesiam administraret.*

VIII. Avitus cum censet, absolutè & simpliciter restituendum fuisse Symmachum, penè indignatur adversus Synodum, quæ in Symmachi causam inquisit, ut restitueret, & quod illi præter leges & canones objectum fuerat, divino examini reservavit. *Quod Synodus ipsa venerabilis laudabilis constitutione prospiciens,*

*causam quam, quod salva ejus reverentia dictum sit, penè susceperat inquirendam, divino potius servavit examini: Perstringens tamen, prout breviter potuit, nihil vel sibi vel gloriosissimo viro Theodorico Regi de his, quæ Papa dicebantur objecta, patuisse.*

IX. In causa Symmachi, quia spretæ sunt judicandi leges omnes, Episcoporum omnium causam agit: *Si*  
20 *profundo, inquit, illo tractatus vestri concilio rem videris, non ita tantummodo, quæ Romæ geritur, causa cogitanda est, sed & in Sacerdotibus ceteris potest siquid forte quod vocaverat reformari: At si Papa urbis vocatur in dubium, Episcopatus jam videbitur, non Episcopus vacillare. Quasi diceret: Si permittatis, ut Papa urbis tam iniquè tractetur, jam non Episcopus sed Episcopatus ipse, cum unus sit multorum Episcoporum concordie numerositate diffusus, vacillabit, in discrimen ultimum adducetur. Quare persequitur: Nostis, inquit, bene inter quas hæresum tempestates veluti ventis circumstantibus fidei puppem ducamus. Si nobiscum hujuscemodi pericula formidatis, expedit, ut gubernatorem vestrum participato labore tueamini. Quæ omnia communem in uno Symmacho causam arguunt.*

X. Dum Avitus Senatores urbis sic alloquitur: *Cæterum non est gregis pastorem proprium terrere, sed judicis: Quapropter reddite nobis principalem, si tamen necdum est restituta, concordiam; significat adhuc eos esse, de quibus antedixerat: Non datur facile intelligi, qua vel ratione vel lege ab inferioribus eminentior judicetur. Senatores pertinebant ad gregem, cujus Pastor proprius erat Symmachus: Deinde Senatores debebant apud Principem Theodoricum sic agere, ut urbi & Ecclesiæ redderetur concordia. Observatio hæc unica sufficeret.*

XI. Ex verbis suprâ relatis num. IV. & VII. facile apparet, Gallicanos antistites, quorum nomine Avitus scribit, in ea fuisse sententia, ut crederent, Romanum  
21 *Concilium potuisse de Symmacho judicare legitime, si legitime & de publicis flagitiis accusatus fuisset, Pontificem ex formâ Canonum quibus subjecit, judicasset, nec ad divinum remisisset judicium. Quorsum quæso te remisisset? Nempe ut Deus patraret miraculum, quo illum vel è medio tolleret; vel Sedi Apostolicæ præesse sineret ad publicam Ecclesiæ totius offensionem. Quæ scriptura, quæ auctoritas, quæ traditio significat, cum divino numine sic agendum esse, ut ab hominibus tentetur? In criminibus quidem occultis, de quibus non judicat Ecclesia, ad divinum remittitur judicium, sed in compertis & exploratis non remittitur. Jam vidimus Symmachum cujus res agebatur, Romani Concilii non declinasse judicium, nec divinum appellasse. Quod si Romani Concilii, quod ex tribus tantum provinciis, Romana, Mediolanensi & Ravennatensi constabatur, judicium minimè declinaverit, multo minus declinaret judicium Concilii, quod ex omnibus Christiani orbis Provinciis congregaretur. Symmachus se sacris Canonibus & Conciliis subiectum arbitrabatur.*

Avitus vix è vivis exccesserat, cum Bonifacius II. totum hoc insigni confessione & facto confirmavit, ut Anastasius in illius vita narrat his verbis: *Hic congregavit Synodum in basilica Beati Petri Apostoli, & secit constitutum, ut sibi successorem ordinaret. Quo constituto cum Chirographis Sacerdotum, & jurejurando ante confessionem Beati Petri Apostoli in Diaconum Vigilium constituit. Eodem tempore facta iterum Synodo, hoc censuerunt Sacer-*  
22 *dotes omnes propter reverentiam Sanctæ Sedis, & quia contra canones hoc fuerat factum, & quia culpa eum respiciebat, ut successorem sibi constitueret, ipse Bonifacius Papa cum se confessor esset majestatis, quod Diaconum Vigilium sua subscriptione chirographi ante confessionem Beati Apostoli Petri constitueret, ac ipsum constitutum in presentia omnium Sacerdotum & Cleri & senatus incendio consumpsit.*

Gregorius I. in libri I. Indict. x. Epistola xxxvi.



ad Natalem Salonitanum Episcopum, quem propter convivium minus sobria redarguerat: *Ecce fraternitas tua agere iulit, se de conviviis a me esse reprehensam, cum ego, qui etsi hanc non vitam, tamen loco transgredior, ab omnibus corripi, ab omnibus emendari paratus sim.* Hæc ille: tantum abest ut vitæ suæ rationes Dei sine quæstione reservaverit arbitrio, ut suam cælo tantum debere innocentiam protestaretur.

Hadrianus II. de Honorio agens in Romana Synodo, non dicit a Synodo VI. erratum esse, quod Honorii Epistolarum iudicium ad Deum, cui soli suam debebat innocentiam, non remiserit; quod propter contentam in iis hæresim Pontificem illum damnaverit & cum aliis Monothelitis anathemate percussisset. Quinetiam ultro fatetur consentiente Sede Apostolica damnatum esse; tantum abest, ut reclamaret. Id, inquam, fatetur in Epistola, quæ ex Romana Synodo ab eo missa ad Synodum VIII. lecta ibi & approbata est actione VII. Hadriani verba sunt: *Licet Honorio ab Orientalibus post mortem anathema sit dictum, sciendum tamen est, quia super hæresi accusatus fuerat, propter quam solum licitum est minoribus majorum suorum moribus resistere, vel pravorum sensus libere respuere, quamvis & ibi nec Patriarcharum, nec cæterorum Antistitum cuiusquam de eo quamlibet fas fuerit, proferendi sententiam, nisi ejusdem primæ Sedis Pontificis consensus præcessisset, auctoritas.*

Hic præterire non possum, hodiernos esse scriptores nonnullos, qui docent, Honorium non ob hæresim, sed ob certam quandam in reprimenda hæresi negligentiam a Synodo VI. damnatum esse. Et quamvis faciant duo, quæ non probamus; primum, quod de Honorio aliter ac Synodus VI. & Hadrianus II. judicant: Deinde, quod in Stoicorum errorem labi videntur, consentientes in pœnam æqualem, quæ inæqualibus peccatis duobus decernitur: placitum tamen novum illud accipimus, quia auctores valde graviter & circumspecte nobis pro uno crimine obijciunt duo, hæresim & in reprimenda hæresi negligentiam, ob quæ Synodus Romanum Pontificem deponat, & ei anathema denuntiet. Quæ de Bonifacio II. de Gregorio I. de Hadriano II. & de hodiernis scriptoribus notamus, quorsum hæc omnia? Ut videlicet confirmemus, Ennodium non aliter in Romana Ecclesia intellectum esse, quam intelleximus, vel certe neglectum.

Cæterum Silvester & Symmachus, qui, ut vidimus, suo quisque tempore accusati sunt criminum, præbuerunt occasionem fingendi canonis: *Nemo judicabit primam sedem, quoniam omnes Sedes à prima Sede justitiam desiderant temperari: Neque ab Augusto, neque ab*

*omni clero, neque à regibus, neque à populo judex judicabitur.* Silvester à sacrilegis accusatus apud Constantinum causam propriam prosecutus est. Symmachus æmulum factione in criminum multorum adductus suspicionem, à senatu, clero, & populo de sede sua pulsus est, & à Theodorico Rege institutus Romanæ Ecclesiæ visitator Petrus Altinensis Episcopus. Hæc penè omnia constituit sibi ante oculos, qui relatum canonem *Nemo* supposuit. In eo canone per Augustum, per Regem, per clerum & populum, vox *nemo* distribuitur; & sic prima Sedes, id est, primæ Sedis Episcopus *æquid dicitur*, nec ab Augusto, nec à Regibus, nec à clero, nec à populo judicabitur. In distributione vero ista Episcoporum Concilium neutiquam continetur. Hinc Symmachi causa in Romano Concilio discussa fuit, & quia non liquebat, divino iudicio reservata. In Synodo VI. discussa fuit Honorii doctrina, & quia liquebat, damnata, & dictum Honorio, ut Monothelitis cæteris, anathema.

Hic canon vicesimus est Romani sub Silvestro Concilii, quod in observatione 1. ad caput primum libri de Cura Ecclesiæ pro miseris & pauperibus, suppositum esse pluribus rationum momentis confirmo, iisque ad iudicio insequentem, quæ sola sufficeret. Dionysius, qui Romæ Justiniano imperante Codicem canonum confecit, Concilii hujus canones non refert, relaturus sine dubio, si Concilium vel habitum fuisset unquam, vel canones edidisset. Cur enim retulisset celebratum in Oriente Conciliorum canones, nec retulisset numerosioris Concilii, quod Romæ habitum esset? Comparatio hæc, quæ nunquam diluetur, rem absolvit. Prætera canon hic, qui primum à Nicolao I. sic laudatur, (*prima Sedes non judicabitur a quoquam*) temporis progressu interpolationem passus est. Apud Gratianum legitur: *Nemo judicabit primam Sedem justitiam temperare desiderantem.* In tomo 1. Conciliorum: *Nemo judicabit primam Sedem, quoniam omnes Sedes à prima Sede justitiam desiderant temperari.* Lectionis prioris in posteriorem mutatio facta est ab iis, qui primam Sedem, si justitiam temperare nollet, judicari posse perspexerunt. Ratio mutationis statim ad oculos advolat. Tum lectio prior sequenti canonis contextui quadrat utcumque, sed posterior minime quadrat. Interpolatori mala fides non defuit, sed solertia. De canonis suppositore & interpolatore judicabis tu, qui solertiam cum bona fide conjunctam habes: De cæteris quoque quæ in Epistola nostra disputantur. Judicatis à te rebus stabo. Vale. Lutetiæ Paris. xv. Calend. Septembris ann. M. DC. LXIV.

# Joannes Launoius

## CHRISTOPHORO FAUVÆO

Parisiensi Theologo & Pictaviensi Officiali.

Pictavium.

**O**BSECRAS me, cum pro lege amicitiae nostræ & pro jure vetustioris in eadem Facultate magisterii jubere possis, ut ad te perscribam, num Bellarminus in libri II. de Conciliis capite XIII. & XIV. sincerè proponat statum quæstionis, qua Concilium supra Pontificem collocatur. In obsecratione tua, quæ jussi mihi est instar, continentur, ni fallor, duo: Unum respicit tempus, quo exorta est quæstio hæc: Alterum numerum magistrorum, qui quæstionem tractarunt. Non tenebo

te pluribus. Bellarminus in neutro verè ac sincerè versatus est.

Ad primum sic aggreditur: *Quæstio hæc, an Concilium sit supra Papam, exorta est tempore Concilii Pisani, quia cum duo Pontifices, qui simul sedebant in schismate, Gregorius XII. & Benedictus XIII. non videbantur seriò cogitare de tollendo schismate per spontaneam abdicationem, quemadmodum ante Pontificatum uterque voverat & juraverat, Cardinales utriusque partis secesserunt Pisam, & tractare cæperunt, an sibi liceret, invitis Pon-*

Pontificibus illis Concilium generale convocare, & eos Pontifices deponere. Deinde cum paullo post fieret Concilium Constantiense, & Joannes XXIII. qui solus ad Concilium accesserat, à Concilio clam discessisset; Atque ita Concilium sine capite remansisset: tractare Patres cœperunt, an Concilium posset invitum Pontificem judicare, & deponere. Sed maxime controversia crevit tempore Concilii Basileensis: Quia enim Eugenius Papa IV. Concilium Basileense inchoatum dissolvere volebat & impedire, ne ulterius progrediretur, cœperunt Patres querere, an tenerentur obedire, an Pontifex potius teneretur obedire ipsis, id est, generali Concilio.

Et primum quidem elumbis est disputandi modus, quo Bellarminus utitur, ut probet, tempore Pisani Concilii, quod anno M. cccc. ix. habitum est, exortam esse quæstionem, cujus historiam conficere, & epocham defigere instituit. Nam quamvis Cardinales id fecerunt tunc, quod eos fecisse Bellarminus asserit, non inde tamen sequitur, quæstionem esse novam; Utrum Concilium sit supra Papam. Si Concilium esse supra Papam, nova fuisset opinio, nec Pisani Concilium generale illam amplexum esset, nec Alexander V. Concilii acta comprobasset. At comprobavit semel atque iterum: Semel quidem cum finitum est Concilium, ut legitur in fine ejusdem Pisani Concilii, quod Lucas Dacherius nuper edidit in tomo VI. Spicilegii sui. Verba sunt: Item Dominus noster (Alexander V.) sacro approbante Concilio decernit, quod per dictum Dominum nostrum cum Cardinalium consilio deputentur nuntii solemnes, & mittantur ad Reges & Principes cunctos fideles, ad publicandum & prosequendum auctoritate Domini nostri Papa & sacri Concilii acta in isto sacro Concilio. Et quibusdam interpositis: Item Dominus noster sanctissimus cum consilio Concilii intendit reformare Ecclesiam in capite & in membris. Iterum in fine vitæ suæ: Platina in Alexandri V. vita. Cum verò Alexander graviter egrotare cœpisset, nosseque mortem propè instare, Cardinales ad se venientes ad concordiam, ad pacem, ad tuendam Ecclesiæ dignitatem adhortantur. Testatus præterea est per eam mortem, quam ante oculos se continuo cernere dicebat, nec reformidare, conscientia bene acta vitæ motus, se existimare & credere, quæ in Concilio Pisano decreta fuissent, rectè atque integre facta esse omnia sine dolo malo, fraudeve. Cum hæc dixisset, lacrymantibus omnibus, qui aderant, illud Salvatoris verbum agere proferens, pacem meam do vobis, pacem meam relinquo vobis, statim moritur.

Dominicus Tempesta Romanus in vita Alexandri V. Dimissa Synodo Pisana, Bononiam profectus, agitudine quadam corporis oppressus, cum se proximum morti nosset, accitis Cardinalibus,isque ad concordiam & Ecclesiæ bonum cohortatis, rursus Concilii Pisani decreta tanquam æquo jure acta confirmavit.

Severinus Binius in tomi VII. Conciliorum parte I. Ex quo dum sibi mortem imminere sentiret (Alex. V.) Cardinales ad se accersiri jussit, cumque ad pacem & concordiam, communemque Ecclesiæ utilitatem eos adhortatus fuisset, omnia quæ in Concilio Pisano decreta sunt, sibi iusta videri dixit.

Henricus Spondanus ad annum M. cccc. x. Alexander cum magna pro Ecclesiæ felici statu meditatus in prociñtu rerum gerendarum in agitudine incidens Bononia, Cardinales ad concordiam & pacem, atque ad Ecclesiæ dignitatis tuitionem adhortatus, approbatisque rursus Concilii Pisani actis, suis benedicens obdormivit in Domino.

Simon Starovolscius in epitome Conciliorum tam generalium, quam provincialium Romæ editâ: Alexander V. Pisis discedens Bononiam se recepit, ibique in morbum incidit: Ex quo dum sibi mortem imminere sentiret, Cardinales ad se accersiri jussit. Cumque ad pacem & concordiam communemque Ecclesiæ utilitatem eos adhortatus fuisset, omnia, quæ in Concilio Pisano decreta sunt, sibi iusta videri dixit.

Hæc autem cum ita sint, Bellarminus in libri I. de Conciliis capite VII. verè affirmatèque dicere non potuit, Concilium Pisani generale nec approbatum nec reprobatum esse. Hac in re historię leges, ut non raro accidit, neglexit.

Nova igitur non erat, sed vetus Ecclesiæ, immo & Sedis Apostolicæ sententia, quod Concilium supra Papam esset. Sed novi tunc exorti sunt Doctores, qui veterem Ecclesiæ & Sedis Apostolicæ sententiam in dubium vocarunt.

Pius I. & Romanus Clerus apud Epiphanium in hæresi XLII. excommunicato Marcioni denuntiant secundum Apostolicam traditionem: Nos injussu venerandi patris tui te in communionem admittere non possumus. Novi & corrupti doctores contra eandem traditionem denuntiant: Romani Pontifices possunt excommunicatos sine excommunicantium Episcoporum consensu in communionem recipere.

Julius I. in Epistola ad Orientales scribit: Nos omnia secundum Canonem, & x̄ī x̄av̄ra p̄v̄ta facimus. Novi & corrupti doctores scribunt: Supra Canones & jura sunt Pontifices; Auctoritate, non Canone regenda est Ecclesiæ.

Siricius in Epistola ad Anysium & cæteros Illyrici Episcopos scribit: Accepi literas vestras de Bonoso, quibus vel pro veritate, vel pro modestia nostram sententiam sciscitari voluistis. Sed cum hujusmodi fuerit Concilii Capensis judicium, ut finitimi Bonoso atque ejus accusatoribus judices tribuerentur, & præcipuè Macedones, qui cum Episcopo Thessalonicensi de ejus factis vel cognoscerent, advertimus, quod nobis judicandi forma competere non posset. Nam si integra esset hodie Synodus, rectè de iis, quæ comprehendit vestrorum scriptorum series, decerneremus. Vestrum est igitur, qui hoc recepistis judicium, sententiam ferre de omnibus, nec refugiendi vel elabendi vel accusatoribus vel accusato copiam facere. Vicem enim Synodi recepistis, quos ad examinandum Synodus elegit. Et paulo post: Ideo primum est, ut judicem ii, quibus judicandi facultas est data. Vos enim totius, ut scripsimus, Synodi vice decernitis; nos quasi ex Synodi auctoritate judicare non convenit. Novi & corrupti Doctores dicunt: Siricius, vel certè Siricii Epistola releganda est in indicem librorum prohibitorum classis primæ. Nam si audiatur Siricius, de libris nostris actum est: Πάντα ὅλας, πάντα οἷον.

Celestinus I. in Epistola ad Perigenem, Dynatum, Basilium, & alios Illyrici Episcopos ait: Dominentur nobis regule, non regulis dominemur; simus subiecti Canonibus, cum Canonum præcepta servamus. Novi & corrupti Doctores aiunt: Romani Pontifices regulis dominantur; subiecti non sunt Canonibus, cum Canonum præcepta non servant. In Romanæ Synodi collectione Romana bipartita.

Sixtus III. in Epistola ad Episcopos per Illyricum consistentes scribit: Ut omne corpus capite regitur, ita ipsum caput, nisi suo corpore sustentetur, firmitatem & vigorem suum perdit, & non tenet, quam habuerat dignitatem. Novi & corrupti Doctores scribunt: Caput Ecclesiæ sine corpore Ecclesiæ sustentatur; firmitatem & vigorem suum retinet.

Gregorius I. in libri IV. Epistola xxxviii. ad Joannem Constantinopolitanum scribit: Certè Petrus Apostolus primum membrum universalis Ecclesiæ est. Novi & corrupti Doctores scribunt, Petrus & Petri successores sunt universalis Ecclesiæ, cum universali Ecclesiæ tribuunt quod Petri successores faciunt: Et quamvis caput, quod est primum membrum corporis, sit corporis, volunt tamen corpus esse capitis inverso naturæ ordine.

Leo III. in ratione habita de symbolo fidei dicit: Ego me illis (Patribus Constantinopolitani Concilii primi) non dico præferam, sed etiam illud absit mihi, ut coæquare præsumam. Novi & corrupti Doctores dicunt: Absit nobis, ut dicamus, quod Leo dicit: Romani Pontifices non coæquandi modo, sed etiam præferendi sunt Conciliis.



7 Eugenius III. in Epistola VIII. ad Episcopos Germaniæ tradit: *Contra Deum & sacrorum Canonum sanctiones nulli omnino petitioni possumus præbere consensum. Novi & corrupti Doctores tradunt: Romani Pontifices contra Deum & sacrorum Canonum sanctiones petitioni cuilibet possunt præbere consensum.*

Si descendamus usque ad Eugenium IV. hic Pontifex in certo quodam diplomate, quod refertur in sessione XVI. Basileensis Concilii, scribit, Dissidentibus inter sese Concilio & Papa, in iis, quæ Catholicam fidem vel statum universalis Ecclesiæ respicerent, attendendam esse Concilii potius, quam Papæ sententiam. Novi & corrupti Doctores scribunt, attendendam esse Papæ potius, quam Concilii sententiam.

Quæstiones hæ circa Pisani Concilii tempus agitatae sunt ab iis, qui contra veterem Ecclesiæ & Sedis Apostolicæ sententiam Romanos Pontifices supra Concilium extulerunt.

Hic non retexo, quæ in Epistola ad Hieronymum Samboevium ex Sedis Apostolicæ traditione disserui, ut Romanos Pontifices sacris Canonibus & Conciliis subjici se credere demonstrarem. Nam ut Bellarminus falsi convincatur, ad tempus Innocentii III. regredi satis est.

Joannes Victorinus qui Philippo Pulchro rege vixit Lutetiæ, in Memoriali historiarum nondum edito ad annum M. LXXXI. Roma facta est dissensio magna, His, qui pro Imperatore erant, dicentibus, Hildebrandi depositionem justam esse, quia reus erat majestatis ob hoc, quod contra Imperatorem alium ordinaverat, rebellandique contra ipsum audaciam assumpserat; Aliis dicto Papæ faventibus, quod licet crimen dictum commisisset, tamen non poterat de jure deponi nisi in Concilio generali. Tunc ergo arbitrabantur qui Gregorii VII. partes sequebantur, generale Concilium supra Papam esse, quia deponendi Papæ auctoritatem generali Concilio tribuunt.

Humbertus Prædicatorum Magister Generalis v. sub quo Beatus Thomas clauit, rem paucis verbis decedit. Hic enim in sermonum *διδασκαλῶν* part. II. ferm. LXX. indubitanter ait: *Papa, qui est super omnes, potest deponi ab Ecclesia, quæ tota subest ei, in casu.* Hæc ille tantum: perinde ac si de hac thesi inter omnes convenisset, ut certè & illo & superiori tempore conveniebat. Doctrinam hanc Parisiis & Bononiæ acceperat, ubi, ut in ejus vita dicitur, juri divino & Ecclesiasticis sanctionibus complures annos operam dederat.

Barones Galliæ apud Mattheum Parisium ad annum M. CCXXXIX. locuti de Frederico Imperatore, cum eum à Gregorio IX. perculsum anathemate & abdicatum imperio viderent, exclamarunt: *Qui si meritis suis exigentibus deponendus esset, non nisi per generale Concilium cassandus videretur.* His verbis auctoritatem in generali Concilio, quam in Papa majorem agnoscunt, nec possunt opinor agnoscere, nisi Concilium sit supra Papam.

Robertus Corceon Parisiensis Theologus, Sancti Stephani in Cælio monte Cardinalis Presbyter, quem suis in Epistolis multum commendat Innocentius III. in Summa Theologiæ quæst. de Extrema-unctione: *Dicimus, quod pro aliqua necessitate non potest vel oleum benedici, nisi ab Episcopo, nec inunctio celebrari, nisi à sacerdote; nec in alio die, quam in die cænæ, est oleum illud benedicendum, nisi per Concilium generale ampliata esset illa benedictio ad alios dies.* Quid ita? Quia ne id fiat aliter, Canonibus quibus subjicitur Pontifex Corceonis iudicio, sancitum est. Deinde in quæst. XXIII. cap. III. *Quia in generali Concilio per inspirationem Spiritus sancti à sanctis Patribus institutum est, & à Domino Papa confirmatum, nequis in sacris Ordinibus constitutus contrahat, tam generalis constitutio à Domino Papa revocari non potest, vel ab homine in secreto, nisi per eandem auctoritatem & convocato generali Concilio.* Quis autem negaret in his verbis generali Concilio majorem quam Papæ auctoritatem concedi? Ad est autem, Concilium supra Papam esse.

Innocentius III. in libri III. Regist. XV. Epistola CIV. ad Philippum Regem Francorum: *Diligenter auditis & perspicaciter intellectis, quæ nobis ex parte Regia dilecti filii... Abbas de Trappa & I. Clericus tuus proponere curaverunt, & habito cum fratribus nostris studioso tractatu, non occurrit nobis aliqua via, per quam in his, quæ ipsi pro te postulaverunt à nobis tua secundum \* possemus occurrere voluntati, sub obrestatione divini iudicii protestantes, quod libentissime, si possemus cum Deo, ab illo te curavimus vinculo expedire, à quo desideras vehementer absolvi. Sed in carnali commercio inter te ac Reginam conjugem tuam adeo est processum, quod si etiam illi tantum confessioni vellemus insistere, quam nuper eadem Regina fecisse proponitur coram prædicto Abbate de Trappa & dilecto magistro Roberto Corceon nunc tituli Sancti Stephani in monte Cælio Presbytero Cardinali, NON AUDEMUS SUPER HUIUSCEMODI CASU DE NOSTRO SENSU PRO TE ALIQUID DIFFINIRE propter illam sententiam Evangelicam, quam ipse Christus expressit, ut quod Deus conjunxit, homo non separet; cum absque dubio nec Sanctorum exempla, nec Patrum decreta intentioni tua in hoc articulo suffragentur. VERUM SI SUPER HOC ABSQUE GENERALI DELIBERATIONE CONCILII DETERMINARE ALIQUID TENTAREMUS, PRÆTER DIVINAM OFFENSAM, ET MUNDANAM INFAMIAM, QUAM EX EO POSSEMUS INCURRERE, FORSAN ORDINIS ET OFFICII NOBIS PERICULUM IMMINERET, CUM CONTRA PRÆMISSAM VERITATIS SENTENTIAM NOSTRA NON POSSIT AUCTORITAS DISPENSARE.* Cum Innocentius hoc ita scribit, nonne Concilium supra se agnoscit? Nonne Concilii potestatem sua majorem esse significat?

Deinde in ejusdem libri & Regest. Epist. CLXXXVII. ad Consules & populum Mediolanensem, quibus poenam minatur gravissimam, nisi illatas Papiensibus injurias resarciant: *Cum sit, inquit, dignum & justum, ut qui non finitis alios requiescere, apud eos non possitis requiem invenire. Ut autem Metropolis vestra obedientiam, quam vos superiori vestro subtrahitis, in sibi subditis non inveniat, universis Episcopis eidem subiectis Metropoli nostris damus literis in præceptis, ut in poenam vestram ipsi omnem obedientiam & reverentiam subtrahentes eidem in aliquo non intendant. Denique non solum honore Metropolitano, sed etiam Pontificali vos reddatis indignos, quoniam ad præsens generale Concilium commodè convocare non possumus, per Januam. Graden. Remen. Senonen. Rotomagen. Turoncn. Bituricen. & Burdegalen. Provincias dirigimus scripta nostra, ut habito super iis Archiepiscoporum & Episcoporum, quos propter hoc congregari mandamus, Concilio in tanto negotio maturitate debita procedamus.* Non generale modò Concilium, sed etiam provincialia, quæ fieri jubet, sibi suæque auctoritati præponit.

Tum in lib. IV. Regest. XVI. Epistola CLXXXII. ad Rigensem Episcopum: *Cum in memoria hominum non existat, Rigensem Ecclesiam alicui Metropolitico jure subesse, volumus, ut donec in generali Concilio super hoc aliquid certum duxerimus statuendum, nulli tanquam Metropolitano interim respondere cogaris.* Quorsum hæc scriberet, nisi majorem Concilio, quam sibi potestatem inesse crederet?

Denique in ferm. II. de consecratione Pontificis: *Intantum mihi fides necessaria est, ut cum de cæteris Deum iudicem habeam, propter solum peccatum, quod in fide committitur, possem ab Ecclesia judicari. Se superiorem agnoscit Ecclesiam, à qua si peccet in fide judicetur.*

Eruditus & sapiens Pontifex non anteponebat se Ecclesiæ vel Concilio, quæ representabant Ecclesiam. Id didicerat, quod Beatus Augustinus de sancto Spiritu pronunciat in Enchiridii capite LVI. *Spiritus sanctus si creatura, non creator esset, summa creatura esset, & ideo in regula fidei non poneretur ante Ecclesiam, quia & ipse ad Ecclesiam pertineret, in illa ejus parte quæ in calis est.* Quod igitur Augustinus de Spiritu sancto sic pronunciat,

ciat, non posset de Romano Pontifice non pronunciare; nec ullus esset Pontifex, nec Pontificis adulator tam cæcus, qui contra ista dicere auderet. Ut Spiritus sanctus qui non creator sed creatura summa esset, sic & Pontifex ad Ecclesiam pertineret; & quia pertineret ad Ecclesiam, pars esset illius; Et quia pars, toti videlicet Ecclesiæ subiceretur. Unde Augustinus idem in libri 11. de baptismo capite iv. dicit: *Universum partibus semper optimo jure praponitur.* Hæc est veritas, quæ ex omni æternitate fuit, cui nemo præscribere potest, non spatium temporum, non patrocinia personarum, non privilegium regionum, ut ait Tertullianus in libri de velandis virginibus capite 1. Itaque Bellarminus quæstionis suæ epocham hinc frustra in Pisano Concilio defixit, si juris; hinc mendaciter si facti conditio spectetur.

Nunc transeamus ad alterum, quod in obsecratione tua contineri diximus. Bellarminus illud sic exequitur: Porro de proposita quæstione tres invenio doctorum sententias. Prima est, Concilium esse supra Pontificem; id quod asserunt imprimis omnes hæretici hujus temporis, & nominatim Hermannus Hamelmannus id conatur probare multis argumentis lib. 111. cap. xiiii. Prolegomenorum. Idem asserit Cardinalis Cameracensis, Joannes Gerson, Jacobus Almainus, & alii nonnulli in suis tractatibus de potestate Ecclesiæ. Item Nicolaus Cusanus in tractatu de Concordantia Canonica lib. 11. cap. ultimo. Panormitanus in cap. significasti. extra. de electione, & ibidem magister ejus Cardinalis Florentinus, item Abulensis in cap. xviii. Martini quest. cviii. & in Defensorio trium conclusionum, & quidam alii.

In hac Theologicæ quæstionis expositione sunt duo, quæ in disceptationem venire debent; expositionis modus, & res exposita. Disceptationem ab exposita re incipio. Catholicos auctores septem tantum numerat; Cardinalem Cameracensem, Joannem Gersonem, Jacobum Almainum Gallos tres, Nicolaum Cusanum Germanum unum, Panormitanum & Cardinalem Florentinum Italos duos, Abulensem Hispanum unum. Deinde cum semel atque iterum adjungit, & alii nonnulli, & quidam alii, nominatis & numeratis plures, opinor, non intelligit: Pauciores intelligit, vel certe totidem ad summum, nisi lectores suos in errorem inducere cogitet. Sic loquor, quia passim invenio neglectæ fidei testimonia. Qui non fecerunt periculum, de quæstione hac conjecturam facile capient, & mirabuntur.

Et primum quidem pro tribus Gallis Parisiensibus Theologis non modo Parisiensem nostram Academiam, sed & Galliam reperies universam.

### I. Parisiensis Academia,

**A** Philippo Pulchro Rege Francorum consulta, num generalis Concilii ab eo propositi convocatio necessaria foret, & illi à Bonifacio VIII. ad futurum Concilium provocanti consentiret, Anno Christi m.cccxiii. sic respondet: *Universis presentes literas inspecturis, Universitas magistrorum & scholarium Parisiis studentium salutem in Domino.* Ad notitiam singulorum volumus pervenire, quod nuper nonnullis ex nobis majorem partem Facultatum nostrarum & totius Parisiensis Studii facientibus, pro certis causis & negotiis accedentibus ad præsentiam excellentissimi Principis Domini Philippi Dei gratia Regis Francorum illustris, ipso Domino Rege, ac nonnullis Archiepiscopis, Episcopis, Abbatibus, Prioribus, Comitibus, Baronibus & aliis magnæ auctoritatis personis tam Ecclesiasticis, quam secularibus apud Luparam Parisi. existentibus recitatum fuit nobis, expositum, & narratum ibidem; quod die Jovis & die Veneris præcedentibus, ipsis Domino Rege, Archiepiscopis, Episcopis, & aliis personis prædictis presentibus per quosdam Comites & alios nobiles regni Francorum, contra Dominum Bonifacium VIII. proposita & significata fuerunt diversa enormia, & horribilia, ac detestabilia crimina, quorum quedam hæresim sapiunt manifestè, quibus eum irretitum esse dicebant, & super iis publicè ac notoriè

diffamatum, præstito ibidem ab eisdem proponemibus ad sancta Dei Evangelia tacta corporaliter juramento, quod hujusmodi proposita & significata credebant esse vera, & posse probari in generali Concilio, vel aliis ubi, quando & coram quibus de jure fuerit faciendum, & per proponentes eosdem a Domino Rege tanquam fidei pugile, & Ecclesiæ defensore, ac Archiepiscopis, Episcopis, Abbatibus, Prioribus & personis aliis Ecclesiasticis prædictis, tanquam Ecclesiæ si-  
15  
deique columnis petendum fuerat, ac instantè & pluries requisitum, ut pro declaratione veritatis hujus, ut annis error abscedat, ac periculis & scandalis, quæ universali Ecclesiæ imminet, occurratur, convocacioni & congregacioni dicti Concilii generalis ad laudem Dei nominis, & exaltationem & augmentum Catholice fidei, ac salubre regimen & bonum statum universalis Ecclesiæ, & totius populi Christiani, operam darent & operam efficaces, quodque idem Dominus Rex collaram sibi recepit à Domino potestatem, iidemque Prælati sunt in partem sollicitudinis evocati, super præmissis per dies multos discussione ac deliberatione præhabita diligenti, ex præmissis, & aliis legitimis causis maiori convocacionem & congregacionem dicti Concilii generalis utilem & omnino necessariam reputantes, hujus convocacioni & congregacioni consenserant, ac responderant, quod convocacioni & congregacioni prædictis operam & operam darent efficaciter, ut deberent, & ne dictus Dominus B. motus, seu provocatus ex eis, prout timebant, ex verisimilibus conjecturis & comminationibus multis contra eos, Ecclesiæ, parochianos & subditos suos quoquo modo procedat, aut procedi faciat, sua vel alia auctoritate quacunque excommunicando, suspendendo, interdicens, deponendo, privando, aut aliàs quovis modo in impedimentum & perturbationem Concilii congregandi, & quin consedere, conjudicare, & alia, quæ ad officium Prælati pertinent, facere in eodem Concilio possent, salvique eorum & sibi adherentium status manere deberent, pro se, Ecclesiis, parochianis & subditis suis, & pro sibi adherentibus, seu adherere volentibus in  
16  
hac parte ad prædictum Concilium congregandum, & ad futurum verum & legitimum Summum Pontificem, & ad illum vel ad illos, ad quem vel quos de jure fuerit appellandum, provocarunt & appellarunt in scriptis, & Apostolos testimoniales cum instantia petierunt, supponentes se, Ecclesiæ, parochianos & subditos, ac sibi adherentes, ipsorum statum, jura & bona protectioni divina, prædicti Concilii, ac futuri veri & legitimi Summi Pontificis, ac protestantes de innovando appellationem hujusmodi, ubi, quando & coram quibus eis visum fuerit expedire. Quare pro parte præfati Domini Regis petebatur à nobis, ut convocacioni & congregacioni dicti Concilii generalis assentire, ac quantum in nobis est operam dare & operam curaremus. Nos autem præmissis considerationibus & causis inducti, convocacionem & congregacionem ipsius Concilii reputantes utilem, necessariam, & salubrem, ac expedientem fidei negotio, & Ecclesiæ Sanctæ Dei, ejusdem convocacioni & congregacioni Concilii assentimus, ac operam & operam libenter dabimus juxta posse, & provocacioni & appellacioni præfati Domini Regis adheremus, quantum de jure possumus & debemus, secundum Deum & justitiam, & sancta permittunt canonice sanctiones: Supponentes nos ac nobis adherentes, & adherere volentes, statum nostrum, & Universitatem nostram protectioni divina, & prædicti Concilii generalis, ac futuri veri & legitimi Summi Pontificis. In quorum omnium testimonium sigillum nostre Universitatis prædictæ presentibus literis duximus apponendum. Datum die Veneris ante festum Nativitatis Beati Joannis Baptiste  
17  
anno Domini m. ccc. xiii. Parisiensis ergo Academia cum rationi consentaneum esse censuit, ut à Bonifacio ad generale provocaretur Concilium, necessario quoque censuit Romanum Pontificem generali Concilio inferiorem esse.

Facultas Theologiæ Parisiensis in tractatu, quem in causa Joannis Montefoni composuit; In causis fidei, inquit, à Summo Pontifice appellari potest ad Concilium. Composuit dico, quia Petrus Alliatus Navarrici Collegii Magister, qui postea Cameracensis Episcopus & Cardinalis fuit,



fuit, sub nomine ejusdem Facultatis composuit. Id tractatus præfatio demonstrat: Ad honorem sanctæ & individue Trinitatis, cujus fidei causam agimus, præsentem tractatum adversus errores fratris Joannis de Montesono Ordinis fratrum Prædicatorum nuper in Parisiensi studio condemnatos ex deliberatione Universitatis studii Parisiensis, & specialiter Doctorum & Baccalaureorum Facultatis Theologicae compositum in tria capitula distinguemus. At non appellaretur ad Concilium, nisi Concilium Pontifice Summo majus crederetur.

Facultas iterum Theologiæ Parisi. in Joannis Saraceni ex Ordine Prædicatorum Licentiatii propositio-  
num quarundam censura, quam anno M. ccccxxix. edidit ad III. Calend. Apriles. Ex damnatis propositionibus ad rem faciunt duæ. Prior: *Quandocunque in aliquo Concilio aliqua instituuntur, tota auctoritas dans vigorem statutis in solo Summo residet Pontifice.* Posterior, sicut nullus flos, & nulla pullulatio, nec omnes etiam flores & pullulationes simul possunt aliquid in arborem, quia hæc omnia sunt propter arborem instituuntur, & ab arbore derivata, sic omnes alia potestates nihil de jure possunt contra Summum Pontificem. Saracenus postquam has propositiones revocavit, sic asseruit contrarias ut veras: *Quandocunque in aliquo Concilio aliqua instituuntur, tota auctoritas dans vigorem statutis, residet non in solo Summo Pontifice, sed principaliter in Spiritu sancto & Catholica Ecclesia.* Aliqua potestas, scilicet potestas Ecclesiæ, de jure potest aliquid & in certis casibus contra Summum Pontificem, quia potestas Ecclesiæ Pontificis auctoritate superior est.

Facultas iterum Theologiæ Parisiensis ad annum M. cccclxxxii. quo Joannis Angellii Minoritæ propositiones damnavit. In censura propositionis VIII. Papa posset totum jus Canonicum destruere & novum construere. Hæc propositio est scandalosa, blasphematoria, & notorie hæretica & erronea. Deinde in censura XI. Papa posset ab uno Ecclesiastico tollere medietatem reddituum beneficiorum suorum, & uni alteri dare non exprimendo aliquam causam. Hæc propositio est periculosa, & nullo modo prædicanda ut jacet. Tum in censura XII. Quicunque contradicit voluntati Papæ, paganizat, & sententiam excommunicationis incurrit (ipso facto) & a nullo Papa reprehendi potest, nisi in materia hæresis. Hæc propositio est falsa, scandalosa, & sapiens hæresim manifestam. Hæc autem censuræ Papam Ecclesiæ & Conciliis obnoxium faciunt, ut homo vel mediocriter eruditus intelligere potest.

19 Parisiensis Academia in eo tractatu, quo pro libertate Ecclesiæ & virorum Ecclesiasticorum immunitatibus ad annum M. ccccxc. generale Concilium appellavit: In nomine Domini, Amen. Per hoc præfens publicum instrumentum cunctis pateat evidenter, & sit notum, quod anno ejusdem Domini M. ccccxc. Indiæ. IX. mensis verò Septembris die XIII. Pontificatus Sanctissimi in Christo Patris, & Domini nostri, Domini Innocentii divina providentia Papæ VIII. anno VIII. in nostra, notariorum subscriptorum, testiumque infra scriptorum præsentia constituti, Rector Universitatis Parisiensis, nec non Sacra Theologia Decretorum & Medicinæ Facultatum Decani, ac Francia, Picardia, Normania, & Alemania nationum in dicta Universitate Procuratores, vice ac nomine dictæ Universitatis, singulorumque Doctorum, Magistrorum, Licentiatorum, Baccalauro-  
rum & Scholarium singularum Facultatum Regentium & non Regentium, & aliorum suppositorum ejusdem Universitatis, & tam pro ipsis, quam pro aliis sibi adherentibus & adhesuris in hac parte quendam codicem papyreum, scripturam, quæ sequitur, continentem nobis exhibuerunt, & coram nobis contenta fecerunt & expleverunt, ac in præfenti instrumento publico inseri requisiverunt. Et post alia: Quod si in exactione & levatione hujusmodi decime perseveraverint, & quibusdam interpositis, à Sanctissimo Domino nostro Papa Innocentio VIII. minus debite consulto ad seipsum melius consulendum, & ad

sanctam Sedem Apostolicam etiam melius consulendam, necnon ad Sacrosanctam Synodum universalem celebrandam, illumque vel illos, ad quem, seu ad quos de jure 20 provocare & appellare nobis licet, in his scriptis tam pro nobis, quam pro nostris adherentibus & adhesuris, quam etiam pro vicariis dictorum Magistrorum, Doctorum & Scholarium, eorumque in beneficiis divinis deservitum provocamus & appellamus, protestantes nominibus, quibus supra, de prædictis sententiarum & censurarum nullitate juxta Canonicas sanctiones, submittemes tamen omnia judicio universalis Ecclesiæ Concilii, ad quod super omnibus præmissis habere recursum intendit præfata Universitas. Ad disciplinam eandem pertinet, Parisiensem Academiam credere, quod possit à Romano Pontifice ad Concilium provocari, & quod Concilium sit supra Romanum Pontificem.

#### Parisiensis Academia sententia crepido & fundamentum.

Annus volebatur millesimus quingentesimus quadragesimus secundus, cum postulante Francisco I. Rege Parisiensis Theologiæ Facultas communi consensu, reclamante nemine, articulos quosdam edidit circa dogmata Christianæ religionis tunc controversa. Inter illos vicesimus primus est, cui velut fundamento innititur Parisiensis Academiæ sententia: Sic ille se habet: Eodem veritatis fundamento recipiendum, potestatem excommunicandi esse de jure divino immediatè à Christo Ecclesiæ concessam, & ob id magnopere timendam esse censuram. Hoc autem qui capere non possunt, id discant ab ipsis aliarum gentium Theologis, qui quo tempore 21 conditi fuerunt nostri articuli, vixerunt. Dominicus Sotus ex Ordine Prædicatorum Theologus insignis Parisiensium Sententiæ fundamentum illud explicat, in quartum sent. dist. xx. quæst. I. art. IV. Virum potestatis jurisdictionis in utroque foro fuerit collata Ecclesiæ, ut in toto corpore immediatè resideat, an verò prælati ejus. Et post alia: Enimvero Gerson in tractatu potestatis Ecclesiæ, quem imitatur Almainus in suo libro de Comparatione Papæ & Concilii cap. VI. atque alii fautores opinionis illius, quod Concilium est supra Papam, arbitrati suam opinionem ex hoc fundamento pendere, aiunt potestatem Ecclesiasticam jurisdictionis in utroque foro residere in tota universitate Ecclesiæ, hoc est, in toto corpore, quod ajunt Categorematicè instar reipublicæ civilis.

Martinus Navarrus in cap. Novit. de judiciis: notab. III. num. lxxxiv. Non est consilium in præsentia definire, cui principaliter Ecclesiæ potestas fuerit à Christo collata, an Ecclesiæ toti, an verò ipsi Petro propter illam maximam discordiam Romanorum & Parisiensium. Romanorum nomine intelligendi sunt Doctores Curie, non Sedes Apostolica, quæ Parisiensibus ad sentiendum facem prætulit. Subjungit paulò post: Hi verò (Parisenses) quibus Gerson adheret, tenent totam datam esse toti Ecclesiæ, licet exercendam per unum, atque ideo in aliquibus saltem casibus Concilium esse supra Papam. Sic intelligitur & explicatur Parisiensium sententia.

Hic autem & alii articuli Regis edicto communiti fuerunt, & in supremarum regni Curiarum tabulas relati. In eos Parisienses Theologi jurant hodièque & 22 subscribunt.

#### Variarum auctorum testimonia

Subjicio, quæ publicis & Academicis adjungenda esse duxi.

I. Dionysii Carthusiani in libri I. de auctoritate Papæ & generalis concilii articulo x. Porro quod generale Concilium sit supra Papam, & amplioris potestatis, seu auctoritatis quàm ille, hinc apparet necessario concludendum; quoniam in generali Concilio Constantiensi hoc apertissime determinatum est. Sed & Universitates seu Studia quedam privilegiata in suis scriptis hoc videntur CONCORDITER AFFIRMARE, quibus contradicere videtur

detur penitus infecurum. Vnde venerandi Sacra Theologia Professores in difficultatibus scripturarum, & questionibus statum Ecclesie atque salutem concernentibus animarum exercitati, fundamentaliterque edocti videntur de hac materia certius iudicare. Privilegiata vocat Studia, quæ tunc constanti formâ, & sermone omnium celebrabantur. Inter ea Parisiense primas tenebat. Hic auctor floruit ad annum MCCCCL.

II. Ioannis Majoris Parisiensis Theologi in caput XVI. Matthæi. An Pontifex sit super totam Ecclesiam vel universale Concilium Ecclesiam representans, partitus est modus loquendi: Unus quem Canonista auctoritatibus Pontificis Maximi stipati tenent cum Italia, quod Pontifex est super Concilium ritè congregatum, quod representat universalem Ecclesiam. Alius est modus, qui Constantia conclusus est omnino illi oppositus. Vnde nostra Universitas & Gallia tota insequitur oppositum. Deinde in cap. XVIII. De Theologis multo plures tenuerunt oppositum: (Concilium esse supra Papam) superius ostensum est, quod Augustinus & alii Doctores tenent partem, quam insequimur. Hoc tenuerunt varii Cardinales, Ioannes Patriarcha Antiochenus, Petrus de Alliaco Cardinalis Cameracensis, Nicolaus de Cusa Cardinalis, Doctor vocatus Christianissimus, Ioannes Gerson Cancellarius Parisiensis profecto nunquam satis laudatus, & nostra Facultas à diebus Constantiensis Concilii, in qua plures exercitatos Theologos habebis, quam in duobus vel in tribus regnis, quæ sic hanc partem fovet, quod nulli hoc licuerit asserere oppositum probabile. In prioribus Commentariis habetur: Alium modum semper Universitas Parisiana nostra à diebus Concilii Constantiensis imitata est, sic, quod in ea, qui tradidit sententiam (Papam esse supra Concilium) tenuerit, in campo cogitur eam revocare. Porro autem epocha illa, quam Major in diebus Constantiensis Concilii statuit, præcedens tempus non excludit: sed per eam auctor docere voluit, Parisiensem Academiam post Concilii huius definitionem tenuisse sententiam, qua de agitur, frequentius quam antea, fortius, & religiosius contra eos, qui nefaria quadam assentatione antiquam Ecclesie & Sedis Apostolicæ traditionem pervertere & in Theologiæ Scholas doctrinam novam inducere conabantur. Quò fortè Major spectat cum paullo post subiicit: Non est bene altum, quod plures Pontificem

extollant, quam Concilium. Non mirabere. Concilium raro congregatur, nec dat dignitates Ecclesiasticas, Papa dat eas.

III. Francisci Victorii Hispani ex Ordine Prædicatorum Parisiensis Theologi, in libro de protestate Concilii & Papæ: Concilium esse supra Papam est communis sententia Parisiensium & multorum Doctorum.

IV. Ioannis Celaie Hispani Parisiensis Theologi in quartum Sententiarum dist. XVII. quæst. IV. Dubitabis circa hanc questionem, an Papa obligetur virtute illius cap. allegati, scilicet Omnis utriusque sexus, consiteri semel in anno: Ad hanc difficultatem responderetur ab Universitate Parisiensi affirmativè. Nam tenet, quod Concilium est supra Papam, & illud caput editum est in Concilio generali celebrato per Innocentium III.

V. Thomæ Campegi Bononiensis, Feltrensis Episcopi, in libri de potestate Papæ capite XXIV. ubi quæ Concilia duo, Constantiensis & Basileensis, statuerunt circa Pontificis abdicationem, examinat; de Parisiensium sententia sic loquitur: Quapropter iterum clara voce denunciamus, opus fore declaratione, quam honestiorem existimamus revocatione: Quandoquidem Parisiensis Schola & alii plures non obstante Concilii Florentini decreto mordicus retineant decretum illud Constantiense & Basileense.

VI. Martini Navarri de Pœnitent. dist. V. Ex hac conclusione primò inferitur, Pontificem ad constituendum sua peccata teneri, quia divina lege obligatur: Quamvis verum sit non ligari per caput illud, Omnis, & ita non teneri absolute ad constituendum semel in anno. Quod etiam sentit Ioannes Andreas & Felinus: Quod procedit tenendo illam quam plerosque omnes Italos audio tenere opinionem, quam-

que magnis viribus probare ac tutari conatur Thomas à Vio, scilicet Papam esse supra Concilium. Nam si teneremus alteram sententiam, quam Schola Parisiensis cum tota ferè Gallia sequitur, Concilium universale supra Papam esse, & adeo sequitur, ut Jacobus Almainus scribens in hoc ipso articulo dixerit, eum, qui contrarium assereret, hæreticum iudicatum iri, diceremus, ut ait ille, Romanum Pontificem statuto Conciliorum ligari, ac proinde ad illud caput, Omnis, servandum teneri.

VII. Caroli Cardinalis Lotharingii in Commonitorio, quod ad Ioannem Britonem Secretarium Romæ degentem misit anno M. D. LXIII. XIX. Calend. Februarii. Gallica illius verba jam duobus aliis in locis retuli, sed hic brevitatis gratiâ Latinam duntaxat interpretationem referam: Nunc superest titulorum ultimus è Florentina Synodo depromptus, quem beatissimo Patri nostro tribuere volunt: Ego verò negare non possum, quin Gallus sim, & Parisiensis Academiæ alumnus; In qua Romanum Pontificem subesse Concilio tenetur, & qui docent ibi contrarium, ii tanquam hæretici notantur. Apud Gallos Constantiense Concilium in omnibus partibus suis generale habetur: Basileense in auctoritatem admittitur. Florentinum perinde ac nec legitimum nec generale repudiatur. Atque idcirco de vita potius, quam de sententia decederent. Hac autem omnia cum ita sint, me ad sanctitatis suæ pedes projicio, & ei per viscera misericordie Dei nostri supplico, ut in præsentiarum verba huiusmodi omnia, & concertationes huiusmodi mittantur. Afflicto regno non est danda afflictio. Hæretici jam satis offensi sunt. Catholici reguntur ac ducuntur omnes à Theologis, qui clamores usque in celum tollent. Privilegia & libertates regni in hac veritate posita sunt universa. Et eam ob causam disputatio huiusmodi si fiat, tota ad subversionem audientium convertetur. Regnum separabitur ac distrahetur, quod erit commune ac summum illius exitium. Nam credere futurum esse vel unum antistitem, qui his consentiat, insaniam esset. Tridentina Synodus, Romanus Pontifex, Legati Commonitorio assensum præbuerunt, ut eventus probavit. Scilicet, Florentinæ definitionis pars illa, quam Tridentinæ Synodi decretis inferre nitentur, illata non est, quod ex ea colligi videretur, Papam esse supra Concilium: videretur, inquam, quia re ipsa non colligitur, ut in Censura responsionis Norberti Caillocii alias ostendi: Sed tamen opinione ita factum est.

Jam vides, opinor, mirum quantum Bellarminus historiæ leges neglexerit, cum in sententiæ primæ expositione, pro Parisiensi Academia, immo & pro universa Gallia tres tantum Theologos, Cardinalem Cameracensem, Ioannem Gersonem, & Jacobum Almainum suffecit. Verum demus Bellarminum hoc ignorasse, quod tamen ignorare vix potuit, non debuit reliquos Parisienses Theologos qui sunt plures tribus, præterire, et per istud, & alii nonnulli, rem tanti ponderis convolvere, & inobscurare.

Bellarmini negligentia suppletur.

HOS igitur tibi in lucem edendos esse censui, quò Theologicæ quæstionis historiæ magis ac magis consuleretur.

Familiam ducet sanctus Thomas in Opusculo de Symbolo: Ad Articulum, Sanctam Communionem. Sicut in corpore naturali operatio unius membri cedit in bonum totius; ita in corpore spiritali, scilicet Ecclesia. Et paullo post: Inter alia verò membra Ecclesia principale membrum est Christus, quia est caput. Ephes. I. Ipsum dedit caput super omnem Ecclesiam, quæ est corpus ipsum. Quam Thomas comparisonem instituit, hæc aut nihil probat, aut probat, Romanum Pontificem qui primum est membrum Ecclesie, ordinari ad bonum ipsius; & quia Ecclesia certum quoddam est totum, hanc Romano Pontifice superiorem vel maiorem esse. Id verò de Christo colligi nec potest, nec debet, quamvis sanctus Doctor Christum vocet principale



capale membrum Ecclesiæ, siquidem Christus ita membrum est Ecclesiæ, ut sit tamen corpus Ecclesiæ. At Romanus Pontifex est quidem membrum Ecclesiæ, idque primum: Sed non est corpus Ecclesiæ. Præterea Romanus Pontifex interveniente morte definit esse primum membrum, id est, caput Ecclesiæ; sed Christus non item, quia nusquam definit esse caput Ecclesiæ. Quo fit ut Pontifex à recentioribus non dicatur simpliciter caput Ecclesiæ, uti Christus dicitur, sed caput ministeriale. Scholæ verbum est quod tolerari debet. Id ut ita dicatur, exigit comparatio, quæ inter Christum & Pontificem instituitur.

Henricus Hassianus qui ad annum M. cccc. floruit, in consilii & pacis Epistola, quæ M. S. asservatur in Bibliotheca S. Victoris: *Universalis*, inquit, *Ecclesia*, cujus Concilium generale est representativum, est superior Collegio Cardinalium, & omni alia particulari congregatione fidelium & omni cujuscunque dignitatis & præsentie personæ, etiam Domino Papa in casibus inferius exprimendis. Igitur potissime ad tale Concilium tanquam ad supremam auctoritatem in presenti casu tangente totam Ecclesiam recurrendum est. Nota est consequentia. Antecedens declaratur, quia Ecclesia universalis non potest errare, nec peccato mortali esse obnoxia: Igitur superior est Collegio Cardinalium, cum Papa hanc prærogativam non habet.

Philippus Abbas Monasterii Sancti Dionysii, in Francia, qui ad annum M. ccccxxx. enituit, in libro de auctoritate sacrorum Canonum art. III. concl. I. Licet regulariter universalis Ecclesia sit per auctoritatem Papæ congreganda, casualiter tamen sine ejus consensu aliquis vel aliqui fideles possunt congregationem universalem Ecclesiam representantem solemnem & authenticam facere. Iterum in art. x. concl. III. Sicut contra Papam unicum clarum & pacificum potest Ecclesia eo non vocante congregari, si sit hereticus, aut suspectus: Ita Ecclesia in duas opiniones de presidente in Papatu divisa, eis renitentibus aut negligentibus damnablem potest se congregare legitime & canonicè. Rursus in art. xi. concl. III. Licet verus Christi Vicarius inter homines mortales non habeat superiorem unum, vel plures, nec etiam aliquam multitudinem; tamen in criminibus certis citatus per Ecclesiam Catholicam, aut aliquos vice ejus ad comparandum coram ea certo die & loco congregata, tenetur comparere. Patet ex dictis. Hæc ex Codice MS. Navarrici Collegii in Parisiensi Academia.

Thomas Coriellus in propositione Biturigibus facta anno M. ccccxl. Quantum, inquit, ad primum, satis notum est omnibus Christianis, quomodo in sacro Constantiensi Concilio, cum de reformatione Ecclesiæ in capite & in membris agendum esset, fuit solemniter definitum & declaratum, quod sacra generalis Synodus universalem Ecclesiam representans potestatem à Christo immediate habet, cui quilibet cujuscunque status & dignitatis etiam si Papalis, obedire tenetur in his, quæ pertinent ad fidem, ad extirpationem schismatis, & ad reformationem Ecclesiæ in capite & in membris; & quod si in prædictis & pertinentibus ad ea contumaciter obedire contempserit, condignæ pœnæ subiacitur, & debite puniatur, ad alia juris remedia, si opus sit, recurrendo. Nec dubium est, hanc esse declarationem fidei Catholicæ, quæ est de auctoritate data Ecclesiæ immediate à Christo, qui est veritas prima, & primum objectum fidei, à quo dependet universa fides nostra. Vigore autem hujus declarationis fuit postea editum capitulum, Frequens, etiam postquam omnes obedientia ibidem advenerant, in quo statuta sunt pœnæ in casu, quo schisma insurgeret, non sedente Concilio contra Papam, si non congregaret Concilium infra annum, aut si personaliter ad ipsum non veniret, videlicet pœnæ cadendi à jure Papatus & inhabilitationis ad omnes dignitates activæ & passivæ: quas pœnas non potuisset statuere ipsa Synodus Constantiensis in illum, qui haberet verum jus in Papatu, nisi ad hoc auctoritatem immediate à Christo habuisset, quemadmodum in prædicta

declaratione ponitur. Deinde in xi. sessione ejusdem Synodi Constantiensis (quam impugnantes auctoritatem sacrorum Conciliorum pro se allegare volunt, & tamen contra eos multum facit) dicitur, quod sancta Synodus statuit, & decrevit, quod Papa futurus cum Concilio, aut deputatis nationum habeat reformare Ecclesiam in capite & in membris super certis articulis ibidem descriptis, ut de annais, de collationibus beneficiorum, & aliis pluribus: Inter quos articulos ponitur ille: Item propter quæ, & quomodo Papa possit corrigi & deponi. Ex hoc enim apparet primò, quod in facto hujus correctionis & depositionis Papa subijcitur judicio Concilii generalis; Quando Concilium statuit & decrevit, quod Papa futurus habeat sic facere. Nam si Papa est superior in hoc ipsi Concilio, Concilium non imposeret ei legem super hoc statuendo & decernendo, sed exhortaretur potius vel supplicaret, aut aliquid hujusmodi: Si enim par in parem non habet imperium, à fortiori nec inferior in superiorem. In hoc etiam decreto xl. sessionis non revocabatur in dubium, an Papa posset corrigi & deponi? Imò illud præsupponebatur, sed decernebat Concilium, quod magis particulariter exprimerentur casus per Papam futurum cum Concilio & deputatis nationum, propter quos Papa haberet corrigi & deponi, & modus per quem hoc fieret, & hoc in his, quæ ad reformationem pertinent. Nam ille articulus ponitur inter articulos reformationis faciendæ, sicut textus illius sessionis clarè ostendit.

Post hæc omnia Papa Martinus cum toto Concilio dedit literas ad Prælatos & Inquisitores, in quibus continentur articuli Joannis Wiclef & Joannis Hus, inter quos iste ponitur articulus xli. Non est de necessitate salutis credere, Romanam Ecclesiam esse supremam inter alias Ecclesias. Super quo dicit Papa approbante Concilio: Error est, si per Romanam Ecclesiam intelligat universalem, aut Concilium generale, aut pro quanto negaret primatum Summi Pontificis super alias Ecclesias particulares. Deinde in interrogatorio in iisdem literis posito, super quibus haberent interrogari suspecti de hæresi Hussitarum, ponuntur sequentia: Interrogetur, utrum credat, quod quodlibet Concilium generale etiam Constantiense universalem Ecclesiam representet. Ex quibus manifestum est, quod per Papam Martinum & Cardinales qui tunc ibi communiter aderant xxiii. unà cum toto Concilio fuit approbatum, quod Concilium generale habeat suprematam in Ecclesia, & quod universalem Ecclesiam representabat. Hæc ille, quæ certissima videntur.

Joannes Major in memoratis Commentariis ad illud, Si peccaverit, præ se fert, Summum Pontificem si procedat de vitio in vitium notoriè & incorrigibiliter, esse deponendum ab Ecclesia, seu à Concilio, cum Dominus dederit potestatem Ecclesiæ immediate corrigendi fratres, Matthæi xvi. & nullus frater est exceptus: Ergo si Papa est incorrigibilis, est deponendus, & non nisi à superioribus ejus. In hoc igitur dicere, quod oportet pro eo solum rogare Deum, & quod non est aliud remedium, est unum extraneum sine ratione.

Hadrianus Galterus ex ordine Sancti Benedicti Monachus, in tractatu de primatu Petri & Ecclesiæ: Sic ergo relinquatur temerè dici, veritatique maximè contrarium esse, quod Summus Pontifex in nullo casu Concilio universali sit inferior; nec minus item falsum, quod in nullo casu possit ipse deponi, præterquam in casu hæresis. Nam ipse potest esse criminofus aut fautor alicujus criminis, vel intolerabilis erroris tam perniciosi Reipublicæ Christianæ, quàm perniciofa est hæresis, cui crimini refecando, si non possit remedium adhiberi, nisi per Summi Pontificis destitutionem, verè & realiter destituendus est. Et post alia, doctrinam hanc totam hoc unico disticho comprehendit:

Petrus in ade sacra caput est, & quandoque membrum:  
Paret ut est membrum, præcipit ut caput est.

Judocus Clithoveus in libri III. Antilutheri capite xxxi. Postremò nec ipsi Summo Pontifici ex Monasterii solitudine ad supremum apicem provento deficit

argumentum præstandæ obedienciæ. Obtemperare siquidem semper debet Deo, ut dictum est, divinæque legi, & omni etiam humanæ, totam fidelium multitudinem concernenti, legi ad pietatem religionis, & honestatem vitæ potissimum spectanti. Quamvis enim nemo in eum potestatem coercendi exequi possit, nihilo tamen minus legibus totum Christianorum cætum & suæ conditionem administrationis respicientibus est etiam obnoxius; quas si prævaricatur, est qui querat & judicet Deus, & universalis Ecclesia de eo iudicium ferre potest.

Petrus Ortisius in thesi, quam anno M. DXXV. v. Idus Maias defendit, præfide eodem Clithoveo, & comprobante Theologiæ Facultate: In corollario prima partis Conclusio xv. Concilium universale interdum est validum sine auctoritate Papæ. Patet, quia si esset mente captus, aut mortuus, aut inter infideles detentus: Item si esset hæreticus, aut notabiliter scandalizatus; si ingruente magna necessitate Ecclesia recusaret convocare Concilium, tunc majores Prælati id facere deberent.

Conclusio xvi. Concilium universale potest deponere Papam scitum absque ejus culpa in casu. Patet, quia si ab una parte Ecclesia sciretur aliquis electus esse verè Papæ, major tamen pars Ecclesiæ sentit oppositum, & concertatur, & prævidetur futurum schisma, si ille maneret; tunc ad evitandum scandalum imminens potest deponi. Hæc thesis MS. extat inter varios Clithovei codices & quaterniones manu exaratos, qui in Bibliotheca Navarrici Collegii asservantur.

Joannes Arboreus in libri iv. Theosophiæ capite xxxii. Decretales Epistolæ non exaquantur Canonibus Conciliorum & definitionibus. Hanc faciliè suadebo assertionem: Minus auctoritatis habet Romanus Pontifex, quam tota & universalis Ecclesiæ, quam repræsentat Concilium generale ritè congregatum. Nam Papæ in fide aberrare potest: Et tota via mihi aberrare videtur, qui aliter sentit; & plus veritati tribuendum est, quam amico. Assentantur sanè Romano Pontifici, qui faciunt eum immunem à peccato, & à lapsu hæreseos & schismatis, cum non sit divino munere confirmatus in gratia. At Concilia generalia legitime congregata non possunt in fide aberrare.

Claudius Confordius in confutatione errorum Waldensium: Paucis probemus utrumque, & Ecclesiæ & Petri auctoritatem: Ecclesiæ primo, ex eo quod generalium Conciliorum definitione Ecclesiæ sit supra Papam, quem & instituere & ex causa destituere potest.

Simon Vigoreus, qui Tridentino Concilio interfuit, & postea ex Parisiensi Ecclesiæ factus est Narbonensis Archiepiscopus, in sermone feriæ iii. post tertiam Dominicam quadragesimæ. Gallica sunt verba, quæ in Latinum ita converto: Dico ego quandoquidem de fraterna correctione agitur, huic Christianum quemlibet obnoxium esse. In Constantiensi Concilio, ut schisma tolleretur, & quasiò, utrum Romanus aliquis Pontifex abdicari posset & corrigi deberet, solveretur, definitum est, Papam non modò fraterna correctioni, sed & censura Ecclesiastica subiectum esse. Quomodo id tandem? Papa prælati est omnibus: Maxime verò: Sed nihilominus frater est. Nam quando precatur Deum, nobiscum dicit, Pater noster. Amistites reliqui censura quoque Ecclesiastica subiecti sunt. Et paulò post: In hac correctione servandus est ordo. Coacti in cætum unum Episcopi corrigent Papam; Papa corriget Archiepiscopum, Archiepiscopus Episcopum, Episcopus Presbyterum, Presbyter Parochianum. Hæc in sermonibus, quos Joannes Christus, Parisiensis Theologus, edendos anno M. D. LXXXVII. curavit.

Claudius Sanctesius, qui & pariter Tridentino Concilio interfuit, & postea Ebroicensis Episcopus, in Responsione ad Apologiam Theodori Bezæ: Licet non solis Sorbonicis, (id est, Parisiensibus, quos tunc eo nomine suggillabant hæretici) sed in omni orbe Christiano Theologis differere, an Papa, si defecerit à fide, privari posset suo gradu, non à quovis, sed ab habentibus aliis legitimam potestatem videndi, nequid detrimenti respublica Christiana capiat. Hinc Conciliorum potestatem supra Papam af-

ferit; hinc tacitus respondet rationi ductæ ex fictitio canonis, Prima Sedes à nemine judicatur, & qui tunc pro vero habebatur. Missam facio Epistolam, quam ea super re Tridento Parisios ad Claudium Espencæum Parisiensem Theologum dedit: Nam illuc spectat, quò Cardinalis Lotharingii Commonitorium spectare visum est superius.

Sed missam facere non possum Catholicæ fidei professionem Gallicè editam, quam ipse ut exhibitam Regi professionem fidei Calvinistarum corrigeret, Pissiaceno Conventui obtulit ad annum M. D. LXI. Articulus est xxxv. quem Latine sic reddo: Credimus Synodos legitimas & universales repræsentare Catholicam Ecclesiam, cui Jesus Christus Spiritum sanctum promisit ad eam docendam & in omni utilitate ducendam. Quod credere nos cogit, illam nec in fide, nec in bonis moribus errare potuisse, & reipsa non erravisse, quamvis scitarii errasse calumnientur; & multò minus aliquid contra verbum Dei imperasse. Ad Synodos verò nationales aut provinciales quod attinet, firmamentum religionis nostræ nullum in eis ponimus, siquid novi prius definiant, quam certe communi consensu & usu Ecclesiæ universalis admittantur & approbentur. Quibus verbis non obscure abjudicat Romano Pontifici non errandi privilegium. Hic Sanctesius omnino scribit consentanea iis, quæ à Senonensi Concilio tradita inveniuntur.

Joannes Coterellus Tornacensis Archidiaconus sermone in Epistolam feriæ iii. Pentecostes. Gallica sunt verba, quæ Latina sic facio: Quamvis Sancti Petrus & Joannes missi essent à Principibus Apostolici Collegii, Ecclesiæ tamen, à qua mittebantur, obtemperarunt. Atque ex hoc facto posset argumentum colligi, quò Ecclesiæ supra Petrum esse probaretur. Nam mittit, qui dignitate superior est. Quare non videmus superiori inferiorem præcipere, ut huc vel illuc proficiscatur.

Renatus Benedictus, qui suo tempore Parisiensem Theologorum Decanus fuit, in Panoplia Catholicorum adversus hodiernas hæreses, ad octavum caput Actuum, ubi scribitur: Cum audissent Apostoli, qui erant Hierosolymis, quòd Samaria receperat verbum Dei, miserunt ad eos Petrum & Joannem. Quo loco non intellecto abutuntur, qui ex eo colligunt, Petrum non fuisse ceteris Apostolis superiorem. Nam non est missus ab aliquo in particulari, sed ab illis congregatis, qui Ecclesiam repræsentabant. Non fuit autem Beatus Petrus superior tota Ecclesiæ, sicut nec nunc successor ejus Papa, saltem in determinando: Aliud autem esse puto forsitan in determinationum executione. Quare non est mirum, si ab Apostolis congregatis, id est, ab Ecclesiæ missus est. Hæc ille in libro, quem Gregorio XIII. dicavit anno, M. D. LXXV.

Henricus Hassianus, Philippus Abbas Monasterii S. Dionysii, Thomas Corfellus, Joannes Major, Hadrianus Galterus, Judocus Clithoveus, Petrus Ortisius, Joannes Arboreus, Claudius Confordius, Simon Vigoreus, Claudius Sanctesius, Joannes Coterellus, Renatus Benedictus, Parisienses sunt illi Theologi, qui post Cardinalem Cameracensem, Joannem Gerfonem, & Jacobum Almainum à Bellarmino, ut nonnulli alii, laudantur: Ut interim taceam, quod de Academia Parisiensi tota, & de universa Gallia ex monumentis certissimis relatum est.

#### Cracoviensis Academia

Nunc in medium prodeat, & suum de auctoritate Conciliorum tractatum, quem anno M. CCCC. XLII. ad Uladislavum Poloniæ & Hungariæ Regem scripsit, objiciat, & quid sibi velit, eloquatur: Et quoniam, inquit, universalis Ecclesiæ, & Concilium generale ipsam repræsentans, potestatem habet immediatè à Christo ex conclusione præcedenti; & ideo ut cognitum sit, quæ & qualis sit ista potestas Ecclesiæ universalis, & Concilii generalis ipsam repræsentantis, sit hæc Conclusio IV. Potestas Ecclesiæ universalis, & etiam cujuslibet Concilii generalis



neralis, ipsam representantis, superior est Potestate Papa. Et post pauca: Ista conclusio est fundamentum totius hujus negotii; & ideo circa probationem ejus erit diutius immorandum. Et antequam accedatur ad probationem ejus, hoc prius praemittendum est, Quod, sicut Deus cuilibet creatura dedit certam periodum, qua determinatur ad durandum in suo esse, & propriam virtutem innatam & intrinsecam, qua possit corruptentibus se resistere, & se conservare in esse, ita & Ecclesia sua, quam voluit durare usque in finem saeculi, dedit & potestatem, qua possit se servare in suo esse, regere, & tueri, & conantibus ad sui destructionem resistere. Et quibusdam interpositis, & relatis B. Augustini testimoniis subdit: Ecclesia à Christo claves accepit proprie, Petrus autem figurative. Et post alia: Ad idem est auctoritas manifesta in cap. de Summa Trinitate & fide; ubi ponitur fides nostra, pro qua si

37 necesse est moriendum est: Ubi patet, quod Sacramentum Eucharistiae nemo potest conficere, nisi Sacerdos, qui rite fuit ordinatus secundum claves Ecclesiae, quas ipse concessit Apostolis & eorum successoribus, Jesus. Ecclesia claves dicit, non Petri, & eas concessas Apostolis & eorum successoribus, non soli Petro. Ex quibus auctoribus (qui antea citati sunt) apparet, quod Ecclesia claves accepit principaliter ex commissione Christi. Cum ergo quæri oporteat, ubi de hac commissione legatur in Evangelio, nec alius locus apertior, quam ut dictum est Matthaei XVIII. Quaecunque ligaveritis super terram erunt ligata & in calis, &c. Sequitur, quod potestas clavium sit principaliter data Ecclesiae in personis Apostolorum: Quod satis videtur probari ex dicto textu Evangelii Matthaei XVIII. attenta maxime historia narratione. Nam Matthaei XVI. Christus dixerat verba promissiva: Tu es Petrus, & tibi dabo claves regni caelorum: Deinde in cap. XVII. in fine mandavit Petro solvere staterem pro eo & se. Unde, quia ex eis videbatur eum constituere capitaneum super alios, ut dicit glossa super eodem verbo: Ideo statim continuative subditur in cap. XVIII. in principio: In illa hora accesserunt ad Jesum discipuli dicentes: Quis, putas, est major in regno caelorum? Seu in Ecclesia, quia glossa ibi exponit, id est, in collegio iustorum. Unde patet, quia proprie Evangelista loquitur de superioritate. Et tunc quibusdam interpositis Christus volens solvere hujusmodi questionem de superioritate, de qua querebatur, Apostoli subjunxerunt in

38 eodem capite, Si peccaverit in te frater tuus, vade, & corripe eum inter te & ipsum solum; Si te audierit, lucratus es fratrem tuum, si autem te non audierit, adhibe tecum unum vel duos & infra: Quod si non audierit eos, dic Ecclesiae, si autem Ecclesiam non audierit, sit tibi sicut ethnicus & publicanus. Ecce dicit iudicium Ecclesiae esse superius iudicio Petri; & consequenter, ut ostendat quale sit iudicium Ecclesiae, & quæ sit ejus potestas, statim subnectit: Amen dico vobis, quaecunque alligaveritis super terram, erunt ligata & in calis, &c. Loquitur Apostolis collectivè, & eorum successoribus, non soli Petro. Ex codice MS. Collegii Navarrici in Parisiensi Academia.

#### Coloniensis Academia

Racoviensem excipiat, in tractatu de potestate Papæ & Concilii, quem ad Theodoricum Coloniensem Archiepiscopum exaravit: Prima propositio: Ecclesia synodaliiter congregata habet supremam jurisdictionem in terris, cui omne membrum Ecclesiae, cujuscunque dignitatis fuerit, etiam Papalis, obedire tenetur; quam nemo sine ipsius Ecclesiae synodali consensu dissolvere vel transferre potest. Patet ex decreto Concilii Constantiensis & Basileensis. Ac prima pars est fundata in Evangelio Matthaei XVIII. dic Ecclesia: Ubi, ut patet ex

39 dire sua matri, Domina, & Magistra: Sed Ecclesia

est omnium Christi fidelium mater, Domina, Magistra: De quorum numero est Papa, licet sit filius primogenitus & capitalis servus, scribens se non ficta humilitate, sed Catholica veritate servum servorum Christi, & inter alios fidei discipulos precipuum, & per Christum Ecclesiae sponsum, & Christi fidelium Patrem Dominum & Magistrum in Christi semper mysticè & spiritualiter presentis corporali absentia, aliorum Christi fidelium rector, pastor, & doctor constitutus, auctoritate Christi & Ecclesiae sua conjugis & sponsa. Et post pauca: Ex quibus facile ostenditur, eandem Ecclesiam synodaliiter congregatam esse consistorium judiciale, & supremum super omnes Christi fideles. Et denique liquet tertia pars conclusionis: Quia nemo judicialis habet ad libitum suum transferre, aut disponere tribunal judicis. Si enim hoc posset Papa, esset supra, non infra Ecclesiam, non uiens duntaxat vicaria auctoritate clavium Apostolicarum, sed libero principatu propria jurisdictionis: Nec esset tantum pastor & dispensator ovium & agnorum Christi, sed Rex & pastor ovium propriorum, contra illud, Joannis ultimo: Pasce oves meas, non dixit, tuas. Ex Cod. Manuscripto Monasterii Sancti Victoris Parisiensis.

Ad hanc Academiam revocandus est Dionysius Cartusianus in libr. I. de auctoritate Papæ & Concilii, articulo xxxi. Concilium generale non nisi propter causas singulariter magnas & arduas, ut puta, quæ aliter congruè expediri non queunt, congregandumque ac celebrandum esse omnes fatentur. Porro hæc causa sunt, extirpatio heretica pravitas ac schismatis, declaratio fi-

40 dei atque editio symboli ejus, universalis reformatio Ecclesiae in capite & in membris. Itaque in expeditione istorum major dicitur potestas Concilii generalis, quam Papa, quoniam Christus promisit Ecclesiae, seu Concilio, ipsam representanti, infallibilem directionem & gloriosam assistentiam incessantem: Ita quod errare non potest in fide, neque in his, quæ ad bonos pertinent mores, eo quod in talium determinatione regatur immediatè à Spiritu sancto. Unde & Papa in talibus tenetur stare determinationi Ecclesiae, seu statuto Concilii, tanquam ordinationi & sententia Spiritus sancti. Cumque Papa possit errare in fide, & moribus, & cæteris, quæ sunt de necessitate salutis, ejus iudicio non videtur ultimè ac certitudinaliter standum in istis, cum non sit infallibilis regula & indeviabile fundamentum.

Tum in art. xxxiv. Papa, secundum diversas sui considerationes, vocatur, & est Pater, & Princeps Ecclesiae; itemque filius & minister Ecclesiae. Et quibusdam interjectis: Dicendum, quod Papa secundum quod talis, ut puta in quantum Summus Pastor & Pontifex, non est à Concilio generali sententialiter judicandus, aut per depositionem puniendus, quia talis est superior, & Prælatas & iudex Ecclesiae; sed in quantum esset intolerabiliter vitiosus, seu criminosus, sicut esset inferior, & Concilium haberet super eum potestatem ac jurisdictionem à Christo, à quo immediatè claves accepit Ecclesia, quam representat Concilium; qui etiam Christus dedit potestatem Ecclesiae abjiciendi membrum

41 scandalizans, infectivum, ac putridum. Sic ergo generale Concilium potestatem & jurisdictionem habet in Papam, in quantum Papa, ratione culpa, inferior redditur ipso Concilio; immo insuper & in quantum Papa consideratur ut membrum filiusque Ecclesiae, puta ut determinata persona fidelis, seu unus Christianus viator peccabilis: Et in quantum talis est, dicitur ei à Concilio lex præfigi, ne sua potestate abutatur, sed debite dirigatur. Ex his patet ad objecta solutio. Par enim potestatem non habet in parem, in quantum est talis, id est, aequalis, sed ut aliquo modo extat inferior.

Cartusiani speculationem adjuvat Gregorius Magnus, cum in libri VII. Indict. II. Epistola LXV. ad Joannem Syraculanum Episcopum ita scribit: Nam quod se dicit (Byzacena Provincie Episcopus) Sedi

Aposco-

Apostolica subijci; si qua culpa in Episcopis invenitur, nescio quis ei Episcopus subiectus non sit. Cum vero culpa non exigit, omnes secundum rationem humilitatis aequales sunt.

Joannes Ekius in libri III. de primatu Petri capite 1. de Constantiensi Concilio locutus: Etiam si Concilium sub obedientia Joannis XXIII. statuit Concilium esse supra Papam; tamen hoc ei non repugnat, Papam de jure divino esse super omnes Ecclesias. Nam dum jure divino Papa praefertur omnibus Ecclesiis singularibus, per hoc non praefertur omnibus Ecclesiis unitim & conjunctim; sicut universale Concilium totam repraesentat Ecclesiam. Ita senserunt omnes, qui arbitrati sunt Concilium esse supra Papam; ut etiam Guillelmus Anglicus, qui Concilium dicit esse supra Papam, adhuc reputaverit, sententiam illam fore haeticam, Petrum jure divino non fuisse supremum Pastorem. Non ergo illa sunt contraria, sicut autumat diversarius, id est, Lutherus.

#### Herfordiensis Academia

**A**D Coloniensem accedit, in tractatu super unionem & neutralitate Principum Electorum: Ubi post allatam Constantiensis & Basileensis Concilii declarationem, qua Pontifex teneri Ecclesiae decretis obedire dicitur, subiungit: Quae quidem universalis Ecclesiae declaratio, quamvis sola sufficeret ad probandum summam in terris sacrorum Conciliorum auctoritatem, pro majori tamen istius confirmatione quod dictum est, residuum Ecclesiae corpus, non computato Papa, si contrarius esset, auctoritatem hanc habere, Potest adduci ratio, experientia, & auctoritas. Ratio primo dicitur hoc. Nam quod Papa possit errare, residuum Ecclesiae synodaliter congregata errare non potest in his, quae sunt fidei, & reformationis morum, & in pertinentibus ad ea; & in talibus à Spiritu sancto regitur: Ut colligitur Actorum xv. Et quibusdam interpositis: Experientia demonstrat hoc idem. Saepe enim compertum est, Papam errasse, residuo Ecclesiae corpore recte sentiente: Papa autem non recte sentiente, residuum Ecclesiae corpus errasse, nunquam est compertum. Quapropter & corpus Ecclesiae nonnunquam caput suum, Papam videlicet, correxit, aut condemnavit. Auctoritas sacra confirmat hoc idem. Nam Christus cum dicit, Si peccaverit in te frater tuus, dic Ecclesiae. Et post alia: Unde Ecclesiae universalis auctoritas in Concilio Constantiensi declaravit, quod peccata Summorum Pontificum circa fidem & mores dici possunt Ecclesiae, cuius preceptis, & ordinationibus si obedire contempserint, condigna poenae subijciuntur, & ad aliqua juris remedia, si opus sit, recurrendo. Præterea, quamvis Christus uni dixerit homini, Quodcumque ligaveris super terram, erit ligatum & in celo, & quodcumque solveris super terram, erit solutum & in celo; ut secundum Doctores sanctos unitatem Ecclesiae designaret: In his tamen verbis Ecclesia ligandi & solvendi potestatem à Christo suscepit, immo immediate, ut sancta Synodus declaravit, ut supra. Nam Petrus quando claves in istis verbis accepit, Ecclesiam sanctam significavit. Ex Codice MS. Monasterii S. Victoris Paris.

#### Julius II.

**I**N Sacramento, quod Odoricus Raynaldus in tomo x. Annalium Ecclesiasticorum, refert ad annum m. d. III. Ego Julius II. electus in Summum Pontificem, praemissa omnia & singula promitto juro & voveo observare & adimplere in omnibus & per omnia pure & simpliciter & bona fide realiter & cum effectu & sub poena perjurii & anathematis, à quibus nec meipsum absolvam, nec alicui absolutionem committam. Inter praemissa illa quorum facta est mentio, sunt capita duo: generale Concilium congregare intra biennium, & reformare Ecclesiam in capite & in membris.

Joannes Driedo, Lovanienfis Theologus,

**P**RO Academia sua spondet in libri iv. de dogmatibus capite iv. Quaestiones magna & perplexa à Doctoribus Ecclesia disputantur, ex quibus schismata inter-

dum exorta sunt: Utrum Ecclesia Romana, cui praeficitur successor Apostoli Petri, sit praelatus omnibus aliorum Episcoporum Ecclesiis: Utrum universalis Ecclesia auctoritas major sit auctoritate, seu potestate Papa; an è contrario: Utrum universali Concilio secluso, Papa sit subiectus potestati Ecclesiae universalis, sicut subditus duci suo: Et videntur has quaestiones solvere doctrina Christi, & determinatio Constantini Concilii. Doctrina quidem Christi in Evangelio docentis, Si peccaverit in te frater tuus, accipe illum inter te & ipsum solum: Et reliqua usque in eum locum, ubi dicitur, Si Ecclesiam non audierit, sit tibi sicut ethnicus & publicanus: Ibi Christus videtur Ecclesiam posuisse ultimum & supremum iudiciariae potestatis tribunal. Cum ergo Papa sit frater & membrum in corpore Christi, consequens videtur, quod ipse, aut à fide devians, aut scandalose vivens, subiectus sit iudicio Ecclesiae; cui & in toto Apostolorum collegio designata, Christus ibidem inquit, Quaecumque alligaveritis super terram, &c. Item & definitio Concilii Constantiensis, sessione v. declarat, & definit, quod illa Synodus, & caetera, quibus interpositis subiungit: Papa in causis fidei & schismatis, personam suam tangentis atque concernentis, subijciatur iudicio universalis Ecclesiae. Quamobrem si ipse fieret haeticus aut schismaticus, aut argumentis probabilibus de his suspectus, pertinaciter defendens doctrinam contrariam Evangelio Christi, ipse esset ab Ecclesia monendus, corripiendus, & si contumax fieret, iudicandus tanquam anathema, & vel deponendus, vel declarandus propter contumaciam ab Ecclesia fuisse depositus à tempore, ex quo talia docere, aut praedicare coepit. Neque enim tenentur oves subesse Pastori ulli, qui jam factus est ex Pastore lupus, aut saluti gregis contrarius; quemadmodum & Apostoli fuissent à Christo anathema, si contrariam doctrinam inciperent praedicare, ut docet ad Galatas x. Paulus: Qui & alibi ait, haeticum hominem post primam aut secundam correctionem devota. Joannes Apostolus, in II. sua Canonica, &c. Et quamvis primatus Papae super omnes particulares Ecclesias sit constitutus jure divino, non hinc tamen oportet consequens esse, eundem Papam in causis propriis ius divinum concernentibus non esse subiectum potestati universalis Ecclesiae. Sicut Josue constitutus est Dux in Israël, dum sorte divisisset terram singulis per tribus suas, dederunt filii Israël eidem Josue possessionem in medio sui, juxta praeceptum Domini, urbem quam postulavit, Josue 19.

#### Thomas Illyricus, ex Ordine Minorum Italarum Theologus,

**I**N clypeo Papali, quem adversus Lutherum edidit, & Hadriano VI. nuncupavit: Casus, inquit, septem secundum quosdam; in quibus Summus Pontifex, seu Papa est auferibilis ab Ecclesia de Papatu. Primo enim est auferibilis ab Ecclesia Dei per voluntariam ejus cessionem, seu renunciationem, &c.

Secundo auferibilis est Summus Pontifex in casibus dabilibus, & hoc per ipsam Ecclesiam, vel per Concilium generale representans eam, vel per aliquos ad hoc per eam institutos, sive consentiat ipse, sive non consentiat sua cessione. Sumitur in primis argumentum pro hoc casu ex veritate praecedenti. Nam si vicarius sponsus potest resignare sponte ipsi Ecclesiae, dando ei libellum repudii, cum sponsus & sponsa non debeant quoad hoc impari jure censi, poterit similiter repudiare sponsum talem ipsa Ecclesia sponsa, dum par ratio vel potior adducitur pro ipsa contra sponsum, vel quia prostituere querit eam, quantum in se est, vel tyrannide seva tractare, laniando eam, vel placitando, bona sua dissipando, vel quia abuti conatur ea in perniciem filiorum. Nullum quippe statum, nullum gradum dignitatis, nullum ministerii genus dedit Deus, nisi in adificationem suam & utilitatem communem. Patet ad Corinthios XIII. Non possumus aliquid adversus veritatem, sed pro veritate: Et ad Ephesios IV. Dedit utique ad pacem ejus, cuius fines posuit pacem secundum Ps. Et hanc operatur dilectio. Propter quod finis legis ab Apostolo ponitur dilectio, in qua etiam Christus fundavit officium pastorale; Si diligis me, (inquit Christus Petro)



Petro) pascere oves meas, Joannis ultimo. Sed quis non videat casus multos esse possibiles, quorum aliqui nunc tacti sunt, in quibus Ecclesia non edificaretur, sed destrueretur, non uniretur, sed dissiparetur, non pasceret, sed depasceretur, si non cederet voluntarius, vel ejiceretur in vitis hic, qui in Vicarium sponsum Ecclesia rite & canonicè fuerat ordinatus? Nec sit cuiquam istud admirationi, quod diximus, quasi contrariantes illi jussioni: Nolite tangere Christos meos. Quomodo etiam uni singulari persona in casu violentia attentata per Papam verum contra castitatem suam vel vitam, vim vi repellere non liceret cum appositione inculpata tutela? Et ita licitè stabit, quod tangat Papam violenter, vel in mare dejiciat. Cur similiter non liceat  
47 idem toti Ecclesia pro defensione sua, & violentia attentata tanta repressione? Et post alia.

Quintò, auferibilis est Papa per Ecclesiam aut generale, Concilium, tanquam hereticus, aut schismaticus, etiam ubi in casu ipse non est veraciter & mentaliter talis, &c. In his autem & aliis, quæ Illyricus in casu iv. disputat, apparet, eum Innocentii VIII. Alexandri VI. Julii II. Leonis X. mores probè novisse. Pontificum enim illorum aqualis fuit & Anconitanus.

Dominicus Sotus Hispanus, ex Ordine Prædicatorum Theologus,

CUM relatis auctoribus re ipsa convenit, etiam si ab iis in modo loquendi diffideat, in quartum dist. xx. quæst. 1. art. iv. Utrum potestas jurisdictionis in utroque foro fuerit sic collata Ecclesia, ut in toto corpore immediatè resideat, an verò in Præbendis. Sic autem disputat in responsione ad secundum: Qui à parte Concilii pugnant, dicunt, Papam à Concilio recipere potestatem; Cardinales verò citati Turrecremata & Cajetanus è converso, quod Concilium illam recipit à Papa. Sed certè utrumque (ut sub correctione Ecclesia & peritiorum dixerim) falsum apparet: Prior enim opinio satis est oppugnata; sed nec posterior censetur vera: quoniam Episcopi & qui legitime sunt persone Concilii legitime congregati, presidente Papa aut ejus legatis, eo ipso quod sunt Episcopi, per se habent, dum publica auctoritate congregantur, auctoritatem Ecclesia, sicut Senatores in Senatu. Quare nulla alia indigent Papa  
48 auctoritate, nisi quod ipse sit præses tanquam caput: Non quod ipsi Episcopi sint tanquam procuratores totius Ecclesia, recipientes auctoritatem à toto populo, sed per auctoritatem Episcopalem, quam à Christo susceperunt, dum publico nomine congregantur, habent auctoritatem: Quibus Spiritus sanctus, ut errare nequeant, assistit. Et post alia: Non ergo aliter Concilium habet auctoritatem à Summo Pontifice, quam quod Episcopi creantur ab ipso; & è contrario, si aliqua ratione Concilium est supra Papam, non est, quod ipse à Concilio ullam recipiat auctoritatem, sed quia omne membrum, etiam caput, est pars totius, & ideo tenetur stare decreto & sententia totius. At Pontifex decreto & sententia Concilii stare non teneretur, nisi major esset Concilii, quam Pontificis auctoritas. A Soto mutatum quidem aliquid in modo docendi, sed in doctrina mutatum nihil.

Clemens Monilianus, ex Ordine Minorum Cardinalis,

IN Theologicarum institutionum Compendio, quod Michael Cardinalis Alexandrinus, postea Pius V. approbavit, Conciliorum, inquit, cap. xix. celebratio valeret ad quinque. Et quibusdam interpositis: Quartò ad refranandum exorbitantias quorundam Pontificum, qui munus sacrum aut spretis sanctorum Patrum regulis pro voluntate exercent, aut simoniaca pravitate dehonestant, aut sæculi vanitate, aut vita scandalosa confundunt. Hujus causa congregatum legitur Concilium Episcoporum Italia  
49 Roma per Imperatorem contra Joannem Papam XII, qui venator lubricis & publicis erat & incorrigibilis. Hic auctor significat non modò generale, sed etiam regionale Concilium supra vitiosum Pontificem esse. Nam Romanum illud Concilium, quod laudat, generale non

fuit; & tamen ex eo laudat, quod Joannem XII. de Romana Sede deturbaverit.

Paulus Grifaldus, ex Ordine Prædicatorum Theologus,

Umberti Generalis quondam Ordinis Magistri sententiam amplectitur, & eam monumentis suis consignat in decisionibus fidei Catholicæ, num. cxx. Si Papa fuerit fatuus, & non assignato tempore resipiscat, potest congregari Concilium, & alterum eligi, ne Ecclesia suo legitimo Pastore orbata sit, quod pro confesso dijudicari debet ab omnibus. Si pro fatuitate & stultitia, quæ crimen non est, deponitur Pontifex, pro criminibus, qualia Monilianus describit, jure potiori deponetur.

Antonius Cordubensis, ex Ordine Minorum Theologus,

IN libro iv. quæstionum Theologicarum quæstio. ne iv. Utrum Concilium sit supra Papam, vel è converso. Opinio 1. est, quod Concilium est supra Papam indistinctè, quam tenet Okam in dialogis, quem sequitur immunerabilis turba Doctorum utriusque Juris, & Universitas Parisiensis, & quedam alie Universitates amplexa sunt. Et Almainus de potestate Papæ hanc opinionem magis explicat, & Abulensis super Matthæum in prologo quæst. x. & cap. xviii. quæst. cviii. & latius in defensorio part. ii. cap. lxix. & Driedo de dogmatibus Ecclesiasticis lib. iv. cap. iv. & Gerson de potestate Ecclesiastica & de infallibilitate Papæ. Hæc ille ad annum m. d. lxxi.

Sanctus Ignatius Loiola, & illius Societas,

HIS accedunt in rectionis forma, quam circa Generalis Præpositi abdicationem, siquando necessitas exigit, instituerunt. Res sic se habet apud Petrum Ribadeneiram in libri iiii. de vita Sancti Ignatii cap. xxii. Siquid gravius accidat, si acerbus ille plus aequo ac violentus, si bonorum collegiorum profusus ac proposterus distributor fortasse sit, si doctrinâ depravatus, vel moribus (homines enim sumus) congregationem generalem,  
50 quæ quoniam universam Societatem repræsentat, ipso etiam Præposito Generali superior est, indicendi penes Assistentes jus est, in qua veritas earum rerum & pondus examinatur, & pro modo culpe pena imponitur: Privari enim Generalatu Præpositus Generalis potest, si res exigit, & gravioribus etiam suppliciis affici. Ex quo Societatis gubernatio cum proximè ad Monarchiam accedat, multum etiam habet Aristocratia: Vitato enim, quod vitiosum esse potest, id quod est in utroque genere optimum, Societas sumpsit. Nam unum esse in gubernatione principem, præclarum quidem est, & ad conservationem firmum, sed si ille sit moderatus & sapiens: Verumtamen periculosum est, ne honore elatus libidinem suam, non rationem sequatur, & quod traditum est ad salutem, in perniciem multorum convertat. Et ut hoc quidem absit, neque maximè sapiens sit, omnia certè scire unus non potest; ac propterea ibi salus populi, ubi consilia multa: Quod enim quisque præ aliis scit, in commune confert. At verò illud subest in multitudine periculi, ne quot capita, tot sint sententia, & illud unum, quo maximè hominum conventus ac consociatio continetur, distractum in varia dissolvatur. Quæ pericula in utroque genere ut vitaret, & unitatem hæc Societas à Monarchia accepit, & ab Optimaribus consilium, & ita utrumque temperavit, ut Præpositus Generalis præsit omnibus, & ipse quodammodo subsit. In descriptione hac totus elucet disputandi modus, quem, qui Concilium supra Pontificem statuunt, adhibent. Hi præ se ferunt, Pontificem Concilio inferiorem esse, quia generale Concilium universam repræsentat Ecclesiam. Ignatius & illius Socii dicunt, generalem Ordinis congregationem Præposito Generali superiorem esse, quia universam Societatem repræsentat. Parisienses & alii Theologi præ se ferunt, Romanum Pontificem omnibus præesse, & illis quodammodo subesse. Hoc ipsum Ignatius & ejus Socii à Parisiensibus & aliis Theologis accipiunt. In summa, quibus rationum momentis Ignatius & Socii  
ad

ad constabiliendum congregationis suæ statum utuntur, iisdem & Parisiensis & aliarum Academicarum Theologos ad asserendum regendæ Ecclesiæ statum usos fuisse invenies. Quare Bellarminus contra Societatem suam pugnat, cum in libri II. de Conciliis capite XIX. argumentum hoc, *Papa est membrum Ecclesiæ: Ergo est minor suo toto, quod est Ecclesiæ*, non tam diluit, quam inutiliter vexat. Et revera dilui non potest argumentum, quod Beatus Augustinus semel atque iterum, & quod communis hominum, qui sapiunt, intelligentia suppetat. Hoc unum mihi fumo, & fumam in perpetuum, Bellarminum & Bellarmini sectatores argumentum illud non antè soluturos, quam prudentissimam & sanctissimam Beati Ignatii & ejus sodalium præscriptionem, regulam, & normam penitus evertant; si tamen, quod non credimus, everti possit.

*Joannes Maldonatus, ejusdem Societatis Theologus illustris,*

<sup>52</sup> **H**UC spectat in commentario ad caput XVIII. Matthæi: *Christus voluit Ecclesiæ tribunal ultimum esse, ad quod essent peccatores, cum aliud non esset emendationis remedium, deferendi; ideoque summam illi tribuit potestatem. Summam autem non tribuisset, si majorem illi non dedisset, quam omnis respublica jure suo habet, ut homines perniciosos mittat in exilium, quod est in Ecclesiæ excommunicatio.* In explicatione loci hujus sequitur cum Patres, tum maximè generales Synodos duas, Constantiensem & Basileensem, & Parisiensem Academiam, in qua vixit & docuit.

*Antistites Græci in Florentina Synodo,*

<sup>53</sup> **N**ON aliud hac in re sapiunt, quam Basileensem Concilium, quod tunc adhuc celebrabatur. Græcorum adscribo verba, quæ in sessione IX. habentur: *De potestate Occidentalis Ecclesiæ multa, inquit Bessarion, dicenda suppetere, nisi aliud nobis esset propositum. Et scimus quidem, quæ sint jura & prærogativa Romana Ecclesiæ, nihilominus scimus etiam, prærogativa ejus quos terminos habeant: Nosse tamen volumus reverentiam vestram, à nobis facultatem hanc (addendi Symbolo) negari universæ Ecclesiæ & Synodo, vel etiam Oecumenicæ, non tantum Romanæ Ecclesiæ. Quoniam igitur quantacunque facultate polleat Romana Ecclesiæ, minus tamen pollet Synodo Oecumenicæ, & universali Ecclesiæ; Si nos id universali negamus Ecclesiæ, multo magis negabimus Romanæ. Græcorum igitur sententia est, Oecumenicam Synodum supra Pontificem esse; nec illam Latini tunc respuerunt, suo silentio consenserunt. Sic universalis in Synodos duas Basileensem & Florentinam divisâ Ecclesiæ, in hoc dogmate confociatur & conjungitur.*

*Antistites Græci & Latini, in Florentina Synodi decreto,*

<sup>54</sup> **H**OC ipsum demonstrant adhuc manifestius, cum in sessione XXV. de statuendo primatu Papæ disceptarunt inter sese, & habitis ultro citroque concertationibus consenserunt in verba hæc: *Definimus Sanctam Apostolicam Sedem, & Romanum Pontificem in universum orbem tenere primatum; & ipsum Romanum Pontificem successorem esse B. Petri Principis Apostolorum, & verum Christi Vicarium, totius Ecclesiæ caput, & omnium Christianorum Patrem ac Doctorem, & ipsi in B. Petro pascendi, regendi, ac gubernandi universam Ecclesiæ à Domino Jesu Christo potestatem traditam esse, quemadmodum & in actis Conciliorum Oecumenicorum & in sacris Canonibus continetur.* Cur autem sic legi debeat, non verò, quemadmodum etiam in actis Conciliorum Oecumenicorum & in sacris Canonibus continetur, ut vulgò legitur, Blondus Eugenii Papæ IV. Notarius, vir minimè suspectus, nos docet in lib. III. decad. X. vbi Florentinæ Synodi decretum integrum refert Marcus Vigerius ex Ordine Minorum Patavinus & Romanus Theologiæ Professor, Senogallienis postea Episcopus, & tandem Cardinalis, qui Romæ anno M.D. XVI. vi-

tam deposuit, in decachordo chorda X. Ioannes Fischerus Roffensis Episcopus in art. XXV. contra Lutheranas assertiones, Ioannes Ekius in libri II. de primatu Petri capite XXV. Albertus Pighius in libri IV. de Hierarchia Ecclesiæ capite ultimo, postremam decreti clausulam laudant omnino, ut laudavimus. Postremam voco, quia postrema est apud eos, qui decretum laudare consueverunt. Deinde Græcus textus conditæ & relatæ à Blondo, & laudatæ à Vigerio, Fischerio, Ekio, & Pighio definitioni respondet: *Καθ' ὅν τὸν, ὃ ἐν τοῖς οὐρανίοις ἔστι οἰκουμένην σωθεὶς, ὃ ἐν τοῖς ἰερεῖς καὶ οἱ διακονοῦντες, Juxta eum modum, quo & in actis Conciliorum Oecumenicorum, & in sacris Canonibus continetur.* At hæ particulae duæ *ὃ, ὃ, &*, pascendæ, regendæ, ac gubernandæ Ecclesiæ rationem & formam restringunt; tum si per sese considerentur, tum etiam si habitis ultro citroque super statuendo primatu Papæ disputationibus conjungantur. Quinetiam, si quæ vera est definitionis clausula extrema, prioribus accedat, ut necessariò debet accedere. Hæc est: *Renovantes insuper ordinem traditum in Canonibus cæterorum venerabilium Patriarcharum, ut Patriarcha Constantinopolitanus secundus sit post Sanctissimum Romanum Pontificem, tertius verò Alexandrinus, quartus autem Antiochenus, quintus Hierosolymitanus, salvis videlicet privilegiis omnibus & juribus eorum; nimirum quæ per sacros Canones sanciantur: Atque ita decernente Concilio Romanus Pontifex nec sacris illis Canonibus, nec Patriarcharum istorum privilegiis & juribus derogare possit.* Exinde necessariò sequitur Rom. Pontificem sacris Canonibus, ac proinde Conciliis Canonum auctoribus subiectum esse. Sol in meridie non lucet clariùs, quam hæc in decreto restricta præfinitio.

Hoc in loco Florentina Synodus subsecuta est, ut apparet, & imitata Constantiensem, cujus definitionem Parisiensis Cancellarius post opusculum, quod *veritatum de fide credendarum declaratio* inscribitur, sic refert: *Ecclesiæ vel generale Concilium, dum dicitur aliqua regitiva Ecclesiæ concernentia, Papa non est sic supra jura positiva, quod possit pro libito disponere, & dissolvere talia dictata per Ecclesiæ eo modo & intentione, quibus dictata conclusa sunt: Ecclesiæ vel generale Concilium, quamvis non possit tollere plenitudinem potestatis Papalis à Christo supernaturaliter & misericorditer collata, potest tamen usum ejus limitare sub certis regulis ac legibus in adificationem Ecclesiæ, & hoc est totius Ecclesiastica reformationis stabile fundamentum.* Id ergo fecit Florentina Synodus, quod Constantiensis antè definierat; & qui Florentinam Synodum id fecisse perperam nolunt, cum illius decretum citant, verba hæc, quemadmodum & in actis Conciliorum Oecumenicorum & in sacris Canonibus continetur, supprimunt; & si qui non supprimunt, sic aliter citant: *Quemadmodum etiam in actis Conciliorum Oecumenicorum & in sacris Canonibus continetur.* Quæ adulterina est lectio, ut mox probavimus. Germana lectio regendæ Ecclesiæ dispositionem & ordinem adstringit, adulterina dilatat. Hæc Romanum Pontificem actis Conciliorum Oecumenicorum, prout illa Florentini Patres numerant, & sacris Canonibus non subijcit; Illa verò subijcit.

Ad postremam decreti clausulam quod attinet, hanc Curiales magistri vel nulli legunt & laudant, vel certè pauci. Scilicet ab occupatis hominibus tardè leguntur vel laudantur, quæ lecta vel laudata illis incommodant. Quidquid id est, Synodi duæ, Constantiensis & Florentina, reipsa consentiunt; etiam si fortè rebus in omnibus par non sit loquendi modus.

*Pius II.*

**I**N Bulla retractationis suæ cum alia scribit, tum maximè tria, quæ proposito nostro conveniunt. Primum est istud: *Adierunt per id temporis duo viri ex Italia, Basileense Concilio, Nicolaus Panormi-*

*tanus*



ianus Archiepiscopus, & Ludovicus Pontanus Apostolica Sedis Notarius, qui velut duo orbis sydera, cen Pontificii juris & totius civilis sapientie duo precipua lumina & clarissima, censebantur. Hi dictis scriptisque Concilii gesta probabant, Eugenii facta damnabant. Nec erat, qui aut vellet aut auderet dicta eorum refellere. Bellarminus laudat quidem Panormitanum, sed non laudat Pontanum, quem tamen Pius, ut sydus alterum Panormitano adjungit.

Secundum ita se habet: Cum his & generalis Concilii auctoritatem & potestatem complectimur, quemadmodum & aro nostro Constantia, dum ibi fuit Synodus universalis, declaratum & definitum est. Si Constantiensis Concilii definitionem amplectitur, Concilium supra Pontificem agnoscit. Quare ne Pius secum pugnare videatur, dicendum est, eum illa tantum retrahere, quæ ad Eugenii depositionem spectabant. Facti genus id erat, in quo Basileense Concilium excessisse modum credebatur.

Tertium his verbis exprimitur: Adversus Concilii dignitatem mutare aliquid crimen hæresis fuit. Una omnium vox Concilium Eugenio præferebat; de Sedis Apostolica præcellentia, aut silentium, aut contemptus. Una, inquit, omnium vox Concilium Eugenio præferebat. Et ideo verè præferebat, quia vox populi (multò magis sacerdotalis ordinis & cleri) vox Dei est, ut vulgò dici solet. In re tali fideles errasse omnes quis affirmaret? Errasset sine dubio Ecclesia, quam Nicolaus I. & Innocentius III. convenienter scripturis fidelium congregationem appellant.

Hoc autem cum ita sit, vix credo Pium id revocasse, in quo una omnium vox erat; aut certè si revocavit humani non modò passus est aliquid, sed etiam in errorem cognitum, & eam ob causam intolerandum incidisset: Exinde si Pius revocavit, lapsus est; si non revocavit, Concilium supra Pontificem agnovit. Hoc secundis cogitationibus dicendum ita mihi videtur. At verò quibus dilemma nostrum hoc non placebit, usque dum illi ab eo sese expediant, numerandi sunt breviter, quinam post laudatos à Bellarmino tres auctores, ut quidam alii, designantur; Academicarum trium Cracoviensis, Colonienfis, Herfordienfis magistri, Dionysius Cartusianus, Thomas Illyricus, Ioannes Ekius, Ioannes Driedo, Dominicus Sotus, Clemens Monilianus, Paulus Grisaldus, Sanctus Ignatius, ejus Societas, Ioannes Maldonatus, Antifistites Græci & Latini in Florentina Synodo, Pius II.

Fortassis inquires, cur Bellarminus sententiæ hujus assertores tam paucos indicaverit, cum innumerabiles indicare potuerit? Respondeo id ita fecisse, quò facilius posset contrariam hoc modo proponere: Ultima sententia est ferè communis, quòd videlicet Papa adeo sit supra Concilium, ut non possit etiam se subicere ejus sententiæ, si propriè de sententiâ coactiva agatur. Sed qui ante Pisani Concilium sententiam hanc ita proposuerit, hætenus inventus est nemo. Post Pisani Concilii tempus proponi cæpit, ut de novitate illius non ambigatur. Bellarminus pergit: Hac sententia videtur esse omnium scholasticorum veterum, ut Alberti, B. Thoma, B. Bonaventura, Richardi, Paludani, & aliorum in iv. dist. XIX. ubi de clavibus agitur: Tametsi ex professo ipsi de hac re non disputarunt. In his auctor historiæ leges non semel, sed iterum, & tertio negligit. Semel quidem, quia, ut vidimus, sententiam, quæ communis non est, communem nominat: Iterum verò, cum veterum Scholasticorum, qui sunt magno in numero, ne unus quidem lemma hoc sibi sumpsit: Papa adeo est supra Concilium, ut non possit se coactiva illius sententiâ subicere. Tertio Albertus, Thomas, Bonaventura, Richardus, Paludanus, & alii veteres in iv. dist. XIX. lemma illud neutiquam assumunt. Quidquid id est, totum confirmant Innocentius III. & Humbertus Prædicatorum Magister Generalis v. quorum auctoritates supra in medium protulimus.

Hic subsistendum est tantisper, donec è pluribus Beati Thomæ locis, quæ Bellarmino suppeditari possunt, tria suppeditem, ut interim perspiciat, num in iis quod statuere vult, statuere valeat. Primus est in iv. dist. XIX. art. II. Non enim Prælati à subditis coram multitudine, sed humiliter in privato corripendi sunt, nisi immineret periculum fidei. Tunc enim Prælati minor fieret, si in infidelitatem laboraretur, subditur fidelis major. Hæc non minus de Romano, quàm de reliquis Episcopis intelligit. Alter locus est in dist. XXXIV. quæst. III. art. II. Ad tertium dicendum, quòd potestas sacerdotis exceditur à potestate Episcopi, quasi à potestate alterius generis: Sed potestas Episcopi exceditur à potestate Papæ, quasi à potestate ejusdem generis. Unde omnem actum Hierarchicum, quem potest facere Papa, in ministracione Sacramentorum, potest facere Episcopus. Ex his autem verbis Bellarminus Pontificem ægrè attollet supra Episcoporum Concilium.

Tertius est ejusdem Beati Thomæ, vel alterius sub illius nomine, in secunda secundæ quæst. c. articulo I. ubi ad septimum ita respondet: Dicendum, quòd Papa potest incurrere vitium simonia, sicut & quilibet alius homo. Peccatum enim tantò in aliqua persona est gravius, quantò majorem obtinet locum. Quamvis enim res Ecclesiæ sint ejus ut principalis dispensatoris, non tamen sunt ejus ut domini & possessoris; & ideo si reciperet pro aliqua re spirituali pecuniam de rebus Ecclesiæ alicujus, non careret vitio simonia. Et similiter etiam posset simoniam committere recipiendo pecuniam ab aliquo laico non de bonis Ecclesiæ. At Papa simoniam istiusmodi non committeret, nisi sacris Canonibus subiceretur. Infinita id generis loca nunquam efficient, ut Romanus Episcopus Calchedonensis non subit Concilio, quod Canone II. simoniam prohibet ab Ecclesiâ. Et Bellarminus saxa comedet, & favillas antè forbebit, quàm ex his tribus locis, Papam ita supra Concilium efferrat, ut coactivæ illius sententiæ subicere se non possit.

Bellarminus pergit: Expressè autem hoc docent S. Antoninus III. part. tit. XXII. cap. X. §. Summa historialis & II. part. tit. III. cap. XI. Summa Theologica. At ibi expressè non reperitur Bellarmini propositio; quinetiam Antoninus dicit Papam ab Ecclesiâ judicari posse, si deprehendatur à fide devius. Cardinalis Cajetanus in tractatu de comparatione Papæ & Conciliorum, & in Apologia pro prædicto tractatu. At Cajetanus in illo tractatu docet Romanum Pontificem sacrorum Canonum observatione constringi: Constat autem, inquit, quòd indecens est determinationes Concilii etiam provincialis solvere: quanto magis generalis? quorum decreta etiam Papam in foro conscientia ligant. At indecens non esset, si Papa ita esset supra Concilium, ut coactivæ illius sententiæ subicere se non posset: Franciscus Turrianus in tribus libris, quos de hac re scripsit. At sub finem libri III. de Romano Pontifice sic scribit: Nos verò & summum esse in terra Pontificem confitemur, & Canonibus Conciliorum ac regulis Patrum Ecclesiasticis, Pontificumque decretis, imò omnium consiliiis ac dictis salutaribus subiectum esse debere in timore Dei, & eos Pontifices, qui Canones & decreta non servarint, similes fore principibus illis & Phariseis, quos Dominus in Evangelio accusans dixit, alligare eos onera gravia & importabilia, & imponere in humeros hominum, digito autem se nolle ea movere: id est, faciebant ut viderentur intolerabilia præcepta, dum ea ipsi ne incipiebant quidem facere; id enim significat non movere illa digito. Similiter & Pontifices cum Canones Ecclesiasticos non servant, nulla æconomia & spiritualis utilitatis ratione, quos placet & libet, nulla necessitate leges solventes faciunt, ut reliquis videantur intolerabiles, & omnia faciunt cum murmuracione contra Apostoli præceptum. Quamobrem obstestandus est Pontifex per illius magni Pastoris & Episcopi animarum nostrarum sacramenta & admirabilia judicia, ut cum sollicitudine omnium Ecclesiarum Domini Dei

Dei præsit, & filios Ecclesiæ habeat subiectos, in timore Dei exemplum & forma gregis factus, ut servet in Domino Canones Ecclesiasticos, & faciat eos ab omni Ecclesiæ summo studio servari, audiaturque verba hæc & consilia, ut Dominus sit cum eo, fiatque, sicut B. Petrus ait, ut cum apparuerit Princeps Pastorum, immarcescibilem gloria coronam percipiat. Hæc non valde conveniunt lemmati, quod Bellarminus assumpsit. Quidquid id est, Cajetani & Turriani testimonia apud Bellarminum reperies nusquam, quia non omnem assentationis speciem referunt. Cæteros auctores, quos ille appellat, non excutio, nec tanti est excutere. Sed dolenter interim exclamare mihi liceat: Heu prisca fides!

Superest expositionis modus, quem paucis expedit. Theologicæ quæstionis historiam ab hæreticis, qui Concilio Papam subjiciunt, orditur. Mox ad hæreticos adjungit Doctores nominatim VII. Cardinalem Cameracensem, Joannem Gersonem, Jacobum Almainum, & alios nonnullos, Nicolaum Cusanum, Panormitanum, Cardinalem Florentinum, Abulensem, & quosdam alios, quibus nec Catholicorum nec hæreticorum nomen tribuit: Ut quæ res minime dubia est, nempe Doctores esse Catholicos, eam hoc in loco & quæstione dubiam faciat sperans, jam inde ab ipso disputationis aditu lectoribus opinionis minus tutæ injectum iri suspicionem ac terrorem:

*Vestibulum ante ipsum, primisque in faucibus Orci,  
Luctus & ultrices posuere cubilia cura,  
Terribiles visu forma,*

*ac bellua Lerna*

*Horrendum stridens, flammisque armata chimæra,  
Gorgones, Harpyiaque & forma tricornis umbra.*

Bellarminus igitur hoc ipsum confirmari putat ex narrationis serie, in qua hæretici Doctoribus ambiguit, ut haberi vult, fidei septem anteposuntur. Nam doctrinæ temporum rudes & ignari facile credent, hæreticos, & cum primis Hermannum Hamelmannum

illis Doctoribus septem & nonnullis aliis, quorum nomina reticet, ad sentiendum faciem prætulisse: Qua fraude Doctorum sententia quam ite expositum, adhuc inquisitor reddatur ac suspectior. Si verò secutus esset ordinem temporum & Catholicis subiecisset hæreticos, de doctrina suspicionis attulisset nihil, aut parum. Qui enim uno in dogmate hæretici sunt, in altero possunt non esse hæretici, & cum Catholicis bene sentire. Hamelmannus heterodoxus non est, sed orthodoxus, qua parte Cardinalis Cameracensis, Joannis Gersonis, Jacobi Almaini, Nicolai Cusani, Panormitani, Cardinalis Florentini & Abulensis placita defendit. Bellarminus cum ita quæstionem hanc tractat, pessimè meretur de Stephano Romano Pontifice, qui baptizatos ab hæreticis rursus baptizandos esse vetuit, usus ratione hac: Siquis ergo à quacunque hæresi venerit ad nos, nihil innovetur, nisi (forte in id) quod traditum est, ut manus illi imponatur in penitentiam, cum ipsi hæretici propriè alterutrum ad se venientes non baptizent, sed communicent tantum. Cum hæreticis hac in re sentit Stephanus, quem Bellarminus, opinor, hæreticæ disciplinæ fautorem non haberet.

Nunc ad Bellarmini exemplum quæstionem propono: Utrum collatus ab hæreticis baptismus repeti debeat. De proposita quæstione duas invenio Doctorum sententias. Prima est, baptismum hunc repetendum non esse: Id quod asserunt inprimis omnes hæretici veteres. Idem asserit Stephanus Papa, & alii Occidentalium partium Episcopi. Secunda est Agrippini, Cypriani, Firmiliani, & antistitum Carthageniensis Concilii. Hunc autem tractandi modum nemo unquam sciens & prudens admittet. Si Bellarminus admittat, Stephano Papæ injuriam faciet; si rejiciat, contra se rejiciet. Illaqueari sic non potest, qui sincero animo disputare instituit, & cui nihil aliud ob oculos statuitur, præterquam aperta & simplex ratio veritatis. Bene vale. Lutetiæ Paris. pridie Calend. Septembris anno M.DC.LXIV.

# Joannes Launoius LUDOVICO MARÆSIO

Parisiensi Theologo.

**O**PTARES quidem, me ad te scribere, quid sentiam de Leonis X. constitutione, qua nonnulli recentiores Theologi utuntur, ut Papam supra Concilium esse confirmant. Optarem ego quoque, si possem pro magnitudine rei satis tibi facere. Proponis duo: Primum, num omnia, quæ illi ex Constitutione illa colligunt, sincerè colligant: Deinde, num idoneæ & legitimæ sint auctoritates cunctæ, quibus Constitutio munitur. Propositiones hæc duæ Constitutionis totius recensitionem exigunt, si per Constitutionem integram diffundantur; sed quia non diffunduntur, Constitutionis partem solummodò, quæ ad institutum pertinet, describo. Constitutio in sessione XI. Lateranensis Concilii sic incipit: Leo Episcopus servus servorum Dei ad perpetuam rei memoriam. Pastor æternus. Et pluribus interpositis: Et sicut pia memoria Leo Papa I. prædecessor noster, cujus in hoc libenter, quoad possumus, vestigia imitamur, ea quæ in Ephesina Synodo temerè contra justitiam & Catholicam fidem gesta fuerant, postmodum in Calchedonenſi Concilio mandavit ac fecit, pro dictæ fidei firmitate revocari: Ita & nos à tam nefaria

sanctionis, & contentorum in eâ revocatione, retrahi aut desistere, salva conscientia ac nostro & ipsius Ecclesiæ honore non posse, aut debere censemus. Nec illud nos movere debet, quod sanctio ipsa, & in ea contenta in Basileensi Concilio edita, & ipso Concilio instante à Bituricensi congregatione recepta & acceptata fuerunt, cum ea omnia post translationem ejusdem Basileensis Concilii per Re. me. Eugenium Papam IV. etiam prædecessorem nostrum factam à Basileensi Conciliabulo, seu potiùs conventicula, quæ præsertim post hujusmodi translationem Concilium appellari non merebatur, facta extiterint, ac propterea nullum robur habere potuerint, cum etiam solum Romanum Pontificem pro tempore existentem, tanquam auctoritatem super omnia Concilia habentem, Conciliorum indicendorum, transferendorum, ac dissolvendorum plenum jus & potestatem habere, nedum ex sacra scriptura testimonio, dictis Sanctorum Patrum, ac aliorum Romanorum Pontificum, etiam prædecessorum nostrorum, sacrorumque Canonum decretis, sed propria etiam eorundem Conciliorum confessione manifestè constet: Quorum aliqua referre placuit, reliqua verò utpote notoria, silentio præterire. In Alexandrina enim Synodo Athanasio ibidem existente, Felici Romano Ponti-



Pontifici ab eadem Synodo scriptum fuisse legimus, Nicenam Synodum statuisse, non debere absque Romano Pontifice Concilia celebrari. Neque nos latet, etiam eundem Leonem Pontificem Ephesinam secundam Synodum ad Chalcedonensem transtulisse; Martinum etiam Papam V. presidentibus suis in Concilio Senensi potestatem transferendi Concilium, nulla consensus ipsius Concilii mentione habita, dedisse: Ephesinam quoque primam Synodum Celestino, ac Chalcedonensem eidem Leoni, sextam Agathoni, septimam Hadriano, octavam Nicolao, octavam etiam Constantinopolitanam Synodum Hadriano Romano Pontifici predecessorum nostris maximam reverentiam exhibuisse, eorundemque Pontificum institutionibus & mandatis in sacris Conciliis per eos editis & factis, reverenter & humiliter, obtemperasse. Unde Damasus Papa & ceteri Episcopi Romae congregati, scribentes de Concilio Ariminensi Episcopis in Illyrico constitutis, praedictum aliquod per numerum Episcoporum Arimini congregatorum fieri non potuisse testantur: Quandoquidem constat, Romanum Pontificem, cujus ante omnia decebat spectari decretum, talibus non exhibuisse consensum: Eundemque Leonem universis Sicilia Episcopis scribentem, idem voluisse apparet. Consueveruntque antiquorum Conciliorum Patres, pro eorum, quae in suis Conciliis gesta fuerunt, corroboracione, à Romano Pont. subscriptionem, approbationemque humiliter petere & obtinere, prout ex Nicæna & Ephesina ac Chalcedonensi hujusmodi, ac VI. Constantinopolitana, & VII. eadem Nicæna & Romanis sub Symmacho Synodis habitis, earumque gestis, necnon Aimari libro de Synodis manifestè colligitur. Quod etiam novissimè Constantienses Patres fecisse constat: Quam laudabilem consuetudinem, si Bituricenses & Basileenses secuti fuissent, hujusmodi molestia proculdubio careremus. Sermo est de Pragmatica, ut aiunt, sanctione, quam Leo X. in constitutione sua revocandam esse & abrogandam censuit.

Nunc propositioni tuae primæ generatim & per aversionem respondemus, non omnia, quæ Bellarminus & quidam alii Curiae Theologi ex Leonis Constitutione colligunt, colligi sincere; quod manifestè probatum imus.

I. Bellarminus in libri II. de Conciliis capite XVII. cujus titulus est: Summum Pontificem absolute esse supra Concilium, scribit: Denique Lateranense ultimum sub Leone X. sessione II. disertè & ex professo docuit, Pontificem esse supra omnia Concilia, & reprobavit contrarium decretum editum in Basileensi Concilio: Solum, inquit, Romanum Pontificem tanquam super omnia Concilia auctoritatem habentem, Conciliorum indicendorum, transferendorum, ac dissolvendorum plenum jus & potestatem habere, nedum ex sacra Scriptura testimonio, dictis Sanctorum Patrum, ac aliorum Romanorum Pontificum, sed propria etiam eorundem Conciliorum confessione manifestè constat. Cætera pratermittit; & cur pratermittat, inprimis exponendum est: Non te morabor diutius. Idcirco pratermittit, ne Constitutionis argumentum agnoscatur: Nam si semel agnoscatur, liquiddò patebit, hinc Leonem X. aut Lateranense Concilium non docere ex professo, quod ab illo doceri Bellarminus asserit; hinc deductam ex Lateranensi Concilio rationem eas non habere vires, quas Bellarminus habere putat. Hoc unum spectant Leo & Lateranense Concilium, ut editam à Bituricensi & Basileensi Conciliis sanctionem Pragmaticam rescindant. Et quod Bellarminus editum ex professo à Leone & Lateranensi Concilio decretum affirmat, Leonis & Concilii decretum non est, sed ratio, qua Pragmatica sanctionis abrogationem à se factam sustentare conantur. Quicquid illud est, agnovisset Bellarminus, si saltem quæ ex Constitutione retulimus, propriis oculis usurpasset; nec de iis, quibus ducitur præjudiciis & somniis, avulsæ è Constitutione plagulæ accommodasset.

II. Inter Concilii decretum & decreti rationem plerique Theologi discrimen latum constituunt. Et certè

allata ratio, quæ Leo & Lateranense Concilium utuntur, monumentis partim suppositiis, partim incertis innititur, ut in explicatione propositionis secundæ observabimus.

III. Leo & Lateranense Concilium ea tantum reprobant, quæ Basileense Concilium post illius translationem ab Eugenio IV. factam, sibi sumpsit ac decrevit: Nec illud, inquit, movere nos debet, quod sanctio ipsa, & in ea contenta in Basileensi Concilio edita, & ipso Concilio instante, à Bituricensi congregatione recepta, & acceptata fuerunt, cum ea omnia POST TRANSLATIONEM EJUSDEM BASILEENSIS CONCILII PER RE. ME. EUGENIUM PAPAM IV. ETIAM PRÆDECESSOREM NOSTRUM FACTAM, à Basileensi Concilio abululo, seu potius conventicula, quæ præsertim POST HUIUSMODI TRANSLATIONEM CONCILII AMPLIUS APPELLARI NON MEREBATUR, facta extiterint, ac propterea nullum robur habere potuerint, cum etiam solum Romanum Pontificem pro tempore existentem, tanquam auctoritatem super omnia Concilia habentem, Conciliorum indicendorum, transferendorum, ac dissolvendorum plenum jus & potestatem habere, nedum ex sacra Scriptura testimonio, dictis Sanctorum Patrum ac aliorum Romanorum Pontificum etiam predecessorum nostrorum, sacrorumque Canonum decretis, sed propria etiam eorundem Conciliorum confessione manifestè constat. Hoc autem cum ita sit, Leo & Lateranense Concilium non obsecratur consentiunt iis, quæ Basileensi Concilio Patres ante illius translationem fecerant & decreverant. At nisi quis nodum in scirpo quærat, id unquam diffitebitur. Et sanè Basileense Concilium ab Eugenio translatum non est ante sessionem II. in qua continentur decreta hæc duo: Et ne de ejusdem sacra Basileensis Synodi potestate à quoquam dubitetur, ipsa eadem Synodus duas declarationes ex decretis Synodi Constantiensis in presenti sessione aliis suis decretis editis seu edendis inferendas ordinat, & decernit: Quarum quidem declarationum tenor prima sequitur, & est talis:

Et primò quidem declarat, quod ipsa Synodus in Spiritu sancto legitime congregata, generale Concilium faciens, & Ecclesiam militantem representans, potestatem immediatè à Christo habet, cui quilibet cujuscunque status & dignitatis etiam si Papalis existat, obedire tenetur in his, quæ pertinent ad fidem & extirpationem dicti schismatis & ad generalem reformationem Ecclesie Dei in capite & in membris. Alterius verò tenor sequitur in hæc verba:

Item declarat, quod quicumque cujuscunque status vel dignitatis etiam si Papalis existat, qui mandatis, statutis, seu ordinationibus, aut præceptis hujus Sacra Synodi, & cujuscunque alterius Concilii generalis legitime congregati super præmissis, seu ad ea pertinentibus, factis vel faciendis obedire contumaciter contempserit, nisi resipuerit, condigne poenitentia subiaciatur, & debite puniatur, etiam ad alia juris subsidia (si opus fuerit) recurrendo. Præmissis igitur & nonnullis aliis Constantiensis Concilii, præsertim Capituli, quod incipit: Frequens, in priori hujus sacra Synodi Basileensis sessione recitati, & decretis attentis, prælibata Synodus Basileensis decernit & declarat, quod ipsa pro hæresum extirpatione ac morum generali reformatione Ecclesie in capite & in membris, nec non pace inter Christianos procuranda, ut præmittitur in Spiritu sancto legitime congregata, per nullum quavis auctoritate, etiam si Papali dignitate præfulgeat, dissolvi, aut ad aliud locum transferri, seu ad aliud tempus prorogari debuit aut potuit, debet, aut potest, debebit aut poterit in futurum, absque ejusdem Synodi Basileensis deliberatione & consensu. Hæc anno M. cccc. xxxii. xv. Cal. Martii, Julianus Cardinalis Sedis Apostolicæ Legatus sessioni huic præfuit.

Eugenius in sessione XVI. quæ anno M. cccc. xxxiv. celebrata est, Basileensis Concilii acta sic confirmat.

Eugenius Episcopus servus servorum Dei, ad perpetuam rei memoriam. Dudum sacrum generale Concilium Basileense per generalium Constantiensis, & Senensis Conciliorum

litorum statuta, ordinationesque felices recordationis Martini Papa V. ac nostras pro extirpatione hæresum, pace populi Christiani, ac generali reformatione Ecclesie in capite & in membris, & pertinentibus ad ea legitime inchoatum, ex certis causis in aliis nostris literis expressis de fratrum nostrorum Sanctæ Romanæ Ecclesie Cardinalium concilio & assensu dissolvimus. Verum cum ex dicta dissolutione orta sint graves dissensiones & graviores oriri possent, nihilque magis optemus, quam quod prædicta sancta opera debitum sortiantur effectum, de consilio & assensu venerabilis fratris Jordani Episcopi Sabinensis & dilectorum filiorum nostrorum Antonii Sancti Marcelli, Francisci Sancti Clementis, Angeloti tituli Sancti Marci Presbyterorum, ac Lucidi Sanctæ Mariæ in Cosmedin, & Ardecini Sanctorum Cosma & Damiani Diaconorum Sanctæ Romanæ Ecclesie Cardinalium, decernimus & declaramus, præfatum generale Concilium Basileense à tempore prædictæ inchoationis sue legitime continuatum fuisse, & esse, prosecutionemque semper habuisse, continuari, ac prosecutionem habere debere ad prædicta, & pertinentia ad ea, perinde ac si nulla dissolutio facta fuisset. Quinimo præfatum dissolutionem irritam & inanem de consilio & assensu simili declarantes, ipsum sacrum generale Concilium Basileense purè simpliciter & cum effectu ac omni devotione & favore prosequimur, & prosequi intendimus. Præterea ut mentis nostra integritas ac devotio, quam ad universalem Ecclesiam & sacrum generale Concilium Basileense gerimus, omnibus constet evidenter, duas nostras literas pridem in Palatio Apostolico promulgatas, nam tertias, quarum tenor de verbo ad verbum inferius describitur, quæ dicuntur incipere, Deus novit, cum à nobis, aut de scitu nostro nunquam emanarint, licet superfluum videatur, quod non extat, revocare, tamen quia petatum est, & ad cautelam, si nullo unquam tempore apparerent, & alias quascunque, & quidquid per nos, aut nostro nomine in præjudicium aut derogationem sacri Concilii Basileensis, seu contra ejus auctoritatem factum, attentatum, seu assertum est, cassamus, revocamus, irritamus, & annullamus, nullas & irritas fuisse & esse declaramus. Id etiam Pius II. testatur in bulla Retractionis: Accessit & ipsius Eugenii consensus, qui dissolutionem Concilii à se factam revocavit, & progressum ejus approbavit. Deinde in Epistola ad Martinum Meyrum Moguntini Præfultis Cancellarium, Basileensem Synodum veram Synodum fuisse antequam transferretur, asserit: Cum pluribus annis in Basilea Synodus modò vera, modò reprobata confesseretur: Vera quidem ante illius translationem, reprobata verò post illius translationem. Hæc est Pii sententia, in qua Basileensis Synodus, fuit Synodus vera, cum habita est secunda sessio, & ibi confirmata sunt Constantiensis Concilii decreta duo, quæ suprà retulimus.

Ad Pium II. accedit Hartmannus Schodell in ætate vi. mundi ad annum Christi M. cccc. xxxi. Concilio Basileensi unde infinita mala orta sunt, auctoritatem dedit, approbat illius per Apostolicas literas decretis.

Præterea idem de Constantiensis Concilio non dicit: Illud modò verum, modò reprobum non appellat, ut recentiores Curie Doctores appellant. In memorata ad Meyrum Epistola postquam scripsit Concilium multa utilia statuisse, subjicit: Quas ob res minimè laudandi Pontifices illi fuerint, qui constituta tam venerandi conventus temerè violaverint; audiendus potius atque imitandus Divus Gregorius, qui se quatuor Concilia veluti quatuor Evangelia suscipere venerarique proficitur. Commendandi sunt & alii Romana urbis Præsules, qui generalium præcepta Synodorum tanquam divina oracula & admirati sunt & persecuti. Nec nos eum antistitem probaremus, qui Constantiensis Concilio sese opponeret.

Deinde in bulla Retractionis: Cum his & generalis Concilii auctoritatem & potestatem complectimur, quemadmodum ævo nostro Constantia dum ibi fuit Synodus universalis, declaratum definitumque est. Veneramur etiam Constantiensis Concilium, & cuncta quæ præcesserunt, à Romanis Pontificibus nostris approbata. Ac proinde Pisanum

quod ab Alexandro V. approbatum est. Approbationis non repeto testimonia, quæ in Epistola ad Christophorum Fauvæum produximus. At Pisanum Concilium in octava sessione declarat, pronunciat, & decernit per Dei gratiam hic esse generale Concilium representativum totius universalis Catholice Ecclesie, ritè, justè, & rationabiliter fundatum & congregatum, & ad hoc generale Concilium, tanquam ad unicum superiorem & judicem in terris pertinere hujusmodi causa, & omnium propositorum contra Dominos Benedictum & Gregorium nominatos contententes, seu, ut asserunt, colludentes, cognitionem, examinationem, decisionem, & omnimodam determinationem omnium singulorum ad dictam causam pertinentium.

Eugenius triennio post Basileense Concilium Ferrariam transtulit: Verba sunt:

Eugenius Episcopus servus servorum Dei ad futuram rei memoriam. Doctoris gentium admoniti saluberrima, suavissimæque doctrina, hortantis, ut solliciti simus servare unitatem Spiritus in vinculo pacis, ad ea maxime intendimus aciem mentis nostra, & indefessa sollicitudine, cura & cogitatione conatus omnes intendimus, per quæ in corpore mystico, sancta scilicet Ecclesia, perpetua charitas & pax inviolata perduret: Ac si qua membra dissentiant, ea corpori commodè reinserantur suo, ut dum per Spiritus sancti gratiam, qui est Patris & filii amor atque connexio, membra omnia sub Christo capite, unum in Ecclesia corpus efficiamur, unica etiam per unitatem spirituum in Christo societas simus; & pax, quæ est perfecta unitatis vinculum, sincera caritate & concordie animorum conjunctione servetur, omneque discordia, & scissura fomites extinguantur. Et multis interpositis: Tenore præsentium, auctoritate Apostolica, & ex certa scientia ac ex plenitudine potestatis civitatem Ferrariensem, quam etiam pro futuro Oecumenico Concilio ex nunc assumimus, ex nunc prout ex tunc, & ex tunc prout ex nunc pro loco dicti Concilii transferendi nominamus, assignamus, & etiam deputamus. Et post alia: Distinctius inhibemus, ne in præfata Basileensi civitate, aut alibi, quam in civitate Ferrariensi supradicta deinceps (ut suprà præmittitur) Concilium, aut aliquis conciliaris actus teneantur, seu aliquod officium ad ea subordinatum de cetero exerceatur, neque etiam aliquis in dicta Basileensi civitate remanere, præterquam ad articulum Bohemorum, ut dictum est, & ad alium locum, quam Ferraria sub nomine aut prætextu Concilii accedere audeat. Infra: Datum Bononiæ, anno Incarnat. Dominice M. cccc. xxxvii. xiv. Cal. Octob. Pontif. nostri anno vii. Hæc translatio in Basileensis Concilii sessionem xxvi. vel xxvii. incurrit.

IV. E duabus Constantiensis Concilii declarationibus seu decretis, quæ Basileensis Synodus instauravit & asseruit, primum à Leone X. & à Lateranensi Synodo semel atque iterum confirmatur. Semel quidem, cum Leo & Lateranensis Synodus non obscurè significant, se ea tantum rescindere, quæ Basileensis Concilii translationem subsecuta sunt: At decreti primi instauratio & assertio Concilii translationem annis quinque præcessit. Iterum verò, cum Leo & Lateranense Concilium postremam decreti secundi clausulam tantum abrogant, quæ nimirum ad jus indicendorum, transferendorum, ac dissolvendorum Conciliorum pertinet, & illud comprehendit. Hæc autem exceptio regulam firmat in contrarium, atque ita, ut verè asseveranterque dici possit, Leonem X. & Lateranense Concilium ad Constantiensis Concilii decretum primum & secundum præter ea, quæ mox notavimus, à Basileensi Concilio instauratum ac vindicatum pondus adcessisse auctoritatis suæ. Qua in re prætermittendus non est Eugenius IV. qui anno M. cccc. xxxiv. præcedentia Basileensis Concilii acta confirmavit, ut relata ante illius verba fidem faciunt amplissimam. Eugenius igitur, Leo, & Lateranense Concilium sentiunt, generale Concilium legitime congregatum & universalem Ecclesiam representans, potestatem à Christo immediate habere, cui quilibet cujuscunque status vel dignitatis etiam



13 *Papalis existat, obedire tenetur in his, quæ pertinent ad fidem, extirpationem schismatis, & ad generalem reformationem Ecclesiæ Dei in capite & in membris; deinde necessariam esse Concilii celebrationem, quæ in Constantiensis Concilii capite, Frequens, decernitur. Sic Eugenius, Leo, & Lateranense Concilium agnoscunt Papam Concilio subijci, Concilium supra Papam esse, quia ei obedientiæ nexu obligatur.*

V. Hic non possum non subungere, quæ Julianus Cardinalis in Epistola 11. ad Eugenium volentem dissolvere Basileense Concilium perscripsit: *Non permittat, inquit, se sanctitas vestra à quoquam seduci incutiente fortè timorem, ubi timendum non est, aut persuadente, hoc non esse legitimum Concilium. Scio me offensurum eandem sanctitatem, si velim probare contrarium, sed melius est, ut paululum offendam verbis, & prosum factis. Nam medicus infirmo apponit cauterium urens, & sanat plagam. Non potest medicina prodesse, nisi gustu sit amara. Sub hac confidentia non verebor patefacere veritatem, ut eà cognita sanctitas vestra sibi & Ecclesiæ consulat. An hoc Concilium legitimum sit, ex Concilio Constantiensi dependet: Si illud verum fuit, & istud. Nemo autem dubitare visus est, an illud legitimum fuerit. Similiter & quidquid ibi decretum est. Nam si quis dixerit, decreta illius Concilii non esse valida, fateri necesse habet, privationem olim Joannis (XXIII.) factam vigore illorum decretorum non valuisse; si illa non valuit, nec etiam Papæ Martini tenuit electio facta adhuc illo superstite. Si Martinus non*

14 *fuit Papa, nec sanctitas vestra est, quæ per Cardinales ab ipso factos electa est. Nullius ergo magis interest, defendere decreta illius Concilii, quam sanctitatis vestra; & si quodcumque illius Concilii decretum revocetur in dubium, eadem ratione poterunt revocari & reliqua ejusdem Concilii decreta. Hac eadem ratione nec aliorum Conciliorum decreta valebunt, quia qua ratione vacillat fides unius Concilii, vacillabunt reliqua omnia. Et quibuscumque interpositis: Per Concilium autem Constantiense fuit factum decretum, Frequens, in quo statuitur, quod primum Concilium fiat in quinquennium à fine illius, & aliud in septennium à fine Concilii Constantiensis: Quinquennio elapso celebratum est Papiense, vel Senense, à cuius fine elapso septennio ceptum est celebrari istud. Et quibuscumque interpositis: Unde nullatenus est ambigendum, quin Concilium (Basileense) fuerit legitimum & canonicè congregatum. Et forsitan vix unquam legitur aliquod Concilium tot auctoritatibus innixum, sicut per duo videlicet præcedentia Concilia, Constantiense & Senense, & duos Romanos Pontifices confirmatum. Infra: Afferunt etiam prædictam dissolutionem fieri non potuisse, obstante quodam decreto Constantiensis Concilii, quod in his quæ pertinent ad fidem & extirpationem schismatis, & ad reformationem Ecclesiæ in capite & in membris quemlibet cujuscumque conditionis etiam Papalis teneri obedire statutis & ordinationibus & præceptis cujuscumque Concilii generalis, & nisi obedierit puniatur, &c. Ecce posse statueri in aliquem, posse præcipere, posse punire non obedientem, signa sunt evidentia superioritatis in his, in quibus statuit, præcipit, aut punit. Teneri autem obedire, & subijci ac parere, signa sunt inferioritatis in prædictis casibus. Ergo in prædictis casibus cum Papa, ut dicunt, sit inferior Concilio quod etiam factum probatum fuit, (nam propter unum de tribus casibus Concilium privavit Joannem, & propter alterum privavit Benedictum) non poterit Papa dissolvere Concilium, quia inferior in eo, in quo est superior, non potest solvere vel ligare superiorem. Et post alia: Item probatur hoc alia ratione. Nemo dubitat si contra aliquem Summum Pontificem ageretur de hæresi, quod ipse non posset Concilium dissolvere, quia si posset dissolvere, non posset judicari. Quod esset contra cap. si Papa dist. xl. Ergo sicut in hæresi, sic in aliis duobus casibus: Isti enim tres pacificati sunt per Concilium Constantiense. Eodem modo loquitur Concilium Constantiense, sicut cap. si Papa. In illo uno, ut prædixi, factum Concilium Constantiense approbavit hanc sententiam, quia*

15 *propter schisma privavit Petrum de Luna, & propter deformitatem vita privavit Joannem. Et si qua jura repetuntur, quæ dicunt, Prima sedes non judicatur à quoquam, & primam sedem nemo judicat, & nemo sibi dicit, cur ira facis, intelligenda non sunt in his tribus casibus: In principio de fide provisum fuit per cap. si Papa, in aliis duobus per decretum Constantiense; alioqui si sine ulla exceptione intelligeretur illud, Prima sedes, &c. tunc prædictum cap. si Papa xl. dist. & prædictum decretum Constantiense essent falsa. Et si cap. si Papa cause hæresis istos duos addidisset, nemo dubitaret de prædicta sententia. Sic enim nemo debet dubitare de decreto Concilii, quod factum est auctoritate Papæ, & representat universalem Ecclesiam. Et si dicatur, in Conciliis intelligitur excepta auctoritas Papæ, respondeo illud verum, quando persona Papæ specialiter non includitur; sed si specialiter includitur, non potest excipi, quia saperet contradictionem. Hac dixi, Beatissime Pater, Deus est mihi testis, cum displicentia animi, sed cogor ita dicere, ut sanctitas vestra desinat à prædicta dissolutione, ne contingant infinita mala in Ecclesia Dei. Julianus iste Basileensis Concilii Præses primum à Martino V. deinde ab eodem Eugenio designatus fuerat, qui & quæ de Eugenio, Leone, & Lateranensi Concilio mox observavimus, omnino confirmat: In summa ii non potuerunt discedere ab Apostolicæ Sedis traditione, quam in nostris ad Hieronymum Samboenvium literis tam perspicue proposuimus.*

Postrema decreti secundi clausula difficultatem majorem habet, quæ expediri non potest, nisi dicatur ingenuè, Leoni X. & Lateranensi Concilio fraudulenter obreptum esse. Hinc enim Leo & Concilium prorsus innuunt, se non improbare, quæ in Basileensi Concilio ante illius translationem gesta fuerant, inde affirmant, Romanum Pontificem solum pro tempore existentem, tanquam auctoritatem super omnia Concilia habentem, Conciliorum indicendorum, transferendorum ac dissolvendorum plenum jus ac potestatem habere. Et hoc ipsum est, cujus contrarium Constantiensis & Basileensis Synodi definierant, & Martinus V. atque Eugenius IV. approbaverant. Immo verò Eugenius semel, iterum, & tertio approbavit: Semel, cum sub Gabrielis Condulmerii nomine Constantiensi Concilio interfuit: Iterum cum ex Gabriele factus Eugenius Papa IV. per Julianum legatum suum Basileensis Concilii sessioni 11. interfuit & præfuit: Denique cum in ejusdem Concilii sessione xvi. bullam tertiam revocat, quam ut antè vidimus sciente se confectam esse negat; non alia reor de causa, nisi quod in ea Romanus Pontifex super omnia Concilia potestatem habere diceretur. In duobus enim eventis, quæ nominat, potiores Concilio, quam Papæ partes attribuit. Verba sunt: Si Papa vel Legatus ejusdem nollet disponere aliqua, contra Concilium affectaret, Papa sententia vel ejus Legati personam Summi Pontificis representantis, non Concilii voluntas sequenda foret, cum super omnia Concilia habeat potestatem Papa, nisi fortè quæ statuenda forent, Catholicam fidem respicerent, vel si non fierent, statum universalis Ecclesiæ principaliter perturbarent, quia tunc Concilii sententia esset potius attendenda. Igitur bullam tertiam hanc non revocat propter verba, nisi fortè quæ statuenda forent Catholicam fidem respicerent, vel si non fierent, statum universalis Ecclesiæ principaliter perturbarent, quia tunc Concilii sententia esset potius attendenda; Sed tantummodo revocat propter verba: Cum super omnia Concilia potestatem habeat Papa. Ut autem revocaret, inductus fuit, ni fallor, à Juliano Cardinali, cujus orationem sine dubio nervosissimam supra retulimus. Eugenius ante revocationem hanc concordabat generali Concilio Basileensi legitime congregato, & ita concordabat, ut si Romanus Pontifex à Concilio discordasset in iis, quæ ad Catholicam fidem & universalis Ecclesiæ statum & tranquillitatem pertinent, attendenda fuisset Concilii potius, quam

quàm Eugenii ipsius sententia. Post revocationem Basileensi Concilio magis adhuc ac magis concordat. Nam ad rerum momenta duo, de quibus inter Concilium & Papam conveniebat, adjicitur, quòd Papa super omnia Concilia potestatem non habere se consensiat secundis cogitationibus, quæ primis meliores esse consueverunt. Ex quo rursus colligitur Leoni & Lateranensi Concilio obreptum esse, cum id sibi adjudicent, quod Eugenius in frequentissima celebritate & clarissima luce sibi abjudicandum esse censuit.

Deinde si revocanda fuit postrema illa decreti secundi clausula, per Concilium Constantiense & Basileense numerosius revocanda fuit. At Lateranense Concilium Constantiense & Basileense numerosius non est.

In Constantiensi Concilio adfuerunt Patriarcha IV. Cardinales XXIX. Archiepiscopi XLVII. Episcopi CL. & Abbatum, Praepositorum, Priorum, & omnis generis clericorum ingens numerus, ut Joannes Cochleus scribit in libro II. Historiæ Hussitarum. Michael Bucchingerus Concilii hujus Patres aliter enumerat in Ecclesiastica historia: Huic, inquit, Synodo universali interfuerunt IV. Patriarcha, Cardinales XXVII. Archiepiscopi XLIX. Episcopi CCLXX. Abbates & Doctores DLXIV.

Qui Basileensis Concilii Patres numero definierit, eum hæcenus invenire non potui. Quidquid id est, cum in sessione II. Eugenii Legatus præsideat, & Basileense Concilium dicatur universam repræsentare Ecclesiam, idoneus ac legitimus Patrum numerus esse debuit: Quod instituto nostro sufficit.

At in Lateranensi Concilio adfuerunt tantum Cardinales, Episcopi, Presbyteri, & Diaconi XVI. Patriarchæ & assistentes Papæ & Oratores XI. Archiepiscopi & Episcopi LIII. Abbates & Ordinum Generales V. omnes octoginta quinque; magnam partem ex Italis constans Synodus, Christianissimi Regis orator nullus; nulli è Gallicanis Provinciis antistites nulli. Deinde in sessione XI. Lateranense Concilium non dicitur universam Ecclesiam repræsentare. Hoc autem cum ita se habeat, Lateranense Concilium Constantiense & Basileense Conciliis non potest non esse longe minus numerosum. Hinc efficitur, ut Leo X. qui Leonis I. vestigia premere vult & insistere, per Lateranense Concilium Constantiense & Basileense Conciliorum decreti secundi clausulam antè relatam abrogare non potuerit, alioqui secum pugnaret non imitando reipsa Leonem I. quem ad imitandum sibi proposuit. Leo I. exemplum hoc in Epistola XXV. ad Theodosium dedit: *Ecce ego, Christianissime & venerabilis Imperator, cum consecratoribus meis implens erga reverentiam clementiam vestræ sinceri amoris officium, cupiensque vos placere per omnia Deo, cui pro vobis ab Ecclesia supplicatur, ne ante tribunal Christi Domini rei de silentio judicemur, obsecramus coram unius Deitatis inseparabili Trinitate, quæ tali facto laeditur, cum ipsa vestri sit custos & auctrix Imperii, & coram Sanctis Angelis Christi, UT OMNIA IN EO STATU MANERE JUBEATIS, IN QUO FUERUNT ANTE OMNE JUDICIUM, DONEC MAJOR EX TOTO ORBE SACERDOTUM NUMERUS CONGREGATUR.* Hac in re Leo X. imitatus non est Leonem I. qui si Conciliorum Constantiensis & Basileensis decreta duo, Martini V. & Eugenii IV. assensu & comprobatione sancita vidisset, longè aliter ac Leo X. fecisset ac dixisset. Dixisset utique quod in Epistolæ LIII. ad Anatolium capite IV. scribit: *Quæ ad perpetuam utilitatem generaliter instituta sunt, nulla commutatione varientur, nec ad privatum trahantur commodum, quæ ad bonum sunt commune præfixa.*

His causis adductus contendo Leoni X. & Lateranensis Concilii Patribus octoginta quinque obreptum esse, cum ii ut Pragmaticam Sanctionem, quæ in Basileensi & Bituricensi Conciliis edita fuerat, abrogarent, sibi sumplerint, Solum Romanum Pontificem tantquam auctoritatem super omnia Concilia habentem, Con-

ciliorum indicendorum, transferendorum, ac dissolvendorum plenum jus & potestatem habere.

Nunc veniendum est ad propositionem tuam alteram, & videndum, an ratio hæc, quam Leo X. & Concilii Patres sibi assumpserunt, idoneis & legitimis auctoritatibus confirmetur. Has singillatim expendo, prout in relato Constitutionis fragmento citantur.

I. Scripturæ sacræ testimonium citatur, sed quo in loco extet, non dicitur. Fortasse dicis gratia citatur. Quidquid in causa, probationis modo huic repugnant juris axiomata duo; alterum quidem: *Quæ notabiliter facta sunt, nisi specialiter notentur, quasi neglecta videntur.* I. item apud Labeonem §. ait Prætor. de injur. Alterum verò: *Non sufficit aliquid in genere proponere, quando qualibet species eundem non operatur effectum,* gloss. ord. in cap. I. §. Siquis igitur. In verbo speciem. De except. in VI. Ex quocunque igitur Scripturæ testimonio non probatur, Romanum Pontificem indicendorum, transferendorum, ac dissolvendorum Conciliorum jus plenum habere: Quo fit, ut non sufficiat Scripturam sacram in genere proponere.

Præterea Scripturæ testimonium nullum est, quod Sancti Patres de indicendis, transferendis, ac dissolvendis per solum Romanum Pontificem Conciliis unanimi consensu intellexerint. Hoc autem necesse esse nos docet Tridentina Synodus in sessione IV. *Ad coercenda petulantia ingenia decernit, ut nemo sua prudentie innixus in rebus fidei & morum ad edificationem doctrinæ Christianæ pertinentium, sacram scripturam ad suos sensus contorquens contra eum sensum, quem tenuit & tenet sancta mater Ecclesia, cujus est judicare de vero sensu, & interpretatione Scripturarum sanctarum, aut etiam contra unanimem consensum Patrum ipsam Scripturam sacram interpretari audeat, etiam si hujusmodi interpretationes nullo unquam tempore in lucem edende forent. Qui contraverint, per Ordinarios declarentur, & penis à jure statutis puniantur.* Hæc in formam juramenti professionis fidei sic rediguntur: *Item sacram Scripturam juxta eum sensum, quem tenuit & tenet sancta mater Ecclesia, cujus est judicare de vero sensu & interpretatione sacrarum Scripturarum, admitto, nec eam unquam nisi juxta unanimem consensum Patrum accipiam & interpretabor.* Hoc planè sine ulla exceptione recipio; ne ullus detur locus Scholasticæ illius Theologiæ, quam Lutherus per contemptum sic definiit: *Scholastica Theologia ea est, quæ à Parisiensium Sorbona mixtione quadam ex divinis eloquiis & Philosophicis rationibus, tanquam ex Centaurorum genere biformis disciplina conflata est.* Sunt enim, qui aliquando Philosophicas rationes in locum interpretationis Sanctorum Patrum sufficiunt. Hos ut Lutherum & Lutheri definitionem abominor: Sed eam definitionem exosculor, quam tunc Luthero Parisienses Theologi opposuerunt; est autem talis: *Scholastica Theologia est divinarum Scripturarum peritia, recepto, quem Ecclesia approbat, sensu, non spretis orthodoxorum Doctorem interpretationibus & censuris, & interdum aliarum disciplinarum non contempto suffragio.*

II. Sanctorum Patrum dicta citantur, sed dictum nullum particulatim citatur. Probationis modo huic repugnant juris axiomata duo, quæ mox in medium adduximus. Præterea Sanctorum Patrum nullus est, qui memoriæ prodiderit, penes unicum Romanum Pontificem esse, Concilia indicare, transferre, ac dissolvere. Quinetiam Beatus Hieronymus, cum esset inter eum & Rufinum de Synodo quadam controversia, ab Rufino minimè quærit, A quo Pontifice congregata Synodus fuerat, sed à quo Imperatore? Responde, *quæso, (inquit in libro II. Apologiarum) Synodus, à qua excommunicatus est (Hilarius) in qua urbe fuit? Dic Episcoporum vocabula, profer sententias, subscriptionem, vel diversitatem vel consonantiam? Doce, qui eo anno consules fuerint? Quis Imperator hanc Synodum jussit congregari?*



III. Romanorum Pontificum dicta citantur, sed dictum nullum speciatim citatur. Probationis modo huic repugnant juris axiomata duo, quæ num. 1. exhibuimus. Profecto Leo X. respectum habere non potuit ad Leonem I. quem subsequi & imitari constituit. Hic Pontifex non indicebat Synodos, sed rogabat Imperatores, ut indicerent. Ad Theodosium scripsit precatus, ut in Eutychetis causa intra Italiam Episcopale Concilium fieri juberet. Leonis verba sunt in Epistola IX. Pro integritate fidei Catholica Christianum Principem convenit esse sollicitum: Ex hoc indefessis precibus divinam misericordiam posco, ut cordi vestro id quod est veritatis inspiret, neque falli vos in aliquo humanarum calliditatum emulatione pariat. Et post alia: Unde si pietas vestra suggestioni ac supplicationi nostræ dignetur annuere, intra Italiam habere jubeatis Episcopale Concilium; citò (auxiliante Deo) poterunt omnia scandala, quæ in perturbationem totius Ecclesiæ sunt commota, rescari. At nullum in Italia habitum est Concilium: In Oriente habitum est, ut Leonis ad eundem Theodosium Epistola XII. nos docet: Quoniam tamen pietas vestra, quæ in honorem Dei religiosissime Catholicam diligit veritatem, apud Ephesum constituit Synodale Concilium, ut imperito seni ea, in qua nimis caligat, veritas innotescat. In Epistola XIII. ad Pulcheriam Augustam de nimium brevi indictionis tempore conqueritur: Augustissimus verò & Christianissimus Imperator cupiens quam celerim turbata componi, Episcopali Concilio, quod Ephesi vult haberi, nimium breve & angustum tempus indixit, diem Calendarum Augustarum præsternendo conventui, cum à tertio die iduum Maiarum, quo serenitatis ejus scripta suscepimus, major pars reliqui sit temporis absumenda, ut profectio sacerdotum, qui negotio sufficiant, valeat ordinari. Imperator tempus non prorogavit. Denique in Epistola XVIII. ad eandem Pulcheriam: Ne autem Pii Principis dispositione, qua Episcopale Concilium voluit congregari, nostra videretur præsentia defuisse, fratres meos Julianum Episcopum, Renatum Presbyterum, & filium meum Hilarium Diaconum misi, qui præsentia mea vicem implere sufficiantur. Hæc pauca de multis.

Postquam autem Ephesina Synodus in prædatoriam evasit, & meruit, ut Ephesina Synodus secunda non dicenda diceretur, Leo controversiam per seipsum non diremit, sed de instauranda Synodo alia cogitavit. Hinc ad clerum & plebem Constantinopolitanæ urbis Epistolam XXIII. scripsit, in qua consilium suum ita proponit: Et quoniam oportet vos post divinum auxilium etiam Catholicorum Principum gratiam promereri, humiliter & sapienter exposcite, ut petitioni nostræ, qua plenariam indici Synodum postulamus, Clementissimus Imperator dignetur annuere. Ea de re ad Theodosium scribit in Epistola XXV. cujus verba aliud agens supra retulimus. Itane verò? Sic Leo indicendorum, transferendorum, ac dissolvendorum Conciliorum jus plenum habet, ut Leo X. habere se dicit? Quis istud ex Leone I. conficeret?

Hormisdas Pontifex hanc in Anastasio Imperatore congregandorum Conciliorum potestatem agnoscit in Epistola V. Ergo quia mansuetudo vestra futuram Synodum scriptis sacratissimis INDICAVIT, CUI NOS INTERESSE DEBERE iisdem paginis, Deo, ut credimus, sibi imperante commonuit. Et post alia: Veruntamen licet in his nullum sæculi præcedentis extet exemplum, neque senioris facti qualitas, aut commissæ libris, aut memoriis inserta teneatur, nihil ad nos, quibus dulce est beneficio Dei, pietate vestra invitante inchoare meliora: Et hoc quod non accepimus à parentibus, tam clari operis institutum nobis ipsis imponere, quia totum pro redintegratione fidei & Ecclesiarum pace facere, libenter amplectimur. Imperator simulaverat velle se Oecumenicam habere Synodum, quam Heracleus indixerat, ad eamque ut apparet, Hormisdas acciverat. Ubinam Hormisdas sibi, quod Leo X. vindicat?

Agatho Papa in sua ad Constantinum, Heraclium, & Tiberium Augustos Epistola, quæ actione IV. Synodi VI. refertur: Hic itaque mansuetissimi rerum domini divalibus apicibus animatus, & ad spem consolationis de profundis angoribus alleviatus, orsus sum meliori refectione confidentia paulatim, iis, QUE PER MANSUETISSIMÆ FORTITUDINIS VESTRÆ SACRAM DUDUM PRÆCEPTA SUNT, efficaciter PROMPTAM OBSEQUENTIAM EXHIBERE, ut personas, quales secundum temporis hujus defectum, ac servilis provincie qualitatem poterant inveniri, PRO OBEDIENTIÆ SATISFACTIONE inquirerem, & cum consilio famulorum meorum Episcoporum, tam de propinqua hujus Apostolica Sedis Synodo, quam de familiari clero amatores Christiani Imperii, & sequenter de religiosis servis Dei, ut ad PISSIMÆ TRANQUILLITATIS VESTRÆ VESTIGIA PROPERARENT, hortarer. Et post alia: Ideoque Christianissimi Domini & filii secundum PISSIMAM JUSSIONEM à Deo protegenda mansuetudinis vestra pro OBEDIENTIA, quam debuimus, non pro confidentia eorum scientia quos dirigimus, præsentis famulos nostros Abundantium &c. Licentiam proinde eis sive auctoritatem dedimus apud tranquillissimum vestrum imperium, dum jusserit ejus clementia, similiter satisfaciendi, in quantum eis duntaxat injunctum est. Et post alia: Satisfaciendum est nostro exiguo famulatu apud Serenissimorum Dominorum nostrorum clementiam pro tarditate missarum ex Concilio nostro personarum, QUAS DIRIGI PER SUAM SACRAM AUGUSTISSIMAM VESTRUM PISSIMUM IMPERIUM JUSSIT. Et post alia: Personas autem quæ de nostræ humilitatis ordine prævidimus dirigere ad vestra à Deo protegenda fortitudinis vestigia, quæ omnium nostrum, id est, universorum per Septentrionales vel Occidentales regiones Episcoporum suggestionem prælibavimus, offerre debeant, suppliciter obsecrantes, ut à Deo coronato vestro Imperio favente hac eadem ab omnibus prædicari, atque apud omnes obtineri jubeatis. Siccine loquuntur Pontifices, qui indicendorum, transferendorum, ac dissolvendorum Conciliorum jus plenum sibi vindicant? Ut loquitur Leo X.

Gregorius II. receptum morem convocandæ ab Imperatoribus Synodi generalis attestatur in Epistola ad Leonem Isaurum: Cum Dominus, inquit, Germanus, quique tunc temporis erat Dominus Georgius suggestissent, persuasissentque Constantino Constantis filio Justiniani patri, ut ad nos scriberet, sub interposito jurejurando scripsit ad nos, & nobiscum egit, ut ad universalem Synodum congregandam viros utiles mitteremus.

IV. Sacrorum Canonum Decreta citantur, sed decretum nullum speciatim citatur. Probationis modo huic repugnant juris axiomata duo, quæ num. 1. edidimus. Adhæc neque vetus Codex Canonum Romanæ Ecclesiæ, neque codex Canonum Ecclesiæ universæ, neque Codex Canonum Africanæ Ecclesiæ canonem repræsentat ullum, quo in Romanum Pontificem indicendorum, transferendorum, ac dissolvendorum Conciliorum jus plenum transcribatur. Huc pertinet Florentinæ Synodi definitio; in qua statuitur, ut Romanus pontifex universam Ecclesiam gubernet & regat, quemadmodum & in actis Oecumenicorum Conciliorum & in sacris Canonibus continetur. At neque acta Oecumenicorum Conciliorum, de quibus Florentina Synodus loquitur, neque sacri canones continent jus illud plenum, quod à Leone X. citatur.

V. Conciliorum confessio propria vindicatur, sed Concilium nullum speciatim citatur. Probationis modo huic repugnant juris axiomata duo, quæ mox laudavi.

Deinde repugnant ipsa Concilia. Nicænum in literis, quas ad Alexandrinam Ecclesiam & Episcopos per Ægyptum, Libyam, & Pentapolim constitutos scribit: Quoniam Dei gratia, Deoque carissimo Principe Constantino ex diversis provinciis & civitatibus nos CONVOCANTE magna & sancta Synodus Nicæa celebrata est, necessarium duximus, ab universo Concilio etiam ad vos literas

litteras mitti, ex quibus intelligere possitis, quam in eo proposita & examinata, quam decreta & stabilita sunt. Cujus verò hortatu & consilio Imperator id fecerit, Epiphanius in libro II. contra hæreses num. LXVIII. designat: Verum paullo post Alexandri sanctissimi Alexandria Episcopi studio & hortatu beata memoria Constantinus Synodum in urbe Nicea congregat, ubi Arian dogma post ejus mortem damnatum est.

Sardicenses in Epistola Synodica ad Egyptios & Africanos: Sape multumque in servos Dei rectæ fidei cultores, audaciam suam exercuerunt Ariomanita, dum spiritum doctrinam subjecerunt, & toti in hoc sunt, ut orthodoxos ejiciant: Tanta autem vi jam contra fidem insurrexerunt, ut ne pietatem quidem religiosorum Imperatorum latuerit. Quapropter cooperante Dei gratia RELIGIOSISSIMI PRINCIPES NOS EX DIVERSIS PROVINCIIS ET CIVITATIBUS IN UNUM CONVOCaverunt, cupientes, ut sancta Synodus in Sardorum civitatem conveniret, quò omnis controversia pracerderetur.

29 Aquileiense in secunda ad Imperatores Gratianum, Valentinianum, & Theodosium Epistola, illos precatur, ut Synodum Alexandria fieri jubeant propter Timotheum Episcopum, qui nonnullorum dissidiis urgebatur: IDEOQUE PETIMUS VOS, CLEMENTISSIMI ET CHRISTIANI PRINCIPES, UT ET ALEXANDRIÆ SACERDOTUM CATHOLICORUM OMNIUM CONCILIUM FIERI CENSEATIS, qui inter se plenius tractent atque definiant, quibus impertienda communio, quibus servanda sit.

Constantinopolitanum I. in Epistola Synodica ad Damasum, Ambrosium, & alios Episcopos Romæ congregatos. Post expositam Ecclesiarum calamitatem: Nunc verò postquam Synodum Romæ Dei nutu congregantes, nos etiam pro fraterna erga nos caritate tanquam membra propria per religiosissimi Imperatoris litteras evocastis. Non dicit, vos per litteras vestras, sed per Imperatoris, qui sine dubio ab Episcopis Romæ congregatis rogatus fuerat, ut Orientales Romam ad Concilium accerferet: Accersit, sed illi venire se non posse causati sunt.

Ephesinum I. in singulis pene actionibus. Prima sufficit: SYNODO CONGREGATA IN EPHESIORUM METROPOLI EX DECRETO RELIGIOSISSIMORUM ET CHRISTIANISSIMORUM IMPERATORUM. Et post alia: Juvenalis Hierosolymorum Episcopus dixit: Legatur pium Piissimorum Christianissimorumque Imperatorum nostrorum edictum ad omnes Metropolitanos destinatum, rebusque quas tractare incipimus, velut fax quædam praluceat.

30 Calchedonense in actione I. In Calchedonensi civitate facta est Synodus ex DECRETO PISSIMORUM ET FIDELISSIMORUM IMPERATORUM VALENTINIANI ET MARTIANI. Et post alia: Conveniente sancto & universali Concilio SECUNDUM SACRAM PRÆCEPTIONEM in Calchedonensi urbe congregato. Id in actionibus pene singulis iteratur.

Constantinopolitanum III. in actione I. Conveniente sancta & universali Synodo, quæ SECUNDUM IMPERIALEM SANCTIONEM CONGREGATA EST. Sic & in aliis actionibus, & præsertim in decima octava; ubi Synodice literæ ad Agathonem Papam mittuntur: Sanctum & universale Concilium, quod per Dei gratiam, & PIAM SANCTIONEM PISSIMI AC FIDELISSIMI IMPERATORIS CONSTANTINI CONGREGATUM EST.

Nicænum II. in omnibus actionibus, & præsertim in septima, ubi fidei definitio sancitur: Sancta magna ac universalis Synodus, quæ per Dei gratiam, & SANCTIONEM PIORUM ET CHRISTIANORUM IMPERATORUM CONSTANTINI ET IRENÆ MATRIS EJUS CONGREGATA EST secundò in clara Nicænum Metropoli, &c.

Constantinopolitanum IV. in actione X. Sancta magna

& universalis Synodus, quæ per divinam voluntatem & gratiam & SANCTIONEM IMPERATORUM BASILII ET CONSTANTINI CONGREGATA EST in hac regia urbe.

Quis verò ex enumeratis Conciliis Nicæno I. Sardicensi, Aquileiensi, Constantinopolitano I. Ephesino I. Calchedonensi, Constantinopolitano III. Nicæno II. Constantinopolitano IV. colliget, ad solum Romanum Pontificem indicendorum, transferendorum, ac dissolvendorum Conciliorum, jus plenum attinere, ut Leo & Lateranense Concilium attinere, & id manifestè constare scribunt?

VI. Alexandrina Synodus citatur, cui Athanasius interfuit, & quæ Felici Romano Pontifici scripsit, Nicænam Synodum statuisse, non debere absque Romani Pontificis auctoritate Concilia celebrari. Sed supposititia citatur Alexandrina Synodus; quod Baronius ad annum CCLVII. non dissimulat: Quæ (Epistola) fertur, inquit, Athanasii nomine ad Felicem Romanum Pontificem ex Synodo Alexandrina scripta ab Episcopis Egypti, Thebaidos, & Libya, haud agrè probatur: Quippe quod qualis fuerit status Ecclesiæ Alexandrinæ ab eo tempore, quo exulante Liberio Felix sedere cepit, jam satis superius est demonstratum, ut nullus planè locus vel tempus cogenda Synodi potuerit esse, Athanasio fuga lapsa, & in eremo latitante, atque aliis Episcopis pariter exturbatis. Sunt præter hæc alia multa, quæ ibi posita, minus arident, ut cum de ipsius Felicis ordinatione Athanasius eundem Felicem reddit certiorum. At ipse suas merces mercator emat.

Quis autem & qualis Episcopus Athanasio Felix fuerit, Athanasius ipsemet describit in Epistola ad solitarios: Hoc, inquit, ministro (Episcopo neophyto homine) utens (Constantius) incredibile facinus designavit, & quod verè referat imaginem Antichristi, ut qui in locum Ecclesiæ palatium suum succedere voluerit, & pro conventu populi, & jure comitorum tres Eunuchos presentes esse jussit tresque item *κακὸν δὲ κατὰ νότον* malis imbutos moribus exploratores (non enim eos Episcopos dixeris, *ὅτι ἴδ' αὖτ' οὐκ ἐπισκοπὸς εἶμι*) ut ipsi Felicem 32 quendam Episcopum in palatio crearent, dignum profectò talibus suffragatoribus. Caterum populi omnes cognita hæreticorum pravitate non permiserunt eos Ecclesiam intrare, proculque ab iis recesserunt. Quid igitur hic, quod Antichristi non sit, omisit? Et tamen, si Leoni X. credamus, benedictus ille Felix est, ad quem Athanasius cum aliis Episcopis ex Alexandrina Synodo scripsit, quod Leo X. scripsisse dicit. Præterea, ubinam sunt Græca Alexandrinæ Synodi & Synodicarum litterarum exemplaria? Quis ea vidit unquam? Quis Latino sermone donavit?

Ad extremum verba hæc: Non debere absque Romani Pontificis auctoritate Concilia celebrari, haud præ se ferunt, Solum Romanum Pontificem tanquam auctoritatem super omnia Concilia habentem, Conciliorum indicendorum, transferendorum, ac dissolvendorum plenum jus & potestatem habere: quemadmodum non præ se ferrent, si pariter diceretur, non debere absque Alexandrini, Antiocheni, Constantinopolitani, & Hierosolymitani Pontificum auctoritate universalis Concilia celebrari. Quis quæso ex illis verbis concluderet, Alexandrinum, Antiochenum, Constantinopolitanum, Hierosolymitanum Pontifices tanquam auctoritatem super omnia Concilia habentes, Conciliorum indicendorum, transferendorum, ac dissolvendorum plenum jus & potestatem habere?

VII. Leo I. citatur, utpote qui Ephesinam Synodum secundam ad Calchedonensem transtulerit: Sed id quod res est, minimè citatur, ut ex iis, quæ jam 33 de Leone I. & Calchedonensi Concilio observavimus, manifestum est. Leonis Epistolæ omnes, quæ de Ephesina Synodo II. & de Calchedonensi loquuntur, de translatione tali silent contumaciter, indicendorum ac proinde transferendorum Conciliorum potestatem impe-



Imperatoribus assignant. Sed quod rei caput est, veterum nemo unquam dixit, Ephesinam Synodum II. Calchedonem translatam fuisse. Hæc *aviscencia* posterorum temporum ignorantia deputanda est.

VIII. Martinus V. citatur: *Qui presidentibus suis in Concilio Senensi potestatem transferendi Concilium, nullâ consensus ipsius Concilii mentione habitâ, dedit.* Sed Concilium, quia non intercessit, consensit. Deinde Martinus exequitur decretum (Frequens) Constantiensis Concilii, quod Pontificem Concilio subiectum esse declaravit. Tum in ipso decreto habetur: *Locum autem pro futuro Concilio celebrando deputatum absque evidenti necessitate non mutet.* Quare cum propter evidentem necessitatem Concilii locum mutavit, de consensu Constantiensis Concilii mutavit. Res ista commodè narratur in Basileensis Concilii sessione 1. postquam decretum (Frequens) lectum & confirmatum est: *Atque pro ipsius executione decreti civitas Papiæ apud Italiam fuit electa pro generali Concilio in fine tunc proximè sequentis quinquennii celebrando.* Quod quidem Concilium suo decreto tempore in dicta civitate Papiensi celebrari extitit inchoatum, & inde certis ex causis ad civitatem Senensem translatus. In quo quidem generali Concilio Papiæ inchoato, & in Senensi civitate celebrato, hæc

34 Basileensis civitas pro celebratione tunc futuri generalis Concilii post septennium à fine ipsius Senensis Concilii celebrandi fuit electa & debite assignata, ut constet in instrumento publico: Quod ibidem postea refertur.

IX. Ephesina Synodus I. citatur, quæ Celestino, Calchedonensis, quæ Leoni I. sexta, quæ Agathon, septima, quæ Adriano I. octava, quæ Nicolao, octava etiam, quæ Hadriano II. maximam reverentiam exhibuit. Quid tum verò? inde non consequitur, *Unicum Pontificem Romanum tanquam auctoritatem super omnia Concilia habentem, Conciliorum indicendorum, transferendorum, ac dissolvendorum plenum jus & potestatem habere*, quod tamen Leo X. sibi sumit. Quenam pro tali lemmate probatio? Miseret me referre.

X. Citantur Damasus Papa & ceteri Episcopi Romæ congregati, scribentes de Concilio Ariminensi Episcopis in Ithyrico constitutis, præjudicium aliquod per numerum Episcoporum Arimini congregatorum fieri non potuisse, quandoquidem Romanum Pontificem, cujus ante omnia debebat expectari decretum, talibus non præbuisse consensum. Hic non dicuntur cum veritate, quæ veritas ipsa gessit. Synodica Damasii & Occidentalium Epistolæ verba truncantur. Integra refero, quæ ad rem faciunt: *Neque præjudicium aliquod fieri potuit per numerum Arimini congregatum, quando constat, neque Romanum Episcopum, cujus ante omnia expectanda erat sententia, neque Vincenium, qui tot annorum Episcopatum integre gesserat, neque alios talibus præbuisse consensum.*

35 Ex his autem verbis ut colligi non potest, Vincenium & alios Episcopos, qui Ariminensi Concilio non dederunt consensum, supra omnia esse Concilia, & indicendorum, transferendorum, ac dissolvendorum Conciliorum plenum jus & potestatem habere; sic & colligi non potest, Romanum Pontificem supra omnia esse Concilia, & indicendorum, transferendorum, ac dissolvendorum Conciliorum plenum jus & potestatem habere.

XI. Citatur Leo I. in Epistola ad universos Sicilia Episcopos: sed hac in Epistola nihil prorsus est, ex quo vel per umbram deducatur id, quod Leo X. & Lateranense Concilium contendunt. Quinetiam Leo I. in Epistola hujus capite VII. testatur parere se Nicæno Concilio, quod Canone v. statuit, ut Metropolitanis bis in anno Concilia celebrent. Hinc Provinciale Concilium Romæ ad diem tertium Calendarum Octobrium indicit. At si ex eo concluditur Romanum Pontificem supra omnia esse Concilia, & indicendorum, transferendorum, ac dissolvendorum Conciliorum plenum jus & potestatem habere, non dissimili modo jus idem Metropolitanis tribuetur omni-

bus, qui per Nicænum Cononem v. Concilia bis in anno celebrare possunt. Conclusionem verò hanc quis animo æquo feret?

XII. Citatur Nicæna Synodus, quæ rerum à se gestarum confirmationem à Romano Pontifice petiit: Sed hac de re altissimum est apud Eusebium, Athanasium, Severum, Socratem, Theodoretum, Sozomenum, apud omnes antiquos utriusque Imperii scriptores, in codice Canonum Romanæ Ecclesiæ, in codice Canonum universæ Ecclesiæ, in codice Canonum Africanæ Ecclesiæ, silentium. *Quod de rebus adeo antiquis sine alicujus vetustioris scriptoris testimonio profertur, contemnitur: Baronius in apparatu.* Si Nycæna Synodus decretorum suorum confirmationem à Silvestro petiit, Græcè petiit omnino. Quis unquam Epistolæ seu rescripti Græcum vidit exemplar? Quis in Latinum traduxit? Epistolæ inscriptio præ se fert ad Nicænam Synodum convenisse Episcopos cccxx. quod antiquis scriptoribus omnibus Synodi hujus Episcopos numerantibus adversatur. In inscriptione Osius Cordubensis & Macarius Hierosolymitanus, & ceteri Episcopi cccxviii. ad Silvestrum scribunt. Deinde quis tot Episcopis tam imperitam locutionem tribueret? *Censeat Apostolica vestra doctrina Episcopos totius vestre Apostolicæ urbis in unum convenire, vestrumque habere Concilium?* Fueruntne tunc plures urbis Romæ Episcopi, qui in unum convenirent? Epistolæ suppositor rudis & ignarus Apostolicæ Sedis Episcopos, qui nempe Sedi Apostolicæ subfunt, dicere voluit, sed non dixit. In summa reliquæ Epistolæ constructio ineptissima est & miserabilis sensus. Qui pro Silvestro rescriptit ad Synodum, falsarium seipsum prodidit his verbis: *Data v. Calend. Novembris, accepta iv. Idus Februarii Constantino septies & Constantio Cesare iv. Consule.* Hinc Baronius ad annum cccxxv. locutus de hac Epistola: *Quæ, inquit, ob consules perperam positos commentitia reputatur, utpote quæ data & accepta habeatur sub Consulatu Constantii iv. cum Constantini viii. sive vii. qui est ab hoc anno quintus.* Profecto Nicæna Synodi ad Silvestrum Epistola, & Silvestri ad Nicænam Synodum Epistola, sunt Epistolæ duæ, quæ inter se conjunctæ in eandem simul ruinam trahuntur. Illarum malleator vel nescio quis librarius cum Cresconiam collectionem describeret, huic eas fraudulenter subnexuit, ut rebus falsis antiquitatem aliquam conciliaret, ac fidem.

XIII. Verumenimvero Nicæna Synodus, Calchedonensis, & Synodi aliæ confirmationem decretorum suorum à Romanis Pontificibus petierint & obtinuerint; hoc ad Leonis X. & Lateranensis Concilii scopum nihil attinet. Martinus I. Romæ Synodum habuit, & acta Synodi confirmari voluit à Synodo, quam Gallicani antistites celebrarent, ut traditur in Epistola, quam Martinus ad Amandum Traiectensem Episcopum scripsit. Illius verba sunt hæc: *Ideo necesse habuimus, ne pro quadam negligentia & animarum detrimento, quæ nobis commissa sunt, culpa reatu adstringamur, cæterum generalem fratrum & Coepiscoporum nostrorum in hac Romana civitate congregare, in quorum presentia memoratorum hæreticorum scelerosa conscripta examinata atque denudata sunt, & Apostolico mucrone, Patrumque definitionibus, uno ore, unoque spiritu condemnavimus, ut cognoscentes universi errorem, qui in eis continetur, eorum pollutione nullatenus maculemur.* Unde prævidimus volumina gestorum Synodaliū in presenti vobis dirigere vnde cum Encyclia nostra: *Ex quorum serie omnia subtiliter potestis addiscere, & tenebras illorum nobiscum, ut filii lucis, extinguere.* Idcirco studeat fraternitas tua omnibus eadem innotescere, ut tam abominandam hæresim nobiscum execremur, quàmque sua salutis sacramenta addiscere valeant, atque synodali conventionem omnium fratrum & Coepiscoporum nostrorum partium illarum effecta secundum tenorem Encycliæ à nobis directæ scripta una cum subscriptionibus vestris nobismet destinanda

concelebrent, CONFIRMANTES ET CONSENTIENTES EIS, quæ pro orthodoxa fide & destructione hæreticorum vesania nuper exorta à nobis statuta sunt. Jam vel tacente me vides complexionem esse nullam, quam Leo X. & Lateranense Concilium ex Pontificia Synodorum approbatione & confirmatione inferunt: Alioquin ex Martino I. conficeretur, Gallicanos antistites supra omnia esse Concilia, & indicendorum, transferendorum, ac dissolvendorum Conciliorum plenum jus & potestatem habere, quia Romani Concilii acta postulante Martino I. confirmarunt, & iis consenserunt. Par est utrobique, velis nolis, ratio; quod nisi petatur principium, necessaria consecutione admitendum est.

Hic rursus præ me fero & dico mihi esse certius, quam quod apud Sagram, Bellarminum Lateranensis Concilii constitutionem nec legisse per seipsum, nec expendisse unquam. Etenim si legisset constitutionem illam expendissetque vel leviter, is nunquam sibi finisset monstra, quæ debellaret. Et primo quidem sibi finxit Concilium, immutabile decretum fidei condidisse, quod non condidit, nec condere potuit iis rationum momentis, quæ adhibuit, & quæ mox discussimus. Non mentior, sic ille scribit: *Decreta de fide immutabilia sunt, nec possunt ullo modo abrogari, posteaquam semel statuta sunt. Tale est autem hoc, de quo agimus.*

Deinde subjicit: *Quod verò Concilium hoc rem istam non definierit propriè, ut decretum fide Catholica tenendum, dubium est.* Sic pugnantly loquitur. Nam unum & idem fidei decretum modò certum, modò incertum est. Sed simul docet nescire se, vel dissimulare, quæ sit Catholici dogmatis notio, cujusmodi à Vincentio Lirinensi describitur in Commonitorio 1. capite 111. *Quod ubique, quod semper, quod ab omnibus creditum est, hoc est verè proprièque Catholicum. Quod ipsa vis nominis ratioque declarat; quæ omnia verè universaliter comprehendit. Sed hoc ita demum fit, si sequamur universalitatem, antiquitatem, consensionem.* Quæ Catholici dogmatis notio & conditio, non Bellarmini, sed adversariorum illius sententiæ multò magis conveniunt, ut videre est in literis, quas & ad Hieronymum Samboevium, & ad Christophorum Fauvæum exaravimus.

Postremò illud idem decretum contra seipsum, & pro adversariis religione ficta emolliendum adhuc censet hoc modo: *Et ideo non sunt propriè hæretici, qui contrarium sentiunt, sed à temeritate magna excusari non possunt.* Hoc epicitharisma post fabulam. Vir partium studiis addictus & Curialium Magistrorum signifer inerudita fraude & assentatoriè occupat, quod dicendum adversariis incumberet: Nimirum ne vetus & perpetua Ecclesiæ & Sedis Apostolicæ traditio, quam in antedictis ad Samboevium & Fauvæum literis exposuimus, agnoscat. Hoc autem excusari non potest, nisi Bellarminus Gregorium XI. imitatus fuerit, qui Testamenti tabulis apposuit clausulam hanc: *Item volumus, dicimus, & protestamur ex nostra certa scientia, quod si in Consistorio, aut in Concilio, vel in sermonibus, vel in collationibus publicis vel privatis ex lapsu linguæ, aut alijs ex aliqua turbatione; vel etiam latitia inordinata, aut presentia magnatum, ad eorum forsitan complacentiam seu ex aliqua dissemperantia, vel inadvertentia, aut superfluitate aliqua dixerimus erronea contra Catholicam fidem; quam coram Deo & hominibus, ut tenemur, præ ceteris profiteamur, colimus, & colere cupimus, seu forsitan adhaerendo opinionibus contrariis fidei Catholica scienter, quod non credimus, vel etiam ignoranter, aut dando favorem aliquibus contra Catholicam religionem obloquentibus, illa expresse & specialiter revocamus, detestamur, & habere volumus pro non dictis.* In tomov. Spicilegii Lucæ Dacherii. Bellarminus si Pontificem hunc imitetur, scriptionis suæ maculas eluet; si non imitetur, cordati & sinceri auctoris nomen amittet. Porro autem facile discet ex hac Testa-

menti clausula Gregorium tunc temporis, in quo si usquam verum dicitur, omnino sibi abjudicare non erandi privilegium, & continenter Ecclesiæ se & Concilii judicio submittere. Siquidem unum ex altero necessaria complexione deducitur. *Ἀπαχολοῦσθαι* & per insequentiam qui aliter, philosophatur. Gregorius mentiri non poterat, qui hac in re Sedis Apostolicæ traditionem sequebatur, quam Bellarminus in libri iv. de Rom. Pont. capite 111. & in libri 11. de Conciliis capite xvii. xviii. & xix. aberrando deseruit. Nec mirum. Secutus non est tractandi methodum, quam Sixvester II. in Epistola ad Seguinum Senonensem Archiepiscopum præscribit: *Sit lex communis Ecclesiæ Catholica, Evangelium, Apostoli, Propheta, Canones spiritu Dei constituti, & totius mundi reverentia consecrati, & decreta Sedis Apostolicæ ab his non discordantia.* Præterea versabatur in Curia, ubi aliter, quam docuerat, docere non permittitur, ut Jacobo Sirmondo illius familiari placita nova hæc privatim improbanti aliquando dixit: Quod ab eodem Sirmondo antiqui moris viro, cui plura debere me fateor, accepi. Porro volentes scire, quænam sit illa Curia, Romanos Pontifices duos Pium II. & Hadrianum VI. conveniant; illum in Epistola ad Martinum Meyrum Moguntini Præfulis Cancellarium; hunc in mandatis, quæ Francisco Cheregato Oratori suo in Germaniam eunti dedit: Profectò discant, quæ postea oblivisci volent.

Nunc restat, ut in pauca conferam, quæ in utraque responsione nostra multis disserui. In Prima Leo X. & Lateranense Concilium Patrum octoginta quinque confirmant Constantiensis Concilii decreta illa duo, quæ Basileense Concilium in sessione 11. relegit & approbavit, quæ Martinus V. & Eugenius IV. approbaverunt rati, decreta illa duo nihil continere, quod ab Apostolicæ Sedis traditione dissideat.

In secunda Leo X. & Lateranense Concilium Patrum octoginta quinque decreti illius secundi clausulam extremam probant & improbant: Probant quidem, quia quæ Basileense Concilium ante illius translationem fecit & statuit, recipiunt: Improbant verò, quia in Pragmaticæ Sanctionis abrogatione sibi sumunt potestatem se super omnia habere Concilia, & indicendorum, transferendorum, ac dissolvendorum Conciliorum jus penes unicum Romanum Pontificem esse. Sed quoniam unum & idem probant & improbant, Leoni X. & Lateranensi Concilio Patrum octoginta quinque fraudulenter obreptum esse vehementer contendo: Idque & propter rei veritatem, & propter Apostolicæ Sedis honorem contendo, ne Sedes Apostolica cum à Martino & Eugenio IV. tum à veteri traditione discordare videatur. Qua in re suppetias mihi venit Clemens VII. Medicæus, qui Leonem X. & illius acta non poterat pro comperto non tenere. Igitur Clemens, ut notatam à me Leonis & Concilii obreptionem assereret, Ludovicum Alamandum, Cardinalem Arelatensem, præsidem Basileensis Concilii, à quo post illius translationem depositus est Eugenius IV. & in ejus locum successit Felix V. Beatorum numero adscribit. Ecce tibi adscriptionis diploma!

Clemens Papa VII. dilectis filiis Præpositis & Canonicis Metropolitana, ac Priori & Fratribus domus fratrum Celestinarum regularis observantia civitatis nostræ Avenionensis, dilecti filii, Salutem & Apostolicam benedictionem. Cum sicut accepimus, jamdiu magnus Christi fidelium & potissimum civitatis nostræ Avenionensis erga Reverendum Petrum de Lucemburgo, & Arelatensis erga Ludovicum Alamandum S. R. E. Cardinalem, & Ecclesiæ Arelatensis Archiepiscopum (quorum corpora, Ludovici in Arelatensi, & Petri in vestro Monasterio respectivè requiescunt) devotionis affectus ita immineat, & populi multitudo, non solum civitatum prædictarum, sed etiam aliarum partium diversarum concurrat, ut in eorum procellis, & hujus caduci sæculi turbidinis, tanquam speciales protectores, fautores, intercessores, adju-



tores ad Dominum invocentur. Nec mirum si Dominus noster Iesus Christus, cuius pro posse, ut fide dignorum habet assertio, imitatores extiterint, in die ipsorum precibus eos invocantes miraculis, ac dolorum & angustiarum sublevationibus adjuvet, opemque ferat & auxilium: Quandoquidem Petrus teneris sub annis, & Ludovicus ipse, ut accepimus, vitam celestem, castamque & immaculatam exegerint, & Petrus in XVII. Ludovicus vero in LX. vel circa suarum aetatum annis, ut in eorum vita annalibus traditur, suo creatori suas purissimas animas reddiderint, calcatis huius mundana vita (quamvis illustri essent orti prosapia) illecebris. Proinde clara memoria Rex Sicilia & Hierusalem tunc in illis partibus degens, cum multitudine Christi fidelium & miraculorum huiusmodi stupore, vestraque regulari observantia, & vite exemplaris meritis motus Ecclesias, domum, & conventum vestrum instauravit, & non parva impensa construi fecit: Vosque propterea ob singulares eorundem Petri & Ludovici virtutes, quae innumera leguntur, necnon jejunia, orationes, vigilias, & quamplures Deo gratas & acceptas operationes, quas tunc viventes gratia sibi assistente divina operabantur, ita ut calitum numero pie existimentur relati, cupiatis eorum corpora, quae ut praeimitur, in eisdem Ecclesiis vestris & locis satis humidis & subterraneis jacent, ad alia intra tamen Ecclesias vestras commodiora loca transferre, ipsosque Petrum de Lucemburgo, & Ludovicum Alamandum, quorum imagines ubique a piis fidelibus a longissimis jam annis cera depingi consueverunt, pro beatis coli & venerari posse. Nobis praeterea venerabilis fratris nostri Francisci Episcopi Tusculani S. R. E. Cardinalis de Claromonte illarum partium nostrarum de latere legati, qui ad eosdem, Petrum & Ludovicum non parvum gerit affectum, & vestro nomine humiliter supplicatum extitit, ut huiusmodi vestris tam piis & honestis desideriis annuere pro nostri pastoralis officii debito, de benignitate Apostolica dignaremur. Nos igitur qui fideles quolibet, & praesertim sub suavi religionis iugo Domino famulantes ad devotionem & venerationem illorum, qui beati habentur, quantum cum Deo possumus, libenter excuiamus, ut imitatores existere valeant, vestris in hac parte desideriis piis, utpote ex magno devotionis fervore prodeuntibus annuentes vobis, quod eorundem Petri & Ludovici corpora & ossa ex subterraneis locis in alia commodiora loca earundem Ecclesiarum vestrarum transferre, & ibidem venerabiliter collocare, & tam vos, quam alii utriusque sexus fideles eos pro vestra & ipsorum spiritali consolatione in vestris Ecclesiis & sacellis pro beatis venerari sine incurso aliquis demerui, vel idololatriae, seu conscientiae scrupulo possitis & valeatis, ac ipsi possint & valeant, auctoritate Apostolica tenore praesentium, de Apostolica potestatis plenitudine concedimus pariter & indulgemus: Non intendimus propterea eosdem Petrum & Ludovicum in Catalogum Sanctorum esse relatos, donec servatis debitis solemnitatibus in Sanctorum canonizatione servari solitis ad illorum canonizationem devotum fuerit, non obstantibus constitutionibus & ordinationibus Apostolicis, ceterisque contrariis quibuscunque. Datum Roma apud S. Petrum sub annulo Piscatoris die IX. Aprilis anno M. DXXVII. Pontificatus nostri IV. Jacobus Sadoletus. Haec Clemens VII. de Ludovico: etiam si Eugenius IV. in diplomate Florentiae ad annum M. CCCC. XLII. conscripto: Iniquitatis filium, rebellionum & facinorum multorum reum nominet, & a Ferrariensi & Florentino Concilio damnatum & universis dignitatibus privatum fuisse dicat.

Verum Aeneas Silvius seu Pius II. stat pro Ludovico, & primus omnium Clementi facem ad Ludovicum in Beatorum ordine collocandum praetulit. Sic enim de Ludovico loquitur in libro I. de gestis Basiliensis Concilii: Medius erat inter omnes primoque loco ut iudex fidei, totiusque disputationis moderator & arbiter Ludovicus Cardinalis, & Archiepiscopus Arelatensis, Praelatus cum multis virtutibus insignis, tum praecipue fortis & constans. Infra: Ludovicus Cardinalis

Arelatensis vir omnium constantissimus, & ad gubernationem Conciliorum generalium natus, oratorum omnium, qui locuti fuerant, verba resumpsit. Disceptatione habitata sic finem imponit: Cumque oratores ubique Eugeniani novam doctrinam praedicent, Romanum Pontificem supra universalem Ecclesiam extollescentes, ne ignorantium anima capiantur, conclusiones tres primas publicare non omittetis, Apostolum Paulum imitati, qui Petro ad veritatem Evangelii non ambulanti neque ad horam cessit. Pius subiicit: Hic cum Arelatensis fecisset loquendi finem, omnes in eum affixis vultibus admirationem stupore prodebant: Deinde laudare hic memoriam, ille doctrinam, hunc esse unum, qui dignissime praesideret, qui & confutare objecta nosset, & (ut praesidentem deceret) impenetrabilem se convitiis exhiberet. Infra locutus de certa quadam Ludovici oratione adversus eos, qui Romanum Pontificem supra Concilium extollebant, haec scribit: Alii quidem eum, alii vestimentorum fimbrias deosculabantur, secutique ipsum complurimi, prudentiam ejus magnopere commendabant, qui licet origine esset Gallicus, Italos tamen hac die summa homines astutia superasset. Communis tamen omnium opinio fuit, hoc Spiritus sancti magis, quam ipsius Arelatensis opus fuisse. Infra: Cogitavit Arelatensis, quod erat futurum, plurimasque Sanctorum reliquias tota urbe perquiri iussit, ac per Sacerdotum manus in sessione portatas, absentium Episcoporum locum tenere: Quae res maxime devotionem adauxit in tantum, ut vocato postmodum de more Spiritu sancto nemo lacrymas continuerit.

Deinde in libro II. Sed neque illum preces (grafante peste) neque domesticorum funera fletere poterunt (ut secederet) volentem potius cum vita periculo salvare Concilium, quam cum periculo Concilii salvare vitam: Sciebat enim, quoniam se recedente pauci remansissent, facileque committi fraudi in ejus absentia potuisset. Infra: Primus omnium electorum (Felicis V.) Cardinalis fuit Arelatensis, vir & constantia insuperabilis & prudentia incomparabilis, cuius virtuti haud ascribere titubaverim, quacunque in Concilio gesta sunt, quia nec sine illo praelati perseverassent, nec alicujus Principis umbra protexisset. Infra: Sessio mox secuta est. Divina autem officia Cardinalis Arelatensis celebravit, quo nemo ceremonias novit melius. Infra: Ut igitur Cardinalis Arelatensis inter missarum sollemnia communicasset, vocati sunt ad altare communicaturi, etiam secundum ordinem electores. Infra: Devotionem maxime Cardinalis adaugebat, qui Pontificalibus indutus vestibus, nudato & calvo capite Dominicum corpus quibusque ministrabat, confessionemque in re tali solitam singulis repetebat, ac secutus piissima Salvatoris Domini nostri Iesu Christi vestigia, quemlibet deosculabatur, hortatus plurimum, ut quam quisque posset, pura anima suscipere Dominum. Quam rem sic ordinatam, sic solemniter, sic devote peregit, ut ex videntibus nemo tenuerit lacrymas, nisi qui pectus habuit, aut saxum, aut ferreum. Infra: De modo reficiendi eos, qui erant conclave ingressi: Quos inter Cracoviensis Archidiaconus diminutionem (cibarium) tulit. Cui cum oves & arietina carnes afferrentur, subtracta avicula sunt, orante in porta famulo, ut quod plus esset, id Domino dimitteretur: Sperabat namque ex arietem partem, ex ovibus autem non sperabat: Dominus tamen aviculam praeposuerat. Idcirco testatus, nunquam se diem, postquam Sacerdos fuit, tulisse pejorem. Ac cum rogaretur, ne admirationem haberet, quoniam id obrigisset Cardinali (Arelatensi): Proh, inquit, Cardinalem mihi aequiparas, hominem Gallicum, parvum, eventrem, aut (ut verius loquar) non hominem. Ego apud eum meo infortunio sum locutus, omnia quae facit, perlustris mihi cortina indicat, nec adhuc aut bibere eum, aut comedere vidi: Et, quod mihi molestius est, insomnes noctes, insom-

infirmis que dies dicit, (quaque nulla est apud nos dies) aut legit semper, aut negotiatur: Nulla ei minor, quam ventris est cura; mihi nihil cum eo commune est.

Tum demum in Historia de Europa, quam post Ludovici mortem edidit, capite XLII. In Arelate, inquit, ad sepulchrum Ludovici Cardinalis Sancta Cecilia ejus urbis Episcopi, quem Basilea in confessu Patrum praesidentem vidimus, magna miraculorum opinio orta est, & invalidorum frequens undique concursus spe sanitatis factus.

Hæc omnia Aneas seu Pius de Ludovico, quæ nec in Epistola ad Martinum Meyrum, nec in bulla retractationis, nec in alio opere ut falso & mendaciter conscripta revocavit unquam, nec Pium revocasse tradiderunt auctores vitæ illius Platina, Joannes Stella, Joannes Antoninus Campanus Aretinus Episcopus, Onuphrius, Dominicus Tempesta.

49 Guido Papa Gratianopolitanus Senator in decisione LXXXIV. Vidi Reverendiss. in Christo Patrem D. Ludovicum Alamandi Card. Arelat. cujus corpus jacet in civitate Arelat. & ibi claret miraculis.

Wernerus Rolewinkius Cartusianus in Fasciculi temporum ætate VI. ad annum M. CCCCXXXIV. Ludovicus, inquit, Alamandi Episcopus Arelatenfis, vir sancta vitæ, & mira patientia, singularisque columna Concilii Basileensis, cui diu præcedit, multis coruscet miraculis.

Parisiensis Senatus in suis ad Ludovicum XI. super Pragmatica Sanctione admonitionibus art. XVII. Post obitum suum claruerunt miraculis Andegavensis Episcopus Michael, Arelatenfis Episcopus, & Prælati alii.

Jacobus Bergomenfis in libro xv. Chron. Ludovicus Arelatenfis, vir doctissimus atque eloquentissimus, qui Basileensi Synodo ex consensu omnium Patrum præfuit his temporibus, cum multa edidisset opuscula, & quidem digna, non sine magna sanctitatis opinione decessit, & eam ob rem ad ejus sepulchrum magna miraculorum opinio orta est, & infirmorum magnus concursus. Hæc isti auctores duo æquales vel tempore proximi, quæ etiam Pii II. narrationi consentiunt.

Guillelmus Paradinus Belliicenfis Decanus in Sabaudici Chronici lib. III. capite XXXII. de Ludovico scripsit Gallicè, quæ Latine sic vertimus: Præterea creatus fuit Cardinalis Archiepiscopus Arelatenfis, Ludovicus Alamandus, vir hoc tempore scientiâ nulli comparandus, cujus sanctitas editis post obitum miraculis comprobata est. Hæc ad annum M. DLX.

Lambertus Vanderburchius in Sabaudorum Ducum libri I. Amedeo VIII. Ludovicus Allemannus Archipræsul Arelatus admirande pietatis eruditionisque vir, miraculis quoque mortuus inclavuit. Hæc ad annum M. D. XCVIII.

50 Cæsar Nostradamus in parte VII. Historiæ Provinciæ, ubi Arelatenfium Episcoporum post Sanctum Cæsarium successionem describit, Gallicè hæc tradit, quæ Latina fecimus: Guillelmo successit Beatus Ludovicus Alamandus, Archiepiscopus & Cardinalis, qui singularis fuit columna Basileensis Concilii, miraculis clarus. Hæc ad illud tempus auctor, qui cum indigena fuerit, non nisi perspecta & animadversa monumentis consignavit suis. At præ cæteris notanda sunt, quæ à Cisterciensibus Monachis Monasterii Altæcumbæ in Sabaudia post Ludovici mortem gesta esse mox dicturi sumus.

Petrus Monodus è Societate Jesu in Amedei Pacifici capite LXXXVI. Interest Amedei nostri innocentia, ut præcipua illius confessus (Basileensis) capita noscantur. Princeps occurrit Ludovicus Alemanus tituli Sanctæ Cecilie Cardinalis Arelatenfis vulgò nuncupatus, quem tanto libentiùs probis eripio, quanto religiosius est consecratos & Divis adscriptos pia oratione tueri.

Deinde paullo post narrat in Altæcumbæ Monasterio, ubi Ludovicus mortalitatem exiit, facellum illi exstructum, & ut Confessori Pontifici in missa litatum esse in hæc verba: Sacerdos & Pontifex & virtutum opifex Cardinalis gloriose, Pastor bone in populo, in patria

Provincia, qui placuisti Deo vivens religioso, intercede pro nobis in calis victoriam ad Dominum Deum, cantans melodiosè: Ora pro nobis, Sancte Ludovice Cardinalis, ut per te eruamus ab universis malis. Oremus. Deus, qui meritis & intercessionibus Beati Ludovici Alemandi Confessoris tui atque urbis Arelatenfis Episcopi, & Sanctæ Cecilie Presbyteri Cardinalis dignaris mortuos suscitare, cecos illuminare, claudis gressum & surdis auditum restituere, concede propitius, ut omnes, qui ejus implorant auxilium, petitionis suæ salutarem consequantur effectum. Per Dominum. Monodus libro huic nomen haud apposuit, sed eum composuisse mihi inter alia dixit, cum anno M. DC. XXXV. ineunte Octobri, Romæ rediens Taurini illum inviserem.

Bellarminus in libri IV. de notis Ecclesiæ cap. XII, XIII, & XIV. inter ejusdem Ecclesiæ notas ponit efficaciam doctrinæ, sanctitatem vitæ, & gloriam miraculorum: Quæ tria in Ludovico Arelatenfi reperiuntur. Non memini, legere me ullum è Basileensi Concilio ad Ferrariense vel Florentinum transisse vel Cardinalem, vel Episcopum, quem tot & tanti auctores æquales superave paribus elogiis profecuti fuerint, & quem perinde ac Ludovicum Arelatensem Romanus aliquis Pontifex Beatorum numero indiderit. Evolvi Historias, repetii temporum memoriam, replicavi annalium monumenta, scrutatus sum Pontificum Maximorum commentarios, excussi fastos Ecclesiæ, Calendaria & forulos quoscunque, sed ad indagacionem nostram appositum nihil invenire potui præter judicia Dei, quæ sunt abyssus multa, quæ iusta sunt omnia, nec ulla injusta esse possunt.

Non me latet fuisse è recentioribus, qui Ludovicum rerum à se in Concilio Basileensi gestarum penitus prodiderint. Sed intus ii sibi non veritati canunt, non historiæ, quæ verè scribenda est semper: Charibdim inter & Scyllam navigantes dicendum sibi esse prævidebant, vel Pontificem subici Concilio, vel Clementem VII. errasse, cum Ludovicum Beatorum numero adscripsit. Occupati suis præjudiciis, neutrum in se volebant recipere. Ficta est ergo penitentia; commentum est purum putum, quod obruitur silentio auctorum omnium, qui à Basileensi Concilio tempore floruerunt, usque ad annum M. D. XXVII. quo Clemens VII. Ludovicum ordini Beatorum intulit. Ludovicus in Basileensi Concilio se bene gessisse persuasus erat, & idcirco de rebus à se in eo Concilio gestis penitentiam nullam egit. Id facile confirmatur ex Lausanensis Synodi diplomate, quod Odoricus Raynaldus ad annum M. CCCC. XLIX. ita refert: Sacrosancta generalis Synodus Lausanensis, in Spiritu sancto legitime congregata, universalem Ecclesiam representans, ad perpetuam rei memoriam. Multis ab annis circumspectantes Ecclesiam Catholicam gravissimis impedimentis & conturbationibus infestari. Et post aliquamultum: Ad laudem igitur Dei omnipotentis, salutem, pacem, & consolationem omnium Christi fidelium, sancta hæc Synodus in Spiritu sancto legitime congregata, universalem Ecclesiam representans, matura, unanimi, concordique deliberatione præhabita, in suis sacris deputationibus, votis dilectissimorum Ecclesiæ filiorum, Ludovici Sanctæ Cecilie Arelatenfis, Ludovici tit. S. Susepne de Varambone, Georgii tit. S. Mariæ in Transyberim Viennensis vulgariter nuncupati, Joannes tit. S. Calixti, Joannis tit. S. Stephani in Cælio Monte de Arcis, Bartholomæi tit. S. Marci Cornetani vulgariter nuncupati, & Guillelmi tit. S. Marcelli S. R. E. Presbyterorum Cardinalium, necnon dilectorum Ecclesiæ filiorum, Archiepiscoporum, Episcoporum, Electorum, Abbatum, Ducum, divini & humani juris magistrorum & doctorum, ac omnium & singulorum eidem sanctæ Synodo incorporatorum, præfatum dilectissimum Ecclesiæ filium Thomam in Summum eligit Pontificem, nomine, quo nunc appellatur, Nicolaum V. appellandum, utque pro Summo Pontifice habeatur, præsentis decreti tenore ex certa scientia statuit & ordinat & decernit, juribus, decretis & ordinationibus etiam



SACRI BASILEENSIS CONCILII quibuscunque non obstantibus, quibus quoad hujusmodi actus celebrationem volumus esse derogatum. Hæc Lausanensis Synodus anno M. CCCCLXIX. XIII. Cal. Maii, postquam Felix V. eodem anno VII. Idus Aprilis & in eadem Synodo seipsum Pontificatu abdicaverat. In hac Synodo Basileense Concilium, à quo & depositus fuerat Eugenius & suffectus in ejus locum Felix præside Ludovico, sacrum adhuc nominatur. Deinde Ludovicus insequenti anno die x. Septembris demigravit ab hominibus, ut est in ejus Epitaphio: Nec de Ludovico narratur, illum in fine vitæ dixisse aliquid vel fecisse, quod ullam de rebus in Concilio Basileensi gestis poenitentiam testetur. Sed de Eugenio res aliter se habet: Hic cum esset morti proximus, apud Raynaldum anno M. CCCCLVII. aliquid dixisse memoriæ proditur, quod nisi poenitentiam ostendat, certè mihi terrorem injicit. Verba sunt:

54 *Cumque à religiosis viris cinctus esset, inter puncta suspiriis voce, versoque ad eos vultu dixisse fertur: O Gabriel, quanto magis conduxisset anima tua saluti, ut nunquam Cardinalatum, nec Pontificatum obtrinuisses, sed in tuo monasterio religiosam disciplinam coluisses! Hæc ex vitæ Eugenii auctore, qui tunc claruit, & à Raynaldo laudatur. Quæ verba in Ludovico Arelateni poenitentiam ingentem Raynaldo designarent, eidem in Eugenio non designant, quia Raynaldus sibi canit, & præjudiciis ducitur.*

Nicolaus V. Lausanensis Concilii decretum si gratum habuit, Ludovicus poenitentiam non indignuit; si verò ingratum, Clemens VII. Ludovicum poenitentiam non indignuisse censuit. At quis Raynaldi non miretur audaciam, qui ut Nicolaum V. purpuratorum Collegio restituisse Ludovicum probet, Aeneæ seu Pii II. caput XLII. de Historia Europæ citat in margine, ad annum M. CCCCLXIX. quis, inquam, Raynaldi non miretur audaciam, cum ibi Pius Ludovici virtutes & miracula prædicet? In Arelate, inquit, ad sepulchrum Ludovici Cardinalis S. Cecilia, ejus urbis Episcopi, quem Basilea in confessu Patrum præsidem vidimus, magna miraculorum opinio orta est, & invalidorum frequens undique concursus spe sanitatis factus. Sic Raynaldi judicio Cardinalatus Ludovico jam vitâ functo, & miracula patranti restituitur. Homo iste lectores suos stipites & bardos futuros esse sperat, qui nihil videant, nihil intelligant.

In summa rem absolvit Clemens VII. qui suo in diplomate poenitentiam istiusmodi non meminit, nec opinor adjunctum ponderis tanti silentio prætermisisset. 55 Hic Pontifex non eâ, quâ per ignorantiam Raynaldus, Religione ducebatur; Apostolicæ Sedis traditionem apprime noverat, quâ Romanum Pontificem Conciliis fuisse credebatur. Descriptæ ab Hadriano decessore suo Curie placitis, quæ Raynaldus fecerat sua, non adhærebat; doctrinæ antiquitatem novitati anteponebat. Nos Clementem & Sedem Apostolicam sequimur, non Raynaldum, non Curiam, absit per Deum immortalem!

Alexander VII. ad Clementem, ni fallor, accurrit, & nobis suffragatur in Constitutione, quam in favorem sententiæ asserentis Deiparam ab originali peccato fuisse præservatam edidit VI. Idus Decembris anno M. DCLXI. Verba sunt: *Accedentibus quoque plerisque celebrioribus Academiis.* Inter Academias celebriores illas Parisiensis nostra eminet; nec opinionis suæ fundamentum aliud habet præter id, quod à Basileensi Concilio jactum est in sessione xxxvi. Testantur hoc Facultatis suæ Commentariis eruditi Parisienses Theologi duo, Joannes Major, & Judocus Clithoveus; Hic in tractatu de Immaculata Conceptione Virginis: *Sacro-sancta, inquit, Theologorum Parisiensium Facultas conformans suas sanctiones Basileensi Concilio, constituit, neminem esse admittendum in suum consortium, nisi juramentum solenne præstiterit, se eam sententiam omninè defensurum & prædicaturum, quod Beata Virgo fuit prorsus expers originalis culpa.* Ille in caput I. Lucæ: *Nostra*

*item Theologorum apud Parisios Facultas vestigiis Concilii (Basileensis) innixa, nullum Baccalaureum in Theologorum consortium admittit, nisi jurejurando hanc sanctionem probaverit.*

Adhæc Parisiensis Universitas in literis, quibus à Lateranensi Concilio (quod cætum non in Spiritu Domini congregatum nuncupat) provocandum censuit, provocationis suæ caput præcipuum statuit, factam ab illo repudiationem Basileensis Concilii, in quo judicatum est, gloriosam Virginem Mariam sine peccato originali fuisse conceptam. Colonienfis Academia se circa illud tempus Parisiensi adjunxit; ut Joannes Major observat in secundum Sentent. dist. xxx. quæst. iv.

Hæc autem omnia cum sic se habeant, Alexander VII. à Clemente VII. vix dissentire potest, quia Basileensis Concilii decretum factum est in sessione xxxvi. quam deposito Eugenio, substituto in illius locum Felice V. & Beato Ludovico Cardinale Arelateni præside celebratam esse nemo nescit. Itaque si Alexander VII. Academias celebriores Parisiensem & Coloniensem ex eo approbat, quod immaculatam Virginis Conceptionem propugnaverint, Basileense Concilium approbet necesse est: Basileensis Concilii Patres Magistri sunt Parisiensium & Colonienfium, Parisienses & Colonienfes, Basileensium Magistrorum discipuli. Absolvuntur nonnunquam Magistri, & condemnantur discipuli, sed condemnatis magistris discipuli nunquam absolvuntur. Argumentum istud eo est efficacius, quod Alexander VII. in rerum Ecclesiasticarum cognitione, & præsertim in Theologicæ quæstionis hujusce historia exercitatum ac versatum esse mihi persuadeam. Imitatur, ut audio, 57 Gregorium XIII. de quo istud narratur à Dominico Tempesta in illius vita: *Literarum studia vir doctissimus nunquam intermittebat, etsi gravibus curis distentus. Illaque non semel ex ejus ore audita sententia est, nullum magis decere plura scire, quam Romanum Pontificem.* Intelligebat vir prudens, scientiæ clavem debere potestatis & jurisdictionis clavem præcedere; alioqui clavis hæc errori exponeretur.

His causis impelli potest quis ut credat, Alexandrum VII. qui non privatis sed publicis Ecclesiæ utilitatibus ducitur, id perfecturum, quod Clemens VII. incepit. Præ manibus est occasio: Ludovicus Arelatenfis & Franciscus Gebennensis eadem operâ, eodem diplomate consecrari possunt, & Sanctorum Catalogo inferri, Veteratores quidam causabantur Franciscum de Romani Pontificis auctoritate non bene sensisse, quod Clericorum & Monachorum exemptiones plenas in Epistolis suis condemnaverit, easque musco similes comparatione insigni dixerit. Sed apud Alexandrum profecerunt nihil. Repulsa est calumnia, & Franciscus Beatorum ordini adscriptus. Hoc ipsemet Pontifex Carolo Sueffionensium Episcopo confirmavit anno M. DC. LXII. In Ludovico, quem Clemens VII. in serie Beatorum annis abhinc centum & triginta septem posuit, nullus est jam paris calumniæ locus, nulla *disputanda* ratio. Recentiores siqui essent Ludovici & Clementis adversarii, sine retractatu doctrinarum revincerentur, quod hoc sint de præscriptione novitatis. Tertullianus in libri I. 58 contra Marcionem capite I.

Cæterum facile mihi persuadeo, Melchiorem Canum, Dominicum Bannem, & alios, qui Parisiensis nostræ Universitatis appellationem malè exceperunt, non vidisse, quod videre debuerunt, diploma illud, quo Julius II. Lateranense Concilium indicit: Ubi sese à congregandæ Synodi negligentia defendit: *Quis tanti erroris particeps est, qui nos de negligentia erga convocationem Concilii redarguere possit, cum nihil nobis per ultimos undecim annos, quibus Cardinalatus officio functi sumus, magis cordi fuerit, quam celebrari videre generale Concilium, & Ecclesiæ Romanæ statum in melius reformari? Quid enim felicis recordationis Alexandro VI. Romanorum Pontifici prædecessori nostro magis nos odiosos fecit, nisi studium & cura generalis Concilii celebrandi? Quid nos terra*

*marique*

marique jactavit, cum nobis idem Alexander prædecessor  
esset infensus? Quid toties Alpes transcendere transalpi-  
nas, Gallias peragrarè per æstus, nives, & glacies compu-  
lit, nisi quod nitebamur, ut à Romano Pontifice Con-  
cilium indiceretur, convocaretur, & celebraretur? Non  
recensemus & Principibus Christianis apertissima. Et  
quibusdam interpositis: Nulla nostra culpa, neque S.  
R. E. Cardinalium dilata est generalis Concilii in-  
dictio, convocatio, celebratio. Distulit hæc infelicitas  
temporum, quæ sub eodem Alexandro prædecessore nostro  
vexare cepit Italiam, & adhuc vexare non cessat, &  
instans necessitas recuperandi terras & jura ejusdem Ro-  
mana Ecclesiæ. Nam propositum nostrum semper ad Con-  
cilio celebrationem promptissimum atque intemissimum fuit.


59 Quare spiritum dissidentia deponant, & ita hujusmodi ca-  
lumnia auctores, reversi ad cor, mordere desinant pas-  
torem & patrem animarum suarum. Et post alia: Quod  
verò attinet ad constitutionem Concilii Constantiensis, quæ  
incipit, Frequens hujusmodi, ea ad octuaginta annos ser-  
vata non fuit, & si servata fuisset, teje pia memoria  
Eugenio Papa IV. etiam prædecessore nostro, ac sacrorum  
Canonum sanctionibus, ex causis prædictis licuit nobis  
transgredi. Et quod fortius est, stante legitimo impedi-  
mento, de quo supra, eam locum non habere certo certius  
est. Sic omnino loquitur, qui se Conciliis & sacris  
Canonibus obnoxium esse credit; non verò sic loqui-  
tur, qui se supra Concilia esse omnia, nec Canonibus  
subjici credit. Excusat se Julius, ut excusaret se qui-  
libet alius Præsul, qui occurrente impedimento iusto  
Constantiensis Concilii decretum aliquod exequi non

potuisset. Itaque Julius, ut quilibet alius Præsul, sub-  
lato impedimento decretum illud exequi tenetur. Huc  
spectant, quæcunque adfert Julius, ut convocandæ Sy-  
nodi negligentiam à se depellat. Prætereo, Julium la-  
psum esse memoriam, cum dixit Constantiensis Concilii  
constitutionem ad octuaginta annos servatam non esse.  
Ab anno enim M. CCCCXLII. quo finita est Basileensis  
Synodus, ad annum M. DXI. quo Lateranensis indicta  
est, anni non intercedunt octuaginta, sed tantum sexa-  
ginta novem.

Deinde si vidissent, quam videre debuerunt, formi-  
dolosam & horrificam viam (vix audeo dicere) Julii  
ejusdem constitutionem, in qua simoniam veram atque in-  
dubitam hæresim, & electum simoniace Romanum Pon-  
tificem, non hæreticum modò, sed etiam hæresiarcham  
à Christianis omnibus vitandum usque, dum ille à gene-  
rali Concilio deponatur, non ex alia, quam sua sede pro-  
nunciat, à Parisiensibus nostris non dissensissent. In con-  
stitutione hac, quomodocunque intelligatur, omnia, nisi  
me fallit animus, consummantur.

Tum si vidissent, quod videre potuerunt, relatum Cle-  
mentis VII. diploma, & si quam videre non potuerunt, vi-  
dissent laudatam Alexandri VII. Constitutionem, omni-  
no sibi temperassent à maledictis, quibus Parisiensis Uni-  
versitatis nostræ appellationem à Lateranensi Concilio  
laceraverunt. Sed non omnia videre, aut scire possumus  
omnes. Tu mecum illos excusa: danda est eis venia,  
ut eam nobis dari vellemus, si similiter, id est, per juris  
& facti ignorantiam peccassemus. Vale. Lutetiæ Paris.  
Idus. Sept. anno M. DC. LXIV.





# JOANNIS LAUNOII CONSTANTIENSIS,

Epistolarum:

PARS SECUNDA.

Joannes Launoiius,  
RAIMUNDO FORMENTINO,  
Parisiensi Theologo.

**C**UM videri tibi dicis, Bellarminum in libri  
II. de Conciliis capite XV II. nec secundum  
Ecclesiæ, nec secundum Dialecticæ leges  
tractare Scripturæ loca quinque, quibus  
Romanum Pontificem simpliciter & absolute esse supra  
Ecclesiam universam & supra Concilium generale colligit,  
me simul levas onere, quod imponis. Hoc sine dubio lon-  
gè prospiciebas animo responsurum me; cum significa-  
sti, nec supervacaneum, nec inutile futurum esse com-  
mentariolum, quo Scripturæ loca retractarentur singula,  
& ad neglectas à Bellarmino regulas exigenterentur.

Primus Scripturæ locus est in Evangelii Lucæ ca-  
pite XII. *Quis est fidelis dispensator & prudens, quem  
constituit Dominus super familiam suam?*

Alter in Epistolæ I. Pauli ad Timotheum, capite  
III. *Hac tibi scribo, sperans me ad te venire citò: Si  
autem tardavero, ut scias, quomodo oporteat te in domo  
Dei conversari, quæ est Ecclesia Dei vivi, columna &  
firmamentum veritatis.*

Tertius in Evangelii Joannis capite ultimo, *Pasce  
oves meas.*

Quartus in Epistolæ Pauli ad Ephesios, capite IV.  
*Et ipse dedit quosdam quidem Apostolos, quosdam autem  
Prophetas, alios verò Evangelistas, alios autem Pa-  
stores & Doctores, ad consummationem sanctorum, in  
opus ministerii, in adificationem Corporis Christi.* Et  
post alia: *Veritatem autem facientes in charitate, cres-  
camus in illo per omnia, qui est caput, Christus.*

Quintus in ejusdem Epistolæ capite V. *Viri, diligite  
uxores vestras, sicut Christus dilexit Ecclesiam, & tra-  
didit semetipsum pro ea.*

Atque hæc sunt Scripturæ loca, quibus auctor ille  
lemma, quod sibi sumpsit, & tam confidenter pro-  
posuit, confirmat: Sed negligit tractandi methodum,  
quam Tridentina Synodus duobus in locis præscribit.  
Et Primum quidem in sessione IV. *Ad coercenda pe-  
tulantia ingenia decernit, ut nemo suæ prudentiæ immixtus,  
in rebus fidei & morum, ad adificationem doctrinæ Chri-*

*stianæ pertinentium, sacram Scripturam ad suos sensus con-  
torquens, contra eum sensum, quem tenuit & tenet san-  
cta mater Ecclesia, cujus est judicare de vero sensu & in-  
terpretatione Scripturarum Sanctarum, aut etiam contra  
unanimem consensum Patrum, ipsam Scripturam Sacram  
interpretari audeat, etiamsi hujusmodi interpretationes nul-  
lo unquam tempore in lucem edenda forent. Qui contra-  
venerint, per ordinarios declarentur, & pœnis à jure sta-  
tutis puniantur.*

Deinde in forma juramenti Professionis Fidei, quam  
Pius IV. ad Synodi mentem conscribi curavit: *Item  
Sacram Scripturam juxta eum sensum, quem tenuit &  
tenet sancta Mater Ecclesia, cujus est judicare de vero  
sensu & interpretatione Sacrarum Scripturarum admitto;  
nec eam unquam nisi juxta unanimem consensum Patrum  
accipiam & interpretabor.*

At Bellarminus Tridentinæ Synodo minimè paruit;  
præstitutam ab illa tractandi methodum insuper habuit.  
Tantum enim abest, ut relata Scripturæ loca quinque  
juxta unanimem consensum Patrum acceperit & inter-  
pretatus fuerit, ut ne unum quidem è Patribus pro-  
positi lemmatis assertorem ediderit & in medium pro-  
tulerit. Hoc autem observasse, non modò Bellarmini  
placitum confutasse est, sed etiam ostendisse, Bellar-  
minum ipsum in Tridentinæ Synodi professionem fidei  
valde peccasse. Sed utrum ignorantia, quæ vinci non  
potest, Doctorem tantum excuset, pronunciare non  
audeo. Quis auderet? Quidquid id est, hoc à Deo  
Optimo Maximo illi ignosci pervelim.

De locis singulis cum Bellarmino breviter experien-  
dum est, quem in sensum illa Patres exposuerint.

I. Irenæus Lugdunensis Episcopus, Scripturæ loco-  
rum primum sic exponit, in libri IV. adversus hære-  
ses capite XLIV. *Paulus Apostolus cum esset bonæ consci-  
entiae, dicebat ad Corinthios: Non enim sumus sicut plu-  
rimi, adulterantes verbum Dei, sed ex sinceritate sicut  
ex Deo, coram Deo in Christo loquimur: Nemini nociui-  
mus, neminem corrumpimus, neminem circumvenimus. Tales  
pres-*



byteros nutrit Ecclesia, de quibus & Propheta ait: Et dabo Principes tuos in pace, & Episcopos tuos in iustitia. Et Dominus dicebat: Quis igitur fidelis auctor bonus & sapiens, quem praeponit Dominus super familiam suam ad danda eis cibaria in tempore? Beatus ille servus, quem veniens Dominus invenerit sic facientem.

Hilarius Pictavorum Episcopus, in Canone xxvii. super Matthaeum: Quisnam est fidelis servus & prudens, quem constituit Dominus super familiam suam, &c. Quamquam in commune nos ad indefessam vigilantiam curam adhortetur, specialem tamen populi Principibus, id est, Episcopis in expectatione adventusque suo sollicitudinem mandat. Hunc enim servum fidelem atque prudentem praepositum familia significat, commoda atque utilitates commissi sibi populi curantem. Qui si dicto audiens, & praeceptis obediens erit, id est, si doctrina opportunitate, & veritate infirma confirmet, disrumpit consolidat, depravata convertat, & Verbum vitae in aeternitatis cibum aliena familia dependat, atque hac agens, hisque immorans deprehendatur; gloriam à Domino tanquam dispensator fidelis, & villicus utilis consequetur, & super omnia bona constituetur, id est, in Dei gloria collocabitur.

Gregorius Nyssenus, in Nicetæ Serrarum Episcopi Catena, super Matthæi caput xxiv: Fidelis administrator ac prudens esse possit, rectè in nobis constituta voluntas. Laudatur enim, quod pascat familiam per mortificationem eorum, quæ ei contraria sunt. Illorum enim corruptio nutritio est, ac bona constitutio meliorum. Accusatur autem malus servus, qui cum ebriosis versatur, plagis onerans Dei familiam. Plaga enim verè est contra virtutes malitiae prosperitas.

Ambrosius, Mediolanensis Episcopus, in caput xii.

Luce: Et illa quidem in omnes praecepti forma generalis, verum series sequentis exempli dispensatoribus, hoc est, sacerdotibus, videtur esse proposita; quod sciant sibi gravem in futurum penam esse subeundam, si secularibus intenti deliciis familiam Domini, plebemque commissam sibi, gubernare neglexerint.

5 Ioannes Constantinopolitanus Episcopus Homilia lxxviii. in caput xxiv. Matthæi: Caterum, quoniam iudicii mentionem fecit, ad Doctores etiam vertit orationem de pena & meritis differens: Et primò bonis collocatis, ad peccatores exitum facit, commodissimè orationem concludens: Quis ergo, (inquit) fidelis servus & prudens, quem constituit Dominus super familiam suam, dare ei cibum in tempore suo? Beatus servus ille, quem cum dominus ejus invenerit sic facientem, Amen dico vobis: Quoniam super omnia bona sua constituet eum. Dic queso, num & hoc ignorantis est? Nam si quoniam nec filium scire dictum est, ignorare ipsum affirmas? Quid modò dices, cum dubitando dicere videatur, Quis igitur fidelis servus? Infra: Expende autem, qualem hac verba ignorantiam significare possunt. Siquidem à se constitutum super familiam suam ignoraret. Beatificat enim eum: Beatus, inquit, servus ille: Quis verò sit, silentio tradidit. Quis enim est, ait, quem constituit Dominus super familiam suam, & Beatus, quem invenerit sic facientem? Hæc autem non de pecuniis solummodo, verumetiam de verbis, de virtute, de omni dispensatione singulo homini concessa, dicta sunt: Hæc parabola vel ad gerentes, gubernantesque Rempublicam accommodari potest. Docet enim unumquemque ad communem utilitatem omnia conferre, quæ sua sunt, sive sapientiam, sive principatum, sive divitias, sive quidquid aliud, non ad detrimentum conservorum, nec ad perditionem suam. Quapropter utrumque ab eo flagitat, prudentiam scilicet ac fidem. Delicta enim ab amentia originem habent: Fidelem igitur appellat, quoniam nihil ex rebus Domini sibi attribuit, nec incassum quidquam expendit; Prudentem, quia opportunè dispensare noverit. Siquidem utraque re vobis opus est, ne scilicet quæ Domini sunt, ad proprios usus rapiamus, & ut opportunè omnia dispensemus. Nam si utrumque horum absit, eo absente, alterum omnino claudicat. Infra: Sed interim, antequam de punitione dicatur, approbati premia servi,

qualia sint, audiamus. Nam dico vobis, super omnia bona constituet. Quid hoc honore majus? Quæ oratio hanc dignitatem, hanc beatitudinem assequi poterit, cum cælorum conditor, cui omnia serviunt, hominem super omnia bona sua constituturus est? Quapropter & prudentem eum appellavit, quia novit magna pro parvis perdenda non esse, quia moderatè vitam hic peragens, calos consecutus est.

Antiquus sed incertus auctor, apud eundem Ioannem, in Homilia li. ad caput xxiv. Matthæi: Anima autem iusta quoniam delectatur in corpore? Sed quasi in exilio sunt: In eas veniente sententia non perfodiuntur, sed vocantur gaudentes. Quis enim fidelis servus & prudens, quem constituit dominus ejus super familiam suam, ut det illi cibum in tempore? Cum de vigilante & non vigilante super domum suam Dominus loqueretur; sciens, quoniam plerumque sacerdotes mali populum obdormire faciunt in peccatis, boni autem excitant à negligentia somno, & faciunt vigilare in operibus bonis, quasi assidua tuba doctrinæ suæ excitantes ad bona opera animas auditorum: Consequenter de bonis & iustis introducit sermonem, dicens, Quis est fidelis servus & prudens? Si enim paterfamilias super possessionem suam villicum ponit; ut non cum singulis colonis habeat causam, sed de solo villico omnium exigat rationem: Si ergo inter colonos aliqua indisciplinatio fuerit facta, unusquisque pro suo delicto reus efficitur; Villicus autem pro omnium delictis: Etsi bene redditum suum reddiderit, unusquisque quidem pro sua fide laudatur; villicus autem pro fide omnium remuneratur. Sicut Deus in populo ideo ordinat sacerdotes, ut actuum eorum ipsi discutiant rationem: Ideoque peccante populo, unusquisque quidem pro peccato suo punitur: Sacerdos autem pro peccatis omnium. Quis est servus fidelis & prudens? Rem quidem laudabilem proponit, rarissimam autem, ut quis fidelis invenitur & prudens.

Hieronymus in caput xxiv. Matthæi: Quis, putas, est fidelis servus & prudens, quem constituit, &c. Plenius inculcat & replicat, quare de die consummationis & hora, nec Angelos cælorum scire prædixerit, sed solum Patrem, quod non expediat scire Apostolis; & exemplum patrisfamilias, hoc est, sui & fidelium servorum, id est, Apostolorum, ad cohortationem sollicitæ mentis interserit, ut spe præmiorum ministrent conservis in tempore suo cibaria doctrinarum. (Si autem dixerit malus servus ille in corde suo, moram facit dominus meus venire, & cepit percutere conservos suos, manducet autem & bibat cum ebriis: ) Ex superioribus pendet, quod sicut sollicitus servus & semper adventum Domini præstolans, tradit conservis cibaria in tempore suo, & postea super omnia bona patrisfamilias constituitur, ita, è contrario, qui juxta Ezechielem dixit: In tempora longa fiet istud, & non putat dominum citò esse venturum, factus securior vacat epulis atque luxuria, & non lenem patremfamilias, sed severissimum sentiet judicem.

Augustinus Hipponensis Episcopus, in libri ii. de quæstionibus Evangelicis capite xxvi. Quod Dominus dixit Petro, Quis, putas, est fidelis dispensator & prudens, quem constituit Dominus super familiam suam, ut det illis in tempore vitæ mensuram, mensuram dicit, propter modum capacitatis quorumque audientium.

Isidorus Pelusiota in libri iii. Epistola cxlv. ad Theodosium Episcopum, ad illud: Quis est ille fidelis servus & prudens, &c. Sed quia imperium sibi probè convenire existimant, ideo tantum sumunt audaciæ, ut Episcopum invadant: Neque ejus difficultatem muneris apud animum perpendentes, neque vocem Dominicam audientes, quæ adeo rarum negotium esse demonstrat, ut quis ei bene præsit, ut etiam dubitanda oratione usus fuerit dicens: Quis, putas, est fidelis servus & prudens, quem constituit dominus super familiam suam, ut det illis demensum?

Leo primus, Romanus Pontifex, in Epistola xc. ad Ravennium Arelatensem Episcopum: Iustè tamen dicitur lex non esse posita, cum vernus recti amor in semetipso habeat

habeat & Apostolicas auctoritates & Canonicas sanctiones, quarum devotus sectator, & diligens executor in eorum proculdubio consortio gloriaberis, qui de creditorum sibi profectibus talentorum audire mernerunt: Euge serve bone & fidelis, quia supra pauca fuisti fidelis, supra multa te constituam.

Petrus Chrysologus, Ravennæ Episcopus, in Sermone xxvi. de fidei dispensatore: Quod hodie Dominus interroganti Petro respondisse legitur, per figuram ad Apostolos ipsos, ad Doctores tantum, & ad eos, qui Ecclesiis president, dictum, multorum persensit auditus. Interrogat Petrus: Domine, ad nos dicis hanc parabolam, an ad omnes? Cui respondit Dominus: Quis, putas, est fidelis dispensator & prudens, quem constituit Dominus super familiam suam, ut det illis in tempore tritici mensuram? Beatus servus ille, quem cum venerit, ita invenerit facientem: Verè dico vobis, quod super omnia, quæ possidet, constituet eum, &c. Ecclesiæ quidem præules ista quamprimum similitudo constringit: Sed hominem nullum mortalem, nullum prorsus eximit hæc figura, quæ dum loquitur ad dispensatorem, omnibus uno interrogante respondit: Si est quisquam, qui à Deo nihil acceperit, discussionem dispensationis, dispensatoris officium non timebit. Homo, si hoc ipsum quod datus, accepisti, accepisse te quod habes, quomodo tu negabis? Et de celestibus conditis, de horreis divinis rationem reddet, præstabit causas Ecclesiæ prorogator: Et quàmò majus suscipit creditum, tanto majus se debitum non dubitat redditurum, dicente Domino: Cui plus est creditum, plus exigitur ab eo. Et alibi, Potentes potenter tormenta patientur. Quantò altius ascenderit homo lapsus, tantò altius cadet.

Gregorius, Romanus Pontifex, libro iv. expositionis in i. Regum cap. ix. Omnium ergo fidelium retributiones & premia, bona sunt Israël: Quia verò electorum predicatorum merces summa est, eorum sunt optima Israël. De his quippe Israëlitis optimis, Dominus fidei suo servo repromittit, dicens: Amen dico vobis, super omnia bona sua constituet eum. Qui enim non in omnibus, sed super omnia constituitur, non tantum bona Israël, sed etiam optima habere declaratur.

Deinde in Pastoralis Curæ parte iii. cap. v. Sciendum verò est predicatori, ut auditoris sui animum ultra vires non trahat, nè (ut ita dicam) dum plus quàm valet, tenditur mentis chorda, rumpatur: Alta enim quæque debent multis audientibus contegi, & vix paucis aperiri. Hinc namque per semetipsam veritas dicit: Quis, putas, est fidelis dispensator & prudens, quem constituit Dominus super familiam suam, ut det illi in tempore tritici mensuram? Per mensuram quippe tritici exprimitur modus verbi, nè cum angusto cordis incapabile aliquid tribuitur, extra fundatur.

Agobardus Lugdunensis Episcopus, in tractatu de modo regiminis Ecclesiastici, ad Clericos & Monachos Lugdunenses: Omnis ergo, qui præponitur ceteris sive Clericis, sive Monachis, si ita videtur benevolus & mansuetus atque affabilis, ut subditorum corda in sui amorem & propriam laudem convertat, adulter est, & regimen animarum suscipere nunquam debet. Et paulò post: Qui sic ministrat, sibi ministrat, non Domino; non debet præponi ceteris, qui custodes observationum ad libitum suum, & non ad utilitatem domesticorum, sibi met dispensat, non Domino: Non est fidelis dispensator & prudens, quem constituit Dominus super familiam suam. Et paulò post: Hæc in subjectis ovibus ita observanda sunt; in Prælati autem Pastoribus alia conditio est: Quoniam sicut beatus est fidelis servus & prudens, quem constituit Dominus super familiam suam, ut det illis cibum in tempore.

Gregorius IX. in Epistola ad Senogallensem Episcopum: Cum in minori adhuc officio constitutus, de credito tibi talento fructum acceptabilem, & de labore tuo benedictionis manipulos reportans, dignè velut fidelis servus & prudens super familiam Domini, cui cibum debeas in tempore ministrare, constitui meruisti. Apud

Odoricum Raynaldum in Tom. xiii. Annal. Ecclesiast. ad annum m. cc. xxxii.

Denique Ecclesia in sacro, quod etiam fit in natali Confessoris, non Pontificis, huic tribuit Communionem hanc, Fidelis servus & prudens, &c. Id sacerdos seu primi seu secundi ordinis, observasset, ad sacri recitationem tantisper intentus.

Hæc est Patrum expositio, quæ Bellarmini sententiæ nec favet nec favere potest; cum nullus sit, qui ex hoc Scripturæ loco, non dicam, colligat, sed vel leviter insinuet, Romanum Pontificem simpliciter & absolute esse supra Ecclesiam universam, & supra Concilium generale, ita ut nullum in terris supra se iudicium agnoscat: Quæ sunt ipsamet Bellarmini verba. Dubium igitur nullum est, quin Scripturæ locum aliter ac Patres, acceperit, & Tridentinæ Synodi decretum neglexerit, & Ecclesiasticam regulam insuper habuerit. Deinde, constituta SS. Patrum expositione, tam erit facile, unumquemque alium Episcopum, imò & laicum, quàm Romanum supra Ecclesiam universam esse, ac generalem Synodum, colligere: Quo nihil est absurdus.

Nunc verò, utrum dialecticæ leges melius servaverit, expendendum est. Sic autem ille philosophatur: Probatur ratione in Scripturis fundata: Nam omnia nomina, quæ in Scripturis tribuuntur Christo, unde constat eum esse supra Ecclesiam, eadem omnia tribuuntur Pontifici. Ac primum Christus est paterfamilias in domo sua, quæ est Ecclesia: Pontifex in eadem est summus Oeconomus, id est, paterfamilias, loco Christi, Luca 12. Qui est fidelis dispensator & prudens, quem constituit Dominus super familiam suam, &c. Hic enim per dispensatorem, sive Oeconomum, ut Græcè habetur, intelligunt Episcopum Ambrosius in hunc locum, & Hilarius, & Hieronymus in caput xxiv. Matthæi: Ubi similis habetur sententia. Et quamvis Patres non loquantur expresse de Episcopo Romano, tamen sine dubio sententia Scripturæ illa est: Ut Episcopi particulares sunt summi Oeconomi in suis Ecclesiis, ita esse Episcopum Romanum in Ecclesia universa.

Et primò quidem fallacia est his in verbis: Omnia nomina, quæ in Scripturis tribuuntur Christo, unde constat eum esse supra Ecclesiam, eadem omnia tribuuntur Pontifici. Tribuuntur quidem, sed non per æqua proportionem tribuuntur: Tribuuntur Christo, ut auctori & fundatori Ecclesiæ; non tribuuntur Pontifici, ut auctori & fundatori Ecclesiæ, sed ut auctoris & fundatoris Ministri & Vicario. Hinc Christus supra Ecclesiam est, non Pontifex. Operis alicujus auctor & fundator, pars non est operis sui; ac proinde Christus non est pars Ecclesiæ, ut est Romanus Pontifex. Universum autem partibus semper optimo jure præponitur, ut docet beatus Augustinus in libri i. de Baptismo capite iv. Præterea, cum Romanus Pontifex sæculis posterioribus in regula fidei poni cœpit, non ponitur ante Ecclesiam, quia & ipse ad Ecclesiam pertinet in illa ejus parte, quæ in terris est; ut facile colligitur ex iis, quæ de Spiritu sancto scribit Augustinus, in Enchiridii capite lvi. Spiritus, inquit, Sanctus, si creatura, non creator esset, summa creatura esset; & ideo in regula fidei non poneretur ante Ecclesiam, quia & ipse ad Ecclesiam pertineret in illa ejus parte, quæ in calis est.

Deinde fallacia est, cum dispensatoris & Oeconomi nomen & notionem, quam ex mente Patrum Episcopis omnibus convenire dicit, ad Romanum unum Episcopum transfert, ut post translationem illam inferat, quod eum inferre notavimus.

Tum fallacia est his in verbis: Et quamvis Patres non loquantur expresse de Romano Episcopo, tamen sine dubio sententia Scripturæ illa est: Ut Episcopi particulares sunt summi Oeconomi in suis Ecclesiis, ita esse Episcopum Romanum in Ecclesia universa. Patres de nullo Episcopo loquuntur expresse, sed de omnibus, ac proinde de Romano, uti & de ceteris, quibus Scripturæ locum asserunt. Hinc comparatio hæc, Ut Episcopi particulares sunt summi Oeconomi in suis Ecclesiis, ita esse Episcopum Romanum.



Romanum in Ecclesia universa, non bene instituitur : Nam in comparationis reductione dicendum fuit, ita esse Episcopum Romanum in Romana Ecclesia, non verò Episcopum Romanum in Ecclesia universa, nisi qui & urbis Episcopus est, idem sit & orbis Episcopus : Atque ita non esset nisi unus in Ecclesia universa Episcopus ; Nam si qui est urbis Episcopus, idem sit & orbis Episcopus, ceteri Episcopi tollerentur. Ut alius in urbe Episcopus præter unum non datur, sic & in orbe alius Episcopus præter unum non daretur. Ut in urbe est generalis Romani Episcopi Vicarius, qui Vicegerens dicitur, sic & in orbe unus aut plures essent ejusdem Romani Episcopi Vicarii, qui Vicegerentes dicerentur. Hæc est ingens Bellarmini comparationis fallacia, quæ quidem vitaretur, si diceret : Ut Episcopi particulares sunt summi Oeconomi in suis Ecclesiis, ita esse universalem Episcopum in Ecclesia universa. In disputando quidem fallacia non esset, sed intolerabilis falsitas, quam Gregorius I. perculit & confixit.

Bellarminus pergit : Unde Ambrosius in illud 1. Timoth. 3. Ut scias quomodo te oporteat conversari in domo Dei, &c. Domus Dei, inquit, Ecclesia dicitur, cujus hodie rector est Damasus. Integer locus sic se habet : Sed quia solet aliud placere Deo, cujus providentia ipsi soli cognita est ; Idcirco, ne forte, inquit, tardavero, scribo tibi, ut scias quomodo Ecclesiam ordines, quæ est domus Dei, ut cum totus mundus Dei sit, Ecclesia tamen domus ejus dicitur, cujus hodie rector est Damasus. Quem locum hic Ambrosio tribuit, eidem in libri iv. de amissione gratiæ & statu peccati capite v. adjudicat, cum à se laudata in Epistolas Pauli commentaria alteri tribuenda esse censet. Duodecimus auctor Commentariorum in Epistolas beati Pauli, quæ S. Ambrosio tribuuntur. Is enim ut Ambrosius à viris doctis non esse creditur, ita æqualis sine dubio fuit. Vixit enim tempore Damasi Papæ, ut ipse testatur in Comment. cap. 3. prioris ad Timotheum. Et primum quidem verisimiliter dici posset illud, cujus hodie rector est Damasus, additum fuisse ab iis, qui Commentaria hæc subinde transcripserunt : In commentario videtur penitus redundare. Sed quia non vidi exemplar ullum, in quo verba illa desiderentur, addita fuisse asseveranter dicere non audeo. Commentariorum auctorem esse Hilarium Rom. Ecclesiæ Diaconum eruditi homines putant : Ex quo ille dicere potuit, Domus Dei, seu Ecclesiæ rector est Damasus, Romanam, in qua versabatur, intelligens. Quæ propositio accomodam, non simplicem suppositionem importat, ut alias in Epistola ad Franciscum Bonum observavimus, & modo Scriptorum æqualium & supparium testimonio confirmamus.

Athanasius in Epistola ad Africanos Episcopos : Sufficium quidem scripta Damasi comministri nostri dilecti, & magna Romæ Episcopi. Infra : Scripsimus dilecto Damaso, Episcopo magna Romæ.

Gregorius Nazianzenus, in oratione lxxi. Neque nos hoc nomine accusent, quod Vitalii viri nobilissimi fidem, quam ita postulante beato Damaso Romæ Episcopo, literis consignatam edidit, &c.

Hieronymus in Chronico : Romana Ecclesiæ xxxv. ordinatur Episcopus Damasus. Deinde in Catalogo virorum illustrium : Damasus Romana urbis Episcopus elegans in versibus componendis ingenium habuit. Tum in Epistola xi. ad Geruntiam : Ante annos plurimos cum in chartis Ecclesiasticis juvarem Damasum Romanæ urbis Episcopum, &c. vidi, &c. Postremò in libro ii. Apologia contra Rufinum : Sub nomine ejusdem amici Damasi Romana urbis Episcopi ego petar.

Rufinus in libri ii. hist. capite x. Damasus post Liberium per successionem sacerdotum in urbe Roma suscepit.

Sulpicius Severus, in libro ii. historiæ sacræ : At tum Instantius, Salvianus, & Priscillianus, Romam profecti, ut apud Damasum urbis ea tempestate Episcopum objecta purgarent. Et paullo post : Hi ubi Romam per-

venere, Damaso se purgare cupientes, ne in conspectum quidem ejus admissi sunt. Regressi Mediolanum, aque ad-versantem sibi Ambrosium reperiunt. Tum vertere consilia, ut quia duobus Episcopis, quorum ea tempestate summa auctoritas erat, non illuserant, largiendo & ambiendo capita extorquerent.

Socrates in libri v. hist. Eccles. capite i. Eisdem temporibus Ecclesiæ, quæ est Roma urbis primaria præfuit Damasus, Alexandrina Theophilus, &c.

Theodoretus in libri ii. hist. capite xxii. Inter eos verò, qui istarum literarum auctores erant, principem locum obtinuit Damasus, in Ecclesiæ Romana primatu successor Liberii. In iis verò literis, quæ recitantur postea, ὁ Ρωμαίων ἐπίσκοπος, Romanorum Episcopus dicitur.

Sozomenus in libri vii. hist. capite iv. Eo autem (rescripto) declarabat (Theodosius) se velle, ut universi subditi eam religionem amplecterentur, quam Petrus Apostolorum princeps Romanis ab initio tradidisset, quàmque tunc temporis Damasus Roma, & Petrus Alexandria Episcopus conservarent.

Prosper, in integro Chron. Romana Ecclesiæ xxxv. ordinatur Episcopus Damasus : Et post alia : Romana Ecclesiæ post Damasum Siricius præfuit Episcopus.

Marcellinus Comes in Chronico : Mense Octobri, Damasus Romana Ecclesiæ exceptis Liberio & Felice, xxxv. Episcopus, anno Pontificatus sui xviii. in Domino requievit.

Gennadius Massiliensis Presbyter, in libri de Scriptoribus Ecclesiasticis capite xlii. Quin Hilarium Pictavensem & Damasum urbis Roma Episcopum in eodem libro culpant.

Deinde eadem scribendi ratio in aliis Ecclesiæ Romanæ Episcopis à Patribus observatur. Sic enim Patres scribunt.

Tertullianus in libri de præscriptione hæreticorum capite xxx. Constat illos (Valentinum & Marcionem) neque adeo olim fuisse Antonini fere principatu, & in Catholica primò doctrinam credidisse, apud Ecclesiam Romanensem, sub Episcopatu Eleutherii benedicti.

Cyprianus in Epistola lxi. ad Antonianum : Factus est autem Cornelius Episcopus de Dei & Christi ejus judicio, de Clericorum pene omnium testimonio, de plebis, quæ tunc adfuit, suffragio, & de sacerdotum antiquorum & bonorum virorum collegio, cum nemo ante se factus esset, cum Fabiani locus, id est, cum locus Petri & gradus Cathedra Sacerdotalis vacaret.

Eusebius in Chronico : Petrus Roma Evangelium prædicans xxv. annis ejusdem urbis Episcopus perseverat : Item, Post Petrum primus Romanam Ecclesiam tenuit Linus : Item, Tertius Romana Ecclesiæ Episcopus præfuit Clemens : Item, Romana Ecclesiæ Episcopatum quartus suscepit Evaristus : Et sic de cæteris.

Hilarius in libro contra Constantium : Vertisti deinde usque ad Romam bellum tuum ; eripuisti illinc Episcopum (Liberium.)

Optatus in libro i. contra Parmenianum : Cum consedissent Miltiades Episcopus urbis Roma, & Rheticius, & Maternus, & Marinus, Episcopi Gallicani, &c.

Athanasius, in disputatione prima, contra Arianos : Si igitur scripta ista ab orthodoxis proficisceremur, qualia sunt magni illius & confessoris Hosii, Maximini Gallie, aut ejus successoris, aut Philogonii, & Eustathii, Orientis Episcoporum, aut Julii & Liberii, Romanorum Pontificum. Iterum in Apologia ad Imperatorem Constantium : Ubique jactabatur, Liberium, Romæ Episcopum, & Hispaniarum magnum illum Hosium, &c. in exilium exterminatos esse. Infra : Liberius Romæ Episcopus.

Sardicenis Synodus, nunc Romanum Episcopum, nunc Romanæ Ecclesiæ Episcopum, nunc Coepiscopum nostrum dicit.

Basilius, in Epistola lxi. ad S. Athanasium : Visum est autem mihi consentaneum, ut scribatur Episcopo Romæ, ut quæ hic geruntur, consideret, detque consilium.

Epipha-

Epiphanius, in libri I. contra hæreses capite xxvii. num. vi. Ex horum sæctione Marcellina quedam ad nos venit, quæ Aniceti Romæ Episcopi tempore plerosque labefactavit: Aniceti, inquam, illius, qui Pio aliisque Pontificibus successit. Etenim Romæ primi omnium Petrus & Paulus Apostoli pariter atque Episcopi fuerunt. Infrà: Quamquam vel hac ratione poterunt, viventibus adhuc Apostolis Petro scilicet ac Paulo, Episcopi alii subrogari: Quod iidem illi, prædicandi Evangelii gratiâ, in alias urbes regionisque processionem suscipere; carere autem Episcopo Romæ non posset.

Ambrosius in Epistola lxxviii. ad Theophilum Alexandrinum Episcopum: Sanè referendum arbitramur ad sanctum fratrem nostrum Romanæ Sacerdotem Ecclesiæ, id est, Episcopum.

Joannes Chrysostomus in Epistola I. ad Innocentium I. Innocentio Episcopo Romæ, Joannes in Domino salutem.

19 Hieronymus, in Catalogi virorum illustrium cap. xxv. Clemens, quartus post Petrum Romæ Episcopus, scripsit ex persona Romanæ Ecclesiæ ad Ecclesiæ Corinthiorum. In capite xliiii. Victor xliii. Romanæ urbis Episcopus, &c. In capite lxxviii. Gaius sub Zephyrino Romanæ urbis Episcopo, &c. In capite lxxv. Cornelius Romanæ urbis Episcopus, &c.

Deinde in Epistola viii. ad Demetriadem: Dum es parvula, & sancta ac beata memoria Anastasius Episcopus Romanam regebat Ecclesiæ, &c.

Tum in libro I. Apologiæ contra Ruffinum: Ut Romanæ urbis Pontifex miro eos odio detestetur, meum consilium fuit.

Denique in libro I. Apologiæ contra eundem: Veniam ad Apologiam ejus, in qua sancto Anastasio Romanæ urbis Episcopo satisfacere nititur. Infrà: Clemens Apostolorum discipulus, qui Romanæ Ecclesiæ post Apostolos Episcopus & martyr fuit, libros edidit.

Sulpitius Severus, in libro I. historiæ sacræ: Principes Arianorum, cum post Synodum Sardicensem viderentur à communione secreti, à Julio Romanæ urbis Episcopo veniam poposcerunt. Infrà: Liberius quoque urbis Romæ, & Hilarius Pictavorum Episcopus, dantur exilio.

Augustinus, in libri II. Retractionum capite lxi. Sequuntur libri IV. quos, contra duas Epistolas Pelagianorum, ad Episcopum Romanæ Ecclesiæ Bonifacium, scripsi. Item in capite I. Postquam Pelagiana hæresis cum suis auctoribus, ab Episcopis Ecclesiæ Romanæ, prius Innocentio, deinde Zosimo, cooperantibus Conciliorum Africanorum literis, convicta atque damnata est.

20 Theodoretus, in Epistola cxlii. Leoni Episcopo Romæ.

Prosper, in Chronico, Romanæ Ecclesiæ xxxvii. Episcopatum tenet Anastasius: Romanæ Ecclesiæ xxxviii. præest Episcopus Innocentius: Et sic de aliis.

Gennadius, in Catalogi de Scriptoribus Ecclesiasticis, capite lxxxvi. Victorius, homo natione Aquitanus, calculator Scripturarum scrupulosus, invitatus à sancto Hilario, urbis Romæ Episcopo, composuit Paschalem cursum.

Deinde in capite lxxxi. Xistus, urbis Romæ Episcopus. In capite lxxix. Leo urbis Episcopus. In capite xcvi. Sanctus Papa Gelasius Romanæ urbis Pontifex.

Fulgentius, in libro de quinque quæstionibus: Leo Romanæ præsul Ecclesiæ.

In summa, cum Romanus Pontifex mortem oppetit, locus Petri, & gradus Cathedræ sacerdotalis, Romanæ Ecclesiæ vacare dicitur, sed Catholica Ecclesiæ vacare non dicitur: Romana Ecclesiæ vacante, dicitur, sed Catholica Ecclesiæ vacante, non dicitur: Superfunt alii Episcopi, à quibus Catholica gubernatur Ecclesiæ.

Sic Hilarii Diaconi scribentis intentio æstimanda est ex iis, qui æquales & ætate proximi fuerunt. Romanæ, præterea, Ecclesiæ ea super re traditionem exequens sum in Epistola, quam ad Franciscum Bonum dedi.

Bellarminus pergit: Et Chrysostomus, lib. II. de sacerdotio circa initium, hunc ipsum locum, Quis est fidelis servus, &c. de Petro exponit. Si Bellarminus locum per se ipse legisset, cum non de Petro solo expositum reperisset. Ibi Chrysostomus in eo totus est, ut probet 21 sacerdotium, quo quis insignitur, maximum esse charitatis erga Christum testimonium. Verba sunt: Nam si quoties videmus, servorum pecuniariorumque nostrorum curam à quibusdam suscipi, ex eo studio adversus illa impenso colligimus, ab iis non amari (etiamsi illa ipsa ejusmodi esse soleant, ut pecunia veneant.) Qui neque pecunia, neque alia re ulla, sed morte propria ovile hoc redemerit, suumque proprium sanguinem gregis pretium obtulerit; quanto, quæso, præmio gregis huius Pastores ac Rectores remuneraturum olim credimus? Propterea enim, cum respondisset Discipulus: Tu scis Domine, quod amem te; testemque citasset amoris huius ipsummet, qui amaretur, haud se continuit servator Jesus, sed & amoris quoque indicium adiunxit. Neque enim tum volebat testatum esse, quantum à Petro amaretur, siquidem id multis nobis argumentis constabat. Verum hoc ille tum agebat, ut & Petrum & ceteros nos edoceret, quanta benevolentia ac charitate erga suam ipse Ecclesiæ afficeretur, ut hac ratione & nos quoque ejusdem Ecclesiæ studium curamque toto animo susciperemus. Nam qua de causa filio suo eique unigenito Deus Optimus Maximus usque adeo non parcendum putavit, ut etiam quem unicum haberet, hunc daret? Certè ut qui in ipsius offensionem incurrisset, eos sibi reconciliaret, tum verò peculiarem selectumque sibi populum redderet. Quanam item de causa idem ille sanguinem effudit suum? Certè ut oves eas acquireret, quarum curam tum Petro, tum Petri successoribus committeret. Jure igitur ac merito sic loquebatur Christus: Quisnam fidelis servus & prudens, quem Dominus super familiam suam constituit? 22 Rursus, verba quidem ista hesitantis esse videntur, cum tamen ab eo prolata sint, qui minimè hesitaret. Nam, quemadmodum Petrum dum interrogaret, num ab eo amaretur, interrogabat profecto non ex eo, quod vellet amorem huiusmodi ex Discipuli verbis intelligere, sed quod declarare cuperet, quanam censei deberet nostra erga se charitatis dilectionisque magnitudo: Ita & hic dum ait: Quisnam fidelis servus & prudens? Non hoc ait, quod ei ignotus sit fidelis ac prudens servus, sed quod exprimere velit, tum hoc opus quam rarum sit, tum qua sit functionis huius magnitudo. Contemplare itaque, & præmium quantum: Super omnia, inquit, bona constituit eum. Etiamne nunc nobiscum contendens fraudem istam tibi non bene ac feliciter cecidisse, qui per eam universis Dei Optimi Maximi bonis sis præficiendus, cum præsertim ea agas, quæ cum Petrus ageret, illum Christus auctoritate prædium esse voluit, ac reliquos item Apostolos longè præcellere. Hæc ille: In quibus non discordat à seipso, cum ex professo Matthæi Evangelium ad suis Commentariis illustravit. Christi parabolam ad fideles omnes accommodat, & cum primis ad sacerdotes, quibus dominici gregis cura commissa est. Quamobrem, si ex illa concludatur Romanum Pontificem, simpliciter & absolute esse supra Ecclesiæ universam, & supra Concilium generale, ita ut nullum in terris supra se iudicium agnoscat, concludetur pari modo, sacerdotes omnes, immo & fideles alios simpliciter & absolute esse supra Ecclesiæ universam & supra Concilium generale, Ita ut nullum in terris supra se iudicium agnoscat. Quis ita philosophantem animo æquo ferret? 23 quis nonnisi indignabundus audiret?

Bellarminus pergit: Quod autem æconomus summus sit supra familiam, & ab ea iudicari ac puniri non possit, patet ex hoc eodem loco. Dominus enim ait: Quem constituit Dominus super familiam suam: Et ibidem: Quod si dixerit servus ille in corde suo, moram facit Dominus meus venire, & ceperit percutere servos & ancillas, edere, bibere, & inebriari; Veniet Dominus servi illius in die, qua non sperat, & dividet eum, partemque ejus cum infidelibus ponet. Ubi vides, Dominum servare suo iudicio servum illum, & non committere iudicio familia. Idem etiam



etiam docet usus omnium familiarum: Nulla enim familia est, in qua liceat inferioribus famulis etiam simul congregatis parere vel expellere æconomum, etiamsi pessimus sit: Id enim ad solum dominum familia totius pertinet.

Et primum quidem, Bellarminus abutitur similitudine, qua Christus utitur, & in alienum ab eo, quem Patres exponunt, sensum detorquet. Deinde, Bellarminus nimis probat, ac proinde nihil: Nam probat Dominum suo judicio servare illos omnes, quibus similitudo hæc à sanctis Patribus aptatur. Quid autem fingi potest absurdius? Ut cætera prætermittam, Episcopum, cujuscumque Sedis fuerit, Dominus suo servaret judicio, nec committeret judicio familiæ.

Tum, etiamsi dispensator, æconomus, & paterfamilias à familia sua judicari non possit, non tamen sequitur, eum judicari non posse à multis dispensatoribus, æconomis, & patribusfamilias, qui in unum congregantur: Dispensatores, æconomi, & patresfamilias in unum congregati non essent famuli illius dispensatoris, æconomi, & patrisfamilias, qui judicaretur, puniretur, & de officio deturbaretur.

Denique, antistites in unum coacti, non sunt Romani Pontificis famuli, à quibus ille, si causa subsistit, judicetur: Et cum Bellarminus hoc insinuat, de Romano Pontifice malè meretur. Romanus enim Pontifex Episcopos non appellat famulos suos, sed fratres, Coepiscopos, & confacerdotes. Immo tantum abest, ut Romanus Pontifex cæteros Pontifices appellet famulos suos, ut Christianorum neminem famulum appellet suum. Fideles laicos omnes habet ut filios, & eos hoc nomine compellat. Quæ cum ita sint, Bellarmini argumentatio, non litigiosa tantum, sed & pseudographi syllogismi naturam sortitur. Ex principiis Hierarchiæ & Ecclesiasticæ disciplinæ perperam intellectis procedit. Ad has fraudes & fallacias qui descendit, is se profecto declarat extremâ fortunâ configere, & rebus jam desperatis ac perditis experiri ineptissima quæque velle atque ultima. In summa, Romanus Episcopus judicari non potest ab Ecclesiæ Romanæ Presbyteris & Diaconis, qui omnes sunt illius filii; sed judicari potest à Concilio Episcoporum, quia Episcopi non sunt illius filii, sed fratres, sed coepiscopi, sed confacerdotes: Et si ab Episcopis, qui sunt illius fratres, coepiscopi, & confacerdotes, judicari non posset, nullus Episcopus ab aliis Episcopis judicari posset, quia Episcopi omnes sunt fratres, coepiscopi, & confacerdotes. Unde Cyprianus ait: *Episcopatus unus est, multorum*

25 *Episcoporum concordia numerositate diffusus. Item: Episcopatus unus est, cujus à singulis in solidum pars tenetur. Quod Symmachus Papa singulari prorsus similitudine sic exprimit: Ad Trinitatis instar, cujus una est atque individua potestas, unum est per diversos Antistites sacerdotium.*

Augustinus Romani Episcopatus partem à reliquis partibus, quæ ab unoquoque Episcopo in solidum tenentur, ita distinguit in libri 1. contra duas Epistolas Pelagianorum capite 1. Cum verò non desinant fremere ad Dominici gregis causas, atque, ad diripiendas tanto pretio redemptas oves, aditus undecunque rimari, communisque sit omnibus nobis, qui fungimur Episcopatus officio, quamvis ipse in eo præemineas celsiore fastigio specula pastoralis, facio, quod possum pro mei particula muneris. Scilicet in officio Episcopatus, qui omnibus omnino Episcopis communis est, unusquisque Episcopus pastorem speculam tenet; sed Romanus in speculæ pastoralis loco editore collocatur, non ut causæ fidelium indormiat, sed ut ad Dominici gregis causas, & ad sacrorum Canonum, qui sunt firmamenta Ecclesiæ, custodiam latius advigilet ac facilius.

Huc spectabat Gelasius I. cum in Epistola XIII. ad Episcopos Dardaniæ scripsit: *Quibus convenienter ex paterna traditione perpensis, confidimus, quod nullus jam veraciter Christianus ignoret, uniuscujusque Synodi consensum, quod universalis Ecclesiæ probavit assensum, non*

aliquam magis exequi sedem præ cæteris oportere, quam primam, quæ & unamquamque Synodum sua auctoritate confirmat, & continuata moderatione custodit, pro suo scilicet principatu, quem beatus Petrus Apostolus Domini voce perceptum, Ecclesiæ nihilominus subsequente, & tenuit semper, & retinet. Quamobrem pastoralis speculæ locus editor Romanum longè magis, quam alium ullum Pontificem Conciliis & Canonibus subijcit: Tantum abest, ut ab illorum observatione & subjectione liberet.

II. In secundo Scripturæ loco non immorabimur diutius: Quia illum jam aliud agentes expeditimus. Hunc ut Bellarminus cum primo conjunxit, ita & nos cum primi expositione & intelligentia conjunximus, & ostendimus Bellarminum in loci hujus usu bis peccasse: Primum, quod Commentarium in Epistolas beati Pauli Ambrosio perperam tribuat: Deinde quod ex eo malè philosophetur. Id autem ostendimus, adductis in medium æqualium & supparium Damaso Patrum testimoniis, quæ rem in oculis omnium desigunt. Notanda est illa ætas integra & matura, de cujus auctoritate contra nonnullas recentium Curia adulatorum novitates præscribitur. Quocirca non immerito Pius II. in Epistola CCCLXXIV. ad Carolum VII. Gallia Regem petit, *Ut Doctoribus Sedis Apostolica semper non credat, & multa illorum passionibus tribuat.*

III. Nunc videndum est, quomodo Patres tertium Scripturæ locum intellexerint. Incipiam ab ipsomet beato Petro, qui quæ Christus sibi dixit in Joannis capite XXI. interpretari videtur in Epistolæ 1. capite V. *Seniores ergo, qui in vobis sunt, obsecro, confessor & testis passionum Christi, qui & ejus, quæ in futuro revelanda est, gloriæ communicator, pascite qui in vobis est gregem Dei, providentes non coacte, sed spontaneè secundum Deum, neque turpis lucris gratia, sed voluntariè.* Sic quæ Christus Petro dixit, in persona Apostolorum omnium seu Ecclesiæ dixit.

Romanus Clerus sic quoque interpretatur, dum ad Carthaginiensem Clerum scribit, eumque officii sui admonet & instruit, quid circa lapsos, absente propter persecutionem Cypriano, fieri oporteat: *Didicimus, inquit, secessisse benedictum Papam Cyprianum, à Clementio Subdiacono, qui à vobis ad nos venit certa ex causa. Quod utique rectè fecerit, propterea quod cum sit persona insignis, & imminente agone, quem permisit Deus in saeculo, colluctandi causa cum adversario. Et quibuscumque interpositis: Et cum incumbat nobis, qui videmur prapropositi esse & vice Pastoris custodire gregem, si negligentes inveniamur, dicetur nobis, quod & antecessoribus nostris dictum est, qui tam negligentes prapropositi erant. Et quibuscumque interjectis: Denique & ipse Dominus implens, quæ erant scripta in lege & Prophetis, docet, dicens: Ego sum Pastor bonus, qui pono animam meam pro ovibus meis: Mercenarius autem, & cujus non sunt oves propriæ, cum viderit lupum venientem, relinquens effugit, & lupus dispergit oves. Sed & Simoni sic dicit: Diligis me? Respondit: Diligo: Ait ei, pascere oves meas. Hoc verbum factum ex actu ipso, quo cessit, cognoscimus, & ceteri Discipuli similiter fecerunt. Nolumus ergo, Fratres dilectissimi, vos mercenarios invenire, sed bonos Pastores; cum sciatis, tum non minimum periculum incumbere, si non hortati fueritis fratres nostros stare in fide immobiles, ne præceps iens ad idololatriam funditus eradicetur Fraternitas. Tunc Fabianus è vita excefferat, & Cyprianus secesserat; ac proinde Sedes utraque vacabat, Romana & Carthaginienfis. In duobus locis illis, Clerus Ecclesiæ suæ curam susceperat, & eam Romanus in hac Epistola & sibi & Carthaginienfi vindicat, quæ de pascendis ovibus in Evangelio traditur.*

Ambrosius, in libri de dignitate Sacerdotali cap. 11. Sic certè à Domino ad beatum Petrum dicitur: *Petre, amas me? Et ille, tu scis, quia amo te: Et cum tertio fuisset interrogatus, & trina responsione fuisset subsecutus, repetitum est à Domino tertio, pascere oves meas.*

oves

oves & gregem non solum tunc beatus suscepit Petrus, sed & nobiscum eas suscepit, & cum illo eas nos suscepimus omnes. Sic quod Christus dixit Petro, in Petro Episcopis dixit omnibus.

Joannes Chrysostomus, tribus in locis: Et primum quidem in libro II. de Sacerdotio, ubi Basilio, quem velut in dialogum assumit, persuasurus, ut Episcopatum susceperet, Joannis locum hunc adducens, Tum ostensurum, inquit, Basilium eximiam suam dilectionem in Christum, si pascat ejus gregem, cum scriptum sit, Si diligis me, pascere oves meas.

Deinde, in Homilia LXIX. super Matthæi caput XXIV. Amas me, Petre (inquit) pascere oves meas: Cum tertio ipsum interrogasset, hoc amoris esse argumentum confirmavit. Quod non ad sacerdotes solummodo dictum est, verumetiam ad singulos nostrum, quibus vel minimus grex commissus esse videtur: Nec enim quia minimus est, negligi debet. Pater namque meus complacuit in ipsis: Habet unusquisque ovem: Ad pinguiam eam pascua ducat.

29 Denique, in Homilia XXXI. de beato Philogonio Episcopo: Quantum autem sit pietatis argumentum, quod Deus illum tanto magistratu dignum indicavit, audi, Christus excitatus à mortuis quid dicat Petro, Petre amas me? Isque respondisset: Tu, Domine, scis, quod amo te: Si diligis me, pascere oves meas. Sic quod Christus Petro, in persona Petri sacerdotibus primi & secundi ordinis dixit. Ex his autem tribus locis id facile intelligitur, quod in Hom. LXXXVII. super Joannem ita scribit: Cum magna Christus Petro communicasset, orbis terrarum curam demandasset: Deinde in Homilia LXXX. ad populum Antiochenum; Ei per totum orbem terrarum Ecclesie presidentiam contulit: Denique in Homilia VI. adversus Judæos; Adeo abluit illam abnegationem, ut etiam primus Apostolorum fuerit factus, eique totus terrarum orbis commissus fuerit. Sustinebat Petrus Ecclesie personam, cum quæ Petro Christus dixit, Chrysostomus ad Basilium, ad Philogonium, ad sacerdotes illos omnes, & ad sacerdotum singulos, quibus vel minimus grex committitur, pertinere dicat.

Quod & modo beatus confirmabit Augustinus. Et primum quidem, in libri de agone Christiano capite XXX. Nusquam enim tam vigere debent viscera misericordie, quam in Catholica Ecclesia, ut tanquam vera mater, nec peccantibus filiis superbe insultet, nec correctis difficile ignoscat. Non enim sine causa inter omnes Apostolos hujus Ecclesie Catholica personam sustinet Petrus: Huic enim Ecclesie claves regni calorum data sunt, cum Petro data sunt; & cum ei dicitur, ad omnes dicitur: Amas me, pascere oves meas. Debet ergo Ecclesia Catholica correctis & pietate formatis filiis libenter ignoscere, cum ipsi Petro personam ejus gestanti, & cum in mari titubasset, & cum Dominum carnaliter à passione revocasset, & cum aurem servi gladio praeidisset, & cum ipsum Dominum ter negasset, & cum in simulationem postea superstitiosam lapsus esset, videamus veniam esse concessam, cumque correctum atque firmatum usque ad Dominica passionis gloriam pervenisse.

Deinde, in tractatu XLVII. super beati Joannis Evangelium: Quomodo ipse animam suam pro nobis posuit; sic & nos debemus (ad edificandam plebem, ad asserendam fidem) animas pro fratribus ponere. Ideo Petro, quem facere volebat Pastorem bonum, non in ipso Petro, sed in corpore suo, ait; Petre, amas me? Pascere oves meas: Hoc semel, hoc iterum, hoc tertio usque ad ejus tristitiam. Et cum tantum interrogasset Dominus, quantum interrogandum esse judicavit, ut ter confiteretur, qui ter negaverat, & ei suas oves pascendas tertio commendasset, ait illi: Cum junior esses, cingebas te, & ambulabas ubi volebas; cum autem senueris, extendes manus tuas, & alius te cingat, & ducet, quod tu non vis. Et exposuit Evangelista, quid Dominus dixerit: Hoc autem dixit significans, qua morte clarificaturus esset Deum. Ad hoc ergo pertinet, pascere oves meas, ut ponas animam tuam pro ovibus meis. Et post alia: Tenete ergo, quomodo

Dominus Jesus Christus & ostium sit & Pastor: Ostium pandendo se, pastor intrando per se. Et quidem, Fratres, quid Pastor est, dedit & membris suis. Nam & Petrus Pastor, & Paulus Pastor, & ceteri Apostoli Pastores, & boni Episcopi Pastores. Ostium vero nemo nostrum se dicit: Hoc sibi ipse proprium tenuit, quæ intrent oves. Denique Paulus Apostolus boni Pastoris implebat officium, quando Christum predicabat, quia per ostium intrabat.

Tum in sermone XLIX. de verbis Domini super Joannem cap. III. Cum ergo nunc loqueretur, dixit, se esse Pastorem, dixit, se esse januam. Utrumque ibi habes: Et ego sum janua & ego sum Pastor. Janua est in capite, Pastor in corpore: Dicit enim Petro, in quo uno format Ecclesiam: Petre amas me? Respondit, Domine, amo: Pascere oves meas.

Denique, in Psalmum CVIII. sic omnia concludit: Sicut enim quadam dicuntur, quæ ad Apostolum Petrum proprie pertinere videantur, nec tamen habent intellectum illustrem, nisi cum referuntur ad Ecclesiam, cujus ille agnoscitur in figura gestasse personam propter primatum, quem in Discipulis habuit: Sicut est, Tibi dabo claves regni calorum, & si quæ hujusmodi: Ita Judas personam quodammodo sustinet inimicorum Christi Judæorum, qui & tunc oderant Christum, & nunc per successionem perseverante genere ipsius impietatis oderunt. Ut ergo Petrus, quando ei dictum est, Tibi dabo claves, in figura personam gestabat Ecclesia, sic & quando ei dictum est, Pascere oves meas, Ecclesia quoque personam in figura gestabat.

Mappinius tertius à sancto Remigio Remensis Episcopus, in priori ad Villicum Papam Epistola: Licet sancto Petro hoc à Domino dictum legamus, Pascere oves meas, sed ad cunctos, qui sacerdotale funguntur officium, pertinet præsens sententia: sub finem Tomi I. Historiæ Francorum.

Petrus, qui ex Cellensi, & postea ex S. Remigii Rem. 32 Abbat factus est Carnotensis Episcopus, in libri I. Epistola VII. ad Hugonem Senonensem Archiepiscopum: Quare non attenditis, quid pro officio, quid pro sponse, quid pro dilectione summi Pastoris ovibus, magnus Pastor, debetis? Certè defensionem, certè instructionem, certè sollicitudinem. Sed qualem vel quantam? Sine dubio, quantam Christus, qualem Petrus. Christus enim diligit usque ad mortem: Pascit Petrus secundum triplicem passionem: Verbis namque, exemplis, & miraculis pavit animas fideles Petrus. Non omnino cuilibet Pastori impossibile est, pabulum divini verbi ovibus sua cure apponere, exempla bona demonstrare: Sed grave valde est, miracula antiquorum resuscitare. Quod si supra homines hujus temporis sit patrare miraculum, sufficit nobis fidele propugnaculum. Vobis siquidem in Petro dictum est, Pascere agnos meos, sana scilicet doctrina: Vobis rursum dictum est, confirma fratres tuos, bono utique exemplo. Nihilominus claves regni calorum tenetis, ut hædos excludatis, & agnos admittatis.

Petrus Bleiensis, in Sermonem XLIV. Pascere oves meas: Ac si diceret ei Dominus; Pascere Eucharistia, pascere doctrina, pascere bona vita. Quod autem dictum est Petro, & Apostolis omnibus dictum est, & vobis eorum Vicariis & successoribus.

Ecclesie Præfatio, quæ ut in Petri, sic & in cæterorum Apostolorum festo legitur: Aeternæ Deus, te Domine suppliciter exorare, ut gregem tuum, Pastor æternæ, non deseras, sed per beatos Apostolos tuos continua protectione custodias, ut iisdem rectoribus gubernetur, quos operis tui Vicarios contulisti præesse Pastores.

Denique, Leo primus locum huic nostro haud inopportunum sermoni habere potest; non quod ille Joannis auctoritatem exposuerit, sed quod exponendo testimonium Matthæi capitis XVI. ea protulerit, quæ Joannis auctoritati conveniunt. Leonis igitur verba sunt è Sermonem III. in anniversario die assumptionis ad Pontificatum: Transiit quidem etiam in alios Apostolos vis potestatis istius, & ad omnes Ecclesia principes



decreti hujus constitutio committitur: Sed non frustra uni commendatur, quod omnibus intimatur. Petro enim ideo hoc singulariter creditur, quia cunctis Ecclesia rectoribus Petri forma praeponitur.

Hæc est Sanctorum Patrum expositio, quæ Bellarmini sententiæ nec favet, nec favere potest, cum nullus sit, qui ex hoc Scripturæ loco, non dicam, colligat, sed vel leviter insinuet, Romanum Pontificem simpliciter & absolute esse supra Ecclesiam universam & supra Concilium generale, ita ut nullum in terris supra se iudicium agnoscat. Dubium igitur nullum est, quin Scripturæ locum aliter ac Patres acceperit, & Tridentinæ Synodi Decretum neglexerit, & Ecclesiasticam regulam contempserit.

Deinde, constituta Sanctorum Patrum expositione, tam erit facile, unumquemque alium Episcopum, quam Romanum supra Ecclesiam universam esse & generalem Synodum colligere: Quo nihil est absurdius.

Nunc verò, utrum Dialecticæ leges melius servaverit, expendendum est. Sic autem ille argumentatur: *Nomen Christi est Pastor, Joannis x. Ego sum Pastor bonus, &c. Idem communicat Petro, Joannis ultimo, Pasce oves meas. Constat autem, Pastorem ita præesse ovibus, ut nullo modo ab eis judicari possit.*

Et prima quidem est fallacia, cum Bellarminus sibi fumit, Pastoris nomen ut Christo, sic & Petro convenire: Quod à veritate prorsus abhorret. Christus Pastor est ovium, quas redemit & suo sibi sanguine comparavit. At Petrus non est Pastor ovium, quas redemerit, & suo sibi sanguine acquisierit.

Altera fallacia, cum ille supponit, Christum Pastoris nomen soli Petro dedisse, quod relatis antè Patribus repugnat: Deinde, Romanis Pontificibus adversatur, qui sic loquuntur.

Innocentius I. in Epistola ad Alexandrum Episcopum, de Antiochena Ecclesia: *Unde advertimus, non tam pro civitatis magnificentia, hoc eidem attributum, quam quod prima primi Apostoli Sedes esse monstratur.*

Leo I. Romanæ Ecclesiæ honorem primum, dignitatem primam, sedem primam vindicat necessariò, cum Alexandrinæ honorem secundum, dignitatem secundam, sedem secundam; cum Antiochenæ honorem tertium, dignitatem tertiam, sedem tertiam, omni conatu asserit. Et primum quidem in Epistolæ LIII. ad Anatolium capite II. *Doleo etiam in hoc Dilectionem tuam esse prolapsam, ut sacratissimas Nicanorum Canonum constitutiones conarcris infringere, tanquam opportune se tibi hoc tempus obrulerit, quo secundi honoris privilegium Sedes Alexandrina perdidit, & Antiochena Ecclesia proprietatem tertiæ dignitatis amiserit, ut his locis juri tuo subditis omnes Metropolitanæ Episcopi proprio honore priventur.* Deinde in Epistolæ LXII. ad Maximum Antiochenum capite III. *Dignum est enim te Apostolica Sedes in hac sollicitudine consortem, & ad augendam fiduciam privilegia tertiæ Sedis agnoscere, ut &c.*

Gelasius I. in Epistola XII. ad Episcopos Dardaniæ: *Quibus ex paterna traditione perpensis, confidimus, quod nullus jam veraciter Christianus ignoret, uniuscujusque Synodi constitutum, quod universalis Ecclesia probavit assensus, non aliquam magis exequi Sedem præ cæteris oportere, quam primam. Infra, prima Sedes, dicitur sexies: Secunda Sedes, semel atque iterum.*

Pius II. in Epistola CCCLXXV. ad Carolum VII. Regem Galliarum; in Epistola CCCLXXXIII. ad Fredericum Comitem Palatinum; in Epistola CCCXCVI. ad Mahometem Turcorum Principem, Romanam Sedem, Primam Sedem appellat. Ut igitur Alexandrinus Episcopus ovium secundæ Sedis, & Antiochenus ovium tertiæ Sedis Pastor dicitur, sic & Romanus ovium primæ Sedis Pastor dicendus est.

Gregorius I. in libri IV. Epistola XXXVIII. ad Joannem Constantinopolitanum Episcopum: *Petrus A-*

postolus primum membrum sanctæ & universalis Ecclesiæ est. Ut primum membrum, ita & primus Pastor sanctæ & universalis Ecclesiæ est.

Hadrianus I. in Epistola ad Episcopos Hispaniæ, quam Francofordiensi Synodus approbavit: *Quid præstabilius, quidve clarius, & omni religione devotius, quam beati Petri primi Pastoris Ecclesiæ felici confessione prolata fidei tenere fundamentum? Hadrianum imitantur Concilia duo, Moguntiacum & Aquisgranense: Illud in Præfatione: Secundum dictum Petri primi Pastoris Ecclesiæ: Hoc in capite XIII. Unde bene primus Pastor Ecclesiæ Pastores omnes admonet dicens, Parati semper estote. Hæc omnia nisi Bellarminus dissimularet, relatum argumentum omitteret, in quo Romanum Pontificem non primum Ecclesiæ universæ sed unum esse Pastorem fallaciter, & contra Romanæ Ecclesiæ traditionem supponit. Quo enim modo Romanum Pontificem Cleri populique Romani Pastorem, eodem & Episcoporum totius orbis Pastorem facit. At Romanus Pontifex Clerum populūque Romanum filios, & totius orbis Episcopos, confacerdotes, coepiscopos, & fratres appellat. Hinc Leo in Epistola XLVII. ad Calchedonensem Synodum ita scribit: *In his fratribus Paschasino & Lucentio Episcopis, Bonifacio & Basilio presbyteris, qui ab Apostolica Sede directi sunt, me Synodo vestra Fraternitas existimet præsidere. Vestra, inquit, Fraternitas, non Filiatio. Quamvis igitur Romanus Episcopus à Concilio filiorum judicari non possit, haud tamen sequitur à Concilio fratrum judicare non posse, si legitima causa subsistat. Judicaretur utique à fratre Concilio, quia per culpam, ut assumimus, Concilio fratrum subiceretur, ut Episcopi alioquin æquales inter se per culpam subijciuntur fratre Concilio. Quidquid id est, Gregorius I. in libri VII. Indict. II. Epistola LXV. ad Joannem Syracusanum Episcopum nobis sic objicit: *Nam quod se dicit (Byzacensæ provincie Episcopus) Sedi Apostolica subijci, si qua culpa in Episcopis invenitur, nescio quis ei Episcopus subiectus non sit. Cum verò culpa non exigit, omnes secundum rationem humilitatis æquales sunt.***

IV. & V. Superfunt Epistolæ ad Ephesios loca duo; quæ quia scopum eundem attinent, in eadem Patrum expositione conjunguntur.

Tertullianus, in libri V. contra Marcionem capite XVIII. *Ceterum mulieres viris subiectas esse debere, unde confirmat? Quia vir, inquit, caput est mulieris. Dic mihi, Marcion, de opere creatoris Deus tuus legi suæ adstruit auctoritatem? Hoc jam plane minus est, cum & ipsi Christo suo & Ecclesiæ ejus inde statum sumit, sicut & Christus caput esse Ecclesiæ. Similiter & cum dicit, Carnem suam diligit; sicut & Christus Ecclesiam: Vides comparari operi creatoris Christum tuum, & Ecclesiam tuam. Quantum honoris carni datur in Ecclesiæ nomine? Nam, inquit, carnem suam odio habet, nisi plane Marcion solus: Sed & nutrit & fovet eam, sicut & Christus Ecclesiam: Ac tu solus eam odisti auferens illi resurrectionem. Odisse debebis & Ecclesiam, quia proinde diligitur à Christo. Atenim Christus amavit & carnem, sicut Ecclesiam. Nemo non diligit imaginem quoque sponsæ; immo & servabit illam, & honorabit, & coronabit. Deinde in libri de fuga in persecutione capite XII. *Sanguine empti, sanguine munerati, nullum nummum pro capite debemus, quia caput nostrum Christus est: Non decet Christum pecunia constare.**

Cyprianus, in Epistola LXXIV. ad Pompeium: *Ecclesiæ est sola, quæ Christo conjuncta & adunata filios spiritualiter generat: Eodem Apostolo rursus dicente, Christus dilexit Ecclesiam, & seipsum tradidit pro ea, ut eam sanctificaret, purgans eam lavacro aquæ. Iterum, in Epistola LXXVI. ad Magnum: Sed & Paulus Apostolus, hoc idem adhuc apertius & clarius manifestans, ad Ephesios scribit, & dicit: Christus dilexit Ecclesiam, & seipsum tradidit pro ea, ut eam sanctificaret, purgans eam lavacro vite. Quod si una est Ecclesiæ, quæ à Christo diligitur,*

& lavacro ejus sola purgatur, quomodo qui in Ecclesia non est, aut diligi à Christo, aut ablui & purgari lavacro ejus potest?

Hilarius, Romanæ Ecclesiæ Diaconus, inter Ambrosii opera, in caput iv. Epistolæ ad Ephesios: Hanc dico esse veritatem, ut amorem Christi respicientes, quo dilexit nos, & tradidit se pro nobis, omnia subiciamus ei, scientes, quia omnium auctor est vite, ut quasi capiti membra subdantur; ut si alii errore vel malevolentia non fatentur omnia caput habere Christum, quia ab ipso facta sunt voluntate Patris, nos tamen qui Catholica fidei adheremus, hoc omni devotione & cura agere debemus, ut huic fidei non damnum, sed lucrum asseramus, perseverantes in hac asseveratione, ut comprimentur prave mentis colloquia, adversus veritatem armata.

Deinde, in caput v. A Christo Ecclesia sumpsit initium, unde subiecta est illi. In eo enim diximus esse membra ejus (Christi) quia caput est ipse totius Ecclesiæ, ut quia per ipsum esse cepimus, caput nostrum dicatur, quasi ex quo omne corpus subsistat, ut membra ejus omnis spiritalis creatura sit, si tamen in nomine ejus genu flectat.

Ioannes Chrysostomus, in caput v. Epistolæ ad Ephesios: Vir, inquam, est caput mulieris, sicut Christus caput est Ecclesiæ, & ipse est salvator corporis: Sed sicut Ecclesia subiecta est Christo, ita & mulieres viris suis in omnibus. Deinde vir, inquit, caput est mulieris, sicut & Christus Ecclesiæ, & ipse est salvator corporis. Caput enim est salvi corporis: Jam marito & uxori jecit tantamquam fundamentum, charitatem & providentiam, unicuique locum tribuens convenientem, marito quidem principatus & providentia, uxoris vero subjectionis. Sicut ergo Ecclesiæ subiecta est Christo: Quid est Ecclesiæ? Viri & mulieres: Ita etiam mulieres subiectæ sint maritis, sicut Deo. Viri, diligite uxores vestras, sicut Christus dilexit Ecclesiæ. Audivisti summam dilectionem, & cetera hujusmodi.

Hieronimus, in caput iv. Epistolæ ad Ephesios: Quia igitur adversariorum verba atque rationes, quibus veritatem evertere nitentur, videbat non facile posse superari, & omni calliditate plenas, Dialecticæ quodque, immo Diaboli arte contextas, sperabat Dei auxilium, ut omnem deliberationem de mente sua propelleret, & certè atque defixè absque ulla molestia crederet veritati, & auget eam in dilectione Christi, quem sciebat & sui & totius Ecclesiæ corporis caput.

Deinde in caput v. ejusdem Epistolæ: Quomodo itaque Christo subiecta est Ecclesiæ, sic subiecta sit uxor viro suo. Quem enim habet principatum & subjectionem Christus & Ecclesiæ, huic eidem ordini maritus & uxor astringitur. Sed videndum, ut quomodo in Christo, & in Ecclesiæ sancta conjunctio est, ita & in viro & in muliere sancta sit copula. Sicut autem non omnis congregatio hereticorum Christi Ecclesiæ dici potest, nec caput eorum Christus est: Sic non omne matrimonium, quod non viro suo secundum Christi præcepta coniungitur, ritè conjugium appellari potest; sed magis adulterium. Infra: Quidam autem hunc locum secundum anagogen ita interpretantur, ut dicant uxorem in corpore, virum accipi in animo: Et sicut Christo subiecta est Ecclesiæ, corpora subijci debere sensui, & in unum Spiritum redigi, si Domino fuerint copulata.

Theodoretus, in caput iv. Epistolæ ad Ephesios: Hoc etiam dixit in Epistola ad Romanos: Caritas sine emulatione, & in Epistola ad Corinthios: In caritate non fita. Ita etiam hic jubet veram habere caritatem, & per eam augere divitias virtutis in ipso Domino: Omnis enim, inquit, palmet in me non ferens fructum, tollitur, & in ignem mittitur. Et quoniam eum rursus caput nominavit, ostendit, quod bona à capite suppedientur.

Deinde, in caput v. ejusdem Epistolæ: Domini curam imitamini, & quam ipse ostendit in Ecclesiæ, eandem vos de conjugibus gerite. Christus enim Dominus pro sua sponsa nec mori recusavit, ut eam emundaret, & claram redderet, ei que vetus senium abradere, ab omni que ma-

cula liberam efficeret. Oportet ergo vos quoque in illas eandem habere benevolentiam, & tanquam propriorum corporum curam gerere.

Fulgentius, in libri i. ad Trasamundum capite x. Inaniter autem animæ charitatem custodiri mandat Apostolus, si hujus primitias conjunctionis in se non habuit homo à Deo susceptus, præsertim cum caput & corpus, Christum Ecclesiæque, Doctor gentium prædicare non cesset, dicens, Secundum operationem potentie virtutis ejus, quam operatus est in Christo Jesu. Et quibusdam interpolitis: Alio quoque loco dicitur: Vir caput est mulieris, sicut Christus caput est Ecclesiæ, ipse salvator corporis.

Hæc est Sanctorum Patrum expositio, quæ Bellarmini sententiæ nec favet, nec favere potest, cum nullus sit, qui ex his Scripturæ locis, non dicam colligat, sed vel leviter insinuet, Romanum Pontificem simpliciter & absolute esse supra Ecclesiæ universam & supra Concilium generale, ita ut nullum in terris supra se iudicium agnoscat. Dubium igitur nullum est, quin Scripturæ loca hæc aliter ac Patres, acceperit, atque Ecclesiasticam regulam contempserit.

Deinde, constitutâ Sanctorum Patrum expositione, tam erit facile, unumquemque alium Episcopum, quam Romanum supra Ecclesiæ universam esse, generalemque Synodum colligere: Quo nihil est absurdius.

Nunc verò, utrum Dialecticæ leges melius servaverit, expendendum est: Sic autem philosophatur. Christi nomen est caput corporis Ecclesiæ, Ephes. iv. Idem communicat Petro, ut habemus in Concilio Chalcedonensi actione IIII. ubi Legati sententiam pronunciant in Dioscorum, & in Epistola Concilii ad Leonem. Porro caput à membris regi, & non ea potius regere, contra naturam est: Sicut etiam est contra naturam, quod membra sibi caput prædant, cum forte graviter ægrotat.

Et primò quidem, fallit auctor sibi fumens, Romanum Pontificem eo modo caput esse Ecclesiæ, quo Christus ejusdem Ecclesiæ caput in Scripturis dicitur: Et nisi eodem prorsus modo sumat, argumentum quo utitur, diversam suppositionem, ac proinde fallaciam involvit. At Christus per seipsum caput est Ecclesiæ, non Romanus Pontifex. De Christo sic loquitur Optatus Milevitanus in libro III. contra Parmenianum: Inde scriptum est in Esaia Propheta: Ex Sion prodit lex, & verbum Domini de Jerusalem. Non ergo in illo monte Sion Esaias aspiciens vallem, sed in monte sancto, qui est Ecclesiæ, qui per omnem orbem Romanum caput tulit sub toto cælo, in quo à Deo pater filius Dei regem se constitutum esse gratulatur in Psalmo secundo dicens: Quoniam regem constituit me super Sion Montem sanctum suum; utique super Ecclesiæ, cujus Rex & sponsus & caput est. Ecclesiæ, cujus Christus rex, sponsus, & caput est, tribus in locis describit: In libro I. Quid commemorem laicos, qui tunc in Ecclesiæ nulla fuerant dignitate suffulti? Quid ministros plurimos? quid Diaconos in tertio? Quid Presbyteros in secundo sacerdotio constitutos? Ipsi apices & principes omnium aliqui Episcopi. Iterum, in libro II. Certe membra sua habet Ecclesiæ, Episcopos, Presbyteros, Diaconos, ministros, & turbam fidelium. Denique, post pauca: Sunt quatuor genera capitum in Ecclesiæ, Episcoporum, Presbyterorum, Diaconorum, & Fidelium.

Gregorius I. rem istam breviter definit in libri iv. Epistola xxxviii. ad Joannem Constantinopolitanum Episcopum: Certe Petrus Apostolus primum membrum sanctæ & universalis Ecclesiæ est: Paulus, Andreas, Joannes, quid aliud, quam singularium sunt plebium capita? Et tamen sub uno capite (Christo) omnes membra sunt Ecclesiæ. Atque ut cuncta brevi cingulo locutionis adstringam, sancti ante legem, sancti sub lege, sancti sub gratia; omnes hi perficientes corpus Domini, in membris sunt Ecclesiæ constitui. Deinde, in libri xii. Epistola xxxi. ad Felicem Messanæ Episcopum: Caput

nost-



nostrum, quod est Christus, ad hoc sua membra nos esse voluit, ut per eum largam charitatis & fidei compagem, 43 unum nos in se corpus efficeret, cui ita nos adherere convenit, ut quia sine ipso nihil esse possumus, per ipsum possumus esse, quod dicimur. Ab arce capitis res nulla nos dividat, ne ab eo, si membrum esse refugimus, relinquamur, & veluti deserti de vite palmites arescamus. Idem est revera in Christo, in Petro, & aliis Apostolis nomen capitis, sed non est eadem in Christo, in Petro, & Apostolis nominis hujus ratio: Et eam ob causam fallax est Bellarmini argumentum, quod eandem capitatis rationem sibi vindicat.

Deinde, si in Christo & Petro idem sit capitis nomen & ratio, Gregorii verba Christo tribuentur, & dicetur postea Christum esse primum membrum sanctæ & universalis Ecclesiæ sub eodem capite Christo. Dicitur quidem, sed ab eo tantum, qui se omnibus deridendum propinare & theatris totis explodendum offerre voluerit.

Julius II. omnia concludit in sacramento, quo electus in Summum Pontificem se obstrinxit: Ego Julius II, electus in Summum Pontificem, præmissa omnia & singula, promitto, juro, & voveo observare & adimplere in omnibus & per omnia pure & simpliciter & bona fide, realiter & cum effectu, & sub pœna perjurii & anathematis, à quibus nec meipsum absolvam, nec alicui absolutionem committam. Inter præmissa sunt capita duo, generale Concilium congregare intra biennium, & reformare Ecclesiam in capite & in membris. Apud Odoricum Raynaldum in Tom. x. Annal. Eccles. Si eadem esset in Christo & Romano Pontifice capitis ratio, in capite Christo & membris reformanda esset Ecclesia; quod impietatem & scelus nefarium importat. Hic Bellarmini argumento quid fiet? Ad hæc si auctore

44 Julio II. reformanda est in capite & in membris Ecclesia, utique per generale Concilium, quod ille congregaturum se promittit, reformabitur: Atque ita caput illud generali subjiçietur Concilio.

Joannes VIII. ante Julium II. in Epistola cxcix. ad Basilium & Imperatores alios scribit: Totius familia Domini status & ordo nutabit, si quod requiritur in corpore, non sit in capite; & inde fiet ut omnis Ecclesiastica disciplina resolvatur, omnis ordo turbetur. Si ut in Christo & Romano Pontifice capitis nomen idem est, ita & eadem capitis notio, licebit Joannis VIII. comparisonem transferre in Christum: Sed quis sine crimine ingenti transferet?

Sixtus III. ante Joannem VIII. in Epistola ad Episcopos per Illyricum consistentes scribit: Ut omne corpus capite regitur, ita ipsum caput, nisi suo corpore sustentetur, firmitatem & vigorem suum perdit, & non tenet, quam habuerat dignitatem. Si in Christo & Rom. Pontifice sit idem capitis nomen, sit eadem capitis ratio, poterit quis auctore Bellarmino docere, Christum Ecclesiæ caput, à corpore sustentari, & nisi sustentetur, firmitatem & vigorem suum perdere, & non tenere, quam habuerat dignitatem: Poterit utique si vel prorsus insanierit, vel religionem nostram ejurare, & pro impio duci voluerit. Hæc ægerrimè collegi, quia colligentem me lachryma, luctusque, timorque,

Tardarunt, gelidæque mihi per dura cucurrerunt ossa tremor.

45 Ex his autem liquidò constat, in hoc Bellarmini, ut & in superioribus argumentis, variari terminorum, ut Dialectici loquuntur, appellationem. Qua fraude qui Romani Pontificis dignitatem egere contenderet, ut Bellarminus tacitè contendit, dignitatem hanc non mediocriter labefactat. Nos autem labefactari nolumus, sed potius cupimus fartam tectamque ab omni detrimento conservari, & adversus nationem Doctorum illorum propugnari, de quibus Pius II. in Epistola cccclxxiv. ad Carolum VII. Regem Galliarum ita scribit: Unum à te, charissime fili, petimus, ut Doctoribus

Sedis Apostolica semper non credas, multa illorum passionibus tribuas. Eadem est Doctorum istiusmodi atque Inquisitorum hodierni temporis ratio.

Deinde, cum Bellarminus affirmat in Calchedonensis Concilii actione 111. beatum Petrum vocari caput Ecclesiæ, disputando quidem minimè fallit, sed scribendo leges historiæ contemnit. Nam Leonis Legati id non faciunt, quod ab iis factum esse scribit.

Tum verum est, quod Bellarminus ait de Calchedonensis Synodi Epistola ad Leonem; sed inde non sequitur, Romanum Pontificem simpliciter & absolute esse supra Ecclesiam universam & generale Concilium, ita ut nullum in terris supra se iudicium agnoscat: Et si sequeretur, contra Romanæ Ecclesiæ traditionem sequeretur, quod credibile non est. Pius I. & Romanus Clerus non existimabant, se esse supra Ecclesiæ traditionem, qua Episcopus aliquis excommunicatum hominem sine excommunicantis Episcopi consensu in communionem admittere non poterat: Sic enim illi loquuntur apud Epiphanium in hæresi xlii. Cur me inquit, (Marcion à parente Episcopo excommunicatus) recipere noluitis? Respondere illi: Nos injussu venerandi Patris tui facere illud non possumus: Una siquidem fides & animorum una consensio; neque contra spectatissimum collegam Patrem tuum moliri quidquam possumus.

Julius, in Epistola ad Orientales: Id verè, inquit, ad Synodi & Episcoporum, qui in Synodo fuerunt, contumeliam vergeret, si quæ illi tanto studio & cura velut Deo præsentem egissent, à nobis ut vana futiliaque abrogarentur.

Romanum Concilium, in Epistola 111. ad Gratianum & Valentinianum: Memoratus frater noster Damasus, quoniam in sua causa vestri tenet insigne iudicii, non fiat inferior his, quibus etsi æqualis est munere, prærogativa tamen Apostolica Sedis excellit; ut iudicis publicis videantur esse subiecti, quibus sacerdotale caput lex vestra summovit, in quo post sententiam non videtur declinare iudicium, sed delatam à vobis honorificentiam flagitare. Nam quod ad leges publicas pertinet, quæ potest esse vita munitior, quam vestra clementia, qua innititur, iudicata? Quod verò ad prædicandam Episcopi conscientiam SEVERIORIBUS SE DEDIT IPSE JUDICIIS SACERDOTUM, A QUIBUS NON NOMINIS, SED ETIAM MORUM RATIO PENSATUR: Nequis iterum calumniator existens, dum memoratum conatur appetere, virum quidem ipsum non queat ledere, quem innocentia sua munit, religioni tamen fiat injuria in vexatione ministrorum: Accipite aliud quoque, quod vir sanctus vestra 47 magis conferre pietati, quam sibi præstare desiderat, nec derogare cuiquam, sed principibus adrogare. QUONIAM NON NOVUM ALIQUID PETIT, SED SEQUITUR EXEMPLA MAJORUM: UT EPISCOPUS ROMANUS, SI CONCILIO EJUS CAUSA NON CREDITUR, APUD CONCILIUM SE IMPERIALE DEFENDAT: NAM ET SILVESTER PAPA A SACRILEGIS ACCUSATUS, APUD PARENTEM VESTRUM CONSTANTINUM CAUSAM PROPRIAM PROSECUTUS EST.

Siricius, in Epistola ad Anysum & cæteros Episcopos per Illyricum constitutos: Accepi literas vestras de Bonoso Episcopo, quibus vel pro veritate vel pro modestia nostram sententiam sciscitari voluistis: Sed cum huiusmodi fuerit Concilii Capuensis iudicium, ut finitimi Bonoso atque ejus accusatoribus iudices tribuerentur, & præcipuè Macedones, qui cum Episcopo Thessalonicensi de ejus factis vel cognoscerent, advertimus, quod nobis iudicandi forma competere non posset. Nam si integrè esset hodie Synodus, rectè de iis, quæ comprehendit vestrorum Scriptorum series, decerneremus. Vestrum est igitur, qui hoc recepistis iudicium, sententiam ferre de omnibus, nec refugiendi, vel elabendi vel accusatoribus vel accusato copiam dare: Vitem enim Synodi recepistis, quos ad examinandum Synodus elegit. Denique, cum Bonosus Episcopus post iudicium vestrum mississet ad fratrem nostrum Ambrosium, qui ejus sententiam

48 *suleret, interdixit sibi Ecclesiam irrumpere, atque ingredi, responsum est ei, quod nihil temerandum foret, sed omnia modeste, patienter, ordine gerenda, neque contra sententiam vestram tentandum aliquid, ut quod videretur vobis iustitie convenire, statueretis, quibus hanc Synodus dederat auctoritatem. Ideo primum est, ut ii judicent, quibus iudicandi facultas est data. Vos enim totius, ut scripsimus, Synodi vice decernitis; nos quasi ex Synodi auctoritate iudicare non convenit.*

Celestinus I. in Epistola ad Perigenem, Dynatum, Basilium, & alios Illyrici Episcopos: *Dominentur nobis regule, non regulis dominemur; simus subiecti Canonibus, cum Canonum precepta servamus.*

49 *Hæc est Romanæ Ecclesiæ traditio, quam Calchedonenſis Synodus, opinor, non abrogavit: Immo quam & in eadem Synodo Paſchaliniſ Episcopus & Sedis Apoſtolice Vicarius conſtanter retinuit. Nam in actione I. ſic palam proſicitur: Nos contra præcepta beatiſſimi atque Apoſtolici Pape gubernatoris Sedis Apoſtolice venire non poſſumus, NEC CONTRA ECCLEſIASTICAS REGULAS, VEL CONTRA PATRUM INSTITUTA: Quod & Leo in ſuis Epistoſis paſſim confirmat. Locus unus Epistoſe LIII. ad Anatolium inſtar erit omnium, ubi dicit in capite III. Nimiſ hæc improba, nimiſ ſunt prava, quæ ſacraſſimis canonibus inveniuntur eſſe contraria. Et paullo poſt: ABSIT A CONSCIENCIA MEA, UT TAM PRAVA CUPIDITAS MEIS STUDIIS ADJUVETUR, ac non potiùs meo & omnium, qui non alta ſapiunt, ſed humilibus conſentiant, opere ſubruatur. Sancti illi & venerabiles Patres, qui in urbe Nicæna, ſacrilego Arrio cum ſua impietate damnato, manſuras uſque in finem mundi leges Eccleſiaſticorum Canonum conſiderunt, & apud nos in toto orbe terrarum in ſuis conſtitutionibus vivunt; & ſi quid uſquam aliter, quàm illi ſtatuere, præſumitur, ſine cunctatione caſſatur: Ut quæ ad perpetuam utilitatem generaliter inſtituta ſunt, nulla commutatione varientur, nec ad privatum trahantur commodum, quæ ad bonum commune ſunt præfixa; & manentibus terminis, quos conſtituerunt, nemo in ius tendat alienum, ſed intra fines proprios atque legitimos prout quis valuerit, in latitudine charitatis ſe exerceat.*

Quartò, ſi quid habet virium Bellarmini ratio, in Romanos Pontifices habet.

In Gelafium I. qui ſic ſcribit in tractatu VIII. *Non eſt, inquit, noſtra humilitatis, de totius orbis diſſenſione ferre ſententiam: Eſt tamen noſtrum, de propria ſalute eſſe ſollicitos, quoniam unusquiſque pro ſe rationem redditurus eſt ante illud tribunal iudicis & regis æterni, in quo etiam de verbo otioſo, minimoque quadrante ſumus noſtrum rationem actum præſtituri.*

50 *In Gregorium I. ſcribentem in libri II. Indiſt. X. Epistoſa XXXVII. ad Natalem Salonitanum Episcopum, quem ob convivia lautiora reprehenderat: Si neque ego ad te, neque tu aliquid pertineres ad me, iure tacere compellerer, ut eum non reprehenderem, quem emendare non poſſem. Hæc ergo ſententia (qui non manducat, manducantem non iudicat) ſolummodo propter eos dicta eſt, qui illos iudicare ſtudent, quorum ſibi cura commiſſa non eſt. At poſtquam nos auctore Deo unum ſumus, ſi ea, quæ nobis corrigenda ſunt, tacemus, valde delinquimus. Ecce Fraternitas tua agrè tulit, ſe de conviviis à me eſſe reprehensam, cum ego, qui etſi hanc non vita, tamen loco tranſgredior, ab omnibus corrigi, ab omnibus emendari paratus ſim; & hunc ſolum mihi amicum eſtimo, per cuius linguam, ante apparitionem diſtriſti iudicis mea maculas mentis tergo.*

In Innocentium III. cum ait in Sermone II. de conſecratione Pontificis: *In tantum mihi fides neceſſaria eſt, ut cum de cæteris Deum iudicem habeam, propter ſolum peccatum, quod in fide committitur, poſſem ab Eccleſia iudicari.*

Hi ſunt Pontifices, quos Bellarmini argumentum urget, quia Romanæ Eccleſiæ traditionem oppugnat.

Quintò,

Quintò, Innocentius I. in Epistoſe ad Decentium Eugubinum capite III. Episcopis Pontificatus apicem tribuit: *De conſignandis verò infantibus manifeſtum eſt, non ab alio, quàm Episcopo fieri licere: Nam præſbyteri licet ſint ſacerdotes, Pontificatus tamen apicem non habent.*

Fortunatus Piſtaviensis Preſbyter, in libri III. Carmine XI. Nicetium Trevirenſem Archiepiscopum, apicem fidei, Pontificum caput, & Summum Paſtorem appellat:

*Splendor, apex fidei, venerabile mente Niceti,  
Totius orbis amor, Pontificumque caput,  
Summus Apoſtolico præcellens Paſtor ovili.*

Deinde, in Carmine XIII. de Magnerico Trevirenſi Archiepiscopo, quem Patrum Patrem, Archiſacerdotem, & caput Eccleſiæ vocat:

*Culmen honorificum, Patrum Pater, Archiſacerdos.  
Infra: Quem fidei titulus meritis erexit in altum  
Eccleſiæque caput, diſtribuyente Deo.*

51 *Quis, quæſo, propter ea, quæ & Innocentius de Episcopis, & Fortunatus de Trevirenſibus Archiepiscopis conſcribunt, Episcopos vel Trevirenſes Archiepiscopos, nec provinciali, nec generali Concilio ſubjici colligeret? Jam igitur intelligis, vel me ſilente, Romanum Pontificem niſi provinciali ſuo, certè generali Concilio ſubjici, tametſi Pontificum Calchedonenſis Concilii caput dicatur. Eccleſia, inquit Optatus, certa ſua membra habet, in quibus ſunt omnes Episcopi, ac proinde Romanus, inferiores utique Eccleſia, vel Concilio, quod vel provincialem vel generalem Eccleſiam repræſentat.*

Præterea, ſi beatus Petrus à Gregorio I. dicatur primum membrum ſancta & univerſalis Eccleſia, Romanus Pontifex Petri ſucceſſor dicitur primum membrum univerſalis Concilii, quale fuit Calchedonenſe. Sed quis inde concluderet, primum membrum univerſalis Concilii non ſubjici Concilio? Metropolitanus, ut eſt Trevirenſis, primum membrum eſt provincialis Concilii, nec eam ob rem deſinit Concilio ſubjici. Nam primum membrum cujuſcunque Concilii pars eſt Concilii, ac univerſum partibus ſemper optimo jure præponitur, ut beatus Auguſtinus in libri II. de Baptiſmo capite IV. tradit. Primum membrum Eccleſiæ eſt Eccleſiæ, ſed Eccleſia non eſt primi membri: Sic primum membrum Concilii eſt Concilii, ſed Concilium non eſt primi membri, inverſo naturæ ordine. Hinc Agobardus Lugdunenſis Episcopus, præclare in opere contra Felicem Urgelitanum: *Verum eſt omnino, quod Chriſtus & Eccleſia caput & corpus dicuntur ab Apoſtolo frequenter, & ideo una perſona ſunt, quia & corpus capitis corpus dicitur, & caput corporis utique corpus: Non enim ad ſe diſciuntur caput, ſed ad corpus.*

52 *Neque his contraria ſunt, quæ Calchedonenſis Synodi Patres de rebus à ſe geſtis in relatione ad Leonem ſcribunt: Quibus quidem tu ſicut membris caput præeras. Nam hoc in loco [caput] nec ſignificat nec ſignificare poteſt aliud, quàm primum membrum Synodi repræſentantis Eccleſiam, cujus Leo, utpote ſucceſſor Petri, membrum erat primum. Gregorius Magnus, in libri IV. Epistoſa XXXVII. ad Joannem Conſtantinopolitanum Episcopum: Certè Petrus Apoſtolus primum membrum ſancta & univerſalis Eccleſia eſt. Paulus Andreas, Joannes, quid aliud, quàm ſingularium ſunt plebium capita? Et tamen ſub uno capite (Chriſto) omnes membra ſunt Eccleſia. Sic Leo & cæteri Præſules membra erant Calchedonenſis Concilii, quod ſanctam & univerſalem Eccleſiam repræſentabat. Ut in humano corpore membra non ſunt capitis, quia & ipſum caput membrum eſt, ſed humani corporis: Sic & in corpore Eccleſiæ, membra non ſunt capitis, quia & ipſum caput membrum eſt, ſed corporis Eccleſiæ. Calchedonenſe Concilium non diſſentit, quia utitur particulâ [as] quæ ferè, ſermè, propemodum ſignificat. Concilium, in ſua relatione, amica & ſimplici quadam allocutione Leonem*



hiem convenit, & nunc se ut illius membra, nunc ut fratres, nunc ut filios vocat, quo facilius Leo acta sua confirmet, & iis consentiat. Res hæc non philosophicis argutiis, sed Concilii scopo & intentione metienda est.

- 53 Postremo, fallacia est insignis, qua ex humani capitis præcisione disputat. Jam anni sunt mille nonaginta sex, quod Turonense Concilium fallaciam hanc dissuit in Can. xlii. *Rectius est, ut caput morbidum, si curari non potest, amputetur, quam grex per eundem inficiatur. Talis ergo sacerdos non debet à populo venerari, sed renui, qui non formam disciplinæ, sed vitii docet, dum seipsum non corrigit.* Alia est humani capitis ratio, alia capitis illius, de quo loquitur Concilium: Sed Bellarminus utriusque rationem eandem faciens, egregie *παρομοίωσι*, atque ita de suæ causæ bonitate mirum in modum detrahit. Nam ostendit illam nonnisi malis artibus defendi posse. Bellarminus veneretur Romanæ Ecclesiæ caput Joannem XII. qui faciebat sacrum, nec illius partem capiebat ullam, qui Diaconum in equorum stabulo non statis temporibus ordinavit, qui presbyterorum ordinationes numerata pecunia vendebat, qui Episcopum annos decem natum in Tudertina Ecclesia constituit, qui sacrilegia palam committebat, qui Raynerii viduam, Stephanam Patris concubinam, Annam viduam & illius neptem constupravit, qui Palatium sanctum in prostibulum convertit, qui venationem publicè exercuit, qui Benedictum patrem suum excæcavit, qui Joannem Cardinalem virilibus amputatis occidit, qui cum ludebat alea, Jovis, Veneris, dæmonum opem implorabat. Pontificem hunc cum teneret inemendabilis pravitas, Imperator Romanam curat congregari Synodum, quæ illum veneratione indignum censuit, & Turonensis Concilii Canonem secuta morbidum caput ab Ecclesiæ Romanæ corpore præcidit. Bellarminus
- 54 contra Turonense & Romanum Concilium pro Joanne XII. calumum stringit, & pro Pontificibus aliis, si qui Joanni reperirentur similes, scribit: Non scribit pro Gregorio I. & aliis Pontificibus iustis, quibus lex posita non est.

Bellarminus pergit: *Nomen Christi est vir seu sponsus Ecclesiæ. Idem convenit Petro, Nam in Concilio generali Lugdunensi, ut habetur C. Ubi periculum, de electione, in sexto. Loquens Concilium de electione ipsius Pontificis: Acceleret, inquit, utilis & perneccessarius mundi proviso, idoneo eidem Ecclesiæ sponso dato. Est autem contra Apostolum Ephes. v. & naturæ ordinem, ut sponsa præsit sponso, & non potius subsit.* Argumentum hoc iisdem, quibus præcedentia, vitiis sordescit. Christus est unicus Ecclesiæ totius sponsum; sed Petrus seu Romanus Pontifex non est sic unicus Ecclesiæ totius sponsus: Alioquin antistites cæteri propriæ suæ Ecclesiæ sponsi non essent: Quod quis assereret?

Athanasius, in Apologia 11. rem sic exponit, ad Apostoli verba hæc: *Alligatus es uxori, ne quare solutionem. Quod si hoc de uxore dictum est, quanto magis de Ecclesia, atque adeo de Episcopatu, cui cum quis alligatus est, alium quærere non debet, ne adulter in sacris litteris deprehendatur.* Quibus verbis significat, unumquemque Episcopum propriæ Ecclesiæ sponsum esse, quia qui Ecclesiam propriam deserit, & aliam capessit, adulter vocatur.

- Auxilius, in suo pro Formosi Papæ ordinationibus tractatu, qui *Inensor & Defensor*, inscribitur, Portuensem Episcopatum, à quo Formosus ad Romanum translatus fuerat, Formosi uxorem nominat in capite 1.
- 55 *Inensor: Formosus propria relicta uxore, aliam abstulit, hoc est, relicto Episcopatu, his qui rectè ordinandi erant, Apostolicam abstulit Sedem.* Si Portuensis Episcopatus, seu Ecclesia Formosi uxor erat, sponsa quoque erat, cum uxor & sponsa reapse non differant, & sponderi uxor Plauto dicatur: Quo modo Formosus non poterat non esse Portuensis Ecclesiæ sponsus, antequam ad Romanam transferretur, & in illius sponsum eva-

deret. Hoc autem matrimonii genus sic acceptum est à nonnullis Formosi successoribus, ut ii modum omnem excesserint, nefandissima quæque scelera commiserint, & Romanæ Ecclesiæ maculam nunquam eluendam asperserint.

Materia hæc Innocentium III. incredibiliter exercuit, cum de translationibus Episcoporum scribens, quis aliquando posset conjugium istud dissolvere, indagavit. Pontificem eruditum non exercuisset, ut exercuit, nisi vetus fuisset traditio, unumquemque Episcopum propriæ Ecclesiæ sponsum esse, & propriam Ecclesiam Episcopi sui sponsam. Quis quæso laborem sibi gratis quærit? Quis negotium sibi sponte arcessit? Quis libens non omittit falsam sollicitudinem, ne se excruciet?

Testis est Pontificalis liber, in quo consecrator Episcopi anulum mittit in digitum annularem dextræ manus illius dicens: *Accipe anulum Fidei, scilicet signaculum, quatenus Sponsam Dei, videlicet Ecclesiam sanctam, intemerata fide illibatè custodias.*

Beatus Thomas, in quar. um sent. dist. xxiv. quæst. 111. art. 111. de vestibus ministrorum Ecclesiæ: *Episcopis, inquit, adduntur novem ornamenta supra Sacerdotes, quæ sunt caligæ, sandalia, succinctorium, tunica, dalmatica, mitra, chirotheca, annulus, & baculus.* Et quibusdam interpositis: *Per anulum Sacramenta fidei (significantur) quæ Ecclesia desponsatur Christo, Episcopi enim sunt in Ecclesia loco Christi: Quia ratione unusquisque Episcopus Ecclesiæ, quam debet regere, desponsatur. Cur verò desponsatur, in causa est, quod ille in Ecclesia loco sit Christi, qui Ecclesiæ desponsatur, & qui est sponsus unius Ecclesiæ, sicut in Canticis Canticorum ipse testatur, ut ait Optatus in libro 1. contra Parmen. Quod mysterii genus à Guillelmo Durando, latè explicatur in libri 1111. Rationalis Divinorum Officiorum capite xiv. Sed, me vide, hoc satis exercuit Innocentium III. qui de translatione Episcoporum cum ageret, solvendi conjugii hujusce rationes solidas, inventu non ita faciles, disquisivit.*

Sunt igitur in Ecclesia plures Ecclesiæ sponsi, quorum unusquisque sponsæ suæ præest, non subest. At inde non sequitur Romanæ Ecclesiæ sponsum, de cuius electione sermo est in cap. ubi periculum, esse supra Ecclesiam universam & generale Concilium, ita ut nullum in terris supra se iudicium agnoscat. Ex antecedente tali quodnam genus consequentis? Nonne otio & literis abutitur, qui sic disputat? Nonne pessimè meretur de suis lectoribus, quos tam fædo disputandi vitio inquinatum iri putat? Cominus accedo: Unusquisque Episcopus sponsæ suæ juxta Apostolum non subest, sed subest provinciali vel generali Concilio, quod ex idoneo sponsum Ecclesiæ numero congregatur. Si Bellarminus ex beati Pauli verbis conficeret, Romanum Pontificem sponsum esse sponsum omnium Ecclesiæ, nonnihil conficeret: Sed quia id conficere non potest, nihil prorsus conficit; oleum & operam perdit. Ut Antiochenus Episcopus Alexandrinæ, sic & Romanus Romanæ Ecclesiæ sponsus est; ambo sponsi in hoc pares: Et ut sponsi conditio, quæ in Paulo Samosatensi, Antiocheno Episcopo, reperitur, non impedit, quo minus Antiochena Synodus Paulum deposuerit; sic & eadem sponsi conditio, quæ in Joanne XII. Romano Episcopo reperitur, non obstat, quo minus Romanum Concilium Joannem deposuerit. Concilium hoc cum ab aliis, tum maxime à Cardinalibus duobus Clemente Moniliano, Ordinis Fratrum Minorum, & Michaële Alexandrino, Ordinis Fratrum Prædicatorum, qui Pius V. fuit postea, comprobatur. Sed quod notandum præ cæteris, Pius approbationem suam revocavit nusquam.

Hoc in loco Bellarminus dissimulat fuisse, qui ex eodem fonte, ex sponsi videlicet & sponsæ ratione contrarium argumentum derivaverit. Thomas Illyricus in Clypeo Papali, quem adversus Lutherum edidit, & Hadriano V. nuncupavit, sic illud proponit: *Si Vicarius*

rius sponsus potest resignare sponte ipsi Ecclesie, dando ei libellum repudii, cum sponsus & sponsa non debeant quoad hoc impari jure censer, poterit similiter repudiare sponsum talem ipsa Ecclesia, dum par ratio vel potior adducitur pro ipsa contra sponsum, vel quia prostituere querit eam quantum in se est, vel tyrannide seua tractare, laniando eam vel placitando, bona sua dissipando, vel quia abuti conatur ea in perniciem filiorum. Nullum quippe  
 58 statum, nullum gradum dignitatis, nullum ministrationis genus dedit Deus, nisi in adificationem suam, & utilitatem communem: Et cætera, quæ auctor latè persequitur, & quæ magnam partem refero in Epistola ad Christophorum Fauvæum Parisiensem Theologum.

Verumenimverò, non antè manum de tabula, quàm subjecerim galeatam conclusionem, quæ communis erit universum Scripturis à Bellarmino in medium prolatis. Quidquid igitur Bellarminus ex Scripturæ locis colligit, adversus Constantiense Concilium & Martinum V. colligit, id est, adversus ipsammet Ecclesiam, quæ per Constantiense Concilium repræsentabatur certissimè, ut Martinus docet in ea, quam, approbante Concilio, præstituit, formula interrogandi hominem, qui ab hæresi ad Ecclesiam revertitur: Interrogetur, utrum credat, quòd quodlibet Concilium generale, etiam Constantiense, universalem Ecclesiam repræsentet. Fieri non potest, quin Concilium illa Scripturæ loca, quæ Bellarminus adhibet, viderit, legerit, & diligenter examinaverit, cum damnavit Wiclefi articulum xli. quo primum omnem Romani Pontificis negabat. Sed Concilium & Martinus V. id quod Bellarminus censet de Romano Pontifice, non censuerunt. Censuerunt quidem, eum habere primum super alias particulares Ecclesias, non super Ecclesiam in Synodum collectam; id est, aliis particularibus Ecclesiis præesse, ut eas ad sacrorum Canonum observationem compellat, & cum observare noluerint, ex Canonum forma castiget; sed Ecclesie in Synodum collectæ subesse, ut ab ea cogatur in ordinem, si erret in fide & in moribus, & emendari nolit. Sed cum Bellarminus Pontificem supra  
 59 Ecclesiam in Synodum collectam esse censet, id adversus Constantiense Concilium & Martinum V. censet, & Scripturæ loca adversus mentem Concilii hujus & Martini V. perperam interpretatur.

Deinde, fieri quoque non potuit, quin Martinus V. & antequam elegeretur in Romanum antistitem, & postquam electus est, eadem Scripturæ loca diligenter perpenderit, quando, quæ gesta fuerant contra hæreticos, confirmavit: Et tamen primum Romani Pontificis non alium, quàm super alias particulares Ecclesias asseruit.

Propterea, cum juxta Doctores illius temporis aliud sit primatus in Ecclesia Dei, aliud sit primatus super Ecclesiam Dei, & Martinus V. distinctionem illam apprimè nosset, cavit studiosissimè, ne duo ista confunderentur. Nam, in formula interrogandi eos, qui ab hæresi redirent ad Ecclesiam, præscribit quidem, ut quæretur: Utrum credant, quòd Papa canonicè electus sit successor beati Petri, habens supremam potestatem in Ecclesia Dei; sed non præscribit, ut quæretur, Utrum credant, quòd Papa, canonicè electus, sit successor beati Petri, habens potestatem supra Ecclesiam Dei, quæ per universale Concilium repræsentatur: Hoc præscribere nec debuit, nec potuit, quia contrarium à Concilio & seipso definitum esse noverat.

Denique, ratiocinatio hæc tota produci potest ad Basileense Concilium & Eugenium IV. qui semel atque

iterum Constantiensis Concilii Decreta, quæ ad Romanum Episcopum maxime pertinent, confirmavit: Semel, in Concilii hujus sessione xi. cui per Legatum 60 suum Julianum Cardinalem præfuit, & omnino consensit. Iterum, cum in sessione xvi. præcedentia Basileensis Concilii acta confirmavit. Confirmationis diploma in eadem sessione legi potest: Et illud integrum retuli in Epistola ad Ludovicum Maræsum Parisiensem Theologum. Si Bellarminus confirmationis hujus diploma rejiciat vel infirmet, viam cæteris id genus diplomatibus rejiciendis vel infirmandis aperiet. Hic ingressus illius vestigiis odorabimur; & sequemur, quocunque ierit, aut pariter in luto hærebimus, aut pariter expediemur: Hieronymus in Dialogo contra Luciferianos.

Interim dicendum est, Bellarminum loca Scripturæ aliter accepisse, atque Constantiense Concilium & Martinum V. Basileense Concilium, & Eugenium IV. accepisse necessario credendum. Bellarminus supra Constantiense Concilium & Martinum V. supra Basileense Concilium & Eugenium IV. sapit; ab regula, quam Concilia duo, & Romani Pontifices duo nobis objiciunt, discedit; obliquis tramitibus egreditur; viam regiam deferit: Nec, crede mihi, tuto vadere possumus, quò vadit.

Nunc finiendum est pensum, quod ut accurarem, exoptasti. Brevius accurate illud non potui, quia propositæ ab initio tractandi leges neutiquam permiserunt. Qua via incedere præcipiunt, ego incessi. Regia est via, quam coarctare non licuit. Hanc si Bellarminus secutus esset, dicere non cogeret, quæ reticere sine piaculo non possum. Impegit ille graviter in Tridentinæ fidei professionem, quæ jubet, ut scripturæ sacræ juxta unanimem consensum Patrum 61 exponantur. Non exposuit, idque exemplo pessimo: Quod tamen Romanæ Curie censoribus non displicet. Sed memineris, Pium II. à Carolo VII. Gallie Rege petiisse aliquando, ut Doctoribus Sedis Apostolicæ non semper crederet, & multa illorum passionibus tribueret: Unum, inquit in Epistola cccclxxiv. à te petimus, carissime fili, ut Doctoribus Sedis Apostolicæ semper non credas, multa illorum passionibus tribuas. Pontifici recta monenti parendum est. Ad me quod attinet; parebo semper. Sed quemadmodum à te postulo, ut rei hujusce memineris, sic à Deo enixe precor, ut Bellarmini culpæ non meminerit, & veniam illi dederit.

Præterea, Bellarminus prudentiæ suæ innixus Scripturam sacram ad suos sensus contorsit, & illius interpretationem edidit, quod Tridentina Synodus prohibet. Ad extremum, imitatur absurdum & umbratilem illum disputandi modum, quem Lutherus, ut Theologorum scholas ignominiose traduceret, sic definiit: Scholastica Theologia ea est, quæ à Parisiensium Sorbona mixtione quadam ex divinis eloquiis, & Philosophicis rationibus, tanquam ex Centaurorum genere biformis disciplina conflata est. Nam vidimus auctorem illum relata Scripturæ loca Philosophicis argutationibus permiscere, atque ex permissione tali colligere, Romanum Pontificem simpliciter & absolute esse supra Ecclesiam universam & generale Concilium, ita ut nullum in terris supra se iudicium agnoscat. In cumulum accedit, quòd quidquid ex permissione illa colligit, violatis Dialecticæ legibus colligat, & vitiosissimè philosophetur: Quo pacto errorem gigni, non scientiam, 62 apprimè nosti. Benè vale. Lutetie Parisiorum ix. Calend. Novembris, ann. M. DC. LXIV.



# Joannes Launoïus

## FELICI PHELIPPÆO BROSSÆ,

### Parisiensi Theologo.

Rupellam.

**Q**UAS ad me scribis literas, non possunt non esse mihi gratissimæ. In iis ad humanitatem diligentia & eruditionis fere semper accedit quamplurimum: Diligentia quidem, quia vacant errore, quæ studio & lima tua perpoliuntur; eruditionis verò, quæ, si opus est, ex Græcis & Latinis auctoribus cumulat. Acceptissima profectò mihi sunt argumenta illa tria, quibus nostram in Epistolis ad Hieronymum Samboeuvium, & Ludovicum Cusinum agendi rationem tibi probatam esse significas. Primum, quòd ibi jam inde ab initio deriveretur Sedis Apostolicæ traditio, qua Romanus Pontifex sacris Canonibus & Conciliis subijci apertissimè & planissimè demonstratur: Deinde, quòd nostra disputandi & agendi ratio atque concilium offensione invidiaque omni careat; siquidem, quæ in medium adduco, non extrinsecus alicunde quærentur, sed ex ipsis causæ visceribus sumuntur, ab iis scilicet, quorum res est, res ipsa decernitur & constabatur: Denique, quòd Romanæ Curia censoribus imperitis & aliis ejusdem assentatoribus vox comprimitur. Dum enim in propria causa Pontifices è Sede Petri loquuntur, illi tacere debent, & suis magistris aurem præbere. Nec timenda est illorum vis, quæ sub aspectu demonstratæ traditionis nunquam nisi in actum temerarium erumpet. Verum pro tua sagacitate adjicis, Bellarminum in libri II. de Conciliis capite XVII. producere quorundam Romanorum Pontificum testimonia, quibus ille Romanos ipsos Pontifices supra Ecclesiam universam & generale Concilium esse, confirmare sibi videtur: Atque exinde necessarium tibi videri, vel certè proficuum, ut illa expendam testimonia, ne Romani Pontifices illi cum à seipsis, tum ab aliis dissentire judicentur. Bene mones: Fuerunt enim semper, qui nodum in scirpo quæsierint, & qui jam aliqua opinione occupati, sibi omnia concinere, ut cupiverint, ita & putaverint.

Igitur Romani Pontifices sunt octo. Leo I. Gelasius I. Gregorius I. Nicolaus I. Paschalis II. Alexander III. Innocentius III. Bonifacius VIII. quorum testimonia referenda sunt; tum ea singillatim de uniuscujusque Pontificis mente, & propriæ Sedis traditione æstimanda.

I. Bellarminus Leonis I. testimonium repetit, ex Epistolâ XLVIII. ad Anastasium Thessalonicensis Episcopum: *Magna, inquit, Dei dispositione provisum est, ne omnes sibi omnia vendicarent, sed essent in singulis provinciis singuli, quorum inter fratres haberetur prima sententia, & rursus quidam in majoribus urbibus constituti sollicitudinem susciperent ampliore, per quos ad unam Petri Sedem universalis Ecclesiæ cura conflueret, ut nihil unquam à suo capite dissideret: Jam si cura universalis Ecclesiæ ad Petrum pertinet, certè etiam Concilii, quod universalis Ecclesiæ vicem gerit. Quæ Leo scribit ad Anastasium, non quidem in Epistola XLVIII. sed in Epistola LXXXIV. Bellarmini sententiæ non favent.*

3 Nec Bellarminus hanc allegasset Epistolam, si ipse perlegisset. Leo hac in Epistola sacros Canones diligenter exequitur; tantum abest, ut ad Bellarmini mentem se supra Canones & Concilia erigere cogitet. Au-

diendus est in capite II. Igitur secundum sanctorum Patrum Canones Spiritu Dei conditos, & totius mundi reverentia consecratos, Metropolitanos singularum provinciarum Episcopos, quibus ex delegatione nostra Fraternitatis tuæ cura pretenditur, jus tradita sibi antiquitus dignitatis intemeratum habere decernimus: Ita ut à regulis præstitutis, nulla aut negligentia, aut presumptione discedant.

In capite VII. De Conciliis autem Episcopalis non aliud indicimus, quàm sancti Patres salubriter ordinarunt: Ut scilicet bini conventus per annos singulos habeantur, in quibus de omnibus querelis, quæ inter diversos Ecclesiæ ordines nasci assolent, judicetur.

In capite VIII. Si quis Episcopus, mediocritate civitatis suæ despecta, administrationem loci celebrioris ambiarit, & ad majorem se plebem quacunque occasione transulerit, non solum à Cathedra quidem pellatur aliena, sed carebit & propria; ut nec illis præseat, quos per avaritiam concupivit, nec illis, quos per superbiam sprexit. Suis igitur terminis contentus sit quisque, nec supra mensuram juris sui affectet augeri.

In capite IX. Alienum Clericum invito Episcopo ipse nemo suscipiat, nemo sollicitet, nisi fortè ex placito charitatis id inter dantem accipientemque conveniat. Nam gravis injuria reus est, qui de Fratris Ecclesiæ id quod est utile, aut pretiosius, audent vel allicere vel tenere.

Sic igitur Leo sacrorum Canonum & cum primis Nicænorum, vindicem, patronum, atque executorem strenuum se præstat. Hæc Leonis decreta in illius Epistola I. dicuntur, de Ecclesiasticis ordinibus & Canonum promulgata disciplinis: Quo videlicet modo sacros Conciliorum Canones exequitur, & Pontifices alii exequuntur. Sub finem capitis XI. & ultimi cum Leo dicit id, quod Bellarminus descripsit, à Bellarmini sensu longè abest: De universali quidem loquitur Ecclesiâ, non quæ in Concilium advocata, sed quæ per orbem Christianum dispersa sit. Hoc Leo & nihil aliud intelligit, ut Epistolæ totius docet lectio. Non noverat figmentum illud, quod pro lemmate Bellarminus assumpsit, Romanum Pontificem simpliciter & absolute esse supra Ecclesiam universam & generale Concilium, ita ut nullum in terris supra se judicium agnoscat. Ridicule omnino. Ut ad Petri successorem universæ Ecclesiæ cura confluit, sic ad Metropolitanum universæ provinciae cura confluit, in Nicæno Canone IV. Firmis autem eorum, quæ geruntur per unamquamque provinciam, Metropolitanis tribuatur Episcopo: Deinde in Antiocheno Can. IX. Per singulas regiones Episcopos convenit nosse, Metropolitanum Episcopum sollicitudinem totius provinciae gerere: Propter quod ad Metropolim omnes undique, qui negotia videntur habere, concurrunt. Unde placuit eum & honore præcellere, & nihil amplius præter eum ceteros Episcopos agere, secundum antiquam à Patribus nostris regulam constitutam. Hæc autem, quæ de Metropolitanis dicuntur, cum minimè impediunt, quò minus à provinciali Concilio Metropolitanus judicetur, cur illa, quæ à Leone de Petro seu Petri successore dicuntur, impedirent, quò minus Petri successor ab universali Concilio judicaretur? Par est utrobique ratio, eaque remanebit semper, nisi per fraudem principium petatur. Sed principii petitio non alios, quàm inertes

inertes & traditionis Ecclesiasticæ rudes exercet & fatigat. Profecto si Bellarminus fallaciam, quæ in variatione appellationis terminorum consistit, voluisset evitare, paginas integras argumento vacuus præterisset.

Quin autem Conciliorum cura ad Petri successorem pertineat, nemo ambigit; immo ad ipsum præ cæteris pertinet, ut editos à Conciliis Canones diligenter observet, & exemplo suo ab aliis similiter observari præcipiat. Id relata in nostris ad Sambœuvium & Cusinum Epistolis testimonia Leonis confirmant. Unum aut alterum ex Epistola LV. ad Pulcheriam Augustam nunc proferimus: Et primum quidem ex capite II. *Quoniam contra statuta paternorum Canonum, quæ ante longissima ætatis annos in urbe Nicæna spiritualibus sunt fundata decretis, NIHIL CUIQUE ADDERE CONCEDITUR, ITA UT SQUIS DIVERSUM ALIQUID DECERNERE VELIT, SE POTIUS MINUAT, QUAM ILLA CORRUMPAT: Quæ si, ut oportet, à cunctis Pontificibus intemerata servantur, per universas Ecclesias tranquilla erit pax & firma concordia; nulla de mensuris harum dissensiones, nulla de ordinationibus lites, nulla de privilegiis ambiguitates, nulla erunt de aliena usurpatione certamina, sed ea, quæ jure charitatis rationalis est, & morum & officiorum servabitur unanimitas; & ille erit verè magnus, qui fuerit totius ambitionis alienus; dicente Domino: Quicumque inter vos voluerit major fieri, sit vester minister; & quicumque voluerit inter vos primus esse, erit vester servus: sicut filius hominis non venit ministrari, sed ministrare.* Deinde in capite III. *Confessiones verò Episcoporum, SS. CANONVM APUD NICÆAM CONDITORUM REGULIS REPUGNANTES, unita nobiscum vestra fidei pietate, in irritum mitimus, & per auctoritatem B. Petri Apostoli generali prorsus definitione cassamus: In omnibus ECCLESIASTICIS HIS LEGIBUS OBSEQUENTES, QUAS AD PACIFICATIONEM OMNIUM SACERDOTUM PER TRECENTOS DECEM ET OCTO ANTISTITES SPIRITUS SANCTUS INSTITUIT: Ita ut etiam si multò plures alii, quàm illi statuere decernerent, in nulla reverentia sit habendum, quidquid fuerit à prædictorum constitutione diversum. In testimonio priori cum ait, Nicænis Canonibus nihil cuique addere conceditur, neminem excipit: Excipiendus tamen erat Romanus Pontifex, si Leo in Bellarmini fuisset sententia. Sed quia non credebatur se esse supra Ecclesiam universam & generale Concilium, neminem excipit: Seipsum in ea propositione includit. In posteriori fateatur, ultro se legibus Ecclesiasticis parere, cum in aliis, tum maximè destruyendo, quidquid illis opponitur.*

Cæterum, rem ipsam deciderit Leo in Epistola xxxv. ad Pulcheriam Augustam. *Ad effectum verò salubrium dispositionum velocius obtinendum, Fratres & Coepiscopos meos Abundium & Asterium, sed & Basilium & Senatorem Presbyteros probatissimos viros misi, qui Clementiæ vestra formam fidei, quam secundum doctrinam venerabilium Patrum prædicamus, offerrent; & remotis circumlocutionibus, quibus obscurari veritas solet, quid de Incarnatione filii Dei à totius orbis probatis Sacerdotibus defensum fuisset, ostenderent. Quos post divinam gratiam sancto vestra Pietatis auxilio dignum est adjuvari, ne in totius Ecclesiæ perturbationem imprudens procedat contentio, cum correctione adhibita, omnes oporteat in unius confessionis redire concordiam: A qua si forsitan AB ALIQUIBUS DISCREPATUR, universale Concilium Sacerdotum haberi intra Italiam, Clementiæ vestra annuente, jubeatur; quò remota arte fallendi tandem pateat, quid altiore tractatu aut coerceri debeat aut sanari.* His in verbis notanda sunt tria: Primum, quod Leo editam secundum Patrum auctoritates formam fidei dirigit, quæ Sacerdotes omnes in una fidei confessione possit continere: Deinde, quod si nonnulli dissentiant, celebrandum est universale Concilium: Denique, quod in ejusmodi patebit Concilio, quid altiore

tractatu aut coerceri debeat aut sanari. Ex his autem tribus inter se comparatis manifestè apparet, Leonem in ea fuisse sententia, ut crederet, majorem & ab erroris formidine remotiorem in universali Concilio, quàm in seipso & in Romana Sede auctoritatem residere. Porro autem, cum dico (ab erroris formidine remotiorem) comparatè loquor: Nam si res simpliciter spectetur, universale Concilium non errandi privilegium habet, quo Romanus Pontifex caret, ut ex verbis Leonis facile colligitur.

II. Bellarminus Gelasii I. testimonium arcessit ex Epistola XLII. ad Episcopos Dardaniæ; & sic arcessit: *Cuncta, inquit Gelasius, per mundum novit Ecclesia, quòd Sacrosancta Romana Sedes fas de omnibus habeat 8 judicandi, nec cuiquam liceat de ejus judicare judicio. Et primò quidem, non agitur de Concilio seu provinciali seu generali, quod Sedis Apostolicæ judicium retractet, sed de unaquaque Sede singillatim accepta, nimirum Alexandrina, Antiochena, Constantinopolitana, quæ de primæ Sedis judicio judicare non potest: Deinde, non agitur de provocatione à Romana Sede ad universale Concilium, sed de provocatione ab Romana Sede ad aliam Sedem, quæ permissa est nunquam. Res igitur sic se habet: Gelasius Epistolam hanc scribit ad Episcopos Dardaniæ, contra Euphemium Constantinopolitanum, qui volebat in Diptychis retinere nomen Acacii decessoris sui, quem ut Eutychis sectatorem Felix III. in Romana Synodo, atque ex forma Calchedonensis Concilii damnaverat, ut in illius ad Vetricanionem Episcopum Epistola VII. traditur: In Calchedonensi itaque Synodo, quæ de Concilio Nicæni tenore procedens pro Christiana confessionis integritate servanda, tam auctoritate Sedis Apostolicæ, quàm universalis Ecclesiæ est celebrata consensu, Eutychem atque Dioscorum constat fuisse damnatos: Quorum Timotheus & Petrus extitisse docetur proculdubio sectatores, eorumque se communioni nefaria miscuisse, etiam cum à nobis prohibitus est Acacius, atque ob hoc ex forma Synodi memorata (Calchedonensis) similem cunctos, quæ prefixa fuerat pravitate, damnationis incidisse sententiam, cujus se elegerunt esse consortes: Unde merito prædictus Acacius Apostolicæ Sedis, quæ nunc executrix utique sapientissimi Calchedonensis Concilii pro fide Catholica tunc probati non defuit, iterata excommunicatione depulsus est.*

Hinc, cum Bellarminus prospiceret nec Epistolam 9 nec Epistolæ argumentum sibi prodesse, ut tamen hæc prodesset Epistola, illius verba truncanda esse censuit. Sic autem scribit Gelasius: *Auctore cujuslibet insanæ ac pariter errore damnato, sufficere judicant, ut quisquis aliquando hujus erroris communicator existeret, principali sententia damnationis ejus esset obstructus. Et post alia: Quibus convenienter ex paterna traditione perpensis, confidimus, quòd nullus jam veraciter Christianus ignoret, uniuscujusque Synodi constitutum, quòd universalis Ecclesiæ probavit assensus, NON ALIQUAM MAGIS EXEQUI SEDEM PRÆ CÆTERIS OPORTERE, QUAM PRIMAM, quæ & unamquamque Synodum sua auctoritate confirmat, & continuata moderatione custodit, pro suo scilicet principatu; quem beatus Petrus Apostolus Domini voce perceptum Ecclesiæ nihilominus subsequente & tenuit semper, & retinet. Et post alia: Non reticemus, quòd cuncta per mundum novit Ecclesiæ, quoniam quorumlibet sententiis ligata Pontificum Sedes beati Petri Apostoli jus habeat resolvendi, utpote quòd de omni Ecclesiæ fas habeat judicandi, neque cuiquam de ejus liceat judicare judicio: Siquidem ad illam de qualibet mundi parte Canones appellari voluerint, ab illa autem nemo sit appellare permixtus. Bellarminus cum refert locum hunc, corrumpit, & nomen (canones) omittit: Ne scilicet animadvertatur, quo jure ad Sedem Apostolicam de qualibet mundi parte appelletur. Jure appellatur, quòd universalis sanxit Ecclesiæ, quæ unoquoque Episcopo etiam Romano superior est. Idipsum agnoscunt Felix & Gelasius, cum*



10 sese Canonum à Conciliis decretorum executores venditant, atque ex forma Calchedonenſis Synodi Aca-  
cium deponunt. Præterea, ſi unusquiſque Episcopuſ  
univerſali Concilio ſubjectuſ eſt, ſi unusquiſque Episcopuſ  
copiaſ univerſali Concilio Canoneſ tenetur exequi,  
Romanuſ Episcopuſ auctore Gelasio tenetur adhuc  
magiſ, Concilioque magiſ ſubjicitur, cum aſſerere  
non dubitet, Unuſcuſque Synodi conſtitutum, quod  
univerſaliſ Eccleſia probavit aſſenſuſ, non aliquam magiſ  
exequi Sedem præ cæteriſ oportere, quam primam.  
Cur verò teneatur magiſ exequi, Hilariuſ Papa docet  
in Romano Concilio, cui præſuit: Si placet, Fra-  
treſ, ea, quæ ad ordinationum tenorem pertinent, juxta  
divina legiſ præcepta & Nicanoruſ Canonuſ conſti-  
tuta ita adjuvante Domino in omne ævum manſura ſoli-  
demuſ, ut nulli ſaſ ſit ſine ſtatuſ ſui periculo vel di-  
vinuſ conſtitutioneſ, vel Apoſtolica Sediſ decreta teme-  
rare, QUIA NOS, QUI POTISSIMI SACER-  
DOTIſ ADMINIſTRAMUſ OFFICIA, TA-  
LIUM TRANSGRESSIONUM CULPA RE-  
SPICIET, ſi in cauſiſ Dei deſideſ fuerimſ inven-  
ti, quia meminimſ, quod timere debemſ, qualiter com-  
minetur Dominuſ negligentiaſ Sacerdotuſ: SIQUIDEM  
REATH MAJORE DELINQUIT, QUI PO-  
TIORI HONORE PERFRUITUR; ET GRA-  
VIOA FACIT VITIA SACERDOTUM SUBLIMI-  
TAS PERSONARUM.

Porro autem, ridiculuſ & abuſuſ eſt, verba hæc  
[Nec cuiquam liceat de ejus (Romanæ Sedis) judicare  
judicio] ad Conciliuſ uſque producere. Vox [cuiquam]  
11 non ſolum apud Grammaticoſ, ſed etiam apud Dia-  
lecticoſ, diſtributionem importat, non collectionem.  
Quiſ, quæſo, per nomen [quiſquam] populuſ intelli-  
geret? At ſi nemo per nomen, [quiſquam] populuſ  
intelligeret, nemo quoque, niſi fallor, per idem nomen  
univerſale Conciliuſ intelligeret, niſi fortaiſſis vellet  
ab omniſbuſ derideri.

III. Bellarminuſ Gregorii I. teſtimonium depromit,  
ex libri IX. EpistoLa XXXIX. ad Theotiſtam; &  
teſtimonium eſt tale: Si beatuſ Petruſ, cum à fide-  
libuſ culparetur, auctoritateſ, quam in ſanctam Eccle-  
ſiam acceperat, attendiſſet, reſpondere poterat, ut Paſto-  
rem ſuum oves reprehendere non auderent: Sed ſi in  
querela fidelium aliquid de ſua poteſtate diceret, Doctoreſ  
manſuetudiniſ non fuiſſet; humili ergo eoſ ratione placavit.  
Bellarminuſ ad magnas anguſtiāſ redigi oportet,  
cum eo utatur teſtimonio, quo neque ex ipſiſ ver-  
biſ neque ex argumento EpistoLæ conſici quidquam  
poſſit. Gregorii teſtimonium paullo repetenduſ eſt  
altiùſ. Hic poſtquam detractioſ multoruſ curan-  
daſ non eſſe, ſi noſtra conſcientia non accuſat, plu-  
ribuſ exempliſ demonſtravit, ſubjicit, quæ ſequuntur:  
Vestra itaque Excellentiā poteſt, protegente Domino, pra-  
vorum hominuſ ſcandala cum magna tranquillitate decli-  
nare: Prioreſ enim eoruſ ſponte vobiſ ſecretoſ vocandi  
ſunt, atque ipſiſ ratio reddenda, & perversa quadam ca-  
pitula, quæ tenere voſ exiſtimant, coram ipſiſ anathema-  
tizanda. Quod ſi etiam, ſicut dicitur, dari à vobiſ ana-  
thema ſicte ſuſpiciantur, etiam jurejurando firmanduſ eſt,  
voſ nunquam eadem capitula tenere, nunquam tenuiſſe:  
Nec vobiſ indignuſ videatur, tali eiſ modo ſatiſfacere, nec  
de Imperiali genere ſit contra eoſ aliquod in veſtra mente

12 faſtigiuſ. Omneſ etenim fratreſ ſumſ, uniuſ Imperatoriſ  
poteſtate conditi & ſanguine redempti: Et ideo fratreſ no-  
ſtroſ quantumlibet paupereſ & abjectoſ in nullo deſpicere  
debemſ. Certe etenim Petruſ poteſtatem regni caeleſtiſ ac-  
ceperat, ut quæque in terra ligaret, vel ſolveret, eſſent in  
caelo ligata vel ſoluta. Supra mare ambulavit, agrotanteſ  
umbra curabat, peccanteſ verbo occidebat, mortuoſ ora-  
tione ſuſcitabat; & quia ex admonitione Spirituſ ad Cor-  
neliuſ gentilem fuerat ingreſſuſ, contra eum queſtio à fi-  
delibuſ facta eſt, cur ad gentileſ intraſſet, & comediſſet  
cum eiſ, cur eoſ in baptiſmate ſuſcepſiſſet: Et tamen idem  
Apoſtoloruſ primuſ tantaſ donoruſ gratia repletuſ, querela

fidelium non ex poteſtate, ſed ex ratione reſpondit, cauſam  
per ordinem expoſuit; quomodo vaſ quoddam velut linte-  
um, in quo quadrupedia terra & beſtia & reptilia atque  
volatilia inerant, de calo ſubmitti viderit, vocemque au-  
dierit: Surge Petre, occide & manduca: Qualiter treſ  
viri venerint, eum ad Corneliuſ vocanteſ; qualiter Spirituſ  
Sanctuſ hunc cum eiſ ire præceperit; qualiter idem  
Spirituſ Sanctuſ qui venire in baptiſmatoſ in Iudæa poſt bap-  
tiſmuſ conſueverat, in gentibuſ ante baptiſmuſ venit:  
Si enim cum à fidelibuſ culparetur, auctoritateſ, quam  
in ſancta Eccleſia acceperat, attendiſſet, reſpondere po-  
terat, ut Paſtorem ſuum oves, quæ ei commiſſa fuerant,  
reprehendere non auderent: Sed ſi in querela fidelium a-  
liquid de ſua poteſtate diceret, proſecto Doctoreſ manſuetu-  
diniſ non fuiſſet: Humili ergo eoſ ratione placavit, at-  
que in cauſa reprehendiſ ſua etiam teſteſ exhibuit, di-  
cens: Venerunt autem ſex fratreſ iſti. Si ergo Paſtor  
Eccleſiaſ, Apoſtoloruſ Princepſ, ſigna & miracula ſingula-  
riter faciendūſ, non dedignatuſ eſt in cauſa reprehendiſ  
ſua rationem humiliter reddere, quanto magiſ noſ pecca-  
toſ, cum de re aliqua reprehendiſmur, reprehendeſ no-  
ſtroſ ratione humili placare debemſ? Quis autem ex  
oratione hac tota probaret unquam, Gregoriuſ in  
ea fuiſſe ſententiā, ut crederet ſe ſimpliciter & abſo-  
lutè eſſe ſupra Eccleſiam univerſam & generale Con-  
ciliuſ, ita ut nulluſ in terris ſupra ſe judiciuſ agnoſceret?  
Hoc eſt lemma, quod Bellarminuſ ex hac Gregorii  
auctoritate probare contendit? Non legit Gregorii  
EpistoLam, aut ſi legiſſet, ad iſtud argumentuſ oculoſ  
adjeciſſet nonnihil: Si ergo Paſtor Eccleſiaſ Apoſto-  
loruſ Princepſ ſigna & miracula ſingulariter faciendūſ  
non dedignatuſ eſt, in cauſa reprehendiſ ſua rationem hu-  
militer reddere, quanto magiſ noſ peccatoſ, cum de re  
aliqua reprehendiſmur, reprehendeſ noſtroſ ratione humili  
placare debemſ? Deinde, ſi legiſſet EpistoLam, legen-  
tem retardaiſſent verba hæc: Idem Apoſtoloruſ primuſ  
tantaſ donoruſ gratia repletuſ, querela fidelium non ex  
poteſtate, ſed ex ratione reſpondit. Tum demum, ſi le-  
giſſet EpistoLam hanc non corrupiſſet. Nam ubi Gre-  
goriuſ ſcribit, Si auctoritateſ, quam (Petruſ) in ſancta  
Eccleſia acceperat, attendiſſet, Bellarminuſ ponit, ſi au-  
toritateſ, quam in ſanctam Eccleſiam acceperat, atten-  
diſſet. Corruptio Bellarminiſ conſilio non eſt inutiliſ.  
Nam in ſanctam Eccleſiam, idem ac ſupra ſanctam Ec-  
cleſiam, ac proinde ſupra Conciliuſ interpretatur.

Adhæc, Bellarminuſ præſidiuſ nulluſ ex eo poteſt  
querere, quòd oves Paſtorem ſuum reprehendere non  
14 debeant. Id enim non pertinet ad rem, niſi velit  
unicuſ eſſe in Eccleſia univerſa Paſtorem, quem oves  
reprehendere non debeant, aut non audeant. Hoc  
eſſet eum, quem Chriſtuſ inſtituit, Episcopatuſ, cu-  
juſ à ſinguliſ in ſoliduſ pars tenetur, qui multoruſ Ep-  
iscoporuſ concordiaſ numeroſitate diſfunditur, ut beatuſ  
Cyprianuſ loquitur, omnino labefactare: Congregatuſ  
ex Romanæ Eccleſiaſ ovibuſ Conciliuſ, Paſtorem il-  
liuſ non reprehenderet, exigente cauſa, ſed Con-  
ciliuſ, quod ex aliis univerſæ Eccleſiaſ Paſtoribuſ col-  
ligeretur.

Quòd autem Gregoriuſ reprehendi non gravaretur,  
ipſe docet in libri II. IndiCt. X. EpistoLa XXXVII. ad  
Natalem Salonitanuſ Episcopuſ, quem ob convivia  
lautiora reprehenderat: Si neque ego ad te, neque tu  
aliquid pertinereſ ad me, jure tacere compellerer, ut eum non  
reprehenderem, quem emendare non poſſem. Hac ergo ſen-  
tentiā (qui non manducat, manducantem non judicet)  
ſolummodo propter eoſ dicta eſt, qui illoſ judicare ſtudent,  
quoruſ ſibi cura commiſſa non eſt. At poſtquam noſ, au-  
ctore Deo, unum ſumſ, ſi ea, quæ nobiſ corrigenda ſunt,  
tacemuſ, valde delinquimſ. Ecce, Fraternitaſ tua agere  
tulit, ſe de conviviis à me eſſe reprehendiſam, cum ego, qui  
etiſ hanc non vita, tamen loco tranſgredior, ab omniſbuſ  
corripi, ab omniſbuſ emendari paratuſ ſim; & hunc ſolum  
mibi amicuſ eſtimo, per cujuſ linguam ante apparitionem  
diſtriCtiſ judiciſ mea maculaſ menſis tergo.

Dein.

Deinde, supra Ecclesiam universam & generale Concilium non attollit se Gregorius, cum in libri I. Epistola xxiv. ad Joannem Constantinopolitanum ita scribit: *Dum Concilia universali sunt consensu constituta, se & illa non destruit, quisquis præsumit, aut solvere, quos ligant, aut ligare, quos solvunt.*

Tum, Gregorius se supra Ecclesiam universam, & supra generale Concilium non attollit, qui se supra Romanæ Ecclesiæ consuetudinem non attollit in libri III. Indiæ. xii. Epistola xxx. ad Constantinam Augustam: *Serénitas vestra pietatis, religionis studio & sanctitatis amore conspicua, propter eam, quæ in honorem sancti Pauli Apostoli in Palatio adificatur, Ecclesiam, caput ejusdem sancti Pauli, aut aliud quid de corpore ipsius suis ad se jussionibus à me præcipit debere transmitti. Et dum illa mihi desiderarem imperari, de quibus facillimam obedientiam exhibens, vestram erga me amplius potuisssem gratiam provocare, major me mæstitia tenuit, QUOD ILLA PRÆCIPITIS, QUÆ FACERE NEC POSSUM NEC AUDEO. Quid ita? In Romanis, ait paullo post, vel totius Occidentis partibus, omnino intolerabile est, atque sacrilegum, si Sanctorum corpora tangere quisquam fortasse voluerit, quod si præsumpserit, certum est, quia hæc temeritas impunita nullo modo remanebit. Et quibusdam interpositis: Quis ergo nunc, serenissima Domina, tam temerarius possit existere, ut hæc sciens eorum corpora non dico tangere, sed vel aliquatenus præsumat inspicere? Dum igitur talia mihi à vobis præcepta sunt, de quibus parere nullatenus potuisssem, quantum invenio, non vestrum est: Sed quidam homines contra me pietatem vestram excitare voluerunt, ut mihi, quod absit, voluntatis vestræ gratiam subtraherent, & propterea quasiverunt capitulum, de quo vobis quasi inobediens inveniret.*

Quis dicere audeat, Pontificem adeo sanctum & sincerum, aliud in ore, aliud in corde habuisse? Constantinam voluisse ludificari officio ficto & simulata sedulitate, qua Sedis Apostolicæ privilegiis derogaret? Absit, absit, inquam, ut quis de tanto Pontifice tam indignè sentiat.

Denique, Gregorius non sese attollit supra Concilia & supra Canones, cum in libri III. Indiæ. xi. Epistola LII. ad Joannem Constantinopolitanum Episcopum ita scribit: *Ego attestante mihi conscientia fateor, quia cum nullo homine habere scandalum volo, & quanta valeo virtute declino. Et quamvis cum omnibus hominibus pacem habere summo cupiam, vobiscum præcipue, quos vehementer amo, si tamen ipsi, quos novi, vos estis. Nam si canones non custoditis, & majorum vultis statuta convellere, non cognosco, qui estis. Atque sanctissime, ut nos invicem recognoscamus. Gregorius, ut Joannem Constantinopolitanum, ita & seipsum canonibus & majorum statutis subjicit, & ita, ut si Gregorius ipsemet canones & majorum statuta non custodisset, Joannes potuisset illi dicere, Non cognosco, qui estis.*

Noverat eruditus & sanctus Pontifex, Sedis Apostolicæ interesse omnino, ut ipse canones & majorum statuta servaret, nec iis ad arbitrium derogaret. Sic enim ea de re scribit, in libri V. Epistola xii. ad Montanum & Thomam: *Iustitia ac rationis ordo suadet, ut qui sua à successoribus desiderat mandata servari, decessoris sui proculdubio voluntatem & statuta custodiat. Iterum in libri VII. Indiæ. I. Epistola xvii. ad Bonifacium primum Defensorem: Nimis est asperum & præcipue bonis Sacerdotum moribus inimicum nisi quempiam quacunque rationis excusatione, & quæ sunt ordinata rescindere, & exemplo suo docere ceteros, sua quandoque post se constituta dissolvere.*

Gregorius hoc per traditionem Sedis suæ acceperat, à Symmacho, qui in Epistola II. ad Eonium Arelatensem Episcopum scribit hoc modo: *Huc accedit, quod ne sit sententiarum varietas, ad ipsam Sacrosanctam Catholicam religionem credimus pertinere, cujus potestas omnis infringitur, nisi universa, quæ à Domini Sacerdotibus semel*

statuuntur, perpetua sint. Quod aliàs contingere non poterit, si successor decessoris actibus non tribuerit firmitatem, & roborando, quæ gesta sunt, faciat rata esse, quæ gesserit. Quanta enim Vicarius beatissimi Petri Apostoli judicabitur esse reverentia, si quæ in Sacerdotibus præcipiunt, eisdem transeuntibus dissolvantur?

Symmachus hoc per traditionem Sedis suæ acceperat à Leone I. dum in Epistola Lxi. ad Maximum Antiochenum Episcopum capite III. sic scribit: *Tanta apud me est Nicanorum Canonum reverentia, ut ea, quæ sunt à sanctis Patribus constituta, nec permiserim, nec patiar, aliqua novitate violari. Rursus in capite V. Quidquid præter speciales causas Synodali Conciliorum ad examen Episcopale deferitur, potest aliquam dijudicandi habere rationem; si nihil de eo est à sanctis Patribus apud Nicæam constitutum. Nam quod ab illorum regulis constitutioneque discordat, Apostolica Sedis nunquam obtinebit consensum.*

Leo hoc per traditionem Sedis suæ accepit à Sixto III. qui in Epistola ad Episcopos apud Thessalonicam congregandos paucis omnia complectitur: *Priorum judicium sequimur, hæc constituendo, quæ ab his novimus constituta.*

Sixtus hoc per traditionem Sedis suæ accepit à Celestino, qui in Epistola ad Perigenem, Dynasum, Basilium, & alios Episcopos Illyrici scribere non dubitat: *Dominentur nobis regule, non regulis dominemur; simus subiecti Canonibus, cum Canonum præcepta servamus.*

Celestinus hoc per traditionem Sedis suæ accepit ab Innocentio I. cum ad Anysium Episcopum scribit: *Neque fas erat, ut aut ego contra tantorum bonorum virorum (Damasi, Siricii) judicium venire tentarem, quorum in locum successisse dignoscor, aut tuo merito, cui præclari viri tantam gratiam auctoritatis hujusce contulisse videntur, aliquid derogari videretur.*

Innocentius hoc per traditionem Sedis suæ accepit à Liberio, qui in Epistola vii. ad Orientales dicit: *Ego Athanasium non defendo, sed quia suscepit illum bone memoria Julius decessor meus, verebar, ne ab aliquo forte prævaricator judicaretur.*

Liberius hoc per traditionem Sedis suæ accepit à Julio, qui in Epistola ad Orientales scribit ista: *Nos omnia secundum Canonem facimus. Infra: Quid queso nos oportuit facere? An non quod Ecclesiastici Canonis est? Infra: Qui sum igitur, qui contra Canones agunt? Infra: Quæ accepimus à beato Petro Apostolo, ea vobis significo, non scripturus aliqui, quæ nota apud vos esse arbitror, nisi facta ipsa non conturbassent.*

Hæc est perpetua sacrorum Canonum observatio, quæ à Gregorio Papa retro ad Petrum Apostolum versus reducitur; nec ibi reperitur illa priorum statutorum derogatio, quam ipsi Gregorius & Symmachus in exemplum pessimum, & in Sedis Apostolicæ opportunitatem ruinam transcribere non verentur.

IV. Bellarminus Nicolai I. testimonium reposcit ex Epistola ad Michaëlem Imp. ubi Pontifex sic disputat: *Pateet profecto Sedis Apostolica, cujus auctoritate major non est, judicium à nemine fore retractandum. Bellarminus locum hunc truncavit, aut is certe, qui Bellarmino locum suppeditavit. Nicolaus, ubi quæ jam ex Gelasio retulimus, retulit, sic philosophatur: Quoniam cum secundum Canones ubi est major auctoritas, judicium inferiorum sit deferendum, ad dissolvendum scilicet vel ad roborandum, patet profecto Sedis Apostolica cujus auctoritate major non est, judicium à nemine fore retractandum, neque cuiquam de ejus judicio liceat judicare. Heu prisca & integra fides! Nicolai ratiocinatio, apud Bellarminum principio & fine minuitur, & quod superest vastum & hiulcum apponitur: Et sic incautis lectoribus parantur insidiæ. Res autem ita se habet: Romanæ & Constantinopolitanæ Sedis privilegia expendit, & Sedem utramque inter se componit, affirmatque cum ex aliis, tum ex hoc quoque Romanam Constantinopolitanæ antecellere, quod Romanæ judicium*



judicium minime retractetur. Non ergo Romanæ Sedis auctoritatem, cum Ecclesiæ totius, vel generalis Concilii auctoritate contendit, uti Bellarminus falsò putat. Verba hæc [*Sedis Apostolicæ judicium à nemine fore retractandum, nec cuiquam de ejus judicio liceat judicare*] propositam explicationem objiciunt. Voces 20 hæ duæ [*à nemine*] & [*cuiquam*] cum singulares tantum personas & Sedes appellent, Concilium nullum excludunt; tantum abest, ut Oecumenicum excludant.

Porro autem, si Bellarminus legisset Epistolam xxxi. quam Nicolaus Silvanectensis Concilii Episcopis scribit, vidisset utique, Nicolaum palam profiteri, se sacris Canonibus, ac proinde Synodis, Canonum auctoribus, subiectum esse. Caterum, inquit, de Balduino, de quo jam multa scripsistis, sciat Beatitudo vestra, Nos non regulas, atque sancta decreta velle corrumpere, quibus homo ab uno Episcopo excommunicatus, ne recipiatur ab alio Episcopo, prohibitum est.

Alia non erat tunc Sedis Apostolicæ sententia vel traditio.

Decessor penultimus, Leo IV. id testatur, scribens ad Lotharium Imperatorem: *Mandatis, ut privilegium & pallium Alieo Episcopo præberemus: Unde poscimus, ut vestra super hoc Magnitudo non indignetur; quoniam quod ab ipso Sanctissimo Papa Gregorio usque ad hæc tempora nostra factum minime recordamur, FACERE non potuimus, neque præfixos Patrum terminos immutare: Apud Ivonem part. iv. capite cxx. Deinde, apud eundem in Epistola lx. ad Hugonem Lugdunensem Archiepiscopum. Leo idem IV. ita scribit ad Judicem Sardinæ: Nec mos, nec noviter introducta consuetudo nostra Ecclesiæ nostris prædecessoribus fuit, contra Canonum statuta, nova vel inusitata præsumere. At præsumerent sæpe, qui se supra Ecclesiam & Concilia putarent esse.*

21 Hadrianus II. Nicolai successor proximus, in Epistola xxvii. ad Carolum Calvum Regem: *Sed de his nihil audent judicare, quod possit Nicæno Concilio & quinque cæterorum Conciliorum regulis, vel decretis nostrorum antecessorum obviare. Sic loquuntur, qui se infra, non qui se supra Canones & Concilia putant esse.*

Leo, Nicolaus, & Hadrianus, idem inter se sentiunt, & in eo à Bellarmino dissentiunt; aut potius in eodem Bellarminus à Leone, Nicolao, & Hadriano dissentit, & Nicolao nominatim sententiam falsam imponit.

V. Bellarminus Paschalis II. testimonium sic exhibet: *Paschalis Papa, ut habetur C. significasti, extra. de electione: Aiunt, inquit, in Conciliis statutum non inveniri, quasi Romana Ecclesia legem Concilia illa præfixerint, cum omnia Concilia per Romanæ Ecclesiæ auctoritatem & facta sint & robur acceperint, & in eorum statutis Romani Pontificis potenter excipiantur auctoritas. Hæc ille Pontifex, in Epistola ad Panormitanum Episcopum, quæ omnia in facti, non juris conditione versantur: Ad rem quippe gestarum historiam pertinent.*

Et primum quidem illud: *Aiunt, in Conciliis statutum non inveniri, quasi Romana Ecclesia legem Concilia illa præfixerint. Qui hoc aiunt & insusurrant Paschali, falluntur.*

Antiochenum Concilium, quod Paulum Samosatenum de Sede Ecclesiæ suæ dejecit, apud Eusebium in libri vii. historiæ capite xxiv. Dionysio Romano & aliis Episcopis legem præfixit: *Omnem, inquit Eusebius, Episcopi & Pastores, qui in Concilio supra commemorato erant convocati, unam communi consensu Epistolam* 22 *ad Dionysium Romanum Episcopum, & ad Maximum Alexandria Ecclesiam procurantem, nominatim conscripserunt, cujus exemplaria ad omnes Ecclesias miserunt. Hæc Epistola paullo post ita inscribitur: Dionysio, Maximo, omnibus ubique in orbe terrarum Collegis, Episcopis, Presbyteris, Diaconis, & universæ ac Catholice sub calo Ecclesiæ, Helenus, Hymenus & Theophilus, Theotecnus, &*

*Maximus, Proclus, Nicomas & Alianus, Paulus, Bolanus & Protegenes, Hierax & Eutychius, Theodorus, Malchion & Lucius, & reliqui omnes Episcopi & Presbyteri & Diaconi, qui civitates & regiones finitimas apud nos incolunt, & Ecclesiæ Dei, quæ apud nos sunt, dilectis Fratribus in Domino salutem. Deinde sub finem Epistolæ: Istum igitur tam Deo adversarium, tamque contumacem eramus coacti, Ecclesiæ, & congregatione fidelium indicere excludereque, & alium Episcopum, qui huic Catholice Ecclesiæ præset, in ejus locum substituere, unde Dominum divina certè, ut putamus, providentia designavimus, Demetriani hominis felicitis commemorationis, (quippe qui hanc Ecclesiam ante hunc præclarè rexisset) filium, omni genere virtutum, quæ Episcopum decent, exornatum, ac vos de ejus electione per Epistolam certiores fecimus, ut illi scribatis, & ab eo literas accipiatis communionis. Sic Orientale Concilium Dionysio Romano peræquè ac Maximo Alexandrino Episcopo legem imponit, seu præcipit, ut Paulum tanquam ritè depositum agnoscant, & Domino novo Antiochiæ Episcopo scribant, & ab eo literas communionis accipiant.*

Arelatense Concilium I. Romano Pontifici legem præfixit. Qua de re in Epistola ad Silvestrum: *Cum 23 diversa sint provincia, ex quibus advenimus, ita & varia contingunt, quæ nos censemus observare debere. Placuit ergo præsentem Spiritum S. & Angelis ejus, ut & his, qui singulos, quos movebat judicare, proferremus de quiete præsentis. Placuit etiam antequam à te, qui majores dioceses tenes, per te potissimum omnibus insinuari. Quid autem sit, quod scripserimus, scripto nostra mediocritatis subjungimus. Præfigentis legem, verba sunt hæc: [Placuit à te & per te potissimum omnibus insinuari,] quæ videlicet pro sancienda Ecclesiæ disciplina Concilium statuit. Deinde in Can. i. Primo loco de observatione Paschæ Dominici, ut uno die & uno tempore per orbem totum à nobis observetur, & juxta consuetudinem literas ad omnes in dirigas. Præfigentis quoque legem, verba sunt hæc: [Et juxta consuetudinem literas ad omnes in dirigas.] Silvestri Legati his legibus non intercesserunt: Silvester delatas ad se illas non respuit.*

Canonem hunc executi sunt Pontifices Romani, ut ex Innocentii I. & Leonis I. Epistolis habetur.

Deinde, Arelatense Concilium illam, quæ inter Romanam & Africanam Ecclesiam erat, controversiam diremit, in Can. viii. *De Afris, quod propria lege sua utuntur, ut rebaptizent, placuit, ut si ad Ecclesiam aliquis de hæresi venerit, interrogent eum symbolum; & si perviderint eum in Patre & Filio & Spiritu S. esse baptizatum, manus ei tantum imponatur, ut accipiat Spiritum S. quod si interrogatus non responderit hanc Trinitatem, baptizetur. Concilium igitur legem hanc & Romanæ & Africanæ Ecclesiæ imponit, quæ certum quoddam temperamentum continet: Ubi, nec omnino secundum Romanam, nec omnino secundum Africanam Ecclesiam pronunciat.* 24

Africana Ecclesia, in Codice suorum Canonum, Romanæ & Alexandrinæ Ecclesiæ legem imponit, num c. i. *Placuit etiam, ut de dissensione Romana atque Alexandrinæ Ecclesiæ ad sanctum Papam Innocentium scribatur, quo utraque Ecclesia intra se pacem, quam præcepit Dominus, teneat.*

Romana Synodus IV. quæ Symmacho Pontifice celebrata est, in capite iv. Romanum Episcopum hac lege constringit: *His ergo perpensis, mansuro cum Dei nostri consideratione decreto, sancimus, ut nulli Apostolicæ Sedis præfuli, à presenti die, donec disponente Domino Catholice fidei manserit doctrina salutaris, liceat prædium rusticum, quantecumque fuerit vel magnitudinis vel exiguitatis, sub perpetua alienatione ad cuiuslibet jura transferre, nec cuiusquam excusetur necessitatis obtentu.*

Agapetus I. lege hac teneri se fatetur in Epistola vi. ad Cæsarium Arelatensem Episcopum: *Tanta est, inquit, Deo propitio, & ad ea concedenda, quæ alimonia proficiunt pauperum, & circa tue Fraternalitatis affectum nostra devotio, ut onerosum nobis nullatenus esse judicemus,* quod

quod annis vestris desideriis postulatis. Sed revocant nos veneranda Patrum manifestissima constituta, QUIBUS SPECIALITER PROHIBEMUR, prædia juris Ecclesiæ, cui nos omnipotens Dominus præesse constituit, quolibet titulo ad aliena iura transferre. Quæ in re vestra quoque sapientiæ credimus esse gratissimum, QUOD IN NULO, CONTRA PRISCÆ DEFINITIONIS CONSTITUTA VEL REGULAS, PRO QUALIBET OCCASIONE, VEL SUB CUIUSCUNQUE PERSONÆ RESPECTU, VENIRE PRÆSUMIMUS. Nec tenacitatis studio, aut sæcularis utilitatis causa hoc facere nos credatis; SED DIVINI CONSIDERATIONE JUDICII NECESSE NOBIS EST, QUIDQUID SYNODALIS DECREVIT AUCTORITAS, INVIOLABILITER CUSTODIRE. Hactenus de Conciliis: Quæ etsi non habeantur generalia, Romano tamen Pontifici legem præfixerunt.

Nunc de Nicæno Concilio nonnihil observandum est. Hoc in Canone III. Romanæ Ecclesiæ, perinde ac cæteris, legem præfixit: Interdixit per omnia magna Synodus, non Episcopo, non Presbytero, non Diacono, nec alicui omnino, qui in Clero est, licere subintroductam habere mulierem. At si magna Synodus hoc in Canone Romanæ Ecclesiæ legem nullam præfixisset, Romanus Episcopus subintroductam potuisset habere mulierem impunè. Quo quid, quæso, fingeretur absurdus? Cæteros prætermitto Canonès, quibus Romani Episcopi obligantur.

Deinde illud [omnia Concilia per Romanæ Ecclesiæ auctoritatem facta sunt:] Qui hoc aiunt, & infusurant Paschali, falluntur, si per, [facta sunt] convocata & indicta esse, ut Tridentinum Concilium indictum est, intelligant. Non enim meminerant in veterum Conciliorum actis nihil legi frequentius, quam Concilia Imperatorum iussu fuisse convocata.

Non meminerunt Leonem I. quem de minuta Romanæ Sedis auctoritate nullus accusavit unquam, multoties rogasse Theodosium, ut in causa Eutychis Oecumenicam Synodum congregaret. Hæc repetere nolo, quæ ea super re in Epistola ad Ludovicum Maræsum, Parisiensem Theologum, ex quibusdam Leonis Epistolis collegi. Superfunt alia, quæ nunc ad demendum exscribo.

Et primum quidem, ex Epistola XIX. ad Julianum Episcopum: Et quia clementissimus Imperator pro benevolentia ac pietate animi sui de statu huius, qui antè honorabilis videbatur, diligentius voluit judicari, atque ob hoc indicendum credidit Episcopale Concilium, per Fratres nostros Julianum Episcopum & Renatum Presbyterum, sed & filium meum Diaconem Hilarium, & quos ex latere meo vice mea misi, ad Fratrem nostrum Flavianum sufficientia pro qualitate causæ scripta direxi.

Deinde, ex Epistola XXII. ad Clerum & plebem Constantinopolitanæ urbis: Et quoniam oportet vos post divinum auxilium etiam Catholicorum Principum gratiam promereri, humiliter ac sapienter exposcite, ut petitioni nostræ, quæ plenariam indici Synodum postulamus, clementissimus Imperator dignetur annuere.

Tum, ex Epistola XXV. ad Theodosium: Literis Clementiæ vestræ, quas dudum ad beati Petri Apostoli Sedem pro Catholica fidei amore misistis, tantam fiduciam sumpsimus defendendæ per vos veritatis & pacis, ut in causâ tam simplici, tamque minuta nihil putaremus posse existere, quod noceret: Præsertim, cum ad Episcopale Concilium, quod haberi apud Ephesum præcepistis, tam instructi sint missi, &c.

Quartò, ex Epistola XXXIII. ad eundem Theodosium: Sin verò aliqui à puritate fidei nostræ atque Patrum auctoritate dissentiant, Concilium universale intra Italiam, sicut Synodus, quæ ob hanc causam Romæ convenerat, mecum peti, Clementia vestra concedat, ut in unum convenientibus omnibus his, qui aut ignorantia, aut terrore prolapsi sunt, correctionis remediis consulatur.

Quintò, ex Epistola XXXIV. ad Faustum, Martia-

num, & alios Archimandritas: Ne ergo (quod inter longinquas regiones accidere solet) in nimias dilutiones tenderent veritatis examina, Fratres & Coepiscopos nostros Abundium & Asterium, sed & Basilium & Senatores Presbyteros, probatissimos viros, ad piissimum Principem cum sufficienti Paternarum auctoritatum instructione direximus.

Sextò, ex Epistola XXXV. ad Pulcheriam Augustam: A quâ (concordiâ) si forsitan ab aliquibus discrepatur, universale Concilium Sacerdotum haberi intra Italiam, Clementia vestra annuente, jubeatur.

Septimò, ex Epistola XLII. ad Martianum Augustum: Unde piissimæ sollicitudini vestræ, quam de indicenda Synodo habere dignamini, per Legationem, quæ confestim ad Clementiam vestram Deo annuente perveniet, quidquid ad causæ utilitatem arbitror pertinere, plenius atque opportunius suggeretur.

Octavò, ex Epistola XLIII. ad eundem Martianum, capite I. Poposcram quidem à gloriosissima Clementia vestra, ut Synodum, quàm ad reparandam Orientalis Ecclesiæ pacem, à nobis etiam petiam, necessariam judicatis, aliquantisper differri ad tempus opportunius jubere-tis, ut liberioribus ab omni perturbatione animis, hi quoque Episcopi, quos hostilitatis metus detinet, convenirent. 23

Nonò, ex Epistola XLIV. ad eundem Martianum capite II. Synodum verò fieri, ut meminit Clementia vestra, etiam ipsi poposcimus, sed Sacerdotes Provinciarum omnium congregari præsentis temporis necessitas nulla ratione permittit, quoniam illa provincia, de quibus maxime sunt evocandi, inquietante bello, ab Ecclesiis suis non patiuntur abscedere. Unde opportuniori temporis, propitiante Domino, cum firmiter fuerit restituta securitas, jubeat vestra Clementia reservari.

Decimò, ex Epistola XLIX. ad eundem Martianum: Credebamus Clementiam vestram id desiderio nostro posse præstare, ut præsentis necessitate respecta, differri ad opportunius tempus Sacerdotalem Synodum juberetis, ut vocatis de cunctis provinciis Sacerdotibus, verè posset esse universale Concilium. Sed quia vos amore Catholica fidei congregationem nunc fieri voluistis, ne devoto obviare viderer arbitrio, Fratrem & Coepiscopum meum Paschasium de ea provincia, quia videtur esse securior, evocatum, qui vicem præsentia mea possit implere, direxi, &c.

Undecimò, ex Epistola L. ad eundem Martianum: Sanctum Clementiæ vestræ studium, quo ad reparationem pacis Ecclesiasticæ Synodum habere voluistis, adeò libenter accepi, ut quamvis eam fieri intra Italiam poposcissem, & aprius expectari tempus optassem, quo scilicet plurimi possent Episcopi etiam de longinquis provinciis evocari; mox tamen ut mihi pietatis vestræ scripta sunt tradita, & Bonifacium de Compresbyteris meis ab urbe direxerim, & de Episcopis Fratrem meum Paschasium de Sicilia fecerim navigare, qui vicem meam sufficienter implerent. 29

Duodecimò, ex Epistola LI. ad Pulcheriam & Augustam capite I. Quod ergo Synodum Calchedonensem haberi Clementia vestra præcepit, cum à me, ut in Italia haberetur, Mansuetudo vestra retineat postulatum, ut omnes nostrarum partium convocati Antistites, si securitas temporis suppeteret, convenirent; adeò tamen non aspernanter accepi, ut binos de Coepiscopis meis & Compresbyteris ordinarem, qui vicem meam implere sufficerent.

Decimotertiò, ex Epistola LIII. ad Anatolium capite II. Quibus inauditis, & nunquam antè tentatis ita prævenitis excessibus, ut sanctam Synodum ad extinguendam solum heresim, & confirmationem fidei Catholica, studio Christianissimi Principis congregatam in occasionem ambitus trahas.

Decimoquartò, ex Epistola LXI. ad Juvenalem Hierosolymitanum: Propter quam (fidei causam) generale Concilium & ex præcepto Christianorum Principum, & ex consensu Apostolica Sedis placuit congregari. Quæ in re consensus ille consistat, ex superioribus Epistolis



Epistolis apparet; & præterea quomodo intelligatur Martianus ad Leonem ita scribens: *Tuam Sanctitatem principatum in Episcopatu divina fidei possidentem, sacris literis in principio credimus alloquendam, invitantes atque rogantes, ut pro firmitate & statu imperii nostri aternam Divinitatem tua Sanctitas deprecetur, ut & tale propositum & desiderium habeamus, quatenus omni impio errore sublato per celebrandam Synodum te auctore maxima pax circa omnes Episcopos fidei Catholica fiat: Quo-*  
 30 *modo, inquam, intelligatur, quia sunt, qui tibi canentes verbis illis abutantur.*

Præterea, antistites Mœsæ II. si Concilii acta & Leonis perlegissent Epistolas, ad Leonem Imperatorem minimè scripserunt, quæ in partis III. Calched. Synodi capite XXXII. scripserunt: *In Calchedonensi civitate multis sanctis Episcopis convenientibus per iussu-  
 rem Leonis Romani Pontificis, qui verè caput est Episcoporum, & venerabilis Sacerdotis & Patriarchæ Anatolii Concilio celebrato, sub duobus Imperatoribus confirmata est (fides.)*

Sic Leo magnus Pontifex nos docet Paschali II. tam luculenter obreptum esse, ut non possit luculentius. Quod igitur vulnus fufurrone aliqui disciplinæ Ecclesiasticæ apud Paschalem imposuerunt, hoc Leo multifariam persanavit.

Bellarminus quoque ab illis, qui hoc aiunt, dissentit in lib. I. de Conciliis capite XIII. in quo Hieronymi propositionem hanc explicat: *Dic, Rufine, quis Imperator hanc Synodum iusserit convocari? Dico, Hieronymum illud dicere, quia revera tunc ob causas dictas Imperatores Synodos convocabant, licet non sine consensu Pontificum. Consentire non est Romani unius Pontificis, sed & cæterorum, qui aliàs in Synodum minimè venient.*

Tum illud: *Omnia Concilia per Romana Ecclesia auctoritatem robur acceperunt.* Hoc quidem verum est, sed tunc maximè, quando Romani Pontifices Conciliorum, atque editorum ab iis Canonum patronos se, defensores, custodes, executores acerrimos præstiterunt: Atqui hæc est præcipua laus Romanorum Pontificum, ut ex historia Ecclesiastica colligi potest. Sed hæc in re Pontificum ipsorum testimoniis utendum est.

31 Julius I. in Epistola ad Orientales: *Tali igitur commissa audacia, quinam dicendi sunt flammam discordiæ accendisse? Siquidem id nobis in vestris literis objicitis. Nos scilicet discordiam induximus, qui compatimur cum patientibus fratribus, & omnia secundum Canonem facimus? An qui contentiose violato Canone trecentorum decreta prævaricantur, & per omnia Synodum contemptui habent? Cum non solum Arrianos recipiant; sed jam in usu habeant, de loco in locum ad Episcopatus capiendos transire. Si igitur verè parem eundemque honorem in omnibus Episcopatibus censeatis esse, neque ex magnitudine civitatum (ut vos scribitis) honorem ejus rei crescere arbitramini, non oportuit eum, non concedita est, parva civitas, transvolare, ne eam, quæ à Deo data est, aspernari, illam verò, quæ hominum ambitu concessa est, magnificare videatur. Sic Nicæni Concilii Canonem xv. exequitur & exequendo confirmat: Hoc enim Canone vetatur, nequis Episcopus ab una civitate in aliam transferatur.*

Liberius, in Epistola ad Imperatorem Constantium: *Testis est mihi Deus, testis est tota cum suis membris Ecclesia, me fide in Deum meum cuncta mundana, ita ut Evangelica & Apostolica ratio præcipit, calcare, atque calcasse non furore temerario, sed constituto atque observato jure divino; atque in alio ministerio Ecclesiasticus vivens, nihil per jactantiam, nihil per gloriæ cupiditatem, quod ad legem pertinebat, implevi; atque ad istud officium, testis est mihi Deus meus, invitus accessi, in quo cupio quidem, sine offensa Dei, quamdiu in seculo fuero, permanere. ET NUNQUAM MEA STA-*  
 32 *TUTA, SED APOSTOLICA, UT ESSENT SEMPER*

*FIRMATA ET CUSTODITA, PERFECI; SECUTUS MOREM ORDINEMQUE MAJORUM, NIHIL ADDIDI EPISCOPATUI URBIS ROMÆ, NIHIL MINUI PASSUS SUM. Hæc perspicua sunt: nec ut luceant, aliena ope indigent.*

Damasus, in Epistola ad Acholium, Eurydicum, Severum, Uranium, Philippum, & Joannem: *Illud præterea commoneo Dilectionem vestram, ne patiamini aliquem contra statuta majorum nostrorum de civitate alia ad aliam transduci, & deferere plebem sibi commissam, & ad alium populum per ambitionem transire. In Synodi Romanæ collectionis bipartitæ numero I. Nicæni Concilii Canonem xv. & Sardicenis Canonem I. exequitur, atque exequendo confirmat.*

Siricius, in Epistola ad Anysium: *Ad omnem hujusmodi audaciam comprimendam vigilare debet instantia tua, Spiritu in te Sancto fervente, ut vel ipse, si potes, vel quos judicaveris Episcopos idoneos, cum literis dirigas dato consensu, qui possit in ejus locum, qui defunctus, vel depositus fuerit, Catholicum Episcopum, & vita & moribus probatum secundum Nicæna Synodi statuta, vel Ecclesiæ Romanæ Clericum de Clero bene meritum ordinare. In Romanæ Synodi collectionis bipartitæ num. III.*

Iterum, in Epistola ad Himerium Tarraconensem Episcopum: *Fæminas verò non alias esse patimur in domibus Clericorum, nisi eas tantum, quas propter solas necessitudinum causas habitare cum eisdem Synodus Nicæna permittit. Utrobique Nicænorum Canonum vindicem atque executorem se prodit: Quo pacto Nicæni Ca-*  
 33 *nones validè confirmantur.*

Innocentius I. in Epistola ad Victricium Rotomagensis Episcopum capite I. *Primum, ut extra conscientiam Metropolitanæ Episcopi nullus audeat ordinare: Integrum enim est judicium, quod plurimorum sententiis confirmatur, ne unus Episcopus ordinare præsumat, ne furtivum beneficium præstitum videatur: Hoc enim à Synodo Nicæna constitutum est, atque definitum.*

Deinde, in ejusdem Epistolæ capite VI. *Ut de aliena Ecclesiæ Clericum ordinare nullus usurpet, nisi ejus Episcopus precibus exoratus concedere voluerit. Hoc etiam Nicæna Synodus statuit, ut abjectum ab altero Clericum altera Ecclesiæ non recipiat.*

Tum, in Epistola ad Alexandrum Episcopum: *Revolvantes itaque auctoritatem Nicæna Synodi, quæ unam omnium per orbem terrarum mentem explicat Sacerdotum, quæ censuit de Antiochena Ecclesiæ cunctis fidelibus, ne dixerim, Sacerdotibus esse necessarium custodire, quæ super diocesim suam prædictam Ecclesiæ, non super aliquam provinciam recognoscimus constitutum.*

Postremò, in Epistola ad Constantinopolitanæ Ecclesiæ Clericos: *Nos quantum ad Canonum observantiam attinet, illis obsequendum esse scribimus, qui Nicææ determinati sunt: Quibus solis obtemperandum & suum suffragium addere Ecclesiæ Catholica debet. Sic Nicænum Concilium Canonum illius executione confirmat.*

Bonifacius I. in Epistola ad Episcopos per Thesaliam constitutos: *Leguntur præcepta majorum, & quibus in Ecclesiis juris aliquid dederint, invenimus. Jam temerario est Ecclesiastica disciplina, quisquis in ejus leges, cum sibi nihil debeatur, inrepat, ea sibi vendicando, quæ sibi à Patribus negata videantur. Infra: Cesset novella præsumptio: Nemo audeat sperare quod non licet: Nullus ea quæ sunt à Patribus gesta, & per tantum temporum custodita, temerare contendat. In Romanæ Synodi Collect. bipart. num. IX.*

Deinde, in Epistola II. ad Hilarium Narbonensem Episcopum: *Ecce enim, ut Caritas tua recognoscit, ex subditis Lutubensis Ecclesiæ Cleri ordo, vel plebis preces suas & lacrymas ad nos, quantum datur intelligi, magno cum dolore miserunt, dicentes, Coepiscopum nostrum Patroclum sua petitione cessante, in locum decedentis Episcopi, nescio quem in alia provincia, prætermisso Metropolitanano, contra Patrum regulas ordinasse: Quod nequaquam possumus*  
 34 *ferre*

ferre patienter, quia convenit nos paternarum sanctionum diligentes esse custodes. Nulli enim videtur incognita Synodi constitutio Nicana, quæ ita præcipit, ut eadem propriè verba ponamus, per unamquamque provinciam ius Metropolitanos singulos habere debere, &c. Sic Pontifex sacros Canones confirmat, dum observari præcipit.

Celestinus I. in Epistola ad Episcopos, per Vienneensem & Narbonensem provincias constitutos, capite IV. Primum, ut juxta decreta Canonum unaquaque provincia suo Metropolitano contenta sit. Deinde, in Epistola ad Episcopos per Apuliam & Calabriam constitutos: Nulli Sacerdotum suos liceat Canones ignorare, nec quicquam facere, quod Patrum possit regulis obviare. Impedire, ne violentur Canones, hos utique confirmare est. Sed Cedro digna loquitur, cum in Epistola ad Perigenem, Dynatum, Basilium, & alios Episcopos per Illyricum constitutos scribit: Dominentur nobis regula, non regulis dominemur: simus subjecti Canonibus, cum Canonum præcepta servamus. In Romanæ Synodi Collect. bipart. num. XIII.

Sixtus III. in Epistola ad Proclum: Licet Fraternitatem tuam disciplinis Ecclesiasticis eruditam ea omnia, quæ ad regularum & Canonum observantiam pertinent, custodire summa sollicitudine noverimus, nec quidquam aut ipsam facere, aut facere alios Sacerdotes se cobiñente permittere, quod vetusta Patrum constituta pervertat, documentis evidentibus probaverimus.

Deinde in Epistola ad Episcopos per Illyricum constitutos: Ergo vobiscum, quod ad regularum Canonumque custodiam proficere novimus, pro sollicitudine nostra conferimus, sequestro filio nostro Artemio Presbytero, cujus nobis efficacia in agendo pariter & moderatio placuit, & amor, ut traditus trames à Patribus firmis vestra Dilectionis vestigiis teneatur, & ea quæ à nobis propter quietem Ecclesiarum sunt custodita, serventur. Infra: A Canonum præceptis vestrum nemo discedat, nec ab iis deviet, quæ juxta regularum ordinem frequens ad vos directæ Sedis Apostolica decrevit auctoritas. In Romanæ Synodi Collect. bipart. num. XVI. & XVII.

Synodi confirmari nequeunt melius, quam præcipiendo, ut illarum Canones observentur.

Leo I. in Epistolæ LIV. ad Marcianum Imperatorem capite IV. Privilegia Ecclesiarum Sanctorum Patrum Canonibus instituta, & venerabilis Nicæna Synodi fixa decretis nulla possunt improbitate convelli, nulla novitate mutari. IN QUO OPERE, auxiliante Christo, FIDELITER EXEQUENDO NECESSE EST ME PERSEVERANTER EXHIBERE FAMULATUM, QUONIAM DISPENSATIO MIHI CREDITA EST, ET AD MEUM TENDIT REATUM, SI PATERNARUM REGULÆ SANCTIONUM, QUÆ IN SYNODO NICÆNA AD TOTIUS ECCLESIE REGIMEN, SPIRITU DEI INSTRUENTE sunt condita, me, quod absit, committente VIOLENTUR, & major sit apud me unius fratris voluntas, quam universa domus Domini communis utilitas.

Deinde in Epistola LXI. ad Juvenalem Hierosolymitanum Episcopum: De custodiendis quoque Sanctorum Patrum statutis, quæ in Synodo Nicæna inviolabilibus sunt fixa decretis, observantiam vestra Sanctitatis admoneo, ut jura Ecclesiarum sicut ab illis CCCXVIII. Patribus divinitus inspirata sunt, ordinata permaneant. Nihil alienum improbus ambitus concupiscat, nec per alterius immunitionem suam aliquis quærat augmentum. Quantumlibet enim exortis assentationibus sese instruat vanitatis elatio & appetitus Conciliorum æstimet nomine roborandos, infirmum atque irritum erit, quidquid à prædictorum Patrum Canonibus discreparis, quorum regulis Apostolica Sedes, quam reverenter utatur, scriptorum meorum, quibus Constantinopolitani antistitis conatus repulsi, poterit sanctitas vestra à lectione cognoscere, me auxiliante Domino & fidei Catholica & paternarum traditionum esse custodem. Magnus hic Pontifex nunc Canonum executorem, nunc paternarum sanctionum custodem se asserit, & asserendo Canones & Synodos confirmat.

Hilarus, in Epistolæ VIII. capite I. Quod utique non aliter poterit præcaveri, NISI STATUTA VENERANDORUM CANONUM in faciendis conventibus, quæ hactenus omitti fecit certa necessitas, EXEQUAMUR, in quibus possint pro emergentium necessitate causarum ad Ecclesiasticæ observantiam discipline, & quæ secum facta fuerint, corrigi, & sequenda constitui: Exequitur Canones & Canonum executionem perurget.

Felix III. quem antè laudavimus, Apostolicam Sedem Chalcedonenfis Concilii executricem appellat: Locum repetere supervacaneum esset.

Gelasius, in Epistola II. decessorem suum Chalcedonenfis Synodi executorem nominat: Itane non perspicit secundum formam Synodi Chalcedonenfis Acacium fuisse damnatum? Nec novit eam, aut se nosse dissimulat, in qua utique per numerosam sententiam Sacerdotum erroris hujus auctores fuisse constat damnatos, sicut in unaquaque hæresi à principio Christianæ religionis factum fuisse, & fieri manifesta verum ratione monstratur, decessoremque executorem fuisse veteris constituti, non novæ constitutionis auctorem.

Huc maximè spectat locus ex Epistola ad Episcopos Dardaniæ, qui suprâ relatus est. Ubi quid sit Conciliorum Canones confirmare, eleganter exponit Martinus I. in Epistola IX. ad Pantaleonem: Canones Ecclesiasticos solvere non possumus, qui defensores & custodes Canonum sumus, non transgressores. Qui Canonum est custos, idem & Canonum confirmator est.

Nicolaus I. in Epistola LIV. ad Carolum Calvum: Cum ergo familiaris in regionibus vestris sit hac temeritas, & sacrorum super hoc Canonum violatio dilata, necesse est, nostram sollicitudinem pro hac amputanda, specialius impendere diligentiam. Et post pauca: Alioquin nos sanctarum minimè regularum immemores, nec segnes executores admodum existentes, adversus temerarios succinctis lumbis defendere procurabimus. Quibus verbis manifestum est, Pontificem hunc sacrorum Canonum executionem sibi vindicare: Quæ est optima & Canonum & Conciliorum confirmatio.

His omnibus ita constitutis, qui Paschali dicunt, omnia Concilia per Romanæ Ecclesiæ auctoritatem robur accepisse, verum dicunt, si id non aliter, quam relati Pontifices, intelligant. Si verò id aliter intelligant, eos antiquorum Pontificum testimoniis destitui certum est, & hanc ob causam falsum dicere.

Postremò illud, in Conciliorum statutis Romani Pontificis patenter excipiunt auctoritas: Qui hoc ajunt & insufurrant Paschali, oppidò quàm falluntur. Siquidem nullus est Concilii, vel Nicæni, vel Constantinopolitani, vel Ephesini, vel Chalcedonenfis Canon, in quo Romani Pontificis patenter excipiatur auctoritas. Dico amplius: In Canonum codice Romanæ, Africanæ, universæ Ecclesiæ, nullus est Synodi vel generalis vel particularis Canon, in quo Romani Pontificis patenter excipiatur auctoritas. Hic error est ex omni parte patens & apertus, qui solis oculis deprehenditur. Cæterum quæ omnia ad caput significasti, extrâ. De electione disserui, facile mihi persuadent, Epistolam, ex qua depromptum est caput hoc, Paschali subjectam fuisse, vel certè illi subreptum incredibiliter.

Interim Paschalis sacris Canonibus se esse obnoxium credidisse tria demonstrant. Primum est, illius Epistola II. ad Daimbertum Senonensem Archiepiscopum: Venit ad nos cum tuo, seu suffraganeorum tuorum testimonio, Parisiensis Ecclesiæ electus, per Nuncios & per literas ejusdem Ecclesiæ preces afferens, ut à nobis Dei gratia deberet in Episcopum consecrari. Nos persona gravitatem videntes, morum maturitatem attendentes, infirmitati diutine compatiētes, Ecclesiæ preces duximus audiendas. SALVO IGITUR IN OMNIBUS SENONENSIS ECCLESIE JURE, ET PERSONÆ TUÆ REVERENTIA, eum nostris tanquam beati Petri manibus largiente Domino consecravimus: In Tomo III. Spicilegii Lucæ Dacherii.



Alterum est, illius Epistola VIII. ad Clerum & populum Babembergensem: Quanto affectionis debito Babembergensis Ecclesia ab ipso suae institutionis primordio Sedi Apostolica constringatur, etsi nos lateret, literarum vestrarum significatio manifestat. Quod affectionis debitum venerabilis frater Otto, vestra Ecclesia electus, constanter tenuisse ac tenere cognoscitur, cum per tot & tanta pericula ad Apostolica Sedis visitationem percurrat. Nos igitur cum debita benignitatis affectione suscepimus, & juxta vestrae dilectionis desiderium, nostris tanquam B. Petri manibus, SALVO METROPOLITANI JURE, vobis per Dei gratiam Prasulem ordinavimus. Utrobique à Paschali patenter excipitur Metropolitani auctoritas, quam Nicæna Synodus & sacri Canones confirmant. Hoc autem modo Paschalis subjectum se Conciliis & Canonibus ostendit.

40 Tertium est, illius Epistola XXXIX. ad Baldwinum Hierosolymitanum Regem: Unaquaeque provincia justitiae suae liminibus perfruatur. NEC ENIM POSSUMUS MANIFESTE SANCTIS PATRUM NOSTRORUM CONSTITUTIONIBUS OBEVIARE; nec omnino volumus, aut pro Principum potentia Ecclesiasticam minui dignitatem, aut pro Ecclesiastica dignitate Principum potentiam mutilari, ne apud nos occasione alterutra pax turbetur Ecclesiae.

His tribus Epistolis adjungendum est Lateranense Concilium Episcoporum plus minus centum, ubi Paschalis demissè ac suppliciter ita loquitur: Porro scriptum illud (de Investituris) quod magnis necessitatibus coactus, non pro vita mea, non pro salute, aut gloria, sed pro solis Ecclesiae necessitatibus sine fratrum Concilio, aut subscriptionibus feci, super quo nulla condicione, nulla promissione constringimur; sicut prave factum cognosco, ita prave factum confiteor, & omnino corrigi Deo praestante desidero: Cujus correctionis modum, fratrum, qui convenerunt, consilio judicioque constituo, ne forte per hoc imposterum detrimentum aliquod Ecclesiae, aut anima mea praedictum relinquantur. Tunc enim communi omnium favore laudatum est, fratres meos, qui donum à Deo sapientiae scientiaeque perceperant, maturius super hoc consilium communi collatione susceperunt, quid sequenti die per inspirationem Spiritus Sancti responderent. Die itaque sexta, qua & ultima Concilii fuit, fidei suae veritatem sanctis Patribus per omnia congruentem Dominus Papa Paschalis audientia totius Concilii exposuit, asserens, se Scripturas sanctas veteris & novi Testamenti, & Concilia universalia veneranda suscipere ac venerari, qua

41 Catholica Ecclesia suscipit & veneratur, ita dicendo: Amplector omnem divinam scripturam, scilicet veteris & novi Testamenti, legem scriptam à Moysè, & à sanctis Prophetis; amplector quatuor Evangelia, septem Epistolas Canonicas, & Epistolas gloriosi Doctoris beati Pauli Apostoli, sanctos Canones Apostolorum, quatuor universalis Concilia, sicut quatuor Evangelia, Nicænum, Constantinopolitanum, Ephesinum, & Chalcedonense, decreta sanctorum Patrum, Romanorum Pontificum, & praecipue decreta Domini Papa Gregorii, & beata memoria Papa Urbani. Qua ipsi laudaverunt, laudo; qua ipsi tenuerunt, teneo; qua confirmaverunt, confirmo; qua damnaverunt, damno; qua repulerunt, repello; qua interdixerunt, interdico; qua prohibuerunt, prohibeo in omnibus, & per omnia, & in omnibus semper perseverabo.

In calce hujus professionis ex ore omnium, qui ad consulendum hesternae deliberatione convenerant, Engolismensis Episcopus Gerardus hanc in scriptis sententiam recitavit: Privilegium illud, quod non est privilegium (neque enim dici debet privilegium, sed pravilegium) pro libertate captivorum & Ecclesiae à Domino Papa Paschali per violentiam Henrici Regis extortum, nos omnes in hoc sancto Concilio cum eodem Domino Papa congregati, Canonica censura, & Ecclesiastica auctoritate, judicio sancti Spiritus damnamus, & irritum esse judicamus, atque omnino cassamus. Haec omnia palam loquuntur, Paschalem se Ecclesiae & Concilii obnoxium credidisse. Siccine loquitur Pontifex, qui se credit simpliciter & absolute

esse supra Ecclesiam universam & supra generale Concilium, ita ut nullum in terris supra se iudicium cognoscat? Meræ sunt nugæ.

Nunc excusandus est Bellarminus, qui ad superiores Epistolas tres, & Lateranense Concilium istud oculos non adiecerat: Non enim ex Paschali probare tentasset, quod probandum suscepserat.

VI. Bellarminus Alexandri III. testimonium sic proponit: Concilium Lateranense sub Alexandro III. ut habetur cap. Licet. extra de elect. In Romana, inquit, Ecclesia aliquid specialiter constituitur, quia non poterit ad superiorem haberi recursus. Ubi Concilium docet majori cautela debere eligi Romanum Pontificem, quam alios Episcopos: Quia si eligatur malus Episcopus, potest ille corrigi & deponi per Romanum; si autem malus eligatur Pontifex summus, non est remedium ullum. Non enim habet superiorem, à quo deponi possit. Bellarminus non videtur legisse Alexandri seu Concilii decretum integrum, quod sic se habet: Licet de vitanda discordia in electione Romani Pontificis manifesta satis à predecessores nostris constituta manaverint, quia tamen saepe post illa per improbe ambitionis audaciam gravem passa est Ecclesia scissura; Nos etiam ad malum hoc evitandum de consilio fratrum nostrorum, & sacri approbatione Concilii aliquid decrevimus adjungendum. Statuimus ergo, ut si forte inimico homine superseminante zizaniam inter Cardinales de substituendo summo Pontifice, non poterit esse plena concordia, & duabus partibus concordantibus pars tertia concordare noluerit, aut sibi alium presumpserit nominare, ille absque ulla exceptione ab universali Ecclesia Romanus Pontifex habeatur, qui à duabus partibus concordantibus electus fuerit & receptus. Siquis autem de tertiae partis nominatione confusus (quia de ratione esse non potest) sibi nomen Episcopi usurpaverit, tam ipse, quam ii, qui eum receperint, excommunicationi subiaceant, & totius sacri ordinis privatione mulentur, ut viatica etiam eis (nisi tantum in ultimis) communio denegetur; & si non respuerint, cum Dathan & Abiron (quos terra vivos absorbit) accipiant portionem. Præterea, si à paucioribus quam à duabus partibus aliquis electus fuerit ad Apostolatus officium, nisi major concordia intercesserit, nullatenus assumatur, & predicta poena subiaceat, si humiliter noluerit abstinere. Ex hoc tamen nullum Canonice constitutionibus & aliis Ecclesiis praedictum generetur, in quibus debet majoris & sanioris partis sententia prevalere, quia quod in eis dubium venerit, Superioris poterit iudicio definiri: In Romana verò Ecclesia speciale aliquid constituitur, quia non poterit ad Superiorem recursus haberi: Quia tunc scilicet Concilium nullum congregatum est. Bellarminus magnum aliquod quaerit mysterium, ubi nihil est mysterii. Alexander, seu Concilium dicit, in eligendis & constituendis Pontificibus rationem aliam Romanæ, aliam cæterarum Ecclesiarum. In cæteris Ecclesiis, si contra Canones eligatur & constituatur Episcopus, est qui vindicet & ulciscatur. Nempe Ecclesiae cæteræ Romanum Episcopum habent superiorem, à quo vitiosa canonice rescindatur electio, & male constitutus Episcopus deponatur. In Romana verò Ecclesia, si contra Canones eligatur & ordinetur Pontifex, non est, qui malo istiusmodi sic continuò medeatur. Nam in reliquorum Episcoporum ordine nullus occurrit, à quo perversa Romani antistitis rescindatur electio & perperam ordinatus antistes removeatur. Quapropter, Alexander & Concilium cautionem magnam adhibent in praescribenda eligendi Pontificis forma, ut quod malum in aliis Ecclesiis aliquando potest contingere, in Romana contingat nunquam. Verum ex hoc non sequitur Romanum Pontificem esse supra Concilia, vel sacris Canonibus & Conciliis subditum non esse, nisi Bellarminus illud more suo per accidentis fallaciam concludat. Et quando Pontifex & Concilium dicit, In Romana Ecclesia recursus ad superiorem haberi non poterit, haberi non posse tam facile, quam in cæteris Ecclesiis intelligit. Huc & non alio tendit ea, quæ Romanam inter & alias

alias Ecclesias instituitur comparatio. Quis enim affirmaret, Alexandrum & Concilium in ea fuisse sententia, ut existimarent, nullum in Ecclesia tota superesse remedium, quo vitiosa Romani antistitis electio rescinderetur, nullum ritè fieri posse seu provinciale, seu generale Concilium, quod pravam Romani Pontificis electionem abrogaret, & legitimum Pontificem crearet? Quis crederet, Alexandrum & Concilium ignorasse, quomodo extinctum fuerit schisma, quod inter Damasum & Ursicinum, inter Bonifacium & Eulalium, inter Symmachum & Laurentium, discordantes Romanæ Ecclesiæ Clerici conflaverant? Ut removeretur Ursicinus, Romæ celebratum est Concilium, quod ea de re literas ad Gratianum & Valentinianum potentissimas scripsit. Imperatores ad Aquilinum urbis Vicarium scripserunt, ut is, quæ fuerant gesta in Concilio, confirmaret. Honorius Imperator Bonifacium & Eulalium Ravennam accersit, & plures illuc convenire iussit Episcopos, qui auditis partibus causam dirimerent. His inter se dissentientibus Episcopis, insectum remansit negotium. Quod cum videret Imperator statuit, ut propter dies Paschæ qui imminebant, Bonifacius & Eulalium ab urbe abstinerent. Spoleti maiorem indicit Synodum, quæ ex Italiæ, Galliæ, & Africæ Episcopis colligeretur. Interim Eulalius Imperatoris decreto non paret, in urbem se immittit, & publicæ seditionis occasionem præbet. Tunc intermittitur Synodus, & Imperator Eulalio urbe pulso & relegato præcipit, ut Bonifacius ad Romanam Ecclesiam accedat, quam postea pacificè & egregiè juxta gubernavit. Tum Honorius Bonifacio rogante constituit, ut si denuo Romæ antistites ordinati fuerint duo, ambo de civitate pellantur.

Symmachus & Laurentius convenerunt inter sese, ut controversiæ totius disceptatio ad Theodoricum Italiæ Regem transferretur. Theodoricus secundum Symmachum dixit sententiam. Sic compressum ad tempus incendium, paullo post vehementius exarsit: Sed anno D. I. & sequentibus, nonnullæ Regis illius auctoritate ea super re Synodi Romæ sunt habitæ, & anno ipso D. I. damnatus est Laurentius.

At si Bellarminus non dignatur vetustiorum temporum memoriam repetere, conjiciat oculos in Julium II. qui Romanam Ecclesiam administrare cœpit anno M. D. IV. Hic circa simoniacam Romani Pontificis electionem decretum edidit, in quo sic habetur: *Et insuper liceat Cardinalibus, qui electioni prædictæ simoniace interfuerint, & à præfato sic electo discesserint, adhibitis secum aliis Cardinalibus, qui hujusmodi simoniaca electione consenserunt, & postea eisdem Cardinalibus in dicta simonia non complicibus se univerint, si se cum eisdem unire voluerint, alioquin sine eis ad alterius nihilominus Pontificis electionem, non expectata alia sententia declaratoria simoniace electionis hujusmodi, eadem tamen nostra constitutione semper in suo robore permanente, liberè, aliàs tamen canonicè devenire, ET CONCILIUM ETIAM GENERALE INDICERE, ET CONVOCARE IN LOCO IDONEO, prout eis videbitur expedire, non obstantibus constitutionibus & ordinationibus Apostolicis, & præcipuè felicitis recordationis Alexandri Papæ III. quæ incipit: Licet de vitanda discordia.* Julius II. ad generale recurrit Concilium, si Romanus antistes per simoniam electus, quem Hæresiarcham nominat, aliter rejici non possit: Quæ in re Julius ab Alexandro III. non dissentit, & si dissentiret, non ego, sed Bellarminus ferret incommodum.

Hæc autem omnia cum sic se habeant, fieri non potest, ut quod Bellarminus ex cap. *Licet*, consequi vult, legitime consequatur.

Hic ergo vehementer doleo, quod auctor noster non legerit diploma, quo Alexander ad Concilium Episcopos per Thusciam constitutos accersit: *Quia, inquit, in Ecclesia correctione videmus quamplurimos indigere, tam ad emendanda, quæ digna emendatione videntur, quam ad*

*promulganda, quæ saluti fidelium visa sunt expedire, de diversis partibus personas Ecclesiasticas decernimus evocandas, quarum præsentia & consilio, quæ fuerint salubria, statuatur, & quod bonum est, secundum consuetudinem antiquorum Patrum, provideatur & firmetur à multis.* Quod si particulariter fieret, non facile posset plenum robur habere. Ex hac autem differentia, quam inter particulare & generale Concilium ponit, generalis Concilii necessitatem adstruit, & in generali reperit, quod in particulari suo reperire non facile posset. At non ita loqueretur Alexander, si se supra Ecclesiam & Concilium generale positum esse crederet.

VII. Bellarminus Innocentii III. testimonium sibi comparat ex Sermone II. de consecratione Pontificis: *In tantum, inquit Innocentius, fides mihi necessaria est, ut cum de cæteris peccatis Deum judicem habeam, propter solum peccatum, quod in fide committitur, possem ab Ecclesia judicari.* At ex hoc Innocentii loco cum probetur, in causa fidei Concilium esse supra Pontificem, qui tunc judicatur ab Ecclesia, mirari subit, cur Bellarminus Innocentium adhibeat, ut confirmet, *Summum Pontificem simpliciter & absolue esse supra Ecclesiam universam, & supra Concilium generale, ita ut nullum in terris supra se judicium agnoscat.* Hic peccatum, quod in fide committitur, non solum hæresim veram complectitur, sed & quamcunque pravitatem inemendabilem, quæ Ecclesiæ toti publicam offensionem importaret. Hoc facile deducitur ex libri I II. Regist. xv. Epistola c. IV. quam Innocentius ad Philippum Regem Francorum scribit: *Diligenter, inquit, auditis, & perspicaciter intellectis, quæ nobis ex parte regis dilecti filii: Abbas de Trappa & I. Clericus tuus proponere curaverunt, & habito cum fratribus nostris studioso tractatu, non occurrit nobis aliqua via, per quam in his, quæ ipsi pro te postulaverunt, à nobis tue secundum \* possemus occurrere voluntati, sub obtestatione divini iudicii protestantes, quod libentissime, si possemus cum Deo, ab illo te curaremus vinculo expedire, à quo desideras vehementer absolvi. Sed in carnali commercio inter te ac Reginam conjugem tuam adeo est processum, quod si etiam illi tantum confessioni vellemus insistere, quam nuper eadem Regina fecisse proponitur coram prædicto Abbate de Trappa, & dilecto Magistro Roberto Corzon, nunc tituli S. Stephani in Cælio Monte Presbytero Cardinali, non auderemus super hujusmodi casu de nostro sensu pro te aliquid definire, propter illam sententiam Evangelicam, quam ipse Christus expressit, ut Quod Deus conjunxit, homo non separet, cum absque dubio nec Sanctorum exempla, nec Patrum decreta intentioni tue in hoc articulo suffragentur. Verum, si super hoc absque generali deliberatione Concilii determinare aliquid teneremus, præter divinam offensam & mundanam infamiam, quam ex eo possemus incurrere, forsan ordinis & officii nobis periculum immineret, cum contra præmissam veritatis sententiam nostra non possit auctoritas dispensare. Sic in hac causa, quæ proprie fidei causa non est, sponte fatetur, admittere se posse id genus peccati, cujus gratiâ ordinis & officii periculum immineret. Ubinam, quæso, immineret, nisi apud Ecclesiam, quæ Pontificem ordine & officio abdicaret? Deinde, in decidenda hac causa Concilii potestatem sua majorem agnoscit, ut semel adhuc iterumque agnovit.*

Semel quidem, in ejusdem libri & registi Epistola CLXXXVII. ad Consules & populum Mediolanensem, quibus minatur penam maximam, nisi illatas Papiensibus injurias resarciant: *Cum sit dignum & justum, ut qui non finitis alios requiescere, apud eos non possint requiem invenire: Ut autem Metropolis vestra obedientiam, quam vos Superiori vestro subtrahitis, in sibi subditis non inveniat, universis Episcopis eidem subiectis Metropoli, nostris damus literis in præceptis, ut in penam vestram ipsi omnem obedientiam & reverentiam subtrahentes eidem in aliquo non intendant. Denique non solum honore Metropolitico, sed etiam Pontificali vos reddatis indignos, quoniam ad præsens generale Concilium commodè convocare*



non possumus, per Januen. Graden. Remen. Senonen. Rothomagen. Turonen. Bituricen. & Burdegalen. provincias dirigimus scripta nostra, ut habito super iis Archiepiscoporum & Episcoporum, quos propter hoc congregari mandamus, Concilio in tanto negotio cum maturitate debita procedamus. Interea, dum generale congregetur Concilium, ad provincialia Concilia decem recurrit, ut eorum auctoritate munitus id agat, quod agere intendit. Hoc autem qui facit, nonne Conciliorum auctoritatem sua maiorem esse credit?

Iterum, in libri quarti regist. XVI. Epistola CLXXXII. ad Rigensem Episcopum: Cum in memoria hominum non existat, Rigensem Ecclesiam alicui Metropolitico jure subesse, volumus, ut donec in generali Concilio super hoc aliquid certum duxerimus statuendum, nulli tanquam Metropolitano interim respondere cogaris. Hic Pontifex eo videtur scripsisse consilio, ut Concilii potestatem sua maiorem esse persuadeat.

VIII. Denique, Bellarminus Bonifacii VIII. testimonium sic proponit: Bonifacius VIII. in extravaganti Unam sanctam, tit. de majoritate & obedientia: Si deviat, inquit, terrena potestas, judicabitur à potestate spirituali; si deviat spiritualis, minor à majori; si vero suprema, à Deo solo, non ab homine poterit judicari. Bellarminus reticet quod sequitur, sed addendum fuit: Testante Apostolo, spiritualis homo judicat omnia, ipse à nemine judicatur. Bellarminus, opinor, reticet, ne beati Pauli testimonio vis illata videatur, & argumentum quod illi superstruitur, statim concidat. Beatus enim Paulus non id testatur, quod eum testari Bonifacius significat. Hoc Patrum traditione, quæ optima est Scripturæ interpretis, confirmatur.

Irenæus, in libri IV. contra Hæreses capite LIII. Talis Discipulus, Discipulus verè spiritualis recipiens spiritum Dei, qui ab initio in universis dispositionibus Dei affuit hominibus, & futura annunciavit, & præsentia ostendit, & præterita enarrat. Judicat quidem omnes, ipse autem à nemine judicatur.

Athanasius, in libro de Incarnatione Christi: Ceterum (Apostolus) cum eos alterum animale, alterum spiritualem appellet, non aliud in hoc, quam in illo corpus innuit, sed idem in utroque: Primum quidem corpus, quia viribus anima subsistebat, animale secundum, quia vi & natura spiritus. Ideo appellavit spirituale, spiritus enim verbum Dei. Ita enim quod de nobis quoque dicitur, intelligendum est, dum ait: Spiritualis dijudicat omnia, animalis non percipit ea, quæ sunt spiritus.

Hilarius, Romanæ Ecclesiæ Diaconus, apud Ambrosium in Epistolæ I. ad Corinthios capite II. Quoniam verò ratio spiritualium est, id est, credentium, (hoc enim quis nuncupatur quod credit) ideo ipsi omnia judicant: Ipsorum enim exemplo infidelitas judicabitur: Ipsi autem à nemine judicabuntur. Quis enim condemnet vera dicentem? Cum enim constet omnes inimicos fidei falsa tenere pro veris, accusatio illorum in irritum jam deducta est, veri iudicio condemnata, quia Qui non crediderit, inquit Dominus, jam judicatus est.

Joannes Chrysostomus, in eundem locum: Hoc est, fide indigent, quæ dicuntur, & rationibus non licet ea comprehendere. Nam eorum magnitudo longo intervallo superat humilitatem nostræ intelligentiæ, & ideo dicit: Spiritualis homo judicat omnia, & ipse à nemine judicatur. Nam qui aspicit, omnia quidem ipse videt etiam ea, quæ sunt ejus, qui non aspicit: Quæ sunt autem illius, nemo eorum, qui non aspicit: Ita etiam nunc nostra quidem, & quæ sunt infidelium, omnia scimus nos, nostra autem illi neutiquam. Etenim scimus quidem, quenam sit verum præsentium natura; quenam futurorum dignitas, cognoscat mundus postea. Quidnam autem patientur peccatores, & quonam fruentur justis, & quod nullius pretis sint res præsentis, & scimus & earum vilitatem arguimus. Judicare, seu dijudicare est arguere. Et quòd futura sint immortalia & immobilia, hæc omnia novit spiritualis, & quòd patitur animalis, cum illuc abierit, & quonam fruatur fidelis,

cum hinc excesserit, quorum nihil scit animalis. Quamobrem eorum, quæ dicta sunt, manifestam subiungens rationem, dicebat: Quis enim cognovit sensum Domini? Aut quis instruxit eum? Nos autem sensum Domini habemus. Hoc est, nos ea scimus, quæ sunt in mente Christi, & quæ ipse vult, ea etiam revelavit. Nam, quoniam dixit spiritum revelasse, nequis filium repellat, subiungit, Christum quoque ea nobis ostendisse, non dicens, nos scire quæcumque novit, sed quæcumque scimus, non esse humana ut sint suspecta, sed illius mentis & spiritualia. Quam enim de eis habemus intelligentiam, totam habemus Christi: Hoc est, cognitionem, quam habemus de iis quæ sunt ex fide, habemus spiritualem. Quamobrem à nullo dijudicamur. Neque enim fieri potest, ut divina novit homo animalis. Quare dicebat: Quis novit mentem Domini? Nostram de iis intelligentiam, intelligentiam illius esse, dicens: Et illud, Qui instruit ipsum, non leviter & inconsideratè adjecit, sed aspiciens ad eum, quem jam dixit, Spiritualem nemo dijudicat.

Auctor Commentariorum in Epistolas beati Pauli, inter Hieronymi opera, ad eundem locum: Judicat vana esse, in quibus homines carnales delectantur, & ipse ita se agit, ut à nemine judicetur. Sive omnia spiritualis discernit & intelligit, & sensu illius ab homine non intelligitur animalis. Item alia expositio. Omnia dicit, quæ sunt spiritualia. Non enim artes & disciplinas huius mundi animalis homo, nisi spiritualiter intelligat, scire potest. Et quanquam auctor censetur esse Pelagius, hæc tamen expositio ad illius dogma non pertinet. Hieronymus in quæstione, quam de Pauli simulatione contra B. Augustinum instituit, auctores laudat, qui excesserunt Ecclesia, sed laudat, quia cum Patribus concordabant.

Augustinus, in libri de Genesi ad literam XII. capite XXIV. Spiritualis visio indiget intellectuali, ut dijudicetur. Intellectualis autem ista spirituali inferiore non indiget, ac per hoc spirituali corporalis, intellectuali autem utraque subiecta est. Cum ergo legimus, Spirituales omnia judicat, ipse autem à nemine dijudicatur, non secundum spiritum, à quo mens discernitur: Sicut illud, quod dictum est, Orabo spiritu, orabo & mente, sed ex illa notione debemus accipere, quod dictum est: Renovamini autem spiritu mentis vestra: Jam enim supra docuimus, alio modo, & ipsam mentem spiritum dici, secundum quam spiritualis omnia dijudicat. Quapropter non absurde neque inconvenienter arbitror, spiritualem visionem inter intellectualem & corporalem tanquam medietatem quandam obtinere.

Deinde, in libri III. de Baptismo capite XVIII. Ergo si personam gerebant Ecclesia, & sic eis hoc dictum est, tanquam ipsi Ecclesia diceretur: Pax Ecclesia dimittit peccata, & ab Ecclesia pace alienatio tenet peccata, non secundum arbitrium hominum, sed secundum arbitrium Dei & orationes sanctorum spiritualium, qui omnia dijudicant, ipsi autem à nemine judicantur.

Theodoretus in eundem locum: Animalem hominem appellat eum, qui est contentus propriis cogitationibus, & spiritus doctrinam non admittit: Sed neque illam potest intelligere. Spiritualis autem judicat omnes, & ipse à nemine judicatur: Qui enim gratia spiritus donatus est, ipse quidem ad alios docendos idoneus est, aliorum verò doctrina non indiget.

Beda in eundem locum: Ut enim nos & omnes anima rationales secundum veritatem de inferioribus rectè judicamus, sic de nobis, quando eidem coharemus, sola ipsa veritas judicat. De ipsa verò nec Pater. Infra: 54 Spiritualis homo judicat omnia, ipse autem à nemine judicatur, id est, à nullo homine, sed à sola ipsa lege, secundum quam judicat omnia; quoniam & illud verissimè dictum est: Oportet nos omnes exhiberi ante tribunal Christi. Omnia ergo judicat, quia super omnia est, quoniam cum Deo est: Cum illo autem, quando purissimè intelligit, & tota charitate, quod intelligit, diligit. Ita etiam quantum lex ipsa etiam ipse fit, secundum quam judicat omnia, & de qua nullus judicare potest. Sicut in

in istis temporalibus legibus, quanquam de his homines judicent, cum eas instituunt, tamen cum fuerint institutæ atque firmatæ, non licebit iudici de ipsis judicare, sed secundum ipsas. Conditor verò legum temporalium, si vir bonus & sapiens, legem ipsam consulit æternam, de qua nulli anima judicare datum est, ut secundum hujus incommutabiles regulas, quid sit pro tempore jubendum verandūque, discernat. Æternam igitur legem mundis animis fas est cognoscere, judicare non fas est. Spirituales ergo sive qui præsumt, sive qui obtemperant, spirituales judicant non de cognitionibus spiritualibus, quæ lucet in firmamento.

Theophylactus & Oecumenius in eandem cum Joanne Chrysostomo expositionem & sententiam discendunt: Quare illorum expositionem repetere supervacaneum esset.

Lanfrancus Cantuariensis Archiepiscopus in eundem locum: (*Spiritualis autem*) *Spiritualis, inquit, intelligit & reprehendit omnia, quæ intelligenda & reprehendenda sunt, & ipse à nullo carnalium vel reprehenditur vel intelligitur. In utraque significatione hoc verbum reperitur (& ipse à nemine:)* A nemine spiritualis homo intelligitur, quia nemo intelligit. Non enim cognovit quis sensum Domini. A causa probat iterum: A nemine reprehenditur, quia nemo reprehendit, & hoc probat, quia non instruit.

Hæc est sanctorum Patrum expositio, quæ Bonifacii consilio fervire non potest: Quinetiam vehementer incommodat. Nam Bonifacius beati Pauli locum à Patrum traditione, à proprio sensu detorquet ad alienum & peregrinum, ut propositionis suæ novitatem confirmet. Quod Bellarminus cum perspiceret, Bonifacii testimonium truncavit. Sed neutrum patitur aperta & simplex ratio veritatis, quæ columna est Ecclesiæ ac firmamentum. Deinde, necessariò rejicienda est Bonifacii expositio, quia Tridentinæ fidei regula prohibet, ne Christianus ullus Scripturam aliter, quam juxta unanimum consensum accipiat & interpretetur: Item sacram scripturam juxta eum sensum, quem tenuit & tenet sancta mater Ecclesia, cujus est judicare de vero sensu & interpretatione sacrarum Scripturarum, nec eam unquam nisi juxta unanimum consensum Patrum accipiam & interpretabor. Si quam Bellarminus legis hujus rationem habuisset, Bonifacii testimonium illud retulisset nusquam, sed, ne legis hujus rationem haberet ullam, reticuit, quod cum jam reticuisse ostendimus.

Præclare omnino & appositè Thomas Cajetanus, in tractatus de Comparatione Papæ & Concilii capite VII. Et videant, inquit, si tantum luminis eis concessum fuerit, quod hæreticorum more Scripturas & Sanctorum dicta oportet eos extorquere, ut eorum protervus error defendatur. Fortè nulla scriptura tam clara in fide habetur, quam non possit extorta expositio ad suum trahere propositum. Sed veritas tunc invenitur, cum planus scripturæ sensus juxta sanctorum consensum queritur. Est certa quædam veritas tam plana & illustris, ut eam nullæ rerum verborum-ve præstigiæ valeant obnuere.

Tum Bonifacius in sua propositione Romanæ Ecclesiæ traditioni contradicit, ut ex iis quæ de Gregorio I. antè & Innocentio III. mox observavimus, compertum est.

Denique, hæc & alia multa effecerunt, ut Clemens V. Bonifacii constitutionem, *Unam sanctam*, abrogaverit, vel certè enervem reddiderit, in capite *Mervit*. De privilegiis. Quapropter ex ea nonnisi telum imbelles depromi potest. Siquidem Clemens noverat, constitutionem hanc à Bonifacio editam fuisse inter gravissima illa dissidia, quæ inter illum & Philippum Pulchrum Regem Galliæ intercesserant. Hinc post Clementis factum, Bonifacii constitutio, *Unam sanctam*, dici non debuit ampliùs constitutio, nec inter Pontificum decreta locum habere, ubi nunc habet. Sed id accedit vitio Doctorum Sedis apostolicæ, qui-

bus quòd partium ducantur studiis, fides semper adhibenda non est, ut Pius II. in Epistola CCCCLXXIV. ad Carolum VII. Regem Galliæ scribit: *Unum* (inquit) à te petimus, Fili carissime, ut Doctoribus Sedis Apostolicæ non semper credas, multa illorum passionibus tribuas. Et sanè nec justum nec religiosum est, in auctoritatem admittere constitutionem, quam iratus Pontifex contra Galliam edidit, & quam irati Pontificis successor revocandam esse censuit, cum ut publicè vitaretur offensio, tum etiam maximè, quòd constitutio invidiam & odium Sedi Apostolicæ conflare potuisset. Hinc enim ad regularum & canonum custodiam, ut loquitur Sixtus III. nil quicquam conducebat; inde neque de Ecclesiasticis ordinibus, neque de canonum disciplinis, ut sanctus Leo ait, promulgabatur. Quamobrem Clemens V. honori & dignitati Sedis Apostolicæ consuluit, ut ab omnibus sincerè consulendum semper esse recipio. Qui mecum non ita recipiunt, procul, o procul este prophani.

Cæterum, Bonifacius sibi ipsi relictus, & antequam memorata partium studia ferverent, se esse supra Ecclesiam universam & Concilium generale, ut Bellarminus asserit, non credebatur. Id palam ostendit in controversia exorta propter Martinum IV. Pontificem, qui sese Canonis, *Omnis utriusque sexus*, executorem, non derogatorem præstiterat, cum in constitutione, *Ad urbes fructus*, ita decernit: *Volumus autem, quòd ii, qui fratribus confitebuntur eisdem, suis Presbyteris Parochialibus confiteri saltem semel in anno, prout generale Concilium statuit, nihilominus teneantur.* Controversia hæc in Gallia, & potissimum Lutetiæ agitata, ibi finem accipere non potuit; communi omnium consensu dirimenda Sedi Apostolicæ remittitur, ut Eberhardus tradit in annalibus. Ad Nicolaum IV. pervenit, qui etiam ex Ordine Minorum assumptus esset, controversiam dirimere non est ausus. Celestinus V. intactam reliquit. Bonifacius VIII. dirimendam suscepit: Sed prout fuit proposita, non diremit. Nam in constitutione *Dudum de sepulturis*, non loquitur ut perfectò loqui debebat de controversia, quæ in Gallia & maximè Parisiis Episcopos & Theologos & Jurisperitos inter se diu commissos acerrimè habuerat. Nempe, Utrum, stante Martini IV. decreto, *Qui confessi fuerant fratribus, suis iterum presbyteris Parochialibus confiteri teneantur, prout generale Concilium statuit?* Bonifacius constitutionem fictione juris potius edidit, quam ex subiecta materia, quam sine dubio judicabat difficile, nec judicasset talem, si se supra Lateranense Concilium ab Innocentio III. celebratum & confirmatum, & à Martino IV. assertum existimasset, si penes se unum plus esse juris & auctoritatis, quam penes universale Concilium & decessores suos Innocentium III. & Martinum IV. credidisset. Bonifacii constitutio suas postea vices habuit, à Benedicto XI. illius successore abrogata est, & à Clemente V. Benedicti successore restituta, comprobante Viennensi Concilio.

Ex iis autem, quæ ad objecta Romanorum Pontificum octo testimonia disseruimus, colliguntur breviter tria: Primum, quòd Bellarminus illa suis momentis non expenderat; nam si expendisset, objicere ausus non esset: Deinde, quòd Pontifices illi nusquam putaverunt, se simpliciter & absolute esse supra Ecclesiam universam & Concilium generale, ita ut nullum in terris supra se iudicium agnoscerent, quemadmodum Bellarminus sibi sumit: Denique, quòd Pontifices ipsi contrarium existimarent, nec se ab Romanæ Ecclesiæ traditione abjunxerunt, ut hac in Epistola planum fecimus.

Porro autem Bellarminus Romanos Pontifices Sedis Apostolicæ traditioni non objecisset, ut eum objecisse ostendimus, si vel legisset orationem, quæ feria VI. in Parasceve Domini sic canitur: *Oremus & pro beatissimo Papa nostro N. ut Deus & Dominus noster, qui elegit*



*elegit eum in ORDINEM EPISCOPATUS saluum & incolumem custodiat Ecclesia sua ad regendum sanctum populum Dei: Vel cum in natali Romanorum Pontificum seu Confessorum, seu Martyrum, faciebat, ad id, quod faciebat, animum intendisset aliquantulum; observasset sine dubio de Romano perinde ac de cæterarum urbium Pontificibus Divinum celebrari Officium. Quæ enim Missa de Marcello Papa Martyre xvii. Calend. Febr. de Telephoro xiv. Calend. Febr. de Hygino iii. Calend. Febr. de Lucio iv. Nonas Martii, de Sixto viii. Idus Aprilis, de Aniceto xv. Calend. Maii, de Caio x. Calend. Maii, de Cleto vi. Calend. Maii, de Alexandro iii. Idus Maii, de Urbano viii. de Eleutherio vii. & de Joanne vi. de Felice iii. Calend. Junii, de Silverio xii. Calend. Julii, de Anacleto iii. Idus Julii, de Stephano iv. Nonas Augusti, de Zephyrino vii. Calend. Septemb. de Cornelio xv. Calend. Octobris, de Lino ix. Calend. Octobris, de Callisto pridie Idus Octobris, de Evaresto vii. Calend. Novembris, de Martino pridie Idus Novembris, de Pontiano xiiii. Calend. Decembris, de Clemente ix. Calend. Decembris, de Melchiade iv. Idus Decembris celebratur ad usum Romanæ Ecclesiæ, de Communi Pontificum Martyrum celebratur.*

Deinde quæ Missa de Leone Pontifice & Confessore, iii. Idus Aprilis, de Anastasio v. Calend. Maii, de 60 Marco Nonis Octobris, de Damaso iii. Idus Decembris, de Silvestro pridie Calend. Januarii celebratur ad usum ejusdem Ecclesiæ, de Communi Pontificum Confessorum celebratur. Hactenus ex Missali Romano, quod Lugduni anno M.D.L. cum approbatione Pauli III. prodiit. Quorsum hæc omnia & hujusmodi, nisi ut Romana ipsa Ecclesia significet, antistitem suum eam præ cæteris non habere dignitatis prærogativam, qua supra universam Ecclesiam & generale Concilium evehatur? Et sanè ex officio tali Romanum Pontificem infra Ecclesiam & Concilium esse confirmari poterit; supra Ecclesiam & Concilium esse, confirmari non poterit. Quo pacto usque ad aras deducitur, & in iis Christo ipso præsentem consecratur Sedis Apostolicæ traditio, qua Romanum Episcopum, Ecclesiæ, Conciliis, & sacris Canonibus subijci exceptis Curia assentatoribus & Inquisitoribus nemo non cognoscit. Sed de istis hominibus dictum tibi puta, quod Pius II. Carolo VII. Regi Gallia scribit in memorata mox Epistola: Pontifici recta, sanaque ex postulanti parere semper memineris. Vale. Lutetia Parisiorum, pridie Calend. Novembris, anno M.DC. LXIV.

# Joannes Launoius

## JACOBO BOETIO

De Sancto Victore.

**Q**UI olim ad Romanum appellarunt Pontificem, ostendunt quidem hunc esse supra eos, à quibus appellabant; sed non ostendunt esse supra Concilium, quod ex totius ordinis Christiani Sacerdotibus congregaretur: Siquidem non potuerunt ii fingere, Romanum Pontificem esse supra generale Concilium, cui per se vel per Legatos suos præsideret. Sic ille eodem tempore & simul & semel infra & supra seipsum esset, nisi forsitan Concilio junctus auctoritatis minoris sit, majoris verò, cum à Concilio separatim attenditur. Quis autem hoc tam absurdè vel cogitatum vel dictum animo æquo sustineret? Itaque Bellarminus in libri i. de Conciliis capite xvii. minùs prudenter fecit, cum jure appellationis usus est, ut Pontificem supra generale Concilium esse comprobaret. Id prævidebas sagacissimè, cum nuper postulabas à me, ut quidquid ille de appellationibus in hanc rem scripserat, examinarem. Sed examinare multum necesse non est, postquam dixisti, appellationes Romani Pontificis primatum asserere, Romanum Pontificem supra generale Concilium esse, non ostendere, & Bellarminum graviter errasse, cum istud sibi sumpsit. Verum quia non omnes errorem hunc percipiunt, eum patefaciendum esse, & illustrandam amplius veritatem censet.

<sup>2</sup> Sunt, inquis, certi denique fines, Quos ultra citràque nequit consistere rectum.

I. Bellarminus igitur sic ibi disputat: Probatur quarto ex appellationibus à Concilio ad Papam. Sine controversia enim semper à minore ad majorem appellatur: Appellari autem à Concilio ad Papam, non contrà, perspicuum est ex Gelasio in Epistola ad Episcopos Dardania. Ad Sedem, inquit, Apostolicam de qualibet mundi parte appellandum est: Ab illa autem nemo est appellare permissus.

Et primùm quidem probationem orditur à corrupto Gelasii testimonio. Non enim dicit simpliciter Gelasius: Ad Sedem Apostolicam de qualibet mundi parte appellandum est: Ab illa autem nemo est appellare permissus. Sic verò dicit Gelasius: Non reticemus, quod cuncta per mundum novit Ecclesia, quoniam quorumlibet sententiis ligata Pontificum Sedes beati Petri Apostoli jus habeat resolvendi, utpote quod de omni Ecclesia fas habeat judicandi, neque cuiquam de ejus liceat judicare judicio: Siquidem ad illam de qualibet mundi parte Canones appellari voluerint, ab illa autem nemo sit appellare permissus. Insigni fallacia, Canones appellari voluerint, supprimit, ne quo jure appelletur, observari possit. Nam si semel observetur jure Canonico, id est, Ecclesiastico appellari, argumentum totum, quantum est, concidit. Tunc appellationum jus repetetur ab Ecclesiæ Conciliis, quæ pro publica omnium utilitate ita faciendum esse decreverint. Atque eo pacto Concilia, quæ appellationum jus instituerunt, non possunt non esse majoris, quàm Romanus Pontifex, auctoritatis. Deinde minùs sincerè agit scribens, à Concilio ad Papam appellari, cum Gelasius, quem in testem vocat, de Concilio simpliciter non loquatur, ut eum loqui significat. Non enim de quocunque Concilio loqui debet Gelasius, sed de universali tantum, supra quod Bellarminus Romanum Pontificem attollit. Quibus verò de Conciliis loquatur Gelasius, laudati ab illo Canones ipsi declarant. Tres omnino sunt, quos Sardicensis Synodus constituit. Primus, qui & Synodi tertius, est hic: *Omnes Episcopi dixerunt: Illud quoque necessario adjiciendum est, ut Episcopi de sua provincia ad aliam provinciam, in qua non sunt Episcopi, non transeant, nisi forè à fratribus suis invitati, ne videamur januam claudere charitatis. Quod si in aliqua provincia aliquis Episcopus contra fratrem suum Episcopum litem habuerit,*

erit, unus de duobus ex alia provincia advocet Episcopum cognitorem. Quod si aliquis Episcopus iudicatus fuerit in aliqua causa, & putat se bonam causam habere, ut iterum Concilium renovetur, si vobis placet, sancti Petri Apostoli memoriam honoremus, ut scribatur ab his, qui causam examinarunt, Julio Romano Episcopo, & si iudicaverit renovandum esse iudicium, renovetur, & det iudices: Si autem probaverit talem causam esse, ut non refricentur ea, quae acta sunt; quae decreverit, confirmata erunt, si hoc omnibus placet: respondit Synodus, placet.

Canon alter, qui & Synodi quartus, est hic: Gaudentius Episcopus dixit: Addendum si placet huic sententiae, quam plenam sanctitatem protulisti, ut cum aliquis Episcopus depositus fuerit, eorum Episcoporum iudicio, qui in vicinis locis commorantur, & proclamaverit, agentem sibi negotium in urbe Roma, alter Episcopus in eius cathedra post appellationem ejus, qui videtur esse depositus, omnino non ordinetur, nisi causa fuerit in iudicio Episcopi Romani determinata.

Tertius, qui & Synodi septimus, est hic: Osius Episcopus dixit: Placuit autem, ut si Episcopus accusatus fuerit, & iudicaverint congregati Episcopi regionis ipsius, & de gradu suo eum deiecerint: Si appellaverit, qui deiectus est, & confugerit ad Episcopum Romanae Ecclesiae, & voluerit se audiri, si iustum putaverit ut renovetur iudicium, vel discussionis examen, scribere his Episcopis dignetur, qui in finitima & propinqua provincia sunt, ut ipsi diligenter omnino requirant, & juxta fidem veritatis definiant. Quod si is, qui rogat causam suam iterum audiri, deprecatione sua moverit Episcopum Romanum, ut e latere suo Presbyterum mittat, erit in potestate Episcopi, quid velit, quid aestimet. Et si decreverit mittendos esse, qui praesentes cum Episcopis iudicent, habentes ejus auctoritatem, a quo destinati sunt, erit in suo arbitrio: Si vero crediderit, Episcopos sufficere, ut negotio terminum imponant, faciet, quod sapientissimo consilio iudicaverit. Hi sunt ergo Canones, quos Gelasius ad faciendam Sedis Apostolicae dignitatem Constantinopolitanis opponit. Sed rem acrius persequitur in Commonitorio ad Faustum: Euphemius, inquit, miror, si ignorantiam suam ipse non perspicit, qui dicit Acacium ab uno non potuisse damnari. Itane non perspicit secundum formam Synodi Chalcedonensis Acacium fuisse damnatum? Nec novit eam, aut se nosse dissimulat, in qua utique per numerosam sententiam Sacerdotum erroris huius auctores constat fuisse damnatos? Sicut in unaquaque haeresi a principio Christiana religionis & factum fuisse & fieri manifesta rerum executione monstratur, decessorūque meum executores fuisse veteris constituti, non nova constitutionis auctorem: Quod non solum Praesuli Apostolico facere licet, sed cuiusque Pontifici, ut quolibet & quemlibet locum secundum regulam haereseos ipsius ante damnatae, a Catholica communione discernant. Acacius quippe non fuit novi vel proprii inventor erroris, ut in eum nova scita prodirent, sed alieno facinori sua communione se miscuit. Itaque necesse est, ut in illum recideret iusta lance sententia, quam cum suis successoribus per convenientiam Synodalem suscepit auctor erroris. Infra: Nobis opponunt Canones dum nesciunt quid loquantur, contra quos hoc ipso venire se produnt, quod prima Sedi sana rectaque suadenti parere fugiunt. IPSI SUNT CANONES, QUI APPELLATIONES TOTIUS ECCLESIAE AD HUIUS SEDIS EXAMEN DEFERRI VOLUERUNT: AB IPSA VERO NUSQUAM PRORSUS APPELLARI DEBERE SANXERUNT, ac per hoc illam de tota Ecclesia iudicare, ipsam ad nullius committere iudicium, nec de ejus unquam preceperunt iudicio appellari, sententiaque illius constituerunt non oportere dissolvi, cuius potius decreta servari mandant. In hac ipsa causa Timotheus Alexandrinus, Petrus, Paulus, Joannes & ceteri, non solum unus, sed plures utique nomen Sacerdotii praefidentes sola Sedis Apostolicae sunt auctoritate dejecti, cuius rei testis etiam ipse docetur Acacius, qui huius praecptionis extitit

executor. Infra: Qua traditione majorum Sedem Apostolicam in iudicium vocant? Infra: Viderint ergo, si alios habent Canones, quibus suas ineptias exequantur. Caeterum isti, qui sacri, qui Ecclesiastici, qui legitimi celebrantur, Sedem Apostolicam ad iudicium vocare non possunt. Et quibusdam interpositis: Sed velint nolint, ipsi (Sedis Apostolicae) iudicio antiqua Canonum institutiones firmabuntur: Sed religiosi viri atque perfecti secundum Canones concessam Sedi Apostolica potestatem nimirum conantur eripere, & sibi eam contra Canones usurpare contendant. O Canonum magistros atque custodes! Infra: Quaro tamen ab his iudicium, quod praetendunt, ubinam possit agitari. an apud ipsos, ut iidem sint inimici & testes & iudices? Sed tali iudicio nec humana committi debent negotia, nedum divina legis integritas: si quantum ad religionem pertinet, NONNISI APOSTOLICAE SEDI JUXTA CANONES DEBETUR Summa totius iudicii; si quantum ad saeculi potestatem, illa a Pontificibus & praecipue a beati Petri Vicario debet cognoscere, quae divina sunt, non ipsa eadem iudicare. Quam ergo dignitatis prerogativam Bellarminus Romano Pontifici tribuit, idque suppresso dignitatis illius auctore, illam a solis Canonibus derivatam esse Gelasius semel, iterum, tertio, & quarto profitetur. Non est proinde supra Canones & supra Concilia, quae condiderunt Canones, Gelasius, sed supra Gelasium Concilia & Canones, quibus ille solis quidquid in appellationum negotio juris sibi vindicat, acceptum refert & referre quodammodo gloriatur: IPSI SUNT CANONES, QUI APPELLATIONES TOTIUS ECCLESIAE AD HUIUS SEDIS EXAMEN DEFERRI VOLUERUNT, non dicit, IPSE DOMINUS EST, IPSAE SUNT SCRIPTURAE, sed IPSI SUNT CANONES. Et sic quemadmodum decreverunt Canones, ut de qualibet mundi parte ad primam Sedem provocaretur, & ab ea ad Sedem aliam provocare nemini liceret, ita vel iidem vel alii Canones auctoritate pari conditi potuerunt decernere, ut nisi a prima Sede ad Sedem aliam, certe ad universalem Synodum provocaretur, si sana rectaque, ut indicat Gelasius, non fuaderet. Par est utrobique ratio, par disputandi modus. Quo dato, sequitur, Papam Canonibus & Canonum auctoribus, id est, Conciliis subesse.

Caeterum in Acacii causa non dubitabatur, an Romanus Pontifex Conciliis, vel sacris subiceretur Canonibus. Id apud omnes & potissimum Romae constabat. Sed qui favebant Acacio, Acacii causam ab uno Romano Pontifice negabant iudicari posse. Hi quidem opponebant Canones, quibus statuitur, ut Episcoporum causae iudicentur in Conciliis ac terminentur: Sed Felix III. & Gelasius I. id tunc temporis necesse non esse recipiunt, cum haereticorum jam a Conciliis damnatorum sectatores damnantur, quia ex forma Conciliorum, quae auctores haeresum damnarunt, continuo damnantur. Hoc Felix in Epistola IV. ad Zenonem Imperatorem, in Epistola V. ad Flavitum Constantinopolitanum Episcopum, & in Epistola VII. ad Vetraniem Episcopum inculcat. Epistolae V. verba sunt haec: Non sumus pertinaces; paterna dogmata defendimus, quemadmodum etiam tua Dilectionis pagina designavit, Zelum pro orthodoxis ostendere nos debere. Chalcedonensi Concilio, quod universalis sauxit & custodit Ecclesia, Eutyches & Dioscorus non probantur esse damnati? An eorum complices, Timotheus atque Petrus, instructionibus plurimis convenientibus non docentur, sicut hi quoque, quos misit tua Dilectio, perviderunt? An eorum communionem frequenter & regulariter interdicentibus nobis, non est secutus Acacius, quos ipse suis Epistolis haereticos dixerat, olimque damnatos, & male rursus edificans, quod bene ante ipse destruxerat, secundum Apostolum pravicator apparuit? Ideoque juxta praefata Synodi tramitem merito illic damnata perfidia cuncti subiere vindictam, qui huius maluerunt esse participes: Quemadmodum contra unamquamque haeresim Synodus constituta, cunctos etiam dejecta similes pravitate adstringit; Ne in successu-



successoribus omnino reparandum esset, quod in auctoribus iuste monstratur esse prostratum.

Gelasius, quem Bellarminus allegat, iisdem vestigiis insistit, & nonnihil dicit amplius, ut supra de verbis illius observari potest. Nam asseverat id, quod à se factum est in Acacii depositione, ab unoquoque Episcopo fieri potuisse: Quod Bellarminus vel dissimulat vel ignorat, quippe qui sæpius per malè comparatos indices vel per inertes administratos sapiat.

Bellarminus pergit: *Et ne putemus eum (Gelasium) loqui de appellatione ab aliquo Episcopo, non à Concilio, subdit, saepe Romanos Pontifices solvisse eos, quos iniquè Concilia ligaverant. Concilii & Conciliorum nomine abutitur, vel nihil probat. Abutitur quidem, cum significare intendit, & Concilium & Concilia, de quibus sermonem instituit, fuisse universalis, cujusmodi fuerunt illa quatuor, Nicænum, Constantinopolitanum, Ephesium, & Chalcedonense, quæ Gelasium præcesserunt. Si verò Concilii & Conciliorum nomine non abutitur, nec universalis Concilia significare intendit, nihil probat, quia non probat, quod probandum assumpsit; scilicet ab universali Concilio ad Romanum Pontificem appellatum esse, & tunc illum solvisse quos iniquè universalis Concilia ligaverant. At tantum abest, ut putet Gelasius se supra universale Concilium esse, ut potius asseveret Romanum Pontificem præ cæteris debere universalis Concilii decreta exequi: Quibus, inquit in Epistola ad Episcopos Dardanæ, convenienter ex paterna traditione perpensis, confidimus, quod nullus jam veraciter Christianus ignoret, uniuscujusque Synodi constitutum, quod universalis Ecclesia probavit assensus, non aliquam magis exequi Sedem præ cæteris oportere, quam primam. Gelasium Gregorius I. subsequitur, & Bellarmino contraria in libri I. Epistola xxiv. ad Joannem Constantinopolitanum Episcopum scribit: Dum Concilia universali sunt consensu constituta, se, & non illa, destruit, quisquis præsumit, aut solvere, quos ligant, aut ligare quos solvunt.*

II. Bellarminus pergit: Cujus rei exstant exempla clarissima. Nam Athanasius Episcopus Alexandrinus, & Paulus Episcopus Constantinopolitanus à Concilio depositi ad Julium Papam appellaverunt, & ab eo in suas sedes restituti sunt, ut auctor est Sozomenus lib. 3. hist. cap. 7.

Athanasii causa sic se habet: Hic variis & fictis modis accusatus, indicta causa, & contra leges & Canones, à Synodo Tyria damnatur, ab Sede sua depellitur, & Alexandria secedere jubetur: Tum Constantinopolim confugit ad Imperatorem, & apud eum agit, ut quæ adversarii falsa crimina objecerant, ulcisceretur. Nova struitur in Athanasium calumnia, insinulatur voluisse impedire, quo minus frumentum Alexandria Constantinopolim ex more adveheretur. His artibus & dolis circumventus Imperator Constantinus, Athanasium Treveros in Gallias relegat: Athanasius biennio post à Constantino juniore restituitur. Eusebiani, hoc est, adversarii intercedunt, contenduntque virum à Synodo abdicatum non posse restitui, quia fieret injuria Synodo, aut certe si restituendus sit, non posse nisi à majore Synodo restitui. Quæ cum videret Athanasius, in Occidentem discedere cogitat, seu portum quietis, seu præsidium adversus inimicos, si res ita ferret, quæsiturus. Eusebiani persequuntur Athanasium, literas ad Julium Romanum antistitem scribunt, & negotii totius judicium veluti deferunt, rati hoc simulationis genere se sibi suisque rebus optimè consulturos esse.

Athanasius hæc memoriæ tradit in Apologia sua: Hæc quidem Aegyptii ad omnes & ad Episcopum Romanum Julium scripsere. Quin & Eusebiani ad Julium literas misere, & ut nos terrent, Synodum jusserunt convocari, & ipsi Julio, si vellet, arbitrium cause detulerunt. Cum igitur Romam pervenissemus, Julius continuò ad Eusebianos literas scripsit, missis eò duobus ex suis Presbyteris Elpidio & Philoxeno: Illi verò ubi nostram Romæ præ-

sentiam audivissent, plurimum conturbati sunt, quod contra spem eorum me Romam contulisset. Rejeto igitur itinere fuites inanesque tergiversando causificationes commenti sunt, eò quod ingenti metu retinebantur, ne de iisdem criminibus, quæ Valens & Ursacius confessi erant, ipsi quoque convincerentur. Presbyter deinde Viton plures Episcopos, quam quinquaginta in Concilium adduxit, ubi & nostra defensio recepta fuit, nosque digni habiti sumus communionem & agape, magnæque indignatio exorta est contra Eusebianos, quibus Julium, cum ab eis literas acceperat, rescribere jusserunt. Scripsit igitur Julius, & misit literas per Gabianum Comitem.

Huc pertinent, quæ Julius in iis ad Orientales literis sic scribit: Ego certè cum literas vestras evolverem, post varias ultro citroque cogitationes, eas supprimendas putavi, ea spe quod crederem, saltem aliquos ex vestris adventuros, nec opus fore istiusmodi Epistolis, ne si illa in publicum promerentur, multos hic dolore afficerent. Ceterum ubi nullus vestrum supervenerat, necessum fuit, ut eas proferrem. Et paulò post: Quid actum est dignum offensa? Aut qua in re vobis, quibus scripsi, causam successione præbui? An quia adhortati vos sumus, ut ad Synodum occurreretis? Atqui illud potius cum gaudio excipi oportuit. Qui enim bene sentiunt de iis, quæ egerunt, & in quibus ipsi (ut aiunt) iudices fuisse, non indignanter ferre solent, si quod ab ipsis judicatum est, ab aliis excutitur, quippe qui securi sint ea, quæ ipsi iusta judicaverunt, iniusta nunquam fieri posse. Quocirca Episcopi in magna Synodo Nicææ congregati non sine Dei consilio permiserunt prioris Synodi acta in alia Synodo examinari, ut & illi, qui iudices erant, præ oculis habentes secundum de ea ipsa re iudicium futurum, cum omni diligentia causam expenderent, & illi, qui sententiam acceperant, certò agnoscerent, se non per similitudinem priorum iudicium, sed jure & merito condemnatos esse. Quod si istiusmodi consuetudo olim fuit, ejusque memoria renovata est, & scripto prædita in magna Synodo, eamque apud vos valere non sinitis, rem profecto indecoram facitis. Morem enim, qui semel in Ecclesia obtinuit, & à Synodo confirmatus est, iniquum est à paucis abrogari. Et post alia: Tali igitur commissâ audaciâ, quinam dicendi sunt flammam discordiæ accendisse? Siquidem id nobis in literis vestris obijciis. Nos scilicet discordiam induximus, qui compati-mur cum patientibus fratribus, & omnia secundum Canonem facimus? Aut qui contentiose violato Canone trecentorum decreta prævaricamur, & per omnia Synodum contemptus habent? Infra: Oportuit igitur vos, Dilectissimi, huc accedere, & nequaquam tergiversari, ut res ad finem deducatur. Id enim ratio requirit. Sed fortasse dies constituti temporis brevior, quam par fuit, impedimento fuit, (nam hujusmodi in literis vestris querimoniam facitis) atque illud, Dilectissimi, pro merâ cavillatione putandum est. Et postquam objecta reliqua diluit, subnequit. Verum in hoc ipsa iusta & rationabilis causa est, dilectissimi, quam vobis intimandam puto. Nam tamen si solus sim, qui scripsi, non meam tamen solius sententiam, sed omnium Italarum, & omnium in his regionibus Episcoporum scripsi. Ego autem omnes nolui scribere, ne à multis onerarentur. Certè ad constitutum tempus conveniunt Episcopi, & ejus sententia fuerunt, quam vobis iterum significo: quapropter, Dilectissimi, etiamsi solus scribo, scribere me tamen communem omnium sententiam vos scire volo. Hæc quidem à nobis adversus non æquas vestrorum hominum, sed injustas, & suspectas causificationes dicta sunt. Quod autem non temerè, aut injustè susceperim in communionem Coepiscopos nostros Athanasium & Marcellum, etiamsi prius dicta sufficiant, brevibus tamen ratio vobis istarum rerum demonstranda est. Infra: Cum igitur istiusmodi allegarentur, & tot testes pro Athanasio starent, & ipse tam iuste pro se adferret, quid queso nos oportuit facere? An non quod Ecclesiastici Canonis est? Hominemque proinde non condemnare, sed potius recipere? Eumque pro Episcopo, quemadmodum est, haberemus?

Athanasius

Athanasius relata Julii Epistola integra persequitur Apologiam, & dicit: *Hæc cum Roma Synodus per Julium Romanum Episcopum scripsisset, improba iterum audacia Eusebiani in Ecclesiis perturbandis, insidiisque tendendis usi sunt. Quod cum rescitum esset ab religiosissimis Imperatoribus Constantio & Constante, jussi sunt Episcopi Orientis & Occidentis Sardim convenire. Facta est igitur Sardicenis Synodus, quæ, quod Romana in gratiam Athanasii decreverat, confirmavit, ut nos docet Synodi Epistola ad Presbyteros & Diaconos Alexandriæ: Quorum (orthodoxæ fidei hominum) nonnullos falsis criminibus circumvenerunt (Ariani) alios extra fines suos relegarunt, alios in ipsis suppliciis absumpserunt, certè fratris nostri & Coepiscopi Athanasii innocentiam vi & tyrannide circumvenire & opprimere conati sunt, nulla in ejus judicio neque sedulitate, neque fide, neque justitia adhibita. Jam ergo diffusi suis fabulis & vanis rumoribus, ac coram intuentes, quàm non possent de iis rebus justa documenta adferre, cum essent in urbe Sardica, non ausi sunt in*  
*14 Concilio sanctorum Episcoporum apparere. Quæ ex re equis judicis fratris & Coepiscopi nostri Julii liquidissimè apparuit, qui non temerario consilio, sed cum matura deliberatione sententiam tulit, adeo ut nihil relinqueretur dubii de communionem fratris nostri Athanasii adducentis octoginta Episcopos veros testes pro se in judicium.*

Deinde in ejusdem Synodi Epistola ad Ægyptios & Africanos: *Quapropter cooperante Dei gratia religiosissimi principes nos ex diversis provinciis & civitatibus in unum convocaverunt, cupientes ut sancta Synodus in Sardorum civitatem conveniret, quò omnis controversia præcideretur, & ejecto quidquid prave fidei esset, sola in Christum pietas ab omnibus retineretur. Venerunt quoque ex Oriente Episcopi ad id instigati à religiosissimis Imperatoribus, & potissimum ob ea, quæ subinde jactaverant de dilectis fratribus nostris & ministris Athanasio Episc. Alexandria, & Marcello Angyro Galatiæ Episcopo, forsitan & ad vos quoque calumnie penetrarunt, & vestras aures concutere admoliti sunt, ut ipsorum de innocentibus calumniarum veram putaretis, & sub hoc prætextu flagitiosam hæreseos opinionem dissimularent. Et paulò post: Cum igitur jam pridem literas suas accusatrices de Athanasio, Marcello, & Asclepa ministris nostris Eusebiani ad Julium Romanæ Ecclesiæ Episcopum misissent, contigit, ut etiam alii ex aliis locis Episcopi ad eundem Julium literas suas mitterent, quibus & Athanasii innocentiam, & Eusebianorum scophantiam contestabantur, atque id ita esse ex eo præcipue apparuit, quòd accessit à dilecto nostro comministro Julio, judicio non steterunt; steterunt enim, si sui auctorumque*  
*15 suorum in ministris nostris fiduciam habuissent: Fraudem tamen suam per ea, quæ in sacratissima Synodo gessere, longè manifestius declararunt. Nam cum ad Sardorum civitatem accessissent, conspectis ibi Athanasio, Marcello, Asclepa, aliisque nonnullis, veriti sunt in judicium prodire; & cum non semel aut bis, sed iterum atque iterum citati essent, citationibus non obtemperarunt; tametsi omnes Episcopi simul congregati essent, & in primis gravissima ætate Hosius, homo & ob ævi longitudinem, & confessionem suam, & ob tantos suos labores omni reverentia dignus.*

Athanasius, posteaquam retulit Epistolam hanc, subjicit: *Hæc cum percepisset religiosissimus Imperator Constantius, nos ad se accersiri jussit, & seorsum ad fratrem suum beatum Constantem scripsit, ad nos quoque semel, iterum, ac tertio literas misit. Quibus adductis subjungit: Imperator igitur istas literas misit, quibus acceptis Romam ascendi, Ecclesiam & Episcopum aditurus. Nam Aquileæ tunc temporis eram, cum has literas accepi. Ingens igitur gaudium in Ecclesia, Pontifexque Julius, ut gratularetur nostræ restitutioni, & literas ad Ecclesiam (Alexandrinam) misit. Nos autem quacunque transivimus, cum pace ab omnibus Episcopis deducti sumus.*

Hæc est vexationis Athanasii historia, in qua spectanda sunt maximè tria: Primum, quòd Athanasius cum se indignè & contra leges à Tyria Synodo tracta-

tum perspicit, in Occidentem confugit ut in portum communis suæ; nec ad Julium Romanum antè accessit, quàm ad eum Eusebiani causæ arbitrium detulissent. Theodoretus id quoque observat in libri 1. historię capite 111. *Verùm Athanasius præcognitis illorum insidiis, secessit ipse, & in Occidentem se contulit. Ad Romanum enim Episcopum Julium videlicet, quæ Ecclesiam illam tunc regebat, Eusebiani compositas in Athanasium calumnias perscripserant. Is vero Ecclesiasticam sequens regulam, & ipsos Romam venire jussit, & divino Athanasio ad judicium diem dixit, qui simul ac citationem accepit, in viam quamprimum se dedit. At qui scabulam nunt, quippe qui eam ipsi condiderant, Romam ideo profecti non sunt, quòd mendacium facillè deprehensum iri sentiebant.*

Deinde, quòd Romana Synodus, cui Julius præfuit, perspecta Athanasii innocentia, eum in communionem suam admisit, & dignum censuit, qui Alexandrinæ Ecclesiæ restitueretur: Sed Eusebianorum factione restitutus non est. Denique, quòd Sardicenis Synodus Romanæ Synodo longè numerosior & celebrior, quidquid à Romana Synodo gestum fuerat, confirmat, Athanasium civitati suæ restituendum esse judicat, & apud Constantium Imperatorem efficit, ut Athanasius restitueretur; restitutus est.

Hæc autem omnia Bellarminus si legisset in Apologia secunda Athanasii, sicine disputasset? *Athanasius à Concilio depositus ad Julium Papam appellavit, & ab eo in suam Sedem restitutus est. Confugit, non appellavit, si appellationis Ecclesiasticæ conditiones ex Sardiceni Concilio desumantur; sed appellaverit? Non à Julio tantum, sed etiam à Romana Synodo dignus restitutione judicatus est. Sic verè dicendum est, quia reipso restitutus non fuit. Et Bellarminus fallitur, dum reipso restitutum fuisse significat. Sed reipso à Julio tantum restitutus fuerit? Quid inde? Sequitur, Julium simpliciter & absolute esse supra Ecclesiam universam, & Concilium generale, ita ut nullum in terris supra se judicium agnoscat? Supra illud particulare Concilium est, quòd Athanasium deposuit. Sic ab uno Conciliorum genere transit ad aliud, & Sophisticam exercet.*

At dicet aliquis: Laudatus à Bellarmino Sozomenus rem eo modo narrat, qui Bellarmini placitis favet. Minimè verò, audiendus ille est. *Quorum, inquit, (Athanasii & aliorum) criminationes cum Episcopus Romanus intellexisset, & omnes fidei Nicanii Concilii consentientes reperisset, in communionem recepit. At cum propter Sedis dignitatem cura omnium ad ipsum spectaret, singulis suam Ecclesiam restituit, scripsitque ad Episcopos Orientis, eosque incusavit, quòd inconsulto de hisce viris judicassent, Ecclesiasque perturbassent, cum decretis Concilii Nicanii stare nollent; deditque mandatum, ut quidam illorum omnium nomine ad diem constitutum accederent, perspicuè declaraturi sententiam, quam de his tulerant, equam justamque esse. Quinetiam minatus est, se de reliquo non passurum eos inultos esse, nisi novis rebus studere desisterent. Ista quidem scripsit Julius. Athanasius autem & Paulus ad suas ades revertuntur, literasque Julii Episcopis Orientis mittunt. Quibus illi graviter commoti, conveniunt Antiochiæ in unum, & Epistolam verbis elegantibus ornatam, & disertè, ut Rhetorum mos est, compositam ad Julium scribunt, eamque plenam ironia & minarum non expertem gravissimarum. Nam quanquam literis suis fatebamur, Ecclesiam Romanam primas apud omnes ferre, utpote quæ Apostolorum Schola & pietatis*  
*18 Metropolis (licet auctores religionis Christianæ primum ex Oriente eò venissent) jam ab initio fuisset, tamen indignati sunt, se posteriores ideo ferre, quòd magnitudine Ecclesiæ superarentur, idque cum virtute, & pro vivendi instituto longè superiores essent. Quinetiam criminis loco Julio objiciebant, quòd cum Athanasio & reliquis cum eo Episcopis communicaverat, & agrè admodum ferebant, perinde ac si tum Concilium fuisset, tum ipsorum sententia abrogata. Quòd factum ut iniquum & à lege Ecclesiasticâ discrepans*



discrepans insimularunt. His de causis cum ad hunc modum criminati essent, & sibi factam injuriam testati Julio pacem & communionem pollicebantur, si modò abdicacionem eorum, qui ad ipsum profugerant, approbaret; sin autem resisteret, ipsorum decretis contraria se facturos prædicebant. Nam Episcopos & Sacerdotes Orientis, qui ipsos antegressi fuerant, minime refragatos esse Episcopo Romano, cum Novatus erat Ecclesia ab eo ejectus. Et post pauca: Julio quidem ista eos scripsisse constat. Quæ Sozomenus hic refert, cum ex Epistola Julii ad Orientales, tum ex Epistola Orientalium ad Julium referre se dicit: Atque ita quæ refert ad Julii & Orientalium mentem intelligenda sunt. Quare cum Athanasium & alios Episcopos à Julio suis restitutos esse sedibus dicit, id factum esse in Romana Synodo, quam Julius habuit, intelligendum est. Hoc autem Bellarmini concilio quid prodest? Sozomenus videtur minùs animadversam & perspectam habuisse Athanasii & aliorum restitutionem, quæ non priùs contigit quàm Sardicenis Synodus Romanam confirmasset, ut Athanasium ipsum narrantem vidimus.

19 III. Bellarminus pergit: Similiter Flavianus Episcopus Constantinopolitanus appellavit à Concilio Ephesino II. generali ad Leonem Papam, ut testatur Leo Epistola 25. ad Theodosium Augustum. Sed referenda est, quam Bellarminus non refert, beati Leonis Epistola, sic autem illa se habet: *Literis Clementia vestra, quas dudum ad beati Petri Apostoli Sedem pro Catholica fidei amore misistis, tantam fiduciam sumpsimus defendenda per vos veritatis & pacis, ut in causa tam simplici tamque munita nihil putaremus posse existere, quod noceret; præsertim cum ad Episcopale Concilium, quod haberi apud Ephesum præcepistis, tam instructi sint missi, ut si scripta, quæ vel ad sanctam Synodum, vel ad Flavianum Episcopum detulerunt, Episcoporum publicari auribus Alexandrinus permisisset antistes, ita manifestatione purissima fidei, quam divinitus inspiratam, & accepimus & tenemus, omnium congressionum strepitus quievisset, ut nec imperitia ultra deciperet, nec occasionem nocendi emulatio reperiret. Sed dum privata causa religionis exercentur obtentu, commissum est impietate paucorum, quod universam Ecclesiam vulneraret. Comperimus enim non incerto nuncio, sed fidelissimo rerum, quæ gesta sunt, narratore Hilario Diacono nostro, (qui vix, ne subscribere per vim cogere, effugit) convenisse ad Synodum plurimos Sacerdotes, quorum utique frequentia collationi & iudicio profuisset, si is, qui sibi locum principem vindicabat, Sacerdotalem moderationem custodire voluisset, ut (sicut moris est) omnium sententiis ex libertate prolatis, id tranquillo & æquo constitueretur examine, quod & fidei congrueret, & errantibus subveniret.* In ipso autem iudicio non omnes, qui convenerunt, interfuisse cognovimus.

20 Nam alios rejectos, alios didicimus intromissos, qui supradicti Sacerdotis arbitrio impiis subscriptionibus captivæ manus dederent, & nociturum statui suo scirent, nisi imperata fecissent, talemque ab ipso prolatam esse sententiam, ut dum homo unus impetitur, in omnem Ecclesiam sevirer videretur; quod nostri ab Apostolica Sede directi à Deo impium & Catholica fidei contrarium esse viderunt, ut ad consentiendum nulla potuerint oppressione compelli: Constantèrque in eadem Synodo, ut decuit, fuerint protestati, nequaquam id quod constituebatur, Sedem Apostolicam recepturam, quoniam revera omne Christiana fidei Sacramentum, quod absit, à temporibus vestra pietatis excinditur, nisi hoc scelestissimum facinus, quod cuncta sacrilegia excedit, aboleatur. Quia verò Diabolica nequitia subtiliter fallit incautos, & ita quorundam imprudentiam per similitudinem pietatis illudit, ut pro salubribus persuaadeat nocitura, removeat quasumus à vestra pietatis scientiam periculum religionis & fidei, quòdque in secularibus negotiis legum vestrarum æquitate conceditur in rerum divinarum pertractatione præstare, ut Christi Evangelio vim non inferat humana præsumptio. Ecce ego, Christianissime Imperator, cum sacerdotibus meis

implens erga reverentiam Clementia vestra sinceri amoris officium, cupiensque vos placere per omnia Deo, cui pro vobis ab Ecclesia supplicatur, ne ante tribunal Christi Domini rei de silentio judicemur, obsecramus coram unius Deitatis inseparabili Trinitate, quæ tali facto ladicur, cum ipsa vestri sit custos & auxiliatrix Imperii, & coram sanctis Angelis Christi, ut omnia in eo statu manere jubeatis, in quo fuerunt ante omne iudicium, donec major ex toto orbe Sacerdotum numerus congregetur. Nec alieno peccato patiamini vos gravari, quia (quod necesse est nos dicere) veremur, ne cuius religio dissipatur, indignatio provocetur. Præ oculis habete, & tota mentis acie reverenter aspiciate beati Petri gloriam & communes cum ipso omnium Apostolorum coronas, cunctorumque martyrum palmas, quibus alia non fuit causa parrandi, nisi confessio vera divinitatis & vera humanitatis in Christo. Cui sacramento quia nunc à paucis imprudentibus obviatur, omnes partium nostrarum Ecclesia, omnes mansuetudini vestra cum gemitibus & lacrymis supplicant, Sacerdotes, ut quia & nostri fideliter reclamaverunt, & ejusdem libellum appellationis Flavianus Episcopus dedit, generalem Synodum jubeatis intra Italiam celebrari, quæ omnes offensiones ita aut repellat, aut mitiget, ne aliquid ultra sit vel in fide dubium, vel in charitate divisum. Convenientibus utique Orientalium provinciarum Episcopis, quorum si qui superati minis atque injuriis à veritatis tramite deviarunt, salutaribus remediis in integrum revocentur, ipsique quorum est causa durior, si consiliis melioribus acquiescant, ab Ecclesia unitate non excidant. Quam autem post appellationem interpositam hoc necessario postuleretur, Canonum Niceæ habitorum decreta testantur, quæ à totius mundi sunt Sacerdotibus constituta, quæque subter annexa sunt. Cum in Bellarmini argumentum, & in Leonis Epistolam inspicio, adducor facile, ut credam, Bellarminum Leonis Epistolam non legisse, sed deceptum fuisse ab Amanuensi suo, qui illi dixit, Flavianum ad Leonem appellasse. Nam Pontifex hoc in Epistola sua non scribit: Flavianum appellationis libellum dedisse scribit, sed ad quem dederit, non scribit. Credibile est Flavianum provocasse ad Synodum, quæ liberior foret, & numerosior. Nam Leo & Romana Synodus, unum id agunt, ut Imperator generalem Synodum intra Italiam celebrari jubeat, quæ excitatis tumultibus & controversiis finem imponat. Verum Flavianus ad Leonem provocaverit? Non ideo provocavit, ut Flaviani causam Leo solus judicet, sed ut generalis Synodus cum Leone judicet.

Quod igitur Leo concisa brevitate, id Galla Placidia Theodosii mater pluribus exponit in literis, quas ad filium Imperatorem scribit: *Non medicum, inquit, detrimentum est, ex his, quæ gesta sunt, ut fides quæ tantis temporibus regulariter custodita est à sanctissimo Patre nostro Constantino, qui primus in Imperio splenduit Christianus, perturbata sit ad unius hominis arbitrium, qui in Synodo Ephesina civitatis odium & contentiones potius exercuisse narratur, militum presentia, & metu impetens Constantinopolitana civitatis Episcopum Flavianum, eò quòd libellum ad Apostolicam Sedem miserit, & ad omnes Episcopos harum partium per eos, qui directi fuerunt ad Concilium à reverendissimo Episcopo Roma, qui secundum definitiones Concilii Nicæni consuevi sunt interesse. Flavianus libellos appellationis non solum ad Leonem, sed etiam ad Occidentales Episcopos omnes miserat, quorum iudicium requirebat.*

Huc quoque spectat Valentinianus filius in literis, 23 quas ad Theodosium dedit: *Debemus, inquit, cum omni competenti devotione dignitatem propria venerationis beato Petro Apostolo intemeratam in nostris temporibus conservare, quatenus beatissimus Romana civitatis Episcopus, cui principatum Sacerdotii super omnes contulit, locum habeat ac facultatem de fide & Sacerdotibus judicare. Hujus itaque rei gratia secundum solemnitate Conciliorum & Constantinopolitanus Episcopus eum per libellos appellavit, propter contentionem, quæ orta est de fide. Huic itaque*

itaque postulanti & conjuranti salutem nostram communem annuere non negavi, quatenus ad tuam Mansuetudinem meam petitionem ingererem, ut praedictus Sacerdos congregatus ex omni orbe etiam reliquis Sacerdotibus intra Italiam, omni praedictio submoto, à principio omnem causam, quae vertitur, sollicita probatione cognoscens sententiam ferat, quam fides & vera divinitatis ratio exposulat. Flavianus ad Leonem provocat, ut quae de fide & Sacerdotibus exorta erat apud Ephesum controversia, in generali Synodo terminaretur.

Aliud est igitur Romanum Pontificem appellare, aliud Romanum Pontificem solum de appellatione judicare. Flavianus apud Valentinianum dicitur Leonem & Apostolicam Sedem appellare, & tamen non Leonem solum, vel Apostolicam Sedem, sed etiam reliquos Occidentis Episcopos appellat, ut in Leonis & Gallae Placidiae literis habetur. Quò etiam Valentinianus in Epistola sua spectat. Hæc autem omnia quid quæso Bellarmini causam adjuvant? Quid ad propositum ab eo lemma conducunt, ut Papam absolute esse supra Concilium probet?

24 IV. Bellarminus pergit: Theodoretus Episcopus Cyri appellavit à Concilio eodem Ephesino II. ad eundem Leonem, ut patet ex Liberato in Breviario capite XII. & ex ipsa Epistola Theodoretii, quæ extat ad finem operum Leonis. Liberati verba, quæ Bellarminus referre non est ausus, sunt hæc: Valentinianum autem Imperatorem & Eudoxiam uxorem ejus ad memoriam beati Petri cum multis Episcoporum genibus provolutus Romanus Pontifex deprecatus est, ut Imperatorem Theodosium hortarentur, aliam fieri Synodum ad retractandum illa, quæ à Dioscuro male acta atque perpetrata fuerunt in damnatione Dioscorig Episcopi & orthodoxorum depositione. At quis unquam præter Bellarminum & cæcos Bellarmini Discipulos, ex his Liberati verbis colliget, Romanum Pontificem simpliciter & absolute esse supra Ecclesiam universam & Concilium generale: Ita ut nullum in terris supra se iudicium agnoscat? Liberatus cum significet, ad orthodoxorum restitutionem necessarium fuisse Concilium, Bellarmini placitis nocet, non prodest. Bellarminus tamen de Liberato fucum facere voluit iis, qui Liberatum vel non legerant, vel non habebant, rati Bellarminum quæstionem hanc sincerè tractasse.

Nunc veniendum est ad Theodoretii Epistolam ad Leonem, quæ est centesima decima tertia inter illius Epistolas. Si Paulus præco veritatis, tuba Spiritus Sancti, ad magnum Petrum se contulit, ut iis, qui Antiochia de legali conversatione ambigebant, explicationem ab illo referret, multò magis nos humiles & pusilli ad Apostolicam Sedem accurrimus, ut Ecclesiarum ulceribus remedium à vobis accipiamus. Vobis enim primas in omnibus tenere convenit. Etenim alias urbes ornat, vel magnitudo, vel pulchritudo, vel habitatorum frequentia; nonnullas etiam quæ his carent, quæ spiritalia quedam dona illustant: vestra verò bonorum affluentiam bonorum largitor dedit. Illa enim omnium maxima & clarissima, quæ & orbiterarum præsidet, & incolarum multitudine redundat. Adhuc Imperium, quod nunc rerum potitur, & suum ipsa nomen subditis impertit. Præcipue autem illam fides ornat, cum testis idoneus est divinus Paulus, clamans: Fides vestra annuntiatur in universo mundo. Et paulò post: Habet præterea communium Patrum magistrorumque veritatis Petri & Pauli sepulchra, fidelium animas illuminantia: quorum beatissimum ac divinum par, in Oriente quidem exortum est, & radios quaquaversum diffundit, sed in Occidente vitæ occasum ultro subiit, atque inde nunc orbem universum collustrat. Hi sedem vestram nobilissimam reddiderunt; hic bonorum vestrorum est apex. At illorum sedem nunc etiam illorum Deus illustravit, dum in ea Sanctitatem vestram recta fidei radios fundentem constituit. Et paulò post: Nos spirituales sapientiam tuam admirati, Spiritus Sancti gratiam, quæ per vos locuta est, laudibus extulimus, rogamusque & obsecramus & precamur, & supplices oramus San-

ctitatem tuam, ut tempestate jactatis Dei Ecclesiis opem ferat. Cum enim per eos, quos Sanctitas tua Ephesum misit, tempestatibus exitum speraremus, in graviores procellas delapsi sumus. Alexandrinorum quippe iustissimus antistes haudquaquam contentus fuit iniqua hac & injustissima depositione sanctissimi, Deoque charissimi Constantinopolitanorum Episcopi domini Flaviani; neque ipse animam explevit consimilis strages aliorum Episcoporum: sed me quoque absentem calamo similiter jugulavit, nec in ius vocatum, nec presentem accusatum, nec interrogatum de Dei ac salvatoris nostri Incarnatione quid sentiam. Et homicidas quidem, ac sepulchrorum effractores, alienarumque nuptiarum invasores, non prius condemnant iudices, quam vel ipsi objecta crimina confessione sua firmaverint, vel ab aliis fuerint aperte convicti. Nos autem hic in divinis legibus enervatos, triginta mansionibus distantes, condemnavit, ut voluit. Neque nunc tantum hoc fecit, sed anno etiam superiore, cum eò profecti essent duo viri Apollinaris morbo infecti, & calumnias in nos rexisissent, consurgens in Ecclesia nos anathemate confixit, idque cum ad eum scripsissem, & quæ sentirem per literas exposuissem. Ego vero Ecclesia sanè tempestatem desleo, ceterum quieti studeo. Et paulò post: Post tantos sudores ac labores (quos ante recensui) indicta causa condemnatus sum. At ergo Apostolica vestra Sedes expecto sententiam, & oro atque obsecro Sanctitatem tuam, ut rectum ac iustum tribunal vestram invocanti opem ferat, jubetque ad vos venire & doctrinam meam Apostolicis vestigiis inhaerentem ostendere. Et paulò post: Ante omnia ut à vobis docear, oro, an me oporteat in hac injusta depositione acquiescere, an non; vestram enim sententiam expecto. Quod si in iudicatis manere me iusseritis, manebo, neque ulli hominum deinceps molestus ero, sed rectum Dei salvatorisque nostri iudicium expectabo.

I. In Theodoretii oratione confugium potius describitur, quam appellatio, Si qui sint Appellationis Ecclesiasticæ termini, qui fines, ex Sardicensi Concilio repetantur.

II. Theodoretus expectare se dicit Apostolicæ Sedis sententiam, sed eo dandam modo, quem ipsemet Leo in Epistola xxv. ad Theodosium præscribit, quem Julius in Epistola ad Orientales in Athanasii causa servatum fuisse dicit.

III. Si Theodoretii Epistolæ diligenter consideretur exordium, vix aliud in eo & ex eo potest colligi, quam Concilium, cui Leo præsideat, etiam si Theodoretus nihil videatur omisisse, quod ad commendandam Apostolicæ Sedis auctoritatem tunc temporis requiretur.

IV. Theodoretus in Epistola cxvi. ad Renatum Romanæ Ecclesiæ Presbyterum clariùs loquitur, & Concilium nominatim expectat: Cognovimus ardentem iustumque zelum pietatis tuæ, & iustissimam ac legitimam libertatem, quæ usus es, cum ea, quæ apud Ephesum temerè licenterque acta sunt, reprehenderes. Et post alia: Ex his autem, qui posthac damnati fuere, unus ego sum, ne illò irem, regius literis prohibitus, & tamen absens condemnatus. Post sex enim & viginti Episcopatus annos, post infinitos labores, post suscepta pro pietate certamina, post oblatas omnium salvatori multas hereticorum à pristino abductas errore myriadas, sacerdotio me spoliaverunt, ejiciuntque ex civitate, nec senectutem reveriti, nec canos in pietate nutritos. Quam ob causam oro Sanctitatem tuam, sanctissimo ac beatissimo Archiepiscopo (Leoni) persuadeat, ut Apostolica potestate utatur, & ad Concilium, omnium vestrum advolare præcipiat.

V. Ex quibus verò congregetur Concilium hoc, in 28 Epistola cxix. ad Anatolium Patricium sic indicat. At isti (qui apud Ephesum erant) nos nec in iudicium vocantes, nec vocem nostram audientes, & ex nobis quid sentiamus, cognoscere laborantes, veritatis hostium furori jugulandos nos prodiderunt. Ego autem silentium libens teneo, hoc maxime tempore, cum Apostolica dogmata apud



multos corrupta sunt, & nova haresis vires ac robur obtinuit. Verum nequis eorum, quibus noti non sumus, veras credat esse calumnias, quæ in nos conjectæ sunt, offendaturque, diversa nos ab Evangelica doctrina sentire existimans, Magnitudinem tuam obtestor, hanc à Victore Augusto gratiam petat, ut in Occidentem veniam, ibique à Deo charissimis sanctissimisque Episcopis iudicer, ac si vel minimum à fidei regula deflectere videar, in medium maris profundum dejiciar.

VI. Theodoretus à Leone restitutus dicitur in actione I. Calchedonensis Concilii: Gloriosissimi iudices & amplissimus Senatus dixerunt: Ingrediarur R. Episcopus Theodoretus, ut sit particeps Synodi, quia & restituit ei Episcopatum sanctissimus Archiepiscopus Leo, & piissimus Imperator sanxit eum adesse sanctæ Synodo. Et quibusdam interpositis: Gloriosissimi iudices dixerunt: Theodoretus R. Episcopus proprium recipiens locum à sanctissimo Episcopo inclita urbis Roma in locum nunc accusatoris ingressus est: Unde patiamini ea, quæ inchoata sunt finire, ne aliqua confusio auditorio fiat. Egyptii, & qui cum ipsis reverendissimi Episcopi clamaverunt: Cyrillum Theodoretus accusavit; Cyrillum ejicimus, si Theodoretum acceperimus; Canones istum ejiciunt. Tunc inter Episcopos maxima exoritur concertatio, & interloquentibus iudicibus sedere Theodoretus jubetur, & ejus causa ad octavam usque actionem differtur, & ea sic se habet: Iudices dixerunt: Omnis jam dubitatio de Theodoro R. Episcopo est soluta. Quippe & Nestorium coram nobis anathematizavit & à sanctissimo & Dei amantissimo Archiepiscopo senioris Romæ susceptus est, & definitionem fidei à religioſitate vestra prolata libenter suscepit, & insuper memorati sanctissimi Archiepiscopi Leonis Epistola subscripsit. Deest igitur ut sententia proferatur à reverentia vestra, ut Ecclesiam suam recipiat, sicut & sanctissimus Leo Archiepiscopus judicavit. Omnes reverendissimi Episcopi clamaverunt: Theodoretus dignus est Sede. Et quibusdam interpositis: Paschasius & Lucenius Episcopi reverendissimi, & Bonifacius reverendissimus Presbyter, insuper & Julianus reverendissimus Episcopus Coensis habentes locum Apostolicæ Sedis dixerunt: Sanctissimum & venerabilem Episcopum Theodoretum, sanctissimus & beatissimus Catholica Ecclesia Episcopus urbis Roma Leo dudum in communionem suscepit, sicut literæ ab eo ad nostram humilitatem directæ testantur: Si igitur fidem Catholicam sicut promittit, & secundum prædictum beatum Episcopum subscriptionem in proprio libello direxit, nostræ insuper humilitati alio dato libello monstravit, quando & Nestorium & Eutychem non solum scripto, sed & sub præsentia totius confessus ore proprio anathematizavit, hoc iudicio sanctissima & venerandissima Synodus, insuper verò & nostra humilitas reddi ei Ecclesiam suam definivit.

Ex his apparet, Theodoretum à Synodo restitutionem integram accepisse, quam à Leone non acceperat, quamvis qui acciperet, ab eodem iudicatus fuisset dignissimus. Indicta enim causa, & violatis Canonibus à sua Sede pulsus fuerat. Exinde factum, ut iudices supra dixerint Leonem Theodoro Episcopatum restituisse. Sed Concilii Patres & in primis Legati Theodoro Episcopatum restituerunt. Ecce tibi Theodoretæ appellationis ad Leonem & ad Occidentales Episcopos historia, ex qua Abelem à Caino fuisse occisum perinde colliges, ac Romanum Pontificem simpliciter & absolute esse supra Ecclesiam universam & Concilium generale, ita ut nullum in terris supra se iudicium agnoscat. Quinetiam Leo in Theodoretæ causa Calchedonensis Concilii iudicium supra se agnovit, nec ægrè tulit. Post Egyptiorum intercessionem Concilium de Leonis sententia, quam secundum Theodoretum pronuntiaverat, iudicavit & asseruit.

Deinde Leo in Epistolæ, quam post Calchedonense Concilium ad Theodoretum scripsit, capite I. potior in Concilio, quam in seipso & in prima Sede auctoritatem agnoscit. Remeantibus ad nos fratri-

bus & consacerdotibus nostris, quos ad sanctum Concilium Sedes B. Petri direxit, agnovimus Dilectionem tuam superno adiutorio nobiscum tam Nestoriana impietatis, quam Eutychiana vesania existisse victricem. Unde gloriamur in Domino, cum Propheta canentes: Adjutorium nostrum in nomine Domini, qui fecit calum & terram, qui nullum nos in nostris fratribus detrimentum sustinere permisit: Sed quæ nostro prius ministerio desinuerat, universæ fraternitatis irretractabili firmavit assensu, ut verè à se prodisse ostenderet, quod prius à prima omnium Sede formatum, totius orbis Christiani iudicium receperat. Mox in cap. IV. Hoc præcipue præsentis occasione credimus admonendum, Frater charissime, ut quotiescunque divina gratia administrante illos, qui foris sunt, fonte doctrina aut submergimus, aut purgamus, in nullo ab illis, quas Spiritus Sancti divinitus in Calchedonensi Concilio protulit, fidei regulis recedentes, inter utrumque hostem novella perfidia sermonem nostrum cum omni cautela libremus, non jam quod abest, tanquam de dubiis disceptantes, sed auctoritate sua, quæ bene definita sunt, adstruentes, cum & in Sedis Apostolicæ Epistola universalis sanctæ Synodi assensu firmata, tanta divine auctoritatis testimonia noverimus esse congesta, ut nullus queat ulterius dubitare, nisi qui sibi metipſi errorum tenebras inferre maluerit. Nunc assensum, quem Concilium Leonis Epistolæ tribuit, irretractabilem appellat: Nec talem appellaret, nisi privilegium non errandi Concilio inesse crederet. Nunc Spiritus Sancti Divinitatem in Calchedonensi Concilio fidei regulas protulisse non posset verè dicere; nec diceret, nisi privilegium idem non errandi Concilio soli datum esse censeret. Nunc Apostolicæ Sedis Epistolam universalis Ecclesiæ assensu firmatam gratulatur sibi; nec gratularetur, nisi universalis Ecclesiæ assensus Apostolicæ Sedis auctoritati præponderaret.

Tum demum in Epistola ad Hieronymum Samboeuvium, ad Ludovicum Cusinum, & ad Felicem Phelipæum Brossam ea Leonis testimonia refero, quibus liquidò constat, Pontificem hunc fateri se sacris Conciliorum Canonibus subiectum esse. Hæc autem repetere supervacaneum foret.

V. Bellarminus pergit: Denique Joannes Chrysostomus à Concilio depositus appellavit ad Innocentium Papam, ut testatur Gelasius ubi supra, & idem colligitur ex Epistola Chrysostomi ad Innocentium. Argumenti hujus disputationis incipienda ab iis, quorum res est, Chrysostomo & Innocentio. Hi enim, quod suum est, Gelasio longè melius noverunt. Chrysostomus in Epistola I. ad Innocentium rem suam sic exequitur: Cum autem, inquit, contestaremur, paratos nos ad diluendum crimina, & ad innocentiam, sicut & innocentes sumus, declarandam coram centum vel mille Episcopis, non assensit (Theophilus:) Sed licet absentes essemus, & AD SYNODUM APPELLAREMUS, & iudicium requireremus, & non auditorium, sed manifestas inimicitias fugeremus, ipse tamen accusatores suscepit, & excommunicatos à me absolvit, & ab illis, qui nondum se de suis purgaverunt criminibus, libellos collegit, & acta proſcribi jussit, quæ omnibus legibus & Canonibus prohibita sunt. Et post alia: Tractus igitur vi & abductus à magistratu civitatis in media civitate, & in navim conjectus per noctem navigavi, eo QUOD AD SYNODUM ET JUSTUM JUDICIUM PROVOCAREM. Ad Synodum igitur, non ad Innocentium provocat: Sed eum de sua provocatione admonet, & ad suum auxilium cohortatur. Sozomenus provocationem hanc in libri VII. hist. capite XVII. describit: Indignantibus igitur Joanni tanquam non obediens Synodo (ad Quercum) Episcopis, illorum, qui hæc nuntiaverunt, nonnulli metu territi, non sunt reversi amplius. Demetrius verò & quotquot Joannis familiaritatem præferabant, ad illum sunt regressi. Eodem autem die Notarius ex aula festinabundus adveniens Joannem urſit, ut ad Episcopos exiret; illos autem, ut in ferenda sententia non cunctarentur. Cum igitur quater vocatus AD OECUMENICAM SYNODUM

PROVOCASSET, illi nihil aliud causati, quam quod vocatus non obtemperasset, cum deposuerunt.

Socrates observat idem in libri VI. hist. cap. XIV. Ubi verò Joannes eos, qui cum accerserant, tanquam inimicos à sua causa disceptatione exceperat, & ad GENERALE CONCILIUM PROVOCARAT, illi absque mora quater illum accerserunt. Quem quidem cum accedere nollet, idemque semper responsum daret, communibus suffragiis condemnauerunt, abdicaruntque Episcopatu: Idque cum nullum aliud crimen illi obiectare possent, præterquam quod accersitus non obtemperaverat. Quæ res Constantinopoli sub vespere nuntiata multitudinem ad maximam seditionem concitavit, atque tota nocte excubantes, illum ab Ecclesia extrahi nequaquam passi sunt, sed sublata voce clamaverunt ejus causam debere in majore Episcoporum Concilio disceptari.

Nicephorus idem quoque memoriæ prodit in libri XIII. capite XV. Ut autem ille quater citatus non comparuit, judices illos, ut sibi inimicos exceptione summo-  
vet, ET AD UNIVERSALEM SYNODUM PROVOCANS; illi contumacia viri condemnata Episcopatum ei abrogarunt, nihil in eo reprehendentes aliud, quam quod quater evocatus, judicio se non stitisset.

Hæc de Chrysofomo & de Chrysofomi ad Synodum provocatione: Nunc venio ad Innocentium, de quo scribit Sozomenus in libri VIII. hist. capite XXVI.  
34 Certior autem factus Innocentius Romanorum Episcopus eorum, quæ apud Joannem acta erant, indignè tulit, atque ut ea damnavit, ita ETIAM OECUMENICUM CONCILIUM CONVOCARE STUDUIT, & tum ad Joannem, tum etiam privatim ad Clericos Constantinopolitanos scripsit: Utramque autem Epistolam ex lingua Latina versam ut accepi, proposui.

Innocentius in Epistola ad Chrysofomum suadet ei, ut sese patientiæ clypeo muniat: In Epistola ad Clericos de adhibendis malo huic remediis sic loquitur: Sed quodnam remedium hisce rebus in presenti adferemus? NECESSARIA ERIT SYNODALIS COGNITIO, QUAM ETIAM MULTO JAM ANTEA CONGREGANDAM DIXIMUS: EA QUIPPE SOLA EST, QUÆ HUIUSMODI PROCELLARUM IMPETUS RETUNDERE POTEST. Quam quidem donec consequamur, expedit medellam calamitatis hujus committere voluntati magni Dei, ac Christi ejus Domini nostri. Illa universis, quæ nunc per iridiam Diaboli ad examen fidelium perturbata sunt, tranquillitatem dabit. Nihil autem desperare debemus freti nostra in Deum fide. AC NOS QUIDEM MULTUM DELIBERAMUS, QUONAM MODO SYNODUS OECUMENICA CONGREGARI POSSIT, per quam divina voluntate turbulenti isti motus consopiri possint. Expectemus itaque tantisper, ac vallo patientiæ communiti speremus, auxilio Dei cuncta nobis esse restituenda. Sic Chrysofomus non ad Innocentium, sed ad Oecumenicam appellavit Synodum, quam Innocentius congregandam esse necessariò censuit.

Audiamus quid scribat Gelasius in Epistola XIII. ad Episcopos Dardanæ: Sed nec illa præterimus, quod Apostolica Sedes frequenter more majorum etiam sine ulla Synodo præcedente, & absolvendi, quos iniquè Synodus damnaverat, & dammandi nulla existente Synodo, quos oportuit, habuerit facultatem. Sanctæ memoriæ quippe Athanasium Synodus Orientalis addixerat, quem tamen exceptum Sedes Apostolica, quia damnationi Græcorum non consensit, absolvit. Sanctæ memoriæ nihilominus Joannem Constantinopolitanum Synodus, etiam Catholicorum Præfulum, certè damnavit, quem simili modo Sedes Apostolica etiam sola, quia non consensit, absolvit. At Synodus illa, quæ damnavit Chrysofomum, Oecumenica non erat. Oecumenica tamen esse debuit, ut exemplum tale Bellarmini consilio serviret. Nam etsi detur Papam esse supra Synodum, quæ universalis non est, haud sequitur illum esse supra synodum quæ universalis est. Deinde Innocentius Chrysofomum quidem absolvit, sed Episcopatu non restituit. Quæ de re tota

sic Palladius in Dialogi de vita Chrysofomi capite III. Adhæc rescripsit beatissimus Papa Innocentius, communionēque utriusque Partis admittit; Theophili judicium, cassum, atque irritum esse decrevit, dicens, oportere consilium aliam irreprehensibilem SYNODUM OCCIDENTALIUM ET ORIENTALIUM SACERDOTUM, cedentibus Concilio amicis primū, deinde inimicis, neutrarum quippe partium ut plurimum rectum esse judicium.

Porro autem ex hac historia deduci possunt multa, quibus mala Bellarmini fides & opinio configatur.

I. Bellarminus Synodum, quæ damnavit Chrysofomum, ut Oecumenicam objicit, à qua Chrysofomus ad Innocentium provocaverit. Nam Synodum illam convenienter instituto suo tanquam Oecumenicam ob-  
36 jicere debuit, ut Romanum Pont. simpliciter & absolute esse supra Ecclesiam universam & generale Concilium probaret. Hæc autem Synodus cum Oecumenica non fuerit, Bellarminus bona fide non egit.

II. Contendit Chrysofomum appellasse ad Innocentium, quod à veritate prorsus abhorret. Ad Synodum Oecumenicam appellavit, ut ipsemet in Epistola I. ad Innocentium testatur. Id quoque Socrates, Sozomenus, & Nicephorus testantur. Hac in re Bellarmini fidem quis liberet?

III. Dicere, ut nonnulli Romanæ Curie assentatores dicunt, Chrysofomum ad Innocentium provocasse, Tolerandus utcunque error esset: sed dicere, ut Bellarminus dicit, provocationem hanc ex Epistolis Chrysofomi ad Innocentium colligi, intolerandus error est, qui perspicuæ fraudi & imposturæ superstruitur.

IV. Quibus ex verbis Bellarminus Chrysofomum ad Innocentium provocasse colligeret, frustra & inutiliter colligeret. Nempe Chrysofomus Epistolam, ex cujus verbis id colligeret, eandem ad Venerium Mediolanensem Episcopum & ad Chromatium Aquileiensem Episcopum misit, ut Chrysofomus ipse apud Palladium in Dialogi de vita illius capite II. significat hoc modo: Scripsimus & ista ad Venerium Mediolanensem, & Chromatium Aquileiensem. Id jam observavimus in Epistola ad Paulum Ratuynum Parisiensem Theologum, ubi materiam istam latè persequimur. Sic igitur Chrysofomus, ut ad Innocentium, ita & ad Venerium & Chromatium appellasset. Quò fit, ut quæ prærogativa dignitatis ex Chrysofomi ad Innocentium provocatione colligitur, eadem ex ejusdem Chrysofomi ad Venerium & Chromatium provocatione colligatur: Scilicet & Innocentium & Venerium & Chromatium simpliciter & absolute esse supra Ecclesiam universam & Concilium generale, ita ut nullum in terris supra se  
37 judicium agnoscerent. Spectatum admissi risum teneatis?

V. Chrysofomus & Innocentius conjunctis operis argumentum firmum suppeditant, quo probatur, auctoritatem in universali Concilio quam in Sede Apostolica majorem residere, & Romanum Pontificem simpliciter & absolute esse infra Ecclesiam universam & Concilium generale, ita ut summum in terris supra se judicium agnoscat. Id validissimè confirmat Siricius, in cujus Schola educatus fuerat Innocentius, qui illi post Anastasium sedentem annis tantum quatuor successit. Sic autem Siricius ad Anyfium Thessalonicensem & cæteros Illyrici Episcopos scribit: Accepi literas vestras de Bonoso, quibus vel pro veritate, vel pro modestia nostram sententiam sciscitari voluistis. Sed cum hujusmodi fuerit Concilii Capuensis judicium, ut finitimi Bonoso atque ejus accusatoribus iudices tribuerentur, & præcipuè Macedones, qui cum Thessalonicensi Episcopo de ejus factis vel cognoscerent, advertimus, QUOD NOBIS JUDICANDI FORMA COMPETERE NON POSSET. NAM SI INTEGRA ESSET HODIE SYNODUS, RECTE DE IIS, QUÆ COMPREHENDIT VESTRORUM SCRIPTORUM SERIES, DECERNEREMUS: VESTRUM EST IGITUR, QUI HOC RECEPISTIS JUDICIUM, SENTENTIAM FERRE DE OMNIBUS, NEC REFUGIENDI, VEL ELABENDI, VEL ACCUSATORIBUS,  
38 VEL



VEL ACCUSATO COPIAM DARE. VICEM ENIM SYNODI RECEPISTI, QUOS AD EXAMINANDUM SYNODUS ELEGIT. Et quibuldam interpolitis: IDEO PRIMUM EST, UT II JUDICENT, QUIBUS JUDICANDI FACULTAS EST DATA. VOS ENIM TOTIUS, UT SCRIPSIMUS, SYNODI VICE DECERNITIS, NOS QUASI EX SYNODI AUCTORITATE JUDICARE NON CONVENIT. Deinde sic concludit Epistolam: Legimus etiam & omnia percurramus vel de eo, quod fratri nostro & Coepiscopo Basso in consortium regenda Ecclesia datus est Sinicio, vel de ceteris, UNDE VESTRÆ NORMAM EXPECTAMUS SENTENTIÆ, ut ad eam videlicet se componat. Siricius in hac Epistola non solum Capuensi Concilio inferiorem se significat, sed etiam Episcopis judicibus, quos Capuense Concilium delegaverat, quippe qui vice Synodi judicare deberent.

VI. Gelasius humani passus est aliquid, cum ut Sedem Apostolicam sine Synodo damnatos absolvisse Episcopos confirmaret, Athanasium in exemplum adduxit. Julius in Epistola ad Orientales contrarium testatur: Verum in hoc ipsa iusta & rationabilis causa est, Dilectissimi, quam vobis intimandam puto. Nam tametsi solus sim qui scripsi, non meam tamen solius sententiam, sed omnium Italarum, & omnium in his regionibus Episcoporum scripsi. Ego autem nolui omnes scribere, ne à multis onerarentur. Certe ad constitutum tempus conveniunt Episcopi, & ejus sententia suere, quam vobis iterum significo. Quapropter, Dilectissimi, etiamsi solus scribo, scribere tamen me communem omnium sententiam vos scire volo. Hec quidem à nobis adversus non aquas vestrorum hominum, sed injustas & suspectas causificationes dicta sunt. Quod autem non temere aut injuste suscepim in communionem Coepiscopos nostros Athanasium & Marcellum, etiamsi prius dicta sufficiant, brevibus tamen ratio vobis istarum rerum demonstranda est. Athanasius postquam Apologiæ suæ 11. Epistolam hanc attulit, subnectit: Hec cum Roma Synodus per Julium Romanum Episcopum scripisset, improba iterum audacia Eusebii in Ecclesiis perturbandis, insidiisque tendendis usi sunt. Locutio hæc, Romana Synodus per Julium scripsit, cum apud Athanasium similis sit huic, Julius per Archidamum & Philoxenum Sardicensi Concilio subscripsit, à Bellarmino nunquam adhibebitur, ut Julius supra Concilium asseratur.

VII. Italiæ Concilium in Epistola v. sic inscripta, Imperatori Theodosio Ambrosius, & ceteri Episcopi Italiae, majorum morem, quem Gelasius appellat, nec ita probe tenet, his verbis exponit, paullo post initium: Quanta nuper confusio facta est, explicari non potest. Scripseramus dudum, ut quoniam Antiochena civitas duos haberet Episcopos, Paulinum atque Melitium, quos fidei concinere putabamus, aut inter ipsos pax & concordia salvo ordine Ecclesiastico conveniret, aut certe si quis eorum altero supersite decessisset, nulla subrogatio in defuncti locum supersite altero gigneretur. At nunc Melitio defuncto, Paulino supersite, quem in communionem nostram mansisse consortia, quæ à minoribus inoffense dicta testantur, contra fas atque Ecclesiasticum ordinem, in locum Melitii, non tam subrogatus, quàm superpositus asseritur. Atque hoc factum allegatur consensione & consilio Nestarii, cujus ordinatio quem ordinem habuerit, non videmus. Namque in Concilio nuper cum Maximus Episcopus, (quem Constantinopolitana Synodus deposuerat) Alexandrina Ecclesia communionem manere secum lectis Petri sanctæ memoriæ viri literis prodidisset, ejusque intra privatas ades, quia Ariani Basilicas adhuc tenebant, secretum esse, mandatoribus Episcopis ordinantibus, dilucida testificatione docuisset, nihil habuimus, beatissime Principum, in quo de Episcopatu ejus (Maximi) dubitare possemus, cum vim sibi repugnanti, à plerisque etiam de populo & Clero testatus esset illatam. Tamen ne absentibus partibus præsumptè aliquid definisse videremur, Clementiam tuam datis literis putavimus instruendum, ut ei consuleretur ex usu publicæ pacis atque con-

cordia: Quia revera advertebamus Gregorium (Nazi-anzenum) nequaquam secundum traditionem Patrum Constantinopolitana Ecclesia sibi Sacerdotium vindicare. Nos igitur in Synodo ea, quæ totius orbis Episcopis videbatur esse præscripta, nihil temerè statuendum esse censuimus. Adco ipso tempore qui generale Concilium declinaverunt, Constantinopolique gessisse dicuntur. Nam cum cognovissent ad hoc partium venisse Maximum, ut causam in Synodo ageret suam, quod etiamsi indictum Concilium non fuisset, jure & more majorum; sicut & sanctæ memoriæ Athanasius & dudum Petrus Alexandrina Ecclesiæ Episcopi, & Orientalium plerique fecerunt, ut ad Romanam Ecclesiæ, Italiae, & totius Occidentis confugisse judicium viderentur. Cum enim sicut diximus experiri velle adversum eos, qui Episcopatum ejus abnuent, comperissent, præstolari utique etiam nostram super eo sententiam debuerunt. Non prærogativam vindicamus examinis, sed consortium tamen debuit esse communis arbitrii. Postremo prius constare oportuit, utrum huic abrogandum, quàm alii conferendum sacerdotium videretur ab his præsertim, à quibus se Maximus vel destitutum, vel appetitum injuria querebatur. Itaque cum Maximum Episcopum receperunt in communionem nostra consortia, quoniam eum à Catholicis constitit Episcopis ordinatum, nec ab Episcopatu Constantinopolitani putavimus petitione removendum; cujus allegationem presentibus partibus affirmavimus esse pendendam. Nestarium autem cum nuper nostra mediocritas Constantinopoli cognoverit ordinatum, coherere communionem nostram cum Orientalibus partibus non videmus: Præsertim cum ab iisdem Nestarius dicitur illico sine communionis consortio destitutus, à quibus fuerat ordinatus. Non mediocris igitur hic scrupulus. Nec quædam nos angit de domestico studio & ambitione contentio, sed communio soluta & dissociata perturbat. Nec videmus eam posse aliter convenire, nisi aut is reddatur Constantinopoli, qui prior est ordinatus, aut certe super duorum ordinatione sit in urbe Roma nostrum Orientaliumque Concilium. Neque enim indignum videtur, Auguste, ut Romana Ecclesiæ antistitis, finitimorumque & Italarum Episcoporum debeant subire tractatum, qui unius Acholii Episcopi ita expectandum esse putaverunt judicium, ut de Occidentalibus partibus Constantinopolim evocandum putarent. In Jacobi Sirmondi V. Cl. Appendice ad Codicem Theodosianum, Gelasius Romani Concilii Patribus cum non planè concordet, Gelasio fides adhibenda est minor, quàm illis Patribus, qui & plures sunt, & per ætatem ad Athanasium propius accedunt. Tunc igitur, qui apud Orientales vexabantur, non solum ad Romanum, sed etiam ad Italiæ & Occidentis Episcopos confugiebant, & appellabant. Ad Romanum confugiebant Episcopum & appellabant, non ut ipse solus judicaret, sed ut Italiæ & Occidentis Episcopos convocaret, aut convocari curaret, qui postea cum ipso judicarent. Hæc est temporis, in quo versamur, disciplina, hæc præscriptio, quam Bellarminus vel nesciit, vel sine furo repræsentare noluit. Dubitari tamen meritò non potest, quin apud pios atque eruditos homines veritas Sedi Apostolicæ venerationem & amorem conciliet; falsitas verò, quia nihil est à Christiana religione alienius, contemtionem & odium. Per veritatem Christiana religio à sectis omnibus distinguitur & constituitur. Per falsitatem cum sectis aliis conveniret, & Christiana defineret esse religio. Instituta vetera, crede mihi, recentibus metienda non sunt. Sua est unicuique ætati disciplinæ ratio. Romanus Pontifex etiamsi aliquando solus olim appellabatur, vel oppressus quis ad eum confugebat solum, is tamen solus appellentem vel confugientem minime judicabat. Habebatur Synodus: in ea appellationis libelli aut confugii rationes examinabantur; causa disceptabatur tota, & communi Episcoporum judicio dirimebatur. Hinc accidit, ut ex appellatione hujusmodi argumentum nullum quæri possit, quo Bellarmini placita comprobentur; alioqui non unus tantum, sed & alii

alii Synodi Pontifices sacris eximerentur Canonibus, & supra Ecclesiam universam, & generale Concilium eveherentur, quod non dictu solum, sed cogitatu etiam absurdissimum est. Hæ & similes intolerandæ complexiones te non fugiunt, qui & appositè disputare nosti, & rerum antiquarum tam editos, quam manuscriptos in Victorina Bibliotheca Codices pervolutare & meditari non cessas. Quod ego pluribus, tu paucis comprehendisti, cum nuper solerti & grata brevitate dicebas: Ecclesiasticæ appellationes Romanæ

Ecclesiæ primatum asserunt, Romanum Pontificem supra Ecclesiam, & Concilium generale non attollunt. Quinetiam utrique faciunt obnoxium, cum sacris Ecclesiæ & Sardicenis Concilii Canonibus innitantur. Bellarminus longius quam par fuit, Curia vitio processit, nec illis se Romanæ Ecclesiæ traditionis finibus continuit, quibus nos contineri oportet. Res tuas tibi reddo, ita tamen, ut iis privari nolum, καὶ τὸ πῶς φιλων. Vale. Lutetia Parisiorum, Idibus Novembris, anno M. DC. LXIV.

# Joannes Launoius

## JACOBO BEVILAQUÆ

### Parisiensi Theologo.

**M**IRARI te dicis, quod Bellarminus Oecumenicarum Synodorum confirmationem adhibeat, ut probet, Romanum Pontificem simpliciter & absolute esse supra Ecclesiam universam & Concilium generale, ita ut nullum in terris supra se iudicium agnoscat. Auctoris hujus lemma purum putum est, nequis credat illi rem adeo absurdam imponi. Non miraberis amplius, si pro singulari ingenii vi, & perspicacitate, quæ tibi innata atque insita est, tecum ipse reputes, honesta, vera, & legitima semper defuisse præsidia, quibus bona causa oppugnetur & mala defendatur. Si secus accidit, id artificis, non artis vitio tribuendum est. Ab hoc liber ac immunis & tibi & mihi videtur non esse Bellarminus, cum in libri 11. de Conciliis capite XVII. sic disputat: Probatur quintò ex approbatione & reprobatione Conciliorum. Nam omnia revocantur ad examen Romani Pontificis, & quæ ille probat, recipiuntur, & quæ improbat, rejiciuntur, ut testatur Gelasius in eadem Epistola ad Episcopos Dardania.

I. Bellarminus Gelasii verba non refert, quæ tamen in re tanti ponderis referenda erant. Sed summa semper erit summa, ut vulgò dicitur. Hic auctor, dum maxime de Romani Pontificis auctoritate tractat, referre non solet Patrum testimonia, quæ placitis suis ad plenum & perfectum minimè respondent. Ubinam, quæso, scribit Gelasius, Nicænum Concilium ad Silvestri Papæ I. examen revocatum esse? Quasi verò Silvester Nicænum sic examinasset Concilium, ut editum ab eo Symbolum potuisset vel totum, vel partem illius abrogare? Quasi verò penes unum Pontificem hunc omnis Christiana constitisset religio, quam trecenti decem & octo Patres asseruerant?

Ubinam Gelasius scribit, ad examen Silvestri revocatos esse Nicæni Concilii Canones, de quibus Julius Silvestri post Marcum successor ita scribit ad Orientales? Id verò ad Synodi, ad Episcoporum, qui in Synodo fuere, contumeliam vergeret, si quæ illi tanto studio & cura veluti Deo præsentem egissent, à nobis ut vana futilitæ abrogarentur: De quibus Innocentius I. sic loquitur, Constantinopolitanis Clericis scribens: Nos quantum ad Canonum observantiam attinet, illis obsequendum esse scribimus, qui Nicæa determinati sunt, quibus solis obtemperare & suum suffragium addere Catholica Ecclesia debet: De quibus tum demum Leo I. in Epistola LIV. ad Marcianum Imperatorem pronunciat, quod ad totius Ecclesiæ regimen spiritu Dei instruerent conditi fuerint. Quasi verò Silvester ad suos illa exegisset calculos, quæ Nicæna Synodus, Deo præsentem, spiritu Dei instruerent, sanxerat ad publicam Ecclesiæ utilitatem. Quinimo ad suos sic exegisset calculos, ut pro arbitrio

divinis sanctionibus auctoritatem detraxisset omnem. Nec Silvestro jure dici potuisset: Cur ita facis? Quia Bellarmino iudice, Silvester simpliciter & absolute est supra Ecclesiam universam & Concilium generale, ita ut nullum in terris supra se iudicium agnoscat. Tantum ne confusionis & perversitatis? tantum. Huc tamen spectat Bellarmini propositio hæc: Ad Romani Pontificis examen revocantur Concilia. In quorum exemplum, quia nobis licet, Nicænum assumimus. Sed aliò spectat Gelasius, qui Bellarmini causam, assentationem intolerabilem nihil adjuvat. Cum de generalibus Conciliis sermonem instituit, hæc ad Romani Pontificis examen revocata esse non dicit. Dardaniæ Episcopos, qui Acacium non nisi in Synodo damnari posse contendebant, sic alloquitur: Quapropter stultitiam resistentes inanum querelarum percurrere vos oportet ab ipsis beatis Apostolis, & considerare prudenter: Quoniam Patres nostri Catholici, doctique Pontifices in unaquaque hæresi quolibet tempore suscitata, quidquid pro fide, pro veritate, pro communione Catholica atque Apostolica secundum Scripturarum tramitem, prædicationemque majorum facta semel congregatione sanxerunt, inconvulsam voluerunt deinceps, firmamque constare, nec in eadem causa denuo, quæ præfixa fuerant, retractari qualibet recenti præsumptione permiserint, sapientissimè providentes, quoniam si decreta salubriter cuiquam liceret iterare, nullum contra singulos quosque proprios errores stabile persisteret Ecclesiæ constitutum, & semper iisdem furoribus recidivis omnis integra definitio turbaretur. Nam si limitibus etiam præfixis positarum semel Synodali regularum non cessant elisa pestes, resumptis certaminibus contra fundamentum sese veritatis attollere, & simplicia quæque corda percutere, quid fieret, si subinde fas esset perfidis invire Concilium, cum quamlibet illa manifesta sit veritas, nunquam desit, quod perniciose depromat & falsitas, tametsi ratione vel auctoritate deficiens, sola tamen contentione non cedens: Quæ majores nostri divina inspiratione cernentes necessariè præcaverunt, ut quod contra unamquamque hæresim coacta Synodus pro fide, communione, & veritate Catholica atque Apostolica promulgasset, non sinerent posthæc novis retractationibus mutilari, ne pravis occasio præberetur, quæ medicinaliter fuerant statuta, pulsandi: Sed auctore cuiuslibet insanie ac pariter errore damnato sufficere judicaverunt, ut quisquis aliquando hujus erroris communicator existeret, principali sententia damnationis ejus esset obstrictus, quoniam manifestè quilibet, vel professione sua, vel communione posset agnosci: & ut priora taceamus, quæ diligens inquisitor facile poterit vestigare, Sabellium damnavit Synodus, nec ut sectatores ejus postea damnarentur, necesse fuit, singulas viritum Synodos celebrari, sed pro tenore constitutionis



tionis antiqua cunctos qui vel privitatis illius vel communionis existeret participes, universalis Ecclesia duxit esse refutandos. Sic propter blasphemias Arii forma fidei communionisque Catholica Nicæno prolata conventu, Arianos omnes vel quisquis in hanc pestem sive consensu sive communione deciderit, sine retractatione conclusit. Sic Eunomium, Macedonium, Nestorium Synodus semel gesta condemnans, ulterius ad nova Concilia venire non sinuit: Sed universos quocumque modo in hac consortia recidentes, tradito sibi limite Synodali refutavit Ecclesia: Nec unquam recte cessisse manifestum est, quamlibet necessitate cogente novis ausibus, qua fuerant salubriter constituta temerasse. Propterea in tempestate quoque persecutionis Ariana plurimi Catholici sacerdotes de exiliis, pace reddita respirantes, sic cum Catholicis nihilominus fratribus Ecclesias composuere turbatas, ut non tamen illius Synodi Nicæna quidquid de fide & communione Catholica & Apostolica definierat, immutarent, nec nova quanquam prolapsam damnatione percellerent: Sed illius tenore decreti, nisi respuissent, censerent esse damnatos. Quibus convenienter ut dictum est, ex paterna traditione perpensis, confidimus, quod nullus jam veraciter Christianus ignoret, uniuscujusque Synodi constitutum, quod universalis Ecclesia probavit assensus, non aliquam magis exequi Sedem præ cæteris oportere, quam primam; qua & unanquamque Synodum auctoritate sua confirmat, & continuata moderatione custodit pro suo scilicet principatu, quem beatus Petrus Apostolus Domini voce perceptum, Ecclesia nihilominus subsequente & tenuit semper, & reinet.

Et primò quidem dicit: Quidquid Catholici Patres doctique Pontifices pro fide, pro veritate, pro communione Catholica, secundum Scripturarum tramitem, prædicationemque majorum facta semel congregatione sanxerunt, inconcussum voluerunt deinceps firmumque constare. Sed non adjicit, si modò Romanus illud Pontifex approbaverit. Adjicere tamen debuit, ut Bellarmini placitum fulciret. Non adjecit tamen, quia nulla fuit adjiciendi ex more veterique instituto majorum necessitas.

Deinde hoc ipsum confirmat Gelasius, dum ait: Uniuscujusque Synodi constitutum, quod universalis Ecclesia probavit assensus, non aliquam magis exequi sedem, præ cæteris oportere, quam primam. Hic ut uniuscujusque Synodi constitutum executioni mandetur, non Romani Pontificis nominatim, sed universalis Ecclesiæ assensum postulat. Quinetiam ut uniuscujusque Synodi constitutum, quod universalis Ecclesiæ probavit assensus, executioni mandetur, non Romani magis, quam cæterorum Pontificum approbatio requiritur, si comparatio, quam inter primam & alias Sedes facit Gelasius, diligenter attendatur.

Denique qua in re putet Romani Pontificis confirmationem versari, significat cum ait: Prima Sedes unanquamque Synodum auctoritate sua confirmat, & continuata moderatione custodit. Igitur prima Sedes confirmat Synodum & Synodi Canones, dum illos continuata moderatione custodit, & ab aliis custodiendos esse suo exemplo docet. Et quod mireris, huc primæ Sedis principatum revocat, quem beatus Petrus Domini voce percepit.

II. Gelasius in reliqua Epistola de Episcoporum judiciis agit, quæ prima Sedes, ex auctoritate Canonum retractare, discutere, atque examinare potest. Res hæc ad jus appellationum pertinet, quod Bellarmini placitis inservire non posse probavimus in Epistola ad Jacobum Boetium: quapropter ne actum agamus, hic de appellationum jure agere supersedemus.

III. Omittere tamen non possum, quæ Bellarminum, vel eos, qui Bellarmino excerpta è Gelasio testimonia subministrarunt, in errorem induxere. Sunt autem ista: Acacius tulit de seipso judicium, condemnati hominis communione pollutus, damnationis ejus factus est participes; ita & Sedes Apostolica, quod ad necessariam diligentiam respiceret, nil omisit, & Acacius secundum formam

Synodi Calchedonensis, qua error, cui communicavit, elisus est, sicut de hæretico homine scriptum est, sub judicio condemnatus apparuit, justèque Sedes Apostolica, qua utique se Alexandrinum Petrum damnasse, non etiam solvisse memorat, ne per Acacii pristinam communionem Petri quoque Collegium, cui Acacius communicaverat, incidere, ipsum competenter Acacium à sua communione submovit. Quapropter utrum errori vel prævaricationi communicaverit Acacius, quid opus erat nova discussione cognoscere, cum jam literis suis esset ipse confessus, ac sicut scriptum est, ore tuo justificaberis & ore tuo condemnaberis, verborum suorum vinculis & reus teneretur, & jure plectendus? Cur ipse in nova causa, quam Synodus nulla præcesserat, Joannem, quem suis literis impetebat, qualemcumque secundæ Sedis Episcopum, in prima Sedis Petri Apostoli judicio confutare despexit, & ut causam diceret, seu per se, seu per alium venire vel destinare contempsit, indignum habens cujuslibet civitatis amictus ad primæ Sedis venire judicium, ad quod secundæ Sedis cerneret venisse Pontificem, quod Anatolius Constantinopolitana urbis Episcopus missis legationibus pro sua persona fecisse monstratur? Ecce etiam in hac parte vocem non habent conquerentes: Ecce, inquam, ad legitimum est vocatus examen, ubi vel suas partes justis allegationibus defensaret, si ille Apostolica Sedis refugit examen in Joannis Catholici Pontificis negotio vestigando, quemadmodum Sedes Apostolica de receptione Petri hæretici sua auctoritate resolvi Acacii fuerat secutura judicium? An Sedem Apostolicam congruebat paræcia Heracleensis, id est, Constantinopolitani Pontificis vel quorumlibet aliorum, qui cum eodem vel propter eum fuerant congregandi, judicium præstolari? Cum Apostolicam ejusdem primæ Sedis audientiam Constantinopolitanus Episcopus declinaret, qui utique etiam si Metropolitani esset jure suffultus, etiam si inter Sedes haberet locum, prima tamen Sedis cognitionem fas non habuit refusandi, ad quam secundum Canones appellante secundæ Sedis antistite vocabatur ad nostrorum causam. Hoc ipso satis ostendit, reum se esse confessum, qui ad legitimum judicium postulatus adesse contempsit, nec poterat ultra differri, ne sicut dictum est, antiqua illius communione durante, cum sese jam sociallet externa, Sedes quoque Apostolica per eum pollueretur contagiis perfidorum, dignumque esset vel prævaricatorem vel contemptorem judicii competentis, manifestissime scilicet de suo negotio desperantem, à Catholica atque Apostolica integritate & communione secludi. Hic si examinatio queritur, jam judicio non erat opus, posteaquam & literis suis ipse confessus est, & ad legitimum judicium vocatus adire pertimuit: si auctoritatis pondus inquiritur, Calchedonensis Synodi tenor cum Apostolica Sede consentiens, & illius definitionis executio, reperitur condemnati illic erroris communicator effectus, præfixa nihilominus ibidem particeps damnationis apparuit: Quoniam idem ipse error, qui semel est cum suo auctore damnatus, in participem quolibet prævaricationis effectus, & executionem sui gestat & penam. Operæ pretium fuit plura describere, ut hinc appareret certa quædam verborum complexio, quæ Bellarmino, vel illius ministris negligenter legentibus imposuit; hinc continuo haberetur, unde error istiusmodi facile dignoscatur. Bellarminus vel illius ministri verba hæc, novam cognoscendi discussionem, ad legitimum vocari examen, ad legitimum judicium postulari, & alia id genus ad Conciliorum approbationem perinde transferunt, ac si Gelasius per ea de Concilii Nicæni, Constantinopolitani, Ephesini, & Calchedonensis approbatione tractaret. Quæ negligentia? Quæ ἀγνοία? Et tamen Gelasius hoc agere debuit, vel nihil egit, quod Bellarmini proposito serviret. At totus quantus est Gelasio contextus aliò tendit, ad Ecclesiasticas videlicet causas & disceptationes, quarum judicium juxta Canones Sedi Apostolicæ defertur. Hos Gelasius proponit, ut & Calchedonensem Synodum, cujus ad formam seu normam omnia dirigantur.

Bellarminus pergit: Et quidem quod ad petitionem Conciliorum

Conciliorum approbavit Pontifex multa Concilia, patet ex gestis ipsis Conciliorum, præcipue I. II. III. IV. & VI. Bellarminus hoc in loco, si usquam, literis, otio, & patientia lectorum suorum abutitur. Nam si res generatim & in aversione sumatur, incertum, immò falsum est id, quod auctor scribit, & tamen is ita scribit, quasi quidquid illud sit, veritate summa niteretur, & certo esset certius. Sed unumquodque Concilium singillatim expendendum est, ne cum Bellarmini fucum detegimus, nos ipsi fucum facere videamur. I. gratis & sine auctorum æqualium supparium testimonio dicitur, Nicænam Synodum actorum suorum confirmationem à Silvestro petiisse, & Silvestrum eam confirmationem dedisse, quomodo Bellarminus & petitam & datam esse contendit.

10 Eusebius in libri III. de vita Constantini capite VII. scribit, Sivestri Legatos Nicæna Synodo adfuisse: Et quanquam urbis illius, penes quam Imperium est, Episcopus, ingravescente ætate præpeditus absuit, ejus tamen Presbyteri qui aderant, illius locum suppleverunt: sed Nicænam Synodum actorum suorum confirmationem à Silvestro petiisse, & Silvestrum eam dedisse non scribit; scripturus sine dubio, cum ex aliis, tum ex hoc quoque, quod illud ad integram Synodi historiam spectaret: nec opinor ibi inficias, qui Eusebii diligentiam consideraverit.

Julius Silvestri æqualis, & rerum ab illo gestarum inspector vigilantissimus, meminit quidem Silvestri Legatos Synodo interfuisse, sed Synodum gestorum suorum confirmationem à Silvestro petiisse, & Silvestrum illam dedisse non meminit. Pontificis hujus verba sunt apud Athanasium in Epistola ad Orientales: De Marcello autem postquam de illo quoque ut impio in Christum perscripisset nobis, studui significare, eum cum huc venisset, affirmasse falsa esse, quæ de se in literis vestris scripta essent; sed tamen cum à nobis postularetur, ut de fide diceret, tanta cum fiducia per se respondit, ut nemo non perciperet, eum nihil à veritate profiteri alienum, sed eadem cum pietate, quæ Ecclesia de Domino & Salvatore nostro sentire, neque jam tantummodo, sed etiam olim hujus sententia se fuisse confirmabat, uti & nostri Presbyteri, qui nunc in Nicæno Concilio aderant, de ipsis recta fide contestantur. Quis quæso hic Julium dissimulasse crederet, quod propter Sedis Apostolicæ dignitatem & jus summum dissimulandum minimè fuit? Nicænam videlicet Synodum gestorum suorum approbationem à Silvestro petiisse, & Silvestrum eam dedisse.

Liberius Julii successor in Epistola ad Constantium scribit de Nicæna Synodo: Hac in cætu Episcoporum diligenter facit omni cum consideratione testari, ut pacatis per te Deo favente temporibus tranquillitate tua consentiente sic omnia discutiantur, ut quæ fuerint iudicio Sacerdotum Dei confirmata, cum contiterent omnes in expositione fidei, quæ inter tantos Episcopos apud Nicæam presente sancta memoria Patre tuo confirmata est, universos consensisse, cum exemplo possent imposteros custodiri. Nonne Nicæna fidei defensor strenuus addidisset: Magnos illos Episcopos etiam curasse, ut decessor Silvester acta Synodi approbare, si hoc magni illi Episcopi curassent? Oblitus-ne id esset Pontifex, qui hac ipsa in Epistola profitetur: Secutus morem ordinemque majorum, nihil addidi Episcopatu urbis Romæ, nihil minus passus sum?

Tum in Dialogo inter ipsum & Constantium habito, ubi Eusebio Eunuchus sic respondet: Sed tu non minus temere hominem (Athanasium) condemnas, de quo nulum factum est iudicium. At ego primum generale fieri posco subscriptionem, quæ fides apud Nicæam exposita confirmetur: Addidisset, non exposita modo, sed & postulantibus Nicænis Patribus Romæ à Silvestro decessore meo approbata, si tum demum approbata hoc pacto fuisset. Addidisset, inquam, quia eum decuisset addere, quem Imperator in principio Dialogi Romanæ

civitatis suæ Episcopum appellat: Constantinus Imperator dixit. Nos quoniam Christianus es, & nostra civitatis Episcopus faciendum duximus, ut accitum te moneremus, ut nefaria impij Athanasij dementia communionem repudies: Deinde, quia, ut in Epistola VII. ad Orientales dicit, Ego Athanasium non defendi, sed quia susceperat illum bona memoria Julius decessor meus, verebar, ne ab aliquo fortè prævaricator judicaret, sic & dicere poterat, Quia bonæ memoriæ Silvester decessor quoque meus Nicænum Concilium singulariter approbaverat, verebar, ne ab aliquo fortè prævaricator judicaret. Hoc autem non dixit, quia verè dicere non potuit.

Hilarius Pictaviensis Episcopus in libro contra Constantium, semel, iterum, tertio, & quarto de Nicæna Synodo loquitur, nec usquam innuit Patres à Silvestro confirmationem actorum suorum quævisse, vel Silvestrum illam concessisse. Semel quidem: Ac ne me, ait, iniquum voluntatis suæ iudicem arguas, quid tibi in eadem Nicæorum fide displicet, renunciabo. Minime fallit illud, quod tuum est: Patres generatum esse ex patre filium dixerunt, Deum de Deo, totum de toto, unum de uno, perfectum à perfecto, Regem de Rege, inconvertibilis Divinitatis, essentiaque virtutis & gloria incommutabilem imaginem. His quidem ego intra Nicæam scripta à Patribus fide fundatus maneo, quæ non ego, sed tamen hac tu emendando rescindis. Addidisset: his quidem ego intra Nicæam scripta à Patribus fide & Romæ confirmata à frequenti Concilio, cui præerat Silvester, fundatus maneo. Iterum verò: Non calumniatur de rescissis, de quibus magis post Nicænam Synodum institutis conquerimur: addidisset, post Nicænam Synodum, quæ & Romæ ab Episcoporum Concilio approbata fuit. Tertio, Taceo cur nostra apud Nicæam à Patribus gesta rescindis: Addidisset, quæ gesta Romæ & aliud Episcoporum Concilium approbavit. Denique, Anathema tibi trecenti decem & octo convenientes apud Nicæam Episcopi sunt, anathema deinde omnes, qui variis exinde expositionibus assuerunt: Addidisset, anathema tibi Silvester & cæteri antistites, qui Romæ ad Nicæni Concilii petitionem acta illius confirmarunt. At Hilarius nihil eorum addidit, quia sine mendacio addere non potuit.

Athanasius de Nicæna Synodo passim loquitur, nec de Bellarmini lemmate mentionem ullam injicit; injecturus omnino, si quod Bellarminus contigisse vult, verè contigisset, quia in auctoris hujus sensu ad majorem Synodi gloriam & dignitatem contigisset. Athanasij verba adscribamus.

Ex disputatione contra Arianos: Siquidem illi præter mentem Constantii Imperatoris humani & pii pro libidine, quæ volunt, promulgant, & faciunt ea, quæ liber, & in faciendo ununtur magna vafritie, duabus præsertim de causis, ut mihi quidem videtur, quarum una est, ut vobis subscribentibus insaniam Arianicæ nominis interquiescere faciant, nec interim ipsi sentiantur Arianicè sapere: Altera verò causa est, ut ista scribendo obliterent Nicænum Concilium, fidemque inibi contra Arianos editam: Sed hoc ipsum inprimis eorum malitiam, & dissidentes ab Ecclesia orthodoxa opiniones redarguit. Si enim rectè crederent, contenti essent fide Nicæna ab universo orbis Concilio promulgata. Non adjicit, & à Silvestro confirmata, quod adjicere & potuit & debuit, si ut & quomodo Bellarminus putat, confirmata esset. Et quibusdam interpositis: Igitur denuncio vobis, ut quisque caveat, ne ab illis decipiatur, aut furtum sui patiat, sed potius ac si Judaica impietas Christianam fidem invaderet, Zelum Domino zelate, retenta Patrum fide, quam Patres, qui Nicæa convenerant, scripto professi sunt. Non adjicit, & cum primis Silvester, qui approbando Synodum privatis literis fidem hanc professus est, quod adjicere & potuit & debuit, si ut & quomodo Bellarminus putat, Silvester Synodum approbavit.

Ex disputatione II. contra eosdem Arianos: Fingeres sibi eum qui non est, ad id quod nihil est, reciderunt.

R

Ideo



Ideo quoque universale totius orbis Concilium Arium ista loquentem ejecit ab Ecclesia. Non adjicit, & confirmatum à Silvestro; quod adjicere & potuit & debuit, si ut & quomodo Bellarminus putat, à Silvestro confirmatum fuisset.

Ex Epistola de Nicænæ Synodi contra hæresim Ariam decretis: In id studio incumbant, ut cognitis iis, quorum prius ignari fuere, impias aures suas lavacro veritatis, & pietatis dogmatibus abluant: Ita enim in Nicæna Synodo, cum Eusebio, ejusque gregalibus actum est, cum principio in hæresi sua contumaces in Deum bella pugnâsque meditarentur. Nam quæ ab illis proferebantur, hæresis impietate scatebant. Episcopi contra, qui convenerant (erant autem illi plus minus trecenti) placide & humaniter postulabant, ut suorum dictorum rationem redderent. Non adjicit, Silvestrum Episcoporum plus minus trecentorum sententiam approbasse; quod adjicere  
15 & potuit, & debuit, si ut & quomodo Bellarminus putat, Silvester Episcoporum sententiam per literas approbasset. Et post alia sub finem: Verbum porro æternaliter esse cum Patre, neque alterius essentia aut substantia, Patrisque sui proprium filium, ut sancitum est ab illis, qui Synodo interfuerunt, licebit denuo ex laborioso illo Origene audire. Non adjicit, Synodum hanc à Silvestro confirmatam esse: Quod adjicere & potuit & debuit, si ut & quomodo Bellarminus putat, Silvester illam confirmasset.

Ex Epistola ad Solitarios: Patres orbis Concilio coacto, congregatisque plus minus trecentis Episcopis, Arianam hæresim condemnarunt; ostenderuntque eam alienam peregrinamque esse ab Ecclesiastica fide. Non adjicit; quod & postea ad Concilii postulationem Silvester approbavit: Id autem adjicere & potuit & debuit, si ut & quomodo Bellarminus putat, Silvester acta Concilii approbavit. Et nonnullis interjectis: Iste vero, quoniam omnes hæresim fugiunt, & sana fides in Christum confessionibus celebratur, Synodum plusquam trecentorum Episcoporum abrogat: non adjicit: Quam Synodum Silvester approbavit; adjicere tamen & potuit & debuit, si ut & quomodo Bellarminus putat, Silvester Synodum approbasset.

Ex libro de Synodis Arimini & Seleuciæ: Atque ea causa fuit, cur universus orbis in Concilium coiret, ut eodem die ubi festum celebraretur, & hæresis, quæ suppullulaverat, anathemate percuteretur, quod & factum est. Non adjicit, & à Silvestro confirmatum, quod tamen adjicere & potuit & debuit, si ut & quomodo Bellarminus putat, id evenisset. Infra: Adversus Nicænam Synodum contententes multas Synodos instituerunt: Non adjicit, etiamsi Silvester Papa Synodum illam approbasset. Quod tamen adjicere & potuit & debuit, si ut & quomodo Bellarminus putat, approbasset: Sic enim quos odiosos reddere vult, odiosiores adhuc reddidisset. Et paulò post: Ut perspicere possitis non sine admiratione, quæ de causa adversus orbis terrarum Concilium & Patres suos contentiosus Arius ipsiusque sectatores remittere sese noluit. Non adjicit, inter eos Patres numerandum esse Silvestrum Papam, qui postulante Concilio Concilium approbavit. Id tamen adjicere & potuit & debuit, si ut & quomodo Bellarminus putat, approbasset. Et post alia: Eusebianicæ in Nicæno conventu ab Ecclesia rejecti. Non adjicit, ejectionem hanc tunc à Silvestro confirmatam esse, cum ipse & Concilium & acta Concilii confirmavit: Quod tamen adjicere & potuit & debuit, si ut & quomodo Bellarminus putat, Silvester Concilium Nicænum confirmasset. Et post alia: Multitudo porro Conciliorum & diversitas scriptorum judicium de se præbet, eos, qui in illis Conciliis congregati fuere adversus Nicænam quidem Synodum bellum gerere. Non adjicit, tametsi Synodum hanc Silvester approbasset: Quod tamen adjicere & potuit & debuit, si ut & quomodo Bellarminus putat, Silvester id fecisset. Et paulò post: Non vulgares homines sunt, sed Episcopi, qui ad id ex toto orbe convenerunt. Non

adjicit, inter eos Episcopos fuisse Legatos Silvestri Papæ, à quo præterea Concilium approbatum est. Id tamen adjicere & potuit & debuit, si ut & quomodo Bellarminus putat, à Silvestro Concilium sic approbatum esset.

Ex Epistola ad Episcopos Africæ, de fide, quam 17 Christus largitus est & Apostoli prædicarunt, & Patres, qui Nicæa undique ex nostro habitabili orbe conveniunt, tradidere. Non adjicit, Nicænam insuper Synodum confirmatam fuisse à Silvestro Papa, qui ut eam confirmaret, ab ipsa Synodo rogatus fuerat. Id tamen adjicere & potuit & debuit, si ut & quomodo Bellarminus putat, Silvester Nicænam Synodum confirmasset. Et paulò post: Sufficiunt igitur hæc, quæ Nicæa confessæ fuere, satisque per se habent virium, quemadmodum superius diximus, tum ad subversionem impij dogmatis, tum ad tutelam utilitatemque Ecclesiastica doctrina. Non adjicit, ad Concilium accessisse confirmationem Silvestri Papæ, quam Concilii Patres expetierant. Id tamen adjicere & potuit & debuit, si ut & quomodo Bellarminus putat, Silvestri confirmatio accessisset. Et paulò post: Oecumenica Synodus Nicæa celebrata fuit à trecentis septemdecim Episcopis, ut de fide agerent, convenientibus: Idque ob Arianicam impietatem, quo caveatur, ne deinceps particulatim cavillationes fidei orirentur, aut si orta fuissent, ne auctoritatem haberent. Quid enim in eo Concilio defuit, ut novam aliquam Synodum requirant? Plenum enim est illud Concilium pietatis, dilectissimi, & universum jam orbem terrarum adimplevit. Non adjicit, quod, si uspiam, hæc adjiciendum fuit, Silvestrum Concilio extremam manum addidisse, cum exigentibus per literas Patribus Silvester Concilium per literas quoque approbasset. Id autem adjicere profecto & potuit & debuit, si ut & quomodo Bellarminus asserit, Silvester Concilium approbasset. Sic Athanasii silentium usque aded contumax, palam eloquitur falsissimum id esse, quod Bellarminus sibi sumit. Quinetiam in legitimis Athanasii scriptis, ne Silvestri quidem Papæ nomen legitur, tantum abest, ut Athanasius Silvestro tribuat, quod illi Bellarminus tribuit.

Rufinus in libro 1. aliàs x. historiæ Nicænæ Synodi res gestas diligenter, ut omnes consentiunt, persequitur, & tamen non observat, Synodum hanc à Silvestro confirmationem sui petiisse, aut Silvestrum confirmationem illam, qualem Bellarminus statuit, dedisse.

Si quo modo & fine Bellarminus sibi proponit, Silvester Nicæni Concilii acta ad se à Patribus missa confirmasset, Siricius post annos lxxiv. ad Anysium & alios Illyrici antistites nunquam ita scripisset: Accepi literas vestras de Bono Episcopo, quibus vel pro veritate vel pro modestia nostram sententiam sciscitari voluistis. Sed cum hujusmodi fuerit Concilii Capuensis judicium, ut finitimi Bono atque ejus accusatoribus judices tribuerentur, & præcipue Macedones, qui cum Episcopo Thessalonicensi de ejus factis vel cognoscerent, advertimus, quod nobis judicandi forma competere non posset. Nam si integra esset hodie Synodus, rectè de iis, quæ comprehendit vestrorum scriptorum series, decerneremus. Vestrum est igitur, qui hoc recepistis judicium, sententiam ferre de omnibus, nec refugiendi vel elabendi, vel accusatoribus vel accusato copiam dare. Vicem enim Synodi recepistis, quos ad examinandum Synodus elegit. Et paulò post: Ideo primum est ut ii judicent quibus judicandi facultas est data. Vos enim totius, ut scripsimus, Synodi vice decernitis, nos quasi ex Synodi auctoritate judicare non convenit. In Romana Collectione bipartita. Post annos lxxiv. notavi, quod à Silvestri tempore ad Siricius usque imminuta non sit Romani antistitis potestas. Quidquid in causa, fingi atque excogitari nihil potest quicquam, quod à proposita Bellarmini ratione magis abhorreat, quàm ingenua Siricii confessio.

Leo primus in Epistola vii. ad Theodosium Imperatorem de Nicænæ Synodi decretis; in Epistola ix. ad eun-

eundem Theodosium de venerandis Nicænæ Synodi Patribus; in Epistola XLIII. ad Pulcheriam Augustam de Nicæni Concilii decretis; in Epistola XXV. de Nicænæ Canonibus; in Epistola XXXIII. ad Theodosium Imperatorem de Nicænâ Synodo; in Epistola XLIII. ad Martianum Imperatorem de Nicænæ Synodi constitutis; in Epistola LIII. ad Anatolium capite II. de Nicænâ Synodo, capite III. de Nicænæ Synodi legibus; in Epistola LIV. ad Martianum Imp. capite III. de Nicænæ Synodi decretis & sanctionibus; in Epistola LV. ad Pulcheriam Augustam capite II. de Nicænæ Synodi moderatione, & capite III. de Nicænæ Synodi regulis; in Epistola LXI. ad Juvenalem Hierosolymorum Episcopum de inviolabilibus Nicænæ Synodi decretis; in Epistola LXII. ad Maximum Antiochenum capite II. de Nicænæ Canonibus, & capite III. de Nicænorum Canonum reverentia, & capite IV. de Nicænorum Canonum statutis, & capite V. de Nicænorum Patrum regulis & constitutione; in Epistola LXXV. ad Leonem Augustum de Nicænâ Synodo & de Nicænâ Synodi fide; in Epistola LXXVIII. ad eundem Leonem de Nicæno Concilio & de Nicænæ Synodi definitione; in Epistola LXXXIV. ad Anastasium Thessalon. capite II. de Sanctorum Patrum (Nicænorum) Canonibus; in Epistola XCVII. ad Leonem Aug. capite I. de Nicæni Concilii Symbolo tam magnifice scribit, ut nihil supra esse possit. Sed tamen nusquam significat, Nicænâ Synodum auctorum suorum approbationem à Silvestro petiisse, aut Silvestrum illam dedisse. Hic Pontifex sciens & prudens nunquam oblitus id esset, quod ad asserendam illam Sedi suæ dignitatem tantopere conduceret. Rem demonstrat observatio hæc apud eum, cui Leonis nomen incognitum non est. Fixum ergo ratumque sit, Sedem Apostolicam tunc id genus approbationis sibi non vindicasse.

Socrates & Theodoretus Leonis æquales in historia libro I. referunt Epistolam, quam Nicænum Concilium ad Alexandrinam Ecclesiam & ad Ægypti, Libyæ, & Pentapolis Episcopos scripsit: Cur non referrent Epistolam, quam idem Concilium ad Silvestrum scripsisset, ut ab illo rerum suarum approbationem obtineret? Tam illustre monumentum perire non siverent, si quod tale unquam editum fuisset. Accedit, quod Theodoro præ manibus referendi fuerit occasio, cum in libri I. hist. capite VII. scribit: Trecenti decem & octo Episcopi ibi (Nicææ) in unum conveniunt. Episcopus Romanus propter aetatem admodum ingravescens abfuit. Verum duos illos misit Presbyteros, potestate illis concessa, actis illius Concilii assentiendi: nonne opportunus dicendi locus hic erat, Concilium ab Episcopo illo confirmationem auctorum suorum petiisse, & Episcopum dedisse, si quod Bellarminus asserit, evenisset?

Vigilius Papa decessorum suorum Julii, Liberii, Leonis silentium imitatur in Epistola X. quam ad universum scripsit populum Dei: Sciant universi, nos illam fidem predicare, tenere, atque defendere, quam ab Apostolis traditam, & per successores eorum inviolabiliter custoditam reverenda Nicæna Synodus CCCXVIII: Patrum Sancto Spiritu revelante suscipiens redegit in Symbolum, ac deinceps tres alia sanctæ Synodi, id est, Constantinopolitana c. l. Patrum sub pia memoria Theodosio seniore principe facta, & Ephesina prima, cui beata memoria Papa Cælestinus decessor noster & Cyrillus Alexandrinus Episcopus præfuerunt: sed & Chalcedonensis DCXXX. Patrum, quæ sub pia memoria Marciano Imp. convenit, cuius sanctæ recordationis decessor noster Papa Leo per Legatos suos Vicariosque præfedit, & prout diversarum hæresum damnanda exigebat adversitas, eandem fidem uno eodemque sensu atque spiritu declarantes latissime ediderunt. Vigilius, ut apparet, nihil omittit eorum, quæ commendandæ Sedi suæ possunt inservire. Ephesinæ Synodi primæ præsidem duos facit Cælestinum & Cyrillum, & Chalcedonensis unicum Leonem per illius Vi-

carios. Quis modò diceret Vigilium, cum de Nicænâ Synodo loquitur, de industria omisisse, Synodum hanc à Silvestro petiisse, ut decreta sua confirmaret, & Silvestrum ad Synodum misisse diploma, quo quidquid Nicænâ Synodus decreverat, confirmaret? Ingenuè fateri oportet, nullum omnino ea de re tunc apud Romanos rumorem fuisse; tantum abest, ut certa fuerit traditio.

Hinc fit, ut nisi supposita, certè interpolata haberi debeat Epistola, quam Romana Synodus Felice III. præfide ad Presbyteros & orthodoxos Constantinopolis & Bithyniæ Archimandritas misit: Si quidem in ea legitur: Quotiens intra Italiam propter Ecclesiasticas causas, præcipue fidei, colliguntur Domini Sacerdotes, consuetudo retinetur, ut successor præsulum Sedis Apostolicæ ex persona cunctorum totius Italiae Sacerdotum juxta sollicitudinem Ecclesiarum omnibus competentem cuncta constituat, qui caput est omnium, Domino ad beatum Petrum Apostolum dicente, Tu es Petrus & super hanc Petram ædificabo Ecclesiam meam, & porta inferi non prævalebunt adversus eam. Quam vocem sequentes trecenti decem & octo sancti Patres apud Nicæam congregati, confirmationem rerum, atque auctoritatem sanctæ Romanae Ecclesiæ detulerunt: Quam utramque usque ad aetatem nostram successiones omnes, Christi gratia præstante, custodiunt. Postrema clausula suppositionem, aut certè interpolationem objicit. Nam si quod Nicænâ Synodo tribuitur, successiones omnes usque ad Felicis tempus custodierunt, cur Eusebius, cur Julius, cur Athanasius, cur Liberius, cur Hilarius, cur Siricius, cur Leo, cur Socrates, cur Theodoretus ante Felicem III. monumentis illud non consignarunt suis? Cur suos in usus non derivarunt? Cur Vigilius post Felicem tacuit in Sedis Apostolicæ diminutionem? Profecto si qua in hac clausula veritatis umbra reperiretur, hanc Pontifices illi omnes & laudati auctores secuti essent. Quis nisi homo contentiosissimus assensum negaret? Sed ne sit hoc, præsto est nobis Epistola, quam non Romana Synodus, sed Felix ad Presbyteros & ad Constantinopolis & Bithyniæ Archimandritas & Monachos scripsit.

Sic autem se habet in Jacobi Sirmondi V. Cl. Appendice ad Codicem Theodosianum. Felix Rufino, Thalasio, Presbyteris & Archimandritis: Diabolica artis astutias frequentius experimur, sed malignitati ejus, Deo juvante, non cedimus. Nam cum ea, quæ totiens pro constantia fidei disponuntur, frans ejus vacuare molitur, necesse est, ut & viribus, quas divina gratia subministrat, conatus ipsius extirpemus. Accepimus itaque literis Dilectionis vestrae, quarum Basilium fuit lator, inter cetera Turus, quem ob hoc feceramus defensorem Ecclesiæ de proventibus intra Ecclesiam Clericis, ut quam dirigi non licebat in Acacium sententiam, ipse portaret, se quadam dementia, immo ardore pecunie, postquam nostris satisfactum est constitutis, inimicis fidei vendidisse convictus est atque confessus. Lecta sunt enim litera ipsius in conventu fratrum, qualiter pacta interposita persona Marone condemnato, ei cui sententiam portaret, inhasse creditur: Quas proprias esse cognoscens non potuit diffiteri. Unde eum fidei & Sedis Apostolicæ proditorem officio Defensoris, quod ei ad tempus dederamus, exuimus, eumque sacrosancti mysterii communione privatum, præcipitque cognitione præcepimus, monentes Dilectionem vestram, ut sicut semper fecistis, pro custodia veritatis jugi observatione vigiletis, & quia non est dubium, nonnullos ex monasteriis vestris esse deceptos, atque ad inimicos Dei seu sponte seu necessitate transisse, observandum vobis de talibus hoc esse mandamus, ut quisquis cujuslibet loci apud vos vel sponte se dedit, vel mercede corruptus, collegii vestri sit prorsus alienus: Quia nisi à fidelibus persici sint remoti, rerum discretionem sublata laborabunt suspicionibus innocentes. Ut ad vitia facilis hominibus est prolapsus, à probatorum consortio contagia repellenda sunt perditorum, quoniam mores bonos colloquia, sicut scriptum est, perversa corrumpunt.



Illorum verò aliter causa tractanda est, quos confiteri panis gravibus ut traducerentur afflictos. Circa quos humaniores vos esse convenit, ut ad cellulas sub districtione penitentia revertantur, & fidelioribus lacrymis eorum, quod lapsi sunt, expietur, donec exclusis inimicis & perverforibus suis Catholica purgetur Ecclesia. Hic non leguntur, quæ antè retulimus ex Epistola, quam Romana Synodus præside Felice ad eosdem scripsit: Est tamen in illa eadem Epistolæ inscriptio, sed non idem verborum contextus: Ex quo fraus deprehenditur.

Præterea, in Codice Canonum Romanæ Ecclesiæ decreta non Romanæ Synodi cui præest Felix, nomine, sed Felicis eduntur. Quam verò Epistolam suppositionis aut interpolationis accusamus, sub nomine Romanæ Synodi ad Presbyteros & Archimandritas mittitur, & hoc in fraudis partem venit. Cur enim quæso Romana Synodus cui Felix præfuit, seorsum à Felice scripsisset, & tam absurdè scripsisset, ut ex Epistolæ fragmento colligitur?

Porro autem, nequis de singulis rerum momentis, quæ Bellarmino supra objecimus, & quæ eo in statu cordatis atque eruditis hominibus satis essent, tergiverfetur, cum illo liberaliter agere volo, me meaque tantum hoc veluti juris axiomate defendo: *Multa simul juncta prosunt, quæ singula non sufficiunt.* L. Spadonem  
25 §. qui jura. de exculat. tut. In ratione dubitandi. C. causam, quæ de probat. l. rationes & l. instrumenta.

Verumenimverò, inquires, Nicænæ Synodi ad Silvestrum Papam extat Epistola in Tomo I. Conciliorum, ubi Synodus ita loquitur: *Quidquid autem constitutum in Concilio Nicæno, precamur vestro oris consortio confirmetur. Oret Beatitudo tua pro universo Concilio.* Dat. 8. Calend. Jul. accepta 13. Calend. Novem. Paulino & Juliano Summis Consulibus. Extat quidem ibi Epistola, & hæc illius postrema verba, quibus Epistolæ falsitas convincitur. Et primò quidem quid sibi vult, vestro oris consortio confirmetur? Siccine scripserunt trecenti decem & octo Patres, Nicæna Synodus? Deinde quid etiam sibi vult, Paulino & Juliano Summis Consulibus? Quibus in veterum commentariis epithetum illud, summis, Consulibus aut præponitur, aut postponitur? Epitheta hæc, VV. CC. Consulibus, aut V. C. Consule, præponuntur, sed vox summis vel summo, nunquam præponitur. Sed quod diligenter curiosèque animadvertendum est, vox, summus, inter Valerii Probi, Magnonis, & Petri Diaconi notas literarum, quibus usi sunt veteres, non reperitur.

Ne sint hæc, quæ tamen sunt abundè: Conciliumne à Silvestro actorum suorum confirmationem petisset quinto vel sexto die postquam convenit? Epistola datur VII. Calend. Julii, Paulino & Juliano Consulibus, & Concilium inchoatum est duntaxat XIII. Calend. Julii iidem Consulibus. Mihi non crede, sed Chalcedonenf Concilio, in cujus actione II. Nicænæ fidei symbolum sic refertur. *Consulatu Paulini & Juliani virorum clarissimorum Coss. anno post Alexandrum sexcentesimo tricesimo sexto mensis (secundum Græcos) Desi die nonodecimo, quod est tertio decimo Cal. Juliarum, in Nicæa Metropoli provincia Bithynia. Credimus in unum Deum Patrem omnipotentem, &c.* En Sole clarius falsitatis indicium! Præterea quis crederet ad perferendas Nicæa Romam literas Concilii insumptos fuisse æstivos menses quatuor, cum præsertim Imperatoris opera perlata fuissent? Lectus est fortè tabellarius, qui morbo pedum laborabat.

Deinde extat quoque ibidem Silvestri ad Concilium Epistola, ubi inter cætera sic Pontifex scribit: *Atque in gremio vestra Synodi parva propter disciplinam alligabo præcepta propter Victorinum, qui arbitrio suo quidquid vellet affirmabat, & Cyclos Paschæ pronunciabat fallaces, & cum Episcopis totius urbis Italia examinatam universitatem vestri sancti Concilii dignetur accipere veritatem, & alia manu. Oret pro nobis beatitudo vestri S. Concilii trecentorum decem & octo, ut charitatis, quæ*

vobis data est, Domini nostri Jesu Christi servetur augmentum. Data 5. Calend. Novembris, accepta 4. Idus Februarii, Constantino septies & Constantio Cesare 4. Consule. Et revera extat Silvestri Epistola, & hæc illius postrema verba, quibus Epistola falsitatis coarguitur. Et primò quidem Silvester dicitur parva propter disciplinam Ecclesiæ alligare præcepta in gremio sanctæ Synodi. Alligavit ergo præcepta in Synodi gremio, sed quis illa vidit unquam, vel Synodi Canonibus juncta, vel ab illis separata? Fabulæ. Deinde fictus est Victorinus ille, qui Cyclos Paschæ fallaces pronunciaverit: quodnam habet testimonium sui vel 27 apud Eusebium in Chronico, vel apud Hieronymum & Prosperum in Chronicis, vel apud eundem Hieronymum & Gennadium in libris de viris illustribus vel Ecclesiasticis?

Gennadius de Victorio, non Victorino scribit in capite LXXXVI. *Victorius homo natione Aquitanicus, calculator Scripturarum scrupulosus, invitatus à sancto Hilario urbis Romæ Episcopo composuit Paschalem cursum indagacione cautissima post quatuor priores, qui composuerunt, id est, Hippolytum, Eusebium, Theophilum, & Prosperum.* Hæc ille de Victorio & Hilario, quos per ætatem videre facile potuit. Ad annum Christi DCLV. Victor Capuanus Episcopus scripsit, contra Victorinum Aquitanum, ut Beda, Ado, & alii testantur. Epistolæ suppositor res istas omnes confudit & auctororum nomina corripit. Ex rerum verò & temporum confusione & nominum corruptione genuit monstrum, quod ob oculos exponimus. Sed veniendum est ad aliud, quod immanitate cum superiori centat: *Cum Episcopis totius urbis Italia examinatam universitatem vestri sancti Concilii dignetur accipere veritatem: quasi verò Italia tota sit urbs, vel Italiæ totius urbs sit, quæ plures Episcopos habeat. Suppositor lectoribus suis non tam fucum facere, quàm risum concitare voluit: Sed eum sua vehementer fefellit opinio, quia lectores nactus est, Bellarminum & alios, qui non joco vel risu, sed seriò agentem observarunt. Hinc Silvester ad Nicænam Synodum scribit, ac fi finita nondum esset. At VIII. Calend. Septembris finita erat, ut Cresconiana testatur collectio: Factum est, inquit, 28 Concilium apud Nicæam Metropolim Bithynia à die 18. Calend. quod tenuit usque ad diem 8. Calend. Septembris, Paulino & Juliano Consulibus. Hæc est opinio communior & certior adversus Nicephorum Callistum, qui Nicænam Synodum triennio durasse scribit. Sed hic auctor est paullo recentior, qui annis abhinc trecentis quinquaginta tantum floruit. Bellarminus & Scalliger Nicephorum sine probabili ratione ulla sequuntur. Sic ergo inter Concilii finem & diem adscriptum Epistolæ Silvestri menses duo & eo amplius intercedunt. Sed inter datam & acceptam Epistolam menses tres & dies sex intercedunt. Consulatus Constantini & Constantii falsitatis argumenta continent, quæ in Epistola ad Ludovicum Maræsum Parisiensem Theologum discussimus: Quapropter illa hic intacta relinquimus. At lepidum & festivum est illud, quod in Bellarmino non possumus non observare. Bellarminus Nicephorum secutus in libri I. de Conciliis capite IV. tradit, Nicænum Concilium annis tribus durasse: cœptum anno CCCXXVII. & finitum anno CCCXXX. quo in eventu Patres actorum suorum confirmationem à Silvestro petierunt duobus annis, mensibus undecim, & diebus viginti quatuor vel quinque, antequam Synodus abolveretur. Hoc epicitharisma post fabulam.*

Nunc ut à Scholarum more non omnino recedamus, disputandi causa sumimus, utramque Epistolam veram esse. Nicæni Patres in Epistola sua à Silvestro exigunt hoc: *Quidquid autem constitutum in Concilio Nicæno, precamur vestro oris consortio confirmetur.* Silvester in Epistola sua rescribit hoc: *Quæ in vestrum nostrumque manavere mysterium, meum chirographum offero, & discipulorum meorum offero in vestro sancto Concilio*

cilio quidquid constituitis, unà parem dare consensum. In his duobus utriusque Epistolæ fragmentis, quæ crasso & soloce stylo suo indignationem potius, quam risum eliciunt, Bellarmini argumentum consistit. Nam exinde probat, Silvestrum simpliciter & absolute esse supra Ecclesiam universam & Concilium generale, ita ut nullum in terris supra se iudicium agnoscat. Itane verò? Tantum ingenii, tantum acuminis! Silvester Synodi constituta oris sui consortio confirmat, & parem cum Synodi Patribus dat consensum iis, quæ Synodus decrevit. Ergo Silvester est supra Ecclesiam universam, ergo est supra generale Concilium: Ergo nullum in terris supra se iudicium agnoscit. Hæ sunt miseræ, & omnium animis auribûque absonæ complexiones, quæ ex antecedente tali in Bellarmini sententia inferuntur. Et quod est admirabilius, complexiones istæ non pro Silvestro solum inferuntur, sed etiam pro cæteris Episcopis, qui unà cum Silvestro Nicæni Concilii decretis assensu sunt. At Silvester Ecclesiæ suæ traditionem secutus non ita philosophatur. Agnoscebat se Concilii inferiorem esse, ut discimus ex Epistola III. quam Romanum Concilium ad Gratianum & Valentinianum Imp. scribit. Verba sunt: Memoratus Frater noster Damasus, quoniam in sua causa vestri tenet insigne iudicii, non fiat inferior his, quibus etsi æqualis est munere, prærogativa tamen Apostolica Sedis excellit, ut iudiciis publicis videantur esse subiecti, quibus Sacerdotale caput lex vestra summovit. In quo post sententiam non videtur declinare iudicium, sed delatam à vobis honorificentiam flagitare. Nam quod ad leges publicas pertinet, quæ potest esse vita munior, quam vestra clementia, quæ innititur iudicata? Quod verò ad predicandam Episcopi conscientiam severioribus se dedit iudiciis Sacerdotum, à quibus non nominis, sed etiam morum ratio pensatur, nequis iterum calumniator existens, dum memoratum conatur appetere, virum quidem ipsum non queat ledere, quem innocentia sua munit, religioni tamen fiat injuria in vexationibus ministrorum: Accipite aliud quoque, quod vir sanctus vestra magis conferre pietati, quam sibi præstare desiderat, nec derogare cuiquam, sed principibus adrogare. QUONIAM NON NOVUM ALIQUID PETIT, SED SEQUITUR EXEMPLA MAJORUM, ut Episcopus Romanus si Concilio ejus causa non creditur, apud Concilium se Imperiale defendat. NAM ET SILVESTER PAPA A SACRILEGIS ACCUSATUS, APUD PARENTEM VESTRUM CONSTANTINUM CAUSAM PROPRIAM PROSECUTUS EST. Ecce tibi Concilia duo, quibus Romanus Pontifex subijcitur: Alterum Ecclesiasticum, alterum verò Imperiale! Silvester Imperiali Concilio se subiecit, cum à sacrilegis apud Constantinum Magnum accusaretur.

31 II. Ad Constantinopolitanam Synodum primam quod attinet, hæc à Damaso Papa confirmationem actorum suorum minimè petiit, nisi Synodi verbis abutatur. Constantinopolitana Synodus rerum suarum rationem Damaso & aliis Episcopis Romæ congregatis exponit in Epistola, quæ apud Theodoretum in libri v. historiæ capite ix. sic inscribitur: Dominis honoratissimis & reverendissimis Fratribus & Collegis Damaso, Ambrosio, Brittoni, Valeriano, Ascholio, Basilio, & reliquis sanctis Episcopis in magna urbe Roma congregatis, sancta Synodus orthodoxorum Episcoporum, qui in magna urbe Constantinopoli convenerunt, in Domino salutem. Et aliquanto post initium: Nunc verò postquam Synodum Rome Deo nutu congregantes, nos etiam pro fraterna erga nos charitate vestra tanquam membra propria per religiosissimi Imperatoris literas evocastis, ne quia soli tunc ad subeundas erumnas fuimus addiæti, nunc in ista Imperatorum de pietate concordia soli regnetis, sed nos etiam vobiscum; ut ait Apostolus, conregnemus, optabamus si fieri posset, omnes simul relictis Ecclesiis desiderio potius, quam utilitati servire. Quis enim nobis dabit pennas, sicut columbæ, ut volemus, & requiescamus apud vos? Verum

quia hoc erat Ecclesias renovari nuper cœptas penitus denudare, & rem præstare magna pars non poterat. Con-  
veneramus enim Constantinopolim ad literas à reverentia vestra superiore anno post Concilium Aquileiense ad religiosissimum Imperatorem Theodosium missas, ad hoc solum iter Constantinopolim usque instructi, & de hac tantum Synodo Episcoporum, qui in provinciis remanserunt, consensum adferentes, cum de longioris perfectionis onere nec suspicati essemus, nec antè quicquam audissemus, quam Constantinopolim pervenimus.

32 Ex his & aliis quæ postea laudaturi sumus, colligitur habitas esse Constantinopoli Synodos duas, unam anno CCCLXXXI. alteram insequenti anno. Prioris argumentum explicat Theodoretus in præcedenti capite VIII. & subiungit: Sequenti ætate cum ad eandem urbem Ecclesiasticis iterum negotiis evocati plurimi redissent, Synodicam ab Occidentalibus Episcopis Epistolam acceperunt, qua invitabantur, ut Romam ad Synodum, quæ ibi maxima cogebatur, se conferrent. Verum hi longinquam quidem perfectionem velut inutilem futuram deprecati sunt. Epistolam autem miserunt, in qua procellam contra Ecclesias excitaram significantes, illorum hac in re negligentiam denotabant. Posterioris Synodi causa in certis quibusdam Ecclesiasticis ponitur negotiis, quæ Theodoretus, ut apparet, non exponit. At perspicue significat, non priorem sed posteriorem fuisse Synodum, quæ Epistolam ad Concilium Romæ coactum scripsit. Hæc autem est Epistola, ex qua jam aliquid excerptimus, & excerptimus quæ sequuntur, & quæ instituto nostro conveniunt.

33 Quæ igitur ad fidem attinent, quam aperit prædicamus, in summa sunt huiusmodi, de quibus amplius animis vestris satisfacere poteritis, si totum Synodi Antiochena, & cum, qui superiori anno Constantinopoli à Synodo universalis est editus, inspicere dignanimi, ubi & fidei confessionem uberius exposuimus, & in recens ad inventas hæreses anathematis sententiam perscripsimus. De privata autem Ecclesiarum administratione, antiquam, ut scitis, nos obtinuit, sanctorumque Nicææ Patrum definitio, ut in singulis provinciis Episcopi provincia, & si ipsi velint cum eis finitimi ordinationes secundum utilitatem peragant. Quæ ex forma scitote, tum reliquas apud nos Ecclesias administrari, tum illustrissimarum Ecclesiarum creatos fuisse Sa-  
cerdotes. Unde & novæ, ut sic vocemus, Ecclesia Constantinopolitana, quam nuper ex hæreticorum blasphemiam tanquam ex ore leonis per Dei misericordiam eripimus, reverendissimum religiosissimumque Nestarium in generali Concilio, communi omnium consensu, & præsentis religiosissimo Imperatore Theodosio, cleroque universo & cuncta suffragante civitate Episcopum constituimus. Et antiquissima veraque Apostolica Antiochena in Syria Ecclesia, in qua primò venerandum Christianorum nomen auditum est, reverendissimum & religiosissimum Episcopum Flavianum provinciam simul & Diocesim Orientalis convenientes Episcopi canonicè ordinarunt, tota Ecclesia consentiente, & quasi uno ore virum collaudante. Quam quidem legitimam ordinationem, Synodus quoque universalis comprobavit. Matris verò Ecclesiarum omnium Hierosolymitane reverendissimum & religiosissimum Cyrillum Episcopum esse significamus, qui & canonicè olim fuit ab Episcopis provincia ordinatus, & cum Arianis plurimum diversis in locis decertavit. Quibus tanquam legitimè & canonicè apud nos constitutis, vestram quoque reverentiam gratulari obsecramus, & ut quæque spirituali charitate, & Domini timore humanum omnem affectum coercente, Ecclesiarumque adificationem pluris duci faciente quam privatam erga unumquemque voluntatem & gratiam. Sic enim & fidei doctrina consonante & Christiana in nobis charitate confirmata, desinemus illud dicere, quod ab Apostolis dammatum est: Ego quidem sum Pauli, ego autem Apollo, ego verò Cepha: atque omnes nos Christi esse ostendentes, qui in nobis divinus non est, 34 indiscrptum Deo favente corpus Ecclesia conservabimus, & ad Domini tribunal cum fiducia comparebimus. Plura describere



describere volui in veritatis gratiam & Bellarmini, à quo descriptum est nihil. Et primò quidem Constantinopolitanæ Synodi posterioris Patres Synodum priorem semel, iterum, & tertio generalem vel universalem τὴν οἰκουμένην appellant, quod Bellarminus observaret nunquam. Deinde quid Synodus prior universalis circa fidem Ecclesiarumque administrationem constituerit, exponit. Tum demum Romanam Synodum obsecrat, ut illis omnibus congratulari συχαίεν velit. At obsecrare ut Romana Synodus Constantinopolitanæ Synodi Occumenicæ decretis congratuletur, unà gaudeat & letetur; non est sanè decretorum approbationem petere, quo sensu Bellarminus petitam illam significat, ac proinde in re magni ponderis historiæ leges negligit, quod si verum fateamur, in rebus Pontificiis accidere solet. Neque verò Romana Synodus, aut Damasus Romanæ Synodi præses Constantinopolitanorum Patrum obsecrationem intellexit, ut Bellarminus intelligendam esse censuit. Monumentum quippe Synodi aut Damasi nullum adfertur vel adferri potest, quo constet Romanam Synodum aut Damasum Constantinopolitanæ Synodi gesta omnia se, vel saltem aliqua comprobasse. Attamen demus Romanam Synodum aut Damasum id fecisse quod Constantinopolitana Synodus petiit, Constantinopolitanæ Synodi gestis congratulatum & unà gavissimum esse: Hinc opinor non sequetur Romanam Synodum aut Damasum, simpliciter

35 & absolute esse supra Ecclesiam universam & Concilium generale, ita ut Synodus aut Damasus nullum in terris supra se iudicium agnoscat. Hoc enim lemma est, quod Bellarminus ex congratulatione illa & communi gaudio vindicari putat. Sed demus aliquid amplius: Constantinopolitanum Concilium eam actorum suorum confirmationem, quam Bellarminus fingit, ab Romano Concilio petiisse & Romanum Concilium illam dedisse; quid inde Bellarminus lucrabitur? Damasum fortassis, Ambrosium, Brittonem, Valerianum, & reliquos Episcopos, qui Romæ congregati erant, simpliciter & absolute supra Ecclesiam & Concilium esse? Nimis opinor probabit, & eam ob causam nihil. Seipsum duntaxat irridendum propinabit.

Certum quidem est in Romana quadam Synodo, cuius caput erat Damasus, perculsas esse hæreses, quas Constantinopolitana Synodus perculit, ut Theodoretus scribit in ejusdem libri v. capite x. *Quin & alia quadam Episcopi in magna Roma congregati adversus diversas hæreses scripserunt, qua narrationi intexere congruum existimavi.* Titulus est in capite xi. *Confessio fidei Catholica, quam Damasus Papa in Macedoniam misit ad Paulinum Episcopum cum esset Thessalonica.* Ubi paullo post initium dicitur: *Anathematizamus Arium & Eunomium, qui pari impietate licet verbis discrepent, Filium & Spiritum Sanctum creaturam esse confirmant. Anathematizamus Macedonianos, qui ex Arii radice propagati non impietatem, sed nomen solum mutant.* Cæterum concordia, quæ est hac in re inter Constantinopolitanam & Romanam Synodum Bellarmini conciliis nihil

36 prodest. Prætermittenda tamen non fuit, ut id quod res est, intelligeretur, Bellarmini consiliis nihil prodesset posse.

III. Bellarminus Ephesinæ Synodo primæ imponit. Hæc enim actorum suorum confirmationem à Celestino haud petiit. Eam intelligo confirmationem, quam auctor ille intelligit, & ex qua colligit, Romanum Pontificem simpliciter & absolute esse supra Ecclesiam universam & Concilium generale: Ita ut nullum in terris supra se iudicium agnoscat. Ephesina Synodus retulit quidem ad Celestinum de rebus, quas contra inimicos fidei gesserat, sed rerum à se gestarum confirmationem ab illo Pontifice nullam petiit. Sic autem retulit in actione v. *Quia verò necesse est, ut omnia, quæ consecuta sunt, Sanctitati vestra significentur, non potuimus non scribere, secundum omnium nostrum salvatoris Christi voluntatem, ac Christi amantium Imperatorum nostrorum sanctionem, ex*

multis variisque provinciis Episcopos supra ducentos in Ephesiorum Metropoli nos convenisse. Et post alia: Porro autem perfectis in sancta Synodo commentariis actorum in depositione impiorum Pelagianorum, & Celestianorum, Celestii, Pelagii, Juliani, Persidii, Flori, Marcellini, Orientii, & eadem cum illis sententiam, quæ à pietate tua decreta sunt de ipsis, & constituta, judicavimus & nos ea solida firmaque permanere debere. Et idem omnes tecum statuimus, eos pro depositis habentes, ut omnia, quæ gesta sunt clarè cognoscas, etiam commentarios actorum misimus, & Synodi subscriptiones. Ubinam verbum ullum facit de approbatione, quam Bellarminus in argumentum adsciscit? Exinde ut Synodus à Celestino confirmationem nullam petiit, sic & Celestinus nullam impertiit.

37 Verum ut quod Bellarminus sibi sumit, videatur adhuc inutilius, consideret Ephesinam Synodum, quæ semel atque iterum de rebus fidei ad Imperatores refert. Semel quidem in actione III. idque prius quam ad Celestinum referret. Sic autem refert: *Piissimis, Deoque dilectissimis Theodotio & Valentiniano victoribus sancta Synodus, quæ gratia Dei, vestraque Majestatis nutu in Ephesiorum Metropoli congregata est. Vestram, Christianissimi Imperatores, erga pietatem curam & studium universorum Deum gratum acceptumque habens, etiam sanctorum Occidentium Episcoporum animos zelo, ut Christum contumelia affectum vindicarent, excitavit. Nam licet maximum itineris spatium universam illam sanctissimorum Episcoporum multitudinem ad nos pervenire prohibuerit; attamen illis in locis simul congregati Celestino sanctissimo piissimoque magna Roma Episcopo etiam presente, & nunc nostram de fide sententiam magno consensu prædicarint. Et post alia: Quia ergo viri isti, qui venerunt, Occidentalis sanctæ Synodi sententiam nostra huic Synodo per literas exposuerunt, sensumque de fide & pietate nobis consonum declararunt, & eadem quæ nos decreverunt, tum per literas, tum per ea, quæ in mandatis acceperant, quæ & in scriptis deposuerunt, necessario, quod officii ratio postulabat, de consensu illorum nobiscum ad Majestatem vestram retulimus, ut pietati vestra certò constet iudicium, quod paullo ante à nobis exiit, esse unam communemque totius orbis terrarum sententiam, quam vestro quoque circa fidem & pietatem zelus aperitè docendam ac patefaciendam curavit. Cum itaque negotium hoc finem*

38 *Majestati vestra peroptatum, Ecclesiisque omnibus iustissimum, & fidei firmitatem afferentem jam acceperit, rogamus vestram pietatem, ut ab hac cura & peregrinatione nos absolvat. Et post alia: Cyrillus Alectandria Episcopus retuli. De confirmato adversus Nestorium dogmate fidei loquitur Synodus, & cur ea de re ad Imperatores referat, sic proficitur: Necessario, quod officii ratio postulabat, ad Majestatem vestram retulimus, ut vestra pietati certò constet iudicium, quod paullo ante à nobis exiit, esse unam communemque totius orbis terra sententiam.*

Iterum in actione v. & sic se habet relatio hæc, quæ per Palladium Magistrum missa est: *Vestra quidem Majestas pietatem confirmare volens, exactiorem dogmatum examinationem sancta Synodo injunxit, quam & fecimus antiquam secuti traditionem sanctorum Patrum, sanctorumque Evangelistarum & Apostolorum & trecentorum decem & octo Patrum apud Nicaam quondam congregatorum, quam etiam una voce, unòque consensu interpretari perspicue testatam pietati vestra exhibuimus in ipsis commentariis actorum, in quibus & Nestorium diversa sentire manifestò deprehensum exauctoravimus. Hæc ille cum paullo consideraverit attentius, si non fateatur ultro, certè negaturus non est, inutilem esse & inopportunam consiliis suis probationem, quam ex paribus ad Celestinum relationibus compararet. Hoc monuisse sufficit.*

IV. Calchedonenis Synodus cum in actione XVI. de rebus à se gestis ad Leonem I. refert, approbationem petit hoc modo: *Sancta magna & universalis Synodus, quæ per gratiam Dei, & sanctionem piissimorum, & amatorum Christi Imperatorum nostrorum collecta est in Cal-*

39 chedo-

chedonensium Metropoli provinciae Bithyniae, sanctissimo & beatissimo Archiepiscopo Leoni. Et postquam de rebus fidei retulit, subiungit: Hae sunt, quae tecum qui spiritu praesens eras, & complacere tanquam fratribus deliberasti, & qui pene per tuorum Vicariorum sapientiam videbaris à nobis, effecimus. Indicavimus verò quia & alia quadam pro rerum ipsarum ordinata quiete, & propter Ecclesiasticorum statutorum definitivum firmitatem, scientes, quia & vestra sanctitas addiscens & probatura & confirmatura est eadem. Eam namque consuetudinem, quae ex longo jam tempore permansit, quam habuit Constantinopolitanorum sancta Dei Ecclesia ad ordinandum Metropolitano provinciarum tam Asiaticam, quam Ponticam vel Thraciam, & nunc Synodali decreto non tantum firmavimus, sed aliquid Constantinopolitana praestantes quantum Metropolitanis urbibus ad quietem congruere visum est, eo quod frequenter Episcopis vitam finientibus multa turba nascuntur, absque rectore clericis ac populis remanentibus, qui per easdem sunt civitates, & Ecclesiasticum confundentes ordinem, quod nec vestram laetitiam sanctitatem, quam maxime propter Ephesios, unde quidam vobis sapius importuni fuerunt. Confirmavimus autem & centum quinquaginta sanctorum Patrum, qui in Constantinopoli congregati sunt, regalem sub pia memoria maiore Theodosio, quae praecepit post vestram sanctissimam & Apostolicam Sedem, honorem habere Constantinopolitanam, quae secunda est ordinata, confidentes quia luceat apud vos Apostolico radio, & usque ad Constantinopolitanorum Ecclesiam consulte gubernando illum spargentes, hunc sapius expanditis, eo quod absque invidia consueveritis vestrorum bonorum participatione ditare domesticos. Quae igitur definitivum ad interemptionem quidem totius confusionis, confirmationem verò Ecclesiastica ordinationis definitivum. Haec sicut propria & amica & ad decorem convenientissima dignare completi, sanctissime & beatissime Pater. Qui enim locum vestrae sanctitatis obtinent sanctissimi Episcopi Paschasius & Lucentius, & qui cum eis est reverendissimus Presbyter Bonifacius, iis ita constitutis vehementer resistere tentaverunt, proculdubio à vestra providentia inchoari, & hoc bonum volentes, ut sicut fidei sic bonae ordinationis vobis deputetur effectus. Nos enim curantes tam piissimos & Christi amicos imperatores, qui super hoc delectantur, quam clarissimum Senatum, & totam (sicut dicere convenit) Imperii civitatem, & opportunum credidimus esse, honoris eius confirmationem ab universali Consilio, & velut haec à tua sanctitate fuerint inchoata, eo quod fovere semper studeas, roboravimus praesumentes, dum noverimus, quia quidquid rectitudinis à filiis sit, ad Patres recurrit, facientes hoc proprium sibi. Rogamus igitur & tuis decretis nostrum honora iudicium, & sicut nos capiti in bonis adjecimus consonantiam, sic & summitas tua filiis, quod decet, adimpleat. Sic enim & pii principes complacerebunt, qui tanquam legem tuae sanctitatis iudicium firmaverunt, & Constantinopolitana Sedes suscipiet premium, quae omne semper studium vobis ad causam pietatis explevit, & semetipsam vobis ad concordiam eodem zelo conjunxit. Ut autem cognoscatis quia nihil alicui donando per gratiam fecimus, aut per inimicitias adversando, sed (quippe nunc gubernati divino) omnem vobis gestorum vim insinuavimus, ad probationem nostrae sinceritatis, & ad eorum quae à nobis gesta sunt, firmitatem & consonantiam. Et primò quidem Synodus à Leone non postulat confirmationem rerum, quae pro Catholicae fidei dogmate sancitae fuerant: Cuius rei ratio his in verbis continetur. Haec sunt, quae tecum, qui spiritu praesens eras & complacere tanquam fratribus deliberasti, & qui pene per tuorum Vicariorum sapientiam videbaris à nobis, effecimus. Et revera Synodus non aliud circa fidei dogma definit, quam quod Leo ipse jam in Epistola ad Flavianum definierat. Synodus definitum & expositum in ea Epistola fidei dogma communi assensu confirmat actione III. ubi sic habetur: Post lectionem praedictae Epistola reverendissimi Episcopi clamaverunt: Haec Patrum fides, haec Apostolo-

rum fides; omnes ita credimus; orthodoxi ita credimus: anathema, qui non ita credit. Quod & sanctus Leo in Epistola LXIII. ad Theodoretum ita scribens fatetur: Remaneantibus ad nos Fratribus & Consecratoribus nostris, quos ad sanctum Concilium Sedes beati Petri direxit, agnovimus Dilectionem tuam superno adiutorio nobiscum tam Nestoriana impietatis, quam Eutychiana vasa extitisse victricem. Unde gloriamur in Domino cum Propheta canentes, Adjutorium nostrum in nomine Domini, qui fecit calum & terram, qui nullum nos in nostris Fratribus detrimentum sustinere permisit; SED QUAE NOSTRO PRIUS MINISTERIO DEFINIERAT, UNIVERSAE FRATERNITATIS FIRMAVIT ASSENSU, ET VERE A SE PRODISSE OSTENDERET, QUOD PRIUS 42 A PRIMA OMNIUM SEDE FORMATUM TOTIUS ORBIS JUDICIUM RECEPISSET.

Deinde ad Dioscori depositionem quod attinet, Concilium Leonis & illius Legatorum sententiam amplectitur & confirmat. Perimus, inquit Patres, vestram sanctitatem qui habes, magis autem qui habetis, locum sanctissimi Papae Leonis promulgare in eum (Dioscorum) & regulis insitam contra eum proferre sententiam. Omnis enim & tota universalis Synodus concors efficitur vestrae sanctitatis sententiae. Et postquam Legati sententiam in Dioscorum pronunciarunt, Anatolius Constantinopolitanus Episcopus dicit: Haec eadem Sedes Apostolica per omnia sapiens concors sententia efficitur super damnatione Dioscori quondam Alexandrina magna civitatis Episcopi. Sic alii pene omnes Episcopi dicunt, & ab Leonis sententia dissensit nemo. Hinc factum est, ut Synodus à Leone nec sancitae fidei nec latae in Dioscorum sententiae confirmationem petierit: Si enim petiisset duo haec, petiisset utique, ut Leo, quae jam definierat, confirmaret. Quod non modò fuisset supervacaneum, sed etiam parum rationi consensisset. De Leonis enim constantia subdubitare Synodus visa esset.

Nunc veniendum est ad eam confirmationem, quam Synodus petit. Ex iis, quae antè retulimus apparet, Synodum non petere confirmationem Canonum, quibus edendis Legati consenserant, & Leo per Legatos consensisse iudicabatur. Confirmatio seu approbatio, qua de hic agitur, in consensu maxime consistit, ut ex Rom. Pontificum doctrina postea tradetur commodius. Quam ergo confirmationem Synodus petit, 43 ea tota spectat Canonem XXVIII. in quo Constantinopolitanae Ecclesiae privilegia sancuntur. Hic est scopus, haec meta Synodicae relationis; ubi videmus Sedis Apostolicae Legatos edendo Canonis fortiter restitisse. Restiterunt verò cum ex aliis, tum ex hoc quoque, quod Canonem illum Nicænorum Patrum regulis contrarium esse neutiquam dubitarent. Quamobrem Chalcedonensis Concilii Patres ea, qua possunt verborum lenitate utuntur, ut Leonem ad consensum pertrahant: Et haec est decretorum confirmatio, quam enixissime postulant. Rogamus, inquit, & decretis nostrum honora iudicium, & sicut nos capiti in bonis adjecimus consonantiam, sic & summitas tua filiis quod decet, adimpleat. Non adimplevit, quia Canonem XXVIII. confirmationem, id est, consonantiam non adjicit; scilicet Nicænae Synodi regulis derogare se nec debere nec posse credebatur. Quare si rationem, cur Chalcedonensis Synodus hac in re Leonis assensum obtinere non potuerit, diligenter attendas, invenies tum demum eam esse, quae Romanum Pontificem & Chalcedonensis Concilii Patres Nicæno Concilio subijcit. Hoc premo, hoc urgeo: Et primò quidem ex Leonis ad Anatolium Epistolae LIII. capite II. III. & IV. Post illa itaque ordinationis tuae non inculcata principia, post consecrationem Antiocheni Episcopi, quam tibi met contra Canonicam regulam vindicasti, doleo etiam in hoc Dilectionem tuam esse prolapsam, ut sacratissimas Nicænorum Canonum constitutiones conareris infringere, tanquam opportunè se tibi hoc tempus obtulerit, quod secundum honoris privilegium Sedes Alexandrina perdidit & 44

Antio-



Antiochena Ecclesia proprietatem tertia dignitatis amiserit, ut his locis juri tuo subditis omnes Metropolitani Episcopi proprio honore priventur. Quibus inauditis & nunquam ante tentatis ita prævenire excessibus, ut sanctam Synodum ad extinguendam solum hæresim, & confirmationem fidei Catholica studio Christianissimi Principis congregatam, in occasionem ambitus trahas, & ut conviventiam suam tibi det, impellat, tanquam refutari nequeat, quod illicitè voluerit multitudo, & illa Nicænorum Canonum per Spiritum verè sanctum ordinata conditio in aliqua unquam sit parte solubilis. Nulla sibi de multiplicatione congregationis Synodalia Concilia blandiantur, neque trecentis illis decem atque octo Episcopis quorumlibet copiosior numerus Sacerdotum vel comparare se audeat, vel præferre, cum tanto divinitus privilegio Nicæna sit Synodus consecrata, ut sive per pauciores, sive per plures Ecclesiastica judicicia celebrentur, omni penitus auctoritate sit vacuum, quidquid ab illorum fuerit constitutione diversum. Nimis ergo hæc improba, nimis sunt prava, quæ sacratissimis Canonibus inveniuntur esse contraria. In totius Ecclesiæ perturbationem superba hæc tendit elatio, quæ ita abiit voluit Concilio Synodali, ut Patres in fidei tantummodo negotio convocatos, definitione ejus causa, quæ erant curanda, perfunctos ad consentiendum sibi, aut depravando traduceret, aut terrendo compelleret. Inde etiam Fratres nostri ab Apostolica Sede directi, qui vice mea Synodo præsidebunt, probabiliter atque constanter illicitis ausibus obstituerunt, aperitè reclamantes, ne contra

45 surgeret. Nec potest de eorum contradictione dubitari, de quibus in Epistola tua etiam ipse conquereris, quod conatibus tuis voluerint obviare, in quo eos quidem multum mihi hæc scribendo commendat: Sed temetipsum, quod eis parere nolueris, dum illicita moliris, accusas, superflue non concedenda appetens, & insalubriter tibi contraria concupiscens, quæ nullum unquam poterunt nostrum obtinere consensum. Absit enim à conscientia mea, ut tam prava cupiditas meis studiis adjuvetur, ac non potius & meo & omnium, qui non alta sapiunt, sed humilibus consentiunt, opere subruatur. Sancti illi & venerabiles Patres, qui in urbe Nicæna sacrilego Arrio cum sua impietate damnato mansuras usque in finem mundi leges Ecclesiasticorum Canonum considerunt, & apud nos & in toto orbe terrarum in suis constitutionibus vivunt, & si quid usquam aliter, quàm illi statuerunt, præsumitur, sine cunctatione cassatur, ut quæ ad perpetuam utilitatem generaliter instituta sunt, nulla commutatione varientur, nec ad privatum trahantur commodum, quæ ad bonum sunt commune præfixa, & manentibus terminis, quos constituerunt Patres, nemo in jus tendat alienum, sed intra fines proprios atque legitimos, prout quis valuerit, in latitudine charitatis se exerceat.

Deinde ex ejusdem Epistola 111. ad Calchedonensem Synodum: Omnem quidem Fraternitatem vestram nosse non ambigo, definitionem sanctæ Synodi, quæ ob confirmationem fidei in Calchedonensi civitate celebrata est, toto corde me fuisse complexum; quia nulla ratio sinebat, ut qui unitatem Catholica fidei dolebam ab hæreticis fuisse turbatam, non exultanter in integrum rediisse gauderem. Hoc autem non solum ab ipso beatissima consensio-  
 46 nis effectum, sed etiam ex Epistolis meis, quas post reditum meorum ad Constantinopolitanæ urbis antistitem dedi, si vobis responsionem Sedis Apostolica manifestare voluisset. Et paullo post: De custodiendis quoque sanctorum Patrum statutis, quæ in Synodo Nicæna inviolabilibus sunt fixa decretis, observantiam vestra Sanctitatis admonet, ut jura Ecclesiarum, sicut ab illis CCCXVIII. Paribus divinitus inspirata sunt, ordinata permaneant. Nihil alienum improbus ambitus concupiscat, nec per alterius diminutionem suum aliquis quærat augmentum. Quantumlibet enim exortis assentionibus sese instruat vanitatis elatio, appetitus suos Conciliorum æstimet nomine roborandos: Infirmum atque irritum erit, quidquid à prædictorum Patrum Canonibus discrepat. Quorum regulis A-

postolica Sedes quàm reverenter utatur, scriptorum meorum, quibus Constantinopolitani Antistitis conatus repuli, poterit Sanctitas vestra è lectione cognoscere, me auxiliante Domino, & Catholica fidei & paternarum traditionum esse custodem. Ex his autem duabus Epistolis manifestum est, Leonem seipsum Nicænorum Canonum custodem, vindicem, atque executorem præstare, & Calchedonenfem Concilium Nicæno subdicere, quæ nimirum parte Canonem Nicænis Canonibus oppositum condidit. Hæc duo per æternitatem totam argumentum non efficerent, quo id probaretur, quod Bellarminus probandum suscepit.

V. Superest Synodus sexta, quam ille actorum suorum confirmationem ab Agathone petiisse scribit. Quæ Synodi verba non refert, refero ex ejus Epistola ad 47 Agathonem: Orthodoxæ fidei splendendam lucem vobiscum clarè predicavimus, quàm ut iterum per honorabilia vestra rescripta confirmetis, *ἡμῶν ἐγγίστου*, vestram oramus paternam Sanctitatem. Ut iterum confirmetis seu consignetis, dicit Synodus, quia Agatho & Romana Synodus Episcoporum cxxv. in Epistola ad Imperatores, quæ actione iv. lecta & approbata est, orthodoxam fidem contra Monothelitas primùm confirmaverant, & consignaverant. Itaque si Agatho cum orthodoxam fidem iterum confirmaturus est, sequitur Agathonem supra Ecclesiam universam & generale Concilium esse, id non minùs sequetur ex quo primùm eandem fidem confirmavit. Neque id tantum de Agathone, sed etiam de Romana Synodo Episcoporum cxxv. sequetur. Sic ad Bellarmini mentem philosophandum est, nec ille aliter philosophari potest, ut ineptissimum philosophandi modum illum effugiat.

Bellarminus pergit: Quod autem Pontifices aliquando Conciliorum decreta reprobaverint, quod est apertum signum superioritatis, ex Basilio patet, qui in Epistola ad Athanasium, quæ est 52. scribit, videri sibi bonum, ut rogetur Romanus Episcopus, ut mittat aliquos in Græciam, qui ejus nomine irriterent Concilium Ariminense. Ipse etiam Damasus in Epistola ad Episcopos Illyrii reprobat Concilium illud.

Ex Leone mox vidimus id quod apertum signum est superioritatis illius, quàm aluit, signum nullum esse, tantum abest, ut apertum sit. Basilius sapienter & appositè scribit, orandum esse Romanum Pontificem, ut mittat aliquos in Græciam, qui Ariminensis Synodi decreta rescindant. Basilii verba præstat referre atque examinare: Visum est autem mihi consentaneum, ut scribatur Episcopo Roma, ut quæ hic geruntur, consideret, & sententiam suam exprimat. Et quoniam difficile est, ut communi ac Synodico decreto, aliqui illinc mittantur, ipse sua auctoritate in ista causa usus viros eligat ad ferendas quidem itineris molestias idoneos; verum juxta ad hoc quoque accommodos, ut mansuetudine & facilitate ingenii eos, qui distorti & obliqui apud nos sunt, corrigantur, aptè ac dispensatorie sermonem attemperantes, omniâque secum habentes, quæ in Arimino ad ea rescindenda, quæ illic per vim & violentiam gesta sunt, & hoc nemine sciente absque strepitu tacitè per mare ad eos, qui hic sunt, vadant, ne qui pacis inimici adventum ipsorum præsentiscant.

I. Basilius rationi consentaneum arbitratur, ut Romanus Episcopus ingentes concertationes, quibus propter Ariminensem Concilium Ecclesia apud Cæsaream Cappadociæ distrahitur, etiam atque etiam attendat.

II. Deinde, ut suam de illo Concilio sententiam expromat, nequis, si bene conjicio, illius silentium ducat in conscientiam & approbationem Concilii, quod in propria, id est, Romana provincia celebratum fuerat, cui non interfuerat, & tui tamen interesse ac præesse debuerat, sed illud vel nesciunt vel dissimulant, qui hoc utentes Concilio Arianorum partes ibi fovent, & in Nicæna fidei regulam & in Catholicos atrociter invadunt.

III. Tum Basilius indicat usitatum apud Romanos morem

49 morem, quo ponderosæ res in Synodo tractari solent, & inde ad provincias mitti Sacerdotes, qui afflictos propter religionem populos solentur, & in accepta majorum fide confirmant.

IV. Hinc Basilius difficillimorum temporum conficius existimat, mittendos non esse Sacerdotes, qui Synodicum ac publicum decretum Cæsaream deferant, sed satis esse, si quidam ea auctoritate & ingenii dexteritate præditi mittantur homines, qui quæ Arimini per vim & violentiam gesta fuerant, sic gesta, ac proinde cassâ & irrita esse declarent.

V. Præterea Basilius quidem apprimè novit jure ipso cassum atque irritum esse Ariminense Concilium: Sed qui distorti sunt apud Cæsaream & obliqui ingenii non norunt; aut si norunt, dissimulant, quò facilius tumultuentur. Quocirca sanctus Pater, cum is opinor suspectus foret, Roma mitti curat idoneos homines, qui sibi collaborent in auferendo præjudicio, quod nonnulli ex Ariminensi Concilio faciunt.

VI. Denique Basilius negotium istud tacitè & sine strepitu tranligendum esse censet, ne qui præjudicium tale faciunt, si Legatorum Romanorum adventum præfentificent, illum modis omnibus impedian, & manus violentas Legatis fortasse adferant.

Ex hac autem Basili prudentia & consilio, quod in Epistola ad Athanasium proponit, quis unquam præter Bellarminum colliger, à Basilio datum esse signum ullum, quo Papam absolute esse supra Ecclesiam universam & generale Concilium ostenderetur? Quinetiam in opposita se versari sententia non obscure docet  
50 in Epistola LXXVII. ad Transmarinos seu Occidentales Episcopos: Verba sunt: *Sive vos ipsos caput Ecclesia universalis reputatis, non potest dicere pedibus caput: Non est mihi opus vobis: Sive in reliquum vos Ecclesiasticorum membrorum ordinem locatis, non potestis nobis dicere, qui in eodem vobiscum corpore constituti sumus: Non estis nobis necessarii. Nam & manus mutuam inter se operam necessariam habent, & pedes mutuo sese firman, & oculi per concordiam habent, quòd objecta clarè & dilucide apprehendant. Nos quidem nostram imbecillitatem agnoscimus, & vestram avidè concordiam requirimus.* Utrum autem Athanasius apud Romanum Pontificem effecerit, ut Basili votis responderetur, legere me non memini. Sed rectè memini, Athanasium in Epistola ad Africanos præ se ferre, Ariminense Concilio auctoritatis esse nullius, tum quia Nicænæ Synodus opponitur, tum quia quæ Arimini facta sunt, per vim & contentionem facta sunt. Audiendus est Athanasius: *Sed quia audivimus nonnullos hujus (Nicænæ Synodi & fidei) oppugnanda cupidos allegare Concilium Ariminense, quod ipsi jactitant, auctoritatem obtinuisse, necessariò visum est, ut vos scripto certiores redditos admoneremus, ne istiusmodi homines tolerare velitis. Est enim istud aliud nihil, nisi propago Arianica hæreseos. Qui enim Synodum contra istam hæresim habitam repudiam, quid aliud sibi volunt, quàm ut Ariana invalescant? quid igitur illis dignum, nisi ut & Ariani appellentur, & easdem censuras ferant? Qui neque Deum metuerunt ita dicentem, Ne transmoveas terminos aternos, quos posuerunt Patres tui. Et post alia: Sive enim quis numerum  
51 cum numero comparet, tanto major est Nicæna Synodus particularibus Conciliis, quantum totum sui aliqua parte. Quòd si causam Nicænæ conventus à causis eorum qui postea coierunt, discernere velis, invenies Nicænæ Synodum rationabili causa coactam fuisse, reliquas autem per simultatem & contentionem & vim conflatas esse. Et post alia: Id cum ita se habeat quis ferat eos, qui Ariminensem, aut ullam Synodum præter Nicænæ in ore habent & jactitant? aut quis non odio habeat illos, qui quæ Patrum sunt, abrogant? Recentiora autem Arimini per vim & contentionem extorta anteponunt. Hæc sunt & alia similia, quæ Athanasius Ariminensi Concilio ut non legitimo opponit: Sed de Romano antistite nihil omnino dicit.*

Transeamus ad Damasum, cui soli Bellarminus tribuit, quod Damaso & cæteris Occidentalibus Episcopis distribuendum est. Theodoretus in libri II. hist. capite XVII. Quod autem formulam istam (Ariminensis Concilii) magnopere improbarint athleta omnes veritatis atque imprimis Occidentales, testantur quæ ab his scripta fuerunt ad Illyricos: *Scribentium verò princeps fuit Damasus, vir plurimis virtutibus insignis, Romana Ecclesia post Liberium Cathedram sortitus. Scripsere autem cum illo Episcopi nonaginta ex Italia & Galatia, quæ Gallia nunc vocatur: Quorum etiam nomina, nisi supervacaneum foret, hic apponerem. Littera verò sunt hujusmodi: Episcopi Roma in sacro Concilio congregati, Damasus & Valerianus & cæteri, dilectis fratribus in Illyrico constitutis salutem in Domino. Credimus sanctam fidem in Apostolorum doctrina fundatam. Et quibusdam interpositis: Sed in ipso principio ab his ipsis, qui Arimini novare ac retractare compellebantur, eatenus res correctæ est; Ut confiterentur sibi alia disputatione subreptum, quod non intelligerent Patrum sententia apud Nicæam constituta hoc esse contrarium. Neque enim præjudicium aliquod fieri potuit per numerum Arimini congregatum, quando constat, neque Romanum Episcopum, cujus ante omnia expectanda erat sententia, neque Vincentium, qui tot annorum Episcoporum integrè gesserat, neque alios talibus præbuisse consensum, maxime cum isti ipsi, sicut diximus, qui per fraudem deflexisse visi sunt, meliore usi consilio, hac sibi displicere testati sunt.* Ex his ergo literis atque ex rei veritate ad Bellarmini mentem sic argumentari convenit: Episcopi Romæ in Concilio congregati, Damasus, Valerianus, & cæteri Ariminense Concilium irritum, & pluribus in eo Episcopis subreptum esse declarant; igitur Damasus est supra Ecclesiam universam, & supra generale Concilium. Iterum: Nec Romanus Pontifex, cujus ante omnia expectanda erat sententia, nec ille Vincentius, qui tot annorum Episcoporum gesserat, nec alii plures Ariminensi Concilio assensum præbuerunt ullum; igitur Romanus Pontifex solus est absolute supra Concilium, non Vincentius, non alii præfules, qui parem tamen cum Romano Pontifice consensum Ariminensi Concilio denegarunt. Quis autem usque adeo futiles & vanas consecutiones non rejiceret? Has simpliciter exposuisse, est validissime confutasse.

Bellarminus pergit: *Similiter Leo in Epistola 55. ad Pulcheriam: Consensiones, inquit, Episcoporum Canonum apud Nicæam conditorum regulis repugnantes in irritum mittimus, & per auctoritatem beati Petri Apostoli generali prorsus definitione cassamus. Leonis testimonium nobilioribus sui partibus truncatum exhibet. Integer hic est: Consensiones verò Episcoporum sanctorum Canonum apud Nicæam conditorum regulis repugnantes unita nobiscum fidei vestra pietate in irritum mittimus, & per auctoritatem beati Petri Apostoli generali prorsus definitione cassamus, in omnibus his Ecclesiasticis legibus obsequentes, quas ad pacificationem omnium Sacerdotum per CCCXVIII. antistites Spiritus Sanctus instituit: Ita ut etiam si multo plures alii, quàm illi, statuere decernerent, in nulla reverentia sit habendum, quidquid fuerit à prædictorum constitutione diversum.* Bellarminus verba hæc, unita nobiscum fidei vestra pietate, quæ ad Pulcheriam Augustam pertinent, è media oratione sustulit, & quæ sequuntur, generali prorsus definitione cassavit, omnino refecit.

Bellarminus priora verba ideo sustulit, ne quod est Leoni cum Pulcheria commune videretur, & ne Pulcheria in partem abrogati Canonis, quò Constantinopolitanæ Ecclesiæ prærogativa fanciebatur, venisse crederetur, & ut iis ita constitutis facilius posset concludere, Papam esse supra Concilium. Nam si reliquisset verba, quæ sustulit, periculum erat, nequis pari jure concluderet, Pulcheriam esse supra Ecclesiam universam & supra generale Concilium. At Pontifex Leo



verba illa ideo addidit, quod Principibus custodien-  
dorum Canonum curam incumbere cognosceret. Id  
enim scribit in Epistola LXXIV. ad Leonem Augu-  
stum: Secundum, inquit, fiduciam illam, quam ex Dei  
54 inspiratione universali Ecclesia prastitistis, ante cujusquam  
preces constituendum, quod maxime ab omnibus fuerat  
expetendum, non desinimus gratias agere, & providen-  
tiam Dei, in fidei vestra fervore benedicere, qui sancto  
& Catholico spiritu, sicut fratris & Coepiscopi Anatolii  
sermone cognovi, ita haereticorum impudentia restitistis, ut  
profiteremini, ad totius mundi pacem, CALCHEDONEN-  
SIS SYNODI VOS ESSE CUSTODEM.

Bellarminus posteriora verba ideo refecit, ne pon-  
tificem Ecclesiasticis legibus obsequentem videret, &  
lectori suo proponeret, ne id quod faciebat Pontifex,  
hunc Nicænae Synodi auctoritate facere constaret.  
Quapropter auctor ille non appositè quidem ad rei  
veritatem, sed ad scopum instituti operis Leonem  
mutilavit. Nam qui nunc Romæ scriberet, ut loqui-  
tur Leo, non quidem in Sedis Apostolicæ, sed in Cu-  
riæ reprehensionem non modicam incurreret, & pro-  
hibitorio Indici adscriberetur, ut Leo nuper cum plu-  
ribus aliis Romanis Pontificibus & cum Florentina Sy-  
nodo adscriptus est in libellulo quodam nostro, qui  
nuncupatur *Censura responsionis, qua Fr. Norbertus Ca-*  
*illocius sese mendacii atque erroribus novis irretivit.* Hoc  
autem dolentiùs deplorandum esse quis non videt?  
In schisma declinant.

Præterea Bellarminum audiamus sic disputantem:  
Leo conjuncta sibi Pulcheriæ pietate & opera in irri-  
tum misit, quidquid Calchedonenſis Synodi Patres se-  
cundum Constantinopolitanæ Ecclesiæ dignitatem pro-  
nunciaverant; ergo Leo seorsum à Pulcheria est abso-  
lute supra Calchedonenſem Synodum. Rursus: Leo  
55 quidquid Calchedonenſis Concilii Patres in gratiam  
Constantinopolitani antistitis decreverant, cassum &  
vacuum reddidit, quod illud Nicænis Canonibus re-  
pugnaret; igitur Pontifex abrogare potest, quidquid  
Calchedonenſis aut alia generalis Synodus paternis re-  
gulis & veræ rationi consentaneum meditata prorsus  
definitione constitueret.

Porro autem Bellarminus lectorem suum monere  
oblitus est, Constantinopolitanum Episcopum confir-  
mata sibi per Calchedonenſe Concilium dignitate  
usum semper esse, tametsi Leo effecerit, ut Canon  
xxviii. cæteris Concilii Canonibus non adderetur,  
& Romanos Pontifices Leonis successores in eum Ca-  
nonem tum demum consensisse, cum resistere non po-  
tuerunt amplius.

Bellarminus pergit: *Beatus Gregorius lib. 4. Epist.*  
34. *Cuncta, inquit, Acta illius Synodi Sede contradi-*  
*cente Apostolica soluta sunt.* Hic fucum facit, cum  
Gregorium, seu potius Sedem Apostolicam perinde  
objicit, ac si generalis cujusdam Concilii decreta sol-  
visset. Res aliter se habet: Ioannes Constantino-  
politani antistes Synodum fecerat, in qua se univer-  
sale Episcopum nuncupaverat. Hoc displicuit duo-  
bus Romanis Pontificibus Pelagio II. & Gregorio I.  
Christianæ simplicitatis & modestiæ amantibus, qui Sy-  
nodum hanc abrogandam esse judicarunt, & cur ju-  
dicarint Gregorius sapienter edisserit; Et primò qui-  
dem in libri IV. Epistola xxxvi. ad Eulogium  
Alexandrinum & Anastasium Antiochenum: *Amè si-*  
*quidem annos octo sanctæ memoriæ decessoris mei Pelagii*  
56 *tempore frater & Coepiscopus noster Ioannes in Constan-*  
*tinopolitana urbe ex causa alia occasionem quarens Syno-*  
*dum fecit, in qua se universalem appellare conatus est.*  
*Quod mox idem decessor meus ut agnovit, directis literis*  
*ex auctoritate sancti Petri Apostoli ejusdem Synodi acta*  
*cassavit: Quarum videlicet Epistolarum Sanctitati vestra*  
*exemplaria studui destinare.* Diaconum verò, qui juxta  
morem pro responsis Ecclesiæ faciendis, piissimorum domi-  
norum vestigiis inhaerebat, cum præfato consecrator nostro  
Missarum solemnia celebrare prohibuit. Cujus ego quo-

que sententiam sequens similia prædicto consecratori nostro  
scripta transmissi, quorum exemplaria vestra beatitudini  
cenſui transmittenda: Hoc præcipuè intendens, ut hac de  
re, qua ex nova superbia tota universalis Ecclesia viscera  
perturbantur, prius sæpe sati fratris nostri animum mode-  
sta intentione pulsemus. Qui si nequaquam à sua elati-  
onis rigore voluerit inclinari, tunc quid fieri debeat, cum  
omnipotentis Dei solatio subtilius pertractetur: Sicut enim  
veneranda mihi vestra Sanctitas novit, uni per sanctam  
Calchedonenſem Synodum Pontifici Sedis Apostolica, cui  
Deo disponente deservio, hoc universitatis nomen obla-  
tum est, sed nullus unquam decessorum meorum hoc tam  
profano vocabulo uti consensit, quia videlicet si unus  
Patriarcha universalis dicitur, Patriarcharum nomen cæ-  
teris derogatur. Et post alia: Unde magnopere oran-  
dum est, & omnipotens Deus assiduus precibus implo-  
randus, ut hunc à mente illius avertat errorem, hoc ab  
unitate & humilitate Ecclesiæ malum superba confusionis  
amoveat. Et favente Domino omnibus viribus concurrendum  
atque providendum, ne in unius veneno sermonis viventia  
in Christi corpore membra moriantur. Si enim hoc dici li-  
center permittitur, honor Patriarcharum omnium negatur:  
57 CUM FORTA SSE IS IN ERRORE PERIT, QUI UNI-  
VERSALIS DICITUR, NULLUS JAM EPISCOPUS RE-  
MANSISSE IN STATU VERITATIS INVENITUR.

Deinde in Epistola, quam Bellarminus laudat, ad  
Constantinam Augustam: Præterea judico, quia piissi-  
mi Domini scripta suscepi, ut cum fratre & consecra-  
tore meo Joanne debeam esse pacificus, & quidem sic re-  
ligiosum Dominum decuit, ut ista præciperet Sacerdoti-  
bus: Sed cum se nova presumptione atque superbia idem  
Frater meus universalem Episcopum appelleret, ita ut san-  
cta memoria decessoris mei tempore adscribi se in Sy-  
nodo tali hoc superbo vocabulo faceret, quamvis cuncta  
acta illius Synodi Sede contradicente Apostolica soluta sint;  
triste mihi aliquid serenissimus Dominus immit, quod non  
eum corripuit, qui superbit: Sed magis ab intentione mea  
declinare studuit, qui in hac causa Evangeliorum & Ca-  
nonum statuta humilitatis atque rectitudinis virtute defen-  
do. Qua in re à prædicto fratre & consecrator meo  
contra Evangelicam sententiam, contra beatum quoque Pe-  
trum Apostolum, & contra omnes Ecclesias contraque Ca-  
nonum statuta agitur. Hæc est historia, quam nos Bel-  
larminus celari voluit, quia timuit, ne eum sic argu-  
mentantem deprehenderemus. Gregorius particulari  
Synodo, quæ res novas & toti Ecclesiæ injurias de-  
creverat, antepositur, igitur universali Synodo, quæ  
non ita se gereret, antepositur: Vel, Gregorius Evan-  
gelii & veterum Canonum, qui suum cuique & Patri-  
archarum, & Metropolitanorum, & Episcoporum hono-  
rem asserunt, præsidio munitus particularem Joan-  
58 nis Constantinopolitani Synodum quatefecit: Igitur  
quatefacere potest universalem Synodum, quæ suum  
cuique & Patriarcharum & Metropolitanorum & Epi-  
scoporum honorem conservandum esse decerneret, at-  
que ob id Nicænos Canones egregiè vindicaret: Quid  
ita? Gregorius seu Romanus Pontifex, simpliciter &  
absolute est supra Ecclesiam universam & supra Concili-  
um generale, ita ut nullum in terris supra se judicium ag-  
noscat. Hoc est sine dubio lemma, quod Bellarmi-  
nus ex Gregorii facto probandum sibi sumpsit, sed  
ridiculè omnino & absurdè.

Cæterum, si Bellarminus ad historiam hanc totam  
adjecisset oculos, paullo antè usus non esset ratione  
hac: Ex Concilio Chalcedonenſi colligitur, Pontificem esse  
majorem Concilio. Nam actione III. recitantur multe  
Epistole scriptæ ex variis locis ad Concilium, quæ om-  
nes ita incipiunt: Sanctissimo & beatissimo universali  
Patriarcha magna Roma Leoni, & sancto universali Con-  
cilio congregato in Chalcedonenſi civitate, &c. Nemo au-  
tem in toto Concilio fuit, qui reclamavit ac dixerit, non  
debere anteponi Pontificem toti Concilio. Et revera nemo  
dixit hoc, quia nemo vera cum ratione dici posse cog-  
noscebat. Epistolæ illæ Leoni per suos Legatos præ-  
fidi

sidi & Concilio inscribuntur; Leoni ut primo membro Concilii; tum Concilio, quod universam repræsentabat Ecclesiam. Ex eone colligitur, Leonem esse supra Concilium, id est, Concilio subiectum non esse. Definisse Leo esse pars Concilii, quod est totum ac proinde qualibet sui parte superius? Profecto Athanasius in Epistola ad Africanos dicit: *Sive quis numerum cum numero comparet, tantò major est Nicæna Synodus particularibus Conciliis, quantum totum sui aliqua parte,* 59 *ὅσον ἡ τὸ ὅλον πλεονέχει τὰ μέρη.* Augustinus Athanasium sequitur, cum ait in libri 11. de Baptismo cap. 14. *Universum partibus semper optimo jure præponitur.* Hoc ipsum dicat communis hominum intelligentia, cui nemo præscribere potest.

Utinam Bellarminus perlegisset Concilii hujus actionem 111. & plerasque Patrum sententias tantisper expendisset. Tunc vel usus non esset ea ratione, qua mox usum illum vidimus, vel probasset, quod probare non intendisset, scilicet non Leonem modò, sed & Anatolium Constantinopolitanum majorem esse Concilio, quia Anatolius perinde ut Leo non semel duntaxat, sed pluries antepositus Concilio, cum antistites de Dioscoro judicium ferunt. Res igitur sic se habet.

Diogenes Episcopus Metropolis Cyzici dixit: Et paulo post: *Consentio his, quæ statuta sunt à sanctissimo & beatissimo Archiepiscopo Romano Leone, & his, quæ à sanctissimo & beatissimo regia nova Roma Anatolio, & præ-* 60 *sente sancto & universali Concilio.*

Romanus Episcopus Metropolitani Myrenæ civitatis dixit. Et paulo post: *Consono & ego sequens sanctissimum & Deo amantissimum Leonem senioris Romæ, & sanctissimum & Deo amantissimum Archiepiscopum novæ Romæ Constantinopolitanum Anatolium, & omne sanctum & universale Concilium, profiteor prædictum Dioscorum, &c.*

Constantinus Episcopus Metropolis Melitenæ civitatis dixit. Et paulo post: *Tamen quoniam consequenter & canonicè & jussè adversus eum (Dioscorum) à sancto* 60 *& beatissimo Archiepiscopo Leone & sanctissimo Anatolio Archiepiscopo novæ Romæ Constantinopolitano, & sancto & magno & universali Concilio est prolata sententia, concurs efficior his, &c.*

Idem ordo servatur in sententiis Seleuci Episcopi Metropolitani Sebastie Armeniæ primæ civitatis, Joannis Metropolitani Episcopi Sebastie civitatis, Patriicii Metropolitani Episcopi Thyane civitatis, Francionis Metropolitani Episcopi Philippopolis civitatis, Photii Metropolitani Episcopi civitatis Tyri, Nunechii Metropolitani Episcopi civitatis Laodiceæ, Eutropii Adadenis Episcopi, Danielis Cadenæ civitatis Episcopi, Etherici Episcopi Smyrnæ, Theodori Claudiopolitani Episcopi provinciæ Isauriæ.

Nunc Bellarmino possumus objicere, quæ aliis intrepidè objicit: *Nemo autem in toto Concilio fuit, qui reclamavit ac dixerit, non debere anteponi Anatolium toti Concilio.* Igitur anteponendus est, utpotè major Concilio. Quidquid ille respondens est, contra se respondens est: Quia si spectetur vis argumenti, eadem est prorsus in Leone & Anatolio. Interim agnosce vanitatem argumenti, quo Bellarminus utitur, & quo non uteretur, si per se ipse legisset Concilium; alioqui mala fide ageret cum Apostolica Sede & cum majoribus nostris Parisiensibus Theologis, qui hac in re puram putam Sedis Apostolicæ traditionem adversus Curiales magistros sequuntur, ac strenuè defendunt.

Deinde, si per se ipse legisset Epistolas Romanorum Pontificum, qui ad Decanum & Capitulum hujus vel illius Ecclesiæ identidem scribunt, ex tali descriptionis ordine haud collegisset, opinor, Decanum esse supra 61 Ecclesiæ suæ Capitulum, vel Decanum editis à Capitulo Ecclesiæ suæ constitutionibus subiectum non esse. Quidquid id est, Decani rationis compotes hoc contenderunt nusquam.

Verumenimverò, mirum est Bellarminum nobis op-

ponere illam literarum inscriptionem, quam uti superbiæ & arrogantiae plenam Gregorius tot modis confixit, *Evangelio, Sedis Apostolicæ traditione, Ecclesiarum omnium jure, sacris Canonibus, humilitatis & rectitudinis virtute.* Bellarminus inspicere debebat in orationes illas, quæ recitatâ Domini Passione Feria vi. in pasceve decantantur. Duæ primæ pro Ecclesia: Tertia pro Romano Pontifice. Prima est hujusmodi: *Oremus dilectissimi nobis pro Ecclesia sancta Dei, ut eam Deus ac Dominus noster pacificare, adunare, & custodire dignetur, toto orbe terrarum subjiciens ei principatus & potestates, &c.*

Secunda: *Omnipotens sempiterne Deus, qui gloriam tuam omnibus in Christo gentibus revelasti, custodi opera misericordiæ tuæ, ut Ecclesia tua toto orbe diffusa stabili fide in confessione tui nominis perseveret.*

Tertia: *Oremus & pro beatissimo Papa nostro N. ut Deus & Dominus noster, qui ELEGIT EUM IN ORDINEM EPISCOPATUS, salvum atque incolumem custodiat Ecclesia suæ sancta, ad regendum populum sanctum Dei.*

Inspicere quoque debebat in Missæ Canonem, ubi par ordo servatur: *Te igitur, clementissime Pater, per Jesum Christum Dominum nostrum, supplices rogamus ac petimus, ut accepta habeas & benedicas hæc dona, hæc munera, hæc sancta sacrificia illibata; imprimis quæ tibi* 62 *offerimus pro Ecclesia tua sancta Catholica, quam pacificare, custodire, adunare, & regere digneris toto orbe terrarum, unâ cum famulo tuo Papa nostro N. & antistite nostro, N. &c.*

In illis autem orationibus & in missæ Canone Catholica Ecclesia idcirco præcedit, quia universum quid est, quia corpus Christi: Romanus Pontifex, antistes hujus vel illius loci, & fideles reliqui, quia partes universi, quia membra corporis Christi subsequuntur. At Romanus Pontifex, quia major non est Petro, cui succedit, nonnisi primum est membrum Ecclesiæ. Gregorius Primus in libri 111. Epistola xxxviii. ad Joannem Constantinopolitanum vocat Petrum primum universalis Ecclesiæ membrum. Certè Petrus Apostolus primum membrum sanctæ & universalis Ecclesiæ est. Paulus, Andreas, Joannes, quid aliud, quàm singularem sunt plebium capita? Et tamen sub uno capite (Christo) omnes sunt membra Ecclesiæ. Et neque Petrus neque Paulus est corpus Christi.

Denique, si Bellarminus legisset & examinasset Sinuessanum Concilium, non objecisset quod in illius fine traditur, *Prima Sedes à nemine judicabitur.* Si legisset & examinasset Romanum Concilium sub Silvestro habitum, non objecisset istud, quod in eo scribitur, *nemo judicabit primam Sedem.* Hæc, inquam, duo non objecisset, quia supposita esse Concilia duo reperisset. Nam quo modo traditam à S. Marco Ecclesiis Syriæ & Ægypti Syriacam testamenti novi totius editionem rejicit, eodem & Concilia duo hæc rejiceret. Sic igitur Syriacam illam editionem in libri 11. de verbo 63 Dei capite iv. rejicit: *Quia nulla editionis hujus mentio prorsus extat apud Clementem Alexandrinum, Eusebium, Athanasium, Theophilum, Epiphanium, Hieronymum, Cyrillum, Theodoretum, Joannem Damascenum, aliosque Patres, qui vel in Syria, vel in Ægypto, aut Episcopi aut Presbyteri fuerunt, & vel de variis Scripturarum editionibus accuratè disputarunt, vel cerè multa de Scripturis sanctis posteritati scripta reliquerunt.* Sic Sinuessanum, sic Romanum illud Concilium rejiciet, quia Sinuessani & Romani Concilii mentio nulla extat apud Eusebium, Hilarium, Athanasium, Rufinum, Epiphanium, Sulpitium Severum, Hieronymum, Orisium, Augustinum, Prosperum, Bedam, & alios auctores, qui vel de Marcellino, vel de Silvestro, vel de Conciliis usque ad annum dccc. scripserunt: Rejiciet, quia mentio nulla extat apud Dionysium Romanum Monachum, qui Justiniano imperante Codicem Canonum Romanæ Ecclesiæ confecit; apud Dionysium,



sium, inquam, qui oblitus non esset Sinuessani & Romani Concilii Canones si qui fuissent editi, & Romæ tunc in scriniis asservati; qui Sinuessani & Romani Concilii Canones non reliquisset in præteritis, cum habitarem Ancyræ, Neocæsareæ, Gangræ, Antiochiæ, Laodiceæ, Carthagine Synodorum Canones diligenter arcessit, & Codici suo intulit. Quis verò adferret, Dionysium, cum is foris esset egregie oculatus, domi prorsus cæcutiisse?

Præterea, quo modo Bellarminus Joannam Papissam rejicit, eodem & Concilio duo hæc rejiceret. Sic autem in libri III. de Rom. Pont. capite XXIV. Joannam Papissam rejicit: *Non solum Latini, ut Anastasius, Ado, Regino, Lambertus, Hermannus, Abbas Urspergensis & Otto Frisingensis, sed etiam Græci, qui ante Marianum Polonum scripserunt, ut Zonaras, Cedrenus, Joannes Cypriolus & alii, nullam mentionem hujus tam prodigiosæ historiæ inter res ejus temporis faciunt.* Sic Sinuessanum, sic Romanum Concilium rejicit: Idque longè verisimilius. Nempe Martinus Polonus, qui Bellarmini judicio Joannæ Papissæ primus meminit, ad tempus, quo Joannæ sedisse dicitur, accedit propius, quàm Nicolaus I. qui Sinuessani & Romani illius Concilii meminisse primus invenitur, ad tempus, quo utrumque Concilium habitum esse fertur. Martinus Polonus circa annum M. CCL. claruit; Joannæ verò circa annum DCCCLIV. sedisse ponitur. Sinuessanum Concilium anno Christi CCCIII. & Romanum anno CCCXV. celebratum dicitur. Nicolaus verò Romanam Ecclesiam administrandam suscepit anno DCCCLVIII. qui & alias excipi se facile patitur, cum ei per otium non licuerit, omnia quæ laudat, suis momentis expendere. Nam laudat coactum à Sixto III. Concilium, in quo Polychronius Hierosolymitanus Episcopus de sua Sede dejicitur, & tamen Hierosolymis Episcopus nomine Polychronius tunc nullus fuit, vel esse potuit, rebus in eo quo erant statu manentibus. Hierosolymitanam Ecclesiam magna cum laude tunc gubernabat Juvenalis, qui Ephesino Concilio I. & Calchedonenli interfuit.

Est & aliud, quo citati à Bellarmino Canones exscinduntur, & inter commenta penitus amandantur; Romanum videlicet Concilium, in Damasi & Ursicini causa convocatum: cujus verba ex illius Epistola III. ad Valentinianum & Gratianum suprâ retulimus.

Nunc appositè de Bellarmino dici potest, quod Joannes Fischerus Roffensis Episcopus & Martyr præclare scribit in libro de unica Magdalena: *Qui rationes invalidas & inefficaces adfert, perinde est, ac si nullas attulisset, immò longè fuisset ei satius, si nullas adduxisset.* Cum enim quis sententiam aliquam nulla fultam ratione producit in medium, simpliciter & nudis eam verbis asserens, dubitare de illo adhuc possumus, num abditum aliquid soliditatis habeat, cui imitatur, quod hætenus non explicuit. Verùm, qui suam opinionem rationibus munit, quæ palam sunt invalidæ, nulliusque roboris, profecto seipsum prodit hallucinatum fuisse, atque fallacibus inductum rationibus ut ita opinaretur; suumque ita errorem ipse manifestum facit, quando cunctis apertissimè liquet, eam omni solida cavere basi. Sic Bellarminus in hac materia describitur, sic descriptus agnoscitur.

His autem omnibus subijcio galeatam, eamque communem universim iis, quæ antè de singulis Bellarmini argumentis comminus disputata sunt, observationem. Nicænam Synodum decrevisse, quod non decrevit ponamus; firmitatem Conciliorum Romano Pontifici tribuendam esse: Bellarminus ex decreto tali non conficeret, quod in probatione sua quinta conficere intendit. Quid ita? Nicæna Synodus in Canone IV. statuit, *Ut firmitas eorum, quæ geruntur per unamquamque provinciam Metropolitanis tribuatur Episcopo:* τὸ δὲ πρὸς τὴν ἑκάστην ἐκκλησίαν ἐκείνην ἐκ τῆς ἐκκλησίας τῆς καθολικῆς. Et tamen ex hoc Canone inferre non li-

cet, Metropolitanum esse supra provinciale Concilium, ab hoc Concilio judicari non posse aut deponi, etiam si causa legitima subsisteret. Hic est unus scopulus, ad quem Bellarmini ratio unaquæque non appellitur solum, sed etiam vehementissimè frangitur.

—*Ut præceptum cumulo salit unda minantes  
In scopulos, & fracta redit.*—

Superest modò ut acta Conciliorum approbare & confirmare quid sit, ex doctrina Romanorum Pontificum exponamus. Ad consignandam rei hujus notionem duo sufficient, Leo I. & Martinus I. Sic autem Leo in Epistola LXI. ad Calchedonensem Synodum scribit: *Næ ergo per malignos interpretes dubitabile videatur, utrum, quæ in Synodo Calchedonenfi per unanimam vestram de fide statuta sunt, approbem, hæc ad omnes fratres & Coepiscopos nostros, qui prædicto Concilio interfuerunt, scripta direxi, quæ gloriosissimus & clementissimus Princeps, sicut poposcit, in notitiam vestram mittere pro Catholica fidei amore dignabitur, ut & fraterna universitas, & omnium fidelium corda cognoscant, me non solum per fratres, qui vicem meam executi sunt, sed etiam per approbationem gestorum Synodaliū propriam, vobiscum inisse sententiam, in sola fidei causa (quod sepe dicendum est) propter quam generale Concilium ex præcepto Christianorum Principum, & ex consensu Sedis Apostolica placuit congregari.* Sic ex professo tractat, quid sit acta Conciliorum approbare, & seipsum in exemplum rei proponit, cum acta Calchedonenfis Concilii approbavit: Per approbationem, inquit, gestorum Synodaliū propriam vobiscum inivi sententiam. At propriam cum Patribus Concilii sententiam inire, aliud nihil est, quàm definitibus Concilii Patribus assensum: Quod ita Martinus confirmat in Epistola ad Amandum Trajectensem Episcopum.

Ideo necesse habuimus, ut pro quadam negligentia & animarum detrimento, quæ nobis commissa sunt, culpe reatu obstringamur, eorum generalem fratrum & Coepiscoporum in hac Romana civitate congregare, in quorum præsentia, memoratorum hereticorum scelerosa conscripta examinata atque denudata sunt, & Apostolico mucrone, Patrumque definitionibus uno ore, unoque spiritu condemnavimus, ut cognoscentes universi errorem, qui in eis continetur, eorum pollutione nullatenus maculentur: Unde prævidimus volumina gestorum Synodaliū in præsentem vobis dirigere unâ cum Encyclicâ nostrâ, ex quorum serie omnia subtiliter potestis addiscere, & tenebras illorum nobiscum, ut filii lucis, extinguere. Idcirco studeat Fraternitas tua, omnibus eadem innotescere, ut tam abominandam hæresim nobiscum execrentur, quâque sue salutis Sacramenta addiscere valeant, atque Synodali conventionem omnium fratrum & Coepiscoporum nostrorum partium illarum effecta secundum tenorem Encyclicæ à nobis directæ, scripta unâ cum subscriptionibus vestris nobismet destinanda concelebrent, CONFIRMANTES ET CONSENTIENTES EIS, quæ pro orthodoxa fide, & destructione hereticorum vasa nuper exorta à nobis statuta sunt. Martinus postulat, ut Gallicani antistites coacta Synodo confirmet ea, quæ Romana Synodus pro orthodoxa fide adversus hæreticos & Monothelitas potissimum definierat. At Martino confirmare Synodum est Synodo consentire: Et Synodo consentire, Leoni est propriam cum Synodo sententiam inire: Quæ omnia unum & idem sonant.

Cyrillus Alexandrinus Episcopus notionem hanc occuparat in Epistola, quam ad Acacium Melitenæ Episcopum scribit. *Quod si Epistolam, inquit, tanquam à Philippo reverendissimo Romana Ecclesia Presbytero scriptam attulerunt, perinde sonantem ac si sanctissimus Episcopus Sixtus depositionem Nestorii moleste acceperit, eique opem tulerit, ne credat hoc sanctitas tua: Scripsit enim consona sanctæ Synodo, omniâque illius acta nobiscum confirmavit, & nobiscum sentit.* Locutiones tres ultimæ unum & idem significant. Prima & tertia secundam exprimunt

exprimunt & interpretantur. Theodoretus hunc spectat, cum ait *Silvestrum legatis suis potestatem dedisse actis Nicani Concilii assentiendi.*

Hæc est igitur vera confirmationis & approbationis Conciliorum notio, quæ Romanum Pontificem, nec supra Concilium attollit, nec liberum ab errore immunemque in definiendo facit; alioqui Gallicanos antistites supra Concilium attolleret, & liberos ab errore immunetque in definiendo faceret, si Martini Papæ verba ad sensum tam alienum detorquerentur. Quinetiam singuli Præsules qui Synodo cuiusque consentirent, prærogativa illa duplici gauderent. Ut ex Facundo colligitur, dum in libri v. capite v. ait: *Non idem modus esse debet atque ordo querendi, post definitionem Concilii totius Ecclesiæ consensione firmati, qui fuit ante definitionem.*

- 69 Bellarminus notionem illam vel ignorat vel dissimulat, & si non ignorasset, aut dissimulasset, nos levasset onere confutandarum rationum (si tamen rationes dici possint somnia;) quas ut probet Papam esse supra Concilium, ex approbatione & confirmatione Synodorum depromit. Quidquid in causa, Bellarminus in libri 111. de translatione Imperii capite iv. veterem illam notionem rejicit, quod ea Nicolaus Cusanus in libri 111. de Concordantia capite iv. utatur. Cusanus enim dicit: *In Conciliis universalibus concurrunt in primo gradu auctoritas ipsius Papæ per consensum cum aliis omnibus ipsam Concilium celebrantibus. Vigor nihilominus definitionis non est ab ipso primo omnium Pontifice, sed ex communi omnium & ipsius & aliorum consensu dependet.* Bellarminus contra dicit: *Libros de Concordantia Catholica scriptos esse à Nicolao Cusano adhuc juvene, & in gratiam Concilii Basileensis, atque eorum, qui tum nihil magis optabant, quam aliquid dici vel scribi, quo Romani Pontificis auctoritas minueretur. Ex quo etiam fonte manaverunt illa verba, Vigor nihilominus definitionis non ab ipso primo omnium Pontifice, &c.*

Et primò quidem inter Cusanum juvenem & Bellarminum maturæ ætatis virum hoc interest, quod juvenis ille antiquam Romanorum Pontificum doctrinam sequatur, & maturæ ætatis vir iste abjiciat.

Deinde non parva Basileensis Concilii laus est & commendatio, quod in illius gratiam Leo I. & Martinus I. Cyrillus, Theodoretus, & Facundus aliquid scripserint, & Concilium illos sequatur.

Tum demum Bellarminus fallitur significans, id 70 quod Cusanus scripsit, jam tum primum in gratiam Concilii Basileensis inventum esse. Nam anno Christi M. ccccxxxix. 111. Calend. Apriles, Joannes Saracenus Dominicani Ordinis Professor Licentius in Theologia coactus Parisiis est revocare propositionem hanc, *Quandocumque in aliquo Concilio aliqua instituantur, tota auctoritas dans vigorem statutis in solo summo residet Pontifice, & contrariam veritatem ut certam profiteri: Quandocumque in aliquo Concilio aliqua instituantur, tota auctoritas dans vigorem statutis residet non in solo summo Pontifice, sed principaliter in Spiritu Sancto, & Ecclesia Catholica.* Tunc opinor Concilium nullum Basileæ celebrabatur. Religionis est instar fidem de temporibus asserere. Tertullianus in Apologetici capite xix. Quæ tibi nota sunt, recenséo, nec ob id recenserem, nisi series orationis exigeret. Nam probè teneo te incredibilem adhibere diligentiam in examinandis rebus, quæ Ecclesiasticis dogmatibus, Sedis Apostolicæ traditioni, & Facultatis nostræ decretis opponuntur; & te insuper honestati vitæ, & politiciori literaturæ, quæ tibi cum fratribus & communis & singularis est, adjicere curam & studium veræ ac solidæ Theologiæ, qualis à majoribus nostris Parisiensibus Theologis describitur, *Divinarum scripturarum peritia, recepto, quem Ecclesia approbat, sensu, non spretis orthodoxorum Doctorum interpretationibus & censuris, & interdum aliarum disciplinarum non contempto suffragio.* Bene vale. Lutetiæ Parisiorum xv. Calend. Januarii ann. M. DC. LII.

# Joannes Launoius HADRIANO VALLANTIO,

Parisiensi Theologo, & Remensi Ecclesiastæ.

**B**E NE ac sapienter judicas, operæ pretium esse, sanctorum Patrum testimoniis confirmare Parisiensem illum nostrum articulum, in quo ut fundamento tota nititur sententia, quæ Concilium supra Papam constituit. Articulus ille est, quem in Epistola ad Christophorum Fauvæum Parisiensem Theologum ita proposui. *Eodem veritatis fundamento recipiendum, potestatem excommunicandi esse de jure divino immediatè à Christo Ecclesiæ concessam, & ob id magnopere timendas esse censuras.* Pronomine hoc, eodem, respectus habetur ad præcedentes articulos, in quibus multa divina fide credenda decernuntur. Facultas Theologiæ articulum hunc Conciliorum, quàm Scholæ verbis exprimere maluit. Dignum est laude & commendatione consilium. Quæ enim ab omnibus credi debent, recepto in Conciliis loquendi modo exprimi satius est, & Ecclesiasticæ prudentiæ convenientius. Sed quoniam articulus scholæ verbis non exprimitur, hinc accidit, ut à nonnullis etiam Theologis minùs perfectè intelligatur. Ad illorum captum, quod mireris, rem accommodarunt externi Theologi, Dominicus Sotus, & Martinus Navarrus; ille in quartum sent. dist. xx.

qu. i. art. iv. *Utrum potestas jurisdictionis in utroque foro fuerit collata Ecclesiæ, ut in toto corpore immediatè resideat, an verò in prelati ejus.* Et quibusdam interpositis: *Enimvero Gerson in tractatu potestatis Ecclesiasticæ, quem imitatur Almainus in suo libro de comparatione Papæ & Concilii cap. vi. atque alii fautores opinionis illius, quod Concilium est supra Papam, arbitrati suam opinionem ex hoc fundamento pendere, aiant potestatem Ecclesiasticam jurisdictionis in utroque foro residere in tota universitate Ecclesiæ, hoc est, in toto corpore, quod aiant, Categorèmaticè instar reipublicæ civilis. Hic in cap. Novit. de Judiciis notab. 111. num. lxxxiv. Non est consilium in præsentia definire, cui principaliter Ecclesiæ potestas fuerit à Christo collata, an toti Ecclesiæ, an verò ipsi Petro propter illam maximam discordiam Romanorum & Parisiensium. Hi verò, quibus Gerson adheret, tenent totam datam esse Ecclesiæ, licet exercendam per unum, atque ideo in aliquibus saltem casibus Concilium esse supra Papam. Romanorum nomine Romanam Ecclesiam non intelligit, aut Sedem Apostolicam, depellat malum hoc Deus à se, sed Sedis Apostolicæ Doctores, de quibus Pius II. ad Carolum VII. Regem Galliæ sic scribit*



bit in Epistola cccclxxiv. Unum à te petimus, fili charissime, Doctoribus Sedis Apostolica non semper credas, multa illorum passionibus tribuas. Quod Pontifex à Rege nostro postulat, cum Christianæ Reipublicæ interit, ad omnes pertinet. Id putemus nobis dictum, & Pio recta sanâque postulanti morem geramus. Sed contrà quàm intendit Pius, Sedis Apostolicæ Doctores istiusmodi in alias provincias & pleraque Academi-  
 3 3 etur tempus, quæ magna est in Ecclesia Dei tentatio, irrupisse dicendum est.

His præmonitis omnibus, ad Ecclesiæ traditionem venio, cui Christus apud Matthæum in cap. xviii. Evangelii præluxit: Si peccaveris frater tuus, vade & corripue eum inter te & ipsum solum; si te audierit, lucratus eris fratrem tuum; si autem te non audierit, adhibe tecum adhuc unum; vel duos, ut in ore duorum vel trium stet omne verbum, quod si non audierit eos, dic Ecclesia: Si autem Ecclesiam non audierit, sit tibi sicut ethnicus & publicanus. Cætera scripturæ loca prætereo, quod inter Patrum testimonia subinde occurrunt.

I. Tertullianus familiam ducet in libri de Oratione capite ii. Dicendo autem Patrem, Deum quoque cognominamus. Appellatio ista & pietatis & potestatis est. Item in Patre filius invocatur. Ego enim, inquit, & Pater unum sumus. Ne Mater quidem Ecclesia præteritur, si quidem in filio & patre mater recognoscitur, de qua constat & patris & filii nomen.

Deinde in libri ad Martyras capite i. Inter carnis alimenta, benedicti Martyres designati, quæ vobis & domina mater Ecclesia de uberibus suis, & singuli fratres de opibus suis propriis in carcerem subministrant, &c. Matrem & Dominam intelligit Ecclesiam; quam Spiritus Sanctus congregavit. De qua ideo nobis constat Patris & Filii nomen, quia per eam nos Deus Christianos fecit. Sed cum Matris & Domine Ecclesiæ appellatio, pietatis & potestatis sit appellatio, Tertullianus Parisiensem articulum firmiter sustentat.

Tum in libri de Baptismo capite vi. Cum autem sub tribus & testatio fidei, & sponso salutis pignerentur, necessario adjicitur Ecclesia mentio, quoniam ubi tres, id est, Pater, Filius & Spiritus Sanctus, ibi Ecclesia, quæ trium corpus est.

Quartò in capite xvii. Dandi quidem habet jus summus Sacerdos, qui est Episcopus, dehinc Presbyteri & Diaconi, non tamen sine Episcopi auctoritate propter Ecclesiæ honorem, quo salvo pax salva est: alioquin etiam laicis jus est; quod enim ex aquo accipitur, ex aquo dari potest, nisi Episcopi jam aut Presbyteri, aut Diaconi vocantur, discentes: Domini sermo non debet abscondi ab ullo. Proinde & baptisimus aquæ Dei census ab omnibus exerceri potest, sed quanto magis laicis disciplina verecundia & modestia incumbit, cum ea majoribus competant, ne sibi assumant dicatum Episcopis officium Episcopatus. Emulatio schismatum mater est. Omnia licere dixit sanctissimus Apostolus, sed non omnia expedire. Sufficiat scilicet in necessitatibus utaris, sicuti aut loci, aut temporis, aut persona conditio compellit. Tunc enim constantia succurrentis excipitur, ubi urget circumstantia periclitantis.

Quintò in libri de exhortatione castitatis capite vii. Sed Christo servabatur sicut in cæteris, ita in isto quoque legis plenitudo. Inde igitur apud nos plenius atque instructius præscribitur, unius matrimonii esse oportere, qui alleguntur in ordinem Sacerdotalem, usque adeo quosdam meminimus à loco dejectos. Sed dices, ergo & cæteris licet, quos excipit, vani erimus, si putaverimus, quod Sacerdotibus, laicis licere? Nonne & laici Sacerdotes sumus? Scriptum est, Regnum quoque nos & Sacerdotes Deo & Patri suo fecit. Differentiam inter ordinem & plebem constituit Ecclesiæ auctoritas, & honor per ordinis concessum  
 5 sanctificatus à Deo. Ubi Ecclesiastici ordinis non est confessus, & offers & tinguis, & Sacerdos es tibi solus. Sed ubi tres, Ecclesia est, licet laici. Unusquisque enim sua fide vivit, nec est personarum acceptio apud Deum, quoniam

non auditores legis justificantur à Deo sed factores, secundum quod & Apostolus dicit. Igitur si habes jus Sacerdotis in temetipso, ubi necesse est, habere oportet etiam disciplinam Sacerdotis, ubi necesse sit habere jus Sacerdotis. Digamus tinguis: Digamus offers? Quanto magis laico capitale est agere pro Sacerdote, cum ipsi Sacerdoti digamo facto auferatur agere Sacerdotem?

Denique in Scorpiaces capite x. Nam etsi adhuc clausum putas calum, memento claves hic Dominum Petro, & per eum Ecclesiæ reliquisse, quas hic unusquisque, interrogatus atque confessus feret secum. Locus hic ultimus, in quo per Petrum à Christo claves accepit Ecclesia, superioribus lucem non modicam præbet. Sed in omnibus explicata mox Parisiensium sententia delineatur & conspicitur. Tertullianus in toto Ecclesiæ corpore Sacerdotium residere dicit, & ad Ecclesiæ auctoritatem revocat discrimen, quod inter ordinem & plebem constituitur, cum scilicet è toto corpore Ecclesiæ eliguntur nonnulli, quibus ritu quodam sacro, vel Diaconatus, vel Presbyteratus, vel Episcopatus officium dicitur. DICATUM, inquit, EPISCOPIS OFFICIUM EPISCOPATUS. Uno verbo, qui sacris & ministerio fidelium præponantur. Deinde discrimen illud, quod apud auctorem ab Ecclesia inter ordinem & plebem constituitur, ita sanctum & divinum est, ut non nisi confolato schismate violari possit. In summa Tertullianus asserit, Dominum claves per Petrum Ecclesiæ reliquisse.

Præterea Tertullianus in ea se fuisse sententia declarat amplius, cum Christianæ veritatis & disciplinæ metas excessit, sequæ ab Romanæ Ecclesiæ communione segregavit. Nam in libro de pudicitia, ubi mæchis negandam esse veniam disputat, non Ecclesiæ, sed Petro ad tempus datas esse claves contendit. Verba sunt è capite xxi. De tua nunc sententia quæro, unde hoc jus Ecclesiæ usurpes, si quia dixerit Petro Dominus, Super hanc Petram ædificabo Ecclesiam meam, tibi dabo claves regni cælestis, vel quacunque alligaveris vel solveris in terra, erunt alligata vel soluta in calis, idcirco præsumis & ad te derivasse solvendi & alligandi potestatem, id est, ad omnem Ecclesiam Petri propinquam, qualis es evertens atque commutans manifestam Domini intentionem personalliter hoc Petro conferentem: Super te, inquit, ædificabo Ecclesiam meam. Dabo tibi claves, non Ecclesiæ. Sententiam priorem revocat, ut incommodet Romano Episcopo, qui mæchis veniam esse concedendam edixerat. Ex quo insuper apparet, Romæ tunc esse creditum, quod in persona Petri claves datæ essent Ecclesiæ, id est, ligandi atque solvendi potestas. Tertullianus igitur Romanæ conjunctus Ecclesiæ, Parisiensium sententiæ fundamenta post scripturam posuit; ab Romana sejunctus Ecclesia, ad nos Romanam adducit Ecclesiam, quæ posita fundamenta confirmet.

II. S. Cyprianus in Epistola xxvii. Lapis. Dominus noster, inquit, cujus præcepta metuere & observare debemus, Episcopo honorem, & Ecclesiæ suæ rationem disponens, in Evangelio loquitur, & dicit Petro: Ego dico tibi, quia tu es Petrus, & super istam Petram ædificabo Ecclesiam meam, & porta inferi non vincent eam. Et tibi dabo claves regni cælorum, & quæ ligaveris super terram, erunt ligata & in calis, & quacunque solveris super terram, erunt soluta & in calis. Inde per temporum & successionum vices Episcoporum ordinatio & Ecclesiæ ratio decurrit, ut Ecclesia super Episcopos constituatur, & omnis actus Ecclesiæ per eosdem præpositos gubernetur. Notentur locutiones istæ: Dominus Ecclesiæ suæ rationem disponens in Evangelio loquitur. Ecclesiæ ratio decurrit: omnis actus Ecclesiæ per Episcopos gubernatur: Dominus Ecclesiæ suæ rationem disponit, dum illi claves dedit. Tum, Ecclesiæ ratio decurrit, & omnis actus Ecclesiæ per Episcopos gubernatur, dum concessa Ecclesiæ potestas per Episcopos exercetur.

Deinde in Epistola lxxiii. ad Jubaianum: Nam Petro primum Dominus, super quem ædificavit Ecclesiam,

& unde unitatis originem insinuat, & ostendit, potestatem istam dedit, ut id solveretur in calis, quod ille solvisset in terris. Et post resurrectionem quoque ad Apostolos loquitur dicens: Sicut misit me Pater, ego mitto vos. Hoc cum dixisset, inspiravit, & ait illis: Accipite Spiritum Sanctum, si cuius remiseritis peccata, remittentur illi, & si cuius tenueritis tenebuntur. Et post alia: Quò venturus est qui sitit, utrum ne ad hereticos, ubi fons & fluvius aqua vitalis omnino non est? An ad Ecclesiam, quæ una est, & super unum, qui & claves ejus (Ecclesiæ) accepit, Domini voce fundata est? Sic datæ sunt claves Ecclesiæ, sed eas Petrus unus accepit, ut Ecclesiæ unitatem commendaret.

8 Tum demum in libro de unitate Ecclesiæ, ut eam unitatem commendet, uni Petro, sed in persona Ecclesiæ ligandi ac solvendi potestatem datam esse à Christo scribit: Sed exordium, inquit, ab unitate proficiscitur, ut una Christi Ecclesia & Cathedra una monstretur. Et post alia: Quam unitatem firmiter tenere & vindicare debemus, maxime Episcopi, qui in Ecclesia præsidemus, ut Episcopatum quoque ipsum unum atque indivisum probemus. Nemo fraternitatem mendacio fallat, nemo fidei veritatem perfida prævaricatione corrumpat: Episcopatus unus est, cuius à singulis in solidum pars tenetur. Ecclesia quoque una est, quæ in multitudinem latius incremento fecunditatis extenditur; quomodo solis multi radii, sed lumen unum. Et quibusdam interpositis: Sic & Ecclesia Domini luce perfusa per orbem totum radios suos porrigit, unum tamen lumen est, quod ubique diffunditur, nec unitas corporis separatur. Quot similitudines, tot argumenta, quibus Parisienſium sententia vel probatur, vel explicatur. Cæterum Cyprianus, Tertulliani discipulus, magistrum sequitur, & magistri mentem latius aperit.

III. Arelatenſe Concilium primum in Epistola ad Silvestrum Papam de Donatistis: Quos & Dei nostri præſens auctoritas & traditio ac regula veritatis ita respicit, ut nulla in illis, aut dicendi vario subsisteret, aut accusandi modus ullus aut probatio conveniret. Ideo iudice Deo & Matre Ecclesia, quæ suos novit & comprobât, aut damnati sunt, aut repulsi. Hic Mater Ecclesia sumitur ut apud Tertullianum & Cyprianum, qui Tertulliani vestigiis insistent scribit in Epistola lxxiv. ad Pompeium: Qui filius Ecclesiæ non est, ut habere quis possit Deum Patrem, ante Ecclesiam Matrem? Deinde in libro de unitate Ecclesiæ: Habere jam non potest Deum Patrem, qui Ecclesiam non habet Matrem. Concilium igitur in matre Ecclesia judicandi potestatem residere significat: Iudice Deo & Matre Ecclesia. Sed judicandi potestas illa per antistites exercetur. Parisienſis articulus ex Concilii hujusce verbis depromptus videtur.

IV. Optatus in libro 11. contra Parmenianum: Certa membra sua habet Ecclesia, Episcopos, Presbyteros, Diaconos, ministros, & turbam fidelium. Si Episcopi, Presbyteri, Diaconi, ministri, certa quædam sunt membra Ecclesiæ, profecto Ecclesia corpus est, quod per illa membra suos actus exercet. Neque Optatus simile quid scriberet, nisi principalem potestatem à Christo Ecclesiæ toti collatam fuisse supponeret, quæ postea per Ecclesiæ ministros exerceretur.

Deinde in libro vii. ut Ecclesiæ unitatem confirmet adversus Donatistas, qui se ab illa sepeverant: Quod si de recipiendis vobis Catholica dubitaret, nonne vos debuiſtis unitatis adsequi formam? Sed exempla in Evangelio læta proponere noluiſtis; ut est lætio de persona beatissimi Petri, ex qua forma unitatis retinenda vel faciendæ descripta recitatur. Et quibusdam interpositis: Gravius est enim negare eum, qui locutus sit, quam tradidisse verba, quæ locutus sit, & cum hæc ita scripta sunt, tamen bono unitatis beatus Petrus, cui satis erat, si postquam negavit, solam veniam consequeretur, & præferri cæteris Apostolis meruit, & claves regni calorum communicandas cæteris solus accepit. Et post alia: 10 Ecce ut supra dictum est, cæteris non agnoscantibus

solus agnovit, cæteris non promittentibus solus promissit, cæteris nec semel negantibus ter solus negavit, & tamen bono unitatis de numero Apostolorum separari non meruit; unde intelligitur, omnia ordinata esse providentia Salvatoris, ut ipse acciperet claves. Interclusa est malitia via, ne Apostoli animo licentiam judicandi conciperent, & severe contemnerent eum, qui negaverat Christum. Stant toti innocentes, & peccator accipit claves, ut unitatis negotium formaretur. Quæ omnia mirifice probant, Ecclesiam in persona Petri claves accepisse. Sed ut unitatis negotium formaretur, solus illas Petrus accepit. Unde paulò post Catholica Ecclesia peccatores suo sinu suscipere dicitur. Provisum est, inquit, ut peccator aperiret innocentibus, ne innocentes clauderent contra peccatores, & quæ necessaria est unitas, esse non posset. Hæc si commemoraretis, communicare cupientes, quando vos Catholica pio sinu suscipere dubitaret Ecclesia?

V. Sanctus Hilarius can. xvi. in Matthæum: Igitur, inquit, quia summum in fide ista bonum est, à discipulis requirit, quem se homines esse dicerent? Et post pauca: Editis itaque quæ diverse de eo erant, hominum opinionibus, quid de se ipsi sentiant, querit: Petrus respondit, Tu es Christus Filius Dei vivi. Et post pauca: Quod igitur de se opinandi iudicium desiderabat, non illud arbitrabamur, quod de se ipse confessus est, sed occultum erat, de quo quærebatur, in quod se credentium fides debebat extendere. Et dignum planè confessio Petri præmium consecuta est, quia Dei filium in homine vidisset. Et post pauca: O in nuncupatione novi nominis felix Ecclesia fundamentum, dignaque adificatione illustris Petra, quæ infernas leges & tartari portas & omnia mortis claustra dissolveret beatus calis janitor, cuius arbitrio claves æterni aditus traduntur.

Deinde in libro vi. de Trinitate: Perdidit me reperi-tus secundum cor tuum David, & dignus Salomon Divina sapientia munere, & viso Domino Sabaoth. Esaias prædicans, & ante conformationem sanctificatus in utero Hieremias, eradicandarum & plantandarum gentium Prophetas, & mysterii resurrectionis Ezechiel testis, & vir desideriorum Daniel temporum conscius, & Prophetarum consecratus chorus, & omne prædicationis Evangelica sacramentum electus ex publicano Matthæus in Apostolum, & ex familiaritate Domini & revelatione celestium mysteriorum dignus Joannes, & post Sacramenti confessionem beatus Simon, adificationi Ecclesiæ subiacens, & claves regni celestis accipiens, & reliqui omnes Spiritu Sancto prædicantes, & ex persecutore Apostolus vas electionis tuæ, Paulus in profundo maris vivens. Et post alia: Dicunt ei Discipuli ejus. Nunc palam loqueris, & proverbium nullum dicis. Nunc ergo scimus, quia nostri omnia, & non habes necesse, ut aliquis te interroget; in hoc credimus, quia à Deo existi. Quæ rogo his verbi hujus admiratio est, quod se exisse à Deo professus sis? Tanta & tam propria vos o sancti & beati viri ob fidei vestra meritum claves regni calorum sortiti, & ligandi atque solvendi in calo & in terra jus adepti, gesta esse per Dominum nostrum Jesum Christum Dei filium videratis. Et post alia, locutus de confessione Petri: Hæc fides Ecclesia est fundamentum, et hanc fidem infirma adversus eam sunt porta inferorum, hæc fides regni celestis habet claves. Hæc fides, quæ in terris solvit, aut ligaverit, & ligata sunt in calis & soluta. Petrus in priori loco claves ut præmium confessionis accipit; in posteriori claves easdem ut præmium quoque confessionis suæ Apostoli omnes accipiunt, id est, Ecclesia. Unde subiungit: Sit sanè fides alia, si alia claves regni calorum sunt: Sit fides alia, si Ecclesia alia est futura, adversus quam porta inferi non prævalebunt: sit fides alia, si alius erit Apostolatus, ligata & soluta per se in terra, ligans in calo atque solvens. Hæc igitur omnia testimonia inter se collata eo pertinent, ut ostendant à Christo datas fuisse claves Ecclesiæ, quæ postea suos actus per Apostolos exercuit, & per illorum successores



res exercere debet, ut sacri Canones præscribunt. Et sanè aut neuter est Hilarius, aut à Parisiensium stat sententia.

VI. Sanctus Basilius in Monasticarum constitutionum capite xxiii. Petre, inquit, amas me plus his? Pasce oves meas: & omnibus deinceps Pastoribus ac magistris eandem tribuit potestatem, cujus quidem rei signum est, quod omnes similiter atque ille ligent ac solvant. Ad Parisienses potius, quam ad memoratos à Pio II. Sedis Apostolicæ Doctores accedit.

VII. Sanctus Ambrosius in libri de dignitate Sacerdotali capite ii. Sic certè à Domino ad beatum Petrum dicitur: Petre amas me? & ille, tu scis quia amo te: & cum tertio fuisset interrogatus, & trina responsione fuisset subsecutus, repetitum est à Domino tertio, pasce oves meas. Quas oves & quem gregem non solum tunc beatus suscepit Petrus, sed & nobiscum eas suscepit, & cum illo eas nos suscepimus omnes. Hæc in Parisiensium potius, quam in Romanorum, doctrinam flecti possunt. Id paullo post beatus explicabit Augustinus.

VIII. Sanctus Chrysostomus Basilium imitatur, in Homilia lxi. super Matthæum: Poterat Christus etiam ab initio jubere in Ecclesia corripi fratrem. Sed ne divulgentur illius peccata non jussit. At post unam alteramque admonitionem id præcepit. Ecquid verò est in ore duorum aut trium testium stabit omne verbum. Habes testimonium, inquit, sufficiens ita te tuas partes omnino obijisse, ut nihil eorum, quæ par erat adhibere, omiseris. Si verò etiam hosce non audierit, dic Ecclesie, id est, præsidibus totius tui regni domini, qui si causa postulat, in Synodum coibunt.

Deinde in homilia lxxix. super eundem Matthæum: Amas me Petre? pasce oves meas, cum tertio ipsum interrogasset, hoc amoris argumentum esse confirmavit: quod non ad Sacerdotes solum dictum est, verumetiam ad singulos nostrum, quibus vel minimus grex commissus esse videtur: Nec enim quia minimus est, negligi debet. Pater namque complacuit in ipsis. Habet unusquisque ovem: Ad pingua tam pascua ducat. Ex his verbis intelligendus est Chrysostomus, cum in Homilia lxxxvii. super Joannem in Homilia lxxx. ad populum Antiochenum, & in Homilia vi. contra Judæos dixit Christum Petro orbis terrarum curam & œconomiam contulisse. Ita ut in ea sit sententia, ut credat, Petrum tunc personam Ecclesiæ gestasse.

IX. Sanctus Hieronymus in caput xviii. Matthæi. Corripendus est autem frater scorsum, ne si semel pudorem ac verecundiam amiserit, remaneat in peccato. Et si quidem audierit, lucrificamus animam ejus, & per alterius salutem nobis quoque acquiritur salus. Sin autem audire noluerit, adhibeatur & tertius, vel corrigendi studio, vel conveniendi sub testibus. Porro si nec illos audire voluerit, tunc multis dicendum est. Et paullo post: Potestatem tribuit Apostolis, ut sciant, qui à talibus condemnantur, humanam sententiam divina sententia roborari.

Iterum in libro i. contra Jovinianum: At dicis super Petrum fundatur Ecclesia, licet id ipsum in alio loco super omnes Apostolos fiat, & cuncti claves regni calorum accipiant, & ex æquo super eos Ecclesia fortiundo solidetur; tamen propterea unus eligitur ut capite constituto schismatis tollatur occasio. Hieronymus utique Parisiensi decreto suffragatur.

X. Sanctus Augustinus majorum doctrinam pluribus in locis expressit.

Et primo quidem in libri i. de doctrina Christiana capite xviii. Perro quoniam in via sumus, nec via ista locorum est, sed affectuum, quam intercludebant quasi septa quedam spinosa, prætorum malitia peccatorum, quid liberalius & misericordius facere potuit, qui seipsum nobis, quod rediremus, subternere voluit, nisi ut omnia donaret peccata conversis, & graviter fixa interdicta reditus nostri pro nobis crucifixus evelleret? HAS Igitur CLAVES DEDIT ECCLESIAE SUÆ, ut quæ solveret

in terris, soluta esset in calo; quæ ligaret in terra, ligata esset in calo. Scilicet ut quisquis in Ecclesia ejus dimitti sibi peccata non crederet, non ei dimitterentur.

Deinde in libri i. contra legis Adversarium capite xvii. CLAVES QUIPPE REGNI CÆLORUM SIC DEDIT CHRISTUS ECCLESIAE, ut non solum diceret, quæ solveritis super terram, erunt soluta & in calis; ubi apertissime bonum, non malum, pro malo reddit Ecclesia; verum adjungeret, quæ ligaveritis in terra erunt ligata & in calo, quia bona est & vindicandi justitia. Illud enim, quod ait, si nec Ecclesiam audierit, sit tibi tanquam ethnicus & publicanus.

Tum in libri de Agone Christiano capite xxx. Nusquam tam vigere debent viscera misericordiæ, quam in Catholica Ecclesia, ut tanquam vera mater, nec peccantibus filiis superbe insultet, nec correctis difficile ignoscat. Non enim sine causa inter omnes Apostolos hujus Ecclesiæ Catholica personam sustinet Petrus: HUIUS ENIM ECCLESIAE CLAVES REGNI CÆLORUM DATÆ SUNT, CUM PETRO DATÆ SUNT, & cum ei dicitur, ad omnes dicitur, Amas me, pasce oves meas. Debet ergo Ecclesia Catholica correctis & pietate firmatis libenter ignoscere, cum ipsi Petro personam ejus gestanti, & cum in mare tiubasset, & cum Dominum carnaliter à passione revocasset, & cum aurem servi gladio præcidisset, & cum ipsum Dominum ter negasset, & cum in simulationem postea supersticiosam lapsus esset, videamus veniam esse concessam, eumque correctum atque firmatum usque ad Dominicam Passionis gloriam pervenisse. Itaque post persecutionem, quæ per Arrianos hereticos facta est, posteaquam pax, quam quidem Catholica in Domino tenet, etiam à principibus sæculi, reddita est: Episcopi, qui perfidia Arrianorum in illa persecutione consenserant, multi correcti redire in Catholicam delegerunt, damnantes sive quod crediderant, sive quod se credidisse simulaverant. Hos ECCLESIA CATHOLICA MATERNO RECIPIT SINU, tanquam Petrum post fletum negationis per galli cantum admonitum, aut tanquam eundem post pravam simulationem Pauli voce correctum.

Quartò in ejusdem libri capite xxxi. Hanc illi matris caritatem superbe accipientes & impiè reprehendentes, quia Petro post galli cantum surgenti non gratulati sunt, cum Lucifero, qui manè oriebatur, cadere meruerunt. Nec eos audiamus, qui negant, ECCLESIAM DEI OMNIA PECCATA POSSE DIMITTERE. Itaque miseri, dum in Petro Petram non intelligunt, & nolunt credere, DATAS ECCLESIAE CLAVES REGNI calorum, ipsi eas de manibus amiserunt.

Quintò in concione ii. super Psalmum xxx. Cuius (Ecclesiæ) PERSONAM GEREBAT PETRUS, quando ei de calo submissus est discus plenus omnibus animalibus, quadrupedibus, reptilibus, & volatilibus.

Sextò in enarratione super Psalmum cviii. Sicut enim quadam dicuntur quæ ad Apostolum Petrum propriè pertinere videantur, nec tamen habent illustrem intellectum, nisi cum referuntur ad Ecclesiam, cujus ille agnoscitur in FIGURA GESTASSE PERSONAM PROPTER PRIMATUM, quem in Discipulis habuit: Sicuti est, Tibi dabo claves regni calorum.

Septimò in libri ii. quæstionum Evangelicarum quæst. vi. Septuagies septies ignoscendum esse admonemur, ut intelligamus nullum peccatum excipi, quod penitenti & veniam deprecanti, PER ECCLESIAM, Cuius PERSONAM PETRUS GESTAT, NON DIMITTATUR.

Octavò in libri i. de Baptismo capite xvii. Nam quod IN TYPO UNITATIS PETRO DOMINUS DEDIT POTESTATEM, ut id solveretur in terris, quod ille solvisset, manifestum est, quod illa unitas etiam una columba perfecta sit dicta.

Nonò in ejusdem libri capite xviii. Sicut misit me Pater, & ego mitto vos: Hoc cum dixisset, inspiravit, & ait illis: Accipite Spiritum Sanctum. Si cujus remisistis peccata, remittentur ei, si cujus tenueritis, tenebuntur. ERGO SI PERSONAM GEREBANT ECCLESIAE, ET

SIC EIS HOC DICTUM EST, TAMQUAM IPSI ECCLESIAE DICERETUR, pax Ecclesia dimittit peccata, & ab Ecclesia pace alienatio tenet peccata, non secundum arbitrium hominum, sed secundum arbitrium Dei, &c.

Decimò in libri vii. de Baptismo capite i. Quibus omnibus consideratis puto me non temere dicere alios ita esse in domo Dei, ut ipsi etiam sint de eadem domo Dei, quæ dicitur edificari super Petram, quæ unica columba appellatur, quæ sponsa pulchra sine macula & ruga, & hortus conclusus, fons signatus, puteus aquæ vivæ, Paradisus cum fructu pomorum. QUÆ DOMUS ETIAM ACCEPIT CLAVES, AC POTESTATEM SOLVENDI, ET LIGANDI: Hanc domum si quis corrigenstem corripientemque contempserit, sit tibi sicut ethnicus & publicanus.

Undecimò in tractatu l. super Joannem: Unus malus corpus malorum significat, quomodo Petrus corpus bonorum, imò corpus Ecclesia in bonis. Nam si ipse eo non esset Ecclesia Sacramentum, non ei diceret Dominus: 18 Tibi dabo claves regni calorum; quacunque solveris in terra, soluta erunt & in calo, & quacunque ligaveris in terra, ligata erunt & in calo. Si hoc Petro tantum dictum est, non hoc facit Ecclesia: Si autem & in Ecclesia sit, ut quæ in terra ligantur, in calo ligentur, & quæ solvuntur in terra, solvantur in calo, quia cum excommunicatur Ecclesia, in calo ligatur excommunicatus, cum reconciliatur ab Ecclesia, in calo solvitur reconciliatus; Si hoc ergo in Ecclesia sit, Petrus quando claves accepit, ECCLESIAM SANCTAM SIGNIFICAVIT.

Duodecimò in tract. cxviii. super eundem Joannem: Merito vestis, quæ significatur (Charitas) desuper contexta perhibetur. Incongruis autem, ne aliquando diffuatur, & ad unum pervenit. Quia in unum omnes colligit. Sicut in Apostolis cum esset etiam ipse numerus duodenarius, id est, quadripartitus in ternos, & omnes essent interrogati, solus Petrus respondit: Tu es Christus filius Dei vivi, & ei dicitur, Tibi dabo claves regni calorum, tanquam ligandi & solvendi solus acceperis potestatem: Et cum illud unus pro omnibus dixerit, & hoc cum omnibus TANQUAM PERSONAM GERENS IPSIUS UNITATIS ACCEPERIT: Ideo unus pro omnibus quia unitas est in omnibus. Unde & hic cum dixisset, desuper contexta, addidit per totum. Quod si referamus ad id quod significat, nemo ejus est expertus, qui pertinere invenitur ad totum, à quo totum sicut Græca indicat lingua, Catholica vocatur Ecclesia.

Decimotertiò in tractatu cxiv. super eundem Joannem: Dimitte nobis debita nostra, sicut & nos dimittimus debitoribus nostris: Sic agit Ecclesia spe beata, in hac vita ærumnosa, Cujus ECCLESIAE PETRUS APOSTOLUS PROPTER APOSTOLATUS SUI PRIMATUM GEREBAT FIGURATA GENERALITATE PERSONAM. Quod enim ad ipsum propriè pertinet, natura unus homo erat, gratia unus Christianus, abundantiore gratia unus idemque primus Apostolus: Sed quando ei dictum est: Tibi dabo claves regni calorum, & quodcumque ligaveris super terram, erit ligatum & in calis, & quodcumque solveris super terram, erit solutum & in calis, UNIVERSAM SIGNIFICABAT ECCLESIAM, quæ in hoc sæculo diversis temptationibus, velut imbris, fluminibus, tempestatibus quatitur, & non cadit, quia fundata est super Petram. Unde Petrus nomen accepit. Et quibusdam interpositis: ECCLESIA ERGO, quæ fundatur in Christo, CLAVES AB EO REGNI CALORUM ACCEPIT IN PETRO, id est, potestatem ligandi solvendi-que peccata. Quod enim est per proprietatem in Christo Ecclesia, hoc est per significationem Petrus in Petra, qui significatione intelligitur Christus Petra, Petrus Ecclesia. Hæc igitur Ecclesia, QUAM SIGNIFICABAT PETRUS, quamdiu degit in malis, amando & sequendo Christum liberatur à malis. Et post alia: Omnibus igitur Sanctis ad Christi corpus inseparabiliter pertinentibus propter hoc vitæ procellosissima gubernaculum ad liganda & solvenda peccata claves regni calorum primus Apostolorum Petrus accepit; eisdemque omnibus Sanctis propter vitæ illius sevetissima quietissimum sinum super pectus Christi Joannes

Evangelista discubuit. Quoniam nec iste solus, SED UNIVERSA ECCLESIA LIGAT, solvique peccata.

Decimoquarto in tractatu x. super Epistolam Joannis: Ubi remissio peccatorum, Ecclesia est. Quomodo Ecclesia? ILLI ENIM DICTUM EST, Tibi dabo claves regni calorum, & quæ solveris in terra, soluta erunt & in calis, & quæ ligaveris in terra, ligata erunt in calis.

Decimoquintò in Homiliæ xxvii. è quinquaginta Homiliis capite iii. Restat penitentia tertium genus, unde aliquid breviter dicam. Et post alia: Elevatus est Lazarus, processit de tumulo, & ligatus erat, sicut sunt homines in confessione peccati agentes penitentiam. Jam processerunt à morte, nam non confiterentur, nisi procederent. Ipsum confiteri, ab occulto & à tenebroso procedere est. SED QUID DOMINUS ECCLESIAE suæ, Quæ solveritis, inquit, in terra, soluta erunt & in calo?

Decimosexto in Homiliæ ult. capite iv: Implicatus ergo quis tam mortiferis vinculis peccatorum detineatur, aut differt, aut dubitat confugere AD IPSAS CLAVES ECCLESIAE, quibus solvatur in terra, ut sit solutus in calo?

Decimoseptimò in sermone de quatuor quæstionibus apud Possidium quæstionis i. capite v. & vi. Unde jam post remissionem peccatorum, quare non recipiantur in corpus Christi, quod est Ecclesia, Cujus PERSONAM PETRUS GESTABAT. Petrus enim multis locis scripturarum apparet, quod PERSONAM GESTET ECCLESIAE, maxime in loco, ubi dictum est, Tibi trado (aliàs dabo) claves regni calorum; quacunque ligaveris in terra, erunt ligata & in calo, & quacunque solveris in terra, erunt soluta & in calo. Nunquid istas claves Petrus accepit, & Paulus non accepit, Petrus accepit, Joannes & Jacobus non accepit, & ceteri Apostoli? Aut non sunt ista in Ecclesia claves, ubi quotidie peccata dimittuntur? Sed quoniam IN SIGNIFICATIONE PERSONAM PETRUS GESTABAT ECCLESIAE, quod illi uni datum 21 est, Ecclesia datum est. Ergo PETRUS FIGURAM GESTABAT ECCLESIAE, Ecclesia corpus Christi est. Hoc loco quidquid id est, deciditur.

Decimooctavo in tractatus de Pastoribus capite xiii. Multi erant Apostoli, & uni dicitur, Pasce oves. Et paulò post: Idem ergo ipse pascit, cum ipsi pascunt, & dicit, Ego pascò, quia in illis vox ipsius, in illis charitas ipsius. Nam & ipsum Petrum, cui commendavit oves suas, quasi alter alteri, unum secum facere volebat, ut sic ei oves commendaret, ut esset ille caput, ILLE FIGURAM CORPORIS PORTARET, ID EST, ECCLESIAE.

Decimononò in sermonis xi. de verbis Domini super Matthæum capite xxi. Deus dedit ECCLESIAE Spiritum Sanctum, ut quicumque in eo peccata dimitterent, dimitterentur ei.

Vicesimò in sermonis xiii. super eundem Matthæum capite i. Evangelium quod recentissimè recitatum est de Domino Christo, qui super aquas maris ambulavit, & de Apostolo Petro, qui ambulans timendo irubavit, & distendens mersus, confitendo rursus emeris, admonet nos intelligere, mare præsens sæculum esse; PETRUM VERO APOSTOLUM ECCLESIAE UNICÆ TYPUM. Ipse enim Petrus in Apostolorum ordine primus, in Christi amore promissimus sæpè unus respondit pro omnibus. Ipse denique Domino Jesu Christo requirente, Quemnam homines dicerent eum esse, & opiniones varias hominum discipulis respondentibus, rursusque Domino interrogante & dicente: Vos autem, quem me esse dicitis? Respondit Petrus: Tu es Christus filius Dei vivi, unus pro multis dedit responsum, unitas in multis. Tunc ei Dominus ait, Beatus es Simon Barjona, quia non revelavit tibi caro & sanguis, sed Pater meus, qui est in calis: Deinde addidit, Et ego dico tibi, tanquam diceret, quia tu dixisti mihi: Tu es Christus filius Dei vivi, & ego dico tibi: Tu es Petrus: Simon quidem antea vocabatur: Hoc autem nomen ei, ut Petrus appellaretur, à Domino impostum est, & Hoc ut ea FIGURA SIGNIFICARET ECCLESIAM, quia enim Christus Petra, Petrus populus Christianus.

Vicesimoprimum in ejusdem serm. cap. ii. Idem ergo  
T Petrus



Petrus à Petra cognominatus beatus ECCLESIAE FIGURAM PORTAVIT Apostolatus principatum tenens.

Vicesimosecundò in sermone xxiv. de tempore: Quid est homo sine gratia Dei, nisi quod fuit Petrus cum negaret Christum, & nisi quod ait Propheta, omnis caro fœnum? Et ideo beatus Petrus paululum subdeservit, ut in illo totum humanum genus posset agnoscere, nihil se sine Dei gratia prevalere, & ut Ecclesia rectori futuro ignoscendi peccantibus quadam regula poneretur. Credenda enim erant Apostolo Petro CLAVES ECCLESIAE, imò credita sunt ei claves regni caelorum. Credenda inquit Petro claves Ecclesiae, non claves Petri, sed claves Ecclesiae credenda Petro.

Vicesimotertiò in serm. cvi. de diversis cap. iv. Eja fratres aliquid pro tempore volo dicere: quod Petro commendatum est, quod Petro mandatum est, non Petrus solus, etiam alii Apostoli audierunt, tinnerunt, servaverunt, maximeque ipse consors sanguinis & Dei Apostolus Paulus, audierunt ista & ad nos audienda transmiserunt, Pascimus vos, pascimur vobiscum.

23 Vicesimoquartò in ejusdem sermonis capite x. Ergo commendavit nobis Dominus oves suas, quia Petro commendavit, si tamen vel aliqua parte vel extrema digni sumus, pulverem vestigiorum Petri calcare. Commendavit nobis oves Dominus; oves ipsius estis, vobiscum oves sumus, quia Christiani sumus. Jam diximus (capite iii.) pascimus vos, pascimur vobiscum.

Vicesimoquintò in sermonis cviii. de diversis capite ii. Dominus. Jesus discipulos suos ante passionem suam sicut nostis, elegit, quos Apostolos nominavit. Inter hos pene ubique SOLUS PETRUS TOTIUS ECCLESIAE MERUIT GESTARE PERSONAM, PROPTER IPSAM PERSONAM, QUAM TOTIUS ECCLESIAE SOLUS GESTABAT, audire meruit: Tibi dabo claves regni caelorum. Has enim claves non homo unus, sed unitas accepit Ecclesia. Hinc ergo Petri excellentia predicatur, quia ipse universitatis & unitatis Ecclesia figuram gessit, quando ei dictum est: Tibi trado, quod omnibus traditum est. Nam ut NOVERITIS ECCLESIAM ACCEPISSE CLAVES regni caelorum, audite in alio loco, quid Dominus dicat omnibus Apostolis suis: Accipite Spiritum Sanctum, & continuo: Si cui dimiseritis peccata, dimittentur eis; Si cuius tenueritis, tenebuntur. Hoc ad claves pertinet, de quibus dictum est: Quae solveritis in terra, soluta erunt in caelo, & quae ligaveritis in terra, ligata erunt & in caelo. Sed hoc Petro dixit: Ut scias, QUIA PETRUS UNIVERSAE ECCLESIAE PERSONAM TUNC GEREBAT. Audi quid ipsi dicatur, quid omnibus fidelibus Sanctis: Si peccaverit in te frater tuus, corripe illum inter te & ipsum solum, si te non audierit, sit tibi sicut ethnicus & publicanus. Amen dico vobis, quia quae ligaveritis in terra, ligata erunt & in caelo: Et quaecunque solveritis in terra, soluta erunt & in caelo. Columba ligat, columba solvit, adificium supra petram ligat & solvit.

24 Vicesimosexto in ejusdem sermonis capite iv. Merito etiam post resurrectionem Dominus ipsi Petro oves suas commendavit pascendas. Non enim inter Discipulos suos solus meruit pascere Dominicas oves. Sed quando Christus ad unum loquitur, UNITAS COMMENDATUR, & Petro primitus, quia in Apostolis Petrus est primus.

Hactenus Ecclesiarum magister Augustinus, aperte, frequenter, perseveranter: Et eam ob causam, quae retulimus omnia, per seipsa intelliguntur. In quibusdam locis Ecclesiasticae potestatis subjectum proximum designat, cum claves Ecclesiae à Christo datas fuisse dicit: In aliis potestatis ejusdem subjectum remotum significat, cum claves & Petro & ceteris Apostolis à Christo datas fuisse scribit: Hoc est, cum illam potestatem, per actus & usus suos definit: Atque utroque modo cum Augustinus disputat, Parisiensem, imò & Catholicam Ecclesiam sententiam aded confirmat, nihil ut supra esse possit. Facessant ergo Joannis Turrecremata, Dominici Jacobatii, Thomae Cajetani, Roberti Bellarmini & sectatorum praestigiae, quibus quod

Sole clarius est, inobscurare conantur. Augustini libros non evolverunt, nec loca cum locis contulerunt, ut veram sancti doctoris sententiam expiscarentur, inquirerent, agnoscerent. Unum aut alterum locum è reliquo contextu avulsum legerunt, & examinandum sibi sumpserunt, ut beato Augustino de sua sententia accommodarent, non ut sibi de beati Augustini sententia accommodarent. In summa, beatum Augustinum pro discipulo, non pro magistro habuerunt. Hoc vitium in Turrecremata, Jacobatio, Cajetano, Bellarmino & sectatoribus notasse, illos confutasse est: Si tamen cum ita se erga beatum Augustinum gesserint, digni sunt, qui confutentur; in praeteritis relinqui debent. Ceterum quae antiqui Pontifices ad beati Augustini doctrinam addiderunt elogia, recenserem cupide, nisi illa omnia in uno conclusisset Alexander VII. cum in Epistola, quam anno m. dc. lx. die vii. Augusti scripsit ad Lovanienfes, ait: Augustini dogmata inconcussatissimaque esse. Valde charè aestimandum est judicium hujusmodi, quod causâ probe cognitâ, nimirum post accuratam operum Augustini lectionem ac intelligentiam pronuncietur: Rem decernit. Alexandri Epistolam in lucem edidi sub finem dissertationis de Pelagii confessione fidei cap. xi.

XI. S. Cyrillus Alexandrinus in libro xiiii. de adoratione in Spiritu & veritate. Ceterum illi (Levitae) Aaron in sacris operibus administri sanctum illum admirabilem Apostolorum chorum significare poterunt. Dei namque cooperatores fuerunt & asservatores, dispensatoresque mysteriorum Dei, atque ministri, etiam per quos credidimus. Quod si quis velit etiam Ecclesia ordinem perquirere, illam legis praefigurationem jure admirabitur. Episcopis enim utpote qui duces creati sunt, nec non etiam iis, qui inferioris dignitatis gradum gerunt, presbyteris, inquam, concredendum est altare, & quae intra velum continentur, quibus etiam dici convenit, Et custodiem sacerdotium suum.

Deinde in caput ii. Zachariae: Et inducam vos in 26 Sion, & dabo vobis Pastores secundum cor meum: Pascent vos pastores cum scientia: Quinam isti? Divini discipuli, & Ecclesiarum suis quisque temporibus praesides & rectores.

Tum demum in libro xii. super Joannem: Quomodo ergo nec immerito querit aliquis, quandoquidem verè aberat, Sancti Spiritus factus est particeps, cum discipulis servator apparuit, & insufflavit dicens: Accipite Spiritum Sanctum? Respondemus virtutem in omnes permanasse, & scopum largientis implese. Dedit autem Christus non aliquibus seorsum, sed universis discipulis. Quapropter eam accipiunt, tamen quidam non aderant, dantis liberalitate, non ad praesentes solum contracta, sed in omnem Sanctorum Apostolorum chorum permeante. Quod autem nihil hic per vim detortum sentiamus, neque nimium audacter id dicamus, ex ipsis sacris literis fidem faciam desumptis ad id demonstrandum ex libris Moysaeis testimoniis. Igitur Dominus Deus Moysi sapientissimo jussit, olim viros seniores ex Iudaorum congregatione eligere numero septuaginta, & aperit professus est ablaturum se de spiritu, qui in illo erat, & impositorium eis: Elegit eos Moyses, ac divinum praeceptum implevit.

Cyrillus, Hieronymus, Chrysostomus, Ambrosius, & Basilus supra laudati loquuntur de potestate Ecclesiae, non quatenus subjectum suum proximum respicit, sed quatenus remotum, vel objectum, id est, quatenus per primi & secundi ordinis sacerdotes exercetur. Subjectum illud proximum, ut utar Scholae verbis, quibus Dominicus Sotus utitur, ut certum ratumque supponunt, abjudicant nusquam. Cur autem de remoto subjecto potius, quàm de proximo loquantur, facit primum id, 27 quod sibi visum est utilius, deinde hominum natura & captus, ad quem sermo de subjecto remoto magis, quàm de proximo aptatur. Sunt & alii tractatores referendi postea, quibus similis danda est interpretatio.

XII. Sanctus Leo ad Augustini mentem licet minus explicite loquitur in serm. iiii. de anniversario die assumptionis suae. Et sicut confessores suos in caelestia pro-

vehit,

vehit, ita negatores ad inferna demergit: propter quod dicitur beatissimo Petro, Tibi dabo claves regni calorum, &c. Transiit quidem in alios Apostolos vis istius potestatis, & ad omnes Ecclesie principes decreti huius constitutio commearit, sed non frustra uni commendatur, quod omnibus intimitur: Petro enim singulariter hoc creditur, quia cunctis Ecclesie rectoribus Petri forma preponitur.

Deinde in sermone 11. de natali Apostolorum Petri & Pauli. Vox ista (Tu es Christus filius Dei vivi) vox vite est, & sicut confessores suos in caelestia provehit, ita negatores ad inferna demergit: Propter quod dicitur beato Petro Apostolo: Tibi dabo claves regni calorum, & quaecumque ligaveris super terram, erunt ligata & in calis; Et quaecumque solveris super terram, erunt soluta & in calis. Transiit quidem in Apostolos alios vis istius potestatis, sed non frustra uni commendatur, quod omnibus intimitur: Petro enim singulariter hoc creditur, quia cunctis Ecclesie rectoribus Petri forma preponitur. Leo idem quod beatus Augustinus, sed verbis aliis dicit: quæ enim Petro tribuuntur, ei ut omnium personam gerenti tribuuntur. Leonis commata propemodum singula id significant & cum primis istud: Non frustra uni commendatur, quod omnibus intimitur.

Denique in Epistola ad provinciam Viennensis Episcopos capite 1. Divina cultum religionis, quam in omnes gentes, omnesque nationes Dei voluit gratia cornuscare, ita Dominus noster Jesus Christus humani generis Salvator instituit, ut veritas, quæ antea legis & Prophetarum præconio continebatur, per Apostolicam tubam in salutem universitatis exiret, sicut scriptum est, In omnem terram exiit sonus eorum, & in fines orbis verba eorum: Sed huius muneris sacramentum ita Dominus ad omnium Apostolorum officium pertinere voluit, ut in beatissimo Petro Apostolorum omnium summo principaliter collocaret, ut ab ipso, quodam quasi capite, dona sua velut in corpus omne diffunderet, ut exortem se mysterii intelligeret esse divini, qui ausus fuisset à Petri soliditate recedere. Et primo quidem statuendum est, Leonem nec à seipso, nec à Sedis Apostolicæ, & Patrum traditione discrepare. Non à seipso quidem, cujus mentem ex duobus locis illius patefecimus, non à Sede Apostolica, quæ Tertulliano sententiam mutanti restitit: Non denique à Patribus & cum primis Augustino, quem & videre potuit, & ut Catholicæ fidei testem adducit in Epistola xcvii. ad Leonem Augustum. Hoc ipsum innuit paullo post scribens: Verum hanc Petra ipsius sacratissimam firmitatem Deo, ut diximus, adificante constructam nimis impia vult presumptione violare, quisquis ejus potestatem temet infringere, favendo cupiditatibus suis, & id quod accepit à veteribus, non sequendo, cum nulli se subditum legi, nullis institutionis Dominicæ credit regulis contineri.

Verum ut res ex seipsa pensetur, locus hic tertius prima fronte pugnare cum duobus aliis videtur, at si penitus pernoscat, consentire iudicabitur. Nam in tribus his locis idem agit, quod in duobus maxime consistit. Unum est, ligandi ac solvendi potestatem & nunciandi Evangelii auctoritatem Apostolis omnibus à Christo concessam fuisse: Alterum verò, potestatem utramque iis in persona Petri concessam fuisse, ut commendaretur Ecclesie unitas, quæ à Petro tanquam Apostolorum omnium summo proficisceretur. Dum autem tali modo commendatur unitas Ecclesie, non mediocri persuasio est, claves Ecclesie datas esse.

Assertæ veritatis nunc interest ostendere, nonnullos Leonis locum tertium in alia atque alia placita trahere, cum ab antiquæ simplicitatis traditione deflectunt. Res apud eos sic se habet: Joannes Turrecremata & Dominicus Jacobatius Leonis testimonio utuntur, ut Apostolos non à Christo, sed à Petro, & Episcopos non à Christo, sed à Petri successore jurisdictionem accipere confirmant. Bellarminus, qui docet Apostolos à Christo jurisdictionem omnem accipere, & Episcopos non à Christo, sed à Petri successore accipere, Leonis idem

testimonium adhibet, quo posterius placitum sustentetur. Quasi verò tam prudens Pontifex sic scribat, ut flectatur quam volueris in partem, aut versatilis Artemon habeatur. Id demum ita fit, dum Cardinales illi tres suis studiis serviunt, non veritati, quam & Leonis alia scripta, & vetustiorum Leone Patrum vel æqualium doctrina objiciunt. In hac discordia 30 Turrecremata & Jacobatius multò falsius, sed consequentiùs, quam Bellarminus disputant. Bellarminus verò non tam falsò, sed minùs consequentur, quam Turrecremata & Jacobatius philosophatur; concordant tamen in eo omnes, quòd Leonis testimonium non repræsentent integrum, nec suis illud momentis expendant. Sed repetenda est Ecclesiasticæ traditionis linea.

XIII. Theodoretus in caput 11. Epistolæ ad Colossenses: Quemadmodum in corpore cerebrum est radix nervorum, per nervos autem sensus habet corpus: Ita etiam à Christo Domino & doctrina fontes & salutis causas accepit corpus Ecclesie. Sed doctrinae fontes & salutis causæ, quas Christi corpus accipit, refluent in certa quædam Ecclesie membra, quæ Optatus suprâ, Diaconos, Presbyteros & Episcopos appellat.

XIV. Sanctus Fulgentius in libri de Fide ad Petrum capite 111. Nunquam peccanti esset indicta pro peccatis deprecatio, si deprecanti non esset remissio concedenda: Sed etiam penitentia peccatori tunc prodest, si eam in Ecclesia Catholica gerat, Cui Deus in persona B. PETRI LIGANDI SOLVENDIQUE TRIBUIT POTESTATEM, dicens: Quæ alligaveris super terram, erunt ligata & in calis, & quæ solveris super terram erunt soluta & in calis.

Deinde in libri 1. de remiss. pec. capite XIX. In sola ergo Ecclesia Catholica datur & accipitur remissio peccatorum, quam ipse sponsus unam dicit esse columbam suam, unam electam suam, quam super Petram fundavit, Cui CLAVES REGNI CALORUM DEDIT, cui etiam potestatem ligandi solvendique concessit, sicut beato Petro veritas ipsa reponit, dicens: Tu es Petrus, & super hanc Petram adificabo Ecclesiam meam, & porta inferi non prevalebunt adversus eam, & tibi dabo claves regni calorum, & quodcunque alligaveris super terram erit ligatum & in calo, & quodcunque solveris super terram erit solutum & in calo. AB HAC ECCLESIA, QUÆ CLAVES REGNI CALORUM ACCEPIT, quisquis foris est, non cali viam graditur.

Tum in ejusdem libri capite XXIV. ubi loquitur de peccatis, Quæ in hoc seculo in una & vera Catholica Ecclesia fuerint unicuique dimissa. Soli enim illi Dominus ligandi solvendique tribuit potestatem, dicens: Tibi dabo claves regni calorum, & quodcunque ligaveris super terram, erit ligatum & in calis, & quodcunque solveris super terram, erit solutum & in calis. Quod ergo sancta Ecclesia in hoc seculo non solverit, ita insolubile permanet, ut etiam in futuro seculo solvi nullatenus possit.

Denique in libri 11. de remissione peccatorum capite XX. Hinc est, quod etiam BEATO PETRO, HOC EST, ECCLESIE SUÆ, in terra ligandi solvendique tribuit potestatem. Scilicet ligandi solvendique jus datum est Ecclesie in Petro, qui propter primatum Ecclesie personam gerebat. Fulgentius Augustini sectator ab illius doctrina non recedit.

XV. Symmachus Papa in Epistola 1. ad Aonium Arelatensem Episcopum. Dilectionis tue literas mandataque filio nostro Crescentio Presbytero in Nuncio deferente suscepimus, quibus constat, inter Arelatensem & Viennensem Ecclesiam aliquod de ordinandis Episcopis in vicinis civitatibus oriri luctamen, illa re videlicet faciente, quòd decessor noster sancta recordationis Anastasius tractans confusionem provincie, aliqua contra veterem consuetudinem jussit observari, decessorum suorum videlicet ordinationem, quod non oportebat, sub qualibet necessitate transgrediens. NAM DUM AD TRINITATIS INSTAR, CUIUS UNA EST ATQUE INDIVIDUA POTESTAS, UNUM SIT PER DIVEROS ANTISTITES SACERDOTIUM,



DOTIUM, quemadmodum priorum statuta à sequentibus convenit violari? Propositio hæc, Ad Trinitatis instar, cujus una est atque individua potestas, unum est per diversos antistites Sacerdotium, Cypriani sententiam hanc, Episcopatus unus est, cujus pars à singulis in solidum tenetur, facile comprehendit, atque exprimit comparatione, qua nec fingi nec excogitari potest augustior, vel illustrior ad demonstrandam Episcopatus aut Sacerdotii unitatem. Hic autem cum Pontifex unum dicit esse per diversos antistites Sacerdotium, unam ut apparet Sacerdotii potestatem intelligit, quæ per Ecclesiæ præpositos exercetur, quæ per actum & usum suum determinatur, non per subjectum, in quo proximè residet.

XVI. Joannes Hierosolymitanus Episcopus & Palæstinæ trium Synodus in suis literis, quæ actione v. Constantinopolitani Concilii sub Menna lectæ & approbatæ sunt: *Qui dedit Hieremia Propheta superadificare & demoliri, eradicare & plantare, & Petro Apostolorum principi solvere & ligare, hoc communiter, τῇ κοινῇ ἰερωσύνῃ donavit Sacerdotio.*

XVII. Facundus Hermianensis Episcopus, in libri x. cap. iv. Nam ECCLESIAE SUÆ nullam Dominus in mortuis ligandi & solvendi tribuit potestatem, cum Discipulis suis diceret, *Quaecunque alligaveritis super terram, erunt ligata & in calo, & quaecunque solveritis super terram, erunt soluta & in calo.* Eos igitur solum, qui sunt in terris, ligare accepit & solvere. Hoc est, Ecclesia quæ in Petro ligandi solvendi que potestatem consecuta est.

XVIII. Eucherius Lugdunensis Episcopus, seu alius in Homilia natali Sancti Petri: *Et tibi dabo claves regni calorum: hoc enim, quod principaliter Petro dicitur, cæteris quoque Apostolis dictum esse intelligi debes, & non tantum Apostolis, verum etiam Episcopis & Sacerdotibus.* Et post alia: *Quodcumque ligaveris super terram, &c. hoc Episcopi audiant, de munere gaudeant, de potestate non superbiunt: si enim ligaverint, ut Petrus, si ita solverint ut Petrus, quidquid ligaverint, ligatum erit, & quidquid solverint, solutum erit. Imitentur igitur illum in discretionem & justitiam, quem imitari volunt in ligandi atque solvendi potestate. Si enim aliter egerint, non erit ratum, quod egerint. Ideo enim hæc soli Petro dicta sunt, quia nemo fidelior, nemo justior, nemo discretior, nemo melior erat, cui hæc dici potuissent. Ideo enim soli illi dicta sunt, ut omnes alii se in illo quasi in speculo videant, sic vivendo, sic agendo, sic ligando, sic solvendo, & à pace & concordia non recedendo. Quæ igitur dicuntur Petro, cæteris Apostolis, Episcopis, & Sacerdotibus dicuntur. Omnes alii se in Petro tanquam in speculo inspicere se debent, & hæc est ratio qua quæ Petro dicuntur, soli illi dicantur. Hoc depromptum videtur ex Leone I. qui supra dicit: *Non frustra uni commendatur, quod omnibus intimeretur.* Petro enim singulariter hoc creditur, quia cunctis Ecclesiæ rectoribus Petri forma praponitur. In summa Eucherii locus Parisiensium sententiæ inferre potest, non Romanorum, de quibus Navarrum locutum vidimus.*

XIX. Mapinius Remensis Episcopus in Epistola ad Villicum Episcopum: *Licet sancto Petro hoc à Domino dictum legamus, Pasce oves meas, sed ad cunctos, qui Sacerdotale funguntur officium, pertinet præsens sententia. Quid ita? Petrus, cum ei dictum est, pasce oves meas, personam gerebat Ecclesiæ. Mapinius tamen non habito ad subjectum proximum, sed ad remotum & ad actum respectu Pastoris officium deformat.*

XX. Gregorius I. lib. vi. expositionis in caput xvi. lib. i. Regum cap. iiii. *Aminadab interpretatur urbanus. Merito igitur, Domino consulto, repellitur, quia sancta Ecclesia ad regimen animarum non eligit negotiis secularibus strenuum, sed spiritali conversatione decorum.* Et post alia: *Plenum etiam cornu in unctione sua habere cognoscitur, cujus omnis potestas per misericordiam dispensatur, ipsa quippe auctoritas sancta Ecclesia, cum sine misericordia est, nulla est, quia tunc est spiritalis rigor*

disciplina, cum alimento non vacat misericordia. Et post alia: *Quod si universalis Ecclesia status conspicitur, spiritum Domini in David, in reliquum directum videmus, quia electos sancta Ecclesia ab ejusdem Ecclesiæ primordiis, Spiritus Sancti gratia replere cepit. Et post alia: Cornu quidem salutis quid est, nisi sublimitas Ecclesiastica potestatis? Nam quod antiquis nusquam dicitur, MODO UNIVERSALIS ECCLESIAE DICITUR, Quodcumque ligaveris super terram erit ligatum & in calis, & quodcumque solveris super terram, erit solutum & in calis, quod profecto cornu oleo plenum dicitur, quia sancta Ecclesia cum sublimitate potestatis extendit viscera miserationis. Hæc & alia similia demonstrant, ligandi ac solvendi potestatem in Ecclesiæ corpore immediatè residere, vel ut loquuntur Scholastici, universalem Ecclesiam esse proximum subjectum Ecclesiasticæ potestatis.*

Deinde cum Gregorius in libri iv. Epistola xxxii. ad Mauritium Imperatorem scribit, Petro Apostolorum principi, totius Ecclesiæ curam esse commissam Joan. cap. xxi. Lucæ xxi. Matth. xvi. tunc Petrum universalis Ecclesiæ personam gestasse, vel ei nomine Ecclesiæ datas esse regni cælestis claves, ligandi scilicet ac solvendi potestatem intelligit. Sic enim S. Augustinus loquitur, quem Gregorius imitari & subsequi consuevit. Quinetiam ipsemet Gregorius eundem loquendi modum usurpat Hom. xxxii. in Evangelia. Verba sunt: *Sed illi præ cæteris cucurrerunt, qui præ cæteris amaverunt, videlicet Petrus & Joannes. Currebant autem duo simul (ad monumentum) sed Joannes præcurrebat citius Petro, venit prior ad monumentum, & ingredi præsumpsit. Venit ergo posterior Petrus & intravit. Et post pauca: Quid ergo per Joannem nisi Synagoga, quid per Petrum, nisi Ecclesia designatur? Nec mirum esse videatur, quod per juniorem Synagoga, per seniore vero Ecclesia signari perhibetur, quia etsi ad Dei cultum prior est Synagoga, quam Ecclesia gentium; ad usum tamen sæculi prior est multitudo gentium, quam Synagoga. Quibus ita constitutus Gregorius sibi ipse mirifice consentit.*

XXI. Hidorus Hispalensis in libri viii. Originum capite i. Cur autem Ecclesia cum una sit, à Joanne septem scribuntur, nisi ut una Catholica septiformi plena spiritu designetur: Sicut & de Domino novimus dixisse Salomonem: *Sapientia edificavit sibi domum & excidit columnas vii. quæ tamen vii. una esse non ambigitur, dicente Apostolo, Ecclesia Dei vivi, quæ est columna & firmamentum veritatis.* Quæ dotes hinc Ecclesiæ tribuuntur, Ecclesiæ per ministros suos non conveniunt, sed ministris per Ecclesiam.

XXII. Venerabilis Beda in caput xix. Joannis: *Ad unum pervenit, quia in unum omnes colligit, sicut in Apostolis, cum esset etiam ipse numerus duodenarius, id est, quadripartitus, inter omnes & omnes essent interrogati, solus Petrus respondit: Tu es Christus filius Dei vivi, & ei dicitur, Tibi dabo claves regni calorum, tanquam ligandi & solvendi solus acceperit potestatem, cum & illud unum pro omnibus dixerit, & hoc cum omnibus TAMQUAM PERSONAM GERENS IPSIUS UNITATIS acceperit. Ideo unus pro omnibus, quia unitas est in omnibus.*

Deinde in caput xxi. Joannis: *Quando Petro dictum est, Tibi dabo claves regni calorum, UNIVERSAM SIGNIFICABAT ECCLESIAM. Et post alia: Ecclesia ergo, quæ fundatur in Christo, claves ab eo accepit regni calorum. Accepit in Petro, id est, potestatem solvendi & ligandi peccata.*

Tum in libro iv. in caput xvi. Matthæi: *Hæc potestas (ligandi) sine dubio cunctis datur Apostolis, quibus ab eo post resurrectionem dicitur generaliter: Accipite Spiritum Sanctum, &c. Necnon Episcopis & Presbyteris, & omni Ecclesiæ idem officium committitur.*

Quarto in Homilia Vigilæ Petri & Pauli: *Quod enim Petro dictum est, Pasce oves meas, omnibus utique dictum est. Hoc namque erant cæteri Apostoli, quod fuit Petrus, sed primatus Petro datur, ut UNITAS ECCLESIAE commendatur. Pastores sunt omnes, sed grex unus ostenditur, qui & ab Apostolis omnibus tunc unanimi consensione pascebatur, & deinceps à successoribus eorum communi cura pascitur.*

Denique

Denique in Homilia de sancto Petro: Nam sicut interrogatis generaliter omnibus Petrus respondit unus pro omnibus: Ita quod Petro Dominus respondit, in Petro omnibus respondit. Et post alia: Quæ solvendi atque ligandi potestas quamvis soli Petro videatur à Domino data, absque ulla tamen dubietate noscendum est, quia & cæteris Apostolis datur, ipso teste, qui post Passionis resurrectionisque sue triumphum apparens eis insufflavit & dixit eis, Accipite Spiritum Sanctum, & quorum remiseritis peccata, remissa sunt, & quorum retinueritis, retenta sunt. Nec non etiam nunc in Episcopis ac Presbyteris & omni Ecclesiæ officium idem committitur. Et post alia: OMNI IGITUR ELECTORUM ECCLESIAE juxta modum culpæ vel penitentia, ligandi ac solvendi datur auctoritas. Hæc Beda, ut Augustinus, aperte, frequenter, perseveranter.

XXIII. Sanctus Bonifacius Moguntinus Episcopus in Indiculo Sacramenti, quod Romæ, cum Episcopus ordinaretur, edidit, & manu sua scriptum porrexit: Fidem & paritatem meam atque concursum tibi (Petro) & utilitatibus Ecclesiæ tuæ, cui à Domino Deo potestas ligandi solvendi que data est, & prædicto Vicario tuo (Gregorio II.) atque successoribus ejus per omnia exhibere (promitto.) sic Ecclesiæ datur ligandi ac solvendi potestas.

38 XXIV. Ambrosius Autpertus libro IV. in Apocalypsim: Huic PETRO TYPUM GERENTI ECCLESIAE dicit, quodcumque ligaveris super terram.

Deinde libro V. Quod verò Petro dicitur, Tibi dabo claves regni calorum, & quodcumque ligaveris super terram, &c. Illud, quod simili locutione ad XII. Apostolos, quacumque alligaveritis super terram, &c. specialiter illis & generaliter omnibus recta fidei, rectaque operationis Doctoribus aptantur.

Tum demum libro VII. Hinc Petro hujus (Ecclesiæ) typum gerenti dicitur, Tibi dabo claves regni calorum. Hic auctor quid sit Petrum Ecclesiæ figuram, seu typum gerere, perspicuis verbis interpretatur.

XXV. Concilium Cabilonense II. in Canone LI. Quia ergo constat, in Ecclesia diversarum conditionum homines esse ut sint nobiles & ignobiles, servi, coloni, inquilini, & cætera hujusmodi nomina, oportet ut quicumque eis prælati sunt, clerici sive laici, clementer erga eos agant, & misericorditer eos tractent, sive in exigendis ab eis operibus, sive in accipiendis tributis, & quibusdam debitis: Sciântque eos fratres suos esse, & unum secum habere Patrem Deum cui clamant, Pater noster qui est in calis, & UNAM MATREM SANCTAM ECCLESIAM, quæ eos intemerato sacri fontis utero genuit. Hæc eadem verba in libro II. Capitularium num. XLI. leguntur. Si mater Ecclesia nobiles, ignobiles, servos, colonos, inquilinos intemerato sacri fontis utero gignit, gignendi facultas Ecclesiæ competit, quæ non per eandem Ecclesiam, sed per illius ministros exercetur.

39 XXVI. Dungalus Diaconus in libro contra Claudium Taurinensem: Sed quando ei dictum est, Tibi dabo claves regni calorum, & quodcumque ligaveris super terram erit ligatum & in calis, & quodcumque solveris super terram, erit solutum & in calis, UNIVERSAM SIGNIFICAT ECCLESIAM, quæ in hoc seculo diversis temptationibus velut imbris & quatitur & non cadit. Et quibusdam interpositis: Ecclesia ergo quæ fundatur in Christo, claves ab eo regni celestis accepit in Petro, id est, potestatem ligandi solvendi que peccata: Quod enim Christus est per proprietatem in Ecclesia, hoc est per significationem Petrus in Petra. Quia significatione intelligitur Christus Petra, Petrus Ecclesia. Hæc obscura non sunt. Ex Augustino derivantur.

XXVII. Rabanus Moguntinus Episcopus libro V. in Matthæum cap. XVI. Quæ solvendi ligandique potestas, quamvis soli Petro data videatur à Domino, absque ulla dubietate tamen noscendum est, quod & cæteris Apostolis datur, ipso teste, qui post passionis resurrectionisque sue triumphum apparens eis insufflavit & dixit omnibus, Accipite

Spiritum Sanctum. Rabanus in eandem cum Beda sententiam discedit.

XXVIII. Meldense Concilium, quod anno DCCCXIV. celebratum est, in præfatione: Quia nulli, qui sanum sapit, est dubium, ita Dominum omnia moderasse, ut CLAVIBUS ECCLESIAE DATIS aditus ad vitam claudi debeat, vel referari, & quidquid ordine ordinato à Sacerdotibus in Ecclesia geritur, per gratiam S. Spiritus ab illo geratur. Ecce tibi claves datas Ecclesiæ, quæ & postea Sacerdotibus traduntur.

XXIX. Paschasius Radbertus Corbeiensis Abbas libro 40 VIII. in Matthæi caput XVI. Quæso unusquisque circumstantiam lectionis hujus diligenter intendit, maxime tamen Episcopi, quibus videtur cum Petro & cum omnibus Apostolis hæc potestas specialius à Domino attributa & licet ECCLESIAE eadem sit concessa. Sic de clavium potestate loquitur, quæ primum ipsi Ecclesiæ data sit, & per Ecclesiam Pastoribus communicata, atque nisi hoc modo intelligatur Paschasius, commodè intelligi non poterit.

XXX. Hincmarus Remensis Episcopus in Epistola XXXIII. ad Hincmarum Laudunensem Episcopum, capite XX. Quæ solvendi ac ligandi potestas quamvis soli Petro data videatur à Domino, absque ulla tamen dubietate noscendum est, QUIA ET CÆTERIS APOSTOLIS DATUR, ipso teste, qui post passionis resurrectionisque sue triumphum apparens eis insufflavit, & dixit omnibus: Accipite Spiritum Sanctum, quorum remiseritis peccata, remittuntur eis, & quorum retinueritis, retenta sunt: Nec non etiam nunc Episcopis & Presbyteris, & OMNI ECCLESIAE OFFICIUM IDEM COMMITTITUR, ut videlicet agnitis peccantium causis quoscunque humiles ac verè penitentes aspexerit, hos à timore perpetuæ mortis miserans absolvat, quos verò in peccatis, quæ egerunt, persistere cognoverit, illos perennibus suppliciis obligandos insinuet: Unde aliàs Dominus de correpto semel & iterum & tertio, sed non penitente fratre præcipit dicens: SI AUTEM ECCLESIAM NON AUDIERIT, SIT TIBI SICUT ETHNICUS ET PUBLICANUS. Et ne leve quisquam putaret, ECCLESIAE SE JUDICIO condemnari, mox terribiliter adjunxit: Amen dico vobis: Quæcumque alligaveritis super terram, erunt 41 ligata & in calo; & quæcumque solveritis in terra, erunt soluta & in calo. OMNI IGITUR ELECTORUM ECCLESIAE juxta modum culpæ vel penitentia ligandi ac solvendi datur auctoritas.

Deinde in capite XXVI. Nullum est peccatum, pro quo non oret Ecclesia remittendum, aut QUOD DATA SIBI DIVINITUS POTESTATE discedentibus ab eo non possit absolvere, vel penitentibus relaxare, cui dicitur, Quæcumque dimiseritis super terram, &c.

Tum in capite XLVII. QUÆ DOMUS (DEI) ETIAM CLAVES ACCEPIT, AC POTESTATEM SOLVENDI AC LIGANDI. Hanc domum si quis corripientem corripientemque contempserit, sit tibi, inquit, sicut ethnicus & publicanus. Et quibusdam interpositis: Et sciendum nobis est quia præposita regula corripienti data huic domui Dei, videlicet Catholica Ecclesia, hæc sententia si contempta fuerit, subditur, sit tibi, inquit, tanquam ethnicus & publicanus.

Denique in expostulationis libello qui in Concilio Duziacensi I. refertur cap. XXVI. DOMUS DEI CLAVES REGNI CÆLORUM ACCEPIT, ac potestatem ligandi & solvendi. Hanc domum si quis corripientem, corripientemque contempserit, præcipitur à Domino, ut sit sicut ethnicus & publicanus. Quæ omnia nunc ex Augustino, nunc ex Beda derivantur, & Parisiensem articulum confirmant.

XXXI. Hadrianus II. in Epistola IX. ad Waldradam Tom. III. Conc. Gall: Nemo planè dubitat, nullum facinus esse, QUOD ECCLESIA DATA SIBI DIVINITUS POTESTATE AB EO DESISTENTIBUS NON POSSIT ABSOLVERE, & penitentibus relaxare: Cui 42 dicitur, Quæcumque dimiseritis super terram, dimissa erunt & in calis, & quæcumque solveritis super terram, soluta erunt



erunt & in calis. Pontifex remittendorum & retinendorum criminum potestatem Ecclesiæ divinitus concessam esse affirmat.

XXXII. Sanctus Odo Cluniacensis Abbas in libri iv. Collationum capite xix. *Qui* (Christus) ejusdem rectoribus potestatem ligandi atque solvendi in BEATI PETRI PERSONA CONCESSIT. Augustini doctrinam paucis exprimit eamque definit, quatenus per Ecclesiæ præpositos exercetur.

XXXIII. Petrus Damianus in libri i. Epistola xii. ad Alexandrum II. Præterea duo quedam apud Apostolicam Sedem usus frequens obtinuit, quæ si sancta prudentia vestra iudicat, ut nobis videtur, omnino digna sunt corrigi: Unum, quia cunctis ferè decretalibus paginis anathema subjungitur: Alterum, quia cuiuslibet Ecclesiæ filius, sive clericus sit, sive laicus, exponere proprii excessus antistitis prohibetur. Et post alia: Hic itaque tam sublimis meriti vir (Petrus) cum ex admonitione Sancti Spiritus ad Cornelium gentilem videlicet hominem fuisset ingressus, adversus eum quæstio facta est ab iis, qui erant ex circumcisione fidelibus, quod ad alienigenas introisset, atque cum eis comedere præsumpisset, & in baptismo receperet. Hic inquam tot donorum celestium incomparabili virtute suffultus, tot miraculorum ostensione conspicuus, querela subditorum non ex potestate restitit, sed rationem reddendo humiliter satisfecit. Et post pauca: Si igitur iste cum à discipulis culparetur, auctoritatem quam in sancta fuerat sortitus Ecclesia, voluisset obtinere, respondere potuerat, ut Pastorem suum oves, quæ sibi commissa fuerant, reprehendere non auderent. Sed si in querela fidelium potestatis sua titulum objecisset, Doctor profecto mansuetudinis non fuisset. Non ergo eos privilegii sui auctoritate repressit, sed humiliter potius satisfactione placavit, & tanquam solus ipse ad faciendam fidem non sufficeret, etiam testes adhibuit: Venerunt, inquit, mecum & sex fratres isti. Et post alia: Nam aliud est querela compassionis, aliud accusatio similitatis & odii. Ista nimirum ut offensio corrigatur, illa verò, ut is qui offenderat, condemnaretur. Petrum planè in faciem resistens Paulus objurgavit, & coram omnibus reprehensibilem iudicat: Quod ille non in accusationis tulit injuriam, sed benigne & patienter accepit: Quod non ex livore, sed ex charitate procedere perspicue recognovit. Sed ecce dicitur, ego sum Episcopus, ego sum Pastor Ecclesiæ, non debco à commissis ovibus accusationum parere molestis: Etenim in causa fidei dignus sum etiam in pravis moribus aequanimitè ferri. Sed dic mihi quisquis es, nunquid non legisti, quod in Evangelio scriptum est: Si peccaverit in te frater tuus, corripe eum inter te & ipsum solum, si te audierit, lucratus es fratrem tuum: Si te non audierit, adhibe tecum duos vel tres testes, ut in ore duorum vel trium stet omne verbum: Sin autem eos non audierit, dic Ecclesiæ? Si Ecclesiæ ergo referenda est causa quorumlibet fratrum, quomodo non etiam Sacerdotum? Porro si Sacerdos qui in Ecclesia peccat, de dignatur in Ecclesia discuti, quis jam ferat Ecclesiæ se legibus coerceri? Et post alia: Excludatur ergo ab Ecclesiastica disciplina perniciose consuetudinis regula, tollatur hac subterfugii versuta calliditas, ut is, qui tam perversis audacia & superbia allegationibus utitur, immunitatem commissi piaculi non lucretur. Hic Pastorum neminem excipit: Romanum comprehendit.

Deinde in libri vi Epistola xxx. ad Teuzonem Monachum: Neque omnes qui sunt intra Ecclesiam, CLAVES ECCLESIAE SUSCEPERUNT. Hic Ecclesiam pro universo Ecclesiæ corpore, à quo claves suscipiuntur, usurpat.

Deinque in vita beati Odilonis locutus de Benedicto Papa, qui beati Odilonis precibus è Purgatorio liberatus fuerat: *Qui* juxta privilegium Apostolica dignitatis CLAVES ECCLESIAE PRÆ CUNCTIS MORTALIBUS TENUIT. Claves quæ sunt Ecclesiæ, tenuerat.

XXXIV. Goffridus Vindocinensis Abbas in libri ii. Epistola xxix. ad Goffridum Episcopum: *Siquis* dicit,

non ad iudicium causa, sed ad iudicium investitura expoliatum posse vel debere vocari, CLAVES SANCTÆ ECCLESIAE AGITARE, & leges Catholica & Apostolica Sedis violare conatur.

Deinde in Opusculo x. *Nec* Sacra fidei professio recte nominè dicitur, sed execranda promissio, QUÆ CLAVES ECCLESIAE AGITARE, & unicum ac singulare ejus ostium violare conatur.

XXXV. Callistus II. in Epistola ad Comprovinciales Episcopos, quæ in Trenonciensis Monasterii historia refertur: Postquam nos in Apostolica Sedis ministerium disponente Domino promoti sumus. Si Callistus in Apostolica Sedis ministerium promotus est, Apostolica Sedis minister evasit; & continuò Sedes Apostolica Callistum II. ministrum habuit. Itaque per eum potestatem suam exercuit.

XXXVI. Hugo de sancto Victore in libri i. de Sacramentis capite xxvi. *De* injustè excommunicato queritur, utrum apud Deum ligatus sit. Si enim non est, quid est QUOD IN TYPO ECCLESIAE DICTUM EST PETRO, quodcumque ligaveris? Et post alia: *Vide* quando dictum est PETRO IN TYPO ECCLESIAE, quodcumque ligaveris?

Deinde in tractatu vi. Summæ sent. In hoc loco dicendum videtur de clavibus, quas habent Sacerdotes, quod dictum est Petro & in Petro aliis, Tibi dabo claves regni calorum. Ab Hugone nihil nisi quod Augustini est expectandum fuit.

XXXVII. Magister Sententiarum de clavibus, hoc est, de ligandi ac solvendi potestate non semel tractat in quartum, dist. xviii. lit. e. Hoc sanè dicere ac sentire possumus, quòd solus Deus dimittit peccata & retinet, & tamen ECCLESIAE CONTULIT POTESTATEM LIGANDI ET SOLVENDI, sed aliter ipse solvit vel ligat, aliter Ecclesia. lit. f. In solvendis ergo culpis vel retinendis ita operatur Sacerdos Evangelicus & iudicat, sicut olim legalis in illis, qui contaminati erant lepra, qua peccatum signat. Unde Hieronymus super Matth. Ubi Dominus ait Petro, Tibi dabo claves regni calorum. lit. g. Quòd autem hoc ad claves pertineat, Augustinus ostendit dicens: Frustra claves Ecclesiæ, qui sine arbitrio Sacerdotis penitentiam agit. Iterum distinct. xix. lit. c. Quòd autem hanc potestatem habeant omnes Sacerdotes, Hieronymus testatur super illum locum Evangelii, ubi Dominus dicit Petro: Tibi dabo claves regni calorum. Habent enim, inquit, eandem judicariam potestatem alii Apostoli, habet & omnis Ecclesia in Episcopis & Presbyteris. Hæc plana sunt omnia & aperta, quæ Parisiensem articulum nostrum præmuniunt.

XXXVIII. Alanus libro ii. contra Valdenses in eandem cum beato Hieronymo sententiam transit: Quòd omnes, inquit, Sacerdotes ligandi & solvendi habeant potestatem, testatur Hieronymus super illum locum Evangelii, ubi Dominus ait Petro: Tibi dabo claves regni calorum. Habent, inquit, eandem potestatem judicandi alii Apostoli; habet & omnis Ecclesia in Episcopis & presbyteris.

XXXIX. Arnulphus Lexovienfis Episcopus ferm. habito in Turonensi Concilio: Ecclesia Dei qua disponenda sunt libera potestate disponit. Et paulò post: Porro fratres sumus ex eodem Patre Christo, & ex eadem matre Ecclesia per regenerationem aquæ & spiritus. Ecclesiasticæ potestatis actum signatum & exercitum paucis comprehendit. Nam Ecclesia per ministros suos quæ disponenda sunt disponit, & homines regenerat & in filios adoptionis transfert. In uno potestatis subiectum proximum, in altero remotum intelligitur.

XL. Alexander III. in Epistola ii. quæ in Tomo iv. Historiæ Francorum refertur: Inde siquidem est, quòd nos licet insufficientibus meritis ad providentiam Apostolica Sedis ministerium UNIVERSALIS ECCLESIAE Deo prout ipsi placuit disponente, vocati. Si Alexander in ministerium universalis Ecclesiæ vocatus est, universalis Ecclesiæ factus est minister, & continuò ministrum habuit Alexandrum universalis Eccle-

Ecclesia. Quamobrem hæc universalis Ecclesia potestatem suam per Alexandrum obivit. Quæ in Calisto & in Alexandro legitima & necessaria philosophandi ratio hinc Sedem Apostolicam, inde universalem Ecclesiam ut potestatis subiectum proximum designat. Porro Alexander ministerii nomen ab Hieronymo repetit ad Nepotianum scribente: *Unus Dominus, unum templum, unum sit etiam ministerium.* Et Hieronymus ipsemet Ecclesiasticæ potestatis subiectum proximum non obscure significat, dum in libro I. contra Jovinianum CLAVES REGNI CÆLORUM, id est Ecclesiæ dixit, ut antè visum est.

47 XLI. Petrus, qui ex Abbate Cellensi factus est Carnotensium Episcopus, in libri I. Epistola VIII. ad Hugonem Senonensem Archiepiscopum: *VOBIS SIQUIDEM IN PETRO DICTUM EST, Pasce agnos meos, sana scilicet doctrina. Vobis rursum dictum est, Confirma fratres tuos, bono utique exemplo. Nihilominus claves regni cælorum tenetis, ut hædos excludatis, & agnos admittatis.* Hoc quoque mutuatur ab Augustino dum sanctissimus Ecclesiarum Magister Ecclesiæ potestatem habito ad obiectum suum respectu describit. Nec illud propterea minus pertinet ad decreti & articuli Parisiensis confirmationem.

XLII. Joannes Sarisberienfis in libri VII. de nugis Curialium capite XXI. de quibusdam Monachis: *Deinde secularium potestatum implorant auxilium, & eis divinam gratiam pollicentur, fiuntque mediatores Dei & hominum: Et eos qui venia indigent, suis aggregant Societatibus, confessiones excipiunt, & CLAVES ECCLESIAE usurpantes, aut surripientes Petro ligare præsumunt & solvere, & Domino prohibente falcem mittunt in messem alienam.* Ecce tibi claves Ecclesiæ, quæ nimirum 48 ad Ecclesiam pertinent! Locutionem hanc cum ex aliis Patribus, tum præsertim ex Augustino desumpsit, & desumendo in ejus sententiam transivit. Huc spectat quod in Epist. CLXXVII. ad Exoniensem Episcopum de certo quodam alio Episcopo scribit: *Si verò non nisi debitas exigit consuetudines, sicut vester Demosthenes asserit, illis profectò debuerat esse contentus, quæ non sunt divinis legibus inimica, quæ bonis moribus non adversantur, quæ Sacerdotium non debonestant, quæ periculum non ingerunt animarum, QUÆ MATRIS ECCLESIAE, DE CUIUS MANU GRADUM SUSCEPIT, non subruunt libertatem.* De matris, inquit, Ecclesia manu gradum suscepit: Opera scilicet illorum, qui matris Ecclesiæ potestate defunguntur. Proximum & remotum potestatis Ecclesiasticæ subiectum paucis ob oculos statuit, proximum quidem, cum ab Ecclesia matre gradum derivatum fuisse innuit; remotum verò, cum gradus ille à matre Ecclesia derivari non potuit, nisi per eos, qui ministeriis sacris præponuntur.

XLIII. Petrus Blefensis in sermone XLIV. *Pasce oves meas, ac si diceret ei Dominus, pasce Eucharistia, pasce doctrina, pasce bona vita.* QUOD AUTEM DICTUM EST PETRO, ET APOSTOLIS OMNIBUS DICTUM EST ET VOBIS EORUM VICARIIS ET SUCCESSORIBUS. Id ex Augustino in suos usus deduxit.

XLIV. Lateranense Concilium quod celebravit Innocentius III. in capite I. *Et hoc Sacramentum (Eucharistiæ) nemo potest conficere nisi Sacerdos, qui fuerit rite ordinatus secundum CLAVES ECCLESIAE, QUAS* 49 *IPSE CONCESSIT APOSTOLIS ET EORUM SUCCESSORIBUS CHRISTUS JESUS.* Et primò dicit claves Ecclesiæ, deinde eas esse datas Apostolis & eorum successoribus. Illic clavium subiectum proximum, hic remotum designat: Et quatenus claves exercentur. Porro autem Concilii hujus auctoritas, mille ducentorum Patrum & eò amplius auctoritas censeri debet. Antecedentia concludit, & subsequencia præcludit.

XLV. Guillelmus Parisiensis Episcopus in libri de Sacramento Pœnitentiæ capite XX. *LICET ECCLESIAE DEI CUI TRADIDIT CLAVES REGNI*

*CÆLORUM, aliis aliter aperire.* Loquitur ut Concilium.

XLVI. Sanctus Thomas pluribus in locis Supplementi, quod ex primo in Sententias commentario depromptum est. Et primò quidem in quæstionis X. articulo IV. *Homo per confessionem SE SUBJICIT CLAVIBUS ECCLESIAE ex passione Christi virtutem irabentibus.* Claves dicit Ecclesiæ, quia Ecclesiæ datae sunt à Christo.

Deinde in quæstionis XVI. articulo I. *Hæc potestas (dispensandi Sacramenta) metaphoricè CLAVIS ECCLESIAE dicitur, quæ est clavis ministerii.* Quia scilicet Ecclesiæ ministri clavibus Ecclesiæ à Christo concessis utuntur.

Tum in responsione ad primum: *Propter hoc (tollendum peccatum) indigenus sacramentis & CLAVIBUS ECCLESIAE, quæ scilicet claves Ecclesiæ concessæ sunt.*

Quartò in quæst. XXII. articulo VI. in responsione ad primum: *Ideo semper remanet baptizatus (qui excommunicatus est) DE ECCLESIA, ET SIC ECCLESIA de ipso judicari potest;* Per suos utique ministros: sed judicandi potestas in ipsa Ecclesia proxime residet, quæ per illius ministros exercetur.

Quintò in quodlibet I. quæstione VII. art. I. *Cum aliquis actu absolvitur, consequitur plenariè sacramenti effectum, sed si antequam absolvetur, habeat sacramentum in voto, quando scilicet proponit SE SUBJICERE CLAVIBUS ECCLESIAE, in virtute clavium operatur in ipso, & consequitur remissionem culpæ. Siquis tamen in ipsa absolutione incipit conteri, & habet claves in voto in ipsa absolutione Sacerdotis culpa ei dimittitur per gratiam, quæ infunditur in hoc sacramento.* De clavibus Ecclesiæ sic loquitur, ut facile sit intellectu, beatum Thomam velle dicere, claves Ecclesiæ à Christo datas esse.

Hinc verba hæc è libri IV. contra Gentes capite LXXVI. *Et soli (Petro) promittit: Tibi dabo claves regni cælorum ut ostenderetur POTESTAS CLAVIUM per eum ad alios derivanda, commoda expositione moliri debent, ita ut sanctus Doctor ad Augustini mentem eruditus sentiat, Ecclesiæ claves à Christo datas esse Petro in typum unitatis.* Quidquid id est, locum hunc vel supprimunt vel ad se revocant conjunctæ primis cogitationes ultimæ, quibus Doctoris sancti mens irrevocabili sententia determinatur. Sic enim ille in tert. part. quæst. LXIV. art. VIII. ad secundum scribit: *Et ideo alii melius dicunt, quod minister sacramenti AGIT IN PERSONA TOTIUS ECCLESIAE, cujus est minister.* Si totius Ecclesiæ personam gerit, qui sacramenti minister est, profectò in Ecclesia tota proximè residet baptizandi jus primarium, quod per illius ministros exercetur. Sic paucis verbis Augustini doctrinam omnem, quæ ut vidimus, in illius libris 51 longè lateque diffunditur, & Parisiense decretum totum quantum est, firmissimè sustentat.

Dixi, supprimunt vel ad se revocant. Nam siquis benignitate hac erga beatum Thomam uti non vult, dicendum est, eum credere reliquos Apostolos claves Ecclesiæ per Petrum fortitos esse, quod veræ Theologiæ principiis duobus, Scripturæ & Ecclesiæ traditioni penitus adversatur. Et Thomas aliunde secum pugnaret.

XLVII. Pisani Concilium in Spicilegii Lucae Dacherii Tomo VI. nuper editum, sessione VIII. *Synodus declaravit, quod hoc præsens Concilium est sufficiens REPRESENTATIVUM TOTIUS ECCLESIAE CATHOLICÆ.* Et paulò post in Synodi decreto: *Declarat insuper, pronunciat, & decernit per Dei gratiam hic esse generale CONCILIUM REPRESENTATIVUM TOTIUS UNIVERSALIS CATHOLICÆ ECCLESIAE, rite, juste & rationabiliter fundatum & congregatum.*

Sessione XVII. in prima scheda: *Nunc Deo dirigente procedendum est ad electionem unici & indubitati Papæ,*



Papa, hoc sacrum Concilium UNIVERSALEM ECCLESIAM REPRESENTANS vult, consentit, disponit, & ordinat, quod ipsi à diversis creati ad electionem prædictam procedant. Et sanè si quod Pisana Synodus decernit, idcirco decernat, quia universalis Ecclesiæ repræsentativa est, quia universalem repræsentat Ecclesiam, decernendi auctoritas immediatè residet in universali Ecclesia per orbem dispersa, universali Ecclesiæ primaria conditione inest, secundaria Concilio, quod universalem illam Ecclesiam repræsentat. Hæc est repræsentantis & repræsentati natura, hic ordo, hic status, ut omnis docet Philosophia, & communis hominum qui sapiunt, intelligentia confirmat.

XLVIII. Constantiensè Concilium in Sessione IV. Hæc Sancta Synodus declarat, quod ipsa in Spiritu Sancto legitimè congregata, Concilium Generale faciens, & ECCLESIAM CATHOLICAM REPRESENTANS POTESTATEM A CHRISTO IMMEDIATE HABET, cui quilibet cujuscunque status, aut dignitatis etiam si Papalis existat, obedire tenetur in his, quæ pertinent ad fidem, & dicti schismatis extirpationem, & reformationem dictæ Ecclesiæ IN CAPITE ET IN MEMBRIS. In hoc decreto continentur verba ipsa quibus Parisiensis noster articulus exaratur.

XLIX. Martinus V. cum modum interrogandi eum, qui ab hæresi rediret ad Ecclesiam sic præscribit: Utrum credat & teneat, quod quodlibet Concilium generale etiam Constantiensè universalem Ecclesiam repræsentet. At ubi concilium generale universalem repræsentans Ecclesiam aliquid facit, derivata ab Ecclesia quam repræsentat, auctoritate facit. Nam generale Concilium universalem repræsentans Ecclesiam vices Ecclesiæ gerit. Hoc ipsum natura sua id quod repræsentat, & id quod repræsentatur important; si utrumque inter se contendatur. Id Tostatus Abulensis Episcopus uberiori sermone postea explicabit.

L. Thomas Waldensis in Tomo I. de Sacramentis capite cxlv. Tene hic in summa causam, quæ Petrus plus aliis omnibus SUSTINEBAT PERSONAM COMMUNIS ECCLESIAE CHRISTI IN SUSCIPiendo CLAVES PRO TOTA ECCLESIA, pro dimittendis peccatis, non quia humilior, non quia miraculis crebrior, non quia sanctitate vita præcelsior, (ut tu sine auctoritate glossasti) sed quia post multa scelera surgens ad gratiam, recoles sui casus, esset ad ignoscendum paratior secundum proprietatem matris Ecclesiæ. Et post alia: Jam quare prudenter quid ad Episcopum talem vel talem de potestate Petro commissa: EGO DICO IN PERSONA ECCLESIAE, non quia sanctus est vita, aut ea distortus, sed quia PRO UNIVERSA ECCLESIA IN Suis APTIS MINISTRIS HANC (potestatem) PETRUS SUSCEPIT. Ideo in hereditatem præcessoris iste succedit. Non igitur Petrus accipit illas claves propter suum meritum personale, nec tunc personam ejus Dominus attendit, sed in una massa totam, quanto magis non meritum Petri, sed nec suppositum. Unde. Serm. cxv. tertia partis sermonum, qui incipit, Istum vobis dicam Augustinus. Dominus Jesus Discipulos suos ante Passionem sicut nostis elegit, quos Apostolos nominavit. Inter hos PETRUS SOLUS TOTIUS ECCLESIAE MERUIT GESTARE PERSONAM, PROPTER IPSAM PERSONAM, QUAM TOTIUS ECCLESIAE SOLUS GESTABAT, AUDIRE MERUIT: Tibi dabo claves regni caelorum. Has claves non unus homo, sed unitas accepit Ecclesia. Hinc ergo Petri excellentia predicatur, QUIA IPSIUS ET UNIVERSITATIS ET UNITATIS ECCLESIAE FIGURAM GESSIT. Quando ei dictum est: Tibi dabo, quia omnibus traditum est. Nam ut noveritis Ecclesiam accepisse claves regni caelorum: Audite in alio loco quid Dominus dicat Apostolis suis: Accipite Spiritum Sanctum, & continuo si cujus dimiseritis peccata dimittentur ei, si cujus tenueritis tenebuntur. Hoc ad claves pertinet, de quibus dictum est, 54 quæ solveritis in terra, soluta erunt in celo. Sed hoc dixit Petro, ut scias, QUIA PETRUS UNIVERSAE ECCLESIAE TUNC PERSONAM GEREBAT. Et quibusdam in-

terpositis: Sed fides Ecclesia resonans per os Petri, & in hac fide Petri, recompensationem accipit UNIVERSALIS ECCLESIA CLAVIUM POTESTATEM. Hæc Parisiensis ille Theologus ad Parisiensis Academiae mentem, cujus libros Martinus V. per literas approbavit. Illæ autem sic se habent:

Dilecto filio Thoma Waldensi Ordinis beata Maria de Monte Carmelo, Provinciali Angliæ, sacra Theologia Magistro. Dilecte fili salutem & Apostolicam benedictionem. Placuit primò nobis opus, quod edideras contra Hussitas hereticos, teque fuimus hortati, ut id quod restabat in materia de Sacramentis simili perficeres studio & diligentia, quod te fecisse gaudemus, & tuum studium utile & salutare Ecclesia commendamus. Recepimus enim nuper de manu dilecti filii Joannis Ordinis beata Maria de Monte Carmelo Magistri in sacra pagina latoris præsentium volumen II. de Sacramentis, quod per solemnes viros videri & examinari fecimus, sicut primum, quod pariter ab omnibus commendatum est. Et quibusdam interpositis: Datum Romæ apud sanctos Apostolos sub annulo Piscatoris VIII. die Augusti Pontificatus nostri anno x. Examinatio ista incepit xv. Calend. Julii, & duravit usque ad x. Calend. Augusti. Quo die præsentabatur Papa præsentibus Cardinalibus & Prælati in Consistorio, per Commissarios Domini nostri Presbyterum Cardinalem sancti Petri ad vincula, & Dominum Bernardum Episcopum Cavellacensem Doctorem in Theologia.

Ex hac autem approbatione constat Augustini doctrinam de clavibus Ecclesiæ datis à Christo gratissimam Romæ fuisse, non quomodo Bellarminus illam postea exposuit in libri I. de Rom. Pont. capite xii. sed quomodo Waldensis exposuit, & in Waldensi Parisiensis Theologi omnes, qui Concilio Constantiensis & Basileensi æquales vel supiores fuerunt. Bellarminus sibi canit, non Augustino, cujus loca integra non refert, ne vis Doctori sancto allata deprehendatur. Sed quod adhuc indignius est & insignius, Augustini doctrinam ex Lutheri & Calvini ore prodeuntem inducit, ut illius minuatur auctoritas, & velut suspecta reddatur, aut certè cavenda proponatur. Hac in re Augustini doctrina commentariis non indiget, ut intelligatur: Hæc ipsa sibi lux est, quæ injectas à quocunque tenebras dispellat.

LI. Joannes Gerfo Parisiensis Cancellarius cum multis in operibus, tum maxime in tractatus de potestate Ecclesiastica, consideratione IV. Potestas Ecclesiastica jurisdictionis in foro exteriori est potestas Ecclesiastica coercitiva, quæ valet exerceri in alterum etiam invitum, ad dirigendos subditos in finem beatitudinis aeternæ, velut in finem proximum & principaliter intemum. Et post alia: Hanc Ecclesiasticam potestatem comulit Christus Matthæi XVIII. DUM DIXIT PETRO VICE OMNIUM: Si peccaverit in te frater tuus, vade & corripe eum, &c. Sequitur: quod si te non audierit, DIC ECCLESIAE, quod si Ecclesiam non audierit, sit tibi sicut Ethnicus & publicanus. Quo in loco fundatur JURIDICA POTESTAS EXCOMMUNICANDI VEL INTERDICENDI AB ECCLESIASTICIS SACRAMENTIS ET COMMUNIONE FIDELIUM, &c. Fundatur rursum absque omni calumnia possibili in hoc textu plenitudo potestatis gladii spiritualis, & executio ejus in Ecclesia super quemlibet Christianum, qui est frater noster ETIAMSI PAPA FUERIT. Hæc ille, qui in Oecumenica Synodo Constantiensis sic laudatus est, ut in pari Synodo nullus unquam, qui mortalis esset, laude majori commendatus fuerit. Nam Franciscus Zabarella Florentinus Cardinalis excipientibus Gersonem Hussitis respondit: Dicitis o Hussita Cancellarium Parisiensem suspectum vobis existere: Qui tamen usque adeo superexcellens Doctor est, qualis in tota Christianitate vix reperiri queat. Apud Joannem Cochlaeum in libro II. Historiæ Hussitarum.

LII. Generalis Synodus Senensis apud Basileensem Synodum in responsione, quam de concedenda Græcis plenaria indulgentia fecit anno m. cccc. xxxvi. v. Idus Maii: Proximum generale Concilium Senense, quod

in foribus Romana urbis erat, ubi felicitis recordationis Martinus V. residebat, sub his verbis has plenarias indulgentias concessit: Sacrosancta generalis Synodus Senensis in Spiritu Sancto legitime congregata UNIVERSALEM ECCLESIAM REPRESENTANS, &c. statuit. At representare universalem Ecclesiam, est illius vices gerere.

LIII. Facultas sacra Parisiensis Theologiæ in suis adversus Joannem Sarracenum de Ecclesiastica potestate decretis, quæ anno M.CCCC.XXIX. edidit: Quarta veritas. Quandocunque in aliquo Concilio aliqua instituntur, tota auctoritas dans vigorem statutis residet non in solo summo Pontifice, sed principaliter in Spiritu Sancto & CATHOLICA ECCLESIA. Notandum est principaliter residere in Catholica Ecclesia. Decernendi jus in Ecclesia principaliter & proximè residet, quod per illius ministros in actum erumpit.

LIV. Basileense Concilium in sessione I. Sacrosancta Synodus Basileensis UNIVERSALEM ECCLESIAM REPRESENTANS in Spiritu Sancto legitime congregata, presidente reverendissimo in Christo Patre Domino Juliano S.R.E. sancti Angeli Diacono Cardinali Apostolice Sedis Legato. Deinde in sessione II. Et primò quidem declarat, quòd ipsa Synodus in Spiritu Sancto legitime congregata generale Concilium faciens, & ECCLESIAM MILITANTEM REPRESENTANS POTESTATEM A CHRISTO IMMEDIATE HABERET, cui quilibet cuiusque status & dignitatis etiam si PAPALIS EXISTAT, obedire tenetur in his, quæ pertinent ad fidem & dicti schismatis extirpationem, & ad generalem reformationem Ecclesia Dei in CAPITE & in membris. Sessioni utrique præfuit Julianus Sedis Apostolicæ Legatus: quæ in sessionibus prioribus Concilii gesta fuerant, Eugenius IV. adhuc confirmat sessione XVI. Diploma confirmationis incipit: Dudum sacrum generale Concilium Basileense.

LV. Alphonsus Tostatus Abulensis Episcopus in caput XV. Numerorum quæst. XLVIII. An communitas seu Ecclesia possit habere exercitium jurisdictionis, & an Christus dederit claves soli Petro specialiter vel toti Ecclesie, & quomodo transfertur auctoritas clavium de uno Prælati ad alium. Sic autem respondet ad illa verba: Factum est autem cum essent filii Israël in solitudine, & invenerunt hominem colligentem ligna in die Sabbati, & obrulerunt eum Moysi & Aaron, & universa multitudini, qui recluserunt eum in carcerem, quia, inquit, ipsa multitudo non habet jurisdictionem, cum jurisdictio secundum actum non possit cadere in communitatem, sed in personam determinatam, quia jurisdictio requirit actus ut judicare & imperare. Communitas autem cum non sit aliquid unum propriè, sed per accidens, ut acervus lapidum, non potest exercere actus aliquos. Immo IMPOSSIBILE EST IN COMMUNITATE ESSE JURISDICTIONEM SECUNDUM ACTUM; EST TAMEN JURISDICTIONIO SECUNDUM ORIGINEM IN COMMUNITATE, ET SECUNDUM VIRTUTEM, QUIA OMNES PERSONÆ ACCIPIENTES JURISDICTIONEM, EX VIRTUTE COMMUNITATIS ACCIPIUNT, quia ipsa possunt per se judicare, communitas autem non. Ita autem videtur de CLAVIBUS ECCLESIAE, QUIA ILLÆ DATÆ SUNT A CHRISTO TOTI ECCLESIAE; QUIA TAMEN NON POTERAT TOTA ECCLESIA DISPENSARE ILLAS, CUM NON ESSET ALIQUA PERSONA, TRADIDIT EAS PETRO NOMINE ECCLESIAE.

Si tamen intelligeretur claves traditas esse Petro specialiter, non solum sequeretur inconveniens commune, quod inducitur, scilicet quòd alii Apostoli non habuissent aliquam auctoritatem clavium, quod falsum est, quia illis data est potestas remittendi peccata, ut patet Joannis XX. cap. scilicet: Accipite Spiritum Sanctum, & quorum remiseritis peccata, remissa erunt, ista tamen est sola potestas clavium. Ergo alii Apostoli susceperunt claves. Sed adhuc inconveniens majus erat: Scilicet, quòd defuncto Petro non mansissent claves, quod necesse erat, si soli Petro data fuissent:

& non solum, si ipsi soli, sed etiam si omnibus Apostolis data fuissent claves specialiter tanquam determinatis personis, defunctis illis non mansissent claves in Ecclesia, quia isti non habent potestatem dandi aliis claves faciendo eos successores suos, cum nemo posset prælatum successorem sibi facere, & tamen omnes successores beati Petri & aliorum Episcoporum habent claves, sicut habuit Petrus & alii Apostoli: ERGO NON FUERUNT DATÆ CLAVES ILLIS TANQUAM DETERMINATIS PERSONIS, SED TANQUAM MINISTRIS ECCLESIAE, ET TUNC MAGIS DABANTUR CLAVES ECCLESIAE, cum Ecclesia, quæ habet ipsas radicaliter, nunquam moriatur. Tunc leviter apparet, quomodo mortuo Petro succederent alii summi Pontifices in aequali potestate, quia illa potestas clavium erat in Ecclesia, & quia non poterat Ecclesia eam dispensare, cum non esset una persona, tradita est jurisdictio clavium Petro, tanquam persona electa ad usum illius jurisdictionis. Et quia mortuo beato Petro adhuc Ecclesia semper habet claves: Potest enim eligere successorem, & eligendo confert eandem potestatem, quam habuit Petrus: Nec oportet, quòd in morte Petri Christus iterum conferret successoribus ejus, quod tamen necesse erat, si Petro data fuissent claves singulariter, & non Ecclesia.

Hoc idem patet in communitatibus. Si enim aliqua communitas vel collegium est, ibi erit jurisdictio, & quia non potest administrari per totam communitatem, administratur per unum de communitate. Non est tamen jurisdictio in illo, ita quòd non sit in communitate, sed est magis in communitate, quia antequam ille constituatur in judicem vel rectorem nullam habet jurisdictionem: Illo autem mortuo vel cedente jurisdictionem, non penitus expirat jurisdictio. Potest alius præfici in rectorem, vel in judicem: Non tamen possit hoc fieri, si non maneret jurisdictio in communitate, ergo ipsa communitas habet magis jurisdictionem. Adhuc patet hoc, quia Sede vacante Capitulum habet omnia, quæ pertinent ad jurisdictionem Prælati, licet non ea, quæ sunt ordinis: Si tamen potestas illa esset in persona determinata, mortuo Prælati expiraret. Ergo videtur quòd JURISDICTIONIO ILLA RADICALIUS ERAT IN ECCLESIA, QUAM IN PRÆLATO. Non tamen haberet eam Ecclesia, nisi in principio ei tradita fuisset, quia jurisdictio clavium non est talis, quales sunt jurisdictiones, quas constitunt sibi communitates per leges, quia cum ista jurisdictio sit in remittendo peccata, & ligando, non possunt eam homines sibi fingere, sed à Deo solo est: Cum ipse solus remittat peccata: In Ecclesia autem est ista jurisdictio. Ergo oportet, quòd eam aliquando acceperit, & hoc non fuit nisi, cum primò tradita sunt claves à Christo, & hoc modò cum aliquis eligitur in Prælatum, confertur SIBI PER ELECTIONEM JURISDICTIONIO, QUIA ECCLESIA HABEBAT JURISDICTIONEM illam, & non poterat exercere eam, quia non erat una persona: Ideo tradidit uni viro, & tunc cum summus Pontifex eligitur à Cardinalibus, à tota Ecclesia eligitur, cum illi nomine totius Ecclesia eligant, quia non potest tota Ecclesia convenire ad quamlibet electionem: Et sicut electio totius Ecclesia tribueret jurisdictionem, ita electio Cardinalium, si fiat secundum voluntatem Ecclesia expressam, per decreta sua & constitutiones. Si autem aliter, nihil confert jurisdictionis, nec erit Pontifex, qui est assumptus.

Deinde in quæst. XLIX. An Ecclesia aliquando habeat potestatem ligandi & solvendi. Sed tunc dicit aliquis, quòd si potestas clavium quæ est in summo Pontifice, est in Ecclesia, aliquando habebit Ecclesia potestatem ligandi & solvendi, quod non est conveniens. Respondendum est, quòd ECCLESIA SUSCIPIT CLAVES A CHRISTO ET APOSTOLI TANQUAM MINISTRI ECCLESIAE: ET NUNC ECCLESIA ILLAS HABET, ET PRÆLATI ETIAM, SED ALITER ECCLESIA, QUAM PRÆLATI. NAM ECCLESIA HABET SECUNDUM ORIGINEM ET VIRTUTEM: PRÆLATI AUTEM HABENT SECUNDUM USUM EARUM: Dicitur ECCLESIA HABERE SECUNDUM VIRTUTEM CLAVES, QUIA POTEST ILLAS CONFERRE PRÆLATO PER ELECTIONEM.



CTIONEM. Ecclesia enim, quæ ipsum eligit, tribuit ei jurisdictionem illam: Ecclesia autem à nullo suscipit, postquam semel à Christo suscepit. Ideo illas per originem & virtutem habet: Et quando confert eas Prelato, non confert eas eo modo, quo habet, scilicet, quantum ad originem & virtutem; sed quantum ad usum: In utroque tamen integra sunt claves. Exemplum hujus patet in domino rei & usufructuario atque usuario. Nam dominus rei habet usum rei, & confert illum usum alteri; sed non eo modo, quo habet: quia sibi reservat usum ut proprietario; alteri concedit ut usuario vel usufructuario, & in hoc confert dominus, quod habet, quia dominus rei non est usufructuarius vel usuarius. Conformiter in Ecclesia. Ipsa enim non habet claves quantum ad usum. Omnia autem ista descendunt ex hoc, quod Ecclesia non est aliquid unum per se potens habere administrationem clavium: Ideo illas alteri commendat: Si autem posset per se administrare, non committeret alicui Prelato.

Tum in secunda parte Defensorii capite LXIX. In talibus constitutionibus licet Papa possit dispensare, cum sit caput ministeriale Ecclesia, vel membrum ejus precipuum, potissime cum tales constitutiones non habeant causam semper manendi, non est inconveniens, nec negamus, dum tamen hoc non faciat contra prohibitionem expressam generalis Concilii, quia tunc manifestum est, auctoritatem Ecclesia esse majorem ejus auctoritate, qui membrum est illius: cum illa non possit errare nec in fide nec in moribus; ILLE AUTEM IN UTROQUE ERRARE POTEST, ET SÆPE REPERTUM EST, QUOD SUMMI PONTIFICES IN UTROQUE ERRAVERINT. Ob hoc autem Christus constituit supremum tribunal in Ecclesia, in sacro Concilio etiam supra Papam, & non solum in pertinentibus ad fidem, sed etiam quantum ad actiones. Quæ omnia patent manifestissime ex illo verbo Domini Matthæi 18. Si peccaverit in te frater tuus, corrippe illum inter te & ipsum solum: Quod si non audierit, dic Ecclesie; & si non audierit Ecclesiam, sit tibi quasi ethnicus & publicanus. Iterum in cap. LXX.

Ex hac auctoritate quatuor probantur: Primum, quod Christus loquitur hic de Concilio generali. Secundum, quod posuit Christus ultimum tribunal Ecclesia in sacro generali Concilio: Ita quod post eum non sit ad aliquem recurrendum. Tertium, quod etiam Concilium sit supra Papam, & quod super statu Papæ possit adiri Concilium generale. Quartum, quod non solum sit hoc IN PERTINENTIBUS AD FIDEM, DE QUIBUS NEMO DUBITAT CONCILIIUM GENERALE EXCEDERE PAPAM, SED ETIAM IN PERTINENTIBUS AD ACTIONES MORALES, de quibus aliqui interdum dubitant. Primum scilicet, quod loquitur hic Christus de generali Concilio probatur, quia Christus dixit: Quod si peccator non audierit correctionem coram testibus, quod diceretur Ecclesia. Aliqui autem accipiunt Ecclesiam pro iudice Ecclesiastico: Sed non convenit; quia beatus Petrus, qui erat Papa, remittitur hic ad Ecclesiam, cum dicat hic Christus, dic Ecclesia. Nullus tamen iudex est supra Papam: Ergo non potest accipi pro iudice, sed debet accipi pro Ecclesia non dispersa, ergo congregata, quæ est sacra Synodus generalis legitime congregata. Pergit in capite LXXI.

Quod autem debeat intelligi ista auctoritas, testis est nobis beatus Hieronymus (Augustinum dicere voluit) QUIA LOQUENS DE CLAVIBUS, CUI TRADITÆ SINT, SCILICET, AN BEATO PETRO, AN TOTI ECCLESIAE, ait: HAS CLAVES REGNI CÆLESTIS LIGANDI ET SOLVENDI, NON UNUS HOMO SED UNITAS ACCEPIT ECCLESIAE, scilicet unitas Ecclesie universalis; & subinfert: Hanc domum si quis corrigen- tem corripientemque audire contempserit, sit tibi quasi ethnicus & publicanus, & sic vult, quod Ecclesia universalis sit ista, quæ debet ultimò audiri in correctione fraterna, quod vocet eam unitatem Ecclesie, quod non competit nisi Ecclesia universali; & quia corrigere & corripere potest, necesse est, quod non sit ipsa universitas Christianorum dispersa, sed multitudo congregata, scilicet Concilii generalis, cui competit corrigere & corripere quemlibet fidelem. Pergit in

capite LXXV. Quartum dicitur, quod eliciebatur ex hac auctoritate, Si peccaverit, &c. Erat quod non solum in pertinentibus ad fidem Concilium videt de statu Papæ, sed etiam in pertinentibus ad actiones. Nam quandocunque aliqui declarant, Papam SUBJECTUM ESSE ECCLESIAE UNIVERSALI MATRI SUÆ, CUIUS VICEM PLENE TENET SACRUM GENERALE CONCILIIUM, aliqui non secundum Deum, sed secundum hominem favere volentes Pontificibus, quasi constituentes eos Deos impeccabiles, dicunt, verum esse in his quæ sunt fidei, Papam subjectum esse Concilio, quia de hoc expresse cominetur in cap. si Papa 10. dist. quod pro causa fidei Papa accusari & deponi posset, pro aliis delictis dicunt eum soli divino arbitrio relictum, & neminem mortaliū, nec etiam Concilium generale posse judicare, sicut videtur ipsum caput, si Papa, dicere, & quædam alia jura, & non advertunt ad istam auctoritatem Domini, quæ major est quibuscunque Epistolis summorum Pontificum, ex qua necesse est, accipi Papam subjectum fore iudicio Concilii generalis, non solum in tangentibus fidem, sed etiam in tangentibus actiones. Et post alia: Videtur quod non intelligatur ista regula de correctione peccantis in hæresim, sed in aliis peccatis actionum, licet quantum ad hoc non insisto magis, tenendo, quod se ad omnia peccata extendat. Infra: Facile erat nobis respondere ad decretum. Si Papa, & ad illud Cuncta per mundum, & ad illud cap. scilicet aliorum causas: Quæ sunt potissimum fundamenta eorum, qui volunt humanitus adulari summis Pontificibus, constituendo eos incastigabiles circa quasunque actiones, etiamsi quotidie unus summus Pontifex: notoriè mille homines occideret, sicut quidam non erubuit in suis scriptis asserere.

Quarto in caput XVIII. Matthæi quæst. CVIII. 65 Etiam quia quadam persona sunt, quarum delicta non sufficit denunciare alicui etiam particulari, sicut sunt delicta Papæ. Nam ille est major qualibet Ecclesia particulari, ideo nulla particularis Ecclesia potest judicare de eo etiam quantum ad hæresim. Sed necesse est recurrere ad Ecclesiam universalem, cuius Papa est filius: licet sit precipuus filiorum. Nam in ea regnat, & in Sacramentis quæ intra ipsam sunt, justificatur, & proficit. Et tamen quia ECCLESIA UNIVERSALIS DICIT IPSAM CONGREGATIONEM OMNIUM FIDELIUM, quæ nunquam sit, neque fieri potest opere humano, nullus actus competit Ecclesie universali, neque aliquid potest ei dici ad hoc, quod ipsa admoneat aliquem, sed accipitur ECCLESIA UNIVERSALIS PER REPRESENTATIONEM, ET ISTA EST CONCILIIUM GENERALE. Unde quodlibet Concilium generale vocat se REPRESENTATIVUM ECCLESIAE UNIVERSALIS, cum ait sacrosancta Synodus talis vel talis in Spiritu Sancto legitime congregata UNIVERSALEM ECCLESIAM REPRESENTANS, & ad ipsam Ecclesiam deferitur per denunciationem crimen Papæ, si admonitis secretè, & deinde coram testibus se emendare noluerit, & si illa Synodo illum admonente non se emendaverit, habebitur tanquam ethnicus & publicanus, & maxime in crimine, quod est maxime periculosum in Pontificatu summo. Nam pro illo deponitur de Papatu 40. dist. Can. si Papa, & tamen nemo est qui hoc facere possit, nisi Concilium generale, QUOD VICEM HABET TOTIUS ECCLESIAE, & non solum in crimine hæresis, sed etiam in spectantibus ad mores denunciatur crimen Papæ, Concilio generali tanquam Ecclesie universali.

Denique in idem caput quæst. CXIV. Accipiendo propriè claves ut communiter exponitur litera ista à sanctis Doctoribus, dicendum, quod DATÆ FUERUNT ISTÆ CLAVES ECCLESIAE HIC NON PRO SEIPSA, SED PRO MEMBRIS SUIS MINISTERIALIBUS, per quæ exercet actus virtutis suæ, & ita omnibus Apostolis, qui erant membra ministerialia, & precipua Ecclesie, datæ fuerunt hic claves, & per eos descendunt in omnia alia membra ministerialia Ecclesie, claves quidem ordinis in solos Sacerdotes, claves verò jurisdictionis in multos etiam alios non Sacerdotes, dum tamen sint Clerici. Et post alia.

Ad tertium dicendum, quod ad Ecclesiam ista dicuntur, & claves in Ecclesia sunt, in quantum extra Ecclesiam nemo

nemo habet actum clavium, scilicet postquam ab ea recedit: Et ipsamet Ecclesia habet claves, habet tamen eas in suis ministerialibus partibus, & per illas exercet actum clavium. Sed singuli qui sunt in Ecclesia, non sunt partes ministeriales, sed illi soli, quibus committantur aliqui actus: ideo non competunt claves ista omnibus de Ecclesia: Ipsi etiam Ecclesia per seipsam competunt claves, quarum actus per seipsam exercet; hoc tamen non est quantum ad clavem ordinis, quæ est clavis sacramentalis, sed quantum ad clavem jurisdictionis. Et patet, quia Concilia generalia excommunicant, absolvent, suspendunt, interdiciunt, deponunt, causas audiunt, diffiniunt, indulgentias concedunt, quæ omnia pertinent ad clavem jurisdictionis: Et hæc omnia faciunt ipsa Concilia per se, quia quodlibet generale Concilium reputatur Ecclesia universalis, & non sunt ista per aliquos, qui sint in ipsis Conciliis, quasi per potestatem, quam ipsi habeant, cum multi faciant ibi hæc ex nomine Concilii, quorum nulli habent alias per seipsos auctoritatem aliquam: Et ita Concilium facit ista. Et licet prolationes sententiarum & ceteri actus sint aliquid reale, quod non potest esse nisi in particularibus: Concilium autem non est aliqua persona natura, sed juris: Ideo proferre sententias, quod est agere quoddam quod est ens naturale, non potest esse nisi in persona natura, id est, in aliquo homine, & ita per particulares homines ista traduntur executioni: Potestas tamen faciendi, quæ non est accidens natura, sed juris, non est in individuo natura, id est, homine aliquo, sed in ipso Concilio, quod est individuum juris, sive corpus.

De clave ordinis certum est, quod non est in Ecclesia, vel Concilio realiter, quia ista clavis secundum essentiam est ipse character Sacerdotalis, ut dictum est precedenti questione: Ideo non potest esse nisi in eo, cui confertur ordo, sed non potest ordinari, nisi homo. Ideo Concilium, quod non est homo, aut ipsa Ecclesia, non habet clavem sacramentalem, & consequenter non potest Concilium absolute aliquem in foro penitentiali: Potest dare tamen indulgentias plenarias, & committere alicui, qui alias sit Sacerdos, absolvendi potestatem quamcunque in foro penitentiali.

Hæc Tostatus, cui tractator Ecclesiasticus vix ullus opponi potest, si acre ingenium, si incomparabilis diligentia, si linguarum plarium cognitio, si Jurisprudentia, si Philosophiæ & Theologiæ intelligentia, si editorum ab illo librorum multitudo, si tempus vitæ brevioris, si morum probitas simul attendantur.

LVI. Eugenius IV. quam fidei formulam Basileensis Synodus præside Juliano Cardinali adhibuerat, eandem adhibuit in Epistola ad Fredericum Romanorum principem: Concilium autem generale Constantiense, sicut & cetera Concilia Catholicam militantem Ecclesiam representantia suscipimus: Apud Odoricum Raynaldum in Tomo XVII. Eccles. Annal. ad annum M. CCCC. XLVII.

LVII. Aeneas Silvius seu Pius II. in libri I. de Gestis Basileensis Concilii, relatis his verbis: Tibi dabo claves, &c. Et relata beati Augustini ex libro de Agone Christiano auctoritate subiicit: Quibus ex verbis rabularum nostrorum fundamenta concutuntur, ac penitus evertuntur. Quoniam si PERSONAM ECCLESIAE PETRUS FEREBAT, NON PETRO SED ECCLESIAE POTIUS VIM ILLORUM VERBORUM DEBEMUS ADSCRIBERE. Hic cum Augustino loquitur; ac proinde tutus esse debet à librorum prohibitorum Indice, in quo gesta Basileensis Concilii ponuntur. Deinde ex Aenea factus Pius II. quo in pretio habendi sint Romani censores, nobis significat in Epistola CCCLXXIV. quam ad Carolum VII. Regem Galliae scribit: Unum à te petimus, charissime fili, ut Doctoribus Sedis Apostolicae non semper credas, multa illorum passionibus tribuas. Sic Pontifex illatam sibi injuriam ulciscitur, & arma, quibus ulciscantur alii, dum urgebit necessitas, subministrat. Tunc maxime credendum non est illis Doctoribus, cum jubenti Petro reddendam esse rationem fidei suæ non obtemperant, & vitiosam tacendi consue-

tudinem prætexunt: Sed cum istud faciunt, Petrum in loco Petri exemplo pessimo contemunt. Hanc contumaciam, hanc imperii detractationem auctore Pio Doctorum illorum passionibus & cum primis ignorantia & adulationi tribuimus. Nos Petro & in loco Petri & ubique terrarum obtemperabimus, & obtemperationem nostram, si opus sit, effuso sanguine consecrabit. Quæsitam è Scriptura & traditione rationem fidei nostræ reddemus, & affectatum censuram Romanæ Curiae silentium nefariis partium studiis & ignorantia assignabimus.

LVIII. Cracoviensis Academia in tractatu, quem de auctoritate Conciliorum universalem Ecclesiam representantium edidit in conclusione III. & in probatione I. relatis sancti Augustini testimoniis subiungit: ECCLESIA A CHRISTO CLAVES ACCEPIT PROPRIE, PETRUS AUTEM FIGURATIVE. Et paullo post: Sequitur, QUOD POTESTAS CLAVIUM SIT PRINCIPALITER DATA ECCLESIAE IN PERSONIS APOSTOLORUM: quod satis videtur probari ex dicto textu Evangelii Matthæi 18. attenta maxime narratione historia.

LIX. Herfordiensis Academia in tractatu, quem de unione & neutralitate Principum Electorum scripsit: Corpus Ecclesia nonnunquam caput suum Papam videlicet corripit, deposuit, & condemnavit. Nunquam verò Papa residuum corpus corripit aut condemnavit. Auctoritas sacra confirmat hoc idem cum Christus dicit, Si peccaverit in te frater tuus, dic Ecclesia. Et paullo post: Petrus quando claves in istis verbis quodcumque ligaveris, &c. accepit; ECCLESIAM SANCTAM SIGNIFICAVIT.

LX. Dionysius Carthusianus in libro I. de auctoritate Papæ & Concilii art. XXXIV. Papa secundum diversas sui considerationes vocatur & est Pater & princeps Ecclesia, itemque filius & minister Ecclesia. Et paullo post: Dicendum, quod Papa secundum quod talis, ut puta summus Ecclesie Pastor & Pontifex, non est à Concilio generaliter sententialiter judicandus, aut per depositionem puniendus, quia ut talis, est superior & prælatus & iudex Ecclesie; sed in quantum est inolerabiliter vitiosus seu criminosus: & sic esset inferior, & CONCILIIUM HABERET SUPER EUM POTESTATEM AC JURISDICTIONEM A CHRISTO, A QUO IMMEDIATE CLAVES ACCEPIT ECCLESIA, QUAM REPRESENTAT CONCILIIUM, cui etiam Christus dedit potestatem abjiciendi membrum scandalizans, infectum, ac putridum. Sic ergo generale Concilium potestatem & jurisdictionem habet in Papam, in quantum Papa ratione culpa inferior redditur ipso Concilio. Imò in super & in quantum Papa consideratur, ut membrum filiusque Ecclesie, puta ut determinata persona fidelis, seu unus Christianus viator peccabilis; & in quantum talis est, dicitur ei à Concilio lex præfigi, ne sua potestate abutatur, sed debere dirigatur. Ex his patet ad objecta solutio: par enim potestatem non habet in parem, in quantum est talis, id est, equalis, sed ut aliquo modo extat inferior.

LXI. Jacobus Almainus in tractatu de potestate Ecclesiastica capite XVII. postquam sibi objecit: Quod ab illo solo Papa potest deponi, à quo immediate suam habet potestatem, &c. Sic respondet: Quantum ad hoc argumentum, magnam haberet apparentiam, nisi esset ab ipso, qui instituit, potestas collata auferendi. SED EST COLLATA A DEO POTESTAS ECCLESIAE AUFERENDI, si peccaverit, super quemcunque, & illa potestas est collata in edificationem Ecclesia, & non in destructionem. Imò à superiore communiter collata est in edificationem: HINC EST, QUOD APUD COMMUNITATEM RELICTA EST POTESTAS, SI IN DETRIMENTUM ECCLESIAE AGAT, IPSUM AUFERENDI, & per consequens Concilium immediate à Christo habet auctoritatem jurisdictionis exterioris super quemlibet Christianum.

LXII. Leo X. in Lateranensis Concilii sessione XI. Unde, inquit, prefatus Julius prædecessor noster in presenti



CONCILIO Lateranensi universalem Ecclesiam REPRESENTANTE per eum legitime indicto, &c. Sic doctrinam ubique receptam sequitur.

LXIII. Joannes Major prioribus Commentariis in caput XVIII. Matthæi: DOMINUS DEDIT POTESTATEM ECCLESIAE IMMEDIATE CORRIGENDI FRATRES, Matthæi XVIII. & nullus frater est exceptus: Ergo si Papa est incorrigibilis, & deponendus est non nisi à superioribus ejus. In hoc igitur dicere, quod oportet pro eo solum rogare Deum, & quod non est aliud remedium, est unum extraneum sine ratione.

LXIV. Henricus VIII. Rex Angliæ in Assertionem septem Sacramentorum contra Lutherum, ubi agit de Indulgentiis: Verum quantumvis disputentur Indulgentia Pontificis, necesse est inconcussa maneat verba Christi, quibus PETRO COMMISIT CLAVES ECCLESIAE, cum dixit quidquid ligaveris. Hæc Rex eo in libro, propter quem à Leone X. vocatus est Ecclesiæ defensor. Igitur non erant Petri claves, quas Petro Christus dedit, sed erant claves Ecclesiæ, quas nempe Christus Ecclesiæ dederat.

72 LXV. Romana Ecclesia in vetere absolutionis forma, quam habent libri duo: Romanum Breviarium Venetiis anno M. CCCCLXXXII. editum, & sacra Baptizandi institutio juxta ritum sanctæ Romanæ Ecclesiæ, Parisiis anno MDLXXV. MDXCIV. anno M. DCVII. & M. DC. XIV. Venetiis anno M. D. LXXVI. & Lugduni anno M. D. LXXXIX. impressa. In duobus his libris res ita narratur: Ista est forma absolutionis abstracta de formulario Domini Papæ, pro habentibus indulgentiam plenariam in mortis articulo. Paullò post initium formæ: Item eadem auctoritate absolvo te ab omnibus peccatis tuis contritis, confessis, & oblitis, & à transgressionem regulæ & statutorum, IN QUANTUM CLAVES SANCTÆ ECCLESIAE SE EXTENDUNT.

LXVI. Repetuntur eadem verba in Eduensis Ecclesiæ Rituali, quod Parisiis anno M. D. XXIII. in lucem prodit. Item auctoritate Dei & beatorum Apostolorum Petri & Pauli, & sanctæ Romanæ Ecclesiæ, & etiam Domini nostri Papæ N. summi Pontificis mihi in hac parte commissæ, IN QUANTUM CLAVES SANCTÆ ECCLESIAE SE EXTENDUNT, absolvo te, &c.

Hæc sunt antiquæ traditionis circa claves Ecclesiæ datas monumenta, quæ in Romana & in aliis Ecclesiis ad hoc usque tempus perseverarunt. Deducuntur à Lateranensi Concilio, cui præfuit Innocentius III. & cui demum illa sancti Patres quos laudavimus subministrarunt.

LXVII. Hadrianus VI. in quartum sent. de Sacramento Confessionis & clavibus, quæst. I. In superioribus actum est de confessione, QUÆ CLAVIBUS ECCLESIAE INNITITUR. Infra: De hac clave (ministerii) dictum 73 est PETRO: Tibi dabo claves regni calorum, & in PETRO OMNIBUS SACERDOTIBUS, quibus in ordinatione datur Spiritus Sanctus, ut quorum remiseritis peccata, &c. Infra: Has duas claves notat Augustinus. Infra: quæst. II. Non solum PETRO SED ET OMNIBUS APOSTOLIS ET EORUM SUCCESSORIBUS, dixit (Dominus) Accipite Spiritum Sanctum. Infra: Nec eos audiamus, qui negant Catholicam Ecclesiam omnia peccata posse dimittere. Illi enim in Petro Petram non intelligunt, & non intelligentes, CLAVES ECCLESIAE DATAS esse claves regni calorum, eas de propria manu amiserunt. Hadrianus claves Ecclesiæ, ligandi scilicet ac solvendi potestatem, nunc secundum originem, nunc secundum actus illarum attendit: Secundum originem, cum claves Ecclesiæ datas esse scribit: Secundum actus illarum, cum claves Petro, Apostolis, & Sacerdotibus universis datas esse scribit. Hadrianus, ut Augustinus loquitur, ut Tostatus exponit.

Commune ubique fundamentum habuit sententiæ, quæ in Lovaniensi Academia jam inde ab origine sua invaluerat: Nempe Romanum Pontificem Concilio subjici, atque errare posse. Quocirca mirum non est

Hadrianum, qui Lovaniensis Theologus & Cancellarius erat, id de clavibus Ecclesiæ docuisse, quod in Germania & in Gallia per acceptam à Patribus traditionem docebatur.

LXVIII. Judocus Clithoveus, qui primus, ni fallor, è nostris Parisiensibus Theologis calamum contra Lutherum strinxit, in Compendio veritatum ad fidem pertinentium adversus erroneas Lutheranorum assertiones cap. I. Beatus Petrus postquam Dominum nostrum confessus est filium Dei vivi, non carnis, non sanguinis revelatione, sed Dei Patris interna inspiratione, hoc à Christo accepit responsum: Et ego dico tibi, quia tu es Petrus, &c. Ex hac igitur Christi (qui est caput Ecclesiæ) promissione conspicuum est, nec errorem in fide nec exorbitationem morum unquam occupaturam totam Ecclesiam. Quod etiam supradictæ subjungitur Christi verbum ad Petrum scilicet, Et Tibi dabo claves regni calorum, & quodcumque ligaveris super terram, erit ligatum in caelis, & quodcumque solveris in terris, erit solutum & in caelis, multum confirmat rem propositam. Ostendit enim prædicta verba DE ECCLESIA MILITANTE INTELLIGI DEBERE, IN 74 QUA SOLA EST POTESTAS LIGANDI ET SOLVENDI. Sic exprimit, quod hac de re beatus Augustinus censuit, & suum facit, aut potius Senonensi transcribit Concilio, cujus rationes ad faciendam fidei & morum decreta adhibitas collegit.

LXIX. Nunc finem facio in Parisiensi articulo consequente illum qui scribendi argumentum fuit. Sic autem se habet: Certum est Concilium generale legitime congregatum, universalem representans Ecclesiam, in fidei & morum determinationibus errare non posse. Hic articulus præcedentem supponit & involvit. Quod enim Concilium universalem representat Ecclesiam, universalis Ecclesiæ vices gerit, ut ipsa vis notioque Concilii universalem representantis Ecclesiam importat. Quamobrem Concilium universalem representans Ecclesiam, eatenus judicat, statuit, ac certo & sine erroris formidine decernit, quatenus judicandi, statuendi, ac certo & sine erroris formidine decernendi potestas ad universalem Ecclesiam spectat. Non spectaret autem 75 nisi excommunicandi, hoc est, ligandi solvendiue potestas jure divino immediate à Christo Ecclesiæ concessa esset. Præterea propositio hæc, Concilium universalem representans Ecclesiam, Conciliorum quatuor, & Pontificum trium est: Conciliorum Pisanum, Constantiensis, Senensis, Basileensis: Pontificum vero Martini V. semel atque iterum; semel in Bulla confirmationis Concilii Constantiensis, iterum in Senensi Concilio; Eugenii IV. semel, iterum, & tertio: Semel in prioribus Basileensis Concilii sessionibus, quibus per Legatum suum præfuit; iterum in Diplomate, quo in sessione XVI. præcedentia Concilii acta confirmavit; tertio in Epistola ad Fredericum principem: Leonis denique in Lateranensis Concilii sessione XI. Sic illa Concilia quatuor, & Pontifices illi tres non possunt non probare, quidquid Parisienses in priori articulo suo sibi sumunt.

Adhæc nova non est hæc loquendi formula, ut Tridentini Concilii tempore nonnulli putarunt: à traditione prima Ecclesiæ descendit. Est apud Tertullianum in libri de Jeuniis, capite XIII. Aguntur per Græcias illa certis in locis Concilia ex universis Ecclesiis, per quæ & altiora quæque in commune tractantur, & ipsa representatio totius nominis Christiani magna veneratione celebratur. Idoneum rei hujuscæ fundamentum suppetit in Actuum Apostolorum capite XV. Tunc placuit Apostolis & senioribus cum omni Ecclesia eligere viros ex eis, & mittere Antiochiam cum Paulo & Barnaba Judam, qui cognominabatur Barsabas, & Silam viros primos in fratribus, scribentes per manum eorum, Apostoli & seniores & fratres, Ἀποστολοι καὶ οἱ πρεσβύτεροι, καὶ οἱ ἀδελφοί, 76 his qui sunt Antiochia & Syria & Cilicia fratribus ex gentibus salutem. Quibus verbis celebrata totius Christiani nominis representatio significatur.

LXX. Guil.

LXX. Guillelm. Okamus, qui longè antè Pisanum, Constantiense, Senense, & Basileense Concilium floruit, hoc noverat, dum in libri v. i. Dialogorum capite l. i. v. ita scribebat: *Ad quintum dicitur, quod Concilium generale habet potestatem principaliter ab Ecclesia universali, cuius vicem gerit.*

Deinde in ejusdem libri capite lxxxiv. rationem rei hujus optimam reddit: *Omnes fideles sunt unum corpus, Paulo dicente ad Romanos xii. Multi unum corpus sumus Christo, & sunt unus populus & una communitas. Ergo possunt eligere aliquos qui vicem gerant totius corporis. Tales autem electi, si simul convenerint, Concilium generale constituent, quia Concilium generale non videtur esse aliud, quàm congregationem aliquorum, qui vicem gerant totius Christianitatis.*

Hæc est perpetua Sedis Apostolicæ, universalis Ecclesiæ, Patrum & Theologorum traditio, in qua tanquam in fundamento Parisiensis articulus ille noster nititur. Hæc est traditio, quam tu in apertum referri tam enixè postulasti; non quòd ipse harum rerum scientissimus indigeres; sed ut qui seorsum à Facultate nostra communi matre sentiunt, tum demum perspicerent, Facultatem nostram cum Apostolica Sede, cum universali Ecclesia, cum generalibus Conciliis, cum Patribus, cum Theologis eruditioribus sentire.

Nunc superest, ut expositam universalis Ecclesiæ de 77 subjecto clavium traditionem à parum synceris Bellarmini impetitionibus defendam. Quo nihil est facilius. Nam auctoris hujus verba simpliciter referre, simpliciter confutare est; usque adeò veritati & æquitati adversantur. Igitur in libri i. de Romano Pontifice capite xii. querit, quis sit ille, cui dicitur: *Tibi dabo claves, Matthæi xvi.* In responsione dicit: *Tertia dubitatio est de persona, cui dicitur, tibi dabo claves: Tamen si enim Doctoribus Catholicis sensus horum verborum apertissimus videatur, tamen adversarii ita hæc ipsa depravant, ut videantur jam esse obscurissima. Hi autem adversarii sunt, Lutherus, Calvinus, Magdeburgenses, Smalchaldica Synodus in libro de primatu Papæ. Sed quid dicit Synodus hæc referente Bellarmino? Principaliter claves Ecclesiæ & immediatè datas esse, quæ Parisiensium sententia est, per traditionem, ut visum est, à sanctis Patribus derivata, & illorum articulis definita, cum Lutherus in Germania furere per mortem defecerat, & Calvinus in Gallia furebat. Magdeburgenses bacchabantur, cum Martinus Navarrus in cap. Novit. De judiciis. Notab. iii. num. lxxxiv. Non est, ait, consilium in præsentia definire, cui principaliter Ecclesia potestas fuerit à Christo collata, an toti Ecclesiæ, an verò ipsi Petro, per illam maximam discordiam Romanorum & Parisiensium. Monuimus alibi Romanorum nomine non Sedem Apostolicam intelligi, sed Sedis Apostolicæ Doctores nonnullos, similes iis, quibus fidem non semper habendam esse Pius II. ad Carolum VII. Regem Galliæ scribit in Epistola cccclxxiv. Unum à te petimus, charissime Fili; ut Doctoribus Sedis Apostolicæ non semper credas, multa illorum passionibus tribuas.* Hac in parte Apostolica Sedes nostra est. Sed Bellarminus ut doctrinæ suæ novitatem occultet, & Parisiensium sententiam tacitus infamet, Gorgoneique capitis aspectu horribiliorem efficiat, illam adscribit hominibus, qui seorsum à nobis per religionem sentiunt. Heu prisca Christianorum integritas & simplicitas, apud quos ex fide personæ, non ex personis fides probatur, ut ait Tertullianus in libri de præscriptione hæreticorum capite l. i. Bellarminus hoc pacto exciperet Stephanum Romanum Pontificem, qui collatum ab hæreticis Baptismum admittebat, & hac ratione admittebat apud Cyprianum: *Signis ergo à quacunque hæresi venerit ad nos, nihil innovetur nisi (fortè in id) quod traditum est, ut manus illi imponatur in poenitentiam, cum ipsi hæretici propriè alterutrum ad se venientes non baptizent, sed communicent tantum.*

Bellarminus hoc pacto exciperet Hieronymum & Theodoretum, qui in interpretandis Scripturis Theodotionem, Symmachum, & Aquilam subinde laudant & sequuntur.

Bellarminus hoc pacto exciperet sextam Synodum, quæ consentientes Catholicis tractatoribus hæreticos in medium prius adducit, quàm fidei definitionem conscribat.

An Testamentum vetus repudiabimus, quia Judæi illud recipiunt & novum abjiciunt? An Matthæi vel Joannis Evangelium procul amandabimus, quia illud Lutherus, Calvinus, Magdeburgenses amplectuntur? Cum igitur Smalchaldica Synodus id de clavibus Ecclesiæ, quod Bellarminus refert, tradit, Catholicè omnino sentit, sed extra Catholicam Ecclesiam, quod & improbandum & dolendum est. Si autem ex quo certum quoddam Catholicorum dogma per hæreticorum codices & os pervasit, illud hæreticum fieri Bellarminus credit, perperam credit, & Catholicam offendit Ecclesiam, quæ hodièque collatum ab hæreticis baptismum recipit. 79

Deinde Bellarminus dissimulat illa omnia beati Augustini testimonia, quæ suo loco recensuimus, ut eo prioribus & posterioribus Ecclesiæ tractatoribus intelligendis faciem præferremus. Nonnulla tamen Doctoris sancti refert testimonia, & hæc minùs expressa & sæpius truncata, quo hæc faciliùs excogitatas in volatica Turrecrematæ & Cajetani Academia distinctiones admittant. Cum Augustini loca omnia diligenter leguntur, & conferuntur inter sese, sponte sua modus occurrit, quo Pater sanctissimus intelligit, Petrum gestasse personam Ecclesiæ, cum à Christo claves accepit. Sed Bellarminus collatorum inter sese locorum splendorem ferre non potest: Tenebras querit in duobus adverbis *historicè & parabolicè*, quibus à Petro tanquam Ecclesiæ persona gestaretur, & à Petro historice personam Ecclesiæ gestatam esse recipit, quo nihil est à beati Augustini & cæterorum Patrum mente alienius. Non negamus Lutherum abusus esse & potuisse abuti Augustini testimoniis, sed error iste alio errore corrigendus non est. Sic multiplicaretur, non tolleretur. Christophorus Marcellus, Corcyrensis Archiepiscopus, qui ante Bellarminum clauit, abutenti quibusdam Augustini locis Luthero ita restitit, ut Catholicorum dogma intactum reliquerit. Verba sunt è lib. i. de auctoritate summi Pontificis contra 80 Lutherum capite vii. sectionis primæ. Eodem etiam modo ipsemet (Augustinus) in libello de Doctrina Christiana exponendus est. Ubi quo pacto claves Ecclesiæ, quæ corpus Christi mysticum appellatur & sponsa, sunt tradita, nequaquam exprimit, sed de ipsa in se, ut solvendi ligandique auctoritatem habuerit, loquitur; tum verò claves si debeant exerceri, non ab Ecclesia in se, sed à specialibus hominibus habeantur, oporteat. Bellarminus contra Lutheri errorem non corrigit, sed Augustini doctrinam, qua Lutherus abutitur, in ejusdem Lutheri & Calvini os intrudit, ut inde virulenta prodeat, & de hæreticorum nomine & origine censeatur. O perversum consilium! Profectò mihi nunquam persuadebit, hoc artificii genere defensum iri Ecclesiam, vel Augustinum tractari liberaliter, cum doctrina illius invidiosa redditur, quòd ea hæretici vel utantur vel abutantur.

Tum Bellarminus non parum impingit in Tridentinæ fidei regulam, seu professionem, qua tenetur quisque Scripturam sacram juxta unanimem consensum Patrum accipere & interpretari. Item sacram Scripturam juxta eum sensum, quem tenuit & tenet sancta mater Ecclesia, cuius est judicare de vero sensu & interpretatione sacrarum Scripturarum, admitto, nec eam unquam nisi juxta unanimem consensum Patrum accipiam & interpretabor. Sacramentum hoc insuper habet, nec Matthæi locum, *Tibi dabo claves*, accipit & interpretatur, sicut plerique Patres à nobis recensiti accipiunt &



& interpretantur. Quinetiam è tanta nube Patrum ne duos quidem adfert, qui locum accipiant, ut in illius opinione accipiendus est. Nam Patres explicando locum hunc dicere deberent, *Claves Petro datas esse, & per Petrum Pastoribus Ecclesia communicari.* Bellarmini placitum est. At ille Ecclesiasticum tractatorem nullum edit, qui Matthæi locum sic interpretetur. Præterea nullum quoque edit, qui dicat Apostolos à Christo jurisdictionem omnem, & Episcopos à Petro vel Petri successoribus jurisdictionem pariter omnem accepisse. Tum demum si quando certa quædam Patrum edit testimonia, hæc ad sacrorum Canonum normam, & ad disciplinæ Ecclesiasticæ solem exposita diffugiunt, & auctori suo vehementer incommo-  
 81 dat, ut supra de Leone primo potest facillimè observari.

Denique Bellarminus secum pugnat & inconsequenter disputat. Nam ut probet *Concilia generalia à summo Pontifice confirmata errare non posse in fide & in moribus*, argumentum hoc proponit. *Concilium generale repræsentat Ecclesiam universam, ac proinde consensum habet Ecclesia universalis: Quare si Ecclesia non potest errare, neque Concilium Oecumenicum legitimum & approbatum potest errare.* Sic non errandi in fide & moribus privilegium datum esse prius Ecclesiæ, quàm Concilio, cum privilegium illud ab Ecclesia in Concilium derivetur. Et quamvis certum sit, non errandi privilegium inesse Concilio, longè tamen certius est apud Theologos Ecclesiæ inesse. Nam propter quod unumquodque tale, & illud magis. At non errandi in fide & moribus privilegium, quod inest Ecclesiæ, jus in fide & moribus decernendi, jus clavium, ligandi scilicet ac solvendi auctoritatem non potest non continere. Quod si non possit non continere, sequitur  
 82 idem in fide & moribus decernendi, & jus clavium datum esse prius Ecclesiæ, quàm illius membris, ex quibus Concilium coalescit. Bellarminus ergo secum pugnat & inconsequenter disputat, cum ita inficias, *Claves datas esse primò ipsi Ecclesiæ, & per Ecclesiam Pastoribus communicari.* Hæc sunt vitia illorum, qui studiis partium ducuntur, & à pristina simplicitate deflectunt.

Neque verò secum pugnat tantum, sed etiam cum Martino V. summo Pontifice, qui Constantiensi Concilio approbante redeuntibus ab hæresi ad Ecclesiam præscribit ut credant, *Concilium generale universalem Ecclesiam repræsentare.* Si Concilium quod universalem repræsentat Ecclesiam, jus clavium, ligandi videlicet ac solvendi potestatem habet, habebit & universalis Ecclesia, quæ per Concilium repræsentatur: Sed quia prius est, quod repræsentatur, quàm id quod repræsentat, claves primò & immediatè datæ sunt toti Ecclesiæ, tum illius membris quæ & jus clavium exercent, & cum opus est, Concilium universale componunt.

Præterea non in Romanæ Curia & Bellarmini, sed in Parisiensium sententia, quam Toftatus divinè tradidit, atque exposuit, sine difficultate ulla intelligitur, quomodo Romani quidam electi necdum consecrati Pontifices sese pro Romanis Pontificibus gesserunt. In hoc genere primus occurrit Joannes IV. quem literas genti Scotorum pro observatione Paschatis & contra Pelagianam hæresim scripsisse testatur Beda in libri II. historię cap. XIX. *Misit idem Papa Honorius literas etiam genti Scotorum, quos in observatione sancti Pasche errare compererat, juxta quod supra docuimus, solerter exhortans, ne paucitatem suam in extremis terra sinibus constitutam, sapientiores antiquis sive modernis, quæ per orbem terra erant, Christi Ecclesiis æstimarent, neve contra Paschales computos & decreta Synodalia totius orbis Pontificum aliud Pascha celebrarent. Sed & Joannes, qui & successor ejusdem Honorii Severino successit, cum adhuc esset electus in Pontificatum, pro eodem errore corrigendo literas eis magna auctoritate atque eruditione direxit, evidenter asserens, quia Dominicum Pascha diem*  
 83

à quintadecima Luna usque ad vicesimam primam Lunam (quod in Nicæna Synodo probatum est) oporteret inquiri; necnon & pro Pelagiana hæresi (quam apud eos reviviscere didicerat) cavenda ac refellenda, in eadem illos Epistola admonere curavit. Cujus Epistola principium hæc est, *Dilectissimis & sanctissimis, Thomiano, Columbano, Chromano, Dimano, & Bathano Episcopis, Chromano, Hermannoque, Laufrano, Stellano & Sigiano Presbyteris, Sarano, cæterisque Doctoribus seu Abbatibus Scotis, Hilarius Archiepiscopus & servans locum sanctæ Sedis Apostolica, Joannes Diaconus & in Dei nomine electus, item Joannes Primicerius, & servans locum sanctæ Sedis Apostolica, & Joannes servus Dei Consiliarius ejusdem Apostolicæ Sedis.*

Paulus I. electus necdum consecratus ad Pipinum Regem Francorum scribit, in Epistola XIII. Codicis Carolini: *Domino excellentissimo filio Pipino Regi Francorum, & Patricio Romanorum, Paulus Diaconus & in Dei nomine electus sanctæ Sedis Apostolicæ.* Ubi spondet se in ea fide & concordia, quam Stephanus decessor ejus Pipino Regi pactus est, cum suis perman-  
 84 surum.

Gregorius VII. electus necdum consecratus ad diversos variis de rebus Ecclesiæ scribit Epistolas XII. quæ in ejus libro I. Epistolarum leguntur. Toftatus scribit in sua, Parisiensium & Romanæ Ecclesiæ ut apparet sententia: *Et sicut electio totius Ecclesiæ tribueret jurisdictionem, ita electio Cardinalium, si fiat secundum voluntatem Ecclesiæ expressam per decreta sua & constitutiones.*

Ad hæc si Bellarminus Tridentinum perlegisset expendissetque Concilium, quam oppugnat sententiam, non oppugnaret. Locutiones in eo passim reperisset multas, quæ ad sensum rejectæ à se doctrinæ & traditionis proferuntur. Quatuor è plurimis sub-  
 jicio.

Primùm in sessionis decimæ quartæ, capite xv. de Confessione: *Neque enim per Lateranensem Concilium Ecclesia statuit.* Hic Ecclesia distinguitur à Concilio, alioquin Concilium statuisset per Concilium. Quæ nugatoria foret propositio.

Deinde in ejusdem sessionis Canone xv. *Siquis dixerit, claves Ecclesiæ esse datas tantum ad solvendum & non ad ligandum, &c.*

Tum in sessionis xxv. Decreto de Purgatorio. Cum Ecclesia Catholica Spiritu Sancto edocta ex sacris literis & antiqua Patrum traditione, in sacris Conciliis & novissimè in hac Oecumenica Synodo docuerit Purgatorium esse. Hic quoque Catholica Ecclesia distinguitur à Concilio, ut repræsentans à repræsentato distinguitur: alioquin Catholica Ecclesia in Catholica Ecclesia, & Concilia in Conciliis docerent: Quæ nugatoria quoque foret propositio. Particula [in] locum 8; significat, in quo Catholica docet Ecclesia.

Postremò in sessionis xxv. capite XXI. de Indulgentiis: Cum potestas conferendi Indulgentias à Christo Ecclesiæ concessa sit, atque hujusmodi potestate divinitus sibi tradita antiquissimis etiam temporibus usa fuerit, sacrosancta Synodus, &c. Hic potestas conferendi indulgentiam à Christo Ecclesiæ conceditur, ut claves eidem Ecclesiæ antè datas fuisse visum est.

His addendum, quod in Tridentinæ fidei professione à Pio IV. edita sic habetur: *Item sacram Scripturam juxta eum sensum, quem tenuit & tenet sancta mater Ecclesia, cujus est judicare de vero sensu & interpretatione sacrarum Scripturarum, admitto.* Si sanctæ matris Ecclesiæ est judicare, judicandi potestas penes sanctam matrem residet Ecclesiam, sed per illius ministros exercetur. Locutiones hæc omnes, in Bellarmini opinione non intelliguntur, sed probè intelliguntur in ea Patrum sententia, quam Toftatus optimè & luculenter exponit, & Parisienses sequuntur.

Et hic est sensus Parisiensis nostri articuli, quem perpetua Ecclesiæ traditione confirmandum auctore te suscepi,

suscepi, in quem ab anno MDXII. quotquot designandi fuere unoquoque biennio Parisiis Magistri Theologiae, jurarunt, & jurando receperunt Ecclesiasticum dogma illud, quod ex articulo necessaria consecutione & adversariorum etiam judicio colligitur, Romanum nempe Pontificem universali Concilio subiectum esse. Quocirca qui nobis hac in re fidem de-

negarent, adversariis, opinor, non denegabunt. Si omnes tibi similes essent, tam acutè scilicet philosopharentur, ut tu philosophari soles, & ex seipsum necessariam rei consecutionem facillè perspicere, nec ἀναλογικῶς, tam sæpè dissererent; sed non omnibus tecum adire Corinthum licet. Vale. Lutetiae Parisiorum, anno M. DC. L XV. Calend. Jan.

# Joannes Launoius

## JOANNI GERBASIO,

Parisiensi Theologo, & Remensis Collegii in Academia principe moderatori.

**G**AUDEO & mihi gratulor, quod meam ad Christophorum Fauvum Epistolam non improbasti: In qua Romanum Pontificem Ecclesiae, Conciliis & sacris Canonibus subditum esse latè asserui. Sed restare unum adjicis, quod à me desideras: Nempe ut cuja sit assertionis veritas, & quanta sit illius ἀσφαλεια, & certitudo, tibi nunc exponam. Quod, more tuo, id est, humanissime requiris, profectò credebam id satis ex memorata Epistola colligi posse, si praesertim ad eam accederet perpetua Sedis Apostolicae traditio, quæ in aliis meis ad Hieronymum Samboevium & Ludovicum Cusinum Epistolis apertam in lucem proditur. Verùm ubi tuum interponis iudicium, desisto credere, quod antè credebam. Itaque inveniendus mihi modus est, quo tibi ad plenum & perfectum satisfaciam. Occurrit infucatus & simplex, quem ex Romanae Curiae Theologis repetendum esse duxi. Miraris ni fallor? Dolus, an virtus, quis in hoste requirat?

Sed modum hunc exequi non possum, ut oportet, nisi prius rem ex tribus Conciliis & totidem Romanis antistitibus Conciliorum approbatoribus proponam.

2 Concilium primum est Pisanum, in cujus sessione VIII. decretum hoc editur: Sancta Synodus habita plena & matura deliberatione decernit, pronunciat, & declarat, unionem & conjunctionem factam de duobus Collegiis Dominorum S. R. Ecclesiae Cardinalium fuisse & esse legitimam & canonicam, ipsamque sua auctoritate roborat, approbat, & confirmat pro bono tam sancti & pii negotii, ac evidenti & imminente necessitate universalis Ecclesiae Catholicae, extirpatione schismatis, ac unionem, ac redintegrationem ipsius Ecclesiae: Ac etiam hanc sanctam Synodum per dominos Cardinales utriusque Collegii ad tantum bonum simul unitos & congregatos tempore congruo, & in loco tuto, habili, idoneo, securo, & libero, rite, debite, & canonicè convocata. Declarat insuper, pronunciat, & decernit, per Dei gratiam hic esse generale Concilium representativum totius universalis Catholicae Ecclesiae, rite iuste & rationabiliter fundatum & congregatum, & ad hoc generale Concilium tanquam ad unicum superiorem & iudicem in terris pertinere huiusmodi causae & omnium propositorum contra dominos Benedictum & Gregorium nominatos contendentes, seu, ut asseritur, colludentes cognitionem, examinationem, decisionem, & omnimodam determinationem omnium singulorum ad dictam causam pertinentium, quoquo modo dependentium, incidentium, seu emergentium ex praemissis.

Deinde in sessione XV. Christi nomine invocato sancta & universalis Synodus universalem Ecclesiam representans, & ad quam cognitio & decisio huius causae noscitur pertinere, Spiritus Sancti gratia in hac majori Ec-

clesia Pisana congregata, ibique pro tribunali sedens, visis & diligenter inspectis omnibus & singulis productis probatis & agitis in presenti causa unionis Ecclesiae fidei, & schismatis contra Petrum de Luna, Benedictum XIII. & Angelum Corrarium Gregorium XII. olim nuncupatos, quae in presenti processu huius causae plenius continentur, ac quibuscumque aliis ipsam sanctam Synodum ad infra scriptam definitionem moventibus & inducentibus :::: In his scriptis pronunciat, decernit, & declarat omnia & singula crimina & excessus & alia cuncta necessaria ad infra scriptam decisionem praesentis causae deducta per providos viros magistros Henricum de Monleone, Joannem de Scrivaniis, &c. contra & adversus prelibatos Petrum de Luna Benedictum XIII. & Angelum Corrarium Gregorium XII. (de Papatu damnabiliter contendentes) ab aliquibus nuncupatos, in petitione coram ipsa sacra & universali Synodo praesentata & exhibita fuisse vera & esse, atque notoria, ipsosque Angelum Corrarium & Petrum de Luna de Papatu, ut praesertur, contendentes, & eorum utrumque fuisse & esse notorios schismaticos, & antiqui schismatis nutritores, defensores, fautores, approbatores, manutentores, nec non notorios haereticos & à fide devios, notoriosque criminibus enormibus perjuriis & violationis irretitos, universalem Ecclesiam sanctam Dei notorie scandalizantes, cum incorrigibilitate, contumacia, & pertinacia notoriis, evidentibus, & manifestis: Et ex his & aliis se reddidisse omni honore & dignitate etiam papali indignos, ipsosque & eorum utrumque propter praemissas iniquitates, crimina, & excessus ne regnent, vel imperent, aut praesint, à Deo & sacris Canonibus fore ipso facto abjectos & privatos, ac etiam ab Ecclesia praecisos: Et nihilominus ipsos Petrum & Angelum, & eorum utrumque per hanc sententiam definitivam in his scriptis privat, abicit, & praeclit, inhibendo eis, ne eorum aliquis pro summo Pontifice gerere se praesumat, Ecclesiamque vacare Romanam ad cautelam insuper decernendo.

Tum qui factus est in hoc concilio Romanus Pontifex Alexander V. Concilium ipsum variis modis confirmavit:

Item sacro approbante Concilio decernimus fore procedendum contra obediens & adherentes pertinaciter, seu fautores Petri de Luna & Angeli Corrarium nuper de Papatu contententium & colludentium per hoc sacrum Concilium de schismate & haeresi notoriis per definitivam sententiam condemnatorum, modis, quibus est secundum sacros Canones contra contendentes, & fautores haeretica pravitatis procedendum.

Item sacro approbante Concilio decernimus vel successorem nostrum ex certis, magnis, & arduis causis, nos & hoc sacrum Concilium moventibus, iterum generale Concilium Ecclesiae fore convocandum, hinc ad triennium, videlicet ann. quo dicitur D. millesimo quadringentesimo duodecimo in



in mense Aprilis in civitate seu loco habili & decenti, qui locus declarabitur per annum ante tempus Concilii per nos vel successorem nostrum convocationem facientem. Et quibuldam interpolitis:

Item Dominus noster sacro approbante Concilio decernit, quod per dictum Dominum nostrum cum Cardinalium consilio deputentur nuntii solemnes, & mittantur ad reges & principes cunctos fideles ad publicandum & prosequendum auctoritate Domini nostri Papae & Sacri Concilii acta in isto sacro Concilio.

5 Item Dominus noster auctoritate Dei & Apostolorum Petri & Pauli, atque sua concedit omnibus, qui in hoc sacro Concilio interfuerunt, & ejus determinationi adhaerent, absolutionem plenariam à culpa & pena semel tantum.

Hæc in tomo VI. Spicilegii Lucae Dacherii.

Denique cum moreretur Alexander, iterum acta Concilii confirmavit, ut tradunt historici omnes, qui de vita illius scripserunt. Hic unus sufficit Platina. Cum verò, inquit, Alexander graviter agrotare cœpisset nossetque mortem propè instare, Cardinales ad se venientes, ad concordiam, ad pacem, ad tuendam Ecclesie dignitatem adhortatur. Testatus præterea est per eam mortem, quam ante oculos se continè cernere dicebat, nec reformidare, conscientia bene acta vita motus, se existimare & credere, quæ in Concilio Pisano decreta fuissent, rectè atque integrè facta esse omnia sine dolo malo, fraudeve. Cum hac dixisset, lacrymantibus omnibus, qui aderant, illud Salvatoris verbum aggrè proferens, Pacem meam do vobis, pacem meam relinquo vobis, statim moritur. Non dissimilia memoriæ prodiderunt Dominicus Tempesta, Severinus Binius, Henricus Spondanus, & Simon Starovolscius, quorum verba retulimus in Epistola ad Christophorum Fauvæum.

Hinc Bellarminus fallitur cum in libri de Conciliis capite VII. scribit: Nec approbatum nec reprobatum videtur esse Concilium Pisanum. Alexander enim illud semel atque iterum approbavit. Præterea ratio, cur reprobatum non fuisse dicit, approbatum fuisse probat: Si sine dubio, ait, fuisset reprobatum, etiam sine dubio Alexander VI. se non VI. sed V. appellasset. Adde quod est 6 ferme communis opinio, Alexandrum & qui ei successit, Joannem, fuisse veros Pontifices. At certè ex tribus, qui tunc se pro Pontificibus gerebant, illi maxime ut veri Pontifices colebantur.

Concilium secundum, est Constantiense, in quo decreta duo hæc sequentia statuuntur. Et primò quidem in sessione III. Quod ipsum Concilium non transferatur ad alium locum, nisi, ex causa rationabili, & de consilio hujus Concilii deliberanda & concludenda.

Deinde in sessione IV. In nomine sanctæ & individue Trinitatis, Patris & Filii & Spiritus Sancti amen. Hæc Sancta synodus Constantiensis generale Concilium faciens pro extirpatione præsentis schismatis, & unione ac reformatione Ecclesie Dei in capite & in membris fienda ad laudem omnipotentis Dei in Spiritu Sancto legitime congregata ad consequendum facilius, securius, liberius, & uberiori unionem & reformationem Ecclesie Dei, ordinat, disponit, statuit, decernit, & declarat, ut sequitur: Et primò quod ipsa Synodus in Spiritu Sancto congregata legitime generale Concilium faciens, Ecclesiam Catholicam militantem representans, potestatem à Christo immediatè habet, cui quilibet cujuscumque status vel dignitatis etiam si papalis existat, obedire tenetur in his quæ pertinent ad fidem & extirpationem dicti schismatis & generalem reformationem Ecclesie Dei in capite & in membris.

Tum in sessione XXXIX. Frequens generalium Conciliorum celebratio, agri Domini cultura est præcipua, quæ vepres, spinas, & tribulos hæresum & errorum & schismatum extirpat, excessus corrigit, deformata reformat, & vineam Domini ad frugem uberrima fertilitatis adducit. Illorum verò neglectus præmissa disseminat atque fovet: hæc 7 præteritorum temporum recordatio, & præsentium consideratio, ante oculos nostros ponunt. Ea propter hoc edito perpetuo sancimus, decernimus, & ordinamus, ut amodo Concilia generalia celebrentur, ita quod primum à fine hujus

Concilii in quinquennium immediatè sequens, secundum verò à fine illius immediatè sequentis Concilii in septennium, & deinceps de decennio in decennium perpetuo celebrentur in locis, quæ Summus Pontifex per mensem ante finem cujuslibet Concilii approbante & consentiente Concilio, vel in ejus defectum, ipsum Concilium deputare & assignare teneatur, ut sic per quandam continuationem semper, aut Concilium vigeat aut per termini pendentiam expectetur: Quem terminum liceat Summo Pontifici de fratribus suorum sanctæ Romanæ Ecclesie Cardinalium concilio, ob emergentes fortè casus abbreviare, sed nullatenus prorogetur. Locum autem pro futuro celebrando Concilio deputatum absque evidenti necessitate non mutet. Sed si forte casus aliquis occurreret, quo necessarium videretur, ipsum locum mutari, puta, obsidionis, guerrarum, pestis, aut similis: Tunc liceat Summo Pontifici de prædictorum fratrum suorum, aut duarum partium ipsorum consensu atque subscriptione, alium locum prius deputato loco viciniorè & aptum sub eadem tamen natione surrogare; nisi idem vel simile impedimentum per totam illam nationem vigeret tunc ad aliquem alium viciniorè locum alterius nationis aptum, hujusmodi Concilium poterit convocari, ad quem Prelati & alii, qui ad hoc Concilium solent convocari, accedere teneantur, ac si à principio locus ille fuisset deputatus: Quam tamen loci mutationem, vel termini abbreviationem per annum ante præfixum terminum teneatur Summus Pontifex legitime, & solemmiter publicare & intimare, ut ad ipsum 8 Concilium celebrandum prædicto possint statuto termino convenire.

Martinus V. decreto huic paruit & parendo decretum hoc & alia confirmavit. Quæ major, & verior dari non potest confirmatio. Igitur paruit cum in sessione XI. IV. futurum indicit Concilium.

Martinus Episcopus servus servorum Dei ad futuram rei memoriam. Cupientes ac volentes decreto hujus generalis Concilii satisfacere, inter alia disponenti, quod omnimodo generalia Concilia celebrentur in loco, quem Summus Pontifex per mensem ante finem hujus Concilii approbante & consentiente Concilio civitatem Papiensem tenore præsentium deputamus, & etiam assignamus, statuentes, & etiam decernentes, quod prelati & etiam alii, qui ad generalia Concilia debent convocari, tempore prædicto civitatem ipsam Papiensem accedere teneantur. Nulli ergo omnino hominum liceat hanc paginam nostræ deputationis & etiam assignationis, decreti, & constitutionis infringere, vel ei ausu temerario contrariare. Si quis autem hoc attentare præsumpserit, indignationem omnipotentis Dei & beatorum Petri, Pauli, & Apostolorum ejus se noverit incursurum. Datum, & actum Constantia in loco sessionis publicæ XIII. Calend. Maii. Pontificatus nostri anno I. Quo decreto lecto, dominus Episcopus Ostiensis Cardinalis Vivariensis nomine totius Synodi respondit: Placet. Et subsequenter D. Ardecius de Novaria ex parte serenissimi principis Sigismundi Romanorum regis ibidem præsentis, & ejus nomine idem decretum approbavit & laudavit, & subsequenter dominus Augustinus de Lance de Pisis legum doctor sacri consistorii advocatus nomine Domini nostri Papæ dictum locum sive civitatem Papiensem approbavit, laudavit, & ad Concilium hujusmodi celebrandum habilem esse dixit.

Tum in sessione XLV. confirmat iterum acta Concilii: Antequam autem ad talia se diverteret, seu procederet, ambasiatores serenissimi Principis Vladislai Polonia Regis, & illustrissimi Principis Domini Alexandri, alias Vitoldi magnis Ducis Lithuania petierunt nomine dictorum Dominorum quendam libellum, & in eo contenta cujusdam Fratris Joannis Falkenberg notoriè crudelissimos errores & hæreses (ut dixerunt) continentem, ritè damnatum, tanquam hæreticum per deputatos in causa fidei, ac etiam per omnes nationes Concilii, ac per Collegium Cardinalium conclusum (prout dixerunt) constare publicis instrumentis in sessione publica, per sacrum Concilium damnari seu publice damnatum pronuntiari, antequam præsens Concilium dissolveretur, sanctissimo domino nostro Papæ præfato humiliter supplicarunt, alioqui nomine quo supra potestabantur

banur de gravamine, & de appellante ad futurum Concilium. Quibus sic factis, sanctissimus Dominus noster Papa dixit respondendo ad predicta, quod omnia & singula determinata, conclusa, & decreta in materiis fidei per praesens Concilium conciliariter tenere & inviolabiliter observare volebat, & nunquam contrarie quoquomodo: ipsaque sic conciliariter facta approbat, & ratificat, & non aliter, nec alio modo. At in actis omnibus Conciliis nihil est, quod magis conciliariter factum sit, quam decreta quae retulimus, & quibus Pontifex obedire non dubitaverit.

10 Denique in diplomate, quo Martinus hinc condemnationem errorum Wiclefi approbat, hinc redemptum ab haeresi admittendi modum praescribit. Inter condemnatos Wiclefi errores unus hic erat x l i. Non est de necessitate salutis credere Romanam Ecclesiam esse supremam inter alias Ecclesias: Error est, si per Romanam Ecclesiam intelligat universalem Ecclesiam, aut Concilium generale, aut pro quanto negaret primatum summi Pontificis super alias particulares Ecclesias. Hic primatus duntaxat asseritur supra particulares Ecclesias, non supra universalem Ecclesiam, aut Concilium generale. Inter quaestiones quae ab haeresi revertentibus ad Ecclesiam fieri debent, notandae sunt istae: Utrum credat, quod Papa canonice electus, qui pro tempore fuerit, ejus nomine proprio expresso sit successor beati Petri habens supremam auctoritatem in Ecclesia Dei. Dicitur in Ecclesia Dei, non in Ecclesia Dei, ac proinde nec in Concilio generale.

Item, utrum credat auctoritatem jurisdictionis Papae, Archiepiscopi, & Episcopi in solvendo & ligando esse majorem auctoritate simplicis Sacerdotis, etiamsi curam animarum habeat: dicitur jurisdictionis Papae auctoritas esse major auctoritate Presbyteri curam animarum habentis, non dicitur esse major auctoritate universalis Ecclesiae vel generalis Concilii.

Praeterea in interrogationibus, quae ad Constantiense Concilium spectant, notandae sunt hae duae:

Utrum credat, teneat, & asserat, quod quodlibet Concilium generale, & etiam Constantiense, universalem Ecclesiam representet. Inter sessiones non delinquitur, & eam ob causam non minus in prima, secunda, tertia, &

11 quarta, quam in caeteris sessionibus Constantiense Concilium universalem Ecclesiam repraesentat.

Utrum credat, quod illud, quod sacrum Concilium Constantiense universalem Ecclesiam representans approbavit & approbat in favorem fidei, & ad salutem animarum, quod hoc est ab universis Christi fidelibus approbandum & tenendum: Et quod condemnavit, & condemnat esse fidei, vel bonis moribus contrarium, hoc ab eisdem esse tenendum pro condemnando, credendum, & asserendum. Constantiense igitur Concilium ubique sessionum universalem repraesentat Ecclesiam, & cum ubique sessionum universalem repraesentet Ecclesiam, in suis definitionibus errare non potuit, quod Martinus cum apprime novisset, pro sua parte approbat & confirmat quicquid Constantiensis Synodus constituit. Ac proinde decretum illud, quo Synodus haec decernit potestatem à Christo habere se reformandi Ecclesiam in capite & in membris, quod caput & quae membra cum reformationi sint obnoxia, errori cum in fide, tum in moribus obnoxia esse oportet. Alioqui Synodus quae errare nequit, erravisset.

Praeterea Martinus V. anno m. cccc. xxi. semel atque iterum testatur universalem Synodum convocasse se Papae, ut Constantiensis Concilii Decretum exequeretur. Semel quidem in Epistola ad Othonem Trevirensis Archiepiscopum: Martinus, &c. Quod fieri potest spectaculum gloriosius super terra, magisque dignum Deo, quam si in una mundi parte armati fideles contra haereticos dimicare pro fide Catholica, in altera misbrati Patres Ecclesiastici pro reformatione Ecclesiae decreta iusta sancire conspiciantur? Ad hoc enim, Deo duce, dare operam

12 intendimus, & si forte civitas Papiensis per sacrum Constantiense Concilium pro loco hujus futuri Concilii deputata,

aliquo casu (quem Deus avertat) impediretur, non propterea à tam sancto opere desistemus. Nam in eadem regione aliae urbes idoneae sunt ad hoc Concilium celebrandum, quarum aliquam, ut speramus, Deus nobis per suam misericordiam liberam conservabit. Praeterea Fraternitatem tuam hortamur, ut sicut alias tibi, & caeteris Metropolitanis Germania scripsimus, quae tibi ad honorem Dei, reformationem status Ecclesiastici, exterminationem haereticorum ac pacem & quietem provincia, quae videantur esse in hoc generali Concilio proponenda & statuenda, una cum suffragiis discutiis & disponas. Datum, &c.

Iterum in Epistola ad Parisiense studium. Literas vestras plenas filialis devotionis & fidei libenter legimus, & oratores vestros libenter audivimus nos eadem fere sententia facundè & prudenter hortantes ad celebrationem Concilii generalis: Quibus licet per nos fuerit viva voce satis copiosè responsum, tamen quia nos delectamur vobiscum loqui in ista materia, quos non dubitamus zelo conservandae fidei Catholicae & Ecclesiasticae dignitatis commoveri, synceritatem cordis vestri per has literas ad plenioram cognitionem patefacere & aperire volumus. Non est, filii dilecti, dubitandum, quin plurimum profutura sit, sicut scribitis, Christiana reipublica hac sacra Synodus Deo auctore de proximo celebranda, per sanctam superiorem Constantiensem Synodum instituta ad ordinandam reformationem status Ecclesiastici, & ad periculosos haereses extirpandas: Et propterea nemo debet de voluntate nostra circa hujus celebrationem generalis Concilii dubitare. Et si civitas Papiensis ad hoc per ipsam Constantiensem Synodum deputata casu aliquo impediretur, (quem avertat Deus) non propterea ab hoc necessario & sancto opere desistemus. Nam speramus quod Deus per misericordiam suam aliquam ex propinquis civitatibus nobis ab omni impedimento liberam conservabit. Denique existimate nec Concilio idoneum locum, nec nobis sincerum animum ad ea, quae erunt iusta & recta, defuturum. Vos verò dilecti filii, quaecumque in eodem Concilio ad honorem Dei, reformationem Ecclesiae, extirpationem haereticorum, & ad pacem & salutem populi Christiani proponenda & statuenda videantur, mature, distictè, & salubriter providete, &c. Apud Odoricum Raynaldum in tom. xv l i i. Annal. Ecclesiast. Sic penè omnia Constantiensi tribuit Concilio, cujus decretum exequitur. Quae optima est & certissima Constantiensis Concilii approbatio & confirmatio.

Hinc grassante peste, Papiensis Synodus Senas translata est, ut Raynaldus eodem anno scribit: Extant, inquit, Apostolicae litterae ea de re ad Conradum Archiepiscopum Moguntinum & Theodoricum Coloniensem datae, in quibus Papiensem Synodum ob pestilentiam dissolutam fuisse ait (Martinus), tum etiam ad Alfonso Regem Aragonum quibus eum rogat, ut regnorum suorum praesules urgeat, ut Senas veniant: Quia, inquit, ex iusta causa translatio Concilii generalis de civitate Papiensi ad civitatem Senensem per ipsum Concilium est decreta, & approbata per nos, Excellentiam tuam rogamus, ut operam facias, quod Praelati de regnis tuis veniant ad reformandum cum caeteris statum Ecclesiasticum & libertatem Ecclesiae conservandam.

Denique Martinus in Senensi Concilio Basileae indicit 14 Concilium, quod post septennium celebraretur, ut Constantiense Concilium in capite Frequens decreverat. Martinus, &c. ad perpetuam rei memoriam.

Ad sacram Petri Sedem divina dispensatione vocati, ad salutem, tranquillitatem, & pacem totius gregis Dominici nobis crediti juxta Pastoralis officii debitum euntis vigilibus libenter intendimus, & iis, quae pro quieto statu universalis Ecclesiae, & reipublicae Christianae mature & sapientissime gesta sunt, ut illibata permaneant, libenter adjicimus Apostolici roboris firmitatem: Nuper siquidem venerabiles fratres, Petrus Archiepiscopus Cretensis, & Jacobus Episcopus Spoletanus, ac dilecti filii Petrus Abbas Monasterii de Rosario ordinis S. Benedicti Aquileiensis Diocesis, nec non Leonardus de Florentia Ordinis Fratrum Praedicatorum generalis Magister, nuncii nostri Senensi generali Concilio praesidentes



presidentes ad audientiam nostram deducere curaverunt, quod pridem ipsi matura deliberatione prehabita cum doctoribus & magistris aliisque sapientibus & prudentibus viris diversarum nationum, qui ad civitatem Senensem causa Concilii accesserunt, & usque tunc permanserant in eodem, ad quod neque Prelati & ceteri, qui huiusmodi Concilio interesse debebant, per novem menses vel circiter expectati, in tanto numero convenerant, quantum rerum agendarum pondus & magnitudo requirere videbatur, ipsorumque Prelatorum & aliorum paucitate pensata, animadvertentes, quod plures ex illis qui ad Concilium ipsum venerant, inde necessitate coacti recessissent, quam venissent ad illud, sicut quotidie recedebant; nec esset spes adventus aliorum sine longo temporis intervallo: Et propterea inter se premissa

15 providè & maturè considerantes ac sentientes ex longa mora & protelatione dicti Concilii diversa & gravissima pericula, non solum statui universalis Ecclesia, verum etiam toti Christianitati quamplurimum nocitura verisimiliter imminere, & (quod dolemer referimus) in eadem civitate per nonnullos tales modi indecentes & inhonesti in prosecutione Concilii tenebantur, quod neque ibi sessio publica teneri, neque conclusa & concordata poterant expediri & publicari, ex quibus optata Ecclesia reformatio juxta desiderium cordis nostri, premissis obstantibus, nequibat cum libera pralatorum consultatione compleri, & ne his omnibus maturè digestis & ponderatis ejusdem Concilii dissipatio absque deputatione & assignatione loci pro futuro Concilio juxta determinationem sancta Constantiensis Synodi sequeretur, civitatem Basiliensem pro loco futuri Concilii inde ad septennium auctore Domino celebrandi, de voluntate pariter & assensu Pralatorum, Magistrorum, doctorum, nationum, & aliorum predictorum, seu longe majoris partis eorum elegerunt, deputarunt, & etiam assignarunt, &c. Datum Rome apud S. Petrum IV. idus Martii Pontificatus nostri anno VII. Apud Odoricum Raynaldum ibidem. Hæc omnia spectant ad Martinum V. qui antè discessit è vita, quam Basileense Concilium à se indictum celebraretur. Concilii tamen remansit indictio, & huic in primis sessionibus præfuit Julianus Cardinalis, quem Martinus præsidem designaverat. Eugenius IV. Martini successor designationem illam gratam ratamque habuit, & Julianum ad Basileense Concilium ablegavit. Quæ igitur modò relatum sumus, ad Eugenium pertinent.

16 Imprimis occurrunt literæ, quas ad Julianum dedit, ut Basileam sese conferret: Quia tunc non modò in Germaniâ, sed & in Polonia & Hungaria legationem obibat. Sunt autem literæ huiusmodi: Juliano S. Angeli Diacono Cardinali. Certificati tam per tuas literas, quam alias de sollicitudine & circumspècta diligentia, quam habes in proseguendo causam fidei contra Bohemos hereticos, tuam prudentiam commendamus, & te ad perseverandum hortamur, quantum cum decet fieri poterit. Præterea cum felicitis recordationis Martinus Papa V. prædecessor noster inter cetera tibi injunxerit præsidere debere auctoritate Apostolica in Concilio generali in Basileensi civitate celebrando, si talis esset concursus & congregatio Pralatorum, quod meritò & rationabiliter celebrari debuisset & deberet, & sicut accepimus, usque nunc pauci aut nulli convenerunt, & propterea non sit opus alium destinare, sed sit potiùs expectandum, placet nobis & volumus, tibi que mandamus, quatenus expedito negotio Bohemorum, cujus finis expectatur in brevi, tuos gressus dirigas ad predictam civitatem Basileensem, & ibi prout opus videris esse juxta tibi injuncta & ordinata in Concilio Constantiensi optime provideas, prout in tua prudentia & circumspèctione plenè confidimus. Datum Rome apud S. Petrum anno Incarnationis Dominicæ M. ccccxxxi. II. Calend. Junii. Pontificatus nostri anno I. apud Raynaldum. Eugenius rursus approbat Constantiensis Concilii decreta, quibus edendis cum esset Gabriel Condulmerius Cardinalis ab Angelo Corrario Gregorio XII. creatus, interfuit & operam novavit, per seipsum noverat quanta cum deliberatione, quanto cum studio, quanta

quanta cum antiquarum traditionum intelligentia & maturitate Constantiense Concilium se gesserat. Quare mirum nemini videri debet, quod Eugenius literas sic concludat: Tuos gressus dirigas ad predictam civitatem Basileensem, & ibi prout opus videris esse juxta tibi injuncta & ordinata in Concilio Constantiensi, optime provideas, prout in tua prudentia & circumspèctione plenè confidimus. Constantiense Concilium statuerat id, quod in relatis antè decretis statutum legitur, & quod in prima & secunda sessione Basileensis Synodi reperitur & confirmatur.

In sessione I. repetitur decretum, quod Frequens appellatur, & quod antè relatum est. In sessione II. repetuntur & confirmantur decreta, quæ sequuntur: Apposita præfatione hac: Et ne de ejusdem sacra Basileensis Synodi potestate à quoquam dubitetur, ipsa eadem Synodus duas declarationes ex decretis Synodi Constantiensis in presenti sessione aliis suis decretis editis, seu edendis inferendas ordinat & decernit, quarum quidem declarationum tenor prima sequitur, & est talis.

Et primò quidem declarat, quod ipsa Synodus in Spiritu sancto legitime congregata generale Concilium faciens, & Ecclesiam militantem repræsentans potestatem immediatè à Christo habere, cui quilibet cujuscumque status & dignitatis etiam si Papalis existat, obedire tenetur in his, quæ pertinent ad fidem & extirpationem dicti Schismatis, & ad generalem reformationem Ecclesia Dei in capite & in membris.

Alterius verò tenor sequitur in hæc verba: Item declarat, quod quicumque cujuscumque status vel dignitatis etiam si Papalis existat, qui mandatis, statutis, seu ordinationibus, aut præceptis hujus sacra Synodi, & cujuscumque alterius Concilii generalis legitime congregati super premissis, seu ad ea pertinentibus, falsis vel faciendis obedire contumaciter contempserit, nisi resipuerit, condigne poenitentia subiciatur, & debite puniatur, etiam ad alia juris subsidia (si opus fuerit) recurrendo. Premissis igitur & nonnullis aliis Constantiensis Concilii, & præsertim capituli, quod incipit FREQUENS, in priori hujus sacra Synodi Basileensis sessione recitati, & decretis attentis, prælibata Synodus Basileensis decernit & declarat, quod ipsa pro haresum extirpatione, ac morum generali reformatione Ecclesia in capite, & in membris, nec non pace inter Christianos procuranda, ut premissis, in Spiritu Sancto legitime congregata, per nullum quavis auctoritate, etiam si Papali dignitate præfulgeat, dissolvi, aut ad alium locum transferri, seu ad aliud tempus prorogari debuit, aut potuit, debet aut potest, debet aut poterit in futurum, absque ejusdem Synodi Basileensis deliberatione & consensu. Julianus sessioni huic præfuit & fecit, quod faciendum sibi esse injunxerat Eugenius in literis, quas mox adduximus. Repetita Constantiensis Concilii decreta auctoritate, qua munitus erat, Apostolica confirmat, & iis consentit. Hoc Bellarminus duobus in locis fatetur ingenuè: Et primùm quidem in libri I. de Conciliis capite XII. Basileense Concilium legitime inchoatum fuit; deinde in lib. III. de Ecclesia militante capite XVI. Basileense Concilium initio quidem fuit legitimum. Nam & legatus aderat Romani Pontificis, & Episcopi plurimi. Si legitimum tunc fuit Concilium, quando inchoatum est, si aderat Romani Pontificis legatus, si aderant plurimi Episcopi, Basileense Concilium legitime processit, & repetita Constantiensis Concilii decreta legitime confirmavit.

Eugenius non multò post Basileensis Concilii sessionem II. cogitat de eo transferendo Bononiam, ut in locum, qui excipiendis Græcis foret opportunior. Hi enim ad concordiam cum Occidentali Ecclesia redire velle jam testati fuerant. Eugenius igitur ad Cardinalem Julianum de transferendo Concilio scribit literas, quibus Basileense Concilium non assensit. Julianus Eugenii Legatus rescribit ad Eugenium, contenditque illi ex falsis causis subreptum esse. Sed curiosè ac diligenter animadvertendum est, Pontificem ea, quæ

quæ Basileense Concilium fecerat, non infirmare. Adscribenda sunt verba literarum Eugenii:

Cumque his proximis diebus charissimus in Christo filius noster Joannes Palæologus Constantinopolitanus Imperator nuncupatus oratorem suum ad nos & præfatos fratres nostros destinaverit, qui exponendo nos requisivit, ut juxta ordinationem dicti prædecessoris pro unimine Orientalis Ecclesiæ cum Romana & Occidentali Ecclesiæ Concilium celebraretur, nosque conventionem & ordinationem dicti prædecessoris etiam cum consilio dictorum fratrum nostrorum approbantes, ipsique Græcis postulantiibus juxta conventiones dicti prædecessoris expensas galearum eos ad Concilium conducere, & ipso finito ad partes suas reducere debentium, & alias expensas opportunas & necessarias obtulerimus, multaque etiam loca Italia, cum alibi pro Græcis commodè fieri non posset, pro celebratione dicti Concilii, eorumque reductione ad ritum Romanæ Ecclesiæ, 20 per nos oblata fuerint, dictisque orator nos certos effecerit, Imperatorem & Patriarcham præfatos alios suos oratores cum plena potestate transmissuros esse qui ex oblati in Italia locis aliquem, præsertim cum plena potestate Bononiæ acceptabunt, prout ad præfatum prædecessorem ante sui obitus notitiam transmittébant, cumque si nova prælatorum vocatio, ut præmittitur, fieret, hæc duo Concilia uno propè tempore concurrere videantur, & si ea disjuncta fieri & celebrari contingeret, unum ex altero debilius, & minoris efficeretur auctoritatis: Hæc insuper una cum dictis fratribus nostris animo nostro contemplantes, cum in universa Republica Christianorum, nihil desiderabilius contingere posset, quam videre Græcos tanto temporis intervallo à dicta Romana Ecclesiæ disjunctos, sub ritu ipsius Ecclesiæ, & veritate Catholica fidei reductos esse, & illam Græciæ nationem, quæ tot sanctos Patres, & viros egregios & sapientes genuit, qui humano generi tam sacratarum, quam secularium literarum seminarium dederunt, Romanæ Ecclesiæ unitam, & sub ipsius unico ovili reductam: His & aliis rationabilibus causis inducti, ut tam reformationem cleri, & Ecclesiæ, ac extirpationem hæresum, ac paci & tranquillitati Christianorum, quam etiam Græcorum reductioni, quæ omnia summis desideramus affectibus, providere personaliter valeamus, circumspeditioni tuæ ipsum Concilium, si quod adhuc pendere videatur, dissolvendi, & nihilominus ante dissolutionem hujusmodi, in civitate nostra Bononiensi, ubi Deo auctore personaliter intendimus præsidere, usque ad annum cum dimidio à die dissolutionis hujusmodi computandum, novum Concilium indicendi & infra plenam & liberam de ipsorum fratrum videlicet 21 Jordanii Sabiniensis, Antonii Ostiensis & Velletrensis, &c. Cardinalium consilio, auctoritate Apostolica, tenore præsentium concedimus facultatem. Apud Raynaldum. Dissolvendi Concilii Basileensis, & alterius Bononiæ indicendi facultatem concedit. Sed nec rescindit ipse, nec rescindendi quæ acta fuerant Basileæ facultatem Juliano ullam concedit.

Rata igitur fixaque remanent, Constantiensis Concilii decreta illa, quæ in Basileensis Synodi sessione 1. & 11. relata sunt & iterum confirmata præside Juliano, qui suis interim ad Eugenium literis dissolvendæ Synodi causas refellit ac diluit: In summa Pontificem specie recti deceptum fuisse, nec in Synodi dissolutionem diligenter inquisivisse contendit. Hinc inter Synodum & Eugenium altercationes identidem factæ sunt usque ad sessionis xvi. tempus, quo Pontifex melius consultus dissolvendæ Synodi consilium deposuit, & Synodi acta quæ præcesserunt, sic confirmavit.

Eugenius Episcopus servus servorum Dei ad perpetuam rei memoriam. Dudum sacrum generale Concilium Basileense per generalium Constantiensis & Senensis Conciliorum statuta, ordinationesque felicitis recordationis Martini Papæ V. ac nostras pro extirpatione hæresum, pace populi Christiani, ac generali reformatione ECCLESIAE IN CAPITE ET IN MEMBRIS & pertinentibus ad ea legitime inchoatum ex certis causis in aliis nostris literis

expressis de fratrum nostrorum Sanctæ Romanæ Ecclesiæ Cardinalium consilio & assensu dissolvimus. Verum cum ex dicta dissolutione orta sint graves dissensiones & graviores oriri possent, nihilque magis optemus, quam quod prædicta Sancta opera debitum sortiantur effectum, de consilio & assensu venerabilis fratris Episcopi Sabiniensis, 22 & dilectorum filiorum nostrorum Antonii Sancti Marcelli, Francisci Sancti Clementis, Angeloti tituli Sancti Marci Presbyterorum, ac Lucidi Sanctæ Mariæ in Cosmodin, & Ardecini Sanctorum Cosmæ & Damiani Diaconorum Sanctæ Romanæ Ecclesiæ Cardinalium decernimus & declaramus, præfatum generale Concilium Basileense à tempore prædictæ inchoationis suæ legitime inchoatum fuisse, & esse, prosecutionemque semper habuisse, continuari ac prosecutionem habere debere ad prædicta, & pertinentia ad ea, perinde ac si nulla dissolutio facta fuisset. Quinimo præfatum dissolutionem irritam & inane de consilio & assensu simili declarantes, ipsum Sacrum generale concilium Basileense purè & simpliciter cum effectu ac omni devotione & favore prosequimur, & prosequi intendimus. Præterea ut mentis nostre integritas ac devotio, quam ad universalem Ecclesiam & Sacrum generale Concilium Basileense gerimus, evidenter constet, duas nostras literas prædem in Palatio Apostolico promulgatas: Nam tertias, quarum tenor de verbo ad verbum inferius describitur, quæ dicuntur incipere, Deus novit, cum à nobis, aut de scitu nostro nunquam emanarint, licet superfluum videatur, quod non extat, revocare tamen, quia petiitum est & ad camelam, si nullo unquam tempore apparerent & alias quascunque, & quidquid per nos, aut nostro nomine in præjudicium & derogationem Sacri Concilii Basileensis, seu contra ejus auctoritatem factum, attentatum, seu assertum est, cassamus, revocamus, nullas & irritas fuisse declaramus, &c. Datum Romæ apud S. Petrum xviii. Calend. Jan. Pontificatus nostri anno 111.

Pius II. hoc quoque de Eugenio in diplomate Re- 23 tractationis suæ breviter testatur: Accessit & ipsius Eugenii consensus, qui dissolutionem Concilii à se factam revocavit, & progressum ejus approbavit. Sic Pius conjunctis cum Eugenio operis Turrecrematæ, Bellarmini, & aliorum strophis, cavillationibus, & calumniis, quibus Basileensis Concilii acta priora impetunt, occurrat, & una docet auctores illos Basileense Concilium minime perlegisse, aut lectoribus suis fucum facere velle.

His autem omnibus, quæ ad Pisanum Concilium & Alexandrum V. quæ ad Constantiense & Martinum V. & quæ ad Basileense & Eugenium IV. pertinent, ita constitutis, fumo mihi tria.

Primum, quod nemo est tam pertinax, qui Alexandrum V. Pisanum, Martinum V. Constantiense, & Eugenium IV. Basileense Concilium in iis saltem, quæ retulimus, approbasse & confirmasse neget, nisi pudorem omnem exuerit.

Deinde, quod ex octo primis generalibus Conciliis nullum possit objici; quod è Romanis Pontificibus approbatum & confirmatum fuerit manifestius. Quis quæso ex monumentis certioribus docebit, Nicænam Synodum I. toties à Silvestro Papa; Constantinopolitanam I. toties à Damaso: Ephesinam, toties à Celestino, Calchedonensem toties à Leone I. Constantinopolitanam II. toties à Vigilio, Constantinopolitanam III. toties ab Agathone vel à Leone II. Nicænam II. toties ab Hadriano I. Constantinopolitanam IV. toties ab Hadriano II. approbatam & confirmatam esse, quoties Pisana Synodus ab Alexandro V. quoties Constantiensis à Martino V. quoties Basileensis ab Eugenio IV. approbata & confirmata est, ut 24 jam monuimus, in iis, quæ supra relata sunt fideliter?

Denique, quod quibus, sive rationum momentis, sive argutiis Alexandro V. Pisani, Martino V. Constantiensis, Eugenio IV. Basileensis Concilii subducetur



approbatio & confirmatio, iisdem prorsus Silvestro Nicæni I. Damaso Constantinopolitani I. Celestino Ephesini I. Leoni Calchedonensis, Vigilio Constantinopolitani II. Agathonii seu Leoni II. Constantinopolitani III. Hadriano I. Nicæni II. Hadriano II. Constantinopolitani IV. Concilii approbatio & confirmatio subtrahetur: Idque me vide multo facilius.

Supereft modò, ut ad præcipuum fcriptionis huius argumentum veniam, & producam Romanæ Curie Theologos, qui quanta & qualis fit propositi ab initio lemmatis veritas & certitudo, perspicue declarent.

Primus nobis erit Joannes Turrecremata Cardinalis in libri III. Summæ de Ecclesia capite LVIII. Concilium universale in his, quæ ad fidem pertinent, errare non potest, quæ tam Patrum Ecclesiæ, quam Romani Pontificis unanimi consensu definita sunt.

Secundus Albertus Pighius in libri VI. de Hierarchia Ecclesiæ capite VIII. Conciliorum itaque universalium auctoritatem quæ sit, qualis aut quanta, siquis exactè præfiri sibi exegerit, eandem utique esse & universam dicemus, quam Cathedra Apostolica, atque ejus præsidis superius demonstravimus, eandem prærogativam, idem privilegium, nempe ut super quoscunque, qui membra sunt Ecclesiastici corporis, sacrosanctum sit, & in calo ratum eorum judicium certa sententia, & indubie veritatis definitio. Sed hæc eorum tantum est prærogativa & auctoritas, quæ legitima sunt; hoc est, Apostolicæ Sedis & Ecclesiasticæ Hierarchiæ præsidis auctoritate celebrata.

Tertius Melchior Canus in libri V. de Locis capite IV. Tertia conclusio: Concilium generale confirmatum auctoritate Romani Pontificis certam fidem facit Catholicorum dogmatum. Quam quidem conclusionem ita exploratam habere opus est, ut ejus contrariam hæreticam esse credamus. Primum, quoniam redibunt aliæ hæreses universa Conciliorum generalium auctoritate damnata, & symbolum quoque Nicænum erit ambiguum Concilii generalis auctoritate sublata. Deinde, si Concilium hujusmodi errare in fide posset, nulla profectò certa via esset reliqua, ut in fidei controversiis Catholicum dogma exploraremus. Et quibusdam interpositis: Præterea Martinus V. in Concilio Constantiensis inter reliquas interrogationes, quibus suspecti in fide sunt examinandi, eam etiam proponit; Utrum credant, quòd quolibet Concilium generale universalem Ecclesiam representet. Si igitur Concilium generale universalis Ecclesiæ habet auctoritatem, qui illam de medio tollit, totius Ecclesiæ auctoritatem eadem opera dissolvit.

Quartus Dominicus Bannes in secundam secundæ art. I. quæst. V. dub. III. Prima conclusio: Concilium generale congregatum & confirmatum auctoritate Pontificis errare non potest in rebus fidei definiendis. Hæc conclusio ab omnibus Doctoribus Scholasticis & sanctis assertitur certa secundum fidem Catholicam. Et post alia: Deinde probatur conclusio: Quoniam Ecclesia universalis errare non potest, sed Concilium hujusmodi universalem Ecclesiam representat, ut ait Martinus V. in bulla, quæ habetur in fine Concilii Constantiensis, ergo neque Concilium errare potest.

Quintus Gregorius de Valentia in Analyfi fidei Catholice lib. VIII. cap. VII. assert. II. Accedente Romani Pontificis confirmatione Concilium quodvis est infallibile.

Sextus Robertus Cardinalis Bellarminus in lib. II. de Conciliis capite II. Sit igitur prima propositio: Fide Catholica tenendum est generalia Concilia à summo Pontifice confirmata errare non posse, nec in fide, nec in moribus. Propositionem hanc multis confirmat rationibus, quarum una ex Pisane, Constantiensis, & Basileensis Synodi verbis comparatur. Concilium, inquit, generale representat Ecclesiam universam, & proinde consensum habet Ecclesiæ universalis: Quare si Ecclesia non potest errare, neque Concilium Oecumenicum legitimum & approbatum potest errare. Et paullo post: Præterea Martinus V.

in fine Concilii Constantiensis jubet interrogari suspectos de heresi, an non credant Concilium generale universalem Ecclesiam representare.

Septimus Andreas Duallius in parte IV. libri de suprema Romani Pont. auctoritate capite VI. Nunquam à Catholicis in dubium vocatum est, quin Concilia Oecumenica calculo Pontificis munita & approbata privilegio infallibilitatis gaudeant; ut contra sæculi novatores disertè docent Doctores Polemici, qui controversias pertractarunt, & in hoc Christiano bello calamos in hæreses distinxerunt.

Octavus Franciscus Coriolanus in Summam Conciliorum, præludio VII. Assertio I. Si ad Concilium legitime congregatum accedat confirmatio Papæ, Concilium illud est infallibilis veritatis in decretis fidei. Infra: Assertio II. Determinationes Concilii à Papa confirmari sunt de fide, ita quòd sub pœna hæresis omnes illi teneantur obedire.

Nonus Thomas Comptonus ejusdem cum Valentia & Bellarmino Societatis Theologus in disput. XXI. de Conciliis sect. IV. num. X. Concilium generale, in quo adest Pontifex, errare non potest, & est infallibilis regula fidei. Et paullo post: Idem dicendum est de Concilio generali, in quo Pontifex per se non adest, sed per Legatos suos, si tamen rebus ab eo definitis Pontificis approbatio accedat: Imò si juxta instructionem de re aliqua in particulari à Papa per Legatos transmissam rem illam definiat. Res sic definita, etiam non expectata confirmatione est statim de fide. Pontifex siquidem jam præbuit consensum, sicque res illa habet omnem auctoritatem ad firmam & validam definitionem requisitam.

Hæc pauca de pluribus Romanæ Curie Theologis, quos sic appello, non quòd omnes in Romana Curia docuerint, aut vixerint; sed quòd omnes novas Romanæ Curie opiniones animo imbibierint, & passim tradiderint, nec in veterem & perpetuam Sedis Apostolicæ traditionem altius inquisiverint.

Jam igitur facile perspicis, certitudinem (mollienda sunt usu verba) esse summam lemmatis, quod initio assumptum est. Nam auctoribus Turrecremata, Pighio, Cano, Banne, Valentia, Bellarmino, Duallio, Coriolano, Comptono, divina fide credi potest & debet, Romanum Pontificem Ecclesiæ & Conciliis Ecclesiam representantibus subijci, non supra, sed infra Concilium esse, & qui contrà negaret, in hæresim incurrere. Utamque complexionem, quæ ex Curie Theologorum sententia deducitur, urgere atque exaggerare cordatorum & eruditorum hominum injuria fuerit.

Sunt & aliæ complexionem duæ, quæ ex proposito & asserto lemmate non minùs necessariò inferuntur; una, à Romano Pontifice ad Concilium provocari posse, si causa legitima subsistit: altera, eundem non errandi privilegio carere; & quia Concilio subijcitur, à Concilio in fide & moribus corrigi posse & debere. Quocirca qui Theologi Romanum Pontificem Concilio subesse credunt, & ei non errandi privilegium tribuunt, ad pauca respiciunt, & facile pronunciant. Inconsequenter loquuntur, & auctoritas pene incredibili laborant.

Sic ergo vindicatam aliis in Epistolis veritatem de manibus eorum qui seorsum ab antiqua Sedis Apostolicæ traditione sentiunt, extorquemus atque excludimus.

Tergiversationi, moræ, cavillationi locus nullus quaquaversum patet, quò tandem se reciperent, aut confugerent. Si proferant ignorasse se Alexandrum V. Martinum V. & Eugenium IV. cui testis idoneus & locuples accedit Pius II. id confirmasse & approbasse, quod illi sole clariùs confirmarunt & approbaverunt, quid proficiunt? Damnantur negligentia. In re tanti ponderis damnati negligentia, quomodo suam in cæteris probabunt diligentiam? Semel malus in eodem genere mali semper præsumitur malus. Si proferant dissimulasse se, quod viros Theologos dissimulare non

29 non oportet, quid inde reportabunt lucri? Damna-  
buntur *κρῖς*. Damnati *κρῖς* quomodo suam in  
aliis fidem asserent? Si recipiant non putasse se Alex-  
andrum V. Martinum V. Eugenium IV. id fecisse to-  
ties, quod toties fecerunt; quid inde habebunt excu-  
sationis? Dicere non putabam, sapientis non est homi-  
nis, multo minùs sapientissimi. Si tum demum de con-  
firmatione & approbatione, per quam Alexander V.  
Pisano Concilio, Martinus Constantiensis, Eugenius  
Basileensis actis prioribus consentiunt, & in eandem  
cum Pisani, Constantiensis, & Basileensis Patribus in-  
eunt sententiam, ut & Leo I. & Martinus I. loquun-  
tur, detrahant, pernicioso sibi exemplo detrahent. In  
primis enim confirmationem hanc, qua de agitur, in-  
utilem & supervacaneam esse prodent: Deinde secum  
pugnabunt; Quippe qui per Romanorum Pontifi-  
cum confirmationem doceant, Conciliis fidem au-  
thoritatem & firmamentum omne propemodum ad-  
jungit.

Porro quidquid illud est, dilemmate hoc constringi-  
tur: Si necessaria est Romanorum Pontificum confir-  
matio, ut ex Pisano, Constantiensis, & Basileensis Con-  
cilio credamus, Romanum Pontificem subjici Con-  
cilio in iis, quæ ad fidem, schisma, & morum tam in  
capite quàm in membris reformationem pertinent,  
confirmatio hæc nobis suppetit abunde: Si verò neces-  
saria non est confirmatio, ex iisdem Conciliis non mi-  
nùs credemus Romanum Pontificem subjici Concilio,  
quàm si necessaria foret: Ab hoc dilemmate non se ex-  
pedient Turrecremata, Pighius, Canus, Bannes, Va-  
30 lentia, Bellarminus, Du Vallius, Coriolanus, Compto-  
nus, & *ὁ ὅλος* reliqui.

Neque verò possunt contendere, materiam ad fidei  
dogmata non spectare. Id enim contra seipsos con-  
tenderent: Bellarminus inter alios cùm in libri II. de  
Conciliis capite XVII. proposuit; *Summum Pontifi-  
cem absolute esse supra Concilium generale*: subjungit, pro-  
positionem istam *esse fere de fide*; atque ita judicat, rem  
ad fidei dogmata spectare posse. Sed quoniam contra-  
riæ sunt contrariorum consequentiæ, propositio hæc,  
*summum Pontificem Concilio subjici*, vel infra Concili-  
um esse, ad fidem pertinere potest. Et ut jam vidi-  
mus, re ipsa pertinet; idque Turrecremata, Pighii,  
Cani, Bannis, Valentia, Bellarmini, Du Vallii, Corio-  
lani, Comptoni iudicio. Bellarminus quidem per ig-  
norantiam vel malitiam fallitur, cùm ait, *propositionem  
suam fere de fide esse*; sed non fallitur, cùm significat  
materiam ad fidei dogmata referri posse, uti cùm scri-  
bit, *fide Catholica tenendum esse Concilia generalia à sum-  
mo Pontifice confirmata errare non posse, nec in fide, nec  
in moribus*. Quo pacto propriam mutare debet senten-  
tiam & oppositam tenere, nimirum fide Catholica te-  
nendum esse Romanum Pontificem generali Concilio  
subjici; infra illud esse.

Deinde Bellarminus velit nolit nobis assentitur, dum  
in libri II. de Conciliis capite XIX. ita scribit: *Que  
autem definivit Concilium Basileense de sua auctoritate  
supra Pontificem, nullus pontifex probavit*. Eugenius, ut  
mox vidimus, probavit semel atque iterum: Semel  
quidem per Legatum suum Julianum, iterum per se-  
ipsum; nec dissentiret Bellarminus, si quæ retulimus  
31 perlegisset. Hic ergo Pontifex id fecit, quod Bellar-  
minus ab illo fieri voluit, ut certò credi posset Con-  
cilium supra Pontificem esse: Verum quidem est Bellar-  
minum addere, quæ sequuntur: *Sed reprobavit impi-  
mis Eugenius Papa, ut patet ex Basileensi Concilio sess.  
38*. Quo modo Eugenius probaret unum idemque &  
reprobaret, ædificaret & destrueret, pugnantia loque-  
retur. Et qua potissimum in re Bellarminus Pontifi-  
cem errare non posse putat, Pontifex erraret; nempe  
unum & idem probando & reprobando. Sic à Bellar-  
mino Basileensis Concilii probatio & improbatio lu-  
ditur, & ad illud nunc asserendum nunc evertendum  
tanquam machina comparatur.

Quinetiam Bellarminus in ipsa reprobatione non  
sibi constat. Nam in libri III. de Ecclesia militante  
capite XVI. ait: *A quo tempore Basileense Concilium En-  
genium deposuit, & Felicem elegit, non fuit Concilium Ec-  
clesia, sed conciliabulum schismaticum, seditiosum, & nul-  
lius prorsus auctoritatis*. Sed in libri IV. de amissione  
gratiæ & statu peccati capite XV. longè civilius loqui-  
tur & humanius: *Porro Concilium Basileense sess. 36.  
definivit quidem beatam Virginem sine peccato fuisse con-  
ceptam, sed nec ea definitio facit certam fidem, cùm Con-  
cilium illud ab Apostolica Sede probatum non fuerit, nec  
ipsum Concilium sententiam suam pro articulo fidei haberi  
voluit. Solum enim statuit eam sententiam amplectendam  
esse, ut piam & consonam cultui Ecclesiastico fidei Catho-  
lica, scripturis, & rationi*. Hic semel, iterum, & ter-  
tiò Basileense vocat Concilium, quod illic vocabat Con-  
ciliabulum schismaticum, seditiosum, & nullius prorsus  
auctoritatis. Hic verò in testimonium magnæ cuiusdam 32  
auctoritatis in medium edit & profert. Atque ista est  
desultoria, sed indigna disputandi ratio, quæ non  
magnam auctori suo fidem asciscit.

Cæterum silentio prætermittendum non est, Bellar-  
minum supra Martinum V. in re quæ ad Constantien-  
se Concilium spectat, diminutè laudasse, cùm ait: *Præ-  
terea Martinus V. in fine Concilii Constantiensis jubet in-  
terrogari suspectos de hæresi, an non credant Concilium ge-  
nerale universam Ecclesiam representare*. Ubi subtrahun-  
tur verba hæc, etiam Constantiensis. Interrogatio facien-  
da sic se habet: *Utrum credant, quod quodlibet Con-  
cilium generale & etiam Constantiensis universalem Ecclesi-  
am representet*. Deinde in præteritis relinquit aliam  
interrogationem hanc: *Utrum credant, quod illud, quod  
sacrum Concilium Constantiensis universalem Ecclesiam re-  
presentans approbavit & approbat in favorem fidei, & ad  
salutem animarum, quod hoc est ab universis Christi fide-  
libus approbandum & tenendum; Et quod condemnavit &  
condemnat, esse fidei vel bonis moribus contrarium, hoc ab  
eisdem esse tenendum pro condemnato, credendum & asse-  
rendum*.

In his autem interrogationibus, quæ & Concilii &  
Martini auctoritate fieri debent, Martinus Concilii i-  
nitium ab illius progressu & fine distinguit nusquam, &  
ubi non distinguitur in re ponderis tanti, nefas esset  
distingui; ne tota vacillaret Joannis Wiclefi, Hie-  
ronymi Pragensis, & Joannis Hussi errorum condem-  
natio, & reliquus synodi labor funditus periret. Bel-  
larminus illud omne dissimulat, ut videlicet det locum  
exceptioni huic, quam tradit in libri II. de Conciliis 33  
capite XIX. *Responderi potest non fuisse Concilium Con-  
stantiensis, cùm id asseruit huiusmodi, ut quæstiones de fide  
definire posset. Nam imprimis non erat tunc generale Con-  
cilium, cùm tantum adesset tertia pars Ecclesiæ, id est, ii  
tantum Prelati, qui obediebant Joanni. Nam qui obedie-  
bant Gregorio & Benedicto, repugnabant iis, quæ à Synodo  
fiebant. Deinde non aderat tunc certus Papa in Ecclesia,  
sine quo dubia de fide definiri non possunt. In Concilio au-  
tem nullus erat Papa. Joannes enim XXIII. qui Concili-  
um inchoaverat, jam inde recesserat, cùm quarta sessio ha-  
beretur. Ω δ' ἀλαοκοτία, ὁ speculationem cæcam! Hæc  
enim si vera sunt, Concilium & Martinus simul errant,  
cùm Martinus sacro approbante Concilio mox relatas  
interrogationes præscripsit. Neque solum errant, sed  
& planè tentatur Wiclefi, Hussi, & Pragensis errorum  
condemnatio, quæ in sessione VIII. XV. & XIX. facta  
est, absentibus Joanne XXIII. Gregorio XII. & Bene-  
dicto XIII. (quos Concilium deposuit) & multo ante  
sessionem XII. in qua Martinus Romanus Pontifex cre-  
atus est. Sic cùm Bellarminus ad pauca respicit, ut  
Martinum supra Constantiensis Concilium evehat, Mar-  
tinum ipsum & Concilium in tenebras deprimit, in vo-  
raginem detrudit, & extinctas à Concilio hærefes redac-  
cendit.*

Sed hîc non cessant privata studia, quibus memo-  
raturum illud bonum publicum evertitur. Bellarminus  
pergit:



pergit: Neque verum est, quod Martinus V. confirmavit hoc decretum. Ipse enim disertè dixit, se confirmare tantum ea decreta de fide, quæ facta erant conciliariter, id  
34 est, more aliorum Conciliorum, re diligenter examinata. Constat autem hoc decretum sine ullo examine factum à Concilio Constantiensi. Itaque Martinus cum confirmavit decreta de fide conciliariter conclusa, intelligebat tantum de damnatione hæresum Wiclefi & Husi.

At Martinus decretum, de quo agitur, omnino confirmavit & confirmasse se prodidit, cum capiti, Frequens, obsecutus Senense Concilium indixit. Quæ major vel certior quæreretur decreti confirmatio?

Deinde Bellarminus non fallitur modò, sed etiam lectores suos ludificat, cum ait, *Decreti materiam examinatam non fuisse*. Quæ unquam materia in Concilio magis examinata fuit, quàm ista, Utrum Romanus Pontifex subesset vel non subesset Concilio? Hoc agebatur potissimum? Absentium Pontificum fautores examinandæ materiæ causam non præbebant modò, sed etiam obtrudebant.

Præterea Romanum Pontificem subesse Concilio & sacris Canonibus, res erat in perpetua Sedis Apostolicæ traditione, quam in literis ad Hieronymum Sambœvium, Ludovicum Cusinum, & Christophorum Favæum exposuimus. Hinc gratis & sine ratione dixit, *Sine ullo examine decretum à Constantiensi Concilio factum*. Quæ enim facilitate hoc asseritur, eadem & negatur. Quasi verò Martinus approbasset decretum, quod sine ullo examine conditum fuisset. Approbasse verò decretum supra ostendimus.

Cum verò Bellarminus adjicit: *Martinus cum confirmavit decreta de fide conciliariter conclusa, intelligebat*  
35 *tantum de damnatione hæresum Wiclefi & Husi*, non obscurè innuit fortiri se quid respondeat; nec Constantiense perlegisse Concilium. Nam de damnatione Hieronymi Pragensis mentionem nullam facit, quasi quæ ad errorum illius damnationem pertinent, hæc conciliariter, re scilicet diligenter examinata, conclusa non essent. Nonne Bellarminus hic tenetur? Communibus locis utitur, qui nulli materiæ, quia omni conveniunt. Sic quidquid in Nicæna Synodo tam in fide quàm in disciplina sancitum est, in dubium vocaretur.

Bellarminus pergit: *Neque sequitur, si Concilium in hoc erravit, errasse etiam in deponendo Gregorio XII. Joanne XXIII. & Benedicto XIII.* Nam etsi Concilium sine Papa non potest definire nova dogmata fidei, potest tamen judicare tempore schismatis, quis sit verus Papa, & providere Ecclesiæ de vero pastore quando is nullus aut dubius est. Quæ hoc modo Bellarminus disputat, non disputaret, si recordaretur Martinum V. definivisse, *Constantiense Concilium universam representasse Ecclesiam*. Quod autem Concilium universam representat Ecclesiam, dogmata fidei sancire potest. Constantiense Concilium nunc universam representasse Ecclesiam, nunc non representasse nemo contendet unquam. Cum ubi Martinus nihil distinguit, quis distingueret? Profectò non omnes similes sunt Bellarmino, qui Constantiensi Concilio non errandi privilegium nunc concedit, nunc detrahit, ut suis placitis serviat.

Ad hæc si Constantiense Concilium sine Papa non potest nova fidei dogmata definire, pro non hæretica, me vide, haberi posset illa propositio, quam Concili-  
36 um hoc in sessione xv. ut hæreticam sine Papa condemnavit: *Tyrannus potest & debet licitè & meritorie occidi per quemcunque vasallum suum & subditum, per clancularias insidias, & subriles blandicias vel adulationes, non obstante præstito juramento, &c.* At propositio ista ut hæretica recipitur ab omnibus, etiam cum hæreseos condemnata est, Concilium sine Papa esset, aut Martinus postea illam bullæ confirmationis non indiderit, aut propositionis condemnationem speciatim approbaverit. Hic rhodus, hic saltus.

Deinde Eugenius IV. Bellarmino adversatur. Cum hic Pontifex in bulla, quæ in actione xvi. Basileensis

Concilii refertur, affirmare non dubitet, quòd si Papa vel Legatus ejusdem nollet disponere aliqua, & contra Concilium affectaret, *Pape sententia, vel ipsius Legati personam summi Pontificis representantis, non Concilii voluntas sequenda foret, cum super omnia Concilia habeat potestatem Papa, nisi forte quæ statuenda forent, Catholicam fidem respicerent, vel si non fierent, statum universalis Ecclesiæ principaliter perturbarent. Quia tunc Concilii sententia esset potius attendenda*. Quo in eventu attendenda esset sententia Concilii, quod novum fidei dogma sanciret. Nam quamvis Eugenius sibi suffragetur, & in propria causa pronuntiet, habere se potestatem super omnia Concilia, (ob id ibi dicit nesciente se bullam editam esse) nihilominus tamen casus duos excipit, in quibus Conciliorum potestatem sua majorem agnoscit. Prior est is, in quo de fide agitur: Tunc si Concilium & Papa inter se dissentiant, Eugenio auctore & judice, à Concilio potius, quàm à Romano Pontifice standum erit. Posterior est is, in quo de universalis Ecclesiæ statu agitur: Tunc si Concilium & Pa-  
37 pa inter se dissentiant, Eugenio auctore & judice, à Concilio potius, quàm à Romano Pontifice standum erit.

Constantinopolitana Synodus I. Macedonii hæresim sine Papa confixit, & contrarium de Spiritu Sancto dogma constabilivit: Damasus quidem qui tunc erat Papa, Constantinopolitanam Synodum in Romana imitatus & subsecutus est, & tamen non Romana sed Constantinopolitana Synodus pro universali & Oecumenica semper habita est.

Porro autem, quidquid hic contra Bellarminum observo, observandum fuit necessariò, nec de causâ digredior. Parisienses Theologi & Gallicana Ecclesia Romanæ Curiae magistris, quos antè citavimus, consentiunt. Id apertè traditur in Caroli Cardinalis Lotharingii commonitorio, quod Romam ad Secretarium suum Joannem Britonem misit anno M. DLXIII. Commonitarii verba sunt Gallica, quæ alibi Latine sic interpretati sumus: *Nunc superest titulum ultimus è Florentina Synodo depromptus, quem beatissimo Patri nostro tribuere volumus. Ego verò negare non possum, quin Gallus sim & Parisiensis Academiae alumnus, in qua Romanum Pontificem subesse Concilio tenetur, & QUI DO-  
CENT IBI CONTRARIUM, II TANQUAM HÆRETICI NOTANTUR. Apud Gallos Constantiense Concilium in omnibus partibus suis generale habetur, Basileense in auctoritatem admittitur; Florentinum ferinde ac nec legitimum, nec generale, repudiatur. ATQUE ID CIRCO GALLI DE VITA POTIUS, QUAM DE SUA SENTENTIA DECEDERENT. Hæc autem omnia cum  
38 ita sint, me ad sanctitatis tuæ pedes projicio, & ei per viscera misericordiae Dei nostri supplico, ut impresentiarum verba hujusmodi omnia, & concertationes hujusmodi mitantur. Afflicto regno non est danda afflictio. Hæretici jam suis offensi sunt. Catholici reguntur ac ducuntur omnes à Theologis, qui clamores in calum usque tollent. PRIVILEGIA SEU LIBERTATES REGNI IN HAC VERITATE POSITÆ SUNT UNIVERSÆ, & eam ob causam disputatio hujusmodi si fiat, tota ad subversionem audientium converteretur. Regnum separabitur ac distrahetur: Quod erit commune ac summum illius exitium. NAM CREDERE FUTURUM ESSE VEL UNUM ANTISTITEM, QUI HIS CONSENTIAT, INSANUM ESSET. Parisiensis Academia & Gallicana Ecclesia tunc eos, qui Romanum Pontificem subesse Concilio negabant, pro hæreticis habere non poterant, nili Romanum Pontificem subesse Concilio divina fide crederent, & credendum esse censerent. Nihil enim propriè hæresi præterquam divinæ fidei dogma opponitur. Intelligebant Pisanam Synodum ab Alexandro V. Constantiensem à Martino V. Basileensem ab Eugenio IV. confirmatam & approbatam id exposuisse illustrius; quod antea secundum Ecclesiæ & Sedis Apostolicæ traditionem obscurius credebatur. Ecclesiæ traditio in octava Synodo retenta & Canone  
asserta*

asserta est, ut in priori ad Felicem Phelippæum Brossam Parisiensem Theologum Epistola adversus Cajetanum ostendi. Traditio hæc per intermedia Synodos derivabatur à sexta, ubi Honorius Papa hæreseos accusatus, & nemine repugnante reus peractus est. Id latè prosequor in priori ad Raymundum Formentinum Epistola. Sedis Apostolicæ traditio sole clariùs apparet in Epistolis, quas ad Hieronymum Samboevium, Ludovicum Cusinum, & Claudium Santeulium dedi. <sup>Amici</sup> nullam, difficultatem nullam relinquit Siricii ad Anysum, & alios Illyrici antistites Epistola, quæ rem ita decedit: *Accepi literas vestras de Bonoso Episcopo, quibus vel pro veritate vel pro modestia nostram sententiam sciscitari voluistis. Sed cum hujusmodi fuerit Concilii Capuensis judicium, ut finitimi Bonoso atque ejus accusatoribus judices tribueremur, & præcipuè Macedones, qui cum Episcopo Thessalonicensi de ejus factis vel cognoscerent, advertimus, quod nobis judicandi forma competere non posset. Nam si integra esset hodie Synodus, rectè de iis, quæ comprehendit vestrorum scriptorum series, decerneremus. Vestrum est igitur, qui hoc recepistis judicium, sententiam ferre de omnibus, nec refugiendi vel elabendi, vel accusatoribus vel accusato copiam dare. Vicem enim Synodi recepistis, quos ad examinandum Synodus elegit. Hæc Epistola & antiqui & hodierni est temporis: Antiqui quidem, quia antiqui Pontificis germanum est opus. Hodierni verò, quia anno M. DC. LXII. Romæ in lucem prodiit longè quàm antea correctior, & necessariis approbationibus communita. In meis ad Samboevium literis Epistolam hanc & antecedentia concludere & subsequenter præcludere declaro. His omnibus accedit posterior ad Brossam Epistola, ubi Pontifices octo, quos Bellarminus & à seipso & à Sede Apostolica divulserat, & sibi*

ipsis & sedi suæ nullo restituntur negotio, & restituti impactam sibi calumniam & vim allatam conquerrunt.

Verumenimverò qua ætate Parisienses Theologi dogmati huic, quod exposuimus, adhærebant firmiter, hoc ipso Innocentius VIII. illos ab recta in Deum fide & ab sincera in Sedem Apostolicam observantia laudabat. Sic enim an. M. CCCCLXXXVI. VII. Idus Septembris ad Parisienses Theologos majores nostros scribit: *Dilecti filii salutem & Apostolicam benedictionem. Intelleximus non sine magna cordis nostri latitia sinceram animorum vestrorum devotionem, QUAM AD NOS SANCTAMQUE ROMANAM ECCLESIAM ET FIDEM CATHOLICAM HABETIS, CUM OMNE STUDIUM ET CURAM VESTRAM PRO EJUSDEM FIDEI DEFENSIONE ET HÆRESUM EXTIRPATIONE, sicut probatissimos quosque Christianos decet, INCESSANTER adhibueritis. Et quoniam veritati adeò perspicuæ vix resistitur, singulari prorsus divinæ providentiæ factum est beneficio, ut Theologi novis Romanæ curiæ placitis addicti contra propriam mentem nostræ & Sedis Apostolicæ sententiæ suffragentur: Cùm scilicet doceant, Catholica fide tenendum id esse, quod generalia Concilia à Romanis Pontificibus confirmata decreverunt. Novatianus in libri de Trinitate cap. XVIII. dicit: Firmum est genus probationis, quod ab adversario sumitur, ut veritas ipsa etiam ab ipsis inimicis veritatis probetur. Ilidorus Pelusiota Novatianum sequitur, cùm in libri II. Epist. CCXXXVIII. scribit: Grave & auctoritatis plenum illud est testimonium, quod ab hostibus sumitur. Hæc est magna vis veritatis, quæ, ut ait Tullius, contra hominum ingenia, calliditatem, solertiam, contrariæ fidei omnium insidias facile se per se ipsa defendit. Bene vale. Lutetiæ Paris. calend. Jan. anno M. DC. LXV.*

# Joannes Launoius NICOLAO PARVIPEDIO,

*Parisiensi Theologo, & in Parisiensis Territorii Curia Consiliario.*

**D**E FACTO PII II. qui primus, ne ab Romano Pontifice ad futurum Concilium appellaretur, vetuit, quid sentiam, de me quæris. Disciplinam esse novam sentio, quia Pius II. vetus non est Pontifex: sedere anno M. CCCCLIX. cœpit, & anno MCCCCLXIV. sedere desiit. Sed quod diligenter observare velim, quo in loco Pius prohibet, ne ab Romano Pontifice ad futurum provocetur Concilium, nonnunquam provocari posse significat. Videntur est locus, qui in Epistola cccc. ad Nurembergensis oppidi Burgimagistros & Senatum ita se habet: *Si qua Christi unicus Vicarius Canonibus sacris etiam juri & scripto inherendo decrevit, statuitque, & servari, ut dignum est, præcepit, calumniatores malevoli & perversi subterfugere justitiam præsumentes, per ludibria frivolatarum appellationum ad futurum Concilium, seu ad id quod nusquam est, ac supra Christi Vicarium esse, aut reperiri negant, obedientiam, quæ est de necessitate Ecclesiæ, & salutis universorum, improbe declinant ac temerè. Ex his autem Pii verbis facile colliguntur duo: Primum est, Gregorium Heimburgium, qui à Pio II. ad futurum Concilium provocaverat, immeritò provocasse: Quia quicquid Pius decreverat ad sacrorum Canonum & juris etiam scripti normam decrevisse se confirmat. Alterum, eundem Heimburgium à Pio ad futurum meritò provocatum fuisse Concilium, si quod decrevit Pius contra sacros Cano-*

nes, & jus etiam scriptum decrevisset. Et sanè duo hæc Pius vel objicit in Epistola sua, vel objicit nihil: quis autem Pium objicere nihil affirmaret? Intelligebat vir eruditus & vetustæ traditionis memor, provocationem omnem vetari meritò non posse. Majorem Concilio, quàm Romano Episcopo potestatem inesse, non ignorabat. Nam etiam si causam Eugenii IV. defendendam adversus Basileense Concilium susceperat, tamen in Retractionis suæ Diplomate dissimulare non est ausus, opinionem, quæ Papam supra Concilium statuit, novam esse; antiquam verò, quæ Papam Concilio subjecit. Pii verba sunt: *Tuebamur antiquam sententiam, ille (Julianus Cardinalis) novam defendebat; extollebamus generalis Concilii auctoritatem, ille Apostolica Sedis potestatem magnopere commendabat. In antiqua illa sententia, quæ Romanum Pontificem Concilio subjecit, tanquam in firmissimo Ecclesiasticæ libertatis fundamento positam esse hujusmodi provocationem nemo nescit. Quamobrem Pius II. provocationis abusum tollere voluit, non usum, quem & ab ipsis decessoribus suis veluti habitum esse noverat. Clemens V. cùm factus esset Pontifex, Philippo Regi Francorum affirmatè & quasi Deo teste promissit, expuncturum se ex Pontificum numero Bonifacium VIII. propter crimina & hæreses, quarum accusabatur. Sed cùm promissum servare atque exsolvere per seipsum vix posset, rem ad Viennensè Concilium remisit.*



remisit. Id ita narrat Conradus Vecerius in vita Henrici VII. Imp. Sollicito inter has curas Clemente V. opportunè Nicolaus Cardinalis Pratenfis intervenit, cui quod arbitrio omnium arcanorum haberetur, nudantur ordine omnia. Is ut erat ingenio ad subita etiam quaque moderanda dexterrimo, primùm confirmato Pontificis animo scire se quid potissimum illi concilii profuturum speraverat, affirmat, Regis imprimis spes ali dissimulante, augerique placere, tum docere cupidum principem, quo magis rata fiant, quæ ad Bonifacii cineres attinent, videri futurum consultius, si tanta res nonnisi publici Concilii Senatusconsulto firmetur. Quam sententiam ubi Gallus approbaret, Sedem conventui Vienniam inter Allobroges deligat, aliamve civitatem quampiam & liberam & ad excedendum regis finibus opportunam. Placuit Clementi Cardinalis suggestio. Pontifex tunc regi satisfaceret, sic visus est à seipso ad Viennense Concilium provocare.

Innocentius III. in gravi quodam negotio, cui cum finem imponere per seipsum non posse judicabat, Concilium appellat. Hoc ille testis nimirum idoneus & locuples scribit in libri I. Regist. xv. Epistola CIV. ad Philippum Augustum: Diligenter auditis & perspicaciter intellectis, quæ ex parte regia dilecti filii: Abbas de Trappa & I. Clericus tuus proponere curaverunt, & habito cum fratribus nostris studioso tractatu non occurrat nobis aliqua via, per quam in his, quæ ipsi pro te postulaverunt à nobis tuæ secundum \* possemus occurrere voluntati, sub obsecratione divini iudicii protestantes, quod libentissimè si possemus cum Deo, ab illo te curaremus vinculo expedire, à quo desideras vehementer absolvi. Sed in tali commercio inter te ac Reginam conjugem tuam adeo est processum, quod si etiam illi tantum confessioni vellemus insistere, quam nuper eadem Regina fecisse proponitur, coram prædicto Abbate de Trappa, & dilecto Magistro Roberto Corzon nunc titulo sancti Stephani in Celio Monte Presbytero Cardinali, non auderemus, super huiusmodi casu de nostro sensu pro te aliquid diffinire, propter illam sententiam Evangelicam, quam ipse Christus expressit; ut quod Deus conjunxit, homo non separet, cum absque dubio nec Sanctorum exempla, nec Patrum decreta intentioni tuæ in hoc articulo suffragenter. Verum si super hoc absque generali deliberatione Concilii determinare aliquid tentaremus, præter divinam offensam & mundanam infamiam, quam ex eo possemus incurrere, forsan ordinis & officii nobis periculum immineret, cum contra præmissam veritatis sententiam nostra non possit auctoritas dispensare. Hoc autem quod agit Innocentius, quid aliud est, nisi à seipso ad Concilium appellare?

Gregorius Magnus præluxit Innocentio, cum in libri IV. Epistola XXXVIII. ad Joannem Constantinopolitanum Episcopum scripsit: Considerare vos convenit, nequa radix amaritudinis sursum germinans impediat, & per illam coinquinentur multi. Quod tamen si considerare negligimus contra tanta elationis tumorem iudicia superna vigilabunt, & nos quidem, in quos talis tantæque per ausum nefarium culpa committitur, servamus quod veritas præcepit dicens: Si peccaverit in te frater tuus, vade & corripe eum inter te & ipsum solum; Si te audierit, lucratus eris fratrem tuum; Si autem te non audierit, adhibe tecum adhuc unum vel duos, ut in ore duorum vel trium testium, stet omne verbum: quod si non audierit eos, dic Ecclesia: Si autem Ecclesiam non audierit, sit tibi sicut ethnicus & publicanus. Ego itaque per responsales meos semel & bis verbis humilibus hoc quod in tota Ecclesia peccatur, corripere studui: Nunc per meipsum scribo: Quidquid facere humiliter debui, non omisi, sed si in mea correptione defecior, restat, ut Ecclesiam debeam adhibere. Nonne Gregorius in controversia, quæ illi est cum Joanne, velut à seipso provocat ad Ecclesiam, quæ Gregorio major ac potentior Joannem cohibeat & castiget?

Vigilius, qui primùm Tria Capitula damnare noluit, & ne damnarentur vetuit, postea (sed salva Calchedonensis Concilii) reverentia damnavit. Justinianus

damnatione tali neuti-quam contentus urgebat Vigilius, ut tria capitula absolute & sine Concilii hujus mentione ulla damnaret. Damnare non est ausus. Concilium appellavit, & ut congregaretur, persuasit.

Hoc disciplinæ genus validè confirmat Leo I. in Epistola xxv. ad Theodosium Imperatorem; cum ab Ephesina Synodo II. ad majorem Synodum provocat: Literis clementia vestra, quas dudum ad beati Petri Apostoli Sedem pro Catholica fidei amore misistis, tantam fiduciam sumpsimus defendende per vos veritatis & pacis, ut in causa tam simplici, tamque munita nihil putavimus posse existere, quod noceret, præsertim cum ad Episcopale Concilium, quod haberi apud Ephesum præcepistis, tam instructi sint missi, ut si scripta, quæ vel ad sanctam Synodum, vel ad Flavianum Episcopum detulerunt, Episcoporum publicari auribus Alexandrinus permisisset antistes, ita manifestatione purissima fidei, quam divinitus inspiratam & accepimus & tenemus, omnium congressionum strepitus quievisset, ut nec imperitia ultra deciperet, nec occasionem nocendi amulatio reperiret. Sed dum privata causa religionis exercetur obtentu, commissum est impietate paucorum, quod universam Ecclesiam vulneravit. Comperimus enim non incerto nuncio, sed fidelissimo rerum, quæ gesta sunt, narratore Hilario Diacono nostro (qui vix ne subscribere per vim cogeretur, effugit) convenisse ad Synodum plurimos Sacerdotes, quorum nique frequentia collarioni & iudicio profuisset, si is, qui sibi locum principem vindicabat, Sacerdotalem moderationem custodire voluisset, ut (sicut moris est) omnium sententiis ex libertate prolatis, id tranquillo & æquo constitueretur examine, quod & fidei congrueret, & errantibus subveniret. In ipso autem iudicio non omnes, qui convenierant, interfuisse cognovimus. Nam alios reiectos, alios didicimus intromissos, qui pro prædicti Sacerdotis arbitrio, impiis subscriptionibus captivas manus dederunt, & nociturum statui suo scirent, nisi imperata fecissent; talèque ab ipso prolata esse sententiam, ut dum homo unus impetitur, in omnem Ecclesiam seivire videretur. Quod nostri ab Apostolica Sede directi adeo impium & Catholica fidei contrarium esse viderunt, ut ad consentiendum nulla potuerint oppressione compelli: Constantèque in eadem Synodo (ut decuit) fuerint protestati, nequaquam id quod constitueretur, Sedem Apostolicam recepturam: Quoniam revera omne Christiana fidei Sacramentum (quod absit) à temporibus vestra pietatis excinditur, nisi hoc scelestissimum facinus, quod cuncta sacrilegia excedit, aboleatur. Quia verò Diabolica nequitia subtiliter fallit incautos, & ita quorundam impudentiam per similitudinem pietatis illudit, ut pro salubribus persuadeat nocitura, removeat quæsumus à vestra pietatis conscientia periculum religionis & fidei, quodque in secularibus negotiis legum vestrarum aequitate conceditur, in rerum divinarum pertractatione præstate, ut Christi Evangelio vim non inferat humana presumptio. Ecce ego, Christianissime & Venerabilis Imperator, cum consacerdotibus meis implens erga reverentiam clementia vestra sinceri amoris officium, cupiensque vos placere per omnia Deo, cui pro vobis ab Ecclesia supplicatur, ne ante tribunal Christi Domini rei de silentio judicemur, obsecramus coram unius Deitatis inseparabili Trinitate, quæ tali facto ladirur, cum ipsa vestri sit custos & auctrix imperii, & coram sanctis Angelis Christi, ut omnia in eo statu manere jubeatis, in quo fuerunt ante omne iudicium, donec major ex toto orbe Sacerdotum numerus congregetur. Nec alieno peccato pariamini vos gravari, quia (quod necesse est nos dicere) veremur, ne cuius religio dissipatur, indignatio provocetur. Præ oculis habete, & tota mentis acie reverenter aspicite beati Petri gloriam, & communes cum ipso omnium Apostolorum coronas, cunctorumque Martyrum palmas, quibus alia non fuit causa patiendi, nisi confessio vera divinitatis & vera humanitatis in Christo. Cui sacramento, quia impiè nunc à paucis imprudentibus obviatur, omnes partium nostrarum Ecclesia, omnes mansuetudini vestra cum gemitibus & lacrymis supplicant Sacerdotes, ut quia & nostri fideliter

fideliſſe reclamarunt, & ejuſdem libellum appellationis 8 Flavianus Episcopos dedit, generalem Synodum jubeatſ intra Italiam celebrari, qua omnes offeſſiones ita aut repellat, aut mitiget, ne aliquid ultra ſit vel in fide dubium, vel in charitate diviſum.

Et primũ quidem, quomodo Synodus malè geſta eſt apud Ephesum, deſcribit: Deinde Imperatorem rogat, ut perverſæ Synodi huius effectum ſuſpendat: Ut omnia in eo ſtatu manere jubeatis, in quo fuerunt ante omne judicium. Tum eundem rogat Imperatorem, Ut major ex toto orbe Sacerdotum numerus congregetur. Denique generalem Synodum haberi quantum Chriſtiane religionis & publicæ tranquillitatis interſit, exaggerare pergit. In his autem certa quædam provocationis ſpecies continetur. Sunt qui Flavianum appellationis libellum ad Leonem dediſſe contendat: ſit ita: Leo appellationis huius libellum ad generalem Synodum detulit, & cum detulit veluti à ſeipſo, quem tantæ rei non ſufficere credidit, ad generalem Synodum, quam ſufficere credidit, appellavit.

Siricius in Epistola, quam ſcribit Anyſio & cæteris Episcopis per Illyricum conſtitutis, id objicit, quod diſciplinam hanc plurimũ illuſtrare poteſt. Verba ſunt: Accepi literas veſtras de Bonofio Epifcopo, quibus vel pro veritate vel pro modeſtia noſtram ſententiam ſciſcitari voluiſtis. Sed cum huiusmodi fuerit Capuensis Concilii judicium, ut finitimi Bonofio, atque ejus accuſatoribus judices tribuerentur, & præcipue Macedones, qui cum Epifcopo Theſſalonienſi de ejus factis vel cognoscere, advertimus, quod nobis judicandi forma competere non poſſet. Nam ſi integra eſſet hodie Synodus, rectè de iis, que comprehendit veſtrorum ſcriptorum ſeries, decerneremus. Veſtrum eſt igitur, qui hoc recepiſtis judicium, ſententiam ferre de omnibus, nec refugiendi vel elabendi, vel accuſatoribus vel accuſato copiam dare. Vicem enim Synodi recepiſtis, quos ad examinandum Synodus elegit. Denique cum Bonofius Epifcopus poſt judicium veſtrum miſiſſet ad fratrem noſtrum Ambroſium, qui ejus ſententiam conſuleret interdictam ſibi Eccleſiam irrumperere atque ingredi, reſponſum eſt ei, quod nihil temerandum foret, ſed omnia modeſtè, patienter, ordine gerenda, neque contra ſententiam veſtram tentandum aliquid, ut quod videretur vobis juſtiſſia convenire ſtatueretis, quibus hanc Synodus dederat auctoritatem. Ideo primum eſt, ut ſi judicent, quibus judicandi facultas eſt data. Vos enim totius, ut ſcripſimus, Synodi vice decernitiſ; nos quaſi ex Synodi auctoritate judicare non convenit.

Hinc facile eruitur ratio, cur conſentiente Siricio, à Romano Pontifice ad Concilium provocari liceat. Anyſius Theſſalonienſis & reliqui Macedones Epifcopi, cauſam Bonofii judicandam Siricio deferunt: Siricius ne ſententiam diceret recuſat; quod judicandi forma ſibi competere non poſſit, delegatiſ jam à Capuensi Concilio judicibus, qui vice Concilii totius judicaturi erant; & quod ſi judicaret ipſe Concilii vice neutiquam judicaret. Nunc, opinor, perſpiciſ Siricium veluti à ſeipſo ad Concilium & delegatos à Concilio judices provocare, cum delatam ſibi ab iſtis judicibus cauſam dirimere abnuat, & ad eos dirimendam remittit. Veſtrum eſt igitur, qui hoc recepiſtis, ſententiam ferre de omnibus, nec refugiendi vel elabendi, vel accuſatoribus vel accuſato copiam dare. Vicem enim Synodi recepiſtis, quos ad examinandum Synodus elegit. Veſtrum eſt, non quia remitto, etiamſi remittam, ſed quia Synodus hanc vobis dedit auctoritatem. Quis unquam ſinceriorem vidit Pontificem, qui aliàs cum Himerii Tarraconenſis Epifcopi conſultationi reſponderet, acerrimum Pontificiæ dignitatis vindicem & aſſertorem ſe pluribus oftendit? Sed dignitatem illam ſuos habere fines ac terminos apprimè noverat: Alioquin idoneum provocationis argumentum, quod tractamus, minimè præbuiſſet. Sponte agnoſcit duo, quæ in ſtatuenda provocatione Eccleſiaſtica requiruntur. Primum, ut in eo, à quo provocatur, judicandi poteſtas

ſit inferior eaque errori obnoxia: Nam ſtultum eſſet provocate ab eo, qui judicando errare non poſſet. Deinde ut in eo ad quem provocetur, judicandi poteſtas ſit ſuperior, nec errori obnoxia.

Siricius duo hæc ſponte agnoſcit, quæ per Eccleſiæ & inprimis Romanæ traditionem acceperat. Quinetiam ex Scripturis repeti facile poſſunt. Alterum ex capite VIII. Actuum Apoſtolorum commate XIV. Cum autem audiſſent Apoſtoli qui erant Hieroſolymis, quod Samaria recepiſſet verbum Dei, miſerunt ad eos Petrum & Joannem. Ubi Petrus & Joannes, quia ſimul mittuntur ambo, mittuntur æqualiter, nempe non conſilio tantum, ſed etiam auctoritate: & ſic ad frivolam & gratuitam diſtinctionem aditus omnis intercluditur.

Alterum verò in Epistolæ ad Galatas capite II. à commate XI. uſque ad comma XV. Cum autem veniſſet Petrus Antiochiam, in faciem ei reſiſti, quia reprehendiſſibilis erat. Prius enim quam venirent quidam à Jacobo, cum gentibus edebat: Cum autem veniſſent, ſubtrahēbat & ſegregabat ſe; timens eos, qui ex circumciſione erant; & ſimulationi ejus conſenſerunt cæteri Judæi, ita ut & Barnabas duceretur ab eis in illam ſimulationem. Sed cum vidiſſem, quod non rectè ambularent ad veritatem Evangelii, dixi Cepha coram omnibus: Si tu, cum Judæus ſis, gentiliſter vivis & non Judaicè, quomodo gentes cogis Judaizare?

Hoc in loco, quæ à Paulo exponitur veritas, argumenta non quærit: Et ſi quæreret, Pelagius II. illa ſic offerret in Epistola III. ad Eliam & Episcopos Iſtriæ; qui Vigilii conſtituto de non damnandis tribus Capitulis edito, poſt Synodum V. quæ capita illa tria damnaverat, pertinaciter adhærebant. Rurſum per Epistolam veſtram dicitur, à Sede Apoſtolica vos doctos, atque à ſcrinio ſanctæ Eccleſiæ, cui Deo auctore præſumus, confirmatos, ne huic rei, quæ ſub pia memoria Juſtiniano principe geſta eſt, conſentire debeatis, atque hanc opiulationem excuſationi veſtre adjungitis, dicentes, quod in cauſa principio & Sedes Apoſtolica per Vigilium Papam, & omnes Latinarum provinciarum principes damnationi trium Capitulorum fortiter reſiſterunt. In quibus verbis attendimus, quod res quæ provocare vos ad conſenſum debuit, à conſenſu vos illa divellit. Latini quippe homines & Gracitatiſ ignari, dum linguam reſciunt, errorem tardè cognoverunt: Et tamò eis celerius credi debuit, quanto eorum conſtantia, quonſque verum cognoscere, à certamine non quievit. Quorum conſenſum certè fraternitas veſtra deſpiceret, ſi auſu præcipiti, priuſquam verum cognoscere, conſenſiſſent. At poſtquam diu ab eis laboratum eſt, & longo tempore uſque ad injurias certatum, hinc veſtra fraternitas perſeſ, quia tot labores repente non relinquerent, niſi quæ vera ſint, agnoviſſent. Et poſtquam oſtendit Deum permiſiſſe, ut Paulus ad fidem Chriſti paulò tardiùs acceſſerit, ſubjungit: Debet ergo perpendere dilectio veſtra, quia prædeceſſorum noſtrorum in hac cauſa conſenſus tanto poſt inanis non fuit, quanto priuſ duris contradictionum laboribus inſudavit, ſed his inſuper factum Petri, qui & Paulum ſuperat, veſtra fraternitas ad memoriam reducat. Diu quippe reſiſtit, ne ad fidem gentes ſanctæ Eccleſiæ ſine circumciſione reciperet; diu ſe à converſarum gentium communionem ſubtraxit: Paulo atteſtante, qui ait: Cum veniſſet Antiochiam. Et relatiſ, quæ mox retuli, Pauli verbis ſubdit: Qui tamen (Petrus) ab eodem Paulo poſtmodum ratione ſuſcepta, dum quosdam conſpiceret quod gentiles ad Eccleſiam venientes pondere ſervande circumciſionis onerarent, dicit: Cur tentatis Deum imponentes jugum cervicibus Diſcipulorum, quod neque patres noſtri, neque nos portare potuimus? Nunquid, fratres dilectiſſimi, Petro Apoſtolorum principi ſibi diſſimilia docenti debuit ad hæc verba reſponderi: Hæc quæ dicis, audire non poſſumus, quia aliud amè predicaſti? Si igitur in trium Capitulorum negotio aliud cum veritate quæreretur, aliud autem inventa veritate dictum eſt: Cur



mutatio sententiae HUIUS SEDI in crimine obijcitur, quae à cuncta Ecclesia humiliter in ejus auctore veneratur? Non enim mutatio sententiae, sed inconstantia sensus in culpa est. Quando ergo ad cognitionem recti intentio incommutabilis permaneat, quid obstat, si ignorantiam suam deferens verba permuet? Vide nunc ac circumspecte, quibus rationum momentis Pelagius Iſtriae Episcopis persuadet, ut Vigilii constitutum deferant, & oppositam constituto definitionem Synodi V. amplectantur. Et quamvis Vigilium & alios errasse non dissimulet, eos tamen quibus potest modis excusat, abjudicato semper non errandi privilegio. In summa, Pelagius id facit, quod facere solent, qui viis praecipitibus & lubricis insistant. Igitur expedita sunt illa duo, quae in statuenda provocatione requiri diximus, si tamen duo dici possunt, quae sic inter se connectuntur, ut unum inferatur ex altero, aut potius ex sese mutuo inferantur.

Sed redeundum est ad Pium II. quem non latebat Epistola, quae illius tempore adscribebatur Damaso, & nunc ex Vaticanis Codicibus & Romana correctione Siricio verè adscribitur. Hic autem Pontifex cum Sedis Apostolicae doctrina & traditione, quam ex optimis auctoribus collegi, non leviter eruditus esset, de tollendis omnibus ad futurum Concilium provocationibus cogitationem nullam suscepit; & certè cogitationem suscepisset, quod nefas dictu est, iniquissimè: Sed vagis ac promiscuis appellationibus modum posuit, & rectè ac sapienter posuit. Tunc enim erant, qui perinde ac Georgius Heimbürgius, ne decreta sacris canonibus penas luerent, futurum Concilium appellabant.

*Est modus in rebus, sunt certi denique fines,*

*Quos ultra citraque nequit consistere rectum.*

Itaque Pius appellationem justam permisit, injustam 14 prohibuit. Et ne secum pugnare, & *ἀντιεῖναι* graviter errare dicatur in Constitutione, *Execrabilis*, ubi provocantes ad futurum Concilium Ecclesiastica communione privat, sic intelligendus est. Id ex eo valide confirmatur, quod provocationem omnem sive justam, sive injustam sit, minimè condemnet.

Sic quoque intelligendus est Julius II. qui Pii constitutionem illam speciali diplomate renovavit. Quinetiam ut Pius & Julius intelligantur sic, cogit S. Leo in sermone II. de Natali Apostolorum Petri & Pauli, cum ait: *Manet ergo Petri privilegium, ubicumque ex illius aequitate fertur judicium.* Ferendum enim verò; sed quis semper laturus est? Num Joannes XII? Negabit Romanum Concilium, à quo Joannes iste propter intoleranda crimina depositus est? Num Alexander VI? Non assentiet Julius II. qui se ab Alexandro VI. immaniter tractatum scribit in Diplomate, quod Lateranense Concilium indicit. *Quid enim*, inquit, *felicis recordationis Alexandro VI. Romanorum Ponti-*

*fici praedecessori nostro magis nos odiosos fecit, nisi studium & cura generalis Concilii celebrandi? Quid nos terra marique jactavit, cum nobis idem Alexander praedecessor esset insensus? Quid toties Alpes transcendere Transalpinas, & Gallias peragrarè per aestus, nives, & glacies compulit, nisi quod nitebamur, ut a Romano Pontifice Concilium indiceretur, convocaretur, & celebraretur? Et quamvis in Gallia non possit non retineri jus provocandi à Romano Pontifice ad futurum Concilium, quia ibi Romanum Pontificem & subijci & errare in fide & moribus posse certò creditur, nihilominus tamen non ita frequenter provocatur. Res apud nos coeperunt alia gubernari providentia, quae tamen eundem ad finem & scopum pertinet. Mutatum quid in agendi modo, in doctrina nihil mutatum. Pro sanandis iisdem vulneribus remedium unum alteri suffragum est; idque praestitius, adhibitu facilius, efficacitate par, veteribus exemplis non destitutum. Cum Romanus Pontifex non urgente necessitate summa, vel non exigente utilitate evidenti universalibus Conciliis derogat, aut ab observatione sacrorum Canonum recedit, futurum non appellatur Concilium, sed apud Senatum ab Romano Pontifice provocatur tanquam ex abusu, (verba sunt juris nostri & consuetudinis,) & tunc Romani Pontificis factum vel decernitur cassum atque irritum, vel ad Canonum normam, & praescriptionem reducitur. Utrobique respectus habetur ad Sedis Apostolicae morem, qui cum ab aliis Pontificibus, tum maxime à Gregorio VII. & ab Innocentio III. laudatur: A Gregorio quidem in libri II. Epistola L. ad Sancium Aragoniae Regem: *SOLET SANCTA ET APOSTOLICA SEDES PLERAEQUE CONSIDERATA RATIONE TOLERARE, SED NUMQUAM IN SUIS DECRETIS ET CONSTITUTIONIBUS A CONCORDIA CANONICAE TRADITIONIS DISCEDERE.* Ab Innocentio verò in libri I. Epistola ad Faventinum Episcopum: *IN TALIBUS EVIDENS UTILITAS ET URGENS NECESSITAS SECUNDUM INSTITUTA CANONICA SOLENT ET DEBENT ATTENDI.* Unde cum duo haec desiderantur, & contra Canones attentatur nonnihil, quae tunc sint suarum partium, ita scribit: *QUAE IN DEROGATIONEM SANCTORUM CANONUM ATTENTANTUR, TANTO POTIUS INFRINGI VOLUMUS, ET CARERE ROBORE FIRMITATIS, QUANTO AUCTORITAS UNIVERSALIS ECCLESIAE, CUI PRÆSIDEMUS, AD ID NOS PROVOCAT ET INDUCIT.* Sic suus semper est aequitati locus, dum omnia suis quoque ponderibus examinantur.*

Haec habui, quae tam demum quaestioni tuae responderem. Tu verò, qui Theologiam cum Jurisprudentia felici nexu copulasti, supplere poteris quae deesse videbuntur. Vale. Lutetiae Parisiorum Calend. Martiis, anno M. DC. LXV.

JOAN.

# JOANNIS LAUNOII CONSTANTIENSIS, Epistolarum:

## PARS TERTIA.

Joannes Launoius,  
JOANNI GERBASIO,  
Parisiensi Theologo.

**N**IHIL est admodum, quod meam ad Raimundum Formentinum prædices Epistolam, in qua non errandi privilegium Romano Pontifici à nonnullis adulatoribus perperam adscriptum retracto ac discutio: Prædicanda tibi est potius Romanorum Pontificum, qui à me laudantur, ingenua confessio.

Fatetur quippe Leo II. Agathonis successor, qui Synodum sextam, ubi hæreseos multoties damnatur Honorius, latinitate donavit, & in Epistola ad Constantinum confirmante Synodum VI. de Honorio conqueritur, quod *hanc (Romanam) Apostolicam Ecclesiam non Apostolica traditionis doctrina lustraverit, sed profana traditione immaculatam fidem maculari permiserit*. Deinde in Epistola ad Ernigium regem de eodem Honorio adhuc conqueritur, quod *immaculatam Apostolicæ traditionis regulam, quam à prædecessoribus suis acceperat, maculari consenserit*.

Fatetur Joannes V. qui nondum creatus Pontifex sed Agathonis Legatus in Synodo VI. ad damnandum Honorium conspiravit.

Fatentur Romani Pontifices omnes, qui dum olim crearentur, in indiculo professionis fidei suæ, ut Cyro, Sergio, Pyrrho, cæterisque Monothelitis, ita & Honorio anathema dixerunt.

<sup>2</sup> Fatetur Romana Synodus, cui Hadrianus II. præfuit, & ad Synodum VIII. misit Synodicam, confessionis hujusce testem, omni exceptione majorem.

Fatetur Romana Ecclesia, cum beati Leonis II. festum agit, & in Breviarii sui lectionibus Honorium condemnatis à Synodo VI. Monothelitis accenset, & cum in sancti Eusebii Confessoris festo dolet Liberium Papam Arianæ perfidiæ consensisse, qui & ipse in Epistola VII. ad Orientales consentire se scribit. De Romano Breviario loquor, antequam vetus ex eo Sedis Apostolicæ traditio expungeretur. Sed expungendi

cura hæc non veritatis studium, sed duntaxat adulatorum dedecus importat & *iniquitates*, quæ eminentissimam antiquæ persuasionis simplicitatem obliterare nunquam poterit. Hæc contestatò dictura est semper, in Breviarii correctione intervenisse dolum malum, & à perenni perspectaque traditione majorum degeneratum esse.

Fatentur Pontifices omnes, qui relata à Christophoro Marcello protestationis forma usi sunt, cum pium aliquem hominem consecrarunt, & catalogo Sanctorum indiderunt.

Fatetur Innocentius III. qui hinc propter peccatum in fide commissum, ab Ecclesia judicari se posse affirmat; hinc *sine deliberatione generali Concilii*, de permittendo inter Philippum Augustum & illius uxorem divortio, definire quicquam non audet. Quid ita? Præter divinam, inquit, offensam & mundanam infamiam, quam ex eo possemus incurere, forsitan ordinis & officii nobis periculum immineret, cum contra præmissam veritatis sententiam (quod Deus conjunxit, homo non separet) nostra non possit auctoritas dispensare. Sed fatetur maximè, cum revocat decretalem exordio [*Laudabilem*] qua Clemens III. permiserat, ut hæretici uxor ad fidem conversa alteri nuberet. Id æqualis auctor Robertus Corceon Cardinalis asseverat, in Summa quæst. de impedimentis matrimonii. Hadrianus VI. decretalem hanc Celestino Clementis successoris tribuit: Sed utrum illa Clementi, vel Celestino tribuenda sit, instituti nostri nihil interest, quia Romano Pontifici semper tribuitur.

Fatetur Clemens IV. ad Abbatem Casæ Dei scribens, cernere se decessores suos monasteriis dedisse privilegia JURI DIVINO CONTRARIA & humano, quæ rationabiliter annullare se posse dicit; & adjicit: *Et quamvis nostris prædecessoribus, prout necessitas exigit, geramus honorem, multa tamen eorum aliquibus placuerunt, quæ nobis*



nobis imparis meriti & scientia nulla possent ratione placere: Quomodo decessoribus suis non errandi privilegium abjudicat.

Fatetur Clemens V. cum Bonifacii VIII. constitutionem, *Unam sanctam*, in qua vindicantur & asseruntur propositiones hæ: *Uterque est in potestate Ecclesia, spiritualis scilicet gladius, & materialis: Sed is quidem pro Ecclesia, ille vero ab Ecclesia exercendus: Ille Sacerdotis, is manu regum & militum, sed ad nutum & patientiam Sacerdotis: Spiritualis potestas terrenam potestatem instituere habet & judicare, si bona non fuerit, nisi quis duo (sicut Manichæus) fingat esse principia, quod falsum & hæreticum judicamus*, nullius esse, aut futuram esse roboris & auctoritatis, decernit in cap. *Meruit*, de privilegiis. At si quis Clementem, Bonifacii constitutionem rescindendo, errasse potius, quam Bonifacium <sup>4</sup> (quod non putamus) diceret; dictum hoc ab instituto nostro minime abhorreret. Erraverit Bonifacius, non erraverit; sed Clemens erraverit, Romanus Pontifex semper erravit.

Fatetur Joannes XXII. qui morti proximus errorem deposuit, quem palam adversus propriam Romanæ Ecclesiæ traditionem in ore atque oculis omnium tenebat.

Fatetur Eugenius IV. qui dissentientibus Papa & Concilio, in iis, quæ ad fidem & universalem Ecclesiæ statum pertinent, attendendam esse potius Concilii, quam Papæ sententiam, pronunciat.

Fatetur Julius II. qui postquam definiit, simoniam, *veram atque indubitam hæresim esse*, continuo definiit, Papam simoniace electum, non hæreticum modò, sed etiam *heresiarcham esse*.

Deinde, Julius de seipso fateri debet necessariò, quòd in constitutione sua erraverit, cum tradidit, *Simoniam veram atque indubitam hæresim esse*. Nam Simonia ex se vera & indubitata non est hæresis, sed verum atque indubitatum est peccatum: Tunc est tantum hæresis, cum docetur, simoniam licere. Sicut homicidium ex se se vera atque indubitata non est hæresis, sed verum atque indubitatum peccatum: Et tunc tantum est hæresis, cum docetur, homicidium licere. Julius erravit *αυτεία & ἀπολογία*, sed nihilominus definiendo Pontificaliter erravit.

Fatetur, docet, & probat Hadrianus VI. qui certum esse pronunciat, Romanum Pontificem *errare posse in iis, quæ tangunt fidem, hæresim per suam determinationem aut decretalem asserendo*. Qui, quod mireris, editam à Leone X. contra Lutheri hæreses constitutionem Lutheri nunquam opposuit, cum ad Saxoniam Ducem scribens, eum à Novatoris hujus patrocinio detertere voluit, qui Lutheri universalium tantum objecit Concilia, quibus solis non errandi privilegium attribuit. Existimabat Pontifex damnatos jam fuisse ab universalibus Conciliis errores pene omnes, quos Lutherus in medium protulerat & revocaverat.

Fatetur Clemens VIII. & Romana cum illo Ecclesia, cum edita Sixti V. auctoritate Biblia suppressit, quòd illa Sixtus mendis carere omnibus pontificali ritu decreverat, & sic erraverat.

Fatetur eloquenti silentio Romani Pontifices, qui suis quisque temporibus per Legatos suos Tridentinæ Synodo præfuerunt. Scilicet non legitur in hac Synodo, Pontifices illos Legatis dedisse in mandatis, ut memoratam Leonis X. constitutionem rebus definiendis præjudicium aliquod facturam proponerent. Proposuisse enim verò, si credidissent, eam editam fuisse ab auctoritate, quæ deficere non posset. Cur aliàs tacuissent acuti & sagaces viri, quos nemo de neglectis Sedis Apostolicæ opportunitatibus accusavit? Cur tacendo confirmassent argumentum, quo nunc utimur? Res erat tunc apud eruditos & cordatos homines usque adeò nota, ut qui negasset, cornicum oculis configere creditus fuisset.

Fatetur Pius V. qui cum esset Michaël Cardinalis Alexandrinus, Clementis Moniliani Cardinalis librum de

Theologicis institutionibus, probando suum fecit, nec revocavit postea, quòd in eo Conciliorum celebratio *valere dicitur, ad firmiorem & faciliorem elucidationem veritatis in dubiis*.

His autem Pontificibus alios duos adjicio, Gregorium XI. & Paulum IV. qui rem absolvunt: Gregorium in testamento suo, quòd ita se habet, & quòd repeto, quia satis repeti non potest: *Item volumus, dicimus, & protestamur ex nostra certa scientia, quòd si in consistorio, aut in Concilio, vel in sermonibus, vel in collationibus publicis, vel privatis ex lapsu lingue, aut aliàs ex aliqua turbatione, vel etiam leticia inordinata, aut presentia magnatum, ad eorum forsitan complacentiam; seu ex aliqua distemperantia, vel inadvertentia, aut superfluitate aliqua dixerimus ERRONEA CONTRA CATHOLICAM FIDEM, quam coram Deo & hominibus, ut tenemur, præ ceteris profitemur, colimus, & colere cupimus, seu forsitan ADHÆRENDO OPINIONIBUS CONTRARIIS FIDEI CATHOLICÆ SCIENTER, quòd non credimus, vel etiam ignoranter, aut dando favorem aliquibus CONTRA CATHOLICAM RELIGIONEM obloquentibus, illa expressè & specialiter revocamus, detestamur, & habere volumus pro non dictis: In tomo VI. Spicilegii Lucæ Dacherii. Hæc est moribundi Pontificis ingenua & sincera, si usquam, professio, qua sibi non errandi privilegium abjudicat. Non revocaret, quæ contra fidem Catholicam sentire vel pronunciare potuit, si persuasus esset, se nihil contra fidem Catholicam aut sensisse aut pronunciasse, vel sentire, vel pronunciare potuisse, si persuasus esset ex scripturis sacris, non errandi privilegium sibi comparari posse. Didicerat Sedis Apostolicæ traditionem non esse, ut Romani Pontifices privilegio istiusmodi gaudeant, cum extra Synodum fidei dogmata decernunt.*

Paulus verò IV. in frequenti Pontificiæ consultationis confessu, quem anno M.D.LVII. fieri voluit, ut tractaretur, Utrum ille posset solvere matrimonium, quòd per verba de presenti inter Franciscum Mommorantium & Joannam Halluynam Piennæam contractum fuerat. Quæ ibi gesta sunt, Joannes Haya Parisiensis Theologus, qui rebus omnibus interfuit, memoriæ prodidit: *Le Pape commença & proposa l'Argument du fait, presque en cette maniere. Mes freres & enfans, je vous ay bien voulu assembler, pour entendre de vous une chose, laquelle n'est pas de moyenne importance; à sçavoir, Si le mariage contracté par paroles de present, put estre délié par nostre puissance. Et notez bien ce que je dis. Car il n'est point icy question ou de paroles de futur, ou de simple promesse. Nous demandons, si le mariage contracté par paroles de present, qui est vray mariage, & vray Sacrement, selon l'advis des plus saints Theologiens, s'il peut estre délié & rompu par Nous; j'entends où la conjonction charnelle n'est point intervenüe. Puis adionsta cecy. Et ne vous amusez, je vous prie, aux faits & exemples de nos Predecesseurs, que je proteste ne vouloir ensuivre, si non d'autant que l'autorité de l'Escripture & la raison des Theologiens vous induira à ce faire. Il dit encore ce qui s'ensuit. J'ENE FAIS DOUTE, QUE MES PREDECESEVRS ET MOY N'AYONS PU FAILLIR quelquefois, non seulement en ce fait, mais en plusieurs autres, & toutefois nous ne sommes du tout à condamner. Car Dieu conduit tellement son Eglise, qu'il luy cache pour un temps plusieurs choses, lesquelles puis apres il revele. Ce que Jesus Christ luy mesme nous a assez insinué, comme quand il disoit à saint Pierre: Ce que je fais maintenant, tu ne l'entends pas, mais tu l'entendras puis apres. Et en un autre lieu il disoit: J'ay beaucoup de choses à vous dire, lesquelles vous ne pouvez comprendre pour cette heure, mais l'Esprit qu'envoyera mon Pere en mon nom, vous enseignera tout. Qui sçait donc maintenant, si ce que Dieu a laissé inconnu le passé aux autres touchant l'indissolubilité du mariage, il le veut maintenant declarer par nous? Pourquoi tâchez, mes Freres & enfans, à ce que vous m'aidiez en cette affaire, & sans vous arrester à ce qu'a fait un tel & un tel de mes Predecesseurs, comme j'ay*

J'ay desia dit, s'il n'est point vray, qu'ils n'ayent assez emendu ce que nous voulons maintenant rechercher touchant cette indissolubilité de mariage. Cecy achevé, il adressa sa parole à l'Archevesque de Cosance, autrefois Nonce en la Cour de l'Empereur, & luy commanda de deliberer; lequel fit tout effort à montrer, que tel mariage ne se pouvoit aucunement deffaire; auquel le Pape fit plusieurs demonstrations d'avoir tres-agreable son opinion, &c.

Après luy, parla l'Evesque Antonellus, homme fort ancien & venerable, le quel fut d'advis tout contraire à l'autre, & en peu de paroles donna & ferma cette conclusion, que le Pape pouvoit, ce dont estoit question. **AUQUEL LE PAPE FIT TELLE RESPONSE, QU'IL NE LE REMERCIOIT JA DE TANT DE PUISSANCE QU'IL LUY VOULOIT DONNER EN CETTE PART.** Et pource que ledit Evesque s'estoit aidé de quelques lieux de Saint Thomas, le Pape adjousta de dire cecy, que saint Thomas avoit pu dire plusieurs choses estant jeune, lesquelles il avoit puis après retraitées, estant venu en meilleure connoissance, adjoustant cette auctorité de saint Paul: *Quand j'estois petit, je parlois comme un petit, mais quand ie suis devenu homme, j'ay delaisé ce qui estoit de l'enfant.* Il adjousta puis après de dire cecy: Ce n'est pas sans cause, que je vous donne cet adverstissement, mais afin que nul de ceux qui auront à deliberer, ne fassent fondement de telles auctoritez dudit saint Thomas, lesquelles il auroit dites en jeunesse. **Quod Latine dicitur:**

Pontifex incepit, & argumentum rei proposuit in hunc fere modum: *Fratres & filii mei, ego sanè vos congregare volui, ut ex vobis id cognoscam, quod exigui non est momenti ac ponderis: Num videlicet matrimonium per verba de presenti contractum possit auctoritate nostra dissolvi? Et notate diligenter, quod ego dico. Hic enim non agitur questio de verbis futuri temporis, aut de simplici promissione. Nos quarimus, num matrimonium per verba de presenti contractum, quod est verum matrimonium & verum Sacramentum juxta sanctorum Theologorum sententiam, auctoritate nostra dissolvi possit: Intelligo, cum carnalis nulla intercessit conjunctio. Deinde addidit hoc: Ne quæso vos teneant Decessorum meorum facta & exempla, quæ eatenus sequi volo, quatenus Scriptura auctoritas & Theologorum rationes vos ad illud agendum inducent. Dixit adhuc quod sequitur: Non dubito, quin EGO ET DECESSORES MEI ERRARE ALIQUANDO POTUERIMUS, non solum in hoc, sed etiam in pluribus aliis rerum generibus; & tamen condemnandi plane non sumus. Nam Deus suam ita regit Ecclesiam, ut illi certum ad tempus abscondat multa, quæ tum inde patefaciat. Quod Christus ipse satis innuit, cum beato Petro dicebat: Quod ego facio, tu nescis, modo, scies autem postea: Et in alio loco aiebat: Adhuc multa habeo vobis dicere, sed non potestis portare modò; cum autem venerit Spiritus veritatis, docebit vos omnem veritatem. Quis igitur scit modò, num quæ reliquis circa indissolubile matrimonii vinculum antè fuerant incognita, per nos Deus apertam in lucem nunc prodi velit? Quamobrem, Fratres & Filii mei, studio omni incumbite in illud auxilium, quod à vobis hac in causa exspecto, nec rationem habete ullam exempli, quod hic vel ille decessor meus posteris reliquerit, ut jam admonui, perspicite, an decessores nostri id satis intellexerint, quod de indissolubili vinculo matrimonii disquirimus. His confectis, ad Cusentinum Archiepiscopum Apostolicum, aliàs apud Imperatorem Nuncium, sermonem convertit, & ut deliberaret, præcepit. Cusentinus ingenii industriaque sua nervos omnes contendit, ut persuadeat, matrimonium, quo de agitur, dissolvi neutiquam posse. Pontifex sententiam hanc gratam sibi acceptamque esse indicis pluribus ostendit, &c.*

Cusentinum opinando excepit Episcopus, nomine Antonellus, vir admodum senex & veneratione dignus, qui contrariam in sententiam discessit; & paucis decidit, Pontificem matrimonium istiusmodi posse dissolvere: Cui Pontifex respondit, se pro attributa sibi potestate tanta gratias

nullas agere. Sed quia Episcopus hic nonnullis beati Thomæ testimonis usus fuerat, subjunxit Pontifex, B. Thomam potuisse, cum esset junior, multa dicere, quæ factus cum ætate doctior revocaverat. Beatum insuper Paulum dicentem induxit, Cum essem parvulus, loquebar ut parvulus, sapiebam ut parvulus, cogitabam ut parvulus; quando autem factus sum vir, evacuavi ea, quæ erant parvuli. Deinde addidit: Ego non sine causa vos hac de re moneo, sed ut ex iis, qui deliberaturi sunt, nullus fundamentum in iis rebus, quas S. Thomas, cum esset junior, docuerit, constituat.

Haftenus, ex narratione illa, quæ refertur in Michaelis Castelnavi Malvissarii Tomo 11. Commentariorum, & in libro VI. Additionum ad eos Commentarios, qui anno M.DCLIX. Lutetiæ prodierunt. Et primum quidem, Paulus IV. in hoc celebri consensu ita se gerit, ut, considerata re, difficilè sit, Pontificem reperire sinceriores. Deinde, non errandi privilegium sibi ac decessoribus suis adjudicat, & illud tribuit Ecclesiæ, quam à Divino spiritu illustrari, docerique significat. Quæ in re, quæ & qualis esset Sedis Apostolicæ traditio, apprimè nosse se testatur. In Synodi VI. actione XII. & consequentibus, Honorium Papam hæreseos accusatum & damnatum esse legerat. Honorii damnationem in Synodo VII. & VIII. repetitam esse, non ignorabat.

Sed, quod animadversione summa dignum est, noverat corrupta non fuisse Synodi VI. acta: Quandoquidem neque Romæ, neque Constantinopoli, neque Alexandria, neque Antiochiæ, neque Hierosolymis, neque uspiam de actorum corruptione conquestus est ullus, vel Sedis Apostolicæ Legatorum, vel reliquorum antistitum; ubique conquesti fuissent omnes, qui secum acta detulerant. Noverat cum ingenti periculo dictum iri, Synodum VI. Honorium ex non intellectis Honorii ad Sergium Epistolis hæreseos condemnasse. Scilicet Monothelitæ pari modo & jure dixissent, editam contra fidei definitionem, ex non intellectis Scripturæ & Patrum testimoniis, quæ allata sunt, editam fuisse. Vix dispar assignaretur ratio, quæ non semper retorqueretur. Et hoc est ingens periculum, quod sagaci mente prævidebat. Noverat Florentinam Synodum veterum Conciliorum Oecumenicorum acta tanti facere, ut ex iis fumendam esse à Rom. Pontifice regendæ Ecclesiæ normam definiret.

Tum, allegationibus ex beato Thoma fieri solitis præscribit modum, quem à Theologis Ecclesiasticisque tractatoribus observari jubet. Discriminis non parum statuit inter ea, quæ juvenis & maturæ ætatis vir docuit.

Præterea, iis qui adulando & factis & exemplis Romani Episcopi potestatem amplificant, succenset. Intelligebat vir prudens, factis atque exemplis utendum esse sobriè, eosque qui utuntur, non rarè legum & Canonum violationem pro lege & pro Canone & accipere & habere. Quo nihil est ad regendas Ecclesias periculosius & aliquando perniciosius. Exinde factum est olim, ut Imperator decreverit, *Exemplis non esse judicandum, sed legibus.* C. de sent. & interloc. om. jud.

Denique, illam Romani Episcopi potestatem Scripturis tantum & solidis veræ Theologiæ rationibus definiendam esse proponit. Sciebat hinc in consultatione, quam instituerat, sic se gerendum esse, ut in Synodo; hinc decessorem suum Gelasium I. malè & benè gestam Synodum ita delineare in Epistola XIII. quam ad Episcopos Dardaniæ scribit: *Ubi etiam consequenter ostenditur, quia malè gesta Synodus, id est, contra Scripturas sacras, contra doctrinam Patrum, contra Ecclesiasticas regulas, quam tota Ecclesia meritò non recepit, & præcipue Sedes Apostolica non probavit, per bene gestam Synodum, id est, secundum Scripturas, secundum traditionem Patrum, secundum Ecclesiasticas regulas pro fide*



*Catholica & communione prolatam, quam cuncta recepit Ecclesia, quam maximè Sedes Apostolica comprobavit, ut debuerit & potuerit immutari.*

Hic autem Pontifex Apostolica Sede dignissimus recordabatur eorum, quæ cum esset Joannes Petrus Cardinalis Theatinus, in Concilio delectorum Cardinalium & aliorum Prælatorum notaverat & graviter confixerat. In eo supremi Pontificatus honor mores, contrà quàm fieri solet, haud mutaverat:

*Rara avis in terris, nigroque similissima cygno.*

Verumenimverò, pretium est operæ videre, quid instituto nostro consentaneum Paulus, tunc Joannes Petrus, & cæteri Cardinales & Prælati notaverint & confixerint. Graviter notarunt hæc, de quibus Paulus III. sic monuerunt: *Beatissime Pater, tantum abest, ut verbis explicare possimus, quàm magnas gratias. Respublica Christiana Deo Optimo Maximo agere debeat, quòd te Pontificem hisce temporibus ac pastorem gregi suo præfecerit, eamque quam habes mentem dederit, ut minime speremus cogitatione eas, quas Deo gratias debet, consequi posse. Nam Spiritus ille Dei, quo virtus calorum firmata est, ut ait Propheta, lavantem, immò ferè collapsam in præcepis Ecclesiam Christi per te restaurare, & huic ruina manum, ut videmus, supponere decrevit, eamque erigere ad pristinam sublimitatem, decorique pristino restituere, certissimam divina hujus sententia conjecturam nos facere valeamus, quibus sanctitas tua ad se vocatis mandavit, ut nullius aut commodi tui, aut cujuspiam alterius, habita*  
*ratione, tibi significarem abusus illos gravissimos, quibus jamprius Ecclesia Dei laborat, ac præsertim HÆC ROMANA CURIA: Quibus effectum propè est, ut paulatim ac sensim ingravescantibus pestiferis his morbis magnam hanc ruinam traxerit, quam videmus. Et quoniam sanctitas tua Spiritu Dei erudita, qui (ut inquit Augustinus, loquitur in cordibus nullo verborum strepitu) probè noverat, principium horum malorum inde fuisse, quòd nonnulli Pontifices tui prædecessores prurientes auribus, ut inquit Apostolus Paulus, COACERVAVERUNT SIBI MAGISTROS AD DESIDERIA SUA, NON UT AB EIS DISCERENT, QUID FACERE DEBERENT, SED UT EORUM STUDIO ET CALLIDITATE INVENIRETUR RATIO, QUA LICERET ID, QUOD LIBERET: Inde effectum est, præterquam quòd principatum omnem sequitur adulatio, ut umbra corpus, difficillimèque semper fuit aditus veritatis ad aures principum, quòd confestim PRODIRENT DOCTORES, QUI DOCERENT PONTIFICEM ESSE DOMINUM BENEFICIORUM OMNIUM, AC IDEO CUM DOMINUS VENDAT ID, QUOD SUUM EST, NECESSARIO SEQUI IN PONTIFICEM NON POSSE CADERE SIMONIAM. Ita quòd voluntas Pontificis, qualiscunque ea fuerit, sit regula, qua ejus operationes & actiones dirigantur: Ex quo proculdubio efficit, ut quidquid libeat, id etiam liceat. Ex hoc fonte, sancte Pater, tanquam ex equo Trojano irrupere in Ecclesiam Dei tot abusus, & tam gravissimi morbi, quibus nunc conspiciamus eam ad desperationem fere salutis laborasse, & manasse harum rerum famam ad infideles usque (Credat sanctitas vestra scientibus,) qui ob*  
*hanc præcipuè causam Christianam religionem derident, adeò ut per nos, per nos inquit, nomen Christi blasphemetur inter gentes.*

Concilio huic quod Paulo III. jubente celebratum est, subscribunt Gaspar Cardinalis Contarenus, Joannes Petrus Cardinalis Theatinus (qui fuit postea Paulus Papa IV.) Jacobus Cardinalis Sadoletus, Reginaldus Cardinalis Anglicus, Fredericus Archiepiscopus Salernitanus, Hieronymus Archiepiscopus Brundusinus, Joannes Matthæus Episcopus Veronensis, Gregorius Abbas sancti Georgii Venet. Frater Thomas Magister sacri Palatii.

Atqui statim atque Concilium hoc à tot viris præstantibus habitum est, & Paulo III. exhibitum, acciderunt tria: Primum, quòd Petrus Crabbus illud Conciliorum editioni suæ secundæ intulit: Deinde, quòd

Martinus Lutherus omnia quæ hoc in Concilio facta sunt, absque discrimine refutavit, & Joannes Sturmiius homo Semilutheranus Concilium in quibusdam probavit, in aliis reprobavit. Denique, quòd Joannes Cochlaeus vir in paucis Doctoribus Catholicis apud Germanos nominatissimus Concilium defendit singulari opere, quod inscribitur: *Discussio æquatis super Concilium delectorum Cardinalium, &c. ad tollendam per generale Concilium inter Germanos in religione discordiam anno 1539. Parisiis ad Joannem Sturmius. Tu, inquit, eos (delectos Cardinales & alios Prælatos) in quibusdam laudas ac probas, Lutherus absque discrimine refutat, & si tam manifestè bona, quæ illi dicunt, ut à nemine nisi ab impiis & insanis, sensuque communi carentibus reprehendi nequeant, ipse per calumniam in contrarium retorques sensum, tanquam fidei ac dolose aut per irrdiam, mentisque perversitatem ab eis dicta sint. Et quamvis hoc ita sit, & Paulus IV. habeat respectum ad relata verba Concilii, cujus pars fuit & maxima & nobilissima, cum Joannes Petrus Cardinalis Theatinus erat, nihilominus tamen hodierni Inquisitores Curiae pene omnes ἀναλόγητοι maluerunt ab oppugnationum Concilii hujusce, quàm à Pauli IV. partibus stare. Nam verba hæc ipsamet Norberti Caillocii mendaciis atque erroribus à me objecta, deinde exposita Sedis Apostolicæ circa diligentem Canonum custodiam traditio, tum suscepta regni & regiae dignitatis adversus eundem Caillocium defensio, fuerunt in causa, cur nuper Opusculum meum, in librorum prohibitorum indicem absque ullo discrimine relegaverint: Quod illos, qui damnatorum ab hoc Concilio Romanæ Curiae Magistrorum hæredes sunt veri, facturos esse satis prævideram. Ingenium enim hominum novi. Nam exposita per Romanos ipsos pontifices Sedis Apostolicæ traditione subjunxi: *Hæc omnia in Curia spectant ad indicem librorum prohibendorum, id est, non legendorum, sed in Romana & Gallicana Ecclesia ad indicem librorum legendorum. Prætermittendum verò non est, Inquisitores ex titulo nostri Opusculi, quod inscribitur, Censura Responsionis, qua frat. Norbertus Caillocius sese mendaciis atque erroribus novis irretivit, reseculisse id totum, quod verba prima duo, Censura Responsionis, sequitur, ita ut quò spectet Censura Responsionis, non intelligatur. O sinceros & veritatis amantissimos homines? Veriti sunt opinor; ne hinc de integritate tituli res mea secundum me à Lectoribus Indicis præjudicaretur, inde illi viderentur facere, quod re ipsa faciunt. Scilicet teneant exitiosam Regibus & sæculi Magistratibus Caillocii doctrinam, mendacia & errores, quos illustri Sedis Apostolicæ traditione, Florentinæ Synodi definitione, delectorum Cardinalium & aliorum Prælatorum Concilio profligavi. Hoc autem inquisitores, qui ad pauca respiciunt, cum exequantur, pernicioso exemplo rejiciendarum Ecclesiæ traditionum viam aperiant, quam nobiscum omni conatu deberent intercludere, Florentinæ fidei definitionem oblique petunt, & in abjiciendo delectorum Cardinalium & aliorum Prælatorum Concilio, quod Paulus III. fieri, jussit, & comprobavit Paulus IV. Luthero & Sturmio consentiunt. Heu! novis, privatis & factiosis opinionibus student, & publicas Romanæ Ecclesiæ utilitates, quas pro virili parte defendo, negligunt & aspernantur.**

Nunc jam occurrunt futilium argutiarum opifices, qui magnum quid pronuntiasse se putant, cum verba hæc tria, *Pontifex ex Cathedra*, pronunciant, & in vulgus imperitorum spargunt: Sed interim sibi cavent penitus, ne quid sibi velint, interpretentur; & imperiti ne videantur tales, interpretationem nullam quaerunt: Deinde hi velut ex Pythio, aut Dodonæo, aut Ammonis oraculo, quod non intelligunt, loquuntur, & nulli non cordato & perito homini obloquuntur: Quod somniant verbis illis affingunt, & postea ut valentes Dialectici pro certo sibi sumunt, quod in quaestione

18 stione versatur. Sed ne moremur amplius, quid tandem sonat Pontifex ex Cathedra? Pontificem docentem sonat & præterea nihil. Ubinam quæso oraculum? Ubinam mysterium? Cum voces illæ tres aperte & simpliciter explicantur, pretiosi vel accersiti nihil obijciunt.

Sixtus V. in bulla, quæ curatæ à se Bibliorum editioni præfigitur, è Cathedra docet quæ sequuntur: Illud sanè omnibus certum atque exploratum esse volumus, nostros hos labores ac vigilias eò nunquam spectasse, ut nova editio in lucem exeat, sed ut vulgata verus ex Tridentina Synodi præscripto emendatissima, pristinaque sua puritati, qualis primum ab ipsius interpretis manu stiloque prodierat, quoad ejus fieri potest, restituta imprimatur. Atque hæc fuerunt in causâ, cur Bibliorum editio cum bulla suppressa fuerit, & Sixtus erraverit.

Hadrianus VI. & ipse Romanus Pontifex de Pontifice docente, seu de Pontifice è Cathedra pronunciante scribit in quartum sent. Certum est, quod Romana Ecclesia Pontifex possit errare etiam in iis, quæ tangunt fidem, heresim per suam determinationem aut decretalem asserendo. Plures enim fuerunt Pontifices Romani heretici. Et quibusdam interpolitis: Evacuare intendo impossibilitatem errandi, quam alii asserunt.

19 Christophorus Marcellus in sacrarum Romanæ Ecclesiæ ceremoniarum libris, quos ad Leonem X. edidit, de Romano Pontifice docente sermonem facit in lib. I. Pontifex, inquit, antequam pronunciet (in Sanctorum canonizatione) consuevit protestari in hanc formam: Quod invenimus servatum à multis Pontificibus. Sunt tamen aliqui clarissimi viri, qui dicunt hoc introductum ex quadam causa, quæ nunc cessat, quia Papa tunc quodammodo cogebatur ad canonizandum quendam contra suam opinionem, & propterea protestabatur: Nunc autem non videri congruam illam protestationem. Sed de hoc statuat summus Pontifex, & Sacer Senatus.

#### FORMA PROTESTATIONIS.

Antequam ad pronunciationem veniamus, protestamur publicè apud vos presentes, quod per hunc actum canonizationis non intendimus aliquid facere, quod sit contra fidem, aut Catholicam Ecclesiam, sive honorem Dei. Sic Pontifex cum formidine erroris docet & pronunciat è Cathedra, in quam prius ascenderat.

Joannes XXII. Beatorum animas Deum non esse viuras ante ultimum diem iudicii concionabatur, & docebat, & ab aliis doceri volebat contra Romanæ Ecclesiæ traditionem, quæ in confessione fidei à Clemente IV. oblata Palæologo Græcorum Imperatori continebatur.

Tum Vigilius in celebri constituto suo ne tria Ca-

pitula damnarentur prohibuit. Id è Cathedra docebat, quod Synodus V. damnavit, & damnatum Pelagius II. & Gregorius I. in se receperunt, amandato procul Vigili constituto, etiamsi è Cathedra editum fuisset. Hic capti sunt adulatricis Curia fautores, qui alios per verba tria hæc, Pontifex è Cathedra, capere atque errori exponere volunt, & fraudulentè ac manifesta principii petitione assument, quod scriptura & traditione probandum est, nec, ut allatis exemplis liquet, probari potest.

Ad hæc in verbis quidem mutatum, sed in doctrina nihil mutatum ab iis, qui dicunt, Romanum Pontificem quatenus Pontifex est, errare non posse. Id profectò dicunt, at minùs attentè & minùs circumspectè; quia hoc dici quoque potest de Ostienli Pontifice, quatenus Pontifex est, de Petro Christiano, quatenus Christianus est. Nempe Pontificium munus prout tale, Ostiensis Pontificem, Christiana religio prout talis, Petrum Christianum, nec in errorem inducit nec inducere potest. Id necessariò important particulæ omnes, quæ Dialecticis Reduplicativæ (mollienda sunt usu verba auctore Tullio) dicuntur. Quæ res cum ita se habeat, aliunde, quàm ex reduplicativis particulis confirmandum esset, Romanum Pontificem non errandi privilegio gaudere, cum aliquod dogma Ecclesiasticum definit. Verùm arguti & in nimiam assentationem eruditi homines sibi temperare nequeunt ab illa fallacia, quæ tunc admittitur, cum obscurioribus verbis & per ambages idem per seipsum probatur. His necessariò interpolitis:

Vide jam ac circumspecte, quales in angustias Inquisitores Catholicos controversiarum fidei Magistros conijciant, & quibus eos armis exuant. Interim curanda nobis sunt duo: Primum, Inquisitoribus, ut murus firmissimus, opponendus est Romanus Pontifex Pius II. cum ad Carolum VII. Gallia Regem ita scribit in Epistola cccclxxiv. Unum à te petimus, charissime fili, ut Doctoribus Sedis Apostolicæ non semper credas: Multa illorum passionibus tribuas. Pallionum istarum numero adscribendus est contemptus derivatarum ab initio Sedis Apostolicæ traditionum, quæ ad veras ejusdem Sedis opportunitates, dignitatem, eminentissimam simplicitatem, munus & officium pertinent. Deinde orandus est Deus Optimus Maximus, ut Doctorum illorum mentem ad perdiscendas nobiscum & retinendas Sedis Apostolicæ traditiones, quas breviter, sed idoneè indicavimus, & ad colendam Gregorii XI. & Pauli IV. ingenuam & cedro dignam confessionem, quam propriis illorum verbis scriptam retulimus, inclinet. Nos verò, velint nolint religiosæ veritatis inimici, colamus perpetuò. Vale. Lutetia Parisiorum, Idibus Martii ann. M. DC. LXV.

# Joannes Launoius MICHAELI MAROLLIO

Abbati Villalupensi.

**L**AUDAS tu, & ego quoque laudo Bellarminum, quod in libri II. de Romano Pontifice capite xxxi. varia disquisierit dignitatis nomina, quæ à Conciliis & Patribus Romano Pontifici subinde tributa sunt. Sed miraris, & miror etiam accidisse, ut vir eruditione magna æquè ac sincera præditus dignitatis titulum unum prætermiserit, quo nullus est apud ipsos Romanos Ponti-

fices usitator, nullus apud Concilia & tractatores Ecclesiæ familiarior. Porro autem titulus hic & tibi & mihi est, Vicarius beati Petri, vel Apostolorum, qui scilicet Romanam fundarunt & suo sanguine consecraverunt Ecclesiam. Sed ne videamur gratis & sine ratione mirari, operæ pretium est, obvia Romanorum Pontificum, Conciliorum, & tractatorum Ecclesiæ recensere testimonia, quæ ne miremur amplius, efficient.

Molestus



Molestus essem, si recenserem omnia: Recensebo pauca de multis, quæ ad diversas ætates cum pertineant, omnino sufficient. E Romanorum Pontificum numero primus occurrit

Leo qui ann. ccccxl. sedere cœpit, in ferm. 11. de anniversario die Assumptionis suæ ad Episcopale officium, ut in fermone 1. loquitur: Cum ergo cohortationes nostras auribus vestra sanctitatis adhibemus, ipsum (Petrum) vobis, Cujus vice fungimur, loqui credite. At Petri vice fungi aliud nihil præ se fert, quam  
2 Petri Vicarium esse. Et quamvis Leo nobis occurrat primus, qui se Petri vice fungi, id est, Petri Vicarium esse dixerit, omnino credendum est, Leonem ex Romanis Episcopis vel non esse primum, qui dignitatis titulum hunc sibi scripto vindicaverit, vel si primus est, antiqua Sedis suæ traditione sibi vindicasse.

Secundus Felix III. qui circa annum cccclxxxiii. Sedem Apostolicam regere cœpit: Sic igitur scribit in Epistola iv. ad Zenonem Imperatorem in Appendice Theodosiani Codicis: Hæc ergo, reverendissime Princeps, BEATI PETRI QUALISCUNQUE VICARIUS, non auctoritate velut Apostolica potestatis extorqueo, sed tanquam sollicitus pater salutem prosperitatemque clementissimi filii manere cupiens diuturnam, fidenter implo-ro. Et post alia: Neque, venerande fili, respuas supplicanti, neve meam velis dissimulare personam. IN ME ENIM QUALICUNQUE VICARIO, Beatus Petrus Apostolus, & hæc in illo, qui Ecclesiam suam discerpere non patitur, ipse etiam Christus exposcit. Quibus verbis Felix semel se, atque iterum beati Petri Vicarium appellat, nec opinor appellaret, nisi hoc Sedis Apostolicæ postulasset traditio. Sed ut dignam Sede hac modestiam exhiberet, qualemcunque se Vicarium appellat.

Tertius Gelasius I. qui anno ccccxii. Romanus creatus est Episcopus, in Epistola iv. seu in Communitorio ad Faustum: Quæro tamen ab his iudicium, quod prætendunt, ubinam possit agitari, an apud ipsos, ut iidem sint inimici & testes & iudices? Sed tali iudicio nec humana committi debent negotia, nedum Divina legis integritas. Si quantum ad religionem pertinet, non nisi Apostolica  
3 Sedi, juxta Canones debetur summa iudicij totius: si quantum ad seculi potestatem, illa à Pontificibus, & præcipue à BEATI PETRI VICARIO DEBET cognoscere, quæ Divina sunt, non ipsa eadem judicare.

Quartus Symmachus, qui anno cccxcviii. Romanam capessivit Ecclesiam, in Epistola ad Eonium Arelatensem Episcopum: Huc accedit, quod ne sit sententiarum varietas, ad ipsam sacrosanctam Catholicam religionem credimus pertinere, cuius potestas omnis infringitur, nisi universa, quæ à Domini Sacerdotibus semel statuantur, perpetua sint: quod alias contingere non poterit, si successor decessoris actibus non tribuerit firmitatem, & roborando quæ gesta sunt, faciat rata esse quæ gesserit. Quanta enim VICARIIS BEATISSIMI PETRI APOSTOLI iudicabitur esse reverentia, si quæ in Sacerdotibus præcipiunt, eisdem transeuntibus dissolvantur?

Deinde in Epistola ad Anastasium Imperatorem: Qui Petrum Alexandrinum recipis, beatum Petrum Apostolum in SUO QUALICUNQUE VICARIO calcare contendis? Et post alia: Ubi te rerum humanarum princeps, QUALISCUNQUE SEDIS APOSTOLICÆ VICARIUS contestari in ea voce non desino: In priori Epistola beati Petri Vicarios nominat Romanos Pontifices, in posteriori se qualemcunque Sedis Apostolicæ Vicarium. At Romanus Pontifex sive beati Petri, sive Sedis Apostolicæ Vicarius dicatur, idem ut apparet, reapse dicitur.

Quintus Vigilius, qui anno dxi. Romanæ Ecclesiæ gubernacula suscepit, in Encyclica ad universam Ecclesiam de certa quadam Imperatoris Charta: Tantis à veritate sepositis rebus atque injuriis probatur esse plenissima, ut hanc Imperialis oris nunquam credatur mansuetudo dictasse, MAXIME CONTRA ILLIUS PRIMI

APOSTOLORUM VICARIUM; cuius olim reverentia se frequenter scriptis professus est debitorem.

Sextus Gregorius I. qui anno dxc. Romanus creatus est Episcopus, in Romano Concilio, quod insequentibus anno celebratum est, ita loquitur: Interdicimus in nomine Domini nostri Jesu Christi, & ex auctoritate beati Petri Apostolorum principis, Cujus vice huic Romanæ Ecclesiæ præsidemus. At vice beati Petri Romanæ præsidere Ecclesiæ, idem sibi vult, quod beati Petri Vicarium esse. Hunc autem honoris titulum Romana Synodus hæc assensu suo comprobavit. Id à simili confirmatur ex libri 11. indict. x. Epistola 17. ad Maximianum Syracusanum Episcopum: Proinde, inquit, super cunctis Sicilia Ecclesiis reverendissimum te virum Maximianum, fratrem & coepiscopum nostrum VICES SEDIS APOSTOLICÆ ministrare decernimus. Qui vices Sedis Apostolicæ ministrat, Sedis Apostolicæ minister & Vicarius est.

Septimus Stephanus III. qui anno dclxviii. Romanæ Sedis clavum tenere cœpit, in Epistola 11. ad Carolum & Carolomanum Reges: Quæ (promissio) à vestro progenitore sanctæ recordationis Domino Pippino eidem Principi Apostolorum & EJUS VICARIIS facta est. Et post alia: Omnia, quæ beato Petro & EJUS VICARIIS cum vestro sanctæ memoria progenitore promissis, adimplere dignemini.

Deinde in Epistola 111. ad eosdem Reges: Recordamini & considerate quia oleo sancto uncti per MANUS VICARII BEATI PETRI celesti benedictione estis sanctificati. Et post alia: Nam & illud excellentiam vestram oportet meminisse, ita VOS BEATO PETRO ET PRÆFATO EJUS VICARIO, vel ejus successoribus spondidisse. Et post alia: Et quam ob causam nunc contra Apostolica mandata & voluntatem VICARII APOSTOLORUM PRINCIPIS agere conamini, quod nunquam pater vester petravisset? Infrâ: Recordamini peto, quomodo vos fide dicere visus est præfatus vester Dominus ac genitor promittens in vestris animabus Deo & BEATO PETRO, ATQUE EJUS VICARIO ANTEFATO DOMNO STEPHANO PAPÆ firmiter debere vos permanere erga sanctæ Ecclesiæ fidelitatem: Sic beati Petri Vicarius est Romanus præsul.

Octavus Hadrianus I. qui anno dclxxii. ad Romanam Ecclesiam accessit, in Epistola vii. ad Carolum Magnum: Pippinus eos (homines) BEATO PETRO EJUSQUE VICARIO concessit.

Deinde in Epistola ad Constantinum & Irenem, quæ actione 11. Synodi VII. lecta & comprobata est: Certum est, inquit, quod si universalis est (Sedes Constantinopolitana) etiam Ecclesia nostra Sedis primatum habere dignoscitur, quod ridiculum omnibus fidelibus Christianis apparet, quia in toto terrarum orbe ab ipso Redemptore mundi beato Petro Apostolo principatus & potestas data est, & per eundem Apostolum, Cujus vel immeriti VICES GERIMUS, sancta Catholica & Apostolica Romana Ecclesia hætenus, & in ævum tenet principatum. At vices beati Petri gerere, & beati Petri Vicarium esse significatu pari gaudent. Quidquid id est, loquendi modus hic Synodi VII. non displicuit, & si non displicuit, cur tibi & mihi displiceret?

Nonus Nicolaus I. qui anno dcccclviii. culmen Apostolicum conscendit, in Epistola viii. ad Michaëlem Imperatorem: NEC IN VICARIIS BEATI PETRI APOSTOLI vobis attendendum est, qui sint, sed quid pro correctione Ecclesiarum, quid pro salute vestra satagent. Vicarios beati Petri ex traditione vocat Romanos Pontifices, perinde ac si tales semper ita vocati fuissent.

Decimus Hadrianus II. qui anno dcccclxviii. Romanam adeptus est Ecclesiam, in Epistola xiv. ad proceres regni Lotharii: Quamobrem fulsi charissimi Apostolica Sedis magisterio plurimum debentes nos qui per supernam gratiam APOSTOLORUM PRINCIPIS FUNGIMUR VICE, omniumque Ecclesiarum curam & sollicitudinem nobis à Domino præ ceteris delegatam habentes. At principis

cipis Apostolorum vice fungi, quid aliud est, quam beati Petri Vicarium esse? Hoc ita significat Hadrianus ipse in Epistola xxix. ad Carolum Calvum: *Nos verò licet indigni, tamen sumus ILLIUS VICARII, CUI COMMISIT DEUS ECCLESIAM SUAM.*

Undecimus Joannes VIII. qui anno DCCCLXXII. Hadriani II. successor factus est, in Epistola LXXIII. ad Lambertum Comitem: *Sedem Apostolicam non solum Reges & Principes terræ, verumetiam Imperatores Augusti & totius orbis Domini suis apicibus, utpote caput omnium Ecclesiarum Dei honoraverunt, dignisque præconiis ejus Pontifices, VICARIOS SCILICET BEATI PETRI APOSTOLORUM PRINCIPIS, laudaverunt.*

Deinde in Epistola LXXXIII. ad Berengarium Comitem: *Venit Roman & quasi inimicus portam civitatis Roma violenter capiens satellites suos per dies plurimos retinere fecit, & sic tantam civitatem invasam retinuit: Ita sanè ut nobis apud beatum Petrum consistentibus nullam urbis Roma potestatem à Piis Imperatoribus BEATO PETRO PRINCIPI APOSTOLORUM, EJUSQUE VICARIIS TRADITAM HABEREMUS.*

Tum demum in Epistola GXCII. ad Tuentarum de Marauna: *Scire vos volumus, quia nos per Dei gratiam BEATI PETRI APOSTOLORUM PRINCIPIS VICEM TENEMUS, pio amore vos quasi charissimos filios amplectimur. Beati Petri vicem tenere, & beati Petri Vicarium esse, sunt eadem.*

Duodecimus Joannes XIII. qui anno DCCCCLXVI. Romanam Ecclesiam administrandam suscepit, in Epistola ad Episcopos citerioris Britannia: *QUIA VICE BEATI PETRI APOSTOLORUM PRINCIPIS curam Ecclesiarum omnium suscepimus, sollicitudinem, quam uniuscujusque fides integra in eodem Domino reservetur, sine qua ei nullus placere valebit, ubique severe observare debemus. At vice beati Petri curam Ecclesiarum omnium suscipere idem est atque beati Petri Vicarium agere.*

Decimus tertius Leo IX. in Epistola VII. ad Constantinum Monomachum: *Porro ego ipse QUALISCUNQUE APOSTOLICÆ VICARIUS SEDIS, pro modulo humilitatis meæ & possibilitatis supplere laborans vicem mihi commissæ dispensationis secundum Deiloquum Paulum: Va mihi est, si non evangelizavero.*

Decimus quartus Nicolaus II. qui anno M. LIX. culmen Apostolicum ascendit, in Epistola ad Edvardum Angliæ Regem: *Præterea in loco, quem sub nomine sanctæ poenitentia constituendum & meliorandum suscepistis, quoniam ut fertur, primò antiquitus consecrationem à beato Petro accepit, CUIUS LICET INDIGNI VICARII SUMUS.*

Decimus quintus Gregorius VII. in libri I. Epistola XXXIV. ad Remedium Linconensem Episcopum: *Ab solutionem præterea peccatorum tuorum sicut rogasti, auctoritate Principum Apostolorum Petri & Pauli fultis, QUORUM VICE, quamvis indigni, FUNGIMUR, tibi mittere duximus.*

Deinde in libri III. Epistola X. ad Henricum Regem: *In cujus (Petri) Sede & Apostolica administratione dum nos qualescunque peccatores & indigni, divina dispositione VICEM SUÆ POTESTATIS GERIMUS.*

Tum in libri VIII. Epistola XIV. ad omnes Episcopos, Abbates, & Milites in Parochia Remensi commorantes: *Vos itaque, quos ab illorum perfidia remotos & alienos existimamus, oportere nunc credimus, ut qualem habeatis animum circa nos, imò beatum Petrum, CUIUS VICE LICET INDIGNI FUNGIMUR, demonstratis.*

Decimus sextus Paschalis II. qui anno M. XCVIII. in Romanum Pontificem evasit, in Epistola I. ad exercitum in Palæstina militantem: *Plurima verò significare per chartam & atramentum supersedemus, quoniam ex Apostolica Sedis gremio carissimum fratrem Mauricium Portuensem Episcopum destinamus, ut PER BEATI PETRI VICARIUM sanctæ in Christo memoria præde-*

*cessorem nostrum Urbanum tanti peregrinationem itineris assumpsistis, beati Petri solatiis abundetis.*

Decimus septimus Alexander III. qui anno M. CLX. Romanam Ecclesiam gubernare aggressus est, in Epistola XXII. ad Upsellensem Archiepiscopum ad calcem epistolarum Petri Cellensis: *VICE BEATI PETRI APOSTOLORUM PRINCIPIS largiente Deo & Domino nostro super gentes & regna licet immeriti in Apostolica Sedis specula constituti, Pontificalis officii debito pro universis compellimur sollicitudinem gerere. Ecce tibi Alexander vice beati Petri in Apostolicæ Sedis specula constitutus! Atque hoc ipsum est idem, ac beati Petri Vicarius.*

His adde monumenta tria, unum, indiculum professionis fidei, quam olim electi & consecrandi Pontifices Romani edebant, alterum Pontificale Romanum manuscriptum, tertium editum: Ubi continentur certa quædam rerum capita, de quibus consecrandi præfules olim hodièque interrogantur. Res autem sic se habet in indiculo professionis fidei: *In nomine Domini Dei Salvatoris nostri Jesu Christi, &c. Indict. ill. die ill. misericordia Dei Presbyter electus, futurusque, per Dei gratiam, humilis Apostolicæ Sedis antistes, tibi profiteor, beate Petre Apostolorum Princeps. Et quibusdam interpositis: Si qua verò emerferint contra disciplinam canonicam, emendare, sacrosque Canones & constituta Pontificum nostrorum, ut divina & celestia mandata custodire, utpote tibi me redditurum sciens de omnibus quæ profiteor, distictam in iudicio divino rationem, CUIUS LOCUM DIVINA DIGNATIONE PERAGO, ET VICEM INTERCESSIONIBUS TUIS ADJUTUS IMPLEO, si præter hæc aliquid agere præsumptero, vel ut præsumatur, permisero. Hic beati Petri vicem implere est beati Petri Vicarium agere. Cum ergo consecrandus olim quilibet Romanus Pontifex fidei professionem hanc emittebat, vide ac circumspecte, quot numero Pontifices sese beati Petri vicem implere & beati Petri Vicarios agere professi fuerint? Hæc fidei professio, qualis in Romanæ Ecclesiæ Diurno extat, post Synodum VI. anno DCLXXX. habitam fieri cœpta est, & fiebat adhuc Juonis Carnotensis Episcopi tempore, qui ad annum MC. claruit. Id significat in epistola IX. quam Hugoni Lugdunensi Archiepiscopo & Sedis Apostolicæ Legato scribit.*

In Pontificali Romano manuscripto Romanus Pontifex consecratorem agit, & consecrandum præfulem sic interrogat: *Vis beato Petro, cui à Deo data est potestas ligandi atque solvendi, MIHIQUE EJUS VICARIO successoribusque meis fidem & subjectionem per omnia exhibere? Resp. Volo. Formulæ usus hic erat, cum Pontifex Romanæ provinciæ, quæ per regiones suburbicarias longè latèque patet, antistes consecrabat, & Metropolitanis munere defungebatur. Cæterum Pontificalis liber istiusmodi meus est, isque trecentis abhinc annis exaratus.*

Ad Pontificale Romanum editum quod attinet, caput, de quo consecrandus antistes interrogatur, est ejusmodi: *Vis beato Petro Apostolo, cui à Deo data est potestas ligandi ac solvendi, EJUSQUE VICARIO Domino nostro Papa N. suisque successoribus Romanis Pontificibus, fidem, subjectionem, & obedientiam secundum Canonicam auctoritatem per omnia exhibere? R. Volo. Ecce tibi hodièque Papa beati Petri Vicarius! Porro autem fides & subjectio, quæ in Pontificali manuscripto infinite promittebatur, in Pontificali edito certa redditur, & Canonica auctoritate circumscribitur. Quo fit, ut cum fides & subjectio secundum Canonicam auctoritatem exigitur, mandatum & imperium juxta auctoritatem eandem fieri debeat.*

Hæc est igitur perspicua Sedis Apostolicæ traditio, quæ dignitatis titulus hic, beati Petri Vicarius, per integros & incorruptos testes Romanos Pontifices septemdecim, & antiquæ hodiernæque veritatis monumenta tria certissima, ab initio ad nostrum usque tempus derivatus est.



Nunc de consultationibus Episcoporum & Conciliis delibandum est nonnihil.

I. Ascanius & universi Episcopi Tarraconensis provinciae in epistola ad Hilarum Papam ex recepta traditione sic loquuntur: *Etiam si nulla extaret necessitas Ecclesiastica disciplina, expetendum revera nobis fuerat illud privilegium Sedis vestrae, quo susceptis regni clavibus post resurrectionem Salvatoris per totum orbem beatissimi Petri singularis praedicatio universorum illuminationi promissit*; Cujus VICARII PRINCIPATUS sicut eminet, ita metuendus est ab omnibus & amandus. De Hilaro Petri Vicario & de Vicariorum Petri principatu sermonem instituit.

II. Romana Synodus, quae Mysenum absolvit, hunc audivit & approbavit dicentem, Gelasium qui Synodo praefuit, beati Petri Vicarium esse: *Quorum, ait, praevidentiam nunquam voluntatem receperim, quia me calamitatis impulsu minus cautus videtur incidisse sub conspectu Dei & beati Petri, EJUSQUE VICARII, ac totius Ecclesiae, mea sicut dixi professione vocisque condemno.*

III. Romana Synodus, cui Gregorius Magnus praefuit, ratum habuit Pontificis hujus decretum, in quo ille dicit se VICE BEATI PETRI Romana Ecclesia praesidere. Decretum supra relatum est.

IV. Synodus septima in actione II. comprobavit Hadriani I. epistolam, in qua hic Pontifex Beati Petri vices gerere se scribit. Hadriani verba suo loco relata sunt.

V. Turonensis Synodus, quae circa annum DCCCXLIX. celebrata est, in epistola ad Ducem Nomenoium: *Omnes lesisti Christianitatem, dum VICARIUM BEATI PETRI Apostolicum, cui Deus dedit primum in omni orbe terrarum, sprevisti.*

VI. Pontigonensis Synodus, quae anno DCCCXXVII. habita est, jam, inquit, quia divina pietas vos beatorum Principum Apostolorum Petri & Pauli interventione PER VICARIUM IPSORUM DOMNUM SCILICET JOANNEM SUMMUM PONTIFICEM ad Imperiale culmen provexit. Sic judicio Synodi hujus Joannes VIII. Apostolorum Petri & Pauli Vicarius est.

VII. Remense Concilium, cui Leo IX. praefuit: *Beato quoque Petro, EJUSQUE VICARIO, Romana scilicet Ecclesia Pontifici, cujus Abbatia illa erat, debitum censum quotannis solvere detraxerat. Et quibusdam interpositis: Qui (Lingonensis Episcopus) requisitus & a Synodica examinatione se subduxisse repertus, ex parte Dei & beati Petri Apostolorum Principis, EJUSQUE VICARII, QUI praesens aderat, ab eodem Diacano tertio est vocatus.*

VIII. Concilium apud sanctam Macram anno DCCCLXXXI. celebratum, quod est Hincmari Remensis Opusculum, vel epistola XII. ad Ludovicum III. Regem Balbi filium: *Hac de celo Christus & sancti ejus Apostoli atque sancti ipsius cum eo jam in calo regnantes intonant, & nos licet peccatores in terra Episcopi & CHRISTI VICARII atque Apostolorum successores in terra ejus virtute & ministerio divino prosequimur.*

IX. Constantiensis Synodus generalis, quae anno M.CCCCXV. convenit, damnavit Joannis Wiclefi articulum hunc: *Ecclesia Romana est Synagoga Satanae, nec Papa est immediatus & proximus VICARIUS CHRISTI ET APOSTOLORUM, Petri scilicet & Pauli, ut quidam laudati supra Pontifices intelligunt: Articuli hujus damnationem confirmavit Martinus V. & confirmando judicat Romanum Pontificem ut Christi, sic & Apostolorum Petri & Pauli Vicarium immediatum esse ac proximum.*

Nunc veniendum est ad Ecclesiasticos tractatores, qui Leonem I. subsequuntur & imitantur. Est quidem tractator unus Leone multo vetustior, Cyprianus nempe Carthaginensis Episcopus, qui Stephanum primum, Cornelii & Lucii Vicarium & successorem appellat. Sed quoniam Epistola, in qua Cyprianum dicere hoc legimus, videtur mihi supposita, auctoritatem ex illa

depromere non audeo. Depromam tamen, quod forte non omnes persuasi sint rationum momentis, quibus epistola suppositionem in Responsionis ad dissertationem de duobus Dionysiis discussione cap. v. probare conatus sum.

I. Cyprianus ergo in istorum, qui a me discrepant, opinione, sic loquitur in epistola LXVII. ad Stephanum: *Servandum est enim antecessorum nostrorum beatorum Martyrum Cornelii & Lucii honor gloriosus, quorum memoriam cum nos honoremus, multo magis tu, frater charissime, honorificare & servare gravitate & auctoritate debes, QUI VICARIUS ET SUCCESSOR EORUM FACTUS ES: Quae propositio non esset vera, nisi Romanus Pontifex beati Petri Vicarius & successor foret.*

II. Ennodius Ticinensis Diaconus in Apologetico pro Symmacho Papa & Romana Synodo IV. *Peccatori dicit Deus, quare tu enarras justitias meas? Huic dicto conferentes, quasi ad sacerdotis apostrophem, qui BEATI PETRI VICARIUS aestimatur, prohibetis archiatrum ejus corpori medelam afferre.*

III. Bonifacius Moguntinus Episcopus in indiculo sacramenti, quo Romae cum ordinaretur, sese obligavit anno DCCXXII. *Promitto ego Bonifacius Dei gratia Episcopus tibi beato Petro Apostolorum Principi, VICARIOQUE SUO BEATO GREGORIO PAPAE ET SUCCESSORIBUS EJUS per Patrem, Filium, & Spiritum Sanctum, Trinitatem inseparabilem, & hoc sacramentum corpus tuum, me omnem fidem & puritatem fidei Catholica exhibiturum.*

IV. Albinus Alcuinus qui Carolo Magno Rege floruit in epistola ad Leonem Papam: *Ecce tu sanctissime Pater, Pontifex a Deo electus, VICARIUS APOSTOLORUM, Heres Patrum, princeps Ecclesiae, unius immaculata columba nutritor, &c.*

V. Ludovicus Pius, qui anno DCCCXIV. adeptus est Imperium, in decreto, quod sic incipit: *Ego Ludovicus Imperator Augustus statuo & concedo per hoc pactum confirmationis nostra tibi beato Petro Apostolorum Principi, & PER TE VICARIO Tuo DOMNO PASCHALI summo Pontifici.*

VI. Maginfredus in vitae sancti Emeramni capite XI. *Ad limina sanctorum Apostolorum Romanam ire decrevit, ubi Petrus Cathedram habuit, quem in Ecclesia sua censorem veritas ipsa disposuit. Hujus VICARIUS sicut ab eodem loco & ordine trahit honorem, sic & ab eodem tenet auctoritatem.*

VII. Indiculus sacramenti, quo sub anno DCCCXI. ordinandi Archiepiscopi se obstringebant: *Ego hujus Sedis ordinandus Archiepiscopus, & sacro ministerio vestro, sancti Patres, praedicationis officium susceperunt, confiteor sanctam atque ineffabilem Trinitatem, Patrem, Filium, & Spiritum Sanctum, unum Deum naturaliter esse, unius substantiae, unius naturae, unius majestatis atque virtutis. Et quibusdam interpositis: Beato vero Petro ET VICARIO EJUS debitam subjectionem & obedientiam, suffraganeis vero nostris adiutorium me exhibiturum profiteor.*

VIII. Rabanus Moguntinus Archiepiscopus in libro I. de laudibus Crucis:

*Principi Apostolico Petro conjunctus in aevum, In terris VICEM Cujus ET IPSE GERIS.*

Romanum Pontificem Sergium II. alloquitur, quem Petri vicem gerere cum dicit, perinde est ac si diceret, Sergium beati Petri Vicarium esse.

IX. Hincmarus Remensis Archiepiscopus in epistola ad Nicolaum Papam de Balvini & Judithae conjunctione: *Ad cujus instar APOSTOLORUM VICARIUS, ad quorum limina confugerunt, & Catholica atque Apostolica Ecclesia summus Pontifex, quod in hominem, regem, & leges mundi peccatum est, perdonari petitis. Sic Apostolos, quorum Vicarius est Romanus Pontifex, Petrum & Paulum fuisse non obscure significat.*

X. Anastasius Bibliothecarius, qui Hadriano II. & Joanne VIII. Pontificibus floruit, in vita Joannis Papae

Papæ primi, de Senatoribus Romanis; Qui cum ambulassent cum Joanne Papa, occurrerunt beato Joanni Papa à milliaro duodecimo omnis civitas cum cereis & crucibus in honorem beatorum Apostolorum Petri & Pauli, quia veteres Græcorum testificabantur, dicentes à tempore Constantini, & à beato Silvestro Sedis Apostolica Episcopo usque ad Iustini tempora non meruisse partes Græcorum VICARIUM BEATI PETRI APOSTOLI suscipere cum gaudio & gloria.

X. Auctor vitæ sancti Tyemonis seu Theodamari Salisburgensis Episcopi: Per id tempus navicula beati Petri quasi dormiente interim Jesu tempestatum procella propemodum mergens vexabatur, omnesque veritatem ac fidem beato Petro servantes, EIJUSQUE VICARIO TUNC Apostolica Sedis præfuit Gregorio VII. ant in undas mortis dirum fremens, ac fervens salum trahebat. Hæc ille qui ætate suppar fuit Tyemonis.

XI Leo Ostiensis in libri I. Callinensis Chronici capite VIII. Fecit idem gloriosus rex una cum prædictis suis promissionem & concessionem BEATO PETRO EIJUSQUE VICARIO de civitatibus & territoriis: Deinde in capite XII. Rogatus est, ut donationem illam, quam genitor ejus Pippinus una secum BEATO PETRO EIJUSQUE VICARIO Domino Stephano Papa dudum fecerat, adimpleret in omnibus. Hæc ad annum M. CX.

XII. Petrus de Honefili Clericus Ravennas in epistola ad Paschalem II. Paschali Dei nutu summa & Apostolica Sedis Episcopo Petrus peccator Clericus, cum confratribus suis in Christo salutem & omnem obedientiam. Cum vestra beatitudini PETRI VICEM in ECCLESIA GERERE divina gratia contulerit, &c. Hæc ad eandem ætatem.

XIII. Rupertus Tuitiensis Abbas in epistola nuncupatoria librorum de processione Spiritus Sancti ad Romanum Pontificem: Ante faciem tuam, princeps beatissime Petre, testis Christi ac prætor Christianæ fidei, simulque ante faciem VICARII TUI PAPÆ viam latam invenire & spatium habere nostra parvitas deposcit. Hæc ad idem tempus.

XIV. Petrus Diaconus in libro I. Callinensis Chronici capite CV. Debere juxta proprium morem BEATO PETRO ET EIJUS VICARIO DESERVIRE.

XV. Gualterus Tarvanensis Ecclesiæ Canonicus, in vitæ Caroli Flandriæ Comitis capite II. Qui ut se periclitari cognovit, Salernitanum Archiepiscopum & Trojanum Episcopum advocavit. Atque quod antea, dum incolumis esset, fecerat, eorum quoque testimonio desiderans confirmari, quicquid mobilium, vel immobilium in terra possidere videbatur, beato Apostolorum Principi Petro, EIJUSQUE VICARIO SANCTISSIMO PAPÆ HONORIO, ex cujus ore hoc ipsum frequenter audivi, jura perpetuo possidendum delegavit. Hæc auctor æqualis Honorio II. qui anno M. CXXII. migravit.

XVI. Arnoldus Moguntinensis Episcopus apud Udaliscum in capite XXVII. narrationis suæ. Nostis, inquit in quadam epistola, novit & ipse, quam horribili comminatione distractus ab IPSO BEATI PETRI VICARIO SIT, longo jam antè tempore, officio suspensus. Loquitur de Augustensi Episcopo, quem Paschalis II. piorum cœtu summoverat. Cæterum hic Arnoldus circa annum M. CLXII. vixit in Dodechini appendice ad Marianum Scotum.

XVII. Sanctus Bernardus in epistola CLXXXII. ad Conradum Imperatorem: Quam sententiam (Pauli ad Romanos capite XIII) cupio vos & omnimodis moneo custodire in exhibenda reverentia summa & Apostolica Sedi, & BEATI PETRI VICARIO, sicut ipsam vobis ab universo vultis servari Imperio.

Deinde in epistola CXLII. ad Romanos: Obsecramus pro Christo, reconciliamini Deo, reconciliamini principibus vestris: Petrum loquor & Paulum, quos utique in VICARIO ET SUCCESSORE SUO EUGENIO suis sedibus & adibus effugastis.

XVIII. Sugerius Abbas Monasterii Sancti Dionysii

beato Bernardo æqualis in epistola XLVII. ad Eugenium III. Verum quia causa Ecclesiæ causa Dei est, PETRO ET PETRI VICARIO per Petrum commissa, confidimus in Domino Jesu, quia ipse qui cœpit, perficiet, nec poterunt viri offensores Dei & sui proditores adversus religionem in Curia capitali religionis prævalere.

XIX. Inter Regum, Ducum, & Comitum epistolas, quæ in tomo IV. hist. Francorum referuntur, extat epistola ccccx. sic inscripta: Illustri & magnifico Dei gratia Francorum Regi Joh. Ret. Gra. & cæteri de domo Petri Leonis Romani Consules sincera dilectionis plenum obsequium. Et post alia: Inde est itaque, quod excellentia vestra fiducialius scribimus, gratiarum actiones quantum possumus, suppliciter persolventes, quod in tempore opportunitatis Ecclesiam Dei conservastis, & VICARIUM BEATI PETRI Patrem nostrum Pastorem & Dominum Alexandrum debita reverentia suscipere iia constantissime voluistis. De Alexandro III. scribunt ad Ludovicum VII. Galliarum Regem.

XX. Rectores Romanæ fraternitatis in sua ad eundem Galliarum Regem epistola, quæ tomo IV. histor. Francorum inter Regum, Ducum, & Comitum epistolas, quadringentesima trigesima prima numeratur: Quod licet à primordio regni vestri cum summa diligentia feceritis, hoc tamen tempestatis tempore, quæ per Octavianum & ipsius complices filios superbie, vasa ira apta in interitum noviter exorta est, tanto clarius enituit, quanto inspirante Sancti Spiritus gratia schismaticam pravitatem confutantes inter primos orbis terrarum reges & principes primus audito nomine Domini Alexandri Papæ, VERE BEATI PETRI SUCCESSORIS ET VICARII eum in Papam summum & universalem Pontificem elegeritis.

XXI. Pontificale Laudunensis Ecclesiæ, quod Rogérius Episcopus curavit anno MCLXXXV. describi. Inter interrogationes, quæ consecrando præfuit fiant à consecratore: Vis beato Petro & sanctæ Romanæ Ecclesiæ, EIJUSQUE VICARIO esse subditus secundum statuta Patrum? Resp. Volo.

XXII. Arnulfus Lexoviensis Episcopus in epistola XIX. ad Alexandrum III. Vos Apostolum Christi, PETRI VICARIUM. Pastorem & Episcopum omnium, qui Christiano nomine censentur, agnosco. Circa annum MCLXXV. claruit.

XXIII. Joannes Saresberienensis Carnotensium Episcopus in epistola LXXXIII. Totius Ecclesiæ periclitatur salus, si remigium, cui Petrus præfider, manibus committitur impudicus: Navem piscatoris egregii Ecclesiam esse scimus: Romanum Pontificem PRINCIPIS APOSTOLORUM NON AMBIGIMUS ESSE VICARIUM, quiscum rector clavo navem, ita sigilli sui moderamine Ecclesiam regit, corrigit, & dirigit universam. Hujus ergo sigilli corruptio universalis Ecclesiæ periculum est, cum ad unius signaculi notam solvi & claudi possint quorumlibet ora Pontificum, & culpa qualibet impunita pertransseat, & innocentia condemnentur. Circa idem tempus floruit.

XXIV. Bernardus Abbas Monasterii Fontis Calidi, in libri contra Valdenses capite II. Summus Patriarcha VICE BEATI PETRI fungitur. Circa idem tempus scripsit.

XXV. Raimundus Lullius, qui ad annum M. CCC. claruit, in arbore Apostolicali: Debet Papa illam fidem habere, quam habuit beatus Petrus, postquam est EIJUS VICARIUS.

XXVI. Illustrissimum est exemplum, quod sequitur & veluti extra ordinem poni debuit. Ad Constantinopolitanam perinde ac Romanam Ecclesiam pertinere potest. Id ita se habet apud Gregorium I. in libri X. epistola xxx. cujus est titulus hic: Promissio cujusdam Episcopi suam hæresim anathematizantis, quam solvi fecit in nomine Domini Imp. Constantinopoli. sub die X. mensis Febr. indict. V. Et paulo post initium: Et ne non pura mente seu simulate reverentia existimer, sub mei ordinis casu spondeo, & anathematis obligatione, atque promitto tibi,



tibi, & per te sancto Petro Apostolorum Principi, atque EJUS VICARIO BEATISSIMO GREGORIO, vel successoribus ipsius, me nunquam quorumlibet suasionibus, vel quocunque modo ad schisma, de quo Redemptoris nostri misericordia liberante ereptus sum, reversurum, sed semper me unitate sanctæ Ecclesiæ Catholicæ, & communione Romani Pontificis per omnia permanfurum.

Hactenus prærogativam dignitatis, qua Romanus Pontifex beati Petri Vicarius appellatur, triplici modo exerciti sumus; Sedis Apostolicæ traditione, quæ etiamnum viget, Conciliorum auctoritate, & tractatorum Ecclesiæ testimonio. Est funiculus triplex, quem quis difficile rumpere.

Bellarminus igitur in præteritis reliquit eam dignitatis prærogativam, quæ augustissimo & sanctissimo loco munita est, Conciliis succincta, Ecclesiasticis tractatibus armata; & quæ præterea eminentissimam Sedis Apostolicæ simplicitatem importat.

Sufficit aliam, qua Romanus Pontifex in Lugdunensi Concilio II. generali Vicarius Christi dicitur: Sed titulus hic non tam singulariter Romano Pontifici convenit, quam relatum titulum convenire reperio. Et certè auctores sunt admodum pauci, à quibus Episcopi beati Petri Vicarii dicantur. Unum invenio Hincmarum Remensem Episcopum, qui inter Capitula Archidiaconis data, Episcopos VICE BEATI PETRI in Ecclesia fungi scribit in præfatione: *Beatus Petrus Apostolus, cujus vice in Ecclesia funguntur Episcopi, & sub eorum dispositione ipsorum* 21 *commistri, in epistola sua commonet illos dicens: Seniores, qui in vobis sunt, obsecro consenior. Auctores verò quinetiam & Concilia multa reperio, quæ & Episcopos, Christi Vicarios nominant, & Abbates Christi vicem gerere in Monasteriis, asserere non verentur.*

I. Reperio Isidorum Pelusiotam in libri I. epistola cxxxvi. ad Herminum Comitem: EPISCOPUS, QUI CHRISTI TYPM GERIT, IPSIUS MUNERE FUNGITUR.

II. Hormisdam Romanum Pontificem in epistola xxv. ad universos Hispaniæ Episcopos: *Ut in Sacerdotibus ordinandis quæ sint à Patribus præscripta & definita cogiteris: Quia sicut est caput Ecclesiæ Christus, Christi autem Vicarii Sacerdotes, sic & in eligendis his curam oportet esse perspicuam. Hormisdæ dignitatis titulum hunc Christi Vicarium esse, non sibi soli, sed & cæteris Sacerdotibus attribuit; nec attribuisse opinor si Sedis Apostolicæ repugnasset traditio.*

III. Carolum Magnum in Capitularium libro VII. num. cccvi. Volumus atque præcipimus, ut omnes suis Sacerdotibus tam majoris ordinis, quam & inferioris, à minimo usque ad maximum ut summo Deo, cujus VICE IN ECCLESIA LEGATIONE FUNGUNTUR, obediētes existant. At vice Dei fungi est esse Vicarium Dei.

Deinde in fragmento de ritibus Ecclesiæ: Episcopi consecratio, qui est Vicarius Apostolorum, IMO ET CHRISTI, fit in Dominica, qui eodem die per donum Spiritus Sancti dignatus est illustrare corda Apostolorum.

IV. Amalarium Metensis Ecclesiæ Diaconum in libri II. de Officiis capite II. Episcopus est VICARIUS APOSTOLORUM IMMO ET CHRISTI. Iterum alio in capite, Episcopus, quia CHRISTI VICARIUS EST, in capite ungitur.

V. Concilium apud Theodonisvillam habitum anno dcccxliv. in præfatione sua: Divinum consilium à nobis secundum præceptum Domini quo dicitur, interroga Sacerdotes legem Dei, &c. à nobis quamquam indignis CHRISTI TAMEN VICARIIS querere & divina devotione velut revera ex ore ipsius expectare dignamini.

VI. Concilium Meldense celebratum anno dcccxlvi. in præfatione: Nos omnes licet indigni, CHRISTI TAMEN VICARII, & Apostolorum ipsius successores.

VII. Confessum Episcoporum Senonensis provinciæ in Rescripto ad Parisiensem Clerum & fratres cenobiorum sancti Dionysii & sancti Germani & beatæ Genovefæ: Guenilo sancta Senonica Sedes Metropolitanus Episcopus, Heribodus Autifiodori Episcopus, Agius Aurelianorum, Prudentius Tricassinorum, Herimannus Nivernensium, Frobertus Carnutum, Hildegarius Meldorum Clero Matris Ecclesiæ Parisiorum, & cunctis in diversis canoniis sub ea Deo militantibus salutem. De excessu reverendissimi Episcopi nostri Ercanradi non mediocriter anxii, vestrique maroris participes, tandem justissima dispositionis Dei memores consolationem recipimus, dum vos sub Pastore bono agemes, qui summè bonus est; VICARIUM EJUS SCILICET VISIBILEM, ministeriumque nostri consortem absque dilatione expetere vestris literis tenentibus lineas rationis cognovimus. Sic Ercanradi successorem Aneam Parisiensem Episcopum appellat visibilem Pastoris boni, qui summè bonus est, Christi scilicet Vicarium.

VIII. Concilium Episcoporum Remensis & Rotomagensis provinciæ apud Carisiacum ann. dcccclviii. habitum in epistola ad Ludovicum Regem, capite VII. Rectores ac Pastores Ecclesiarum ut Patres & CHRISTI VICARIOS colite.

IX. Fulbertum Carnotensem Episcopum in epistola II. ad Finardum. Nam & Episcopus, QUI VICES CHRISTI tenet, Sacerdotes viros in plebem subiectam missurus, sacri corporis Eucharistiam per quadagenos dies sumendam distribuit. At Christi vices tenere nihil aliud, quam Christi Vicarium sonat.

X. Joannem Abrincensem Episcopum in libro de Officiis Ecclesiasticis: Quod solus Episcopus salutando populum pax Domini dicit; Ostendit eum VICARIUM CHRISTI, qui resurgens à mortuis pacem Apostolis nuntiavit.

XI. Gregorium VII. in libri I. epistola xxii. ad Clerum & Plebem Carthaginensem: Rixas & contentiones ut venenum vitæ; humilitatis discipuli, humilitatem induite; CHRISTI VICEM SUPER VOS HABENTI ex debito obedite. Et paulo post: Aliter verò si feceritis, in Christum peccatis, Christum spernitis, Christi discipuli esse desinitis, Apostolo resistitis, qui ait, Omnis anima sublimioribus potestatibus subdita sit: Cum ergo mundanis potestatibus obedire prædicavit Apostolus, quanto magis spiritalibus, & VICEM CHRISTI INTER CHRISTIANOS HABENTIBUS? sic Romanus Pontifex à Petri cathedra loquitur, ut Gregorius I. suis in epistolis Eulogium Alexandrinum Episcopum locutum esse scribit.

XII. Iuonem Carnotensem Episcopum in ferm. III. de significationibus indumentorum Sacerdotalium: Episcopo verò specialiter caput ungitur, ut intelligat se esse illius VICARIUM, de quo dicitur in Psalmo: Unxit te Deus, Deus tuus, oleo latitiae præ consortibus tuis.

XIII. Petrum Blesensem in epistola xxvii. ad Canonicos de Bellovidere: Thomas Cantuariensis Archiepiscopus erat præco verbi divini, tuba Evangelii, amicus sponsi, columna cleri, oculus cæci, pes claudis, sal terra, patria lumen, minister altissimi, VICARIUS CHRISTI.

XIV. Hugonem Cardinalem in caput xxiv. beati Lucæ: Hinc est, quod Episcopus, QUI EST SPECIALITER VICARIUS CHRISTI, in primo ingressu ad populum & in prima versione in missa dicit, &c.

XV. Beatum Thomam in 4. dist. XIX. quæst. I. art. II. ad tertium: Dicendum est, quod prælatus ex hoc quod est persona publica, & VICEM DEI super subditos gerens, non amittit ea, quæ sint propria illius singularis personæ. Vicem Dei gerere est Vicarium esse Dei.

Deinde in supplementi quæst. XI. art. VII. per Annullum (significantur) Sacramenta fidei, quæ Ecclesiæ desponsatur Christo. Episcopi enim sunt in Ecclesia loco CHRISTI. Id est, sunt Christi Vicarii: Hæc sanctus Doctor,

Doctor, qui excessit à vita, cum vocatus ad Lugdunense Concilium II. generale pergeret.

XVI. Durandum Mumatensem Episcopum in libri 1. de Officiis capite VIII. Cur Episcopus ungitur: *Tertio ut ostendatur ILLIUS, SCILICET CHRISTI (TANQUAM EJUS VICARIUS) representare personam.*

XVII. Martinum Peresum Aialam Guidixiensium Episcopum, qui Tridentino Concilio magna cum laude & eruditione claruit, in tertia parte de Divinis & Apostolicis traditionibus: Episcopi VICE AGUNT CHRISTI, & ejus locum tenent in Ecclesia. Et post alia: *Quò sit, ut Episcopali dignitate nulla maior in Ecclesia sit.*

XVII. Carolum Cardinalem Lotharingum, in Commonitorio, quod communi Gallicanorum præsulum & illustriorum Parisiensium Theologorum in Tridentina Synodo degentium consilio exaratum, & Romam missum est ad Joannem Britonem ejusdem Card. Secretarium anno MDLXIII. mense Januario: *Profiteor, quòd prorsus sum alienus ab ea sententia, ut dicam beatissimum Papam solum esse, aut unum verum Christi Vicarium: IMÒ OMNES ET EPISCOPI ET CURATI SUNT CHRISTI VICARII, quod sancti Martyres & Divi Petri successores Pontifices docuerunt.*

XVIII. Cyprianus Patres, Concilia, Theologos hic sublequitur, qui iis omnibus prævit in Epistola LV. ad Cornelium: *Neque enim, inquit, aliunde hæreses oborta sunt, aut nata sunt schismata, quam inde quòd sacerdoti Dei non obtemperatur, nec unus Ecclesia ad tempus sacerdos, & ad tempus iudex vice Christi cogitur.* Quasi diceret: Uniuscujusque Ecclesiæ quæ universalis illius portio est, unum esse debere Episcopum, qui sit Ecclesiæ propriæ sacerdos ad tempus, & ad tempus iudex vice Christi: Qui verò Sacerdos vice Christi est, Vicarius Christi est: Atque ita ferè ab initio Christianæ religionis Episcopi dicti sunt Christi Vicarii. Jam vides Cyprianum Patrum, Conciliorum, & Theologorum agmen feliciter claudere, quod ducere potuit, & reipsa duxit. Nam Isidorus Pelusiota, Hormisda Romanus antistes & cæteri, quorum testimonia retulimus, Cypriani vestigiis insistant; atque idem expresserunt fere, quod Cyprianus expressit. In unius aut alterius verbi flexione forsan mutatum est aliquid, sed in doctrina nihil mutatum.

Hæc sunt Concilia, hi Patres ac Theologi, quibus Cyprianus & Hormisda Pont. ad scribendum facem prætulerunt. Nimirum aliud dixerunt nihil quàm quod Cyprianus & Hormisda non dixerint prius: *Sacerdotes esse Christi Vicarios.* Nunc venio ad Abbates, qui dicti sunt olim Christi vicem in monasteriis gerere.

Et primum quidem istud in beati Benedicti regula sic traditur: *Abbas CHRISTI VICES AGERE in monasterio creditur.* Quod Rabanus in Commentarii super Benedicti regulam capite II. his verbis explicat: *Tunc Abbas CHRISTI VICEM AGIT, quando gregem sibi commissum providè & justè regit.*

Deinde Rabanus ipse, seu Paschasius Radbertus, in Prologo libri de sacramento Eucharistiæ: *Dilectissimo filio & VICE CHRISTI PRÆSIDENTI Magistro monastica disciplina alternis successibus veritatis discipulo.*

Tum Concilium apud Theodonisvillam habitum in capite V. *Per loca etiam monastica ejusdem Ordinis provisos necesse erit disponere, cum vestra auctoritas eos, QUI VICES CHRISTI secundum regulam divinis dictatam in monasteriis agunt, studuerit ordinare.*

Denique auctor vitæ sancti Gebhardi Constantiensis Episcopi in capite XVIII. *Periggerum tertiumdecimum VICEM CHRISTI inter duodenos fratres unius monasterii agere constituit.*

Cæterum ad hæc omnia Romanorum Pontificum, Conciliorum, Patrum, & Doctorum testimonia observari possunt, quæ sequuntur.

I. Titulus hic, *beati Petri Vicarius*, quo Romanus

Pontifex insignitur, antiquissimus & fundatissimus est: Siquidem à prima Ecclesiæ traditione suam ducit originem, si vel maximè beatus Cyprianus in auctoritatem admittatur. Et quamvis Cyprianus taceret, Leo I. & Felix III. loquuntur satis superque, ut prima Ecclesiæ traditio vindicetur.

II. Cum titulus hic Pontificalium librorum operâ ad nostram usque ætatem pervenerit, omnino nihil est, quod pro illius constantia, & pro consequentis ab initio temporis perpetuitate deposcatur amplius. Profectò difficile est, alium reperire Pontificiæ dignitatis titulum, qui cum isto de vetustate, diuturnitate, continuatione, & perennitate certare queat.

III. Et quamvis titulus hic extra omnem sit & esse debeat controversiam, qua de publico illius jure discipetur, aut veritas perpetuæ traditionis vocetur id dubium; nihilominus tamen vix sustineretur ab iis, qui perversè religiosi sunt, & adulatricis Curia potius, quàm Sedis Apostolicæ placitis addicuntur. In hoc, Sedes Apostolica parçè, continenter, sobrièque & vivit & sapit; non sic tamen Curia aut Curia Doctores, qui apertam & simplicem tituli hujus rationem gustare non possunt, adedò delicati & molles sunt palati. Scilicet de rebus generis hujuscemodi nonnisi depravatè & corruptè judicare solent. Sed ab illis Curia Doctoribus cavendum est ex concilio, quod Pius II. Carolo VII. Gallia Regi dedit in Epistola CCCXXIV. *Unum à te petimus, charissime fili, ut Doctoribus Sedis Apostolicæ non semper credas; multa illorum passionibus irribuas.* Apostolicæ Sedis Doctores eos intelligit, non qui Sedis Apostolicæ doctrinam tradunt, minimè verò: Sed qui in Apostolica Sede perperam doceant & agant. Quo etiam modo intelligendus est Hadrianus VI. cum id mandatis Francisco Cheregato oratori suo in Germaniam eunti datis affirmatè scribit: *Scimus in hac sancta Sede aliquot jam annis multa abominanda fuisse, 28 abusus in spiritualibus, excessus in mandatis, & omnia denique in perversum mutata.* Et cætera, quæ latius in Ecclesiasticis Odorici Raynaldi Annalibus suo loco referuntur.

IV. Titulus hic alter, *Christi Vicarius*, antiquissimus quidem est, sed eum Hormisda Romanus Pontifex, Patres, Concilia, & præclarissimi quique Theologi Sacerdotibus universis attribuunt. Quamobrem spectatâ traditionis antiquæ lineâ, quam antè duximus, titulus hic Romano Pontifici minis proprius est, quàm alter titulus *beati Petri Vicarius*. Haud negabunt, qui noverint commune & proprium opponi. Et revera si unus dematur Hincmarus, cæteri omnes Pontificem, ni fallor, *beati Petri Vicarium* appellant, præterea neminem.

V. Certi quidam sunt auctores, qui Romanum Pontificem unicum Christi Vicarium esse dixerunt. Albertus Magnus in libri IV. sent. dist. XIX. art. X. *Ad aliud dicendum, loco Christi in terris non est nisi unus Papa.*

Pius II. in Epistola cccc. ad Nurembergensis oppidi Burgimagistros & Senatum: *Si qua Christi unicus Vicarius, Canonibus sacris, etiam juri & scripto inherendo decrevit, &c.*

Albertus, Pius, & si qui alii similia scripserint, omnino excusandi sunt. Hos enim latuit vetus circa titulum hunc Ecclesiæ traditio, quam exposuimus. Romanum Pontificem Christi Vicarium potuerunt dicere, sed unicum dicere non potuisse manifestum est. Albertus non impediit, quo minus beatus Thomas illius discipulus Episcopum loco Christi esse semel atque iterum doceret. Pius non impediit, quo minus Cardinalis Lotharingus, Gallicani Præsules, & Parisienses Theologi, qui Tridentino Concilio intererant, primi & secundi ordinis Sacerdotes Christi Vicarios nuncuparent. Id Thomas & præsules & Theologi fecerunt, quia ab antiquis Pontificibus Romanis & Conciliis & tractatoribus factum invenerunt. Quidquid in causâ, si Hormisda & Pius hac de re inter se contenderent, Hormisda litem obtineret. Tunc audiretur antiquitas, & quod



quod alter alteri veluti suspectus non posset, illud veneranda sæculorum plurium inter utrumque Pontificem interjectorum canicies, Christo propior, ab hac controversia remotior decideret arbitrio. Deinde Pius narrando potius, quam decernendo, unicum se Christi Vicarium esse scribit. Nam quidquid tale decerneretur, si recte decernendum esset, nonnisi convenienter duobus veræ Theologiæ principiis, Scripturæ, & Catholice Ecclesiæ traditioni decerneretur. Tunc omnino caveretur usus Scholasticæ illius Theologiæ, quam Lutherus per irrationem ita definit: Scholastica Theologia est ea, quæ à Parisiensium Sorbona mixtione quadam ex Divinis eloquiis & Philosophicis rationibus tanquam ex Centaurorum genere biformis disciplina conflata est.

VI. A tempore Apostolorum usque ad annum Christi millesimum & eo amplius, vix ullus occurrit Pontifex Romanus, qui Christi vicarium se vel dixerit vel inscripserit, alio titulo contentus. Sed post annum Christi millesimum, Romani Pontifices ceperunt paulatim sese Christi Vicarios appellare, & suam tarditatem & ὀψιμὴν frequenti appellatione compensare: ὀψιμὴν dico, non ὀψιμαστὰς, quia veteres Romani Pontifices non ignorabant, se perinde ac reliquos antecessores Christi Vicarios nuncupari posse. Sed beati Petri Vicarii maluerunt dici, quod magis nisi me mea fallit opinio, discernere. Siquidem ex illorum Pontificum numero fuit, qui Episcopos Christi Vicarios nuncupaverit, sed non fuit, qui Episcopos beati Petri Vicarios appellaverit.

VII. Stupore mixtus furor Curiales magistros invaderet, si utriusque tituli exigetur usus, vel ad legem, quæ in Florentinæ fidei definitione lata est, vel ad rationes, quibus Legati sanctæ Sedis intercesserunt, ne in actis Tridentinæ Synodi formula hæc, Synodus aut Concilium universalem representans Ecclesiam adhiberetur. Florentinæ fidei definitio est: Romano Pontifici in beato Petro pascendi, regendi, ac gubernandi universalem Ecclesiam à Domino nostro Jesu Christo plenam potestatem traditam esse, quemadmodum & in gestis Oecumenicorum Conciliorum & in sacris Canonibus continetur. Ut est apud Blondum Eugenii IV. scribam in lib. III. Decad. x. in Græco textu: Καὶ ὅν ἔπειν καὶ ἐν τοῖς παλαιαῖς καὶ ὁ Οἰκουμένην συνάγει, καὶ ἐν τοῖς ἱερεῖς καὶ ὁ δὲ ἀρχιερεὺς. Juxta eum modum, qui & in actis Conciliorum Oecumenicorum & in sacris Canonibus continetur. Titulus autem hic, Christi Vicarius, nec in actis Conciliorum Oecumenicorum, ad quæ Florentini Patres respectum habent, nec in sacris Canonibus Romano Pontifici adscriptus legitur. Sed titulus beati Petri Vicarius in actis Oecumenicæ Synodi VII. eidem Pontifici adscriptus legitur & approbatur. Locus antea relatus est. Porro Lugdunense Concilium illud, in quo Romanus Pontifex vocatur Christi Vicarius, ad memorata in Florentina definitione Concilia Oecumenica non pertinet, ut facile colligitur, cum ex prima Florentinæ Synodi editione, ubi Synodus hæc octava inscribitur, tum ex Clementis VII. Medicæi privilegio editionis, ubi Synodus hæc octava quoque conceptis verbis appellatur. Nec memini legere me in prohibitorio Indice Florentinæ Synodi editionem primam, & Clementis privilegium illud reponi, donec corrigantur. Quapropter Florentinæ Synodi editione prima, & Clementis privilegio uti possumus tutâ conscientia, ut probemus, Lugdunense Concilium Florentinæ fidei definitione neutiquam comprehendit. Hoc non observo, quasi velim in Gallia prohibitorio Indici fidem in omnibus haberi. Nam superiori anno Romæ prodit certa quadam nova censurarum Inquisitionis Collectio, in qua cum horrore legitur Parisiense Senatusconsultum, quo Joannes Chastellus parricida nefandissimus damnatur, quo modo Inquisitores Christianarum institutionum rudes, divinam legem funditus evertunt, & sicariis viam ad interficiendos: Horreo scribere, patefaciunt, atque ethnicos ab amplectenda

Christi religione deterrent. Utinam mecum illi credant, quod certe credendum est, istud Curie & Inquisitorum, non sanctæ Sedis Apostolicæ vitium esse. Absit: nam, ut ait sanctus Leo, manet Petri privilegium, ubicumque ex illius fertur aequitate judicium. Ad rem ipsam propius accedo, quam Romani Pontifices numero tres absolunt, Gregorius I. Martinus I. & Pius II.

Gregorius in libri VII. indict. 1. Epistola 1. ad Sabinianum diaconum: Pervenit verò ad me, quia transmissit nescio quem Clericum qui diceret, quia Malcus Episcopus in custodia pro solidis occisus sit. De qua re unum est, quod breviter suggeras Severissimis Dominis nostris, quia si ego in morte Longobardorum me miscere voluissem, hodie Longobardorum gens nec Regem, nec Duces, nec Comites haberet; atque in summa confusione esset divisa. Sed quia Deum timeo, in mortem cujuslibet hominis me miscere formido.

Martinus in Epistola ad Theodorum: Noscere voluit chara vestra Dilectio, qualiter de Sede sancti Petri Apostoli, sicut unus passer solitarius ab edificiis raptus fuimus. Et post alia: Quibus confestim introeuntibus jussio à Calliopa porrecta est Presbyteris & Diaconibus, in qua humilitatis meæ abjectio continebatur, quod irregulariter & sine lege Episcopatum subripissem, & non essem in Apostolica Sede dignus institui, sed omnimodis in hanc regiam urbem (Constantinopolim) transmitti, subrogato in loco meo Episcopo, quod necdum aliquando factum est, & spero, quod nec aliquando fieri habet: Quia in absentia Pontificis Archidiaconus & Archipresbyter & Primicerius locum presentant Pontificis. Dum hæc moventur, quæ de fide gesta fuerunt, jam manifestavi vobis. Quod autem preparati non fuimus ad repugnandum, MELIUS JUDICAVI DECIES MORI, QUAM UNIUSCUIUSQUE SANGUINEM IN TERRAM FUNDI. Quod quidem & sine periculo hoc gestum est, non paucis, quæ non placuerunt Deo, malis effectis. Eadem itaque hora dedi meipsum ad exhibendum Imperatori, & non resistendum. Porro acclamantibus mihi, ut veritatem dicam, quibusdam ex Clero ne facerem hoc, nulli eorum accommodavi aurem, NE SUBITO FIERENT HOMICIDIA.

Pius in Epistola CCCXCVI. ad Mahometem Turcorum Principem: Non te odio prosequimur, neque tuo insidiamur capiti, quamvis nostra religionis hostis existas, & armis Christianam urgeas plebem; operibus tuis, non tibi sumus intenti. Diligimus jubente Domino inimicos nostros, & pro persecutoribus nostris oramus.

Hæc est Sedis Apostolicæ doctrina, quæ ab inquisitorum censura mirum quantum distat, & illam funditus evertit, ac Parisiensi Senatusconsulto robur adjungit: quibus ex causis adducti credimus, Alexandro VII. fraudulenter obreptum esse in illius bulla, quæ censurarum Inquisitionis Collectioni præfigitur. Bullæ verba sunt: Nos de prædictorum Cardinalium consilio eundem Indicem generalem, sicut præmittitur jussu nostro compositum, atque revisum, & typis Camera nostra Apostolica jam impressum, & quem presentibus nostris pro inserto haberi volumus, cum omnibus, & singulis in eo contentis, auctoritate Apostolica tenore presentium confirmamus, & approbamus, ac ab omnibus tam universitatibus, quam singularibus personis, ubicumque locorum existentibus, irrevocabiliter, & inconcusse observari mandamus, & precipimus, sub penis in constitutione rec. mem. Pii PP. IV. etiam prædecessoris nostri super dicti Indici Tridentini confirmatione edita contentis, ad quas, varietatis veterum decretorum in proponendis transgredientium penis tollenda gratia, omnes, & singulas penas per constitutiones Apostolicas, & decreta anteriora hujusmodi quomodolibet inflatas, harum serie reducimus, firmis tamen manentibus his quæ de Auctoribus, & libris damnatis in literis Apostolicis die Cænæ Domini publicari solitis sancita sunt, circa quos nihil omnino mutare, ac ne contingere quidem intendimus.

Ad Tridentini Concilii Legatorum rationes quod attinet, hæc cum à Florentinæ definitionis lege non dissideant, eundem scopum feriunt. Adferebant quippe formulam, quæ mox relatâ est, nec in sacris Canonibus, nec in antiquis Conciliis reperiri, & quia non reperiebatur, illius usu supersedendum esse. In referenda formulæ hujus historia Petrus Suavis & Sforza Palavicinus conveniunt, nec ullus est de veritate historiæ dubitandi locus. At si oblatis Legatorum rationibus formula hæc, *Synodus universalem representans Ecclesiam*, diffugeret, quibus quæso machinis titulus hic, *Christi Vicarius*, retardaretur? Disparem formulæ & tituli fortunam quis ostenderet? Pergratum mihi faceret, qui eandem disputandi legem jure, non auctoritate prohiberet, aut similem similitudinem conditionem non esse, aut dissimilem in simili similitudine conditionem esse, apud Dialecticos probaret? Quo in casu nemo est tam loquaciter litigiosus, aut in disputando tam pertinax qui non cedat.

VIII. Jam perspicis, opinor, quod tibi suboluerat, eos aberrare à vero totoque falli judicio, qui quia Romanus antistes Christi Vicarius dicitur, hunc nec

Conciliis & Sacris Canonibus subesse, nec definiendo errare posse ineptissime contendunt. Siquidem pari modo contenderent, reliquos antistites, immo & Abbates, qui Christi Vicarii, aut Christi vicem in Monasteriis gerere dicuntur, Conciliorum legibus solutos esse, & fore immunes ab errore, cum de dogmatibus Ecclesiasticis pro tribunali suo judicarent. Aberrationis istius causæ sunt maxime duæ: Primum, quod illi præjudiciis nescio quibus occupati animum ad scribendum appellant. Deinde, quod ad pauca respicientes facile pronunciant. Nam si antequam pronuntiarent, in antiquas traditiones diligenter inquirerent, aut non pronuntiarent aut aliter pronuntiarent.

IX. Quod dedisti mihi pensum, eo quo potui modo accuravi. In eo quæ sunt Romanorum Pontificum, Conciliorum, atque Ecclesiasticorum tractatorum, auctoritatis suæ mole sustentantur: Quæ verò mea, si quæ tamen sint mea, in iis asserendis rejecto Inquisitorum exemplo & prava consuetudine, obsecutus sum beato Petro jubenti, ut ad satisfactionem omni poscenti nos rationem parati simus. Vale. Lutetiæ Pariliorum, Idibus Aprilis ann. M. DC. LXV.

# Joannes Launoius

## THOMÆ RULLANDO

Parisiensi Theologo.

**M**ULTÆ sunt apud Gregorium Magnum Epistolæ, quibus æquitatis patrocinium suscepisse dicendus est. Sed præ cæteris omnino eminere tibi videtur libri II.

Indict. XI. Epistola VIII. quam ad Natalem Salonitanum Episcopum ita scribit: Cum cuncta negotia indaganda sollicitudine veritatis indigeant, tum quæ ad dejectionem sacerdotalium graduum pertinent, districtius sunt trutinanda, in quibus non tam de humanis constitutis, quàm de divina quodammodo benedictionis refractione tractatur. Quæ res quoque nos in Florentiæ Episcoporum civitatis Episcopi persona ad exhortationem vestre fraternitatis admonuit. Nunciatum siquidem nobis est, à quibusdam fuisse eum in causis criminalibus accusatum, & nullis canonicis probationibus exquisitis, nec sacerdotalis concilii præveniente judicio, eum ab honoris officio non jure sed auctoritate depositum. Non jure, inquit, sed auctoritate. Quo modo juri auctoritatem opponit, & in hac oppositione justam perinde ac injustam totius Ecclesiasticæ rectionis formam comprehendit: Justam quidem, cum jure; injustam verò cum auctoritate Ecclesiastica negotia transiguntur. Hinc tibi facile assentior, cum Gregorii Epistolam divinam ac cælestem appellas: Quippe quæ ab Episcoporum judiciis, & gubernatione Ecclesiæ iniquitatis & injuriæ rationem omnem propulset.

2 Quod autem scire cupis, utrum Pontifex sanctus ex propria mente, vel ex Sedis suæ traditione juri auctoritatem opponat, utroque modo opponere, respondeo: Sed cum Pontificis mens propria Sedis traditioni jungatur semper, sufficiet Sedis traditionem simpliciter & sine fuco exponere, ut tum demum agnoscas, jure, non auctoritate, canone, non imperio regendam esse Ecclesiam. Traditionis hujus testes alios tibi non edo, aut in medium profero, quàm Romanos Pontifices, non suspectos opinor testes, idoneos, locupletes, omni exceptione majores.

Primus occurrit Cornelius Martyr, qui ann. CCLIV. Romanus factus est Episcopus, in Epistola ad B. Cyprianum: Ubi agitur de quibusdam Confessoribus, qui Novatiani partem contra Cornelium secuti fuerant, & volebant ad Cornelium redire: Qui, cum hac & cætera fuissent exprobrata, ut abolerentur, & de memoria tollerentur, deprecati sunt. Omni igitur actu ad me perlato placuit contrahi Presbyterium. Adfuerunt etiam Episcopi quinque, qui & hodie præsentis fuerunt, ut firmato consilio, quid circa personam eorum observari deberet, consensu omnium statueretur. Et ut motum omnium & consilium singulorum dignosceres, etiam sententias nostras placuit in notitiam vestri proferri: Quas & subiectas leges. His ita gestis in Presbyterium venerunt Maximus, Urbanus, Sidonius, & Macarius, & plerique fratres, qui se ei adjunxerant, summis precibus desiderantes, ut ea, quæ antè fuerant gesta, in oblivionem cederent, nullaque eorum mentio haberetur. Proinde atque si nihil esset, vel commissum, vel dictum, invicem omnibus remissis cor mundum & purum jam Deo exhiberent, sequentes Evangelicam vocem dicentem, beatos esse puros corde, quoniam ipsi Deum videbunt. Quod erat consequens, omnis hic actus populo fuerat insinuandus, ut & ipsos viderent in Ecclesia constitutos, quos errantes & palabundos jamdiu viderant & dolebant. Quorum voluntate cognita, magnus fraternitatis concursus factus est. Una vox erat omnium gratias Deo agentium, gaudium pectoris lacrymis exprimentes, complectentes eos, quasi hodie pœna carceris fuissent liberati, & ut ipsorum propria verba designem: Nos, inquit, Cornelium Episcopum sanctissima Catholica Ecclesia electum à Deo omnipotenti & Christo Domino nostro scimus. Sic Cornelius non auctoritate vel privato motu, sed multorum antistitem consilio, quod æquiparatur Canoni, regendam esse censet Ecclesiam, nec censeret utique, nisi jam obtinuisset Sedis Apostolicæ mos, qui à Petro & Paulo suam traheret originem.

Alter



Alter Julius primus, qui anno cccxxvii. Romanæ Ecclesiæ clavum tenere cepit, in Epistola ad Orientales: Quod si ambitione eloquentia ostendenda ita excepta sunt (literæ vestræ) à dictatore, id certe studium ad alios spectat. In rebus enim Ecclesiasticis non specimen eloquentia, sed Canones Apostolici requiruntur, operaque dari solet, ne quis ex parvis in Ecclesia scandalizetur. Expedit enim secundum Ecclesiasticum verbum molem asinariam suspendi in collo, atque ita demergi, quam unum ex pusillis scandalizare. Quod si aliquibus in alios ob pusillanimitatem offensis, (non enim omnium talem mentem fuisse arbitror) istiusmodi epistolam scribi placuit:

4 Primum decuit neminem offendi, neque solem occidere super huiusmodi offensis; certe res eo deduci non oportuit, ut offensiones suas scriptis proderent. Quid enim actum est dignum offensâ? Aut qua in re vobis, quibus scripsi, causam succensionis præbui? An quia adhortati vos sumus, ut ad Synodum occurreretur? Atqui illud potius cum gaudio excipi oportuit. Qui enim bene sentiunt de iis, quæ egerunt, & in quibus ipsi, ut aiunt, iudices fuere, non indignanter ferre solent, si quod ab ipsis iudicatum est, ab aliis excutitur: Quippe qui securi sint ea quæ ipsi iusta iudicaverunt, iniusta nunquam fieri posse. Quocirca Episcopi in magna Synodo Nicæa congregati non sine Dei consilio permisissent, prioris Synodi acta in alia Synodo examinari, ut & illi, qui iudices erant præ oculis habentes secundum de ea ipsa re iudicium futurum cum omni diligentia causam expenderent, & illi, qui sententiam acceperant, certo cognoscerent, se non per similitudinem priorum iudicium, sed jure & merito condemnatos esse. Quod si istiusmodi consuetudo fuit, ejusque memoria renovata est & scripto prodita in magna Synodo, eamque apud vos valere non sinitis, rem profecto indecoram facitis. Morem enim qui semel in Ecclesia obtinuit, & à Synodo confirmatus est, iniquum est à paucis abrogari. Sic res Ecclesiasticas jure, non auctoritate, ut loquitur Gregorius; Canone, non imperio vel motu proprio dirimendas esse censet.

Deinde quibusdam interpositis pergit: Si igitur Martyrio & Hesiichio nullam Synodum postulantes adhortator fuisset, ut ad Synodum, qui ad me scripissent, convocarentur, idque in gratiam fratrum, qui se injuriam pati conquerebantur, etiam vel ita aqua & iusta fuisset nostra cohortatio, cum ea sit Ecclesiastica & Deo grata: Jam ubi iidem illi, qui à vobis pro gravibus viris & fide dignis habiti fuere, auctores mihi fuerint, ut vos convocarem, certe id à vobis agrè ferri non debuit, sed potius alacriter ad citationem occurrere. Si convocata Synodo, negotia Ecclesiastica definiuntur, jure non auctoritate, canone non imperio vel motu proprio definiuntur, ut Sedes Apostolica per Julium dicit. Hinc proximè subnectit: Quapropter indignatione eorum, qui citatione hac offenduntur, temeraria, & tergiversatio sistendi se in iudicio inhonesta & suspiciosa videtur. An quisquam stomachari debet, si quæ ipse fecit, ab aliis fieri videat? Si enim ut scribitis, inconcussam habet auctoritatem qualibet Synodus, & contumeliose agitur cum iudice, cujus iudicium ab aliis examinatur, considerate queso dilectissimi, quinam sunt, qui Synodum improbant, & qui aliorum iudicata rescindunt, ne singula excutiendo certos homines gravem.

Tum quibusdam interpositis pergit: Quinam sunt igitur, qui Synodum improbant, & trecentorum Episcoporum calculos pro nihilo habent, & impietatem pietati anteponunt, nisi Ariomanita ab omnibus utique Episcopis condemnati & abdicati? Ariomanitis igitur sunt similes, qui spretis Synodis negotia Ecclesiastica dirimere contendunt. Id est, auctoritate, non jure; imperio seu motu proprio, non canone.

Quartò post quædam alia: Scitis autem, dilectissimi, monumenta actorum, ubi una pars duntaxat adfuerit, nullarum virium esse & suspecta haberi. Nos tamen quamquam ita actum esset, pro re certius cognoscenda, neque & vobis, qui contra eum, neque illis, qui pro eo literas mi-

sere præiudicium facientes, cohortati sumus omnes quotque scripserant, ut presentes se iudicio sisterent, quo omnia ad amussim, quia quamplurimi scribunt pro utroque, in Synodo examinari possent, ne vel innocens condemnatur, aut qui rei sunt, puri habeantur. Non igitur à nobis vilipenditur Synodus, sed ab illis, qui quovis modo & temerè Arianos ab omnibus condemnatos, contra sententiam eorum, qui causam iudicaverunt, recipiunt. Sic Apostolica Sedes colit & observat Synodos, quibus Episcoporum controversiæ disceptentur, ac finiuntur, quia id tum fit jure, non auctoritate, ut ait Gregorius.

Quintò post quædam alia: Impossibile est Secundi ordinationem utpote Ariani vim ullam in Catholica Ecclesia habere. Id enim verè ad Synodi, ad Episcoporum, qui in Synodo fuerunt, contumeliam vergeret, si quæ illi tanto studio & cura veluti Deo presente egressi, à nobis ut vana futiliæque abrogarentur. Sic Apostolica Sedes Canones exequitur, quibus Ecclesiastica negotia terminantur: Atque ita jure non auctoritate ad Gregorii mentem terminantur.

Sextò post quædam alia: Tali igitur commissa audacia, quinam dicendi sunt flammam discordia accendisse? Siquidem id nobis in vestris literis obicitur: Nos scilicet discordiam induximus, qui compatimur cum patientibus fratribus; & omnia secundum Canonem facimus? An qui contentiosè violato Canone trecentorum decreta prævaricantur, & per omnia Synodum contemptui habent? Atque hinc statuitur propria laus Sedis Apostolicæ, quæ omnia secundum canonem facit. Nempe imperio, auctoritate, proprio motu nihil, sed jure, Canone, Synodo omnia.

Septimò post quædam alia: Verum in hoc ipso iusta & rationabilis causa est, dilectissimi, quam vobis intimandam puto. Nam tamen solus sim, qui scripsi, non meam tamen solius sententiam, sed omnium Italicorum, & omnium in his regionibus Episcoporum scripsi. Ego autem omnes nolui scribere, ne à multis onerarentur. Certè ad constitutum tempus convenere Episcopi, & ejus sententia fuere, quam vobis iterum significo. Quapropter dilectissimi, etiamsi solus scribo, scribere me tamen omnium sententiam scire vos volo. Hec quidem à nobis adversus non aquas vestrorum hominum, sed iniustas & suspectas causificationes dicta sumo. Hinc egregiam prodit Sedis Apostolicæ traditionem, inde eam adversariis beati Athanasii opponit.

Octavò post quædam alia: Cum igitur istiusmodi allegarentur, & tot testes pro Athanasio starent, & ipse tam iusta pro se adferret, quid queso nos oportuit facere? An non quod Ecclesiastici Canonis? Hominemque proinde non condemnaremus, sed potius reciperemus? Sic Ecclesiasticus vindicatur Canon, quo regenda est Ecclesia, quo iudicandus est Athanasius, vel quo recipiendus, non auctoritate condemnandus.

Nonò: Qui igitur sunt, qui contra Canones agunt, nosne, qui cum tantis rerum documentis virum (Athanasium) recipimus? An qui solum ad triginta sex suffragio eorum, qui Antiochia fuere, externum hominem Episcopum salutârunt? Eumque militari manu Alexandriam deduxerunt, quod ne tunc quidem factum est, cum Athanasius in Galliam relegabatur, quod tunc haud dubiè factum fuisset, si pro verè damnato habitus fuisset; certè cum inde ab exilio rediret, etiam tum suam Ecclesiam, à qua recipiebatur, vacantem invenit: Prorsus ignoro, quam ratione facta sunt, quæ facta sunt. Primum enim (si verum dicendum est) non decebat, cum nos ad celebrandam Synodum literas mitteremus, aliquos præoccupare iudicium Synodi; deinde non decuit, novos istos modos contra Ecclesiam induci: Ubi est istiusmodi Ecclesiasticus Canon, aut istiusmodi traditio Apostolica, ut in pace agente Ecclesia, & Episcopis concordibus cum Episcopo Alexandria Athanasio immittere Georgium peregrinum & externum hominem, neque Alexandria baptizatum hominem, neque plebi cognitum, neque postulatam à Presby-

Presbyteris, &c. Cum Sedes Apostolica per Julium sic loquitur, nonne palam ostendit, Canone, non auctoritate absoluta, gubernandam esse Ecclesiam? Nonne significat, quidquid in Athanasii & Georgii causa gestum fuerat, absoluta auctoritate, non Canone gestum fuisse? Quod verbis insequentibus exponitur amplius: Si enim post Synodum in culpa fuisset deprehensus Athanasius, non tamen oportuit creationem novi Episcopi ita illegitimer, & prater Canonem Ecclesiasticum, οὕτως παγερόμας, ὡς παγερὸν ἐκκλησιαστικὸν κανὼνα fieri, sed in ipsa Ecclesia, & ex ipso sacerdotali ordine, & ex ipso Clero ejus provincia Episcopus constitui, & nequaquam ex illis, qui Canones violant. Age si in quemquam vestrum id commissum esset, nonne vociferati essetis? Nonne vindictam quasi violatis Canonibus postulaturi fuissetis? Dillecti credite, tanquam Deo presente cum veritate loquimur. Non est istud pie factum, non ex jure, non Ecclesiasticè. Οὐκ ἔστι τὰ τοῦ Θεοῦ, καὶ τὸ νομίμον, καὶ τὸ ἐκκλησιαστικόν. Atque, hoc ipsum est, quod sanctus Gregorius Papa dicit, non jure, sed auctoritate factum.

Decimò quibusdam interjectis: Hec quidem ego non tanquam eorum causam agens scribo, sed ut & vobis fidem facerem, viros istos (Marcellum & Athanasium) justè & canonicè à nobis receptos esse, & vos minime habere causam litigandi. Par autem est, ut studium adhibeatis, & omnibus modis elaboretis, ut quæ contra canonem acta sunt, emendationem accipiant, & Ecclesia pacem habeant, ut Christi pax vobis data permaneat, & non scindatur Ecclesia, ne vos eam culpam veluti schismatis auctores sustineatis. Dico enim & planè protestor, ea quæ à vobis acta sunt, non esse pacis, sed schismatis. Scilicet quia violati sunt canones, quos Sedes Apostolica summè vult observari. Quia quidquid actum est ab Orientalibus, non jure sed auctoritate actum est, contrà quàm agendum esse Sedes Apostolica dictante Julio præscribit.

Undecimò post quædam alia: Quapropter quemadmodum conscius est Deus Pater Domini nostri Iesu Christi, hac putavi necessaria esse, quæ vobis scriberemur, tum ut parcerem vestræ existimationi, tum quia optarem Ecclesiam non in perturbatione esse, sed secundum canones Apostolorum regi. Orientales auctoritate, sed Apostolica Sedes canone regendam esse Ecclesiam curabat.

Duodecimò post quædam alia: Nam si ut dicitis, omnino in culpa fuerunt, oportuit secundum canonem, & non isto modo judicium fieri. Oportuit scribere omnibus nobis, ut ita ab omnibus quod justum esset, decerneretur. Paucis multa complectitur; Non absoluta scilicet auctoritate, sed canone gubernandam esse Ecclesiam, & dirimenda Ecclesiæ negotia.

Decimotertiò post pauca sic concludit: Non ita se habent Pauli ordinationes, non ita Patres docuerunt, sed fastus iste & novum studium est. Obsecro vos cum alacritate audire; pro publico bono ista scribo. Quæ enim accepimus à beato Petro Apostolo, ea vobis significo non scripturur aliis, quæ nota apud vos esse arbitror, nisi facta ipsa nos conturbassent. Sedes Apostolica non potuit validius testari aut certius, canone, qui Synodi multorum videlicet Episcoporum opus est, non auctoritate, quæ unius Episcopi proprius motus est, regendam esse Ecclesiam, quàm per Julium in Epistola ad Orientales testatur. Deinde subjicit, quod observatione dignum est maxima, regendæ Ecclesiæ modum hunc à Petro & Paulo utique proficisci.

Tertius est Liberius, qui anno ccclii. Romanam cæpit Ecclesiam administrare, in Epistola ad Constantium Augustum. Testis est mihi Deus, testis est tota cum suis membris Ecclesia; me fide, & me in Deum meum cuncta mundana, ita ut Evangelica & Apostolica ratio præcepit calcare, atque calcasse, non furore temerario, sed constituto atque observato jure Divino, atque in alio ministerio Ecclesiasticus vivens, nihil per jactantiam, nihil per gloria cupiditatem, quod ad legem pertinebat, implevi: Atque ad istud officium, testis est mihi Deus meus, inivitis accessi; in quo cupio quidem sine offensa Dei, quamdiu

in sæculo fuero, permanere, & nunquam mea statuta, sed Apostolica ut essent firmata & custodita perfecì; secutus morem ordinemque majorum, nihil addidi Episcopatus urbis Romæ, nihil minui passus sum. Qui sic loquitur, non proprio motu, sed canone regendam esse Ecclesiam arbitrat. Deinde quibusdam interpositis subjungit: Unde iterum atque iterum mansuetudinem tuam, animum tuum Deo deditum rogo per ejus virtutem, qui se in defensione tua quantus sis universis mortalibus approbavit, habens ante oculos ejus beneficia, qui Imperium tuum in omnibus regit. Hæc in casu Episcoporum diligenter facit omni cum consideratione testari, ut pacatis per te Deo favente temporibus, tranquillitate tua consentiente, sic omnia discutiantur, ut quæ fuerint judicio Sacerdotum Dei confirmata, cum constituerint omnes in expositione fidei, quæ inter tantos Episcopos apud Nicæam præsentem sanctæ memoria patre tuo confirmata est, universos consensisse. Sic decernente Liberio res fidei non proprio motu aut voluntate, sed Conciliis tractanda & definenda est.

Quartus est Damasus, qui anno ccclxvii. Romanus antistes creatus est, in Romani Concilii, cui præesse debuit, Epistola ad Gratianum & Valentianum Imp. Si in longinquis partibus hujusmodi emergerit questio, ad Metropolitanum per locorum judicia deducatur examen, vel si ipse Metropolitanus est, Romam necessariò vel ad eos, quos Romanus Episcopus, iudices dederit, contendere sine dilatione jubetur. Ita ut qui depositi fuerint, ab ejus tantum civitatis finibus segregentur, in qua gesserunt Sacerdotium, ne rursus impudenter usurpent, quod jure sublatum sit. Certè si Metropolitanus, vel cujusve alterius Sacerdotis suspecta gratia, vel iniquitas fuerit, vel ad Romanum Episcopum, vel ad Concilium certè quindecim Episcoporum finitimorum ei liceat provocare. Hæc est Concilii, hæc est Damasii sententia, ut Ecclesiastica judicia non auctoritate, sed jure, non imperio, sed canone in Conciliis edito fiant.

Quintus est Siricius, qui anno ccclxxxv. Romanæ Ecclesiæ præsidere cæpit, in Epistola ad Himerium Tarraconensem Episcopum capite xii. Feminas verò non alias esse patimur in domibus Clericorum, nisi eas tantum quas propter solas necessitudinum causas habitare cum eisdem Synodus Nicæna permisit. Nicænum Canonem exequitur, & eo regendam esse Ecclesiam demonstrat.

Sextus est Innocentius I. qui anno cccclii. Sedis Apostolicæ rectionem obtinuit, in Epistola ad Toletanæ Synodi præfules capite ii. Dehinc Tarraconensem Episcoporum est causa tractanda, qui pari modo Minicium in Gerundensi Ecclesia Episcopum ordinasse conquesti sunt, & juxta canones Nicænos, sententia de tali usurpatione ferenda est. Hic non auctoritas seu voluntas Innocentii, sed canones norma sunt judicandi. Ex hac gubernandæ Ecclesiæ forma proficitur Epistola, quam Innocentius in beati Chrysostomi causa scribit ad Constantinopolitanos Clericos. Hæc apud Sozomenum refertur in libri viii. hist. capite xxvi. Verba sunt: Nos quantum ad Canonum observantiam attinet, illis obsequendum esse scribimus qui Nicææ determinati sunt: Quibus solis obtemperare & suum suffragium addere Ecclesia Catholica debet. Et paulo post: Sed quodnam remedium hisce rebus in præsentem adferemus? Necessaria erit Synodalis cognitio, quam etiam multò jam antea congregandam duximus. Ea quippe sola est, quæ hujusmodi procellarum impetus retundere potest. Generalis Concilii Canonem appellat.

In Epistola ad Decentium Eugubinum Episcopum præfatione: Si instituta Ecclesiastica, ut sunt à beatis Apostolis tradita, integra vellent servare Domini Sacerdotes, nulla diversitas, nulla varietas in ipsis ordinibus ac consecrationibus haberetur: sed dum unusquisque, non quod traditum est, sed quod sibi visum fuerit, hoc existimat esse tenendum, inde diversa in diversis locis vel Ecclesiis aut teneri aut celebrari videntur, ac fit scandalum



populis, qui dum nesciunt traditiones antiquas humanam traditione corruptas, putant sibi aut Ecclesiam non convenire, aut ab Apostolis vel Apostolicis viris contrarietatem inductam. Non auctoritate, sed Ecclesiasticis institutis, quæ à majoribus derivantur, temperandi sunt Christianorum mores.

In Epistolæ ad Victricium Rotomagensis Episcopum præfatione: Propter eos igitur, qui vel ignorantia vel desidia non tenent Ecclesiasticam disciplinam, & multa non præsumenda præsumunt, rectè postulasti, ut in illis partibus istiusmodi, quam tenet Ecclesia Romana, forma servaretur, non quod nova præcepta aliqua imperentur, sed ea, quæ per desidia aliquorum neglecta sunt, ab omnibus observari cupiamus: Quæ tamen Apostolica, & Patrum traditione sunt constituta. Non privato motu, sed canone, non suis præceptis, sed antiquis Patrum constitutionibus administrandam esse Ecclesiam proponit, & ita confirmat: Scriptum est namque ad Thessalonicenses Paulo <sup>14</sup> monente: State & tenete traditiones nostras sive per verbum, sive per Epistolam. Et paulò post configit publicam illorum offensionem qui auctoritate & proprio motu, gubernant Ecclesiam. Extiterunt, inquit, nonnulli, qui statuta majorum non tenentes castitatem Ecclesie sua præsumptione violarunt, populi favorem sequentes & Dei iudicium non timentes.

Deinde in hujus Epistolæ capite 1. Ut extra conscientiam Metropolitanis Episcopis nullus audeat ordinare. Integrum enim iudicium est, quod plurimorum sententia confirmatur. Nec unus Episcopus ordinare præsumat, ne futurum beneficium præstitum videatur. Hoc enim à Synodo Nicæna constitutum est atque definitum.

Tum in capite 11. Item si quis post remissionem peccatorum cingulum militia singularis habuerit, ad clericatum admitti omnino non debeat. Si quæ autem causa vel contentiones inter Clericos tam superioris ordinis, quam etiam inferioris fuerint exorta, ut secundum Nicænam Synodum congregatis ejusdem provincie Episcopis iurgium terminetur. Et paulo post: Si autem majores causæ in medio fuerint devolutæ ad Sedem Apostolicam, sicut Synodus statuit, post iudicium Episcopale referantur. Præterea in cap. vi. Ut de aliena Ecclesia Clericum ordinare nullus usurper, nisi ejus Episcopus precibus exoratus concedere voluerit. Hoc etiam Synodus statuit Nicæna, ut abjectum ab altero Clericum altera Ecclesia non recipiat.

In Epistolæ ad Felicem Nucernianum Episcopum capite 1. Qui igitur partem cujuslibet digiti sibi ipse volens abscidit, hunc ad Clerum Canones non admittunt: cui verò casu aliquo contigit, dum aut operi rustico curam impendit, <sup>15</sup> aut aliquid faciens se non sponte percussit, hoc Canones præcipiunt, & Clericos fieri, & si in Clero fuerint reperti, non abjici.

In Epistola ad Agapetum, Macedonium, & Maurianum Episcopos Apulæ: Multa in provincia vestra contra Canones Ecclesiasticos, decretæque majorum usurpari à plurimis, & relationes diversorum & suggestiones fidsissima retulerunt; quæ quidem possent facile rescari, si Episcopi in his non invenirentur auctores: Qui dum aut amicis, aut obsequentiis gratiam præstare nituntur, religionem violant, ordinemque corrumpunt. Ac sic evenit ut indigni quippe honores suscipiant Ecclesiasticos, & admittantur ad Clerum, qui nec inter laicos quidem dignum locum habere mererentur, sicut nunc dato nobis libello monstratum est. Modestum quandam multis criminibus involutum, propter quæ etiam penitentiam egisse dicitur, non solum Clericum effectum, quod non licet, verumetiam ad Episcopatus apicem eum tendere, cum Canones apud Nicæam constituti, penitentes etiam ab infimis officiis Clericorum excludant. Et ideo, fratres charissimi, perspecto tenore libelli eum jubebitis presentari, ac si verè constitisset talem, qualem libellus affirmat, non solum ab ambitione Episcopatus, sed etiam à Clericali removeatur officio. Canones ubique ut norma Ecclesie proponuntur, sed auctoritas & arbitrium nusquam.

In Epistola ad Aurelium Carthaginensem Episco-

pum: Sententia mea exposui atque edixi tenorem. Jam prudentia eris tua, consors mihi frater cum unanimis & consacerdotibus nostris hanc ipsam rem in Synodo religiosissima retractare, ut si nihil dispositioni nostra resisteret, nobis plenissimè aperitque rescribas, quo deliberatam Pascalem diem jam literis antè ut moris est servandam suo tempore præscribamus. Non auctoritate, sed Canone, non privato motu, sed Concilio Pascalem diem definiendum esse præscribit.

In Epistola quadam ad Alexandrum Antiochenum Episcopum: Revolventes itaque auctoritatem Nicæne Synodi, quæ una omnium per orbem terrarum explicat mentem sacerdotum, quæ censuit de Antiochena Ecclesia cunctis fidelibus, ne dixerim Sacerdotibus, esse necessarium custodire, quæ super Diocesim suam prædictam Ecclesiam super aliquam provinciam recognoscimus constitutam. Sic Canone, non auctoritate res Antiochene Ecclesie decideri debent.

In Epistolæ ad Rufum & Eusebium & ceteros Macedoniæ Episcopos, capite v. Jam ergo quod pro remedio ac necessitate temporis statutum est, constat primitus non fuisse, ac fuisse regulas veteres, quas ab Apostolis aut Apostolicis viris traditis Ecclesia Romana custodit, custodiendæque mandat his, qui eam audire consueverunt, sed necessitas temporis id fieri magnopere postulabat. Ergo quod necessitas pro remedio reperit, cessante necessitate debet minime cessare pariter quod urgebat, quia alius est ordo legitimus, alia usurpatio, quam ad præsens fieri tempus impellit. Sed Canones apud Nicæam constituti de Novatianis fieri permiserunt, prius ille Canon à Patribus institutus ponendus est, ut possimus advertere quid vel qualiter ab eisdem sensum sit vel præceptum. Doceri vix potuit apertius, non auctoritate, sed jure seu Canone regendam esse Ecclesiam.

Denique in Epistola ad Theophilum Alexandrinum, <sup>17</sup> quæ apud Palladium in Dialogo de vita Joannis Chrysostomi refertur: Si conscientia confidis, tu quoque iudicio accurre ad Synodum proximè in Christo celebrandam, & illic juxta Nicæni Concilii Canones & decreta comende. Alios quippe Canones Romana non admittit Ecclesia. Hac autem forma judicandi quid clarius? Qui sic scribit, non potest non censere gubernandam esse Canonibus Ecclesiam.

Septimus est Zosimus, qui anno cccc xvii. Romanæ Ecclesie administrationem suscepit, in Epistolæ ad Hefychium Salonitanum Episcopum capite 1. Exigit Dilectio tua præceptum Apostolicæ Sedis, in quo Patrum decreta consentiunt, & significas nonnullos ex Monachorum populari catu, quorum solitudine quævis frequentia major est, sed & laicos ad Sacerdotium festinare. Hoc autem specialiter, & sub prædecessoribus nostris, & nuper à nobis interdictum constat, literis ad Gallias, Hispaniasque transmissis, in quibus regionibus familiaris est ista præsumptio: Quamvis nec Africa super hac admonitione nostra habeatur aliena, nequis penitus contra Patrum præcepta, qui Ecclesiasticis disciplinis imbutus per ordinem non fuisset, & temporis approbatione divinis stipendiis eruditus, nequaquam ad summum Ecclesie Sacerdotium aspirare præsumeret, & non solum in eo ambitio inefficax haberetur, verumetiam in ordinatores ejus ut carerent eo ordine, quem sine ordine contra præcepta Patrum crediderunt præsumendum. Unde miramur ad Dilectionem tuam statuta Sedis Apostolicæ non fuisse perlata. Laudamus igitur propositum constantie tue, frater charissime, nec aliud de Pontificii censura veteris auctoritatis genus expectandum <sup>18</sup> fuit, quam ut talibus ambitionibus pro præceptis Patrum in procinctu fidei constitutus occurreres. Igitur si quid auctoritati tue, quod nos non opinamur, æstimas defuisse, supplemus. Vos obstitite talibus ordinationibus, obstitite superbia & arrogantia venienti. Tecum faciunt præcepta Patrum, tecum Apostolica Sedis auctoritas. Zosimus proprios motus & consilia Episcoporum ab Ecclesie administratione removit; in eorum locum substituit canones & Patrum decreta, quæ diligenter observentur. Deinde Apo-

Apostolicæ Sedis statuta ea sunt; quæ sacris canonibus & Patrum decretis adjungantur: & sic canone, non auctoritate regitur Ecclesia.

Octavus est Bonifacius I. qui anno ccccxix. ad beati Petri Sedem adivit, in Epistola ad Hilarium Narbonensem Episcopum: Difficilem quidem fidem querimoniis commodamus, quarum Sacerdotes Domini pulsant intentio, maximè, cum eos loquuntur quippiam contra Patrum statuta temptasse, sed frequenter has asserit, sicut nunc, multitudo cansantium. Ecce enim ut charitas tua recognoscit ex subditis, Lutebentis Ecclesia Cleri ordo vel plebis, preces suas, vel lacrymas ad nos, quantum datur intelligi, magno cum dolore miserunt, dicentes, cœpiscopum nostrum Patroclum sua petitione cessante in locum decedentis Episcopi nescio quem in aliena provincia, prætermissio Metropolitano contra Patrum regulas ordinasse, quod nequaquam possumus ferre patienter, quia convenit nos paternarum sanctionum diligentes esse custodes. Nulli etenim videtur incognita Synodi constitutio Nicæna, qua ita precipit, ut eadem propriè verba ponamus:

19 Per unamquamque provinciam jus Metropolitanos singulos habere debere, nec cuiquam duas esse subiectas, quod illi, quia aliter credendum non est, servandum S. Spiritu suggerente sibi met, censuerunt. Unde frater carissime, si ita res sunt, & Ecclesiam supradictam provincia tue limites includit, nostra auctoritate communis, quod quidem facere sponte deberes, desideriis supplicantium, & voluntate respecta ad eundem locum, in quo ordinatio talis celebrata dicitur, Metropolitanis iure munitus, & præceptionibus nostris fretus accede: intelligens arbitrio tuo secundum regulas Patrum, quæcunque faciendæ sunt, à nobis esse concessa, ita ut peractis omnibus Apostolica Sedis quidquid statueris te referente clarescat, cui totius provincie ordinationem liquet esse mandatam. Nemo ergo eorum terminos audax temerator excedat, nec aliquis in illorum contumeliam partibus suis, quæ sibi non videntur concessa, defendat. Cesset huiusmodi præsta nostra auctoritate præsumptio eorum, qui ultra licitum sue limitum dignitatis extendunt. Quod idcirco dicimus, ut advertat charitas tua adde nos canonum præcepta servare, ut ita constitutio quoque nostra desinat, quatenus Metropolitanis sui unaquaque provincia in omnibus rebus ordinationem semper exspectet. Hic Pontifex canonum præcepta servat, & ut ab aliis servantur, præcipit. Nempe noverat Ecclesiam canone, non auctoritate regendam esse.

Nonus est Celestinus, qui anno ccccxiv. Bonifacio successit, in Epistolæ 1. ad Episcopos Viennensis & Narbonensis provincie, capite III. Primum ut juxta decreta canonum unaquaque provincia suo Metropolitanis contenta sit, ut decessoris nostri data ad Narbonensem Episcopum continent constituta, nec usurpationis locus alicui Sacerdoti in alterius concedatur injuriam. Sit concessis sibi contentus unusquisque limitibus.

Iterum in Epist. ad Episcopos per Apuliam & Calabria constitutos: Nulli Sacerdotum suos liceat canones ignorare, nec quicquam facere, quod Patrum possit regulis obviare. Quæ enim à nobis res digna servabuntur, si decretalium norma constitutorum, pro aliquorum libitu, licentia populis permessa, frangatur?

Denique in Epistola ad Perigenem, Dynatum, Basilium & alios Episcopos per Illyricum constitutos: Facile discipline subdi se patitur, qui ipsam, ut condecet, amplectitur disciplinam. Ita enim ordinatio cuncta se habet, ut majoribus ea, quæ sub his esse docentur, obediunt: Et in hoc gradu regularum cuncta vertuntur, nosque præcipue circa omnes cura constringimur, quibus necessitatem de omnibus tractando, Christus in sancto Petro Apostolo, cum illi claves aperiendi, claudendique daret, indulsit, & inter Apostolos suos, non qui altero esset inferior, sed cum maximè, qui esset primus, legit. Dominetur nobis regula, non regulis dominemur; simus subiecti canonibus, cum canonum præcepta servamus. Non aliter quam canonibus & Sedis Apostolicæ decretis, ex iisdem

facris canonibus promulgatis unamquamque gubernandam esse provinciam censet. Et revera vix aliquid reperiri potest, quod auctoritati, seu privato motui magis opponatur.

Decimus est Sixtus III. qui anno ccccxiii. Romanæ Ecclesiæ Sacerdos optatus est, in Epistola ad Proclum: Licet fraternitatem tuam disciplinis Ecclesiasticis eruditam ea omnia, quæ ad regularum & Canonum observantiam pertinent, custodire summa sollicitudine noverimus, nec quidquam aut ipsam facere aut facere alios Sacerdotes se cohibente permittere, quod vetusta Patrum constituta pervertat, documentis evidentibus probaverimus. Et quibusdam interpositis: Sufficiant ergo quæ scripsimus, frater carissime, quoniam ad hæc corrigenda atque servanda animum tuum atque censuram nobiscum sentire confidimus: Quoniam unum cor & animum, ut dicit Scriptura, circa religionis observantiam, canonum custodiam, & disciplinam Ecclesiasticam retinendam nos habere & debemus & credimus.

Deinde in Epistola ad Episcopos per Illyricum constitutos: Ergo vobiscum, quod ad regularum canonumque custodiam proficere novimus, pro sollicitudine nostra conferimus sequestro filio nostro Artemio Presbytero, cuius nobis efficacia in agendo pariter & moderatio placuit & amor, ut traditus irames à Patribus firmis vestra dilectionis vestigiis teneatur, & ea, quæ à nobis propter quietem Ecclesiarum sunt custodita, servantur. Et quibusdam interpositis: A canonum præceptis vestrum nemo discedat, nec ab his deviet, quæ juxta regularum ordinem frequens ad vos directæ Sedis Apostolicæ decrevit auctoritas. Qui Pontifex ita scribit, mirum quantum abhorret ab illorum sententia, qui non canones, sed absoluta auctoritate regendam esse Ecclesiam putarent.

Undecimus est Leo I. qui anno ccccxl. beati Petri navem conscendit, in sermone v. de Jejunio decimi mensis, ubi docet qua ratione Manichæos damnavit: De sacris tamen eorum, quæ apud illos tam ob- 22 scena sunt, quam nefanda, quod inquisitioni nostræ Dominus manifestare voluit, non tacemus, ne quisquam putet nos de hac re dubiæ fame & incertis opinionibus credidisse. Residentibus itaque mecum Episcopis ac Presbyteris, ac in eundem confessum Christianis viris ac nobilibus congregatis electos & electas eorum iussimus presentari. Qui cum de perversitate dogmatis sui & de festivitatum suarum consuetudine multa reserarent, illud quoque scelus, quod eloqui verendum est, prodiderunt, quod tanta diligentia investigatum est, ut nihil minus credulus, nihil obrectatoribus relinqueretur ambiguum. Quod ejusmodi Concilio fit, canone fieri censetur.

In Epistolæ 1. ad Episcopos per Campaniam, & Picenum &c. Constitutos, præfatione: Ut nobis gratulationem facit Ecclesiarum status salubri dispositione compositus, ita non levi nos mœrore contristat, quoties aliqua contra statuta canonum, Ecclesiasticamque disciplinam præsumpta, vel commissa cognoscimus: Quæ si non qua debemus vigilantia, refecimus, illi qui nos speculatores esse voluit, excusare non possumus, permittentes sincerum corpus Ecclesia (quod ab omni macula purum custodire debemus,) ambientium improba contagione fœdari, cum ipsa sibi membrorum per dissimulationem compago non congruat. Leo cum ita loquitur, omnino demonstrat canone, non auctoritate, non motu proprio gubernandam esse Ecclesiam. Quod in ejusdem Epistolæ capite v. confirmat apertissimè, cum dicit: Ne quid verò sit, quod prætermisum à nobis fortè credatur, omnia decretalia constituta, tam beata recordationis Innocentii, quam omnium præcessorum nostrorum, quæ de Ecclesiasticis ordinibus & canonum promulgata sunt disciplinis, ita vestram dilectionem custodire debere mandamus, ut si quis illa contempserit, veniam sibi deinceps moverit denegari. Pontifex istiusmodi decretorum genera esse duo significat, alia, quæ ex sacris canonibus promulgantur, alia verò quæ non promulgantur. Prioribus regitur



Ecclesia, non posterioribus, quæ proprio motu & absoluta auctoritate eduntur vel edi possunt. Leo posteriora ut Ecclesiarum rectioni inopportuna præmittit.

In Epistola III. ad Julianum Aquileiensem Episcopum: Circa quos etiam illam canonum constitutionem præcipimus, ut in magno habeant beneficio, si adempta sibi omni spe promotionis, in quo inveniuntur ordine, stabilitate perpetua maneat, si tamen iterata tinctio non fuerint maculati. Et paullo post: Non autem dubitet Dilectio tua, nos si, quod non arbitramur, neglecta fuerint, quæ pro custodia canonum, & pro fidei integritate decernimus, vehementius commovendos: Quia inferiorum ordinum culpa ad nullos magis referenda sunt, quam ad desides negligensque rectores. Sic sacris canonibus derogandum non esse statuit, ut salubriter gubernetur Ecclesia.

In Epistola IV. ad Episcopos Siciliae capite VII. Quare illud primitus pro custodia concordissima unitatis exigimus, ut quia saluberrime à sanctis Patribus constitutum est, binos in annis singulis Episcoporum debere esse conventus, terni semper ex vobis ad diem III. Calendarum Octobrium Romam fraterno Concilio sociandi occurrant, & indissimulante à vobis hac consuetudo seruetur. Quoniam adjuvante gratia Dei facilius poterit provideri, ut in Ecclesiis Christi nulla scandala, nulli nascentur errores, cum coram beatissimo Apostolo Petro semper in communione tractatum fuerit, ut omnia instituta, canonumque decreta apud omnes Domini Sacerdotes inviolata permaneant. Hæc omnia privatum motum & absolutam auctoritatem longè propulsant.

In Epistola V. ad Dorum Beneventanum Episcopum: Judicium, quod de te sperabamus, dolemus esse frustratum, quando ea te commississe perspicimus, qua omnem Ecclesiasticam sanctionem regulam culpabili novitate faderent, cum plenissime noveris, quanta sollicitudine per omnes Domini Ecclesias paternorum velimus canonum præcepta servari, & hanc maxime curam ad Sacerdotes universarum plebium pertinere, ut sanctarum constitutionum regule nullis corrumpantur excessibus. Perurget, ut canonibus gubernetur Ecclesia.

In Epistola XXVIII. ad Faustum & cæteros Archimandritas Constantinopolitanos: Quoniam ea, quæ nuper in Epheso contra justitiam, vel canonum disciplinam per unius hominis impudentiam gesta sunt, nulla Catholica fidei ratio rata esse permittit. Atque hoc ipsum ostendit, Leonem in ea esse sententia, ut credat, non aliter quam canonum disciplina regendam esse Ecclesiam.

In Epistola LIII. ad Anatolium Constantinopolitanum Episcopum capite I. Decessore tuo beata memoria Flaviano propter Catholica veritatis fidem ejecto, non immerito credebatur, quod ordinatores tui contra sanctorum canonum constituta, viderentur sui similem consecrasset. Anatolii ordinationem accusat, quod non jure, sed auctoritate facta fuerat.

25 Deinde in capite II. Post illa itaque ordinationis tue non inculcata principia, post consecrationem Antiocheni Episcopi, quam tibimet contra canonicam regulam vindicasti, doleo etiam in hoc Dilectionem tuam esse prolapsam, ut sacratissimas Nicænorum canonum constitutiones conareris infringere. Paternorum canonum violationem Anatolio non objiceret, nisi paternis canonibus, non arbitrio cujuscunque regenda esset Ecclesia.

Tum in capite III. Nimis ergo hac improba, nimis sunt prava, quæ sacratissimis canonibus inveniuntur esse contraria. Quorsum ista Leo, si auctoritate & proprio motu, non canonibus gubernari bene posset Ecclesia?

Præterea in capite IV. Sancti illi & venerabiles Patres, qui in urbe Nicæna sacrilego Arrio cum sua impietate damnato mansuras usque in finem mundi leges Ecclesiasticorum canonum condiderunt, & apud nos & in toto orbe terrarum in suis constitutionibus vivunt, & si quid usquam aliter, quam illi statuerunt, præsumitur, sine con-

statione cassatur, ut quæ ad perpetuam utilitatem generaliter instituta sunt, nulla commutatione varientur, nec ad privatum trahantur commodum, quæ ad bonum sunt commune præfixa, & manentibus terminis, quos constituerunt Patres, nemo in jus tendat alienum, sed intra fines proprios atque legitimos, prout quis valuerit, in latitudine charitatis se exerceat: Cujus satis uberes fructus Constantinopolitanus potest antistes accipere, si magis humilitatis virtute nitatur, quam si spiritu ambitionis infletur. Qui Pontifex de tam firmo & tam longo Nicænorum canonum usu & conditione ita sentit, gubernandam esse canonibus, non proprio motu Ecclesiam non potest non sentire. Hinc efficitur, ut humilitatis virtutem, qua quis se sacris submittit canonibus, ambitionis spiritui, quem privatus motus & absoluta auctoritas præ se fert, opponere non formidet.

In Epistola LIV. ad Martianum Augustum capite II. Qui (Anatolius) etiam si præcipuis meritis, optimoque judicio legitime fuisset, ac solemniter ordinatus, contra reverentiam tamen canonum paternorum, contra Sancti Spiritus instituta, contra antiquitatis exempla, nullis posset suffragiis adjuvari. Apud Christianum & verè religiosum, verèque orthodoxum principem loquor, multum Anatolium Episcopum proprio detrahit merito, si illicito crescere optat augmento. Sic vindicat sacros canones, quibus regenda est Ecclesia, nec vindicaret tam fortiter, si auctoritate, ut Gregorius Magnus loquitur, illam gubernari posse existimaret.

Deinde in capite III. Privilegia Ecclesiarum Sanctorum Patrum canonibus instituta, & venerabilis Nicæna Synodi fixa decretis, nulla possunt improbitate convelli, nulla novitate mutari. Non potuit eos tractare acerbius, qui aliter quam sacris canonibus regi posse Ecclesiam docerent.

Tum paullo post: Ad meum tendit reatum, si paternarum regula sanctionum, quæ in Synodo Nicæna ad totius Ecclesia regimen Spiritu Dei instruite sunt condita, me, quod absit, commivente violenter, & major sit apud me unius fratris voluntas, quam universæ domus Domini communis utilitas. Nicænorum canonum assertorem ac vindicem se præstat. Ita ut facile significet, canonibus, non propriis motibus, regendam esse Ecclesiam. Et certè si aliter crederet, eum se non præstaret canonum executorem, qualem se præstat.

Denique in capite V. Unde quia convenit fidei vestra vel gloria, ut sicut hæresis, Deo per vos agente, destructa est, ita etiam omnis ambitus retundatur: Agite quod & Christiana est probitatis & regie, ut predictus Episcopus pareat Patribus, consulat paci, neque sibi æstimet licuisse, quod Antiochenum sine ullo exemplo, contra statuta canonum, Episcopum ordinare præsumpsit: Quod amore reparanda fidei & pacis studio retractare cessavimus. Abstineat ergo ab Ecclesiasticarum injuriarum regulis, & illicitos declinet excessus, ne se ab universalis Ecclesie, dum inimica paci tentat, abscindat. Cum auctore Leone aliquid agere contra canones, est, se ab universalis Ecclesia abscondere, quis non videt, & unumquemque Episcopum etiam Romanum canonibus subiaci, & iisdem canonibus, non privatis motibus regendam esse Ecclesiam?

In Epistola ad Pulcheriam augustam capite I. Quoniam statuta paternorum canonum, quæ ante longissima ætatis annos in urbe Nicæna spiritualibus sunt fundata decretis, nihil cuique addere conceditur, ita ut si quis diversum aliquid decernere velit, se potius minuat, quam illa corrumpat: Quæ si (ut oportet) à cunctis Pontificibus intemerata servantur, per universas Ecclesias tranquillæ erit pax, & firma concordia, nulla de mensuris harum dissensiones, nulla de ordinationibus lites, nulla de privilegiis ambiguitates, nulla erunt de aliena usurpatione certamina, sed ea, quæ jure charitatis rationabilis est, & morum & officiorum servabitur unanimitas. Eandem semper tundit incudem, nempe ut servantur canones, quibus gubernanda est Ecclesia. Alioqui pax nul-

nulla inter Christianos erit, si privatis uniuscujusque motibus & auctoritate, ut sanctus Gregorius loquitur, regatur. Porro nomine privilegiorum de quibus Leo mentionem facit, ea non intelligit, quæ sacris Canonibus derogarent. Absit: pugnaret enim secum, qui tam consequenter scribit. Ecclesiarum jura intelligit, quæ apud Leonem privilegia dicuntur. Id omnino confirmatur ex eis, quæ in capite III. tradit his verbis: Si multo plures alii, quam illi (Nicæni Patres) statuere decernerent, in nulla reverentia sit habendum, quid fuerit à prædictorum constitutione diversum.

In Epistola LIX. ad Martianum Imp. Mibi autem multum fiducia Deo per vos operante collatum est, quod probasse vos observantiam meam de custodia canonum paternorum, pietatis vestra affatibus indicastis, & merito geminatur gaudium meum, cum vobis religiosissime placere cognosco, ut & fides Nicæna suam teneat firmitatem, & privilegia Ecclesiarum illibata permanent. Dum sacri custodiuntur canones, Ecclesia privatis motibus non perturbatur. Sed perfpice, quid importent verba hæc: Probastis meam de custodia canonum paternorum observantiam? Leonem ipsum sacris subiectum esse canonibus significant, ut proximè confirmabitur.

In Epistola LXI. ad Juvenalem Hierosolymitanum Episcopum: De custodiendis quoque sanctorum Patrum statutis, quæ in Synodo Nicæna inviolabilibus sunt fixa decretis, observantiam vestra sanctitatis admoneo, ut jura Ecclesiarum, sicut ab illis CCCXVIII. Patribus divinitus inspirata sunt, ordinata permaneant. Nicæna Synodi decreta non essent inviolabilia, si aliter, quam decreta illa præscribunt, regeretur Ecclesia: & quia si aliter regeretur, ambitu, cupiditate, auctoritate regeretur, subijcit quæ sequuntur: Nihil alienum improbi ambitu concupiscat, nec per alterum immutationem suam aliquis quærat augmentum. Quantumlibet enim exortis assentationibus sese instruat vanitatis elatio, & appetitus suos Conciliorum æstimet nomine roborandos, infirmum atque irritum erit, quidquid à prædictorum Patrum canonibus discreparit. Quorum regulis Apostolica Sedes, quam reverenter utatur, scriptorum meorum, quibus Constantinopolitani antistitis conatus repuli, poterit sanctitas & lectione cognoscere, me auxiliante Domino & Catholica fidei, & paternarum traditionum esse custodem. Quot ferè verba, tot fulmina; quibus qui putant auctoritate potius, quam canone regendam esse Ecclesiam, illos percuti constat.

In Epistola LXII. ad Maximum Antiochenum Episcopum capite III. Tanta apud me est Nicænarum canonum reverentia, ut ea, quæ sunt à sanctis Patribus constituta, nec permiserim, nec patiar aliqua novitate violari. Violarentur utique, si canonum loco proprius motus sufficeretur.

Deinde in capite IV. Nunc autem ad omnia generaliter pronuciare sufficit, quod quid à quoquam contra Nicænarum canonum statuta in quacunque Synodo vel tentatum est, vel ad tempus videtur extortum, nihil præjudicii potest inviolabilibus inferre decretis. Et facilius erit quantumlibet consensionum pactum dissolvi, quam prædictorum canonum regulas ex ulla parte corrumpi. Generale Leonis pronunciatum est, quo planè decernitur, id quod in Epistola argumento nobis sumpimus.

Tum in capite IV. Hoc tamen proprium definitionis meæ est, ut quantumlibet numerus Sacerdotum amplior aliquid per quorundam surreptionem decernat, quod illis trecentorum decem & octo Patrum constitutionibus inveniat adversum, id justitiæ consideratione cassetur: Quoniam universa pacis tranquillitas, non aliter poterit custodiri, nisi sua canonibus reverentia intemerata servetur. Hoc palam loquitur non auctoritate, quæ pacem turbaret Ecclesiæ, sed canone, qui pacem Ecclesiæ confirmaret, Ecclesiam gubernandam esse.

Denique in capite V. Quidquid præter speciales causas Synodali Conciliorum ad examen Episcopale deferretur, potest aliquam dijudicandi habere rationem, si nihil de eo est à sanctis Patribus apud Nicaam definitum. Nam quod

ab illorum regulis constitutioneque discordat, Apostolica Sedes nunquam obtinebit consensum. Quasi diceret: Apostolica Sedes consentiet nunquam, ut aliter, quam sacris canonibus gubernetur Ecclesia. Facessant igitur, proprius motus, auctoritas, privilegia, quæ Synodali Conciliorum regulis derogent vel repugnent.

In Epistola LXXI. ad Anatolium Constantinopolitanum Episcopum capite I. Sed cum in injuriam canonum, ut agnoscis, illa tentata sunt, quæ omnibus Ecclesiis scandalum maximum generarent, quid apertius, ac modestius facerem, quam ut te primum, ut ab hac intentione discederes, fraterno animo missis literis admonerem? Offensionem concitant publicam, qui non sacris canonibus, sed auctoritate sua Ecclesiam moderantur.

Deinde in capite III. Abjiciatur inconcessi jura, qui dissensionem fecerat appetitus: sufficiant limites, quos sanctorum Patrum providentissima decreta posuerunt, ut quæ sit suis meritis, & antiquis privilegiis dignitas omnium Sacerdotum renovetur, & maneat in te Dominica charitatis affectio: Ad quam Dilectionem tuam sapius cohortatus sum cum fratre & coepiscopo nostro Juliano, qui communem gratiam semper optavit: Cujus industria & sollicitudines tua revelabuntur & fides Catholica munietur. Super autem omnia fraterna charitate hortor, & moneo, ut ea, quæ ad gloriam, vel ad munimen pertinent Sacerdotalis officii, Nicænarum canonum universalis Ecclesia pacem servantis decreta custodias. Sic enim inter Domini Sacerdotes inviolata charitas permanebit: Si paribus studiis, quæ sunt à sanctis Patribus constituta, serventur. Sic privatis studiis & conatibus opponit canones, quibus solis Ecclesia regatur.

In Epistola LXXXIV. ad Anastasium Thessalonicensem Episcopum, capite II. Igitur secundum sanctorum Patrum canones spiritu Dei conditos, & totius mundi reverentia consecratos, Metropolitanos singularum provinciarum Episcopos, quibus ex delegatione nostra fraternitatis tua cura prærenditur, jus tradite sibi antiquitus intemperatum habere decernimus, ita ut à regulis præstitutis nulla aut negligentia, aut presumptione discedant. Ubique canones, quibus regatur Ecclesia, auctoritatem de qua Gregorius loquitur, obtendit nusquam. Sed quidquid illud est, periodo unica comprehendit, quæ in capite VIII. sic se habet: Suis igitur terminis contentus sit quisque, nec supra mensuram juris sui affectet augeri.

In Epistola LXXXVII. ad Episcopos Cæsariensis Mauritanie capite I. Si ad honores mundi sine suffragio temporis, sine merito laboris indignum est pervenire, & notari ambitus solent, quos probitatis documenta non adjuvant, quam diligens & quam prudens habenda est dispensatio divinatorum munerum, & celestium dignitatum, ne in aliquo Apostolica & canonica decreta violentur, & his Ecclesia Domini regenda credatur. Si hac in re, quam Leo tractat, Apostolica & canonica decreta non violentur, proprio motui & auctoritati dabitur nihil.

Deinde in capite II. Superest, fratres, ut concordia salubres suscipiatis hortatus, & nihil per contentionem agentes, sed ad omne studium devotionis unanimis divinis & Apostolicis constitutionibus pareatis, & in nullo patiamini providentissima canonum decreta violari. Quo modo rejicietur auctoritas, quam Gregorius Magnus rejicit.

Duodecimus est Hilarus qui anno CCCCLXI. Romanæ Ecclesiæ Sacerdotium adeptus est, in Epistola ad Episcopos Tarraconensis provincie: Sed reprehensione justissima eorum pariter justa allegatio non carebat, quia præter conscientiam Metropolitanam, fratris, & coepiscopi nostri Ascanii nonnullis civitatibus ordinatos clauis Sacerdotes. Unde quoniam quidquid ab alterutra parte est judicatum, omni videmus perversitate confusum, temporum necessitate perspecta, hac ratione decernimus ad veniam pertinere, quod gestum est, ut nihil deinceps contra præcepta beati Petri Apostoli, nihil contra Nicænarum canonum constituta temetur. Hoc autem primum juxta eorum



dem Patrum regulas volumus custodiri, ut nullus præter notitiam atque consensum fratris Ascanii Metropolitanæ aliquatenus consecratur antistes, quia hoc & vetus ordo tenuit, trecentorum decem & octo sanctorum Patrum definit auctoritas, cui quisquis obvias tetenderit manus, eorum se consortio fatetur indignum, quorum præceptionibus resultavit. Nicænorum canonum, quibus provincialium Episcoporum ordinatio vindicatur Metropolitano, executorem se præstat; tantum abest, ut aliquid privato motui vel auctoritati relinquitur.

In Epistola VII. capite II. Nec cuiquam licebit à regulis evagari, quas sibi juxta canonum definitiones unita fraternitas in commune præfixerit. Paucis multa complectitur: non privato cuiusquam motu regenda est Ecclesia, sed regulis & canonibus, quos unita fraternitas in commune, id est, Sacerdotale Concilium præfixerit.

Deinde in capite V. eandem sententiam reciprocatur, apposito exemplo in Ecclesiarum prædiis, quæ nonnunquam distrahuntur: Simul etiam super hoc universam fraternitatem volumus esse commonitam, ne prædia quæ neque deserta, neque damnosa sunt, & ad Ecclesiam pertinent, ex quibus plurimorum consuevit necessitatibus subveniri, aliquo jure in alterum transferantur, nisi prius apud Concilium alienationis ipsius causa doceatur, ut quod fieri debeat, communi omnium deliberatione tractetur. At quandiu decreto huic parebitur, tandiu Ecclesia canone, non auctoritate, jure, non imperio gubernabitur.

In Epistola IX. Qualiter contra Sedis Apostolicæ veniens constituta sacerdotalem modestiam Mamertus Episcopus Viennensis exceßerit, Dilectionis tuæ debuimus relatione cognoscere, ut ausibus talibus maturum & juxta Ecclesiasticarum ordinem regularum congruum iudicium proferemus. Ecce tibi Sedes Apostolica, quæ suis se insignibus prodit, cum non privata vel absoluta auctoritate, sed canone & communi plurimorum deliberatione gubernat Ecclesiam, & gubernandam esse præscribit!

Decimustertius est Simplicius, qui anno CCCCLXVII. Romanam Sedem ascendit, in Epistola ad Joannem Ravennatensem Episcopum: Si quis esset intuitus Ecclesiasticæ disciplinæ, vel si quid apud te sacerdotalis modestiæ tenebatur, nunquam plectibiles perpetrarentur excessus, à quibus si nullo te paternarum regularum poteras continere præcepto, saltem sanctæ memoriæ prædecessoris tui fueras revocandus exemplo, qui cum faciendo Presbyterum minus deliquisset invitum, senserat tamen dignum pro tali usurpatione iudicium. Cum paternæ servantur regulæ, excessus perpetrantur nulli: Sed cum in paternarum regularum vicem sufficitur privatum studium vel auctoritas, nulli non perpetrantur excessus.

In Epistola ad Zenonem Hispalensem Episcopum: Congruum duximus vicaria Sedis nostræ te auctoritate fulciri, cujus vigore munimus Apostolicæ Sedis decreta, vel sanctorum terminos Patrum nullo modo transcendere permittas. Atque ita aditus omnis ad auctoritatem, quæ nullum servat modum, intercluditur.

Decimusquartus est Felix III. qui anno CCCCLXXXIII. Magistratum inivit, in Romana Synodo: De Clericis autem & Monachis aut puellis Dei, aut secularibus, servari precipimus hunc tenorem, quem Nicæna Synodus circa eos, qui lapsi sunt vel fuerint, servandum esse constituit, ut scilicet qui nulla necessitate, nullius rei timore atque periculo se ut rebaptizarentur, hæreticis impiè dederunt, si tamen eos ex corde pœniteat, tribus annis inter audientes sint, septem verò annis subjaceant inter pœnitentes manibus Sacerdotum: Duobus etiam ad oblationes modis omnibus non sinantur, sed tantummodo popularibus in oratione socientur. Non ad arbitrium, sed ad canones plectendos esse, qui ab hæreticis rebaptizati sunt.

In Epistola I. ad Zenonem Imperatorem: Utrum vel Episcopus dici valeat (Acacius) quod nomen etiam si à pluribus Episcopis accepisset, habere non posset, vel orthodoxis plebibus contra Nicænam Synodum, contra observantiam singularem mereatur imponi, prompta in Deum pietate perpendite. Privata quorundam studia excludit,

ut locus esse possit Nicænae Synodi regulis, quibus temperandam esse Ecclesiam arbitratur.

In Epistola ad Clerum & plebem Constantinopolitanam: Alienarum quoque provinciarum sibi jura defendens sanctorum CCCXVIII. Patrum canones illicitarum sibi ordinationum presumptor est conatus evertere. Qui Pontifex repugnantes Nicænis canonibus ordinationes abrogat, nihil prius habet vel antiquius, quam ut Ecclesia jure non auctoritate gubernetur.

Decimusquintus est Gelasius I. qui anno CCCXCII. initiatus est Pontifex, in Commonitorio ad Faustum: Quapropter non veremur, ne Apostolica sententia resolvatur, quam & vox Christi & majorum traditio & canonum fulsit auctoritas. Non veremur, inquit, quia Ecclesia 36 canone, non auctoritate regitur.

Deinde in Epistola IX. ad omnes Episcopos, seu ad Episcopos Lucanæ capite I. Necessaria rerum dispensatione constringimur, & Apostolica Sedis moderamine convenimur, sic canonum paternorum decreta librare, & retro præsulum decessorumque nostrorum præcepta metiri, ut quæ præsentium necessitas temporum restaurandis Ecclesiis relaxanda deposcit, adhibita consideratione diligenti, quantum potest fieri temperemus, quo nec in totum formam veterum videamur excedere regularum. Cum sola tantum necessitas faciat, ut relaxentur canones, manifestum est indicium, Gelasium in ea esse sententia, ut canone non auctoritate gubernari debeat Ecclesia. Quod ex cap. II. confirmatur: Priscis igitur pro sui reverentia manentibus constitutis, quæ ubi nulla vel rerum, vel temporum perurget angustia, regulariter conveniunt custodiri.

Deinde in capite XVII. De his autem, qui semetipsos absciderint, paterni canones evidenter sequenda posuerunt, quorum tenorem sufficere indidisse. Dicunt enim, talia perpetrantes mox ut agniti fuerint, à munere clericali debent secludi, quod modis omnibus custodire nos conveniunt, quia fas esse nulli suppeditat, præter illa, quicquam, quæ memorabilis decreverit forma, censere. Declarare vix potuit apertius, non auctoritate sed jure, seu canone moderandam esse Ecclesiam.

Tum in Epistola IX. ad Orientales in Appendice ad Codicem Theodosianum: Satis sit ostendere, quid secundum regulas, & Patrum canones facere deberetur. Et post alia: Hic nullo consilio non unius urbis, vel unius Episcopi, sed totius Orientis Ecclesiæ subiecit animum vestrum factis Concilii Concilio curari, sed homines, qui in contrariam partem toto proposito, & toto recesseratis affectu, Concilia potius necessaria etiam studio declinastis, ne per eadem tale aliquid censeretur, quo vobis rebus evidenter offensis, & legitime confutatis in hæreticorum non liceret venire consortium. Sic totus est in hoc Gelasius, ut non aliter, quam Concilii, vel editis in iis canonibus administrari velit Ecclesiam.

Decimussextus est Anastasius II. qui Gelasio succedit, in Epistola ad Anastasium Imperatorem: Cui etiam in privata vita tantum circa sinceræ religionis studium fuit, ut sicut fama certissima celebravit, nemo magis vel inter præcipuos Sacerdotes præfixas à sanctis Patribus regulas Ecclesiæ custodisse dicatur, quod sanctum studium cum maiestate Imperii crevisse confidimus. Qui Pontifex Imperatorem à custoditis Ecclesiæ canonibus sic commendat, quo & in canones & in regendam canonibus Ecclesiam affectu sit, ostendit.

Decimusseptimus est Symmachus, qui anno CCCXCVIII. Sedis Apostolicæ ministerium sumpsit, in Epistola V. ad Cæsarium Arelatensem Episcopum: Hortatur nos æquitas postulationis, desiderio fraternitatis grata annuere de singulis, quæ ab Apostolica Sede concedi postulas, quod à Patrum cautela & provisione non discordat. Scilicet non ignorat, Ecclesiam sacrarum legum derogatione, id est, auctoritate regendam non esse, sed Patrum cautela & provisione, id est, canonibus.

Tum in Epistola X. ad eundem: Tacere nos ista commissa dispensationis jura minimè patimur: Ut & de his 38 quæ Ecclesiasticis regulis obsecundant, perseverantibus in concordia

concordia Sedis Apostolica gratulemur, & illi, qui Catholicis regulis obtemperare destiterunt, ab Ecclesia gratia & charitate se alienos ostendunt. In Symmacho diligenter attende, quid illi commissæ dispensationis jura finant vel non finant? At non sinunt Ecclesiam aliter regi quam Catholicis regulis, quibus qui non obtemperant, se ab Ecclesiæ gratia & charitate alienos ostendunt.

Postremo in Epistola xli. ad eundem: *Qui veneranda Patrum statuta custodit, amicum se absoluta religionis ostendit, & qui providit, ut locum excessibus non relinquat, demonstrat se de bono gratia cogitare.* At locum excessibus non relinquit, qui canone, non auctoritate regit Ecclesiam. Hoc ipsum ex sequentibus confirmatur: *Quod vetustas præstitit & Patrum auctoritas roboravit, nova non debet violare præsumptio.* Violaret utique, si Patrum auctoritate non regeretur Ecclesia, sed præsumptione, quæ disciplinæ novitatem importaret.

Decimus octavus est Hormisdæ, cujus Pontificatus initium in annum dxiv. incidit, in Indiculo, qui datus est Ennodio & Fortunato Episcopis & aliis Constantinopolim ablegatis: *Quod ad canones attinet, jam antè suggestimus: canones solvere, in religionem committere est.* His ita positis, quis diceret voluisse Hormisdæ, ut Ecclesia auctoritate, non canone gubernaretur?

Deinde in Epistola xxv. ad Episcopos Hispaniæ: *De conveniendo bis in anno notum est, canones sanctos constituisse, & præfixum quidem tempus, si possibile est, inviolabiliter convenit custodiri: Sed si aut temporum necessitates, aut emergentes causæ hoc non patiuntur impleri, semel saltem (quamvis non licuerit) sine ulla excusatione præcipimus custodiri.* Hormisdæ præceptum quam longè abest ab illa auctoritate, quam Gregorius ab Ecclesiastica gubernatione rejicit!

Tum in Epistola xxvi. ad Sallustium Episcopum: *Paternas igitur regulas & decreta à sanctis definita Conciliis, omnibus servanda mandamus: Quia paternis regulis & Conciliorum definitionibus, non auctoritate absoluta gubernanda est Ecclesia.*

Deinde in Epistola lviii. ad Euphemiam Augustam: *Quæsumus, ut tandem de venerabilibus fratribus & cœpiscopis nostris Helia, Thomasio, & Nicolao, quod sacratissimorum canonum dictat auctoritas, nobis discernentibus impleretur.* Hoc in loco canonum auctoritas, quæ regi debet Ecclesia, auctoritati, quam à gubernatione Ecclesiæ prohibet, opponitur.

Denique in Epistola lxi. ad Justinianum: *Angit nos & præfens dolor, & futurorum occasio procurata certaminum, per quam & venerabilium Patrum regula negliguntur, & Apostolica Sedis putatur auctoritas posse contemni.* Tunc Sedis Apostolicæ auctoritas contemnitur, cum venerabilium Patrum regulæ negliguntur, & Ecclesia non jure, sed auctoritate, quam Gregorius Magnus inculcat, regitur.

Decimus nonus est Felix IV. qui anno dxxvi. Pontificatum Romanæ Ecclesiæ consecutus est, in Epistola ad Cæsarium Arelatensem Episcopum. *Quapropter, inquit, communi consensu sub observatione venerabilium canonum ordinandum eligite Sacerdotem, ut & de nostra* 40 *simus salute solliciti, & illorum utilitatibus consulamus, qui fuerunt ad hunc ordinem diligenter adsciti.* Non sub auctoritate, sed sub observatione venerabilium canonum ordinandi eliguntur Sacerdotes, quibus postea Ecclesia gubernetur.

Vicesimus est Bonifacius II. qui anno dxxx. in Romanum Præfulem ascitus est, apud Anastasium Bibliothecarium: *Hic congregavit Synodum in Basilica beati Petri Apostoli & fecit constitutum, ut sibi Successorem ordinaret.* Quo constituto cum chirographis sacerdotum & jurejurando ante confessionem beati Petri Apostoli in Diaconum Vigilium constituit. Eodem tempore facta iterum Synodo hæc censuerunt Sacerdotes omnes propter reveren-

tiam sanctæ Sedis, & quia contra canones factum fuerat, & quia culpa eum respiciebat, ut Successorem sibi constitueret, ipse Bonifacius rem se confessus est majestatis, quod Diaconum Vigilium sub subscriptione chirographi ante confessionem beati Petri Apostoli constituisset, ac ipsum constitutum in præsentia omnium Sacerdotum & Cleri & Senatus, incendio consumpsit. Bonifacius Successorem auctoritate, non jure sibi designaverat. Quam culpam poenitentia ductus statim eluit, idque ea ratione, quæ metum & horrorem incutit & simul probat, ea quæ fiunt in Ecclesia, canone non auctoritate fieri oportere.

Vicesimus primus est Joannes II. qui anno d. xxxi. in Apostolica Sede Bonifacium excepit. In Epistola ad Cæsarium Arelatensem: *Dolemus de amissione Pontificis, rigorem tamen canonum servare necesse est, atque ideo prædictum (Contumeliosum Regensem Episcopum) ab Episcopatus ordine nostra suspendit auctoritas.* Ubi rigor canonum servatur, ibi locus omnis est juri, quo regenda est Ecclesia, sed nullus auctoritati, quæ regenda non est Ecclesia.

Vicesimus secundus est Agapetus I. qui anno dxxxv. ad moderandam Romanam Ecclesiam aggressus est, in Epistola iv. ad Justinianum Imp. *Ex quibus pietas vestra melius poterit estimare, si quomodo tam aperta & Synodalia Sedis Apostolicæ licet infringere constituit, cum sententia clamet Apostoli, si tamen quæ destruxi,*

*& ea iterum readifico, prævaricationem me ipse constituo.* Deus immortalis! Quam remota sunt hæc ab illa auctoritate, quam juri Gregorius Magnus opponit? Sed remotiora sunt adhuc, quæ tradit in Epistola ad Cæsarium Arelatensem Episcopum: *Tanta est Deo propicio, & ad ea libentissimè concedenda, quæ alimonis propicio pauperum, & circa tuæ fraternitatis affectum nostra devotio, ut onerosum nullatenus esse judicemus, quod*

*annui vestris desideriis postulatis, sed revocant nos veneranda Patrum manifestissima constituta, quibus specialiter prohibemur, prædicia juris Ecclesiæ, cui nos omnipotens Dominus præesse constituit, quolibet titulo ad aliena jura transferre.* Quæ in re vestra quoque sapientia credimus esse gratissimum, quod in nullo contra prædicta definitionis constituta, vel regulas pro qualibet occasione, vel

*sub cujusvisque persona respectu venire præsumimus, nec tenacitatis studio, aut secularis utilitatis causa hoc facere nos credatis, sed divini consideratione judicii necesse nobis est, quidquid Synodalis decrevit auctoritas, inviolabiliter custodire.* Divina prorsus sunt verba hæc:

*In nullo contra prædicta definitionis constituta vel regulas pro qualibet occasione, vel sub cujusvisque persona* 42 *respectu venire præsumimus.* Item: *Divini consideratione judicii, necesse nobis est, quidquid Synodalis decrevit auctoritas, inviolabiliter custodire.* Divina inquam sunt verba hæc, quæ manifestissimè declarant, fixum apud Sedem Apostolicam ratumque esse, ut Ecclesia non imperio, sed jure, non auctoritate, sed canone gubernetur.

Vicesimus tertius est Silverius, qui anno dxxxvi. exeunte Romanæ præesse cepit Ecclesiæ, in Epistola ad Vigilium: *Multis te transgressionibus irretitum Sacerdotalis jamdudum novit generalitas. Et quia cruentis humano sanguine manibus decessoribus nostris pervicacia tua subripiens Leviticis præsumptis excubare ministeriis, plerique noverunt fidelium.* Nam quia contra jura canonica temporibus sanctæ memoria Bonifacii Papa ipso vivente Successor ejus designari conabaris, nisi tibi amplissimi Senatus obviasset justitia. Quod Silverius Vigilio exprobrat, non exprobraret, si auctoritate & non jure regendam esse Ecclesiam approbaret. Vigilium auctoritate designatus fuerat Bonifacii II. Successor, sed jure postmodum refixa fuit illa designatio.

Vicesimus quartus est Vigilium, qui anno dxi. Sedis Apostolicæ gubernacula suscepit, in Epistola iv. ad Justinianum: *Rationem his prout Christianitatis meritum vestra postulabat, in quantum valimus, reddidisse sufficit, quamvis nos nihil contra Synodalia, vel prædecessorum*



rum nostrorum præsulum Sedis Apostolica constituta, aut commississe aliquid, aut tentasse quisquam licet astutus & subtilis inveniet. Non inveniet quidem, quia diligenter  
43 servaverat Sedis Apostolicæ traditionem, qua nihil auctoritati tribuitur.

Deinde in Epistola VII. ad Auxanium Arelatensem Episcopum: Si qua ergo inter fratres & coepiscopos nostros in locis caruati vestra præsentis auctoritate commissis seminante illo auctore ex antiquitate Rixania dissensiones emerferint, adhibitis vobiscum Sacerdotibus numero competentis causas canonica & Apostolica æquitate discutite, ea modis omnibus prælato iudicio finituri, quæ Deo placitis decessorum nostrorum regulis convenire possint. Quid quæso magis contrarium est auctoritati, quam accusat Gregorius, canonica & Apostolica æquitate?

Tum in Epistola XI. ad Episcopos Galliæ de Aureliano Arelatenfi Episcopo, cui vices suas commiserat: Oportet ergo caritatem vestram ei in omnibus, quæ servatis per cuncta canonibus salubriter, secundum nostrorum definita majorum pro nostra auctoritate censuerit, præbere obedientiam competentem: & quia omnino necesse est, ut pro diversis cum fratribus Deo juvante tractandis, statutis, apisque temporibus Episcoporum Synodum debeat congregare; idcirco præsentis auctoritate censemus, ut nullus ubi aut quando constituerit se audeat excusare, excepta infirmitatis causa, quam humana non potest evitare fragilitas, aut certe quam digna excusationis ratio fecerit non venire. Sic ab Ecclesia prohibet auctoritatem, quæ juri opponitur, cum & sacros canones servari jubet & Episcoporum Synodos congregari, quibus regendæ Ecclesiæ disciplina fanciatur.

Vicesimus quintus est Pelagius I. qui anno DIV. 44 ad Romanam accessit Ecclesiam, in Epistola II. ad Narsetem: Nolite ergo dubitare, hujusmodi homines principali vel judiciali auctoritate comprimere, quia hoc regula Patrum specialiter constituerunt, ut si qua Ecclesiastici officii persona, cui subiectus est, restiterit, vel seorsum collegerit, aut aliud altare erexerit, seu schisma fecerit, iste excommunicetur & damnetur. Sic præcipit, ut quæ Ecclesiastica fiunt judicia, convenienter Patrum regulis fiant. Quo modo illa excluditur auctoritas, quam Gregorius Magnus excludit. Deinde in Epistola XIV. ad universum populum Dei: *Canones, quos Apostolica Sedes suscipit, sequor, & Deo adjuvante defendo, neque de hac professione reticere, aut discedere aliquando promitto.* Atque ita prædictæ auctoritati locum nullum, sed juri locum omnem relinquit.

Vicesimus sextus est Gregorius I. qui anno DXC. Romanæ Ecclesiæ gubernationem auspicatus est, in libri II. indict. XI. Epistola VI. ad Joannem primæ Justinianæ Episcopum, à quo Hadrianus Thebanæ civitatis Episcopus præpositus injustè fuerat: *Sed nec alia in gestis ipsis sive per depositionem testium, sive per Hadriani professionem, quod ei potuisset obesse, reperimus. Sed tantum fraternitas tua nescio quo mentis motu, divino humanoque jure contempto abruptam protulit in ejus damnatione sententiam, quæ licet non esset appellatione suspensa, contra leges tamen canonesque prolata, ipso non poterat jure subsistere.* Gregorius jure vult, non auctoritate, negotia & lites Episcoporum finire.

Deinde in ejusdem libri & indict. Epistola VII. ad 45 Joannem Larissæum Episcopum: *Sed provenit alia contra canones ac leges in Demetrio Diacono ejus, aliisque personis crudelis atque dolorosa discussio, in qua nihil pene repertum. Ex quo sæpe memoratus Hadrianus damnari legitime debuisset.* Et post alia: *Hæc enim consona sanctis Patribus definitione sancimus, ut qui sacris nescit obedire canonibus, nec sacris administrare, nec communionem capere sit dignus altaribus.* Idem est semper Gregorius, qui auctoritati nihil, sed omnia canonibus attribuit.

In ejusdem libri Epistola VIII. ad Natalem Salonitanum Episcopum, quæ scribendi materiam præbuit,

Gregorius iis quæ initio retulimus, subjungit: *Quia ergo non potest quemquam Episcopatus gradu nisi iustis ex causis, concors Sacerdotum summovere sententia, hortamur fraternitatem vestram, ut præfatum virum ex eodem, in quo detrusus est, eiici faciatis exilio; causamque ejus Episcopali disceptatione perquiri.* Et paullo post: *Executionem vero antefati negotii Antonino Subdiacono nostro ex nostra præceptione mandavimus, quatenus ejus instantia, & quæ sunt legibus canonibusque placita decernantur, & decreta juvante Deo mancipentur effectui.* Gregorius sibi semper & Sedi Apostolicæ consentit, ita ut excludatur à judiciis Ecclesiasticis auctoritas illa, quam hac in Epistola vehementer exhorrescit.

In ejusdem libri Epistola LII. ad Joannem Constantinopolitanum Episcopum: *Nam si canones non custoditis, & majorum vultus statuta convellere, non cognosco, qui estis.* Et post alia: *Omni mihi altercatione postposita de eorum causa statuta majorum & canonum terminos custodi.* Si custodiantur, jure omnia, auctoritate nihil fiet. 46

In libri III. Epistola XXII. ad Constantium Mediolanensem Episcopum: *Quamquam igitur fraterna dilectio hoc à te & sine nostris scriptis debeat exigere, tamen præsentibus quoque vos specialiter Epistolis adhortamur, ut adhibito vobis prædicto fratre nostro cunctos Clericos caterosque religiosos prænominata civitatis & territorii ejus de excessibus, quorum aliquid est suspitionis, ad te venire compellas, atque cuncta secundum Deum propter futuri metum judicii subtiliter inquirentes, si quem à canonum statutis recessisse reperitis, canonica eum ultione corrigite: Canonica, inquit, ultione, non auctoritate.*

In libri IV. Epistola VII. ad universos Illyrici Episcopos: *Proinde juxta postulationis vestra desiderium fratrem & coepiscopum nostrum in eo in quo est, Sacerdotii ordine constitutum, nostri assensus auctoritate firmamus, ratamque nos ejus consecrationem habere dirigentes pallium indicamus.* Cui quoniam juxta morem nostras vices commissimus peragendas, idcirco fraternitatem vestram necessariò prævidimus adhortandam, quatenus ei in his, quæ ad ordinem Ecclesiasticum, rectitudinèque pertinent discipline, sive in aliis, quibus canonum decreta non obstant, parere nullo modo differatis. Hæc auctoritati, quæ à Gregorio rejicitur, locus nullus esse potest.

In ejusdem libri Epistola XXXI. ad Mauricium Augustum: *Quis est iste, qui contra statuta Evangelica, contra canonum decreta, novum sibi nomen usurpare presumit? auctoritate igitur, non canone novum usurpavit nomen.*

In libri V. Epistola XXI. ad Petrum Hydruntinum Episcopum: *Pastoralis nos cura constringit Ecclesiis Sacerdotis moderamine destitutis sollicita consideratione prospicere, ne proprio decedente rectore contrarium, quod ab eis aliquid Patrum regulis oriatur. Oriri posset aliquid, si non Patrum regulis, sed auctoritate vacanti Ecclesiæ Sacerdos præficeretur.* 47

In ejusdem libri Epistola XXIV. ad Marinianum Episcopum Ravennæ: *Nunquid non ipse nosti, quia in causa, quæ à Joanne Presbytero contra Joannem Constantinopolitanum fratrem & coepiscopum nostrum orta est, secundum canones ad Sedem Apostolicam recurrit & nostra est sententia definita. Inclamat non auctoritatem, sed canones, quibus Ecclesiasticæ finiantur controversiæ.*

In libri VII. Epistola VIII. ad Episcopos Sardinie: *Iis, qui petere festinant licentiam, quod scitis, per canones etiam antiquorum Patrum institutione habere permisum est.* Contra Metropolitani disceptandi licentia Episcopis per canones datur. Nempe nihil agendum esse sine canonum auctoritate censet.

In ejusdem libri Epistola CXII. ad Siagrium & alios Galliæ Episcopos: *De his itaque, quæ superius dicta sunt, fraternitatem vestram auctore Deo volumus Synodum congregare, atque in ea reverendissimo fratre nostro Siagrìo coepiscopo & dilectissimo filio nostro Cyriaco Abbate medi-*

mediantibus omnia, quæ sanctis canonibus, sicut prædiximus, sunt adversa, districtè sub anathematis interpositione damnentur. Quæ sunt sacris adversa canonibus, auctoritate facta sunt, & quia sic facta sunt, dam-  
nanda.

In libri XI. epistola VIII. ad Brunichildem Reginam Francorum: Similiter verò de quodam bigamo requisiti, an ad sacrum ordinem potuisset accedere juxta canonicam regulam omnino vetuimus. Absit enim ne vestris temporibus, in quibus tam multa pia ac religiosa agitis, aliquid contra Ecclesiasticum institutum fieri permittatis. Præfati autem viri magnifici filii nostri dato capitulari inter cetera petierunt, quod sibi ex vestra perhibere jussione mandatum, ut talis debeat à nobis in Galliis persona transmitti, quæ facta Synodo cuncta, quæ contra sacratissimos canones perpetrantur, omnipotenti Deo auctore possit corrigere. Quæ profectò perpetrantur contra canones, nonnisi damnata per Gregorium auctoritate perpetrantur.

In ejusdem libri epistola XLIV. ad Joannem Pannonianum Episcopum: Illud autem admonemus, ut Apostolica Sedis reverentia nullius presumptione turbetur. Tunc enim status membrorum integer manet, si caput fidei nulla pulset injuria, & canonum manet incolumis, atque intemerata semper auctoritas. Gregorius nihil magis habet in votis, quàm ut canone regatur Ecclesia, non auctoritate, quæ canoni opponatur. Quinetiam Sedis Apostolicæ reverentiam in eo ponit, ut Ecclesia canone, non auctoritate regatur.

Vicesimus septimus est Martinus I. qui anno DCXLIX. ordinatus est Romanæ Ecclesiæ Episcopus, in epistola v. ad Joannem Philadelphiam Episcopum: Impossibile est ea contegere, vel præmittere, quæ continentem locum defensionis non habent, sed omnino in iis, qui libenter peccant & amant peccare, denegare oportet eam veniam, quæ in hujusmodi lapsibus ex dispensatione datur, ne ut ipsi propter canonis contemptum amplius graventur, & nos in culpa simus, injustè agendi iis licentiam per-  
49 mittemes. Defensores enim divinorum canonum sumus, non prævaricatores, quandoquidem prævaricationibus conjuncta manifestè retributiones sunt. Cujus rei gratia hortamur canonem observari in iis, qui præter mentem ac scientiam seipsos elegerunt, vel delecti sunt in Patriarchia beata memoria Sophronii. Martinus longè ac latè propulsat illam auctoritatem, quæ apud Gregorium juri & canoni opponitur. Prævaricatorem eum duceret, qui aliter, quàm per canones regendam esse Ecclesiam arbitraretur.

Vicesimus octavus est Vitalianus, qui anno DCIV. Romanæ Ecclesiæ præsidere cœpit, in epistola I. ad Paulum Archiepiscopum Cretensem: Itaque statuimus atque firmamus, per hujus nostræ præceptionis auctoritatem, omnia, quæ à te tuæque Synodo contra canonum statuta, contraque legum decreta, gesta, consecræ sunt, vel sententiam promulgatam adversus eum inania & vacua esse. Et quibuscumque interpositis: Denominatum Joannem utpote innocentem existentem cum præfati nostra præceptione absolvimus. Et post alia: Quæ præcipimus tibi secundum Deum & propter Dominum, tuæque Synodo, inde illico peragere, ne cogamur non misericorditer, sed secundum virtutem sacratissimorum canonum conversari. Sic regendam esse canonibus Ecclesiam contendit, ut statim quæ contra canones fiunt, irrita & cassæ esse decernat.

Vicesimus nonus est Gregorius II. qui anno DCCXIV. Romanæ Ecclesiæ gubernationem assecutus est, in epistola VI. ad Clerum & populum: Probabilibus desideris nihil tarditatis præstantes, fratrem jam & coepiscopum nostrum Bonifacium vobis ordinavimus Sacerdotem, cui dedimus in mandatis, ne unquam ordinationes præsumat illicitas, ne bigamum & qui virginem non est sortitus uxorem, neque illiteratum, vel in qualibet corporis parte vitiatum, aut ex penitente, vel curia vel cuilibet conditioni obnoxium notatumque ad sacros ordines per-

mittat accedere, sed si quos hujusmodi repererit, non audeat promovere. Qui Pontifex tam absconditè scribit, auctoritati nihil, sed omnia juri & canonibus duntaxat concedet.

Tricesimus est Gregorius III. qui anno DCCXXXI. Romanæ Ecclesiæ administrationem sortitus est, in epistola VII. ad Bonifacium Episcopum: Venilo à nobis Episcopus est ordinatus, & si aliquid excedit extra canonicam regulam, doce & corrige eum juxta Romanæ Ecclesiæ traditionem, quàm à nobis accepisti. Romanæ igitur Ecclesiæ traditio est, ut quæ in Ecclesiarum gubernatione geruntur, non auctoritate, sed canonica regula gerantur.

Tricesimus primus est Zacharias, cui anno DCCXI. I. Apostolica Sedes obtigit, in epistola I. ad Bonifacium Episcopum capite v. De illo namque, qui viduam avunculi, quæ & ipsa fuit uxor consobrini sui & sacrum velamen habere monstrata est, & à beata memoria prædecessore nostro sibi licentiam concessam esse divulgavit, ut eam in pernicioso matrimonio assumere debuisset, absit, ut hoc prædecessor noster ita credatur præcepisse. Nec enim ab hac Sede Apostolica illa diriguntur, quæ contraria esse Patrum sive canonum institutis inveniantur. Et hæc sunt verba cedro dignissima, quibus manifestum efficitur, Sedem Apostolicam sentire, non aliter quàm canone, seu Patrum institutis regendas esse quasque Ecclesias. Nec auctoritati, nec sacrarum legum derogationibus quidquam permittit. Quinetiam auctori-  
51 tas & derogatio hæc à Zacharia commentitiis ac falsis rebus transcribitur.

Tricesimus secundus est Hadrianus I. qui anno DCCXLIV. in Romanum Episcopum allectus est, capite xxxvi. ex iis canonibus, quos in gratiam Angilramni Metensis Episcopi Romæ tunc agentis collegit: Constitutiones contra canones & decreta præsulum Romanorum vel bonos mores nullius sint momenti. Hic Romanorum præsulum decreta intelligit, quæ, ut ait sanctus Leo, de Ecclesiasticis ordinibus & canonum sunt promulgata disciplinis. Hadrianus igitur absolutam in regenda Ecclesia voluntatem, privatos motus & consilia reprehendit; tantum abest, ut istud administrationis genus approbet & confirmet.

Tricesimus tertius est Paschalis I. qui anno DCCCXVII. creatus est Sedis Apostolicæ præsul, apud Anastasium Bibliothecarium: Erat autem Patrum præceptorum seu institutorum Pontificum atque canonum, necnon legum, sanctionumque decentissimus observator, & cuique iustitia norma à tempore ordinationis suæ nobilissimus promulgator. Hæc palam loquuntur, Paschalem in ea esse sententia, ut ex Romanæ Sedis traditione certò crederet, non auctoritate vel arbitrio, sed canone vel lege gubernandam esse Ecclesiam.

Tricesimus quartus est Eugenius II. qui an. DCCCXXIV. beati Petri locum occupare cœpit, in Romanæ Synodi capite xxvi. Nulli liceat Episcoporum à subiecto Sacerdote vel aliquo Clerico & piis locis dationes ultra statuta Patrum exigere. Ubi servantur canones, ut Eugenius præcipit, ibi nihil tribuitur auctoritati, quam  
52 Gregorius I. condemnat.

Tricesimus quintus est Leo III. cui anno DCCCL. Romanæ Ecclesiæ impactum est Sacerdotium, in Romano Concilio, ubi Anastasius Presbyter tituli sancti Marcelli depositus est: Sancta Synodus interea (dixit) requiratur sapientiis Anastasius Presbyter, excommunicatus, utrum venerit, an non? Et post alia: Tunc venerabilis & præcipuus præsul omnibus residemibus Episcopis & Presbyteris, stantibusque Diaconibus, & cuncto Clero dixit, O beatissimi fratres, quid vestra beatiudo de crebro dicto Presbytero, qui tanta ac talia & tam enormiter contra Patrum regulas atque statuta peregit? Mox omnes Episcopi unanimiter dixerunt: Quod aliud arbitrari aut perferre valeamus, nisi ut sancti Patres, qui in Antiocheno Concilio residentes tertio capitulo promulgarunt, & inviolabiliter statuerunt his verbis: Siquis Presbyter parochiam suam de-



serens ad aliam properavit, deinde omnino demigrans in alia parochia per multa tempora nititur immorari, ulterius ibidem non ministrat, maxime si vocanti suo Episcopo regredi ad propriam parochiam, & commorari obedire contempserit. Quod si in hac indisciplinatione perdurat, à ministerio modis omnibus amoveatur, ita ut nequaquam locum restitutionis inveniat. Quam promulgationem in eum, si vobis placet, Presbyterum inferimus, & propriis manibus roboramus. Præsul summus respondit, placet. Tunc elevans seipse præclarus Pontifex de Sede sua ait: Anastasium jam nuper excommunicatum Presbyterum tituli sancti Marcelli, qui propriam parochiam relinquens in aliena per multa tempora nititur immorari, à sacerdotali ministerio modis omnibus amoveamus, ita ut locum restitutionis nequaquam inveniat. Si quis autem contra hanc definitionem nostram quocunque tempore agere præsumperit, aut eum restituere in sacro officio tentaverit, sit ei à sanctis Patribus & à nobis omnibus anathema. Post hæc omnes Episcopi in eadem Synodo residentes unanimiter dixerunt: Et nos sic judicamus, sicque irrefragabiliter statuimus. Non motu proprio, sed Antiocheno canone, non auctoritate, sed jure, non extra Synodum, sed in Synodo depositus est Anastasius Presbyter ex eorum numero, qui nunc Cardinales appellantur.

Deinde in epistola ad Britannicæ gentis Episcopos: Legationem denique communem omnium Episcoporum reverendissimorum nobis propositam delinquentes, qui turpissimo lucro columbam in templo Domini vendere non pertimescunt, & in sui acta improba temeritate Simonis hæreseos conjungentes, utrum possint in ordine penitentiam agere, aut tantummodo extra ordinem Sacerdotalem fieri gradum, quod nos, qui à Deo conviciti, & tam detestabile nefas, quod jam multis est damnatum Conciliis, peregisse cognoscitur, non penitentia illis possumus subvenire, & tantis spiritualibus Patribus obviare, sed in illorum Patrum sententia convenire, omnibus certum sit, ita tamen, ut omnia in Conciliis sint Episcoporum. Cum profiteretur obviare se non posse Patribus, qui certas Simoniacis decreverunt pœnas, luculenter docet Ecclesiam non auctoritate, sed canone regendam esse, & quæ negotia sunt agitanda, in Episcoporum Conciliis agitanda esse.

Tricesimus sextus est Benedictus III. cujus initium Pontificatus in annum DCCCLVI. incurrit, in epistola ad Hincmarum Remensem: Inter hæc & hoc sancimus, ne quilibet tuæ Diæceseos regulis subiectus Ecclesie te contempto impune audeat, seu valeat aliena expetere aut expectare judicia, ut aliorum traditionibus Patrum, canonumque promulgationibus est constitutum. Occurrit judiciis, quæ auctoritate, non jure fierent.

Tricesimus septimus est Nicolaus I. qui anno DCCCLVIII. Romanam Ecclesiam regendam accepit, in epistola i. ad Michaëlem Imper. In Ecclesiasticis gradibus subrogandis canonum paternorum vetus forma servatur, ne contra eos ulla ratione prævaleat, quod pro accidentis defectus remedio providetur. Non adversus scita majorum nova lex proponitur, ceteris Ecclesiis ab hac occasione cessantibus, quas non simili clade vastatas pristinam in faciendis ordinationibus convenit tenere sententiam. Hic exceptio firmat regulam in exceptis. Quod fit, ut Nicolaus statuatur, non motu proprio, sed canone gubernandam esse Ecclesiam.

Deinde in epistola viii. ad eundem Michaëlem, locutus de Ecclesiis, Quas vobis Deus credidit, relinquere concedatur, & hujusmodi causis sollicitam vos in reliquo decet exhibere cautelam, neque contra Ecclesiasticas regulas petentibus concedatis. Quia quod bene cognitum est religiose menti vestra, non aliter devotio recte potest regalis Christo famulari, nisi providentia ejus Ecclesiasticorum ordinum servetur integritas. Nicolaus ab Ecclesia prohibet auctoritatem, quæ juri & canoni opponitur.

Tum in epistola ix. ad eundem Imp. Paternos canones non transgrediamur, sacros canones non conculemus, nec decretalia Sedis Apostolica constituta, quibus Ecclesia tota fulcitur, atque munitur, quoquo modo violemus. Decretalia constituta intelligit, quæ ex sacris canonibus promulgantur.

Denique in epistola xxii. ad Hincmarum Remensem: Etsi id agere nolisses, saltem post appellationem Cathedra ipsius, qui videbatur ejectus, alterum non ordinasses, priusquam ejus causa juxta sacros canones in nostro judicio fuisset terminata. Noverat sine dubio Ecclesiam canone regi, qui Ecclesiasticis regulis contentiones dijudicandas esse censet, non in aliis modo sedibus, sed etiam in Romana, cui principatus convenit.

Tricesimus octavus est Hadrianus II. qui anno DCCCLXVIII. Romanus institutus est Episcopus, in epistola xxvii. ad Carolum Calvum Regem: Sed de his nihil audeamus judicare, quod possit Nicæno Concilio, & quinque cæterorum Conciliorum regulis, vel decretis nostrorum antecessorum obviare, ut de his, quod præfati canones & decreta decernunt, ipsi quoque cum ipsis una vobiscum congregati cum nostro spiritu similiter decernimus, & quod statuunt, statuimus, & quod judicant, judicamus, nec in ullo deviantes à tenore canonico, servantes omnia jura Metropolitanis. His in verbis nihil est ænigmaticum, nihil offusum caligine loquendi. Sedis Apostolicæ traditionem exponit, qua liquidò patet, Ecclesiam canone, non auctoritate regi.

Tricesimus nonus est Joannes VIII. qui anno DCCCLXXIII. Sedis Apostolicæ præsul effectus est, in epistola lv. ad Ursum Ducem Venetiæ: Non ruinam eorum cupimus, absit, sed illius statum reformare provincie, & quidquid inter eos & Metropolitanum questionis & controversia vertitur, canonicè definire. Canonice, inquit, non auctoritate, quæ canonibus opponatur.

Deinde in epistola cliii. ad Episcopum Ravennatensem: Canonice sanctorum Patrum regulis bis per annum Concilia Episcoporum esse omnimodis celebranda, nos ob id pro multiplicibus Ecclesiarum Dei utilitatibus & necessitatibus Synodum octavo Calend. Maias Domino annuente celebrare cupimus. Ideo dilectioni tue jubemus, ut omni mora postposita, vos cum omnibus suffraganeis vestris Episcopis prædicto tempore venire Romam studeatis, quatenus eandem Synodum nobiscum aqualiter celebretis, ac de communi salute consideretis. Sic removeretur auctoritas, quam Gregorius primus ab Ecclesiasticis judiciis removeri cupit: Sic acceruntur canones, quibus judicia illa terminentur.

Tum in epistola cli. ad Ansbertum Mediolanensem Episcopum: Facta Synodo communes causas & utilitates Ecclesiarum Dei nobis commissarum ordinemus, & jure canonico statuamus. Jure, inquit, canonico, non auctoritate.

Denique in epistola ccxx. ad Ravennatensem Episcopum: Fraternitati vestra jubemus, ut omni mora vel occasione postposita ad denominatam Synodum, quam Deo auctore in prædicto tempore celebraturi erimus in Ecclesia beati Petri Principis Apostolorum, cum suffraganeis tuis Episcopis occurrere nullatenus permittatis, quia nos omni Ecclesiarum Dei utilitati & exaltationi sicut oportet, pari consensu & decreto more præcessorum nostrorum consulere volumus, & ideo vestram secundum sacros canones unanimitem adesse volumus, quatenus Ecclesia Dei vigor Christo favente per Synodalem censuram illibatè permaneat. Sedis Apostolicæ traditionem semper inculcat: Scilicet Ecclesiam non absoluta cujusquam auctoritate, sed canonicis regulis administrandam esse.

Quadragesimus est Silvester II. qui anno DCCCXCIX. Romanum Pontificium obtinuit, in epist. cxlv. ad Parisiensem Episcopum: Etsi omnis Ecclesia Catholica una atque eadem est, singulis tamen Sacerdotibus modus quidam præscriptus est, quo se extendere, ubi terminis debeat

beant collocare. Atque ita auctoritati, quæ juri opponitur, locus nullus relinquitur.

Deinde in epistola ad Segvinum Senonensem Archiepiscopum: Sit lex communis Ecclesiæ Catholica, Evangelium, Apostoli, Prophetæ, canones spiritu Dei constituti, & totius mundi reverentia consecrati, & Sedis Apostolica decreta ab his non discordantia. Et sic motus proprius excluditur, quo Ecclesiæ nec regitur, nec regi potest. Is enim & juri & sacris canonibus contradicit.

58 Quadragesimus primus est Joannes XVIII. qui circa annum MXXIV. factus est Romanus Episcopus, in Lemovicensi Concilio II. Rursum in Concilio conquisitum est de excommunicatis Aquitanigenis, qui ignorantibus Episcopis suis à Romano Papa penitentiam, & absolutionem accipiunt, & hac de causa pax & Concilium in Aquitania destruitur, dum quos isti ligant, ille injustè absolvit. Adhuc venerandus Engelricus Cancellarius sanctæ Mariæ Aniciensis Ecclesiæ cepit explicare dicens: Stephanus Arvernensis Ecclesiæ presul ante hos annos Pontium Comitem Arvernensem excommunicatione obstrinxit pro uxore legitima, quam dimiserat, & aliam duxerat: Quem cum nulla ratione vellet absolvere nisi emendatum, Comes à Domino Papa absolutionem accepit, ignorante Papa eum excommunicatum. Quod graviter Episcopus ferens, conquestoriam literas Romano Apostolico misit, cui ille in hunc modum remisit: Quod nescienter egi, frater charissime, non mea sed tua est culpa: Scis enim, quia quicumque de universa Dei Ecclesiâ, quæ est in toto orbe terrarum, ad me causa remedii recurrit, impossibile est mihi curam ejus negligere, dicente Domino ad beatum specialiter Petrum: Petre pascere oves meas. Quo ergo modo Sedes Apostolica poterit ejicere aliquem de medela, nisi rationabili causa: Debueras mihi antequam morbida ovis Romam veniret, ejus causam tuis ignoscere apicibus, & eam ego omnimodè abjicerem, tuamque firmando auctoritatem, eam anathematis ictu repercuierem. Propterea quippe omnibus consacerdotibus meis ubique terrarum adiutorem me, & consolatorem potius esse, quàm contradicentem. Absit enim schisma à me & à cœpiscopis meis. Itaque illam penitentiam & absolutionem, quam tuo excommunicato ignoranter dederam, & ille fraudulenter accepit, irritam facio & cassam, & de ea nihil aliud speret, quàm maledictionem, qua satisfacta, tu ipse absolvas. Hoc exemplum, quod ex antiqua Ecclesiæ traditione ducitur, mirificè probat & Romanum Pontificem & Gallicanos Episcopos fuisse persuasos, Ecclesiâ non auctoritate, sed canone regendam esse.

59 Quadragesimus secundus est Clemens II. qui anno M. XLVI. Romanæ Ecclesiæ præfecturam accepit in epistola ad Joannem Salernitanum Episcopum: Quoties ita contingit, ut exigente necessitate vel maxima utilitate transmutandus sit quisquam Episcopus de propria Sede ad aliam, diligentissime perquirenda est persona, utrum necessario sit transmutanda, ut sic major utilitas oriatur, sicut major Sedes assumitur. Quid quæso magis oppositum est auctoritati, qua quidquid geritur, sine jure, sine lege, sine canone geritur? Hic necessitas & maxima utilitas firmant regulam in excerptis, & absolutam auctoritatem ab Ecclesiæ disciplina rejiciunt.

Quadragesimotertius est Leo IX. qui anno MXLIX. Sedi Apostolicæ præsidere cepit, in epistola v. ad Petrum Episcopum: Terminos, quos patres nostri fixerunt, nulli arroganter transgredi conceditur. Et quibusdam interpositis: Mea humilitas in culmine Apostolici throni ideo exaltata est, ut approbando approber, improbanda quoque improbet. Ubi nemo terminos, qui à Patribus & Conciliis positi sunt, transgreditur, ibi nihil auctoritate perficitur. Sic Leo Sedis Apostolicæ traditionem exponit.

Quadragesimus quartus est Nicolaus II. qui anno MLIX. factus est Pontifex, in Romano Concilio, ubi eandem cum Clemente II. ferram reciprocatur: Tanta talium (qui à Simoniacis præsulibus ordinati sunt) multitudo est, ut dum rigorem canonici vigoris super eos servare non possumus, necesse sit, ut dispensativè ad pia

condescensionis studium nostros animos ad præsens inclinemus, ita tamen auctoritate sanctorum Apostolorum Petri & Pauli omnimodis interdiciamus, ne aliquando aliquis successorum nostrorum, ex hac nostra promissione regulam sibi vel alicui assumat vel præfigat, quia hoc non antiquitas Patrum jubendo, aut concedendo promulgavit, sed temporis nimia necessitas permittendum à nobis extorsit. Non ita profecto loqueretur Pontifex, si putaret Ecclesiâ auctoritate, non canone regi posse. Non potuit validius contra auctoritatem, nec apertius secundum canones pronunciari.

Quadragesimus quintus est Gregorius VII. qui anno MLXXXIII. B. Petri locum implevit, in libri II. epistola I. ad Sancium Arragoniæ Regem: Quoniam erga reverentiam sanctæ Apostolicæ Sedis Regiam nobilitatem tuam præ devotione & amore fervere intelligimus, te & regnum tuum dignis honoribus sublimari cupimus, & Apostolicam benevolentiam, non solum in nostro, verum etiam in quocunque tempore tibi & causis tuis sinceræ charitatis affectum præbere desideramus. Ceterum quod nos de causa Aragonensis Episcopatus, & consulisti, & te quodammodo velle significasti, diu & multum volentes, & cum filiis sanctæ Romanæ Ecclesiæ pertractantes, incongruum fore pervidimus, quoniam in eo canonica decreta nobis obviare cognovimus. Veniens enim ad nos sicut nostri confrater noster Sanctius Aragonensis Episcopus multa nobis de infirmitate corporis sui conquerens, deserendi Episcopatum à nobis suppliciter licentiam postulavit, quod & morbo confectus & pene consumptus diutius competenti ministerio regere & custodire non possit. Atque ut facilius hoc impetraret, indicavit nobis de duobus Clericis, quorum alterum in Episcopatum eligi, tuam & sui ipsius voluntatem atque consilium fore nunciavit. De quorum vita & conversatione eum interrogantes alia omnia præter quod de concubinis nati erant, bona satis & honesta accepimus: Et quia venerandi canones ad Sacerdotii gradum tales 61 prohiberi contradicunt, probare eos non satis cautum fore putavimus, ne quicquam à nobis contrarium sanctis Patribus in exemplum & auctoritatem posteris relinquantur. Solet enim sancta & Apostolica Sedes pleræque considerata ratione tolerare, sed nunquam in suis decretis & constitutionibus à concordia canonica traditionis discedere. Quot commata, tot sententiæ; quibus firmiter asseritur, jure, non auctoritate, canone, non proprio motu gubernandam esse Ecclesiâ Dei. Sed è pluribus sententiis observandæ sunt hæ tres potissimum. Sanctius Arragoniæ Rex id quod enixis precibus flagitabat, consecutus non est, etiam si consequi debere videretur. Scilicet pontifex & Cardinales Romanæ Ecclesiæ Regis petitionem canonicis decretis adversari dicunt. Quæ ratio in causa fuit, cur rex optimus repulsum passus fuerit. Deinde Romana Ecclesiâ nihil agit sanctis Patribus contrarium, quod in exemplum & auctoritatem posteris relinqui possit. Tum Sedes Apostolica in suis decretis & constitutionibus à canonica traditionis concordia discedit nunquam.

Deinde in ejusdem libri epistola LVIII. ad Manassem Archiepiscopum Remensem: Ecclesiasticas causas non potentia magnitudine, sed justitiæ censura finire oportet: Id est, jure, non auctoritate.

Tum in libri v. epist. v. ad Clerum & populum Aquileiensis Ecclesiæ: Antiqua & nota sacra institutionis est regula, non ab hominibus, sed ab ipso Jesu Christo, Deo & Domino nostro, plenissima sua sapientia consideratione, & veritatis definitione sancita, ipso dicente in Evangelio: Qui intrat per ostium pastor est ovium: Qui autem non intrat per ostium, sed ascendit aliunde, fur est & latro. Quapropter quod in Ecclesiâ diu facientibus peccatis neglectum, & nefanda consuetudine corruptum fuit, & est, nos ad honorem Dei & salutem totius Christianitatis innovare & restaurare cupimus, videlicet ut ad regendum populum Dei in unaquaque Ecclesiâ exigente tempore talis & eo ordine eligatur Episcopus, qui juxta veritatis sententiam non fur & latro dici debeat, sed nomen & officium 62 Pastoris



Pastoris habere dignus existat. Hac quidem nostra voluntas, hoc nostrum est desiderium, hoc (miserante Deo) nostrum, quoad vixerimus, indefessum erit studium. Ceterum quod ad servitium & debitam fidelitatem regis pertinet, nequaquam contradicere, aut impedire volumus. Et ideo nihil novi, nihil nostris adinventionibus superinducere conamur: Sed illud solummodo querimus, quod & omnium salus postulat & necessitas, ut in ordinatione Episcoporum secundum communem sanctorum Patrum intelligentiam, & approbationem primo omnium Evangelica & canonica servetur auctoritas. Quod autem nobis de electione apud vos facta significastis, grater accepimus; & si ita rite factum esse constiterit, ut in nullo vobis sacra contradicat auctoritas, teste conscientia nostra valde gaudemus, & omnipotenti Deo gratias agimus. Verum quia (sicut supra diximus) in huiusmodi causa non secundum arbitrium nostrum, sed per viam & doctrinam orthodoxorum Patrum incedere cupimus, misimus ad vos hos Legatos nostros harum literarum portitores, ut causam undique diligenter inquirent; Et si eum, quem vos elegisse dicitis, vita, moribus, & scientia ad apicem tanta dignitatis idoneum & regulariter assignatum esse perspexerint, electionem vestram (sicut iustum est) nostra vice confirmet. Sin autem aliquid contrarium & dignum reprehensione, quo minus ad Episcopale regimen pervenire deberet, invenerint, amoto illo talem studeatis eligere personam, qua tanto honori & officio congruat, & quam nostra per eosdem Legatos representata auctoritas approbare & confirmare debeat. An potest, an potuit, an poterit unquam motus proprius, arbitrium proprium, quod iuri & canoni opponitur, fortius repelli? Divina prorsus sunt: Nihil novi, nihil nostris adinventionibus superinducere conamur, sed illud solummodo querimus, quod & omnium salus postulat & necessitas, ut Evangelica & Canonica servetur auctoritas: Non secundum arbitrium nostrum, sed per viam & doctrinam orthodoxorum Patrum incedere cupimus. Quod Gregorius supra dixit, Causas Ecclesiasticas non magnitudine potentia, sed iustitia censura finire oportere, id hoc in loco aliis verbis sic exprimit: In huiusmodi causa non secundum arbitrium nostrum, sed per viam & doctrinam sanctorum Patrum incedere cupimus. Petrus est, Petri Sedes est, quæ per os Gregorii loquitur, non Romana Curia quæ non sic loquitur: Non Inquisitores, qui quæ non intelligunt aut nolunt intelligere, aliquando condemnant, & sic Romanam Ecclesiam impiorum ludibrio exponunt, & Catholicos fatigant. Petrum non agnoscunt jubentem, ut parati semper simus ad satisfactionem omni poscenti rationem: Opponunt Petro consuetudinem nescio quam, cuius auctores sunt ipsimet, qui opponunt.

64 Quadragesimus sextus est Urbanus II. qui anno M. LXXXVIII. consecratus est Romanæ Ecclesiæ Episcopus, in Epistola ad Hugonem Lugdunensem Archiepiscopum: Ex Apostolica Sedis debito & sanctorum canonum auctoritate impellimur, in omnibus ubique terrarum Ecclesiis pravè acta corrigere, & rectè statuta firmare. Quot commota, tot quoque sententiæ; quibus quæ de Gregorio VII. observavimus, de Urbano quoque II. observare possumus. Apostolicæ Sedis debitum est, sanctorum canonum auctoritas, in omnibus Ecclesiis pravè acta corrigere, in omnibus quoque Ecclesiis rectè statuta firmare, quæ omnia jus, non auctoritatem, canonem, non proprium motum & imperium sonant. Vide igitur, quid Urbano iudice Apostolica Sedes debeat, qua auctoritate ad suum debitum & munus impellatur, & ad quid obeundum impellatur: Ad corrigenda, quæ pravè acta sunt, & ad firmanda, quæ rectè statuta. Peragaturne ista auctoritate, quæ iuri opponatur, privilegiis, quæ canonibus sacris derogent? Minimè verò: Jure tantum & canonibus peraguntur.

Quadragesimus septimus est Paschalis II. qui anno M.CXIX. ad Romanæ Ecclesiæ gubernationem accessit, in Epistola XXIX. ad Basilium Hierosolymitanum regem: Unaquaque provincia iustitia sua limitibus perfru-

atur. Nec enim possumus manifestè sanctis Patrum nostrorum constitutionibus obviare. Nec enim volumus, aut pro principum potentia Ecclesiasticam minui dignitatem, aut pro Ecclesiastica dignitate principum potentiam mutilari, ne apud nos occasione alterutra pax turbetur Ecclesia. Auctoritatem & proprium motum repudiat, jus & canonem asserit.

Quadragesimus octavus est Callixtus II. qui anno M.CXIX. à Viennensi Ecclesia ad Romanam transiit, in eadem fuisse cum Urbano II. sententia, sic docet in Epistola ad Stephanum Abbatem & Cistercienses Monachos: Ad hoc in Apostolica Sedis regimen Domino disponente promoti conspiciuntur, ut ipso præstante religionem augere, & quæ rectè atque ad salutem animarum statuta sunt, nostri officii debeamus auctoritate fulcire. Nostri, inquit, officii auctoritate, non proprio motu, qui cum officii auctoritate pugnat. Nam eò spectat officii auctoritas, ut religionem augeat, & quæ rectè & ad animarum salutem statuta sunt, confirmet.

Quadragesimus nonus est Honorius II. qui an. M.CXXV. inauguratus est Romanæ Ecclesiæ præful, in Epistola ad Burcardum Meldenfem Episcopum: In eminenti Apostolica Sedis specula disponente Domino constituti, ex injuncto nobis officio fratres nostros Episcopos debemus diligere, & Ecclesiis sibi à Deo commissis suam debemus justitiam conservare. Honorius suum describit officium, & in hac descriptione auctoritati, quæ iuri opponitur, & proprio motui, quo cuncta disponuntur ad arbitrium, locus nullus relinquitur.

Quinquagesimus est Innocentius II. qui an. M.CXXX. in Romanum præfulem assumptus est, in Epistola ad Manassem Meldenfem Episcopum: Suscepti regiminis cura nos ammonet, ita disponente Domino, erga singulos attentam sollicitudinem atque vigilantiam adhibere, ut in Ecclesiasticis dispositionibus nulla confusio inducatur, sed potius unicuique suum jus & propria dignitas conservetur. Atqui hæc sunt omnia jure & canone, non auctoritate, non proprio motu, quo iuri & canoni derogetur. Tunc magna induceretur confusio, suum unicuique jus minueretur, & propria violaretur dignitas, quod Innocentius omnino prævidit.

Quinquagesimus primus est Eugenius III. qui anno M.CXLV. factus est Romanus antistes, in Epistola V. ad Episcopos Germaniæ: Quoniam igitur quicunque temporalis aura statibus agitentur, nos in illius petra soliditate fundati, quæ in fundamento meruit Ecclesiæ collocari, ita nec volumus omni vento circumferri doctrina, aut à sacrorum canonum rectitudine impulsu aliquo deviare, per presentia vobis scripta mandamus, quatenus causa isti favore ulterius non præstetur, & apud charissimum filium nostrum Fredericum, quem Deus hoc tempore pro servanda libertate Ecclesiæ in eminentiam regni evexit, efficere vestris exhortationibus studeatis, ut & ipse à sua super hoc intentione desistat, & contra Deum, contra sacros canones, regiam dignitatis officium, eidem causæ favorem ulterius non impendat: Sed Ecclesiæ Magdeburgensi, sicut & aliis Ecclesiis regni à Deo sibi commissi liberam facultatem, quem voluerint secundum Deum, eligendi relinquat, & electionem ipsam postmodum favore suo, sicut decet maiestatem regiam, prosequatur. Nos enim sic, quod de suprascripto fratre nostro, facere nitimur, videremus ratione fulciri, nec voluntati ejus, nec postulationi vestre duceremus aliquatenus obviandum. Contra Deum autem & sacrorum canonum sanctiones nulli omnino petitioni possumus præbere consensum. Eugenius non solum est observantissimus, sed etiam retinens Sedis Apostolicæ traditionum, quibus docemur, Ecclesiam canone, non proprio motu, jure, non auctoritate regendam esse. Quod & ille Pontifex confirmat in Epistola X. ad Arnoldum Colonienfem Archiepiscopum: Sicut in humani compage corporis naturalis ratio singulis quibuscunque membris ad salutem providens speciales & proprios actus edocet, nobilioribus verò suam dignitatem conservat: Ita in corpore Ecclesiæ Apostolica providentia, secundum sacrorum canonum institutiones

tionem universas regit Ecclesias. Et sanè ignis cum aqua jungeretur facilius, quam canones cum proprio motu, jus cum auctoritate, apud Eugenium jungerentur.

Quinquagesimussecundus est Anastasius IV. qui anno MCLIV. ad gubernandam Romanam Ecclesiam aggressus est, Eugenii vestigiis insistens ita scribit in Diplomate, quo Lateranensium Canonorum regularium statum confirmat: *Aequum ergo est, ac rationale, ut suis unicuique honor Ecclesia ac dignitas conservetur. Et sicut in humani corporis compage naturalis ratio singulis quibusque membris ad salutem providens speciales & proprios alius edocet; nobilioribus verò suam dignitatem conservat: Ita in corpore Ecclesia Apostolica providentia secundum sacrorum institutiones canonum, universas regit Ecclesias, digniores autem & famosiores in sui status prerogativa custodit. Cum igitur Apostolica providentia secundum sacrorum institutiones canonum universas regat Ecclesias, auctoritatem & proprium motum, qui sacrorum institutionibus canonum contrarius est, excludit.*

Quinquagesimustertius est Hadrianus IV. qui anno MCLV. Romanam capessivit Ecclesiam, in Epistola ad Henricum Patriarcham Gradensem: *Apostolica officium dignitatis credita nobis & dispensationis debum utiliter 68 exequi comprobatur, cum collatam unicuique Ecclesia dignitatem provida sollicitudine custodimus, & singulis Ecclesiis jura sua illibata studemus integra custodire. Hoc autem proprio motu & auctoritate non perficitur, sed jure & canone, ut apparet. Cæterum Epistola hæc reperitur, in tomo V. Italiæ sacræ.*

Quinquagesimusquartus est Alexander III. qui anno MCLX. Apostolicum munus obire cepit, in Epistola ad Stephanum Meldensem Episcopum: *Sicut ad officium nostrum pertinet, quæ incongrua sunt, prohibere, ita nobis potissimum convenit, quæ recta sunt, stabilire, & stabilita Apostolica firmitatis presidio roborare. Quæ autem recta sunt, stabiliuntur quidem canone, non proprio motu, qui plerumque canonis opponitur, non auctoritate, quam Gregorius verè magnus Pontifex juri contrarium esse significat.*

Deinde in Epistola ad Pisanum Archiepiscopum, Episcopos & Abbates per Thusciam constitutos: *Nam & hæc verba illa (de inimico superlemnante zizania) sonare videntur, quibus Jeremiam Prophetam, & in eo Evangelicum Sacerdotem instruxit dicens: Dedit verba in ore tuo: Ecce constitui te super gentes & regna, ut velas & destruas & disperdas & dissipas & adifices & plantes. Id autem licet universis Ecclesiarum rectoribus incumbat, multo tamen fortius imminet Romana urbis antistiti, qui à Domino Jesu Christo, ut caput esset Ecclesie, in beato Petro accepit, & de pascendis Dominicis ovibus & fratribus confirmandis expressum & speciale noscitur habuisse mandatum. Inde siquidem est, quod nos licet insufficientes meritis ad providentiam Apostolicæ Sedis & ministerium universalis Ecclesie à Deo, quo ut ipsi placuit 69 disponente vocati, quia in Ecclesia Dei correctione videmus quamplurima indigere tam ad emendanda, quæ digna emendatione videntur, quam ad promulganda, quæ saluti fidelium visa fuerint expedire, de diversis partibus personas Ecclesiasticas, decrevimus evocandas, quarum presentia & consilio, quæ fuerint salubria, statuuntur, & quod bonum, secundum consuetudinem antiquorum Patrum provideatur & firmetur à multis. Quod si particulariter fieret, non facile posset plenum robur habere. Id Alexander III. videtur eo scripsisse consilio, ut proprium motum & auctoritatem, quæ apud Gregorium Magnum juri opponitur, configeret. Quod cum ita sit, Ecclesia in Alexandri sensu, canone, non proprio motu, jure, non auctoritate regenda est.*

Quinquagesimusquintus est Lucius III. qui anno MCLXXXII. Pontificatum suum inchoavit, in Epistola ad Rainaldum Noviomensem Episcopum: *Ex suscepto tenemur administrationis officio ea, quæ juri & rationi ob-*

*fuerint, salubri consilio revocare, ut Apostolici moderaminis auctoritate quassentur, quæ contra statuta juris canonici attentata noscuntur. Sanè multiplici conqueſtione didicimus, quod Decanus & Canonici Ecclesia tua hanc à te licentiam impetrarunt, ut malefactores suos, quos vellent, quando vellent, sine tuo assensu vinculo anathematis inmodarent. Adjectum est insuper, quod quoties eis aliqua injuria vel per te vel per Castellanos, destrisque ministros seu communia inferetur, propria possent voluntate cessare, & totam civitatem subjicere interdicto: Ita & quod Abbatia & parochiales omnes Ecclesie eidem sententia subjacerent. Quia verò memorata licentia est sacris 70 adversa canonibus, & in gravamen innocentium introducta dignoscitur, & in ipsius Dei redundat injuriam, à cujus laudibus hac occasione cessatur, multumque detrimentum animabus fidelium probatur afferre, eam viribus carere decernimus, & Apostolica auctoritate cassamus, cum ipsi Canonici in presentia nostra vel Metropolitanis, vel tui ipsius, aut judicis delegati à nobis suam valeant justitiam obtinere. Alienum quippe ab Ecclesiastica gravitate videtur, & canonicis obviat institutis, ut excommunicandi potestas, quæ de judicio pendet antistitis, in multitudinis ponatur arbitrio, quæ ad hoc aliquoties animositate potius, quam ratione movetur. Quod Rainaldus Noviomenſis Episcopus fecerat, auctoritate, non jure, proprio motu, non canone vel Concilio fecerat. Sed Lucius quidquid, id est, jure non auctoritate, canone, non proprio motu rescindit, & unâ docet regendam esse canone, non proprio motu Ecclesiam.*

Quinquagesimusextus est Urbanus III. qui anno MCLXXXVI. in eminenti Sedis Apostolicæ specula constitutus fuit, in Epistola ad Guillelmum Scotorum Regem: *Cum ex injuncto nobis à Deo administrationis officio ad universas Ecclesias aciem nostra teneamur considerationis extendere, & si qua in eis vel ministris earum irrationabiliter attentata noverimus, ad factum congruum revocare. Quæ attentantur in Ecclesiis, ut Urbanus attentari dicit, non jure, sed auctoritate attentantur. Exinde dum corriguntur, jure, non auctoritate, canone, non proprio motu corriguntur, & ad congruum factum 71 revocantur. Atque ita certa & indubitata est Romanæ Ecclesiæ traditio, quam Romanorum Pontificum verbis exposuimus.*

Quinquagesimuseptimus est Clemens III. qui anno MCLXXXVIII. ad Apostolicæ Sedis fastigium pervenit, in privilegio, quod Præmonstratensium Ordini concessit: *In eminenti Apostolicæ Sedis specula licet immeriti disponente Domino constituti, pro singulorum statu solliciti esse compellimur, & ea tenemur sincere amplecti, quæ ad incrementum religionis pertinent, & ad virtutum spectant ornatum. In Romani Pontificis officio, quod Clemens III. describit, facile concipitur, Ecclesiam jure, non auctoritate, canone, non motu proprio gubernandam esse. Nam si auctoritate & motu proprio regeretur Ecclesia, nec augetur religio, nec virtutes ornatum ullum acquirerent. Res hæc per se ipsa liquet.*

Quinquagesimusextus est Innocentius III. qui anno MCXCVIII. in beati Petri Sede collocatus est, in libri I. Epistola ad Nicolaum Melitensem Episcopum: *Sicut ex officio, quod nobis est divina clementia propitiante commissum, tenemur his, quæ ritè ac secundum formam canonicam peracta esse noscuntur, robur Apostolicæ auctoritatis impertiri, sic ad ea in irritum deducenda, quæ minus licitè noverimus attentata, studium nos convenit & operam impendere diligentem. Ex Apostolicæ Sedis traditione describit munus Pontificium, quo luculenter constat, Ecclesiam jure, non auctoritate, canone, non motu proprio gubernari. Ab Innocentio confirmantur, quæ ritè & secundum canones peracta sunt, & ad canonum formam reducuntur, quæ ab ea uniuscujusque 72 auctoritate & proprio motu deflexerant. In eo totus est Innocentius, ut variæ illius Epistolæ demonstrant. Ad specimen duas adferimus ex libro II. Una est ad Can-*



Cantuariensem Archiepiscopum: *Qua in derogationem sanctorum Canonum attentantur, tanto potius infringi volumus, & carere robore firmitatis, quanto auctoritas universalis Ecclesiae, cui praesidemus, ad id nos provocat & inducit.*

Altera ad Moguntinum Episcopum: *Officium credita nobis administrationis exposcit, ut non solum corrigamus ea, quae perperam fuerint attentata, verum etiam illos, qui contra Ecclesiasticam honestatem & sanctorum Patrum constitutiones temeritatem suam non metuant exercere. Nescio an fingi excogitari-ve possit aliquid, quod reprehensae à Gregorio I. auctoritati, & motui proprio magis repugnet.*

Quinquagesimus nonus est Gregorius IX. qui anno MCCXXVII. Sedi Apostolicae praesse cepit, in libri I. Decretalium tit. VI. cap. LVII. Denique statum generale Concilii, quod electionem decrevit invalidam, cum contra ejusdem Concilii formam in electione peccatur, non debet ad contemptum, & ad alia, quae non sunt de forma, referri: Unde quod ibi dicitur, quod aliter electio celebrata non valeat, ea respicit tantum, quae attentantur contra formam Concilii memorati, non autem alia, quae ponuntur ibidem: Sicut & illud, quod presentibus omnibus, qui debent, volunt, & possunt commodè interesse, haberi debeat in electione processus, ne caetera quae super hoc alibi statuta noscuntur, uno verbo videantur everti. Neque  
73 enim credendum est Romanum Pontificem (qui jura tuetur) quod aliàs excogitatum est multis vigiliis & inventum, uno verbo subvertere voluisse. Uno inquit verbo, quod auctoritatem juri contrariam & motum proprium exprimeret. Hoc, inquit, credendum non est, & cur credendum non sit, rationem adfert peridoneam: Romanus Pontifex jura tuetur. At qui jura tuetur, illa motu proprio subvertet nunquam.

Hinc Gregorius ipse nonus ad Armenorum Regem & Reginam, qui regni sui consuetudines & privilegia confirmari à Sede Apostolica petebant, ea confirmat, sed iis exceptis, quae & auctoritatem & motum proprium vehementer rejiciunt. Adscribo verba: *Vestris supplicationibus inclinati & rationabiles consuetudines vestras in regno Armenia à tempore felicitis recordationis beati Silvestri Papae praedecessoris nostri & sancti Gregorii à Catholicis ejusdem regni, qui contemporanei extitisse dicuntur, inviolabiliter observatas, quae sanctorum Patrum regulis minimè contradicunt, & canonicis non obviant institutis, vobis & per vos eidem regno auctoritate Apostolica confirmamus.*

Sexagesimus est Gregorius X. qui anno MCCXXII. ad Romanam adivit Ecclesiam, in certo quodam privilegio, quod Praemonstratensium Ordini concessit: *In eminenti Apostolica Sedis specula licet immeriti disponente Domino constituti pro singulorum statu solliciti esse compellimur, & ea sincere tenemur amplecti, quae ad incrementum religionis pertinent, & ad virtutum spectant ornatum. Hæc omnia, quae Pontifex ex officio debet exequi, jure & canone ad finem perducere possunt, auctoritate & proprio motu perducere non possunt. Jure  
74 & canone augeri poterit religio, & virtutes ornari: Sed augeri non poterit religio, nec virtutes ornari auctoritate & proprio motu, qui juri & canoni opponitur. Quod cum ita sit, jure & canone, non auctoritate & proprio motu regenda est Ecclesia.*

Sexagesimus primus est Bonifacius VIII. qui anno MCCXCV. ad gradum altioris curae ministerii pervenit. Extrà, de sententia Excommunicationis: *Alma mater Ecclesia nonnulla rationabiliter ordinat, & consulti, quae suadente subditorum utilitate postmodum revocet, & in melius commutat. Hoc autem minimè fit, cum res auctoritate, non jure, proprio motu vel arbitrio, non canone deciduntur.*

Sexagesimus secundus est Pius II. qui anno MCCCLIX. primæ Sedis Episcopus evasit, in Diplomate, quod eodem anno apud Bzovium edidit ad perpetuam rei memoriam: *Cum servare in rebus ordinem atque modum*

*ad Romanum Pontificem maxime pertineat, ordo verò in eo potissimum consideretur, ut secundum suam cuique dignitatem, aut precedant aut sequantur, habita cum venerabilibus fratribus nostris sacrosancta Romana Ecclesia exacta & diligenti deliberatione, auctoritate Apostolica tenore presentium, de eorundem fratrum nostrorum consilio pariter & assensu statuimus, decernimus, & mandamus, ut notariorum nostrorum (quos protonotarios non abs re consuetudo vocat) nullus deinceps Episcoporum, venerando sanctoque ordini tanquam honorabiliorum sese audeat antepone-re. At quandiu vigeat Romanorum Pontificum munus hoc, servare in rebus ordinem atque modum, servare quoque suam cuique dignitatem, tandiu ab Ecclesiæ gubernatione removebitur auctoritas, quæ  
75 apud Gregorium juri & canonibus opponitur. Præterea quamdiu vigeat Pontificum munus istud, tamdiu proprius motus in Ecclesia Dei ignorabitur, cui sacri canones & Sedis Apostolicæ decreta ex iisdem promulgata canonibus postponuntur.*

Deinde in Epistola CCCLXXIV. ad Carolum VII. Galliarum Regem, de Sede Apostolica: *Multa illam circumspicere oportet, multa metiri, ita semper actiones suas dirigere, ut reddere illarum rationem Deo & hominibus possit. Quod si in aliquo præjudicatum tuis juribus putas, parati sumus tua celsitudini justitiam cum omni benignitate administrare.*

Tum in Epistola CCCLXXV. ad eundem Regem: *Non oportebit te diu contendere, si ea petieris quae cum honestate concedere valeamus. Est enim lucrum nostrum cum tibi ceterisque regibus iusta petentibus complacemus. Et paullo post: Quacunque agimus, in justitia trutina suspendimus, & nos nunquam aut odium aut gratia ex recto tramite deturbabit. Et paullo post: Apostolica Sedes est mater & justitia & equitatis. Hæc ex Basilienfi editione anni MDLXI. quam ut correctiorem & hic sequor & in aliis Epistolis meis secutus sum. At quæcunque Pius tam de se, quam de Sede Apostolica proficitur, omnino pugnant cum auctoritate, quæ juri contraria est. Quo ita constituto, Pius in ea est sententia ut putet, Ecclesiam jure, non auctoritate, canone, non proprio motu gubernandam esse. Hæc est idonea, locuples, & certa Romanæ Ecclesiæ traditio, cui in cumulum accedunt tria, quorum unumquodque per se ipsum sufficeret.*

Unum est Romani Pontificis electi professio fidei, 76 quam ille quondam emittebat cum inauguraretur, & quam etiamnum sive dum inauguratur, sive dum ab alia Sede ad Romanam transit, emittere censetur: *In nomine Domini Dei Salvatoris nostri Jesu Christi, &c. Indiit. ill. mense ill. die ill. Ego ill. misericordia Dei presbyter electus, futurusque per Dei gratiam humilis Apostolica Sedis antistes tibi profiteor, beate Petre Apostolorum princeps, cui claves regni calorum ad ligandum atque solvendum in calo & in terra, creator atque redemptor omnium Dominus Jesus Christus tradidit, inquit: Quacunque ligaveris super terram, erunt ligata & in calo, & quacunque solveris super terram, erunt soluta & in calis, sanctæque tue Ecclesiæ, quam hodie tuo praesidio regendam suscepi. Et paullo post: Diligentius autem & vivacius omnia decreta praedecessorum Apostolorum nostrorum Pontificum, quæque vel Synodaliter probata sunt, confirmare & indiminutè servare, & sicut ab eis statuta sunt, in sui vigoris stabilitate custodire, quæque vel quosque condemnarunt vel abdicarunt, simili auctoritatis sententia condemnare, disciplinam & rigorem Ecclesiæ sicut irveni, & à sanctis praedecessoribus meis traditum reperi, illibatum custodire, & indiminutas res Ecclesiæ conservare, & ut indiminuta custodiantur, operam dare, nihil de traditione eorum quæ à probatissimis praedecessoribus meis servata reperi, diminueret vel mutare, aut aliquam novitatem inducere, sed ferventer, ut verè eorum discipulus & sequipeda totis mentibus meis & conatibus, quæ tradita sunt, conservare ac venerari: Si qua verò emerferint contra disciplinam canonicam, emendare, sacrosque canones & constituta Pontificum nostrorum,*

77 nostrorum, ut divina & caelestia mandata custodire, utpote tibi me redditurum sciens de omnibus, qua profiteor, districtam in divino iudicio rationem, ejus locum divina dignatione perago, & vicem intercessionibus tuis adjutus impleo, si prater hac aliquid agere praesumpsero, vel ut praesumatur permisero. Et paullo post ita subscribit: Ego qui supra ill. indignus Presbyter, & Dei gratia electus hujus Apostolica Sedis Romanae Ecclesiae hanc professionem meam, sicut supra continet, faciens, & jurandum tibi corporaliter offerens, tibi beate Petre Apostolorum Princeps, pura mente & conscientia obtuli. Haecenus ex veteri Romanae Ecclesiae Diurno, quod Romae annis superioribus editum est, & captivum ibi detinetur à Curialibus magistris & Inquisitoribus. Nimirum antiquae veritatis lucem ferre non possunt viri in Sedem Apostolicam contumeliosi: In hac autem fidei professione auctoritati, qualem rejicit Gregorius noster, & proprio motui, quo sacris canonibus derogatur, nihil relinquitur, cum omnia in sacros canones, & Sedis Apostolicae decreta ex iisdem promulgata canonibus transcribantur. Pontifices igitur novi cum Romanam Ecclesiam jure, non auctoritate, canone, non proprio motu regendam accipiunt, ii forma facti gregis caeteras Ecclesias pari modo regendas esse significant.

Alterum est Florentinae Synodi decretum, quod circa Romani Pontificis dignitatem & munus ita editum est: Item definimus sanctam Apostolicam Sedem & Romanum Pontificem in universum orbem tenere primatum, & ipsum Romanum Pontificem successorem esse beati Petri Principis Apostolorum & verum Christi Vicarium, totiusque Ecclesiae caput & omnium Christianorum patrem & Doctorem existere, & ipsi in beato Petro pascendi, regendi, ac gubernandi universalem Ecclesiam à Domino nostro Jesu Christo plenam potestatem traditam esse, quemadmodum & in gestis Oecumenicorum Conciliorum, & in sacris Canonibus continetur. Sic legendum est: non verò, quemadmodum etiam in gestis Oecumenicorum Conciliorum, &c. ut Abrahamus Cretensis vertit, & Justinianus subdole retinuit: At legendum est, ut retulimus ex Blondo, qui Eugenii Papae IV. Amanuensis fuit, & relatum à Blondo, in libri III. Decad. x. citant Marcus Vigerius Card. in Decachordo chorda x. Joannes Ekius, in libri II. de primatu Petri capite xxv. Joannes Rossensis in art. xxv. contra Lutheranas Assertiones, & Albertus Pighius in libri IV. de Hierarchia Ecclesiastica capite ultimo. Latinae editioni consentit Græca, ubi sic habetur: καὶ ὁ ἐν Πέτρῳ καὶ ἐν τοῖς ἀποστόλοις τῇ οἰκουμένην συνδεῖν, καὶ ἐν τοῖς ἱερεῖς καθὼς ἐλάμβανεν. Juxta eum modum, qui & in actis Oecumenicorum Conciliorum, & in sacris canonibus continetur. Mutatio particulæ, & in particulam, etiam, pascendæ, regendæ, & gubernandæ Ecclesiae rationem & formam pervertit, & habitas à Patribus pro asserendo primatu disputationes ut invalidas procul amandat. Particula, etiam, regendæ Ecclesiae modum ultra sacros canones & acta Oecumenicorum Conciliorum, de quibus sermo instituitur, protendit: At geminata particula &, &, &, regendæ Ecclesiae modum intra sacros canones & acta Oecumenicorum Conciliorum, de quibus sermo instituitur, coercet, ut aliàs monui in Epistola ad Christophorum Fauvæum Parisiensem Theologum. Jam vel me tacente perspicis Florentinam Synodum eò spectasse maxime, ut Ecclesia jure, non auctoritate, canone, non proprio motu gubernaretur. Siquidem nec in sacris canonibus, nec in actis Oecumenicorum Conciliorum ad quæ Synodus respectum habet, auctoritati & proprio motui quidquam attribuitur, denegantur omnia.

79 Tertium est Sedis Apostolicae Legatorum intercessio, ne in actis Tridentinae Synodi formula hæc, Tridentina Synodus universalem representans Ecclesiam, adhiberetur. Intercessionis causa fuit, quod formulæ genus illud in antiquis Conciliis & canonibus reperiretur nusquam; ut Paulus Suavis & Sforza Pallavicinus ambo referunt in Tridentini Concilii historia: Sic in antiquis Conci-

liis & canonibus reperitur nusquam, illa auctoritate, quæ à Gregorio Papa rejicitur, & proprio motu Ecclesiam regi, vel posse vel debere. Ecclesia ubique jure & canone regitur, eamque Romani Pontifices qui tunc clauerunt regendam esse verbo docuerunt & exemplo.

Nunc reliqua sunt tria, primum, ut unam in Synodum cogamus Pontifices sexaginta duos, quorum sententias in medium adduximus, Pontifices alios, qui oblatam a se beato Petro professionem fidei subscripserunt, Græcos & Latinos Patres Florentini Concilii, cui Eugenius IV. praefuit & consensit, & Sedis Apostolicae Legatos, qui Tridentino Concilio interfuerunt & praefecerunt. Deinde, ut qualis & quanta futura sit Synodus hæc, aliquantisper consideremus; nusquam viâ est talis, nusquam major videbitur. Unicuique Synodo Oecumenicæ, cui Romanus Pontifex per se vel per legatos suos interfuit, unus duntaxat simul & semel interfuit. 80 Huic verò Synodo interfuerunt Romani Pontifices sexaginta duo: Exinde quæ Synodus conflatur ex Romanis Pontificibus sexaginta duobus, ex iis conflatur Pontificibus, quorum alii universalibus praesuerunt Conciliis, alii praesse potuerunt. Sed inter Synodi hujus Pontifices sanctitate, doctrina, & fortitudine Christiana eminent Leo I. Gelasius I. Agapetus I. Gregorius I. Martinus I. Hadrianus I. Nicolaus I. Præterea his sexaginta duobus Pontificibus aggregant sese magno in numero alii, qui sacros canones, & Sedis Apostolicae decreta ex iisdem promulgata canonibus servaturos se protestantur, & jurejurando confirmant: Hinc Florentina Synodus, & Sedis Apostolicae legati Tridentini Concilii praesides memoratis Pontificibus cum junguntur, stupendæ magnitudinis Synodum efficiunt. Tum demum ut observemus, unumquemque Pontificem Romanum tali & tantæ Synodo non posse non subijci. Nam si unusquisque Romanus Pontifex universalibus Episcoporum Conciliis, Nicæno, Constantino-politano, Ephesino, Calchedonenfi, cæteris subijciatur, longè magis subijciatur Concilio, quod penè ex innumerabilibus tunc Romanis Pontificibus, Florentinae Synodi Patribus, & legatis Tridentini Concilii praesidibus coalescit. Quamobrem in hac Synodo de unoquoque Romano Pontifice locuti non possunt non intelligi Athanasius & Augustinus, qui in generalibus Episcoporum Conciliis de eodem Pontifice locuti convenientissimè intelliguntur: Athanasius quidem in Epistola ad Africanos: Sive quis numerum cum numero comparet, tanto major est Nicæna Synodus particularibus Conciliis, quantum totum sui aliqua parte: ὅσον καὶ τὸ ὅλον πλεονεῖ εἰς τὰ μέρη. 81 Augustinus verò in libri II. de Baptismo capite IV. Si autem Concilium ejus (Cypriani) attenditur, huic est universa Ecclesia posterus Concilium proponendum, cujus se membrum esse gaudebat. Nam & Concilia posteriora prioribus apud posteros proponuntur, & universum partibus semper optimo jure praepositur. Unusquisque igitur Romanus Pontifex cum sit magis, ut ita dicam, pars generalis Romanorum Pontificum, Florentinae Synodi Patrum & Tridentinorum legatorum Concilii, quàm generalis Episcoporum tantum Concilii, illi magis adhuc quàm huic Concilio subijciatur, quia, ut ait, Athanasius, totum majus est qualibet sui parte, & universum, ut ait Augustinus, partibus suis semper optimo jure praepositur. Quod non modò tantorum virorum auctoritas, sed etiam communis hominum sensus & intelligentia persuadet.

Hoc tamen non impedit, quo minus Curiales Magistri ac Censores auctoritatem, quam Gregorius Papa sanctissimus repudiat, & motum proprium tueantur, sed aliter atque aliter: Sunt enim, qui tuentur ita ut suis se dictis illaqueent & nobiscum reipsa consentiant. Sunt verò, qui tuentur ita, ut à certa atque explorata Sedis Apostolica traditione, quam per Romanos pontifices sexaginta duos, per eos omnes, qui relatum fidei professionem emisserunt, & sacrorum canonum custodiam jurant,



runt, per Florentinam Synodum & Tridentini Concilii Legatos exposuimus, dissentiant ac perfidiosè deficiant, & eam ob causam nobiscum minimè concordent.

- 82 Prioris generis Magistri ac Censores dicunt, Romanum Pontificem non posse sacros canones, vel Sedis Apostolicæ decreta ex iisdem promulgata canonibus sine evidenti utilitate & urgenti necessitate relaxare, aut si relaxat, graviter peccare, relaxationem tamen prodesse iis quibus conceditur. Sed negant inde sequi Concilium supra Romanum Pontificem esse. Si caperent, omnino sequitur. Quid est enim Concilium supra Romanum Pontificem esse, nisi Romanum Pontificem Concilio subijci, & Concilii legibus teneri? At Romanus Pontifex in sacros canones non peccaret, ut eum peccare posse dicunt, si Concilio canonum auctori non subiceretur, si Concilii canonibus non teneretur.

Deinde qua ratione probant Concilium non esse supra Romanum Pontificem, eadem & probarent Ecclesiam non esse supra Episcopos & generales Episcoporum Vicarios, quia hi Diocesanos Ecclesiæ legibus aliquando solvunt: Scilicet cum illis ægrotantibus permittunt in quadragesima carnem & ova manducare: Sic quoque probarent, Decalogum vel illius auctorem non esse supra privatos homines, quia nonnunquam iis licet Decalogi præceptum aliquod transilire, cum ut vitam propriam defendant ab aggressoribus, hos impunè interficiunt. Cum autem par sit horum omnium ratio, quis non miretur absurdas complexiones, quibus nostri Curiales Magistri sese involvunt, quis non rideat miseras tergiversationes, quibus utuntur, ut fallaciam à dicto secundum quid ad dictum simpliciter committant, & ut Romanum Pontificem in gratiam aliorum peccantem inducant? Quod est ultima linea insulsiatatis.

- 83 Posterioris verò generis Magistri ac Censores audacter pronunciant, Romani Pontificis voluntatem, qualiscunque ea fuerit, esse regulam, qua ejus operationes & actiones dirigantur. Fortasse dices hoc purum putumque commentum esse. Minimè verò. Id planè tradit delectorum Cardinalium & aliorum Prælatorum de emendanda Ecclesia Concilium, quod Paulo III. jubente celebratum est. Concilii verba sunt Paulum III. sic alloquentis.

Beatissime Pater, tantum abest, ut verbis explicare possimus, quam magnas gratias Respublica Christiana Deo Optimo Maximo agere debeat, quod te Pontificem hisce temporibus ac Pastorem gregi suo præfecerit, eamque quam habes mentem dederit, ut minimè speremus cogitatione eas, quas Deo debet, consequi posse. Nam spiritus ille Dei, quo virtus calor firmata est, ut ait Propheta, labantem, imò ferè collapsam in preceps Ecclesiam Christi per te restaurare, & huic ruinæ manum, ut videmus, supponere decrevit, eamque erigere ad pristinam sublimitatem, decorique pristino restituere, certissimam divinam huius sententia conjecturam nos facere valemus, quibus sanctitas tua ad se vocatis mandavit, ut nullius, aut commodi tui, aut cuiuspiam alterius habita ratione tibi significarem abusus illos, gravissimos scilicet morbos, quibus jampridem Ecclesia Dei laborat, & præsertim hac Romana Curia, quibus effectum propè est, ut paulatim ac sensim ingravescantibus pestiferis his morbis magnam hanc ruinam traxerit, quam videmus. Et quoniam sanctitas tua spiritum Dei erudita, qui, ut inquit Augustinus, loquitur in cordibus nullo verborum strepitu, probe noverat, principium horum malorum inde fuisse, quod nonnulli Pontifices tui prædecessores prurientes auribus, ut inquit Paulus Apostolus, COACERVAVÉRUNT SIBI

- 84 MAGISTROS AD DESIDERIA SUA, non ut ab iis discerent, quid facere deberent, sed ut eorum studio & calliditate inveniretur ratio, QUÆ LICERET ID QUOD LIBERET: Inde effectum est, præterquam quod principatum omnem sequitur adulatio, ut umbra corpus, difficillimisque semper fuit aditus veritatis ad aures principum, quod confestim prodirent Doctores, qui docerent, Pontificem esse Dominum beneficiorum omnium, ac idèò cum Dominus

jure vendat, quod suum est, necessariò sequi in Pontificem non posse cadere simoniam. ITA QUOD VOLUNTAS PONTIFICIS, QUALISCUNQUE EA FUERIT, SIT REGULA, QUÆ OPERATIONES EJUS ET ACTIONES DIRIGANTUR: Ex quo proculdubio efficitur, UT QUID QUID LIBEAT ID ETIAM LICEAT. EX HOC FONTE, sancte Pater, tanquam ex equo Trojano irrupere Ecclesiam Dei tot abusus, & gravissimi morbi, quibus nunc conspiciamus eam ad desperationem ferè salutis laborasse, & manasse harum rerum famam ad infideles usque. Hic respectum habet ad id, quod Hadrianus VI. scribit in mandatis, quæ Francisco Cheregato in Germaniam eunti dedit. Scimus, ait, jam aliquot annis in hac sancta Sede multa abominanda fuisse, abusus in spiritualibus, excessus in mandatis, omnia in perversum mutata. Pergit Concilium: CREDAT S.V. scientibus, qui ob hanc præcipuè causam Christianam religionem derident: Adeo ut per nos, per nos, inquit, nomen Christi blasphemetur inter gentes. Igitur non mentior, cum asserui fuisse Curiales Magistros ac Censores, qui quam Gregorius I. auctoritatem & proprium motum ab Ecclesiastica gubernatione rejicit, approbaverunt, & in Pontificum animos instillarunt. Contrà verò Concilium hoc se Curialibus Magistris & Censoribus opponit, & ita pergit: Tu verò, sanctissime Pater, & verè sanctissime, edoctus à spiritu Dei, præter veterem illam tuam prudentiam, cum totus in hanc curam incubueris, ut sanatis ægrotantibus Christi Ecclesia cura tua commissæ bonam valitudinem recuperaret: Vidisti ac probè vidisti, inde incipientem medicationem, unde primum ortus est morbus, secumque doctrinam Apostoli Pauli; VIS ESSE DISPENSATOR, NON DOMINUS, ET FIDELIS inveniri à Domino. Imitatus etiam servum illum quem in evangelio Dominus præfecit familiae suæ, ut det illis in tempore tritici mensuram: ac propterea DECREVISTI NOLLE, QUOD NON LICEAT, NEC VIS POSSE QUOD NON DEBES. Ideoque nos ad te accersivisti, imperitos quidem, ac tam magno negotio impares, non parum tamen affectos, cum honori & gloria sanctitatis tuæ præcipuè instaurationi Ecclesie Christi, ac gravissimis injunxisti, ut omnes hos abusus colligeremus, tibi illos significarem: Obtestatus nos reddidit esse rationem huius negotii nobis demandati Deo Opt. si negligeret ac infideliter ageremus. Hic Concilium occupando id, quod Paulus III. facere jam decreverat, non obscure significat Pontificem hunc velle Ecclesiam non aliter quam canone gubernare. Et quibusdam interpositis, sanctissimum illius consilium ac decretum confirmat: Illud verò ante omnia, beatissime Pater, putamus statuendum esse, ut dicit Aristoteles in Politicis, sicut in unaquaque republica, ita & in hac Ecclesiastica gubernatione Ecclesia Christi hanc præ omnibus legem habendam, ut quantum FIERI POTEST, LEGES SERVENTUR. NEC PUTEMUS NOBIS LICERE DISPENSARE IN LEGIBUS NISI URGENTI DE CAUSA ET NECESSARIA. Nulla namque perniciosior consuetudo in quavis republica induci potest, quam hac legum inobservantia, quas sanctas majores nostri esse voluerunt, earumque POTESTATEM VENERANDAM ET DIVINAM appellarunt. Concilio huic subscribunt Concilii auctores IX. Gaspar Cardin. Contarenus, Joannes Petrus Card. Theatinus, postea Paulus IV. Jacobus Card. Sadoletus, Reginaldus Card. Anglicus, Fredericus Archiepiscopus Salernitanus, Hieronymus Archiepiscopus Brundisinus, Joannes Matthæus Episcopus Veronensis, Georgius Abbas sancti Georgii Vener. Frater Thomas Magister sacri Palatii.

Intelligebant viri prudentes & Romanæ Ecclesiæ traditione instructi, Ecclesiam jure, non auctoritate, canone, non arbitrio proprio regendam esse. Quamobrem mirum nemini videri debet, quod auctoritati & arbitrio proprio adscripserunt, quæcunque mala in Dei Ecclesiam irruerant, & remedium aliud nullum opportunius atque efficacius pestiferæ huic contagioni adhiberi posse affirmant, quam si Ecclesia sacris duntaxat regatur canonibus, nec in iis dispensetur, nisi urgenti de causa & necessaria. Facessant ergo Curiales Magistri ac Censores, qui seorsum ab antiqua Sedis Apostolicæ tradi-

traditione sentiunt, qui rejiciunt Concilium, quod Paulus III. fieri jussit, & quod Paulus IV. approbavit. Ii velint nolint, Sedes prævalebit Apostolica, quæ jure, non auctoritate, & canone, non proprio motu gubernandam esse Ecclesiam toties per rectores suos decrevit. Porro autem tibi ante oculos id semper constituas, quod Pius II. in epistola CCCLXXIV. Basileensis editionis postremæ ad Carolum VII. Galliarum Regem scribit de Sede Apostolica: *Multa, inquit, illam circumspicere oportet, multa metiri, ita semper actiones suas dirigere, ut reddere illarum rationem Deo & hominibus possit.* His enim verbis configuntur hodierni Romanæ Curiae Inquisitores, qui se supra Sedem Apostolicam attollunt. Hæc Sedes sic agit, ut actionum suarum rationem reddere hominibus possit, ac proinde velit: Quia frustra posset, si nollet. Inquisitores verò sic agunt in librorum censura, ut actionum suarum rationem hominibus nolint reddere, ac proinde aliquando non possint, imparati ad satisfactionem utique omni poscenti eos rationem. Quo in eventu cum beato Petro

minimè pareant, nec Sedis Apostolicæ morem sequantur, nihil est admodum, cur reformidentur notæ censoriarum, quibus Parisiensium placita vel libros afficiunt. Sed quia hi libri Sedis Apostolicæ traditionem exhibent, adversa sunt Romano in pectore vulnera, quæ honestant, non turpant. Hoc est amuletum, hæc antidotus, quæ contra prohibitorium indicem uti nos oportet.

Relicta Curia adulatrice, Sedem veneremur suspiriamusque Apostolicam, quæ beatum Petrum sapienter imitatur & subsequitur. Hic enim primus Romanorum Pontifex, ut Chrysostomus homilia III. in Apostolorum acta scribit, *facit omnia ex communi discipulorum sententia, nihil auctoritate sua, nihil cum imperio, sed cum consensu, sed cum apostolicis.* Id Gregorius I. cum inter alia nõsset, argumentum dedit epistolæ, quæ etiam paulo est longior, varia tamen & necessaria (me vide) ejusdem rei narratione poterit identidem otium tuum oblectare. Vale, Lutetiæ Parisiorum x. Calend. Iunii anni M. DC. LXV.

# Joannes Launoïus

## JACOBO MALATESTÆ

*Parisiensi Theologo, sacre Capellæ Regiæ Divionensis Canonico.*

**O**PERÆ PRETIUM esse ducis, quænam fuerit Romanæ Ecclesiæ de Conciliorum necessitate sententia, disquirere; & unâ postulas, ut disquiram & scriptis mandem, quidquid ea super re invenerim. Consilium hoc tuum non potest non laudari. Nam si prima omnium in Ecclesia Dei Sedes judicet, necessaria esse Concilia, tum ad confingendam doctrinæ novitatem, tum ad temperandos Christianorum mores, & ad dijudicandas Episcoporum lites, quis deinceps contrà sentire audeat? Igitur ordior ab initio.

*Testimonium Beati Petri Hierosolymitani Concilii præsidis.*

**I.** Apostoli omnes Actuum cap. xv. Concilium habent, ut ei, quæ Hierosolymis de observandis quibusdam Mosæicæ legis ritibus excitata erat, controversiæ finem imponant. Sed quoniam divino numine impleti homines momenta rerum gerendarum omnia cognoscunt, & propter rem illam habent Concilium, videntur habendi Concilii necessitatem indicare. Quis enim diceret, Apostolos hinc tyrannico terrore oppressos, inde in fundanda ubique gentium Ecclesia occupatissimos id tum fecisse, quod utiliter quidem, sed citra necessitatem ullam fieri potuit? In hoc Concilio cum eximia quadam ratione judex sedeat

**2** Petrus, qui primus Christianorum urbis Romæ pontifex fuit, exinde auctoritatem ordiendi sermonis sumimus. Verba sunt.

*Et quidam descendentes de Judæa, docebant fratres, quia nisi circumcidamini secundum morem Moysi, non potestis salvari. Facta ergo seditione non minima Paulo & Barnabæ adversus illos, statuerunt, ut ascenderent Paulus & Barnabas & quidam alii ex illis ad Apostolos & Presbyteros in Jerusalem super hac questione. Illi ergo deducti ab Ecclesia, pertransibant Phœnicem & Samariam, narrantes conversionem gentium, & faciebant gaudium magnum omnibus fratribus. Cum autem venissent Ierosolymam, suscepti sunt ab Ecclesia, & ab Apostolis & senioribus annumerantes, quan-*

*ta Deus fecisset cum illis. Surrexerunt autem quidam de heresi Pharisæorum, qui crediderunt, dicentes: quia oportet circumcidi eos, præcipere quoque servare legem Moysi: Conveneruntque Apostoli & seniores videre de verbo hoc. Cum autem magna disquisitio fieret, surgens Petrus dixit ad eos: Viri fratres, vos scitis, quoniam ab antiquis diebus Deus in nobis elegit, per os meum audire gentes verbum Evangelii, & credere. Et qui novit corda Deus, testimonium perhibuit, dans illis Spiritum Sanctum, sicut & nobis, & nihil discrevit inter nos & illos, fide purificans corda eorum. Nunc ergo quid tentatis Deum imponere jugum super cervices discipulorum, quod neque Patres nostri, neque nos portare potuimus? Sed per gratiam Domini nostri Jesu Christi credimus salvari, quemadmodum & illi. Tacuit autem omnis multitudo. Et audiebant Barnabam & Paulum narrantes, quanta Deus fecisset signa, & prodigia in gentibus per eos. Et postquam tacuerunt, respondit Jacobus dicens: Viri fratres, audite me. Simon narravit quemadmodum primum Deus visitavit sumere ex gentibus populum nomini suo, & huic concordant verba Prophetarum, sicut scriptum est: Post hæc revertar & reedificabo tabernaculum David, quod decidit, & diruta ejus reedificabo, & erigam illud, ut requirant ceteri hominum Dominum, & omnes gentes, super quas invocatum est nomen meum, dicit Dominus faciens hæc: Notum à sæculo est Domino opus suum. Propter quod ego judico, non inquietari eos, qui ex gentibus convertuntur ad Deum, sed scribere ad eos, ut abstineant se à contaminationibus simulationum & fornicatione & suffocatis & sanguine. Moyses enim à temporibus antiquis habet in singulis civitatibus, qui eum prædicant in Synagogis, ubi per omne sabbatum legitur. Tunc placuit Apostolis & senioribus cum omni Ecclesia eligere viros ex eis, & mittere Antiochiam cum Paulo & Barnabæ Judam, qui cognominabatur Barsabas, & Silam viros primos in fratribus, scribentes per manus eorum: Apostoli & seniores, fratres, his qui sunt Antiochia & Cilicia fratribus ex gentibus salutem. Quoniam audivimus, quia quidam ex nobis euntes, turbaverunt vos verbis, evertentes animas vestras, quibus non mandavimus; Placuit nobis collettis in unum eligere viros, & mittere ad vos cum charissimis nostris Barnabæ & Paulo hominibus, qui tradiderunt*



animas suas pro nomine Domini nostri Jesu Christi. Misimus ergo Judam & Silam, qui & ipsi vobis referent eadem. Visum est enim Spiritui Sancto & nobis nihil ultra imponere vobis oneris, quam hæc necessaria, ut abstinereis  
4 vos ab immolatis simulacrorum, & sanguine & suffocato & fornicatione, à quibus custodientes vos bene ageris. Valete. Illi ergo dimissi descenderunt Antiochiam, & congregata multitudine tradiderunt epistolam. Quam cum legissent, gavisii sunt super consolatione. Judas autem & Silas, & ipsi cum essent Propheta verbo plurimo consolati sunt fratres, & confirmarunt.

Hæc paullo longiora descripsimus, quæ si quis perspiciat & pertinet ex omnibus partibus, observabit sine dubio, de Conciliorum necessitate eo esse differendum modo, quem Synodus V. exponit in collatione VIII. Licet Spiritus Sancti gratia & circa singulos Apostolos abundaret, ut non indigerent alieno consilio ad ea, quæ agenda erant, non tamen aliter voluerunt de eo, quod movebatur, si oporteret gentes circumcidi, definire, priusquam communiter congregati divinarum Scripturarum testimonio unusquisque dicta sua confirmaverunt. Unde communiter de eo sententiam protulerunt ad gentes scribentes: Visum est Spiritui Sancto, & nobis &c. Sed & sancti Patres, qui per tempora in sanctis quatuor Conciliis convenerunt, antiquis Conciliis uentes, communiter de exortis hæresibus & questionibus disposuerunt, certo constituto, quod in communibus disceptationibus cum proponuntur, quæ ex utraque parte discutienda sunt, veritatis lumen tenebras expellit mendacii: NEC ENIM POTEST IN COMMUNIBUS DE FIDE DISCEPTATIONIBUS ALITER VERITAS MANIFESTARI, CUM UNUSQUISQUE PROXIMI ADJUTORIO INDIGET: SICUT IN PROVERBIIS DICIT SOLOMON: FRATER FRATRI ADJUTORIUM PRÆSTANS EXALTABITUR, SICUT CIVITAS MUNITA. His in verbis sunt duo, quæ curiosè ac diligenter animadverti debent: Primum, quod pro dirimenda religionis controversia exemplum Apostolorum proponitur, qui omnes ad dirimendam illam habuerunt Concilium, & communi consensu protulerunt sententiam, & eam ad gentes scripserunt hoc modo: Visum est Spiritui Sancto & nobis: Deinde, quod asseverat Synodus V. in communibus de fide disceptationibus non aliter posse, quam in generali Concilio veritatem manifestari.

Cum igitur Synodus V. Apostolorum exemplum secuta Conciliorum necessitatem asserit, recentiores quidam Theologi non possunt non graviter peccare, qui contrarium docere non verentur. Notasse tamen sufficit, Bellarminum, qui vires omnes in elevandam Conciliorum necessitatem infumit, dissimulare non potuisse, quin ex hoc Actuum loco Conciliorum necessitas probetur. Sic enim scribit in libri I. de Conciliis capite XI. cujus inscriptio est hæc: Concilia Episcoporum aliqua simpliciter esse necessaria. Et quibusdam interpositis: Secundo probari potest ex facto Apostolorum, qui cum possent etiam seorsum singuli definire controversias, tamen ne viderentur negligere medium ordinarium & à Christo ipso demonstratum, non sine Concilio controversiam de legalibus exortam definire voluerunt, Actuum XV.

Sed Joannes Bagotius ejusdem cum Bellarmino Societatis agit multò adhuc sincerius cum in libri IV. institut. Theologicarum disp. III. cap. II. sect. II. probat universalis Concilii necessitatem: Ex facto, inquit, Apostolorum in questione orta inter primos Christianos, an gentiles conversi ad fidem essent obligandi ad legem  
6 Moysi servandam, & ad circumcisionem. Sanè ipse sanctus Petrus Cornelium Centurionem sine tali obligatione baptizaverat: Id ipsum sanctus Paulus asserbat: Neuter tamen, aut ullus Apostolorum questionem voluit solvere, & quid de fide credendum esset definire, nisi habito universalis Concilio, in quo questio diligenter disceptata est non tantum ab Apostolis, sed etiam presbyteris. Res gesta narratur Actuum 15. Nec verò ausim probare, quod ait Bellarminus citatus, singulos Apostolos potuisse sine Concilio rem definire. Cur enim non tantum coactum est Concilium, sed

etiam inquisitio in eo facta esse dicitur, antequam definitur, quid tenendum esset? An simulatè querebant Apostoli, an fingebant se instituire questionem de re, quam jam exploratissimam habebant? Sanè haud scio an ejusdem fictiones prudenter admitti queant: Quasi verò in negotiis Ecclesie tractandis Apostoli ludere voluerint, & prudentes ita esse voluerint, sicut serpentes, ut simplicitatem columbarum neglexerint. Quod verò dicitur Apostolos nihil ad fidei mysteria spectans ignorasse, hoc non impedit, cum Gelasius P. in tomo de anathematis vinculo, in sancto Petro imbecilem inscitiam de ea re & controversia cognoscat ante hoc Concilium, in quo perfectam doctrinam accepit. Quæ de re legatur quæ dixi in hujus disputationis cap. I. Ubi cum quinta Synodus ait Apostolos non indignisse alieno consilio ad ea quæ agenda erant, non contradicit doctrina hujus capituli: Quia aliud est scire, quid sit agendum, aliud sine ullo Concilio quamlibet fidei controversiam definire: Et in eo plena fuit Apostolorum prudentia, quod nihil ea in parte temere agere, & Ecclesie errandi occasionem dare potuerint. Sic auctor diligens cum indissimulabili veritate sibi comparat, quæ  
7 cunque ex Apostolorum facto commoda, utilitates, & prælia comparari possunt.

Quod autem editum est à Concilio decretum, hujus auctorem fuisse Petrum nos docet Hieronymus in epistola XI. inter Augustinianas: Et cum magna super hoc verbo oriretur questio, Petrus solita libertate, Viri, inquit, fratres vos scitis, quoniam ab antiquis diebus in nobis elegit Deus per os meum audire gentes verbum Evangelii & credere, & qui novit corda Deus, testimonium perhibuit, danti illi Spiritum Sanctum, sicut & nobis, & nihil discrevit inter nos & illos, fide purificans corda illorum. Nunc autem quid tentatis Deum imponere jugum super cervicem discipulorum, quod neque patres nostri, neque nos portare posuimus? Sed per gratiam Domini nostri Jesu Christi credimus salvari, quemadmodum & illi. Tacuit autem omnis multitudo, & in sententiam ejus Jacobus Apostolus, & omnes simul presbyteri transierunt. Hæc non debent molestæ esse lectori, sed & illi & mihi utilia, ut probemus, ante Apostolum Paulum non ignorasse Petrum, imò principem hujus fuisse decreti, legem post Evangelium non esse servandam. Et hæc est ratio, cur Concilium hoc in peculiarem Romanæ Ecclesiæ censum, ut jam monuimus, deputemus.

Nunc tenendus est mihi ordo temporis, in quo Romanæ Ecclesiæ traditionem, quæ à Petro incipit, expediam. Pro necessitate illa quam indicavi, Pontificum illius testimonia, prout sese offerent, ex suis fontibus hauriam promiscuè, & recensere fideliter.

#### Testimonium Romani Cleri in Epistola ad beatum Cyprianum.

II. Romanis Pontificibus adscribere non dubito, quod Romanus Clerus de Conciliorum necessitate, in suis ad Cyprianum literis tradit. Neque enim credendum est, Romanum Clerum, Fabiano tunc mortuo, cum Sedes vacaret, Ecclesiæ doctrinam novam intulisse. Sic autem Clerus ille loquitur, cum lapsorum causam tractat. Quamquam nobis differenda hujus rei necessitas major incumbat, quibus post excessum nobilissima memoria viri Fabiani nondum est Episcopus, propter rerum & temporum difficultates, constitutus, qui omnia ista moderetur, & eorum, qui lapsi sunt, possit cum auctoritate & consilio habere rationem: Quamquam nobis in tam ingenti negotio placeat, quod tu ipse tractasti prius, Ecclesiæ pacem sustinendam: Deinde sic collatione consiliorum cum Episcopis, Presbyteris, Confessoribus pariter ac stantibus laicis facta, lapsorum tractare rationem. Perquam enim nobis & invidiosum & onerosum videtur, non per multos examinare quod per multos videatur commissum fuisse, & unam sententiam dicere, cum tam grande crimen per multos diffusum notetur exisse, quoniam nec firmum decretum potest esse, quod non plurimorum videbitur habuisse consensum.

consensum. Aspice totum orbem pene vastatum, & ubique jacere dejectorum reliquias & ruinas. Et idcirco tam grande expeti consilium, quam late propagatum videtur esse delictum. Non sit minor medicina, quam vulnus est; non sint minora remedia, quam funera. Ut quomodo qui ruerunt, ob hoc ruerunt, quod ceca temeritate nimis incauti fuerunt, ita qui hoc disponere nituntur, omni consilio- rum moderamine utantur, ne quid non ut oportet, factum tanquam irritum ab omnibus judicetur. Et quibusdam interpositis: Cujus temperamenti moderamen nos hic tenere quærentes, diu & quidem multi, & quidem cum quibusdam Episcopis vicinis nobis & appropinquantibus, & quos ex aliis provinciis longè positis persecutionis istius ar- duos ejecerat, ante constitutionem Episcopi nihil innovan- dum putavimus, sed lapsorum curam mediocriter tempe- randam esse credimus, ut interim dum Episcopus dari à Deo nobis sustinetur, in suspensio eorum, qui moras possunt dilationis sustinere, causa teneatur. Nescio an ulla sit occasio, in qua Conciliorum necessitas verbis signifi- cantioribus exprimi possit.

### Testimonium Cornelii Papæ.

III. **H**AC imbutus Apostolica traditione Cornelius Papa sic ad Cyprianum scribit, ubi de Con- fessoribus ad unitatem reversis ageretur: Qui cum hac & cætera fuissent exprobrata, ut abolerentur, & de me- moria tollerentur, deprecari sunt. Omni igitur actu ad me perlato placuit contrahi presbyterium. Adfuerunt et- iam Episcopi quinque, qui & hodie præsentis fuerunt, ut firmato consilio quid circa personam eorum observari de- beret, consensu omnium statueretur, & ut motum omni- um & consilium singulorum dignoscere, etiam sententias nostras placuit in notitiam vestri proferri, quin & sub- jectas leges. Hi autem Confessores sunt Maximus, Ur- banus, Sidonius, & Macarius, qui & ad Cyprianum ita scribunt: Certi sumus, frater charissime, te quoque  
10 nobiscum pari voto congaudere, nos habito consilio, uti- litatibus Ecclesiæ & paci magis consulere, omnibus re- bus prætermisissis & iudicio Dei servatis cum Cornelio Episcopo nostro pariter & cum universo Clero pacem fe- cisse.

Hæc est Romanæ Ecclesiæ de Conciliorum necessitate traditio, hæc doctrina, quam Cyprianus duabus in epistolis asserit, & confirmat. Una est ad Antonia- num, in qua quæ Romanus Clerus de illa Concilio- rum necessitate scripserat, repetuntur, & hæc postea Cyprianus adjicit: Ac si minus sufficiens Episcoporum in Africa numerus videbatur, etiam Romam super hac re scripsimus ad Cornelium Collegam nostrum, qui & ipse cum plurimis cœpiscopis habito Concilio, in eandem no- biscum sententiam pari gravitate & salubri moderatione consensit. De quo tibi necesse nunc fuit scribere, ut scias me nihil leviter egisse, sed secundum quod literis meis fueram antè complexus, omnia ad commune consilii nostri consilium distulisse. Altera est ad Stephanum Romanum Episcopum, quæ sic incipit, & rem nostram in ipso aditu spectat: Ad quadam disponenda, & communis consilii examinatione limanda necesse habuimus, frater charissime, convenientibus in unum pluribus Sacerdotibus cogere & celebrare Concilium. Nemo Cyprianum ab Apostolica Romanæ Ecclesiæ traditione distrahet, aut sophistica fraude diluet, quem Bellarminus ipse in tradi- tionis illius testem adducit. In libri 1. de Conciliis capite x1. Sed accedat, inquit, confirmatio ex Patribus. Cyprianus libro 2. Epist. 1. ad Stephanum: Necesse, in- quit, habuimus, convenientibus in unum pluribus sacerdo- tibus cogere & celebrare Concilium.

### Testimonium Julii Papæ I.

IIV. **J**ulius majorum traditionem non deserit, sed ex- emplo suo confirmat: Hic enim anno Christi CCCXLII. cum Athanasii patrocinium suscipit, ea de

causa literas ad Orientales scribit, eosque ad Synodum vocat, aut potius eos jam vocasse dicit: Quid enim est actum dignum offensa, aut qua in re vobis, quibus scripsi, causam succensionis præbui? An quæ adhortati vos sumus, ut ad Synodum occurreretis? Atqui illud potius cum gaudio excipi oportuit. Quis enim bene sentiunt de iis, quæ egerunt, & in quibus ipsi, ut aiunt, iudices fu- ere, non indignanter ferre solent, si quod ab ipsis judica- tum est, ab aliis excutatur; quippe qui secuti sunt ea, quæ ipsi judicaverunt, injusta nunquam fieri posse. Quo- circa Episcopi in magna Synodo Nicæa congregati non sine Dei consilio permiserunt prioris Synodi acta in alia Sy- nodo examinari, ut & illi, qui iudices erant, præ oculis habentes secundum de ea ipsa re iudicium futurum, cum omni diligentia causam expenderent, & illi qui sententiam acceperant, certo agnoscerent, se non per simultatem prio- rum iudicium, sed jure & merito condemnatos esse. Quod si istiusmodi consuetudo olim fuit, ejusque memoria reno- vata est, & scripto prodita in magna Synodo, eamque apud vos valere non finitis, rem indecoram profectò faci- tis. Morem enim qui semel in Ecclesia obtinuit, & à Sy- nodo confirmatus est, iniquum est à paucis abrogari; quin ne hoc quidem concessio quidquam aequi habet vestra offensio. Et post alia:

Scitis autem, dilectissimi, monumenta actorum, ubi una duntaxat pars adfuerit, nullarum virium esse & suspecta  
12 haberi. Nos tamen quamquam ita actum esset, pro re certius cognoscenda, neque vobis, qui contra eum, neque illis, qui pro eo literas misere, præjudicium facientes, co- hortati sumus omnes quotquot scripserant, ut præsentis se iudicio sisterent, quo omnia ad amissum, quia quampluri- mi pro utroque (Athanasio & Marcello) scribunt, in Synodo examinari possent, ne vel innocens condemnatur, aut qui rei sunt, puri habeantur. Et post alia: Nunc autem, quod consentaneum erat respicientes, illis scripsi- mus, qui nos certiores reddiderant, & literas misere. Quod si id vos commoveret, quod illis scripserim, consequens est, ut indignemini quoque, quod illi soli mihi scripserint. Verum in hoc ipsa iusta & rationabilis causa est, dilectis- simi, quam vobis intimandam puto. Nam tametsi solus sim, qui scripsi, non meam tamen solius sententiam, sed omnium Italarum, & omnium in his regionibus Episcopo- rum scripsi. Ego autem nolui omnes scribere, nè à mul- tis onerarentur: Certè ad constitutum tempus convenire Episcopi, & ejus sententia fuere, quam vobis iterum si- gnifico: Quapropter dilectissimi, etiam si solus scribo, scri- bere me tamen communem omnium sententiam vos scire volo. Hæc quidem à nobis adversus non aquas vestrorum hominum, sed injustas & suspectas causificationes dicta sunt. Et post alia: Prorsus ignoro quam ratione facta sunt, quæ facta sunt: Primum enim (si verum dicendum est) non decebat, cum nos ad Synodum celebrandam lite- ras mitteremus, aliquos præoccupare iudicium Synodi: Deinde non decuit novos istos modos contra Ecclesiam in- duci. Ubi enim est Ecclesiasticus canon istiusmodi, aut istiusmodi traditio Apostolica, ut in pace agere Ecclesia & Episcopis concordibus cum Episcopo Alexandria Atha-  
13 nasio immittere Georgium peregrinum & externum homi- nem, neque Alexandria baptizatum, neque plebi cognitum, neque postulatum à presbyteris, eumque Antiochia creare Episcopum, atque inde deducere Alexandriam, non cum Presbyteris, aut Diaconis civitatis, non cum Episcopis Æ- gypti, sed cum militibus? Hæc enim dixere & conquesti sunt, qui huc venerunt. Et post alia: Dico enim & pla- nè protestor, ea quæ à vobis acta sunt, non esse pacis sed schismatis. Non enim solus Athanasius, & Marcellus E- piscopi, cum querimoniis de illius injuriis, sed & plurimi alii Episcopi ex Thracia, Cælosyria, Phœnicia, Palastina huc convenere, Presbyteri item non pauci partim ex A- lexandria, partim aliunde huc ad Concilium occurrerunt: Et coram omnibus Episcopis ibi congregatis inter reliqua dicta sua conquesti sunt, vim & injuriam Ecclesiis illatas esse, suasque Ecclesias eadem, quæ Alexandria, passas esse, & in aliis Ecclesiis similia designata. Et post alia:



O dilecti, non jam ulterius Ecclesie judicia secundum Evangelium, sed vel ad exilium vel ad mortem instituuntur. Nam si, ut dicitis, omnino in culpa fuerunt, oportuit secundum canonem, & non isto modo iudicium fieri. Oportuit scribere omnibus nobis, ut ita ab omnibus quod iustum esset, decerneretur. Episcopi enim erant, qui patiebantur, & non vulgares Ecclesia, quae ista patiebantur, sed quas ipsi Apostoli suamet opera ad fidem instruxerunt. Cur igitur & imprimis de Alexandrina civitate nihil nobis scribere voluistis? An ignari estis hanc consuetudinem esse, ut primum nobis scribatur, ut hinc quod iustum est, definiri possit? Quapropter si isthic huiusmodi suspicio in

14 Episcopum concepta fuerat, id huc ad nostram Ecclesiam referri oportuit. Nunc autem nos, quos certiores minime fecerunt, postquam jam egerint, quod libuit, suffragatores suae damnationis, cui non interfuimus, esse volunt. Non ita se habent Pauli ordinationes, non ita Patres docuerunt, sed factus est & novum studium est. Obsecro vos cum a-lacritate audire, pro publico bono ista scribo. Quae enim accepimus à beato Petro Apostolo, ea vobis significo, non scripturus alioqui, quae nota apud vos esse arbitror, nisi facta ipsa nos conturbassent. Julius hac in epistola semel atque iterum se non suam tantum sed & coacti Romae Concilii sententiam scribere, ait, ne scilicet Orientales putent, Julium sine synodo causam Athanasii iudicasse. Deinde passim significat necessariam esse Synodum, in qua Athanasii & adversariorum causa iudicetur. Tum demum ut Pontifex ostendat se hac in re disciplinam Apostolicam sequi, beatum testatur Petrum, à quo acceperit quae accepit: Sic postrema Iulii verba intelligenda sunt, cum de ipso Athanasii negotio intelligi non possint, etiamsi ad illud accommodentur.

#### Testimonium Liberii Papae.

V. Quam necessaria sint Ecclesiae Concilia; Liberius suis ad Constantium literis demonstrat: Ego, inquit, religiosissime Imperator, tecum, veram pacem requiro, quae non sit verbis composita interna dispositione fallacia, sed praeceptis Evangeliorum rationabiliter confirmata. Non Athanasii tantum negotium, sed multa alia in medium venerant, propter quae Concilium fieri mansuetudinem tuam fueram deprecatus, ut ante omnia, quod specialiter optat, mentis tuae erga Deum sincera devotio

15 cum fidei causa, in qua prima nobis spes est, ad Deum diligenter fuisset tractata, nec eorum, qui nostram circa Deum observantiam mirari debent, possent finiri, & dignum fuerat Dei cultore, dignum est imperio tuo, quod Christi pietate regitur & augetur, specialiter hoc ipsum pro reverentia sanctae religionis, cui prudenter intentus es, clementiam tuam nobis ad hac impetranda prestare. Et post alia: Hac scripta, si Deo debet fidem Theosebius, qui missus fuerat festinans ad Africam, nobis reliquit, quae postea omnia scripta, ne ad impetrandum forte Concilium de essent, Vincentius, qui cum ceteris Legatis missus fuerat, Arelatum pertulit. Videt igitur prudentia tua nihil animam meam introisse, quod Deo servientibus non dignum fuerat cogitare. Testis autem est mihi Deus, testis est tota cum suis membris Ecclesia. Et post alia: Atque ad istud officium, testis est mihi Deus meus, invitum accessi, in quo cupio quidem sine offensa Dei, quamdiu in saeculo fuero, permanere; & nunquam mea statuta, sed Apostolica, ut essent semper firmata & custodita perfecti: secutus morem ordinemque majorum, nihil addidi Episcopatu urbis Romae, nihil minus passus sum; & illam fidem servans, quae per successionem tantorum Episcoporum cucurrit, ex quibus plures Martyres extiterunt, ilibatam custodiri semper exopto. Et post alia: Unde iterum atque iterum mansuetudinem tuam, animum tuum Deo dedicatum rogo per ejus virtutem, qui se in defensione tua quantum sis, universis mortalibus approbavit, habens ante oculos ejus beneficia, qui imperium tuum in omnibus regit: Hac in caeterum Episcoporum diligenter faciat omni cum consideratione tractari, ut pacatis per te Deo favente temporibus tran-

quillitate tua consentiente sic omnia discutiantur, ut quae fuerunt iudicio Sacerdotum Dei confirmata, cum consueverint omnes in expositione fidei, quae inter tantos Episcopos apud Nicaeam, presente sancta memoria Patre tuo, confirmata est, universos consensisse, cum exemplo possent posterum custodiri, ut ipse salvator, qui desuper mentis tuae propositum intuetur, in tanta rerum expeditione lateatur, causam fidei & pacis etiam Reipublica necessitatibus non immerito preposuisse. Ad exorandam igitur mansuetudinem tuam, ut benevolens animo allegationes nostras audire digneris, fratrem & coepiscopum meum, sanctum virum Luciferum cum Pancratio presbytero meo, & Hilario Diacono placuit proficisci, quos credimus de clementia tua ad pacem omnium Catholicarum Ecclesiarum non difficulter posse Concilium impetrare.

Deinde in Dialogo, quem cum Imperatore Constantio habuit: Constantius Imperator dixit. Nos, quoniam Christianus es, & nostrae civitatis Episcopus, faciedum duximus, ut accitum te moneremus, ut nefaria impii Athanasii dementia communionem repudies. Hoc enim rectum esse orbis terrarum censuit, cumque ab Ecclesiastica communione alienum Synodali sententia pronuntiavit. Liberius Episcopus dixit: Iudicia Ecclesiastica, Imperator, summa cum aequitate fieri debent. Quare si pietas tua placet, iudicium constitui jube, & si condemnationem commoverisse videbitur Athanasius, tum in illum juxta Ecclesiastici ordinis formam sententia proferetur. Fieri enim non potest, ut virum condemnemus, de quo à nobis iudicatum non sit. Infra: Liberius. At ego primum generalem fieri posco subscriptionem, quae fides apud Nicaeam exposita confirmetur. Deinde, ut revocatis ab exilio, atque in suas sedes restituis fratribus nostris, si hi qui turbas nunc cuncti in Ecclesiis visi fuerint Apostolica fidei consentire, tum Alexandriam convenientes omnes, ubi & accusatus & accusatores sunt, & defensor eorum, examinata causa sententiam proferamus.

Denique idem apud Athanasium in Epistola ad Solitarios: Ubi cum imperatoris Eunuchus sic loquitur: Profectus igitur Romam spado primum incitabat Liberium, ut contra Athanasium subscriberet, & cum Ariano communicaret. Id enim Imperatorem velle, & pro Imperio jubere. Deinde munera ostentans verbis instabat, manumque Liberii apprehensa ita locutus est: Obtempera regi, & ista accipe. Episcopus contra verbis quarebat, quomodo hoc contra Athanasium posset fieri? Quem enim, inquit, non una, sed jam altera Synodus probè ab omni crimine liberum pronuntiavit, & Romana Ecclesia cum pace dimisit, quomodo poterimus condemnare? Aut quis nos probaret, si quem praesentem dileximus, & habuimus in nostra communione, eundem absentem aversemus? Non ita se habet Ecclesiasticus canon, neque unquam talem à Patribus traditionem accepimus, quam ipsi à beato & magno Apostolo Petro acceperunt. Quod si omnino Imperator curam suam pro Ecclesiastica pace interponere querit, aut si scripta à nobis pro Athanasio deleri jubet, deleantur quoque ea, quae contra illum scripserunt, siquidem deinceps Ecclesiastica Synodus longè à Palatio, ubi nec Imperator praesto est, nec Comes se ingerit, nec iudex minatur, & ubi solus timor Dei ad omnia sufficit, & Apostolorum institutio, ut eo in loco ante omnia Ecclesiastica fides asseratur, quemadmodum à Patribus definitum est in Concilio Niceno.

Quorsum Liberius in his tribus locis nervos omnes industriae suae in eo contendit, ut Concilium fiat? Quorsum ita suppliciter rogat Imperatorem, ut illud celebrari permittat, nisi morem, ut ait, ordinemque majorum securus iudicet, Concilium ad faciendam Ecclesiae pacem maxime necessarium esse? Quorsum ita responderet spadoni, ut respondet, si praeter Ecclesiasticam Synodum aliud putat esse praedium, quo instituta de Athanasio finiantur controversiae? Hic Pontifex, à majoribus per traditionem & traditionis monumenta acceperat, res magnas non nisi in Synodo bene transigi posse.

Testimo-

## Testimonium Damasi Papa I.

VI. **D**amasus Concilium habuit, in quo quid sibi & aliis Patribus videretur de Ariminensi Concilio, ad Illyrici Episcopos rescripsit. Id Theodoretus in libri II. historię capite XVII. tradit his verbis: Quod autem formulam istam (Ariminenſis Concilii) magnopere improbarent Athleta omnes veritatis, atque imprimis Occidentales, testantur, quæ ab his scripta fuerunt ad Illyricos. Scribentium verò princeps fuit Damasus vir plurimisque virtutibus insignis, Romana Ecclesia post Liberium Cathedram sortitus, Scripsere autem cum illo Episcopi nonaginta ex Italia, & Galatia, quæ Gallia nunc vocatur, Roma congregati: Quorum etiam nomina, nisi supervacaneum foret, hic apponerem. Litera verò sunt hujusmodi: Episcopi Roma in sacro Concilio congregati Damasus & Valerianus & ceteri dilectis fratribus in Illyrico, constituimus salutem in Domino. Credimus sanctam fidem nostram in Apostolorum doctrina fundatam, hanc tenere, & hanc populo tradere, quæ à decretis Patrum nulla ratione discrepat, sacerdotes Dei à quibus justum est ceteros erudiri, &c.

Hæ literæ anno M.DCLXII. correctiores prodierunt in Romana Collectione bipartita: Sic autem ibi se habent. Exemplum Synodi habitæ Roma Episcoporum XCIII. ex rescripto Imperiali: Damasus, Valerianus, Vitalianus, Ausidius, Pacianus, Victor, Priscus, Innocentius, Abundius, Theudulus & ceteri, qui ad audiendam causam Auxentii, exponendamque fidem in urbe Roma convenerunt, Episcopis Catholicis per Orientem constitutis in Domino salutem. Confidimus quidem sanctitatem vestram Apostolorum instructione fundatam, eam tenere fidem, eamque plebibus intimare, quæ à majorum institutis nulla ratione dissentiat. Neque enim aliter Dei sentire convenit sacerdotes, quorum pars est ceteros erudire, &c. Et post Epistolæ finem: Explicite hæc Epistola, vel expositio Synodi Romana habitæ sub Damaso Papa, & transmissa ad Orientem, in qua omnis Orientalis Ecclesia facta Synodo apud Antiochiam consona fide credentes, & omnes ita consentientes eidem super-exposita fidei singulis sua subscriptione confirmant.

Damasus quoque Concilium habuit, in quo Apollinarem & illius discipulum Timotheum cum suis hæresibus proſcripsit. Id facile colligitur ex Theodoro in libri V. historię capite X. sic inscripto: Damasi Episcopi Roma Synodica adversus Apollinarem & Timotheum scripta, quam ad Orientales Episcopos misit.

20 Sub finem verò Synodice res est hujusmodi: Timothei ergo abdicacionem quid à me denique requiritis, qui & hic iudicio Sedis Apostolicæ, præſente Petro Alexandrina urbis Episcopo adicatus est una cum magistro suo Apollinare, & in die iudicii debitas penas & supplicia sustinebit. Damasus habuit & aliud Concilium, cujus paulo post Theodoretus meminit: Quin & alia quedam Episcopi in magna Roma congregati adversus diversos hæreses scripserunt, quæ narrationi intexere congruum existimaui. Confessio fidei Catholica, quam Damasus Papa in Macedoniam misit ad Paulinum Episcopum cum esset Thessalonica. Sequitur postea confessio fidei, quæ ab Episcopis Romæ congregatis edita est.

Damasus tam frequentia non celebrasset Concilia, nisi Sedis suæ traditione informatus illa credidisset esse necessaria.

Porro autem ad Damasum referri potest & debet Italiæ Concilium, id est, Ambrosium & ceteros Italiæ antistites in unum collectos, qui Epistola V. ad Theodosium Imperatorem ideo scribunt, ut Nectarius Constantinopolis post Maximum ordinatum loco cedat, aut Romæ super utriusque ordinatione habeatur Concilium: Verba sunt: Nectarium autem cum nuper nostra mediocris Constantinopoli cognoveris ordinatum, coherere communionem nostram cum Orientalibus partibus non videmus. Prasertim cum ab iisdem Nectarius dicitur il-

lico sine communionis consortio destitutus, à quibus fuerat ordinatus. Non mediocris igitur hic scrupulus. Nec quadam nos argit de domestico studio & ambitione contentio, sed communio soluta & dissociata perturbat. Nec videmus eam posse aliter convenire, nisi aut is reddatur Constantinopoli, qui prior est ordinatus, aut certe super duorum ordinatione sit in urbe Roma nostrum Orientaliumque Concilium.

## Testimonium Siricii.

VII. **E**T sanè nisi necessaria esse Concilia, Siricius non opinione solum, sed etiam ad veritatem persuasus fuisset planè, Anyſio & cæteris per Illyricum constitutis Episcopis non scripsisset, quæ sic scripsit. Accepi literas vestras de Bonoso Episcopo, quibus vel pro veritate vel pro modestia nostram sententiam sciscitari voluistis. Sed cum hujusmodi fuerit Concilii Capuensis iudicium, ut finitimi Bonoso, atque ejus accusatoribus iudices tribuerentur, & præcipue Macedones, qui cum Episcopo Thessalonicensi de ejus factis vel cognoscerent, advertimus, quod nobis iudicandi forma competere non posset. Nam si integra esset hodie Synodus, rectè de iis, quæ comprehendit vestrorum scriptorum series, decerneremus. Vestrum est igitur, qui hoc recepistis iudicium, sententiam ferre de omnibus, nec refugiendi vel elabendi, vel accusatoribus, vel accusato copiam dare. Vicem enim Synodi recepistis, quos ad examinandum Synodus elegit. Denique cum Bonosus Episcopus post iudicium vestrum misisset ad fratrem nostrum Ambrosium, qui ejus sententiam consuleret, interdictam sibi Ecclesiam irrumpere, atque ingredi, responsum est ei, quod nihil temerandum foret, sed omnia modeste, patienter, ordine gerenda, neque contra sententiam vestram tentandum aliquid, ut quod videretur vobis justitia convenire, statueretis, quibus hanc Synodus dederat auctoritatem. Ideo primum est, ut ii iudicent, quibus iudicandi facultas est data: Vos enim totius, ut scripsimus, Synodi vice decernitis, nos quasi ex Synodi auctoritate iudicare non convenit. Et post alia, in fine Epistolæ: Legimus etiam & omnia percurrimus, vel de eo, quod fratri nostro & coepiscopo Basilio in consortium regenda Ecclesia datus est Senecio, vel de cæteris, unde vestra normam expectamus sententia. Quid opus esset quæſo hæc omnia scribere, si Concilia non essent necessaria? Si Conciliorum auctoritas Romani Pontificis auctoritate major non esset cum in condendis canonibus, tum in decernendis rebus fidei sine periculo erroris?

## Testimonium Innocentii I.

VIII. **I**nnoctius certior factus eorum, quæ adversus Joannem Chrysostomum commissa fuerant, indignè tulit: Damnavit illa quidem, sed necessarium esse generale Concilium scribit ad Clerum Constantinopolitanum. Epistola est apud Sozomenum in libri IX. hist. capite XXVI. Innocentius Episcopus Presbyteris & Diaconis, universoque Clero ac populo Ecclesie Constantinopolitane, qui subditi sunt Episcopo Joanni, dilectis fratribus salutem. Ex literis charitatis vestra, quas per Germanum Presbyterum & Cassianum Diaconum misistis, tragœdiam malorum quam ob oculos posuistis, anxia sollicitudine cognovi, quantisque miseriis ac difficultatibus istic laboraret fides, lectione sæpius repetita perpexi. Et post alia: Nos enim quantum ad canonum observantiam attinet, illis obsequendum esse scribimus, qui Nicæa determinati sunt, quibus solis obtemperare, & suum suffragium addere Catholica Ecclesia debet. Et paulo post: Sed quodnam remedium hisce rebus in prasenti adferemus? Necessaria erit Synodalis cognitio, quam etiam multo jam antea congregandam diximus. Ea quippe sola est, quæ hujuscemodi procellarum impetus retundere potest. Quam quidem donec consequamur, expedit medelam calamitatis hujus committere voluntati magni Dei ac Christi ejus Domini nostri:



noſtri: Illa univerſis, quæ nunc per invidiam Diaboli ad examen fidelium perturbata ſunt, tranquillitatem dabit. Nihil autem deſperare debemus freri noſtra in Deum fide. At nos quidem multum deliberamus, quonam modo Synodus Oecumenica congregari poſſit, per quam divina voluntate turbulenti iſti motus conſopiri poſſint. Expeſtemus itaque tantisper, ac vallo patientia communiti ſperemus, auxilio Dei cuncta nobis eſſe reſtituenda. Univerſa vero, quæ eos ibi ſufferre dixiſtis, jam amea à coepiſcopis veſtris, qui Romam licet diverſis temporibus convenerunt, Demetrio videlicet, Cyriaco, Euliſio, & Palladio, qui nobiſcum ſunt, diligenti inquiſitione habita cognovimus. Quin autem Conciliorum neceſſitatem penitus ſibi perſuaſerit Innocentius, ſecundum iſta quæ relata ſunt, dubitari merito non poteſt. Huic perſuaſioni nihil deeſt. Quippe ille noverat primæ Sedis ſuæ traditionem eſſe certiffimam.

### Testimonium Celeſtini I.

IX. Celeſtinus cum alia multa, tum maxime duo præſtitit, quibus antiquam Romanæ Eccleſiæ traditionem ſequi ſe luculenter oſtendit. Sic autem illa expeditum imus.

Neftorius Conſtantinopolis Epicoſopus exeunte anno Chriſti ccccxxviii. Mariam non eſſe Deiparam prædicat, nefarios ea de re Commentarios edit, & longè latèſque ſpargit in vulgus: Exportantur Alexandriam, & à Cyrillo loci Epicoſopo confutantur. Neftorius & Cyrillum & Cyrilli admonitionem ſpernit, variisſque probris ubique laceſſendam curat. Hinc cauſæ conſuſus ſuæ ad Celeſtinum ſcribit. Celeſtinus acceptis Neftorii literis Occidentalium Synodum cogit: Neftorii errores communi omnium ſuffragio configit, & Neftorium niſi reſipiſcat intra decem dies abdicandum eſſe decernit. Inde Celeſtinus ad Cyrillum ſcribit, eumque ſuæ & Occidentalium ſententiæ executorem facit. Epistolæ verba ſunt hæc: Quamobrem noſtra Sedis auctoritate adſcita, noſtræque vice & loco cum poteſtate uſus ejusmodi non abſque exquisita ſeveritate ſententiam exequæris, nempe, ut niſi decem dierum intervallo ab hujus noſtræ admonitionis die numerandorum nefariam doctrinam ſuam conceptis verbis anathematizet, eamque de Chriſti Dei noſtri generatione ſidem in poſterum confeſſurum ſe ſpondeat, quam & Romanæ & tua ſanctitatis Eccleſia, & univerſa denique Chriſtianâ religio prædicat, illico ſanctitas tua illi proſpiciat.

Deinde ad Neftorium ſcribit, & literas hoc modo concludit: Apertè igitur hanc noſtram ſcias eſſe ſententiam, ut niſi de Chriſto Deo noſtro ea prædices, quæ Romana & Alexandrina, & univerſalis Eccleſia Catholica tenet, ſicut & ſancta Conſtantinopolitana magna urbis Eccleſia ad te uſque tenuit, & hanc perfidam novitatem, quæ hoc quod venerabilis ſcriptura conjungit, nititur ſeparare, intra decimum diem à primo innoſcentis tibi hujus conventionis die numerandum aperta & ſcripta confeſſione damnaveris, ab univerſalis te Eccleſia Catholica communione dejectum. Quam formam ad te noſtri judicii per memoratam filium Poſſidonium Diaconum cum omnibus chartis ad ſanctum conſacerdotem meum memorata Alexandrina urbis antiſtitem, qui ad nos ſuper hoc plenius retulit, deſtinavimus, ut agat vice noſtra, quatenus ſtatum noſtrum & tibi & univerſis fratribus innoſceat, quia omnes debent noſſe, quod agitur, quoties omnium cauſa tractatur.

Postremò Cyrillus Alexandrinus ad Joannem Antiochenum ſcribens, Romanæ ſeu Occidentalis Synodi mentionem ita facit: Sancta Romana Synodus diſertam ſtatim in illum ſententiam tulit; Quæ de re & ad tuam quoque pietatem perſcripſerit. Horum proinde decreto modis omnibus parendum eſt illis, qui à totius Occidentis communione excidere noluerunt. Et quibuſdam interpoſitis: Jam tua pietatis fuerit, quid in rem futurum ſit,

diligenter expendere. Nos enim quæ illi judicaverunt, ſequi omnino conſtituimus. Sed iterum in Epistoſa Synodica, quam Cyrillus ad Neſtorium miſit: Ecce igitur una cum ſancta Synodo, quæ in magna Romanorum civitate ſanctiſſimo & reverendiſſimo Epicoſopo fratre & commiſtro noſtro Celeſtino præſidente convenit, jam tertio his in literis conteſtabamur & obteſtamur, ut conſilium noſtrum ſecutus, à ſtolidis illis abſurdiſque dogmatibus, quæ ſoves, publicèſque doces, quamprimum deſiſtas. Et poſt alia: Quod ſanè niſi juxta tempus in literis Celeſtini ſacraſſimi reverendiſſimique fratris & commiſtri Romanorum Epicoſopi expreſſum, præſinitumque præſteris, certò ſcias, nullam tibi deinceps cum Epicoſpis, & Sacerdotibus Dei ſortem, nullum ſermonem, nullum denique inter eos locum futurum eſſe. Sic ergo Celeſtinus in damnanda Neſtorii hæreſi ſe geſſit, ut non ſolus, ſed cum Occidentalium Synodo damnaverit. Cyrillus vero cum Celeſtini & Romanæ Synodi ſententiam exequi voluit, ne exequeretur, Theodoſius Imperator obſtitit, ſtatuitque, ut Synodus generalis haberetur. Quæ de re ſic ad Cyrillum ſcribit: Ceterum ante ſanctiſſimam Synodum, communemque ejusdem, quæ de omnibus dabitur, ſententiam, nihil quicquam in ulla re proſus à quoquam privatim innovetur. Omnino autem perſuaſum habemus, neminem ex piſſimis, Deoque devotiſſimis Epicoſpis fore, qui ſimulatiſque rerum Eccleſiaſtiarum cauſa, atque adeo controverſiarum totius orbis gratia noſtra hac ſanctiſſimam Synodum cogi intellexerit, non propter ſit ſtudioſèſque occuſurus. Tunc Celeſtinus cum Theodoſii voluntatem perſpectam atque animadverſam habuit, Legatos ad Synodum generalem, quæ Ephēſi indicta erat, miſit: Tantum abeſt, ut mittere refugeret, aut Romana Synodo proſus finitam eſſe controverſiam cauſaretur. Sed notanda ſunt verba Epistolæ, quam ille Pontifex ad Synodi Patres dedit: Non poterit, inquit, veritas monſtri, cujus in Evangelio iſta ſententia eſt, Ubi duo vel tres congregati fuerint in nomine meo, ibi & ego ſum in medio eorum. Quod cum ita ſit, ſi nec huic tam brevi numero Spiritus Sanctus deeſt, quanto magis eum nunc intereſſe credimus, quando in unum convenit tanta turba ſanctorum? Deinde direximus pro noſtra ſollicitudine ſanctos fratres & conſacerdotes noſtros unanimis nobis & probatiſſimis viros Arcadium & Projectum Epicoſpos & Philippum Preſbyterum noſtrum, qui his, quæ aguntur interfuit, & quæ à nobis antea ſtatura ſunt, exequantur, quibus præſtandum à veſtra ſanctitate non dubitamus aſſenſum, quando id quod agitur, videatur pro univerſalis Eccleſiæ ſecuritate decretum.

Hæc autem cum ita ſint, Celeſtinus ad damnandos Neſtorii errores neceſſariam eſſe Synodum duplici modo teſtatur. Primum quidem cum acceptis à Neſtorio contra Cyrillum literis Romæ Synodum Epicoſporum convocat: Deinde cum ab Imperatore ſuſpenſo Synodi hujus effectu Legatos ad Oecumenicam mittit Synodum, dicitque eam eſſe talem, cui Spiritus Sanctus interſit.

### Testimonium Leonis I.

X. Leo Conciliorum neceſſitatem ita demonſtrat, ut nemo magis. Et primum quidem cum Nicæni canonis v. vindicem & aſſertorem ſe præſtat in Epistoſa iv. ad Epicoſpos Siciliæ capite vii. Quare illud primitus pro cuſtodia concordiffimæ unitatis exigimus, ut quia ſaluberrimè à ſanctis Patribus conſtitutum eſt biſ in annis ſingulis Epicoſporum debere eſſe conventum, terni ſemper ex vobis ad diem tertium Calendarum Octobrium Romam fraterno Concilio ſociandi occurrant, & indiſſimulanter à vobis hac conſuetudo ſervetur. Quoniam adjuvante gratia Dei facilius poterit provideri, ut in Eccleſiis Chriſti nulla ſcandala, nulli naſcantur errores, cum coram beatiſſimo Apoſtolo Petro ſemper in communione tractatum fuerit, ut omnia inſtituta canonumque decreta apud

28 apud omnes Domini Sacerdotes inviolata permaneant. Hac autem qua vobis inspirante Domino insinuanda credidimus, per fratres & coepiscopos nostros Bachillum atque Pascasinum ad vestram volumus notitiam pervenire. Quibus referentibus cognoscamus, quam reverenter à vobis Sedis Apostolica instituta servantur. Quo magis in hæc Pontificis magni verba inspicias, eo magis reperiens conventus istiusmodi necessitatem ab illo exponi: In singulis commatibus necessitas ista repetitur, infigitur, inculcatur. Ubi verò canonum observantiam tam vehementer urget pro concordissimæ unitatis custodia, se canonibus subijci significat, cum ex re ipsa, quæ unicuique ad pectus advolat, tum ex variis epistolarum illius locis, quæ alibi retulimus. Nunc epistolæ primæ ad Episcopos per Campaniam, Picenum, & Thusciam constitutos præfatio sufficit: Ut nobis gratulationem facit Ecclesiarum status salubri dispositione compositus, ita non levi nos merore contristat, quoties aliqua contra statuta canonum Ecclesiasticamque disciplinam præsumpta, vel commissa cognoscimus: Quæ si non qua debemus vigilantia, resicimus, illi, qui nos speculatores esse voluit, excusare non possumus, permittentes sincerum corpus Ecclesia (quod ab omni macula purum custodire debemus) ambientium improba contagione, cum ipsa sibi membrorum per dissimulationem compago non congruat. Non ita loqueretur Pontifex, qui Ecclesiasticis canonibus solum, & non errandi privilegio præditum se arbitraretur. Hoc autem in causa est maxime, cur Conciliorum necessitatem vindicet & confirmet.

Deinde in confutando Eutythis errore, quem præ cæteris aperuit & persecutus est. Eutythes igitur Archimandrita Constantinopolitanus cum Nestorii hæresim percellere conatus est, aliam induxit. Hic monitus à Flaviano Episcopo, ut ab ea spargenda desisteret, desistere noluit; atque eam ob causam in Synodo damnatus est. Leonem appellat, sperans fore, ut Flaviani sententia rescinderetur. Leo ad Eutychem literas dat officii & amoris plenissimas, & in ejus gratiam cum ad Theodosium Imperatorem, tum ad Flavianum Episcopum scribit, acceptamque per libellum Eutythis querimoniam exponit. Flavianus ad Leonem rescribit, causas adfert, propter quas Eutychem Christianorum communione privaverat, & Sacerdotio abdicarat. Tum addit necesse non esse, ut fiat Concilium, & sufficere, si Leo confirmet, quæ in Constantinopolitana Synodo adversus Eutychem gesta fuerant: Commotus itaque, sanctissime Pater, in his omnibus, quæ ab eo præsumpta sunt, & ob ea, quæ in nos & sanctissimam Ecclesiam facta sunt atque fiunt, pro consueta fiducia fiducialiter age, secundum quod Sacerdotio competit, propriamque faciens communem causam & sanctarum Ecclesiarum disciplinam simul decernere damnationem adversus eum regulariter factam, & per propria scripta dignare, confortare autem & pñssimè Christo deditissimi nostri Imperatoris fidem. Causa enim eget solummodo vestro solatio atque defensione, qua debeat consensu proprio ad tranquillitatem & pacem cuncta perducere. Sic enim hæresis, quæ surrexit, & turba, quæ propter eum facta sunt, facillimè destruentur, Deo cooperante per vestras sacratissimas literas. Removebitur autem & Concilium, quod fieri divulgatur, quatenus nequaquam ubique sanctissima turbentur Ecclesia.

30 Leo Flaviano non assentitur, sed apud Imperatorem agit, ut Concilium intra Italiam fiat, & novam interim Eutythis hæresim datis ad Flavianum literis configit. Sic autem Leo ad Theodosium scribit in epistola ix. Pro integritate fidei Catholica Christianum Principem convenit esse sollicitum, & hoc indefessis precibus Divinam misericordiam posco, ut cordi vestro id quod est veritatis inspiret, neque falli vos in aliquo humanarum calliditatum amulatione patiat. A me autem, atque ab omnibus Catholicis sacerdotibus, quæ Evangelica fidei pietas defendat, satis plenè ac lucidè literis meis, quas clementiam vestram jam dudum

per famulum vestrum Epiphanium Tribunum, qui pro hac causa missus est, arbitror vos accepisse. Ratum est nec ambigi potest, hoc nos purissime credere, hoc constanter asserere, quod etiam venerandi Patres quondam apud Nicæam congregati secundum fidem Symboli credendum & confitendum sacratissima auctoritate sanxerint. Nos enim, venerabilis Imperator, sicut Nestorii dogma perversum merito anathematizavimus, ita justè etiam horum impietatem, qui veritatem carnis nostra negant à Domino Jesu Christo susceptam esse, damnamus. Unde si pietas vestra suggestioni ac supplicationi nostra dignetur annuere, ut intra Italiam habere jubeatis Episcopale Concilium, cirò, auxiliante Deo, poterunt omnia scandala, quæ in perturbationem totius Ecclesia sunt commota, resicari. Et paulo post: Data viii. Calend. Junias, Asterio & Protogene viris clarissimis Consulibus. Imperator non intra Italiam, sed intra Asiam Ephesi Concilium indicit: Et Leo ad illud Legatos dirigit tres, Julianum Episcopum, Renatum Presbyterum, & Hilarium Diaconum: Utrumque testatur ipse scribens ad Theodosium in epistola 31 xii. Unde licet Eutythes (quantum gestorum Episcopali ordo patescit) imperite atque imprudenter errare detectus sit, debueritque à sua merito reprobabili persuasione discedere: Quoniam tamen pietas vestra, quæ in honorem Dei religiosissime Catholicam diligit veritatem, apud Ephesum constituit Synodale Concilium, ut imperio seni ea, in qua nimis caligat, veritas innotescat, fratres meos Julianum Episcopum, & Renatum Presbyterum, & filium meum, Hilarium Diaconum misi, qui ad vicem præsentia mea pro negotii qualitate sufficerent. Et post alia: Data Idibus Junii Asterio & Protogene viris clariss. Coss.

Deinde Leo ad Ephesinam Synodum scribit in epistola xv. quid jam in Eutythis causa fecerat, & quæ ratione Legatos suos mittit, his verbis significat. Verum quia etiam talium non est negligenda curatio, pie ac religiose Christianissimus Imperator habere voluit Episcopale Concilium, ut pleniore judicio omnis possit error aboleri, fratres nostros Julianum Episcopum, Renatum Presbyterum, & filium nostrum Hilarium Diaconum, cumque his Dulcitium notarium probata nobis fidei misi, qui vice mea sancto conventui vestra fraternitatis intersint, & communi vobiscum sententia, quæ Domino sunt placitura, constituent, hoc est ut primus pestifero errore damnato, etiam de ipsis, qui imprudenter erravit, restitutione tractetur, si tamen doctrinam veritatis amplectens, sensus hæreticos, quibus imperitia ejus fuerat irretita, plenè apertèque propria voce & subscriptione damnaverit. Quod etiam in libello, quem ad nos miserat, est professus, spondens per omnia nostram securum se esse sententiam. Acceptis autem fratris & coepiscopi 32 nostri Flaviani literis, plenius ad eum de his, quæ ad nos videbatur retulisse, rescripsimus, ut abolito hoc quo inquinatus videbatur, errore, in laudem & gloriam Dei per totum mundum una sit fides, & una eademque confessio. Et paulo post: Data Idibus Junii Asterio & Protogene viris clariss. Coss.

Hic ne tergiversationi & moræ locus ullus detur, prætermittendum non est, Leonem ad Flaviani Constantinopolitani Episcopi magis, quam ad propriam mentem scribere, quæ scribit in epistola xvi. ad eundem Flavianum: Literas tuæ Dilectionis accepi cum gestis, quæ apud nos super fidei questione confecta sunt. Et quia clementissimus Imperator pro Ecclesia pace sollicitius Synodum voluit congregari, quamvis evidenter appareat rem, de qua agitur, nequaquam Synodali indigere tractatu, tamen frater charissime subsecutos esse significo, quos in hac re placuit destinare. Nec necessarium fuit nunc amplius scribi, cum propitio Deo de his, quæ causæ credimus convenire, per ea, quæ ipsi portabunt scripta, sis plenius instruendus. Data 15. Calend. Julii Asterio & Protogene viris clariss. Coss. Ad mentem igitur Flaviani loquitur, cum ait rem de qua agitur, nequaquam Synodali indigere tractatu, qui nempe in Oecumenica Synodo



Synodo fiat, Nam Flavianus (ut mox visum est) putabat configendæ Eutychis hæresi sufficere, si ad Constantinopolitanam Synodum, in qua hæresis hæc confixa fuerat, Leonis consensus & confirmatio accederet. Sed illud Leo persuasum non habuit. Rem enim de qua agitur, Synodali credidit indigere tractatu, quem in Oecumenica Synodo institui ab Imperatore po-  
33 possit. Leonis verba supra retulimus.

Neque verò Leo secum pugnat, cum in epistola xvii. ad Theodosium scribit, quæ sequuntur: *Acceptis clementia vestra literis, & multum universali Ecclesia gaudendum esse propterea, quod Christianam fidem, qua divinitas honoratur & colitur, in nullo dissimilem, in nullo vult esse discordem. Quid enim rebus humanis ad exorandam misericordiam Dei efficacius suffragetur, quam si una gratiarum actio & unius confessionis sacrificium majestati ejus ab omnibus offeratur? In quo Sacerdotum & cunctorum fidelium ita demum erit plena devotio, si in his, quæ per unicum Dei filium Deum verbum pro nostra redemptione sunt gesta nihil aliud sentiantur, quam quod ipse prædicari de se jussit & credi. Unde quamvis ad diem Concilii Episcopalis, quem pietas vestra constituit, occurrere me ratio nulla permittat, cum nec aliqua ex hoc exempla præcesserint, & temporalis necessitas me non patiatur deferere civitatem, præsertim cum tam evidens fidei causa sit, ut rationabilibus causis ab indicenda Synodo fuisset abstinendum: Tamen in quantum Dominus juvare dignatur, meum studium conmodavi, ut clementia vestra statutus aliquatenus pareatur, ordinatis hinc fratribus meis, qui amputandis scandalis pro causa aequitate sufficiant, quique præsentia mea impleant vicem, quia non talis quaestio orta est, unde aut possit, aut debeat dubitari.* Data xii. Calend. Julii Asterio & Protogene viris clariss. Conf. Hæc autem verba: *Præsertim cum tam evidens fidei causa sit, ut rationabilibus causis ab indicenda Synodo (quæ jam indicta fuerat) fuisset abstinendum, sic accipienda non sunt, ut ab indicenda Synodo*

34 prorsus abstinendum fuisset. Minime gentium. Nam Leo Theodosium rogaverat, ut Synodus indiceretur. Sed optabat Pontifex, ut Synodus non tam citò indiceretur. In tam evidenti causa fidei judicabat festinandum esse lentius; idque duabus de causis. Et primam quidem Leo indicat in epistola xviii. ad Pulcheriam Augustam: *Unde multum doleo, multumque contristor, quod hic, qui antea de humilitatis proposito laudabilis videbatur (Eutyches) contra unicam spem nostram, Patrumque nostrorum, vana & nimis perversa audet astruere. Qui cum videret insipientia sua sensum Catholicis auribus displicere, revocare se à sua opinione debuerat, ne ita Ecclesia præfules commoveret, ut sententiam damnationis exciperet. Quam utique si in suo sensu voluerit permanere, nullus poterit relaxare. Sedis enim Apostolicæ moderatio hanc temperantiam servat, ut & severius agat cum obduratis, & veniam cupiat præstare correctis. Et post alia: Ac si ipse, qui in hac tentatione incidit, resipiscat, ita ut quod male senserat, propria voce & subscriptione condemnet, communio illi sui ordinis reformetur. Quod etiam fratri & coepiscopo meo Flaviano me clementia vestra scripsisse cognoscat, & his quos misimus, delegasse, ut venia concedatur, si error aboletur.*

Deinde in epistola xix. ad Julianum Episcopum: *Quia tamen non debemus partes miserationis omittere, congrua moderatione credidimus sentiendum, ut si condemnatus presbyter plena satisfactione corrigitur, sententia, qua obstrictus est, relaxetur. Si verò in eodem insipientia sua luto jacere delegerit, statuta permaneant, & cum eis habeat sortem, quorum est secutus errorem. Sperabat Pontifex* 35 *futurum esse, ut adjutore, auctore, & hortatore se Eutyches tandem resipisceret, & quem animo imbiberat errorem, abjiceret. Nam dilata tantisper Concilii indictione major Eutychi facultas redeundi ad se daretur, & ille minus exasperaretur. Multa sunt istiusmodi, quæ dies mitigare consuevit.*

Altera causa quaeritur ex fidei argumento, quod

tractandum & definiendum est. Hoc autem uti convenienter fiat, ex omnibus provinciis remotissimis & disjunctissimis congregandi sunt antistites, qui brevi tempore vix congregantur.

Cum igitur nefariis artibus Dioscori Ephesina Synodus evasit prædatoria, tunc omnino videbatur necessarium, ut Leo per seipsum faceret, quod per Ephesinam Synodum istam fieri voluerat. Ratus se id facere non posse, non fecit: judicium præoccupavit nihil: sed Imperatorem per literas adjit rogavitque vehementius, ut quicquid Synodus egerat, planè teneatur in suspensio, donec Synodus major altera cogere-  
36 tur. Sic autem Leo scribit in epistola xxv. *Ecce ego, Christianissime & venerabilis Imperator, cum consacerdotibus meis implens erga reverentiam clementia vestra sinceri amoris officium, cupiensque vos placere per omnia Deo, qui pro vobis ab Ecclesia supplicatur, ne ante tribunal Christi Domini rei de silentio judicemur, obsecramus coram unius Deitatis inseparabili Trinitate, qua tali facto laditur, cum ipsa vestri sit custos & auctrix Imperii, & coram sanctis Angelis Christi, ut omnia in eo statu manere jubeatis, in quo fuerunt ante omne judicium, donec major ex toto orbe Sacerdotum numerus congregetur. Nec alieno peccato patiamini vos gravari, quia (quod necesse est nos dicere) veremur, ne cuius religio dissipatur, indignatio provocetur. Præ oculis habete & tota mentis acie reverenter aspiciate beati Petri gloriam & communes cum ipso omnium Apostolorum coronas, cunctorumque Martyrum palmas, quibus alia non fuit causa patiendi, nisi confessio vera divinitatis & vera humanitatis in Christo. Et quibuscumque interpositis rogat iterum, ut illa Synodus altera, quæ congreganda est, intra Italiam congregetur: Cui sacramento (Incarnationis) quia impie nunc à paucis imprudentibus obviatur, omnes partium nostrarum Ecclesia, omnes mansuetudini vestra, cum gemitibus & lacrimis, supplicant Sacerdotes, ut quia & nostri fideliter reclamant, & ejusdem libellum appellationis Flavianus episcopus dedit, generalem Synodum jubeatis intra Italiam celebrari, quæ omnes offensiones ita aut repellat, aut mitiget, ne aliquid ultra sit vel in fide dubium, vel in charitate divisum. Theodosius Leonis preces audit, & Concilium non quidem intra Italiam, sed Nicææ intra Bithyniam cogitur. Tum coactum ibi Concilium iustus de causis Calchedonem transfert, de quo ita scribit Leo in epistola xlii. ad Martianum Theodosii successorem: *Poposceram quidem à gloriosissima clementia vestra, ut Synodum, quam ad reparandam Orientalis Ecclesie pacem a nobis etiam petitam necessariam judicatis, aliquantisper differri ad tempus opportunum juberetis, ut liberioribus ab omni perturbatione animis, hi quoque Episcopi, quos hostilitatis metus detinet, convenirent. Et post alia: Prior itaque Synodus Ephesina Nestorium cum dogmate suo merito justèque damnavit: Et quisquis in illo errore persistit, ad nullum potest spem remedii pervenire. Sequens* 37 *verò in prædicta civitate non potest vocari Concilium, quod in eversionem fidei fuisse constat agitatam, quodque vestra clementia amore veritatis Catholica adfutura, aliud statuendo cassabis, gloriosissime Imperator. Unde per ipsum Dominum nostrum Jesum Christum, qui regni vestri est auctor & rector, obtestor & obsecro clementiam vestram, ut in presenti Synodo fidem, quam beati Patres nostri ab Apostolis sibi traditam prædicarunt, non patiamini quasi ambigam retractari, & quæ olim majorum sunt auctoritate damnata, redivivis non permittatis conatibus excitari. Illudque potius jubeatis, ut antiqua Nicæna Synodi constituta, remota hæreticorum interpretatione permaneant. Nec me quoque (ut voluit vestra clementia) ab illo creditis abesse Concilio, cum in his fratribus, quos direxi, id est, Paschasino, & Lucentio Episcopis, Bonifacio & Basilio Presbyteris, & in fratre meo Juliano, quem eorum volui esse participem, etiam mea sit æstimanda præsentia, &c.* Data vi. Calend. Junii Adelphio viro clariss. Conf.*

Deinde

Deinde in Epistola XLIV. ad eundem Martianum: Synodum verò fieri, ut meminit clementia vestra, etiam ipsi poposcimus. Sed Sacerdotes provinciarum omnium congregari presentis temporis necessitas nulla ratione permittit, quoniam illa provincia, de quibus maxime sunt evocandi, inquietante bello ab Ecclesiis suis eos non patiuntur abscedere. Unde opportuniori tempore propitiante Domino, cum firmiter fuerit restituta securitas, jubeat vestra clementia reservari. De qua re plenius inter cetera apud pietatem vestram poterunt allegare, quos misi. Data V. Idus Junii Adelphio viro clariss. Conf.

Tum in Epistola XLIX. ad eundem Martianum: Credebamus clementiam vestram id desiderio nostro posse præstare, ut presentis necessitate respecta differri ad opportunius tempus sacerdotalem Synodum juberetis, ut vocatis de cunctis provinciis sacerdotibus verè posset esse universale Concilium. Sed quia vos amore Catholica fidei congregationem nunc fieri voluistis, ne devoto obviare viderer arbitrio, fratrem & coepiscopum meum Paschasium de ea provincia, quæ videtur esse securior, evocatum, qui vicem presentia mea possit implere, direxi, Bonifacio fratre nostro & compresbytero sociato, & his, quos antea miseramus, adjunctis, &c. Data VI. Calend. Junii Adelphio viro clariss. Conf.

Denique in Epistola I. ad eundem Martianum: Sanctum clementia vestra studium, quo ad reparationem pacis Ecclesiastica Synodum habere voluistis, adeo libenter accepi, ut quamvis eam fieri intra Italiam poposcissem, & aptius expectari tempus optassem, quo scilicet plurimi posset Episcopi etiam de longinquis provinciis evocari, mox tamen ut mihi pietatis vestra scripta sunt tradita, & Bonifacium de compresbyteris meis ab urbe direxerim, & de Episcopis fratrem meum Paschasium de Sicilia fecerim navigare, qui vicem meam sufficienter implerent, datis per eosdem Epistolis ad eos, qui legationem antè susceperant, ut ipsi quoque prædictis ad implendas partes mea presentie jungerentur. Unde quamvis minus arctus dies Synodo fuerit constitutus, spero tamen adfuturum omnipotentis auxilium, quo omnes valeant ad præfinitum tempus occurrere, & unanimiter cum sancta fraternitatis assensu, quæ universali Ecclesiæ congruant, definire.

Atque hæc sunt, quæ ad damnationem Eutychis Archimandritæ Constantinopolitani pertinent, ubi quæ Conciliorum etiam generalium necessitatem ostendunt, omnia videre est, nec videre esset, si Leo in decernendo errare se non posse, aut se supra Concilium esse crederet. In his Epistolis duo fateri non dubitat; Primum quòd ab Imperatore universalem convocari Synodum poposcit. Deinde, quòd ab eodem Imperatore obtinere non potuit, ut Synodus in tempus opportunius differetur. Atqui duo hæc Synodi necessitatem unicuique vel leviter attendenti obijciunt. Præterea quorsum Pontifex & Synodi convectionem, & illius in aliud tempus eo, quod Imperator præscripserat, commodius dilationem poposcisset, si credidisset tum demum se majori vel certè pari cum Synodo auctoritate id posse decernere, quod à Synodo ipsa decernendum erat? Nonne liberasset se illa vehemènti & toties repetita postulatione, cui Imperator semper restitit, quæ apud Imperatorem locum nullum habuit? Non persuadebat sibi ea præditum se esse potestate, quam hodierni quidam Curiales magistri Romanis Pontificibus attribuunt.

Aliud ex eodem Leone adjungimus, quo necessitas Conciliorum peræquè confirmatur. Priscillianistarum hæresis, quæ pridem extincta fuerat, tunc revirescere & lacertos movere coepit. Turribus Asturicensis Episcopus ad Leonem de tanto malo retulit, scire cupiens, quibus modis amputaretur. Turribii literæ non extant, sed eadem beati Leonis responsione discimus quid illæ continerent. Quam laudabiliter, inquit Leo in Epistola XCIII. præfatione, pro Catholica fidei veritate movearis, & quam sollicitè Dominico gregi devo-

tionem officii Pastoralis impendas, tradita nobis per Dionum tuum fraternitatis tuæ scripta demonstrant, quibus notitia nostra insinuare curasti, qualis in regionibus vestris de antiquis pestilentia reliquiis errorum morbus exarserit. Nam & Epistola sermo & commonitorium series libelli tui textus demonstrant Priscillianistarum scitissimam apud vos recaluisse sentinam. Nihil est enim sordium in quorumque sensibus impiorum, quod in hoc dogma non confluerit: Quoniam de omnium terrenarum opinionum luto multiplicem sibi fecem commiscuerunt, ut soli totum biberent, quicquid aliis ex parte gustassent. Denique si universa hæreses, quæ ante Priscilliani tempus exorta sunt, diligentius retractentur, nullus penitus invenitur error, de quo non traxerit impietas ista contagium. Et post alia: Quia dilectio tua, fideli, quantum potuit, diligentia damnatas olim opiniones decem & septem Capitulis comprehendit, nos quoque strictim omnia retractemus, ne aliquid harum blasphemiarum, aut tolerabile videatur, aut dubium.

Deinde, quia Priscillianistarum dogmata Turribus decem & septem Capitulis comprehenderat, Leo totidem Capitulis ea per Scripturam & traditionem refellit, & subdit postea: Habeatur ergo inter vos Episcopale Concilium & ad eum locum, qui omnibus opportunus sit, vicinarum provinciarum convenient Sacerdotes, ut secundum ea, quæ ad tua consulta respondimus, plenissimo disquiratur examine, an sint aliqui inter Episcopos, qui hujus hæreseos contagio polluantur, à communione sine dubio separandi, si nefandissimam sectam per omnium sensuum pravitates damnare noluerint. Et post pauca: Dedimus itaque literas ad fratres & coepiscopos nostros, Tarraconenses, Carthaginenses, Lusitanos, atque Gallicos, eisque Concilium Synodi generalis indiximus. Ad tuæ dilectionis sollicitudinem pertinebit, ut nostræ ordinationis auctoritas ad prædictarum provinciarum Episcopos deferatur. Si autem aliquid, quod absit, obtiterit, quominus possit celebrari generale Concilium Gallicie, saltem in uno convenient Sacerdotes, quibus congregatis fratres nostri Hydacius & Ceponius imminerebunt conjuncta cum eis instantia tua, quò citius vel provinciali conventu remedium tantis vulneribus adferatur. Præter ista, quibus Conciliorum necessitatem in confutandis hæresibus asserit, etiam postquam Leo hæreses ipsas perculit, & jam ante ipsum, in quibusdam Conciliis perculsæ fuerant, in Epistola hujus præfatione pronuntiat audacter, ex infrequentia Conciliorum hæreses & omne malorum genus in Ecclesia procreari. Ex quo autem, inquit, multas provincias hostilis occupavit irruptio, & executionem legum tempestates interdixere bellorum, ex quo inter sacerdotes Dei difficiles commeatibus, & rari coeperunt esse conventus, invenit ob publicam perturbationem secreta perfidia libertatem, & ad multarum mentium subversionem his malis est incitata, quibus debuit esse correctæ. Non potuit Conciliorum necessitatem magis asserere, ubi res plenissimo examine disquiruntur.

Hic præterire nequeo provincialium Conciliorum necessitatem, quam in Epistola IV. ad Episcopos per Siciliam constitutos capite VII. repetit, & ad quam fortè respicit in præfatione Epistolæ ad Turribium: Quare illud primitus, inquit, pro custodia concordissimæ unitatis exigimus, ut quia saluberrimè à sanctis Patribus constitutum est, binos in annis singulis Episcoporum debere esse conventus, terni semper ex vobis ad diem tertium Calendarum Octobrium Romam fraterno Concilio sociandi occurrant, & indissimulanter à vobis hæc consuetudo servetur. Quoniam adjuvante gratia Dei facilius poterit provideri, ut in Ecclesiis Christi nulla scandala, nulli nascentur errores, cum coram beatissimo Apostolo Petro semper in communione tractatum fuerit, ut omnia instituta, canonumque decreta apud omnes Domini sacerdotes inviolata permaneant. Quot commata, tot pæne sententiæ, quibus & istorum Conciliorum necessitas comprobatur.



## Testimonium Hilari.

XI. **H**IC Pontifex cum Synodum habeat ad afferendos & exequendos Nicæni Concilii canones, qui per sese videntur observantiam sui satis exigere, non potest non esse persuasus, Synodum requiri, cum nova causa vel fidei, vel gravioris cujusdam disciplinæ emergit. Sed audiendus est Hilarius, cum Romanæ Synodo suæ præfatur: *Quoniam religiosus Sancto Spiritu congregante conventus hortatur, ut quæcunque pro disciplina Ecclesiastica necessaria sunt, cura diligentiore tractemus: Si placet, fratres, ea, quæ ad ordinationum tenorem pertinent, juxta divinæ legis præcepta, & Nicænorum canonum constituta, ita adjuvante Domino in omne ævum mansura solidemus, ut nulli fas sit sine status sui periculo, vel divinas constitutiones, vel Apostolica Sedis decreta temerare, quia nos, qui potissimi sacerdotis ad-*  
 43 *ministramus officia, talium transgressionum culpa respiciet, si in causis Dei desides fuerimus inventi, quia meminimus, quod timere debemus, qualiter comminetur Dominus negligentia sacerdotum. Si quidem reatu majore delinquit, qui priori honore perfuitur, & graviora facit vitia peccatorum sublimitas dignitatum. Mox expositis, quæ ad sancendam Ecclesiæ disciplinam pertinent, subjungit: Quod ut deinceps possit tenacius custodiri, si placet, omnes causas & subscriptiones proprias commodate, ut Synodali judicio aditus claudatur illicitis. Quibus verbis adhuc certa quædam Synodalis judicii necessitas importatur. Hic prætermitti non debet, Hilarium non antè Tarraconensis provinciæ antistitibus respondisse, quàm responsum suum communicaverit cum Episcopis, qui ad celebrandum illius natalem diem Romam advenerant. Verba sunt: Lectis ergo in conventu fratrum, quos natalis mei festivitas congregat, literis vestris, quæ de ordinandis Episcopis secundum statuta canonum, vel prædecessorum meorum decreta sunt, prolata sententia gestorum, quæ pariter direximus, tenorem discitis. Quorsum hæc, nisi ut ita fieret, Romanæ Ecclesiæ poposcisset usus & traditio? Unusquisque Pontifex Romanus sibi semper ante oculos statuebat Hierosolymitanum Concilium, quod initio ex Actis Apostolorum retulimus. Regula est, norma, & præscriptio, quam ille sequendam esse credebatur, & sequi se veluti gloriabatur; tantum abest ut negligeret, & sibi soli confideret.*

## Testimonium Felicis III.

44 XII. **F**elix III. antiquam Romanæ Ecclesiæ traditionem duobus modis illustrat. Et primum quidem cum generalia Concilia non semper necessaria esse docet: Tunc videlicet cum damnanda est hæresis, quæ olim à Concilio generali damnata postmodum reviviscit: Sic exceptio firmat regulam in contrarium. Deinde cum Romanus Episcopus, quem Conciliorum generalium executorem esse Felix magnopere contendit, horum Conciliorum decreta exequitur. Alterum ex his duobus in Acacii Constantinopolitani Episcopi historia continetur. Acacius, cujus fortunatiora fuerunt initia, quàm exitus, Eutychianis favebat plurimum, atque eam ob rem pati nolebat, ut qui Episcopi sectatores erant Eutychis, sine generali Concilio judicarentur, aut à sede sua deponerentur. Felix contra præ se ferebat, generale Concilium esse duntaxat necessarium, quando primum exorta hæresis cum suis sequacibus damnatur. Huc spectant tres Felicis Epistolæ, quas Jacobus Sirmondus in Appendice Codicis Theodosiani reposuit.

Una est ad Zenonem Imperatorem, in qua sic habetur: *Quia dum per Synodum Calchedonensem, quam se dudum literis designavi tua clementia venerari, Eutychem atque Dioscorum constet esse damnatos, & eorum sectatores plurimis illarum partium documentis Timotheus*

*& Petrus extitisse monstrantur, atque eorum communionem etiamsi prohibeam secutus Acacius, quos ipse Epistolis suis hæreticos dixerat esse damnatos, sententia illius Concilii convincuntur adstringi, & in ipsorum penam 45 merito recidisse, quorum elegere consortium, sicut in cæteris hæresibus facta semel Synodus abjecti cujuslibet erroris cunctos sequaces consequenter involvit. Quæso igitur, gloriosissime, nec in successoribus refovere judicemur, quod manifestum est in auctoribus fuisse damnatum.*

Altera est ad Flavitam Constantinopolitanum Episcopum, in qua sic etiam habetur: *Non sumus pertinaces, sed dogmata paterna defendimus, quemadmodum etiam tua dilectionis pagina designavit. Zelum pro orthodoxis ostendere nos debemus. Calchedonensi Concilio, quod universalis sanxit & custodit Ecclesia, Eutyches & Dioscorus non probantur esse damnati? An eorum complices Timotheus atque Petrus instructionibus plurimis convenientibus non docentur; sicut hi quoque, quos misit tua dilectio, perviderunt? An eorum communionem frequenter & regulariter interdicens nobis non est secutus Acacius, quos ipse suis Epistolis hæreticos dixerat, olimque damnatos, & malè rursus edificans, quod bene antè ipse destruxerat, secundum Apostolum prævaricator apparuit? Ideoque juxta præfata Synodi tramitem merito illic damnata perfidia parem cuncti subiere vindictam, qui hujus maluerunt esse participes, quemadmodum contra unamquamque hæresim Synodus constituta, cunctos etiam dejecta similes prævaritatis adstringit, ne in successoribus omnino reparandum esset, quod in auctoribus justè monstratur esse prostratum.*

Tertia est ad Vetranionem Episcopum, in qua sic quoque habetur: *In Calchedonensi itaque Synodo, quæ de Concilio Nicæni tenore procedens pro Christiana confessionis integritate servanda tam auctoritate Sedis Apostolicæ, quàm universalis Ecclesia est celebrata consensu, Eutychem atque Dioscorum constat fuisse damnatos; Quorum Timotheus & Petrus extitisse docentur proclaudio sectatores, eorumque se communioni nefarie miscuisse, etiam cum à nobis prohibitus est Acacius, atque ob id ex forma Synodi memorata, similem cunctos, quæ præfixa fuerat prævaritati, damnationis incidisse sententiam, cujus se elegerunt esse consortes. Unde merito prædictus Acacius Apostolica Sedis, quæ nunc executrix utique prædicti Calchedonensis Concilii pro fide Catholica tunc probati non defuit, iterata excommunicatione depulsus est, ne per eum, quod absit, nos quoque reddamus complices perditorum. Et post alia: Quomodo autem Dominus filius noster venerabilis Imperator non hoc sibi judicare possit faciendum, quod cerneret sacerdotem vel facere vel docere? Quapropter adjuncta secum mea prece dilectio tua prædictum Dominum filium nostrum supplicatione quæ potest, & lacrymarum professione deprecetur, ut patienter permittat abscidi, qui nos conturbant, ne in successoribus hæreticorum reparasse videamur, quod in auctoribus eorum certum est fuisse damnatum. Ex his autem tribus Epistolis facile colligitur id, quod proposuimus, pro condemnanda hæresi nova opus esse Concilio, non pro ea, quæ jam condemnata est. Quapropter Felix contendit, alio præter Calchedonense opus non fuisse Concilio, ut Petrus & Timotheus Alexandrini Episcopi, & Acacius Constantinopolitanus Ecclesiastica communione priventur, & de sedibus suis deturbentur. Id verò totum ab Sede Apostolica peractum fuerat ex forma Calchedonensis Synodi, cujus executricem se Sedes Apostolica profertur. Itaque Felix pro condemnando Acacio generalis Concilii necessitatem non aliter excusat, nisi quod damnatorum jam à Calchedonensi Concilio hominum Eutychis & Dioscori consortium elegisset, & quod non nova judicii ratione, sed ex Calchedonensis Concilii forma condemnatis esset. Unde apparet Felicem in alia rerum conditione generalis Concilii necessitatem non excusasse; generale Concilium tunc fuisse necessarium consensisse.*

## Testimonium Gelasii I.

XIII. **G**elasius cum decessore suo rem eandem sapius inculcat, & primum quidem in Epistola IV. seu in Commonitorio ad Faustum fungentem officio Legationis Constantinopoli: Euphemium verò miror, si ignorantiam suam ipse non perspicit, secundum formam Synodi in Chalcedonensis Acacium fuisse damnatum? Nec novit eam, aut se nosse dissimulat, in qua utique per numerosam sententiam Sacerdotum erroris huius auctores constat fuisse damnatos: Sicut in unaquaque heresi à principio Christiana religionis & factum fuisse & fieri manifesta rerum ratione monstratur, decessoremque meum executorem fuisse veteris constituti, non nova constitutionis auctorem, quod non solum præsuli Apostolico facere licet, sed cuicumque Pontifici, ut quolibet & quemlibet locum secundum regulam hæreseos ipsius ante damnata à Catholica communione discernant. Acacius quippe non fuit novi vel proprii inventor erroris, ut in eum nova scita prodirent, sed alieno facinori sua communione se miscuit. Itaque necesse est, ut in illum recideret iusta lance sententia, quam cum suis successoribus per conventum Synodalem suscepit auctor erroris. Et post alia: In hac ipsa causa Timotheus Alexandrinus & Petrus Antiochenus, Petrus, Paulus, Joannes & ceteri, non solum unus, sed plures utique nomen sacerdotii præferentes sola Sedis Apostolica sunt auctoritate dejecti, cuius rei testis etiam ipse docetur Acacius, qui præceptionis huius exitus executor. Quod utique sicut Apostolicam Sedem iuxta formam Synodicam fecisse manifestum est, sic neminem resultare potuisse certissimum. Quoniam igitur non novæ inventor, sed veteris & jam à Concilio generali damnatæ hæreseos sectator fuit Acacius, necessarium non est amplius generale Concilium, à quo ille & configuratur, & de sua fede pellatur. Cum sic disputat Gelasius, non obscure consentit, ad deponendum Acacium necessarium esse generale Concilium, si Acacius novi erroris auctor existeret. Huc spectat tota quanta est Gelasii ratiocinatio.

Deinde in Epistola VIII. ad Anastasium Imperatorem: Proinde cum Chalcedonense Concilium pro fide Catholica atque Apostolica veritate communionisque celebratum damnaverit Eutychem detestandi furoris auctorem, non satis habuit, nisi ut pariter ejus quoque consortem Dioscorum caterosque percelleret. Hoc igitur modo, sicut in unaquaque heresi vel factum semper, vel fieri non habetur ambiguum, successores eorum, Timotheum, Petrum, atque alterum Antiochenum Petrum non virum propter singulos quosque Concilio rursus factos, sed Synodi semel acta regula consequenter elisit. Par est, ut supra disputandi modus, in quo deducitur, necessariam esse Synodum, cum nova damnanda est hæresis, & novi damnandi sunt hæretici.

49 Tum in Epistola XIII. ad Episcopos Dardaniæ: Bona Synodus verèque Christiana semel acta nec potest nec debet novæ Synodi iteratione convelli: sed secundum bene gestam Synodum rectèque præfixam, siquis ab ejus tramite deviavit, consequenter ac sufficienter ejus definitione plectendus, meritoque illius subjacet constitutis, nec opus est per singulos quosque deviantes jureque plectendos novas rursus Synodos introduci, cum ex illius tramite, quæ auctorem cum errore damnavit, quisquis quolibet modo quolibet titulo complex ejusdem fuerit factus erroris, ut ejus se contagione polluerit, competenter & particeps ejusdem damnationis existat, ejusque poenâ puniatur obstrictus, cuius maluit inire consortium. Hic ut antea cum uno in eventu, quem explicat, deprecatur Synodum & recusat, in alio, quem satis intelligendum præbet, Synodum nec deprecaretur nec recusaret: Immo paulo post necessariam esse significat: Nam & quid ageretur de fide Catholica si intelligere voluissent, ignorare non poterant, cum viderant Catholicos Pontifices nulla Synodi discussione, nullo Concilio, cum novas causas esse perpenderent,

toto Oriente depelli. Et post alia: Nova certè erant causa, & his consequenter nova Synodus debebatur.

Hinc in Epistola IX. ad Orientales Episcopos, quam Vir clar. Jacobus Sirmondus edidit in Appendice Theodosiani Codicis: Sed miramur cur eos non pudeat in istorum damnatione de Synodo non facta causari, cum sciant tot, tantosque Pontifices nulla Synodo fuisse depulso. Si in istorum rejectione de non inito Concilio conquerruntur, cognoscant se, cur non & hoc in aliorum rejectione quasiverint, accusari: Si verò in caterorum rejectione Concilia non necessaria fuerunt, nec in istis necessaria fuisse cognoscant. An in Catholicorum dejectione non fuit opus, & fuit magnopere congreganda in prævaricatoris damnatione confessi? Quid igitur restat, nisi ut dicant hæreticos non fuisse? Non ergo de Synodo conquerrantur, qui se palam communionis externa perhibent sectatores? Cur enim eis Synodus necessaria fuisse videatur, nisi contra Chalcedonensem Synodum venire cognoscant, quæ Eutychem error cum auctoribus generali Ecclesiæ voce damnatus est? Nec dubium, quod sicut in unaquaque heresi, quod incessabiliter repetendum est, quia firmum esse nullus ambigit Christianus, omnes complices, sectatores, communicatores damnata semel pravitate pari sorte censentur. Ideoque sit consequens, ut sicut Timotheus atque Petrus talium sectatores, secundum illius tenorem Synodi nulla recenti facta Pontificum congregatione damnati sunt, sic & qui Petro communicavit Acacius, ut criminis particeps, ita confors sit factus & poena. Eadem est semper apud Gelasium disputandi ratio, ac proinde eadem semper deducitur complexio.

Postremo missum facere nequeo locum illum, quem Bellarminus in libri I. de Conciliis capite XI. pro Conciliorum necessitate depromit è tomo de vinculo anathematis: Si præcessit consensus Pontificis, (Episcoporum dicendum fuit) doceatur à quibus & ubi ille sit gestus, si secundum Ecclesiæ regulam celebratus, si paterne traditione profectus, si majorum more prolatus, si competenti examinatione depromptus, ubi proculdubio requirendum est, si Synodali congregatione celebratus, quod in receptione damnati & depulsionem Catholici, quia nova est causa, fieri certissimum est. Quibus ille verbis Conciliorum in Ecclesia necessitatem demonstrare se dicit. Sed præ me fero relata mox Gelasii verba expressiora non esse iis, quæ antea in medium adduximus.

## Testimonium Symmachi.

XIV. **Q**UOD in causa Symmachi ab adversariis injuriosissime tractati factum est, hoc Symmachi testimonium vocamus. Res est hujusmodi. Hic Pontifex Romanas Synodos habuit numero sex. Primam anno CCCXCIX. alteram anno D. tertiam anno DI. quartam DII. quintam DIII. sextam DIV. Tot autem & tam brevi temporis spatio non habuisset Synodos, nisi vel omnes vel certè aliquæ fuissent non utiles modò, sed etiam necessariæ, & cum primis illa, quæ sic præfatur: Sancta Synodus apud urbem Romam ex præcepto gloriosissimi Regis Theodorici, diversis ex regionibus congregata in Christi nomine dixit: Cum ex diversis provinciis ad urbem Romam convenire Sacerdotes regia præcepisset auctoritas, ut de his, quæ venerabili Papæ Symmacho Apostolicæ Sedis præsuli ab adversariis illius dicebantur impingi, sanctum Concilium judicaret legitime. Plures è Clero, Senatoribus, & plebe crimina Symmacho Papæ objiciunt, eumque judicant dignum, qui Sedis Apostolicæ rectione privetur. Privatur, & in ejus locum visitator sufficitur Petrus Altinensis Episcopus. Hinc discussis à Synodo criminibus Symmachus absolvitur, & in Sedem restituitur, hoc adversariis nimirum, pluribus è Clero, Senatoribus, & populo vix patienter ferentibus: Quò factum est, ut necessaria fuerit Synodus, sine qua nec absolutus, nec restitutus fuisset Symmachus; usque adeò Romæ ab omnibus ventis invidiæ circumflabatur. Porro autem cum hac in Synodo



Romanæ Sedis antistes dicitur minorum nunquam subjacuisse judicio; Id quidem in Synodo dicitur, sed de Synodo non dicitur, quæ de Symmachi absolutione & restitutione sententiam tulit. Hoc dictum spectat judicium illorum, Cleri videlicet, Senatorum, & populi, qui objectis Symmacho criminibus eum perperam & contra fas judicaverunt dignum, qui de Romanæ Sedis administratione deiceretur. Quod retro ad beatum Petrum versus nunquam acciderat. Rem latè persequor in Epistola ad Claudium Santeulium.

#### Testimonium Hormisdæ

XV. **P**Ræclarum est in Epistola xxv. ad Episcopos Hispaniæ: De conveniendo bis in anno notum est, canones sanctos constituisse, & præfinitum quidem, si possibile est, inviolabiliter convenit custodiri, sed si aut temporum necessitates, aut emergentes causæ, hoc non patiuntur impleri, semel saltem, quamvis non licuerit, sine ulla excusatione precipimus convenire. Hæc, fratres charissimi, & alia, quæ Patrum regulis continentur, in labiis & in cordibus nostris indivisa retractatione meditemur, & sicut scriptum est, ea narremus filiis nostris, ut ea meditentur in cordibus suis, sedentes in domo, ambulantes in itinere, dormientes atque surgentes, quia beatus in Domino, qui in ejus lege meditabitur die ac nocte. De habendis ut canones præcipiunt Conciliis, aliter loqui non poterat, qui se canonibus subiectum esse noverat. Qua de re cum pluribus in locis, tum maxime in indiculo, quem Ennodio, Fortunato, & aliis Sedis Apostolicæ Legatis Constantinopolim euntibus dedit: Quod ad canones, inquit, pertinet, jam antè suggestimus, canones solvere in religionem committere est. Quis igitur negaret Hormisdam Nicæno parvulæ Concilio, quod canone v. statuit: Annis singulis per unamquamque provinciam bis in anno Concilia celebrari?

#### Testimonium Bonifacii II.

XVI. **B**onifacius congregandarum Romæ Synodorum morem receptum atque inveteratum noverat, cum id fecit, quod illum fecisse Anastasius Bibliothecarius recenset in libro de Vitis Romanorum Pontificum: Hic, inquit, congregavit Synodum in basilica beati Petri Apostoli, & fecit constitutum, ut sibi successorem ordinaret. Quo constituto cum chirographis Sacerdotum, & jurejurando ante confessionem beati Petri Apostoli in Diaconum Vigilium constituit. Eodem tempore facta iterum Synodo hoc censuerunt Sacerdotes omnes propter reverentiam sanctæ Sedis, & quia contra canones hoc factum fuerat, & quia culpa eum respiciebat, ut successorem sibi constitueret, ipse Bonifacius Papa reum se confessus est majestatis, quod Diaconum Vigilium sua subscriptione chirographi ante confessionem beati Petri Apostoli constituisset, ac ipsum constitutum in præsentia omnium Sacerdotum & Cleri & Senatûs incendio consumpsit. Bonifacius in priori Synodo Ecclesiasticæ disciplinæ exemplo pessimo derogaverat, & in posteriori ob Ecclesiasticæ disciplinæ derogationem majestatis reum se agnoscit, & poenitentia sat gravi peccatum emendat, atque emendandi id genus peccati formam sinceri doloris indicem præscribit. Interim in utriusque Synodi congregatione quanta Romæ crederetur Conciliorum necessitas, etiam in iis, quæ ad disciplinam attinent, non obscure significat. Quid autem Bonifacius de convocanda Synodo sensisset in fidei materia, quæ longè ponderosior est ac difficilior ad judicandum, verbis explicare pluribus non est necesse.

#### Testimonium Vigilii

XVII. **H**abetur in Epistola, quam Italiæ Clerici ad Legatos Francorum Constantinopolim euntes miserunt, & qua hortantur, ut Vigilio

Papæ & Datio Episcopo Mediolanensi, qui eadem in urbe ob trium Capitulorum controversiam ab Imperatore Justiniano vexabantur, solatio atque auxilio esse studeant. Italiæ Clericorum verba sunt hæc de Vigilio: Tractatu habito prædictus sanctus Papa Vigilius sub aliqua dispensatione ipsam causam ordinavit, sollicitè monendo, ne per occasionem aliquam supradicta Synodus pateretur injuriæ. Et quamvis nec hoc, quod Papa fecerat, acquieverunt Afri & Illyriciani, atque Dalmata Sacerdotes recipere, tamen capis iterum sæpeditus beatissimus Papa Vigilius ad hoc compelli, ut absolute ipsa Capitula sine Synodi Calchedonensis mentione damnetur: sed Papa non acquiescens hoc facere, & viaens se nimium ingravari, dixit tunc serenissimo Principi, Veniant hic fratres nostri ex omnibus provinciis quini aut seni Episcopi, & quidquid sub tranquillitate tractatu habito omnibus visum fuerit, cum pace disponemus, quia sine consensu omnium ista, quæ & Synodum Calchedonensem in dubium venire faciunt, & scandalum fratribus meis generant, solus facere nullatenus acquiescam. Missi sunt ergo à clementissimo ad Africam & Illyricum, ut venire Episcopi debuissent, sed de Illyrico nullus venire potuit: De Africa vero cum jam aliqui proximare civitati regia dicerentur, dixit Papa Vigilius Principi, ut si ei non sufficeret illud, quod antè decreverat, reddere, & tanquam de novo causa cum his, qui venire nuntiati sunt, tractaretur. Præstitit igitur Deus, ut hac ratione sanctus Papa Vigilium constitutum, quod in ipsa causa fecerat, publice in conventu reciperet, denunciando, quia si quis Græcorum Episcoporum usque ad universalis Concilii tractatum, de istis Capitulis aliquid fecisset, aut facientibus acquieveret, à communionem Sedis Apostolicæ alienus existeret, quoniam frequenter ipsi Græci Episcopi ad voluntatem Principis damnaverant Capitula ipsa: Unde causa mota est, sed beatissimus Papa manus eorum à sacratissimo Imperatore receperat. Occurrunt hic duo, quæ diligenter observentur. In primis Romanus Pontifex declarat, se non posse sine aliorum Episcoporum consensu de tribus Capitulis ferre judicium, si Calchedonensis Concilii tollatur mentio: & quod mireris tu, hoc declarat, etiam si Justinianus Imperator Vigilii definitionem vehementer exigeret, quam suis edictis confirmaret. Deinde rem totam ad universale Concilium remittit, quod finienda quæstioni maxime necessarium esse arbitrat.

#### Testimonium Gregorii I.

XVIII. **G**regorius Conciliorum necessitatem universim pluribus in Epistolis prædicat & magnificat.

I. In libri I. Epistola I. ad universos Episcopos per Siciliam constitutos: Illud quoque fieri debere perspeximus, ut semel per annum ad Syracusanam sive Catanensem civitatem universaliter honore, quo dignum est, sicut eidem iussimus, fraternitas vestra conveniat, quatenus quæ ad utilitatem ipsius provincie Ecclesiarumque pertinent, ad necessitatem pauperum, oppressorumque sublevandam, sive ad monitionem omnium, atque correctionem eorum, quorum excessus contigit demonstrari congrua, cum eodem Petro subdiacono Sedis nostræ, debeatis moderatione disponere. Nicænum canonem quoad ejus fieri potest exequitur.

II. In ejusdem libri Epistola XVI. ad Severum Aquileiensem Episcopum: Pro qua re imminente latore præsentium juxta Christianissimi & serenissimi rerum Domini iussu ad beati Petri Apostoli limina cum tuis sequacibus venire te volumus, ut auctore Deo aggregata Synodo de ea, quæ inter eos vertitur dubietate, quod justum fuerit judicetur. Hæc omni commentario sunt clariora.

III. In libri II. indict. XI. Epistola VIII. ad Natalem Salonitanum Episcopum: Quia ergo non potest quemquam Episcopatus gradu, nisi iustis ex causis concors sacerdotum summovere sententia, hortamur fraternitatem vestram,

vestram, ut prafatum virum ex eodem, in quo detrusus est, ejici faciatis exilio, causamque ejus Episcopali disceptatione perquiri: Quæ scilicet in Concilio fiat Episcoporum.

57 IV. In ejusdem & libri, & indict. Epistola ix. ad Antonium Subdiaconum: Pervenit ad nos, Florentium Epidauriana civitatis Episcopum præceptis prius rebus ejus pro quibusdam non approbatis criminibus sine Sacerdotali Concilio fuisse damnatum. Et quia non debet is penam sustinere canonicam, in cujus damnatione non est canonica prolata sententia, præcipimus experientia tua, ut Natali fratri & coepiscopo nostro debeas imminere, quatenus supradictum virum de eodem ejici faciat, quo nunc dicitur detrusus exilio: Convocatōque Episcoporum Concilio, si hac in quibus accusatus est canonicè fuerint approbata, præfati Natalis & coepiscopi nostri volumus in eum proprium robur obtinere sententiam. Necessariam Concilii celebrationem innuit.

V. In libri iiii. Epistola ix. ad Januarium Caralitani Episcopum: Episcoporum etiam Concilia, sicut tam tua mos dicitur fuisse provincie, quam quod sanctorum canonum auctoritate præcipitur, bis in anno celebrari volumus, ut etsi quis inter eos à sui forma propositi actionis atque morum qualitate discordat, sociali possit fratrum increpatione redargui, & pro securitate commissi gregis animarumque statu paterna valeat circumspectione tractari. Præcipit ut Nicænus Canon v. observetur: Canonem exequitur, ei obsequitur, eoque pacto inferiorem se esse Nicæno Concilio demonstrat.

VI. In libri iv. Epistola xxxviii. ad Joannem Constantinopolitanum Episcopum: Oportet quidem, ut veniant scandala, veruntamen va homini illi per quem scandalum venit. Ecce ex hoc nefando elationis vocabulo Ecclesia scinditur: fratrum omnium corda ad scandalum 58 provocantur. Et post alia: Considerare vos convenit, nequa radix amaritudinis sursum germinans impediatur, & per illam coinquinentur. Quod tamen si considerare negligimus, contra tantæ elationis tumorem judicia superna vigilabunt. Et nos quidem in quos talis tantæque per ausum nefarium culpa committitur, servamus, quod veritas præcipit dicens: Si peccaverit in te frater tuus, vade & corripe eum inter te & ipsum solum: si te audierit, lucratus eris fratrem tuum: Si autem te non audierit, adhibe tecum adhuc unum vel duos, ut in ore duorum vel trium testium stet omne verbum: Quod si non audierit eos, dic Ecclesie: Si autem Ecclesiam non audierit, sit tibi sicut ethnicus & publicanus. Ego itaque per responsales meos semel & bis verbis humilibus, hoc quod in tota Ecclesia peccatur corripere studui. Nunc per meipsum scribo; quidquid facere humiliter debui, non omisi. Sed si in mea correptione despicior, restat, ut Ecclesiam debeam adhibere. Hæc Apostolica traditionis memor. Hoc testimonio universalis Concilii necessitas asseritur.

VII. In ejusdem libri iv. Epistola lxi. ad universos Episcopos Galliarum in Childeberti regno constitutos: Quia igitur unumquodque tunc salubriter complectitur officium, cum fuerit unus, ad quem possit recurri præpositus, idcirco opportunum esse perspeximus, in Ecclesiis quæ sub regno præcellentissimi filii nostri Childeberti Regis sunt, secundum antiquam consuetudinem fratri nostro Virgilio Arelatensis civitatis Episcopo vices nostras tribuere, quatenus & Catholica fidei integritas, id est, sanctarum quatuor Synodorum, Deo protegente, sollicita devotione servetur: Et si inter fratres consacerdotisque nostros aliqua fortè evenerit contentio, auctoritatis sua 59 vigore, vicibus nempe Sedis Apostolica functus discreta moderatione compescat. Cui etiam injunximus, ut si quarundam causarum tale fuerit certamen exortum, in quo aliorum presentia sit opus, congregatis sibi in numero competenti fratribus & coepiscopis nostris, salubriter hoc servata equitate discentiat & canonica equitate definat. Vult igitur ut propter contentionem ejusmodi Synodus habeatur. Sed pergit: Si quam verò contentionem, quod longè faciat divina potentia, de fidei causa eveni-

re contigerit, aut negotium emergerit, cujus vehemens sit fortasse dubietas, & pro sui magnitudine iudicio Sedis Apostolica indigeat, examinata diligentius veritate, relatione tua ad nostram studeat perducere notionem, quatenus à nobis valeat congrua sine dubio sententia terminari. At Sedis Apostolicæ iudicium, de quo sanctus Pontifex loquitur, non est unius Romani Pontificis, sed Concilii, quod in Apostolica Sede congregatur secundum majorum traditionem & consuetudinem.

VIII. In libri v. Epistola xvii. ad Theotistum cognatum Imperatoris: Indicamus itaque vobis Joannem Presbyterum latorem presentium liberum ab his quibus accusatus fuerat extitisse. Cujus fidem factō Concilio subtili examinatione, ut potuimus, perscrutantes nullam in eo culpam prave confessionis invenimus. Concilii necessitas Gregorii factō comprobari potest.

IX. In libri vii. indict. ii. Epistola cxii. ad Siagrium, Ætherium, Virgilium, & Desiderium Episcopos Galliarum: Ne hoc quoque in hac sollicitudinis parte relinquimus, quod de habendis per parochias Conciliis Patrum providentia utilitatis causa sancitum est. Unde 60 nequa inter fratres dissensio, nequa inter præpositos & subiectos sint fomenta discordiæ, in unum convenire Sacerdotes necesse est, ut & de incidentibus causis disceptatio, & sit salubris de Ecclesiastica observatione collatio, quatenus dum per hoc & præterita corriguntur & regulam futura suscipiunt, omnipotens Dominus fratrum concordia collaudetur. Cujus vobis adesse presentiam, si hac observatis, scitote quia scriptum est. Ubi fuerint congregati duo aut tres in nomine meo, ibi sum in medio eorum. Si ergo adesse dignatur, ubi duo vel tres fuerint, quanto magis non deerit, ubi plures convenerint Sacerdotes? Et paulo post: De his itaque, quæ superius dicta sunt, fraternitatem vestram auctore Deo volumus Synodum congregare, atque in ea reverendissimo fratre nostro Siagrio coepiscopo & dilectissimo filio nostro Cyriaco Abbate mediantibus omnia, quæ sanctis canonibus sicut prædiximus, sunt ad-versa, districtè sub anathematis interpositione damnetur. Concilii necessitas inculcatur, & illius auctoritas Scripturæ testimonio corroboratur.

X. In ejusdem & libri & indict. Epistola cxiii. ad Aregium Episcopum: Præterea in ea Synodo, quam contra simoniacam hæresim per fratrem & coepiscopum nostrum Siagrium decrevimus congregari, sanctitatem vestram volumus interesse, atque eidem fratri ita pallium, quod transmisimus tribui, si prius se promiserit illicita, quæ prohibuimus, per definitionem Synodicam à sancta Ecclesia remove. Non juberet Gregorius congregari Concilia, nisi ea non utilia modò, sed etiam necessaria esse crederet.

XI. In ejusdem libri & indict. Epistola cxiv. ad Siagrium Augustodunensem Episcopum: Curam præterea 61 congreganda Synodi, quam vobis atque aliis fratribus nostris pro illicitarum rerum prohibitionem tuendam scripsimus, vestra specialiter sollicitudini noveritis incumbere. Unde quia præcellentissimos filios nostros Francorum Reges magnam vobis novimus dilectionem impendere, omni vos studio, omnique agere annisu necesse est, ut quod de Synodo congreganda mandavimus, fraternitatis vestre diligentia compleatur. Eadem Conciliorum repetitur necessitas.

XII. In libri ix. Epistola xli. ad Virgilium Arelatensem Episcopum: Vel nunc ergo, dilectissime frater, da operam, ut quod à correptione quiescendo in aliis perdidisti, resarcias. & ab hac quos potueris pravitate compescas, atque ut Synodus ad eruendam ipsam hæresim congregari possit, insiste, quatenus cum dilectionis vestra mercede melius ab omnibus caveatur, quod auctore omnium fuerit constitutione damnatum.

XIII. In ejusdem libri Epistola l. ad Ætherium Episcopum Gallie: Quia igitur ad aliorum emendationem promptum cor geritis, & vetustatis malum libera sicut decet voce damnatis, postquam & aliis fratribus coepiscopisque



scopisque nostris ipsa voluntas est, oportet, ut unanimes contra dominicos hostes insurgere & avaritiam de domo Dei Synodali debeatis definitione projicere. Infra: Itaque assidue instantèrque ad congregandam Synodum imminere.

XIV. In ejusdem libri Epistola LI. ad Aregium Episcopum: Unde hortamur ut operam studiosius impendentes, districta inter alia, qua scripsimus, Concilii definitione dammentur.

XV. In ejusdem libri Epistola LIII. ad Theodoricum Regem Francorum: Iterata vos, pro vestra magna mercede, adhortatione pulsamus, ut congregari Synodum jubeatis, & sicut dudum scripsimus, corporalia in sacerdotibus vitia, & Simoniaca hareseos pravitatem omnium Episcoporum definitione damniari.

XVI. In ejusdem libri Epistola LIV. ad Theodebertum Regem Francorum: Itaque excellentia vestra Dei nostri mandatis inhaerens studium ad congregandam Synodum pro sua mercede adhibere dignetur, ut omne à Sacerdotibus corporale vitium, & Simoniaca haresis, qua prima in Ecclesiis iniqua ambitione surrexit, potestatis vestra imminente censura Concilii definitione tollatur.

XVII. In ejusdem libri Epistola LV. ad Clotarium Regem Francorum: Et quia hac simoniaca haresis prima in Ecclesia surgens Apostolorum est auctoritate damnata, petimus, ut pro mercede vestra congregari Synodum faciatis, quatenus omnium sacerdotum definitione compressa & radicitus amputata, nullas illic vires de cetero in periculum animarum inveniat.

XVIII. In ejusdem libri Epistola LVII. ad Brunchildam Reginam Francorum: Facite quod Dei est, & Deus faciat, quod vestrum est. Itaque Synodum congregari precipite, & peccatum simoniaca haresis de regno vestro inter alia, sicut antea scripsimus, definitione Concilii studiosius prohibete.

XIX. In libri XI. Epistola VIII. ad Brunchildam Reginam: Prefati autem viri magnifici filii nostri, dato Capitulari inter cetera petierunt, quod sibi ex vestra perhibere jussione mandatum, ut talis debeat à nobis in Gallicis persona transmitti, que facta Synodo cuncta qua contra sacratissimos canones perpetrantur, omnipotenti Deo auctore possit corrigere. Potuitne Gregorius Conciliorum necessitatem magis inculcare? At in facienda fidei regula, quam in corrigendis fidelium moribus non est minor Conciliorum necessitas.

#### Testimonium Theodori.

XIX. **H**IC Pontifex in Synodica, quam ad Paulum Patriarcham Constantinopolitanum scripsit, Conciliorum necessitatem sic innuit: Quoniam de hoc enixius eum (Christianissimum Principem) per literas nostras poposcimus, ut scilicet saepe dictum Pyrrhum ad hanc Romanam urbem jubeat mitti, quatenus conventu Synodico à nobis effecto pro sua temeritate judicetur. Cur quæso sic scriberet, si Synodicum conventum non esse necessarium putaret?

#### Testimonium Martini I.

XX. **L**uculentum est in Epistola ad Amandum Trajectensem Episcopum: Ideo necesse habuimus, ne pro quadam negligentia & animarum detrimento, qua nobis commissa sunt, culpa reatu adstringamur, cæcum generalem fratrum & coepiscoporum nostrorum in hac Romana civitate congregare, in quorum presentia memoratorum hæreticorum scelerosa conscripta examinata atque denudata sunt, Apostolico mucrone, patrūque definitionibus uno ore, unōque spiritu condemnavimus, ut cognoscentes universi errorem, qui in eis continetur, eorum pollutione nullatenus maculatur. Unde pravidimus volumina gestorum Synodaliū in presenti vobis dirigere unā cum encyclica nostra, ex quorum serie omnia subtiliter potestis addiscere, & tenebras illorum nobiscum ut filii

lucis extinguere. Idcirco studeat fraternitas tua omnibus eadem innotescere, ut tam abominandam hæresim nobiscum execrentur, quāque sua salutis Sacramenta ad discere valeant, atque Synodali conventionem omnium fratrum & coepiscoporum nostrorum partium illarum effecta secundum tenorem Encyclia à nobis directæ scripta unā cum subscriptionibus vestris nobiscum destinanda concelebrent, confirmantes & consentientes eis, qua pro orthodoxa fide & destructione hæreticorum vesania nuper exorta à nobis statuta sunt. Conciliorum necessitas vix decerni potest expressius.

#### Testimonium Agathonis.

XXI. **C**onstantinus IV. Heraclius & Tiberius Imperatores, ut Monothelitarum error supremo damnetur judicio, de congreganda Synodo generali cogitationem susceperunt, & ea de re ad Donum Papam ita scriperunt: Postquam igitur tempus non recipit perfectam congregationem fieri, adhortamur vestram paternam beatitudinem per presentem nostram piam Sacram dirigere viros utiles ac modestos, notitiam habentes totius à Deo inspirata doctrina, & peritiam irreprehensibilem habentes dogmatum, indutos personam vestra Apostolica Sedis, ejusque Concilii deferentes & libros, qui oportent proferri, & omnem auctoritatem habentes, quatenus convenientes cum hic posito sanctissimo ac beatissimo Patriarcha, & Macario sanctissimo Patriarcha Theopolitana civitatis perscrutentur cum omni mansuetudine & modestia & per gratiam Sancti Spiritus veritati insistere & consentire, munitionem habentibus eis, qui huc adven-  
65 rint ex parte Sedis vestra per presentem nostram piam Sacram. Et paulo post: Invitare enim & rogare ad omnem commendationem & unitatem omnium Christianorum; Necessitatem verò inferre nullatenus volumus: Personas verò qua dirigentur à paterna vestra beatitudine, ita decernat: Ex vestra quidem sancta Ecclesia (si utique videtur ei) ires persona sufficient. Quod & si plures, quanta ei placuerint, dirigat. De Concilio verò usque ad duodecim Metropoles & Episcopos: De quatuor verò Monasteriis Bixacenis ab unoquoque monasterio Monachos quatuor. Nam si reciperet tempus, ut dictum est, perfectam congregationem siudissemus facere, sed quoniam tempus non admittit, Deus autem noster proprio consilio prouult, quod nos differebamus in hoc tempore, per omnia volumus vestram paternam beatitudinem minime effici impedimentum voluntati Dei, sed eos dirigere. Sic enim speramus in ejus benignitate, quoniam qui voluerit hujusmodi Capitulum moveri in presenti, per Spiritum Sanctum concedere habet, ut veritas clareat, & instruantur omnes sine schismate atque contentione veritatem proferri, & uno ore, atque corde glorificare nos omnes ejus bonitatem. Interim dum hæc aguntur, Donus vitam cum morte commutat. Huic succedit Agatho, qui Constantini & aliorum Imperatorum Epistolam accepit: Nec generalem Synodum ob id deprecatur, quod plures Synodi pluribus jam in locis habitæ & cum primis Romana seu Lateranensis Episcoporum centum quinque Monothelitarum errorem confixissent. Neque etiam adfert, generalem Synodum minùs esse necessariam, sed potius lubenter transit in sententiam Imperatorum, qui  
66 generalem Synodum necessariam esse judicant, quod facile colligitur, ex Epistola, quam Agatho ad Constantinum & Imperatores alios scribit: His itaque, mansuetissimi rerum Domini, Divalibus apicibus animatus, & ad spem consolationis de profundis angoribus alleviatus, orsus sum meliori resecutus confidentia paulatim iis, qua per mansuetissima fortitudinis vestra Sacram dudum præcepta sunt, efficaciter promptam obsequentiam exhibere, ut personas, quales secundum temporis hujus defectum, ac servilis provincia qualitatem poterant inveniri, pro obedientia satisfactione inquirerem, & cum consilio confamiliorum meorum Episcoporum tam de propinqua hujus Apostolica Sedis Synodo, quàm de familiari Clero amatores Christiani

Christiani Imperii, & sequenter de religiosis servis Dei, ut ad piissimam tranquillitatis vestra vestigia properarent, hortaretur. Et nisi longus provinciarum ambitus, in quibus humilitatis nostra Concilium constitutum est, tanti temporis protelationem ingereret, olim hoc, quod vix tandem nunc fieri potuit, studiosa obedientia noster famulatus impleveret. Sed dum de diversis provinciis familiare nobiscum Concilium congregatur, & dum personas quasdam quidem de hac servili vestri serenissimi principatus Romana urbe, vel de proximo dirigere procuramus, quasdam de longe positis provinciis, in quibus verbum Christianae fidei ab Apostolis exiguatatis mea praedecessoribus missi predicabant, remeare praestolamur, non parvus temporum cursus elapsus est, ut corporales aggritudines mei famulatus silentio transeam, quibus nec venire licet nec libet assiduis agrimoniis laborantem, ideoque Christianissimi Domini & filii secundum piissimam jussionem à Deo protegentia mansuetudinis vestra pro obedientia, quam debuimus, non pro confidentia eorum scientia, quos dirigimus, praesentes confamilios nostros Abundantium, Joannem, & Joannem reverendissimos fratres nostros Episcopos, Theodorum & Georgium dilectissimos filios nostros Presbyteros cum dilectissimo filio Joanne Diacono, & Constantino Subdiacono sancta hujus spiritualis matris Apostolicae Sedis, necnon & Theodorum Presbyterum Legatum sanctae Ravennatis Ecclesiae, & religiosos servos Dei Monachos cum supplici cordis devotione curavimus demandare.

Deinde in ejusdem Agathonis Epistola Synodica, quae inscribitur: Piissimis Dominis, &c. Constantino, Heraclio, &c. Agatho Episcopo servus servorum Dei cum universis Synodis subjacentibus Concilio Apostolicae Sedis. Et aliquantò post initium: Cujus votum, quia ex Deo est, à Deo perficitur, ut & veritas adhuc in ancipiti posita clareat, & eam sinceriter amplectentibus robur accrescat, & rixariorum genimina spirituali falce, ut offensionis ac deceptionis occasio de medio Christi Ecclesiarum tollatur, abscindantur.

In his & aliis, quae in eadem Epistola legi possunt, non causatur Agatho, necessariam non esse universalem Synodum, etiamsi Synodi plures, pluribus in locis, in Africa, in Gallia, in urbe ipsa aeterna Monothelitarum haeresim condemnassent. Agatho, & quae Concilio Sedis Apostolicae subjacent universa Concilia, non abnuunt, immo fatentur tacite necessariam esse universalem Synodum, quam Constantinus & Imperatores alii congregaverant; hinc ut veritas clareat, & 68 instruantur omnes sine schismate atque contentione veritatem profiteri, ut loquuntur Imperatores; inde, ut cum universis Synodis quae factae sunt, in hac generali Veritas adhuc in ancipiti posita clareat, & cetera, quae mox relata sunt. Utinam Romae media in urbe cippo cuidam inscripta sic esset historia haec tota, ut tam facile posset legi, quam facile in Basilica sancti Petri domate seu testudine leguntur: Tu es Petrus, & tibi dabo claves regni caelorum! Inscriptio peritorum & cordatorum hominum oculos tantum teneret ac deleteret, quantum defatigaret atque afficeret imperitorum & Curialium Magistrorum.

#### Testimonium Nicolai, I.

XXII. Siquis unquam Papa Conciliorum necessitatem asseruit, is est Nicolaus primus: & primum quidem in Epistola ad Hincmarum & alios Galliae Episcopos, de Graecorum objectionibus: Sed & magnopere convenit, ut & vestra quoque fraternitas morem secuta majorum concertans nobis & unanimiter collaborans in talibus inveniantur. Unde unusquisque vestrum, qui Metropolitana jura sortitus est, junctis sibi fratribus & coepiscopis suis, qui sub se sunt, de his diligentem curam suscipiat, & quid invidis & detractoribus opponi necesse sit, rimari studeat & invenire summopere gestiat, atque inventum nobis ocus transmissere minime parvipendat, quatenus id nos quoque adversus eorum vesaniam cum ceteris asser-

tionibus nostris, deinde omittere valeamus. Et post alia: Verum pro his & similibus causis canonicè discutiendis, & istis definiendis tam vestram, quam aliorum fratrum coepiscoporum nostrorum reverendam ad nos convocare 69 vellemus praesentiam, nisi ad nos diverse mundi calamitates & quotidiana pressura id gerere vetuissent. Et post alia: Alioqui vestram fraternitatem ad nos convocandi, & pariter de hujusmodi quaestionibus tractandi nobis erit omnino necessitas, ut videlicet juxta pristinam consuetudinem nobiscum in idipsum apud sanctum Petrum convenientes, communes Ecclesiae calumnias repellamus, qui commune sacerdotii culmen in Christi Ecclesia singuli secundum suorum qualitatem privilegiorum promeruisse dignoscimur; praecipue cum non solum propter hujusmodi generalis Ecclesiae negotium, sed etiam pro specialis hujus Sedis exorta causa praedecessores vestri una cum praedecessoribus nostris hic soliti sunt non immerito convenire.

Deinde in Epistola xxvii. ad Ludovicum Germaniae & Carolum Calvum Reges: Sed intelligi datur eos monitis nostris non velle parere, propter illud, quod in literis vestris subditur: Dicunt enim post aliquanta, ut Episcopos de regnis vestris ad Synodum Romam mittendi necessitas non postulet. Unde si vos fortasse aliter dicitis, nos illud dicimus, quod divinitus revelatur, quia cum novitatum mala multiplicari videamus, si ex diversis provinciis fratres in invicem convenissent, juxta priscum morem, & nos consensu illorum revelante Domino, quae decernenda sunt, decerneremus, & ipsi necessitates suas referentes, & nos vestras exponentes, quae decreta fuissent, melius in notitiam omnium facerent pervenire, qui semper Synodalem conventionem à nobis aggregari petierant.

Denique in Epistola lxxviii. ad Hucbertum Abbatem fratrem Theutbergae Reginae: Neque in hoc desides negligentisque poterimus, vel suspecti haberi, qui ad diversa quoque negotia dirimenda & examinanda, atque ad ultimum juris silentium perducenda, & Synodum colligi jussimus, & Legatos Apostolica auctoritatis illuc direximus, quorum censura in collegio fratrum aut pro culpa canonicè puniamini, aut pro innocentia justè à crimine diluamini. Hic Synodum vocat ultimum juris silentium, id est, ultimum Ecclesiae tribunal, post quod silentium imponitur.

Nicolaus porro hac Conciliorum necessitate occupatus Romae fecit Concilia numero septem, etiamsi annis tantum ix. mensibus vi. & diebus xxi. Sedem tenuerit. Primum, in quo Joannes Ravennas Archiepiscopus damnatus est. Id aequalis testatur Anastasius Sedis Apostolicae Bibliothecarius in vita Nicolai. Alterum, in quo reviviscens Theopaschitarum haeresis iterum extinguitur. Id qui Concilium fecit testatur in Epistola lxx. Tertium in quo Metensis Concilii acta rescinduntur, & Guntharius & Theutgaudus Archiepiscopi deponuntur, ut Fuldenfes & Bertiniani annales tradunt. Quartum, in quo Zacharias Apostolica Legatione in Oriente perperam defunctus excommunicatur, & Photius de Sede Constantinopolitana deicitur, & Ignatius in eandem Sedem restituitur. Quintum, in quo Rothadus ad Sueffionensem revocatur Ecclesiam, & qua pulsus fuerit. Id in pluribus Nicolai Epistolis narratur. Sextum, in quo Radualdus Portuenfis Episcopus Sedis Apostolicae Legatus ob praevagationis causam abdicatus est, quod in Nicolai Epistolis memoriae proditum est. Septimum, in quo antiquus status & honor Rothado Sueffionensi vindicatur.

#### Testimonium Joannis VIII.

XXIII. EX pluribus Epistolis repetitur & inculcatur. 71  
I. Ex Epistola xvi. ad Dominicum Olivenfensem & Leonem Caprensem Episcopos: Sanctitatem vestram nolumus ignorare, misisse nos Felici & Petro & Dominico, qui vocatur electus Torcellensis Ecclesiae, seu Abbati Altinensis Monasterii atque Archidiacono Torcellensis Ecclesiae, necnon & Archipresbytero & Archidiacono atque hujus



huius equivoco ac nepoti Laurentio Diacono Gradiensis Ecclesie, quia toties a nobis vocati ad Concilium Roma occurrere contempserunt, futuram excommunicationis sententiam, & eum qui ex his nunc saltem venire distulerit, tandiu post Idus Februarias omni Ecclesiastica communicatione privasse, quamdiu in obstinatione propria perseverans Apostolicam adire Sedem contempserit. Alios enim horum nostro Concilio pro communibus Ecclesie utilitatibus volumus interesse: Quosdam autem, quia super quibusdam reprehenduntur excessibus, de his satisfacturos requirimus. Joannes multa hic facit, quæ non faceret, si quam indicit Synodum, necessariam esse non putaret.

II. Ex Epistola XVII. ad Ursium Ducem Venetiarum: Quæ omnia ideo gloriae tuæ nota fieri volumus, ut illi (qui in superiori Epistola nominantur) ad Apostolicam Sedem sanctamque Synodum occursuri liberalitatis tuæ adminiculis sustententur. Atque ita Synodi necessitas confirmatur.

III. Ex Epistola XVIII. ad Felicem Madanaucensem & Petrum Equilensem Episcopos: Quapropter vos 72 à sanctis mysteriis interim celebrandis, auctoritate summi Pastoris arcemus, jubentes, ut Idibus Februarii istius indictionis, si adestis, vel si dura infirmitatis pondere non gravamini, Synodo nostra Roma celebranda interesse inexcusabiliter maturetis, quatenus & ab objectis purgemini, & à capite tam scilicet Apostolica Sede, quam Metropolitanò vestro in nullo dividamini, ne (quod absit) circumveniamini à Satana, qui videlicet semper dissensione gaudet. Membra quippe quæ capiti non hærent, inter mortua deputantur, sicut proculdubio vos, qui nec Apostolica Sedis, quæ caput est omnium Christi Ecclesiarum, decretis hæretis, nec affectui Metropolitanì proprii Patroni ac Magistrì. Conciliorum necessitas verbis vix potest significantioribus exponi: Si dura infirmitatis pondere non gravamini, Synodo nostra Roma celebranda interesse inexcusabiliter maturetis.

IV. Ex Epistola XX. ad Ducem Venetiarum: Veniant igitur Episcopi ad Synodum, ut ipsis nobis rei veritatem significantibus causam fratris & coepiscopi nostri Petri illis presentibus facilius diffinire valeamus. Verba hæc, Veniant igitur Episcopi ad Synodum, Synodi necessitatem ante oculos ponunt.

V. Ex Epistola LIII. ad Ansperum Mediolanensem & Antonium Brixiensem Episcopos: Quia diversis ac multiplicibus Ecclesias Dei nobis commissas incommodis perturbatas, rebusque propriis incunctanter privatas, & earum antistitem honorem diminutum fore videmus, ipsorum secundum Apostolum sollicitudine quotidiana compulsi necessario rati sumus, pro illarum statu ac pristina reintegratione generalem Deo favente Synodum celebrare, 73 QUAM SECUNDUM ANTIQUAM CONSUETUDINEM CUM ROMÆ AGERE DEBUISSEMUS, non recusantes secuti laborem itineris, pro suavitate tamen venerabilium confratrum nostrorum Episcoporum, quos in consortium nostrum literis missis adscivimus, octavum Calendarum Juniarum Ravennæ auxiliante Domino erimus proculdubio celebraturi: Ad quam videlicet fraternitatem vestram omni occasione postposita, omnique tarditate prætermissa, his præsentibus venire jubemus apicibus, quatenus communi multorum fratrum nostrorum consensu atque decreto Ecclesia Dei nobis commissæ, propriæ dignitatis jura, quæ à quibusdam iniquè agentibus sunt usurpata, sub integritate recipientes, malorum omnium tandem securi effecti ministerium Pontificale, quod nimirum pro gregis Domini nobis commissi salute, Deo largiente suscepimus, & ut dignum est glorificare possumus. Quapropter iterato te sermone ad eandem, ut dictum est, Synodum venire precipimus. Nam si præfato die ad ipsum venerandum Concilium quoquomodo properare forte contempseritis, & pro Ecclesia Christi Dei nostri utilitate, quæ instanti tempore plurimum est necessaria, debitum nobiscum laborem sumere spreveritis, sciatis pro certo communionis nostre futurum nullo modo esse consortes: Sed potius cano-

nica auctoritatis censura (utpote transgressores improbos) feriendum atque damnum. Antiquum Romanæ Ecclesiæ de celebrandis generalibus Synodis morem obijcit, quem legis instar habet & ut observatu necessarium.

VI. Ex Epistola LVI. ad Petrum & Leonem Episcopos Venetiæ: Universale tandem aliquando nos celebrare Concilium multiplex & multifaria nos Ecclesiarum necessitas cogit: Et ideo pro hac moderanda vel dispen- 74 sanda octavo Calendarum Julias hujus Indictionis totius Italia apud urbem Ravennam convenire iussimus Sacerdotes, ad quorum videlicet sacratum Collegium Pontificio nostro mediante vestram quoque sanctitatem occurrere commonemus. Celebrandi Concilii necessitatem minimè dissimulat, imò eam in se recipit, quam lepidi Curiae adulatores procul abjicerent.

VII. Ex Epistola LIX. ad Joannem Archiepiscopum Ravennæ: Ecce de itinere scribimus nos certissime XVI. Calend. Aug. Ravennæ futuros, ubi sanctitas tua per se cum omnibus suffraganeis Episcopis, quos ipsa convocare debet, adeste XII. Calendarum Augusti. omni remota excusatione procuret, ut communi tractatu communia Ecclesiarum exorta zizania generaliter evellantur. Exponit Concilii consilium, quod, ut constat, necessitatem præ se ferre satis videtur.

VIII. Ex Epistola LX. ad eundem: Scire volumus gloriam pro multis necessitatibus sanctæ Dei Ecclesiæ, sicut jam te non latere credendum est, XI. Calend. Augusti istius decima indict. Ravennæ gratia Sancti Spiritus suffragante, Synodum nos cum confratribus & coepiscopis nostris instituisse fore modis omnibus celebrandam, ad quam non incertis utilitatibus omissis, nec laborem quidem itinervis, nec intemperantiam aeris recusantes occurrimus: Ita omnes hinc & inde volumus antistites advenire, ut quidquid in sanctæ Dei Ecclesiæ perperam per zizaniorum satores crevisse dignoscitur, hoc communi tractatu per nostrum commune studium radicibus extirpetur. Hæc omnia si simul attendantur, Conciliorum necessitatem publicè per se loqui videbuntur.

IX. Ex Epistola LXXXVII. ad Ludovicum Regem 75 Caroli II. Imperatoris filium: Epistolas reliquas, quas confratribus vestris Carolomanno videlicet & Ludovico, atque Carolo juniori dirigimus pro talium adhortatione precamur gloria vestra decemiam, ut easdem illis sine mora destinare dignemini, omnibusque reverendissimis Archiepiscopis, & Clero totius ordinis regni vestri, paterna peto adhortatione significari præcipite, quoniam Domino miserante apud vos Synodum celebraturi sumus cunctis populis Christianis. Synodum non dicit necessariam, sed pernecessariam, id est, valde seu admodum necessariam. Hic Conciliorum osoribus quid fiet? Curiales magistrì quò se recipient? Ineptè adulari desinant oportet, aut in Joannem atrociter invadant.

X. Ex Epistola LXXXVIII. ad Ludovicum Bajoari-orum regis filium: Nos, fili carissime, pro Domini Ecclesiæ, & ejus ovibus animam ponere cupientes, ecce marinos fluctus, undasque salis ad vos veniendo perdifficile iter assumpsimus, vobiscumque simul positi Domino miserante universalem Synodum celebrare disponimus totius sanctæ Ecclesiæ, vobis obsecundantibus, provectum & exaltationem loco percongruo satagemus peragere. Quod quæso regni vestri omnibus Archiepiscopis, Coepiscopisque nostris innotescere dignemini, eosque nobis adeste, & continua maturitate accelerare monete. Universalis Concilii hujus necessitatem sola demonstrat lectio, qua discimus, Joannem perdifficile iter assumpsisse, ut apud Bajoarios universale Concilium haberet.

XI. Ex Epistola LXXX. ad Carolomannum Regem: Nunc apud Treas Christo opitulante Synodum sumus celebraturi, loquemurque cum Ludovico & reliquis vestris fratribus, & post Calendarum Augusti ad vos revertemur.

XII. Ex Epistola XCI. ad Angelbergam Imperatricem: Porro vos scire cupimus, quia apud Treas in Calendarum Augusti, unà cum Rege Ludovico Imperatoris Caroli filio,

filio, & cum universis Gallie Episcopis Synodum universalem celebrabimus. Tantum curæ non adhiberet ac diligentiae, si quam Trevis Synodum habiturus est, necessariam non esse existimaret.

XIII. Ex Epistola xcvi. ad omnes suffraganeos Rostagni Arelatensis Episcopi: Notum sit omnium sanctitati, quia Domino opitulante pernecessariam universalem Synodum sumus celebraturi, ad quam mox vos praedictus Archiepiscopus vester Apostolatus nostri literis convocaverit, omni postposita occasione obedientiae vicino gressu occurrere satagatis, quoniam sicut in communi conventu (gratia Christi duce) paternis parentibus jussis erit exaltatio; ita quod non optamus, subtrahentibus se ab hoc magno Collegio est subsecutura confusio, universalem Synodum celebraturi sumus apud urbem Lingonensem. Cum universalem Synodum hanc vocat pernecessariam, de Joannis mente circa necessariam Synodorum celebrationem dubitare non licet, etiamsi Romanæ Curiae adulatores rumpantur.

XIV. Ex Epistola ciii. ad Rostagnum Arelatensem Episcopum: Quia omnipotentis Dei misericordie universalem Synodum sumus celebraturi in proximo, te omnesque tuos coepiscopos suffraganeos volumus, auctoritate Apostolica admonemus, expresseque mandamus ad hanc omni postposita occasione quamocumque presentare, exceptis eis obstaculis, quibus remorandi licentiam sacri canones tribuunt. Alias, quod non optamus, quicumque se à tanto hac vice Collegio subtraxerit, particeps de reliquo nostrae communionis esse nullatenus valebit. Ecce tibi Concilii necessitas!

XV. Ex Epistola cxxviii. ad Berengarium Comitum & Optimates Longobardorum: Ecce auxiliante Domino Papiam venimus. Quapropter monentes mittimus, & Apostolica auctoritate hortantes jam tertio mandamus, ut praesentialiter ad nos charissimi tanquam ad patrem venire debeatis, & ut alii veniant, alter alterum incitet, & has literas primo legens remittere aliis procuret, quatenus venientes una nobiscum de statu sanctarum Dei Ecclesiarum & quiete Reipublicae, & nostrae vestraeque omnium salute Synodum celebrantes tractemus. Papiæ celebrat Concilium, quod non minus quam quod Lingone celebratum est, necessarium judicare debet.

XVI. Ex Epistola dlxxvii. ubi Anspertus Mediolanensis Archiepiscopus Ecclesiastica communione privatus decernitur: Anspertum Mediolanensem Archiepiscopum, quem Papiæ existentes, & postmodum ad Synodum Roma pro multis Ecclesiarum Dei necessitatibus collectam vocavimus, nec per se occurrere, nec excusationem suam secundum sacros canones in tractoria scriptam nobis & sancto Concilio causa temeritatis & inobedientiae dirigere nolentem virtute Spiritus Sancti, & principum Apostolorum Petri & Pauli, nostraeque auctoritate cum consensu sanctae Synodi corpore & sanguine Domini nostri Jesu Christi privamus. Archiepiscopus excommunicatur in Synodo, quæ in tali causa secundum canones necessaria censetur. Tunc non erant in usu verba hæc, motu proprio, ex certa scientia, & de potestate plenitudine, quæ Curia, non Sedis Apostolicæ traditio subministrat.

XVII. Ex Epistola cxcvi. ad Anspertum Mediolanensem Archiepiscopum: Quapropter quia Domino auxiliante secundum statuta canonum circa autumnii tempus Synodum sumus celebraturi, ad quam te volumus omni occasione postposita sine mora venire aut Legatos dirigere. Sic Nicæno paret Concilio, quod præcipit, ut Synodus autumnii tempore celebretur.

XVIII. Ex Epistola ccxx. ad Romanum Archiepiscopum Ravennatem: Sicut jam olim vestra præcepimus reverentia, ut pro multis Ecclesiarum Dei necessitatibus iv. Idus Octobris Romam venientes Synodum pariter celebravimus, nunc iterato his Apostolatus nostri literis fraternitati vestra jubemus, ut omni mora vel occasione postposita ad denominatam Synodum, quam Deo auctore in praedicto tempore celebraturi erimus, in Ecclesia beati Petri Principis

Apostolorum cum suffraganeis tuis Episcopis occurrere nullatenus prætermittatis, quia nos omnium Ecclesiarum Dei utilitati & exaltationi sicut oportet, pari consensu & decreto more præcessorum nostrorum consulere volumus, quatenus Ecclesia Dei vigor Christo favente per Synodalem censuram illibatus permaneat. Rationes exponit, quibus necessaria Synodus illi videtur.

XIX. Ex Epistola ccliii. ad Romanum Ravennatem Archiepiscopum: Quia bellica, immo Saracena impediende angustia, juxta sacros canones, quarto scilicet Idus Octobris Synodum sicut volueramus celebrare nequivimus, opportunè valdeque necessario sanè praevidimus, ut hanc eandem vi. Idus Novembris istius xiv. indictionis adjuvante Domino convocemus. Quapropter sanctimoniam tuam hortamur, ut ad idem tempus sine omni mora, omni occasione postposita Romam occurras, quatenus ea, quæ ad honorem sive utilitatem sanctæ Dei Ecclesiæ pertinent, nobiscum ordines & definias, & Sancti Spiritus gratia revelante voto communi decernas. In hac & superiori Epistola Joannes Nicæni Concilii canonem v. exequitur, ut jam alibi notavimus, si quo modo Synodum non potest non judicare necessariam.

XX. Ex Epistola cclxxii. ad Romanum Ravennatem Archiepiscopum: Unde auctoritate Dei & beati Petri nostraeque tibi præcipimus, & presenti statuto jubemus, ut nullam omnino Sacerdotalem ordinationem pro talibus, quibus es irretitus, criminibus, facere quoquomodo presumas, donec viii. Calend. Octobris futura xv. indictionis ad Synodum, quam Deo favente pro Ecclesiasticis videlicet militatibus secundum sanctorum Patrum statuta celebraturi erimus, omni postposita occasione venire procures, quatenus Synodali decreto ea, quæ de te dicimus, examinata, canonicum finem percipiant. Nicænum non tam diligenter exequeretur canonem, nisi Nicæno Concilio subiectum se esse crederet, & inde necessariam esse Synodum arbitraretur.

XXI. Ex Epistola cclxxiii. ad eundem: Sacerdotes & Clericos Placentina Ecclesiæ, quos examinasti, ut ab eadem excommunicatione absolveras, quosque tempore congruo tu cum eis Romam ad Synodum pariter venis. Congruum tempus appellat, quod Nicæno canone v. habendis Synodis præscribitur.

XXII. Ex Epistola cclxxiv. ad Constantinum Sacerdotem Ecclesiæ Faventinae de plebe sancti Petri Transilvani: His Apostolatus nostri literis ex Dei omnipotentis, sanctorumque Petri & Pauli Apostolorum Principum auctoritate, nostroque Apostolico jure te excommunicamus, ut nullo modo habeas licentiam aliquid de Episcopali officio peragere, aut ipsam Faventinam Ecclesiam quoquomodo invadere, neque in plebibus vel in rebus seu hominibus ipsius aliquod dominium agere presumas, usquequò cum eodem Romano Archiepiscopo iuo viii. Calend. Octob. Synodo, quam Deo favente celebraturi Romæ erimus, tuam specialem praesentiam exhibere procures. Romæ Synodum habet, quomodo habendam esse Nicænum Concilium statuit.

XXIII. Ex Epistola cclxxv. ad Romanum Ravennatem Archiepiscopum: Quia jampridem missis tibi per Joannem venerabilem Episcopum montis Feretrani Apostolatus nostri literis ad Synodale te Collegium pro Ecclesiasticis duntaxat utilitatibus nobiscum pariter celebraturum occurrere jussimus, & tuam nobis contempsisti praesentiam exhibere, nunc multis te criminibus irretitum multorumque hominum accusationibus horrendis impetitum, & præcipue manifesto perjurio esse pollutum agnoscentes, hac secunde vocationis nostræ auctoritate ad venerabilem Synodum, quam Deo favente octavo Calend. Octobris futura xv. indictionis erimus celebraturi, omni occasione vel mora postposita, una cum omnibus suffraganeis tuis Episcopis venire jubemus. Metropolitani Episcopis ostendit exemplo suo parendum esse Nicæno Synodo, quæ præcipit, ut quotannis Synodi celebrentur.

XXIV. Ex Epistola cclxxvi. ad Romanum Ravennatem Archiepiscopum: Nos suam causam audientes, & quæ



qui eum accusare non debuerant ex parte Archiepiscopi non invenientes, poteramus ipsum absolvere, sed nolimus usquequò Archiepiscopo misissimus, imò cni misimus dicentes, ut ipse Archiepiscopus pro statutis sanctarum Dei Ecclesiarum VI. Idus Novembris ad Synodum celebrandam veniret, deferens secum accusatores & testes, quatenus his delatis negotium Deus dedit, inter alia canonicè finissemus. Non potest non credere necessaria esse Concilia, quandoquidem omnia Ecclesiarum negotia in Conciliis tractet & communi Episcoporum consensu dijudicet? Ubi nam proprius motus, certa scientia, & potestatis plenitudo? Hæc inaudita tunc erant.

XXV. Ex Epistola CCXCII. ad Opteramum Vienneensem Archiepiscopum: Et quia alia multa vobis à quibusdam obijciuntur, qua Synodali discussione sunt corrigenda, decernimus, ut omni excusatione remota VIII. Calend. Octob. futura prima indictionis Romam ad Synodum occurrere non omittatis, ut tunc & de vobis objectis rationem reddatis. Romana est Synodus, quam de more indicit & celebrat, nec utique celebraret, nisi juxta Nicænum Concilium illam putaret esse necessariam.

XXVI. Ex Epistola CCXCVI. ad Adelbertum Mauriennensem Episcopum: Tristis nos nuncius perculit quando audivimus, quòd tu ordinis sui immemor Barnerium Gratianopolitana Sedis Episcopum hora matutinali in Ecclesia sua publicè agentem officium cum multitudine populi, & armata manu absque reverentia Ecclesiam ingrediens, & nulla ab eo tibi culpa illata irreverenter tecum abstuleris, & ignominiosè traxeris, quòd tantum nobis displicuit, quantum te temerè egisse modis omnibus comprobamus. Ideoque nostri Apostolatus literis tibi mandamus, ut omni excusatione remota VIII. Calend. Octobris futura prima indictionis cum eodem Barnerio venerabili Episcopo Romam ad Synodum nostram occurras, ut quidquid inter vos litigii est exortum, nos aequitatis regula potiti Deo juvante discutere & diffinire aliquo modo studeamus. Joannes nostram dicit Synodum, quam videlicet ex Nicæni Concilii præscripto celebrare debet.

Cæterum vix ullum reperire est Romanum Pontificem, qui Nicænum canonem v. diligentius observaverit. Sed in Joanne VIII. intelligimus id esse verum, quòd Gelasius I. scribit in Epistola XIII. ad Episcopos Dardaniæ. Gelasii verba sunt: Quibus convenienter ex paterna traditione perpensis confidimus, quòd nullus jam veraciter ignoret Christianus, uniuscujusque Synodi constitutum, quòd universalis Ecclesia probavit assensus, NON ALIQUAM MAGIS EXEQUI SEDEM PRÆ CÆTERIS OPORTERE QUAM PRIMAM.

#### Testimonium Stephani IX. aliàs X.

XXIII. **H**abetur in Epistola, quam ad Gervasium Remensem Archiepiscopum scribit: De Concilio, inquit, Remis habendo, quid aliud dicendum, nisi quòd beata memoria Dominus Victor Dei judicio hinc est raptus, & quòd tu, sicut inter nos convenit, non remandasti, an hoc esset regis consensus? Et sub finem Epistolæ: Cæterum Roma decimoquinto die post sanctum Pascha Synodum celebraturi, tuam fraternitatem cum suffraganeis ejus volumus & auctoritate Apostolica jubemus interesse absque inevitabili necessitate. Et primùm quidem decessor Stephani Victor II. curaverat, ut Remis Synodus fieret, modò rex assentiretur. Noverat saluberrimam esse Synodorum auctoritatem in Ecclesia. Deinde Nicæne obsecutus Synodo Synodum indicit, eamque necessariam esse censet, ut ex superioribus verbis colligitur, & ubi Remensis Archiepiscopi absentia nullo modo excusatur.

#### Testimonium Nicolai II.

XXIV. **M**emoriam proditum est in Epistola II. ad Gervasium Remensem Archiepiscopum:

Audivimus relatione multorum, quòd Beluacensis Episcopus contra statuta canonum sine vobis & sine vestro assensu fuerit consecratus, imò execratus, & quòd pejus est, ad Episcopatum sublimatus. Accingimini igitur, & sultus hac nostra auctoritate ex parte omnipotentis Dei, auctoritate beati Apostoli Petri omne Episcopale officium sibi usquedum ad Romanam Synodum in tertia septimana post Pascha ante nos discutiendum veniat, interdicit. Et paullo post: Silvanectensi vestro suffraganeo, si eum pecuniam dedisse præcivit, & vestrum assensum in maledictionis hærede benedicendo non habuit, similiter omne Episcopale officium, usquedum ad prædictam Synodum veniat, & nobis & tibi dignè satisfaciatur, beati Apostoli Petri auctoritate interdicit. Nicæne Synodi canonem v. observat, Concilium facit, & in eo Episcoporum causas dijudicat.

#### Testimonium Alexandri II.

XXV. **R**ES sic se habet in Epistola I. ad Gervasium Remensem Archiepiscopum: Ad Synodum Deo annuente quindodecimo die post proximum Pascha cum presentia tua Dilectione celebrandam sanctitatem tuam venire desideramus, ac sancto conventui interfore Apostolica auctoritate invitamus.

Deinde in Epistola II. ad eundem: Atque ita ergo, frater beatissime, quatenus dum ad Synodum, ad quam pro adiutorio sancta Ecclesia invitatus es Deo auxiliante veneris, de his expeditis solummodo ad Ecclesiastici negotii vacas consilium, & sancta tua universali matri Ecclesie ut prudentissimus consiliator & fortissimus propugnator contra hostes suos ultionis atque defensionis impendas auxilium. Comitibus autem illis, qui Ecclesia tua adversantur, iterum scripsimus, ut aut ante Legatos nostros mala, qua Ecclesia tua intulerunt, satisfaciemes dignè emendando corrigant, aut ad præfatam Synodum omni posthabita occasione ad respondendum de objectis veniant. Hinc exequitur Nicænum canonem; inde Conciliorum necessitatem ostendit. Porro Epistolæ hæc duæ primæ sunt inter eas, quas Papyrius Massonus in lucem emisit.

#### Testimonium Gregorii VII.

XXVI. **Q**uam multiplex sit in suis epistolis mirum fortasse videri poterit.

I. In libri I. Epistola XLII. ad Sichardum Aquilegiensem Episcopum: Confidentes in misericordia Dei Concilium in prima hebdomada quadragesima adunare disposuimus, quatenus huic tanto periculo suffragante divina clementia cum communi consilio fratrum aliquod solatium & remedium invenire valeamus, ne nostris temporibus irreparabilem Ecclesie ruinam destructionemque videamus, idèque vestram fraternitatem rogamus, & ex parte beati Petri Apostolorum Principis admonemus, ut in prælibato termino vestram nobis presentiam exhibeatis, convocatis unà vobiscum, tum per hac nostra, tum per vestra scripta, vestris suffraganeis Episcopis, ut tanto tutius, tantoque firmiter ad subsidium Ecclesiastica libertatis, & religionis accingamur, quanto uberius ac viciniùs consiliis vestra prudentia, aliorumque confratrum frequentia & provida consultatione circundamur. Hic commata pæne omnia Concilii necessitatem exprimunt. Ut interim taceam Gregorium Nicæno Concilio parere. Haud enim putabat se Concilio huic obnoxium non esse: Subesse gloriabatur, ut continuò videbimus.

II. In libri ejusdem Epistola XLIII. ad omnes Episcopos Mediolanensis provinciae: Non incognitum vobis esse credimus, in Romana Ecclesia jamdudum constitutum esse, ut per singulos annos ad decorem & utilitatem sancta Ecclesia generale Concilium apud Sedem Apostolicam sit tenendum. Nos itaque hujus celebratis hoc in tempore causam valde necessariam considerantes, in prima hebdomada quadragesima Synodum annuente Deo Roma celebrare disposuimus, ad quam omnes vos, & Apo-

Apostolica auctoritate presentiam vestram exhibere com-  
monemus atque precipimus, quatenus unà nobiscum, &  
cum alia frequentia vestri ordinis, officii nostri debitam  
86 sollicitudinem in divinis & Ecclesiasticis causis suffragane  
superna clementia commodè ac reverenter exercere vale-  
amus. Intueri autem & diligenter vos oportet attendere,  
quoniam quicumque miles Domino suo in pralio properante  
se subtraxerit, non modò gratiam sibi labefactare, sed ac-  
cepti beneficii commodum meritò sibi corruiſſe dignoscitur.  
Hoc igitur exemplo appareat, qui ex vobis, immo quàm  
omnes fides Christi milites, & ad divina agmina tam  
prompta voluntate & studio vos conferre studete, & post  
adeptam in Christo victoriam pariter vos & de virtute sa-  
ctorum, & abundantiam pramiorum gloriari liceat, sub  
eadem etiam auctoritate & determinatione omnes Abbates  
Longobardiae ad praefatum Concilium invitamus, nullamque  
in hac obedientia fictitiam excusationem pretendere admo-  
nemus atque precipimus. Sedes Apostolica Nicænum  
canonem v. sic exequitur: In Romana Ecclesia jamdu-  
dum constitutum est, ut per singulos annos ad decorem &  
utilitatem sanctæ Ecclesiæ generale Concilium apud Sedem  
Apostolicam sit tenendum. Hic tamen inter Nicænum  
Concilium & Sedem Apostolicam illud interest, quòd  
Sedes Apostolica Concilium celebret generalius, quàm  
Nicænum Concilium præceperit. Idipsum ni fallor ne-  
cessitatem majorem importat.

III. In libri ejusdem Epistola LI. ad Arnaldum Ab-  
batem sancti Severi: Data Roma in Synodo II. Idus  
Martii indiſt. XII.

IV. In ejusdem libri Epistola LII. ad Manassem Ar-  
chiepiscopum Remensem: Data Roma in Synodo II.  
Idus Martii indiſt. XII.

87 V. In libri ejusdem Epistola LIV. ad Canonicos  
sancti Hilarii Pictavenſis: Notum vobis esse volumus,  
quòd Canonici Pictavenſes in Synodo nostra conquesti sunt,  
vos denegare & contradicere illis consuetudinem, quam in  
Ecclesia sancti Hilarii jure habere debent, videlicet ut in  
festivitate omnium Sanctorum & sancti Hilarii, cum illuc  
ex more cum processione veniunt, si Episcopus aderit, ipse  
missam celebret: Sin autem non adsit Episcopus, Decanus,  
aut aliquis de majoribus Canonicis Pictavenſis Ecclesiæ  
officium vice Episcopi peragere debeat. Quòd cum apud  
nos in publico Concilio ventilatum fuit, Gozelino Burde-  
galensi Archiepiscopo causam vestram cum quibusdam aliis  
defendente, scientes talem consuetudinem in Romana Ec-  
clesia per singulas stationes, & fere per universum orbem  
in aliis Ecclesiis ritè & rationabiliter teneri, dijudicante  
Concilio justam eis requirere causam comprobavimus, &  
prædictum usum eos obtinere debere Apostolica auctoritate  
censuimus. Gregorius controversiam, qua de agitur,  
sine Synodo dirimendam non esse censet, & si contro-  
versia, quæ præ rebus fidei momenti est exigui, sine  
Synodo non dirimitur, controversia, quæ de rebus fidei  
institueretur, multò minùs sine Synodo dirimeretur.

VI. In ejusdem libri Epistola LVI. ad Rogerium Ca-  
talaunenſem Episcopum: Data Roma in Synodo XVI.  
Calend. Aprilis indiſt. XII.

VII. In ejusdem libri Epistola LVII. ad Guillel-  
mum Papiensem Episcopum: Data Roma in Synodo XI.  
Calend. Aprilis indiſt. XII.

VIII. In ejusdem libri Epistola LVIII. ad Geufam  
Ungarorum Ducem: Data Roma in Synodo XVI. Calend.  
Aprilis indiſt. XII.

88 IX. In libri ejusdem Epistola LXXIII. ad Isember-  
tum Pictavenſem Episcopum: Quæ si ita sunt, Apostolica  
auctoritate tibi precipimus, ut te representantes in Concilio  
Episcoporum provincia vestra Metropolitano tuo, & red-  
dita super his omnibus ratione, ac pura veritate discussa,  
justitiam inde consequenter exhibere non pratermittas. Ve-  
rum si hæc aliqua occasione renneris, aut te injustè pragra-  
vari cognoveris, in festivitate omnium Sanctorum cum  
aliquot Clericis sancti Hilarii ad nos venias, ut in presentia  
nostra controversia vestra diligenter perquisita & cognita  
legitimum finem Deo adjuvante suscipiat. Controversiam,

quæ inter Episcopum & Pictavenſis Ecclesiæ Capitulum  
erat, provinciali Concilio finire mandat Pontifex Con-  
cilio amantissimus.

X. In libri ejusdem Epistola LXXVIII. ad Urati-  
slauum Boemorum Ducem: De causa verò, qua inter eum  
& Marovensem Episcopum tandiu protracta est, propter  
illius absentiam ita statuimus, ut in futura Synodo ambo  
Episcopi, aut ipsi ad nos veniant, aut tales nuncios mittant,  
quibus presentibus & causam ex utraque parte rationabi-  
liter exponentibus, nos sine omni ulterius dilatione puram  
super hac re justitiæ definitionem inferre, & contentionem  
eorum decidere Deo favente possimus, ubi etiam Legatos  
tuos interesse multum cupimus, quatenus & ipsi tua vice  
ad indagacionem veritatis nos adjuvent, & testes nostræ  
definitionis existant. Cur Gregorius & sibi & aliis curæ  
tantum ac laboris imponeret, nisi Synodum necessariam  
esse crederet?

XI. In libri ejusdem Epistola LXXXIII. ad Ade-  
fonsum Hispaniæ Regem & regni hujus Episcopos: 89  
Romanum ordinem in divinis officiis sicut ceteri Hispani  
Episcopi, qui Synodo interfuerunt, se celebraturum, & ut  
melius poterit, observaturum promisit. De cetero quoniam  
ad presens omnia, quæ secum habuimus, pleniter expedire  
& determinare non potuimus, ad futuram Synodum eum  
(Paulum Episcopum) ad nos iterum reversi præcepimus,  
& super hac re ab ipso prompta obedientia sponſionem acce-  
pimus. Periodus ultima Concilium non utile tantum,  
quo Pontifex carere posset, sed etiam necessarium, quo  
facile carere non posset, importat.

XXI. In libri II. Epistola I. ad universos Episcopos  
& Abbates Britanniae: Quoniam igitur inter vos sancto-  
rum Patrum decreta, & Ecclesiastica religionis statum  
non ea, qua oportet, aut observari diligentia, aut studio  
tractari intelligimus, per eam, quam beato Petro Apoſto-  
lorum Principi debetis obedientiam, vos invitamus, & no-  
stra Apostolica auctoritate monemus, ad Synodum, quam  
in secunda hebdomada quadragesima Deo auctore in Apo-  
stolica Sede celebrare destinavimus, omni penitus fictitia  
occasione remota conveniatis, quatenus adjuvante Deo vos  
nobiscum & cum alia frequentia vestri ordinis, qua nostra  
dispensationis & Christiana religionis ordo requirit, per-  
spicaci studio adinvenire, & exequi valeamus. Grego-  
rius in hac Epistola Nicæno Concilio morem gerit,  
atque ita Concilium habet, ut Ecclesiastica disciplina,  
quæ pluribus in locis veluti prostrata jacet, excitetur,  
ut sanctorum Patrum canones diligenter observentur.  
Sed quæ omnia communi omnium tractatu, & consilio  
statuenda esse scribit. Non haberet autem id genus  
Concilii, nisi necessarium esset.

XIII. In libri ejusdem Epistola IV. ad Gozelinum 90  
Burdegalem Episcopum: Nunc igitur quoniam ad  
vindictam malefactorum ejus, non nostra tantum, sed &  
tua opus est vigilantia, fraternitatem tuam multum admo-  
nemus, ut nulla te occasio in hac causa tepidum vel aliquo  
modo negligentem reddat: Sed si eum ad nos venturum  
cognoveris, tu ipse, si queas, ad Apostolorum limina faiga-  
tionis cursum non refugas. Infrà: Verum hæc ut non super  
his, quæ à te nobis significata sunt, dubitemus, hoc ordine  
transigendo requirimus, sed ut Patrum nostrorum statuta  
servantes omnia, & rationabiliter discutiamus, & auctori  
judicio Deo favente concludamus. Novit enim prudentia  
tua, quòd personis absentibus accusationem per scripta ca-  
nonica non probet auctoritas, nec absque partium discepta-  
tione percognita in examinatione recipiat causas. Concilii  
necessitatem cum alia significant, tum illud præfertim:  
Non nostra tantum, sed tua opus est vigilantia.

XIV. In libri ejusdem Epistola V. ad Geboardum  
Brugensem Episcopum: Nos equidem meminimus sic de-  
crevisse, ut Episcopus Marovensis terram & alia, de qui-  
bus inter vos discordia erat, usque ad futuram Synodum  
cum omni pace & quiete tenere debeat. Fiduciario jure &  
in rem præsentem decrevit præstolatus futuram Syno-  
dum, cui supremum causæ judicium transcribit, quo  
Synodi necessitatem insinuat.



XV. In libri ejusdem Epistola VIII. ad Joannem Marovensem Episcopum: Et tu quidem nimis simpliciter egisti, quod nos contra decreta nostra surgere, & sententiam nostram tam leviter mutare putasti, qui ea omnia, quae inter te & illum in lite sunt, usque ad futuram Synodum, 91 & totius diffensionis vestrae discussionem, tuis possessionibus decrevisse praesens intellexeras. Non obscure prodit Gregorius suam sententiam haud sufficere, cum negotium ad futuram Synodum remittat, quo pacto Synodi necessitas inducitur.

XVI. In libri ejusdem Epistola X. ad Udonem Trevirensem Archiepiscopum: Deinde convocatis Tullensibus Clericis, per veram eos obedientiam, immo sub comminatione anathematis constringite, ut quidquid de introitu, & vita Episcopi sciunt, vobis aperiant, & ut vos undique explorata veritate, quid nobis inde credendum sit, in Synodo, vel ante Synodum, quam in prima hebdomada quadragesima celebraturi sumus, per literas vestras notificare nullatenus praevertite. Hinc in congreganda Synodo morem gerit Nicæno Concilio; inde Synodi necessitatem innuit, cum Synodum, non se extra Synodum rei judicem supremum faciat.

XVII. In libri ejusdem Epistola XXI. ad Abbatem Bellilocensem: Confrater noster Rodulfus Turonensis Archiepiscopus retulit nobis te nullam sibi obedientiam velle impendere, tæque usuris ceterisque sceleribus effrenata licentia deservire. Quapropter admonemus, ut praedicto confratri nostro debitam non deneges obedientiam. Quod si aliquam te cognoscis idoneam posse praeferre excusationem, cum praedicti confratris nostri nuncio ad Synodum, quam in prima septimana quadragesima celebraturi sumus, venias.

XVIII. In libri ejusdem Epistola XXII. ad Hugonem Militem de sancta Maura: Quod si fortasse ab eodem Archiepiscopo (Turonensi Rodulfo) praedictum tibi fieri claruerit, cum nuncio ad futuram Synodum nostram venias, quatenus utrinque auditis rationibus unusquisque vestrum proclamationis suae iustitiam consequatur. Non dicit in hac & superiori Epistola, ad nos venias, sed ad nostram Synodum, quam hoc modo judicat esse necessariam.

XIX. In libri ejusdem Epistola XXIII. ad Isembertum Pictavensem Episcopum: Quoniam interdictum a Legato nostro Giraldo Ostiensi Episcopo obedire contempsisti, Concilium nostro precepto congregatum violenter conturbasti, nostris quoque preceptis de causa S. Hilarii inobediens extitisti, auctoritate Apostolorum Petri & Pauli interdictum a nostro Legato Episcopale officium non solum confirmamus, verum etiam ut a communione corporis & sanguinis Domini nostri Jesu Christi separamus usque ad futuram Synodum, quam Deo annuente in prima hebdomada quadragesima celebraturi sumus. Praecipimus etiam eadem auctoritate Apostolica, ut in futuro Concilio jam indicto te representes. Cur quæso statuit, ut Episcoporum & Clericorum causæ in Romana tractentur Synodo, nisi Synodum necessariam esse censeret?

XX. In libri ejusdem Epistola XXV. ad Annonem Coloniensem Archiepiscopum: Quapropter charitatem tuam, frater charissime, iterum duximus adhortandam, ut praesatum negotium diligenter audias, & legitime definias. Caterum si aliqua ratio, quæ ne hoc perficere nequeas, obstiterit, his sibi literis ostensis nos ad Synodum in prima proxima quadragesima hebdomada agenda adire commoneas, quatenus controversia inter eos diu protracta, omni occasione propulsa, canonicum finem accipiat. Nicæno Concilio pareretur, & una præcipit, ut quæ Episcopi non possunt per sese dirimere, ea perferant ad Romanam Synodum, ibique juxta canones definiant.

XXI. In libri ejusdem Epistola XXVIII. ad Liemarum Bremensem Archiepiscopum: Legatis quippe nostris Alberto Prænestinensi & Giraldo Ostiensi Episcopis, quos ad partes illas ad id destinavimus, ut in unum Archiepiscopis, Episcopis, Abbatibus, religiosisque Clericis convocatis, vice & auctoritate nostra iussu, quæ corrigenda

essent, corrigerent, quæ religioni addenda, adderent, pro viribus impedisti. Ad hæc ut Concilium fieret prohibuisti. Ab eisdem etiam Roman vocatus ad institutum terminum festivitatem sancti Andrea non venisti. Ad hæc igitur & quamplura alia corrigenda ad proximam Synodum, quæ proxima quadragesima prima hebdomada celebrabitur, Deo annuente, Apostolica auctoritate tibi venire precipimus & invitamus. Gregorius ut apparet, sic amat Concilia, ut Bremensem Archiepiscopum, qui ne Concilia fierent prohibuerat, graviter accuset, cumque rationem rationum suarum redditurum ad Romanam Synodum accersat. Itaque Pontifex hinc Nicænum Concilium exequitur cum Synodum indicit; hinc ad faciendas res Ecclesiasticas necessariam esse Synodum facto suo demonstrat.

XXII. In libri ejusdem Epistola XXIX. ad Sigefredum Moguntinum Archiepiscopum: Quapropter Apostolica auctoritate religionem tuam admonemus, ut ad Synodum, quam Deo annuente in prima septimana quadragesima celebraturi sumus, cum tuis suffraganeis, videlicet Orbone Constantensi, Guarnerio Strazburgensi, Hemico Spirensi, Herimanno Babembergensi, Imbrico Augustensi, Adelberto Guelzburgensi, si potes, venias: quod si aliqua infirmitate, quod absit, præpeditus venire nequiveris, tales ad nos studeas nuncios dirigere, quorum securè consilio inniti, & quorum testimonio quasi praesentia tua credere possimus. Sollicitè obsequitur Nicæno Concilio, & quod in eo de celebrandis Synodis statutum est, observatum necessariam esse ostendit.

XXIII. In libri ejusdem Epistola XXX. ad Henricum Regem: Præterea noverit sublimitatis tua dignatio nos Sigefredo Moguntino Archiepiscopo literas misisse, evocantes eum ad Synodum, quam Deo auctore proxima quadragesima prima hebdomada celebraturi sumus: quod si venire non poterit, tales mittat Legatos, qui vicem ejus Concilio representent. Similiter Babembergensem, Strazburgensem & Spirensensem adesse precipimus, introitus sui & vita rationem posituros. Quod si forte ut est hominum protervia, venire distulerint, regia tua potestatis impulsu petimus, ut venire cogantur, cum quibus volumus a latere tuo Legatos tales transmitti, qui nos fideliter doceant, & de ingressu & de vita eorum, quorum relatione, cognita veritate ad liquidum certius possimus de indubitatis proferre iudicium. Pontifex Nicæno Concilio obnoxium se prodit, atque ex illius præscripto Synodum indicit, quam ad faciendas res Ecclesiasticas de quibus agit, necessariam esse arbitratur.

XXIV. In libri ejusdem Epistola XXXI. ad Cunibertum Taurinensem Episcopum: Licet adversus praesumptionem tuam durius invehi deberemus, quia vocatus ad Synodum, quam circa festivitatem sancti Andrea celebravimus, venire contempsisti, & venerabili monasterio sancti Michaelis, neque respectu divini timoris, neque intuitu Apostolica defensionis inquietudinis manum subtrahere voluisti, adhuc tamen fraternam tibi dilectionem reservamus, & debita satisfactionis tuae fructum expectamus. Quapropter iterum te Apostolica auctoritate monemus, ut ad Synodum, quam in prima septimana quadragesima celebraturi sumus, venias. Obedire Nicæno Synodo pergit, & quæ de certo quodam monasterio lis erat, eam in Synodo terminandam esse indicat.

XXV. In libri ejusdem Epistola XXXV. ad Guillelmum Papiensem Episcopum: Licet contra nos id egisse videaris, ut nec etiam Apostolicam definitionem tibi mittere deberemus, scilicet quia ad constitutum tibi terminum nec venisti, nec legalem excusationem misisti, malivum tamen de pietatis modestia reprehendi, quam canonum rigorem sequendo inobedientiam tuam acriter ulcisci. Quapropter Apostolica tibi auctoritate precipimus, ut ad Synodum, quam Deo annuente celebraturi sumus prima hebdomada quadragesima venias, & de causa sororis tuae respondeas. Vix potuit Conciliorum necessitatem clariùs inculcare: Qua in re Gregorius Nicæna Synodo diligenter obtemperat. Nicæna enim Synodus non statuisset, ut bis in anno

anno in unaquaque provincia fierent Synodi nisi Synodos necessarias esse existimasset.

XXVI. In libri ejusdem Epistola xxxvi. ad Mathildem: *Quod si fortasse te præjudicium pati existimas, & testimonia atque sacramenta de consanguinitate vestra improbare posse confidis, damus tibi audientiam in proxima Romana Synodo. Cum de rebus, quæ sunt momenti alicujus consilium, non extra Synodum, sed in Synodo respondet: Ubi, inquit, Deo auxiliante neque ad dexteram, neque ad sinistram declinabimus, sed quod justum est, statuemus.*

XXVII. In libri ejusdem Epistola xlii. ad Guibertum Ravennatem Archiepiscopum: *Coram oculis habes, frater charissime, & quasi palpare manibus potes miserabilem sanctæ Ecclesiæ perturbationem, & jam per longa tempora inimicorum, & impugnatorum ejus insensatam & omnino irrefrenatam presumptionem, contra quos quoniam nos, qui in sortem ministerii Sacerdotalis & regnum Dei electi sumus, omni cura & studio surgere & pugnare convenit, sicut jam per aliquot annos in Apostolica Sede fieri consuevit, in prima hebdomada quadragesimæ Synodum Deo annuente celebrare disposuimus, ad quam fraternitatem tuam singulari admonitione, & multo charitatis affectu, postposita omni negligentia venire rogamus & invitamus. Cur verò ita? Quatenus, inquit, tua aliorumque fratrum nostrorum annuente prudentia & spiritali tam fortitudine, quam sapientia impii à suis conatibus arceantur, & Christiana religio in ea, qua primum fundata est, libertate & pace roboretur. Quæ res tanti est ponderis, ut eam fieri non posse sine frequentibus Synodis arbitraretur.*

XXVIII. In libri ejusdem Epistola xliiii. ad Hugonem Dienensem Episcopum: *Videtur nobis, ut quod filii Ecclesiæ tuæ de rebus Ecclesiasticis volunt tibi reddere, recipias, eosque absolutum tali tenore, ut data fide quidam illorum promittant tecum venire ad nos Romam, videlicet Deo auctore, ad Synodum celebrandam, ut illic, quod nobis ratum visum fuerit, peragant. Sed audiat ratio. Melius enim, inquit, nobis placet, ut pro pietate interdum reprehendaris, quam pro nimia severitate in odium Ecclesiæ tuæ venias: Debes quidem filios tuos, quia rudes sunt & indocti, conficere, & ad meliora paulatim provocare, quia nemo repente fit summus, & alta ædificia paulatim ædificantur. Eandem semper tuam incudem, Conciliorum videlicet necessitatem repetit & infigit, ac Nicænæ Synodo parat.*

XXIX. In libri ejusdem Epistola lxi. ad Sichardum Aquilegiensem Episcopum: *Fraternitas tua prudentiam latere non debet, neque tui ordinis dignitatem ignorare oportet, quæ statuta quaque decreta in prædicto Concilio præterita quadragesimæ consilio confratrum nostrorum ac totius conventus assensu, sequentes sanctorum Patrum auctoritatem statumusi. Hic ad Conciliorum necessitatem, quæ ex præscripto Nicænæ Synodi sunt, adjungit eorundem celebrandorum modum: quod multum observare convenit.*

XXX. In libri ejusdem Epistola lxxii. ad Annonem Coloniensem Archiepiscopum: *Ut ea, quæ Dilectioni tuæ injungimus, compendiosius efficaciusque prosequaris, cum fratribus & coepiscopis tuis Concilium te cogere suademus, in qua quàm maximo poteris Clericorum catu congregato leges canonicas, & Sedis Apostolicæ auctoritatem, tuamque & confratrum omnium patenter promulgabis, quanta castitatis sit virtus, quamque Ecclesiasticis gradibus necessaria. Ut Romæ, sic & Coloniæ necessarias esse Synodos denunciat, & earum celebrandarum normam præscribit.*

XXXI. In libri ejusdem Epistola lxxix. ad Cunibertum Taurinensem Archiepiscopum: *Hoc itaque ne & nos illorum auctoritate & exemplo de præfato S. Michaelis Monasterio facere cogamur, neve tu dum immoderata quæris, ea, quæ ex aquo tibi attingere videbantur, justè amittas, Apostolica te auctoritate monemus atque præcipimus, ut aut pacem cum Abbate congrua conventionem, & in com-*

mune proviso totius causæ moderamine facias, aut si peccatis impediens hoc fieri nequiverit, in ventura sancti Martini festivitate ad Apostolicam Sedem te convocatum auctoritate præsentis cognoscat, quatenus Deo adjuvante litem vestram dirimere, & justo fine concludere valeamus. Hæc est Autumnalis Synodus, quam ut Nicæna Synodus statuit, indicit, eamque non indiceret, nisi necessariam putaret.

XXXII. In libri lxi. Epistola lxi. ad Henricum Regem: *Simoniacus ille Herimannus dictus Episcopus hoc anno ad Synodum Romam vocatus venire contempsit, sed cum proprius Romam accessisset, in itinere substitit, & præmittens nuncios suos cum copiosis muneribus noto sibi artificio innocentiam nostram & confratrum nostrorum integritatem pacis pecunie attentare, atque si fieri posset, corrumpere molitus est. Romanam laudat Synodum, & quia de more celebratur, & quia corrumpi non potest. Qui mos quia de Nicæni Concilii canone descendit, celebrationis necessitatem importat.*

XXXIII. In libri ejusdem Epistola lvi. ad Sigifredum Moguntinum Archiepiscopum: *Illi verò, qui dicunt Concilium, quod vobis indicimus, esse differendum, rogamus respondeant, Regii milites dudum ut se ad bella pararent, admoniti, quid tunc essent acturi, cum hostes in regia aulâ armis jam & igne sevirerent? Dicant ergo, utrum arma deberent ad ipsos hostes perturbandos & conterendos violenter corripere, an quid hostes agerent, tantum incertes considerare? Quid enim aliud maligni spiritus agunt, nisi quod Christi Ecclesiam igne vitiorum incessanter devastare contendunt? Et quid regios milites, sanctos videlicet Sacerdotes oportet facere, nisi adversus eorum sevirian clipeo charitatis munitos, gladio divini verbi accinctos auctoritatis vigore consurgere? Quod autem dicis quosdam fratres non posse ad Concilium convenire ob principis inimicitiam, dicimus eis sufficere, si de suis Clericis dirigant, qui pro eis valeant respondere. Hic apparet quàm necessaria esse Concilia judicet Gregorius, qui propter principum odia & inimicitias illa differre non vult, ratus non posse se aliter malis Ecclesiæ mederi.*

XXXIV. In libri ejusdem Epistola lviii. ad Tedaldum Mediolanensem Clericum, qui superstitie Episcopum electus fuerat: *Quapropter (conscientia nostra teste) sincero charitatis affectu te admonemus, ut si Ecclesiam diligis, & te pariter atque illam à periculo confusionis eripere cupis, ad proximam Synodum, quam in prima hebdomada venturæ quadragesimæ Deo annuente celebrare disposuimus, venias. Pergit Conciliorum necessitatem declarare, & ea potissimum Concilia, quæ ut fierent, Nicænæ Synodus decernit.*

XXXV. In libri ejusdem Epistola x. ad Henricum Regem: *Congregata namque hoc in anno apud Sedem Apostolicam Synodo, cui nos superna dispensatio presidere voluit, cui etiam nonnulli tuorum interfuere fidelium, videntes ordinem Christianæ religionis multis jam labefactum temporibus, & principales ac proprias lucrandarum animarum causas diu prolapsas & suadente Diabolo concultas, concussi periculo & manifesta perditione Domini gregis, ad sanctorum Patrum decreta, doctrinamque recurrimus, nihil novi, nihil ad inventionem nostram statuentes, sed primam & unicam Ecclesiasticæ discipline regulam & tritam sanctorum Patrum viam relicto errore repetendam & sectandam esse censuimus. Gregorius necessarium etiam Concilium esse judicat, ut Ecclesiastica instauretur disciplina, quæ ab antiquis Patribus sancita est. Atque ita Concilium judicaret esse multò magis necessarium, si quæ facienda essent, ad disciplinam novam vel fidei dogma pertinerent.*

XXXVI. In libri iv. Epistola lxi. ad omnes in Christo fratres, Coepiscopos, Duces, & Comites, &c. *Si literas, quibus Henricus dictus rex in sancta Synodo iudicio Sancti Spiritus excommunicatus est, diligenter perpenditis; quid de eo debeat fieri, indubitanter cognoscetis. Sic Synodi necessitatem exemplo suo demonstrat.*

XXXVII. In libri ejusdem Epistola ix. ad Richerium Seno-



Senonensem Archiepiscopum: Et quia non solum necessitas & tribulatio illius Ecclesie, (Aurelianensis) verumetiam multa alia regni vestri negotia exigunt, ut Romano Concilio fraternitas tua interesse debeat, admonemus te, ut omni remota occasione ad proximam Synodum nostram venias, & jam dictum Aurelianensem Episcopum tecum venire commoneas. Romanam vocat Synodum, quam obsecutus Nicæno Concilio Pontifex celebrare consuevit. Concilii hujus necessitatem verba ipsamet ostendunt.

101 XXXVIII. In libri ejusdem Epistola xiiii. ad Rodulfum Turonensem Archiepiscopum: Quod si eo modo nostra dispositionis consilium transigi non posse contigerit, congruo tempore & te & Dolensem Episcopum ad presentiam Sedis Apostolica convocabimus, & ibi causam vestram utrinque diligenter examinatum, prout sincera veritas & justitia exquisierit, ad irrevocabilem Deo favente finem revocabimus. Verba duo hæc, congruo tempore, designant Synodum, quæ ex Nicænæ Synodi præscripto celebranda est, & hanc ut apparet, quæ congruo tempore congreganda est, necessariam esse putat.

XXXIX. In libri ejusdem Epistola xiiii. ad Hugonem Dionsensem Episcopum: Quapropter admonemus fraternitatem tuam, ut Concilium in illis partibus convocare & celebrare studeas, maxime quidem cum consensu & consilio regis Francorum, si fieri potest. Sin autem aliqua occasio id consentire nolueris, in Lingonensi Ecclesia conventum Concilii celebrandi instituas. Infra: Stude ergo, ut præfatum confratrem nostrum Lingonensem Episcopum convenias, & communi consilio, ubi vobis melius videbitur, Synodum instituere, & convocatis illuc Archiepiscopo Remensi & ceteris, quotquot possis, Archiepiscopis & Episcopis Francia, primo omnium causam supra memorati Cameracensis electi discutere studeas. Concilii necessitatem significat, cum terminandi inter Episcopos negotii modum alium agnoscit nullum, nisi Synodum, in qua negotium communi consilio tractetur & decidatur.

XL. In libri v. Epistola xiiii. ad Guibertum Ravennatensem Archiepiscopum & ejus suffraganeos: Quapropter moti tam vestra, quam omnis gregis Christi nobis commissi salute, ex omnipotentis Dei parte & Romana Ecclesia, universalis videlicet matris, Apostolica auctoritate monemus & invitamus vos, ut ad Synodum, quam Deo auctore in proxima ventura quadragesima prima hebdomada celebraturi sumus conveniatis: desideramus potius Deo teste vestra saluti & populi vobis crediti consilium, quam nostro seculari commodo providere. Duabus de causis Synodum congregat in quadragesima: Primum ut Nicæno Concilio morem gerat: Deinde, ut Ravennatis Episcopi & populi huic Episcopo commissi salutem procuret. Atqui hæc causæ duæ Concilii necessitatem præ se ferunt.

XLI. In libri ejusdem Epistola xii. ad Rainerium Aurelianensem: Nunc itaque Apostolica auctoritate tibi precipimus, ut omni excusatione semota quidquid abstulisti, justè restituas, & restituis omnibus ad Synodum, qua vestris in partibus celebranda erit, convenias, ibique coram Legatis nostris Hugone Dionsensi, Hugone Abbate Cluniacensi, necnon & Rogerio Subdiacono nostro, de his & aliis, quæ tibi intentantur, rationem canonicè exponas. Non præciperet Legato suo, ut Synodum faciat, nisi eam esse necessariam autumaret. Tunc temporis omnia & Synodice fiebant & canonicè.

XLII. In libri ejusdem Epistola xxi. ad Hubertum Subdiaconum & Teuzonem Monachum: Verum quia Dionsensis Episcopus (ut diximus) præsens aderat, commisimus sibi istud, ut in Concilio, quo causam Remensis Archiepiscopi & aliorum Episcoporum Francia adjuncto sibi Abbate Cluniacensi tractaturus est, etiam hoc regulariter diffinire procuraret. Gregorius eandem de Concilii necessitate ferram reciprocatur.

103 XLIII. In libri ejusdem Epistola xxi. ad Gaudredum Redonensem: Statuimus præfatum confratrem

& Vicarium nostrum (Hugonem Episcopum) celebrare Concilium propter multa & magna negotia, qua in regno Francorum emersa Apostolica auctoritatis examinatione atque judicio indigent. Sic multa & magna negotia Concilium exigunt: Non exigent, nisi necessarium esset.

XLIV. In libri vi. Epistola i. ad omnes Clericos & laicos regni Teutonici: Quæ & quanta cura nobis fuerit, & est, ut pestilentia & clades & desolatio à vestro regno auferatur, pax & honestas & solitum decus vobis reddatur, in Synodo, qua hoc anno in quadragesima Romæ celebrata fuit, declaravimus. Exponit Romæ factam esse Synodum, quo tempore ex Nicæni Concilii canone facienda est.

XLV. In libri ejusdem Epistola xiv. ad Vuelfonem Ducem: Perpenditis, quod Sanctus Spiritus per nos licet indignos dignatus est in sancta Synodo, qua hoc in anno Romæ in quadragesima celebrata est, statueret, & cognoscere, quantum valeat, quantum possit auctoritas & potestas beati Petri. Et paulo post: Quid autem sit actum in quadragesimali Synodo, sive in ea, quam in mense Novembris fecimus, vestri fideles qui interfuerunt, & nostra littera vobis missa indicare possunt. Romæ semel atque iterum in anno Synodus habetur, vere & autumnus; & sic Gregorius Nicænum canonem v. exequitur, & cæteris exequendi præbet exemplum.

XLVI. In libri ejusdem Epistola xl. ad Bosonem: Quod si aliquid justitia in supradicta Ecclesia te habere confidit, ante Legatum nostrum Dionsensem Episcopum in Concilio, quod proximè celebraturus est, te præsentare debebis, 104 sciens, quod in nullo contra justitiam te volumus prægravare. Non minus curat, ut in provinciis, quam ut Romæ Concilia fiant, nec ita curaret, nisi certò sciret Concilia esse necessaria.

XLVII. In libri vii. Epistola i. ad Hubertum Romanum Subdiaconum: Præterea monemus te, ut ex parte beati Petri præcipias & invites tam Anglos, quam Normannicos ex unoquoque Archiepiscopatu vel duos Episcopos ad Romanam Synodum, quam in quadragesima Deo auctore sumus celebraturi, venire, scilicet ut qua ad Ecclesiasticam disciplinam pertinent, sanciantur. Quis unquam vidit Pontificem sacris Nicænæ Synodi canonibus obsequentior?

XLVIII. In libri ejusdem Epistola xvi. ad Hubertum Tarvanensem Episcopum: Pro quibus & aliis pluribus à fratre nostro Hugone Dionsensi Episcopo semel & iterum ad Concilium vocatus, & postea à nobis ad Synodum Romanam invitatus, ut te expurgares. Cum extra Synodum controversias Ecclesiasticas agitari finiri que Pontifex nolit, indicium est certissimum, illius sententiæ Synodum necessariam esse.

XLIX. In libri viii. Epistola xii. ad omnes Episcopos, Abbates, & Clericos Ravennati Ecclesiæ subiectos: Illius (Archiepiscopi Ravennatis) facinora commemorare supersedeo, qua per totum fere Romanum orbem se prodiderunt, pro quibus ipse in sancta Synodo Romæ celebrata omnium Episcoporum, qui aderant, consona sententia jam ex triennio gladio anathematis sine spe recuperationis percussus est. Romana Synodus est hujusmodi, ut res in ea communi omnium sententia decernantur.

L. In libri ejusdem Epistola xxxi. ad Comitum 105 Flandrensem: Itaque precipimus, ut congregato Concilio causam ipsius Episcopi (Tarvanensis) diligentius ventilare procurent. Tarvanensis Episcopi causam per se ipse non judicat, sed præcipit, ut illam Concilium judicet. Id sane non præciperet, nisi Concilium sibi necessarium videretur.

Haftenus incredibilis diligentia Gregorii VII. qui se totum & animo & corpore in Synodorum congregationem contulit: Et siquid ad Joannis VIII. curam & studium adjici potuit, adjecit. Nec usquam verba hæc, motu proprio, ex certa scientia, & de plenitudine potestatis usurpavit. Scilicet usurpata non fuerant à Gregorio I. ad quem referre, atque exprimere omnino voluit. Et de Nicæni Concilii canone v. ad primæ Sedis suæ decus & gloriam

gloriam cum Gelasio verè affirmatèque dicere potuit: Nullus jam veraciter Christianus ignorat, uniuscuiusque Synodi constitutum, quod universalis Ecclesia probavit assensus, NON ALIQUAM MAGIS EXEQUI SEDDEM PRÆ CÆTERIS OPORTERE, QUAM PRIMAM: hæc repeto, quæ infinities repetita placebunt.

Ceterum si de vita Gregorii VII. quæ ad Henrici IV. Imperatoris depositionem pertinent, velis detrachere, tunc habebis Pontificem, cui antefatur nemo, cui nulli vel certè pauci pares putentur.

Hic præterire nequeo Petrum Damianum sanctæ Romanæ Ecclesiæ Cardinalem Gregorio æqualem, qui de Conciliorum necessitate in libri III. Epistola VI. ad Annonem Episcopum Coloniensem ita scribit: Quamobrem, venerabilis Pater, ut sanctus studii tui labor ad effectum omnino perveniat, & per caudam titionis huius, immo per unum putridum Diaboli membrum apud opinionem hominum Romana Ecclesia non vilescat, & hac occasione, quod absit, Christianus populus in errore permaneat, necesse est, ut vestra prudentia totis visibus elaboret, quatenus generale Concilium quantocyus fiat, & perniciosi huius erroris spinas, in quo miser mundus versatur, evellet. Loquitur secundum Ecclesiæ suæ traditionem, quam per Romanos Pontifices exponimus ac derivamus.

### Testimonium Urbani II.

XXVII. **B**enedictus Kemperlegiensis Abbas ab Urbano II. petiit, ut unum è suis decessoribus Gurloesium nomine in Sanctorum numerum referret: Urbanus respondit, id se sine plenaria Synodo facere non posse. Urbani verba sunt in tomo IV. Galliæ Christianæ: Porro quæ de Gurloesii celebratione ab auctoritate nostra iudicium expetisti, non eadem potuit facilitate concedi. Non enim Sanctorum quisque debet canonibus admisceri, nisi & testes adsint, qui ejus miracula visa suis oculis attestentur, & plenaria Synodi communi firmetur assensu. Perspicias quo in rerum Ecclesiasticarum genere Concilium requirit, & illius necessitatem asserit. Pontifex est qui sciens & prudens loquitur.

### Testimonium Paschalis II.

XXVIII. **E**ruditus in Gregorii VII. schola Pontifex vix potuit non celebrare Concilia, quæ ex Nicænæ Synodi canone V. celebranda sunt, & quæ Romæ in Quadragesima celebrari consueverant.

Sic in Epistola ad Guidonem Archiepiscopum Viennensem: Cesset jam malitia zelus & dolositatis cavillatio, & prædictarum Ecclesiarum negotium juxta literarum tenore omnimodis peragatur. Alioquin ad presentiam nostram parati prorsus & instructi proximo quadragesimalis Concilii tempore revertantur.

Sic quoque ab illo Lateranensè Concilium, anno MCXII. celebratum esse testatur Viennensè Concilium, quod eodem anno Guido Viennensis Archiepiscopus & Apostolicæ Sedis Legatus habuit. Id in Epistola Synodica ad Paschalem his verbis scribitur: Quas (Regis literas) nimirum post Concilium, quod in præterita ultima Quadragesima Romæ celebrastis, se recepisse, & sibi missas idem Rex testabatur.

Conradus Urspergensis Abbas in Chronico Concilii huius, & eorum, qui ad illum venerunt, meminit: Transacta posthac media Quadragesima convenientibus universis Apulia, Campania, Sicilia, Tuscania, totiusque simul Italiæ presulibus, Ultramontanorum autem quamplurimorum, Patrum instituta more solito reverenter confirmata sunt etiam sepe dictum nostri temporis schisma inter precipuas hæreses computatur. Et paullo post: Scriptum illud, quod magnis necessitatibus coactus, inquit Paschalis, non pro vita mea, non pro salute, aut gloria, sed pro solis Ecclesiæ necessitatibus sine fratrum consilio, aut

subscriptionibus feci; super quo nulla conditione, nulla promissione constringimur: Sicut prævè factum cognosco, ita prævè factum confiteor, & OMNINO CORRIGI, Deo præstante, desidero, cujus correctionis modum, si a rum, qui conveniunt, consilio, iudicioque constituo, ne fortè per hoc impostèrum detrimentum aliquod Ecclesiæ, aut animæ mea relinquatur. Tunc omnino communi omnium favore laudatum est, ut fratres omnes, qui donum à Deo sapientia scientiaque perceperant, maturius super hoc consilium communi collatione susciperent, quid sequenti die per inspirationem Spiritus Sancti responderent. Die itaque sexta, quæ & ultima Concilii fuit, fidei suæ veritatem sanctis Patribus per omnia congruentem Dominus Papa Paschalis in audientia totius Concilii exposuit, asserens se scripturas sanctas veteris & novi Testamenti, Concilia universalis suscipere ac venerari, quæ Catholica Ecclesia suscipit & veneratur, ita dicendo: Amplector omnem divinam Scripturam scilicet & novi & veteris Testamenti, legem scriptam à Moyse & à sanctis Prophetis: Amplector quatuor Evangelia, septem canonicas Epistolas, & Epistolas gloriosi Doctoris beati Pauli Apostoli, sanctos canones Apostolorum, quatuor universalis Concilia, sicut quatuor Evangelia, Nicænæ, Constantinopolitanæ, Ephesum, & Chalcedonensè; Decreta sanctorum Patrum Romanorum Pontificum, & præcipue decreta Domini mei Papæ Gregorii, & beata memoria Papæ Urbani. Quæ ipsi laudaverunt, laudo, quæ ipsi tenuerunt, teneo, quæ confirmaverunt, confirmo, quæ damnaverunt, damno, quæ repulerunt, repello, quæ interdixerunt, interdico, quæ prohibuerunt, prohibeo: in omnibus, & per omnia, & in his semper perseverabo.

In calce huius professionis ex ore omnium, qui ad consulendum hesternæ deliberatione convenerant, Engolismensis Episcopus Gerardus hanc in scriptis sententiam recitavit: Privilegium illud, quod non est privilegium (neque verò dici debet privilegium, sed prævilegium) pro liberatione captivorum & Ecclesiæ à Domino Papa Paschali per violentiam Henrici Regis extortum, Nos omnes in hoc sancto Concilio cum eodem Domino Papa congregati canonica censura, & Ecclesiastica auctoritate, iudicio Sancti Spiritus damnamus, & irritum esse iudicamus, atque omnino cassamus. Paschalis necessarium credidit hoc Concilium duabus maximè de causis. Primum ut in eo palam Romæ in ore atque oculis omnium, quæ à se prævè gesta fuerant, emendaret, Ne, inquit, detrimentum aliquod Ecclesiæ aut animæ mea præiudicium relinquatur. Deinde, ut edita professione Catholicum se præstaret, revocato quod regi concesserat, privilegio.

Conciliorum necessitate persuasus anno MCXIII. Beneventi, anno MCXIV. apud Cyperanum, anno MCXV. Trojæ, & anno MCXVI. Romæ habuit Concilia, quibus quæ curva viderentur, corrigeret, excitatas discordias sedaret, & quæ tandem propter bonum pacis statuenda erant, communi omnium consilio statueret. Quidquid illud est, narrant Cassinensis & Beneventani Chronici auctores. Sed silentio præterire non possum Lateranensè Concilium III. in quo Lateranensis Concilii II. acta iterum anno MCXVI. confirmat his verbis: Postquam Dominus de servo suo fecit quod voluit, & me populūque Romanum tradidit in manus Regis, videbam quotidie passim fieri rapinas & incendia, cades & adulteria. Hæc & huiusmodi mala cupiebam avertere ab Ecclesiæ & populo Dei, & quod feci, pro liberatione populi Dei feci. Feci autem ut homo quia pulvis sum & cinis. Fateor me malè egisse, sed rogo vos omnes, Orate pro me ad Deum, ut indulgeat mihi. Illud autem malum scriptum, quod in tentoriis factum est, quod pro pravitate sui privilegium dicitur, condemnno sub perpetuo anathemate, ut nullius unquam sit bonæ memoria, & rogo vos omnes ut idem faciatis. Tunc ab universis clamatum est, fiat, fiat. Et quibusdam interpositis Concilii Patres, Fratres & Dominos suos appellat.

Porro autem quanti faceret & Concilia & sacros illorum canones, luculenter docet in Epistola XXIX. ad Basilium Hierosolymorum Regem: Unaquaque, inquit,



inquit, provincia justitiae suae limitibus perfuatur. Nec enim possumus manifeste sanctis Patrum nostrorum constitutionibus obviare.

#### Testimonium Gelasii II.

XXIX. **H**IC Pontifex rem decidit in Epistola 1. ad Archiepiscopos, Episcopos, Abbates, Clericos, & Principes Galliae: De controversia, qua inter Ecclesiam & regnum est, vel conventioni vel justitiae libenter acquiescimus loco & tempore competenti, videlicet Mediolani vel Cremonae in proxima beati Lucae solemnitate fratrum nostrorum judicio, qui à Deo iudices sunt constitui, & sine quibus hac causa tractari non potest. Concilii necessitas non potuit exprimi disertius.

#### Testimonium Eugenii III.

XXX. **H**IC Pontifex apud Othonem Frisingensem in libri 1. de gestis Frederici capite LXII. de Conciliorum necessitate mentem suam sic aperit: Dum ita per aliquot dies jam saepe dictus Episcopus (Pictaviensis Gilbertus Porretanus) coram summo Pontifice  
III (Eugenio III.) de fide sua in civitate Parisiis discuteretur, sentiens Papa, utpote cautus & religiosus causa difficultatem, protelandam eam usque ad Concilium universale adjudicavit. Erat enim in proxima mediana quadragesima Dominica apud Galliarum Metropolim Remis generale Concilium indictum. Sic neque motum proprium, certam scientiam & potestatis plenitudinem non asciscit, ut ipse solus de tam grandi negotio judicaret. Sed Pontifex utpote cautus & religiosus illud ad indictum à se Concilium remittit.

#### Testimonium Alexandri III.

XXXI. **H**abetur in literis, quas de convocatione Concilii generalis Lateranensis scribit ad Episcopos Thusciae: Quia in Ecclesia Dei correctione videmus quamplurima indigere, tum ad emendanda, qua digna emendatione videntur, quam ad promulganda, qua saluti fidelium visa sunt expedire, de diversis partibus personas Ecclesiasticas decernimus evocandas, quarum praesentia & consilio, quae fuerint salubria, statuantur, ut quod bonum est, secundum consuetudinem antiquorum Patrum provideatur & firmetur à multis. Quod si particulariter fieret, non facile posset plenum robur habere. Ex hac autem differentia, quam inter particulare & generale Concilium ponit, generalis Concilii necessitatem astruit.

Deinde in Epistola ad Guillelmum, Senonensem Archiepiscopum: Cum in nostra olim esses praesentia constitutus, tibi viva voce injunximus, ut suffraganeis tuis Parisiis tibi adscitis ad abrogationem pravae doctrinae Petri quondam Parisiensis Episcopi, qua dicitur, quod Christus secundum quod est homo, non est aliquid, omnino intendere, & efficacem operam adhibere: Inde siquidem est, quod fraternitati tuae per Apostolica scripta mandamus, quatenus quod tibi cum praesens esses, praecipimus, suffraganeos tuos Parisiis convoces, & una cum illis & aliis viris religiosiis & prudentibus praescriptam doctrinam studeas penitus abrogare. Sic in doctrinae pravae judicio efficax adhiberi non potest opera, nisi Synodus convocetur. Hæc est Sedis Apostolicae traditio, cui Pontifex insistit.

#### Testimonium Innocentii III.

XXXII. **P**hilippus Augustus Galliae Rex quando cum uxore divortium facere voluit, ut illud faceret, Innocentium III. consuluit veniam impetraturus. Sed Innocentius antiquae traditionis memor rem tanti momenti sine Concilio transigi non posse respondit in lib. III. regeft. xv. Epist. c. iv. Verba sunt:

Sed in carnali commercio inter te & reginam conjugem tuam adeo est processum, quod si etiam illi tantum confessioni vellemus insistere, quam nuper eadem regina fecisse proponitur coram Abbate de Trappa & dilecto filio Roberto de Corzon nunc titulo S. Stephani in Calio monte Presbytero Cardinali, non auderemus super hujusmodi casu de nostro sensu pro te aliquid definire propter illam sententiam evangelicam, quam ipse Christus expressit, ut quod Deus conjunxit, homo non separet, cum absque dubio nec Sanctorum exempla, nec Patrum decreta intentioni tuae in hoc articulo suffragentur. Verum si super hoc absque generali deliberatione Concilii, determinare aliquid tentaremus, praeter divinam offensam & mundanam infamiam, quam ex eo possemus incurrere, forsitan ordinis & officii nobis periculum immineret. Sic ad intelligendas scripturae auctoritates Concilia nonnunquam esse necessaria profiteretur. Quæ res fidem Catholicam tangit.

Deinde in ejusdem lib. & regeft. Epistola c. lxxxvii. ad Consules & populum Mediolanensem: Cum sit dignum & justum, ut qui non sinitis alios requiescere, apud eos non possitis requiem invenire. Ut autem Metropolis vestra obedientiam, quam vos superiori vestro subtrahitis in sibi subditis non inveniat in universis Episcopis eisdem subiectis Metropoli, nostris damus literis in praep-  
tis, ut in penam vestram ipsi omnem obedientiam & reverentiam subtrahentes eidem in aliquo non intendant. Denique cum non solum honore Metropolitico, sed etiam Pontificali vos reddatis indignos, quoniam ad praesens generale Concilium convocare commodè non possumus, per Iannem. Graden. Remen. Senonen. Rotomagen. Turonen. Bituricen. & Burdegalen. provincias dirigimus scripta nostra, ut habito super iis Archiepiscoporum, & Episcoporum, quos propter hoc congregari mandamus, Concilio, in tanto negotio cum maturitate debita procedamus. Hæc de necessitate Conciliorum ad componendas res Ecclesiasticas.

Sed adhuc non minus expressa traduntur in lib. iv. Regeft. xvi. Epistola c. lxxxii. ad Rigensem Episcopum: Cum in memoria non existat, Rigensem Ecclesiam alicui Metropolitico jure subesse, volumus & mandamus, ut donec in generali Concilio super hoc aliquid certum duxerimus statuendum, nulli tanquam Metropolitano interim respondere cogaris. Hæc dubitationem nullam habent.

Denique in Epistola ad Patriarcham Alexandrinum: Denique ad tuam duximus notitiam perferendum, quod  
III cum inter omnia desiderabilia cordis nostri duo in hoc saeculo principaliter affectemus, ut ad recuperationem videlicet terrae Sanctae ac reformationem universalis Ecclesiae valeamus intendere cum effectu, hoc ad exequendum praedicta de fratrum nostrorum consilio praevidimus faciendum, ut scilicet, quia hæc universorum fidelium communem statum respiciunt, generale Concilium juxta priscam sanctorum Patrum consuetudinem convocemus opportuno tempore celebrandum, in quo ad extirpanda vitia, & plantandas virtutes, corrigendos excessus & mores reformandos, eliminandas haereses, & roborandam fidem, sopiendas discordias & stabiliendam pacem, comprimendas oppressiones, & libertatem fovendam, inducendos principes & populos Christianos ad succursum & subsidium terrae sanctae tam à Clericis quam laicis impendendum.

Vix ullus est alius Pontifex, qui Conciliorum generalium necessitatem magis asseruerit.

#### Testimonium Gregorii X.

XXXIII. **G**regorius X. in indictione Lugdunensis Concilii majorum vestigiis sic insistit: Ad quod cum nos sufficere non posse sciamus, levamus oculos ad montem, montem quidem Dei, montem uberem, montem pinguem, unde opportunum nobis provenire auxilium & humiliter petimus & devotè speramus. Et quia salubre in his adhiberi remedium interest generaliter omnium, nos cum fratribus nostris, aliisque viris prudentibus exacto & frequenti tractatu praehabito, prout tanta  
necessi-

115 necessitatis instantia exigebat, de ipsorum consilio generale Concilium, sicut imitatione digna sanctorum Patrum consuetudo laudabilis, longeque observationis exemplum nos instruit, opportuno tempore decernimus congregandum, ut in eo tam circa premissa, quam circa cetera, quæ salutem respiciunt animarum, illa Deo auspice communi consilio inveniatur provisio, & ejusdem approbatione Concilii roboretur. Quid clarius? Quid ad probandam Conciliorum necessitatem efficacius?

#### Testimonium Clementis V.

XXXIV. **C**lemens V. iisdem verbis, quibus Gregorius X. Conciliorum necessitatem exprimit in Epistola, quam ad Philippum Francorum Regem dedit. Nam ibi generalis Concilii necessitatem adstruit, ut Templariorum discutiatur negotium, cujus gratia, Christianitatem totam dolere ait. Sic autem scribit: Ad quod cum nos sufficere commode non posse sciamus, levamus oculos nostros ad montem, montem quidem Dei, montem uberem, montem pinguem, unde opportunum nobis provenire auxilium & humiliter petimus, & devotè speramus. Et quia salubre in his adhiberi remedium interest generaliter omnium, nos cum eisdem fratribus nostris, aliisque viris prudentibus exactè & frequenti tractatu prahabito, prout tanta necessitatis instantia exigebat, de ipsorum fratrum consilio universale Concilium, sicut imitatione digna sanctorum Patrum consuetudo laudabilis, longeque observationis exemplum nos instruit, à proximis Calend. Octobris ad duos annos immediatè sequentes decernimus congregandum, ut in eo tam circa dictum Ordinem (Templariorum) & personas singulares, & bona ejusdem & alia, 116 qua statum tangunt fidei Catholica, quam circa recuperationem & ordinationem, & stabilitatem Ecclesiarum & Ecclesiasticarum personarum, & libertatem earum, illa Deo auspice communi consilio inveniatur provisio, & ejusdem approbatione Concilii roboretur.

#### Testimonium Martini V.

XXXV. **M**artinus hinc frequentis generalium Conciliorum celebrationis necessitate persuasus, inde Constantiensis Concilio morem gerens, generale Concilium Papiæ antè indicit, quàm Constantiense solveretur. Sic autem in sessione XLIV. indicit: Martinus Episcopus servus servorum Dei ad futuram rei memoriam. Cupientes ac volentes decreto hujus generalis Concilii satisfacere, inter alia disponenti, quod omnimodo generalia Concilia celebrentur in loco, quem summus Pontifex per mensem ante finem hujus Concilii approbante & consentiente Concilio deputare & designare teneatur pro loco dicti proximè futuri Concilii celebrandi supradicti, eodem consentiente & approbante Concilio civitatem Papiensem tenore presentium deputamus, & etiam assignamus, statuantes & etiam decernentes, quod prelati & etiam alii, qui ad generalia Concilia debent convocari, tempore predicto civitatem ipsam Papiensem accedere teneantur, &c. Datum & actum Constantiæ, &c. III. Calend. Maii Pontificatus nostri anno I.

Cum anno MCCCXXIII. Papiæ celebraretur Synodus, pestis ibi grassari cœpit, & eam ob causam Senas translata est. Quo in loco Synodum generalem indicit, quæ Basileæ post septennium haberetur. Hæc autem omnia cum ita sint, Martinus omnino credebatur, generalia Concilia ad faciendam & fidem & Ecclesiæ disciplinam requiri.

#### Testimonium Clementis VII. Medicei.

117 XXXVI. **R**EM decernit in Diplomate, quo ad annum Christi MDXXXIII. generale indicit Concilium, vel certè indicendum esse censuit, cum ad Franciscum primum Galliæ Regem ita scriberet: Superiore biennio, sicut tua majestas recordari potest, cum se-

nissimum Casarem quamquam pro sua inclita pietate omnia conatum, tamen in conventu Augustano nihil remedium ad hæresim Lutheranorum in Germania tollendam præ illorum obstinatione afferre potuisse audiremus, solūque Concilii generalis remedium, a nostris prædecessoribus in casu simili usitatum, & ab ipsis Lutheranis postulatū superesse videremus, habita super hoc cum venerabilibus fratribus nostris S.R.E. Cardinalibus matura deliberatione ad ipsius Concilii generalis indictionem in Italia & loco ad hoc commodiore celebrandi devenire intendentes, id tua Majestati, sicut Casari & ceteris Principibus significandum communicandumque duximus, eamque nostris fueris fuimus hortati, ut tam sancto & necessario operi pro tua pietate, & Christianissimi titulo, proque tuorum majorum perpetua consuetudine favere, causamque sanctæ fidei cum tua, si fieri possit, presentia, aut saltem oratoribus tuis, itaque regni prelati adjuvare & tuari, & in hoc te & illos interim præparare pro communi officio vellet. Et post alia: Nos Janè non solum Christiana charitate sed etiam nostri debito muneris, quod à Deo omnipotente accepimus, adstricti, ne tot animas in illa hæresi periclitari, quantum à nobis præstari poterit, ulterius sinamus, nostras partes, nostrumque officium in Principibus omnibus ad ipsum Concilium adhortandis, tunc susceptum, à nobis terrore immensissimi hostis interruptum resumere continuandum censuimus, ut sancta religioni tantis terroribus illic implicita succurramus. Pontifex in his literis ad faciendas & fidei & morum regulas necessarium esse generale Concilium agnoscit, & à majoribus agnitum & usitatum proficitur. 118

#### Testimonium Pii IV.

XXXVII. **H**IC Pontifex ordinis sui testium feriem claudit in diplomate, quo Tridentinam Synodum confirmavit. Nempe generalem Synodum, qualis Tridentina fuit, non utilem modò, sed & necessariam indicat his verbis: Nos autem post susceptum Sedis Apostolicæ regimen, tam necessarium ac salutare opus, sicut Pastoralis sollicitudo monebat, divina misericordia fiducia perficere aggressi, adjuti pro studio charissimi in Christo filii nostri Ferdinandi Romanorum Imperatoris electi, aliorum Christianorum Regum, Rerumpublicarum ac Principum, tandem consecuti sumus, quod nec diurnis nec nocturnis curis elaborare destitimus quodque à Patre luminum assidue precati sumus. Sic providentia Dei factum est, ut invitis & repugnantibus Romanæ Curie assentatoribus Pontifices ipsi generalia Concilia non salutaria modò seu utilia, sed etiam necessaria judicarent.

Hæc est Apostolicæ circa non utilem modò, sed etiam necessariam Conciliorum frequentationem traditionis linea, quam à B. Petro per intermedios Pontifices usque ad Pium IV. duximus, & ita ni fallor, duximus, ut vix ulla reperiri possit illustrior, aut testatior. Nunc videre mihi videor celeberrimum quendam Romanorum Pontificum Cornelii, Julii I. Liberii, Damasi I. Siricii, Innocentii I. Celestini I. Leonis I. Hilari, Felicis III. Gelasii I. Hormisdæ, Bonifacii II. Vigili, Gregorii I. Theodori, Martini I. Agathonis, Nicolai I. Joannis VIII. Stephani IX. aliàs X. Nicolai II. Alexandri II. Gregorii VII. Urbani II. Pascalii II. Gelasii II. Eugenii III. Alexandri III. Innocentii III. Gregorii X. Clementis V. Martini V. Clementis VII. Pii IV. confessum, cui S. Petrus præsidet, & unâ omnium voce decernit, Conciliorum celebrationem ad faciendas res fidei & disciplinæ non utilem modò, verum etiam necessariam esse. Confessui huic accedunt Romanus ille Clerus, qui Cypriani tempore, & vacante Sede omni genere virtutis floruit, & quotquot Romani Pontifices cum initiati sunt, edidit fidei professionem, hanc, quæ in Romanæ Ecclesiæ diurno extat: Sancta quoque universalis Concilia Nicanum, Constantinopolitanum, Ephesinum primum, Chalcedonense, & secundum Constantinopolitanum, quod Justiniani pia memoria Principis temporibus



temporibus celebratum est, usque ad unum apicem immutata servare, & una cum eis pari honore ac veneratione sanctum sextum Concilium, quod nuper Constantino pia memoria Principe & Agathone Apostolico predecessore meo convenit, medullitus & plenius conservare, quaque verò prædicaverunt, prædicare, quaque condemnaverunt, ore & corde condemnare, diligentius autem & vivacius omnia decreta predecessorum Apostolicorum nostrorum Pontificum, quaque ipsi Synodaliiter statuerunt & probata sunt, confirmare & indiminuere servare, & sicut ab eis statuta sunt in sui vigoris stabilitate custodire, quaque vel quosque condemnarunt, vel abdicarunt, simili auctoritatis sententia condemnare, disciplinam & ritum Ecclesie sicut inveni, & à sanctis predecessoribus meis traditum reperi, illibatum custodire profiteor. Hinc dubitare non licet, quin Pontifices obligati sacramento tam iusto Nicænæ Synodo paruerint, & annis singulis Concilia, quoad fieri potuit, celebraverint, etiam si ad nos Conciliorum monumenta omnia non pervenerint. Apprinè noverunt, Leonem magnum observasse nihil contra reverentiam paternorum canonum, contra Sancti Spiritus institutionem, contra antiquitatis exempla, tentandum esse, & sanctorum Patrum canones spiritu Dei conditos & totius mundi reverentia consecratos, ita custodiendos esse, ut à regulis præstitis, nulla aut negligentia aut presumptione discedant. Noverant Leonem, cum hæc scribit, de Nicænæ Canonibus sermonem instituere. Similiter noverant Gelasium de Petri Sede verissime & sanctissime pronunciasse: Unusquisque Synodi constitutum, quod universalis Ecclesia probavit assensus, non aliquam magis exequi Sedem præ ceteris oportere, quam primam. In summa, noverant eam Conciliorum necessitatem, quam plerique Pontifices relati prædicarunt, iniecerunt, & omnium auribus inculcarunt. Quinetiam, in Synodum V. jurando receperunt id, quod ipsa Synodus collatione VIII. omni nobis asseveratione sic affirmat: Licet Spiritus Sancti gratia & circa singulos Apostolos abundaret, ut non indigerent alieno consilio ad ea, quæ agenda erant, non tamen aliter voluerunt de eo, quod movebatur, si oporteret gentes circumcidi, desinere, rursus quam communiter congregati divinarum Scripturarum testimoniis unusquisque dicta sua confirmarunt. Unde communiter de eo sententiam protulerunt ad gentes scribentes: Visum est Spiritui Sancto & nobis, &c. Sed ut sancti Patres, qui per tempora in sanctis quatuor Conciliis convenierunt, antiquis Conciliis utentes communiter de exortis hæresibus & questionibus disposuerunt certo constituto, quod in communibus disputationibus cum proponuntur, quæ ex utraque parte discutienda sunt, veritatis lumen tenebras expellit mendacii. NEC ENIM POTEST IN COMMUNIBUS DE FIDE DISCEPTATIONIBUS ALITER VERITAS MANIFESTARI, CUM UNUSQUISQUE PROXIMI ADJUTORIO INDIGET: SICUT IN PROVERBIIS DICIT SOLOMON: FRATER FRATRI ADJUTORIUM PRÆSTANS EXALTABITUR, SICUT CIVITAS MUNITA. Quibus verbis Conciliorum asseritur necessitas.

Qui veterum Patrum commentarios evolvit, qui Conciliorum volumina replicabit omnia, necessitatem quidem habendorum in Ecclesia Conciliorum asserit invenit. Sed qui magis, quam Romani Pontifices asseruerint, reperiet neminem. Deinde Romanos inter Pontifices, qui magis Conciliorum necessitatem probaverint, quam qui reliquis sanctitate & doctrina præstiterint, reperiet quoque neminem. Cyprianus Conciliorum necessitatem prædicat, sed cum Romano Clero prædicat, ut capite II. retulimus. Concilium Toletanum XI. de Conciliorum necessitate cum præfatur, asserit, Si Concilia desint, necesse est, ut virtus & erroribus continè repleantur omnia: Sed Romanos Pontifices non vincit. Quinetiam si ad posteriora veniendum sit tempora, Parisienses Theologi, pro Conciliorum auctoritate & necessitate non pugnant fortius, quam Romani quidam Pontifices, quorum sententias

recensuimus. Hæc ergo Romanorum Pontificum propria laus est, ut quidquid de Conciliorum utilitate, auctoritate, & necessitate apud alios offenditur, acceptum illis merito referri possit. Neque verò Pontifices aliter sentire poterant, nisi, quod absit, cum Licinio Christianæ religionis afflictore sentirent adversus Ecclesiam. Qua de re insignis est locus apud Eusebium in libri I. de vita Constantini capite XLIV. Licinius primum contra Dei ministros ejus subjectos Imperio, qui nunquam quicquam criminis contra Imperium admisissent, pederentim, tum & dissimulenter causas astute & fallaciter confectas aucupari molitus est: Et cum nullum crimen ipsi suppeteret, nec haberet, quod viris illis omnino posset objicere, legem promulgavit, quæ quidem præcepit, ut neque Episcopi inter se de rebus suis communicarent, neque cuiquam illorum copia esset aliquam Ecclesiam in proximo adeundi, neque conventus, aut consilia, aut deliberationes de rebus ad utilitatem ipsorum spectantibus, instituendi. Atque hæc tanquam ansa illi fuit ad nos proterve contumeliosè tractandos. Aut enim legem violando supplicio obnoxios esse oportebat, aut legis præcepto morem gerendo Ecclesie ritus & instituta evertere. Nam magna & graves deliberationes de rebus controversis susceptæ non aliter possunt, quam per rectam Conciliorum administrationem ratione & via procedere. *Αλλος γὰρ ἡ δύναμις τῆς μελέτης τοῦ σκευδαίου ἢ διὰ συνόδων καὶ ἐκκλησιῶν.* At revera Dei hostis Licinius, quoniam Constantini Pii Imperatoris institutis contraria metiri decreverat, ejusmodi exequi contra nos mandavit. Nam ut hic sacerdotes Dei, quod honor illius, quem sancte colebant, illustraretur, ad pacem studuit & mutuam concordiam adducere: Sic ille honesta disturbare machinatus, consentientem Ecclesie harmoniam disrumpere disvellereque contendit: Nimirum promulgata lege impediens; ne ab Episcopis Concilia celebrarentur. At Sedes Apostolica, ut ex allatis Pontificum testimoniis apparet, non aliter sensit unquam, quam quod universa tunc per orbem sentiebat Ecclesia; tantum abest ut cum Licinio conspiraret. Fortassis Romanæ Curie Adulatores eam Licinio conspirant. Sed Apostolica Sedes, vel Romana Ecclesia, ut appareret, nec conspirat, nec id fecit unquam, quo conspirare judicaretur; de Sede inquam Apostolica loquor, non de Romanæ Curie Theologis, qui Conciliorum utilitatem Romanis Pontificibus nunquam exponunt, qui de Romanæ Ecclesie circa Conciliorum celebrationem traditione nunquam scribunt, qui de Conciliorum necessitate silent.

Reliquum est modò ut expendantur quæ Bellarminus de hoc argumenti genere scripsit, utrum exploratæ Sedis Apostolicæ traditioni consentiat, vel ab ea dissentiat, vel ut aliquando solet, ἀμφοτέρω. Hic igitur auctor in libri I. de Conciliis capite IX. celebrandum Conciliorum causas enumerat sex: hæresim novam, quæ damnetur; excitatum inter Romanos Pontifices schisma, quod tollatur; communem Ecclesie totius hostem, cui resistendum sit; hæresis in Romano Pontifice suspicionem, quæ examinetur; de Romani Pontificis electione dubitationem, quæ removeatur; generalem reformationem abusum & vitiorum, quæ in Ecclesiam irrepunt. Hic silentio prætermittit observationem Nicæni canonis, quo statuitur: *Ut annis singulis per unamquamque provinciam bis in anno Concilia celebrentur.* At in tota Ecclesia nullus fuit Episcopus, qui canonem hunc diligentius, quam Romanus Pontifex executus fuerit. De uno Gregorio VII. cum quibusdamque Episcopis jure experirer. Intoleranda est *αὐτοῦ*, cujus hic reum se Bellarminus prodit.

Deinde in capite X. lemma hoc: *Concilia generalia utilia esse & suo quodammodo necessaria, non tamen absolute & simpliciter, sibi sumit.* Quod complicatur certis quibusdam verbis, quæ Romano Pontifici cuicunque secundum necessitatem Conciliorum pronuncianti futurum facerent. Apud relatos Pontifices testimonium nullum est, nulla sententia, quam Bellarminus per istud,

non simpliciter, sed suo quodam modo necessaria, non ener-  
vet, & à proposito non deflectat. Verba sunt Aca-  
demiae volaticae, ubi pro arbitrio quidvis negatur vel  
asseritur, non disciplinae Ecclesiasticae, quae simplici,  
nuda, & communi oratione declaratur. Non ita loquun-  
tur Pius IV. & Clemens VII. Non ita loquitur Syno-  
dus V. quam recipientes Pelagius II. Gregorius I. &  
alii suam fecerunt, & id cum primis, quod mox in  
medium adduxi.

Bellarminus lemma suum confirmat ex eo, quod pri-  
mis trecentis annis caruit Ecclesia Conciliis generalibus,  
nec tamen periit.

Et primò quidem argumentum hoc urget Romanos  
Pontifices, in quorum gratiam de Conciliis generalibus  
scribit, & eorum necessitatem minuit.

125 Bellarminus dicit, generale Concilium non esse simpli-  
citer necessarium, sed Liberius sic ad Constantium scri-  
bit, ut necessarium esse Concilium significet: Ego, re-  
ligiosissime Imperator, tecum veram pacem requiro, quae  
non sit verbis composita interna dispositione fallacia, sed  
praeceptis evangeliorum rationabiliter confirmata: non A-  
thanasii tantum negotium, sed multa alia in medium ve-  
nerant, propter quae Concilium fieri mansuetudinem tuam  
fueram deprecatus.

Bellarminus dicit, generale Concilium non esse simpli-  
citer necessarium, sed Innocentius I. ad Clerum & po-  
pulum Constantinopolitanum scribit: Sed quodnam re-  
medium hisce rebus in praesenti adferemus? Necessaria  
erit Synodalis cognitio, quam etiam jam antea congregan-  
dam diximus: ea quippe sola est, quae huiusmodi procella-  
rum impetus retundere potest, quam quidem donec conse-  
quamur, expedit medellam calamitatis huius committere  
voluntati magni Dei, ac Christi Domini nostri.

Bellarminus dicit, generale Concilium non esse simpli-  
citer necessarium, sed Leo & Romana Synodus ad Theo-  
dosium scribunt: Ecce ego, Christianissime & venera-  
bilis Imperator, cum consacerdotibus meis implens erga re-  
verentiam clementia vestrae sinceri amoris officium, cupi-  
ensque vos placere per omnia Deo, cui pro vobis adeo sup-  
plicatur, ne ante tribunal Christi Domini rei de silentio ju-  
dicemur, obsecramus coram unius Deitatis inseparabili Tri-  
nitate, quae tali facto laeditur, cum ipsa vestri sit custos  
& auctrix Imperii, & coram sanctis Angelis Christi, ut  
omnia in eo statu manere jubeatis, in quo fuerunt ante omne  
iudicium, donec major ex toto orbe Sacerdotum numerus  
congregetur.

126 Bellarminus dicit, generale Concilium non esse simpli-  
citer necessarium, sed Synodus V. quam Romani Pon-  
tifices approbarunt, ingenuè profitetur in Collatio-  
ne VII. non posse aliter quam in communibus de fide di-  
scepcionibus (quae in generali fiunt Concilio) verita-  
tem manifestari.

Bellarminus dicit, generale Concilium non esse simpli-  
citer necessarium, sed Gregorius magnus ad Joannem  
Constantinopolitanum scribit: Ego itaque per responsa-  
les meos semel & bis verbis humilibus hoc quod in tota Ec-  
clesia peccatur corripere studui; nunc per meipsum scribo;  
quidquid facere humiliter debui, non omisi. Sed si in  
mea correptione despicior, restat ut Ecclesiam debeam ad-  
hibere.

Bellarminus dicit, generale Concilium non esse simpli-  
citer necessarium, sed Nicolaus I. scribit ad Episcopos  
Galliae: Alioqui vestram fraternitatem ad nos convo-  
candi, & pariter de huiusmodi questionibus tractandi,  
nobis erit omnino necessitas, ut videlicet juxta pristinam  
consuetudinem nobiscum in idipsum apud sanctum Petrum  
convenientes communes Ecclesiae calumnias repellamus.

Bellarminus dicit, generale Concilium non esse simpli-  
citer necessarium, sed Gregorius VII. in libri I. Epi-  
stola XLIII. scribit ad omnes Episcopos Mediolanen-  
sis provinciae: Nos itaque huius celebratis hoc tempore  
causam valde necessariam considerantes in prima hebdoma-  
da quadragesimae Synodum (generalem) annuente Deo ce-  
lebrare disposuimus.

Bellarminus dicit, generale Concilium non esse simpli-  
citer necessarium, sed Innocentius III. scribit ad Philip-  
pum Augustum, Regem Galliae: Verum si super hoc abs-  
que generali deliberatione Concilii determinare aliquid ten-  
tarem, praeter divinam offensam & mundanam infamiam,  
quam ex eo possemus incurrere, forsitan ordinis & officii nostri  
nobis periculum immineret.

Bellarminus dicit, generale Concilium non esse simpli-  
citer necessarium, sed Gregorius X. in indictione Lug-  
dunensis Concilii II. scribit: Ad quod cum nos sufficere  
non posse sciamus, levamus oculos nostros ad montem, mon-  
tem quidem Dei, & caetera, quae num. XXXII. retu-  
limus.

Bellarminus dicit, generale Concilium non esse simpli-  
citer necessarium, sed Clemens VII. ad Franciscum pri-  
mum Regem Galliae, scribit, Concilii generalis remedium  
superesse solum, quo Lutheranismi haeresis à Germania  
tollatur; & Pius IV. asserit Trid. Concilium fuisse opus  
salutare & necessarium.

Tum Bellarminus in variis rei necessariae acceptioni-  
bus ludit, & in his verbis, Concilia generalia suo quo-  
dam modo necessaria, non tamen simpliciter & absolute,  
praestigiosam quandam machinam constituit, in qua  
nunc se prodit in lucem, nunc se occultat, & tandem  
Conciliorum generalium frequentationem redigit ad  
simplicem & absolutam rerum naturalium conditio-  
nem, quae summa est in philosophando fallacia: Quippe  
alius est rerum mortalium status, quo aestimanda sit ge-  
neralium Conciliorum celebratio, alius rerum natu-  
ralium status, ubi quod absolute & simpliciter necessa-  
rium est, perpenditur. Fraus illa & tergiversatio si de  
Bellarmini disputatione detrahatur, disputatio haec ve-  
luti magno quodam labefactata motu concidet, & ope-  
ris auctor pone siparium ab omnibus argumentis vacuus  
& nudus apparebit.

Denique primis Ecclesiae annis trecentis generalia 128  
Concilia fuerunt necessaria, sed ne tunc temporis cala-  
mitosissimi fierent, horrendae Christianorum vexati-  
ones obstiterunt. Uno verbo necessaria fuerunt semper  
Concilia generalia, sed ea non potuerunt semper con-  
gregari, & quo tempore congregari potuerunt, & ut  
congregarentur, fuit operae pretium, congregata sunt,  
ut inter omnes de Nicæno Concilio liquet. Quae rerum  
momenta quatuor cum Bellarminus dissimulet, dolo  
malo sic statuit: Primis trecentis annis caruit Ecclesia  
Conciliis generalibus, nec tamen periit. Quemadmodum  
enim annis illis CCC. Ecclesia sine Conciliis generalibus in-  
columis mansit, sic etiam potuisset sine dubio aliis CCC. &  
rursus aliis DC. atque aliis mille permanere. Nam non  
defuerunt illo etiam tempore multa haereses, multa schis-  
mata, multa vitia atque abusus; quae tamen omnia Eccle-  
siam Catholicam, tametsi Conciliorum generalium praesidio  
destituta opprimere non potuerunt.

Sic igitur dolo malo statuit, cum quod vir sincero  
animo praeditus libenter agnosceret, non agnoscit.  
Trecentorum annorum illorum intervallo celebrata  
sunt diversis in locis Concilia, & prout Imperii bar-  
baries tulit, nunc parva, nunc sat magna; quae gene-  
ralibus plerisque æquiparari possent. Cujus rei exem-  
plum est de celebrando Paschali die illustrissimum, quod  
Eusebius in libri V. historiae capite XXII. ita recenset:  
Idcirco Concilia & conventus Episcoporum in unum coge-  
bantur, & omnes una sententia decretum Ecclesiasticum,  
nempe ut non alio die aliquando, quam Dominico myste-  
rium Domini resurrectionis à mortuis celebraretur, & ut 129  
in hoc solo jejuniis, quae circiter Pascha fieri solent,  
finem faceremus, per literas ad omnes Ecclesias scriptas ra-  
tum faciebant. Decretum autem Episcoporum, qui tum  
erant in Palaestina convocati, ad hanc usque aetatem scri-  
ptis custoditum est. In quorum Synodo Theophilus Casa-  
riensis Ecclesiae Episcopus, & Narcissus Episcopus Hiero-  
solytorum, praesides fuerunt. Aliud etiam est Episcoporum,  
qui Roma similiter conveniebant, de eadem controversia sta-  
tutum: Quod quidem Victorius id temporis Episcopum  
fuisse



fuisse declarat. Aliud item Episcoporum Ponti, quibus Palmas upote antiquissimus & maximè venerandus præstebat. Aliud Ecclesiarum Gallia, quas Irenæus regebat Episcopus. Aliud porro Ecclesiarum, quæ Osroënam & reliquas in eo loco civitates incolebant. Aliud separatim Bacchylli Ecclesie Corinthiorum Episcopi: Et alia denique aliorum propè infinitorum, de quibus uno consensu, iudicioque uno eandem de illius festi observatione tulere sententiam. Atque istorum omnium una hæc, quam docuimus, consentiens erat decisio. Nonne provincialia Concilia hæc omnia, generali æquantur Concilio? Nonne universam idoneè repræsentant Ecclesiam, si præsertim attendantur cum multitudo Præfulum, tum disjunctissima, maximèque diversa loca, in quibus provincialia Concilia fuerunt coacta?

Deinde Eusebius Antiochenum Concilium, quod Pauli Samosatani confixit hæresim, & Paulum de Sede sua dejecit, in libri VII. historię capite XXII. ita scribit: *Interea Demetrianus Antiochia vitam deserente Paulus ex Samosata Episcopatus dignitatem assequitur. Et quoniam iste abjectam & humilem nimis de Christo contra doctrinam Ecclesiasticam habebat opinionem, nempe quod solum communi natura erat cum homine præditus, Dionysius Alexandrinus rogatus est, ut veniret ad Synodum; qui quanquam senectutem simul & imbecillitatem corporis causando præsto esse veniit, per Epistolam tamen illos quam habebat de controversia sententiam fecit certiores. Cateri autem Ecclesiarum Pastores, alius aliunde, contra istum Paulum tanquam pestem & perniciem gregis Christi itinere cum celeritate confecto, omnes Antiochia in unum convenerunt. Inter hos maximè præstare videbantur Firmilianus Cæsarea Cappadociæ Episcopus, Gregorius & Athenodorus fratres Pastores Ecclesiarum, quæ sunt in Ponto; Helenus præterea, qui Tarsis rexerat Ecclesiam, & Nicomas, qui Iconii Ecclesie ministerio functus est. Huc accedit Hymeneus Ecclesie Hierosolymitana Episcopus, & Theotecnus, qui Cæsarea Palastina, Hierosolymis finitima, administrationem obtinuit. Adde his Maximum, qui fratribus Bostre decorè & insigniter præfuit. Ac tametsi alios pene infinitos Episcopos unà cum Presbyteris & Diaconis, qui ejus rei gratia in urbe supra demonstrata, id temporis coacti erant, vix ac ne vix quidem aliquis poterit enumerare, inter eos tamen hi quos dixi facillè primas tenuerunt. At enumerari possunt, qui primis Tridentini Concilii sessionibus interfuerunt. Concilium istud Antiochiæ celebratum est anno CCLXVI.*

Sed quoniam ibi cum Paulo actum est mitius, convocandum fuit anno CCLXXII. aliud Concilium, quod idem scriptor ita describit in ejusdem libri historię capite XXIII. *Paulus dux & auctor erroris, qui Antiochia grassabatur, in postremo Concilio Episcoporum numero propè infinitorum contra eum convocato, sui erroris & peregrinae opinionis omnium jam consensu palam condemnatus ab universa & Catholica Ecclesia, quæ sub calo est, penitus exturbatus fuit. Mox in capite XXIV. Omnes igitur Episcopi & Pastores, qui in Concilio supra commemorato erant convocati, unam communi consensu Epistolam ad Dionysium Romanum Episcopum, & ad Maximum Alexandria Ecclesiam procurantem nominatim conscripserunt.*

Hilarius Pictaviensis Episcopus magis definitè, quàm Eusebius de numero Episcoporum Antiocheni, seu prioris seu posterioris Concilii loquitur, cum in Epistola de Synodis Episcopos octoginta huic interfuisse ait: *Malè intelligitur homousion, quid ad me bene intelligentem? Malè homousion Samosatenu confessus est, sed nunquid Ariani melius negaverunt? Octoginta Episcopi olim respuerunt, trecenti decem & octo nuper receperunt. Bellarminus non advertit generale haberi Tridentinum Concilium, etiamsi sessionibus nonnullis octoginta Episcopi non interfuerint. Hoc inquam Bellarminus non advertit, quò facilius sua de non necessitate Conciliorum placita constitueret.*

Nicæni Patres persuasi necessaria esse Concilia, de-

creverunt, ut quotannis in unaquaque provincia Synodi semel atque iterum celebrarentur, quæ omnes universalibus Synodis non possent non æquiparari, maximè si universalis Synodus celebrari commodè non posset. Ad hanc observationem Bellarmini extabescit opinio, quæ Concilia non esse absolute necessaria metaphysicis suis & formalibus argutiis per repetitam toties annorum trecentorum subductionem contendit, expositam à nobis Sedis Apostolicæ traditionem oppugnat, & refigit curas & cogitationes omnes, quas relati supra Pontifices Romani in congregandis identidem Synodis suo quisque tempore confixerunt.

Porro autem non semper necesse est, ut jam monuimus, universalia congregari Concilia, vel etiam alia plura, quæ tantundem essent. Et primò quidem necesse non est universale Concilium cogi, cum redaccenditur hæresis, quæ ab universali Concilio jam extincta est, ut laudati Pontifices Felix III. & Gelasius I. nos docent: Deinde quando hæreseos materia tam omnium auribus & animis absona est, ut sponte sua dissiliat, vel quando hæreseos auctores magni non sunt in Ecclesia nominis, & manu levissima comprimuntur, vel ab Ecclesiasticis tractatoribus & diocesani Episcopis, qui contra illos scribunt, vel à provincialibus Synodis, quas Episcopi celebrant. Apud Philastrium, Epiphanium, Augustinum, Hyginum, Theodoretum exempla hæreseos & hæreticorum ejusmodi occurrunt. Ex Hygino notabo pauca, quæ ad provinciales Synodos spectant.

XV. Colarbasiana hæresis à Colarbasio adinventæ. Vitam omnem hominum in septem stellis esse positam adfirmabat, & has esse septem Ecclesias & septem Candelabra aurea conabatur adstruere. Hunc sanctus Theodotus de Pergamo Episcopus habita Synodo septem Episcoporum anathematizavit, docens septem Ecclesias in septiformi spiritu consecratas, &c.

XVI. Hæresis Heracleonitarum ab Heracleone adinventæ est, quæ baptizatum hominem sive justum sive peccatorem loco sancti computari docebat. Et paullo post: Hic in partibus Sicilia inchoavit docere. Contra hunc susceperunt Episcopi Siculorum, Eustachius Lilybaeorum, & Panormaeorum Theodorus, quique omnium, qui per Siciliam erant, Episcoporum Synodum exorantes gestis eum audire decreverunt, & universas assertiones ejus dirigentes ad sanctum Alexandrum urbis Episcopum rogaverunt, ut ad eum consultandum aliquid ordinaret.

XVII. Hæresis Ophitarum est hæc: Habent colubrum assuetum eorum panes lingua lambere. Atque ita ex se velut Eucharistiam sanctificare. Quem colubrum suum Christum appellant. Contra hunc susceperunt Bithynia provincie Sacerdotes, id est, civitatis Calchedonia & Nicomedie Episcopi Theocritus & Evander; & confutantes eos publice superaverunt.

XVIII. Hæresis Cainianorum est hæc: Cain honorant, dicentes eum fortissima esse virtutis. Simul & Judam traditorem divinum aliquid putant, & scelus ejus beneficium deputant, asserentes eum præcisse, quantum esset generi humano Christi passio profutura, & occidendum Judæis propterea tradidisse. Hos ortos esse Mesopotamiani Ecclesiarum Syria Sacerdotes, ad ceteros suos Episcopos conscripserunt: quos triginta & duo Episcopi apud Antiochiam residentes cum ejusdem urbis Episcopo Theodoro in presenti confutatos damnaverunt.

XXIII. Hæresis Cerdonianorum à Cerdone capit exordium, qui duo principia sibi adversantia dogmatizavit. Et paullo post: Contra hunc suscepit sanctus Apollonius Episcopus Corinthiorum, cumque omni cum Synodo Orientali damnavit.

LIV. Hæresis Aëtiana ab Aëtio dicta. Hi cum Eunomio dissimilem per omnia Patri Filium confitentur, & dicunt, Quicumque nostra fidei consentiunt, sciant sibi nulla obisse peccata, quacunque fuerint ab eis perpetrata. Contra hos Synodus XX. Episcoporum egit in Achaia.

LV. Hæresis Apollinaristarum est ab Apollinare inchoata. Negant hominem perfectum in Christo, sed assumptionem

tionem carnis ita factam, ut intus in homine pro anima divinitas esset. Infra: Egit contra hunc Synodus in Antiochia.

His exemplis instruimur, semper in Ecclesia Dei fuisse persuasum, ad hæresim & hæreticorum, qui alicujus essent nominis, confutationem Synodos requiri. Quocirca nemini mirum videri debet, Licinium Christianorum hostem infensissimum reputasse secum, fore, ut si tollerentur ab Ecclesia Synodi, religio sancta funditus extirparetur. Quæ om-

nia si Bellarminus planè novisset, non dubito, quin vir optimus de Conciliorum necessitate scripsisset aliter quàm scripsit, & derivatam ab initio Sedis Apostolicæ traditionem, quæ si ulla alia, monumentis splendescit suis, adamasset maximè, & pugnantissimè defendisset. Profectò nos illo levasset onere, quod ingenua naturæ tuæ humanitas & dignum Parisiensi Theologo studium, mihi tametsi ferendo non fuit, imposuit. Vale. Lutetiæ Parisiorum, Calend. Quintilib. an. MDCLXV.

# Joannes Launoïus MARTINO METAYERO

Parisiensi Theologo.

Ebroicas.

**Q**UO primum tempore propositio hæc, loqui seu pronunciare ex cathedra, in usu esse cœpit, & quid apud Theologos significet, percontaris. Hic ut apparet, me percontaris de duobus, quæ tamen nonnihil inter se connexa sunt. Ego percontanti tibi de duobus illis sigillatim ut potero, respondebo. Nonnihil inter se connexa esse duo illa dico, quia istud loqui & pronunciare ex cathedra, si per seipsum consideretur, docere est. Siquidem docendi munus cathedrâ designatur. At docendi munus in Ecclesia semper fuit. Quod & monumentis publicis testatum reperitur. Eusebius in libri v. hist. cap. x. scribit: Eodem tempore (sub Commodus) Pantanus vir omni humaniori literatura præstantissimus, institutioni Christianorum illic præficitur: Quo quidem in loco consuetudine ab antiquis temporibus ducta, sacrarum literarum schola habebatur, quæ est ad nostram usque ætatem continuata: Quam sanè ab hominibus cum politiore doctrina & eloquentia mirè instructis, tum sacrarum literarum studio probè exercitatis frequentatam accepimus. Et quibusdam interpositis: Ille Pantanus propter multa rectè facta & virtutes eximias tandem Scholæ illi Alexandrinæ præficitur, nupto didactico, qui tum sermone coram, tum scriptis divinorum institutorum & religionis tanquam thesauros hominibus proposuit.

**2** Hieronymus in libri de viris illustribus capite XLV. Pantanus, inquit, Stoica secta Philosophus juxta quandam veterem in Alexandria consuetudinem, ubi à Marco Evangelista semper Ecclesiastici fuerunt Doctores, tanta prudentia & eruditionis, tam in Scripturis divinis, quàm in seculari literatura fuit, ut in Indiam quoque rogatus ab illius gentis legatis, à Demetrio Alexandria Episcopo mitteretur. Et post alia: Docuit sub Severo Principe, & Antonino cognomento Caracalla.

Hæc Eusebius & Hieronymus de Pantæno, cui apud eosdem scriptores Clemens Alexandrinus successit. Qua de re sic primum Eusebius loquitur in libri vi. hist. cap. v. Post Pantanum Clemens Scholæ Alexandria ad fidei principia docenda instituta, ad illud ipsum tempus, quod jam persequimur, præfuit. Sic, ut Origenes dum puer erat, adjutor ejus ac discipulus existeret.

Hieronymus in ejusdem libri de Viris illustribus capite XLVII. Clemens, inquit, Alexandria Ecclesiæ Presbyter, Pantani, de quo supra retulimus, auditor, post ejus mortem Alexandria Ecclesiasticam Scholam tenuit, & magister fuit.

Nunc veniendum est ad Origenem, de quo Eusebius in libri vi. hist. cap. 111. scribit hoc modo: At-

que cum ludum aperuisset, seque ad docendum (sicut in suis scriptis narrat ipse de se) contulisset, & nemo jam Alexandria reliquus esset, qui ad populum in fidei principis instituendum operam daret, (omnes enim doctores terror & persecutionis mina prorsus inde abegerant) nonnulli ex gentibus Dei verbum audituri ad eum commebant. Quorum Plutarchum primum fuisse fertur, qui vita honestè & præclarè transacta, mortem per beatum martyrium insigniter & gloriosè oppetiit: Secundum verò, Heraclum, germanum Plutarchi fratrem, qui cum præclarum vitam, divinæ sapientiæ studio addicta, & pia exercitationis specimen apud illum dedisset, post Demetrium Alexandria Episcopatu donatus est. Hæc Origenes cum vix adhuc decimum septimum ætatis suæ annum complevisset, ut antè tradit Eusebius, qui & sic persequitur: Origenes decimum octavum ætatis suæ annum jam agebat, cum Scholæ Christianæ institutionis præficeretur: In quo munere exequendo dum persecutionum violentia, Aquila Alexandria præfecturam gerente, vehementer ingravescerebat, permagnas sanè fecit progressiones: Quo quidem tempore etiam propter incredibilem humanitatem erga omnes sanctos Martyres cum ignotos, tum notos declaratam, & propensum de illis bene merendi studium, insignem cum primis & celebrem nominis splendorem apud omnes, qui fidem Christianam profitebantur, consecutus est. Et quibusdam interjectis: Nec mirum sanè eum tantam hominum frequentiam ad fidem convertisse, cum vita suæ actiones & officia valde admirabilia sincerissima & maximè ingenue sapientiæ documenta complecterentur. Nam ut est in proverbio, qualis ejus fuit oratio, tales fuere & mores, & quales mores, talis fuit & oratio. Quapropter divina virtute & potentia illi cum primis opem ferente infinitos propè ad se imitandum allexit. Verum ubi jam plures discipulos, cum sibi uni illud docendi munus à Demetrio (qui Ecclesiæ illi tum præfuit) haberet concreditum, in dies ad se confluentes animadvertit, existimans Grammaticarum præceptionum institutionem parum consentaneam esse studio illi, quod in divinis docendis versari debet, abjecta cunctatione, Grammatica instituenda exercitationem, utpote sacris literis tractandis inutilem, & propè adversariam deponit.

Hieronymus in ejusdem libri de Viris illustribus cap. LXIII. rem Origenis sic attingit. Hic Alexandria dispersa Ecclesiæ decimo octavo ætatis suæ anno *καταγινώσκων* opus aggressus, postea à Demetrio ejus urbis Episcopo in locum Clementis presbyteri confirmatus, per multos annos floruit. Et paullo post: Constat eum antequam Casaream migraret, fuisse Romæ sub Zephyrino Episcopo,



Episcopo, & statim Alexandriam reversum, Heraclam presbyterum iterum qui sub habitu philosophi perseverabat, adiutorem sibi fecisse *ἐκτακτικὸς*, qui quidem & post Demetrium Alexandrinam tenuit Ecclesiam. Hæc de multis quæ congerere difficile non esset, pauca; ut interim perspicias, jam inde ab initio fuisse in Ecclesia, qui de cathedra loquerentur, seu pronunciarent, id est, docerent. Cum Marci discipuli decessores Pantæni, cum Pantænus ipse, cum Clemens, cum Origenes, cum Heraclas Alexandriæ populos ad Christianam religionem informabant, cum vera illius præcepta docebant & explanabant, nonne de Marci & hujus successorum cathedra loquebantur? Nonne pronunciabant? Id autem si presbyteris, si diaconis, si inferioris tandem ordinis hominibus conveniebat, Episcopis non poterat non convenire. Hinc quia Episcopi ex officio & beati Pauli lege doctores esse debent, cathedras habent, à quibus palam loquantur, & quid ad vitam rectè instituendam requirunt, pronuncient.

5 Exinde apud Tertullianum in lib. de præscr. hæret. cap. xxxvi. *Age jam qui voles curiositatem melius exercere in negotio salutis tuæ, percurrere Ecclesias Apostolicas, apud quas ipsæ authentica litera eorum recitantur, sonantes vocem & representantes faciem uniuscujusque. Proxima est tibi Achaia, habes Corinthum, si non longè es à Macedonia, habes Philippos, habes Thessalonicenses. Si potes in Asiam tendere, habes Ephesum. Si autem Italia adjaces, habes Romam, unde nobis quoque auctoritas præsto est.*

Deinde apud Cyprianum in Epistola lxi. ad Antonianum legimus: Cum Fabiani locus, id est, cum locus Petri & gradus Cathedrae sacerdotalis vacaret. Et paullo post: Tum deinde post Episcopatum non exambitum, nec extortum, sed de Dei, qui Sacerdotes facit, voluntate susceptum, quanto in ipso suscepto Episcopatu suo virtus? Quantum robur animi? Qualis firmitas fidei? Quod nos simplici corde & perspicere penitus & laudare debemus; Sedisse intrepidum Romæ in Sacerdotali cathedra eo tempore, cum tyrannus infestus sacerdotibus Dei fanda atque infanda comminaretur.

Tum apud Optatum Milevitanum Episcopum in libro i. contra Parmenianum legimus: Nec Cæcilianus recessit à cathedra Petri vel Cypriani, sed Majorinus. Iterum in libro ii. Et videndum est ubi sint quinque dotes, quas tu sex esse dicis. Inter quas, cathedra est prima, ubi nisi sederit Episcopus, conjungi altera Dei non poterit, qui est annulus: Videndum est, qui & ubi prior cathedra sederit: Et paullo post: Vestra Cathedra vos originem reddite.

Postremò apud Hieronymum in libri de Viris illustribus cap. lxi. legimus: Novatianus Romanae urbis presbyter adversus Cornelium Cathedram Sacerdotalem conatus invadere. Ad Cornelium jure pertinebat sacerdotalis cathedra, quam Novatianus invaserat. Ex his ergo aliisque Patrum testimoniis & tibi & mihi constare oportet, unumquemque Episcopum suam habere cathedram, ex qua loquitur ac pronunciat, dum commissos sibi à Deo populos Christianis institutionibus imbuunt. Habet autem ab Apostolis, quibus succedit.

Huc spectat Bracarense Concilium primum, ubi omnes Episcopi dixerunt adversus Priscillianistas: Valde necessaria est horum capitulorum lectio, ut dum simplicioribus quibusque pristina sanctorum Patrum instituta panduntur, abominata jam olim à Sede Beatissimi Petri Apostoli, & damnata Priscillianæ hæresis signenta cognoscantur. Et post capitulum x. Præcipue cum & de ceteris quibusdam causis instructionem apud nos Sedis Apostolicæ habeamus, quæ ad interrogationem quondam venerandæ memoriae prædecessoris tui Profuturi ab ipsa beati Petri cathedra directæ est: Scilicet Profuturus Bracarensis Episcopus acceperat documenta, quæ Romanus Pontifex eo interrogante de Petri cathedra pronunciarat.

Gregorius I. qui anno post Bracarense Concilium

xxvii. ad Romanam Ecclesiam accessit, locutione hac, De Petri sede seu cathedra loqui, semel atque iterum & tertio utitur, et ei de certo quodam alio sensu accommodat: Semel quidem in libri vi. Epistola xxxvii. ad Eulogium Alexandrinum Episc. *Snarissima*, inquit, *Sanctitas vestra multa in Epistolis suis de Sancti Petri Apostolorum principis cathedra locuta est, dicens, quod in ea nunc usque in successoribus suis sedeat.* Iterum post pauca: *Sed cuncta, quæ dicta sunt in eo libenter accepi, quod ille mihi de Petri cathedra locutus est, qui Petri cathedram tenet.* Tertiò in libri vii. Epistola xlii. ad Eulogium Alexandrinum Episcopum: *Et gaudeo, quia ubi vos adesse contingit, me non arbitror defuisse. Nam veritatis minister Petri sequax, & sancta Ecclesia predicator scit, quia illa sic loqui potuisti, quæ de Sede Petri Apostoli per os Doctoris sonare debuerunt.* Eulogius de Petri cathedra loqui dicitur Gregorio, quia Eulogius verum loquitur. Atque ita Gregorii verba paræmiæ cujusdam speciem præ se ferunt, quæ qui verum dicit, Petrus per os illius loqui dicitur, vel de Petri cathedra locutus dicitur. Exemplis rem patefacio. Ecclesiastes dum concionatur egregie, vel convenientem beati Pauli documentis sermonem habet, Paulus ore illius locutus asseritur, vel etiam Paulus alter vocatur, & tamen dicendus non est universim non errandi privilegio gaudere, sicut nec universim gaudet Eulogius, tametsi de Petri cathedra loquatur.

Huc spectat factum Conciliorum, ubi ita Pontificibus, sicut & Magistratibus & Principibus acclamatum est: In Calchedonenfis Synodi actione lxi. postquam Synodica Leonis Papæ Epistola perlecta est, acclamatur hoc modo: *Hæc Patrum fides: hæc Apostolorum fides: Omnes ita credimus, orthodoxi ita credunt. Anathema ei, qui non ita credit, Petrus per Leonem ita locutus est: Πίστις διὰ Λέοντος τῆς αἰγυπτίας ἐκκλησίας.* Deinde in actione xii. sic iudicibus acclamatur: De Bassiano & Stephano Episcopis: *Gloriosissimi iudices dixerunt: Omnibus examinatis de Bassiano & Stephano reverendissimis, relictis etiam canonibus dicat sancta Synodus de Episcopatu Ephesio, quid ei videatur.* Reverendissimi Episcopi clamaverunt: *Iustitia Bassianum vocat, regule valeant.* Gloriosissimi Iudices dixerunt: *Nobis quidem videtur, neque Bassianum reverendissimum dignum existere, ut sit Ephesiorum civitatis Episcopus, quoniam ex invasione violenta Episcopatum sibi met vindicavit, neque Stephanum reverendissimum Episcopum, qui per conjurationes & tales adinventiones Episcopatum sibi met acquisivit, justum verò esse, ut eligatur alius, qui & fidem integrè sciat, et vita noscatur ornatus, ut esse possit Episcopus.* Totum autem sancto Concilio relinquimus, quatenus sententiam, quæ in hac causa fuerit visa depromat. Sancta Synodus clamavit: *Hæc iusta sententia est, hoc Dei iudicium est, Christus iudicavit causam: Deus per vos iudicat, hæc sententia Christi est.* Hic animadverti merito potest, Calchedonensem Synodum magnificè quidem Leoni, sed iudicibus acclamare magnificentius, ut collata inter se mutuò acclamationum verba perspicuè demonstrant.

Tum in Synodo VI. Constantino Imp. IV. sic acclamatur: In actione viii. Sancta Synodus exclamavit: *Constantino magno Imperatori multos annos, orthodoxo Imperatori multos annos, Conservatori orthodoxæ fidei multos annos.* Et infra: *Nos famuli imperatoris Agathonis orthodoxo Papæ Romano multos annos.* Rursus in actione xvi. Exclamaverunt universi multos annos Imperatori. Constantino magno Imperatori multos annos. Conservatori rectæ fidei multos annos. Firmamentum Ecclesiarum Domine custodi, conservatorem fidei Domine conserva. Agathonis Papæ Romano multos annos. Iterum post subscriptiones: *Constantinus Imperator dixit: Edicat sanctum & universale Concilium, si cum consensu omnium Episcoporum promulgata est definitio: Sanctum Concilium exclamavit: Omnes ita credimus: Multos annos Imperatori. Integritates duarum naturarum Christi tu declarasti,*

raſti, luminarium pacis Domine conſerva. Martiano novo Conſtantino aterna memoria. Novo Juſtiniano Conſtantino aterna memoria. Omnes hæreticos tu effugaſti, deletorem hæreticorum Domine conſerva. Per te univerſalis Eccleſia pacificata eſt. Denique in ſermone acclamatorio: Chriſtus per vos Eccleſiis ſuis pacem delegit impertiri. Quis modo propter acclamationes huiusmodi reciperet, & illos iudices qui Calchedonenſi Concilio interfuerunt, & Conſtantinum IV. nec errare ſimpliciter nec falli poſſe? Acclamationes illæ in ſubjecta deſiguntur materia, nec inde ad quidlibet aliud in quocunque eventu conficiendum reſigi poſſunt aut debent.

Sic ergo Gregorius, cum Eulogium de Petri cathedra locutum dicit, materiam, de qua ſermo erat, reſpicit, non perſonam, quæ cum de Petri cathedra loquitur, hinc certò & ſine ullo erroris periculo ac formidine loquatur. Cum Eulogius verum dicit, de Petri cathedra loquitur, cum verò falſum de Petri cathedra non loquitur; atque ita ſingulare, non commune loquendi privilegium eſt.

Nunc à Gregorio I. veniendum eſt ad Gregorium II. qui locutione idem ſonante, vel ſimili diſſimiliter uti mihi videtur. Res ita ſe habet in Epistoſa XIII. ad Bonifacium Episcopum, ubi variis interrogationibus reſpondet, & hoc pacto præſatur. In iſdem literis quædam ſubnexiſti capitula ſciſcitando qualiter teneat vel doceat hæc ſancta Apoſtolica Romana Eccleſia: Bene ſatis, quia beatus Petrus Apoſtolus, & Apoſtolatus & Episcopatus principium exiit, & conſulenti tibi de ſtatu Eccleſiæ, non ex nobis quaſi ex nobis, ſed ejus gratia, qui aperit os mutorum, & linguas infantium facit diſertas, qualiter tenere debeas Apoſtolici vigoris doctrinam, dicimus. Hic Gregorius II. verbis pluribus comprehendit atque exprimit quod Gregorius I. paucioribus: Sed non eodem prorsus ſenſu, atque hoc ita eſſe, magis, qui magis conſideraverit, iudicabit. Non errandi privilegium videtur exponere, quod Romanus Pontifex ſibi tribuat. Sed id Bellarmino minime placet in reſponſione ad Capitulum III. quod eſt huiusmodi: Nam quod propoſuiſti, quòd ſi mulier infirmitate correpta non voluerit debium viro reddere, quid ejus faciat jugalis; bonum eſſet ſi ſic permaneret, ut abſtinentia vacaret: ſed quia hoc magnum eſt, ille, quæ ſe non poterit continere, nubat magis, non tamen ſubſidii opem ſubtrahat ab illa, cui infirmitas præpedit, & non deſteſtabilis culpa excludit. Bellarminus poſtquam capitulum hoc in libri IV. de Pontifice cap. XII. ſibi objecit, inter alia ſic reſpondet. Ideo poſſet etiam dici cum eadem gloſſa in 32. q. 7. can. propoſ. Pontificem loqui de quacunque infirmitate, ſed non concedere aliud conjugium tanquam juſtum, ſed tanquam minus malum. Minus enim malum videtur, ut aliquis unam tantum concubinam habeat, quam ut cum multis aliis paſſim ſcortetur. Vel certè Pontificem ex ignorantia lapſum eſſe, quod poſſe Pontificibus accidere non negamus, cum non deſinunt aliquid de fide; ſed ſolum opinionem ſuam aliis declarant, ut hoc loco videtur Gregorius feciſſe. Hæc Lugdunenſis editio anni MDXCVI. & præcedentes aliæ. In quibus Gregorius, & ſi credimus Gregorio, Deus ipſe, cujus gratia id quod conſulenti Bonifacio reſpondet, reſpondere ſe ſcribit, duriffimè tractantur. Scilicet niſi Deo, certè Gregorio ſoli tribuenda eſt reſponſio, quam mox retulimus, & quam ſatis malè habet. Cum igitur Bellarmino iudice Gregorius in reſponſione ſua erret, quis ex Gregorii præſatione non errandi privilegium colligeret? Et fanè quò magis in eam præſationem inſpicio, eò magis me Bellarmini dictata percellunt ac perturbant. Verùm hic diſſimulandum eſt nihil. Bellarminus cum temporis progreſſu vidiffet, dictatis iſtiusmodi ſuam de Pontifice non errandi privilegio ſententiam incommodatam iri, dictata illa ſuſtulit in poſterioribus operum editionibus, & hæc alia in locum illorum ſubſtituit: Deinde dico Gregorium non loqui de quacunque imbecillitate, ſed de impotentiâ perpetua & naturali, per quam eſt inepta ad conjugium mulier. Talia

enim conjugia ſi ex errore contracta ſint, cenſentur non eſſe conjugia, & Eccleſia iudicio ſolvuntur, ut habemus in decretalibus tit. de frigidis cap. ex literis: Ita reſpondet gloſſa in 20. diſt. can. de libellis. Et paullo poſt: Pontifex dat conſilium, non præceptum, ut eam quæ videbatur fuiſſe uxor, adhuc ſuſtentet, ſi providentia ejus indigeat, cum nulla ipſius culpa acciderit, ut uxor illius eſſe non poſſet. Ne in dictatis prioribus perſeſeret, apertam vim facit Gregorianæ ad Bonifacii interrogationem reſponſioni, quæ per ſeipſa lucet. Non agitur de impotentia, quæ à natura ſit, ſed quæ matrimonio jam contracto ex infirmitate ſupervenerit. Deinde cum ait: Non tamen 12 ſubſidii opem ſubtrahat ab illa, cui infirmitas præpedit, & non deſteſtabilis culpa, id eſt, adulterium, excludit. Cæterùm Bellarminus cum tam varias in partes Gregorii reſponſionem agitat, auctoritatis nihil aut parum deſert Gregorio, qui ſuam reſponſionem ita præmuniit: Conſulenti tibi de ſtatu Eccleſiæ, non ex nobis, quaſi ex nobis, ſed ejus gratia, qui aperuit os mutorum, & linguas infantium facit diſertas, qualiter tenere debeas Apoſtolici vigoris doctrinam, dicimus. Verba hæc ſi ſuperis placeat, Gregorium quatenus Pontificem, & de Petri cathedra pronuntiantem exhibent & inducunt, ut quidam Theologi loqui ſolent. Sed ætate Gregorii cum explicata non eſſent, quomodo nunc à nonnullis Eccleſiaſticarum antiquitatum imperitis explicarentur, niſi fortalliſ Bellarminus explicationem iſtiusmodi comprimeret, & compreſſam membratim diſtraheret?

In poſterioribus Gregorio ſæculis, quod propoſitam à te locutionem, eaque intellectam ratione, qua recentioſi intelligunt nonnulli mediocriter docti & factioſi, reſerat, occurrit nihil. Quinetiam ſub Gregorio IX. Bonifacio VIII. & Joanne XXII. excluditur.

Sub Gregorio quidem, cum illo Pontifice Lucas Tudenſis Episcopus in libro II. contra Valdenses ſcribat: Quacunque à Romano antiſtite Catholicè proferuntur, ſicut divina præcepta, ſervanda ſunt à fidelibus. Credendum eſt illi à fidelibus, ubi manifeſta ſacra Scriptura non reſiſtit auctoritas. Quibus verbis auctor cenſet, Romanum antiſtitem errare poſſe contra literas ſacras. Nec illi minus erroris in docendo, quam præſulibus aliis tribuit. Quæ enim de Romano antiſtite pronunciat, in quemcumque alium antiſtitem qui multa Catholicè proferret, traduci facile poſſunt. 13

Sub Bonifacio verò cum in literis, quas Philippus Pulcher & ſuo & Ludovici Ebroicensis & Guidonis ſancti Pauli Comitum, Gallicanorum Præſulum & Pariſienſium Theologorum nomine ad Clementem V. miſit. Ideo, ait, negotium ipſum noſtro & incolarum regni noſtri cujuſcumque ſtatus ac dignitatis exiſtant, nomine, & pro ipſis officio Sanctitatis veſtræ plenariè, & ex toto dimittimus, & relinquimus ſecundum veſtræ Sanctitatis arbitrium, & fratrum veſtrorum conſilium in futuro Concilio, vel aliàs dirimendum; ordinationique aut iudicio, quam vel quod Sanctitas veſtra de fratrum veſtrorum conſilio fecerit, aut decreverit, in quantum ad ſopendam querelam inſtitutam vel impoſterum inſtituendam de hæreſi contra dictum Bonifacium pertinebit, acquieſcere, nos & ipſos acquieturos perpetuò noſtro & ipſorum nomine conſentimus, & contentari volumus, ut tenemur; Noſque & ipſos eodem vinculo perpetua firmitatis inniti. Abſit enim à regia perennitate ſeculari in quaſtione fidei quicquam, quod veſtra ſanctitas maxime ſacro approbante Concilio deciderit, in aliquod unquam dubium revocare. Idem quoque traditur in literis, quas Ludovicus Ebroicensis & Guido ſancti Pauli Comites ad eundem Clementem dederunt: Abſit à nobis tam execranda præſumptio in quaſtione fidei quicquam, quod reverendiſſima Sanctitatis veſtræ Sedes, & maxime ſacro approbante Concilio deciderit, in aliquod unquam dubium revocare. His in verbis, Romanum Pontificem è cathedra pronuntiare, non eſt 14 ſeorſum à Sede ſua & Concilio pronuntiare, ſed unà cum ſancta Sede & approbante potiſſimum Concilio pronuntiare. Neque hoc, ut apparet, poterant aliter intel-



intelligere, qui Bonifacium VIII. hæreseos accusabant. Cæterum quidquid hac in re sapiunt Principes nostri, non ex seipsis cum Theologi non sint, aut Episcopi, sed ex Theologis atque Episcopis docentibus sapiunt. Quo fit, ut Pontificem loqui de cathedra in sensu Gallicanæ Ecclesiæ sit dogmata fidei sacro approbante Concilio sancire.

Ad Joannis XXII. tempus quod attinet, hic Pontifex exemplo docet suo, eum errare posse, qui è cathedra pronunciat, ut ille contra Romanæ Ecclesiæ traditionem & fidei symbolum non semel pronuntiavit, beatorum animas quamlibet purgatas Deum ante supremum diem Judicii non esse visuras. Id fusè persequor duabus in Epistolis, quarum una est ad Antonium Faustum, altera ad Raymundum Formentinum. E cathedra loqui seu pronuntiare aliud tunc nihil erat, quam docere, quemadmodum Joannes XXII. docebat ita, ut omnes docenti assentirentur.

Joannes Falkenbergius ex Ordine Prædic. Theologus, in responsione, quam ad certas quasdam propositiones in Constant. Concilio factas dedit: *Ex doctrina*, inquit, *sacra manifestum est, quòd quæstiones fidei personæ terminare ad solam pertinet universalem Ecclesiam, etiam vel ad Papam, in quantum adheret illius judicio, vel etiam consiliis.* Ad mentem auctoris hujus Papa ex cathedra loqui seu definire non censetur, nisi universalis Ecclesiæ judicio adhæreat, vel universalem consulat Ecclesiam, ut videlicet secundum exploratam  
15 universalis Ecclesiæ traditionem quod definiendum est, certò definire queat. Quare si secus definiret, è cathedra Falkenbergio iudice non definiret, & in errorem labi posset.

Joannes Gerfo Parisiensis Cancellarius, vir in paucis nominatissimus, peculiari tractatu quærit, *utrum liceat in causis fidei à Pontifice provocare, quo in tractatu disputat multa, sed istud ad rem nostram potissimum facit: Quarta propositio: In causis fidei nulla determinatio judicialis Episcopi, immo nec Papæ solius præcisè ut est Episcopi vel Papæ ligat fideles ad credendum, quod ita sit de veritate fidei, sicut prætendit sua declaratio. Quoniam tam Papæ quam Episcopi deviales sunt à fide: Obligat tamen subditos sub pena excommunicationis talis determinatio, quòd non dogmatizent oppositum, nisi appareat manifesta ratio repugnandi, vel per sacram scripturam, vel per revelationem, vel per Ecclesiæ seu generalis Concilii determinationem.* Determinatio judicialis apud Gersone eadem est atque illa, quæ ex cathedra fieret, ut modò loqui mos est.

Quæstionem agitatus Tostatus vir ille incomparabilis, & in secunda parte Defensorii cap. xxx. Gersonem sequitur: *Ex quo, inquit, apparet, quòd jura supponunt Papam posse effici hereticum, & confirmatur experimento. Nam Papa Marcellinus fuit hereticus. Et post alia: Item de Papa Joanne XXII. qui tenuit hæresim circa visionem beatificam, & postea coactus fuit publicè illam revocare, ut patet in gestis Summorum Pontificum. Iterum: Ex quo apparet, quòd dato, quòd Papa damnet aliquam conclusionem, vel aliquem auctorem dicat sensisse hereticè,*  
16 *non sequitur necessario illam conclusionem esse hereticam, quia potest esse, quòd Papa erraverit, & fortè sit hereticus, & per ignorantiam, vel affectionem aliquam passionalem damnet conclusionem, sive dictum aut auctorem, sicut aliquos Summos Pontifices legimus hereticos factos, per ignorantiam, per timorem vel alias passiones. Deinde in præfatione ad Evangelium beati Matthæi locutus de Concilio Apostolorum: Hoc factum est, inquit, Spiritu S. dictante, ut recognosceretur per hoc auctoritas & potestas Concilii generalis, qua nulla est major super terram, & non potest errare in pertinentibus ad fidem, nec errat in pertinentibus ad mores. Quilibet autem homo, quamcumque sanctus & quantacunque potestatis potest errare in fide & effici hereticus. Sicut de multis Summis Pontificibus legimus, ut de Liberio, de Joanne XXII. & aliis quibusdam. Tostatus Romanum Pontificem per-*

inde habet, sive loquatur ex cathedra, sive non loquatur, aut definiat; quocunque enim modo accipias, Pontificem errori obnoxium accipiet. Hinc oppidò quam falluntur ii, qui putant verba hæc *de cathedra loqui* seu *definire*, in Romano Pontifice cujuscumque erroris vacuitatem importare! Fingunt quod sibi volunt, qui ad pauca respiciunt.

Joannes Turrecremata Cardinalis etsi temperamentum quoddam hac in quæstione adhibeat, Romanum tamen Episcopum definiendo errare posse docet: Sic enim scribit in libri 111. de Ecclesia capite LXIV. *In materia fidei jam definita per Apostolicam Sedem, potius standum est judicio Papæ, quam Patrum Concilio juxta beatum Hieronymum in cap. Hæc est fides: in materia nondum ab Ecclesia definita, magis regulariter standum foret judicio Patrum totius Concilii, quam judicio Romani Pontificis. Colligitur ex cap. Anastasii.* Hinc Turrecremata sententiæ quærimus, non expendimus auctoritates, quibus innititur. Turrecremata igitur sententia est, Pontificem errare posse, quamvis è cathedra in materia nondum ab Ecclesiâ definita pronuntiaret. Tunc enim si Concilii totius Patres & Romanus Pontifex dissentirent inter se, Concilii potius, quam Pontificis judicio standum esset auctore Turrecremata, qui tamen Romanis Pontificibus pro eo ac potuit, adulatus est. Ut in Tostato, sic & in Turrecremata perspicis, decantatum illud ab imperitis è *cathedra definire*, immunitatem in Pontificia definitione nullam simpliciter & absolute præ se ferre.

Nicolaus Cusanus rem breviter determinat in libri 11. de Concordia Catholica capite XVIII. *Cum autem Romanus Pontifex sit membrum illius Ecclesiæ, quæ corpus Christi mysticum est, & infallibilitas non cuilibet membro, sed soli Ecclesiæ promissa est, tunc non dubium, potestas indeviabilis ligandi & solvendi totius Ecclesiæ est supra potestatem Romani Pontificis.* Rursus ibidem: *Quare concluditur, universale Concilium rite adunatum, licet graduationes inter se habere possit quoad judicia, est tamen semper majoris auctoritatis, & minoris fallibilitatis, quam Papa tantum.* Cusanus non dissimulavit hoc pacto, si cum Pontifex è cathedra definit aliquid, seorsum à Concilio definiat, eum sine ullo periculo erroris definire credidisset. Id nequam advertunt, qui verba hæc è cathedra definire, tam importunè, quam inconsideratè obijciunt, ut oraculum, quod instinctu divino afflatumque fustum esset.

Dionysius Carthusianus eò tendit, quòd Cusanus & alii, cum in libri 1. de auctoritate Papæ & Concilii capite xxxi. ait: *Concilium generale non nisi propter causas singulariter magnas & arduas, utpote quæ aliter congruè expediri non queunt, congregandumque ac celebrandum omnes fatentur: Porro hæc causa sunt extirpatio heretica pravitas ac schismatis, declaratio fidei, atque editio symboli ejus, universalis reformatio Ecclesiæ in capite & in membris ejus.* Itaque in expeditione istorum major dicitur potestas Concilii generalis quam Papæ; quoniam Christus promisit Ecclesiæ seu Concilio, ipsam representanti, infallibilem directionem & gloriosam assistentiam incessantem; ita quòd errare non potest in fide, neque in his, quæ ad bonos pertinent mores: Eo quòd in tali determinatione regatur immediatè à Spiritu sancto. Unde & Papa in talibus tenetur stare determinationi Ecclesiæ, seu statuti Concilii, tanquam ordinationi & determinationi Spiritus sancti. Cumque Papa possit errare in fide & moribus & cæteris, quæ sunt de necessitate salutis; ejus judicio non videtur ultimè ac certitudinaliter standum in istis, cum non sit infallibilis regula, neque indeviabile fundamentum. Judicium illud, quod ferret Pontifex, è cathedra ferret, nec ea tamen ferret auctoritate, cui non errandi privilegium necessario conjungeretur, ut conjunctum nugatores quidam veteris Theologiæ ignati occinunt.

Annus circumagebatur millesimus quadringentesimus octogimus secundus, cum Facultas Theologiæ Parisiensis

risiensis Judicalem Romani Pontificis determinationem, aut factam ab eo de cathedra propositionem non aliter acciperet. Id ex censura, quam in certis quasdam Joannis Angelii Minoritæ assertiones tulit, facile deducitur. Sic autem se habet censura assertionis XII. *Quicumque contradicit voluntati Papæ paganizat, & sententiam excommunicationis incurrit ipso facto, & à nullo Papa reprehendi potest, nisi in materia heresis. Hac propositio est falsa, scandalosa, & sapiens heresim manifestam.* Sic Joannes Angelius & Facultas Theologiæ supponunt Romanum Pontificem seu docendo, seu credendo hæreticum fieri posse. Quo in casu illud è cathedra docere non significat id genus privilegii, quod nonnulli significare falsò putant.

Hadrianus VI. hac in re non titubet, sed certò pronuntiat in quartum Sent. de ministro Sacramenti Confirmationis: *Ad secundum, inquit, principale de facto Gregorii dico 1. quòd si per Romanam Ecclesiam intelligatur caput ejus, puta Pontifex, certum est, quòd possit errare etiam in iis, quæ tangunt fidem, heresim per suam determinationem, aut decretalem asserendo. Hæresim per suam determinationem aut decretalem asserere, idem est, atque hæresim ex cathedra pronuntiare, ut exinde liquiddò pateat, in veterum Theologorum scriptis tyrones & peregrinos existere, qui verbis istis è cathedra pronuntiare non errandi privilegium inesse sibi persuadent.*

Hadrianus Galterus ex Ordine beati Benedicti Parisiensis Theologus, in tractatu de primatu beati Petri & Ecclesiæ: *Quis igitur, inquit, tam vafre imponere, suavitèrque didicit obrudere palpum, ut gloriosis mendaciis & consarcinatis fabulamentis, tanta soliditate firmare contendat, ut judicium ejus (Successoris Petri) in iis quæ fidei sunt, & bonorum morum errare à veritate non posse mordicus asseveret?* Galterus loquitur de Romani Pontificis judicio, quod ab illo de cathedra pronuntiaretur, ut intelligant tum demum judicium tale errori subesse posse, & nescire se tûrpter, quid apud veteres Theologos verba illa sonent. Et quibusdam interpositis subiicit: *Ad sponsam Domini charissimam, quæ spiritum sponsi sui in se habet permanentem necessario accurrendum est, tanquam ad regulam aliquam certam & indeviabilem in iis maximè, quæ sunt fidei & morum bonorum. Iterum: Talis est namque sola nostra omnium mater Ecclesia, vel universale Concilium in Spiritu sancto legitime congregatum.*

Thom. Cajetanus in lib. de auctorit. Papæ & Concilii cap. ix. mentem ita suam aperit, ut idem quod recentiores sentiat, sed id verbis aliis significet. Sic autem scribit: *Dicendum est, quòd errore personali certum est, quòd Papa, quia est una singularis persona, magis potest in fide errare, quam totum residuum Ecclesia. Sed hoc non spectat ad propositum. Errore autem judiciali in fide est & converso, quia magis potest errare communitas Ecclesia sine auctoritate Papæ, quam Papa. Hoc probat vitiosis argumentis duobus, quorum alterum à divisis ad conjuncta concludit: Si errore judiciali erraret Papa, erraret tota Ecclesia: Alterum verò à conjunctis ad divisa concludit: Errare non potest tota Ecclesia, ergo neque Papa caput Ecclesia. His argumentis error gignitur, non opinio. Quicquid illud est, Cajetano & æqualibus Cajetani Theologis judicialiter & sententialiter pronunciare id sonat, quod è cathedra loqui. In sensu discrimen nullum, in vocibus discrimen aliquid, quia barbarissimum important ad verba.*

Cajetano, qui novam init disputandi viam, Silvestrum Prietatem, & Cyprianum Benetum obijcio æquales ejusdem cum illo Ordinis Prædicatorum Theologos, illum in Summa, verbo Concilium, ubi ait, in conclusione 111. *Sicut non errat Ecclesia perseveranter, ita Papa quando est caput Ecclesia, & ut caput Ecclesia, id est ut mens adjutorio membrorum Ecclesia per Concilia &c.* Sic Prieratis judicio Papa non definit

ut caput Ecclesiæ, nisi Concilio jungatur, atque ita cum loquitur è cathedra, certò loquitur & sine ullo periculo erroris. Hunc in tractatu quem de non mutando Paschate confecit: Sic autem statuit fundamento XIII. *Quòd semper est aliqua Ecclesia, quæ per rectam fidem reguletur & confirmetur intelligendo semper à tempore Christi usque ad consummationem sæculi: Sed ex ea non convincitur hoc convenire alicui particulari, intelligendo, per particularem, Ecclesiam quamcunque ab Ecclesia universali distinctam. Igitur ex sufficienti divisione convincitur hoc convenire Ecclesiæ universali, & toti congregationi fidelium. Consequentia patet, sed minor ratione probatur. Illud, quod in Scriptura sacra promittitur toti Ecclesiæ, & non parti, non debet attribui alicui parti, sed semper rectam fidem habere, aut nunquam contra veram fidem errare: In sacra Scriptura à Christo promittitur toti & soli fidelium congregationi, ut patebit ex probatione majoris. Igitur. Major autem principalis rationis probatur primò ex illo verbo Christi Luca XXII. *Petre pro te rogavi, ut non deficiat fides tua; neque dubitandum est, ipsum in hoc fuisse exauditus, quia secundum Apostolum ad Hebræos, exaudiuntur qui pro sua reverentia. Constat ergo, quòd Christus promisit Petro, quòd non deficiat fides sua, non intelligens de ejus personali, sed de generali Ecclesiæ Dei committenda regimini Petri, & cum non loquatur de aliqua Ecclesia particulari sequitur, quòd intendit de Ecclesiæ totali. Et post aliquanta: Non igitur pro personali fide Petri rogavit Christus, quia defecit tunc, sed pro generali. Iterum fundamento XIV. Sed quidquid statueret S. D. N. Papa sacro approbante Concilio, in omnibus illis obtemperandum esse ingenue profitemur, & nonnisi sanctum illud & Catholicum esse censendum. At in auctoris hujus sensu Pontificem in publico fidei judicio pronuntiare, vel è cathedra loqui, aliud nihil est, quam pronunciare Concilio approbante & repræsentante Ecclesiam, cui non errandi privilegium concessum est.**

Auctores hi duo, quorum alter fuit Generalis Prædicatorum Magister, alter verò, Parisiensis Theologus, inductum à Cajetano novum, & periculosum disputandi modum rejiciunt. Sed non placebunt quibusdam recentioribus, qui veteris Theologiæ huius partem nullam gustarunt, & sibi arroganter sumunt omnia.

Petrus Ortisius Baccalarius formatus Parisiensis anno M.D.XXV. ad III. Idus Maias publicè proposuit theses, in quibus una est propositio, quæ ad rem pertinet, & conclusione v. sic exaratur: *Concilium generale præferendum est Papæ in materia fidei. Patet, quia universale Concilium in materia fidei similiter & morum (nam idem est de utroque judicium) est indeviabile, Papa est deviabilis sententialiter judicando. Quid est sententialiter judicare nisi ex cathedra judicare?* Sed quia deviabilis est Papa, deviabiliter ex cathedra judicare poterit. Sic tunc in nostra Facultate Theologiæ philosophabantur. Interim peregrinis vocibus uti mihi liceat, ut rem familiarem & domesticam exponam. Parisiis in Bibliotheca Navarrici Collegii asservantur Judoci Clithovei opera & adversaria quædam MMSS. inter quæ Ortisii theses describuntur. Porro Clithoveus theses probando suas fecit & confirmavit, dum actui Scholastico præsedet.

Habitu est Lutetiæ anno M.D. XXVII. celebratissimum Senonensis Provinciæ Concilium, quod varios Lutheranorum errores perculit & afflixit: Inter edita ab eo fidei decreta tertium est, in quo de supremo & falli nescio Controversiarum Religionis iudice sic decernitur. *Proinde cum certa sit & infallibilis Ecclesiæ regula, ne aliquando invisibilitatis prætextu tandem eludiqueat, ea profectò sacris generalibus Conciliis auctoritas derogari non potest quæ proximè universalem repræsentant Ecclesiam. His enim Conciliis si ea decernendi, quæ ad sinceritatem fidei & extirpationem heresum, Ecclesiæ reformationem & morum integritatem pertinent, potestas adimatur, nihil certum, nihil stabile futurum est, nihil*



denique, quo hereticus ab orthodoxo possit internosci. Fuisse omnino Pontifex, si cum ex cathedra decernit, certo & sine ullo erroris periculo decernere crederetur: Scilicet illius decreto hereticus ab orthodoxo potuisset internosci. Non putabant ergo Concilii Patres decreta, quæ Romanus Episcopus e cathedra sua proponit, non errandi privilegio donari.

Hoc ipsum Clithoveus confirmat in libro, quem in 24 scripsit *Compendium veritatum ad fidem pertinentium contra pestiferas Lutherianorum assertiones*, quæ anno Domini M. D. XXVIII. in Concilio Provinciali Senonensi apud Parisios celebrato agitata fuerunt. Sic autem ille scribit in Decreti III. quod retulimus, assertionem: *Adhuc necesse est ipsam Ecclesiam Catholicam (quoniam in fide & moribus aberrare nequit) habere regulam aliquam certam & determinatam atque infallibilem, per quam in suis dubiis circa materiam fidei & morum incidentibus dirigi debeat, rectoque duci tramite, ne in devia errorum decumbat, aut in obliquum deflectatur. Nempe si nullam haberet ipsa Ecclesia regulam sensibilem, & mensuram quandam tanquam amissum directricem, cum ipsa visibilis sit, & humano sensui pervia, facile posset ob huius regulæ defectum prolabi in errores, & pertrahi ad diverticula pravorum dogmatum & morum: Atqui talis regula totius Ecclesiæ directiva non est iudicium ipsius Summi Pontificis, cum ipse nequaquam in Dei gratia confirmatus sit, & falli possit, & in errorem prolabi. Tanto minus huiusmodi regula est iudicium alterius particularis persone, sive publicam gerat administrationem, sive privatam agat vitam, cum unaquaque earum etiam sit errori obnoxia. At si iudicium Summi Pontificis, & quatenus ille publicam administrationem gerit, errori sit obnoxium, ut obnoxium hoc in loco dicitur, egregie falluntur, qui contrarium in se recipiunt, rati suo sensu satis esse dicere, Romanum Pontificem e cathedra & prout publicam personam sustinet pronunciasse, ut is certo & sine ulla erroris specie pronunciasse credatur.* Concilium & Clithoveus duo hæc valde inter se 25 distinguunt, quæ imperitorum vulgus animosè ac prælicenter confundit. Porro autem Clithoveus in operis sui præfatione testatur, Concilio se unâ cum aliis Theologica professionis insignibus viris interfuisse: Quod omittendum non fuit, ut agnoscant omnes Concilium & Facultatem Theologiæ Parisiensis in unam & eandem sententiam conspirasse.

Franciscus Torrensis e Societate Jesu Theologus in libro III. de Summi Pontificis supra Concilium auctoritate, quid sit pronunciare e cathedra sic tradit: *Certè si Pontifex maturè & canonicè, hoc est cum Concilio Ecclesiæ aliquid grave ac necessarium ad Christianè vivendum decernat, errabit nunquam. Et paulo post: Pontifex non quidem pro ratione & merito persona, sed pro merito Pontificali ad utilitatem eorum, quibus præest, non potest errare, idque cum canonicè & Ecclesiasticè iudicat. Conceptis ferè verbis exhibet distinctionem, quæ Romanus Pontifex in privatam, & publicam personam, in loquentem e cathedra & non loquentem tribuitur, sed non efficit apud Torrensem distinctio hæc, ut Romanus Pontifex de rebus fidei & morum extra Concilium Ecclesiæ dicendus sit absque errore pronunciare.*

Joannes Viguerius celebris ex Ordine Prædicatorum Theologus Torrensem imitatur, & sic in Institutionibus Ecclesiæ, quæ parte de condendi symboli potestate quæstionem agit, scribit: *Dicendum est, quod Summus Pontifex, ut privata persona errare potest, non tamen ut est Summus Pontifex. Unde fit, ut si tanquam persona privata symbolum edere tentaret, non esset symbolum, maxime ubi à vera fide deviare: Si autem procedat 26 & pronunciet, ut Summus Pontifex, sive ut Papa, quando observat ritum in Conciliis Apostolorum & Sanctorum Patrum definitionibus observari solitum, ut puta quando vocat Concilia senforum, id est Episcoporum, & instat instarèque facit orationibus, & invocat Spiritum Sanctum, cuius assistentia Ecclesiæ promissa est, immo & ipsemet talibus*

*Congregationibus assensum pollicitus est, & non patitur ipsum errare. Et sic quod Papa ut Papa, sive ut Summus Pontifex facit, Concilium ritè congregatum, quod universalem repræsentat Ecclesiam, facit. Sedes enim Romana Concilio ritè congregato directâ in determinationibus fidei & morum sic confirmata est, ut errare non possit. Hæc ille, qui ad annum M. D. L. Theologiam magna cum laude Tholosæ professus est. Non oportet rem aliqui lucidissimam externis admotis luminibus illustrare. Romanus Pontifex Viguerii iudicio privata semper est persona, ac proinde errori obnoxia. & ut privata persona de rebus fidei decernit semper, quoties extra Concilium decernit. Romanus Pontifex de rebus iisdem statuit semper, ut Papa, ut Summus Pontifex, cum statuendo ritum in Conciliis Apostolorum & Sanctorum Patrum definitionibus observari solitum sequitur & custodit, cum statuendo synodo ritè congregatâ dirigitur.*

Hic auctor tractatione suâ funditus evertit quicquid tunc vel paulo post in Hispania Melchior Canus in lib. VI. de locis stabilire conatur. Superest tantum, ut in Melchior Canone observem tria: Primum, quod illa Christi apud Lucam verba, *Oravi pro te, Petre, ut non deficiat fides tua*, interpretetur aliter, quam antiqui patres Chrysostomus, Augustinus, Innocentius I. & alii interpretati fuerint, & in subditiis Anacleti, Euaristi, Alexandri, Sixti, Eleutherii, Pii, Victoris, Zephirini, Marcelli, Eusebii, Melchiadis, Marci, Julii, Damasi, ac trium Conciliorum Africanorum Epistolis, ratiocinationis suæ fere totius arcem constituat, & sanè pristinam Ecclesiæ faciem non satis agnoscebat: Deinde, quod male reprehendat eos Theologos & cum primis Hadrianum VI. & Alfonsum à Castro, qui hac in quæstione Sedem Apostolicam ab Apostolico Præfule seceverint. Hadrianus scribit, ut mox vidimus: *Dico, quod si per Romanam Ecclesiam intelligatur caput ejus puta Pontifex, certum est, quod possit errare &c.* Alphonsus pari modo scribit in libri I. adversus hæreses capite VIII. *Cum generalia Concilia universalem Ecclesiam repræsentent, colligunt illam habere potestatem definiendi in his rebus, quæ ad fidem attinent: Sedes autem Apostolica quoniam Ecclesiam tanquam caput repræsentat, primum post generalia Concilia in definiendo locum tenet. Et quibuscumque interpositis: Verum hic animadvertendum est, nomen Sedis Apostolicæ non pro solo Summo Pontifice accipi, cum hic in fide errare possit, ut superius de Liberio, Anastasio, & Celestino ostendimus. Sed Sedes Apostolica, quæ nunquam erravit, comprehendit tam Cardinalium collegium, cuius consilio juvatur Pontifex, quam ipsum Pontificem. De hac autem sede non constat eam aliquando errasse: An autem totum collegium Cardinalium errare possit, non differo, tamen credo, quod Dominus nunquam permittet, totum Collegium hæresi maculari. Quapropter iustum est, ut in re tanti momenti qualis est fides Catholica, consulat fratrum suorum Collegium, antequam quidquam definiat: Adjunctis etiam si id possibile foret, viris aliis sanctitate perinde 28 ac doctrina eminentibus. Hæc ita circumspectè docet, cum antea docuerat: Si ergo nulli hominum jure tenemur in interpretatione sacrarum Literarum credere, propterea quod quilibet homo solus errare potest, erit necessario iudicium interpretationis penes totam Ecclesiam, penes quam jus fuerat discernendi sacras Scripturas ab hominibus, nam hæc errare non potest, cum à Spiritu Sancto sit edocta.*

Cum autem Hadrianus & Alfonsus Romanum Pontificem ab Ecclesia Romana & sedentem à sede distinguunt, his antiqui Partes præluxerunt: Augustinus in Epistola CLXV. Cui (Petro) totius Ecclesiæ figuram gerenti Dominus ait: *Super banc petram adificabo Ecclesiam meam, & porte inferi non vincunt eam. Petro enim successit Linus, Lino Clemens &c. In illum autem ordinem, qui ducitur ab ipso Petro usque ad Anastasium, qui nunc eandem cathedram sedet, etiamsi quisquam traditor per illa tempora subrepsisset, nihil præjudicaret Ecclesiæ & immo.*

innocentibus Christianis. Sic loquitur vel propter causum Liberii, vel propter Felicem, qui pulsi in exilium Liberii locum tenuit, sed quem Augustinus ex Pontificum numero detraxit. Huc etiam spectat in libri de unico baptismo capite xvi. Non sane parva est, parumque gloriosa consolatio cuiuscunque nostrum, si ab inimicis Ecclesie cum ipsa Ecclesia criminemur, ejus tamen defensio non in eorum hominum defensione consistit, quos isti nominatim falsis criminationibus appetunt: Prorsus qualescunque fuerint Marcellinus, Marcellus, Silvester, Melchisedech, Mansuetus, Caelianus, atque alii, quibus obijciunt pro sua defensione quod volunt, nihil præjudicat  
29 Ecclesia Catholica toto orbe terrarum diffusa; nullo modo eorum innocentia coronamur, nullo modo eorum iniquitate damnatur.

Leo I. Augustinum sequitur, cum in Epistola lxxxviii. ad Anatolium capite v. scribit: Aliud sunt sedes, aliud presidentes; magnus unicuique honor est integritas sua.

Hæc autem cum ita sint, Hadrianus & Alfonsus & alii, Romanam Sedem à sedente distinguentes, ab antiqua traditione non degenerant, sed Canus degenerat, qui distinguendum non esse contendit.

Denique, quod Canus Joannis XXII. historiam perspectam animadversamque non habuerit, cum in cap. viii. scribat. Nec enim historia fide digna docet Joannem XXII. post summum adeptum Pontificatum, de ejusmodi re (de beatorum post mortem statu) aliquid definisse. At si Canus Joannis novisset historiam, qualem duabus in Epistolis, altera ad Antonium Faurum, altera ad Raymundum Formentinum exhibuimus, non scripsisset multa, quæ de non errandi privilegio Romani Pontificis scripsit.

Clemens Monilianus Cardinalis Viguerium & Canum per ætatem excipit, & à Viguerii stat partibus in compendii Theologicarum institutionum capite xix. Conciliorum, inquit, celebratio valet ad quinque. Et paullo post: Ultimo valet ad omnium scandalorum, quæ suscitantur in Ecclesia, extinctionem. Illud enim est ultimum refugium ex omnibus angustiis suis: Unde Romano Pontifici dicitur mystice illud Isaia xvi. In consilium, scilicet cum sapientibus coe Concilium, id est congrega,  
30 ut exponit Liranus: Quasi diceret Spiritus sanctus Romano Pontifici; Imminentibus gravissimis periculis in Ecclesiam ini Concilium, & coe: Id est, congrega universale Concilium. Et tunc ager ut summus Pontifex, & quæ ad cathedram, id est, ad munus suum pertinent, exequetur.

Deinde Auctor prodit se amplius in cap. xxxiii. Sequendo Cardinalem de Turrecremata in Summa lib. iii. de Ecclesia cap. 64. qui docet, dissentientibus Papa & Concilio, in his, quæ sunt fidei, standum esse judicio Papæ in materia à Sede Apostolica definita, sed in materia noviter per Concilium definienda regulariter magis standum est judicio Patrum totius Concilii, quam Papæ. Et post pauca: Si tamen talis controversia orta esset, licet universitati Patrum adhaerendum esset ratione prædicta, nihilominus nihil videretur convenienter concludendum, quousque concorditer Papa & Patres in unam convenirent sententiam. Et paullo post: In rebus ad jus Pontificum spectantibus standum est magis judicio Papæ volentis condere legem, si sit rationalis, quam judicio Episcoporum nolentium; si vero lex non sit rationalis, è contra. Sic non errandi privilegium Romano abjudicat Pontifici, cum extra Concilium res definit, quæ ad fidem pertinent.

Michael Cardinalis Alexandrinus, Moniliani librum approbando suum fecit, nec factus Pontifex Pius V. approbationem illam revocavit.

Dominicus Bannes Melchiorum Canum, discipulus magistrum sequitur, & iisdem quibus ille præjudiciis ducitur. In præjudiciorum partem veniunt Græci Patres, qui à beato Thoma in opusculi contra Græcorum errores capite 13. & capite 65. usque ad 70. laudantur. Sed istud modò non expendimus. An verbis  
31

istis ex cathedra, vel aliis utatur, quærimus. Sic igitur in secundam secundæ quæst. i. art. x. dub. ii. scribit in conclusione quarta: In publico fidei judicio non potest Summus Pontifex errare. Hæc postquam in conclusione iii. statuerat: In publico fidei judicio non est distinguenda Apostolica Sedes ab Apostolico præfide vel Summo Pontifice, neque Romana Sedes à Romano Pontifice. Quæ sic statuit contra Hadrianum VI. & Alfonsum à Castro gratis & sine idonea ratione statuit, ut supra vidimus. Deinde, quæ sibi sumit in conclusione iv. à Joanne Falkenbergio, Silvestro Prierate, Cypriano Beneto, Joanne Viguerio, Michaelæ Alexandrino Cardinale Ordinis sui Theologis validissime refelluntur. Tum videtur abire ad ineptias, cum in conclusionis suæ probationes infumit beatum Petrum, qui sine Concilio fidei nihil quicquam definit. Si Bannes excusari potest, quod Apostolorum acta non legerit, & in iis non profecerit, excusabitur. Deinde pauca sunt admodum in conclusione iv. rationum momenta, quæ transferri non possint ad confutandam conclusionem primam, quæ sic se habet: Summus Pontifex in quantum Doctor, & persona privata errare potest in rebus fidei, sive errore inculpato, sive culpabili eum pertinacia, ita ut sit hæreticus. Rationum autem momenta postquam ita translata fuerint, conclusio prima & quarta mutuis attritis vulneribus corruunt, & auctorem suum cordatorum hominum risui exponunt. Etenim in Bannis opinione cum Pontifex ut privatus doctor evaserit obstinato animo hæreticus, hæreticorum poenis plectetur, exilio multabitur, aut igne consumetur, nihilominus tamen ut publicus doctor persistet Romæ, & tunc temporis, me vide, de rebus fidei certissimè & sine ulla erroris formidine definit. Infulsatatum satis est, pergamus.

Robertus Cardinalis Bellarminus in libri iv. de Rom. Pont. capite iii. quæstionem ita proponit. Summus Pontifex cum totam Ecclesiam docet, in his, quæ ad fidem pertinent, nullo casu errare potest: Deinde in capite v. Non solum in decretis fidei errare non potest summus, sed neque in præceptis morum, quæ toti Ecclesie præscribuntur.

Andreas Eudæmon-Joannes è Societate Jesu Theologus Bellarminum sequitur, & rem in Epistola ad amicum Gallum ita prodit: In dijudicandis fidei causis, ac moribus toti Ecclesie præscribendis Summus Pontifex nec falli potest nec fallere. At si hoc tantum in casu errare non potest Summus Pontifex, cum quid credendum & agendum sit, toti præscribit Ecclesie, cum totam docet Ecclesiam, hinc primum sequitur, Summum Pontificem errare posse, cum Ethnicæ nationi Evangelium annuntiaret, & præcepta morum præscriberet; deinde sequitur errare posse, cum mediam Ecclesie partem doceret, & ei præcepta morum præscriberet: Tum demum errare posset, cum Romanam duntaxat Ecclesiam, cujus proprius est Episcopus, doceret, & ei præcepta morum præscriberet. Corollaria hæc sunt numero tria, quæ ex proposito Bellarmini & Eudæmon-Joannis lemmate tanquam è fonte rivuli deducuntur. Atqui hæc omnia exponere, confutare est, quidquid Bellarminus & Eudæmon-Joannes sibi tam audacter vendicant.

Observe præterea id quod non parum habet admirationis, Bellarminum propositionem suam confirmare iisdem Christi apud Lucam cap. xxi. verbis, Ego autem rogavi pro te, &c. quibus postea in cap. vi. confirmat propositionem hanc: Probabile est, pieque credi potest Summum Pontificem non solum ut Pontificem errare non posse, sed etiam ut particularem personam hæreticum esse non posse, falsum aliquid contra fidem pertinaciter credendo. Quasi verò Christus Deum Patrem sic oraverit, ut ejus orationem sine ulla Patrum & Ecclesie traditione quam in partem volueris, convertas, & ad propositionum duarum usque adeò dissimilium probationem adhibeas. Sed quo tempore Bellarminus opinionem suam probabilem & piam nominat, eodem &  
G g 2 Bannes



Bannes graviter infectatur. Quamvis enim, inquit, opposita opinio præ se ferre videatur quandam pietatem, & Pontificiam dignitatem extollere, tamen re bene inspecta parum pia est, quin potius minuit Pontificiam dignitatem, quia nihil est pius, nisi quod idem verum est, sed opinio Alberti (quam Bellarminus sequitur) est minus vera ac proinde minus pia. Quidquid id est, Bellarminus Christo facit injuriam cum illius verbis abutitur, & vehementer impingit in Tridentinæ fidei regulam, quæ præcipit ut nullus unquam Scripturam sacram nisi juxta unanimem consensum Patrum accipiat & interpretetur. Ad regulam istam si advertisset, quæ in utraque propositione disserit, in præteritis reliquisset. Sed inventata Pontificibus adulandi consuetudo non permisit.

Adamus Tannerus è Societate Jesu Theologus in 34 disp. 1. de fide quæst. iv. dub. vi. proponit modum alium, quo Pontifex de fede Petri locutus intelligatur: Denique circa ipsum formale decretum definitionis (Pontificiæ) diligenter advertendum est, an id legitime & sufficienter fuerit promulgatum, atque etiam, an tempus ejusdem obligationi præfixum fuerit elapsum, priusquam id refrigeretur, seu retractetur. Etenim ut notat Vasquez 1. 2. tom. 2. disp. 155. num. 15. id observant Summi Pontifices in Curia Romana, ut nondum intelligantur de Sede Petri tanquam judices & Pontifices in legibus & canonibus ferendis, etiamsi ea imprimi faciant, donec ad valvas Basilicæ principis Apostolorum de urbe, Cancellariæ Apostolicæ, in acie campi Flora & ad valvas beati Petri per aliquantulum temporis affigantur. Etsi quo in sensu à suis auctoribus accipitur, Pontificem de Petri fede loqui tam novum est, ut vix ætatem ferat, tamen magis adhuc novum est illud indicium, quo Pontifex de Petri fede locutus dignoscitur. Apud Bellarminum, Bannem, Canum, & Cajetanum neutiquam comparet. Machinam hanc propter Sixti V. decretum quod Bibliis præfixum est, inventam qui diceret, non sine negotio coargueretur. Quidquid in causa, arcanum rei in eo consistit, ut non ante Pontifex de Petri Sede locutus intelligatur, quam Pontificis decretum ad memoratas valvas per aliquantulum temporis affigatur.

Andreas Duvallius Bellarmini vestigiis utcunque insistit, cum in parte 11. de suprema Romani Pontificis in Ecclesiam potestate quæst. 1. Dicendum est, inquit, Divinam providentiam tantum cavere ne Pontifex ut Pontifex & ex cathedra definient erret, quamvis aliàs eum errare sinat. Quibus verbis significat idem esse Pontificem ut Pontificem, atque ex cathedra definire. Tum in quæst. v. docet quibus notis Pontifex ita decernens agnoscatur: Notandum est, ait, nos in primis dignoscere Summum Pontificem, non ut privatum doctorem, sed ut communem totius Ecclesiæ pastorem se gerere, quoties ad id, de quo consulitur & interrogatur, absolute & sine ulla hesitatione respondet, totique Ecclesiæ credendum proponit. Et paulo post: Ut responsio Summi Pontificis infallibilis ab omnibus habeatur, non tantum opus est eum absolute respondere, sed etiam ut responsionem suam omnibus fidelibus credendam proponat. Secundo suppetunt similiter aliqua alia, quibus definitionem Pontificis ab eo tanquam Pontifice manare dignoscimus, ut si contra eum, qui oppositum dixerit, anathema pronunciet, vel si dicat, qui contrarium senserit, hæreticus habeatur, vel si affirmet, de consilio fratrum nostrorum hoc vel illud definimus. Quod si nullum prædictorum signorum aut similium responsioni vel definitioni apponatur, non est omnino ipsa definitio infallibilis, nec Pontifex ut Pontifex agere censetur.

Duvallius in nota prima conjungit duo, quæ Bellarminus non conjungit. Hic auctor de interrogatione & responsione mentionem nullam facit, memor fortè responsi, quod Gregorius II. Bonifacii Episcopi interrogationibus reddidit. Verum qua in re Bellarminus & Duvallius consentiunt, Duvallius in easdem cum Bellarmino absurdas complexiones incurrit. Id cum satis

notum sit, necesse non est pluribus explicare. Deinde quæ duo conjungit Duvallius, efficiunt, ut à Christi tempore usque ad nostrum tempus vix reperiri posset decretum ullum, quod Romanus Pontifex è cathedra pronuntiaverit. O cæcam hominis speculationem! Denique si reliquæ conditiones, quibus Romanus Pontifex è cathedra pronuncians dignoscitur, spectentur, quis plura inveniet decreta ad conditiones illas expressa? Fortassis inveniri posset Sixti V. de Bibliorum editione & correctione decretum: Sed non potest obijci quia suppressum est. Et quia suppressum est, destruitur funditus quod Duvallius ædificare conatur. Ex quo accidit, ut rectè dici possit, Duvallium notas illas, quibus Pontifex ex cathedra locutus dignoscatur, motu quidem proprio, sed non ex certa scientia apposuisse.

Ludovicus Cellotius è Societate Jesu Theologus conditiones alias apponit, cum hac de re scribit in libri tv. de Hierarchia & Hierarchis capite x. Romanus, inquit, Pontifex loquitur ex cathedra, cum tres adhibet conditiones, quarum una si defuerit ex edito universalis Ecclesiæ folio ad privata personæ conditionem devolvitur: Primam ex parte materia desumo, quam volo esse propositionem veram, verè revelatam & quidem Prophetis, Apostolis, & canonicorum librorum scriptoribus, ut monet D. Thomas. Quibus adjungo Concilia, Patres, traditiones, Ecclesiæ adversus hæreses militantis arma. Secundam in inquisitione requiro, ut neque solus judicet, neque temere pronunciet; memor quàm multa unum fugiant, quàm facile unum error occupet. Adhibeat igitur oportet maturam ac diligenter discussionem, sine qua Christus ex lege ordinaria, neque Pontifici, neque Concilio infallibilitatem promissit. Quapropter in Concilio quodam Romano dum Patres rem, de qua agebatur, totam in Zachariæ Pontificis arbitrio construerem, sapienter respondit vir modestissimus, non ut non nobis solum visum fuerit, sed pariter cum sanctitate vestra est pertractandum. Tertia in ipsa propositione versatur, ut toti Ecclesiæ absolute & præcise proponat, eum pronuntiando hæreticum, aut ei anathema imprecando, qui aliter senserit, aut affirmando statuere se, & definire de concilio fratrum suorum. Hac verba tanquam adamantina quadam vincula intelligentiam nostram constringunt & alligant ad Ecclesiam Dei vivi, quæ est columna & firmamentum veritatis. Et primò quidem si Pontificis è cathedra definitis notio hæc admittatur, admitti quoque debet, nonnulla credi nunc à quibusdam è cathedra definita, quæ definita non sunt. Deinde Romani Pontificis decretum vix reperietur ullum, cui enumeratæ conditiones illæ tres conveniant: Convenire autem debent, quia si una defuerit, Romanus Pontifex ex edito universalis Ecclesiæ folio ad privata personæ sortem devolvitur.

Joannes Bagotius ex eadem Societate Theologus rem paullo aliter tractat in opere, quod de Theologicis Institutionibus composuit. Sic enim scribit in libri iv. disputatione 111. cap. 1. sect. 1. Quidquid sit, quantum ego possum colligere, Romanus Episcopus quoties de negotio fidei, aut aliis ad Ecclesiam spectantibus tractat, Concilium habet, & saltem Clerum Romanum ex Episcopis sua Provincia Presbyteris & Diaconis Cardinalibus compositum, in synodo congregatum audit, nec unquam de fide quidquam definit, nisi in Concilio. Nec verò aliter videretur prudenter agere, & consequenter legitime & infallibiliter. Deus enim ut superius insinuavi, agens de potentia ordinata, & concursum suum ordinarium præstans, requirit causarum secundarum cooperationem, & in tantum infallibilitatem dat Summo Pontifici, in quantum hunc nonnihil agentem, aut dormientem illuminat, sed humano etiam modo & secundum naturalem rationem agentem ipse dirigit. Pontifex igitur debet agere prudenter, & omnem diligentiam pro veritate fidei indaganda, inveniendæque adhibere, & cum Deus non faciat jam pro fidei doctrina novas revelationes, nec novos Prophetas aut Evangelistas suscitaret, in tantum dat scientiam veritatis Ecclesiæ, in quantum Summum Pontificem adjuvat, ut ex fidei articulis jam traditis & notis conclusiones inferat

inferat per ratiocinationem. Debet ergo Pontifex ratiocinari & prudenter agere, quod ut faciat, debet peritos & doctos consulere, & iis auditis cum suo Concilio iudicare & definire quid sentiendum sit. Sed de hoc postea magis in particulari agam.

Nunc tantum habeo duo dicere: Primum quidem Summum Pontificem questionem de doctrina fidei semper cum Concilio aut provinciali, aut universali tractare. Secundum in controversiis facilioribus provincialia seu particularia Concilia sufficere: In gravioribus vero nonnullis questionibus necesse est audire generalia Concilia, ita ut sine illis eas controversias cum Summa auctoritate non dirimat. Tum in sectionis III. fine quiddam differuit, per Pontificis est cathedra definitis notionem ita concludit. Ex quibus omnibus concludo Summum Pontificem ut definit aliquid infallibiliter, Concilium aliquod seu synodum audire oportere: Nec male dici tunc ex sancti Petri cathedra cum loqui, seu pronunciare sententiam, cum audito Concilio pronunciat: provinciali scilicet in controversiis facilioribus: universali vero in gravioribus. Quæ ex hac definitis est cathedra Pontificis notione speraretur utilitas, sine difficultate ulla colligi potest. Notionem hanc in usu facili positam esse nemo non videt. Illius oppositu diffugiunt certæ quædam Pontificum definitiones, quæ à plerisque omni termino immobiliore prædicantur.

Theophilus Raynaudus ex eadem Societate Theologus, cum opusculum *des droits de la papauté* inscriptum edidit, notionem aliam deformat in puncto v. Pontifex tunc docet aliquid ex cathedra, cum habet voluntatem obligandi fideles omnes ad credendum. Hoc ipsum repetit in libro de immunitate auctorum Cyriacorum à censura, quem sub nomine Petri à Valle clausa prodire in lucem voluit. Sic autem scribit in diatriba II. Tametsi Papa posset peccare, si absque collatione cum suis consiliariis aliquid de fide statueret, se solo tamen definitio esset valida, si fieret ex cathedra, hoc est si Papa veritatem à se solo discussam proponeret fidelibus cum obligatione sic credendi. Hæc notio planè nova est, nec ullis limitibus qui certò dignosci queant, constringitur, quiddam enim Pontifex est cathedra definire se voluisse dixerit, definitum esse credendum erit. In summa, decisionis ratio tota erit voluntas & potentia decidentis. Ab auctore suo inventa est definitio, ut rei, ut ita dicam, natæ conveniret & præsentī serviret causæ, quæ per Bagotii & Cellotii definitiones in discrimen adducebatur ultimum. Obtinenda erat quoquo modo.

40 Thomas Comptonus ex eadem Societate Theologus sic tandem aliter definit, si tamen aliter definitivisse dicendus sit, qui quod Tannerus multis differuit, contrahit & suum facit in secundam secundæ disp. XXII. de Summo Pontif. sect. v. Ad id quod de Sixto V. refertur, ipsum scilicet decreto suis Bibliis præfixo definitivisse Biblia illa à se edita carere mendis. Ad hoc inquam dico cum Tannero hic disp. I. quest. IV. dub. VI. vel decretum illud nunquam ad valvas Ecclesiæ Romæ affixum fuisse, vel si fuerit, refixum tamen mortuo Sixto fuisse duobus mensibus ante elapsum tempus, quod ad validam illius promulgationem requirebatur. Sic Pontifex non censetur est cathedra loqui, nisi fidei morumque decreta, quæ Pontifex aliquis ediderit, ad valvas Ecclesiæ per menses nonnullos Romæ affixa fuerint. Nam si ante tempus elapsum, quod requiritur, decreta illa refigerentur, Pontifex, qui aliter est cathedra loqui fortassis voluerat, locutus non esse censetur. Machina est, quæ suos gyros & vices sortitur. Spectatoribus non errandi privilegium nunc obicit, nunc non obicit, ut placet iis, quorum partes sunt decreta Pontificum ad valvas Ecclesiarum Romanæ civitatis affigere, vel ex iis refigere.

Hæc habui, quæ de variis auctoribus & commentariis decerpere, & in unum colligere, & quamvis non omnia decerpserim, quæ ab alio diligentiore Theologo decerpi potuerint, ea tamen, quæ decerpsi & in unum collegi, sufficiunt ad idoneam rei intelligentiam, quam

tu consequeris, cum agnoveris, rem variis & gratuitis notionibus circumscriptam & involutam esse.

Reliquum est modò ut ad ea, quæ decerpsi & in unum collegi, notas & observationes quasdam decerptis auctoritatibus universim communes subnectamus.

I. E cathedra loqui & docere eadem sunt omnino, si hinc verborum vis & proprietas, inde seorsum ab omni mentis occupatione considerentur: Sed quoniam sunt eadem, Ecclesia semper habuit, qui est cathedra loquerentur, cum semper habuerit, qui Christianas veritates & institutiones docerent. At istud ex se nullum, ut apparet, importat non errandi privilegium.

II. Et quamvis est cathedra loqui & docere, sint eadem, tamen formula hæc, est cathedra loqui, non semper usurpata est ab Ecclesiasticis tractatoribus. Res ista in facti, non juris conditione versatur. A quo primum usurpatam illam invenio, (verba spectamus, non sensum) is est Gregorius primus, qui Eulogium Alexandrinum Episcopum non simpliciter quidem de cathedra, sed de cathedra Petri locutum esse, semel, iterum, & tertio scribit. Cum verò dico, formulam à Gregorio I. primum usurpatam invenio, fortassis me mea fallit adversaria, quibus duntaxat confido, usque dum alter animadverterit, quod ego præ nonnulla indiligentia non animadverto. Sincero & inani partium animo veritatem quæro, non factione, quæ mater est schismatis. Meus erit semper quicumque veritatem suis indagabit legibus & vindicabit.

III. Quo in sensu formulam hanc, de Petri cathedra, seu sede loqui, Gregorius accepit, non accipiunt, qui annis abhinc plus minus centum formula utuntur. Hi formulam non errandi privilegio impertiunt simpliciter, Gregorius non impertit, nisi quatenus verum dicit, qui de sede Petri pronunciat, qui autem verum dicit, cum illud dicit, non potest non dicere. Sed istud perpetuum non est, sed temporarium.

IV. Gregorius II. cum ad Bonifacium scribit, formula utitur, quæ non errandi privilegium videtur præ se ferre: *Consulenti tibi de statu Ecclesiæ, non ex nobis, quasi ex nobis, sed ejus gratia, qui aperit os murorum, & linguas infantium facit disertas, qualiter teneas Apostolici vigoris doctrinam, dicimus.* Sed Bellarminus Gregorio ita loquenti non assentitur, & non assentiendo docet, qualiter alii possint accipere Pontificum decreta, quæ cum præmunitione tali ederentur. In summa funditus evertit, quod alio in loco supra citato ædificare conatur.

V. Sub Clemente V. Gallicana Ecclesia per os Principum suorum declarat, quo in eventu Romanus Pontifex res fidei decedit sine periculo erroris. Nempe cum res fidei decedit, sacro approbante Concilio, ita ut Pontifex in sensu Gallicanæ Ecclesiæ loquatur de Petri cathedra, cum sacro approbante Concilio loquitur & res fidei decernit. Gallicana Ecclesia credebat, indeficientis iudicii privilegium nonnisi universæ Ecclesiæ, cuius caput est Romanus Pontifex, & repræsentanti universam Ecclesiam Concilio datum esse. Quid verò sit, esse caput Ecclesiæ, Gregorius Papa primus in libri IV. Epistola XXXVIII. ad Joannem Constantinopolitanum scribit: *Certe Petrus Apostolus primum membrum sanctæ & universali Ecclesiæ est. Paulus, Andreas, Joannes, quid aliud quàm singularium sunt plebium capita? Et tamen sub uno capite (Christo) omnes sunt membra Ecclesiæ.* Universalis igitur Ecclesiæ membrum primum & caput rem eandem sonant, & quæ in hoc capite vis agendi sit, discimus ex decessore Gregorii Sixto III. qui in Epistola ad Illyrici Episcopos sic scribit: *Sed ut omne corpus capite regitur, ita ipsum caput nisi suo corpore sustentetur, firmitatem & vigorem suum perdit, & non tenet, quam habuerat dignitatem.* Hinc Augustinus Anconitanus in Summa quest. v. art. vi. ad secundum tradit: *Licet in questionibus terminandis auctoritas Papa dum est Papa, sit necessaria, cum tamen desinit esse Papa per crimen hæresis, auctoritas illa remanet in Ecclesiâ,*



sia, sicut ipso mortuo. Idipsum Alvarus Pelagius in libri 1. de planctu Ecclesiæ capite LXVIII. docet: *Vacante Ecclesia per mortem Papæ, non est dicendum, quod remaneat sine capite; quia hoc dictum non esset remotum ab hæresi, quia tunc corpus Cardinalium & tota Ecclesia habet caput Ecclesiæ generalis & verum & proprium, Christum scilicet viventem, de consecrat. dist. 11. prima in fin.* Idipsum Panormitanus ætate sua Juris Canonici princeps cum quæstionem hanc in cap. *significasti* expenderet, secutus glossam in cap. *Clemente Romani. De electione*, scribit: *Mortuo Papæ Ecclesia non est sine capite, & ista est Ecclesia, qua errare non potest.*

VI. Apud recentiores auctores nostros propositio hæc, *Summus Pontifex, agens ut Summus Pontifex, ut caput Ecclesiæ*, duplicem sensum obijcit: Sunt quidem, qui Pontificem Ecclesiæ vel synodo conjungant; sunt verò, qui Pontificem ab Ecclesiæ vel synodo sejungant. In sensu priori non errandi privilegium inesse Ecclesiæ vel synodo quatenus Ecclesiam repræsentat, intelligitur; quo pacto probatur synodum errare non posse, quod repræsentet Ecclesiam, quæ errare non potest: In sensu posteriori non errandi privilegium residet in Summo Pontifice, etiam si synodo non conjungatur. Sed qui statunt hoc, non advertunt dare se ansam dicendi, quemlibet Episcopum agentem ut Episcopus est, errare non posse: Siquidem Episcopale munus prout tale, Episcopum ab errore revocat, tantum abest ut eum ad errorem inclinet. Sic Christiana religio in quantum Christiana est religio, ad peccandum fidelem inducit neminem. Non capiunt, aut certe nolunt capere, quod reduplicantes particulæ apud Dialecticos pertineant, quod pervadant. Homines perversè ingeniosi, non errandi privilegium, quod uni Romano Pontifici volunt asserere, illud contra propriam mentem cum Episcopis, & universis Christianis communicant: Hoc est, nimis probant, ac proinde nihil prorsus. Rem sic explico. Dum in fide errat Petrus Episcopus, non errat, quæ Episcopus est, ut mox ostendi, sed Petrus homo, qui Episcopus est; concretum hoc errat malitia, nimirum, vel ignorantia. Dum Paulus Christianus peccat, non peccat, quæ Christianus est, sed Paulus homo, qui Christianus est; conjunctum hoc peccat infirmitate, scilicet, qua circumdatur. Aliud est propositio reduplicantibus particulis affecta, aliud propositio reduplicantibus particulis non affecta, quod qui nescit, infantissimus sit Dialecticus oportet. Hæc autem cum ita sese habeant, auctorum nostrorum propositione quid fiet, me præterit. Si præ se ferant, reduplicante particula

45 licitum esse tantum uti, dum hac in quæstione de Romano Pontifice agitur, nulli sunt & ridebuntur; si non præ se ferant, capti sunt, & illorum propositio in vagum pulverem fatiscet. Fortassis id facient, quod plerique φιλόσοφοι facere solent, principium petent, & continuò in puerile vitium per inscitiam summam incurrent.

VII. Ab anno MCCCX. usque ad annum MCCCXII. nihil occurrit, quo istud, *loqui de cathedra Petri*, in Bellarmini vel Tannerii & Comptoni vel Raynaudi sensu acceptum defendatur: Quinetiam celebris illa synodalis responsio, quæ in Basileensis Concilii sessione VI. facta est anno MCCCXXXII. & cui Julianus Cardinalis Eugenii IV. legatus præfuit, ut indubitatum quid apud omnes nobis obijcit, certum esse, *Papam errare posse*, ex eoque Concilio subijci.

VIII. Anni sunt abhinc plus minus ducenti, postquam Curia adulatores nonnulli quæstionem hanc in scholis tractarunt acrius, sed non omnes eodem modo & forma verborum tractarunt. Antiquiores, putà Cajetanus, Canus, Bannes, dicunt, *Pontificem in publico fidei judicio errare non posse*: Recentiores, putà Tannerus, Du Vallius, Raynaudus, dicunt, *Pontificem è cathedra loquentem errare non posse*. Ab illis quidem Theologis mutatum in verbis, sed in doctrina nihil mutatum.

Quod inter utrumque loquendi modum penes verba discrimen interest, ad tyrones & Theologiæ candidatos tantum refertur. Antiquiorum modus & forma loquendi, quia facilius percipitur, minùs continet mysterii; recentiorum modus & forma loquendi, quia minùs faciliè percipitur, plus obijcit mysterii. Quamobrem statim atque scholares Pontificem è cathedra locutum esse, inaudierunt, divino quodam spiritu afflari videntur, & ad tuenda magistri dictata incredibiliter accenduntur & exardescunt. Quod non eveniret, si diceretur, *Pontificem in publico fidei judicio decrevisse*. Sic orbifumus venditur, sic ad populum phaleræ comparantur.

IX. Quod antedicti Curia assentatores cuncti non errandi privilegium inesse putant suis formulis, in publico fidei judicio, & è cathedra, pernegant æquales magni nominis Theologi, Galterus, Benetus, Hadrianus Papa, Prieras, Parisienses in thesibus suis, Senonensis Concilii Patres, Torrensis, Viguerius, Castrensis, Bagotius, & contendunt insuper ut sua illis formulis constet veritas, Romanum Pontificem Ecclesiæ vel Synodo conjungi oportere, quæ contentio ed est melior & laudabilior, quod à suis partibus stet Romanæ Ecclesiæ traditio, quam duabus in Epistolis exposuimus; altera ad Raymundum Formentinum, altera ad Joannem Gerbasium. His accedunt omnium animis atque auribus absurdæ complexiones illæ, quas ex Bellarmini, Eudæmon-Joannis, Du Vallii & Raynaudi lemmate deduximus.

X. Quod abscessit & pro certo sibi sumunt Bellarminus, Eudæmon-Joannes & Raynaudus, id Cellotius & Bagotius ut incertum rejiciunt, & illis involvunt conditionibus, quæ Bellarmino, Eudæmon-Joanni, Raynaudo & sectatoribus impedimentum & moram in tantum adferunt, in quantum adferri potest. Sed quoniam ii sunt homines δεισφύλοισι omnes, ratio & æquitas postulat, ut Bellarminus, Eudæmon-Joannes, Raynaudus cum Cellotio & Bagotio antè convenientiam, quàm in Parisienses & alios Parisiensibus consentientes invadant. Tunc autem quando mutuis erunt attriti & confossi vulneribus, in Bellarmino duce, Eudæmon-Joanne, Raynaudo nihil supererit virium: cum ad pugnam accedent, continuò sub jugum mittentur, & Parisiensium nostrorum triumphum, quæ sola erit illorum gloria, cohonestabunt.

XI. Quoniam verò dissimulanda non veritas, nec illa erubescit unquam, nisi dum absconditur, observandum est, Bagotium in definitione sua cum Gallicana Ecclesia convenire. Hæc sub Clemente V. dicit Romanum Pontificem quæstiones fidei posse decidere sacro potissimum approbante Concilio. Ille sub Urbano VIII. scribit: *Summum Pontificem quæstionem de doctrina fidei semper cum Concilio provinciali aut universali tractare: In controversiis faciliioribus provincialia, seu particularia sufficere; in gravioribus verò nonnullis quæstionibus necesse esse audire generalia Concilia, ita ut sine illis eas controversias cum summa auctoritate non dirimat. Iterum: Ut definiat aliquid infallibiliter, Concilium aliquod seu synodum audire oportere, nec malè dici tunc ex sancti Petri cathedra eum loqui seu pronunciare sententiam, cum audito Concilio pronunciat.* Sic cum unicuique quod suum est redditur, querelæ & injustitiæ locus nullus relinquitur. Quod Gallicana Ecclesia verbis exprimit paucioribus, id multis Bagotius exprimendum censuit. Utinam è τῷ ἐκ καὶ cæteri Gallicanæ Ecclesiæ factum hoc essent modo executi. Sed

Panci, quos aquas amavit

Juppiter, aut ardens evexit ad aethera virtus.

XII. Cellotius cum Bagotio reipsa concordat; quod 48 enim ad dirimendam fidei controversiam requirit, vix aliter, quàm in Concilio perfici potest. Ut enim homo unus id quod requirit totum perficeret, desiderarentur anni complures. Adde quod plus videant oculi, quàm oculus, & indeficientis judicii privilegium non uni tantum de Ecclesia promissum sit, sed ipsi Ecclesiæ.

Ecclesie. Ad reliqua quod pertinet, dum Cellotius exponit istud, *loqui de cathedra*, Gregorium Magnum imitatur: Apud quem qui verum dicit in iis, quæ religionem attinent, loqui de cathedra censetur, & sic à nonnullis perperam reprehenditur, & irridetur.

XIII. Comptonus post annum M. DC. LIII. scripsit, sed ita scribendo, ut scripsit, causam videtur destrueret, quæ apud suos ædificanda erat. Is tamen mihi exculandus videtur, quod Leodii, non Parisiis, aut Lugduni scripsit: Nec monitus opinor fuit, ut formulam, *loqui ex cathedra*, definiendo Raynaudum imitaretur, & suam cum primis definitionem tempori aptaret, ut Raynaudus aptavit, cum Pythagoricum illud, *αὐτὸς ἴσα*, sic versum, *os Domini locutum est*, in Ecclesiam induxit. Hic auctor res suas antiquorum institutis non subijcit, sed normam, præscriptionem, & regulam fingit, cui res suas subijciat, ut ignari & incauti Lectores, cum normam quæ norma non est, præscriptionem, quæ non est præscriptio, & regulam, quæ regula non est, nisi Lesbia, intuiti fuerint, circumventi-antur facilius.

XIV. Quamvis rei unius natura sit una, & una proinde definitio, formulæ tamen hujus, *de cathedra loqui*, multiplex & varia confecta est posteriori sæculo definitio, qua unusquisque auctor propriæ definitionis faber sibi canit & blanditur. Quæ definitio uni aridet, quia placitis suis favet, alteri non aridet, quia placitis suis officit. Sic definitio posita est tota in definiendi arbitrio. Hinc effectum est, ut relati Theologi in tam varias & multiplices ejusdem rei definitiones abierint, nec adverterint, definitionum hujusmodi multitudinem, earundem esse *ἀσυνέχας*, nullitatem, si apud literatos hoc uti verbo licet. Augustinus concludit omnia, dum in libri x. de civitate Dei capite XXII. ait: *Liberis verbis utuntur Philosophi, nec in rebus ad intelligendum difficillimis offensionem religiosarum aurium pertinefcunt: Nobis ad certam regulam loqui fas est, ne verborum licentia etiam de rebus, quæ his significantur, impiam gignat opinionem.* Id tamen non impedit, quo minus nonnulli homines formulam, *loqui ex cathedra*, in ore semper habeant, & cum habent, sibi persuadeant, aliisque persuaderi velint, in verba hæc, quæ vix numerum faciunt, Scripturæ sacræ medullam, Patrum & Conciliorum doctrinam, antiquitatis totius eruditionem, & quidquid est in traditione certius, consuere & conjungi.

*O curas hominum! ô quantum est in rebus inane!*

In summa si verum amamus, planè dicendum est, formulam hanc, *loqui de cathedra*, ut à Raynaudo & ei similibus, & à quibusdam minutis adulatricis Curie Theologis nunc accipitur, certam quandam esse tesse-

ram, eruditionisque falsæ signum, quo quis agmen hominum minùs peritorum veluti gloriosus miles penetrat, dicti ac facti sui conditionem circumspicit, & occurrenti cuicumque, tametsi fuerit Plato vel Aristoteles, Hieronymus vel Augustinus, obstrepere non dubitat, ut qui olim,

*Sese aliquem credens, Italo quòd honore supinus,  
Frægerit beminus Arreti adilis iniquas.*

Verumenimverò quod pejus est & deplorandum dolentiùs, recentiores isti & *ἀφελαιοι* alii, qui hodièque fruuntur lucis usura, non advertunt, se in gravissimam beati Pauli reprehensionem incidere, cum in Epistolæ ad Ephesios capite iv. scribens ait: *Ὅτι jam non sumus parvuli fluctuantes, & circumferamur omni vento doctrinæ in nequitia hominum in astutia ad circumventionem erroris.*

XV. Theophili Raynaudi librum *αὐτὸς ἴσα* inscriptum, ex quo testimonium repeto, citassè nusquam, nisi coëgisset me Theologicæ quæstionis historia, quam a-liter perficere non quivissem. Hic enim liber planè indignus est, qui ab ullo scriptore Gallo si Gallum se esse intelligat, citetur unquam. Raynaudus ut illum scriberet quasi diuturnam sitim explere cupiens, ex favorabili alienæ disputationis argumento non tam accepit, quàm arripuit occasionem, qua in Regis & Regni jura invaderet atrociter, & Gallicanæ Ecclesiæ libertatum fundamenta commoveret. Sceleris hujus specimen est in puncto 1. his verbis: *Insisterunt perditissimi hujus (Photii) Schismaticorum antesignani posteriores quidam vel Schismatici, vel cum Pontificibus exercentes privata odia & inimicitias. Sic tempore simultatum inter Bonifacium VIII. & Philippum Pulchrum iste appellavit futurum Concilium anno 1303. ut Spondanus eo anno notavit.* En specimen operis, & opus totum, cui tantum abest ut consentiam, ut potiùs illud avertis in finistram palmis abominer. Sic & abominor relatum à me necessaria de causa definitionem, cui quidquid est operis, perfidiosè superstruitur. Atque ita purgandum me esse censui de citato libro, qui tamen sub Lugdunense prælum semel atque iterum sudavit, necdum arsit.

Hæc est Ecclesiasticæ quæstionis historia quam requiris. In illa, quia pauca sunt mea, opus eò est melius: Ex aliorum monumentis totum ut decuit, exaratur. Tu pro ingenii solertia & acumine quo polles si demenda sint quædam, demere, si adjungenda sint alia, adjungere curabis. Grata mihi erunt omnia, & nihil ingratus, quàm errantem me non redargui: redargutus proficiam. At proficere studioso homini etiam dum corrigitur, si rerum suarum satagat, tam esse debet jucundum, quàm quod jucundissimum. Vale Lutetiae Parisi. Nonis Sextilibus ann. M. DC. LXV.

# Joannes Launoius

## CHRISTOPHORO FAUVÆO,

*Theologo, Pictaviensi Officiali.*

*Pictavium,*

**P**ROPONIS mihi tria, quæ studio, circumspeditione, & accurata consideratione tua digna mihi videntur. Primum, quod Hadrianus VI. cum Lovanii proficeretur Theologiam, docuit, certum esse, Romanum Pontificem errare posse in iis, quæ ad fidem pertinent. Adscribis verba & Commentario in quartum sententiarum de ministro Confirma-

tionis: *Ad secundum principale de facto Gregorii dico 1. quòd si per Romanam Ecclesiam intelligatur capitillius, puta Pontifex, certum est, quòd possit errare etiam in iis, quæ tangunt fidem, hæresim per suam determinationem aut decretalem asserendo. Plures enim fuerunt Romani Pontifices hæretici. Item & novissimè fertur de Joanne XXII. qui publicè docuit, declaravit, & ab omnibus teneri mandavit,*



davit, quod anima purgata ante finale iudicium non habent stolam, qua est clara & facialis visio Dei, & Universitatem Parisiensem ad hoc induxisse dicitur, quod nemo in ea poterat gradum in Theologia adipisci, nisi primus hunc errorem pestiferum iurasset se defensurum, & perpetuo ei adhaerurum. Item patet hoc de errore quorundam Pontificum circa matrimonium. De quo in cap. Licet de spons. duorum. Item patet hoc de errore, quem ediderat Celestinus circa matrimonium fidelium, quorum alter labitur in haesim: Cujus error habebatur olim in alia compilatione in cap. Laudabilem de convers. conjug. ut refert Ostiensis in cap. Quando de divortis; Non tamen dico Gregorium hic errare. Sed evacuare intendo impossibilitatem errandi, quam alii asserunt.

Deinde, quod Hadrianus non revocavit doctrinam hanc, sive ut Cardinalis fieret, sive ut ex Cardinali Papa crearetur, sive postquam creatus est Papa.

Denique quæ & qualis certitudo sit propositionis, quam Hadrianus magna cum asseveratione docuit, ut tunc temporis ex traditione Ecclesiæ & potissimum Romanæ docere potuit. In hoc tertio diligentia & animadversionis tuæ momento, quod proponis, cardo rei vertitur. In duobus aliis difficultas nulla consistit. Hadrianum tradidisse, quæ adscripsisti omnia, quis dubitet? Commentariorum editiones cunctæ id habent, & cum primis Romana, quæ auctore Pontifice comparata, & elogiis quampluribus adornata est. Hadrianum revocasse, quod retulimus, quis assereret, nisi fidem cum fronte amisisset? Quinetiam secundis cogitationibus iisque Pontificiis asseruisse, quod docuerat, pronunciare licet. Igitur tertium est campus, in quo tota disceptatio versari debet. Quærendus est modus, quo illi finis imponatur. Nunc obijciunt se mihi tria, quibus id sine ullo negotio perfici possit. Basileense Concilium, Pontificia Basileensis Concilii confirmatio, Theologorum Romanæ Curiae de auctoritate Conciliorum à Pontifice confirmatorum sententia.

De primo res sic se habet in Responsione, quam Basileensis Synodus, De potestate cujusvis Concilii generalis supra Papam, dedit anno MCCCCXXXII. Sacrosancta Basileensis Synodus in Spiritu Sancto legitime congregata, universalem Ecclesiam representans, ad futuram rei memoriam. Cogitanti huic sacra Synodo in Spiritu Sancto legitime congregata, quid vobis venerabilibus Joanni & Andrea Tarentinensi & Collossensi Archiepiscopis, ac Bertrando Episcopo Magalonensi, nec non dilecto Ecclesiæ filio Antonio de sancto Vito Palatii Apostolici causarum auditori, oratoribus sanctissimi Domini Eugenii Papa IV. pro iis, qua suo nomine bis exposuistis, responsura sit, duo ipse Spiritus Sanctus persuadet: Primum, ut secundum Apostolum non in sublimitate sermonis, & doctis humana sapientia verbis, sed in doctrina spiritus loquatur: Deinde, ut summum Pontificem & vos & quoscunque huic sacro Concilio adversantes sub iis verbis Apostolicis admoneat, quibus beatus Paulus ad Ephesios usus est: Nolite, inquit, contristare Spiritum Sanctum. Et pluribus interpolitis: Ex his manifestè constat, auctoritates, quas de summi potestate Pontificis allegastis, non probare, quo minus ipse Pontifex mandatis universalis Ecclesiæ & Concilii generalis obedire teneatur, sed ad id tantaxat probant, quod omnes singulares homines, particularesque Ecclesiæ ipsi Pontifici obedire debent, nisi in his, quæ sacra huic Synodo, & cuilibet alteri legitime congregata præjudicium generarent. Nam etsi sit caput ministeriale Ecclesiæ, non tamen est major tota Ecclesiæ, alioquin errante Pontifice, sicut saepe contingit, & contingere potest, tota erraret Ecclesiæ, quod esse non potest. Etsi caput sit & principalis prælatus huius corporis mystici, est nihilominus intra corpus. Nam si extra corpus esset, tunc non pertineret ad Ecclesiæ, nec tunc caput esset. Corpus igitur hoc totum continet, & ipsum, quod dicitur caput & singula membra. Nec quis dicat, quod ipsa pars principalis potentior est, ac dignior reliquo toto corpore & cæteris membris, &

per consequens illi potius obediendum, quia ratio, experientia, & auctoritas dicunt contrarium. Ratio, quia reliquum totum corpus etiam non computato Papa secundum legem communem errare non potest in his, quæ sunt fidei, alioquin si errare posset, cum CERTUM SIT PAPAM ERRARE POSSE, tunc & Papa & reliquo toto corpore errantibus tota erraret Ecclesiæ, quod esse non potest. Experientia etiam demonstrat, quia saepe experti sumus, & legimus, Papam, licet caput & principalem partem, errasse, reliquum autem corpus, Papa etiam errante, errasse nunquam legimus: Propterea reliquum saepe totum corpus condemnavit atque deposuit Papam tam ratione fidei, quam morum: Sed nunquam Papa condemnavit aut excommunicavit aut deposuit reliquum totum Ecclesiæ corpus. Licet ergo tam Papa, quam Ecclesiæ claves habeant ligandi atque solvendi, Papa tamen nunquam in totam Ecclesiæ claves ligandi atque solvendi exercuit, Ecclesiæ autem saepenumero in Papam. Auctoritas etiam Scripturæ evangelicæ idem probat. Nam hoc quod dixit Christus, si peccaverit in te frater tuus dic Ecclesiæ, & si Ecclesiæ non audierit, sit tibi sicut ethnicus & publicanus, omnes homines comprehendit, & quod Petrus & successores illa auctoritate comprehenduntur, ostendit Paulus, qui in faciem restitit Cepha & coram omnibus. Ecclesiæ enim dixisse videtur, qui coram omnibus dixit, quod ad successores Petri, jam supra dictum est, qualiter saepe peccata eorum dicta fuerint Ecclesiæ, & ab Ecclesiæ punita, & qui non audierunt Ecclesiæ, fuerunt habitati, ut Ethnicus & Publicanus, ut legitur de Anastasio & Liberio. Probat hoc etiam auctoritas universalis Ecclesiæ, quæ non potest errare, ita definitis in Concilio Constantiensi, quod peccata Pontificum circa fidem aut schisma vel mores possunt dici Ecclesiæ, cujus preceptis & ordinationibus tenentur obedire, & si obedire contempserint, condigna penitentia possunt subijci, & ad alia juris remedia recurri; & per consequens possunt excommunicari. Quo facto, ut ethnicus & publicanus habebuntur. Et post alia bene multa. Datum Basileæ in congregatione nostra generali III. Nonas Sept. anno à Nativitate Domini MCCCCXXXII.

Hæc est aliqua pars definitionis quæ ut apparet, conciliariter facta est, nimirum postquam ultro citroque & allatis hinc inde Scripturæ & Patrum testimoniis disputatum est, utrum Papa supra Concilium sit, atque errare possit. At peracta disputatione tali, in eam devenit sententia ut dicatur certo Concilium supra Papam esse, & Papam errare posse, cum certum sit, inquit Basileensis Synodus, Papam errare posse.

Nunc ad secundum, id est, ad Pontificiam Synodalis definitionis hujus confirmationem accedendum est. Eugenius IV. definitionem istam semel atque iterum confirmavit. Semel quidem per Legatum suum Julianum, qui quo tempore definitio facta est, Basileensi Concilio præfuit. Quinetiam non tantum præfuit, sed & Eugenium volentem tunc Concilium dissolvere & transferre Bononiam continuit, & ab hoc consilio deterruit. Egregia est in hanc rem Juliani ad Eugenium Epistola secunda: Non permittat, inquit, se sanctitas vestra à quoquam feduci incutiente fortè timorem, ubi timendum est, aut persuadente, hoc non esse legitimum Concilium. Scio me offensurum eandem sanctitatem, si velim probare contrarium, sed melius est, ut paululum offendam verbis, & prosum factis. Nam medicus infirmo apponit cauterium urens & sanat plagam. Non potest medicina prodesse, nisi gustu sit amara. Sub hac confidentia non verebor patefacere voluntatem, ut ea cognita sanctitas vestra sibi & Ecclesiæ consulat. An hoc Concilium legitimum sit, ex Concilio Constantiensi dependet: Si illud verum fuit, & istud. Nemo autem dubitare visus est, an illud legitimum fuerit. Similiter & quicquid illi decretum est. Nam siquis dixerit, decreta illius Concilii non esse valida, fateri necesse habet, privationem olim Joannis (XXIII.) factam vigore illorum decretorum non valuisse; si illa non valuit, nec etiam Papa Martinus tenuit

tenuit electio, facta adhuc illo superstite. Si Martinus non fuit Papa, nec sanctitas vestra est, quæ per Cardinales ab ipso facta electa est. Nullius ergo magis interest defendere decreta illius Concilii, quam sanctitatis vestra: Et si quodcumque illius Concilii decretum revocetur in dubium, eadem ratione poterunt revocari & reliqua ejusdem Concilii decreta hac eadem ratione, nec aliorum Conciliorum decreta valebunt, quia quæ ratione vacillat fides unius Concilii, vacillabunt reliqua omnia. Et quibusdam interjectis: Per Concilium autem Constantiense fuit factum decretum, Frequens, in quo statuitur, quod primum Concilium fiat in quinquennium à fine illius, & aliud in septennium. A fine Concilii Constantiensis quinquennio elapso celebratum est Papiense, vel Senense, à cuius fine elapso septennio ceptum est celebrari istud. Et quibusdam interpositis: Unde nullatenus est ambigendum, quin Concilium (Basileense) FUERIT LEGITIMUM, & canonicè congregatum. Et forsitan vix unquam legitur aliquod Concilium tot auctoritatibus innixum, sicut per duo videlicet præcedentia Concilia Constantiense & Senense, & duos Romanos Pontifices confirmatum. Infra: Afferunt etiam prædictam dissolutionem fieri non potuisse, obstante quodam decreto Constantiensis Concilii, quod in his, quæ pertinent ad fidem & extirpationem schismatis & ad reformationem Ecclesie in capite & in membris, quemlibet cujuscunque conditionis etiam Papæ huius teneri obedire statuit & ordinationibus & præceptis cujuscunque Concilii generalis, & nisi obedierit, puniatur, &c. Ecce posse statuere in aliquem, posse præcipere, posse punire non obedientem, signa sunt evidentiora superioritatis in his, in quibus statuit, præcipit, aut punit: Teneri autem obedire, & subijci, ac parere, signa sunt inferioritatis in prædictis casibus. Ergo in prædictis casibus cum Papa, ut dicunt, sit inferior Concilio, quod etiam factò probatum fuit; (Nam propter unum de tribus casibus Concilium privavit Joannem, & propter alterum privavit Benedictum) Non poterit Papa dissolvere Concilium, quia inferior in eo, in quo est superior, non potest solvere vel ligare superiorem. Et post alia.

Nemo dubitat, si contra aliquem summum Pontificem ageretur DE HÆRESI, quod ipse non posset Concilium dissolvere, quia si posset dissolvere, non posset judicari. Quod esset contra caput Si Papa dist. XL. ergo sicut IN HÆRESI, sic & in aliis duobus casibus; isti enim tres pacificati sunt per Concilium Constantiense. Eodem modo loquitur Concilium Constantiense, sicut caput Si Papa. In illo uno, ut prædixi, factò Concilium Constantiense approbavit hanc sententiam, quia propter schisma privavit Petrum de Luna, & propter deformitatem vitæ, privavit Joannem. Et si qua jura reperiantur, quæ dicunt, primam Sedes non judicabitur à quoquam, & primam Sedem nemo judicat, & nemo sibi dicit, cur ita facis, intelligenda non sunt in his tribus casibus. In principio de fide provisum fuit per cap. si Papa: In aliis duobus per Concilium Constantiense. Alioquin si sine ulla exceptione intelligeretur illud prima Sedes, &c. Tunc prædictum cap. Si Papa XL. distinct. & prædictum decretum Constantiense essent falsa: Et si cap. Si Papa, causa HÆRESIS istos duos addidisset, nemo dubitaret de prædicta sententia. Sic enim nemo debet dubitare de decreto Concilii, quod factum est auctoritate Papæ, & representat universalem Ecclesiam. Et si dicatur, in Conciliis intelligitur excepta auctoritas Papæ, respondet illud verum, quando persona Papæ specialiter non includitur: Sed si specialiter includitur, non potest excipi, quia saperet contradictionem. Hæc dixi beatissime Pater, Deus est mihi testis cum displicentia animi, sed cogor ita dicere, ut sanctitas vestra desinat à prædicta dissolutione, ne contingant infinita mala in Ecclesia. Hæc Eugenius cum vidisset omnia & momentis expendisset suis, animum cohibuit, reversusque ad seipsum nec Concilium dissolvit, nec Bononiam transtulit. Quinetiam id fecit, quod causâ melius & perfectius cognitâ Pontificem summum facere decuit & oportuit.

Et primò quidem ille datis ad Julianum literis ex-

ponit, quo consilio Basileensem Synodum dissolvere & Bononiam transferre voluerat, nec ibi vel leviter significat, se de iis, quæ Synodus egerat, rescindendis cogitationem suscepisse ullam, nec obstitisse proinde, quo minus Synodi præses Julianus relatis in sessione I. & 9 11. Constantiensis Concilii decretis & continuo assertis, nec non Synodali responsioni, quæ in sessione VI. facta est circumspectissime, consentiret, & ea pro munere suo confirmaret. Sed ne in animum inducas tuum, velle me vel historiæ leges negligere, vel fuci tantulum facere, Eugenii literarum verba ipsa refero, quæ Odoricus Raynaldus refert in Ecclesiasticis Annalibus: Cùmque his proximis diebus charissimus in Christo filius noster Joannes Paleologus Constantinopolitanus Imperator nuncupatus oratorem suum ad nos & præfatos fratres nostros destinaverit, qui exponendo nos requisivit, ut juxta ordinationem dicti prædecessoris pro unimine Orientalis Ecclesie cum Romana & Occidentali Ecclesia Concilium celebraretur, nosque conventionem & ordinationem dicti prædecessoris etiam cum consilio dictorum fratrum nostrorum approbantes, ipsique Græcis postulantis juxta conventiones dicti prædecessoris expensas galearum eos ad Concilium conducere, & ipso finito, ad partes suas reducere debemus & alias expensas opportunas & necessarias obtulerimus, multaque etiam loca Italia, cum alibi pro Græcis commodè fieri non posset, pro celebratione dicti Concilii, eorumque reductione ad ritum Romanæ Ecclesie per nos oblata fuerint, dictisque orator certos nos effecerit, Imperatorem & Patriarcham præfatos alios suos oratores cum plena potestate transmissuros esse, qui ex oblatis in Italia locis aliquem præsertim cum plena potestate Bononiam acceptabunt, prout ad præfatum prædecessorem ante sui obitus notitiam transmittébant; cùmque si nova prælatorum vocatio, ut præmittitur, fieret, hæc duo Concilia uno propè tempore concurrere videantur, & si 10 ea disjuncta fieri & celebrari contingeret, unum altero debilius & minoris efficere auctoritatis: Hæc insuper una cum dictis fratribus nostris animo nostro contemplantes, cùm in universa republica Christianorum, nihil desiderabilius contingere posse, quàm videre Græcos tanto temporis intervallo à dicta Romana Ecclesia disjunctos, sub ritu ipsius Ecclesie, & veritate Catholica fidei reductos esse, & illam Græcorum nationem, quæ tot sanctos Patres & viros egregios & sapientes genuit, qui humano generi tam sacratarum, quam secularium literarum seminarium dederunt, Romana Ecclesie unitam, & sub ipsius unico ovili reductam: His & aliis rationabilibus causis inducti, ut tam reformationem Cleri, & Ecclesie, ac extirpationem hæresum, ac paci & tranquillitati Christianorum, quàm etiam Græcorum reductioni (qua omnia summis desideramus affectibus,) providere personaliter valeamus, circumspectioni tuæ ipsum Concilium, si quod adhuc pendere videatur, dissolvendi, & nihilominus ante dissolutionem hujusmodi in civitate nostra Bononiensi, ubi Deo auctore personaliter intendimus præsidere, ubi ad annum cum dimidio à die dissolutionis hujusmodi computandum novum Concilium indicendi, & infra plenam ac liberam ipsorum fratrum videlicet Jordani Sabinensis, Antonii Ostiensis & Velleitrensis, &c. Cardinalium consilio auctoritate Apostolica tenore præsentium concedimus facultatem. Eugenius dissolvendi Concilii facultatem impertitur, sed nec rescindit ipse, quæ jam acta fuerant, nec rescindendi potestatem Juliano tribuit. Confirmat ipse tacitus ea, quibus Julianus præses re ipsa pondus adjecerat auctoritatis suæ. Juliano indicendi Bononiæ Concilii facit copiam, quò facilius & Græcos ad indictum propter eos Concilium alliceret, & tandem pertraheret ad ineundam cum Latinis concordiam.

Deinde in sessione XVI. Synodi acta, quæ præcesserant omnia & præsertim Synodalem responsionem ita confirmat: Eugenius Episcopus servus servorum Dei ad perpetuam rei memoriam. Dudum sacrum generale Concilium Basileense per generalium Constantiensis, & Senensis



nensis Conciliorum statuta, ordinationisque felicitis recordationis Martini Papa V. ac nostras pro extirpatione haresum, pace populi Christiani ac generali reformatione Ecclesie in capite & membris & pertinentibus ad ea legitime inchoatum, ex certis causis in aliis nostris literis expressis de fratrum nostrorum sancte Romana Ecclesia Cardinalium consilio & assensu dissolvimus. Verum cum ex dicta dissolutione orta sint graves dissensiones, & graviores oriri possent, nihilque magis optemus, quam quod predicta sancta opera debitum sortiantur effectum, de consilio & assensu venerabilis fratris Episcopi Sabiniensis & dilectorum filiorum nostrorum, Antonii sancti Marcelli, Francisci sancti Clementis, Angeloti tituli sancti Marci Presbyterorum, ac Lucidi sancte Maria in Cosmedin, & Audacini sanctorum Cosma & Damiani Diaconorum sancte Romana Ecclesia Cardinalium, decernimus, & declaramus, prefatum generale Concilium Basileense a tempore predicta inchoationis sua legitime inchoatum fuisse & esse, prosecutionemque semper habuisse, continuari ac prosecutionem habere debere ad predicta, & pertinentia ad

12 ea, perinde ac si nulla dissolutio facta fuisset. Quinimo prefatam dissolutionem irritam & inanem de consilio & assensu simili declarantes, ipsum sacrum generale Concilium Basileense pure & simpliciter, & cum effectu ac omni devotione & favore prosequimur, & prosequi intendimus. Præterea ut mentis nostre integritas ac devotio, quam ad universalem Ecclesiam & sacrum generale Concilium Basileense gerimus, evidenter constet, duas nostras literas pridie in Palatio Apostolico promulgatas, nam tertias, quarum tenor de verbo ad verbum inferius describitur, qua dicuntur incipere, Deum novit, cum à nobis, aut de scitu nostro nunquam emanarint, licet superfluum videatur, quod non extat, revocare, tamen quia petitum est, & ad cautelam, si ullo unquam tempore apparerent, & alias quascunque, & quidquid per nos, aut nostro nomine in præjudicium & derogationem sacri Concilii Basileensis, seu contra ejus auctoritatem factum, attentatum, seu assertum est, cassamus, revocamus, nullas & irritas fuisse declaramus, &c. Datum Rome, apud sanctum Petrum XVIII. Calend. Jan. Pontif. nostri anno 111. Hæc est præcedentium actuum & cum primis Synodalis responsionis approbatio, hæc confirmatio, quæ expresse conscribitur, & apertissime planissimeque explicatur. Cum dicit Eugenius indixisse se Concilium, ut in capite & in membris reformaretur Ecclesia, nonne ut membra, sic & caput in reformationem & emendationem venire significat? Quod si reformandum atque emendandum est caput Ecclesie, hoc caput erroribus cum in fide, tum in moribus non potest non esse obnoxium. Id omnino demonstrat capitibus & membrorum conjunctio, quam habet eadem series orationis. Ad hanc demonstrationem ut cumulus accedit revocatio literarum, quæ sub Eugenii nomine prodierant. In tertia diligenter consideranda sunt hæc: Si Papa vel Legatus ejusdem nollet dispo-

13 nere aliqua, & contra Concilium affectaret, Papa sententia, vel ejus Legati personam summi Pontificis representantis, non Concilii voluntas sequenda foret, cum super omnia Concilia habeat potestatem Papa, nisi forte qua statuenda forent, Catholicam fidem respicerent, vel si non fiorent, statum universalis Ecclesie principaliter perturbarent, quia tunc Concilii sententia esset potius attendenda. Pontifex revocat epistolam cum propter alia, tum maxime propter hoc, quod sibi potestatem super omnia Concilia vindicet. Sed non revocat ob verba hæc: Nisi forte qua statuenda forent, Catholicam fidem respicerent, & statum universalis Ecclesie principaliter perturbarent. Quia tunc Concilii sententia esset potius attendenda. Non revocat inquam ob verba hæc, quibus cum Synodali responsione concordat. In his duobus rerum Ecclesiasticarum momentis Concilio seorsum à Pontifice non erandi privilegium attribuit, haud Pontifici seorsum à Concilio. Nempe dissentientibus Concilio & Pontifice, Concilii sententiam Pontificis sententiae antepo-

nendam esse censet. Hoc ipsum in Synodali responsione traditur: Reliquum totum corpus non computato Papa secundum legem communem errare non potest in his quæ sunt fidei, alioqui si errare potest, cum certum sit, Papam errare posse, tunc & Papa & reliquo toto corpore errantibus, tota erraret Ecclesia, quod esse non potest. Hæc igitur in parte & caput cum membris, & membra cum capite conveniunt, nec dubium ullum est, quin Eugenius Synodalem responsionem præ cæteris, quæ in superioribus Basileensis Conc. sessionibus gesta sunt, confirmaverit.

Futiles moras & tergiversationes, quas Bellarminus de Basileensi Concilio nescit, ut id quod res est, non emineat, in priori ad Joannem Gerbasium epistola dilui. Quocirca quod ibi latè differui, hæc repetere superfedeo. Sed quidquid id est, ineluctabili vi dilemmatis hujus ita confirmo, ut confirmari magis non possit. Cum Eugenius Basileensis Concilii acta, quæ sessionem XVI. præcedunt, approbat, vel fallitur, vel non fallitur: Si fallitur, indeficientis judicii privilegio absolute & simpliciter caret: Nam si Romanus Pontifex in Conciliorum approbatione caret tali privilegio, ubique & semper caret: Si non fallitur, certum atque indubitatum erit, Romanum Pontificem errare posse. Si quidem id confirmat, quod Basileense Concilium sibi sumit, & auctoritate ac ratione asserit. Adulatricis Curie magistri in uno capti sunt, in altero nulli.

Si quæramus externa testimonia, occurrerit Aeneas Silvius seu Pius II. si tamen externum dicendum est illius testimonium: Memorata Basileensis Concilii acta comprobata esse ab Eugenio affirmat ille, qui certè negaret, si cum aliqua veri specie negari posset. Scilicet in Retractionis suæ diplomate affirmat: Accessit, inquit, & ipsum Eugenii consensus, qui dissolutionem Concilii à se factam revocavit, & progressum illius approbavit. In eo progressu cum alia, tum nostra quoque Synodalis responsio continetur. Prætermittere non possum, quæ in libro traduntur sic inscripto: Pii II. Pontificis maximi commentarii rerum memorabilium, quæ temporibus suis contigerunt, à R. D. Joanne Gobelino Vicario Bonnenfi jamdiu compositi, & à R. P. Dominico Francisco Bandino Piccolomini, Archiepiscopo Senensi ex vetusto originali recogniti. Quibus Gregorii XIII. epistola ad Franciscum Archiepiscopum Senensem præfigitur, & Commentarii probantur die 1. Octobris, anno MDLXXXIII. Res autem sic habet in lib. VI. Eugenium IV. natione Venetum ei (Martino) successerunt, qui Martini Legatos in suis provinciis confirmavit. Cepit deinde Concilium Basilea, ad quod frequentes ex omni orbe Christiano Episcopi & regum Legati conveniunt, & Julianus in Bohemia profligatus eo se contulit. Eugenius conventum dissolvere primò conatus est, quod ubi non successit, rogatu Principum confirmavit. Confirmatio hæc quoque ut & aliis in locis asseritur.

Ad extremum Leo X. & Lateranense Concilium cui præfuit, cum ea tantum reprobent, quæ Basileense Concilium post factam illius ab Eugenio translationem gessit, ea quæ ante gessit approbare censentur. Nam exceptio firmat regulam in exceptis: Nec illud, inquit in sessione XI. movere nos debet, quod sanctio ipsa, pragmatica, & in ea contenta in Basileensi Concilio edita, & ipso Concilio instante à Bituricensi congregatione recepta & acceptata fuerunt, cum ea omnia post translationem ejusdem Basileensis Concilii per reverenda memoria Eugenium Papam IV. etiam prædecessorem nostrum factam, à Basileensi Conciliabulo, seu potius conventicula, quæ præsertim post hujusmodi translationem Concilium amplius appellari non merebatur, facta existerint. Ex his autem verbis facile est colligere Leonem X. & Lateranense Concilium in ea consentire, quæ Basileensis Synodus ante illius translationem, gessit, docuit, decrevit. At certum est inter illa Synodalem responsionem, de qua nunc agitur præcipuum locum tenere, & habitis ultro citroque disputationibus

tationibus editam fuisse. Superest tertium, quod ad dicti Romanæ Curie placitis Theologi breviter ac dilucide exequentur. Stanislaus Hosius Varmienſis Episcopus & Cardinalis familiam ducet in libro 11. de legitimis iudiciis: *In iis quæ in facto sunt, fieri potest, ut fallatur quandoque Concilium: Ut autem erret in iis quæ sunt fidei, modo sit legitimè congregatum, fieri non potest.*

Robertus Cardinalis Bellarminus in libri 11. de Conciliis capite 11. *Sit igitur, ait, prima propositio. Fide Catholica tenendum est generalia Concilia, à summo Pontifice confirmata errare non posse nec in fide nec in moribus.*

Gregorius à Valentia è Societate Jesu Theologus, in Analyſi Catholicæ fidei lib. vii. cap. vii. assert. 11. *Romani Pontificis confirmatione quodvis Concilium est infallibile.*

Thomas Stapletonus in Academia Duacensi Professor Theologiæ de mediis iudicii Ecclesiastici Contravers. 111. lib. vii. cap. x. *Tertium adhuc magisque infallibile hoc Synodorum medium est in iudicio, siue provinciales sint, siue etiam generales Synodi, cum à Romano Pontifice sancti Petri successore confirmata illa fuerint.*

Gabriel Vasques è Societate Jesu Theologus, in disputationis cclxix. capite 11. *Quamvis, inquit, negare non possumus Concilia provincialia ante Pontificis confirmationem errare; Tamen ut id de aliquo affirmare sine temeritate possumus, firmioribus sanè nisi debemus fundamentis, quam Turrianus. Sic post Romani Pontificis confirmationem nequeunt provincialia Concilia, & longè minus universalia, quæ universalem repræsentant Ecclesiam, errare.*

Adamus Tannerus è Societate Jesu Theologus in disputationis 1. de fide quæst. 111. dub. 111. *Universis affirmandum est Concilia etiam generalia, quantumvis legitimè congregata in definiendo errare posse, si decreta ipsa nulla auctoritate summi Pontificis fulsantur, aut comprobentur. Infrà: Quare hinc non colligitur Concilia absque Pontificis auctoritate, sed unà cum Pontifice quidem velut capite & præside omnium Pastorum ipsorumque Conciliorum infallibilem habere auctoritatem. Sic generalia Concilia, dum à Romano Pontifice confirmantur, errare non possunt.*

Christophorus Gillius è Societate Jesu Theologus, in lib. 1. tract. vii. de locis Theologicis, cap. ix. num. vi. *Si verò Concilia (generalia vel particularia) sint à summo Pontifice approbata, jam habent infallibilem auctoritatem fundatam in assistentia Spiritus Sancti manu tenentis ac dirigentis Pontificem in tradenda fidei doctrina ex cathedra.*

Joannes Bagotius è Societate Jesu Theologus in libri 14. Institut. Theolog. de vera religione disp. v. cap. 14. *Tertio auctoritas Romani Pontificis in Conciliis juxta istud habet, ut eorum definitiones plenissimam infallibilitatem non habeant, nisi ad eas accedat consensus & probatio illius, ita ut ipse iudicet legitimum fuisse Concilium. Sic Eugenius IV. in sessione xvi. Basileense Concilium fuisse legitimum iudicavit.*

18 Thomas Comptonus è Societate Jesu Theologus, in disp. xxi. de Conciliis sect. 14. num. x. *Concilium generale, in quo adest Pontifex, errare non potest, & est infallibilis regula fidei. Infrà: Idem dicendum est de Con-*

*cilio generali, in quo Pontifex per se non adest, sed per Legatos suos, si tamen rebus ab eo definitis Pontificis approbatio accedat.*

Gregorius Rivésius Avenionensis Capucinus, in Præludio vii. Epitomes Canonum & Conciliorum: *Si ad Concilium legitimè congregatum accedat confirmatio Papæ, Concilium illud est infallibilis veritatis in decretis fidei, tum ob intimam spiritus Christi præsentiam, ac divini spiritus magisterium infallibile quod Concilio præsidet, tum quia Ecclesia est infallibilis, & errare non potest, & ipsum Concilium sic congregatum & confirmatum est ipse consensus Ecclesia.*

Hæc pauca de multis, quæ ad solvendam quæstionem satis superque sufficiunt. Hi Theologi omnes manifestè docent propositionem illam, quam ex Hadriano VI. Papa edidisti, usque adeo certam esse, ut ei falsum subesse non queat. Quare contraria propositio flagitii non potest non eoargui, quippe quæ confirmationis à Romano Pontifice Conciliis generalibus non erandi privilegium detrahat. Neque verò in Pontificiam Basileensem Concilii confirmationem lis inferetur ulla, quæ in Pontificiam Nicænæ Synodi I. & Constantinopolitanæ Synodi I. confirmationem non facilius inferatur & impunius. Nam monumenta, quibus probavimus Eugenium Basileensem Concilii acta, sessionem 19 xvi. præcedentia & præsertim Synodalem responsionem confirmasse, certiora & magis expressa sunt iis, quibus ostenderetur, vel Silvestrum Nicænæ Synodi, vel Damasum Constantinopolitanæ Synodi acta confirmasse. Hoc spondeo, hoc recipio, hoc affirmarem apud Sagram. Nunc igitur vides, quæ & qualis certitudo (mollienda sunt usu verba) propositionis sit. Hæc ut dubitationem omnem excludit, ita & assensionem omnem meretur: Hanc plurimum adjuvabit Romanæ Ecclesiæ traditio, quam in prioribus ad Raimundum Formentinum; & in posterioribus ad Joannem Gerbasium literis exposui. Jam tandem vel tacente me perspicis, oppositis & novis ea super re placitis fidem nullam, veritatem nullam asseri, vel etiam probabilitatis speciem nullam affricari posse, nisi fortassis contra generales Synodos per Romanos Pontifices confirmatas probabiliter & sentire & dicere quis possit. Agitur de suprema Romanorum Pontificum auctoritate, quod agatur de auctoritate Conciliorum, quæ Romani Pontifices approbaverint, ut Eugenium IV. Basileensem Concilii acta sessionem xvi. præcedentia confirmasse vidimus. Exinde quidquid illud est, hoc ad intelligendum facili dilemmate concluditur: Eugenius IV. & Leo X. inter cætera Basileensem Concilii acta Synodalem responsionem confirmantes vel errarunt, vel non errarunt: Si errarunt, Romani Pontifices indeficientis iudicii privilegium nullum habent, & quia in confirmandis Conciliorum actis non habent, nusquam habent: Si verò non errarunt, Romani nihilominus Pontifices errare possunt, quia Eugenius & Leo confirmarunt Synodalem responsionem, 20 ubi expresse traditur, quod Papam errare posse certum sit. Certitudo autem cuja sit, colliges tu ex Bellarmino & aliis Curialibus magistris, quorum testimonia sincerè retulimus. Si cum illis tuam & Hadriani VI. propositionem divinæ fidei candidatam esse putaveris, oppositam amandabis procul, & ei nigrum theta præfiges. Vale. Lutetiæ Paris. pridie Idus Sextiles ann. mdcxv.



# Joannes Launoïus

Eidem

## CHRISTOPHORO FAUVÆO,

*Parisiensi Theologo, Pictaviensi Officiali.*

*Pictavium.*

21 **B**ELLARMINUM ais in libri IV. de potestate summi Pontificis capite II. quæstionem hanc proponere, *Sine certum Papa iudicium?* Sed dubitas, num controversiæ, ut ipse dicit, inter Catholicos quæstionis statum simpliciter & candidè proponat. Dubitas enimverò, quia probè tenes illum quæstionis hujus alterius, *Sine Romanus antistes supra vel infra Concilium*, ordinem ac statum perperam defixisse. Tua te non fallit conjectura, quam de posterioris quæstionis conditione capiendam esse duxisti. Nam Bellarminus prioris quæstionis statum vix potuit iniquius proponere, quam proposuit. Hæc dolenter animadverto, sed ut animadvertam cogit me simplex veritatis ratio. Sic autem quæstionis statum proponit post relatam hæreticorum sententiam.

*Secunda sententia est, Pontificem etiam ut Pontificem, posse esse hæreticum, & docere hæresim, si absque Concilio generali definat; & de facto aliquando accidisse. Hanc opinionem sequitur & tueretur Nilus in suo libro adversus primatum Papa: Eandem secuti sunt aliquot Parisienses, ut Gerson & Almainus in libris de potestate Ecclesiæ, necnon Alfonsus de Castro, libro I. cap. II. contra hæreses,*

22 *& Adrianus VI. in quæstione de confirmatione: Qui omnes non in Pontifice, sed in Ecclesiâ, sive in Concilio generali tantum constituunt infallibilitatem iudicii de rebus fidei. Infra, post relatam Alberti Pighii sententiam:*

*Quarta sententia est quodammodo in medio, Pontificem sive hæreticus esse possit, sive non, non posse ullo modo definire aliquid hæreticum à tota Ecclesiâ credendum. Hæc est communissima opinio fere omnium Catholicorum; ut beati Thoma 2. 2. quæst. I. art. 10. Thoma Valdensis lib. secundo doctrinæ fidei, cap. 47. & 48. Joannis de Turrecremata libro secundo Summa cap. 109. & sequent. Joannis Driedonis, libro quarto de Ecclesiast. dogmat. cap. 3. part. 3. Cajetani in Opusculo de potestate Papa & Concilii cap. 9. Hosii libro 2. contra Brentium, qui est de legitimis iudiciis: Joannis Ekii lib. I. de primatu Petri cap. 18. Joannis à Lovanio libro de perpetua Cathedra Petri protectione & firmitate, cap. 11. Petri à Soto in Apologia sua, part. I. cap. 83. 84. & 85. & Melchioris Cami libro sexto cap. 7. de locis. Hæc ad annum MDLXXVII. quo libros de potestate summi Pontificis scribere aggressus est,*

Hæc autem omnia, quæ antè descripsimus, singillatim expendenda sunt, ut suus veritati constet locus, sua constet dignitas.

I. Utriusque sententiæ auctores enumerat quindécim, prioris quinque, posterioris decem: Quia in enumeratione posterior sententia priorem dimidia tantum parte superat; & tamen Bellarminus audet dicere, *Hæc est communissima opinio fere omnium Catholicorum.* Heu prisca fides & integritas! Quasi verò ne

23 opinio hæc sit Catholicorum fere omnium, impedire non possent auctores quinque, quorum

Primus Thessalonicensis Archiepiscopus fuit.

Secundus in Constantiensi Concilio sic commendatus, ut non potuerit commendari magis: Franciscus

enim Zabarella Florentinus Cardinalis excipientibus Gersonem Hussitis respondit: *Dicitis ô Hussita Cancellarium Parisiensem suspectum vobis existere, qui tamen usqueadeo superexcellens Doctor est, qualis in tota Christianitate vix reperiri queat.* Fuitne ullus unquam inter homines agens homo, quem vir Zabarellæ par in Synodo pari tantopere commendaverit?

Tertius, quem Lutetiæ perinde ac divinum aliquod ingenium aut numen ipsum, auditores venerabantur, ut Oliverius de Lugduno Parisiensis Theologus & Navarri Collegii Archididascalus testatur, scribens ad Lectorem in fine operum Almaini.

Quartus magna cum eruditionis laude Tridentino Concilio interfuit, & editis libris quampluribus illustre apud posteros nomen consecutus est.

Quintus fuit insignis Theologus & Romanus Pontifex, qui sua se & conditione & loci dignitate defendit, & plerisque aliis præponderat, quod factus Pontifex sententiam non mutaverit, & eam Romanis typis mandari voluerit.

II. Si de posteriori sententia demerentur auctores quinque, tunc prior & posterior sententia auctorum numero cœquarentur, nec una sententia prædicari posset alterâ communior. Sed ambæ æquæ communes essent. Si verò auctores quinque dempti, alios ad quinque reducuntur, efficiëntne quæso, ut posterior sententia sit communissima Catholicorum fere omnium? Bellarminus in hoc calculo deceptus est, vel lectores suos decipere voluit. Utrum sit nescio, scit ille, quem nihil fugit. Neutrum esse vehementer etiam atque etiam vellem, ne tam aperto partium studio duci videretur.

III. Absurdum est, Catholicos fere omnes Theologos exceptis quinque denario numero comprehendi: Et cum Bellarminus illud significat, in re tanti ponderis fucum facit, aut patitur. In uno reprehensione gravi dignus est, in altero suffocatur.

IV. Pro sententia priori cum Bellarminus auctores sexcentos enumerare potuit, enumerat quinque duntaxat, ut illa minùs communis minùsque probabilis appareat. Et sic de vitiosissima dissimulatione purgari nequit. Sigillatim refero quos è nostris Parisiensibus in præteritis reliquit. Hi autem sunt.

V. Innocentius III. in libri III. Regest. xv. Epistola CIV. ad Philippum Augustum: *Diligenter audiri & perspicaciter intellectis, quæ nobis ex parte regis dilecti filii: Abbas de Trappa & Joannes Clericus tuus proponere curaverunt, & habito cum fratribus nostris studioso tractatu non occurrit nobis aliqua via per quam in his, quæ ipsi pro te postulaverunt, à nobis tua secundum \* possemus occurrere voluntati, sub obtestatione divini iudicii, protestantes, libentissimè si possemus cum Deo, ab illo te curaremus vinculo expedire, à quo desideras vehementer absolvi. Sed in carnali commercio inter te ac reginam conjugem tuam adeò est processum, quòd si etiam illi tantum confessioni vellemus insistere, quam nuper eadem regina fecisse proponitur coram prædicto Abbate de Trappa, & dilecto Magistro Roberto Corzon nunc tituli sancti Stephani in Caelio Monte Presbytero Cardinali, non auderemus super hujuscemodi casu de nostro sensu pro te aliquid diffinire,*

diffinire, propter illam sententiam Evangelicam, quam ipse Christus expressit, ut quod Deus conjunxit, homo non separet: cum absque dubio nec Sanctorum exempla, nec Patrum decreta intentioni tua in hoc articulo suffragentur. Verum si super hoc absque generali deliberatione Concilii determinare aliquid tentarem, præter divinam offensam & mundanam infamiam, quam ex eo possemus incurrere, forsan, ordinis & officii nostri periculum immineret, cum contra præmissam veritatis sententiam nostra non possit auctoritas dispensare. Non ita scripsisset Innocentius, si non errandi privilegium & in fide & in moribus habere se putasset. Omnino credit se errori obnoxium, cum sincere pronunciat: Si super hoc absque generali deliberatione Concilii determinare aliquid tentarem, præter divinam offensam & mundanam infamiam, quam ex eo possemus incurrere, forsan ordinis & officii nostri nobis periculum immineret, cum contra præmissam veritatis sententiam nostra non possit auctoritas dispensare. Præterea cum fatetur id à Concilio fieri posse, quod à seipso fieri non potest, Concilio inferiorem se esse agnoscit, ac proinde errare posse. Nam omnis qui inferior est Concilio, ab eo corrigi potest. At non corrigeretur, qui errare non posset.

Hoc ipsum libenter agnoscit in sermone 11. de consecratione Romani Pontificis: In tantum, inquit, mihi fides necessaria est, ut cum de cæteris peccatis Deum judicem habeam, propter solum peccatum, quod in fide committitur, possem ab Ecclesia judicari. Sic loquitur qui se à fide deficere, qui in publico fidei judicio errare posse arbitratur. Noverat decedentes quosdam suos errasse & cum primis Clementem III. cujus decretalem, inscriptione Laudabilem, revocavit, ut æqualis Robertus Corzon tradit in Summa quæst. de impedimentis matrimonii: Uxor, inquit, relicta fide manet libera à matrimonio. Non enim uxor gentilis aut Judei debet esse melioris conditionis, ut possit libere transire ad secunda vota, quam uxor hæretici conversa ad fidem, quod concessit Clemens in illa decretali Laudabilem. Nec dicit hæc ad paria esse judicanda, sed Innocentius, qui modò præsidet, hæc revocavit.

Noverat seipsum aliàs errasse circa sigillum confessionis, cum in Lateranensis Concilii capite XXI. eodem approbante Concilio sic decernit: Caveat autem omnino, ne verbo vel signo vel alio quovis modo prodatur aliquatenus peccatorem, sed si prudentiorum consilio indignus erit, illud absque expressione persona requirat, &c. De sigillo confessionis ante Concilium sic aliter censuerat apud Cæsarium Cisterciensem in libri III. historiarum memorabilium capite XXXI. & XXXII. Peccata, inquit, consentium in multis casibus prodere poterit, taciis personis: Ipsas verò personas prodere non debet, nisi in uno casu, quem infra hoc quinquennium dominus Innocentius Papa tali modo determinavit. In domo quadam Cisterciensis Ordinis monachus quidam sine ordine celebravit: Hoc cum die quadam Abbati suo retulisset in confessione, nec tamen cessare vellet à tanta presumptione, Abbas dolens & lacrimans, ut à blasphemia tam magna desisteret, miserum rogavit, monuit, & præcepit. Sed non profecit: Ille verò timens notari, si cessaret, celebravit, ut prius. In sequenti Capitulo generali Abbas idem proposuit casum eundem, interrogans quid faciendum foret confessori, si forè tale quid in aliqua domo emergeret. Cumque Dominus Cisterciensis & ceteri Abbates super hoc nihil auderent diffinire, casum scripserunt Innocentio Papa, qui convocans Cardinales, virosque literatos, casum eis proposuit, & quid de hoc sentirent, à singulis requisivit: Omnibus pene in hoc sentientibus, quod confessio non esset prodenda. Respondit: Ego dico in tali articulo esse prodendam, quia talis confessio non est confessio, sed blasphemia. Nec debet confessor, blasphemiam talem ac infamiam celare, per quam periculum incumbere poterit toti Ecclesie. Et placuit sententia omnibus, scripsitque sequenti anno Capitulo, quod à se fuerat determinatum & à Cardinalibus approbatum. Hic est error, in quem

lapsus fuerat Pontifex consultus ut Pontifex, sed quem postea Lateranense Concilium cui ille præfuit, emendavit. Cæterum Parisiensibus Theologis adnumerandum esse Innocentium duxi: Quia cum esset Lotarius, Parisiis Theologiam didicit Petro Corboliensi docente, qui Innocentio Pontifice ad Senonensem Ecclesiam accessit.

VI. Robertus Corzon, qui ex Parisiensi Cancellario factus est Cardinalis Presbyter, in Summa quæst. de Extrema Unctione: Dicimus, quod pro aliqua necessitate non potest vel oleum benedici nisi ab Episcopo, nec inunctio celebrari nisi à Sacerdote, nec in alio die, quam in die cæna est oleum illud benedicendum, nisi per Concilium generale ampliata esset illa benedictio ad alios dies per internam inspirationem.

Deinde in quæst. XXI. cap. III. Quia in generali Concilio per inspirationem Spiritus Sancti à sanctis Patribus institutum est, & à domino Papa confirmatum, nequis in sacris ordinibus constitutus contrahat, tam generalis constitutio à domino Papa revocari non potest, vel ab homine in secreto, nisi per eandem auctoritatem Spiritus Sancti, & convocato generali Concilio. Auctoris hujus Summa M. S. est in Bibliotheca sancti Victoris ad Lutetiam. In his duabus quæstionibus cum major Concilio, quam Romano Pontifici auctoritas tribuitur, Romanus Pontifex Concilio subjicitur, nec Concilio subjici potest nisi errare possit. Certa & indubitata est complexio. Nec alia tunc temporis, quo florebat Innocentius & Robertus, Parisiis & Romæ vigeat opinio.

VII. Albertus Magnus in quartum dist. XII. art. VII. Item dicitur, quod hæc quæstio devoluta est ad Sedem Apostolicam, & ibi judicatum, quod spelta esset species hordei: De hordeo autem confici non potest, ergo nec de spelta. Infra: spelta frumenti genus est, & non species grani, & habet sub se triticum & speltam, unde spelta frumentum est, & de ipsa potest confici corpus Domini, sicut de tritico. Infra: Ad aliud dicendum, quod non purò Curiam ita determinasse, & si ita determinasset, hoc fuit ex ignorantia materia grani spelta. Hic Romana Curia, quam cum Apostolica Sede confundit, Alberti judicio errat, non quidem malitia, sed ignorantia, quæ mater est erroris.

VIII. Parisienses Theologi illi omnes, qui Joanni XXII. contra Romanæ Ecclesiæ traditionem dogmata disseminanti resisterunt, & ea condemnarunt anno MCCCLXXXII. In iis eminuerunt tres, Petrus Paludanus, Patriarcha Hierosolymitanus, Petrus Rogerius, qui ex Archiepiscopo Rotomagensi factus est Papa, Clemens VI. & Nicolaus Liranus. Historiam ita persequitur Guillelmi Nangii continuator ad annum MCCCLXXXII.

Hoc anno (1333) cum prædicatio, quam dictus dominus Joannes Papa, in qua publicè ut ferebatur, dixerat, quod anima decedentium, ut dictum est prima Dominica Adventus anni 1331. debuit prædicare, in qua ut publicè ferebatur, dixerat, quod anima decedentium in gratia, non vident Deum per essentiam, nec sunt perfectè beate usque post resurrectionem corporum (quod dictum multis scandalizaverat) quasi sopita videretur, publicè tamen apud Avenionem, ubi Papa tunc residebat, istud dictum à pluribus, ab aliquibus & maxime à quibusdam Cardinalibus ob favorem, ab aliis propter timorem summi Pontificis prædicti. Nam quendam fratrem Prædicatorem, qui contra istud dictum, sive errorem istum prædicaverat, statim in carcerem fecit poni, ut sustineretur, ac etiam prædicaretur. Parisius autem ut à Magistris & tota Theologia Facultate reprobaretur, missi sunt à latere ipsius Pape duo Magistri in Theologia, qui sibi in opinione sua consentiebant: Et quamvis fingerent, quod pro reformanda pace inter regem Angliæ & regem Scotiæ esse missos, apparuit tamen quod pro alio non venerant, nisi ut Magistros in Theologia regentes Parisius cum aliis de regno Franciæ subverterent, & ad opinionem suam adducerent, sed ita per Dei gratiam non accidit. Nam quamvis idem generalis Minister eandem questionem in præsentia scholarium quasi infinitorum deter-



30 determinaret, & teneret pro conclusione affirmando, quod anima decedentium, seu anima sanctorum non vident nec videbunt Deum visione beatifica & gloriosa, usque ad assumptionem corporum in die extremi iudicii; Hoc audito magnum murmur inter scholares auditum est, dicentes, talem errorem sine punitione transire non debere. Audiens autem scandalum quod erat Parisius, pro hac determinatione, frater Prædicator, qui cum illo, ut dictum est, venerat, quid de his pro quibus missus fuerat in Francia, faceret aut diceret, nisi statim ad Papam rediret? Sed in quodam sermone ipsum summum Pontificem super errore prædicto excusavit, dicens, quod nunquam tenebat, nec unquam istam tenuerat doctrinam, qua ponit, quod anima Sanctorum non videbunt Deum usque ad diem iudicii, & cum ad aures Regis Francia Philippi ista devenirent, is tanquam verus Catholicus ac pugil Christi fidei fortissimus valde condolebat, quod talis zizanias erroris in medio tritici fidei, qua semper in regno Francia viguit, superseminaretur, & cum videret prædictus Minister, quod Rex super hoc male contentus erat, ivit ad eum, ut super hoc se excusaret. Sed rex animadvertens & dubitans, ne ipse verbis involveret, dixit ipsum in præsentia bonorum Clericorum in Theologia libenter audire. Tunc rex accersitis decem magistris in Theologia de sufficientioribus, qui tunc Parisius potuerunt inveniri, quorum quatuor erant de Ordine Minorum; interrogavit eos in præsentia dicti Ministri, quid eis de doctrina, quam nuper Parisius seminaverat, videretur? Qui omnes reprobaverunt eam ipsam cum determinatione sua, falsam & hereticam reputantes: Sed ad hoc non potuerunt eum adducere, ut cum eis concordaret. Sed Rex adhuc super hoc non contentus, altera die satis citò post fecit vocari in domo sua de nemore Vicenarum omnes Magistros in Theologia, cum omnibus Episcopis & Abbatibus, qui tunc Parisius potuerunt inveniri; vocato etiam prædicto Ministro. Cum recessissent, Rex in Gallico suo duo eis querendo proposuit. Primum fuit, utrum anima Sanctorum nihil habentes purgabile, extunc videant faciem Dei: Aliud fuit, utrum ista visio, qua nunc vident faciem Dei, in die iudicii deficiet altera superveniente visione. Ad primam questionem omnes responderunt affirmativè. Ad secundam similiter responderunt, quod ista visio non in die iudicii deficiet, sed permanebit æternaliter. Vexum est, quod aliqui dixerunt, quod ista visio perfectior erit in die iudicii, & cum istis prædictus Minister non sponte, sed quasi coactus, ut videbatur, concordatus est. Et de ista sententia Rex petivit ab omnibus magistris ibidem assistentibus unam litteram sigillis istorum singulorum munitam: Quod & factum est. Nam facta sunt tres littere eandem formam continentes, sigillata singula XXIX. sigillis, quia tot erant ibi magistri. Quarum litterarum ex parte Regis una fuit missa Papa, mandans sibi à latere, quatenus sententiam magistrorum de Parisius, qui melius scirent, quid debet teneri & credi in fide, quam Iurista & alii Clerici, qui parum aut nihil sciunt de Theologia, approbat, & quod sustinentes contrarium corrigeret. Ex cod. M S. Monasterii beati Germani Pratenfis.

Interea dum hæc agerentur in Gallia, & Philippus Rex pati nolle, ut Joannis opinio doceretur, aut prædicaretur, Joannes ad eum scribit postulans, ut inveniendæ & asserendæ veritatis gratia questionem in utramque partem Parisiis agitari permitteret. Litterarum, quæ sic incipiunt: Regalem notitiam volumus non latere, &c. verba sunt: Et quia, amantissime fili, sci-  
mus, quod in his vel aliis ut elucidetur veritas, intendes, rogamus benevolentiam regiam, ut per fidelem, seu fideles nuncios magistris in Theologia & Baccalariis Parisiis legentibus & degentibus facias nunciari, quod talibus minis illatis non obstantibus quilibet dicere & disputare & prædicare valeat, quod sibi juxta doctrinam Evangelicam & Apostolicam disputandum videbitur, & etiam prædicandum, donec aliud ordinatum per Sedem Apostolicam, vel etiam declaratum. Sic enim ad veritatem questionis prædictæ poteris promptius perveniri. Dat. XIV. Calend.

Decembris anno XVIII. (Pontificatus) qui anno Christi MCCCXXXIII. respondet. Joannes huc tandem se recepit, huc perfugit, ubi suam opinionem & fautores illius prævalere posse desperavit. Philippus, acceptis à Joanne literis Parisienses Theologos <sup>et quidam</sup> statim consulendos esse censuit.

Hi ergo semel, iterum, & tertio congregati sunt eodem anno: Semel apud saltum Vicennarum in Dominica quarta Adventus; iterum Parisiis in die festo sancti Joannis Evangelistæ: Tertio ibidem secunda Januarii die, qua Theologorum ad regiam consultationem responsionis instrumentum, triplex, editum & consignatum est. Datum Parisiis, apud sanctum Martinum in nostra congregatione generali magistrorum in Theologia regentium & non regentium secunda die Januarii anno Domini 1333.

Rex unanimi Parisiensium Theologorum responsione, & auctoritate munitus, quod Joannes postulaverat, permittere noluit. In priori sententia firmior <sup>33</sup> permanfit, & potentissimas ad illum ea super re literas misit.

Verum Petrus Alliatus tunc Cameracensis Episcopus in oratione, seu ut ille vocat, propositione, quam de tollendo schismate & faciendi Ecclesiæ pace coram Rege habuit 111. Idus Decemb. anno MCCCXVI. id magis expressè tradit, quod Philippus Rex ad Joannem scripsit. Oratio seu propositio incipit: Pax Dei, que exuperat omnem sensum. Et post aliquam multa: Quand l'on traita l'erreur Joannis Papa XXII. de visione beata, Rex Francia qui estoit au bois de Vincennes, envoya par devers la Faculté de Theologie, non mie par devers l'Université; & luy envoya l'en à Vincennes la Faculté 29. Maîtres, & l'Appointement, qu'ils fixent, il l'exécute, & manda lors Joanni Papa XXII. qu'il se revovaquast, ou qu'il le feroit ardre. Quod Latine dicitur. Cum error Joannis Papa XXII. de visione beata discussus est, Rex qui tunc in nemore Vicennarum manebat, ad Theologia Facultatem, non vero ad Universitatem confugit, & Facultas ad regem illuc misit magistros XXIX. quorum decretum rex executus est, illoque tempore mandavit Joanni Papa XXII. ut nisi errorem revocaret suum, auctoritate regia concremaretur. Alliatus Parisiensis Theologus erat magnæ vir auctoritatis, singularis prudentiæ, acris ingenii.

Joannes Gerso Parisiensis Cancellarius, in sermone de festo Paschatis testatur, Joannis Papæ doctrinam Parisiis fatales exitus habuisse: Propter quod, inquit, insuper apparet falsitas doctrinae Papæ Joannis XXII. qua damnata fuit cum sono buccinarum vel tubarum coram Rege Philippo avunculo tuo per Theologos Parisienses de visione beata, & credidit potius Theologis Parisiensibus quam Curia. Nempe Parisienses Theologi firmiter adhærebant veteri Ecclesiæ, & cum primis Romanæ traditioni, quam Joannes XXII. & nonnulli Curia doctores impugnabant. Hi non loquebantur ex Petri Cathedra: illi loquebantur, quomodo Gregorius magnus formulam hanc in suis ad Eulogium Alexandrinum Epistolis accipiendam esse significat.

Quis porro Prædicator ille fuerit, quem apud Nangii continuatorem Joannes in carcerem conjici præcepit, Gobelinus Persona Paderbornensis Officialis, & Paulus Langius Citizenus Monachus nominant, ille in Cosmodromii ætate VI cap. LXXI. hic vero in Monasterii sui Chronico.

Gobelini Personæ verba sunt: Joannes XXII. postquam senex effectus est, desipuit, prædicans animas separatas à corporibus non videre essentiam divinam visione faciali ante diem iudicii. Contra quam Thomas Valles de Ordine Prædicatorum se exponens periculo propter fidem Catholicam, publice prædicavit. Itaque propter hoc Papa misit eum in carcerem, & ibidem fame cruciatus est, sed tandem liberatus magno cum honore: Papa etiam anno 20. Ludovici Regis in extremis constitutus, ad instantiam quorundam amicorum suorum prædictum errorem revocavit. Id fecerunt amici cum ex aliis, tum ex hoc quoque, quod

quod Philippus Rex Gallie potentissimas ad Joannem ea super re literas dedisset, ut Alliatus narrat.

Paulus Langius sic scribit: *Thomas de Valas Ordinis Predicatorii Theologia magister insignis circa has tempora exponens se periculo ob fidem Catholicam, predicavit Avione publice contra Papam Joannem propter errorem ejus de cecitate animarum separatarum, omnibus Prælati Ecclesiasticis dissimulantibus & diu tacentibus. Qui ob id anno proximo ab Inquisitore hæretica pravitatis, sed & latenter hæretico incarceratur Avione, ubi pro Christi fide multa passus est. Sed paulo post precibus Philippi Regis Gallorum pro eodem Papa scribentis, libertati datur. Anno Domini MCCCXXXIV. Joannes Papa moritur, vixit sue anno XC. & obiit Avione. Et antequam migraret à vita, revocavit errorem suum supradictum de animabus separatis.*

Joannes melius consultus regi morem gessit, & tantum abest, ut Parisienses Theologos sibi nimium arrogasse quereretur, ut potius in illorum sententiam concesserit, erroremque suum revocaverit. Revocatio sic se habet apud Odoricum Raynaldum, in Annalibus Ecclesiasticis ad annum MCCCXXXIV. num. XXVIII. *Nequis sinistrè interpretari possit, nos sensisse aliquid, aut sentire, quod sacra Scriptura obviet, aut fidei orthodoxa, dicimus, & protestamur expressè, quod quicquid in quaestione seu materia visionis animarum, videlicet an anima à peccatis & panis peccatorum purgata videant divinam essentiam illa visione, quam Apostolus vocat faciem, seu in quacunque alia materia, in sermonibus & collationibus nostris diximus, allegavimus, seu proposuimus, non intendentes aliquid determinare vel decidere, seu credere, quod esset quovis modo Scriptura sacra obviu, vel contrarium fidei orthodoxa, sed illud solum tenere & credere, quod & Scriptura sacra potest & poterat, & Catholica fidei convenire. Et si forsitan in prædictis sermonibus, vel collationibus aliqua, qua Scriptura sacra, seu fidei orthodoxa quovis modo essent, vel viderentur obvia, ipsa præter intentionem à nobis fuisse prolata, dicimus & asserimus, eoque revocamus expressè, non intendentes illis adherere, nec ea in præsentia defendere, nec etiam in futurum. De mense verò & die, quo migravit, sic apud Raynaldum: Joannes Villanus ejus temporis scriptor, aliique testantur, quorum dicta confirmat M.S. Vaticanum his verbis. Anno Domini MCCCXXXIV. Papa Joannes obiit in Avione die IV. mensis Decembris, Pontificatus sui anno XIX.*

Cæterum historia hæc si bene capio, nos docet, ex omnibus Curie magistris hominem tunc fuisse neminem, qui Joannem ab indeficientis judicii prærogativa defenderet, qui Papæ non errandi privilegium afficeret. Nondum è tenebris emerferant adulatores, qui Romano Pontifici per fœdum crimen servitutis attribuerent, quod à Christo Ecclesie, & illius formam ac figuram exprimentis Synodo concessum est. Hic epocha figitur, quam Curialium adulatorum natio tota nunquam refixura est, nisi sedentem cum sede conjungat, vel cum Cajetano Papæ judicium & Ecclesie judicium dici *omniumque* incitè nugeatur.

IX. Facultas Theologie Parisiensis in tractatu, quem illius nomine Petrus Alliatus Navarrici Collegii Magister anno MCCCXXXVII. composuit adversus Joannem Montefonum. Sic autem Facultas in art. I. concl. VI. loquitur, ubi de Joanne XXII. fermo incidit: *Item prædicta Facultas hoc licitè porrit contra summum Pontificem: Ignur à fortiori contra suum subditum & inferiorem. Assumptum patuit Joanne XXII. tempore, quia sicut refert magister Nicolaus de Lyra in tractatu suo de visione beatifica, fere quadraginta dicta Facultatis Magistri concorditer determinarunt contrarium illius, quod Papa publice assererat. Deinde in responsionibus ad obiecta Joannis Montefoni: Item secunda pars illius dicti scilicet, quod ad solum summum Pontificem pertinet eorum, que tangunt fidem, examinatio & decisio, continet manifestam hæresim, imò multas hæreses.*

## PRIMA HÆRESIS.

Primo, quia per illam exclusionem excluditur universalis Ecclesia, & generale Concilium eam representans, quod est hæreticum, quia in causis fidei à summo Pontifice appellari potest ad Concilium. Sicut patet 19. dist. cap. Anastasius. & manifestum est, quod ad ipsum pertinet Concilium in causis fidei definire: Sicut patet ex auctoritate Gregorii 15. dist. capitulo sicut. Ex Cod. MS. Navarrici Collegii Paris.

X. Petrus Alliatus tunc Cardinalis in sermone 11. quem de Adventu Domini coram Patribus Constantiensis Concilii, anno MCCCXVII. habuit: In antiquis Conciliis & maxime approbatis hujusmodi verba leguntur: *Placuit sancto Concilio, vel sanctum Concilium definivit, vel statuit sanctum Concilium: Papa etiam quandoque dicit, auctoritate Concilii vel consensu definitum est. Et post adductum Apostolici Concilii exemplum subiicit: Ex quibus patet, quod auctoritas decernendi & definiendi non est attribuenda soli Pontifici, sed toti Concilio generali. Unde manifestè reprobat error quorundam perniciosissimus, & toti Ecclesie periculosissimus qui adulando potestati Papali ita detrahunt auctoritati sacri Concilii, ut dicere presumant, quod Papa non potest necessariò sequi deliberationem Concilii, imò standum esse sententia Papæ, si Ecclesia vel generali Concilio contradicat. Scilicet adulatores illi Romano Pontifici non errandi privilegium attribuebant. Atque illud ipsum nominat errorem perniciosissimum & toti Ecclesie periculosissimum. Sermoni huic Constantiensis Concilii Patres consentiunt: non repugnat Martinus V. qui nuper, id est, die festo beati Martini Pontifex electus fuerat. Quapropter quæ Alliatus Cardinalis hoc loco dicit, Concilio toti & Martino certius tribui possunt & verius, quàm à Bellarmino in libri I. de Conciliis capite XII. tribuuntur sextæ Synodo, quæ actione XVIII. in gratulatione Imperatori facta sic dicuntur: *Arius divisor atque partitor Trinitatis insurgebat, & continuo Constantinus semper Augustus & Silvester laudabilis magnam atque insignem in Nicæa Synodum congregabant. Certius dixi & verius. Nam annus à Nicæna Synodo trecentessimus quinquagesimus quintus agebatur, cum primum dici cœpit, Silvestrum Nicænam Synodum congregasse. Synodus hæc, quæ ni fallor noverat, à quo congregata fuerat, se in Epistola ad Alexandrinos congregatam à Constantino fuisse dicit, sed se à Silvestro congregatam fuisse non dicit, dictura sine dubio, si verè dici, & indictionis monumentum edi potuisset. Nec dicunt auctores æquales vel supiores.**

Hic statuitur epocha opinionis novæ, quam ut errorem perniciosissimum Cardinalis pius & doctus, qui Constantiensis Concilii sessioni III. præfuit, refellere aggressus est. *Instar religionis est fidem de temporibus asserere. Tertullianus in Apologetici capite XIX.*

XI. Henricus Hassianus Parisiensis Theologus in concilii & pacis Epistola, quæ manuscripta asservatur in Bibliotheca sancti Victoris: *Ecclesia universalis non potest errare, nec peccato mortali esse obnoxia. Igitur superior est collegio Cardinalium, cum Papa hanc prærogativam non habet. Hæc ille, de quo Pius II. ita scribit in Epistola CLXV. Henricus de Hassia Parisiis edoctus huc (Viennam) in principio Universitatis (Viennensis) advolavit, primusque Cathedram rexit, ac plurima volumina notatu digna conscripsit.*

XII. Philippus Abbas sancti Dionysii Canonici Juris antistes in suo de sacrorum canonum auctoritate tractatu, quem anno MCCCXVIII. edidit, art. III. conclus. IV. *Catholicè tenendum est quod Papa juxta suam phantasiam non potest determinare in fide, multitudinem fidelium obligando ad sic, vel sic credendum, prout sibi placuit, sicut in positivis regimen Ecclesie tangentibus, quia non potest sentire in fide nisi sacro approbante Concilio Episcoporum.*

Deinde in art. V. conclus. I. *Papa potest errare in fide, sed*



sed non est possibile Papam cum Concilio Ecclesia erronee in materia fidei errare. Ex Cod. MS. Navarrici Collegii Paris.

XIII. Facultas Theologiae Parisiensis anno mcccc-xxix. 111. Calend. Aprilis communi Magistrorum omnium consensu, repugnante nemine decretum edidit, quo acceptam à majoribus traditionem circa doctrinam hanc asseruit & defixit ad perpetuam scholae disciplinam. Edendi decreti causa fuit frater Joannes Saracenus ex Ordine Prædicatorum designatus in Theologia magister, qui in Actu Vesperiarum multas theses castigatione dignas ad disputandum proposuerat.

40 Quarta numero fuit hæc: *Quandocumque in aliquo Concilio aliqua instituuntur, tota auctoritas dans vigorem statuti, in solo summo residet Pontifice.* Saracenus thesim hanc à Facultate inter alias notatam revocavit sponte & oppositam amplexus est ut veram, quæ sic se habet: *Quarta veritas: Quandocumque in aliquo Concilio aliqua instituuntur, tota auctoritas dans vigorem statuti residet non in solo summo Pontifice, sed principaliter in Spiritu Sancto & in Catholica Ecclesia.* Sic non errandi privilegium Romano Pontifici adimitur, cum seorsum à Concilio Ecclesiam repræsentante decernit. Quibus in Comitibus id actum est, interfuerunt xxix. Magistri, Parisiensis Episcopus, & Rector Academiae. Quod fit, ut ad decreti hujus firmitatem nihil hinc à quoquam vel litigiosissimo homine desiderari possit. Nunc Bellarmino quid fiet, qui ut secundæ sententiæ auctoritatem elevet, in ea dicit esse Parisienses aliquot ut Gersonem & Almainum? Almainus nondum natus erat, Gerson ante menses novem Lugduni obierat non sine magna opinione sanctitatis.

XIV. Jacobus de Paradiso ex Ordine Cartusianorum Theologus, in Collecto seu Collectorio de auctoritate Ecclesiæ, de iis, qui Papam supra Ecclesiam & supra generale Concilium evehant: *Tales sic dogmatizantes & eis consentientes arbitrantur se obsequium præstare Romanis Pontificibus, sed non advertunt, quantum saluti adversantur eorundem.* Nam saluberrimam misericordiam & medicinam ejusdem prosciunt, scilicet fraternam correctionem, & capiti Ecclesia morbo non patiuntur ad-

41 *hibere medelam: Quod quanta sit crudelitatis nemo sanus ignorat, ut Augustinus testatur in regula sua. Si enim singulis membris medicina est parata, cur capiti denegatur? Cum hoc magis indigeat sanatione, quam alia: Quia eo egrotante, omnia membra egrotare videntur: Nisi forte quis insanius ad hunc errorem prorumperet, quod diceret Papam impeccabilem & indeviabilem, quasi jam extra terminum viatorum volentes eum collocare, non recensent Petrum primum Papam reprehensum fuisse à Paulo uno singulari & sibi inferiore ad Galat. 2. Et Ecclesiastica historia, & Speculum historicale, & certa ac indubitata experientia manifestat, eum & in fide & in moribus, similem esse posse ceteris peccatorem ex veritabilitate liberi arbitrii nondum confirmati. Ausferre igitur à Papa correctionem, imò potestatem deponendi est maxima impietatis, & ipsum statuere in plena audacia peccandi, & per consequens furioso gladium dare, ut seipsum sine resistentia interimat. Mittunt igitur Papam in foveam damnationis, & cum eo damnantur, quod eum subesse Ecclesia universalis correctioni contradicunt. Quo igitur pacto talis universalem Ecclesiam solus reformare valeat, quod & ipse infirmitati subjectus est, indigens per se reformari? Ut pono quod sit aliquis talis. Et quomodo filius Ecclesiæ censeri potest, quod patri suæ obedire contemnit, & quem Ecclesia corrigere pro suis excessibus non potest? Et si non filius Ecclesiæ, quomodo hæres promissionum Ecclesiæ per ipsum factarum? Provisus enim se ab hereditate paternæ alienum pronuntiat, cum se filium Ecclesiæ negat. Hæc explicatione nulla indigent, lectione sola intelliguntur, & rem stilo decretorio conficiunt.*

42 XV. Facultas Theologiae Parisiensis ad annum mcccc-lxxxii. quo certas quasdam Joannis Angelii Minoritæ propositiones damnavit, in censura xii.

*Quicumque contradicit voluntati Papæ, paganizat, & sententiam excommunicationis incurrit (ipso facto) & à nullo Papa reprehendi potest, nisi in materia hæresis. Hæc propositio est falsa, scandalosa, & sapiens hæresim manifestam. Tam erat certum ubique, & Parisiis maxime, Romanum Pontificem indeficientis judicii privilegio nullo gaudere, & hæresim docere posse, ut qui de potestate illius tractantes modum excedebant, hac in re modum servare, ut apparet, cogerentur.*

Nunc Innocentius VIII. Parisiensibus Theologis nostris interponendus est ut illorum fautor & approbator, qui quadriennio post ad eos ita scripsit die VII. Septembris: *Dilecti filii salutem & Apostolicam benedictionem. Intelleximus non sine magna cordis nostri lætitia sinceram animorum vestrorum devotionem, quam ad nos sanctamque Romanam Ecclesiam & fidem Catholicam habetis, cum omne studium & curam vestram pro ejusdem fidei defensione & hæresum extirpatione, sicut probatissimos quosque Christianos decet, incessanter adhiberitis. Quis modo sanæ mentis crederet, Pontificem hunc Parisienses ita commendasse Theologos, si quid hi docuissent Romanæ Ecclesiæ traditioni contrarium? Pro certo tenebant & docebant Papam Concilio subijci & errare posse, propositiones duas, quæ sic inter se connexæ sunt, ut necessariò dicendum sit Papam Concilio subijci, si errare possit, & errare posse, si subijciatur Concilio. Et qui aliter disputant, inconsequenter & imperitè disputant.*

XVI. Cyprianus Benetus ex Ordine Prædicatorum Parisiensis Theologus in tractatu de non mutando Paschate fundam. xiiii. *Quod semper est aliqua Ecclesia, qua per rectam fidem reguletur & confirmetur intelligendo semper à tempore Christi usque ad consummationem sæculi, sed ex ea non convincitur hoc convenire alicui particulari Ecclesiæ, intelligendo per particularem Ecclesiam quamcumque ab Ecclesia universali distinctam. Igitur ex sufficienti divisione convincitur hoc convenire Ecclesiæ universali & toti congregationi fidelium. Consequentia patet, sed minor ratione probatur. Illud, quod in sacra Scriptura promittitur toti Ecclesiæ & non parti, non debet attribui alicui parti: sed semper ratam fidem habere, aut nunquam contra veram fidem errare, in sacra Scriptura à Christo promittitur toti & soli fidelium congregationi, ut patebit ex probatione majoris: Igitur. Major autem principalis rationis probatur. Primo ex illo verbo Christi Lucae XXII. Petre, pro te rogavi, ut non deficiat fides tua. Neque dubitandum est ipsum hoc non fuisse exaudiri, quia secundum Epistolam ad Hebræos exauditus est pro sua reverentia. Constat ergo quod Christus promisit Petro, quod non deficiet fides sua, non intelligens de ejus personali, sed de generali Ecclesiæ Dei committende regimini Petri, & cum non loquatur de aliqua Ecclesiæ particulari, sequitur, quod intendit de Ecclesiæ totali. Et post alia: Non igitur pro personali fide Petri, qua defecit tunc, rogavit Christus, sed pro generali. Hæc lectione sola indigent, ut intelligantur. Non penes Romanum Pontificem, sed penes totam Ecclesiam indeficientis judicii privilegium constituit.*

XVII. Joannes Major prioribus in cap. xviii. Matth. 41 commentariis, qui anno mcdxviii. editi sunt: *Cum Dominus dedit potestatem Ecclesiæ immediatè corrigendi fratres Matth. xviii. & nullus frater est exceptus, ergo si Papa est incorrigibilis est deponendus, & non nisi à Superioribus ejus. In hac igitur dicere quod oportet pro eo solum rogare Deum, & quod non est aliud remedium, est unum extraneum sine ratione.*

XVIII. Hadrianus Galterus ex Ordine beati Benedicti Parisiensis Theologus, in libro de primatu Petri & Ecclesiæ: *Quis igitur tam vafre imponere suavitèque didicit obrudere palpum, ut gloriosis mendaciis & consarcinatis fabulamentis tanta soliditate firmare contendit ipsum Petri successorem, ut judicium ejus in iis quæ fidei sunt, & bonorum morum errare à veritate non posse mordicus asseveret? Deinde sub finem libri: Sed tamen*

rei veritas est, quod ubi summus Pontifex in materia fidei vel eorum, quæ magnopere conducunt salutem hominum, vellet aliquid ordinare contra statuta universalis Ecclesie vel Conciliorum generalium legitime congregatorum, nullatenus illi standum esset, non magis, quam si vellet perperam errorem intolerabilem inducere. Et paulo post: Quia tamen nemo usquam est, nemo inquam solus homo, qui omnibus horis sapiat, ad sponsam ejus charissimam, quæ spiritum sponsi sui in se habet permanentem, necessario accurrendum est tanquam ad regulam aliquam certam & indevitabilem in iis maximè, quæ sunt fidei & bonorum morum. Infra: Talis est sola nostra omnium mater Ecclesia, vel universale Concilium in Spiritu Sancto legitime congregatum.

XIX. Senonense Concilium decreto III. inter 45 dei decreta: Proinde cum certa sit & infallibilis Ecclesie regula, ne aliquando invisibilitatis prætextu tandem eludi queat, ea profectò sacris generalibus Conciliis auctoritas derogari non potest, quæ proximè universalem representant Ecclesiam. His enim Conciliis, si ea decernendi, quæ ad sinceritatem fidei & extirpationem hæresum Ecclesie, reformationem & morum integritatem pertinent, potestas adimatur, nihil certum, nihil stabile futurum, nihil denique, quo hæreticus ab orthodoxo possit internosci. Non ita loquerentur, si non errandi privilegium in Romano Pontifice agnoscerent. Nam illud superfuisset, quo hæreticus ab orthodoxo potuisset internosci. Hoc ipsum Judocus Clithoveus explicat in opere, quod Compendium veritatum ad fidem pertinentium appellat, liquidem ibi præcipuas decretorum rationes adfert. Et ad relatum mox decretum III. hoc observat: Regula totius Ecclesie directiva non est judicium ipsius summi Pontificis, cum ipse nequaquam sit in gratia confirmatus, & falli possit & in errorem prolabi.

Senonensis Concilii antistites Parisiensibus Theologis immisceo. Primum quod erant omnes alumni Parisiensis Academia, quæ pro certo atque indubitato dogmate habebat Romanum Pontificem Concilio subijci, & errare posse in iis quæ ad fidem & mores pertinent: Hæc duo sic inter se connexa sunt, ut separari nequeant. Deinde, quod peritissimi quique Parisiensis Theologi Senonensi Concilio interfuerint, nec in eo aliter, quam in schola sua fenserint. Denique, quod Clithoveus Concilii decreta omnia in ordinem redegerit & scriptis mandaverit.

46 XX. Joannes Celaia Parisiensis Theologus in tertium sent. dist. xxv. quæst. v. Queritur v. ad quem spectat editio Symboli fidei Catholica & determinare ea, quæ fidei sunt. Pro hujus quæstionis enodatione est advertendum, quod mirabilis est controversia inter Doctores Catholicos circa istam difficultatem veluti de superioritate Papæ ad Concilium. Nam Joannes de Gersono & Galli Doctores, & multi Alemannorum tenent, quod ad universale Concilium pertinet edere symbolum, & determinare ea, quæ fidei Catholica sunt, & non ad Papam. Nimirum Doctores illi omnes indeficientis iudicii privilegium Romano Pontifici abjudicant, & universali adjudicant Concilio. Sed notandum est quod ait, Joannes de Gersono & Galli Doctores, & multi Alemannorum, &c. Ut Bellarminus, qui Gallos Doctores duos tantum, & Germanum nullum laudat, foedissimè expressus accusetur.

\* XXI. Franciscus Victoria ex Ordine Prædicatorum Parisiensis Theologus & postea in Salmanticensi Academia Professor clarissimus, libri de potestate Papæ & Concilii propositione II. Si Concilium declarat aliquid de fide aut de jure divino, Papa in hoc nihil potest declarare aut immutare, maximè si tale jus spectet ad fidem vel ad mores Ecclesie universalis. Probat, quia in illa Concilium errare non potest juxta promissum Luca 22. Ego rogavi pro te, &c. & Matth. 18. ubicunque fuerint duo vel tres, &c. Et non minùs est Spiritus Sanctus in quocunque Concilio generali, quam in

Concilio Apostolorum, ubi Spiritus Sanctus assistebat. Actuum 15. visum est Spiritui Sancto, &c. Confirmatur: Quia si in illis Concilio errare posset, & Papa errare posset, standum esset potius Concilio. Ergo postquam determinatum 47 fuit in Concilio Apostolorum, quod legalia erant exstincta, non potuit Petrus aliter definire: ita in quocunque Concilio generali. Et patet, quia si errare posset, non esset Ecclesia fundata supra firmam petram.

XXIII. Propositio propter injustas dispensationes, vel alia mandata insolentia, quæ in perniciem Ecclesie procedunt, posset convocari & congregari Concilium contra voluntatem Papæ, ut si resisteret, obviaret ejus insolentia. Hoc expressè tenet Silvester in verbo Papæ §. 4. Quod si Papa, suis moribus destruit Ecclesiam, potest convocari Concilium contra ejus voluntatem, ut per illud Papa moveatur, & Deus invocetur, & resistendo, in malis remedium apponatur. Hoc expressè tenet Turrecremata assertor vehementissimus Pontificie dignitatis lib. 3. cap. 10. ubi loquens de utilitate Conciliorum: Celebratio, inquit, Conciliorum utilis est ad refranandum exorbitantias quorundam Pontificum, qui Pontificatum suum aut extra sanctorum Patrum regulas pro voluntate exercent, aut simoniaca pravitate debonestant, aut sæculi vanitate & vita scandalosa confundunt: hæc de causa congregatum legitur Concilium Episcoporum Italia Roma per Imperatorem contra Joannem Papam XII. qui venator lubricus & incorrigibilis erat. Quod factum laudat & approbat Turrecremata, & hoc est valde utile. Et paulo post: Nihil enim prodesset congregatio Concilii, nisi sua auctoritate posset determinare, quibus in rebus Pontifex non debeat nec possit attentare contra Patrum decreta & sanctiones. Hic auctor secundum ista minimè credit Papam non errandi prærogativa donatum à Christo fuisse. Imò locum Lucæ xxii. Ego rogavi pro te, ad Ecclesiam 48 flectit non ad Pontificem.

XXII. Joannes Arboreus Parisiensis Theologus in libri IV. Theosophiæ cap. xxxii. Decretales epistolæ non exaquantur canonibus Conciliorum & definitionibus. Hanc facile suadebo assertionem. Minus auctoritatis habet Romanus Pontifex, quam tota & universalis Ecclesia, quam representat Concilium generale ritè congregatum. Nam Papa in fide errare potest, ut dicit Innocentius hujus nominis quartus in cap. 1. De summa Trinitate, & tota mihi via aberrare videtur qui aliter sentit. Et plus veritati tribuendum est, quam amico. Assentantur sanè Romano Pontifici, qui faciunt eum immunem à peccato, & à lapsu hæreseos & schismatis, cum non sit divino munere confirmatus in gratia. At Concilia generalia ritè congregata non possunt in fide aberrare.

XXIII. Robertus Cænalis Parisiensis Theologus & Abrincensis Episcopus in tomo 1. de utroque gladio: Ubi ergo suboriretur de fide aut moribus quæstio, dum quod uni regno placet, alteri displicet, quis inter se pugnantia in fide moribusque decreta componet, nisi adsit sacer aliquis principatus, qui silentium hujuscemodi concertationibus decernat, quique sua auctoritate quid tenendum quidve fugiendum sit, legitimo saltem Ecclesie cætu congregato decernat? Papæ seorsum à Concilio indeficientis iudicii privilegium nullum tribuit.

XXIV. Claudius Sanctesius Parisiensis Theologus, qui magna cum nominis celebritate Tridentino Concilio interfuit, in Responsione ad Apologiam Theodori Bezæ: Licuit non solis Sorbonicis (id est Parisiensibus) sed in omni orbe Christiano Theologis differere, an 49 Papa, si à fide defecerit, privari posset suo gradu, non à quovis, sed ab habentibus aliis legitimam potestatem videndi, ne quid detrimenti Republica Christiana capiat.

XXV. Renatus Benedictus Parisiensis Theologus in Panoplia Catholicorum, in caput 11. epistolæ ad Galatas: Pernegamus successores Petri cum Ecclesia per Spiritum Sanctum congregatos, in iis, quæ sunt fidei & morum decretis ferendis errasse unquam aut errare posse



*successores Petri cum Ecclesia:* Quia seorsum ab Ecclesia vel Concilio errare possunt.

Deinde in Gallico tractatu de auctoritate Conciliorum: Gallica sic Latine verto: Cum igitur Scripturam amulatus dico, in religionis & fidei controversiis Sacerdotum, Pastorum, & Doctorum Ecclesie decisionem querendam, & tuto sequendam esse, non loquor de Sacerdotibus, Pastoribus, & Doctoribus Ecclesie, qui singulares sint homines, quia hoc modo spectati possunt omnes errare, sed qui in universalem & legitime congregatam Synodum coeant, ubi Spiritus Sanctus veritatem omnem docet, Ecclesia Sacerdotes & Pastores adjuvando, quemadmodum Christus, qui nec fallitur, nec potest fallere, promisit. Ecce tibi Pariliensium nostrorum doctrina, quam vir in Scriptura & sanctorum Patrum lectione exercitissimus proponit, idque convenienter articulis, quos Facultas nostra anno MDXLI. IV. Idus Martii iussu Francisci primi Regis edidit, & quos ipse Benedictus Lutetiae anno MDLXI. juris publici fecit. Articuli illi sunt numero tres & viginti sex.

XVIII. Tenetur & quilibet Christianus firmiter credere unam esse in terris universalem Ecclesiam visibilem, in fide & moribus errare non valentem, cui omnes fideles in his quae sunt fidei & morum obedire adstringuntur.

XIX. Quod si quid in Scripturis sacris controversia aut dubii oriatur, ad praefatam definire Ecclesiam spectat, & determinare.

XXII. Certum est Concilium generale legitime congregatum universalem representans Ecclesiam in fidei & morum determinationibus errare non posse.

Baccalarii unoquoque biennio jurant in hos articulos, cum absolutis actibus Theologicis omnibus & schola dimittuntur, sed antequam in Theologia Magistri designentur. Exinde perjuri haberentur, qui his articulis directe vel oblique derogarent. Caeterum articuli illi & alii tunc placuerunt Romano Pontifici, a quo dati sunt, qui in articulorum violatores inquirerent, ut in Codice regiarum constitutionum memoriae proditum est.

Haec de Parisiensibus Theologis, quos Bellarminus ad duos, Gersonem videlicet & Almainum, per incredibile dissimulationem reduxerat.

Porro autem alii sunt natione Germani, alii Galli, alii Hispani, alii Scoti, quorum eadem est mens, eadem sententia, eadem conspiratio & concordia ad defendendam Romanae Ecclesiae traditionem, quam in prioribus ad Raymundum Formentinum, & in posterioribus ad Joannem Gerbasium literis explanavi.

At verò quidquid hic Parisienses & alii Theologi docent, acceperunt ab antiqua Gallicanorum antistitum traditione, cujus monumenta Flodoardus refert in libri III. historiae capite XIII. ubi illorum nomine Hincmarus ad Nicolaum Papam ita scribit: Et cum omnes in istis regionibus sciant, quam negligens & contemptor sacrorum Canonum, & quandiu, quamque patienter atque benigne fuerit toleratus (Rothadus Sueffionensis Episcopus) & à quam invitis, quia se corrigere noluit, secundum sacras regulas, sicut eas intelleximus, fuerit iudicatus, nullam habere possemus verecundiam de restitutione illius, si foret facta à vestri summi Pontificatus pietate, quia OMNES SENES CUM JUNIORIBUS SCIMUS, nostras Ecclesias subditas esse Romanae Ecclesiae, & nos Episcopos in primatu beati Petri subiectos esse Romano Pontifici, & ob id SALVA FIDE, quae in Ecclesia semper viguit, & Domino cooperante florebit, nobis est vestra Apostolica auctoritati obediendum. Quid quæso sibi volunt verba hæc: Et ob id salva fide vestra auctoritati obediendum est? Nonne præ se ferunt Romanum Pontificem errare circa fidem posse? Nonne significant fieri posse, ut Pontifex aliquando credenda propositurus esset ea, quæ Gallicani Antistites credenda non esse censerent? Hincmarus damnatis à Synodo

VI. hæreticis adnumerat Honorium Papam in O. pusculi XXXIII. capite XX. Finito, inquit, conflietu Georgius correctus, Macarius verò cum suis sequacibus simul & praeceptoribus Cyro, Sergio, Honorio, Pyrrho, Paulo, & Petro anathematizati. Deinde in ejusdem O. pusculi capite XLVIII. scribit Vigilium in hæresim lapsum esse: Et in decretis Apostolica Sedis, quando Vigilium ex Apostolico post multa & terribilia sacramenta in hæresim lapsus Constantinopoli detinebatur ..... inter alia scriptum est. Hinc Vigilium sive lapsus in hæresim, sive lapsus non sit, labi posse creditus est, ac proinde non errandi privilegio carere.

Quod Hincmarus observat de Honorio, apud Adonem publicis Ecclesiae fastis illatum est IV. Calend. Julii: Leonis Papae, qui sedet Roma menses X. Et paullo post: Hic eloquentissimus, & divinis Scripturis sufficienter instructus, Graeca Latinæque lingua eruditus sanctam sextam Synodum, quae in urbe regia celebrata est, ubi damnati sunt Cyrus, Sergius, Honorius, Pyrrhus, Paulus, Petrus, Macarius, Stephanus, & Polychronius novus Simon, qui unam voluntatem & operationem in Domino Jesu Christo predicabant temporibus Agathonis Papae, de Graeco in Latinum transtulit. Exemplar MS. Martyrologii hujus, quod ad S. Marii Badonensis Abbatem in Sistaricensi pago Ecclesiam spectabat, & nunc extat in Bibliotheca Mazarina, ad ætatem Adonis accedere videtur. In edito quidem Adonis Martyrologio hæc non comparent, sed sublata esse oportuit vel à Librariis, vel ab iis qui primi curam editionis suscepserunt. Caeterum Ado credidit Pontificem errare posse in fide, cum inter damnatos à Synodo VI. hæreticos Honorium collocavit.

Est & in edito Martyrologio locus alter XIX. Calend. Sept. qui quod Ado de Romano Pontifice per Honorium credidit, luculenter confirmat. Verba sunt: Natale sancti Eusebii Presbyteri & Confessoris, qui presente Constantio cum fidem Catholicam constantissime defenderet, & Liberium Papam doleret Arianae perfidia consensisse, ab irato Constantio Imperatore includitur in quodam cubiculo domus suae, &c. Et quamvis monumenta hæc sufficiant, ut probetur, indeficientis iudicii privilegium soli Romano Pontifici non competere, nihilominus tamen lubet istud in Arelatenſi Concilio primo tanquam in speculo conspiciere.

Arelatenſe Concilium finem imponere voluit controversiae, quæ inter Stephanum Romanum & Cyprianum Carthaginensem circa susceptum ab hæreticis baptismum agitata pridem fuerat. Cyprianus in epistola LXXIV. ad Pompeium dicit: A quacunque hæresi venientem non baptizamus. Stephanus verò contra dicit: A quacunque hæresi venientem non baptizamus. Siquis, inquit, ibi à quacunque hæresi venerit ad nos, nihil innovetur nisi quod traditum est, ut manus illi imponatur in penitentiam, cum ipsi hæretici propriè alterutrum ad se venientes non baptizent, sed communicent tantum. Concilium litem hanc diremit canone VII. qui sic se habet: De Afris, qui propria lege utuntur, ut rebaptizent placuit, ut si ad Ecclesiam aliquis de hæresi venerit, interrogent eum Symbolum, & si perviderint eum in Patre & Filio & Spiritu Sancto esse baptizatum, manus ei imponatur, ut accipiat Spiritum Sanctum: Quod si interrogatus non responderit hanc Trinitatem, baptizetur. Duo sunt in hoc canone: Et primum quidem per verba hæc, qui propria lege utuntur, ut rebaptizent, quæstio ad eum statum perinde reducit, ac si Stephanus ea de re decrevisset nihil: Deinde res ita temperatur, ut qui baptizati sunt ab hæreticis in Patre & Filio & Spiritu Sancto, non rebaptizentur. His eo modo positus consequens est, Cyprianum & Stephanum in agitata utrinque controversia & disciplina modum excessisse, & Concilii iudicio errasse: quocirca Patres cum utrique non errandi privilegium abjudicent, Stephanus non possunt non abjudicare. Siquidem Stephanus

phanus hæreticorum omnium baptisinata iusta & legitima esse indistinctè censuerat, & illorum cum primis, quorum ritus ab Irenæo in libri 1. adversus hæreses capite xviii. recensentur, & damnantur.

Gallicani præfules tunc recordabantur secum de Irenæo Lugdunensi Episcopo, qui Victori Asianos Romanæ Ecclesiæ communione privanti nequitiam confenserat: Quinetiam Victorem graviter redarguerat, utpote qui à decessorum suorum & cum primis Aniceti traditione & usu deflexisset. Res latè describitur apud Eusebium in libri v. hist. capite xxiii. & xxiv. Ex iis autem facile colligitur, nec Irenæum, nec Ecclesias, quas regebat in Gallia, persuasas esse, Romanum Episcopum indeficientis iudicii privilegio donari.

XXVI. Bellarminus unum numerat Hispanum Alfonso Castrensem, & Hispanos alios prætermittit.

XXVII. Primus est Lucas Tudenfis Episcopus in libri 1. contra Valenses capite x. Quæcunque à Romano antistite Catholicè proferuntur, sicut divina præcepta servanda sunt à fidelibus, credendum est illi ab omnibus, ubi manifestè sacra Scriptura non resistit auctoritas. Quibus verbis significat, Romanum antistitem non errandi privilegio destitui. Nam quæ Lucas de Romano scribit antistite, de quocunque alio antistite scriberet, quem quis falli errarèque in fide & præceptis morum non posse contenderet?

XXVIII. Alter est Tostatus Abulensis Episcopus, qui multorum instar esse potest: Sic ergo ille scribit in secunda parte Defensorii capite lxi. In talibus constitutionibus licet Papa possit dispensare, cum sit caput ministeriale Ecclesiæ, vel membrum ejus præcipuum, potissimè cum tales constitutiones non habeant causam semper manendi, non est inconveniens nec negamus; dum tamen hoc non faciat contra prohibitionem expressam generalis Concilii, quia tunc manifestum est, auctoritatem Ecclesiæ esse majorem ejus auctoritate quæ membrum est illius, cum illa non possit errare, nec in fide, nec in moribus; Ille autem in utroque errare potest, & sæpè repertum est, quod Summi Pontifices in utroque erraverint. Ob id autem Christus constituit supremum tribunal in Ecclesiæ & in sacro Concilio etiam supra Papam, & non solum in pertinentibus ad fidem, sed etiam quantum ad actiones, quia omnia patent manifestissime ex illo verbo Domini Matth. xviii. Si peccaverit in te frater tuus, corripe illum inter te & ipsum solum. Quod si non audierit, dic Ecclesiæ, & si non audierit Ecclesiam, sit tibi sicut ethnicus & publicanus.

Deinde in capite lxxv. Quartum dicitur, quod elicebatur ex hac auctoritate, Si peccaverit, &c. Quod non solum in pertinentibus ad fidem Concilium videt de statu Papæ, sed etiam in pertinentibus ad actiones. Nam quandoque aliqui declarant Papam subjectum esse Ecclesiæ universali matri suæ, cujus vicem plenè tenet sacrum generale Concilium, aliqui non secundum Deum, sed secundum hominem favere volentes Pontificibus, quasi constituentes eos Deos impecabiles, dicunt verum esse in his, quæ sunt fidei Papam subjectum esse Concilio, quia de hoc expressè continetur in cap. Si Papa. 10. dist. Quod pro causa fidei Papa accusari & deponi posset, pro aliis delictis dicunt eum soli divino arbitrio relictum, & neminem mortalium, nec etiam Concilium generale posse judicare, sicut videtur ipsum caput, Si Papa, dicere, & quadam alia jura, & non advertunt ad istam auctoritatem Domini, quæ major est quibuscunque epistolis Summorum Pontificum. Ex qua necesse est accipi, Papam subjectum fore iudicio Concilii generalis non solum in tangentibus fidem, sed etiam in tangentibus actiones. Et post alia: Videtur quod non intelligatur ista regula de correctione peccantis in hæresim, sed in aliis peccatis actionum, licet quantum ad hoc non insisto magis, tacendo, quod se ad omnia peccata extendat. Infra: Facile erat nobis respondere ad decretum, Si Papa, & ad illud, Cuncta per mundum, & ad illud caput scilicet, Aliorum causas: Quæ sunt potissimum fundamenta eorum, qui volunt

humanitus adulari Summis Pontificibus, constituendo eos incastigabiles circa quascunque actiones etiam si quotidie unus Summus Pontifex notoriè mille homines occideret, sicut quidam non erubuit in suis scriptis asserere. His in verbis unum duntaxat observandum est, Theologos & Canonici Juris antecessores in eo convenire omnes, quod Romanus Pontifex errare in fide possit, & ob id crimen ab Ecclesiæ judicari, ac de sua sede deturbari: disceptabatur, utrum pro criminibus aliis ab Ecclesiæ vel Concilio judicari & deponi posset. Tostatus affirmat, & rationes quibus utitur, rem demonstrant, & ad consentiendum me vel invitum & repugnantem pertrahunt.

XXIX. Tertius est Dominicus Sotus ex Ordine Prædicatorum Theologus illustris, qui Tridentino Concilio magna cum nominis celebritate interfuit, in libro v. de jure & justitia quæst. 1. art. 1. de injustitia iudicis. An possit Papa se alterius iudicio subicere: Supponamus ex cap. si Papa, dist. 40. quod dum hæresis labe foeditur, potest à Concilio conveniri & deponi, & cum deponendus nequaquam sit, nisi auditus, poterit sub anathematis censura, ut compareat, cogi. Fac ergo ipsum vehementi infamia de hæresi laborare, sic ut Concilium jam jam de illa re indicatur, videtur ratio persuadere, quod possit iudicium circumspicere viris & gravitate insignibus delegare. Infra: Respondetur Papam hoc nequitiam posse. Enimvero potestas illa cogendi tunc Pontificem non est penes ipsum, quippe qui non potest vim coercivam in seipsum exercere, sed duntaxat penes Concilium, & ideo non est in arbitrio Papæ talis commissio, quia quam non habet potestatem, nemini valet dare, neque depositio per suos commissarios facta ullius esset valoris. Concilium autem potest causam cognoscere & alteri delegare. Sic disputat adversus Jurisperitos quosdam, qui qua ratione deponendus sit Papa hæreticus, non bene callebant. Sed, ut apparet, Romano Pontifici non errandi prærogativam detrahit.

XXX. Lucæ Tudenfi, Tostato Abulensi, & Dominico Soto Toletanum præluxerat Concilium XV. quod anno dclxxxviii. celebratum est. Siquidem in eo legerant, quæ sequuntur: Post hujus igitur pia confessionis prolatam devotis vocibus regulam, ad illa non illico convertimus contuenda Capitula, pro quibus muniendis ante hoc biennium beata memoria Papa Benedictus nos literarum suarum significatione monuerat, quæ tamen non in scriptis annotare curavit, sed homini nostro renotanda injunxit. Ad quod illi iam eodem anno sufficienter congruèque responsum est. Et post alia: Quos (Ambrosium, Augustinum, Cyrillum, Fulgentium) quia celebres in toto orbe Doctores feriata Ecclesiarum Dei vota percenseant, non illis est succensendum, sed potius succumbendum, quia omne quod contra illos sapitur, à recta fidei regula abhorreere sentitur. Et post pauca: Jam verò si posthæc & ab ipsis dogmatibus Patrum, quibus hæc probata sunt, in quocunque dissentiamus, non jam cum illis est amplius contendendum, sed majorum directo calle inherentes vestigiis, erit per divinum iudicium amatoribus veritatis responsio sublimis, etiam si ab ignorantibus amulis censeatur indocilis. Quæ Synodus ita Romano Pontifici respondet, & quæ sua sunt, sic adversus illius reprehensionem defendit, persuasas non est, illum indeficientis iudicii privilegio in iis, quæ ad fidei causas pertinent, uti. Istud commentario non indiget ampliori.

Quid evenerit postea, Rodericus Toletanus Archiepiscopus in libri 111. de rebus Hispaniæ capite xiv. memoriæ prodidit: Ejus (Egicæ Regis) tempore librum de tribus substantiis, quem dudum Romam miserat primus sanctissimus Julianus, minus cautè tractando Benedictus Papa Romanus indixerat reprobandum ob id, quod voluntas genuit voluntatem: Sed sanctus Julianus veridicis testimoniis in hoc Concilio ad exactionem præfati principis per oracula eorum, quæ Romam transmiserat, verum esse firmavit, & Apologeticum fecit, & Ro-



man misit per suos Legatos Presbyterum, Diaconum, & Subdiaconum viros eruditissimos & in omnibus Dei servos, & in divinis Scripturis imbutos, cum versibus etiam acclamatoriis, secundum quod & olim transmisserat de laude Romani Imperatoris. Quod Romanus Pontifex Benedictus digne & pie suscipiens cunctis legendum indixit, 59 atque Imperator acclamando, Laus tua Deus in fines terra, lectum sapius notum fecit. Qui & rescriptum Domino Juliano per suprasatos Legatos cum gratiarum actione & cum honore remisit, & omnia quaecunque scripsit, iusta & pia esse deprompsit. Benedictus probando quod in materia fidei reprobaverat, errare se posse demonstrat & in eo cum Tolctanis Patribus consentit.

XXXI. Bellarminus dissimulat, quod Joannes Calais mox laudatus non dissimulat, Germanos fuisse complures, qui Romanum Pontificem non errandi privilegio gaudere neutiquam crederent. Calais locum supra retulimus.

XXXII. Non ignorabat auctor hic, Nicolaum Cusanum Card. in libri II. de Concordantia Catholica capite XVII. scripsisse: Quare concluditur universale Concilium ritè adunatum, licet graduationes inter se habere possit, quoad 60 judicia, est tamen semper majoris auctoritatis, & minoris fallibilitatis, quam Papa tantum. Ex quo sequitur corollarie, universale Concilium etiam in alio, quam hæresis casu Papam deponere posse.

XXXIII. Non ignorabat, Herfordiensem Academiam in tractatu super unione & neutralitate Principum Electorum dixisse: Quæ quidem universalis Ecclesia declaratio (quæ in Constantiensi, Senensi, & Basileensi Concilio facta est) quamvis sola sufficeret, ad probandam suam in terris sacrorum Conciliorum auctoritatem, pro majore etiam istius confirmatione, quod dictum est, residuum Ecclesie corpus non computato Papa, si contrarius esset, auctoritatem hanc habere, potest adduci ratio, experientia, & auctoritas. Ratio I. dicitur hoc: Nam cum Papa possit errare, residuum corpus Ecclesie Synodali ter congregatum errare non potest in his, quæ sunt fidei, & in reformatione morum, & in pertinentibus ad ea, cum in talibus à Spiritu Sancto regatur, ut colligitur Act. 15. Ubi dicit Concilium Apostolorum: Visum est Spiritui Sancto & nobis. Unde & Christus Ecclesiam, quam suo pretioso sanguine fundavit tanta gratia dotare dignatus est, ut non possit errare, & quod soli Deo proprium est, natura competat & Ecclesie privilegio. Experientia demonstrat hoc idem; sapius enim compertum est, Papam errare residuo Ecclesie corpore rectè sentiente: Papa autem non rectè sentiente residuum totum Ecclesie corpus errasse nunquam esse compertum. Quapropter & corpus Ecclesie nunquam caput suum Papam videlicet correxit deposuit & condemnavit. Auctoritas sacra confirmat hoc idem. Nam Christus cum dicit, Si peccaverit in te frater tuus, dic Ecclesie, &c.

XXXIV. Non ignorabat, Cracoviensem Academiam anno MCCCXLI. de auctoritate sacrorum Conciliorum ad Uladislavum Poloniae & Hungariae Regem hæc exarasse in Conclus. IV. Sic etiam est de judicio Ecclesie respectu actionum Papæ, quia Ecclesia nunquam deviare aut aberrare potest à fide recta, Papa vero frequenter 19. dist. Anastasius. Ideo judicium Ecclesie dignius est judicio Papæ.

XXXV. Non ignorabat Viennensem Academiam anno MCCCXLI. in sua ad Electores Imperii responsione hæc tradidisse: Unde consequens est Spiritum Sanctum ibi (in Conciliis) esse, sed non est ibi ut subditus, sed ut supremus presidens, à quo nulli fidei licet appellare, & per consequens nec à Concilio in his articulis, in quibus certum 61 est, ipsum Concilium ab eo gubernari, & illi speciali gratia & illustratione presidere: Scilicet in his, quæ fidei sunt, extirpatione schismatum, & reformatione morum tam in capite quam in membris. Quomodo enim non est aperte divina majestatis contemptus, & quasi idololatriæ scelus, in talibus causis appellare à sacro Concilio ad Papam? Quid hoc aliud est, quam à Deo, qui noscitur in sacro Concilio in hac re presidere ad purum hominem appellare? Et ju-

diciariam potestatem à Deo creatore auferre, & in hominem transferre, quid est hoc aliud, quam hominem Deo tanquam justiore judicem preferre? Ex Cod. MS. Cænobii sancti Victoris Paris. Quæ omnia demonstrant, Viennensem Academiam in ea esse sententia, ut credat Romanum Pontificem nullo indeficientis iudicii privilegio gaudere. Id cum ab aliis didicerat, tum potissimum à fundatore suo Henrico Haffiano Parisiensi Theologo, cujus verba alio in loco recensuimus.

XXXVI. Non ignorabat Dionysium Cartusianum in libri I. de auctoritate Papæ & Concilii articulo xxxi. docuisse: Concilium generale non nisi propter causas singulares magnas & arduas, ut puta, quæ aliter congruè expediti non queunt, congregandumque ac celebrandum esse omnes fatentur: Porro hæc causa sunt extirpatio hæretica pravitas ac schismatis, declaratio fidei, atque editio Symboli ejus, universalis reformatio Ecclesie in capite & in membris. Itaque in expeditione istorum major dicitur potestas Concilii generalis, quam Papa, quoniam Christus promisit Ecclesie seu Concilio ipsam representanti infallibilem directionem, & gloriosam assistentiam incessantem: Ita quod errare non potest in fide, neque in his, quæ ad bonos pertinent mores, eo quod in talium determinatione regatur immediatè à Spiritu Sancto: Unde & Papa in talibus tenetur stare determinationi Ecclesie, seu statuto Concilii tanquam ordinationi & sententia Spiritus Sancti. Cumque Papa possit errare in fide & moribus, & cæteris, quæ sunt de necessitate salutis, ejus judicio non videtur ultimatum ac certitudinaliter standum in istis, cum non sit infallibilis regula & indeviabile fundamentum.

XXXVII. Nicolaus Cusanus, Academiæ Herfordiensis, Cracoviensis, Viennensis; Theologi, Dionysii Cartusiani, Germani vetustiores, ut Hadriano VI. præluxerunt, ita & Hadrianus VI. cum iis Germanis & aliis recentioribus præluxit.

XXXVIII. Paulus Langius Citizenis Monachus in Monasterii sui Chronico, quod Citizense cognominatur: Thomas de Valas Ordinis Predicatorii Theologia Magister insignis, circa hæc tempora exponens se periculo ob fidem Catholicam, prædicavit Avione contra Papam Joannem propter errorem ejus de cecitate animarum separatarum: . . . qui ob id anno proximo ab Inquisitore hæretice pravitas, sed & latenter hæretico incarceratur Avione. Ubi pro Christi fide multa passus est. . . . Anno Domini MCCCXXXIV. Joannes Papa moritur, vita sua anno XC. & obiit Avione. Et antequam migraret à vita, revocavit errorem suum supradictum de animabus separatis. Ideo non potest dici hæreticus. Sic Langii judicio hæreticus dictus fuisset Pontifex si errorem suum minimè revocasset. Ubinam tunc in Romano antistite non errandi privilegium in iis, quæ ad fidem pertinent?

XXXIX. Joannes Cochleus vir apud Germanos magni nominis, & acerrimus Ecclesie contra Lutherum defensor, in libello, qui æquitatis discussio super Concilium delectorum Cardinalium inscribitur ad Joannem Sturmium, sic pro generali stat Concilio, cui soli non errandi privilegium attribuit: Hoc pacis, inquit, & unitatis vinculum rupit Lutherus: Unde factum est perniciosum inter nos Germanos schisma, ad quod feliciter tollendum multis jam annis desideramus Concilium. Quod jam tandem Deo miserante ac disponente per hunc Pontificem Paulum III. legitime indictum est, ut Vicentia celebretur. Et post alia: Quod enim petis epistola tua Synodum liberam & in tuto loco, nos quoque id ipsum petimus. Talem enim locum promittunt nobis illustrissimus Dux, & inclitus Senatus Venetorum, in quorum plena potestate constituta est Vicentia. Hæc una superest nobis ad reparandam concordiam via, atque ad sopiendum, quod inter nos excitavit inimicum homo, dissidium, sine ope enim & auctoritate Concilii inter nos concordare nunquam poterimus: Quia vos reprobatis nostra, & nos vestra. In medio posita est Scriptura

Scriptura sacra, quam longo contentione sunt xx. jam annis magno cum scandalo multorum populorum, non sine gravi animarum innumerarum periculo huc atque illuc in diversa trahimus: Vos non creditis auditui nostro, neque nos vestro. Quid ergo? Utrique oportet, ut inquit ad Paulum Jacobus convenire multitudinem, ut fiat rursus, sicut fuit ab initio, multitudinis credentium cor unum & anima una. Huius rei praeclarum habemus exemplum in actibus Apostolorum de dissidio, quod Antiochia contra Paulum & Barnabam excitatum Hierosolymis per Concilium Apostolorum & seniorum sedatum ac sublatum fuit, dum Concilii sententiam utraque pars venerabiliter comprobaret. Et post alia: Quod si sacram Scripturam, seu verbum Dei causa nostra iudicem statuatis, nos quidem Scripturam & verbum Dei nequaquam rejicimus, aut refutamus, sed quoniam de ipsa vobiscum contendimus, & in dubium vocatur, utra partium verum Scripturae sensum teneat, necessarium est, ut Spiritum Sanctum in Concilio pro iudice legitime cognoscamus, qui nobis verum Scripturae sensum pronunciet, atque determinet. Mortua enim litera scriptura per se loqui, & pronuntiare non potest. Ipsa igitur Scriptura cum non intelligat per sese, sed ab hominibus intelligatur, non potest per sese iudex esse, sed per eam homines spiritum Dei habentes recte pronunciant & iudicant. Id quod nusquam certius, quam in Concilio generali fieri potest. Nulli enim mortalium ita promissus ac datus est Spiritus Sanctus, sicut universali Ecclesiae, quam universale Concilium, ut dixi, representat. Cui enim Apostolorum aut Prophetarum nominatum dictum est: Dabo tibi spiritum veritatis, ut tecum maneat in aeternum? Obstat enim illud Psalmista: Omnis homo mendax. Soli igitur Ecclesia, qua columna & basis est veritatis, verè dictum est, Ego rogabo Patrem & alium Paraclitum dabit vobis, ut maneat vobiscum in aeternum, spiritum veritatis. Haec clariora non essent, tametsi solaribus radiis describerentur. Nam cum soli Ecclesiae & representanti Ecclesiam Concilio privilegium non errandi impertiat, hoc ipsi Summo Pontifici detrahit.

XL. Fredericus Nausea Viennensis Episcopus, qui Tridentino Concilio interfuit, in lib. III. rerum Conciliarium capite III. cuius argumentum est: Num ipse Papa, adeoque Sedes Apostolica prestare possit, quod praestat Concilium? Non desuerunt hactenus, qui ipsum posse responderunt: Utpote quia possit ipse per Epistolas aut per alias vias Ecclesiae causas & emergentes casus definire, vitiaque passim tollere. Ipsi verò Pontificem maximum posse idem, quod Concilium, prorsus inficias iverimus. Et in primis quidem propterea quod si minus agerentur Concilia, fore ut pleraque mala non solum impunita manerent, sed & invalescerent, quae vel sola Ecclesia, quae per Concilium representatur, singulari quadam auctoritate citra quae formidinem corrigere potest, quae aliqui sub praetextu fidei corruptaeque consuetudinis, perinde atque iusta & licita reputarentur. Deinde si Pontificis esset facere, quod Concilii est, fieri posset, ut corrigenda dissimularet ipse, maloque e medio sustollere negligeret, cum non ignoraret turpe futurum Doctorei redarguere culpam, quae tangeret ipsum, reprobis & ipse posset audire hoc Servatoris: Medice cura teipsum, &c. Jam verò non potest esse obscurum, quantis laboret Romana Curia vitiis & scandalis, quorum causa praeter ceteris reformari indigeret. Quod Hadrianus ille sextus usque adeo non inficiatus est, ut anno adhuc post Christum natum 1522. ad ordines statisque sacri Romani Imperii scribens minime veritus sit dicere: Scimus in hac sancta Sede aliquot jam annis multa abominanda fuisse, abusus in spiritualibus, excessus in mandatis, & omnia denique in perversum mutata. Nec mirum, si aegritudo à capite in membra, à Summis Pontificibus in alios inferiores prelatos descenderit. Et idem paulo post ad oratorem suum ait: Qua in re quod ad nos attinet, polliceberis nos omnem operam adhibebimus, ut primum Curia haec, unde forte omne hoc malum processit, reformetur: Ut sicut ab eadem corruptio in omnes inferiores emanavit, ita etiam ab eadem sanitas & reformatio omnium emanet.

Deinde in libri v. capite III. cuius argumentum est: Patribus in Concilio à Papa vel ejus Legato dissentientibus, cuius iudicio standum sit?

Nec enim prima fronte videtur accedendum uni solique Papae, praesertim in causa fidei, cum satis periculosum videatur fidem nostram unius hominis arbitrio committi, nec usque adeo superbum esse Papam credimus, quod ipse solus & unus homo toti congregationi suum iudicium praeferat, perinde atque ipse Spiritum Sanctum habeat, maxime, quod major urbe sit orbis. Ne itaque navigandum sit inter Scyllam & Charybdim, plerique omnes Doctores arbitrantur, sententia Papae prorsus esse standum in negotio fidei prius per Apostolicam Sedem definito, quod ipsi Patres Concilii vellent, aut refutare, aut immutare. In ipso verò fidei negotio nondum definito, sed per Concilium definiendo standum esse potius iudicio Patrum totius Concilii. Haec omnia, quae ad Germanos pertinent, Bellarminus silentio praetermittit, & tamen praetermittere non debuit, quia Theologicae quaestionis historiae consulendum erat. Quae igitur, Deus immortalis, & qualis dissimulatio!

XLI. Germanis addendus est Batavus unus, qui mihi est pro centum, Hadrianus VI. duobus in locis. Alter est, quem Bellarminus laudat, & dignus, qui semper laudetur. Ita se habet: Dico quod si per Romanam Ecclesiam intelligatur caput ejus puta Pontifex, certum est, quod possit errare etiam in iis, quae tangunt fidem, 67 haesim per suam determinationem aut decretalem asserendo.

Alter verò est, quem Bellarminus non laudat, etiam si valde dignus sit, qui laudetur. Sic se habet in mandatis, quae Francisco Cheregato oratori suo in Germaniam eunti dedit: Et certe sciamus Luthero defensionem negari non debere in his, quae sunt facti: Hoc est, utrum dixerit, necne? Utrum predicaverit, vel scripserit, necne? Super divinis verò jure & materia Sacramentorum, standum auctoritati Sanctorum & Ecclesiae. Adde quod fere omnia, in quibus Luthers ab aliis dissentit, sunt per diversa Concilia prius reprobata. Non debet autem revocari in dubium, quod per generalia Concilia & universam Ecclesiam constat esse approbatum, tanquam fide tenendum: Injuriam namque facit Ecclesia Synodo, qui semel rectè disposita nititur in dubium revocare. Quid enim unquam certi esse poterit inter homines, vel quis dubitationum conventionumque finis erit, si praesumptuosus & perverso cuique libertas seu licentia erit recedendi ab his, quae non unius neque paucorum sed tot saeculorum, & tot sapientissimorum hominum consensu, & Catholica Ecclesia, quam Deus in his, quae fidei sunt, nunquam errare permittit, determinatione sancita sunt? Nunc vide, quid Pontifex Theologus insignis Luthero concedat, & quid non concedat? Tum in iis, quae non concedit, quid opponat? Generalia opponit Concilia quod errare nequeant. Non opponit, quae decessor Leo X. contra Lutherum defini-erat, quia Leonem indeficientis iudicii privilegio carere noverat. Quid enim aliud Hadrianum ab opponenda Luthero definitione Leonis retardare poterat? Quod hac in re fecit Hadrianus, sciens utique & prudens fecit.

XLII. Hadrianum sapientem utpote Pontificem imitantur Concilia, quae deinceps variis in locis Germaniae & Galliae celebrata sunt. Colonienſe Concilium primum, quod anno MDXXXVI. Augſtanum Concilium, quod anno MDXLVIII. Treſirenſe Concilium primum, quod eodem anno. Colonienſe Concilium II. quod anno MDXLIX. Moguntinum Concilium, quod eodem quoque anno. Treſirenſe Concilium II. quod eodem adhuc anno celebratum est. At mirum! In his Conciliis omnibus, quae pro reformanda diverſimodè Ecclesia habita sunt, edita Leonis contra Lutheri errores constitutio nusquam comparet, nusquam allegatur, ut praedictum aliquod faciat. Tam contumacis silentii causam nescire me fateor ingenuè, nisi his in Con-



Conciliis eadem fuerit, quæ in Hadriano. Causam aliam, si quæ sit optima, libenter discerem.

XLIII. Bellarminus auctorem ex Anglia nullum Gersoni, Almaino, Castrensi, & Hadriano adjungit. Adjungendus est sine dubio Guillelmus Okamus ex Ordine Minorum Theologus celebris, qui lib. v. partis I Dialogorum cap. III. statuit, quod Papa hereticari possit. In dictis decretalibus EXIIT & EXIVIT, plures hæreses de paupertate Christi & Apostolorum ejus, nec non & de voto abdicacionis proprietatis omnium temporalium in speciali, & etiam in communi continentur, ut nonnulli dicunt & scribunt. Discipulus. Isti malitiosè contra Dominum Joann. XXII. procedunt. Nuntur enim, quod vel fuit, vel est hereticus, monstrare.

69 Magister. Volo te scire, quod nonnulli putant non malitiosè, sed veraciter & infallibiliter demonstrari, quod Joannes XXII. vel fuit, vel est modò hereticus, quia, ut asserunt, nulla potest tergiversatione negari, quin doctrina sua de paupertate Christi & Apostolorum ejus, & de abdicacione proprietatis omnium spiritualium in speciali & etiam in communi, & de paupertate Evangelica doctrina Nicolai III. & aliorum Pontificum decretis aduersetur. Cum ergo omnia prædicta ad fidem pertineant, vel ad bonos mores, necesse est, quod altera doctrinarum istarum contineatur sub heretica pravitate. Aut ergo doctrina Joannis XXII. est heretica, aut doctrina Nicolai III. & aliorum Pontificum cum eo concordantium circa prædicta est heretica. Si doctrina Joannis XXII. est heretica, cum diffinierit solemniter eam esse tenendam, sequitur, quod pertinax & hereticus est censendus. Si autem doctrina Nicolai III. & aliorum Pontificum est heretica, ergo Joannes XXII. quando eam per declarationem suam solemniter approbavit, & multipliciter commendavit, fuit hereticus reputandus, quia pravitatis hereticæ defensor & fautor. Unde nonnulli ex prædictis formant hanc rationem. Qui circa ea quæ sunt fidei, est sibi ipsi contrarius, potest errare circa fidem. Papa autem potest circa ea quæ sunt fidei, esse sibi ipsi contrarius: Ergo potest errare circa fidem. Papam autem posse circa ea quæ sunt fidei, esse sibi ipsi contrarium, probant per exemplum Joann. XXII. qui sibi ipsi contrarius invenitur, cum prius approbat doctrinam Nicolai de paupertate Christi & Apostolorum ejus, & de abdicacione proprietatis Christi omnium temporalium in speciali & in communi, & postea contradicit eidem.

70 Deinde in cap. v. Ad secundam rationem respondetur, quod quamvis ad hereticum causa sint minimè deferenda, ad illum tamen, qui hereticus potest fieri, antequam efficiatur hereticus, sunt causa fidei deferenda, & ideo licet possit in pravitatem labi hereticam, antequam tamen labatur, sunt cause fidei deferenda ad ipsum, sed si hereticam incurrerit pravitatem, tunc non est ad ipsum questio fidei deferenda.

Tum post alia: Ad quartam rationem respondetur, quod Summo Pontifici in veteri lege, & judici, oportebat omnes in talibus difficultatibus & ambiguis obedire, quando juxta legem divinam & veritatem iudices judicabant: Si autem contra legem divinam aliquid præcepissent, non fuisset obediendum eisdem, sicut ex lib. c. 13. & 17. colligitur evidenter. Quod autem Sacerdotes summi veteris legis & etiam Judices principales poterant contra legem Dei jubere & contra fidei veritatem errare, constat ex hoc quod plures eorum à veritate judicii & fidei devierunt, sicut per plura exempla posset ostendi, quod plures summi Pontifices & Sacerdotes circa tempora Machabæorum legem Domini reliquerunt.

Hic non possum silentio præterire rationem invictam, qua hic auctor sic propemodum utitur: Ille qui contra fidem errare non potest, ad definiendum & determinandum dubia, quæ contra fidem emergunt, non indiget aliorum constitutorum in hac vita mortali peritia; Sicut qui in Geometria vel alia facultate errare non potest, ad definiendum dubia in eadem aliorum consilio minimè indigeret: Sicut etiam quia congregatio fidelium contra fidem errare non

potest, aliorum, quàm Christianorum sapientiam non requirit ad definienda illa, quæ sunt consona Catholica veritati. Sed Pontifex ad multa dubia, quæ circa fidem 71 emergunt Catholicam, declaranda & definienda indiget aliorum peritia. Aliter enim pro dubiis declarandis & hæresibus extirpandis frustra fuissent generalia Concilia congregata. Frustra enim vocaret in sacra pagina peritos: Ergo Papa potest contra fidem errare. Bellarminus, & alii illius sectatores rationem hanc sibi nunquam objecerunt integram, ut eam diluerent: Dissimulando responderunt, fugiendo vicisse sibi videntur.

XLIV. Bellarminus auctorem ex Italia nullum indicat, ratus omnes secum sentire, & adulatricis Curie vitio laborare. Sed me vide non omnes laborant.

XLV. Auxilius in libelli de ordinationibus à Formoso Papa factis capite xxv. Quis, inquit, nesciat, quod Liberius, heu pro dolor! Ariana hæresis subscripserit, & per ejus transgressionem nefandissima scelera sint commissa. Deinde in capite xxxv. Præterea si nos Ecclesiarum Pastores de nostris offensionibus justè vel injustè obligare voluerint, justè videlicet, si nostra præcesserit culpa, injustè verò, si non habuerimus culpam, talis obligatio rectissime formidanda est, & diligentissime observanda, donec per ejus, qui obligavit, indulgentiam, absolvi mereamur. Nempe aliud sunt Pontificales Sedes, & aliud Præsidentes. Proinde honor & dignitas uniuscujusque Sedis regulariter observanda sunt. Præsidentes autem, si devierint, per devia sequendi non sunt. Hoc est, si contra fidem vel Catholicam religionem agere cæperint, in talibus eos nequaquam sequi debemus. In his autem quæ ritè dicunt, etiam si non faciant, eis obedire debemus. Sic Romanum Pontificem & credendo & docendo hereticum fieri posse arbitrat.

XLVI. Benedictus Papa IX. inter Lemovicensis Concilii acta fatetur posse se in schisma incidere. Stephano Arvernensi Episcopo querenti, quod Pontifex excommunicatum à se Pontium Arvernensem Comitem abolverat, sic respondet: Quod nescienter egi, frater charissime, non mea, sed tua est culpa: Scis enim quia quicumque de universa Dei Ecclesia, quæ est in toto orbe terrarum, ad me causa remedii recurrit; Impossibile est mihi ejus curam negligere, dicente Domino ad beatum Petrum: Pasce oves meas. Quo ergo modo Sedes Apostolica poterit ejicere aliquem de medela, nisi rationabili causa? Debuerat certè mihi antequam illa mortua ovis Romam veniret, ejus causam tuis innotescere apicibus, meam omnimodè abjicerem, tuamque firmando auctoritatem, eam anathematis ictu reprecuerem: Profiteor quippe omnibus consacerdotibus meis, ubique terrarum adiutorem me & consolatorem potius esse, quàm contradicentem: Absit enim SCHISMA A ME & à Coëpiscopis meis. Benedictus ut à Coëpiscopis suis, sic & à seipso schisma deprecatur. Nec ita deprecaretur, nisi ut Coëpiscopos suos, sic & seipsum in schisma posse labi putaret. Par est in Benedicti verbis ratio, par disputandi modus. Cur enim Pontifex minùs posset in hæresim incurrere, quàm in schisma? Quod aliquando hæresi deterius est, ut colligitur ex Epistola, quam Dionysius Alexandrinus apud Eusebium in libri vi. hist. capite xxxvii. scribit ad Novatum, Novatianum scribere debuit: Si invitum, ut dicis, huc inductus es, ut illud planè ostendes, si sponte ab eo recedas. Oportuerat enim omnia incommoda potius subisse, quàm Ecclesia Dei discidisse concordiam. Atque illud martyrium, quod quis perpetuit, ne dirimatur Ecclesia consensio, non minùs certè, sed multò plus, meo 73 quidem judicio habet commendationis, quàm illud quod suscipitur, ne idolis omnino immoletur. Nam in hoc pro una quisque anima suffert martyrium, in illo autem pro tota Ecclesia. Cæterum Benedictus quia seipsum novat, nec blandiebatur sibi ipsi, non errandi privilegium sibi deesse libenter agnoscit.

XLVII. Micrologus, seu Guido Abbas Monasterii sanctæ Crucis Avellanæ in capite xxv. de observationibus Ecclesiasticis: Sed Apostolica per omnia absque

omni hesitatione debemus obedire, cui nunquam debitam exhibebimus obedientiam, si ejus statuta potius judicare, quam implere curemus. Hoc enim est privilegium obedientia de sententia sui præceptoris non judicare, in iis dumtaxat rebus, quas canonicis scripturis contraire non videmus. Imò statim exequi quod jubetur. Clausula hæc, In iis dumtaxat rebus, quas canonicis scripturis contraire non videmus, supponit omnino Pontificem ea jubere posse, quæ canonicis scripturis adversentur. Qui autem aliquid contra Scripturas præcipit, vel potest præcipere, fallitur omnino, nec immunis ab errore judicandus est.

XLVIII. Bruno Signienus Episcopus in Romano Concilio, ubi damnatum est Paschalis II. privilegium, quod Henrico regi concesserat: Bruno Signinus Episcopus alius exorsus est: Gratias agamus omnipotenti Deo, quod Dominum Paschalem Papam, qui præfenti Concilio præfidet, audivimus proprio ore damnantem illud privilegium, quod pravitate & hæresim continebat. Adhuc quidem cavillatorie subjunxit: Si privilegium illud hæresim continebat, qui illud fecit, hæreticus fuit. Joannes autem Casetanus adhuc commotus Signino respondit. Tunc hic & in Concilio nobis audientibus Romanum Pontificem appellas hæreticum: Scriptum, quod fecit Dominus Papa, malum quidem fuit, sed hæresis non fuit. Hæc apud Conradum Urspergensium Abbatem, in Chronico ad annum MCXVI. Et primum quidem Bruno Signinus in ea fuit sententia, ut crederet Paschalem in hæresim incurrisse, cum Henrico Regi privilegium investiturarum concessit, ac proinde Romanum Pontificem non errandi privilegio carere. Deinde hoc minimè negant, qui Brunoni respondent, immo non obscure videntur consentire. Non enim dicunt, haud potuisse fieri, ut Paschalis in hæresim laberetur: Sed dicunt tantum, concessum à Paschali privilegium hæresi nulla infici, tametsi malum esset, & turbaret Ecclesiam. Qua ex causa damnatum à Concilio, & confixum fuit.

XLIX. Gratianus dist. XL. cap. Si Papa: Cujus culpas istic redarguere præsumit mortalium nullus, quia cunctos ipse judicaturus à nemine est judicandus, nisi deprehendatur à fide devius. Hoc poneretur frustra, nisi Pontifex à vera fide posset aberrare.

L. Glossa, à fide devius, quod intelligit cum Papa vult corrigi. Si enim paratus esset corrigi, non posset accusari. Item nunquid Papa posset statuere, quod non posset accusari de hæresi? Respondeo, quod non, quia ex hoc periclitaretur tota Ecclesia, quod non licet.

Deinde in cap. Anastasius dist. XIX. Videtur ergo, quod Papa tenetur requirere Concilium Episcoporum, quod verum est, ubi de fide agitur, & tunc Synodus major est Papa ut 15. dist. sicut. Videtur ergo, quod Papa non posset destruere statuta Concilii, quia orbis major est urbe. Hæc omnia manifestè demonstrant, Romanum Pontificem separatim à Concilio errare posse.

LI. Humbertus Generalis Prædicatorum Magister V. in secunda parte sermonum ferm. LXX. Papa, qui est super omnes, potest deponi ab Ecclesia, qua tota ei subest, in casu. Respectum habet cum ad alias causas, tum maximè ad hæresim, in quam posse Romanum Pontificem incurrere, ex antiqua Romanæ Ecclesiæ traditione credebatur.

LII. Guido Archidiaconus Bononiensis in dist. XXI. Nunc autem. Tunc Papa potest condemnari de hæresi, cum pertinax fuerit, alias non. At non condemnatur de hæresi, qui privilegium non errandi in fide & moribus habet.

LIII. Augustinus Anconitanus ex Ordine Eremitarum sancti Augustini Theologus in Summa quæst. v. art. 1. Capitis est vitam insuere omnibus membris. Principium autem vite spiritualis est ipsa fides, quia sine fide impossibile est placere Deo. Unde Apostolus ad Hebræos XI. fidem dicit esse substantiam, id est, fundamentum omnium sperandarum rerum. Si ergo Papa deprehendatur devius à fide, mortuus est ipsa vita spirituali, per consequens

aliis insuere vitam non potest. Unde sicut homo mortuus non est homo, ita Papa deprehensus in hæresi non est Papa, propter quod ipso facto est depositus.

Deinde art. II. ad secundum: Episcopi de Concilio noluerunt eum (Marcellinum Papam) deponere, potissimè quia paratus erat corrigi.

Tum art. v. ad secundum: Papa non potest facere statutum prohibens, ne Papa posset accusari de hæresi, quia 76 statutum prohibens, ne Papa posset accusari de hæresi, esset in præjudicium totius Ecclesiæ: periclitaretur enim universitas fidelium sub regimine ejus.

Denique art. VI. ad secundum: Licet in questionibus terminandis auctoritas Papa, dum est Papa, sit necessaria, cum tamen desinit esse Papa per crimen hæresis, auctoritas illa remanet in Ecclesia sicut ipso mortuo. Hæc ille, qui etsi Pontificiam dignitatem plus quam par sit evehat, nihilominus tamen non potuit ab antiqua Ecclesiæ traditione recedere, qua constat Romanum Pontificem, seu credendo, seu docendo errare posse.

LIV. Alvarus Pelagius, ex ordine Minorum Theologus & Silvensis Episcopus, in libri I. de Planctu Ecclesiæ capite IV. Quod nullum crimen privat Papam ipso jure Papatu etiam hæresis, si vult corrigi. Ut no. XL. dist. si Papa.

Deinde in cap. VI. Notat etiam Ostiensis extra de concess. præb. proposuit. Quod si totus mundus sentiret in aliquo negotio contra Papam, quod sententia Papa standum esset. Id verum intellige, nisi esset causa fidei. Ut no. XV. dist. Sicut. Exceptio hæc Papæ non errandi in fide privilegium detrahit.

Tum in lib. II. cap. x. In condemnatione Papa, ut dictum est, duo (testes) sufficiunt, nec in hoc privilegiatum est, imò deterioris conditionis, quia ipse major sine comparatione aliorum creatus est, & ideo sine spe veniæ condemnandus, ut Diabolus de pœnit. dist. II. principium. Infra: Errare potest Papa, ut ibi, (dist. XIX. Anastasius) & no. XXIV. q. I. à recta, & legitur in Legenda beati Eusebii, quod Liberius Papa Ariana perfidie consensit. Hæc ille, quem licet Hispanus sit, Italiam tamen admisceo, quia Joannis Papæ XXII. pœnitentiarius fuit, & diu mansit in Curia. 77

LV. Joannes Imolenus Jureconsultus celebris, in cap. de electione & de electi potestate: Dicunt, quod non possit (Papa) excipi, tamen poterit accusari de hæresi. Facit, quod notat Joannes in cap. in fidei I. de hæreticis in VI. & ibi tangit, quomodo Concilium erit iudex contra Papam in causa hæresis.

Deinde in cap. de majoritate & obedientia: Licet Papa sit major omnium VIII. q. III. capit. cuncta, & cap. per principalem, tamen condemnari potest à Concilio: Sed illud est speciale, causa hæresis, propter quam Papa tunc censetur minor, ideo ligari potest à Concilio generali. Hic duo tradit tanquam communi omnium Doctorum consensu recepta, hæreticum esse posse Romanum Pontificem, & nullo proinde non errandi privilegio frui, & à generali Concilio judicari posse.

LVI. Nicolaus Tudescus, qui ex Abbate Siculo Panormitanus Archiepiscopus & Cardinalis factus est, in cap. Significasti. de Electione: In his quæ non dependent à plena potestate Papa, non est simpliciter dicendum, quod Concilium est supra Papam. Unde non potest Papa disponere contra dispositum per Concilium. Vide 60. tex. & gloss. in cap. Anastasius. Hinc est quod Concilium potest condemnare Papam de hæresi, ut in cap. si Papa XL. dist. Ubi dicitur quod Papa potest esse hæreticus & de hæresi judicari. Et dicunt Doctores in cap. in fidei favorem. De hæresi lib. VI. quod Concilium est iudex. Et paullo post: In concernentibus fidem dictum unius privati esset præferendum dicto Papa, si ille moveretur melioribus rationibus novi & veteris Testamenti, quam Papa. Hæc ille, quem ætas sua ut Canonici Juris principem suspexit & demirata est, Lucernam Juris 78 illum appellavit. Hinc effectum est ut posterius cum auctorem



auctorem hunc laudant, eum sub nomine Panormitani, vel Abbatis simpliciter laudent. Tanta est hominis existimatio & celebritas.

LVII. Cataldinus Boncompagnius in libro de potestate Papæ pro Eugenio IV. contra Baileense Concilium num. XLIV. De nullo mundi crimine potest Papa præterquam de hæresi impeti 2. q. 3. c. præsul. Iterum num. XLV. Huius culpam nullus redarguere præsumat mortalium, quia cunctos ipse iudicaturus à nemine est iudicandus, nisi deprehendatur à fide devius, tex. ad litteram 40. dist. cap. si Papa, nec potest Concilium pro quocunque crimine vel delicto nisi pro hæresi, ut dicebam, Papam deicere de Papatu. Apud omnes in confesso erat, Pontificem hæreticum esse posse, quandoquidem id fatentur ingenuè, qui causam illius tuerentur.

LVIII. Sanct. Antoninus Florentinus Archiepiscopus in Summa tert. part. tit. XXII. §. II. Dicendum est secundum Augustinum de Ancona, ubi supra, pro crimine quantumcumque notorio Papa non est deponendus, quia talis depositio vel accusatio redundaret in malum totius Ecclesiæ, cum si audiretur ejus accusatio, Ecclesiæ remaneret acephala, & hoc nisi pro peccato hæresis, de qua & si vellet se corrigere & emendare, non deberet deponi, ut notat Hugutio dist. XXII. Infra: Pro ipsa autem hæresi congruè & ipso facto deponitur. Infra: Si ergo Papa deprehendatur à fide devius, mortuus est ipse Papa vita spirituali, & per consequens aliis vitam influere non potest. Unde sicut homo mortuus non est homo, ita Papa in hæresi deprehensus non est Papa, quia ipso facto est depositus. 79 Infra: Sed quando labitur in hæsim tunc eo ipso est practisus ab Ecclesiæ, & definit esse caput, & tunc deponitur de facto, non de jure, quia qui non credit, jam iudicatus est de jure.

LIX. Pius II. in Epistola CCCXCVI. ad Mahometem Turcorum Principem: Ad Petrum Vicarium suum inquit Salvator, Tu es Petrus & super hanc Petram edificabo Ecclesiam meam: Et porta inferi non prævalent adversus eam. Et iterum, rogavi pro te Petre, ut non deficiat fides tua. Prævaluissent porta Inferi, & defecisset fides Petri, si falsum esset Evangelium, quod sequimur, sed manet fides magni Pastoris in Ecclesiæ Romana, quæ nunquam inventa est errasse, neque errabit in æternum. Non sibi, non Romano Pontifici stabilem & perpetuam in fide Christi permanonem attribuit, sed Romanæ Ecclesiæ, five Romana Ecclesiæ particularis, five universalis intelligatur. Hinc Ecclesiæ non errandi privilegium attribuit, non sibi vel Romano Pontifici. Quinetiam Scripturæ loca, quæ Bellarminus & adulatores cæteri in Romanum Pontificem transferunt, Pius ad Romanam Ecclesiam transferre non dubitat. Sapiens Pontifex cum acri & attento animo intuebatur omnes sui partes, nimium veritus esset suos ita titillare sensus, ut sibi non errandi privilegium ascisceret.

Deinde in Epistola CCCCLXIX. ad Martinum Meyrum: Fatemur insuper aliquando in Romana Curia, quam regunt homines aliqua fieri, quæ digna essent emendatione, nec dubitamus ipsos Romanæ urbis præsules etiam in quantum homines, falli, errare, labi, ac decipi posse.

80 Tum in alia ad eundem Epistola de moribus Germaniæ: Fatemur in Romana Curia, quam homines regunt, non omnia esse nitida & plurima fieri digna correctione. Nec ambigimus ipsos primæ urbis antistites cum Christi Dei nostri Vicariatum assument, homines remanere; Ac propterea falli, errare, labi, ac decipi posse. Sincerè omnia hæc & rectè. Intelligebat quippe vir prudens & doctus, Romæ, Eugubii alterius urbis Pontificem errare & falli posse, quia homo est, non quia Pontifex. Si quidem Pontificatus nullo in loco Pontificem hominem ad errandum per se inclinatur, ut in posteriori ad Joannem Gerbasium Epistola jam observavi, nec satis observari potest propter vulgus imperitorum, qui sibi applaudunt in propositione hujus-

modi & ludunt in ambiguo. Cum dicunt Romanum Pontificem ut Pontifex est & caput Ecclesiæ, errare non posse, Romanum Pontificem captiosè sejungunt ab Ecclesiæ, cui in Synodum collectæ jungi debet, ut tunc intelligatur errare non posse propter divinum auxilium, quod Ecclesiæ & Synodo promissum est, ut Pius innuere videtur.

LX. Beatus Joannes Capistranus ex ordine Minorum Theologus, in tractatu de auctoritate Papæ part. III. secundæ partis num. XLVII. Obijciunt quare isti Episcopi non deposuerunt istum Papam (Marcellinum) cum esset confessus de hæresi 40. dist. si Papa. Dicit Hug. quod paratus erat corrigi. Licet enim Papa sit hæreticus, vel alius, si tamen paratus est corrigi, non deponitur 14. quæst. Dixit Apostolus: Vel ideo non debebant ipsum deponere, quia coactus fecit. Hæc est cauda glossæ, ex qua expresse colligitur, quod præter casum hæresis nunquam subesse debet Concilio. Tunc inauditum erat non errandi privilegium, quod Romano Pontifici extra Concilium tribueretur.

LXI. Angelus è Clavasio Ligur, ex Ordine Minorum Theologus, in Summa verbo Papa: Utrum Papa possit decidere contra aliud statutum in causa fidei sine Concilio: Respondeo, quod non: Ut in cap. Anastasius, in dist. quia Papa errare potest in fide 40. dist. Si Papa. Sed non tota Ecclesiæ.

LXII. Bernardinus Corius Mediolanensis valde persuasus erat Romanum Pontificem errare in moribus Ecclesiæ posse, cum in gentis suæ historia de Bonifacio IX. observat quæ sequuntur: El anno nonagesimo primo sopra mille trecento dis mese de Genaro essendo compita la Indulgentia à Roma, dove Lombardi per le continue guerre & turbatione non essendogli potuto andare, Bonifacio Pontefice ad intercessione di Giovanni Galeazzo Vesconte la concessa in Milano nella medesima forma che era à Roma. Cio è che chiascuno nel Domino del Vesconte, si anche non fusse contrito, ne confessò fusse assoluto de qualecunque peccato. Quod Latine dicitur. Anno Domini millesimo trecentesimo nonagesimo primo Indulgentia mense Januario finita est Romæ, quo Langobardi diuturno, & longè latèque diffuso bello ac confusione rerum omnium impediti non potuerunt proficisci. Bonifacius Pontifex (IX.) Joannis Galeacii Vicecomitis rogatu Indulgentiam illam Mediolanensi Ducatui eo modo concessit, quo Romæ concesserat. Nimirum ut ditionis Vicecomitis unusquisque à quocunque absolveretur peccato, etiam si nec contritus nec confessus esset. Nonne hoc est vehementer errare circa mores Ecclesiæ, in qua qui nec contritus nec confessus est peccatorum veniam consequi nequit? Fortassis dicent, Bonifacium vixisse in schismate. Id verum quidem est, sed Romani, & qui Romæ scribunt Pontificum historiam vel Annales, Bonifacium pro certo atque indubitato Pontifice & habent & vindicant. Quasi verò eum qui Annatarum vestigialis illius sacri auctor verus creditur, pro dubio & incerto Papa ducerent?

LXIII. Joannes Franciscus Picus in Theoremate IV. de fide ad Julium: Quod autem Pontifex errare in iudicando possit asseverantissimè à plerisque pronuntiatur. Ajunt enim notissimum esse, Pontificem summum hæreticum fieri posse, & deponi à Sede. A plerisque, inquit, pronuntiatur. At vox, plerique, Theologorum partem majorem importat.

LXIV. Philippus Decius insignis Jurisconsultus in consilio de auctoritate Ecclesiæ: Sed supradictis non obstantibus & similibus, quæ adduci possent in contrarium, de jure esse arbitror, saltem in aliquibus casibus in quibus communiter Doctores tenent, quod Papa ab alio judicari possit. PRIMUS EST IN HÆRESI, IN QUO OMNES DOCTORES CONVENIUNT, quod accusari possit, ut expresse dicitur in dicto can. Si Papa, ibi à nemine est iudicandus, nisi deprehendatur à fide devius. Et merito, quia nullum peccatum est gravius hæresi 22. quæst. 2. can.

2. can. primum in principio 32 quæst. 7. can. quod in omnibus. Et quia admodum periculosum est, si vera fides, quæ in toto populo Christiano requiritur, in capite non reperitur, ut dicitur 61. dist. can. miramur, & ideo Papa hæreticus est miror quolibet Christiano, ut dicit glossa in can. Acacius. 24. quæst. 1. in verbo, in hæresim. Infrà:

- 83 Est quintus casus in quo difficultas consistit. Videlicet, quod Papa incorrigibilis sit in aliquo notorio delicto pro quo Ecclesia scandalizatur. In tali casu, glossa in terminis in dicto can. si Papa. Tenet, quod papa accusari possit, & de illa glossa, maximum factum fuit fundamentum contra Eugenium IV. in Concilio Basileensi, & illa glossa communiter tenetur. Cap. omnes, ut dicit Abbas in cap. significasti. De electione. Et in dicta dispensatione Episcopus, & quidam Rector in fine secundi dubii. Ubi inquit, quod totus mundus approbat illam glossam. Et idem Abbas in cap. proposuit. Column. fin. de concess. præben. & in cap. Cum venissent. Column. 4. de Jud. & illam glossam pluribus rationibus comprobatur Rom. in consilio 323. quæst. discutienda est. Primum, quod Papa, qui in notorio crimine persistit, incidit in suspensionem hæresis 38. dist. in can. fin. 81. dist. in can. si qui sunt, & in cap. final. de pœnis. Sed pro hæresi Papa accusari potest dicto can. si Papa. Ergo & pro tali crimine, & fuit ista ratio glossæ in dicto can. si Papa. Secundum removeretur Episcopus ab Ecclesia particulari, ut scandalum tollatur, ut notat Innocentius in cap. Cur pridem. De renuntiatio. Idem a fortiori videtur dicendum in Summo Pontifice, quo est periculum universalis Ecclesiæ. Vide quid anno MDXI. Decius asseveret: Primus, inquit, casus est in hæresi, in quo omnes Doctores conveniunt. Ac proinde Doctores illi omnes Romano Pontifici non errandi privilegium adjudicant. Sed nunc vide quid anno MDLXXVII. Bellarminus affirmet de contraria sententia: Est communissima & fere omnium Catholicorum: Uter eorum servat leges historiæ? Uter negligit? Uterque, Decius servando, Bellarminus negligendo, finem & scopum assecutus est: Ille veritatem & traditionem Romanæ Ecclesiæ confirmavit; hic Curia placuit, & illustrem in ea locum obtinuit.

—Exitus acta probavit.

LXV. Dominicus Jacobatus Cardinalis in lib. III. de Conciliis: Et ideo non debent subditi tolerare Papam hæreticum & volentem facere legem, ne de hæresi possit accusari vel cognosci. Ad hoc ille tex. in cap. Si Papa. 40. dist. qui vult. Quod licet Papa à nemine possit judicari, illud est verum, nisi reperitur à fide devius, quia textus est ex gestis Bonifacii Martyris, & non simpliciter Papalis dispositio. Si enim Papa statueret vellet quod non posset accusari vel redargui de hæresi, tolleretur subditi defensionem, quam princeps tollere non potest. Ut in Clem. Pastoralis. De re jud. Cum enim Papa labitur in hæresim, minor est omni Catholico, quia juri divino contradicit, & ideo potest à fidelibus redargui, sicut Paulus redarguit Petrum, ut legitur ad Galatas 2. Et hujus ratio est, quia quando Papa labitur in hæresim, tendit in necem & damnationem subditorum, & ideo jure possunt populi contra ejus mandatum resistere, quia obedire oportet magis Deo, quam hominibus.

LXVI. Silvester Prieras Generalis Prædicatorum Magister, in Summâ, verbo Concilium: Tertia conclusio: Sicut non errat Ecclesia perseveranter, ita nec Papa, quando est caput Ecclesiæ, & ut caput Ecclesiæ, id est, utens adjutorio membrorum Ecclesiæ per Concilia, & orationes. Infrà: Si tamen (Papa) erret in fide, ut singularis persona, desinit esse caput Ecclesiæ, quoad Deum, licet non quoad Ecclesiam, quousque per judicem deponatur.

- 85 LXVII. Thomas Illyricus ex provincia Marchiæ Anconitanæ Franciscanus Theologus in Clypeo Papali, quem adversus Lutherum confecit, & sub nomine Hadriani VI. apparere voluit: Ubi casus septem enumerat, in quibus Summus Pontifex secundum aliquos de

Sede sua deturbari potest: Quinto ascribitur est Papa per Ecclesiam aut generale Concilium tanquam hæreticus, aut schismaticus, etiam ubi in casu ipse non est veraciter & mentaliter talis. Assignemus summam casus aliquos circa personas alias, qui similiter possunt in Papam cadere: Duos invenimus jure expressos. Unus est, dum aliquis sustinet excommunicationem ultra annum, & citatus in materia fidei, nec respondet. Alius, dum citatus coram iudice renuit præstare juramentum: Talis aliquis poterit manere semper verus fidelis: Attamen ipse tanquam hæreticus juris presumptione damnabitur. Tertius assignatur casus, si timore mortis vel alia passione motus quis vocaliter negat, quæ sunt fidei, & non vult cum possit sufficienter se purgare. Quartus casus, ubi per actus hæreticos, aut idololatrias habebitur presumptio vehementer contra aliquem, & talis cum potuerit, noluerit se sufficienter purgare. Dicuntur autem actus hæretici vel idololatriæ, qui sunt contrarii vel oppositi actibus, quibus solet fieri professio fidei & religionis Christianæ & cultus divini, sicut est genuflexio coram Sacramento altaris, & ingressus templi, & similia. Et in hoc multum valet usus hominum, sic talia signa vel talia accipientium. Unde siquis exhibet talia in honorem Mahometi vel Idolorum, aut si oppositis factis detestaretur Sacramentum altaris & templum Dei & sacras imagines & similia faceret, haberi deberet de hæresi & idololatria suspectus. Et hoc vel vehementer, vel 86 graviter, vel leviter, secundum quod plures causa suspicionem aggravantes, & pauciores revelantes concurrerent, & hoc esset longus sermo de modo accusationis talium coram Inquisitore, quando scilicet & quando non veniunt judicialiter in materia fidei & idololatriæ pertractandi. Casus quintus invenitur, ubi quis per testes accusatur, atque convincitur fuisse relapsus in hæreses jam damnatus: ille planè damnabitur per Ecclesiam. Sextus casus incidens cum quarto, ubi quis etiam levi suspicionem notatus de fide vocatus fuerit ad iudicium, & venire neglexerit, seu contempserit, aut forte non potuerit, de qua tamen impotentia fidem facere noluerit. Cum enim Summus Pontifex juxta probata prius possit tam doctrinaliter, quam judicialiter denunciari, deferri & accusari coram Concilio generali in materia fidei & cultus divini, non repugnat casus istos & similes in ipso posse reperiri, qui circumdatus est infirmitate, sicut dicit Apostolus experientia voce loquens. Hæc ille in libro 1. qui anno MDXXIII. Taurini editus est.

LXVIII. Ferdinandus Ponzetus Neapolitanus ex Melphiteni Episcopo Cardinalis, in Summa Theologiæ lib. II. cap. XII. de solutionibus dubiorum: Innocentius tenet, quod si Papa dispensaret super illa, quæ habent relationem ad corpus Christi verum, quod Concilium potest ei resistere, & quod sententia istius præferatur sententia Papæ, nec potest facere contra fidem vel statum Ecclesiæ. Quæ verba palam significant Papam indeficientis iudicii privilegium nullum habere.

LXIX. Christophorus Marcellus Corcyrensis Archiepiscopus in lib. 1. de auctoritate Papæ contra Lutherum capite VIII. primæ sectionis: Quod, inquit, si 87 melius in Ecclesia potestatem hanc quis statuat collocari, quoniam à fide minus illa, quam unus tantum declinet, ratio nulla est. Nam licet facilius errare possit Pontifex, quam totus fidelium catus, melius tamen ab uno, quam à pluribus aequè ad id muneris institutis Ecclesia regitur. Profecto non ita loqueretur, si Pontificem indeficientis iudicii privilegio frui existimaret.

Recordabatur eorum, quæ in veteribus Romanæ Ecclesiæ monumentis didicerat, & libri 1. de illius ceremoniis sectioni VI. indiderat, ubi Canonizationis ritum describit: Pontifex antequam pronunciet (N. Sanctorum Catalogo adscribendum esse) consuevit protestari in hanc formam, quod invenimus servatum à multis Pontificibus. Sunt tamen aliqui clarissimi viri, qui dicunt, hoc introductum ex quadam causa, quæ nunc cessat, quia Papa tunc cogebatur ad canonizandum quendam contra suam opinionem, & propterea protestabatur, nunc autem



non videri congruam illam protestationem. Sed de hoc statuatur Summus Pontifex, & sacer Senatus.

#### FORMA PROTESTATIONIS.

Antequam ad pronunciationem veniamus, protestamur publice apud vos presentes, quod per hunc actum canonizationis non intendimus aliquid facere, quod sit contra fidem, aut Catholicam Ecclesiam, sive honorem Dei, & cetera, quæ in priori ad Raimundum Formentinum Epistola retulimus. Porro Marcelli opus hoc cum Leonis X. privilegio & approbatione editum est anno MDXVI. nec in eo Romani censores refricandum vulnus ullum invenerunt.

Hæc autem protestatio, & auctoris in eam animadversio Apostolicæ Cathedræ traditionem nobis exhibent, qua privilegium non errandi Summo Pontifici abjudicabatur. Cæcus ille sit, qui hoc non perspiciat, & qui aliter definiat, nisi definiendo, ac proinde sic errando traditionem illam confirmare velit.

LXX. Joannes Tabiena ex Ordine Prædicatorum Theologus in Summa Summarum, verbo Concilium: Tertiò dicitur, quod quamvis Papa erravit, seu est hæreticus, maxime si hæresis sua sit jam damnata & nota, & ipse sit pertinax, tunc est ipso jure depositus, non quod Concilium deponat, & sic non valet consequentia, ergo Concilium habet majorem auctoritatem, quia tunc Concilium sine Papa non est, quod Papam deponit, sed ipsum jus, quod fuit institutum auctoritate Papæ. Infra: Quarto dicitur, quod quando Concilium judicat de Papa vel corrigat, habet majorem auctoritatem, quam Papa, ut dicit glossa in cap. Anastasius 19 dist. & similia. Quia tunc Papa hæreticus, de quo loquitur ibi textus, jam est depositus. Et sic non est Papa, & tunc Concilium judicat & corrigat, &c. Sed tunc non valet consequentia, ergo Concilium habet majorem &c. Quia jam non est, & etiam in tali casu auctoritas Concilii est à jure & ex consequenti à Papa. Tunc non erat questio, an Romanus antistes errare, & hæreticus fieri posset; ea de re dubitabat pene nullus. Sed controversia erat de modo, quo Pontifex propter hæresim deponeretur. Hoc non agitur impræsentiarum.

LXXI Petrus Albinianus Tretius in tractatu de Pontificia potestate ad Clementem VII. contra Lutherum, num. 1. In tuis conclusionibus incusare vel arguere videris Summum Pontificem, & ejus Apostolicos executores de eorum multis excessibus, quod tibi non licet, quia Papa de nullo crimine accusari potest, nisi de hæresi, ut est gloss. communiter ab omnibus pro singulari allegata.

LXXII. Petrus à Monte Brixienfis Episcopus in tractatu de potestate Pontificis sub initium: Secunda conclusio principalis: Si de hæresi Romani Pontificis contenditur, generale Concilium de hujusmodi causa potest & debet cognoscere & judicare.

LXXIII. Legati, quos Apostolica Sedes ad Tridentinum Concilium identidem misit, Hadriani VI. & supra laudatorum num. XLII. Belgicæ 1. & Germaniæ 1. & II. Conciliorum factum circa Leonis X. constitutionem adversus Lutherum editam executi sunt: Scilicet constitutionem illam in medium adduxerunt nusquam, ut illa decernendis à Concilio rebus inserviret, & præjudicii adferret nonnihil. Quorsum hæc, si Leonem in publico fidei judicio errare non posse credidissent? Non crediderunt; aut quod crediderint, probabilibus conjecturis ostendi non potest. Et sanè si credidissent, machinas adhibuissent omnes, animo toto fuissent connisi, ut Leonis constitutio hæc in auctoritatem certam admitteretur, & de illa quidquid contra Lutheri errores judicandum erat, præjudicaretur. Observatio hæc accurata consideratione digna est, eaque confirmat Romanæ Ecclesiæ traditionem, qua planum alibi fecimus, illius Præsules non errandi privilegio carere.

LXXIV. Thomas Campegius Bononienfis, Feltrensis Episcopus in libri de Concilio capite II. Dicit etiam

potest Pontificem hæreticum fore minorem quocunque Catholico, imò nec esse Pontificem. Et est is casus, in quo sine consensu Pontificis haberi potest Concilium. De hæresi, inquam labi potest Pontifex, sermonem instituit ut de re nota, & apud omnes pervulgata, & quæ difficultatis patitur nihil.

LXXV. Clemens Monilianus ex Ordine Minorum Theologus, & Cardinalis, in Compendii Theologicarum institutionum capite XIX. Conciliorum, inquit, celebratio valet ad quinque, &c. Secundo valet ad firmiorem & solidiorem elucidationem veritatis in dubiis, &c. Quarto valet ad refranandum exorbitantias quorundam Pontificum, qui minus sacrum, aut spretis sanctorum Patrum regulis pro voluntate exercent, aut simoniaca pravitate debonestant, aut seculi vanitate, aut vita scandalosa confundunt. Hujus rei causa congregatum legitur Concilium Episcoporum Italia per Imperatorem contra Joannem Papam XII. qui venator lubricus & publicus erat & incorrigibilis. Ultimo valet ad omnium scandalorum, quæ suscitantur in Ecclesia, extinctionem. Illud enim est ultimum refugium in omnibus angustiis suis. Unde Romano Pontifici dicitur mysticè illud Isaia 16. In consilium, scilicet cum sapientibus, coge Concilium, id est, congrega, ut exponit Liranus. Quasi diceret Spiritus Sanctus Romano Pontifici: Imminemibus gravissimis periculis in Ecclesiam, ini Concilium & coge, ist est, congrega universale Concilium.

Deinde in capite XXXIII. Sequendo Cardinalem de Turrecremata in Summa lib. III. de Ecclesia cap. LXIV. qui docet dissentientibus Papa & Concilio in his, quæ sunt fidei, standum est judicio Papa in materia à Sede Apostolica definita. Sed in materia noviter per Concilium definenda, regulariter magis standum est judicio Patrum totius Concilii, quam Papæ. Et quibusdam interpositis:

Si tamen talis controversia orta esset, licet, universitati Patrum adharendum esset ratione prædicta, nihilominus nihil videretur convenienter concludendum, quousque concorderet Papa & Patres in unam convenirent sententiam. Et paullo post:

In rebus ad jus Pontificium spectantibus standum est magis judicio Papæ volentis condere legem, si sit rationalis, quam judicio Episcoporum nolentium: Si verò lex non sit rationalis, è contrâ. Hæc ille, in quibus Romano Pontifici non errandi privilegium detrahit, buccinis ut ita dicam non in Gallia, sed in Italia, non Lutetiæ inter Theologos, sed Romæ inter Cardinales crepantibus.

LXXVI. Michael Cardinalis Alexandrinus Moniliani librum approbando suum fecit, & quidquid in libro docetur: Neque verò approbationem suam revocavit unquam, sive ut Pontifex fieret Pius V. sive postquam factus est. Vir pius ac doctus probè noverat, perniciosam esse opinionem, quam nonnulli adulatoris Curiae magistri nuper invexerant. In antiqua Romanæ Ecclesiæ traditione manendum esse censuit.

LXXVII. Hieronymus Albanus Cardinalis in tractatu de potestate Papæ in prima parte num. CXXVI. Quare jam non obscure probatum esse arbitror, Papam errantem, non tamen in fide, à Concilio tanquam ab inferiori judicari non posse. Verum si quispiam objiciat, Papam saltem in casu hæresis judicari per dictum c. si Papa. dicimus, hoc proposita conclusioni non repugnare. Cum enim Pontifex hæreticus, extra Ecclesiam sit, Pontifex esse definit, & Pontificiam potestatem amittit. Infra num. CXXXI. Papa hujus criminis (hæresis) reus, non est Papa. Bellamera & Cardinalis Alexandrinus in C. Anastasius 19. dist. aiunt Papam hæreticum inter alios Pontifices non connumerari. Idem tradit ad L. D. Trajanus §. de testim. milit. Papa hæreticus amplius Papa non est, quoniam hæresis separat omnem hominem ab Ecclesia, ut habetur in C. Conventibus. l. q. 7. Hæc ille quem Bellarminus videre potuit. Nam Commentarios suos Venetiis juris publici fecit, anno MDLXXI. Bellarminus Romæ Theologiam docebat ann. MDLXXVII.

Hæc pauca de sexcentis illius sententiæ Assertoribus, quos

quos Bellarminus ad auctores quinque, Nilum Thessalonicensem, Joannem Gersonem, Jacobum Almainum, Alphonsum Castrensem, & Hadrianum VI. insigni vel dolo vel ignorantia redegit, quò facilius contrariam opinionem communissimam fere omnium Catholicorum appellaret. Non crederetur id flagitii genus, nisi palparetur.

LXXVIII. Sed modò expendendi sunt auctores decem, quos pro contraria opinione Bellarminus allegat; examinanda fides, qua in illis allegandis utitur.

Primus allegatur Sanctus Thomas 2. 2. quæst. 1. art. 10. Sed mala fide allegatur. Thomæ verba sunt: *Utrum ad Summum Pontificem pertineat fidei Symbolum ordinare?* Infra: *Sed contra est, quòd editio Symboli facta est in Synodo generali, sed hujusmodi Synodus auctoritate solius Summi Pontificis potest congregari, ut habetur in decret. dist. 17. Ergo editio Symboli ad auctoritatem Summi Pontificis pertinet.* Respondeo dicendum, quòd sicut supra dictum est, nova editio Symboli necessaria est ad vitandum insurgentes errores. Ad illius ergo auctoritatem pertinet editio Symboli, ad cujus auctoritatem pertinet finaliter determinare ea, quæ sunt fidei, ut ab omnibus inconcussa fide teneantur. Hoc autem pertinet ad auctoritatem Summi Pont. Ad quem majores & difficiliores Ecclesiæ quæstiones referuntur, ut dicitur in decret. dist. 43. Unde & Dominus Luca 22. Petro dixit, quem Summum Pontificem constituit: Ego pro te rogavi, Petre, ut non deficiat fides tua, & tu aliquando conversus, confirma fratres tuos. Et hujus ratio est, quia una fides debet esse totius Ecclesiæ, secundum illud 1. ad Corinth. 1. Idipsum dicatis omnes, & non sint in vobis schismata; quòd servari non posset, nisi quæstio fidei de fide exorta determinetur per eum, qui toti Ecclesiæ præest, ut sic ejus sententia à tota Ecclesiâ firmiter teneatur, & ideo ad solam auctoritatem Summi Pontificis pertinet nova editio Symboli, sicut & alia omnia, quæ pertinent ad totam Ecclesiâ, ut congregare Synodum generalem, & alia hujusmodi. Et paulo post:

*Ad secundum dicendum, quòd prohibitio & sententia Synodi (Ephesinæ primæ) se extendit ad privatas personas, quarum non est determinare de fide. Neque enim per hujusmodi sententiam Synodi generalis ablata est potestas sequenti Synodo novam editionem Symboli facere, non quidem aliam fidem continentem, sed eandem magis expositam. Sic enim qualibet Synodus observavit, ut sequens Synodus aliquid exponeret supra id quòd præcedens Synodus exposuerat propter necessitatem alicujus hæresis insurgentis. Unde pertinet ad Summum Pontificem (nova editio Symboli) cujus auctoritate Synodus congregatur, & ejus sententia confirmatur.*

Hæc si Bellarminus perlegisset omnia, & suis librasset ponderibus, non reperisset unquam, B. Thomam in ea esse sententiam, ut putet Rom. Pontificem seorsum à Concilio in fide & moribus errare non posse. Subductis rationibus cunctis invenisset duntaxat, Symboli editionem novam eatenus ad Romanum Pontificem spectare, quatenus auctoritate illius congregatur Synodus, in qua Symbolum edatur. At istud non est id, quòd queritur. Sed queritur utrum Romanus Pontifex seorsum à Concilio non errandi privilegio fruatur. Hoc genus lemmatis beatus Thomas nunquam sibi sumpsit. Neque ut sumeret, antiquiores vel æquales Theologi fecerunt. Romanum Pontificem tali non frui privilegio, antiqua Romanæ Ecclesiæ ferebat traditio, quæ ætate Doctoris sancti interrupta non fuit. Curia tunc caruit assentatoribus, qui traditionem illam interromperent. Humbertus Generalis Prædicatorum Magister, sub quo Thomas claruit, id videtur ob oculos statueret, cum in secunda parte sermonum, sermone LXX. sine hæsitatione ulla dicit: *Papa, qui est super omnes, potest deponi ab Ecclesiâ, qua tota subest ei, in casu: Quo scilicet vel labitur in hæresim, vel inemendabilis pravitatis reus agitur.* Confessa res erat & manifesta apud omnes, Liberium hæreseos labe pollutum, & ei anathema dictum fuisse, & Honorium à Synodo VI. VII. & VIII. ut Monothelitam damna-

tum esse, & hoc ipsum in indiculo professionis fidei, quam consecrandi Pontifices edebant, apertissime perhiberi. Gratiani decretum terebatur magistrorum omnium manibus, & in distinct. XI. illorum oculis sine dubio tenebat caput si Papa. & capitis glossa, hodiernis subterfugiis vacua. Antiquiores & æquales sancti Thomæ Doctores replicatis Ecclesiæ Analibus invenerant, Constantinopolitanam Synodum primam fidei Symbolum novum citra Romanum Pontificem edidisse, sed Romanum Pontificem fidei Symbolum novum citra Concilium edidisse non invenerant.

Adjuncta sunt hæc, quæ ad intelligenda sancti Thomæ dicta conducunt quamplurimum. Hic enim etsi aliquando vetera novè tractaret, opinionis tamen novæ auctor sponte non erat, in iis potissimum, quæ receptam Ecclesiæ rectionem attinerent. Quo fit, ut si quid in Thomæ dictis extra sui temporis traditionem & fidem decurreret, comprimendum, & ad illam revocandum esset, ne fieret auctor opinionis, cujus auctor esse sciens & prudens nollet.

Adducit quidem sancti Lucæ testimonium, *Oravi pro te Petre, sed quo in sensu illud accipiat, exponit ipse in ejusdem secundæ partis quæst. 11. art. VI. Ad tertium dicendum, quòd minores non habent si em implicatam in fide majorum, nisi quatenus majores inbrent doctrina divina.* Unde & Apostolus dicit prima ad Corinthios IV. imitatores mei estote, sicut & ego Christi. Unde humana cognitio non fit regula fidei, sed veritas divina, à qua si aliqui majorum deficiant, non præjudicat fidei simplicium, qui eos rectam fidem habere credunt, nisi pertinaciter eorum erroribus in particulari adherent contra universalis Ecclesiæ fidem, qua non potest deficere, Domino dicente Luca 22. Ego pro te rogavi, Petre, ut non deficiat fides tua.

Deinde accedit quæstio xxv. art. 1. supplem. in argumento. Sed contra: *Præterea universalis Ecclesiæ non potest errare, quia ille, qui in omnibus exauditus est pro sua reverentia, dixit Petro super cujus confessione Ecclesiæ fundata est, Ego rogavi pro te, ut non deficiat fides tua Luca 22. Sed Ecclesiæ universalis indulgentias approbat & facit, ergo indulgentia aliquid valent.* Hic syllogismus vitiosus est, multasque continet fallacias; aut sanctus Doctor arbitratur, Dominum non pro Petro separatim ab reliqua Ecclesiâ rogasse, ut ejus fides non deficeret, sed pro universali Ecclesiâ, cujus personam Petrus gerebat. Hinc quoniam ex antecedentibus & consequentibus media intelligi illustrarique solent, quæstionis primæ articulus x. inter articulum VI. quæstionis xxv. ex commentariis in quartum sent. de prompta, & quæstionis 11. articulum VI. medius est, & eam ob causam de fide universalis Ecclesiæ, pro qua Christus ad mentem Thomæ oraverit, intelligitur, atque ex subiecta materie intelligi debet.

Id confirmatur ampliùs invicta ratione, quam in eadem 2. 2. quæstionis XI. articulus 11. objicit, cum in responsione ad tertium dicitur: *Sic ergo aliqui Doctores videntur dissensisse vel circa ea, quorum nihil interest ad fidem, utrum sic aliter teneantur, vel etiam in quibusdam ad fidem pertinentibus, quæ nondum erant per Ecclesiâ determinata.* Postquam autem essent auctoritate universalis Ecclesiæ determinata, si quis tali ordinationi pertinaciter repugnaret, hæreticus censeretur. *Quæ quidem auctoritas principaliter residet in Summo Pontifice.* Residet, inquit, principaliter, sed non *exclusivè*, totaliter, ut scholæ verbo utar. At totaliter resideret, si Pontifex seorsum ab Ecclesiâ non errandi in fide & moribus privilegium haberet, quemadmodum Bellarminus Pontificem habere contendit. Cæterum universalis Ecclesiæ auctoritatem, qua pertinet ad fidem aliquid determinatur, in S. Pontifice principaliter residere cum Thomas asserit, continuò proponit oculis suis repræsentans universam Ecclesiâ Concilium, quod S. Pontifex congregat, & ubi Ecclesiasticum dogma



dogma definitur. In tali Concilio Pontifex sibi vindicat duo, quæ vox, principaliter, importat: Concilium cogit, & ibi si adest, ut caput, primum videlicet universalis Ecclesiæ membrum, sententiam dicit; si abest, per Legatos suos rebus definitis assentitur, eoque pacto illas confirmat.

Huc relatæ ad secundum responsionis extrema spectant verba hæc: Unde nova Symboli editio pertinet ad Summum Pontificem, cujus auctoritate Synodus congregatur, & ejus sententia confirmatur. Quæ cum ita sint, perspicue constant duo; primum quid vox principaliter significet; alterum, quod Pontifex seorsum à Concilio indeficientis iudicii privilegium nullum habeat in Thomæ sententia.

Denique idipsum confirmatur ex his verbis: Ad secundum dicendum quod prohibitio & sententia Synodi (Ephesinæ primæ) se extendit ad privatas personas, quarum non est determinare de fide. Cum B. Thomas ita respondet, tacitus innuit prohibitionem & sententiam Ephesinæ Synodi non se extendere ad personas publicas, quæ de fide determinare possent. Sed personæ publicæ tunc essent duntaxat, cum in universali Concilio versarentur, & res fidei deciderent. Sed Romanum Pontificem sine Concilio definientem à privatarum personarum numero neque hinc neque uspiam fecernit.

98 Silvester Prieras, & Joannes Viguerius, præstantissimi è schola sancti Doctoris Theologi duo, hoc, ni fallor, animadvertunt: Ille cum in Summa verbo Concilium ait: Sicut non errat Ecclesia perseveranter, ita nec Papa quandiu est caput Ecclesiæ, & ut caput Ecclesiæ, id est, utens adiutorio membrorum Ecclesiæ per Concilia. Hic cum in institutionibus Ecclesiæ de potestate ipsa condendi Symboli tractat: Dicendum est, inquit, quod Summus Pontifex, ut privata persona errare potest, non tamen ut est Summus Pontifex. Ideo fit, ut, si ut persona privata Symbolum edere temeret, non esset Symbolum, maxime ubi à vera fide deviare. Si autem procedat & pronuntiet ut Summus Pontifex, sive ut Papa, quando observat ritum in Conciliis Apostolorum & sanctorum patrum definitionibus observari solitum, ut puta, quando vocat Concilia sanctorum, id est, Episcoporum, & instat instareque facit orationibus, & invocat Spiritum Sanctum, cujus assistentia Ecclesiæ promissa est, imò & ipse talibus congregationibus assuturum se pollicitus est, non patitur ipsum errare: Et sic quod Papa ut Papa, sive ut Summus Pontifex facit, Concilium ritè congregatum, quod representat universalem Ecclesiam, facit. Sedes enim Romana Concilio ritè congregato directæ in determinationibus fidei & morum sic confirmata est, ut errare non possit. Sic auctores isti Romanum Pontificem, quia Summus est Pontifex & persona publica, & ut caput Ecclesiæ conjungunt Concilio, non ab eo sejungunt.

Hæc est vera & certa tractandi methodus, qua beati Thomæ mens circa Symboli editionem aperitur, & aperta viam omnem ad Curia adulatricis 99 cavillationes quascunque intercludit. Quod si quis nolit acquiescere, & tergiversari pergat, injuriam beato Thomæ faciet. Nam si rationes illius ad Dialecticorum regulas exigantur, vix erit ulla, quæ se ab accidentis fallacia defendat, cum tribus adornata propositionibus comparebit. Tunc syllogismus à non distributo ad distributum procedet, vel in syllogismo multa, quæ Thomas dicit, supprimuntur. Id videre est apud Joannem Celaïam, qui in tertium Sent. dist. xxv. quæst. v. Thomæ rationes explicat, & apud Dominicum Bannem, qui in secundam secundæ textus summam per conclusiones mittit in compendium, quod facilius ad contraria Romanæ Ecclesiæ traditioni & ipsi Doctori sancto dogmata formanda iter sibi iterat.

Secundus allegatur: Thomas Valdensis libro secundo doctrin. fidei cap. 47. & 48. Locus capituli XLVII. sic

se habet: Orthodoxi ergo omnes ad iudices Christi currunt Vicarios & ordinari requirunt, ut tandem planam tenerent veritatem. Propter hoc enim, ut vere credant, licet Doctores & ultra eos Episcopos & inter omnes mortales singillatim acceptos petere Papam, cujus moderamen & decisio pro irrefragabili veritate tenebatur à Patribus. Apud ipsum enim pie credebant, totius fidei nostræ latere mysteria, & pectus ejus imbutum bulyro illo Prophetico, quo sciret reprobare malum & eligere bonum. Locus verò capituli XLVII. est ejusmodi: Et quid mirum si Christo rogante Romana Ecclesia non potest in fide deficere? Non est magnum, hæretice, non est magnum, ut quod per se caderet, Christo sustinente cadere non possit. Et paulo post: Jam solve sophismata, expositiones tuas statue, de sensu composito & diviso intricatos syllogismos intrare compelle; non proderis contra fidem Romanam, quam nec Angelus de calo poterit mutare. Ergo audacter dico, in Christi nomine & Christo juvante Romanam Ecclesiam in doctrina Christi impeccabilem. Ecce tibi loca duo, quibus putat Bellarminus Valdensi sibi suffragari! Sed ille contra propriam mentem Valdensis auctoritate abutitur. Valdensis loquitur de Romana Ecclesia, non de Romanæ Ecclesiæ Pontifice, quem Bellarminus ab Romana Ecclesia distinguit. Nam in libri iv. de Rom. Pont. capite III. sic primum statuit: Sit igitur propositio prima: Summus Pontifex cum totam Ecclesiam docet, in iis, quæ ad fidem pertinent, nullo casu errare potest. Deinde in cap. iv. Secunda propositio: Non solum Romanus Pontifex non potest errare in fide, sed neque Romana particularis Ecclesia. Valdensis probandæ propositioni secundæ inservire potest, si tamen Romanæ Ecclesiæ nomine universalem non intelligat, sed probandæ propositioni primæ inservire non potest. Hinc efficitur, ut Bellarminus judicari debeat auctoritate Valdensis abuti, & mala fide agere.

Præterea Bellarminus dissimulat, quæ Valdensis supra in ejusdem libri II. capite XIX. scribit: Hæc est Ecclesia Symbolica, Ecclesia, inquam, Christi, Catholica & Apostolica, mater credentium populorum, quæ fidem habet indefectibilem secundum promissum Christi ad Petrum, qui tunc figuram gessit Ecclesiæ: Ego rogavi pro te, Petre, ut non deficiat fides tua. Non est ergo specialis Ecclesia, non Africana, ut Donatus dixit, non unius particularis illa Romana, sed universalis Ecclesia, non quidem in generali Concilio congregata, quam aliquoties errasse percepimus, velut illa Ariminensis congregata sub Tauro præfecto, & illa Constantinopolitana sub Justiniano minore tempore Sergii Papæ secundum Bedam, & quedam alia, sed est Ecclesia Christi Catholica per totum mundum dispersa. Quin autem hæc à Bellarmini proposito valde discrepent, neminem dubitaturum opinor. Itaque Valdensis sive pugnet secum, sive non pugnet, Bellarmini non est, quia nunc de Romana Ecclesia, nunc de universali Ecclesia sermonem instituit, & utrique de loco beati Lucæ accommodat. Si Valdensi Romana Ecclesia eadem sit quæ universalis & Catholica, non pugnat secum & Bellarmino adversatur, tantum abest, ut illi prosit. In summa, non potest non mala fide agere, cum Valdensi in suas partes pertrahere conatur. Nam si Doctor ille pugnare secum judicetur, in præteritis relinquendus erat.

Tertius allegatur: Joannes de Turrecremata libro secundo Summa cap. 109. Sed quali fide videndum est. Ex iis, inquit Turrecremata, quæ in superiori Capitulo dicta sunt, datur nobis luce clarissima intelligere, quod tanta soliditate veritatis Apostolicum thronum clementia divinitatis firmaverat, quod iudicium ejus, quæ fidei sunt, errare à veritate non possit. Decebat sane, ut Sedes illa, quæ superni dispositione consilii magistra fidei & cardo omnium instituebatur Ecclesiarum, in his, quæ fidei sunt, hominumque necessaria salutis, ab ipso omnium auctore Deo, cujus providentia in sui dispositione non fallitur, hoc singulari infallibilitatis munere dignaretur, in cuius rei sacramentum primo illius Sedis Pontifici divina dispensationi nomen firmitatis

102 firmitatis imponitur scilicet Petrus, quod Syra lingua rupes interpretatur. Unde beatus Gregorius Eulogio Episcopo Alexandriae scribit Epistola CLXXXI. Quis nesciat sanctam Ecclesiam in Apostolorum Principis soliditate firmatam, qui firmitatem mentis traxit in nomine, ut Petrus à Petra vocaretur, cui veritatis voce dicitur, Tibi dabo claves regni caelorum, cui rursus dicitur, Et tu aliquando conversus confirma fratres tuos? Hæc Gregorius. Hic Bellarminus vel fallit vel fallitur, cum Turrecrematam adducit, qui de Sede Apostolica, hoc est, de Romana Ecclesia sermonem instituit, non de Romano Pontifice, qui ab Sede Apostolica, vel Romana Ecclesia distinctus intelligatur. Turrecremata propositioni secundæ, quam Bellarminus statuit, probandæ inservire posset. Sed propositioni primæ, quam Bellarminus statuit, & pro qua testis producit Turrecremata, probandæ inservire non potest. Quod autem Turrecremata de Sede Apostolica & sedente & de Romana Ecclesia, & ejus Episcopo loquatur, ostendunt cum ipsa Turrecrematæ verba, tum deprompta è Gregorii I. Epistola probatio, & quæ ea in Epistola sequuntur: Itaque cum multi sint Apostoli, pro ipso tamen principatu sola Apostolorum Principis Sedes in auctoritate convalescit, qua in tribus locis unius est: Ipse enim sublimavit Sedem, in qua etiam quiescere, & presentem vitam finire dignatus est. Missum facio Turrecrematam uti expressis quibusdam auctoritatibus, quæ apud sanctum Thomam super Matthæum & in Opusculo contra Græcorum errores Cyrillo Alexandrino Episcopo subiectæ sunt, ut in duabus, ad Antonium Faurum Parisiensem Theologum, Epistolis demonstravi. Verum de Romano Pontifice, in quantum à sua Sede abjunctus intelligitur, Turrecremata sic loquitur, in libri III. de Ecclesia capite LXIV. In materia fidei jam definita per Apostolicam Sedem potius standum est iudicio Papæ, quam Patrum Concilio juxta beatum Hieronymum in cap. hæc est fides: In materia autem nondum ab Ecclesia definita magis regulariter standum foret iudicio Patrum totius Concilii, quam iudicio Romani Pontificis. Colligitur ex cap. Anastasius.

Deinde in libri IV. capite XVI. de modis viginti, quibus aliquis præsumitur pertinaciter errare contra fidem: Decimus septimus modus convincendi specialiter Papam de pertinacia in hæretica pravitate est, si hæreticæ definit solemniter, & à Christianis asserit, tanquam Catholicum esse tenendum. Patet quia talis artans alias ad errorem pertinaciter defendendum est pertinax reputandus. Decimus octavus modus est, cum quis præfata definitioni hæreticæ pravitate facto consentit, consulendo, cooperando, inducendo, & esse taliter asserendo: patet, quia facientes & consentientes par poena constringit. Siccine loqueretur de Romanæ Sedis Episcopo, si eum indeficientis iudicii privilegio gaudere crederet? Siccine Turrecremata, siccine Bellarminus loqueretur de Concilio, cui Romanus Pontifex præesset? Observarentne modum, quo Concilium huiusmodi in materia fidei errare posse deprehenderetur? Turrecremata noster est, non Bellarmini, si Turrecremata ad primam Bellarmini propositionem revocetur, in qua dicit: Summus Pontifex, cum totam Ecclesiam docet in his, quæ ad fidem pertinent, Nullo casu errare potest.

104 Quartus allegatur: Ioannes Driedo libro quarto de Ecclesiast. dogmat. cap. 3. part. 3. Sed non meliori fide, quam Thom. Valdensis, & Joan. Turrecremata. Driedonis referendus est locus: Jam opera pretium est, ait, considerare, quemadmodum accipienda sit sententia ex Scripturis docens fidem usque ad consummationem sæculi non deficere unquam à Petri Cathedra, seu Ecclesia Petri. Ad intelligendum igitur verba Salvatoris dicentis ad Ecclesiam in collegia Apostolorum designatam: Ego vobiscum sum usque ad consummationem sæculi, & ad Pastores universalis Ecclesia designatos in Petro: Simon, Satanas expetivit, ut cribraret vos sicut triticum, Ego autem pro te rogaui, ut non deficiat fides tua. Et iterum: Su-

pra hanc Petram edificabo Ecclesiam meam, & porta inferi non prævalebunt adversus eam: Opera pretium est considerare, quod ex huiusmodi Scripturis firmiter tenendum est, & nullatenus dubitandum, Christum & fidem Petri, nunquam deficere ab Ecclesia Petri, ab Episcopatu Petri, ab Ecclesia Petri usque ad consummationem sæculi.

Verum hic animadvertendum, aliud esse, quod dicimus, primatum, fidem, & claves regni caelorum esse inseparabiles, & non deficere ab Ecclesia, seu diœcesi Romana: Aliud, quod dicimus, ea esse inseparabilia ab Ecclesia, seu Cathedra Petri.

Hoc & insuper considerandum est, aliud esse, quod dicimus, fidem Petri non deficere ab Ecclesia, seu à potestate Petri; aliud quod dicimus, Petrum & ejus successorem aut populum Romanum non deficere unquam à fide. Et qui huiusmodi diversitatem non observat, in sententiis Patrum facile fallitur. Eadem est enim fides Christiana, qua in Petro est & ceteris credentibus, & ideo tamen si deficiat fides in persona vel Petri, aut successoris, vel Romana diœcesi, non ob hoc consequens est, fidem deficere in Cathedra, in Sede, vel Ecclesia Petri.

Proinde & hoc sciendum, quod verbum Christi Patrem rogantis pro Petro, ut non deficiat fides ejus, potest concipi sub triplici intellectu: Vel primum pro eo, ut fides nunquam deficiat à corde Pontificis universalis Ecclesiæ, nec videlicet à persona Petri, nec à persona Pontificis, qui Petro Vicaria ordinatione succedit: Vel secundo, ut fides nunquam deficiat à generali Cathedra, à Sede, ab universali Ecclesia, seu ovibus ipsius Petri usque in consummationem sæculi: Vel tertio ut fides non deficiat unquam à propria Sede vel diœcesi, quam Petrus particulariter pascendum dirigendam & gubernandam suscepit.

Horum primus sensus videtur esse extra intentionem Salvatoris. Neque enim videtur Salvator huiusmodi verbis voluisse Petro omnibusque successoribus ejus promittere perseverantiam fidei usque in finem. Ex quo consequens esset, omnes successores Petri esse ad perseverantiam fidei prædeterminatos. Si quidem & Petrus post illa verba ad tempus defecit à fide, sicut & ceteri Apostoli dicente Scriptura: Exprobravit Jesus incredulitatem eorum, quia his, qui viderant eum resurrexisse, non crediderunt. Unde & testimoniis Angelorum, sanctarumque mulierum de resurrectione Christi visa sunt Apostolis tanquam deliramenta. Verum quidem est, quod Petrus post acceptum Spiritum Sanctum non defecit à fide, sed hoc privilegium non erat speciale Petro, sed & commune ceteris Apostolis, pro quibus & Christus oravit: Pater sancte, serva eos, quos dedisti mihi, & nemo ex iis perivit, nisi filius perditionis. Postremum quamvis propter promissiones Salvatoris sit firma fide tenendum, Petrum non defecisse finaliter à fide, hoc tamen non oportet sic credere de successoribus Petri, qui neque in fide sunt confirmati ut Petrus, neque tales habuerunt promissiones à Christo, qui dixit, Sedebitis super sedes duodecim, &c. Neque videtur ulla Scriptura, qua cogamur credere, universalem Ecclesiam Pontificem non fieri unquam hæreticum. Non oportet igitur accipere verbum Salvatoris: Ego vobiscum sum usque in consummationem sæculi; super hanc, &c. Et porta inferi non prævalebunt adversus eam. Ex quibus consequens est, Christum permansurum cum Episcopatu & Ecclesia & Sede Petri usque in consummationem sæculi. Hoc autem non est sic consequens de Episcopatu, seu Ecclesiis aliorum Apostolorum, deficientibus jam à fide suis ipsorum gregibus. Verum & hoc sciendum est, secundum hanc interpretationem non oportere consequens esse, quod Romana diœcesis certis limitibus ab aliis disjuncta, in qua finaliter Petrus resedit, non deficiet unquam à fide: Aliud potest intelligi Ecclesiæ, seu Cathedra Petri, aliud Ecclesiæ Romana. Si quidem Ecclesiæ, seu diœcesis Romana potest intelligi destructa, permanente Petri Cathedra, qua est Cathedra universalis Ecclesiæ: Unde & tertium intellectum pertinaciter hæretici refellunt, imitati insaniam Judæorum, qui odientes Ecclesiam Romanam expectant finaliter illius interitum.

Bel-



Bellarminus auctorem hunc nunquam legit, quia si legisset, non esset ausus eum, ut libi suffragantem adducere, qui placitis illius tam vehementer adversatur. Sed Driedo pergit: Fuerunt jam olim & alii, qui non pertinaciter, sed quasi probabiliter sententiam defendere  
107 voluerunt ex scripturis, nobis incertum esse, an Romana diæcesis deficiet unquam à fide, & idcirco esse temerarium asserere alteram partem tanquam fidei articulum, cum neutra sit ex Scripturis necessario consequens, neque usquam revelatum sit, quod omnes Christiani à Mahumeta vel Turca non expellantur unquam à Romana diæcesi, aut non transferantur in aliam diæcesim, nunquam amplius reversuri Romam.

Quatenus ergo investigando magis appareat veritas, quædam argumenta subiiciamus adversus eos, qui ex Scripturis conantur demonstrare, Ecclesiam Romanam ita esse fundatam supra firmam Petram, ut non possit à fide deficere. Quibus propositis subnectit:

Non temerè igitur, sed pia fide cum Patribus nostris prædecessoribus creditur, quod fides & primatus Ecclesiæ & Sedes seu Cathedra Petri, claves regni calorum, potestas ligandi & solvendi sint à diæcesi Romana inseparabiles, & quod Deo providente & beato Petro opem ferente Romanus Episcopus seu populus sub Romana diæcesi non deficiet unquam totus à fide, cum videamus ab initio ad hæc usque tempora in tot ac tantis tyrannorum persecutionibus eandem diæcesim nunquam errasse docendo, nec hereticis novitatibus succubuisse credendo; sed antiquam fidei regulam secundum Apostolorum traditionem semper tenuisse. Infra in responsione ad primum: Sic & verba Christi ad Petrum dicta, Ego rogavi pro te Petre, ut non deficiat fides tua, accipienda sunt ut intelligatur, non Petro soli, ut privata persone, sed ut futuro Ecclesiæ universalis Pastori, & ideo quod Petro promittitur, dignitati Cathedra Petri promittitur; proinde & intelligitur promissum omnibus, qui Petro in dignitate pastoralis succedunt, cum in Petro intelligantur & ipse & omnes successores illius.  
108

Rursus intelliguntur de fide permansura, non apud personam Petri & successorum ejus, sed apud Sedem, dignitatem Pastoralem, Cathedram seu Ecclesiam Petri: Sic sensus erit, ut non deficiat fides tua, ut non prorsus pereat fides à Sede tua, à Cathedra tua, intelligendo, Sedem, Cathedram, seu Ecclesiam, non solum universaliter, sed specialiter futuram ad curam Petri & successorum illius. Quo fit, ut verba Christi dicta Petro ex consequenti intelligantur dicta Romana Sedi, cui præsidet Episcopus, qui Petro legitima electione succedit. Non est igitur arbitrandum absurdum, si Christus specialiter videtur orasse pro diæcesi ipsius Petri, & successorum ejus. Talem siquidem intelligentiam habuerunt Cyprianus, Bernardus, ceterique Patres ex eadem doctrina Salvatoris arbitantes, apud Ecclesiam Romanam fidem non perituram, usque in consummationem sæculi. In Romana Sede hætenus nullus sedit Hæresiarcha, qui docendo definierit aliquid fidei nostræ repugnans. Neque hæresis ulla illinc sumpsit initium, sed mos ibi servatur antiquus. Defecit Hierosolymitana Ecclesia, cui Jacobus præsedet: defecit Achaia, ubi Andreas, Asia, ubi Ioannes, India, ubi Thomas, &c. Romana Sedes hætenus manet in fide Christi erecta. Infra: Quamvis igitur donemus nondum fuisse Romanam Ecclesiam, cum Christus diceret Petro, Ego pro te rogavi, Petre, non tamen oportet dicere, inde consequens esse, quod Christus tunc non rogavit pro Romana Ecclesia. Nam & eadem ratione consequens esset, Christum non rogasse pro ulla Ecclesia, quia cum Christus hoc diceret, nondum erat ulla Petri Ecclesia. Infra: Hætenus de Ecclesia Christi, quænam sit, & apud quos sit, & apud quos non sit, & quemadmodum permansit una ab origine mundi, crescens usque ad consummationem sæculi, & quemadmodum oporteat omnem particularem Ecclesiam, omnemque Episcopatum subesse cathedræ Petri, & quonam pacto sit, accipiendum, quod fides nunquam deficiat à Petri cathedræ. Hæc paullo longiora descripsi, quod facilius Driedonis mens in-

telligeretur. Hac autem rectè intellectâ & subductis rationibus omnibus apparet, Driedonem ad secundam Bellarmini propositionem referri posse, non ad primam, pro qua tamen auctor ille in testem adhibetur.

Neque verò Bellarminus verbis istis, in Romana Sede hætenus nullus sedit hæresiarcha, uti potest, ut suam confirmet sententiam, quia Driedo quæstionem facti, non juris tractat, quam si tractaret, omnino diceret: In Romana Sede nullus sedere potuit hæresiarcha: Sed dicit, nullus sedit hæresiarcha: Et hæc est facti quæstio, quæ & particulâ hætenus, valde confirmatur. Sic enim aliquis posset dicere, in Viennensi, in Lugdunensi, in Turonensi Sede, hætenus nullus sedit hæresiarcha, qui docendo definierit aliquid fidei nostræ repugnans. Exinde tamen non sequitur Viennensem, Lugdunensem, Turonensem Episcopum indeficientis iudicii privilegio frui. Bellarminus facti quæstionem cum juris quæstione confundit. Quidquid id est, postrema capitis verba concludunt: Hætenus de Ecclesia Christi, quænam sit & apud quos sit, & apud quos non sit, & quemadmodum permansit una ab origine mundi, &c. & quonam pacto accipiendum sit, quod fides nunquam deficiat à Petri cathedræ. A Petri, inquit, cathedræ, non à Petri successoribus, de quorum non errandi privilegio mentionem nullam facit.  
110

Sed utinam Bellarminus legisset, quæ auctor tradit in capite proximo, nimirum iv. ubi contrariam omnino sententiam recipit: Papa in causis fidei & schismatis personam suam tangentis atque concernentis subicitur iudicio universalis Ecclesiæ. Quamobrem si ipse fieret hereticus, aut schismaticus, aut argumentis probabilibus de his suspectus, pertinaciter defendens contrariam Evangelio Christi doctrinam, ipse esset ab Ecclesia monendus, corripiendus, & si contumax fieret, iudicandus tanquam anathema, & vel deponendus, vel declarandus propter contumaciam ab Ecclesia fuisse depositus à tempore, ex quo talia docere, aut predicare cæperit.

Deinde in libri 11. de Christiana libertate cap. 11. Sententia Papa circa fidem tanta Concilii moderatione concipi debet, tantæque maturitate patientia decoqui, & tanta deliberationis gravitate, ut omnino recta sit credenda. Verum quia Papa, quatenus homo talem modum deliberationis circa ea, quæ sunt fidei, potest omittere, & inniti proprio sensui, propriæque prudentiæ; idcirco etiam plerumque liceret examinare literas mandatorum. Papa definientis, aliquid credendum esse, aut fide tenendum. Hæc Driedo, quem Hadriani VI. aluerat schola: utrobique noster est, non Bellarmini. Bellarmini adversarius est, sed illum subornare voluit. Heu prisca & integra fides!

Quintus allegatur Cajetanus in Opusculo de potestate Papæ & Concilii cap. 9. Sed verè: Sic enim Cajetanus scribit: Dicendum est, quod errore personalis certum est, quod Papa, quia est una singularis persona, magis potest in fide errare, quam totum residuum Ecclesiæ. Sed hoc non spectat ad propositum. Error autem iudiciali in fide est è converso, quia magis potest errare communitas Ecclesiæ sine auctoritate Papæ, quam Papa: Et ratio est, quia error Papæ in diffinitiva sententia fidei, est error totius Ecclesiæ, & verè universalis Ecclesiæ capitis & membrorum: Quia ad ipsum spectat determinare finaliter de fide, quid tenendum & quid repellendum, ut ab omnibus inconcussa fide teneatur, ut sanctus Thomas in tractatu contra errores Græcorum cap. 67. auctoritate Cyrilli & Maximi ostendit.

Et primò quidem quibus argumentis probaret, residuum corpus Ecclesiæ personali errore minus errare posse, quam Pontificem, iisdem probaretur, residuum corpus Ecclesiæ iudicali errore minus errare posse, quam Pontificem. Atque ita inutilis est & gratuita illa distinctio, quæ à Cajetano ut disputandi principium certum assumitur.

Deinde sophismate laborat ratio hæc: Error Papæ in diffini-

diffinitiva sententia fidei est error totius Ecclesie. Fallax est conclusiuncula, quam Joannes Driedo rectissime pervidit, cum ait: *Hoc & insuper considerandum est, aliud esse, quod dicimus, fidem Petri non deficere ab Ecclesia, seu a potestate Petri, aliud quod dicimus, Petrum & ejus successorem aut populum Romanum non deficere unquam a fide, & qui hujusmodi diversitatem non diligenter observat in sententiis Patrum, facile fallitur.* Eadem enim est fides Christiana, qua in Petro est, & in ceteris credentibus, & idcirco tamen si deficiat fides in persona Petri aut successoris vel Romana diocesis, non ob hoc consequens est, fidem deficere in cathedra, in Sede, vel Ecclesia Petri. Errat, inquit ille, Papa in fide, ergo errat Ecclesia in fide: quis consecutionem hanc ferat, nisi a divinis ad conjuncta velit concludere?

Tum Cajetanus in ratione hac supponit Papam esse plusquam primum membrum Ecclesie, & ea in re Gregorio Magno adversatur. Sic enim in libri IV. Epistola XXXVIII. scribit ad Joannem Constantinopolitanum Episcopum: *Certe Petrus Apostolus primum membrum sancte & universalis Ecclesie est. Paulus, Andreas, Joannes quid aliud, quam singularium sunt plebium capita? Et tamen sub uno capite (Christo) omnes sunt membra Ecclesie.*

Supponit Papam esse gradu plusquam Episcopum: quod repugnat Symmacho Papæ scribenti: *Unum esse inter diversos antistites Sacerdotium ad instar Trinitatis, cuius una est atque individua potestas.*

Gregorio I. dicenti: *Quid ergo nos Episcopi dicimus, qui honoris locum, ex Redemptoris nostri humilitate suscepimus?*

Gregorio VIII. pronuntianti: *Quoniam ad Episcoporum maxime spectat officium afflictis & laborantibus subvenire, unumque illorum licet deficientibus meritis me esse voluit, proficere tenemur.*

Romanæ traditioni, qua unusquisque Papa Episcopus simpliciter appellatur.

Romanæ consuetudini, qua unius Sedis Episcopus ad Romanam Sedem absque consecratione nova transferitur, atque ita Romanus Episcopus vocari incipit.

113 Ecclesiasticis officiis, in quibus pro Papa sic oratur: *Oremus & pro beatissimo Papa N. ut Deus & Dominus noster, qui elegit eum in ordinem Episcopatus, saluum & incolumem custodiat Ecclesia sua sancta ad regendum populum sanctum Dei.*

Tridentino tandem Concilio decernenti: *Siquis dixerit in Ecclesia Catholica non esse hierarchiam divina ordinatione institutam, que constat ex Episcopis, Presbyteris, & ministris, anathema sit.* At R. Pontificem in hierarchiæ definitione hac non comprehendit ut Episcopum, quis nisi hæreticus diceret?

Tum argumentum illud, quo Cajetanus utitur, philosophicum est potius, quam Theologicum. Nempe ex duobus veræ Theologiæ principiis minime ducitur, Scripturæ sacræ auctoritate, & Catholica Ecclesiæ traditione. Quinetiam suppositis apud sanctum Thomam Cyrilli & Maximi testimoniis totum quantum est fulcitur. Suppositionem, quæ Cyrillum attinet, in priori ad Antonium Faurum Epistola, & suppositionem, quæ Maximum, in media ad Paulum Ratuynum Epistola patefeci. Non est opus repetere momenta rationum, quibus suppositionem ostendo. Ibidem facile legi possunt. Sed observare pretium est operæ, Cajetanum questionem hanc tractasse deterius, quam Lutherus tractari posse cogitaverit, dum scholasticam Theologiam per ludibrium ita definiit: *Scholastica Theologia est ea, quæ à Parisiensium Sorbona mixtionem quadam ex divinis eloquiis & philosophicis rationibus, tanquam ex Centaurorum genere biformis disciplina conflata est.* In Cajetani argumento sacra Scriptura nulla laudatur. Patres quidem laudantur duo, Cyrillus & Maximus. Sed subdititia sunt illorum testimonia.

114 Cajetanus pergit sic argumentatus: *Impossibile est universalem Ecclesiam errare in fide, ergo impossibile est Pa-*

pam in iudicio diffinitivo auctoritative errare in fide. O sophisticum & fallacem disputandi modum! Quo falsitas asseritur, non veritas, à conjunctis ad divisa philosophatur: Quasi verò quæ corpori Ecclesiæ conveniunt, singulis partibus corporis convenirent, ut argumento pari convenire probares, si quid eo probaretur? Id est adeo perspicuum, ut necesse non sit, in complexionem inferri. Dialecticæ tyrones illud manu contingunt. Vitium hoc alteri simile est, quo Papa, distributivum nomen, & Ecclesia, collectivum nomen, *συνολικόν* usurpantur, & in eandem significationem conferuntur, ita ut quod Ecclesiæ, colectivo nomini, proprium est, cum Papa, distributivo nomine, communicetur. Ab hac autem questione si abigantur vitia duo hæc, Cajetanus, & reliqui Curie palpatores, quo confugient, supererit pene nihil. Istimum deinceps perfodient.

Quidquid id est, Cajetanus sibi sumit, R. Pontificem unum esse universali Ecclesiæ Pontificem, vel universalem Episcopum eo in sensu, quem ut hæreticum Gregorius Magnus procul abiecit. Hoc judicabis mecum, si velis in libri IV. Epistolam XXXII. ad Mauritium Augustum inspicere, cum Joannem Constantinopolitanum sic impetit: *Universa ergo Ecclesia, quod absit, à statu suo corrumpitur, quando, qui appellatur universalis, cadit.* Iterum in ejusdem libri Epistolam XXXV. ad Eulogium Alexandrinum & Anastasium Antiochenum: *Si hoc dici licenter permittitur, honor Patriarcharum omnium negatur: Et cum fortasse is in errore perit, qui universalis dicitur, nullus jam Episcopus remansisse in statu veritatis invenitur.* Tum demum in libri VI. Epistola XXIV. ad Anastasium Antiochenum: *Et ut de honoris vestri injuria taceam, si unus Episcopus vocatur universalis, universa Ecclesia corrumpitur, si unus universus, cadit.* Sed absit hac stultitia, absit hæc levitas ab auribus meis. His tribus in locis Gregorius Cajetani rationem non modò solvit, sed etiam vehementer impugnatur, ostenditque quàm periculosum & perniciosum Ecclesiæ sit, uni, quisquis ille sit, non errandi privilegium attribuere. Non attribuebat sibi soli, cum de celebrandis seu provincialibus seu generalibus Conciliis agebat, vel cum ad Natalem Salonitanum Episcopum scribit in libri II. indict. X. Epistola XXXVII. *At postquam nos auctore Deo unum sumus, si ea, quæ nobis corrigenda sunt, tacemus, valde delinquimus, Ecce fraternitas tua egre tulit se de conviviis à me esse reprehensam, diu ego, qui etsi hanc non vita, tamen loco transgredior, ab omnibus corripitur, ab omnibus emendari paratus sum.* Seipsum non ut privatum hominem, sed ut Pontificem Summum, & publico munere fungentem attendit.

Sextus allegatur Stanislaus Hosius libro 2. contra Brentium, qui est de legitimis iudiciis; Sed minùs sincere, ut constabit ex illius dictis, quæ sunt ejusmodi: *Non fuit hic (Vigilius) Pontifex in primo suo ingressu Cæpha dissimilis, effecit tamen Sedis hujus Apostolicæ privilegium, ut à fide non potuerit aberrare quòdque prius impie promiserat, id pie postea negavit.* Ac eo, quo Christianum Pontificem decebat, animo tulit omnia potius fortiter quamlibet acerba, quàm ut aliquid indignum Petri successoris de religione statueret. Ex quo videre licet, quantum sit Romana Sedis privilegium. Nam ut ab aliis peccatis non semper immunes fuerint Romani Pontifices, obtinuit tamen hoc venerabilis & efficax oratio Christi, quemadmodum scribit sanctus Leo, quod hætenus fides Petri nec defecit, nec defectura creditur in throno illius in sæculum. Quæ proprie sunt inferorum porta, nunquam adversus hanc Sedem hæreses illa prævaluerunt, nec deinceps etiam per Dei misericordiam prævalerunt. Infrà, postquam Pontifices nonnullos Liberium & Honorium & alios ab hæresi liberavit ut potuit, subiungit: *Ceterum ut aut eligatur hæreticus, aut qui Catholicæ sedens in Petri cathedra Pontifex hæresim aperte profiteatur, non facile fieri posse credent ii, quibus persuasum est, efficacioribus fuisse.*



fuisse, quam pro Petro fudit ad Patrem suum caelestem orationem Christus, ut ne deficeret fides ejus quam ut pro sua reverentia exaudiri non potuerit. Hæc ille duntaxat, in quibus indeficientis iudicii privilegium Romano Pontifici seorsum à Sede non tribuit, ut tribuisse docet Bellarminus in prima propositione sua. Immo privilegium istud Sedi seorsum à Sedente tribuit Holius, ut de Vigilio potest observari, sed Sedenti seorsum à Sede nequiquam tribuit. Atque Hosius à nostris potius, quam à Bellarmini stat partibus.

Septimus allegatur Joannes Ekius lib. 1. de primatu Petri cap. 18. Sed utique minùs sincerè. Verba sunt: Proponitur, nullum Papam errasse definitivè, Ecclesiam Romanam non posse errare: Sed fundatà Ecclesià super Petrum, porta, hoc est, hereticorum doctrina non prævaluerunt contra Ecclesiam. Nam alia Ecclesia particulares defecerunt, 117 ut, prob dolor! Ecclesias perdidimus Patriarchales, Constantinopoli, Hierosolymis, Alexandria, & Antiochia; omnis Africa nobis adempta est per infideles, licet prius sæpe defecerint, hereticis in his Sedibus debacchantibus & invalescentibus. Inconcussa tamen mansit fides Catholica apud Sedem Romanam, erecta salus & doctrina Christiana integritas. Defecit Achaia, ubi Andreas, defecit Asia, ubi Joannes, &c. predicavit. Roma semper in fide accepta stabilis permansit. Nullus in ea unquam sedit hæresiarcha, adeò quòd etsi non defuerint in eo præsidentes mali, autamen non memini me audivisse vel legisse, per Romanum Pontificem diffinitivè, & per sententiam aliquid promulgatum fidei nostræ repugnans, NISI MOX DIVINA FUERIT SUBSECUTA ULTIO. Non nego tamen aliquos fuisse conspersos hæresi, aliquid erronei attenasse. Nonne hoc est mirificum opus divinum? Homines enim hoc non possent in tanta rerum mutatione, quod jam anno MD. ubi præfederunt Pontifices CCXXXIX. A vera fide publicè diffiniendo nullus defecit. Hoc enim ætatum sanctissimi existimaverunt viri, non ob aliam arbitror causam, quam quòd supra Petram firmata sit, adversus quam porta inferi, hereticorum si nulle Arrii, Sabellii, &c. oriantur, semper ipsa manebit incolumis, quod ut verum credas, probatissima afferam testimonia. Hic auctor opinionem suam de capitis sui titulo præjudicat, & se à Bellarmino perperam citatum ostendit: Nullus, inquit, Papa erravit definitivè; Ecclesia Romana errare non potest. Propositiones sunt duæ. In priori, quia facti est, non juris, Bellarmino nil prodest, in posteriori favet. De priori, non de posteriori propositione nunc agitur. Tum indeficientis iudicii privilegio donatos non esse 118 Romanos Pontifices apertè significat cum ait: Non memini me audivisse vel legisse per Romanum Pontificem diffinitivè, & per sententiam aliquid promulgatum fidei nostræ repugnans, NISI MOX DIVINA FUERIT SUBSECUTA ULTIO. Bellarminus non ita loquitur, nec ita loqueretur alius, qui quod Bellarminus sentit de Pontifice, sentiret. Quod autem Ekius in Romanis Pont. admiratur, admiratione quidem dignum videtur, sed illud singulare non est. Nam possum Ekii verbis utendo dicere: Non memini me audivisse vel legisse per Viennenses vel Lugdunenses Episcopos diffinitivè & per sententiam aliquid promulgatum fidei nostræ repugnans. Qua ex oratione non liceret inferre, Viennensibus aut Lugdunensibus Episcopis non errandi privilegium fuisse concessum.

Præterea Bellarminus neglexit legere & intelligere, quæ in ejusdem libri capite XI. tradit: Vide candidè lector dominum Gersonem de aseribilitate Papa consid. XVI. Et paullo post: Unde verior apparet mihi sententia, Papam hereticum non esse depositum, sed deponendum ita, quòd sicut nullus sit jam legitimè Papa, nisi per electionem Cardinalium, aut aliorum quibus hæc potestas collata fuerit, sicut Constantia est actum, sic non desinit esse Papa eo vivente, nisi per legitimam destitutionem. De quo plura possent adduci. At hoc non est necessarium principale institutum. Qui de Romano Pontifice sic loquitur, illi non attribuit indeficientis in fide iudicii privilegium. Lectorem suum ad Gersonem remittit.

Octavus allegatur Joannes à Lovanio in libro de perpetua cathedræ Petri protectione & firmitate cap. 11. Sed qua fide pronunciare non audeo. Librum hunc satis diligenter quæsi, nec tandem invenire potui. 119 Rarus admodum debet esse liber, quem nec Josias Simlerus æqualis in Epitome Scriptorum, nec ætate suppar Antonius Possevinus in Apparatu Sacro annotarunt, cum opera Joannis à Lovanio recensuerunt: Valerius Andreas, Possevinus junior, cum in Athenis suis Belgicis facit Joannis à Lovanio, seu Hesseli librorum indicem, designat quidem librum hunc, quem quærimus, sed utrum editus sit, & si editus, quo in loco sit editus, minimè designat, adeò ut non sit improbabile, Valerium Andream librum illum nonnisi apud Bellarminum vidisse. Sic rei fides tota erit penes Bellarminum unum.

Cæterum si de libri titulo res præjudicaretur, dicerem Joannem à Lovanio citari fide non bona. Siquidem auctor ille potuit de perpetua cathedræ Petri protectione & firmitate agere, nec agere propterea de Romano Pontifice seorsum à Petri cathedræ vel Sede Apostolica, cui præsidere, cujus se esse Episcopos Romani Pontifices ipsimet asseverant. At Bellarminus de S. Pontifice per se & præcisè loquitur, ac propositionem primam statuit. Verùm interea dum Joannis à Lovanio videre librum mihi licuerit, pono eum à Bellarmino bona fide laudari, tametsi jure ponere non possem. Jam enim sæpe ostendimus Bellarminum in laudandis auctoribus bona fide non semper uti: Semel malus in eodem mali genere semper præsumitur malus, est juris regula, qua non utor impræsentiarum.

Nonus allegatur Petrus Sotus in Apologia sua part. 1. cap. 83. 84. & 85. sed nulla vel exigua fide. Videntur est. In cap. LXXXII. quòd à Bellarmino præteritur, 120 propositio est hæc, Tota Ecclesia major est, quam singula privata Ecclesia, quæ facem Soti dictatis omnibus præfert. Eam Bellarminus omisit, quippe quæ Romanum Pontificem Ecclesiæ subiciat. At verò Ecclesiæ cum Pontifex subiectus sit, ab illa corrigi potest. Nec corrigi posset, si non posset errare.

In cap. LXXXIII. discutitur locus hic: Ego pro te rogavi, Petre, ut non deficiat fides: Manifestè Petro specialiter dici totus ostendit contextus: Simoni ait, Ecce Satanas expetivit vos ut cribraret, sicut triticum. Primi dicit omnes expetitos à Satana, & statim. Ego autem, inquit, rogavi pro te ut non deficiat fides tua. Orat cerè etiam pro aliis: Ego, inquit, non pro mundo rogo, sed pro his, quos dedisti mihi: Orat pro omnibus: Sed quòd specialiter pro Petro & ad Petrum dicitur, rogavi pro te, speciale aliquid ostendit; Et id præcipue quòd sequitur, in aliquando confirma fratres tuos. Cum enim proposita omnium tentatione unus jubetur confirmare omnes, apertè unitas fidei ostenditur, quæ quòd in omnibus eadem esse debet, merito exigit, ut ad unum tandem pertineat eorum in omnibus confirmatio, ut unus ultimus sit iudex & unitatis conservator. Si hoc non esset necessarium, nequaquam uni præciperetur, Confirma fratres tuos. Quod ut probet, laudat Marci Papæ ad Athanasium Epistolam quæ subdititia est. Et post alia: Hæc oratio pro Petro specialiter fusa impetravit illi, ut etsi lapsus fuerit, non tamen in finem usque perseveraverit, sed mox redierit per penitentiam: Hæc obtinuit ut deinceps fortior effectus confirmaret fratres.

In cap. LXXXIV. Instante hac hora, in illa ultima cœna lapidi illi suo, quem deputaverat fundamento, quem 121 construxerat, in eo specialius loquitur: Ecce, inquam, Satanas expetivit vos: Ego autem rogavi pro te, in hac significans tentatione communi omnibus specialem sibi curam esse de Petro, & quòd libero suo arbitrio dimissus casurus esset, & sese aversurus à Christo, ne cum hoc conspiceret, deficeret animo, & in eam laberetur desperationem, in quam & Judas. Ego, inquit, rogavi pro te, non prævalebit, nec diu tenebit te ille casus: Et ideo conversus ab illa negationis aversione, & conversus ad agnoscendam indignitatem suam, quam nunc quasi fortitudinem 122

jaſtat, animam pro te ponam, & paratus ſum tecum in carcerem & mortem ire.

In cap. LXXXV. Hac igitur circa Petrum à Chriſto perfectâ, non ſolum illum ſingulariter reſpexiſſe, aut ad eum ſolum pertinere, ſed ad ſucceſſores etiam ſuos in eo munere & magiſtratu, qui tunc inſtituebatur, perſuaſit Chriſtus ipſe Eccleſia, ut ita agnoſceret perpetuum munus, perpetuum gradum, qui perpetuò in eo maneret, inſtitutum eſſe in Petro: Magiſtratum, inquam, proprium Eccleſiæ, & unius hominis à Chriſto dependentem primatum, quo præcipuè unitas Eccleſiæ conſervaretur. Et hæc ſunt in argumentis præcipuis, quibus hic auctor beati Petri & ſucceſſoris ejus primatum adverſus Brentium defendit, ſed ibi quæſtionem non tractat, cujus vadem illum ac ſponſorem Bellarminus appellat. Sotus ne verbum quidem ullum facit de publico fidei judicio, quod Romanus antiſtes ſeorſum à Synodo vel cum Synodo pronuntiet. Hæc eſt tamen quæſtio, in qua Sotus, ſi legitime citaretur, Bellarmino præluce debuit, nec præluxit. Exinde prorsus efficitur, ut à Bellarmino mala fide laudetur. Sotus rem contra Bellarminum decidit ſcribens; Totam Eccleſiam ſingulis privatis Eccleſiis, in quibus ſine dubio eſt Romana, majorem eſſe.

Neque verò id ſatis eſt: Petrus Sotus in Catholica fidei aſſertione, quam adverſus Wirtembergensem Confeſſionem Tridentinæ Synodo oblatam exaravit, de Summo Pontifice, de Eccleſia, & de Conciliis multa, eaque præclara ſcribit, ſed ibi de indeficientis judicii privilegio, quod Romano Pontifici ſeparatim ab Eccleſia & Conciliis proprium ſit, ne gry quidem. De Conciliis hæc tradit: Inferiora Concilia à ſuperioribus corrigi, ſuprema verò & univerſalia à nullo inferiori judicari poſſe. Quare omnes ad ea ſuſcipienda tenentur, ſi legitime celebrata ſint: Quia ergo ſi errarent in fide & moribus, totam Eccleſiam neceſſe eſſet errare, Promiſſio Chriſti facta Eccleſia, porta inferi non prævalebunt adverſus eam, univerſalibus Conciliis facta eſt, & per illa Eccleſia. Certa ergo fide tenendum eſt, ea nunquam in fide erratura. Tum poſtquam retulit verba Concilii, quod Actuum cap. xv. celebratum eſt ab Apoſtolis, ſubnectit: Ecce exemplar & neceſſitas Conciliorum, atque ordo & auctoritas. Complexio hæc, quam alienus à Bellarmini doctrina ſit auctor, perſpicuè demonſtrat, & Bellarmini propoſitiones multas & cum primis eam, qua de agitur, funditus evertit.

Decimus & ultimus allegatur Melchior Canus libro ſexto capite 7. de locis. Sed ſincere allegari nequit, niſi capitis argumentum à capite ſejungatur. Laudatum à Bellarmino caput ſic inſcribitur: Rationibus Theologia probat, Romanum Pontificem in fidei controverſiis finiendis errare non poſſe. At in capitis decurſu Romana Eccleſia vel Sedes Apoſtolica Romano Pontifici conjungitur. Nec in Bellarmini ſententia conjungi debet. Sed ne credas falli me, aut velle fallere, id mox intueberis.

Canis ratio prima hæc eſt: Ad Romanam Sedem Episcopii Eccleſiarum in cauſis quibuſque graviffimis provocant; ab illius ore fideles fidei ſemper oracula petierunt. Provocationes illæ quò ſpectent, in epiftola ad Jacobum Boëtium expendi. Profectò non ſpectant, quò Canus ſpectare putat. Rationi præterea huic Okamus ſuprà reſpondit.

Ratio ſecunda: Quid? quod ipſo etiam rerum experimēto comperimus Chriſti de Petro & ſucceſſoribus vaticinia in Eccleſia Romana maniſeſtius impleri? Romana hæc Eccleſia vel particularis, vel forſan univerſalis intelligenda eſt.

Ratio tertia: Adhæc cum Concilia & provincialia & generalia ſine Romani Pontificis auctoritate nonnunquam erraverint, nunquam autem, ſi Romani Episcopii auctoritate firmata ſunt, ſatis perſuaſum eſſe debet Concilio-

rum atque adeò totius Eccleſiæ firmitatem à Romano Pontifice derivari. De quo quoniam in loco ſuperiore multa illinc lector aſſumeret, qua ad hujus argumenti explanationem pertinebunt, Aſſumo quæ ſequuntur: Præterea Martinus V. in Concilio Conſtantiensi inter reliquas interrogationes, quibus ſuſpecti in fide ſunt examinandi, eam etiam proponit, utrum credant, quòd quodlibet Concilium univerſalem Eccleſiam repræſentet. Si igitur Concilium generalis Eccleſiæ habet auctori aatem, qui illum de medio tollit, totius Eccleſiæ auctoritatem eadem opera diſſolvit. Argumentum hoc Canis rationem tertiam funditus deſtruit, tantum abeſt ut illam explicet, quia generalis Concilii auctoritas cum ab univerſali, quam repræſentat, Eccleſia deriveretur, à Romano duntaxat Pontifice derivari non poteſt. Cum hac in re Canus pugnet ſecum, ab hac cauſa merito repellitur.

Ratio quarta: Si in definienda fidei quæſtione Romanus Episcopus errare poſſet, redditur ſtatim incerta nobis multarum hæreſum condemnatio. Pleraque enim non ſunt damnata per generalis Concilii, ſed per Romanam Eccleſiam judicium & decretum. Si in antecedente Romanus Episcopus à Romana ſeparetur Eccleſia, & ſi in conſequenti Romana Eccleſia à Romano non ſeparetur Episcopo, vitioſa eſt penitus ratio. Si utrobique duo illa conjungantur, vitioſa quidem non erit ratio, ſed inutilis Bellarmini, qui de Rom. Pontificis ſolius judicio diſputat. Tum multæ ſunt hæreſes, quæ & ab Episcopis & ab Episcoporum Synodis damnatæ ſunt, inconfulto Romano Pontifice, ut in fine epiftolæ ad Jacobum Malateſtam oſtendi. Ex damnatione tali perinde colligeretur non errandi privilegium Episcopis convenire. Quidquid id eſt, Canum non agere de Romano Pontifice, quemadmodum Bellarminus agit, Canus ipſe luculenter docet quæſtione hac:

Sed quæris, inquit, Eritne hæreticum aſſerere, Romanam Eccleſiam degenerare quoque ut ceteras poſſe, & Apoſtolicam etiam Sedem à fide poſſe Chriſti deficere? Non dicit: Quæris, Eritne hæreticum aſſerere, Romanum Episcopum degenerare ut Alexandrinum, vel Antiochenum, vel Conſtantinopolitanum poſſe, vel Romanum Episcopum à fide poſſe Chriſti deficere? Sed ait, Quæris id, quod propoſuimus: Huic quæſtioni breviter reſpondemus. Nolumus hic nos Eccleſia ſententiam prævenire, ſed ſi ad generale Concilium referatur, hæreſeos nota errori illi inuretur. Non dicit: Nolumus hic nos Romani Pontificis ſententiam prævenire. Dicere debebat, ſi Romano Pontifici ſeorſum ab Eccleſia non errandi privilegium in eſſe crederet, ut Bellarminus credit.

Deinde quæſtionis hujus deciſionem non refert ad Romanum Pontificem, ut referre debebat, ſi eum in deciſione falli non poſſe cenſeret, ut Bellarminus cenſet. Sed ad generale Concilium refert, ut ad unicum eumque ſupremum judicem, qui decidendo falli non poſſit.

Tum Canus reſponſionem ſuam Cypriani & Hieronymi testimoniis confirmat: Sed ille non ignorabat, vel quid Cyprianus de Stephano Romano Pontifice in epiftolis ad Jubaianum, & Pompeium, & in præfatione Carthaginiensis Concilii ſenſerit, vel quid Hieronymus de Liberio Romano Pontifice & in Chronico, & in libro de viris illuſtribus ſcripſerit.

Denique in capite VII. non ſolum concedit in hæreſim lapſos eſſe Liberium & Honorium, ſed id contra Pighium per unam paginam confirmat, & ſubjicit: Præterea illud caput ſi Papa 40. diſt. quod pro nihilo habet Campenſis, nos maximi habere debemus. Et quibuſdam interpoſitis: Non eſt igitur negandum, quin Summus Pontifex hæreticus eſſe poſſit, cujus rei exemplum unum & item alterum forſitan proferretur. At quod in fidei judicio contra fidem definierit, ne unum quidem proferri poteſt. Et poſt alia: Fides interior Romani Pontificis non eſt Eccleſia neceſſaria, nec illius occultus & privatus mentis error Eccleſia Chriſti nocere poteſt. Quapropter non eſt neceſſe, ut interioris fidei conſervatione Romanis Pontificibus Deus



semper affisat. At quod dum ea decernunt, qua fidelibus credenda sunt, dumque Ecclesiam Christi in fide dirigunt, non deficiant, sed divina manu teneantur, id Ecclesiae opus est, idque proinde Romanis Episcopis etiam imbecillis & aliis privatim errantibus non negabitur, ne videlicet per publicam potestatis errorem Ecclesiam faciant in communi veritatis ignoratione versari.

Scilicet ad distinctionunculam istam eruditus magister ita docere, seu potius delirare poterit: Romanus Pontifex id privatim de Christo credit, quod Arius credebatur, & simul in publico fidei iudicio decernit, non esse credendum, quod credebatur Arius, & quod ipse cum Ario firmiter sed occulte credit. Quis modò non intelligit tam miserabilem, & tam inopportunam esse negotio huic Cani distinctionunculam, ut ea lacrymis discutienda sit potius, quam risu?

His autem omnibus sic positis certa sunt duo: Primum, quod Melchior Canus pugnantia & involuta multa in hoc argumenti genere scripsit, seque eo pacto reddidit indignum, qui hac in causa audiat. Deinde, quod ille nec Bellarmini studiis favet nec favere potest. Romanam enim Sedem à Sedente Pontifice distinguere non vult. Bellarminus distinguit, etiamsi in propositionis suae probationibus fraudulenter conjungat.

LXXIX. His ita, ut rei gravitas postulat, expensis, è numero Theologorum decem, quos Bellarminus sibi suffragari putat, subducendi sunt sanctus Doctor, Thomas Valdensis, Joannes Turrecremata, Joannes Driedo, Stanislaus Hosius, Joannes Ekhus, Petrus Sotus, quorum testimonia retulimus, & à Bellarmini sensu discrepare ostendimus. Igitur sanctus Doctor, Valdensis, & Turrecremata Parisiensibus Collegis suis, à quibus divulsi fuerant, supra suo quisque & loco & tempore reddantur. Driedo, quia Lovaniensis est Theologus, Hadriano VI. Discipulus Magistro jungatur. Hosius, quia Polonus & Varniensis est Episcopus, Cracoviensem subsequatur Academiam. Ekhus Germanorum Theologorum numerum augeat, & Sotus Hispanorum.

LXXX. Verumenimverò quoniam S. Doctor noster est, non Bellarmini, pro eo quod Summum Pontificem hinc in editione Symboli, Concilio, hinc in expositione loci, *Ego rogavi pro te*, universali Ecclesiae omnino conjungit, Parisiensium nostrorum sententia, quam defendendo, inconcussa & tutissima necessariò evadit. Quid ita quæso? Alexander Papa VII. rem decidit in epistola, quam anno MDC LXII. VII. Idus Augusti scripsit ad Lovanienses Theologos; Nimirum in ea pronunciat, B. Thomæ dogmata inconcussa & tutissima esse. Sed adscribenda sunt verba epistolæ: *De reliquo non dubitamus, quin pro singulari scientia pietatisque studio sanam & incorruptam, qualem tot Apostolica Sedis declarationes & sanctorum Patrum traditiones requirunt, doctrinam semper amplexuri, & adversus orthodoxæ religionis hostes defensuri sitis, nec non præclarissimorum Ecclesiae Catholicae Doctorum Augustini & Thomæ Aquinatis inconcussa, tutissimæque dogmata sequi semper, ut asseritis, & impensè revereri velitis: Quorum profectò sanctissimorum virorum penes Catholicos universos ingentia & omnem laudem supergressa nomina novi præconis commendatione planè non egent.* Sic noster est Alexander VII. cum Lovaniensium Theologorum verba repetit, & post accuratam, ut oportuit, librorum Thomæ lectionem & intelligentiam confirmat. Neque opinor dissentit à Paulo IV. qui postremis Thomæ operibus, quam primis plus tribuit auctoritatis, ut in secunda ad Joannem Gerbasium epistola vidimus. Hoc animadverto propter supposititia quædam beati Cyrilli Alexandrini testimonia, quibus in primis operibus suis usus est, non in postremis: Quia suppositorum fraudem & ingenium subolfecerat. De testimoniis istiusmodi quæstionem non retracto: Hanc ad Antonium Faurum scribens tractavi copiosius.

LXXXI. Superfunt duo, Thōmas Cajetanus, & Melchior Canus: Quorum prior omnium apertissimè Bellarminianæ opinionis fundamenta jecit; sed ea disjecimus, cum ex novitate, quæ secum in materia gravi erroris suspicionem semper trahit, tum ex fallaci argumentatione, quam adhibet. Posterior priorem sequitur, & iisdem aliisque se & suam opinionem paralogismis & subditiis auctoritatibus involvit. Quod in Theologis quales sunt Cajetanus & Canus, minùs quam in Jureconsultis ferendum est. Jureconsulti canonum & eorum, quæ in Juris corpore continentur, veritatem supponunt, nec ex officio debent in illorum omnium & Commentariorum reliquorum veritatem inquirere. Theologi contrà debent in illorum omnium veritatem inquirere, ut monumentis nonnisi certis ad legitime disputandum utantur. Quocirca Cajetanus & Canus disputant sine ulla probabilitatis specie, quia opinionem novam condendo fallaciter & insidiosè disputant, ut ostensum est.

Cæterum cum de proprio Theologorum & Jurisperitorum munere, & de utriusque professionis finibus loquor, comparatè loquor, non simpliciter: Neque enim me fugit, Antonium Augustinum, & Jacobum Cujacium, singularis doctrinæ virorum nomina, Jurisprudentiæ *κεκτην* addidisse.

LXXXII. Joannes à Lovanio per me stare poterit à Bellarmini partibus, usque dum illius liber inveniri queat, & quid ille sibi voluerit, dijudicari. Sed homo unus in re tanta nullus homo est, & is maxime, quem Bellarminus alloqui potuit. Scriptoris vetustas scriptis fæpè nonnihil tribuit reverentiæ & auctoritatis, quæ recentiores carent.

LXXXIII. Nunc subit animum Baroni recordatio, qui postquam anno Christi MDCIV. examinasset vulgarem popularemque de Trajani salute opinionem & famam, dixit ingenuè: *Sed & accidere solet interdum, ut aliquid vulgò allatum, siquis certos velit examinare testes, an verum sit, neminem id seriò testantem inveniat, siquæ, ut quod ab hominibus dici jactatur, asseratur à nemine, rumorque ille evanescat in auras.* Sic quod à Theologis decem assertum putat Bellarminus, ferè videtur assertum à nemine. Quis modò auctorem hunc patienter audiret vel legeret, cum de sententia, quam ipse statuit, pronunciat: *Hæc est communissima opinio ferè omnium Catholicorum; Communissima quæ ab uno vel altero vix docetur, aut si docetur, ἀποδίδωται quia οὐδὲν σικὸς docetur:* Et cum additur *ferè omnium Catholicorum*, Catholici ferè omnes ad unum vel alterum hominem reducuntur? Quis Bellarmini consilium in his omnibus capiet unquam? Quis expiscabitur? Præstigiæ & fraudes tandem aliquando apertam in lucem produntur, & veritas Domini manet in æternum.

LXXXIV. In præstigiæ cumulum accedunt quæ sequuntur: *Videntur quidem hi auctores aliquo modo inter se dissentire: Quia quidam eorum dicunt, Pontificem non posse errare, si maturè procedat, & consilium audiat aliorum Pastorum: Alii dicunt, Pontificem etiam solum nullo modo errare posse: Sed revera non dissident inter se.* Ut alii Herculem sibi fingunt quem debellent, ita & Bellarminus inimicos sibi fingit, quos inter pacem conciliet. Quod enim dissidium proponit, nullum apud sanctum Doctorem, Valdensem, Turrecrematam, Driedonem, Hosium, Sotum, Ekium, comparet; vix aliquid comparet dissidii apud Cajetanum & Canum, qui novæ, id est, Bellarminianæ opinionis semina sparserunt.

LXXXV. Nunc videndum est iudicium, quod Bellarminus de secunda & quarta sententia pronunciat. Est autem ejusmodi: *Secunda non est propriè hæretica. Nam adhuc videmus ab Ecclesia tolerari, qui illam sequuntur, & tamen videtur omnino erronea, & hæresi proxima. Quarta certissima est, & asserenda.* Hoc epicitharisma post fabulam. Nimirum *erronea omnino & hæresi proxima* est illa sententia, quam Gallia, Germania, Polonia, Anglia, Hispania, Belgium, Italia per innumerabiles Theologos, & Canonicos

Juris antistites, per Episcopos, Cardinales quamplurimos, & pontifices tradiderunt. Asserenda verò est  
131 ut certissima illa opinio, quam ante Bellarmini tempus docuerunt pauci, si tamen unus vel alter fucata disputandi specie usus paucorum numerum efficere possit. O perversum hominis judicium & censuram! In qua bonum malum, & malum bonum dicitur.

Præterea Bellarminus graviter offendit Ecclesiam, cum ait ab illa tolerari sententiam *omnino erroneam, & quasi hæresi proximam*, atque heterodoxis causam de eadem Ecclesia conquerendi præbet amplissimam. Heterodoxi dicent, si Catholica Ecclesia tolerat sententiam, quæ Bellarmino iudice *omnino erronea & hæresi proxima est*, quomodo Catholica Ecclesiæ suæ in fide & moribus constabit integritas? Si Bellarminus novam in re tanti ponderis opinionem asserendam ut certissimam tradit, cur novas opiniones nostras asserendas esse, ut certissimas non tradit? Cur eas ut novas & eam ob causam erroris suspectas rejicit? Si veterem & constanti pene infinitorum Doctorum sermone celebratam sententiam ut *omnino erroneam & hæresi proximam* repudiat, cur novas opiniones nostras accusat hæreseos, etiam si vetustate nulla, magistrorum consensione nulla sustententur? In Summa, cum Bellarminus orthodoxis, quorum testimonia produximus, incommodare se putat, heterodoxorum causam adjuvat quamplurimum. Ipse viderit, viderint & alii, qui Bellarmini placita defendunt. Hic non de adversario (Parisiensium) victoriam, sed contra mendacium *querimus veritatem*: Hieronymus in Dialogo contra Luciferianos.

LXXXVI. Sed ad Bellarmini perversam disputandi methodum propius accedo & simplicius. Et primum  
132 quidem auctor ille novam in materia gravi opinionem, quæ vix ætatem ferre potest, omni studio defendendam suscipit, cum universim Lutheri & Calvinii opiniones novas refellere aggreditur. Et sic quod una manu ædificat, altera destruit, aut omnino docere debet, opinionem illam novam jure ædificandam esse, quam ædificat, & Lutheri ac Calvinii opiniones novas jure destruendas esse, quas destruit. Quibus quæso veræ Theologiæ principis id fiet unquam?

Deinde opinionem in materia gravi novam tradit asserendam esse ut certissimam, cum universim Lutheri & Calvinii opiniones novas rejicit ut incertissimas, & hoc ipso, quod novæ sint, iis dicam erroris scribit. Qui sic disputat, quo pacto liber ab omni partium studio & immuni ostendetur? Et si eadem non sit parium ratio, negandum erit quod leges, quod communius hominum docet sensus & intelligentia.

Tum sententiam opinioni novæ contrariam, veteri Romanæ Ecclesiæ traditione succinctam, Conciliorum auctoritate munitam, & innumerabilium magistrorum consensione firmatam, ut *omnino erroneam & hæresi proximam*, vocat & procul abjicit, cum universim Lutheri & Calvinii opinionibus novis antiquam Ecclesiæ traditionem, Conciliorum decreta & Patrum testimonia opponit, & continuo hæreseos vel erroris notam inurit. Siccine patrocinium æquitatis suscipitur, cum defenditur, quod accusatur?

Denique iis, qui seorsum à nobis per religionem sentiunt, vix persuaderi poterit, ut ejuratæ hæresi vel superstitione suâ eam Tridentinæ fidei professionem edant, cujus articulum unum Bellarminus & ejus sectatores disputando funditus evertunt; aut sanè nos doceant, quomodo permissa disputandi libertate tali edenda persuaderi facile poterit Tridentinæ fidei professio, cum Bellarminus in probando, quod sibi sumpsit, lemme hoc, *Summus Pontifex cum docet Ecclesiam, in his quæ ad fidem pertinent, & in morum præceptis, quæ toti Ecclesiæ præscribit, nullo casu errare potest*, formam juramenti professionis fidei negligat. Nam Scripturæ loca tria, Lucæ xxii. *Oravi pro te, &c. Matthæi xvi. Super hanc Petram, &c. Joannis xxi. Pasci oves meas,*

quæ in lemmatis sui probationem infumit, juxta unanimem consensum Patrum nec accipit, nec interpretatur, contrà quàm in fidei confessione decernitur: *Item sacram Scripturam juxta eum sensum, quem tenuit & tenet sancta mater Ecclesia, cujus est judicare de vero sensu, & interpretatione sacrarum Scripturarum, admitto, nec eam unquam, nisi juxta unanimem consensum Patrum accipiam & interpretabor.* At unanimis Patrum in locorum trium illorum interpretatione consensus eò non spectat, ut probetur, Romanum Pontificem solum atque extra Synodum res fidei certò & sine ullo erroris metu definire posse, vel quod eodem recidit, uni Romano Pontifici non errandi in fide & moribus privilegium à Christo concessum esse: Immo veterum Patrum nullus est, qui Summum Pontificem, cum docet totam Ecclesiam in his, quæ ad fidem pertinent, vel in morum præceptis, quæ toti Ecclesiæ præscribit (si quando id ea ratione fecerit) nullo casu errare posse, verè affirmatèque dixerit, & ad propositionis istiusmodi confirmationem loca illa Scripturæ adhibuerit: Veterum Patrum nullus, inquam, tantum abest, ut universi Patres in eandem propositionem consentiant & conspirent. Quod igitur à Bellarmino legitime probandum fuit, legitime probatum non est. Neglexit ille per summum nefas probandi modum, quem fidei professio præstituit.

Deinde tanti ponderis assertio sine veteri Romanæ Ecclesiæ traditione statuenda non fuit. Bellarminus illam sine exemplis ullis statuit.

Neque enim ita ponit: In primo æræ Christianæ sæculo fuit Romanus Pontifex N. In secundo ejusdem æræ sæculo fuit Romanus Pontifex N. In tertio, in quarto, in quinto, in sexto, in septimo, in octavo, in nono, in decimo, in undecimo, in duodecimo fuit Romanus Pontifex N. qui cum totam Ecclesiam doceret, ei dogmata fidei credenda, vel præcepta morum sequenda proposuerit. Dicam amplius: In hodierna fidei professione dogma fidei nullum, præceptum morum nullum est, de quo verum sit dicere: Hoc fidei dogma, hoc morum præceptum Summus Pontifex N. cum doceret totam Ecclesiam, ei toti vel credendum, vel sequendum præscripsit, ut ab eo præscribi posse Bellarminus intelligit & intendit. Hinc efficitur, ut Bellarmini propositio sit titulus sine re, vana cogitatio, & inanis species adulationis.

Præterea Codex canonum universæ Ecclesiæ, Codex canonum Romanæ Ecclesiæ, & Codex canonum Africanæ Ecclesiæ, Codex juris Græcoromani, præcepta morum & disciplinæ nulla obijciunt, quæ Romanus Pontifex aliquis universæ Ecclesiæ præscripserit, & quæ universa Ecclesia in auctoritatem admiserit. Hæc est facta quæstio, quæ oculis, non for-  
133 malibus argutiis deciditur, & Bellarminum atque illius exscriptores idoneis ad disputandum legibus conftringit.

Bellarminus igitur destituitur duobus veræ Theologiæ principiis, scriptura, & traditione, quibus, ut par est, suam propositionem suffulciat. Confugiendum illi est ad illam scholasticam Theologiam, quæ à Luthero per ludibrium ita definitur: *Scholastica Theologia est ea, quæ à Parisiensium Sorbona mixtione quadam ex divinis eloquiis, & philosophicis rationibus, tanquam ex centaurorum genere bisformis disciplina conflata est.* Sed confugium istud est aperta rei, qua de agitur, perniciēs & certum exitium. Quidquid hic tractat, commercii nihil habet cum illa Theologia quæ à Parisiensibus nostris definitur: *Divinarum Scripturarum peritia, recepto, quem Ecclesia approbat, sensu, non spretis orthodoxorum Doctorum interpretationibus, censuris, & interdum aliarum disciplinarum non contempto suffragio.*

Postremò Bellarminus Chrysostomum, Augustinum, & Theophylactum sublestiori fide adducit. Nam Patres illi Lucæ locum aliter accipiunt, quàm in Bellarmini opinione accipiendus sit. De privilegio accipiunt,



quo Petrus quamlibet tentatus à Satana non posset unquam veram fidem amittere: Quod ad Petri personam duntaxat pertinet, & nihil præterea.

Augustinus Matthæi locum in Epistola cXLV. ad Generosum sic intelligit: *Si ordo Episcoporum sibi succedentium considerandus est, quanto certius & verè salubriter ab ipso Petro numeramus, cui totius Ecclesie figuram gerenti Dominus ait: Super hanc Petram aedificabo Ecclesiam meam, & porta inferi non vincunt eam?* Intellectus hoc modo locus Bellarmini causæ quid serviet? obesse, non prodesse poterit.

Joannis locus Bellarmini causæ minùs adhuc serviet, siquis oculos adjiciat ad Patrum expositiones, quas in posteriori ad Raimundum Formentinum Epistola collegimus. Sic ad Tridentinæ fidei regulam disputamus. Qui nobiscum disputare nolunt,

*Procul o procul este profani.*

LXXXVII. Bellarminus mirificam se in latebram conjicit, cum in ejusdem libri capite VI. objicienti sibi, per canones poni Pontificem fieri posse hæreticum, quod propter hæresim judicari possit: Argutè respondet, istos canones omnes loqui de errore Pontificis personali, non judiciali: Scilicet Romanus Pontifex id de Christo privatim credet, quod credebatur Arius, & in publico fidei judicio simul definit, eos anathemate percellendos esse, qui de Christo id credent, quod Arius credit: Scilicet Romanus Pontifex propter Arianam hæresim à Deo depositus, vel mōx à Concilio deponendus, sanciet id de Christo credendum esse, quod Nicæna Synodus credendum esse sanxit: Scilicet Romanus Pontifex ut privatus Doctor Nicænam Synodum errasse credit pertinaciter, & simul ut Doctor publicus decernit, ut qui credunt, quod ipse credit, omnes Ecclesiastica communione priventur. Ecce tibi, quod gratuita & inopportuna materiæ huic distinctio pertineat, & quid lucretur?

Neque hoc satis: Progrediendum est ulterius. Cum Pontifex ut privata persona erraverit, aliorum, Bellarmini si vis, judicio, mox ille publicam personam induet, & tunc eo in habitu & forma decernet, & toti Ecclesiæ prescribet verum id esse, quod alii errorem certum judicaverant: Et sic Bellarminus & sectatores illius cogentur credere id veritate summa niti, quod uti falsum & forsan hæreticum credendum erat. Bellarminus & alii quid respondebunt? Hic nisi fateantur ingenuè, Pontificem sive ut privata, sive ut publica persona consideretur, errare posse, è duobus alterutrum proferant necesse est, Pontifici, vel ereptum iri libertatis usum, vel vitam, ne id faciat, quod eum facturum esse posuimus. Adferre Pontificem peritum potius, ut Joannes XII. periit, abominandæ necessitatis esset perfugium, & id tam facile negaretur, quàm facile adferretur. Hoc si responderent, ii profectò declararent, extrema se fortuna configere, & rebus jam desperatis & perditis experiri durissima velle atque ultima. Sed infelix est penitus responsio, quæ à vincendi desperatione proficiscitur.

Hoc argumento non urgentur, qui contra Bellarminum & Bellarmini sectatores asserunt, Pontificem, ut publica est persona, & ut caput Ecclesiæ spectatur, ipsi Ecclesiæ, seu repræsentanti Ecclesiæ Concilio junctum intelligi; quia tunc Ecclesia impediret, vel Concilium, ne quem errorem admisisset Pontifex ut privata persona, eum ut publica persona, & ut caput Ecclesiæ vindicare posset.

Deinde laudati à Bellarmino canones inter personalem Pontificis & judicialem errorem non distinguunt, & quia non distinguunt, Bellarminus oleum perdit & operam, cum distinguit. Quia ubi lex non distinguit, nec nos distinguere debemus. L. de pretio. Quocirca Juris interpretes, quos affluenter produximus, non distinguunt, ut Bellarminus Canum secutus distinguit, cum uterque rei difficultate impeditum se esse sentit.

Tum inutilis est hæc distinctio in Bellarmini sententia. Nam in libri II. de Rom. pont. capite xxx. quæstionem instituit, *Utrum Papa hæreticus deponi possit.* Et adductis in medium opinionibus quinque, quintam eligit, in qua dicitur, *Papam hæreticum manifestum per se definire esse Papam, sicut per se definit esse Christianum, & membrum corporis Ecclesiæ, quare ab Ecclesiæ posse eum judicari & puniri.* Et primò quidem Bellarminus in his verbis, *quare ab Ecclesiæ posse eum judicari & puniri,* tanquam in adjecta re meram inducit repugnantiam. Etenim is ab Ecclesiæ ut Pontifex judicabitur, qui non est amplius Pontifex, qui Pontifex per hæresim esse desit. Tuam, vir doctissime, Dialecticam! Quæstionem hic universum tractat, nec inter personalem Pontificis & judicialem errorem distinguit. Sed postea in libri IV. de eodem Rom. Pont. capite VII. sibi visus esse evadere non posse, nisi per distinctionem, quæ sponte sua dissilit, cum ab illo sic explicatur: *Si Pontifex possit esse hæreticus, solum erit negando veritatem antea definitam; & ita erit personalis error: Non autem poterit esse hæreticus, dum ipse aliquid novi definit: Qui judicialis error esset.* Sic igitur explicata distinctio, sponte sua, ut jam monui, dissilit, quia utrumque distinctionis membrum gratis & sine ratione ponitur. Nam si Pontifex veritatem antea definitam negare possit, cur eam non poterit errore judiciali negare? Nonne poterit definire, perperam definitum esse, quod antè definitum fuerat? Cur Pontifex minùs errare poterit affirmando veritatem aliquam ad fidei dogmata pertinere, quæ non pertinebat antea, quàm negando veritatem aliquam ad fidei dogmata pertinere, quæ antea pertinebat? Ubinam Scriptura, ubinam Concilia, ubinam Patres, ubinam Theologi veteres, quibus Bellarminiana innitur distinctio? Hæc tam non reperitur apud canonicos auctores, Concilia, Patres, Theologos veteres, quàm non reperitur apud Hesiodum aut Virgilium.

Joannes Turrecremata, quem Bellarminus ut opinionis suæ testem adducit, à Bellarmino hac in re plurimum dissentit: Sic enim ait: *Dissentientibus Papa & Concilio in his, quæ sunt fidei, standum est judicio Papæ in materia jam à Sede Apostolica definita, sed in materia noviter per Concilium definienda regulariter magis standum est judicio Patrum totius Concilii, quàm Papæ.* Cur ita, nisi Concilii Patres dum aliquid definiunt novi, minùs errare possent, quàm Pontifex? Quod Bellarminus negat. Hic ex Bellarmini teste ad hominem disputo, & Bellarminum cum Turrecremata contendo, & neutri assentior, quia neuter quærendæ & suis inveniendæ legibus veritati studet, ut planum fecimus.

Ad extremum, quod à Christiani Theologi professione abhorret quamplurimum, insidiosa est Bellarmini & aliorum Doctorum similium distinctio. Insidiæ sunt hujusmodi. Concedunt Pontificem posse fieri hæreticum credendo, non docendo, & tamen quæ ut distinctionis partem negantem confirmant, ex Scripturis vel ex Patribus adducunt, probationem nullam efficiunt: Aut si quam specie tenus efficiunt, promiscuam summum, incertam, & ad hoc, eamque quocunque volueris, in aientem, vel in negantem convertes: Atque ita proletariis, vel simplicibus, & incallidis hominibus illudunt. Ineptâ spe suadendi blandiuntur sibi, & in cunctabundos resistentisque alios dicacitatem exercent. Sed

*Vana sunt sine viribus ira.*

Verumenimverò nihil admodum, cur fraudulentos homines reformidemus. Illorum ingenium Vincentius Lirinensis olim detexit in Commonitorio I. capite XI. *Captant plerumque veteris cujuspiam viri scripta paulò involutius edita, quæ pro ipsa sui obscuritate dogmati suo quasi congruant, ut illud nescio quid quodcumque proferunt, neque primi, neque soli sentiri videantur.*

LXXXVIII. Ad Bellarminum redeo, & illi oppono Arelatense Concilium primum, cujus judicio ut Cyprianus

anus Carthaginienſis, ita & Stephanus Romanus cum ambo aliquid definirent novi; *ἀμετρία ἢ ἀνδολλῆς* errarunt. Rem breviter & dilucidè tradit Auguſtinus in libri de unico baptiſm. cap. xiv. Duo erant eminentiſſimarum Eccleſiarum, Romana ſcilicet & Carthaginenſis Episcopii, Stephanus & Cyprianus, ambo in unitate Catholica conſtituti, quorum Stephanus baptiſmum Chriſti IN NULO iterandum eſſe cenſebat, & hoc facientibus graviter ſuccenſebat: Cyprianus autem in hæreſi vel ſchiſmate baptizatos, tanquam non habentes baptiſmum Chriſti, baptizandos in Eccleſia Catholica exiſtimabat. Stephanus IN NULO iterandum eſſe baptiſmum definiit, & aliquid definiit novi; Cyprianus in omnibus iterandum definiit. Ultriſque exceſſum Arelatenſis Concilii

141 Patres ſic correxerunt in canone viii. De Afris, qui propria lege utuntur, ut rebaptizent, placuit ut ſi ad Eccleſiam aliquis de hæreſi venerit, interrogent eum Symbolum, & ſi perviderint eum in Patre, & Filio, & Spiritu Sancto, eſſe baptizatum, ei manus imponatur, ut accipiat Spiritum Sanctum: Quod ſi interrogatus non reſponderit hanc Trinitatem, baptizetur. At hæretici erant complures, qui in Patre, & Filio, & Spiritu Sancto non baptizabant, ut conſtat ex illorum formis baptizandi, quos beatus Irenæus refert in libri i. capite xviii. Et eam ob cauſam Cyprianus graviter infectatur Stephanum, qui Marcionis baptiſmum admittebat. Quo fit, ut Arelatenſis Concilii Patres Stephanum tacite configant. Legati Silveſtri Papæ interfuerunt Concilio: Non reſtiterunt, conſenſerunt. Stephanus ergo cum aliquid definiit novi, nec ullum excepit hæreticorum baptiſmum, ut ſcribit Auguſtinus, erravit, quomodo Bellarminus Romanum Pontificem errare poſſe tantum negat, quia negare inſtituit.

LXXXIX. Scriptores nonnulli, in quibus eſt Pius II. cum Pontificum vitiis atque erroribus humanæ naturæ conditionem prætexunt, non id faciunt ita, ut velint alia ratione Pontificibus indeficientis iudicii privilegium attribuire. Minimè verò. Sed id faciunt, ut videantur excuſationis adferre nonnihil, quod inſita atque innata univerſis hominibus miſeria ſuppeditet. Qui enim Pontifices, qui Reges creantur, homines eſſe non deſinunt, ut Pius eleganter & ſcribit ingenuè. Id autem Carolus Calvus cum perſpiceret, quæ minùs bene acta ſunt in Capitulis ſuis, homini, non Regi tranſcribit. Sic ſe res habet in quinto ex iis Capitulis, quæ decreta ſunt in villa Colonia: Et ſi forte

142 ſubreptum nobis quidpiam ut homini fuerit, competenter & fideliter, prout ſublimitati Regi convenit, & neceſſitatibus ſubjectorum expedit, ut hoc rationabiliter corrigatur, veſtra fidelis devotio admonere curabit. Ut aperiuntur à nobis, ſic & intercluduntur diverticula, anfractus & ſuffugia vitiligatorum, qui ſola pravitate contentionem quærun, & contra veritatem reſiſtunt ac repugnant.

LXXXX. Nunc reſtat, ut meum ſummatim de Bellarmini modo tractandi, & de illius opinione iudicium interponam, ut ille ſuum de uoſtrorum Pariſienſium Joannis Gerſonis & Jacobi Almaini, & aliorum Theologorum Alſonſi Caſtrenſis, & Hadriani VI. Papæ ſententia interponit.

I. Bellarminus in exponendo quæſtionis ſtatu, in tradenda nimirum ſecunda & quarta ſententia, tam mala

fide agit, ut non poſſit iniquitate magna & ardentiori partium ſtudio non damari. In ſecunda ſententia Magiſtrorum univerſitatem, antiquitatem, & conſenſum diſſimulat, ut interim miſſum id faciam, quod ſuperioris epiſtolæ argumentum fuit.

II. Nonnullis Theologis, quos Bellarminus opinionis ſuæ ſponſores appellat, imponit egregie, & hoc nomine is dignus eſt qui cauſam amittat. Qui impoſitum facit, apud Ulpianum in ſtellionatus crimen incurrit.

III. Tridentinæ fidei regulam, in qua Scripturæ uſus certis quibuſdam terminis conſtringitur, uſque aded negligit, ut excuſari non queat. Et tamen ex regulæ huius obſervatione pendet Eccleſiæ pax & concordia, & vera Theologici ſtudii ratio, correctio, & emendatio. Si regulam illam negligat, quomodo regulæ illius profeſſionem aliis ſuadebit? Non debet aliis legem imponere, qui ipſam negligit obſervare. C. pro illorum. de præben.

IV. Iniquiſſima & maximè intoleranda eſt cenſuræ nota, omnino erronea, & hæreſi proxima, quam Bellarminus ſententiæ ſecundæ inurit, & ſi toleretur, vix ulla receptiſſima eſt Theologorum opinio, quæ ſimilem notam effugiat.

V. Si nova opinio, quæ Theologorum eſt paucorum admodum, & præterea fallaciter diſputantium, aſſerenda eſt ut certiſſima, Bellarminus non poterit proſuſcepto contra Novatores ſcribendi munere, cum Tertulliano in libri de præſcriptione hæreticorum capite xxxi. dicere: Ex ipſo ordine manifeſtatur id eſſe Dominicum & verum, quod ſit prius traditum, id autem extraneum & falſum, quod ſit poſterius immiſſum. Ea ſententia manebit adverſus poſteriores quaſque hæreſes, quibus nulla conſtantia de conſcientia competit ad defendendam ſibi veritatem. Non poterit quoque cum eodem in libri adverſus Hermogenem capite i. dicere: Solemus hæreticis compendii gratia de poſteritate præſcribere. Non poterit etiam cum eodem in libri iv. contra Marcionem capite iv. dicere: Quis inter nos determinabit niſi temporis ratio, ei præſcribens auctoritatem, quod antiquius reperietur, & ei præjudicans vitiationem, quod poſterius revincetur?

VI. Mendacium eſt ingens, affirmare opinionem quartam eſſe comuniſſimam ferè omnium Catholicorum, & contra veritas eſt maxima affirmare, ſecundam ſententiam, ut à nobis relata eſt, comuniſſimam eſſe ferè omnium Catholicorum. Quo fit ut opinio quarta longè magis, quàm ſecunda mereatur illam cenſuræ notam, qua Bellarminus ſecundam affecit, & ſedare voluit. Ad ſecundæ bonitatem accedit Sedis Apoſtolice circa quæſtionem hanc traditio, quam in priori ad Raimundum Formentinum, & in poſteriori ad Joannem Gerbaſium Epiſtola deduximus. Quàm verò certa ſit hæc ſecunda ſententia, ex ſuperiori Epiſtola conſtare poteſt. Tuum tamen ſit, & alijs cujuſque pii & docti viri circa omnia hæc iudicium, cui quæ mea ſunt, libenter ſtudioſeque ſubjicio, ſperans fore, ut quæ curva reperiſſis, corrigas, & quæ vitioſa, emendes. Mihi nihil eſt, crede, dulcius, quàm diſcere quod neſciam, & ſine labore aliorum laboribus frui. Bene vale. Lutetiæ Pariſiorum Calend. Septembris anno MDCLXV.

JOAN.





# JOANNIS LAUNOII CONSTANTIENSIS, Epistolarum:

## PARS QUARTA.

Joannes Launoius  
LUDOVICO MARÆSIO.  
Parisiensi Theologo.

**S**CRIBIS te alias ex sermone quodam in ea venisse, quibus ne Romanus Pontifex maternæ correctioni videretur obnoxius, hoc pugnabant atque enitebantur nonnulli, ut ille filius Ecclesiæ nequitiam diceretur. Statua dignum inventum, sed plumbea! Suscepti, illiberaliterque & indiligenter educati fuerant in Romanæ Curiae schola, ubi Thomas Cajetanus ineptè, & cum magno partium studio docuit, servam esse Ecclesiam, ac proinde Romanum Pontificem servæ non esse filium, sed dominum: Servam quidem Ecclesiam, quod judicandi de re quæpiam ac decernendi jure omni careret; dominum verò Romanum Pontificem, quod eo jure solus potiretur, & si quis potiretur, per eundem Pontificem re ipsa potiri. Hæc est incredibilis deliratio, in quam Cajetanus, ut consummata, ita & deplorata adulationis Theologus incurrit, cum defensam à nostris Parisiensibus Theologis Conciliorum auctoritatem oppugnare aliter non posset. Hæc est errorum vorago, cui submersus auctor nonnullos in eandem secum ruinam traxit. Ad hanc Cajetani ætatem & ludum maximè referenda sunt, quæ Hadrianus VI. in mandatis Francisco Cheregato Germaniam petenti datis, & delecti Cardinales Prælatique alii in suo Concilio memorant. Hadrianus sic: Scimus, in hac sancta Sede, aliquot jam annis, multa abominanda fuisse, abusus in spiritualibus, excessus in mandatis, & omnia denique in perversum mutata; Nec mirum, si ægritudo à capite in membra, à Summis Pontificibus in alios Prælatos descenderit. Delecti verò Cardinales & Prælati alii hoc modo de se cum Paulo III. locuti: Quibus sanctitas tua ad se vocatis mandavit, ut nullius aut commodi tui, aut cuiuspiam alterius habita ratione tibi significarem abusus illos, gravissimos videlicet morbos, quibus jampridem Ecclesia Dei laborat, ac præsertim hæc Romana Curia, quibus effectum prope est, ut paulatim ac sensim ingravescantibus pestiferis his morbis magnam hanc ruinam traxerit, quam videmus. Et quoniam sanctitas tua spiritu Dei erudita, (qui ut ait Augustinus, loquitur in cordibus nullo verborum strepitu) probè noverat, principium horum malorum inde fuisse, quod nonnulli Pontifices tui prædecessores prurientes auribus, ut inquit Apostolus Paulus, coacervaverunt sibi magistros ad desideria sua, non ut ab eis discerent, quid facere deberent, sed ut eorum studio & calliditate inveniretur ratio, qua liceret id, quod liberet: Inde effectum est, præterquam quod principatum omnem sequitur adulatio, ut umbra corpus, difficillimisque semper fuit aditus veritatis ad aures principum, quod confestim prodirent Doctores, qui docerent Pontificem esse dominum beneficiorum omnium: Ac ideo cum dominus vendat id, quod suum est, necessario sequi in Pontificem non posse cadere simoniam, ita quod voluntas Pontificis qualiscunque ea fuerit, sit regula, qua ejus operationes & actiones dirigantur: Ex quo proculdubio effici, ut quidquid libeat, id etiam liceat: Ex hoc fonte, sancte Pater, tanquam ex equo Trojano irrupere in Ecclesiam Dei tot abusus, & tam gravissimi morbi, quibus nunc conspiciamus, eam ad desperationem ferè salutis laborasse, & manasse harum rerum famam ad infideles usque. Credat sanctitas vestra scientibus, qui ob hanc præcipuè causam Christianam religionem derident, adeò, ut per nos, inquit, nomen Christi blasphemetur inter gentes. Concilium hoc non potuit non approbare Paulus III. à quo jussum est ut haberetur. Huic subscribunt Gaspar Cardinalis Contarenius, Joannes Petrus Cardin. Theatinus, postea Paulus IV. Jacobus Cardin. Sadoletus, Reginaldus Cardin. Anglicus, Fredericus Archiepiscopus Salernitanus, Hieronymus Archiepiscopus Brundisinus, Joannes Matthæus Episcopus Veronensis, Gregorius Abbas sancti Georgii Venet. Frater Thomas Magister sacri Palatii. In Romanæ igitur Curiae schola educati fuerant ii, quorum arte & perversa religione patrata sunt



sunt mala, de quibus Hadrianus VI. & Concilium delectorum Cardinalium & Prælatorum aliorum gravissimè conqueruntur.

Verumenimverò deferenda est hæc Curia schola, ubi perperam docetur, Ecclesiam esse Romani Pontificis servam, & adeunda Sedis Apostolicæ schola, ubi apertè traditur, Ecclesiam esse Romani Pontificis, quia Christianus est, matrem & dominam. Non mentior: Gregorius VII. quem schola hæc magistrum optimum habuit, pluribus in Epistolis præ, ac sponsor est meus.

Et primum quidem in libri I. Epistola xxvii. ad Albertum Aquisensem Episcopum: *Age igitur ut universalis mater sancta Romana Ecclesia in te, quasi fidi-*  
4 *mo filio consoletur.* At si Romana Ecclesia universalis est mater, Romanus Pontifex non potest non esse illius filius.

Deinde in ejusdem libri Epistola xxix. ad Judices Sardinia: *Vobis & omnibus, qui Christum venerantur, cognitum est, quod Romana Ecclesia UNIVERSALIS MATER SIT OMNIUM CHRISTIANORUM.* Si Christianorum omnium, igitur & Romani Pontificis, quem quis Christianum negaret esse, ne Romanæ Ecclesiæ hujus filius videretur?

Tum in libri II. Epistola I. ad universos Episcopos & Abbates Britannia: *Videtur, quod in maligno jam totus mundus est positus, & COMMUNIS NOSTRA MATER ECCLESIA tantò ardentius contra antiquum hostem nos invitat surgere.* Communem nostram cum dicit matrem Ecclesiam, se ad numerum filiorum illius pertinere significat.

Denique in libri V. Epistola X. ad Regem Danorum: *Audivimus insuper, nec dubitamus, quod Dei Ecclesia, QUÆ MATER ET DOMINA NOSTRA EST, sicut in multis aliis terrarum partibus, ita in vestris ab iniquis hominibus & Diaboli membris comprimitur, non ut decet, taceatur & veneretur.* Matrem & dominam nostram dicit Ecclesiam, ut se & filium & maternæ potestati subditum esse demonstret.

Præterea cum se ab aliis Ecclesiæ filiis corrigi posse non dissimulet, cur matrem & dominam non agnosceret Ecclesiam, à qua castigaretur? Sic uique in libri IX. Epistola xxxi. scribit ad Haganonem Episcopum: *Noverit itaque prudentia tua, quia multa tanquam à nobis deferuntur & dicta & scripta nescientibus. Multa etiam subripi possunt, nimis ad singula intentis, utpote divisis ad plurima, & intentis ad maxima, quibus vehementer arctamur.* Unde in hac causa, quod profectò minime recordamur, siquid forte subreptum fuit, optat magis animus corrigere, quam ab aequitate & rationis tramite deviare, VEL ALIIS CORRIGENDA RELINQUERE. Digna sunt hæc tanto Sedis Apostolicæ præfule: Si quid forte subreptum fuit, optat magis animus corrigere, quam ab aequitate & rationis tramite deviare, vel aliis corrigenda relinquere. Quibus & errare & ab aliis emendari se posse libentissimè fatetur.

Gregorius exploratum habebat jam ab initio Christianæ religionis, Ecclesiam matrem & dominam appellari. Tertullianus duobus in locis utrumque amplectitur. Unus est in libri de Oratione capite II. *Dicendo autem Patrem, Deum quoque cognominamus. Appellatio ista & pietatis & potestatis.* Item in Patre Filius invocatur. Ego, inquit, & Pater unum sumus. NE MATER QUIDEM ECCLESIA præteritur, siquidem in Filio & Patre mater recognoscitur, de qua constat & Patris & Filii nomen. Alter in libri ad Martyras capite I. *Inter carnis alimenta benedicti martyres designati, quæ vobis & DOMINA MATER ECCLESIA de uberibus suis, & singuli fratres de opibus suis propriis in carcerem subministrant.*

Tertullianum excipit Cyprianus in Epistol. LXXIV. ad Pompeium: *Ubi & ex qua & cui natus est, qui filius Ecclesiæ non est, ut habere quis possit Deum patrem ante Ecclesiam matrem?* Deinde in libro de unitate

Ecclesiæ: *Habere jam non potest Deum Patrem, qui Ecclesiam non habet matrem.*

Cyprianum excipit Arelatense Concilium I. in Epistola ad Silvestrum de Donatistis: *Quos & Dei nostri præsens auctoritas & traditio ac regula veritatis ita respicit, ut nulla in illis aut dicendi ratio subsisteret, aut accusandi modus ullus, aut probatio conveniret. Ideo JUDICE DEO, ET MATRE ECCLESIA, quæ suos novit & comprobat, aut damnati sunt, aut repulsi.* Apud Tertullianum mater & domina est Ecclesia; hic mater & judex Ecclesiæ, quæ suos novit & comprobat, quæ Donatistas per Concilium hoc accusat, vel repellit.

Hic autem loquendi modus, mater & judex Ecclesiæ, cum sit Concilii totius, Concilii partium est singulorum: Atque inprimis Claudiani & Viti Presbyterorum, Eugenii & Cyriaci, Diaconorum, qui Concilio Silvestri Papæ nomine adfuerunt.

Silvester cum hanc accepit Epistolam, ingratam eam non habuit, nec habere potuit, cum veterem traditionem spiraret. Quò fit, ut verè affirmatè dici possit, ab Arelatensi Concilio, à Silvestri Legatis, ab ipso Silvestro Ecclesiam matrem, dominam, & judicem censeri, non servam, qualis à Cajetano censetur, iudicandi potestate frui, non privari, ut auctor iste incitè putat.

Arelatense Concilium excipit Optatus Milevitanus Episcopus, à quo semel, iterum, & tertio mater Ecclesia dicitur: Semel in libro II. *Sic fit hominum pater Deus, sancta sic fit mater Ecclesia.* Iterum in libro III. *Non enim potestis non esse fratres, quos iisdem sacramentorum visceribus una mater Ecclesia genuit.* Tercio post pauca in eodem libro: *Electi estis, qui sedentes populum docetis, & detrahitis nobis utique fratribus vestris, quoniam (sicut supra dixi) una nos mater Ecclesia genuit.* Cur ita, nisi quòd ab ipso Christo gignendi potestatem accepit; non accepisset, si serva nata esset?

Optatum excipit Pacianus Barcinonensis Episcopus in Epistola III. ad Sympronianum: *Quinetiam addimus Ecclesiam esse reginam in veste deaurata.* Si regina est Ecclesia, quomodo serva erit nata, & jure carebit omni?

Pacianum excipit Ambrosius Mediolanensis Episcopus in libro I. de Virginibus: *Quæ igitur nuptia plures liberas habet, quam sancta Ecclesia, quæ Virgo est Sacramentis, mater est populis, cujus fecunditatem etiam Scriptura testatur.*

Deinde in libro II. super Evangelium beati Luca cap. III. *Mater ergo viventium Ecclesia est, quam edificavit Deus in ipso summo angulari lapide Christo Jesu, in quo omnis structura compaginata crescit in templum Dei. Veniat ergo Deus, adificet mulierem illam quidem adjutricem Adæ, hanc verò Christum, non quia Christus adjumentum requirit, sed quia nos querimus & desideramus ad Christi gloriam per Ecclesiam pervenire.* Quas doctes Ambrosius tribuit Ecclesiæ, huic non ut servæ natæ, sed ut dominæ conveniunt.

Ambrosium excipit Hieronymus libro III. in Proverbia, cap. xxxi. *Ad ea verba: Surrexerunt filii ejus & beatissimam predicaverunt, vir ejus & laudabit eam.* Quod futurum pro certo noverat, more Prophetico, quasi jam factum refert: *Surgent enim filii ejus, videlicet omnes electi in novissimo, carnis immortalitate donati, & tunc matrem suam, quæ eos ex aqua & Spiritu Sancto Deo genuit, beatissimam predicant, quæ nunc ab infidelibus quasi misera contemnitur.* Tunc unus aderit Cajetanus, qui matrem suam spernet, utpote servam matrem, quæ principandi jure careat. Sed aderit quoque Hieronymus, qui miseram Cajetani sortem lamentabitur, & adjiciet, quæ in illius super caput. IV. Marci commentario habentur: *Regnum Dei Ecclesia est, quæ regitur à Deo, & ipsa regit homines.* Profectò Ecclesia regere non potest homines, nisi regendi, vel, ut Cajetanus opicè & barbarè loquitur, principandi jure gaudeat.

Hiero-

Hieronymum excipit Augustinus multis in locis, ubi Catholicam Ecclesiam matrem appellat.

Et primum quidem in libri i. de moribus Ecclesiæ Catholicæ capite xxx. *Merito Ecclesia Catholica mater Christianorum verissima.*

Deinde in libri iiii. de Symbolo ad Catechumenos capite i. *Dum per sacratissimum Crucis signum vos suscipit in utero sancta mater Ecclesia, qua sicut & fratres nostros cum summa letitia spiritaliter pariet.*

Tum in ejusdem libri capite xiiii. *Nec habebit Deum Patrem, qui Ecclesiam noluerit habere matrem.*

Quarto in libri de disciplina Christiana capite iii. *Ad id, quod Christianus es, unus pater est Deus, una mater Ecclesia.*

Postremo in sermone xxxi. ex eorum numero, quos eruditionum parens Jacobus Sirmondus edidit: *Ama matrem tuam, sed noli super Ecclesiam, qua te genuit ad vitam æternam.*

In primo & tertio loco Ecclesia cum mater sit verissima Christianorum, quos illa nimirum ad vitam æternam genuit, Antistitem omnium ac proinde Romani mater est: Quis nisi temerè negaret? Romanus ergo antistes, ut & cæteri matris hujus correctioni subjectus est, cum errat.

In secundo loco materna potestas hæc elucet mirificè Comparationis genus illud, quod ibi instituitur inter Deum & Ecclesiam, Ecclesiæ potestatem sic attollit, ut nihil, si Christum excipias, supra esse possit. Quis igitur animo æquo ferret servitutem, quam Ecclesiæ Cajetanus affinxit, ut Romanum Pontificem matris suæ dominum, & eam famulam efficeret? Ut tandem certa & definita naturæ jura & leges perfringeret, labefaceret, violaret?

Augustinum excipit Petrus Chrysologus Ravennas Episcopus, in sermone cxxviii. de sancto Apollinari Episcopo & martyre: *Festinabat Christus ad martyrem, martyr suum festinabat ad Regem. Bene diximus, festinabat juxta illud Propheta: Exurge in occursum mihi & vide, sed ut propugnatorem suum sibi sancta Ecclesia retineret, Christo vehementer occurrit. Et paulo post: Et quid plura fratres? Egit, egit Ecclesia sancta mater, ut nusquam à suo separaretur antistite. Geminatum illud, egit, egit, ad Ecclesiam ut dominam, non ut servam natam pertinet.*

Chrysologum excipit Gregorius Magnus in libro Sacramentorum, ubi qualiter in Romana Ecclesia ordinantur Diaconi & Presbyteri, præscribitur: *Postulat sancta mater Ecclesia Catholica, ut hunc præsentem Subdiaconum ad onus Diaconii ordinetis.* Si Cajetanus verba hæc vidisset aliquando, Ecclesiam servam esse natam, nusquam opinor dixisset.

Cæterum Gregorius I. præluxit Gregorio VII. qui Ecclesiam toties matrem appellat. Ne miteris: Gregorius VII. Gregorium I. sibi ad imitandum proposuerat.

Gregorium I. excipit Alcuinus in libri de Divinis officiis capite de celebratione missæ: *Orat etiam pia mater Ecclesia pro defunctis suis. Orat, & orandi modum per suos ministros præstituit: Quod Ecclesiæ ut dominæ, non ut servæ natæ convenit.*

Alcuinum excipiunt Carolus Magnus, & cum Carolo Gallicani Præsules in libri ii. Capitularium num. xli. *Quia ergo constat in Ecclesia diversarum conditionum homines esse, ut sint nobiles & ignobiles, servi, coloni, inquilini, & cætera hujusmodi; Oportet, ut quicumque eis prælati sunt, clerici, sive laici, clementer erga eos agant, & misericorditer eos tractent, sive in exigendis ab eis operibus, sive in accipiendis tributis, & quibusdam debitis, sciântque eos fratres esse, & unum secum habere patrem, Deum, cui clamant, Pater noster, qui est in celis; & unam matrem, sanctam Ecclesiam, qua eos intemerato sacri fontis utero genuit. In his de sancta matre Ecclesia documentis comparatio, quæ ab antiquis derivatur Patribus, inter Deum patrem &*

Ecclesiam matrem instituitur: Atque hæc cum alia significat, tum maximè Ecclesiam sic esse matrem, ut serva non sit. In summa, Carolus Magnus & Gallicani Præsules, non ita loquerentur de matre Ecclesia, quæ serva esset nata, nec certum ac definitum jus ullum haberet.

Carolus & Gallicanos Præsules excipit Theodulfus Aurelianensis Episcopus, in Capitularis sui sectione xli. *Admonendus est populus, ut ante publicum peractum officium ad cibum non accedat, & omnes ad sanctam matrem Ecclesiam, missarum solemniam & prædicationem, audituri conveniant. Matrem vocat Ecclesiam, quæ cum fideles genuerit, gignendi potestate fruitur, nec ut serva nata jure omni privatur.*

Theodulfum excipiunt Carolus Calvus & Gallicani Præsules, semel atque iterum: Semel quidem in Capituli xxii. num. xv. *Idem Deus in carne veniens, qui solus Rex fieri potuit & Sacerdos, & in calum ascendens suum regnum, id est, Ecclesiam inter Pontificalem auctoritatem & regiam potestatem gubernandum deposuit. Et paulo post: Regnum Christi, quod Ecclesia. Iterum in Capitulo xl. Quod est Reclamatio Episcopi Barcinonensis apud Attinacum cap. i. Convocatos ab Episcopo ad matrem Ecclesiam, etiam in solemnitate Pasche ac Nativitatis Domini ad se revocat. In Ecclesia quæ Christi regnum est, & in Ecclesia, quæ fidelium mater est, servitutis conditiones veræ nusquam deprehenduntur. Si regnum Christi est Ecclesia, quomodo serva nata esset?*

Carolus Calvus & Gallicanos Præsules excipit Hincmarus Remensis Episcopus in Opusculo de divortio Lotharii & Tetbergæ: *Unum Regnum, una Christi columna, videlicet sancta Ecclesia, unius Christianitatis lege, regni unius, & unius Ecclesiæ, quamquam per plures regni principes & Ecclesiarum præfules gubernacula moderentur. Quæ omnia Ecclesiæ ut dominæ & matri, non ut servæ natæ propria sunt.*

Hincmarum excipit Ivo Carnotensis in sermone xlii. de Capite Jejunii: *Hodie mater Ecclesia filios suos, in quibus detrimentum se sensisse cognoscit, paterna corripit severitate, ut possit eos medicinali parsimonia reformatos materna pietate colligere. Non credebatur vir doctus & sapiens, matrem Ecclesiam, cui corripienti filios jus tribuit, servam natam esse, ut Cajetanus miserrimè docuit.*

Ivonem excipit Joannes Saresberiensis, in Epistola cxxxvii. ad Exoniensem Episcopum, ubi de certo quodam alio Episcopo scribit: *Si vero nonnisi debitas exigit consuetudines, sicut vester Demosthenes asserit, illis profectò debuerat esse contentus, quæ non sunt divinis legibus inimica, quæ bonis moribus non adversantur, quæ sacerdotium non dehonestant, quæ periculum non ingerunt animarum, quæ matris Ecclesiæ, de cujus manu gradum suscepit, non subruant libertatem. Vir apprime doctus Ecclesiam matrem exhibet, non servam, sed magistram & dominam, de cujus manu Sacerdotalis gradus per illius ministros suscipitur.*

Saresberiensis excipit Innocentius III. in sermone ii. de consecratione Pontificis: *In tantum, inquit, mihi fides necessaria est, ut cum de cæteris peccatis Deum judicem habeam, propter solum peccatum, quod in fide committitur, possem ab Ecclesia judicari. Judicem ergo censet esse Ecclesiam, cui judicandi de seipso munus tribuit. Sic serva nata non est Ecclesia, ut eam servam natam esse tradit Curialium Theologorum in adulandi facultate antesignanus. Hic peccatum, quod in fide committitur, paulo laxius sumendum est. Ad eum protenderetur Pontificem, quem inemendabilis gravitas teneret. De fide enim malè sentire creditur, qui pluries monitus corrigi non vult, sed in peccatis publicam offensionem concitantibus persistit. Scilicet Ecclesiam audire contemnit, & tunc in certam hæreseos suspensionem incurrit.*

Innocentium excipit Bonifacius VIII. cum extrà de 13



sent. excomm. ait: *Alma mater Ecclesia nonnulla rationabiliter ordinat, & consultè, quæ suadente subditorum utilitate postmodum revocat, & in melius commutat.* Mater hæc non est serva, sed verè mater & magistra, cum id agit, quod eam agentem Bonifacius inducit. Agendi potestatem habet, quam per eos, quos distinctè & ordinatè disponit, præfides exercet. Hoc Ecclesiæ, si ea Cajetani judicio serva esset nata & principandi jure careret, convenire quis assereret?

Bonifacium excipit Tridentina Synodus in sessionis XIII. canone IX. *Si quis negaverit omnes & singulos Christi fideles utriusque sexus, cum ad annos discretionis pervenerint, teneri singulis annis saltem in Paschate ad communicandum, juxta præceptum sanctæ matris Ecclesiæ, anathema sit.* Sanctæ matris Ecclesiæ præceptum dicit, quod sancta mater Ecclesia per suos præpositos conscripserat. Nec illud potuisset conscribere, nisi prius conscribendi jus habuisset, quo si serva esset nata, ut Cajetanus tradit, penitus careret.

Pius IV. in fidei professione, quam ex variis Tridentinæ Synodi decretis concinnari, edique curavit, Ecclesiam sanctam matrem nominat, & eo pacto Sedis Apostolicæ traditionem circumscribit: *Item sacram Scripturam juxta eum sensum, quem tenuit & tenet sancta mater Ecclesia, cujus est judicare de vero sensu & interpretatione sacrarum Scripturarum, admitto.* Quæ verborum series ex sessione IV. repetitur, ut intelligamus non Pium modò, sed & Tridentinum ipsum Concilium Ecclesiam censere matrem, cujus sit de vero sensu & interpretatione Scripturarum judicare. At Ecclesia judicandi jus non haberet ullum, si serva esset; huic obsequii, non judicii, quod imperari potest, gloria relinqueretur. Tridentinum Concilium & Pius IV. vetere, non novo loquendi modo utuntur.

Annus agebatur millesimus ducentessimus vigesimus secundus, postquam Arelatense Concilium, quod ex omnibus mundi partibus, & præcipuè Gallicanis collectum erat, Ecclesiam matrem & judicem nuncupaverat. Concilium utrumque arcessit hoc ex ipso Domino, qui beatum Petrum apud Matthæum sic alloquitur: *Si autem peccaverit in te frater tuus, vade & corripe eum inter te & ipsum solum: Si te audierit, lucratus eris fratrem tuum, si autem te non audierit, adhibe tecum adhuc unum vel duos, ut in ore duorum vel trium stet omne verbum: Quod si non audierit eos, dic Ecclesiæ, non ancillæ utique vel servæ, sed matri, dominæ, & judici, quæ fratrem peccantem corrigit atque emendet. Porro Ecclesia non per sese, sed per eos quos instituit, præpositos judicat, & proprio maternæ indoli dominio defungitur. Hoc minime faceret Ecclesia, si serva esset, quia serva præpositos nullos instituit. Serva per alium judicare, aut magisterium obire non potest, cum judicandi, & magisterii cuilibet obeundi jure prorsus omni careat.*

Sed ne à Romanis Pontificibus discedam, in medium tibi profero Gregorium magnum, qui rem totam in expositione super Cantica Canticorum paucis completitur. Verba sunt: *Ostium etiam bene esse Ecclesiam dicimus, quam ab ipso Christo potestatem aperiendi & claudendi accepisse scimus.* Ostium proculdubio in suis prædicatoribus existit, quia per eos aditus ad vitam se nobis aperit. Unde & ipsi primo Pastori Ecclesia dicitur: *Quodcumque ligaveris super terram, erit ligatum & in caelis, & quodcumque solveris super terram, erit solutum & in caelis.* Sic Ecclesia ab ipso Christo aperiendi & claudendi potestatem in persona beati Petri, cui dictum est, quodcumque ligaveris, accepit, sed eam potestatem per suos prædicatores primi utique & secundi ordinis antistites exercet, cæli ostium aperit & claudit. Atque istud dominæ proprium est non servæ, qualem Cajetanus Ecclesiam deformat, cum in Apologia libelli de comparata auctoritate Papæ & Concilii capite I. scribit: *Ecclesia utpote serva nata principandi jure caret. Ubinam Scripturarum? Quo in Concilio, quibus in canonibus,*

quibus in Pontificum decretis, quibus in Patrum commentariis visa est unquam propositio hæc? Sæculorum omnium, quæ Cajetanus præcesserunt, obruitur silentio. Igitur nova est & damnandæ novitatis reum peragit auctorem suum.

Quinetiam novitas hæc eò est periculosior, quod in Scripturis & apud Patres sponsa Christi vocetur Ecclesia. Sed ne idem bis dicatur, Patres tantum adfero, qui quod asserunt. Scripturarum auctoritate confirmant. Optatus Milevitanus in libro II. incipiat sub initium: *Illud demonstrare tam proximum est, quæ sit una Ecclesia, quam columbam & sponsam suam Christus appellat.*

Ambrosius in medium prodeat, & rem lib. II. super Evangelium beati Lucæ cap. III. decidat: *Hæc autem (Ecclesia) diligitur à Christo quasi sponsa, gloriosa, sancta, immaculata, sine ruga.*

Hieronymus libro I. in Hieremiam cap. II. ad illud: *Nunquid obliviscetur Virgo ornamenti sui, &c. Per hæc discimus, Christum esse sponsum Virginis Ecclesiæ, quæ non habet maculam, neque rugam. Si autem ipse est sponsus, ipsius verba sunt, de quo loquitur Joannes Baptista: Qui habet sponsam, sponsus est. At si Christus sponsus est Ecclesiæ, Ecclesia non potest non esse sponsa Christi.*

Augustinus in libri XII. contra Faustum Manichæum capite VIII. *Fit viro dormienti conjunx de latere, fit Christo morienti Ecclesia de Sacramento sanguinis, qui de latere mortui profluxit. Et paulo post: Relinquet homo patrem & matrem & adhaerebit uxori suæ, & erunt duo in carne una. Sacramentum, inquit, hoc magnum est: Ego autem dico in Christo & in Ecclesia. Quis enim non agnoscat, Christum eo modo reliquisse Patrem, qui cum in forma Dei esset, non rapinam arbitratus est esse equalis Deo, sed semetipsum exinanivisse, formam servi accipiens: Reliquisse etiam matrem Synagogam Judæorum veteri Testamento carnaliter adhaerentem, & adhesisse uxori suæ sanctæ Ecclesiæ, ut in pace novi Testamenti essent duo in carne una.*

Deinde in Psalmum XLIV. *Sonet eum jam Psalmus, gaudeamus in nuptiis, & nos erimus cum iis, qui sunt nuptiæ, qui invitantur ad nuptias, & ipsi invitati sponsa est. Etenim sponsa est Ecclesia, sponsus Christus.*

Tum in Psalmum CXXVI. *Quando dormivit in cruce, signum gestabat, immo implebat, quod significatum erat in Adam, quia cum dormiret Adam, costa illi detracta est, & Eva facta est. Sic & Dominus cum dormiret in cruce, latus ejus lancea percussus est, & Sacramenta profluxerunt. Unde facta est Ecclesia. Ecclesia enim conjunx Domini facta est de latere, quomodo Eva facta est de latere.*

Denique in sermonis XXXI. de verbis Apostoli capite VI. *Nos eum dicimus Christum, de quo ait Joannes Baptista: Qui habet sponsam, sponsus est: bonum conjugium, sancta nuptia, sponsus Christus, sponsa Ecclesia. Ab ipso cognoscimus sponsam.*

Leo I. in Epistola XL. ad Anatolium capite I. *illa est Virgo Ecclesia, sponsa unius viri Christi, quæ nulla se patitur errore vitari.*

Theodoretus in Cantica Canticorum: *A veteri igitur ad novam sponsam accedentes, hæc ratione Canticum Canticorum interpretemur, rejectisque falsis, ac perniciosis opinionibus sanctos imitemur Patres, atque unam sponsam cum uno sponso colloquentem agnoscamus, & qui sit sponsus, quæque sit sponsa, & sanctis discamus Apostolis. Id enim docet nos & divinissimus Paulus ita scribens: Despondi enim vos uni viro Virginem castam exhibere Christo. Sponsam ex multis confectam dicit. Nam despondi, inquit, non te, sed vos, hoc est, animas piæ & in virtute perfectas. Sponsam enim Divina Scriptura Ecclesiam intelligit: Sponsam autem Christum appellat. Et magnus ille Joannes, legis finem gratia principium ostendit, quique inter pedagogum & sapientem magistrum medium fuit, cujus tempore umbra corpus accepit. Qui habet,*

habet, inquit, sponsam, sponsus est: Amicus autem sponsi, qui stat & audit eum, gaudio gaudet propter vocem sponsi. Quid quod ipse Dominus se sponsum appellat? Cum enim Pharisei sanctos Apostolos uti non jejunantes accusarent, refellit eos; 18 Nunquid possunt, inquit, filii sponsi lugere, quandiu cum illis est sponsus? Venient autem dies cum auferetur ab eis sponsus, & tunc jejunabunt. Sponsam igitur Ecclesiam, sponsum Christum intelligamus.

Iterum in caput v. epistolæ ad Ephesios: Domini curam imitami, & quam ipse ostendit in Ecclesiam, eandem vos de conjugibus gerite. Christus enim Dominus pro sua sponsa nec mori recusavit, ut eam emundaret.

Petrus Chrysologus in sermone cxxx. de consecratione Episcopi: Hinc est, quod hodie, sicut dixit Isaias, Ecclesia mater sancta, festiva, tota gaudens, compta processit, induit se tunicam jucunditatis, & sicut sponsa imposit sibi mitram, ac vario se composuit & decoravit ornatu.

Fulgentius Ruspensis Episcopus in epistola 111. ad Galilam de statu viduali: Christus Dei virtus est, & Dei sapientia, ex quo est Ecclesia. Quia virgo in fide & charitate persistens, & sapientiam possidet & virtutem. Ideo nec seductione decipitur, nec violentia vincitur, quia interna virginis integritate fulcitur. Hinc Virgini Esaias dicit: Quoniam complacuit Domino in te, & terra tua inhabitabitur; Habitabit enim juvenis cum Virgine, & habitabunt in te filii tui. Et ut ostenderet non alium esse juvenem, quam sponsum, nec aliam esse Virginem, quam sponsam, sponsum autem & sponsam Christum & Ecclesiam sequutus adjunxit: Et gaudebit sponsus super sponsam, & gaudebit super te Deus tuus. Hac Virgo mater est, cui dicitur, [habitabunt in te filii tui,] & hac mater Virgo est, de qua dicitur, [habitabit enim juvenis cum Virgine.] Hac Virgo sponsa est, de qua dicitur, [et gaudebit super sponsam suam.] 19 Hec igitur Ecclesia una & vera Catholica sponsa est, quia inheret Christo; mater est, quia fecundatur à Christo; Virgo est, quia incorrupta perseverat in Christo. Hujus sponsæ nec fecunditate virginitas corrumpitur, nec virginitate fecunditas impeditur. Tale namque istius est viri virginisque connubium, ut idcirco ab hoc viro fecundetur hac virgo, quia in hoc connubio nulla unquam potest esse corruptio, & tanta in hac matre virginitatis perseverat integritas, ut nisi Virgo semper esset, mater esse non posset.

His accedit, quod in Scripturis quoque & apud Patres ipsamet Ecclesia dicatur corpus Christi.

Beatus in epistola ad Ephesios capite 1. Et omnia subiecit pedibus ejus, & ipsum dedit caput supra omnem Ecclesiam, quæ est corpus ipsius & plenitudo ejus. Iterum in capite v. Quoniam vir caput est mulieris, sicut Christus caput est Ecclesia, ipse Salvator corporis ejus.

Hieronymus in caput 111. epistolæ ad Ephesios: Ipsi itaque Deo sit gloria, primum in Ecclesia, quæ est pura, non habens maculam, neque rugam, & quæ propterea gloriam Dei recipere potest, quia corpus est Christi.

Rursus in caput v. Peccator currat ad medicum, quia non habent opus sani medico, sed male habentes, & curentur vulnera ipsius, & fiat de Ecclesia, quæ corpus est Christi.

Augustinus in epistola 1. ad Bonifacium Comitem: Dominus itaque Christus & justus est & justificans. Nos autem justificati gratis per gratiam. Non autem justificat nisi corpus suum, quod est Ecclesia: Iterum sub finem: Unus panis Sacramentum est unitatis, quoniam sicut Apostolus dicit: Unus panis, unum corpus multi sumus. Proinde Ecclesia Catholica sola corpus est Christi.

In libri 111. de consensu Evangelistarum in capite 2211. Ne quisquam se Christum agnovisse arbitretur, si ejus corporis particeps non est, id est, Ecclesia, cujus unitatem in Sacramento panis commendat Apostolus.

In libri 2211. de civitate Dei capite xv111. Quo-

tidie tamen eidem corpori accedunt, dum edificatur Ecclesia, cui dicitur: Vos estis corpus Christi & membra: & alibi, Pro corpore, inquit, ejus, quod est Ecclesia.

In sermonis xlv. super Evangelium Joannis capite 111. Istos attendamus fratres nostros, cum quibus agimus. Nam Christus caput est & corpus. Caput in calo est, corpus in terra est. Caput Dominus est, corpus ejus Ecclesia est.

In sermonis xx1111. de verbis Apostoli capite vii. Ipse Christus passus est, tertio die resurrexit, caput est Ecclesia: corpus quod est? ipsa Ecclesia.

Leo I. in epistolæ xl. ad Anatolium capite 11. Aliter enim in Ecclesia Dei, quæ corpus est Christi, nec rara sunt Sacerdotia, nec vera sacrificia, nisi in nostra proprietate natura verus nos Pontifex reconciliet.

Theodoretus in epistolæ 1. ad Corinthios caput x11. Christum hic commune Ecclesia corpus appellavit, quoniam hujus corporis caput est Christus Dominus. Præcipit ergo in corpus intueri & scire, quod ex diversis quidem membris est compositum: Unum autem corpus est & dicitur: Et hinc intelligere, quod etiam Ecclesia vocatur corpus Christi Domini. Habet autem multa membra & differentia, & alia quidem majora, alia minora, & alia præstantiora, alia inferiora, sed omnia tamen necessaria & 21 utilia.

Deinde in epistolæ ad Ephesios capite 1. Ecclesiam vocat Christi fidelium. Hanc appellavit Christi quidem corpus: Patris autem plenitudinem. Eam enim implevit donis omnis generis, & in ea habitat & obambulat juxta vocem Propheticam.

Gregorius I. in caput xxxviii. Job: Quid enim sancta Ecclesia, nisi superni sui capitis corpus est? Hæc pauca de multis quæ cogi & coacervari possent. Jam vides opinor, quantus sit Thomæ Cajetani error, qui usque adeo alleveranter scribit, Ecclesiam, quæ nunc Christi sponsa, nunc Christi corpus dicitur, servam natam esse, eamque auctoritate carere omni. Si serva nata est Ecclesia, serva est Christi sponsa, cui sponsus auctoritatis nihil dederit, servum Christi corpus, cui caput Christus virum nihil intulerit? Atque ita Cajetanus contra quam putat, ad servi conditionem redigit Romanum Pontificem, quem in libertatem summam asserere contendit. Servæ sponsæ filius, & servi corporis servum membrum erit, nisi fortasse velit servam sponsam liberos parere filios, & libera servi corporis membra esse. Intolerandæ sunt & horrendæ complexiones istæ, quibus auctor cum oblatam à majoribus nostris Parisiensibus Theologis veritatem refugit, implicatur. Majores nostri Joannes Gerfo Cancellarius Parisiensis, Joannes Major, Jacobus Almainus, cæteri cum essent ad sanctorum Patrum, & Sedis Apostolicæ traditionem informati, docuerant, Romanum Pontificem Ecclesiæ filium esse, & hujus tam in fide, quam in moribus correctioni subiaci, quia Ecclesia Christianorum omnium mater est, domina, & judex. Hoc autem est 22 certum atque inexpugnabile subjectionis istiusmodi præsidium, hoc propugnaculum, quo Pontifices continentur in officio, hic murus quidam firmissimus, qui adulatrici Curie & coacervatis ad desideria nonnullorum Pontificum magistris opponitur. At tantum abest, ut Cajetanus traditioni veræ assentiret, ut contra potius ab ea dissenferit, & initâ disputandi ratione novâ docuerit, Romanum Pontificem maternæ correctioni subiectum non esse, Ecclesiam servam natam esse, & principandi jure carere: Atque idcirco Pontificem quamlibet ferè ob causam nec judicari nec destitui posse. Quo nihil est ab Sedis Apostolicæ traditione alienius. Rem exemplis tribus breviter conficio.

Primum est in epistola 111. Romani Concilii ad Gratianum & Valentinianum Imperatores. Et hoc, inquit, gloria vestra clementissimi Principes pietatisque est illustre documentum, quod innumeri ferè ex diffusis Italia partibus ad sublime Sedis Apostolicæ sacrarium congregati, cum quaereremus, quid pro Ecclesiarum statu poscendum esset



esset à vobis, nihil melius potuimus reperire, quàm quod spontanea vestri providentia contulisset. Et post alia: Sic denique factio profecit Ursini, ut Isaac Judæo subornato, qui factus ad Synagogam recursu celestia mysteria profanavit, sancti fratris nostri Damasi peteretur caput, sanguis innocentium funderetur, componerentur doli, quibus divino planè instinctu providentia vestra pietatis occurrit, spoliaretur propè Ecclesia omnibus ministeriis: Ea fraude videlicet, ut dum causam dicit, qui in omnes iudex fuerat constitutus, nemo esset, qui de lapsis, vel certè de factiosis posset

- 23 Episcopatus invasoribus judicare. Quia igitur vestra iudicio tranquillitatis probata est innocentia memorati fratris nostri Damasi, integritas prædicata est, Isaac quoque ipse, ubi ea, quæ detulit, probare non potuit, meritorum suorum sortem tulit. Et post alia: Memoratus frater noster Damasus, quoniam in sua causa vestri tenet insigne iudicii, non fiat inferior his, quibus etsi equalis est munere, prærogativa tamen Sedis Apostolica excellit, ut iudiciis publicis videantur esse subiecti, quibus Sacerdotale caput lex vestra summovit. In quo post sententiam non videtur declinare iudicium, sed delatam à vobis honorificentiam flagitare. Nam quod ad leges publicas pertinet, quæ potest esse vita munitior, quàm vestra clementia, quæ innotuit, iudicata? Quod verò ad prædicandam Episcopi conscientiam severioribus se dedit ipse iudiciis Sacerdotum, à quibus non nominis, sed etiam morum ratio pensatur, nequis iterum calumniator existens, dum memoratum conatur appetere, virum quidem ipsum non queat ledere, quem innocentia sua munit, religioni tamen fiat injuria in vexationibus ministrorum: Accipite aliud quoque, quod vir sanctus vestra magis conferre pietati, quàm sibi præstare desiderat, nec derogare cuiquam, sed principibus adrogare. Quoniam non novum aliquid petit, sed sequitur exempla majorum, ut Episcopus, si Concilio ejus causa non creditur, apud Concilium se Imperiale defendat. Nam & Silvester Papa à sacrilegis accusatus, apud parentem vestrum Constantinum causam propriam prosecutus est.

- Et primò quidem Imperatores Gratianus, & Valentinianus ut de innocentia Romani Pontificis iudicant, sic & de vitis innocentie oppositis iudicarent. Contrariorum eandem esse disciplinam quis ignorat? Tunc illa innocentia divino nondum reservabatur examini. Nec ulla ut reservaretur, ferebat traditio. Religionis instar est fidem de temporibus asserere, ut Tertullianus ait in Apologetici capite XIX. Instrumentis, quibus reservari solet, primam auctoritatem summa non vindicat auctoritas. Romanum Concilium Gratiano & Valentiniano dicit: Vestra iudicio tranquillitatis probata est innocentia memorati fratris nostri Damasi, integritas prædicata est. Iterum: Frater noster Damasus vestri tenet insigne iudicii.

Deinde non veretur Damasus se suamque causam Episcoporum arbitrio subicere: Ad prædicandam Episcopi conscientiam severioribus se dedit ipse iudiciis Sacerdotum, à quibus non nominis, sed etiam morum ratio pensatur. Tunc nondum è latebris emerferant, qui Romanos Pontifices à subiectione tali deterrent, & supra Conciliorum auctoritatem eveherent. Subjiciebant illi se ultro Conciliis, quia inferiores se Conciliis esse facile credebant. Damaso pluribus sæculis posteriores sunt, qui contrariam doctrinam in scholas induxere, & periculosa novitate turbaverunt Ecclesiam.

- Tum Romanum Concilium significat, Conciliorum genera esse duo, in quibus quæ ad Romanum Episcopum spectant, disceptari, dijudicarique possint, Sacerdotale unum, Imperiale alterum: Damasus non novum aliquid petit: Sed sequitur exempla majorum, ut Episcopus Romanus si Concilio ejus causa non creditur, apud Concilium se Imperiale defendat. Quod hic voco Sacerdotale Concilium, Episcoporum Concilium est, quale Romanum istud, quod in Damasi & Ursini negotio convocatum fuit, non quidem ex omnibus Christiani orbis provinciis sed ex variis Italiae partibus duntaxat. Regionis Concilium fuit, non universitatis.

Postremò Silvester cum à sacrilegis accusatus esset, maluit se apud Imperiale, quàm apud Sacerdotale Concilium defendere, & causam suam prosequi. Cur autem Pontifex id ita fecerit, pronuntiatio non est facile. Persuasum fortassis habuit, adversarios validius ab Imperiali, quàm à Sacerdotali Concilio coercitum repressumque iri. Quidquid id est, utriusque Concilii auctoritatem supra Romanum Episcopum admitti constat, nec reperiuntur ulli, qui admittendam non esse contenderet, ne Romani Episcopi dignitas læderetur.

Quinetiam proximus successor Damasi Siricius observationes nostras præclare confirmat, cum ad Anysum & ceteros Episcopos per Illyricum constitutos ita scribit: Accepi literas vestras de Bonoso Episcopo, quibus vel pro veritate vel pro modestia nostram sententiam sciscitari voluistis. Sed cum hujusmodi fuerit Concilii Capuensis iudicium, ut finitimi Bonoso, atque ejus accusatoribus iudices tribuerentur, & præcipue Macedones, qui cum Episcopo Thessalonicensi de ejus factis vel cognoscerent, advertimus, quòd nobis iudicandi forma competere non posset. Nam si integra esset hodie Synodus, rectè de iis, quæ comprehendit vestrorum scriptorum series, decerneremus. Vestrum est igitur, qui hoc recepistis iudicium, sententiam ferre de omnibus, nec refugiendi vel elabendi, vel accusatoribus vel accusato copiam dare. Vicem enim Synodi recepistis, quos ad examinandum Synodus elegit. Denique cum Bonosus Episcopus post iudicium vestrum misisset ad fratrem nostrum Ambrosium, qui ejus sententiam consuleret, interdictam sibi Ecclesiam irrumpere atque ingredi, responsum est ei, quòd nihil temerandum foret, sed omnia modèstè, patienter, ordine gerenda, neque contra sententiam vestram tentandum aliquid, ut quod videretur vobis iustitia convenire, statueretis, quibus hanc Synodus dederat auctoritatem. Ideo primum est, ut ii iudicent, quibus iudicandi facultas est data. Vos enim totum, ut scripsimus, Synodi vice decernitis: Nos quasi ex Synodi auctoritate iudicare non convenit. Deinde in fine Epistolæ: Legimus etiam, & omnia percurramus, vel de eo, quod fratri nostro & Coepiscopo Basso in consortium regende Ecclesiæ datum est Senecio, vel de ceteris, unde vestra normam expectemus sententia.

Ut Damasus & Silvester Conciliis, quæ non sunt universalis, se subiectos esse agnoscunt, sic & Siricius, Capuensi Synodo, quæ non habetur Oecumenica, se subiectum esse recipit, cum Synodi hujus auctoritatem sua majorem asserit & probat: Neutrum autem faceret, si Sedis Apostolicæ traditio vel dignitas repugneret. Pontifices omnes, qui à Petro floruerant usque ad Siricium, ut matrem & dominam habebant Ecclesiam, quam Cajetanus post annos ab excessu Siricii mille centum & quatuordecim, Romanis Episcopis in servitutem tradere, & omni materno jure spoliare tentavit.

Alterum est in Romano Concilio, quod Joannem XII. ob innumera & horrenda scelera de Sede Petri deturbavit. Luitprandus Ticinensis, vel illius Continuator æqualis Concilii historiam, memoriæ prodidit in libri VI. capite VI. de rebus per Europam gestis. Sic autem illa se habet in Parisiensi editione anni MDXIV. Post triduum (quàm Otho Romanus advenit) rogantibus tam Romanis Episcopis, quàm plebe, magnum in sancti Petri Ecclesia sit conventus, sederuntque cum Imperatore Archiepiscopi: Ab Italia pro Engelfrido Aquilensi Patriarcha, quem in eadem urbe languor repente (ut fit) ortus arripuerat, Rodulfus Diaconus, Walbertus Mediolanensis, Petrus Ravennas: A Saxonia Adeltas Archiepiscopus, & Landohardus Episcopus Numendensis: A Francia Otgerius Episcopus Spirensis, Bubiis Parmensis: Ab Italia Liudprandus Cremonensis, Hermenaldus Regensis: A Tuscia Conradus Lucensis, Everarins Ariciensis, Pisannus Senensis, Florentinus Postruensis, Petrus Camerinus, Spoletinus: A Romanis Gregorius Albanensis, Spoletinus, Sico Hostiensis, Benedictus Portuensis, Lucidus Ganensis, Theophylactus Prænestinus, Wido Silvae candida, Leo Velitriensis, Sico Blebensis, Stephanus Segensis,

rensis, Joannes Nepefinus, Joannes Triburtinus, Joannes Forojulienfis, Romanus Feretinenfis, Joannes Normensis, Joannes Berulensis, Martinus Surinus, Joannes Nurniensis, Joannes Sapinensis, Joannes Gallacensis, Phalarenfis, Alaterensis, Ortanus, Joannes Anagninensis, Trebensis, Salibatinus, Terracinenfis, Stephanus Cardinalis Archipresbyter titulo Balbina, Dominicus titulo Anastasia, Petrus titulo Damasi, Theophylactus titulo Chrysogoni, Joannes titulo Equicii, Joannes titulo Susanna, Petrus titulo Pammachii, Adrianus titulo Canina, 28 lixii, Joannes titulo Ceciliae, Adrianus titulo Lucinae, Benedictus titulo Sixti, titulo quatuor Coronatorum, Stephanus titulo Sabinae, Benedictus Cardinalis Archidiaconus, Joannes Diaconus, Bonofilius Diaconus Cardinalis Primicerius, Georgius Secundicerius, Stephanus adminiculator, Andreas Arcarius, Sergius Primicerius defensorum, Joannes Sacellarius, Stephanus, Theophylactus, Adrianus, Stephanus, Benedictus, Azo, Adrianus, Romanus, Leo, Benedictus: Item Leo & Leo Scrinarius, Leo Primicerius schola cantorum, Benedictus Subdiaconus, & oblationarius, Azo, Benedictus, Demetrius, Joannes, Amicus, Sergius, Benedictus, Urso, Joannes, Benedictus Subdiaconus, Subpulmentarius, & Stephanus Archiacolytus cum omnibus Acolytis, & regionariis: Ex primatibus Romana civitatis, Stephanus filius Joannis, Superista, Demetrius Meliosi, Crescentius caballi marmorei, Joannes cognomento Nuzina, Stephanus de Muza, Theodorus de Rufina, Joannes de Primicerio, Leo de Camirzali, Richardus, Petrus de Canaparia, Benedictus cum Bulgamino filio suo: Ex plebe, Petrus, qui & Imperiola est dictus, assistit cum omni Romanorum militia.

Cap. VII. His itaque residemibus, silentiumque summum tenentibus, ita sanctus est Imperator exorsus: Quoniam decorum esset, tam claro sanctoque Dominum Papam Joannem interesse Concilio, sur tantum declinaverit ceterum, vos, o sancti Patres, consulimus, quibus communis labor Ecclesiasticus, ac commune negotium existit. Tunc Romani Pontifices & Cardinales Presbyteri ac Diaconi cum universa plebe dixerunt: Miramur sanctissimam prudentiam vestram, nos hoc velle percontari, quod nec Hibericos, nec Babylonicos, nec Indicos incolae latet. Non hic jam de illis est, qui veniunt in vestimentis ovium, intus autem sunt lupi rapaces: Ita aperte sevit, ita aperte Diabolica pertrahat negotia, ut nihil circuitionis utatur. Imperator respondit: Justum nobis videtur, ut accusationes nominatim exprimantur: Deinde quod agendum est, communi consilio pertrahetur. Tunc consurgens Petrus Cardinalis Presbyter se vidisse illum missam celebrasse, & non communicasse testatus est: Joannes Episcopus Narniensis, & Joannes Cardinalis Diaconus se vidisse illum Diaconum ordinasse in eorum stabulo, non oertis temporibus, sunt professi. Benedictus cum ceteris condiaconis & Presbyteris dixit se scire, quod ordinationes Episcoporum pretio faceret, & quod amorum decem Episcopum in Tuderina civitate ordinaret. De sacrilegio non esse necesse percontari dixit, quia plus videndo, quam audiendo scire potuissimus. De adulterio dixerunt, quod oculis non viderant, sed pro certo scirent, viduam Ranieri, & Stephanam patris concubinam, & Annam viduam cum nepte sua abusum esse, & sanctum Paladium Iapanar & profibulum fecisse. Venationem dixerunt publice exercuisse. Benedictum spiritua-lem patrem suum lumine privasse, & mox mortuum esse, Joannem Cardinalem Subdiaconum virilibus amputatis occidisse, incendia fecisse, ense accinctum, galea, & lorica indutum fuisse testati sunt. Diaboli in amorem vinum bibisse, omnes tam clerici, quam laici acclamaverunt. In ludo alea, Jovis, Veneris, ceterorumque Demonum auxilium poposcisse dixerunt. Matutinas & canonicas horas enim non celebrasse, nec signo Crucis se munivisse professi sunt. His auditis Imperator, quia Romani ejus loquelam propriam, id est, Saxoniam intelligere nequibant, Limbprando Cremonensi Episcopo precepit, ut

Latino sermone, hac Romanis omnibus, qua sequuntur exprimeret. Surgens itaque sic cepit.

Cap. VIII. Persape contigit, & nobis expertis credimus, ut in dignitatibus constituti invidorum infamia maculentur: Displicet bonus malis, quemadmodum & malus bonis. Atque hoc rei est, quod hanc in Papam accusationem, quam modo Benedictus Cardinalis Diaconus legit, & vobiscum fecit, amphibolam retinemus, incerti, utrum è zelo justitia, an impietatis livore proruperit. Unde mihi indigno secundum concessa dignitatis auctoritatem omnes obtestor per Deum, quem fallere, nisi vult, nemo potest, sanctamque ejus genitricem intemeratam Virginem Mariam, perque pretiosissimum Apostolorum Principis corpus; In cujus hac recitatur Ecclesia, ut nulla in Dominum Papam jaculentur convicia, qua non sint ab ipso patrata, atque à viris probatissimis visa. Tunc Episcopi, Diaconi, Clerus & cunctus Romanorum populus, quasi vir unus, dixerunt: Si non & qua per Benedictum Diaconum lecta sunt, hisque turpiora & ampliora Joannes Papa indigna commisit facinora, non nos à peccatorum vinculis absolvat Apostolorum Princeps beatus Petrus, qui verbo celum indignis claudit, justè aperit, sinus anathematis vinculo innodati, atque in die novissima in sinistra parte positi cum eis, qui dixerunt Domino Deo: Recede à nobis, scientiam viarum tuarum nolumus. Quod si fidem nobis non adhibetis, exercitui domini Imperatoris saltem debetis credere, cui ante v. dies ense accinctus, chlypeo, galea, lorica indutus occurrit: Solus Tiberis, qui interfluit, ne sic ornatus ab exercitu caperetur, impedivit. Mox sanctus Imperator dixit: Tot sunt hujus rei testes, quot sunt nostro in exercitu bellatores. Sancta Synodus dixit: Si placet sancto Imperatori, mittantur litera Domino Papa, ut adveniat, seque ex his omnibus perget. Tunc eidem sunt litera destinata.

Cap. IX. Summo Pontifici & universali Papa Domino Joanni, Otho divina respectu clementia Imperator Augustus, cum Archiepiscopis Liguria, Tuscia, Saxonia, Francia, in Domino S. Romam ob servitium Dei venientes, dum filios vestros, Romanos scilicet Episcopos, Cardinales, Presbyteros, Diaconos, & universam plebem de vestra absentia percontaremur, & quid causa esset, quod nox Ecclesia vestra, vestrique defensores videre noluissetis, talia de vobis tanquam obscena protulerunt, ut si de hisfrionibus diceremur, vobis verecundiam ingererent. Quae ne magnitudinem vestram omnia lateant, quadam vobis sub brevitate describimus: Quoniam si cuncta nominatim exprimere cuperemus, dies nobis non sufficeret unus. Noveritis itaque non à paucis, sed ab omnibus tam vestri, quam alterius ordinis, vos homicidii, perjurii, sacrilegii, & ex propria cognatione atque ex duabus sororibus incesti crimine esse accusatos. Dicunt & aliud auditu ipso horridum, Diaboli vos in amorem vinum bibisse, in ludo alea, Jovis, Veneris, ceterorumque Demonum auxilium poposcisse. Oramus itaque Paternitatem vestram obnixè venire, atque ex his omnibus vos purgare non dissimuletis. Si fortè vim temeraria multitudinis formidatis, juramento vobis affirmamus nihil fieri prater sanctorum canonum sanctionem. Data VIII. Idus Novembris.

Cap. X. Hanc epistolam cum legisset, hujusmodi A-32 pologeticum scripsit. Joannes Episcopus servus servorum Dei omnibus Episcopis. Nos audivimus dicere, quod vos vultis alium Papam facere; si hac facitis, excommunico vos de Deo omnipotente, ut non habeatis licentiam ullum ordinare, & missam celebrare. Cum hac epistola in sancta Synodo legeretur, advenerunt, qui prius defuerant, religiosi è Lotharingia, Henricus Treverensis Archiepiscopus, ab Emilia & Liguria Guido Mutienfis, Gezo Tertonensis, Sigulfus Placeminus, quorum consilio Domino Papa ita rescribunt.

Summo Pontifici & universali Papa Domino Joanni Otho divina respectu clementia Imperator Augustus, sed & sancta Synodus Roma ob servitium Dei congregata, in Domino salutem. Præterita Synodo, qua celebrata est VIII. Idus Novembris, literas vobis direximus, in qui-



bus accusatorum vestrorum verba, atque accusationis causa continebantur. Rogavimus etiam eisdem literis magnitudinem vestram, quemadmodum justum est, a vobis non quales temporis qualitas, sed inconsultorum vanitas exposcit hominum, literas accepimus. Non veniendi ad Synodum rationabilis esse excusatio debuit. Sed & presentes magnitudinis vestrae debuerunt nuntii interesse, qui aut egritudinis, aut certe difficultatis causa satisfacerent, sanctam vos Synodum declinasse. Est & aliud vestris in literis scriptum, quod non Episcopum, sed puerilem ineptiam scribere deceret: Excommunicastis enim omnes, ut non habeamus licentiam canendi missas, ordinandique Ecclesiasticas dispositiones, si alium Romanae Sedi constitueremus Episcopum. Ita enim scriptum erat. Non habetis licentiam ullam ordinare. Nunc usque putavimus, immo credimus duo negativa unum facere dedicationem, nisi vestra auctoritas praeceptorum sententias infirmaret auctorum. Nos vero intentioni vestra, non verbis respondeamus. Si ad Synodum venire, & objecta purgare non differtis, auctoritati vestrae proculdubio obedimus: Sed si, quod absit, venire, & objecta vobis capitalia crimina purgare dissimulatis, cum praesertim vos venire nil impediatur, non maris navigatio, non corporis egritudo, non itineris longitudo, tunc excommunicationem vestram parvipendimus: Eam potius in vos retorquebimus: Quandoquidem iussu facere possumus. Judas Domini nostri Jesu Christi proditor, immo venditor, cum ceteris prius ligandi atque solvendi potestatem a magistro in hac verba acceperat: Amen dico vobis, quacunque ligaveritis super terram, &c. Quantum enim bonus inter discipulos fuit, ligare atque solvere valuit. Postquam vero cupiditatis veneno homicida factus vitam occidere voluit, quem postea ligatum solvere, atque solum ligare potuit, nisi seipsum, quem infelicissimo laqueo strangulavit? Data x. Calend. Decembris, & missa per Adrianum Cardinalem Presbyterum, & Benedictum Cardinalem Diaconum. Quam cum ad Tyberim pervenissemus, eum non invenimus. Pharetratus enim in campestria jam abierat. Nec quisquam erat, qui his ubi ipse esset, indicare posset. Cumque eum invenire non possent, cum eisdem literis ad sanctam Synodum, quae tunc tertio est habita, sunt reversi. Mox Imperator ait. Expectavimus adventum ejus, ut praesente eo, quid nobis egerit, quereamus: Verum quoniam eum non affuturum certo scimus quam perfide nobiscum egerit, ut diligenter agnoscatis, etiam atque etiam flagitamus. Notum itaque vobis facimus Archiepiscopis, Presbyteris, Diaconis, reliquaque Clero, necnon & Comitibus, Judicibus, omni plebi, quod idem Joannes Papa oppressus in Saxonia atque Adelberto rebellibus nostris misit nobis in Saxonia nuntios rogans, ut pro amore Dei in Italiam veniremus, & Ecclesiam sancti Petri ac seipsum ex faucibus eorum liberaremus. Nos vero adjuvante Deo quantum fecerimus, non est necesse dicere, ut impraesentiarum videtis. Ereptus vero mea opera ex eorum manibus, honori debito restitutus, OBELITUS JURAMENTI ET FIDELITATIS, QUAM MIHI SUPRA CORPUS S. PETRI PROMISIT, EUNDEM ADELBERTUM ROMAM VENIRE FECIT, ET CONTRA ME DEFENDIT, SEDITIONES FECIT, ET VIDENTIBUS NOSTRIS MILITIBUS DUX BELLI FACTUS LORICA ET GALEA EST INDUTUS. Quid super hoc sancta Synodus decernat, edicat. Adhuc Romani Pontifices reliquisque Clerus & cunctus populus dixerunt: Inauditum vulnus inaudito est canterio exurendum. Si corruptis moribus sibi soli & non cunctis obesset, quoquo modo tolerandus esset. Quot prius casti hujus facti sunt imitatione incesti? Quot probi hujus exemplo conversationis sunt reprobi? Petimus itaque magnitudinem imperii vestri monstrum istud nulla virtute redemptum a vitis, a sancta Romana Ecclesia pelli, aliumque loco ejus constitui, qui nobis exemplo bona conversationis praesse valeat, & prodesse sibi, ac bene vivendi nobis exemplum praebeat. Tunc Imperator, Placet, inquit,

quod dicitis, nihilque gratius nobis, quam ut talis, qui huic sancta & universali Sedi praepositus, inveniri possit.

Cap. XI. His dictis omnes una voce dixerunt: Leonem venerabilem sancta Romana Ecclesia protoscrinarius, virum approbatum, ad Summum Sacerdotii gradum nobis in Pastorem eligimus, ut sit Summus & universalis Papa Romana Ecclesia, reprobato ob improbos mores Joanne apostata. Cum hoc omnes tertio dixissent, annuente Imperatore, nominatum Leonem ad Lateranense Palatium secundum consuetudinem cum laudibus ducunt, & certo tempore in Ecclesia sancti Petri ad Summum Sacerdotium sancta consecratione attollunt, & fideles se ei affuturos jurando promittunt. His ita gestis sperans sanctissimus Imperator cum paucis Roma se degere posse, ne consumeretur populus Romanus ob multitudinem exercitus, multis ut redirent, licentiam dedit; cumque hoc Joannes, qui dejectus est, Papa cognosceret, non ignorans, quam facile Romanorum mentes pecunia posset corrumpere, clam Romam mittit nuncios beati Petri, omniumque Ecclesiarum pecuniam repromittentes, si super pium Imperatorem, & Dominum Leonem Papam irruerent, eosque impiissime trucidarent. Quid multis morer? Romani, quam mox exercitus paucitate confisi, immo decepti, & pecunia promissione animati buccina concrepante super Imperatorem, ut eum occidant, festinare contendunt. Quibus Imperator super pontem Tyberis, quem Romani plaustris impeditum habebant, occurrit. Cuius fortes milites assuescenti bello, pectore & armis intrepidi, eos inter profligunt, & quasi accipitres avium multitudinem nullo resistente proterunt. Non latibula, non corbes, non concava ligna, non cripta sordium receptacula, fugientium tutela esse possunt. Occiduntur itaque, & ut asselet contingere viris fugientibus, passim a tergo vulnerantur. Qui tunc Romanorum cladis hujus superstes fieret, si non Imperator sanctus misericordia, quae illis nulla debebatur, inclinat, suos adhuc interficere sitientes retraheret & revocaret? Itaque devictis omnibus atque iis, qui supererant, obfidibus acceptis, venerabilis Papa Leo pedibus Imperatoris provolutus orat, ut Romanis obsides reddat, seque eorum fidei commendat. Rogatu denique venerabilis Papae Leonis Imperator sanctus Romanis obsides reddit, non incertum, quod prosecuturus sum, incepturos. Igitur Romanorum fidei eundem Papam, quemadmodum lapis agnum commisit. Deinde Roma exiens Camerinum, Spoletumque versus, ubi Adelbertum esse audierat, properavit. Interea mulieres quibuscumque Joannes, qui dictus est Papa, voluntatis suae ludibrium exercebat, ut non ignobiles & plures concitaverunt Romanos, ut Leonem Summum & universalem Papam a Deo & ipsis electum perderent, & Joannem in urbem susciperent. Quod cum fecissent, Deo miserante, ex eorum manibus est venerabilis Papa Leo liberatus, paucisque ipsum concomitantibus ad piissimi Imperatoris misericordiam est profectus. Imperator denique sanctus tantum dedecus agre ferens, tum ex Domini Papae Leonis dejectione, tum ex Joanne Cardinali Diacono, & Azone protoscrinario, quorum alterum manu dextera, alterum lingua, duobus digitis naribusque abscissis Joannes abdicatus defecaverat, reparato exercitu Romam redire disposuit. Priusquam tamen sancti Imperatoris copia essent congregata, volens cunctis saculis innotescere Dominum, quam iuste esset Joannes Papa a suis Episcopis & omni plebe repudiatus, quamque postmodum iniuste receptus, quadam nocte extra Romam, dum secum cujusdam viri uxore oblectaret, in temporibus adeo a diabolo est percussus, ut intra dierum octo spatium eodem sit vulnere mortuus. Sed Eucharistiae Viaticum ipsius instinctu, qui eum percusserat, non percepit, quemadmodum a suis cognatis et familiaribus, qui praesentes erant, persaepe sub attestatione audivimus. Quo mortuo Romani omnes juramenti, quod sancto Imperatori promiserant, immemores Benedictum Cardinalem Diaconum Papam constituunt. Insuper & juramento nunquam se eum dimissuros, sed eum contra Imperatoris potentiam defensuros promittunt. Quo audito

Imperator urbem vallavit, nomen, qui non membris truncaretur exire permisit: Machinis & fame usque adeo afflixit, donec Romanis nolentibus urbem reciperet; Leonem virum venerabilem debita Sedi restitueret; Ac Benedictum Summa Sedis invasorem ejus presentie præsenteret. Residentibus itaque Domino Leone Summo & universali Papa in Ecclesia Lateranensi, nec non & Imperatore sanctissimo Othone, & Episcopis Romanis Italicis à Lotharingia, & Saxonia Archiepiscopis, Presbyteris, Diaconis, omnique Romanorum plebe, quorum nomina superius adscribuntur, advenit Benedictus Apostolica Sedis invasorem, qui se elegerant, manibus adductus, Pontificalibus vestibus indutus. Quem Benedictus Cardinalis Archidiaconus tali est sermone aggressus: Qua tibi auctoritate, quare lege, o invasor, hæc Pontificalia indumenta usurpasti, superstite hoc presenti Domino nostro venerabili Papa Leone, quem tu nobiscum accusato & reprobato Joanne ad Apostolicatus culmen elegisti? Nam inficiari potes presenti Domino Imperatori juramento promississe, nunquam te cum ceteris Romanis Papam electurum aut ordinaturum absque illius, filique sui regis Othonis consensu? Benedictus respondit: Si quid peccavi, miseremini mei. Tunc Imperator effusus lacrymis, quam misericors esset ostendens, rogavit Synodum, ne Benedicto præjudicium fieret, si vellet & posset, ad interrogata responderet. Quod si non posset, aut nollet, ac se culpabilem redderet, tamen pro timore Dei misericordiam aliquam inveniret. Quo audito ad Domni Leonis Papæ pedes, ipsiusque Imperatoris idem Benedictus concite procidens, se peccasse, sique sanctæ Romanæ Sedis invasorem esse acclamavit. Posthac pallium sibi abstulit, quod simul cum Pontificali ferula, quam manu gestabat, Domino Papæ Leoni reddidit. Quam ferulam idem Papa fregit, & fractam populo ostendit. Deinde Benedictum in terra sedere præcepit. Cui casulam, quam planetam vocant, cum stola pariter abstulit. Post autem omnibus Episcopis dixit: Benedictum sanctæ & Apostolicæ Sedis Romanæ invasorem omni Pontificatus & Presbyteratus honore privamus. Ob elemosynam verò Domni Imperatoris Othonis, cujus sumus opera in Sedem debitam restitui, Diaconatus cum ordinem habere permitimus, & non jam Roma, sed in exilium destinamus.

Hoc in Concilio luculentum habemus exemplum, quo in Pontificem post homines natos viciosissimum animadvertitur, & quo mater ac domina Christianorum agnoscitur Ecclesia. Baronius in Annalibus, & Binius in Conciliorum tomis cum referunt Concilium hoc, integrâ fide non utuntur. Ex undecimo capite sex vel septem tantum versus referunt, omisiss cæteris, quæ, ut apparet, magnam Concilii partem & divinam illius confirmationem exhibent: Idque, quò facilius accusent Concilium, & nominent Conciliabulum; & Joannis Papæ defensionem accipiant. Et fanè mirum est, cur Baronius Pontificem tot criminibus accusatum & convictum, adulterum & publicum scortatorem inter scorta divinitus confossum & necatum, quem Synodus vocat Apostatam, tueatur, & vexet Synodum, quæ Romanam Ecclesiam usque adeo detestabili peste atque pernicie liberavit. Quasi verò divinæ & humanæ leges prohiberent, ne fieret, quod sancta Synodus fecit? Quasi verò statuerent, ut homo sanctionum omnium bustum, struma civitatis, Simoniacæ hæreseos reus, adulter, incestus, flagitii, stupris pollutus, scortator infamis, perduellus, homicida, publicæ tranquillitatis eversor, qualis fuit Joannes XIII. toleraretur? Romana Synodus illa probè noverat Turonense Concilium II. dixisse in can. XIII. Rectius est ut caput morbidum, si curari non potest, amputetur, quam grex per eundem inficiatur. Talis ergo Sacerdos non debet à populo venerari, sed renui, qui non formam disciplina, sed vitii docet, dum seipsum non corrigit.

Sed videndum est modò, quibus machinis in Romanam Synodum Baronius invadat.

Opponit Sinessanum Concilium, quod Snessanense perperam appellat. Hoc in Concilio pronuntiatum

ait: Primam Sedem non judicari à quoviam. Nonne Baronius egregie cordatus homo est, cum anno MCCCXLIII. in auctoritatem recipit Sihuessani Concilii Acta, quæ anno CCCII. & CCCIII. validè impugnaverat, & ea ut corrupta, vitiata, supposita procul amandaverat? Suppositionem confirmo in Epistola ad Jacobum Bevilacqua Paris. Theologum. Præterea verba hæc, quia distributionis, non collectionis sensum apud literatos & dialecticos important, à judicio Romani Pontificis Concilium neutiquam excludunt. Id grammaticæ & dialecticæ tyrones apprime sciunt.

Opponit Concilium Romanum in causa Symmachi Papæ habitum, ubi legitur, Romana Sedis antistitem minorum non subjacuisse judicio. Sed istud non pertinet ad rem, quia Joannes judicatus est à Concilio, cui præter Romanum clerum & populum Episcopi complures interfuerunt. At Symmachus à Clero tantum & populo Romano judicatus fuerat, & post tale judicium Sede pulsus, & datus à Theodorico Rege Visitator Altinensis Episcopus. Quapropter habitum est Romanum Concilium, in quo Symmachi causa discussa est & Symmachus absolutus. Fallitur Baronius, falluntur & alii, dum verba hæc, Romana Sedis antistes minorum judicio non subjacet, quæ ad Cleri & populi Romani factionem referenda sunt, ad Romani Concilii Episcopos referunt. Quis enim non videt, referenda esse ad eos, quorum subjacuerat judicio? Minores quidem illi erant Romanæ videlicet Ecclesiæ Presbyteri, Diaconi, populus, & nonnulli Senatores, qui de expellendo, propter ficta vel certè occulta vitia, Symmacho conjuraverant. Rempertracto latius in Epistola ad Claudium Santeulium.

Opponit minus elegantes Concilii locutiones, quæ si Concilium invalidum efficerent, celebrata tunc temporis Concilia pene omnia invalida censerentur. Exulabat Latini sermonis integritas, barbaries ubique regnabat. In quibusdam erat rebus mutata loquendi consuetudo. Romani Pontifices non alii quondam dicebantur, quam qui Romanæ Ecclesiæ vel Sedi Apostolicæ præessent. Tunc Romani Pontifices vel Episcopi dicebantur ii quoque, qui comprovinciales erant, qui Romanæ provinciæ præsidebant.

Opponit nonnulla, quæ ad judicii formam attinent, sed ea non opposuisset, si scriptam à Luitprando, vel ejus continuatore Concilii totius historiam perlegisset, & diligenter attendisset. Recentibus adulariis Curie placitis occupatus cum esset, ad legendam historiam accessit. In quibusdam fortè nova & inaudita judicandi forma fuit, quia Joannes Papa novorum & inauditorum criminum reus agebatur. Lepidus ac festivus est Baronius, cum hinc Joannem Papam Ecclesiasticis & politicis legibus omnibus liberum & solutum faciat, inde Concilium & Imperatorem Ecclesiasticis & politicis legibus quibuscunque obstrictum esse velit. Concilium ab Imperatore postulat, ut Joannem condemnet, quid mali? Joannes datam Imperatori fidem violaverat & majestatis crimen admiserat. Deinde quidquid Imperator facit, communi cum Patribus consensu facit. Huc omnino spectat, quod Romanum Concilium ad Imperatores Gratianum & Valentinianum scribit: Accipite aliud quoque quod vir sanctus vestra magis conferre poterat, quam sibi præstare desiderat, nec derogare cuiquam, sed Principibus adrogare. Quoniam non novum aliquid peti, sed sequitur exempla majorum, ut Episcopus Romanus si Concilio ejus causa non creatur, apud Concilium se Imperiale defendat. Nam & Silvester Papa à sacrilegis accusatus, apud parentem vestrum Constantinum causam propriam prosecutus est.

Opponit præposteram ut loquitur nomenclationem illam, qua Imperator sanctus dicitur, & qua Joannes Papa sanctus non dicitur. O præposterum agendi modum! Concilium Imperatorem sanctum appellat, quod ad Christianæ religionis præscriptum vitam omnino instituerat; sed horruit Pontificem vocare sanctum, quod



quod gentiliū potius, quā Christianorū mores exprimeret, qui homo esset omnibus vitiis atque omni dedecore infamis. Exinde accidit, ut Romana Synodus hęc imitata non fuerit Calchedonensem, quā hæreticum Nestorium nonnisi post prolatam sententiam reverendissimū & sanctissimū nominare desiit. Hęc sunt præcipua rationum momenta, quibus auctor celebris sanctissimū & reverendissimū Joannem Papam XII. adversus Romanum Conciliū, à quo Joannes depositus est, religiosissimè defendit, & quod sanctum est Conciliū, Conciliabulum inscribit.

Verumenimverò in eo Baronii fortitudo non consistit, ultra progreditur. Vir cujus mores casti ac probati fuerunt adjungit se publicis meretricibus, ut suffectum Joanni Leonem abigat, & Joannem Sedi suæ restituat, & observet insuper esse coactam ob id à Joanne Synodum, cujus mentionem nullam Luitprandus vel ejus Continuator injicit, injecturus sine dubio, si quæ coacta ulla esset. Interea, scribit historicus, mulieres, quibuscum Joannes, qui dictus est Papa, voluntatis suæ ludibrium exercebat, & non ignobiles & plures concitaverunt  
43 Romanos, ut Leonem summum & universalem Papam à Deo & ipsis electum proderent, & Joannem in urbem susciperent. Quod cum fecissent, Deo miserante, ex eorum manibus est venerabilis Papa Leo liberatus. Hic, si quæ facta esset ab Joanne Papa ad seipsum restituendum Synodus, auctor non reticeret, uti non reticet, quæ Imperator egit, ut Leoni Sedes assereretur, Joannis dejectio perflisteret, & ut substitutus in Joannis mortui locum Benedictus removeretur. Luitprandus vel ejus Continuator Synodum, quæ Benedictum in Sedem Apostolicam invasisse statuit, congregatam esse sic meminit: Residentibus itaque Domino Leone Summo & universali Papa in Ecclesia Lateranensi, nec non & Imperatore sanctissimo Othone, & Episcopis Romanis, Italicis, à Lotharingia & Saxonia Archiepiscopis, Presbyteris, Diaconis, omnique Romanorum plebe, quorum nomina inferius ascribuntur, advenit Benedictus Apostolica Sedis invasor, &c. Cur non meminisset similiter ad restituendum Joannem abdicatum, factam esse Synodum, si qua fuisset facta?

Præterea synchronus auctor nullus est, qui factam fuisse Synodum talem memoriæ prodiderit, ut Luitprandi vel Continuatoris illius silentium & xpi-  
accusetur.

Continuator Chronicorum Reginonis ad annum DCCCCLXIII. scribit: Interim Joannes Papa promissiones Imperatori factas oblivioni tradens ab eo deficit, & Berengarii, seu Adalberti partibus favens, Adalbertum Romanum intromittit. Quas dolositatis eius fraudes Imperator audiens, relicta circa montem (Leonis) obsidione Romam versus cum hoste pergit, cujus ipsi metuentes adventum, plurimum thesaurum sancti Petri rapientes fuga subsidia petunt. Tunc Roma in plura divisa, partim Imperatori faventes, (multi enim à prædicto Papa injuriis se opprimi conquerebantur) partim Apostolico blandientes licet diversa sentirent, Imperatorem tamen cum honore debito urbem intromittunt, seque per omnia datis obsidibus, illius ditioni subjungunt. Imperator verò plurimorum Episcoporum collecta multitudine Synodum coadunavit, & consilio eorum missa legatione, canonica auctoritate profugum Apostolicum ad Sedem Pontificalem & Apostolicam revocavit. Illo tamen hoc omnimodis renuente plebs Romana Leonem protoscriniarium, virum strenuum & industrium, communi consensu in locum ejus elegit & ordinavit. Cui Synodo interfuerunt omnes propè Romania & Italia Episcopi, Angelfridus etiam Aquileiensis Patriarcha, qui tunc temporis etiam ibidem obiit. Sed & de nostratibus interfuerunt Adaldagus & Henricus Archiepiscopi: Landuwardus & Otgerus Episcopi. Postea Joannes, qui & Octavianus, videns se esse depositum, sera penitentia ductus Adalberto disjungitur. Mox ad annum DCCCCLXIV. Tunc Imperator plena adhuc hebdomada apud illos manens, Spoletinum Ducatum & Ca-

merinum ordinaturus exiit, & ad preces Papa Leonis obsides Romanis remisit: Quibus ipsi beneficiis ingrati non longè illo ab urbe posito Joannem, qui & Octavianus, urbem intromittunt, & fidem Imperatori & Papa promissam annihilare non metuumt. Leo verò Papa vix cum paucis facultatum omnium nudus evasit, & Imperatorem in Camerino Ducatu positum adiit, ibique Pascha celebravit. Joannes autem, qui & Octavianus, Joannem Diaconum & Azonem Scriniarium crudeliter detruncavit, & Otgerum, Spirensen Episcopum comprehensum & flagellatum aliquandiu, licet incommodè secum detinuit, sed postea statim cum spe impetranda venia remisit: Quæ spes divina eum ordinatione fefellit. Nam 11. Idus Maii rebus humanis excessit.

Tunc Romani non modicè metuentes Imperatoris adventum, Benedictum quendam Romana Ecclesia Diaconum fidei & electionis Domini Leonis immemores eligunt, & ordinatum Sedi Apostolica imponunt. Quo audito, Imperator collecta undique secus fidelium suorum multitudine, Romam adiit, & firma eam omni parte obsidione, nequis pateret exitus, munivit. Sed prædictus Benedictus, falso nomine Apostolicus, diutius ut Imperatori resisterent, Romanos animavit. Ipseque Imperatori, suisque fidelibus, excommunicationem comminans, muros urbis ascendit, & elatiori se fastu, quā Apostolicum decuerat, ostendit. Ad ultimum Romani fame & obsidione confrecti se errasse, contraque Imperatorem injustè deliquisse, penitentes, in Vigilia Præcursoris, id est 1x. Calend. Julii portas urbis aperiunt, & Imperatore cum honorificentia debita intro-misso Benedictum sacrilegum & perjurum Imperatoria ditioni reddunt & dominum Leonem in Sedem Apostolicam restituumt. Tunc Leo Apostolicus coadunata multorum Episcoporum Synodo eundem Benedictum Romana Sedis invasorem judicio omnium ab invaso gradu deposuit, & Pontificale pallium, quod sibi imposuerat, abscedit, ferulamque Pastoralem manu ejus arreptam coram omnibus in frustra confregit, & ad preces Imperatoris Diaconatus ei tantum gradu uti concessit. Hęc Monachus rerum gestarum æqualis, qui Synodos duas meminit: Unam, qua Jo-  
45 annes XII. deponitur, & Leo in illius locum sufficitur; Alteram, qua pulsus Roma Leo in suam Sedem restituitur. Sed non tradit ullam factam esse Synodum, qua Joannes depositus suam in Sedem revocetur.

Adamus Bremensis Canonicus in libri 11. hist. Eccles. capite v. Igitur tali viro piissimus Rex & Archiepiscopus noster vices suas in hac regione commendantes in Italiam discesserunt, ubi Rex habito Concilio Episcoporum Joannem Papam, cui Octavianus cognomen tum erat, multis accusatum criminibus deponi fecit, quamvis absentem (nam fuga judicium declinaverat) & in locum ejus promptum Leonem ordinari. De Joanne per Synodum restituto nihil.

Deinde in capite vi. Reversus ergo in patriam Archiepiscopus, sicut audivimus & cognovimus, & patres nostri narraverunt nobis, duxit in comitatu suo Benedictum Papam ordinatum, sed item ab Ottone depositum, quem ille in Hamburg custodia mandari precepit. Archiepiscopus verò cum magno honore detinuit usque ad obitum ejus. Nam vir sanctus literatissime dicitur fuisse, & qui dignus Apostolica Sede videatur à populo Romano, nisi quod per tumultum electus est, expulso eo, quem ordinari jussit Imperator. Sic Hafniensis editio anni MDLXXIX.

Auctor Anonymus, qui Farfensis Monasterii Chronicum excerptit: Per idem autem tempus Joannes Papa prefatus pro sua nequitia expulsus fugiit ad partes Campaniam, ibique in silvis & montibus latitabat more bestia. Tunc Otto Imperator Romam venit, quem omnes Romani consensu Cleri rogaverunt, ut Leonem protoscriniarium eis eligerent, Papamque constituerent. Quod & factum est, qui sedit anno uno & mensibus tribus. Quo  
47 vivente inique conciliati sunt Romani, ut sceleratum Joannem reducerent & dominum Leonem abjicerent. Facta est autem famas magna in tota urbe. Exiens verò Domi-

dominus Leo in partibus Spoletanis ad Imperatorem venit, qui statim militibus armatis contra Romanos maximas insidias paravit. Romanorum autem Nuncii ad rem in Reatina civitate venerunt, mortemque Joannis intimantes, Benedictum ei Diaconum petierunt, sed minime obtinere valuerunt. Revertentes autem Legati eundem elegerunt sine consensu Imperatoris. Unde Imperator magis in ira exarsit, & civitatem undique gyrauit, & in tantam penuriam adduxit, ut modius fursuris venderetur triginta denariis. Coangustati verò Romani Benedictum innocentem Imperatori tradiderunt, & Dominum Leonem Papam coacti receperunt, spondentes ei & Domino Imperatori super corpus beati Apostoli Petri. Dimisit autem eis quanta & qualia perpeffus est ab illis. Hæc in Farfensi Monasterio, quod in Spoletino Ducatu situm est. Unde fit ut maximè audiendus sit auctor, qui Joannem meritò de sua Sede deturbatum, & Leonem ei suffectum esse scribit. Deinde Leonem ut Joannis successorem legitimum agnoscat, & Benedictum repudiat. De Joanne per Synodum restituto nihil.

Sigebertus in Chronico, quod Aubertus Miræus ad Gemblacenfis Monasterii exemplaria recensuit, ad annum DCCCCLXIII. Collecto in toto Italia Episcoporum Concilio Joannes Papa de nefariis causis infamatur. Qui tertio evocatus dum se excusatum venire cunctatur, post multa tandem eo à cunctis prejudicato, Leo adhuc laicus electione omnium & consensu Imperatoris Papa substituitur. Quæ sequuntur & parenthesi clauduntur, adventitia sunt, [Sic Leo presidens Apostolica Sedi fecit ordinationes, & ea quæ erant Apostolica. Nec longum: Romani alterata fide apud Imperatorem Papam recipiunt Joannem. Ille Synodo collecta Leonem deposuit, & ejus gesta cassavit. Statutum quoque est publico omnium iudicio Synodum à Leone habitam, nec nominandam Synodum, sed prostibulum favens adulteris. Quicunque ergo eo ordinante erant damnati, iussi sunt suam ipsorum proscriptionem presentare in charta, hæc continente verba: Pater meus nihil sibi habuit, nihil mihi dedit. Et sic depositi remanserunt in illis gradibus, si quos habuerant, non à Leone ordinatis. Siqui autem digni iudicantur, ut non accepta prius consecratione ordinentur, indicto illis eodem decreto, quod & damnatis à Constantino Neophyto.] Romani igitur à Papa Joanne pecunia illecti Imperatorem cum paucis Roma morantem subito aggressi, ita ab exercitu Imperatoris sunt attriti, ut nisi ab Imperatore & à Papa Leone milites Imperatoris à cade revocarentur, usque ad internecionem Romani deleberentur. Romanis per Leonem Papam Imperatori reconciliatis, post abscissum Imperatoris Leo Papa insidias sibi parari sentiens ad Imperatorem fugit. Joannes ex-Papa se cum uxore cujusdam oblectans à Diabolo in tempore percutitur, ac sine Viatico Dominico moritur. Romani verò contra juramentum, quod Imperatori fecerant, se nunquam electuros Papam sine ejus & filii ejus Othonis consensu, Benedictum sibi Papam statuerunt. Imperator autem Roma obsessa Romanos cade & fame adeò afflixit, ut Leonem Papam se recepturos promitterent: Sic Benedictus reiectus non solum Papatu, sed etiam sacerdotio à Leone exordinatur.

Sigebertus Vincentius Bellovacensis sequitur in Speculi historialis libro xxiv. cap. lxxxvi. ubi meminit Romanæ Synodi, quæ Joannem XII. deposuit, & Leonem IV. instituit; meminit etiam Synodi, quæ Leonem deposuit. Sed eam Synodum legitimam fuisse non existimat, ut ex verbis sequentibus apparet: Joannes ex-Papa se cum uxore cujusdam oblectans à Diabolo in tempore percutitur, & sine Viatico Dominico moritur. Joannem non vocaret ex-Papam, si legitima fuisset Synodus, & si Synodus Joannem restituisset legitime.

Vincentium sequitur Martinus Polonus, in Chronico de vitis Pontificum: Hujus, inquit, (Joannis XII.) pater Albericus cum esset potens in urbe, vocatis nobilibus rogavit eos, & induxit juramento confringendo, ut mortuo Agapeto Papa promoverent filium suum Octavianum in

Papam, vocatusque est ille Joannes. Hic erat venator & torus lubricus, adeoque publice fœminas etiam tenebat: Propter quod quidam Cardinalium & Romanorum scripserunt Ottoni Principi Saxonum occultè, ut scandalo Ecclesia compatiens sine morâ Romam properaret. Hic Papa Joanni Diacono Cardinali tanquam hujus facti consiliario nasum, & alteri Joanni Subdiacono qui literas scripserat, manum computari fecit. Hic cum frequenter per Imperatorem & Clerum de sua correctione fuisset monitus præsentem Imperatorem, de Papatu destitutus, communi voto Leo Papa eligitur. Et paulo post in vita Benedicti V. Joannes verò oblectatus adulterio sine poenitentia subito moritur. Non revocat in dubium potestatem eorum, qui Joannem de Pontificatu dejecerunt, & in ejus locum Leonem suffecerunt.

Martinum Joannes Turrecremata Cardinalis sequitur, & habitum contra Joannem Papam XII. Italici Concilium ita probat, ut ex eo cum universalium Conciliorum utilitates disquireret, quintam, eamque præcipuam utilitatem deprompserit. Turrecrematæ verba sunt è libri III. de Summa Ecclesiæ capite x. Universalium Conciliorum celebratio maximè valet ad sex.

Primò quidem valet celebratio universalium Conciliorum ad conservandam Christianam religionem in unitate fidei, quæ primum vinculum est societatis Christiana, ut dicit beatus Chrysostomus. Et post alia:

Secundò valet ad faciliorem & firmiorem elucidationem veritatis in dubiis; faciliorem quidem, quia quod à pluribus sapientibus quaritur, facilius invenitur, ut ait Innoc. in cap. De quibus dist. 20. Firmiorem etiam dicimus, quia tanto firmitus sive gravius est iudicium, quanto plurium sententiis confirmatur & approbatur assensu. Et post alia:

Tertiò Conciliorum universalium celebratio utilis est ad culturam agri Dominici, ut Canon Concilii Constantiensis dicit, Frequens. Tunc quidem Patres in Concilio congregati sunt ministri, operarii, agricola, de quo Dominus ait Joannis 15. Et post alia:

Quartò celebratio Conciliorum universalium utilis est ad tyrannorum & infidelium superbiam humiliandam plurimum profectò, ut intelleximus à fide dignis, qui fuerant infideles in Orientalibus partibus. Et post alia:

Quintò celebratio Conciliorum est utilis ad refræmandum exorbitantias quorundam Pontificum, qui Pontificatum suum, aut spretis sanctorum Patrum regulis pro voluntate exercent, aut simoniaca pravitate dehonestant, aut seculi vanitate & vita scandalosa confundunt. Hujus causa congregatum legitur Concilium Episcoporum Italiae Roma per Imperatorem contra Joannem Papam XII. qui venator & lubricus publicus & incorrigibilis erat. Ut enim ait Hormisda Papa in Epistola decretali ad Episcopos per Hispaniam constitutos, difficile est, ut cujusquam cor sic pravis cogitationibus indueretur, ut in se patiatur culpandus fieri, cum noverit se iudicium subeundum Concilii.

Sextò valet universalium Conciliorum celebratio ad omnium quasi scandalorum, quæ suscitantur in Ecclesia, extinctionem. Istud planè, ut priora exempla nos docent, ultimum est refugium Ecclesia in omnibus magnis angustiis suis, sicut in precedenti capite exemplariter deductum est in multis, tam de scandalis occasione hæreticorum, aut schismaticorum, quam aliunde exortis. Unde propter has multiplices utilitates provenientes Ecclesia sancta Dei ex celebratione sacrorum Conciliorum, posset optimè adaptari mysticè proposito tanquam dictum Summo Pontifici illud Esaiæ 16. Ini Concilium, scilicet cum sapientibus, coge Concilium, id est, congrega, ut exponit magister Nicolaus de Lyra, quod dicit Spiritus Sanctus Summo Pontifici, imminentibus gravissimis periculis in Ecclesia: Ini Concilium, id est, congrega universale Concilium, quoniam si in medio duorum vel trium in nomine Christi congregatorum ipse est ut spirator, Doctor, & adjutor, ut habetur Matth. 18. multò ampliùs, ubi sanctorum Patrum multorum societas in nomine convenit Jesu Christi,



52 maxime pro rebus universitatem Christiana religionis respectivè concernentibus interesse credendum est. Hæc in Romana editione quam Pius IV. approbavit. Tunc nemo revocabat in dubium, quin Romanum Concilium, in quo abdicatus est Joannes XII. legitimus foret. Quis quæso id revocasset in dubium, postquam Turrecremata nimium vehemens Pontificiæ dignitatis defensor, illud summam in auctoritatem admisit?

Turrecrematam sequitur Blondus Flavius, qui Eugenii IV. Amanuensis fuit, in libro III. Decadis II. Quod autem refert Bibliothecarius, Otho Imperator, cum Joanne XII. honorabiliter exceptus esset, cum illo multis instituit, ut à flagitiis temperans vitam Pontifice dignam duceret. Et cum preces suasionesque parum prodesse intellexeret, Archiepiscopos Episcoposque Italia, coram quibus eadem diceret, convocari curavit. Sed pertinax in turpitudine Joannes, Roma fugiens in montibus delinuit. Tum magnus ad Imperatorem concursus factus, efflagitatumque est, ut quempiam ille dignum Pontificem designaret. Otho autem modestia usus, electum se jubente à Clero & populo Leonem Romanum civem, & Lateranensis Ecclesiæ Scribaniarium, qui fuit ejus nominis octavus, in Sede Petri confirmavit. Quo facto & rebus urbis Roma compositis, Otho Spoletum accessit. Nec mora, furens & passione obcæcatus animo Romani Joannis consanguinei populum ut ille reduceretur, seduxerunt. Ejectusque Leo agentem Spoleti Imperatorem adiit: Qui odio iraque exardescens bello persequi Romanos cepit, & civitatibus oppidisque illorum in Spoletum versis, maximo per excursions affectis incommodo,

53 do, copias omnes in urbem Romam ducendas in agro Theatino ad diem adesse jussit. Interim Joannes post paucos quam redierat menses obiit, nec scribit Bibliothecarius quod multi habent Scriptores, illum in adulterio deprehensum fuisse confossum. Sed qualiscunque fuerit illius mors, secundum eam Romani ad Othonem mutantes pace impetrata Benedictum Diaconum, & non Leonem Pontificem dari oraverunt. Renuit verò Imperator, & se arma corporis, regnorumque suorum tutelam prius, quam Leonis defensionem, dignitatemque neglecturum, magna vocis & vultus constantia affirmavit: Sponsederuntque vieti ea Imperatoris petendi vehementia oratores Leonem Cleri & populi jussu in patriam reducendum. Nec tamen desisterunt protervi, quin oratoribus in urbem cum pace revertis Benedictum in Petri Apostoli Sede pro Romano Pontifice locaverint. Et cum intellexisset Otho, non ultra verbis comminationibusque agendum ratus, primum omnium agri ditionisque Romanorum civitates, & oppida pleraque capi, diripi, ac magna ex parte vastari curavit. Romam exinde adeo dura pressit obsidione, ut scribat Lateranensis modium fursus per eam tempestatem triginta aureis vendundum fuisse, tantisque coangustatos malis Romanos Benedictum Othoni dedisse, & Leonem in Pontificatus Sedem auctoritatemque accepisse. Edomita Romanorum protervia Otho in Germaniam reversus, Benedictum apud Hauburgam relegavit, ubi post paucos menses vel dies vita est functus, Leoneque pariter vix ad tertium mensem quam restitutus fuerat, superstes fuit. Meminit Episcoporum Concilii, quod Joannem deposuit; non meminit Concilii, quod eum restituerit.

54 Blondum sequitur Aeneas Sylvius seu Pius II. in Decad. Blondi Epitome lib. III. ex lib. III. Decadis II. Institit apud Joannem Otho multis verbis, ut à flagitiis temperans vitam Pontifice dignam duceret, cumque ille obaudiret, Archiepiscopos & Episcopos Italia convocari curavit, coram quibus Pontifex argueretur. Sed pertinax in turpitudine Joannes Roma fugiens in montibus delinuit. Populus ac Clerus Leonem Romanum civem, & Lateranensis Ecclesiæ Scribaniarium, qui fuit ejus nominis octavus, in Pontificem elegit, & Otho confirmavit, atque ad Spoletum se transtulit. Sed Populus Romanus, à consanguineis Joannis instigatus, ejecto Leone Joannem revocavit. Leo ad Othonem Imperatorem confugit, quem dum reducere etiam per arma Otho preparat, Joannes post paucos menses, quam rediret, Roma obiit. Quidam in adre-

rio deprehensum fuisse, confossumque tradunt. Romani Benedictum Diaconum subrogari ab Imperatore petierunt, & cum ille recusasset, nihilominus in beati Petri Sede pro Pontifice locaverunt. Indignatus ea re arma in Romanos movit, quos magnis cladibus affectos Benedictum dedere, & Leonem pro præfule recipere coëgit, atque Germaniam Benedictus apud Hauburgam relegatus paucos post menses obiit, & Leo ad tertium mensem superstes fuit. Sic quæ ab Othone gesta sunt in causa Joannis XII. confirmat.

Aeneas seu Pium II. sequitur Platina, in libro de vitiis Pontificum: Joannes XIII. (dicere potius debuit XII.) patria Romanus de via lata, patris Alberici potentia fretus Pontificatum occupat. Octavianus is quidem primò vocabatur, homo sanè ab adolescentia omnibus prebris ac turpitudine contaminatus, venationibus magis, siquid temporis à libidinis supererat, quam orationi deditus. Et post alia: Octavianus itaque patris potentia in satis libera civitate fretus, Pontificium munus, humeris suis nequaquam conveniens, sibi desumit. Hac quidem indignitate moti duo Cardinales literis Othonem obsecrant, ut Clerum populumque Romanum è manibus Berengarii, Joannisque XII. vindicare conetur, aliter Christianam fidem una cum Imperio perituram. Et post alia: Otho autem composito aliquantulum statu civitatis cum Joanne secreto collocutus, hominem primò blande appellando à flagitiis deterrens ad virtutem adhortabatur. Verum cum nequaquam moveri à sententia verbis eum cerneret, ad minas conversus Concilium indicit, convocatis Episcopis Italia, quorum judicio vita sceleratissimi hominis dijudicaretur. Is itaque judicium bene sentientium reformidans in Henricos ausugit, in sylvisque more fera aliquandiu delituit. Hanc ob rem Otho persuadente Clero Leonem Romanum civem Lateranensis Ecclesiæ protoscribaniarium Pontificem creat. Verum abeunte Imperatore Joannis cognati & clientes pulso Leone, Joannem ipsum revocant, quem quidem divinitus eisdem ferme diebus perisse creditum est, ne Ecclesiæ Dei perniciosa seditione jam gliscente labefactaretur. Sunt qui scribant, hunc sceleratissimum hominem vel hoc monstrum potius in adulterio deprehensum & confossum interiisse. Verum non ita quoque sedata seditio est. Nam Romani mortuo Joanne, in ejus locum Benedictum subrogant, idque ab Imperatore, qui tum Spoleti erat, confirmari contendunt. At Imperator iratus non solum Romanos utpote iniqua postulantes à se repulit, verumetiam eosdem armis, ne postea diceretur, coëgit abrogato Benedicto Leonem susci-

Platinam sequitur Hartmannus Schedelius in ætate vi. mundi de Joanne XII. Is vitam nedum Pontifici, sed cuicunque privato turpem in Pontificatu duxit. Quippe qui præter venationis, cui se totum dedit, levitatem, mulieres palam habuit concubinas. Et paulo post: Octavianus itaque potentia in satis libera civitate fretus, Pontificium munus humeris suis nequaquam conveniens sibi desumpsit. Hac quidem indignitate moti duo Cardinales literis Othonem obsecrant, ut clerum populumque Romanum è Berengarii manibus Joannisque XII. vindicare conentur, aliter Christianam fidem cum Imperio perituram. Quorum Joannes uterque nomine, Diaconus uterque dignitate & ordine erat; similisque literas ad Othonem multi Italia populi & potentes domi nobiles dederunt. Interim dum Otto expectaretur, res per judices patefacta. Joannes XII. iracundia, cujus impotens, excanduit: Et Cardinales Diaconus naso unum, manu alterum mutilavit. Hanc ob rem Otto in Italiam movens urbem ingrediens à Joanne honorificentissime suscipitur, coronaturque, ut quidam tradunt: Composito aliquantulum statu civitatis cum Joanne secreto collocutus eum à flagitiis deterrens ad virtutem cohortabatur. Iterum cum nequaquam moveri à sententia verbis eum cerneret, ad minas conversus. Is judicium reformidans in sylvis more fera aliquandiu delituit. Interim post paucos quam redierat menses obiit, & ut multi habent scriptores, in adulterio deprehensus.

Benedictum V. Papa Romanus ex Diacono in seditione Pontifex

Pontifex creatur, ab his potissimum, qui Joanni cognatione  
57 falsionēque conjuncti fuerant, cum Otto Leonem electum  
confirmasset. Protervi tamen Benedictum in Petri Apostoli  
Sede pro Romano Pontifice locaverunt. Ea cum intellexisset  
Otto, non ultra verbis comminationibusque agendum ratus,  
primum omnes agri & ditionis Romanorum civitates &  
oppida pleraque capi, diripi, ac magna ex parte vastari  
curavit. Romam exinde adeo dura pressit obsidione, ut  
modium fursuris per eam tempestatem triginta aureis ve-  
nundatum fuerit, tantisque coangustati malis Romani Be-  
nedictum Otroni dederunt, & Leonem acceperunt. Edo-  
mita Romanorum protervia, Otto in Germaniam reversus,  
Benedictum apud Habsburgam relegavit. Ubi post paucos  
menses vita est functus.

Hic iudicii nomine intelligit Concilium, quod Joannem  
deposuit, & Leonem in ejus locum subrogavit.

Schedelium sequitur Jacobus Philippus Bergomas ex  
Ordine Eremitarum S. Augustini in libro xi. supple-  
menti Chronicorum, de Joanne XII. Hic primo Octavi-  
anus dicebatur, homo siquidem ab ipsa sua adolescentia pro-  
bris & sceleribus omnibus contaminatus, ac magis venationi-  
bus & voluptatibus, quam orationi & lectioni deditus.  
Cujus quidem indignitate permoti Cardinales literis Otho-  
nem Germanie Regem obsecrant, ut Clerum populūque Ro-  
manum & Joannis istius manibus liberare dignetur, aliter  
de Christiana fide actum esse. At dum Otho expectaretur,  
re per iudices patefacta, Joannes hic ira percitus, duos Car-  
dinales cepit, & huic nasum, illi verò manum abscidit. O-  
tho itaque in Italiam ingressus Romam cum magno comitatu  
accessit, & à Joanne magnificentissimè suscipitur, atque ab  
eo (ut quidam tradunt) coronatur. Indè aliquantulum  
58 civitatis statu composito, convocatisque Italicis Episcopis  
Concilium indixit. In quo quidem Concilio hominis vita  
pessima adjudicata est. Sed dum in turpitudinibus, Joannes  
hic pertinax haberetur, & Roma tandem fugit, & in mon-  
tibus quibusdam delinuit. Nec propterea perniciosissimus hic  
vir à malis suis pedem avertere voluit, sed in proposito  
malo sic perseverans, tandem in adulterio deprehensus, à  
viro adultera confossus interiit. Depositoque Joanne Pon-  
tifice populus ac Clerus Romanus Leonem quendam Roma-  
num civem Lateranensis Ecclesie Diaconum Pontificem e-  
legit & creavit, quem statim Otho confirmavit. Quo con-  
firmato statim Otho ad Spoletum civitatem se transfudit.  
Verum eo absente populus Romanus à consanguineis Joan-  
nis prædicti Pontificis instigatus Joannem revocavit. Leo  
autem pulsus ad Othonem Spoletum confugit, quem dum  
revocaret, etiam dum arma pararet, Joannes præfocavit.  
Hic Joannes non aliter quam à Luitprando deformat-  
ur, nec mentio fit ulla Synodi, quæ illum Romanam  
in Sedem revocaverit, Leone pulso.

Bergomatem sequitur Joannes Tritemius Ordinis  
beati Benedicti Monachus, in Hirsaugiensi Chronico:  
Verum cum Papa fidem promissam violaret, semperque de-  
terior fieret, Imperator secundo invitatus à Romanis anno  
sequenti denno Italiam ingreditur, ad cuius introitum Pa-  
pa fugit. Magna igitur Synodus jubente Imperatore Car-  
dinalium, Episcoporum, Abbatum, & Clericorum Roma fa-  
cta est, ubi palam recitatis Papæ criminibus, cum rogatus,  
citatus, monitusque per literas, primum comparere seque  
expurgare contemneret, imò Synodum se excommunicatu-  
59 rum minaretur, decreto Imperatoris & omnium presentium  
in Synodo Patrum depositus est 10. Calend. Sept. & Leo  
sancta Romana Sedis protoſcriniarius, vir venerabilis & ap-  
probatus, in Papam unanimi omnium consensu electus est,  
ductusque ad Lateranense Palatium, collaudantibus factum  
Romanis, ad summum sacerdotium consecratur. Capita  
autem criminum pro quibus depositus est, ista fuerunt.  
Missam celebravit, & non communicavit. Item Benedi-  
ctum patrem suum spirituale lumine privavit, qui statim  
mortuus est. Item Joannem Cardinalem Subdiaconum vi-  
ribus amputatis occidit. Item adulterium & fornicatio-  
nem perpetravit, & incestum cum vidua Reinerii, & Ste-  
phana patris concubina, cum Anna vidua & nepte sua &  
multis aliis, sanctūque palatium lupanar & prostibulum

meretricum fecit. Item in Ecclesia Tuderina ordinavit  
puerum decem annorum. Item ordinationes faciebat pro  
pretio. Item Diaconum ordinavit in stabulo equorum  
non debitis temporibus. Item sacrilegus fuit, cruces &  
clenodia sanctuarii meretricibus distribuit. Item vinum  
bibit in amore Diaboli. Item in ludis alea Venerem, Ju-  
nonem, aliisque Deos gentilium sibi adjutores invocabat.  
Item venationem publice exercebat. Item Matutinas &  
alias horas Canonicas non celebravit, nec munivit se more  
Christianorum signo sanctæ Crucis. Item viduas, marita-  
tas, virgines vi oppressit & stupravit multas. Item ho-  
miciidii, perjurii, & sacrilegii reus accusatus est. Incestum  
in propriam cognationem commisit, cum duabus quoque so-  
roribus commiscuit. Item lorica & aliis armis indutus  
quasi dux processit contra S. Imperatorem ad bellum: A-  
liæque multa & horrenda coram Imperatore in sancta Sy-  
nodo per Cardinales, Episcopos, Diaconos, & alios boni testi-  
monii viros sub jurejurando publice delata sunt. Multi  
60 fuerunt in hac Synodo Episcopi, & ex nostris ibi fuit Hen-  
ricus Archiepiscopus Trevirensis, Otgerius Episcopus Spi-  
rensis: Adeldacus Archiepiscopus Bremensis, & Lando-  
hardus Episcopus Mardenſis in Saxonia. Erant autem  
omnes Episcopi in Synodo XI. Cardinales Presbyteri, Dia-  
coni, & Subdiaconi XLVIII. numero: Qui omnes cum  
primoribus Romanis & universo populo, uno ore Joannem  
deponentes à Papatu tanquam monstrum & Diaboli man-  
cipium unanimi voto Leonem hujus nominis VIII. in Sum-  
mum Pontificem elegerunt, jurantes se nunquam ab eo dis-  
cessuros, nec Papam deinceps sine Imperatoris filiique ejus  
consensu electuros.

His ita peractis, S. Imperator nolens Romanos exercitu  
nimio gravare, simul credens illos in fide promissa man-  
suros, multis abeundi licentiam concessit. Quod cum Jo-  
annes depositus rescisset, sciens instabilitatem & avaritiam  
Romanorum, misit ad eos clam nuncios, promittens se omnes  
Ecclesie thesauros illis daturum, si Imperatorem cum san-  
cto Papa Leone trucidarent. Et paullo post: Interea mi-  
lieres, cum quibus Joannes quondam Papa voluptates suas  
implere solebat, & numero plures & genere non penitus  
ignobiles concitaverunt Romanos, ut Leonem Papam, quem  
ipsi voce concordie elegerant, interficerent, & Joannem in  
urbem revocarent. Quæ cum fecissent, Leonemque occi-  
dendum caperent, de manibus eorum (Deo miserante)  
cum paucis evasit, & ad Imperatorem piissimum calami-  
tatem suam expositurus accessit. Mox in urbem Joannes  
reducitur, in summæ Pontificatus Sedem reponitur, sta-  
timque inter cetera crudelitatis sue facinora Joanni Dia-  
cono Cardinali manum dexteram amputat, & Azoni Scri-  
61 niario linguam, duosque digitos præcidents etiam naribus  
truncat. His cognitis Imperator tantas ulturus injurias  
servorum Dei reparato exercitu Romam quantocius redi-  
re disponit. Interea Joannem olim Papam, sed jam Apo-  
stolica Sedis invasor temerarius, nihil pravitatum suarum  
emendans, dum se cum viri cujusdam uxore oblectaret, per  
Diabolum in temporibus graviter percussus, octavo die mi-  
serabiliter sine viatico corporis & sanguinis Christi diem  
clausit extremum. Quo mortuo Romani omnes juramen-  
torum & jurisjurandi obligationis immemores Benedictum  
Cardinalem Diaconum in Papam constituunt, seque illum  
nunquam dimissuros, imò contra Imperatorem defensuros  
juramento promittunt. Quo audito Imperator urbem val-  
lavit, neminemque, qui non membris truncaretur, exire  
permisit, machinis & fame usque adeo Romanos infideles  
afflixit, donec civitatem violenter intravit, Leonem vene-  
rabilem Papam, propria Sedē restituit, ac Benedictum Sum-  
mi Apostolatus invasorem ad ejus pedes presentavit, qui  
post susceptam confusionem in publica Synodo, quam me-  
ruit, exilio relegatus in Saxoniam, ibi mortuus est. San-  
ctus itaque Leo in Sedem Apostolice culminis repositus se-  
dit anno uno mensibus quinque, felicitēque obiit. Et hæc  
fatis.

Tritemium Christianus Massæus sequitur in Chro-  
nicorum mundi libro xv. Otho Romanam Ecclesiam fi-  
deliter defendit. Nam defuncto Agapito cum Joannes XII.



esset intrusus, homo fugitiosus, & duo Cardinales per hoc literas Othoni questi essent, illique propterea alteri nasum, alteri dexteram amputasset, venit Otho, Joannem frustra monitum deposuit, Leonem ordinavit. At mox absente 62 principe furens populus ejecit, Joannem resumpsit, quem Diabolus etiam corporaliter invasit & rabidum secum ad tartara traxit. Quo mortuo populus Benedictum intrusit, quem Imperator tam arcta obsidione cinxit, ut modius fursus triginta aureis emeretur. Igitur compulsi fame Benedictum iradunt, Leonem recipiunt.

Massæum sequitur Franciscus Victoria Hispanus, ex Ordine Prædicatorum, Parisiensis Theologus, in libri de potestate Papæ & Concilii propositione xxiii. Propter injustas dispensationes vel alia mandata insolentia, quæ in perniciem Ecclesiæ procedunt, posset convocari & congregari Concilium contra voluntatem Papæ, ut si resisteret, obviaret ejus insolentia. Hoc expressè tenet Silvester in verbo Papa 9. 4. Quod si Papa suis moribus destruit Ecclesiæ, potest convocari Concilium contra ejus voluntatem, ut per illud Papa moneatur, & Deus invocetur, & resistendo in malis remedium apponatur. Hoc expressè tenet Turrecremata assertor vehementissimus Pontificia dignitatis lib. 3. cap. 10. Celebratio, inquit, Conciliorum utilis est ad refranandum exorbitantias quorundam Pontificum, qui Pontificatum suum, aut extra sanctorum Patrum regulas pro voluntate exercent, aut simoniacam pravitate dehonestant, aut sæculi vanitate & vita scandalosa confundunt. Hac de causa congregatum legitur Concilium Episcoporum Italiae Roma per Imperatorem contra Joannem Papam XII. qui venator lubricus & incorrigibilis erat. Quod factum landat & approbat Turrecremata, & hoc est valde utile. Ut Turrecremata, sic & Victoria Dominicani ambo, Parisienses Theologi 63 ambo, laudant & approbant Episcoporum Italiae Concilium, quod Joannem XII. è Sede sua pepulit.

Victoriam sequitur Clemens Monilianus Cardinalis in Theologicarum Institutionum compendio, cap. xix. de Conciliorum celebratione: Conciliorum celebratio valet ad quinque: Et quibusdam interjectis: Quarto valet ad refranandum exorbitantias quorundam Pontificum, qui munus sacrum aut spectis sanctorum Patrum regulis pro voluntate exercent, aut simoniacam pravitate dehonestant, aut sæculi vanitate, aut vita scandalosa confundunt. Hujus rei causa congregatum legitur Concilium Episcoporum Italiae Roma per Imperatorem contra Joannem P. XII. qui venator lubricus & publicus erat: & incorrigibilis: Nimirum qualis apud Luitprandum ejusque continuatorem, Martinum & Platinam, Tritemium & alios exhibetur.

Michael Alexandrinus Cardinalis Moniliani librum approbavit & approbando suum fecit. Nec antè vel postquam creatus est Papa Pius V. approbationem suam revocavit. Quo fit ut Cardinales illi duo vel legitimum agnoscant Concilium, quod Joannem XII. deposuit.

Clementem & Michaëlem sequitur Onuphrius, qui rem totam paucis complectitur, Annotatione in Benedicti V. vitam: Hunc Benedictum V. appellari ab omnibus, & in ejus numeri nota illius rationem haberi à sequentibus Pontificibus, qui illud nomen tulere, video, & id quidem parum accuratè factum existimo, cum schismaticus fuerit contra Leonem VIII. Papam legitime creatum, per vim renuntiatus. Duo autem simul legitimi Papæ esse non possunt. Ille germanus & verus Pontifex semper censetur, cujus in Ecclesiâ successio extat, quæ quidem 64 Leonis VIII. non Benedicti V. est. Regino lib. 2. Luitprandus lib. 6. cap. 11. & Guillelmus Bibliothecarius auctores. Guillelmus hic auctor est æqualis, qui post Anastasium de Vitis Pontificum scripsit.

Cum igitur Onuphrius Leonem VIII. Pontificem legitime creatum esse censeat, censere quoque necessariò debet, Joannem XII. legitime abdicatum esse ab eo Concilio, quod Otto Magnus congregari jussit.

Onuphrium sequitur Papirius Massonus in lib. iv. de Episcopis urbis, in Joan. XII. Cedrenus & Curopalates nihil quidem de nomine tradunt; & tamen referunt, Joannem ipsum fuisse Alberici filium: Nam Cedreni hæc sunt verba: Romane Ecclesiæ præfectus erat Joannes Alberici filius, homo ad omnem lasciviam ac malum propensus, quem Otto Imperator expulit, aliumque Ecclesiæ Pastorem constituit. Et Curopalates, Cedreno posterior, idem quoque scribit: Quid puella illa, quam in Saxonia floruisse diximus, in historia Ottonis? Nonne ita loquitur de Joanne?

Summum Pontificem quadam perversa parantem, Ejus nec monitis dignantem credere crebris, Sedis Apostolica fraudari fecit honore, Constituens alium rectoris nomine dignum.

Restat Luitprandus Ticinensis, cujus merito in hac dejectione Joannis, testimonium sequemur: Illis enim temporibus se ipse vixisse testatur initio libri iv. Idemque libro vi. rerum gestarum per Europam rem totam, id est, Othonis in Italiam adventum, apparitionem Romanorum, & coronationem à Joanne Pontifice factam, crimina illi obiecta, Synodum Roma habitam, Episcoporum Italiae, Germaniaeque, qui illum non immerito ut videtur, exautorandum censuerunt, depulsionemque ejus à summi sacerdotis possessione, ordine prosequitur. Et quia nimis proluxa sunt, ne hic liber in immensum crescat, ea nolumus inferere, sed lectorem Christianum monemus, ut ex ipso fonte seriem rei petat. Synodus autem illa est quasi formula exautorandi Pontificis Romani, cum iratus illi Deus hoc fieri sinet. Massonus accuratioris magnæ scriptor, & acerrimi viri judicii vetustos auctores numero tres nobis suppeditat, Cedrenum, Curopalatem, & Saxoniam mulierem, quæ Joannem XII. verbis suis ut sceleratum hominem depinxit. Tum in Luitprando rerum, quas scribit, teste oculato standum esse maxime arbitratur. Sed quod præ cæteris animadvertendum est, Synodum nullam agnoscit, quæ Joannem depositum Apostolicæ Sedi restituerit.

Deinde in Benedicto V. & Leone VIII. Quam non immerito Joannes loco dejectus est, qui teste Gratiano pactus erat, si Otho in Italiam veniret, se Pontificis dignitate exutum non iri. Quod genus pactiois contra bonos mores, & contra Ecclesiastica disciplina securitatem erat, (nihil enim reformidat adversi, qui se pium & innocentem sub Dei metu scit vivere.) Itaque Othonem oblitum data fidei, præstique jurisjurandi immemorem licet fuisse constet, id tamen pietati potius tribuendum puti, quam ulli crimini. Joannem enim gravissima Episcoporum testimonia plurimorum criminum dilucidè atque aperte convincebant, ipsiusque absentis contumacia odiosa Casari visa est. Verum qua ratione Leo Protoſcriniarius pulſo Joanne electus fuerit, & quomodo Benedictus ejusdem Romane Sedis ſcriniarius populari manu ſubrogatus, ſuſſeſſusque in Leonis locum, præſtat ex Luitprando ſin- 66 cerò harum rerum teſte peti: Cui accedit elegans teſtimonium Frodoardi ad annum nongentimum ſexageſimum quintum, in hæc verba: Otho, qui Roma Octaviano Papa, à quo fuerat ſuſceptus, & ad Imperii regenda gubernacula benedictus, ab urbe digreſſo & ſapè illum revocant Imperatore, à quo quia de irreligioſitate ſua corripiebatur, reverti nolente, congregata Synodo illuſtrem quendam ejusdem Eccleſiæ Clericum per electionem Romanorum Papam ordinari fecit. Sed eo Papiam ingrediente, Octavianus à Romanis recipitur, nec multò poſt vitâ deceſſit. Leone verò cum Imperatore demorante Papiæ, Romanis quendam Benedictum ipſius Eccleſiæ ſcriniarium eligunt, atque Pontificem ſibi ordinari faciunt, qui in Leonis electione conſenſerat, & eidem ſubditus exiterat. Imperator Otho Romam reverſus convocata magna Synodo Leonem in ſua Sede reſtituit, Benedictum Episcopum totius Synodi judicio exautoratum ſecum abduxit in Saxoniam. Hæc Maſſonus & apud Maſſonum Frodoardus, qui Joannis XII. æqualis fuit, nec Concilii, quo Joannes vel Octavianus reſtitutus fuerit, meminit.

Papirium Massionum sequitur Dominicus Tempesta Romanus, qui anno MDXCVI. Romæ librum de vitis Pontificum edidit cum privilegio Clementis VIII. Expositam Romanæ Ecclesiæ traditionem ita retinet: Joannes Alberici filius ex Comitibus Tusculanis è regione via lata, Octavianus antea vocatus, non virtute & sanctitate vita, sed patris potentia Orbone imperante Pontificatum invasit. Hujus rei indignitate commoti duo Cardinales Orbonem Augustum literis rogarunt, ut gregem Dei ab indigno Pastore vindicaret. Quod ut sensit Joannes, 67 eorum uni nasum, alteri manum scindis jussit. Orbo Romanæ à Pontifice quàm honorificentissime suscipitur, & ut quidam scribunt, coronatur. Imperator Joannem adhortatur, ut honestam vitam, & majestati Pontificie convenientem ageret. Quod hortationis officium cum saepe frustra suscepisset, Roma Concilium indicitur: Cujus judicii sententiam verius Joannes flagitiorum suorum conscius in Hernicos aufugit, ubi diu latuit. Tunc Leo civis Romanus in ejus locum suscipitur, qui Orbone ab urbe discedente ab affinis Joannis è Pontificatu dejiciunt, & Joannes revocatur. Hic statim interit, & in ade Lateranensi sepultus est. Romani Benedictum in demorui locum creaverunt, Orbonem rogantes, ut ratum haberet. Quod ille indignatus, remoto Benedicto Leonem restituit. Et paulo post:

Verum Pontificem Leonem esse, non Benedictum ex eo satis constat, quòd Imperator Romanis rogantibus, quemadmodum dictum est, ut pulso Joanne alium substitueret, respondit non sui juris esse, sed Cleri, populi que Romani, ad se tantum confirmationem pertinere. Romani Leonem Protoſcrinarius è regione Clivi argentarii elegerunt. Quod cum Imperator comprobasset, Romani tumultu iterum excitato, Leone eſſe, Benedictum decernunt. Quo iratus Imperator, ob inconstantiam Romanorum, eos armis cœgit, Leonem antea electum recipere.

Succedit 68 *Baronius*, qui derivatæ ab initio traditionis cursum abruptit; illatas Sigeberti Chronico ab impostore nugas, quæ supra parenthesis & Italico charactere designantur, adhibet, ut factam fuisse à Joanne contra Leonem Synodum constituat. Fabulosam additionem, nisi ea doloso servisset consilio, facile potuisset deprehendere, cum ex antiquiorum Sigeberto auctorum omnium silentio, tum ex eo quoque, quòd cum reliqua Sigeberti oratione pugnet. Nam Sigebertus Leonem ut legitimum agnoscat Pontificem, non Benedictum. Baronius contra Benedictum, ut legitimum habet Pontificem, non Leonem. Quid est igitur illi cum Sigeberto hac in re commercii? Quid concordiae? Excusari utcumque potest Baronius, quòd cum ista scripsit nondum opinor Sigeberti Chronicon ad Monasterii Gemblacensis exemplaria recognitum ac recensum fuerat.

Porro fabulosam additionem, ni fallor, idem architectatus est, qui & Synodum: Hæc apud veteres nullum habet sui testimonium. Vincentius meminit quidem Synodi hujus, sed eam ut vidimus tanquam non legitimam rejicit. Profertur quidem ex Vaticano Codice, sed cujus ille sit ætatis, non animadvertit Baronius: Vetustum codicem non esse, indicium est sat magnum. Vetustatem ille prædicasset. De Codicis loco nihil est quod multum curemus, postquam Vaticani Codicis assertor scripsit annum DCIV. Sed & ex- 69 ceratione aquæ insectanda sunt, quæ nomine Joannis & Petri, Diaconorum sancti Gregorii, in medium afferuntur ex Codice Vaticano scripta, quæ ob id recipienda simplices putent tanquam divinum oraculum: Quasi non omnis Bibliotheca referat similitudinem sagæ missæ in mare ex omni genere piscium congregantis bonos & malos, continens libros probatos & improbatos, utiles & inanes semper amplexans, illos ut sequatur, rejiciat verò istos. Quidquid in causa, Synodus hæc quæ à Joanne contra Leonem facta esse dicitur, nobis objicit permulta, quibus suppositio illius confirmari potest.

I. Anno Domini 964. domini Ottonis Imp. tertio Indi.

VII. habitum est Concilium in Ecclesia beati Petri Apostolorum Principis 5. Calend. Martii, hoc est mense Februarii die 25. Indi. VII. Explicatio hæc, hoc est mense Februarii die 25. recentioris est auctoris, qui hinc synchronismum affectavit, inde timuit, ne numerandi ratio isto 5. Calend. Martii, per seipsa satis intelligeretur. Antiqui receptam usu numerandi per Calendas, Nonas, & Idus rationem ita non sunt interpretati. Quis nunc, mense Februarii die 25. in eodem orationis filo, 5. Calend. Martii, interpretaretur?

II. Repetita fere continenter Indi. VII. meram sonat *metaphoriam*, nisi quis forte aliam atque aliam Indictionem in eodem & anno & mense aliquando viderit. Hoc scribendi vitium ad Ottonis I. ætatem minimè pertinet.

III. Positis in medio sacrosanctis Christi quatuor Evangelii. Affectatio & irritio est in causa Joannis, qui ad Evangelicæ veritatis præscriptum vitam minimè instituerat. Et sanè si Joannes XII. ex operibus suis cognoscendus sit, ut unumquemque cognoscendum esse Christus asserit, quis Joannem verè Christianum, verèque fidelem cognoscat?

Hieronymus Higuera è Societate Jesu Presbyter, qui Luitprandi opera castigatiora edidit, Joannem ut ficiarium & pene paganum esse notat in capitum libri VI. inscriptionibus.

IV. Presidente piissimo & coangelico Domino Joanne Summo Pontifice sancta Romana Ecclesia duodecimo Papa. Presidentibus etiam cum eo reverendissimis Episcopis. Et post enumeratos Episcopos XVII. subjungit: Seu venerabilibus Presbyteris. Et post enumeratos Presbyteros XII. subjungit: Astantibus Diaconis, videlicet Benedicto Archidiacono, item Benedicto Diacono, Bonifacio Diacono, seu reliquis assistantibus. In hac igitur Synodo præfides sunt Episcopi XVII. & Presbyteri XII. Quis unquam in Synodo etiam Oecumenica tot numeravit præfides, quot in hac Synodo, quæ non est Oecumenica? Præfides numerantur cum Joanne Episcopi XVII. & Presbyteri XII. simul & una 70 *ex quibus* Præfides XXIX. ludere & jocari voluit, qui Synodum istam fabricatus est. Hic pugnat secum Baronius, si tueri Synodum istam pergat. Quid ita? In Synodo, quæ Joannem deposuit, loquendi modum longè minus incongruentem redarguit.

V. Si hac in Synodo præfides fuerunt XXIX. præter Diaconos quosdam, superfuerunt nulli quibus præfiderent. Quis unquam Synodum talem reperit? Ordinata ne esset castrorum acies, cujus milites pene omnes duces forent?

VI. In actione II. Suspendatur ejus damnatio si placet usque ad tertium Concilium: In actione III. Joannes piissimus ac sanctissimus Papa dixit: Reverendissimi fratres Domino protegente jam ad tertium venimus Concilium. Sic actio III. vocatur Concilium III. Et quia Concilium tribus constat actionibus, Conciliis quoque tribus Concilium unum constare dicitur. Ad hoc quid respondebit Baronius, qui Synodum ubi Joannes abdicatus est, insinuat, quòd Calchedonensem Synodum imitata non sit? Quali verò Synodus hæc, quam ille defendit, Calchedonensem imitetur? Profecto Calchedonensis Synodus actionibus constat Sexdecim, nec ob id dicta est quondam Synodis seu Conciliis constare Sexdecim. Quis nunc aspectu Baronio sibi temperet à risu vel lacrymis? Hic ipse sibi vocem elisit, redarguens Concilii, quod Joannem deposuit, Italicos quosdam idiotissimos & locutiones, quas inter temporum detrimenta & annorum vices ætas minùs integra pepererat.

VII. In Præfatione: Presidente piissimo & coangelico Domino Joanne. In actione I. Joannes piissimus & sanctissimus S. R. E. Papa dixit. In actione II. Joannes piissimus atque benignissimus Papa dixit. Et post alia: Piissimus ac mitissimus Papa dixit. In actione III. Joannes piissimus ac sanctissimus Papa dixit. Adjuncta & epitheta hæc omnia habito quidem ad Pontificium minus respectu convenire Joanni possunt, sed habito 71 ad



ad Joannis personam respectu convenire neutiquam possunt. Concilii architectus perinde cavillari cum Joanne voluit, ac si scripset: *castissimus & integerrimus Joannes Papa dixit*, qui cum scortis scilicet volutabatur perpetuo. *Sanctissimus & coangelicus in fide & Joannes dixit*, qui scilicet faciebat sacrum, nec sacri partem capiebat ullam, qui Diaconos in equorum stabulo consecraverat, qui ordinationes Episcoporum numerata vendebat pecunia, qui annorum decem puerum Tuderinæ Ecclesiæ antistitem creaverat. *Benignissimus & mitissimus Joannes dixit*, qui scilicet Benedictum spirituales patrem suum oculis privavit, qui Joannem Subdiaconum Cardinalem virilibus amputatis occidit, qui incendia non pauca fecit.

72 VIII. Episcopi sunt numero sex. Joannes Verulensis, Joannes Anagninensis, Wido Candidæ Sylvæ, Joannes Narniensis, Joannes Nepefinus, Gregorius Albanensis. Cardinales seu Presbyteri, seu Diaconi sunt numero tres, Theophylactus tit. S. Gryfogni, Stephanus tit. S. Sabinæ, Benedictus tit. S. Sixti, qui omnes Romano Concilio anni DCCCCLXIII. ubi Joannes Papa deponitur, & Romano Concilio anni DCCCCLXIV. ubi Joannes restituitur, subscribunt. Et quamvis hoc absolute fieri potuerit, & omnino repugnet nihil, (sic agendum est per formales argutias) quis tamen ita factum esse crederet, præsertim, cum ne unus quidem ex illis omnibus, qui utrique subscribunt Concilio, rationem reddat, cur qui priori subscribunt Concilio, posteriori subscribant? Quis in animum induceret suum, tot Episcopos & Cardinales ratione nulla reddita Joannem anno DCCCCLXIV. Sedi restituisse Apostolicæ, de qua Joannem eundem anno superiori deturbaverant? Intoleranda esset sententiæ istiusmodi mutatio, cujus ratio nulla redderetur. Cum posteriori subscribunt Concilio, perinde subscribunt, ac si priori minime subscripsissent, & anno DCCCCLXIV. ignorassent penitus, quæ anno DCCCCLXIII. magna & plurima cum deliberatione fecerant. Quis inquam hoc in animum induceret suum? Sed ante omnia ponderandum est Joannis Narniensis Episcopi silentium, postquam ille vehementis accusatoris personam in Romano Concilio priori gesserat. Hoc si voluisset observare Baronius, Romanum Concilium istud ut falsum & suppositum rejecisset. Sed ille vix inquirebat in monumenta, quibus affirmari poterat, Romanum antistitem Ecclesi-

73 asticis canonibus subjectum non esse, & huic eam, quæ supra sacros canones est, potentiam simpliciter convenire, Commune Romanæ Curie vitium est, quo Baronius per omne vitæ tempus & per omnes annales suos maxime laboravit.

IX. Joannes Papa infinitorum criminum accusatus fuerat, & quia quæ palam nota sunt probatione non indigent, peractus reus fuerat: & tamen de nullo crimine se purgat, tantum abest ut se de omnibus aut certè de plerisque se purgaverit. De Leone sibi substituto queritur, & objecta sibi & probata crimina non diluit, aut ut falsò imposita repellit. Non repellens vel non diluens consentit, & consentiens eo in statu Synodum facere jure qui potuit? aut de facienda Synodo cogitare? quis unquam agendi modum similem vidit? Imperitè omnino & per ludibrium confecta est Synodus hæc, quam Baronius è tenebris eruit, & obtrudit, dignam prorsus, quæ easdem in tenebras retrudatur.

X. Luitprandus Italus, Flodoardus Gallus, & Reginonis Continuator Germanus, rei gestæ æquales rem contra Baronium decernunt: Concilium, quod Joannem XII. deposuit, non appellant Conciliabulum, sed Concilium, quo nomine Episcoporum conventus reliqui vocantur: Non meminerunt Concilii, quod Joannem restituerit, quia Concilium hujusmodi factum est nullum: Leonem Joannis successorem dixerunt, non schismaticum, non Pseudopontificem. Dixissent, si verè affirmatè; dici potuisset. Hoc 74 unicum observasse, Baronii molitione cunctas destruxisse est. Nunc ut de Baronii mente quod sentio, ingenuè

dicam, nescio utrum ante Baronium reperies scriptorem nominis alicujus ullum, qui Romanum illud Concilium à quo depositus est Joannes, & in ejus locum substitutus Leo, Conciliabulum, & Leonem schismaticum appellaret. Baronius vituperandum esse duxit Concilium, quod Centuriatores laudaverant, & quia laudaverant, hæc privata sunt studia, quæ veritatem obscurare possunt, illustrare non possunt. Ille ignorare vix potuit, reprehensum olim à nemine fuisse Concilium, à plerisque fuisse laudatum & in auctoritatem admissum. Quid repetam Cardinalem Turrecrematam, qui amplificandæ supra modum Pontificiæ potestatis viam Curialibus magistris aperuit? quid Victoriam? quid Cardinales Clementem Monilianum, & Michaellem Alexandrinum? quid cæteros? Ignorare quoque vix potuit quid de Joanne XII. Luitprandus aut ejus Continuator oculatus testis, Reginonis Continuator, Adamus Bremensis, Anonymus scriptor, qui Farsensis Monasterii Chronicum excerptit, Sigebertus ad Gemblacensis cœnobii exemplaria recensens, Martinus Polonus, Vincentius Bellovacensis, Blondus, Pius II. Platina, Bergomas, Schedelius, Tritemius, Massæus, Onuphrius, Massonus, & apud Massonum Saxonica Poëtria, Cedrenus, Europalates, Tempesta.

Ad hæc Baronius suppositum Concilium illud, quo revocatus est Joannes XII. fugato Leone, tuetur contra regulam hanc suam: *Quod à recentiore auctore de rebus adeò antiquis sine alicujus vetustioris auctoritate profertur, contemnitur*; Si tamen dicendus sit auctor, qui Sigeberti Chronologiam insertis narrationibus falsis corrupt; qui Vincentio, nonnullisque aliis imposuit, atque ipsimet Baronio, qui fortassis imponi sibi voluit, ut quæ Sigeberti non sunt, Sigeberto tribuat ad confirmandum Concilium, quod nusquam fuit, & ad coloranda mendacia, quæ Concilio tali superstruuntur.

Baronium in retinendo hoc Concilio, & in rejiciendo altero sequuntur auctores decepti, vel certè minus sinceri, creduli, & velint nolint, taciti vitæ & morum Joannis XII. fautores, & adulatricis Curie mancipia; Severinus Binius in Conciliorum tom. III. part. II. Jacobus Gretferus in lib. II. contra Replicatorem cap. XII. & in Mysteriorum Plessæni examine cap. XLII. Franciscus Coriolanus in Summa Conciliorum; Gregorius Rivesius in brevi historia Conciliorum, & quidam alii, qui omnes Romanum Concilium à quo depositus est Joannes, & in ejus locum suffectus Leo, Conciliabulum appellarunt, non quòd sit olim appellatum invenerint: sed quòd Romanum Concilium nominarunt Concilium, & laudarunt Centuriatores, Melchior Goldastus & Philippus Mornæus secuti bene Catholicos auctores, Luitprandum, Flodoardum, Reginonis Continuatorem, Adamum Bremensem Canonicum, Sigebertum, Vincentium Bellovacensem, Joannem Turrecrematam Cardinalem, Blondum Eugenii Papæ IV. Amanuensem, Pium II. Platinam, Jacobum Philippum Bergomatem, Joannem Tritemium, Christianum Massæum, Franciscum Victoriam, Clementem Monilianum Cardinalem, Michaellem Alexandrinum Cardinalem Moniliani operum approbatorem, Pium deinceps V. Pontificem, Onuphrium Panvinium, Papirium Massonum, 76 Dominicum Tempesta Romanum, cujus opus Clementis VIII. privilegio munitum Romæ in lucem prodit.

Si crimen est Scriptoribus, qui seorsum à nobis per religionem sentiunt, nominare & laudare Concilium, quod ante se Catholici plures nominarunt & laudarunt ut Concilium, non verò rejecerunt ut Conciliabulum, crimen erit majus in Stephano Papa martyre, qui dum collatum ab hæreticis baptismum adversus Cyprianum defendit, defensionem suam hæreticorum ipsorum disciplina & ritu confirmat, ad Africanos scribens: *Siquis ergo à quacunque hæresi venerit ad nos, nihil immovetur, nisi (fortè in id) quod traditum est, ut manus illi imponatur in penitentiam, cum ipsi hæretici propriè alterum ad se venientes non baptizent, sed communicent tantum.*

rum. Si reprehendendus non est Catholicus opinor Pontifex, quod hæreticorum exequatur factum, quomodo reprehendendi erunt hæretici, dum aliqua in re Catholicos auctores sequuntur? Sic usu venire solet, ut dum suffragium nostrum invidemus adversariis, denegetur illud veritati.

Sed vexare non cessant Concilium, quod in eo Romani dicantur Pontifices, qui Sedis Apostolicæ vel Romanæ Ecclesiæ Pontifices non erant. Sed in Luitprandi operum editione, quam Hieronymus Hivera è Societate Jesu, & Andreas Quercetanus curarunt, quinam sint illi Romani Pontifices, Concilium ipsum seu acta Concilii sic explicat: *Tunc Romani Pontifices, Episcopi scilicet suffraganei, & Cardinales Presbyteri, &c. dixerunt.* Iterum ad finem: *Adhuc Romani Pontifices, suffraganei scilicet Episcopi, &c. dixerunt.* Editionem hanc non viderunt correctiorem prima, quam ut Baronius sequeretur, secutus sum; & ubi desideratur illa explicatio, quæ etiamsi desideraretur, facile suppleri potuit. Ut ego antè supplevi exponendo Concilium, ut Concilium in secunda editione sui seipsum exponit.

Igitur cum Concilium vel acta Concilii se ita, ut retulimus, interpretantur; quæ, amabo te, tanta est vexandi Concilii ratio? Nonne unicuique ætati suus semper fuit & rectè & minùs rectè scribendi modus, qui narrationi rerum ut veritatem non tribuit, ita & non adimit? Eleganter omnino & scitè Plinius Junior in libri v. epistola viii. ad Capitonem: *Orationi, inquit, & carmini est parva gratia, nisi eloquentia sit summa: Historia quoque modo scripta delectat.* Romanum nostrum Concilium ad historiam pertinet, non ad specimen eloquentiæ. Sed hic egregie cordatum se prodit Baronius, cum explicatam (quod sufficeret) locutionem arguit, quam ad annum dxciii. in vindicato utcumque à se Monasterii sancti Medardi Sueffionensis privilegio non arguit, tametsi neutiquam explicetur in privilegio. Sic ibi se res habet: *Auctoritate Divina vice beati Patris Apostolorum Principis, consensu omnium Romanorum Pontificum determinans.* Ad hoc quid dicturi sunt Baronius & Baronii sectatores, non video.

Porro autem ex verbis istis aliàs falsi dicam scripti privilegio Sammedardensi, quod locutio hæc sit longè posteriorum Gregorio Papa I. sæculorum, in quibus Romani Pontifices vel Episcopi vocati sunt, qui Romanæ provinciæ antistites erant. Beati Bernardi tempore sic invaluerat, ut qui Romanæ provinciæ præfules erant, in illius epistolis Romanæ Curie Episcopi perinde nuncupentur, quasi sonarent idem Romana Curia & Romana provincia. Nunc Baronius Bernardi epistolas disperdat, si velit. Et quia quibusdam ab hinc sæculis Romani Pontifices soli dicuntur Papæ, disperdat quoque veterum Patrum scripta, in quibus ut Romani, sic & reliqui antistites vocantur Papæ.

Non ignorabat profecto Baronius quæ animadvertimus, sed tergiversabatur, & recentibus Curie placitis serviebat. Atque hoc pacto admittebat Monasterii beati Medardi privilegium, etiamsi Gregorio subiectum esse apprimè calleret: Romanum quoque nostrum rejiciebat Concilium, ut non legitimum, tametsi legitimum esset. Baronium, seu Curia in qua versabatur, seu natura talem finxerat.

Præterea Baronius & sectatores illius Leonem nominant schismaticum, quamvis ex Scripturibus antiquis nullus sit, quem ducem habeant. Sed quod mireris, Baronius in Romano Martyrologio & in Ecclesiasticis Annalibus secum pugnat: In Martyrologio quidem, cum ibi ad xiiii. Calend. Maii, ponitur, *Roma sancti Leonis noni, virum & miraculorum laude insignis*, quia si Leo octavus non est verus Papa, sed schismaticus, hic Leo sanctus octavus dici debuit, non nonus: In Annalibus verò, cum ibi hic quoque sanctus Leo nonus dicitur, non octavus.

Baronius & alii pro argumento sibi sumunt, quod in quæstione (si ulla tamen potest esse quæstio) veritatur. Et quia Joannes multa patravit contra Decalogum, Evangelium, Concilia, & sacros Canones, incongruentis disciplinæ magistri Joannem supra Decalogum, Evangelium, Concilia, & sacros Canones attollunt, rati hac se via ad consentiendum sibi facile perductum eos iri, qui propria, non communi utilitate ducuntur, & adulatricis Curie corruptelarum illecebris irretiri se sinunt. At quorsum tergiversationes hujusmodi? Nempe ut Romanus Pontifex vivat, quomodo voluerit, & subditus non sit matri suæ Ecclesiæ, vel Concilio, ubi Christiani nominis representatio celebraretur. O consilium religioni sanctæ apertè infensum, & Sedis Apostolicæ traditioni crudeliter inimicum!

Ceterum ex illorum, qui temere & cæco impetu sequuntur Baronium, numero eximendus mihi videtur Dionysius Petavius, dum in *Rationario temporum* part. i. lib. viii. cap. xiv. scribit: *Joannes, qui Alberico patre natus, Octavianus ante dicebatur, ab Othone deficiens, Adalbertum Berengarii filium Romam evocavit: Contra quos Otho reversus cum exercitu fugatis ambobus, Convantum Episcoporum Roma celebravit, in quo Joanni Pontificatus abrogatur, eique successus est Leo, anno 963. Rursus anno sequenti Romanos de improviso irrumpentes magna eorum caede compescuit. Joanne inter hæc Papa mortuo, eid. Maii 964. ab iisdem Romanis subrogatus est Benedictus, quem Otho gradu dejectum secum in Germaniam abripuit.* Convantum Episcoporum dixit, non conventiculum aut Conciliabulum. De Joanne per Synodum restituto nihil tradit. Leonem Pontificem legitimum agnoscit, non Benedictum. Quæ apud corruptum Sigebertum designavimus ad inductionem, & quæ Baronius de hoc & alio Concilio sollicitius observat, neglexit ille potius, quam non vidit. Animadvertiones Baronii repudiavit ut invalidas, & suo silentio compressit.

Bellarminus Concilio huic quod Joannem XII. de sua Sede dejecit, nec benedixit, nec maledixit. Nam illud nec inter reprobata, nec inter partim confirmata & partim reprobata Concilia reponit. Videtur utcumque tacitus benedicere, cum utilitates Conciliorum & causas disquirat. Quartam assignat, inemendabilem Romani antistitis pravitatem, qualis verbi gratia in Joanne XII. fuit. Bellarminus, si Joannis hujus vitam probè novisset, cum Joanne Turrecremata, Clemente Moniliano, & Michaële Alexandrino Cardinalibus benedixisset Concilio, quod ejusmodi monstrum à sancta Sede amandavit procul, & acerbum, horribilem, ac miserum illius interitum deplorasset. Hominem vidisset præsentis vitæ portentum, futuri sæculi dedecus, terribile divini judicii exemplum, Diabolicæ impudentiæ ludibrium, & pabulum incendii perpetuò duraturi.

In exempli hujus recensione paullo sum longior, non abnuo: sed idoneam causam accipe. Confirmandum imprimis mihi fuit, verum ac legitimum esse Concilium, quod Joannem XII. deposuit, falsum verò & subdititium esse Concilium, quo Joannes restitutus fuisse dicitur. Hoc autem paucis fieri non potuit. Auctorum & sæculorum omnium, quæ ab anno dcccclxiii. usque ad tempus Baronii decurrerunt, traditio apertam in lucem edenda fuit, eaque suis absoluta numeris paginas complures non potuit non implere. Tum diluendæ etiam fuerunt rationes, quibus illustris Ecclesiasticorum Annalium conditor in verum & legitimum Concilium invadit. Postremò quod falsum & subdititium est Concilium, id quibusdam argumentis demonstrare oportuit.

Asserto igitur Concilio, quod verum & legitimum est, & rejecto, quod falsum & subdititium, certa extat eminèntque potestas matris Ecclesiæ supra Pontifices, qui cum vitiosi sunt & in fidelium offensionem cadunt, Joannis



Joannis instar, nolunt corrigi nec ad frugem meliorem redire.

Tertium superest exemplum, quod ex Lateranensi Concilio Episcoporum plus minus centum repetitur. Concilium hoc anno MCXII. celebratum Paschalem II. correxit, sed mitius correxit, quia propter Ecclesie bonum corrigi voluit, ut ex his illius verbis apparet: Porro scriptum illud (de investituris) quod magnis necessitatibus coactus, non pro vita mea, non pro salute aut gloria, sed pro solis Ecclesie necessitatibus sine fratrum consilio, aut subscriptionibus feci, super quo nulla conditione, nulla promissione constringimur; Sicut prave factum cognosco, ita prave factum confiteor, & omnino corrigi Deo prestante desidero. Cujus correctionis modum fratrum, qui convenerunt, consilio judicioque constituo, ne forte per hoc imposterum detrimentum aliquod Ecclesie, aut anime mea prejudicium relinquatur. Tunc enim communi omnium favore laudatum est, ut fratres omnes, qui donum à Deo sapientie scientieque perceperant, maturius super hoc Concilium communi collatione susciperent, quid sequenti die per inspirationem Spiritus Sancti responderent.

82 Die itaque sexta, qua & ultima Concilii fuit, fidei sue veritatem sanctis Patribus per omnia congruentem Dominus Papa Paschalis in audientia Concilii totius exposuit, asserens se Scripturas sanctas veteris & novi Testamenti, & Concilia universalia veneranda suscipere ac venerari, quæ Catholica Ecclesia suscipit & veneratur ita dicendo: Amplector omnem divinam Scripturam, scilicet veteris & novi Testamenti, Legem scriptam à Moyse & à sanctis Prophetis: Amplector quatuor Evangelia, septem Epistolas canonicas, & Epistolas gloriosi Doctoris beati Pauli Apostoli, sanctos Canones Apostolorum, quatuor universalia Concilia, sicut quatuor Evangelia, Nicanum, Constantinopolitanum, Ephesinum, & Chalcedonense, decreta sanctorum Patrum Romanorum Pontificum, & precipue decreta Domini mei Papa Gregorii, & beata memoria Papa Urbani. Qua ipsi laudaverunt, laudo, qua ipsi tenuerunt, teneo, qua confirmaverunt, confirmo, qua damnaverunt, damno, qua repulerunt, repello, qua interdixerunt, interdico, qua prohibuerunt, prohibeo in omnibus & per omnia, & in his semper perseverabo.

In calce autem huius professionis ex ore omnium, qui ad consulendum besterna deliberatione convenerunt, Engolismensis Episcopus Gerardus hanc in scriptis sententiam recitavit. Privilegium illud, quod non est privilegium (neque enim dici debet privilegium sed pravilegium) pro libertate captivorum & Ecclesie à Domino Papa Pascali per violentiam Henrici Regis extortum, nos omnes in hoc sancto Concilio cum eodem Domino Papa congregati canonica censura & Ecclesiastica auctoritate iudicio sancti Spiritus damnamus, & irritum esse judicamus, atque omnino cassamus.

83 Hic intelligis opinor Pascalem matrem ac dominam agnoscere Ecclesiam, quæ per Lateranense Concilium hoc exprimitur. Non vides modò sed etiam veluti manu tangis Pontificem, qui se maternæ correctioni subicit; nec se subiceret, nisi errasset. At errasse se ultro fatetur: Quia, inquit, sicut prave factum agnosco, ita prave factum confiteor, & omnino corrigi Deo prestante desidero. Cujus correctionis modum fratrum qui convenerunt, iudicio, consilioque constituo. Correctus atque emendatus est, & correctores emendatoresque senlis Episco-

pos, qui Romæ Concilium habuerunt, qui Pascalis matrem ac dominam Ecclesiam repræsentarunt, qui non accepta à Pascali auctoritate, sed sancti Spiritus iudicio concessum ab illo Pontifice privilegium resignarunt, dissolverunt, abrogarunt.

Pascalis errorem multo antè deprehenderant Gallicani antistites, qui Viennæ in Synodum coiverant. Qua de re sic ad Pascalem scribunt: Domino sancto & dulcissimo Patri Pascali, Guido Viennensis Archiepiscopus, & Apostolica Sedis Legatus, & ceteri omnes Episcopi & Abbates, qui Viennensi assuimus Concilio, debitam subjectionem & obedientiam. Sancta pietatis vestre mandata sequentes apud Viennam convenimus, ibique cooperante gratia Spiritus Sancti, de investituris, de captione vestra & vestrorum, de perjurii Regis (Henrici V.) de pacto illo & privilegio, quod à vestra maiestate violenter extorsit, tractare diligenter curavimus. Et quibusdam interpositis: Igitur dictante Sancto Spiritu investituram omnem de manu laica hæresim esse judicavimus; Scriptum illud, quod Rex à vestra simplicitate extorsit, damnavimus: Et nunc Domine Pater, vestram, sicut dictum est, Majestatem suppliciter exoramus, ut quod pro sancta Catholica fidei robore, pro Dei & vestro honore fecimus, auctoritate Apostolica solemniter confirmetis. Cujus confirmationis argumentum per apertas nobis literas significare dignemini, quas etiam ut gaudium nostrum sit plenum; alter alteri destinare possumus. Et paulò post: Illud autem cum debita reverentia vestra suggerimus pietati, quod si nobiscum in his steteritis, si hoc sicut rogamus, confirmaveritis, si deinceps ab illius crudelissimi tyranni & nunciorum ejus literis, locutione, muneribus abstinueritis, unanimiter nos sicut decet habeatis filios & fideles: Si verò quod minimè credimus, aliam viam aggredi cøperitis, & nostra paternitatis assertiones prædictas roborare nolueritis, propitius sit nobis, quia nos à vestra subiectione & obedientia repellitis. Anno Incarnationis Domini M. C. Indict. V. XVII. Calend. Octobris.

Concilium hoc Viennæ celebratum est. Pascalis, quod Viennense Concilium voluerunt ab illo confirmari, confirmavit. Et quia non errandi privilegium non vindicabat sibi, sequæ Ecclesie subiectum esse noverat, propriæ infirmitatis conficius, minacium literarum clausulam patienter accepit & tulit. Sed quod mirere, Viennensi Concilio præfedit Guido Viennensis Episcopus, & Sedis Apostolicæ Legatus; qui postea Romanam ad Ecclesiam accessit, & Calixti II. nomen assumpsit. Qui verò diceret, Guidonem, ut Romanus optaretur Episcopus quidquid sub finem epistolæ præscribitur, revocasse, historiæ leges contemneret, & impudentissimè mentiretur. Quid ita? nullus revocationi fuit locus; seu quia Concilium revocatione dignum nihil fecerat, seu quia Pascalis Concilio morem gef-  
84 ferat, & hocce pacto Concilium & Concilii decretum confirmaverat.

Tu verò, Maræsi, quidquid istud est, animo facile complecteris, & quæ mihi non suppetunt, si iudices necessaria, adjicies: Et inter ea, quæ mihi suppetunt, si quædam sint minus necessaria, detrahes, & memineris me semper velle corrigi: Id est, Pascalem Romanum Pontificem imitari. Vale. Lutetiæ Parisiorum pridie Calend. Novembris ann. MDCLXV.

# Joannes Launoius

## FRANCISCO BONO.

Ruellium.

**I**NCIDISSE te dicis in homines, qui vinci quidem possunt sine controversia, sed suaderi non possunt, quia nolunt, circa ea, quæ ad Conciliorum supra Romanum Episcopum auctoritatem pertinent. De hominum istorum genere quereris, quod ne suaderi possint, immo ne videantur suaderi posse, odorantur omnia, ut populare ac plausibile argumentum reperiant; eoque & propriæ illudant conscientiæ, & veritatis assertores in odium atque invidiam adducant. Non accuso te, quod queraris, quia iuste quereris, sed accuso te, quod vitiligatores audias, qui vassè & malitiosè funem contentionis ducunt, qui inusitatas indagant vias, & tritas relinquunt, ne inveniant, quod inventum singulari amore suscipiendum esset. Verum audiendos esse pugnas, & scriptura docente, respondendum esse stulto secundum stultitiam ejus, ne sibi sapiens videatur: Bene mones. Quid igitur adferunt? Rationem, inquis, ex sæculi principibus, ex sæcularium regnorum statu & ordine petitam, qua infidiosam comparationem instituunt. Hanc capio: vicissim illi capiant quod Tertullianus vir & legum & institutionum Romanarum peritissimus scribit in libri de Corona capite xiii. *Omnia imaginaria in sæculo, & nihil veri.* Et quamvis ad intercludendam litigioforum hominum tergiversationem quamlibet paucula hæc sint satis superque, nihilominus tamen efficiam, ut quia Christiani & esse & videri cupiunt, Christianorum omnium magister illos dedoceat, cum in Evangelio discrimen inter Ecclesiam & reges gentium constituit, aut certe constitutum agnoscit. Ergo discant, quod magister ille, qui nec falli potest, nec fallere, apud Matthæum tradit in capite xx.

Et audientes decem, indignati sunt de duobus fratribus. Jesus autem vocavit eos ad se, & ait: Scitis, quia principes gentium dominantur eorum; & qui majores sunt, potestatem exercent inter eos. Non ita erit inter vos: Sed quicumque voluerit inter vos major fieri, sit vester minister, & qui voluerit inter vos primus esse, erit vester servus, sicut filius hominis non venit ministrari, sed ministrare.

Deinde apud Marcum in capite x. Et audientes decem, indignati sunt de Jacobo & Joanne. Jesus autem vocans eos, ait illis: Scitis quia hi, qui videntur principari Gentibus, dominantur eis, & principes eorum potestatem habent ipsorum. Non ita est autem in vobis, sed quicumque voluerit fieri major, erit vester minister, & quicumque voluerit in vobis primus esse, erit omnium servus. Nam & filius hominis non venit, ut ministraretur ei, sed ut ministraret.

Tum apud Lucam in capite xxii. Facta est autem & contentio inter eos, quis eorum videretur esse major. Dixit autem eis: Reges gentium dominantur eorum, & qui potestatem habent super eos, benefici vocantur. Vos autem non sic: Sed qui major est in vobis, fiat sicut minor, & qui præcessor est, sicut ministrator. Nam quis major est, qui recumbit, an qui ministrat? Nonne qui recumbit? Locorum Evangelii ubique apertam in lucem produntur insidiæ, quæ per institutam inter gentium reges & Romanum Episcopum, inter Concilia & sæculares status comparationem struuntur. Ut Ecclesia præceptis Christi, documentis Apostolorum & sacris Conciliorum canonibus regitur, & suis tandem limi-

tibus circumscribitur: Sic & regna gentium propriis quoque legibus, centuriatis comitiis, communi omnium ordinum consilio temperantur, & suis tandem finibus constringuntur. Itaque cum auctore Christo diversa sit regni mundani & regni Evangelici ratio, contentiosi homines, de quibus loqueris, desinant uti ea comparatione, qua Christi auctoritati & doctrinæ adversarentur, & Ecclesiasticam veritatem pessunderent. Sed nisi desinant, & de comparatione sua rixari pergant, tu illis cum Tertulliano in libri de præscriptione hæreticorum capite viii. poteris dicere: *Nobis curiositate opus non est post Christum Jesum, nec inquisitione post evangelium.*

In promptu sit hoc effati genus, quod antè ex Paulo sic præmunierat. *Videte ne quis vos circumveniat per Philosophiam & inanem seductionem, secundum hominum traditionem, præter providentiam Spiritus Sancti: Fugate Athenis, & istam sapientiam humanam, affectatricem & interpolatricem veritatis, de congressibus noverat, ipsam quoque in suas hæreses multipartitam veritate sectarum invicem repugnantium.* Quid ergo Athenis & Hierosolymis, quid Academia & Ecclesia? Quid hæreticis & Christianis? Nostra institutio de porticu Salomonis est, qui & ipse tradiderat Dominum in simplicitate cordis esse querendum.

Verumenimverò placet tecum agere copiosius, non ex sanctorum Patrum testimoniis, tanquam ex jure Ecclesiastico, quia mecum sentis, sed de sanctis Patribus, qui cum se tulit occasio, communi causæ servierunt, & contentiosos homines, qui de sæculo opportunitatem nescio quam trahere conantur, longè ac latè propulsarunt.

Primus nobis sit Osius Cordubiensis Episcopus in Epistol. ad Constantium: Tibi, inquit, Deus Imperium commisit, nobis, qua sunt Ecclesia, concedidit: Et quemadmodum qui tuum Imperium malignis oculis carpit, contradicit orationi divinæ, ita & tu cave, ne qua sunt Ecclesia ad te trahens, magno crimini obnoxius fias. *Date (scriptum est) qua sunt Caesaris, Caesari, & qua sunt Dei, Deo.* Neque igitur fas est nobis in terris imperium tenere, neque tu thymiamatum & sacrorum potestatem habes. Cum Osius disputationem hanc instituit, sic affectus est, ut nunquam pateretur eam inter regni & Sacerdotii negotia comparationem fieri, quæ inde veritatem inobscurare, inde veritatis amantibus invidiam conflare tibi meritò visa est.

Secundus non unus tantum, sed pro uno plures habiti sanctissimi Præfules, qui apud Athanasium in Epistola ad Solitarios sic loquuntur: *His ad se vocatis jussit Imperator, ut contra Athanasium subscriberent, & cum hæreticis communionem inirent: Quibus admirantibus novum ejus studium, dicentibusque id non esse Ecclesiastici canonis, statim subjecit: At quod ego volo, pro canone sit.* Ita enim me loquentem Syria Episcopi sustinent: Aut igitur obtemperate, aut vos quoque exules estote. Id cum audiissent Episcopi, magnopere admirantes, & ad Deum manus tendentes, multa cum libertate illi suas rationes proposuerunt, docentes regnum non ipsius esse, sed Dei, à quo acceperat, eumque metuendum, ne illud quod dederat, derepente adimeret. Denunciabant illi diem judicii, suadebantque, ne Ecclesiastica corrumpere, neve Romanum Imperium Ecclesiasticis constitutionibus immisceret. Et primum quidem antistites non faciunt, nec facere



volunt quidquam, nisi quod Ecclesiastici canonis est. Imperator verò facit, quod Ecclesiastici non est canonis. Imperatori lex est sua ipsius voluntas & arbitrium: Deinde Imperatorem rogant antistites, ne quæ sunt Ecclesiæ, sæculari modo corrumpat, & profana sacris immisceat. Nonne rerum momenta duo hæc invictam contra perversos disputatores rationem nobis suppeditant?

Tertius Joannes Chrysostomus in homilia lxxvi. super caput xx. Matthæi: *Qui primatum querunt, sibi ipsi dedecori sunt, ignorantes se hoc pacto in infima detrudere: Non enim externis similia nostra sunt. Nam apud gentes, qui Principes sunt, ipsi dominantur, apud nos autem, qui ultimus est, ipse summa tenet. Jam facile perspicis, in sancti Doctoris hujus schola nunquam formatum iri argumentum illud, quod à litigiosis hominibus formatum audivisti.*

Quartus Hieronymus in Epistola xxx. ad Oceanum: *Alia sunt, inquit, leges Caesarum, alia Christi, aliud Papinianus, aliud Paulus noster precipit. Ecce tibi solutionem ductæ ab odiosa similitudine rationis! Ecce solutionem, quam magister Ecclesiarum porrigit! Quis verò aptè rejiciet? Illa è visceribus causæ, ex utriusque potestatis Ecclesiasticæ & sæcularis natura quæritur.*

Quintus Augustinus alter Ecclesiarum magister in Epist. clx. ad Apringium Judicem: *De vobis quidem dixisse Apostolum legimus, quod non sine causa gladium geratis, & ministri Dei sitis vindicee in eos, qui male agunt: Sed alia causa est provincia, alia est Ecclesiæ: Illius terribiliter gerenda est administratio, hujus clementer commendanda est mansuetudo. Augustinus inter provinciam & Ecclesiæ rationem discrimen adfert luculentissimum, quod tu cum in Doctoris sancti doctrina versatus sis, non ignoras: Et nemo est tam hebes in plebecula, qui eo uti non possit, & se ab impetitione omni defendere.*

Sextus est Leo I. in Epistolæ liv. ad Martianum Imp. capite iii. *Habeat, sicut optamus, Constantinopolitana civitas gloriam suam, ac protegente dextera Dei diuturno clementia vestra fruatur imperio. Alia tamen ratio est rerum sæcularium, alia divinarum. Nec præter illam petram, quam Dominus in fundamento posuit, stabilis erit ulla constructio. Perspicacis prudentiæ vir occurrit argutiis, in quibus qui tergiversantur, præsidium suum omne collocant. Disparem rationem assignat, & in ea quidquid est argutiarum dissipatur.*

Septimus Apollinaris Sidonius in libri iv. Epistola xiv. ad Polemium: *Noveris volo, non ut est apud Præsulem fori, Sic esse apud judicem mundi. Namque ut is, qui propriè vobis non tacuerit flagitia, damnatur; ita nobiscum, qui eadem Deo fuerit confessus, absolvitur. Cum igitur alia sit ratio rerum sæcularium, alia rerum divinarum, quid est quæso, cur nonnulli velint utramque rationem perturbare & confundere, nisi (quod nimis manifestum est) ut ex perturbatione & confusione tali Ecclesiæ & Conciliorum decreta subvertant?*

Octavus est Gelasius I. in Epistola viii. seu in tractatu, cui deest principium: *Non est quidem nostra humilitatis de totius orbis diffensione ferre sententiam: Est tamen nostrum de propria salute esse sollicitos, quoniam unusquisque pro se rationem redditurus est, ante illud tribunal judicis & regis æterni, in quo etiam de verbo otioso, minimoque quadrante sumus nostrorum rationem altum præstaturi. Unde & optamus qualiacunque & quantacunque super nos importaverit inimicus, tolerare discrimina in sæculo præsentis, tantum ne causas incurramus mortis æternæ. Hæc in Gelasio scribendi ingenuitas demonstrat quærendam non esse Romano Pontifici è sæculi Principibus comparisonem, qua suam auctoritatem tueatur. Intelligebat vir prudens eam propriis non alienis finibus & principiis æstimandam esse. Et illuc spectat, cum ad Imperatorem Anastasium ita scribit: Duo sunt, quibus principaliter mundus hic regitur, auctoritas sacra Pontificum, & regia potestas. Et quibusdam*

interpositis: *Si enim quantum ad ordinem pertinet publica disciplina, cognoscentes Imperium sibi superna dispositione collarum, legibus tuis ipsi quoque parent antistites, ne vel in rebus mundanis exclusæ videantur obviare sententiæ: Quo rogo te decet affectu eis obedire, qui prærogandis venerabilibus attributi sunt mysteriis? Gelasii schola plurimum abhorret à magistris politicis, qui Ecclesiastica permiscerent sæcularibus, ut Romanum Pontificem à sacrorum canonum & Conciliorum subjectione liberum atque immunem efficiant.*

Nonus Gregorius Magnus, qui ne se privatorum correctioni, Sedis Apostolicæ traditione, Ecclesiæ & Conciliorum canonibus subiceret, futuram in eodem vel simili casu Imperatoris dejectionem prætexuit: Singillatim ostendenda sunt tria hæc, quorum primam habetur in libri ii. Indiæ. x. Epistola xxxvii. ad Natalem Salonitanum Episcopum. *Convivia autem communia, quæ ex intentione impendenda charitatis sunt rectè Sanctitas vestra in suis Epistolis laudat. Sed tamen sciendum est, quia tunc ex charitate veraciter prodeunt, cum in eis nulla absentium vita mordetur, nullus ex irrisione reprehenditur, nec inanes in eis sæcularium negotiorum fabula, sed verba sacra lectionis audiuntur, cum non plus quam necesse est, servitur corpori, sed sola ejus infirmitas reficitur, ut ad usum exercenda virtutis habeatur. Hæc itaque si vos in vestris conviviis agitis, abstinendum fateor magistri estis. Quod ergo Pauli Apostoli testimonium ad me posuistis, in quo ait: Qui non manducat, manducantem non judicet, omnino existimo incongruum fuisse, quia neque ego non comedo, neque ad hoc à Paulo dictum est, ut membra Christi, quæ in ejus corpore, id est, in Ecclesia invicem sibi charitatis compage connexa sunt, nullam de se ullo modo curam gerant. Sed si neque ego ad te, neque tu aliquid pertineres ad me, jure tacere compellerer, ut eum non reprehenderem, quem emendare non possem. Hæc ergo sententia solummodo propter eos dicta est, qui illos judicare student, quorum sibi cura commissa non est. At postquam nos auctore Deo unum sumus, si ea, quæ nobis corrigenda sunt, tacemus, valde delinquimus. Ecce fraternitas agrè tulit, se de conviviis à me esse reprehensam, cum ego, qui hanc etsi non vita, tamen loco transgredior, ab omnibus corripì, ab omnibus emendari paratus sim: Et hunc solum mihi amicum æstimo, per cujus linguam ante apparitionem districti judicis mea maculas mentis tergo.*

Hoc in loco Gregorius Natalem ita reprehendit, ut reprehensioni pari obnoxium se esse significet; tantum abest, ut pugnet se posse alios reprehendere, se verò reprehendi non posse, & istud politicis confirmet rationibus, quæ quo validiores sint, & invidiosiores, ad Imperii Romani comitiorum jura, & ad commovendum Imperatoris statum, & incutiendum ei timorem pertineant.

Alterum in libri iii. Epistola xxx. ad Constantiam Augustam: *Serenitas vestra pietatis, religionis studio, & sanctitatis amore conspicua, propter eam, quæ in honorem sancti Pauli Apostoli in Palatio edificatur, Ecclesiam, caput ejusdem sancti Pauli, aut aliud quid de corpore ipsius, suis ad se jussionibus à me precipit debere transmitti. Et dum illa mihi desiderarem imperari, de quibus facillimam obedientiam exhibens, vestram erga me amplius potuissim gratiam provocare, major me maestitia tenuit, quod illa precipitis, quæ facere nec possum nec audeo. Nam corpora sanctorum Petri & Pauli Apostolorum tantis in Ecclesiis suis coruscant miraculis atque terroribus, ut neque ad orandum sine magno illic timore possit accedi. Denique dum beata recordationis decessor meus, quia argentum, quod supra sacratissimum corpus beati Petri Apostoli erat, longè tamen ab eodem corpore fere quindecim pedum spatio mutare voluit, signum ei non parvi terroris apparuit. Sed & ego aliquid similiter ad sacratissimum corpus sancti Pauli Apostoli meliorare volui, & quia necesse erat, ut juxta sepulchrum hujusmodi effodi aliis debuisset, præpositus loci ipsius ossa aliqua non quidem*

quidem eidem sepulchro conjuncta reperit. Quæ quoniam levare præsumpsit, atque in alium locum transponere, apud parentibus quibusdam tristibus signis subita morte defunctus est. Præter hæc autem sanctæ memoriæ decessor meus itidem ad corpus sancti Laurentii martyris, quadam meliorare desiderans, dum nescitur, ubi venerabile corpus ipsius esset collocatum, & effoditur exquirendo, subito sepulchrum ipsius ignoranter apertum est, & ii, qui præsentibus erant atque laborabant, monachi & mansionarii, quia corpus ejusdem martyris viderunt, quod quidem minime tangere præsumpserunt, omnes intra decem dies defuncti sunt, ita ut nullus vita superesse potuisset, qui sanctum & justum corpus illius viderat. Cognoscat autem tranquillissima Domina, quia Romanis consuetudo non est, quando Sanctorum reliquias dant, ut quidquam tangere præsumant de corpore, sed tantummodo in pixide brandeum mittitur, atque ad sacratissima corpora Sanctorum ponitur. Quod levatum in Ecclesia, quæ est dedicanda, debita cum veneratione reconditur, & tanta per hoc ibidem virtutes sunt, ac si illuc specialiter eorum corpora deferantur. Et paulo post: In Romanis vel totius Occidentis partibus omnino intolerabile est, atque sacrilegum, si Sanctorum corpora tangere quisque fortasse voluerit, quod si præsumpserit, certum est quia hæc temeritas impunita nullo modo remanebit. Et paulo post: Quis ergo nunc serenissima Domina tam temerarius possit existere, ut hæc sciens eorum corpora non dico tangere, sed vel aliquatenus præsumat inspicere? Dum igitur talia mihi à vobis præcepta sunt, de quibus parere nullatenus possem, quantum invenio, non vestrum est; Sed quidam homines contra me pietatem vestram excitare voluerunt, ut mihi, quod absit, voluntatis vestra gratiam subtraherent, & propterea quasi verum capitulum, de quo vobis quasi inobediens inveniret. Sed in omnipotenti Domino confido, quia nullo modo benignissima voluntati surrepitur, & sanctorum Apostolorum virtutem, quos toto corde & animo diligitis, non ex corporali presentia, sed ex protectione semper habebitis. Non dicit se Romanæ Ecclesiæ consuetudini & traditioni subiectum non esse; neque ut subjectionem illam excutiat, Imperialem dignitatem advocat, quæ politicis Romanæ urbis constitutionibus non subiaceat: Libenter & sincero animo fatetur se traditioni hujusmodi subiectum esse, ut pronuntiet; Illa præcipitis, quæ facere nec possum, nec audeo; & aliunde rebus sacris sæcularia non immisceat.

Tertium in libri IV. Epistola XXXVIII. ad Joannem Constantinopolitanum Episcopum: Et nos quidem in quos talis tantæque per ausum nefarium culpa committitur, servamus, quod veritas præcepit dicens: Si peccaverit in te frater tuus, vade & corripe eum inter te & ipsum solum: Si te audierit, lucratus eris fratrem tuum: Si autem te non audierit, adhibe tecum adhuc unum vel duos, ut in ore duorum vel trium testium stet omne verbum. Quod si non audierit eos, dic Ecclesiæ. Si autem Ecclesiam non audierit, sit tibi sicut ethnicus & publicanus. Ego itaque per responsales meos semel & bis verbis humilibus hoc, quod in tota Ecclesia peccatur, 12 corripere studui: Nunc per meipsum scribo: Quidquid facere humiliter debui, non omisi, sed si in mea correptione despicior, restat ut Ecclesiam debeam adhibere. Hæc perspicua sunt, in quibus Gregorius auctoritatem Concilii sua majorem agnoscit. Potestatem su-

am propriis finibus metitur: Nec regnorum jura, nec regum opportunitates vocat in subsidium, ut adulatores & disciplinæ sacræ corruptores vocant. Sed quoniam de rebus Pontificum agitur, per Gregorii auctoritatem primum illud præulci atque præmuni quæso, ut in tuenda sacrorum Conciliorum potestate firmissimus persistas; nec à Theologis, qui rebus, vel suis vel alienis serviunt, interponi sæculare quippiam sinas. Insidiæ veritati parantur.

Decimus Nicolaus I. in Epistola VIII. ad Michaelem Imperatorem: Sed cum, inquit, ad verum ventum est & eundem Regem atque Pontificem, ultra sibi nec Imperator jura Pontificatus arripuit, nec Pontifex nomen Imperatorium usurpavit: Quoniam idem mediator Dei & hominum homo Christus Jesus sic actibus propriis dignitatibusque distinctis officia utriusque discrevit, ut & Christiani Imperatores pro æterna vita Pontificibus indigerent, & Pontifices pro cursu rerum temporalium tantummodo Imperialibus legibus uterentur. Hic omnino percelluntur, qui sæculares controversias Ecclesiasticis dogmatibus immiscent, ut dogmata hæc dissuadeant, & ut Principes ad dissuasionem pravis adulationibus impellant. Sed homines perversè ingeniosi non reformidant adversari divino consilio & ordinationi, quam Nicolaus I. tam eleganter exponit. Servator noster Christus Pontificum & Regum munia sic distinxit, ut nefas sit illa deinceps confundere, ut malitiosè confundunt ii, in quos incidisti. At verò tibi solerti quippe viro facile est perspicere, id non fieri amore veritatis, sed partium studiis, quibus tenentur. Ut Pontifices superponant Concilio, libertatem Regum attollunt, quam in alia rerum occasione deprimunt: neque hoc tantum, sed & illorum jura dignitatemque alienæ potestati ad excidium usque subjiungunt.

Undecimus est Gregorius IX. in Rescripto, quod anno MCCXXXI. misit ad Parisiensem Academiam, ubi docet, quæ ratione tradenda sit doctrina sacra, seu Theologia: Magistri verò & scholares Theologia in Facultate quam profitentur, se studeant laudabiliter exercere, nec philosophos se ostentent: Sed satagant fieri Theodidacti, nec loquantur in lingua populi linguam Hebraeam cum Aethiopica confundentes, sed de illis tantum in scholis questionibus disputent, quæ per libros Theologicos & sanctorum Patrum tractatus valeant terminari. Quomodo Pontifex excludit rationum momenta, quæ vel ex Aristotelicis haurirentur fontibus, vel ex sæcularium ordinum & statuum, qui aliter atque aliter gubernantur, suo quisque modo, comparatione repeterentur.

Verum adversus istos compendii gratiæ de Gregorii IX. Nicolai I. Gregorii I. Gelasii I. Sidonii, Leonis I. Augustini, Hieronymi, Chrysostomi, Osi, & plurium apud Athanasium Episcoporum, & tandem Christi (quod sufficeret) auctoritate præscribere. Si auctoritati cedant, capti sunt; si non cedant, nulli. Siquidem ut Conciliorum definitiones, veritatem ipsam in odium & invidiam apud ipsos Principes conjiciant, omnino faciunt, quod apud Salomonem prohibetur: Terminos ac fines proximi tui non commutabis, quos patres tui præstituerunt. Vale. Lutetiæ Parisiorum Idibus Octobris an. MDCLXV.



# Joannes Launoïus

## JOANNI MOLENDINO

Parisenſi Theologo.

**M**IRARIS, nec utique ſine cauſa, Alexandrum VII. anno MDCLIX. IV. Calendas Martii, ad Henricum Andegavenſem Epiſcopum miſiſſe probatum à ſe Congregationis Inquiſitorum Decretum, in quo dicitur: *Ad Sedem Apoſtolicam duntaxat pertinere, controverſias fidei & morum univerſalis Eccleſiæ definire.* Decreti verba ſunt hæc: *In congregatione generali ſanctæ Romanæ, & univerſalis Inquiſitionis habita in Palatio Apoſtolico Montis Quirinalis coram ſanctiſſimo Domino noſtro Alexandro divina providentia Papa VII. Ac eminentiſſimis & reverendiſſimis D. D. ſanctæ Romanæ Eccleſiæ Cardinalibus in univerſa Republica Chriſtiana contra hæreticam pravitatem generalibus Inquiſitoribus à ſanctâ Sede Apoſtolica ſpecialiter deputatis.*

Cum nuper à Regularibus Mendicantibus diœceſis Andegavenſis judicio Sedis Apoſtolicæ (AD QUAM DUNTAXAT controverſias fidei & morum univerſalis Eccleſiæ pertinet definire) inſrâ inſerta propoſitiones fuerunt oblata, de mandato ſanctiſſimi Domini noſtri Domini Alexandri divina providentia Papa VII. plurium Theologorum & Canonistarum à Sanctitate ſua ad id ſpecialiter deputatorum examini ſunt commiſſæ. Quo peractò, & relata Sanctitati ſuæ unanimi eorundem Theologorum atque Canonistarum Censura, idem ſanctiſſimus auditis votis eminentiſſimorum & reverendiſſimorum D. D. Cardinalium generalium Inquiſitorum, eaſdem propoſitiones, prout inſrâ qualificatas auctoritate Apoſtolica declaravit, & declaratas decrevit, & tales ab omnibus haberi præcepit.

Quod miraris tu, ego non ſolum miror, ſed etiam obſtupeſco. Siquidem novitio lemmati huic reſiſtit Romanæ Eccleſiæ traditio, quæ ab ipſomet primo illius antiſtite derivatur. Inquiſitores non negabunt, opinor, B. Petrum fuiſſe primum Romanæ Eccleſiæ antiſtitem, qui in Actuum Apoſtolorum capite xv. ſibi non ſumit, quod illi Petri ſucceſſoribus, & Sedi Apoſtolicæ in hoc decreto attribunt. Sed referendus eſt Actuum Apoſtolorum locus, quem Inquiſitores fortalliſ legerunt nuſquam, aut ſi legerunt, ad Tridentinæ fidei regulam non expenderunt: Et quidam deſcendentes de Judæa, docebant fratres, quia niſi circumcidamini ſecundum morem Moysi, non poteſtis ſalvari: Facta ergo ſeditione non minima Paulo & Barnaba adverſus illos ſtatuerunt, ut aſcenderent Paulus & Barnabas, & quidam alii ex illis ad Apoſtolos & Presbyteros in Jeruſalem ſuper hac quæſtione. Illi ergo deducti ab Eccleſia, pertransibant Phœnicem & Samariam, narrantes converſionem gentium, & faciebant gaudium magnum omnibus fratribus. Cum autem veniſſent Hieroſolymam, ſuſcepti ſunt ab Eccleſia, & ab Apoſtolis & Senioribus, annunciantes quanta Deus feciſſet cum illis. Surrexerunt autem quidam de hæreſi Phariſæorum, qui crediderunt, dicentes: Quia oportet circumcidi eos, præcipere quoque ſervare legem Moysi. Conveneruntque Apoſtoli & Seniores videre de verbo hoc. Cum autem magna conſueſcitio fieret, ſurgens Petrus dixit ad eos: Viri fratres, vos ſciſtis, quoniam ab antiquis diebus Deus in nobis elegit, per os meum audire gentes verbum Evangelii, & credere. Et qui novit corda Deus teſtimonium perhibuit, dans illis Spiritum Sanctum, ſicut & nobis, & nihil diſcrevit inter nos & illos, fide purificans corda eorum.

Nunc ergo quid tentatis Deum, imponere jugum ſuper cervices diſcipulorum, quod neque patres noſtri, neque nos portare potuimus? Sed per gratiam Dei Jeſu Chriſti credimus ſalvari, quemadmodum & illi. Placuit autem omnis multitudo, & audiebant Barnabam & Paulum narrantes, quanta Deus feciſſet ſigna & prodigia in gentibus per eos. Et poſtquam tacuerunt, reſpondit Jacobus dicens: Viri fratres audite me. Simon narraſti, quemadmodum primum Deus viſitavit ſumere ex gentibus populum nomini ſuo. Et huic concordant verba Prophetarum ſicut ſcriptum eſt: Poſthac revertar & readificabo tabernaculum David, quod deciderat, & diruta ejus readificabo, & erigam illud, ut requirant cæteri hominum Dominum, & omnes gentes ſuper quas invocatum eſt nomen meum, dicit Dominus faciens hæc: Notum à ſæculo eſt Domino opus ſuum. Propter quod ego judico, non inquietari eos, qui ex gentibus convertuntur ad Deum, ſed ſcribere ad eos, ut abſtineant ſe à contaminationibus ſimulachrorum, & fornicatione, & ſuffocatis, & ſanguine. Moſes enim à temporibus antiquis habet in ſingulis civitatibus, qui cum prædicent in Synagogis, ubi per omne Sabbatum legitur. Tunc placuit Apoſtolis & Senioribus cum omni Eccleſia eligere ex eis, & mittere Antiochiam cum Paulo & Barnaba, Judam, qui cognominabatur Barſabas, & Silam, viros primos in fratribus, ſcribentes per manus eorum Apoſtoli & Seniores fratres hiſ, qui ſunt Antiochia & Syria & Cilicia fratribus ex Gentibus ſalutem. Quoniam audivimus, quia quidam ex nobis exeuntes turbaverunt vos verbis, evertentes animas veſtras, quibus non mandavimus: Placuit nobis collectis in unum, eligere viros, & mittere ad vos cum chariſſimis noſtris, Barnaba & Paulo, & hominibus, qui tradiderunt animas ſuas pro nomine Domini noſtri Jeſu Chriſti. Miſimus ergo Judam & Silam, & ipſi vobis verbis referent eadem. Viſum eſt enim Spiritui ſancto, & nobis, nihil ultra imponere vobis oneris, quàm hæc neceſſaria, ut abſtineatis vos ab immolatis ſimulachrorum, & ſanguine, & ſuffocato, & fornicatione; à quibus cuſtodientes vos bene ageris.

Ecce tibi primum Eccleſiæ Concilium, in quo de rebus ad Chriſtianorum mores ſpectantibus decernitur, ſed non à ſolo Petro, ſed & ab eo, & reliquis Apoſtolis & Senioribus: Convenerunt Apoſtoli & Seniores videre de verbo hoc. Et poſtquam viderunt de verbo hoc, id eſt, quæſtionem eo, quo par erat, modo agitarunt inter ſe, quod viſum fuerat, communi omnium nomine ſic exprimitur: Tunc placuit Apoſtolis & Senioribus cum omni Eccleſia. Deinde pari ratione fratribus, qui ſunt Antiochiæ, Syriæ, & Ciliciæ ſcribitur: Apoſtoli & Seniores fratres hiſ, qui ſunt Antiochia, Syria, & Cilicia fratribus ex gentibus ſalutem. Tum demum in literis quas tulere, qui miſſi ſunt Antiochiam, communi adhuc omnium nomine decretum exaratur, viſum eſt Spiritui ſancto & nobis.

At verò Concilium iſtud rerum ab Eccleſia definiendarum normam ac regulam eſſe quis negaret? Quis niſi accepta à Chriſto poteſtate Concilio huic Conciliorum normæ ac regulæ derogare ſe poſſe ſibi ſumeret? Quis tandem Actuum locum hunc ad Tridentinæ fidei præſcriptionem, nimirum juxta unanimem conſenſum Patrum ſic accipiet, & interpreta-bitur, ut Inquiſitorum aſſertionem confirmare poſſit? Patres

Patres ad Inquisitorum mentem nec accipiunt, nec interpretantur. Collecti in Synodum V. Patres locum eo accipiunt modo, qui ad inurendam Inquisitorum assertioni notam erroris sufficit. Verba sunt e Collatione VIII. Licet Spiritus Sancti gratia circa singulos Apostolos abundaret, ut non indigerent alieno consilio ad ea, quae agenda erant, non tamen aliter voluerunt de eo, quod movebatur, si oporteret circumcidi genes, definire, priusquam communiter congregati divinarum Scripturarum testimonii unusquisque dicta sua confirmaverunt. Unde communiter de eo sententiam protulerunt ad gentes scribentes: Visum est Spiritui Sancto & nobis, &c. Sed & sancti Patres, qui per tempora in sanctis quatuor Conciliis convenerunt, antiquis exemplis utentes communiter de exortis haereticis, & questionibus disposuerunt, certo constituto, quod in communibus disputationibus cum proponuntur, quae ex utraque parte disentienda sunt, veritatis lumen tenebras expellit mendacii. Nec enim potest in communibus de fide disputationibus aliter veritas manifestari, cum unusquisque proximi adjutorio indiget: Sicut in Proverbiis dicit Salomon, Frater fratri adjutorium praestans exaltabitur, sicut civitas munita. Et quoniam Inquisitorum assertio cum his verbis stare nequit, illa non potest non erroris accusari: Idque decernentibus Romanis Pontificibus, qui Synodum V. approbarunt, tantum abest, ut eam reproarent, & accusarent id arroganter sibi sumpsisse quod ad Sedem Apostolicam duntaxat pertineret. Nam Synodus absente Vigilio Papa, qui ei interesse noluit, damnavit tria Capitula, quorum defensionem ille Pontifex susceperat in Constituto suo.

Pelagius II. ad Synodum V. accedit edito libello, quem de tribus Capitulis composuit, ut Gregorius I. scribit in libri II. Indict. x. epistola xxxvi. ad universos Hiberniae Episcopos: Ut igitur de tribus Capitulis animis vestris ablata dubietate possit satisfactio abundanter infundi, librum quem ex hac re sanctae memoriae decessor meus Pelagius Papa scripserat, vobis utile judicavi transmittere.

Gregorius I. Pelagium decessorem sequitur, & Synodum V. amplectitur. Qua de re in libri I. epist. xxiv. scribit ad Joannem Constantinopolitanum, Eulogium Alexandrinum, Joannem Hierosolymitanum, & Anastasium Antiochenum: Praeterea quia corde creditur ad justitiam, ore autem confessio fit ad salutem, sicut sancti Evangelii quatuor libros, sic quatuor Concilia suscipere & venerari me facior: Nicanum scilicet, in quo perversum Arianum dogma destruitur, Constantinopolitanum quoque, in quo Eunomii & Macedonii error convincitur, Ephesinum etiam primum, in quo Nestorii impietas judicatur, Chalcedonense verò, in quo Eutychis, Dioscorique pravitas reprobat, tota devotione complector, integerrima approbatione custodio, quia in his velut in quadrato lapide sanctae fidei structura consurgit, & cuiuslibet vitae atque actionis norma consistit. Quisquis eorum soliditatem non tenet, etiamsi lapis esse cernitur, tamen extra adificium jaceret. Quintum quoque Concilium pariter veneror, in quo epistola, quae Iba dicitur, erroris plena reprobat, Theodorus personam mediatoris Dei & hominum in duabus substantiis separans, ad impietatis perfidiam cecidisse convincitur. Scripta quoque Theodoriti, per quae beati Cyrilli fides reprehenditur, ausu dementia prolata refutantur. Cunctas verò, quas praefata veneranda Concilia personas respuunt, respuo. Quas venerantur, amplector: quia dum universali sunt consensu constituta, se & illa non destruit, quisquis praesumat, aut solvere quos ligant, aut religare quos solvunt. Quisquis ergo aliud sapit, anathema sit.

Romani Pontifices recens creati in fidei professione, quam habet vetus Romanae Ecclesiae Diurnum, Gregorii factum hoc sic exequentur: Ill. Episcopus Catholica & Apostolica Ecclesia urbis Romae reverendissimis fratribus & dilectissimis filiis, seu universae plebi Dei. Ad hoc Apostolica Sedis officium. Et post aliquam multa:

Cognoscat itaque vestra Dilectio, integra nos satisfactione predicare, tenere, ac defendere, praeclatissime esse confidat fidem Christi, quam Apostoli tradiderunt, Apostolorum discipuli docuerunt, eorumque successores Apostolici nostri ac probatissimi praedecessores immutabiliter servaverunt ac defenderunt. Etenim hujus Apostolicae traditionis normam inviolabiliter custodiens venerandum sanctorum CCCXIII. Patrum Concilium, quod in Nicaea sub magno Principe Constantino convenit, Dei gratia revelante, redegit in Symbolum & consubstantialitatem patri filium praeclavit. Et post aliquam multa: Haec igitur sancta atque universalis quatuor Concilia, etiam sanctum quintum Concilium venerandum consecutum est, & sub pia memoria Justiniano Principe, apud Constantinopolitanam urbem est congregatum.

Pelagius II. Gregorius I. & recens creati Pontifices, qui fidei professionem hanc emisserunt, Concilium V. non recepissent cum veneratione tanta, si controversias fidei & morum universalis Ecclesiae definire ad Sedem Apostolicam duntaxat pertineret. Siquidem Concilium V. ita se gerit in collatione VIII. quasi suppeditare id vellet, quo Inquisitorum assertio configeretur. Ex Apostolorum Actibus exemplum celebrandorum Conciliorum sumit, & quicquid est ab iis decidendum, omnibus Patribus transcribit. At verò Inquisitores totum uni duntaxat Sedi Apostolicae transcribunt: Aut igitur Concilium V. & suscipientes illud Pontifices errant, aut errant Inquisitores, dum in Ecclesiam novum & pestiferum dogma inducunt. Quis autem praeter Inquisitores Concilium V. & tot Romanos antistites errasse reciperet?

Haec est prima ratio vehemens & iusta, quae cum repetatur ex Conciliis duobus, quorum uni Petrus praefuit, alteri dederunt fidem Pelagius II. Gregorius I. & complures alii Pontifices Romani, rem adversus Inquisitionis congregationem decretorio stilo conficit.

Altera ratio comparanda mihi est ex ipsiusmet Sedis Apostolicae traditione, quam ipsi Romani subinde Pontifices praestabunt & sanctissime tuebuntur.

Primus est Cornelius, qui anno Christi CCLIV. sedere coepit. Hic traditionis à Petro derivatae memor ad Cyprianum Carthaginensem scribit, & ei rerum à se circa Confessores ad unitatem reversionis gestarum rationem exponit: Qui cum hac & cetera fuissent exprobrata, ut abolerentur, & de memoria tollerentur deprecati sunt. Omni igitur actu ad me perlato placuit contrahi Presbyterium. Adfuerunt etiam Episcopi quinque, qui hodie praesentes fuerunt, ut firmato consilio quid circa personam eorum observari deberet, consensu omnium statueretur, & ut motum omnium & consilium singulorum dignoscere, etiam sententias nostras placuit in notitiam vestri proferri, quin & subiectas leges. Notanda sunt tria: Cornelius Romanum Clerum ex Presbyteris & Diaconis compositum in unum cogit, idque contractum vocat Presbyterium: Ad illud accedunt Episcopi quinque, ex locis, ut par est credere, vicinioribus, in quantum Christianorum vexationes permittere poterant: Quidquid statuitur, communi omnium consensu statuitur, id ipsum subiecta uniuscujusque sententia confirmat. Hocne ita fecisset Cornelius, si quod sibi sumunt Inquisitores, verum esset?

Permississetne Stephanus Cornelii post Lucium successor, ut Cyprianus id sibi juris arrogaret, quod ad Sedem Apostolicam duntaxat pertinebat? Sic enim Cyprianus ad Stephanum scribit in epistola LXXII. Ad quaedam disponenda, & consilii communis examinatione limanda necesse habuimus, frater charissime, convenientibus in unum pluribus Sacerdotibus cogere & celebrare Concilium. In quo multa quidem prolata atque transacta sunt: Sed de eo vel maxime tibi scribendum, & cum tua gravitate ac sapientia conferendum fuit, quod magis pertineat, & ad Sacerdotalem auctoritatem, & ad Ecclesiae Catholicae unitatem pariter ac dignitatem de divina dispositionis



10 fisionis ordinatione venientem, qui sint foris extra Ecclesiam tincti, & apud hereticos & schismaticos profana aqua labe maculati, quando ad nos atque ad Ecclesiam, qua una est, venerint, baptizari oportere, eo quod parum sit eis manum imponere, nisi accipiant & Ecclesia baptismum. Nonne Stephanus acceptis his literis Cyprianum inculasset arrogantiae, quod in Sedis Apostolicæ prærogativam involasset? Nimirum arbitris Inquisitoribus, controversias fidei & morum universalis Ecclesiae definire ad Sedem Apostolicam duntaxat pertinet. At Stephanus id nunquam fecit, etiam cum vel maxime faciendum videretur; cum illa quaestio, de qua Cyprianus scribit ad Stephanum, illos inter se acerrime commissos diu tenuit. Nunc verò nostris Inquisitoribus quid fiet?

Secundus est Julius I. qui anno cccxxxvii. Sacerdotale fastigium ascendit, in epistola ad Orientales: Quid enim est actum dignum offensa, aut qua in re vobis, quibus scripsi, causam succensionis præbui? An quia adhortati vos sumus, ut ad Synodum occurreretis? Et post aliquam multa: Verum in hoc ipsa iusta & rationalis causa est, dilectissimi, quam vobis intimandam puto. Nam tametsi solus sim, qui scripsi, non meam tamen solius sententiam, sed omnium Italarum & omnium in his regionibus Episcoporum scripsi. Ego autem nolui omnes scribere, ne à multis onerarentur. Certè ad constitutum tempus convenire Episcopi, & ejus sententiae fuere, quam vobis iterum significo. Quapropter, dilectissimi, etiamsi solus scribo, scribere me tamen communem omnium sententiam vos scire volo. Verba hæc non sunt Pontificis, qui crederet id, quod Inquisitores asserunt; Pertinere duntaxat ad Sedem Apostolicam controversias fidei & morum universalis Ecclesiae definire. Quot commata, tot argumenta, quibus assertio hæc convellitur. De aliorum Episcoporum sententia perinde ac de sua loquitur, & eam omnium communem esse scribit: Quo nihil est Inquisitorum assertioni magis contrarium.

Tertius est Liberius creatus anno ccclii. Pontifex, qui postquam suis ad Constantium literis præmunitionem hanc, Secutus morem ordinemque majorum, nihil addidi Episcopatu urbis Romæ, nihil minui passus sum, adhibuit, Imperatorem rogavit, ut Synodum Episcoporum fieri permitteret. Ad exorandam igitur mansuetudinem tuam, ut benevolo animo allegationes nostras audire digneris, fratrem & coepiscopum meum, sanctum virum Luciferum cum Paucratio presbytero meo, & Hilario Diacono placuit proficisci, quos credimus de clementia tua ad pacem omnium Catholicarum Ecclesiarum non difficile posse Concilium impetrare. Liberius Episcopatum urbis Romæ minui passus esset, si controversiam, cujus decisio Inquisitoribus nostris iudicibus ad Sedem Apostolicam duntaxat pertinet, à Concilio dirimi curasset. Quis unquam vidit Romanum Pontificem ullum aliarum Sedium Episcopos vocare in partem juris, quod Sedi Apostolicæ maxime proprium esset?

Quartus est Damasus, qui anno ccclxvii. Romanam Ecclesiam administrandam suscepit. Hic Inquisitorum assertionem illustri exemplo perculit, cum Priscillianum Casaraugustana Synodus damnavit. Damnat ab hac Synodo Priscillianus ad Damasum confugit, sed confugientem rejecit Damasus, tantum abest, ut eum admitteret, & conquereretur de Synodo, quod in Sedis Apostolicæ jurisdictionem invasisset, ut invaserat, si nostris Inquisitoribus credatur. Tunc agebatur de controversia, quæ ad fidem & mores universalis Ecclesiae spectat. Sed quo, inquires, auctore, Priscillianum Damasus rejecit? Sulpitio Severo, qui tum claruit, & illud memorie mandavit in libro ii. Historiæ sacræ: Igitur post multa inter eos & digna memoratu certamina, apud Casaraugustam Synodus congregatur, cui tum etiam Aquitani Episcopi interfuerunt: Verum hæretici committere se iudicio non ausi, in absentes tum lata sententia, damnatique Instantius & Salvianus Episcopi, Helpidius & Priscillianus laici. Additum etiam, ut si

quis damnatos in communionem recepisset, sciret, in se eandem sententiam promendam. Et post alia: At tum Instantius, Salvianus, & Priscillianus Romam profecti, ut apud Damasum urbis ea tempestate Episcopum objecta purgarent. Et paulo post: Hi ubi Romam pervenere, Damasus se purgare cupientes, ne in conspectum quidem ejus admissi sunt. Regressi Mediolanum, aequè adversantem sibi Ambrosium repperunt. Non potuit apertius, non potuit validius damnari Inquisitorum nostrorum assertio.

Quintus est Siricius qui anno ccclxxxv. Romanæ urbis Episcopatum regere aggressus est, in epistola, quam ad Episcopos per Illyricum constitutos scribit: Accepi literas vestras de Bonoso Episcopo, quibus vel pro veritate vel pro modestia nostram sententiam sciscitari voluistis. Sed cum huiusmodi fuerit Concilii Capuensis iudicium, ut finitimi Bonoso atque ejus accusatoribus iudices tribuerentur, & præcipue Macedones, qui cum Episcopo Thessalonicensi de ejus factis vel cognoscerent, advertimus, quod nobis iudicandi forma competere non posset. Nam si integra esset hodie Synodus, rectè de iis, qua comprehendit vestrorum scriptorum series, decerneremus. Vestrum est igitur, qui hoc recepistis iudicium, sententiam ferre de omnibus, nec refugiendi vel elabendi, vel accusatoribus vel accusato copiam dare. Vicem enim Synodi recepistis, quos ad examinandum Synodus elegit. Denique cum Bonosus Episcopus post iudicium vestrum misisset ad fratrem nostrum Ambrosium, qui ejus sententiam consulere, interdixit sibi Ecclesiam irrumpere atque ingredi, responsum est, quod nihil temerandum foret, sed omnia modestè, patienter, ordine gerenda, neque contra sententiam vestram tentandum aliquid, ut quod videretur vobis iustitia convenire, statueretis, quibus hanc Synodus dederat auctoritatem. Ideo primum est, ut ii iudicent, quibus iudicandi facultas est data: Vos enim totius, ut scripsimus, Synodi vice decernitis, nos quasi ex Synodi auctoritate iudicare non convenit. Et post aliquam multa in fine epistolæ: Legimus etiam & omnia percurramus vel de eo, quod fratri nostro & coepiscopo Basso in consortium regende Ecclesia datus est Senecio, vel de ceteris, unde vestra normam expectamus sententia. Ignis cum aqua concordabit facilius, quam Siricius cum nostris Inquisitoribus concordaret. Diceret Siricius eo scripsisse animo, ut futuræ Inquisitorum assertioni præcurreret, se & Sedem Apostolicam, cui præsidebat, tanquam murum firmissimum opponeret, & tandem perniciosæ novitatis impetum retardaret. Agebatur in Capuensi Concilio de Bonoso Macedoniæ Episcopo, qui beatam Mariam post partum Virginem non fuisse docuerat. Bonosus ad Capuense deferretur Concilium, quod rei huius iudicium Anytio Thessalonicensi, & quibusdam aliis Macedoniæ Episcopis committit. Anysius & alii Episcopi delegati à Concilio iudices ad Siricium scribunt, eumque de negotio gravi rogant sententiam, qua scilicet præmuniti in iunctum opus perficiant & facilius & securius. Rescribit ad illos hic Pontifex, & respondet, iudicandi formam sibi competere non posse, quod jam Capuense Concilium illis dirimendæ controversiæ provinciam dedisset. Itane rescripsisset Siricius, si ad Sedem Apostolicam duntaxat pertineret, controversias fidei & morum universalis Ecclesiae definire? Probassetne tam operose Siricius, ut probat, iudicandi formam sibi competere non posse in tali rerum eventu, si Sedis Apostolicæ tulisset traditio, ut ea sola controversias fidei & morum universalis Ecclesiae definiret? Inculcassetne Siricius contra suam & Sedis suæ dignitatem, quod sæpius inculcat? Vestrum est igitur, qui hoc recepistis iudicium, sententiam ferre de omnibus, nec refugiendi vel elabendi, vel accusatoribus vel accusato copiam dare. Iterum, Vicem Synodi recepistis, quos ad examinandum Synodus elegit. Tertiò, Neque contra sententiam vestram tentandum aliquid, ut quod vobis videretur iustitia convenire, statueretis, quibus hanc Synodus dederat auctoritatem. Quartò, Ideo primum est ut ii iudicent, quibus

judicandi facultas est data. Quinto, Vos totius Synodi vice decernitis, nos quasi ex Synodi auctoritate judicare non convenit. Postremo, Vestra normam expectamus sententiae. Hic intermedium nihil est circa sedis Apostolicæ traditionem. Vel Siricius, vel Inquisitores errant. Ad me quod attinet, Inquisitores errare pugno, & sto à partibus Siricii, & Sedis Apostolicæ, cujus traditionem per ipsos Romanos Pontifices assero & confirmo. Si verò Inquisitores Siricium errare præ se ferant; illorum quæso propositione quid fiet? Ad Sedem Apostolicam duntaxat pertinet controversias fidei & morum universalis Ecclesiæ definire. Errare poterit is, qui Sedi Apostolicæ præsidet, errare poterit & Sedes Apostolica, si eadem sit cum illius præside, ut assentatores quidam ignoranter existimant. Sic Inquisitores nostri constringuntur. Sed nullo negotio constringi possunt, qui ad imperitorum vulgus pertinent.

Sextus est Innocentius I. qui anno CCCCLII. ad Petri Cathedram conscendit: Hic in suis apud Sozomenum literis ad Clerum Constantinopolitanum datis ea scribit, quæ Inquisitoribus nostris fauces elidunt, ubi de Joannis Chrysostomi vexatione agitur: Sed quodnam, inquit, remedium hisce rebus in presenti adferemus? Necessaria erit Synodalis cognitio, quam etiam multo jam antea congregandam diximus. Ea quippe sola est, quæ hujuscemodi procellarum impetui retundere potest, quam quidem donec consequamur expedit medelam calamitatis hujus committere voluntati magni Dei ac Christi ejus Domini nostri: Illa universis, quæ nunc per invidiam Diaboli ad examen fidelium perturbata sunt, tranquillitatem dabit. Nihil autem desperare debemus freti nostra in Deum fide. Ac nos quidem multum deliberamus, quonam modo Synodus œcumenica congregari possit, per quam divina voluntate turbulenti isti motus conspici possint.

16 Exspectemus itaque tantisper, ac vallo patientia communiti speremus auxilio Dei cuncta nobis esse restituenda. Universa verò, quæ eos ibi sufferre dixistis, jam antea à cœpiscopis nostris, qui Romam licet diversis temporibus convenerunt, Demetrio videlicet, Cyriaco, Eulifio, & Palladio, qui nobiscum sunt, diligenti inquisitione habita cognovimus. Hæc omnia non scripsisset Innocentius, si eum schola Inquisitorum nostrorum aluisset. Scripsisset utique: Necessaria non est Synodalis cognitio, necessaria non est œcumenica Synodus, quam Episcopus vester Joannes appellavit. His quæ scripsit, contraria scripsisset. Nimirum ad œcumenicam Synodum haud pertinet controversias fidei & morum universalis Ecclesiæ definire; Hoc ad Sedem Apostolicam duntaxat pertinet. Innocentius adhibuisset remedium, quod ille nonnisi ab œcumenica Synodo adhiberi non posse putat. Sed in Sedis Apostolicæ schola eruditus Pontifex hæc omnia nec scribere nec facere poterat. Quid ita? Innocentii schola veritatis schola erat: Inquisitorum verò schola, erroris hac in re schola est.

Sed ne ista sint, in Carthaginensi & Milevitana Synodo jus decidendarum fidei controversiarum agnoscit, cum ad Milevitanae Synodi Patres rescribit: Inter cæteras Romana Ecclesiæ curas, & Apostolica Sedis occupationes, quibus diversorum consulta fidei ac modica disceptatione tractamus, frater & noster cœpiscopus Julius dilectionis vestrae literas, quas ex Milevitano Concilio curâ fidei propensius misistis, nobis inopinanter ingressus, Carthaginensis etiam Synodi querela parilis scripta subjungens: Nimirum

17 exultat Ecclesiæ tantam sollicitudinem commissis gregibus exhibere Pastores, ut non solum ex his non patiantur errare, sed si quas magis ovium obscena delectationis herba seduxit, si in errore permanserint, aut segregari penitus velint, aut illicenter dudum petita vetantes, custodia pristina circumspectione vitari, in utraque parte videlicet consulentes, ne vel suscipiendo tales similes cetera ducantur exemplo, vel spernendo redeuntes laporum morsibus videantur ingesta. Prudens admodum & Catholice fidei plena consultatio. Quis enim aut tolerare possit errantem, aut non recipere corrigentem? Nam ut durum arbitror, com-

niventiam præbere peccantibus, ita impium judico manum negare conversis. Et paullo post: Quoties fidei ratio ventilatur, arbitror omnes fratres & cœpiscopos non nisi ad Petrum, id est, sui nominis & honoris auctorem referre debere; velut nunc retulit vestra dilectio, quod per totum mundum possit omnibus Ecclesiis in commune prodesse. Fiant igitur necesse est cautiore, cum inventores malorum ad duplicis relationem Synodi sententia vestra statutis viderint ab Ecclesiastica communione sejunctos. Gemino igitur bono charitas vestra fungitur. Nam & canonum potiemini gratia servatorum, & beneficio vestro totus orbis utetur. Quis enim Catholicorum virorum cum adversariis Christi velis ulterius miscere sermonem? Quis saltem ipsam lucem vitæ communione partiri? Inquisitores aut hanc Innocentii epistolam non viderunt unquam (quod facile crederem) aut si viderunt, apertè contempserunt. Atque ita facti sunt digni, qui contemnuntur.

Septimus est Leo I. qui anno CCCCLXII. Romanæ Ecclesiæ Episcopatum sortitus est. Hic multis in locis & eventis ab Inquisitoribus nostris mirum quantum dissidet. Sufficiunt duo omni luce splendidiore, quorum alterum, Flaviani Constantinopolitani ad Leonem epistolæ duæ, & una Leonis ad Theodosium epistola IX. repræsentant; Alterum verò Leonis epistola XXV. ad eundem Theodosium.

Flavianus in Epistolæ prioris capite III. scribit: Talis inter nos Eutycheus emerit quondam Presbyter & Archimandrites, qui quasi nostræ religionis sectam sapiebat, & hanc præferebat. Nestorii autem impietatem confirmabat, & succingebatur pro Nestorio militare in pugna, quæ contra Nestorium parabatur.

Deinde in capite IV. Sed ne multa dicens longam faciam epistolam, olim quidquid egerimus, misimus ad beatitudinem vestram literas, quibus literis docuimus & Presbyterio illum esse nudatum, quia sic captus est, & jussimus eum cum Monasteriis nullam habere rationem, & exclusimus eum à communione nostra, ut sanctitas vestra hoc cognoscens, quod circa illum actum est, omnibus Episcopis sub beatitudine vestra degenibus, manifestare dignetur illius impietatem, & nescientes aliqui quid ille senserit, quasi ad orthodoxum vel per literas, vel per aliquam conjunctionem loquantur.

Tum in epistola posteriori prout apud Leonem edita est: Accusatum verò eum (Eutychem) à reverendissimo Eusebio & occurrentem in sanctum Concilium, & voce sua sectam propriam retegentem, alienumque existentem à recta fide damnavimus, sicut docbunt vestram sanctitatem omnia, quæ super eo gesta sunt, quæque direximus cum nostris his literis. Et paullo post: Commotus itaque sanctissimus Pater in his omnibus, quæ ab eo præsumpta sunt, & ob ea, quæ in nos & sanctissimam Ecclesiam facta sunt, atque sunt, pro consueta fiducia fiducialiter age, secundum quod Sacerdotio competit, propriamque faciens communem causam, & sanctarum Ecclesiarum disciplinam, simul decernere damnationem adversus eum regulariter factam, & per propria scripta dignare; Confortare autem & piissimi & Christo deditissimi nostri Imperatoris fidem. Causa enim eget solummodo vestro solatio, atque defensione, quæ debeatis consensu proprio ad tranquillitatem & pacem cuncta perducere. Sic enim hæresis, quæ surrexit, & turba, quæ propter eum facta sunt, facillimè destruentur Deo cooperante per vestras sacratissimas literas. Removebitur autem & Concilium, quod fieri divulgatur: Quatenus nequaquam ubique sanctissima turbentur Ecclesiæ.

In Leonis epistola res est hujusmodi: Pro integritate fidei Catholice Christianum principem convenit esse sollicitum, & hoc indefessis precibus divinam misericordiam posco, ut cordi vestro id quod est veritatis inspiret. Et paullo post: Unde si pietas vestra suggestioni ac supplicationi nostræ dignetur annuere, ut intra Italiam habere jubeatis Episcopale Concilium, citò (auxiliante Deo) poterunt omnia scandala, quæ in perturbationem totius Ecclesiæ sunt com-



moia, refecari, ut per universum regnum vestrum Catholica fidei integritate servata, & pacem Christianam manere, & vestram apud Deum crescere gloriam gaudeamus. Nunc expendendum est dissidium, quod inter Inquisitores & Leonem intercedit.

Inquisitores asseverant, Pertinere ad Sedem Apostolicam duntaxat, controversias fidei & morum universalis Ecclesie definire. Leo istud non asseverat, nec de Flaviano conqueritur, quod in damnanda Eutychis hæresi Sedis Apostolicæ auctoritatem usurpaverit, quod nesciente se Concilium fecerit, in quo hæresis illa damnata est. De hoc, inquam, Leo non conqueritur: Inquisitores si seipsos intelligant, conqueruntur. Quis dicit nisi demens, Leonem non conquerendo errare, Inquisitores conquerendo non errare? Deinde Flavianus Leoni persuadere conatur, habendum non esse aliud Concilium præter illud, quod habuerat, & sufficere, si Leonis ad ea quæ gesta sunt, consensus accedat. Sed Leo persuaderi non potuit: Generale Concilium censuit esse necessarium, atque ut illud celebraretur, Imperatori summisse supplicat. Quorsum hæc omnia, si ad Sedem Apostolicam duntaxat pertineat controversias fidei & morum universalis Ecclesiæ definire? Inquisitores ne dicent Leonem quod suum est, non defendere, sed Sedis Apostolicæ juri prævaricari? Si dicant, nulli sint, si non dicant, capti. Quidquid id est, Inquisitores publicæ Episcoporum causæ prævaricatores appellabimus, & Leonem ut studiosissimum juris Sedis Apostolicæ quoad licet, defensorem reverebimur & colemus.

Nunc veniendum est ad Leonis epistolam xxv. quæ sic inscribitur: Leo Episcopus & sancta Synodus, quæ in urbe Roma convenit, Theodosio semper Augusto. Literis clementia vestra quas dudum ad beati Petri Sedem pro Catholica fidei amore misistis, tantam fiduciam sumpsimus defendenda per vos veritatis & pacis, ut in causa tam simplici tamque munita nihil putavimus posse existere, quod noceret, præsertim cum ad Episcopale Concilium, quod haberi apud Ephesum præcepistis, tam instructi sunt missi, ut si scripta, quæ vel ad S. Synodum, vel ad Flavianum Episcopum detulerunt, Episcoporum publicari auribus Alexandrinus permisisset anistes, ita manifestatione purissima fidei, quam divinitus inspiratam & accepimus & tenemus, omnium congressionum strepitus quievisset, ut nec imperitia ultra deciperet, nec occasionem nocendi emulatio reperiret. Sed dum privata causa religionis exercebatur obtentu, commissum est impietate paucorum, quod universam Ecclesiam vulneraret. Comperimus non incerto nuncio, sed fidelissimo verum, quæ gesta sunt, narratore Hilario Diacono nostro (qui vix, ne subscribere per vim cogere-tur, effugit) convenisse ad Synodum plurimos Sacerdotes, quorum utique frequentia collationi & judicio profuisset, si is, qui sibi locum principem vindicabat, Sacerdotalem moderationem custodire voluisset, ut (sicut moris est) omnium sententiis ex libertate prolatis, id tranquillo & equo constitueretur examine, quod & fidei congrueret, & errantibus subveniret. In ipso autem judicio non omnes, qui convenerant, interfuisse cognovimus. Nam alios re-jectos, alios didicimus intromissos, qui pro supradicti sacerdotis arbitrio impiis subscriptionibus captivas manus dederent, & nociurum statui suo scirent, nisi imperata fecissent, talémque ab ipso prolatam esse sententiam, ut dum homo unus impetitur, in omnem Ecclesiam favire videretur. Quod nostri ab Apostolica Sede directi adeo impium & Catholica fidei contrarium esse viderunt, ut ad consentiendum nulla potuerint oppressione compelli, constanterque in eadem Synodo (ut decuit) fuerunt protestati, nequaquam id quod constituebatur, Sedem Apostolicam recepturam: Quoniam revera omne Christi-  
<sup>22</sup> ana fidei sacramentum (quod absit) à temporibus vestra pietas excinditur, nisi hoc scelestissimum facinus, quod cuncta sacrilegia excedit, aboleatur. Quia verò Diabolica nequitia subtiliter fallit incautos, & ita quorundam imprudentiam per similitudinem pietatis illudit,

ut pro salubribus persuadant nocitura, removere quasumus à vestra pietatis conscientia periculum religionis & fidei, quodque in secularibus negotiis legum vestrarum æquitate conceditur, in rerum divinarum pertractatione præstate, ut Christi Evangelio vim non inferat humana præsumptio. Ecce ego, & Christianissime venerabilis Imperator, cum consacerdotibus meis implens erga reverentiam clementia vestra sinceri amoris officium, cupiensque vos placere per omnia Deo, cui pro vobis ab Ecclesia supplicatur, ne ante tribunal Christi Domini rei de silentio judicemur, obsecramus coram unius Deitatis inseparabili Trinitate, quæ tali facto ladesit, cum ipsa vestri sit custos & auctrix imperii, & coram sanctis Angelis Christi, ut omnia in eo statu manere jubeatis in quo fuerunt ante omne judicium, donec major ex toto orbe Sacerdotum numerus congregetur. Nec alieno peccato patiamini vos gravari, (quia quod necesse est nos dicere) veremur, ne cuius religio dissipatur indignatio provocetur. Præ oculis habete & tota mentis acie reverenter aspicite beati Petri gloriam, & communes cum ipso omnium Apostolorum coronas, cuncto-rumque martyrum palmas, quibus alia non fuit causa patiendi, nisi confessio vera divinitatis, & vera humanitatis in Christo. Cui Sacramento, quia impiè nunc à paucis imprudentibus obviatur, omnes partium nostrarum Ecclesia, omnes mansuetudini vestra cum genitibus & lacrymis supplicant Sacerdotes, ut quia & nostri fideliter reclamant, & ejusdem libellum appella-  
<sup>23</sup> tionis Flavianus Episcopus dedit, generalem Synodum jubeatis intra Italiam celebrari, quæ omnes offensiones ita aut repellat aut mitiget, ne aliquid ultra sit, vel in fide dubium, vel in charitate divisum. Et sanè nisi Inquisitorum assertio putidum esset mendacium, non abs re crederetur Leo Sedis Apostolicæ jura minuisse, qui auxisse à minus bene in eam Sedem affectis creditur. Ad Inquisitorum enim mentem (si qua tamen illis mens est) Leo Romanæ Sedis jura minuit, cum omni ope ac studio connisus est, ut Ephesina Synodus cogeretur: Scilicet, ut quod Sedi huic proprium est maxime, cum aliarum Sedium Episcopis communicaretur. Deinde cum Synodus hæc in prædatoriam evasit, jura illa magis adhuc minuit ab Imperatore postulans, Ut omnia in eo statu manere juberet, in quo fuerunt ante omne judicium, donec major ex toto orbe Sacerdotum numerus congregetur. Cur hæc duo, quæ ab Imperatore perfici rogat, Leo non perficit, si ad Sedem Apostolicam duntaxat pertinet, controversias fidei & morum universalis Ecclesie definire, ut Inquisitores sibi sumunt? sed illi eis vobis propositis, quæ sanctissimus & Ecclesiæ studiosissimus Pontifex de minuta Sedis Apostolicæ dignitate accusaretur, quæ vir perfidiosus ac prævaricator existimaretur. Quod Inquisitores turpiter ignorant, Leo probè noverat, decisionem controversiarum fidei & morum universalis Ecclesiæ non uni tantum Romano Pontifici, sed etiam cæteris omnibus Episcopis convenire.

Inquisitores legant Leonis epistolam xv. ad Ephesinam Synodum II. ubi Pontifex scribit: Verum quia etiam talium non est negligenda curatio, & piè ac religiose Christianissimus Imperator haberi voluit Episcopale Concilium, ut pleniore judicio omnis possit error aboleri, fratres nostros Julianum Episcopum, Renatum Presbyterum, & filium nostrum Hilarium Diaconem, cūque his Dulcitium Notarium probata nobis fidei, nisi qui vice mea sancto conventui vestra fraternitatis intersint, communi vobiscum sententia, quæ Domino sint placitura, constituent. Observent verba hæc: Haberi voluit Episcopale Concilium, ut pleniore judicio omnis possit error aboleri. Deinde alia hæc de Legatis: Communi vobiscum sententia, quæ Domino sint placitura, constituent.

Inquisitores percurrant Leonis epistolam I. ad Martinum Augustum, & in hac periodo sistant: Unde quam-

vis nimis arctus dies Synodo fuerit constitutus, spero tamen adfuturum omnipotentis auxilium, quo omnes (Episcopi) valeant ad præfinitum tempus occurrere, & unanimiter cum sanctæ fraternitatis assensu, quæ universali Ecclesiæ congruant, definire.

Inquisitores denique coniciant oculos in caput 1. epistolæ LXIII. quam ad Theodoretum Leo misit post Chalcedonenſe Concilium, & Leonem in Domino gloriantem videant, quod illud Concilium definitionem suam confirmaverat: Remeantibus ad nos fratribus & consacerdotibus nostris, quos ad sanctum Concilium Sedes beati Petri direxit, agnovimus dilectionem tuam superno adjutorio nobiscum tam Nestorianæ impietatis, quam Eurychianæ vasaia extitisse vittricem. Unde gloriamur in  
25 Domino cum Propheta canentes: Adjutorium nostrum in nomine Domini, qui fecit cælum & terram: Qui nullum nos in nostris fratribus detrimentum sustinere permisit, SED QUÆ NOSTRÔ PRIUS MINISTERIO DEFINIERAT, UNIVERSÆ FRATERNITATIS IRRETRACTABILI FIRMÂVIT ASSENSU, UT VÈRE A SE PRODIISSE OSTENDERET, QUOD PRIUS A PRIMÂ OMNIUM SEDE FORMATUM, TOTIUS CHRISTIANI ORBIS JUDICIUM RECEPISSET. Sic audiendus est Leo, & audienda per Leonem locuta beati Petri Sedes. Sed apage pestilentiam Inquisitorum assertionem, qua Leonis sanctitas polluitur, & Sedis, quæ verè est Apostolica, traditio labefactatur!

Octavus est Vigilus, qui anno DCL. Romanam Ecclesiam gubernandam suscepit. Hic Synodo V. quam necessarium esse judicaverat, interesse noluit, quod Occidentalium Episcoporum numerus Orientalium numero non adæquaretur. Id tradit Vigilus in suo constituto: Ideoque cum fratres nostri, neque exæquato nobiscum numero residere, neque in scriptum quæ ageremus vel tractaremus, redigi paterentur, tanquam (quod absit) non convenientia rectitudini loqueremur, quæ scribere timeremus. Deinde in Synodi V. collatione II. Ille verò (Vigilius) respondit non posse unâ nobiscum convenire, eo quod plurimi quidem hic sunt Orientales, pauci verò cum eo, scilicet Occidentales. Et primò quidem Vigilus quæstionem, qua de inter ipsum & Justinianum agebatur, ad generalem Synodum remittere non debuit, si vera est Inquisitorum assertio: siquidem ad Sedem Apostolicam pertinebat duntaxat controversias fidei & morum universalis Ecclesiæ definire. Tum futilis & vana esset  
26 Vigilii ratio, cur Synodo V. interesse noluit: Quid ita? Vigilus solus poterat controversiam, quæ ad fidem vel mores universalis Ecclesiæ spectabat, dirimere; & quia Vigilus id solus poterat, ceteri Episcopi non poterant, nisi diremptæ à Vigilio controversiæ assentiri. Nam generale Inquisitorum pronuntiatum est: Ad Sedem Apostolicam duntaxat pertinet, controversias fidei & morum universalis Ecclesiæ definire. Porro autem Vigilium cum Apostolica Sede confundimus, quia philosophamur ad mentem Inquisitorum & hodiernorum adulatricis Curiae Magistrorum, qui Romanum Pontificem & Sedem Apostolicam dici *μονοδική*, inscitè nungantur. Nos Vigilium sequimur, quia Sedis Apostolicæ traditionem sequitur. Inquisitores non sequimur, quod à Sedis Apostolicæ traditione aberrant, & per præcipitiam deferantur.

Nonus est Gregorius I. cui anno DXC. Romanæ Ecclesiæ Sacerdotium impactum fuit, cum in libri IV. epistola XXXVIII. ad Joannem Constantinopolitanum Episcopum ita scribit: Et nos quidem, in quos talis tantæque per ansum nefarium culpa committitur, servamus, quod veritas præcepit dicens: Si peccaverit in te frater tuus, vade & corripe eum inter te & ipsum solum. Si te audierit, Incratus eris fratrem tuum: Si autem te non audierit, adhibe tecum adhuc unum vel duos, ut in ore duorum vel trium stet omne verbum. Quod si non audierit eos, dic Ecclesiæ. Si autem Ecclesiam non audierit, sit tibi sicut ethnicus & publicanus. Ego itaque per responsales meos semel & bis verbis humilibus hoc quod in tota

Ecclesia peccatur, corripere studii: nunc per meipsum scribo. Quidquid facere humiliter debui, non omisi. Sed si in mea correptione despicior, restat, ut Ecclesiam debetam adhibere. Quod sanctus atque doctus Pontifex restare affirmat, id apud Inquisitores nostros minimè restat: Ad Sedem, inquit, Apostolicam duntaxat pertinet controversias fidei & morum universalis Ecclesiæ definire. At præ se fert Gregorius, controversiam, quæ tunc agebatur, ad fidem & mores universalis Ecclesiæ pertinere. Hic deliberandum non est diutius, an minus credendum sit Inquisitoribus, quàm Gregorio, qui in libri II. Indict. XI. Epistola XXIX. scribit ad Presbyteros & Diaconos Mediolanensis Ecclesiæ: Sicut ab aliis nostra exigimus, ita singulis sua jura servamus. Atque ita quod restare dicit Gregorius, id verè & secundum Evangelium, Sedisque Apostolicæ traditionem restabat, sed in eo, quod Inquisitores restare negant, ii Gregorio, Evangelicæ veritati, & Sedis Apostolicæ traditioni repugnant.

Decimus est Martinus I. cui anno DCLIX. Romana obtigit Ecclesia. Hic in epistola ad Amandum Trajectensem Episcopum scribit, eumque hortatur, ut Romanam Synodum adversus hæreticos celebratam confirmet Gallicani antistites. Martini verba sunt: Ideo necesse habuimus, ne pro quadam negligentia, & animarum detrimento, quæ nobis commissa sunt, culpa reatu adstringamur, cæcum generalem fratrum & coepiscoporum nostrorum in hac Romana civitate congregare, in quorum presentia memoratorum hæreticorum scelerosa conscripta examinata atque denudata sunt, Apostolico mucrone, Patrumque definitionibus uno ore, unoque spiritu condemnavimus, ut cognoscentes universi errorem, qui in eis continetur, eorum pollutione nullatenus maculentur. Unde prævidimus volumina gestorum Synodali in presentia vobis dirigere unâ cum Encyclia nostra: Ex quorum serie omnia subtiliter potestis addiscere, & tenebras illorum nobiscum ut filii lucis extinguere. Idcirco studeat fraternitas tua omnibus eadem innotescere, ut jam abominandam hæresim nobiscum execrentur, quamque sua salutis Sacramenta addiscere valeant, atque Synodali conventionione omnium fratrum & coepiscoporum nostrorum partium illarum effecta secundum tenorem Encycliæ à nobis directæ scripta unâ cum subscriptionibus vestris nobismet destinanda concelebrent, confirmantes & consentientes eis, quæ pro orthodoxa fide & destructione hæreticorum vasa nuper exorta à nobis statuta sunt.

Martinus facit duo, quæ pro Sedis suæ dignitate facere non debuit, si vera esset Inquisitorum assertio. Et primò quidem, cogit Concilium Episcoporum centum quinque, in quo Monothelitarum hæresis damnatur. Deinde ab Amando Trajectensi Episcopo petit, ut Gallicana celebretur Synodus, quæ Romani Concilii acta confirmet. Martinus fecit quod faciendum esse pro rei gravitate judicat, & Inquisitores id asserunt, quod absq; Romanæ Sedis dedecore asseri non potest.

Undecimus est Nicolaus I. qui anno DCCCLVIII. Romanam Ecclesiam regere cepit. Rem contra Inquisitores decedit in epistola XXVII. ad Ludovicum Germaniæ & Carolum Calvum Reges: Sed intelligi datur, eos monitis nostris non velle parere propter illud, quod in literis vestris subditur: Dicunt enim post aliquanta, ut Episcopos de regnis vestris ad Synodum Romam mittendi necessitas non postulet, unde si fortasse aliter dicitis, nos illud dicimus, quod divinitus revelatur, quia cum novitatum mala multiplicari videamus, si ex diversis provinciis fratres in invicem convenissent juxta priscum morem, & nos consensu illorum revelante Domino, quæ decernenda sunt, decerneremus, & ipsi necessitates suas referentes, & nostras exponentes, quæ decreta fuissent, melius in omnium notitiam facerent pervenire, qui semper Synodalem conventum à nobis aggregari patiere: Sicque fieret, ut secundum qualitatem medicina conficeretur, & ad sananda vulnera longè latèque effunderetur. Hic Pontifex scribit



bit duo, quibus eliditur Inquisitorum assertio: necessarium esse Concilium, quod congregare intendat, & se, quæ decernenda erant, consensu Episcoporum Concilii decretum esse. Sed ex Inquisitorum assertione consequens est, Nicolaum in his duobus Sedis Apostolicæ jura neglexisse. Hoc autem de tanto Pontifice præter Inquiritores quis suspicaretur?

30 Duodecimus est Joannes VIII. qui in Romanum Episcopum ascitus est anno DCCCLXXIII. Hic Pontifex Nicolaum imitatur in epistola CCXX. ad Romanum Archiepiscopum Ravennatem: Sicut jam olim vestra precepimus reverentia, ut pro multis Ecclesiarum necessitatibus IV. Idus Octobris, Romam venientes Synodum pariter celebraremus; Nunc iterato his Apostolatus nostri literis fraternitati vestre jubemus, ut omni mora vel occasione postposita ad denominatam Synodum, quam Deo auctore in prædicto tempore celebraturi erimus, in Ecclesia beati Petri Principis Apostolorum cum suffraganeis suis  
Episcopis occurrere nullatenus prætermittatis, quia nos omnium Ecclesiarum Dei utilitati & exaltationi sicut oportet, pari consensu & decreto, more præcessorum nostrorum consulere volumus, quatenus Ecclesiæ Dei vigor Christo favente per Synodalem censuram illibatus permaneat. Ut Concilii necessitas, quam Joannes indicat, sic & decernendi modus, pari consensu & decreto, more præcessorum nostrorum consulere volumus, Inquisitorum assertionem funditus evertunt.

Decimus tertius est Gregorius VII. qui Romanam ad Ecclesiam anno MLXXIII. accessit. Hic in libri I. epistola XLII. ad Sichardum Aquilegiensem Episcopum Joannis VIII. vestigiis insitit: Confidentes in misericordia Dei, Concilium in prima hebdomada quadragesima adunare disposuimus, quatenus huic tanto periculo suffragante divina clementia cum communi consilio fratrum aliquod solatium & remedium invenire valeamus, ne nostris temporibus irreparabilem Ecclesiæ ruinam, destructionemque videamus. Ideoque vestram fraternitatem rogamus, & ex parte beati Petri Apostolorum Principis admonemus, ut in prælibato termino vestram nobis præsentiam exhibeatis, convocatis una nobiscum, tum per hac nostram, tum per vestra scripta, vestris suffraganeis Episcopis: ut tanto tutius tamque firmiter ad subsidium Ecclesiastica libertatis & religionis accingamur, quanto uberius ac vicinius consiliis vestre prudentiæ, aliorumque confratrum frequentia & provida consultatione circumdamur. In hac Gregorii oratione periodus nulla est, quæ Inquisitorum assertionem non valide percellat. Accusabuntne Gregorium violatæ dignitatis, quæ Sedi Apostolicæ scorum ab aliis Sedibus conveniat? Si  
31 accusent, quis & qualis sit Gregorius VII. omnino nesciunt.

Decimus quartus est Urbanus II. qui anno MLXXVIII. Pontificatum assumpsit. Hic in epistola, qua Benedicto Kemperlegensi Abbati Gurloësi relationem in numerum Sanctorum petenti respondet, rem ita conficit: Porro quæ de Gurloësi celebratione ab auctoritate nostra judicium expetisti, non eadem potuit facilitate concedi. Non enim Sanctorum quisque debet canonibus admisceri: nisi & testes adsint, qui ejus miracula visa suis oculis attestentur, & plenaria Synodi communi firmiter assensu. In tomo IV. Gallicæ Christianæ. Inquisitores, opinor, non ibunt inficias, quin pii viri consecratio pertineat ad mores universalis Ecclesiæ: Et tamen Urbanus profitemur ingenuè Sanctorum canonibus admiscendum non esse pium hominem, quin antea illius consecratio communi plenariæ Synodi assensu firmata fuerit. Ad Urbani testimonium Inquisitores nostros pudore frangi necesse est, nisi frontem amiserint.

Decimus quintus est Gelasius II. qui anno MCXVIII. in Petri Cathedram ascendit. Sic autem scribit in epistola I. ad Archiepiscopos, Episcopos, Abbates, Clericos, & Principes Gallicæ: De controversia, quæ inter Ecclesiam & regnum est, vel conventioni vel justitiam libenter acquiescimus loco & tempore competenti, videli-

32 cet Mediolani vel Cremona in proxima beati Lucae sollemnitate fratrum nostrorum judicio, qui à Deo judices sunt constitui, & sine quibus hac causa tractari non potest. Diceres Gelasium eo scripsisse consilio, ut futuram Inquisitorum assertionem profligare. Intrepidè Episcopos judices à Deo constitutos esse ait, & mox sine illorum Episcoporum judicio causam, quæ inter Ecclesiam & Regnum erat, tractari non posse subjungit. At ergo ni fallor, diceres tu, id quod Inquisitores nostri asserunt, eo asserere consilio, ut dicta Gelasii profligeret? Si diceres, id quidem repugnanter audirem. Sed quid reponerem, non haberem. O egregium Inquisitorum consilium!

Decimus sextus est Innocentius II. qui anno MCXXX. Romanam Ecclesiam regendam accepit. Hic de Apostolicæ Sedis auctoritate à Senonensi Concilio usurpata non conqueritur, quod illud Concilium Petri Abailardi dogmata confixerit. De sancto Bernardo non conqueritur, quod in epistola CXXXXIX. ad seipsum scripta dixerit: Denique scripsit mihi, sollicitante quidem ipso, Archiepiscopus Senonensis diem statuens congregationis, quo ille in præsentia ejus, & coepiscoporum suorum deberet, si posset, statueret prava dogmata sua, contra quæ ego mutare ausus fuissim. Abnuo, tum quia puer sum, & ille vir bellator ab adolescentia sua, tum quia judicarem indignum, rationem fidei humanis committi rationibus agitandam, quam tam certa ac stabili veritate constat esse submixtam. Dicebam sufficere scripta ejus ad accusandum eum, nec mea referre, SED EPISCOPORUM, QUORUM ESSET MINISTERII DE DOGMATIBUS JUDICARE. At verò per Deum immortalem tantum abest, ut Innocentius de Senonensi Concilio, de Bernardo & de Bernardi propositione hac, EPISCOPORUM EST DE DOGMATIBUS JUDICARE, querelam habuerit ullam, ut potius Concilii sententiam auctoritate sua confirmaverit. Nunc si toleretur Inquisitorum assertio, dam-  
33 nandus est Innocentius, quod adversus Concilium & Bernardum Sedis Apostol. jura non vindicaverit, quod in jurium Sedis Apostolicæ usurpatione, nefario & immani scelere connivendum sibi esse arbitratus fuerit. Neque hoc tantum, quod tamen sufficeret: sed & Episcoporum auctoritatem in decidendis fidei dogmatibus libenter agnoscit in epist. quam ad Senonense Concilium rescribit: Injuriam, inquit, facit judicio reverendissima Synodi si quis semel judicata & rectè disposita revolvere, & iterum disceptare, & in contemptores hujus legis, tanquam in sacrilegos pœna non deerit. Et paulo post: Verum in hoc maxime consolamur, & omnipotenti Deo gratias agimus, qui in partibus vestris pro paribus tales filios suscitavit, & tempore Apostolatus nostri in Ecclesia sua tam præclaros voluit esse pastores, qui novi hæretici calumniis studeant obviare, & immaculatam sponfam uni viro virginem castam exhibere Christo. Hic aut Inquisitores errarunt, aut erravit Innocentius.

Decimus septimus est Eugenius III. qui anno MCXLV. Sacerdotale fastigium descendit. Hic Pontifex Inquisitorum reprehensioni sese objicit, cum apud Othonem Frisingensem in libro I. de gestis Frederici negotium Gilberti Porretani ad Remensem Concilium remittit. Othonis verba sunt: Dum ita per aliquot dies jam sæpèdictus Episcopus (Pictaviensis Gilbertus Porretanus) coram Summo Pontifice (Eugenio III.) de fide sua Parisiis discuteretur, sentiens Papa, utpote cautus & religiosus causa difficultatem, protelandam eam usque ad Concilium universale adjudicavit. Erat enim in proxima mediana quadragesima Dominica, apud Galliarum Metropolim Remis generale Concilium indictum. Quis modò poterit Eugenium ab Inquisitorum reprehensione eximere, si non mentiuntur Inquisitores, cum aiunt, Ad Sedem Apostolicam duntaxat pertinet, controversias fidei & morum universalis Ecclesiæ definire? Nemo meherclè, nemo poterit. Vel Inquisitores errant, vel Eugenius, qui spreta & in Morboniam missa Inquisitorum assertione pugnat, Gilberti doctrinam ab univer-

universali Concilio dijudicandam esse: adeo non Sedi tantum Apostolicæ dijudicandam reservaverit.

Decimus octavus est Alexander III. qui anno MCIX. Sedi Apostolicæ præesse cœpit. Inquisitores Alexandri literas, in quibus de generalis Concilii Lateranensis convocatione scribit ad Episcopos Thuscæ, vel non legerant, vel si legerant, in assertionem suam viri sapientissimi pro nihilo putarunt. Sic autem scribit Alexander: *Quia in Ecclesia Dei correctione videmus quamplurima indigere, tam ad emendanda, quæ digna emendatione videntur, quàm ad promulganda, quæ salutis fidelium visa sunt expedire, de diversis partibus personas Ecclesiasticas decernimus evocandas, quarum præsentia & consilio, quæ fuerint salubria, statuatur, ut quod bonum est, secundum consuetudinem antiquorum Patrum provideatur, & firmetur à multis. Quod si particulariter fieret, non facile posset plenum robur habere.* Alexander Sedi Apostolicæ non tribuit, quod Inquisitores tribuunt. Credēsne potius Inquisitoribus Sedis Apostolicæ traditionem ignorantibus, an Alexandro Pontifici? Res hæc deliberatione non indiget. Alexander colitur, Inquisitores respuuntur.

35 Decimus nonus Lucius in cap. 1x. ad Abolendam de hæreticis, quæ sint Episcoporum hac in re jura constituit: *Universos qui de Sacramento corporis & sanguinis Domini nostri Jesu Christi, vel de baptismo, seu de peccatorum confessione & matrimonio, & reliquis Ecclesiasticis Sacramentis aliter sentire, aut docere, quàm sacrosancta Romana Ecclesia prædicat, & observat, & generaliter quoscunque eadem Romana Ecclesia, vel singuli Episcopi per dioceses suas cum concilio Clericorum, vel Clerici ipsi Sede vacante cum concilio (si oportuerit) vicinorum Episcoporum hæreticos judicaverunt, vinculo perpetui anathematis innodamus.* Hic Pontifex declarat, quod in perpetua Ecclesiæ traditione positum erat, Episcopos nimirum de controversiis fidei & morum universalis Ecclesiæ definire, cum singuli Episcopi per dioceses suas hæreticos judicent, qui fidem & mores universalis Ecclesiæ dogmatibus novis perturbant.

Vicesimus est Innocentius III. qui anno MCXCVIII. Romanum Episcopatum inivit. Aut Inquisitores vocem Innocentii suffocant, aut Innocentius Inquisitorum vocem suffocat, dum in libri III. Regest. xv. Epist. CIV. ad Philippum Regem Francorum ita scribit: *Diligenter auditis & perspicaciter intellectis, quæ nobis ex parte regia dilecti filii: Abbas de Trappa, & I. Clericus tuus proponere curaverunt, & habito cum fratribus nostris studioso tractatu, non occurrit nobis aliqua via, per quam in his, quæ ipsi pro te postulaverunt a nobis tue secundum \* possemus occurrere voluntati, sub obtestatione divini iudicii protestantes, quod libentissime si possemus cum Deo, ab illo te curaremus vinculo expedire, a quo deside-*

36 *ras vehementer absolvi. Sed in carnali commercio inter te ac reginam conjugem tuam adeo est processum, quod si etiam illi tantum confessioni vellemus insistere, quam nuper eadem regina fecisse proponitur coram prædicto Abbate de Trappa, & dilecto Magistro Roberto Corzon, nunc tituli sancti Stephani in Cælio Monte Presbytero Cardinali, non audeamus super huiusmodi casu de nostro sensu pro te aliquid diffinire, propter illam sententiam Evangelicam, quam ipse Christus expressit, ut quod Deus conjunxit, homo non separet, cum absque dubio nec sanctorum exempla, nec Patrum decreta intentioni tue in hoc articulo suffragentur. Verum si super hoc absque generali deliberatione Concilii determinare aliquid tentaremus, præter divinam offensam, & mundanam infamiam, quam ex eo possemus incurrere, forsitan ordinis & officii nobis periculum immineret, cum contra præmissam veritatis sententiam nostra non possit auctoritas dispensare. Cum agitur de sententia Evangelica, agitur de re, quæ ad fidem & mores universalis Ecclesiæ spectat. Quocirca dignus est Innocentius, qui audiat, cum rem illam ad Concilium remittit. Sed loquente Innocentio Inquisitores obmutescant, aut si loqui volunt,*

non loquantur, nisi ut assertionem suam revotent, erroris & ignorantie suæ indicem luculentissimum.

Vicesimus primus est Gregorius X. qui anno MCCXXXII. ad Ecclesiasticæ dignitatis apicem pervenit. Hic Pontifex generale Concilium Lugduni cogere instituit, & quibus in literis indicit Concilium, proposito illius argumento subjicit: *Ad quod cum nos sufficere non posse sciamus, levamus oculos ad montem, montem quidem Dei, montem uberem, montem pinguem, unde oportunitum nobis provenire auxilium & humiliter petimus & devotè speramus. Et quia salubre in his adhiberi remedium interest generaliter omnium, nos cum fratribus nostris, aliisque viris prudentibus exacto & frequenti tractatu præhabito, prout tantæ necessitatis instantia exigebat, de ipsorum concilio generale Concilium, sicut imitatione digna sanctorum Patrum consuetudo laudabilis, longaque observationis exemplum nos instruit, opportuno tempore decernimus congregandum, ut in eo tam circa præmissa quàm circa cætera, quæ salutem respiciunt animarum, illa Deo auspice communi concilio inveniantur provisio, & ejusdem approbatione Concilii roboretur. Non erant tunc opinor Inquisitores, qui Gregorium ab indicendo Concilio detererent, & palam reciperent, quod non pertineat ad Episcopale Concilium, sed ad Sedem Apostolicam duntaxat, controversias fidei & morum universalis Ecclesiæ definire. Aut igitur Pontifex universale Ecclesiam universalis Concilii necessitatem docens errat, aut Inquisitores errant, dignique sunt, qui coarguantur ab omnibus.*

Vicesimus secundus est Clemens V. qui an. MCCCv. ab Ecclesia Burdegalensi ad Romanam transiit. Inquisitores nostros pudore suffundit, cum Viennense Concilium sic indicit: *Ad quod cum nos sufficere commodè non posse sciamus, levamus oculos nostros ad montem, montem quidem Dei, montem uberem, montem pinguem, unde oportunitum nobis provenire auxilium & humiliter petimus, & devotè speramus. Et quia salubre in his adhiberi remedium interest generaliter omnium, nos cum ejusdem fratribus nostris aliisque prudentibus viris exacto & frequenti tractatu præhabito, prout tantæ necessitatis instantia exigebat, de ipsorum fratrum concilio universale Concilium sicut imitatione digna sanctorum Patrum consuetudo laudabilis, longaque observationis exemplum nos instruit, à proximis Calendis Octobris ad duos annos immediatè sequentes decernimus congregandum, ut in eo tam circa dictum Ordinem (Templariorum) & personas singulares & bona ejusdem & alia, quæ statum tangunt fidei Catholica, quàm circa temperationem & ordinationem & stabilitatem Ecclesiarum, & Ecclesiasticarum personarum, & libertatem earum illa Deo auspice communi concilio inveniantur provisio, & ejusdem approbatione Concilii roboretur.*

Deinde in constitutione de summa Trinitate & fide Catholica: *Nos igitur ad tam præclarum testimonium, ac sanctorum Patrum & Doctorum communem sententiam Apostolica considerationis (ad quam duntaxat hæc declarare pertinet) aciem convertentes sacro approbante Concilio declaramus, &c. Paulo post: Nos autem attendentes generalem efficaciam mortis Christi (quæ per baptismum applicatur pariter omnibus baptizatis) opinionem secundam (quæ dicit tam parvulis, quàm adultis conferri in baptismo informantem gratiam & virtutes) tanquam probabiliorem & dictis sanctorum, ac Doctorum modernorum Theologia magis consonam & concordem, sacro approbante Concilio duximus eligendam. Inquisitores os & frontem perfricare oportet, cum hæc inspexerint, quæ Clemens V. ex Gregorio X. suos in usus derivat, & cum animadvertent, Clementem, quidquid decernit, nonnisi sacro approbante Concilio decernere. Hinc decernendi vis tota in Pontifice & Concilio simul residere censenda est. Constitutio exprimit Gallicanæ Ecclesiæ sensum, quem habent Philippi Regis literæ ad Clementem missæ: *Absit à Regia perennitate seculari in questione fidei quidquam, quod vestra sanctitas maxime**



sacro approbante Concilio deciderit, in aliquod unquam dubium vocare. Idem traditur in literis, quas Ludovicus Ebroicensis, & Guido sancti Pauli Comites ad eundem Clementem exararunt: *Absit à nobis tam execranda presumptio in questione fidei quidquam, quod reverendissima sanctitatis vestra Sedes & maxime sacro approbante Concilio decideret, in aliquod unquam dubium revocare.* Porro autem ex his verbis facile intelligitur, quid Clemens sibi velit, cum ait: *Ad Apostolicam considerationem duntaxat hac declarare pertinet.* Quasi diceret: Non alius, quam qui Sedi Apostolicæ præfideret, antistes id habet juris, ut quæstiones fidei decideret sacro approbante Concilio.

Vicesimus tertius est Martinus qui anno mcccc. xviii. ad Rom. accessit Ecclesiam. Hic Pontifex ab Inquisitorum nostrorum assertionem & doctrinam nisi abfuisset procul, executus non esset Constantiensis Concilii decretum, quo generalium Conciliorum necessitas omnino asseritur. Nam asserta generalium Conciliorum necessitate dici non potest, *Ad Sedem Apostolicam duntaxat pertinere controversias fidei & morum universalis Ecclesia definire.* Siquidem ad generalia Concilia pertinet controversias istiusmodi suprema auctoritate dirimere. Sed Constantiensis Concilii decretum referendum est ad perpetuam Inquisitorum ignominiam: *Martinus Episcopus servus servorum Dei, ad futuram rei memoriam.* Cupientes ac volentes decreto huius generalis Concilii satisfacere inter alia disponenti, quod omnimodo generalia Concilia celebrentur in loco, quem Summus Pontifex per mensem ante finem huius Concilii, approbante & consentiente Concilio deputare & designare teneatur, pro loco dicti proxime futuri Concilii celebrandi supradicti, eodem consentiente & approbante Concilio civitatem Papiensem tenore presentium deputamus, & etiam assignamus, statuentes & etiam decernentes, quod Prelati & etiam alii, qui ad generalia Concilia debent convocari, tempore prædicto civitatem ipsam Papiensem accedere teneantur. At si quis decretum hoc cum Inquisitorum assertionem contendant, decretum ut sanctissimum observabit, Inquisitorum verò assertionem, ut Ecclesiæ Dei periculosam execrabitur.

Vicesimus quartus est Eugenius IV. qui anno m. cccccxxxi. Petri Cathedram obtinuit. Rem decernit in Bulla lxxi. quæ in Basileensis Concilii sessione xvi. refertur: Si Papa, inquit, vel Legatus eiusdem nollet disponere aliqua, & contra Concilium affertaret, Papa sententia, vel ejus Legati personam Summi Pontificis representantis, non Concilii voluntas sequenda foret, cum super omnia Concilia habet potestatem Papa, nisi forte quæ statuenda forent, Catholicam fidem respicerent, vel si non fierent, statum universalis Ecclesiæ principaliter perturbarent, quia tunc Concilii sententia esset potius attendenda. Si Eugenio iudice in his duobus rerum momentis Concilii sententia anteposenda est Romani Pontificis sententiæ, Concilium longè certius, quam Pontifex controversias fidei & morum universalis Ecclesiæ definiet. Quo ita posito, quid Inquisitorum assertionem hac fiet? *Ad Sedem Apostolicam duntaxat pertinet, controversias fidei & morum universalis Ecclesiæ definire.* Eugenius porro Bullam hanc, ut pacem ineat cum Patribus Concilii, revocat propter verba illa, quibus Papam super omnia Concilia potestatem habere dicit, & revocando, reliqua quæ primum asseruisse dicitur, confirmat. Cæterum quidquid id est, certum omnino redditur, cum apud Blondum Eugenii scribam in Decadis lxxi. libro x. fidei definitionem edidit: *In nomine igitur sanctæ Trinitatis, Patris, Filii & Spiritus Sancti, hoc sanè universali approbante Concilio (Florentino) definimus, ut hæc fidei veritas ab omnibus Christianis credatur, &c.* Qua ratione & via ostenditur ex universalis Concilii approbatione definitionem illam maxime pendere, & Romanum Episcopum non posse auctoritate, quæ falli nequeat, de rebus fidei decernere, non approbante

universali Concilio: Et sic assertio Inquisitorum Eugenio Papæ IV. repugnat.

Vicesimus quintus est Julius II. qui anno mdiv. Sedi Apostolicæ præsidere cæpit. Hic statim atque electus est, Inquisitorum assertionem penitus diruit, cum sacramento promittit convocaturum se esse generale Concilium, & reformaturum Ecclesiam in capite & in membris. Quæ duo cum plerisque aliis præcedunt sacramentum, quo ita se obstrinxit: *Ego Julius II. electus in Summum Pontificem præmissa omnia & singula promitto, juro, & voveo observare, & adimplere in omnibus & per omnia purè & simpliciter & bona fide, realiter & cum effectu, & sub pœna perjurii & anathematis, à quibus nec meipsum absolvam, nec alicui absolutionem committam.* Cum in capite & in membris reformatur Ecclesia, vix fieri potest, quin dirimantur controversiæ, quæ ad fidem & mores universalis Ecclesiæ pertineant. Si jurejurando pollicitus est Julius id facturum se esse, quo Sedis Apostolicæ jura violarentur, capti sunt Inquisitores & illorum extabescit assertio. Si verò pollicitus est id facturum se esse, quo Sedis Apostolicæ jura minime violarentur, nulli sunt Inquisitores. Quia quod ad Sedem Apostolicam duntaxat pertinere dicunt, ad Sedem Apostolicam duntaxat pertinere non potest.

Vicesimus sextus est Hadrianus VI. qui anno mdxxii. ad gubernandam Romanam Ecclesiam aggressus est. Ut Inquisitores gravissimi erroris coarguantur, referenda sunt tantum, quæ duobus in locis scribit. Unum ad Romanum Pontificem spectat, & sic se habet in quartum sent. De ministro Confirmationis: *Ad secundum principale de facto Gregorii dico I. quod si per Romanam Ecclesiam intelligatur caput illius, puta Pontifex, certum est, quod possit errare etiam in iis, quæ tangunt fidem, hæresim per suam determinationem aut decretalem asserendo.* Plures enim fuerunt Romani Pontifices hæretici. Item & novissime fertur de Joanne XXII. qui publicè docuit, declaravit, & ab omnibus teneri mandavit, quod anima purgata ante finale iudicium non habent stolam, quæ est clara & facialis visio Dei, & Universitatem Parisiensem ad hoc induxisse dicitur, quod nemo in ea poterat gradum in Theologia adipisci, nisi primitus hunc errorem pestiferum jurasset se defensurum, & perpetuò ei adhaesurum. Item patet hoc de errore quorundam Pontificum circa matrimonium. De quo in cap. Licet, de spon. duorum. Item patet hoc de errore, quem ediderat Celestinus circa matrimonium fidelium, quorum alter labitur in hæresim: Cujus error habebatur olim in alia compilatione in cap. Laudabilem, de convers. conjug. Ut refert Ostiensis in cap. Quanto, de divortii: Non tamen dico Gregorium hic errare. Sed evacuare intendo impossibilitatem errandi, quam alii asserunt.

Alterum verò ad Sedem Apostolicam pertinet, & sic se habet in mandatis, quæ Francisco Cheregato in Germaniam eunti dedit: *Scimus in hac sancta Sede aliquot iam annis multa abominanda fuisse, abusus in spiritualibus, excessus in mandatis, & omnia denique in perversum mutata: Nec mirum si agritudo à capite in membra, à Summis Pontificibus in alios inferiores Prelatos descenderit.* Hic vel cadant Inquisitores, vel Hadrianus; sed Hadriano cadente stare non potest illorum assertio.

Vicesimus septimus est Clemens VII. Medicæus, qui anno mdxxiv. Hadriano successit. Hic Pontifex Inquisitoribus nostris dicam erroris impingit in Epistola, quam de celebrando Concilio generali ad Franciscum I. scripsit anno mdxxxiii. iv. Nonas Januarii: *Superiore biennio, sicut tua Majestas recordari potest, cum serenissimum Cæsarem, quamquam pro sua inclita pietate omnia conatum, tamen in Conventu Augustano, nihil remedium ad Lutheranam hæresim in Germania tollendam præ illorum obstinatione asserre potuisse audiremus, solimque Concilii generalis remedium à nostris prædecessoribus in casu simili usitatum, & ab ipsis Lutheranis postulatam superesse videremus, habita super hoc cum venerabilibus 44*

fratrum

fratribus nostris S. R. E. Cardinalibus matura deliberatione, ad ipsius Concilii generalis indictionem in Italia & loco ad hoc commodiore celebrandi devenire intendentes, id tua Majestati sicut Caesaris & ceteris Principibus significandum communicandūque duximus. Ex his autem verbis, Solūque Concilii generalis remedium à nostris predecessoribus in casu simili usitatum, observare tria oportet.

Primum, quod generale Concilium est præclarum tollendæ hæresis remedium: deinde, quod remedium est unicum: denique, quod remedium hujusmodi ad tollendas hæreses ab Romanis subinde Pontificibus adhibuit esse dicitur. Hæc autem manifestè demonstrant Inquisitores maximo in errore versari, cum asserunt, Ad Sedem Apostolicam duntaxat pertinere controversias fidei, & morum universalis Ecclesiæ definire.

Vicesimus octavus est Paulus III. qui anno MDXXXV. Clementi VII. successit. Hic Pontifex Inquisitorum assertionem non potuit validius redarguere, quàm in indictione Tridentini Concilii redarguit: Animo, inquit, repentes, majores nostros sapientia admirabili & sanctitate præditos, sæpe in summis Christianæ Reipublicæ periculis remedium optimum, atque opportunissimum æcumenica Concilia, Episcoporum generales conventus adhibuisse; ipsi quoque animum ad generale habendum Concilium adjicimus, exquisitisque Principum sententiis, ut quorum nobis videbatur utilis imprimis & opportuna ad hanc rem esse consensus, cum eos tunc non alienos ab hoc tam sancto opere invenissemus, æcumenicum Concilium, & generalem eorum Episcoporum, aliorumque Patrum, ad quos 45 pertineret, Conventum in civitate Mantua indiximus. Et post alia: Verum in illo congressu colloquioque nostro, quod Nicæa habitum est, etsi peccatis nostris impediētibz, inter duos principes vera & perpetua pax non potuit confici, inducia tamen decennales factæ sunt, quarum opportunitate nos sperantes & sacrum Concilium commodius celebratum iri: Deinde ex Concilii auctoritate perfici posse pacem. Et primum quidem appellat Paulus Sedis Apostolicæ traditionem, seu majorum consuetudinem, qua Romani Pontifices iminentibus Christianæ Reipublicæ periculis convocabant Episcopos, & tunc generale celebrabatur Concilium: Deinde hoc nominat sanctum opus, quod minimè sanctum esset, si verum Inquisitores dicerent. Nempe violaretur auctoritas Sedis Apostolicæ, Ad quam, ut aiunt, duntaxat pertinet, controversias fidei, & morum universalis Ecclesiæ definire. Postremò his verbis, ex Concilii auctoritate perfici posse pacem, Concilio tribuitur, quod Sedi Apostolicæ duntaxat conveniret, eoque pacto reus esset Pontifex, vel Inquisitores rei essent. Non Pontifex, qui Sedis Apostolicæ morem sequitur, sed Inquisitores, qui ab eo deflectunt per summam rerum Ecclesiasticarum infestiam, vel per stolidè affectatam Episcoporum jurium occupationem: Stolidè affectatam dico, quod assertionem suam, quocunque intelligatur sensu, nequeant duobus veræ Theologiæ principiis, scripturæ auctoritate, & Catholicæ Ecclesiæ traditione comprobare, immo ne adumbrare quidem.

Vicesimus nonus est Pius IV. qui anno MDLX. Romanam Ecclesiam administrare cœpit: Hic Apostolicæ traditionis lineam adversus Inquisitores claudit, dum in forma juramenti professionis fidei sic scribit: Injunctum nobis Apostolica servitutis officium requirit, ut ea, quæ Dominus omnipotens ad providam Ecclesiæ suæ directionem sanctis Patribus in nomine suo congregatis divinitus inspirare dignatus est, ad ejus laudem & gloriam incunctanter exequi properemus. Sic non ad solam Sedem Apostolicam sed etiam ad sanctos Patres in Dei nomine congregatos, pertinet, controversias fidei, & morum universalis Ecclesiæ definire.

Hæc est secunda ratio, quæ postquam Sedis Apostolicæ traditionem per ipsiusmet Sedis antistites explicuit, de auctoritatis robore cum prima certat, nec minus fortiter, quàm prima Inquisitorum assertionem refellit, & execratione omni dignam ostendit.

Tertia ratio quærenda mihi est ex Conciliis, quæ Episcopis cæteris æquè ac Romano jus dirimendi controversias fidei, & morum universalis Ecclesiæ attribuant. Nec existimaverunt unquam ad Sedem Apostolicam duntaxat pertinere, controversias fidei & morum universalis Ecclesiæ definire, contrà quàm existimant Inquisitores hodierni, scilicet Alexandro VII. Pontifice.

Quo tempore Constantinus regebat Imperium, antiqua jam opinio Christianorum mentes occupaverat, Episcoporum Concilia, in quibus de fide & moribus Ecclesiæ tractaretur, sic esse necessaria, ut, qui ea tollerent, evertendæ religioni sanctæ viam latissimam patefaceret. Quicquid id est, apertè constat in libri 1. de vita Constantini capite XLIV. ubi agitur de Licinio Christianorum vexatore: Primum, inquit Eusebius, contra Dei ministros ejus subjectos Imperio, qui nunquam quidquam criminis contra Imperium admisissent, pedetentim, tum & dissimulanter causas astute & fallaciter confectas aucupari molitus est, & cum nullum crimen ipsi suppetere, nec haberet, quod viris illis omnino posset objicere, legem promulgavit, quæ quidem præcepit, ut neque Episcopi inter se de rebus suis communicarent, neque cuiquam illorum copia esset aliquam Ecclesiam in proximo ad-eundi, neque conventus, aut consilia, aut deliberationes de rebus ad utilitatem ipsorum spectantibus, instituendi. Atque hæc tanquam ansa illi fuit, ad nos protervè contumeliosèque tractandos. Aut enim legem violando supplicio obnoxios esse oportebat, aut legis præcepto morem gerendo Ecclesiæ ritus & instituta evertere. Nam magna & graves deliberationes de rebus controversis susceptæ non aliter possunt, quàm per rectam Conciliorum administrationem ratione & via procedere. At revera Dei hostis Licinius quoniam Constantini pii Imperatoris institutis contraria moliri decreverat, ejusmodi exequi contra nos mandavit. Nam ut hic Sacerdotes Dei, quod honor illius, quem sanctè colebant, illustraretur, ad pacem studuit & mutuat concordiam adducere: Sic ille honesta disturbare machinatus, consentientem Ecclesiæ harmoniam dirumpere divellerèque contendit: Scilicet promulgatâ lege impediens, ne ab Episcopis Concilia celebrarentur. Si tunc in Ecclesia Dei id creditum esset, quod homines egregiè cordati nobis modò persuadere volunt, Licinii edictum Christianis timorem incussisset nullum, modò Romana perstitisset Sedes, Ad quam duntaxat pertinet controversias fidei, & morum universalis Ecclesiæ definire. Sic ab initio Ecclesiæ præfocatur nova Inquisitorum nostrorum assertio.

Arelatense Concilium I. quod circa tempus illud 48 habitum est, rem adversus illos homines decernit in epistola, quam Patres ad Silvestrum Papam miserunt. Verba sunt: Utinam frater dilectissime, ad hoc tantum spectaculum interesse tanti fecisses, profectò credimus, quia in eos severior fuisset prolata sententia, ET TE PARITER NOBISCUM JUDICANTE cætus majore latitia exultasset. Quid est hoc? & te pariter nobiscum judicante, si ad Sedem Apostolicam duntaxat pertineat controversiæ fidei & morum universalis Ecclesiæ definire? Nonne verba hæc parem in Silvestro & in aliis Arelatenfis Synodi antistitibus judicandi potestatem important? Non reclamavit Papæ Legati quatuor, qui Concilio interfuerunt, non reclamavit Silvester, postquam Concilii epistolam accepit. Non reclamantibus aut Silvestri Legatis quatuor, aut Silvestro ipso, cujus reclamare vel intererat maxime, reclamabuntne Inquisitores nostri? Si non reclamant, cum infamia peribit illorum assertio. Si reclamant, turpissimæ & iniquissimæ accusabuntur, & sine controversia perniciosæ & intolerandæ novitatis rei peragentur.

Nicænum Concilium ab Arelatenfi Concilio non dissentit in epistola, quam ad Alexandrinam Ecclesiam scripsit: Quoniam, inquit, Dei gratia, Deoque carissimo Principe Constantino ex diversis provinciis & civitatibus nos convocante magna & sancta Synodus Nicæa celebrata est, necessarium duximus ab universo sacro Concilio etiam ad vos literas mitti, ex quibus intelli- gere



gere possitis, quam in eo proposita & examinata, quam decreta ac stabilita sint. Ante omnia siquidem sub  
 49 oculis Deo carissimi Imperatoris nostri Constantini discussa fuerunt impia & perversa Arian dogmata, OMNIUM SUFFRAGIIS placuit impiam ejus opinionem anathemate damnari. Synodus inter omnes, qui tulerunt suffragium, non distinguit. Omnium suffragiis, perinde est, atque Silvestri Legatis cum reliquo Episcoporum confesso judicantibus, ut Arelatenſe Concilium loquitur. Mutatum quidem in aliquibus verbis, sed nihil in doctrina mutatum. At si controversias fidei universalis Ecclesie definire ad Sedem Apostolicam duntaxat pertinet, Nicænum Concilium jus Sedis Apostolicæ usurpavit, arbitris Inquisitoribus. Hoc autem dictum nefas esse quis non videt?

Romanum Concilium, quod apud Theodoretum in lib. II. hist. cap. XVII. sic inscribitur: Episcopi Roma in sacro Concilio congregati, Damasus, Valerianus, & ceteri dilectis fratribus per Illyricum constitutis, invictam rationem suppeditat, cum ait: Quam saluarem definitionem (Nicæna Synodi) adorabilemque deliberationem corrumpere quidam aliis cogitationibus ac temerare voluerunt, sed in ipso principio ab his ipsis, qui Arimini novare ac retractare compellebantur, eatenus res correctæ est, ut confiterentur sibi alia disputatione supreptum, quod non intelligerent Patrum sententia apud Nicaam constituta hoc esse contrarium. Neque enim præjudicium aliquod fieri potuit per numerum Arimini congregatum, quando constat neque Romanum Episcopum, cujus ante omnia expectanda erat sententia, neque Vincentium, qui tot annorum Episcopatum integrè gesserat, neque alios talibus præbuisse consensum. Hic Concilium, hic Damasus non dicit, Ariminense Concilium errasse, quod jura Sedis Apostolicæ violaverit, Ad quam duntaxat pertinet  
 50 controversias fidei universalis Ecclesie definire. Id neque Concilium, neque Damasus dicit: Dicendum tamen erat, si vera esset Inquisitorum assertio; sed quoniam falsissima est, dictum minime fuit.

Concilium Italiæ in epistola v. ad Theodosium Imperatorem, quæ sic inscribitur: Beatissimo Imperatori & clementissimo Principi Theodosio Ambrosius & ceteri Episcopi Italia, petit, ut Nestarius Constantinopoli post Maximum ordinatus loco cedat, aut Romæ super utriusque ordinatione Concilium habeatur: Quia revera, inquit, advertebamus Gregorium nequaquam secundum traditionem Patrum Constantinopolitanæ Ecclesie sibi Sacerdotium vindicare: Nos igitur in Synodo ea, quæ totius orbis Episcopis videbatur esse præscripta, nihil temere statuendum esse censuimus. Adeo ipso tempore, qui generale Concilium declinaverunt, Constantinopolique gessisse dicuntur. Nam cum cognovissent ad hoc partium venisse Maximum, ut causam in Synodo ageret suam, quod etiam si iudicium Concilium non fuisset, jure & more majorum, sicut & sancta memoria Athanasius, & dum Petrus Alexandrina Ecclesie Episcopi & Orientalium plerique fecerunt, ut ad Ecclesiam Romanam, Italiam, & totius Occidentis confugisse iudicium videremur: Cum eum sicut diximus, experiri velle adversum eos, qui Episcopatum ejus abnuent, comperissent, præstolari uique etiam nostram super eo sententiam debuerunt: Non prærogativam vindicamus examinis, sed consortium tamen debuit esse communis arbitrii. Postremo prius constare oportuit, utrum huic abrogandum, quam alii conferendum Sacerdotium videretur. Ab his præsertim à quibus se Maximus vel desitium vel appetitum injuria querebatur. Itaque cum Maximum Episcopum receperunt in communionem nostra consortia, quoniam eum à Catholicis constitit Episcopis ordinatum, ne ab Episcopatu Constantinopolitani putavimus petitione removendum. Cujus allegationem presentibus partibus astimavimus esse pendendam. Nestarium autem cum nuper nostra mediocritas Constantinopoli cognoverit ordinatum, coherere communionem nostram cum Orientalibus partibus non vi-

demus, præsertim cum ab iisdem Nestarius dicitur illico sine communionis consortio destitutus, à quibus fuerat ordinatus. Non mediocris igitur hic scrupulus. Nec quædam nos angit de domestico studio & ambitione contentio, sed communio soluta & dissociata pertinebat. Nec videmus eam posse aliter convenire, nisi aut is reddatur Constantinopoli, qui prior est ordinatus, aut certe super duorum ordinatione sit in urbe Roma nostrum Orientaliumque Concilium. Neque enim indignum videtur, Auguste, ut Romana Ecclesia antistitis, finitimorumque & Italicorum Episcoporum debeant subire tractatum, qui anius Acholii Episcopi ita expectandum esse putaverunt, iudicium, ut de Occidentalibus partibus Constantinopolim evocandum putarent. Siquid uni huic reservatum est, quanto magis pluribus reservandum est? Nos autem à beatissimo Principe fratre tue pietatis admoniti, ut tue clementie scriberemus Imperio, postulamus, ut ubi una communio est, commune velit esse iudicium, concordantemque consensum. Quot periodi, tot fulmina, quibus Inquisitorum, id est, Novatorum assertio percellitur.

Concilium non dicit: Ad hoc partium non venit Maximus, ut causam in Sede Apostolica duntaxat ageret suam. Sed Concilium dicit ut causam in Synodo ageret suam. At Synodus est plurium Episcoporum.

Concilium non dicit: Athanasius & Petrus Alexandrina Ecclesie Episcopi ad Romanam Ecclesiam duntaxat iudicium confugerunt, ut ad mentem Inquisitorum dicere debuit: Sed Concilium dicit: Athanasius & Petrus Alexandrina Ecclesie Episcopi ad Ecclesiam Romanam, Italiam & totius Occidentis confugerunt iudicium.

Concilium non dicit: Prærogativam examinis apud Sedem Apostolicam duntaxat vindicamus: Sed Concilium dicit: Non prærogativam vindicamus examinis.

Concilium non dicit: Apud Sedem Apostolicam duntaxat arbitrium esse debuit: Sed Concilium dicit, consortium debuit esse communis arbitrii.

Concilium non dicit: Prius constare apud Sedem Apostolicam duntaxat oportuit, utrum huic (Maximo) quam alii (Nestario) conferendum Sacerdotium videretur: Sed Concilium dicit: Prius constare oportuit, utrum huic, quam alii conferendum Sacerdotium videretur. Ab his præsertim, à quibus se Maximus vel desitium vel appetitum injuria querebatur.

Concilium non dicit: Super duorum ordinatione apud Sedem Apostolicam duntaxat iudicium esse debet: Sed Concilium dicit: Super duorum ordinatione sit in urbe Roma nostrum (Occidentalium) Orientaliumque Concilium.

Concilium non dicit: Non indignum videtur ut Romana Ecclesia antistitis debeant subire tractatum: Sed Concilium dicit: Non indignum videtur, ut Romana Ecclesie antistitis, finitimorumque & Italicorum Episcoporum debeant subire tractatum.

Concilium non dicit: Postulamus ut apud Sedem Apostolicam duntaxat, iudicium sit: Sed Concilium dicit: Postulamus, ut ubi una communio est, commune velit esse iudicium.

In summa, Inquisitores & Concilium ita pugnant inter se, ut simul stare nequeant. Inquisitorum sine dubio cadet assertio, & Concilium stabit firmissimè. Extinguetur Inquisitorum novitas, & doctrinæ Concilii antiquitas durabit ad longum tempus, & efflorescet in dies.

Constantinopolitanum Concilium I. occurrit, quod Gregorius Papa I. ut Evangelium reveretur. Sed illud tollendum est à Conciliorum numero, si admittatur Inquisitorum assertio. Quod breviter ac dilucidè expono. Annus volebatur trecentessimus octogesimus, cum Synodus Constantinopoli coacta est, maximè, ut dirimeret controversiam, quæ erat inter Gregorium à Nazianzena Ecclesia ad Constantinopolitanam translatum, & Maximum creatum ejusdem Constantinopolitanæ Ecclesie præfulem. Meletius Antiochenus Episcopus Gregorii translationem confirmaverat, & Timotheus Alexandrinus Maximum ordinaverat. Gregorius translationi renun-

renuntiavit, & Synodus Maximum amovit, & in illius locum Nectarium suffecit. Maximum interea confugit ad Occidentales, qui eum suam in communionem acceperant. Tum, ut ait Theodoretus in lib. v. hist. capite VIII. Canonibus ad rectam Ecclesie administrationem editis Nicæque exposita fide palam confirmata in suam quisque patriam reuersi sunt.

34 Sequenti ætate cum ad eandem urbem Ecclesiasticis iterum negotiis evocati plurimi redissent, Synodicam ab Occidentalibus Episcopis Epistolam acceperunt, qua invitabantur, ut Romam ad Synodum, qua ibi maxima cogebatur, se conferrent. Verum hi longinquam quidem profectio- nem velut inutilem futuram deprecari sunt. Epistolam autem miserunt, in qua procellam contra Ecclesias excita- tam significantes, illorum hac in re negligentiam denota- bant, Apostolica quoque doctrina summam iisdem literis indiderunt. Sed scribentium virtutem ac sapientiam litera ipsa apertius declarabunt, Cap. 1x.

#### Epistola Synodica Concilii Constantinopolitani.

Dominiis honoratissimis & reverendissimis fratribus & collegis, Damasus, Ambrosio, Brittoni, Valeriano, Ascho- lio, Basilio, & reliquis sanctis Episcopis in magna urbe Roma congregatis, sancta Synodus orthodoxorum Episco- porum, qui in magna urbe Constantinopoli convenerunt, in Domino salutem. Deinde circa mediam Epistolam: Nos sive persecutiones, sive cruciatus, imperatorias minas, sive crudelitatem iudicum, sive aliam quamcumque ten- tationem pertulimus, pro Evangelica fide à trecentis de- cem & octo Patribus apud Nicæam Bithynia confirmata sustinimus: Hanc utique & vobis & nobis & omnibus, qui vera fidei verbum non pervertunt, probari convenit, ut que antiquissima sit, & baptismati consentanea, docens nos credere, in nomine Patris & Filii & Spiritus Sancti. Ita nimirum ut una credatur Divinitas & potentia & substantia Patris & Filii, & Spiritus Sancti, equalis- que dignitas, & imperium coeternum in tribus perfectis hypostasibus, sive in tribus perfectis personis, ut neque Sabellii pestis locum inveniat, qua hypostasies confundan- tur, tollanturque proprietates, neque Eunomianorum, Ari- anorumque & eorum, qui Spiritum Sanctum oppugnant, vires habeat blasphemia, que substantiam seu naturam & divinitatem discindit, atque increata & consubstantiali & coeterna Trinitati posteriore quamdam aut creatam, aut diverse substantia naturam inducit. Incarnationis quoque doctrinam incorruptam servamus, neque anima neque mentis expertem, aut imperfectam carnis dispen- sationem suscipientes, sed totum scientes perfectum ante secula Dei verbum, perfectum in novissimis diebus salu- tis nostra gratia hominem factum. Qua igitur ad fidem attinent, quam aperte predicamus, in summa sunt huius- modi: De quibus amplius animis vestris satisfacere po- teritis, si totum Synodi Antiochena, & cum qui superiore anno Constantinopoli à Synodo universali est editus, in- spicere dignamini, ubi & fidei confessionem uberius ex- posuimus, & in recens adinventas hæreses anathematis sententiam perscripsimus. Hæc omnia, in quibus infcio Rom. Pontifice & damnantur hæreses & fidei sym- bolum editur, Inquisitores nostri penitus ignorant, cum aiunt: Ad Sedem Apostolicam duntaxat pertinet, controversias fidei & morum universalis Ecclesie defi- nire. Et nisi fateantur omnia hæc ignorare se pe- nitus, ab intolendo errore nunquam eximentur, si tamen eximi possint. Crassa & pinguis est igno- rantia, quæ in ipsis pueris non verbis tantum, sed etiam verberibus castigaretur. Hoc unum metuendum 35 est, ne quæ ex Synodica Constantinopolitani Concilii Epistola retulimus, fabulosis narrationibus adscribant, quo minus videantur ignorare, quod ignorant. At si audent illa fabulosis narrationibus adscribere, conti- nuo damnabuntur ab Ephesina Synodo, quæ Constan- tinopolitani Concilii symbolum refert & confirmat. Damnabuntur à Calchedonenfi Synodo, quæ & idem exequitur.

Lateranense Concilium I. quod Martinus Papa pri- mus contra Monothelitas habuit, sic per os Pontificis Inquisitorum assertionem refellit, in Secretario 1. Pertimescens imminentem iram super eos, qui negligenter opus Dei faciunt, necessarium fore providi, omnes vos, qui secundum gratiam ejus Sacerdotale officium geritis, invi- tare, & propter hanc questionem in nomine Domini con- gregare in unum, quatenus communiter omnes, ipso utique Deo respiciente & iudicante nos ipsos, sed & nostra om- nia de predictis viris, sine novitate in dogmatibus eorum exposita tractare debeamus, & maxime præceptum habentes Apostolicum, attendere nos ipsos & gregi, in quo Spi- ritus Sanctus posuit Episcopos regere Dei Ecclesiam, quam acquisivit per sanguinem proprium. Concilium ut de Martino, ita & de cæteris Episcopis loquitur: Qui- bus omnibus ex Apostolo incumbit de rebus tractare, quæ ad fidem universalis Ecclesie pertinent. Hoc autem ita constituto perspicue sequitur, Inquisitores errare gravissime, cum asserunt, Ad Sedem Apostolicam duntaxat pertinere controversias fidei, & morum univer- salis Ecclesie definire. Quis enim diceret Concilium ex eo falli, quod iura Sedis Apostolicæ ignoret? Quis proferret Inquisitores anno MDCLIX. ea Sedis Aposto- licæ iura novisse, quæ anno DCXLIX. Lateranense Concilium latuerint?

Lateranense Concilium II. quod concessum à Pascali 57 II. Henrico Regi privilegium rescidit, non minus pro- fligat Inquisitorum assertionem: Porro scriptum illud (de investituris) quod magnis necessitatibus coactus, non pro vita mea, non pro salute aut gloria, sed pro solis Ec- clesie necessitatibus, sine fratrum concilio, aut subscrip- tionibus feci, super quo nulla conditione, nulla promissione constringimur, sicut præve factum cognosco, ita præve factum confiteor, & omnino corrigi Deo præstante desideo. Cuius correctionis modum fratrum, qui convenerunt, con- cilio, iudicioque constiuo, ne forte per hoc impostum detrimentum aliquod Ecclesie, aut anima mea præiudicium relinquatur. Et post editam à Pascali professionem fidei quam præscripsit Concilium, subiicitur: Privile- gium illud, quod non est privilegium (neque enim dici debet privilegium, sed præiudicium) pro libertate capti- vorum & Ecclesie à Domino Papa Pascali per violentiam Henrici Regis extortum, nos omnes in sancto Con- cilio cum eodem Domino Papa congregati, canonica censura, & Ecclesiastica auctoritate, iudicio Sancti Spiritus dam- namus, & irritum esse iudicamus, atque omnino cassamus. Pascalis sese Concilii iudicio subijcit, tantum abest, ut conqueratur de Concilio, quod in jus Sedis A- postolicæ involarit. Concilium profitetur damnare se iudicio Spiritus Sancti privilegium, quod damnat, ut damnandi potestatem, quam in concessum à Pon- tifice privilegium exercet, à Deo derivari, non ab ipso Pontifice demonstret.

Nunc prodeat Florentinæ Synodi circa dignitatem Papæ decretum, quod post habitas ultro citroque con- certationes editum est: Item definimus sanctam Apostoli- cam, & Romanum Pontificem in universum orbem tenere primatum, & ipsum Romanum Pontificem suocessorem esse beati Petri, & verum Christi Vicarium, totiusque Ec- clesie caput, & omnium Christianorum patrem ac docto- rem existere, & ipsi in beato Petro pascendi, regendi, ac gubernandi universalem Ecclesiam à Domino nostro Jesu Christo plenam potestatem traditam esse, QUEMAD- MODUM ET IN GESTIS OECUMENICORUM CON- CILIORUM, ET IN SACRIS CANONIBUS CONTINETUR. Sic refert Flavius Blondus Eugenii Papæ IV. scriba, & eam ob causam vir minime suspectus, cui Græcus textus consentit. 38 *καὶ ὁ Ἐπὶ καὶ ἐν τοῖς οὐρανῶν καὶ ἐν τῇ γῇ πάντες οἱ πιστοὶ καὶ οἱ ἁγιοὶ συντάξουσιν, καὶ ἐν τοῖς ἱεροῖς καὶ ἐν τοῖς ἐκκλησιαστικῶν συντάξουσιν, καὶ ἐν τοῖς ἱεροῖς καὶ ἐν τοῖς ἐκκλησιαστικῶν συντάξουσιν.* Juxta enim modum, qui & in gestis Oe- cumenicorum Conciliorum, & in sacris Canonibus conti- netur. Sic igitur exercenda est Romani antistitis po- testas, quemadmodum & in gestis Oecumenicorum Conciliorum & in sacris canonibus continetur. Ad præ-



præscriptos limites hujusmodi si vocetur Inquisitorum assertio, ut vocari necessario debet, penitus conclamata est. Nam in sacris canonibus & in gestis Oecumenicorum Conciliorum, ad quæ potissime respectum habet Synodus, Inquisitorum assertionis nec vola nec vestigium. Quibus quæso in canonibus, quibus in actis Oecumenicorum Conciliorum legitur assertio hæc, *Ad Sedem Apostolicam duntaxat pertinet, controversias fidei, & morum universalis Ecclesia definire?*

Accedant Legati, quos Sedes Apostolica ad Tridentinum Concilium misit. Proponant nobis rationem cujus ope intercesserunt, ne in actis Concilii adhiberetur formula hæc: *Concilium, vel Synodus universalem representans Ecclesiam.* Apud utrumque Concilii Historicum, Formulam hanc nec in Conciliis, nec in canonibus antiquis reperiri proponunt. In hac ratione perstiterunt firmiter, etiam si præfules quidam exigerent, ut adhiberetur formula, quam Concilia quatuor, Pisenum, Constantiense, Senense, & Basiliense, & Pontifices numero tres Martinus V. Eugenius IV. & Leo X. auctoritate & usu suo consecraverant. Ut interim missum faciam Tertullianum scriptorem antiquissimum, qui in libri de Jejunii capite XIII. scribit in Conciliis totius Christiani hominis representationem celebrari: *Aguntur, inquit, per Graciam illa certis in locis Concilia ex universis Ecclesiis, per quæ & altiora quæque in commune tractantur, & ipsa representatio totius nominis Christiani magna veneratione celebratur, & hoc quam dignum fidei auspiciante congregari undique ad Christum.* In summa Legati vicerunt. Sic parata nobis est contra Inquisitores victoria, si pugnemus nec in Conciliis, nec in canonibus antiquis reperiri, quod ad Sedem Apostolicam duntaxat pertineat, controversias fidei & morum universalis Ecclesia definire.

Accedat denique fidei professio, quam Pius IV. ad Tridentini Concilii mentem edi curavit. Inquisitores in assertione sua neglexerunt professionis illius articulum hunc: *Item sacram Scripturam juxta eum sensum, quem tenuit & tenet sancta mater Ecclesia, cujus est judicare de vero sensu & interpretatione sacrarum Scripturarum, admitto, nec eam unquam nisi juxta unanimum consensum Patrum accipiam & interpretabor.*

60 Neglexerunt, inquam, quia in Scripturæ totius contextu locus nullus est, cui juxta unanimum consensum Patrum intellecto quod Inquisitores sibi tam confidenter vindicant, innitatur. Ad hanc regulam si expendatur Inquisitorum assertio, ut expendi debet, longè latèque propulsabitur, & de perniciofa novitate damnabitur.

Hæc est ratio tertia, quam ex conciliis comparaturum me esse promiseram. Verum, quia ut sine amatore fœditas est nulla, sic & sine patrono nulla est fatuitas, Inquisitores facti sui patronum habent Joannem Montesonum, qui ad annum MCCCXXXVII. vixit, & Theologicis studiis operam dedit Lutetiæ. Hic in actu Vesperiarum, ut vocamus, certas quasdam de beatæ Virginis Conceptione theses posuit, quas ab eâ sacra Facultas revocari voluit. Sed ille revocare noluit, Romanum appellavit Pontificem, qui tunc Avenione sedebat, & à Gallis ut legitimus Petri successor agnoscebatur Clemens VII. Montesonus causabatur judicari se nec à sacra Facultate, nec à Parisiensi Episcopo, qui judicio intervenerat, potuisse; id ad Sedem Apostolicam duntaxat pertinere. Sic in appellationis instrumento fuisse colligitur ex conjectura causæ seu tractatu, quem adversus Montesonum, Petrus Alliacus tunc Navarrici Collegii Magister, Theologicæ Facultatis nomine composuit. Quo in tractatu de illa appellationis causa censet hoc modo.

Tertiò dicendum est, quod illud quod dictus frater ad suæ appellationis fundamentum principaliter assumit, scilicet, quod solius Sedis Apostolicæ est declarare, damnare, & reprobare: Et iterum, quod eorum, quæ tangunt fidem ad solum Summum Pontificem pertinet examinatio &

decisio, Hoc, inquam, continet manifestam hæresim, & 61 est dictum sibi ipsi repugnans, & contrarium, ideo & propter hoc solum, si nihil aliud erroneum dixisset, Romana Ecclesia ipsum deberet cogere ad revocandum.

#### PRIMA RATIO.

Et istud declaratur 1. supponendo, quid sit Sedes Apostolica: Nam ipsa, vel est universalis Ecclesia, vel aliquod generale Collegium universalem Ecclesiam representans, vel particularis Ecclesia Romana, in qua scilicet Ecclesia sedet, id est, cui præsidet Summus pontifex. Et ideo ipse & Sedes Apostolica non sunt idem, sicut non sunt idem Sedes & Sedens.

Ex quibus clarè patet, si ad solam Sedem Apostolicam pertinet circa fidem declarare vel reprobare, quod ad solum Summum Pontificem pertinet eorum, quæ sunt fidei, examinatio & decisio, hoc ad solam Sedem Apostolicam non pertinet. Quod in illo dicto est manifesta repugnantia.

#### SECUNDA RATIO.

Item hoc tertium dictum manifestè repugnat primo dicto, ubi asserit, quod Stephanus Episcopus Parisiensis & Facultas Theologia approbaverunt doctrinam sancti Thomæ.

Ex quo sequitur, quod nec ad solam Sedem Apostolicam, nec ad solum Summum Pontificem pertinet eorum, quæ sunt fidei declaratio, decisio, vel approbatio.

#### TERTIA RATIO.

Item secunda pars illius dicti, scilicet, quod ad solum Summum Pontificem pertinet eorum, quæ tangunt fidem, examinatio & decisio, continet manifestam hæresim, imò multas hæreses.

#### PRIMA HÆRESIS.

Primò, quia per illam exclusionem excluditur universalis Ecclesia & generale Concilium eam representans. Quod est hæreticum, quia in causis fidei à Summo Pontifice appellari potest ad Concilium. Sicut patet 19. dist. Cap. Anastasius, & manifestum est, quod ad ipsum pertinet Concilium in causis fidei definire. Sicut patet ex auctoritate Gregorii 15. dist. capitulo sicut.

#### SECUNDA HÆRESIS.

Secundò per illud excluditur Sedes Apostolica, ut dictum est, quod est contra ipsum, & est manifestè hæreticum.

#### TERTIA HÆRESIS.

Tertiò excluduntur Episcopi Catholici ab omnimoda cognitione, examinatione, & decisione eorum, quæ sunt fidei. Quod est contra jus tam divinum, quam humanum, sicut clarè patet ex secunda conclusione. Quæ sub initium tractatus sic se habet: *Ad Episcopos Catholicos (secundum à Concilio) pertinet auctoritate inferiori & subordinata circa ea, quæ sunt fidei, judicialiter definire.* Et hoc probatur: Quia ad eos pertinet auctoritate judiciali inferiori & subordinata in fide definire, ad quos pertinet consimili auctoritate Ecclesiam regere. Sed ad Episcopos Catholicos pertinet secundum. Ergo & primum. Major patet, quia Ecclesia regimen maxime concernit fidem: Et ideo cui jure divino committitur Ecclesiam regere, ei eodem jure committitur de fide cognoscere & judicare: Sed minor probatur auctoritate Pauli Actorum 20. cap. ubi dicit, *Attendite vobis & universo gregi, in quo vos Spiritus Sanctus posuit Episcopos regere Ecclesiam Dei.* Unde patet, quod jure divino & auctoritate Spiritus Sancti Episcopi positi sunt ad regimen Ecclesie Dei. Regimen autem importat judicialem auctoritatem: Ergo sequitur, quod ad eos pertinet auctoritate judiciali inferiori & subordinata, id est, suprema auctoritatis subiecta Ecclesiam regere, & per consequens de fide cognoscere, & in ea judicare. Unde quod de tali regimine ad fidem pertinente loquatur Apostolus, ex hoc patet, quod ibi hortatur Episcopos adversus hæreticorum fidem subvertendum

tium nequitiam vigilare. Nam immediate sequitur: Ego scio, quoniam intrabunt post discessionem meam lupi rapaces in vos, & exurgent viri loquentes perversa, ut abducant discipulos post se, propter quod vigilare. Et ideo exemplo Pauli Summus Pontifex & Concilium generale sub gravium comminatione pœnarum ad vigilem heretica pravitatis expurgationem alios hortantur Episcopos. Unde extra de hereticis, cap. Excommunicamus, in fine sic concluditur: Si quis enim Episcopus super expurgando de sua diœcesi heretica pravitatis fermento negligens fuerit, vel remissus, ab Episcopali officio deponatur, & in locum illius alter substituantur idoneus, qui velit & possit hereticam confundere pravitatem. Et paullo post:

Ex quibus omnibus satis patet, quod tam jure divino, quam humano ad Episcopos pertinet hereticos & hereticam pravitatem judicare, & per consequens assertiones hereticas condemnare judicialiter, & auctoritate judiciaria veritates Catholicas definire. Ex Manuscripto Cod. Navarrici Collegii in Parisiensi Academia.

64 Hæc est hæreseos nota, quam nostra Theologiæ Facultas annis abhinc ducentis septuaginta & octo Inquisitorum assertioni per antecessum inussit, & justè inustam esse nostræ rationes tres perspicuè confirmant. Sed quod observatu dignum est, Facultas communem Montesono & nostris Inquisitoribus assertionem multò antè damnavit, quàm Romanæ Inquisitionis congregatio institueretur. Quocirca Inquisitores, qui anno MDCLIX. sibi sumplerunt, ad Sedem Apostolicam duntaxat pertinere, controversias fidei & morum universalis Ecclesiæ definire, confixum olim errorem revocant & instaurant. Nec mirum deinceps esse debet, quod errore tali imbuti homines in Indicem suum aliquando relegent Catholicorum Scriptorum Commentarios, quibus fundatissima Conciliorum auctoritas commendatur, sacra Episcoporum potestas asseritur, & Sedis Apostolicæ traditio explicatur. Veritas hæc probationem aliunde non querit. Nam rerum momenta illa gravissima, quæ jamjam notavimus, in una Inquisitorum assertione cum profligantur, profligari quoque ab istis hominibus necesse est libros, quibus comprehenduntur. Exinde factum est, ut à piis eruditisque viris credatur, damnationem librorum istiusmodi non transire Tyberim, nec aliis præterquam Bibliopolis, qui forsan libros vendunt cariùs, utilem esse; quod illa damnatio manifestum sit veteris & sanæ doctrinæ indicium.

65 Sed orandus est Deus Optimus Maximus, ut Inquisitores Hierosolymitanum Concilium cui beatus Petrus præfuit, & Synodum V. in quam tot & tanti Pontifices jurarunt, non aspernentur amplius; ut expositam per Romanos Pontifices viginti octo Cornelium, Julium I. Liberium, Damasum, Siricium, Innocentium I. Leonem I. Vigilium, Gregorium I. Martinum I. Nicolaum I. Joannem VIII. Gregorium VII.

Urbanum II. Gelasium II. Innocentium II. Eugenium III. Alexandrum III. Innocentium III. Gregorium X. Clementem V. Martinum V. Eugenium IV. Iulium II. Hadrianum VI. Clementem VII. Paulum III. & Pium IV. Sedis Apostolicæ traditionem venerentur deinceps & colant; ut Conciliorum auctoritatem tanti pendant impostero, quanti Pontifices, qui Concilia commendarunt, approbarunt & confirmarunt. Verùm ante omnia ob oculos sibi semper constituent

Gregorium I. qui in libri II. Indict. XI. epistola XXIX. ad Presbyteros & Diaconos Mediolanensis Ecclesiæ de Petri cathedra scribit: Sicut ab aliis nostra exigimus, ita singulis sua jura servamus.

Gregorium VII. qui in libri I. epistola XXIV. ad Brunonem Veronensem Episcopum de eadem Petri cathedra loquitur cum ait: Sicut Romana Ecclesia debitum honorem impendit à cæteris Ecclesiis, ita unicuique Ecclesiæ proprium jus servare desideramus.

Innocentium III. qui in libri I. epistola ad Rectores Thuscæ de eadem Petri cathedra pronuntiat: Sicut jura nostra nobis volumus servari, sic aliorum jura volumus illibata servari. Ad hæc autem Inquisitores si tantisper attendant, non dubito quin errorem corrigant suum, nisi quod absit, eos teneat inemendabilis pravitas. Non tenebit unquam, si Sedem imitari velint Apostolicam, de cujus more laudabili beatus Bernardus, in epistola CLXXX. sic scribit ad Innocentium II. Hoc solet habere præcipuum Apostolica Sedes, ut non pigeat revocare, quod à se forte deprehenderit fraude elicitum, non veritate promeritum. 66 Res plena aequitate, & laude digna, ut de mendacio nemo lucretur, præsertim apud sanctam & summam Sedem. Sed vix spero Censores illos Sedem Apostolicam imituros esse, qui Sedis Apostolicæ traditiones minimè curant. Has Inquisitione in Præmonstratensis Ordinis privilegia, & Censurâ Responsonis Caillois per ipsiusmet Sedis Præsules exposui, & pene statim atque viderunt expositas, indice prohibitorio confixerunt. Sed vulnera infligunt nulla, vel si qua infligunt, hæc adversa sunt Romano in pectore, quale nostrum est, vulnera, quæ hominem adornant, non dedecorant. Augent id genus noxæ, cum spernunt & pro nihilo putant beati Petri præceptum, quo unusquisque jubetur paratus semper esse ad satisfactionem omni poscenti rationem. Exemplum pessimum detestemur, beatum Petrum colamus ex animo, & præceptum illius diligenter observemus, rejecta consuetudine prava, quam illi prætexunt, & rationis instar obtendunt, digni sua culpa facti, qui contemnuntur, cum beatum Petrum primum Christianorum urbis antistitem, & illius præceptum contemnunt. Vale. Lutetiæ Parisiorum Calend. Novemb. ann. MDCLXV.



# Joannes Launoius

## JOANNI BAPTISTÆ

Franckevillæ, Lovanienſi Theologo.

**F**UERUNT nuper, qui in graviffimorum virorum confefſu dixerint, Lovanienſem Academiam circa ea, quæ & ad Conciliorum auctoritatem ſupra Romanum Pontificem, & ad non errandi privilegium illi noviter attributum pertinent, ſeorſum à Pariſienſi Academia ſentire. His pro eo ac decuit, reſtituisti vehementiſſimè, & ſimul affirmasti, homines eſſe rerum novarum cupidos, qui rumorem hunc ſparſerant. Tunc adjeci contingere vix poſſe, ut Academia majorum doctrina & virtute tam celebris, nunc dierum adulatricis Curia placita velit amplecti, & Eccleſiaſticis dogmatibus, quæ ab initio tradidit, nuncium remittat. Et ſanè capita mihi ſuppetunt duo, quibus ut ſplendide, ſic & abundè confirmem, Lovanienſem Academiam in ortu & progreſſu ſuo id de Conciliorum auctoritate ſupra Romanum Pontificem, & de non errandi privilegio illi recens attributo id ſenſiſſe, quod Pariſienſis nunc ſentit & olim ſentiebat Academia. Non te morabor diutiùs: Caput primum conſiſtit in tempore, quo Lovanienſis Academia fundata eſt: Scilicet cùm una Catholicos omnes occupabat ſententia, poſt Conſtantiènſe & Senenſe Concilium, & priuſquam Baſileenſe celebraretur. Certa eſt epocha hæc, tametiſi de anno, quo Academia jacta ſunt fundamenta, Jacobus Middendorpius & Gilbertus Genebrardus, inter ſe non conveniant. Diſſidium hoc, ſi noſtrum ad inſtitutum referatur, ponderis eſt nullius. Sit Lovanienſis Academia conſtituta anno uno vel altero citiùs aut tardiùs; id in re qua de agitur, mutationem nullam importat. Romanus Pontifex Martinus V. qui tum claruit, Concilio ſe ſimpliciter inferiore ſemel, iterum, & tertio declarat, approbando Conſtantiènſis Concilii decreta, quæ ſequuntur, & primum quidem in ſeſſione III.

*Quòd ipſum Concilium non transferatur ad aliud locum niſi ex cauſa rationabili, & de conſilio hujus Concilii deliberanda & concludenda.*

Deinde in ſeſſione IV. *In nomine Sanctæ & indi-  
viduæ Trinitatis, Patris, & Filii, & Spiritus Sancti, Amen.*  
Hac ſancta Synodus Conſtantiènſis generale Concilium faciens pro extirpatione præſentis ſchiſmatis, & uni-  
one ac reformatione Eccleſie Dei, in capite & in membris fienda, ad  
laudem omnipotentis Dei in Spiritu Sancto legitime congregata, ad conſequendam faciliùs, ſecuriùs, liberiùs, & uberiùs  
unionem & reformationem Eccleſie Dei ordinat, diſponit, ſtatuit,  
decernit, & declarat, ut ſequitur: Et primo quòd ipſa  
Synodus in Spiritu Sancto congregata legitime generale  
Concilium faciens, Eccleſiam Catholicam militanter repræſentans, poteſtatem à Chriſto immediate habet, cui quilibet  
cujuſcunque ſtatus vel dignitatis etiamſi Papalis exiſtat,  
obedire tenetur in his, quæ pèrtinent ad fidem & extirpationem dicti ſchiſmatis, & generalem reformationem Eccleſie Dei in capite & in membris.

Denique in ſeſſione XXIX. *Frequens generalium Conciliorum celebratio agri Domini cultura eſt præcipua, quæ  
væpres, ſpinas, & tribulos hæreſum, errorum, & ſchiſmatum extirpat, exceſſus corrigit, deformata reformat, & vineam Domini ad frugem uberrime fertilitatis adducit. Illorum verò*

*neglectus præmiſſa diſſeminat atque fovet, hæc præteritorum  
temporum recordatio, & præſentium conſideratio ante oculos  
noſtros ponunt. Ea propter hoc edicto perpetuo ſancimus,  
decernimus, & ordinamus, ut amodò Concilia generalia  
celebrentur, ita quòd primum à fine hujus Concilii in quin-  
quennium immediate ſequens, ſecundum verò à fine illius  
immediate ſequentis Concilii in ſeptennium, & deinceps de  
decennio in decennium perpetuò celebrentur in locis, quæ  
ſummus Pontifex per menſem ante finem cujuſlibet Concilii  
approbante & conſentiente Concilio, vel in ejus deſectum,  
ipſum Concilium deputare & assignare teneatur, ne ſic per  
quandam continuationem ſemper aut Concilium vigeat, aut  
per termini pendentiam expectetur, quem terminum liceat  
Summo Pontifici de fratrum ſuorum Sanctæ Romanæ Eccleſie  
Cardinalium conſilio ob emergenti fortè caſui abbreviare,  
ſed nullatenus prorogetur. Locum autem pro celebrando  
Concilio futuro deputatum abſque evidenti neceſſitate non mutet.  
Sed ſi fortè caſus aliquis occurreret, quo neceſſarium videretur,  
ipſum locum mutari, puta obſidionis, guerrarum, peſtis, aut  
ſimilis, tunc liceat Summo Pontifici de prædictorum fratrum  
ſuorum, aut duarum partium ipſorum conſenſu atque ſubſcriptione,  
aliud locum priùs deputato loco viciniorem & aptum,  
ſub eadem tamen natione ſurrogare, niſi idem vel ſimile impedimentum  
per totam illam nationem vigeret, tunc ad aliquem alium  
viciniorem locum alterius nationis aptum, hujusmodi Concilium  
poterit convocari, ad quem Prælati & alii, qui ad hoc  
Concilium ſolent convocari, accedere teneantur, ac ſi à principio  
locus ille fuiſſet deputatus: Quam tamen loci mutationem,  
vel termini abbreviationem per annum ante præfixum  
terminum teneantur Summus Pontifex legitime & ſolemniter  
publicare & intimare, ut ad ipſum Concilium celebrandum  
prædicto poſſint ſtatuto termino con venire.*

Atqui hæc ſunt, quæ Martinus V. ſemel, iterum, & tertio probavit. Semel quidem, cùm in ſeſſione XLIV. ut morem Concilio gereret & inferiore ſe proderet, futurum ſic indicit Concilium. *Martinus Episcopus servus servorum Dei ad futuram rei memoriam.*  
CUPIENTES AC VOLENTES DECRETO HUIUS GENERALIS CONCILII SATISFACERE, INTER ALIA DISPONENTI, quòd omnimodò generalia Concilia celebrentur in loco, quem Summus Pontifex per menſem ante finem hujus Concilii approbante & conſentiente Concilio, deputare & designare teneatur pro loco dicti proximè futuri Concilii celebrandi ſupradicti, eodem conſentiente & approbante Concilio, civitatem Papienſem tenore præſentium deputamus & etiam assignamus, ſtatuentes & etiam decernentes, quòd Prælati & etiam alii, qui ad generale Concilium debent convocari tempore prædicto civitatem ipſam Papienſem accedere teneantur. Nulli ergo omnino hominum liceat hanc paginam noſtræ deputationis & etiam assignationis, decreti & conſtitutionis infringere, vel ei auſu temerario contrariare. Si quis autem hoc attentare præſumpſerit, indignationem omnipotentis Dei & beatorum Petri & Pauli Apoſtolorum ejus ſe noverit incurſurum. Datum & actum Conſtantia in loco ſeſſionis publicæ XIII. Calend. Maii, Pontificatus noſtri

nostri anno 1. Quo decreto lecto, dominus Episcopus Ostiensis Cardinalis Vivariensis nomine totius Synodi respondit: Placet. Consequenter dominus Ardecinus de Novaria ex parte Serenissimi Principis Sigismundi Romanorum Regis ibidem presentis, & ejus nomine idem decretum approbavit & laudavit: & subsequenter dominus Augustinus de Lance de Pisis legum Doctor, sacri Consistorii Advocatus, nomine Domini nostri Papa dictum locum, sive civitatem Papiensem approbavit, laudavit, & ad Concilium hujusmodi celebrandum habilem esse dixit. Et primò quidem cum Martinus affirmat cupere & velle se decreto generalis Concilii satisfacere, Concilium supra se agnoscit, ut quicumque alius Episcopus agnosceret, cum profiteretur cupere ac velle se decreto generalis Concilii satisfacere. Quis quæso reciperet, subjectum non esse Concilio eum Episcopum, qui enunciaret, quod Martinus enunciat? Cupientes ac volentes decreto hujus Concilii generalis satisfacere inierat alia disponenti, quòd omnimodò generalia Concilia celebrantur in loco, quem talis Episcopus per mensem ante finem Concilii designabit.

Deinde Martini V. id est, Romani Pontificis subjectio approbante & consentiente Martino apertam in lucem editur in his verbis: Quo decreto lecto dominus Episcopus Ostiensis Cardinalis Vivariensis nomine totius Synodi respondit, Placet.

6 Denique Martinus Concilii hujus indictione, quæ Thomas Cajetanus & Robertus Bellarminus & alii adulatricis Curia servi temerè & speculatione cæca disputant, refellit. Nam ut relatorum Constantiensis Concilii decretorum vim subterfugiant, decreta hæc non ultra tempus, quo plures simul & semel sunt Romani Pontifices extendunt, atque intra schismatis hujusmodi terminos defigunt immobiliter. Sed ridendi sunt penitus & explodendi. Quo anno Papiense Concilium Martinus indixit, sublatum erat schisma, unus certus atque indubitatus erat Pontifex, & ad quem annum Papiense indixit Concilium, futurum non erat schisma, nisi velint illud infaustis avibus ominari. Sed ominentur si velint, Martinus refragabitur, cum ipse solus anno MCCCCXIII. bis testatur universale Concilium indixisse se Papiæ, ut Constantiensis Concilii decretum exequeretur.

Et primùm quidem in Epistola ad Othonem Trevirensis Archiepiscopum: Martinus, &c. Quod fieri potest spectaculum gloriosius super terra, magisque dignum Deo, quàm si in una mundi parte armati fideles contra hæreticos dimicare pro fide Catholica, in altera miserrati Patres Ecclesiastici pro reformatione Ecclesie decreta iusta sancire conspiciantur? Ad hoc enim Deo duce, dare operam intendimus; & si forè civitas Papiensis per sacrum Concilium Constantiense pro loco hujus futuri Concilii deputata, aliquo casu (quem Deus avertat) impediretur, non propterea à tam sancto opere desistemus. Nam in eadem regione alia urbes idoneæ sunt ad hoc Concilium celebrandum, quarum aliquam, ut speramus, Deus nobis 7 per suam misericordiam liberam conservabit.

Rursus in Epistola ad Parisiense studium: Literas vestras plenas filialis devotionis & fidei libenter legimus, & oratores vestros libenter audivimus, nos eadem fere sententia facundè & prudenter hortantes ad celebrationem Concilii generalis: Quibus licet per nos fuerimus viva voce satis copiosè responsum, tamen quia nos delectamur vobiscum loqui in ista materia, quos non dubitamus zelo conservanda fidei Catholica & Ecclesiastica dignitatis commoveri, sinceritatem cordis vestri per has literas ad plenioram cognitionem patefacere, & aperire volumus. Non est, filii dilecti, dubitandum quin plurimùm profutura sit, sicut scribitis Christiana Respublica hac sancta Synodus Deo auctore de proximo celebranda, per sanctam Synodum Constantiensem Synodum instituta ad ordinandam reformationem status Ecclesiastici, & ad periculosas hæreses extirpandas: Et propterea nemo debet de voluntate nostra circa hujus celebrationem generalis

Concilii dubitare. Et si civitas Papiensis ad hoc per ipsam Constantiensem Synodum deputata casu aliquo impediretur, (quem avertat Deus) non propterea ab hoc necessario & sancto opere desistemus. Nam speramus, quòd Deus per misericordiam suam aliquam ex propinquis civitatibus nobis ab omni impedimento liberam conservabit. Hæc apud Odoricum Raynaldum in tom. XVII. Ecclesiasticorum Annalium.

Annus jam erat quintus à finito Constantiensi Concilio, cum Martinus ad Othonem Trevirensis Archiepiscopum, & ad Parisiensem Academiam scriberet, & tamen scribit, Papiensem civitatem ad generale Con- 8 cilium per ipsam Constantiensem Synodum deputatam esse. Quo pacto Martinus non erubescit Constantiensi Synodo tribuere, quod ipse Constantiensis Synodi decreto executus fuerat, & tunc exequatur. Atque ita persuasus erat Romanos Pontifices extra propriæ Ecclesiæ schisma generali Concilio subjacere, ut subjacere se verbo & exemplo confirmat.

Quòd autem Martinus iterum relata Constantiensis Concilii decreta probaverit, id luculenter apparet ex sessione XIV. ubi sic habetur: Antequam autem ad talia se diverteret, seu procederet, Ambasiatores serenissimi Principis Vladislai Polonia Regis, & illustrissimi Principis Domini Alexandri, aliàs Omifoldi Magi ducis Lituania, petierunt nomine dictorum Dominorum quendam libellum & in eo contenta cujusdam fratris Joannis Falkenberg notoriè crudelissimos errores & hæreses, ut dixerunt, continentem, ritè damnatum tanquam hæreticum per deputatos in causa fidei, ac etiam per omnes nationes Concilii, ac per Collegium Cardinalium conclusum (prout dixerunt) constare publicis instrumentis in sessione publica per sacrum Concilium damnari seu publicè damnatum pronuntiari, antequam presens Concilium dissolveretur, sanctissimo Domino nostro Papa prefato humiliter supplicarunt, aliqui nomine quo supra protestabantur de gravamine, & de appellatione ad futurum Concilium. Quibus sic factis, sanctissimus Dominus noster Papa dixit respondendo ad prædicta, quòd omnia & singula determinata, conclusa, & decreta in materiis fidei per presens Concilium conciliariter tenere & inviolabiliter observare volebat, & nunquam contraire quocum- 9 modo, ipsaque sic conciliariter facta approbat & ratificat, & non aliter nec alio modo.

Et primùm quidem relata Concilii decreta spectant ad fidei materiam, in qua statuitur, generale Concilium Catholicam Ecclesiam representans, potestatem à Christo immediatè habere, cui quilibet etiam si Papalis dignitatis obedire tenetur in his, qua pertinent ad fidem, schismatis extirpationem & generalem reformationem Ecclesiæ Dei in capite & in membris. At Martinus dicit, quòd omnia & singula determinata, conclusa, & decreta in materiis fidei per presens Concilium conciliariter, tenere & inviolabiliter observare volebat, & nunquam contraire quocummodo. Deinde relata Concilii decreta non possunt non esse facta conciliariter, re nimirum maturè considerata, cum his decretis innititur trium Pontificum destitutio, & Martini V. creatio, & sic Pontificis novi planè intererat, decreta hæc approbare, in quibus de statu illius agebatur, & à quibus tota pendebat Ecclesiæ Dei reformatio in capite & in membris. Denique cum alia, tum maxime decreta hæc observavit, ut mox visum est, & adhuc postea videbitur.

Postremò Martinus relata Concilii decreta confirmat in diplomate, quo hinc condemnationem errorum Wiclefi approbat, hinc redeuntes ab hæresi modum admittendi præscribit. Inter condemnatos Wiclefi errores unus hic erat XII. Non est de necessitate salutis credere Romanam Ecclesiam esse supremam inter alias Ecclesias. Error est, si per Romanam Ecclesiam intelligat universalem Ecclesiam, aut Concilium generale, aut pro 10 quanto negaret primatum Summi Pontificis super alias particulares Ecclesias. Hic cum primatus supra particulares



Ecclesias asseritur tantum, supra universalem Ecclesiam aut generale Concilium negari censendus est. Nec poterat non negari, cum à Martino relata Concilii decreta confirmantur. Idque planum est adhuc in interrogationibus, quæ ad Constantiense Concilium spectant, ut proximæ duæ: Prima est, *Utrum* (qui à damnata hæresi revertitur) credat, teneat, & asserat, quod quodlibet Concilium generale & etiam Constantiense universalem Ecclesiam repræsentet.

Altera, *Utrum credat, quod illud, quod sacrum Concilium Constantiense universalem Ecclesiam repræsentans approbavit & approbat in favorem fidei, & ad salutem animarum, quod hoc est ab universis Christi fidelibus approbandum & tenendum, & quod condemnavit, vel condemnat esse fidei, vel bonis moribus contrarium, hoc ab eisdem esse tenendum pro condemnato, credendum, & asserendum.* Et quoniam Martinus inter sessiones non distinguit, nemo debet distinguere. Atque eam ob causam non minus in prima, secunda, tertia, & quarta sessione, quam in cæteris Constantiense Concilium universalem repræsentat Ecclesiam. At si vbiq; sessionum universalem repræsentet Ecclesiam, ubique sessionum in suis definitionibus errare non potest. Hoc autem cum ille Pontifex pro comperto teneret, approbat quæcunque Constantiense Concilium sanxit, ac proinde decretum illud, quo Synodus hæc decernit potestatem à Christo immediate habere reformandi Ecclesiam in capite & in membris. Quod caput & quæ membra cum sint reformationi obnoxia, errori cum in fide, tum in moribus obnoxia esse oportet, alioqui Synodus quæ errare nequit, erravisset.

His accedunt, quæ Concilium Papiæ indictum subsequuntur. Martinus Concilium hoc propter grassantem pestem Senas transtulit, facta sibi à Constantiensi Concilio potestate. Tum Senis Basileæ Synodum generalem indixit, quæ post septennium celebraretur. Quibus in omnibus Constantiensi Concilio paret, eique inferiorem se publicè demonstrat. Indictionis verba sunt: *Martinus, &c. Ad perpetuam rei memoriam. Ad sacram Petri Sedem divina dispensatione vocati, ad salutem, tranquillitatem & pacem totius gregis dominici nobis credui juxta Pastoralis officii debitum curis vigilantibus libenter intendimus, & iis, quæ pro quieto statu universalis Ecclesie & reipublica maturè & sapientissimè gesta sunt, ut illibata permaneant, libenter adjicimus Apostolici reboris firmitatem.* Et paulo post: *Et propterea inter se præmissa providè & maturè considerantes, ac sentientes ex longa mora & protestatione dicti Concilii diversa & gravissima pericula, non solum statui universalis Ecclesie, verum etiam toti Christianitati quamplurimum nociura verisimiliter invenire, & (quod dolenter referimus) in eadem civitate (Senensi) per nonnullos tales modi indecentes & inhonesti in prosecutione Concilii tenebantur, quod neque ibi publica sessio teneri, neque conclusa & concordata poterant expediri & publicari; Ex quibus optata Ecclesie reformatio juxta desiderium cordis*

*nostri præmissis obstantibus nequibat cum libera Prelatorum consultatione compleri. Et ne his omnibus maturè digestis & ponderatis ejusdem Concilii dissipatio absque deputatione & assignatione loci pro futuro Concilio, Juxta DETERMINATIONEM SANCTÆ CONSTANTIENSIS SYNODI SEQUERETUR, CIVITATEM BASILEENSEM, pro loco futuri Concilii inde ad septennium auctore Domino celebrandi, de voluntate pariter & assensu Prelatorum, Magistrorum, Doctorum, nationum, & aliorum prædictorum, seu longè majoris partis eorum elegerunt, deputarunt, & etiam assignarunt, &c. Datum Roma apud S. Petrum IV. Idus Martii Pontificatus nostri anno VII. Hæc ad annum Christi MCCCXXXIII. quo nullum erat in Romana Ecclesia dissidium vel schisma, immo nec umbra schismatis, ad quod tollendum Basileensis Synodus convocaretur. Sed Pontifex optimus & rerum in Constantiensi Concilio gestarum conscius ejusdem Concilii decretis obediendum sibi esse existimabat.*

Cajetanus & Bellarminus, & eorum exscriptores omnia hæc si vel torvis inspexissent oculis, suos in Commentarios tot mendacia & tot ineptias non jecissent, quot jecerunt, ne Romanus Antistes extra tempus schismatis generali subjectus Concilio, indèque errori obnoxius videretur. Martinus cum publicam personam sustinet, & verbo & opere Concilio se subiectum fatetur esse: diffidentur Cardinales duo, & diffidendo funditus evertunt, quod firmiter ædificare conantur. Judicio suo errat Pontifex, quem errare posse, cum agit Pontificem, denegant. O perversum & inane concilium! Ignorant illi vel dissimulant Ecclesiasticam hujus temporis historiam.

Non ignorat nec dissimulat Pius II. in Bulla Re. tractationis, quam ad Coloniensem scholam misit. Sic enim scribit: *Anno salutis primo & 30. supra mille 400. cum Dominico Capranica, quem Martinus V. in secreto Consistorio Cardinalem creaverat, Eugenius IV. spreverat, Basileam petivimus, ibique Concilium inchoatum invenimus. Verum ab Eugenio quamvis congregati noluerant obedire, asserentes jam inceptum Concilium sine consensu Patrum qui convenerant, haudquaquam potuisse dissolvi. Julianus aderat S. Angeli Cardinalis natione Romanus, moribus & doctrina conspicuus. Is cum cæteris præstaret, audita Eugenii revocatione, præsidendam dimisit, tanquam Summo Pontifici vellet obedire: Sed cum auferretur indies Eugenio vel invito Concilio, & multi ex diversis regionibus Episcopi & regum Legati adventarent, Cardinales quoque ex Romana Curia profugi in dies nonnulli concurrerent, præsidendam resumpsit, & auctoritatem Concilii mirum in modum extollens eminentiam prima Sedis suppressere cepit. Venientes Eugenii Legatos & potestatem Romanorum præsulum magnificantes apparenter consultavit, & cum esset facundissimus, facile persuasit auditoribus, quæ cupiebat. Et paulo post: Aderant Legati Parisiensis schola, cujus est fama percelebris; affuerunt & aliquando vestri & aliorum studiorum Germanica nationis oratores, & uno cuncti ore Concilii generalis auctoritatem ad calum efferebant. De potestate Romani Pontificis pauci erant, qui loqui præsumerent, omnes, qui publicè loquebantur, multitudini applaudebant. Accessit & ipsius Eugenii consensus, qui dissolutionem Concilii à se factam revocavit, & progressum ejus approbavit. Et paulo post: Adversus Concilii auctoritatem mutire aliquid, crimen hæresis fuit. Una omnium vox Concilium Eugenio præferbat. Et paulo post: Fortasse per id temporis (cum in causa Imperatoris versaretur) Julianus sancti Angeli Cardinalis cujus supra meminimus, ex ungaria, quæ sibi decreta contra Turcas fuerat provincia, Flavinianum venit (quæ hodie Vienna dicitur) præcipuum Austria columnen: Sæpe cum eo sermonem pro veteri consuetudine miscuimus, sæpe de rebus Basileensibus disputavimus. Tuebatur antiquam sententiam, ille novam defendebat. Extollebamus generalis Concilii auctoritatem: Ille Apostolica Sedis potestatem magnopere collaudabat. Dicebamus Concilium Basileense jure perseverasse, quamvis Eugeniu præsidentes revocasset, & hoc ejus factum accusabamus: Ille dissolutum seu translatum rite Concilium affirmabat.*

Ex his autem omnibus, quæ Pius II. historica fide narrat, & quæ ut à se falsò narrata revocat nusquam, colliguntur maximè tria. Primum, quod Colonienfis Academia Legati cum primis Concilii auctoritatem extollerent supra Pontificem, & quod una omnium vox Concilium Eugenio præferret: Deinde, quod Eugenius dissolutionem Concilii Basileensis à se factam revocasset, & illius progressum approbasset: Denique, quod sententia Concilium anteponebat Romano Pontifici antiqua esset, & quod nova esset sententia, quæ Concilio Romanum Pontificem anteponebat.

Nunc opinor facile perspicis, id tempus, quo Lovanienfis instituta est Academia, non ferre, ut illius Magistri de Concilio & Romano Pontifice tunc sentirent aliter, quam Romana ipsa per Martinum V. &

& universa per Constantiense, Senense, & Basileense sentiebat Ecclesia: Nimirum Romanum Pontificem simpliciter & absolute subijci Concilio, & in suis definitionibus errare posse, si quid seorsum à Concilio definiret. Et sanè credibile non est, Magistros Lovaniensis Academiæ, quam ante annos paucos Colonienfis apud Middendorpium progenuerat, à parentis suæ doctrina & placitis tam citò deflexisse. Mihi crede, non deflexerunt. Aneas Silvius id nos docet in libro 1. de gestis Basileensis Concilii. Res autem ibi sic se habet referente Aenea.

Atque ut de re ipsa dicere incipiam, Conclusiones Theologorum tanquam disputationis fundamenta ipso in exordio ponam, nec ego iisdem utar verbis, quibus illi: sententiam retulisse sat erit. Conclusiones hujusmodi fuerunt:

I. Veritas est Catholica fidei, sacrum generale Concilium supra Papam potestatem habere.

II. Generale Concilium legitime congregatum, sine ipsius consensu, nec dissolvere, nec transferre, nec prorogare ad tempus ex auctoritate sua potest Romanus Pontifex, idque veritatis ejusdem est.

III. Qui pertinaciter his veritatibus se opponit, hereticus est censendus.

IV. His veritatibus Eugenius Papa IV. repugnavit, cum primò ex plenitudine potestatis Apostolica Basileense Concilium dissolvere sive transferre attentavit.

V. Errores his veritatibus repugnantes, monitus tandem per sacrum Concilium Eugenius revocavit.

16 VI. Dissolutio sive translatio per Eugenium secundò attentata prædictis est obvia veritatibus, inexcusabilemque circa fidem errorem continet.

VII. Eugenius iteratò dissolvere seu transferre Concilium tentans in revocatos errores prolabitur.

VIII. Communis per Synodum Eugenius ut dissolutionem, sive translationem secundò attentatam revocaret, post declaratam contumaciam in rebellionem persistens, Ferrariaeque Conciliabulum erigens, seipsum pertinacem declarat. Hujusmodi (sicut arbitror) fuere conclusiones, quibus in Capitulo coram Patribus iterum atque iterum lectis, rogati sunt omnes virum sententiam dicere, pedibusque ferè omnes in conclusiones ibant. Et post aliquam multa: in sermone, quem Amedeus Lugdunensis Archiepiscopus habuit: Illud autem majus omni miraculo videtur, quoniam viros omnium doctissimos, Conclusiones nostras impugnare video, quæ certæ & verissima sunt, & ab illis, qui eas nunc reprobat, alias approbate. Nec nos fugit, Ludovicum protonotarium HAS VERITATES LOVANIÆ AC COLONIÆ PRÆDICASSE, EASQUE ILLINC UNIVERSALIS STUDII AUCTORITATE FIRMATAS REPORTASSE. Quare si ipse nunc mutatus est, veritas tamen non est mutata. Ideoque vos rogo, obtestorque, ne aures his præbeatis, qui quamvis doctissimi sint, eam tamen, quæ virtutes omnes decorat, constantiam non habent. Quo finiente, illico Ludovicus assurgens, Verum est, ait, ILLAS ME APPORTASSE VERITATES, vos tamen eas fidei veritates nuncupatis, quæ adjectio mihi subdubia est.

Jam vel me silente intelligis, quid ab origine sua 17 Lovaniensis Academia de Conciliorum supra Pontificem potestate, & de non errandi privilegio, quod illi Curiales Magistri quidam attribuunt, senserit, cum relatas antè conclusiones octo Lovaniensis studii auctoritate firmatas aspicias. Jam agnoscis filiam à matre, Lovaniensem Academiam à Colonienfi, & matrem à filia, Coloniensem Academiam à Lovaniensi non dissentire; Academiam utramque in illis conclusionibus consentire.

Ad Lovaniensis Academiæ progressum venio, cumque talem, quale fuit initium, reperio. Post annos ab erecta Academia plus minus septuaginta Hadrianus Florentius Trajectensis Theologiam ibi magna cum laude docuit, & in quartum Sententiarum, cum de ministro sacramenti Confirmationis disputat, acceptam à majoribus doctrinam sequitur, & sic ex-

ponit: Ad secundum principale de facto Gregorii dico 1. quòd si per Romanam Ecclesiam intelligatur caput illius, PUTA PONTIFEX, CERTUM EST, QUOD POSSIT ERRARE ETIAM IN IIS, QUÆ TANGUNT FIDEM, HÆRESIM PER SUAM DETERMINATIONEM, AUT DECRETALEM ASSERENDO. Plures enim fuerunt Pontifices Romani heretici: Item & novissimè fertur de Joanne XXII. qui publicè docuit, declaravit, & ab omnibus teneri mandavit, quòd anima purgata ante finale judicium non habent solam, quæ est clara & facialis visio Dei, & Universitatem Parisiensem ad hoc induxisse dicitur, quòd nemo in ea poterat gradum in Theologia adipisci, nisi primitus hunc errorem pestiferum jurasset se defensurum, & perpetuò ei adhasurum. Item patet hoc de errore quorundam Pontificum circa matrimonium, de quo in Cap. Licet de spons. duorum. Item patet hoc 18 de errore, quem ediderat Celestinus circa matrimonium fidelium, quorum alter labitur in hæresim, cujus error olim habebatur in alia Compilatione in Cap. Laudabilem de convers. conjug. ut refert Ostiensis in cap. quanto de divortii: Non tamen dico Gregorium hic errare, sed evacuare intendo impossibilitatem errandi, quam alii asserunt. Et primùm quidem cum dicit, CERTUM EST, respectus duos habet, unum ad Lovaniensis Academiæ traditionem, quæ mox ex suis monumentis & originibus explicata est: Alterum ad rem ipsam, quam argumentis pluribus confirmat. Deinde cum ait: Non tamen dico Gregorium hic errare, non obscure significat, occasionem arripere se de non errandi privilegio differendi, & illud Romano Pontifici detrahendi. Tum demum cum adjicit: Sed evacuare intendo impossibilitatem errandi, quam alii asserunt, quàm molestè & quàm indignè ferat opinionem contrariam, ostendit. Intelligebat vir prudens, quantum Christianæ reipublicæ intererat, anti-quam Sedis Apostolicæ & Ecclesiæ retinere sententiam, & novam quæ à perniciosis quibuscumque Romanæ Curiae adulatoribus inducebatur, procul abjicere. Hinc Doctoris hujus nomen erat tantum, & tanta famæ celebritas, ut Caroli Principis Hispaniæ in Belgica nati informandæ pueritiæ præficeretur. Carolus Hadrianum ob id summo in honore & pretio semper habuit. Hunc Leo X. ut Caroli V. præptorem è Lovaniensi schola doctissimum, jamque Episcopum Dertulæ urbis Hispaniæ dignum purpurea veste, & post Leonem Collegium sacrum Pontificatu dignum censuit: etiamsi nec familiam Romæ haberet, nec in urbe degeret, sed in Hispania. Honores ut vidimus in Pio II. mutarunt mores, sed in Hadriano VI. non mutarunt. Antiquam sententiam non mutavit, ut Pius II. sed perpetuò retinuit, atque ut illud constaret omnibus, quos in quartum sententiarum Commentarios ediderat, Romanis typis mandari voluit. Eoque pacto quod antè Hadriani Lovaniensis Theologi opus tantum erat, deinceps Hadriani VI. Romani Pontificis opus fuit, ut verè affirmatèque dici possit: Hadrianum VI. Romanum Pontificem docuisse hoc: CERTUM EST, QUOD ROMANUS PONTIFEX POSSIT ERRARE ETIAM IN IIS QUÆ TANGUNT FIDEM, HÆRESIM PER SUAM DETERMINATIONEM AUT DECRETALEM ASSERENDO. Hæc autem propositio, est summa adversus Curiales Magistros præscriptio, quæ & aliunde mirum in modum confirmatur. Hadrianus in literis quas ad Fredericum Saxoniz Ducem scribit, ut eum à Lutheri patrociniò deterreat, Luthero Leonis X. constitutionem non opponit. Quorsum igitur hæc spectat circumspèctio? Non credebatur editam esse constitutionem auctoritate, quæ falli nequeat. In mandatis quæ Francisco Cheregato oratori suo in Germaniam proficiscenti dedit, non errandi privilegium Ecclesiæ soli vel repræsentanti Ecclesiæ Concilio tribuit: Hadriani verba sunt: Et certè fatemur Luthero (qui inauditum se à Leone condemnatum esse querebatur) defensionem negare non deberi in his, qua



qua sunt facti, hoc est utrum dixerit, necne, utrum prædicaverit, vel scripserit, necne? Super divino vero jure  
 20 & materia Sacramentorum standum auctoritati Sancto-  
 rum & Ecclesie. Adde quod ferè omnia, in quibus Lu-  
 therus ab aliis dissentit, sunt per diversa Concilia prius  
 reprobata. Non debet autem revocari in dubium, quod  
 per generalia Concilia, & universam Ecclesiam constat  
 esse approbatum, tanquam fide tenendum. Injuriam nam-  
 que facit Ecclesie Synodo, qui semel rectè disposita niti-  
 tur in dubium revocare. Quid enim unquam certi esse  
 poterit inter homines, vel quis dubitationum, contentio-  
 numque finis erit, si presumptuoso & perverso cuique li-  
 bertas seu licentia erit recedendi ab iis, quæ non unius  
 aut paucorum, sed tot seculorum & tot sapientissimorum  
 hominum consensu & Catholica Ecclesia, quam Deus in  
 his, quæ sunt fidei, nunquam errare permittit, determina-  
 tione sancita sunt. Hic primum quæ ad facti quæstio-  
 nem pertinent, nimirum utrum Lutherus, vel quis  
 alius scripserit, vel non scripserit divinæ fidei sub-  
 esse non posse tradit, nec aliter potest tradere, qui  
 Theologiæ scholas vel à limine salutaverit, tantum  
 abest, ut id tradat Hadrianus, qui Theologus erat  
 doctissimus. Non moror factiosum Theologum, qui  
 id traderet, quia factiosus Theologus, veri nominis  
 Theologus non est. Veri quippe nominis Theolo-  
 gus apprimè novit, divinæ fidei subesse nihil posse,  
 nisi quod duplici modo muniri possit, divinæ legis  
 auctoritate, & Catholica Ecclesiæ traditione. Si-  
 quidem Catholicum id est, quod ubique, quod semper,  
 quod ab omnibus semper credendum est, ut Vincentius Li-  
 rinensis scribit in Commonitorio I. cap. III. Deinde  
 Hadrianus pugnat id esse tale, quod per generalia Con-  
 cilia, & universam Ecclesiam constat approbatum esse. Tum  
 21 non alii, quam Catholica Ecclesiæ non errandi privi-  
 legium in his, quæ sunt fidei, concessum esse innuit,  
 cum ait: Presumptuoso & perverso cuique libertatem seu  
 licentiam non esse recedendi ab iis, quæ non unius aut pau-  
 corum, sed tot seculorum ac tot sapientissimorum hominum  
 consensu & Catholica Ecclesia, quam Deus in his, quæ  
 sunt fidei, nunquam errare permittit, determinatione san-  
 cta sunt. Denique præcedentia hæc omnia præmunit  
 & suffulcit, & nefariis adulatricis Curie patronis fauces  
 elidit, cum sincero animo, ut Romanum decet Ponti-  
 ficem, subnectit: Scimus in hac sancta Sede, jam aliquot  
 annis multa abominanda fuisse, abusus in spiritualibus, ex-  
 cessus in mandatis, & omnia denique in perversum muta-  
 ta: Nec mirum si aegritudo à capite in membra, à sum-  
 mis Pontificibus in alios inferiores Prælatos descendit. Et  
 quibusdam interpositis: Quia in re quod ad nos attinet,  
 polliceberis nos omnem operam adhibuituros, ut primum Cu-  
 ria hæc, unde fortè omne hoc malum processit, reformetur,  
 ut sicut inde corruptio in omnes inferiores emanavit, ita  
 etiam ab eadem sanitas & reformatio omnium emanet. His  
 dictis addi nihil potest, quo magis confirmetur, Ro-  
 manum Pontificem indeficientis iudicii privilegio ca-  
 rere.

De Concilii quidem supra Romanum Pontificem  
 auctoritate sermonem nullum instituit, seu quia non  
 sic tulit occasio, seu quia id ex denegata non errandi  
 prærogativa facillè colligitur. Qui unum ex altero con-  
 sequens esse non capit, nihil capit. Pontifex eam ob  
 causam Concilio subijcitur, quod in fide & in moribus  
 errare possit.

22 In iis igitur, quæ Hadrianum VI. attinent, rata &  
 fixa sunt duo: Primum, Hadrianum ut Lovaniensem  
 Theologum testem esse omni exceptione majorem, quo  
 Lovaniensis Academia circa denegatum Pontifici non  
 errandi privilegium, & Conciliorum supra eundem  
 potestatem traditio probatur: Deinde Hadrianum ut  
 Summum Pontificem memorata capita duo asserere ac  
 vindicare.

Hadriano succedit Joannes Driedo celebris è Lova-  
 niensi schola Theologus, qui majorum traditionem re-  
 ligiosè sequitur, & pluribus exornat. Et primum qui-

dem in libri IV. de dogmatibus Ecclesiasticis ca-  
 pite III. part. III. Jam opera pretium est considerare,  
 quemadmodum accipienda sit sententia ex scripturis, fidem  
 usque ad consummationem sæculi non deficere unquam à  
 Petri cathedra, seu Ecclesia Petri. Ad intelligendum igitur  
 verba Salvatoris dicentis ad Ecclesiam in Collegio Apo-  
 stolorum designatam: Ego vobiscum sum usque ad consum-  
 mationem sæculi: Et ad Pastores universalis Ecclesiæ de-  
 signatos in Petro: Simon, Simon, Satanas expetivit, ut  
 cribraret vos sicut triticum: Ego autem pro te rogavi,  
 ut non deficiat fides tua: Et iterum, Supra hanc petram  
 edificabo Ecclesiam meam, & porta inferi non prævalebunt  
 adversus eam: Opera pretium est considerare, quod ex hu-  
 jusmodi scripturis firmiter tenendum est & nullatenus du-  
 bitandum, Christum & fidem Petri nunquam deficere ab  
 Ecclesia Petri, ab Episcopatu Petri, ab Ecclesia Petri  
 usque ad consummationem sæculi. Verum hic animadver-  
 tendum, aliud esse quod dicimus primum, fidem & claves  
 regni celorum esse inseparabiles, & non deficere ab Ecclesia,  
 seu diocesi Romana; aliud, quod dicimus ea esse inseparabilia 23  
 ab Ecclesia, seu cathedra Petri.

Hoc & insuper considerandum est, aliud esse, quod de-  
 cimus, fidem Petri non deficere ab Ecclesia, seu à po-  
 testate Petri; aliud, quod dicimus, Petrum & ejus suc-  
 cessorem, aut populum Romanum non deficere unquam à  
 fide: & qui hujusmodi diversitatem non observat, in  
 sententiis Patrum facillè fallitur. Eadem enim est  
 fides Christiana, quæ in Petro est & in ceteris credenti-  
 bus; & idcirco tametsi deficiat fides in persona vel Pe-  
 tri aut successoris, vel Romana diocesi, non ab hoc con-  
 sequens est, fidem deficere in cathedra, in sede vel Ec-  
 clesia Petri.

Proinde & hoc sciendum, quod verbum Christi Pa-  
 trem rogantis pro Petro, ut non deficiat fides ejus, po-  
 test concipi sub triplici intellectu: Vel primum pro eo,  
 ut fides nunquam deficiat à corde Pontificis universa-  
 lis Ecclesiæ, nec videlicet à persona Petri, nec à per-  
 sona Pontificis, qui Petro Vicaria ordinatione succedit:  
 Vel secundo, ut fides nunquam deficiat à generali ca-  
 thedra, à Sede, ab universali Ecclesia, seu oribus ip-  
 sius Petri usque in consummationem sæculi: Vel ter-  
 tiò, ut fides non deficiat unquam à propria sede vel  
 diocesi, quam Petrus particulariter pascendam, dirigen-  
 dam, & gubernandam suscepit. Horum primus sensus  
 videtur esse extra intentionem Salvatoris. Neque enim  
 videtur Salvator hujusmodi verbis voluisse Petro, omni-  
 busque successoribus ejus promittere perseverantiam fidei  
 usque in finem. Ex quo consequens esset, omnes suc-  
 cessores Petri esse ad perseverantiam fidei prædestinatos.  
 Siquidem & Petrus post illa verba ad tempus defecit  
 à fide, sicut & ceteri Apostoli, dicente Scriptura: Ex-  
 24 probavit Jesus incredulitatem eorum, quia his qui vi-  
 derant eum resurrexisse, non crediderunt. Unde & te-  
 stimonia Angelorum, sanctarumque mulierum de resur-  
 rectione Christi visa sunt Apostolis tanquam delira-  
 menta. Verum quidem est, quod Petrus post acceptum  
 Spiritum Sanctum non defecit à fide, sed hoc privile-  
 gium non erat speciale Petro, sed & commune ceteris  
 Apostolis, pro quibus & Christus oravit: Pater sancte  
 serva eos, quos dedisti mihi, & nemo ex iis perit, nisi  
 filius perditionis. Postremum quamvis propter promissiones  
 Salvatoris sit firma fide tenendum, Petrum non defe-  
 cisse finaliter à fide, hoc tamen non oportet sic cre-  
 dere de successoribus Petri, qui neque in fide sunt con-  
 firmati, ut Petrus, neque tales habuerunt promissiones  
 à Christo qui dixit: Sedebitis super sedes duodecim,  
 &c. Neque videtur ulla scriptura qua cogamur credere  
 universalis Ecclesiæ Pontificem non fieri unquam hereti-  
 cum. Non oportet igitur accipere verbum Salvatoris: Ego  
 vobiscum sum usque in consummationem sæculi; Super hanc  
 petram, &c. Et porta inferi non prævalebunt adversus eam.  
 Ex quibus consequens est Christum permansurum cum E-  
 piscopatu & Ecclesia & Sede Petri, usque in consummationem  
 sæculi: Hoc autem non est sic consequens de Episcopatu,  
 seu

seu Ecclesiis aliorum Apostolorum deficientibus jam à fide suis ipsorum gregibus.

Verum & hoc sciendum est, secundum hanc interpretationem non oportere consequens esse, quòd Romana diocesis certis limitibus ab aliis disjuncta, in qua finaliter Petrus resedit, non deficiet unquam à fide: aliud potest intelligi Ecclesia, seu cathedra Petri, aliud Ecclesia Romana. Siquidem Ecclesia seu diocesis Romana potest intelligi destructa, permanente Petri cathedra, quæ est cathedra universalis Ecclesiæ: Unde & tertium intellectum pertinaciter hæretici resellunt, imitati insaniam Judæorum, qui odientes Ecclesiam Romanam expellunt finaliter illius interitum. Non ita philosophantur recentes Curie Magistri, dum Romano Pontifici non errandi in fide & moribus privilegium adscribunt. Philosophantur aliter omnino. Driedo pergit: Fuerunt jam olim & alii, qui non pertinaciter, sed quasi probabiliter sententiam defendere voluerunt ex scripturis, nobis incertum esse, an Romana diocesis deficiet unquam à fide, & idcirco esse temerarium asserere, alteram partem tantquam fidei articulum, cum neutra sit ex scripturis necessario consequens, neque usquam revelatum sit, quòd omnes à Mahometa vel Turca non expellantur unquam à Romana diocesi, aut non transferantur in aliam diocesim nunquam amplius reversuri Romam.

Quatenus ergo investigando magis appareat veritas, quadam argumenta subjiciamus adversus eos, qui ex scripturis conantur demonstrare Ecclesiam Romanam ita esse fundatam supra firmam petram, ut non possit à fide deficere. Quibus propositis subiungit: Non temere igitur, sed pia fide cum patribus nostris prædecessoribus creditur, quòd fides & primatus Ecclesiæ, & sedes seu cathedra Petri, claves regni cælorum, potestas ligandi & solvendi sint à diocesi Romana inseparabiles, & quòd Deo providente & beato Petro opem ferente Romanus Episcopus seu populus sub Romana diocesi non deficiet unquam totus à fide, cum videamus ab initio ad hæc usque tempora in tot ac tantis tyrannorum persecutionibus tandem diocesim Romanam, nec à tramite Apostolica traditionis unquam errasse docendo, nec hæreticis novitatibus succubuisse credendo, sed antiquam fidei regulam secundum Apostolorum traditionem semper tenuisse. Et quibuldam intermissis in responsione ad primum:

Sic & verba Christi ad Petrum dicta, Ego rogavi pro te Petre, ut non deficiat fides tua, accipienda sunt, ut intelligantur non Petro soli, ut privata persona, sed ut futuro Ecclesiæ universalis Pastori, & ideo quod Petro promittitur, dignitati cathedra Petri promittitur; proinde & intelligitur promissum omnibus, qui Petro in dignitate Pastoralis succedunt, cum in Petro intelligantur & ipse & omnes successores Petri.

Rursus intelligantur de fide permansura, non apud personam Petri & successorem ejus, sed apud sedem, dignitatem Pastorem, cathedram seu Ecclesiam Petri: Sic sensus erit, ut non deficiat fides tua, ut non prorsus pereat fides à Sede tua, à cathedra tua, intelligendo sedem, cathedram seu Ecclesiam non solum universaliter, sed specialiter futuram ad curam Petri & successorum illius. Quòd sit, ut verba Christi dicta Petro ex consequenti intelligantur dicta Romana Sedi, cui præsidet Episcopus, qui Petro legitima electione succedit. Non est igitur arbitrandum absurdum, si Christus specialiter videtur orasse pro diocesi ipsius Petri & successorum ejus. Talem siquidem intelligentiam habuerunt Cyprianus, Bernardus, ceterique Patres ex eadem doctrina Salvatoris arbitantes, apud Ecclesiam Romanam fidem non perituram usque in consummationem sæculi. In Romana Sede hætenus nullus sedit hæresiarcha, qui docendo definierit aliquid fidei nostræ repugnans. Neque hæresis ulla illinc sumptis initium, sed mos ibi servatur antiquus. Defecit Hierosolymitana Ecclesia, cui Jacobus præcedit, defecit Achaia ubi Andreas, Asia ubi Joannes, India ubi Thomas, &c. Romana Sedes hætenus manet in fide Christi erecta. Et post alia: Quamvis igitur donemus nondum

fuisse Romanam Ecclesiam, cum Christus diceret Petro, Ego pro te rogavi Petre, non tamen oportet dicere, inde consequens esse, quòd Christus tunc non rogavit pro Romana Ecclesia. Nam & eadem ratione consequens esset, Christum non rogasse pro ulla Petri Ecclesia. Et paulo post:

Hætenus de Ecclesia Christi, quam sit, & apud quos sit, & apud quos non sit, & quemadmodum permansit una ab origine mundi, crescens usque ad consummationem sæculi, & quemadmodum oporteat omnem particularem Ecclesiam, omnemque Episcopatum subesse cathedra Petri, & quoniam pacto sit accipiendum, quòd fides nunquam deficiat. In posterioribus verbis questionem juris nullam tractat, sed facti tantum. At illa facti questio pluribus aliis Ecclesiis quam Romanæ quadrat. In Gallia nimirum plures sunt Ecclesiæ, in quibus hæresiarcha nullus unquam sedit, in quibus qui præfedit Episcopus nihil definit fidei nostræ repugnans.

Deinde quidquid id est, liquidò patet ex sequenti capite IV. ubi sic Driedo disputat: *Questiones magnæ* 28 & perplexæ à Doctoribus Ecclesiæ disputantur, ex quibus schismata interdum exorta sunt: Utrum Ecclesia Romana, cui præficiuntur successor Apostoli Petri, sit prælata omnibus aliorum Episcoporum Ecclesiis: Utrum universalis Ecclesiæ auctoritas major sit auctoritate seu potestate Papæ, an è contrario, utrum universali Concilio secluso, Papa sit subiectus potestati Ecclesiæ universalis, sicut subditus Duci suo. Et videntur hæc questiones solvere doctrina Christi, & determinatio Constantini Concilii. Doctrina quidem Christi in Evangelio docentis, Si peccaverit in te frater tuus, accipe illum inter te, & ipsum solum, & reliqua usque in eum locum, ubi dicitur, Si Ecclesiam non audierit, sit tibi sicut ethnicus & publicanus: ibi Christus videtur Ecclesiam posuisse ultimum & supremum judiciaria potestatis tribunal. Cum ergo Papa sit frater & membrum in corpore Christi, consequens videtur, quòd ipse aut à fide devians, aut scandalosè vivens subiectus sit iudicio Ecclesiæ, cui & in toto Apostolorum Collegio designata, Christus ibidem inquit, Quaecunque alligaveritis super terram, &c. Item & definitio Concilii Constantiensis sessione V. declaravit & definivit, quòd illa Synodus, &c.

Pro harum questionum & ratione & dissolutione consideranda est hæc conclusio in superioribus declarata, Romanam videlicet Ecclesiam, in qua est generalis Christi Vicarius Apostoli Petri successor, esse omnium aliarum Ecclesiarum magistrum, quemadmodum & in superioribus ostensum est, ipsum Romanam Ecclesiam Episcopum, Christi Vicarium, Petri successorem ceteris omnibus Episcopis esse prælatum: Proinde quemadmodum Antiochena Ecclesia, quæ olim erat prima propter Petrum in illa residentem, cessit Ecclesiæ Romanæ Petro jussu Dei ad eandem Ecclesiam Romanam transeunte, sic & Ecclesia Romana, quæ nunc est prima, cedere deberet alteri Ecclesiæ, si Deo jubente successor in cathedra Petri ad aliam Ecclesiam sese transferret, alium quendam Romanæ Ecclesiæ præficiens Episcopum, quemadmodum Romana Ecclesia, in qua residet Apostoli Petri successor, est omnibus Ecclesiis prælata, ad quam ceu fidei magistrum ac matrem omnes majores totius Ecclesiæ causa recurrunt fumentes terminum, seu finem juxta sententiam ejusdem Ecclesiæ, cujus vis & potestas Ecclesiastica est in Pontifice ejusdem Ecclesiæ: Ita & Romana Ecclesia sententia prævalet omnibus sententiis aliarum Ecclesiarum à Romana Ecclesia discrepantium. Papa in causis fidei & schismatis personam suam tangentis atque concernentis subijcitur iudicio universalis Ecclesiæ, quamobrem si ipse fieret hæreticus aut schismaticus, aut argumentis probabilibus de his suspectus pertinaciter defendens doctrinam contrariam evangelio Christi, ipse esset ab Ecclesiâ monendus, corripiendus, & si contumax fieret, judicandus, tanquam anathema vel deponendus, vel declarandus propter contumaciam ab Ecclesiâ fuisse depositum à tempore, ex quo talia docere



aut predicare caperit. Neque enim tenentur oves subesse Pastori ulli, qui jam factus est ex pastore lupus, aut saluti gregis contrarius, quemadmodum & Apostoli fuissent à Christo anathema, si contrariam doctrinam inciperent predicare, ut docet ad Galatas 1. Paulus: Qui & alibi ait, Hereticum hominem post primam aut secundam correctionem devota. Joannes Apostolus in 11. sua Canonica, &c. Et quamvis primatus Papa super omnes particulares Ecclesias sit constitutus jure Divino, non hinc tamen oportet consequens esse eundem Papam in causis propriis jus divinum concernentibus non esse subjectum potestati universalis Ecclesie. Sicut Josue constitutus à Deo Dux in Israel, dum sorte divisisset terram singulis per tribus suas, dederunt filii Israel eidem Josue possessionem in medio sui juxta preceptum Domini, urbem, quam postulavit, Josue 19.

Denique in libri 11. de Christiana libertate capite 11. Sententia Papa circa fidem tanta Concilii moderatione concipi debet, tantaque maturitate patientia decoqui, & tanta deliberationis gravitate, ut omnino recta sit credenda. Verum quia Papa quatenus homo, talem modum deliberationis circa ea, quæ sunt fidei, potest omittere, & inniti proprio sensui propriaque prudentia, idcirco etiam plerumque liceret examinare literas mandatorum Papa definientis aliquid credendum esse, aut fide tenendum.

Ex Driedone plura referre placuit, ut liquidò pateret, eum à prima Lovaniensis Academia traditione non degeneravisse, sed illam potius conservasse fideliter, & solidis rationum momentis communivisse. Sic vigeat illa traditio ad annum MDXXXV. quo Driedo demigravit ab hominibus.

Driedonem excipit Jacobus Latomus Junior Lovaniensis Theologus, in libro, quem de primatu Romani Pontificis contra Lutherum composuit. Hic auctor inter alia proponit sibi argumentum ex Constantienfi Concilio quaesitum, quo jactabat se Lutherus evitendorum Conciliorum viam invenisse: Tum ubi ad hominem multa respondit, quæ aliter non respondisset, subjungit: Neque hac dico, quod credam Constantiense Concilium circa articulum potestatis Papa & Concilii errasse, aut non rectè determinasse, sed quod etiam si uno aut alio articulo deprehenderetur à veritate deviasse, non propterea deberet in aliis sua auctoritate privari. Et post alia de variis quaestionum generibus: Non itaque rationabiliter dubitari potest Romanus Pontifex esse ordinarius judex supremus in spiritualibus, ut cum de fide, de religione, de Sacramentis & similibus agitur, super unumquemque Christianum, & quodlibet particulare Concilium Ecclesie Catholicae, quidquid sit de Concilio universali plenario ex tota Ecclesia rite congregato. Hac ille ad annum MDL. quæ non sunt intellectu difficilia. Nam semel atque iterum Concilii supra Romanum Episcopum auctoritatem agnoscit: Semel quidem, cum ait: Neque hoc dico, quod credam Constantiense Concilium circa articulum potestatis Papa & Concilii errasse, aut non rectè determinasse. Iterum verò, cum ait: Romanum Pontificem esse judicem supremum in spiritualibus super unumquemque Christianum & quodlibet particulare Concilium Ecclesie Catholicae. Latomus respectum habet ad Joannis Wiclefi articulum xli. Non est de necessitate salutis credere Romanam Ecclesiam esse supremam inter alias Ecclesias, quem Martinus V. & Constantinense Concilium ita damnarunt: Error est si per Romanam Ecclesiam intelligat universalem aut Concilium generale, aut pro quanto negaret primatum Summi Pontificis super alias Ecclesias particulares.

Denique quod consequens est, Latomus non obscure significat, Romanum Pontificem indeficientis iudicii privilegio non gaudere. Cum enim dicit: Romanus Pontifex est ordinarius judex supremus in spiritualibus, non adjicit, qui nec falli aut errare potest. Adjecisset omnino, si sua in sententia potuisset adjici.

Latomum sequitur Ruardus Tapperus Lovaniensis

Academiae Cancellarius, in declaratione, quam ad Lovanienses articulos contra Lutherum editos conscripsit anno MDLIV.

Lovaniensis articulus XXI. hic est: Firma fide tenendum est, unam esse in terris veram atque Catholicam Christi Ecclesiam, eamque visibilem, qua ab Apostolis fundata est, & in hanc usque nostram durans aetatem retinet ac suscipit, quidquid de fide & religione tradit, tradidit, vel traditura est cathedra Petri, super quam ita à Christo suo sponso est edificata, ut in his, quæ fidei sunt & religionis errare non possit.

Tapperi declaratio in iis, quæ ad postremam articuli partem attinent: Sequitur demum, hanc Ecclesiam retinere & recipere, quidquid de fide & religione tradit, tradidit, & traditura est cathedra Petri. Idem Sedes Apostolica, ut intelligamus non personam Petri, aut successorum ejus in se consideratorum, qui sicut peccatis subjacere possunt, ita & ignorantia & errori in multis: Qui proinde falsa ut sentire, ita & tradere possint, in iis etiam quæ fidem & mores concernunt. Verum volumus considerari horum cathedram, id est, Apostolicam auctoritatem, Pastorale munus, ratione cujus dicimus ipsos à fide nullo modo posse deficere, ita quod sedentes tribunali in negotio religionis non possint deficere, seu fide credendum tradere, quod à veritate sit alienum. Unde non personam Petri sunt intelligenda spectare promissiones ipsi à Christo factæ (alioquin ipso mortuo periissent) verum Pastoralem ejus auctoritatem & curam, ut ad illos omnes spectare non dubitentur, quotquot ei Pastoralis munere succedunt. Et post alia: Non igitur persona hominis aspicienda, non secundum faciem judicandum. Verum agnoscendum Christi Vicarius, agnoscenda vox Christi in eo loquentis. Et post alia: Unde Ecclesie quodammodo potius intelligi debet facta hæc promissio (oravi pro te Petre ut non deficiat fides tua) quam Petro, quoniam huic nonnisi propter Ecclesiam facta est. Unde ejus persona potest à fide deviare, sicut quibusdam accidit, at non ejus cathedra. Tapperus à majorum traditione non degenerat, nec Lovaniensis Academia, cujus articulum XXI. exponit. Tapperi eadem est reipsa, quæ Hadriani VI. doctrina. Hadrianus scribit: Ad secundum principale de facto Gregorii dico, quod si per Romanam Ecclesiam intelligatur caput illius putà Pontifex, certum est, quod possit errare etiam in iis, quæ tangunt fidem, heresim per suam determinationem aut decretalem asserendo. Tapperus verò ita dicit: Successores Petri sicut peccatis subjacere possunt, ita & ignorantia & errori in multis: Qui proinde falsa ut sentire, ita & tradere possunt in iis etiam, quæ fidem & mores concernunt. Iterum: Ejus (Petri aut successorum) persona potest à fide deviare sicut quibusdam accidit. Illos, ni fallor intelligit, quos Hadrianus nominat. Annus ergoolvebatur millesimus quingentesimus quinquagesimus quartus, cum antiqua Lovaniensis Academia traditio circa indeficientis iudicii privilegium, de quo Hadrianus ille Romano Pontifici perperam attributo graviter conqueritur, floreret. Quod etiam Romanus Pontifex subiceretur Concilio, apud eos certum erat, quia qui errare potest in fide & moribus, Concilio subijcitur, ut corrigatur. Intelligebant viri sagaces unum ex altero colligi, & sciebant collectum esse in Basiliensis Conc. sessione vi. cui Julianus Card. Eugenii IV. Legatus præfuit, & in qua missis nuper ab Eugenio faciendæ inter ipsum & Concil. pacis gratia Legatis aliis post habitas ultro citroque disputationes responsum est: Id responso Synodalis appellatur, ubi Lovanienses legerant, quæ sequuntur.

Ex his manifestè constat, auctoritates, quas de Summi potestate Pontificis allegastis (Synodus oratores Eugenii alloquitur) non probare, quominus ipse Pontifex mandatis universalis Ecclesie & Concilii generalis obedire teneatur, sed id duntaxat probant, quod omnes singulares homines, particularēsq. Ecclesie ipsi Pontifici obedire debent, nisi in his quæ sacra huic Synodo & cuilibet alteri legitime congregata

gregata præjudicium generarent. Nam etsi sit caput ministeriale Ecclesie, non tamen est major tota Ecclesia; alioquin errante Pontifice, sicut sæpe contingit & contingere potest, tota erraret Ecclesia, quod esse non potest. Etsi caput sit & principalis Prelatus hujus corporis mystici, est nihilominus intra corpus. Nam si extra corpus esset, tunc non pertineret ad Ecclesiam, nec tunc caput esset. Corpus igitur hoc totum continet, & ipsum quod dicitur

35 caput & singula membra. Nec quis dicat, quod ipsa pars principalis potentior est ac dignior reliquo toto corpore & cæteris membris, & per consequens illi potius obediendum, quia ratio, experientia, & auctoritas dicant contrarium; ratio, quia reliquum totum corpus etiam non computato Papa secundum legem communem errare non potest in his, quæ sunt fidei; alioqui si errare posset cum certum sit Papam errare posse, tunc & Papa & reliquo toto corpore errantibus tota erraret Ecclesia, quod esse non potest.

Neque verò legerant hæc tantum, sed & Bullam, qua Eugenius IV. Basileensis Synodi acta, quæ præcesserunt omnia in sessione XVI. confirmat: Eugenius Episcopus servus servorum Dei ad perpetuam rei memoriam. Dudum sacrum generale Concilium Basileense per generalium Constantiensis & Senensis Conciliorum statuta, ordinationesque felicitis recordationis Martini Papa V. ac nostras pro extirpatione hæresum, pace populi Christiani, ac generali reformatione Ecclesie in capite, & in membris & pertinentibus ad ea legitime inchoatum, ex certis causis in aliis literis nostris expressis de fratribus nostrorum sanctæ Romanæ Ecclesie concilio & assensu dissolvimus. Verum cum ex dicta dissolutione orta sint graves dissensiones, & graviore oriri possint, nihilque magis optemus, quam quod prædicta opera sancta debitum sortiantur effectum, de consilio & assensu venerabilis fratris Episcopi Sabiniensis, & dilectorum filiorum nostrorum Antonii sancti Marcelli, Francisci sancti Clementis, Angelorum tituli sancti Marci Presbyterorum, ac Lucidi sanctæ Mariæ in Cosmedin, & Andecini sanctorum Cosmæ & Damiani, Diaconorum

36 rum sanctæ Romanæ Ecclesie Cardinalium decernimus & declaramus, præfatum generale Concilium Basileense à tempore prædictæ inchoationis sue legitime inchoatum fuisse & esse, prosecutionemque semper habuisse continuari ac prosecutionem habere debere ad prædicta & pertinentia ad ea, perinde ac si nulla dissolutio facta fuisset. Quinetiam præfatam dissolutionem irritam & inanem de concilio & assensu simili declarantes, ipsum sacrum generale Concilium Basileense purè & simpliciter, & cum effectu, ac omni devotione & favore prosequimur, & prosequi intendimus. Pontifex non potuit verbis significantioribus, & ab omni ambiguitate remotioribus, vel Concilii dissolutionem rescindere, vel quidquid à Concilio decretum antè & post gestum fuerat, confirmare. Sed effugia, cavillationes, & volaticas distinctiones universas intercludit, cum affirmat, Basileense Concilium pro generali reformatione Ecclesie in capite & in membris, & pertinentibus ad ea legitime inchoatum fuisse. Nam si decernente, consentiente, & confirmante Eugenio reformanda est in capite & in membris Ecclesia, ut membra cætera, sic & caput reformationi subesse quis non videt? At non subessent, nisi errare in fide & moribus possent. Veritatis hujus ea vis est, ut eam Pius II. in Bulla retractationis suæ occultare non potuerit: Accessit, inquit, & ipsius Eugenii consensus, qui dissolutionem Concilii à se factam revocavit, & progressum illius approbavit. Hartmannus Schedelius, qui pene æqualis fuit, videtur favere Eugenio, & tamen id in ætate VI. mundi ad annum Christi MCCCXXXI. non dissimulat

37 de illo Pontifice locutus: Concilio Basileensi unde infusa mala orta sunt auctoritatem dedit, approbatis eorum (Basileensium) per Apostolicas literas decretis. Siquis autem concedat, quod non potest non concedere nisi fidem cum fronte perdiderit, Eugenium Basileensis Concilii acta & decreta omnia, quæ sessionem XVI. antecedunt, confirmasse, sed infirmasse postea contendat,

fateatur necesse est illum, vel confirmando vel infirmando errasse. Idque ea in re, quam ponderis esse maximi adulatricis Curie Magistri omnes docent. Siquidem existimant, tunc tantum errare non posse Concilia, cum ad ea Romani Pontificis accedit confirmatio. Sed infirmatarum à se rerum, quas antea confirmaverat, Eugenium morti proximum ni fallor pœnituit, si vera sunt, quæ apud Odoricum Raynaldum anno MCCCXLVII. narrantur: Cumque à religiosis viris cinctus esset, interposita suspensæ voce versoque ad eos vultu dixisse fertur: ô Gabriel, Gabriel: Quanto magis conduxisset anima tua saluti, ut nunquam Cardinalatum, nec Pontificatum obtinuisses, sed in tuo monasterio religiosam disciplinam coluisses!

Porro dissimulanda non sunt, quæ Tapperus subjicit, ut ultimam articuli partem exponat: Sequitur in articulo, super quam Petri Sedem Ecclesia Christi ita fundata est, ut in his quæ sunt fidei & religionis errare non possit. Primum adificatam esse Ecclesiam super Petrum, id est, super Petri Sedem expressis verbis affirmat Christus, dum id ipse futurum promittit. Ego, inquit, dico tibi, quia tu es Petrus & super hanc petram edificabo Ecclesiam meam. Quibus verbis palam promittit se edificaturum Ecclesiam super hanc petram, id est, super Petrum ipsum, qui à fidei

38 soliditate hoc nomen ab ipsa sortitus est. Vide Hieronymum & Chrysostomum in hunc locum. Et Cyprianum in Epistola III. I. libri. & Epistola penult. ult. lib. & in tractatu de simplicit. Prælatorum. Hi concorditer tradunt petram super quam adificata est Ecclesia, intelligi Petrum. Idipsum evidentissime palam tradiderunt reliqui Patres, etiam D. Augustinus, quamquam idem plerisque locis per petram Christum intelligi docuerit lib. I. retract. Et paulo post: Ideo Petrum constituit super totam familiam ipse peregrè profectus, ut pasceret ejus gregem, & in iis quæ ad salutem pertinent, dirigeret. Quapropter ab eo instructio omnis petenda in fide & moribus, & resolutio dubiorum, qua circa hæc movemur, exquirenda, ut unico indefectibili Magistro toti Ecclesie à Christo misericorditer dato, ut confratres suos, id est cœpiscopos emendet & corrigat, si quando vacillare eos contingat secundum verbum supra allegatum: Et tu aliquando confirma fratres tuos. Hic ut omnia intelligantur distinctius, præstanda mihi sunt duo. Et primum quidem separo Tapperi declarationem ab ultima parte articuli, quem ob majorem doctrinæ consanguinitatem & similitudinem cum articulo xxv. conjungo: Certa fide tenendum est, non solum quod expressè nobis atque aperte per Scripturam traditur, verum etiam quod nobis ab Ecclesia Catholica & sancta credendum proponitur, traditurque. Neque minus credendum est quidquid definitur, determinatur, & concluditur per cathedram Petri, atque generalia Concilia legitime congregata, quoad ea, quæ fidem & mores Christianos attinent.

Hic Petri cathedra generali copulanda est Concilio, alioqui duo in Ecclesia Dei forent summa ex æquo tribunalia, quæ indeficientis iudicii privilegio gaudent. Et quia ut inter se concordare, ita & discordare possent, tandem aliquando contingeret, ut Ecclesiam in discrimen ultimum adducerent. Id autem Divinæ providentiæ, qua constituta est Ecclesia, repugnare & contrarium esse quis non videt? At Lovaniensi Academiæ rem omnium animis & auribus usque adeo absõnam tribuere religioni ducere.

Deinde perpendenda est Tapperi declaratio, in qua certè major desiderari posset accuratio.

I. Dicit Christum expressis verbis affirmasse, Ecclesiam super Petri Sedem adificatam esse, quod Christus expressis verbis non affirmat. Idque patet ex Christi verbis, quæ adducit.

II. Non dicit, quænam sit Petri Sedes, an Antiochena vel Romana, an utraque? Nam utriusque festum agitur.

III. Super Petram, nunc super Petrum, nunc super Petri Sedem interpretatur. Quasi unum & idem esset



super Petrum & super Petri Sedem. Antea tamen sedentem à Sede distinxit, cum mortuo Petro Petri Sedem remanuisse dixit.

IV. Tapperus ait, vide Hieronymum in hunc locum: Vidimus, & ille sic loquitur in cap. xvi. Matth. Sicut ipse lumen Apostolis donavit, ut lumen mundi appellarentur, cateraque ex Domino sortiti sunt vocabula; ita & Simoni. Qui credebatur in petram Christum, Petri largitus est nomen. Ac secundum metaphoram petra, recte dicitur ei, *Edificabo Ecclesiam meam* 40 *super te*. At non dicit, *super Petri Sedem*. Et hic Tapperi consilio non favet. Quemadmodum nec favet in cap. vii. Matth. ubi scribit: *Super hanc petram Dominus fundavit Ecclesiam: Ab hac petra Apostolus Petrus sortitus est nomen. Super huiusmodi petram non inveniuntur serpentis vestigia*. Et post alia: *Fundamentum, quod Apostolus architectus posuit, unus est Dominus noster Jesus Christus*. Super hoc fundamentum stabile & firmum & per se robusta mole fundatum, edificatur Christi Ecclesia. Sed minus adhuc favet in libro i. contra Jovinianum: *At dicis, super Petrum fundatur Ecclesia*. Licet idipsum in alio loco super omnes Apostolos fiat, & cuncti claves regni calorum accipiant, & ex aequo super eos Ecclesia fortitudo solidetur, tamen propterea unus eligitur, ut capite constituto schismatis tollatur occasio. Et tandem minus adhuc favet in Psalmum lxxxvi. *Fundamenta ejus in montibus sanctis, quos nos possumus dicere fundamenta? Apostolos*. In illis erant fundamenta: ibi primum posita est fides Ecclesia, & ibi posita sunt fundamenta.

V. Vide Chrysostomum in hunc locum. Vidimus, & ille sic loquitur in Homilia lv. super Matthæum: *Et super hanc petram edificabo Ecclesiam meam, id est, fidem atque confessionem*. Deinde in cap. i. Epistolæ ad Galatas: *Itaque cum Petro dixisset: Beatus es Simon Barjona, promississetque futurum, ut Ecclesia fundamenta super illius confessionem jaceret, haud multo post dicit eidem*. At Chrysostomus neque super Petrum, neque super Petri Sedem dicit ædificatam esse Ecclesiam, sed super Petri confessionem. Quem auctorem ab aliis videri vult Tapperus, ipse non vidit, aut oblique vidit.

VI. Vide Cyprianum: Vidimus, & ille dum loquitur, spectat illuc, quod Tapperus non spectat. In exemplum sint Epistolæ duæ, una est xxvii. ad Lapfos: *Dominus, inquit, noster, cujus præcepta metueri & observare debemus, Episcopi honorem, & Ecclesia sua rationem disponens in Evangelio loquitur, & dicit Petro: Ego dico tibi, quia tu es Petrus, & super istam petram edificabo Ecclesiam meam, & porta inferi non vincet eam, & tibi dabo claves regni calorum, & quæ ligaveris super terram, erunt ligata & in calis: Et quæcunque solveris super terram, erunt soluta & in calis: Ideo per temporum & successionum vices Episcoporum ordinatio, & Ecclesia ratio decurrit, ut Ecclesia super Episcopos constituatur, & omnis actus Ecclesia per eosdem prepositos gubernetur*. Cum hoc itaque divina lege fundatum sit, miror quosdam audaci temeritate sic mihi scribere voluisse, quando Ecclesia in Episcopo & Clero & in omnibus sanctis sit constituta.

Altera verò est xl. ad universam plebem: *Deus unus est & Christus unus, & una Ecclesia & Cathedra una super Petrum Domini voce fundata*.

In Epistola priori docet adversus Lapfos quomodo fundata sit, & quibus personis constet Ecclesia. In posteriori ad Ecclesiæ unitatem contra schismaticos respectum habet.

Et sanè cum Tapperus Cyprianum adducit, ut lemma suum confirmet, significat ignorare se, qui & qualis Cyprianus fuerit, & in quas tum demum disceptationes cum Stephano Romano Pontifice venerit.

VII. Ad reliquos Patres lectorem perinde remittit, ac si pari modo, super petram, exponerent. Hic Romanos Pontifices solos attingam.

Leonem I. in sermone lxi. de Anniversario assumptionis suæ: *Quia tu es Petrus, id est, cum ego sim inviolabilis petra, ego lapis angularis, qui facio utraque unum, ego fundamentum, præter quod nemo potest aliud ponere, tamen tu quoque petra es, quia mea virtute solidaris, ut quæ mihi potestate sunt propria, sint tibi mecum participatione communia*. Et super hanc petram edificabo Ecclesiam meam, & porta inferi non prevalebunt adversus eam. Super hanc, inquit, fortitudinem æternum æstruam templum; & Ecclesia mea calo inferenda sublimitas, in huius fidei firmitate consurget. Hanc confessionem porta inferi non tenebunt.

Felicem III. in Epistola v. ad Zenonem Imperatorem: Cum ipse (Petrus) dixisset ad Dominum, *Tu es Christus filius Dei vivi, ab ipso audire meruit: Beatus es Simon Barjona, quia caro & sanguis non revelavit tibi. Sed Pater meus, qui in calis est, & super ista confessione edificabo Ecclesiam meam*.

Hormisdam in Commonitorio, quod Ennodio & Fortunato Constantinopolim ablegatis dedit: *Sancti Patres, qui ista constituerunt, beati Petri Apostoli fidem secuti sunt, per quam edificata est Ecclesia Christi*.

Gregorium I. in libri lxi. Epistola xxxiii. ad Theodelindam Reginam: *In vera fide persistite & vitam vestram in petra Ecclesia, hoc est in confessione beati Petri Apostolorum Principis solidate*.

Hadrianum I. in Epistola, quæ actione xi. septimæ Synodi lecta & probata est: *Iste (Petrus) tam præcelso prælatu honore promeruit confiteri fidem, supra quam fundatur Ecclesia Christi*.

Joannem VIII. in Epistola lxxvi. ad Petrum Comitem: *Supra quam etiam solidam confessionis petram suam Dominus Ecclesiam fabricavit*.

Innocentium II. in Epistola cxciv. ad Henricum Senonensem & Samonem Archiepiscopos eorumque suffraganeos, apud sanctum Bernardum: *Inde est, quod beatus Petrus Apostolorum Princeps pro eximia fidei confessione à Domino ac Salvatore nostro audire meruit, Tu es, inquit, Petrus, & super hanc petram edificabo Ecclesiam meam: Petram utique, firmitatem fidei & Catholica unitatis soliditatem manifestè designans*.

Hadrianum IV. in Epistola ad Fredericum Imperatorem: *Personam suam sicut charissimi & speciales filii nostri & Principis Christianissimi, quem in Apostolica confessionis petra non ambigimus per Dei gratiam solidatum, sincera semper dileximus charitate*.

Urbanum III. in Epistola ad Archiepiscopos, Episcopos, & Abbates Angliæ: *Celestis altitudo consilii firmam retinens in sua dispositione censuram, sacrosanctam Romanam Ecclesiam, ad cujus regimen sumus licet insufficientes assumpti, supra petram fidei soliditate fundavit, illud ei tribuens in Apostolica confessionis fortitudine firmamentum, cui nec procella turbinis, nec prevallere possit spiritus tempestatis*.

Innocentium III. in serm. xi. de Consecrat. Pont. *Tu es Petrus, & super hanc petram edificabo Ecclesiam meam, & porta inferi non prevalebunt adversus eam*. Cum enim idem sit ipse fundator & fundamentum Ecclesiæ, profectò porta inferi non prevalebunt adversus eam, quia fundamentum immobile perseverat, de quo dicit Apostolus, *Fundamentum positum est, præter quod aliud poni non potest, quod est Christus Jesus*. Et paullo post: *Fundata autem erat supra petram, super illam videlicet, de qua dicit Apostolus, Petra autem erat Christus*.

Tapperus Pontifices istos non viderat, qui non dicunt, quod ille dixisse asseruerat.

VIII. Cætera, quæ Tapperus subnectit, nisi commoda expositione molliantur, & ad sensum articuli xxv. reducantur, cum iis quæ antè docuit, & quæ retulimus, non videbuntur coherere. Pugnabit auctor secum & inconsequenter loquetur. Et ut dicam quod sentio, non satis accuratè & circumspectè scribit.

Est

Est & aliud, quod de Tappero adhuc observemus, postquam observavimus, quò Lovanienſis Academia cum ſuis articulis ſpectet. Hic auctor anno ſequenti, id eſt, MDLV. contra Philippum Melanchtonem lucubravit orationem numero tertiam, in qua cum Lovanienſis Academia ſententiam probare atque illuſtrare vellet ampliùs, hanc obſcuravit nonnihil, & ubi primùm figit epocham, quæ à veritate non parum abhorret. Sic autem ſcribit: *A tempore Conſtantiensis Concilii & Baſileenſis Doctores quidam apud ſolum Concilium œcumenicum docent eſſe infallibilis ſententia privilegium: Veteres verò ſcriptores Petro totius familia Chriſti præpoſito, Romano Pontifici ſupremo in terris poſt Petrum Chriſti Vicario, ut qui ſolus claves acceperit, quodlibet ligandi ac ſolvendi, ejusque cathedra proprium eſſe hoc privilegium infallibilis ſententia, concorditer ex Scripturis tradunt.*

In hac epocha propoſitiones ſunt duæ. Prior: *A tempore Conſtantiensis Concilii & Baſileenſis Doctores quidam apud ſolum Concilium œcumenicum docent eſſe infallibilis ſententia privilegium.*

Tapperus Theologos qui hoc docent, non ſatis accuratè numerat. Dicere non debuit: *Doctores quidam:* Sed Doctores bene multi. Nimirum illi omnes, qui Romano Pontifici non errandi privilegium abjudicant, & eum univerſali Concilio ſubjiciunt. Hos autem quis omnes numero ſubducatur?

Albertus Pighius Campenſis ad annum MDXXXVIII. ſcribebat in libri VI. de Hierarchia capite II. ubi de Conſtantiensis & Baſileenſis Concilii decretis loquitur: *Quorum auctoritatem & ſequens & aſſerens Joannes ille Gerſonus Cancellarius Pariſienſis (quem in hodiernum uſque diem univerſa illa ſchola ſequitur) in tractatu de poteſtate Eccleſiaſtica, & in altero quem inſcribit de auferibilitate ſponſi hanc poſitionem ſuo illo ſcholaſtico more diſtinctius probabiliùsque & explicare & defendere nititur.*

Franſciſcus Viſtoria Hiſpanus in libro de poteſtate Papæ & Concilii: Concilium, ait, eſſe ſupra Papam, eſt communis ſententia Pariſienſium & multorum Doctorem in Theologia & Canonibus, ut Panormitani & aliorum. Hæc ille qui anno MDXLVI. mortem oppetiit.

Joannes Celaia Hiſpanus Pariſienſis Theologus in tert. ſent. diſt. xxv. quæſt. v. Quæritur V ad quem ſpectat editio Symboli fidei Catholica, & determinat ea, quæ fidei ſunt. Pro hujus quæſtionis enodatione eſt advertendum, quòd mirabilis eſt controverſia inter Doctores Catholicos veluti de ſuperioritate Papæ ad Concilium. Nam Joannes de Gerſono & Galli Doctores, & multi Alemannorum tenent, quòd ad univerſale Concilium pertinere edere Symbolum, & determinare ea, quæ fidei Catholica ſunt, & non ad Papam. Hæc ille, qui Viſtorie æqualis fuit.

Joannes Franciſcus Picus in Theoremate IV. de fide ad Julium II. Quòd autem Pontifex errare in judicando poſſit, aſſeverantiſſimè à plerisque pronuntiat. Aiunt enim notiſſimum eſſe, Pontificem ſummum hæreticum fieri poſſe & deponi à Sede. At vox, plerique, Doctorum partem majorem importat. Franciſcus Picus ad annum MDX. claruit.

Senonenſe Concilium Provinciale, quod anno MDXXVIII. habitum eſt, in decreto III. de Conciliorum auctoritate: *Absurdum*, inquit, non abs re videri poſſit, ſi tanto ſtudio veteri Synagoga Deus aſſuit, ut ſi quid in lege difficile vel ambiguum occurreret, quòd citra controverſiam à iudicibus & legiſperitis abſolvi non poſſet, Designato tamen cœtu non carent, cujus arbitrio res tota ſiniretur: Eccleſiam autem longe Synagoga potiorẽ ita neceſſariis deſtituat auxiliis, ut prorsus non habeat, cui ſuborta de fide quæſtione tuò ſatis imitti poſſit. Proinde cum certa ſit & infallibilis Eccleſia regula, nec aliquando inviſibilitatis prætextu tandem eludi queat, ea proſectò ſacris Conciliis generalibus auctoritas derogari non poſſet, quæ proximè univerſalem repræſentant Eccleſiam.

His enim Conciliis ſi ea decernendi, quæ ad ſinceritatem fidei, & extirpationem hæreſum, Eccleſia reformationem & morum integritatem pertinent, poteſtas adimatur, nihil certum, nihil ſtabile futurum eſt, nihil denique, quò hæreticus ab Orthodoxo poſſit internoſci. Quibus poſtremis verbis non obſcurè ſignificat, id non eſſe Romani Pontificis judicium, quò hæreticus ab Orthodoxo poſſit certò internoſci. Neceſſarium ad ſtatuendum iſtud diſcrimen judicium generali Concilio tranſſcribit.

Clemens VII. in epittola, quam anno MDXXXIII. ad Franciſcum I. Gallie Regem de generali Concilio celebrando dedit: *Superiore*, inquit, biennio, ſicut tua majeſtas recordari poteſt, cum ſereniſſimum Caſarem quamquam pro ſua inclita pietate omnia conatùs, tamèn in Conventu Auguſtano nihil remedi ad hæreſim Lutheranam in Germania tollendam præ illorum obſtinatione afferre potuiſſe audiremus, ſolùmque generalis Concilii remedium à noſtris prædeceſſoribus in caſu ſimili uſitatum, & ab ipſis Lutheranis poſtularum ſuperſeſſe videremus, habita ſuper hoc cum venerabilibus fratribus noſtris S. R. E. Cardinalibus matura deliberatione, ad ipſius Concilii indictionem in Italia & loco ad hoc commodiore celebrandi devenire intendentes, id tua Majeſtati, ſicut Caſaris, & cæteris Principibus ſignificandum communicandumque duximus. Notanda ſunt verba hæc, ſolùmque Concilii generalis remedium à noſtris prædeceſſoribus in caſu ſimili uſitatum; Quæ Tapperus non vidit: Nam ſi vididiſſet, non ſcripiſſet quæ ſcripſit adverſus Romanæ Eccleſiæ traditionem, quam Pontifex auctoritate ſua confirmat.

Secundùm iſta & alia multa quæ referre longum eſſet, & fortalliſ moleſtum, Facultas Theologiæ Pariſienſis facilè ſe prodiit in illis articulis, quos anno MDXIII. circa controverſia Chriſtianæ religionis dogmata exaravit. Articuli ſunt tres XVIIII. XIX. & XXII.

Tenetur & quilibet Chriſtianus firmiter credere unam eſſe in terris univerſalem Eccleſiam viſibilem, quæ in fide & moribus errare non poteſt, cui omnes fideles in his quæ ſunt fidei & morum obedire aſtringuntur.

Quòd ſi quid in Scripturis ſacris controverſia aut dubii oriatur, ad præſatam Eccleſiam definire ac determinare ſpectat.

Certum eſt Concilium generale legitime congregatum univerſalem Eccleſiam repræſentans in fidei & morum determinationibus errare non poſſe.

De Romano Pontifice ſeorſum ab Eccleſia vel Concilio ſpectato articulus eſt unus tantùm, qui ſic ſe habet: *Nec minus certum eſt unum eſſe jure Divino Summum in Eccleſia Chriſti militante Pontificem, cui omnes Chriſtiani parere tenentur, qui quidem poteſtatem habet indulgentias concedendi.*

Facultas judicem controverſiarum non facit Romanum unicum Pontificem, ſed univerſalem Eccleſiam, quæ per generale Concilium repræſentatur. Franciſcus I. articulos illos communiit edicto, quod apud ſupremas & inferiores regni Curias omnes publicis tabulis inſcriptum eſt. Exinde contigit, ut Pariſienſium Theologorum doctrina in regni totius doctrinam evaſerit.

Hæc pauca de multis efficiunt, ut Tapperus enormiter lapſus fuerit, cum dixit: *A tempore Conſtantiensis Concilii & Baſileenſis Doctores quidam apud ſolum Concilium œcumenicum docent eſſe infallibilis ſententia pri-*

49  
vilegium.  
Propoſitio poſterior eſt hæc: *Veteres ſcriptores Petro totius familia Chriſti præpoſito, Romano Pontifici ſupremo in terris poſt Petrum Chriſti Vicario, ut qui ſolus claves acceperit quodlibet ligandi ac ſolvendi, ejusque cathedra proprium eſſe hoc privilegium infallibilis ſententia concorditer ex Scripturis tradunt.* Tapperus ut propoſitionem iſtam probet, laudat Romanos Pontifices duos, Innocentium I. & Innocentium III. quos ſi noviſſet bene, non laudaſſet unquam, nec in probationem inſumpſiſſet.



Tapperum igitur sequor, sed ex Innocentio plura refero, quàm ille retulit, quò videatur planius, num Pontifex hic Tappero suffragetur. Sic autem Innocentius scribit ad Milevitani Concilii Patres: *Inter ceteras Romana Ecclesia curas & Apostolica Sedis occupationes, quibus diversorum consulta fidei ac modica disceptatione tractamus, frater & Coepiscopus noster Julius dilectionis vestrae literas, quas ex Milevitano Concilio cura fidei propensius misistis, mihi inopinanter ingessit, Carthaginensis etiam Synodi querela parilis scripta subiungens. Et paullo post: Diligenter ergo & congrue Apostolico consilio honoris, honori inquam illius, quem prae illa, quae sunt extrinsecus, sollicitudo manet omnium Ecclesiarum super anxietatibus, quae sit tenenda sententia, antiquae scilicet regulae formam secuti, quam toto semper ab orbe mecum nostris esse servatam. Verum haec missa facio. Neque enim hoc vestram credo latere prudentiam. Quid, id etiam actione firmastis, nisi scientes, quòd per omnes provincias ab Apostolico fonte petentibus responsa*  
*semper emanent? Praesertim cum fidei ratio ventilatur, arbitror omnes fratres & Coepiscopos nostros, non nisi ad Petrum, id est, sui nominis & honoris auctorem referre debere, velut nunc retulit vestra dilectio, quòd per totum mundum possit omnibus Ecclesiis in commune prodesse. Fiant enim necesse est cautiore, cum inventores malorum ad duplicis relationem Synodi sententia vestra statim viderint ab Ecclesiastica communione se junctos. Genuo igitur bono charitas vestra fungitur. Nam & Canonum potestatem gratia servatorum, & beneficio vestro totus orbis utitur. Quis enim Catholicorum virorum cum adversariis Christi velit ulterius miscere sermonem? Quis saltem ipsam lucem vitae communione partiri? Et postquam variis Scripturae testimoniis Milevitanae Synodi definitionem asseruit, subnectit: Quare Pelagium, Caestiumque, id est inventores vocum novarum, quae sicut dixit Apostolus adificationis nihilum, sed magis vanissimas consueverunt parere quaestiones, Ecclesiastica communione privari, Apostolici vigoris auctoritate censemus, donec respiciant de Diaboli laqueis, à quo captivi tenentur secundum ipsius voluntatem, eosque interim Dominico ovili non recipi, quòd ipsi perversa via secuti tramitem deserere voluerunt. Cur autem ad Africanos scribat: Cum fidei ratio ventilatur, arbitror omnes fratres & coepiscopos nostros non nisi ad Petrum, id est sui nominis & honoris auctorem referre debere, id quae ratione faciendum sit, docet in exordio epistolae ad Decentium Eugubinum Episcopum: Si instituta Ecclesiastica, ut sunt à beatis Apostolis tradita, integra vellent servare Domini Sacerdotes, nulla diversitas, nulla varietas in ipsis ordinibus ac consecrationibus haberetur, sed dum unusquisque, non quòd traditum est, sed quòd sibi visum fuerit, hoc existimat esse tenendum, inde diversa in diversis locis vel Ecclesiis aut teneri aut celebrari videntur. Et paullo post: Quis enim nesciat, aut non advertat, id quòd à Principe Apostolorum Petro Romana Ecclesia traditum est, ac nunc usque custoditur, ab omnibus debere servari, nec superduci, aut introduci aliquid, quòd aut auctoritatem non habeat, aut aliunde accipere videatur exemplum? Praesertim cum sit manifestum, in omnem Italiam, Gallias, Hispanias, Africam, atque Siciliam, insulasque interjacentes nullum instituisse Ecclesias, nisi eos, quos venerabilis Apostolus Petrus, aut ejus successores constituerint Sacerdotes, aut legant, si in iis provinciis alius Apostolorum invenitur aut legitur docuisse. Qui si non legunt, quia nusquam inveniunt, oportet eos hoc sequi, quòd Ecclesia Romana custodit, à qua eos principium accepisse non dubium est, ne dum peregrinis assertionibus studeant, caput institutionum videantur omittere. In his autem omnibus quorum alia ex aliis intelliguntur, liquidò patet Innocentium indeficientis iudicii privilegium sibi non asserere, tametsi Romanae Ecclesiae & Sedi Apostolicae multa jure tribuat. Hic Romanae Ecclesiae cura & Sedis Apostolicae occupatio consistit in vindicandis iis, quae contra Pe-*

lagium & Caestium Synodi duae decreverant. Romanae Ecclesiae curam, & Sedis Apostolicae, cui praeerat Innocentius, occupationem cum statutis duarum Synodorum conjungit.

Ad rem ipsam, cui vacat Tapperus, quòd attinet, Innocentius in generali Concilio Ecclesiasticorum iudiciorum summam ponebat. Id sincerè profitetur in epistola, quam apud Sozomenum ad Constantinopolitanos Clericos scribit: *Sed quòdnam, inquit, remedium hisce rebus in praesenti adferemus? Necessaria erit Synodalis cognitio, quam etiam multo jam antea congregandam duximus. Ea quippe sola est, quae hujusmodi procellarum impetus retundere potest, quam quidem donec consequamur, expedit medelam calamitatis hujus committere voluntati magni Dei, ac Christi ejus Domini nostri. Illa universis, quae nunc per invidiam Diaboli ad examen fidelium perturbata sunt, tranquillitatem dabit. Nihil enim desperare debemus, freti nostra in Deum fide. Ac nos quidem multum deliberamus, quonam modo Synodus oecumenica congregari possit, per quam Divina voluntate turbulenti isti motus consopiri possint. Expectemus igitur tantisper, ac vallo patientiae committi speremus auxilio Dei cuncta nobis esse restituenda.*

Innocentius de illa oecumenica Synodo, quam Joannes Chrysostomus appellaverat, sermonem instituit.

Deinde apprimè noverat, quòd decessor Siricius Anysio & ceteris Episcopis per Illyricum constitutis scripserat in haec verba: *Accepi literas vestras de Bonoso Episcopo, quibus vel pro veritate, vel pro modestia nostram sententiam sciscitari voluistis. Sed cum hujusmodi fuerit Concilii Capuensis iudicium, ut finitimi Bonoso atque ejus accusatoribus iudices tribuerentur, & praecipue Macedones, qui cum Episcopo Thessalonicensi de ejus factis vel cognoscerent, advertimus, quòd nobis iudicandi forma competere non posset. Nam si integra esset hodie Synodus, rectè de iis quae comprehendit vestrorum scriptorum series, decerneremus. Vestrum est igitur, qui hoc recepistis iudicium, sententiam ferre de omnibus, nec repugnandi vel elabendi, vel accusatoribus vel accusato copiam dare. Vicem enim Synodi recepistis, quos ad examinandum Synodus elegit. Denique cum Bonosus Episcopus post iudicium vestrum misisset ad fratrem nostrum Ambrosium, qui ejus sententiam consuleret, interdixit sibi Ecclesiam irrumpere atque ingredi; Responsum est ei, quòd nihil temerandum foret, sed omnia modeste, ordine gerenda, neque contra sententiam vestram tentandum aliquid, ut quòd videretur vobis iustitiae convenire, statueretis, quibus hanc Synodus dederat auctoritatem. Ideò primum est, ut ii iudicent, quibus iudicandi facultas est data. Vos enim totius, ut scripsimus, Synodi vice decernitis, nos quasi ex Synodi auctoritate iudicare non convenit. Tum in fine: Legimus etiam & omnia percurramus vel de eo, quòd fratri nostro & coepiscopo Basilio in consortium regenda Ecclesia datus est Senecio, vel de ceteris, unde vestra normam expectamus sententiae. Haec inquam apprimè noverat Innocentius, & quia ante annos non multos gesta fuerant, & quia in epistola ad Martianum Narisanum Episcopum constituit, ut fusciperentur Clerici, quos Bonosus antequam damnaretur, ordinaverat: His videlicet, qui se ante damnationem Bonosi assererent ab eodem tam Presbyteros, quàm Diaconos ordinatos, ut si relicto atque damnato ejus errore vellent Ecclesiae copulari, libenter reciperentur.*

Sic Innocentius & ante illum Siricius vix magis potuerunt Curiae adversari placitis, quibus favere Tapperus videtur.

Nunc conveniendus est Innocentius III. in capite Majores, ubi sic pronuntiat: *Majores Ecclesiae causas praesertim articulos fidei contingentes ad Petri Sedem referendos intelligit, qui eum querenti Domino, quem Discipuli dicerent ipsum esse, respondisse notabit: Tu es Christus filius Dei vivi, & pro eo Dominum exorasse, ne deficiat fides ejus. Sunt autem & haec verba, quibus propositionem*

positionem suam posteriorem Tapperus confirmat, non confirmaturus utique, si qui & qualis erat Innocentius III. non planè ignorasset: Is sibi non errandi privilegium nec vindicabat, nec vindicavit unquam. Sed primum audiendus est ipse in sermone II. de consecratione Pontificis: *In tantum*, inquit, *mibi fides necessaria est, ut cum de ceteris peccatis Deum judicem habeam, propter solum peccatum, quod in fide committitur, possem ab Ecclesia judicari. Quid clarius?*

Deinde in libri III. Regest. xv. in epist. c. iv. ad Philippum Regem Francorum: *Diligenter auditis & perspicaciter intellectis, qua nobis ex parte Regia dilecti filii Abbas de Trappa, & J. Clericus tuus proponere curaverunt, & habito cum fratribus nostris studioso tractatu non occurrit nobis aliqua via per quam in his, qua ipsi pro te postulaverunt à nobis tua secundum \* possemus occurrere voluntati sub obestatione Divini iudicii protefiantes, quod libentissime si possemus cum Deo, ab illo te curaremus vinculo expedire, à quo desideras vehementer absolvi.* Sed in carnali commercio inter te ac Reginam conjugem tuam adeò est processum, quod si etiam illi tantum confessioni vellems insistere, quam nuper eadem Regina fecisse proponitur coram predicto Abbate de Trappa & dilecto magistro Roberto Corzon, nunc tituli sancti Stephani in Celio Monte Presbytero Cardinali, non audeamus super huiusmodi casu de nostro sensu pro te aliquid definire propter illam sententiam evangelicam, quam ipse Christus expressit, ut quod Deus conjunxit, homo non separet, cum absque dubio nec Sanctorum exempla, nec Patrum decreta intentioni tua in hoc articulo suffragentur. VERUM SI SUPER HOC ABSQUE GENERALI DELIBERATIONE CONCILII DETERMINARE ALIQUID TENTAREMUS, PRÆTER DIVINAM OFFENSAM ET MUNDANAM INFAMIAM, QUAM EX EO POSSEMUS INCURRERE, FORSAN ORDINIS ET OFFICII NOSTRI NOBIS PERICULUM IMMINERET, CUM CONTRA PRÆMISSAM VERITATIS SENTENTIAM NOSRA NON POSSIT AUCTORITAS DISPENSARE. In postrema periodo hæc res<sup>a</sup> adversus Tapperum stilo decretorio conficitur, ut commata singula demonstrant. Usque adeò perspicua est veritas, ut argumentatione nulla elevaretur. Sufficiens Pontifices duo, ut probetur, Tapperum in epocha sua non leviter peccasse. Si necesse esset, adjungerem complures alios, qui latè producuntur in epistola, quam ad Jacobum Malatestam Parisiensem Theologum de Conciliorum utilitate & necessitate scripsi. Sed cum ibi legi facile possint, superfedeo.

Non moror Athanasii & Alexandrinæ Synodi ad Felicem II. literas, quarum auctoritate usus non esset Tapperus, si Athanasii epistolam ad Solitarios legisset, ubi Athanasius pro Antichristo Felicem habet: *Hoc*, ait, *ministro (Epicteto homine neophyto) utens (Constantius) incredibile facinus designavit, & quod verè referat imaginem Antichristi, ut qui in locum Ecclesie Palatium suum succedere voluerit, & pro conventu Papali & jure Comitiorum tres Eunuchos presentes esse jussit, tresque item excoñdentes excoñdentes, malis artibus imbuos exploratores: Non enim eos Episcopos dixeris, ut ipsi Felicem quendam Episcopum in Palatio crearent, dignum profectò talibus suffragatoribus. Ceterum populi omnes cognita hereticorum pravitate non permisere eos Ecclesiam intrare, proculque ab eis recesserunt. Quid igitur hic, quod Antichristi non sit, omisit?*

Verum non Athanasius modò, sed etiam plures alii Felicem legitimum esse Pontificem haud credidere.

Optatus Milevitanus Episcopus Felicem hunc in Romanorum Pontificum recensione prætermittit. Sic enim eos recenset in libro II. Ergo in cathedra unica, qua est prima de dotibus, sedit prior Petrus. Cui successit Linus, Lino successit Clemens. Et quibusdam interpositis: Silvestro Marcus, Marco Julius, Julio Liberius, Liberio Damasus, Damaso Siricius hodie, qui

noster est socius. Aequalis erat Liberio & Felici Optatus. Ac proinde cum Optatus omittit Felicem, sciens & prudens omittit.

Augustinus Optatum sequitur, & in epistola c. lxxv. Romanos Pontifices recensens Felicem præterit. Sic enim scribit: *Si ordo Episcoporum sibi succedentium considerandus est, quanto certius, & verè salubriter ab ipso Petro numeramus, cui totius Ecclesie figuram gerenti Dominus ait, Super hanc petram edificabo Ecclesiam meam, & portæ inferorum non vincunt eam! Petro enim successit Linus, Lino Clemens, Clementi Anacletus. Et quibusdam interjectis: Silvestro Marcus, Marco Julius, Julio Liberius, Liberio Damasus, Damaso Siricius, Siricio Anastasius.*

Sunt quidem alii, qui de Felice mentionem, sed parum honorificam faciunt: Marcellinus & Faustinus in Præfatione libelli precum ad Imperatores: *Sed eodie, quo Liberius ad exilium proficiscebatur, Clerus omnis, id est Presbyteri, & Archidiaconus Felix, & ipse Damasus Diaconus, & cuncta Ecclesia officia, omnes pariter presente populo Romano sub iurejurando firmaverunt, se vivente Liberio Pontificem alterum nullatenus habituros. Sed Clerus contra fas, quod minimè decebat, cum summo perjurii scelere Felicem Archidiaconum ordinatum in locum Liberii susceperunt. Quod factum universo populo displicuit, & se ab ejus processione suspendit.*

Hieronymus in Chronico: *Liberio in exilium ob fidem truso omnes Clerici juraverunt, ut nullum alium susciperent. Verum cum Felix ab Arianis fuisset in Sacerdotium substitutus, plurimi perjuraverunt, & post annum cum Felice ejecti sunt. Hæc illi auctores æquales & pene oculati testes, qui Felicem pro intruso Pontifice habuerunt. Ad quem quis Athanasium & Alexandrinam Synodum affirmaret epistolam scripsisse sic inscriptam? Domino beatissimo & honorabili, sancto patri Felici sanctæ Sedis Apostolicæ urbis Romæ, Athanasii & universi Egyptiorum, Thebaidorum, & Libyorum Episcopi in sancta Alexandrina Synodo gratia Dei congregati.*

Deinde exulante Liberio & occupante Romanam Sedem Felice, Athanasius non erat Alexandria, sed in fugam conversus. Quomodo igitur potuit Alexandria Synodum cogere, & ad Felicem scribere?

Tum ubinam Synodi hujus mentio, vel apud Athanasium, qui tot Synodorum meminit? vel apud Hilarium, qui librum de Synodis fidei Catholicæ adversus Arianos composuit? vel apud Luciferum Calaritanum Episcopum, qui libros ingentes duos scripsit pro Athanasio? vel apud Hieronymum, qui Chronicum usque ad Imperatorem Gratianum perduxit? vel apud Socratem, Theodoretum, Sozomenum, qui de vexatione Athanasii, & de rebus illius temporis tam multa tradiderunt memoriæ? vel tandem apud Prosperum qui Chronicum ab ortu rerum ad mortem Valentis cum annotatione Consulum edidit?

Postremò ubinam sunt Græcæ Alexandrinæ Synodi, & epistolæ, qua de agitur, exemplaria? quis illa vidit unquam? quis Latinitate donavit?

Tapperus epistolæ huic adjungit Cyrilli Alexandrini loca duo, quæ magni essent ponderis, si vera essent. Sed apud beatum Thomam Cyrillo supposita sunt. Suppositionis rationes in duabus ad Antonium Faunum epistolis amplissimè deduxi. Has nunc repetere supervacaneum esset. Locorum suppositio & falsitas tam est perspicua, ut nimio lumine oculorum aciem perstringat.

Hic auctor progreditur ulterius, & ait propositionem suam ex eo confirmari, quod universalia Concilia prima quatuor constitutionum suarum approbationem ab Romano antistite petiverint, ut eorundem Conciliorum acta testantur. Sed acta, quæ ad Nicænum Concilium pertinent, non expendit, rejecturus illa sine dubio, si dignatus fuisset expendere. Falsitatis indicia percurro



curro in epistola ad Jacobum Bevilacqua Parisiensem Theologum. Non repeto hic, ne actum agere videar. Constantinopolitanum I. Concilium nec constitutionum suarum petiit approbationem à Damaso, nec Damasus dedit. Acta Concilii hujus nulla sunt, seu vera, seu etiam falsa, quæ Tapperus faveant. Si Constantinopolitani Concilii constitutiones approbavit Damasus, ut Tapperus putat, cur Leo I. in Chalcedonensi Concilio per Legatos intercessit, quominus Concilii hujus Canon 11. in auctoritatem admitteretur, ubi sancitur: *Ut Constantinopolitanus Episcopus habeat honoris primatum, post Romanum Episcopum, propterea quod urbs ipsa sit junior Roma?* Cur Leo tot epistolas nunc ad Anatolium Constantinopolitanum Episcopum, nunc ad Martianum Augustum, nunc ad Pulcheriam Augustam, nunc ad Julianum Coenssem Episcopum, ad Juvenalem Hierosolymitanum, ad Maximum Antiochenum contra relatum canonem exaravit?

Verum Tapperus demus universalia Concilia prima quatuor, quam ille sibi vindicat, confirmationem petiisse: Non petierunt majorem, me vide, vel efficacior, vel luculentior ea, quam Martinus I. pro Romanæ Synodi gestis à Gallicana Synodo petiit, ad  
60 *Amandum* ita scribens Trajectensem Episcopum: *Ideo necesse habuimus, ut pro quadam negligentia, & animarum detrimento, quæ nobis commissa sunt, culpa reatu obstringamur, catum generalem fratrum & coepiscoporum in hac Romana civitate congregare, in quorum præsentia memoratorum hæreticorum scelerosa conscripta examinata atque denudata sunt, & Apostolico mucrone, Patrumque definitionibus, uno ore, unoque spiritu condemnavimus, ut cognoscemes universi errorem, qui in eis continetur, eorum pollutione nullatenus maculentur. Unde prævidimus volumina gestorum Synodali in præsentia vobis dirigere unâ cum Encyclia nostra. Ex quorum serie omnia subtiliter potestis addiscere, & tenebras illorum nobiscum, ut filii lucis, extinguere. Idcirco studeat fraternitas tua omnibus eadem innotescere, ut tam abominandam hæresim nobiscum execrentur, quâmq; sua salutis sacramenta addiscere valeant, atque Synodali conventionem omnium fratrum & coepiscoporum nostrorum partium illarum effecta secundum tenorem Encycliæ à nobis directæ, scripta unâ cum subscriptionibus vestris nobiscum destinanda concelebrent, CONFIRMANTES ET CONSENTIENTES EIS, quæ pro orthodoxa fide & destructione hæreticorum vesania nuper exorta à nobis statuta sunt.* Martinus postquam Amando Romanæ Synodi rationem reddidit, ab eo postulat, ut Gallicani antistites in Synodum coeant, & Romanæ Synodi acta confirmant, iisque consentiant. Oecumenicæ Synodi primæ quatuor fecerunt, ne aliquid, quod cum Pontificis hujus epistola vel expressiori sermone, vel sincerioris animi certet indicio? Nunc Tapperus videat, quid ex  
61 *jaçtata* sua illa Conciliorum approbatione lucrari poterit, & num obtinuerit, quod obtinendum sibi sumpsit? Hoc inquam videat.

Interea dum propositionis verba hæc, *ut qui solus claves acceperit, quodlibet solvendi ac ligandi, tantisper attingam, & ab interpretatione Patrum abhorre doceam, si Tapperus Petrum Ecclesiæ personam tunc minime gestasse putet.*

Cyprianus in epistola xxvii. de Lapsis: *Dominus noster, inquit, cujus præcepta metuere & observare debemus, Episcopi honorem & Ecclesiæ suæ rationem disponens, in evangelio loquitur, & dicit Petro: Ego dico tibi, quia tu es Petrus, & super istam petram edificabo Ecclesiam meam, & porta inferi non vincent eam. Et tibi dabo claves regni cælorum, & quæ ligaveris super terram, erunt ligata & in cælis, & quæcunque solveris super terram, erunt soluta & in cælis. Inde per temporum & successionum vices Episcoporum ordinatio & Ecclesiæ ratio decurrit, ut Ecclesiæ super Episcopos constituantur, & omnis actus Ecclesiæ per eosdem præpositos gubernetur.* Siccine Petrus solus accepit claves, ut Tappe-

rus videtur intelligere cum Petrus claves accepit, Ecclesiæ personam gerebat, ut Cyprianus significat, & hic, & in epistola lxxxi. ad Jubaianum: *Quò venturus est, qui sitit, utrumne ad hæreticos, ubi fons & fluvius aquæ vitalis omnino non est? An ad Ecclesiam, quæ una est & super unum, qui & claves ejus (Ecclesiæ) accepit, Domini voce fundata est?*

Optatus in libro vii. contra Parmenianum: *Interclusa est malitia via, ne Apostoli animo licentiam iudicandi conciperent, & severe contemnerent eum, qui negaverat Christum. Stant toti innocentes, & peccator accepit claves, ut unitatis negotium formaretur, Id est, Ecclesia in persona Petri claves accepit.*

Augustinus in epistola L. ad Bonifacium Comitem: *In Ecclesia, ne quisquam post alicujus criminis penitentiam Clericatum accipiat, vel ad Clericatum redeat, vel in Clericatu maneat, non desperatione indulgentiæ, sed rigore factum est disciplina, alioquin contra claves datas Ecclesiæ disputabitur: De quibus dictum est, Quæ solveritis in terra, soluta erunt in cælo.*

Iterum in Psalmum cviii. *Sicut enim quadam dicuntur, quæ ad Apostolum Petrum propriè pertinere videantur, nec tamen habent illustrem intellectum, nisi cum referuntur ad Ecclesiam, cujus ille agnoscitur in figura gestasse personam propter primatum, quem in Discipulis habuit, sicut est, Tibi dabo claves regni cælorum, & si quæ hujusmodi.*

Hæc pauca de multis, quæ in epistola ad Hadrianum Vallantium Parisiensem Theologum cumulatifsimè descripsi. Sic ergo refixa est epocha, quam Tapperus parum accurate fixerat.

Sed utrum anno mdlv. recesserit à Lovaniensis Academiæ sententia, quam anno superiori in artic. xxi. declaratione statuit, incertum relinquit. Nam illa hinc inde scribit, quibus videtur non Petro vel Petri successoribus, sed Petri cathedræ privilegium infallibilis sententiæ attribueret. Sub orationis initium multa de iudicio cathedræ, & de officio cathedræ Petri disputat, & in ipsa epocha, quam ab illo fixam retuli, conceptis verbis ait: *Petri cathedræ proprium esse hoc privilegium infallibilis sententiæ.* Huc flecit Ambrosium de quo dicit: *Ambrosius confitetur se in omnibus sequi magis*  
62 *gistrum Romanam Ecclesiam.* Id etiam potest suadere Tapperus, cum Cypriani auctoritate utitur. Siquidem beatus ille Martyr id privilegii genus Ecclesiæ & unitati Ecclesiæ, & Romanæ ut hujus unitatis principio, consignat, non Romano Pontifici, à quo tam vehementer dissenfit, in iis, quæ ad hæreticorum baptismum pertinent. Et sanè qui ex Cypriano probare vellet, Romanum Pontificem errare non posse, omnium se ludibrio exponeret, & nescire se, qui & qualis Cyprianus fuerit, luculenter ostenderet.

Ad me quod attinet, optarem ego, ut Tapperus nec secum, nec cum Lovaniensis Academiæ traditione pugnaret. Sed cum eo qui Tapperum utroque modo pugnare secum, nec ita constanter differere contendet, non repugnabo.

Tappero succedit Joannes Hesselius à Lovanio, qui tractatum de cathedræ Petri perpetua protectione & firmitate, anno mdlxiv. edidit Lovanii. Ex tractatu pauca nobis delibanda sunt, ut videamus tandem num Lovaniensis Academiæ suæ traditionem deferat, vel sequatur.

Ex capite iv. ubi post laudatos Patres Irenæum, Cyprianum, Hieronymum, Ambrosium, Prosperum, sic laudat Augustinum in epistola clxv. *Si ordo Episcoporum, inquit, sibi succedentium considerandus est, quanto certius & verè salubriter ab ipso Petro numeramus, cui totius Ecclesiæ figuram gerenti Dominus ait, Super hanc Petram edificabo Ecclesiam meam, & porta inferorum non vincent eam? Ad hunc Augustini locum utpote clariorem omni luce revocari debent cætera patrum testimonia, quæ hoc in capite Hesselius adducit:*  
64 *Si renuas hoc mihi concedere, pugnabit secum auctor.*  
Igitur

Igitur videris. Si non pugnet secum, noster est & antiquorum Lovaniensium, si verò pugnet secum, nullius est.

Iterum ex capite VII. Cùm verò ad primum Pastorem aliqua controversia circa dogma religionis prolata fuerit, non pro sui capitis phantasia statim pronuntiare, sed & aliorum Pastorum iudicium audire debet, sive eos simul convocando, sive unoquoque eorum in loco suo manente, eorum sententias literis transmissas cognoscendo, precipueque ad præcessores suos attendere, quid illi vel tradiderint, vel de exorta quaestione definierint. Quinimo unitatis fiducia sit, ut si in aliquo ipse primus Pastor, ut homo erraverit circa fidei doctrinam, ab aliis Pastoribus arguatur, errorque monstratur, quomodo Paulus Apostolum Petrum, dum reprehensibilis esset, redarguit. Sicque sit, ut error hominis illius, qui Petri cathedram tenet, promissione eidem cathedra præstita emendetur. Sit in cathedra impius, sit infidelis, sicut erant in Moysi cathedra ipsi Moysi non credentes: Cælestis magister Christus in cathedra unitatis doctrinam posuit veritatis. Sic nec Petro nec Petri successoribus, sed Petri cathedræ indeficientis iudicii privilegium attribuit. Sed præ cæteris notanda sunt duo hæc. Unum est: Quinimo unitatis fiducia sit, ut si in aliquo ipse primus Pastor ut homo erraverit, circa fidei doctrinam, ab aliis Pastoribus arguatur. Quod exemplo beati Pauli confirmat. Alterum, Cælestis magister Christus in cathedra unitatis doctrinam posuit veritatis.

65 Rursus ex capite VIII. Imò tanta est Ecclesiæ fiducia in hac Domini gratia, qua se promissit per Petrum fideles confirmaturum, ut etiam Sedes Apostolica, ubi rectissime definierit aliquid ab omnibus suscipiendum, toleret eos, qui sua definitioni, vel nondum intellectæ, aut nondum ut legitima patefacta per carnalem caliginem (more sancti martyris Cypriani) probabilibus causis circa pertinaciam & aliter sentientium condemnationem adversantur: Quia novit Christi promissum esse stabile, & tales oppositiones proficere ad maiorem veritatis elucidationem. At cùm tot modis veritas alicujus dogmatis à tota Ecclesiâ fide suscepti fuerit patefacta, ut clareat Diabolica induitum esse malitia, qui resistere elegerit: Tunc tanquam hæreticum ejicit foras: tunc tanquam qui subversus est penitus, devitat; non tam pro ejus correctione laborans, quam ne ejus contagio inficiantur ceteri. Quibus verbis videtur innuere, promissionem Petro factam ad ipsam referri Ecclesiâ, quæ Sedis Apostolicæ definitionem susceperat, si tamen sedes illa rectissime definierit: Ubi, inquit, rectissime definierit aliquid ab omnibus suscipiendum. In suscipiendo ab Ecclesiâ dogmate potius, quam in definiendo promissum à Christo non errandi privilegium constituit. Quod post alia sic confirmat auctor:

66 Audi & longè posteriorem (Leone I.) Pontificem Alexandrum III. sic scribentem. Si quando aliqua tua fraternitati dirigitur, quæ animum tuum exasperare videntur, turbari non debes. Et infra: Qualitatem negotii pro quo tibi scribitur, diligenter considerans, aut mandatum nostrum reverenter adimpleas, aut per literas tuas, quare adimplere non possis rationabilem causam prætendas. Quia patienter sustineamus, si non feceris, quod prava nobis fuerit insinuatione suggestum. Cap si quando. de Rescriptis lib. 1. decretalium. Alexander ex definitionis suæ susceptione, non ex ipsa definitione rem esse bene definitam colligit. Quò spectat Hesselius, atque ex præmissis spectare debet.

Tum ex cap. x. ubi objectionibus respondet: Deus antequam erronea consultatio in Ecclesiâ Christi pervagetur, eam per successorem ejusdem cathedræ (Petri) corrigat, ut ad Ecclesiâ prius perveniat erroris correctio, quam ipse error Pontificis. Si quidem hand necesse est ex Christi promisso docere personam Pontificis non posse in religione errare (ut & supra dictum est) aut dum, ut privata persona, vel particularis diæcesis Episcopus agit, sive quandiu ejus sententia veluti privata persona est occulta,

nihil falsi posse aliis tradere: Sed hoc habet Christi promissio, quod Petri sive successoris ejus fides nunquam ita deficiat, quin semper sit Ecclesiâ, dum à portis inferi oppugnatur, firmaturus, ne illa prævaleant. Quando ergo Pontifex toti Ecclesiâ Christi aliquid præscribit credendum, tunc propriè officio Petri fungitur, tunc fides ejus non solum non deficit, sed etiam firmat Ecclesiâ. Hoc verò tunc propriè facit, cùm controversiæ exurgunt, & fideles ab eo pabulum postulant, alioqui dum nihil quaestioni est circa doctrinam fidei exortum, Pontificis est prius definita diligenter custodire, non novi aliquid pro suo libitu definiendum comminisci. Cùm auctor in objectionibus solvendis tenet medium quoddam iter, implicare seipsum videtur. Hinc enim non errandi privilegium Romano Pontifici adimit, & Romanæ cathedræ tribuit, hinc idem privilegium Romano Pontifici tribuit, cùm toti Ecclesiæ credendum aliquid præscribit. Quo in casu Romanam cathedram cum Romano Pontifice, & Sedem cum sedente conjungit, atque ita Christi orationem, quæ Luca cap. xxii. habetur, varias in partes convertit, & oranti versatili ingenium affingit. Quod certè ab honesto & vero abhorret, maximè, cùm propositio his concepta verbis: cùm Pontifex toti Ecclesiâ credendum aliquid præscribit, apud veteres Theologos inusitata sit, & exemplo nullo communiatur. In re autem tanti ponderis communiari aliquo debuit. Novum ideo quaestioni Theologicæ statum finxit, quo facilius proposita ab Hadriano & Theologis aliis argumenta solveret. Sed revera non solvit, eludit potius, cùm ait, hunc vel illum Pontificem non errasse ut Pontificem, quia cùm erravit, quid credendum vel agendum esset, Ecclesiæ toti non præscribebat. Verum auctor nec adfert nec adferre potest quicquam, quo lemma suum novum confirmet. Quis unquam vel in scripturis, vel apud Patres, Concilia, vetustiores Theologos vidit propositionem hanc, Romanus Pontifex errare non potest cùm quid credendum vel agendum sit toti præscribit Ecclesiæ? Si ex Scriptura, vel Patrum, Conciliorum, aut vetustiorum Theologorum dictis ratiocinandum sit, Hesselius per fallaciam accidentis ratiocinabitur; à non distributo ad distributum procedet, & hoc modo gignetur error, non scientia. Quæ cùm ita sint, negari non potest, quin subobscurè scripserit Hesselius. Sed quidquid est hoc in capite caliginis dissipatur, tum ex iis, quæ præcesserunt, tum etiam ex iis, quæ 68 subsequuntur.

Denique ex cap. xi. quò summam, ut fert titulus, repetitur explicatio promissionis facta cathedræ Petri.

Quò igitur paucis complectamur ea, quæ hæcenus dicta sunt circa Christi promissionem, qua promissit per Petrum ejusque successores custodire doctrinam fidei, arbitramur non pertinere hanc promissionem necessario ad privatam Pontificis, quam in corde coram Deo habet fidem, quasi ea deficere nequeat, neque ad ea, quæ aliis in occulto tradit, vel privatim consultis responderet aut docet, vel nulla in Ecclesiâ quaestione exorta, aut contra apertè prius definita, aut fratrum Pastorum, Doctorumque Ecclesiæ concilio non adhibito definire tentat, aut docet. In his enim, aut ut alius quilibet fidelis, aut ut alius Ecclesiæ particularis Pastor, aut ut impius, vel temerarius est habendus, nec petra Ecclesiæ officio fungitur: Sed cùm in Ecclesiâ quaestio aliqua religionem Christianam concernens exoritur, & ad eam à fidelibus ea refertur, illæque consideratis prius definitis, adhibitoque Pastorum inferiorum concilio præscribit, & præcipit toti Ecclesiæ, quid fide sequatur, tunc locum habet Christi promissio de fide ejus non defectura, sed fratres omnes confirmatura: sic enim semper Petri successores immaculatam fidem custodisse legimus, quanquam & in privatis consultationibus, in quibus aliis particularibus Episcopis similes sunt, longè excellentiores misericordia divina Petri successores feceris: Etiam hoc modo plerumque fideles confirmans.

Deni-



Denique hæc divina misericordia providit per ipsam  
 69 Sedem beati Petri, ut privatos errores sive imperitia &  
 rerum inexperientia, sive malitia Petri successoribus  
 subrepentes (cujus tamen certum exemplum non habemus)  
 statim per eandem Sedem aboleret, ut Ecclesia non  
 nocumentum, sed tutelam in fide, à Petri Sede sem-  
 per suscepit, omnibusque modis firma sit Christi vera  
 promissio. Hæc est (inquit Agatho, præmissa fidei con-  
 fessione ad ipsum Imperatorem scribens) vera fidei re-  
 gula, quam & in prosperis & in adversis vivaciter  
 tenuit, ac defendit spiritalis mater vestri tranquillissimi  
 imperii, Apostolica Christi Ecclesia, quæ per Dei omni-  
 potentis gratiam à tramite Apostolica traditionis nunquam  
 errasse probabitur, nec hæreticis novitatibus depravata  
 succubuit: Sed ut ab exordio fidei Christianæ percepit  
 ab auctoribus suis Apostolorum Christi Principibus, illi-  
 bataba sine tenus permanet, secundum ipsius Domini Salva-  
 toris divinam pollicitationem, quam suorum Discipulorum  
 Principi in sacris Evangelis factus est: Petre, in-  
 quiens, ecce Satanas expetivit, ut cribraret vos, sicut qui  
 cribrat triticum: Ego autem pro te rogavi, ut non de-  
 ficiat fides tua, & tu aliquando conversus confirma fra-  
 tres tuos. Consideret itaque vestra tranquilla clementia,  
 quoniam Dominus & Salvator omnium, cujus Sedes est,  
 qui Sedem Petri non defecturam promisit, confirmare enim  
 fratres suos admonuit, quod Apostolicos Pontifices mea  
 exiguitatis prædecessores confidenter fecisse semper, cunctis  
 est cognitum, quorum & pusillitas mea licet impar &  
 minima, pro suscepto tamen divina dignatione ministerio  
 pedisseque cupit existere. Hic auctor Petrum & Petri suc-  
 cessores à Petri cathedra distinguit, ut antea distinxit,  
 70 & illis ita distinctis & sejunctis Pontifici non errandi  
 privilegium abjudicat, sed cathedræ adjudicandum esse  
 cenfet, & id Agathonis Papæ testimonio confirmat.  
 Quo modo à majoribus suis non dissentit.

Deinde cum Petrum & Petri successores cathedræ  
 conjungit, eis non errandi privilegium uno tantum  
 in casu attribuit. Nimirum ubi quid fide credendum  
 sit, toti præscriberent Ecclesiæ: Ac proinde si quid  
 fide credendum esset, Occidentali, vel Romanæ, cu-  
 jus veri sunt Episcopi ac sponsi, Ecclesiæ præscribe-  
 rent, errare possent, quia tunc non errandi privile-  
 gio carerent. Quinetiam in Hesselii systemate cum  
 Petrus, vel Petri successor Linus Romanus Idololatrias  
 dedocuit, & ad Christianam religionem informavit,  
 errare potuit, quia illud: Oravi pro te, Petre, ut non  
 deficiat fides tua, eo usque non pertinet. Hic affirmare  
 non auderem Hesselium ad systema suum satis diligen-  
 ter attendisse.

Tum ille casum unum hunc, qui, quibus verbis pro-  
 ponitur, ab antiquioribus Theologis propositus non  
 est, iis circumscribit conditionibus, quæ si omitte-  
 rentur, Pontifex incassum definire tentaret, ac doce-  
 ret: Cum in Ecclesia, inquit, questio aliqua religionem  
 Christianam concernens exoritur, & ad eum à fide-  
 libus ea refertur, illæque consideratis prius definitis, ad-  
 hibitoque Pastorum inferiorum concilio præscribit, & præ-  
 cipit toti Ecclesiæ, quid fide sequatur: Tunc locum habet  
 Christi promissio de fide ejus non defectura, sed fra-  
 tres omnes confirmatura.

Hæc habui, quæ de Joanne Hesselio observarem, &  
 in quibus Lovanienſis Academix suæ traditionem sequi-  
 tur, nec Bellarmino præluet, ut is sibi præluere scri-  
 bit in libri iv. de potestate Romani Pontificis capite  
 11. quod non malè suspicatus sum, cum in Epistola ad  
 Christophorum Fauvæum laudatos à Bellarmino aucto-  
 res pro certo Papæ judicio examinarem. Sed quia  
 tractatum Hesselii reperire nondum potueram, asseve-  
 rare nec potui nec debui. Tu verò ut videndi tracta-  
 tus nostrum expleres desiderium, exemplar unum ac-  
 cessisti Lovanio, quod Parisiis ubique non potuerat in-  
 veniri. Ad Bellarminum quod attinet, hic in citando  
 Joanne Hesselio, qui & à Lovanio, dicitur, ut in ple-  
 risque aliis nec castè nec integrè versatus est.

Hactenus nimirum ad annum MDLXIV. quo scri-  
 bebat Hesselius, antiqua Lovanienſis Academix perse-  
 veravit traditio. An postea in suis Theologis perse-  
 veraverit, videndum est.

Hesselio inter alios Cornelius Janſenius Ipreſis  
 Episcopus successit. Hæc autem in Commentario ad  
 caput xxii. beati Lucæ scribit cum illa verba Chri-  
 sti: Et tu aliquando conversus confirma fratres tuos,  
 à superiori commate, Oravi pro te Petre, ut non de-  
 ficiat fides tua, periodi partem unam ab altera distra-  
 hit, & sic exponit: Sed quia confirmare fratres, quod  
 sequitur, ad officium Pastoris pertinet, & providè per-  
 petuum esse debet, hinc juxta sensum antiquorum impetra-  
 vit ei aliud privilegium ad successores propagandum, ut  
 videlicet tanquam caput Ecclesiæ nunquam ipse nec succe-  
 sses ejus in docenda vera fide deficerent. Antiqui Pa-  
 tres quos laudat sunt duo tantum, Leo I. & sanctus  
 Bernardus: Ille cum ait: In Petro omnium fortitudo  
 munitur, sed omnium in docenda potius, quam in  
 credenda vera fide fortitudinem muniri non significat,  
 Quod tamen significandum esset: Hic verò simile quid  
 dicit, sed ad Janſenii, ut apparet, mentem non dicit.  
 Quidquid in causa, Janſenius si indeficientis judicii  
 privilegium, quod ex hac oratione Christi colligit,  
 in Petrum & Petri successores flectit seorsum à Pe-  
 tri cathedra, à majoribus suis Lovanienſibus Theo-  
 logis discordat; si flectit in cathedram, ab illis quidem  
 non discordat, sed à beato Augustino, quem se toties  
 legisse profitetur. Augustinus locum hunc ad literam  
 interpretatus, non ita flectit. Id ex illius scriptis nunc  
 requirendum est.

Et primò quidem ex Epistola ccliii. ad Joannem  
 Episcopum contra librum Pelagii: In hoc libro ille  
 Dei gratiam non appellat nisi naturam, qua libero arbitrio  
 conditi sumus. Et paullo post: Unde quis non videat,  
 cum eundem librum legerit, quemadmodum oppugnetur  
 gratia Dei, de qua dicit Apostolus, Miser ego homo, qui  
 me liberabit de corpore mortis hujus? Gratia Dei, per Do-  
 minum nostrum Christum Jesum. Et nullus locus divino  
 adjutorio relinquatur, propter quod orantes dicere debea-  
 mus, Ne nos inferas in tentationem: Sine causa etiam  
 Dominus Petro Apostolo dixisse videatur: Rogavi pro te,  
 ne deficiat fides tua, si hoc totum in nobis nullo auxilio  
 Dei, sed potestate voluntatis impletur.

Deinde ex libri de correptione & gratia capite vi.  
 Nam si dixerimus, istam perseverantiam tam laudabi-  
 lem, tam felicem sic esse hominis, ut ei non sit ex Deo,  
 illud primitus evacuemus, quod ait Dominus Petro: Ro-  
 gavi pro te, ne deficiat fides tua; quid enim ei rogavi, 71  
 nisi perseverantiam usque in finem?

Tum ex ejusdem libri capite viii. Si ad liberum  
 arbitrium hominis, quod non secundum Dei gratiam, sed  
 contra eam defendis, pertinere dicis, ut perseveret in  
 bono quisque, vel non perseveret, non donante Deo si  
 perseveret, sed humana voluntate faciente, quid moli-  
 turus es contra verba dicentis, Rogavi pro te Petre,  
 ne deficiat fides tua? An audebis dicere, etiam ro-  
 gante Christo ne deficeret fides Petri, defecturam fuisse  
 si Petrus eam deficere voluisset: Hoc est si eam usque  
 in finem perseverare noluiſſet? Quasi Petrus aliud ullo mo-  
 do vellet, quam pro illo Christus rogasset ut vellet. Nam  
 quis ignorat tunc fuisse perituram fidem Petri, si ea  
 qua fidelis erat, voluntas ipsa deficeret, & permanſuram,  
 si eadem voluntas maneret, sed quia preparatur volun-  
 tas à Domino, ideo pro illo Christi non posset esse inanis  
 oratio? Quando rogavit ergo, ne fides ejus deficeret,  
 quid aliud rogavit, nisi ut haberet in fide liberri-  
 mam, fortissimam, invictissimam, perseverantissimam vo-  
 luntatem?

Quartò ex ejusdem libri capite xii. Subvenum  
 est igitur infirmitati voluntatis humana, ut divina  
 gratia indeclinabiliter & insuperabiliter ageretur. Et  
 ideo quamvis infirma, non tamen deficeret, neque  
 adversitate aliqua vinceretur. Ita factum est, ut voluntas  
 hominis

hominis invalida & imbecilla in bono adhuc parvo perseveraret per virtutem Dei, cum & voluntas primi hominis fortis & sana in bono ampliore non perseveraverit, habens virtutem liberi arbitrii, quamvis non de futuro adiutorio

74 Dei, sine quo non posset perseverare, si vellet, non tamen tali, quo in illo Deus operaretur, ut vellet, fortissimo quippe dimisit ac permisit facere, quod vellet, infirmis servavit, ut ipso donante invictissime quod bonum est, vellent, & hoc deservere invictissime nollent. Dicente ergo Christo, Rogavi pro te ne deficiat fides tua, intelligamus ei dictum, qui adificatur super petram, atque ita homo Dei non solum, quia misericordiam consecutus est, ut fidelis esset; verumetiam, quia fides ipsa non deficit: Qui gloriatur in Domino, gloriatur.

Quintò ex Commentario in Psalmum cxviii. concione xv. Est & alia spes, quæ in humilitate tribulationis plurimum consolatur, quæ sanctis data est in verbo Dei adiutorium gratia pollicentis, ne quisque deficiat, de qua spe dicit Apostolus, Fidelis Deus, qui non permittit vos tentari super id quod potestis, sed faciet cum tentatione etiam exitum, ut possitis sustinere. Hanc spem dedit etiam Salvator ore suo, quando ait: Hac nocte postulavit Satanas vexare vos sicut triticum: Et ego rogavi pro te Petre, ne deficiat fides tua. Hanc spem dedit & in oratione, quam docuit, ubi monuit ut dicamus, Ne nos inferas in tentationem.

Denique ex libri ii. de opere imperfecto contra Julianum capite ccxxvii. Augustinus respondit. Tu vestro more, qui de vestro descendit errore, non agnoscis gratiam, nisi in dimissione peccatorum, ut jam de cætero per liberum arbitrium ipse homo seipsum fabricet justum, sed non de hoc dicit Ecclesia, quæ clamat tota, quod didicit à magistro bono, Ne nos inferas in tentationem: non hoc dicit, qui dicit: Oramus autem ad Dominum, nequid faciatis

75 mali: non hoc dicit, qui dicit, Rogavi pro te Petre, ne deficiat fides tua. Isto enim modo gratia, ut non peccemus, facit, non quæ peccavimus diluit: utroque enim modo adiuvat gratia, & dimittendo, quæ malè fecimus, & opitulando, ut declinemus à malis & bona faciamus.

Hæc Augustinus apertè, frequenter, perseveranter, quæ homo Doctoris tanti placitis addictus recipere, nī fallor, debuit: Idque vel maximè cum sancti Lucæ testimonium ad literam exponat.

Huc accedunt Concilia duo, Carthaginense in epistola ad Innocentium I. Consideret ergo sanctitas tua, & pastoralibus nobis compatiatur visceribus, quàm sit pestiferum, & exitiale ovibus Christi, quod istorum sacrilegas disputationes necessario sequitur, ut nec orare debeamus, ne intremus in tentationem, quod Dominus & Discipulos monuit, & posuit in oratione, quam docuit, aut ne deficiat fides nostra, quod pro Apostolo Petro se rogasse testatus est. Si enim possibilitate naturæ & arbitrio voluntatis in potestate sunt constituta, quis non ea videt à Domino inaniter peti & fallaciter orari, cum orando poscuntur, quæ naturæ nostræ jam ita condita sufficientibus viribus obtinentur? Nec debuisse dicere Dominum Jesum, Vigilate & orate: Sed tantummodo vigilate, ne intretis in tentationem, nec beatissimo Petro primo Apostolorum: Rogavi pro te, sed moneo te, vel impero, ac precipio ne deficiat fides tua. Hæc Patres Episcopi sexaginta & octo, qui hoc in Concilium coiverunt. Sed

Innocentius I. Concilii hujus relationem totam approbat in epistola ad idem Concilium: Necesse est, ut quo auxiliante vincimus, eo iterum non adjuvante vincamus. Sed possem plura dicere, nisi vos constaret cuncta dixisse. Et sub finem: Sed satis vestris monitis, & sic satis abundantibus nostræ legis exemplis probatur esse responsum, nec quicquam superesse duximus, quod dicamus, cum nihil prætermisissimum à vobis, nihil confect esse suppressum, quo illi refutati, & penitus cognoscantur esse convicti: Ideoque à nobis testimonia nulla ponuntur, quia & his plena relatio est, & satis constat doctissimos Sacerdotes cuncta dixisse, nec decet credere vos aliquid, quod ad causam posset proficere, præterisse. Sic legitimam ac ratam habet

Scripturæ locorum expositionem, quæ à Concilii Patribus tradita est. At inter Scripturæ loca eminet: Oravi pro te Petre, ut non deficiat fides tua.

Milevitanum in epistola ad eundem Innocentium: Nova quippe hæresis & nimium perniciofa tentat surgere inimicorum gratia Christi, qui nobis etiam Dominicam orationem impiis disputationibus conantur auferre. Cum enim Dominus docuerit, ut dicamus, Dimitte nobis debita nostra, sicut & nos dimittimus debitoribus nostris, isti dicunt posse hominem in hac vita præceptis Dei cognitis ad tantam perfectionem justitiæ sine adiutorio gratiæ Salvatoris per solum liberum voluntatis arbitrium pervenire, ut ei jam non sit necessarium dicere, Dimitte nobis debita nostra: Illud verò quod sequitur, Ne nos inferas in tentationem, non ita intelligendum tanquam divinum adiutorium poscere debeamus, ne in peccatum tentati decidamus: Sed hoc in nostra esse positum potestate, & ad hoc implendum solam sufficere voluntatem hominis, tanquam frustra Apostolus dixerit: Non volentis neque currentis, sed miserentis est Dei, & fidelis Deus, qui non per-

77 mittet vos tentari supra id, quod potestis, sed faciet cum tentatione etiam exitum, ut possitis sustinere: Frustra enim Dominus dixerit Apostolo Petro, Rogavi pro te ne deficiat fides tua, &c. Hæc Patres Episcopi sexaginta & unus. Potuerunt loqui ad propositam quæstionem certiùs?

Id confirmat iterum Innocentius in epistola ad Milevitanum Concilium: Multifariis equidem ad destruendum tale magisterium uti possemus exemplis, nisi sciremus sanctitatem vestram ad plenum Scripturas callere divinas, præsertim cum vestra relatio tantis ac talibus testimoniis sit referta, ut his solis valeat præsens dogma rescindi. At si iudice Innocentio Milevitani Patres divinas ad plenum callent Scripturas, non potest ambigi, quin germanam Lucæ interpretationem sint affecti.

Præterea si evangelicæ periodi pars una separanda esset ab altera, & in posteriori privilegium aliud, quàm in priori, ubi personale tantum intelligitur à Janzenio, intelligendum esset, Augustinus pro more suo, id non ad Petrum duntaxat, vel ejus successores flexisset, sed ad Ecclesiam, cujus Petrus, figuram gessisset. Sic enim in enarratione super Psal. cviii. scribit: Sicut enim quadam dicuntur, quæ ad Apostolum Petrum propriè pertinere videantur, nec tamen habent illustrem intellectum, nisi cum referuntur ad Ecclesiam, cujus ille agnoscitur in figura gessisse personam propter primatum quem in Discipulis habuit, sicuti est, Tibi dabo claves regni calorum, & siqua hujusmodi. In epistola clxv. ad Ecclesiam flexit, Tu es Petrus, & super hanc Petram, &c. Ad Ecclesiam verò nusquam flexit, Et tu aliquando conversus, confirma fratres tuos, quia personale duntaxat privilegium esse perspexit.

78 Hæc enim præcedentibus in Petro uno jungenda sunt.

Augustinus, Africana & Romana Ecclesia derivatam ab initio istius loci integri veram ac certam intelligentiam concludunt, & inter se de sensu conveniunt, quem Jansenius alteri interpretationi postponit. Atque hoc ipsum est, quod demiramur. Quis enim crederet voluisse Jansenius in expositione loci hujus seorsum ab Augustino, Africana & Romana, adeoque omni retro versus Apostolos Ecclesia sentire? Non id credendum est modò, sed etiam sciendum, quia tangimus & palpamus. Ad Bellarminum, Societatem, & Curiam, tria hæc, accedere voluit, sed ut apparet, valde inutiliter.

Verum non dubito quin Jansenius hac in re beatum secutus esset Augustinum, si quomodo Alexander VII. Augustini dogmata cum alia, tum ea maximè, quæ ad gratiam spectant, inconcussa & tutissima esse confirmat, intueri potuisset. Sic autem Pontifex ad Lovanienses Theologos scribit, anno mdclxii. vii. Idus Sextiles: De reliquo non dubitamus, quin pro sin-



guiari scientia pietatisque studio sanam & incorruptam, qualem tot Apostolica Sedis declarationes, & sanctorum Patrum traditiones requirunt, doctrinam semper amplexuri, & adversus orthodoxa religionis hostes defensuri sitis, nec non praclarissimum Ecclesiae Catholicae Doctorum Augustini, & Thomae Aquinatis, INCONCUSSTISSIMAQUE DOGMATA sequi semper, ut asseritis, & impense revereri velitis: Quorum profecto sanctissimorum virorum penes Catholicos universos ingentia & omnem laudem supergressa nomina novi praecis commendatione plane non egent. Quanti quæso sciendum est iudicium tale, quod replicatis diligenter Augustini Commentariis, & iis ad plenum & perfectum intellectus pronuntiatur? Adulari me non credas, sed errare potius; & si (quod absit) erro, pietatis error est, non adulationis.

Janseum & in Janseii causa excipiunt Lovanienfes Theologi in libello, qui *Planctus veritatis Augustiniana in Belgio patientis* inscribitur. Libellus anno M. DC. XLIX. editus est Lovanii, in quo hanc fidei protestationem emittunt: Nos igitur orthodoxa Romana & Apostolica Ecclesia filii fidem nostram ac obedientiam subjunctis punctis notam fieri desiderantes, primò obedientiam fidelem & sinceram, religiosam & efficacem, Tibi sanctissime Pater, Tua cathedra, Tuis successoribus, ac universali Romana Ecclesia scripto devovimus & nuncupamus: Secundò fidem, quam Romana, Catholica, Apostolica, ac orthodoxa hactenus tenuit, tenet, & usque ad mundi finem tenebit Ecclesia, in omnibus & singulis decretis, articulis, propositionibus, definitionibus profitemur & amplectimur, & omni errori & doctrina, dogmati & opinioni illis contraria abrenuntiamus: Tertiò infallibilitatem Sedis Apostolicæ in rebus fidei decernendis agnoscimus & confitemur.

Et in materia de predestinatione, de gratia Christi, & libero arbitrio specialiter infallibilitatem sanctæ Sedis suscipimus.

Et primò quidem cum de Romani Pontificis infallibilitate loquantur, nusquam hanc illi tacite abjudicant, ut Joannes Driedo, Hadrianus VI. & majores alii abjudicarunt.

Deinde cum nunc de universali Romana Ecclesia, nunc de Sede Apostolica sermonem instituunt, universalem Romanam Ecclesiam & Sedem Apostolicam videntur perinde habere: Quomodo ut Romanæ Ecclesiæ, sic & Sedis Apostolicæ nomine universalem Ecclesiam intelligerent, minùs quidem propriè, sed tamen intelligerent, ut Parisienses in tractatu contra Joannem Montesonum edito intellexerunt: Et istud, inquit, declaratur 1. supponendo quid sit Sedes Apostolica. Nam ipsa est vel universalis Ecclesia, vel aliquod generale Collegium universalem representans Ecclesiam, vel particularis Ecclesia Romana, &c. Hoc autem in casu Lovanienfes illi revolverentur ad Academiam suæ originem, quæ sub initium explicata est, & melius consulti ad Parisienses nostros accederent, qui nonnisi Ecclesiæ & repræsentanti Ecclesiam Concilio non errandi in fide & moribus privilegium attribuant. Quis enim crederet, Lovanienfes illos Romano Pontifici infallibilitatem velle seorsum ab Apostolica Sede, quocunque tandem sumatur modo, tribuere? Quis putaret eosdem velle à Joannis Driedonis, Hadriani VI. & majorum doctrina & traditione deflectere? Nonne Hadrianus unus, qui Lovanienfis Academiae decus & ornamentum fuit, ad illius Theologos in eadem doctrina & traditione continendos sufficeret?

Postremò in omnem eventum spectare possunt Sedis Apostolicæ iudicium, quale olim cum de predestinatione & de gratia Dei agebatur inveniunt, & quale Romanus Pontifex Agatho describit in epistola ad Constantinum & Imperatores alios. Verba sunt: His itaque mansuetissimi rerum Domini divalibus apicibus animatus, & ad spem consolationis de

profundis angoribus alleviatus, orsus jam meliori re-<sup>81</sup>fectus confidentia, paulatim iis, quæ per mansuetissima fortitudinis vestra sacram dudum precepta sunt, efficaciter promptam obsequentiam exhibere, ut personas, quales secundum temporis hujus defectum, ac servilis provincie qualitatem poterant inveniri pro obedientia satisfactione inquirerem, & cum consilio confamilorum meorum Episcoporum tam de propinqua hujus Apostolica Sedis Synodo, quam de familiari Clero amatores Christiani Imperii & sequenter de religiosis servis Dei, ut ad piissima tranquillitatis vestra vestigia properarent, hortarer. Hic familiaris Cleri nomine Romanam designat Ecclesiam, quæ & Sedes Apostolica dicitur, sed propinquorum antistitem Synodo communita. Quamobrem Agathonis epistola Synodica sic inscribitur: *Piissimis Dominis, &c. Constantino, Heraclio, &c. Agatho Episcopus servus servorum Dei, cum universis Synodis subiacentibus Concilio Apostolica Sedis.* Sic beatus Bernardus Sedem spectabat Apostolicam, cum in epistola cxc. ad Innocentium II. scribit: *Oportet ad vestrum referre Apostolatum pericula quæque & scandala regni Dei, & ea præsertim, quæ de fide contingunt.* Dignum namque arbitror ibi potissimum resarciri damna fidei, ubi non possit fides sentire defectum. Hæc quippe hujus prerogativa Sedis. Cui enim alteri aliquando dictum est: *Ego pro te rogavi, ut non deficiat fides tua?* Hæc, inquit, hujus prerogativa Sedis. Non sedentis, quem tamen à Sede non separat, sed ei de more adjungit Romanæ provincie antistites, quos nunc Curia, nunc de Curia Episcopos appellat. In epistola clixviii. scribit: *Ad Episcopos Curia.* In epistola clixviii. scribit: *Dominis & Patribus reverendis Episcopis & Cardinalibus, qui sunt de Curia.* In epistola ccxix. scribit: *Ad quatuor Episcopos Curia, Albericum Ostiensem, Stephanum Prænestinum, Igmaram Tusculanum, & Gerardum Cancellarium.* In epistola ccxxv. scribit: *Dominis Patribus reverendis Episcopis & Cardinalibus Curia;* ubi & hæc traduntur: *Non ignoratis prolatam esse sententiam à Domino Papa bona memoria Innocentio, cum vestro & Romana Curia generali assensu.* In epistola ccxxxvi. scribit: *Dominis & Patribus reverendis Cardinalibus, & Episcopis omnibus qui sunt de Curia.* Cum igitur ait: *Hæc hujus prerogativa Sedis, Concilium Sedis Apostolicæ ab Apostolica Sede non abjungit.*

Sic Innocentius II. non suam, sed Sedis prerogativam intelligit in epistola, quam ad Senonense Concilium rescribit: *Verum in hoc maxime consolamur, & omnipotenti Deo gratias agimus, qui in partibus vestris pro patribus tales filios suscitavit, & tempore Apostolatus nostri in Ecclesia sua tam præclaros voluit esse Pastores, qui novi heretici calumniis studeant obviare, & immaculatam sponfam uni viro Virginem castam exhibere Christo.* Nos itaque, qui in beati Petri cathedra, (cui à Deo dictum est, *Et tu aliquando conversus confirma fratres tuos*) licet indigni resistere conspiciamur, communicato fratrum nostrorum Episcoporum & Cardinalium consilio, destinata nobis à vestra discretione capitula, & universa ipsius (Abaelardi) perversa dogmata sanctorum canonum auctoritate cum suo auctore damnavimus. Ecce tibi Sedes Apostolica, quam suum ipsius circumdat Concilium!

Ad extremum Lovanienfibus Theologis Romanus Pontifex non idem est quod Sedes Apostolica, nec esse omnino potest, cum Romanus Pontifex Sedi Apostolicæ præsideat, ut ipsi Romani Pontifices agnoscunt. Itaque qui affirmaret, illis idem esse, his injuriam faceret ac veritati. Quis quæso cum Romanus Pontifex laboraret morbo, Sedem quoque Apostolicam laborare morbo diceret? Et quis cum Joannes XII. miserabiliter periit, Sedem pariter Apostolicam miserabiliter periisse reciperet? Absit, absit, inquam,<sup>82</sup> ut

ut cogitatio tam stulta cuiquam, nedum Lovanienſibus Theologis in mentem veniat. Non tenebo te pluribus. Ad finem uſque perduxī, quæ indaganda & diſcutienda ſuſceperam. In ortu Lovanienſis Academiae comperta & plana omnia reperi, incompertum & aſperum nihil. In progreſſu offendi Hadrianum VI. cujus virtus, doctrina, & dignitas ſumma ejuſdem Academiae placita vehementer illuſtrant, & ſarta tectaque ab omni detrimento conſervant. Hadrianum ſequuntur Driedo, Latomus, Facultas ſacra in ſuis articulis, Tapperus articulorum interpres & confirmator, Heſſelius & recentiores alii, quorum unusquiſque pro capto ſuo & pro variis temporibus, quam naſtus fuerat, ſpartam adornavit, & ſicubi à majorum tramite nonnihil deſlexit, id vel commoda expoſitione molliendum, vel in privata, non publica vel Academica opinione ponendum erit. Id tandem fiet, quod tu vir ſincero animo præditus, optimarum artium ac diſciplinarum cultor, & antiquorum Lovanienſis Academiae tuæ placitorum ſtudioſus, & amans faciendum eſſe judicaveris. Sed cum primis memineris, antiqua Lovanienſis Academiae placita cohærere cum Romanæ Eccleſiæ traditione, quam in epiſtolis ad Raimundum Formentinum, Joannem Gerbaſium, & Chriſtophorum Fau-

vzum Pariſienſes Theologos omnes expoſuimus. Interim oro te atque obteſtor, ut de meliori nota commendes me veteri & contubernali amico meo, Roberto Franckevillæ, patruo tuo, virtutis totius exemplari, qui aliquantò poſtquam primum in Theologia gradum conſecutus eſt Pariſiis, mundanarum rerum fugitans, ut deſertiſſimæ, ſic & aſperriſſimæ, ſed degen- tibus cæleſtem vitam hominibus oppletæ apud Gula- ronenſes ſolitudinis antra ſubire inſtituit. Deinde conſecratus religioſa profeſſione aſcetes ab iis, quorum re- fert, judicatus eſt idoneus, qui Carthuſienſes *anacore- tæ* regeret nonnullas, & Lugdunenſem hodie magna car- integritatis & prudentiæ laude regit. Hic,

*Munera fortune metuant, dum damna verentur;  
Quisquam ſponte miſer, ne miſer eſſe queat:*

Mutuari mihi liceat hos verſus ab eo, qui etiãſi Chri- ſtianus non eſſet, Chriſtiænæ tamen Monastiſtes ſum- mam deſcripſit; quo in loco illam ſuggillare voluit. Veritatem de manibus inimicorum extorquemus, & beatum Paulum ſequimur monentem: *Omnia probate, quod bonum eſt, tenete.* Vale. Lutetiæ Pariſ. ix. Cal- lend. Decembres MDCLXV.

# Joannes Launoïus

## RAIMUNDO FORMENTINO

*Pariſienſi Theologo, Aurelianenſi Canonico.*

**M**IRARIS, cur valde aſſeveranter tecum locutus dixerim, Romanos Inquiſitores in Congregationis ſuæ decreto, quod VIII. Calend. Octobris ann. MDCLXV. Romæ editum eſt, confirmaviſſe cenſoriæ ſeveritatis notam, qua Facultas Theologiæ Pariſienſis affecit Amadæi Guimenii propoſitiones has omnes, quæ eundem ſco- pum feriunt: Ideo etiam ad fidem pertinet inſerere deter- minationi Summi Pontificis in his, quæ ſunt fidei, imò etiam in his, quæ ſpectant ad bonos mores, quia in huius- modi etiam Eccleſia errare poſeſt, & conſequenter nec ca- put ejus, &c. Iterum: De fide eſſe non poſſe Pontificem errare, &c. Ita ut approbet tanquam conſentaneum E- vangelicæ perfectioni, quod conſentaneum non ſit. Et in- ferius: Tam certa eſt conſuſio, ut oppoſitum non dubitem eſſe hereticum. Cenſura verò eſt hæc: Doctrina his propoſitionibus contenta & illata, falſa eſt & temeraria. Porro autem mirandi cauſa tibi fuit, quòd tecum ple- rique alii putent Alexandrum VII. cum propter alia, tum propter hoc maxime Facultatis noſtræ cenſuram præſumptionis, temeritatis, & ſcandali damnaſſe. Ex Alexandri Bulla, quæ VII. Calend. Julii ann. MDCLXV. conſecta eſt, verba hæc obijcis: In quibus libris (ſic duorum librorum cenſuras duas libros ap- pellare placuit) cenſura præſumptuoſa notantur aliquæ propoſitiones, eaque præſertim, quæ ad Romani Pont. & ſanctæ Sedis Apoſtolice auctoritatem ..... pertinent ..... & cum fieri non poſſit ſine publico Catholica re- ligionis detrimento, ut prædictæ cenſura in commemora- tis libris ſine debita Eccleſiæ animadverſione & damnatio- ne remaneant, nos pro Apoſtolico munere, quo licet im- meriti fungimur, ut graviffimo ſcandalo, quod inde Ca- tholicis accidere poſſet, occurramus, habitis prius doctiſſi- morum ac inſignium in ſacra Theologia Magiſtrorum ac

Profeſſorum, ac ſacrarum Sedis Apoſtolice congregatio- num qualiſicatorum, quos adhuc ſpecialiter deputavimus, conſultationibus, ut rei gravitas videbatur poſtulare, nec- non auditis ſuffragiis venerabilium fratrum noſtrorum S. R. Eccleſiæ Cardinalium in tota Rep. Chriſtiana ge- neralium Inquiſitorum, motu proprio & ex certa ſcientia, deque Apoſtolice poteſtatis plenitudine præſatas cenſuras uti præſumptuoſas, temerarias, atque ſcandalouſas auctori- tate Apoſtolice damnamus.

Audio quidem & perſpicio Alexandri VII. verba, quæ proponis ut cauſam, cur de aſſeveratione mea tam vehementer mireris, ſed mirari deſines, cum de- cretum Inquiſitorum perlegendo ſubſtiteris in pro- poſitione xxvii. quæ talis eſt: Si liber ſit alicujus junioris & moderni, debet opinio cenſeri probabilis, dum non conſtet, rejectam eſſe à Sede Apoſtolice tanquam im- probabilem.

Propoſitio hæc cum cæteris aliis ita damnatur: Qui- bus prædictis, dum ſimilium propoſitionum examini curâ & ſtudio impenditur, interea idem ſanctiſſimus re ma- turè conſiderata ſtauit & decrevit prædictas propoſitio- nes, & unamquamque ipſarum ut minimum ſcandalouſas eſſe damnandas & prohibendas, ſicut eas damnat ac pro- hibet: Ita ut quicumque illas, aut conjunctim aut diſſim- docuerit, defenderit, ediderit, aut de eis etiam diſputa- tive, publicè, aut privatim tractaverit, niſi forſan im- pugnando, ipſo facto incidat in excommunicationem, à qua non poſſit ( præterquam in articulo mortis ) ab alio qua- cumque etiam dignitate fulgente, niſi à pro tempore exi- ſtente Romano Pontifice, abſolvi.

Nunc veniendum eſt ad rem ipſam, quæ per ſeip- ſam jam ſatis ſplendescit: Nempe Romanos Inquiſi- tores cenſuram confirmaviſſe, quam Pariſienſes Theo- logi in relatas Guimenii propoſitiones tulerunt. A-



madæus Guimenius, seu Theophilus Raynaudus scriptor est junior, & primus auctor damnatarum propositionum. Ante ipsum Theologorum nemo est, qui, quas propositiones ad fidem pertinere, vel de fide esse omnino recipit, receperit; qui, quam conclusionem adeo certam esse prorsus asserit, ut oppositum non dubitet hæreticum esse, similiter asseruerit. In summa, qui conclusiones illas divina fide credendas esse proposuerit. Quo fit, ut Guimenii propositiones duplici de causa probabiles non sint. Primum, quod Romani Inquisitores ita decernunt probante Alexandro VII. cum assertionem hanc; *Si liber sit alicujus junioris & moderni debet opinio censei probabilis, dum non constet rejectam esse à Sede Apostolica tanquam improbabilem, ut minimum SCANDALOSAM repudiant.* Quinetiam cum assertionem hanc repudiant, ut <sup>4</sup> *minimum scandalosam*, haud obscure significant, minori nota non posse affici, posse verò majori. Id videtur extra controversiam. Joannes Major Parisiensis Theologus, qui ante annos centum & quadraginta claruit, in tertium sent. dist. xxxvii. quæst. xxvi. scilicet scribit in hanc rem: *Non est minus hæresis asserere aliquid esse de fide, quod nullatenus est de fide, quam negare aliquid de fide, quod est de fide.* Quidquid id sit, Romani censores damnatæ à se propositioni non modo probabilitatem detrahunt, sed etiam illam ut *minimum scandalosam* pronuntiant, & pronuntiando, per illud, ut *minimum scandalosam*, Parisiensis censure notas duas, falsam & temerariam, & fortè graviores alias appellant. Sic tantum abest, ut Romani censores Parisiensium infirment censuram, ut validissimè confirmant.

Deinde Guimenii propositiones non sunt probabiles, quod auctor ille ad illarum probationem argumento fallaci utitur, quo non opinio, sed error gignitur. Argumentum hoc est, *Ecclesia errare non potest, & consequenter nec caput ejus.* Nonne aperta fraus & fallacia est, cum à conjunctis ad divisa disseritur? Sic Guimenius hoc in argumento disserit. Quæ fraus, quæ fallacia prodetur adhuc magis, si, esse caput Ecclesie, quid sit, Gregorio Magno interprete discamus: Sic autem in libri iv. epistola xxxviii. ad Joannem Constantinopolitanum Episcopum interpretatur: *Certe Petrus Apostolus primum membrum sanctæ & universalis Ecclesie est. Paulus, Andreas, Joannes, quid aliud quam singularium sunt plebium capita? Et tamen sub uno capite (Christo) omnes sunt membra Ecclesie. Atque ut cuncta brevi cingulo locutionis adstringam, sancti ante legem, sancti sub lege, sancti sub gratia, omnes hi perficientes corpus Domini in membris sunt Ecclesie constituti, & tamen nemo se unquam universalem appellare voluit.* Igitur ut ex antecedente hoc, *Ecclesia errare non potest*, Guimenius colligit, & consequenter nec caput ejus, id est nec primum membrum ejus; sic & pari disputandi modo colligeret, & consequenter nec secundum, nec tertium membrum ejus. At quis est tam hebes in plebecula qui fallaces illas conclusionunculas non deprehendat? Quis deprehensas animo æquo sustineat?

Romani Pontifices beatum Petrum Apostolorum primum appellant: Innocentius I. in epistola ad Alexandrum Antiochenum Episcopum: *Unde advertimus non tam pro civitatis magnificentia hoc eidem attributum, quam quod prima primi Apostoli Sedes esse monstretur.*

Leo I. in sermone i. de Natali Apostolorum Petri & Pauli: *Beatissimus Petrus Princeps Apostolici ordinis ad arcem Romani destinatur imperii.*

Deinde in sermone ii. de eodem Natali: *Christus ad insinuanda nobis dispensationis & divinitatis mysteria Apostolici ordinis primum beatum Petrum huic civitati dignatus est prærogare.*

Tum in sermone i. de Anniversario Assumptionis suæ: *Quid habeat sensus discipulorum exigitur: Primus*

*est in Domini confessione, qui primus est in Apostolica dignitate.*

Denique in epistola lxxv. ad Leonem Augustum capite ii. *Cum ergo universalis Ecclesia per illius principalis petra adificationem facta sit petra, & primus Apostolorum beatissimus Petrus voce Domini audierit, Tu es Petrus, &c.*

Felix III. in epistola v. ad Zenonem Imperatorem: *Ejus unigenitus in confessione primi Apostolorum fundavit, &c.*

Gelasius I. in tomo de Anathematis vinculo: *Sanctus Petrus primus Apostolorum sic existimans novi Testamenti gratiam prædicandam, ut à legis veteris non recederet institutis.*

Joannes II. in epistola ad Justinianum Imp. Charitatis studio edocti Ecclesiasticis disciplinis Romana Sedi reverentiam conservatis, & ei cuncta subjecitis, & ad ejus deductis unitatem, ad cuius auctorem, hoc est, Apostolorum primum Domino loquente præceptum est, *Pasce oves.*

Vigilius in epistola vii. ad Auxanium Arelatensem Episcopum: *Et sicut, idem Apostolorum primus saluberrima admonitione præcipiens, Pascite, qui in vobis est gregem, consequenti adhortatione subjungit, forma facti gregis.*

Deinde in epistola x. ad universam Ecclesiam: *Quæ (confessio) doctrina Sedis primi Apostolorum per omnia probatur admodum.*

Tum in epistola xi. ad Episcopos Galliarum: *Unde quantum nobis Christus Deus Dominus & Salvator noster primi Apostolorum locum pro ineffabili pietatis suæ genere largitate concessit.*

Gregorius I. in libri xvii. super Job capite xix. *Scimus, quod ille Apostolorum, id est, calorum, primus ante acceptam huius Spiritus gratiam, quoties dum mori timuit, vitam negavit.*

Deinde in libri ii. super Ezechielem homilia xviii. *Idem verò Apostolorum primus, cum multa discipulos admoneret, &c.*

Hadrianus I. in epistola ad Episcopos Hispaniarum, quam Francofordiensis Synodus approbavit: *Quid præstabilius, quidve clarius, & omni religione devotius, quam beati Petri primi Pastoris Ecclesie felici confessione prolata fidei tenere fundamentum?*

At primum Ecclesie membrum, & primus Apostolorum, inter se non discrepant, aut si discrepent, non multum discrepant. Nunc autem quis ita philosopharetur? Apostolorum Collegium, quod representat Ecclesiam, errare non potest: Igitur nec primus Apostolorum, aut primus Apostolorum successor. Et qui sic philosopharetur, impedire non posset, quominus ex antecedente tali similis deduceretur conclusio hæc: Igitur nec secundus Apostolorum aut secundus Apostolorum successor. Disparem philosophandi rationem nemo assignabit unquam. Utraque philosophandi ratio vitiosa cum sit, quia à conjunctis ad divisa procedit, deductis conclusionibus errorem inferre poterit, probabilitatem nullam conciliare poterit. Veritas hæc argumenta non querit.

Sed redeo ad beatum Gregorium, qui semel, iterum, & tertio contra Guimenium argumentabitur. Semel quidem in libri iv. epistola xxxii. ad Mauritium Augustum, ubi Joannem Constantinopolitanum Episcopum refellit: *Universa ergo Ecclesia, quod absit, à statu suo corrumpitur, quando qui appellatur universalis, cadit.* Iterum in ejusdem libri epistola xxxvi. ad Eulogium Alexandrinum & Anastasium Antiochenum, ubi de facto Joannis Constantinopolitani disputat: *Si hoc dici licenter permittitur, honor Patriarcharum omnium negatur: & cum fortasse is in errore perit, qui universalis dicitur, nullus jam remansisse Episcopus in statu veritatis invenitur.*

Tertio, in libri vi. epistola xxiv. ad Anastasium Antiochenum, ubi Joannem eundem Constantinopolitanum

tanum adoritur: Et ut de honoris vestri injuria taceam, si unus Episcopus vocatur universalis, universa Ecclesia corrumpitur, si unus universus cadit: sed absit hac stultitia, absit hac levitas ab auribus meis.

Nonne Gregorius ut Joannem Constantinopolitanum, sic & Amadæum Guimenium impetit? Nonne utrumque armis paribus ferit? Itane scripsisset Gregorius, si quæ sibi sumit Guimenius, sumpsisset sibi? Ex Episcoporum numero exemisset Romanum, si Romæ & in Ecclesia Dei persuasum fuisset, Romanum antistitem id habere privilegii, quod illi Guimenius tanta cum asseveratione tribuit. Sic tandem comparatur tota Gregorii ratiocinatio, ut ea planè concidat sit necesse, si verum esset, errare non posse Pontificem, ad fidei dogmata pertinere, & illum judicandum esse hæreticum, qui contrarium affirmaret: quæ sunt nova & retro inusitata junioris unius hominis placita, & ex eo capite ab Romanis censoribus damnata, ut minimè scandalosa. Quippe quæ publicam in Ecclesia Dei offensionem concitare pollint, & Christianarum mentium ruinam importare: ut sileatur interim nota gravior, quæ per istud, ut minimè, infertur.

Uterius progredior, & præ me fero, Guimenium placitorum suorum novitate Romanam Ecclesiam non solum relinquere, sed etiam hostibus, prodere, nimirum iis, qui seorsum à Catholicis per religionem sentiunt. Nefarium facinus sic explico, quod alias facile prævideri ac prospici potest.

Leo X. cum anno MDXXI. vita functus est mense Decembri, Sedes mensẽ integrum vacavit. Romana tunc Ecclesia in Pontificem elegit Hadrianum VI. qui juxta Guimenii seu Raynaudi opinionem hæretico dogmate jamdudum imbutus & omnino persuasus erat. Siquidem Hadrianus ille, cum esset Lovaniensis Theologus & Cancellarius hæreticum dogma istud tradiderat, & conatu omni probaverat in Commentario ad quartum sent. ubi de ministro Confirmationis de industria, atque ex professo tractat: Verba sunt: Ad secundum principale de facto Gregorii dico 1. quod si per Romanam Ecclesiam intelligatur caput illius, puta Pontifex, CERTUM EST, quod possit errare etiam in iis, quæ tangunt fidem, hæresim per suam determinationem, aut decretalem asserendo. Plures enim fuerunt Pontifices Romani hæretici. Item & novissimè fertur de Joanne XXII. qui publicè docuit, declaravit, & ab omnibus teneri mandavit, quod anima purgata ante finale judicium non habent stolam, quæ est clara & facialis visio Dei, & Universitatem Parisiensem ad hoc induxisse dicitur, quod nemo in ea poterat gradum in Theologia adipisci, nisi primitus hunc errorem pestiferum jurasset se desensurum, & perpetuò ei adhasurum. Item patet hoc de errore quorundam Pontificum circa matrimonium; De quo in cap. Licet. De spons. duorum. Item patet hoc de errore, quem ediderat Celestinus circa matrimonium fidelium, quorum alter labitur in hæresim, cujus error olim habebatur in alia compilatione. In cap. Laudabilem de convers. conjug. ut refert Ostiensis in cap. Quando de divortio: non tamen dico Gregorium hic errare, sed e. vacuare intendo impossibilitatem errandi, quam alii asserunt. Hæc ille in publicis Lovaniensium scholis tradidit, quæ, ut Cardinalis fieret, revocavit nunquam; quæ Cardinalis factus, ut Romanus optaretur Pontifex, revocavit nunquam: quæ optatus & creatus Pontifex, ut malè & contra fidem tradita, revocavit nunquam.

Romana igitur Ecclesia cum Hadrianum elegit in Pontificem suum, doctrinæ huic juxta Guimenii sententiam hæreticæ tripliciter consensit.

Et primò quidem secundum axiomata duo, quæ recepta sunt in jure. Unum, Error cui non resistitur, approbatur, & veritas cum non defensatur, opprimitur. dist. LXXXII. cap. error. Alterum, Facere dicitur, qui cum posset, non prohibet. L. adigere, in princ. ubi glos.

de jure Patron. Sic Romana Ecclesia electi & creati Pontificis sui doctrinam approbat, cui non resistit. Et quia doctrina hæc Guimenii judicio hæretica est, hæreticam doctrinam ejusdem judicio approbat. Deinde secundum Romanos Pontifices, quorum testimonia productum imus.

Celestinus Papa I. in epistola ad Galliarum Episcopos: Quid illic spei est, ubi magistris tacentibus hi loquuntur, qui si ita est, eorum discipuli non fuerunt? Timeo ne connivere sit hoc tacere; timeo ne magis ipsi loquantur, qui permittunt illis taliter loqui. In talibus causis non caret suspitione taciturnitas, quia occurreret veritas, si falsitas displiceret. Merito namque nos causare respicit, si silentio faveamus errori.

Leo I. in epistola XCIII. ad Turribium Asturicensem Episcopum capite xv. Qui alium ab errore non revocat, seipsum errare demonstrat.

Felix III. in epistola I. ad Acacium Constantinopolitanum: Negligere quippe cum possis, deturbare perverfos, nihil est aliud, quam fovere: Non caret scrupulo societatis occultæ, qui evidenter facinori desinit obviare.

Gregorius Magnus in libri VII. Indict. II. epistola VI. ad Eusebium Thessalonicensem Archiepiscopum: Qui non corrigit rescanda, committit. Deinde in ejusdem & libri & Indict. epistola CXV. ad Brunichildam Francorum Reginam: Perit utique reverentia, admittitur disciplina, quia qui culpas debuit emendare, committit.

Leo II. Honorii Papæ in defendenda fide negligentiam hæreseos instar habet, cum pro Synodi VI. confirmatione ad Constantinum IV. scribit: Pariter anathematizamus novi erroris inventores, id est, Theodorum Pharanitarum Episcopum, Cyrum Alexandrinum, Sergium, Pyrrhum, Paulum, Petrum, Constantinopolitanæ Ecclesiæ subseffores magis, quam Prasules, nec non & Honorium, qui hanc Apostolicam Ecclesiam non Apostolica traditionis doctrina illustravit, sed profana traditione immaculatam maculari permisit. Baronius hanc epistolam certis quibusdam nebulis aspergere voluit, sed illas Franciscus Combesius ex Ordine Prædicatorum Theologus levi manu dispulit in Vindiciis, quas pro actis Synodi VI. diligenter & sincerè repetiit, observatque idem fere tradi in vetere Romanæ Ecclesiæ Diurno, quod Romæ editum est studio & opera Lucæ Holsthenii, sed ibi à Romanæ Curiae adulatoribus caputivum detinetur. Referenda sunt verba è fidei professione, quæ antistiti novo emittenda sic præscribitur:

III. Episcopus Catholica & Apostolica Ecclesiæ urbis Romæ reverendissimis fratribus & dilectissimis filiis, seu universa plebi Dei. Infrà versus finem: Inter hæc veneranda universalia quinque Concilia, etiam sextum Concilium universale centum septuaginta quinque venerabilium Prasulum prædicamus, quod favente Deo & votum piæ memoriæ magni Principis nostri Domini Constantini clementer implente in urbe regia eo prasidente celebratum est. Et quibusdam interjectis: Ita quoque & duas naturales habere voluntates, duasque naturales operationes secundum sanctorum Patrum doctrinam decreverunt. Auctores verò novi & hæretici dogmatis Sergium, Pyrrhum, Paulum, & Petrum Constantinopolitanos unà cum Honorio, qui pravus eorum assertionibus fomentum impendit, pariterque Theodorum Pharanitanum, & Cyrum Alexandrinum cum eorum imitatoribus, simulque & hos, qui hæreticorum dogmata veritate fidei Synodali declarata atque predicata pertinaciter defenderunt, pessimum & Deo odibilem Macarium, cum ejus Discipulo & Magistro impietatis, & Polychronium delirum senem, novum Simonem cum omnibus hæreticis scriptis, aliisque sequacibus nexu perpetui anathematis devinxerunt.

Gregorius VII. in libri II. epistola V. ad Manassem, Remensem, Richerium Senonensem, Richardum Bituricensem Archiepiscopos & alios Episcopos: Vos fratres in culpa estis, qui dum perditissimis factis ejus

Sacer-



- 13 Sacerdotali vigore non resistitis, proculdubio nequitiam consentiendo fovetis.

Deinde in libri IV. epistola I. ad Episcopos, &c. Melius est nobis debitam mortem carnis per tyrannos si oportuerit, subire, quam nostro silentio, timore, vel commodo Christiana legis destructioni consentire. SS. quippe Patres nostros dixisse scimus: Qui pravis hominibus sui consideratione officii non contradicit, consentit, & qui rescanda non aufert, committit.

Urbanus II. in epistola ad Remensem Archiepiscopum, & comprovinciales Episcopos: Peccanti, cum possis, non contradicere, consentire est.

Hi sunt magni nominis Pontifices Romani, quorum testimonio efficitur, ut Romana Ecclesia electi & creati antistitis sui doctrinæ, quæ Guimenio tradente hæretica est, consenserit, & consentiendo suam reddiderit.

Denique est & alius consentiendi modus, qui in Romana Commentariorum Hadriani super quartum sent. editione liquidò patuit. Nam statim atque Hadrianus in Romanum astitit Episcopum, Hadriani Commentarii, de quibus agitur, Romanis typis anno MDXXII. apud Marcellum mandati, & ii cum auctore suo virorum illustrium cumulatè sunt èlogiis. Quo approbationis genere nullum fere dari potest luculentius. Sed ne quis putet me fucum facere, hæc elogia refero, & illam imprimis, quod F. Minitius Calvus Novocomensis scripsit ad Joannem Ruffum Consentium Archiepiscopum.

- Ubi etiam cum inter convivales (ut fit) sermones mentio incidisset de præclarissimis sæculi nostri viris, præsertim iis, quibuscum tibi in Hispaniis agenti consuetudo & benevolentia intercessissent, Hadrianum tunc Dertusensem Cardinalem, qui pro Casare Hispaniis moderabatur, abs te cum primis celebratum, innumerisque laudibus ornatum fuisse memoria repeto; quippe qui si literas inspiceres, summus esset Theologus, eximius philosophus, & maximus Casarei Pontificisque juris consultus; si virtutes animi, quæ pluris etiam, quam doctrinæ omnes æstimandæ sunt, ita in eo excellenter omnes, ut quamvis magis emineret, haud facile dignosci posset. Quæ quidem & si pro tui testimonii gravitate verè proculdubio credebantur, verissima tamen fuisse, illud comprobavit, quod defuncto Leone X. Pont. Max. Hadrianus ipse Christiana reipublica Princeps designatus est: Idque divino potius, quam humano consilio evenisse, unus omnium est consensus; cum is longissimè gentium absens, nihil minus cogitans, tot amplissimorum Patrum communi iudicio & suffragio, in summo rerum fastigio collocatus sit. Quare cum tam illustris & divini viri præclara animi ornamenta ex verbis tuis jam tum capsem admirari, & eum deinde orbi Christiano divinitus prædictum viderem, operæ pretium facere mihi visus sum, si quantulacunque industria mea est, elegantissimis typis accuratiusque scribenda curarem ejus monumenta, quæ dum in minoribus (ut aiunt) existens Lovanii sacre Theologiæ studia magna cum laude profiteretur, elucubravit, propterea quod Gallicam editionem plurimis mendis scateat non ignorarem. Atque huic rei mea sponte jam satis incumbebam, quando Protonotarii Apostolici duo Guillelmus Enchuort summa fide, prudentia, integritate, forensisque gloriæ præstantia celeberrimus, & Franciscus Cheregatus, vir & facundia & juris utriusque peritia clarus, ambo Hadriani ipsius studiosissimi ad id me plurimum adhortati sunt, ea potissimum ratione, ut Roma, universa Italia, & literati denique Christiani omnes sanctissimi Pontificis saluberrima doctrina facilius erudirentur: eruditi autem pro tam immortalis à Deo Opt. Max. in genus humanum demisso cælitus beneficio sibi gauderent & congratularentur: Ipsiusque beneficii auctori (ut par est) gratias perpetuò agerent, quàm maximas possent. Quo namque liberaliori dono populum suum Deus afficere potuit, quàm cum illi eum Pontificem constituit, qui Christiana pietatis opera, Chri-
- 14
- 15

sti ipsius exemplo, prius facere, deinde docere exactissimè sciat & possit? Cui autem sacrosancta Ecclesia mysteria committi potuerunt, qui ea sanctius tractaret? Cui Ecclesiastica dignitates, & majora minoræque sacerdotia, qui iustius & fidelius eorum curam demandaret? Cui denique iustitia æquius cunctis administranda, & summa respublica melius gubernanda, quàm ei, qui sacramentorum dignitatem & majestatem ex divinis literis adamussim noverit; qui Sacerdotiorum institutionem, ad eaque pertinentia ex sacris Canonum & Theologiæ auctoribus plenissimè didicerit? qui de his doctissimè scripserit? quique per omnem ejus antea vitam, omnes virtutes adeò constanter excoluerit, ut cum eo nata & adulta sint ei perpetua comites futura? Cum itaque mecum animo volverem, quo pacto inofficiosi notam, quam mihi apud te subisse videbar, eluere possem, commodissimè accidit, ut Hadriani Pontificis, illius inquam, cui tu semper lingua & animo tantopere favisti, Commentaria hæc seu quæstiones jamjam essem editurus: quæ statim sub tuo nomine in publicum dare, tum ut essent mea erga te voluntatis quasi pignus quoddam, tum quod nemini id aptius deberi potuit, quàm tibi, qui cum literarum & literatorum omnium sis fautor & cultor, Hadrianum tamen Pontificem incredibili semper observantia prosecutus sis, illius Christianam & verè dignam Pontificis doctrinam nunquam non admiratus, eundemque veluti numen tuum in terris majorem in modum veneratus.

Accipe igitur, humanissime antistes, interim dum quædam alia cudimus, quibus proprius labor magis commendari possit, lubens ac lata fronte Calvi tui munus, quod & si quantum in eo meum est, per-exiguum sit, tibi gratissimum omnino fore confido, tum auctoris excellentia, tum materia operis nobilitate, quæ de Ecclesiasticis est Sacramentis, quorum cognitio, ut tu probè nosti, Christianis omnibus & Episcopis imprimis, ad quos pertinet alios instituendos munus, est maxime necessaria: Adhuc adeò planè & perspicuè in iis Commentariis pertractata, ut quæ alii ad ingenii fortè ostentationem, syllogismis & sophismatis dum explicare conati sunt, magis involverunt, Hadrianus ad populi Christiani institutionem natus clarissimis rationibus, sacrarumque literarum auctoritatibus, reddat omnibus apertissima. In hac F. Minitii Calvi oratione tres sunt, qui singulare Hadriani VI. elogium conscribunt, Joannes Ruffus Consentinus Archiepiscopus, Guillelmus Enchuort, qui postea Cardinalis fuit Enckennuvoertius, & Franciscus Cheregatus, qui Legationem obiit in Germania.

Hieronymus Delius Alexandrinus Romanus Epigrammate in libros Hadriani VI.

O magnis meritis, magnis virtutibus aucte,  
Adriane, æterni maxima cura Dei!  
Nec tua laudari sat sacra volumina possunt;  
Sint licet & nullo non celebrata satis.  
Nec tam confidens animi me audacia cepit  
Ut rear ornari versibus illa meis.  
Hoc dicam, nemo etsi scripserit hætenus, essent  
Christi ad tutandam sat tua scripta fidem.

Deinde ejusdem Epigrammate II. in eisdem Hadriani libros:

Vita libror, libri sic vitam, Hadriane, imitantur  
Sexte, tui, ut facias ante, quod inde doces.  
Discite mortales vitam integramque, piàmque,  
Nam locus hoc vitæ princeps nullus erit.

Petrus Cursius Epigrammate in eisdem Hadriani libros:

Magnum opus, Adriane, est, fateor tam scribere sancte,  
Sic tamen ut scribis vivere majus opus.

P. Franciscus Centelles alio Epigrammate, quod est ejusmodi:

*Jura Deum, ritusque Patrum sanctissime Pastor  
Debent & scriptis numina cuncta tuis,  
Nec minus ingenui mores, probitasque, fidesque,  
Virtusque, & vera religionis honor.  
Nos quoque ut his studiis multum debemus honestis,  
Debemus vita plus tamen usque tua.  
Namque ita vivendo fecisti secula nobis  
Aurea, qua sanctam restituere fidem.  
Inde ita scribendo fecisti vivere nostrum  
Felix, ô Princeps inde probus, inde Deus.*  
18 *Hoc est pascere oves Christi, Pater optime, & hoc est  
Claves caelestis semper habere fori.*

Guillelmus Enckenuvoertius Cardinalis in Epitaphio, quod Hadriano posuit: *Hadriano VI. Pontifici maximo ex Trajecto insigni inferioris Germaniae urbe, qui dum rerum humanarum maxime aversatur splendorem, ultro à proceribus ob incomparabilem sacrarum disciplinarum scientiam, ac prope divinam castissimi animi moderationem Carolo V. Caesari Augusto praeceptor, Ecclesiae Dertusienfi antistes, sacri Senatus Patribus collega, Hispaniarum regis Praefes, Republica denique Christiana divinitus Pontifex absens adscitus, vixit annos 63. menses 6. dies 13. decessit 18. Calend. Octobris anno à partu Virginis 1523. Pontificatus sui anno secundo. Guillelmus Enckenuvoert illius benignitate & auspiciis tit. Sanctorum Joannis & Pauli Presbyter Cardinalis Dertusienfis faciendum curavit.*

Hæc pauca de multis, quibus palam & aperte constat Hadriani Commentaria non solum edita esse Romæ, quod instituto nostro sufficeret, sed etiam à præstantibus virtute & doctrina viris sic laudata, ut vix possint studio majore laudari: Quod ad institutum nostrum, ut cumulus accedit. Quocirca dubium nulum est, quin certissimus sit consentiendi modus ille, quem erga Hadriani doctrinam Romanæ Ecclesiæ attribuimus. Sed inter elogia singularem id habet admirationem, quod de Hadriano in Pontificem cooptato legitur: *Defuncto Leone X. Hadrianus ipse Christiana Republica princeps designatus est, idque divino potius, quam humano consilio evenisse, unus omnium est consensus, cum longissime gentium absens, (Cæsaraugustæ versabatur)* nihil minus cogitans tot amplissimorum Patrum communi judicio & suffragio in summo rerum fastigio collocatus sit. Profecto si res diligenter pensetur ex seipsa, ab Innocentio III. ætate usque ad nostram nullus reperietur Pontifex, cui quæ omnia de Hadriano VI. simul recitantur in his elogiis, veriùs conveniant.

Hic autem triplex consentiendi modus, quem fideliter sumus executi, est veluti funiculus triplex, qui difficile rumpitur. Arctior est nodo, quem Aulonius suis ad Paulinum versibus describit:

*Ocyus illa jugi fatalis solvere lora  
Pellam potuisse Ducem reor, abdita operis  
Principiis, & utroque caput celantia nodo.*

Superest modò ut velis nolis concedas Romanam Ecclesiam scientem & prudentem in Episcopum suum elegisse Hadrianum illius magistrum dogmatis, cujus contrarium hæreticum esse Guimenius contendit. Nam postquam hic auctor sibi sumpsit, ad fidem pertinere, quod Romanus Pontifex errare nequeat, subnectit: *Tam certa est conclusio, ut oppositum non dubitem esse hæreticum.*

Verum hic non sisto adhuc, nec pedem figo. Hadrianus cum esset Pontifex, in tradita jam pridem à se doctrina constantissime perseveravit. Cujus rei indicia certa sunt duo: Et primum quidem cum ad Fredericum Saxoniae Ducem scripsit, ut eum à defendendo Luthero deterreret. Nam in epistola, quæ satis prolixa est, & ubi Lutherum acerbè persequitur, eidem tamen editam à Leone X. constitutionem non

objicit. Cur ita quæso, nisi quia Hadrianus persuasus erat constitutionem editam non esse auctoritate, quæ 20 falli nequiret? Observatio hæc eò videbitur ponderosior, & ad rei decisionem utilior, quò magis ac magis considerabitur.

Hadriani decessor proximus Leo Lutheri errores gravissimè condemnat: Lutherus ad Saxoniae Ducem confugit, illiusque præsidium implorat. Hadrianus Ducem compellat literis, ut Luthero homini factioso, & rerum novarum cupido auxilium omne denegat, & interea Lutheri errores à Leone condemnatos in præteritis relinquit. Nonne affectatum est in Hadriano silentium? Quod illuc spectat quò spectare jam monuimus.

Deinde, cum in mandatis, quæ Francisco Cheregato in Germaniam eunti dedit, hæc scribit: *Et certè fatemur Luthero, (qui se inauditum à Leone condemnatum esse querebatur) defensionem negari non debere in his, quæ sunt facti, hoc est, utrum dixerit, necne, utrum predicaverit, vel scripserit, necne? Super divino verò jure & materiâ Sacramentorum standum auctoritati sanctorum & Ecclesiæ.* Adde quod ferè omnia, in quibus Lutherus ab aliis dissentit, sint per diversa Concilia prius reprobata. Non debet autem revocari in dubium, quod per generalia Concilia & universam Ecclesiam constat esse approbatum, tanquam fide tenendum. Injuriam namque fecit Ecclesiæ Synodo, qui semel rectè disposita nititur in dubium revocare. Quid enim unquam certi esse poterit inter homines, vel quis dubitationum contentionumque finis erit, si presumptuoso & perverso cuique libertas seu licentia erit recedendi ab his, quæ non unius aut paucorum, sed tot saeculorum & tot sapientissimorum hominum consensu, & Catholica Ecclesiæ, quam Deus in his, quæ sunt fidei, nunquam errare permittit, determinatione sancita sunt. 21 generalibus Conciliis & Catholicæ Ecclesiæ non errandi privilegium attribuit, præterea nemini. Quo modo in pristina sententia persistit. Et pergit: *Scimus in hac sancta Sede jam aliquot annis multa abominanda fuisse, abusus in spiritualibus, excessus in mandatis, & omnia denique in perversum mutata. Nec mirum, si aegritudo à capite in membra, à Summis Pontificibus in alios inferiores Prælatos descenderit. Et quibusdam interpositis: Qua in re quod ad nos attinet, polliceberis nos omnem operam adhibebimus, ut primum Curia hæc, unde fortè omne hoc malum processit, reformetur, ut sicut inde corruptio in omnes inferiores manaverit, ita etiam ab eadem sanitas & reformatio omnium emanet.*

Nunc in complexionem certam inferendum est, quod inferre statuimus ab initio, & quod jam non semel intulimus; Romanam Ecclesiam, in Pontificem suum elegisse Hadrianum, Theologum Guimenio iudice hæretica pravitate imbutum, & omnino persuasum, & eandem Ecclesiam eidem hæreticæ pravitati consensisse: Nisi quis eò deveniat temeritatis & infantiæ, ut neget apud eruditos & cordatos homines ea recipi indicia, quibus Romanam Ecclesiam consensisse probavimus.

Hæc autem & alia Facultas Theologiæ Parisiensis cum perspiceret, relatas Guimenii assertiones confixit, falsas ac temerarias judicavit. Quod iudicium Romani censores validissimè confirmant, qua parte propositionem hanc, [ *Si liber sit alicujus junioris & moderni, debet opinio censeri probabilis, dum non constet, rejectam esse à Sede Apostolica, tanquam improbabilem.* ] 22 Ut minimum scandalosam condemnant. Quinetiam, quod fortassis paradoxum tibi videbitur, argumenta sunt duo, quibus non malè conficitur, Parisienses à Censoribus tacitè coargui, quòd relatas Guimenii assertiones nota minùs gravi affecerint. Et primum quidem Inquisitores cum junioris & recentissimi auctoris lemma, ut minimum scandalosum, rejiciunt, non obscurè significant, graviorem illi notam inuri meritò posse, eam scilicet, quæ falsitatis & temeritatis notam severitate sua vinceret. Deinde cum maturè decernunt,



nunt, hominem cum, quisquis tandem ille fuerit, qui damnatum lemma publicè vel clam assereret, ipso facto incursum in excommunicationem, à qua non poterit (præterquam in articulo mortis) nisi ab Romano Pontifice absolvi. Hæc pœna, quæ spiritualium omnium maxima est, non imponeretur Theologo, qui falsam & temerariam duntaxat propositionem publicè vel clam doceret. Ut culpæ sunt variæ, sic & variæ sunt pœnæ, quibus qui rei sunt, castigantur, & qui minus rei sunt, pœnis maximis affici non possent absque injuria.

Hæc autem cum ita sint, necessariò dicendum est, fraudulenter obreptum esse Alexandro VII. si quæ ex illius Bulla retulimus, in damnatas à nostris Parisiensibus Guimenii assertiones flectantur. Vellem ego flecti non posse, ne Pontifex videretur idem quod Guimenius, sentire, & cum eodem Guimenio ad damnandum hæreticæ pravitatis Hadrianum VI. & Romanam Ecclesiam, quæ Hadrianum cooptavit in Pontificem, conspirare. Quidquid id est, & missis, quæ re non satis comperta diversas in partes agerentur, pie credendum esse sic statuo. Alexander VII. intelligens suis auribus, non oculis impositum esse, cum ad aures, inquit, nostras pervenit, Inquisitionis decretum approbat cum in aliis, tum in eo maximè, quod ad propositionem xxvii. mox relatam attinet. Nam approbata propositionis hujus censura, quam sub epistolæ initium ex illius Bulla retulimus, tacitè seipsum corripit, quia melius est seipsum corrigere, quam ab alio corrigi §. 1. in auth. de nup. auth. ut frat. fil. in princip. Ubi gloss.

Id etiam ita faciendum esse didicerat ex Gregorio VII. qui in libri ix. epistolâ xxxi. ad Haganonem Episcopum scitè & appositè scribit de se: *Noverit itaque prudentia tua, quia multa tanquam à nobis deferuntur, & dicta & scripta nobis nescientibus. Multa etiam subripi possunt nimis ad singula intentis, ut pote divisis ad plurima, & intentis ad maxima, quibus vehementer arctamur. Unde in hac causa, quod profectò minimè recordamur, si quid fortè subreptum fuit, optat magis animus corrigere, quam ab equitate & rationis tramite deviare, vel aliis corrigenda relinquere.* Quin autem Alexandro mens fuerit eadem, quæ Gregorio VII. Alexandri exaggerata in administrandis rebus divinis atque Ecclesiasticis prudentia dubitare non sinit. Quod Leo I. dixit, *Mannere Petri privilegium, ubicunque ex ipsius equitate fertur judicium.* Alexander VII. diceret, & hoc habet tantum supra Alexandrum Leo, quod hic primus dictum istud occupaverit. Neque verò Alexander VII. negaret se posse id de præsentis negotio scribere, quod aliquando scripsit Alexander III. in cap. Si quando de Rescriptis: *Si quando aliqua tue fraternitati dirigimus, qua animum tuum exasperare videntur, turbari non debes. Et infra: Qualitatem negotii pro quo tibi scribitur, diligenter considerans, aut mandatum nostrum reverenter adimpleas, aut per literas tuas, quare adimplere non possis, rationabilem causam præendas, quia patienter sustinebimus, si non feceris, quod prava nobis fuerit insinuatione suggestum.* Atque hæc sunt, quæ de Alexandri VII. facto & Bulla pie credenda esse statuo, ut quæ antè incommoda proposui maxima, & Romanæ Ecclesiæ injuriosissima, vitentur.

Sed quoniam dissimulandum est nihil, ex amicorum Romæ manentium literis intellexi, certos quosdam esse Curiales Magistros, qui in eodem mecum pietatis sensu non conveniunt: Fraudulenter obreptum non esse Pontifici contendunt, & rem aliter accipiunt.

Alexander, inquit, Guimenii opinioni probabilitatem restituit, quam Parisienses Theologi censoria severitate detraxerant. Et sanè posset hoc dici, si Guimenius diceret, *Probabile est, ad fidem pertinere determinationi Pontificis Summi inherere in his quæ sunt fidei, &c.* Item si diceret, *probabile est, de fide esse, non posse Pontificem errare, & ita exaratas propositiones falsitatis & temeritatis à Parisiensibus Theologis notari.* Sed Guime-

nus id neutiquam dicit: Simpliciter & absolute & asseveranter scribit: *Ad fidem pertinet inherere determinationi Pontificis Summi in his quæ sunt fidei, inò etiam in his quæ spectant ad bonos mores, quia in hujusmodi etiam Ecclesia errare non potest, & consequenter nec caput ejus.* Argumentum hoc: *Ecclesia errare non potest, ex quo infert, nec caput ejus, omnimodam certitudinem importat.* Nam dicere, *Probabile est, Ecclesiam errare non posse, nefas esset: Quia è contrà dici quoque posset, probabile est, Ecclesiam errare posse.* Si quidem unius opinionis probabilitas alterius opinionis probabilitatem minimè tollit, ut apud philosophos omnes in confesso est.

Deinde non dicit: *Probabile est, oppositum esse hæreticum, sed simpliciter, absolute, & asseveranter dicit: Tamen certa est conclusio, ut oppositum non dubitem esse hæreticum.*

Curiales igitur Theologi difficultate rei præpediti fortuntur, quid loquantur, & incidunt in reprehensionem Hadriani VI. qui de ministro Confirmationis scribens ait: *Hoc non probant, & ita divinare videntur, quod periculosum est in his, quæ fidem concernunt & bonos mores.* Ad pronuntiatum istud Pontificis Curialibus Magistris quid quæso fiet? Hi fucum facere volunt, sed non possunt. Res per se ipsa patet, & in bono lumine collocata est. Evidentissima producimus, quæ distorquere non poterunt, & probatissima, quæ respuere non audebunt, nisi fortè Guimenii librum typis iterum mandari & interpolari curent, ut tandem in editione secunda reperiant, quod in prima desideratur.

Sed interea dum hoc exequentur, demus contigisse, quæcunque in somnio viderunt. Similes sint Pastori cuidam, qui apud Theocritum in Ecloga nona canit:

*Possideo quæcunque solent sub nocte videri,  
In somnis, vim magnam ovium, multasque capellas.*

Examinandum est tantisper, quid profuturum esset somnium, in quo dixisset Guimenius: *Probabile est, ad fidem pertinere, de fide esse, Romanum Pontificem errare non posse in iis, quæ sunt fidei & morum: Probabile est contrariam huic opinionem hæreticam esse.* Nunc præ me fero propositiones istas ferendas non esse, utpote dignas, quæ multis de causis censoria notentur.

Prima quæritur ex Cardinali Petro Alliaco in tractatus de auctoritate Ecclesiæ capite 11. Sextò ex præmissis sequi videtur secundum aliquos, quod falsa est quorundam Juristarum opinio dicentium, quod in Concilio generali Papa duntaxat judicat & diffinit; Et si eo præsentem ibi aliqua statuerentur, Concilium nihil statuit, sed suadet & consulit; Nec Papa tenetur sequi deliberationem vel suasionem Concilii, sed quod standum videretur sententia Papa, si contradiceret Ecclesia vel concilio. Patet quia universalis Ecclesia à Christo & non à Papa hoc privilegium auctoritatis habet, quod in fide errare non potest, & hanc etiam auctoritatem secundum aliquos habet Concilium universale Ecclesiam representans. Sed talem auctoritatem non habet Papa, cum errare possit in fide: Ergo in hoc major est auctoritas Concilii vel Ecclesiæ, quam Papa: Unde oppositum dicere, multis esset hæreticum, & ex juribus malè intellectis erroneè conclusum. Hoc in loco dicere Romanum Pontificem errare non posse in fide, id hæreticum multis videretur. Et contrarium quo pacto videretur probabile?

Deinde in sermone 11. quem idem Cardinalis in Adventu coram Patribus Constantiensis Concilii habuit anno mccccxvii. In antiquis Conciliis & maxime apud probatis hujusmodi verba leguntur: *Placuit sancto Concilio, vel sanctum Concilium definivit, vel statuit sanctum Concilium: Papa etiam quandoque dicit: Auctoritate Concilii vel consensu definitum est.* Et adducto Apostolici Concilii exemplo subdit: *Ex quibus patet, quod auctoritas decernendi & definiendi non est attribuenda soli Pontifici, sed toti Concilio generali.* Unde manifestè reprobatur ERROR QUORUNDAM PERNICIOSISSIMUS, qui adulando potestati Papali ita detrahunt auctoritati sacri Concilii, ut dicere præsumant, quod Papa

Papa non potest necessario sequi deliberationem Concilii, imò standum esse sententia Papæ, si Ecclesia, vel generali Concilio contradicat. Cardinalis vir doctus & pius cum errorem perniciosissimum esse statuat id, quod adulatores quidam sibi sumunt, Pontificem nimirum errare non posse, probabilem hac in re opinionem procul abjicit, tantum abest, ut admittat. Hic sermo ut habitus, ita & auditus est repugnante nemine: Consistentibus Concilii Patribus, & cum primis Martino V. qui 111. Idus Novembris in Romanum Pontificem alitus fuerat. Quæ Cardinalis in sermone suo prædicat, Concilio toti & Martino Papæ certius tribuerentur & verius, quam à Cardinali Bellarmino in libri 1. de Conciliis capite XIII. tribuuntur sextæ Synodo, quæ, qui actione XV 111. Imperatori gratulationem fecit, ita narrat: Arius divisor atque partitor Trinitatis insurgebat, & continuo Constantinus semper Augustus, & Silvester laudabilis magnam atque insignem in Nicæa Synodum congregabant. Certius tribuerentur & verius: Nam, ut alibi jam observavi, annus à Nicæna Synodo trecentessimus, quinquagesimus quintus agebatur, cum primum dici cæpit, Silvestrum Nicænam Synodum congregasse. Nicæna Synodus hæc, quæ ni fallor noverat, à quo congregata fuerat, se in Epistola ad Alexandrinum congregatam à Constantino fuisse dicit, sed se à Silvestro congregatam fuisse non dicit, dictura sine dubio, si verè dici, & indictionis monumentum edi potuisset. Id quoque non dicunt auctores æquales vel supiores.

Secunda obijcitur à Gersone in tractatu de doctrinarum examinatione, Confid. 11. Examiner jurisdicus doctrinarum fidem tangentium Papa supremus est in terris post generale Concilium, vel cum ipso deducitur auctoritate canonum cum ratione morali præsupposita fide. Quoniam supremus in omni politia jus habet dubia circa politiam emergentia determinare vel interpretari, vel declarare cum appositione poenarum in rebus. Hoc autem est iudicium auctoritativum. Diceret aliquis: Non oportet ita fieri, cum Papa sit devotissimus. Non enim est magis confirmatus, quam Petrus erat: Unde reprehensus est à Paulo, eo quod non rectè ambularet ad veritatem Evangelii. Confirmat hæc obiectio considerationem precedentem, sed plus infert, quam oportet. Neque enim potest assidue Concilium generale haberi presentiter pro decisione dubiorum. Nec expediret passim ita fieri. Supremus autem in Ecclesia facillime auditur, qui si nolle omnino pertinaciter ea, quæ sunt fidei declarare, vel erraret declarando, superest iudicium Concilii.

Porro non sequitur, Papa potest definiendo fallere vel falli: Igitur non est iudex idoneus: Sicut in aliis patet instantia. Concluditur tamen ex hac radice duplex veritas: Prima, quod determinatio solius Papæ in his, quæ sunt fidei, non obligat ut præcisè est talis, ad credendum, alioquin staret in casu, quod quis obligaretur ad contradictoria, vel ad fidem contra fidem: Secunda veritas, quod sententia Papæ ligat omnes fideles ad non dogmatizandum contrarium, nisi per illos aut apud illos, qui manifestum contra fidem deprehendunt errorem, & scandalum grande fidei suo silentio fieri, si non opponerent se, cognoscunt. Quod si fieret persecutio sententiarum & poenarum contra eos, sciant beatos esse, qui persecutionem patiuntur propter iustitiam. Superest quoque remedium Concilii generalis, cujus finalis, auctoritativa, judicialisque potestas fundata est indestructibiliter in illo verbo Christi de correctione fraterna: Si Ecclesiam non audierit, sit tibi tanquam ethnicus & publicanus. Cui legi haud dubiè subest Papa, licet hæcenus multis hæc veritas non placuerit propter inordinatum favorem ad Summum Pontificem, vel scripta ejus malè suscepta, plusquam ad Christum & Evangelia. Nunc autem opposita falsitas, est hæresis expressè damnata per Concilium Constantiense, cum aliis multis in utilitatem totius Christiane religionis. Si negare Romanum Pontificem subesse Concilio, Gersone iudice, hæresis est, non potest quoque eodem iudice non esse hæresis,

negare eundem Pontificem in fide & moribus falli posse. Nimirum ratio cur subest Concilio, ex eo tota repetitur, quod in fide & moribus errare possit. Hoc ita constituto probabile nunquam erit de fide esse, quod Pontifex errare non possit.

Tertia petitur ex Eugenio IV. Bulla tertia, quæ in 30 actione XVI. Basileensis Concilii refertur: Si Papa, inquit, vel Legatus ejusdem nollet disponere aliqua, & contra Concilium affectaret, Papa sententia, vel ejus Legati personam Summi Pontificis representantis, non Concilii voluntas sequenda foret, cum super omnia Concilia habeat potestatem Papa, nisi forte qua statuenda forent, Catholicam fidem respicerent, vel si non fierent, statum universalis Ecclesie principaliter perturbarent, quia tunc Concilii sententia esset potius attendenda. Hæc Eugenius, Cardinalis Alliaci sermone persuasus. Sermo- nis auditor & appobator fuit, cum esset Gabriel Condulmerius Cardinalis. Dissidentibus in causa fidei Concilio & Papa, Concilii potius attendendam esse sententiam non dixisset Eugenius si contrarium probabiliter dici potuisset. Unusquisque enim in probabili materia suffragari sibi potius, quam alii consuevit. Porro autem Eugenius cum revocat Bullam hanc ex eo, quod ibi Papam super omnia Concilia habere potestatem asseruerat, cætera, quæ retulimus, confirmat: Hæc nempe, nisi forte qua statuenda forent, Catholicam fidem respicerent, vel non si fierent, statum universalis Ecclesie principaliter perturbarent, quia tunc Concilii sententia esset potius attendenda. Quibus verbis contrariæ sententiæ probabilitatem esse ab Eugenio exclusam recipimus, idque maximè, si Romanorum Pontificum consuetudo sibi suffragandi in materia probabili consideretur.

Quarta habetur ex Cardinali Joanne Turrecremata, dum ita differit in libri 111. de Ecclesia capite LXIV. In materia fidei jam definita per Apostolicam Sedem, potius standum est iudicio Papæ, quam Patrum Concilio juxta beatum Hieronymum in cap. hæc est fides: In materia verò nondum ab Ecclesia definita magis regulariter standum foret iudicio Patrum totius Concilii, quam iudicio Romani Pontificis. Colligitur ex capite Anastasius. Hic propositiones sunt duæ, quarum alteram non ita enunciaret vir Pontificiæ dignitatis amplificator vehementissimus, si probabile esse censeret, de fide esse Romanum Pontificem in his, quæ sunt fidei & morum, errare non posse. Litigiosus esset homo, qui contradiceret. In cumulum accedit, quod ille tradit in libri 11. capite XVI. de modis viginti, quibus aliquis præsumitur pertinaciter errare contra fidem: Decimus-septimus modus convincendi specialiter Papam de pertinacia in hæretica pravitate est, si errorem definit solemniter & à Christianis asserit tanquam Catholicum esse tenendum.

Quinta manifestè colligitur ex Cartusienfi Jacobo Paradiso, cum in Collecto seu Collectorio de auctoritate Ecclesiæ hæc scribit: Si singulis membris medicina est parata, cur capiti denegatur, cum hoc magis indigeat sanatione, quam alia, quia eo agrotante omnia membra agrotare videntur, nisi forte quis insanius ad hunc errorem prorumperet, quod diceret Papam impeccabilem & indeviabilem: Quasi jam extra terminum viatorum volentes eum collocare, non recensent Petrum primum Papam reprehensum fuisse à Paulo uno singulari & sibi inferiore ad Galatas 11. & Ecclesiastica historia, & Speculum historiale, & certa ac indubitata experientia manifestat, necnon in fide & in moribus similem esse posse cæteris peccatorem ex vertibilitate liberi arbitrii nondum confirmati: Auferre igitur à Papa correctionem, imò potestatem deponendi est maxima impietatis, & ipsum statuere in plena audacia peccandi, & per consequens furiosum gladium dare, ut seipsum sine resistentia interimat. Hæc ille & cætera, in quibus & animo & lingua & calamo longè abest ab iis, qui dicerent, quod probabile sit, Romanum Pontificem in fide & moribus errare non posse.

Sexta ducitur ex Hadriano VI. qui hæc scribit in

T t

quantum



quartum sententiarum art. 111. de Sacramento Confirmationis: *Ad secundum principale de facto Gregorii dico primo, quod si per Ecclesiam Romanam intelligatur caput ejus, puta Pontifex, CERTUM EST, quod possit errare etiam in iis, quæ tangunt fidem, hæresim per suam determinationem, aut decretalem asserendo. At qui dicit, certum est, probabilem opinionem procul amandat, & amandandum esse judicat, quod postea luculenter corroborat; cum ait: Non tamen dico, Gregorium hic errasse, sed evacuare intendo impossibilitatem errandi, quam alii asserunt. Hæc sciens & prudens auctor scribit & inculcat, ratus opinionem contrariam posse detrimenta multa Ecclesiæ importare. Sic probabilitati locum nullum relinquit.*

Septima comparatur ex Frederico Naufæa Viennensi Archiepiscopo, qui magna cum eruditionis laude Tridentino Concilio interfuit. Hic in libri v. rerum Conciliarium capite 111. cujus argumentum est: *Patribus in Concilio à Papa vel ejus Legato dissentientibus, cujus judicio standum sit, ita disputat: Nec enim prima fronte videtur accedendum uni soli que Papa, præsertim in causa fidei, cum satis periculosum videatur, fidem nostram unius hominis arbitrio committi: Nec usque adeo superbum esse Papam credimus, quod ipse solus & unus homo toti congregationi suum judicium præferat, perinde atque ipse Spiritum Sanctum habeat, maxime, quod major urbe sit orbis. Ne itaque navigandum sit inter Scyllam & Charybdim, plerique omnes Doctores arbitrantur, sententia Papa prorsus esse standum in negotio fidei prius per Apostolicam Sedem definito, quod ipsi Patres Concilii vellem, aut refutare, aut immutare. In ipso verò fidei negotio nondum definito, sed per Concilium definiendo standum esse potius judicio Patrum totius Concilii. Non sic abscondere loqueretur, si Romanum Pontificem in fide & moribus errare non posse probabile esse crederet. Veritas hæc ratiocinatione ulteriori non indiget.*

Octava depromitur ex Cardinali Clemente Monliano, qui in eandem cum Joanne Turrecremata sententiam discedit, dum in Compendii Theologicarum institutionum capite xxx111. ait: *Sequendo Cardinalem de Turrecremata in Summa lib. 111. de Ecclesia cap. lxiv. qui docet: Dissentientibus Papa & Concilio in his, quæ sunt fidei, standum est judicio Papa in materia à Sede Apostolica definita, sed in materia noviter per Concilium definienda regulariter magis standum est judicio Patrum totius Concilii, quam Papæ, quasi verò Cardinalis hoc ita Romæ scriberet, si probabile esset, de fide esse, quod Romanus Pontifex in fide & moribus errare non possit.*

Nona subministratur à Cardinali Michæle Alexandrino, qui pro sacri Palatii Magistro Clementis Moniliani librum approbavit, & approbando suum fecit: *Nec approbationem ut fieret Pontifex, sive postquam factus est, Pius V. revocavit unquam.*

Decima suggeritur à Joanne Bagotio è Societate Jesu Theologo dum quæstionem hanc tractat in libri 1v. de institutionibus Theologicis disput. 111. cap. 1. sect. 1. *Quidquid sit, quantum ego possum colligere, Romanus Episcopus, quoties de negotio fidei, aut aliis ad Ecclesiam spectantibus tractat, Concilium habet, & saltem Clerum Romanum ex Episcopis sua provincia Presbyteris & Diaconis Cardinalibus compositum, in Synodo congregatum audit, nec unquam quidquam de fide definit, nisi in Concilio. Nec verò aliter videretur prudenter agere, & consequenter legitime & infallibiliter. Deus enim ut superius insinuaui, agens de potentia ordinata, & concursu suum ordinarium præstans, requirit secundarum causarum cooperationem, & in tantum infallibilitatem dat Summo Pontifici, in quantum hunc nonnihil agentem, aut dormientem illuminat, sed humano etiam modo, & secundum naturalem rationem agentem ipse dirigit. Pontifex igitur debet agere prudenter, & omnem diligentiam pro veritate fidei indaganda, inveni-*

*endæque adhibere, & cum Deus non faciat jam pro fidei doctrina novas revelationes, nec novos Prophetas, aut Evangelistas suscitet, in tantum dat scientiam veritatis Ecclesiæ, in quantum Summum Pontificem adjuvat, ut ex fidei articulis jam traditis & notis conclusiones inferat per ratiocinationem. Debet ergo Pontifex ratiocinari & prudenter agere. Quod ut faciat, debet peritos & doctos consulere, & iis auditis cum suo Concilio judicare & de finire, quid statuendum sit. Sed de hoc postea magis in particulari agam.*

Nunc tantum habeo duo dicere: *Primo quidem Summum Pontificem quæstionem de doctrina fidei semper cum Concilio, aut provinciali, aut universali tractare. Secundo in controversiis facilioribus provincialia, seu particularia sufficere. In gravioribus verò nonnullis quæstionibus necesse est audire generalia Concilia, ita ut sine illis eas controversias cum summa auctoritate non dirimat.*

Deinde in sectionis 111. fine quidquid supra differuit, per Pontificis è Cathedra definitæ notionem ita concludit: *Ex quibus omnibus concludo Summum Pontificem, ut definiat aliquid infallibiliter, Concilium aliquod seu Synodum audire oportere, nec malè dici tunc, ex sancti Petri cathedra eum loqui, seu pronuntiare sententiam, cum audito Concilio pronuntiat. Hic auctor, ut apparet, nunquam probabile judicabit, de fide esse, quod Romanus Pontifex seorsum à Concilio errare in rebus fidei non possit, sed istud potius ut maxime improbabile repudiaret, quin etiam acerrimè damnaret.*

Bagotii testimonio incredibile accedit robur ex Provincialis & doctorum hominum Ordinis approbatione, quæ talis est: *Ego Joannes Fillæus Præpositus Provincialis Societatis Jesu in provincia Francia, potestate ad id mihi facta ab admodum R. P. N. Mutio Velleasco Præposito Generali ejusdem Societatis facultatem concedo, ut Apologeticus fidei à Patre Joanne Bagot compositus, & ejusdem Societatis nostra doctorum hominum judicio approbatus typis mandetur. In quorum fidem hæc literas manu nostra subscriptas & sigillo nostro munitas dedimus Rotomagi die undecimo Maii anni millesimi sexcentissimi quadragesimi quarti, JOANNES FILLÆUS.*

Approbatio hæc argumentum, quod ex Bagotii doctrina repetimus, firmissimum efficit, quo qui utetur, cum Magistris Curialibus pugnabit non minus feliciter, quam olim apud Gellium Lucius Sicinius, Romanus Achilles ideo dictus, quod centum & viginti præliis cum hoste pugnasset, nec ullam haberet cicatricem averfam. Quare non mirum est, si argumentum ad Apologeticum fidei pertineat.

Undecima sumitur ex probabiliū definitione, quæ ab Aristotele traditur in libro 1. Topicorum: *Probabilia sunt, quæ videntur omnibus, aut plurimis, aut sapientibus, & his aut omnibus, aut plurimis, aut maxime notis & illustribus. At definitionem hanc propositioni huic, De fide est, Romanum Pontificem errare non posse, in rebus fidei & morum convenire quis probaret? Ubinam omnes, ubinam plurimi, ubinam sapientes omnes, aut certè plurimi vel inter antiquos Patres, vel inter illustriores è schola Theologos constituunt, De fide est Pontificem errare non posse? Bellarminus cum statum quæstionis, sitne certum Papa judicium, proposuit, ne unum quidem adducit Theologum, apud quem legatur, tantum abest ut apud plurimos legi possit. Quod tamen necessarium esset, ut probabiliū definitioni satisficeret. Quò fit, ut si dixisset Guimenius, quod non dixit, non esset probabile, quod probabile dixisset.*

Cæterum quæ de probabiliū definitione animadvertimus, transferri facile possunt ad simplicis, vel compositæ inhærentiæ problema. Sunt artis verba, quæ mutare non licet. Intelligunt, qui philosophantur. Ad graviora rerum momenta progrediamur.

Duodecima trahitur ex Romanæ Ecclesiæ seu Sedis Apostolicæ traditione, qua duabus in Epistolis docuimus Romanum Pontificem seorsum à Concilio errare posse: Una est ad te, altera ad Joannem Gerbasium Parisiensem Theol.

Theologum. Hæc autem traditio probabilitatem opinionis qua de agitur, omnem detrahit. Quot quæstiones mala & incommoda in Romanam redundarent Ecclesiam, si semel liceret adversus exploratas illius traditiones probabiliter opinari?

Ultima deducitur ex duabus epistolis, una ad Joannem Gerbasium, altera ad Christophorum Fauvæum, ubi Curialium Theologorum referuntur testimonia, quibus asseritur Concilia ab Romano Pontifice confirmata errare non posse, idque Catholica fide tenendum esse. In his igitur epistolis perspicue ostenditur, Eugenium IV. Basileensem approbasse Synodum, qua parte Romanus Pontifex Concilio subicitur, & docetur CERTUM ESSE, quod Romanus Pontifex in fide & moribus errare possit. Hoc unum ibi recepi, iterumque recipio, monumenta, quibus Eugenium Basileensem Concilium approbasse constat, non modò evidentia & certa esse, sed & multò evidentiora & certiora iis, quibus Bellarminus & Curiales Magistri omnes tradunt, vel Silvestrum Nicænam Synodum, vel Damasum Constantinopolitanam Synodum primam approbasse. Quamobrem si Catholica fide tenendum est, Basileensem Synodum non errasse, cum & Romanum Episcopum Concilio subjici definitum, & certum esse docuit, quod is errare possit in fide & moribus, probabile esse nunquam poterit, de fide esse, quod Romanus Pontifex in fide & moribus errare non possit.

Nunc in viam, de qua, ut exerrantes homines & sua nobis narrantes somnia sequeremur, recessimus, revertendum est, & deinceps, quod olim vir sapiens dixit, tibi dictum puta: *Somnia ne cures*. Dissipata sunt omnino, & auctoribus suis obesse quidem possunt, prodesse verò non possunt.

Dissipatis igitur versipellium è Curia Magistrorum

somniis, & tibi & mihi penitus constare debent duo: Primum, quod Romani Inquisitores Parisiensium censuram qua de agitur, reipsa confirmarunt, cum in decreto suo propositionem *ut minimum scandalosam* notarunt. Id exopinatio, nec exopinatio considerata, vel non considerata re fecerint, nihilominus tamen fecerunt. Quidquid in causa, Sibyllinis utimur oraculis, quæ ab ignavis rerum virginibus fusa esse creduntur.

Deinde, quod Alexander VII. eandem Parisiensium censuram approbavit cum sciens & prudens Inquisitionis decretum approbavit, & unamquamque decreti propositionem *ut minimum scandalosam*, Pontificali ritu judicavit, iisque, qui clam vel publice docerent, pœnam gravissimam imposuit. Exinde minimo negotio intelliges, quod Gregorio VII. Alexandro III. & prudentissimo cuique Pontifici nonnunquam accidit, Alexandro VII. accidisse, seu cum Bullam edidit (si Bullæ verba in memoratam Parisiensium censuram convertantur) seu cum Inquisitionis decretum ratum habuit. Alterutrum nisi me fallit animus, dicatur necesse est, quia Pontificem humani à se alienum nihil putare mihi persuadeo. In edenda Bulla illi obrep-  
tum esse potius, quam in asserendo Inquisitionis decreto crederem, quod cogitationes secundæ primis anteferri soleant. Porro attem cum Inquisitionis decreto  
utor, ad Inquisitores, nimirum ad hominem disputo. Non me latet scriptori Gallo utendum non esse simpliciter Inquisitionis decretis, quæ in auctoritatem Gallicana non admittit Ecclesia. Nonnullas rationes, easque idoneas attigi sub finem epistolæ ad Michaëlem Marollium. Has non repeto, quia sine horrore repeti non possunt. Vale. Lutetiæ Parisiorum Idib. Decembris anni MDCLXV.

# Joannes Launoïus

## HENRICO BARRILLONIO

### Parisiensi Theologo.

QUAM Andreas Eudæmonioannes super Dissertatione politica Leidhresseri ad amicum Gallum scribit epistolam, legisti, & te legisse indignaris. Scilicet cum ille proposuit, in dijudicandis fidei causis ac moribus totæ Ecclesiæ præscribendis summum Pontificem, nec falli posse, nec fallere, subjungit, hoc esse commune Catholicarum Academicarum dogma, & in eorum numero Parisiensem ponere non veretur. Adscribis verba: *Academia Parisiensis, quam ab ea sententia abhorreere nonnulli existimant, idem disertè docet. Extat in calce libri Sententiarum tractatus quidam contra errores Joannis de Montesonio, ut in ejus præfatione scribitur, ex deliberatione Universitatis studii Parisiensis, & specialiter Doctorum & Baccalareorum Facultatis Theologiae compositus, cujus ea est prima propositio: Ad sanctam Sedem Apostolicam pertinet auctoritate judiciali suprema circa ea, quæ sunt fidei, judicialiter definire. Et primum quidem legisse te lemma, quod gratis & sine ratione statuitur, indignaris, & meritò. Quia res tanti ponderis illustri majorum testimonio carere non debet. Qua igitur facilitate asseritur, eadem & negatur. Dico amplius. Eudæmonioannes veteribus Academicis, quæ Christianam religionem coluerunt sanctissimè, imponit. Et*

hoc certò probari potest. In medium adducendæ sunt Academiae, quæ quid de proposito lemmate sentiant, & exponant.

*Parisiensis, Andegavensis, Aurelianensis, Tolosana, & Bononiensis Academia*

IN conspectum simul veniunt per acta Pisani Concilii, quod anno MCCCXC. celebratum est. Sic autem se res habet in sessione XIII. Die Mercurii XXIX. dicti mensis Maii adveniente servatis solemnitatibus & ceremoniis ut supra, quidam valentissimus Magister in Theologia, vocatus Magister Petrus Plagnol ascendit pulpitum, & proposuit verbum Dei, videlicet: Congregabuntur filii Juda & filii Israel, & ponent sibi caput unum. Osee I. in fine: Et deduxit pulchrè exaltando Ecclesiam & asserendo eam esse supra Papam: Quod deduxit pluribus rationibus tam ex parte materiæ scilicet animarum, quam ex parte formæ, quæ est Spiritus Sanctus, quam etiam ex parte causæ efficientis, quæ est ipse Christus, quam etiam ex parte finis, quæ est ipse Deus in Ecclesia triumphanti. Et postmodum posuit opinionem Universitatis Parisiensis, videlicet, quod Petrus de Luna est schismaticus, pertinax, & hæreticus, etiam accipiendo hæ-



resum propriè & strictè, præcisèque ab Ecclesia Dei, e-  
jectus à jure Papatus & privatus, ac per Concilium de  
facto tanquam talis ejiciendus & privandus, & hæc de-  
claravit pluribus rationibus, & subjunxit, quòd de eadem  
opinione erant Universitates Andegavensis, Aurelianensis,  
& Tolosana. Ipso autem descendente de cathedra ascen-  
dit quidam Episcopus Italicus, qui opinionem 130 Ma-  
gistrorum in Theologia, & plurium Licentiorum &  
Baccaliorum formatorum, ac Universitatis Bononiensis  
in quadam schedula publicavit, quæ est conformis opinio-  
ni Universitatis Parisiensis.

In oratione hac brevis sunt multa, quæ diligenter ac  
curiosè observentur.

I. Quòd Parisiensis ille Theologus, qui disputatio-  
nem instituit, Ecclesiam supra Romanum Pontificem  
esse omnino asseruit, idque ex quadruplici causarum  
genere confirmavit. Quo probandi modo, si natura re-  
rum spectetur, nullum dari potest efficacius, & ad per-  
suadendum aptius.

II. Quòd inter dubium & certum Pontificem non  
distinguit. Imò de Pontifice, ut apparet, loquitur, qui  
certus & indubitatus sit, nec si appositè loqui voluit,  
aliter loqui potuit, quia unusquisque Pontifex se cer-  
tum atque indubitatum esse credebatur & venditabat,  
& quæ gerebat, hæc ut à legitimo Pontifice gesta esse  
decernebat. Præterea unusquisque in sua obedientia  
ut legitimus agnoscebatur Pontifex, ac si unustantum  
fuisset.

III. Quòd Parisiensis, Andegavensis, Aurelianensis,  
Tolosana, & Bononiensis Academia in eandem conve-  
niunt conspirantque sententiam, atque istud cum in  
Concilio judicatum sit, dubitationem & difficultatem  
nullam habet.

IV. Quòd Petrus de Luna nuncupatus Benedictus  
XIII. schismaticus atque hæreticus est. Idque pluribus  
rationum momentis confirmatum fuit. Nec mirum est,  
Benedictum Pontificem judicari hæreticum, aut saltem  
judicari posse, quandoquidem Ecclesiæ, ac proinde  
Concilio Ecclesiam repræsentanti subjicitur. Nam si  
Pontifex nec in fide nec in moribus errare posset, tali  
non subiceretur Concilio. Hæc se mutuo demonstrant.  
Si Pontifex Concilio subjicitur, errare in fide & mori-  
bus potest, sicut è contrà: Si Pontifex in fide & mori-  
bus errare potest, Concilio subjicitur.

V. Postremò quòd commodum accidit, ut certa quæ-  
dam machina, quam Bellarminus & illius sectatores  
circa schismatis tempus adhibent, in suas partes dissu-  
atur. Cum illis Pisani & Constantiensis Concilii aucto-  
ritas opponitur, ut probetur, Romanum Pontificem  
Ecclesiæ & Concilio subjici, respondent statim, Con-  
cilii utriusque auctoritatem valere, cum plures sunt  
Pontifices dubii & incerti, non valere verò, cum cer-  
tus unus, atque indubitatus est Pontifex. Hæc est una  
pars machinæ: Altera est ejusmodi, cum Romanorum  
Pontificum catalogum conficiunt. Tunc Pontifices,  
qui post Gregorium XI. usque ad Martinum V. fede-  
runt, non sunt amplius dubii & incerti. Nam in illo  
catalogo Gregorio XI. succedit Urbanus VI. Urba-  
no Bonifacius IX. Bonifacio Innocentius VII. Inno-  
centio Gregorius XII. Gregorio Alexander V. Ale-  
xandro Joannes XXIII. Joanni Martinus V. Cle-  
mente VII. Benedicto XIII. rejectis ut falsis Pontifi-  
cibus. Et rejecto quoque post Pisani Concilium  
Gregorio XII. qui ad Benedicti XIII. exemplum nec  
Alexandro V. nec Joanni XXIII. cessit, atque ita Cle-  
mentem VII. Benedictum XIII. & depositum à Pisano  
Concilio Gregorium XII. in falsorum Pontificum nu-  
mero ponunt. Urbanum verò VI. Bonifacium IX. Inno-  
centium VII. Gregorium XII. usque ad Pisani  
Concilium, Alexandrum V. & Joannem XXIII. ve-  
ris & legitimis Pontificibus accensent Itali auctores  
omnes, multique alii qui Romanorum Pontificum se-  
ricum, vel in annalibus, vel in historiis, vel in vitis  
Pontificum texuerunt. At si, ut Bellarminus objectæ sibi

Pisani & Constantiensis Concilii auctoritati respon-  
det, illi scriberent, hoc modo scribere deberent:  
Gregorio XI. succedunt dubii & incerti Pontifices  
Urbanus VI. Clemens VII. Urbano & Clementi Bo-  
nifacius IX. & Benedictus XIII. & sic de cæteris: Non  
ita scribunt. Alteram machinæ partem adornant Bel-  
larminus & Bellarmini sectatores, cum partem quo-  
que suam alteram parant & instruunt. Artificium to-  
tum cõdedit. Cum agitur de Pisani & Constantiensis  
Concilii auctoritate supra Pontificem, Gregorio XI.  
dubii & incerti Pontifices usque ad Martinum V. suc-  
cedunt. Alexander V. vix excipitur, & cum excipitur,  
ad breve tempus excipitur, quia sedit mensibus tantum  
undecim. Cum verò agitur de Pontificum successione  
in Chronicis, in Annalibus Ecclesiasticis, in vitis Pon-  
tificum, Gregorio XI. succedunt certi & indubitati  
Pontifices Urbanus VI. Bonifacius IX. Innocentius  
VII. Gregorius XII. quia Clemens VII. & Benedi-  
ctus XIII. pro schismaticis & falsis Pontificibus tra-  
duntur. Hæ sunt partes duæ, in quas prout scriben-  
darum rerum opportunitas exigit, machina converti-  
tur, sed frustra & in cassum convertitur, postquam  
fraus & fallacia deprehensa est.

Cæterum qui Chronica, vel Annales Ecclesiasticos,  
vel Historias, vel Pontificum vitas scribunt, Bellar-  
mino longè sinceriores mihi videntur. Crediderunt  
Gregorio XI. verè illos successisse ac legitime, vel in  
quorum obedientia vixerunt, vel quos pro veris ac  
legitimis Gregorii successoribus duxerunt. Ut in ob-  
servatione II. jam notatum & confirmatum est. Quo  
pacto ad Bellarmini tergiversationem aditus omnis in-  
tercluditur. Præterea Pisani & Constantiensis Con-  
cilium non ad Cajetani & Bellarmini, quos illa non vidit  
ætas, mentem loquuntur, sed ad Scripturæ auctori-  
tatem & Catholicæ Ecclesiæ traditionem, qua mani-  
festum est, Romanum antistitem Ecclesiæ, Concilii, &  
sacris canonibus subiectum esse: Sive Romana Ecclesia  
schismate laboret, sive non laboret.

#### Viennensis Academia

IN opere, quo Electorum Imperii consultationi re-  
spondit. Quantum ad secundum scilicet, an sacrum  
Basileense Concilium ad instituendum & assequendum pro-  
cessum contra olim Eugenium, quoad ejus suspensionem  
& depositionem, & alterius institutionem plenariam ha-  
buerit potestatem, Respondeo: Quòd Spiritus Sanctus per  
organum sacri Concilii Constantiensis declaravit aperte,  
talem potestatem habere Ecclesiam & Concilium eam  
repræsentans super omnem hominem, etiamsi Papalis ex-  
istat dignitatis. Nam Synodus Constantiensis in tertia  
sua sessione super hoc definivit, statuit, decrevit, & de-  
claravit in hunc modum: Quòd sancta Synodus in Spi-  
ritu Sancto legitime congregata, generale Concilium faciens,  
Ecclesiam Catholicam militanter repræsentans, potesta-  
tem immediate à Christo habet, cui quilibet cujuscumque  
status vel dignitatis, etiamsi Papalis existat, obedire te-  
netur in his, quæ pertinent ad fidem, ad extirpationem  
hæresis, schismatis, & ad generalem reformationem Ec-  
clesiæ in capite & in membris. Ex quo manifestè habe-  
tur Papam subesse Concilio in casibus expressis in decreto  
allegato. Et quibusdam interpositis: Si autem in Spi-  
ritu Sancto Concilia sacra congregata sunt, consequens  
est, ut in nomine Jesu sint etiam congregata: Qui ve-  
raciter de se promisit, Ubi sunt duo vel tres congregati  
in nomine meo, in medio eorum sum, Matthæi 18. Unde  
consequens est Spiritum Sanctum ibi esse, sed non est ibi  
ut subditus, sed ut supremus presidens, à quo nulli licet  
fideliter appellare, & per consequens nec à Concilio in his  
articulis, in quibus certum est ipsum Concilium ab eo gub-  
bernari, & illi speciali gratia & illustratione presidere,  
scilicet in his, quæ fidei sunt, extirpatione schismatum,  
& reformatione morum tam in capite, quam in membris:  
Quomodo enim non est aperte divina majestatis contemptus,

& quasi idololatriæ scelus in talibus causis appellare à sacro Concilio ad Papam? Quid hoc aliud est, quam à Deo, qui nescitur in sacro Concilio in hac re presidere, ad purum hominem appellare, & judicariam potestatem à Deo creatore auferre, & in hominem transferre? Quid est hoc aliud, quam hominem Deo tanquam justiorum iudicem præferre? Hæc & alia id genus Viennensis Academia, quam Fredericus II. circa annum MCCXXXVII. instituit. In his autem manifestè constant duo, & Romanum Pontificem subesse Ecclesiæ & Concilio, & eum errare posse. Quæ duo inter se connexa sunt, ita ut si Pontifex errare possit in iis, quæ ad fidem & mores pertinent, is non possit Concilio non subesse; & vice versa, si Concilio subsit, errare potest, quandoquidem à Concilio emendatur & corrigitur.

## Cracoviensis Academia

**I**N tractatu de auctoritate sacrorum Conciliorum Ecclesiam universalem representantium, quem anno MCCCCXLI. edidit ad Uladislauum Poloniæ & Hungariæ Regem: Et quoniam universalis Ecclesia & Concilium generale ipsam representans potestatem habet immediate à Christo ex conclusione precedenti, & ideo ut cogniturum sit, quæ & qualis sit ista potestas Ecclesia universalis & Concilii generalis ipsam representantis, sit hac conclusio IV.

Potestas Ecclesia universalis, & etiam cuiuslibet Concilii generalis legitime congregati ipsam representantis superior est potestate Papa. Et post pauca: Ista conclusio est fundamentum totius huius negotii: Et ideo circa probationem ejus erit diutius immorandum, & antequam accedatur ad probationem ejus hoc prius præmittendum est: Quod sicut Deus cuilibet creatura dedit certam periodum, qua determinatur ad durandum in suo esse, & propriam virtutem innatam & intrinsecam, qua possit corruptentibus se resistere, & se conservare in esse, ita & Ecclesia sua, quam voluit durare usque in finem sæculi, dedit & potestatem, qua possit se servare in suo esse, regere, & tueri, & conantibus ad sui destructionem resistere. Et paulo post: In prima probatione, relatis quibusdam Augustini verbis, subnectitur: Ecclesia à Christo claves accepit proprie: Petrus autem figurativè. Et paulo post: Ad idem est auctoritas manifesta in Cap. de Summa Trinitate & fide Catholica, ubi ponitur fides nostra, pro qua si necesse est, moriendum est: Ubi patet, quod sacramentum Eucharistiæ nemo potest conficere, nisi Sacerdos, qui ritè fuerit ordinatus secundum claves Ecclesiæ, quas ipse concessit Apostolis, & eorum successoribus Jesus. Dicit Ecclesiæ claves, non Petri, & eas concessas Apostolis & eorum successoribus, non soli Petro. Ex quibus auctoribus (qui antea citati sunt) constat, quod Ecclesia claves accepit principaliter ex commissione Christi. Cum ergo quæri oporteat, ubi de hac commissione legatur in Evangelio, nec alius locus aptior, quam ut dictum est Matth. 18. Quaecunque ligaveritis super terram, erunt ligata & in calis, &c. sequitur, quod potestas clavium sit principaliter data Ecclesiæ in personis Apostolorum: Quod satis videtur probari ex dicto textu Evangelii Matthæi 18. attenta maxime historia narratione. Nam Matthæi 16. Christus dixerat Petro verba promissiva: Tu es Petrus, & tibi dabo claves regni calorum. Deinde in capitulo 17. in fine mandavit Petro solvere statuerem pro eo & se. Unde quia ex eis videbatur eum constituisse capitaneum super alios, ut dicit glossa super eodem verbo: Ideo statim continuative subditur in. cap. 18. in principio. In illa hora accesserunt ad Jesum Discipuli dicentes, Quis putas est major in regno calorum, sen in Ecclesia, quia glossa ibi exponit, id est, in Collegio Justorum. Unde patet, quia proprie Evangelista loquitur de superioritate, & tunc quibusdam interpositis Christus volens solvere hujusmodi questionem de superioritate, de qua querebatur, Apostoli subjunxerunt in eodem capite: Si peccaverit in te frater tuus, vade & corripe eum

inter te & ipsum solum: Si te audierit, lucratus es fratrem tuum: Si autem te non audierit, adhibe tecum unum vel duos. Et infra: Quod si non audierit eos, dic Ecclesiæ; si autem Ecclesiam non audierit, sit tibi sicut ethnicus & publicanus. Ecce dicit iudicium Ecclesiæ esse superius iudicio Petri, & consequenter ut ostendat, quale sit iudicium Ecclesiæ, & quæ sit ejus potestas, statim subnectit: Amen dico vobis, quaecunque alligaveritis super terram, erunt ligata & in calis, &c. Ecce loquitur Apostolis collectivè & eorum successoribus, non soli Petro. Infra: Quæritur notatur ex dictis, quod Christus voluit iudicium esse majus & supremum in terris, & huic iudicio Ecclesiæ etiam ipsum Petrum, sive Papam debere acquiescere & obedire patet. Nam verba prædicta, Si peccaverit, &c. Christus dicebat ad Petrum. Si ergo Petrum instituit ad iudicium Ecclesiæ recurrere in hoc quod ei dixit, Dic Ecclesiæ, sequitur, iudicium Ecclesiæ esse superius. Si enim iudicium Petri esset superius iudicio Ecclesiæ, peccator post iudicium Ecclesiæ, non deberet reputari tanquam publicanus. Restaret enim iudicium Petri, qui tanquam superior, examinare deberet iudicium Ecclesiæ. Cum ergo dicitur Petro, quod incorrigibilitatem fratris debeat referre ad iudicium Ecclesiæ, & non Ecclesiæ ad Petrum, sequitur, quod iudicium Ecclesiæ, sit majus, supremum, & finale, itaque Papam includi sub iudicio Ecclesiæ, ex eo probatur, quod à fraterna correctione nemo fidelium excipitur. Cum enim quemlibet liceat fraternè corrigere, & si non audiat, debet juxta doctrinam prædictam deferri Ecclesiæ; Ita etiam si Papa nolit fraterna correctioni acquiescere, debet deferri ad iudicium Ecclesiæ. Frustrâ autem deferretur, si Ecclesia non haberet potestatem in eum ferendi iudicium. Ex Manuscripto Cod. Navarrici Collegii Parisiensis, & Bibliothecæ sancti Victoris. Ecce quomodo Cracoviensis Academia Romanum Pontificem Concilio subicit, nec opinor subiceret, si eum in sanciendo fidei dogmate, & præscribendis toti Ecclesiæ moribus errare non posse crederet. Res hæc argumenta non quærit, vel oscitantibus sese objicit.

## Herfordiensis Academia

**I**N tractatu, quem super unione & neutralitate Principum Electorum composuit, post allatum Constantiensis Concilii decretum, quo Romanus Pontifex Concilio & Concilii sanctionibus declarat obnoxius, subjungit: Generale Concilium subsistens & firmum, majus & superius est Papa in his, quæ pertinent ad fidem, schismatum extirpationem, & generalem morum reformationem. Nullus Catholicus intelligere volens potest dubitare. Hoc enim universalis Ecclesiæ auctoritas in sacro Constantiensis Concilio declaravit, & Basileensis Synodus innovavit in hac verba, &c. Quæ quidem universalis Ecclesiæ declaratio, quamvis sola sufficeret ad probandum summam in terris sacrorum Conciliorum auctoritatem, pro majori tamen istius confirmatione, quod dictum est residuum Ecclesiæ corpus non computato Papa, si contrarius esset, auctoritatem hanc habere, potest adduci ratio, experientia, & auctoritas. Ratio primò dicitur hoc. Nam quod Papa possit errare, residuum corpus Ecclesiæ Synodaliter congregata errare non possit in his, quæ fidei sunt & reformationis morum, & in pertinentibus ad ea, & in talibus à Spiritu Sancto regatur, ut colligitur Actuum 15. Infra: Experientia demonstrat hoc idem: Sapius enim compertum est, Papam errasse, residuo Ecclesiæ corpore rectè sentiente, Papa autem non rectè sentiente, residuum totum Ecclesiæ corpus errasse nunquam est compertum. Quapropter & corpus Ecclesiæ nonnunquam caput suum, Papam videlicet correxit, deposuit, & condemnavit. Nunquam verò Papa residuum Ecclesiæ corpus correxit, aut condemnavit. Auctoritas sacra confirmat hoc idem: Nam Christus cum dicit, Si peccaverit in te frater tuus, dic Ecclesiæ. Et post alia: Unde Ecclesiæ universalis auctoritas in Concilio Constantiensis declaravit,



ravit, quod peccata Summorum Pontificum circa fidem, schisma vel mores dici possunt Ecclesie, cujus preceptis & ordinationibus, si non obedire præsumperint, condigna pena subiciantur, & ad aliqua juris remedia, si opus sit recurrendo. Præterea quamvis Christus uni dixerit homini, Quodcumque ligaveris super terram, erit ligatum & in caelis, ut secundum Doctores sanctos unitatem Ecclesie designaret, in his tamen verbis Ecclesia ligandi & solvendi potestatem à Christo suscepit, imò immediatè ut sancta Synodus declaravit, ut suprà. Nam Petrus quando claves in verbis istis accepit, Ecclesiam sanctam significavit. Et paulo post:

Cum istis autem sanctorum Patrum auctoritatibus stant bene canones sonantes Papam omnes judicare, & à nullo judicari. Nullus enim homo particularis est ordinarius  
13 iudex Papa iudicio coarctivo & compulsorio. Sacrum verò Concilium potest ipsum tali iudicio judicare, cum representativum sit totius corporis Ecclesie, cujus Papa est pars, etsi caput, minor tamen est corpore. Omne enim totum majus est sua parte, ut est communis hominum conceptio: Cum igitur omnia generalia Concilia fundata sint tanta auctoritate, ut ipsi pro fide & generali morum reformatione & pertinentibus ad ea congregatis, quilibet homo à minimo usque ad maximum teneatur obedire, ac etiam ipsa non possunt errare. Observanda quoque sunt hæc duo, quæ suprà jam observavimus.

#### Coloniensis Academia

**I**N tractatu de potestate Concilii & Papæ, ad Theodoricum Coloniensem Archiepiscopum: Super hac requisitione respondendum est. Prima propositio: Ecclesia Synodaliter congregata habet supremam jurisdictionem in terris cui omne membrum Ecclesie cuiuscunque dignitatis fuerit, etiam Papalis, obedire tenetur, quam nemo sine ipsius consensu Synodali dissolvere vel transferre potest. Patet ex decreto Concilii Constantiensis & Basileensis: Ac prima pars est fundata in Evangelio Matthæi 18. Dic Ecclesie, ubi, ut patet ex litera sequenti, inmittitur potestas jurisdictioni data Ecclesie Synodaliter congregata. Et paulo post: Secunda pars patet, quia filius, servus, & discipulus tenetur obedire suæ matri, domine, & magistræ, sed Ecclesia est omnium Christi fidelium mater, domina, & magistra, de quorum numero est Papa, licet sit filius  
14 primogenitus & capitalis servus, scribens se non ficta humilitate, sed Catholica veritate servum servorum Christi, & inter alios fidei Discipulos præcipuus, & per Christum Ecclesia sponsum, & Christi fidelium Patrem, dominum ac magistrum, in Christi semper mysticè & spiritualiter presentis corporali absentia aliorum Christi fidelium rector, pastor, & doctor constitutus auctoritate Christi & Ecclesie sue conjugis & sponse. Et paulo post: Ex quibus faciliter ostenditur eandem Ecclesiam Synodaliter congregatam esse consistorium judiciale & supremum super omnes Christi fideles. Et denique liquet tertia pars conclusionis, quia nemo judicabilis, habet ad libitum suum transferre aut disponere tribunal judicis. Si enim hoc posset, Papa esset supra, non infra Ecclesiam, non utens duntaxat vicaria potestate Apostolicarum clavium, sed libero principatu propria jurisdictionis, nec esset tantum pastor & dispensator ovium & agnorum Christi, sed Rex & Pastor ovium propriarum, contra illud Joannis ultimo, Pasce oves meas, non dixit, tuas. Ex Manuscripto Cod. sancti Victoris. Quæ hic à Colonien-sibus de Romano Pontifice disputantur, non ita disputarentur, si persuasum illi haberent, eum indeficientis iudicii privilegio gaudere. Immo quæ sic à Colonien-sibus disputantur, ita disputantur, quia pro comperto tenent, Romanum Pontificem indeficientis iudicii privilegio frui nullo.

#### Lovaniensis Academia

**C**oloniensis Academiae filia, matrem sequitur. Aeneas Silvius id testatur in libro 1. de gestis Basileensis Concilii: Atque, inquit, ut de re ipsa dicere incipiam, conclusiones Theologorum tanquam disputationis fundamenta, ipso in exordio ponam, nec ego iisdem utar verbis, quibus illi. Sententiam retulisse sat erit: Conclusiones huiusmodi fuerunt.

I. Veritas est Catholica fidei, sacrum generale Concilium supra Papam potestatem habere.

II. Generale Concilium legitime congregatum sine ipsius consensu nec dissolvere, nec transferre, nec prorogare ad tempus ex auctoritate sua potest Romanus Pontifex, idque veritatis ejusdem est.

III. Qui pertinaciter his veritatibus se opponit, hereticus est censendus.

Et post alias propositiones quinque, quas in epistola ad Joannem Baptistam Franckevillam Lovaniensem Theologum retuli, subdit: Nec nos fugit Ludovicum Protonotarium has veritates Lovanii ac Colonia prædicasse, easque illinc Universalis studii auctoritate firmatas reportasse.

Quidquid id est, Hadrianus VI. qui Lovaniensis Academiae Cancellarius fuit, manifestissimè confirmat, & in quartum sententiarum consignat: Ubi de ministro sacramenti Confirmationis disputat. Verba sunt: Ad secundum principale de facto Gregorii dico 1. Quod si per Romanam Ecclesiam intelligatur caput illius puta Pontifex, certum est, quod possit errare in iis, quæ tangunt fidem, hæresim per suam determinationem, aut decretalem asserendo. Plures enim fuerunt Pontifices Romani heretici. Item & novissimè fertur de Joanne XXII. qui publicè docuit, declaravit, & ab omnibus teneri mandavit, quod anima purgata ante finale iudicium non habet solam, quæ est clara & facialis visio Dei, & Universalitatem Parisiensem ad hoc induxisse dicitur, quod nemo in ea poterat gradum in Theologia adipisci, nisi primus hunc errorem pestiferum iurasset se defensurum, & perpetuò ei adhaesurum. Item patet hoc de errore quorundam Pontificum circa matrimonium: De quo in Cap. Licet, de spons. duorum. Item patet hoc de errore, quem ediderat Celestinus circa matrimonium fidelium, quorum alter labitur in hæresim. Cujus error olim habebatur in alia compilatione in Cap. Laudabilem. De convers. conjug. ut refert Ostiensis in Cap. Quamò. de divortio: Non tamen dico Gregorium hic errare, sed evacuare intendo impossibilitatem errandi, quam alii asserunt. Hæc est Lovaniensis Academiae traditio, hæc sententia, quam Hadrianus exponit; & Romana postea Commentariorum in quartum sententiarum editione communiendam esse censuit, ad perpetuam rei memoriam. Sic quam à majoribus doctrinam acceperat, non revocavit, ut in Cardinalium Collegium ascisceretur: Cardinalis ascitus cum esset, non revocavit, ut Pontifex crearetur. Creatus Pontifex, non revocavit, ut recentibus adulatricis Curæ placitis faveret.

Nunc ex occasione notanda sunt mihi duo adversus Bellarminum, qui Hadriani doctrinam omnino erroneam & hæresi proximam iudicat in libri IV. de potestate Summi Pontificis capite 11.

Et primò quidem Bellarminus injuriam non medicrem facit Romanæ Ecclesie, quæ, si ei credatur, hominem doctrinam omnino erroneam & hæresi proximam imbutum in Romanum Pontificem elegit, nec ut eam prius ejuraret, coëgit, atque ita negari non potest, quin Romana Ecclesia in hoc doctrinæ genere Pontifici suo consenserit. Hoc non aliter quam ex Romanis ipsis Pontificibus suadeo.

Celestinus I. scribit in epistola ad Galliarum Episcopos: Timeo ne commovere sit hoc tacere, timeo ne magis ipsi loquantur;

loquantur, qui permittunt illis taliter loqui. In talibus causis non caret suspitione taciturnitas, quia occurreret veritas, si falsitas displiceret. Merito namque nos causa respicit, si silentio saveamus errori.

Leo I. in epistola xciii. ad Turribium Asturicensem Episcopum capite xv. Qui alium ab errore non revocat, seipsum errare demonstrat.

Felix III. in epistola i. ad Acacium Constantinopolitanum Episcopum: Negligere quippe cum possis disturbare perversos, nihil aliud est quam fovere. Non caret scrupulo societatis occulta, qui evidenter facinori desinit obviare.

Gregorius I. in libri vii. Indict. ii. epistola vi. ad Eusebium Thessalonicensem Episcopum: Qui non corrigit refecanda, committit.

Gregorius VII. in libri ii. epistola v. ad Manassem Remensem, Richerium Senonensem, &c. Vos fratres in culpa estis, qui dum perditissimis factis sacerdotali vigore non resistitis, proculdubio nequitiam illius consentiendo foveris.

Dubium igitur nullum est, quin Romana Ecclesia Hadriani doctrinae, quae iudice Bellarmino erronea est omnino & haeresi proxima, consenserit.

Deinde Bellarminus secum dimicat, in propositione 11. qua statuit, Romanam particularem Ecclesiam errare non posse in fide. Quod nonnullis Cypriani, Hieronymi, Martini V. & aliorum testimoniis probare conatur. At Romana Ecclesia erravit graviter, cum Hadrianum sententiam omnino erroneam & haeresi proximam imbutum elegit in Pontificem, & tali sententiae consensit ab initio centae anni mxxxii. quo Hadrianus creatus est Pontifex, usque ad annum mxxxiii. quo decessit xviii. Calend. Octobris.

His ita constitutis, Bellarminus destruit, quod aedificare nititur. Destructa vero propositione 11. stare prima non poterit. Quis Bellarmini solertiam non miretur? Ad hominem disputamus. Hadrianus, & Lovaniensis Theologus, & Cardinalis factus, & Pontifex creatus semper orthodoxus fuit, & Romana cum eo Ecclesia coluit.

#### Papiensis Academia

NON differt à cæteris Academiis, quæ quo tempore Martinus V. Concilium indixit Papiæ, sentiebant idem, nempe Romanum antistitem errare posse & Concilio subijci. Jacobus Cardinalis Papiensis, qui aliquanto post claruit, id non obscure significat in epistola cxxxii. ad Paulum II. Insignis est epistola, quæ sic se habet: Paulo Pontifici maximo. Quid est hoc, Paule? Tenebra enim mihi sunt. Quid agis? Aut quo hæc tentas consilio? Mutata repente sunt omnia. Nihil pristinum video. Pro charitate in nos tua successit duritas, pro blandimentis asperitas, pro lato nuncio tristis successus. Vovisti Cardinalis, vovisti & Pontifex, servaturum te leges, quæ in conclavi sunt editæ ad salutem publicam utiles. Voti tui duobus in libellis chirographum extat. Dixisti cum scriberes, etiam sine voto servaturum te eas fuisse. Sic quoque scripsisti cupide, ut vindex non servantium videreris futurus. Sperabamus respiraturam Ecclesiam, futurum Pontificatum qualem à Petro non vidimus. Quid nunc dicam, aut quid non potius dicam? Commutasti tu eas in leges inanes, mille effugis plenas, quibus in hanc præsari nos cogis, quia priores bona non erant, improbamus, quod egimus. Presentes autem probamus. Vocas nunc intra cubiculum sigillatim omnes, rogas unumquemque, ut membrana tua subscribat, renitentes urges, perseverantes dimittis vexatos contumelios: Si quis subscribit, non tamen earum prius legendarum potestatem accipiunt. Cognosci illas vetas, quin & inter subscribendum, ne legi possint, scripturam totam manu contegis. Me quia tibi in hac re ignota non animi, torques jam multos dies. Idem facis de reliquis, quos ducere tui sententiam nequis. Lamentatus est mecum

Cardinalis Tusculanus, vir gravis & innocens, se nuper egredientem cubiculum tuum, ut colluctationes tuas effugeret, manu reprehensum esse, & ostio clauso exire prohibitum: Jussu porro sub gravi anathemate rebus non inspectis subscribere. O bone Jesu, quæ precipitatio hæc est? Et quæ intemperies mentis? Talem de te præbes spem, Paule? Atque hoc initio præsulatum instituis? Quæ expectatio erit fidelibus bonorum operum, quando excutere te jugum salutis intelligent? Quod exemplum modestiæ, quando ita vehementer actum cum fratribus noscem? Nobis verò quem esse animum credis? videntibus nostra dignitati illudi, & vim simul afferri? Hoccine erat, quod repromittebas de te, cum Pontificatum quærebas? Cum te insinuas nobis, cum dolebas Nicolaum, Callistum, & Pium parvi pendisse Collegium nostrum. Ecce quod damnabas in aliis, primus tu facis. Quod illi agebant modestius, tu intemperantius agis: Nemo eorum subscribendum Cardinali dedit, quod non ante vidisset. Nemo in cubiculum clausit, nemo anathema imposuit. Non disputo, num voto illo tenearis, an non? Alterius loci & temporis sit inquisitio. Tantum dico, paucis exceptis, quod sublatis legibus faciliorem sibi ad Cardinalatum viam intelligunt, reliquos tam Pontificii, quam divini juris interpretes, totum quoque Collegium teneri te existimare. Hoc verò lamentor, hoc doleo, quod filios tuos de te optimè meritos indigne fatigas, insignemque levitatis notam, sine causa eis imponis. Etenim tenearis, vel non tenearis, quid nos nostris subscriptionibus possumus? Quid annuendo operamur? Si non teneris, rem supervacuum facimus: Si teneris, utique inutilem. Utinam libet malis, nullus est fructus. Potestatem non habemus nos tollendorum votorum, nec redimendi quod oblatum est: cum his tibi res est, quos appellas in voto, cum Petro, & cum Paulo, & cum Christo Deo tuo. Cogens nos comminationibus tuis, illos non cogis. Factus à nobis liber, non utique libertatem ab illis consequeris. Audi Prophetam dicentem: Vovete, & reddite Domino Deo vestro omnes, qui in circuitum affertis munera, terribili & ei, qui aufert spiritum principum, terribili apud omnes reges terra. Reddi videlicet, admonet vota, non reddentibus autem penam denuntiatur. Verum ista omitto. Converter ad preces, beatissime Paule, atque advolutus pedibus tuis pro omnibus hanc veniam deprecor, sint libera consilia nostra. Ad opus, quod malum credimus, non cogamur invitari. Filiorum apud te, non mancipiorum inveniamus locum: Liceat præstari Deo, quod sentiunt spiritus nostri; si erramus, doceamur à te. Si docti non emendamus, pro meritis tunc corrigamur. Adhuc quod non tenearis voto non docuisti, quod teneri nolis, sumus experti. Ex ratione, non ex tua voluntate patere sententias dici. Attende quoque ignominiam fratrum, & illorum consule nomini. Habuisti eos honoris tui non minus studiosos, quam voluntarios. Nota sint ubique terrarum hæc leges, cogitata per nos, discussa inter nos, jurata ac vota à nobis. Opus nostrum illud esse nemo ignorat, consentiens unanime ex veteri exemplo ad salutem publicam innovatum. Vix dum, ut est in proverbio, siccata sunt aramenta, cum cogimur debere, quod scripsimus? Quid aliud hoc est, quam non sana mentis Senatum eum arguere, quem tu quotidie antefendum regibus prædicas? Non omnes coactionem tuam intelligent. Factum nostrum intuebuntur, & exitum voluntatis, putantes quod est necessitatis. Nec eris tu quidem ab his querelis immunitus, pariter nobiscum damnabere. Atque eò damnabere gravius, quod ad mutationem propositi contemptum etiam voti & cupiditatem, non sanioris, sed liberioris vitæ adjunctam videbunt. Porro qua imprudentia leges conditas dicent, eisdem te electum contendunt. Nihil in hac abrogatione vel tibi vel nobis est honorificum. Vertuntur omnia in commune opprobrium. Quare omite queso importunum consilium: Iracundè ne agas nobiscum. Valere leges has sinito. Servavit eas Pius, servavit & tu. Non propterea minuitur tua potestas. Ad bonum opus sunt tradita claves, si bona sunt leges. Cognatam



rem habes clavibus tuis. Si aliquando ex tempore, ex loco, ex re, ex quapiam causa fiunt inutiles, est semper dispensatio tua. Non idem anni tempore distat: Sed idem spectat primæ Sedis potestas. Hoc autem amplius operatur hoc votum, ut quod aliquando voluntate esses facturum, promisso etiam perseverantius agas. Puto implere me officium filii, & suadere quæ sunt salutaria. Hanc ob rem hac scribo; si erro, non recuso corrigi emendatus. Vale. 1464.

Multa hic observatione digna sunt: Sed tria tantum observo, Jacobum Papiensem non dubitare, quin Romanus Pontifex generalibus subjiçatur Conciliis & sacris Canonibus, qui ab illis editi sunt, cum velit Paulum II. Consistorii, seu Collegii Cardinalium legibus subiectum esse: Deinde non dubitare quoque, quin indeficientis iudicii privilegio carcat: Tum demum eundem significare paucos esse admodum, qui dissentiant: Non disputo nunc voto illo tenearis an non. Alterius loci & temporis sit inquisitio. Tantum dico, paucis exceptis, quod sublatis legibus faciliorem sibi ad Cardinalatum viam intelligunt, reliquos tam Pontificii, quam Divini juris interpretes, totum quoque Collegium teneri te existimare. Itaque si Jacobus Papiensis, si Pontificii & Divini juris interpretes existimant Paulum II. teneri sancitis à Collegio Cardinalium legibus, quas servaturum se promiserat, non possunt non existimare, eundem Paulum aliòsque Pontifices teneri editis à Concilio legibus, quas recens electi Pontifices servaturos se esse pollicentur in Romanæ Ecclesiæ Diurno, cujus verba sunt: Diligentius autem

23 & vivacius omnia decreta prædecessorum Apostolicorum nostrorum Pontificum, quaque vel Synodali probata sunt, confirmare & indiminuè servare, & sicut ab eis statuta sunt, in sui vigoris stabilitate custodire, quaque vel quoscunque condemnaverunt, vel abdicarunt, simili auctoritatis sententia condemnare, disciplinam & ritum Ecclesiæ sicut inveni & à sanctis prædecessoribus meis traditum reperi, illibatum custodire, & indiminutas res Ecclesiæ conservare, & ut indiminuè custodiantur, operam dare, nihil de traditione eorum, quæ à probatissimis prædecessoribus meis servata reperi, diminueri vel mutare, aut aliquam novitatem inducere, sed ferventer, ut verè eorum discipulus & sequipeda totis mentibus meis & conatibus, quæ tradita sunt, conservare ac venerari: Si qua verò emerferint contra disciplinam canonicam emendare, sacrosque canones, constituta Pontificum nostrorum, ut Divina & cælestia mandata custodire, utpote sibi merediturum sciens de omnibus quæ proficor, districtam in Divino iudicio rationem, cujus locum Divina dignatione perago, & vicem intercessionibus tuis adjunctus impleo, si præter hæc aliquid agere præsumpsero, vel ut præsumatur, permisero.

Ad indeficientis verò iudicii privilegium quod attinet, Jacobus Papiensis sese adhuc interpretatur clariùs in sequenti ad N. Cardinalem Theanensem epistola, quæ talis est.

24 Non precibus, non ratione, non obsecrationibus ullis adduci potuit Paulus, ut servandas sibi putaret leges votas atque juratas. Tanguam Leo plagas, sic iste sancta vincula abruptit. Scripsit novas à prioribus multum dissimiles, quarum virginei sunt vultus, fœdissima ventris proluxies. Præferunt speciem boni, intuenti interius patent postica innumera, ex quibus cum vult, effugere potest ad libertatem quasitam. Subscripsimus omnes partim cupiditate assequendorum, quæ volumus, partim metu, ne quotidiana indagatōis suæ sustineamus flagella. Fateor, molles fuimus, delicati, ac nostrimet nimium cupidi. Respeximus, non quæ Dei sunt, sed quæ carnis & sæculi sunt. Nemo tamen probavit. Solus Joannes Cavigial genere Hispanus, atate grandævus, meritis magnus, constantia laudem invenit. Turpitudinem hanc est deprecatus, nec ullis remamentis ingeniosi postulantis proposito dimoveri est passus. Ad singulas colluctationes sic excusavit: Quod juvenis non commisi, non committam se-

nex, ut me recti poeniteat. Tibi propter has leges molestus non ero. Tantum finito dignitatis & conscientia me rationem habere. Vir profectò dignus, non qui nobiscum sedeat, sed qui præsideat ad consilium Sedis Romæ. Dolendum aliud audi: Quanquam in his ipsis inanibus legibus dicat se voturum suo chirographo, ac juraturum, nihil tamen vel juravit vel vorit. Tantum subscriptionibus nostris extortis membranam in suas arculas condidit. Nec ut consuetum est, exemplum nobis reliquit servandum inspicendumque, si quando ex illis sumenda essent consilia. Abiit, elapsus est, factus est totus, quod voluit, suo tamen non nostro iudicio, vincula dirupisse se credit. Nos eum teneri putamus.

Eluctata canis, inquit Persius, nondum arripit: attamen illi, Cum fugit, à collo trahitur pars magna catenæ.

Judicis nostri supremum tribunal admonet illum erroris. Si falli potuimus & cogi, non fallatur ille, neque cogetur: Rectum est enim iudicium ejus, & potentia sua non est qui resistat. Doleo tamen tanti ac tam expediti boni occasionem sublatam, nos derisos, notatum levitatis Collegium: Quodque non sine ingenti gemitu refero, vexanda, laceranda, & scindenda Ecclesiæ materiam præbitam. Qui viderit legum sententiam, magnitudinem jurisjurandi ac voti, vim decreti, in extrema pagina positi, hoc mecum suspirabit & gemet. Simus ergo posthac, Pater, ad eligendum cautiore. Acrius expendamus naturam cujusque. Non credamus fronti, non verbis. Fallunt sapissimè vani filii hominum juxta Prophetam. Mendaces filii hominum, ut decipiant ipsi de vanitate sua in id ipsum. Recurramus animo ad disciplinam domesticam, introspeciamus secreta cubiculi: Ex institutione vitæ privata iudicium faciamus de publica. Siquis, inquit Apostolus, domi suæ præesse nescit, quomodo Ecclesiæ Dei diligentiam habebit? Odoremus, tentemus, excutiamus omnia. Ansa hinc erunt semper ad probandos improbandosque homines. Solertia nulla in tanta re nimia esse potest. Si in perquirenda vitæ Pauli usi fuissimus hac cura, non decepsisset nos exterior species. Multa ad melius consulendum se obtulissent. Sed & nos parum acres ad videndum: Ipse ad celandum semper intentissimus fuit. Artificium querendi Pontificatus ex Cardinalatu est sumpsum. Nec Pontifex mutavit mores, sed relictos detexit Cardinalis Avinionensis festivi pater ingenii, ridens, jocansque cum illo: Relicti, ait, Paule, annos viginti quatuor adhibuisti studium, ut semel nos falleres. Quæ vox etsi ridente, approbante tamen Collegio est intellecta. Iterum dico. Si erratum est semel, mi Theanensis, non erretur secundò. Majoribus deirimentis nec peccari nec errari ullibi potest. Vale. Epistolam totam retuli quia egregia est, & illius pars prior eò spectat, ut indeficientis iudicii privilegium Paulo abjudicet.

Sed præcipuas leges quas servaturum se Paulus promiserat, referre operæ pretium esse duxi. Jacobus Papiensis eas omnes in libro 11. Commentariorum refert. Præcipuæ sunt hæc: Jurabat vovebatque Deo, sanctisque Apostolis Petro & Paulo, quisquis Patrum ad Pontificatum esset assumptus, inchoatam expeditionem in Turcos, quantum Romana Ecclesiæ paterentur opes, continuare; proventumque aluminis ad eam rem integrum adhibere: Lapsos etiam Curialium nostrorum mores ad Patrum disciplinam restringere: Curiam porro ipsam de provincia in provinciam sine plurium ex Patribus intra Italiam, extra Italiam, sine omnium assensu, qui subscriptionibus pateret, non transferre: Concilium generale Christianorum intra triennium cogere, in quo & principes sæculi ad tuendam religionis causam accenderentur, agraque partes Ecclesiæ communis medicamento sanitatem reciperent (Hoc est reformare Ecclesiam in capite & in membris: ) Cardinales non ante creare, quam ii, qui creati jam haberentur, intra viginti quatuor essent reducti, majorémque hoc numero non pati in Ecclesiæ

Ecclesia esse: Neminem quoque assumere, qui non trigessimum annum excederet, quique professus non esset vel Pontificium jus vel civile, vel literas sacras: Nec nisi unum, eumque hujus generis hominem de cognatione sua eligere: In omnibus autem eligendis sententias Patrum non tacitas in aurem, ut antè, sed ex subselliis ad declinandos errores palam accipere: De majoribus insuper committendis sacerdotiis non nisi in Consistorio sententiis auditis decernere: Jus ad ea nominandorum nulli omnino permittere: Diplomata etiam non dare, quibus ad alienum arbitrium eadem se collaturum permetteret: Si qua essent antea data, uno edicto adimere: Non destituere Sede sua Episcopum quemquam, Abbatemve, postulatione ulla Principum, nisi & talionem ex juris forma in se antè reciperent, auditique rei solemnii iudicio essent: Non Cardinalem remve suam apprehendere, nisi ex Patrum sententiis: Non damnare etiam, nisi ex Synodali constitutione: Cujus est initium: SS. Præf. SS. Nihil ro ex omni Ecclesia patrimonio, quod paulò insignis esset, in quemquam distrabere; aut ejus censum minuire, nisi & assenserint Patres, & consensio subscripserint. Et post alia: Nihil in diplomatibus factum dicere ex fratrum consilio, quod ad verum consulentibus eis decretum non esset: Demum primo quoque mensium omnium Consistorio imperare has leges ad innovandam memoriam ex scripto præsentè se recitari: Additum & his est, ut his quotannis per Calendas Decembris Maiasque Patres seorsum à Pontifice convenientes cognoscerent inter se, an servata illa judicarentur. Id si minus factum intelligerent, charitate, quæ à filiis in parentes est debita usque ad tertia rememorationis officia, transgressionis & perjurii illum monerent, ad servandumque precarentur. Has leges cum antè Cardinalis, ut dictum est, moxque Pontifex factus, subscriptionibus duabus jurejurando votoque firmasset, delere nihilominus post paulò aggressus est, aliena magis instigatione quam suo proposito. Erant inter ministros ejus domesticos Præfules duo Cardinalatum maximè ambientes, Stephanus Ecclesia Mediolanensis amicus, & Theodorus Tarvisina Episcopus, qui videntes desideria sua his legibus impediri, quod numerus Cardinalium justo major nonnisi longa expectatione rediturus ad legitimum videretur, simulato in Pontificem affectu agere cum eo de his abrogandis cæperunt: INDIGNUM AIENTES VICARIAM CHRISTI POTESTATEM HUMANIS CONDITIONIBUS SUBDI; ipsum non tam sui arbitrii, quam aliena moderationis ministrum videri; quarendam libertatem esse; idque agendum, ut auctoritatem Ecclesia apud se, non Cardinales, esse omnes agnoscerent. Tarvisinus summi ingenii vir, summaque doctrina, qui multos jam annos ad tribunal Rota exercuisset judicium, fidemque veritatis haberet, facile insinuationibus hujusce rem Paulo persuadet, cum literis non multum imbutis, tum sui juris admodum retinenti. Itaque ex amborum sententia nova quedam leges quasi ex persona Patrum scribuntur, quarum erat obiectus, quod priores illæ cognoscebantur, induxisse eos has novas, quibus tantum obnoxium esse Pontificem vellent: Libellum quoque, in quo erant digesta sigillatim enique ad secundam subscriptionem offerre cæperunt, Imperiosius totam rem jam contententes. Inveni inter eos nonnulli sunt, qui gratia magis, quam anima obsecuti manus statim requirentibus dederint. Qui verò & jurisjurandi magnitudinem & voti sanius expendebant, sanctumque Ecclesia ministerium cupiebant, eam inconstantiam à Pontifice deprecabantur, nec dicto erant audientes, pudendam rem aientes, earum legum damnatores eos, mutatoresque videri, quarum nuper summo consensu constitutarum vixdum essent atramenta siccata Quo loco commotior jam animo ille factus, atque ad pervincendum firmato agere in diem severius cum Patribus cepit, nunc pollicens multa, nunc vexans, nunc lacrimans maledictis, nunc etiam liberius minitans. Nec ullum erat tentanda mentis tormentum, quod ad oppugnandum horis omnibus non adhiberet. Nicanum Cardi-

nalem prima sententia Patrem fatigatum diu intra cubiculum moxque insuperatum egredientem manu intus rexit, foribusque oclusis eo angustiarum adduxit, ut anathema illum pronunciaret, si non statim subscriberet. Quin & poscentibus quibusdam ut perlegendi semel libelli antè acciperent potestatem, gravatè admodum indulgebat, manu nonnunquam inter subscribendum scripturna contegens totam, ne scriptorum vanitas appareret, quæ calidi artificis formata ingenio plena erat verborum effugiis. His atque hujusmodi molestiarum assiduis machinis debilitati Patres tandem cesserunt, atque ad unum omnes non sine gemitu subscribere: Joanne Carvagial tantum excepto, qui Portuensis Ecclesia amicus, annosque jam septuaginta natus, quod juvenem se non fecisse meminerat, ut nulla de causa mutaret sententiam, id jam ætatis non commissurum respondit. Libellum quoque, cui nil Pontifex ad conventorum fidem subscripsit, in suas arculas condens, nec protulit postmodum nec cuiquam esse ejus exemplum est passus, ut palam omnibus fieret, irrisui habitum collegium esse, & nec tam moderandum, quam tollendarum omnino legum occasionem quasitam. Si quod in eis rogandis Cardinalium peccatum fuit, veniam errori det conscius infirmitatis nostra Deus, sanctam tamen administrationem quisque in proposito habuit. Sin in eisdem abrogandis divina est pietas ostensa, etiam memor miserationum suarum, quæ sunt super omnia opera ejus, non ad Pastoris factum, sed ad fidem Ecclesia benigne aspiciat, gressusque suos in semitam statuat, quæ sequentem gregem non fallat. Ultionis tamen in auctores mali argumenta statim manifesta prævidimus. Mediolanensis spe Cardinalis sape frustratus abstinere etiam Curia necessariò coactus est, & Theodorus Tarvisinus Cardinalis secretò factus, in languorem miserum incidens, hora suprema vite ad levandam vim morbi, indicante Pontifice, quod factum erat, agnovit, edque excessu acerbius, quod dignitatem tanto peccato, tantæ anxietate quasitam, auditam tantum & nec visam se intellexit dimittere. Ex hac autem narratione, quæ à pio, erudito, & oculato teste facta est, multa colliguntur scitu dignissima.

Et primum quidem sanctissimæ & ad publicam salutem utiles fuerunt leges, quas Cardinalium Collegium vel condidit vel instauravit.

Deinde Cardinalis unusquisque, & cum primis Paulus & Cardinalis & Pontifex his sanctissimis subscripsit legibus, & eas servaturum se jurejurando pollicitus est.

Tum Episcopi duo Mediolanensis & Tarvisinus, quod faciliorem ad Cardinalatum viam sibi munirent, Paulo II. malis persuaserunt artibus, ut leges illas abrogaret: Quippe quæ vicariam Christi potestatem humanis conditionibus subderent, efficerentque, ne Pontifex seorsum à Cardinalium consilio & assensu Ecclesiam gubernaret.

Deinde ambitio, Cardinalitæ dignitatis cupiditas, & turpis Curialium adulatio fundamenta sunt opinionis, quæ Romanum Pontificem ab observatione sacrorum Canonum & universalium Conciliorum obedientia eximit, quæ Pontificem supra Concilia & Ecclesiam statuit. Quare cum opinio hæc ad originem suam reducitur, hoc ipso pessundatur, funditus evertitur. Quid enim ex impuris & lutulentis fontibus præter aquam turbidam & coinquinatam hauriri potest?

Hinc Paulus istis blanditiis & assentationibus delinit leges alias fabricavit, sed cum voluit, ut Cardinales illis subscriberent, & ad subscribendum vi, metu, & machinis aliis coegit, luculenter ostendit, quod ostendere noluit: Nempe Romanæ Ecclesiæ traditionem ferre, ut Pontifex illius Cardinalium consilio ad regendam Ecclesiam uteretur. Quorsum enim illos ad suis legibus subscribendum adigeret? Nonne ut leges solus sine Cardinalium consilio & assensu fabricaverat, sic & solus sine Cardinalium consilio & assensu poterat Ecclesiæ negotia gravissima quæque gerere?



Præterea quanta potest ratione Cardinales excusat, quod novitiis legibus subscripserint, nec omnes potuerint esse Cardinali Carvagiali similes, qui adduci nunquam potuit, ut subscriberet. Protestatur insuper Cardinales cæteros qui subscripserunt, subscribendo in votis aliud habuisse nihil, quam ut sanctè gubernaretur Ecclesia.

- 32 Ad extremum rerum omnium præpotens Deus, & scelerum ultor iustissimus non permittit, ut qui Paulum nefariis artibus circumvenerant, optata sua consequerentur. Spe frustratus alter necessario recessit à Curia. Secretò consecutus alter, quod palam consequi debuerat, vitam statim deposuit. Nec consecutus id videtur, nisi ut cum majore molestia, & graviore fruendi desiderio relinqueret.

#### Senensis Academia

**D**octrinam aliam non habuit, quam quæ in Senensi Concilio declarata est anno mccccxxiii. Huc spectat Pius II. in Bulla Retractionis suæ: Nos qui ex patria juvenes, non ex urbe (Roma) illuc (Basileam) migraveramus, & nova tum primum avis ex Senensi Gymnasio evolaveramus, rudēs & inexperti vera esse arbitrabamur, quæcunque dicebamus. Jacobus Middendorpius in libro iv. de Academiis tradit, Abbatem Siculum, & Philippum Decium hac in Senensi floruisse Academia. Quare nemini mirum videri debet, quod illi Romano Pontifici non errandi privilegium abrogaverint: Siculus in Cap. significasti de electione: In his, ait, quæ non pendunt à plena potestate Papæ non est simpliciter dicendum, quod Concilium est supra Papam. Unde non potest Papa dispendere contra dispositum per Concilium. vide 60. text. & gloss. in cap. Anastasius. Hinc est quod Concilium potest condemnare Papam de heresi. ut in cap. Si Papa 40. dist. Ubi dicitur, quod Papa potest esse hæreticus, & de heresi judicari. Et dicunt Doctores in cap. in fidei favorem de heresi lib. 6. Quod Concilium est iudex. Et paulo post: 33 In concernentibus fidem dictum unius privati esset præferendum dicto Papæ, si ille moveretur melioribus rationibus novi & veteris testamenti, quam Papa. Hæc ille, quem impensè laudat Pius II. in Bulla Retractionis suæ: Adverunt per id temporis duo viri ex Italia Basileense Concilium, Nicolaus Panormitanus Archiepiscopus, & Ludovicus Pontanus Apostolica Sedis Notarius, Alfonsi magni Regis Oratores, qui velut duo orbis sydera, seu Pontificii juris & totius civilis sapientia duo præcipua lumina, & clarissima censebantur.

Decius verò in Consilio suo de auctoritate Ecclesiæ: Sed supradictis non obstantibus & similibus, quæ adduci possent in contrarium, de jure esse arbitror, saltem in aliquibus casibus, in quibus communiter Doctores tenent, quod Papa ab alio judicari possit. Primus est in heresi, in quo omnes Doctores conveniunt, quod acensari possit, ut expresse dicitur in dicto Cap. si Papa. Ibi à nemine est judicandus, nisi deprehendatur à fide devius. Et merito, quia nullum peccatum gravius est heresi, 22. quest. 2. can. primum in principio 32. quest. 7. can. quod in omnibus. Et quia admodum periculosum est, si vera fides, quæ in toto populo Christiano requiritur, in capite non reperiatur, ut dicitur 61. dist. can. miramur. Et ideo Papa hæreticus est minor quolibet Christiano, ut dicit glossa in can. Accius 24. quest. 1. in verbo in heresim.

Hæc autem cum ita sint, nemo potest ambigere, quin Senensis Academia Romano Pontifici indeficientis iudicii privilegium abrogaverit.

#### Hispanienses Academia

- 34 **N**on aliter ac Occidentales reliquæ sentiunt. Nam si sentirent aliter, Antonius Cordubensis ex Ordine Minorum Theologus illustris non id anno MDLXXI. scripsisset, quod in quæstionum Theolo-

gicarum libro iv. quæst. 1. scripsit: In propositione VIII. Igitur, sicut tota Ecclesia Catholica errare non potest, quia & Divinam illustrationem habet: Ita & de Concilio generali tenendum est, & hoc adeo verum est, quod ipse etiam Papa stare tenetur definitioni ipsius Concilii legitime congregati in fide & moribus, maxime si totius Concilii ea definitio sit, ut ait Soto in 4. dist. 20. quest. 1. art. 3. in responsione ad secundum. Et paulo post: Modò teneatur, quod Concilium sit supra Papam, modò non, sed quod est supra Concilium quoad potestatem jurisdictionis, tamen ut diximus, Papa tenetur stare definitioni Concilii. Immo & Victoria in tertia relectione de potestate Papæ & Concilii proposit. 11. Turrecremata in decret. dist. 4. §. Ideo art. 1. expresse dicit, quod potius est standum definitioni Concilii, quam Papa in fide & moribus. Et paulo post: Ratio huius mihi videtur, quia nobis certius est Concilium legitimum facere quod in se est ut à Deo illuminetur, quam Papam, ut inferius habetur.

Neque verò Cordubensis imponit Hispanis genere Theologis, quos laudat. Nam Dominicus Sotus loco citato hæc scribit: Qui à parte Concilii pugnant, dicunt Papam à Concilio recipere potestatem: Cardinales verò citati Turrecremata & Cajetanus è converso, quod Concilium illam recipit à Papa: Sed certe utrumque (ut sub correctione Ecclesiæ & peritiorum dixerim) falsum apparet. Prior enim opinio satis est oppugnata, sed nec posterior censetur vera: Quoniam Episcopi, & qui legitima sunt persone Concilii legitime congregati præsidem Papam aut ejus Legatis, eo ipso, quod sum Episcopi, per se habent, dum publica auctoritate congregantur, auctoritatem Ecclesiæ, sicut Senatores in Senatu, quia nulla alia indigent Papæ auctoritate, nisi quod ipse sit præses tanquam caput, non quod ipsi Episcopi sint tanquam Procuratores totius Ecclesiæ recipientes auctoritatem à toto populo, sed per auctoritatem Episcopalem, quam à Christo suscepimus, dum publico nomine congregantur, habent auctoritatem: Quibus Spiritus Sanctus ut errare nequeant, assistit. Et quibusdam interpositis: Non ergo Concilium habet auctoritatem à Summo Pontifice, quam quod Episcopi creantur ab ipso, & è contrario si aliqua ratione Concilium est supra Papam, non est, quod ipse à Concilio ullam recipiat auctoritatem, sed quia omne membrum, etiam caput, est pars totius, & ideo tenetur stare decreto & sententia totius.

Deinde Franciscus Victoria laudato quoque loco hæc scribit: Si Concilium declarat aliquid de fide, aut de jure Divino, Papa in hoc nihil potest declarare aut immutare, maxime si tale jus spectet ad fidem vel ad mores Ecclesiæ universalis. Probatur, quia in illis Conciliis errare non potest juxta promissum Luca 22. Ego rogavi pro te, &c. & Matth. 18. Ubicunque fuerint duo vel tres, &c. Et non minus est Spiritus Sanctus in quocunque Concilio generali, quam in Concilio Apostolorum, ubi Spiritus Sanctus assistebat. Actuum 15. Visum est Spiritui Sancto, &c. Confirmatur, quia si in illis Conciliis errare posset, & Papa errare posset, standum esset potius Concilio: Ergo postquam determinatum fuit in Concilio Apostolorum, quod legalia erant extincta, non potuit Petrus aliter definire. Ita in quocunque Concilio generali. Et patet quia si errare posset, non esset Ecclesia fundata supra firmam petram. Hæc ille qui Salmanticæ Theologiam professus est.

Dominicus Bannes, qui post Victoriam & Sotum & Cordubensem scripsit, mirum quantum aberravit, cum in secundam secundæ quæst. 1. art. x. Commentaria edidit, & in Conclusionem xv. sic statuit: In publico fidei iudicio non potest Summus Pontifex errare. Hanc conclusionem asserit D. Thomas hic & infra quæst. 2. art. 2. ad 3. & lib. 4. contra gentes cap. 76. & Opusculo 1. contra errores Græcorum cap. 13. & cap. 65. usque ad 70. Thomas Waldensis lib. 2. Doctrinalis antiqua fidei cap. 47. & 48. & Turrecremata lib. 2. Summa à cap. 107. usque ad 112. & Albertus Pighius lib. 4. Ecclesiastica Hierar-

Hierarchia à cap. 2. usque 8. & Joannes Ekius in Enchiridio de primatu Petri, & Cajetanus ubi supra, maxime in Opusculo de primatu Romani cap. 12. & 13. & 14. & magister Cano de locis libro 6. per totum, præcipue à cap. 3. usque ad 7. Qui omnes auctores plurima testimonia recitant Pontificum & sanctorum Patrum & antiquorum Conciliorum, hanc veritatem asserentium. Quocirca arbitror, hanc conclusionem tamquam Apostolicam traditionem esse tenendam. Et quidem, ut talis haberetur ab omnibus fidelibus, nisi à tempore Concilii Constantiensis in agro Domini inimicus homo, id est, Diabolus zizaniam superfeminasset. Etenim usque ad illa tempora soli Græci errabant in hac parte.

Hæc ab auctoritate probatio, quæ facti quæstionem attinet, tot errores continet, quot pene commata.

I. Beatus Thomas in libri IV. contra Gentes capite LXXVI. non disputat an Pontifex in publico vel privato fidei iudicio errare possit, necne. Ibi de hac quæstione ne gry quidem. B. Thomæ imponit. De laudatis in Opusculo contra Græcorum errores Patribus quid sentiendum sit, explico duabus in epistolis, quas habet pars prima epistolarum nostrarum; una est ad Antonium Faurum, altera ad Paulum Ratuynum.

II. Beatum Doctorem, Thomam Valdensen, Tur-recrematam, Ekium in ea non esse sententia jam contra Bellarminum ostendimus in epistola VII. quam in epistolarum nostrarum parte III. ad Christophorum Fauvæum exaravimus.

III. Ibidem etiam planum fecimus Cajetanum & Canum supposititiis Patrum testimoniis & paralogismis uti, quibus nihil præter errorem asseritur.

IV. Apostolicam traditionem appellat, quæ Apostolica traditio non est, cum ex aliis, tum ex eo quoque, quod adverfetur Sedis Apostolicæ, seu Romanæ Ecclesiæ traditioni, quam duabus in epistolis, una ad Raimundum Formentinum in epistolarum nostrarum parte I. altera ad Joannem Gerbasium in epistolarum nostrarum parte III. perspicue declaramus.

V. Bannes perperam sibi sumit opinionem suæ contrariam Constantiensis Concilio posteriorem esse, qua in re suam in Theologicæ quæstionis hujus cognitione aversus prodit. Ut in citata mox ad Fauvæum epistola videre est.

VI. Græcis errorem tribuit quem nullus unquam iis verè tribuerat, nec tribuendum mox docebimus. Ubique patet Ecclesiasticæ historiæ ignorantia, quæ veritati nocere non potest.

VII. Lectoribus suis illudit, cum in propositione Summi tantum Pontificis mentionem faciat, & in probatione II. Summum Pontificem cum majori Ecclesiæ parte confundat. Verba sunt: *Quin potius existimaverim, quod jam est definita à Leone X. in Bulla contra Lutherum art. 28. in quo Lutherus aiebat, quod etiamsi Papa & major Ecclesia pars aliquid sentiret, non esset peccatum, neque hæresis oppositum tenere, etiamsi talis sententia definiretur tenenda tanquam de fide Catholica.* Sic in Bannis sensu Summus Pontifex, Papa, & major Ecclesiæ pars sunt idem. Referre hoc confutare est, & demonstrare auctorem vel fucum pati vel facere. Sic quocunque me verto, nonnisi fraudes & fallacias invenio. Quasi verò veritas hominum indigeret mendaciis, aut Bannes ut tot errorum & malæ fidei reus, ab hujus quæstionis decisione repellendus non esset.

*Academia, Loca, & Populi omnes apud Latinos, Rom. Pontifex*

Eudæmonjoanni publicè reclamant. Id Pius II. testatur in Bulla Retractionis suæ ad Colonienfè Studium: *Aderant Legati Parisiensis schola, cujus est fama percelebris: Affuerunt & aliquando vestri (Colonienfis) & aliorum Studiorum Germanicæ nationis Oratores, & uno cuncti ore Concilii generalis auctoritatem ad cælum efferebant. De potestate Romani Pontificis pauci*

erant, qui loqui præsumerent, omnes, qui publicè loquebantur, prurientes auribus multitudini applaudebant. Et paulo post: *Julianus (Cardinalis) nobis & Nicolaus (Panormitanus) & Ludovicus (Pontanus) & alii complures fuere magistri: Schola Basileensis Conventus, in quo raro aliquis Eugenii causam defendit. Adversus Concilii dignitatem mutire aliquid crimen hæresis fuit. Una omnium vox Concilium Eugenio præferebat. De Sedis Apostolicæ præcellentia aut silentium, aut contemptus. Concilium, Concilium cuncta sonabant. Quinetiam Pius paulo ante notat Eugenium priora Concilii acta simpliciter approbasse: Accessit, inquit, & ipsius Eugenii consensus, qui dissolutionem Concilii à se factam revocavit, & progressum ejus approbavit, cum reconciliata Synodo Eugenio videretur & pax Ecclesiæ data. Quomodo Eugenius confirmat acta sessionis II. cui Julianus Card. Legatus præfuerat. Sessionis verba sunt: *Et ne de ejus sacra Basileensis Synodi potestate à quodam dubitetur, duas ipsa eadem Synodus declarationes ex decretis Synodi Constantiensis in præsentì sessione aliis suis decretis editis seu edendis inferendas ordinat & decernit: Quarum quidem declarationum tenor primæ sequitur, & est talis.**

*Et primò quidem declarat, quod ipsa Synodus in Spiritu Sancto legitime congregata generale Concilium faciens, & Ecclesiam militantem representans, potestatem immediate à Christo habere, cui quislibet cujuscunque status & dignitatis etiamsi Papalis existat, obedire tenetur in his, quæ pertinent ad fidem & extirpationem dicti schismatis, & ad generalem reformationem Ecclesiæ in capite & in membris.*

*Alterius verò tenor sequitur in hæc verba. Item declarat, quod quicunque cujuscunque status vel dignitatis etiamsi Papalis existat, qui mandatis, statutis, seu ordinationibus, aut præceptis hujus sacra Synodi, & cujuscunque alterius Concilii generalis legitime congregati super præmissis, seu ad ea pertinentibus factis vel faciendis obedire contumaciter contempserit, nisi resipuerit, condigna poenitentia subjiciatur, & debite puniatur, etiam ad alia juris subsidia (si opus fuerit) recurrendo. Præmissis igitur & nonnullis aliis Constantiensis Concilii & præferti Capituli, quod incipit Frequens, in priori hujus sacra Synodi Basileensis sessione recitati decretis attentis, prælibata Synodus Basileensis decernit & declarat, quod ipsa pro hæresum extirpatione, ac morum generali reformatione Ecclesiæ in capite & in membris, nec non pace inter Christianos procuranda, ut præmittitur, in Spiritu Sancto legitime congregata, per nullum quavis auctoritate etiamsi Papali dignitate præfulgeret, dissolvi, aut ad alium locum transferri, seu ad aliud tempus prorogari debuit, aut potuit, debet, aut potest, debet aut poterit in futurum absque ejusdem Synodi Basileensis declaratione & consensu. Sic decernente Concilio & approbante Eugenio Romanus Pontifex Concilio subjicitur in iis, quæ ad fidem, hæresum extirpationem, & generalem reformationem Ecclesiæ in capite & in membris pertinent: Quomodo ei indeficientis iudicii privilegium abrogatur, sicut & disertè abrogatum legitur in Synodali sessionis VI. responsione, quam perinde atque acta præcedentia confirmavit. Adscribo verba: *Reliquum totum corpus (Ecclesiæ) etiam non computato Papa, secundum legem communem errare non potest in iis, quæ sunt fidei, alioquin si errare posset, cum CERTUM SIT PAPAM ERRARE POSSE, tunc & Papa & reliqua toto corpore errantibus tota erraret Ecclesia, quod esse non potest. Id etiam veritati cedens Eugenius fatetur in Bulla, quam sessione XVI. ex eo revocat, quod super omnia Concilia potestatem habere Papa diceretur: Si Papa, inquit, vel Legatus ejusdem nollet disponere aliqua, & contra Concilium affectaret, Papa sententia, vel ejus Legati personam Summi Pontificis representantis, non Concilii voluntas sequenda foret, cum super omnia Concilia potestatem habeat Papa, NISI FORTE QUÆ STATUENDA FORENT, CATHOLICA**



CAM FIDEM RESPICERENT, VEL SI NON FIERENT, STATUM UNIVERSALIS ECCLESIAE PRINCIPALITER PERTURBARENT, QUIA TUNC CONCILII SENTENTIA ESSET POTIUS ATTENDENDA.

Jam alibi monui, rursusque moneo, Eugenium, cum revocanda fuit Bulla hæc, dixisse illam nesciente se editam fuisse, sed istud non impediit, quo minus Bullam revocaverit, seu quia Concilium Eugenio ea super re fidem nullam habuit, seu quia in omnem eventum & ad majorem cautelam Eugenius revocandam esse censuit: Quò facilius pax inter illum & Concilii Patres redintegraretur. Quidquid in causa, certum est Eugenium revocasse Bullam perinde, ac si sciente ipso edita fuisset, & suam revocando fecisse, & eam ob causam quidquid ex ea colligimus, & rectè colligi & appositè. Pudebat Eugenium Bullæ, in qua cum se super omnia Concilia potestatem habere pronuntiaret, non obscurè significabat se potuisse, Concilium sine Patrum assensu Bononiam transferre, contra quàm Basileensis Synodus in primis sessionibus consentiente Legato decreverat. Et hæc erat causa dissidii, quod tunc componebatur, & ut citius componeretur, Pontifex qui variis premebatur angustiis, nesciente se Bullam editam fuisse dixit, & illam perinde ac suam continuò revocavit. Qui rem aliter intelligunt, vitiligatores agunt, & nodum in scirpo quærunt. Dandum est aliquid Pontifici, cui cum Bononiam transferre voluit Concilium, fraudulenter obreptum fuerat. Hæc & similia cum ei morituro veniret in mentem, is lamentabili voce deplorans seipsum, dixit: O Gabriel, quanto magis conduxisset anima tua saluti, ut nunquam Cardinalatum, nec Pontificatum obtinuisses, sed in tuo monasterio religiosam disciplinam coluisses! Apud Odoricum Rainaldum in Annalibus Ecclesiasticis.

Igitur Academia, loca, populi omnes apud Latinos, Concilium ab Eugenio IV. confirmatum, atque adeò ipse Eugenius, negant Romano Pontifici id genus inesse privilegii, quod Eudæmonjoannes illi per errorem & adulationem summam attribuit.

#### Orientalis Academia

Occurrunt mihi nullæ, sed in earum locum succedit Orientalis Ecclesia, quæ in Florentinam Synodum confluit & conjuncta est. Cum habita est nona sessio, Bessarion Orientalis Ecclesiæ sententiam sic exponit: De potestate Occidentalis Ecclesiæ multa dicenda suppetrent, nisi aliud nobis esset propositum. Et scimus quidem quæ sint jura & prerogativa Romana Ecclesiæ, nihilominus scimus etiam, quos terminos habeant. Nosse tamen volumus reverentiam vestram à nobis facultatem hanc (addendi Symbolo) negari universæ Ecclesiæ, & Synodo vel etiam œcumenicæ, non tantum Romana Ecclesiæ. Quoniam igitur quantacunque facultate polleat Romana Ecclesiæ, minus tamen pollet Synodo œcumenicæ & universali Ecclesiæ, si nos id universali negamus Ecclesiæ, multo magis negabimus Romana. At si Orientalibus arbitris Romana potestatis minus habeat, quam universalis Ecclesiæ vel œcumenicæ Synodus, indeficientis iudicii privilegio nullo frui debet. Quia si tali frueretur privilegio, nisi potestatis plus haberet, certè tantundem haberet. Quod illi, ut apparet, pernegant.

Orientalis sequerentur traditionem majorum, qui Honorium I. Papam hæreseos in Synodo VI. damnaverant. Id præter Synodi acta Hadrianus II. testatur in epistola, quæ in octavæ Synodi actione VII. & lecta & approbata est: Licet Honorio ab Orientalibus post mortem anathema sit dictum, sciendum tamen est, quia super hæresi accusatus fuerat, propter quam solum licitum est minoribus majorum moribus resistere, vel pravos sensus liberè respicere. Quamvis & ibi nec Patriarcharum, nec cæterorum Antistitum cuiquam de

eo quamlibet fas fuerit proferendi sententiam, nisi ejusdem primæ Sedis Pontificis consensus præcessisset auctoritas.

Hoc ipsum invictè confirmat Agatho Diaconus in Actorum sextæ Synodi peroratione, quæ sic incipit: Peccator ego ac omnium minimus Agatho, indignus Diaconus, ac sanctissima hujus magnæ Dei Ecclesiæ Scriniarum Thesaurarius, venerabilisque Patriarchalis Secreti Protonotarius, ac secundus Cancellarius, ante triginta duos plus minus annos, juvenili adhuc etate Lectorum ordini accensus, ac inutilis notarius agens, sanctæ huic & universali sextæ Synodo operam commodavi, universæ in ea mota, quasitæque ordine affectatus, unâ cum sancto Paulo, hujusce deinceps urbis Archiepiscopo & Patriarcha, hæcenus laico & Imperatori à secretis, ac aliis quibusdam. Omnes porro tomos Actorum præfata Synodi, mundo codice, propria ipse manu Ecclesiasticis literis consignavi, qui & sub signaculis unâ cum fidei definitione, quam sanctæ eadem Synodus palam edidisset, Patrum subscriptione munita, in Imperatoris palatio fuerunt repositi, ac tutò servati. Quin & quinque Patriarchalibus Sedibus tradita, definitionis ejusdem eadem Patrum subscriptione munita exemplaria eodem conscripsi modo, ita jubente pia recordationis Imperatore Constantino ac sic fieri precipiente, quò fidei orthodoxæ sinceritas atque veritas nullis pateret insidiis. Et paullo post de tyranno Bardane: Is, mero placito, Philippici nomine assumpto, cum inde improvisus, regiæ huic urbi, unâ cum eum secuta classe, nec non comite armato exercitu, à quo fuerat creatus Imperator, repente ingruisset, olim animo insitam, nedum habens paternam doctrinam, ac traditionem, uti dicebat ipse, acceptam, sed prava institutione ascititiam, execrabilem omnino sacra huic ac œcumenicæ sextæ Synodo contrariam hæresim, ut qui à puero, ubi tulisset occasio, discipulume-gisset Stephani Abbatis, qui ipse discipulus fuit Macarii: Is inquam, statim ac nulla mora, Imperiali potestate ac auctoritate usus, ante suum ipsius ingressum, sanctæ ejusdem Synodi sextæ imaginem ab annis jam aliquot prope ac inter quartam sextamque scholam, in Imperiali palatii vestibulo expositam dejici jussit, alioquin inquam, non sustinens ingredi in regiam non suam, nisi ita prius res habuisset: Id propterea auctoritate decernens, ut Sergii Honorii & cæterorum pariter, ab eadem sancta ac œcumenica Synodo ejectorum, ac anathemati subjectorum nomina in sacra sanctissimarum Ecclesiarum Diptycha præconio publico referrentur, eorumque per loca imagines erigerentur. Damnatus igitur sine dubio fuit à Synodo VI. Honorius, & illius nomen è sacris Ecclesiarum Diptychis & imago è templis sublata est, cum Philippicus Bardanes hæresi Monothelitarum imbutus Honorii nomen in sacra Ecclesiarum Diptycha referri & imaginem rursus in templis apponi curavit. Porro ad Agathonis testimonium si benè percipitur, Baronii & Bellarmini, & utriusque exscriptorum, qui acta sextæ Synodi vitiata esse pugnant, conjecturæ non possunt non extabescere. Baronius & Bellarminus excusandi videntur, quòd Agathonis peroratio edita illorum tempore non erat. Jam annus tantum agitur decimus octavus postquam Agathonis opusculum Franciscus Combefius ex Ordine Prædicatorum Theologus in lucem emisit.

Quinta Synodus damnavit tria Capitula, quæ Vigilius Papa in suo ad Justinianum Imperatorem constituto auctoritate sua tota defenderat. In iis Capitulis quæstiones erant duæ, quæ doctrinam attinebant; hæreticorum post mortem damnatio, & Ibæ Edesseni Episcopi ad Marim Persam epistola. Pugnat Vigilius Theodori Mopsuesteni Episcopi hæresim damnari posse, & eam ipse damnabat; sed auctorem, quia dudum mortuus erat, damnari non posse, ratus Ecclesiæ potestatem supra mortuos non extendi: Quod auctoritate Gelasii Papæ confirmat. Deinde Ibæ epistolam orthodoxam esse judicabat.

Nam postquam Vigilius multa pro defendenda Ibæ epist.

epist. concessit, ita concludit: Et quia nobis de Ezechielis Propheta verbis obijcitur illud, quod ad Sacerdotes Jerusalem malum à bono non discernentes ex persona Domini dicebat: Sacerdotes ejus spernentes legem meam coinquinaverunt sancta mea, inter sanctum & pollutum non secernebant, debet vestra pietas pariter nobiscum & universorum corda fidelium, ex his verbis advertere: Ideo nos non audere Calchedonensis Synodi retractare judicium, ne ibidem considerentibus Sacerdotibus ista, quod absit, ab hæreticorum insidiis macula inuratur, ut eos inter sanctum & pollutum, & inter medium mundi & immundi non potuisse discernere criminenter, si nos modo causas ejusdem sanctæ Synodi cum consensu Sedis Apostolicæ judicio terminatas, sub qualibet occasione viderunt retractare. Propterea ergo discretionem atque judicium sanctorum Patrum nos in omnibus conservantes, & rerum omnium dispositionem secundum eam, quam reddimus rationem ex Calchedonensis Synodi judicio declaratam, cum  
 47 satis apertissima luceat veritate, ex verbis epistola viri venerabilis Iba rectissimo & piissimo intellectu perspectis, & ex gestis apud Photium & Enstathium habitis, & ex ipsius Iba Episcopi presentis à presentibus intentione discussa, Patres nostros in Calchedone residentes iustissime orthodoxam ejusdem viri venerabilis Iba Episcopi pronuntiasse fidem, & reprehensionem beati Cyrilli, quam humanitus per errorem intelligentia evenisse cognoverant, congrua satisfactione purgatam, presentis sententia nostra auctoritate statuimus atque decernimus, cum in omnibus, tum etiam in sapius memorata venerabilis Iba epistola intemeratum Patrum in Calchedone residentium manere judicium. Nec quemquam ad ordines & dignitates Ecclesiasticas pertinentem hoc nostro constituto permittimus aliquando presumere, vel super ejusdem epistola negotium, vel aliis in Chalchedonensi Concilio consensu Vicariorum Sedis Apostolicæ judicatis, ordinatis, definitis atque dispositis tanquam imperfectis & reprehensibilibus, sive per additamentum, sive per diminutionem, sive per immutationem, vel quoquo modo aliquid temeraria novitatis inferre.

Orientales in Synodo V. Theodorum mortuum damnarunt, & ei anathema dixerunt, arbitrati claves Ecclesiæ ad mortuos usque pertinere: Siquis (inquiunt in Collationis VIII. capite XII.) defendit prædictum impium Theodorum, & impia ejus conscripta, in quibus tam prædictas quam alias innumerabiles blasphemias effudit contra magnum Deum & Salvatorem Jesum Christum, & non anathematizat eum, &c. talis anathema sit.

Tum Iba epistolam ut hæreticam abjicerunt: Siquis (capite XIV.) defendit epistolam, quam dicitur  
 48 Ibas ad Marim Persam hæreticum scripsisse, quæ abnegat quidem Deum Verbum de sancta Dei genitrice semper Virgine Maria incarnatum hominem factum esse; Dicit autem purum hominem ex ipsa natum esse, quem templum vocat, ut alius sit Deus Verbum, & alius homo, & sanctum Cyrillum, qui rectam Christianorum fidem prædicavit, tanquam hæreticum, & similiter Apollinario impio scripsisse criminatur, & inculpat primam Ephesinam Synodum, tanquam sine examinatione & questione Nestorium condemnantem, & duodecim Capitula sancti Cyrilli impia & contraria rectæ fidei vocat eadem impia epistola, & defendit Theodorum & Nestorium, & impia eorum dogmata & conscripta: Siquis igitur memoratam impiam epistolam defendit, & non anathematizat eam & defensores ejus & eos, qui dicunt eam rectam esse vel partem ejus, & eos qui scripserunt vel scribunt pro ea, vel pro impietate quæ in ea continetur, & presumunt eam defendere, vel insertam ei impietatem nomine sanctorum Patrum vel sancti Calchedonensis Concilii, & in his usque ad mortem permanent, talis anathema sit. Quo modo & quibus verbis omne Vigilio indeficientis judicii & non errandi privilegium detrahunt. Quis negare auderet? Pelagius II. & Gregorius I. & alii postea Pontifices consenserunt O-

rientalibus, cum in Synodum V. jurare cœperunt.

Dionysius Alexandrinus ad Sixtum Papam Stephanum successorem & ad Philemonem Romanum Presbyterum scribit, sed in iis, quæ apud Eusebium in libri VII. historiæ capite IV. & VI. scribit, haud significat, Romanum Episcopum non errandi privilegio gaudere. Sic autem in priori loco scribit: Stephanus antea scripserat epistolam de Heleno, de Firmiliano, de omnibus Episcopis, qui erant ex Cilicia, Cappadocia, & Galatia, & ex omnibus gentibus, quæ erant finitimæ, quod neque cum illis quidem ob eam causam omnino communicare vellet. Nam illi, inquit, hæreticos rebaptizant. Reigitur magnitudinem attenta cogitatione complectere: Decreta enim in maximis Episcoporum Conciliis, sicut audio, facta fuerunt, ubi qui ab hæresis impietate recedunt, debeant primum in fide instrui. Deinde veteris & impuri fermenti eluvie & sordibus ablui, purgarique, atque ut pro his omnibus Episcopis illum deprecaretur, epistolam scripsit. In posteriori vero sic: Hoc tamen didici, quod non Episcopi in Africa solum istam consuetudinem de hæreticis rebaptizandis jam invexerunt. Verumetiam longo tempore antè Episcoporum memoria, qui antecessi sunt, in Ecclesiis maxima hominum frequentia celebratis, & Synodis fratrum tum Iconii, tum Synadæ, tum aliis multis in locis convocatis, istud decretum fuit: Quorum judicium & sententias condemnare, irritasque facere non audeo, sicque illos in odium & invidiam conjicere. Terminos, ut est apud Salomonem, ac fines proximi tui non commutabis, quos patres tui præstituerunt. Hæc opinor non ita scripsisset Dionysius, si Stephanum indeficienti judicio fecisse, quod sic fecisse dicitur, existimasset. Iis quos Stephanus à communione sua sejunxerat, apertè faver, & Stephani factum coarguit his verbis: Quorum (Episcoporum & Synodorum) judicium & sententias condemnare, irritasque facere non audeo, sicque illos in odium & invidiam conjicere. Terminos, ut est apud Salomonem, ac fines proximi tui non commutabis, quos patres tui præstituerunt. Dionysium Alexandrinum ad Cypriani sententiam accessisse testatur Hieronymus in libri de Viris illustribus capite LXXVIII. Hic in Cypriani & Africane Synodi dogma consentiens, de hæreticis rebaptizandis ad diversos plurimas misit epistolas, quæ usque hodie extant. Res hæc per se ipsa manifestæ est.

Asianorum præfulum cum Victore Papa contentio perspicuè demonstrat tunc maximè ignotum fuisse in Romano Pontifice indeficientis judicii privilegium. Contentionis hujus monumenta suppeditat Hieronymus, cum in libri de viris illustribus cap. LIV. de Polycrate sic scribit: Polycrates Ephesiorum Episcopus cum cæteris Episcopis Asia, qui juxta quandam veterem consuetudinem cum Judæis decima quarta Luna Pascha celebrabant, scripsit adversus Victorem Episcopum Romanum epistolam Synodicam, in qua docet se Apostoli Joannis & veterum auctoritatem sequi: De qua hæc pauca excerpimus. Nos igitur inviolabilem celebramus diem, neque addentes aliquid, neque dementes. Etenim in Asia elementa maxima dormierunt, quæ resurgent in die Domini, quando venturus est de calis in Majestate sua, & suscitaturus omnes sanctos. Philippum loquor de duodecim Apostolis, qui dormivit Hierapoli, & duas filias ejus, quæ virgines senuerunt, & aliam ejus filiam, quæ Spiritu Sancto plena in Epheso occubuit. Sed & Joannes, qui super pectus Domini recubuit, & Pontifex ejus, auream laminam in fronte portans, martyr & doctor in Epheso dormivit. Et Polycarpus Episcopus & martyr Smirna cubat. Thraseas quoque & martyr de Eumenia in eadem Smirna requiescit. Quid necesse est Sagaris Episcopi & martyris recordari, qui in Laodicea soporatur, & Papyrii beati & Melitonis in Sancto Spiritu Eunuchi, qui semper Domino serviens, positus est in Sardis, & expectat in adventu ejus resurrectionem? Hi omnes observaverunt Pascha diem decimaquarta Luna, ab Evangelica traditione in nullam partem declinantes, & Ecclesiasticum sequentes



quentes canonem. Ego quoque minimus omnium vestrum Polycrates secundum doctrinam propinquorum meorum, quos & secutus sum (septem quidem fuerunt propinqui mei Episcopi & ego octavus) semper Pascha celebravi, quando populus Judaeorum azyma faciebat. Itaque fratres sexaginta quinque annos aetatis meae natus in Domino, & a multis ex toto orbe fratribus eruditus, peragrata omni Scriptura, non formidabo eos, qui nobis minantur. Dixerunt enim majores mei: Obedire Deo magis oportet, quam hominibus. Hac propterea posui, ut ingenium & auctoritatem viri ex parvo opusculo demonstrarem. Quid est hoc, non formidabo eos qui nobis minantur? Nonne verba haec innuunt Polycratem & alios Asiae praefules Victori nullam indeficientis iudicii prerogativam deferre? Ceterum Hieronymus cum Polycratis factum non improbat, probare videtur.

Ad Asianos accedit Asianus genere, sed Ecclesiastica dignitate Gallus Irenaeus, ut apud Eusebium in libri v. historiae capite xxiv. narratur: His rebus adductus Victor, qui tum Romanae Ecclesiae praeerat, totius Asiae Ecclesias cum aliis finitimis, tanquam alterius fidei & opinionis simul omnes (ut complectar brevi) a communi unitate Ecclesiae amputare conatur, & in eos per literas graviter invehitur: Atque adeo omnes fratres eam incolentes regionem prorsus a communione secludendos edicit. Verum ista ceteris omnibus parum placebant Episcopis: Illum igitur contra magnopere adhortabantur, ut pacis, concordiae, & charitatis erga proximos diligentem curam haberet. Quorum verba utpote Victorem acriter & acerbius coarguentium scriptis prodita adhuc extant. Inter quos Irenaeus quanquam per literas scriptas ex persona fratrum in Gallia, quibus praeerat, tradit mysterium resurrectionis Domini solo die Dominico recolendum quidem esse: Victorem tamen de hoc videlicet, ne tam multas Ecclesias omnino propter traditionis ex antiqua consuetudine inter illas usurpata observationem a corpore universae Christi Ecclesiae penitus amputet, cum pleraque alia, tum ista quae sequuntur, apposite & convenienter admonet, his fere verbis: Non enim de die Paschatis tantum, sed etiam de jejunii ratione & modo est ista constituta controversia. Quidam namque unum diem se jejunare oportere existimant, alii duos, non pauci plures, multi quadragesima, atque diurnis nocturnisque horis omnibus numeratis diem suum metiuntur, ac statuunt. Atque ejusmodi eorum, qui hac observabant jejunia, varietas ac discrepantia, non jam nostra aetate capta est, verum etiam longe ante apud majores nostros, qui ut conjectura assequi licet, non accurate consuetudinem eorum, qui vel simplicitate quadam, vel privata auctoritate aliquid in posterum tempus statuisse, observaverunt. Atque nihilominus, cum isti inter se pacem tranquillam retinuerunt, tum nos etiam inter nos retinemus. Sicque varia ac discrepans jejunii ratio concordiam fidei plurimum commendat. His vero historiam quandam adjungit, quam hoc loco opportune explicabo: Sic autem se habet. Presbyteri ante Soterem, qui Ecclesia, cui tu jam praes, praesidebantur, Anicetum dico Pium, Hyginum, Telesphorum, Sixtum, licet neque ipsi hoc festum eo die, quo Episcopi Asia observarent, neque aliis post se ita observare permitterent, nihilominus tamen cum Episcopis illarum Ecclesiarum, in quibus ita observabatur, ad se accedentibus (Ac quid quaso magis repugnat, quam ut hi hoc, illi illo modo observent?) pacem & concordantiam inter se perpetuo retinuerunt, ac nunquam propter istum varium illius festi observandi modum fuere ulli aliquando ab Ecclesia ejecti: Sed Presbyteri illi, qui te anteverunt aetate, tametsi minime illud ita observabant; his tamen Episcopis, qui in aliis Ecclesiis idem sic observabant, Eucharistiam miserunt. Atque cum beatus Polycarpus Aniceto Episcopatum administrante Romanam adventaret, cumque ille & Anicetus de aliis re-

bus, de quibus inter se discrepabant, pauca contulissent, confestim pax fuit inter eos conciliata: Quin pro hoc festo observando, quod controversiae caput videbatur, charitatis vincula nequiquam ruperunt. Neque tamen Anicetus Polycarpo poterat persuadere, ut suum observandi morem (quippe qui cum Joanne discipulo Domini nostri & cum reliquis Apostolis quibusdam multum versatus fuisset, eundem semper ad illum modum observasset) deponeret: Neque contra Polycarpus Aniceto persuasit, ut consuetudinem Asiaticam (quippe qui morem presbyterorum, qui illum erant antegressi, debere sedulo retinere assereret) ullo modo observaret. Quae cum ita essent constituta, communicabant inter se mutuo, & in Ecclesia Anicetus, ritus qui in Eucharistia peragi solent, Polycarpo ob reverentiam videlicet, quam erga illum habebat, obeundi potestatem concessit, atque tandem cum pace alter decessit ab altero: Et omnes Ecclesiae tum eorum, qui decimo quarto die festum Paschatis observabant, tum eorum, qui secus, placida pace & tranquillitate inter ipsas fruebantur. Hieronymus Eusebium excipit in libri de viris illustribus capite xlv. Feruntur ejus (Irenaei) & aliae ad Victorem Episcopum Romanum de questione Paschae epistolae, in quibus commonet non facile debere unitatem collegii scindere. Siquidem Victor multos Asiae & Orientis Episcopos, qui decimaquarta Luna cum Judaeis Pascha celebrabant, damnandos crediderat. In qua sententia hi qui discrepabant ab illis, Victor non dederunt manus. Hac paullo longiora descripsi, quod melius pateret, Irenaeum & alios Ecclesiarum praesides cum Victoris factum sic improbant, non credere, Romanum Pontificem in decernendo talem esse, cui concessum sit non errandi privilegium. Quo nihil est certius. Orientales igitur vel Graeci antistites, cujuscumque aetatis fuerint primae, mediae, postremae, Romano Pontifici indeficientis iudicii in fide & moribus privilegium abjudicarunt, cumque in errores labi posse certo crediderunt. Quod Eudæmonjoannes & ipse Graecus homo planè dissimulat.

Porro autem hic unum mihi sumo, quod est certo certius, Irenaeum, Polycratem, ceterosque Asiae Sacerdotes, Dionysium Alexandrinum, Graecos Synodi V. & VI. Patres adferri nunquam posse, ut Eudæmonjoannis probetur de Romani Pontificis privilegio, non errandi sententia: Adferri verò legitime posse, ut improbetur. Atque inde accidit, ut Theologi hujus placitum Orientalis Ecclesiae suffragio careat.

Nunc tandem repetenda est ea, de qua sub initium sermo incidit,

#### Parisiensis Academia,

ET apertam in lucem prodenda, & diluenda est calumnia, quam hic auctor illi perperam impingit, & impingunt alii, quos subobscurè significat. Quam ergo propositionem adferunt, haec est: Ad sanctam Sedem Apostolicam pertinet auctoritate judiciali suprema circa ea, quae sunt fidei, judicialiter definire.

Et primò quidem scire te convenit, tractatum de quo excerpta est propositio haec, anno mcccclxxxvii. editum esse, quo Joannes Montesonus à Theologicae Facultatis & Parisiensis Episcopi iudicio provocavit ad Romanum Pontificem, Clementem VII. quem Gallia ut legitimum Gregorii XI. successorem habebat.

Deinde tractatum hunc causae totius esse veluti conjectionem, in qua iudicandi modus triplex statuitur; unus, qui Sedem Apostolicam; alter, qui Episcopos; tertius, qui Theologos respicit. In unoquoque iudicandi modo proprium unicuique jus asseritur & probatur.

Tum demum Parisiensem Academiam in tractatu suo Romanum Pontificem ab Apostolica Sede, vel brevius Sedentem à Sede distinguere, ut ipsa tractatus praefatio testatur: Apostolicis verbis edocti, parati semper

semper ad satisfactionem omni poscenti nos rationem de ea, quæ in nobis est fide, ad tuitionem ejus, quam profitemur orthodoxia, & ut rationabilis quorundam errorum condemnatio Parisius nuper facta, & justificatio exorta super hoc causa, & adversantium omnium quæcunque fuit injusta, irrationabilisque conquestio, oblocutio, atque vexatio singulis innotescat, præsentem tractatum sub Apostolica Petri Sedis, & Sedentis in ea Summi Pontificis correctione duximus compilandum. Parisiensis igitur Academia Sedentem à Sede distinguit: Sed cum agitur de judicandi forma, plus Sedi, quam Sedenti tribuit, ut ex allata propositione liquet.

Nunc conveniendus est Eudæmonjoannes, qui plus Sedenti, quam Sedi tribuit. Sic enim scribit: Pontifex Summus in dijudicandis fidei causis ac moribus toti Ecclesiæ præscribendis nec falli potest, nec fallere. Et tamen Parisiensem Academiam in suum sensum pertrahere conatur. Qua in re bonæ fidei requiro nonnihil.

Deinde fucum facit, aut patitur, cum allatam propositionem non satis expendit. In ea judicialis auctoritas suprema, quæ Sedi Apostolicæ tribuitur, suprema quidem est respectu Episcoporum, non respectu 57 generalis Concilii, quod Parisienses supra Romanum Pontificem, & Sedem Apostolicam statuunt. Judicialis auctoritas illa suprema est comparatè, non simpliciter. Quamobrem ibi dicitur, judicialiter definire, non infallibiliter definire. Hæc omnia advolabunt ad oculos, si propositio prima hæc; Ad sanctam Sedem Apostolicam pertinet auctoritate judiciali suprema circa ea, quæ sunt fidei, judicialiter definire, cum ista propositione secunda; Ad Episcopos Catholicos pertinet auctoritate inferiori & subordinata circa ea, quæ sunt fidei, judicialiter definire, contendantur. Sedis Apostolicæ auctoritas judicialis suprema Episcoporum auctoritati inferiori & subordinatæ opponitur, non verò generalium Conciliorum auctoritati, quæ à Parisiensibus inferior & subordinata nec diceretur, nec dicta est unquam. Cum autem in utraque propositione reperiantur verba duo hæc, judicialiter definire, hinc luculenter ostenditur, judicialiter definire, non esse, infallibiliter definire. Alioquin Episcopi seorsum à Concilio infallibiliter definirerent.

Præterea Eudæmonjoannes, si tractatum quem laudat, legisset integrum, Parisiensem Academiam in præteritis reliquisset. Legere quidem non potuit, quia necdum editus est. In eo cum alia, tum maxime duo sunt loca, ex quibus quod mox animadverti, comperitur redditur. Alter est in articulo 1. Conclusionis VI. ubi sermo de Facultate Theologiæ & Joanne XXII. instituitur: Item prædicta Facultas hoc licitè potuit contra Summum Pontificem. Igitur à fortiori contra suum subditum & inferiorem (qualis est Joannes Montefonus, cujus assertiones Facultas Theologiæ damnaverat.) 58 Asumptum patuit Joannis XXII. tempore: Quia sicut refert magister Nicolaus de Lira in tractatu suo de Visione beatica ferè quadraginta dicta Facultatis magistri concorditer determinarunt contrarium illius, quod Papa publice assererat. Et simile fecit dictus magister. Et similiter pulchrè contra eum scripsit magister Guillelmus Okam, ut patet in ejus Dialogo: Quæ omnia quoad hoc fuerunt reputata licitè facta, sicut apparuit tempore Benedicti XII. illius successoris.

Alter verò habetur, cum post alia Montefoni errores recententur: Tertiò dicendum est, quòd illud, quod dictus frater ad suæ appellationis fundamentum principaliter assumit, scilicet, quòd solius Sedis Apostolica est declarare, dammare & reprobare; Et iterum, quòd eorum, quæ tangunt fidem, ad solum Summum Pontificem pertinet examinatio & decisio: Hoc, inquam continet manifestam hæresim, & est dictum sibi ipsi repugnans & contrarium: Et ideo propter hoc solum, si nihil aliud erroneum dixisset, Romana Ecclesia ipsum deberet cogere ad revocandum.

## PRIMA RATIO.

Et istud declaratur 1. Supponendo, quid sit Sedes Apostolica. Nam ipsa vel est universalis Ecclesia, vel aliquod generale Collegium universalem Ecclesiam representans, vel particularis Ecclesia Romana, in qua scilicet Ecclesia sedet, id est, cui præsidet Summus Pontifex, & ideo ipse & Sedes Apostolica non sunt idem: Sicut non sunt idem Sedes & Sedens. Ex quibus clarè patet, si ad solam Sedem Apostolicam pertinet circa fidem declarare, vel reprobare, quòd ad solum Summum Pontificem hoc non pertinet, & contra si ad solum Summum Pontificem pertinet eorum quæ sunt fidei examinatio & decisio, hoc ad solam Sedem Apostolicam non pertinet, quòd in illo dicto est manifesta repugnancia.

## SECUNDA RATIO.

Item hoc tertium dictum manifestè repugnat primo dicto, ubi asserit, quòd Stephanus Episcopus Parisiensis & Facultas Theologiæ approbarunt doctrinam sancti Thomæ. Ex quo sequitur, quòd nec ad solam Sedem Apostolicam, nec ad solum Summum Pontificem pertinet eorum, quæ sunt fidei, declaratio, decisio, vel approbatio.

## TERTIA RATIO.

Item secunda pars illius dicti, scilicet, quòd ad solum Summum Pontificem pertinet eorum, quæ tangunt fidem, examinatio & decisio, continet manifestam hæresim, inò multas hæreses.

## PRIMA HÆRESIS.

Primò, quia per illam exclusionem excluditur universalis Ecclesia, & generale Concilium eam representans, quòd est hæreticum, quia in causis fidei à Summo Pontifice appellari potest ad Concilium, sicut patet 19. dist. cap. Anastasius. Et manifestum est, quòd ad ipsum pertinet Concilium in causis fidei definire, sicut patet ex auctoritate Gregorii 15. dist. Capitulo sicut.

## SECUNDA HÆRESIS.

Secundò per illud excluditur Sedes Apostolica, ut dictum est, quòd est contra ipsum & est manifestè hæreticum.

## TERTIA HÆRESIS.

Tertiò excluduntur Episcopi Catholici ab omnimoda 60 cognitione, examinatione, & decisione eorum, quæ sunt fidei, quòd est contra jus tam Divinum, quam humanum, sicut clarè patet secunda Conclusione: Quæ ante omnia hæc sic se habet:

Ad Episcopos Catholicos (seorsum à Concilio) pertinet auctoritate inferiori & subordinata circa ea quæ sunt fidei, judicialiter definire. Et hoc probatur: Quia ad eos pertinet auctoritate judiciali inferiori & subordinata in fide definire, ad quos pertinet consimili auctoritate Ecclesiam regere, sed ad Episcopos Catholicos pertinet secundum, ergo & primum. Major patet, quia Ecclesiæ regimen maxime concernit fidem, & ideo cui jure divino committitur Ecclesiam regere, ei eodem jure committitur de fide cognoscere & judicare. Sed minor probatur auctoritate Pauli Actorum 20. cap. ubi dicit: Attendite vobis & universo gregi, in quo vos Spiritus Sanctus posuit Episcopos regere Ecclesiam Dei, &c. Unde patet, quòd jure divino & auctoritate Spiritus Sancti Episcopi positi sunt ad regimen Ecclesiæ Dei. Regimen autem importat judicalem auctoritatem. Ergo sequitur quòd ad eos pertinet auctoritate judiciali inferiori subordinata, id est, suprema auctoritati subjecta Ecclesiam regere, & per consequens de fide cognoscere, & in ea definire. Unde quòd de tali regimine ad fidem pertinente loquatur Apostolus, ex hoc patet, quòd ibi hortatur Episcopos adversus hæreticorum fidem subvertentium nequitiam vigilare: Nam immediatè sequitur: Ego scio quoniam intrabunt post discessionem meam lupi rapaces in vos, & exurgent viri loquentes perversa, ut abducant discipulos post



post se, propter quod vigilate. Et ideo exemplo Pauli  
 61 Summus Pontifex & Concilium generale sub gravium  
 comminatione poenarum ad vigilem heretica pravitas ex-  
 purgationem alios hortantur Episcopos. Unde extra de  
 hereticis Cap. Excommunicamus, in fine, sic concluditur:  
 Si quis enim Episcopus super expurgando de sua diœcesi  
 heretica pravitas fermento negligens fuerit, vel remissus,  
 ab Episcopali officio deponatur, & in locum ipsius, alter  
 substituat idoneus, qui velit & possit hereticam confun-  
 dere pravitatem. Hac autem facere non possit Episcopus,  
 nisi haberet hac in parte judicariam auctoritatem, &  
 ideo ibidem pramittitur, quod Episcopus debeat hereti-  
 cos ad suam presentiam convocare & canonicè punire.  
 Et paulo post:

Ex quibus omnibus satis patet, quod tam jure divino  
 quam humano ad Episcopos pertinet hereticos & pravita-  
 tem hereticam judicare, & per consequens assertiones he-  
 reticas condemnare judicialiter, & auctoritate judiciaria  
 veritates Catholicas definire. Ex Manuscripto Cod. Na-  
 varrici Collegii in Parisiensi Academia.

Hac si vidisset omnia Eudæmonjoannes, intellex-  
 isset facile, quo modo capienda sit illa Parisiensis Aca-  
 demiae propositio, quam pravum in sensum interpre-  
 tatur. Quod igitur illa omnia non viderit, nec forsan  
 videre potuerit, excusandus esse mihi videtur: Sed  
 quod non legerit, quid Petrus Alliacus laudati à se  
 tractatus auctor præcipuus hac de re senserit, excusari  
 vix potest. Legere debuit quæ ille in tractatu de au-  
 thoritate Ecclesiæ semel, iterum, & tertio hac de re  
 scripsit. Semel quidem in tertiæ partis capite 1. Con-  
 firmatio in fide, de qua dicitur, quod Ecclesia non potest  
 62 errare juxta illud: Petre rogavi pro te, ut non deficiat fides  
 tua, illa non est in Papa, quia hoc non est dictum de fide per-  
 sonali Petri, cum ipse erraverit, sed de fide Ecclesiæ, de qua  
 dicitur, Et porta inferi non prævalebunt adversus eam, scilicet  
 Ecclesiam. Non enim dictum est adversus te, scilicet  
 Petrum. Igitur speciale privilegium est, & singularis au-  
 thoritas Ecclesiæ, quod non potest errare in fide.

Iterum in cap. 11. Sexto ex præmissis sequi videtur  
 secundum aliquos, quod falsa est quorundam Juristarum  
 opinio dicentium, quod in Concilio generali Papa duntaxat  
 judicat & diffinit, & si eo presente ibi aliqua statueren-  
 tur, Concilium nihil statuit, sed suadet, & consulit,  
 nec Papa tenetur sequi deliberationem vel suasionem  
 Concilii; Sed quod standum videretur sententia Papa,  
 si contradiceret Ecclesiæ vel Concilio: Patet, quia uni-  
 versalis Ecclesiæ à Christo, & non à Papa hoc privile-  
 gium auctoritatis habet, quod in fide errare non potest.  
 Et hanc etiam auctoritatem secundum aliquos habet Con-  
 cilium universalem Ecclesiam representans: Sed talem au-  
 thoritatem non habet Papa, cum errare possit in fide:  
 Ergo in hoc major est auctoritas Concilii vel Ecclesiæ,  
 quam Papa: Unde oppositum dicere, multis esset hereticum,  
 & ex iuribus male intellectis erroneè conclusum.

Tertio in cap. 14. Tertio hanc auctoritatem habet  
 universalis Ecclesiæ, ut dictum est, quod in fide errare  
 non potest: Et hoc nec mediata nec immediata à Papa  
 dependet, quia id non habet.

Deinde legere debuit sermonem 11. quem de Ad-  
 ventu Domini coram Constantiensi Concilio habuit  
 63 anno MCCCXVII. In antiquis Conciliis & maxime ap-  
 probatis hujusmodi verba leguntur: Placuit sancto Con-  
 cilio, vel sanctum Concilium diffinivit, vel statuit sanctum  
 Concilium: Papa etiam quandoque dicit, Auctoritate Con-  
 cilio diffinitum est. Et relato Apostolorum Concilio  
 Actor. xv. subjicit: Ex quibus patet, quod auctoritas  
 decernendi & diffinendi non est attribuenda soli Pontifici,  
 sed toti Concilio generali: Unde manifestè reprobat  
 error quorundam perniciosissimus & toti Ecclesiæ peri-  
 culosissimus, qui adolando potestati Papali ita detrahunt  
 auctoritati sacri Concilii, ut dicere presumant, quod  
 Papa non potest necessariò sequi deliberationem Concilii,  
 imò standum esse sententiæ Papa, si Ecclesiæ vel generali  
 Concilio contradicat.

In his autem locis omnibus evidenter apparet Car-  
 dinalem hunc virum & doctum & probum in ea esse  
 sententia ut certò credat Romanum Pontificem in fi-  
 de errare posse.

At si Eudæmonjoannes causetur ad manum non ha-  
 buisse se Cardinalis hujusce Commentarios aut sermo-  
 nes, quod semel editi sint, & ideo inveniantur rariùs,  
 id causari neutiquam potest de Gerfonis operibus, quæ  
 sæpius typis mandata sunt. Gerfonem verò Alli-  
 acum discipulum fuisse nemo nescit, & eam ob causam tracta-  
 tui quo de agitur, cum ederetur, interesse potuit.

Rem igitur Gerfo sic explicat & secundum Facul-  
 tatis nostræ traditionem decidit in opusculo, quod de  
 doctrinarum examinatione inscribit, ubi doctrinarum  
 examinatores varios exequitur, & consideratione pri-  
 ma generale Concilium ita ponit.

Examinator authenticus & finalis Judex doctrinarum 64  
 fidem tangentium est generale Concilium. Deducitur hac  
 consideratio primitus auctoritate generalis Concilii Con-  
 stantiensis, cui fortè par in dictione nullum fuit. For-  
 ma decreti sui satis habetur, & posita est in tractatu de  
 potestate Ecclesiastica, & in opusculo, an liceat appellare  
 à Papa. Sumitur insuper ab Evangelio cum ratione talis  
 confirmatio. Christus fuit supremus & optimus institutor  
 Ecclesiæ non deficiens in necessariis, qui & dixit: Ego  
 vobiscum sum usque ad consummationem sæculi. Oportuit  
 igitur in Ecclesiæ relinquere regulam infallibilem pro fide  
 servanda, & dubiis emergentibus terminandis. Non au-  
 tem reperitur in terris altera talis infallibilis regula, nisi  
 generale Concilium legitime congregatum. Nam persona  
 qualibet singularis de Ecclesiæ, cujuscunque dignitatis  
 etiam Papalis, circumdata est infirmitate, & deviabilis  
 est, ut fallere possit & falli. Propterea non imparem  
 posuit Augustinus auctoritatem in Ecclesiæ & in Evan-  
 gelio, dicens: Non crederem Evangelio, nisi auctoritas  
 Ecclesiæ me commoveret.

Deinde consideratione secunda: Examinator juridi-  
 cus doctrinarum fidem tangentium Papa supremus est in  
 terris post generale Concilium, vel cum ipso. Deduci-  
 tur auctoritate canonum cum ratione morali præsup-  
 posita fide. Quoniam supremus in omni politia jus ha-  
 bet dubia circa politiam emergentia determinare: Vel in-  
 terpretari, vel declarare cum oppositione poenarum in re-  
 belles. Hoc autem est judicium auctoritativum: Diceret  
 aliquis, Non oportet ita fieri, cum Papa sit deviabilis.  
 Non enim est magis confirmatus, quam Petrus erat. Unde  
 reprehensus est à Paulo, eo quod non rectè ambularet ad  
 65 veritatem Evangelii. Confirmat hac obiectio consideratio-  
 nem præcedentem, sed plus infert, quam oportet. Neque  
 enim potest assidue Concilium generale haberi præsentia-  
 liter pro decisione dubiorum. Nec expediret passim ita  
 fieri. Supremus autem in Ecclesiæ faciliter aditur, qui  
 si nollit omnino pertinaciter ea, quæ sunt fidei declarare,  
 vel erraret declarando, superest judicium Concilii. Porro  
 non sequitur: Papa potest definiendo fallere vel falli;  
 Igitur non est judex idoneus, sicut in aliis patet instan-  
 tius. Concluditur tamen ex hac radice duplex veritas:  
 Prima, quod determinatio solius Papa in his, quæ sunt  
 fidei, non obligat, ut præcisè est talis, ad credendum, alio-  
 qui staret in casu, quod quis obligaretur ad contradi-  
 ctoria, vel ad fidem contra fidem: Secunda veritas, quod  
 sententia Papa ligat omnes fideles ad non dogmatizandum  
 contrarium, nisi per illos vel apud illos, qui manifestum  
 contra fidem deprehendunt errorem, & scandalum grande  
 fidei suo silentio fieri, si non opponerent se, cognoscunt.  
 Quod si fieret prosecutio sententiarum & poenarum con-  
 tra eos, sciant beatos esse, qui persecutionem patiuntur  
 propter justitiam. Superest quoque remedium Concilii ge-  
 neralis, cujus finalis, auctoritativa, judicialisque potestas  
 fundata est indestructibiliter in illo verbo Christi de  
 correctione fraterna: Si Ecclesiam non audierit, sit  
 tibi sicut ethnicus & publicanus. Cui legi haud du-  
 biè subest Papa, licet hætenus multis hac veritas non  
 placeat propter inordinatum favorem ad Sum. Pontificem,  
 vel

vel scripta ejus male suscepta, plusquam ad Christum & Evangelia. NUNC AUTEM OPPOSITA FALSITAS EST  
66 HÆRESIS expresse damnata per Concil. Constantiense cum aliis multis in utilitatem totius Christiana religionis.

In his duabus considerationibus continetur verborum, quæ minus rectè intellecta Eudæmonjoannem & alios tefellerunt, explicatio. Hæc verba sunt in propositione, quam Eudæmonjoannes adducit: *Ad sanctam Sedem Apostolicam pertinet auctoritate suprema judiciali circa ea, quæ sunt fidei judicialiter definire.* Hoc ipsum Gerson asserit in Confid. 11. *Examinator juridicus doctrinarum fidem tangentium Papa supremus est in terris.* Et quamvis hoc asserat, non desinit tamen Papæ non errandi privilegium abjudicare. Præterea Gerso dicit, *Examinator juridicus supremus, sed non dicit, finalis, ut nec Facultas quoque dicit in propositione, quæ mox relata est.* Per verbum hoc, *finalis*, inter Papam & generale Concilium discrimen statuitur. Generale Concilium doctrinarum fidem tangentium examinatur seu iudex est supremus & finalis vel ultimus. Romanus Pontifex doctrinarum fidem tangentium examinatur seu iudex est supremus, sed non finalis vel ultimus; ac proinde falli potest. Atque hic est Facultatis Theologiæ Parisiensis sensus, quem Eudæmonjoannes percipere noluit, aut certè non percepit. Quod autem auctor iste Facultatis sensum non perceperit, aut noluerit percipere, Facultatis parum interest: Quod verò Facultati peregrinum & alienum sensum affinxerit, Facultatis multum interest, cum ex rei veritate, quam illa tuetur, tum quod in tuenda veritate illa Romanæ Ecclesiæ traditioni consentit, & à pravis Romanæ Curiae magistris abjungitur. Non ignoras receptum Facultatis nostræ sensum, quem exhibui, anno ab excessu Cardinalis Aliaci quarto, & ante Gersonis obitum mensibus tribus & diebus tredecim, publicis iterum monumentis consignatum & assertum fuisse. Res hæc sic se habet. Johannes Sarracenus ex Ordine Prædicatorum designatus in Theologia magister, errorem illum, quem Cardinalis Aliacus Constantiæ coram frequentissimo Ecclesiæ totius Senatu extinxerat, revocare atque excitare voluit. Quod ut assequeretur, in ædibus Vesperiarum, quemadmodum loqui mos est noster, lemma hoc, *Quando cunque in aliquo Concilio aliqua instituuntur, tota auctoritas dans vigorem statutis in solo summo residet Pontifice, ad defendendum proposuit.* Facultas Theologiæ cum id prospiceret, nefario Sarraceni consilio vehementer obstitit, & eum ad meliorem frugem reduxit. Sarracenus culpæ convictus lemma suum anno MCCCCXXIX. 111. Calend. April. ejuravit, & contrariam illi veritatem sic asseruit: *Quando cunque in aliquo Concilio aliqua instituuntur, tota auctoritas dans vigorem statutis residet non in solo summo Pontifice, sed principaliter in Spiritu Sancto & Ecclesia Catholica.* Facultatis Decanus tunc erat Petrus Dierreius, vir prudentiæ singularis, Petri Aliaci quondam in Theologicis auditor, Gersonis condiscipulus & contubernalis. qui intra sacratæ vetustatis castissimos limites perniciosæ curiositatis libidinem compressit, & explosa novitate traditam à majoribus doctrinam posteris consignandam esse censuit.

Hæc, quæ mox animadvertimus, unicuique Theologo facile fuit animadvertere, si duo præstanda sibi  
68 esse duxisset: Primum quidem, sepositis non affectibus modò, sed opinionum etiam præjudiciis, ad intelligendam conclusionem, qua de agitur, accedere. Nam vir opinionum præjudiciis occupatus sibi omnia concinere ut cupit, ita & retur: Deinde cum ita vacuus & liber fuerit, scriptores rei gestæ æquales vel supares confutere, à quibus quod forsân obscurum est, illustrabitur. Apagere Doctores illos, qui volaticis distinctionibus affucti certas querendi & inveniendi veri leges negligunt, ut incommodis sibi auctoribus quem volunt sensum impertiant!

Porro autem quæ de variis Academiis copiosè retulimus & observavimus, demonstrant, Eudæmonjoannem,

qui celebris est è Societate Jesu Theologus, neglexisse prorsus leges historiarum, cum id dogma Catholicis Academicis omnibus & Parisiensi quoque tribuit, quod minime tribuendum fuit. Si per ignorantiam, ut plerique alii, tribuit, excusandus nonnihil; Si per malitiam, accusandus graviter; Si per assentationem, scdum crimen servitutis damnandus est, ut occultus Sedis Apostolicæ inimicus. Nam Sedis hujus dignitas in solius veritatis professione consistit, non in adulatione vel mendaciis, quæ dignitatem illam deturparent.

Hoc Eudæmonjoannes dissimulat, de quo Concilium delectorum Cardinalium & aliorum Prælatorum monuerat Paulum III. cum anno MDXXXVIII. illum his verbis alloquitur: *Beatissime Pater, tantum abest, ut verbis explicare possimus, quam magnas gratias Respublica Christiana Deo optimo maximo agere debeat, quod te Pontificem hisce temporibus ac Pastorem gregi suo præfecerit, eamque, quam habes mentem dederit, ut minime speremus cogitatione eas, quas Deo gratias debet, consequi posse. Nam spiritus ille Dei, quo virtus calor firmata est, (ut ait Propheta) labantem, imò ferè collapsam in præceptis Ecclesiæ Christi per te restaurare, & huic ruinæ manum, ut videmus, supponere decrevit, eamque erigere ad pristinam sublimitatem, decorique pristino restituere, certissimam Divina hujus sententiæ conjecturam nos facere valemus, quibus sanctitas tua ad se vocatis mandavit, ut NULLIUS, AUT COMMODI TUI, AUT CUIUSPIAM ALTERIUS HABITA RATIONE, tibi significarem abusus illos, gravissimos videlicet morbos quibus jampridem Ecclesia Dei laborat, ac PRÆSENTIM HÆC ROMANA CURIA, quibus effectum propè est, ut paulatim ac sensim ingravescens pestiferis his morbis, magnam hanc ruinam traxerit, quam videmus. Et quoniam sanctitas tua spiritu Dei erudita, (qui, ut inquit Augustinus, loquitur in cordibus nullo verborum strepitu) probe noverat, PRINCIPIUM HORUM MALORUM INDE FUISSE, quod nonnulli Pontifices tui prædecessores prurientes auribus, ut inquit Apostolus Paulus, coarceperunt SIBI MAGISTROS ad desideria sua, non ut ab eis discerent, quid facere deberent, sed ut eorum studio & calliditate inveniretur ratio, QUÆ LICERET ID, QUOD LIBERET: Inde effectum est, præterquam quod principatum omnem sequitur ADULATIO, ut umbra corpus, difficillimisque semper fuit aditus veritatis ad aures principum, quod confestim prodirent Doctores, qui docerent, Pontificem esse dominum beneficiorum omnium, ac ideo cum dominus jure vendat id, quod suum est, necessario sequi, in Pontificem non posse cadere simoniam. Ita quod VOLUNTAS PONTIFICIS qualiscunque ea fuerit, sit regula, qua ejus operationes & actiones dirigantur: Ex quo proculdubio efficit, UT QUID QUID LIBEAT, ID ETIAM LICEAT.*

EX HOC FONTE, Sancte Pater, tanquam ex equo Trojano irrupere Ecclesiam Dei tot abusus, & tam gravissimi morbi, quibus nunc conficimus, eam ad desperationem ferè salutis laborasse, & mansisse harum rerum famam AD INFIDELES USQUE. Credat sanctitas vestra SCIENTIBUS, qui ob hanc præcipuè causam Christianam religionem derident, adeò ut per nos, per nos inquam, nomen Christi blasphemetur INTER GENTES. Tu verò Sanctissime Pater, & verè sanctissime, edoctus à spiritu Dei, præter veterem illam tuam prudentiam, cum totus in hanc curam incubueris, ut SANATIS ÆGRITUDINIBUS Christi Ecclesia tue cura commissa bonam valetudinem recuperaret, vidisti ac probe vidisti, INDE INCIPIENDAM MEDICATIONEM, unde primum ortus est morbus, secutusque doctrinam Pauli Apostoli vis esse dispensator, non dominus, & fidelis inveniri à Domino: Imitatus etiam servum illum, quem in Evan. Dominus præfecit familie suæ, ut det illis in tempore tritici mensuram. Ac propterea DECREVISTI NOLLE quod non liceat, nec vis posse, quod non debes. Ideoque nos ad te accersivisti, imperitos quidem, ac tam magno negotio impares, non parum tamen affectos cum honori & gloria sanctitatis tuæ, tum præcipuè instaurationi Ecclesiæ Christi, ac gravissimis verbis injunxisti, ut omnes hos abusus colligeremus, tibiq; illos significarem, obtestatus nos reddiuros esse rationem hujus negotii



negotii nobis demandati Deo optimo, si negligenter ac infideliter ageremus. Atque ut omnia liberius inter nos tractari possem, tibi que à nobis explicari jurejurando nos destrinxisti; addita etiam excommunicationis poena, ne cuiuspiam aliquid hujus nostri muneris proderemus. En malum execrandum & detestabile, quod nonnullorum magistrorum Curialium, Eudæmonjoanni similium adulatio, in Ecclesiam intulit, & quod non sine gemitibus & lacrymis legi potest! Sed hodierni Inquisitores aliquid faciunt, quod adulationem illam superat: Sub excommunicationis poena legi prohibent, quod Paulus III. sub excommunicationis poena fieri voluit. Proh nefas! Nam ut prohibitorio Indici liber adscribatur, omnino satis est, si in eo Concilium delectorum Cardinalium laudetur, quod tamen Paulus III. gratum ratumque habuit, nec aliter habere potuit, cum tam severè jussisset, ut Concilium fieret. Cui subscribunt viri omni exceptione majores: Gaspar Card. Contarenus, Joann. Petrus Card. Theatinus, Jacobus Card. Sadoletus, Reginaldus Card. Anglicus, Fredericus Arch. Salernitanus, Hieronymus Arch. Brundusinus, Joann. Matthæus Episc. Veronenfis, Gregorius Abbas sancti Georgii Venet. Frater Thomas Magister sacri Palatii.

Et sanè si quod Eugenius IV. in Florentinæ Synodi proæmio sic affirmat, *Ubi ego sum cum Imperatore & Patriarcha, ibi est universa Christianorum Synodus, præsertim cum adsunt Patriarcha omnes & Cardinales nostri*, verum esset, præfules hi novem ob pietatem & eruditionem summam, qua pollebant, universale celebrassent Concilium. Cardinales quatuor Gaspar Contarenus, Joannes Petrus, Jacobus Sadoletus, Reginaldus Polus multa egregiè scripserunt. Fredericus Salernitanus & Hieronymus Brundusinus ambo Cardinales facti, egregiis operibus illustre nomen posteritati reliquerunt. Joannes Matthæus Constitutiones edidit, & Veronensem ita rexit Ecclesiam ut aliorum Episcoporum forma evaserit: an Abbas Gregorius, & Magister sacri Palatii aliquid elucubrati fuerint, necne, me præterit.

Quidquid sit de Eugenii IV. paradoxo Joannes Petrus Cardinalis Theatinus cum Romanæ Ecclesiæ creatus est Pontifex, non mutavit sententiam: Immo verò cum ad annum Christi MDLVII. Romæ disceptaretur, utrum ille posset solvere matrimonium, quod per verba de præfenti inter Franciscum Mommorantium & Joannam Halluynam Piennæam contractum fuerat, ingenuè fateri veritas non est, quod ipse & decessores sui errare aliquando potuerant. *Non dubito, inquit, quin ego & decessores mei errare aliquando potuerimus, non solum in hoc, sed etiam in pluribus aliis rerum generibus.* Historiam perscribo in epistola ad Joannem Gerbasium, quæ est prima epistolarum nostrarum partis tertiæ.

Nunc fortasse dicet aliquis, Academias omnes, vel certè nonnullas mutasse sententiam. Si monumentis id certis non probaret, mentiretur: si verò probaret,

I. Opponendum illi esset, quod Tertullianus in libri de præscriptione hæreticorum capite xxxi. scribit: *Ex ipso ordine manifestatur id esse dominicum & verum, quod sit prius traditum: Id autem extraneum & falsum, quod sit posterius immisum.* Ea sententia manebit adversus posteriores quasque hæreses quibus nulla constantia de conscientia competit ad defendendam sibi veritatem. Regulæ huic addenda est alia similis, quam in libri iv. contra Marcionem capite iv. tradit: *Quis inter nos determinabit, nisi temporis ratio, ei præscribens auctoritatem, quod antiquius reperietur, & ei præjudicans variationem, quod posterius revincetur?* Hæc palam loquuntur & perversi dogmatis convincerent, vel Academias, vel Academicos homines, qui sententiam mutassent.

II. Opponendum illi esset, quod beatus Hilarius in libro vi. de Trinitate scribit: *Tardè mihi hos piissimos, quantum ego arbitror, Doctores ætas nunc hujus sæculi proulit. Sero hos habui fides mea quam tu erudisti, magistros. Ut Hilarius Doctores & Magistros, de quibus loquitur, ob recentem ætatem respuit, sic & respuerentur Acade-*

miarum Doctores, qui à majoribus degenerarent, & quælibet accusarentur.

III. Opponendum illi esset, quod sanctus Basilius in epistola lxi. ad Antiochenam scribit Ecclesiam: *Fidem porro nos neque ab aliis scriptam nobis recentiorum suscipimus, neque ipsi mentis nostra sobolem tradere audemus, ut ne humana arbitrentur pietatis verba; sed quæ à sanctis Patribus edocti sumus, ea interrogantibus nos annunciamus.* Sic antiqua Ecclesiæ placita recentiorum adinventionibus anteponit.

IV. Opponendum illi esset, quod beatus Ambrosius in libri ad Gratianum tertii capite vii. scribit: *Servemus igitur præcepta majorum nec hæreditaria signacula auri rudi temeritate violamus.* His paucis vetustatem doctrinæ commendat, & profanæ novitatis conterit audaciam, & fugillat eos Academicos, qui doctrinam majorum deferrent.

V. Opponendum illi esset, quod sanctus Hieronymus in epistola ad Pammachium & Oceanum scribit: *Quisquis assertor novorum dogmatum quæso te ut parcas Romanis auribus, parcas fidei, quæ Apostoli voce laudata est: cur post quadringentos annos docere nos nitaris, quod antè nescimus?* Videntur hæc eo fine dicta, ut objiciantur iis, qui nunc aliter docerent in Academia sua, quàm majores docuerint. Nec prætermittendum est id, quod tradit in libro contra Luciferianos extremo: *Ex hoc ipso, quod postea instituti sunt (Marcionitæ, Valentiniani, Montenses, Campates) eos esse indicant, quos futuros Apostolus prænuntiavit. Nec sibi blandiamur, si de Scripturarum capitulis videntur sibi affirmare, quod dicunt, cum & Diabolus de Scripturis aliqua sit locutus, & Scripturæ non in legendo consistant, sed in intelligendo. Alioqui si litteram sequi cur, possumus nos quoque novum nobis dogma componere.* Sic qui in Academiis traditam à majoribus doctrinam abjicerent, eos utique redargueremus: Sic occurreremus rationum momentis, quæ de Scriptura fortasse depromerent, sed eam malè intelligerent, ut omnes malè intelligunt, qui novitates & hæreses in Ecclesiam inducunt.

VI. Opponendum illi esset, quod Bonifacius Papa I. scribit ad Rufum Thessalonicensem Episcopum in Romana Synodo, quæ anno MDCXII. prodiit Romæ in Collectione Romana bipartita: *Non est corvini cedendum studiis, quos novitas rerum, & indebita desiderium dignitatis accendit.* Pontifex Curiales Magistros omnes hodiernos, & Bellarminum maximè percellit.

VII. Opponendum illi esset, quod sanctus Augustinus in libri i. de moribus Manichæorum capite x. scribit de appetitione novitatis: *Videtisne quomodo novitatis appetitio comite errore in magnas deducatur angustias?* Hoc objiceretur viris Academicis, qui à majorum traditione deflecterent.

VIII. Opponendum illi esset, quod beatus Capreolus Carthaginienfis Episcopus ad Ephesinæ Synodi Patres scribit: *Quibuscumque erroribus novis resistatis, ne hos, quos pridem impugnavit Ecclesia, hisque temporibus repullulantes, Apostolica Sedis auctoritas, Sacerdotumque in unum consonans sententia oppressit, secunda disputationis prætextu, vox jamdudum ablata revocare videatur.* Et paullo post: *Siquis ea, quæ jam olim dijudicata sunt, de novo in disputationem vocari sinat, is sanè nihil aliud facere censebitur, quàm de fide, quæ hæcenus valuit, ipsemet dubitare.* Capreolus nihil intendit aliud, nisi ut rejecta novitate retineatur antiquitas nisi ut quod erat olim traditum, servetur, & quod est adinventum nuper, explodatur, ut exploderetur, quod Academici quidam magistri contra majores tentarent.

IX. Opponendum illi esset, quod Celestinus Papa I. scribit ad Episcopos Galliæ: *Merito causa nos respicit, si silentio faveamus errori. Ergo corripiantur hujusmodi. Non sit his liberum habere pro voluntate sermonem. Desinat, si ita res est, incessere novitas vetustatem.* Apud illos Academicos vetustatem novitas incesseret, si relicta

relicta doctrinæ vetustate doctrinam novam amplecterentur; atque ita in hujus Pontificis reprehensionem incurrerent.

X. Opponendum illi esset, quod Celestini successor Sixtus III. ad Joannem scribit Antiochenum Episcopum: *Nihil ultra liceat novitati, quia nihil addi convenit vetustati. Majorum fides & credulitas nulla cœni permixtione turbetur.* In Sixtum peccarent Academici homines, qui novis opinionibus studerent, & majorum fidem & credulitatem abjicerent, & sese aliqua cœni permixtione, alienis nimirum dogmatibus polluerent.

XI. Opponendum illi esset, quod Vincentius Lirinensis adversus profanas hæreseon novationes scribit in *Communitorii* 1. capite III. *Antiquitatem sequemur, si ab his nullatenus sensibus recedamus, quos sanctos majores ac patres nostros celebrasse manifestum est.* Iterum in capite IV. *Quid igitur faciet Christianus Catholicus, si se aliqua Ecclesiæ particula ab universalis fidei communione præciderit? Quid utique, nisi ut pestifero corruptoque membro sanitatem universi corporis anteponat? Quid si novella aliqua contagio non jam portunculam tantum, sed totam pariter Ecclesiæ commaculare conetur? Tunc item providebit, ut antiquitati inhaereat, quæ prorsus jam non potest ab ulla novitatis fraude seduci.* Hæc cum opponerentur Academiis, quæ à majorum sensibus recessissent, illæ penitus obmutescerent, & pudore suffunderentur.

XII. Opponendum illi esset, quod Facundus Hermianensis Episcopus in libri VII. capite VI. scribit: *Nam & re ipsa multum roboris ad auctoritatem addit antiquitas.* Nempe adversus illos, qui opiniones novas inducerent.

XIII. Opponendum illi esset, quod Cassiodorus Senator in libri I. de Divinis nominibus capite XI. scribit: *Sanctissimi Patres injuriam rectæ fidei non ferentes, regulas quoque Ecclesiasticas ibidem statuere maluerunt, & inventores novarum hæreseon pertinaces divino gladio perculerunt: Decernentes nullum ulterius debere novas incutere quæstiones, sed probatorum veterum auctoritate contentos, sine dolo & perfidia decretis salubribus obedire.* Sunt enim nonnulli, qui putant esse laudabile, si quid contra antiquos sapiant, & aliquid novi unde perire videantur, inveniant. Postremis verbis describuntur optimè, qui contra majores suos aliquid saperent novi.

XIV. Opponendum illi esset, quod Toletana Synodus XII. capite ultimo constituit: *Majorum traditionibus contraire, & sanctorum Patrum decreta convellere, quid aliud est, quam vinculum societatis Christi abrumperè, & usurpata præsumptionis licentia statum totius Ecclesiæ dissipare?* Hoc omnino facerent, qui quod in Academiis à majoribus sancitum est, mutarent, & opiniones novas in auctoritatem admitterent.

XV. Opponendum illi esset, quod Jonas Aurelianus Episcopus scribit in libro I. de Imaginibus contra Claudium Taurinensem Episcopum: *Noli transgredi terminos, quos posuerunt patres tui, ne forsan, qui humilia eorum despiciens, ad alta tibi volare videris, quò altius apud te metipsum sublevaris, eò profundius à dantore superbientium in ima tartari demergaris.* Hæc quoque adversus eos flecterentur, qui in Academia sua majorum terminos transgredi non vererentur.

XVI. Opponendum illi esset, quod Radulfus Flaviacensis scribit in Matthæi caput VII. *Respicienda est majorum auctoritas, & quod illi credendum, sive agendum docuerint, hoc semper tenendum.* Hic nihil nisi perversum quid ab iis respondebitur, qui à Patrum suorum sententia discessissent.

XVII. Opponendum illi esset, quod S. Bernardus epistola CLXXIV. scribit ad Lugdunenses Canonicos: *Nunquid patribus doctiores & devotiores sumus? Periculosè præsumimus, quidquid ipsorum in talibus prudentia præterivit. Nec verò id tale est, quod nisi præferendum fuerit, patrum quiverit omnino diligentiam præterisse.* Ber-

nardus arguere videtur illos Academicos, qui majorum doctrinæ & placitis nuntium remisissent.

XVIII. Opponendum illi esset, quod Bellarminus & alii, qui notas Ecclesiæ disquirunt, sibi vindicant, his scilicet annumerandam esse doctrinæ antiquitatem, quæ in Ecclesiæ novitati semper præponenda est.

XIX. Verumenimverò Deuteronomi auctoritas sufficeret, quæ quid in re simili faciendum sit, in cap. XXXI. præstituit: *Interroga patrem tuum, & annuntiabit tibi, majores suos & dicent tibi.* Sic auctoritate Scripturæ nullo negotio constringerentur Academiæ, vel Academici homines, qui defixos à patribus suis terminos convellerent, qui saperent aliter vel docerent, quam majores sapuerint aut docuerint. Hic temperare mihi non possum, quin observem, Eudæmonjoannem Bellarmini vestigiis insistentem mala tria intulisse in Ecclesiæ. 79

Et primò quidem cum Catholicis Academiis omnibus tribuit, quod minimè tribuendum fuit. Id enim nonnisi temere vel consilio fieri potuit. Huc pertinet, quod beatus Augustinus in libri I. de Genesi ad litteram capite XIX. ita scribit: *Turpe autem est nimis, & perniciosum, ac maxime cavendum, ut Christianum de his rebus, quasi secundum Christianas literas loquentem ita delirare quilibet infidelis audiat, ut (quemadmodum dicitur) toto cælo errare conspiciens, risum tenere vix possit.* Et non tam molestum est, quòd errans homo deridetur, sed quòd auctores nostri ab eis, qui foris sunt, talia sensisse creduntur, & cum magno eorum exitio, de quorum salute satagimus, tanquam indocti reprehenduntur atque respuuntur. Cum enim quemquam de numero Christianorum in eare, quam optimè norunt, errare deprehenderint, & vanam sententiam suam de nostris libris asserere, quo pacto illis libris credituri sunt de resurrectione mortuorum, & de spe æternæ vitæ, regnòque calorum, quando de his rebus, quas jam experiri, vel indubitanis numeris percipere potuerunt, fallaciter putaverint esse conscriptos? Quid enim molestie tristitiæque ingerant prudentibus fratribus temerarii præsumptores, satis dici non potest, cum si quando de prava & falsa opinione sua reprehendi, & convinci caperint ab eis, qui nostrorum librorum auctoritate non tenentur, ad defendendum id, quod levissima temeritate & apertissima falsitate dixerunt, eosdem libros sanctos, unde id probent, proferre conantur, vel etiam memoriter, quæ ad testimonium valere arbitrantur, multa inde verba pronuntiant, non intelligentes, neque quæ loquuntur, neque de quibus affirmant. 80

Deinde, cum ea rationum momenta suppeditant quibus Catholici Doctores adversus hæreticos pugnantes exarmentur. Scilicet doctrinam novam inducunt periculosissimam, & inducendo nova hæreticorum dogmata sustentant. Quæ enim fronte & fide qui doctrinam in religione novam tradit, doctrinam aliam in religione novam oppugnabit? Et tamen hominum genus hoc in clamat perpetuo: Novatores hæretici! novatores hæretici! profanas vocum novitates devita. Optimè verò: sed devita tu ipse, qui devitandas illas esse denunciast. Meram esse cum illis collusionem dicere non audeo, sed rem collusioni similem esse, dicere non reformido.

Denique, cum Sedem Apostolicam bonis omnibus odiosam perinde reddunt, ac si hæc dogmatibus novis hujusmodi re ipsa faveret, & ea foveret.

Id autem cum tu rectè perspiceres, non miror, cur dedignatus fueris Eudæmonjoannis consilium & assertionem; cum ex re, quæ hoc per se ipsa postulat, tum ex eo quoque, quòd tu ejus si nominis & gentis, in quæ mores antiqui, ut maxime probantur, ita & maxime coluntur: Quod est certissimum & virtutis & scientiæ argumentum. Vale. Lutetiæ Parisiorum pridie Calend. Febr. ann. MDCLXVI.



# Joannes Launoius,

EIDEM

## HENRICO BARRILLONIO.

**C**UM nuper de Hadriano VI. Pontifice colloquebamur, variam admodum fuisse illius fortunam observabas. Res sic se habet. Multiplex scientia, Philosophia, Theologia, Juris utriusque cognitio, & omni virtutum genere cumulata natura fecerunt, ut Hadrianus abiens, nihil minus cogitans, in Pontificem optaretur. Communi Patrum consensu optatus est. Atque hoc <sup>deus</sup> visum quamplurimis. Optatus Sedi Apostolicæ bonorum applausu magno præfuit, perfectum atque expletum suis numeris & partibus Episcopatum gessit, & in eo omnibus præterquam malis se probavit; satisfecit. Hinc postquam ex hominum colluvione discessit, succedentium paulatim temporum iniquitatem experiri ac sentire cepit. In Episcopalis officii non bene gesti suspensionem venit apud eos, qui sæculari potius quam religiosa prudentia regendam esse Ecclesiam præ se ferunt. Sforza Cardinalis Pallavicinus obtrictatorum Hadriani calumnias in se recepit, & hitoriae Tridentini Concilii intulit. Hadrianum quidem Pontificem esse egregiis moribus ornatum, sed ad gubernandam Ecclesiam minus aptum, non idoneum, qui munus sustineret tantum, & qui publicis Sacerdotiis præfideret. Mihi crede, inquiebas, Pallavicini verba sunt hæc in libri 1. de Tridentini Concilii historia capite

19. *Fu Ecclesiastico ottimo, Pontefice in verità mediocre: Clericus fuit optimus, Pontifex reipsa mediocris.*

Cur autem Curiales magistri, qui temporari servitium esse putant, & cuncta suis metiuntur commodis, sic de Hadriano detrahant, in causa fuerunt tria: Et primum quidem Hadrianus vivere instituit, ut docuerat. Lovaniensis Theologus docuerat, Clerico de bonis Ecclesiæ nihil præter victum & vestitum sibi sumendum esse: Romanus verò Pontifex de bonis Ecclesiæ nihil præter victum & vestitum sibi sumpsit, ut cæteris exemplum præberet, forma gregis factus. Sed quoniam in quartum sent. ubi de restitutionis materia disputat, quæstionem hanc accuratè tractat ac diligenter, eam referre penè totam, operæ pretium esse duxi.

Quæro, inquit, an Ecclesiasticus ultra victus decentem necessitatem consumens de bonis Ecclesiæ teneatur ad restitutionem. Et quibusdam interpositis: Pro responsione ad quæsitum ponam aliquas conclusiones. Prima est: Decima & cætera temporalia dantur ministris Ecclesiæ, ut aliorum ministeriis sustentati soli Deo, & ejus verbo vacare possint, & efficacius apud Deum populi peccata supportent. Patet Numerorum XVIII. Filiis Levi dedi omnes decimas pro ministerio, quo serviant mihi in tabernaculo fœderis, ut alii ad illud non accedant, solis ipsis mihi ibi servientibus & supportantibus peccata populi, & II. Paralipom. XXXI. dicitur, ut possint vacare legi Dei. Et glossa Josue XIII. lex Dei commissæ est Sacerdotibus & Levitis, ut huic soli operam tribuant, & verbo Dei absque ulla sollicitudine vacent, laicorum ministeriis sustentati. Item oblationes & quæcumque oblata Ecclesiæ dicuntur vota fidelium & probra peccatorum. XI. quæst. 1. Videntes. Et Ozeæ IV. peccata populi, quæ Sacerdotes comedunt, quia pro peccato oblata: Qui quidem peccata comedere dicuntur, quia precibus suis ea delent atque consumunt. 1. quæst. 1. ipsi Sacerdotes. Ex qua con-

clusionem sequitur, quòd Clericus perditè vivens, & Deum continuo pravis moribus stimulans, aut officium debitum prætermittens teneatur restituere, quidquid de fructibus Ecclesiasticis expenderit. Patet, quia suscipiens aliquid ad causam, quam præstare non curat, teneatur perceptum restituere, ut patet ff. de condit. cau. data. Et non se, per totum. Et ergo quemadmodum pauper suscipiens elemosynam ut oret, si non oraverit obligatur & teneatur restituere, ita in proposito. Et hæc est ratio, quare curam suscipiens, ut ad annum fructibus gaudeat, non intendens ad sacerdotium promoveri, postea illam dimissurus, teneatur illos restituere, quia fraudulenter perceptos, ut habetur in ca. Commissa de electione libri VI. nisi intentione mutata: &c. Ut ibidem dicitur. Et eadem est ratio de aliis beneficiis, cum non intendit suo tempore debitum servitium impendere. Ex quo patet error glossæ de recipiendis distributiones quotidianas non interessendo Divinis: Nisi consuetudo illa ratione mixta fuerit, quia hoc interesse Divinis per absentes in melius commutabatur, puta in orationes devotas, &c. aut saltem aequè bonum, quia sic tacitus præsumeretur fundatorum consensus. Sed de hoc glossa non meminit. Veruntamen sicut pauper non teneatur illi reddere, à quo accepit, cum ille jam dederit Deo, sed debet reddere Ecclesiæ vel pauperi, ita est de fructibus beneficiorum. Et pro illo est cap. Verum de condit. appof. quia scilicet donatio facta Ecclesiæ sub modo non revocatur, nisi cautum fuerit. Cujus rationem dat Panormianus, quia modus adjectus non præsumitur esse causa finalis. Hinc Hieronymus tractans illud Esaie IIII. Popule mi, qui te beatum dicunt, ipsi te decipiunt. Raptores, inquit, sunt qui capiunt temporalia & non seminant spiritualia, ut Apostolus prima ad Timotheum quinto. Qui bene præsumunt Presbyteri, duplici honore digni habeantur, maxime qui laborant in verbo & doctrina. Dicit enim Scriptura: Non alligabis, &c. Hujus dat aliud simile Alexander de Hales III. part. quæst. XXXVI. membro & art. dicto. Si agricola detur pecunia, ut in agro laboret, & ipse acciperet & non laboraret, raptor est & fur. Similiter videtur de istis, quæ bona Ecclesiæ in necessariis expendunt, sed non deserviunt.

Secunda Conclusio est sententia Sanctorum. Qui superflua retinet, & pauperibus non largitur, sive Ecclesiastica, sive secularia fuerint bona, raptor & invasor & fur dicitur, sed ad restitutionem minime obligatur. Prima pars patet. Primo ex verbo Hieronymi: Aliena, inquit, rapere convincitur, qui ultra necessaria sibi retinere probatur, XLII. distinct. in principio: Secundò Ambrosii. proprium nemo dicat quod commune, plusquam sufficeret sumptui, violenter obtinuit est. Et infra: Tantorum te scias bona invadere, quantis possis præstare quod velis, XLVII. distinct. sicut II. Tertiò verbo Augusti. sermone CCXIX, de tempore. De novem partibus student elemosynam dare pauperibus. Ita tamen, ut quidquid excepto victu mediocri & vestitu rationabili superfluerit, & non luxuria reservetur, sed in thesauro cælesti per elemosynam pauperum reponatur. Quidquid nobis Deus plusquam opus est dederit, non nobis specialiter dedit, sed per nos aliis erogandum transmisit, quod si non dederimus, res alienas invasimus. Et idem. Nonne omnes qui sibi videntur gaudere conquisitis, eisque uti nesciunt, alienum possidere convincimus? Omne enim quod male possidetur alienum

alienum est, malè autem possidet, qui malè utitur, XIII. quest. 111. quid dicam. Item Isidorus in libro Etymologiarum, ut patet extra de verborum significatione. Jus dictum est. Et secunda pars Conclusionis patet: Quia proprietas vera apud illos deteriores residet. Etiam in restitutione non solvitur obligatio, seu extinguitur ex mutatione conditionis in aliis, sed si prius sint pauperes e-gentes, pro nunc censeri occupare aliena, post cum cœperint non egere, possum licitè de meis pro arbitrio disponere.

Tertia Conclusio: non licet Sacerdoti aut alteri præbendam de bonis Ecclesie ultra victum sobrium & decentem sibi usurpare, vel ex eisdem cognatos divites facere. Prima pars patet, primò per illud Hieronymi: De altario tibi o Sacerdos vivere licet, non luxuriari. Luxuriatur autem quicumque præter statum decentem necessitatem plus debito expendit in cibis aut vestibus. Luxus namque & luxuria omnis abundantia dicitur. Quo significato prohibetur, ne Clericus sinat comam luxuriari. Idem probat verbum Bernardi in epistola XLII. prius allegatum, & aliud ad quendam Canonicum, quod inter epistolas ejus nondum reperi. Item Augustinus sermone ad Sacerdotes, qui ponitur XXXVII. inter sermones ad Fratres in eremo. Memento, inquit, quod pauperem vitam 6 Sacerdos gerere debet, & ideo si superbam habet, si magno gaudet beneficio præter victum & vestitum, quod superest, pauperibus dare non differat, quia omnia pauperum sunt. Verbum autem illud, quod negare non debet fidelis, Qui altari servit, de altari vivat, omnino verum est, quia non licet Sacerdotibus manibus operari, ligonizare, ferrum fabricare, & similia. Hoc autem propter reverentiam, & tanti Sacramenti dignitatem magis ad seculares, quam Sacerdotes pertinet. Ne ipsi Sacerdotes Dei fame pereant, vel nuditate. Ideo dignum est, ut qui altari, &c. Secunda pars patet auctoritate ejusdem eodem sermone præmissa, quemadmodum seculari potentia procurantes præbendas cum Giezi & Juda damnati sunt; Subjungit: Divites raro vel nunquam pauperibus Sacerdotibus præbendas procurant, & si procurant, non Dei timore procurant, sed ut cum uxore & familia de bonis Ecclesie gaudere valeant. Et ideo sciat Sacerdos, qui timore vel amore defraudari se à divite permittit, quod impunitus non remanebit, & si non in presenti, saltem in futuro igne aeterno non carebit. Item Prosper: Ecclesia Pastor, quibus sua sufficiunt, non debet aliquid erogare, quandoquidem nihil aliud sit habentibus dare, quam perdere. Nec illi, qui suadentes dari sibi aliquid volunt, sine grandi peccato suo, unde pauper victurus erat, accipiunt. 1. quest. 11. Pastor. Ergo non licet de bonis Ecclesie divitibus dare, & per consequens minus cognatos, seu consanguineos proprios ex eisdem ditare. Et Ambrosius primo de officiis cap. 111. Melius est, ut ipse tuis subvenias, quibus pudor est ab aliis sumptum deprecari, non tamen ut illi ditiores fieri velint ex eo quod tu auferre potes in opibus. Neque enim propterea te Deo dedicasti, ut illos divites facias. Sed ut tibi vitam perpetuam fructum boni operis acquiras, & pretio miserationis peccata tua redimas. Putant se parum poscere, primum quarunt tuum, contra accusant, quod eos divites non feceris, cum te velint illi parentes aeterna vita fraudare mercede. Item XXXVII. Canon Apostolorum. Omnium negotiorum Ecclesiasticorum curam habeat Episcopus, & ea velut Deo contemplante dispenset, nec ei liceat ex iis aliquid omnino contingere, aut parentibus propriis, quæ Dei sunt condonare. Quod si pauperes sunt, tanquam pauperibus subministret, ne eorum occasione Ecclesia deprædantur. Allegatur 1. Cap. quisquis, XII. quest. 11. & Hieronymus. Præter victum & vestitum, & manifestas necessitates nihil cuiquam tribuas, ne filiorum panes canes comedant, XVI. quest. 1. si cupis. Et est ratio, quia quidquid habent Clerici, pauperum esse debet, ut dicit Hieronymus ad Damasum Papam, XVI. quest. 1. quoniam ubi & eos Clericos absque sacrilegio de bonis Ecclesie sustentari posse negat, qui parentum sustentari possunt opibus, cujus ve-

ritatem in sequentibus pertractabo. Defrauderentur ergo pauperes, & cetera.

Quarta Conclusio: quemadmodum mobilia & immobilia Monasterii Conventus habent proprietatem & dominium, & non singuli monachi, ita in seculari Ecclesia omnes & non singuli Canonici sunt domini, & proprietatem habent bonorum, quæ spectant ad mensam Capitularem, sed singuli sunt domini portionis fructuum, quam annuè levant, ut stipendium. Prima pars patet auctoritate Hieronymi concludentis, quia quidquid habent Clerici & cetera, liberum est Monachis & Spiritualibus viris decimas & oblationes cunctaque remedia concedere, & de jure suo in dominium illorum & usum transferre. XVI. quest. 1. Præterea si proprietas omnium bonorum Ecclesie resideret apud Christum, vel universitatem Cleri aut Ecclesie, ut volunt communes opiniones Juristarum, quas gloss. tangit in cap. Expediit. XII. quest. 1. non possit Summus Pontifex specialiter in se, vel Sedem Apostolicam quorumcunque proprietatem suscipere contra C. exiit qui seminat, de verb. signif. lib. VI. & exivi de Paradiso. Eodem tit. Cle. aequè enim illa quæ offeruntur minoribus Christo dantur, vel Ecclesie, aut universitati Clericorum, sicut quæ offeruntur quibuscunque aliis Conventualibus vel Secularibus Ecclesiis. Neque essent dominia illorum in incerto, quanquam donantes absolviè transferant, non servantes sibi rerum concessarum proprietatem, quod innuit manifestè dicto cap. exiit. Neque obstant motiva pro contrario C. Qui Christi pecunias & Ecclesie aufert, &c. Et cap. qui abstulerit, XII. quest. 1. & C. cum ex eo de Cle. lib. VI. Cui ut solidiori fundamento Panorm. innuitur in cap. Cum esse, quia de Clericis quibusdam ibi dicitur quod fuerint patrimonio Christi sublimati, quia aequè omnium immobilium quæ Minores occupant, diceretur Christus vel Ecclesia dominus, quorum tamen Sedes Apostolica habet proprietatem: Diceretur ergo Christi patrimonium bona Ecclesie, quia in suis membris Christo donata. Secundam partem præbo, quia non sunt quoad proprietatem sortiendam deterioris conditionis Clerici, quam alii pauperes, sed si portio alicujus Canonici, tota daretur pauperi, aut certè militi pro redemptione captivi, nullus ambigeret in illam proprietatem transferri, ergo. Pro eodem est cap. unicum de Ele. non resig. supra allegata. Præterea nisi sic, non deberet passim creditoribus satisfieri de fructibus beneficiorum. Refert autem collectarius in cap. Odoardus. de solu. se vidisse in Curia, quod Clericus nihil habens de patrimonio admittit fuit ad cedendum fructibus beneficii; deductum quantum sufficit pro administratione Divinorum. Et quanquam Doctores aliqui velint, hoc solum procedere, cum pro sustentatione sua Clericus debita contraxerit, videtur divinatio ad Cap. Olim 11. de restit. spo. ubi neque dicitur, quod debita post pulsionem de Episcopatu contraxerit, ut sic intelligatur pro sui sustentatione contraxisse, ut vult Panor. neque pro sua sustentatione, sed potiùs antequam pulsus esset, etiam partem aliena diocesis occupaverit, quam cum fructibus perceptis restituere compelli jussus erat. Et hujus opinionis est Hostiensis, & Dominus Antoninus in Cap. pervenit. Faciunt etiam superius allegata.

Ex quibus infero corollarium responsivum ad quæsitum. Ecclesiasticus de bonis Ecclesie prodigè & inutiliter expuens, juxta sententiam Sanctorum rapinam committit, & sacrilegium; sed restituere non tenetur. Prima pars patet ex verbo Bernardi ad quendam Canonicum, prout allegatum ab Alexandro de Hales supra posui. Item per glossam Hieronymi super verbo Domini Esaiæ 111. Vos enim depasti estis, &c. Reor hoc fuisse inter senes & principes veteris populi, quod inter Episcopos & Presbyteros nostri temporis. Nostri quoque principes cum pauperes delinquentes publice arguant & confundant, divitibus pejora peccantibus, nec nutum faciant, in quorum domibus rapina pauperum, dum Ecclesie opes sibi thesaurifant, & in deliciis abutuntur, quæ ad sustentationem pauperum dantur, & sibi reservant, vel propinquis distribuunt, & aliorum inopiam suam vel suorum divitiis faciunt. Item



rem quod decimas non solvit, vel oblationes defunctorum Ecclesiis reddere demorat, dicitur pauperum necator & sacrilegium committere per cap. Decima, XVI. quest. I. & cap. Qui oblationes defunctorum, XIII. quest. II. Ergo ubi res Sacerdos inutiliter expendit, & pauperibus delegatas non dedit, eodem crimine irretietur, rapina videlicet, furti, & sacrilegii. Idem probavi supra de quibuscunque, qui aliis fame laborantibus superflua retinent, & certe quod crimen minus non sit, cum in deliciis abutitur & in pompis expendit. Ambrosius firmat sermone LXXXII. Quis, inquit, tam injustus, tam avidus, tam avarus, quam qui multorum alimenta non suum usum, sed abundantiam & delicias facit. Neque enim minus est criminis, quam habenti tollere, &c. Et infra: Si dicas bona sunt verba, sed melius est aurum, nil mirum. Nam & si quis cum impudicis de pudicitia loquatur, & scorta vituperet & exprobet, ii animi quibus libido dominatur, ex ipsa commotione ad impudicitiam multo acrius incenduntur, & cetera, & supra eo serm. LXXXII. dicit, & quid mihi videtur hac passio (avaritiae scilicet) similis esse iis, qui tantum gula indulgent, ut disrumpi magis nimio cibo eligant, quam alicui indulgere reliquias egentis. Sed recordare, o homo, quis est, qui largitus est tibi; te ipsum, quis sis, in memoria revoca, servus es Dei, & dispensatio tibi commissae est Dominica facultatis. Recordare ergo quis est, qui tibi injunxit officium dispensandi familiam suam. Et infra: Nec existimes, quod omnia ventri & deliciis tuis terra producat, quae in manibus habes, commissae tibi magis quam concessa cognosce. Et idem in sermone VI. Vides ergo, qui pecuniam appetit, fidem perdit, qui aurum redigit, graviam prodigit. Quid tunc censeri debet de Sacerdotibus, qui Christi sanguinem & pretia peccatorum prodigunt, atque in deliciis abutuntur, contra quos Salvator noster Christus Jesus exclamare intelligitur: Quae utilitas in sanguine meo, dum discendo in corruptionem? Ps. xxix. Quid enim prodest ob Christi Passionem hac oblata esse, si peccato essent, & quam placare debuerant Dei iram, abundantius provocent?

Secundam partem videlicet, quod prodigè consumpta vel donata restituere non teneantur, proba. Pauper in deliciis abutens eleemosynis, vel prodigè eas donans aliis, non obligatur ex hoc tantumdem restituere, nisi aliud intervenierit, puta vel non oraverit, aut aliud perficere omiserit propter quod finaliter ipsi data est eleemosyna. Praeterea ex abusu, & dilapidatione talium bonorum, quorum ipse proprietatem & dominium sortitus est, soli Deo obligatur: Ergo non tenetur restituere. Consequentia tenet, quia obligatio restitutionis est ad aliquod determinatè reddendum, non autem obligatio, qua tenemur ipsi Deo ex peccato. Ut si avarus in necessitate pauperibus scilicet fame cruciatis, aut penuria pereuntibus projiciat magnum auri pondus in mare, aut gemmam confringat, unde eisdem succurrere potuit, soli Deo ex hoc ad penam obligatus est, & nihil tenetur restituere. Antecedens probatur persimile: Si Petro contemplatione Principis vel ad Principis requestam & preces, donata fuerint mille, dispensanda tamen, & expendenda ad Principis gloriam, vel ejus utilitatem; hoc casu, si Petrus totum vel partem contra Principis honorem expendit, soli Principi, ex hoc, certum est, obligabitur: Ergo similiter de fructibus beneficii, seu praebeata, qui Canonico dantur, ut ad Dei laudem, gloriam, & voluntatem illos expendat; ergo non obligatur ad restitutionem.

Et confirmatur, quia omnem hominem, quem dicit Deus, dispensatorem constituit Dominica facultatis, & commissus magis habet devotus, quam concessa, ut patet ex superioribus, nihilominus dum contra Dei voluntatem facultates commissas prodigè sparserit, aut in deliciis abusus fuerit, ad restitutionem non obligatur, ergo nec Ecclesiasticus dum bona Ecclesia, &c. Consequentia tenet, quia licet praebeatus duplici vinculo obligetur, commissae bona rectè dispensare pro Dei gloria, & ad ejus voluntatem, ubi laicus unico ad hoc vinculo astringi-

tur, quia tamen utrumque ad idem penitus stringit, ubi unius transgressio obligationem, seu necessitatem non inducit restituendi, neque utriusque transgressio hoc ipsum operatur. Quod si bona donata essent, ut in usus pauperum pro Dei gloria expenderebantur, prout de bonis hospitalium esse constat, tunc certè dispensator inutiliter ea expendens, non soli Deo obligaretur sua culpa, quoniam etiam pauperes fraudat, & hoc voluit beatus Thomas quodlibeto VI. art. XII. & sic debet intelligi Gerson, cum dicit in conclusionibus: Si praebeatus certa bona habeat pro pauperibus instituta, & illa consumit ad alios usus, ipse restituere obligatur: Secus si totum sit commissum fidei suae, ubi etsi peccet graviter & sacrilegè, quandoque abutendo bonis illis luxuriosè, tamen restituere non tenetur, quando videlicet totum sic fidei ejus committitur, quod ad specialem usum non arctetur. Sed dices: Suscipiens sub fidei commissio centum aut mille ea conditione seu modo, ut deducto quantum sibi pro victu mediocri fuerit necessarium, residuum det Petro, talis quantum prodigè expendit, tenetur Petro restituere. Sed Ecclesia donata sunt pradia; item decima ac alia, ut deducta necessitate ministrorum, residuum in usus pauperum recondatur: Ergo quidquid in malos usus vel prodigè, & cetera. Respondeo ad minorem, quod bona Ecclesia non ita sunt specialiter ad pauperum sustentationem delegata, sed ad ministrorum sustentationem, & alium quemlibet usum pium, cedentem specialiter ad Dei honorem. Unde possunt licetè expendi in luminaria Ecclesiae, in libros Divinae legis explanationem continentes, & sic de aliis, nullius desuper requisita auctoritate vel assensu; quod minimè liceret, si specialiter usui pauperum deductis necessitatibus ministrorum essent delegata. Juxta Clement. quia contingit, de reliqua. Ubi dicitur, cum ea quae ad certum usum largitione sunt destinata fidelium, ad illum debeant non alium salva quidem Sedis Apostolica auctoritate converteri. Nec obstat, quod à sanctis omnia Ecclesia bona dicuntur Pauperum, quia dicuntur eorum, non quia jure proprietario ad eos spectent, vel specialiter eorum usui destinata, immo similiter dicuntur superflua, quae divites retinent, pauperum esse, & per eos aliena occupari, quorum proprietates, certum est, apud divites residet. Et licet in usum magis pium si occurrat, expendere, quam in pauperum alimoniam, puta in tuitionem fidei pro stipendiis militum, ubi necessitas urget, & sic de similibus: Sed dicuntur eorum, quia eis in necessitate debita, magis vel aequè pio usu non occurrente.

Hæc Hadrianus Theologus docuit, hæc Hadrianus Pontifex observavit, ditandis consanguineis, cumulandis opibus, aut extruendis ad pompam ædificiis non vacavit. Exinde factum est, ut Hadriano exprobrari non potuerit, quod Jacobus Cardinalis Papiensis Paulo II. sic exprobrat in epistola cclxxii. Pontifex Paule est tibi ut video magna aternitatis cupido: Prædicare te optas sequentia secula. Numismata eam ob causam tuæ imaginis non cedis modo, sed fundamentis ædificiorum, parietibusque admisceas, ut illis vetustate ruentibus exiliant post mille annos monumenta nominis Pauli. Titulos etiam operibus jubes incidi, quæ vel publica sunt, vel usum domesticum habent. Amulator quoque vanitatis antiqua saculares ludos, & epulum Romano populo exhibes. Similia his moliris, multa illuc uno affectu tendentia, ut Pontificatus tuus post te non sileatur. Ignosce Paule. Veram laudem ista non habent. Sacerdotalis non putatur officii. Vanitas est his intendisse. Sapiens nemo numismata, & titulos, & lasciva plebis delinimenta probavit, peccatum etenim continent. Videntes ea, audientesque posteri sectatorem quandam inanem gloriam te fuisse conjiciunt: Ita quod minimè queris, ignominiam pro laude invenies. Gloria nostra hæc est, ait Apostolus, testimonium conscientia. Quare ergo ut conscientia tua satisfaciatur Deo, & in illum respiciatur: parabis tibi gloriam permansuram, quam nunc quaerens non invenis. Opera autem aternitatis in Pontifice sunt,

sunt, vitam immaculatam prestare, lapsam Ecclesia disciplinam erigere, restituenda libertati Clericorum intendere, sic iustitia cultorem esse, ut tamen misericordia sit recordatio, in bonis causis intrepidum se prestare, non vultus non minus potentum timere, potius vitam conscientiam ducere, in specula credita excubare, ad publicam gregis salutem oculos semper intendere, nihil suum credere, quod Christi non sit. Meditari jugiter de miseris Christianis, qui proximi infidelibus sunt, praesidia his mittere, incitare Principes ad capeienda pro fide arma, ducatum si opus sit, illis prestare, thesauros in piam hanc causam effundere, paritate non impediri, missione Legatorum, protectione etiam propria, si expediat, pacare regna, nullibi ob causam privatarum dissensiones optare, conari, ut ministerium Sedis ubique sit salutare, domi bene compositum esse, non iracundum, non impatientem, non male de ministris, qui probati sunt, aestimare, pariter noctem & diem ad opus vicissim & quietem, naturam non invertere, velle, ut suo potius incommodo omnium consulari commodis, quam ut unus quies aliorum pareatur inquietudine, meminisse Gregoriani verbi, quod licet Apostolica praerunt; Servus servorum Dei. Si quando a curis vacet, lectionem sacram assumere, identidem scribere, colligere, qua memoratu sunt digna; laborare ad praesentem pariter & futuram utilitatem. His titulis, numismatibus, & ludis, & epulis paratur solida & perennis gloria. Illa secularia in inaniam sunt, ita evanescent quamprimum, nec fructum acceptabilem habent. Qui gloriatur, inquit Jeremias Propheta, in Domino gloriatur. Et Apostolus Paulus: Mihi absit gloriari nisi in cruce Domini nostri Jesu Christi, per quem mihi mundus crucifixus est, & ego mundo. Hos audi, Paule, & in querenda laude ante oculos pone: Suadebunt sanius, quam vana gentilitas. Vale. Hadrianus noster Jeremiam & Paulum audit, & ad illorum praecepta vitam composuit.

Deinde Hadrianus Pontifex fecutus est eam de Apostolicis dispensationibus doctrinam, quam Lovanienfis Theologus in scholis tradiderat, ut quaestionem hanc, *Utrum omnis dispensatio Apostolica super pluralitate beneficiorum tutum faciat hominem & securum in foro conscientiae, solverit.*

Ideo pro veritatis, inquit, decisione hanc pono conclusionem secundam. Dispensatus per Papam ad plura beneficia, si subest Ecclesiae necessitas vel communis utilitas, tutus est, si non, apud Ecclesiam militentem habet exceptionem, apud Deum autem nequaquam veram excusationem. Hanc conclusionem probo aperta sententia Bernardi de consideratione ad Eugenium libro III. capitulo sexto deducens, Pape illicitum esse, ut sic Episcopum ab obedientia Archiepiscopi, Monasteria & Capitula ab obedientia Episcopi eximat. Spiritus, inquit, homo, qui omnia dijudicat, & ipse a nemine judicatur, omne opus suum terrena quadam consideratione preveniet. Primum quidem, an liceat, deinde an debeat, postremo an & expediat. Nam etsi confiet in Christiana utique philosophia non decere, nisi quod liceat, non expedire nisi quod decet & licet, non continuo tamen omne quod licet, & decere & expedire consequens erit. Age aptemur, si possumus, ista tria operi huic. At quomodo non indecens tibi voluntate pro lege uti? Et quia non est ad quem appelleris, potestatem exercere, negligere rationem? Tunc major Domino tuo, qui ait, Non veni facere voluntatem meam? Nolo autem pretendas mihi fructus emancipationis ipsius. Nullus est enim nisi, quod inde Episcopi insolentiores, monachi etiam dissolutiores fiunt, quid quod & pauperiores. Inspice diligentius talium ubique libertorum facultates & vitas: Si non pudenda admodum tenuitas in iis, & illis secularitas invenitur, matris noxiae libertatis gemina soboles. Hac ille, & infra sibi obiciens: Quid, inquit, prohibes dispensare? Non, sed dissipare. Non sum tam rudis, ut ignorem vos posuisse dispensatores, sed in adificationem, non in destructionem. Denique quaritur inter dispensatores, ut fidelis quis inveniat: ubi necessitas urget, excusabilis dispensatio est, ubi utilitas provocat, dispensatio laudabilis est, utilitas dico communis, non propria. Nam cum horum nihil est, non plane fidelis dispensatio est, sed crudelissima

dissipatio. Item 1. ad Corinth. XIII. Non possumus aliquid adversus veritatem, sed pro veritate. Et infra: Ideo enim haec absens scribo, ut non durius agam secundum potestatem, quam mihi Deus dedit in adificationem, non in destructionem. Sed plus posuisti, & minus iustitia naturalis est in tali subordinatione huius ad illum vel alterum, quam de proportionem stipendii dati de publico ad proportionem servitii, & utilitatis impensa publico, seu communi: ergo nisi necessitas urget, ut suaserit utilitas communis, in hac pluralitate beneficiorum non censetur dispensatio, sed dissipatio, & quae hominem non tutetur. Etiam conclusio Bernardi videtur generalis maxime in iis, quae non sunt merè positivi juris. Idem expressè & in terminis vult Bernardus in epistola ad Theobaldum Comitem, ut supra dixi. Etiam in epistola ad Robertum nepotem suum, qui de licentia Sedis Apostolica transtulerat se ex Ordine Cisterciensi ad Cluniacensem, quae quidem epistola propter miraculum, quod in pluvia sine imbre servata est, prima in ordine haberi dicitur. Dicit: Quid tibi frustra quispiam blanditur de absolutione Apostolica, cujus conscientiam divina tenet sententia obligatam? Nemo, inquit, manum mittens ad aratrum & respiciens retro, &c. Et eum remittit ad conscientiam suam, & an se transtulerit ad arctius vivendum, an indulgentius. Et ex hoc iudicat, an retrospexerit, &c. Et epistola ad Adam monachum, quae est VII. in ordine. Conceperunt dolorem, sed non pepererunt iniquitatem, donec iniquus Papa conceptui praeberet assensum. Nunquid ideo aut malum esse desiit, aut minoratum est, quia Papa concessit? Quis verò malum esse neget assensum praebere malo? Quod tamen Summum Pontificem nequaquam fecisse crediderim, nisi aut circumventum mendacio, aut inopportunitate victum. Et in solis mediis vult dispensari posse, non in iis, quae pura bona sunt, aut pura mala. Praeceptis namque nequit obviare hominis prohibitio, & divini ac naturalis juris prohibitionibus nequit detrudere humana licentia, sed purum & secundum se malum est occupare stipendia publica ultra proportionem servitii & utilitatis impensa, ergo &c. Idem libro de dispensatione, & praepo. Novit fidelis servus & prudens, quem constituit Dominus super familiam suam, ibi tantum usurpare dispensationem, unde bonam possit habere recompensationem. Hoc quippe queritur inter dispensatores, ut fidelis quis inveniat, & eadem fortassis fidelitas à subditis requiritur in obtemperando, quae à praepositis in dispensando. Et necessarium à voluntario separans in tria subdistinguit, videlicet in stabile, inviolabile, & incommutabile. Stabile, quod ita necessarium est, quod non cuilibet homini mutare illud fas sit, nisi solis dispensatoribus ministeriorum Dei, id est, praepositis. Quo genere dicit comprehendere canonica instituta, ubi sane qui hoc legit attendat, me non dicere ea posse, vel ab istis leviter pro voluntate mutari; Sed ex ratione fideliter dispensari. Ideo autem hanc mutationem ipsam taliter & à talibus recipere possunt, quoniam non naturaliter, nec per se bona sunt. Et infra: Quamvis ergo charitati militent, immobiliter fixa sunt, mutari quadam non omnino, nec ab ipsis quidem praepositis sine offensa possunt. Et infra: Tenent ergo firmam fixamque immobilitatem etiam apud Praelatos, quae ex stabili necessario sunt, sed quatenus charitati deserviunt. Nunquid autem haec solus sentio, vel haec solus primus dico? An non hoc Papa Gelasius sensit? Ait siquidem: Ubi necessitas non est, inconvertibilia maneat sanctorum Patrum instituta. Leo quoque Papa: Ubi, inquit, necessitas non est, nullo modo violentur sanctorum Patrum constituta. Et infert: Ubi ergo necessitas fuerit ad utilitatem Ecclesiae, qui potestatem habet, ea dispense. Ex necessitate enim fit mutatio legis. Similiter dicit Gratianus XXXV. quest. I. cap. Ideo solvens: Quomodo Summus Pontifex possit contra legem canonum alicui privilegia concedere, dicit finaliter, quod ea potestate indulgere, considerata tamen rationis aequitate, ut quae mater iustitiae est, in nullo videatur ab ea dissentire. Idem autem videtur in dispensatione saltem de qua nunc agimus, scilicet pluralitatis in beneficiis. Item gloss. in ca. Non est. de vo. & vo. redemp. Si absque causa in voto dispenfet,



dispenset, exceptionem habet apud Ecclesiam, sed apud Deum non valebit allegatio. Ubi iudicabitur eo teste, quo iudice, IX. quest. 111. Aliorum X. quest. 111. audi. facit glos. in cap. Requiritis I. quest. VII.

Contra ista instatur primo sic: Ad peccatum Papa pertinet si dispenset super pluralitate absque causa sufficiente. Ergo dispensatus apud Deum tutus est. Consequentia patet: Sic enim arguit Augustinus ex verbo Domini Numeror. XXX. De voto abstinentia per uxorem emissio, ubi statim ut audivit, tacuit, in alterum diem differens sententiam, & si post contradicit, cum restituit, portabit iniquitatem ejus, quia lex dicit, ad peccatum viri pertinet, infert uxorem esse à transgressione voti liberam, XXXIII. quest. V. maritum ergo similiter in proposito & confirmatur valde apparenter: Si dispensator elemosynarum, utpote executor exceßerit in distribuendo uni elemosynas, & non alteri aequè vel magis egenti, nihilominus, qui elemosynam accipit, sit rerum acceptarum dominus, & non obligatur restituere. Ergo similiter in dispensatione super pluralitate <sup>21</sup> beneficiorum, &c. Præterea nisi sic, Papa non haberet plenam & liberam dispositionem in beneficiis contra C. supra inductam. Item contra hoc, quod dictum est, dispensationem solum valere propter necessitatem Ecclesie, vel utilitatem communem: Contra: Præter Ecclesie necessitatem, vel communem utilitatem etiam evidens prærogativa meritorum est causa dispensandi I. quest. VII. Tali conjugio. Et cap. de multa, de præben. dicitur, quod circa sublimes personas & literatas, quæ majoribus beneficiis sunt honoranda, cum ratio postulaverit, poterit per Sedem Apostolicam dispensari, ergo prærogativa meritorum, &c. Respondendo ad primum ut bene dicit de Palu. XXXVIII. dist. IV. quest. art. 11. Aliud est de irrotatione, aliud de dispensatione: Irrotatio enim non requirit causam, sed dispensatio requirit: In casu arguentis sit irritatio. Item text. ille dicit virum portare iniquitatem mulieris, & ita eam liberam, secus cum Papa vel Episcopus sine causa sufficiente dispensat. Etiam licet consequentia admitti possit, & debeat in jure positivo, quod etiam Papa sine causa temerare non licet, nequaquam tamen in iis, quæ sunt naturalis juris vel divini, quæ sicut non constant humana voluntate, ita nec sine causa à parte dispensandi, quoquomodo possunt relaxari, in illis enim Papa minimè legibus solutus est, sed ut ceteri, subiectus reperitur, XXV. quest. I. sunt quidam. Ad confirmationem si recipiens sufficientem causam habeat, tutus est, & alias non. Pone exemplum. Si dives ab exectore sumat relictum pauperibus; tunc enim contra iustitiam excedere non tantum conferens, sed etiam recipiens, & obligatur restituere: Sic in proposito. De hoc <sup>22</sup> latius tetigi supra in materia collationis beneficiorum. Ad secundam confirmationem dico: Liberam & plenam dispositionem habet quoad homines, quia de ejus iudicio disceptari non licet, XV. quest. IV. si quis suadente. Sed Deus servat eum suo iudicio servandum. IX. quest. 111. Aliorum, sed ut in eo cap. Aliorum, dicitur, habet necessariam inquisitionis formidinem, licet eum Deus suo servaverit examini, quia non habet apud illum reus de allegationis nitore subsidium, quando ipsorum factorum utitur eo teste, quo iudice. Et certè text. illius Clem. solum prætenedit ad Summum Pontificem spectare plenam & liberam dispositionem beneficiorum libertate opposita subiectioni ad jus humanum, puta canonicum. Ipse namque, quia Princeps, legibus illius solutus est, I. Princeps. ff. de leg. Sed Dei & nature legibus astringitur, & eas servare tenetur, non in dispensatione tantum beneficiorum, sed in vita & opere. Unde dicit de Pal. XXXVIII. IV. quest. art. IV. in tertia Conclusionem de causa dispensationis agens, quia in positivis sic volo, sic jubeo, sit pro ratione voluntas, quia quod Principi placuit, legis habet vigorem. ff. de Const. Princip. & sicut lex quamquam dura ab omnibus servanda est. XIX. dist. in memoriam, quamvis contradicat Isidorus, quia lex erit, quod ratione constituitur: Sed in iis, quæ sunt juris divini secus, ut notatur in cap. Non est, de vo. & vo. redemp. & debent considerari illa, an licet, decet, & expedit. Cap. Magna, eodem tit. reprehendens propterea

Hosiensem, qui dicit Papam super pluralitate pro libito posse dispensare: Unde dicit; sicut Episcopus, quia non est supra jus positivum, non potest super iis, quæ sunt juris positivi, nisi ex causa legitima dispensare; Ita nec Papa <sup>23</sup> super pluralitate beneficiorum, cum innitatur juri naturali & intentioni fundatorum, qui potuerunt in traditione sui modum ac legem imponere, per quam plures & non pauciores Deo servirent. Et ergo periculosum est habere plures præbendas minùs pingues, quam paucas pinguioribus, quia præjudicat pluribus melioribus, qui fortè nec unam habent. Subdit, quod debet esse talis causa, quod melius sit recedere à jure communi, quam tenere, & non sufficit esse aequè bonam; alias erit dissipatio, & non dispensatio, & peccat uterque, scilicet, dispensans etiam Papa, & dispensatus si sciat: Pro quo allegat Hosiensis in dispensatione super voto. Hoc dictum suum limito nisi fiat in merè positivo, quia tunc dispensans, quia malè sua potestate utitur peccat, non dispensatus, quia positivum juris vinculum per dispensationem est sublatum, & nulla alia lege ad factum illud tenebatur. Et paulo post: Et concludit finaliter, quod is, cum quo super pluralitate beneficiorum etiam per Papam utilitate tantum privata suadente dispensatur, quoad Deum tutus minimè existit.

Ad aliud de prærogativa meritorum dico, quod nunquam est justa causa dispensandi in statutis sive constitutionibus communibus, nisi cedat in communem utilitatem. Quæ enim ad bonum commune præfixa sunt, ob privatum commodum mutari non debent. XXV. quest. I. quæ ad perpetuam. Et plurimorum utilitas unius utilitati vel voluntati præferenda est. VII. quest. I. scias. Nec certè sufficit eminentia seu prærogativa meritorum, nisi ad causam faciat illius, in quo dispensandum. Non enim statim vir bonus, bonus civis est. V. Ethic. & 111. Politicorum. Quod <sup>24</sup> autem specialiter exprimitur, ea ratione factum credo, ut sciatur, quod etsi de propinquo utilitas non speretur, ponit tamen ob persona dignitatem, &c. Quia expedit Ecclesie columnas fortes, viros, scilicet probatos habere, qui hereticis & aliis scindentibus Ecclesiam resistere possint.

Ex his omnibus patet, quod neque per dispensationem, neque sine dispensatione licet alicui immoderatum stipendium ex beneficiis suscipere, sed moderatum ex simplicibus sine dispensatione, vel aliis cum dispensatione.

His adde, quæ habet de sacramento Confessionis, ubi quæritur: An Papa possit dispensare de tempore confessionis: Cum probabile dubium est an Papa super aliquo dispensare potest, an non, nisi perungi possit via discussionis ad veritatis decisionem Papa dispensans peccat, & is qui hoc casu utitur dispensatione, quia uterque committit se discrimini: Et ita cum amet periculum peribit in illo, juxta sententiam Sapientis Ecclesiast. 111. Verum excusabitur inferior, si bene præsumens de superiore credit Papam hoc non tentare ante veritatis inventionem, quia ignorantia talis pro invincibili habetur. Et sic procedit verbum August. in cap. quid culpatur XXXII. quest. I. Nam si Papa dicatur posse dispensare, quoties probabile dubium fuerit, an possit, nullum esset probabile dubium, an Papa super aliquo dispensare possit, quin dubium probabile inferet eum pro certo & indubiè posse.

Quod autem Hadrianus sese in distribuendis sacerdotiis ad suam doctrinam composuerit, illustri confirmari potest exemplo: Id Odoricus Rainaldus in tom. xx. Annalium Ecclesiasticorum refert his verbis: Testatur Hieronymus Niger, Hadrianum <sup>25</sup> voluntatum suarum maximè in iis, quæ ad religionem spectant, tenacissimum fuisse, tantæque prædium integritate, ut cum in nepotem sacerdotium annui census septuaginta Ducalium aureorum contulisset, illæque paulo post aliud pinguius, quod ad centum aureos ascendebat, postulasset, illum acerbissimis verbis corripuisse, præcepissetque, ut cupiditatis modum poneret: Prius enim sacerdotium illi sustentando sufficere: Ac demum multorum precibus permotum assensisse, ut postereus sacerdotium opulentius consequeretur ea lege,

ut priore se abdicaret: Neque enī pari velle, ut quisquam duo sacerdotia, quibus animarum cura demandata est, conjuncta gerat; sēpiusque id adagium repetere consuevisse, Ecclesiis Sacerdotibus non Sacerdotes Ecclesiis se ornare velle: Caterum corruptos aulicorum mores adeo repentinam mutationem non luros addidit Niger ipse exaratis Roma xv. Aprilis MDXXII. literis.

Est ne mediocris reipsa Pontifex, qui prae se fert, ornandas esse Sacerdotibus Ecclesias, non vero ornandos esse Ecclesiis Sacerdotes? Nonne Hadrianus in axioma hoc tanquam in brevi quadam tabella comprehendit, quidquid Paulus in Epistolis ad Titum & Timotheum, quidquid Gregorius in Pastoralī suo, quidquid sacri Canones de instituendis Ecclesiae ministris tradiderunt? Nonne hoc pacto Romanam emendabit Curiam, & Sedi Apostolicae pristinum splendorem asseret? Pallavicinus id genus consilii & remedii Pontifici mediocri tribuet, & summo abjudicabit.

26 Hæc est Hadriani optimi Theologi doctrina, hæc disciplina, quam Hadrianus Pontifex optimus in auctoritatem admisit, cui se in exercendo munere suo dedit.

Ad tertium venio, idque omnium maximum ac gravissimum, in quo sanctissimus Pontifex Romanæ Curiae vitia & abusus emendare statuit. Religiosum Hadriani consilium luculenter exponitur in mandatis, quæ Francisco Cheregato Oratori suo in Germaniam eunti dedit. Sic autem illud se habet apud Odoricum Raynaldum, in Annalium Ecclesiasticorum tom. xx. Instructio pro te Francisco Cheregato, de quibusdam, quæ Prelatis, Principibus, & civitatibus Germanicarum Oratoribus dicere poteris, viva voce, ubi & quando oportuerit judicaveris.

Inprimis declarabis eis maximum dolorem, quo affigimur ex prosperatione sectæ Lutheranae, ob id potissimum, quod videmus innumerabiles animas Christi sanguine redemptas, & curæ nostræ pastoralis commissas illius occasione à vera fide ac religione averti, & in perditionem ire, idque in natione, ex qua nobis secundum carnem origo est, quæ ab initio, ex quo ad Christum conversa fuit, usque ad istos proximos annos semper exiit fidelissima ac religiosissima: Ac propterea nobis vehementissimum desiderium esse, ut huic pesti celerius occurratur, priusquam Germania ipsi contingat, quod Bohemia olim contigit; nosque paratissimos esse ad faciendum omnia in hunc effectum, quæ ex parte nostra exspectari poterunt, ac summo opere desiderare, ut etiam unusquisque eorum hoc ipsum pro viribus facere studeat: Utque id faciant, nos quantum possumus, unumquemque eorum hortari & rogare;

27 Debeant autem eos ad hoc movere sequentia.

Primo & ante omnia honor Dei omnibus rebus præferendus, qui per istas hæreses graviter leditur, ejusque cultus consuetus non solum diminuitur, sed potius ex toto corrumpitur. Item charitas erga proximos, quæ unusquisque pro viribus studere debet proximos errantes ab errore revocare: Quod nisi fecerit, Deus eos qui sua negligentia pereunt, de manu ejus requiret.

Secundo movere eos debet infamia nationis suæ, quæ cum semper præ ceteris nationibus Christianissima sit habita, nunc propter eos, qui sectam Lutheranam insequuntur, apud omnes pessime audit.

Tertio moveat eos respectus honoris eorum proprii, qui maxime leditur, si ipsi, qui apud nationem Germanicam auctoritate & potentia pollent, hæreses istas non totis viribus expellere laborant. Tum quia degenerabunt à progenitoribus suis viris Christianissimis, qui in Constantiensī Concilio ex magna parte interfuerunt condemnationi Joannis Huss, & aliorum hæreticorum, quorum aliqui ipsum Joannem Huss propriis manibus ad ignem duxisse dicuntur, tum quia ipsi vel major eorum pars edictum Imperiale in executione sententiæ Apostolicæ contra Martinum Lutherum & suos lata factum approbaverunt, eique auctoritatem suam adhibuerunt, & propterea nisi illud pro

viribus executi fuerint, vel inconstantes judicabuntur, vel etiam favere reputabuntur, cum manifestum sit eos, ubi efficaciter velint, illum exterminare facile posse.

Quarto moveat eos injuria, quæ per Lutherum eis & eorum parentibus ac progenitoribus inferitur: Cum enim ipsorum parentes & progenitores & ipsimet semper tenuerint fidem, quam Ecclesia Romana atque Catholica approbat, & Lutherus, sui que sectatores longe diversam fidem teneant, asserendo multa non esse de fide, quæ tamen illi tenuerint esse de fide, manifestum est illos à Lutherō condemnari pro infidelibus & hæreticis, & per consequens secundum Lutherum omnes eorum majores, qui in fide nostra decesserunt, sunt in inferno, cum error in fide homines damnationis reos faciat.

Quinto attendant finem, ad quem Lutherani tendunt, ut scilicet sub colore libertatis Evangelicæ, quam hominibus proponunt, omnis potestas superioritatis tollatur. Nam licet ab initio præ se tulerint Ecclesiasticam potestatem tanquam tyrannicæ & contra Evangelium occupatam annihilare seu reprimere velle, tamen cum eorum fundamentum, scilicet libertas, quam predicant, eque vel plus militet contra potestatem sacularem, quod scilicet illa nullis præceptis, quantumvis justis & rationabilibus obligare possit homines ad parendum sub pœna peccati mortalis, manifestum est, eos etiam illam enervare velle, quamvis assidue fecerint illam salvando, ut scilicet Principibus sacularibus credentibus machinationem non hanc contra se, sed duntaxat contra Ecclesiasticos (quibus laici communiter insensī sunt) dirigi ac propterea partim in eorum favorem tractis, partim dissimulantibus seu non contradicentibus ipsi facilius Ecclesiasticos evertant. Quo facto dubium non est quin populi idem contra saculares Principes tentaturi essent.

Sexto moveant eos maxima scandala, turbationes, direptiones bonorum, homicidia, lites, dissensiones, quas secta hæc pessima excitavit & quotidie excitat per totam Germaniam, item, blasphemias, maledicta, scurrilitates, & amaritudines, quæ istis semper in ore sunt, quæ nisi ipsi sedare curaverint, verendum est, ne ira Dei desolatio veniat super Germaniam in se tam divisam, immo super ipsosmet Principes, qui cum potestatem & gladium à Domino acceperint ad vindictam malorum, talia in subditis suis fieri permittant. Maledictus, inquit Propheta, qui facit opus Dei negligenter, & prohibet gladium suum a sanguine iniquorum.

Septimo considerent Lutherum propè consimili via ad seducendum populum Christianum uti, quæ Mahometus ille spurcissimus usus tot animarum millia decepit, permitiendo videlicet ea, ad quæ homines carnales inclinantur: Et exinde eximendo eos ab his, quæ in lege nostra graviora videntur: Nisi quod Lutherus paulo modestius agere videtur, ut eò efficacius decipiat. Mahometus plures uxores habendi & eas pro arbitrio repellendi, aliisque ducendi licentiam concessit: Iste ut Monachorum & Deo dicatarum Virginum ac Sacerdotum lasciviā carnis gestientium sibi favores conciliet, predicat vota perpetue continentie etiam illicita esse, nedum non obligatoria, proptereaque licere illis per Evangelicam libertatem nubere: Immemor verbi Apostoli, cum dicit de viduis adolescentioribus, quod cum luxuriata fuerint in Christo nubere volunt, habentes damnationem, quia primam fidem irritam fecerunt.

Quibus per te expositis & aliis pluribus, quæ in hanc sententiam, partim ex literarum notis examplis colligere, partim ex tua prudentia excogitare poteris, habebis nostro nomine dictos Principes, Prelatos, populos, ut tandem expurgentur, & excitentur ad obviandum & tam grandi injuriæ, quam Lutherani Deo & sacre religioni ejus, & maxime ignominia, quam toti nationi vestre Germanica ipsi, quam & Principibus, & maxime opprobria atque contumelias, quam & majoribus eorum, quos ut diximus, in effectu ad gehennam condemnant, inferre noscuntur, & ad executionem sententiæ Apostolicæ, ac Imperialis edicti facti omnino procedant. Detur venia his, qui respi-



respicere, & errores suos abjurare voluerunt, semperque promiores sint ad miserandum, quam ad vindicandum, exemplo Dei nostri, qui non vult mortem peccatorum, sed magis ut convertantur & vivant. At qui in errore pertinaces permanserint, districtiōis virga juxta sacrorum Canonum & legum decreta sic puniantur, ut ceteri eorum exemplo vel in fide recta permancant, vel lapsi in rectam viam redeant.

Quod si quis fortè dixerit, Lutherum inauditum & indefensum fuisse per Sedem Apostolicam condemnatum, propterea audiri omnino debere, nec antequam convictus sit, condemnandum esse: Respondeo, quod illa, quæ fidei sunt, propter Divinam auctoritatem credenda sunt, non probanda. Aufer, inquit Ambrosius, argumenta, ubi fides quaeritur; piscatoribus creditur, non Dialecticis. Et certè fatemur, ei defensionem negari non debere in his, quæ sunt facti: Hoc est, utrum dixerit, necne? Utrum predicaverit, vel scripserit, necne? Super Divino jure verò, & materia Sacramentorum standum auctoritati Sanctorum & Ecclesiæ. Adde quod ferè omnia, in quibus Lutherus ab aliis dissentit, sunt per diversa Concilia penitus reprobata: Non debet autem revocari in dubium, quod per Concilia generalia & universam Ecclesiam constat esse approbatum tanquam fide tenendum: Injuriam namque facit Ecclesia Synodo, qui semel rectè disposita nititur in dubium revocare. Quid enim unquam certi esse poterit inter homines? Vel quis contentionum disputationumque finis erit, si presumptuoso & perverso cuique libertas seu licentia erit recedendi ab his, quæ non unius neque paucorum, sed tot seculorum & sapientissimorum hominum consensu, & Catholica Ecclesiæ (quam Deus in his, quæ sunt fidei, nunquam errare permittit) determinatione sancita sunt, cum tamen unaquæque civitas leges suas inviolabiliter observari exigat? Quomodo non omniaurbationibus & scandalis & confusione plena erunt, nisi ea, quæ semel, immo sæpius maiore iudicio constituta, ab omnibus inconcussè observentur? Cum igitur Lutherus & sui Concilia sanctorum Patrum condemnent, sacros canones comburant, & cuncta pro arbitrio suo confundant, ac totum mundum perturbent, manifestum est, eos tanquam publicæ pacis inimicos & perturbatores ab omnibus ejusdem pacis amatoribus exterminandos esse.

Item dices, nos ingennè fateri, quod Deus hanc persecutionem Ecclesiæ suæ inferri permittit, propter peccata hominum, maxime Sacerdotum, & Ecclesiæ Prælatorum: Certum enim est non esse abbreviatam manum Domini, ut salvare nequeat, sed peccata dividere inter nos & ipsum, & abscondere faciem suam à nobis, ut non exaudiat. Clamant Scriptura, peccata populi derivari à peccatis Sacerdotum, propterea, ut ait Chrysostomus, Saluator noster curaturus infirmam civitatem Jerusalem, ingressus est prius templum, ut peccata Sacerdotum primò castigaret, instar boni medici qui morbum à radice curat. Scimus IN HAC SANCTA SEDE ALIQUOT JAM ANNIS MULTA ABOMINANDA FUISSE, ABUSUS IN SPIRITUALIBUS, EXCESSUS IN MANDATIS, ET OMNIA DENIQUE IN PERVERSUM MUTATA. (indicat hic optimus Pontifex ea, quæ nos in Alexandro VI. deploravimus:) nec mirum si aegritudo à capite in membra, à summis Pontificibus in alios inferiores Prælatos descenderit. Omnes nos (id est Prælati) & Ecclesiastici declinavimus, unusquisque in vias suas, nec fuit jam diu, qui faceret bonum, non fuit usque ad unum: Quamobrem necesse est, ut omnes demus gloriam Deo, & humiliemus animas nostras ei, videatque unusquisque nostrum unde ceciderit, & se potius quilibet judicet, quam à Deo in virga furoris sui judicari velit. Qua in re, quod ad nos attinet, polliceberis nos omnem operam adhibuituros, ut primum CURIA HÆC, unde fortè omne hoc malum processit, reformetur: Ut sicut inde corruptio in omnes inferiores emanavit, ita etiam ab eadem sanitas & reformatio omnium emanet. Ad quod procurandum nos tanto arctius obligatos reputamus, quanto universum mun-

dum hujusmodi reformationem avidius desiderare videmus. Nos, uti aliàs tibi dixisse credimus, Pontificatum hunc nunquam ambivimus, immo quantum in nobis fuit, longè maluissimus privatam vitam agere, & in sancto otio Deo servire. Et profectò Pontificatum ipsum planè recusassimus, nisi Dei timor & sincerus electionis nostri modus, necnon schismatis ex recusatione nostra imminētis metus nos acceptare illum coegisset. Subjicimus igitur colla summa dignitati, non ob dominandi libidinem, neque ad distandos propinquos nostros, sed ad Divinam voluntatem parendum, ad deformatam ejus sponsam Ecclesiam Catholicam reformandam, ad subvertendum oppressis, & doctos & virtute præditos, qui multo jam tempore neglecti jacerunt, erigendum & ornandum, & denique ad omnia alia agendum, quæ bonum Pontificem, & legitimum beati Petri Successorem agere oportet: Quanquam nemo mirari debet, si non statim omnia errata & abusus omnes per nos emendatos viderit: Inveteratus nimium morbus est, nec simplex, sed varius & multiplex, pedetentim in ejus cura procedendum est, & prius gravioribus, magisque periculosis occurrendum, ne omnia pariter reformari volentes, omnia perturbemus. Omnes subita mutationes, inquit Aristoteles, in republica periculose sunt, & qui nimis emungit, elicit sanguinem.

Quod autem ultimis literis tuis scribis questos fuisse tecum Principes istos, quod concordatis eorum per hanc Sedem derogatum sit, dices nos de his, quæ ante nos facta fuere, culpam nec posse nec debere, nobisque ejusmodi derogationes, etiam dum in minoribus essemus, semper displicuisse. Proinde nobis certissimam sententiam esse, etiam si ipsi non requirerent, illis nostri Pontificatus tempore penitus abstinere, partim ut unicuique jus suum servemus, partim quia aequitas & humanitas exposcit, ut inchoatam nationem nostram non solum non offendant, sed etiam peculiare ei favores impendamus. De processibus verò, quos à Rota advocari & ad partes remitti possulant, dices nos cupere eis in hoc gratificari, quantum honeste possimus: Sed propter absentiam Auditorum ab urbe pestis gratia, non posse nos de qualitate & habitudine ipsorum processuum ad presens informari: Reversis verò illis, quod peste jam decrecente brevi futurum speramus, facturos in gratiam dictorum Principum, quicquid rationabiliter poterimus. Item sollicitudinis diligenter responsa literarum nostrarum, & requies eos, ad quos scribimus, ut nos literis suis informet, quibus mediis eorum iudicio videatur huic pessima scita commodius obviari posse, ut ea, quæ per nos providenda fuerint, celerius provideri possint; & super hoc ipso etiam tute diligentissime informabis, & nobis plenè perscribes.

Item quia intelleximus in Germania esse multos bonos & doctos viros pauperes, aliqua etiam præclara ingenia, quæ ex indignitate Apostolicarum provisionum histogramis & stabulariis potius, quam viris doctis fieri solitarum, à Sedis hujus devotione aversa, cupimus, ut inquiras, quinam illi sint, eorumque nomina ad nos transmittas, ut occurrente beneficiorum Germanicorum vacatione illos proprio motu providere possimus: Scimus enim quantum Dei honori & animarum salutis ac adificationi obsuerit, quod jamdiu Ecclesiastica beneficia, maxime curam & regimen animarum habentia, data fuerunt hominibus indignis. De subsidio procurando pro Hungaris non damus aliam informationem, quam discedenti tibi dedimus, excepta quod te hortamur, ut rem illam summo studio, (uti facis) cures: nos etiam apud Principes & Republicas Italicas missis oratoribus sollicitabimus, ut pro viribus quisque subveniat. Hadrianus Papa VI.

Hactenus sincerè tibi descripsi momenta rerum tria, quæ, ut par est credere, fecerunt, cur Magistri Curiales & eorum fautores de Hadriani VI. laude & fama detraxerint. O mira rerum conversio! Quæ decus & ornamentum adferre debuerunt Pontifici, reprehensionem & calumniam accerserunt. In summa vitio datum est, quod dandum fuit gloriæ. Hinc excusari

vix potest Cardinalis Pallavicinus, qui antiquæ probitatis & prisci moris Pontificem contumeliosè profecutus est, ut Curia blandiretur. Macula & labe insignis est, qua initium historiæ suæ scævavit, & hujus auctoritatem imminuit. Id genus mali accidisset nufquam, si Pallavicinus Hadrianum, & quæ Hadriani sunt, omnia circumspexisset. Tunc Hadrianum laudasset in tantum, in quantum virtus & digna Romano Pontifice scientia laudari possunt.

Et sanè si primum ex tribus memoratis antè capitibus attendatur, quò illud quæso tendit? Nonne ut universus Clerus ad Apostolicæ vitæ normam & priorum Ecclesiæ sæculorum moderationem revocetur? Nonne his temporibus ille verè dives habebatur, qui pauper esset Evangelicus? Nonne Magister Ecclesiarum Hieronymus Anastasium Romanum Pontificem appellat, *Virum ditissimæ paupertatis*? Nonne virtutibus magis, quàm divitiis defenditur Ecclesia? Christianam religionem auxit sanguis Martyrum, non potentia Christianorum. E vinculis Petrum eripuit, non armis dimicans sed orans, sine ulla intermissione, Ecclesia. Petrus Alexandrinus cum subiturus esset martyrium, non Christianorum manu, sed suis precibus à Deo pacem Ecclesiæ obtinuit. Jacobus ille magnus Nisibenus Episcopus obsidentes urbem suam Persas non opibus, sed virtutibus removit. Sic Leo Romanus antistes urbem in Genserici direptione ab incendio & cæde liberavit. Sic Anianus Aurelianensis Episcopus Atilam vicit & fugavit à Gallia. Sulpitius Severus absolvit omnia, cum in libro 11. Historiæ sacræ, qua in re Christianorum major sit victoria, his verbis designat; *Neque majore unquam triumpho vicimus, quàm cum decem annorum stragibus vinci non potuimus.* Et quibusdam interpositis: *Hoc temporum tractu mirum est quantum invaluerit Christiana religio.* Id profectò non effecerunt Christianorum divitiæ, sed virtutes. Ad extremum, quæ in Ecclesia superessent opes, has ad Ecclesiam ab ipsius hostibus defendendam infundendas esse statuit. Hoc autem cum apprimè calleret Hadrianus, ut Theologus scripsit, quod ab eo scriptum retulimus, & ut Pontifex exemplo suo asseruit & confirmavit. Qua re nulla major est assertio vel confirmatio.

Ad secundum caput quod attinet, Hadrianus in eo ut Theologus effusissimus, non tam Apostolicarum, quàm Curialium dispensationum licentiam cohibuit, & certum quandam modum statuit, quem Pontifex diligenter & summa cum religione servavit. Licentia hæc labentis & inclinatæ Curia vitium est, non Sedis Apostolicæ; quippe quæ nihil prius, nihil carius, nihil antiquius observatione sacrorum Canonum habuit. Id profitentur optimi quique ac sanctissimi Hadriani decessores, quorum testimonia subjectum imus.

37 Primus mihi erit Gregorius IX. in epistola ad Lundensem Archiepiscopum: *Metropolitanus in coronatione Regis, benedictionibus Abbatum, seu regalium nuptiarum in Missarum celebratione eo die, non aliter quàm in Ecclesia sua privilegio sit expressum, nequaquam pallio uti debet: Veruntamen fraternitati tuae, vel si forsan Regem coronari contingat, eo die pallio uti possit, presentibus indulgemus, dum tamen evidens utilitas vel necessitas id exposcit.* Huc spectat Hadrianus VI.

Secundus Innocentius III. in libri 1. Epistola ad Faventinum Episcopum: *In talibus evidens utilitas & urgens necessitas secundum instituta canonum solent & debent attendi.* En Hadriani VI. meta, quæ Romanis Aulicis incommodat quamplurimum!

Deinde in libri 11. Epistola ad Patriarcham Aquileiensem & Ferrariensem Episcopum: *Utilitas & necessitas dispensationem inducunt, & repentinè casus, etsi non nova, non tamen usitata remedia nos excogitare compellit.* Quibus nihil est ad propositum Hadriani concludibilis.

Tum in ejusdem libri Epistola ad Cantuariensem Ar-

chiepiscopum: *Quæ in derogationem sanctorum canonum attentantur, tanto potius infringi volumus, & carere robore firmitatis, quanto auctoritas universalis Ecclesiæ, cui præsidemus, ad id nos provocat & inducit.* Sic auctoritas universalis Ecclesiæ, cui præesse se dicit Innocentius, non postulat, ut sacris canonibus derogat, sed postulat, ut quæ in sacrorum canonum derogationem attentantur, funditus evertat.

Denique in Lateranensis Concilii, cui præfuit, capite 1. *Non debet reprehensibile judicari, si secundum 38 varietatem temporum statuta quandoque varientur humana, præsertim cum urgens necessitas, vel evidens utilitas id exposcit, quoniam ipse Deus ex iis, quæ in veteri Testamento vetuerat, nonnulla mutavit in novo.* Hic quanta debet esse in remittenda sacrorum canonum disciplina & severitate circumspexio, demonstrat, cum urgens necessitas, vel evidens utilitas, quæ id postulat, exemplo Dei ipsius confirmetur.

Tertius Lucius III. in Epistola ad Rainaldum Noviomensem Episcopum: *Ex suscepto tenemur administrationis officio ea, quæ juri & rationi obveniant, prohibere, ne fiant, & si temeritate aliqua admissa fuerint, salubri consilio revocare, ut Apostolici moderaminis auctoritate quassentur, quæ contra statuta juris Canonici attentata noscuntur.* Sanè multiplices conqueſtione didicimus, quòd Decanus & Canonici Ecclesiæ tuæ hanc à te licentiam impetrarunt, ut malefactores suos quos vellet, sine tuo assensu, vinculo anathematis inmodarent. Adjectum est insuper, quòd quoties eis aliqua injuria, vel per te, vel per Castellatum, vestrosque ministros seu communia inferretur, propria possent voluntate cessare, & totam civitatem subicere interdicto: Ita quòd & Abbatis & parochiales omnes Ecclesiæ eidem sententiæ subjacerent. Quia verò memorata licentia est sacris adversa canonibus, & in gravamen innocentium introducta dignoscitur, & in ipsius Dei redundat injuriam, à cujus laudibus hac occasione cessatur, multumque detrimentum animabus fidelium probatur asserre, eam viribus carere decernimus, & Apostolica auctoritate cassamus, cum ipsi Canonici in presentia nostra, vel Metropolitanis, vel tui ipsius, aut judicis delegati à nobis, suam valeant justitiam obtinere. Alienum quippe ab Ecclesiastica gravitate videtur, & Canonis obviat institutis, ut excommunicandi potestas, quæ de judicio pendet antistitis, in multitudinis ponatur arbitrio, quæ ad hoc aliquoties animositate potius, quàm ratione movetur. Nulli ergo hominum, &c. Datum Verona Nonis Martii. Ex Tabulario Laudunensis Episcopi. Illius ergo, qui Sedi Apostolicæ præsidet, partes hæc sunt, ut quæ juri & rationi adversantur, salubri consilio revocet, & ut quæ contra statuta Juris Canonici attentata invenit, Apostolici moderaminis auctoritate comprimat. Cum talis in Apostolica Sede viget disciplina, nullus datur locus iis dispensationibus, contra quas Hadrianus tam sanctè ac tam religiosè scripsit.

Quartus Alexander III. in certo quodam privilegio, quod Præmonstratensium Ordini concessit: *In Apostolica Sedis specula, quanquam immeriti providente Domino constituti, pro singulorum statu solliciti esse compellimur, & ea sincerè tenemur amplecti, quæ ad incrementum religionis pertinent, & ad virtutum spectant ornatum.* Dispensationum illarum abusus, de quo Hadrianus disputat, nec ad religionis incrementum pertinent, nec ad virtutum spectant ornatum. Quinetiam vitiosis dispensationibus, quæ ab Hadriano reprehenduntur, debitus religioni veræ honor subtrahitur, & virtutum ornatus inobscuratur.

Quintus Eugenius III. in epistola VIII. ad Germaniæ Episcopos: *Cum translationes Episcoporum sine manifesta utilitatis & necessitatis judicio divine legis oraculo fieri non permittat, cum etiam multò amplior, quàm in aliis electionibus Cleri & Populi eas debeat prævenire concordia, in facienda translatione fratre nostro Guiermano Cicensi Episcopo nihil horum est, sed solus favor 40*



Principis expectatur, &c. Nos enim sic, quod de supra dicto fratre nostro facere nititur, videremus ratione fulciri, nec voluntati ejus, nec postulationi vestra duceremus aliquatenus obviandum. Contra Deum autem, & sacrorum canonum sanctiones nulli omnino petitioni possumus præbere concessum. Dispensationes sunt raræ admodum, quando ea fiunt ratione, quam Eugenius proponit, & Hadrianus sequitur.

Sextus Paschalis II. in Responsionibus ad beati Anfelmi interrogationes: Dispensationis modus, sicut beatus Cyrillus in Epistola Ephesine Synodi loquitur, nulli unquam sapientum displicuit. Novimus enim sanctos Patres nostros & ipsos Apostolos pro temporum articulis, & qualitatibus personarum dispensationibus usos. Quamobrem nos de religione & sapientia tua diu longæque spectata, nihil penitus ambigentes tue deliberationi committimus, ut juxta datum tibi divinitus intellectum, cum Ecclesia, cujus prapositus es, tanta necessitas expetit, sanctorum canonum decretorumque difficultate opportuna & rationabili valeas temperare. In faciendis dispensationibus Hadriani mens eadem est, quæ Paschalis.

Septimus Urbanus II. in Romano Concilio III. cui præfuit: Quamvis autem misericordia intuitu, magnæque necessitate hanc in sacris ordinibus (quos schismatici vel simoniaci dederant) dispensationem constituimus, nullum tamen præjudicium sacris canonibus fieri volumus, sed obtineant proprium robur, & cessante necessitate illud quoque cesset quod factum est pro necessitate. En regula, quam sequitur & sequendam esse vult Hadrianus!

Octavus Gregorius VII. in libri II. epistola I. ad Sancium Aragoniæ Regem: Et quia venerandi canones ad Sacerdotii dignitatem tales (spurijs) provehi contradicunt, probare eos non satis cantum fore putavimus, ne quicquam a nobis contrarium sanctis Patribus in exemplum & auctoritatem posteris relinquatur. Solet enim sancta & Apostolica Sedes pleræque considerata ratione tolerare, sed nunquam in suis decretis & constitutionibus à concordia canonica traditionis discedere. Hæc est Sedis Apostolicæ in observatione sacrorum canonum traditio, quæ Hadriano præluxit.

Deinde in libri VI. epistola II. ad Manassem Remensem Episcopum: Privilegia siquidem non debent sanctorum Patrum auctoritatem infringere, sed utilitati sanctæ Ecclesiæ prospicere. Ad id autem quod de privilegio dicitis, breviter interim respondemus, quod possumus quadam in privilegijs pro re, pro persona, pro tempore, pro loco concedi, quæ interim pro eisdem, si necessitas vel utilitas major exegerit, licenter valent commutari.

Tum in libri IX. Epistola V. ad Hugonem Dientsem Episcopum: Præterea innotuit nobis, quod multos milites, qui prius ad Presbyteros fornicarios, & simoniacos coercendos favorem & auxilium vobis impenderent, propterea quod decimas dimittere nolebant, excommunicando turbaveritis, quales nos adhuc anathematis vinculis alligare Synodali judicio discretionem distulimus. Super his igitur consulimus, atque hortamur, ut nunc pro tempore canonicum rigorem vestra sapientia temperet, atque hacurbationis tempestate, quadam parcendo, nonnulla dissimulando ita studeat moderari, ut non ex severitate justitiæ deteriorandi occasionem sumant: Sed suspensio nunc judicio spatium recognoscendi, æquitatem habentes, postmodum facilius agnoscant, ut demum in eos tranquillitatis tempore, quod Deo annuente citò futurum speramus, id quod nunc Apostolicæ Sedis discretio patienter differt, justitiæ dirimens ad statum suum restitueret.

Denique in Epistola IX. inter Epistolas, quæ referuntur in tomo VI. hist. Francorum: Quia consuetudo sanctæ Romanæ Ecclesiæ, cui Deo auctore licet indigni deseruimus, est quadam tolerare, quadam etiam dissimulare, discretionis temperantiam potius, quam rigorem canonum sequentes, causas Episcoporum Franciæ atque

Burgundiæ, qui suspensi, seu damnati à Legato nostro Hugone Dienti Episcopo fuerunt, non sine gravi labore discussimus. Præiudices de quibus fit mentio, suspensi propter simoniam damnatique fuerant. Moderatio hæc, qua sedes Apostolica utitur erga eos, qui violarunt canones, ostendit, eandem Sedem in largiendis dispensationibus parcissimam esse. Cui rei Hadrianus facile consentit, idque ita faciendum esse verbo atque exemplo docet.

Nonus Nicolaus II. in Romano Concilio cui præfuit: Tanta, inquit, talium (simoniacorum præiudicium) multitudo est, ut dum rigorem canonicæ vigoris super eos servare non possumus, necesse sit, ut dispensative ad pia condescensionis studium nostros animos ad præsens inclinemus, ita tamen auctoritate sanctorum Apostolorum Petri & Pauli omnimodis interdiciamus, ne aliquando aliquis successorum nostrorum ex hac nostra permissione regulam sibi vel alicui assumat, vel præfigat, quia hoc non antiquitas Patrum jubendo aut concedendo, promulgavit, sed temporis nimia necessitas permittendum à nobis extorsit. Venia, de qua loquitur Nicolaus, non tam infringendi, quam infracti canonis est, quam ab illo necessitas summa extorsit. Hadrianus id sentit, quod Nicolaus fenerat.

Decimus Clemens II. in Epistola ad Joannem Salernitanum Episcopum: Quoties ita contingit, ut exigente necessitate, vel maxima utilitate transmutandus est quisquam Episcopus de propria Sede ad aliam, diligentissime perquirenda est persona, utrum necessario sit transmutanda, ut sic major utilitas oriatur, si major Sedes assumitur. En vera relaxandorum canonum regula, maxima vel necessitas, vel utilitas, ad quam respectum habet Hadrianus!

Undecimus Joannes VIII. in Epistola XIV. ad Episcopos Bituricensis provinciæ: Prioribus itaque manentibus regulis, quas ubi nec rerum, nec temporum urget necessitas, jure convenit observari.

Deinde in Epistola XXXIV. ad Ansbertum Mediolanensem Archiepiscopum: Moderatio Sedis Apostolicæ, & universalis Ecclesiæ dispositio in hoc periculoso tempore pene cuncta dispensatorie moderanda compellit. Quamvis autem præsentis sit exuli consulendum, nihil tamen est non extante ulla necessitate contra Patrum canones agendum.

Tum in Epistola CXCIX. ad Basilium, Constantinum, & Alexandrum Impes. Nos stantis Apostolicis præiudicantes, nec beatorum Patrum regulas resolvers, quin potius earum auctoritate freti, qui Nicæni Concilii cap. 2. apertissime dicunt: Quoniam plura per necessitatem, aut alias cogentibus hominibus adversus Ecclesiasticam facta sunt regulam: Hinc & Gelasius Papa dicit, quod ubi nulla perurget necessitas, constituta Patrum inviolata servantur. Et sanctus Leo eodem spiritu præcipit mittendum esse, & inculpabile judicandum, quod necessitas intulit. Inde & Felix præful decessor noster in sua decretali Epistola voce consona dicit: Aliiter tractandam esse necessitatis rationem, & aliter voluntatis. Inde sanctum Concilium apud Africam gestum cap. 35. Ut Clerici Donatistarum in Ecclesia propter Ecclesiæ pacem & utilitatem, si correcto consilio ad Catholicam unitatem transire voluerint, si hoc paci Christiana prodesse visum fuerit, in suis suscipiantur honoribus. Hæc est præscriptio, ad quam Hadrianus & suas & Sedis Apostolicæ actiones dirigit, & dirigendas esse censet.

Duodecimus Hadrianus II. in Epistola XXVII. ad Episcopos Duziacensis Synodi: Nonnullos Episcopos sicut tripartita historia series prodit, legimus pro temporis necessitate de una Ecclesia fuisse mutatos in aliam, quia aliter tractanda est necessitatis ratio, aliter voluntatis. Unde sancti Patres Nicæni Capitulo II. dicunt, quoniam plura, aut per necessitatem, aut alias cogentibus hominibus adversus Ecclesiasticam facta sunt regulam, & sanctus Papa Leo cap. 44. decretalium suorum dicit, omittendum esse, & inculpabile judicandum, quod necessitas intulit. Sedis Apostolicæ traditionem & Nicæni Concilii aucto-

45 auctoritate & Leonis Papæ testimonio confirmat: Et sic Hadriani VI. factum asserit.

Decimustertius Nicolaus I. in Epistola I. ad Michaelem Imperatorem: Quoniam sicut dictum est, distare convenit inter personam divino cultui deditam, & de laicorum conversatione venientem, quæ tamen eatenus indulgenda credimus, ut illis Ecclesiis, quibus infestatione bellicorum, vel nulla penitus, vel exigua remanserunt, quatenus his Deo propitio restitutis, in Ecclesiasticis gradibus subrogandis paternorum canonum vetus forma servetur, ne contra eos ulla ratione prævaleat, quod pro accidentis defectus remedio providetur. Non adversus scita majorum nova lex proponitur, ceteris Ecclesiis ab hac occasione cessantibus, quas non simili clade vastatas pristinam in faciendis ordinationibus convenit tenere sententiam. Quo magis hac opportunitate communiti observantiam venerandorum canonum propensius delegavi. En temperandorum canonum lex, urgens necessitas & evidens utilitas!

Deinde in Epistola VI. ad Photium: Et ideo licet contra Patrum decreta, atque canonicas institutiones, quod per necessitatis fieri eventus comprobatur, non in auctoritate tenendum est, sed ne iterum talis proveniat necessitas, magis magisque cavendam. Nicolaus Sedis Apostolicæ traditioni insistit, cui Hadrianus insistere voluit, & quoad vixit, instituit.

Decimusquartus Zacharias in Epistola XII. ad Bonifacium Episcopum, ubi variis illius consultationibus respondet: Inquisisti etiam & hoc, si ante trigessimum annum liceat Sacerdotem ordinari? Bonum & congruum, charissime frater, si fieri & inveniri potest, ut provec-tatis & boni viri testimonii juxta sacrorum canonum instituta ordinentur Sacerdotes: Si autem minimè reperiantur & necessitas exposcit, à viginti quinque annis & supra Levitæ & Sacerdotes ordinentur, quemadmodum in lege Domini continetur. Non aliud, quam necessitas sola, vel utilitas in causa est, cur aliquando sacrorum canonum observatio relaxetur. Hoc ipsum sibi vindicat Hadrianus, qui & aliunde noverat opinor eundem Zachariam in Epistola I. ad eundem Bonifacium capite V. scripsisse: De illo namque, qui viduam avunculi sui, quæ & ipsa fuit uxor consobrini sui, & sacrum velamen habere monstrata est, à beata memoria prædecessore nostro sibi licentiam concessam esse divulgavit, ut eam in pernicioso matrimonio assumere debuisset. Absit, ut hoc prædecessor noster ita credidit præcepisset. Nec enim ab hac Sede illa diriguntur, quæ contraria esse Patrum, sive canonum institutis invenirentur.

Decimusquintus Martinus I. in Epistola V. ad Joannem Philadelphiam Episcopum: Defensores divinarum canonum & custodes sumus, non prævaricatores, quandoquidem prævaricationibus conjuncta manifestè retributiones sunt. Et paullo post: Novit canon afflictorum temporum persecutionibus veniam tribuere, in quibus contemptus non præcessit, prævaricationem redarguens, sed angustia magis, & penuria, quæ propter necessitatem & misericordiam cogit multam diligentiam prætermittere. Huc noster spectat Hadrianus.

Decimus sextus Gregorius primus, isque magnus Pontifex in libri I. Epistola LIII. ad Joannem Surrentinum Episcopum: Religiosis desideriis facile est præbere consensum, ut fidelis devotio celerem sortiatur effectum. Tunc id exposcit & necessitas vel certè utilitas, & id quoque noverat Hadrianus, cum dispensationes illas, quibus contradicit, nec religiosas esse, nec iis fidelem devotionem posse celerem effectum fortiri perspiceret.

Deinde in libri XI. Epistola V. ad Adeodatum servum Dei: Effectum justa postulantis indulgere & vigor aequitatis, & ordo exigit rationis, præsertim quando petentium voluntatem & pietas adjuvat & veritas non relinquit. Hadrianus petentium voluntatem aliquando pietate non adjuvari luculenter docuit, cum NEPOS TI suo Sacerdotia duo petenti impertire noluit.

Addere quòd qui petit Sacerdotia duo, si pingua sint maxime & opima, eum ferè semper veritas relinquat.

Neque verò Gregorius poterat aliter loqui, postquam sibi sumpsit Ecclesiæ pacem in diligenti observatione sacrorum canonum consistere: Sic enim in ejusdem libri Epistola XLIV. scribit ad Joannem Panormitanum Episcopum: Illud autem admonemus, ut Apostolica Sedis reverentia nullius presumptione turberetur. Tunc enim status membrorum integer manet, si caput fidei nulla pulset injuria, & canonum manet incolumis, atque interemerata semper auctoritas.

Decimusseptimus Symmachus in Epistola ad Eoniam Arelatensem Episcopum: Huc accedit, quòd ne sit sententiarum varietas ad ipsam sacrosanctam Catholicam religionem credimus pertinere, cujus potestas omnis infringitur, nisi universa quæ à Domini Sacerdotibus semel statuuntur, perpetua sint; quod aliàs contingere non poterit, si successor decessoris actibus non tribuerit firmitatem, & roborando quæ gesta sunt faciat rata esse quæ gesserit. Quanta enim Vicariis beatissimi Petri Apostoli judicabitur esse reverentia, si quæ in Sacerdotibus præcipiunt eisdem transeuntibus dissolvantur? Quam accuratam sacrorum canonum observationem postulat, hæc necessitatem summam aut utilitatem maximam non excludit, sed admittit, ut decessores & successores admiserunt. Symmachus hic tantum occurrit sacrorum canonum relaxationi, quæ non satis consideratè fieret.

Quod sic explicat in Epistola ad Avitum: Attamen si ea quæ fecit (Anastalius Papa) rationabiliter fecisse fraternitas tua docuerit, gaudebimus nihil esse ab eo contra canones attentatum: Quia quod sit præter regulam, modò sit ex justa causa, non infringit regulam, quam sola pervicacia & antiquitatis contemptus ladir. Nam quamvis à Patribus statuta diligenti observatione, & observanti diligentia sint custodienda, nihilominus propter aliquod bonum de rigore legis aliquid relaxatur, quod & ipsa lex cavisset, si prævidisset, & sæpè crudele esset insistere legi, cum observantia ejus esse præjudicabilis Ecclesiæ videtur, quoniam leges ea intentione lata sunt, ut proficiant, non ut noceant. In tomo V. Spicilegii Lucæ Dacherii. Et hæc est Hadriani suis in libris mens & intentio.

Decimus octavus Gelasius I. in Epistola IX. ad omnes Episcopos capite I. Necessaria rerum dispositione constringimur, & Apostolica Sedis moderamine sic paternorum canonum decreta librare, & retrò Præfulum decessorumque nostrorum præcepta metiri, ut quæ præsentium necessitas temporum restaurandis Ecclesiis relaxanda deposcit, adhibita consideratione diligenti quantum fieri potest, temperemus, quo nec in totum formam videamur excedere regularum. Iterum in capite II. Prisca pro sui reverentia constituta, ubi nulla rerum vel temporum perurget angustia, regulariter convenit custodiri. Hadrianus Gelasium proposuisse sibi visus est ad imitandum.

Decimus nonus Felix III. in Epistola ad Episcopos per diversas provincias constitutos: Sciens quòd se decipiat ipse qui fallit, nihilque per nostram facilitatem tribunalis excelso judicio derogari, cui illa sunt rata, quæ pia, quæ vera, quæ justa sunt, & aliter necessitas, aliter tractanda est ratio voluntatis. Hæc est Apostolicæ Sedis norma & præscriptio, qua ductus Hadrianus noluit, ut NEPOS sacerdotiis duobus frueretur, cum NEPOS ILLE frui vel maxime concupisceret.

Vigefimus, Hilarius in Epistola XVIII. capite I. Quod nique non aliter poterit præcaveri, nisi statuta venerandorum canonum in faciendis conventibus, quos hætenus omitti fecit certa necessitas, exequamur: In quibus possint pro emergentium necessitate causarum ad Ecclesiasticam observantiam disciplina, & ea quæ secus facta fuerint, corrigi, & sequenda constitui. Sic necessitas in causa est, cur canonum remittatur observatio; atque ita sublata necessitate canones diligenter observandi sunt: Et hoc ipsum Hadrianus VI. verbo & exemplo docet.

Vigefimus.



Vigessimus primus Leo I. in Epistolâ LXXIX. ad Nicetam Aquileiensem Episcopum capite III. Omittendum est & inculpabile judicandum, quod necessitas intulit. Sic non peccatur contra canones, cum id quod fit, ut fiat, necessitas summa, vel utilitas maxima deposcit. Neque verò Leo dissentit à seipso cum in Epistolâ LXII. ad Maximum Antiochenum Episcopum capite IV. scribit: *Universa pacis tranquillitas non aliter poterit custodiri, nisi sua canonibus reverentia inmemerata servetur.* Hæc enim necessitati summa, vel utilitati maximæ locum relinquunt, & unâ demonstrant remittendam esse quàm rarò canonum disciplinam, in qua universæ pacis tranquillitas consistit. Hæc est tota Hadriani philosophia, quæ in illius quæstionibus repræsentatur.

Vigessimus secundus Innocentius I. in Epistolâ ad Rufum, Eusebium, & alios Macedoniæ Episcopos capite V. Jam ergo quod pro remedio ac necessitate temporis statutum est, constat primitus non fuisse, ac fuisse regulas veteres, quas ab Apostolis, aut Apostolicis viris traditas Ecclesia Romana custodit, custodiendâque mandat his, qui eam audire consueverunt, sed necessitas temporis id fieri magnopere postulabat. Ergo quod necessitas pro remedio reperit, cessante necessitate debet utique cessare pariter, quod urgebat, quia alius est ordo legitimus, alia usurpatio, quam ad præsens fieri tempus impellit. In Ecclesiasticis dispensationibus plura necessitate fiunt, quæ citra necessitatem fieri nequeunt. Quod Hadrianus VI. cum intelligeret, in faciendis dispensationibus parcissimum se præbuit, quia sic agendum esse docuerat.

Hæc est Apostolicæ Sedis traditio, quam per illius præsidem à Gregorio IX. ad originem reduximus, & quam Hadrianus sequi & instaurare voluit: Instaurare quidem, quod ante se adulatricis Curix vitio neglecta fuerat, ait enim: *Scimus in hac sancta Sede aliquot jam annis multa abominanda fuisse, abusus in spiritualibus, excessus in mandatis, & omnia denique in perversum mutata.*

Id traditur in tertio capite, quod sincerum Pontificis animum, consilium sanctum, fortitudinem, pietatem, religionem perspicue demonstrat. Dolenter quidem, sed libenter de Curix vitiis agnoscere, quod Hadrianus in mandatis Cheregato datis agnoscit, quid magis ingenuum & Christiano pectore dignius? Emendare & purgare velle Curiam, cum hoc in labore Hercules vix sufficeret, quid fortius? Quid Romano Pontifici qualis Hadrianus extitit, honorificentius, & ad præbendum cæteris exemplum augustius? Ab Romano Clero reliqui Cleri emendationem inchoare, quid prudentius? Quid efficacius? Quid tum demum sanctius? Sacerdotia distribuere, ut sacri canones & recta ratio præscribunt, quid iustius? Ecclesiasticis bonis adjuvare tenuioris fortunæ homines, qui bonis artibus & disciplinis Ecclesiam ædificent, quid religiosius? Quid ad tuendam Pontificii nominis dignitatem aptius? Denique in Lutheri negotio factum & divinum jus distinguere, quod facilius Lutheri transigatur negotium, & Lutherus reducatur in Ecclesiam, & vera fanciatur concordia, quid sapientius? Quid Ecclesiasticæ traditioni convenientius? Quid veri nominis Theologo laudabilius? Quid ut scitu ita & factu magis necessarium? Hadrianus in mandatis Cheregato datis omnia hæc, quæ in Pontificem reipsa mediocrem transcribuntur, ad plenum & perfectum executus est, eumque executum esse non difficile judicabis.

Expositum hæcenus Hadriani consilium firmissimè sustentant, quæ anno post illius obitum XV. Romæ gesta sunt. Paulus III. Concilium ex electis Cardinalibus & Præfultibus aliis fieri voluit, ut illius opera certa quadam emendandæ Ecclesiæ ratio inveniretur. In eo notati sunt præcipui abusus, qui corrigendi erant. Sed Concilii Patres primam mali labem in Curiam transferunt, ut Hadrianus antè transfulerat.

Verba sunt: *Beatissime Pater, tantum abest, ut verbis explicare possimus, quàm magnas gratias Respublica Christiana Deo optimo maximo agere debeat, quod te Pontificem hisce temporibus ac Pastorem gregi suo præfecerit, eamque quam habes mentem dederit, ut minimè speremus cogitatione eas, quas Deo gratias debet, consequi posse.* Nam spiritus ille Dei, de quo virtus calor firmata est, ut ait Propheta, labantem, imò ferè collapsam in præcepis Ecclesiam Christi per te restaurare, & huic ruinæ manum ut videmus, supponere decrevit, eamque erigere ad pristinam sublimitatem, decorique pristino restituere, certissimam Divina hujus sententia conjecturam nos facere valeamus, quibus sanctitas tua ad se vocatis mandavit, ut nullius aut commodi tui, aut cuiuspiam alterius habita ratione, Tibi significarem abusus illos, GRAVISSIMOS VIDELICET MORBOS, QUIBUS JAMPRIDEM ECCLESIA DEI LABORAT, AC PRÆsertim HÆC ROMANA CURIA, quibus effectum propè est, ut paulatim ac sensim ingravescens pestiferis his morbis, magnam hanc ruinam traxerit, quam videmus. Et quoniam sanctitas tua spiritu Dei erudita, quæ (ut inquit Augustinus) loquitur in cordibus nullo verborum strepitu, probè noverat, PRINCIPIUM HORUM MALORUM INDE FUISSE, QUOD NONNULLI PONTIFICES TUI PRÆDECESSORES PRURIENTES AURIBUS, UT INQUIT APOSTOLUS PAULUS, COACERVAVERUNT SIBI MAGISTROS AD DESIDERIA SUA, NON UT AB EIS DISCERENT, QUID FACERE DEBERENT, SED UT EORUM STUDIO ET CALLIDITATE INVENIRETUR RATIO QUAE ID LICERET, QUOD LIBERET: Inde effectum est, præterquam quod principatum omnem sequitur adulatio, ut umbra corpus, difficilissimæque semper fuit aditus veritatis ad aures Principum, QUOD CONFESTIM PRODIRENT DOCTORES, QUI DOCERENT PONTIFICEM esse dominum beneficiorum omnium: Ac ideo cum dominus jure vendat id quod suum est, necessariò sequi, in Pontificem non posse cadere simoniam: Ita quod voluntas Pontificis qualiscunque ea fuerit, sit regula, qua ejus operationes & actiones dirigantur: Ex quo proculdubio efficit, ut quidquid liceat, id etiam libeat.

EX HOC FONTE, Sancte Pater, TANQUAM EX EQUO TROJANO irrupere in Ecclesiam Dei tot abusus, & tam gravissimi morbi, quibus nunc conspiciamus eam ad desperationem ferè salutis laborasse, & manasse harum rerum famam ad infideles usque. Credat sanctitas vestra scientibus, qui ob hanc præcipuè causam Christianam religionem derident, adeò ut per nos, per nos inquam, nomen Christi blasphemetur inter gentes. Tu verò, Sanctissime Pater & verè sanctissime, edoctus à spiritu Dei, præter veterem illam tuam prudentiam, cum totus in hanc rem incubueris, ut sanatis agriudinibus Christi Ecclesia cura tua commissa bonam valetudinem recuperaret, vidisti ac probè vidisti, INDE INCIPIENDAM MEDICATIONEM, UNDE PRIMUM ORTUS EST MORBUS, secuti quæ doctrinam Apostoli Pauli vis esse dispensator, non dominus, & fidelis inveniri à Domino: Imitari etiam servum illum, quem in Evangelio Dominus præfecit familia sua, ut det illis in tempore triuci mensuram, ac propterea decreveris nolle, quod non liceat, nec vis posse quod non debes. Et quibuscumque interjectis:

Illud verò ante omnia, Beatissime Pater, putamus statuendum esse, ut dicit Aristoteles in Politicis, sicut in unaquaque Republica, ita & in hac Ecclesiastica gubernatione Ecclesia Christi hanc præ omnibus legem habendam, ut quantum fieri potest, leges serventur. NEC PUTEMUS NOBIS LICERE DISPENSARE IN LEGIBUS, NISI URGENTI DE CAUSA ET NECESSARIA. Nulla namque consuetudo perniciosior in quavis republica induci potest, quam hæc legum inobservantia: Quas sanctas majores nostri esse voluerunt, earumque potestatem venerandam & divinam appellarunt.

Deinde in abusu quarto, qui ad beneficiorum collationem pertinet: Videat sanctitas tua, QUO PROCESSIT

ASSEN-

ASSENTATORIA ILLA DOCTRINA, QUAE TANDEM EFFECTUM EST, UT ID LICEAT, QUOD LIBEAT.

Porro autem quos abusus Concilium delectorum Cardinalium & aliorum Praesulum recenset, & ad liquidum confessumque deducit, hos omnes Hadrianus paucis comprehenderat: Scimus in hac sancta Sede aliquot jam annis multa abominanda fuisse, abusus in spiritualibus, excessus in mandatis, & omnia denique in perversum mutata.

Hinc Marcellus II. qui Paulo III. fuerat ab Epistolis, & consiliorum illius particeps, cum aliquando haec & alia perspiceret, id asseruit, quod tacere non possum. Res ita narratur ab Onuphrio qui vitam illius scripsit: *Ea simplicitate, qua privatus cum esset, edebat, habebatque sive publice, sive privatim convivatur, A magno in mensa, qui sacros libros, aut sanctorum Patrum scripta legeret. Post longum in prandio silentium recordatus aliquando ea Hadriani IV. Papa verba: Romano Pontifice nemo est miserabilior, condicione ejus nulla miserior. Totius enim vita letitia & felicitas amaritudo est: Cathedra Romani Pontificis est spinosa, ite undique confectum aculeis, pondus tanta molis, ut robustissimos premit & confringat humeros: Manu mensam percussit dixit: NON VIDEO, QUOMODO QUI LOCUM HUNC ALTISSIMUM TENENT, SALVARI POSSINT.* Ad hoc Marcelli effatum eruditus ad nimiam assentationem Doctoribus quid fiet? Pontifex circumspeditione magna praeditus non videt, quomodo qui Romanae Ecclesiae cathedram tenent, salvari possint? ipsi viderint. Hadrianus ad Romanum Pontificem accommodat definit, quod beatus Augustinus tum Presbyter de Episcopi, Presbyteri, & Diaconi officio pronunciaverat in Epistola CXLVIII. ad Valerium Episcopum: *Ante omnia peto, ut cogitet religiosa prudentia*

tua nihil esse in hac vita, & maxime hoc tempore facilis & lenis, & hominibus acceptabilis Episcopi, aut Presbyteri, aut Diaconi officio, si perfunctorie atque adulatorie res agatur, sed nihil apud Deum miserius, & tristius, & damnabilis: Ita nihil esse in hac vita, & maxime hoc tempore difficilium, laboriosum, periculosum Episcopi aut Presbyteri aut Diaconi officio, sed apud Deum nihil beatius, si eo modo militetur, quo noster Imperator jubet. Sed Marcellus II. cum Episcopale officium suum in editiori loco positum aspiceret, id affirmare non est veritus, quod iterare animus refugit ac reformidat.

Quorsum haec? nisi ut primum intelligas, Hadrianum VI. non sine causa, eaque maxima in Apostolica Sede fecisse, quod in scholis docuerat, vixisse Pontificem, ut cuicumque Clerico vivendum esse tradiderat, & Scripturae sacrae auctoritate & sanctorum Patrum testimoniis confirmaverat? Deinde ut observes diligentius, nos verè retulisse praecipua capita, quibus politici, non tam Christiani, quam philosophi colligunt, Hadrianum Pontificem fuisse reipia mediocrem, id est, ad regendam Sedem Apostolicam minus idoneum. Sed quanta cum iniquitate & contumelia colligant, sit tuum & tui similibus egregie videlicet cordatorum hominum arbitrium. Interim, quae politici Hadriano obijciunt, haec tanquam frigida & inania respuo & despicio. Hadrianum ut prioris aevi Pontificem colo & veneror, ut qui lapsos Curialium mores erigere studuit, ut qui contra cupidos & avaros antistites patrimonii pauperum vindicare voluit, & consanguineos egenorum sumptibus locupletare noluit, ut qui sacros canones sine urgente & necessaria causa relaxare instituit, & Ecclesiam ad eorum canonum institutum regendam suscepit. Vale. Lutet. Paris. Idibus Febr. ann. MDCLXVI.

# Joannes Launoius

## CAROLO MAURITIO TELLERIO,

Parisiensi Theologo, & Regiae Capellae Praefecto.

**E**XTREMUS est in Facultate nostra Theologiae actus, qui recepta nomenclatione prisca Vesperiarum dicitur. Hunc more tuo, id est, egregio cum celebrabas nuper, de pluribus disputatum est acriter, & cum primis de historica fide auctorum, qui mulierem Sedi Apostolicae praefuisse inter Leonem IV. & Benedictum III. scripserunt. Et sane ut qui affirmabat, nihil praetermisit, quod aliqua probabilitatis specie posset obijci: Sic & tu qui negabas, nihil quoque praetermisisti, quod obiectis verissime responderetur. Frequens praeter consuetudinem illustrium virorum numerus utrique applausit: Obijcienti quidem, a quo si posset Pergama haec defendi, defensum iri certum erat, id est, historicam fidem auctorum, quos edebat in medium, ac proferebat: Respondenti vero tibi, a quo fabulosa narratio apertam in lucem prodita, & veritas rei totius ad liquidum confessumque deducta est. Verum ut liberè dicam, quod sentio, fabula haec excidi potuit brevius, quam annis abhinc octoginta plus minus excisa est. Comparatae sunt dissertationes multae & magnae, quibus demonstraretur, quod sola electionis Benedicti III. demonstrat historia. Hanc fideliter perse-

quitur Anastasius Sedis Apostolicae Bibliothecarius, qui Leonis IV. mortem & Benedicti electionem propriis oculis usurpatam enarrat in ejusdem Benedicti vita. Sed adscribenda sunt Anastasii verba: *Celeberrima quidem cum de eo fama pervulgaretur, in Lateranense Patriarchium perducitur, Cleroque locatur. Et paullo post: Cum eum intueretur Papa Gregorius peritum doctrinis atque proficuum, in sancta illum constituit Romana Ecclesia Subdiaconum. In quo ordine plura sacra conversationis certamina habuit. Nam carnem vicit, ac mundi Principem, & omnia ejus argumenta nequissima. Obiit deinde Gregorius Praefectus, migravitque ad Dominum. Sergius autem gubernacula suscepit antistes Ecclesiae, eoque defuncto Apostolicam Leo Papa Sedem suscepit. Opido qui illum pro felicissimis actibus diligens superno compunctus nutu caelesti cum titulo ingenti Presbyterum consecravit. Et paullo post: Leo quidem (IV.) ubi hac luce substractus Praefectus occubuit, mox omnis Clerus istius Romanae protecta Sedis, universique proceres, cunctisque Senatus ac populus congregati sunt, Domini clementiam exorantes, ut beatificum illis omnibus demonstrare dignaretur Pastorem, qui culmen Apostolorum regere valuisset tranquille. Divinus ergo adhuc tunc lumine inflam-*



inflammati, uno consensu, unoque eum conamine Benedi-  
ctum pro tantis, quibus pollebat, sacris operibus Pontificem  
promulgaverunt eligere. Illico verò alacri universa stu-  
dio plebs, & populi cæcis cælesti titulo properantes, Deo  
illum omnipotenti, ut solitus fuerat, invenerunt funden-  
tem orationem. Surgens autem & populi densissima cer-  
nens agmina rem cognovit, & mente concepit. Interea  
3 precabatur, taliter dicens: Non me à mea deducatis Ec-  
clesia, rogo: Quia tanti culminis non sufficio sustinere,  
nec bajulare gravamen. Hi verò nullatenus acquievere-  
runt. Sed virtutibus eum ex eodem titulo abstrahentes,  
cum hymnis & canticis spiritualibus ampla exultatione, &  
ineffabili gaudio in Patriarchium Lateranensem perducen-  
tes, Pontificali solio, ut mos est Pontificum, canaque con-  
suetudo demonstrat, posuerunt. Et paullo post: His ita-  
que peractis Clerus & cuncti proceres decretum componen-  
tes, propriis manibus roboraverunt. Et consuetudo prisca  
ut poscit, invictissimis Lothario ac Ludovico destinave-  
runt Augustis. Ipsum autem qui deducebant Legati de-  
cretum, fuerunt hi, Nicolaus videlicet Anagnina antistes  
Ecclesie, & Mercurius Magister militum, Arsenio Eu-  
gubino Episcopo obviantes ad invicem confabulari cape-  
runt, qui callidis eos sermonibus liniens corda eorum mol-  
lire cepit, beatique fidelitatem jam facti declinaverunt ele-  
cti: Cum quibus etiam consilium studuit confirmare, ut  
depositum, anathematizatumque Anastasium, quod di-  
vina nullatenus permittebat clementia, Pontificatus in-  
sula perornarent. Eunt itaque Hlodovico decretum  
benignissimo Casari dantes duplici, quam mentibus gere-  
bant, intentione Romam reversi sunt, adventumque mis-  
sorum nuntiantes Imperialium Epistolas eidem insigni ob-  
tulerunt electo, quibus Augusti continebantur responsa.  
Qui omnes Clero ac Reipublica cætibz diris machinati-  
onibus, consilium, quod Eugubii, ut prætulimus, cum Ar-  
senio statuerunt, adimplere cupientes dicebant: Omnes  
in obviam Imperialibus simul nobiscum exire studete Le-  
gatis, quatenus Augusti jussionibus obediens existere  
valeatis.

4 Post aliquot quoque dies ipsi, quos prænunciaverunt,  
missi Hortam, qua quadragesimo milliario à Roma distat,  
properaverunt. Ex quibus in eam Adelbertus, Bernar-  
dusque ingressi Comites, cuicumque olim damnato, Arsenio  
cogente Episcopo, se junxerunt, Presbytero nomine  
Anastasio, qui in sancta Synodo beata presidente Leone  
memoria præfule rite secundum sacrarum promulgationes  
canonum excommunicatus, depositus, & anathemate vin-  
ctus fuerat: Non habentes Deum præ oculis, ipsiusque  
præcepta confundere, ut tyranni, cupientes evidenter me-  
ditabantur, qualiter eundem electum anathematizatumque  
Anastasium Apostolico culmine sublevarent contra tradi-  
tionem, omniumque sanctiones Pontificum virorumque al-  
morum. Missi quoque, quos jam supra meminimus, qui  
Imperatori NOSTRUM DECRETUM benignissimi de ele-  
ctione Benedicti porrexerant: Id est, Nicolaus Episco-  
pus, & Mercurius Magister militum, mentibus cognitum  
conceptum habentes consilium, cum aliis quibusdam Ro-  
mam egressi nobilium, id est, Gregorio, Christophoroque  
Magistris militum, obviam quasi Imperatoris Legatis pro-  
fecti sunt, Hortamque properantibus urbem, fidelitatis sa-  
cramentum, quod seccrant almifico Benedicto parvipen-  
dentes, obliviscentisque electo damnato se conjunxerunt,  
depositoque Presbytero, hac sub occasione multi conceden-  
tes ab urbe similiter peregerunt, cogitantes consilium jux-  
ta illud Propheta elogium, quod non potuerunt stabilire.  
Urbe deinde exeuntes ab Horta juxta Basilicam beati  
Leucii Martyris pervenerunt, insultantes & gloriantes in  
5 sua virtute, cum quibus Radvaldus Portuensis Episcopus,  
Tudertinaque urbis Agatho antistes aderant, qui clam  
Roma discesserant urbe, & eidem anathematizato tetra  
irriti caligine se junxerant, obscurati sensu, mente, &  
anima.

Hoc ipse Dei famulus audiens Benedictus electus  
G. G. Majoremque venerabiles, prudentesque, & omni

scientia plenos Episcopos ipsis Imperialibus missis cum a-  
liquis literis studuit, quos apprehendentes Artio ana-  
thematizato monente Presbytero vinxerunt, & custodibus  
tradiderunt: Quod nec barbari gentiles in Legatis per-  
fecisse audiuntur. Postmodum autem sapius dictus Christi  
minister Benedictus electus Hadrianum insignem secundice-  
rium sancta Sedis Apostolica illis atque Gregorium Ducem  
obviam direxit.

Alteræ autem die, missione fungentes, omni Clero, cun-  
ctoque Senatui, & universo populo mandaverunt, ut ob-  
viam illis trans Milvium Pontem Imperatoris jussionibus,  
irent. Tunc omnes dolum nescientes Romani, neque falla-  
ciam, acquieverunt, Milviumque trans pontem urbem e-  
gressi unanimiter perrexerunt. Properantibus quidem ad  
Martyris jam facti basilicam, ipsi de quibus jam supra  
Legati meminimus, eidem deposito, anathematizatoque  
Presbytero Episcopo, Clerus Romana plebs, ac proceres  
obviaverunt: Cum quibus pariter equitantes per Nero-  
nis campum urbium jam mœniis properabant. Hadria-  
num quoque Secundicerium, de quo supra retulimus, val-  
latum custodibus deducebant. Gratianum verò sacri Su-  
peristam Patriarchii, atque Theodorum Scriniarium ad-  
prehendentes reclusos lanceis retinebant, & astrictos,  
quod nullatenus Augustorum jussione præceperant, nec eo-  
rum voluntate dictaverant. Sed hoc infelix depositi præ-  
sumptio agebat Presbyteri, qui virtutibus Leoninam  
cum ipsis Casaris Legatis ingrediens urbem Apostolo-  
rum repente, quam non debuerat, Principis introire ba-  
silicam, Dei parvipendens judicium, audacter invasit,  
tantæque ac talia infausæ operationis mala peregit, qua-  
lia nec Saracena in ea perficere manus præsumpsit, vel  
arbitrata est. Imagines enim confrégit, ignique concre-  
mavit, & Synodum, quam supra sanctuarii januas be-  
ata memoria Leo pingi Papa jusserat, destruxit, Domi-  
nique Jesu Christi, ejusque semper Virginis genitricis i-  
conam bipenni, quod non debuerat, ad ima dejecit, pro  
quo detestabili opere orthodoxa cuncti cultores fidei, la-  
crymas fundentes ingemiscebant, & tristitia replebantur,  
ac morore.

His itaque peractis hostili virtute ipse Romam deposi-  
tus ingreditur Presbyter, celeriterque ad Lateranensem,  
properavit cum iniquissimis ejus sequacibus, & saculari  
potentia Patriarchium, multisque telorum generibus jan-  
uas ejus aperiens tyrannus veluti cruentus eas intro-  
iit, solioque, quod nec manibus debuerat contricare,  
resedit, & cuicumque Balneoregiensi Episcopo, qui voca-  
batur nomine Romanus, tantum, cum non opere ferius  
obumbratus mentibus cerneretur, præcepit, ut beatissimum  
Benedictum, quem omnis Romana, ut prætulimus, plebs  
elegerat, Pontificali quo residebat, ejiceret solio. Qui  
etiam vestimenta Pontificalia, quibus indutus erat, ut  
barbarus, tulit atque expoliavit, multisque eum injuriis,  
verberibusque replevit.

Tunc ipse depositus Anastasius eundem benignissimum  
Benedictum electum humana, non Dei virtute, custodi-  
bus, qui artius eum constringerent, tradere studuit, Jo-  
anni scilicet Hadrianoque dudum Presbyteris, qui à  
Leone Præfule pro illorum criminibus damnati fue-  
rant, atque depositi ex omni sacerdotali officio. Mox u-  
niversa urbs ululatu, amplisque repleta est fletibus, &  
gravi murmure quassata jacebat. Illico quidem omnes E-  
piscopi, Clerusque, ac Dei populus sancta sanctorum in-  
gressi rudentes pectora sua profusis lacrymis intra vesti-  
bulum, & altare, solo prostrati jacebant, Dei orantes  
majestatem, ut tanti erroris caligine sua eos victrice dex-  
tra liberaret. Septima iam feria cursus peragebatur.

Alteræ verò die prædicti Episcopi cum universo Clero  
ac populo Emiliano titulo convenerunt, in quo etiam  
Augusti sapius dicti Legati frementes, magnæque tumentes  
superbia pervenerunt, & impetu facto absidam in qua E-  
piscopi psallentes residebant cum Clero, leones veluti fe-  
rocissimi conscenderunt, erectisque jaculis eos conabantur  
elidere, ensibusque punire dicentes: Adquiescite, & ve-  
stro consensu Pontificali Anastasius culmine subrogetur. Illi  
verò

verò sancto repleti Spiritu affirmabant dicentes: Nunquam in depositum & anathemate à sancto Prasule, beatâque Synodo vinctum consentimus; sed modis omnibus abjicimus, & à Dei coribus segregamus. Ipsi denique furibundi verberibus, tormentisque dicebant se velle eos punire. Sed beatissimus, Deique omnipotentis antistes, & qui cum ipsis aderant, terrores vel minas eorum parvipendentes, immobiles perseverant. Quorum constantiam jam dicti Franci cernentes, ab eis ira discesserunt repleti, & in quodam cubiculum ipsius basilicæ sunt ingressi, diversaque consilia meditabantur: In quod etiam Ostia & Albani antistites coactos introduxerunt, quos molliori sermone, blandisque reducere adulationibus decerabant, & postmodum asperis promissionibus circumdabant: Quibus stridula etiam voce dicebant: Nullatenus vitam possidere potestis, sed capitali subjacebitis sanctioni, nisi consecrationis Anastasio gratiam dederitis. Illi autem amè se morti tradere proferebant, membratimque se laniari, quam deposito, anathemate damnato consecrationis tribuerent benedictionem. Arguebant autem eosdem missos, & universas demonstrabant sacre responsionis scripturas, qualiter nullatenus eundem depositum, in ordine, quem poscebat, constituere valuissent. Protinus verò secretius, linguam eorum confabulantes furor, qui in eis exuberabat, minuit, mentibusque eorum videbatur expulsum.

Tertia verò feria lucescente omnes Episcopi cum Clero ac populo in basilica Salvatoris, quæ Constantiniana dicitur, congregati sunt. In qua omnis plebs ac populi multitudo extensa voce clamavit; Benedictum beatissimum Papam volumus, ipsūque desideramus. Quod jam fati audientes Legati, mirabantur. Videntes itaque, quia in Anastasium Christi unitas, almæque concordia nullo flectebatur ingenio, in quodam Patriarchii cubiculo Episcopos convocaverunt, atque alios Sacerdotes cum Clero. Cum quibus amplum agitare studuerunt consilium: Sed tam probabilibus missorum audaciam superaverunt sermonibus atque doctrinis; ita ut infauſta illorum mentis cogitatio contempleretur contrita atque confusa. Hoc cernentes missi venerabilibus dixerunt Episcopis: Accipite vestrum electum, & in quam vultis basilicam eum deducite. Et modò Anastasium, quem depositum dicitis, ab hoc Patriarchio ejicimus, trêsq; per dies jejunium cum orationibus celebremus, & postmodum quidquid superna clementia demonstraverit, impleatur. Almisque verò Episcopi clamaverunt, Ejiciatur nostra præsentia invasor atque depositus Anastasius, & ab hoc expellatur Patriarchio, & tunc faciemus, quod hortamini.

Illico prædictus Anastasius magna cum turpitudine de Patriarchio ejectus atque expulsus est, ut omnes multimodas orthodoxæ cultores fidei Domino nostro Jesu Christo persolverent grates.

Episcopi quidem cum universo Clero ac populo beatissimum accipientes Benedictum ejectum de basilica, in qua Clerici commorantur, deduxerunt, quia ibidem custodibus à sevisimo fuerat Anastasio collocatus, qui cum omni alacritate atque exultatione cum ipso in basilicam Salvatoris, quæ Constantiniana dicitur, descenderunt. De qua exeuntes eum super equum ovantes, in quo Leo præsul sedere consueverat, posuerunt. Quem etiam magna populi præcedente caterva in basilicam Dei genitricis, quæ ad præsepe dicitur, deduxerunt, in qua jejunii & orationibus tribus diebus, noctibusque vacantes summam majestatem Domini multis cum lacrymis exorabant, expletisque jejunio omnes, qui se anathematizato depositoque conjunxerant, divino compuncti nutu, Deique inflammati favore jam fatam basilicam, in qua beatissimus, ut prætulimus, Benedictus erat, unanimes convenerunt, & procedentes vestigia ipsius osculari cæperunt, qui & dicebant: Erravimus, & lubrico à te pede discessimus: Sed Pastor veluti sanctissimus ovium suscipe agmina, per nemus errantia, fesseque sinu agniculos collige, tuisque nos obumbra sub alis. Protinus ipse à Deo protectus Benedictus extensis brachiis, puris mentibus, cordeque benigno omnes amplecti sitiebat, & osculis perornabat: Quibus etiam dicebat: Gaudete, inquit, dilectissimi, & magis exultate, quia Ecclesiam, qua scissa fuerat, Christum Dei filium sua unire virtute dignatus est.

Hæc dicens & his similia prædicans, etiam ipsi Imperiales ibidem convenerunt Legati, qui salubribus verbis ac mollioribus cum eo secretius electo confabulabantur.

Subitò verò omnes Episcopi, universusque Clerus, atque innumera Romani populi multitudo, ex eadem cum deducentes basilica cum hymnis & canticis spiritalibus in Patriarchium Lateranense introduxerunt, & in Pontificali solio, de quo ejectus fuerat, posuerunt. Denique universa congratulabatur Ecclesia, & omnis populus amplis vocibus resulabat. Præterea Dominico die diluculo in basilicam beati Petri Apostoli ab Episcopis, Clero, proceribus deductus est, & in conspectu omnium Imperialibus missis cernentibus in Apostolica Sede, ut mos est & antiqua traditio dicit, consecratus, ordinatusque est Pontifex. Portuensis verò Episcopus prohibitus ab Ecclesia, ordinationem, quam debuerat, super eum nullatenus fecit, quod anathematizato sese junxerat, ac in perjurii voragine ceciderat, atque manebat.

Post sacra autem tunc missarum solemnia celebrata in Patriarchii Lateranensis Pontifex ordinatus, reversus est Ecclesiam. Erat enim mitissimus, & omnibus sacris decoratur operibus, vultu pulcher & mente clarus, dulcis verbo, doctrina benevolus.

Sed quia cuncta non sufficimus per ordinem enarrare, ad ea, quæ diversis Sanctorum locis obtulit, extendere calamum studeamus. Et cætera, quæ ad res in tranquillo Pontificatu gestas pertinent.

Hic non prius ad institutum meum accedo, quam diligenter observari velim, auctorem nostrum, five tunc Sedis Apostolicæ Bibliothecarius fuerit, five non fuerit, in Benedicti III. electione interfuisse. Id omnino significant verba hæc: Missi quoque, quos jam supra meminimus, qui Imperatori nostram decretum de benignissimi electione Benedicti porrexerant, &c. Sed quoniam auctor præfens aderat, is nonnisi perspecta & animadversa literis mandavit.

Et primò quidem cum memorat Benedictum varios sub variis Episcopis Ecclesiæ gradus & honores suscepisse, non obscure ostendit Apostolicæ Sedis consuetudinem, quæ quis in Romanum Pontificem evadit. Consuetudo hæc si bene capitur, mulierem illam, quæ epistolæ nostræ argumentum est, ab Romanæ Ecclesiæ gubernaculis longè ac latè propulsat. Nemo heic neque retro ad Petrum versus fit Romanus antistes, quin Romanæ civitatis Clero adscriptus fuerit, & Subdiaconi vel Diaconi vel Presbyteri munus laudabiliter gesserit. Id desideratur in femina, quæ sexum mentita Pontificatum obtinuit. Quo ex capite fabula configitur. Sed expendamus illam prout à suis auctoribus sic apud Platinam Onuphrii confecta est: Joannes Anglicus ex Moguntiaco oriundus malis artibus, ut aiunt, Pontificatum adeptus est. Meminit enim sexum cum femina esset, adolescens admodum Athenas cum amatore viro docto proficisci, ibique præceptores bonarum artium audiendo tantum profecit, ut Romam veniens, paucos admodum etiam in sacris literis pares haberet, nedum superiores. Legendo autem & disputando doctè & acutè, tantum benevolentia & auctoritatis sibi comparavit, ut mortuo Leone in ejus locum (ut Martinus ait) omnium consensu Pontifex crearetur. Mentita sexum femina nec Romanæ urbis Clero accensetur, nec ullo vel Subdiaconi vel Diaconi, vel Presbyteri officio, ut par est defungitur, & tamen in Leonis mortui locum sufficitur omnium consensu. Athenis igitur Romam venit, & quasi fungini esset generis, una veluti nocte exoritur, ut apparet. Moritur Leo, & ei subrogatur, etiamsi nullum in Romana Ecclesia gradum obtineret, aut nullus esset in ea Diaconus vel Prebyter idoneus, qui Leoni subrogari posset. Quod quantum à veritate & Romanæ Ecclesiæ moribus abhorret, relata vitæ Benedicti verba fati superque demonstrant. Hæc observare omnia, fabulosæ narrationis partes singulas confixisse est.

Deinde narrat, quomodo Leone IV. vita functo mox Clerus, Senatus, populisque Romanus ad eligendum



Pontificem se accinxit. Tunc omnium consensu electus est Benedictus. At si electus est Benedictus, electa non est mulier, quæ Joanna vocaretur. Quid manifestius? Quid ab omni mora & tergiversatione remotius?

Tum, Benedictus electionem à se deprecatur, oblatum Pontificatum recusat, sed vi suscipere cogitur, & ad Lateranense Patriarchium deducitur. Urbs palam exultat lætitia, & gaudio triumphat Ecclesia. Ubinam Joanna, quæ Leoni IV. succedenda deducatur ad Lateranense Patriarchium?

Quartò, Clerus & proceres cuncti decretum de electo Pontifice Benedicto faciunt, & ab omnibus subsignatum ad Imperatores Lotharium & Ludovicum perferunt, ut consuetudo prisca poscebat. Ubinam de electa antistite Joanna decretum, quod à Clero & proceribus universis oblatum ad Imperatores Lotharium & Ludovicum perferatur? Quis decretum tale vidit unquam? Consuetudo-ne prisca interrupta est in electæ antistitis Joannæ gratiam? Quis præ aut sponsor interruptæ consuetudinis? Quasi verò Lotharius & Ludovicus de jure suo non nihil remiserint, ut optatæ contra divinos & Ecclesiasticos canones mulieri gratificarentur? Quis inquam decretum tale vidit, etiam ex iis omnibus, qui exstruendam mulieri Sedem Romæ sibi sumpserunt? Quis eos nominat, qui decretum illud ad Imperatores detulerunt? Anastasius Nicolaum Anagninum antistitem, & Mercurium Magistrum militum nominat, à quibus decretum de electo Pontifice Benedicto ad Imperatores delatum fuit. Sed assertores Pontificatus feminæ non nominant eos, à quibus decretum de electa Pontifice Joanna ad Imperatores delatum fuit. Heic fabulatores nullo negotio constringuntur. Heic fabula dissipatur.

Quintò, quod de electo Pontifice Benedicto decretum ad Imperatorem Lotharium deferretur, nec delatum esset, nec deferri potuisset, si post Leonem IV. sedisset mulier annis 11. mensibus v. diebus iv. ut opifex fabulæ illam sedisse volunt. Quid ita? Lotharius filiiis divisi Imperium suum, & in Prumiensi cœnobio factus est monachus anno Christi DCCCLV. qui mulieris primus esset. Id veteres Germaniæ & alii historici constantissimè testantur.

Regino Prumiensis Monachus in libro 11. Chronicorum: Anno Dominica Incarnationis DCCCLV. Lotharius convocatis primoribus regni Imperium filiis suis divisit, Ludovico Italiam tradidit, eumque Imperatorem appellari fecit. Equivoco verò idem Lothario, regnum, quod ex suo nomine vocatur, concessit. Carolo autem, qui junior natus erat, Provinciam regnum largitus est. Dispositis itaque atque ordinatis regni negotiis, valedicens suis, mundum reliquit, atque in Prumiam Monasterium veniens comam capitis deposuit, habituque sanctæ conversationis suscepto, in religionis professione diem clausit extremum 11. Calendas Octobris. Hæc ille, qui ad annum DCCCXV. scribendi finem fecit.

Lambertus Schafnaburgensis in Chronico de rebus Germanicis ad annum DCCCLV. Luitharius etiam Rex tonsuram & Monachicum habitum suscepit moriturus in Prumia.

Annales Fuldenses: Anno DCCCLV. Lotharius Imperator renunciavit omnibus, quæ habuit, Prumiense Monasterium ingressus, effectusque ibi Monachus 11. Calend. Octob. mortalem hominem exiit.

Annales Bertiniani: Anno DCCCLV. Lotharius Imperator morbo correptus vitamque desperans, Monasterium Promæ in Arduenna constitutum adiit, sæculoque & regno penitus abrenuntiavit tonsus est, vitam habitumque Monachi humiliter sumens, dispositoque inter filios ejus, qui secum morabantur, regno, ita ut Lotharius cognomen ejus Franciam, Karolus verò provinciam obtineret, inter sex dies vita decessit 14. Calendarum Octobrium, atque in eodem Monasterio sepultus, ut desideraverat, consecutus est.

Marianus Scotus Fuldensis Monachus in Chronic. lib. 111. ætat. VI. Anno DCCCLV. Lotharius Imperator convocatis primoribus regni, Imperium inter filios suos divisit.

Ludovico quidem Italiam tradidit, eumque Imperatorem nomine suo appellare fecit. Lothario verò regnum, quod ex suo nomine vocatum est, concessit. Carolo autem juniore ipsorum Provinciam mandavit. Qui ita disponens sæculum reliquit, & in Prumiam Monasterium venit, postquam habitum sanctæ conversationis accepit Monachorum eodem anno 111. Calend. Octobris obiit. Marianus Bibliothecario junctus hic invictam rationem suppeditat, qua quidquid anno superiori de Joanna statuit, evertatur.

Sigebertus Gemblacensis Monachus in Chronographia: Anno DCCCLV. Lotharius Imperator partito inter filios regno abrenuntiavit sæculo, & in Prumia Monasterium habitu Monachi suscepto, non multo post dormivit in Domino.

His historicis adjicio Chronica duo, unum Aquitanum: Anno DCCCLV. Lotharius Imperator Monachus effectus in Prumia Monasterio moritur.

Alterum Leodiense: Anno DCCCLV. obiit Lotharius Imperator & Monachus.

In summa certum est apud omnes, Lotharium regnasse annos tantum xv. ac proinde cum an. DCCCXI. regnare cœperit, anno DCCCLV. regnare desiit.

Ex hac autem temporum serie Pontificatus mulieris falsitas ad liquidum exploratur. Nam si mulier proximè successisset Leoni IV. & sedisset, uti sedisse dicunt, annis duobus, mensibus v. & diebus iv. anno Christi octingentesimo quinquagesimo sesquicentavo, annis scilicet post Lotharii excessum duobus migrasset, & postea mulieri Benedictus III. successisset. Hoc ita posito, quod de electo Pontifice Benedicto decretum Anastasius ad Lotharium Imp. perlatum esse tradit, perlatum non esset; Tunc Lotharius jam ante annos circiter duos vitam deposuerat. Sed quoniam oculatus scriptor & rerum in electione Benedicti particeps abscisse scribit, decretum de electo Pontifice Benedicto perlatum esse ad Lotharium, quin ad eum perlatum fuerit, dubitari non potest. Atque ita dubitari quoque non potest, quin mulieris Pontificatus inter Leonem & Benedictum medius fictis fabulis adscribi debeat. En ratio pertinens ad id genus, quod Græcè *ἡ δεικνύουσα* nominatur!

Sextò, statim atque facta est Benedicti electio, in Romana Ecclesia conflatum est schisma. Occurrit enim Anastasius Cardinalis Presbyter, quem Leo IV. in Synodo abdicaverat, & fidelium communione privaverat. Hic cum restitui se non posse melius animadverteret, quàm si Romanus crearetur Pontifex, à nonnullis in Romanum Pontificem optatus est, curante id maxime Arsenio Eugubii Episcopo. Quod schismatis genus in vita Benedicti accuratè describitur. Sed tandem post altercationes multas & graves Benedictus admittitur & Anastasius pellitur. At si dum ardet schisma, si dum extinguitur, quis mulieris Pontificatui locus dabitur? Res hæc per se ipsa loquitur, & mulierem intrudentibus in Romanam Sedem auctoribus silentium imponit, & arguit mendacii.

Septimò, ne longius abeam, Anastasii Cardinalis ex-presbyteri (ut Gregorii Papæ I. verbo utar) consilium placet adhuc inspicere. Anastasius cum injustè depositum se excommunicatumque crederet, de modo, quo in pristinum restitueretur honorem cogitabat assidue, & tempus actioni opportunum perpetuò disquirebat. Opportunitas verò ad restituendum Anastasium nulla magis idonea fuit, quàm si hoc confestim tentaret post mortem Leonis, & antequam alter Pontifex novus eligeretur. Hinc simulatque electus est Anastasius, (quæ gloriosissima & magnificentissima fuit pristini honoris restitutio) & in urbem intravit, nihil prius habuit, quàm ut Synodus, in qua Sacerdotio nudatus fuerat, supra Sanctuarii januas jussu Leonis depicta induceretur, & omnino deiceretur. Quis quæso sibi persuaderet unquam, voluisse Anastasium, ut negotium hoc totum perageret, usque expectare, dum Leonis successor alius, Joannes seu Joanna fuerit, Pontificatu defunctus esset? Sciebat-ne successoris Pontificatum ad annos duos

menfes

menes v. & dies iv. duraturum, & se superstitem futurum esse? Profecto Anastasius ut rerum suarum prudenter satageret, Leoni proximè succedere velle debuit, & quia succedere non potuit, Benedictus III. non Joannes vel Joanna successit.

Observatio hæc ita confirmatur, ut præsidio majore confirmari non possit. In Annalibus Bertinianis referuntur acta Synodi, in qua Leo IV. Anastasium Cardinalem Presbyterum deposuit, & anathemate percussit, ac mox subjicitur: *Post mortem verò jam dicti Leonis digna memoria præfatus, ipse anathematizatus atque depositus Anastasius, seculari potentia rediens ab abditis, quibus sicut fur latitaverat, locis, Diabolica fraude seductus, irretitusque caligine, latronum more hanc quam non debuerat introire, Ecclesiam invasit, velut ethnicus atque barbarus, ad perditionem suæ animæ atque periculum, hujus veneranda Synodi cum suis nequissimis consentaneis atque sequacibus pœturam destruxit, imaque dejecit; Quam beatissimus Papa Benedictus atque egregius restauravit, & lucifluis coloribus decoravit.* Hæc cum sic se habeant, quibus machinis, arietibus, & tormentis inter Leonem IV. & Benedictum III. Joannis vel Joannæ Pontificatus interponitur? Anastasii expresbyteri molitiones machinarum, & arietum retardabant impetum, & tormenta omnia procul repellent.

En alia ratio, quæ mulieris Pontificatum fictum palam & in omnium oculis defigit!

Porro autem quidquid hæcenus disserui suppeditat electionis Benedicti historia, quam Anastasius Sedis Apostolicæ Bibliothecarius sincerè conscripsit. Exinde rationum momenta erui septem, quorum unumquodque apud cordatos homines sufficeret ad fabulosæ narrationis excidium. Quid si adjungantur omnia? Sic auctor unus æqualis, qui malæ fidei accusari non potest, cæteris qui deinceps vel invexerunt fabulam, vel narrarunt invecam, ut murus athenus pro conservanda veritate opponitur. Hæc lex est, quam Tertullianus vir acris judicii fixit in libri de præscriptione Hæreticorum capite xxxi. *Ex ipso ordine manifestatur id esse Dominicum & verum, quod sit prius traditum: Id autem extremum & falsum, quod sit posterius immissum. Ea sententia manebit adversus posteriores quasque hæreses, quibus nulla constantia de conscientia competit ad defendendam sibi veritatem.* Iterum in libri iv. contra Marcionem cap. iv. *Quis inter nos determinabit, nisi temporis ratio, ei præscribens auctoritatem, quod antiquius reperietur, & ei præjudicans variationem, quod posterius revinctur?* Quæ lex ad propugnanda fidei dogmata utilis, & valet quamplurimum, ad tuendum istud Ecclesiasticæ historiæ caput non potest non esse utilis, & non valere quamplurimum. Utrobique veritas asseritur, & asserta proponitur ad credendum, sed diversimodè: Religionis dogma divinâ fide: Historiæ punctum, quale est nostrum humanâ. Qui prius non credit, pro hæretico dicitur; qui posterius non credit, negligendus est; si credit oppositum, ut homo stolidè credulus habendus est.

Nunc supersunt tria, quæ à me animadverti oportet, ne improperandæ dissimulationi locus ullus relinquantur.

Primum, quod nonnulli sunt Anastasii Bibliothecarii codices manu exarati, in quibus Joannæ Papiissæ historia refertur. Sunt quidem, sed recenti manu scripti, eo nimirum tempore, quo fabula hæc pene omnium mentes occupaverat. Tunc semidocti librarii describendo librum Anastasii supplebant, quod ab illo prætermisum esse suspicabantur: nec advertabant ulterius, supplementum illud cum iis, quæ ex Anastasio de vita Benedicti Papæ retulimus, stare non posse. Quæ repugnantia sufficit, ut quæ præpostera librorum sedulitate Anastasii libro succreverint, succrevisse dignoscantur. Huc accedit, quod manuscriptus ante annos quingentos Anastasii codex, in quo de Joanna Papiissa fermo fiat, hæcenus inventus sit nul-

lus. Sed profectò ingenuè fatendum est recentiores extare codices, in quibus Papiissæ fabula legatur. Hoc maximè dico propter eos, qui abscisæ negarent. Ego exemplar unum vidi & legi, sed recenter scriptum, circa tempus illud, quo habitum est Constantiensis Concilium, posteriores Anastasio vitas Pontificum usque ad Martinum V. continebat: Sed necesse est meminisse nos semper, in instrumentis fidem de temporibus asserendam esse, ut Tertullianus monet in Apologetici capite xix.

Deinde, quod sæcula fuere duo vel tria, in quibus de feminæ Pontificatu, nec Romæ, nec fortassis uspiam dubitaretur. Tempore Constantiensis Concilii dubitatum non est, cum illud certas quasdam Joannis Hussi propositiones censoria gravitate suffixit. Delecti ad legendum Hussi librum de Ecclesia, & ad propositiones inde excerptas judices seu Episcopi, seu Theologi, tangere non sunt ausi, quæ auctor de femina Pontifice semel atque iterum notavit.

Semel quidem in capite vii. *Quæro ergo de qua Ecclesia intelligas, quod non possit errare? Sed certum est quod Papa errare potest, ut 19. dist. Anastasius, & 40. dist. si Papa.* Ideo nec ipse nec ejus familia est illa Ecclesia, de qua hic (decret. 24. quæst. 1. A recta) dicitur quod errare non potest. Unde dicit glossa. ipsa congregatio fidelium dicitur hæc Ecclesia. Et sic etiam intelligitur dictum beati Hieronymi positum 25. quæst. 21. *hæc est fides. Sancta, inquit, est Ecclesia Romana, quæ semper immaculata permansit, providente Domino, & beato Petro Apostolo opem ferente, in futurum manebit sine ulla hæreticorum insultatione, atque firma & immobilis omni tempore persistet.* Hic non potest intelligi quilibet Papa cum suo Collegio Cardinalium. Illi enim sunt sapius maculati deceptione prava, & peccato, ut tempore Joannis Papæ Anglicæ mulieris, qui Hagna dicebatur. Quomodo ergo illa Romana Ecclesia, illa Agnes Joannes Papa cum Collegio semper immaculata permansit, qui peperit? Par est ratio de aliis Papis, qui fuerunt hæretici, & propter multiplices enormitates depositi.

Iterum in capite xiii. De femella patet in Agnetæ, quæ vocata est Joannes Anglicus, de qua scribit Cestrensis lib. 5. cap. 3. *Quedam femina sedit in Papatu duobus annis & mensibus quinque post Leonem: Hæc dicitur fuisse puella Agnes vocata, natione Moguntina, à suo amasio Athenis in habitu virili adducta, & Joannes Anglicus nominata, quæ in diversis scientiis sic profecit, quod Romam veniens magnos magistros habuit auditores, Trivium legit: Demum in Papam electa per suum amasium imprægnatur. Et dum Lateranensem Ecclesiam ab Ecclesia Petri pergeret, angustia pariendi doloribus inter Colosseum & sanctum Clementem peperit, & postmodum ibi fuit mortua, & sepulta. Et hinc dicitur Papam hanc viam communiter devitare. Unde non ponitur in Catalogo Paparum. Ut ex aliis libri capitibus, sic & ex his quoque propositiones excerptæ sunt, quas Constantiensis Synodus condemnavit. Sed intacta sunt relicta, quæ ad fabulosam de femina Pontifice narrationem pertinent, quid ita? Jam ab annis pluribus ut ex Cestrensi liquet, ea de re non ambigebatur.*

Quo tempore Romanam Pius II. administrabat Ecclesiam, Senensis basilica major ornata est laquearibus, in quorum parte inferiori Romanorum Pontificum, qui sibi invicem succedunt usque ad Pium II. statux umbilico tenus eminentes aspectantur; ubi Joannes seu Joanna inter Leonem IV. & Benedictum III. collocatur, quod est certum inveteratæ persuasione indicium. Ita ut Aeneas Silvius vir acrioris cæteroquin ingenii ausus non sit ab illa persuasioni omnino recedere in Epistola cxxx. quam scribit ad Joannem Carvaial Cardinalem; & est Dialogus contra Bohemos & Taboritas de communione sub una specie: Verba sunt: *Quam Romana Sedes feminam pro mare coluit, & in Apostolatus apice collocavit. Anem: Istic*



neque fidei, neque juris error, sed ignorantia facti fuit. Neque certa est historia. Hæc in Basileensi editione postrema, quam & in aliis meis Epistolis ut emendatorem sequor.

Platina licet non minus emunctæ naris in notandis erroribus, Æneam tamen imitatur. Nam relatis quæ Martinus Polonus, & hic paullo antè Cestrensis memoriz tradiderunt, subjicit: *Hæc quæ dixi, vulgò feruntur, incertis tamen & obscuris auctoribus, quæ ideo ponere breviter & nudè institui, ne obstinatè nimium & pertinaciter omissey videar, quod ferè omnes affirmant. Erremus etiam nos hac in re cum vulgo, quamquam appareat, quæ dixi, ex his esse quæ fieri posse creduntur.* Ad ductus in hanc vulgi opinionem Æneas respondet objectioni, quæ ut mera fabula, procul abjicienda erat.

Pio II. & Platina è medio sublatis, vetus sine hæsitazione ulla perseveravit opinio, ut nos docent Germani scriptores duo, quorum unus est Anonymus in Chronologica Compilatione, quæ in annum MCCCCLXXIV. definit: *Fuit, inquit, & alius Pseudopapa, cujus nomen & anni ignorantur. Nam mulier erat, ut fatentur Romani, & elegantis formæ, magna scientia, & in hypocrisis magna viæ. Hæc sub virili habitu latuit, quousque in Papatu eligitur, & hæc in Papatu concepit: Et cum esset gravida, demon in Consistorio publice coram omnibus prodit factum, clamans ad Papam hunc versum:*

*Papa Pater Patrum Papissa pandito partum.*

Alter Wernerus Rolewinkius ex Cartusianorum Ordine in Fasciculo temporum, ætate VI. *Iste Joannes Anglicus cognomine, natione Moguntinus, circa hæc tempora dicitur fuisse, & erat femina habitu vestita virili. Sic in divina sapientia profecerat, ut par ei non inveniretur, & in Papam eligitur. Sed post impregnata cum publicè in processione pergeret, peperit & moritur. Et hic sextus videtur fuisse Papa, qui nomen sanctitatis sine re habuit usque huc: Et similiter sunt alii. A Deo plagatus fuit. Nec ponitur in Catalogo Pontificum. Nugantur aliqui hac de causa, nullum Almanum in Papam eligi. Quod falsum esse constat.*

Quod observat feminam non poni in Catalogo Pontificum, jam Cestrensis observaverat, & Gotfridus Viterbiensis Presbyter in parte xx. Chronicorum, quæ sub nomine Urbani III. apparere voluit, id expressè scribit: *Leo quartus Papa sedit annis octo, mensibus quinque, Papissa Joannæ non numeratur. Benedictus Papa sedit annis duobus.*

Ex his autem omnibus manifestum est, neminem vel certè paucos dubitasse, quin femina Romanam Sedem occuparit.

Denique, quod quamvis res ita se habeat, non tamen consequens est, id reipsa fuisse, quod reipsa non fuit, & quod reipsa non fuisse, invictis rationibus convicimus. Inveterata persuasio, quam mox exhibuimus, non veritatem, sed imbecillitatem hominum demonstrat. Fabula est primùm in vulgus sparsa, quæ inter annorum vices, detrimenta temporum, & labentium sæculorum insolentiam obtinuit, cum quid Romæ post Leonis IV. mortem gestum fuerit, planè nesciretur, vel, quod vix crediderim, nefariè dissimularetur. Nam post annos ab obitu Leonis IV. ducentos & eo amplius in vulgus spargi cepit. Neque verò istud est observatu valde necessarium. Non enim tantum de posteriori tempore hoc præscribo contra fabulosam narrationem, sed de insulitate ipsa fabulose narrationis, quæ non antè per seipsam tota revolvitur, ac perpenditur, quam in suas comminuta partes dissolvatur, & in vagum pulverem fatiscat. Justus Lipsius vir gravis dixit aliàs fabellam esse haud procul ab audacia & ineptiis Poëtarum. Et rectè quidem dixit, nisi fortè quod nulla sit Poëtarum audacia, nullæ ineptiæ, quas

fabella illa omnium auribus & animis absque rerum complexione non superet, ac dignius quam par sit excipiatur, si Poëtarum audaciæ & ineptiis comparatur. Poëtarum audacia & ineptiæ oblectationem adferunt, fabella verò tam male confuta est ut indignationem accersat. Exinde factum est, ut ego mirer, cur Æneas Silvius & Platina tam citò manus vulgo dederint, & ad Dialecticorum argutias, perinde confugerint, quasi res ipsa penitus constaret.

Æneas quidem cum ait: *Istic neque fidei, neque juris, sed ignorantia facti fuit.* Et cum subjicit, *neque certa est historia,* omnino gratis subjicit, quia non continuo docet, cur incerta sit historia.

Platina verò multum se torquet, ut & viæ, qua itur ad Lateranensem Ecclesiam supplicationis gratia, & perforatæ sedi, cui novus Pontifex imponitur, honestum & à Fabulatorum proposito diversum finem attribuat. Sed quis nescit, eum qui fabulam finxit, aut jam fictæ fabulæ assertores, non protinus finxisse, quæ fabulæ fidem aliquam conciliarent? Nonne Philosophorum axioma vulgare est, *Qui dat esse, dat consequentia ad esse?* Fabulam ipsam everte, statim & uno ictu evertis, quæ ad fabulæ ædificium consequuntur. Et quamvis quæ non contemnendus auctor excogitavit, fatis sint apposita, huc nihilominus tamen se recipit: *Erremus etiam nos hac in re cum vulgo, quamquam appareat, quæ dixi, ex his esse, quæ fieri posse creduntur.* Quasi verò commenta omnia refelli non debeant, quia sunt ex iis nonnulla, quæ fieri posse creduntur.

Siccine confutarent fabulam, quæ annis abhinc quingentis & viginti de Cyriaco Papa Martyre sic decantata est?

I. Robertus Autissiodorensis Monachus in Chronico, cui ad annum MCC. finem imposuit: *Veruntamen de beato Collegio, ac sacro Martyrio undecim millium Virginum aliter sentiendum, venerabilis sanctimonialis Elisabeth nomine in sua revelatione dignissimè manifestat, quæ jam in nostro sæculo, anno videlicet incarnati Verbi 1156. divinitus mirabiliter meruit edoceri: Non solum quo tempore prædicta passa sint Virgines, verum etiam quis pater Ursula, quæ cognatio ejus, quantis religiosi personis tam laicis, quam Ecclesiasticis, Collegium Virginum fretum fuerit, & qui & quomodo etiam ipsi pro Christo cum sacris Virginitibus Martyrium perulerunt. Dicit enim quod quidam Papa urbis Romæ Quiriacus nomine 19. post Petrum, cum illis passus sit. Fuit siquidem Pontiani Papa successor & rexit Ecclesiam anno 1. & mensibus 10. & sic in loco suo virum sanctum, qui Anteros dictus est, ordinavit, & cum 11. millibus Virginum discedens Sedem suam reliquit. Nam & ipse de Britannia natus plures consanguineas in Sanctarum numero puellarum asseritur habuisse. Et quia Sedem Apostolicam invito Clero reliquit, nomen ipsius de Catalogo Romanorum Pontificum idem Clexus erasit. Ipse tamen secus hoc fecit, quia divinitus fuerat revelatum, cum eisdem Virginitibus martyrii palmam se percepturum. Passum est autem sanctum Virginitum Collegium juxta præfatam narrationem circa annum Incarnati Verbi 237. Quod Robertus narrat martyrium, convenientius refertur ad annum CXXXVII. in quo Romani Principes ethnica superstitione detinebantur, & Christianos vexabant, quam ad Gratiani vel Martiani tempus, in quo Romani Pontifices hi fidem Christi susceperant, & Christianos non solum vexare desierant, sed etiam honoribus augebant.*

II. Albericus Monasterii trium Fontium Abbas in Chronico anno CXXXVII. *Roma post Pontianum Papam successit Cyriacus ille de majore Britannia anno uno & per undecim hebdomadas, anno CXXXVIII. Roma Cyriaco successit Antherus Papa natione Græci, ab ipso Cyriaco institutus, à beato Petro vicissimus.*

III. Martinus Polonus Innocentii Papæ IV. Penitentiarius, in Chronico: *Pontiano dicitur successisse Cyriacum Papa, & sedisse anno uno & tribus mensibus.*

Sed

Sed quia contra voluntatem Cleri cessit de Papatu, Atherum substituendo, & cum undecim millibus virginum, quas Roma baptizaverat, Coloniā Agrippinā tendendo, non est positus in Catalogo Pontificum. Credebant enim plerique eum non propter devotionem, sed propter oblectamenta Virginum Papatum dimisisse: Cum tamen ipse Virgo existens cum Virginibus martyrio fuit coronatus, sicut habetur in Legenda Virginum. Sic prima Virginum acta Cyriacum Papam repræsentant.

IV. Vincentius Bellovacensis ex Ordine Prædicatorum Theologus, in libri xx. Speculi historialis capite xl. Quarum (undecim mille Virginum) adventu Papa Cyriacus valde letatus est, & eas cum honore suscepit. Et cætera, quæ Robertus Autissiodorensis ex sanctæ Elizabeth historia recenset.

V. Thomas Cantipratanus ex Ordine Prædicatorum Theologus, in libri ii. de Apibus capite l. part.

28 VI. Sancta Coloniensis Ecclesia ab illo glorioso virginali Collegio, cuius numerum solius Dei scientia comprehendit, sanctificata noscitur. Et quibusdam interjectis: Unde quidam Cyriacus Papa, & multi Episcopi, Reges & Regina, quorum nomina cum corporibus lapidibus inscripta inter tumulos sacrarum Virginum reperta sunt, cum eisdem palmam martyrii adepti sunt.

VI. Jacobus Genuensis ex Ordine Prædicatorum Archiepiscopus in Legenda Sanctorum xxi. Octob. Ad quarum (undecim mille Virginum) adventum Papa Cyriacus valde gavisus, cum omni Clero ipsas cum honore suscepit.

VII. Augustinus de Ancona celebris ex Ordine Eremitarum beati Augustini Theologus & Jurisperitus, in Summa quæst. iv. art. viii. de Renunciatione Pontificatus: Respondeo dicendum, quod Canones & gesta Pontificum quatuor Summos Pontifices narrant renunciasse Pontificatui, Clementem, Cyriacum, Marcellinum, & Celestinum. Et post pauca: Cyriacus verò resignavit propter martyrii coronationem. Nam sicut notatur in Legenda xi. millium Virginum, quod cum sancta Ursula cum aliis xi. m. Virginibus Romam venit, tunc Cyriacus urbis Roma Episcopus Angelica visione monitus, quod cum illis Virginibus deberet simul esse coronam martyrii recepturus, statim congregatis Cardinalibus ei reclamantibus Papatu renuntiavit.

VIII. Albericus de Rosate Bergomensis in Dictionario; verbo Renunciatio. An Papa possit renunciare? Dic quod sic, eodem titulo (de Renunciat. In sexto) cum ibi notatis: Et adde unum, qui miraculose renunciavit, sanctum Cyriacum Papam, de cuius mirabili renunciatione nota in Legenda undecem millium Virginum.

29 IX. Joannes Andreas in paucis Canonici juris antecessoribus nominatissimus, in Novella vi. Datur certum exemplum de Cyriaco Papa: De quo legitur, quod cum Ursula & undecim mille Virginibus martyrizatus est.

X. Dominicus à Sancto Geminiano Jurisconsultus eximius in receptam vi. Decret. glossam ita scribit: Ultra exempla hic posita datur aliud exemplum de Cyriaco Papa, qui martyrizatus est cum Ursula & undecim mille Virginibus, de quo scribitur, cum nocte quadam sibi fuisset revelatum, quod esset recepturus palmam martyrii cum illis Virginibus, tunc congregato Clero & Cardinalibus, omnibus invitis coram ipsis renunciavit.

XI. Sanctus Antonius ex ordine Prædicatorum Florentinus Archiepiscopus part. iiii. tit. xxxiii. cap. iv. Quas omnes (undecim mille Virgines) Papa Cyriacus & Clerus cum letitia & honore suscepit. Ei autem revelatum est, quod martyrii palmam cum eis esset consecuturus.

XII. Joannes Turrecremata ex Ordine Prædicatorum Cardinalis, in cap. Quam periculosum: Respondeo, quod Papa possit renunciare. Ista conclusio ostenditur vera tripliciter: Scilicet, auctoritate, exemplis, & rationibus. Exemplis patet. Nam leguntur Summi Pontifices renunciasse, sicut beatus Clemens: Item beatus

Cyriacus, sicut patet in Legenda undecim millium Virginum.

XIII. Petrus Equilensis Episcopus in libri ix. de Sanctis capite lxxxviii. Quas (Virgines Basilea Romanas venientes) Papa Cyriacus gaudenter suscepit, quia de terra earum erat, & multas ibi consanguineas habebat, plurimisque ex ipsis nondum baptizatas sacro fonte profudit, qui divinam revelationem in somnis accepit, ut cum ipsis relicto Pontificatu discederet, & coronam martyrii cum ipsis acciperet. Et cum anno uno & mensibus duobus & diebus xx. Ecclesiam rexisset, invitis Cardinalibus & clero Romano Papatum resignavit, & cum Vincentio Presbytero Cardinali & multis aliis Virginum Collegio se sociavit; & quia invitis omnibus Pontificatum reliquit, nomen ejus de Catalogo Romanorum Pontificum Clerus abrajit.

XIV. Auctor anonymus Chronologica Compilationis, quæ ex variis Chronicis excerpta, & Germanicorum scriptorum corpori inserta est, ad annum cccxxi. Post ipsum Pontianum Papam sedit Cyriacus Papa anno uno. Sed non est in Catalogo Romanorum Pontificum quia recessit à Sede.

XV. Jacobus Philippus Bergomensis ex Ordine Eremitarum sancti Augustini scriptor illustris, in supplemento Chronicorum: Cyriacum Papam Pontiano huic successisse multi ferunt: Sed quia contra Patrum voluntatem Papatu cessit, atque cum undecim Virginum millibus, quas ferè omnes baptizaverat, Agrippinam urbem concessit, in Pontificum Catalogo positus non est, cum tamen & ipse Virgo existens, cum Virginibus illis martyrio sit coronatus.

XVI. Joannes Nauclerus Tubingensis Academiæ Cancellarius in volum. ii. Chronographiæ generat. viii. Cyriacus Papa Pontiano subjicitur, qui uno anno & tribus mensibus fertur sedisse, ab Hunnis Agrippinam unā cum undecim millibus Virginum profectus martyrio consumptus est.

XVII. Joannes Thwrochius in Chronicis Hungarorum cap. xvii. Qui (Attila) dum ejusdem civitatis (Coloniensis) vacaret in obsidione, & cæterus ille undecim millium Virginum præclarissimus, nullum sibi à saculorum primordio habens similem, duce sancta Ursula Britannorum Regis filia, simul cum illis Duce Eshero Anglorum Regis nato, sponso suo, ac Cyriaco Papa, multisque aliis spiritualium & secularium dignitatum personis navigii officio Rheni fluminis alta secantes, illuc advenisset, cum dictus Præfectus quorundam Romanorum ductu in gentilitatis errore infectorum consilio simul cum Hunnis obsidioni dictæ civitatis insistentibus ingenti cum clamore, & feritatis austeritate, in tam sacrum Virginum Collegium truculentus velut hostis irruit, omnesque usque ad internecionem delevit. Quam alii historiam Maximini Imperio consignat, hanc Thwrochius Martiani Imperio consignat: Ita ut qui Pontifex Cyriacus sub Maximino claruit, hic sub Martiano adhuc clareat. Maximinus anno Christi cccxxvii. regnare cepit, & anno cccxl. periit. Martianus anno ccccl. regnare cepit, & anno sequenti Attila Gallias devastat.

XVIII. Antonius Bonfinius in libro v. Decadis rerum Hungaricarum, ubi de Ursulæ & Sodalium ejus adventu in urbem loquitur: Quod ubi Cyriaco Pontifici maximo significatum est, cum universo Collegio Sacerdotum ex urbe Roma prodiens mirifice exultavit, & quam honestissimo potuit apparatu adventantes virgines excepit. Et post alia: Cum abundi tempus instaret, Pontifex divino jussu numine, advocato Sacerdotum Collegio, quid facere vellet, aperuit, seque Pontificatu, cum post Pontianum Pontificem anno uno ac mensibus circiter duobus Romana Ecclesia præsuisset, sponte cunctis reclamantibus abdicavit. Cardinales eum delirare putabant, quod in senio mulierculus non sine sui ridiculo sequeretur: Neque cælesti eum interprete admonitum intelligebant, qui eum unā cum Virginibus in Gallia martyrium subiturum esse nunciavit. Contempta tandem omnium refectione sancti



sancti propositi tenacissimus Anterum mira sanctitate praeditum sibi suffecit.

XIX. Martyrologium Coloniae post Lombardicam historiam editum circa annum mccccxc. xii. Calend. Novembris: Apud Coloniam Agrippinam passio sanctae Ursulae & sodalium ejus undecim millium Virginum & martyrum, quarum sancta Ursula Virgo, & filia regis Britonum domina & regina extitit. Hæc cum esset desponsata Etherio filio Regis Anglia, has sacras Virgines ad dedicationem & conservationem virginis suae elegit: Cum quibus peregrinavit Romam, de Roma usque ad Coloniam pervenit. His sacris Virginibus associati fuerunt, sanctus Cyriacus Papa, & Innocentius Presbyter Cardinalis, Pantaleus Basileensis Episcopus, & sanctus Marculus Episcopus, multique Episcopi & Sacerdotes, proceres & nobiles huic sanctae societati adhaerunt, & cum iisdem Virginibus una die sub una fide Sanctissima Trinitatis super litus Rheni praeactæ civitatis una cum beata Gerasina regina Sicilia, ac filiabus ejus Babilla, Juliana, Victoria, Aurea, ac parvulo suo Adriano, & beatis Virginibus Cleomata, Thermata, Christantia, Pinnosa, Theusta, Thamaria regina, & Officia ab Hunnis barbaris tempore Martiani Imp. circa annum Domini 450. crudeli examinatione trucidati sunt.

33 XX. Joannes Capgravius ex Ordine Eremitarum sancti Augustini Theologus in legenda Sanctorum Angliæ, quæ Londini prodiiit anno MDXVII. in martyrio undecim mille Virginum: Tres in visu apparuerunt Cyriaco Papa eum exhortantes, ut relicto Pontificatu ad coronam martyrii properaret: Sed quia contra voluntatem Cardinalium, Romanique Senatus consilium discessit, nomen illius è Catalogo Pontificum deletum est.

XXI. Silvester Prieras Generalis Prædicatorum Magister, in Summa, verbo Papa. Queritur, utrum Papa renunciare possit? Respondeo, quod sic: Unde quatuor renunciasse legimus: Scilicet, Clementem, Cyriacum, Marcellinum, & Celestinum, licet non ex iisdem causis.

XXII. Liber sextus Decretalium juxta Lugdunensem editionem anni MDXX. MDL. & MDLIII. in cap. Renunciat. Datur autem certum exemplum de Cyriaco Papa, de quo legitur, quod cum Ursula & undecim millibus Virginum martyrizatus est. Scribitur enim de ipso, quod sibi quondam revelatum est, quod esset cum illis virginibus palmam martyrii recepturus. Tunc congregatis Clero & Cardinalibus coram ipsis renunciavit dignitati & officio. Sed iste Cyriacus in Catalogo Romanorum Pontificum non denominatur, quia creditum fuit per Cardinales, quod non propter devotionem, sed propter oblectamenta virginum Papatum dimisisset. Diversorum annorum editionem supra notavi, quia quæ retulimus, è posterioribus editionibus sublata sunt.

34 XXIII. Romanum Breviarium, quod anno MDL. editum est, in lect. iv. & v. Felti undecim mille Virginum: Quas Papa Cyriacus & Clerus cum letitia & honore suscepit. Qui & ipse de Britannia erat, & consanguineas inter illas nonnullas habebat. Hinc cum & ipse virgo existeret, huic revelatum fuit, quod martyrii palmam cum iis esset consecuturus, & demum manifestans voluntatem suam coram omni Clero Papatui renunciavit, cum anno uno rexisset Ecclesiam & mensibus circiter tribus nonusdecimus post Petrum Apostolum. Hæc non amplius leguntur in Romano Breviario.

XXIV. Antonius Cuchus in lib. II. Pand. cap. II. Desinit quis Pontificatus fungi morte & renunciatione: Neque desunt exempla eorum, qui sponte se à Pontificatu abdicarunt, Cyriacus, &c.

XXV. Bartholomæus Fumus in Armilla, verbo Papa: Papa renunciare potest papatui, etiamsi jurasset non renunciare, cum adest causa rationabilis, sicut fecit Papa Cyriacus, & multi alii. Hæc pauca de Canonici juris antecessoribus, qui omnes vel penè omnes in cap. Renunciat. Cyriaci Papæ exemplo utuntur.

XXVI. Lælius Zecchius in libro de Rep. Ecclesiastica

num. xxxv. de Papa: Clarum est, Papam posse renunciare Papatui. Et paulo post: Sic Clemens, Cyriacus, Marcellinus, & Celestinus renunciarunt.

XXVII. Nicolaus Olahus Strigoniensis Archiepiscopus in historia Attilæ: Ursula Basileam revertitur, Cyriaco Papa eam summo honore semper prosequente. In hujus auctoris opinione Cyriacus Papa vivebat tempore Attilæ, qui & ipse vivebat Theodosio juniore & Marciano Imperatoribus.

XXVIII. Hermannus Scombachus è Societate Jesu Presbyter in tomo I. de Ursula vindicata lib. I. cap. xxxi. ex Gerlaco Tuitiensi Abbate Sepulcralem titulum hunc saxo incisum refert. S. Cyriacus Papa Romanus, qui cum gaudio suscepit sacras Virgines, & cum iisdem reversus martyrium suscepit. Scombachus adjicit: Vix erutus è terra titulus iste fuit, quin statim ejus festum Colonia, Tuitii, variisque in locis, quo sacra sancti Cyriaci reliquiae sunt deportata, fuerit solemniter celebratum.

Quis nunc istam de Cyriaco Papa narrationem, etiamsi non paucioribus quam relata de Joanna Papissa testimoniis confirmetur, veram esse crederet, quia Cyriacus Papa, qui nunquam fuit, aliquando esse potuit? Si extitisset, quo tempore extitisse relati auctores memorant, cur in libri VI. historiae capite XXI. prætermisisset Eusebius, cum ita scribit: Simulatque Pontianus Ecclesia Romana Pontificatum per sex annos gesserat, in ejus locum Anteros surrogatus est?

Cur qui Pontifex ab Eusebio fuisset omissus, hunc non supplevisset Optatus Milevitanus Episcopus, cum in libro II. contra Parmenianum Romanorum Praesulum successionem ita exequitur: Ergo cathedra unica, qua est prima de doctoribus, sedit prior Petrus. Cui successit Linus, Lino successit Clemens, Clementi Anacleus. Et paulo post: Urbano Pontianus, Pontiano Antherus, &c.

Cur Augustinus, cum in Epistola CLXV. ad Generosum Romanos Pontifices à Petro usque ad Anastasium recenset, ex illorum numero Cyriacum sustulisset? Petro, inquit, successit Linus, Lino Clemens, Clementi Anacleus. Et quibusdam interpositis: Urbano Pontianus, Pontiano Antherus. Et quemadmodum recensione facta Augustinus dicit: In hoc ordine successionis nullus Donatista Episcopus invenitur: Sic & dici quoque posset: In hoc ordine successionis nullus Cyriacus Episcopus invenitur.

Augustinus risisset impudentiam hominis, qui respondisset, in hoc ordine successionis nullum Donatistam Episcopum inveniri, quia ex eo successionis ordine N. Donatistæ Episcopi nomen deletum est. Tu rideres quoque impudentiam hominis, qui diceret, ex eodem successionis ordine Cyriacum esse sublatum, eamque ob causam nullum ibi Cyriacum inveniri.

Cur Prosper Aquitanus Chronico suo, quod nunc integrum publici juris factum est, non adscripsisset Cyriacum Papam, cum hinc inde Romanorum Pontificum feriem notat? Roma, inquit, XVII. Episcopatum suscepit Pontianus annis quinque, & post annos quinque Roma XVIII. fit Episcopus Anterus.

Prætermitto cæteros, Anastasium Bibliothecarium, Reginonem, Hermannum Contractum, Marianum Scotum, Gotfridum Viterbiensem, qui traditionem Ecclesiæ secuti, Cyriacum inter Pontianum & Anterum nequaquam interponunt.

Sed prætermittere non possum auctores duos, qui quod mireris, etsi in facie, ut ita dicam, temporum scripserint, narrationem hanc ex rebus fictis commentitiisque formatam esse deprehenderunt, eamque oppugnarunt, Gobelius Persona Officialis Paderbonensis, & Wernerus Rolewinckius: Hic in Fasciculo ætate VI. Nota, inquit, quod in quibusdam historiis habetur, quod Cyriacus Papa successit Pontiano immediate, & Papatum dimisit, ut cum virginibus martyrio coronaretur: Sed ratio temporis hoc non permittit, ut patet in Legenda undecim millium Virginum.

Ille in Cosmodromii ætate VI. cap. XIV. Sed quidam nescio quibus fabulis, intemi dicunt ei (Pontiano) successisse quendam Cyriacum nomine, & nomen illius esse deletum de Catalogo Romanorum Pontificum, propterea quod cum undecim milibus Virginum, ab urbe Roma discedens Papatum reliquerit, Cardinalibus & Clero in-vitis, & deinde apud Coloniam Agrippinam cum eisdem virginibus martyrium pertulerit. Et cætera, quæ quamvis recte notentur, ea ut ab instituto nostro nonnihil aliena prætereo.

Persona floruit circa Constantiensis Concilii tempus, & Rolewinckius, ad annum MCCCCLXXIV. finem scribendi fecit.

Præcipitans cum ingenti recentium auctorum numero fabula pervenit ad ætatem Baronii, qui impetum illius reprimere ac sistere voluit, oppositis molibus, & repagulis, quæ cum ex aliis, tum maximè ex pertinaci sæculorum plurium silentio comparantur. Stephanus Scombachus ante annos non multos oppositas moles disturbare, & defixa repagula refigere, afflictam & jacentem supposititii Pontificis fabulam erigere, & instaurare aggressus est: Sed misero & infelici conatu. Nam illustri exemplo docuit, verum esse, quod, ut nulla est sine amatore fœditas, sic nulla sit quæque sine patrono fatuitas. In relatis auctoribus, qui ficto perinde ac vero Pontifici dederunt testimonium, humana imbecillitas attendi potest, & debet, quæ propter temporum miseriæ & negligentiam excusationis habet aliquid; sed in Scombacho nihil attendendum præter audaciam, & crassam affectatamque inveniendi asserendique veri ignorantiam, quæ magno crimini vertenda est.

Deinde quibus modis asserit, Pontianum inter & Anterum fuisse Pontificem Cyriacum, qui nusquam fuit; iisdem & asseret, Leonem IV. inter & Benedictum III. fuisse Pontificem feminam quæ nunquam fuit. Hæc est incredibilis *diapota*, qua Scombachus de ficto Papa Cyriaco & falsis illius reliquiis adversus Gobelinum Personam & Baronium disputans laborat; atque ob id nihil aliud nisi hominis ridiculè docti famam meretur.

Dico amplius, quod quia de veritate agitur, dissimulare non possum: Si sola spectetur temporum ratio, quæ his in rebus ut falsitatum emendatrix, & fabularum deletrix spectari maximè debet, Joanna Leonem IV. inter & Benedictum III. longè facilius, quàm Cyriacus, Pontianum inter & Anterum retinebitur. Nam à Leone IV. cui Joannem successisse fabulantur, usque ad Marianum Scotum, qui anno MXXXVI. migravit, intercedunt anni tantum ducenti triginta & unus. Sed Pontiano cui Cyriacum successisse ferunt, usque ad Elizabetham Schonaugie Abbatisam, quæ anno MCLXV. humanæ conditionis sortem explevit, intercedunt anni nongenti & viginti octo. Siquidem religiosæ virgini huic divinitus patefactum volunt esse, quidquid ad Cyriacum ipsum, Cyriaci Pontificatum & martyrium pertinet. De Cyriaco Papa, qui medius inter Pontianum & Ante-

rum fuerit, omnis retro versus Pontianum ætas silet contumaciter. Tot annorum elinguium mole oppressus existere, atque emergere quis posset? Sic luculenter apparet, Cyriacum ab Scombacho defendi non posse, quin via sibi aliisque sui similibus ad tuendam Joannam Papissam & qualibet aniles fabulas muniatur. O improvidam & intolerabilem scriptoris novi audaciam! Corruptis recentiorum sæculorum ætatibus, & ad eas accedente hominum imbecillitate cum tam prælicenter utitur, imbecillum ac vituperabilem se potius, quàm generosum & commendabilem hominem præbet. Qua fronte & fide post Scombachi factum ab illius Sociis tam acriter redarguuntur heterodoxi scriptores, qui non suorum, sed Catholicorum auctoritate utuntur, ut feminam in Apostolica Sede collocent? Hos nec laudo nec probo: Ego hoc in argumenti genere adversor omnibus, sed æqualiter,

*Tros Rutulusve fuit, nullo discrimine habeo.*

Sua unicuique servanda est æquitas, nec in uno cum par suppetit causa, dissimulare convenit, quod in altero culpatur.

Utinam ille expendisset prius, quæ infelicitè oppug-natus à se Baronius ad annum CIX. de juribus veritatis tradit: *Jura veritatis sunt ampliora omni antiquitate: Quippe quæ nulla plurimorum sæculorum valeant præscriptione ladi, nec innumera testium multitudinè obrui atque labefactari.* Quæ acta & testimonia hic rejicit, sunt multò vetustiora iis, quibus vel Pontifex Cyriacus inter Pontianum & Anterum, vel Pontifex Joannes aut Joanna inter Leonem IV. & Benedictum III. interjicitur. Veritati non præscribitur; hæc non subest tempori, quod omnia vel transmutat vel consumit: sempiterna res est. Ad illam non attinet ignobile par fabularum, quæ expositione sua refelluntur & contabescunt. Unam alteri subjunximus, ut tu qui mente præpolles vegetiori & sagaciori, hoc interim spatio perspiceres, innumerabili testium, qui rei gestæ æquales non sunt aut suppres, multitudine anilia commenta sustentari nunquam. Hoc tibi de ficto Papa Cyriaco præclare constare debet, atque ubi constiterit, subdititius feminæ Pontificatus ad oculos advolabit facilius: Scio tamen exemplo hujusmodi non indigere te, qui uniuscujusque rei naturam, per seipsam, pro eo quantum illa postulat contemplaris. Ad dignoscendum feminæ antistitis inventum tibi satis superque erant illa rationum momenta septem, quæ Anastasius Bibliothecarius locuples testis & idoneus in vita Benedicti III. nobis suppeditat. *Ædificata semel veritate oppositum illico mendacium destruitur; & in errorem lapsos esse, qui contrà vel dixerunt vel scripserunt, dicere non est reformidandum.* Agitur de iis qui cum homines sint, humani à se nihil alienum putare debent, nec tum demum ab inertia & segnitie vindicari ac liberari possunt. Vale Lutetiae Parisiorum III. Calend. Aprilis anno MDCLXVI.

JOAN-





# JOANNIS LAUNOII CONSTANTIENSIS,

Epistolarum:

PARS QUINTA.

## Joannes Launoius CAROLO MAGISTRO

*Parisiensi Theologo.*

**D**E supremo vel ultimo Controversiarum religionis judicio, cum inter nos ageremus nuper, ex agendi occasione illa mihi sumpsi, beatum Augustinum in tot tantisque Commentariis, quos de rebus fidei edidit, Romanum Pontificem fecisse nusquam supremum vel ultimum judicem, sed Episcoporum Concilium. Hoc ut probarem optasti, ratus tractationis genus istud gratum & acceptum futurum esse, nedum perutile. Siquidem Augustinus, cum in Ecclesia auctoritatis sit magnæ, eos qui fortassis sentirent aliter, & à veritate deflecterent, revocabit ab errore, & in rectè sentiendi finibus continebit. Sed nequid à me peccetur rationis & ordinis perturbatione, initium pono iis in libris, quos præstantissimus Ecclesiarum magister adversus Donatistas conscripsit. Notum est, Donatistas suo schismati addidisse errores multos, & eum inprimis, qui ad iterandum baptismum pertinet.

I. Augustinus igitur in libris contra Donatistas editis iterandi baptismi controversiam pertractat copiosissimè, & hujus decisionem Romano Pontifici ut supremo vel ultimo judici non transcribit, cum transcribendi se offert occasio. Hæc autem non potest non se offerre, ubi sæpius de non iterando baptismo sermonem instituit.

II. Augustinus nec Stephani Papæ Epistolam quæ ad Africanos missa est, refert, nec Epistolæ fragmentum ullum, quod Donatistis tanquam disciplinæ certæ firmamentum objiciat; objecturus sine dubio, si Romano antistiti indeficientis judicii privilegium inesse censuisset. Quis enim Augustino ingenii minus & prudentiæ, quàm cuicumque ex umbraculis scholarum attribueret?

III. Augustinus in libro de Baptismo contra Donatistas sexto & septimo singulas eorum, qui Carthaginensi Concilio interfuerunt, sententias expendit, dis-

cutit, & confutat. Sed ubique altum est de Stephano Papa silentium: tantum abest, ut Stephani Epistolam ut decretorio stilo exaratam aut illi Concilio, aut uni è Patribus Concilii opponat. Et hoc certum est indicium, ab Augustino habitum non fuisse Stephani decretum tale, quale ad terminandam citra erroris periculum quæstionem sufficeret. Quis alioqui Doctoris sapientissimi in tractanda quæstione consilium probaret? Aut eum negligentia nomine non accusaret?

IV Augustini loca sunt duo, quæ si contenduntur inter se, & cum iis, quæ Cyprianus de Marcionis baptismo contra Stephanum scribit, Stephano apud Augustinum non errandi privilegium detrahunt.

Locus prior est in libri de unico Baptismo capite XIV. Duo erant eminentissimarum Ecclesiarum, Romana scilicet & Carthaginensis Episcopi, Stephanus & Cyprianus, ambo in unitate Catholica constituti: Quorum Stephanus baptismum Christi in nullo iterandum esse censebat, & hoc facientibus graviter succensebat. Cyprianus autem in hæresi vel schismate baptizatos tanquam non habentes baptismum Christi, baptizandos in Ecclesia Catholica existimabat.

Posterior in libri II. de Baptismo contra Donatistas capite XIV. & XV. Quapropter manifestum est, fieri posse, ut fide non integra integrum in quoquam maneat baptismi Sacramentum, & ideo illa, quæ de diversorum hereticorum varietate dicuntur, ad istam quæstionem non pertinent. Illud enim in unoquoque corrigendum est, quod ille per quem corrigitur, prævum esse perspexerit. Illud sanandum est, quod agrotat, illud dandum est quod non habetur, & maxime caritas pacis, sine qua cetera prodesse non possunt, sed tamen cum adiunt, non quasi desint, tradenda sunt; sed ut fructuose habeantur, & non perniciosè habeantur, per ipsum vinculum pacis, & eminentiam caritatis, agendum est. Quamobrem si Evangelicis verbis in nomine Patris & Filii & Spiritus Sancti, Marcion

A a a

baptis-



baptismum consecrabat, integrum erat Sacramentum, quamvis ejus fides sub eisdem verbis aliud opinaretur, quam Catholica veritas docet, non esset integra, sed fabulosis falsitatibus inquinata.

Augustinus in priori loco cum ait, Stephanus baptismum Christi in nullo iterandum esse censebat, non fallitur. Id ipsum conceptis verbis in fragmento Epistolae Stephani traditur apud Cyprianum in Epistola LXXIV. ad Pompeium: Siquis ergo, inquit Stephanus, à quacunque haeresi venerit ad nos, nihil innovetur nisi (forte in id) quod traditum est, ut manus illi imponatur in penitentiam, cum ipsi haeretici proprio alterum ad se venientes non baptizent, sed communicent tantum.

Hoc Eusebius confirmat in libri VII. hist. capite II. Ad hunc Stephanum Dionysius (Alexandrinus) primam ex illis Epistolis de baptismo compositis scripsit, propterea quod erat id temporis non exigua quaestio, & controversia concitata, utrum oporteret eos, QUI SE A QUOCUNQUE HAERESIS GENERE REVOCASSENT, lavacro baptismatis repurgare, cum ex consuetudine ab antiquis ducta temporibus in ejusmodi hominibus in Ecclesiam recipiendis sola preces cum manuum impositione adhiberi solerent. Certum ergo atque indubitatum est id, quod de Stephano beatus Augustinus observat, Stephanum in nullo eorum qui ab haeticis baptizati fuerant, iterandum esse baptismum censuisse.

Augustinus in posteriori loco significat collatum à Marcione baptismum valere, si verbis evangelicis in nomine Patris & Filii & Spiritus Sancti consecratur; non valere, si non consecratur. Sic Augustini iudicio erravit Stephanus Marcionis baptismum recipiens, si verbis illis evangelicis non consecratur. Num igitur consecratur, quærendum est de Cypriano, qui Stephani Epistolam vidit, & confutavit duabus in Epistolis, una ad Jubaianum, altera ad Pompeium. Sic autem ad Jubaianum scribit: Planè quoniam inveni in Epistola, cujus exemplum ad me transmisisti, scriptum esse, quod quærendum non sit, quis baptizaverit, quando is, qui baptizatus sit, accipere peccatorum remissionem potuerit secundum quod credidit: Prætereundum hunc locum non putavi, maxime cum in eadem Epistola animadverterim, etiam MARCIONIS FIERI MENTIONEM, UT NEC AB IPSO VENIENTES DICAT BAPTIZARI OPORTERE, quod jam in nomine Jesu Christi baptizari esse videamur. Considerare itaque debemus fidem eorum, qui foris credunt, an secundum eandem fidem possint aliquid gratiae consequi. Nam si fides una est nobis & haeticis, potest esse & gratia una. Si eundem Patrem, eundem Filium, eundem Spiritum Sanctum, eandem Ecclesiam confitentur nobiscum Patripassiani, Anthropiani, Valentiniani, Appellatiani, Ophiti, Marcionta, & cetera haeticorum pestes, & gladiis ac venenis subvertentes veritatem, potest illic & baptismum unum esse, si est & fides una: Ac ne longum sit, per haereses universas decurrere, & singulorum vel ineptias, vel insanias recensere, qui nec delectat id dicere, quod aut horret, aut pudet nosse: DE MARCIONE INTERIM SOLO, CUIUS MENTIO IN EPISTOLA A TE AD NOS TRANSMISSA FACTA EST, examinemus, AN POSSIT BAPTISMATIS EJUS RATIO CONSTARE. Dominus enim post resurrectionem Discipulos suos mittens, quemadmodum baptizare deberent, instituit & docuit dicens: Data est mihi omnis potestas in calo & in terra: Ite ergo & docete gentes omnes, baptizantes eos in nomine Patris & Filii & Spiritus Sancti, insinuat Trinitatem, cujus Sacramento gentes baptizarentur. Nunquid hanc Trinitatem Marcion tenet? Nunquid eundem asserit, quem & nos Patrem creatorem? Nunquid eundem unum filium Christum, de Maria Virgine natum? Et paulo post: Longè alia est apud Marcionem, sed & apud ceteros haeticos fides: Immo nihil est apud illos nisi perfidia, & blasphemia, & contentio sanctitatis & veritatis inimica. Et paulo post: Alia fuit Judaeorum sub Apostolis ratio, alia est gentilium conditio. Illi

quia jam legis & Moysi antiquissimum baptismum fuerant adepti, in nomine quoque Jesu Christi erant baptizandi, secundum quod in Actis Apostolorum Petrus ad eos loquitur & dicit: Penitemini & baptizetur unusquisque vestrum in nomine Domini Jesu Christi in remissionem peccatorum, & accipietis donum Spiritus Sancti. Vobis enim est promissio & filiis vestris, & omnibus deinceps quoscunque advocaverit Dominus Deus noster. Jesu Christi mentionem facit Petrus, non quasi Pater omittetur, sed ut Patri quoque Filius adjungeretur. Denique ubi post resurrectionem à Domino Apostoli ad gentes mittuntur, in nomine Patris & Filii & Spiritus Sancti baptizare gentes jubentur. Quomodo ergo quidam dicunt foris extra Ecclesiam, immo & contra Ecclesiam, modò in nomine Jesu Christi ubicunque, & quomodocunque gentilem baptizatum remissionem peccatorum consequi posse, quando ipse Christus gentes baptizari jubeat in plena & adunata Trinitate?

Hic ex Stephani Epistola, quam Cyprianus citat, manifestè colliguntur duo: Primum, quod Marcion non baptizabat in nomine Patris & Filii & Spiritus Sancti, sed in nomine Jesu Christi. Deinde, quod Stephanus collatum à Marcione baptismum recipiebat. Cyprianus contra pugnat duo, rejiciendum esse collatum in nomine Jesu Christi baptismum, nisi qui susceperit Judaeus fuerit, & baptizandos esse in plena & adunata Trinitate gentiles; In nomine scilicet Patris & Filii & Spiritus Sancti: Alia fuit, inquit, Judaeorum sub Apostolis ratio, alia est gentilium conditio. Hinc graviter infectatur Marcionem, quod Trinitatem non teneat, cujus Sacramento gentes baptizentur.

Sic verò scribit in Epistola ad Pompeium: Ut nemo infamare Apostolos debeat, quasi illi haeticorum baptismata probaverint, ut eis sine Ecclesia baptismum communicaverint, quando talia de haeticis Apostoli scripserunt, & hoc cum nondum haetica pestes acriter prorupissent, necdum quoque Marcion de Ponto emerisset, cujus magister Cerdon sub Hygino tunc Episcopo, qui in urbe nonus fuit, Romam venit, quem Marcion secutus additis ad crimen augmentis, impudentius ceteris, & abruptius in Deum Patrem creatorem blasphemare instituit. Et quibusdam interpositis: Cum verò nulla omnino haeresis, sed neque aliquod schisma habere salutaris baptismi sanctificationem foris possit, cur in tantum Stephani fratris nostri obstinatio dura prorupit, ut etiam de Marcionis baptismo, item Valentinii & Apelletis & ceterorum blasphemantium in Deum Patrem contendat, filios Deo nasci, & illic in nomine Jesu Christi dicit remissionem peccatorum dari, ubi blasphematur in Deum Patrem & in Dominum Deum Christum. Cyprianus iterum reprehendit Stephanum, quod collatum à Marcione in nomine Jesu Christi baptismum admiserit. Et cum ita reprehendit, etiam iterum animadverti possunt duo illa, quae supra jam animadvertimus: Marcionem in nomine Jesu Christi, non verò in nomine Patris & Filii & Spiritus Sancti baptizasse, & baptismum istiusmodi ab Stephano probatum esse.

Hoc autem cum ita sit, planum efficitur, Marcionem verbis evangelicis, in nomine Patris & Filii & Spiritus Sancti baptismum, quem dabat, minime consecrasse, & Augustinum, baptismum hunc indefensum relinquere, quem tamen Stephanus admiserat. Quapropter nemini mirum videri debet, Doctorem sanctum Romano Pontifici indeficientis iudicii privilegium nusquam adscribere, nec illum pro supremo vel ultimo controversiarum fidei iudice habere. Quippe iudex talis nusquam errare debet, ut Stephanum hac in re errasse Augustinus significat, confentens baptismum, qui verbis evangelicis, in nomine Patris, & Filii, & Spiritus Sancti non consecratur, cassum & irritum esse, contra quam Stephanus in Epistola ad Africanos decreverat.

Nunc

Nunc veniendum est ad Concilia, quæ apud Augustinum excitatis de religione controversiis finem imponunt. Notabo loca præcipua, in quibus de his Conciliis agit.

I. In libri I. de Baptismo contra Donatistas capite VII. Jam ne videar humanis argumentis agere, quoniam questionis hujus obscuritas prioribus Ecclesiæ temporibus ante schisma Donati magnos viros, & magna caritate præditos, Patres Episcopos ita inter se compulsi salva pace disceptare, atque fluctuare, ut diu Conciliorum in suis quibusque regionibus diversa statuta nutaverim, donec plenario totius orbis Concilio, quod saluberrimè sentiebatur, etiam remotis dubitationibus firmaretur. Hic non Epistola Stephani, sed plenario totius orbis Concilio decretorum judicium adscribit.

II. In ejusdem libri capite XVIII. De Baptismi ergo questione jam quantum arbitror, satis disserui, & quia hoc manifestissimum schisma est, quod Donatistarum nomine nuncupatur, restat, ut hoc de baptismo pie credamus, quod universa Ecclesia à sacrilegio schismatis remota custodit, in qua tamen si aliud ali, & aliud alii adhuc de ista questione salva pace sentirent, donec universali Concilio unum aliquid eliquatum sincerumque placuisset, humana infirmitatis errorem cooperiret caritas unitatis. Hic non Epistola Stephani, sed universale Concilium est, quod tum demum controversiam dirimit, cum illi unum aliquid eliquatum sincerumque placuit.

III. In libri II. contra eisdem Donatistas capite I. Si quisquam nunc cogat circumcidi aliquem more Judaico, & sic baptizari, multò amplius detestetur hoc genus humanum, quàm si aliquis cogatur rebaptizari. Quapropter cum Petrus illud faciens, à Paulo posteriore corrigitur, & pacis atque unitatis vinculo custoditus, ad martyrium provehitur, quanto facilius & fortius, quod per universa Ecclesia statuta firmatum est, vel unius Episcopi auctoritati, vel unius provincie Concilio preferendum est? Cum Augustinus sic loquitur, nobis objicit duo: Primum, quod rei decisionem non Stephani decreto, sed universæ Ecclesiæ statutis, tribuit: Deinde, quod unius Episcopi sententiæ, vel auctoritati, aut unius provincie Concilio, universæ Ecclesiæ decretum præferendum sit. Et hoc in loco Episcopum nullum excipit, ne Romanum quidem.

IV. In ejusdem libri cap. III. Et ipsa Concilia, quæ per singulas regiones vel provincias fiunt, plenariorum Conciliorum auctoritati, quæ fiunt ex universo orbe Christiano, sine ullis ambagibus cedere. Inter singulas regiones & provincias, in quibus Concilia fierent, Romanam, ut apparet, provinciam non excipit. Hinc quæ in ea provincia fierent Concilia, hæc plenariorum Conciliorum auctoritati, quæ ex universo orbe Christiano colligerentur, sine ullis ambagibus cederent, aut cedere deberent, quia his non illis Conciliis quæstio finiretur.

V. In ejusdem libri capite IV. Sanctus Cyprianus satis ostendit, facillimè se correcturum fuisse sententiam suam, si quis ei demonstraret baptismum Christi sic dari posse ab eis, qui foras exierunt, quemadmodum amitti non potuit, cum foras exirent: Unde multa jam diximus, nec nos ipsi tale aliquid auderemus asserere, nisi universa Ecclesia concordissima auctoritate firmati, cui & ipse (Cyprianus) sine dubio cederet, si jam illo tempore questionis hujus veritas eliquata, & declarata per plenarium Concilium solidaretur. Si enim Petrum laudat & prædicat, ab uno posteriore collega patienter concorditerque correctum, quanto citius ipse cum Concilio provincie sue universi orbis auctoritati patefacta veritate cessisset? Et post pauca: Quomodo enim potuit ista res tantis altercationum nebulis involuta, ad plenarii Concilii luculentam illustrationem, confirmationemque perducere, nisi primo diutius per orbis terrarum regiones, multis hinc atque hinc disputationibus & collationibus Episcoporum pertractata constaret? Hic quot sunt commata, tot pronunciata, quibus celebris Ecclesiarum magister suam de supre-

mo vel ultimo controversiarum religionis iudice, Concilio nimirum, mentem aperit & confirmat. Et primò quidem dicit, non audere se asserere id quod asserit, nisi universæ Ecclesiæ concordissima auctoritate firmaretur. Sed non dicit, audere se asserere id quod asserit, etiamsi Stephani Papæ auctoritate firmaretur. Aliud est, universæ Ecclesiæ concordissima auctoritas, quæ falli non potest, aliud Stephani auctoritas, quæ falli potest. Nam si falli non posset, id asserere se quod asserit, perinde auderet, ac si universæ Ecclesiæ concordissima auctoritate firmaretur.

Deinde Augustino idem est universæ Ecclesiæ concordissima auctoritas, & plenarium Concilium, cui beatus Cyprianus cessisset, si Cypriani ætate rei, de qua inter eum & Stephanum disceptabatur, veritas ad liquidum fuisset explorata. Et sic Augustinus sibi sumit Stephanum decreto suo non id fecisse, quod fecit plenarium Concilium. Uno verbo questionis hujus veritas eliquata, & declarata per Stephanum non ita solidata est, ut illi Cyprianus cedere debuerit.

Tum Augustinus non diffidet Petrum à Paulo collega posteriore correctum fuisse. Quo fit, ut Petrus nisi errasset, à Paulo correctus non fuisset, & sic Petri successor cum melioris conditionis non sit, quàm Petrus ipse, fraternæ correctioni obnoxius est. Et hoc pacto non errandi privilegium excluditur.

Præterea cum Augustinus scribit hoc: *Quanto citius ipse (Petrus) cum Concilio provincie sue universi orbis auctoritati patefacta veritate cessisset, significat, hinc universi orbis auctoritatem majorem esse auctoritate provincialis Concilii, cui Romanus Pontifex præesset; inde universi orbis Concilium patefacere veritatem posse, quam non posset provinciale Concilium, cui Romanus idem Pontifex præesset.*

Denique in extrema periodo exponit, quàm difficile fuerit, varios agitata Stephanum inter & Cyprianum questionis recessus apertam in lucem prodere, & rem ad plenarii Concilii luculentam illustrationem confirmationemque deducere; & quid antè faciendum fuit, quàm deduceretur. Diutius per orbis terrarum regiones multis hinc atque hinc disputationibus & collationibus Episcoporum pertractanda fuit, & pertractata constare debuit. Stephanum suo decreto nihil, aut certè parum profecisse ad veritatis assertionem, doceri non potuit evidentius, si periodus hæc, ut par est, expendatur. Id per se ipsum patet, nec observatione ulla mea indiget, si vel leviter attendas, quod istud pertineat, *Quomodo enim potuit?*

VI. In ejusdem libri capite VII. Nolite ergo nobis auctoritatem objicere Cypriani ad baptismi repetitionem, sed tenete nobiscum exemplum Cypriani ad unitatis conservationem. Nondum enim erat diligenter illa baptismi quæstio pertractata. Et paullo post: Sic diligentius inquisita veritas docuit, quæ post magnos dubitationis fluctus ad plenarii Concilii confirmationem perducta est. Si in Epistola, quam Stephanus ad Africanos misit, diligenter pertractata esset baptismi quæstio, Augustinus opinor non diceret: Nondum erat diligenter illa baptismi quæstio pertractata; nec diligentius inquisitam veritatem ad plenarium Concilium remitteret. Sic diligentius inquirendæ veritatis jus plenario Concilio, non Romano Pontifici transcribit.

VII. In ejusdem libri capite VIII. Sed quia tunc non extiterant, nisi qui ei (Cypriano) consuetudinem opponerent (Stephanus imprimis:) Defensiones autem ipsius consuetudinis non tales asserrent, quibus illa talis anima moveretur, noluit vir gravissimus rationes suas, etsi non veras, (quod eum latebat) sed tamen non vitæ, veraci quidem, sed tamen nondum asserta consuetudini cedere. Quam tamen consuetudinem nisi prior antè Agrippinum, & nonnulli per Africam coepiscopi ejus etiam per Concilii sententias deferere tentavissent, non auderet iste saltem ratiocinari adversus eam: Sed in tam



obscura questione turbatus, & ubique intuens universalem robustamque consuetudinem, coarctaret se potius & prece, & intentione mentis ad Deum, ut quod postea plenario Concilio visum est, id verum esse perspiceret, & doceret. Augustinus firmatæ Stephani decreto consuetudini nihil tribuit, quia Stephanus defensiones consuetudinis tales non attulerat, quibus Cyprianus moveri posset. Et sic ille nondum assertæ consuetudini cessit. Hinc subjicit: Ut quod postea plenario Concilio, non Romano Pontifici, visum est, id verum esse perspiceret & doceret. Plenarium igitur Concilium, Ecclesiæ tribunal est ultimum, cui Doctor sanctissimus quæstionis decisionem adjudicat.

VIII. In ejusdem libri capite ix. Cyprianus hac attestazione satis ostendit, multo magis se fuisse commemoraturum, si quod de hac re transmarinum, vel universale Concilium factum esset. Nondum autem factum erat, quia consuetudinis robore tenebatur orbis terrarum, & hac sola opponebatur inducere volentibus novitatem, quia non poterant apprehendere veritatem. Postea tamen dum inter multos ex utraque parte tractatur, & queritur, non solum inventa est, sed etiam ad plenarii Concilii auctoritatem roburque perducta, post Cypriani quidem passionem, sed antequam nos nati essemus. Hanc autem fuisse consuetudinem Ecclesiæ, qua postea multis discussis ambagibus perspecta veritate plenario Concilio confirmata est, satis ostenditur. Ubique tacito Stephani decreto, cui Cyprianus restitit, commendat auctoritatem plenarii Concilii, quod quæsitam atque inventam veritatem asseruit.

IX. In ejusdem libri capite xv. Fuit aliquando de baptismo dubitatio: Qui diversa senserunt, in unitate manserunt. Ea dubitatio procedente tempore perspecta veritate sublata est. Quæstio, qua nondum finita Cyprianum non deterruit, ut recederet, vos finita, ut redeatis, invitavit. Augustinus his in verbis respectum habet ad tempora duo, quorum unum Cypriani passionem antecedit, alterum illam subsequitur: In priori tempore perspecta non erat veritas quæstionis, quæ Stephanum & Cyprianum inter se commissos acerrime tenuit. Stephanus Cyprianum non deterruit, nec Cyprianus à sententia recessit. In posteriori tempore recessisset, quia per plenarium Concilium dubitatio sublata est & perspecta veritas. Hic Stephani decreto quid fiet?

X. In lib. iv. cap. vi. Nec invenio, cur istam consuetudinem, qua post Cyprianum plenario etiam totius orbis Concilio confirmata est, tam robustam, & antea idem Cyprianus invenierit, ut cum ejus mutanda auctoritatem, quam sequeretur vir tanta scientia præditus quæreretur, nonnisi in Africa sola factum paucis ante se annis Agrippini Concilium reperiret. Quod cum sibi adversus totius orbis morem non sufficere cerneret, has rationes arripuit, quas modò nos antiquitate ipsius consuetudinis, & plenarii postea Concilii auctoritate firmati diligentius considerantes, verisimiles potius, quam veras esse invenimus: Quæ illi veræ visæ sunt in obscurissima questione laboranti, & de remissione peccatorum fluctuanti, utrum in baptismo Christi possit non fieri, & utrum possit apud hereticos fieri: Ubi si minus ei aliquid revelatum est, ut magnitudo charitatis ejus, qua unitatem non deseruit, probaretur, non ideo quisquam tantis ejus firmamentis, meritisque virtutum, & tantæ copię gratiarum debet se audere præponere, quia universalis Concilii admonitus firmitate videt aliquid, quod ille non vidit, quia plenarium de hac re Concilium nondum habebat Ecclesiæ. Augustinus Stephani decretum universali & plenario Concilio postponit, & cum dicit: Quisquam universalis Concilii admonitus firmitate videt aliquid, quod ille (Cyprianus) non vidit, planè innuit, Stephani seu decretum seu Epistolam illius non fuisse auctoritatis, quæ Cyprianum ad mutandam sententiam pertraheret: Sed plenarium requiri Concilium, quod nondum habebat Ecclesiæ.

XI. In libri v. de Baptismo contra Donatistas capite iv. Quisquis autem & de præterita Ecclesiæ consuetudine, & de posteriore robore plenarii Concilii, & tot tantisque sanctarum Scripturarum testimoniis, & ipsius Cypriani multis documentis, & perspicuis rationibus veritatis, intelligit Christi baptismum verbis evangelicis consecratum non fieri cujuslibet hominis perversitate pervertit. Non dicit: Quisquis autem & de præterita Ecclesiæ consuetudine, & de posteriore robore decreti, seu Epistolæ Stephani Romani Pontificis: Sed dicit: Quisquis autem & de præterita Ecclesiæ consuetudine, & de posteriore robore plenarii Concilii: Ut inde cognoscas Augustinum in plenario Ecclesiæ Concilio, non in Romani antistitis decreto certum agitatur quæstionis iudicium constituere. Quod se ultro vel dormitantium oculis ingerit.

XII. In ejusdem libri capite xvii. Majus quippe in eo (Cypriano) robur virtutis eminebat, cum ista quæstio nondum discussa nutaret, quod aliter sentiens, quam multi collega tantam moderationem obtinuit, ut Ecclesiæ Dei sanctam societatem nulla schismatis labe truncaret, quam si omnia non solum veraciter, sed etiam pariter sine ista virtute sentirent. Et paulo post: O quam gaudet Cyprianus! Quanto serenius in illa luce contuetur, pro quanta salute humani generis factum sit, ut inveniat aliquid, quod merito reprehendi possit, quamvis in Christianis & piis literis oratorum, & non inveniat in literis piscatorum? De hoc ergo gaudio sancta illius anima omnino securus, neque ullo modo meas literas, ab omni errato liberas audeo vel putare vel dicere; neque illius huic sententia, in qua ei visum est aliter suscipiendos ab hæreticis venientes, quam vel in præteritum suscipiebantur, sicut ipse testatur, vel nunc suscipiuntur, sicut totius orbis Christiani plenario Concilio rationabilis consuetudo firmata est, meam præponere sententiam, sed Ecclesiæ sanctæ Catholice, quam sic ille dilexit & diligit, in qua tam uberem cum tolerantia fructum attulit, cujus universitas ipse non fuit, sed in ejus universitate permansit. Non accusat Cyprianum, quod Stephani decreto non paruerit, sed potius illum laudat, quod in priori sententia permanferit, nempe quia quæstio nondum discussa tunc nutabat. Deinde non dicit, Stephani decreto rationabilis consuetudo firmata est: Sed totius orbis Christiani plenario Concilio rationabilis consuetudo firmata est. Et revera dicere potuit, Stephani decreto rationabilem consuetudinem firmatam esse, sed non dixit: Quia Stephani decreto rationabilis consuetudo sic firmata non est, ut illi Cyprianus obtemperare debuerit, quemadmodum obtemperare debuisset, si totius orbis Christiani plenario Concilio rationabilis consuetudo firmata tunc fuisset.

XIII. In libri vi. de Baptismo contra Donatistas capite i. Sed convertentibus oculos ad interioris paleæ multitudinem, cum & hi, qui in ipsa unitate perversi sunt, & perditæ vivunt, appareant remissionem peccatorum nec dare posse, nec habere: Quia non maligni, sed bonis filiis dictum est: Si cui demiseritis peccata, dimittentur ei, si cui tenueritis tenebuntur, habere tamen & dare & accipere baptismi Sacramentum, satis eluxit Pastoribus Ecclesiæ Catholice toto orbe diffusa, per quos postea plenarii Concilii auctoritate originalis consuetudo firmata est. Non utique per Epistolam, quæ à Stephano ad Africanos missa est. Huic enim Epistolæ Augustinus nihil expressi, nihil eminentis tribuit: Plenarium Concilio tribuit omnia.

XIV. In ejusdem libri capite ii. Quapropter reddens debitam reverentiam, dignumque honorem, quantum valeo persolvens pacifico Episcopo & glorioso martyri Cypriano, audeo tamen dicere, eum aliter sensisse de schismaticis vel hæreticis baptizandis, quam postea veritas prodidit, non ex mea, sed ex universa Ecclesiæ sententia, plenarii Concilii auctoritate roborata atque firmata. Non dicit: Ex universa Ecclesiæ sententia, Romani Pontificis Stephani auctoritate roborata atque firmata: Sed dicit,

18 dicit, *Ex universa Ecclesia sententia, plenarii Concilii auctoritate roborata atque firmata.* Nimirum Augustinus plenarii Concilii auctoritatem Romani Pontificis auctoritati præponit: Huic inefficientis iudicii vim non tribuit, illi verò tribuit.

XV. In ejusdem libri capite VII. *Quibus illius (Cypriani) sermonibus satis apparet, illo tempore ab eis (Carthaginensis Concilii præsulibus) ista esse tractata, quo nondum declarata sine ambagine hauriebantur, sed adhuc clausa magno molimine quærebantur.* Nos ergo jam de baptismi simplicitate ubique agnoscendam consuetudinem universæ Ecclesiæ, etiam Conciliiis universalibus roboratam tenentes, accepta quoque ex verbis Cypriani majore fiducia, per quæ mihi etiam tunc liceret salvo nimirum jure communionis diversa sentire, unitate quidem prælata atque laudata. Quæ Augustinus de tempore Cypriani scribit, non scriberet, si transmissæ ab Stephano ad Africanos Epistolæ auctoritatem tribueret, cui Cyprianus obtemperare deberet & cui jus ultimum decidendi assignaret. Id universalibus Conciliis assignat, quæ universæ Ecclesiæ consuetudinem ad liquidum & confessum deduxerunt & corroborarunt.

XVI. In ejusdem libri capite VIII. *Unde etiam ostenditur, illos tunc veriora sensisse, qui non recesserunt à pristina consuetudine, quæ postea Concilii universitate firmata est.* Augustinus debuisset dicere, quæ Stephani Papæ auctoritate firmata est, si credidisset Stephanum à Christo non errandi privilegium habuisse. Augustinus dicit: *Quæ postea Concilii universitate firmata est, quia universali Concilio non errandi privilegium asciscit.*

19 XVII. In ejusdem libri capite XIII. *Januarius à Lambesce dixit: Secundum Scripturarum sanctarum auctoritatem decerno, omnes hæreticos baptizandos & sic in Ecclesiam sanctam admittendos.* Huic respondetur: *Secundum Scripturarum sanctarum auctoritatem decrevit Concilium Catholicum orbis terrarum, etiam in hæreticis inventum Christi baptismum non esse improbandum.* Augustinus non dicit: *Huic respondetur: Secundum Scripturarum sanctarum auctoritatem decrevit Stephanus Papa, etiam in hæreticis inventum Christi baptismum non esse improbandum.* Cur ita? Stephano id auctoritatis non tribuit: Sed Concilio Catholico orbis terrarum.

XVIII. In ejusdem libri capite xxxv. *Castus à Sicca dixit: Qui contempta veritate præsumit consuetudinem sequi, aut circa fratres invidus est & malignus, quibus veritas revelatur, aut circa Deum ingratus est, cujus inspiratione Ecclesia instruitur.* Iste si convinceret eos, qui diversa sentiebant, & hoc tenebant, quod etiam totus orbis postea Christiano Concilio confirmatus obtinuit. Non dicit, quod totus orbis Stephani Papæ decreto confirmatus obtinuit. Dixisset verò, si verè dici posse credidisset: Igitur dicit, quod verè dici posse judicat: *Quod totus orbis postea Christiano Concilio confirmatus obtinuit.*

20 XIX. In libri VII. de Baptismo contra Donatistas capite I. *Non sumus molesti legentibus, si eadem variè ac sæpe differimus.* Quamquam enim Ecclesia Catholica sancta in omnibus gentibus adversus ea, quæ in ista questione de baptismo, utrum & apud hæreticos vel schismaticos idem possit esse qui est in Catholica, nonnullam caliginem offundunt, præscæ consuetudinis & plenarii Concilii auctoritate munita sit: Tamen quia non contemnendis viris, & maxime Cypriano in ipsa unitate aliquando aliter visum est, cujus uti adversus nos auctoritate conantur, qui longè ab ejus charitate remoti sunt: Propterea cogimur ex opportunitate tractandi & considerandi omnia, quæ in ejus Concilio de hac re literisque comperimus, hanc eandem questionem aliquantò diutius, tanquam in manibus versare & ostendere, quanto verius universitati Ecclesiæ Catholice placuerit, ut hæretici vel schismatici, qui jam Christi baptismum illic unde veniunt, acceperunt. Ne verbum quidem de Stephani decreto, præscam consuetu-

dinem firmante, quod Cypriani Concilio & literis opponatur, sed apponitur plenarii Concilii auctoritas, & Catholice Ecclesiæ universalitas, quæ præscam firmet consuetudinem.

XX. In libri I. contra Cresconium cap. XXXII. *Vtrum nos multa ostendimus, etiam ad legem Dei pertinentia esse apud eos, qui non sunt in Ecclesia, quæ nemo vestrum audent negare, sed cur tale aliquid nolitis esse & baptismum, omnino non video, nec vos posse demonstrare confido.* Sequimur scilicet nos in hac re etiam canonicarum auctoritatem certissimam Scripturarum. Neque enim parvi momenti habendum est, quod cum inter Episcopos anterioris ætatis, quàm esse inciperet pars Donati, ista quæstio fluctuaret, & varias haberet inter se collegarum salva unitate sententias, hoc per universam Catholicam, quæ toto orbe diffunditur, observari placuit, quod teneamus. Sic Stephanus Papa non impedit, quo minus quæstio fluctuaret, & varias haberet inter se collegarum salva unitate sententias: Sed postea quæstio fluctuare desiit, nec habuit varias inter se collegarum sententias, cum per universam Catholicam, quæ toto orbe diffunditur, observari placuit, quod Augustini tempore tenebatur.

XXI. In ejusdem libri capite XXXIII. *Proinde quamvis hujus rei certè de scripturis canonicis non proferatur exemplum, earundem tamen Scripturarum etiam in hac re à nobis tenetur veritas, cum hoc facimus, quod universæ jam placuit Ecclesiæ, quam ipsarum Scripturarum commendat auctoritas, ut quoniam sancta Scriptura fallere non potest, quisquis falli metuit, hujus obscuritate questionis eandem Ecclesiam de illa consulat, quam sine ulla ambiguitate sancta Scriptura demonstrat.* Augustinus immunitatem ab errore transcribit Ecclesiæ, quæ in plenario Concilio agitatam inter Stephanum & Africanos controversiam diremit: Non transcribit Epistolæ, quam Stephanus ad Africanos misit.

XXII. In libri II. capite XXXIII. *Hæc simplicitas (non rebaptizandi) magis quam duplicitas Ecclesiæ placuit universæ toto terrarum orbe diffusa.* Cui Cyprianus ipse quale testimonium perhibeat, audi ex Epistola, quam de unitate conscripsit: *Avelle, inquit, radium solis à corpore, divisionem lucis unitas non capit. Ab arbore frange ramum, fractus germinare non poterit, à fonte præciderivum, præcisus arescit.* Hæc, ait, simplicitas Ecclesiæ placuit universæ, quæ in plenario Concilio hæreticorum baptismum admisit. De Stephano & de Stephani decreto altum silentium.

XXIII. In libri II. contra Gaudentium capite VIII. *De sententia verò Cypriani vel collegarum ejus, quibus tunc placuit, venientes ab hæreticis baptizare oportere, longum est, ut pro merito disputem. Sed statim tu mihi si potes, brevem solve quæstionem, quando rebaptizabat Cyprianus ab hæreticis venientes, Ecclesia Carthaginensis Episcopus, tunc Romana Ecclesia Stephanus Episcopus in eodem baptismo quem foris acceperant suscipiebat hæreticos, & ambo hac diversa facientes, in unitate Catholica permanebant.* Quibus verbis Augustinus majorem non tribuit Stephano, quàm Cypriano auctoritatem, & sic Cypriano non vertit crimini, quod Stephani sententiam abjecerit. Non collocabat penes Stephanum certam & ultimam quæstionis decisionem.

Hætenus de libris, quos sanctus Doctor adversus Donatistas conscripsit, & ubi iterandum non esse baptismum docuit. Nunc venio ad illius opera, quibus Cæcilianum Carthaginensem Episcopum adversus eisdem Donatistas defendit.

XXIV. Objicit se nobis Epistola CLXII. ad Glorium, Eleusium, & alios fratres, ubi plenarium Concilium Ecclesiasticarum controversiarum tribunal supremum constituit. Res igitur ibi sic se habet: *Deinde diximus aliquantò post Majorini ordinationem, quem (Donatistæ) contra Cæcilianum nefario scelere levaverunt, erigentes altare contra altare, & unitatem Christi discordiis*



discordiis furialibus dissipantes, eos petiisse à Constantino tunc Imperatore judices Episcopos, qui de suis questionibus, quæ in Africa exorta pacis vinculum dirimebant, arbitro medio judicarent. Quod posteaquam factum est, præsentem 23 Cæciliano & illis, qui adversus eum navigaverant judicantem Melchiade tunc Romane urbis Episcopo, cum collegis suis, quos ad preces Donatistarum miserat Imperator, in Cæciliano nihil probari potuisse, ac per hoc illo in Episcopatu confirmato Donatum, qui adversus eum tunc aderat, improbatum. Quibus peractis rebus, cum illi omnes in pertinacia scelestissimi schismatis permanerent, post apud Arelatum memoratum Imperatorem eandem causam diligentius examinandam terminandamque curasse. Et post alia: Sed posteaquam ipsis rebus experti sunt cum Cæciliano permanere communionem orbis terrarum, & ad eum à transmarinis Ecclesiis communicatorias literas mitti, non ad illum, quem sibi sceleratè ordinaraverant, pudit eos semper tacere, quia posset eis objici, cur patenter ignorarent per tot gentes Ecclesiam communicare damnatis: Et cur se ipsi ab innocenti orbis terrarum communione præciderent, cum tacendo sinerent Episcopo, quem Carthaginiensibus ordinassent, à toto orbe non communicari, elegerunt, sicut dicitur, ad duas fraudes agere causam cum Cæciliano apud Ecclesias transmarinas, parati ad utrumque, ut si eum potuissent quacunque versutia falsa criminationis evincere, satierent plenissimè cupiditatem suam, si autem non possent, in eadem quidem perversitate durerent, sed jam tamen quasi haberent quod dicerent, malos judices se esse perpeffos, quæ vox est omnium malorum litigatorum, cum fuerint etiam manifestissima veritatis superati, quasi non eis ad hoc dici posset, & justissimè dici: Ecce putemus, illos Episcopos, qui Roma judicaverunt, non bonos judices fuisse: Restabat adhuc plenarium Ecclesie 24 universæ Concilium, ubi etiam cum ipsis iudicibus causa posset agitari, ut si malè judicasse convicti essent, eorum sententia solveretur.

Augustinus his in verbis Conciliorum duorum meminit, unus, quod factum fuerat, alterius, quod faciendum supererat. Concilium quod factum fuerat, Optatus Milevitanus describit in libro 1. contra Parmenianum: Dati sunt (à Constantino) Judices, Maternus ex Agrippina civitate, Rheticius ab Augustoduno civitate, Marinus Arelatenfis. Ad urbem Romam ventum est ab iis tribus Gallis & ab aliis quindecim Italianis. Convenerunt in domum Faustæ in Laterano Constantino III. & Licinio III. Coss. VI. Non. Octob. die sexta feria. Cum consedisent Miltiades Episcopus urbis Romæ, & Rheticius & Maternus & Marinus Episcopi Gallicani, & Merocles à Mediolano, Fiorianus à Casena, Zotinis à Quimiano, Stemmnius ab Arimino, Felix à Florentia Tuscorum, Gaudentius à Pisis, Constantius à Faventia, Proterius à Capua, Theophilus à Benevento, Savinus à Terracina, Secundus à Praeneste, Felix à tribus tabernis, Maximus ab Ostia, Evandrus ab Ursino, Donatianus à Foro Claudii. His decem & novem confidentibus Episcopis causa Donati & Cæciliani in medium missa est à singulis. In Donatum sunt hæc sententia lata, Quod confessus sit se rebaptizasse, & Episcopis lapsis manum imposuisse, quod ab Ecclesia alienum est. Testes inducti à Donato confessi sunt se non habere, quod in Cæcilianum dicerent. Cæcilianus omnium supra memoratorum sententiis innocens est pronuntiatus, etiam Miltiadis sententia, qua iudicium clausum est his verbis: Cum constituerit, Cæcilianum ab iis, qui cum Donato venerunt, juxta 25 professionem suam non accusari, nec à Donato convictum esse in aliqua parte constiterit, suæ communioni Ecclesiastica integro statu retinendum meriti esse censeo. Sufficit ergo & Donatum tot sententiis esse percussum, & Cæcilianum tanto iudicio esse purgatum, & tamen Donatus appellandum esse ab Episcopis credidit.

Alterum Concilium, quod faciendum supererat, plenarium erat universæ Ecclesiæ Concilium. Hoc autem tunc necessarium fuerit, sive non fuerit, Augustino iudice, celebrandum restabat: Celebrandum resti-

tisset nequitiam, ni fuisset tribunal supremum vel ultimum, ad quod Ecclesiasticas causas deferri oporteret.

Augustinus utrumque Concilium ita perstringit in Epistola CLXVI. ad Donatistas: Scitote quod primi majores vestri causam Cæciliani ad Imperatorem Constantinum detulerunt. Exigite hoc à nobis, probemus vobis, & si non probaverimus, facite de nobis, quidquid potueritis. Sed quia Constantinus non est ausus de causa Episcopi judicare, eam discutiendam atque finiendam Episcopis delegavit. Quod & factum est in urbe Roma presidente Melchiade Episcopo illius Ecclesiæ cum multis collegis suis. Qui cum Cæcilianum innocentem pronunciasent, & Donatum, qui schisma Carthagini fecerat, sententia percussissent, iterum vestri ad Imperatorem venerunt, & de iudicio Episcoporum, in quo victi fuerant, murmurarunt. Quomodo enim potest malus litigator laudare judices, quibus judicantibus victus est? Iterum tamen clementissimus Imperator alios judices Episcopos dedit apud Arelatum Gallie civitatem. Et ii habuerunt Concilium, quod Augustino, ut jam diximus, iudice restabat. 26

Concilio huic interfuisse transmarinos Episcopos omnes testatur Augustinus ipse in Epistola CLXVII. ad Festum: Nunc autem quia ipsi superati sunt, qui ea, quæ intendebant probare minime potuerunt, si quid propria iniquitate patiuntur, persecutionem vocant, nec tantum suorum perditionem minime reprimunt, verumetiam honorem martyrum quaerunt: Quasi vero Christiani catholici Imperatores adversus eorum pertinacissimam iniquitatem aliud sequantur, quam Constantini iudicium, apud quem ultro Cæciliani accusatores fuerunt, cujus auctoritatem OMNIBUS TRANSMARINIS EPISCOPIS prætulerunt, ut non ad illos, sed ad illum Ecclesiæ causam deferrent, ut ab eo datum in urbe Roma Episcopale iudicium, in quo primum victi sunt, rursus apud illum accusarent, ut ab altero apud Arelatum dato Episcopali iudicio ad illum appellarent, apud quem tamen novissimè superati in sua perversitate permanserunt. Sic transmarini omnes Episcopi Africani conjuncti fecerant plenarium universæ Ecclesiæ Concilium, quod Augustinus restare dicit: Et cum hoc dicit, observatum à se Scripturæ morem sequitur. De quo ita semel latque iterum scribit: semel in Epistola LIX. ad Paulinum: Scriptura mos est ita loqui de parte, tanquam de toto. Deinde in libri II. de animæ origine ad Petrum Presbyterum capite XIV. A parte totum, sicut etiam à toto partem plerumque Scriptura significat. Quidquid id est, Eusebius in libri X. hist. cap. V. plurimos antistites ex diversis & prope infinitis locis in Arelatensem urbem convenisse tradit: Proinde quoniam plurimos Episcopos ex diversis & prope infinitis locis in Arelatensem urbem convenire mandavimus, tibi etiam per literas significandum putavimus. Falleretur, qui ex Epistola Synodica tres tantum & triginta Sacerdotes Arelatensi Concilio interfuisse affirmaret, quia non plures in illa Epistola leguntur. Res hæc apertam in lucem proditur, duobus inter se collatis. Primum est, Synodica Epistolæ ad Silvestrum Papam inscriptio, quæ triginta tres præ se fert tam primi quam secundi ordinis Sacerdotes: Alterum, quæ canonibus subjunguntur nomina Episcoporum cum Clericis suis, quinam & ex quibus provinciis ad Arelatensem Synodum convenerint. 27

Inter nomina Episcoporum reperiuntur Episcopi septem Chrestus, Oresius, Lampadius, Mamertinus, Eborius, Restitutus, & Anastasius, quos Synodica non habet Epistola.

Inter nomina Episcoporum leguntur Vires Episcopi duo, & unus tantum in Synodica Epistola legitur.

Inter nomina Episcoporum nonnisi unus notatur Gregorius Episcopus, sed Gregorii Episcopi duo in Synodica Epistola notantur.

Inter nomina Episcoporum non repræsentantur Episcopi,

scopi, seu Presbyteri duo, *Hibernius & Aristasius*, quos Synodica Epistola repræsentat.

Deinde in Presbyteris res vario modo deprehenditur.

Synodica Epistola continet Presbyteros quatuor, *Natalem, Faustinum, Probatum, & Termatium*, qui & inter nomina Episcoporum cum Clericis suis recensentur.

Ubi & visuntur alii Presbyteri quinque, *Claudius & Vitus à Silvestro missi, Sabinus, Clementius, & Romanus*, de quibus altum est in Synodica Epistola silentium.

Præterea, *Crescens* in hac Epistola memoratur, qui inter nomina Episcoporum cum Clericis suis vocatur Diaconus, & *Pardo Episcopo* adjungitur.

Hæc autem cum ita sint, dubitari jure non potest quin Synodica Epistola sit manca & imperfecta, & quin plures seu Episcopi, seu Presbyteri interfuerint Arelateni Concilio, quam in illa Epistola numerentur.

Sed quoniam in eadem Epistola nonnulli seu primi seu secundi ordinis offenduntur antistites, qui inter nomina Episcoporum cum suis Clericis desiderantur, certum quoque redditur, non omnes, qui adfuerunt Synodo, his nominibus, id est, notitiæ huic adscribi.

Et sanè antistitum numerus non potuit non esse maximus. Nimirum antistites Eusebio teste pene innumera-  
29 rables, & Arelateni Concilio II. iudice, *Ex omnibus mundi partibus & præcipue Gallicanis convenerunt*. Ad hæc *transmarini omnes Episcopi* quos Augustinus in Epistola *CLXVII.* ad Festum convenisse ait, recensitos, seu in Synodica Epistola, seu inter nomina Episcoporum cum suis Clericis, non possunt non excedere; tametsi non dubitem quin Pater sanctissimus rhetorico more potius, quam arithmetico locutus fuerit. Quis enim sibi persuaderet unquam, transmarinos Episcopos in Synodum coivisse omnes ad unum? Legitima causa, vel morbo, vel senio domi detentum fuisse illo-  
rum neminem?

Augustini libris contra Donatistas editis succedunt alii, quos adversus Pelagianos composuit. In his æquè atque in illis Augustinus non Rom. tantum Pontificem supremum controversiarum religionis constituit iudicem, sed Episcoporum Concilium.

I. In libri II. contra Pelagium & Celestium de peccato Originali capite XVII. *Quæ cum ita sint, profecto sentitis in tam nefandi erroris auctores, Episcopalia Concilia, & Apostolicam Sedem, universamque Romanam Ecclesiam, Romanumque Imperium, quod Deo propitio Christianum est, rectissime fuisse commotum; donec respiciant de Diaboli laqueis*. Et paullo post: *Quomodo autem Pelagius obrepere tentaverit ad fallendum etiam Apostolicæ Sedis Episcopale judicium in hac ipsa questione de Baptismate parvulorum, diligenter attendite*. En primum Episcopalia Concilia: Deinde Sedes Apostolica: Tum Romana Ecclesia: Præterea Episcopale Sedis Apostolicæ judicium, quod scilicet à provinciæ Romanæ Episcopis, quibus Romanus antistes præfuit, pronunciatum est.

Qui putarent Augustinum verba facere de Romanæ Ecclesiæ judicio, cui præfideret Pontifex, non de judicio, cui intersint Episcopi plures, cavillarentur, & se in Augustini operum lectione parum versatos ostenderent. Augustino enim Episcopale judicium illud est, quod in Episcoporum plurium cœtu pronuntiatur.

In breviculo collationum cum Donatistis, & in collationis tertii diei capite XII. *Atque inde, inquit, ex ordine legi capit etiam Episcopale judicium Melchiadis Romani Episcopi, & aliorum cum illo Gallorum & Italorum Episcoporum in eadem urbe Roma factum*.

In libri I. de peccato Originali capite VIII. *Fellit judicium Palestinum, quod scilicet ab Episcopis pluribus latum est*.

In libri II. Retractionum capite XXXIII. *Celestius verò discipulus ejus, jam propter tales assertiones*

*apud Carthaginem in Episcopali judicio, ubi ego non interfui, excommunicationem meruerat. Quis verò diceret Episcopale judicium, de quo beatus Augustinus loquitur, fuisse illud tantum quod Carthaginienſis Episcopus tulerit?*

Mitto sexcenta Augustini loca, in quibus & Transmarinum judicium & Arelatenſe judicium dicitur, non utique quod unus, sed quod plures Episcopi fecerint.

Sic ergo Episcopale Sedis Apostolicæ judicium Augustino illud est, quod Romanus & plures alii Sacerdotes dederint.

Romana verò Ecclesia universa est, quæ Romanæ civitatis Clerum repræsentat, de quo Cyprianus in Epistola LV. ad Cornelium ita scribit: *Et quanquam sciam, frater charissime, pro mutua dilectione, quam debemus, & exhibemus invicem nobis, FLORENTISSIMO ILIC CLERO TECUM PRÆSENTI, & sanctissima atque amplissima plebi legere te semper literas nostras, tamen nunc & admoneo & peto, ut quod aliàs sponte atque honorifice facis, etiam petente me facias, ut hac Epistola mea lecta si quod illic contagium venenati sermonis & pestifera seminationis irrepperat, id omne de fratrum auribus & pectoribus exuatur, & honorum integra & sincera dilectio ab omnibus heretica distractionis  
31 sordibus repurgetur*.

Cyprianum sequitur Felix III. in epistola IV. ad Petrum Fullonem Antiochenum Episcopum: *Firma sit hæc tua depositio à me, & ab his, qui una mecum Apostolicum thronum regunt*. Huc quoque modo spectat in Epistola IV. ad Zenonem Imperatorem, quæ extat in Appendice Jacobi Sirmondi, ad Codicem Theodosianum: *Quæ, inquit, cum debito honore legeretur, qualiter mecum totus ordo Romani Presbyterii, vitam vobis prosperitatemque continuam promptus exorans repetitis assidue vocibus acclamavit*. Augustinus ergo Romanam ubi dicit Ecclesiam, præsentem cum Episcopo Clerum, & Romani Presbyterii ordinem totum cum antistite suo complectitur.

II. In libri I. contra Julianum capite IV. *Puto tibi eam partem orbis sufficere, in qua primum Apostolorum suorum voluit Dominus gloriosissimo martyrio coronari. Cui Ecclesiæ præsentem beatum Innocentium si audire voluisses, jam tunc periculosam juventutem tuam Pelagianis laqueis exuisses. Quid enim potuit vir ille sanctus Africanis respondere Conciliis, nisi quod antiquitus Apostolica Sedes & Romana cum cæteris tenet perseveranter Ecclesia? Sic in decisione rei Africanis Conciliis & Sedem Apostolicam & Romanam Ecclesiam conjungit*.

III. In libri II. ad Bonifacium capite III. *Quin etiam Romanos Clericos, scribentes eos jussionis terrore perculsos non erubuisse pravaricationis crimen admittere, ut contra priorem sententiam suam, quæ gestis Catholico dogmati affuerant, postea pronuntiarent, malam hominum esse naturam. Imò verò Pelagiani spe falsa putaverant, novum & execrabile dogma Pelagianum, vel Celestianum persuaderi quorundam Romanorum Catholicis mentibus posse, quando illa ingenia, quamvis nefando errore per-versa, non tamen contemptibilia, cum studiosè corrigenda potius, quam faciliè damnianda viderentur, aliquantò lenius, quam severior postulabat Ecclesiæ disciplina, tractata sunt. Tot enim & tantis inter Apostolicam Sedem & Afros Episcopos currentibus & recurrentibus scriptis Ecclesiasticis, etiam gestis de hac causa apud illam Sedem, Celestius præsentem & respondente confectis, quamvis tandem Epistola veneranda memoria Papæ Zosimi, quæ inter locutio reperitur, ubi præceperit credi oportere sine ullo vitio peccati originalis hominem nasci? Nusquam prorsus hoc dixit, nusquam omnino conscripsit. Sed cum hoc Celestius in suo libello posuisset, inter illa duntaxat, de quibus se adhuc dubitare & instrui velle confessus est, in homine acerrimi ingenii, qui profecto si corrigeretur, plurimis profuisset, voluntas emendationis, non falsitas dogmatis approbata est. Et propterea libellus ejus Catholi-*



cus dictus est, quia & hoc Catholica mentis est: Si qua forte aliter sapit, quam veritas exigit, non ea certissime definire, sed detecta ac demonstrata respuere. Non enim hereticis, sed Catholicis Apostolus loquebatur, ubi ait: Quotquot ergo perfecti hoc sapiamus, & si quid aliter sapitis, id quoque Deus vobis revelabit. Hoc in illo factum esse putabatur, quando se literis beata memoria Papae Innocentii, quibus de hac re dubitatio tota sublata est, consentire respondit. Et hoc ut plenius & manifestius

33 in illo fieret, expectabatur venturis ex Africa literis, in qua provincia ejus aliquanto calliditas evidentius innotuerat. Quae Romam litera posteaquam venerunt, id continent, non sufficere hominibus tardioribus & sollicitioribus, quod se generaliter Innocentii Episcopi literis consentire fatebatur, sed aperte eum debere anathematizare, quae in suo libello prava posuerat, ne si id non fecisset, multi parum intelligentes, magis in libello ejus illa fidei venena à Sede Apostolica crederent approbata, propterea quod ab illa dictum erat, eum libellum esse Catholicum, quam emendata, propter illud, quod se Papa Innocentius literis consentire ipse responderat. Tunc ergo cum ejus praesentia posceretur, ut certis ac dilucidis responsionibus, vel astutia hominis, vel correctio diluiceret, & nulli ambigua remaneret, se subtraxit & negavit examini. Nec differendum jam fuerat, sicut factum est, quod aliis prodesset, si nimium perversorum pertinacia dementiaeque non posset. Sed si, quod absit, ita tunc fuisset de Celestio vel Pelagio in Romana Ecclesia judicatum, ut illa eorum dogmata, quae in ipsis & cum ipsis, Papa Innocentius damnaverat, approbata & tenenda pronunciarentur, ex hoc potius esset praevaricationis nota Romanis Clericis inurenda. Nunc vero cum primitus beatissimi Papae Innocentii litera Episcoporum literis respondentes Afrorum pariter hunc errorem, quem conantur isti persuadere, damnaverunt: Successor quoque ejus sanctus Papa Zosimus hoc tenendum esse, quod isti de parvulis sentirent, nunquam dixerit, nunquam scripserit; Insuper etiam Celestium se purgare molientem ad consentiendum supradictis Sedis Apostolicae

34 literis crebra interlocutione constrinxerit, profecto quidquid interea lenius actum est cum Celestio, servata duntaxat antiquissima & robustissima fidei firmitate, correctionis fuit clementissima suasio, non approbatio exitiosissima pravitatis. Et quod ab eodem Sacerdote postea Celestius & Pelagius repetita auctoritate dammati sunt, paululum intermisit, jam necessario proferenda ratio severitatis fuit, non praevaricatio prius cognita, vel nova cognitio veritatis. Operae pretium fuit integrum caput referre; quod si quis accuratè inspiciat, Augustinum Zosimo & Romanis Clericis certum & ab errore liberum & immune judicium nequitiam tribuere facile judicabit. Beatus Doctor Zosimum & Romanos Clericos pro eo ac potest, excusat, nec obscure significat, illos tali egere excusatione, quali quibus indefectis iudicii concessum est privilegium, non egent. Deinde ad ea se recipit, quae Africana Concilia, Innocentius & Zosimus simul judicaverant. Hinc Pelagii & Celestii dogmata reprobaverant: Hinc contrariam illis fidem approbaverant, & firmiter tenendam esse decreverant.

IV. In libri iv. ad eundem Bonifacium cap. xii. Quid est ergo, quod dicunt de simplicibus Episcopis sine congregatione Synodi in locis suis sedemibus, extorta subscriptio est? Nunquid beatissimis & in fide Catholica excellentissimis viris Cypriano & Ambrosio ante istos, adversus istos extorta subscriptio est, qua eorum impia dogmata tanta manifestatione subvertunt, ut qua contra eos manifestiora dicamus, vix nos invenire possimus: Aut verò congregatione Synodi opus erat, ut aperta perniciēs damnaretur: Quasi nulla haeresis aliquando nisi Synodi congregatione damnata sit: Cum potius rarissima

35 inveniantur, propter quas damnandas necessitas talis extiterit, multoque sint, atque incomparabiliter plures, quae ubi extiterunt, illic improbari damnarique meruerunt, atque inde per ceteras terras devitanda innotescere poterant. Verum istorum superbia, quae tantum se extollit

adversus Deum, ut non in illo velit, sed potius in libero arbitrio gloriari, hanc etiam gloriam captare intelligitur, ut propter illos Orientis & Occidentis Synodus congregetur. Orbem quippe Catholicum, quoniam Domino eis resistente, pervertere nequeunt, saltem commovere conantur: cum potius vigilantia & diligentia pastorali, post factum illis competens, sufficiensque iudicium, ubicunque isti lapsi apparuerint, conterendi sint, sive ut sanentur atque mutantur, sive ut ab aliorum salute atque integritate vitentur.

Et primum quidem statuo Augustinum constare sibi, cum ea quae retulimus dicit, & cum in libri ii. de Baptismo contra Donatistas capite iv. scribit: Quomodo enim potuit ista res tantis altercationum nebulis involuta ad plenarii Concilii luculentam illustrationem confirmationemque perducere, nisi primò diutius per orbis terrarum regiones multis hinc atque hinc disputationibus & collationibus pertractata constaret? Augustinus in libri ii. de Baptismo capite iv. simpliciter & absolute loquitur de Concilio, quod five ex Orientis & Occidentis antistitibus congregetur, five non congregetur: Sed in hujus libri iv. ad Bonifacium capite xii. loquitur tantum de Concilio, quod ex Orientis & Occidentis antistitibus congregetur. Quem sensum verba haec obijciunt: Quasi nulla haeresis ali-

36 quando nisi Synodi congregatione damnata sit, cum potius rarissima inveniantur, propter quas damnandas necessitas talis extitit, &c. Arrii haeresis damnata est in Nicæna Synodo, quae ex Orientis & Occidentis Episcopis congregata fuit. Eunomii & Macedonii haeresis damnata est in Constantinopolitana Synodo prima, quae ex Orientis tantum Episcopis c. l. congregata fuit.

Præterea ne Augustinus videatur pugnare secum, verba haec impediunt: Propter quas damnandas (haereses) necessitas talis extiterit.

Deinde Augustinus hoc in loco ad damnandas haereses requirit Synodum, etiam si ex Orientis & Occidentis Sacerdotibus non congregetur. Quod sufficit, ut ostendatur, illum id sentire, quod observandum suscepimus.

Tum Pelagiana haeresis damnata est ab Africanis Conciliis, quibus & Romana Ecclesia & Episcopale Sedis Apostolicae iudicium accessit: Et Concilia huiusmodi Occidentalis Ecclesiae Concilia vocari possunt. Quibus non pauciores interfuerunt Episcopi, quam ex Oriente Constantinopolitano Concilio primo interfuerint.

V. In sermonis ii. de verbis Domini capite x. Redarguite contradicentes, & resistentes ad nos perducite. Jam enim de hac causa duo Concilia missa sunt ad Sedem Apostolicam: Inde etiam rescripta venerunt. Causa finita est, error utinam aliquando finiatur! Causa, inquit, finita est, quia causae Concilia duo, & Sedis Apostolicae rescripta finem dederunt.

VI. In libri ii. Retractionum capite i. Posteaquam Pelagiana haeresis cum suis auctoribus ab Episcopis Ecclesiae Romanae prius Innocentio, deinde Zosimo cooperatoribus Africanorum Conciliorum literis convicta atque damnata est, scripsi duos libros adversus eos. Serram eandem reciprocatur, & certam Pelagianae haereseos condemnationem in Africanis Conciliis, quibus accessit Sedes Apostolica, constituit.

VII. In libri ii. contra Parmenianum capite xiii. Et haec quidem alia quaestio est, utrum & ab iis, qui nunquam fuerunt Christiani, possit baptismus dari: Nec aliquid temerè inde affirmandum est sine auctoritate tanti Concilii, quantum tanta rei sufficit. Augustinus hoc in loco juris quaestionem proponit, cujus decisionem non ad Romanum Pontificem, sed ad Concilium deferendam esse iudicat: Nec, inquit, aliquid affirmandum sine auctoritate tanti Concilii, quantum tanta rei sufficit. Quis secundum ista de Augustini mente dubitaret? aut illum in sententiam contrariam detorquere vellet?

Quaestionem hanc revolvit adhuc in libri vii. de Baptismo

Baptismo contra Donatistas capite LIII. Solet etiam quari, utrum approbandum sit baptisma, quod ab eo qui non accepit, accipitur, si forte curiositate aliqua didicit, quemadmodum dandum sit. Et post alia: Sed nobis tutum est, in ea non progredi aliqua temeritate sententia, qua nullo in Catholico regionali Concilio coepta, nullo plenario Concilio terminata sunt: Id autem fiducia secuta vocis asserere, quod in gubernatione Domini Dei nostri, & Salvatoris Jesu Christi universalis Ecclesia consensione roboratum est. Difficilem quaestionem tribus, Regionali Concilio, plenario Concilio, & universalis Ecclesiae consensione solvendam assignat, sed Romano Pontifici non assignat. Hinc forsitan accidit, ut in libri I. contra Julianum capite IV. Romano Pontifici consultationibus respondentem fidem hoc nexu praestruat: Puto tibi eam partem orbis sufficere debere, in qua primum Apostolorum suorum voluit Dominus gloriosissimo martyrio coronare. Cui Ecclesia praesidentem beatum Innocentium si audire voluisset, jam tum periculosam juventutem tuam Pelagianis laqueis exuisset. QUOD NON POTUIT VIR ILLE SANCTIS AFRICANIS RESPONDERE CONCILIIS, NISI QUOD ANTIQUITUS APOSTOLICA SEDES, ET ROMANA CUM CAETERIS TENET PERSEVERANTER ECCLESIA. Non potuit, inquit, quia non debuit, nisi exerrare vellet.

VIII. In libri contra Epistolam Manichaei capite V. Noctis me statuisse, nihil à vobis prolatum temere credere. Quero ergo, quis sit ille Manichaeus? Respondebitis, Apostolus Christi. Non credo. Jam quid dicas, aut facias non habebis: Promittebas enim scientiam veritatis, & nunc quod nescio, cogis ut credam. Evangelium forte mihi lecturus es, & inde Manichaei personam tentabis asserere. Si ergo invenires aliquem, qui Evangelio nondum credit, quid faceres dicenti tibi, Non credo? Ego verò Evangelio non crederem, nisi me Catholica Ecclesia commoveret auctoritas. Non dicit, nisi me Romani Pontificis commoveret auctoritas: Non dicit, nisi me primi membri sanctae & universalis Ecclesiae commoveret auctoritas: Sed dicit, nisi me Catholica Ecclesia commoveret auctoritas. Nempe credebat eam esse Catholicae Ecclesiae auctoritatem, quae nec fallere nec falli posset. Non credebat verò eam esse Romani Pontificis seu primi membri sanctae & universalis Ecclesiae auctoritatem, quae nec fallere nec falli posset.

IX. In libri de unico Baptismo contra Petilianum capite XVI. Quid ergo jam opus est, ut Episcoporum Romana Ecclesia, quos incredibilibus calumniis insectatus est, obiecta ab eo crimina diluamus? Marcellinus & Presbyteri ejus Melchiores, Marcellus, & Silvester traditionis divinarum Codicum & Thaurificationis ab eo crimine arguuntur: Sed nunquid ideo etiam convincuntur, aut convicti aliqua documentorum firmitate monstrantur? Ipse sceleratos & sacrilegos fuisse dicit: Ego innocentes fuisse respondeo. Et post alia: Non sanè parva est, parvumque gloriosa consolatio, cujuscunque nostrum, si ab inimicis Ecclesia cum ipsa Ecclesia criminatur: Ejus tamen defensio non in eorum hominum defensione consistit, quos isti nominatim falsis criminationibus appetunt. Prorsus qualescunque fuerint Marcellinus, Marcellus, Silvester, Melchiores, Mansurii, Caelicianus, atque alii, quibus obijciunt pro sua defensione quod volunt, nihil praedjudicat Ecclesia Catholica toto orbe diffusa, nullo modo eorum innocentia coronatur, nullo modo eorum iniquitate damnatur. Si boni fuerunt, in aera Catholica tritura tanquam grana mundati sunt, si mali fuerunt, in aera Catholica tritura tanquam stipula comminuti sunt. Hicne quidem à Cavillatore negari potest, quin Doctore sancto commoda se obtulerit occasio tractandi de non errandi privilegio, si quod tunc temporis in Ecclesia Romano Pontifici tributum fuisset. Augustinus non dixisset sine distinctione ulla: Ecclesia defensio, in Marcellini, Marcelli, Melchiores, Silvestri defensione non consistit. Romanos Pontifices divisisset in privatos doctores, qui errare possunt, & in publicos, qui errare non possunt, vel in eos qui totam docent Ecclesiam, &

in eos, qui non docent; in eos qui pronunciant ex cathedra, & in eos qui non pronunciant. Hæc non dicit Augustinus, quia quo in sensu nunc dicuntur, tunc neutiquam dicebantur, & si tunc fuissent dicta, Augustinus in omnem eventum dixisset, Marcellinum, Marcellum, Melchiores, & Silvestrum ea si fecissent, quorum accusantur, ut privatos tantum Doctores, non instruendo totam Ecclesiam, non pronunciando ex cathedra fecisse: Sed pergit, & aliter in omnem eventum dicit: Prorsus qualescunque fuerint, Marcellinus, Marcellus, Melchiores, Silvester, nihil praedjudicat Ecclesia Catholica toto orbe diffusa, quid est hoc prorsus qualescunque fuerint? Nisi quod illorum lapsus quocunque modo contigerit, nihil praedjudicat Ecclesiae?

Et sanè si quis post tot tantorumque sancti Doctoris testimoniorum expositionem moras necteret, aut tergiverfaretur, ei non vereretur objicere, quod Marcianus Imperator dicit adversus eos, qui res in Calchedonensi Concilio discussas & judicatas retractare vellet: Verè impius & sacrilegus est, qui post tot Sacerdotum sententiam opinioni suae aliquid tractandum reliquit. EXTREMÆ QUIPPE DEMENTIÆ EST IN MEDIO ET PERSPICUO DIE COMMENTITIUM LUMEN INQUIRERE. QUISQUIS POST VERITATEM REPERTAM ALIQUID ULTERIUS DISCUTIT, MENDACIUM QUÆRIT.

Porro alienum non est subicere, Augustinum non interpretari tria Scripturae loca, ut Bellarminus interpretatur, cum in libri IV. de Rom. Pont. capite III. proponit, Summum Pontificem cum Ecclesiam totam docet, in his quae ad fidem pertinent, nullo casu errare posse.

Primus Scripturae locus est Lucæ XXII. Simon, Simon, ecce Satanas expetivit vos, ut cribraret, sicut triticum, ego autem rogavi pro te, ut non deficiat fides tua, quem Augustinus variis in scriptis sic exponit.

Et primò quidem in epistola CCLII. ad Joannem Episcopum contra librum Pelagii: In hoc libro ille Dei gratiam non appellat nisi naturam, quæ libero arbitrio condita sumus. Et paullo post: Unde quis non videat, cum eundem librum legerit, quemadmodum oppugnetur gratia Dei, de qua dicit Apostolus: Miser ego homo, quis me liberabit de corpore mortis hujus? Gratia Dei per Dominum nostrum Jesum Christum, & nullus locus divino adjutorio relinquantur, propter quod orantes dicere debeamus; Ne nos inferas in temptationem: Sine causa etiam Dominus Apostolo Petro dixisse videatur: Rogavi pro te ne deficiat fides tua, si hoc totum in nobis nullo auxilio Dei, sed potestate voluntatis impletur?

Deinde in libri de correptione & gratia capite VI. Nam si dixerimus, istam perseverantiam tam laudabilem, tam felicem sic esse hominis, ut ei non sit ex Deo, illud primitus evacuamus, quod ait Dominus Petro, Rogavi pro te, ne deficiat fides tua. Quid enim ei rogavit, nisi perseverantiam usque in finem?

Tum in ejusdem libri capite VIII. Si ad liberum arbitrium hominis, quod non secundum Dei gratiam, sed contra eam defendis, pertinere dicis, ut perseveret in bono quicunque, vel non perseveret, non Deo donante si perseveret, sed humana voluntate faciente, quid moliturus es contra verba dicentis, Rogavi pro te, Petre, ne deficiat fides tua? An audebis dicere, etiam rogante Christo, ne deficeret fides Petri, defecturam fuisse, si Petrus eam deficere voluisset? Hoc est, si eam usque in finem perseverare noluiisset: Quasi Petrus aliud alio modo vellet, quam pro illo Christo rogasset ut vellet? Nam quis ignorat tunc fuisse perituram fidem Petri, si ea, quæ fidelis erat, voluntas ipsa deficeret, & permansuram, si eadem voluntas maneret? Sed quia preparatur voluntas à Domino, ideo pro illo Christi non posset esse inanis oratio. Quando rogavit ergo, ne ejus fides deficeret, quid aliud rogavit, nisi ut haberet in fide liberrimam, fortissimam, invictissimam, perseverantissimam voluntatem?

Quartò in ejusdem libri capite XII. Subvenit enim igitur infirmitati voluntatis humanae, ut divina gratia indeclinabiliter & insuperabiliter ageretur. Et ideo quam-



vis infirma, non tamen deficeret, neque adversitate aliqua vinceretur. Ita factum est, ut voluntas hominis invalida & imbecilla, in bono adhuc parvo perseveraret per virtutem Dei, cum & voluntas primi hominis fortis & sana, in bono ampliore non perseveraverit, habens virtutem liberi arbitrii, quamvis non defuturo adiutorio Dei, sine quo non posset perseverare, si vellet, non tamen tali, quo in illo Deus operaretur ut vellet, fortissimo quippe dimisit atque permisit  
 43 facere, quod vellet, infirmis servavit, ut ipso donante invictissime, quod bonum est, vellet, & hoc deserere, invictissime nollent. Dicente ergo Christo, Rogavi pro te, ne deficiat fides tua, intelligamus ei dictum, qui edificatur super Petram; atque ita homo Dei non solum, quia misericordiam consecutus est, ut fidelis esset: Verumetiam quia fides ipsa non deficit. Qui gloriatur in Domino gloriatur.

Quintò in Commentario super Psalmum cxviii.

Concione xiii. Non igitur usque valde (vel sicut quidam codices habent) non usquequaque, hoc est, non omnimodo ex ore Petri, in quo erat typus Ecclesia, verbum veritatis ablatum est, qui etsi ad horam negavit, timore turbatus, tamen flendo est reparatus, & confitendo est postea coronatus. Totum itaque corpus Christi loquitur, id est, Ecclesia sancta universitas. In quo toto corpore, sive quia negantibus plurimis remanserunt fortes, qui usque ad mortem pro veritate certarent, sive quia & ex eis qui negaverunt, multi reparati sunt, non est ablatum ex ore ejus verbum veritatis usque valde. Quod autem ait, ne auferas, intelligendum est, ne auferri sinas. Propter quod orando dicimus, ne nos inferas in tentationem. Et ait ipse Dominus ad Petrum: Rogavi, inquit, pro te, ne deficiat fides tua, hoc est, ne auferatur de ore vestro verbum veritatis usque valde.

Sextò ibidem Conc. xv. Est & alia spes, quæ in humilitate tribulationis plurimum consolatur, quæ sanctis data est in Verbo Dei adiutorium gratia pollicentis, ne quisque deficiat: De qua spe dicit Apostolus: Fidelis Deus, qui  
 44 non permittit vos tentari super id quod potestis: Sed faciet cum tentatione etiam exitum, ut possitis sustinere. Hanc spem dedit etiam Salvator ore suo, quando ait: Hac nocte postularit Satanas vexare vos, sicut triticum: Et ego rogavi pro te, Petre, ne deficiat fides tua. Hanc spem dedit & in oratione, quam docuit, ubi monuit ut dicamus, Ne nos inferas in tentationem. Huc, ni fallor, pertinet, quod supra in Psalmum cxviii. ait: Cum itaque dixisset, Genua mea infirmata sunt à jejunio, ubi significatum esse arbitror, eos, qui in membris ejus fortes videbantur, tanquam presentia panis quo sustentabantur, abstracta, in ejus passione defecisse usque ad negationem, quæ apparuit in Petro, tanquam ad eos confirmandos, ne succumbendo penitus caderent. Respectum habet ad illa verba: Et tu aliquando conversus confirma fratres tuos.

Septimò in libri ii. de opere secundo contra Julianum capite ccxxvii. Augustinus respondit. Tu vestro more, qui de vestro descendit errore, non agnoscis gratiam, nisi in dimissione peccatorum, ut jam de cætero per liberum arbitrium ipse homo seipsum fabricet justum: Sed non de hoc dicit Ecclesia, quæ clamat tota, quod didicit à magistro bono, Ne nos inferas in tentationem: Non hoc dicit, qui dicit: Oramus autem ad Dominum, nequid faciatis mali: Non hoc dicit, qui dicit: Rogavi pro te, Petre, ne deficiat fides tua. Isto enim modo gratia, ut non peccemus facit, non quæ peccavimus diluit: Utroque enim modo adjuvat gratia, & dimittendo, quæ malè fecimus, & opitulando ut declinemus à malis, & bona faciamus.

45 Octavò, in duobus Conciliis, Carthaginiensi & Milevitano, quibus Augustinus interfuit, & ubi doctrinæ principatum tenuit. In prioris Concilii epistola ad Innocentium I. Consideret ergo sanctitas tua, & pastoralibus nobis compatiatur visceribus, quàm sit pestiferum & exitiale ovibus Christi, quod istorum sacrilegas disputationes necessario sequitur, ut nec orare debeamus, ne intremus in tentationem, quod Dominus & Discipulus monuit, & posuit in oratione, quam docuit; aut ne deficiat fides nostra, quod pro Apostolo Petro se rogasse testatus est. Si enim possibilitate nature & arbitrio voluntatis in potestate sunt constituta,

quis non ea videat à Domino inaniter peti & fallaciter orari, cum orando poscuntur, quæ natura nostra jam ita condita sufficientibus viribus obtinemur? Nec debuisse dicere Dominum Jesum, vigilate & orate, sed tantummodo vigilate, ne intretis in tentationem: Nec beatissimo Petro primo Apostolorum: Rogavi pro te, sed moneo te, vel impero, ac precipio, ne deficiat fides tua. In posterioris epistola ad eundem Innocentium: Nova quippe hæresis & nimium perniciofa tentat surgere inimicorum gratia Christi, qui nobis etiam Dominicam orationem impiis disputationibus conantur auferre: Cum enim Dominus docuerit, ut dicamus, dimitte nobis debita nostra, sicut & nos dimittimus debitoribus nostris, isti dicunt posse hominem in hac vita, præceptis Dei cognitis ad eandem perfectionem justitia sine adiutorio gratia Salvatoris per solum liberum voluntatis arbitrium pervenire, ut ei jam non sit necessarium dicere: Dimitte nobis debita nostra: Illud verò, quod sequitur, ne nos inferas in tentationem, non ita intelligendum tanquam Divinum adiutorium poscere debeamus, ne in peccatum tentati decidamus. Sed hoc in nostra positum esse potestate, & ad hoc implendum solam sufficere voluntatem hominis, tanquam frustra Apostolus dixerit: Non volentis neque curventis, sed miserentis est Dei, & fidelis Deus, qui non permittit vos tentari supra id quod potestis, sed faciet cum tentatione etiam exitum, ut possitis sustinere. Frustra enim Dominus dixerit Apostolo Petro, rogavi pro te ne deficiat fides tua.

Hæc ex duabus epistolis, quas Augustinus sub Carthaginiensis & Milevitani Concilii nomine perscripsit ad Innocentium, & quas utrumque Concilium approbavit.

Innocentius Carthaginiensis Concilii epistolæ sic respondet: Necessè est, ut quo auxiliante vincimus, eo iterum non adjuvante vincamur, sed possem plura dicere, nisi vos constaret cuncta dixisse. Sic non potest non confirmare Scripturarum expositionem, quæ antè relata est. Deinde sub finem: Sed satis vestris monitis, & sic satis abundantibus nostra legis exemplis probatur esse responsum, nec quicquam superesse duximus, quod dicamus, cum nihil prætermisum à vobis, nihil constet esse suppressum, quo illi refutati, & penitus cognoscantur esse convicti: Ideoque à nobis testimonia nulla ponuntur, quia & his plena relatio est, & satis constat doctissimos Sacerdotes cuncta dixisse, nec decet credere vos aliquid, quod ad causam possit proficere, præterisse. Iterum Scripturæ locorum expositionem, quæ ab Augustino & Carthaginiensi Concilio tradita est, confirmat.

Deinde, idem Pontifex Milevitani Concilii epistolæ sic respondet: Multisariis equidem ad destruendum tale  
 47 magisterium uti possemus exemplis, nisi sciremus sanctitatem vestram ad plenum Scripturas callere divinas, præsertim cum vestra relatio tamis ac talibus testimoniis sit referta, ut his solis valeat præsens dogma rescindi. Ex his autem nullo negotio concluditur, Milevitano Patres veram loci hujus, Ego rogavi pro te, Petre, ne deficiat fides tua, intelligentiam assecutos esse.

Hoc autem ita constituto, ut non potest non constitui, Augustinus, Carthaginiensis & Milevitani Concilii Patres, & Innocentius primus impediunt, quo minus ex illis Christi apud Lucam verbis: Ego rogavi pro te, Petre, ne deficiat fides tua, Romano Pontifici attribatur non errandi in fide & moribus privilegium.

Nunc videndum est, quomodo B. Augustinus secundum Scripturæ locum, qui apud Matthæum talis est, Super hanc Petram edificabo Ecclesiam meam, & porta inferi non prævalerunt adversus eam, interpretetur, & num interpretando id colligat, quod Bellarminus in lib. iv. de Rom. Pont. cap. i. colligit. Illustris est Augustini locus, quem epistola ci. xv. ad Generosum, Fortunatum, & Alipium suppeditat: Si ordo Episcoporum sibi succedentium considerandus est, quantò certius & verè salubriter ab ipso Petro numeramus, cui totius Ecclesiæ figuram gerenti Dominus ait, Super hanc Petram edificabo Ecclesiam meam, & porta inferorum non vincent eam? Petro enim successit Linus, Lino Clemens, &c. Si Petrus figuram Ecclesiæ totius gerebat, cum ei à Christo dictum est super hanc Petram, &c. Ecclesiæ

Ecclesie toti dictum est, quod Petro dictum Evangelista narrat. Atqui non errandi privilegium universae Ecclesie, non Petro vel Petri successoribus promissum esset in Augustini sententia.

Quidquid autem hic scribit Augustinus, in Psalmo contra partem Donati sic contrahit:

*Numerate Sacerdotes vel ab ipsa Petri Sede,  
Et in ordine illo Patrum quis cui successit, videte;  
Ipsa est Petra, quam non vincunt superba inferorum porta.*

Versiculum hunc ultimum in libri 1. de Symbolo capite vi. explicat & flectit ad Ecclesiam: Sequitur post sancta Trinitatis commendationem, sanctam Ecclesiam. Demonstratur est Deus, & templum ipsius. Templum enim Dei sanctum est, ait Apostolus, quod estis vos; ipsa est Ecclesia sancta, Ecclesia una, Ecclesia vera, Ecclesia Catholica: contra omnes hareses pugnemus; pugnari potest, expugnari tamen non potest. Hareses omnes de illa exierunt, tanquam sarmenta inutilia de vite precisa. Ipsa autem manet in radice sua, in vite sua, in charitate sua: porte inferorum non vincunt eam.

Augustinus omnia sic absolvit in libri 1. Retractionum capite xxi. In hoc libro (contra Epistolam Donati) dixi in quodam loco de Apostolo Petro, quod in illo tanquam in Petra fundata sit Ecclesia: Qui sensus etiam cantatur ore multorum in versibus beatissimi Ambrosii, ubi de gallo gallinaceo ait, hoc ipsa petra Ecclesia canente culpam diluit. Sed scio me postea sapissime sic exposuisse, quod a Domino dictum est, Tu es Petrus, & super hanc petram edificabo Ecclesiam meam, ut super hunc intelligatur, quem confessus est Petrus dicens: Tu es Christus filius Dei vivi, ac si Petrus ab hac Petra appellatus personam Ecclesia figuraret, quae super hanc petram edificatur, & accepit claves regni caelorum. Non enim dictum est illi: Tu es petra, sed Tu es Petrus: Petro autem erat Christus, quem confessus Simon sicut cum tota Ecclesia confitetur, dictus est Petrus. Harum autem duarum sententiarum, quae sit probabilior, eligat lector. At si per hanc petram intelligatur Petrus, qui personam Ecclesiae figuraret, si intelligatur Petra Christus, quem confessus est Simon, & in cuius confessione fundata sit Ecclesia, indeficientis ex eo iudicii privilegium nullum aut Petro aut Petri successoribus convenit. Quod manifestum est.

Posteriori expositionem tradit maxime in tractatu cxxiv. super Evangelium Joannis: Ecclesia fundata est super petram, unde Petrus nomen accepit. Non enim a Petro Petra, sed Petrus a Petra: Sicut non Christus a Christiano, sed Christianus a Christo vocatur. Ideo quippe ait Dominus: Super hanc petram edificabo Ecclesiam meam, quia dixerat Petrus: Tu es Christus filius Dei vivi: Super hanc ergo, inquit, petram, quam confessus es, edificabo Ecclesiam meam. Petra enim erat Christus, super quod fundamentum etiam ipse edificatus est Petrus. Fundamentum quippe aliud nemo potest ponere prater id, quod positum est, quod est Christus Iesus.

Superest tertius Scripturae locus, in quo Christus apud Joannem Petro dicit, Pasce oves meas. Hunc Augustinus ita interpretatur.

Et primo quidem in libri de Agone Christiano capite xxx. Non enim sine causa inter omnes Apostolos huius Ecclesiae Catholica personam suscepit Petrus. Huius enim Ecclesiae claves regni caelorum datae sunt, cum Petro datae sunt, & cum ei dicitur, ad omnes dicitur, Amas me, pasce oves meas.

Deinde in tractatus de Pastoribus capite xiiii. Multi erant Apostoli, & uni dicitur, pasce oves meas. Et quibusdam interpositis: Idem ergo ipse pascit cum ipsi pascunt, & dicit, ego pasco, quia in illis vox ipsius, in illis charitas ipsius. Nam & ipse Petrum, cui commendavit oves, quasi alter alteri, unum secum facere volebat, ut sic ei oves commendaret, ut esset

ille caput, ille figuram corporis portaret, id est, Ecclesia.

Tum in sermonis cvi. de Diversis capite x. Ergo commendavit nobis Dominus oves suas, quia Petro commendavit, si tamen ex aliqua parte, vel extrema digni sumus, putarem vestigiorum Petri calcare. Commendavit nobis oves Dominus, oves ipsius estis, vobiscum oves sumus.

Præterea in sermonis cviii. de Diversis capite iv. Merito etiam post resurrectionem Dominus ipse Petro oves suas commendavit pascendas. Non enim inter Discipulos suos solus meruit pascere Dominicas oves. Sed quando Christus ad unum loquitur, unitas commendatur, & Petro primitus, quia in Apostolis Petrus est primus.

Denique in Psalmum cviii. Sed si de illo uno homine omnia, quae hic in malo dicta sunt, intelligere conemur, expositionis ratio non omni modo, aut vix valebit occurrere. Sic enim de tali genere hominum malorum, id est, inimicorum Christi, ingratorumque Iudeorum omnia mihi videntur posse clarius aperiri. Sicut enim quaedam dicuntur, quae ad Apostolum Petrum proprie pertinere videantur, nec tamen habent illustrem intellectum, nisi cum referuntur ad Ecclesiam, cuius ille agnoscitur in figura gestasse personam propter primatum, quem in Discipulis habuit: Sicut est, tibi dabo claves regni caelorum, & signa huiusmodi, ut sine dubio est illud, pasce oves meas. In his nihil pro non errandi privilegio.

Imperfectum opus esset, quod aggressus sum, nisi recensere varia beati Augustini loca, in quibus Augustinus Petrum a Paulo reprehensum esse disputat. Quis enim majus Petri successoribus, quam Petro non errandi privilegium concedet?

Primus locus est in libro de expositione Epistolae ad Galatas: Petrus cum venisset Antiochiam, objurgatus est a Paulo, non quia servabat consuetudinem Iudeorum, in qua natus atque educatus erat, quanquam apud gentes eam non servaret; sed objurgatus est, quia gentibus volebat eam imponere. Cum vidisset quosdam venisse ab Iacobo, id est a Iudaea. Nam Ecclesia Hierosolymitana Iacobus praesuit. Timens ergo eos qui adhuc putabant in illis observationibus salutem consistunt, segregabat se a gentibus, & simulacris illis consentiebat ad imponenda gentibus illa onera servitutis, quod in ipsius objurgatione verbi satis apparet. Non enim ait: Si tu cum Iudeis sis, gentilibus, & non Iudaicis vivis, quemadmodum rursus ad consuetudinem Iudeorum reverteris? Sed quemadmodum, inquit, gentes cogis Iudaizare. Quod autem hoc ei coram omnibus dixit, necessitas coegit, ut omnes illius objurgatione sanarentur. Non enim utile erat, errorem, qui palam noceret, in secreto emendare. Huc accedit quod firmitas & charitas Petri, cui ter a Domino dictum est, amas me, pasce oves meas, objurgationem talem posterioris Pastoris pro salute gregis libentissime sustinebat.

Secundus locus est in Epistola xix. ad Hieronymum capite ii. Si autem verum scripsit Paulus, verum est, quod Petrus non recte tunc ingrediebatur ad veritatem Evangelii. Id ergo faciebat, quod facere non debebat, & si tale aliquid Paulus ipse jam fecerat, correptum potius ipsum credam, coapostoli sui correctionem non potuisse negligere, quam mendaciter aliquid in sua Epistola posuisse: Et si hoc non in epistola qualibet, quanto magis in illa, in qua prae loquutus ait: Quae autem scribo vobis, ecce coram Deo, quia non mentior. Ego quidem illud Petrum sic egisse credo, ut gentes cogeret Iudaizare. Hoc enim lego scripsisse Paulum, quem mentitum esse non credo, & ideo non recte agebat hoc Petrus. Erat enim contra Evangelii veritatem, ut putarent, quia credebant in Christum, sine illis veteribus Sacramentis salvos esse non posse. Hac enim contendeant Antiochia, qui ex circumcissione crediderant, contra quas Paulus perseveranter acriterque configit. Et post alia subiunctum capitulum: Fidelis igitur dispensator Apostolus Paulus procul dubio nobis exhibet in scribenda fidei & Quia veritatis dispensator



dispensator erat, non falsitatis. Ac per hoc verum scripsit, vidisse se Petrum non recte ingredientem ad veritatem Evangelii, eique in faciem restitisse, quod gentes cogeret judaizare. Ipse vero Petrus, quod à Paulo fiebat utiliter libertate charitatis, sancta ac benigna pietate humilitatis accepit: Atque ita rarius & sanctius exemplum posteris praeiit, quo non dedignarentur, sicuti forte recti tramitem reliquissent, etiam à posterioribus corrigi, quam Paulus, quo confidenter auderent etiam  
 33 minores maioribus pro defendenda Evangelica veritate, salva fraterna charitate resistere. Nam cum satius multo sit, à tenendo itinere nullo, quam in aliquo declinare, multo est tamen mirabilius & laudabilius, libenter accipere corrigentem, quam audacter corrigere deviantem. Est laus itaque iusta libertatis in Paulo, & sancta humilitatis in Petro; quae quantum mihi pro modulo meo videtur, magis fuerat adversus calumniantem Porphyrium defendenda, quam ut ei daretur obrectandi major occasio: Quia multo mordacius criminaretur Christianos fallaciter vel literas suas scribere, vel Dei sui Sacramenta tractare.

Tertius locus est in libri 11. de Baptismo contra Donatistas capite 1. Ecce ubi commemorat Cyprianus, quod etiam nos in Scripturis sanctis didicimus Apostolum Petrum, in quo primatus Apostolorum tam excellenti gratia praeceminet, aliter quam veritas postulabat, de circumcisione agere solitum, à posteriore Apostolo Paulo esse correctum. Si ergo potuit Petrus non recte in aliquo ingredi ad veritatem Evangelii, ita ut gentes cogeret judaizare, quod Paulus in ea scribit Epistola, in qua Deum non se mentiri testatus est: Ait enim: Quae autem scribo vobis, ecce coram Deo, quia non memior: Et post hanc tam sanctam atque terribilem attestationem Dei, narravit haec omnia: In quibus cum vidissem, quia non recte ingrediuntur ad veritatem Evangelii, dixi Petro coram omnibus: Si tu cum Judaeis sis, gentiliter, & non judaice vivis, quemadmodum cogis gentes judaizare? Si potuit, inquam, Petrus contra veritatis regulam quam postea Ecclesia tenuit, cogere gentes judaizare, cur non potuit Cyprianus contra regulam veritatis, quam postea tota Ecclesia tenuit, cogere hereticos vel schismaticos  
 54 denud baptizari?

Quartus locus est in libri VI. de Baptismo contra Donatistas capite 11. Neque enim Pharisei caeci quamvis dicentes aliquando, quod fieri debebat, comparandi erant Apostolo Petro, quamvis DICENTI aliquando, quod fieri non debebat. Non solum autem istorum ariditas illius viriditati conferenda non est, sed nec aliorum fructus illius ubertati adaequandus est. Gentes enim nemo judaizare nunc cogit, nec ideo tamen quisquam nunc in Ecclesia quantumlibet profecerit, Petri Apostolatus conferendus est. Quapropter reddens debitam reverentiam, dignumque honorem quantum valeo, persolvens pacifico Episcopo & glorioso martyri Cypriano, audeo tamen dicere, eum aliter sensit de schismaticis vel hereticis baptizandis, quam postea veritas prodidit, non ex mea, sed ex universa Ecclesia sententia, plenarii Concilii auctoritate roborata atque firmata: Sicut venerans posui meritum Petrum primum Apostolorum, & eminentissimum martyrum, audeo tamen dicere non eum recte fecisse, ut gentes judaizare cogeret etiam, hoc enim dico non ex mea, sed ex Apostoli Pauli salutari doctrina per Ecclesiam universam retenta, atque servata.

Quintus locus est in libri 11. contra Cresconium capite XXXII. Relinque ergo scripta Cypriani, & ea ipsa legalia documenta, quibus eum dicis usum esse, commemora: Si ea non demonstravero nostram causam adjuvare, vicisti. Quapropter ita hoc Cypriani non accipio, quamvis inferior incomparabiliter Cypriano, sicut illud Apostoli Petri, quod gentes judaizare cogebar, nec accipio, nec facio, quamvis inferior incomparabiliter Petro.

Quae primum Augustinus in locum Epistolae ad Galatas dicit simpliciter, & quae deinceps comparatè, id est, facta Petrum inter & Cyprianum contentione

observat, & sibi sumit, ea Romano Pontifici non possunt non abjudicare non errandi privilegium, cum illud vel ipsi Petro abjudicent. Id unusquisque per se locus, quinque simul loca homini leviter meditantibus obijciunt. Persuasum istud omnino habuit illustris Ecclesiarum magister, cujus mentem addensatis in eundem titulum sententiis disquirimus & asserimus.

Augustinum excipit Pelagius II. cum in Epistola ad Istriam Episcopos tertia, B. Pauli locum explicans cap. VII. sic disputat: Rursum per Epistolam vestram dicitur, à Sede Apostolica vos doctos atque ab scrinio sanctae Ecclesiae, cui Deo auctore praesumus, confirmatos, ne huic rei, quae sub pia memoria Justiniano Principe gesta est, consentire debeatis, atque hanc opitulationem excusationi vestrae adjungitis dicentes, quod in causae principio & Sedes Apostolica per Vigilum Papam, & omnes Latinarum provinciarum principes damnationi trium capitulorum fortiter restiterunt. In quibus verbis attendimus, quod res quae provocare ad consensum debuit, à consensu vos ipsa divellit. Latini quippe homines & graecitatis ignari, dum linguam nesciunt, errorem facile cognoverunt, & tanto celerius credi debuit, quanto eorum constantia, quousque verum cognoscerent, à certamine non quievit: Quorum consensum certe fraternitas vestra despiceret, si ausu precipiti, priusquam verum cognoscerent, consensissent. At postquam diu ab eis laboratum est, & longo tempore ad injurias usque certatum, hinc vestra fraternitas penset, quia tot labores repente non relinquerent, nisi quae vera sunt, cognovissent. Quid enim Divini consilii fuisse credimus, fratres, quod diu Saulum omnipotens Deus repugnantorem sua fidei esse permisit, & sic eum sua fidei predicatorem fecit, nisi ut cunctis, quibus fuerat per illum predicaturus, ostenderet, quia valde verum est Dei Evangelium, quod & tanta duritia inclinata predicaret, ut dum ea auditores ejus, quae ab illo contra fideles gesta recolerent, repente eum ad fidem versum non sine evidenti ratione sentirent? Et post alia de beato Paulo disputata subjicit: Ecce fratres charissimi, Paulus egregius Doctor, quia diu veritati restitit, inde ad confirmanda corda audientium in ejusdem predicatione veritatis adiutorium sumpsit, ostendit profecto, quia fidem, cui tanto plus labore restiterat, postmodum sine magna rationis certitudine non tenebat. Debet ergo perpendere vestra dilectio, quia praedecessorum nostrorum in hac causa consensus tanto post inanis non fuit, quanto prius duris contradictionum laboribus insudavit. Sed his insuper factum Petri, qui & Paulum superat, vestra fraternitas ad memoriam reducat: Diu quippe restitit, ne ad fidem gentes sancta Ecclesia sine circumcisione reciperet, diu se à conversarum gentium communione subtraxit: Paulo attestante, qui ait: Cum venissem Antiochiam, in faciem ei restitit, quia reprehensibilis erat: Prius enim quam venirent quidam ab Iacobo, cum gentibus edebat. Cum autem venissent, subtrahebat & segregabat se timens eos, qui ex circumcisione erant. Et paulo post: Et cum vidissem, quod non recte ambularet ad veritatem Evangelii, dixi Petro coram omnibus: Si tu cum Judaeis sis, gentiliter & non judaice vivis, quomodo gentes cogis judaizare? Qui tamen ab eodem Paulo postmodum ratione suscepta dum quosdam conspiceret, qui gentiles ad Ecclesiam venientes pondere servanda circumcisionis onerarent, dicit: Cur tentatis Deum imponentes jugum cervicibus discipulorum, quod neque Patres nostri, neque nos portare potuimus? Nunquid, fratres dilectissimi, Petro Apostolorum Principi sibi dissimilia docenti debuit adhuc respondere? Haec quae dicis, audire non possumus, quia aliud ante predicasti: Si igitur in trium Capitulorum negotio aliud cum veritas quaereretur, aliud autem inventa veritate dictum est, cur mutatio sententiae huic? Sedi in crimine obijciunt, quae à cuncta Ecclesia in ejus auctore venerant? Non enim mutatio sententiae, sed inconstantia sensus in culpa est. Quando ergo ad cognitionem recti intentio incommutabilis permaneat, quid obstat, si ignorantiam suam deserens verba permittat? Sic Pelagius Apostoli locum exponit,

exponit, ut Augustinus pridem exposuerat, & Petrum cum Augustino errasse confirmat: Atque inde Vigilio indeficientis iudicii privilegium negare non dubitat. Sed primum notatos, deinde correctos Pauli & Petri errores ad mutandam in melius sententiam argumentum traducit, eoque pacto Istriæ Episcopis persuadere nititur, ut rejecto Vigiliæ constituto, & deserta priori Sedis Apostolicæ sententia eandem imitentur Sedem, quæ rectius consultæ Concilium V. & damnata ab illo tria Capitula jam pridem suscepserat.

58 Augustinum & Pelagium II. excipiunt Parisienses Theologi majores nostri, quos Pauli locum insumpsisse nosti, ut confirment Romanum Pontificem non errandi in fide & moribus decidendis privilegio carere. Et cum id faciunt, eam confirmant sententiam, quam per Sedis Apostolicæ traditionem acceperant.

In cumulum accedunt res quatuor, quibus antecedentia quæcunque concluduntur.

Prima est in Africani Concilii, cujus pars magna Augustinus fuit, ad Celestinum Papam Epistola, quam habet codex Canonum & Romanæ & Africanæ Ecclesiæ. Sic inscribitur: Domino dilectissimo & honorabili fratri Celestino Aurelius, Palatinus, Antonius, Totus, Servus Dei, Terentius, Fortunatus, Martinus, Januarius, Optatus, Celsus, Donatus, Theasius, Vincentius, Fortunatianus & ceteri, qui in universali Africano Concilio Carthagini affuimus. Et paullo post: Effet profecto & nostra & vestra alacritas certior, nec præpropere videatur, quæ adhuc de audiendo (Apiario Presbytero) quam de audito præcefferat. Adveniente sanè ad nos sancto fratre, & coepiscopo nostro Faustino Concilium congregavimus, & credidimus ideo cum illo missum, quoniam sicut per ejus operam Presbyterio antea redditus fuerat, ita nunc posset de tantis criminibus à Tabracenis objectis eo laborante purgari, cujus tanta ac tam immania flagitia decursum nostri Concilii examen invenit, ut & memorati patrocini potius, quam iudicium, ac defensoris magis opera, quam disceptatoris justitiam superarent. Nam primum, quantum obstiterit omni congregationi diversas injurias ingerendo, quasi Ecclesia Romana asserens privilegia, & volens eum à nobis in communionem suscipi, quem in sanctitas credens appellasse, quod probare non potuit, communioni reddiderat. Quod minime tamen licuit, quod

59 etiam gestorum melius lectione cognosces. Et expositis Apiarii criminibus subdit: Prefato itaque debita salutationis officio, impendio deprecamur, ut deinceps ad vestras aures hinc venientes non facilius admittatis, nec à nobis excommunicatos, in communionem ultra velitis excipere, quia hoc etiam Nicæno Concilio definitum facile adverteret venerabilitas tua. Nam & si de inferioribus Clericis vel de laicis videtur ibi præcaveri, quantum magis hoc de Episcopis voluit observari, ne in sua provincia à communione suspensi à tua sanctitate præpropere, vel indebitè videantur communioni restitui? Presbyterorum quoque & sequentium Clericorum improba refugia, sicut te dignum est, repellat sanctitas tua, quia & nulla Patrum definitione hoc Ecclesia derogatum est Africano: Et decreta Nicana, sive inferioris gradus Clericos, sive ipsos Episcopos suis Metropolitans apertissime commiserunt. Prudentissime enim justissimeque viderunt quæcunque negotia in suis locis ubi orta sunt, finienda, nec unicuique providentia gratiam Sancti Spiritus defuturam: Quæ equitas à Christi Sacerdotibus, & prudenter videatur, & constantissime teneatur: Maxime quia unicuique concessum est, si iudicio offensus fuerit cognitorum, ad Concilia sue provincie, vel etiam universale provocare: Nisi forte quisquam est, qui credat unicuique posse Deum nostrum examinis inspirare iudicium, & innumerabilibus congregatis in Concilio Sacerdotibus denegare, aut quomodo ipsum transmarinum iudicium ratum erit, ad quod testium necessaria persona, vel propter sexus, vel propter senectutis infirmitatem, vel multis aliis impedimentis adduci non poterunt?

60 Nam ut aliqui tanquam à tua sanctitate latere miran-

tur, nulla invenimus Patrum Synodo constitutum. Quia illud quod pridem per eundem coepiscopum nostrum Faustinum tanquam ex parte Nicæni Concilii exinde transmissis, in Conciliis verioribus, quæ accipiuntur Nicæni à sancto Cyrillo coepiscopo nostro Alexandrinæ Ecclesiæ, & à venerabili Attico Constantinopolitano antistite, ex authentico missis, quæ etiam ante hoc per Innocentium Presbyterum & Marcellum Subdiaconum, per quos ad nos ab eis directæ sunt, venerabilis memoria Bonifacio Episcopo decessori vestro à nobis transmissæ sunt, in quibus tale aliquid non potuimus reperire. Executores etiam Clericos vestros quibusque petentibus nolite mittere, nolite concedere, ne fumosum typhum sæculi in Ecclesiam Christi, quæ lucem simplicitatis & humilitatis diem Deum videre cupientibus præfert, videamur inducere. Nam de fratre nostro Faustino (amato jam pro suis nefandis nequitiis de Christi Ecclesia dolendo Apiario) securi sumus, quod cum probitate ac moderatione tue sanctitatis salva fraterna charitate ulterius Africa minime patiat.

Hæc paullo longiora describere placuit, quò facilius nobis objicerentur illa, quæ ab initio Epistolæ proposuimus: Nimirum nec Augustinum, nec Africanos Patres Romanum habuisse Pontificem ut supremum vel ultimum controversiarum religionis iudicem, qui falli nequiret, quod in relatis verbis meridiana luce clarius apparet. Exinde Scripturæ loca tria, Lucæ xxii. Oravi pro te Petre, &c. Matthæi xvi. super hanc, &c. Et Joannis xxi. pascere oves meas, ex quibus Bellarminus & Curiales alii magistri non errandi privilegium Romano Pontifici attribuunt, Augustinus longè aliter atque illi, interpretatur, ut supra vidimus. Deinde Augustinus & Africani Patres Romanum Pontificem Conciliis & cum primis Nicæno subiciunt.

Porro autem cum dicunt: Nam ut aliqui tanquam à tua sanctitate latere mirantur, nulla invenimus Patrum Synodo constitutum, significant, Sardicenum canonum exemplaria in Africa nondum visa esse, & quid in iis decerneretur, se penitus ignorare. Sed si quidquid id est, constituisset aliqua Patrum Synodus, Africani Patres detulissent Patrum Synodo, quod Romano Pontifici deferre recusarunt: Quid ita? Majorem in Patrum Synodo, quam in uno Romano Pontifice auctoritatem agnoscebant. Et hoc est certo certius, nec tunc Romæ aliter credebatur. Hinc quod jus in Ecclesiasticis appellationibus repetebant Innocentius, Bonifacius, Celestinus Romani Pontifices, id non Scripturis sacris, sed Nicæni Concilii canonibus acceptum ferebant. Quæstio hæc non Curialium Sophistarum argutiis, quas cum Novatoribus cunctis communes habent, sed lectione sola, oculorum intuitu solo deciditur.

Altera est in libri xi. de Baptismo contra Donatistas capite ix. & sic se habet: Si auctoritas Cypriani sequenda est, magis eam sequendam esse in unitate servanda, quam in Ecclesia consuetudine commutanda. Si autem Concilium ejus attenditur, huic est universæ Ecclesiæ posterius Concilium præponendum, cujus se membrum esse gaudebat, & se in totius corporis compage retinenda ceteri imitarentur, sapius admonerat. Nam & Concilia posteriora prioribus apud posteros præponuntur, ET UNIVERSUM PARTIBUS SEMPER JURE OPTIMO PRÆPONITUR. Extrema verba hæc invictam rationem exhibent, quæ Romanum Pontificem Ecclesiæ & repræsentanti Ecclesiam Concilio subjici demonstratur. Ecclesia, vel repræsentans Ecclesiam Concilium, universum & totum quid est, cujus partem & membrum primum, puta caput se esse Romanus Pontifex negare non potest. Et quia hoc negare non potest, negare quoque non potest, quin Ecclesia vel repræsentans Ecclesiam Concilium illi semper jure optimo præponatur. Atque eo pacto hinc Ecclesiæ vel signifi-

Pon-



Pontificis auctoritate major est Ecclesiæ vel Concilii in dirimendis fidei & morum controversiis auctoritas. Quæ omnia cum naturali lumine sint nota, hæc apud omnes in confesum venire debent: Et si quis iret inficias homo ridiculè insanus esset.

Tertia est in Enchiridii ad Laurentium capite LVII. Cum autem de Jesu Christo filio Dei unico Domino nostro, quod ad brevitatem confessionis pertinet dixerimus, adjungimus sic credere nos & in Spiritum Sanctum, ut illa Trinitas compleatur, quæ Deus est: Deinde sancta commemoratur Ecclesia. Unde datur intelligi rationalem creaturam ad Hierusalem liberam pertinentem, post commemorationem creatoris, id est, summa illius Trinitatis fuisse subdendam. Quoniam quidquid de homine Christo dictum est, ad unitatem persona unigeniti pertinet. Rectus itaque confessionis ordo poscebat, ut Trinitati subjungeretur Ecclesia, tanquam habitatori domus sua, & Deo templum suum, & conditori civitas sua. Quæ tota hic accipienda est, non solum ex parte, quæ peregrinatur in terris à solis ortu usque ad occasum laudans nomen Domini, & post vetustatis captivitatem cantans Canticum novum; verumetiam ex illa, quæ in cælis semper ex quo condita est, cohabit Deo, nec ullum sui casus malum experta est. Hæc in sanctis Angelis beata persistit & sua parti peregrinanti, sicut oportet, opitulatur: Quia utraque una erit consortio aternitatis, & nunc una est vinculo charitatis, quæ tota instituta est ad colendum unum Deum. Unde nec tota, nec ulla pars ejus vult se coli pro Deo, nec cuiquam esse Deus pertinenti ad templum Dei, quod edificatur ex diis, quos facit non factus Deus. Ac per hoc Spiritus Sanctus, si creatura, non creator esset, profectò creatura rationalis esset. Ipse enim esset summa creatura, & ideo in regula fidei, non poneretur ante Ecclesiam, quia & ipse ad Ecclesiam pertineret, in illa ejus parte, quæ in cælis est. Augustini quæso ratiocinationem expende. Hæc pluribus declarata verbis eò spectat tota, ut si Spiritus Sanctus creatura, non creator esset, in regula fidei, quod est Symbolum, ante Ecclesiam non poneretur, etiamsi creatura esset summa. In eadem fidei regula post Ecclesiam poneretur, quia ad Ecclesiam illam pertineret. Scilicet pars esset illius Ecclesiæ, sive quæ in terris, sive quæ in cælis versaretur. Nonne Romanus Pontifex ad Ecclesiam pertinet? Nonne pars illius est, quæ degit in terris? Prima quidem pars est & summa, sed semper pars est, & partis nomen retinet, nec potest non retinere. Quis igitur Romanum Pontificem ponet ante Ecclesiam, nisi velit illum ex homine Deum facere, & personarum Trinitatis numerum augere? Doctorem sanctum ratiocinantem sequimur, & profligantem novos Curie magistratos, qui non dubitant in fidei regulam, in cæleste Chirographum involare.

Hi porro magistri, si Episcopi, si Presbyteri, si Diaconi funguntur officio, seipsos coarguunt sacrilegii, cum in sacris ritibus Deum pro Romano Pontifice precantur. Et primò quidem dum Missæ canon recitatur hoc modo: Te igitur, clementissime Pater, per Jesum Christum Dominum nostrum supplices rogamus ac petimus, uti accepta habeas & benedicas hac dona, hæc munera, hæc sancta sacrificia illibata, quæ tibi offerimus pro Ecclesia tua sancta Catholica, quam pacificare, custodire, adunare, & regere digneris, toto orbe terrarum, unâ cum famulo tuo Papa nostro N. & antistite nostro N. & Rege nostro N. & omnibus orthodoxis atque Catholicæ & Apostolicæ fidei cultoribus. Deinde cum feria VI. in Parasceve Domini, decantata Passione, pro omni omnino hominum genere sic oratur: Oremus, dilectissimi nobis, pro Ecclesia sancta Dei, ut eam Deus & Dominus noster, pacificare, adunare, & custodire dignetur, toto orbe terrarum subjiciens ei principatus & potestates, deique nobis quietam & tranquillam vitam degentibus glorificare Deum Patrem Omnipotentem. Oremus, Fleamus genua, levate. Omnipotens sempiterna Deus, qui gloriam suam omnibus in Christo gentibus

revelasti, custodi opera misericordie tue, ut Ecclesia tua toto orbe diffusa, stabili fide in confessione tui nominis perseveret per Dominum. Oremus & pro beatissimo Papa nostro N. ut Deus & Dominus noster, qui elegit eum in ordinem Episcopatus, saluum & incolumem custodiat Ecclesia sue sancta ad regendum populum sanctum Dei. Hic orationes sunt pro Ecclesia duæ, quæ unicam pro Papa orationem antecedunt.

Tum cum in communi litaniam vetusto precationum genere Deus ita rogatur: Ut Ecclesiam tuam sanctam regere & conservare digneris, te rogamus. Ut Dominum Apostolicum & omnes Ecclesiasticos ordines in sancta religione conservare digneris, te rog.

Præterea quo in loco orationes in Dominicis & feriis recitandæ præscribuntur, oratio pro Ecclesia, orationem pro Papa præcedit, & si quando una ex his duabus orationibus omittenda est, ea quæ pro Papa recitanda esset, omittitur, & ea tantum, quæ est pro Ecclesia, recitatur. Ego utor Missali Romano, quod a Paulo III. reformatum & approbatum est anno MDLIX. & MDL. Lugduni typis mandatum.

Quarta & ultima est in libri I. contra Cresconium capite XXXIII. Hoc facimus, quod universa jam placuit Ecclesia, quam ipsarum Scripturarum commendat auctoritas, ut quoniam sancta Scriptura fallere non potest, quisquis falli metuit hujus obscuritatis quæstionis, eandem Ecclesiam de illa consulat, quam sine ulla ambiguitate sacra Scriptura demonstrat. Agitur de iterandi baptismatis quæstione, in qua consulendam ab eo, qui obscuritatis quæstionis falli metuit, Ecclesiam proponit. Cur verò proponat, ratio hæc est: Quia Ecclesiam commendat auctoritas Scripturæ, quæ fallere non potest: Quia Ecclesiam Scriptura sine ulla ambiguitate demonstrat. Sed consulendum ab eo, qui obscuritatis quæstionis falli metuit, Romanum non proponit Pontificem, quem ut supremum judicem non errandi privilegio dotatum Scripturæ commendat auctoritas, quem talem Scriptura sine ulla ambiguitate demonstrat.

In his autem verbis, quæ connexa sunt inter se duo, Romanum Pontificem errare in fide & moribus posse, & subjici Ecclesiæ vel Concilio figuranti Ecclesiam, comprehenduntur, & cum in libri II. de Baptismo contra Donatistas, capite I. dicit: Quis nescit illum (Petrum ac proinde Petri successorem) Apostolatus Principatu cuilibet Episcopatu præferendum? Apertè significat universo Episcopatu præferendum non esse, Petrus, vel Petri successor Episcopatu singillatim & separatim accepto præfertur: Episcopatu conjunctim & separatim accepto non præfertur, sed postponitur. In uno Petri & illius successorum primatus supra singulos Antistites eminet: In altero supra Petrum & illius successorum Ecclesiæ potestas.

Postremò cum Romanus Pontifex in fidei regula ponit, (cepit autem paulo tardius) ibidem Ecclesiæ postpositus est. Sic enim in regula Tridentinæ fidei legitur. Credo, & aliquanto post: Et in Spiritum Sanctum Dominum & vivificantem, qui ex Patre Filioque procedit, qui cum Patre & Filio simul adoratur & conglorificatur, qui locutus est per Prophetas, & unam sanctam Catholicam & Apostolicam Ecclesiam. Et post alia: Item sacram Scripturam juxta eum sensum, quem tenuit & tenet sancta mater Ecclesia, cujus est judicare de vero sensu & interpretatione sacrarum Scripturarum admittit. Et post alia: Sanctam Catholicam & Apostolicam Romanam Ecclesiam, omnium Ecclesiarum matrem & magistrum agnosco, Romanoque Pontifici, beati Petri Apostolorum Principis successoris ac Jesu Christi Vicario veram obedientiam spondeo. Hic Romanus Pontifex, non solum Catholicæ Ecclesiæ, sed etiam Romanæ quæ pars est Catholicæ, subjicitur.

Cæterum dum ista persequor, ab Augustino non digredior: Quippe qui in libris contra Pelagianos editis ad asserendum originis peccatum & baptismi necessitatem Ecclesiæ preces & ritus insinuat. Et sic Augustini doctrina

doctrina his in locis contenta manavit ad posteros, & ab universa hodièque vindicatur Ecclesia.

Expedita nunc tibi suppetunt præcipua capita, quibus aperte probatur, Augustino non esse Romanum Pontificem, sed Episcoporum cœtum, qui exortis de religione controversiis extremam manum & legem imponat. Epistolas & libros percurramus, quos primum contra Donatistas, deinde contra Pelagianos edidit. Tum Augustini expositionem in Scripturæ auctoritates numero tres protulimus, & prolata expositione ad opinionem illam, quæ his auctoritatibus non errandi privilegium Romano Pontifici tribuit, aditus omnis intercluditur. Postremo quæ ad locum Epistolæ Pauli ad Galatas de reprehensione Petri hinc inde scribit, subjunximus, ut apud sanctum Doctorem restaret nihil, quod circa hoc argumenti genus omitteretur. At nullus est locus, in quo ille Romanum Pontificem seorsum à Synodo controversiarum iudicem supremum vel ultimum constituat, eumque indeficientis iudicii privilegio impertiat. Si quis tamen excidisset mihi in quo aliter sentiret, ego quoque cum illo aliter sentirem. Hoc me cupio doceri à te, quem in operum beati Augustini lectione exercitissimum esse teneo. Interim memineris subobscurum locum, siquis occurreret à clariori lucem accipere debere, nec clariori de subobscuri conditione accomodandum esse. Sic agere convenit, dum quæritur veritas, ne inter altercationes & futes argutias, dispareat. Sunt qui hanc tractandi legem negligant, sed Catholicos se esse non meminerunt: Imitantur hæreticos, quorum ingenium Facundus Hermianensis sic notat in libri ix. capite v. *Quemadmodum calumniantium hæreticorum est, ex dubiis & obscuris, quæ certa & manifesta sunt, malè interpretari: Ita solitum est prudentia ac pietatis Catholica ex indubitatis atque evidemibus & firmare ambigua, & latentia declarare.*

Porro autem in hoc labore qualicunque nostro, me vide, Romanam Ecclesiam cum Africana connexam reperies. Hæc magna & invicta est contra Bellarminum & alios novarum opinionum artifices præscriptio.

Hinc accidit, ut à referendis elogiis, quæ Celestinus I. Hormisda & Joannes II. ad beati Augustini doctrinam addiderunt, modò superfedeam, sed superfedere non possum à referendo elogio, quod paucos ante annos addendum esse sensuit Alexander VII. cum ad Lovanienses Theologos rescriberet. *Dilecti filii, salutem & Apostolicam benedictionem. Literas vestras die xx. Martii datas accepimus. Et quibusdam interpositis: De reliquo non dubitamus, quin pro singulari scientia pietatis- 69 que studio sanam & incorruptam, qualem tot Apostolica Sedis declarationes & sanctorum Patrum traditiones requirunt, doctrinam semper amplexuri, & adversus orthodoxæ religionis hostes defensuri sitis, nec non præclarissimorum Ecclesiæ Catholicae Doctorum Augustini & Thomæ Aquinatis inconcussa, tutissimæque dogmata sequi semper, ut asseritis, ac impensè revereri velitis: Quorum profectò sanctissimorum virorum penes Catholicos universos ingentia & omnem laudem supergressa nomina novi præconis commendatione planè non egent. Hoc elogium, in quo Augustini dogmata judicantur inconcussa & tutissima, permagni non potest non æstimari, cum post accuratam scriptorum Augustini lectionem, & suis absolutam numeris intelligentiam exaratum esse constet: Ac proinde elogio huiusmodi, qui refragaretur, totis theatris explodendus esset. Itaque cum Alexander VII. Augustini dogmata tam præclare & tam magnificè probando sua faciat, & ut sobolem adoptet, Alexander tribuere, quod tribuimus, ne reformides, supremum nempe vel ultimum controversiarum fidei iudicem esse Concilium, & Romanum Pontificem seorsum à Concilio nusquam: Deinde Romanum eundem Pontificem Concilio subjectum esse. Ad me quod attinet, tribuere non reformido. Quippe is est Pontifex, quem ab Augustino Sedis Apostolicæ traditionum assertore Curialis magister nullus, quem adulator, Gallus, Italus, Hispanus-ve fuerit, nullus unquam sejunget. Ita credo, ita spero. Tu quoque ne desinas bene sperare, & bono animo esse. Quidquid id est, desperemus nihil. Spem nostram esse ab Alexandro consecratam 70 putemus. Interim vale. Lutetiæ Parisiorum ann. MDCLXVI. Calend. Martii.*

## Joannes Launoïus ANTONIO VARILLAO.

**D**UBITAS & rectè omnino, num omnia Romanorum Pontificum & Patrum testimonia, quæ Bellarminus in libri iv. de Rom. Pont. capite iiii. adducit, ut probet Romanum Pontificem in fide & moribus errare non posse, Bellarmini proposito respondeant. Si nullum respondere tibi dixerò, id quod res est, dictum invenies, dummodo auctoris huius lemma cum singulis Romanorum Pontificum & Patrum testimoniis contendatur. Lemma sic se habet: *Summus Pontifex cum totam Ecclesiam docet in his, quæ ad fidem & mores pertinent, nullo casu errare potest. Per verba hæc, cum totam docet Ecclesiam, non obscurè significat, Summum Pontificem errare posse, si mediam tantum Ecclesiæ partem, Occidentalem videlicet, aut Romanam tantum Ecclesiam, cui præsidet, doceret, quæ ad fidem & mores pertinerent. Quod igitur indeficientis iudicii privilegium Bellarminus Pontifici tribuit, hoc universæ Ecclesiæ solius terminatione concluditur. Nunc singula Pontificum & Patrum re-*

ferenda sunt testimonia, cum quibus supra expositum lemma contendatur.

### Lucii I. Papæ testimonium.

**R**Efertur ex Epistola ad Episcopos Galliæ & Hispaniæ: *Ecclesia Romana Apostolica est, & mater omnium Ecclesiarum, quæ à tramite Apostolica traditionis nunquam errasse probatur. Nec hæreticis novitatibus depravata succubuit, secundum ipsius Domini pollicitationem, dicentis: Ego rogavi pro te, &c.*

Et primum quidem Bellarminus hoc loco spontè obliviscitur, se in libri ii. capite xiv. de Pontificum, qui federunt usque ad annum ccc. Epistolis ita pronuntiasse: *At quamvis aliquos errores in eas irrepsisse non negaverim, nec indubitatas esse affirmare audeam, certè tamen antiquissimas esse nihil dubito. Quia ab Isidoro Hispalensi collectas esse putat, sed falsò putat, & falsum dicit, cum Isidorum annis ducentis Carolo Magno antiquiorem esse tradit, Isidorus florebat anno*



anno DCXXX. & anno DCXXXVI. rebus humanis excessit: Carolus verò regnare cœpit anno DCCLXIX. qui & ætatis annum agebat XXIV. Sic ab Isidori excessu usque ad natalem Caroli diem anni tantum intercedunt centum & decem.

Deinde falsa est nota Consularis, qua Epistola hæc consignatur: *Data Calend. Aprilis Gallo & Volusiano viris clarissimis Coss.* In Annalibus Ecclesiæ Gallus & Volusianus semel atque iterum Consules fuerunt, semel anno CCLIV. qui erat annus Papæ Cornelii primus. Iterum anno CCLV. qui annus erat ejusdem Cornelii secundus: hoc anno martyrium fecit Cornelius XVIII. Calend. Octobris. Vacavit Sedes diebus XXXV. Cornelio successit Lucius XIV. Calend. Novembris, qui mense Aprili, id est, dimidio ante creationem suam anno laudatam à Bellarmino Epistolam scribere non potuit.

<sup>3</sup> Tum argumentum Epistolæ, & tempus, quo sedit Lucius, suppositionem evidenter ostendunt. Quo tempore hic Papa propter fidem exulat, & quo tempore non Romana solum, sed etiam dispersa utcumque per orbem Ecclesia sub tyrannorum ictu est, Occidentales Episcopi, omnes & cum primis Gallicani & Hispanienses forensibus sese disceptationibus fatigant, & de Metropolitano & comprovincialium judiciis, ac de facultatum Ecclesiasticarum directoribus Apostolicam Sedem consulunt: Ac de his omnibus & singulis perinde respondet Lucius, quasi tunc quæ ubique patiebatur Ecclesia, ubique triumpharet. Non mentior. Sic Lucius scribit:

*Dilectissimis fratribus omnibus in partibus Occidentalibus, tam in Galliis, quam in Hispaniis, consistentibus, Lucius Episcopus in Domino salutem. Literas dilectionis vestrae quas ad beati Petri Apostoli Sedem pro vestri causa negotii misistis, libenter suscepimus, sed de vestris afflictionibus non modicè contristati sumus. Significastis enim vos tam à quibusdam non rectam fidem tenentibus, quam à aliis eos imitantibus persequi & infamari, atque vestras Ecclesias suis dotibus & fidelium oblationibus spoliari, vestrosque ministros nimis vexari. Et ideo multos à vobis & à recta fide discedere, quoniam eis non potestis defensionem impendere, nec ea, quæ sunt necessaria, ministrare. Quod igitur in Ecclesiæ pace, qualis Theodosiorum, Marciani, Leonis temporibus viguit, Occidentalium regionum Episcopi, & cum primis Gallicani & Hispanienses unà fecerunt nunquam, id fecerunt grassantibus in Ecclesiam, Decio, Gallo & Volusiano, Valeriano & Gallieno. Quis præter Bellarminum hoc in se reciperet? Et post alia:*

*Unde placuit, ut à quibuscunque iudiciis Ecclesiasticis ad alios iudices Ecclesiasticos, ubi est major auctoritas, si fuerit provocatum, audientia non negetur. Item constituimus, sicut & à sanctis Apostolis, eorumque successoribus decretum reperimus: Si quis Metropolitanus Episcopus, nisi quod solummodo ad propriam pertinet parochiam, sine consilio & voluntate omnium comprovincialium Episcoporum extra aliquid agere tentaverit, gradus sui periculo subiacet, & quod egerit, irritum habeatur & vacuum. Sed quidquid de comprovincialium coepiscoporum causis, eorumque Ecclesiarum & Clericorum atque secularium necessitatibus, aut de quibuscunque communibus agere aut disponere necesse fuerit; Hoc cum omnium consensu comprovincialium agatur Pontificum, non aliquo dominationis fastu, sed concordia & humillima administratione. Hæc est secuta per omnes Occidentis regiones & provincias Episcopalis fori constitutio, hæc publica Ecclesiasticorum iudiciorum libertas, cum disturbantur Clerici, verberantur Levitæ, aguntur in exilium Sacerdotes, opplentur Christianis ergastula, carceres, metalla, quorum plerique interdictis urbibus protrusi atque extorres, inter deserta, speluncas, feras, saxa, nuditate, fame, siti affecti contriti & tabefacti sunt. Et post alia:*

*Res verò Ecclesiarum vestrarum & oblationes fide-*

*lium, quas significastis à quibusdam irruentibus vexari, vobisque & Ecclesiis vestris auferri, indubitanter maximum peccatum. Et paulo post: Unde & Judas, qui pecuniam fraudavit, quæ usibus Ecclesiæ, id est, pauperibus, quos Ecclesiæ pascere debet, distribuebatur jussu Salvatoris, cujus vicem Episcopi tenent, non solum fur, sed fur & sacrilegus factus est. De talibus enim id est, qui facultates Ecclesiæ rapiunt, fraudant, vel auferunt, Dominus comminans omnibus per Prophetam loquitur dicens. Et paulo post: Hæc fieri Propheta, hæc Apostoli, hæc successores eorum & omnium Catholicorum Patrum vetant decreta, & tales presumptiones sacrilegium esse dijudicant. Quorum nos sequentes exempla, omnes tales presumptores & Ecclesiæ raptos atque suarum facultatum alienatores unà vobiscum à liminibus sanctæ matris Ecclesiæ anathematizatos Apostolica auctoritate pellimus. Hæc quæ ad Lucii ætatem, quam mox descripsimus, quid attinent? Habebatne tunc Ecclesiæ facultates, tot & tantas, quæ diriperentur? Ubinam Catholicorum Patrum, qui Lucium præcesserant, decreta? Ubinam exempla illa, quæ Lucius sequi se pronuntiat? Et sanè Bellarminus & qui relata à Bellarmino testimonia exscribunt, vel pristinam Ecclesiæ faciendi prorsus ignorant, vel mala fide agunt, cum his testimoniis utuntur.*

Quartò, ne sint ista, quibus Lucii Epistola falsitatis convincitur, & inter mercis Isidori adulteria reponitur, relata Epistolæ verba privilegium non continent, quod Romanæ Ecclesiæ proprium tunc fuerit. Nonne Pontifice Lucio vel de Alexandrina, vel de Antiochena, vel de Hierosolymitana Ecclesia affirmari potuit: *Hæc Ecclesia per Dei omnipotentis gratiam à tramite Apostolica traditionis nunquam errasse probatur; nec hæreticis novitatibus depravata succubuit? Quid certius? Hæc est facti, non juris quæstio, quam Lucius exponit.*

Quintò, Lucius de Romana & Apostolica Ecclesia loquitur, non de Romano Pontifice seorsum ab Ecclesia, ut Bellarminus loquitur.

Sextò, Lucius loquitur de privilegio, quod Romanæ Ecclesiæ in credendo, non in docendo conveniat.

Postremò, etiam si ponamus, Lucium de Romano Pontifice seorsum ab Romana Ecclesia loqui; Is tamen quod rei caput est, ad Bellarmini propositum minimè loquitur: Nempe Pontificem errare non posse, cum totam docet Ecclesiam. Quæ de re nihil apud Lucium comparet: Atque ita si Bellarmini lemma cum Lucii testimonio contenditur, hoc testimonium fugit ut invalidum.

#### Felicis I. testimonium

**R**efertur ex Epistola ad Benignum de Romana Ecclesia: *Ut in exordio normam fidei Christiana percepit ab auctoribus suis Apostolorum Christi Principibus, illibata manet juxta illud, Ego rogavi pro te, &c.* Verba hæc ex Lucii Epistola transcripta sunt, quæ sic se habet.

*Hæc sancta & Apostolica mater omnium Ecclesiarum Christi Ecclesia, quæ per Dei omnipotentis gratiam à tramite Apostolica traditionis nunquam errasse probatur nec hæreticis novitatibus depravata succubuit, sed ut in exordio normam fidei Apostolicæ percepit ab auctoribus suis Apostolorum Christi Principibus, illibata sine tenus manet secundum ipsius Domini Salvatoris divinam sollicitationem, qui discipulorum suorum Principi in suis fatus est Evangeliiis: Petre, inquit, Ecce Satanas expetivit, ut cribraret vos, sicut qui cribrat triticum. Et post alia: Sanctam Catholicam & Apostolicam Romanam Ecclesiam omnium Ecclesiarum matrem & magistram agnosco, Romanoque Pontifici, beati Petri Apostolorum Principis successor ac Jesu Christi Vicario veram obedientiam spondeo. Hic Romanus Pontifex, non solum Catholicæ Ecclesiæ, sed etiam Romanæ quæ pars est Catholicæ, subjicitur.*

Cæterum dum ista prosequor, ab Augustino non digredior: Quippe qui in libris contra Pelagianos editis ad asserendum originis peccatum & baptismi necessitatem Ecclesiæ preces & ritus infumat. Et sic Augustini doctrina

Deinde annus Christi ducentessimus septuagesimus secundus, quo martyrium subiit Dionysius Felicis decessor, Consules habuit Aurelium Augustum & Bassum. Et annus Christi ducentessimus septuagesimus quintus quo Felix III. Calend. Iunii martyr effectus est, Consules habuit Aurelium Augustum secundum & Iulium Capitolinum. Quis secundum ista subjectam esse Felici Epistolam non videt? Accedit transcriptio quadraginta amplius versuum Epistolæ, quam Isidorus Lucio attribuit.

Hic supervacaneum esset repetere, quæ supra num. IV, V, VI, VII. ad eadem Epistolæ verba observavimus.

### Leonis I. Testimonium

**R**efertur ex sermone III. de assumptione ad Pontificatum: *Specialis, inquit, cura Petri à Domino suscipitur, & pro fide Petri propriè supplicatur, tanquam aliorum status certior sit futurus, si mens Principis victa non fuerit. In Petro ergo omnium fortitudo munitur, & divina gratia ita ordinatur auxilium, ut firmitas, quæ per Christum Petro tribuitur, per Petrum Apostolis cæteris conferatur.* Bellarminus: *Ubi Leo utrunque privilegium agnoscit; illud primum cum ait, si mens Principis victa non fuerit. Illud secundum cum subiungit, firmitas, quæ per Christum Petro tribuitur, per Petrum cæteris conferatur. Non enim confertur aliis firmitas, nisi veram fidem exponendo. Privilegium primum Bellarminus antè sic explicat: Ut Petrus non posset unquam veram fidem amittere, quantumvis tentaretur à Diabolo. Secundum verò ita: Ut Petrus tanquam Pontifex non posset unquam docere aliquid contra fidem, sive ut in ejus Sede nunquam inveniretur qui doceret contra veram fidem. Quis autem illud ex Leonis verbis: Ut firmitas, quæ per Christum Petro tribuitur, per Petrum Apostolis cæteris conferatur, eliciet unquam? Bellarminus expositi à se privilegii secundi oblitus ne quidem elicit, cum verba Leonis sic interpretatur: Non enim confertur aliis firmitas, nisi veram fidem exponendo. At vera fides duobus modis exponitur & exponi potest: In privato & publico iudicio. In publico (ad hominem loquor) dum Pontifex quid credendum vel agendum sit, toti Ecclesiæ præscribit: In privato, dum Pontifex quid credendum vel agendum sit, non toti præscribit Ecclesiæ, sed alicui tantum illius parti. Quod non spectat apud Bellarminum indeficientis iudicii privilegium. De quonam autem iudicio sermonem Leo instituat, Bellarminus in incertum relinquit. Quo pacto Leonem ad sententiæ suæ confirmationem laudat inutiliter.*

Præterea Bellarminus, dum Leonis verba repetit, ut secundum privilegium astruat, nomen, *Apostolis*, supponit. Attende ad hoc: *Illud secundum, cum subiungit: Firmitas, quæ per Christum Petro tribuitur, per Petrum cæteris conferatur: Non enim confertur aliis firmitas, nisi veram fidem exponendo. Leo dicit: Ut firmitas, quæ per Christum Petro tribuitur, per Petrum Apostolis cæteris conferatur. Quæ igitur firmitas apud Leonem Apostolis cæteris per Petrum confertur, apud Bellarminum cæteris per Petrum confertur, ut ille significet cæterorum nomine fideles reliquos omnes intelligi. Atque ita mala fide agit, ut secundum astruat privilegium.*

Ad rem verò quod attinet, ut in verbis Christi, sic & in verbis Leonis sermo tantum est de uno & eodem privilegio, quod ad Petri personam instante Domini Passione refertur, ut Leo ipse declarat: *Instante autem Passione sua Dominus, quæ discipulorum turbata erat constantiam, Simoni inquit, Simon, ecce Satanas expositulavit vos, ut cribraret sicut triticum. Ego autem rogavi pro te, ut non deficiat fides tua: Et tu aliquando conversus confirma fratres tuos, ut non intres in tentationem. Commune erat omnibus Apostolis periculum de tentatione formidinis, & divina protectionis auxilio pariter*

*indigebat. Quoniam Diabolus omnes exagitare, omnes cupiebat elidere, & tamen specialis à Domino Petri cura suscipitur, & pro fide Petri propriè supplicatur, tanquam aliorum status certior sit futurus, si mens Principis victa non fuerit. In Petro ergo omnium fortitudo munitur, & divina gratia ita ordinatur auxilium, ut firmitas, quæ per Christum Petro tribuitur, per Petrum Apostolis cæteris conferatur. Sic cum integra Leonis exhibetur auctoritas, Bellarmini fides mala in illius usu proditur. Quis enim præter Bellarminum, vel Bellarmini exscriptores ex auctoritate illa, quæ tota in antecedente aliquo poneretur, sine accidentis fallaciam colligeret: Igitur Summus Pontifex cum totam Ecclesiam docet in his quæ ad fidem pertinent, nullo casu errare potest? Hæc est propria Bellarmini propositio, quam ex Leonis auctoritate confirmandam suscepit. Sed illam confirmaturus non est unquam, nisi disserendo à non distributo ad distributum procedat: Et sic propositionem infirmaret potius, quam confirmaret. Scilicet fallaci argumento error gignitur, veritas nulla vindicatur.*

Hic à proposito non abhorreret ostendere, Leonem indeficientis iudicii privilegium sibi non tribuere: Sed illud in Epistola ad Jacobum Malatestam Parisiensem Theologum ostendi, cum ex Leone Conciliorum necessitatem asserui. Epistola hæc est in tertia parte Epistolarum nostrarum.

### Agathonis Testimonium

**R**efertur ex ejus Epistola, quæ in Synodo VI. lecta est actione IV. & postea actione VIII. probata ab omnibus: *Hæc est vera fidei regula, quam & in prosperis & in adversis vivaciter tenuit Apostolica Christi Ecclesia, quæ per Dei gratiam à tramite Apostolica traditionis nunquam errasse probatur, aut hæreticis novitatibus unquam depravata succubuit: Quia dictum est Petro: Simon ecce Satanas, &c. Ego autem rogavi pro te, &c. Hic Dominus fidem Petri non defecituram promisit, & confirmare eum fratres suos admonuit. Quod Apostolicos Pontifices mea exiguitatis prædecessores confidenter fecisse cunctis est agnitus.*

I. Aliud est Apostolica Christi Ecclesia, quæ à tramite Apostolica traditionis nusquam errasse probatur, aut hæreticis novitatibus unquam depravata succubuit: Aliud Romanus Pontifex, qui à tramite Apostolica traditionis nusquam errasse probatur. Hæc enim duo, Apostolica Christi Ecclesia, & Romanus Pontifex non convertuntur. Quis enim nisi grammaticæ & dialecticæ imperitus collectivum nomen cum distributivo & simplici nomine commutaret? Et utriq; nomini significatum eundem adscriberet? Sic vitiosè philosophatur Bellarminus, cum Romano Pontifici id tribuit, quod Agatho Romanæ Ecclesiæ tribuit. Accidentis fallaciam committit, quæ Romanum Pontificem egere nisi putet, efficit, ut alii putent.

II. Agatho quæstionem facti non juris tractat, cum ait: *Apostolica Christi Ecclesia, id est, Romana, à tramite Apostolica traditionis nusquam errasse probatur, aut hæreticis novitatibus unquam depravata succubuit.* At Bellarminus fallit & fallitur, cum ex quæstione facti, quæstionem juris infert. Quo tempore scribebat Agatho, nempe ad annum Christi DC.LXXX. infinitæ florebant in orbe Christiano Ecclesiæ, de quibus singillatim id affirmari poterat, quod ille Pontifex affirmat de Romana. Exempli causa, nonne de Viennensi, de Lugdunensi, de Rotomagensi, de Turonensi Ecclesia, &c. dici poterat? Viennensis, Lugdunensis, Rotomagensis, Turonensis Ecclesia à tramite Apostolica traditionis nusquam errasse probatur, aut hæreticis novitatibus unquam depravata succubuit. Sed inde non sequitur, quod à tramite Apostolicæ traditionis aberrare non potuerint antea, aut postea aberrare non possint. Vitiosè igitur argumentatur Bellarminus, ut ex Agathone probet id quod probandum sibi sumpsit: Videli-



cet, Summum Pontificem cum totam Ecclesiam docet in his, quæ ad fidem pertinent, nullo casu errare posse.

III. Agatho indefinitè scribit: Apostolicos Pontifices prædecessores confirmasse fratres suos: Sed definitè non scribit: Apostolicos Pontifices prædecessores OMNES confirmasse fratres suos. Id inquam non scribit definitè, nec scribere poterat: Quia Agathonis decessores suos fratres omnes in fide neutiquam confirmaverunt. Honorius Sergium Constantinopolitanum Episcopum non confirmavit in fide, cum duas ad illum misit Epistolas, quæ post accuratam lectionem hæreseos accusatæ sunt in sexta Synodo & damnatæ. Et sanè non memini legere me ullum veterem Theologum, qui ex Honorii epistolis veram fidem adversus Monothelitas assereret: Sed probè memini duarum Leonis II. Epistolarum, unius ad Constantinum Imperatorem, alterius ad Ervigium Regem, in quibus Leo de Honorio conqueritur, quod nunc Apostolicam (Romanam) Ecclesiam non Apostolica traditionis doctrina illustraverit, sed profana traditione immaculatam fidem maculari permiserit, nunc immaculatam Apostolica traditionis regulam, quam à prædecessoribus suis acceperat, maculari consenserit.

Deinde omnino memini veteris Romanæ Ecclesiæ Diurni, in quo, qui Romani creantur Pontifices, ut Cyro, Sergio, Pyrrho, sic & Honorio dicunt anathema. Verba sunt: Auctores verò novi & hæretici dogmatis, Sergium, Pyrrhum, Paulum, & Petrum Constantinopolitanos unà cum Honorio, qui pravis eorum assertionibus fomentum impendit, pariterque Theodorum Pharanitanum & Cyrum Alexandrinum . . . nexu perpetui anathematis devinxerunt Synodi VI. Patres.

Vigilius Agathonis decessor est, qui non confirmavit fratres suos Iſtriæ Episcopos, cum illius constitutum in causâ fuerit, cur ab reliquæ Ecclesiæ communione se juncti tandiù vixerint. Pelagius II. rem ita narrat in Epistola VII. quæ est tertia ad eosdem Episcopos cap. I. Virtutum mater caritas, quæ Redemptoris sui lucris serviens, quæ nunquam ea, quæ sua sunt, quarit, desiderio anhelanti me impulit dudum fraternitati vestra plena dulcedinis scripta transmittere, quæ disjuncta diu possint suo corpori Christi membra sociare, in quibus plus precibus, quam monitis, loquens affectu, quo valui, exhortari curavi, ut quos aptos discutienda rationi prævidet, huc dilectio vestra dirigeret, quatenus in trium Capitulorum negotio, vel quæque aperta sunt cognoscerent, vel quæque forsan obscura viderentur, hæc eis collatio pacifica intentionis aperiret: Tandem dilectionis vestra scripta suscepi, quæ non rationis causas quærerent, sed deliberata apud vos iudicii sententia imperarent. Hoc autem, quod apud vos audire de vestra sapientia video, fateor, dolens miror, & quidem per Epistolarum exempla (ut puto) ostendi humilitatis, & amoris specimen præbui: Sed dum nihil apud vos reperi, admonitionis meæ verba proficere, flens, gemensque cum Propheta cogor exclamare: Curavimus Babylonem, & non est sanata. Ignem quantum valui, caritatis accendi, & tanta scissionis rubiginem exuere volui: Sed impletam Propheta sententiam, peccatis existis gemibus inveni: Qui ait, frustra conflavit conflator; Scoriam ejus non sunt consumptæ: Nulla in rescriptis flamma caritatis aspicitur, nullam vel post exemplum dulcedinem redolet in cunctis suis sermonibus, nihil quod ad pacem perveniat sonat.

Deinde in cap. VII. Rursum per Epistolam vestram dicitur, A SEDE APOSTOLICA VOS DOCTOS, ATQUE AB SCRINIO SANCTÆ ECCLESIAE, CUI DEO AUCTORE PRÆSUMUS, CONFIRMATOS, ne huic rei, quæ sub pie memoriæ Justiniano Principe gesta est, consentire debeatis, atque hanc opitulationem excusationi vestrae adjungitis, dicentes, quod in causâ principio & Sedes Apostolica per Vigilium Papam & omnes Latinarum provinciarum principes damnationi trium Capitulorum fortiter resisterunt. In quibus verbis attendimus, quod res, quæ provocare vos ad consensum debuit, à consensu vos ipsa divellit. Latini quippe homines & Gracitatis eg-

nari, dum linguam nesciunt, errorem tardè cognoverunt, & tantò ei celerius credi debuit, quanto eorum constantia, quousque verum cognoscerent, à certamine non quievit. Quorum consensum certè fraternitas vestra dispiceret, si ausu præcipiti priusquam verum cognoscerent, consensissent. At postquam diu ab iis laboratum est, & longo tempore ad injurias usque certatum, hinc vestra fraternitas penset, quia tot labores repente non relinquerent, nisi quæ vera sint, agnovissent. Quid enim divini consilii fuisse credimus, fratres, quod diu Saulum omnipotens Deus repugnatorem suæ fidei esse permisit, & sic eum fidei suæ prædicatorem fecit, nisi ut cunctis, quibus illum fuerat prædicaturus, ostenderet, quia valde verum est Dei Evangelium, quod & tanta duritia inclinata prædicaret, ut dum ea auditores ejus, quæ ab illo contra fideles gesta recolere, repente eum ad fidem versum non sine evidenti ratione sentirent. Unde ipse quoque dum prædicationem suam debere facile ab infidelibus recipi Domino diceret, ait, Domine, sciunt, quia ego eram concludens in carcere, & cadens per Synagogas eos qui credebant in te. Et cum Galatas, relicta Evangelii regula, in Judaismi conspiceret errorem declinasse, suam eis priorem contra Evangelium duritiam retulit, & ab intentione perfidia eorum mentes retorfit, dicens: Audistis conversationem meam aliquando, quoniam supra modum persequabar Ecclesiam, & expugnabam illam, & proficiebam in Judaismo supra multos coetaneos meos in genere meo abundantius amulator existens paternarum mearum traditionum. Cum autem placuit ei, qui me segregavit de utero matris meæ, & vocavit per gratiam suam, ut revelaret filium suum in me, ut Evangelizarem illum in gentibus, continuo non acquievi carni & sanguini: Ecce fratres charissimi Paulus egregius Doctor, quia diu veritati restitit, inde ad confirmanda corda credentium, in ejusdem prædicatione veritatis adiutorium sumpsit: Ostendens profectò, quia fidem, cui tanto prius labore restituerat, postmodum sine magna rationis certitudine non tenebat. Debet ergo pendere vestra dilectio, quia prædecessorum nostrorum in hac causa consensus tanto post inanis non fuit, quanto prius duris contradictionum laboribus insudavit. Sed his insuper factum Petri, qui & Paulum superat, vestra fraternitas ad memoriam reducat. Diu quippe restitit, ne ad fidem gentes sancta Ecclesia sine circumcisione reciperet, diu se à conversarum gentium communione subtraxit, Paulo attestante, qui ait, cum venissem Antiochiam, in faciem ei restitit, quia reprehensibilis erat. Prius enim quam venirent quidam, subtraheret & segregabat se, timens eos, qui ex circumcisione erant. Et paulo post: Et cum vidissem, quod non rectè ambularet ad veritatem Evangelii, dixit Petro coram omnibus. Si tu cum Judeis sis, gentiliter & non Judaicè vivis, quomodo gentes cogis judaizare? Qui tamen ab eodem Paulo postmodum ratione suscepta, dum quosdam conspiceret, qui gentiles ad Ecclesiam venientes pondere servandæ circumcisionis oneraverunt, dicit: Cur tentatis Deum imponentes jugum cervicibus discipulorum, quod neque patres nostri, neque nos portare potuimus? Nunquid, fratres dilectissimi, Petro Apostolorum Principi sibi dissimilia docenti debuit ad hæc verba responderi? Hæc quæ dicis audire non possumus, quia aliud ante prædicasti. Si igitur in trium Capitulorum negotio aliud cum veritas quæreretur, aliud autem inventa veritate dictum est, cur mutatio sententiæ huic Sedi in crimine objicitur, quæ à cuncta Ecclesia humiliter in ejus auctore veneratur? Non enim mutatio sententiæ, sed inconstantia sensus in culpa est. Quando ergo ad cognitionem recti intentio incommutabilis permaneat, quid obstat, si ignorantiam suam deferens verba permuet?

Et primùm quidem Pelagius II. qui anno DLXXVII. creatus est Romanus Pontifex, modis omnibus conatur Iſtriæ Episcopos ad trium Capitulorum damnationem pertrahere. Sed frustra.

Deinde non dissimulat inutilem ex eo fuisse conatum,

17 tum, quòd Istrienfes Vigilii constituto annis abhinc plus minus viginti sex edito immobiliter adhærent. Atque ita si verum fateri licet, Vigilii constitutum, quo severè prohibetur trium Capitulorum damnatio, in causa fuit, cur Istrienfes tamdiu in schismate permanferint. Vigilii igitur fratres suos non confirmavit, sicut oportuit.

Tum Pelagius ut Istrienfes respondeat, & eos à Vigilii constituto deterreat, exponit multa, quæ cum indeficientis iudicii privilegio non concordant. 1. Sedem Apostolicam, quæ Vigilii constitutum amplexa fuerat, mutasse sententiam. 11. Erroris in Vigilio & Apostolica Sede causam fuisse sermonis Græci ignorantiam. 111. A Latinis Patribus, ac proinde potissimum à Sede Apostolica & temporis & laboris multum esse infumptum, ut quæreretur, inveniretur, & assereretur veritas, quæ Istrienfis sequenda proponebatur. 1v. Paulum restitisse Petro, quòd ad veritatem Evangelii non rectè ambularet, sic & nunc resisti posse Vigilio, quòd in constituto suo veritatem non asseruerit, & prohibuerit trium Capitulorum damnationem, quæ prohibenda non fuit.

Liberius Agathonis decessor est, qui tamen Orientales Episcopos fratres suos non bene confirmavit, cum illis ita scripsit in epistola v 11. *Dilectissimis fratribus & Episcopis Orientalibus salutem. Et paullo post: Ego Athanasium non defendi: Sed quia susceperat illum bona memoria Julius decessor meus, verebar ne ab aliquo fortè prævaricator iudicaret. At ubi cognovi, quando Deo placuit, iuste vos illum condemnasse, mox consensum meum commoda sententia vestris, literisque super nomine ejus (id est, de condemnatione ipsius) per fratrem nostrum Fortunatianum dedi perferendas ad Imperatorem nostrum Constantium. Itaque amoto Athanasio à communione omnium, cujus nec epistola à me suscipienda sunt, dico me cum omnibus vobis, & universis Episcopis Orientalibus, seu per diversas provincias pacem & unitatem habere. Nam ut verius sciatis, me veram fidem per hanc epistolam meam proloqui, Dominus meus & frater communis Demophilus dignatus est pro sua benevolentia fidem veram & Catholicam exponere, quæ Sirmii à pluribus fratribus & coepiscopis nostris, tractata & exposita & suscepta est ab omnibus, qui in presenti fuerunt, hanc ego libenti animo suscepi, in nullo contradicens, consensum accommodavi, hanc sequor, hæc à me tenetur. Fortunatianus ille, de quo suis in literis meminit Liberius, sic ab Hieronymo in libro de viris illustribus describitur: Fortunatianus natione Afer Aquileiensis Episcopus in hoc habetur detestabilis, quòd Liberium Romane urbis Episcopum pro fide ad exilium pergentem primus sollicitavit ac fregit, & ad subscriptionem hæreseos compulit. Liberius ergo Orientales pessimè confirmavit, quia confirmavit aliter ac confirmandi fuerant. In errore confirmavit, tantum abest, ut in vera fide confirmaret.*

His ita positis, apparet ratio certa, cur Agatho decessores suos omnes haud nominaverit. Et cur Bellarminus uti Agathonis auctoritate nequeat, ut probet quod probandum sibi sumpsit, etiam nihil aliud impediret, quo minus uteretur.

19 Doctor Anglorum Beda venerabilis de Honorio Papa tribus in locis sermonem facit. Primum in libri 11. de historia gentis Anglorum capite xvii. xviii. & xix. Honorium laudat, ut qui de Anglicana Ecclesia bene meritus fuerit: Deinde in vita sancti Bertulfi Abbatis Honorium appellat venerabilem præfulem, sagacem animo, vigentem consilio, doctrina clarum, dulcedine & humilitate pollentem, & sanctum Papam. Tum in libro de sex ætatibus mundi Honorium recenset inter eos qui à Synodo VI. damnati sunt hæreseos. Sed attende tempora: Quæ hic contraria videntur, contraria videri definent. Quæ celebris auctor de Honorio in historia & in vita sancti Bertulfi scribit, hæc Synodum VI. præcesserunt; quæ verò in libro de sex ætatibus tradit, Synodum VI. excipiunt & subsequuntur:

*Et sentit varios, quamvis diversa sonarent,  
Concordare modos.*

Aliud est igitur de rebus omnibus ab Honorio gestis ante Synodum VI. aliud post Synodum VI. scribere. Et hoc Bellarminus dissimulat.

Præterea de duabus epistolis ab Honorio ad Sergium Constantinopolitanum scriptis iudicium nullum tulit vel in historia vel alibi. Nec fortasse mirum, quia illa non viderat. Sed cum illas in actis Synodi VI. viderit, & damnatum cum aliis Honorium legit, id tum demum fecit, quod ab eo factum legimus in libro de sex ætatibus. Affirmare ut Bellarminus affirmat, Sciolum aliquem addidisse nomen Honorii in libro Bedæ, prælicenter divinare est: idque maxime, cum manuscriptus Codex nullus adfertur, in quo nomen Honorii desideretur.

In summa tamen fuerint Joannes Papa IV. Maximus Monachus, & alii fortè qui Honorium ante Synodum VI. ab hæresi defenderint; post illam tamen Synodum nullus fuit vel in Anglia, vel in Gallia, vel in Italia qui Honorium ab hæresi defendendum suscepit, ut Albertus Pighius, Bellarminus, & alii susceperunt. Postquam igitur universalis Synodus, tribunal, quo nullum est in Ecclesia superius aut majus, Honorio denunciavit anathema,

*Conticuere omnes, intentique ora tenebant.*

Corrupta fuisse à quoquam Synodi hujus acta, antiquorum omnium nemo fuit, qui dicere auderet, ne fomniare videretur. Id fomni & commentum genus delent cum alia multa, tum maxime duo: Agathonis Diaconi peroratio, & contumax Occidentalium & præsertim Sedis Apostolicæ legatorum, qui ab Synodo VI. reversi sunt in propria loca, silentium.

Agatho in peroratione sua sic loquitur: Peccator ego ac omnium minimus Agatho, indignus Diaconus, ac sanctissima hujus magna Dei Ecclesie Scribitorum Thesaurarius, venerabilisque Patriarchalis Secreti Protonotarius, ac secundus Cancellarius, ante triginta duos plus minus annos, juvenili adhuc etate, Lectorum ordini accensus, ac inutilis Notarius agens, sancta huic ac universali sextæ Synodo operam commodavi, universa in ea mota, quesitaque, ordine affectatus, unà cum S. Paulo hujusce deinceps urbis Archiepiscopo & Patriarcha, hætenus laico, ac Imperatori à Secretis. Ac aliis quibusdam interpositis: Omnes porro tomos Actorum præfate Synodi mundo codice, propria ipse manu Ecclesiasticis literis consignavi, qui & sub signaculis unà cum fidei definitione, quam sancta eadem Synodus palam edidisset, Patrum subscriptione munita, in Imperatoris palatio fuerunt repositi, ac inde servati, quin & quinque Patriarchalibus sedibus tradita, definitionis ejusdem eadem Patrum subscriptione munita exemplaria, eodem conscripti modo, ita jubente pia recordationis Imperatore Constantino, ac sic fieri precipiente, quò fidei orthodoxa sinceritas atque veritas nullis pateret insidiis. Et paullo post de tyranno Bardane: Is mero placito Philippiaci assumpto nomine, cum inde improvisus, regia huic urbi, unà cum eum secutâ classe, necnon comite armato exercitu, à quo fuerat creatus Imperator, repente ingruisset, olim animo insitam habens, nedum paterna doctrina ac traditione, ut dicebat ipse, acceptam, sed & prava institutione ascititiam, execrabilem omnino sacra huic ac œcumenicæ sextæ Synodo contrariam hæresim, ut qui à puero, ubi tulisset occasio, discipulum egisset Stephani Abbatis, qui ipse discipulus fuit Macarii: Is, inquam, statim ac nulla mora Imperiali potestate ac auctoritate usus, ante suum ipsius ingressum, sancta ejusdem sextæ Synodi imaginem ab annis jam aliquot, prope ac inter quartam sextamque scholam, in Imperiali palatii vestibulo, expositam dejici jussit, alioquin iniquiens, non sustinens ingredi in regiam non suam, nisi ita prius res habuisset: Id præterea auctoritate decernens, ut Sergii Honorii ac cæterorum pariter ab eadem sancta & œcumenica Synodo



22 ejectionum, ac anathemati subjectionum nomina in sacra sanctissimarum Ecclesiarum Diptycha praconio publico referrentur, eorumque per loca imaginis erigerentur. Hinc Agatho diu multumque post habitam Synodum scribens testatur incorruptos fuisse servatos codices, in quibus & illius Synodi acta & fidei definitio exarabantur. Hinc conqueritur de Philippico Bardane, qui Monothelitarum haeresi depravatus sextam Synodum pro eo ac potuit, evertit, & damnatorum ab illa Sergii, Honorii, & aliorum nomina in sacris Diptychis collocari iussit, eorumque imagines per loca erigi ac restaurari. Ex quo luculenter apparet, ut Sergium, sic & Honorium à Synodi VI. Patribus percussum & anathemati subiectum esse.

Quod autem ad Occidentalem, & cum primis Sedis Apostolicæ Legatorum silentium pertinet, hoc Agathonis Diaconi narrationem penitus confirmat. Si quæ enim Synodi acta Legati Constantinopoli Romanam detulerunt, ea reperissent corrupta, nonne apud Constantinum Imperatorem optimum de tali flagitio conquesti essent? Nonne petissent ab eo, ut quæ actis perperam illata essent, obliterarentur? Conformatis (si cælitibus placet) in crucem brachiis inertes mansissent, & injuriosissimum Romanæ Sedi facinus taciturnitate sua comprobassent. Ita dicant necesse est, qui corrupta esse Synodi VI. acta pugnant. Neque hoc tantum. Accusabunt Leonem II. quod corrupta Synodi VI. acta Græca in Latinum sine religione ulla converterit, quod de corruptione illa querelam nullam habuerit, quod nullum in corruptores decretum ediderit, quod tandem Sedis Apostolicæ dignitatem & honorem neglexerit, & scelestissime prodiderit.

23 Deinde antiquorum omnium nemo fuit, qui auderet dicere, quod Bellarminus in libri IV. de Rom. Pont. capite XI. sic scribit: *Itaque tuto dicere possumus, hos Patres deceptos ex falsis rumoribus, & non intellectis Honorii epistolis immerito eum hæreticis connumerasse Honorium.* Cur autem nemo ex antiquis omnibus id scripsit, quod videmus Bellarminum scripsisse, in causa est accurata & summa in tractandis rebus Ecclesiasticis circumspectio. Et primum quidem, Synodi VI. Patres deceptos ex falsis rumoribus, cum hæreticis connumerasse Honorium dici non potest, quin dicatur continuò, Patres illos intolerabilis negligentia reos esse, quod tam leviter Summæ Sedis præfulem hæreticorum albo inscripserint. Hoc verò præter Bellarminum quis reciperet?

Tum Synodi VI. Patres non intellectis Honorii epistolis cum hæreticis connumerasse Honorium, dici quoque non potest, quin continuò Monothelitis aditus ad eludendam fidei definitionem detur. Scilicet Monothelitæ, aut Monothelitarum fautores contendunt, ut non intellectis Honorii epistolis Honorium cum hæreticis connumeratum esse, sic & non intellectis Scripturis & sanctorum Patrum testimoniis, quæ producuntur in Synodo, fidei definitionem confectam esse. Quidquid Bellarminus & Bellarmini exscriptores, ut quod sibi sumunt tueantur, respondebunt unquam, id Monothelitæ aut Monothelitarum fautores, ut quod ad Bellarmini exemplum sibi sumunt, pariter tueantur, semper respondebunt. Sic æqualis erit pugnae nunquam finiendæ successus. Bellarminus quod sibi lemma sumit, vel accipiet 24 vel rejiciet. In uno captus est, in altero nullus, quia vitiosè petendum erit principium. Et hoc est quod in opinione Bellarmini dictum periculosum mihi semper visum est.

#### Nicolai I. Testimonium

**R**efertur ex epistola ad Michaëlem: *Privilegia, inquit, istius Sedis perpetua sunt, divinitus radicata, atque plantata; impingi possunt, transferri non possunt; trahi non possunt, evelli non possunt: quæ ante Imperium vestrum fuerunt, permanent, Deo gratias, hæcenus illibata, manebuntque post vos, & quousque Christianum nomen prædicatum fuerit, illa subsistere non cessabunt.* Et infra ostendens unde tam liberè ejusmodi predicaret, ait: *Nam & inter cetera is, per quem nobis præcipue ista sunt privilegia collata, Tu aliquando conversus, audivit à Domino, confirma fratres tuos.* At quis unquam sine fallacia concludet inde, Summum Pontificem cum totam Ecclesiam docet in his quæ sunt fidei, nullo casu errare posse? Et tamen hoc ipsum est lemma, quod Bellarminus ex hoc testimonio probandum suscipit. Et fanè si ex hoc testimonio probari posset, Pontificem in his quæ sunt fidei errare non posse, nimia ac proinde nulla foret probatio. Nam probaretur, Summum Pontificem errare non posse, sive totam Ecclesiam, sive mediam Ecclesiæ partem, sive partem aliquam, eamque exiguum doceat. Quod Bellarminus sibi non sumit.

Deinde verba hæc: *Petrus, & tu aliquando conversus, audivit à Domino, confirma fratres tuos,* Quod pertinent? Non utique ut Romanus Pontifex successor Petri errare nequeat, sive Ecclesiam universam, sive partem aliquam Ecclesiæ doceat; sed ut Petrus postquam conversus fuerit à peccato, conversione sua, vera scilicet penitentia reliquos Apostolos confirmet. Jam vides, opinor, quàm inutilis sit Nicolai Papæ allegatio, ut interim taceam Nicolaum agere de privilegiis quæ Sedi Apostolicæ conveniunt, non quæ Pontifici seorsum à Sede Apostolica, ut Bellarminus in propositione sua contendit.

Verumenimverò ad Bellarminum propius accedo, qui opinionis suæ fundamentum in his verbis: *Ego pro te rogavi, ut non deficiat fides tua,* statuit non in istis consequentibus: *Et tu aliquando conversus confirma fratres tuos.* Quæ Nicolaus aliter, quàm Bellarminus accipit. Sed ne illud deprehenderetur, multa reticuit & cum primis, quæ relata ab illo clausulam extremam proximè antecedunt, & quæ ita se habent: *Hæc igitur & his similia nos pro cunctis Ecclesiis sollicitos reddunt. Hæc etiam de Constantinopolitana Ecclesia impigram curam accipere vehementer hortantur. Hæc inquam Ignatium Patriarcham nulla regula, nulloque ordine Ecclesiastico distante dejectum, tanquam fratrem adjuvare compellunt.* Nam & inter cetera is per quem nobis præcipue ista sunt privilegia collata, tu aliquando conversus, audivit à Domino, confirma fratres tuos. Si quidem & in culpam cecidit, ut sciret qualiter aliorum infirmitatis misereri deberet. Hinc quò Nicolaus spectet, ipse significat adhuc in epistola IX. proxima ad eundem Michaëlem: *Quapropter sicut Imperii tui divinitus inspirata, sapientia, nobis, qui cunctarum Christi ovium cura constringimur, cum gerimus vices illius per abundantiam celestis gratiæ, cui specialiter à Deo dicitur, Pasce oves meas, & rursus, & tu aliquando conversus confirma fratres tuos.* Et post alia: *Quamobrem, charissime fili & laudabilis Auguste, quia quasi per nos inventa est Ignatii dejectionis materia, idcirco præter id quod frater debet adjuvari à fratre, præter id etiam quod Petro, cujus in terris licet indigni vices gerimus, Christi oraculo peculiariter dicitur, & confirma fratres tuos, etiam hoc specialiter dicitur, eum non solum adjuvare & confirmare, verumetiam sicut ipsi potestis advertere, totis nos pro illo viribus oportet per omnia disceptare.* Hic semel atque iterum verba hæc, *confirma fratres tuos,* repetit, & in utraque epistola refert ad beatum Ignatium, qui de Sede Constantinopolitana injustè deturbatus fuerat. At Nicolaus, ut Ecclesiasticorum assertor & vindex canonum, Ignatium in propriam Sedem restituere, & restitutum confirmare meditabatur: Atque hoc esse præcipuum Sedis Apostolicæ privilegium sibi vindicat: Quæ omnia Bellarminus dissimulat, quo facilius possit Nicolaum in suam sententiam traducere; sed nec Sedes Apostolica, nec veritas his eget of-futiis.

Præterea, Nicolaus Bellarmini instituto suam commodare

modare operam non potuit, aut, quod absit, contra Sedis Apostolicæ traditionem commodasset. Nicolai tempore apud Romanos dubium nullum erat, quin Pontifex errare in fide posset. Errasse noverant Honorium I. in duabus Epistolis, quas ad Sergium Constantinopolitanum Episcopum exaraverat. Noverant has epistolas in Synodo VI. damnatas esse, quod Monothelitarum hæresim continerent, & quod Honorius, ut hæreticus ibidem damnatus esset. Præ manibus erant Synodi VI. hujus acta, quæ Leo II. Latine verterat. Legebant Synodi VII. actionem ultimam, ubi Synodus tota Legatis Sedis Apostolicæ non reclamantibus anathema Honorio, Sergio, Cyro, & Monothelitis reliquis denuntiatur. Habebant in Romanæ Ecclesiæ Diurno professionis illius indiculum, cujus fragmentum ante retulimus.

Anastasius Romanæ Ecclesiæ Bibliothecarius, qui tunc floruit, in Epistola ad Joannem Diaconum Romanum: *Quæ videlicet*, inquit, *Apologia* (Joannis Papæ IV. pro Honorio) *satis hunc* (Honorium) *ut reor excusabilem reddit, licet huic sexta Synodus quasi hæretico anathema dixerit, & in Dei solius jam iudicio positum reprobationis telo confoderit, cum hæreticus non ex erroris tantum deceptione, quantum ex electione non recta & contentiosa pertinacia generetur.* Et cætera, in quibus non tam de hæresi, quam de legitima hæretici appellatione disputat.

Verum Anastasius majorem postea Synodo VI. quam Joanni IV. fidem adhibuit. Cum enim Romanorum Pontificum vitas literis prodidit, Honorium inter damnatos à Synodo VI. hæreticos sine hæsitazione ulla ponit in vita Leonis II. *Hic*, inquit, *suscepit sanctam sextam Synodum, quæ per Dei providentiam nuper in Regia urbe celebrata est, Græco eloquio conscriptum . . . . in qua & condemnati sunt Cyrus, Sergius, Honorius & Pyrrhus, Paulus & Petrus, &c.* Bibliothecarius tradit, quod tunc Romæ credebatur ab omnibus: Sic ut Nicolai tempore qui contrarium Romæ scripserit, hætenus inventus sit nemo. Ex quo autem consecratus est Leo secundus & in Romana Ecclesia officium habuit, in nocturno secundo lectione recitata sunt, quæ ex vita Leonis ejusdem ab Anastasio conscripta repetuntur. Res hæc per se ipsa lucet.

## NOCTURNI II. LECTIO I.

*Hic (Leo) suscepit sanctam sextam Synodum, quæ nuper per Dei providentiam in regia urbe celebrata est, Græco eloquio conscriptam, exequente ac presidente piissimo ac clementissimo magno Principe Constantino infra regale palatium ejus, quod appellatur Trullus, simulque cum eo residebant Legati Sedis Apostolicæ, & duo Patriarchæ, id est, Constantinopolitanus & Antiochenus, atque centum quinquaginta Episcopi.*

## LECTIO II.

*In qua Synodo condemnati sunt Cyrus & Sergius, Honorius, Pyrrhus, Paulus & Petrus, nec non & Macarius, cum discipulo suo Stephano, sed & Polychronius novus Simon, qui unam voluntatem & operationem in Domino Jesu Christo dixerunt vel predicaverunt, aut quid denuo predicaturi sint aut defensaverint.*

Romanum Breviarium, in quo lectiones istæ reperiuntur, Venetiis editum est anno MCCCCLXXXII. & Parisiis postea ann. MDXLI. An, quæso te, Romana tunc aliter canebat, & aliter credebatur Ecclesia? Pontificem Summum in iis quæ ad fidem errare non posse, haud opinor, credebatur, quia non cecidisset id, ex quo errare illum saltem posse manifestè colligitur; facti questionem juris questione solvisset, ut solvunt Albertus Pighius & recentiores Romanæ Curie assertatores, qui ex eo tantum pugnant, acta Synodi VI. corrupta esse, quia præjudiciis suis occupati docent

Summum Pontificem in his quæ sunt fidei, errare non posse, quæ *κατὰ κληρὸν* notio sponte sua dissilit, & auctores suos inertes & oppidè ridiculos ostendit.

Hadrianus II. Nicolai successor proximus hoc ipsum persuasum habuit, nec persuasum habuisset, si decelloribus aliter credidissent. Sic enim tradit in Synodica Romani Concilii Epistola, quæ in octavæ Synodi actione VII. & lecta & approbata est: *Siquidem Romanum Pontificem de omnium Ecclesiarum præsulibus iudicasse legimus; De eo autem quæpiam iudicasse non legimus. Licet enim Honorio ab Orientalibus post mortem anathema sit dictum; sciendum tamen est, quia fuerat super hæresi accusatus, propter quam solum licitum est minoribus majorum suorum moribus resistere, vel pravos sensus libere respicere: Quamvis & ibi nec Patriarcharum, nec cæterorum antistitem cuiuspiam de eo quamlibet fas fuerit proferendi sententiam, nisi ejusdem primæ Sedis Pontificis consensus præcessisset auctoritas. Hæc est Sedis Apostolicæ traditio, hæc Romanæ Ecclesiæ de Honorio sententia, quæ Nicolai, Hadriani, & decellorum ætate invaluerat.*

Porro autem cum Hadrianus affirmat, dictum Honorio ab Orientalibus fuisse anathema, Occidentales non excludit, quasi Honorio non dixissent anathema. Minime verò. Ab Orientalibus anathema dictum scribit, quia Synodus VI. apud Orientales habita est, & in Synodo major pars eorum, qui adfuerunt, Orientales erant, quibus Sedis Apostolicæ Legati consenserunt. Ab Orientalibus, inquam, dicit ad eum modum quo Leo I. Chalcedonensem Synodum vocat Orientalem Synodum in Epistola xciv. quam ad Rusticum Ravennium & alios Galliarum Episcopos mittit: *Fratres mei, qui vice mea Orientali Synodo præfuerunt, quæ vota regulare significo.*

In Gallia tunc non fuit alia, quam Romæ de Honorio sententia. Id nos omnino docent Episcopi duo magni nominis Hincmarus Remensis, & Ado Vinnensis.

Ille duobus in locis: Primum in Opusculo de non trina unitate: *Insuper & Honorium magna Roma Papam, quia contra fidem sensisse & prave sentientibus consensisse detectus & evidentissimè comprobatus est, sicut in sexta Synodo invenitur, etiam post mortem anathematizavit.*

Deinde in Opusculi xxxiii. capite xx. ubi Synodos generales sex enumerat, & in sexta dicit: *Finis autem consensu Georgius correctus est, Macarius verò cum suis sequacibus simul & præcessoribus Cyro, Sergio, Honorio, Pyrrho, Paulo, & Petro anathematizati.*

Hic in Martyrologio MS. quod in Bibliotheca Mazarina vidimus, iv. Calend. Julii, ubi Honorius hæreticis à Synodo VI. proscriptis accensetur. Verba sunt: *Leonis Papa qui sedit Roma menses x. Hic constituit, ut qui Archiepiscopus ordinatus fuerit, nullam consuetudinem pro usu pallii in diversis officiis persolvere debeat. Hic eloquentissimus & Divinis Scripturis sufficienter instructus, Græca Latinæque lingua eruditus, sanctam sextam Synodum, quæ in urbe regia celebrata est, ubi damnati sunt Cyrus, Sergius, Honorius, Pyrrhus, Paulus, Petrus, Macarius, Stephanus, & Polychronius, novus Simon, qui unam voluntatem & operationem in Domino Jesu Christo predicabant temporibus Agathonis Papæ, de Græco in Latinum transtulit. Exemplar Martyrologii hujus, quod olim ad sancti Marii Badonenfis Abbatis Ecclesiam pertinebat, ejusdem esse ferme cum Adone ætatis videtur. In edito quidem Martyrologio hæc non extant, sed ea sublata esse oportuit, vel à librariliis, vel ab iis, qui editionis curam susceperunt.*

Rem in Chronico decedit ætate vi. ubi agitur de Synodo, & de iis qui ab ea condemnati sunt: *Finis consensu Georgius correctus est, Macarius verò cum suis sequacibus simul & prædecessoribus Cyro, Sergio, Honorio, Pyrrho, Paulo, & Petro anathematizatus est.*

Sed redeo ad Hincmarum, qui Gallicanorum antistitem



stitum nomine sic ad Nicolaum I. scribit apud Flodardum in libri III. hist. cap. XIII. *Et cum omnes in istis regionibus sciant, quam negligens & contemptor sacrorum canonum (Rothadus Sueilion. Episcopus) & quandiu, quamque patienter atque benigne fuerit toleratus, & a quam invitis, quia se corrigere noluit secundum sacras regulas, sicut eas intelleximus, fuerit iudicatus, nullam habere possemus verecundiam de restitutione illius, si foret facta à vestri Summi Pontificatus pietate, quia omnes senes cum junioribus scimus nostras Ecclesias subditas esse Romanæ Ecclesiæ, & nos Episcopos in primatu beati Petri subiectos esse Romano Pontifici, & ob id SALVA FIDE, quæ in Ecclesia semper viguit, & cooperante florebit, nobis est vestra Apostolica auctoritati obediendum.* Quorsum Gallicani præfules præ se ferrent obediendum esse Romano Pontifici, sed SALVA FIDE, nisi firmiter crederent Romanum Pontificem ea posse decernere, quæ fidei repugnarent? Exceptione hac indeficientis iudicii privilegium Romano Pontifici abjudicant, & perinde abjudicant, quasi apud omnes constaret exceptio.

Rata ergo fixæque sint tria: Primum, quod Bellarminus Nicolao Papæ imponat: Nicolaus enim beati Lucæ locum integrum nusquam laudat, quem tamen ab illo laudatum Bellarminus objicit.

Deinde, quod quam loci partem laudat, Nicolaus eo sensu non accipit, quo ille accipiendam putat.

Denique, quod tunc temporis Romana & Gallicana Ecclesia id persuasum habeant, quod impedit, ne beati Lucæ locum intelligamus, quomodo Bellarminus intelligit, atque ita extra sensum Romanæ & Gallicanæ Ecclesiæ sapit: Et sic sapere, an sapere sit viderint alii.

#### Leonis Papæ IX. Testimonium

**R**efertur ex Epistola v. ad Petrum Antiochenum: Nimirum solus est pro quo ne deficeret fides ejus, Dominus & Salvator asseruit se rogasse dicens: Rogavi pro te, &c. Quæ venerabilis & efficax oratio obtinuit, quod hæc fides Petri non defecit, nec defectura creditur in throno illius. Bellarminus quæ antecedunt & subsequuntur, supprimit, sed ad inveniendum & asserendum Leonis sensum exprimenda sunt: Sic omnia veneranda Concilia, sic leges humana promulgant: Sic ipse Sanctus Sanctorum, Rex Regum, Dominus Dominantium confirmat, quatenus ibi principalis dignitatis & totius Ecclesiæ disciplina venerabilis apex præfulgeat, & præcellat, ubi ipse vertex atque cardo Apostolorum Petrus carnis suæ beatam resurrectionem in novissimo die expectat. Nimirum solus ille est, pro quo ne deficeret ejus fides, Dominus & Salvator asserit se rogasse, dicens, Simon, ecce Satanas expetivit vos, ut cribraret sicut triticum: Ego autem rogavi pro te, ut non deficiat fides tua, & tu aliquando conversus confirma fratres tuos: Quæ venerabilis & efficax oratio obtinuit, quod hæc fides Petri non defecit, nec defectura creditur in throno illius usque in sæculum sæculi: Sed confirmabit corda fratrum variis concutienda fidei periculationibus, sicut usque nunc confirmare non cessavit.

Et primò quidem locus hic prout à Bellarmino citatur, Bellarmini non servit instituto. Bellarminus agit de fide nunquam defectura, quæ in docenda tota Ecclesia consistit. Leo verò de fide nunquam defectura, quæ in retinenda Christi fide versatur. Sic Bellarminus Leonis auctoritate per fallaciam abutitur.

Deinde Leo etiam si de fide nunquam defectura, quæ in docendo sita est, loqueretur, Bellarminus tamen Leonis testimonium ad probationem infumere non potest. Si quidem Pontifex non significat se loqui potius de tota Ecclesia, quam de aliqua Ecclesiæ parte, quæ de rebus divinis docenda foret. Et sic Bellarminus à non distributo ad distributum procedit.

Tum Leo de Romanis Pontificibus seorsum ab Sede

Apostolica sermonem non instituit: At Bellarminus instituit, ut habet illius propositio: *Summus Pontifex cum totam Ecclesiam docet in his quæ ad fidem pertinent, nullo casu errare potest.* Quare Bellarminus Leonis auctoritatem adhibere non potest, nisi consueta in disputando utatur fallacia; ubi Sedentem cum Sede conjungit, quamvis in sua propositione non conjungat. Quinetiam Leo de Sede magis, quam de Sedente loquitur: Quæ, inquit, venerabilis & efficax oratio obtinuit, quod Petri fides (quam scilicet Petrus confessus est) non defecerit, nec defectura creditur in throno illius. Non dicit in Petri successoribus, sed in throno illius.

Quartò, Bellarminus quæ sequuntur, sed confirmabit corda fratrum variis concutienda fidei periculationibus, sicut usque nunc confirmare non cessavit, non sine causa reticuit, quia Liberius corda fratrum confirmare destitit; cum id fecit, quod eum supra fecisse notavimus: Quia Sedes Apostolica per Vigilium Istriensium Episcopos non confirmavit, ut ex Pelagio II. discimus: Quia Honorius suis ad Sergium Constantinopolitanum epistolis illum minimè confirmavit. Hæc, inquam, Bellarminus reticuit, ne Leo aliquid passus humani videretur.

Quintò, si sensus Epistolæ, quam Leo ad Petrum Antiochenum scribit, revocetur ad sensum epistolæ, quam ad Michaëlem Constantinopolitanum Episcopum scribit, Romanæ Sedis nomine, universalis intelligitur Ecclesia.

Epistolæ hujus verba sunt: *Taliter sancta Ecclesia super Petram, id est, Christum, & super Petrum vel Cepham filium hominis, qui prius Simon dicebatur, edificata, quia inferi portis, disputationibus scilicet hæreticorum, quæ vanos ad interitum introducunt, nullatenus foret superanda: Sic pollicetur ipsa veritas, per quam sunt vera, quæcunque sunt vera, portæ inferi non prævalebunt adversus eam. Cujus promissionis effectum se impetrasse à patre, idem filius protestatur dicendo ad Petrum: Ego autem pro te rogavi, ut non deficiat fides tua, & tu aliquando conversus confirma fratres tuos. Erit ergo quisquam tanta dementia, qui orationem illius, cujus velle est posse, audeat in aliquo vacuum putare? Nonne à Sede Principis Apostolorum, Romana videlicet, tam per eundem Petrum, quam per suos successores convicta atque expugnata sunt omnium hæreticorum commenta, & fratrum corda in fide Petri, quæ hæcenus nec defecit, nec usque in finem deficiet, sunt confirmata?*

Hic observanda sunt duo: Primum, quod apud Lucam facta Christi promissio non defecturæ fidei adscribatur Ecclesiæ, quæ super Christum & super Petrum edificata est; Hæc autem Ecclesia non potest non esse universalis: Deinde, quod à Petri Sede, Romana videlicet Ecclesiæ, quæ pars est universalis Ecclesiæ, commenta hæreticorum omnium expugnata sunt. Prius ad juris quæstionem, posterius ad facti quæstionem pertinet.

Bellarminus in priori depromptam ex Leone probationem amittit, in posteriori nihil lucratur, quia posterius veritati non satis consonat.

Joannes Apostolus & Evangelista Nicolaitas perculit, non Petrus, aut ullus Petri successor. Hyginus in libro I. de hæresibus numero IV. *Hos, inquit, damnavit sanctus Joannes Apostolus & Evangelista, & iussit, ut quicumque cum eis vel sermonem colloqui misissent, ex hoc ipso communione privarentur.*

Theodoretus in libro III. de hæreticis fabulis capite I. *Contra hos scripti prædictus Clemens & Irenæus & Origenes & Hippolytus Episcopus & martyr.*

Beatus Paulus Apostolus Nazarenos perculit, non Petrus. Hyginus in libro I. de hæresibus numero IX. *Hos docuit beatus Paulus Apostolus, debere spiritualiter Scripturas advertere, & hos in Ecclesiis Galatiæ deprehendit, atque non consentientes doctrinæ suæ anathemati esse constituit.*

Theodoretus in libro I. de hæret. fab. cap. II. *Contra*

tra hæreses (Nazarenorum) scripsit Iustinus Philosophus & martyr, & Irenæus successor Apostolorum, & Origenes.

Beatus Lucas Ebionæos perculit, non Petrus, aut ullus Petri successor. Hyginus in libri de hæres. numero x. Hoc Lucas Evangelista apud Antiochenam Ecclesiam irruens condemnavit.

Beatus Paulus Cerinthios perculit, non Petrus. Hyginus in libri i. de hæres. numero viii. Hos in Galatia aeterno anathemate beatus Apostolus Paulus condemnavit.

Theodoretus in libri ii. de hæret. fab. cap. iiii. Contra hunc (Cerinthum) scripserunt non ii modo, quos antè diximus, sed cum illis etiam Caius & Dionysius Alexandrinus Episcopus.

Beatus Zacchæus Cæsariensis Episcopus Ptolomeitas perculit, non ullus Petri successor. Hyginus in libri i. de hæres. numero xiii. Qui (Ptolomæus Valentini Discipulus) eodem tempore à sancto Zacchæo Episcopo Cæsariensi damnatus est.

Sanctus Euphranon Rhodius Episcopus Severianos perculit, non ullus Petri successor. Hyginus in libri i. de hæres. numero xxiv. Hos damnavit sanctus Euphranon Episcopus Rhodius: Apud Rhodum enim eorum superstitio orta est.

Theodoretus in libri i. de hæret. fab. capite xxi. Contra quos scribit Musanus veritatis patronus, & Clemens Stromateus, Apollinarius Hierapolitanus in Phrygia Episcopus, & Origenes.

Theophilus Apameus Episcopus Angelicos perculit, non ullus Petri successor. Hyginus in libri i. de hæres. numero xxxix. Hos Epiphanius jam omnino defecisse testatur victos à Theophilo Apameo Episcopo.

Theocritus in Cappadocia Episcopus Bardesanitas perculit, non ullus Petri successor. Hyginus in libri i. de hæres. numero xxxv. Hunc (Bardesanem) in Cappadocia damnavit Theocritus Episcopus.

Tranquillus Calchedonensis Episcopus Noëtianos perculit, non ullus Petri successor. Hyginus in libri i. de hæres. numero xxxvi. Hic (Noëtus) damnatus est à Tranquillo Episcopo Chalcedonorum Syrie.

Achaia Synodus Valesios perculit, non ullus Petri successor. Hyginus in libri i. de hæres. numero xxxvii. Hi à Synodo damnati sunt Achaia.

Antiochena Synodus Paulum Samosatenum perculit, non ullus Petri successor. Eusebius in libri vii. hist. capite xxi. Et quoniam iste (Paulus) abjectum & humilem nimis de Christo contra doctrinam Ecclesiasticam habebat opinionem, nempe, quod solum communi natura erat cum homine præditus, Dionysius Alexandrinus rogatus est, ut veniret ad Synodum, qui quanquam senectutem simul & imbecillitatem corporis causando præsto esse renuit, per Epistolam tamen illos, quam habebat de controversia sententiam, facit certiores. Cateri autem Ecclesiarum Pastores, alius aliunde, contra istum Paulum tanquam pestem & perniciem gregis Christi, iinere cum celeritate confecto, omnes Antiochia in unum convenerunt.

Deinde in capite xxiii. Omnes igitur Episcopi & Pastores, qui in Concilio supra commemorato erant convocati, unam communi consensu Epistolam ad Dionysium Episcopum Romanum & Maximum Alexandria Ecclesiam procurantem nominatim conscripserunt, cujus exemplaria ad omnes provincias miserunt: In qua quidem Epistola & suum studium, ac diligentiam in ea re positam omnibus declararunt, & perversam Pauli hæresim, argumenta in ea refutanda, quæstiones, quas ei proponebant, omnem præterea hominis vitam & mores dilucide exposuerunt. Eorum igitur voces ex ea Epistola petitas, in præsentia memoria & posteritatis causa persequi, præclarum fortasse, & commodum videbitur.

Dionysio, Maximo, & omnibus ubique in orbe terrarum Collegis, Presbyteris, & Diaconis, & universæ ac Catholica sub calo Ecclesia, Helenus & Hymenæus &

Theophilus, Theotecnus, & Maximus, Proclus, Nicomas & Alianus, Paulus, Bolanus, & Protogenes, Hierax & Eutychius, Theodorus Malchion & Lucius, & reliqui omnes Episcopi & Presbyteri & Diaconi, qui civitates & regiones finitimas apud nos incolunt, & Ecclesie Dei, quæ apud nos sunt, dilectis fratribus in Domino salutem. Et circa finem hujus Epistolæ: Istum igitur tam Deo adversarium, tamque contumacem eramus coacti Ecclesia & congregatione fidelium indicere, excludereque, & alium Episcopum, qui huic Ecclesie Catholica præset, in ejus locum substituere: Unde Dominum divina certè ut putamus, providentia designavimus, Demetrianus hominis felicitis commemorationis (quippe qui hanc Ecclesiam ante hunc præclarè rexisset) filium omni genere virtutum, quæ Episcopum decent, exornatum. Ac vos de illius electione per Epistolam certiores fecimus, ut illi scribatis, & ab eo literas accipiatis communionis.

Constantinopolitana Synodus prima Oecumenica, cui Damasus Petri successor, nec per se nec per Legatos interfuit, Eunomium & alios hæreticos affligit. Id discimus ex Epistola, quam Constantinopolitani Patres sic inscripserunt: Dominis honoratissimis & reverendissimis fratribus & collegis, Damaso, Ambrosio, Britoni, Valeriano, Ascholio, Basilio, & reliquis sanctis Episcopis in magna urbe Roma congregatis, sancta Synodus orthodoxorum Episcoporum, qui in magna urbe Constantinopoli convenerunt, in Domino salutem. Multitudinem calamitatum nobis ab Arianorum potentia inflictarum reverentiam vestram velut eas ignorantem docere & enarrare supervacaneum viderur. Et post aliquam multa: Nos sive persecutiones, sive cruciatus, sive Imperatorias minas, sive crudelitatem judicum, sive aliam quamcunque tentationem pertulimus, pro Evangelica fide à trecentis decem & octo Patribus apud Nicæam Bithynia confirmata sustinuvimus. Hanc utique & vobis, & nobis, & omnibus qui vera fidei verbum non pervertunt, probari convenit, ut quæ antiquissima sit, & baptismati consentanea, docens nos credere in nomine Patris, & Filii, & Spiritus Sancti. Ita nimirum ut credatur divinitas & potentia & substantia Patris, & Filii & Spiritus Sancti, aequalisque dignitas & imperium coeternum in tribus perfectis hypostasibus, sive in tribus perfectis personis, ut neque Sabellii pestis locum inveniat, quæ hypostases confundantur tollanturque proprietates: Neque Eunomianorum Arianorumque, & eorum, qui Spiritum Sanctum appugnant, vires habeat blasphemia, quæ substantiam, seu naturam, & Divinitatem discindit, atque increata & consubstantiali & coeterna Trinitati posteriorem quandam aut creatam, aut diversa substantia naturam inducit. Et post alia: Quibus tanquam legitime, & canonicè, apud nos constitutis, vestram quoque reverentiam gratulari *συχαζεν* obsecramus, intercedente spirituali caritate, & Domini timore humanum omnem affectum coercente, Ecclesiarumque adificationem pluris duci faciente, quàm privatam erga unumquemque voluntatem & gratiam.

Theodoretus, qui Synodicam Epistolam hanc refert in libri v. hist. capite ix. subjicit: Hæc illi adversus Arii & Aëtii & Eunomii mentem, itémque contra Sabellium & Photium & Marcellum, Paulumque Samosatenum & Macedonium conscribere. Quæ omnia sic representat Constantinopolitani Concilii canon i. Fidem non violandam Patrum cccxviii. qui apud Nicæam Bithynia convenerunt: Sed manere eam firmam & stabilem, & anathematizandam omnem hæresim, & specialiter Eunomianorum, vel Anomianorum & Arianorum vel Eudoxianorum & Macedonianorum, vel Spiritus Sancto resistentium, & Sabellianorum & Marcellianorum, & Photinianorum & Apollinianorum.

Hæc de multis pauca, quæ cum Leonis verbis concordare nequeunt, & à Bellarmini consiliis prorsus abhorrent.

Verum postquam planum fecimus, Leonem nihil trahere.



dere, quod ad firmandam Bellarmini propositionem conducat, expendenda restant duo: Prius est, num Leo IX. sibi ipsi conciliari valeat? Suo quisque modo conciliet, ego sic concilio: Beati Lucæ auctoritas, quæ in utraque Leonis Epistola laudatur, quadrabit, si in prima intelligatur, cum de fide universalis Ecclesiæ, tum de fide, quam beatus Petrus interrogante Christo confessus est; & in secunda capiatur de fide, quam idem beatus Petrus confessus est, & quam universalis profitetur Ecclesia. At neque fides universalis Ecclesiæ, neque fides quam B. Petrus interrogante Christo confessus est, unquam deficiet. Qui vero inspectis & collatis inter se duabus Leonis Epistolis Leonem sibi ipsi melius conciliare poterit, ei libenter assentiar.

Posterius est argumentum illud, quod Bellarminus ab experimento comparat, & sic se habet: *Plurimas hæreses Romanus Pontifex sine Concilio generali damnavit: Ut Pelagii, Priscilliani, Joviniani, Vigilii aliorumque multorum, quas eo ipso pro veris hæresibus tota Christi Ecclesia habuit, & exhorruit, quod à Romano Pontifice damnata essent. Ergo signum est Ecclesiam totam sentire, Pontificem Romanum in ejusmodi rebus errare non posse.*

42 Bellarminus ad pauca respicit, & facile pronunciat, cum argumentum istud objicit. Nonne plures Episcopi, ut mox vidimus, diversas hæreses sine generali Concilio proscripserunt? Hisne ob id non errandi privilegium concedet? Ad hanc observationem tota Bellarmini extabescit opinio, & depromptum ab experimento argumentum funditus evertitur.

Pauli Samosatani de Christo sententiam pro vera hæresi tota habuit Ecclesia, quod illam Antiochena Synodus confixerit. Ergo Bellarminus inquiet, signum est Ecclesiam totam sentire Pontifices, qui Antiochenæ Synodo interfuerunt, in ejusmodi rebus errare non posse. Hoc autem si recipiat, captus est; si non recipiat, nullus. Res sic se habet: Damnatam ab Antiochena Synodo Pauli Samosatani hæresim pro vera hæresi bene damnata, universa habuit Ecclesia, cui non errandi privilegium à Deo concessum est. Sic dicendum est de illis hæresibus quas Romani Pontifices sine generali Concilio damnarunt.

Præterea etiam Romani Pontifices sine generali Concilio, Pelagii & Priscilliani hæreses damnaverint, non tamen sine Conciliis Episcoporum damnarunt; quod Bellarminus dissimulat.

De Pelagianæ hæreseos damnatione sic Augustinus scribit in lib. II. *Retractionum capite I. Postquam Pelagiana hæresis cum suis auctoribus ab Episcopis Ecclesia Romana, prius Innocentio, deinde Zosimo cooperantibus Africanorum Episcoporum literis convicta atque damnata est, scripsi duos libros adversus eos.*

43 Quid verò Africanis Conciliis Innocentius tribuat, semel atque iterum testatur: Semel cum Carthaginensis Concilii Epistolæ respondet: *Necesse est ut quo auxiliante vincimus, eo iterum non adjuvante vincamur, sed possem plura dicere, nisi vos constaret cuncta dixisse. Et idem sub finem Epistolæ repetit: Ideoque à nobis testimonia nulla ponuntur, quia & his plena relatio est, & satis constat doctissimos Sacerdotes cuncta dixisse, nec decet credere, vos aliquid, quod ad causam possit proficere, præterisse.*

Iterum cum Milevitani Concilii Epistolæ respondet: *Multifariam equidem ad destruendum tale magisterium uti possemus exemplis, nisi sciremus sanctitatem vestram ad plenum Scripturas callere divinas, præsertim cum vestra relatio, tantis ac talibus testimoniis sit referta, ut his solis valeat dogma præsens rescindi. Si Bellarminus vidisset ista, expendissetque, quæ hic scribit de Romano Pontifice, non scripsisset.*

De damnata Priscilliani hæresi vel fucum facit, vel patitur. Priscilliani hæresim Cæsaraugustana Synodus, non Romanus Pontifex prostravit. Sulpitius Severus

in sacra hist. lib. II. *Igitur, inquit, post multa inter eos, & digna memoratu certamina apud Cæsaraugustam Synodus congregatur, cui tum etiam Aquitani Episcopi interfuerunt: Verum hæretici, committere se judicio non ausi, in absentes tum lata sententia, damnatique Instantius & Salvianus, Helpidius & Priscilianus laici. Additum est etiam, ut si quis damnatos in communionem receperet, sciret in se eandem sententiam promendam. Hinc factum est, quod Severus paulo post ita narrat: Hi (Priscilianus & alii) ubi Romam pervenere Damasus se purgare cupientes, ne in conspectum quidem ejus admissi sunt. Regressi Mediolanum æquè adversantem sibi Ambrosium repererunt. Disciplinam hanc non capiet Bellarminus, qui Romanum Pontificem ab observatione sacrorum canonum immunem & liberum prædicat. Non aliter tunc à Damasus proscripta est Priscilliani hæresis, quam tamen à Romano Pontifice sine generali Concilio proscriptam esse scribit.*

Fortassis respicit ad Leonem I. quo Pontifice Priscillianistarum hæresis cepit reviviscere, & lacertos movere. Sed frustra respicit. Nam res hæc ab ipso Leone narrata Bellarmini causæ obesse potest, prodesse non potest. Sic ergo narratur in Epistola XCIII. ad Turribium Asturicensem Episcopum: *Quam laudabiliter pro Catholica fidei veritate movearis, & quam sollicitè Dominico gregi devotionem officii Pastoralis impendas, tradita nobis per Diaconum tuum fraternitatis tue scripta demonstrant, quibus notitia nostra insinuare curasti, qualis in regionibus vestris de antiquis pestilentia reliquius errorum morbus exarserit. Nam Epistola sermo, & commonitorii series, libelli tui textus demonstrant, Priscillianistarum fetissimam apud vos recaluisse sententiam. Et post alia: Quia ergo dilectio tua fidelis, quantum permittit, diligentia damnatas olim opiniones decem & septem Capitulis comprehendit, nos quoque strictim omnia retractemus, ne aliquid harum blasphemiarum aut tolerabile videatur, aut dubium.*

Tum in capite XVII. *Habeatur ergo inter vos Episcopale Concilium, & ad eum locum, qui omnibus opportunus sit, vicinarum provinciarum conveniant Sacerdotes, ut secundum ea, quæ ad tua consulta respondimus, plenissimo disquiratur examine, an sint aliqui inter Episcopos, qui hujus hæreseos contagio polluantur, à communione sine dubio separandi, si nefandissimam sectam per omnium sensuum pravitates damnare noluerint. Nulla enim ratione tolerandum est, ut qui prædicanda fidei suscepit officium, id contra Evangelium Christi, contra Apostolicam doctrinam, contra universalis Ecclesiæ Symbolum audeat disputare. Quales illic erunt discipuli, ubi tales docebunt magistri? Et quibusdam interpositis: Dedimus itaque literas ad fratres & coepiscopos nostros, Tarracenses, Carthaginenses, Lusitanos, atque Gallicos, eisque Concilium Synodi generalis indiximus. Ad tua dilectionis sollicitudinem pertinebit, ut nostra ordinationis auctoritas ad prædictarum provinciarum Episcopos deferatur. Si autem aliquid (quod absit) obstitit, quo minus possit celebrari generale Concilium Gallicia, saltem in uno conveniant Sacerdotes, quibus congregatis fratres nostri Hydacius & Ceponius imminerebunt, conjuncta cum eis instantia tua, quo citius vel provinciali conventu remedium tanti vulneris adferatur. Qui sic loquitur, in damnandis hæresibus Concilii necessitatem publice denunciat, & in iis damnandis sibi non errandi privilegium inesse neutiquam credit.*

Jovinianus Concilii duobus proscriptus est: Romano uno, quod Siricius habuit ut testatur in sua ad Mediolanensem Ecclesiam Epistola, quæ sexta est in libri I. Epistolarum Ambrosii: *Verum, inquit, à fidelibus Christianis, viris genere optimis, religione præclaris ad meam humilitatem subito scriptura horridica videntur esse delati, ut Sacerdotali judicio detecti divine legi contraria spirituali sententia deleantur. Nos sanctæ nuptiarum vota non aspernantes accipimus, qui velamini interfusimus, sed virginum nuptias Deo devotas majori honorificentia honoramus.*

honoramus. Facto igitur Presbyterio constituit doctrina nostra, id est, Christiana legi esse contraria: Unde Apostoli secuti preceptum, quia aliter quam quod accepimus, annuntiabant, omnium nostrum tam Presbyterorum, & Diaconorum, quam totius etiam Cleri una laia fuit sententia, ut Jovinianus, Auxentius, Genialis, Germinator, Felix, Prontinus, Martianus, Jannarius, & Ingeniosus, qui inventores nova hæresis & blasphemie inventi sunt, divina sementia, & nostro judicio in perpetuum damnati extra Ecclesiam remanerent.

Mediolanensi altero, quod Ambrosius in libri i. epistola vii. ad Siricium Papam sic exequitur: Domino dilectissimo fratri Siricio Papa, Ambrosius Episcopus, Basianus, & ceteri Episcopi. Recognovimus literis sanctitatis vestrae boni Pastoris excubias, qui fideliter commissam sibi januam servas, & pia sollicitudine Christi ovile custodias, dignum, quem oves Domini audiant & sequantur. Et post alia: Sed est impietas Manicheorum, quam & clementissimus execratus est Imperator, & omnes, qui illos viderunt, quasi quadam contagia refugerunt, sicut testes sunt fratres & compresbyteri nostri Crescens, Leopardus, & Alexander, sancto ferventes spiritu, qui eos omnium execratione damnatos Mediolanensi ex urbe quasi profugos repulerunt. Itaque Jovinianum, Auxentium, Germinatorem, Felicem, Prontinum, Genialem, Martianum, Jannarium, & Ingeniosum, quos sanctitas tua damnavit, scias apud nos quoque secundum judicium tuum esse damnatos. Incolumem te & florentissimum Deus noster tueatur omnipotens, Domine dilectissime frater. Subscriptio. Ego Ambrosius Mediolanensis Ecclesia Episcopus subscripsi. Evantius Episcopus Cenetensis sancto sanctitatem tuam in Domino, & huic Epistola subscripsi. Maximus Episcopus Emonensis. Felix Episcopus Jadrensis, Basianus Episcopus Laudensis, Theodorus Oëtodurensis Episcopus, Constantius Episcopus Arausicanus, Sabinus Episcopus Placentinus, ex jussu domini Episcopi Geminiani, ipso presente, aper Presbyter subscripsi. Eustasius Episcopus & omnes ordines subscripserunt.

Quoniam verò Romani Concilii judicium præcesserat, & justè latum fuerat, Ambrosius ex parte Mediolanensis Concilii dicit Siricio: Scias apud nos quoque secundum judicium tuum esse damnatos. Atque ita Romani Concilii judicium Mediolanensis Concilii decreto confirmatum est. At quia neque Romanum, neque Mediolanense Concilium generale fuit, Bellarminus dicit, Jovianum sine Concilio generali damnatum esse, & ex eo colligit, Summum Pontificem cum Ecclesiam totam docet in his, quæ ad fidem pertinent, nullo casu errare posse. Quæ & qualis disputandi ratio? quæ & qualis consecutio? Expositione sua concidit,

—Et tennes vanescit in auras.

Porro autem Siricius Papa, qui in argumentum venit, non vindicabit sibi privilegium illud, quod Bellarminus Romano Pontifici ab inventionibus novis vindicandum esse censuit. Siricii mens facillè colligitur ex Epistola, quam Any시오 & ceteris Episcopis per Illyricum constitutis dedit: Accepi, inquit, literas vestras de Bonoso Episcopo, quibus vel pro veritate, vel pro modestia nostram sententiam sciscitari voluistis. Sed cum hujusmodi fuerit Concilii Capuensis judicium, ut finitimi Bonoso atque ejus accusatoribus iudices tribuerentur, & præcipuè Macedones, qui cum Episcopo Thessalonicensi de ejus factis vel cognoscerent, advenimus, quod nobis judicandi forma competere non posset. Nam si integra esset hodie Synodus, rectè de iis, quæ comprehendit vestrorum scriptorum series, decerneremus. Vestrum est igitur, qui hoc recepistis judicium, sententiam ferre de omnibus, nec refugiendi vel elabendi vel accusatoribus vel accusato copiam dare. Vicem enim Synodi recepistis, quos ad examinandum Synodus elegit. Denique cum Bonosus Episcopus post judicium vestrum misisset ad

fratrem nostrum Ambrosium, qui ejus sententiam consuleret, interdictam sibi Ecclesiam irrumpere atque ingredi, responsum est ei, quod nihil temerandum foret, sed omnia modestè, patienter, ordine gerenda, neque contra sententiam vestram temendum aliquid, ut quod videtur vobis justitiae convenire, statueretis, quibus hanc Synodus dederat auctoritatem. Idco primum est, ut ii judicent, quibus judicandi facultas est data. Vos enim totius, ut scripsimus, Synodi vice decernitis: Nos quasi ex Synodi auctoritate judicare non convenit. Deinde sub finem Epistolæ: Legimus etiam & omnia percurramus, vel de eo, quod fratri nostro & coepiscopo Basso in consortium regenda Ecclesie datus est Senecio, vel de ceteris, unde vestra normam exspectamus sententia. Cum Pontifex sincerè fatetur inferiorem se esse Capuensi Concilio, quod œcumenicum Romæ non habetur, nunquam sibi attribuet indeficientis iudicii privilegium, quo supra quodcunque Concilium eveheretur, & ei quam vellet auctoritatem vel detraheret vel impertiret. Consentiunt, qui anno mdcxii. Romæ edi probarique curarunt Collectionem Romanam bipartitam, in qua Siricii Epistola reperitur, & ut antiquæ traditionis monumentum servatur, ad perpetuam adulatricis Curia ignominiam.

Ad Vigilium quod attinet, non memini legere me hæresiarcham extitisse ullum, qui Vigilus appellaretur. Bellarminus fortè Vigilantium dicere voluit. Hieronymi stylo confossus est Vigilantius, & brevi extincta est illius hæresis: Sed Bellarminus solus novit Romanum illum Pontificem, qui decretum adversus Vigilantii hæresim edidit, antiqui scriptores non noverunt, & inter recentiores ne quidem Baronius, qui decreta hujusmodi celare neminem confuevit.

#### Innocentii III. Testimonium

Refertur ex Epistola ad Episcopum Arelatensem, & habetur cap. majores, extra. de Baptismo & ejus effectu. Majores, inquit, Ecclesia causas, præsertim articulos fidei contingentes ad Petri Sedem referendas intelligit, qui novit pro eo Dominum exorasse, ne deficiat fides ejus. Nunc profectò mirari subit, cur Bellarminus hanc Innocentii Epistolam in medium producat, ut suam confirmet sententiam. Hic enim Pontifex de rebus baptismi unicum docet Arelatensem Episcopum, tantum abest, ut universam doceat Ecclesiam. Quo solum in casu indeficientis iudicii privilegium Romano Pontifici attribuit. Cum Bellarminus ita scribit, lectores suos futuros esse bardos & stolidos putet necesse est, qui tam insincerum disputandi modum minime perspiciant.

Deinde, Innocentius majores Ecclesiæ causas de quibus agit, ad Sedem Apostolicam referendas esse dicit, non ad Summum Pontificem, ut in Bellarmini sententiam dicendum fuit: Aliud est Sedes Apostolica, aliud Summus Pontifex, ut non semel observavimus.

Tum, Innocentius non dicit id, quod ad Sedem Apostolicam judicandum refertur, ibi certò & sine ullo erroris periculo judicatum iri. Id exemplo constat, quod Cæsarius Cisterciensis Ordinis Monachus Innocentio III. æqualis narrat in lib. i. i. historiarum memorabilium capite xxxii. In domo quadam Cisterciensis Ordinis Monachus quidam sine ordine celebravit. Hoc cum die quadam Abbati suo retulisset in confessione, nec tamen cessare vellet à tanta presumptione, Abbas dolens ac lacrymans, ut à blasphemiam tam magna desisteret, miserum rogavit, monuit, & præcepit. Sed non profecit. Ille vero, timens notari, si cessaret, celebravit, ut prius. In sequenti Capitulo generali Abbas idem proposuit casum eundem, interrogans quid faciendum foret confessori, si fortè tale quid in aliqua domo emergeret. Cumque Dominus Cisterciensis & ceteri Abbates super hoc nihil auderent definire, casum scripserunt Innocentio Papa, qui convocans Cardinales virosque literatos casum eis

Ddd

propo-



proposuit, & quid de hoc sentirent à singulis requisivit. Omnibus pene in hoc sentientibus, quod confessio non esset prodenda, respondit, Ego dico in tali articulo esse prodendam, quia talis confessio non est confessio, sed blasphemiam: Nec debet confessor blasphemiam tantam ac insaniam celare, per quam periculum incumbere poterit toti Ecclesiae. Et placuit sententia omnibus, scripsitque sequenti anno Capitulo, quod fuerat à se determinatum & à Cardinalibus approbatum. Hæc autem determinatio non placet Andreæ Duvallio, qui libro de Rom. Pont. auctoritate part. 11. quæst. v. illam sic reprobatur: Innocentii responsio simpliciter & absolute data non solum communi Theologorum doctrinæ adversatur, ut videre est apud Navarrum in Cap. Sacerdos. de pœnit. dist. vi. sed etiam Lateranensi Concilio cap. XXI. sub eodem Innocentio celebrato repugnare videtur. Sed rectius & ferri temporum convenientius diceretur, Lateranense Concilium Innocentii & Cardinalium, id est, Sedis Apostolicæ determinationem rescidisse. Concilii verba sunt: Caveat autem Sacerdos ne verbo vel signo, vel alio quovis modo prodat aliquatenus peccatorem. Sed si prudenti consilio indignerit, illud absque ulla expressione personæ carni requiratur. Quoniam qui peccatum in pœnitentia judicio sibi detectum præsumpsit revelare, non solum à Sacerdotali officio deponendum decernimus, verum etiam ad agendam perpetuam pœnitentiam in arctum monasterium detrudendum. Et quamvis Innocentius Concilio huic præfuerit, Concilium tamen Innocentio & sede Apostolica majus, Innocentii consentientis opinor, & Sedis Apostolicæ determinationem rescidit, & contrarium definivit. Hoc autem cum ita sit, tam Innocentius, quam Concilium beati Lucæ auctoritatem longè aliter ac Bellarminus intelligit, intellexerunt. Quin verò melius intellexerint, nemo sanæ mentis ierit inficias.

Sed ne sint ista, quæ mox exposuimus. Hic Pontifex nec sibi nec decessoribus indeficientis iudicii privilegium vindicat. Non sibi, cum in sermone 111. de consecratione Pontificis sic loquitur: Intantum mihi fides necessaria est, ut cum de ceteris peccatis Deum iudicem habeam, propter solum peccatum, quod in fide committitur, possem ab Ecclesia judicari. Iterum in Epistola centesima quarta, quæ est ad Philippum Regem Francorum in libro 111. Regesti xv. Diligenter auditis & perspicaciter intellectus, quæ nobis ex parte Regiæ dilecti filii . . . . . Abbas de Trappa & I. Clericus tuus proponere curaverunt, & habito cum fratribus nostris studioso tractatu non occurrat nobis aliqua via, per quam in his, quæ ipsi pro te postulaverunt à nobis, tua secundum \* possemus occurrere voluntati, sub obtestatione divini iudicii protestantes, quod libentissimè, si possemus cum Deo, ab illo te curavimus vinculo expedire, à quo desideras vehementer absolvi: Sed in carnali commercio inter te ac reginam conjugem tuam adeo est processum, quod si etiam illi tantum confessioni vellemus insistere, quam nuper eadem regina fecisse proponitur coram prædicto Abbate de Trappa, & dilecto filio magistro Roberto Corzon nunc titulo sancti Stephani in Celio monte Presbytero Cardinali, non auderemus super huiusmodi casu de nostro sensu pro te aliquid definire, propter illam sententiam Evangelicam, quam ipse Christus expressit, ut quod Deus conjunxit, homo non separet, cum absque dubio nec Sanctorum exempla, nec Patrum decreta intentioni tuæ in hoc articulo suffragentur. Verum si super hoc absque generali deliberatione Concilii determinare aliquid tentavimus, præter divinam offensam & mundanam infamiam, quam ex eo possemus incurrere, forsan ordinis & officii nostri periculum immineret, cum contra præmissam veritatis sententiam nostra non possit auctoritas dispensare.

Deinde indeficientis iudicii privilegium decessoribus non tribuit, cum Clementis decessoris constitutionem revocat, quæ bonis Ecclesiæ moribus adversabatur. Quæ de re sic Robertus Corzon Cardinalis in

Summa, quæst. de imped. matrim. Non enim uxor gentilis aut Judæi debet esse melioris conditionis, ut possit liberè transire ad secunda vota, quam uxor hæretici conversa ad fidem, quod concessit Clemens in illa decretali Laudabilem, nec dicit, hæc ad paria esse judicanda: sed Innocentius, qui modò præsidet, hæc revocavit. In Cod. MS. sancti Victoris. Non revocasset si beatum Lucam intellexisset, ut Bellarminus intelligit, & si credidisset Clementem non errandi privilegio donatum fuisse, cum in Pontificem evasit.

Atque hi sunt Romani Pontifices septem, Lucius I. Felix I. Leo I. Agatho, Nicolaus I. Leo XI. & Innocentius III. quos Bellarminus adducit, ut probet, Summam Pontificem cum totam Ecclesiam docet in his, quæ ad fidem pertinent, nullo casu errare posse. In producendo Lucio & Felice pugnat secum, & ita sibi fidem detrahit. Et quia Lucio & Felici subjectæ sunt Epistolæ, quas in probationem infumit, causam debet amittere. Leonem à scopo deflectit. Reliqui quæstionem illam non tractant, quam Bellarminus tractandam suscepit, & si tractarent, aliter quam Bellarminus tractat, sine dubio tractarent. Quis enim unquam in animum induceret suum, Agathonem, Nicolaum, Leonem, Innocentium, si quæstionem huiusmodi tractarent, à decessorum suorum, à Sedis Apostolicæ, cui præsidebant, & à Romanæ Ecclesiæ, quam regebant, traditione & seipsum aliquando discessuros esse?

#### Theophylacti Testimonium

Refertur ex Commentario in caput xxii. Lucæ: Sed referentem audiamus Bellarminum: Theophylactus in cap. 22. Lucæ aperte docet, dari Petro hoc privilegium, quia ipse futurus erat princeps & caput aliorum, ac proinde dari omnibus aliis, qui illi in principatu succederent: Quia te habeo, inquit, Principem Discipulorum, confirma ceteros. Hoc enim decet te, qui post me Ecclesia petra es & fundamentum.

Hic vehementer mihi fumo tria: Primum, quod Bellarminus Theophylacti locum minimè perlegit. Deinde, quod Bellarminus nescit omnino quis & qualis Theophylactus fuerit: Denique, quod suam sententiam Theophylacto turpiter imponit.

De primo, Theophylacti locus integer sic se habet: Satanas vos, inquit, petivit cribrare, hoc est, turbare, nocere, tentare. Sed ego rogavi, ne existimetis, inquit, quod vestrum sit totum hoc bonum opus. Diabolus enim valde urget si possit vos ab amore Dei depellere, & offendere proditores. Ad Petrum autem verba dirigit, qui reliquis audacior erat. Et probabile est superbisse in is, quæ à Christo promissa erant. Idcirco & reprimat eum dicens: Satana quidem fuit multum studium contra vos: Ego autem oravi pro te: Hoc humano more dicebat. Nam ut Deus, non opus habebat orare aliquem. Rogavi igitur, inquit, ut non deficiat fides tua, quamvis enim brevi tempore concutiendus sis, habes tamen recondita semina fidei, ut etiamsi folia abjecerit spiritus invadentis, radix tamen vivet, & non deficiet fides tua. Tu verò conversus confirma fratres tuos. Planus huius intellectus est, quia te habeo ut Principem Discipulorum, postquam negato me fleveris, & ad pœnitentiam veneris, confirma ceteros. Hoc enim te decet, qui post me petra es & firmamentum Ecclesiæ. Intellexerit autem non solum de Apostolis dictum, quod confirmati fuerint à Deo, sed de omnibus etiam, qui usque ad consummationem sæculi futuri sunt fideles. Tu Petre conversus ad bonum, exemplum pœnitentia eris omnibus, ut nullus credendum in te respiciens desperet.

Bellarminus, si Theophylacti locum evolvisset integrum, hunc non tam, opinor, misère truncasset, ut truncavit is, à quo relatos suprâ Theophylacti versus duos accepit. Neque id alio factum est consilio, nisi ut quid sibi vellet auctor, occultaretur. Antecedentia & consequentia auctoris sensum obijciunt, qui Bellar.

Bellarmino minimè favet. Præterea interjectam antecedentibus & consequentibus periodum ipsam relatum mutilavit. Theophylactus sic loquitur: *Quia te habeo ut Principem Discipulorum, postquam negato me fleveris, & ad penitentiam veneris, confirma ceteros. Hoc enim te decet, qui post me petra es & firmamentum Ecclesie.* Bellarminus verò periodum ita refert: *Quia te habeo Principem Discipulorum, confirma ceteros. Hoc enim decet te qui post me Ecclesia petra es & fundamentum.* Et primò quidem particulam, ut, subtrahit: Deinde verba hæc: *Postquam negato me fleveris & ad penitentiam veneris.* Quæ si restituantur omnia, & antecedentibus consequentibusque jungantur, auctor ille de Dominicæ Passionis tempore locutus facile intelligetur.

Ad secundum venio, & præ me fero, Bellarminum ignorare prorsus, qui & qualis Theophylactus fuerit. Aequalis & superstes fuit Michaelis Cerularii Constantinopolitani Patriarchæ, qui Latinos Orientalium communione privavit, quòd particulam, filioque, addidissent Symbolo, & quòd in sacrificio azymis panibus uteretur. Theophylactus Acrida in Bulgaria Archiepiscopus à Patriarchæ stetit partibus, & calamum contra Latinos strinxit. Quod uti constet, locus unus è Commentario in cap. III. Joannis sufficit: *Non intempestivum, inquit, fuerit hoc loco dicere, quomodo habeat filius spiritum, & quomodo dicatur spiritus filii. Dicit enim Apostolus: Spiritum filii sui in corda vestra misit clamantem, abba Pater: Et iterum, si autem quis spiritum Christi non habuerit, hic non est ejus. Sanè Latine malè hæc exponentes, & minus rectè intelligentes dicunt, quòd filius etiam ex filio procedat. Nos autem hoc quidem primùm dicimus ad eos, quòd aliud sit esse ex quopiam, & aliud esse cujusdam. Ut spiritus est quidem spiritus filii absque dubio & ab omni Scriptura approbatum: Ceterum esse ex filio nulla Scriptura testatur, ut ne duo principia spiritus introducamus, Patrem & Filium. Profectò inquirunt: Nam & inspiravit Discipulis, & dixit: Accipite Spiritum Sanctum. O desipientiam! Infrà: Crede igitur tu Spiritum à Patre quidem proficisci: Per Filium autem dari creaturæ. Atque hic tibi sit canon orthodoxæ doctrinæ. Baronius ad annum MLCXXI. ex pluribus Theophylacti literis, quæ in Vaticano asservantur, evincit, auctorem illum tunc temporis floruisse. Quæ omnia perspicuè demonstrant, Bellarminum nesciisse penitus, qui & qualis Theophylactus fuerit.*

Tertium se sponte objicit, in quo Bellarminum suam Theophylacti sententiam turpiter imponere contendendo. Sic enim ille scribit: *Theophylactus in cap. 22. Luca aperte docet dari Petro hoc privilegium, quia ipse futurus erat princeps & caput aliorum, ac proinde dari omnibus aliis, qui illi in principatu succederent. Privilegium autem de quo Bellarminus loquitur eò spectat, ut Petri successor cum totam Ecclesiam docet in iis quæ ad fidem pertinent, nullo casu errare possit. At Theophylactus & æquales alii Scriptores Græci pugnant, Latinam ipsam Ecclesiam errare, quòd Spiritum Sanctum ut à Patre sic & à Filio procedere crederet, & quòd in sacrificio azymis panibus uteretur.*

#### Petri Chrysologi Testimonium

**R**efertur ex Epistola ad Eutychetem, quæ habetur in tomo I. Conciliorum ante Concilium Calchedonense: *Hortamur te, inquit, frater honorabilis, ut his, quæ à beatissimo Papa Romana civitatis scripta sunt, obedienter attendas, quia beatus Petrus, qui in propria Sede vivit, & præsidet, præstat quærentibus fidei veritatem. Quamvis enim hic non citet locum Evangelii, Rogavi pro te, &c. Tamen eò sine dubio respicit, dum tam fidenter affirmat, ex Romana Sede præstari omnibus quærentibus fidei veritatem. Et rectè quidem ex Romana Sede, non ex Romano Pontifice, quia probè noverat,*

aliud esse Romanam Sedem, aliud Romanum Pontificem. Quæ duo Bellarminus in unum confundit, ut ibi probationem inveniat, ubi nulla inveniri potest.

Deinde beatus Petrus quærentibus fidei veritatem præstat, non extra Concilium, sed in Concilio, ut ex Actorum capite XV. constat: *Convenerunt Apostoli & Seniores videre de verbo hoc. Cum autem magna disquisitio fieret, surgens Petrus dixit ad eos: Viri fratres, vos scitis. Et cætera, quæ ad clavem scientiæ pertinent: Quæ verò ad potestatis clavem, hæc sunt: Nunc ergo quid tentatis Deum imponere jugum super cervices discipulorum quoad neque patres nostri, neque nos portare potuimus, &c. Iterum: Tunc placuit Apostolis & Senioribus cum omni Ecclesia eligere viros ex eis, & mittere Antiochiam. Iterum: Placuit nobis collectis in unum eligere viros & mittere ad vos. Tum demum: Visum est Spiritui Sancto & nobis nihil ultra imponere vobis oneris.* Secundo beatus Petrus quærentibus fidei veritatem præstat, & præstandi reliquit exemplum ut quemadmodum ipse fecerat, sic & alii & maxime successores facerent. Cujus rei rationem reddit Synodus V. cum in collatione VIII. Actorum caput istud interpretatur, & in auctoritatem summam admittit, ut Vigilium ad se pertrahat, & decretorum suorum participem efficiat.

Beatus Leo, quem nemo de neglectis Romanæ Sedis opportunitatibus accusavit unquam, quærentibus fidei 59 veritatem præstitit, & præstari voluit, non extra Concilium, sed in Concilio, ut in Epistola xv. ad Ephesinam Synodum II. testatur: *Verum etiam quia talium non est negligenda curatio, & piè ac religiose Christianissimus Imperator haberi voluit Episcopale Concilium, ut plenioris judicii omnis possit error aboleri, fratres nostros Julianum Episcopum, Renatum Presbyterum, & filium nostrum Hilarium Diaconem, cùmque his Dulcitium Notarium probata nobis fidei misi, qui vice mea sancto conventui vestra fraternitatis intersint, COMMUNI VOBISCU M SENTENTIA, quæ Domino sint placitura, constituent.* Profectò inter Romanos Pontifices, qui ad damnandas hæreses necessariam esse Synodum affirmant, Leo magnus excellit, ut ostendimus in Epistola, quam ea super re ad Jacobum Malatestam Parisiensem Theologum dedimus. Hæc est in parte tertia Epistolarum nostrarum.

Chrysologus & Leo non ignorabant Liberium ad Orientales Episcopos scripsisse, quod scripserat adversus Athanasium, Hieronymum prodidisse literis, Liberium hæresi subscripsisse, Hilarium Liberii æqualem Liberio ut hæretico denunciaſſe anathema, & ad Constantinum scripsisse hæc: *Vertisti deinde usque ad Romanam bellum tuum, eripuisti illinc Episcopum, & ò te miserum, qui nescio utrum majore impietate relegaveris, quam remiseris! Catholicum relegaverat Episcopum, & hæreticum remiserat.*

Tum Bellarminus divinat, cùm Petrum ad locum Evangelii, *Rogavi pro te, &c.* respectum habuisse ait. Cur enim ad hunc locum Evangelii potiùs, quàm ad 60 alium locum Evangelii, *Pasce oves, & Tu es Petrus,* quo Bellarminus ipse in eundem finem utitur, respectum habuerit? Quidquid in causa, Chrysologi locus Bellarmino inutilis est.

#### Sancti Bernardi Testimonium

**R**efertur Ex Epistola 190. ad Innocentium II. *Oportet, inquit, ad vestrum referri Apostolatum, pericula quæque & scandala regni Dei, ea præsertim, quæ de fide contingunt. Dignum namque arbitror tibi potissimum resarcire damna fidei, ubi non possit fides sentire defectum. Cui enim alteri Sedi dictum est aliquando, Ego oravi pro te, ut non deficiat fides tua?*

I. Bernardus instituto Bellarmini servire nequit, quia non significat agere se de Romano Pontifice, qui totam Ecclesiam doceat in iis, quæ ad fidem



pertinent. Quæ propositio apud Bernardum reperitur nusquam. Atque ita Bellarmino inutilis est Bernardus. Propositio est nova, quam Joannes Hesselius architectatus est, & quam ab illo Bellarminus accepit.

II. Bernardus de Sede beati Petri loquitur, non de Romano Pontifice illius successore, qui seorsum à Sede sua res & causas fidei decernat. Quapropter Sancti hujus auctoritas Bellarmino inservire non potest: Quippe qui in prima propositione sua de Romano Pontifice seorsum à Sede Petri & Romana Ecclesia sermonem instituat.

III. Bernardus scribit ad Innocentium, ut confirmet Concilia duo, Sueffionense & Senonense, quæ Petri Abaelardi errores jam condemnauerant. Sed non scribit, ut errores illos condemnet, quomodo Bellarminus ex beati Lucæ testimonio condemnandos esse à Romano Pontifice proponit. Quinetiam Pontifex condemnatos à duobus Conciliis errores nonnisi coacto Concilio iterum condemnat, ut in Epistola cxciv. inter Bernardi Epistolas scribit: *Nos itaque qui in beati Petri Cathedra (cui à Domino est dictum, Et tu aliquando conversus confirma fratres tuos) licet indignè residere conspiciamur, communicato fratrum nostrorum Episcoporum & Cardinalium consilio destinata nobis à vestra discretionem Capitula & universa ipsius Petri (Abaelardi) perversa dogmata sanctorum canonum auctoritate cum suo auctore damnavimus.*

Hinc Bernardus in Epistola clxviii. ad Episcopos Curia scribit. In Epistola clxxxviii. ad Dominos & Patres reverendos Episcopos & Cardinales, qui sunt de Curia. In Epistola ccxix. ad quatuor Episcopos Curia Albericum Ostiensem, Stephanum Prænestinum, Ignarum Tusculanum, & Gerardum Cancellarium. In Epistola ccxxxv. ad totam Curiam, ad dominos Patres reverendos Episcopos & Cardinales Curia; Ubi & hæc leguntur: *Non ignoratis prolatam esse sententiam à Domino Papa bonæ memoriæ Innocentio cum vestro & Romanæ Curia generali assensu. In Epistola ccxxxvi. ad Cardinales & Episcopos Romanæ Curia, ad Dominos nempe, & Patres reverendos Cardinales & Episcopos omnes, qui sunt de Curia. Sic Bernardi ætate Sedes Apostolica, quam Romanam appellat Curiam, Episcoporum & Cardinalium Synodum comprehendit.*

IV. Et sanè vetus Romanæ Ecclesiæ ferebat traditio, ut Pontifex hæreses & hæreticos convocata Synodo damnet.

62 Hinc uno post Bernardum sæculo beatus Thomas Scripturæ locum ad Romanam & Italicam Ecclesiam flectit in expositione Symboli: *Inde est, quod Ecclesia Petri, in cujus partem venit tota Italia, dum Discipuli mitterentur ad prædicandum, semper fuit firma in fide, & cum in aliis paribus vel nulla fides sit, vel sit commixta multis erroribus, Ecclesia tamen Petri viget, & ab erroribus munda est: Nec mirum, quia Dominus dixit Petro, Luca xxii. Ego pro te rogavi, &c. Hoc perinde observo, quasi Bernardus & Thomas nolint partem pro toto, Romanam seu Apostolicam Sedem pro universali Ecclesia accipere. Nam si acciperent, ut à tempore Gregorii VII. acceperunt nonnulli, Bellarminus lucraretur nihil, & insuper ostenderet, ignorare se quod Tertullianus ait in Apologetici capite xix. *Inftar religionis esse fidem de temporibus asserere.**

Testatur traditionem illam Sozomenus in lib. vi. hist. cap. xxv. Hanc quidem Apollinaris hæresim apud multos serpere, Damasus Episcopus Romanus & Petrus Episcopus Alexandrinus certiores facti, primi omnium Concilio Romæ convocato eandem alicnam esse ab Ecclesia Catholica pronuntiarunt.

Testatur Cyrillus Alexandrinus in Epist. ad Joan. Antiochenum: *Misit præterea hæc & quosdam quoque suarum exegeticon quaterniones (Nestorius.) Quos cum piissimi Episcopi, qui in magna Romanorum urbe reperiuntur, legissent, multisque confessoribus & consultationibus habitis examinassent, illorum auctorem non abs-*

que indignatione exhiberunt. Et quibusdam interpositis: Porro autem expositionibus illius Epistolique lectis, & iis præcipue, in quibus, quod apertam ipsius subscriptionem præ se ferrent, nullus tergiversandi locus in illam sententiam tulit. Quæ de re ad tuam quoque pietatem perscripsit. Horum proinde decreto modis omnibus parendum est illis, qui à totius Occidentis communiione excidere noluerint.

Testatur Felix III. in Epistola III. ad Petrum Fullonem Antiochenum Episcopum: *Hæc tibi scripsi unà cum præsentem Synodo conveniens te coram Deo & sanctis Angelis, ut ea doceas & nobiscum sentias, ut illibata fides nostra permaneat in gloriam Dei. Exinde Pontificalis liber ait: Tunc venerabilis Felix Archiepiscopus Sedis Apostolicæ urbis Romæ mittens defensorem cum Concilio Sedis suæ, facto Concilio damnavit Acacium cum Petro.*

Ad disciplinam hanc, quæ Sedis Apostolicæ propria est, Bernardus & Innocentius spectant, & ita spectant, ut Bellarmino incommodent, tantum abest, ut prodelle possint. Hanc Romanæ Ecclesiæ traditionem fusè persequor in Epistola ad Jacobum Malatestam Parisiensem Theologum.

V. Bernardus à Bellarmini placitis alienum se prodat duobus in locis: Et primum quidem in Epistola clxxx. ad Innocentium II. *Hoc solet habere præcipuum Apostolica Sedes, ut non pigeat revocare, quod à se forte deprehenderit fraude elicitum, non veritate promeritum. Res est plena aequitate & laude digna, ut de mendacio nemo lucretur, præsertim apud sanctam Summam Sedem.*

Deinde in libri III. de Confid. ad Eugenium capite iv. Tunc denique tibi licitum sentias, suis Ecclesias mutilare membris, confundere ordinem, perturbare terminos, quos posuerunt patres tui? Si iustitia est jus cuique servare suum, auferre cuiquam jus iusto quomodo poterit convenire? Erras, si ut summam ita & solam institutam à Deo vestram Apostolicam potestatem existimas? Si hoc sentis, ab eo dissentis, qui ait: Non est potestas nisi à Deo.

Quæ Bernardus utrobique tam confidenter sibi sumit, non fumeret si Pontificem nec in fide nec in moribus errare posse arbitraretur, & sanè non memini me legere Bellarminum aut Bellarmini sectatores de Romano Pontifice hæc aut similia protulisse unquam: Quid ita; Nisi quòd contrariis præjudiciis ducantur?

VI. Cum Bernardus dicit: *Cui enim alteri Sedi dictum est aliquando, &c. Comparatè loquitur, non absolute. Romanam Sedem componit cum Sedibus aliis, Alexandrina, Antiochena, Constantinopolitana, quæ nonnunquam à fide defecerunt. Romana verò Sedes nunquam à fide defecit, etiamsi Pontifices Liberius & Honorius defecerint. Quocirca cum Bernardus conditiones, nomina, & titulos Romani Pontificis enumerat, in libri II. de Confid. ad Eugenium III. capite viii. nullam facit mentionem privilegii, quo errare in fide & moribus non possit: Age, inquit, indagemus adhuc diligentius, qui sis, quam geras vide licet pro tempore personam in Ecclesia Dei. Qui es? Sacerdos magnus, Summus Pontifex, tu Princeps Episcoporum, tu hæres Apostolorum, tu primatus Abel, gubernatione Noë, Patriarchatu Abraham, ordine Melchisedech, dignitate Aaron, auctoritate Moyses, iudicatu Samuel, potestate Petrus, unitione Christus. Et cætera, in quibus Scripturæ loca citantur multa, sed beati Lucæ locus è cap. xxi. Ego rogavi pro te, &c. neutiquam citatur. Hoc autem cum ita sit, facili conjectura possumus assequi, Bernardum in ea non fuisse sententia, ut Romanum Pontificem haud errandi privilegio gaudere crederet.*

In his autem tribus Patribus, quos Bellarminus Pontificibus septem adjungit, suam quoque prodat indigentiam: Nullus lemmati, quod ille probandum assumpsit, inservire

intervire potest, quia nullus probando lemmati respondet, quæ magna est in proponendo lemmate *ἀνεξία*. Nec mirum: Antiquis Patribus, Conciliis, Theologis ignotum est lemma hoc: *Summus Pontifex cum totam Ecclesiam docet in his, quæ ad fidem pertinent, nullo casu errare potest*. Id primus omnium fabricavit Joannes Hesselius, quem Bellarminus, cum doceret Lovanii, videre potuit. Utut sit, eo consilio fabricatum est lemma, ut ab omni oppugnatione liberaretur. Nam statim atque Pontifex aliquis, puta, Liberius, Honorius, Joannes XXII. vel alius objicitur, qui vehementer erraverit, respondent non erravisse, cum Ecclesiam docerent universam: Sed cum Occidentalem duntaxat, vel Orientalem, vel nonnullos Episcopos docerent. Porro non errandi privilegium Romano Pontifici nec aliter, nec alio modo commissum esse, nisi cum totam Ecclesiam doceret. Sed cum illud ponunt acuti homines, non advertunt, illud se gratis & sine ratione ponere. Quandoquidem quod ita ponunt, omni probatione exuatur. Ut apud Tacitum quidam magis est extra vitia, quam cum virtutibus; sic & Hesselii & Bellarmini lemma est magis extra oppugnationes, quam cum præsidiiis. Titulus est sine re, quia nec Lucas, nec laudatorum à Bellarmino Patrum ultus est, qui de docenda tota Ecclesia loquatur. Purus putus fucus est; idolum cavernæ: Hinc tam facile negatur, quam facile asseritur, *Summum Pontificem, cum totam Ecclesiam docet, in iis quæ ad fidem pertinent, nullo casu errare posse*. Et negatio hæc validissime confirmatur iis auctoritatibus, quas Bellarminus in probationem sui lemmatis adducit, & quas supra expendimus. Verbo dicam uno, lemma illud ab architectis suis non statuitur, ut ulla asseratur veritas, sed ut eo tanquam laqueo simplices irretiti teneantur. Mera est decipula, quæ incautos, bucones, & stolidos homines quorum infinitus est numerus, involvat. An inficias iturus est aliquis, cum viderit allegari à Bellarmino Theophylactum, ut probetur, Romanum Pontificem indeficientis iudicii privilegio frui, cum de rebus fidei & morum decernit: Hoc audax Bellarmini facinus urgeo, in hoc habito.

Supere hoc modo, ut certa quædam alia Bellarmini vitia exponam & configam.

I. In probando lemmate suo à Florentina Synodo planè defecit, quod est crimen insigne. Avertat à nobis malum hoc Deus. Non stat ille conventis, quæ Græcos inter & Latinos in Florentina Synodo edita sunt. Adscribo verba è sessione xxv. antiquæ editionis: *De primatu Papæ fatemur, inquit Græci, ipsum Summum Pontificem, procuratorem, locum gerentem ac Vicarium Christi, Pastorem & Doctorem omnium Christianorum, regentem & gubernantem Dei Ecclesiam, salvis privilegiis & juribus Patriarcharum Orientis, & Constantinopolitanum quidem secundum esse post Papam, deinde Alexandrinum, post hunc esse Antiochenum, postremo Hierosolymitanum. Hæc cum scripsissemus, statim, nihil amplius scribere aut facere: Sed si hoc à Papa, non reciperetur, nihil esse ultra faciendum. Et post alia: Agebat (Eugenius) de privilegiis Papæ, ut habeat illa juxta determinationem sacre Scripturæ, & dicta Sanctorum. Hoc etiam non placuit Imperatori. An siquis, inquit, Sanctorum in Epistola honorat Papam, excipiet hoc pro privilegio? Propterea significavi Papæ, ut aut hoc corrigeret, aut de reditu ejus cogitaret. Et post alia: Rogamus itaque (inquit Cardinalis Julianus) vos, ne diutius in luctatione versetur Ecclesiarum unio, tempusque frustra conteratur. Sed admissa allegatione de dictis Sanctorum fiat unio. Hæc & similia cum dixisset, tacuit. Respondit Imperator (nomine Græcorum) parum sibi dari velle ad consultandum: Staturumque egressis Cardinalibus nos consilium inimus, scripsimusque habenda esse à Papa sua privilegia juxta canones, dicta Sanctorum, sacræque Scripturæ & acta Synodorum. Hæc illis (Latinis) ex tempore exarata tradidimus, responde-*

*rimusque nobis, nihil dicere possumus. Sed accepta hac Scriptura referemus ad dominum nostrum, atque ita crastino die respondebimus. Quid autem Latini responderint, insertum actis non habetur, sed respondisse, ut juxta canones & acta œcumenicorum Conciliorum Romani Pontificis sanciretur auctoritas, ex ipso decreto quod communi omnium consensu editum est, sic colligitur: Item definimus sanctam Apostolicam Sedem, & Romanum Pontificem in universum orbem tenere primum, & ipsum Romanum Pontificem successorem esse beati Petri Principis Apostolorum, & verum Christi Vicarium, totiusque Ecclesiæ caput, & omnium Christianorum Patrem & Doctorem existere, & ipsi in beato Petro pascendi, regendi, ac gubernandi universalem Ecclesiam à Domino nostro Jesu Christo plenam potestatem traditam esse, quemadmodum & in gestis œcumenicorum Conciliorum, & in sacris canonibus continetur. Ut est apud Blondum Eugenii IV. Notarium in Decadis III. libro x. Sic Græcus quoque textus habet: καὶ ὁ πᾶς ὁ κόσμος ἐκ τῆς ἀποστολικῆς καὶ ἀντικυριακῆς ἐκκλησίας (ἐκ τῆς καθολικῆς ἐκκλησίας) ὡς ἀπὸ τοῦ κυρίου καὶ ἀποστόλου τοῦ πρώτου, καὶ ἀληθινῆς ἐκκλησίας καὶ κεφαλῆς, καὶ πάντων τῶν Χριστιανῶν πατέρα καὶ διδάσκαλον. Juxta modum qui & in actis Conciliorum œcumenicorum & in sacris canonibus continetur. Repetita particula, &, &, &, &, regendæ Ecclesiæ rationem definit ac circumscribit, & aliam quamlibet propositam excludit, ut luculenter apparet ex mutuis Græcorum & Latinorum concertationibus, quæ decreti sanctionem antecedunt.*

Bellarminus, inquam, his non stat conventis, ab illis recedit, cum Lucii I. Felicis I. Leonis I. Nicolai I. Leonis IX. Innocentii III. Theophylacti, Petri Chrysologi, & Bernardi testimonia producit, & iis ad probandum lemma suum utitur. Hæc testimonia producenda non erant. Agathonis folius testimonium produci debuit & potuit, quod in actis Synodi VI. contineatur. Quid autem Bellarmino profit, jam suo loco vidimus. At quantum vitium sit in Curiali magistro Florentinæ Synodi pacta & conventa violare ac spernere, tacendo melius quam dicendo exprimitur.

II. Si Florentinæ Synodi pacta & conventa violanda sunt ac spernenda, id profectò utilitatis cujusdam magis gratia tentandum est.

*Aude aliquid brevibus cyaris & carcere dignum, Si vis esse aliquid: probitas laudatur & alget.*

Sed Bellarminus relatione testimoniorum, quæ referenda jure non fuerunt, nihil reipsa profecit: Confirmando lemmati nec intervium, nec intervire possunt, ut demonstravimus. Quinetiam citata Theophylacti auctoritas Bellarminum eruditorum hominum ludibrio exponit. Hæc prætermittam nonne effugisset pudorem, quem modò effugere non potest?

III. Bellarminus opinionem suam, ut certam anno MDLXXVII. tradit, cujus contrariam, Hadrianus VI. Papa ut certam ante annos quinquaginta quinque tradiderat. Hos annos numero à tempore, quo Hadriani Commentaria Romanis typis commissa sunt, & illustrium virorum elogiis cumulata: Sic autem Hadrianus scribit in quartum sent. de ministro Confirmationis: *Ad secundum principale de facto Gregorii dico 1. quòd si per Romanam Ecclesiam intelligatur caput illius, puta Pontifex, certum est quod possit errare etiam in iis, quæ tangunt fidem, hæresim per suam determinationem aut decretalem asserendo.*

Bellarminus verò in libri IV. de Rom. Pont. cap. II. ait: *Certissima est sententia quæ statuit, Pontificem non posse ullo modo definire aliquid hæreticum.*

Quid igitur ab anno MDXXII. usque ad annum MDLXXVII. gestum est apud Ecclesiam Dei, quod tantam in questione tali mutationem importet? Ut quod anno MDXXII. certum judicabatur, anno MDLXXVII. certum judicari desierit, & oppositum à Bellarmino certum judicatum fuerit? Profectò apud Ecclesiam



Ecclesiam Dei nihil est gestum, quod adeo subita & repentinæ mutationis causa fuerit. In Gallia Theologi Hadriano vita functo docere, quod docebatur antea, non destiterunt.

I. In Facultate Theologiæ Parisiensis anno MDXXV. 111. Idus Maias, Petrus Ortisius celebravit actum cui Judocus Clithoveus præfuit, & ubi conclusione v. sic habetur: Concilium generale præferendum est Papa in materia fidei. Patet, quia universale Concilium in materia fidei, similiter & morum (nam idem est de utroque judicium) est indeviabile: Papa est deviabilis sententialiter judicando. In antiqua perseverabat Romanæ Ecclesiæ traditione, quam tribus jam in Epistolis exposui. Una est ad Raimundum Formentinum, & habetur in parte prima Epistolarum nostrarum. Altera est ad Joannem Gerbasiū, & habetur in parte tertia Epistolarum. Tertia est ad Christophorum Fauvæum, & habetur in eadem parte tertia.

II. Senonenſe Concilium, quod anno MDXXVIII. celebratum est, indeficientis iudicii privilegium non nisi Ecclesiæ & repræsentanti Ecclesiam Concilio tribuit, ac proinde Romano Pontifici denegandum esse censet. In decreto 111. inter decreta fidei: Proinde cum certa sit & infallibilis Ecclesiæ regula, ne aliquando invisibilitatis prætextu tandem eluā queat, ea profectō sacris generalibus Conciliis auctoritas derogari non potest, quæ proximè universalem repræsentant Ecclesiam. His enim Conciliis, si ea decernendi, quæ ad sinceritatem fidei & extirpationem hæresum, Ecclesiæ reformationem, 71 & morum integritatem pertinent, potestas adimatur, NIHIL CERTUM, NIHIL STABILE FUTURUM, NIHIL DENIQUE, QUO HÆRETICUS AB ORTHODOXO POSSIT INTERNOSCI. Quibus postremis verbis Concilium non obscure significat, non credere se, apud Romanum Pontificem non errandi privilegium residere. Nam si resideret, certum & stabile futurum esset aliquid, quo hæreticus ab orthodoxo posset internosci.

III. Eodem tempore Judocus Clithoveus Parisiensis Theologus Compendium veritatum ad fidem pertinentium edidit: In quo ad relatum mox Senonenſis Concilii decretum animadvertit: Regula totius Ecclesiæ directiva non est iudicium ipsius Summi Pontificis, cum ipse nequaquam sit in gratia confirmatus, & falli possit, & in errorem labi.

IV. Joannes Arboreus Parisiensis Theologus in lib. IV. Theophiæ cap. xxxii. Decretales, inquit, epistola non exaquantur canonibus Conciliorum & definitionibus. Hanc facile suadebo assertionem. Minus auctoritatis habet Summus Pontifex, quam tota & universalis Ecclesia, quam repræsentat Concilium generale ritè congregatum. Nam Papa in fide errare potest, ut dicit Innocentius huius nominis quartus in cap. 1. de Summa Trinitate, & tota mihi via aberrare videtur, qui aliter sentit. Et plus veritati tribuendum est quam amico. Assentantur sanè Romano Pontifici, qui faciunt eum immunem à peccato, & à lapsu hæreseos & schismatis, cum non sit divino munere confirmatus in gratia. At Concilia generalia ritè congregata non possunt in fide aberrare. Arboreus suum opus in lucem emisit anno MDXXXI.

72 V. Franciscus Victoria Parisiensis ex Ordine Prædicatorum Theologus, in libri de potestate Papæ & Concilii propositione 11. Si Concilium declarat aliquid de fide, aut de jure divino, Papa in hoc nihil potest declarare, aut immutare, maxime si tale jus spectet ad fidem vel ad mores Ecclesiæ universalis. Probat, quia in illa Concilium errare non potest, juxta promissum Luca 22. Ego rogavi pro te, &c. Et Matthæi 18. Ubiunque fuerint duo vel tres, &c. Et non minus est Spiritus Sanctus in quocunque Concilio generali, quam in Concilio Apostolorum, ubi Spiritus Sanctus assistebat Actuum 15. Visum est Spiritui Sancto, &c. Confirmatur. Quia si in illis Concilium errare posset, & Papa errare posset, standum esset potius Concilio. Ergo postquam de-

terminatum est in Concilio Apostolorum, quod legalia erant extincta, non potuit Petrus aliter definire: Ita in quocunque Concilio generali, & patet, quia si errare posset, non esset Ecclesia fundata super firmam petram. Hæc ille, qui ad annum MDXL. claruit.

VI. Claudius Sanctesius Parisiensis Theologus, isque celeberrimus, in sua ad Apologiam Theodori Bezae responsione, quæ Lutetiæ prodit anno MDLXVII. Licuit non solis Sorbonicis (id est Parisiensibus) sed in omni orbe Christiano Theologis differere, an Papa si à fide defecerit, privari posset suo gradu, non à quovis, sed ab habentibus alijs legitimam potestatem videndi, nequid detrimenti Respublica Christiana capiat.

In Germania Theologi post Hadriani VI. excessum docere, quod docebatur antea, non destiterunt. Cujus rei testes nobis erunt duo, Joannes Cochleus hæreticorum malleus, & Fredericus Nausea Vienneſis Archiepiscopus, qui Tridentino Concilio interfuit. 73

Ille in libello, qui æquitatis discussio super Concilium electorum Cardinalium, inscribitur ad Joannem Sturmium: Nulli, inquit, mortalium ita promissus ac datus est Spiritus Sanctus, sicut universali Ecclesiæ, quam universale Concilium, ut dixi, repræsentat. Cui enim Apostolorum, aut Prophetarum nominatim dictum est: Dabo tibi spiritum veritatis, ut tecum maneat in æternum? Obstat enim illud Psalmistæ, Omnis homo mendax. Soli igitur Ecclesiæ, quæ columna & basis est veritatis, verè dictum est: Ego rogabo pro te Patrem, & alium paracletum dabit vobis, ut maneat vobiscum in æternum spiritus veritatis.

Hic in libri v. rerum Conciliarium capite 111. cuius argumentum est: Patribus in Concilio à Papa vel ejus Legato dissentientibus, cujus iudicio standum sit?

Nec enim prima fronte videtur, accedendum uni soli-que Papa, præsertim in causa fidei, cum satis periculosum videatur, fidem nostram unius hominis arbitrio committi, nec usque adeo superbum esse Papam credimus, quod ipse solus & unus homo toti congregationi suum iudicium præferat. Perinde atque ipse Spiritum Sanctum habeat, maxime quod major urbe sit orbis.

In Belgio satis est unus Joannes Driedo, qui post Hadrianum VI. Lovanii docuit, & eminuit. Hic in libri IV. de dogmatibus Ecclesiasticis capite IV. docere, quod docebatur antea, non destitit. Discipulus magistrum secutus est, & Lovaniensis Academiæ traditionem & doctrinam retinuit. Papa, inquit, in causis fidei & schismatis personam suam tangentibus atque concernentibus subijcitur iudicio universalis Ecclesiæ. Quamobrem si ipse fieret hæreticus, aut schismaticus, aut argumentis probabilibus de his suspectus pertinaciter defendens doctrinam contrariam Evangelio Christi, ipse esset monendus, corripiendus, & si contumax fieret, judicandus. Iterum in libri 11. de Christiana libertate capite 11. Sententia Papa circa fidem tanta Concilii moderatione concipi debet, tantæque maturitate patientia decoqui, & tanta deliberationis gravitate, ut omnino recta sit tenenda. Verum quia Papa quatenus homo talem modum deliberationis circa ea, quæ sunt fidei, potest omittere, & inniti proprio sensui propriæque prudentiæ, idcirco etiam plerumque liceret examinare literas mandatorum Papæ definientis aliquid credendum esse, aut fide tenendum. 74

In Italia plures suppetunt, qui post Hadriani mortem docere, quod docebatur antea, non destiterunt.

Primus est Petrus Albinianus Tretius, in tractatu de Pontificia potestate ad Clementem VII. contra Lutherum, num. 1. In tuis conclusionibus incusare vel arguere videris Summum Pontificem & ejus Apostolos executores de eorum multis excessibus, quod tibi non licet; quia Papa de nullo crimine accusari potest, nisi de hæresi, ut est glossa communiter ab omnibus pro singulari allegata. Hæc in libro qui Papæ dicatur.

Alter est Petrus à monte Brixienſis Episcopus in tractatu de potestate Pontificis sub initium: Secunda conclusio

clusio principalis. Si de heresi Romani Pontificis contem-  
75 ditur, generale Concilium de huiusmodi causa potest & de-  
bet cognoscere, & judicare.

Tertius Paulus IV. in frequenti Pontificiæ consulta-  
tationis confessu, quem anno MDLVII. fieri voluit, ut  
tractaretur, utrum ille posset solvere matrimonium,  
quod per verba de præsentis inter Franciscum Mom-  
morantium, & Joannem Halluynam Piennæam con-  
tractum fuerat. Dixit: Ne queso vos teneant decesso-  
rum morum facta & exempla, que catenus sequi volo,  
quatenus Scriptura auctoritas & Theologorum rationes vos  
ad illud agendum inducant. Non dubito quin ego & de-  
cessores mei errare aliquando potuerimus, non solum in hoc,  
sed etiam in pluribus aliis rerum generibus. Et cætera  
quæ refero in Epistola ad Joannem Gerbasium in parte  
tertia Epistolarum nostrarum.

Quartus Thomas Campegius Bononiensis, Feltrensis  
Episcopus, in libri de Concilio capite 11. Dicit etiam  
potest, Pontificem hereticum fore minorem quocunque Ca-  
tholico: Imò nec esse Pontificem. Et est is casus, in quo  
sine consensu Pontificis haberi potest Concilium.

Quintus Clemens Monilianus ex Ordine Minorum  
Theologus & Card. in Compendii institutionum The-  
ologic. capite XIX. Conciliorum, inquit, celebratio va-  
let ad quinque, &c. Secundo valet ad firmiorem & faci-  
liorem elucidationem in dubiis, &c. Quarto valet ad re-  
frinandum exorbitantias quorundam Pontificum, qui mu-  
nus sacrum aut spretis sanctorum Patrum regulis pro vo-  
luntate exercent, aut simoniaca pravitate debonestant,  
aut sæculi vanitate, aut vita scandalosa confundunt.  
Hujus rei causa congregatum legitur Concilium Epi-  
76 scoporum Italia per Imperatorem contra Joannem Pa-  
pam XII. qui venator lubricum & publicus erat & in-  
corrigibilis. Ultimo valet ad omnium scandalorum, quæ  
suscitantur in Ecclesia, extinctionem. Illud est ultimum  
refugium in omnibus angustiis suis. Unde Romano Pon-  
tifici dicitur mysticè illud Esaia 16. Ini consilium, scilicet  
cum sapientibus, coge Concilium, id est congrega, ut  
exponit Liranius: Quasi diceret Spiritus Sanctus Romano  
Pontifici: Imminentibus gravissimis periculis in Ecclesiam  
ini Concilium & coge, id est congrega universale Con-  
cilium.

Deinde in capite XXXIII. Sequendo Cardinalem de  
Turrecremata lib. III. de Ecclesia cap. LXIV. qui docet  
dissentientibus Papæ & Concilio in his, quæ sunt fidei,  
standum esse iudicio Papæ in his quæ sunt fidei  
à Sede Apostolica definita, sed in materia noviter per Con-  
cilium definienda regulariter magis standum est iudicio  
Patrum totius Concilii.

Sextus Hieronymus Albanus Cardinalis in tractatu  
de potestate Papæ in prima parte num. CXVI. Quare  
jam non obscure probatum arbitror, Papam errantem, non  
tamen in fide, à Concilio tanquam ab inferiori iudicari  
non posse. Verum si quispiam objiciat, Papam saltem in  
casu heresis iudicari per dictum C. si Papa. Dicimus,  
hoc proposita conclusionem non repugnare. Cum enim Pon-  
tiffex hereticus extra Ecclesiam sit, Pontiffex esse desinit, &  
Pontificiam potestatem amittit.

Nunc Bellarmino quid fiet, cum exploratum sit in  
Gallia, in Germania, in Belgio, in Italia pro certo  
traditum esse, quod Hadrianus VI. & Paulus IV. pro  
certo tradiderant? An Bellarmino adulatricis Curie  
77 Cardinali credemus, potius, quam Hadriano & Paulo,  
qui nec sibi nec Curie assentantur? Sincero Papæ utri-  
que credendum est, cui tot ex Gallia, Germania, Bel-  
gio & Italia Theologi & Jureconfulti crediderunt.  
Bellarmino credendum non est, qui Romanis Pontifi-  
cibus ac tot illustribus viris in re comperta & explo-  
rata contradicit.

IV. Bellarminus Hadriani & Pauli sententiam erro-  
neam & heresi proximam esse iudicat, & iudicando Ro-  
manam sugillat Ecclesiam, quæ Hadrianum erronea &  
heresi proxima opinione imbutum & in ea obfirmatum  
in Pontificem suum elegit, & Paulum sustinuit. Et

hæc res est, cui nigrum theta præfigendum est, tan-  
tum abest, ut bonum factum adscribatur. Nam iis  
omnibus, qui seorsum à nobis per religionem sentiunt,  
Romanam Ecclesiam & ejus Pontifices Hadrianum &  
Paulum deridendos propinat. Dico amplius, siquid  
tamen amplius dici possit, Bellarminus propositiones  
duas omnino destruit, quas omni conatu astruendas in  
se recepit. Prior est hæc: Summus Pontiffex cum totam  
Ecclesiam docet in his quæ ad fidem pertinent nullo casu  
errare potest. Posterior est hæc: Non solum Pontiffex  
Romanus non potest errare in fide, sed neque Romana par-  
ticularis Ecclesia. Propositio prior destruitur, cum Ha-  
drianus erronea & heresi proxima opinione præventus e-  
ligitur in Pontificem, & eâ non revocatâ, sed firmiter  
retentâ, electus Pontiffex persistit, & ad illum Paulus  
accessit. Posterior quoque destruitur, cum Romana  
Ecclesia Hadriano tam pravè sentienti ut Bellarminus  
putat, & Paulo consensit. Hic unum præ me fero, vo-  
laticam & adulatricem Academiam, in qua Bellarmi-  
nus diu multumque studuit, effecturam esse nusquam,  
ut ille sese apud cordatos & eruditos homines honestè  
& laudabiliter expediat.

V. Bellarminus in Hadriani VI. & Romanam Eccle-  
siam, qui illum optavit in suum Pontificem, & Paulum  
IV. contumeliosissimus est, cum loco jam citato ait,  
Tolerantur, qui Hadriani sententiam sequuntur. Quis  
patienter audiat verba hæc, tolerantur Hadrianus Papa?  
Toleratur, inquam, Hadrianus Papa vir tantus, &  
nisi toleraretur, damnandus esset ut qui sententiam  
omnino erroneam & heresi proximam tradiderat. To-  
leratur Romana Ecclesia, quia in optati à se Pon-  
tificis doctrinam omnino erroneam & heresi proxima  
mam consensit, quia ei non contradixit, & nisi tole-  
raretur, damnanda esset, ut quæ doctrinam omnino er-  
roneam & heresi proximam foveret. Toleratur Pau-  
lus IV. & nisi toleraretur damnandus esset, ut qui sen-  
tentiam omnino erroneam & heresi proximam tam  
ingenua confessione foverit. Toleratur etiam univer-  
salis Ecclesia, quæ Romanæ, Hadriano & Paulo Pon-  
tificibus communionis sanctæ vinculo copulabatur, &  
nisi toleraretur, quid tum demum illâ fieret? Scio  
quidem hæc pias aures offendere, sed è Bellarmini  
scriptis tollantur, quæ pias aures offendunt, & tradu-  
cendam hæreticis Ecclesiam objiciunt. Nonne tandem  
aliquando Bellarmini contumeliis depressa veritas e-  
merget, & innocentis doctrinæ defensio interclusa re-  
spirabit? Innocentis aio doctrinæ, quam Romanæ Ec-  
clesiæ traditio confirmat, quam Concilia vindicant,  
quam clarissimi quique variarum nationum Theologi  
& Jurisperiti in se recipiunt.

Deinde tolerantur ab Ecclesia Parisiensis Theologiæ  
Facultas, quæ ob Catholicæ fidei defensionem & hæ-  
79 resum extirpationem ab Innocentio VIII. commen-  
datur. Sic enim ad illius Theologos scribit anno  
MCCCCLXXXVI. VII. Idus Decembris: Dilecti filij,  
salutem & Apostolicam benedictionem. Intelleximus non  
sine magna cordis lætitia sinceram animorum vestrorum  
devotionem, quam ad nos sanctamque Romanam Eccle-  
siam habetis, cum omne studium & curam vestram pro  
eiusdem fidei defensione, & hereseon extirpatione, sicut  
probatissimos quosque Christianos decet, incessanter adhi-  
bueritis. Parisiensis Theologiæ Facultas, de quaestione  
hac non aliter post Hadriani VI. tempus sentire cepit,  
quàm Innocentii VIII. tempore sentiebat. Quippe  
quæ tunc sentiebat ut Romana sentiebat Ecclesia.  
Hoc premo, hoc urgeo. Hic malalia mihi facio, hic  
Parisienfium Theologorum saluti confusus tabernacu-  
lum desigo, hic opinionis novæ præcipitantis cursum  
& impetum sisto, hic certam quandam methodum quæ-  
ro, qua, quæ placita nova Bellarminus inducit, reti-  
neantur appositè, & quæ placita nova Lutherus & Cal-  
vinus inducunt, appositè dissipentur: Certaminis le-  
ges æquales semper esse debere quis negaret? Si Bel-  
larminus negat, injustitiæ totius accusabitur; si non  
negat,



negat, destruet quod ædificare omni ope conatur. In summa, Bellarminus & qui Bellarminum sequuntur, cum nova sua vel aliorum dogmata tuentur, causam adjuvant illorum, quos Sectarios & Novatores appellant, nisi fortè tractatu peculiari demonstrent, sibi licere facere quod faciunt, Sectariis & Novatoribus non licere facere quod faciunt. Hic rhodus, hic saltus.

80 Quam longè prudentior fuit Bellarmino Cajetanus, quem ille ut opinionis suæ patronum ascrivit! Hic cum in Cardinalium numerum adscriptus esset, non docuit ampliùs, quæ matura nondum ætate contra Parisienses studio partium docuerat. Ad Scripturæ studium se appulit, SS. Patrum libros evolvit, & forsan ex occasione in Hadriani Commentarios incurrit, quorum bonitate sic persuasus est, ut defuncto Leone X. cum eligendus fuit Pontifex, auctor fuerit præcipuus, cur Hadrianus Dertusensis tunc Card. dictus, Pontifex eligeretur. Hoc Pallavicinus in libri 11. de Tri-

dentini Concilii historia capite 11. eleganter recenset. Utinam fecisset Deus immortalis, ut Bellarminus Hadriani scripta sic adamasset! Is tam miserabiliter non esset lapsus, quàm miserabiliter lapsum esse mox vidimus. Præterea non citasset Cajetani opera, quibus Cajetanus ipse valedixerat, cum se in Hadriani scholam contulit: Non coëgisset me nova Cajetani placita refellere, & intextas ab eo in veritatis perniciem fraudes discindere, cum hinc in Epistolarum nostrarum parte prima ad Raimundum Formentinum, & Felicem Phelippæum Brossam, inde in parte tertia ad Christophorum Favæum, tum in parte quarta ad Ludovicum Maresium scriberem. De re tota ut convenit, censebis tu, cui gravissimum est judicium, limatum, & politum è scholæ variarum nationum, quarum res, rationes, jura, & opportunitates rectè intelligis & fideli memoria repetis, cum repetendi sese offert occasio. Vale. Lutetiæ Paris. Idibus Martii ann. MDCLXVI.

## Joannes Launoiius ANDREÆ BERRUERIO.

Romæ.

1 **P**RÆCLARAM verò gratiam tibi refero, quod nuper editum x. Calend. April. contra propositiones xvii. decretum ad me miseris. Postquam illud perlegi, magna me fa-teor cepit lætitia, ut primum vidi propositionem ultimam, quæ talis est, *Libri prohibiti donec expurgentur, possunt retineri, usque dum adhibita diligentia corrigantur.*

Sic enim solutam inveni quæstionem, quam olim Parisiensibus nonnullis Theologis circa quosdam Aristotelis libros proposueram. Hi à Provinciali Concilio damnati sunt & prohibiti, & prohibitorium editum à Gregorio IX. confirmatum, usque dum adhibita diligentia corrigerentur. Quæstionem igitur illis proposueram ad solvendum, sed inutiliter proposueram. Solvere non noluere, vel certè rei difficultate præpediti non potuerunt. Res ita se habet.

Michael Quercetanus contubernalis meus philosophiæ Professor vexabatur ab æmulis, quod expositam à se Galilæi de motu terræ sententiam non confutasset, sed visus esset eam instar problematis habere. Privata erant studia & odia, quæ sub specie religionis exercebantur. Quercetanus ob id accusabatur neglectæ condemnationis, qua Romani Censores Galilæi placitum confixerant. Tunc suppetias amico venire statui, nec statui convenientius, quàm hocce modo.

2 *Hic casus conscientie proponitur Theologis Parisiensibus, & iis potissimum, qui Theologiam moralem professentur.*

Adducitur primò id ex quo natus est animi scrupulus, deinde ipse scrupulus. Ex Rigordo in vita Philippi Augusti ad annum 1209. In diebus illis (quibus Almaricus Carnotensis Clericus vivebat) legebantur Parisiis libelli quidam de Aristotele, ut dicebantur, compositi, qui docebant Metaphysicam, delati de novo à Constantinopoli, & à Græco in Latinum translati, qui quoniam non solum hæresi (Almarici) sententiis subtilibus occasionem præbebant, imò & aliis nondum inventis præbere poterant, jussi sunt omnes comburi, & sub pœna excommunicationis cautum est in eodem Concilio, nequis eos de cætero scribere & legere præsumeret, vel quocunque modo

habere. Hoc Concilium Lutetiæ celebratum fuit ab Henrico Senonensi Archiepiscopo & aliis comprovincialibus Episcopis, ut est testis Joannes Victorinus in memoriali historia, qui & refert ad annum 1204. Almaricum primò ab universitate Magistrorum Parisiensium condemnatum fuisse.

Ex rescripto, seu Diplomate Gregorii IX. ad Magistros Parisienses, quod extat in tabulis Universitatis. Ad hæc jubemus, ut Magistri Artium unam lectionem de Prisciano, & unam post aliam semper legant, & libris illis naturalibus, qui in Concilio provinciali ex certa causa prohibiti fuere Parisius, non utantur, quousque examinati fuerint, & ab omni errorum suspitione purgati. Rursus ante aliquot annos opinio Nicolai Copernici de motu terræ à Galilæo renovata & illustrata, Roma damnata est à Pontifice & Inquisitoribus. Sed sententia damnationis ad Magistros Parisienses non est adhuc transmissa.

Ex his igitur omnibus scrupulosa quæstio hæc oritur. Utrum condemnationis Galilæi decretum ad philosophia Professores in Parisiensi Studio nondum directum Professores eosdem magis obliget, quàm sententia supradicti Concilii & Bulla Pontificis Gregorii IX. ad professores eosdem transmissa.

Responsioni penitus se submittent, ii præsertim, qui sententiam Copernici aut Galilæi recitando magis, quàm asserendo tradiderunt. Præterea responsio erit utilis vel ad temperandum eorum studium, qui Aristotelem nimis avidè legunt, vel ad pacificandam illorum conscientiam, qui fortassis eundem Philosophum nonnisi meticolose docent, persuasi nondum esse satisfactum Pontificiæ jussioni. Scilicet, quos Aristoteles de Physico auditu libros maximè composuit, hi nec examinati sunt, nec ab omni errorum suspitione purgati. Parisiis ista typis mandari curavi anno MDCXXXVI.

Nunc ut jam notavimus, soluta est ab Alexandro VII. & Inquisitoribus Romanis illa quæstio, quam tunc temporis proposueram. Hinc remota difficultate omni & tergiversatione qualibet, in conscientia obligat Gregorii IX. decretum, quo Pontifex provincialis Concilii sententiam moderatus prohibuit, ne damnati ab eo Concilio

Concilio Aristotelis Commentarii legerentur, quousque examinati essent, & ab omni errorum suspitione purgati.

Prohibitorium Concilii & Pontificis decretum illud confirmatur testimoniis Bellarmini & Magistrorum aliorum Curiae placitis addictorum, qui docent Concilia particularia à Pontifice comprobata errare non posse.

<sup>4</sup> Hæc paucis accipe.

I. Melchior Canus in libri v. de locis capite iv.

Quinta conclusio: Concilium provinciale Summi Pontificis auctoritate firmatum in fide nequit errare.

II. Bellarminus in libri ii. de Concil. auct. capite v. Altera propositio: Concilia particularia à Summo Pontifice confirmata in fide & moribus errare non possunt.

III. Dominicus Bannes in brevioribus in secundam secundæ quæst. i. art. x. Commentariis. dub. iii. Sit jam secunda conclusio: Concilium provinciale auctoritate Pontificis Summi confirmatum errare non potest in definiendis rebus fidei.

IV. Gregorius Valentia in Analyti Catholice fidei lib. viii. cap. vii. assert. ii. Accedente Romani Pontificis confirmatione quodvis Concilium (generale vel provinciale) est infallibile.

V. Gabriel Vagues in disp. ccxlix. capite ii. Quamvis negare non possimus Concilia provincialia ante Pontificis confirmationem errare posse, tamen ut id de aliquo affirmare sine temeritate possimus, firmioribus tamen debemus fundamentis, quam Turrianus. Sic post Romani Pontificis confirmationem provincialia Concilia errare nequeunt.

VI. Thomas Stapletonus de mediis Ecclesiastici iudicii Controversi. iii. lib. vii. capite x. Tertium adhuc magisque infallibile hoc Synodorum medium est in iudicio, sive provinciales sint, sive etiam generales Synodi, cum à Romano Pontifice sancti Petri successore confirmata ille fuerint.

VII. Christophorus Gillius in lib. i. tract. vii. de locis cap. ix. num. vi. Si verò Concilia (generalia vel particularia) sint à Summo Pontifice approbata, infallibilem habent auctoritatem.

<sup>5</sup> Hic ergo manifesta sunt tria. Primum, quod Gregorius XI. latum à provinciali Concilio adversus certos quosdam Aristotelis libros iudicium confirmavit, & ita nihilominus confirmando temperavit, ut non ante libros illos legendos esse statuerit, quam examinati fuerint & ab omni non errore solum, sed etiam ab omni erroris suspitione purgati.

Deinde, quod addicti Curiae placitis Theologi confirmatum & temperatum à Gregorio IX. provincialis Concilii iudicium in auctoritatem summam admittunt, ita ut illi falsum subesse nequeat.

Adhæc non dubito quin Gregorius suum diploma cum ponderis sit maximi, secundum veterem Romanæ Ecclesiæ traditionem ediderit. Consulto nimirum Cle- ro, de cuius auctoritate Cyprianus ita loquitur in Epistola lv. ad Cornelium Papam: *Et quanquam sciam, frater charissime, pro mutua dilectione, quam debemus, & exhibemus invicem nobis, FLORENTISSIMO ILLIC CLERO TECUM PRÆSENTI, & sanctissima atque amplissima plebi, legere te semper literas nostras: Tamen, &c. Præsidentem cum Cornelio Clerum dicit, nec contradicit Cornelius, qui derivatam ab initio traditi-*

onem noverat. Consultis nimirum iis, quorum Felix III. in Epistola iv. ad Petrum Fullonem Antiochenum Episcopum sic meminit: *Firma sit hæc tua depositio, à me & ab his, QUI UNA MECUM APOSTOLICUM THRONUM REGUNT.*

Joannes VIII. traditionem hanc semel atque iterum appellat & exequitur: Semel quidem in Epistola clxix. ad Gregorium Primicerium: *Atque ipsius Legationis textum & ordinem cognoscentes UNA CUM SEDIS APOST. NOBIS COMMISSÆ ASSENSU, quantum fas est pro Ecclesiæ Dei pace Imperiali voluntati favere omnino studebimus. Iterum in Epistola ccxxv. ad Petrum Episcopum & alios: Omni sacra communione, &c. VOS UNA CUM TOTIUS APOSTOLICÆ SEDIS CONSENSU privavimus, & ab Ecclesiæ Dei societate separavimus.*

Gregorius VII. in libri iv. epistola xxiii. ad Bernardum S.R.E. diaconum, & Bernardum Massiliensem Abbatem: *Scitis quia NOSTRI OFFICII ET APOSTOLICÆ SEDIS EST PROVIDENTIÆ maiora Ecclesiarum negotia discutere.*

Mittamus ceteros, Gregorius XI. ipse rem suam & nostram absolvit in tit. iv. de Conluet. cap. v. *Nos igitur, ait, cognito quod ex tali consuetudine si quæ foret, disrumperetur nervus Ecclesiastica disciplina, ipsam DE CONSENSU FRATRUM NOSTRORUM duximus irritandam. Quare etiam si solus sit Gregorius, qui ad Parisienses magistros scribat, non suam tamen solius sententiam scribit, ut olim Julius I. de se locutus Orientales monebat.*

Denique, quod Alexandri VII. & Romanæ Inquisitionis decreto percellitur assertio hæc: *Libri prohibiti donec expurgentur, possunt retineri, usque dum adhibita diligentia corrigantur.*

Reliquum est modò ut ad nos perscribas, num decretum hoc circa damnatos & nondum correctos Aristotelis libros Romæ servetur, nec-ne. Si servatur, id sit omnino, quod faciendum esse & convenientissima ratio & loci dignitas exposcunt. Si verò non servatur, Alexandri VII. & Romanæ Inquisitionis decretum in contemptionem ultimam adducitur: Idque quo in loco religiose coli, & ut fufum divinitus oraculum haberi debet. Exempli res esset pessimi, quod Deus Opt. Max. avertat. Nam si quæ Romæ decreta conduntur, Romæ neutiquam custodiuntur, quo jure illorum alibi exigetur custodia? Quo jure contemptores punientur? Et fanè Gregorii XI. decretum est istiusmodi, ut vix dari possit ullum, quod ratione majori nitatur. Cur Almaricus tam spurcè & tam impiè docuerat, in causa fuerat Aristoteles. Caritati virtutum omnium nobilissimæ adscribebat, quod divinarum & humanarum legum violationi adscribendum erat. In libro, quem de varia Aristotelis fortuna inscripsimus, universi ferè Patres ostendunt, quantum mali Philosophia illius Christianis dogmatibus importaverit, & importare possit. Hæc nosti tu, quem in exquirendo disciplinarum genere omni bellè curiosum esse scio. Sed interim utrum relatum Alexandri VII. & Romanæ Inquisitionis decretum Romæ servetur in gymnasiis, certiores non facias. Hoc non ignorari à nobis, quanti referat, facilè intelligis. Benè vale. Lutetiæ Parisiorum Nonis Maii ann. MDC LXVI.



# Joannes Launoius,

## EIDEM

# ANDREÆ BERRUERIO.

Roman.

**E**XEUNTE Aprili Regulares Clerici cognomento Theatini, in ædibus, ut vocant, Beatae Annae Regiae Scholasticum celebrarunt actum, cui titulus erat, *Theologia Universae assertiones selectae*. Ex programme hoc nostra Theologiae Facultas offensionem excepit, & in comitiis, quae Calendis Maii habuit, selegit magistros, qui assertiones examinarent, & de iis ad Facultatem tempore suo referrent. Programmatum totius specimen capies ex assertionibus quinque, quas tibi subjectum imus.

### De DEO TRINO.

#### ASSERT. XIII.

*Ad generandum Verbum divinum absolute, sufficiens est qualibet cognitio in Patre. Unde si per impossibile cognosceret tantum unum objectum, puta lilium, adhuc intelligeretur produciens Verbum divinum. Sicut etiamsi per impossibile Pater & Filius amarent solum unum objectum, puta rosam, adhuc intelligerentur spirantes Spiritum sanctum.*

### De DEO INCARNATO.

#### ASSERT. III.

*Potuisset Verbum divinum assumere quamlibet naturam substantialem etiam inanimatam, sive corruptibilem, sive incorruptibilem. Si autem de facto naturam inanimatam corruptibilem assumpsisset, talis natura ex vi unionis incorruptibilis evasisset. Unde si assumpsisset naturam ligni, v. g. hoc sine Dei dispensatione comburi ab igne non potuisset.*

### De DEO SACRAMENTATO.

#### ASSERT. XV.

*Christo non existente per potestatem sacerdotalem praesentem non posset fieri consecratio, nec corporis, nec sanguinis Christi: Posset fieri tamen per aliam potestatem sacerdotalem possibilem.*

### De HOMINIBUS.

#### ASSERT. V.

*Transcundo ab actibus bonis ad malos & peccaminosos assero posse dari peccatum aliquod, quod à Deo nequaquam remitti possit, & è contra peccatum talis naturae, ut essentialiter remitti petat. Unde primum evadet absolute irremissibile, sicut & alterum necessario remittendum.*

### De ANGELIS.

#### ASSERT. XV.

*Pœna demonum pene ineffabilis, torquet eos ignis. Sed quomodo, torquet ingenia. Sunt qui putant difficul-*

*tatem solvere, eos ad ignem alligando. Qui exprimere per qualitatem in ipsis ab igne impressam, & qui falsam demonum apprehensionem, veram putant illorum penam. Melius ergo sentimus, dicendo dictam penam oriri ex eo quod per unionem hypostaticam Diabolus factus sit ignis, & ignis Diabolus.*

Assertiones hæc sunt quinque, quæ tibi reliquarum specimen illustre non possunt non præbere. Verum ad me quod attinet, in programmatum totius assertiones singulas non inquirō, & inquirere negotiosum mihi esset otium. At præ me tamen fero, programma generatim & per averfionem acceptum, seu Universæ Theologiæ assertiones selectas magnam partem defendi non posse. Hoc autem cur præ me feram, docebunt te rationes, quæ sequuntur.

I. Hæc exponendæ in plerisque assertionibus selectis Theologiæ methodus planè repugnat Gregorii Papæ IX. decreto, quod in epist. ad Parisienses magistros ita sancitur: *Magistri verò & Scholares Theologia in Facultate, quam profitemur, se studeant laudabiliter exercere, nec philosophos se ostendent, sed satagent fieri Theodidacti, nec loquantur in lingua populi linguam Hebraeam cum azotica confundentes: Sed de illis tantum in Scholis questionibus disputent, quæ per libros Theologicos & sanctorum Patrum tractatus valeant terminari. Et quibusdam interpositis: Nulli ergo hominum liceat hanc paginam nostre provisionis, constitutionis, concessionis, prohibitionis & inhibitionis infringere, vel ei ausu temerario contraire. Siquis autem hoc attentare presumpserit, indignationem omnipotentis Dei, & beatorum Petri & Pauli Apostolorum ejus se noverit incursurum. Datum Laterani Pontificatus nostri anno v. mense Aprili.* Epistolam seu diploma pene totum describo in libri de varia Aristotelis fortuna cap. vi. Gregorius Theologorum librorum nomine scripturas sacras intelligit, quibus ut decet sanctorum Patrum tractatus postponit. Quinetiam antiqui Patres præcipua religionis mysteria, & cum primis, Christi Domini Incarnationem appellabant Theologiam. At verò certum est, assertiones esse paucas, quæ scripturis sacris & sanctorum Patrum tractatibus terminari valeant. In exemplum fumantur relatæ supra assertiones quinque, quarum nec vola nec vestigium in scripturis sacris, vel apud sanctos Patres. Itaque dubium nullum est, quin agnostheta, vel is, qui assertiones composuit, Gregorii IX. decretum in plerisque violaverit: An autem ob id Petri & Pauli indignationem, quam Pontifex inobsequentibus denuntiat, incurrerit, affirmare non audeo. Ipse apud Deum ferio viderit. Quidquid id est, quò magis ac magis facinus tam audax considero, eò magis pro assertionum auctore timendum esse arbitror.

II. Hæc exponendæ in plerisque assertionibus selectis Theologiæ methodus, Christianæ Theologiæ proposito, fini, & scopo penitus repugnat. Christianæ Theologiæ propositum, finis, & scopus est primum fidem munire, & conservare adversus emergentes hæreses, & intra ovilis Domini caulas Christi oves continere: Quæ de re sic Augustinus in Epistola lvi. ad Dioscorum: Porro illi, qui cum in unitate & communione Catholica non sint, Christiano tamen nomine gloriamur, coguntur

coguntur adversari credentibus, & audent imperitos quasi ratione traducere, quando maximè cum ista medicina Dominus venerit, ut fidem populis imperaret. Sed hoc facere coguntur, ut dixi, quia jacere se abjectissimè sentiunt, si eorum auctoritas cum auctoritate Catholica conferatur. Conantur ergo auctoritatem stabilissimam fundatissima Ecclesia, quasi rationis nomine & pollicitatione superare. Omnium enim hæreticorum quasi regularis est ista temeritas. Sed ille fidei imperator clementissimus, & per convectus celeberrimos populorum atque gentium, sedesque ipsas Apostolorum arce auctoritatis munivit Ecclesiam, & per pauciores pie doctos & verè spirituales viros copiosissimis apparatus etiam invictissima rationis armavit. Verum illa rectissima disciplina est in arcem fidei quam maximè recipi iussumus, ut pro eis jam tutissimè positis fortissima ratione pugnaretur.

Huc pertinet Vincentius Lirinensis in Commonitorio primi capite 1. Sape igitur, ait, magno consilio & summa attentione perquirens à quamplurimis sanctitate, & doctrina præstantibus viris, quonam modo possim certa quadam & quasi generali ac regulari via Catholica fidei veritatem ab heretica pravitate falsitate discernere: Huiusmodi semper responsum ab omnibus fere retuli. Quod si ego, si quis alius veller exurgentium hæreticorum fraudes deprehendere, laqueosque vitare, & in fide sana sanus atque integer permanere, duplici modo munire fidem suam, Domino adiuvante, deberet: Primo scilicet divina legis auctoritate: Tum deinde Ecclesia Catholica traditione.

Deinde Christianæ Theologiæ propositum, finis, & scopus est, fidem verbi toto orbe disseminare, ac diffundere, non quòd ipsa hoc per se sola efficiat, sed tanquam divinæ gratiæ administra. Nam quamvis fides sit donum Dei, tamen quomodo gentes credent eis, cum non audierunt, quomodo audient sine prædicante? Prædicationem credituris necessariam esse Paulus affirmat ad Romanos x. Quare nullus est sine sacra doctrina, seu Christiana Theologia evangelii prædicator aptus, qui sciat parvulis lac potum præbere, non escam, qui adultis solidæ doctrinæ panem apponat. Sic ex proposito, fine, & scopo suo Theologia est verbi Dei administra, & prima divinæ sapientiæ ancilla, quæ gentes vocat ad arcem & domum, quam sibi in mundo æterna Dei sapientia extruxit; ad mensam, quam apposuit, ut comedant panem ejus, & bibant vinum, quod miscuit.

Postremo ad Christianæ Theologiæ propositum finem ac scopum attinet, ut ex illa certus quidam ornatus redundet in Ecclesiam. Hinc Daniel capite xii. dixit: Qui autem docti fuerint, fulgebunt, tanquam splendor firmamenti, & qui ad iustitiam erudiunt multos, quasi stellæ in perpetuas æternitates. Honorius Papa III. ad Theologos locum hunc accommodat in Cap. super specula. de magistris: Ad Theologica professionis studium aliqui destinentur, qui cum docti fuerint, in Dei Ecclesia velut splendor fulgeant firmamenti: Ex quibus postmodum copia possit haberi doctorum, qui velut stellæ in perpetuas æternitates mansuri ad iustitiam valeant plurimos erudire. Honorio Tertullianus præverat, qui in Apologetici capite v. Danielis verba flectit ad Christianam Theologiam. Allegatur & illud Ecclesiastici cap. xxiv. Qui elucidant me, vitam æternam habebunt. Quod igitur splendor firmamento, quod stellæ cælo, hoc veri nominis Theologi sunt Ecclesiæ, quæ illorum sapientiâ ut clarissima luce collucet. At ex relatis assertionibus quinque, insigni specimine luculenter apparet, tradendæ in plerisque assertionibus selectis methodum Christianæ Theologiæ proposito, fini, & scopo penitus adversari; tantum abest, ut ad Christianæ Theologiæ propositum, finem, & scopum impetu toto feratur. Quodnam quæso dogma fidei munitur & defenditur vel assertionem xii. quæ est de Deo Trino? vel assertionem iii. quæ est de Deo Incarnato? vel assertionem xv. quæ est de sacramentato? vel assertionem v. quæ est de hominibus? vel assertionem xv. quæ est de Angelis? Vel tandem plerisque aliis assertionibus, quæ in programme de-

scribuntur? Quænam est quæso Christi. Religionis institutio & notio, ad quam hominum animis consignandam assertiones illæ valere possint? Tum demum quis est splendor, quis ornatus, quem importent Ecclesiæ? Sed fallor ego, dum ista quæro in assertionibus, quæ à Christianæ Theologiæ proposito, fine & scopo in tantum aberrant, in quantum aberrare possunt.

III. Hæc exponendæ in plerisque assertionibus Theologiæ methodus iis, qui seorsum à Catholicis per religionem sentiunt, deridendam Theologiam propinat, utpote quæ circa vanas atque inutiles quæstiones curiosè versetur, & sine ullo pietatis, ac sapientiæ fructu vexet & torqueat sui studiosos, semper discentes, & nunquam ad doctrinam veritatis pervenientes, hærentes in cortice verborum, in disputationum contentione atque æmulatione, quæ medullam ipsam veritatis attingit nunquam; quæ res alioquin obscuras ac difficiles dialecticis technis, atque integumentis fallacibus involvit, quæ ipsam interdum veritatem in aperto loco positam labyrinthis anfractibus includit. Lutherus, Calvinus, Melancthon de Scholastica Theologia sic ferè loquuntur, & eam non modò ut inutilem sed etiam ut perniciosam de medio tollendam esse pugnant. Factiosi & insinceri homines peccarunt in eo maximè, quòd paucorum quæstiones plerisque assertionibus similes docentium culpam in universam Theologiam; vitium artificum in artem transtulerint.

Fuere tunc Theologi graves & sinceri, Parisienses & alii, qui non dissimulata nonnullorum perperam docentium culpa calamum adversus Lutherum, Calvinum, & Melancthonem strinxerunt, & Theologiam ut studium Ecclesiæ non utile tantum, sed etiam necessarium retinendum esse scripserunt. Id in nostro de varia Aristotelis fortuna libro legere poteris. Sed, me vide, illorum labor omnis periit, si pleræque assertiones, de quibus agitur, censoriam notam effugiant, si tradendæ hocce modo Theologiæ methodus intacta relinquatur. Catholicorum Theologorum partem deferemus, & hac in re Sectariorum parti consensu tacito adhærebimus. Hic prætermitti non debet, Sectarios Theologiam, quam exagitarunt, per irrisionem ita deformasse. Scholastica Theologia est ea, quæ à Parisiensium Sorbona mixtione quadam ex divinis eloquiis, & Philosophicis rationibus, tanquam ex Centaurorum genere biformis disciplina constata est. At præ me fero, relatas assertiones quinque, & plures alias sic esse compositas, ut illa definitio ne quidem illis conveniat. In earum enim probationem scriptura nulla, sed philosophicæ rationes duntaxat infumuntur, atque ita per intolerabilem abusum Theologiæ assertiones nuncupantur.

Parisienses Theologi confectæ à Sectariis definitioni definitionem veram opponendam esse consueverunt: Hanc utique: Scholastica Theologia est Divinarum Scripturarum notitia, recepto, quem Ecclesia approbat, sensu, non spreto orthodoxorum Doctorum interpretationibus & censuris, ac interdum aliarum disciplinarum non contempto suffragio. Hæc lex est, hæc norma, hæc præscriptio, à qua qui ubi ubi, & apud nos præsertim deficit, in exemplum & auctoritatem statui nec debet nec potest. Exemplis non est iudicandum, sed legibus. L. nemo. C. de sentent. & interlocut. om. iud. & mala exempla non sunt sequenda. L. i. in princip. ad Maced. & mala sunt sine dubio exempla, in quibus ab regulis deflectitur: Et hæc tolerantur solum, cum amplius corrigi non possunt.

Ad institutum nostrum accurrit Vincentius Lirinensis, & in Commonitorio i. capite xi. ita succurrit: Quis tam sacrilegus, qui Donatistas & ceteras pestes, quæ illius auctoritate Concilii (à Cypriano habiti) rebaptizare se jactitant, in sempiternum neget arsuros esse cum Diabolo? Quod quidem mihi divinitus videtur promulgatum esse iudicium, propter eorum maximè fraudulentiam, qui cum sub alieno nomine hæresim concinnare machinentur, captant plerumque veteris cuiuspiam viri scripta, paulò involutius edita, qua pro ipsa sui obscuritate dogmati suo



quasi congruant: Ut illud nescio quid quodcumque profecerunt, neque primi, neque soli sentire videantur. Quorum ego nequitiam duplici odio dignum judico: Vel eò, quod hærescos venenum propinare aliis non pertimescunt: Vel eò etiam quòd sancti cujusque viri memoriam tanquam sopitos jam cineres, profana manu ventilant, & qua silentio sepeliri oportebat, rediviva opinione diffamant, sequentes omnino vestigia auctoris sui Cham, qui nuditatem venerandi Noë non modò operire neglexit, verùm quoque irridendam cateris enuntiavit. Unde tantam læsa pietatis meruit offensam, ut etiam posteri ipsius, peccati sui maledictis obligarentur: beatis illis fratribus, longèque dissimilibus, qui nuditatem ipsam reverendi patris neque suis temerare oculis, neque alienis patere voluerunt: Sed aversi, ut scribitur, texerunt eum: Quod est, erratum sancti viri nec adprobasse nec prodidisse: Atque idcirco beata in posteros benedictione donati sunt. Hæc est nervosa quædam oratio, qua (si quid capio) ad moram & tergiversationem quancumque aditus omnis intercluditur. Ponderibus suis libranda est veritas, & vitanda in dextram, vel in sinistram declinatio.

IV. In relatis assertionibus quinque contra beati Pauli præceptum hoc, *Profanas vocum novitates devota, gravissimè peccatur*. In iis enim voces sunt multæ, quas antiqui Patres de Verbi Divini generatione & incarnatione tractantes usu suo nunquam consecrarunt. Quas illorum successores sacrorum mysteriorum majestatem, & altitudinem reveriti, in Ecclesiam non induxerunt. Hypotheses sunt multæ omnium auribus & animis absonæ, quas Philosophorum schola recentissimè peperit, & in Theologorum scholam invexit præciter: Ita ut assertionum fabricator peregrinis, profanis, liberis vocibus atque hypothesebus utatur, nec pertimescit ullo modo, quod beatus Augustinus pertimescendum omnino esse scribit in libri x. de Civitate Dei capite xxiii. cum Porphyrium, Plotinum, & Philosophos alios redarguit: *Liberis, inquit, verbis loquuntur philosophi, nec in rebus ad intelligendum difficillimis offensionem religiosorum aurium pertimescunt. Nobis autem (Christianis Theologis) ad certam regulam loqui fas est, ne verborum licentia etiam de rebus, quæ his significantur, impiam gignat opinionem*. Quapropter novarum vocum & hypotheseon architectus & machinator fingendi quod finxit, licentiam arripuit potius ex Valentino & hujus discipulis, quàm ex Irenæo & Tertulliano, qui impia illorum de Aeonibus & Aeonum pleromate commenta profigarunt. Observatione dignum est initium libri, quem Tertullianus contra Valentinianos composuit, *Valentiniani frequentissimum planè Collegium inter hæreticos, quia plurimum ex apostatis veritatis, & ad fabulas facile est, & disciplina non terretur*. Dum habebatur disputatio, qui disputationi præerat, disciplina nulla terrebat. Fuit unus, qui ratiocinando assertionem hypotheticam examinare voluit, sed præses ille occupando dixit: Si admittis hypotheseim, bene est, si rejicis, *Bacio le mani a vostra Signoria*: Non Latino sed Italico sale perfudit assertionem, quæ jam scætebat,

*Serâque exhalabat, opaca mephitim:*

Non Latino sale, ut dixi, quia Latinus sermo nihil habet, quo locutionis hujus vis & notio exprimitur. Fuit alter, qui nubem Patrum opposuit, sed eam in Sanctorum Litaniam faciet convertit, & subridens exclamavit, *Orate pro nobis*.

De remittendo vel non remittendo certo peccati genere, ut ponitur, assertio lectores suos novitate perturbat, offensionem parit, errorem objicit: Sed ne cernatur id, quod verba præ se ferunt & sonant, ab assertore futilium quarundam distinctiuncularum fucò illinitur, & tum demum omnia in miseras, & inanès argutias fatiscunt. Sine machinis & prestigiis occurrit pene nihil. Apparatus præbitum esse spectaculum affirmares, in quo nostra Theologia luderetur. Sed

*Quanam perversi rabies tam stulta cerebri!*  
Sic nimia bilis morbum assignavit Homerus  
Bellerophontæ sollicitudinibus.

Cum iis ita agendum est, qui sanctissimum beati Pauli præceptum contemnunt.

V. Cum ex Scriptura sacra præsidium quæsit, quo hypostaticam Diaboli cum igne unionem defenderet, in latam à Tridentino Concilio sessione iv. legem impetu toto incurrit. Lex ita se habet: *Ad coercenda petulantia ingenia decernit (S. Synodus) ut nemo sua prudentia innixus in rebus fidei & morum, ad adificationem doctrinæ Christianæ pertinentium, sacram Scripturam ad suos usus contorquens contra eum sensum, quem tenuit & tenet sancta mater Ecclesia, cujus est judicare de vero sensu & interpretatione scripturarum sanctarum, aut etiam contra unanimum consensum Patrum ipsam Scripturam sacram interpretari audeat, etiamsi hujusmodi interpretationes nullo unquam tempore in lucem edenda forent. Qui contravenerint, per ordinarios declarentur, & pœnis à jure statutis puniantur*.

Assertionum defensor in medium adduxit Psalmi cxxxix. versum hunc: *Cadent super eos carbones, & in ignem dejicies eos, & in miseris non subsistent*, quo suum de hypostatica unionem Diaboli cum igne lemma stabiliret. Et hoc ipsum est, in Tridentinæ Synodi legem impingere, aut certè impingeretur nunquam. Homo enim suæ prudentiæ innixus Scripturæ sacræ locum contorquet ad eum sensum, quem nec tenuit nec tenet sancta mater Ecclesia, quem Patrum nullus, Theologorum nullus, interpretum nullus celebravit. Sic audax est facinus, quod pœnis à jure statutis castigatum oporteret. Nam hæresim ex Scriptura perperam intellecta nasci, Patres antiquissimi tradiderunt.

Irenæus in libri i. adversus hæreses præfatione: *Interpretatores mali eorum, quæ bene dicta sunt, effecti, & multos evertunt attrahentes eos sub occasione agnitionis ab eo, qui hanc universitatem constituit*.

Tertullianus in libri de præscriptione hæreticorum capite xxxix. *Nec periclitor dicere ipsas quoque Scripturas sic esse ex Dei voluntate dispositas, ut hæreticis materiis subministrarent, cum legam, Oportet hæreses esse, quæ sine Scripturis esse non possunt. Sequitur: A quo intellectus interpretetur eorum, quæ ad hæreses faciunt? A Diabolo scilicet, cujus sunt partes intervertendi veritatem*.

Origenes in libri i. de Principiis capite ii. *Horum, inquit, omnium falsa intelligentia causa his, de quibus supra diximus, non alia extitit, nisi quòd sancta Scriptura ab his non secundum spirituales sensum, sed secundum literæ sonum intelligitur*.

Hilarius in libro ii. de Trinitate: *De intelligentia hæresis, non de Scriptura est, & sensus, non sermo, fit crimen*.

Hieronymus in Dialogo contra Luciferianos: *Nunquam igitur nos terreant, aut sibi blandiantur, si de Scripturarum capitulis sibi videntur affirmare, quòd dicunt: Cum & Diabolus de Scriptura aliqua sit locutus, & Scriptura non in legendo consistant, sed in intelligendo*.

Augustinus in tractatu xviii. super Evangelium Joannis: *Neque enim nata sunt hæreses, & quadam dogmata perversitatis illaqueantia animas, & in profundum precipitantia, nisi dum Scriptura bona intelliguntur non bene; & quòd in eis non bene intelligitur, etiam temere & audacter assertur*.

Vigilius Afer in libro i. contra Eutychem: *Origine cunctarum impietatum hac est, dum celestium dictorum virtus, vitio mala intelligentiæ temerata, non secundum qualitatem sui sensus perpenditur sed in alias res pro arbitrio legemur, secus quàm rei ratio postulat, derivatur*.

Isidorus Hispalensis in libri viii. Originum capite v. *Quicumque aliter Scripturam sacram intelligit, quàm sensus Spiritus Sancti flagitat, à quo conscripta est, licet de Ecclesia non recesserit, tamen hæreticus potest appellari*.

Epipha-

15 Epiphanius Diaconus in Synodi VII. actione VI. Cum aliqui recta secundum quod sibi videtur, dogmata conantur pervertere, nemo miretur, si Scriptura verbis mutantur. Nam & omnes hæresiarcho de divinitus inspirata Scriptura erroris sui colligunt occasiones, quæ per Spiritum Sanctum recte dicta sunt, malignis sensibus adulterantes.

Hæc & id genus alia cum Tridentini Patres perspicerent, decreverunt quod ab iis decretum retulimus.

Porro hæc est ἀντιπρόσωπον sermonis nostri summa. In prima ratione proponitur constituta à Gregorio IX. docendæ Theologiæ lex, quæ infringitur. Ex ea lege censui adhibendam esse rationem, quæ mutari non potest, quia melius nihil est, in quod mutetur, & aliunde vetatur omnis in pejus mutatio.

In secunda prodit se docendæ Theologiæ finis & scopus, à quo mirum quantum defleat, & sublato sine Theologiæ, Theologia non est, quæ docetur, sed Theologiæ corruptio.

In tertia commemoratis, quæ hinc Lutherus, Calvinus, & Melancthon scholasticæ Theologiæ opponunt, & quæ inde Parisienses, & alii Theologi respondent, manifestum redditur, selectarum assertionum Patronum objectioni vim & robur addere, responsioni vero vim & robur detrahere. Quæ est linea ultima imprudentiæ. Hoc enim pacto assertionum Patronus noster non est, qui noster esse deberet, sed adversariorum.

In quarta continetur Apostolici præcepti violatio, quæ errores & hæreses semper importavit Ecclesiæ, nec importare cessabit unquam, nisi statim comprimat. Et si quis consuetudinem objicit, is non nisi

pravissimam consuetudinis regulam objiciet, & seipsum condemnabit.

In quinta Tridentinum Concilium anathema iis denuntiat, qui Scripturis sacris abutuntur, & earum testimonia ad sensus receptæ Patrum traditioni contrarios, novos & peregrinos confidentissimè detorquent. Quæ res à SS. Patribus origo hæresum omnium censetur.

Ad defensorem assertionum quod attinet, hic stat mole gravitatis suæ, & securitate mira gaudet: ἐνδουλεύσας ut sibi propriam vindicat. De magnitudine & pompa urbis æternæ, in qua docuit olim, & idem ad disputandum proposuit, de auctoritate summa præsidium loci, quos Soles appellat, de accurata circumspeditione audientium, de publicorum Censorum dignitate, de omnium silentio approbationis indice adversus reprehenses suos præscribit. Sed universis injuriam facit, quanta fieri potest maxima. Hanc stupefactus intueor, exhorresco, nec explico latius. Quasi verò adversus ea, quæ in rationibus quinque non tam argumentatus sum, quam recensui, præscripserit, si tamen vir sanæ mentis & legum peritus præscribi posse judicet.

Cæterum quid inspecto selectarum assertionum specimine, & expensis rationibus nostris de re tota sentient eruditi homines, quibus uteris familiariter, rescripturum te mihi spero. Quæ fata erunt Epistolæ, hæc more tuo, id est, simpliciter & candidè renuntiabis. Interim quaecunque interpono iudicium, habes in antecessum. De his verò, quæ Theologiæ Facultas mater & emendatrix nostra judicaverit, te faciam mense proximo certior. Bene vale. Lutetiæ Paris. Idibus Maiis ann. MDCLXVI.

# Joannes Launoïus

## FELICI PHELIPPÆO BROSSÆ

### Parisiensi Theologo.

1 Q UOD de Augustino jam observavimus, petis ut id de Hieronymo nunc observemus. Affirmas, & ego scio nonnullos esse, qui cum intus sibi canunt, certa quædam Hieronymi verba in sensum alienum detorquent. Hæc repetunt ex Epistola ad Damasum quinquagesima septima, quæ sic se habet: Quoniam vetusto Oriens inter se populorum furore collisus indiscissam Domini tunicam, & desuper textam minutatim per frustra discerpit, & Christi vineam exterminant vulpes, ut inter lacus contritos, qui aquam non habent, difficile, ubi fons signatus, & hortus ille conclusus sit, possit intelligi: Ideo mihi cathedram Petri & fidem Apostolico ore laudatam censui consulendam: Inde nunc mea anima postulans cibum, unde olim Christi vestimenta suscepi. Neque verò tanta vastitas elementi liquentis, & interjacens longitudo terrarum, me à pretiosa margarita potuit inquisitione prohibere. Ubique fuerit corpus, illuc congregamur aequile. Prostrato à sobole mala patrimonio, apud vos solos incorrupta Patrum servatur hæreditas, ibi cespit terra facundo, Dominici seminis puritatem centeno fructu refert. Hic obruta sulcis frumenta in lolium avenasque degenerant. Nunc in Occidente Sol iustitiæ oritur: In Oriente autem Lucifer ille, qui ceciderat, supra sidera posuit

thronum suum. Vos estis lux mundi, vos sal terra, vos aurea vasa & argentea; hic testacea vasa vel lignea, virgam ferream, & æternum operiuntur incendium. Quamquam igitur tui me terreat magnitudo, invitat tamen humanitas. A Sacerdote victimam salutis, à Pastore præsidium ovium flagito. Faceat invidia. Romani culminis recedat ambitio: Cum successore piscatoris & discipulo crucis loquor. EGO NULLUM PRIMUM NISI CHRISTUM SEQUENS, BEATITUDINI TUÆ, ID EST, CATHEDRÆ PETRI COMMUNIONE CONSOCIOR, SUPER ILLAM PETRAM ÆDIFICATAM ECCLESIAM SCIO. Quicumque extra hanc domum agnum comederit, profanus est. Si quis in arca Noë non fuerit, peribit regnante diluvio. Et quia pro meis facinoribus ad eam solitudinem commigravi, quæ Syriam juncto Barbaria sine determinat: Nec possum sanctum Domini tot interjacentibus spatiis à sanctimonia tua semper expetere: IDEO HIC COLLEGAS TUOS ÆGYPTIOS CONFESSORES SEQUOR, & sub onerariis navibus parva navicula delitesco. Non novi Vitalem, Meletium respicio, ignoro Paulinum. Quicumque tecum non colligit, spargit, hoc est, qui Christi non est, Antichristi est. Nunc igitur pro dolor, post Nicanam fidem, post Alexandrinum juncto pariter Occidente decretum, trinum hypostaseon ab Arianorum præfule



præsule & Campensibus, novellum à me homine Romano nomen exigitur. Qui quæso ista Apostoli prodidere? Quis novus magister gentium Paulus hæc docuit? Interrogemus quid tres hypostases posse arbitrentur intelligi? Tres personas subsistentes aiunt. Respondemus nos ita credere. Non sufficit sensus, ipsum nomen efflagitant, quia nescio quid veneni in syllabis latet. Clamamus, si quis tres hypostases, aut iria enypostata, hoc est, tres subsistentes personas non constituitur, anathema sit. Et quia vocabula non ediscimus, hæretici judicamur. Siquis autem hypostasim usiam intelligens, non tribus personis unam hypostasim dicit, alienus à Christo est, & sub hac confessione vobiscum pariter canterio unionis inurimur. **DISCERNITE SI PLACET OBSECO, NON TIMEBO TRES HYPOSTASES DICERE, SI JUBETIS:** Condaturo nova post Nicanam fides, & similibus verbis, cum Ariani consiteamur orthodoxi. Tota secularium literarum schola, nihil aliud hypostasim, nisi usiam novit. Et quis rogo ore sacrilego tres substantias predicabit? Una est Dei & sola natura, quæ verè est. Id enim quod subsistit, non habet aliunde, sed suum est. Cætera, quæ creata sunt, etiamsi videntur esse, non sunt, quia aliquando non fuerunt. Et potest rursum non esse, quod non fuit. Deus solus, qui æternus est, hoc est, qui exordium non habet, essentia nomen verè tenet. Idcirco & ad Moysen de rubo loquitur: Ego sum qui sum. Et rursum: Qui est, me misit. Erant utique tunc Angeli, cælum, terra, maria: Et quomodo commune nomen essentia propriè sibi vindicat Deus? Sed quia ille sola natura est perfectæ, & in tribus personis Deitas una subsistit, quæ est verè, & una natura est, quisquis tria esse, hoc est, tres esse hypostases, id est, usias dicit, sub nomine pietatis, tres naturas conatur asserere. Et si ita est, cur ab Ario parietibus separamur perfidia copulati? Jungatur, cum beatitudine tua Ursicinus, cum Ambrosio societur Auxentius. Absit hoc à Romana fide sacrilegium tantum: Religiosa populorum corda non hauriant.

4 Sufficiat nobis dicere unam substantiam, tres personas subsistentes, perfectas, æquales, coeternas. Taceantur tres hypostases, si placet, & una teneatur. Non bonæ suspicionis est, cum in eodem sensu verba dissentiunt. Sufficiat nobis memorata credulitas. Aut si rectum putatis tres hypostases cum suis interpretationibus debere nos dicere, non negamus. Sed mihi credite, venenum sub melle latet. Transfiguravit se Angelus satanæ in Angelum lucis. Bene interpretantur hypostasim, & cum id quod ipsi exponunt, habere me dicam, hæreticus judicor. Quid tam anxie unum verbum tenent? Quid sub ambiguo sermone latitant? Si sic credunt, Ut interpretantur, non damno quod retinent. Si sic credo, ut ipsi sentire se simulant, Permittant & mihi meis verbis suum sensum loqui. Quamobrem obtestor beatitudinem tuam per crucifixum, mundi salutem, per hominison Trinitatem, ut mihi Epistolis tuis sive tacendarum, sive dicendarum hypostasicon detur auctoritas. Et ne forte obscuritas loci, in quo dego, te fallat, per bajulos literarum ad Evagrium presbyterum, quem optimè nosti, dignare scripta transmutare, simul etiam cui apud Antiochiam debeam communicare significes, quia Campenses cum Tharsensibus hæreticis copulati nihil aliud ambiunt, quam ut auctoritate communionis vestræ fulti, tres hypostases cum antiquo sensu pradicent.

Hieronymus in hac Epistola cum suspectæ fidei apud Orientales habitus esset ob hypostasis nomen, ea super re Damasum Papam consulit, qui Hieronymo cum responderet nihil, Hieronymus iterum ad eundem Pontificem scribit hoc modo: Importuna in Evangelio mulier tandem meruit audiri, & clauso cum servis ostio, media licet nocte ab amico panes amicus accepit. Deus ipse qui nullis contra se viribus superari potest, publicani precibus vincitur. Nivæ civitas, quæ peccato periit, stertibus stetit. Quorsum ista tam longo repetita principio? Videlicet ut parvum magnus aspicias, ut dives Pastor morbidam non contemnas ovem. Christus in paradysum de Cruce latronem intulit. Et nequis aliquando seram conversionem putaret,

fecit homicidii poena martyrium. Christus, inquam, prodigum filium revertem latus amplectitur, & nonaginta novem pecudibus derelictis una ovicula, quæ remanserat, humeris boni Pastoris advehitur. Paulus ex persecutore fit predicator, oculis carnalibus excacatur, ut mente plus videat: Et qui victos Christi famulos ducebat ad Concilium Judæorum, ipse postea etiam de Christi vinculis gloriatur. Ego igitur, ut amè jam scripsi, Christi vestem in Romana urbe suscipiens, nunc barbaro Syria limite teneor. Et ne putes alterius hæc de me fuisse sententiam, quid mererer, ipse constitui. Verum ut ait gentilis Poeta:

Cælum non animum mutat, qui trans mare currit. Ita me incessabilis inimicus post tergum secutus est, ut majora in solitudine bella nunc patiar. Hinc enim præsidis fulta mundi Ariana rabies fremit. Hinc in tres partes scissa Ecclesia ad se rapere me festinat. Monachorum circa mentium antiqua in me surgit auctoritas. **EGO INTERIM CLAMITO: SIQUIS CATHEDRÆ PETRI JUNGITUR MEUS EST.** Meletius, Vitalis, atque Paulinus tibi hæere se dicunt. Possem credere, si hoc unus assereret, nunc aut duo mentiumur, aut omnes. Idcirco obtestor beatitudinem tuam per crucem Domini, per necessarium fidei nostræ decus, per Passionem Christi, ut qui Apostolos honore sequeris, sequaris & merito. Ita in folio cum duodecim judicatus sedecus, ita te alius senem cum Petro cingat: Ita municipium cali cum Paulo consequaris, ut mihi literis tuis, apud quem in Syria debeam communicare significes. Noli despiciere animam pro qua Christus mortuus est.

Operæ pretium fuit integras Hieronymi referre Epistolas, quod facilius appareret, illum privatam causam, quæ oratoribus hypothesis, non generalem, quæ thelis dicitur, tractare.

Privata causæ seu hypothesis est, quæ in tacendarum vel dicendarum hypostasicon auctoritate definitur. Hic est scopus, ad quem Hieronymi rationum momenta pene omnia diriguntur. De tacendis enim tantum & dicendis tribus hypostasis quæstio est. De qua cum in adversariam apud Orientales suspicionem venisset Hieronymus, ad Petri cathedram ut ad communionis suæ portum tutissimum confugit.

Primum, Hieronymus Romæ sacro Baptismi ritu initiatus est: Idcirco, inquit in Epistola priori, mihi cathedram Petri & fidem Apostolico ore laudatam censui consulendam. Inde nunc mea anima postulans cibum, unde olim Christi vestimenta suscepi. Iterum in posteriori: Ego igitur, ut amè jam scripsi, Christi vestem in Romana urbe suscipiens, nunc barbaro Syria limite teneor.

Deinde, Orientem inter & Occidentem comparatione facta, reperit in Occidente fidem inviolatam servari. Sic in priori Epistola: Quoniam verus Orientis inter se populorum furore collisus indiscissam Domini tunicam, & desuper textam minutatim per frustra discerpit. Et paulo post: Ubicumque fuerit corpus, illuc congregantur aquila. Prostrato à sobole patri-monio, apud vos solos incorrupta Patrum servatur hæreditas. Apud vos solos nimirum Occidentales, seu Occidentalem Ecclesiam, cujus Romam caput esse nemo nescit. Id paulo post significatur apertius: Nunc in Occidente sol justitia oritur, in Oriente autem Lucifer ille, qui ceciderat, supra sydera posuit thronum suum. Vos estis lux mundi, vos sal terra: Vos aurea vasa & argentea.

Tum, quia Hieronymus Romæ baptisatus fuerat, ob id civem se Romanum esse credebat. Exinde ad Damasum urbis Episcopum meritò recurrit: A Pastore præsidium ovis flagito. Facebat invidia: Romani cultum recedat ambitio, cum successore piscatoris & discipulo cræcis loquor.

Quartò, Occidentem qui à Petri cathedra, ut à parte nobiliori totum innuitur, cum Ægypto conjungit: Ego nullum primum nisi Christum sequens, beatitudinē tuā, id est, cathedra Petri communionē confocior. Et paulo

paullo post: Nec possum sanctam Domini tot interja-  
centibus spatiis à sanctimonia tua semper expetere: Ideo  
hic collegas tuos Egyptios confessores sequor. Huc per-  
tinent, quæ scribit in Epistola ad Marcum Celedensem  
presbyterum: Hæreticus vocor hominison prædicans Tri-  
nitatem: Sabelliana impietatis arguor, tres subsistentes,  
veras, integras, perfectasque personas, indefensa voce pro-  
nuncians: Si ab Arianis meritis, si ab orthodoxis, qui hu-  
jusmodi arguunt fidem, orthodoxi esse deserunt: Aut si  
8 eis placet hæreticum me cum Occidentem, hæreticum me cum  
Egypto; Hoc est cum Damaso Petroque condemnent. Ex  
hac autem Occidentis cum Egypto, Damasi Papæ cum  
Petro Alexandrino conjunctione manifestum reddi-  
tur, Hieronymum in privata causa & hypothesi, quæ  
præ manibus est, vehementer obstare, quo minus hinc  
ullum Damaso soli vindicetur non errandi privilegi-  
um, quale Bellarminus & Curiales magistri reliqui  
vindiciant.

Quinto, collata inter se commata hæc duo: Apud  
vos solos incorrupta Patrum servatur hæreditas; &, hic  
collegas tuos Egyptios confessores sequor: Et commati-  
bus his addita; quæ ex Epistola ad Marcum Celeden-  
sem recensuimus, difficultatem nonnullam obijciunt, si  
commata prius simpliciter & absolute sumatur. Nam  
hocce modo sumptum, cum posteriore commate, &  
cum iis, quæ in Epistola ad Marcum illum traduntur,  
stare penitus non potest. Sed non sic est sumendum;  
sed comparatè, ita ut apud Occidentalem Ecclesiam  
servaretur incorrupta Patrum fides, cum Oriens, in  
quo versabatur Hieronymus, variis erroribus disside-  
ret. Igitur verba hæc, apud vos solos, præ cæteris  
tantum, non exclusis aliis omnibus ad unum intelligen-  
da sunt.

Mitto, quæ Hieronymus postea de Liberio & Feli-  
ce observabit. Nam hæc corruptam in duobus istis E-  
piscopis potius, quam incorruptam Patrum hæredita-  
tem exhibent. In summa, facti non juris quæstio est,  
quam sanctus Doctor exponit. Hoc notandum fuit  
propter nonnullos, qui quæ circumspicienda sunt, non  
circumspiciunt. Relato commate abutuntur, & Do-  
ctori sancto alienas ab ejus mente & ætate opiniones  
affingunt.

9 Sexto hæc verba: Super illam petram edificatam Ec-  
clesiam scio, non referri ad Petrum solum, post annos  
à consulto Damaso xviii. in libro 1. contra Jovini-  
anum docuit: At dicis, super Petrum fundatur Ecclesia,  
licet idipsum in alio loco super omnes Apostolos fiat, &  
cuncti claves regni cælorum accipiant, & ex aquo super  
eos Ecclesie fortitudo solidetur, tamen propterea unus e-  
ligitur, ut capite constituto schismatis tollatur occasio.  
Similis est & locus alius in Psalmum lxxxvi. Fun-  
damenta ejus in montibus sanctis. Quos non possumus  
dicere fundamenta? Apostolos. In illis erant fundamen-  
ta. Ibi primum posita est fides Ecclesia, & ibi funda-  
menta sunt posita. Et post alia: Legamus Apocalypsim  
Joannis, legamus & Esaiam: Ubi edificatur civitas  
Jerusalem, & duodecim porta ipsius dicuntur esse de la-  
pidibus pretiosis constructa. Et ipsa civitas de cælo de-  
scendit: Et dicuntur muri ejus aurei, & dicuntur plateæ  
ejus strata esse smaragdo, & dicuntur singula porta ex  
singulis lapidibus pretiosis. Ha sunt tota Domini divitia,  
& hoc diligit Dominus, quod & homines? Prohibet nos  
ab avaritia, & ipse de avaritia extruit civitatem? Ergo  
diligit Dominus portas Sion; Illas portas duodecim Sion:  
Manifestum est, quod de Apostolis scripsit. Explicatus  
per seipsum Hieronymus, Bellarmino & Sæctatoribus  
argumentum nullum præbet. Immo nocere potest, pro-  
desse nunquam potest: Nisi à se ipso dividatur, & mu-  
tilatus in Bellarmini libros ducatur. Sic in Hieronymi  
opinionem fundata est super omnes Apostolos Ecclesia.  
Hoc Bellarminus in libri iv. de Rom. Pontif. capite  
111. dissimulat, quò securius ex Hieronymo argumen-  
tetur, & inferat: Super Pontificem Ecclesiam esse fun-  
10 datam, nec fieri posse ut Ecclesia fundamentum cadat:

Ac proinde errare non posse eundem Pontificem, cum do-  
cet totam Ecclesiam in his, quæ ad fidem & mores per-  
tinent. Quod lemma cum ex Hieronymo probandum  
sibi sumit, fallaciter disputat, vel certè luculenter o-  
stendit, se Doctoris sancti Commentarios ut opor-  
tet, perlegisse nusquam. Sed neutrum veritati nocere  
debet.

Septimò, privatam causam suggerunt verba hæc pri-  
oris Epistolæ: Non novi Vitalem, Meletium respuo,  
ignoro Paulinum, & hæc posterioris: Meletius, Vitalis,  
atque Paulinus tibi hæere se dicunt; possem credere si  
hoc unus assereret. Nunc aut duo mentiuntur, aut om-  
nes. Antiocheni sunt Episcopi tres, quos in trium  
hypostasæon negotio Hieronymus favere sibi non  
credebat.

Octavò, Nicænum Concilium hac in re supremum  
agnoscit judicem. Quò ut tali agnito superiorem ali-  
um nullum, ne Damasum quidem, id est, Romanum  
Pontificem agnoscit: Nunc igitur proh dolor post Ni-  
canam fidem, post Alexandrinum juncto pariter Occidente  
decretum, trium hypostasæon ab Arianorum præfule &  
Campensibus novellum a me homine Romano nomen exigitur.  
Infra: Condatiur nova post Nicænam fides, & similibus  
verbis cum Arianis consueamur orthodoxi.

Nonò, Hieronymus ea dicit, quibus non obscure sig-  
nificat, Damasum posse à vera fide deflectere. Perpen-  
damus: Et si ita est, cur ab Ario parietibus separamur,  
perfidia copulati. Jungamur cum beatitudine tua Ursicinus,  
cum Ambrosio societur Auxentius. Absit hoc à Romana  
fide. His verbis, absit à Romana fide, non deprecaretur  
malum tam grande, nisi re ipsa timendum esset, & pos-  
set accidere.

Decimò postulat duntaxat Occidentalium & cum  
primis Damasi Papæ super tacendis vel dicendis tribus  
hypostasibus auctoritatem, qua se ab Orientalium im-  
petitionibus defendat. Id cum ex aliis quærit anxie,  
tum ex eo quoque quòd Romanus homo esset: Trium,  
inquit, hypostasæon ab Arianorum præfule & Campensibus  
novellum a me homine Romano nomen exigitur. Hæc est  
vexatio, quam Hieronymus opera Damasi remove à  
se tentat, ubi opus non erat ulla fidei definitione nova,  
cui falsum subesse non potest.

Quidquid id est, Damasum Hieronymo respondisse  
non invenio, sive quia Hieronymus victis per ejus  
scripta Campensibus, vexari desiit, sive quia continuo  
vexatus solitudinem illam, in quam commigraverat,  
deseruit & Hierosolymam petiit, unde post aliquod  
tempus Romam apud Damasum se recepit, sive tan-  
dem quia Damasus sine Synodo respondere se non posse  
credidit, nec tunc habere Synodum potuit.

Hæc est igitur privata causa & hypothesi, in cujus  
tractatione Hieronymus Romano Pontifici per Dama-  
sum indeficientis iudicii privilegium non attribuit, ut  
eum attribuisse falsò putant, qui Hieronymi Epistolas  
momentis suis non expendunt. Aliud est, divulsa ab  
reliquo contextu certa quædam Epistolarum verba  
jacere, torquere, & circumrodere, & in iis deinceps  
antecaptum animo sensum affingere: Quod omnino  
faciunt, qui decipi volunt vel decipere. Aliud verò  
12 integras Epistolas attentè legere & perlegere, ut quò  
spectet auctor, verè deprehendatur: Sed quia si depre-  
henderetur, incommodaret, deprehensioni locus vix  
ullus datur.

Nunc ad generalem causam seu thesim venio, quæ  
in eo sita est, utrum Hieronymus in Romano Pontifice  
non errandi privilegium absolute & simpliciter agnos-  
cat. Id autem difficultatis apud Hieronymum habet  
nihil: Privilegium nullum agnoscit.

Primum, quia in privata causa & hypothesi jam  
observata sunt multa, quibus thesim conculcitur & la-  
befactatur. Nempe in omni jure per speciem derogatur.  
L. sanctio legum. de pen. l. in omni. de reg. jur.

Deinde quia Hieronymus semel atque iterum notat,  
Liberium Papam hæresi subscripsisse, semel quidem in  
cap.



cap. cvi. libri de viris illustribus: Fortunarianus natione Afer Aquileiensis Episcopus imperante Constantino in Evangelia titulis ordinatis brevi & rustico sermone scripsit Commentarios, & in hoc habetur detestabilis, quod Liberium Romanæ urbis Episcopum pro fide ad exilium pergentem primus sollicitavit ac fregit, & ad subscriptionem hæreses compulit.

Iterum in Chronico: Romanæ Ecclesia 34. ordinatur Episcopus Liberius, quo in exilio ob fidem truso, omnes Clerici juraverunt, ut nullum alium susceperent. Verum cum Felix ab Arianis fuisset in sacerdotium substitutus, plurimi perjuraverunt, & post annum cum Felice ejecti sunt. Quia Liberius radio victus exilii, & in hæretica pravitate subscribens Romam quasi victor intraverat.

13 Præterea Felicem, quem ab Arianis in Liberii locum fuisse substitutum ait, Arianum fuisse Episcopum scribit, in capite cvii. libri ejusdem de viris illustribus: Acacius, quem quia luscus erat, *μωρόφθαλμος* nuncupabant, Casariensis Ecclesia in Palestina Episcopus, elaboravit in Ecclesiastem decem & septem volumina, & *Κουμιντων* *ἑτημάτων* sex, & multos præterea diversosque tractatus: In tantum autem sub Constantio Imperatore claruit, ut in Liberii locum Roma Felicem Arianum Episcopum constituerit. Scio quidem in Sophronii versione Græca, Arianum, non haberi. Sed Hieronymus Latine non Græcè scripsit. Adde quod textus Archetypus non per versionem Græcam, sed Græca potius versio per textum archetypum corrigenda est.

Optatus Milevitanus Episcopus, qui tunc floruit, in libro 11. de schismate Donatistarum adversus Parmenianum, & beatus Augustinus qui Liberio & Felici tempore proximus fuit, in Epistola clxv. ad Generosum Episcopum, Felicem in Catalogo Romanorum Pontificum non collocant, & cur non collocent, alia causa nulla mihi suppetit, nisi quia illum pro hæretico duxerint.

Beatus Athanasius Felici æqualis in Epistola ad Solitarios Felicem habet instar Antichristi: *Nihil est, quod ille (Epictetus Episcopus) gravetur facere, modo Imperatori placeat. Hoc ministro utens incredibile facinus designavit, & quod verè referat imaginem Antichristi, ut qui in locum Ecclesia palatium suum succedere voluerit, & pro conventu populi & jure comitiorum tres Eunuchos presentes esse jusserit, tresque item* *ὑποκριτοὺς*, hoc est, exploratores (non enim eos Episcopos dixeris.) 14 *Ut ipsi Felicem quandam Episcopum in palatio crearent, dignum profectò talibus suffragatoribus. Caterùm populi omnes cognita hæreticorum pravitate, non permiscere eos Ecclesiam intrare, proculque ab iis recesserunt. Quid igitur hic, quod Antichristi non sit, omisit? aut quid ille ubi venerit plus committere poterit?*

His autem ita constitutis omni luce clarius est, Hieronymum in ea esse sententia ut credat Romanum Pontificem errare in fide posse, tantum abest, ut illum non errandi in fide privilegio impertiat. Hieronymus opinor non iret inficias, Romanæ urbis Episcopum posse in fide errare, postquam Liberium hæreticæ pravitate subscripsisse semel atque iterum tradit. Hoc nisi concoquant, devorent necesse est, qui certis quibusdam Epistolarum Hieronymi verbis non tam utuntur, quam abutuntur, ut probent, Romanum Pontificem errare in fide non posse, cum docet totam Ecclesiam. Nec illud probare possunt, nisi multiplices fallacias adhibeant, quibus vera Romani antistitis potestas non indiget.

Caterùm quæ de Liberio & Felice scribit Hieronymus, hæc nonnisi certa atque explorata sunt. Commoratus est Romæ per triennium, & Damasum Liberii successorem in conscribendis ad varias consultationes responsionibus adjuvit; ut ipsemet testatur in Epistola ad Gerontiam seu Ageruchiam: Ante annos plurimos cum in chartis Ecclesiasticis juvenem Damasum Romanæ urbis Episcopum, & Orientis ac Occidentis Synodicis consultationibus responderem, vidi, &c. Perspecta igitur &

animadversa Romæ tunc erant, quæ de Liberio & Felice monumentis consignat suis. Epistolam viderat, quam Liberius ad Orientales Episcopos scripserat. Hæc ita se habet: *Dilectissimis fratribus & Episcopis Orientalibus salutem. Et aliquanto post: Ego Athanasium non defendi, sed quia susceperat illum bona memoria Julius decessor meus, verebar, ne ab aliquo fortè prævaricator judicaret: At ubi cognovi, quando Deo placuit, justè vos illum condemnasse, mox consensum meum commodaui sententiis vestris, literasque super nomine ejus (id est de condemnatione) per fratrem nostrum Fortunatianum dedi perferendas ad Imperatorem nostrum Constantium: Itaque amoto Athanasio à communione omnium, cujus nec Epistolia à me suscipienda sunt, dico me cum omnibus vobis, & cum universis Episcopis Orientalibus, seu per diversas provincias pacem & unanimitatem habere. Nam ut verius sciatis, me veram fidem per hanc Epistolam loqui, Dominus meus & frater communis Demophilus, qui dignatus est pro sua benevolentia fidem vestram & Catholicam exponere, quæ Sirmii à pluribus fratribus & cœpiscopis nostris tractata & exposita & suscepta est ab omnibus, qui in præsentia fuerunt: Hanc ego libenti animo suscepi, in nullo contradixi, consensum accommodaui, hanc sequor, hæc à me tenetur. Huc spectat Hilarius cum Imperatorem Constantium his compellat verbis: Vertisti deinde usque ad Romam bellum tuum: Eripuisti illinc Episcopum (Liberium) sed ô te miserum! qui nescio utrum majore impietate relegaveris, quam remiseris. Catholicum relegaverat Episcopum, hæreticum remiserat Episcopum. Quo pacto Hilarius anathema Liberio non semel denunciavit. Nec 15 denunciatum illi ab Hilario anathema prius, ut falsum quid repudiabitur, quam scriptus ab Hilario adversus Constantium liber eidem adjudicetur.*

Hæc habui, quæ ut morem gererem studio ac cupiditati tuæ, de duabus beati Hieronymi Epistolis differerem. Necesse fuit eas recensere integras, & quidquid in iis continetur, vel ex iis colligitur, ad hypothefim vel ad thesaurum revocare, ut auctoris mens circa propositum tuum & meum apertiore in lucem ederet. Atque eo modo patefactum est artificium Sophistarum, qui quod Hieronymus scribit in Epistolis, ab illius vero sensu & repetita ex aliis operibus doctrina, perperam deflectunt.

Sed quidquid in duabus ad Damasum Epistolis existit vel potest existere difficultatis, per Epistolam ad Marcum Celedensem Presbyterum removetur. Nam Hieronymus hac in Epistola in Occidentis & Egypti Ecclesiam, ut in proponentem regulam, quæ sub Damasi Romani & Petri Alexandrini nomine exprimitur, fidem suam ultimum resolvit. Hoc autem cum ita sit, Bellarminus Doctoris tanti auctoritate abutitur, & fucum facit, quo Romana non eget Ecclesia, & sit anathema, qui eam fucò tali egere affirmaret.

Verum enimvero derogare non est animus, sed obediendi potius Florentinæ Synodo, in qua cum de facienda Romani Pontificis dignitate per dicta sanctorum ageretur, Græci Latinis restiterunt, sed post habitas ultro citroque collationes, tum demum in hanc sententiam, & in hoc temperamenti genus 17 itum est ab universis Patribus. Quod cum ita sit, conciliariter, crasso & soloce adverbio factum magistri quidam asserunt. Florentinæ Synodi adscribo verba è sessione xxv. antiquæ editionis, quæ approbante Clemente VII. in lucem prodit: *Interim Papa bellarius, & saccharo vinoque nos refecit; nihil tamen factum, quod esset ex re, nisi quod Imperatoris domum profecti post consultationem parî consensu ita scripsimus: De primatu Papa fatemur ipsum Summum Pontificem esse procuratorem, locum-tenentem ac Vicarium Christi, Pastorem & Doctorem omnium Christianorum, regentem ac gubernantem Dei Ecclesiam salvis privilegiis, & jurius Patriarcharum Orientis: Constantinopolitanum quidem secundum esse post Papam: Deinde Alexandrinum, & post hunc esse*

esse Antiochenum, postremò Hierosolymitanum. Hac cum scripsimus, statuimus nihil amplius scribere, aut facere, sed si hoc à Papa non reciperetur, nihil ultra esse faciendum. Itaque misso hoc feria VI. vesperi cognovimus libenter fuisse receptum, & acquievimus. Et post alia: Venerunt ergo cum advesperasceret nomine Papa, Creten- sis, Rhodius, & Coronenfis præsules, dixeruntque Imperatori, consultationem esse habitam & unionem admissam, utque postridie fieret tomus definitionis Latine & Græcè, & omnes subscriberent, qui si confectus esset feria secunda, die festo sanctorum Apostolorum celebraretur missa, & fieret unio.

Venerunt igitur mane constituti ex Latinis assumpisque nostris, contulerunt se in templum sancti Francisci, & cum sedissent, conscribere decretum unionis, quod 18 deinde allatum Imperatori legerunt, statimque ipso in exordio nota illud confixit: Dicebat enim in principio: Eugenius Episcopus servus servorum Dei ad perpetuam rei memoriam: At verò Imperator non ita: Sed volebat, aut omnino ejus nomen reticere, aut scribi quidem, sed non Papa solius, verum hoc addito, consensu serenissimi Imperatoris & Patriarchæ Constantinopolitani, ceterorumque Patriarcharum.

Agebat præterea de privilegiis Papa, ut habeat illa juxta determinationem sacra Scriptura ET DICTA SANCTORUM. Hoc etiam non placuit Imperatori. An si quis, inquit, SANCTORUM IN EPISTOLA HONORET PAPAM, EXCIPIET HOC PRO PRIVILEGIO? Propter hac significavit Papa: Aut hoc corrigeret, aut de reditu ejus cogitaret. Quod audiens Papa turbatus est, & respondit eis: Qua Imperator affectus molestia hoc dixerit, Valde miror. Verumtamen missis ad Imperatorem Cardinalibus, primum quidem correxerunt, ut videlicet scriberent, consensu serenissimi Imperatoris & Patriarcharum: Alterum verò noluerunt, sed aiebant, Unde melius possumus habere primum, QUAM EX SCRIPTIS SANCTORUM? At verò Imperator coge- 19 bat ibi aliquid apponi. Dicebat enim, ut adderetur, juxta tenorem canonum, ET NON SECUNDUM DICTA SANCTORUM: Nec ulla ratione consenserunt, sed abi- 20 ere Cardinales. Itaque feria III. mane convenimus omnes. Et requirentes alter ab altero utrique altercabamur: Et hi quidem dicebant, Latinos esse causam mora: Illi verò Imperatorem. Cumque hæc dicerentur, affligebamur. Ad vesperum Imperator cogit præsules (Græcos) dixitque eis: Cardinales venerunt ad me, dixeruntque de proposita 19 questione planè multa: Ego verò illis respondi, quoad ejus fieri potuit.

Videntes igitur mihi non potuisse persuaderi, rogaverunt, ut vos convocarem: Loqui enim volunt coram vobis. Idcirco sanctitatem vestram ut huc veniret, admonui. Quò venientes & illi inveniant vos, dicantque quidquid voluerint. Dum hæc dicerentur, En Cardinales & cum ipsis Archiepiscopi, multique viri docti! Cum ergo sedissent, Julianus eorum consilio sic orsus est dicere: Serenissime Imperator, vosque simul venerandi præsules, ex duabus, quæ sunt inter nos, controversiis: De prænnotatione nominis Papa, DEQUE SANCTORUM DICTIS: Alteram utcumque sedavit ipse beatissimus Pater, appositumque est in prænnotatione nomen serenissimi Imperatoris & Patriarcharum, cum neque necessarium esset, neque his temporibus congruens. DE DICTIS VERÒ SANCTORUM, quo pacto illa velimus in definitione allegari, nihil ambigimus, cum DICTA SANCTORUM sint, & per ea symbolum quoque fidei compositum sit, & sacrificium & quidquid canonibus continetur, ac sine DICTIS SANCTORUM nihil sit factum. Quapropter sperabamus vos nullam controversiam factururos. Nunc igitur audito mane de his multo sermone serenissimi Imperatoris, opera pretium nobis est visum, vos quoque, qui Ecclesiastici Doctores estis, hoc habere cognitum, an equum sit, opus Dei impedire PROPTER DICTA SANCTORUM.

Regamus itaque vos, ne diutius in tentatione versetur

Ecclesiarum unio, tempusque frustra conteratur, sed admissa allegatione DE DICTIS SANCTORUM fiat unio. Hac & similia cum dixisset, tacuit. Respondit Imperator spatium sibi velle dari ad consultandum, statimque egressis Cardinalibus nos consilium iniimus, scripsimusque, habenda esse à Papa sua privilegia juxta canones ET DICTA SANCTORUM, sacramque Scripturam & acta Synodorum. Hæc illis ex tempore exarata tradidimus, responderuntque nobis. Soli nos nihil dicere possumus, sed accepta hac Scriptura referemus omnia ad Dominum nostrum, atque ita crastina die respondebimus. Postridie igitur, quarta videlicet feria profecti sunt Cardinales ad Imperatorem, dixeruntque ei: Pater sanctus duas accepit scripturas, jussitque de duabus alteram eligere. Legatur ergo tomus, examineturque, ut res ad finem perducatur.

Lectus est tomus & placuit. Jussit ergo Imperator postera die ex utraque parte convenire sex, ut definitio & tomus unionis Græcè & Latine scribatur in Diptychis: A parte quidem dextera Latine ut Latini subscriberent, & appenderent Bullam Papæ, ab altera verò parte Græcè, ut Græci subscriberent, & apponeretur aurea bulla Imperatoris.

His ita ordinatis feria V. mane contulerunt se in templum sancti Francisci, & conscripserunt definitionem, & ad Imperatorem detulerunt: Postquam verò confecta sunt omnia, quid facit malignus? Scriptum erat in definitione, salvis juribus & privilegiis quatuor Patriarcharum. Repertum ergo est fuisse additum, OMNIBUS. Quod audientes Latini, quasi magnum quid esset, vertigine correpti sunt, statimque postularunt, ut non omnibus privilegiis, sed tantum privilegiis, diceretur. Atque id fuit causa, cur feria V. & VI. tomus non fieret. Quarta verò die Julii Sabbato conveniunt constituti in dictum templum, & composuerunt defini- 21 tionem addentes, cum omnibus privilegiis, & juribus eorum videlicet Patriarcharum, & die illa subscripsimus.

Feria verò secunda sexta die Julii facta est unio Ecclesiarum, & lecta est definitio post celebrationem missa: Venit enim beatissimus Papa in magnam Ecclesiam, cui nomen sancta Maria liberata, & nos ei assiste- 22 bamus, sacro induti habitu, missamque celebravit, & sacro peracto post litanias decantatas, recitata est definitio Latine & Græcè, Latine quidem à Cardinali sancta Sabina Juliano, Græcè verò à Bessarione Archiepiscopo Nicano. In hæc verba:

Eugenius Episcopus servus servorum Dei ad perpetuam rei memoriam, consentiente ad infra scripta charissimo in Christo filio Joanne Palæologo Romanorum imperatore illustri, & loca tenentibus venerabilium fratrum nostrorum Patriarcharum & ceteris Orientalem Ecclesiam representantibus: Latetur cali, exultet terra. Et post alia: Item diffinimus sanctam Apostolicam Sedem & Romanum Pontificem in universum orbem tenere primum, & ipsum Romanum Pontificem successorem esse beati Petri Principis Apostolorum, & Verum Vicarium Jesu Christi, totiusque Ecclesia caput, & omnium Christianorum Patrem & Doctorem existere, & ipsi in beato Petro, pascendi, regendi, ac gubernandi universalem Ecclesiam à Domino Jesu Christo plenam potestatem traditam esse, quemadmodum & in gestis Oecumenicorum Conciliorum, & in sacris canonibus continetur, Καὶ ὁ ἴσους ὁ κύριος ἀποστόλων καὶ οἰκουμένην συνόδων, καὶ ὁ πῶς ἰστέος καὶ ὁσι διαλαμβάνεται.

Flavius Blondus Eugenii Papæ scriba id ita gestum esse testatur in libro X. Decadis III. Ubi (Florentiæ) sexto postquam applicuerat mense, post multas pertinacissimasque Patrum dissertationes ad eam devenit conclusio, qua serie enarrata facillimum intellectu erit, qualia fuerunt, quæ tot præstantes utriusque partis viros perpetua mensum quindecim disputatione distinuerunt. Eam verò ex decretis, quod summo partium consensu statutum est, Latinis pariter & Græcis scriptum literis per universum



universum orbem misimus, verbis referemus. Item diffinimus, &c. Ut supra ex eodem Blondo recensuimus.

Disputationes igitur, collationes, & conventa illa sunt, quibus tandem Latinos inter & Græcos effectum est; ut unionis decretum ea ratione conderetur, qua descriptum Latine apud Blondum & Græcè in Græcis Florentinæ Synodi editionibus legitur.

Hinc primò quidem animadvertendum est istud, secundum dicta Sanctorum, habitis Latinos inter & Græcos concertationibus, summo omnium consensu à fidei decreto remotum esse: *An si quis*, inquit Imperator, Sanctorum in Epistola honoret Papam, excipiet hoc pro privilegio?

Deinde sepositis à fancienda Papæ auctoritate Sanctorum dictis, Synodus ad Oecumenicorum Conciliorum gesta & sacros canones se duntaxat recipit, ex quibus illa comprobetur & fanciatur Papæ auctoritas, ut jam pluribus in locis monui, & cum primis in Caillocianæ responsionis Censura, quæ sub illustrissimi viri Achillis Harlæi nomine apparuit.

- 23 Tum Florentina Synodus cum Synodum octavam se inscribat, & sub inscriptione tali prodit in lucem cum Clementis VII. Medicæi privilegio, respectum habet ad primas Synodos VII. dum Romani Pontificis auctoritatem ad Oecumenicorum Conciliorum gesta,

& sacros canones ut ad certam regulam expenden- dam esse statuit.

Tu verò, qui conscientia ductus Synodorum decretis obsequi soles, miraris, cur Bellarminus & illius affectu Florentino non obsequantur Concilio? Cur ab Hieronymi & aliorum Sanctorum dictis non abstineant, & ad Oecumenicorum Conciliorum gesta, & sacros canones, de quibus Synodus illa loquitur, non se tantum recipiant, cum legitimam Romani Pontificis dignitatem asserere volunt? Mirari desine: Gens adulationi dedita, religione nulla ducitur, præscriptum modum tenere nescit.

Non hoc perinde dico, quasi Hieronymus consiliis assentatorum Curie inserviat. Non inservit, nec inservire potest, quemadmodum ostendimus. Sed hoc solum dico, ut sua veritati constet ratio, ut id quod res est, diligenter observetur, & Florentini Concilii regula valeat. Sic de antiquis Conciliis antiqui Patres & Pontifices loquuntur. Verum absit ut tuum velim occupari iudicium, etiamsi illud permagni faciam. Tu censebis aliter, si ut censeas res ipsa postulet, & tunc à te non dissentiam, & gaudebo maximè, quòd mihi fautor emendatorque scriptionis, & ideò fautor, quia emendator, contigerit. Vale. Lutetiæ Parisiorum x. Calend. Junii ann. MDCXVI.

# Joannes Launoius

## JACOBO BEVILAQUÆ,

### Parisiensi Theologo.

CUM in argumenta è Scripturis deprompta, quibus Bellarminus Romano Pontifici non errandi in fide & moribus privilegium tribuit, nuper inspiceret, dubitabas merito, num ille in usu Scripturarum fecerit, quod Tridentina Synodus faciendum esse præscripsit. Dubitandi ratio fuit, fieri non posse, ut ad Synodi hujus præscriptum ea probaretur opinio, quæ Romanæ Ecclesiæ traditioni repugnaret. Hinc tibi veniebat in mentem traditio hæc, quam duabus in Epistolis, una ad Raimundum Formentinum, altera ad Joannem Gerbasium per ipsorummet Pontificum monumenta prodidi: Hinc probè noveras, ut lumen lumini, sic & verum vero contrarium non esse. Sed quamvis ista satis inter se cohæreant, & incurrant in communem hominum intelligentiam, nihilominus tamen optasti, ut Bellarmi- ni rationem à verbis Lucæ, *Oravi pro te, Petre, &c.* quæsitam cum Tridentini Concilii decreto & fidei professione componerem. Ut tum demum appareat, Bellarminum in formanda ratione sua nec decreto huic parere, nec professionem fidei servare, propono decretum, quod fidei professio excipiet, ex sessione IV. Sacrosancta Synodus ad coercenda petulantia ingenia decernit, ut nemo sue prudentia innixus, in rebus fidei & morum, & ad edificationem doctrina Christiana pertinentium, sacram Scripturam ad suos sensus contorquens, contra eum sensum, quem tenuit, & tenet sancta mater Ecclesia, cujus est judicare de vero sensu & interpretatione Scripturarum sanctarum, aut etiam contra unanimem consensum Patrum, ipsam Scripturam sacram interpretari audeat, etiamsi hujusmodi interpretationes nullo unquam tempore in lucem edenda forent. Qui contravenerint,

per ordinarios declarentur, & pœnis à jure statutis puniantur. Hoc ipsum in forma juramenti professionis fidei, quam Pius IV. edidit, paucioribus verbis ita repetitur: *Item sacram Scripturam juxta eum sensum, quem tenuit & tenet sancta mater Ecclesia, cujus est judicare de vero sensu & interpretatione sacrarum Scripturarum admitto, nec eam unquam nisi juxta unanimem consensum Patrum accipiam & interpretabor.*

Nunc igitur præstanda sunt mihi duo: Primum, referenda Patrum & tractatorum Ecclesiasticorum testimonia, quibus illi locum beati Lucæ: *Ego rogavi pro te, ut non deficiat fides tua, & tu aliquando conversus confirma fratres tuos*, exponunt: Deinde perpendendum, num Bellarminus Tridentinæ Synodi decreto paruerit, & fidei professionem servaverit, cum illa beati Lucæ auctoritate probare voluit; *Romanum Pontificem, cum totam Ecclesiam docet, in his, quæ ad fidem pertinent, nullo casu errare posse.*

Quoniam verò Patrum & tractatorum Ecclesiasticorum expositio una non est, nequid perturbatè, nequid contortè fiat, illorum testimonia varias in classes distribuam.

**Prima Classis Patrum & tractatorum Ecclesiasticorum, qui tradunt orasse Christum, ut Petrus veram fidem nunquam amitteret, quantumvis tentaretur à Diabolo, sed in ea & gratia Dei tum demum perseveraret.**

I. Tertullianus in libri de fuga in persecutione cap. 3. **Nihil Satana in servos Dei vivi licebit, nisi permiserit Dominus, ut aut ipsum destruat per fidem electorum**

electorum in tentatione victtricem, aut homines ejus fuisse traducat, qui defecerint ad illum. Habes exemplum Job, cui Diabolus nullam potuit incutere tentationem, nisi à Deo accepisset potestatem, nec in substantia quidem ejus, nisi Dominus dixisset, Omnia, quæ sunt ei in manu tua trado: In ipsum autem ne extenderis manum. Denique nec extendit, nisi postquam & hoc postulanti Dominus, ecce, dixisset, trado tibi illum, tantum animam ejus cussodi. Sic & in Apostolos facultatem tentationis postulavit, non habens, nisi ex permissu: Siquidem Dominus in Evangelio ad Petrum; Ecce, inquit, postulavit Satanas, ut cerneret vos velut frumentum. Verum ego rogavi pro te, ne deficeret fides tua, ne tantum Diabolo permitteretur, ut fides periclitaretur. Quo ostenditur, utrumque apud Deum esse, & confessionem fidei, & protectionem, cum utrumque à Deo petitur, concussio à Diabolo, & protectio à filio. Et utique cum filius Dei protectionem fidei habet in sua potestate, quam à Patre postulat, à quo omnem accipit potestatem in cælis & in terris, quale est, ut concussionem fidei Diabolus in manu sua habeat.

4 II. Beatus Cyprianus in Epistola VIII. ad Presbyteros & Diaconos: Oremus instanter & assiduis precibus ingemiscamus. Nam & hoc nobis non elin per visionem, fratres carissimi, exprobratum sciatis, quod dormitemus in precibus, nec vigilanter oremus: Et Deus utique, qui quem corrigit, diligit, quando corripit, ad hoc corripit, ut emendat: Ad hoc emendat, ut servet. Excitamus itaque, & abruptamus somni vincula, & instanter ac vigilanter oremus, sicut Paulus Apostolus precipit dicens: Instate orationi vigilantes in ea. Nam & Apostoli orare diebus ac noctibus non destiterunt: Et Dominus quoque discipline magister, & exempli nostri via frequenter & vigilanter oravit, sicut in Evangelio legimus: Exiit in montem orare, & fuit pernoctans in oratione Dei, & utique quod orabat, orabat ille pro nobis, cum peccator ipse non esset, sed nostra peccata portaret. Adeo autem pro nobis ille deprecabatur, ut legamus alio loco: Dixit autem Dominus ad Petrum: Ecce Satanas postulavit, ut vos vexaret quomodo triticum: Ego autem rogavi pro te, ne deficiat fides tua. Quod si pro nobis ac pro delictis nostris ille & laborat, & vigilat & precatur, quantum nos magis insistere precibus & orare, & primo ipsum Dominum rogare, tum deinde per ipsum Deo Patri satisfacere debemus?

Deinde in libro de oratione Dominica: Quod si ille orabat, qui sine peccato erat, quantum magis peccatores oportet orare? Et si ille per totam noctem jugiter vigilans continuis precibus orabat, quantum magis nos in frequentanda oratione debemus nocte vigilare? Orabat autem Dominus & rogabat non pro se. Quid enim pro se innocens precaretur, sed pro delictis nostris? Sicut & ipse declarat, cum dicit ad Petrum: Ecce Satanas expetivit, ut vos vexaret quomodo triticum: Ego autem rogavi ne deficiat fides tua. Et postmodum pro omnibus Patrem deprecatur dicens: Non pro his autem rogo solis, sed & pro illis, qui credituri sunt per verbum ipsorum in me, ut omnes unum sint.

III. Sanctus Hilarius Pictaviensis Episcopus in libro I. de Trinitate: O misera stultitia furor impius, non intelligens, beata senectutis fideique martyrem, & martyrem Petrum, pro quo Pater rogatus est ne fides ejus in tentatione deficeret, qui iterata à se dilectionis in Deum postulata professione tentari se adhuc tanquam ambiguum & incertum tertia interrogatione ingemuit.

Deinde in libro X. Idcirco autem transferri eum (calicem passionis) si possibile esset, à se precatum est, quia cum impossibile Deo nihil sit, sicut ipse ait, Pater possibilia tibi omnia sunt, impossibile tamen est homini passionis terrore non vinci, nec possit nisi per probationem fides nosci. Atque ideo & pro hominibus, ut homo vult calicem transire; & ut Dei ex Deo voluntas effectui paterna voluntatis uniatur. Id autem quod ait, si possibile est, transeat, manifestè in eo docuit, quod ait Petro: Ecce Satanas expetivit, ut vos cerneret sicut tri-

ticum: Ego autem rogavi pro te, ut non deficiat fides tua: Per hunc enim calicem Dominica passionis tentandi omnes erant: Et etiam pro Petro Pater rogatur, ne deficiat fides ejus, ut negantis infirmitati, vel dolor saltem penitentia non abesset, quia fides in eo non deficeret, quod pœniteret. Et paullo post: Sed intelligentiam nobis Lucas adhortationis istius (dormite jam & requiescite) tribuisse existimatur, qui cum dixisset, Satanas expetisse, ut Apostolos modo tritici cerneret, & Dominum pro fide Petri ne deficeret, oravisse, subjecit post multam Domini precem, Angelum adstitisse confortantem eum, quo assistente orare prolixius coepit, ita ut guttis sanguinum corporis sudor efflueret. Misso enim ad tuitionem Apostolorum Angelo, & per eum confortato Domino, ne pro his tristis esset, jam sine tristitia metu existens ait: Dormite jam & requiescite. Et paullo post: Effectum autem impetrata orationis & adhortata dormitionis securitatem jam in ipso opere passionis Evangelista demonstrat, cum Apostolis omnibus de persecutorum manibus elapsis ait, ut adimpleretur verbum quod dixerat: Quoniam quos dedisti mihi, perdidisti ex eis neminem. Impletur enim per se orationis precatio, & salvi omnes sunt: Sed oratur Pater, ut salvatos per se nunc in nomine suo salvet ipse, & adeo salvat, ut Petri fides penitentia subsequente non deficiat, licet territa. Hæc ille, quem beatus Augustinus in libri I. contra Julianum capite III. Ecclesiæ Catholicæ adversus hæreticos acerrimum defensorem appellat.

IV. Sanctus Basilius Cæsareæ Cappadociæ Episcopus in homilia XXI. de humilitate: Verum quoniam arrogantius dixerat, etiamsi omnes scandalum patiantur in te, ego tamen nunquam scandalum patiar, humana traditus est infirmitati, & prolapsus in negationem, lapsu institutus ad pietatem, & edoctus etiam aliis infirmis parcere, ubi suam ipsius cognovit imbecillitatem, & conspicuè didicit, quod quemadmodum in pelago mergeretur, dextera Christi relevatus est, ita & in scandalorum fluctibus, cum propter incredulitatem periculum ipsi perditionis immineret, Christi virtute servatus est: Qui etiam ipsi quod postea contigit, prædixerat: Simon, Simon, inquit, ecce Satanas expetivit vos, ut cribra- ret instar tritici, & ego pro te rogavi, ne deficiat fides tua, & tu aliquando conversus confirma fratres tuos: Petrus ergo ad hunc modum reprehensus, merito opem Domini adeptus est, ut arrogantiam rejiceret, & infirmis parceret institutus.

V. Beatus Ambrosius Mediolanensis Episcopus, in Lucæ caput XXI. Si Petrus aliquando convertitur, qui ad primam Domini secutus est vocem, quis potest dicere citò esse conversum? Cave ergo jactantiam, cave saculum: Ille enim confirmare jubetur fratres suos, qui dixit: Omnia dimisimus, & secuti sumus te?

Deinde in Psalmum XLIII. Sicut triticum si ventilatur, & à paleis separatur, mundum est: Si autem ventilatum non fuerit, mundum esse non poterit: Sed est paleis concretum, atque permixtum. Ita etiam homo, nisi tentationibus fuerit ventilatus, fragilia quæque veluti paleas à se non poterit separare. Unde etiam ad Petrum dictum est: Simon, ecce Satanas expostulavit, ut ventilet vos sicut triticum, ego autem rogavi patrem meum, ut non deficiat fides tua. Vide quid dicit & intellige: Ventilatur Petrus, ut Christus negare cogatur, incidit in tentationes, quedam locutus est, quasi plena palearum: Sed locutus est verbo, ut fundatior esset affectu. Denique flevit & paleas suas lavit, & illis tentationibus mervit, ut pro se Christus interveniret, quantum majus est patrocinium, quam perturbationis illius tentamentum, & ideo plus quam passus est, acquisivit. Acquisivit enim Christum sibi patrocinantem. Cegitur autem & adversarius sanctos Domini ad sua damna tentare. Dum enim tentat, meliores reddit, ut qui tentatur, possit alios instituere, qui sibi ipse invalidus videbatur. Denique Petrus Ec-  
7



antè significat Deus, quid sit illud, quod postea cum Pastorem elegit dominici gregis. Nam huic dixit: Tu aliquando conversus confirma fratres tuos. Conversus est ergo sanctus Apostolus Petrus ad bonam frugem, & venialus est, sicut triticum, ut esset ipse cum sanctis Domini unus panis, qui nobis esset alimentum. Dum enim Petri actus legimus, Petri praecepta, sit nobis vita aeterna & salus alimentum. Hæc ille, de quo beatus Augustinus in libri 1. contra Julianum capite 111. ita scribit: Beatum loquor Ambrosium, cujus pro Catholica fide gratiam, constantiam, labores, pericula, sive operibus, sive sermonibus, & ipse sum expertus, & mecum non dubitat orbis prædicare Romanus.

VI. Sanctus Joannes Chrysostomus Constantinopolitanus antistes in homilia LXXIII. Cum assertioni suæ fervore quodam non staret Petrus, non quidem impulsit ad negandum, sed desertum reliquit, ut suam ipse intelligeret imbecillitatem, dixit se tradendum Jesum: Respondit, absit à te: Reprehensus est, neque emendatus: Sed iterum cum ipsius pedes Christus lavare vellet, dixit: Non mihi lavabis pedes in aeternum. Iterum nunc audiens non posse sequi, & negaturum magistrum suum & posse, & non negaturum profitetur: Ex quo in arrogantiam prolaberetur, & Christo contradiceret, sua admonetur fragilitatis. Hoc Lucas significat, cum inquit Christus: Et ego pro te rogavi, ne deficeret fides tua. Hoc est, ne in fine pereas, in omnibus eum humilitatem erudiens, & humanam arguens naturam, cum ex se nihil sit.

Deinde in homilia de verbis Jeremiæ cap. x. Hoc in mente vestra fixum sit, oportet, fieri non posse ut qui studium adhibeat, & de sua salute sollicitus sit, & omnia, quæ suarum sunt partium, exequatur, si unquam à Deo deseratur. Non audis, quid dicat Petro: Simon, Simon quoties expetivit Satanas, ut cribraret vos sicut triticum? Ego autem oravi pro te, ut non deficiat fides tua. Nam cum viribus omnibus esse majus videretur onus, manum porrigit, & tentationem reddit levior.

Tum demum in homilia LXXXIII. super Matthæum: Non dixit, non negabis: Sed ut non deficiat fides tua. Cura enim ipsius & fervore factum est, ne omnino Petri fides evanesceret.

Idem habetur apud Nicetam Episcopum Serrarum in catena super Matthæi caput XXVI. Propterea igitur Christus, ipsum (Petrum) labi permittit, ut inde doceat, Christo in omnibus esse obsequendum, ac proprio sensu firmiter esse ducendam illius sententiam: Reliqui vero non parvum ex negatione collegerunt fructum, humanam infirmitatem agnoscetes, Deique veritatem. Cum enim ipse aliquid prædicit, non amplius argutandum est, neque multis repugnandum. Oportebat & Petrum deprecari ac dicere, Adjuva nos, ne separemur, aut dicere: Non te negabo, si à te consecutus fuero favorem. Ipse ait: Etiam si omnes scandalizati fuerint, ego non scandalizabor: Quod paulatim eum ad temeritatem adduxit: Hanc igitur Christus cum reprimere vellet negationem permittit. Cum enim neque se audisset, neque Prophetam, propterea enim Prophetam adduxerat, ne contradicerent; Altamen cum verbis non inhiaberetur, docetur operibus: Propterea enim permittit, ut hoc emendaret: Audi quid dicat: Simon ecce Satanas expetivit vos, ut cribraret, sicut triticum, id est, perturbaret, temeret, vexaret; Ego autem rogavi pro te, ut non deficiat fides tua: Et cur si omnes expetiit, non dixit, quia pro omnibus rogavi? Sed ad Petrum vertit sermonem, ut omnino vehementer ipsum corripiat, ostendatque lapsus illius aliis fuisse pejorem, majorique egentem auxilii. Duo enim erant crimina, & quod contradixisset, & quod aliis sese prapossuisset, adeoque & tertium, eo quod totum sibi attribuisset. At si rogavit Christus, ne fides Petri deficeret, quomodo ille negavit? Non dixit, ne neget, sed ne deficiat fides, ut non omnino pereat. Hoc enim ex illius sollicitudine factum est. Etenim timor omnia disjecit: Immodicus enim erat. Immodicus autem factus est: Eo quod eum nudum admodum à suo favore Deus reddidisset: Nudum verò admodum

eum reddidit, ob vehementem illius temeritatis & contradictionis passionem. Ut igitur à radice hanc tollat, ideo ad hæc eum angustias ita redigi passus est. Unde magnum nobis documentum est, nequaquam sufficere humanam animi promptitudinem, nisi superno porriatur favore, rursumque nihil omnino nos consequi superno favore, nisi adsit animi promptitudo. Ambo etiam hæc Judas ac Petrus declarant: Ille siquidem cum magno frueretur auxilio, nullum fructum tulit, quia noluit, nec quidquam de se contulit. Hic autem cum prompto esset animo, quia nullo fructus auxilio est, lapsus est: Ex duobus enim hisce virtus constat, superno favore, nostræque animi promptitudine. Hæc omnia Chrysostomus, quem Augustinus tanti facit, ut in libri 1. contra Julianum capite VI. ingenii & industriæ suæ nervos omnes adhibeat, ut ille sibi videatur consentire.

VII. Carthaginienſe Concilium in Epistola ad Innocentium Papam: Consideret ergo sanctitas tua, & Pastoralibus nobis compatiatur visceribus, quàm sit pestiferum & exitiale ovibus Christi, quod istorum sacrilegas disputationes necessario sequitur, ut nec orare debeamus, ne intremus in tentationem: Quod Dominus & discipulos monuit, & posuit in oratione, quam docuit, aut ne deficiat fides nostra, quod pro Apostolo Petro se rogasse testatus est. Si enim possibilitate natura, & arbitrio voluntatis in potestate sunt constituta, quis non ea videat à Domino inaniter peti, & fallaciter orari, cum orando poscuntur, quæ natura nostra jam ita condita sufficientibus viribus obtinentur? Nec debuisse dicere Dominum Jesum: Vigilate & orate: Sed tantummodo vigilate, ne intretis in tentationem: Nec beatissimo Petro primo Apostolorum: Rogavi pro te, sed moneo te vel impero ac præcipio, ne deficiat fides tua. Hæc Patres Episcopi sexaginta octo, qui hoc in Concilium coiverunt.

VIII. Innocentius I. in Epistola ad istud Carthaginienſe Concilium: Necessè est, ut quo auxiliante vincamus, eo iterum non adjuvante vincamur: Sed possum plura dicere, nisi vos constaret cuncta dixisse. Sub finem: Sed satis vestris monitis, & sic satis abundantibus nostra legis exemplis probatur esse responsum. Nec quidquam superesse duximus, quod dicamus, cum nihil prætermisum à vobis, nihil constet esse suppressum, quo illi refutati, & penitus cognoscuntur esse convicti. Idcirco à nobis testimonia nulla ponuntur, quia & his plena relatio est. Et satis constat, doctissimos Sacerdotes cuncta dixisse, nec decet credere, vos aliquid quod ad causam possit proficere, præterisse. Sic Innocentius Carthaginienſis Concilii relationem totam approbat, ac proinde Scripturæ locorum expositionem, quæ à Concilii Patribus facta est: Ideo, inquit, à nobis testimonia nulla ponuntur, quia & his plena relatio est.

IX. Milevitanum Concilium in Epistola ad eundem Innocentium: Nova quippe hæresis & nimium pernicioſa tentat surgere inimicorum gratia Christi, qui nobis etiam Dominicam orationem impiis disputationibus conantur auferre. Cum enim Dominus docuerit, ut dicamus, Dimitte nobis debita nostra, sicut & nos dimittimus debitoribus nostris, isti dicunt posse hominem in hac vita præceptis Dei cognitis ad tantam perfectionem justitia sine adjutorio gratia Salvatoris per solum liberum voluntatis arbitrium pervenire, ut ei jam non sit necessarium dicere: Dimitte nobis debita nostra. Illud verò, quod sequitur, ne nos inferas in tentationem, non ita intelligendum, tanquam divinum adjutorium poscere debeamus, ne in peccatum tentati decidamus; sed hoc in nostra esse positum potestate, & ad hoc implendum solam sufficere voluntatem hominis, tanquam frustra Apostolus dixerit: Non volentis, neque currentis, sed miserentis est Dei, & fidelis Deus, qui non permittet vos tentari super id, quod potestis, sed faciet cum tentatione etiam exitum, ut possitis sustinere. Frustra etiam Dominus dixerit Apostolo Petro, Rogavi pro te, ne deficiat fides tua. Hæc Patres Episcopi sexaginta & unus. Potuerunt ad propositam questionem validius? potuerunt certius?

X. Inno-

12 X. Innocentius iterum in Epistola ad hoc Milevitano Concilio: Inter ceteras Romana Ecclesia curas & Apostolica Sedis occupationes, quibus diversorum consulta fideli ac modica disceptatione tractamus, frater & Coepiscopus noster Julius dilectionis vestrae literas, quas ex Milevitano Concilio cura fidei propensiore misistis, mihi inopinanter ingessit; Carthaginensis etiam Synodi querela pariter scripta subiungens. Et quibuldam interpolitis: Multifariis equidem ad destruendum tale magisterium (Celestii & Pelagii) uti possemus exemplis, nisi sciremus sanctitatem vestram ad plenum Scripturas omnes callere divinas, praesertim cum vestra relatio tantis ac talibus testimoniis sit referta, ut his solis valeat praesens dogma rescindi. At si Romana Ecclesia & Sede Apostolica, quae per Innocentium loquuntur, iudicibus, Milevitani Patres divinas ad plenum callent Scripturas, ambigi non potest, quin germanam Lucae interpretationem sint assecuti, eamque nunc Romana Ecclesia & Sedes Apostolica Innocentio scribente confirmant.

Ut Romana Ecclesia & Sedes Apostolica hic Milevitano Concilio per Innocentium respondent, sic & Carthaginensi Concilio responderant, etiam Innocentius Romanae Ecclesiae & Sedis Apostolicae conceptis verbis non meminerit. Notum est illud, quod Julius I. ad Orientales scribit: Verum in hoc ipsa iusta & rationalis causa est, dilectissimi, quam vobis intimandam puto. Nam tametsi solus sim, qui scripsi, non meam tamen solius sententiam, sed omnium Italarum, & omnium in his regionibus Episcoporum scripsi. Notum 13 quoque est illud, quod Felix III. ad Petrum Fullonem Antiochenum Episcopum scribit in Epistola IV. Firma sit hac tua depositio à me, & ab his, qui mecum Apostolicum thronum regunt. Hoc rectionis genus ab initio profectum esse non operose colligitur ex iis, quae Cyprianus ad Cornelium Papam in Epistola LIV. scribit: Et quamquam sciam, frater carissime, pro mutua dilectione, quam debemus & exhibemus invicem nobis, florentissimo illic Clero tecum praesidenti, & sanctissima atque amplissima plebi legere te semper literas nostras, tamen, &c. Quae ex Cypriano, Julio, & Felice referimus, eo spectant, ut demonstrent, Innocentium non mutasse Romanae Ecclesiae seu Sedis Apostolicae morem, quo etiam Pontifex solus scribat, non suam tamen solius sententiam dicat.

XI. Palladius Joannis Chrysostomi discipulus, Helenopolitanus Episcopus in Dialogo, quem de vita ejusdem Chrysostomi confecit: Si autem ante quadringentos annos dictum est ab Apostolo, novissimam horam imminere, multo magis nunc. Sed enim ab initio ista contingere, Deo ad exercendos justos permittente, quando illos examinat Diabolus, ut Salvator ait: Simon, Simon expetivit vos Satanas, ut cribraret velut triticum: Ego autem oravi pro te, ut non deficiat fides tua. Neque vero pro solo Petro oravit Jesus, verumetiam pro omnibus Petri habentibus fidem, nihil aliud significante crebro, quam mortalem voluptatum & dolorum circulum, plenum foraminibus, per quae terreni quilibet à vero tramite in infernum cadunt, dum alii per gula foramen 14 decidunt, quorum Deus venter est; alii per voluptatis, de quibus ait Propheta, spiritum fornicationis seducti sunt, &c. Sic locum beati Lucae ad varias refert tentationes, quibus hominis vita est obnoxia, & nisi juvetur à Deo, succumbit. Quomodo ad Dominicæ Passionis tempus respectum habet.

XII. Beatus Augustinus Hipponensis Episcopus in Epistola CCLII. ad Joannem Episcopum contra librum Pelagii: In hoc libro ille Dei gratiam non appellat, nisi naturam, qua libero arbitrio conditi sumus. Et quibuldam interpositis: Unde quis non videat, cum eundem librum legerit, quemadmodum oppugnetur gratia Dei, de qua dicit Apostolus: Miser ego homo, quis me liberabit de corpore mortis huius? Gratia Dei per Dominum nostrum Christum Jesum. Et nullus locus divino adiutorio

relinquatur, propter quod orantes dicere debeamus: Ne nos inferas in tentationem: Sine causa etiam Dominus Petro Apostolo dixisse videatur: Rogavi pro te, ne deficiat fides tua, si hoc totum in nobis nullo auxilio Dei, sed potestate voluntatis impletur.

Deinde in libri de correptione & gratia capite VI. Nam si dixerimus istam perseverantiam tam laudabilem tam felicem sic esse hominis, ut ei non sit ex Deo, illud primitus evacuamus, quod ait Dominus Petro: Rogavi pro te, ut non deficiat fides tua. Quid enim rogavit, nisi perseverantiam usque in finem?

Tum in ejusdem libri capite VIII. Si ad liberum arbitrium hominis, quod non secundum Dei gratiam, sed contra eam defendis, pertinere dicis, ut perseveret in bono quisque, vel non perseveret, non donante 15 Deo si perseveret, sed humana voluntate faciente quid moliturus es contra verba dicentis; Rogavi pro te, Petre, ne deficiat fides tua? An audebis dicere, etiam rogante Christo, ne deficeret fides Petri, defecturam fuisse, si Petrus eam deficere voluisset: Hoc est si eam usque in finem perseverare voluisset: Quasi Petrus aliud ullo modo vellet, quam pro illo Christus rogasset, ut vellet? Nam quis ignorat tunc fuisse perjuram fidem Petri, si ea, quae fidelis erat, voluntas ipsa deficeret, & permaneretur voluntas à Domino, ideo pro illo Christi non posset esse inanis oratio? Quando rogavit ergo, ne fides ejus deficeret, quid aliud rogavit, nisi ut haberet in fide liberrimam, fortissimam, invictissimam, perseverantissimam voluntatem?

Quarto in ejusdem libri capite XII. Subventum est igitur infirmitati voluntatis humanae, ut divina gratia indeclinabiliter & insuperabiliter ageretur: Et ideo quamvis infirma, non tamen deficeret, neque adversitate aliqua vinceretur. Ita factum est, ut voluntas hominis invalida & imbecilla in bono adhuc parvo perseveraret per virtutem Dei, cum & voluntas primi hominis fortis & sana in bono ampliore non perseveraverit, habens virtutem liberi arbitrii, quamvis non defecturo adiutorio Dei, sine quo non posset perseverare, si vellet, non tamen tali, quo in illo Deus operaretur, ut vellet; fortissimo quippe dimisit, ac permisit facere, quod vellet, infirmis servavit, ut ipso donante invictissime, quod bonum est, vellent. Dicente ergo Christo, rogavi pro te, ne deficiat fides tua, intelligamus ei dictum, qui edificatur super petram, atque ita homo Dei, non 16 solum, quia misericordiam consecutus est, ut fidelis esset, verumetiam quia fides ipsa non deficiat: qui gloriatur in Domino gloriatur.

Quinto in Commentario in Psalmum CVIII. Et quoniam in profundo malignitatis reddebant ipsi mala pro bonis, quamquam bene intelligatur etiam pro discipulis suis orasse, quod etiam ante passionem suam dixit, ne deficeret fides eorum.

Sexto, in eodem Commentario in Psalmum CXVIII. concione XV. Est & alia spes, quae in humilitate tribulationis plurimum consolatur, quae sanctis data est in Verbo Dei adiutorium gratia pollicentis, ne quisque deficiat, de qua spe dicit Apostolus, fidelis Deus, qui non permittit vos tentari super id, quod potestis, sed faciet cum tentatione etiam exitum, ut possitis sustinere. Hanc spem dedit Salvator ore suo: Quando ait: Hac nocte postulavit Satanas vexare vos sicut triticum. Et ego rogavi pro te, Petre, ne deficiat fides tua. Hanc spem dedit in oratione, quam docuit, ubi monuit ut dicamus, ne nos inferas in tentationem.

Demique in libri II. de opere olim imperfecto, nunc perfecto contra Julianum capite CCXVII. Augustinus respondit. Tu vestro more, qui de vestro descendit errore, non agnosce gratiam, nisi in dimissione peccatorum, ut jam de cetero per liberum arbitrium ipse homo seipsum fabricet justum, sed non de hoc dicit Ecclesia, quae clamat tota, quod didicit à magistro bono, ne nos inferas in tentationem. Non hoc dicit, qui dicit, oramus ad



ad Dominum, ne quid faciatis mali: non hoc dicit, qui dicit: Rogavi pro te Petre, ne deficiat fides tua. Isto enim modo gratia, ut non peccemus, facit, non qua peccavimus diluit. Utroque enim modo adjuvat gratia, & dimittendo, qua malè fecimus, & opitulando, ut declinemus à malis & bona faciamus.

Hæc est beati Lucæ expositio, quam Augustinus sexies inculcat & infigit, ita ut de illius mente dubitari non possit.

XIII. Auctor questionum ex novo Testamento, apud Augustinum quæst. lxxv. Nam inter cetera dicit Discipulis, vigilate, & orate, ne intretis in tentationem: Et Petro dicit: Ecce Satanas expostulavit, ut vos ventilet sicut tritum. Ego autem rogavi pro te, ut non deficiat fides tua, & tu aliquando conversus confirma fratres tuos. Quid ambigitur? pro Petro rogabat, pro Jacobo & Joanne non rogabat, ut ceteros taceam? Manifestum est in Petro omnes contineri: rogans eum pro Petro, pro omnibus rogasse dignoscitur. Qui & Augustini sensus est in Commentario super Psalmum cviii. ut suo loco vidimus.

XIV. Beatus Cyrillus Alexandrinus Episcopus, in libro xi. super Joannem: Igitur paullo ante rogabat seniores suos discipulos in nomine, quod datum est. Hic vero in veritate Patris petitionem impleri vult pro ipsis. Quid ergo varietas illa sermonum sibi vult, nisi ut ostendat unam esse à Patre per ipsum in consecrandis sanctis operationem? Ibi enim in nomine Patris servari oportere inquit suos Discipulos in gloria & virtute deitatis, liberari ex Diaboli manu eos dicit, qui propter Deum periculum jubemur subire, cujusmodi etiam factum est in ipsis tametsi reticetur, quod suis discipulis olim revelans dixit, Simon, Simon, Ecce Satanas expostulavit vos ut cribraret sicut tritum: Ego rogavi pro te, Petre, ut non deficiat fides tua. Nam pleraque eorum, quæ ad nos pertinent, occultè dispensantur providente nimirum & uniuscujusque vitam protegente Christo. Et si minùs explicatè loquitur, illuc tamen spectare non desinit quò Patres reliqui antiquiores vel æquales spectant.

XV. Beatus Leo Papa primus in sermone lxxi. de anniversario die assumptionis suæ ad Pontificatum: Instante autem Passione sua Dominus, quæ Discipulorum erat turbatura constantiam, Simon, inquit, Simon, ecce Satanas expostulavit vos, ut cribraret, sicut tritum: Ego autem rogavi pro te, ne deficiat fides tua, & tu aliquando conversus confirma fratres tuos, ut non intretis in tentationem. Commune erat omnibus Apostolis periculum de tentatione formidinis, & divina protectionis auxilio pariter indigebant: Quoniam Diabolus omnes exagitare, omnes cupiebat elidere, & tamen specialis à Domino Petri cura suscipitur, & pro fide Petri propriè supplicatur, tanquam aliorum (scilicet Apostolorum) status certior sit futurus, si mens Principis victa non fuerit. In Petro ergo omnium fortitudo munitur, & divina gratia ita ordinatur auxilium, ut firmitas, quæ per Christum Petro tribuitur, per Petrum Apostolis conferatur. Cum itaque, dilectissimi, tantum nobis videamus presidium divinitus institutum, rationabiliter & justè in ducis nostri meritis & dignitate latamur, gratias agentes sempiterno regi redemptori nostro Domino Jesu Christo, qui tantam potentiam dedit ei, quem totius Ecclesiæ Principem fecit, ut si quid etiam nostris temporibus rectè per nos agitur, rectèque disponitur, illius operibus, illius sit gubernaculis deputandum, cui dictum est, Et tu conversus confirma fratres tuos: Et cui post resurrectionem suam Dominus ad trinam æterni amoris professionem mystica insinuatione ter dixit, Pasce oves meas: Quod nunc quoque proculdubio facit & mandatum Domini pius Pastor exequitur, confirmans nos cohortationibus suis & pro nobis orare non cessans, ut nulla tentatione superemur.

Deinde in ferm. ii. de Natali Apostolorum Petri & Pauli: Instante autem Passione sua Dominus, quæ discipulorum suorum erat turbatura constantiam: Simon,

inquit, Simon, ecce Satanas expostulavit, ut vos cribraret, sicut tritum: Ego autem rogavi pro te, ut non deficiat fides tua, & tu aliquando conversus confirma fratres tuos, ne intretis in tentationem. Commune erat omnibus Apostolis periculum de tentatione formidinis, & divina protectionis auxilio pariter indigebant: Quoniam Diabolus omnes exagitare, omnes cupiebat elidere, & tamen specialis à Domino Petri cura suscipitur, & pro Petri fide propriè supplicatur, tanquam aliorum (Apostolorum) status certior sit futurus, si mens Principis victa non fuerit. In Petro ergo omnium fortitudo munitur, & divina gratia ita ordinatur auxilium, ut firmitas, quæ per Christum Petro tribuitur, per Petrum Apostolis conferatur. Nam & post resurrectionem suam Dominus beato Petro Apostolo post regni claves, ad trinam æterni amoris professionem, mystica insinuatione ter dixit, Pasce oves meas. Quod & nunc proculdubio facit, & mandatum Domini pius Pastor exequitur, confirmans nos exhortationibus, & pro nobis non cessans, ut nulla tentatione superemur.

Pontifex in his duobus locis, quæ sunt eadem, duo exequitur: Et primò quidem seipsum prodit intelligendum de Apostolorum & Petri cum primis fide, quæ instantè Domini Passione, in tentationem magnam adducenda erat, & certè adducta est, & pro qua ne deficeret tum demum, Christus oravit. Deinde Scripturæ locum ad ea, quæ Domini Resurrectionem consequuntur accommodatè refert: Sed neutrobì à sensu literæ recedit, etiam cum in sermone priori, vocem aliquando è textu subducit; Ut si quid etiam nostris temporibus rectè per nos agitur, rectèque disponitur, illius operibus, illius sit gubernaculis deputandum, cui dictum est, Et tu conversus confirma fratres tuos. Accedit, quòd Leo in Epistolis, quas de facienda fide ad diversos exaravit, Scripturæ locum hunc nusquam adhibeat, adhibiturus sine dubio, si quid ille sibi, suæque Sedi privilegii præ cæteris importaret.

XVI. Beatus Prosper in Epistola ad Rufinum: Quoniam ipsius Petri ardentissima fides in tentationibus defecisset, nisi pro eo Dominus supplicasset, sicut Evangelista manifestat dicens: Dixit autem Jesus Petro: Simon, Simon, ecce Satanas postulat, ut vos cribraret sicut tritum: Ego autem rogavi pro te, ne deficiat fides tua, & tu tandem conversus confirma fratres tuos, & roga ne intretis in tentationem, & ut magis probaretur, liberum arbitrium nihil posse sine gratia, cui dictum fuerat, confirma fratres tuos, & roga ne intretis in tentationem: Quique respondit, utique ex libero arbitrio, Domine, tecum paratus sum & in carcerem & in mortem ire, eidem prædicitur, quòd priusquam gallus cantet, ter Dominum negaturus sit, quòd quid est aliud, quàm quòd in fide defecturus sit? Certe pro eo rogaverat Dominus, ne deficeret fides ipsius, nec utique frustra rogaverat, cujus una erat cum eo, quem rogaverat, operatio. Sed ne libero arbitrio videretur stare, qui de se magna promiserat, permittitur periclitari, ut conturbatum ac deficientem ille respiciat, sine quo nemo persistit.

Deinde in libri contra Collatorem capite xxxv. Hujus tolerantia fortitudo unde descenderet, beatus Petrus & in illo omnis Ecclesiæ veritatis ipsius voce discerebat dicentis: Ecce Satanas postulat, ut vos cerneret, sicut tritum: Ego autem rogavi pro te, Petre, ne deficiat fides tua. Et tu aliquando conversus confirma fratres tuos, & roga, ne intretis in tentationem.

XVII. Theodoretus Cyri Episcopus in libri lxxi. de hæreticis fabulis capite v. Novatus autem Romana Ecclesiæ Presbyter erat. Cum autem gravissima tempestas Ecclesiæ invasisset, accidit, ut quidam è pietatis alumnis post varia tormenta defatigarentur, & negationis verba usurparent. Hi reddita tranquillitate rogant, ut penitentia remedia obtinerent, atque optimis quidem Pastoribus metuenda Domini accusatio videbatur, quæ dicit, ô Pastores, quod contrafactum erat, non colligastis, & quod aberraverat, non reduxistis, & quod ceciderat, non erexistis, lapsisque manum esse porrigendam, & hos juxta Domini

Dominus praeceptum confirmandos. Dominus enim magno Petro dixit: Simon, Simon, expetivit vos Satanas, ut vos cribraret sicut triticum, & ego rogavi pro te, ut non deficiat fides tua: His consiliis Novatus non acquievit, sed palam  
 22 contradixit, non oportere dicens salutem illos consequi qui abnegassent, perinde faciens, ut ii, qui egrotos medicamentis uti prohibent. Qui verò remedium adipisci postulabant arguebant eum, quod saepe rogatus, ut ad ipsos properaret, & verbis eos confirmaret, qui tyranni machinis pulsabantur, occultans seipse & latere studens, presbyterum etiam se esse negavit. Scripturae locum nunc variis calamitatibus accommodat, quibus tunc per Novatiani secessionem Romana premebatur Ecclesia. Ad Dominicæ Passionis tempus alludit, quo tunc Apostoli & potissimum Petrus in iis versabantur angustiis, quas Evangelistæ describunt. Hinc Dominus oravit, ut iis non succumberent. Quod & in sequenti testimonio planius adhuc confirmat. Hoc autem ita se habet in oratione de charitate: Hunc ejus (Petri) timorem videns Dominus, amorēque penitus exploratum habens, prædictione mortis solvit timorem, & charitatis testimonium præbet, Petrique confessionem corroborat, & negationis ulceri confessionis pharmacum admovent. Ob id enim arbitrator & hanc exegit triplicem, ut parvis numeri medicamenta ulceribus imponat, discipulisque qui adervant, charitatis flammam manifestet. Prædictio itaque mortis, & Petrum consolata est, & alios docuit, negationem illam dispensationis fuisse, non mentis, & ceterasque huiusmodi, & prædictum non æquans. Atque hoc ipse Salvator Dominus noster insinuat, dicens illi, Simon, Simon, ecce Satanas expetivit vos, ut cribraret sicut triticum, Ego autem rogavi pro te, ut non deficiat fides tua, & tu aliquando conversus confirma fratres tuos: Quemadmodum  
 23 enim ait, ego te fluctuantem non desepi, ita & tu sustentaculum esto fratribus conturbatis: Et quo servatus es auxilio, ipse aliis impartire, neque labascentes impellas, sed erige periclitantes. Idcirco enim & te labare sino, caderenon permitto, stabilitatem per te fluctuantibus procurans. Sic orbem terrarum universum fluctuantem, atque labantem magnam hac columna confirmavit, & ut corrueret omnino, non permisit, sed crexit, stabilemque reddidit, oves divinas pascere iussus, & cum pro ipso afficeretur injuriis, tolerabat, & verberibus casus latabatur, exiensque ex pravo Concilio cum consorte gaudebat, quod habitus esset dignus pro nomine Domini contumelias pati. Quin & in carceres conjectus, præ gaudio gestiebat. Cumque à Nerone crucis supplicio propter crucifixum damnatus esset, lictores orabat, ne eodem quo Dominus modo crucifigeretur, sed contra atque ille suspenderetur, metuens videlicet, ne similitudo passionis equalem sibi apud ignaros honorem asferret. Hæc ille Græcorum interpretum doctissimus, qui & Antiochiæ in Orientis capite Theologiam docuerat, hoc est, literas sacras per annos complures exposuerat: Hic sentit, quod Augustinus, cum dicit supra: Christus quid aliud rogavit nisi ut (Petrus) haberet in fide liberrimam, fortissimam, invictissimam, perseverantissimam voluntatem?

XVIII. Venerabilis Beda Presbyter Anglorum Doctor in cap. xxii. Lucæ: Cum verò, inquit, pro Petro rogans, non ut tentetur, sed ut non deficiat fides ejus, obsecrat, hoc est, ut post lapsum negationis ad statum pristinum pœnitendo resurgat; Insinuat utile sanctis esse tentationum flammis examinari, vel tentari, ut quia fortes fuerint, appareat, vel cognita per tentationes sua infirmitate fortiores discant: Et sic cum probati fuerint, accipiant & ipsi coronam vitæ, quam repromisit Deus diligentibus se. Et tu aliquando conversus confirma fratres tuos: Sicut ipse tuam, inquit, fidem, ne Satana tentante deficiat, orando protexi, ita & tu infirmiores quosque fratres exemplo tua pœnitentiæ, ne de venia fortè desperent, erigere & confortare memento. Hæc clara sunt & perspicua.

XIX. Theophylactus Bulgarorum Archiepiscopus in cap. xxii. Lucæ: Satanas vos, inquit, petivit cribrare, hoc est, turbare, nocere, tentare: Sed ego rogavi, ne existimetis, inquit, quod vestrum sit, totum hoc bonum opus. Diabolus enim valde urget, si possit vos ab amore Dei depellere,

& ostendere proditores. Ad Petrum autem verba dirigit, qui reliquis audacior erat. Et probabile est superbis in iis, quæ à Christo promissa erant: Idcirco & reprimere eum dicens: Satana quidem fuit multum studium contra vos: Ego autem rogavi pro te: Hoc humano more dicebat. Nam ut Deus non opus habebat orare aliquem: Rogavi igitur, inquit, ut non deficiat fides tua. Quamvis enim brevi tempore concutiendus sis, habes tamen recondita semina fidei, ut etiamsi folia abjecerit spiritus invadentis, radix tamen vivet, & non deficiet fides tua. Tu verò conversus confirma fratres tuos: Planus huius intellectus est, quia te habeo ut principem discipulorum, postquam negato me fleveris, & ad pœnitentiam veneris, confirma ceteros. Hoc etiam te decet, qui post me Petra es & firmamentum Ecclesiæ. Intellexerit autem non solum de Apostolis dictum, quod confirmati fuerint à Deo, sed de omnibus etiam, qui usque ad  
 25 consummationem sæculi futuri sunt fideles. Tu Petre conversus bonum exemplum pœnitentiæ eris omnibus, ut nullus credentium in te respiciens desperet. Quid evidentius & Scripturæ sensui convenientius?

XX. Oecumenius in eundem locum: Rogavi patrem meum tanquam homo, ne in tempore negationis perdas fidem tuam, quam in me habes, & tu aliquando conversus post negationem videlicet per solum amarum, hoc est, in pristinum locum denuo restitutus confirma fratres tuos. Fratris autem ejus dicit reliquos Apostolos aut illos, qui per eos erant credituri. Confirma exemplo pœnitentiæ, quam de peccato tuo egisti. Et hoc nihil est quoque clarius.

XXI. Euthymius Zigabenus in eundem etiam locum: Dixit autem Dominus: Simon, Simon, ecce Satanas expetivit vos, ut cribraret sicut triticum. Illi enim moris est præstantiores expetere ad palæstram sicut Job. Cribrare verò, id est, turbare, movere, concitare. Et quibusdam interpositis: Prædicit autem eis de futura tentatione, quando omnes eo relicto fugerunt: Ego verò pro te rogavi, ne deficiat fides tua. Rogavi, inquit, patrem meum tanquam homo, ne perdas fidem tuam, quam in me habes in tempore tentationis, & tu aliquando conversus confirma fratres tuos. Conversus post negationem videlicet post solum amarum: Hoc est, in pristinum locum denuo restitutus. Fratres autem ejus dicit reliquos Apostolos, aut illos, qui per eos erant credituri. A majorum traditione non recedit.

XXII. Petrus Damianus Ostiensis Episcopus, & Card. in sermone xxvii. de SS. Petro & Paulo: Etsi impulsus est Petrus ut caderet, non tamen cecidit, quia Dominus suscepit eum: Stupefactus quidem momentum  
 26 huiusmodi Apostolus, sed statim in virtute fidei rediit, quia respiciente Domino flevisit amarè. Etsi ad tempus concussus est, non tamen deieci potuit, quia sententia veritatis cassari non poterat dicens: Ego pro te rogavi, Petre, ut non deficiat fides tua.

XXIII. Drogo Ostiensis Episcopus & Cardinalis in libro de sacramento Dominicæ Passionis: Voluisset quidem Satanas, si licuisset, tandiu Petrum colaphizando cribrare, sicut triticum, donec omnem ab eo fidei medullam excussisset: Sed ego, inquit, rogavi pro te, ut non deficiat fides tua.

XXIV. Magister Sententiarum in lib. iii. dist. xvii. Pro hominibus ergo vult transire calicem, per quem omnes discipuli erant tentandi: Et ideo pro Petro rogat, ne deficiat fides ejus.

XXV. Innocentius III. in sermone i. de sanctis Petro & Paulo: Sed tu es Christus filius Dei vivi, qui vivens in se vivificat universa, in quo vivimus, movemur, & sumus. Hanc tantum fidem Dominus nulla passus est tentatione deficere. Unde cum in Passionis articulo beato Petro dixisset, Simon, ecce Satanas expetivit vos, ut cribraret sicut triticum, statim adjecit: Sed ego pro te rogavi, ut non deficiat fides tua, & tu aliquando conversus confirma fratres tuos. Licet enim aliquando dubitaverit, propter quod Dominus eum increpavit, Modice fidei quare dubitasti? Quia tamen fides in  
 sua



sua soliditate convuluit, statim eum de periculo pelagi liberavit. Sic Scripturæ locum de solo Passionis tempore interpretatur.

XXVI. Hugo Cardinalis in caput xxii. Lucæ: Ego  
27 autem rogavi, quasi Satanas tentabit me permittente, sed non prevalebit. Et hoc non erit ex vobis, sed ex me, qui hoc rogavi, scilicet, ut non deficiat fides tua. Chrysostomus. Pro omnibus petiit Joannis xxii. Pater sancte, serva eos in nomine tuo. Sed quare hic de solo Petro? Solutio. Ostendens, quod difficilius est casus ejus, id est, Arelati. Et primo quare non dicit non, sed ut non? Romanorum xvi. Deus autem pacis conterat sub pedibus vestris velociter, ut non deficiat fides tua. Chrysostomus. Qualiter ergo rogavit? Solutio. Non dixit Dominus, ut non neget, sed ut non deficiat fides tua, ut non periret finaliter. Beda. Non ait, ut non teneris, sed ne deficiat fides tua, ut post lapsum negationis ad pristinum statum penitendo resurgas. Utile enim est sanctis propter duo tentari, ut scilicet aliis appareat fortitudo eorum, & ut agnoscant fortitudinem suam. Eccles. xxxiv. Qui non est tentatus, &c. Tobia. Et tu aliquando conversus; in hoc innuit, quod aliquando negaturus; confirma fratres tuos. Argumentum, quod qui non est conversus, non potest alios confirmare.

XXVII. Albertus Magnus in eundem locum: Ego autem, quem Pater in omnibus exaudiat Hebraeorum v. in omnibus exauditus est pro sua reverentia Joan. ii. Ego sciebam, quia tu semper me audis: Rogavi pro te, ut non finaliter deficiat fides tua. Sic ad litteram exponit de personali fide Petri.

XXVIII. Beatus Thomas in Catena super cap. xxii. Lucæ. Ait autem Dominus Simon: Simon, ecce Satanas expetivit vos ut cribraret, sicut triticum. Id est, expetivit vos tentare, velut qui triticum purgat, ventilando concutere, in quo docet nullius fidem à Diabolo, nisi Deo permittente, tentari. Theophyl. Hæc autem Petro dixit: Eò quod fortior aliis erat, & superbire poterat in iis, quæ promissa erant à Christo. Cyrillus: Vel ut ostendat, quod homines nihil existentes, quantum pertinet ad humanam naturam & lubricum mentis nostra non decet, ut præesse ceteris velint. Et ideo omisiss ceteris venit ad Petrum ceteris prelatum. Unde sequitur: Ego autem rogavi pro te, ut non deficiat fides tua: Chrys. homil. 83. in Matth. Non autem dixit: Ego permisi, sed oravi. Humiliter enim loquitur tendens ad Passionem, ut humilitatem demonstret. Nam qui non deprecatione, sed imperio dixerat, Super hanc petram edificabo Ecclesiam meam, & tibi dabo claves regni calorum; Quomodo opus habebat oratione, ut concitatem unius hominis animam coerceret? Non enim dixit, rogavi, ut non neget, sed ne deficiat fides tua. Theophyl. Nam si paululum agitando sis, habes tamen reconditum semen fidei; quamvis deieceris folia spiritus temptationibus, viget tamen radix: Petit ergo Satanas se ledere, tanquam invidens sibi de mea dilectione: sed quamvis egomet pro te sum deprecatus, tu tamen delinques. Unde sequitur: Et tu aliquando conversus confirma fratres tuos: Quod dicitur: Postquam me negato ploraveris ac penitueris, corrobora ceteros, cum te Principem Apostolorum deputaverim. Hoc enim te decet, qui mecum robur es & petra Ecclesia. Hoc autem intelligendum non solum de Apostolis, qui tunc erant, ut roborarentur à Petro, sed & de omnibus, qui usque in finem mundi futuri sunt, fidelibus, ne scilicet aliquis credentium diffidat. Videns eum qui cum esset Apostolus, de-

29 negavit, ac iterum per penitentiam obtinet prerogativam, ut esset antistes mundi. Cyrillus. Admirare igitur exuberantiam divine patientie, ne diffidere discipulum faceret, nondum patrato crimine largitus est veniam, ac iterum in Apostolorum gradu restituit denuo. Confirma fratres tuos. Beda: Sicut ego tuam fidem, ne deficiat, orando protexi, ita tu infirmiores fratres, ne de venia desperent, confortare memento. Ambros. Cave ergo jactantiam, cave saculum: Ille jubetur confirmare fratres suos, qui dixit, omnia reliquimus & secuti sumus te. Hæc est multorum refugia in eundem titulum interpretatio, quam

sanctus Thomas referendo & probando suam opinor facit.

XXIX. Sanctus Bonaventura in cap. xxii. Lucæ: Ait Dominus Simoni: Simon, ecce Satanas expetivit vos, ut cribraret sicut triticum: Specialiter sanctum alloquitur Petrum tanquam principalem inter omnes Apostolos. Nam ei dictum est, beatus es Simon Barjona. Et paullo post: Ego dico tibi, Tu es Petrus & super hanc petram edificabo Ecclesiam. Istum ergo tanquam principalem lapidem & fundamentum pramunit, ostendendo periculum pugna hostilis. Et quibusdam interpolitis: Secundo quantum ad ostensionem defensionis adjungit, Ego rogavi pro te, ut non deficiat fides tua. Hic Dominus rogavit, non ut Petrus non caderet, sed ut non deficeret, quia quamvis ceciderit, resurrexit. De personali tantum fide Petri Lucam intelligit.

XXX. Auctor interlinearis glossæ in cap. xxii. Lucæ: Sicut ergo orando te protexi ne deficeret, sic tu infirmiores fratres exemplo tua penitentia conforta, ne de venia desperent. Sic rem paucis exponit.

XXXI. Nicolaus Liranus Parisiensis Theologus in eundem locum: Ego autem rogavi pro te, ut non deficiat fides tua, scilicet finaliter. Non enim rogavi, quod Petrus non caderet, sed ut in peccato non remaneret. Ideo sequitur: Et aliquando conversus scilicet de peccato ad gratiam, confirma: Hoc dicitur ei quia Ecclesia sibi erat committenda. Ex hoc etiam patet fidem non deficere usque ad finem mundi, potissimum in Ecclesia Romana, quæ à Petro post Christum fundata est.

XXXII. Guillelmus Okamus in libri v. Dialogorum capite iiii. Hæc auctoritas (Lucæ xxii.) non potest de Papa intelligi, ut Christus rogaverit, ut fides Papæ non deficeret, tum quia Sedes Apostolica sæpe vacat; Et tamen tunc non deficit fides, pro qua Christus rogavit: Tum quia Papa potest renunciare Papatu vel depomi, & postea contra fidem errare, cum nullo tempore deficiat fides pro qua rogavit Christus: Verba verò prædicta dicit Christus beato Petro pro persona ipsius Petri, quia fides ejus finaliter non deficit, licet ad tempus defecerit, propter quod sibi dicit Christus: Et tu aliquando conversus, postquam scilicet fides tua defecerit; Ergo tu ad fidem rediens confirma fratres tuos. Hæc expositio sanctorum Patrum traditioni consentit, & invicta ratione fulcitur.

XXXIII. Dionysius Cartusianus in articulo xlviii. super Lucam: Ut non deficiat fides tua, hoc est, ne penitus extirpetur, aut finaliter deficiat, quamvis ad tempus vacillet. Itaque Christus oravit pro te, non, ut non tentaretur, sed ut in tentationis malo non relinqueretur. Nec dubium est, quin pro aliis quoque electis Apostolis Christus idem rogaverit. Sed idcirco hæc specialiter loquitur Petro, quia inter Apostolos principalior, ferventior, atque audacior erat, & quoniam fuerat in tentationem lapsus, propter quod eum magis præavizare & pramunire dignatus est. Sic ad litteram interpretatur.

XXXIV. Thomas Cajetanus Cardinalis ex Ordine Prædicatorum Theologus, in cap. xxii. beati Lucæ: Ego autem rogavi pro te; non dicit, rogavi pro vobis, (cum tamen pro eis rogaverit dicendo, Pater sancte serva eos à malo) sed pro te ratione officii, quoniam rogasse pro te redundat in rogasse pro fratribus tuis, quos confirmaturus es. Ego itaque rogavi pro te, non singulariter exclusis aliis, sed præcipue tanquam aliorum futuro capite, ut non deficiat fides tua; non dicit, ut non deficiat charitas tua; non dicit, ut non deficiat confessio fidei tue, sed fides tua, quæ est in Corde: Corde creditur ad justitiam, ore autem confessio fit ad salutem: Ad Romanos decimo. Defecit siquidem Petri charitas, defecit & confessio fidei, cum ter Christum negavit. Sed non defecit fides, quoniam timore negavit, non incredulitate.

Et tu aliquando conversus. Hic manifestè casum Petri prædicat: Nisi enim aversurus se esset, non ei diceretur: Et tu aliquando conversus. Aversus siquidem est, etsi non à fide, tamen à confessione fidei, à caritate Dei, falsum juramentum incurrendo; cum juravit se non nosse Christum, sed prædicando aversionem, prædicat quoque conversionem subsequituram. Utramque autem rei gesta probavit eventus.

Confirma

Confirmo fratres tuos, officium confirmandi fratres prædicat futurum Petri: Et hinc tollit occasionem recidivæ contentiōis. Sed vide, quod non subditos, sed fratres <sup>32</sup> vult haberi reliquos à Petro. Vide, quod officium non dominandi, sed confirmandi in bono fidei, spei, & caritatis prænuntiat & mandat. Hæc clara & aperta sunt, necnon antiquis tractationibus Ecclesiasticis consentanea.

XXXV. Joannes Major Parisiensis Theologus, in caput xxii. Lucæ: Ego rogavi pro te, Petre, ne undecim Apostoli soli de tot millibus cum Domino in tentationibus permanisse gloriantur; Admonet nos crebriter potuisse succumbere, nisi divino subsidio fuissent protecti. Ecce, inquit, Satanas petit cribrare vos more tritici in vanno, cribro-ve, facultate non obtenta à Deo nulli obesse valet. Nihilominus ergo pro te rogavi secundum humanitatem, ut tua fides haud extinguatur. Non enim interpellor, ut non cadas, conducibilis est ut tuæ infirmitati relinquare. Cephas enim supplantatus imbecillitatem suarum virium est expertus, ut aliorum lapsibus ignoscat, & ne severum Pastorem agat, & tu olim respiciens fratres tuos anima & animatos roborat: Lapsus eris exemplar. Tamen autem Dominum & magistrum socorditer ad muliercula insultationem abjuravit, divina clementia ad divinam auctoritatem est evectus. Nemo ergo desperet, sed post recidivum & recrudescentem morbum relevamen anxie petat: Supremus ille medicus, qui tuam humilitatem ex alto prospicit, te non despicit; fratribus subinde te monstra, ne de venia desperent. Hæc manifesta sunt.

XXXVI. Joannes Arboreus Parisiensis Theologus eundem locum explicans: Ait autem Dominus Simoni: Ecce Satanas expetivit, sive depoposcit, ut vos cribraret ac ventilaret, velut triticum, vosque à fide abduceret, <sup>33</sup> Veruntamen ego rogavi pro te, ut non deficiat fides tua, & tu aliquando conversus confirma fratres tuos: Si Satanas petierit, ut cribraret ac turbaret Apostolos, eosque à fide ac amore Christi abduceret, manifestum erit, Satanam neminem posse tentare, nullique nocere, nisi permissione divina. Conatus est autem Apostolos cribrare, sicut cribratur triticum: Sed opposito modo. Nam cum cribratur triticum, quod malum est, excutitur; quod bonum est, remanet. Et cum Diabolus nos cribrat, quod bonum est, excutit, & quod malum est, reservat. Nam odit granum & amat paleam, quam desiderat igne inextinguibili aduri. Veruntamen Diabolus, capitalis naturæ humana hostis, non est omnino affectus, quod postulabat, licet deduxerit Petrum ad incredulitatem & infidelitatem. Siquidem Dominus rogavit pro Petro, ut ejus fides non deficeret. Nec solum rogavit patrem suum pro Petro, sed etiam pro ceteris Apostolis. Nam rogando patrem suum paulo ante supplicium crucis dicebat: Ego pro eis rogo, non pro mundo rogo, sed pro his, quos dedisti mihi, quia tui sunt. Specialiter tamen fudit preces pro Petro, quia prævidendo ejus gravissimum peccatum, prævidebat & summam Dei misericordiam, qua indigebat, ut ejus scelus expiaretur: Tum quod futurus erat Apostolorum vertex, & habiturus curam & regimen universalis Ecclesiæ. Nam Dominus post suam resurrectionem dixit Simoni Petro, Pasce agnos meos, Pasce oves meas. Erasmus in sua paraphrasi enarrans hunc locum, ut non deficiat fides tua, dixit, ut quamvis vacillatura sit fides tua, non deficiat tamen. Scribit & Cajetanus in Lucam: Defecit Petri caritas, defecit & confessio <sup>34</sup> fidei, cum Dominum ter negavit, sed non defecit fides, quoniam timore negavit, non incredulitate.

Verum nec hujus nec illius sententia accedo, & dico ego cum aliquot doctis interpretibus, quod defecit fides in Petro, & turpius, quam in ceteris Apostolis. Nam ter Dominum negavit, & certe magnum est infidelitatis argumentum deferere Christum, fugere, & postea eum ter negare. Deinde hic locus, & tu aliquando conversus confirma fratres tuos, plane monstrat Petrum à fide defecisse, licet semina fidei in eo remanserint. Nec hic lo-

quitur Dominus de conversione alia, quam ab infidelitate, & sensus est: Et tu ab infidelitate conversus, & quidem mea sententia, confirma & corrobora fratres tuos, & exemplo tuæ conversionis fac eos in fide fortes. Adde quod Dominus prævidens, quod de ejus virtute & divinitate basitarent Apostoli omnes, dixit, Omnes vos scandalum patiemini in me in ista nocte. Scriptum est enim, percutiam pastorem & dispergemur oves gregis. Itaque Petrus videns Dominum suum tolerare, quidquid humana infirmitas tolerare potest, & quod in hujusmodi contumeliis, sputis, flagellis, & pænis divinam virtutem non exerceret, cum eum ter negavit, non timore, sed imbecillitate negavit. Cum autem dixit Dominus, Ego pro te rogavi, ut non deficiat fides tua, volebat innuere pro te rogavi, ut non remaneret in infidelitate.

XXXVII. Joannes Benedictus Parisiensis Theologus in capite xxii. Lucæ: Non dixit, permisi, sed rogavi. Humiliter enim loquitur tendens ad Passionem. Nec dixit rogavi ut non neget, sed ne deserat fidem: Chrysostomus. Hæc in notis suis ad novum Testamentum.

XXXVIII. Joannes Gagnæus Parisiensis Theologus <sup>35</sup> in cap. xxii. Lucæ: Exposit vos Satanas in cribraret, id est, hac illac versaret, & excuteret quomodo triticum solent. Ego autem rogavi pro te, ut non deficiat fides tua. Hic duo notantur, quod cum pro solo Petro tantum se rogasse dicit, specialiter pro eo tantquam pro capite se orasse innuit. Cum autem dicit, ut non deficiat fides tua, & certum sit, Petrum peccasse, quando timore negavit, ex infirmitate, non ex incredulitate, ostendit contra Lutheranos non per quodlibet peccatum fidem deperdi. Rursus indicat, providentia Dei id accidisse, ut aliquando conversus, lapsusque proprii conscientis fratribus condolescere nosset peccantibus, & eos confirmare. Hæc omnia Dominicæ Passionis tempore definiuntur.

XXXIX. Dominicus Bannes celebris inter Dominicanos Theologus in fusioribus ad secundam secundæ quæst. 1. art. x. Commentariis dubit. iv. concl. III. Petro aliqua dicta sunt, ut singularis quidem Christianus erat, quadam ut Ecclesiæ caput erat, quadam autem ut à Deo specialibus privilegiis decorabatur. Et quibusdam interpositis: Quæ verò speciale Petri privilegium sonant, qualia sunt illa Matthæi xvi. Beatus es Simon Barjona, & illud Lucæ xxii. Ego rogavi pro te, Petre, ut non deficiat fides tua, (in quo aliqui PIE ET CATHOLICE intelligunt perseverantiam in fide interiori esse promissam) ad successores illius extendere non cogimur. Non dixisset, aliqui, sed, omnes, vel certe tractatorum Ecclesiasticorum pars illustrior, si quæ omnia retulimus in hanc rem, probe novisset.

XL. Joannes Maldonatus è Societate Jesu Theologus <sup>36</sup> in Lucæ caput xxii. Ego autem rogavi pro te, Petre, ut non deficiat fides tua. Ostendit periculum, ostendit remedium. Docuerat unde timere, docet unde sperare debeat, se eundem, qui Diabolo postulanti potestatem pugnandi concessisset, effecturum, ut expugnare non possit. Ego orabo pro te, ut non deficiat fides tua. Protegam eam maxime partem tui, quam Diabolus maxime petet. Ille fidem caput, ut ait Chrysostomus, Christiani hominis, & te ceterorum caput petet, ego te maxime fidemque tuam protegam. Hæc causa fuit, quamobrem solius fidei mentionem fecerit, cum credibile sit, hostem humani generis non fidem tantum, sed ceteras etiam omnes Apostolorum tentasse virtutes: Non dubium quin ad futuram Petri negationem Christum alludat. Et post alia, in quibus dicit, Petri successores in fide successores confirmaturos esse, nec confirmaturos si in fide errare possent, subjicit: Quamquam Ambrosii in Psal. xliii. Theophylacti & Enthymii interpretatio mihi non displicet, qui conversum exponunt à peccato, quo Christum negavit, acta penitentia, quasi aliis de suo vulnere fecerit medicinam. Sic videtur eam revocare aut certe minus certam habere sententiam. Quæ recentiores quidam G g g istud,



istud, & tu aliquando conversus confirma fratres tuos, ita ad Petri successores transferunt, ut per ea verba non dubitent Petri successoribus non errandi privilegium in confirmandis fratribus tribuere.

37 XLI. Joannes Andreas Coppensteinus Mandalenfis ex Ordine Prædicatorum Theologus, in parte III. quadrihoræ prædicationis de Passione Domini: *Quod si cecideris, spera, quia & Petrus ore non corde negabat, idque quia Christus rogavit pro eo, ut non deficeret fides ejus. Hæc prædicatione extat inter Cæsarii Heisterbachensis ex Cisterciensi Ordine Monachi homilias.*

XLII. Gabriel à Porta è Societate Jesu Theologus, in suis apud Burdegalensæ Collegium dictatis Theologicis, quæ anno MDCXXXIV. Lutetiæ prælo commissa sunt. In iis proponit dubium hoc, *an divina traditione planè certum sit, Summum Pontificem non posse nullo modo falli, nec aliis falsum dicere circa veritatem fidei.* Sub finem responsionis, qua Summum Pontificem falli & aliis falsum dicere circa veritatem fidei posse asseruit & exemplis confirmavit: *Contra prædictum quoque responsum nihil facit illud Christi dictum apud Lucam cap. XXII. Rogavi pro te, Petre, ut non deficiat fides tua: Etenim inde non potest colligi, quod Pontifex non possit errare circa materiam fidei, aut non possit loqui contra fidei veritatem. Nam fides propterea non deficit. Deinde probabile est, quamvis Petrus post Christi resurrectionem firmior fuerit in fide, quam unquam antea, tamen non fuisse Christi illud dictum intelligendum, nisi de fide Petri pro tempore, quo Christus erat futurus absens per mortem, & non pro omni tempore. Nam post adventum Spiritus Sancti, neque Petrus novè conversus est à lapsu negationis: Neque opus fuit, ut fratres suos confirmaret, nempe reliquos Apostolos, de quibus loquebatur Christus Dominus prædicto loco, cum diceret, & tu aliquando conversus confirma fratres tuos. Præterea quamvis nihil egisset contra fidem, aut dixisset, non sequeretur fuisse id commune omnibus Pontificibus. Veruntamen Petrus contra confessionem exteriorem egit dum Christum negavit. Unde si debet quod Petro convenit, esse commune, possunt & alii Pontifices exteriùs loqui contra fidei veritatem, quod tamen magis est contra officium Pontificis, quam male tantum sentire. Hæc satis meditata videtur loci hujus expositio & acris per expositionem disputatio. (collegæ quidam, adulatrici Curiae addicti, non permiserunt, ut quæ omnia hic Theologus origine & doctrina Gallus pro tuenda Romanæ Ecclesiæ traditione contra eosdem magistros scripserat, typis mandarentur. Porro quod fragmentum anno MDCXXXIII. Lutetiæ editum est, illis magistris nescientibus, & certa & optima de causa editum fuisse memini ego, qui tunc Theologicæ disciplinæ studium decurrebam.*

XLIII. Stephanus Menochius ex eadem Societate Theologus in caput XXII. Lucæ: *Oravi pro te, pro omnibus quidem, sed singulariter pro te, quem caput cæterorum discipulorum meorum esse volo. Fides tua, qua me credis esse filium Dei, & doctrina à me tradita adhaeres. Et tu igitur aliquando conversus, scilicet à peccato negationis, confirma in fide orthodoxa & reliquis ad salutem ducentibus, fratres tuos, non Apostolos tantum, sed omnes etiam fideles.* Menochii interpretatio Petrum duntaxat respicit, cum propter alia, tum maxime propter verba hæc: *Et tu aliquando conversus: Scilicet, à peccato negationis.*

39 XLIV. Alexander VII. classi huic finem imponet in Epistola, quam ad Lovanienses Theologos scripsit anno MDCLXII. Ubi doctrinam beati Augustini probando suam facit: *De reliquo non dubitamus, quin pro singulari scientiæ pietatisque studio sacram & incorruptam, qualem tot Apostolica Sedis declarationes, & sanctorum Patrum traditiones requirunt, doctrinam semper amplexuri, & adversus orthodoxæ religionis hostes defensuri sitis, nec non præclarissimum Ecclesiæ Catholi-*

*ca Doctorum Augustini & Thomæ Aquinatis inconcussa, tutissimæque dogmata sequi semper ac impensè revereri velitis, quorum profecto sanctissimorum virorum penes Catholicos universos ingentia, & omnem laudem supergressa nomina novi præconis commendatione planè non egent. Quod igitur de beato Augustino dogma retulimus, inconcassum & tutissimum decernente Pontifice haberi debet. Præterea facilè credendum non esset Alexandrum VII. repudiare velle derivatam ab initio Romanæ Ecclesiæ, & Sedis Apostolicæ traditionem, quam Innocentius I. Carthaginienfis & Milevitano Conciliis respondens circa veram beati Lucæ intelligentiam conclusit. Hic Bellarminus & illius sectatores si Alexandro VII. concordent, capti sunt; si ab Alexandro VII. discordent, nulli.*

Hæc est prima classis Patrum & Ecclesiasticorum tractatorum, qui beati Lucæ testimonium ad Domini cæ Passionis tempus, & perseverantissimam in fide & in gratia Dei voluntatem referunt.

Secunda Classis Patrum & Ecclesiasticorum Tractatorum, qui tradunt orasse Christum, ut Romana Ecclesia per Petrum fundata à fide nusquam deficiat.

**I**N hac Classe Romanorum Pontificum duorum Epistolam duas omitto; Lucii I. Epistolam 1. ad Episcopos Hispaniæ & Galliæ, & Felicis I. Epistolam ad Benignum. Omissionis causa est illarum suppositio, quam in superiori ad Antonium Varillam Epistola demonstravimus.

I. Familiam igitur ducet Agatho Romanus Pontifex Epistola ad Constantinum Imperatorem, quæ refertur in Synodi VI. actione IV. ubi post expositam à se fidei doctrinam subjungit: *Hæc est vera fidei regula, quam & in prosperis & in adversis vivaciter tenui & defendi hæc spiritalis mater vestri tranquillissimi Imperii Apostolica Christi Ecclesia, quæ per Dei omnipotentis gratiam à tramite Apostolicæ traditionis nunquam errasse probabitur, nec hæreticis novitatibus depravata succubuit. Sed ut ab exordio fidei Christianæ normam percepit ab auctoribus suis Apostolorum Christi principibus ilibata sine tenui permanet secundum ipsius Domini Salvatoris divinam pollicitationem, quam principi suorum Discipulorum Christus in suis Evangelis satis est: Petre, Petre, inquit, ecce Satanas expetivit ut cribraret vos, sicut qui cribrat triticum: Ego autem pro te rogavi, ut non deficiat fides tua, & tu aliquando conversus confirma fratres tuos. Consideret itaque tranquilla clementia vestra, quoniam Dominus & Salvator omnium, cujus fides est, qui fidem Petri non defecturam promisit, confirmare eum fratres admonuit, quod Apostolicos Pontifices mea exiguitatis prædecessores confiderenter fecisse semper cunctis est agnatum, quorum & pusillitas mea licet impar & minima, pro suscepto tamen divina dignatione ministerio pedissequa cupit existere.*

II. Petrus Damianus in sermone XXIII. de Nativitate sancti Joannis Baptistæ: *Illam mater & magistra Ecclesiarum omnium Ecclesia Romana, cui dictum est: Ego pro te rogavi ut non deficiat fides tua, in honore sancti Joannis Baptistæ post Salvatoris nomen consecrata est & signata.*

III. Gregorius VII. in libri VII. Epistola I. ad Simandensem Archiepiscopum, locutus de Romana Ecclesia: *Quæ per beatum Petrum quasi quodam privilegio ab ipsis fidei primordiis à sanctis Patribus omnium mater Ecclesiarum adstruitur, & ita usque in finem semper habebitur, in qua nullus unquam hæreticus præfuisse dignoscitur, nec unquam præsciendum præsertim Domino promittente confidimus. At enim Dominus Jesus: Ego rogavi pro te, Petre, ut non deficiat fides tua.*

IV. Jacobus Cardinalis Vitriacus in Orientalis historię capite LXXV. *Deus Romanam civitatem totius mundi*

mundi metropolim & capitaneam sicut in temporalibus; omnibus praeerat, ita & in spiritalibus, universis fidelibus voluit praefuisse. Cephas enim, qui simpliciter caput interpretatur, id est, Petrus totius mundi caput, à Domino est constitutus, dicente Domino absque aliorum exceptione, Quodcumque ligaveris super terram, erit ligatum & in caelis. Et iterum, Pasce oves meas, non dicit tantum Latinos vel Occidentales, sed simpliciter oves meas, ut esset unum ovile & unus pastor. Patet ergo cum super hanc Petram, pro qua Dominus rogavit, ut non deficiat fides ejus, post Christum adificata sit & fundata Christi Ecclesia, quod omnes, qui à Romana Ecclesia recedunt, qui absque fundamento adificant in vanum laborantes, & ab eo, qui à Domino Cephas vocatur, separati, acephali, & monstrofi homines moribus sunt reputandi.

V. Sanctus Thomas in expositione Symboli: Inde est quod Ecclesia Petri, in cuius partem venit tota Italia, dum discipuli mitterentur ad predicandum, semper fuit firma in fide: Et cum in aliis partibus, vel nulla fides sit, vel sit commixta multis erroribus; Ecclesia tamen Petri & fide viget & ab erroribus munda est: Nec mirum, quia Dominus dixit Petro Lucae XXII. Ego pro te rogavi, &c.

VI. Joannes XXII. in diplomate, quo beatum Thomam in Sactorum ordinem retulit, §. VII. allata beati Lucae auctoritate: Et ego rogavi pro te, Petre, ut non deficiat fides tua, subicit, Dumque pro Petro Christus rogat, pro ejus Ecclesia intercedit. Hic tamen animadverto, verba haec, pro ejus, prae se ferre rem ambiguam. Si enim pronomen ejus, Christum indicet, Joannes XXII. de universali loquetur Ecclesia: Si verò pronomen, ejus, Petrum demonstrat, Joannes XXII. loqui potuerit de universali Ecclesia, & de Romana, quae universalis Ecclesiae pars est eminentissima.

VII. Pius II. in Epistola cccxcvi. ad Mahometam Turcorum Principem: Ad Petrum Vicarium suum inquit Salvator, Tu es Petrus, & super hanc petram adificabo Ecclesiam meam, & porta inferi non prevalebunt adversus eam: Et iterum, rogavi pro te, Petre, ut non deficiat fides tua. Praevaluissent porta inferi, & defecisset fides Petri, si falsum esset Evangelium, quod sequimur: Sed manet fides magni Pastoris in Ecclesia Romana quae nunquam inventa est errasse, neque errabit in aeternum. De Romana Ecclesia particulari intelligendus est Pius, nisi Romanae Ecclesiae nomine universalem significet: Ut nonnulli in posterioribus saeculis significaverunt.

Atque hi sunt maximè, qui Scripturae locum hunc de Romana Ecclesia videntur intelligere. Observandum tamen est, beatum Thomam sub Romanae Ecclesiae nomine Italiam totam complecti.

*Tertia Classis Patrum & tractatorum Ecclesiasticorum, qui tradunt orasse Christum, ut Sedes Petri, seu Apostolica Sedes à fide nusquam deficiat.*

I. Incipimus à Leone IX. in Epistol. v. ad Petrum Antioch. Episc. Sic omnia, inquit, veneranda Concilia, sic leges humana promulgant: Sic ipse Sanctus Sanctorum, Rex Regum, Dominus Dominantium confirmat, quatenus ibi principalis dignitatis & totius Ecclesiasticae discipline venerabilis apex praefulgeat & praeceat, ubi ipse vertex atque cardo Apostolorum Petrus carnis suae beatam resurrectionem in novissimo die expectat. Nimirum solus ille, pro quo ne deficeret ejus fides, Dominus & Salvator asserit se rogasse, dicens: Simon, Simon, ecce Satanas expetivit vos ut cibaret sicut triticum, Ego autem rogavi pro te, ut non deficiat fides tua, & tu aliquando conversus confirma fratres tuos: Quae venerabilis, & efficax oratio obtinuit, quod haec Petri fides non defecerit, nec defectura creditur in Throno illius usque in saeculum saeculi:

Sed confirmabit corda fratrum variis concutienda fidei periculationibus, sicut usque nunc confirmare non cessavit.

II. Leonem sequitur Gregorius VII. quem in libri II. Epistola xxxi. ad Henricum Regem ita scribentem invenio: Illud etiam ad hoc opus permaximè instigat, quod Constantinopolitana Ecclesia de Sancto Spiritu à nobis dissidens; concordiam Apostolica Sedes expectat. Armeni etiam ferè omnes à Catholica fide aberrant, & pene universi Orientales praestolantur, quid Sedes Apostolica Petri inter diversas opiniones eorum decernat. Instat enim nostro tempore, ut impleatur, quod pius redemptor speciali gratia dignatus est Apostolorum Principi indicare ac precipere dicens: Ego pro te rogavi, Petre, ne deficiat fides tua, & tu aliquando conversus confirma fratres tuos, & quia patres nostri, quorum vestigia licet indigni sequi optamus, partes illas pro fide Catholica confirmanda saepe adierunt, nos adjuti precibus omnium Christianorum, si Christo duce via patuerit, quia non est via hominis in manu hominis & a Domino gressus hominis diriguntur, illuc transire pro eadem fide & Christianorum defensione compellimur.

Deinde in libri III. Epistola xviii. ad Simeonem Hispanorum Episcopum: Apostolica Sedes, cui quamvis immeriti Deo auctore praesidemus, ipso gubernante, firma permansit ab ipsis primordiis, eoque tunc illibata perpetuo permanebit, testante eodem Domino: Ego pro te rogavi, Petre, ut non deficiat fides tua, & tu aliquando conversus confirma fratres tuos.

III. Sanctus Bernardus Gregorium VII. excipit in Epistola cxc. ad Innocentium II. Oportet ad vestrum referri Apostolatum pericula quaque & scandala emergentia in regno Dei, ea praesertim, quae de fide contingunt, dignumque arbitror, ibi potissimum resarciri damna fidei, ubi non possit fides sentire defectum. Haec quippe hujus prerogativa Sedis. Cui enim alteri aliquando dictum est, Ego pro te rogavi, Petre, ut non deficiat fides tua, ergo quod sequitur à Petri successore exigitur, & tu aliquando confirma fratres tuos? Cum ait: Cui enim alteri aliquando dictum est, Sedem intelligit, non tantum Pontificem in ea sedentem, ut id cum antecedentibus quadret & iis respondeat: Haec quippe hujus prerogativa Sedis. Cui enim alteri (Sedi) aliquando dictum est, respectum habet ad Sedes alias Constantinopolitanam, Alexandrinam, Antiochenam, Hierosolymitanam, in quibus aliquando fides defecit.

Praeterea seipsum interpretatur, cum recepto tunc more pluribus in Epistolis sic scribit: In Epistola clxviii. Ad Episcopos Curiae: In Epistola clxxxviii. Dominis & Patribus reverendis Episcopis Cardinalibus, qui sunt de Curia. In Epistola cccix. Ad quatuor Episcopos Curiae. Albericum Ostiensem, Stephanum Praenestinum, Igmaram Tusculanum, & Gerardum Cancellarium. In Epistola cccxxv. Dominis Patribus reverendis Episcopis & Cardinalibus Curiae. Ubi & haec leguntur: Non ignoratis prolatam esse sententiam à Domino Papa bona memoria Innocentio cum vestro & Romana Curia generali essensu. In Epistola cccxxvi. Dominis & Patribus reverendis Cardinalibus & Episcopis omnibus, qui sunt de Curia. Quamobrem cum dicit, Haec hujus prerogativa Sedis, à Sede sedentem non separat, sed conjungit.

IV. Innocentius II. idem, quod Bernardus, sentit in Epistola, quam ad Senonense Concilium rescribit: Verum in hoc maximè consolamur, & omnipotenti Deo gratias agimus, qui in partibus vestris pro patribus tales filios suscitavit, & tempore Apostolatus nostri in Ecclesia sua tam praclaros voluit esse Pastores, qui novi haeretici calumniis studeant obviare, & immaculatam sponsam uni viro Virginem castam exhibere Christo. Nos itaque, qui in beati Petri cathedra (cui à Deo dictum est, Et tu aliquando conversus confirma fratres tuos) licet indigni residere conspiciamur, communicato fratrum nostrorum Episcoporum & Cardinalium consilio, destinata nobis



à vestra discretione capitula, & universa ipsius (Abaelardi) perversa dogmata sanctorum canonum auctoritate cum suo auctore damnavimus. Concilium Sedis Apostolicæ cum Pontifice conjungit.

V. Innocentius III. In Epistola ad Arelatensem Episcopum: & id habetur in Cap. Majores, de Baptismo & illius effectu: *Majores Ecclesia causas, præsertim articulos fidei contingentes ad Petri Sedem referendas intelliget, qui eum quærenti Domino, quem discipuli dicerent, ipsum esse respondisse notabit: Tu es Christus filius Dei vivi, & pro eo Dominum exorasse, ne deficiat fides ejus.*

- 47 Deinde in sermone II. de consecratione Romani Pontificis: *Sine fide impossibile est placere Deo, quia quidquid non est ex fide peccatum est: Nisi enim solidatus essem in fide, quomodo possem alios firmare in fide? Quod ad officium meum noscitur specialiter pertinere Domino protegente: Ego, inquit, pro te rogavi, Petre, ut non deficiat fides tua, & tu aliquando conversus confirma fratres tuos. Rogavit & impetravit, quoniam exauditus est in omnibus pro sua reverentia. Et idè fides Apostolica Sedis, in nulla unquam turbatione defecit; Sed integra semper & illibata permansit, ut Petri privilegium persisteret inconcussum. In tantum enim fides mihi necessaria est, ut cum de cæteris peccatis solum Deum judicem habeam, propter solum peccatum, quod in fide committitur, possem ab Ecclesia judicari. Nam qui non credit, jam judicatus est. Credo quidem & certissime credo, quod Catholicè credam confidens, quod fides mea debeat me salvare juxta promissionem dicentis: Fides tua te salvum fecit. Vade & noli amplius peccare. Porro fides sine operibus mortua est. Vivit autem fides qua per dilectionem operatur.*

- Tum in sermone III. de consecratione ejusdem Pont. postquam probavit, certum quoddam esse inter Episcopum & illius Ecclesiam conjugium, subnequit: *Propter causam verò fornicationis Romana Ecclesia posset dimittere Romanum Pontificem: Fornicationem non dico carnalem, sed spirituale, quia non est carnale, sed spirituale conjugium, id est, propter infidelitatis errorem: Quoniam qui non credit, jam est judicatus. Et in hoc articulo intelligitur, quod legitur in Evangelio, quod audistis: Vos estis sal terra, quod si sal evanuerit, in quo salietur? Ego tamen facile non crediderim, ut Deus permitteret, Romanum Pontificem contra fidem errare, pro quo specialiter oravit in Petro: Ego, inquit, pro te rogavi, &c. In hac periodo ultima, ex propria mente & affectu loquitur, non ex ulla majorum traditione, qua constet locum hunc Petri successoribus sic attributum esse, ut Innocentius attribui posse vellet. Id præ se ferunt verba hæc: Ego tamen facile non crediderim, ut Deus permitteret, Romanum Pontificem contra fidem errare, quæ non sine hæsitatione dicit. Sed in periodo prima sine hæsitatione ulla dicit: Propter causam fornicationis Romana Ecclesia posset dimittere Romanum Pontificem.*

Cæterum testimonio huic, in quo Innocentius certo quodam erga se & Romanum Pontificem affectu, & sibi & Romano Pontifici de beati Lucæ sensu accommodat, relata superius plura testimonia præponderant, in quibus & ad Romanum Pontificem & ad ejus Sedem beati Lucæ locum flectit, ut quidam antè flexerant.

VI. Albertus Magnus in cap. xxii. Lucæ: *Ego autem, &c. hoc argumentum efficax est pro Sede Petri & successore ejus, quod fides ejus non finaliter deficiat.*

Atque hi sunt maxime, qui locum illum Lucæ de Sede Apostolica interpretantur. Et quamvis fortè juxta eos omnes, vel eorum certè plerisque, qui in hac & superiori classe laudantur, eadem sit Sedes Apostolica, quæ Romana Ecclesia, nihilominus tamen Romanam Ecclesiam ab Apostolica Sede distinguendam esse censui.

- 49 Et primò quidem quia Innocentius I. distinguit in Epistola, quam ad Milevitanam Synodum scribit: In-

ter cæteras, inquit, Romana Ecclesia curas & Apostolica Sedis occupationes, quibus diversorum consulta fidei ac modica disceptatione tractamus, frater & coepiscopus noster Julius dilectionis vestrae literas, quas ex Milevitano Concilio cura fidei propensiore misistis, mihi inopinanter ingessit.

Deinde, quia Romanus præsul Agatho eandem retinet distinctionem in Epistola, quam ad Constantinum & Imperatores alios scribit: *His itaque, mansuetissimi rerum domini, divalibus apicibus animatus, & ad spem consolationis de profundis angoribus alleviatus, orsus jam meliori refectionis vestrae sacram dudum præcepta sunt, efficaciter promptam obsequentiam exhibere, ut personas, quales secundum temporis hujus defectum, ac servilis provincie aequalitatem poterant inveniri, pro obedientia satisfactione inquirerem, & cum consilio confamiliorum meorum Episcoporum tam de propinqua hujus Apostolica Sedis Synodo, quam de familiari Clero Amatores Christiani Imperii, & sequenter de religiosi servus Dei, ut ad piissimam tranquillitatis vestrae vestigia properarent, hortarer. Sic Romanum Clerum, Romanam nimirum Ecclesiam ab Apostolica Sede distinguit, cui vicinorum Episcoporum Synodum adjungit.*

Tum Gregorius VII. in juramento, quod sibi à Roberto Duce fieri voluit: *Ego Robertus Dei gratia, & sancti Petri, Apulia & Calabria & Sicilia Dux, ab hac hora & deinceps ero fidelis sanctæ Romanæ Ecclesiæ, & Apostolicæ Sedi, & tibi Domino meo Gregorio.*

Quartò in abjuracionis formula, quam Petrus Cardinalis Cameracensis Hieronymo Prageni obtulit fess. xix. Constantiensis Concilii: *Consensio sanctæ Romanæ Ecclesiæ, & Apostolicæ Sedi, & huic sacro Concilio. Et paullo post: Prout ipsa Romana Ecclesia & Apostolica Sedes, & hoc sacrum Concilium profitentur.*

Quintò Sixtus IV. in constitutione, quæ Grave nimis incipit: *Item motu, scientia, & auctoritate similibus simili pœna ac censura subjicientes eos, qui ausi fuerint asserere contrariam opinionem tenentes, videlicet gloriosam Virginem Mariam cum originali peccato fuisse conceptam, heresis crimen, vel peccatum incurrere mortale, cum nondum sit à Romana Ecclesia, & Apostolica Sede decisum.*

Sextò Pius IV. in Bulla, quam super residentia Prælatorum habentium curam animarum edidit: *In recompensam laborum & obsequiorum nobis, & Ecclesiæ Romanæ, dictæque Sedi (Apostolicæ) impensorum.*

Denique, ut quidquid est rei, magis appareret, & omnis fucata disputandi ratio tolleretur:

*Quarta Classis Patrum & tractatorum Ecclesiasticorum, qui tradunt, orasse Christum, ut universalis Ecclesia, vel etiam universale Concilium à fide nunquam deficiat.*

QUI tertiæ classis caput fuit, is & quartæ classis hujus caput erit, Leo IX. in Epistola I. x. ad Michaëlem Constantinopolitanum Episcopum: *Taliter sancta Ecclesia super petram, id est, Christum, & super Petrum vel Cepham filium hominis, qui prius Simon dicebatur, edificata, quia inferi portis, disputationibus scilicet hæreticorum, quæ vanos ad interitum introducunt, nullatenus foret superanda. Sic pollicetur ipsa veritas, per quam sunt vera, quacunque sunt vera, Porta inferi non prævalebunt adversus eam. Cujus promissionis effectum se impetrasse à patre idem filius protestatur, dicendo ad Petrum: Ego autem pro te rogavi, ut non deficiat fides tua, & tu aliquando conversus confirma fratres tuos. Erit ergo quisquam tanta dementia, qui orationem illius, cujus velle est posse, audeat in aliquo vacuum putare? Nonne à Sede Principis Apostolorum, Romana videlicet Ecclesia, tam per eundem Petrum, quam per*

per suos successores convicta atque expugnata sunt omnium hæreticorum commenta, & fratrum corda in fide Petri, quæ hætenus nec defecit, nec usque in finem deficiet, sunt confirmata?

Hic observanda sunt tria: Primum, quod facta apud Lucam Christi promissio adscribatur Ecclesiæ, quam super Christum ædificatam esse Leo dicit. Hæc autem Ecclesia non potest non esse universalis. Deinde, quod à Petri Sede, quæ pars est universalis Ecclesiæ, commenta hæreticorum omnium expugnata sunt. Sed illud commodè accipiendum est. Nam multa sunt hæreticorum commenta, quæ Petri Sedes non expugnavit, & sanè non expugnavit Pauli Samosatani hæresim, sed Synodus, quæ Antiochiæ habitata est, & cui nullus ex parte Romani Pontificis interfuit. Hanc rem latius pertracto in Epistola, quam ad Antonium Varillaum dedi. Postremo, quod fides Petri defectura est nunquam. Id certum est si agatur de fide, quam beatus Petrus confessus est, & in cujus confessione fundata est Ecclesia, ut multi Patres & Romani Pontifices loquuntur. Si verò agatur de fide successorum Petri, fuere, qui post Leonem hunc errarunt. Sed de hac fide non agere Leonem Leo ipse satis demonstrat.

II. Hildebertus Cenomanorum Episcopus in Epistola quam scribit, ut Ecclesiæ calamitatem in Paschalis II. captivitate lamentetur: *Jesu bone, ubi est promissionis tue veritas, si cum Ecclesia tua non permanferis in æternum, aut quid prodest oratio tua, si fides Petri deficiat? Confirma, Christe, confirma fidem Ecclesiæ, pro qua rogasti.* In tom. iv. Spicilegii Lucæ Dacherii.

III. Goffridus Viterbiensis Presbyter Chronicorum parte xvi. in Constantino Magno: *Quod Ecclesia nullo errore decipi possit, inde credendum est, quia porte inferi non pravelebunt adversus eam. Quod autem fides ejus manet in æternum, inde credendum est, quia Christus dixit: Ego pro te rogavi, Petre, ut non deficiat fides tua.*

IV. B. Thomas in secunda secundæ quæst. 11. art. vi. *Ad tertium dicendum, quod minores non habent fidem implicitam in fide majorum, nisi quatenus majores adherent doctrina divina: Unde & Apostolus dicit prima ad Corinthios, Imitatores mei estote, sicut & ego Christi: Unde humana cognitio non fit regula fidei, sed veritas divina, à qua si aliqui majorum deficiat, non præjudicat fidei simplicium, qui eos rectam fidem habere credunt, nisi pertinaciter eorum erroribus in particulari adherant contra universalis Ecclesiæ fidem, quæ non potest deficiere, Domino dicente Luca xxii. Ego pro te rogavi, Petre, ut non deficiat fides tua.*

Deinde in quæst. xxv. art. 1. Supplem. in argumento sed contrà: *Præterea universalis Ecclesia non potest errare, quia ille, qui in omnibus exauditus est pro sua reverentia, dixit Petro, super cujus confessione fundata est Ecclesia, Ego rogavi pro te, ut non deficiat fides tua, Luca xxii. Sed Ecclesia universalis indulgentias approbat & facit, ergo indulgentiæ aliquid valent. Hic syllogismus, aut vitiosus est, & plures continet fallacias, aut sanctus Doctor arbitratur, Dominum non pro Petro separatim ab reliqua Ecclesia rogasse, ut ejus fides non deficeret, sed pro universali Ecclesia, cujus personam gerebat Petrus, ut Augustinus loquitur, aut cujus membrum primum erat, ut Gregorius I. ait. Hoc autem secundum confirmatur, cum ex eo quod noluisse vir sanctus fallacias adhibere sophisticas, tum ex his ipsismet verbis, in quibus dicitur, super confessione Petri fundatam esse Ecclesiam.*

V. S. Bonaventura in cap. xxii. Lucæ: *Vel potest referri ad Ecclesiam Petri, pro cujus fide rogavit Dominus secundum illud: Non pro eis tantum rogo, sed & pro eis, qui credituri sunt per verbum eorum in me. Et hæc Ecclesia, quæ designatur per Petri naviculam, licet concutatur, tamen non naufragatur. Hoc enim posuit Deus in Ecclesia ad confirmationem aliarum, & ideo addit:*

*Et tu aliquando conversus confirma fratres tuos, quia sicut dicitur, debemus nos firmiores imbecillitatem infirmorum sustinere. Et hoc ordinatum est secundum illud, frater qui adjuvatur à fratre, quasi civitas firma. Ex quo apparet quod Christus ipse orando & interpellando confirmat principalia Ecclesiæ membra. De universali Ecclesia loquitur, non de Romana tantum, quæ pars universalis Ecclesiæ est.*

VI. Guillelmus Okamus in libri v. Dialogorum capite 111. *Eadem verba, Ego pro te rogavi, ut non deficiat fides tua, dicit Christus Petro pro congregatione fidelium absque interruptione usque ad consummationem sæculi duratura. Nam fides, quam beatus Petrus tenuit, predicavit, & docuit, nunquam deficiet, sed in aliquibus Christianis Clericis vel laicis, viris vel mulieribus usque in finem sæculi remanebit.*

VII. Thomas Valdensis in tomo 1. Doctrinalis fidei antiquæ lib. 11. art. 11. cap. xix. *Hæc est Ecclesia Symbolica & Apostolica mater credentium populorum, quæ fidem habet indefectibilem secundum promissum Christi ad Petrum, qui tunc figuram gessit Ecclesiæ: Ego rogavi pro te, Petre, ut non deficiat fides tua. Non est ergo specialis Ecclesia, non Africana, ut Donatus dixit, nec aliqua particularis illa Romana, sed universalis Ecclesia, non quidem in generali Synodo congregata, quam aliquoties errasse percepimus, velut illa Ariminensis congregata sub Tauro præfecto, & illa Constantinopolitana sub Justiniano minore tempore Sergii Papa secundum Bedam, & quadam alia. Sed est Ecclesia Christi Catholica per totum mundum dispersa.*

Martinus V. Thomæ Valdensis approbavit Commentarios in Epistola, quam ad illum ea super re scripsit: *Dilecte fili, salutem & Apostolicam benedictionem. Placeat primò nobis opus, quod edideras contra Hussitas hæreticos, teque fuimus hortati, ut id, quod restabat in materia de Sacramentis simili perfereres modo & diligentia, quod fecisse gaudemus, & tuum studium utile & salutare Ecclesiæ commendamus, &c. Datum Romæ apud sanctos Apostolos sub annulo Piscatoris viii. die Augusti, Pontificatus nostri anno x.*

Cæterum Martinus non antè Valdensis approbavit Commentarios, quàm eos per viros doctos & Theologos diligenter examinari curaverit. Quo fit ut Martinus & alii Commentarios approbando suos fecerint. Et sanè non memini legisse me antiquum Ecclesiasticum tractatorem ullum, quem Romanus Pontifex simili cura & studio probaverit & commendaverit.

VIII. Petrus Alliatus Cardinalis & Cameracensis Episcopus in parte 111. libri de auctoritate Ecclesiæ, capite 1. *Confirmatio in fide, de qua dicitur, quod Ecclesia non potest errare juxta illud, Petre, rogavi pro te, ut non deficiat fides tua, illa non est in Papa, quia hoc non est dictum de fide personali Petri, sed de fide Ecclesiæ, de qua dicitur, Et porte inferi non pravelebunt adversus eam, scilicet Ecclesiam.*

Deinde in capite iv. *Et hinc trahitur secundum aliquos, quod generale Concilium non potest errare in his, quæ sunt fidei. Quod etiam probatur ex illo verbo Christi: Petre rogavi pro te, ut non deficiat fides tua, quia hoc non est dictum de fide personali Petri, cum ipse erraverit, sed de fide universalis Ecclesiæ, quæ representatur in Concilio generali.*

IX. Joannes Gerson Parisiensis Cancellarius in tractatu de potestate Ecclesiastica, conclusione 4. *Et fundatur prædicta potestas Ecclesiastica jurisdictionis in unitate vel unionem tali, quemadmodum notasse videtur elevatus Augustinus, quod claves Ecclesiæ data sunt unitati: Veruntamen hoc non impedit, quin data sint Petro tanquam Monarchæ, legitimisque successoribus suis, principaliter tamen Ecclesiæ, 1. ratione indeviabilitatis, quia porte inferi non pravelebunt adversus eam, nec deficiet fides ejus, non sic de Papa, &c. Ad sancti Lucæ locum alludit, & illum satis exprimit.*

X. Joannes Brevicoxa Parisiensis Episcopus & pro-



ter Burgundionum factionem ad Gebennensem Ecclesiam translatus, in tractatu de potestate Ecclesiae & Conciliorum: Dico apparenter ex promisso Christi, cum dixit Petro, Petre, rogavi pro te, &c. concludi, quod fides Catholica manebit usque in finem saeculi, & quod Concilium generale non possit errare. Hæc ex Cod. MS. Monasterii sancti Victoris.

XI. Beatus Vincentius Ferrerius in sermone unico de feria vi. post Lætare: Decima de universalis Ecclesiae auctoritate, quam oportet credere, quia universalis Ecclesia errare non potest in his, quæ sunt fidei, dicente Christo Petro: Ego rogavi pro te, Petre, ut non deficiat fides tua. Hoc Christus non dicit Petro, in quantum persona erat particularis, sed in quantum erat persona communis ibi. Quia nimirum universalem repræsentabat Ecclesiam.

XII. Nicolaus Clamengius in tractatû de corrupto Ecclesiae statu capite xxv. Nolo autem ut quis existimet per ea, quæ de moribus Ecclesiasticorum præmissa sunt, me omnes prorsus Ecclesiasticos nullo excepto comprehendere velle: Scio illum non mentitum esse, nec mentiri posse qui dixit, Petre, rogavi pro te, ut non deficiat fides tua. Nec sum nescius in singulis quibusque statibus aliquos & fortè plurimos bonos, justos, innocentes esse, illisque maleficiis, quæ supra memorata sunt, separatos. Sed tanta est improborum in singulis professionibus exuberantia, ut vix inter mille unus reperitur, qui id quod sua professio exigit, finaliter faciat. Hæc ille, quem Claudius Sanctesius in libri de Eucharistia repetit. x. cap. iv. inter Constantiensis Concilii Doctores quasi lumen emicuisse dicit. Quem Gilbertus Genebrardus eam ob causam virorum illustrium numero adscribit in Chronologia sua, quod librum de corrupto Ecclesiae statu ediderit.

XIII. Nicolaus Tudesco, qui ex Abbate Siculo factus est Panormitanus Archiepiscopus & Cardinalis, in Cap. significasti. de electione: Nec obstat si dicatur quod Concilium non potest errare, quia Christus oravit pro Ecclesia sua, ut non deficeret, ut in Cap. Majores. de Baptismo: Ubi Luca auctoritas refertur.

XIV. Jacobus Almainus in Opusculi de auctoritate Ecclesiae capite x. Sequitur tertio, quod non pro persona Petri sola aut successoribus oravit Christus, ne deficeret fides ejus, sed pro universali Ecclesia per Petrum representata.

XV. Cyprianus Benetus ex Ordine Prædicatorum Parisiensis Theologus, in tractatu de non mutando Paschate fundam. xiii. Quod semper est aliqua Ecclesia, quæ per rectam fidem regnetur, & confirmetur intelligendo semper à tempore Christi usque ad consummationem saeculi. Sed ex ea non convincitur hoc convenire alicui particulari Ecclesiae, intelligendo per particularem Ecclesiam quamcunque ab Ecclesia universali distinctam. Igitur ex sufficienti divisione convincitur hoc convenire Ecclesiae universali, & toti congregationi fidelium. Consequentia patet. Sed minor ratione probatur: Illud quod in sacra Scriptura promittitur toti Ecclesiae, & non parti, non debet attribui alicui parti. Sed semper rectam fidem habere, aut nunquam contra veram fidem errare, in sacra Scriptura à Christo promittitur toti & soli fidelium congregationi, ut patebit ex probatione majoris, igitur. Major autem principalis rationis probatur primò ex illo verbo Christi Luca xxii. Petre, pro te rogavi, ut non deficiat fides tua. Neque dubitandum est, ipsum in hoc non fuisse exaudium, quia secundum Apostolum ad Hebræos exauditus est pro sua reverentia. Constat ergo, quod Christus promisit Petro, quod non deficeret fides sua non intelligens de illius personali, sed de generali Ecclesiae Dei committenda regimini Petri, & cum non loquatur de aliqua Ecclesia particulari, sequitur, quod intendit de Ecclesia totali: Et paullo post: Non igitur pro personali fide Petri rogavit Christus, quæ defecit tunc, sed pro generali, igitur.

XV. Supremus Franciscanorum Minister in man-

dati, quæ Sodalibus suis ad prædicandum Arabibus, Persis, & Indis Evangelium proficiscentibus dedit anno MDXXXII. Ego, inquit Christus, rogavi pro te, ut non deficiat fides tua. Si Christus suis precibus obtinuit, quominus fides Ecclesia non deficeret, mentiuntur hæretici Ruteni, Hussita, Wiclefista, Lutherani horum soboles, qui audent obgannire, trecentis annis Evangelium perperam prædicatum. Verum stat veritas pro nobis, stat pro Ecclesia defensione; Non inquit Christus, deficiet fides tua. Perinde atque diceret, maxima incrementa sumet. Dilatabitur enim, & sese usque ad ultimum maris Oceani propagabit. Apud Odoricum Raynaldum in tom. x. Ann. Eccles.

XVII. Joannes Driedo in libro iv. de Ecclesiasticis dogmatibus cap. iv. part. iii. Ad intelligendum igitur verba Salvatoris dicentis ad Ecclesiam in Collegio Apostolorum designatam: Ego vobiscum sum usque ad consummationem saeculi. Et ad Pastores universales Ecclesiae designatos in Petro: Simon Satanas expetivit, ut cribraret vos sicut tritum: Ego autem pro te rogavi, ut non deficiat fides tua. Et iterum, Supra hanc petram ædificabo Ecclesiam meam, & portæ inferi non prævalent adversus eam. Opera pretium est considerare, quod ex hujusmodi Scripturis firmiter tenendum est, & nullatenus dubitandum, Christum & fidem Petri nunquam deficiere ab Ecclesia Petri, ab Episcopatu Petri, à cathedra Petri, usque ad consummationem saeculi.

XVIII. Franciscus Victoria ex Ordine Prædicatorum Parisiensis Theologus, in libro de potestate Papæ & Concilii: Secunda propositio. Si Concilium declarat aliquid esse de fide, aut de jure divino, Papa in hoc nihil potest declarare, aut immutare, maxime si tale jus spectet ad fidem aut ad mores Ecclesiae universalis. Probatur: In illa Concilium errare non potest, juxta promissum Luca xxii.

XIX. Antonius Cordubensis ex Ordine Minorum Theologus, in Theologicarum quæstionum libro iv. quæst. i. Propositio iii. Semper fuit & erit semper usque ad finem mundi hæc unica Catholica Ecclesia & caput Christi mysticum, & vera fides in ea. Et quibusdam interpositis: Hoc specialiter à Christo promissum est Matth. 16. & Luca 22. Ego rogavi pro te, Petre, ut non deficiat fides tua in Ecclesia & sede tua. Iterum:

Propositio iv. Ecclesia Catholica non potest errare in fide & moribus. Et paullo post: Christus id promisit Matth. 16. & 18. & Luca 22.

Denique in quæst. iii. de potestate Papæ in responsione ad tertiam probationem: Ideo alio modo consonè ad supra dicta atque dicenda melius respondeo, quod ibi Luca 22. Christus pro Petro & successoribus ejus per se sumptis, & etiam pro Ecclesia, & pro Concilio generali eam representante etiam absente Papa oravit ne deficeret, aut errare posset in fide, si faceret, quod in se est. Et ita pro te rogavi, Petre, ut fides tua nec in te, nec in Sede tua, nec in Ecclesia, nec in Concilio illam representante deficiat. Hæc ad annum MDLXXI. In quibus observandum est auctorem dixisse quidem Christum orasse pro Petro & successoribus per se sumptis, sed non addidisse, absente Concilio, quemadmodum dicit Christum pro Concilio Ecclesiam representante etiam absente Papa, ne deficeret aut in fide errare posset, orasse.

Hactenus recensui sanctorum Patrum & Ecclesiasticorum tractatorum expositiones quatuor, quibus illi beati Luca locum hunc, Oravi pro te, Petre, &c. donarunt.

Nunc Bellarminum convenio & pedetentim ac gradatim sequor, & primùm ostendo eum expositiones, quas indicat, perversa fide tractare, deinde Tridentini Concilii decreto neutiquam parere, & allatum supra 61 professionis fidei articulum omnino negligere.

Sic ergo in libri iv. de Rom. Pont. capite iii. scribit, ubi beati Luca locum proposuit: Quia locus tribus modis exponi solet. Prima expositio est quorundam Parisiensium supra citatorum, quod Dominus hic oraverit pro

pro Ecclesia universali, sive pro Petro ut totius Ecclesie figuram gerebat, & hoc impetrasse, ut fides Ecclesia Catholica nunquam deficiat. Quam expositionem falsam esse continuo pugnat.

Parisienses quidam supra citati sunt tantum duo, Joannes Gerson, & Jacobus Almainus. At in classe quarta, ubi refertur expositio hæc, præter Gersonem & Almainum, Parisienses alii Theologi comparent octo: Sanctus Thomas, sanctus Bonaventura, Thomas, Valdensis à Martino V. approbatus, Petrus Alliatus, Joannes Brevicoxa, Nicolaus Clamengius, Cyprianus Benetus, & Franciscus Victoria. His intermiscuntur alii octo, Leo IX. Goffridus Viterbiensis, Guillelmus Okamus, beatus Vincentius Ferrerius, Nicolaus Tudesco dictus Panormitanus, supremus Franciscanorum Minister, Joannes Driedo, Antonius Cordubensis. Jam perspicis quantum in expositionis hujus historia Bellarminus erraverit, & quantæ æquæ reus peragi possit.

Pergit: Altera expositio est quorundam, qui hoc tempore vivunt, qui docent Dominum orasse hoc loco pro perseverantia solius Petri in gratia Dei usque ad finem. Quam expositionem refellit. Sed dissimulat expositionem hanc esse antiquorum Patrum Ecclesie, eamque per traditionem venisse ad illud usque tempus, quo scribebat. Id luculenter demonstrat prima nostra classis, quæ præter Concilia duo, Carthaginense & Milevitanum, Patres atque Ecclesiasticos tractatores xxxvii. complectitur, Tertullianum, Cyprianum, Hilarium, Basilium, Ambrosium, Chrysostomum, Palladium, Innocentium I. Augustinum, Auctorem anonymum apud eundem Augustinum, Cyrillum, Leonem, Prosperum, Theodoretum, Bedam, Theophylactum, Oecumenium, Euthymium, Damianum, Drogonem, Magistrum Sententiarum, Innocentium III. Hugonem Cardinalem, Albertum Magnum, Thomam, Bonaventuram, auctorem glossæ interlinearis, Liranum, Okamum, Cartusianum, Cajetanum, Majorem, Arborem, Benedictum, Gagnæum, Bannem, Maldonatum Bellarmini æqualem & socium. Nescio an pejori fide tractari potuerit expositio hæc altera, quam à Bellarmino tractatur. Aequalibus suis Theologis quibusdam expositionem tribuit, quæ per ætates singulas celebrata fuerat, & post Bellarmini scriptiorem celebrata est. Antiquorum enim Patrum atque Ecclesiasticorum tractatorum expositionem secuti sunt Andreas Coppensteinus, Gabriel à Porta, & Stephanus Menochius: primus est Germanus, secundus Gallus, tertius Italus.

Hic ut Augustinianæ doctrinæ vindicem & assertorem addidimus Alexandrum VII. qui Romanæ Ecclesie modò præsidet.

Pergit: Est igitur tertia expositio vera, quod Dominus duo privilegia Petro impetraverit. Unum, ut ipse non posset unquam veram fidem amittere, quantumvis tentaretur à Diabolo, id quod est amplius, quam donum perseverantia: Dicitur enim perseverare usque in finem, quem qui licet interdum cadat, tamen resurgit, & in fine fidelis invenitur. At Petro Dominus impetravit, ut non posset unquam cadere, quod ad fidem attinet.

Alterum privilegium est, ut ipse tanquam Pontifex non posset unquam docere aliquid contra fidem, sive ut in Sede ejus nunquam inveniretur, qui doceret contra veram fidem. Ex quibus privilegiis primum fortasse non manavit ad posteros, secundum sine dubio manavit ad posteros sive successores.

Et primò quidem expositionem hanc tertiam, in qua Dominus duo privilegia Petro impetravit, auctori nulli tribuit. Ex quo rectè colligitur, expositionem esse novam, eamque alium sui à Bellarmino architectum non habere.

Deinde expositionem, quæ nova est, Bellarminus veram esse dicit, ceteras, quæ antiquiores sunt, ut falsas repudiat. Quæ docendæ Theologiæ ratio? quæ methodus? quis eam crederet nisi palparet, & propriis oculis usurparet?

Tum expositionis hujus tertiæ pars prior est secunda expositio, quam supra ex eodem Bellarmino retulimus, eamque ille nonnullis tribuit, qui suo tempore vivebant. Sed cum expositionis tertiæ partem priorem ex Augustino, Chrysostomo, Theophylacto, & Prospero allerit, vel pugnat secum, vel credit Augustinum, Chrysostomum, & Theophylactum suo tempore vixisse. Mihi non crede: Sic enim scribit: De primo privilegio habemus expressa veterum testimonia: Augustinus libro de correptione & gratia. cap. 8. Quando rogavit, ut non deficeret fides ejus, rogavit ut haberet in fide liberrimam, fortissimam, invictissimam, perseverantissimam voluntatem. Chrysostomus homilia 83. in Martham. Non dixit, inquit, non negabis, sed ut non deficiat fides tua. Cura enim ipsius & favore factum est, ne omnino Petri fides evanesceret: Theophylactus in cap. 22. Luca: Quamvis, inquit, brevi concutiendus sis, habes recondita semina fidei, etiamsi folia abjecerit spiritus invadentis, radix tamen vivet, & non deficiet fides tua. Prosperi testimonium indicat tantum in lib. 1. de vocatione gentium cap. ult. non refert. Nos referimus in classe prima. At privilegium primum hoc est illud ipsum, quod in expositione secunda suis æqualibus attribuit: Altera, inquit, expositio est quorundam, qui hoc tempore vivunt, qui docent Dominum orasse hoc loco pro perseverantia solius Petri in gratiam Dei usque ad finem. Jam vides, opinor, Bellarminum proposito dilemmate concludi, & quocunque se vertat, ferre incommodum: Nempe dextro vel sinistro cornu feriri.

Quartò in relata expositione secunda dolus malus est, quem detegere ac dissuere oportet. Et sanè constat extitisse, qui Bellarmini tempore, beati Luca locum ita interpretati sunt, ut interpretatos esse refert, sed illos interpretationem suam veterum Patrum Chrysostomi & Augustini testimoniis communivisse. Quod Bellarminus reticet. Atque hoc dolus malus est, cum aliud agitur, aliud simulatur, ut Cicero tradit in Topicis.

Dominicus Bannes celebris ex Ordine Prædicatorum Theologus in secundam secundæ in fusiorebus ad questionis primæ articulum x. Commentariis, fidem nostram semel atque iterum liberat. Semel in dub. 1. Illud Luca 22. Ego rogavi pro te, ne deficeret fides tua, explicatur multipliciter: Primò ut non intelligatur de fide personali Petri, sed de fide, quam primus omnium explicite confessus est, quando dixit: Tu es Christus filius Dei vivi. Itaque secundum istam explicationem, qua est Abulensis ubi supra. Sensus est, Ego rogavi ut fides, quam tu primum confessus es, nunquam deficiat. Et post. alia fat multa:

Secunda explicatio est ut non deficiat fides tua finaliter: Ita explicat Chrysostomus hom. 10. in Joannem. Cum hoc autem non pugnat, quod fides ejus aliquando defecerit. Neque hac explicatio singularis videri debet. Nam secundum eam explicatur multa loca, quæ aliàs falsa viderentur. v. g. dicit Augustinus super Psal. 103. serm. 1. Christus est fons proprius, & singularis bonorum, cui non communicat alienus, & subdit: Alieni autem sunt omnes illi, qui audituri sunt; Non novi vos. Hic locus explicatur à Magistro Sententiarum in tert. dist. 31. Quod non communicat alienus, finaliter, aliàs falsum diceret. Multi enim præciti habuerunt caritatem, & ipsi semet Augustinus in libro de correptione & gratia cap. 9. (cujus verba referuntur de penitentia dist. 4. Cap. si ex bono) illud Joannis: Ex nobis exierunt sed non erant ex nobis, exponit: Non erant ex nobis finaliter. Alii enim ex nobis erant, si habuerunt fidem, &c.

Iterum in dub. iv. concl. 111. Petro aliqua dicta sunt, ut singularis quidam Christianus erat; quadam ut Ecclesia caput erat; quadam autem ut à Deo specialibus prerogativis decorabatur. Et paullo post: Quæ verò speciale Petri privilegium sonant, qualia sunt illa Mat. 16. Beatus es Simon Barjona, &c. & illud Luca 22. Ego



Ego rogavi pro te, ut non deficiat fides tua (in quo aliqui pie & Catholicè intelligunt, perseverantiam in fide interiori Petro esse promissam) ad successores ejus extendere non cogimur. Quam Bannes piam & Catholicam expositionem nominat & admittit, hanc Bellarminus falsam appellat & rejicit.

Quintò Bellarminus expositionem suam tertiam sic ex duobus adornat privilegiis, quasi Patres, quorum testimonia recenset, inter se de industria conveniant, ut alii verba Lucæ de priori privilegio, alii de posteriori intelligerent. Sic enim loquitur: *Ceterum isti Patres, (Augustinus, Chrysostomus, Theophylactus, & Prosper) licet in his locis non meminerint alterius privilegii, tamen illud non negant.* Egregium verò inventum, cujus opera Bellarminus, memoratos patres cujuscunque alterius verborum Lucæ interpretationis fautores, & ad stipulatores reddere non venter. Sic autem ex Patrum testimoniis mapalia facere, quàm absurdum in Theologicis & periculosum esse quis non videt?

Sextò pergit: *Non negant, neque negare possent, nisi velint plurimis aliis Patribus contradicere.* Bellarminus hæc perinde scribit, ac si plures alii Patres verba Lucæ exposuissent de secundo privilegio, quod ita componit: *Ut Petrus tanquam Pontifex non posset unquam docere aliquid contra fidem, sive ut in Sede ejus nunquam inveniretur, qui doceret contra veram fidem.* Sed ante Chrysostomum & Augustinum nullus reperitur tractator Ecclesiasticus, qui verba Lucæ de tali privilegio intellexerit. Bellarminus ne unum quidem adfert vel adferre potest, qui intellexerit: Tantum abest ut plurimos alios Patres adferre possit, quibus Chrysostomus & Augustinus velint contradicere. Producit quidem Epistolas duorum Romanorum Pontificum, qui Chrysostomum & Augustinum præcesserunt, unam Lucii I. ad Episcopos Hispaniæ & Galliæ, alteram Felicis I. ad Benignum: Sed in Epistola ad Antonium Varillaum ostendimus utramque Epistolam Bellarmino ipso judice incertam esse, & certis aliunde observationibus suppositam: Deinde Lucius & Felix de Romana loquuntur Ecclesia, non de Romano tantum Pontifice, ut Bellarminus loqui videtur.

Præterea, non loquuntur de Romana Ecclesia vel de Romano Pontifice, qui doceat totam Ecclesiam in his, quæ ad fidem & mores pertinent. Sed loquuntur de Romana Ecclesia, quæ à tramite Apostolicæ traditionis nunquam aberraverat, nec hæreticis novitatibus depravata succubuerat. Quod tunc Romanæ soli non conveniebat Ecclesiæ, ut vel ipsi Ecclesiasticæ historiæ rudes ac tyrones norunt.

Postremò de fide credentis, non de fide docentis loquuntur: Quæ duo etiam si diversa sint inter se, Bellarminus tamen in unum confundit, & ita fucum facere conatur. Hæc de Patribus qui Chrysostomum & Augustinum præcesserunt.

At si Bellarminus reciperet, Chrysostomum & Augustinum, voluisse scripturis post se Patribus contradicere, ridiculus fieret. Divinassent illi prius futuros esse Patres, qui verba Lucæ de secundo privilegio intelligerent: Profectò male divinassent. Nam è Patrum nube tota nullus est, qui verba Lucæ eo modo interpretetur, quo Bellarminus interpretatur. Ergo vide quibus ineptiis ille suas implet paginas?

Septimò Bellarminus lemma suum aliter proponit, aliter secundum privilegium. Lemma sic proponit: *Summus Pontifex cum totam Ecclesiam docet, in his, quæ ad fidem pertinent, nullo casu errare potest.* Secundum verò privilegium sic: *Alterum privilegium est, ut Petrus tanquam Pontifex non posset unquam docere aliquid contra fidem, sive ut in Sede ejus nunquam inveniretur, qui doceret contra veram fidem.* In proposito lemma tunc tantum errare non potest, cum Ecclesiam totam docet in his quæ ad fidem pertinent. Quo pacto errare posset, salvo non errandi privilegio, cum vel

Orientalem, vel Occidentalem tantum, vel Romanam tantum Ecclesiam, cujus proprius est Episcopus, doceret. In proposito privilegio reticetur illud, cum Ecclesiam totam docet, atque ita longè minùs definitum est privilegium, quàm lemma, nisi per verba hæc, ut ipse tanquam Pontifex, velit æqualiter definiri. Quasi verò Petrus vel Petri successor non ageret tanquam Pontifex, cum Occidentalem, vel Orientalem, vel Romanam suam Ecclesiam doceret? Et tunc tantum ageret tanquam Pontifex, cum Ecclesiam totam doceret? Quorsum Bellarminus hæc? Ut adducenda nonnullorum Pontificum & Patrum testimonia quæ proposito clarè lemma nullatenus respondent, proposito minùs clarè privilegio faltem responderent in speciem, & incautus Lector circumveniretur, & probationes quæ non sunt idoneæ, & fallaciam accidentis includunt, admitteret faciliùs.

Octavò, artificium planiùs detegitur: Subscribens hæreticæ pravitati Liberius ad propositum lemma non pertinet, cum Orientalem tantum doceat Ecclesiam. Nempe propositum lemma locum habet duntaxat, cum Pontifex Ecclesiam totam docet, ut Bellarminus disertè tradit: Subscribens verò hæreticæ pravitati Liberius ad propositum spectat privilegium, quia in Epistola ad Orientales aliquid contra fidem docet. Sed quia bimembre est privilegium, subterfugiet causatus, Liberium tunc in sua Sede non fuisse. Scilicet in eo est privilegium, ut in Sede Petri nunquam inveniretur, qui doceat contra veram fidem. Hæ sunt machinæ, hæ præstigiæ, quibus homo egregie cordatus utitur in tractanda quæstione, quæ eminentissimam simplicitatem exigit.

Nonò, Bellarminus cæco impetu in seipsum incurrit, cum verborum Lucæ expositionem, quam nonnullis Parisiensibus tribuit, & quam latius in classe quarta deduximus, refellit hoc modo: *Dominus pro illo rogat, cui ait, & tu aliquando conversus.* At hoc certè non potest Ecclesia toti convenire, nisi dicamus totam Ecclesiam aliquando esse pervertendam, ut postea iterum convertatur. Res autem ita se habet: Ut ille secundum confirmet privilegium, adducit Lucium I. Felicem I. Agathonem, Nicolaum I. Leonem IX. Innocentium III. Bernardum: Qui omnes vel de Romana Ecclesia vel de Sede Petri loquuntur, ut in Epistola ad Antonium Varillaum, & in secunda & tertia classe vidimus. Hoc ita posito, Bellarmini verba in Bellarminum retorquemus. Dominus pro illo rogat, cui ait, Et tu aliquando conversus. At hoc certè non potest Romanæ Ecclesiæ vel Sedi Apostolicæ convenire, nisi dicamus Romanam Ecclesiam vel Sedem Apostolicam aliquando esse pervertendam, ut postea iterum convertatur. Ut ergo putat absurdum esse, verba hæc, & tu aliquando conversus, in Ecclesiam totam flectere, sic & absurdum esse ni fallor putabit, si eadem verba in Romanam Ecclesiam vel in Sedem Apostolicam flecterentur. Assertum igitur à Bellarmino privilegium Bellarmini manu concidit. O improvidam & negligentem disputandi rationem!

Decimò superest, ut tandem quod initio proposuimus, exequamur. Itaque nunc videndum est, utrum Bellarminus in exponendis Lucæ verbis Tridentinæ Synodi decreto paruerit. Hoc facile videre poteris, si præstes duo. Unum est, si classes illas quatuor, in quas Patrum & tractatorum Ecclesiasticorum expositiones varias congerimus, & animo & oculis retexas: Alterum, si Bellarmini expositionem cum illis classibus quatuor contendas; tunc reperiies, Bellarminum in lemma, quod sibi sumit, ad classem se nullam accommodare. Et primò quidem non se accommodat ad quartam, quæ pugnantes pro effusa ad Deum Christi prece in gratiam fidei universalis vel Ecclesiæ vel Concilii, Patres & tractatores Ecclesiasticos repræsentat. Quinetiam illos, absfona ut credit complexione refellit.

Deinde non se accommodat ad tertiam, continentem Patres & tractatores Ecclesiasticos, qui dicunt orasse Christum,

71 Christum, ut Petri Sedes, seu Apostolica Sedes à fide nusquam deficiat. Nam ut accommodaret se ad tertiam, sic lemma suum proponere deberet: *Apostolica Sedes cum totam Ecclesiam docet, in his, quæ ad fidem pertinent, nullo casu errare potest.* Non sic proponit ut supra vidimus. Præterea qua ratione confutaret eos, qui tradunt orasse Christum ut universalis Ecclesia vel Synodus nunquam à fide deficiat, eadem & confutaret eos, qui scribunt orasse Christum, ut Apostolica Sedes à fide nunquam deficeret. Neque verò Bellarminus afferat unum & idem sonare Summum Pontificem & Sedem Apostolicam: Non sonant unum & idem: Alioqui Summus Pontifex Sedi Apostolicæ præsidere non diceretur: A Summis ipsis Pontificibus dicitur: Summo Pontifice mortuo, Apostolica Sedes vacare non diceretur. Immo pereunte Summo Pontifice Apostolicam Sedem perire diceretur: Quis verò nisi stultus diceret? Apud antiquos Sedes Apostolica Romanâ nunquam sonat quid minus Ecclesiâ; sed aliquando sonat quid majus. Hoc discimus ex Agathone Papa, quem Bellarminus laudat: *His itaque, mansuetissimi verum domini, divalibus apicibus animatus, & ad spem consolationis de profundis angoribus alleviatus, orsus jam meliori refectionis confidentia, paulatim iis, quæ per mansuetissima fortitudinis vestra sacram dudum præcepta sunt, efficaciter promptam obsequentiam exhibere, ut personas, quales secundum temporis hunc defectum, ac servilis provincie qualitatem poterant inveniri, pro obedientia satisfactione inquirerem, & cum consilio consanulorum meorum Episcoporum tam de propinqua hujus Apostolicæ Sedis Synodo, quam de familiari Clero amatores Christiani Imperii & sequenter de religiosis servis Dei, ut ad piissimam tranquillitatis vestra vestigia properarent, hortarer.* Agatho loquitur de familiari Clero, qui cum illo Romanam componit Ecclesiam; loquitur & de Sede Apostolica, quam Synodus propinquorum antistitum circumdat. Exinde factum est, ut Pontifex Synodicam epistolam sic inscripserit: *Piissimis Dominis, &c. Constantino, Heraclio, &c. Agatho Episcopus servus servorum Dei, cum universis Synodis subjacentibus Concilio Apostolicæ Sedis.* Quæ ad annum DC LXXXI. de Romana Ecclesia & de Sede Apostolica scribit Agatho, fungino genere non erant. Tunc opinor, nec dici cœperunt, nec dici defuerunt.

Tum non se accommodat ad secundam exhibentem Patres & tractatores Ecclesiasticos, qui volunt orasse Christum, ut Romana Ecclesia per Petrum fundata à fide nunquam deficiat. Nam ut accommodaret se ad secundam, lemma suum sic proponere deberet: *Romana Ecclesia cum totam Ecclesiam docet, in his, quæ ad fidem pertinent, nullo casu errare potest.* Non sic proponit ut supra vidimus. Præterea quo pacto eos rejicit, qui scribunt orasse Christum, ut universalis Ecclesia, vel representans Ecclesiam Concilium à fide nunquam deficiat, eodem & illos rejiceret, qui affirmant rogasse Christum, ut Romana Ecclesia per Petrum fundata à fide nunquam deficeret. Non memini legere me, qui Romanum Episcopum & Romanam Ecclesiam unum & idem significare dixerit: Quis enim Pastorem gregis & gregem, rectorem populi & populum, collectivum, & distributivum nomen unum & idem esse diceret? Sed memini legere me fuisse Thomam Cajetanum, qui disputando ineptè & fraudulenter intulerit, Papam & universalem Ecclesiam unum & idem esse, quod est aliquid omnium animis & auribus multò adhuc absurdus. Sic enim in Opusculo de potestate Papæ & Concilii adversus Parisienses nostros capite 1. x. *Ἐξ ἀπορίας: Impossibile est universalem Ecclesiam errare in fide, ergo impossibile est Papam in judicio diffinitivo auctoritative errare in fide.* Hoc sophisma laudanti Cajetanum pro sua sententia Bellarmino non displicet. Sed illud vehementer probat & adhibet perulans & audax ille moralis apud Christianos disciplinæ irrisor & in plerisque everfor, Amadæus Guimenius, qui multiplicis ac varii coloris

larva indutus multiplicis ac variae doctrinæ corruptionem, ubi ubi sint homines, importat.

Postremò non se accommodat ad primam classẽm completentem Patres & tractatores Ecclesiasticos, qui affirmant rogasse Christum, ut Petrus veram fidem nunquam amitteret, quantumvis tentaretur à Diabolo, sed in ea & gratia Dei, ad finem usq; perseveraret. Hæc classis licet sit omnium maxima & in perpetua traditione posita, Bellarmino tamen parum nota fuit, nisi fortassis solem in meridie lucentem dissimulaverit. Quidquid id est, apertè liquet post annum MDLXXVII. quo Bellarminus Romæ docere instituit, verborum Lucæ expositionem, quam habet classis prima, conservatam à multis ac retentam esse. Unde sit, ut expositio hæc, expositio-  
74 nibus cæteris, quæ in tribus aliis recensentur classibus, Scripturæ sensu ad literam expressiori, vetustate, Conciliorum auctoritate, Patrum & tractatorum Ecclesiasticorum dignitate, scientia, & numero longè antecellat. Hoc unum mihi videor posse sumere, tamen mihi non sumam retulisse Patres & tractatores Ecclesiasticos omnes, qui ad unamquamque classẽm pertinerent. Quis sibi sumeret, præsertim, si spectentur auctores, qui annis abhinc quadringentis scripserunt? Verum ut Tridentinæ Synodi decreto satisfiat, maximè spectandi sunt ii, ad quos Tridentina Synodus respectum habet. Ad eos præsertim respectum habet, qui prioribus Ecclesiæ sæculis claruerunt.

Itaque cum Bellarminus ad primam classẽm hanc non se accommodat, Tridentinæ Synodo contradicit, allatum initio decretum spernit. Jam vides, qui tot & tanta vides tam perspicaciter, quàm detestabile sit Bellarmini argumentum, in quo formando Tridentinæ Synodo contradicitur, allatum initio decretum spernitur, & à Pio IV. edita fidei professio violatur. Nos autem contrà Tridentinæ Synodo morem geramus, allatum initio decretum veneremur, & editam à Pio IV. fidei professionem servemus, ne quas in pœnas à Concilio latas Bellarminus incidit, iusto Dei judicio incidamus.

Hic finitur epistola in iis, quæ Bellarminum attinent. Nam antè planum fecimus, quid de Patribus & Ecclesiasticis tractatoribus, qui in secunda, tertia, & quarta classe recensentur, sentiat. Sed quid de iis ego sentiam, breviter expono, nihil ut supersit, quod à me desideretur. Et primò quidem de Lucii I. Felicis I. Leonis I. Agathonis, Nicolai I. Leonis IX. Innocentii III. Chry-  
75 sologi, & Bernardi testimoniis, quæ partim in secunda, partim in tertia classe refero, nihil aliud sentiendum arbitror, quàm quod in epistola ad Antonium Varillam sensi, dum Bellarmini consilium expendi necesse fuit. Sed ex Tostato Abulensi Episcopo unum adiicio, quod huic loco proprium est. Hic celebris auctor in lib. 1. Regum cap. VIII. quæstionem CCIII. ita proponit: *An in definitionibus negotiorum & expositione sanctarum Scripturarum præponatur auctoritas Pontificum in omnibus sanctis Doctoribus Ecclesiæ, vel è contrà? Et in hoc non recedimus à determinationibus, scilicet Sanctorum. Est enim doctrina Gratiani & Juristarum XIX. dist. Cap. Decretales.* Itaque quod in definitionibus negotiorum præponatur auctoritas Pontificum in omnibus sanctis Doctoribus: In expositione sanctarum Scripturarum, & consequenter in inquisitione quarumcunque aliarum veritatum, tractatores sacre Scripturæ, ut Hieronymus & Augustinus, & ceteri præponendi Pontificibus. Et hoc innuitur, dist. XX. Cap. de Libellis. Neque verò hoc notamus, quia Romani Pontifices cuncti verba Lucæ aliter ac Patres alii explicaverint. Nam certum est fuisse nonnullos, qui verba Lucæ, ut beatus Augustinus, explicaverint. Innocentium I. in exemplum statuo. Hic enim Pontifex cum explicata à Carthaginensis & Milevitani Concilii Patribus verba Lucæ probavit, probando explicationem illam, suam fecit.

Deinde plerique auctores expositionis quartæ in intelligendis Scripturis exercitiores sunt, ac paratiores auctoribus expositionis secundæ aut tertiæ, quorum  
H h h alii



76 alii epistolas tantum fecerunt. Ubi sæpe si maximè sint Romani Pontifices, mylticus, anagogicus, allegoricus, non literalis sensus attenditur. Ex sensu autem myltico, anagogico, allegorico argumentum firmum nullum depromitur, nisi Spiritus Sanctus illum sensum intenderit, & intendisse demonstretur. Intendisse Spiritum Sanctum dicere, non probare, lectoribus fucum facere est, non veritatem querere vel asserere.

Tum expositio quarta aridet pluribus, quàm secunda, vel tertia.

Hinc Leo IX. qui modò secundæ, modò tertiæ expositioni favet, ad quartam revocatur facilius, quàm ad secundam.

Præterea beatus Thomas ab expositione iv. stat constantius, quàm à secunda. Ubi & dicit singulariter, in Ecclesiæ Petri partem venire totam Italiam. Quod apud auctorem alium reperire me non memini.

Deinde expositionis iv. auctores fortius ratiocinantur & convenientius, quàm auctores secundæ vel tertiæ.

Tum inter Rom. Pontifices, quibus secunda vel tertia expositio consignatur, Innocentius III. gravioribus fidei causas ad generale Concilium tanquam ad ultimum Ecclesiæ tribunal remittit. Testis est epistola civ. quæ est ad Philippum Regem Francorum in libro III. Regesti xv. Diligenter auditis & perspicaciter intellectis, quæ nobis ex parte Regis dilecti filii : . . . Abbas de Trappa & Joannes Clericus tuus proponere curaverunt, & habito cum fratribus nostris studio tractatu, non occurrit nobis aliqua via, per quam in his quæ pro te postulaverunt à nobis, tuæ secundum

77 \* possemus occurrere Voluntati, sub obestratione Divini judicii protestantes, quòd libentissimè si possemus cum Deo, ab illo te curaremus vinculo expedire, à quo desideras vehementer absolvi : Sed in carnali commercio inter te ac reginam conjugem tuam adeò est processum, quòd si etiam illi tantum confessioni vellemus insistere, quam nuper eadem regina fecisse proponitur coram prædicto Abbate de Trappa, & dilecto filio Magistro Roberto Corceon nunc titulo sancti Stephani in Cælio monte Presbytero Cardinali, non auderemus super hujusmodi casu de nostro sensu pro te aliquid definire propter illam sententiam Evangelicam, quam ipse Christus expressit, ut quod Deus conjunxit, homo non separet, cum absque dubio nec Sanctorum exempla nec Patrum decreta intentioni tuæ in hoc articulo suffragentur. Verùm si super hoc absque generali deliberatione Concilii determinare aliquid tentaremus, præter divinam offensam & mundanam infamiam, quam ex eo possemus incurrere, forsan ordinis & officii nobis periculum immineret, cum contra præmissam veritatis sententiam nostra non possit auctoritas dispensare. Hæc est libera atque ingenua Innocentii professio, quæ se generali inferiorem esse Concilio, nec gaudere privilegio non errandi in fide & moribus significat. Quæ etiam pacto innuit, expositionem iv. sibi magis, quàm secundam vel tertiam arridere.

Præterea apud omnes in confesso est, expositionem iv. spectare bonum Ecclesiæ majus, acceptius, congruentius, universalius, quàm expositio secunda vel tertia. Quo ex capite expositio quarta duabus aliis non potest non præponi.

78 Hinc expositio secunda & tertia difficultates sustinent gravissimas, nec stare possunt, ut in epistola ad Varillaum ostendimus. Sed quarta difficultates nullas, aut certè pauciores sustinet. Quamobrem expositio iv. secundæ & tertiæ prudentius anteponitur, & ultra perimit argumentum, quod ex secunda & tertia expositione ducitur.

Postremo, quia Parisienses Theologi non omnes in

expositionem quartam consentiunt, sed quibusdam prima expositio probatur, liberum mihi puto esse atque integrum, vel primam vel quartam expositionem amplecti. Amplector primam, quòd in ea Scripturæ sensus ad literam exprimitur. Huic convenienter interpretandarum Scripturarum leges, quas præcellentissimi Ecclesiæ magistri duo, Joannes Chrysostomus & Cyrillus Alexandrinus tradiderunt : Hic quidem in Thesauri assertionem xx. Primum quidem, inquit, oportet eum, qui ad investigationem Scripturarum sacrarum accedit, observare tempus, quo aliquid dicitur, & personam à qua dicitur, propter quid & de quo dicitur. Ita enim qui rectè sentire volent, citra ullum errorem quæ scripta sunt, intelligent : Ille verò in hom. de verb. Hieremiæ cap. x. Non enim hunc locum tantum excutiemus, non est in homine via ejus : Sed & contextus omnem seriem, & pro quibus dicta sint omnia, & à quo, vel ad quem, quam ob causam, quando, & quomodo. Non enim dicere sufficit aliquid in Scriptura scriptum reperiri, neque temerè avulsa ac discerpta divinitus inspirata Scriptura membra nuda, & à reliquo textu serieque sermonis sejuncta sumere, ac nimia licentia confidentiæque ipsis illudere. Sic enim prava dogmata in nostram hanc aetatem injecta sunt, dum negligentioribus persuasit Diabolus, ut obliquè distorta testimonia Scripturæ proferrent, vel additis subtractisque nonnullis tenebras veritati offunderent.

Chrysostomus & Cyrillus in expositione beati Lucæ id fecerunt, quod ab aliis faciendum esse præscribunt. Id antè Tertullianus, Cyprianus, Hilarius, Ambrosius, & post Concilia duo, Carthaginienfè & Milevitanum, Innocentius Papa I. semel atque iterum, & Augustinus fecerant. Id post Chrysostomum & Cyrillum, Prosper, Leo I. Theodoretus, Beda, Theophylactus, Oecumenius, Euthymius, recensiti in classe prima ceteri fecerunt. Et sanè beati Lucæ periodus tota & periodi partes singulæ expositionem primam per sese obiciunt, si seorsum ab omni præjudicio considerentur. Denique & quod rei caput est, in expositione prima longè melius quàm in quarta servatur Tridentinæ Synodi decretum, & fidei professio, quam Bellarminus exemplo non imitabili neglexit. Exemplo inquam non imitabili : Nam qui Bellarmini factum exequeretur, id est, qui accersitum è Tridentini Concilii sessione iv. decretum & fidei professionem tam apertè negligeret, hinc negligendi cætera ejusdem Concilii decreta exemplum daret, hinc ineptum se redderet, qui sancitam ab eo Concilio fidem aliis persuadere posset. Et cum illi diceretur, *Medice cura teipsum*, incassum nobis persuadere tentas ea decreta, quibus te persuasum esse non ostendi, his quod reponeret, ne verbum quidem haberet ullum. Occurrit Poëta Lyricus :

*Siquis ad illa Deus subito te agat, usque recuses,  
Aut quia non sentis, quod clamas, rectius esse ;  
Aut quia non firmus rectum defendis, & hares ;  
Nequicquam cæno cupiens evellere plantam :*

Sed ad malum istud tam detestabile, adulatricis Curie Doctores, qui suis omnia metiuntur commodis, nec mentem nec aures erigunt : Et sic per studia privata bonum publicum evertunt.

Hæc habui, quæ de quatuor verborum Lucæ expositionibus tum inter sese, tum etiam cum prima collatis tibi differerem. Sed de his & cæteris quæ tractantur in epistola, sit tuum judicium & tui similitum, quorum manus emendatrix lucubrationes alienas perficit & commendat. Vale. Lutetiæ Paris. Idibus Aprilis ann. MDCLXVI.

# Joannes Launoïus

## GULIELMO VOELLO,

Parisiensi Theologo.

**C**UM inspicerēs scriptam à me Jacobo Bellarmino Parisiensi Theologo Epistolam, miratus es, Bellarminum S. Lucæ verba hæc, *Oravi pro te, Petre, &c.* tam mala fide tractasse, ut à scopo deflexerit, qui ex Tridentinæ Synodi decreto & fidei professione spectandus est. Quæ causa fuit, cur de me contareris, num Bellarminus pari modo tractasset beati Matthæi verba hæc alia: *Super hanc petram, &c.* Ex quibus non errandi privilegium Romano Pontifici asserere conatur. Respondeo peiori adhuc fide tractasse, & tractando Tridentinæ Synodi decretum & fidei professionem magis neglexisse. Id sine negotio ullo demonstratum imus.

Bellarminus igitur cum de loco beati Lucæ argumentatur, trium illius expositionum mentionem facit, etiam si negligenter admodum faciat. Sed cum de loco beati Matthæi suam in sententiam disputat, is disputat perinde ac si Patres omnes illum uno atque eodem modo interpretarentur. Quod à vero planè abhorret. Rem tibi ordine prosequor. Et primum quidem quidquid Bellarminus de verbis Matthæi disserit, simpliciter refero. Deinde quatuor verborum Matthæi expositiones subnectam, & inter se committam. Tum ad Tridentini Concilii decretum, & fidei professionem expendam. Postremo quantum Bellarminus disserendo peccaverit, ostendam.

**2** Sic ergo in libri IV. de Rom. Pont. capite III. inscripto. *De infallibili iudicio Summi Pontificis*, disserit: *Secundò probatur eadem Conclusio ex illa promissione facta Petro Matthæi 16. Super hanc petram edificabo Ecclesiam meam, & porta inferi non prævalerunt adversus eam. Nam ut ostendimus lib. I. cap. 10. Ad litteram petra & fundamentum Ecclesia dicitur Petrus, ut summus rector Ecclesia: Et proinde quilibet ejus successor similiter est Petra, & fundamentum Ecclesia: Ex quo duplex sumitur argumentum.*

Primum ex nomine petra: *Quare enim Pontifex dicitur petra, nisi ratione constantia & soliditatis? Certe si petra est, non frangetur, nec circumferetur omni vento doctrina, id est, errabit in fide, saltem quatenus petra, id est, quatenus Pontifex est.*

Secundum ex ratione fundamenti sustentantis edificium, quod nullo modo rueri potest: *Nam si tale est edificium, ut non possit rueri, certe nec ejus fundamentum rueri potest. Non enim intelligi potest, quomodo fundamentum destruat, & domus non cadat. Immo verò majore ratione fundamentum non potest destrui, si domus non potest cadere. Non enim fundamentum à domo, sed domus à fundamento accipit firmitatem, & hoc modo exposuerunt Patres omnes, & hinc deduxerunt, Petrum & consequenter alios Pontifices non posse errare.*

Origenes in hunc locum: *Manifestum est, inquit, etsi non exprimatur, quòd nec adversus Petrum, nec adversus Ecclesiam porta prævalere poterunt inferorum. Nam si prævalerent adversus petram, in qua Ecclesia fundata erat, contra Ecclesiam etiam prævalerent.*

**3** Chrysostomus in hunc locum dicit, solum Deum potuisse hoc facere, ut Ecclesia super unum piscatorem & ignobilem virum fundata non caderet, tot irruentibus tempestatibus.

Cyrillus apud Thomam in catena hujus loci: *Secundum, inquit, hanc promissionem Ecclesia Apostolica Petri, ab omni seductione & hæretica circumventionem manet immaculata, &c.*

Theodoretus in Epistola ad Renatum Presbyterum Romanum. *Tenet, inquit, sancta ista Sedes gubernacula regendarum cuncti orbis Ecclesiarum, cum propter alia, tum quia semper hæretici sætoris experti permansit. Ubi Theodoretus videtur sic argumentari: Regimen totius Ecclesia debet esse illius Sedis, qua non possit deficere in fide: Videmus autem solam Romanam Sedem expertem esse & fuisse omnis hæreticæ pravitatis: Ergo manifestum est illam esse, cui datum est regimen Ecclesiarum.*

Hieronymus in Epistola ad Damasum de nomine hypostasos, postquam dixerat: *Super istam Petram edificatam Ecclesiam scio, subjungit: Obsecro mihi literis tuis sive tacendarum sive dicendarum trium hypostasos detur auctoritas, non timebo tres hypostasos dicere si juberis. Ubi asserit, se tunc sequentium sententiam Pontificis, quia novit super illum Ecclesiam esse fundatam, nec posse fieri, ut Ecclesia fundamentum cadat.*

S. Augustinus in Psalmo contra partem Donati sic ait: *Numerate Sacerdotes vel ab ipsa Sede Petri, in ordine illo Patrum quis cui successerit, videte, ipsa est petra, quam non vincunt superba inferorum porta.*

Gelasius in Epistola ad Anastasium Imperatorem: *Hoc, inquit, est, quod Apostolica Sedes magnopere cavet, ut quoniam mundi radix est Apostoli gloriosa confessio, nulla rima pravitatis, nulla prorsus contagione maculetur. Nam si, quod Deus avertat, & quod fieri non posse confidimus, tale aliquid proveniret, unde cuiquam resistere auderemus errori? Ubi Gelasius docet non posse Apostolicam Sedem errare: Quia cum ejus prædicatio & confessio sit radix mundi, si ipsa erraret, totus mundus erraret.*

S. Gregorius libri quarti Epistola 32. ad Mauritium demonstrat non posse fieri, ut Episcopus Constantinopolitanus sit Episcopus universalis, & proinde caput totius Ecclesia, quia multi Episcopi Constantinopolitani fuerunt publice hæretici, immo & hæresiarchæ, ut Macedonius & Nestorius. Videtur enim sequi ut tota corrumpatur Ecclesia, si is corrumpit qui est universalis. Item lib. 6. epist. 37. ad Eulogium. *Quis, inquit, nesciat sanctam Ecclesiam in Apostolorum Principis soliditate firmatam? Cui dictum est, Super hanc petram edificabo Ecclesiam meam. Et rursus, & tu aliquando confirma fratres tuos. Ubi Gregorius aperte docet, firmitatem Ecclesia ex Petri firmitate pendere, & proinde minus posse Petrum errare, quam ipsam Ecclesiam.*

Hactenus Bellarmini probatio. Nunc quatuor in locum Matt. expositiones Patrum recensendæ sunt.

**Prima Classis Patrum & Ecclesiasticorum tractatorum, qui docent, Ecclesiam super Petrum edificatam esse.**

**I.** Tertullianus in libri de præscriptione hæreticorum capite XXI. *Latuit aliquid Petrum edificanda Ecclesia petram dictum claves regni cælorum consecutum, & solvendi & alligandi in cælis & in terris potestatem.*

Hhh 2

Deinde



Deinde in libri de Monogamia capite VII. Petrum solum invenio maritum, per socrum monogamum presumo, per Ecclesiam, qua super illum edificata omnem gradum ordinis sui de monogamis erat collocatura.

II. Origenes homilia v. in Exodum: Vide magno illi Ecclesie fundamento, & petra solidissima super quam Christus fundavit Ecclesiam, quid dicatur à Domino: Modica, inquit, fidei, quare dubitasti?

Deinde in cap. XVII. Matthæi: Contraria ergo adhuc sibi erant in Petro veritas & mendacium: Et de veritate quidem dicebat: Tu es Christus filius Dei vivi: In quo & beatificatus est, & per promissionem meruit fieri Ecclesie fundamentum.

Tum lib. v. in Epistolam ad Romanos: Et Petro cum summa rerum de pascendis ovibus traderetur, & super ipsum, velut super terram fundaretur Ecclesia, nullius confessio virtutis alterius nisi charitas exigitur.

Denique apud Eusebium in libri VI. hist. capite XIX. de Scripturis sacris ex Origine: Porro in quinto libro explanationum in Evangelium Joannis de Epistolis Apostolorum, idem auctor ista loquitur. Et paulo post: Petrus, super quem Christi Ecclesia, contra quam inferorum porta non prevalebunt, edificata est, unam Epistolam omnium asseveratione approbatam reliquit.

III. Cyprianus in Epistola LXX. ad Januarium & ceteros Numidiæ Episcopos: Quando & Baptismum unum sit, & Spiritus Sanctus unus, & una Ecclesia à Christo Domino super petram origine unitatis & ratione fundata.

Deinde in Epistola LXXII. ad Jubaianum: Manifestum est autem, ubi & per quos remissa peccatorum dari possit, qua in Baptismo scilicet datur. Nam Petro primum Dominus, super quem edificavit Ecclesiam, potestatem istam dedit, ut id solveretur in calis, quod ille solvisset in terris. Et post alia: Quò venturus est, qui sinit? utrumne ad hereticos, ubi fons & furvus aqua vitalis omnino non est, an ad Ecclesiam, qua una est & super Petrum, qui & claves ejus accepit, Domini voce fundata est?

Tum in lib. de unitate Ecclesiæ: Loquitur Dominus ad Petrum: Ecce tibi dico, inquit, quia tu es Petrus, & super hanc petram edificabo Ecclesiam meam, & porta inferorum non vincent eam. Et tibi dabo claves regni cælorum, &c. Et iterum eidem post resurrectionem suam dicit: Pasce oves meas, super illum unum edificat Ecclesiam suam.

IV. Firmilianus in Epistola ad Cyprianum: Qualis verò error sit, & quanta cæcitas ejus, qui remissionem peccatorum dicit apud Synagogas hereticorum dari posse, nec permanet in fundamento unius Ecclesiæ, qua semel à Christo supra petram solidata est, hinc intelligi potest, quod soli Petro Christus dixerit: Quæcunque ligaveris super terram.

V. Hilarius can. XVI. in Matthæum: O in nuncupatione novi nominis felix Ecclesiæ fundamentum, dignaque adificatione illius petra, qua infernas leges, & tartari portas, & omnia mortis claustra dissolveret.

Deinde in Psalmum CXXXI. Cui (Petro) superius 7 claves regni cælorum dederat, super quem Ecclesiam adificaturus erat.

VI. Basilii in caput II. Esaiæ: Videte quomodo oportet vos conversari in domo Domini, qua est Ecclesia Dei viventis, cujus fundamenta in montibus sanctis. Est enim edificata in Apostolis & Prophetis, qui ejus fundamenta jecerunt, quorum unus erat Petrus, supra quam petram pollicitus fuerat, suam se adificaturam Ecclesiam.

VII. Ambrosius in ferm. XLVIII. Primum ergo signum mirabile suorum Petrus fecit, claudendo pedum restituyendo vestigia. Diximus frequenter ipsum Petrum à Domino nuncupatum, sicut ait: Tu es Petrus, & super hanc petram edificabo Ecclesiam meam. Si ergo petra est Petrus, supra quam adificatur Ecclesia, recte prius pedes

sanat, ut sicut in Ecclesia fidei fundamentum continet, ita & in homine membrorum fundamenta confirmet.

VIII. Epiphanius in Ancorato: Ipse autem Dominus constituit eum primum Apostolorum petram firmam, supra quam edificata est Dei Ecclesia.

IX. Gregorius Nazianzenus in orat. XXVI. Vides quemadmodum ex Christi Discipulis, magnis utique omnibus & excelsis atque electione dignis, hic petra vocetur, atque Ecclesiæ fundamenta in suam fidem accipiat.

X. Hieronymus in caput XVI. ejusdem Matthæi: Sicut & ipse lumen Apostolis donavit, ut lumen mundi appellarentur, cateraque ex Domino sortiti sunt vocabula, ita & Simoni, qui credebatur in petram Christum, Petri largitus est nomen, ac secundum metaphoram petra recte dicitur ei, Adificabo Ecclesiam meam super te.

Tum demum in Epistola LVII. ad Damasum: Beatitudini tuæ, id est, cathedra Petri communione conficior, super illam petram adificatam Ecclesiam scio.

Denique in Epistola ad Marcellam adversus Montanum: Si igitur Apostolus Petrus, super quem Dominus fundavit Ecclesiam, & Prophetiam & promissionem Domini illo tempore completam memoravit, quomodo possumus nobis aliud tempus vindicare?

XI. Augustinus in libro I. Retractionum pro seipso & Ambrosio sic loquitur capite XXI. Dixi in quodam loco de Apostolo Petro, quod in eo tanquam in petra fundata sit Ecclesia, qui sensus etiam cantatur ore maiorum in versibus beatissimi Ambrosii, ubi de Gallo gallinaceo: Hoc ipso petra Ecclesia canente culpam diluit. Sed scio me postea sepius sic exposuisse, ut super hanc petram intelligeretur, quem confessus est Petrus. Non enim dictum est illi: Tu es petra, sed tu es Petrus. Petra autem erat Christus. Harum autem duarum sententiarum, qua sit probabilior, eligat lector.

XII. Cyrillus Alexandrinus in libri II. super Joannem capite XII. Nec Simon fore jam nomen sibi, sed Petrus, prædicit, vocabulo ipso commodè significans quod in eo tanquam in petra lapideque firmissimo suam esset adificaturus Ecclesiam.

XIII. Leo primus in Epistola LXXV. ad Leonem Augustum: Cum ergo universalis Ecclesia per illius principalis petra adificationem facta sit petra, & primus Apostolorum beatissimus Petrus, voce Domini audierit: Tu es Petrus, & super hanc petram edificabo Ecclesiam meam, quis est nisi Antichristus vel Diabolus, qui pulsare audent inexpugnabilem veritatem?

XIV. Maximus Taurinensis homilia I. in Natali Petri & Pauli: Hic est Petrus, cui Dominus communionem sui nominis libenter indulsit: Ut enim sicut Apostolus Paulus edocuit, petra erat Christus, itaque per Christum Petrus factus est petra, dicente ei Domino: Tu es Petrus, & super hanc petram edificabo Ecclesiam meam. Nam sicut in deserto, dominico sitiienti populo aqua fluxit à petra, ita universo mundo perfidia ariditate lassato de ore Petri fons saluifera confessionis emerfit.

XV. Psellus in cap. V. Canticorum ad illud: Crura ejus sicut columna marmorea. Per crura Petrum intellige Apostolorum Principem, super quem Dominus, in Evangelio, se Ecclesiam suam adificaturum promisit.

XVI. Theophylactus in cap. XVI. Matthæi: Remunerat Petrum Dominus, mercedem illi dans magnam, quod supra eum adificavit Ecclesiam.

XVII. Euthymius in idem cap. Matthæi: Te ponam fundamentum credentium, edificabo super te Ecclesiam meam.

Cæterum hac in expositione lubens prætermitto Athanasium, quem Bellarminus in libri I. de Romano Pontifice capite X. sic laudat: Athanasius in Epistola ad Felicem, quam scripsit nomine suo & Synodi Alexandrina. Tu es, inquit, Petrus, & super fundamentum tuum Ecclesiæ columna, id est, Episcopi, sunt confirmata, &c. Eleganter Athanasius Petrum facit fundamentum, quo

quo nituntur Episcopi; Super quos ut columnas totum edifi-  
cium collocatur. Sed Epistola manifestè subjecta est  
Athanasio. Imperitus malleator Epistola nesciit A-  
10 thanasium pro legitimo Pontifice non habuisse Felice-  
cem hunc, ut in suis ad solitarios literis declarat:  
*Hoc Ministro* (Epicteto homine neophyto) utens  
(Constantius) incredibile facinus designavit, & quod  
verè referat imaginem Antichristi, ut qui in locum Ec-  
clesia Palatium suum succedere voluerit, & pro conventu  
populi & jure Comitiorum tres Eunuchos presentes esse  
jussit, tresque item κακοῖς καὶ κακοῖς, malis artibus  
imbutos exploratores: (Non enim eos Episcopos dixeris)  
ut ipsi Felicem quendam Episcopum in Palatio crearent,  
dignum profecto talibus suffragatoribus. Ceterum populi  
omnes cognita haereticorum pravitate non permisere, eos  
Ecclesiam intrare, proculque ab eis recesserunt. Quid igi-  
tur hic quod Antichristi non sit, omisit? Athanasii  
quoque vita per incertum auctorem edita, & Codex  
cclviii. Bibliothecae Photii constitutum ab haereticis  
Felicem Episcopum & miseranda morte periisse  
tradunt. Quis autem nisi fortè Bellarminus, crederet  
voluisse Athanasium cum Pontifice tali commu-  
nicare?

Baronius ad annum cclvii. Epistolam hanc ut  
substitutam ita repudiat: Quae fertur Athanasii nomine  
ad Felicem Romanum Pontificem ex Synodo Alexandrina  
scripta ab Episcopis Aegypti, Thebaïdis, & Libya haud  
aqua probatur. Quippe quod qualis fuerit status Ecclesiae  
Alexandrinae ab eo tempore, quo exulante Liberio Felix  
sedere cepit, jam satis superius est demonstratum, ut nul-  
lus plane locus vel tempus cogenda Synodi potuerit esse,  
Athanasio fuga lapsa & in eremo latitante, atque aliis  
Episcopis pariter exturbatis. Sunt praeter haec multa alia,  
11 quae ibi posita minus arident, ut cum de ipsius Felicis  
ordinatione Athanasius eundem Felicem reddidit certiorum.  
At ipse suas merces mercator emat. De reliquis autem  
alii judicent.

Suppositionem hanc duabus in Epistolis latius per-  
sequor. Una est ad Ludovicum Maræsum, in prima  
parte nostrarum Epistolarum; altera est ad Joannem  
Baptistam Franckevillam, in tertia parte earundem  
Epistolarum.

Porro cum Bellarminus testimonio tam evidenter  
supposito utitur, Pontificiae dignitati non mediocrem  
facit injuriam. Significat enim illam hominum men-  
dacio egere ad sui probationem. Scio quidem vetustio-  
res esse Bellarmino scriptores, qui Athanasii Epistolam  
ut veram acceperint: Sed Bellarminus eos habet cul-  
pae socios, non vindices ac liberatores. Si quidem  
veritati nemo prescribere potest, non spatium temporum,  
non patrocinia personarum, non privilegium regionum.  
Tertullianus in libri de Velandis Virginibus capite i.

Hæc est prima Patrum, & Ecclesiasticorum tracta-  
torum, qui dicunt ædificatam esse super Petrum Ecclē-  
siam, expositio. Nunc ad secundam veniendum est.

*Expositio Secunda Patrum & Ecclesiasticorum  
tractatorum dicentium super Apostolos vel eo-  
rum successores ædificatam esse Ecclesiam.*

I. Origenes in tractatu i. super caput xvi. Mat-  
thæi: Tu es Petrus, &c. Petra est enim quisquis  
Christi Discipulus, ex quo biberunt de spiritali conse-  
quente petra, & super talem petram construitur omnis Ec-  
clesiastica doctrina, & secundum hanc vita institutio.  
12 In unoquoque enim perfectio habente congregationem eo-  
rum, qui complent beatitudinem verborum, factorum, &  
sensuum est quæ à Deo ædificatur Ecclesia. Quod si su-  
per illum unum Petrum tantum existimas ædificari totam  
Ecclesiam, quid dicturus es de Joanne filio tonitrui &  
Apostolorum unoquoque? Quin alioqui num audebimus  
dicere, quod adversus Petrum unum non prævalitura sint  
portæ inferorum, ac non potius in omnibus ac singulis eo-  
rum de quibus dictum est, & portæ inferorum non præva-

lebunt adversus eam. Item illud, super hanc petram ædi-  
ficabo Ecclesiam meam. An verò soli Petro dantur à  
Christo claves regni calorum, nec alius beatorum quis-  
quam eas accepturus est? Quod si dictum est, tibi dabo  
claves regni calorum, ceteris quoque commune est, cur  
non simul omnia, quæ & prius dicta sunt & quæ se-  
quuntur, velut ad unum Petrum dicta sunt omnium com-  
munia?

II. Cyprianus in Epistola xxvii. de Lapsis: Domi-  
nus noster, cujus præcepta memere & observare debemus,  
Episcopi honorem, & Ecclesia sua rationem disponens in  
Evangelio loquitur, & dicit Petro: Ego dico tibi, quia  
tu es Petrus, & super istam petram ædificabo Ecclesiam  
meam, & portæ inferi non vincunt eam, & tibi dabo cla-  
ves regni calorum, & quæ ligaveris super terram erunt  
ligata & in calis, & quæcunque solveris super terram er-  
runt soluta & in calis, inde per temporum & successio-  
num vices Episcoporum ordinatio, & Ecclesia ratio de-  
currit, ut Ecclesia super Episcopos constituitur, & omnis  
actus Ecclesia per eosdem prepositos gubernetur: Cum hoc  
itaque divina lege fundatum sit, miror quosdam audaci-  
temeritate sic mihi scribere voluisse, quando Ecclesia 13  
in Episcopo & Clero, & in omnibus stantibus sit consti-  
tuta.

III. Hieronymus in libro i. contra Jovinianum:  
At dicis, super Petrum fundatur Ecclesia, tunc idipsum  
in alio super omnes Apostolos fiat, cuncti claves regni ca-  
lorum accipiant, & ex aquo super eos Ecclesia fortitudo  
solidetur, tamen propterea inter duodecim unus eligitur,  
ut capite constituto tollatur schismatis occasio.

Deinde in Psalmum lxxxvi. Fundamenta in monti-  
bus sanctis. Quos nos possumus dicere fundamenta? A-  
postolos: In illis erant fundamenta: Ibi primum posita est  
fides Ecclesia, & ibi fundamenta sunt posita. Et post  
alia: Legamus & Apocalypsim Joannis: Legamus & E-  
saïam, ubi ædificatur civitas Jerusalem, & duodecim por-  
tæ ipsius dicuntur esse de lapidibus pretiosis constructæ, &  
ipsa civitas de calo descendit. Ei dicuntur muri ejus au-  
rei, & dicuntur plateæ ejus strata esse smaragdo, & di-  
cuntur singula portæ ex singulis lapidibus pretiosis: Hæ  
sunt totæ Domini divitiæ, & hoc diligit Dominus, quod  
& homines. Prohibet nos ab avaritia, extruit civitatem?  
Ergo diligit Dominus portas Sion: Illas portas duodecim  
manifestum est, quod de Apostolis scripsit.

IV. Augustinus in concione ii. super Psalmum  
xxx. locutus de Ecclesia: Cujus personam gerebat  
Petrus, quando ei de calo submissus est discus, plenus om-  
nibus animalibus quadrupedibus, reptilibus, & volatilibus:  
Quibus generibus omnes gentes significantur. Prasigura-  
bat Dominus Ecclesiam, quod erat omnes gentes transvo-  
ratura, & in corpus suum conversura, & ait Petro:  
Macta & manduca. O Ecclesia, hoc est Petre, quia su-  
per hanc petram ædificabo Ecclesiam meam, Macta & man-  
duca. Prius macta & sic manduca. Occide quod sunt,  
& fac quod tu es. 14

Deinde in Psal. lxxxvi. Sed quid est, fundamenta  
ejus in montibus sanctis? Qui sunt montes sancti, super  
quos fundata est ista civitas? Alter quidam civis planius  
hoc dixit. Apostolus Paulus. Civis inde Propheta, civis  
inde Apostolus. Et hi propterea loquebantur, ut ceteros  
cives exhortarentur. Sed hi, id est, Propheta & Aposto-  
li, quomodo cives? Fortasse ita ut etiam ipsi montes, su-  
per quos fundamenta sunt hujus civitatis, cujus portas di-  
ligit Dominus. Dicat ergo alius civis hoc aperte, ne nos  
hoc suspicari videamur, loquens ad gentes, & commemo-  
rans, ut redirent, & quasi construerentur in fabricam  
sanctam: Superædificati, inquit, super fundamentum A-  
postolorum & Prophetarum. Et quia nec ipsi Apostoli aut  
Propheta, in quibus fundamentum est civitatis, se teneant  
in se; secutus ibi ait: Ipso summo existente lapide angu-  
lari Christo Jesu. Et paulo post: Habes constructionem  
tam civitatis. Sed omnis ista compages ubi immititur?  
Ubi incumbit, ut nusquam cadat? Ipso, inquit, summo  
angulari lapide existente Christo Jesu.

Dicit



Dicit fortasse aliquis: Si angularis lapis est Christus Jesus, in illo quidem duo parietes compaginantur. Neque enim angulum faciunt, nisi duo parietes in unum de diverso venientes. Sic & populi duo ex circumcisione, & praeputio, ad pacem Christianam sibi met connexi in una fide, una spe, una charitate. Sed si angulus summus Christus Jesus, quasi videntur priora fundamenta, & posterior

15 lapis angularis. Potest ergo aliquis dicere, quia magis Christus super Prophetas & Apostolos incumbit, non illi super illum, si illi sunt in fundamento, ipse in angulo. Sed cogitet qui hoc dicit, angulum & in fundamento esse. Neque enim ibi est tantum angulus, ubi videtur ut surgat in apicem: A fundamento enim incipit. Nam ut noveritis, quia fundamentum Christus & primum & maximum; Fundamentum, inquit Apostolus, nemo potest ponere praeter id quod positum est, Christus Jesus. Quomodo ergo fundamenta, Propheta & Apostoli? Et quomodo fundamentum Christus Jesus, quo ulterius nihil est? Quomodo putamus, nisi quemadmodum aperte dicitur, Sanctus Sanctorum: Sic & figurate fundamentum fundamentorum? Si ergo Sacramenta cogites, Christus Sanctus Sanctorum; si gregem subditum cogites, Christus Pastor Pastorum; si fabricam cogites, Christus fundamentum fundamentorum. In aedificiis istis non potest idem lapis esse in imo & in summo. Si fuerit in imo, in summo non erit, si in summo fuerit, in imo non erit. Angustias enim omnia panem corpora patiuntur, nec ubique esse possunt, nec semper. Divinitas autem, quae ubique praesto est, undique ad eam potest duci similitudo, & totum potest esse in similitudinibus, quia nihil eorum est in proprietatibus. Et post pauca: Ergo fundamentum & lapis angularis ipse est ab imo surgens, si tamen ab imo. Etenim origo fundamenti hujus summitatem tenet, & quemadmodum fundamentum corporea fabrica in imo est: Sic & fundamentum spiritualis fabrica in summo est. Si ad terram edificaremur, in imo nobis ponendum erat fundamentum. Quia caelestis fabrica est, & ad

16 celos praecessit fundamentum nostrum. Ipse ergo angularis lapis, montesque Apostoli, Propheta magni, portantes fabricam civitatis faciunt vivum quoddam aedificium. Et post pauca: Ad nos directa vox est, Ergo sequamur de civitate. Fundamenta ejus in montibus sanctis, diligit Dominus portas Sion. Jam ideo prae locutus sum ne putetis alia esse fundamenta, alias portas. Quare sunt fundamenta Apostoli & Propheta, quia eorum auctoritas portat infirmitatem nostram. Quare sunt porta? Quia per ipsos intramus ad regnum Dei. Pradicant enim nobis. Et cum per ipsos intramus, per Christum intramus. Ipse est enim janna. Et cum dicuntur duodecim porta Jerusalem, & una porta Christus & XII. porta Christus, quia in XII. portis Christus.

Huc etiam maxime pertinet, quod Augustinus in Epistola clix. ad Generosum Episcopum tradit: Si ordo Episcoporum sibi succedentium considerandus est, quanto certius, & verè salubriter ab ipso Petro numeramus, cui totius Ecclesiae figuram gerenti Dominus ait, Super hanc petram edificabo Ecclesiam meam, &c.

V. Theodoretus in Psalmum lxxxvi. Fundamenta pietatis, divina sunt documenta. Montes verò sancti, supra quos haec fundamenta jecit, Salvatoris nostri sunt Apostoli. De his enim beatus Paulus dixit, Superadificati estis supra fundamentum Apostolorum & Prophetarum, cum esset ejus lapis angularis Christus Jesus. Et rursus, Petrus & Jacobus & Joannes, qui videbantur columna esse, & Dominus Petro post veram & divinam illam confessionem: Tu es Petrus, & super hanc petram edificabo Ecclesiam meam, & porta inferi non

17 prevalebunt adversus eam. Et rursus, vos estis lux mundi, & non potest civitas abscondi supra montem posita. Supra hos sanctos montes Dominus Christus pietatis fundamenta jecit.

Deinde in caput xliii. Ezechielis: Atque hic numerus cubitorum cum sacris Apostolis consensit, qui bases & crepidines Divinae gratiae fuerunt, & Ecclesiae funda-

mentum & crepido. Tu enim es Petrus, inquit, & super hanc petram edificabo Ecclesiam meam.

VI. Ambrosius Anspertus lib. iiii. In Apocalypsim: Hinc Petro typum Ecclesiae gerenti Dominus ait: Tu es Petrus, & super hanc petram edificabo Ecclesiam meam, ac si diceret, supra me edificabo te.

Deinde libro iv. in eandem Apocalypsim: Hinc Petro typum Ecclesiae gerenti dicit: Quodcumque ligaveris super terram.

Tum libro v. in eandem Apocalypsim: Quod verò Petro dicitur, tibi dabo claves regni caelorum, & quodcumque ligaveris super terram, &c. Illud quod simili locutione ad duodecim Apostolos profertur, quaecumque alligaveris super terram, &c. Specialiter illis & generaliter omnibus rectae fidei, rectaeque operationis Doctoribus aptantur.

Denique libro vii. in eandem Apocalypsim: Hinc Petro hujus Ecclesiae typum gerenti dicitur, tibi dabo claves regni caelorum.

VII. Etherius & Beatus in libro i. Contra Elipandum Toletanum Episcopum: Quod Petro dixit, super petram edificabo Ecclesiam meam, non solo Petro, sed nobis omnibus dixit. Non revelavit tibi istud caro & sanguis, sed Pater meus, qui in calis est, non solum Petro sed & nobis, qui sic credimus, ut Petrus.

VIII. Paschasius Radbertus Corbeiensis Abbas libro 18 iv. in Matthaeum: Et notandum, quod tantum petra est unusquisque fidelium, imitator Christi, & tantum lux, quantum illuminatus à luce. Ac per hoc tantum Ecclesia Christi super eos, quantum & ipsi firmanur à Christo. Unde non super unum Petrum, verum super omnes Apostolos Apostolorumque successores Ecclesia Dei aedificatur. Unde David fundamenta ejus in montibus sanctis, sed ipsi montes super Christum aedificantur prius.

Haec est Patrum, & Ecclesiasticorum tractatorum qui dicunt aedificatam super Apostolos ut minimum, & eorum successores Ecclesiam, interpretatio. Nunc ad tertiam Patrum expositionem accedendum est.

Expositio Tertia Patrum & Ecclesiasticorum tractatorum, qui dicunt, super petram, id est, super illam fidem, quam confessus est Petrus, aedificatam esse Ecclesiam.

I. Eusebius Alexandrinus Laodicensis Episcopus in homilia de Resurrectione, ubi colloquentem cum Petro filium Dei facit: Ne timeas, quod promisi impleo; super fidem tuam, quae sit petra, edificabo Ecclesiam meam. Haec apud Judocum Coccium, in libri de Summo Pontifice articulo iiii. Auctorem hunc alibi videre mihi non licuit.

II. Hilarius in libro vi. de Trinitate: Et Pater dicendo, hic est filius meus, Petro revelavit, ut diceret: Tu es filius Dei vivi, quia in eo quod dicitur, hic est, revelantis indicium est. In eo verò quod respondetur, tu es, confitentis agnitio est. Super hanc igitur confessionis petram Ecclesia aedificatio est. Sed sensus carnis & sanguinis confessionis hujus intelligentiam non revelat. Hoc est divina revelationis sacramentum, Christum Dei filium non solum nuncupare, sed credere. Aut nunquid nuncupatio potius, quam natura Petro revelata est? Si nuncupatio, jam hanc à Domino frequenter audierat, se esse Dei filium confitente. In quo ergo revelationis est gratia, natura scilicet, non nominis, cum frequentata nominis confessio jam fuisset. Haec fides Ecclesia est fundamentum. Per hanc fidem infirma adversus eam sunt porta inferorum. Haec fides regni caelestis habet claves. Et post alia: Haec revelatio Patris est, hoc Ecclesia fundamentum est, hac securitas aeternitatis est. Hinc regni caelorum habet clavem; hinc terrena ejus judicia caelestia sunt.

III. Gregorius Nyssenus in opere de Adventu Domini: Petra verò fidei tanquam fundamentum, ut ipse Dominus ait ad Principem Apostolorum: Tu es Petrus,

& super hanc petram edificabo Ecclesiam meam, super confessionem videlicet Christi, quia dixerat, tu es Christus filius Dei viventis.

IV. Ambrosius in libri v. r. super Lucam capite ix. Etiam Discipulo huius vocabuli gratiam non negavit, ut ipse sit Petrus, qui de petra habeat soliditatem constantia, fidei firmitatem. Et post alia: Fundamentum Ecclesia fides est.

Deinde in cap. 11. Epist. ad Ephesios: Apostoli fundamenta jecerunt. Unde dicit Dominus ad Petrum: Super istam petram edificabo Ecclesiam meam. Hoc est, in Catholica fidei confessione statuam fideles ad vitam.

20 V. Chrysostomus in homilia lv. super Matthæum: Et super hanc petram edificabo Ecclesiam meam, id est, fidem atque confessionem.

Deinde in homilia lxxxiii. super eundem Matthæum: Nam qui super confessionem ejus Ecclesiam ita fundavit & munivit, ut nullum periculum, neque mors ipsa possit eum superare.

Tum in cap. i. Epist. ad Galatas: Itaque cum Petro dixisset: Beatus es Simon Barjona, promississetque futurum, ut Ecclesia fundamenta super illius confessionem jaceret, haud multo post dicit eidem, &c.

VI. Augustinus in tractatu vii. in Joannem: Mutavit ei nomen & fecit de Simone Petrum: Petrus autem à petra. Petra verò Ecclesia. Ergo in Petri nomine figurata est Ecclesia, & quis securus, nisi qui aedificat super petram? Et post alia de Nathanaele: Talem vocem protulit, tu es filius Dei, tu es Rex Israël, qualem tanto post Petrus, quando ei Dominus ait: Beatus es Simon Barjona, quia non tibi revelavit caro & sanguis, sed Pater meus, qui est in cælis, & ibi nominavit petram, & laudavit fundamentum Ecclesia in ista fide.

Deinde in tractatu cxxiii. in eundem Joannem: Dedit eleemosynarum salutaria remedia, quibus eorum adjungeretur oratio. Ubi eos dicere docuit: Dimitte nobis debita nostra, sicut et nos dimittimus debitoribus nostris. Hoc agit Ecclesia spe beata in hac vita arumosa, cujus Ecclesia Petrus Apostolus propter Apostolatus sui primatum gerebat figurata generalitate personam. Quod enim ad ipsum propriè pertinet, natura unus homo erat, gratia unus Christianus, abundantiore gratia, unus idemque primus Apostolus. Sed quando ei dictum est: Tibi dabo claves

21 regni cælorum, & quodcumque ligaveris super terram, erit ligatum & in cælis, & quodcumque solveris super terram, erit solutum & in cælis, universam significabat Ecclesiam, quæ in hoc sæculo diversis tentationibus velut imbribus, fluminibus, tempestatibus quatitur, & non cadit, quoniam fundata est super petram, unde Petrus nomen accepit. Non enim à Petro petra, sed Petrus à petra: Sicut non Christus à Christiano, sed Christianus à Christo vocatur. Ideo quippe ait Dominus, super hanc petram edificabo Ecclesiam meam, quia dixerat Petrus: Tu es Christus filius Dei vivi. Super hanc ergo, inquit, petram, quam confessus es, edificabo Ecclesiam meam. Petra enim erat Christus. Super quod fundamentum ipse aedificatus est Petrus. Fundamentum quippe aliud nemo potest ponere præter id quod positum est, quod est Christus Jesus. Ecclesia ergo quæ fundatur in Christo, claves ab eo regni cælorum accepit in Petro, id est, potestatem ligandi solvendique peccata. Quod enim est per proprietatem in Christo Ecclesia, hoc est per significationem Petrus in petra. Quia significatione intelligitur Christus petra, Petrus Ecclesia. Hæc igitur Ecclesia, quam significabat Petrus, quandiu degit in malis, amando & sequendo Christum liberatur à malis.

Deinde in ferm. xiiii. de verbis Domini super Evangelium Matthæi cap. i. Evangelium, quod recentissime recitatum est de Domino Christo, qui super aquas maris ambulavit, & de Apostolo Petro, qui ambulans timendo tiubavit, & diffundendo mersus, confitendo rursus emerit, admonet nos intelligere mare præsens sæculum esse: Petrum verò Apostolum Ecclesia unica typum: Ipse enim

22 Petrus in Apostolorum ordine primus, in Christi amore

promptissimus, sæpe unus respondit pro omnibus. Ipse denique Domino Jesu Christo requirente, quemnam homines dicerent eum esse, & opiniones varias hominum Discipulis respondentibus, rursusque Domino interrogante & dicente: Vos autem quem me esse dicitis? Respondit Petrus, Tu es Christus filius Dei vivi, unus pro multis dedit responsum, unitas in multis. Tunc ei Dominus ait: Beatus es Simon Barjona, quia non revelavit tibi caro & sanguis, sed pater meus, qui est in cælis. Deinde addidit: Et ego dico tibi, tanquam diceret: Quia tu dixisti mihi: Tu es Christus filius Dei vivi: Et ego dico tibi: Tu es Petrus. Simon quippe antea vocabatur. Hoc autem nomen ei ut Petrus appellaretur, à Domino impositum est, & hoc ut ea figura significaret Ecclesiam. Quia enim Christus petra, Petrus populus Christianus. Petra enim principale nomen est. Ideo Petrus à petra, non petra à Petro. Quomodo non à Christiano Christus, sed à Christo Christianus vocatur. Tu es ergo, inquit, Petrus, & super hanc petram, quam confessus es, super hanc petram, quam cognovisti dicens: Tu es Christus filius Dei vivi, edificabo Ecclesiam meam: id est, super meipsum filium Dei vivi, edificabo Ecclesiam meam. Super me edificabo te, non me super te. Nam volentes homines edificari super homines dicebant: Ego quidem sum Pauli, ego autem Apollo, ego vero Cepha, ipse est Petrus & alii, qui volebant edificari super Petrum, sed super petram. Ego autem sum Christi. Apostolus autem Paulus, ubi cognovit se eligi, & Christum contemni, divisus est, inquit, Christus? Nunquid Paulus pro vobis crucifixus est? Aut in nomine Pauli baptizati estis? Quomodo non in Pauli, sed nec in Petri, sed in nomine Christi, ut Petrus edificaretur super petram, non petra super Petrum. Idem ergo Petrus à petra cognominatus beatus, Ecclesia signam portans, Apostolatus principatum tenens, continuo post paululum jam audito, quod beatus esset, jam audito, quod Petrus esset, jam audito, quod supra petram edificandus esset, posteaquam audivit futuram Domini Passionem quia pradiixerat, eam citò futuram Discipulis suis, displicuit ei.

VII. Acacius Melitenes Episcopus in homilia apud Ephesinum Concilium habita, cap. vii. partis iii. ejusdem Concilii: Hæc est fides nostra: Super hoc fundamentum Ecclesia aedificata est, adversus quam ne porta quidem inferi prævalebunt. Ephesina Synodus hoc consensu tacito probavit.

VIII. Cyrillus Alexandrinus libro iv. in Efsaiam Orat. 11. Tu es Petrus, & super hanc petram edificabo Ecclesiam meam, petram opinor vocans immotam fidem Discipuli.

Deinde in libro iv. de Trinitate locum hunc explicans: Petram, inquit, opinor, nihil aliud, quam inconcussam & firmissimam fidem vocans, supra quam etiam citra casus periculum formata est, & fundata Christi Ecclesia.

IX. Juvenalis Hierosolymorum Episcopus in literis Synodicis ad Presbyteros & Archimandritas: Cum summus & primus Apostolorum dixisset, Tu es Christus filius Dei vivi, Dominus intulit dicens: Beatus es Simon Barjona, quia caro & sanguis non revelavit tibi, sed Pater meus, qui in cælis est, & ego dico tibi, quia tu es Petrus, & super hanc petram, & super hanc confessionem roborata est Ecclesia Dei & fidem, quam sancti nobis

24 tradiderunt Apostoli, hanc Ecclesia custodivit.

X. Leo Papa primus in fermone 11. de anniversario assumptionis suæ ad Pontificatum: De cujus principali æternoque præsidio & Apostolici operis munimen accepimus, quod utique ab opere non vacat, & firmitas fundamenti, cui totius Ecclesia superstruitur altitudo, nulla incumbens sibi templi mole lassescit. Soliditas enim illius fidei, quæ in Apostolorum Principe est laudata, perpetua est, & sicut permanet, quod in Christo Petrus credidit, ita permanet, quod in Petro Christus instituit. Cum enim, sicut Evangelica lectione reseratum est, interrogasset Dominus Discipulos, quem ipsum ( multis diversa opinantibus ) crederent, respondissetque beatus Petrus di-

cens:



cens: Tu es Christus filius Dei vivi: Dominus ait: Beatus Simon Barjona, quia caro & sanguis non revelavit tibi, sed Pater meus, qui in caelis est, & ego dico tibi, quia tu es Petrus, & super hanc petram aedificabo Ecclesiam meam, & porta inferi non praevalent adversus eam, & tibi dabo claves regni caelorum, & quodcumque ligaveris super terram, erit ligatum & in caelis, & quodcumque solveris super terram, erit solutum & in caelis. Manet ergo dispositio veritatis, & beatus Petrus in accepta fortitudine petra perseverans, suscepta Ecclesia gubernacula non reliquit.

Denique in ferm. 111. de anniversario ejusdem assumptionis: Quia tu es Petrus, id est, cum ego sim inviolabilis petra, ego lapis angularis qui facit utraque unum: Ego fundamentum prater quod nemo potest aliud ponere: Tamen tu quoque petra es, qui mea virtute solidaris, ut qua mihi potestate sunt propria, sint tibi mecum participatione communia; & super hanc petram aedificabo Ecclesiam meam, & porta inferi non praevalent adversus eam. Super hanc, inquit, fortitudinem aeternum extruam templum, & Ecclesia mea caelo inferenda sublimitas, in hujus fidei firmitate consurget. Hanc confessionem porta inferi non tenebunt, mortis vincula non ligabunt. Vox enim ista vox vita est.

Tum in ferm. de Transfiguratione Domini: Ad confirmandam ergo hujus fidei saluberrimam cognitionem interrogaverat discipulos suos Dominus, inter diversas aliorum opiniones quid ipsi de eo crederent, quidve sentirent: Ubi Petrus Apostolus per revelationem summi Patris corporea superans, & humana transcendens, vidit mentis oculis filium Dei vivi, & confessus est gloriam deitatis, quia non ad solam respexit substantiam carnis, & sanguinis. Tantumque in hac fidei sublimitate complacuit ut beatitudinis felicitate donatus sacram inviolabilis petra acciperet firmitatem, supra quam fundata Ecclesia portis inferi & mortis legibus praevaleret.

Denique in ferm. 11. de Natali Apostolorum Petri & Pauli: Evangelica referente historia, omnes Apostolos Dominus quid de se homines opinemur, interrogat. Et tandiu sermo respondentium communis est, quandiu humana intelligentia ambiguitas explicatur. At ubi quid habeat discipulorum sensus, exigitur, ille primus est in Domini confessione, qui primus est in Apostolica dignitate. Qui cum dixisset, Tu es Christus filius Dei vivi: Respondit ei Jesus, Beatus es Simon Barjona, quia caro & sanguis non revelavit tibi, sed Pater meus qui in caelis est. Ideo beatus es, quia Pater meus te docuit. Et paulo post: Quia tu es Petrus, id est, cum ego sum inviolabilis petra, ego lapis angularis, qui facio utraque unum, tamen tu quoque petra es, quia mea virtute solidaris, ut qua mihi potestate sunt propria, sint tibi mecum participatione communia. Supra hanc petram aedificabo Ecclesiam meam, & porta inferi non praevalent adversus eam. Super hanc, inquit, fortitudinem aeternum extruam templum, & Ecclesia mea caelo inferenda sublimitas, in hujus fidei firmitate consurget. Hanc confessionem porta inferi non tenebunt, mortis vincula non ligabunt. Vox enim ista, vox vita est, & sicut confessores suos in caelestia provehit, ita negatores ad inferna demergit.

X. Petrus Chrysologus in ferm. LIII. de Stephano Protomartyre: Petrus a petra nomen adeptus est, quia primus meruit Ecclesiam fidei firmitate fundare.

Deinde in ferm. LXXIV. Ponebat Angelus super petram fundamenta fidei, super quam Christus erat Ecclesiam fundaturus, qui dixit, Tu es Petrus, & super hanc petram aedificabo Ecclesiam meam.

XI Theodoretus in Epistola LXXVII. ad Eulalium Episcopum Persicae Armeniae: Quin hac etiam de causa Christus Dominus noster Apostolorum Principem, cujus confessionem veluti basim quandam & fundamentum Ecclesia defixerat, fluctuare ac errare permisit, duo eadem opera docens, nec fidere scipsis, & fluctuantes firmare.

Deinde in Epistola CXLVII. ad Joannem Oecono-

mum: Nemo igitur alium quempiam stultè putet Christum esse, quàm filium unigenitum: Neque nos sapientiores spiritus gratia existimemus esse, sed magnum Petrum audiat clamantem: Tu es Christus filius Dei vivi. Audiamus & Christum Dominum confessionem hanc confirman-<sup>27</sup>tem: Super hanc enim petram, inquit, aedificabo Ecclesiam meam, & porta inferi non praevalent adversus eam. Idcirco sapientissimus Paulus Ecclesiarum praestantissimus architectus non aliud, sed hoc ipsum deiecit fundamentum. Ego enim, inquit, ut sapiens architectus fundamentum posui, alius autem superaedificat. Unusquisque autem videat quomodo superaedificet. Fundamentum enim aliud nemo potest ponere prater id quod positum est, quod est Christus Jesus. Quomodo ergo aliud excogitant fundamentum, qui non ponere fundamentum, sed super positum fundamentum aedificare jussi sunt? At divinus ille vir Christum agnovit fundamentum, & hoc nomine se ostentat.

XII. Anonymus scriptor in Catena Nicetae Episcopi Serrarum super Matthæum: Petram fidei confessionem vocavit. Cum autem supra hanc aedificari nunciatur, inde ostendit, multos jam futuros, qui in eum credent.

XIII. Eucherius Lugdunensis Episcopus, seu alius quivis in homilia de Natali sancti Petri: Et ego dico tibi quia tu es Petrus, &c. Tu dicis & verum dicis, quia ego sum Christus filius Dei vivi. Et ego dico tibi, quia tu es Petrus, fide fortior, & doctrina stabilior. Nisi enim in hoc nomine fortitudinem & stabilitatem Christus intellexisset, quare ea quae sequuntur, protinus addidisset, dicens, & super hanc petram aedificabo Ecclesiam meam? Si Petrum non intelligis petram, respice: Petra autem erat Christus. Sic igitur a petra Petrus, sic a Christo Christianus: Videamus itaque quid sit, & super hanc petram aedificabo Ecclesiam meam. Super hanc petram, quam tu modò docuisti dicens: Tu es Christus filius Dei vivi: Super hanc petram & super hanc fidem aedificabo Ecclesiam meam. Huic enim sententia Apostolus concordans ait: Fundamentum enim aliud nemo potest ponere prater id quod positum est, quod est Jesus Christus. Ac si dicat non est aliud fundamentum nisi illa petra, quam Petrus posuit in fundamentum cum diceret: Tu es Christus filius Dei vivi. Super hanc petram aedificatur Ecclesia Dei.

XIV. Felix Papa III. in Epistola 9. ad Zenonem Imperatorem: Cum ipse (Petrus) dixisset ad Dominum: Tu es Christus filius Dei vivi, ab ipso audire meruit: Beatus es Simon Barjona, quia caro & sanguis non revelavit tibi, sed Pater meus, qui in caelis est, & super ista confessione aedificabo Ecclesiam meam.

XV. Hormisdas Romanus Pontifex in Commonitorio, quod Ennodio & Fortunato Praefulis Constantinopolim ablegatis dedit: Sancti Patres, qui ista constituerunt beati Petri Apostoli fidem secuti sunt, per quam aedificata est Ecclesia Christi. Quibus verbis alludit ad locum Matthæi.

XVI. Anastasius Patriarcha Antioch. in lib. 11. Anagogicarum contemplationum: Nonnulli autem hoc etiam referunt ad duos populos, & ad eos qui stantes, qui firmi sunt ac stabiles super Petri fundamentum & illius fidei immobilem constantiam.

XVII. Gregorius I. in libri III. epistola XXXIII. ad Theodelindam Reginam: In vera fide persistite, & vitam vestram in petra Ecclesia, hoc est, in confessione beati Petri Apostolorum Principis solidate.

XVIII. Isidorus Hispalensis in libri VII. Originum capite IX. Petrus a petra, hoc est a Christo super quem fundata est Ecclesia. Et paulo post: Ideo ait Dominus: Tu es Petrus, & super hanc petram, &c. Et quia dixerat Petrus, Tu es Christus filius Dei vivi: Deinde ei Dominus, super hanc petram, quam confessus es, aedificabo, inquit, Ecclesiam meam.

XIX. Venerabilis Beda in quaestionum super Exodum capite XLII. in recapitulatione: Nisi quis fidei soliditatem tenuerit, divinam praesentiam non agnoscit: De

De qua soliditate Dominus ait : Super hanc petram edificabo Ecclesiam meam.

Deinde in homilia de sancto Petro : Petra autem erat Christus, & supra hanc petram, id est, super Dominum Salvatorem, qui fidei suo cognitori, amatori, confessori participium sui nominis donavit, ut videlicet à petra Petrus vocaretur, supra quam edificatur Ecclesia.

Tum in homilia de feria III. Palmarum : Tu es Petrus, & super hanc petram, à qua tu nomen accepisti, id est, super meipsum edificabo Ecclesiam meam : Super hanc fidei perfectionem, quam tu confessus es, edificabo Ecclesiam meam, à cuius societate confessionis quisquis devoverit, quamvis sibi magnus videatur, ad edificium Ecclesie non pertinet.

Denique in cap. XXI. Joan. Sed quoniam ei dictum est : Tibi dabo claves regni cælorum : Quodcumque ligaveris super terram, erit ligatum & in cælis, & quodcumque solveris super terram, erit solutum & in cælis, universam significabat Ecclesiam, quæ in hoc seculo diversis temptationibus velut imbris, fluminibus & temptationibus, quibus concutitur, non cadit, quoniam fundata est super petram, unde Petrus nomen accepit. Non enim à Petro petra, sed Petrus à Petra, sicut non Christus à Christiano, sed Christianus à Christo vocatur. Ideo quippe Dominus ait, Super hanc petram edificabo Ecclesiam meam : Quia dixerat Petrus, Tu es Christus filius Dei vivi : Super hanc petram ergo, quam confessus es, edificabo Ecclesiam meam. Petra enim erat Christus, super quod fundamentum etiam ipse edificatus est Petrus. Fundamentum quippe aliud nemo potest ponere præter id quod positum est, quod est Christus Jesus.

XX. Joannes Damascenus in oratione de Transfiguratione Domini : At Petrus ardenti quodam zelo inflammatus, ac Sancto Spiritu instinctus ; Tu, inquit, es Christus filius Dei vivi. O beatum os, o prorsus beata labia, o Theologam animam, o Deo afflatam mentem, ac dignam, quæ divinitus doceretur. Et quibusdam interpositis : Hæc est firma illa & immota fides, super quam tanquam petram Ecclesia fundata est, cuius tu merito cognomen geris.

XXI. Hadrianus I. in Epistola, quæ actione II. septimæ Synodi lecta & probata est : Iste ( Petrus ) tam præcelso prælatu honore promeruit confiteri fidem, supra quam fundatur Ecclesia Christi. Hæc doctrina cum à Synodo admittatur, pro Synodi doctrina haberi merito potest & debet. Qui enim probat, suum facit, quod probat.

Deinde in Epistola ad Episcopos Hispaniæ : Huius ( Christi ) fundamenti immobilis soliditatem beatus Petrus non carne & sanguine, sed Patre revelante de cælo confitentem declaravit, cum refutatis quorundam opinionibus, quid in Discipulorum animis fides operaretur, cunctorum cognitor exploraret. Solus pro se & pro omnibus, & pro unitate unus testimonium fidei perhibuit dicens : Tu es Christus filius Dei vivi, qui mox confessionis præmium nulla interveniente mora adeptus, & cæli janitor & ligandi solvendique arbiter factus est animarum, statimque Dominus : Et ego dico tibi, Tu es Petrus, & super hanc petram edificabo Ecclesiam meam : Super hanc, inquit, petram, quam confessus es, & à quo vocabulo sortitus es dignitatem, super hanc soliditatem fidei edificabo Ecclesiam meam, & idcirco portæ inferi, id est, hæretici, non prævalebunt adversus eam.

XXII. Forojulienſe Concilium, quod Paulinus Aquileiensis Episcopus habuit : Ecclesia super eam persistit petram, quam beatus Petrus non carne vel sanguine, sed patre, qui in cælis est, revelante, sibi confessus est, & illius fide regitur & gubernatur omnis Ecclesia.

XXIII. Christianus Drutmarus in expositione Matthæi cap. xxv. Super hanc firmitatem fidei, quam confessus es, edificabo Ecclesiam meam, & super me edificabo te cum omni Ecclesia mea.

XXIV. Jonas Aurelianensis Episcopus in libro III. de cultu imaginum : Multi namque & pene omnes pe-

tram, super quam edificatur Ecclesia, fidem intelligunt beati Petri, quæ communis est sancta totius Ecclesiæ, videlicet eam, quæ paullo ante promissionem hanc præcesserat, id est, Tu es Christus filius Dei vivi, & huic petra superadificandam Ecclesiam suam Dominum promississe.

XXV. Hincmarus Remensis Archiepiscopus in Opusculi xxxi. contra Hincmarum Laudunensem Episcopum cap. v. Cui ( Petro ) ob robur solidissimæ fidei, Christus petra à se nomen Petri indidit, dicens : Tu es Petrus, & super hanc petram, scilicet rectæ fidei, quam Patre tibi revelante confessus es, edificabo Ecclesiam meam.

Deinde in cap. xlv. Petro Dominus dixit : Tu es Petrus, & super hanc petram, id est, super hanc firmam & solidam fidei confessionem, quam tu es confessus, edificabo Ecclesiam meam.

Tum demum apud Flodoardum in libri III. hist. Rem. capite xlii. ad Nicolaum I. Vos videbitis, quid inde factum melius erit, & nobis in iudicio vestro videntum est, quid Deus velit : Quoniam injusta esse non poterunt divina iudicia, quæ à soliditate confessionis Apostolica petra adversus quam inferi portæ, id est, suggestiones vel operationes prævæ non prævalebunt, distante iustitia proferentur.

XXVI. Nicolaus I. in Epistola II. ad Michaellem Imp. Principatum itaque Divinæ potestatis, quem omnium conditor electis Apostolis suis largitus est, super solidam fidem Apostolorum Principis ( Petri videlicet ) soliditatem constituens, ejus egregiam, imò primam Sedem deliberavit. Nam voce Dominica ipsi dictum fuerat : Tu es Petrus, & super hanc petram edificabo Ecclesiam meam. Petrus denique à firmitate petre, quæ Christus est, structuram universalis Ecclesiæ inconcussam, & robore fidei solidatam, ita precibus suis munire non cessat, ut errantium vasionem rectæ fidei norma reformare festinet.

Deinde in Epistola VI. ad Photium : Christus supra soliditatem fidei suam sanctam dignatus est stabilire Ecclesiam, secundum illius veridicam vocem dicentis : Amen dico tibi : Tu es Petrus, & super hanc petram edificabo Ecclesiam meam.

XXVII. Joannes VIII. in Epistola lxxvi. ad Petrum Comitem : Super quam etiam solidam confessionis petram suam Dominus fabricavit Ecclesiam.

XXVIII. Theophanes Cerameus Archiepiscopus Tauromenii in homilia xlv. Tu, inquit, qui petra es, petra fies fidei verbi, & constituenda Ecclesia fundamentum, & spiritualis edificiû primus aditus. In hac enim confessione, qua me hominem eundem & Deum esse confessus es, in qua, inquam, stabilietur Ecclesia fundamentum ; Hac, inquam, basi supposita reliqua etiam dogmata tuto superstruuntur.

XXIX. Theodorus Abucara, seu Cariæ Episcopus in Epistola orthodoxa : Et hæc confessio, est illa confessio Petri, adversus quam non prævalebunt portæ inferi. Ac proinde super quam fundatur Ecclesia.

XXX. Stephanus Papa VI. in Epistola II. quæ sic inscribitur : Stephanus Episcopus servus servorum Dei, universis Episcopis & Clericis, &c. Catholica Christi & Dei nostri Ecclesia fundata super firmam petram, Apostoli videlicet Petri confessionem, licet plurimis tempestatibus & fluctibus agitur, nihilominus confirmatur & augetur.

XXXI. Trosleianum Concilium in can. xv. locutum de Ecclesia : Quæ cum generaliter ab ipso suo capite super petram, id est, super confessionem Petri sit adificata, &c.

XXXII. Odo Cluniacensis Abbas in ferm. de cathedra Petri : Quia tu es Petrus, id est, cum ego sim inviolabilis petra, ego lapis angularis, qui facio utraque unum, ego fundamentum præter quod nemo potest aliud ponere : Tamen tu quoque petra es, quia mea virtute solidaris, ut quæ mihi potestate sunt propria, sint tibi mecum participatione communia. Super hanc petram edificabo Ecclesiam meam : Super hanc, inquit, fortitudinem æternam instruum templum, & Ecclesia mea cælo infuse-



inferenda sublimitas ex hujus fidei firmitate consurget. Hanc confessionem porta inferi non tenebunt, vincula mortis non ligabunt. Sic facile apparet Odonem in ea fuisse sententia, ut crederet Ecclesiam super confessionem fidei, quam Petrus de Christo ediderat, fundatam esse.

XXXIII. Rupertus Tuitiensis Abbas in libro III. super Matthæum: Orbis quem super hujusmodi afflictos Dominus posuit, Ecclesia ipsius est, quam illis regendam commisit. Hinc est illud, quod huic Simoni Petro dixit, Et ego dico tibi, quia tu es Petrus, & super hanc petram edificabo Ecclesiam meam: Super petram fidei, quam confessus est Petrus, eamque suam edificavit, eamque regendam illi ceterisque Apostolis, eorumque similibus commisit.

Deinde in libro XII. super Apocalypsim: Iidem Apostoli, qui porta civitatis hujus & fundamenta sunt. Nam super fidem illorum fundata est Ecclesia Dei. Veruntamen ita ut fundamenta ipsorum Christus sit.

XXXIV. Innocentius II. in Epistola ad Episcopos Senonensis Concilii, quod contra errores Abaelardi celebratum est: Testante Apostolo sicut unus Dominus, ita una fides esse dignoscitur, in qua tanquam in immobili fundamento, præter quod nemo potest aliud ponere, firmitas Ecclesie Catholica inviolata consistit. Inde est, quod beatus Petrus Apostolorum Princeps pro eximia hujus fidei confessione à Domino ac Salvatore nostro audire meruit, Tu es, inquit, Petrus, & super hanc petram edificabo Ecclesiam meam; petram utique firmitatem fidei, & Catholicæ unitatis soliditatem manifestè designans.

XXXV. Hadrianus IV. in Epistola ad Fredericum Imp. Personam tuam sicut charissimi & specialis filii nostri & Principis Christianissimi, quem in Apostolica confessionis petra non ambigimus per Dei gratiam solidatum, sincera semper dileximus charitate.

XXXVI. Urbanus III. in Epistola ad Archiepiscopos, Episcopos, & Abbates: Celestis altitudo consilii firmam retinens in sui dispositione censuram, sacrosanctam Romanam Ecclesiam, ad cujus regimen sumus licet insufficenter assumpti, supra petram fidei soliditate fundavimus, illud ei tribuens Apostolica confessionis fortitudine firmamentum, cui nec procella turbinis, nec prævalere possit spiritus tempestatis.

XXXVII. Cæsius Cisterciensis Ordinis Monachus in homilia de Cathedra sancti Petri: Super hanc petram, id est, super fidei tua firmitatem à qua cognominaris, edificabo Ecclesiam meam.

XXXVIII. Sanctus Thomas in supplem. quæst. xxv. art. 1. in argumentis Sed contra: Præterea Ecclesia universalis non potest errare, quia ille, qui in omnibus exauditus est pro sua reverentia, dixit Petro, super cujus confessione Ecclesia fundata est, ego pro te rogavi ut non deficiat fides tua, Luca 22.

36 XXXIX. Stephanus Parisiensis Episcopus & Facultas Theologiæ in literis, quas in gratiam doctrinæ sancti Thomæ apud Gentiliacum scripserunt anno Christi MCCCXXV. Initium est hujusmodi, quod ad rem facit: Universis presentes literas inspecturis. Stephanus permissione divina Parisiensis Episcopus salutem in Domino omnium Salvatore. Et paullo post: Nos attendentes cum eis (sacrae Theologiæ Doctoribus) quod sacrosancta Romana Ecclesia mater omnium fidelium, & magistra fidei & veritatis in firmissima Petri Christi Vicarii confessione fundata, &c. ad petram quam confessus est Petrus attendunt.

XL. Alphonsus Tostatus Abulensis Episcopus in cap. XVI. Matthæi, quæst. LXVII. Queritur, cur Christus dixit, super hanc petram edificabo Ecclesiam meam quæ sit ista petra. Aliqui dicunt, quod sit Petrus. Et istud dictum pluribus refellit, & subdit: Alii dicunt & melius, quod petra, super quam fundatur Ecclesia, est Christus scilicet, super hanc petram, id est, super petram, quam confessus est, edificabitur Ecclesia. Et paullo post: Alii dicunt & adhuc melius, quod petra non accipitur

hic pro Petro, nec pro Christo, sed pro confessione fidei, quam Petrus facit. Ecclesia enim in fide fundatur. Fides vocatur petra, quia solida manet. Nam postquam cepit fides, semper mansit, hoc, quia Christus oravit, ut nunquam deficeret fides Ecclesie: Et ita Christus dixit Petro: Super hanc petram, id est, super hanc petram confessionis, quia tu dixisti: Tu es filius Dei vivi, tu es Christus, & ista fides semper mansit in Ecclesia, & super eam fundatur Ecclesia.

XLI. Judocus Clithoveus Parisiensis Theologus in 37 Compendio veritatum ad fidem pertinentium contra erroneas Lutheranorum assertiones, cap. 1. Beatus Petrus postquam Dominum nostrum confessus est filium Dei vivi, non carnis non sanguinis revelatione, sed Dei Patris interna inspiratione hoc à Christo accepit responsum: Et ego dico tibi, quia tu es Petrus, & super hanc petram (soliditatem scilicet & firmitatem confessionis à te prolata) edificabo Ecclesiam meam.

XLII. Joannes Ekius celebris inter Germanos Theologus in libri 1. de primatu Petri contra Lutherum cap. XIII. Quod addit diversarius supra fidem Petri edificatam Ecclesiam: Quis ei in hoc repugnat? quis negat? quis inficiatur? ille prodeat, nominet quem hujus dissensorem.

XLIII. Renatus Benedictus Parisiensis Theologus in sua Catholicorum adversus novas hæreses Panoplia, quam Gregorio XIII. dicavit: Sunt igitur diligenter expendenda verba illa Christi: Tu es Petrus, & super hanc petram edificabo Ecclesiam meam: Quibus docemur, quod in compensationem, quia beatus Petrus fecit illam confessionem divinitatis & humanitatis Christi, in qua confessione fundatur religio Christiana & Ecclesia, is accepit eam à Christo potestatem atque dignitatem, quod primus inter eos est habitus, qui eam confessionem ad fundandam Ecclesiam prædicarunt; ideo enim dicitur Petrus, & super talem petram Ecclesia ab ipso fundata est, ut videlicet præcipuus & primus esset promulgator ejus confessionis, quæ ei primò à Deo revelata est.

XLIV. Romana Ecclesia in oratione, quam in festo beati Leonis II. recitandam præscribit: Præsta quæsumus omnipotens Deus, ut nullis nos permittas perturbationibus concuti, quos in Apostolica confessionis petra solidasti. Postrema verba hæc ed spectant, quod supra nonnullos Pontifices Romanos spectare vidimus: Nempe in fide quam confessus est beatus Petrus fundatam ac constitutam esse Ecclesiam.

Hæc est Patrum & Ecclesiasticorum tractatorum qui docent Ecclesiam supra fidem, quam confessus est Petrus, edificatam esse, expositio: Nunc ad quartam veniendum est.

*Expositio Quarta Patrum & Ecclesiasticorum Tractatorum, qui scribunt edificatam esse super petram Christum Ecclesiam.*

I. Beatus Hieronymus inter primos expositionis hujus auctores collocandus est, cum in cap. VII. Matth. scribit ad verba hæc: Fundata enim erat supra petram: Supra hanc petram Dominus fundavit Ecclesiam, ab hac petra Apostolus Petrus sortitus est nomen. Et quibusdam interpolitis: Fundamentum, quod Apostolus architectus posuit, unus est Dominus noster Jesus Christus, super hoc fundamentum stabile & firmum & per se robusta mole fundatum edificatur Christi Ecclesia.

II. Augustinus multis in locis, & maxime in libro 1. Retractionum cap. XXI. In hoc libro (contra Epistolam Donati) dixi in quodam loco de Apostolo Petro, quod in illo tanquam in petra fundata sit Ecclesia. Quo sensu etiam cantatur ore multorum in versibus beatissimi Ambrosii: Ubi de gallo gallinaceo ait, hoc ipsa petra Ecclesia canente culpam diluit. Sed scio me postea sapissime sic exposuisse, quod à Domino dictum est, Tu es Petrus, & super hanc petram edificabo Ecclesiam meam, ut super hanc intelligatur, quam confessus est Petrus dicens: Tu es Christus filius Dei vivi, ac si Petrus ab

ab hac petra appellatus personam Ecclesia figuraret, quæ super hanc petram adificatur, & accepit claves regni calorum. Non enim dictum est illi: Tu es petra, sed tu es Petrus. Petra autem erat Christus, quem confessus Simon sicut eum tota Ecclesia confiteatur, dictus est Petrus. Harum autem duarum sententiarum quæ sit probabilior, eligat lector. Augustinus sententiam seu expositionem secundam ut probabilioris elegit in tractatu cxxiv. super Evangelium Joannis: Ecclesia fundata est super petram, unde Petrus nomen accepit. Non enim à Petro petra, sed Petrus à petra; Sicut non Christus à Christiano, sed Christianus à Christo vocatur: Ideo quippe, ait Dominus, super hanc petram adificabo Ecclesiam meam, quia dixerat Petrus: Tu es Christus filius Dei vivi. Super hanc ergo, inquit, petram, quam confessus es, adificabo Ecclesiam meam. Petra enim erat Christus: Super quod fundamentum etiam ipse adificatus est Petrus. Fundamentum quippe aliud nemo potest ponere, præter id quod positum est, quod est Christus Jesus. Ecclesia ergo quæ fundatur in Christo, claves ab eo regni calorum accepit in Petro: Id est, potestatem ligandi solvendi; peccata. Quæ enim est per proprietatem in Christo Ecclesia, hoc est, per significationem petra in petra. Quæ significatione intelligitur Christus in petra, Petrus in Ecclesia. Hæc igitur Ecclesia, quam significabat Petrus, quamdiu degit in malis, amando & sequendo Christum liberatur à malis. Tractatus in Evangelium Joannis editos esse post librorum retractationem, ex eo conjectura est non levis, quod Augustinus tractatum in Evangelium Joannis editorum, nec in primo, nec in secundo retractationum libro meminerit.

Hic propter conjecturam eandem adjungo sermonem xlii. de verbis Domini in Matthæi cap. i. & ii. Deinde addidit: Et ego dico tibi: Tanquam diceret: Quia tu dixisti mihi: Tu es Christus filius Dei vivi: Et ego dico tibi: Tu es Petrus, Simon quippe antea vocabatur. Hoc autem nomen ei, ut Petrus appellaretur, à Domino impositum est: Et hoc, ut ea figura significaret Ecclesiam. Quia enim Christus petra, Petrus populus Christianus (petra enim principale nomen est) Ideo Petrus à petra, non petra à Petro, quomodo non à Christiano Christus, sed à Christo Christianus vocatur. Tu es ergo, inquit, Petrus, & super hanc petram, quam confessus es, super hanc petram, quam cognovisti, dicens, Tu es Christus filius Dei vivi, adificabo Ecclesiam meam. Super me adificabo te, non me super te. Nam volentes homines edificari super homines, dicebant; Ego quidem sum Pauli: Ego autem Apollo, ego verò Cepha: Ipse est Petrus. Et alii qui volebant edificari super Petrum, sed super petram: Ego autem sum Christi, Apostolus autem Paulus, ubi cognovit se eligi, & Christum contemni, dicitur visus est, inquit, Christus? Nunquid Paulus pro vobis crucifixus est? Aut in nomine Pauli baptizati estis? Quomodo non in Pauli, sic nec in Petri, sed in Christi nomine, ut Petrus adificaretur super petram, non petra super Petrum.

III. Theodoretus in caput i. epistolæ i. ad Corinthios: Oportebat superadificare, non fundamenta jacere. Neque enim aliud potest jacere fundamentum, qui vult sapienter edificare. Hoc fundamentum jecit beatus Petrus, vel potius ipse Dominus: Cum enim dixisset Petrus: Tu es Christus filius Dei vivi, dixit Dominus: Super hanc petram adificabo Ecclesiam meam. Ne vos ergo denominate ab hominibus. Christus enim est fundamentum.

IV. Venerabilis Beda in caput xv. Matthæi: Metaphoricè ei dicitur: Super hanc petram, id est, Salvatorem, quem confessus es, nominis participium donavit.

V. Paulinus Aquileiensis Episcopus in libro i. contra Felicem Urgellitanum Episcopum: Quatenus ipsius Principis Apostolorum, primique Pastoris Ecclesia, Petri scilicet Apostoli fidei soliditatem avellere nitaris, quam super firmam petram, quæ Christus est, firmiter & fideliter non ambigitur fundasse.

VI. Dungalus Diaconus in libro contra Claudium Taurinensem Episcopum: Non enim à Petro petra: Si-

cut non Christus à Christiano, sed Christianus à Christo vocatur: Ideo quippe ait Dominus: Super hanc petram adificabo Ecclesiam meam, quia dixerat Petrus: Tu es Christus filius Dei vivi: Super hanc ergo petram, quam confessus es, adificabo Ecclesiam meam.

VII. Rabanus Moguntinensis Episcopus in libri iv. de Universo capite i. Petrus à petra nomen accepit: hoc est à Christo, super quem est fundata Ecclesia: Non à Petro petra, sicut non Christus à Christiano, sed Christianus à Christo vocatur. Ideoque ait Dominus: Tu es Petrus & super hanc petram adificabo Ecclesiam meam, quia dixerat Petrus: Tu es Christus filius Dei vivi: Deinde ei, Super hanc petram inquit, quam confessus es, adificabo Ecclesiam meam.

VIII. Anselmus Cantuariensis Episcopus in cap. xvi. Matthæi: Super hanc petram, id est, super me adificabo Ecclesiam meam. Quasi dicat: Tu es Petrus à me petra, ut tamen mihi reservetur fundamenti dignitas.

IX. Magister Sententiarum in cap. ii. epistolæ ad Ephesios: Super fundamentum Apostolorum & Prophetarum, id est, super Christum, qui est fundamentum, præter quod nemo potest aliud ponere. Dicuntur tamen Apostoli & Propheta fundamentum. Unde ait Propheta in Psal. lxxxvi. Fundamenta ejus in montibus sanctis. Sed Christus est primum & maximum fundamentum, qui sicut aperte dicitur Sanctus Sanctorum, sic figuratè fundamentum fundamentorum. Si ergo sacramenta cogites, Christus est Sanctus Sanctorum: Si gregem subditum cogites, Christus est Pastor Pastorum. Si fabricam cogites, Christus est fundamentum fundamentorum. Vel, super fundamentum, id est, doctrinam Apostolorum & Prophetarum, id est, super novum Testamentum: Et verè quia quod Apostoli prædicaverunt, Propheta futurum prædixerunt. Et ne Apostoli vel Propheta, in quibus fundata est civitas Dei, tenerent se in se, subdit: Ipso summo angulari existente Christo Jesu. In Christo enim totum ininitur primo fundamento, in quo omnis ista compages incumbit, ut nusquam cadat. Hæc ferè non possunt non ita dici, nisi habitorespectu ad verba Christi apud Matthæum cap. xvi. loquentis: Tu es Petrus, & super hanc petram.

X. Joannes Saresberienis Carnutensium Episcopus in epistola cxxvi. ad Cantuariensem Episcopum: Nec hoc dixerim, quod Ecclesiam Romanam spei nostræ fundamentum arbitror statuendum, sed ipsum solum super quo illa fundata est, & in quo qualibet opera fideliter radicata convalescit, & consummatur in gloria.

XI. Goffridus Viterbiensis Presbyter Chronicorum parte xvi. in Constantino Magno: Assentio autem matri nostræ Romana Ecclesia, quæ fundata est super petram, id est, Christum.

XII. Celestinus III. in epistola xiv. ad Lincolnensem Episcopum: Cum sacrosancta Romana Ecclesia super immobile fundamentum, lapidem scilicet angularem & verum perpetua stabilitate fundata sit, de seipsa veritate dicente: Super hanc petram adificabo Ecclesiam meam.

XIII. Innocentius III. in sermone ii. de consecrat. Pont. Tu es, & super hanc petram adificabo Ecclesiam meam, & porta inferi non prævalebunt adversus eam. Cum enim idem sit ipse fundator & fundamentum Ecclesia, profecto porta inferi non prævalebunt adversus eam, quia fundamentum immobile perseverat, de quo dixit Apostolus, Fundamentum positum est, præter quod aliud poni non potest, quod est Christus Jesus. Et paullo post: Fundata erat supra petram, super illam videlicet, de qua dicit Apostolus: Petra autem erat Christus.

XIV. Cæsius Cisterciensis Ordinis Monachus in 44 homilia de cathedra sancti Petri: Sed quæ est hæc petra, fratres, à qua Simon Petrus vocatur, & super cujus firmitatem Christi adificatur Ecclesia? Puto quod Christus sit hæc petra.

XV. Beatus Thomas in supplem. quæst. vi. art. vi. Potestas Ecclesia soli debetur Christo, qui est Ecclesia fundamentum. Ad Matthæum & Paulum alludit.

Deinde in caput iv. epistolæ i. ad Corinthios ad ista  
l i i 2 verba:



verba: *Fundamentum aliud nemo potest ponere, præter id quod positum est, quod est Iesus Christus. Sed contra videtur esse, quod dicitur Apocal. 21. Murus civitatis habens fundamenta duodecim, & in ipsis duodecim nomina Apostolorum. Non ergo solus Christus est fundamentum. Dicendum est autem quod duplex est fundamentum, unum quidem, quod per se habet soliditatem, sicut rupes aliqua supra quam aedificium construitur. Et huic fundamento Christus comparatur. Ipse enim est petra, de qua dicitur Matthæi VII. Fundamentum enim erat supra firmam petram. Aliud est fundamentum, quod habet soliditatem non ex se, sed ex alio solido subjecto, sicut lapides, qui primò supponuntur petre solidæ. Et hoc modo dicuntur Apostoli fundamentum Ecclesiæ, quia ipsi primò superadificati sunt Christo per fidem & charitatem. Unde dicitur Ephes. II. Superadificati supra fundamentum Apostolorum.*

XVI. Pius II. in libro I. de gestis Basileensis Concilii, cum explicat quid sit sancta Ecclesia: *Ad hoc etiam tendit quod dicitur apud Paulum, caput Ecclesiæ fore Christum. Nam si Ecclesia peccaret tota, nequaquam capiti conveniret* 45 *Christo, qui nulla ex parte corruptus existit. Hoc iidem apud Matthæum significare voluit Christus, cum domum illam collaudat, quæ fuerat supra firmam petram aedificata, cui nec venti potuerunt officere, nec pluvia. In domo Dei, inquit Apostolus, quæ est Ecclesia aedificata super firmam petram, quæ sicut idem Apostolus prædicat, erat Christus. Ecclesiam ergo supra Christum fundatam, quis est tam demens, aut tam sui oblitus, ut peccato subditam esse velit?*

Porro autem cum Doctores sanctissimi Augustinus & Thomas in expositione seu classe tertia & quarta emineant, nunc referendum est elogium quo Alexander VII. condecorandos illos esse censuit, cum ad Lovanienses Theologos anno MDCLX. VII. Idus Augusti scripsit: *De reliquo non dubitamus, quin singulari scientiæ pietatistque studio sanam & incorruptam, qualem tot Apostolica Sedis declarationes & sanctorum Patrum traditiones requirunt, doctrinam semper amplexuri & adversus orthodoxæ religionis hostes defensuri sitis, necnon præclarissimorum Ecclesiæ Catholica Doctorem Augustini & Thomæ Aquinatis inconcussa tutissimæque dogmata sequi semper, ut asseritis, ac impensè revereri velitis: Quorum profectò sanctissimorum virorum penes Catholicos universos ingentia & omnem laudem supergressa nomina novi præconis commendatione planè non egent. Habendum est oraculi instar elogium hoc, quod ubi causa cognita, nimirum evolutis & probè intellectis Augustini & Thomæ libris omnibus profertur, dubitandi locum nullum relinquit. Interim Alexander ut expositionis tertiæ & quartæ fautor & approbator existimandus est, donec saltem ipse aliter statuerit.*

46 *Hæc est Patrum & Ecclesiasticorum tractatorum, qui tradunt aedificatam esse super petram Christum Ecclesiam, expositio.*

Hactenus testimonii Matthæi expositiones quatuor, quæ nunc inter se componendæ sunt, & quoad fieri licet conciliandæ. Quoad fieri licet dico, quia iura veritatis integra manere semper debent. Nefas enim esset efficere, ut quis aliquid dixerit quod eum dixisse repugneret.

Et primò quidem nonnulli Patres in expositione seu classe prima & secunda comparent Origenes, Cyprianus, & Hieronymus, qui & in quarta. Alii in expositione seu classe prima & tertia, ut Hilarius, Ambrosius, Cyrillus, & Leo. Quidam in expositione seu classe secunda & quarta, ut Theodoretus. Alii in expositione seu classe tertia & quarta, ut Beda. Sed Augustinus in singulis expositionibus prima, secunda, tertia, & quarta.

Deinde expositionis primæ & secundæ Patres sibi ipsis conciliantur facile. Origenes in expositione prima secundam non excludit. Cyprianus in expositione prima secundam videtur excludere, sed revera non excludit, si scopus operis attendatur. In prima super unum Petrum aedificatam esse scribit Ecclesiam, ut adversus emergentes Christianorum in religione dif-

cordias, unitatem Ecclesiæ commendat. In secunda constitutam esse super Episcopos dicit Ecclesiam, ut quam Ecclesiæ unitatem in uno Petro commendaverat, eandem in pluribus Apostolorum successoribus commendaret: Quasi diceret, sive sit unus Apostolus, sive sint plures Apostoli, super quos aedificetur Ecclesia, una tantum, non multiplex aedificatur Ecclesia. 47 Quapropter in expositione prima disputat adversus eos, qui scindere volebant Ecclesiam. In secunda lapsos redarguit, qui & ipsi Cypriano de usurpata pace per Paulum martyrem data scripserant: Hòcque pacto scindebant Ecclesiam, quæ, ut ait, *Stantium est, non lapsorum. Absit enim, nec Domini misericordia & potestas ejus pariat, ut Ecclesia esse dicatur lapsorum numerus, cum scriptum sit: Deus non est mortuorum, sed vivorum. Omnes quidem vivificari optamus, & ut in pristinum statum restituantur, precibus nostris & gemitibus oramus. Si autem quidam lapsi Ecclesiam se volumus esse, & si apud illos atque in illis est Ecclesia, quid superest, quàm ut ipsi rogentur à nobis, ut nos ad Ecclesiam dignentur admittere? Igitur Cum Cyprianus in utraque expositione unam statuatur Ecclesiam, & illius unitati consulat, sibi ipsi non est contrarius. Id magis magisque confirmatur ex rebaptizandorum controversia. In qua Cyprianus etiam si seorsum à Romano Pontifice sentiret, in eadem tamen cum Romano Pontifice Ecclesia manere volebat, dissentiendo unitatem Ecclesiæ servavit, non fregit. Qua de re sic loquitur in epistola LXXI. ad Quintum: Et idcirco quia nihil potest esse commune mendacio & veritati, morti & immortalitati, Antichristo & Christo, per omnia debemus Ecclesiæ Catholica unitatem tenere, nec in aliquo fidei & veritatis hostibus cedere. Non est autem de consuetudine præscribendum, sed ratione vincendum. Num nec Petrus, quem primum Dominus elegit, & super quem aedificavit Ecclesiam suam, cum secum Paulus de circumcisione postmodum disceptaret, vindicavit sibi aliquid insolenter, aut arroganter assumpsit, ut diceret se primum tenere, & obtemperari à novellis & posteris sibi potius oportere: Nec despectit Paulum, quod Ecclesiæ prius persecutor fuisset, sed consilium veritatis admisit, & rationi legitima, quam Paulus vindicabat, facile consensit: Detrimentum scilicet nobis & concordia, & patientia tribuens, ut non pertinaciter nostra amemus, sed quæ aliquando à fratribus & collegis nostris utiliter & salubriter suggeruntur, si sint vera & legitima, ipsa potius nostra ducamus.*

Tum Hieronymus non secum etiam pugnat. Nam in expositione secunda declarat, quomodo intelligendus sit in prima. Hieronymus enim primò dicit super Christum, qui verè petra erat, fundatam esse Ecclesiam, deinde super Petrum & reliquos Apostolos, quorum tamen caput sit primus, ut vitetur schismatis occasio. Quid verò capitis nomen importet, docent nos Romani Pontifices numero tres, Sixtus III. Gregorius I. & Nicolaus I.

Sixtus quidem in epistola ad Episcopos per Illyricum constitutos: *Nullum corpus est, quod capite non regatur. Estis quidem membra, ut novimus, sancta, sed vestrum caput respicere & honorare vos condecet: Quoniam honor capitis ad spem totius proficit sanctitatis, & suum corpus sollicitis tuetur oculis, quod sibi aptum & dignis videatur ad unamquamque rem officiis convenire. Sed ut omne corpus capite regitur, ita ipsum caput nisi suo corpore sustineretur, firmitatem & vigorem suum perdit, & non tenet, quam habuerat dignitatem.*

Gregorius in libri IV. epistola XXXVIII. ad Joannem Constantinopolitanum Episcopum: *Certè Petrus* 49 *Apostolus primum membrum sanctæ & universalis Ecclesiæ est. Paulus, Andreas, Joannes quid aliud, quàm singularium sunt plebium capita? Et tamen sub uno capite (Christo) omnes sunt membra Ecclesiæ: Atque ut cuncta brevi cingulo locutionis astringam, sancti ante legem, sancti sub lege, sancti sub gratia, omnes hi perficientes corpus Domini, in membris sunt Ecclesiæ constituti.*

Nicolaus

Nicolaus in Epistola X. ad Metropolitam & Episcopos Constantinopolitanæ sedis subjacentes: *Si juxta Apostolum quod patitur unum membrum, compatiuntur omnia membra, quanto magis compatiendum est illi, quod inter cetera membra præcipuum tenuisse locum dignoscitur.* Explicatum ac deformatum hocce modo caput Ecclesiæ non id omne per seipsum perficit, quod ab eo Bellarminus & reliqui Curie Doctores perfici fallaciter contendunt.

Quartò, Hilarius non minus sibi consentit, quàm Hieronymus. Nam in expositione prima dicit, super Petrum ædificatam esse Ecclesiam, & in tertia, qua ratione super Petrum ædificetur Ecclesia, interpretatur.

Quintò, Ambrosius expositionem primam suam ipse in tertiam adducit.

Sextò, quod de Hilario & Hieronymo notamus, idem quoque de Cyrillo & Leone notandum esse cogit mutua testimoniorum Ambr. Cyril. & Leonis contentio. Quod enim obscurum est testimonium, per id quod est clarius, intelligi debet. Obscurum porro est testimonium, quod variis modis intelligi potest, clarius verò, quod uno tantum modo intelligitur, & sensum duntaxat unum meditati objicit. At certum est, Patrum auctoritates, quæ in expositione prima recensentur, varias facere posse interpretum sententias, quæ verò in secunda, non posse, vel saltem non tam facile posse. Quod eruditis & cordatis hominibus sufficit ad dirimendam, quæ inde nasceretur, controversiam.

Egregius est in eam rem Facundus Hermianensis Episcopus in libri ix. cap. x. *Quemadmodum calumniantium hæreticorum est ex dubiis & obscuris, quæ certa & manifesta sunt, malè interpretari: Ita solitum est prudentiæ & pietatis Catholica, ex indubitatis atque evidentibus & firmare ambigua, & latentia declarare.* Igitur qui Catholico nomine censetur, in exponendis vel conciliandis inter se Patribus Catholicorum morem sequi debet, & contra pravam fugere disputandi modum, quo hæretici, ut Patres exponant, utuntur.

Septimò, Augustinus cum expositionum singularum auctoribus versatur, ita tamen ut ab auctoribus primæ recedat nonnihil, & aliis recedendi copiam faciat, & ad auctores secundæ, tertiæ, & quartæ familiarius accedat. In expositione secunda cum hæreret, verbis quibusdam suis iter sibi ad tertiam & quartam munivit: In quibus se proprio lumine continet & obscuritatem omnem dispellit.

Octavò, qui supersunt in expositione prima tractatores Ecclesiastici ex aliorum, quibuscum vixerunt, communione in alias expositiones traduci possunt: *Non ex levi sono verborum, sed ex intentione dicentis æstimanda sunt, quæ dicuntur. Dicentis autem intentio, cum jam persona defuncta est, ex communione religiosius æstimatur.* Facundus Hermianensis Episcopus in libri x. cap. v.

Nonò, expositionis quartæ auctores cum auctoribus expositionis tertiæ sine difficultate ulla conciliari possunt, ut ex illorum verbis colligitur. Nam pene sunt idem super Christum, & super Christi confessionem à Petro editam fundari Ecclesiam. Quidquid id est, ad unam Christi personam refertur.

Decimò in summa postquam expositionis primæ auctores, qui cum aliarum expositionum auctoribus conciliari postulant, conciliati sunt, auctores expositionis secundæ, nisi auctores primæ numero superent, in æqualitatem cum illis veniunt, & ab auctoribus expositionis tertiæ & quartæ, quæ nihil aut parum inter se differunt, omnino vincuntur. Quod cum ex aliis, tum ex tribus quoque potissimum colligitur.

Primum, si auctores illi omnes inter se componantur, ut antea componi facile possunt.

Deinde ad annum MCCXXV. Joannes Aurelianensis Episcopus expositionem tertiam tractatoribus Ecclesiæ pene omnibus tribuit.

Postremò, ad annum MDXXV. Joannes Ekus eam

à nemine negari pugnat. Quo tempore si unquam dissimulanda sit veritas, hanc dissimulari oportuit, cum Lutherus expositionem tertiam in se reciperet, atque ex ea contra Romanum Pontificem ineptissime disputaret. Noverat Christianus ille Doctor veritatem ab ethnico scriptore vocatam esse *indissimulabilem*, & cum *indissimulabili veritate differendum esse.* Quo nomine Aulus Gellius in lib. x. Atticarum noctium cap. xxii. Platonem laudavit.

Decimò, Bellarminus in libri i. de Romano Pontifice capite x. ut expositionem tertiam hanc reddat odiosam, factioni Lutheranorum addicit, etiamsi veterum Patrum testimoniis confirmari posse fateatur. Verba sunt: *Quarta restat sententia, quæ omnium fere Lutheranorum communis est, & veterum Patrum testimoniis confirmari posse videtur.* E tanta illa nube Patrum & Magistrorum, quos expositio tertia repræsentat, quatuor adducit duntaxat, Hilarium, Ambrosium, Chrysostomum, & Cyrillum. Prætermittit cæteros quos in medium adduximus, ne confirmata ad nos usque videatur expositio tertiæ traditio. Sed Bellarmini res est, cui non potest adscribi bonum factum. Lutherani hac in parte laudandi sunt, quòd ab antiquorum Ecclesiæ Magistrorum sensibus non recesserint. Accusandi verò, quòd legitimam secuti traditionem ab Ecclesia nihilominus defecerint.

Et sanè negari non potest quin scribens contra Lutherum Ekus Bellarmino Christiana simplicitate antecelluerit. Lutherus ædificatam supra Petri confessionem Ecclesiam perinde Catholicis, ac si negassent, opponebat. Luthero respondebat Ekus, id à nemine Catholicorum negari, hoc est à Doctoribus penè cunctis admitti, seu neminem esse, qui apertè recusaverit. Bellarminus contra in loco mox citato, ut expositionem tertiam elevet, illiusque traditionem & auctoritatem deterat, hanc Lutheranis adscribit, quasi qui Lutheri partes sequuntur, ab illorum ore & calamo nulla unquam vera fluxisset oratio. Et certè Bellarminus hinc negligere non debuit Apostoli sententiam, quæ ad Doctoris & Magistri munus pertinet: *Omnia probate, quod bonum est tenete.*

Quam Lutheranis sententiam Bellarminus tribuit, hæc nec nova nec profana est. Non est quidem nova, quia antiquitas illi præluet. Non est quoque profana, quia sanctorum Patrum & Romanorum Pontificum Leonis I. Felicis III. Hormisdæ, Hadriani I. Nicolai I. Innocentii II. Hadriani IV. Urbani III. auctoritatibus consecratur. Ab illorum Pontificum sensu minimè recedit Philippus Presbyter & Sedis Apostolicæ Legatus, cum in Calchedonensis Concilii actione III. Petrum appellat *Fidei columnam & Ecclesiæ Catholica fundamentum*: Respectum habet ad Petri confessionem, quam laudati Pontifices Ecclesiæ fundamentum esse asserunt.

Porro autem ex his, quæ huc usque disseruimus, & ad testimonii beati Matthæi expositiones quatuor animadvertimus, colliguntur tria, in quibus ratiocinationis nostræ totius præsidium constituitur.

Primum, quòd tertia & quarta expositio, quæ reipsa conveniunt, & eundem fere scopum feriunt, expositioni primæ, etiamsi per seipsa & sine conciliatione ulla sumatur, longè præponderant.

Deinde, quòd si quis est in exponendo beati Matthæi testimonio unanimis consensus Patrum, hunc expositio tertia sibi vindicat, & titulo adhuc majori vindicat, si expositio quarta jungatur tertiæ, ut revera conjungi debet.

Denique, quòd Bellarminus in conficienda ratione sua nec Tridentini Concilii decreto paruit, nec fidei professionem servavit. Decretum illud in professionis fidei partem ita venit: *Item sacram Scripturam juxta cum sensum, quem tenuit & tenet sancta mater Ecclesia, cujus est judicare de vero sensu & interpretatione sacrarum Scripturarum admitto, nec eam unquam nisi juxta unanimem*



mem consensum Patrum accipiam & interpretabor. Invalida est igitur Bellarmini ratio, in qua formanda Tridentini Concilii decretum negligitur, & violatur fidei professio.

Sed præter generale peccatum hoc, sunt & alia multa pecuniaria, quæ ille commisit.

I. Dum formavit argumentum, quod initio retulimus, varias loci Scripturæ, super hanc petram, &c. Expositiones non meminit: Quorsum hoc, nisi ut lectori suo persuaderet loci hujus expositionem unam esse duntaxat, atque ob id firmam inde ad probandum rationem comparari: Ignorantia hoc non ita fecit, sed malitia. Nam in libri 1. de Romano Pontifice capite x. notat Scripturæ locum vario modo exponi. Qua in re etiam fucum facit, cum sic scribit: *Erasmus in hunc locum Matthæi miratur aliquos fuisse, qui hunc locum ad Romanam Ecclesiam detorserint, nititurque excusare Cyprianum & Hieronymum, quod dixerint, super Petrum fundatam esse Ecclesiam, quasi hoc sit paradoxum, cum tamen omnes Patres id doceant.* Et sanè nisi auctor iste mentietur ἀμαρτία τῆς ἀρθόλης, nemo mentietur unquam. Vide si placet expositionem secundam, & Patres ibi multos invenies, qui fundatam esse super Apostolos, non super unum tantum Petrum Ecclesiam tradiderunt. Vide si placet expositionem tertiam, & Patres ibi longè adhuc plures occurrent, qui supra fidem, quam confessus est Petrus, ædificatam esse Ecclesiam affirmarunt. Vide si placet expositionem quartam, & Patres ibi quoque se sistent egregii, à quibus memoriæ proditum est ædificatam esse super petram Christum Ecclesiam.

55 Et hanc expositionem quartam Calvino tribuit, ut de Sectarii hujus nomine suspecta reddatur. Sic in Calvino crimen fuit eam explicationem amplecti, quam Augustinus, Theodoretus, Beda, Dungalus, Rabanus, Anselmus, Joannes Saresberienfis, Celestinus III. Goffridus Presbyter Viterbiensis, Innocentius III. & Cæsarius Cisterciensis Ordinis Monachus amplexi sunt.

Præterea expositionem tertiam, in qua plures comparent Romani Pontifices, Lutheranis tribuit: *Quæ omnium, inquit, ferè Lutheranorum communis est.* O fucatam & perversam tractandi methodum, in qua damatur, quod laudandum esset; Lutheranos nempe illam Scripturæ expositionem recipere & amplecti, quam tot antiqui Patres & Romani Pontifices suis monumentis consignarunt! Si Lutherani Novatores sunt, qua parte sanctorum Patrum traditionem sequuntur, Novatores opinor non erunt, quando illam deferent. Scilicet Novatores non erunt, cum reipsa Novatores erunt. In has necessariò deveniendum est ineptias, cum à Christiana disputandi simplicitate deflectimus.

Et hæc sunt peccata præcipua, quæ in libri 1. de Rom. Pont. capite x. commisit. Revertor ad ea, quæ in libri iv. de eodem Rom. Pont. capite III. notanda suscepimus.

II. Bellarminus argumentum suum ab Origenis auctoritate repetit, atque ut repetat, eam auctoritatem Origeni subicit, aut ab alio subjectam infumit. Nam verborum series hæc: *Manifestum est, etsi non exprimitur, quod nec adversus Petrum nec adversus Ecclesiam porta prævalere poterunt inferorum. Nam si prævalerent adversus petram, in qua Ecclesia fundata erat, contra Ecclesiam etiam prævalerent, apud Origenem comparet nusquam.* Siccine Pindari consilium ille sequitur? ἀρχαίου δὲ ἔργου πρὸς τὸν καὶ δὲ μὲν πλουσίως, cum in primo aditu vestibulòque probationis subjectum Origeni testimonium adhibetur?

III. Bellarminus laudans Joannem Chrysostomum, in cap. xvi. Matthæi expositionem hanc, *Super hanc petram ædificabo Ecclesiam meam, id est fidem atque confessionem*, dissimulat, & quæ paullo post Chrysostomus dicit, contracta refert, ut sub initium Epistolæ retuli. Sed sancti Patris verba propria sunt

hæc: *Animadvertis quò pacto ipse etiam ad aliorum de se opinionem Petrum adducit, & seipsum his duabus pollicitationibus filium esse Dei revelat & ostendit. Nam quæ Deus concedere solus potest, peccatorum scilicet remissionem, & ut Ecclesia tot tantisque fluctibus impetu irruentibus immobilis maneat, cujus pastor & piscator homo atque ignobilis terrarum orbe reluctante adamantis naturam firmitate superet. Hæc, inquam, omnia, quæ solius Dei sunt, se pollicitus daturum. Nonne Bellarminus lectores suos ludificatur, cum ex his verbis probare vult, Romanum Pontificem cum totam docet Ecclesiam in iis quæ ad fidem pertinent, nullo casu errare posse?*

IV. De Cyrilli testimonio, quod continenter subjicit, non te morabor diutius. Fictitium est testimonium, quod Cyrillo apud sanctum Thomam in Catena super Matthæum attribuitur. Argumentum est secundæ ad Antonium Faurum Parisiensem Theologum Epistolæ: In qua testimonium hoc perpenditur, & ut subditi- 57 tium pluribus rationum momentis rejicitur. Epistola reperitur in prima parte nostrarum Epistolarum. Præterea omitti non debet, Bellarminum in adulterino testimonio etiam fucum facere, cum ibi fiat sermo de Apostolica Ecclesia Petri, non de Romano tantum Pontifice, cui Bellarminus non errandi privilegium appingit. Sed aliud est Romana Ecclesia, aliud Romanus Pontifex. Nam pereunte Romano Pontifice, Romana non perit Ecclesia.

V. Bellarminus Theodoretum producit ut qui Matthæi locum hunc *Super hanc petram ædificabo Ecclesiam meam*, interpretetur. At non magis illum, quàm alium quemlibet interpretatur. Quo ex capite Bellarminus vel fallere vult, vel fallitur. Nam hac in Epistola ne verbum quidem ullum est de beati Matthæi Evangelio.

Ad rem quod attinet, Theodoretus in expositione 11. Apostolos omnes fundamenta facit Ecclesiæ, in expositione 111. ædificatam esse super Petri fidem & confessionem Ecclesiam statuit, in expositione 14. Christum Ecclesiæ fundamentum esse dicit. Bellarminus Theodoretum minimè perlegerat: Per subministratos indices sapiebat.

Theodoretus in sua ad Renatum Presbyterum Epistola quæstionem facti tractat, quam Bellarminus insigni fallacia in quæstionem juris convertit. Theodoretus ait: *Sancta Sedes semper heretici factoris experta permansit, & hæc est facti quæstio, quæ ad præteritum tempus attinet.* Bellarminus ait: *Theodoretus videtur sic argumentari: Regimen totius Ecclesiæ debet esse illius Sedis, quæ non possit deficere in fide.* Et hæc est juris quæstio quam Bellarminus Theodoro nihil minus cogitanti affingit, & ad lemmatis sui probationem 58 inutiliter affingit, quia Theodoretus hocce modo argumentatus non exprimit, quod in Bellarmini sententia exprimentum est: Nempe Summum Pontificem, cum totam Ecclesiam docet in his, quæ ad fidem pertinent, nullo casu errare posse. Deinde Theodoretus de sancta Sede loquitur, Bellarminus verò de Sedente: Aliud est sancta Sedes, aliud is qui sanctæ Sedi præsidet. De Felice III. qui Theodoretum videre per ætatem potuit, nos docet, Sedem Apostolicam in Romano tantum Pontifice non consistere. Cum ad Petrum Fullonem Antiochenum Episcopum ita scribit in Epistola 14. *Firma sit hæc tua depositio à me & ab iis, qui unà mecum Apostolicum thronum regunt.* Denique Theodoretus apud Bellarminum dicit quidem, Romanam Sedem in fide non posse deficere, sed non dicit in docendo potius, quàm in credendo: Quod tamen dicendum fuit, ut causæ serviat: Bellarminus igitur Theodoretum inutiliter argumentantem facit.

Adhæc Theodoreti versione parum consentanea utitur: Sic enim ille scribit: *Ἐπεὶ δὲ ὁ πανάγιος θεὸς ἐκείνος τῶν καὶ τὴν οἰκουμένην ἐκκλησίαν ἡμετέραν, διὰ πολλὰ καὶ ὁ πρὸς τῶν ἄλλων ἀπάντων, ὅτι ἀρετῆς μέμνηται δυνάμεις ἀμύνη.* Sirmondus ita vertit: *Habet sanctissima illa Sedes*

*Sedes Ecclesiarum, quæ in toto sunt orbe, principatum multis nominibus, atque hoc ante omnia, quod ab heretica rabe immunis mansit. Aliud est Ecclesiarum regimen, aliud principatus, ut per se patet. Sic multiplex est fallacia, quæ Bellarminus circa Theodoretum utitur.*

59 VI. Bellarminus Hieronymum producit scribentem ad Damasum de nomine hypostaseos, & docentem supra petram ædificatam esse Ecclesiam: Sed ille dissimulat, quæ Hieronymus in expositione 11. de fundata super Apostolos, & in expositione 14. de fundata super Christum Ecclesia tradit. Tum dissimulat, quæ idem Hieronymus de Liberio Pontifice in hæresim lapsa semel atque iterum notat. Semel in Chronico, iterum in libro de viris illustribus. Id autem totum fusè persequor in Epistola ad Felicem Phelippæum Brossam Parisiensem Theologum. Ubi & observabis quod necessàrio observandum est, Bellarminum Hieronymo imponere, cum illum hoc modo loquentem inducit: *Asserit se tuè seculorum sententiam Pontificis, quia novit super illum Ecclesiam esse fundatam, nec fieri posse, ut Ecclesia fundamentum cadat. Quasi Ecclesiæ fundamentum quod cadere non potest, Romanus sit Pontifex, qui moritur; non verò Christus, qui non moritur.*

Præterea cum Romanus Pontifex credendo, vel docendo cadere possit, utrum sit in Hieronymi sententia, hoc an illud, dubium & incertum relinquit, quod facilius incautos circumveniat qui facile credent, quod ab illis credendum esse proponit.

Deinde cum Romanus Pontifex Ecclesiam totam, vel aliquam Ecclesiæ partem docere possit, utrum sit in Hieronymi sententia, hoc ad illud, dubium quoque & incertum relinquit, ut ille si erraret, habeat, quod elabatur. Nam si Pontifex docendo erraret, Bellarminus diceret erravisse quidem illum, cum aliquam tantum Ecclesiæ partem doceret. Nam in Bellarmini opinione Pontifex errare non potest duntaxat, cum totam docet Ecclesiam.

60 VII. Bellarminus Augustinum producit scribentem in Psalmo contra partem Donati: *Numerate Sacerdotes vel ab ipsa Sede Petri in ordine illo Patrum, quis cui successerit, videte: Ipsa est petra, quam non vincunt superba inferorum porta.* Producit quidem ille locum hunc: Sed eorum lubens obliviscitur, quæ in libri 1. de Rom. Pont. capite x. ex libri 1. Retractationum capite XXI. retulerat, & nos in expositione 1. & 14. retulimus.

Deinde ea dissimulat, quæ Augustinus in expositione 11. & 111. dicit.

Tum Augustinus in Psalmo contra partem Donati de Sede Petri, non de Petro vel de Petri successore loquitur, cum illam petram nominat, quam non vincunt superba inferorum porta. Bellarminus verò de Petro vel Petri successore, non de Sede loquitur, ut illius docet propositio hæc: *Summus Pontifex cum totam Ecclesiam docet, in his, quæ ad fidem pertinent, nullo casu errare potest.* Augustinum igitur de Sede loquentem ad Augustinum de Sedente loquentem detorquet. At inter Sedem & Sedentem distinguendum esse Leo, qui Augustinum videre potuit, semel atque iterum scribit: Semel in Epistolæ LIII. ad Anatolium capite v. *Aliud sunt Sedes, aliud præsidentes.* Iterum in Epistolæ LXXI. ad Maximum Antiochenum Episcopum capite III. *Est enim diversa nonnunquam sicut merita præsulum, tamen jura permanent sedium.*

Postremo verba hæc, *quam non vincunt superba inferorum porta*, multò facilius ad Sedem, quæ credat, quam ad Sedem, quæ totam doceat Ecclesiam, flectuntur. Sed ut cum Dialecticis loquar, suppositiones sunt

61 duæ, quas Bellarminus ut causæ serviat, in unam fallaciter confundit. De augustini mente circa non errandi privilegium latius pertracto in Epistola, quam ad Carolum Magistrum Parisiensem Theologum exaravi.

VIII. Bellarminus Gelasium producit ad Anastasium Imperatorem ea scribentem, quæ sub initium Epistolæ hujus commemorata sunt. Sed inutiliter producit, & uti solet, fallaciter. Nam Gelasius Matthæi caput XVI. non laudat, & proinde verba hæc, *super hanc petram*, non interpretatur, ut convenienter instituto Bellarmini, *super Petrum*, deberet interpretari. Hoc notare argumentum esset diluere, si quid aliunde virium haberet. Ineptè disputat, qui à proposito digreditur. Quinetiam auctor digressus à proposito rationem contra se objicit. Nam Gelasius loquitur de gloriosa Apostoli Petri confessione, supra quam ædificatam esse Ecclesiam credere potuit, ut proximus decessor Felix crediderat & scripserat. Respectum sine dubio habet ad verba illa, *Tu es Christus filius Dei vivi*: Quod Bellarminus cum neutiquam animadverteret, Apostoli confessionem pro Sedis Apostolicæ confessione accipit, quæ sit radix mundi, ac proinde, si Sedes Apostolica erraret, totus mundus erraret. Quasi verò Sedes Apostolica esset Apostoli confessio. Quæ eam ob causam radix mundi dicitur à Gelasio, quod sit Ecclesiæ fundamentum, quod ei superstruatur Ecclesia. Bellarminus in subobscuris & à reliquo contextu avulsis verbis quibusdam ludit & παραλογίζεται.

Deinde Pontifex de Apostolica Sede sermonem instituit, non de Apostolico duntaxat Præsule, ut Bellarminus, qui Sedis Apostolicæ notionem vel ignorat, vel dissimulat. Is ad beatum attendere debuit Cyprianum, qui præsentem cum Cornelio Papa Clerum dicit in Epistola LV. ad eundem Cornelium: *Et quamquam sciam, frater charissime, pro munus dilectione quam debemus & exhibemus invicem nobis florentissimo illic CLERO TECUM PRÆSENTI, & sanctissime atque amplissima plebi legere te semper literas nostras, tamen, &c.* Non solus ergo Cornelius Romæ præsidet, sed etiam Clerus, quem florentissimum appellat, cum Cornelio præsidet. Cornelius qui Romanæ Ecclesiæ traditionem probè noverat, Cypriano causam dederat dicendi quod ille dicit, cum ad eundem Cyprianum ita scribit: *Omni igitur actu ad me perlato, placuit contrahi presbyterium. Adfuerunt etiam Episcopi quinque, qui & hodie presentes fuerunt, ut firmato consilio, quid circa personam eorum observari deberet, consensu omnium statueretur. Et ut motum omnium & consilium singulorum dignosceres, etiam sententias nostras placuit in notitiam vestri proferri, quas & subiectas leges. Hæc in Epistola XLVI. apud Cyprianum.*

Is attendere debuit ad Felicem III. qui in Epistola IV. ad Petrum Fullonem Antiochenum Episcopum ita scribit: *Firma sit hac tua depositio & à me, & ab his, qui unà mecum Apostolicum thronum regunt.* Sunt igitur præter Felicem alii, qui cum Felice Apostolicum thronum vel Apostolicam Sedem regunt. Hæc est Sedis Apostolicæ notio, per Corneli, Cypriani, & Felicis traditionem accepta, quam Gelasius noverat, & quam Bellarminus, ut jam dixi, vel ignorat vel dissimulat.

Deinde Bellarminus à Gelasii proposito egreditur, 63 ut apud Gelasium inveniat, quod inveniri nequit. Gelasius non agit de non errandi privilegio quod Bellarminus quærit, sed agit de exequendis adversus A-cacium decretis, quæ Calchedonenfis Synodus contra hæreticos sanxit. Quæ antecedunt & subsequuntur, id manifestè declarant: *Tuis certè legibus Imperator pateris nihil perire, Romano nomini nullum admittis ingeri detrimentum.* Et paullo post: *Nec ulla causa jam superest, si hoc in quolibet contagio voluerimus admittere, ne cunctis hæresibus adiut, januamque pandamus. Qui enim in uno offenderit, omnium reus est, & qui minima spernit, paulatim decedit.* Hoc est quod Sedes Apostolica magnopere cavet, ut quia mundo radix est Apostoli gloriosa confessio, nulla rima pravitatis, nulla prorsus contagione maculetur. Nam (si quod Deus avertat) quod fieri non posse confidimus, tale aliquid proveniret, unde cuiquam



quam resistere auderemus errori, vel unde correctionem errantibus posceremus? Et post alia: Proinde cum Calchedonense Concilium pro fidei Catholica, atque Apostolica veritate communionēque celebratum damnaverit Eutychem, detestandi furoris auctorem, non satis habuit, nisi ut pariter ejus quoque consortem Dioscorum caterōsque percelleret. Hoc igitur modo sicut in unaquaque heresi, vel factum semper vel fieri non habetur ambiguum, successores eorum Timotheum, Petrum, atque alteram Antiochenum Petrum non virisim propter singulos quosque rursus facto Concilio, sed synodi semel acta regula consequenter elisit. Quemadmodum ergo non evidenter apparet, etiam cunctos simili tenore constringi, & qui eorum communicatores & complices existerunt, atque omnes omnino à Catholica atque Apostolica meritò communione discerni: Hinc Acacium quoque jure dicimus à nostro consortio submovendum, qui maluit in sortem transire perfidia quam in Catholica, atque Apostolica communionis sinceritate consistere, cum fere per triennium ne id veniret in Apostolica Sedis epistolis doceatur competenter instructus. Hæc eadem in Epistola 1 x. ad Orientales Episcopos persequitur adhuc fufius cum ita propter Acacium scribit: Cur eis Synodus necessaria fuisse videatur, qui se contra Calchedonensem Synodum venire cognoscunt, qua Eutychanus error cum auctoribus generali Ecclesia voce damnatus est? Nec dubium, quod sicut in unaquaque heresi, quod incessabiliter repetendum est, quia firmitas esse nullus ambigit Christianus, omnes complices, sectatores, communicatores damnata semel pravitate pari sorte censentur. Ideoque fit consequens, ut sicut Timotheus, atque Petrus talium sectatores secundum illius tenorem Synodi, nulla recenti facta Pontificum congregatione damnati sunt: Sic & qui Petro communicavit Acacius, ut criminis particeps, ita consors sit factus & pæna. Sic ex argumento Epistolæ, quam Gelasius ad Imperatorem scribit, penitus apparet, Gelasium non agere de indeficientis judicii privilegio, quod Bellarminus ex auctoritate Gelasii vult Romano Pontifici attribueret.

IX. Bellarminus ultimò producit Gregorium I. sed ab illo mala prorsus fide produci demonstrandum est. Si sincerè produxisset Gregorii verba, non philosopharetur uti philosophantem sub initium Epistolæ vidimus. Sed ut Bellarmini fides mala prodatur, Gregorii textum refero. Ex libri iv. Epistola xxxii. quam indicat: Utinam vel sine aliorum imminutione unus sit, qui vocari appetit universalis. Et certe multos Constantinopolitana Ecclesia in hæreseos voraginem incidisse novimus Sacerdotes, & non solum hæreticos, sed etiam hæresiarchas factos. Inde quippe Nestorius, qui mediator Dei & hominum Jesum Christum duas esse personas existimans, quia Deum fieri hominem potuisse non credidit, usque ad Judaicam perfidiam erupit. Inde Macedonius, qui consubstantialē Patri & Filio Spiritum Sanctum Deum esse denegavit. Si igitur illud nomen in ea Ecclesia sibi quisquam arripuit, quod apud bonorum omnium judicium fuit: Universa ergo Ecclesia, quod absit, à statu suo corruit, quando is qui appellatur universalis cadit. Sed absit à Cordibus Christianorum nomen illud blasphemiam, in quo omnium sacerdotum honor adimitur, dum ab uno sibi dementer arrogatur. Adjicio simile quid ex libri vi. Epistola xxiv. ad Anastasium Antiochenum Episcopum: Et ut de honoris vestri injuria taceam, si unus Episcopus vocatur universalis, universa Ecclesia corruit, si unus universus cadit.

Et primò quidem Bellarminus cum laudat priorem Gregorii Epistolam, vel fucum facit vel patitur. Nam Gregorius nec caput xvi. Matthæi citat, nec verba hæc, super petram, interpretatur, super Petrum. Ex quo tamen repetiturum se rationem proposuerat.

Deinde quis præter Bellarminum sibi persuaderet, Gregorium, cum ad Mauritium Imp. & ad Anastasium Antiochenum scripsit, ita scripsisse, ut ex scriptione

sua sibi non errandi privilegium, quale Bellarminus 66 statuit, adjudicari posset? Nonne Bellarminus otio abutitur & literis? Nonne similis est ei, qui universas naves ad Piræum accedentes suas esse venditabat?

Tum quæsitam ex libri vi. Epistola xxxvii. ad Eulogium auctoritatem interpolavit & corripit: Id mutua te docebit contentio. Sic igitur Bellarminus Gregorium laudat: Item lib. 6. Epistola 37. Quis, inquit, nesciat sanctam Ecclesiam in Apostolorum Principis soliditate firmatam, cui dictum est, Super hanc petram edificabo Ecclesiam meam: Et rursus: Et tu aliquando conversus confirma fratres tuos? Sic verò scribit Gregorius: Quis enim nesciat sanctam Ecclesiam in Apostolorum Principis soliditate firmatam, qui firmitatem mentis traxit in nomine, ut Petrus à petra vocaretur, cui veritatis voce dicitur: Tibi dabo claves regni calorum: Cui rursus dicitur: Et tu aliquando conversus confirma fratres tuos? Bellarminus interpolatis & corruptis Gregorii verbis complexionem hanc inædificat: Ubi Gregorius aperit docet firmitatem Ecclesia ex Petri firmitate pendere, & proinde minùs posse Petrum errare, quam ipsam Ecclesiam. Gregorius, inquam, qui in libri iii. Epistola xxxiii. ad Theodelindam Reginam ait: In vera fide persistite, & vitam vestram in petra Ecclesia, hoc est in confessione beati Apostolorum Principis solidate. Si firmitas Ecclesiæ ex Petri firmitate pendet, si Petrus minùs potest errare quam ipsa Ecclesia, (quod horribile dictum est)

Cur beatus Paulus de se locutus ait in capite 11. Epistolæ ad Galatas? Cum autem venisset Petrus Antiochiam, in faciem ei restiti, quia reprehensibilis erat.

Cur Gregorius in libri 11. Indict. x. Epistola xxxvii. 67 ad Natalem ita scribit Salonitanum Episcopum? Ecce fraternitas tua agrè tulit se de convivio à me esse reprehensam, cum ego, qui etsi hanc non vitæ, tamen loco transgredior, ab omnibus corripi, ab omnibus emendari paratus sim.

Cur Gregorius in libri iv. Epistola xxxvii. ad Joannem ita scribit Constantinopolitanum Episcopum? Certè Petrus Apostolus primum membrum sanctæ & universalis Ecclesiæ est: Paulus, Andreas, & Joannes, quid aliud, quam singularium sunt plebium capita, & tamen sub uno capite (Christo) omnes membra sunt Ecclesiæ? Atque ut cuncta brevi cingulo locutionis astringam, sancti ante legem, sancti sub lege, sancti sub gratia, omnes hi perficientes corpus Domini in membris sunt Ecclesiæ constituti. Dum Pontifex hoc modo disserit, non significat opinor Ecclesiæ firmitatem ex Petri firmitate pendere, & Petrum vel ejus successorem minùs errare posse, quam ipsam Ecclesiam. Sed Bellarminus de Rom. Pont. loquitur, quemadmodum Gregorius in libri iv. Epistola xxxviii. de Christo: Ut quid Christo universalis Ecclesia capiti in extremi judicii es dicturus examine.

Deinde in libri vii. Indict. 11. Epistola cxii. ad Siagrium, &c. Caput nostrum quod Christus est, ad hoc sua esse membra nos voluit, ut &c.

Cur sub fin. Epistol. illius xxxviii. ita scribit? Considerare vos convenit, ne qua radix amaritudinis sursum germinans impediatur, & per illam coinquinentur multi. Quod tamen si considerare negligimus, contra tantæ elationis tumorem judicia superna vigilabunt. Et nos quidem quos talis tantæque per ansum nefarium culpa committitur, servamus, quod veritas præcepit dicens: Si peccaverit in te frater tuus, vade & corripere eum inter te & ipsum solum. Si te audierit, lucratus eris fratrem tuum. Si autem te non audierit, adhibe tecum adhuc unum vel duos, ut in ore duorum vel trium testium stet omne verbum. Quod si non audierit eos, dic Ecclesiæ. Si autem Ecclesiam non audierit, sit tibi sicut ethnicus & publicanus. Ego itaque per responsales meos semel & bis verbis humilibus hoc, quod in tota Ecclesia peccatur, corripere

corripere studui, nunc per meipsum scribo. Quidquid facere humiliter debui, non omisi. Sed si in mea correptione despicior, restat ut Ecclesiam debeam adhibere. Verba non sunt hæc Pontificis, qui credat Ecclesiam firmitatem ex sua firmitate pendere, & seipsum minus errare posse, quam ipsam Ecclesiam.

Præterea si firmitas Ecclesiae ex Petri vel successoris firmitate pendet, si Petrus vel Petri successor minus potest errare, quam ipsa Ecclesia, cur Bellarminus ipse, qui hoc audet statuere, in libri II. de Conciliis capite II. ita scribit? *Ecclesia non potest errare neque in credendo neque in docendo*, quandoquidem in libri IV. de Rom. Pont. capite VII. recipiat Pontificem errare posse credendo, errare posse errore personali, non iudiciali. Nonne vir dogmatum suorum oblitus secum pugnat? Cur tandem in libri II. de Rom. Pont. capite XXX. quæstionem tractat, *An Papa hereticus deponi possit?* Et allatis opinionibus quinque, ultimam anteposit cæteris? *Papam nempe hereticum manifestum per se desinere esse Papam & caput, sicut per se deficit esse Christianus, & membrum corporis Ecclesia.*

69 Cur, inquam, hæc omnia, si firmitas Ecclesiae ex Papæ firmitate pendet, si Papa minus potest errare, quam ipsa Ecclesia? Potiori jure quæstionem tractaret, an Ecclesia hæretica fieri possit: Et concluderet Ecclesiam in casu hæresis per se desinere Christianam esse, sponsam, & corpus Christi. In tales angustias & *ἀνταρξίας*, facile compellitur, qui ab antiqua Romanæ Ecclesiae traditione & Christiana simplicitate degenerat.

Ad extremum quis præter unum Bellarminum diceret, firmitatem Ecclesiae ex Joannis Papæ XII. firmitate pendere, & Joannem Papam XII. minus posse errare, quam ipsam Ecclesiam? Quam autem extra modum absurda & absurda sit propositio hæc, docere te poterit Joannis istius historia, quam in epistola ad Ludovicum Maræsum Parisiensem Theologum confecimus. Hæc epistola prima est in quarta parte Epistolarum nostrarum.

Cæterum statuere propositionem hanc, in qua quæ Christi Ecclesiae propria sunt, Romano Pontifici primo membro universalis Ecclesiae tribuuntur, incredibilis deliratio est: Gregorio I. assignere insolentissima est infamia, ut ex Gregorii verbis nunquam satis laudatis manifestè colligitur: *Certè Petrus Apostolus primum membrum sanctæ & universalis Ecclesiae est. Paulus, Andreas, Joannes, quid aliud, quam singularium sunt plebium capita, & tamen sub uno capite (Christo) omnes membra sunt Ecclesiae? Atque ut cuncta brevi cingulo locutionis astringam, sancti ante legem, sancti sub lege, sancti sub gratia, omnes hi perficientes corpus Domini in membris sunt Ecclesiae constituti, & nemo se unquam universalem vocare voluit.*

70 Fuit, qui ante paucos dies damnanda novitate scripserit, ædificatam esse *super potestatem Petri* Ecclesiam. Sed spes est auctorem ex oratione sua id expuncturum,

quod & per se errorem objicit, & ex quo perniciofa dogmata progerminarent. Melius est corrigere seipsum quam ab alio corrigi.

Superest modò ut unde orsa est, in eodem nostra terminetur epistola. Bellarminum nempe nec Tridentini Concilii decreto paruisse, nec servasse fidei professionem, quæ Pio IV. jubente ex variis ejusdem Concilii decretis collecta & præscripta est. Non audito Concilii decreto, & spreta fidei professione Bellarminus eandem fidei professionem & cæteras Concilii definitiones quomodo persuadebit iis, qui seorsum à nobis per religionem sentiunt? En adulatricis Curiae malum inevitabile! Qui evitandi viam aperiet, omnino meus erit.

Deinde crimini huic adjecit malam fidem in laudandis Patribus, quos in probationis suæ vades ac sponsores appellat.

Originem & Cyrillum falsò laudat, quia non scripserunt, quod ab illis scriptum refert.

Chrysostomo Scripturæ expositionem assignit, & quæ postea Chrysostomus Deo soli tribuit, Romano Pontifici tribuit, & ne videatur tribuere, propria Chrysostomi verba non recenset.

Theodoretum laudat ut scripturæ qua de ægiture interpretem, quo in loco scripturam nullam interpretatur, & quæ refert ex Theodoreti epistola in alienum ab auctoris mente & ætate sensum detorquet.

Hieronymum & Augustinum verè quidem citat, sed quæ certa fuerit illorum mens & intentio, in variis, quos ediderunt, commentariis non disquirat. Fortassis veretur, ne inveniat, quod cæteris omnibus occultum esse vellet.

Gelasium adducit ut Scripturæ explicatorem, etiam si Scripturam non explicet, & quæ ex eo commemorat, assertioni probandæ sunt inutilia, & ibi consueta fraude Sedem Apostolicam cum Apostolico Præsule confundit.

Gregorium allegat ut explanatorem Scripturæ, quam non explanat. Deinde Gregorii textum corrumpit, ut videatur dicere, quod non dicit.

Hæc sunt crimina quibus Bellarminus sese obstrinxit. Sed tamen in iis non sistit, ulterius progreditur. Nam ille non contentus tot flagitiis suam inædificasse sententiam, contrariam quæ verissima est, & Romanæ Ecclesiae traditioni maximè consentanea, *erroneam* & *ut hæresi proximam* traducit. Quod peccati genus est tantum & tam detestabile, ut aciori nota castigandum esset: Idque maximè, cum sententia Bellarmini sententiæ contraria ex ejusdem Bellarmini principiis indubitata & certa credi possit & debeat. Consulenda est ea super re epistola, quam ad Christophorum Fauvæum Parisiensem Theologum scripsimus in tertia parte Epistolarum nostrarum. Quidquid id est, ego nolo tuum occupare iudicium, cui propter æquitatem summa cum eruditione conjunctam stare volo. Vale. Lutetiae Paris. pridie Calend. Julii ann. MDCLXVI.

# Joannes Launoïus

## RAIMUNDO FORMENTINO

Parisiensi Theologo, Aurelianensi Canonico.

Fonbellaquaum.

71 **B**ELLARMINUS ut Tridentinæ Synodi regulam de interpretandis juxta unanimum consensum Patrum scripturis negligit, cum ex his verbis, *Pasce oves meas*, Romanum Pontificem superiorem esse Concilio probare ni-

titur: Sic & eandem regulam pergit negligere, cum ex iisdem verbis eundem Pontificem errare non posse docendo Ecclesiam totam confirmare aggreditur. Sic ille humanis rationibus Scripturam contorquet ad eum sensum, quem nec tenet nec tenuit sancta mater Ecclesia.

K k k



clesia. Vidisti tu neglectam à Bellarmino Tridentinæ Synodi regulam, cum auctoris hujus rationem ex Scriptura illa pro Romani Pontificis potestate supra Concilium quæsitam diluerem in Epistola, quam ad te dedimus in parte secunda Epistolarum nostrarum; nunc videbis commissum idem facinus, cum in libri IV. de Rom. Pont. capite III. sic disputat: Tertiò probatur, ex illo Joannis ult. *Pasce oves Meas.* Nam quod his verbis Pontifex sit institutus Pastor & Doctor totius Ecclesiæ supra demonstratum est, lib. I. cap. 14. 15. 16. Hinc igitur est tale argumentum: Pontifex est Doctor & Pastor totius Ecclesiæ, ergo tota Ecclesiæ illum audire & sequi tenetur, ergo si ille erret, tota Ecclesiæ errabit.

- 2 Et primùm quidem fallax est consecutio hæc, quæ in toties damnatum à Gregorio I. errorem inducit. Significat unum esse in Ecclesiâ tota Episcopum, quo cadente tota cadat Ecclesiâ. Quo argumenti genere utitur Gregorius, ut errorem istum profliget, eodem & Bellarminus utitur, ut non errandi privilegium Romano Pontifici asserat. Quasi verò res tam diversæ & oppositæ ratione una confici possint. Sed semel, iterum, & tertiò audiamus Gregorium: Semel in libri IV. Epistola XXXII. ad Mauritium Augustum: *Universa ergo Ecclesiâ, quod absit, à statu suo corrumpit, quando qui appellatur universalis, cadit.*

Iterum in ejusdem libri Epistola XXXVI. ad Eulogium Alexandrinum & Anastasium Antiochenum: *Si hoc dici licenter permittitur, honor Patriarcharum omnium negatur, & cum fortasse is in errore perit, qui universalis dicitur, nullus jam Episcopus remansisse in statu veritatis invenitur.*

Tertiò in libri VI. Epistola XXIV. ad Anastasium Antiochenum: *Et ut de honoris vestri injuria taceam, si unus Episcopus vocatur universalis, universa Ecclesiâ corrumpit, si unus universus cadit. Sed absit hæc stultitia, absit hæc levitas ab auribus meis. Audisti Gregorium, qui Bellarmini rationem rejicit & ratiocinantem longè ac latè propulsat. Utinam legisset libri IV. Epistolam XXXVI. ad eosdem Episcopos, ubi quid in Petro sit, esse caput Ecclesiæ, describit: Certe Petrus Apostolus primum membrum sanctæ & universalis Ecclesiæ est. Paulus, Andreas, Joannes, quid aliud, quàm singularium sunt plebium capita, & tamen sub uno capite omnes membra sunt Ecclesiæ? Atque ut cuncta brevi cingulo*

- 3 locutionis astringam, sancti ante legem, sancti sub lege, sancti sub gratia, omnes hi perficientes corpus Domini, in membris sunt Ecclesiæ constituti, & nemo se unquam universalem vocare voluit. Gravius adhuc instat in libri VII. Indiçt. I. Epistola XXX. ad Eulogium Alexandrinum: *Indicare quoque vestra beatitudo studuit, jam se quibusdam non scribere superba vocabula, quæ ex vanitatis radice prodierunt, & mihi loquitur dicens: Sicut jussistis. Quod verbum jussionis peto à meo auditu removere: Quia scio quis sum, qui estis. Loco enim mihi fratres estis, moribus patres. Non ergo jussi, sed quæ utilia visa sunt, indicare curavi. Non tamen invenio vestram beatitudinem, hoc ipsum, quod memoria vestra imuli, perfectè retinere voluisse. Nam dixi: Nec mihi vos, nec cuiquam alteri tale aliquid scribere debere, & ecce in præfatione Epistolæ, quam ad meipsum, qui prohibui, direxistis, superbe appellationis verbum universalem me Papam dicentes, imprimere curastis. Quod peto dulcissima mihi sanctitas vestra non faciat, quia vobis subtrahitur, quod alteri plus, quàm ratio exigit, præbetur. Ego enim non verbis quero prosperari, sed moribus. Nec honorem esse deputo, in quo fratres meos honorem suum perdere cognosco. Meus namque honor est universalis Ecclesiæ, meus honor est fratrum meorum solidus vigor. Tunc verè honoratus sum, cum singulis quibusque honor debitus non negatur. Si enim universalem me Papam vestra sanctitas dicit, negat se hoc esse, quod me fateatur universum, sed absit hoc. Recedant verba, quæ vanitatem inflant & charitatem vulnerant. Et quidem in san-*

ctæ Chalchedonensi Synodo, atque post à subsequentibus Patribus hoc decessoribus meis oblatum vestra sanctitas 4 novit. Sed tamen nullus eorum uti hoc unquam vocabulo voluit, ut dum in hoc mundo honorem Sacerdotum diligerent omnium, apud omnipotentem Deum custodirent suum.

Utinam, inquam, Bellarminus hæc & illa perlegisset, & momentis expendisset suis. Nam si fecisset, quod veri nominis Theologo faciendum fuit, in argumento non intulisset quod intulit, ab illo sibi cavisset errore, in quem, ut jam notavimus, incurrit. Fortassis, inquires, hæc & illa perlegit, & prævidit, cum in libri II. de Rom. Pont. capite XXXI. nominis universalis expositiones duas adfert, ut Heterodoxorum objectionibus respondeat. Adscribo verba: *Respondet duobus modis posse intelligi nomen universalis Episcopi: Uno modo, ut ille qui dicitur universalis, intelligatur esse solus Episcopus omnium urbium Christianarum, ita ut ceteri non sint Episcopi, sed Vicarii tantum illius, qui dicitur universalis Episcopus, & hoc modo nomen hoc est verè profanum, sacrilegum, & Antichristianum, & de hac significatione loquitur Gregorius, ut patet ex ratione, quam reddit: Sic enim ait lib. IV. Epist. XXXIV. ad Constantiam: Triste valde est, ut patienter feramus, quatenus desperatis omnibus prædictus frater & coepiscopus meus solus conetur appellari Episcopus. Et lib. IV. Epist. XXXVI. ad Eulogium: Si unus Patriarcha universalis dicitur, Patriarcharum nomen ceteris derogatur. Et lib. VII. Epist. LXX. ad Ensebiûm: Si unus universalis est, restat, ut vos Episcopi non sitis. Altero modo dici potest Episcopus universalis, qui habet curam totius Ecclesiæ, sed generalem, ita ut non excludat particulares Episcopos: Et hoc modo nomen hoc posse tribui Romano Pontifici ex mente Gregorii probatur, quia fateatur Gregorius tributum nomen universalis Episcopi Romano Pontifici à Concilio Chalchedonensi: Existimavit igitur B. Gregorius in aliquo sensu hoc nomen Romano Pontifici convenire.*

At si posteriori modo intelligatur nomen universalis Episcopi dum Romano Episcopo tribuitur, vitiosa erit consecutio, quam Bellarminus ex antecedente suo deducit. Ponatur igitur sic antecedens: *Romanus Pontifex habet curam totius Ecclesiæ, sed generalem, ita ut non excludat particulares Episcopos: Ergo tota Ecclesiâ illum audire & sequi tenetur, ergo si ille erret, tota Ecclesiâ errabit.* Quis deductas ex antecedente tali consecutiones istas non rideat, etiamsi propositum à Bellarmino enthymema fraudem tam perspicuè non exhibeat, quàm syllogismus integer perspicuè exhiberet? Syllogismus dico integrum, quia enthymema truncatus syllogismus appellatur. In eo intelligeretur vel peteretur principium, hoc est pro certo sumeretur, quod in questione versatur, vel à non distributo ad distributum disputaretur.

Verùm si priori modo intelligatur nomen universalis Episcopi, & sic Romano tribuatur Episcopo, propositi à Bellarmino enthymematis vitiosa non erit consecutio. Sed cum antecedens à Bellarmino ut profanum rejicitur, rejicienda erit quoque ut profana consecutio. Et sanè Bellarmini argumentum stare non potest, nisi reipsa sibi sumat illud antecedens, quod verbo tenus amandat. Nam uno in loco præter Romanum Pontificem singulares ponit Episcopos, qui commissum sibi à Deo populum & fide & bonis moribus pascant, in altero non ponit. Romanum Pontificem Ecclesiæ totius Pastorem & Doctorem perinde facit, ac si nullus alius Pastor & Doctor in tota foret Ecclesiâ. Ut enim singularis Ecclesiæ puta Eugubinæ Pastor, Episcopus, & Doctor, Pastorem, Episcopum, & Doctorem alium ab singulari Ecclesiâ puta Eugubina excludit; Sic & Ecclesiæ totius Pastor, Episcopus, & Doctor, Pastorem, Episcopum, & Doctorem alium ab Ecclesiâ tota excludit. Vulgatum est axioma Philosophorum: *Ut se habet secundum quid ad secundum quid, sic se habet simpliciter ad simpliciter.* Itaque cum Bellarminus secum loquatur pugnantia, hac in re fides illi nulla adhibenda est.

Deinde

Deinde cum Gelasius in epistola IV. seu in Com-  
monitorio ad Faustum scribit, Sedi Apostolicæ paren-  
dum esse, non quocunque modo, sed sana rectaque sua-  
denti parendum esse dicit. Quæ notabilis est exceptio.  
Bellarminus nihil excipit, abscessit dicit, ergo tota Eccle-  
sia illum audire & sequi tenetur, & præscriptum à Gela-  
sio modum excedit. Gelasius noverat, Liberium, nec au-  
diendum, nec sequendum fuisse, cum ad Orientales ad-  
versus Athanasium scripsit, cum teste Hieronymo hæ-  
resi subscripsit. At in Bellarmini opinione si tota tunc  
Ecclesia Liberium audire & sequi tenebatur, tota Ec-  
clesia tenebatur id sentire, quod Liberius in epistola ad  
Orientales sentiebat adversus Athanasium, & hæresi  
subscribere. Quæ & qualis *ἀμεταμέλητος*?

Bellarmini propositione quid fiet, si ex auctoritate Pa-  
trum minores majoribus, inferiores superioribus non-  
nunquam possunt merito resistere?

7 Paulus Apostolus in capite II. epistolæ ad Galatas:  
Cum autem venisset Petrus Antiochiam, in faciem ei re-  
sisti, quia reprehensibilis erat. Prius enim quam venirent  
quidam à Jacobo, cum gentilibus edebat. Cum autem ve-  
nissent, subtraherebat & segregabat se, timens eos, qui ex cir-  
cumcisione erant. Et simulationi ejus consenserunt ceteri  
Judæi, ita ut & Barnabas duceretur ab eis in illam simula-  
tionem. Sed cum vidissem, quod non rectè ambulant ad  
veritatem Evangelii, dixi Cepha coram omnibus, Si tu cum  
Judæis sis, gentiliter vivis, & non Judæicè, quomodo cogis  
gentes Judaizare?

Tertullianus in libri V. contra Marcionem capite III.  
Sed Paulus reprehendit Petrum non recto pede incedentem  
ad Evangelii veritatem. Planè reprehendit, non ob aliud,  
quàm ob inconstantiam vultus, quem pro qualitate personarum  
variabat, timens eos, qui erant ex circumcissione, non  
ob aliquam divinitatis perversitatem, de qua & aliis in fa-  
ciem resistisset, qui de minore causa conversationis ambigua  
Petro ipsi non pepercit.

Cyprianus in epistola LXXI. ad Quintum: Non est  
autem consuetudine præscribendum, sed ratione vincendum.  
Nam nec Petrus, quem primum Dominus elegit, & super  
quem edificavit Ecclesiam suam, cum secum Paulus de re-  
surrectione postmodum disciparet, vindicavit sibi aliquid  
insolenter, aut arroganter assumpsit, ut diceret se primatum  
tenere, & obtemperari à novellis & posteris sibi potius opor-  
tere. Nec despicit Paulum, quod Ecclesia prius persecu-  
tor fuisset: Sed consilium veritatis admisit, & rationi le-  
gitime, quam Paulus vindicabat, facile consensit: Docu-  
mentum scilicet nobis & concordia & patientia tribuens,  
ut non pertinaciter nostra amemus, sed quæ aliquando à  
fratribus & collegis nostris utiliter & salubriter sugge-  
runtur, si sint vera & legitima, ipsa potius nostra du-  
camus.

Augustinus in epistolæ XIX. ad Hieronymum ca-  
pite II. Ipse verò Petrus, quod à Paulo fiebat utiliter li-  
bertate caritatis, sancta ac benigna pietate humilitatis ac-  
cepit: Atque ita rarius & sanctius exemplum posteris  
præbuit, quo non dedignarentur, sicuti fortè recti tramitem  
reliquissent, etiam à posterioribus corrigi, quàm Paulus,  
quò confidenter auderent etiam minores majoribus pro de-  
fendendo Evangelica veritate, salva fraterna caritate re-  
sistere. Nam cum satius multò sit, à tenendo itinere nul-  
lo, quàm in aliquo declinare: Multo est tamen mirabi-  
lius, & laudabilius, libenter accipere corrigentem, quàm  
audacter corrigere deviantem. Est laus itaque iusta li-  
bertatis in Paulo, & sancta humilitatis in Petro. Deinde  
in capite IV. Propter solam ergo *παλινοδία*, si aliquid  
scripserimus, quod scripto posteriore destruere debeamus, imi-  
tandam, non propter Stesichori cecitatem, quam cordi tuo  
nec tribui nec timui, attingendum illud existimavi: At-  
que identidem rogo, ut me fidenter corrigas, ubi mihi hoc  
opus esse perspexeris. Quamquam enim secundum honorum  
vocabula, quæ jam Ecclesie usus obtinuit, Episcopatus præ-  
byterio major sit: tamen in multis rebus Augustinus Hier-  
onymo minor est, licet etiam à minore quolibet non sit re-  
fugienda vel dedignanda correctio.

Facundus Hermianensis Episcopus in libri VIII. ca-  
pite VI. Laudatur Pauli minimi Apostolorum sana ra-  
tio atque libertas, quod Petrum Apostolorum primum ad-  
ductum in hypocrisis, & non recta via incedentem ad ve-  
ritatem Evangelii, fidenter improbens in faciem ei resistit,  
cumque coram omnibus objurgavit.

Gregorius Magnus in libri II. epistola XXXVII.  
ad Natalem Salonitanum Episcopum: Hæc itaque si vos  
in conviviis vestris agitis, abstinentium fateor magistri estis:  
Quod ergo Pauli testimonium ad me posuistis, in quo ait:  
Qui non manducat, non manducantem non judicet, omnino  
existimo incongruum fuisse: Quia neque ego non comedo, ne-  
que ad hoc à Paulo dictum est, ut membra Christi, quæ in  
ejus corpore, id est, in Ecclesia invicem sibi caritatis com-  
pæge connexa sunt, nullam de se ullo modo curam gerant.  
Sed si neque ego ad te, neque tu aliquid pertineres ad me,  
jure tacere compellerer, ut eum non reprehenderem, quem  
emendare non possem. Hæc ergo sententia solummodo propter  
eos dicta est, qui illos judicare student, quorum sibi cura  
commissa non est. At postquam nos Deo auctore unum su-  
mus, si ea quæ nobis corrigenda sunt, tacemus, valde de-  
linquimus. Ecce fraternitas tua agere tulit se de conviviis  
à me esse reprehensam, cum ego, qui etsi hanc non vita, ta-  
men loco transgredior, ab omnibus corripi, ab omnibus emen-  
dari paratus sim, & hunc solum mihi amicum æstimo, per  
cujus linguam ante apparitionem districti judicis mea ma-  
culas mentis tergo.

Isidorus Hispalensis in libri III. de Officiis capite  
XXXIX. Rectores itaque à Deo judicandi sunt, à suis au-  
tem subditis nequaquam sunt judicandi. Et paulo post:  
Quod si à fide exorbitaverit Rector, tunc eris arguendus  
à subditis, pro moribus verò reprobis, tolerandus magis,  
quàm distringendus à plebe est.

Hadrianus II. in Synodica Romani Concilii e-  
pistola, quæ in octavæ Synodi actione VII. & lecta  
& approbata est: Siquidem Romanum Pontificem de  
omnium Ecclesiarum præsulibus judicasse legimus, de eo  
autem quempiam judicasse non legimus. Licet enim Ho-  
norio ab Orientalibus post mortem anathema sit di-  
ctum, sciendum tamen est, quia fuerit super hæresi ac-  
cusatus, propter quam solum licitum est minoribus ma-  
jorum suorum moribus resistere, vel pravorum sensus re-  
spuere.

Petrus Damianus Cardinalis in epistola XII. ad A-  
lexandrum II. Si igitur iste (beatus Petrus) cum à  
discipulis culparetur, auctoritatem, quam in sancta fuerat  
sortitus Ecclesia, voluisset obtinere, respondere potuerat,  
ut Pastorem suum oves, quæ sibi commissa fuerant, repre-  
hendere non auderent. Sed si in querela fidelium potesta-  
tis suæ titulum objecisset, Doctor profectò mansuetudinis non  
fuisset. Non ergo eos privilegii sui auctoritate repressit,  
sed humili potius satisfactione placavit, & tanquam solus  
ipse ad faciendam fidem non sufficeret, etiam testes adhi-  
buit. Veniant, inquit, mecum & sex fratres isti. Discat  
ergo cum de suis actibus Episcopus convenitur, rationem  
humiliter reddere, non de sui primatus eminentia superbi-  
re, nec fieri sibi credat injuriam, cum à minori corripitur.  
Sed consulentem potius vel medicum sui vulneris arbitretur.  
Nunquid Nathan Propheta cum David tam austera  
severitatis invectione corripuit, indignationem regii mo-  
tus incurrit? Nunquid ille regulis excellentia culmen  
opposuit, ac velut illatam à subdolo suo contumeliam propul-  
savit? Sed mox ut se agnovit egrotum, suscepit libenter  
antidotum, detexit vulnus, & sectionis suæ non exhorruit  
ferramentum. Et post alia: Petrum planè in faciem re-  
sistens Paulus objurgat, & coram omnibus reprehensibilem  
judicat, quod ille non in accusationis tulit injuriam, sed be-  
nignè & patienter accepit, quod non ex livore, sed ex cari-  
tate procedere perspicue recognovit. Sed ecce dicitur: Ego  
sum Episcopus, ego sum Pastor Ecclesie, non debeo à com-  
missis ovibus accusationum patere molestiis: Etenim in  
causa fidei dignus sum etiam in pravis moribus equanimi-  
ter ferri. Sed dic mihi quisquis es, nunquid legisti, quod in  
Evangelio scriptum est: Si peccaverit in te frater tuus,  
K k k 2 vade



vade & corripe eum inter te & ipsum solum: Si te audierit, lucratus eris fratrem tuum: Si autem te non audierit, adhibe tecum adhuc unum vel duos, ut in ore duorum aut trium testium stet omne verbum. Quod si non audierit, dic Ecclesia. Si Ecclesia ergo referenda est causa quorumlibet fratrum, quomodo non etiam Sacerdotum? Porro si Sacerdos qui in Ecclesia peccat, dedignatur in Ecclesia discuti, quis jam ferat Ecclesia se legibus coërceri?

Goffridus Vindocinensis Abbas in Opusculo de ordinatione Episcoporum, & de investitura laicorum: Petrus etiam si aliquando aliter egit, Paulus licet in conversatione novitius ei in faciem resistere minime timuit. Petrus vero sui junioris increpationem libenter suscipiens, quod plus justo fecerat diligenter correxit. Præterea nulla ratione fieri licet, quod Christus suo exemplo dedocuit.

12 Ipse enim legem solvere non venit, sed adimplere. Romana itaque Ecclesia Divinarum Scripturarum legem solvere non debet, sed conservare, & tradita sibi à Christo potestate, non ad suam voluntatem uti, sed secundum Christi traditionem. Si enim à suo juniore Romano Pontifici suggeritur, ut si aliquando plus justo fecerit, justè corrigat, tanquam Petrus Pauli admonitionem suscepit, & ipse suscipiet, si Petrum imitari desiderat.

Innocentius III. in sermone III. de consecratione Romani Pontificis, postquam probavit certum quoddam esse inter Episcopum & illius Ecclesiam conjugium, subiungit: Propter causam verò fornicationis Romana Ecclesia posset dimittere Romanum Pontificem. Fornicationem verò non dico carnalem, sed spirituales, quia non est carnale sed spirituale conjugium, id est, propter infidelitatis errorem: Quoniam qui non credit, jam judicatus est. Quid ita? Quia tunc Romanus Pontifex propter infidelitatem fit Romanæ Ecclesiæ inferior, & minor, Romana Ecclesia fit Romano Pontifice superior & major, ut mox beatus Thomas docebit, & docendo Romanæ Ecclesiæ traditioni ab initio derivatæ consentiet.

Beatus Thomas in quartum dist. xix. art. II. Non enim Prælati à subditis coram multitudine, sed humiliter in privato corripiendi sunt, nisi immineret periculum fidei. Tunc enim prælatus minor fieret, si in infidelitatem laberetur, subditus fidelis major.

Quæ hæcenus ex Gelasio, beato Paulo, & Ecclesiasticis tractatoribus relata sunt, Bellarminus non præviderat, aut prævisa dissimulaverat, cum ait: Respondent, Ecclesiam debere illum (Romanum Pontificem) audire, si rectè doceat, alioqui magis Deum, quam homines esse audiendos. Contrà: Nam quis judicabit, rectè ne Pontifex doceat, an non? Non enim est ovium judicare, an Pastor erret, necne, præsertim in rebus verè dubiis, nec habent oves Christianæ alium majorem judicem vel Doctorem, ad quem recurrant. Nam ut supra ostendimus lib. 2. cap. 13. & 14. ex tota Ecclesia ad Pontificem appellari potest, ab illo autem non potest. Necessariò igitur tota Ecclesia errabit, si Pontifex erret. Rursus respondebunt, posse recurri ad generale Concilium. Contrà, nam nos ostendimus in tractatu de Conciliis, Papam esse supra Concilium: Præterea Dominus soli Petro dixit, Pasce oves meas. Nonne quæ Bellarminus hoc in loco disputat & sibi sumit, Gelasius, beatus Paulus, Tertullianus, Cyprianus, Augustinus, Facundus, Gregorius I. Isidorus, Hadrianus II. Damianus, Goffridus, Thomas rejiciunt? Nonne Patrum traditionem pro nihilo ducit, cum objectioni respondet & occurrit? Nonne perversa est illa disputandi ratio, in qua quod adinventum est nuper, colitur, & quod erat antiquitus traditum, exploditur? Nonne infalsus est adulandi modus, in quo Bellarminus contra Gelasium I. Gregorium I. & Hadrianum II. Romanos Pontifices dicit, quibus adulatur? Ne sint hæc omnia, Cardinalis Damianus Bellarmini ratiocinationem multis antè sæculis occupaverat, & illius captiones discusserat. Captionum discussionem Goffridus & Thomas validè confirmat. Sed Bellarminus fraudulentam dispu-

tationem conditione hac involvit, præsertim in rebus verè dubiis, de quibus nulla movetur questio. Vanum 14 est & inutile artificium, quod doctorum vel indoctorum nemo non facile percipit. Quæstionis statum ille mutat, ne quod in quæstione positum est, agnoscant, & lectori miserrimè illudatur, & illusus discat, quod dediscere & oblivisci non illusus deberet.

Ad rem ipsam quod attinet, in Bellarmini opinione peccavit Malchion Antiochenæ Ecclesiæ Presbyter, qui tamen ab Hieronymo laudatur in libro de viris illustribus: Malchion, inquit, disertissimus Antiochena Ecclesiæ Presbyter, quippe qui in eadem urbe Rhetoricam florentissimè docuerat, adversus Paulum Samosatenum, qui Antiochena Ecclesiæ Episcopus dogma Artemonis instaurat, excipientibus notariis disputavit.

Peccavit Hieronymus, cum varios Joannis Hierosolymitani errores redarguit, & cum in epistola ad Pamachium sic alloquitur: Si causa discordia non ex dissensione fidei est, sed ex Pauliniani, ut dicis, ordinatione descendit, quæ tanta stultitia est volentibus occasionem dare, nolle respondere? Confitere fidem, sed tamen responde, quod quereris, ut omnibus luceat, non de fide, sed de ordinatione esse certamen. Quandiu enim interrogatus de fide tacueris, potest tibi adversarius dicere: Non est ordinationis causa, sed fidei. Si ordinationis causa est, stultè facis de fide interrogatus tacere: Si fidei, stultè præterdis ordinationem. Porro quod dicis te petiisse, ut subjicerentur Ecclesiæ Dei, & non scinderent eam, neque proprium sibi facerent principatum, de quibus dicas, non satis intelligo. Si de me & Presbytero Innocentio, satis multo dormisti tempore, qui post annos tredecim nunc excitatus 15 hæc loqueris. Et paulo post: Num rogavi te ut ordinarer? Si sic presbyterium tribuis, ut monachum nobis non auferas, tu videris de judicio tuo. Sin autem sub nomine presbyteri, tollis mihi propter quod sæculum derelinqui, ego habeo, quod semper habui, nullum dispendium in ordinatione passus es. Ut non scinderent, inquit, eam: Neque proprium sibi facerent principatum. Quis scindit Ecclesiam? Nos quorum omnis domus Bethleem in Ecclesia communicat, an tu qui aut bene credis, & superbè de fide taces, aut malè, & verè scindis Ecclesiam? Et paulo post: Tibi soli licet Ecclesiæ jura calcare, tu quidquid feceris, norma doctrina est, & non erubescis ante tribunal Christi judicandum tecum Epiphanius provocare.

Peccavit Beatus presbyter, qui Elipando Toletanæ Sedis antistiti suo Nestorianam hæresim instauranti restitit, & adversus illum libros edidit, se pro domo Dei murum opposuit. Sic minores majoribus, inferiores superioribus in causa fidei obstitunt, sic oves cum nocitura sentiunt pascua, declinant, & pastorem fugiunt & averfantur.

At verò quidquid Bellarminus differit ad universalis Episcopi nomen & notionem facile revolvitur, etiam illam cum Gregorio videatur rejicere, quò facilius lectori suo illudat. Dico amplius. In distinctione sua Gregorio imponit, cum ait: Gregorius fatetur tributum nomen universalis Episcopi Romano Pontifici à Concilio Chalcedonensi. Quod ut appareat, referenda sunt loca, in quibus cum materiam hanc pertractat Gregorius, Chalcedonensis Concilii meminit.

Ex libri IV. epistola xxxii. ad Mauritium Imperatorem: Sed absit à cordibus Christianorum nomen istud blasphemæ, in quo omnium Sacerdotum honor admittitur, dum ab uno sibi dementer arrogatur. Certè pro beati Petri Apostolorum Principis honore per venerandam Chalcedonensem Synodum Romano Pontifici oblatum est.

Iterum ex ejusdem libri epistola xxxvi. ad Eulogium Alexandrinum: Sicut veneranda mihi vestra sanctitas novit, nri per sanctam Chalcedonensem Synodum Pontifici Sedis Apostolica, cui Deo disponente deservio, hoc universitatis nomen oblatum est.

Iterum

Iterum ex ejusdem libri Epistola xxxviii. ad Joannem Constantinopolitanum Episcopum: *Nunquid non sicut vestra fraternitas novit, per venerandum Chalcedonense Concilium hujus Apostolicæ Sedis antistes, cui Deo disponente deservio, universales oblato honore vocati sunt?*

Denique in libri vii. Indict. i. Epistola xxx. ad Eulogium Alexandrinum: *Et quidem in sancta Chalcedonensi Synodo, atque post à subsequenti Patribus, hoc decessoribus meis oblatum vestra sanctitas novit, & tamen nullus eorum uti hoc unquam vocabulo voluit.*

In his autem locis Gregorius non scribit Leonem I. fuisse à Calchedonensi Concilio vocatum universalem Episcopum, sed scribit illum fuisse per illud Concilium universalem Episcopum appellatum, id est, per id temporis, quo Calchedonense celebratum est Concilium. Sic intelligendus est Gregorius, cum reipsa Concilium illud Leonem nusquam appellaverit universalem Episcopum, ut videre est in literis omnibus, quas Concilii Patres ad Leonem scripserunt. Quod diligenter curiosèque animadvertendum est. Quamobrem Gregorius in postremo loco insignitè dicit, id in sancta Calchedonensi Synodo factum esse, non à Calchedonensi Synodo, quæ nihil tale fecisse legitur. Res igitur sic se habet. Dum Calchedonensis Synodi celebrabatur actio iiii. Theodorus & Ischyrio Alexandrini Diaconi, & Athanasius Alexandrinus Presbyter Leoni & Concilio libellos supplices offerunt, qui hoc modo inscribuntur: *Sanctissimo & beatissimo universali Archiepiscopo, & Patriarchæ magnæ Romæ Leoni, & sanctæ universali Chalcedonensi Synodo.* Ad Gregorium verò quod attinet, hic nusquam scripsit, quod ab eo scriptum Bellarminus asserit.

Bellarminus imposuisse Gregorio significant duo, Acta Concilii, & ipse Gregorius, qui in libro vii. ad Eulogium scribens dicit, in sancta Calchedonensi Synodo universalis Patriarchæ nomen decessoribus suis oblatum esse, non à Calchedonensi Synodo, ut Bellarminus tradit, & cum Gregorius in aliis locis tribus ait, hoc universalis Episcopi seu Patriarchæ nomen per Calchedonensem Synodum Romano Pontifici oblatum esse, id factum esse intelligendum est per eos dies, cum Calchedonensis Synodus haberetur. Et sanè particula, *per*, juncta rebus quæ aguntur in tempore, ad significatum particulæ, *in*, quàm ad significatum particulæ à, propius accedit: Ita ut apud Gregorium sit idem per Calchedonense Concilium, & in Calchedonensi Concilio. Quinetiam idem esse debeat, cum in literis, quas Calchedonense Concilium Leoni scripsit, Leonem universalem Patriarcham vel Episcopum non appellet. Exinde accidit, ut si Gregorius dixisset, quod ab eo dictum Bellarminus affirmat, Pontifex falsum dixisset: Nempe à Concilio gestum esse, quod minime gestum est. Sed Bellarminus nisi tribuisset Pontifici, quod tribui meritò nequit, non tam facile potuisset *nomini universalis Episcopi* commodum & idoneum sensum impertire, quamvis illum hoc in loco negligat, ut antè notavimus.

Nunc argumentationis filum repetendum est, in quo Bellarminus ad rationis confirmationem & subsidium vocat quæstionem aliam, de qua non minor est, quàm de non errandi privilegio controversia; nimirum ex tota Ecclesia provocari ad Romanum Pontificem, & hunc esse Concilio majorem, quæ manifesta est principii petitio, cum obscurum per obscurius probetur.

Neque verò necesse est hic me retexere, quæ de utraque materia pluribus in Epistolis disseruimus: De provocatione & provocationis jure latè disseruimus in parte secunda Epistolarum nostrarum: De auctoritate Concilii supra Pontificem vel è contrà: Latè quoque scripsimus ad te, ad Felicem Phelippæum Brossam, & ad Joannem Gerbasium in eadem parte secunda Epistolarum. Hinc spissi & non necessarij laboris foret, nunc illud argumenti genus retractare.

Sed quoniam Bellarminus in argumenti quod proponit, antecedente vim totam statuit, quomodo illud confirmet, modò videndum est: Remittit ad libri i. de Rom. Pont. capita xiv. xv. & xvi. in quibus Patres, *Pasce oves meas*, interpretantur, & in cap. xiv. ita scribit: *Septimò probatur ex Patribus. Nam prater Chrysostomum, Cyrillum, Augustinum in hunc locum, qui dicunt ei dictum pasce, qui ter negaverat, qui sine dubio solus erat Petrus. Idem habet Ambrosius in cap. ult. Luca. Exponens enim hac ipsa verba: Idco inquit, quia solus proficitur, ex omnibus, omnibus antefertur. Exinde ne sequitur, quod Bellarminus infert hoc modo: Ergo tota Ecclesia Romanum Pontificem audire & sequi tenetur: Ergo si erret, tota Ecclesia errabit? O paralogismum incredibilem!*

Ad Ambrosium quod attinet, sic ille, *Pasce oves meas*, explicat in libri de dignitate Sacerdotali capite ii. Sic certè à Domino ad beatum Petrum dicitur, *Petre amas me, & ille, tu scis, quia amo te: Et cum tertio fuisset interrogatus, & trina responsione fuisset subsecutus, repetitum est à Domino tertio: Pasce oves meas. Quas & quem gregem non solum tunc beatus suscepit Petrus, sed & nobiscum eas suscepit, & cum illo eas nos suscepimus omnes. Ecclesiæ Doctor sine hæsitacione ulla loquitur, & perinde loquitur, ac si dictum illius in sensu & ore versaretur omnium. Hoc Bellarminus vel nesciit, vel quia placitis suis incommodat, dissimulandum esse censuit, ratus aut nullos aut paucos fore, qui qua ratione, *Pasce oves meas*, explicaret Ambrosius, disquirerent.*

Bellarminus integritate & candore pari sese cum aliis Patribus gerit. Chrysostomus quidem homilia lxxxvii. in Joannem scribit: *Quod autem divinum amorem maximè conciliat, est proximi dilectio, quam à Petro Christus exigit. Nam cum finem cibis fecissent, dicit Simoni Petro Christus: Simon, Simon diligis me plus his. Dicit ei, etiam Domine tu scis, quia amo te: Dicit ei: Pasce agnos meos. Quid tandem aliis omisiss de his durat? Petrum affatur? Os erat Apostolorum Princeps & vertex Apostolici chori. Propterea & Petrus eum prater alios visurus ascendit, simul ut ei ostenderet jam sibi fiduciam habendam. Tanquam enim negationis oblivisceretur, fratrum curam ei committit, neque negationis meminit, neque exprobrat: Tantum dicit: Si amas me, fratrum curam suscipias, & quam in omnibus dilectionem audisti, & qua delector nunc ostende, & animam, quam pro me positurum dixisti, hanc pro ovibus meis trade. Et post alia: Nam cum magna Christus Petro communicasset, orbis terrarum curam demandasset. Et post alia: Noli arbitrari, inquit, eodem modo me de vobis disposuisse. Hic autem dixit, ut intempestivum affectum & consuetudinis desiderium tolleret. Cum enim esset (Apostoli) orbis terrarum curam susceperunt, simul amplius esse non oportebat. Magnum enim fuisset mundo detrimentum. Idcirco, inquit, opus suscepisti, id considera, profice, labora, & te certaminibus expone. His autem omnibus collatis inter se, apparet, Chrysostomum ut Petro, sic & aliis Apostolis Pastoris nomen dedisse. Nam postquam dixit Christum Petro orbis terrarum curam demandasse, paullo post subjecit, Apostolos orbis terrarum curam suscepturos esse.*

Ex quo factum est, ut Chrysostomus hom. lxxxix. in Matthæi caput xxiv. *Pasce oves meas*, ad Sacerdotes omnes primi & secundi ordinis extendat: *Amas me, Petre*, inquit, *Pasce oves meas*, cum tertio ipsum interrogasset, hoc amoris esse argumentum confirmavit, quod ad Sacerdotes solummodo dictum est, verumetiam ad singulos nostrum, quibus vel minimus grex commissus esse videtur. Nec enim quia minimus est, negligi debet. Pater namque meus complacuit in ipsis, habet unusquisque ovem, ad pinguia eam pascha ducat.

Deinde in libro ii. de Sacerdotio interloquente Basilio cuidam persuadere volens ut Episcopatum suscipiat, huic de Joannis loco, *Pasce oves meas*, sic accom-



accomodat: *Ostensurum ait illum suam dilectionem in Christum, si pascat ejus gregem, cum scriptum sit: Si diligis me, pascere oves meas.*

Denique cum homiliam de sancto Philogonio Episcopo habuit, id à Christo dictum, quod Christus Petro dixerat, in se recipit: *Quantum autem, inquit, sit pietatis argumentum, quod Deus illum tanto magistratu dignum judicavit, audi, Christus excitatus à mortuis quid dicat Petro, Petre amas me, isque respondisset, tu Domine scis, quod amo te; Si diligis me, pascere oves meas.*

Cyrillus in caput xxi. Joannis, ad illud, *Pasce oves.* Advenientem itaque Christus eum acriter urget, utrum se plus iis diligeret, idque tertio. Annuit verò Petrus ac diligere se facit, sui amoris testem eum citans. In singulis autem confessionibus multifariam audit rationales oves sibi cura esse debere. Ego verò arbitrator (nam abstrusum horum verborum sensum investigandum quoque aio) frustra hac scripta non esse, sed arcani quiddam ac reconditi in se omnino habere. Nunquid enim merito quarit aliquis, quam ob causam Simonem duntaxat interrogat, aut quid sibi velit istud *Pasce oves meas*, & 22 similia? Respondemus igitur, Divinum Petrum unà cum aliis Discipulis jam electum fuisse ad Divinum Apostolatium. Ipse quippe Dominus noster Jesus Christus eos nominavit Apostolos, ut scriptum est. Sed quia interea dum procederet Judaeorum facinus, nonnihil lapsus est, (ingenti quippe formidine captus divinus ille Petrus ter Dominum negavit) agrum nunc sanat, & ternam confessionem loco terna illius negationis flagitat, hanc illi quodammodo opponens, & delicta correctione compensans. Et quibusdam interpolitis: *Quapropter per triplicem beati Petri confessionem triplici abnegatione contractum peccatum abrogatur.* Ex eo verò quod Dominus dicit, *Pasce agnos meos, traditi jam ei Apostolatus renovatio quadam esse censetur, qua delictorum subinde solvit infamiam, & infirmitatis humanae delet angustias.*

Augustinus in tractatu xlvii. super Joannis Evangelium: *Quomodo ipse animam suam pro nobis posuit: sic & nos debemus ad edificandam plebem, ad asserendam fidem animas pro fratribus ponere: Ideo Petro, quem facere volebat pastorem bonum non in ipso Petro, sed in corpore suo ait: Petre amas me: Pasce oves meas, hoc semel, hoc iterum, hoc tertio usque ad ejus tristitiam: Et cum tantum interrogasset Dominus, quantum interrogandum esse judicavit, ut ter confiteretur, qui ter negaverat, & ei suas oves pascendas tertio commendasset, ait illi, cum junior esses, cingebas te, & ambulabas ubi volebas, cum autem senueris, extends manus tuas, & alius te cinget, & ducet, quò tu non vis. Et exposuit Evangelista, quid Dominus dixerit. Hoc autem dixit significans, qua morte clarificaturus esset Deum. Ad hoc ergo 23 pertinet, *Pasce oves tuas, ut ponas animam tuam pro ovibus meis.* Et post alia: *Tenete ergo quomodo Dominus Jesus Christus & ostium sit & Pastor: Ostium pandendo se, Pastor intrando per se. Et quidem, fratres, quod Pastor est, dedit & membris suis. Nam & Petrus Pastor, & Paulus Pastor, & ceteri Apostoli Pastores, & boni Episcopi Pastores.* Et revera Bellarminus non evoluit locum hunc, quem laudat, & laudat confidentissime: quis ingenuitatem hominis ac modestiam non miretur?*

Ecclesiarum Magister in libri de agone Christiano capite xxx. rem paucis ob oculos omnium constituit: Cum ei (Petro) dicitur, ad omnes dicitur, amas me, pascere oves meas. Sed in Psalmum cviii. intelligendae Scripturae, quae ad Petrum pertinet, legem figit hoc modo: Sicut enim quadam dicuntur, quae ad Apostolum Petrum proprie pertinere videantur, nec tamen habent illustrem intellectum, nisi cum referuntur ad Ecclesiam, cujus ille agnoscitur in figura gestasse personam propter primatum, quem in Discipulis habuit: Sicut est, tibi dabo claves regni caelorum, & si qua hujusmodi: Ita Judas personam quodammodo sustinet inimicorum Christi Judaeorum, qui & tunc oderant Christum, & nunc per successionem perseverante genere ipsius impietatis oderunt.

Ut ergo Petrus, quando ei dictum, tibi dabo claves, in figura personam gestabat Ecclesia, sic & quando ei dictum est: *Pasce oves meas, Ecclesia quoque personam in figura gestabat.*

Ex Joannis autem loco, *Pasce oves meas*, per Chrysostomum, Cyrillum, & Augustinum explicato, quis quæso præter Bellarminum alius id inferet, quod ille 24 lic inferat? Ergo tota Ecclesia Petrum & Successorem Petri Romanum Pontificem audire & sequi tenetur: Ergo si ille erret, tota Ecclesia errabit? Quid lucraturum se sperabat, cum Chrysostomum, Cyrillum, & Augustinum nomine tenus citavit? Fortasse sperabat suæ in citandis Patribus fidei diffisurum esse neminem, & ei tanquam Attico testi & ex Jovis tabulis recitanti credituros omnes. At confide mihi, sua Bellarminum spes vehementissime fessellit. Quam exiguae sit fidei in laudandis auctoribus, satis superque perspectum & animadversum est.

Bellarminus pergit. Item Maximus sermone de SS. Petro & Paulo: *Jam necessarium, inquit, reor, ut proprias eorum specialesque virtutes prosequamur. Hic est Petrus, cui Christus ascensus ad Patrem pascendas oviculas suas, ovesque commendat. Ergo proprium & speciale hoc fuit Petro.* Et primò quidem quæ sunt apud Maximum divisa, Bellarminus conjungit. Nam periodus hæc: *Sed jam necessarium reor ut proprias eorum specialesque virtutes prosequamur, multis verbis juncta est à periodo sequenti: Hic est Petrus cui Christus ascensus ad Patrem pascendas oviculas suas, agnosque commendat.* Divisa igitur periodos conjungit, quò facilius inferat: *Ergo proprium & speciale hoc fuit Petro.* Quis quæso ex verbis illis Maximi deducet unquam, Petrum ita Doctorem & Pastorem totius Ecclesiae fuisse, ut tota erratura sit Ecclesia, si Petrus aut Petri successor Pontifex Romanus semel erret? Præsertim si Maximi alia verba hæc adjungantur: *Nos verò Ecclesiarum omnium reverendissimos Patres, Petrum dico & Paulum piissimis studiis honoremus.* Item: *Hic est Paulus qui pro suarum 25 remuneratione virtutum ultra humana merita tertium raptus ad calum caelestia secreta cognovit, ut Ecclesiarum futurus Doctor inter Angelos disceret, quod inter homines predicaret.* Item: *Hi sunt beatissimi Petrus & Paulus, qui sacramentum caelestis regni uno spiritu predicantes sub unius passione diei doctrinam suam pio sanguine & morte fortissima consecrarunt, qui etiam tanquam Ecclesiarum omnium Principes facti dispensatione caelesti, Romam petentes sacratissima sua corpora in illius urbis arce recondiderunt, qua totius orbis obtinuerat principatum, quatenus potentiam virtutis sua Christus ostendens, ubi mundus caput habebat Imperii, ibi regni sui Principes collocarent.* Item in homilia iv. de iisdem Petro & Paulo: *Beatissimorum Apostolorum passio, fratres, quorum hodie natalem solemniter celebramus, cunctis est honoranda credentibus, quos pro justitiae, pietatisque plenitudine Salvator mundi humano generi & patres esse dedit & judices.* Item sub finem: *Hi itaque sunt Ecclesiarum columna, Petrus & Paulus.* Nunc Bellarminus eat ex his omnibus deductum de Paulo & Pauli successoribus, quod jam de Petro & Petri successoribus deduxit, & postquam deduxerit, concordet ipse secum, aut Maximum in opus suum male insumpsisse fateatur.

Bellarminus pergit; Item Leo Epistola 89. ad Episcopos Viennensis provinciae: *Cui cum præ ceteris solvendi & ligandi potestas tradita sit, pascendarum tamen omnium cura specialius mandata est. Integram refero periodum, quæ sic se habet: Quam sollicitudo nostra (ut canones servantur) non sua querens, sed quæ sunt Christi 26 sti, dignitatem divinitus datam nec Ecclesiis nec Ecclesiarum Sacerdotibus abrogabat, sed hunc tramitem semper inter majores nostros & bene tantum & salubriter constitutum, Hilarius Ecclesiarum statum & concordiam Sacerdotum novis presumptionibus turbaturus excessit, ita suæ vos cupiens subdere potestati, ut se beato*

beata Apostolo Petro non patitur esse subiectum, ordinationes sibi omnium per Gallias Ecclesiarum vindicanti, & debitam Metropolitani Sacerdotibus in suum ius transferens dignitatem, ipsius quoque beatissimi Petri reverentiam verbis arrogantioribus minuendo, cui præ cæteris solvendi & ligandi tradita sit potestas, pascendarum tamen ovium cura specialius mandata est. Quot & quantis opus est fallaciis, ut ex hoc Leonis testimonio Bellarminus id colligat quod colligere intendit? Scilicet Romanum Pontificem sic esse Doctorem & Pastorem totius Ecclesiæ, ut tota Ecclesia illum audire & sequi teneatur: Ut si Pontifex erraret, totam continuo necesse sit errare Ecclesiam. Quis complexiones istas non rideat aut deploret, usque eo progressa est argumentantis cæcitas?

Bellarminus in ejusdem libri 1. de Rom. Pont. capite XIV. quod in argumenti sui probationem oppignoret, nihil adducit, quod ad rem pertineat, philosophicis tantum & grammaticis animadversionibus verbum *pasce* in varias partes circumagat, & in cap. XVI. rursus laudat Chrysostomum & Ambrosium, quos in capite XIV. laudaverat & quorum mentem antè patefecimus, & Bellarmini consilio perspicue opposuimus. Theophylactum & Bernardum citat, sed eos ab hac questione, quam tractamus, alienos esse docuimus in epistola ad Antonium Varillam. Si profecto novisset quis & qualis Theophylactus fuerit, & quo tempore floruerit, Theophylacti auctoritate non uteretur, ut ostenderet Romanum Pontificem sic esse Doctorem & Pastorem totius Ecclesiæ, ut tota Ecclesia illum audire & sequi teneatur, & si semel erraret ille Pontifex, Ecclesiam totam erraturam esse. Argumento ne huic favebit qui conflatum à Michaele Cerulario Patriarcha Constantinopolitano schisma pro eo ac potuit, defendit?

Nunc Revertendum est ad libri IV. de Romano Pont. caput III. unde necessaria de causa digressi sumus; & ubi tum demum observamus, Bellarminum contendere beato Petro soli dictum esse, *Pasce oves meas*, & quia soli Petro dictum est, Petrum solum Ecclesiæ totius Pastorem atque Episcopum esse; & sic velit nolit vel nugari agere, vel incurrere in errorem, quem cum de nomine universalis Episcopi differeret, explosit.

Verumenimvero cum pastor sit idem atque Episcopus, & Romanus Pontifex unumquemque Ecclesiæ Episcopum, suum appellet Coepiscopum, meridiana luce clarius erit, Romanum Pontificem non esse solum Pastorem illum, quem Bellarminus statuit ut non errandi privilegio donatus appareat. Hanc Romanæ Ecclesiæ de Coepiscopi nuncupatione traditionem nunc exponimus, prætermittis tamen epistolis, quas Isidorus Mercator primis Romanis antistitibus subiecit. Asserenda nempe est propriis & idoneis monumentis veritas.

I. Stephanus I. in epistola ad Cyprianum, quæ est inter Cypriani epistolas quadragesima sexta: *Sed quoniam multa præcesserunt ab eis designata, qua tu quoque à COEPISCOPIIS nostris & literis meis cognovisti, ut non temerè eis fides haberetur, ex ipsorum ore & confessione, ista qua per legationem mandaverant, placuit audiri.*

Deinde idem in epistola ad Cyprianum, quæ est inter Cypriani epistolas quadragesima octava: *Invigilemus ergo, ut omnibus COEPISCOPIIS nostris & fratribus immutescat, Nicæstratum, &c.*

II. Liberius in epistola ad Eusebium Episcopum in actis ejusdem Eusebii: *Deo procurante frater & COEPISCOPUS noster Lucifer de Sardinia supervenit. Deinde in alia ad eundem epistola ibidem: Commendo tibi fratrem & COEPISCOPUM nostrum Luciferum. Tum in epistola ad Ursacium, Valentem, & Germinium: Sola hæc causa fuit, ut tardius viderer de nomine ipsius literas ad fratres & COEPISCOPOS nostros Orientales dare. Postremo in epistola ad Constantium Imperatorem: Ad exorandam igitur mansuetudinem tuam, ut*

benevolo animo allegationes nostras audire digneris, fratrem & COEPISCOPUM meum sanctum virum Luciferum cum Pancratio compresbytero meo, & Hilario Diacono placuit proficisci.

III. Siricius in epistola IV. Dilectissimis fratribus & COEPISCOPIIS per Africam Siriciis. Deinde in epistola ad Anysum & cæteros Episcopos per Illyricum constitutos, sub finem: *Legimus etiam & omnia percurrimus, vel de eo, quod fratri nostro & COEPISCOPO Basso in consortium regenda Ecclesia datus est Senecio, vel de cæteris, unde vestra normam expellamus sententia. In Collectione Romana bipartita.*

IV. Innocentius I. in epistola VII. ad Rufum, Gerontium, & alios Macedoniæ Episcopos: *Mora COEPISCOPORUM nostrorum Maximiani & Eumeni, vel potius importunitas temporum fecit ut, &c. Deinde in epistola XI. ad Aurelium Carthaginensem Episcopum: Sententia mea exposui atque edixi tenorem, jam prudentia erit tua, consors mihi frater, cum unanimis & CONSACERDOTIBUS nostris hanc ipsam rem in Synodo religiosissima retractare, ut si nihil dispositioni nostræ resiliat, nobis plenissime aperteque rescribas CONSACERDOTIBUS nostris, id est, COEPISCOPIIS nostris. Tum in epistola XIV. ad Atticum Constantinopolitanum Episcopum: Quemadmodum Antiochena Ecclesia frater & COEPISCOPUS noster Alexander digna legatione persequutus est, & probavit. Quibus omnibus utique interesse dignatus cognovisti, quemadmodum singillatim omnia scriptorum nostrorum antehac de causa beatissimi Joannis quondam COEPISCOPI nostri. Quarto in epistola XVII. ad Acacium Episcopum: Adgaudere literis fraternitatem tuam de receptis Paulini vel Evagrii Episcoporum Clericis, populisque & de restitutis Elpidio atque Pappo COEPISCOPIIS percensuimus, & vel serò recepta pacis gratiam se fovere, postposita omni contentione pervidimus. Unde has ad præstantissimum fratrem & COEPISCOPUM nostrum Alexandrum reddendas tue transmisimus unanimitati. Quinto in epistola XIX. ad Martianum Narritanum Episcopum: Superiori tempore, si tamen rectè recordor me minimè tam ad dilectionem tuam, quam ad fratres & COEPISCOPOS nostros, Rufum, Eusebium, & cæteros hujusmodi literas de clericis Narsensibus transmississe. Sexto in epistola XX. ad Rufum, Eusebium, & alios Macedoniæ Episcopos, cap. V. *Anyssii fratris, quondam nostri, aliorumque CONSACERDOTUM summa deliberatio hæc fuit. CONSACERDOTUM, id est, COEPISCOPORUM, qui ex auctoritate Capuensis Synodi de Bonoso judicaverunt. Hæc omnia in Codice canonum Romanæ Ecclesiæ. Septimo in epistola ad Carthaginense Concilium: Gratulor igitur, fratres charissimi, quod per fratrem & COEPISCOPUM nostrum Julium literas ad nos destinasti. Octavo in epistola ad Milevitaneum Concilium: Frater & COEPISCOPUS noster Julius dilectionis vestre literas, quas ex Milevitano Concilio cura fidei propensius misisti, mihi inopinanter ingessit. Nonò post alia: Quoties fidei ratio ventilatur, arboror omnes fratres & COEPISCOPOS nostros nonnisi ad Petrum, id est, sui nominis & honoris auctorem referre debere. Hæc epistola est nonagesima tertia inter Augustini epistolas.**

V. Zosimus in epistola ad Hesychum Salonitanum Episcopum cap. II. *Proinde nos nequid meritis dilectionis tue derogemus, ad te potissimum scripta direximus, qua in omnium fratrum & COEPISCOPORUM nostrorum facies ire notitiam. Deinde in epistola ad Aurelium & alios Africanos Præsules: Petrus Lazarus consuetudo est innocentiam criminandi per multa Concilia in sanctum Bricium COEPISCOPUM nostrum Turonica civitatis, Diabolicus accusator inventus est. Tum paullo post: Mirum est, si isti laicum virum ad bonam frugem longa erga Deum serenitate nitentem falsis literis percellere noluissent, qui in fratres & COEPISCOPOS tanta*

VI. Boni-



VI. Bonificacius I. in epistola II. ad Rufum Episcopum: Quos fraterna charitate complexi tales esse cognoscimus, COEPISCOPUM nostrum Adelfium vel fratrem Perigenem, cui beati sermo Concilii jamdudum adstipulator accessit. Deinde paullo post: Tristis absque dubio COEPISCOPUS noster Perigenes fuit. Tum paullo post: Nolumus COEPISCOPO Perigeni nostram paginam destinare. Quarto in epistola III. ad eundem Rufum: Ad Synodum, qua dicitur illicite congreganda de causa fratris nostri & COEPISCOPI Perigenis, cujus scriptissimum statum nulla posse penitus ratione turbari, talia scripta direximus. Quinto in epistola ad Episcopos per Thessaliam constitutos: Ergo servate honorem debitum capiti, quia nolumus ut inter se membra decerent, ita ut tendatur eorum ad nos usque certamen, dum fratrem & COEPISCOPUM nostrum Rufum dignum ducitis contemptu. Sexto sub finem epistolae: Episcopos per Illyricum contra conscientiam COEPISCOPI nostri Rufi nullus ordinare praesumat. Septimo in epistola ad Rufum & ceteros Episcopos per Macedoniam, Achaïam, &c constitutos: Et fiet, quod quidem fieri per regulas omnino non poterit, fratris & COEPISCOPI nostri peregrinus honor dubius & incertus. Octavo post alia: Nequis volens in nostra communione durare, fratris & CONSACERDOTIS nostri Perigenis iterum ad discutiendum in medium nomen adducat. Nonò sub finem epistolae: COEPISCOPUS noster Rufus, cui ad vicem nostram cuncta committimus, cum ceteris fratribus, quos ipse delegerit, negotium curabit audire. Hæc omnia in Collectione Romanâ bipartita.

VII. Celestinus in epistola ad Episcopos Galliæ capite VIII. recipiens, quod Zosimus ad totius orbis Episcopos scripserat: Nos autem instinctu Dei omnia bona ad auctorem suum referenda sunt, unde nascuntur, ad fratrum & COEPISCOPORUM nostrorum conscientiam universa retulimus. Deinde in epistola ad Perigenem, Dynatum, Basilium, & alios per Illyricum Episcopos: Nunc tamen Dyrracena provincia causa nos monuit, ubi quorundam accusantium factione frater & COEPISCOPUS noster Felix, si non nostra intervenisset diligentia, fuisset oppressus. Tum paullo post: Quas omnes nos intercessione fratris COEPISCOPI nostri Rufi, cujus experientiam comprobata esse in causis omnibus & vitæ actibus liquet, volumus rescari. In Collectione Romana bipartita. Denique in epistola ad Ephesinam Synodum: Scimus, quo itinere sanctus frater & COEPISCOPUS noster Maximianus, quibus gradatim stipendiis ad Sacerdotale fastigium pervenit.

VIII. Xistus III. in epistola I. ad Perigenem Episcopum: Nunc ergo, frater charissime, admonitus nostris epistolis per fratrem & COEPISCOPUM nostrum Lucianum, qui ad vos sola charitatis gratia provocatus advenit, sancto fratri & COEPISCOPO nostro Anastasio, Thessalonicensis urbis antistiti eam servato reverentiam, quam ceteri quoque Pontifices per Illyricum constituti erga prædicti dignitatem reservare non abnuunt. Deinde in epistola II. ad Episcopos Synodo apud Thessalonicam congregandos: Nos fratri & COEPISCOPO nostro Anastasio tantum tribuimus, quantum decessoribus ipsius à nostris decessoribus attributum. Tum in epistola III. ad Proclum: Siquis ad fratrem & COEPISCOPUM nostrum Thessalonicensis urbis antistitem harum provinciarum, qua ad eum pertinent, Sacerdos adveniat, præter ejus conscientiam, si sine ejus epistolis atque formata venire tentaverit, tanquam disciplina Ecclesiastica despector & contemptor canonum, quos nos temerari ex aliqua parte non parimus, habeatur. Quarto in epistola IV. ad Episcopos per Illyricum constitutos: Reservate fratri & COEPISCOPO nostro reverentiam, quam debetis. Hæc omnia in Collectione Romana bipartita. Quinto in epistola ad Cyrillum Alexandrinum: Non est, sicut fratri & COEPISCOPO nostro Maximiano saepe jam scripsimus. Sexto in epistola ad Joannem Antiochenum: Habet probatum nobis virum, fratrem & COEPISCO-

PUM nostrum Constantinopolitanæ Ecclesiæ Sacerdotem, divino illi judicio consecratum.

IX. Leo I. in epistola V. ad Dorum Beneventanum Episcopum: Exequutionem præceptionum nostrarum fratri & COEPISCOPO nostro Julio commississe nos novimus. Deinde in epistola VII. ad Theodosium Imperat. Quid autem in Constantinopolitana Ecclesia perturbationis acciderit, quod ita fratrem & COEPISCOPUM nostrum potuerit commovere? Tum in epistola XVIII. ad Pulcheriam Augustam: Unde quia contra integritatem fidei Christianæ, dissensionem quandam in Constantinopolitana Ecclesia, Eutychæ auctore generatam, fratris & COEPISCOPI mei Flaviani relatione cognovi. Quarto in epistola XXV. quæ sic inscribitur: Leo Episcopus & sancta Synodus, quæ in urbe Roma convenit, Theodosio: Ecce ergo, Christianissime & venerabilis Imperator, cum CONSACERDOTIBUS meis implens erga reverentiam clementia vestra sinceri amoris officium, &c. Obsecramus: Cum Consacerdotibus, id est, cum Coepiscopis. Quinto in epistola XXXIV. ad Faustum Martianum, & alios Presbyteros & Archimandritas: Ad effectum verò salubrium dispositionum velocius obrinendum fratres & COEPISCOPOS meos Abundantem & Asterium, sed & Basilium & Senatorem presbyteros probatissimos viros misi, qui clementia vestra formam fidei, quam secundum formam venerabilium Patrum predicamus, offerrent. Sexto in epistola XXXIX. ad Pulcheriam Aug. Quosdam sanè Episcopos de his, qui rebus impiis videntur præbuisse consensum, reconciliationem & reposcere, & Catholicorum communionem desiderare tam nostrorum, quam fratris & COEPISCOPI mei Anatoliis, cui testimonium ferre dignamini, relatione cognovimus. Septimo, post pauca: Quia verò novimus quantum pia sollicitudinis Catholicis Sacerdotibus mansuetudo vestra dignetur impendere, judicandum esse curavimus, fratrem & COEPISCOPUM nostrum Eusebium nobiscum degere. Octavo, post pauca: Illud à vestra pietate poscentes, ut tam fratrem & COEPISCOPUM meum Julianum, quam Constantinopolitanos Clericos, qui sanctæ memoriæ Flaviano fidelibus officiis adhasere, ea, qua debetis, gratia foveatis. Nonò in epistola XI. ad Anatolium Constantinopolitanum cap. IV. Fratrem verò & COEPISCOPUM nostrum Julianum & Clericos, qui sanctæ memoriæ Flaviano fidelibus officiis adhaserunt, dilectioni quoque tua volumus adhasere. Decimo, post pauca: Illud quoque dilectionem tuam nosse volumus fratrem & COEPISCOPUM nostrum Eusebium, qui causa fidei multa discrimina laboresque toleravit, nobiscum interim demorari. Undecimo in epistola XLIV. ad Martianum Imp. Multam mihi fiduciam scribendi ad clementiam vestram & litera vestra, quas veneranter accepi, & COEPISCOPI mei reverentes à Constantinopoli præbuerunt. Duodecimo in epistola XLIX. ad Martianum Aug. Fratrem & COEPISCOPUM meum Paschasium de ea provincia, qua videtur esse securior, evocatum, qui vicem præsentia mea possit implere, direxi. Decimotertiò, post pauca: Fratrem & COEPISCOPUM meum vice mea Synodo convenit presidere. Decimoquarto, in epistola LI. ad Pulcheriam: Adeo tamen non aspernanter accepimus, ut binos de COEPISCOPIS meis ordinarem, qui vicem meam implere sufficerent. Decimoquinto in epistola LII. ad omnes Episcopos Galliarum: Sed cum multa obstacula inopinatam vobis inulcrant tarditatem, quamvis seras & diu expectatas epistolas per fratrem, & COEPISCOPUM nostrum Ingenium gratanter accepimus. Decimosexto in epistola LIII. ad Anatolium capite VI. Frater autem & COEPISCOPUS noster Lucianus & filius noster Basilus Diaconus, quantum in ipsis fuit, studiosè his, qua eis injunxeras, adjuvere. Decimosseptimo in epistola LIV. ad Martianum Aug. Sed cum illi fratres & COEPISCOPI mei qui vice mea aderunt, obviarent. Decimo-octavo sub finem epistolæ: Frater autem & COEPISCOPUS meus Lucianus, qui cum filio meo Basilio Diacono, clementia vestra ad me

me scripta portavit, omni devotione partem suscepta legationis implevit. Decimononò in epistola LV. ad Pulcheriam capite II. *Frater & COEPISCOPUS meus Anatolius*. Vigesimo, post pauca: *Cum tam destruendis mox conatibus contraditio fratrum & COEPISCOPORUM meorum vicem meam agentium fideliter & laudabiliter obviaret*. Vigesimo primò in ejusdem epistola capite IV. *Rogo ut per fratrem & COEPISCOPUM meum Lucianum, qui quantum in ipso est, sollicitudinem suscepta legationis est fideliter exequutus*. Vigesimo secundo in epistola LX. ad Pulcheriam: *Fratri & COEPISCOPO meo Juliano, cui sollicitudinem meam in causa fidei delegavi, rogo ut eam fiduciam prabere dignemini, qua pietati vestra possit, qua universali Ecclesia sint profutura, suggerere*. Vigesimo tertio in epistola ad Maximum Antiochenum Episcopum capite II. *Et ideo frater charissime oportet dilectionem tuam toto corde perspicere, cujus ECCLESIAE GUBERNACULIS TE DOMINUS VOLUIT PRÆSIDERE, & ejus meminisse doctrina, quam precipuus Apostolorum omnium beatissimus Petrus per totum mundum quidem uniformi predicatione, sed speciali magisterio in Antiochena & Romana urbe fundavit*. At Ecclesiae gubernaculis præsidere Maximum idem est, ac Leonis Coepiscopum esse, ut in epistola proxima habetur. Vigesimo quarto in epistola LXXII. ad Theodoretum capite VI. *De his verò, quæ in supradicto Concilio illicita contra venerabiles Nicanos canones presumptione tentata sunt, ad fratrem & COEPISCOPUM nostrum Antiochena Sedis præfulem scripsimus*. Vigesimo quinto sub finem epistolæ: *Quas tamen literas pro utilitate universalis Ecclesiae per prædictum fratrem & COEPISCOPUM nostrum Maximum ad omnium volumus pervenire notitiam*. Vigesimo sexto in epistola LXXIX. ad Martianum Aug. *Puritatem fidei Christiana, qua clementia vestra præfulget, etiam his literis, quas frater & COEPISCOPUS meus Nestorianus detulit, &c.* Vigesimo septimo in epistola LXX. ad eundem Martianum capite II. *Quia verò suggestiones meas pro tranquillitate Catholica fidei libenter accepistis, significatum mihi fratris & COEPISCOPI mei Juliani, quem excepistis piissime, sermone cognoscite*. Vigesimo octavo in epistola LXXXIII. ad Leonem Aug. *Talia in Alexandrina Ecclesia perpetrata fratris & COEPISCOPI mei Anatolii relatione cognovi, ut omnis Christiana religio sentiat se impeti atque violari, nisi universali fidei vestra devotione prospiciatur*. Vigesimo nonò in epistola LXXXIV. ad Leonem Aug. *Fratris & COEPISCOPI mei Anatolii sermone cognovi*. Trigesimo in epistola LXXXVI. ad Nicetam Aquileiensem Episcopum capite I. *Relatione sancti fratris & COEPISCOPI nostri Septimii, quæ in subditis habetur, agnovimus*. Trigesimo primò in epistola LXXXVII. ad Mauritaniam Episcopos capite II. *Cum itaque de omnibus ferè quæ fratris nostri Potentii relatio continebat, plenissime dilectionem vestram per David fratrem & COEPISCOPUM nostrum, qui & Sacerdotii merito nobis est probatus & moribus, videatis instructum*. Trigesimo secundo in epistola LXXXIX. ad Viennensis provinciae Episcopos capite III. *Redditus est itaque Ecclesia sua, & huic, quam amittere non debuit, dignitati COEPISCOPUS noster Celidonius*. Trigesimo tertio in ejusdem epistola capite IV. *Huic negotio sic finito fratris & COEPISCOPI nostri Projecti querela successit*. Trigesimo quarto in ejusdem epistola capite VII. *Et quoniam honoranda semper est antiquitas, fratrem & COEPISCOPUM nostrum Leontium probabilem Sacerdotem hac, si vobis placet, dignitate volumus decorari*. Trigesimo quinto in epistola ad Turribium Asturicensem Episcopum capite XVII. *Dedimus itaque literas ad fratres & COEPISCOPOS nostros Tarraconenses, Carthaginenses, Lusitanos, atque Gallicos*. Trigesimo sexto in epistola C. ad Gennadium Constantinopolitanum Episcopum: *Dilectionis tuae literis & fratrum COEPISCOPORUM nostrorum Domitiani & Geminiani, sermone agnovi*. Trigesimo septimo in epistola CV. ad Julianum Coensem Episcopum: *Mi-*

ror talia te per fratrem & COEPISCOPUM nostrum Lucianum dirigere scripta potuisse. Trigesimo octavo, post pauca: *Frater & COEPISCOPUS noster Anatolius*.

X. Hilarus in epistola ad Ascanium & universos Episcopos Tarraconensis provinciae: *Præter conscientiam Metropolitanis fratris & COEPISCOPI nostri Ascanii nonnullis civitatibus ordinatos claruit Sacerdotes*.

XI. Simplicius in epistola ad Joannem Ravenatem Episcopum: *Malimus te fratre, & COEPISCOPO nostro Projecto referente cognoscere*. Deinde, post pauca: *Frater & COEPISCOPUS meus Gregorius*.

XII. Felix III. in Romana Synodo, cui præfuit: *Curandum verò maxime, & omni cautela est providendum, nequis fratrum COEPISCOPORUMQUE nostrorum, aut etiam presbyterorum in alterius civitate vel diocesi presentem, vel sub manu positum Sacerdotis, aut eum, qui reconciliatum esse se dixerit, sine Episcopi vel presbyteri testimonio & literis, aut in parochia presbyter aut Episcopus in civitate suscipiat*.

XIII. Gelasius I. in epistola VII. ad universos per Picenum Episcopos: *Quapropter nimis incusamus fratres & COEPISCOPOS nostros maxime per Picens provincias Ecclesiam Domini gubernantes, qui non solum ineptissimi senis, abiectæque personæ prævum non deterrere colloquium, verum & suo nutrire consensu*. Deinde in epistola IX. ad Episcopos Lucaniae: *Sicut fratris & COEPISCOPI nostri Joannis Ravennatis Ecclesiae Sacerdotis frequenti relatione comperimus*. Tum in epistola XII. ad Eonium Arelatensem Episcopum: *Sed omni voto dilectionem tuam duximus admonendam, quatenus & vigere apud nos alterna viscera gratiæ fratres & COEPISCOPI nostri per Gallias constituti caritate tua vulgante cognoscerent*.

XIV. Anastasius II. in epistola ad Anastasium Imperatorem: *Quantos verò excessus atque presumptiones habuerit Acacius clementia tua suggerere per singula fortasse videatur onerosum, Cresconio vel etiam Germano fratribus & COEPISCOPIIS meis, quos misimus ad serenitatem tuam, de singulis causis Acacii qualis fuerit, instructionem plenissimam dedimus*.

XV. Symmachus in epistola II. ad Eonium Arelatensem Episcopum: *Illud etiam dilectionem tuam facere debere precipimus, ut fratrem & COEPISCOPUM nostrum Viennensis urbis antistitem misso nuncio & scripturâ commoveat*. Deinde in epistola X. ad universos Episcopos Galliae: *Casarius siquidem frater & COEPISCOPOS noster Metropolitanus Arelata civitatis Sacerdos Ecclesiae beati Petri Apostoli liminibus præsentatus ea, quæ pridem de privilegiis earum constituta sunt, nostris postulavit innovari sermonibus*.

XVI. Hormisdas in epistola X. ad Avitum Viennensem Episcopum: *Nam unde est quod cum per Ennodium fratrem & COEPISCOPUM nostrum Sacerdotales viros ad confirmanda ea, quæ Sedes Apostolica poposcera, directuros se esse promississent? Deinde in epistola XI. ad Anastasium Imperatorem: Ad hæc nostris lacrymis, nostris precibus alleganda, Ennodium atque Peregrinum fratres & COEPISCOPOS nostros vice nostra pro exhibenda etiam honorifica salutatione direximus*. Tum in epistola XIX. ad eundem Anastasium: *Joannes frater & COEPISCOPUS Nicopolitana civitatis antistes, prædecessoris sui sanctæ recordationis Alcisonis sequutus exemplum*. Tum in epistola XXII. ad Dorotheum Thessalonicensem Episcopum: *Joannes frater & COEPISCOPUS meus Nicopolitana urbis antistes cum Synodo sua variis se concussionibus atque dispendiis graviter causatur affligi*. Quarto in epistola LI. ad universos Hispaniae Episcopos: *Inter ea, quæ notitiæ nostra Joannes frater & COEPISCOPUS noster studio Ecclesiastica utilitatis ingessit, &c.* Quinto in epistola LIII. ad Dioscorum Diaconum: *Thoma quoque & Nicostrati fratrum & COEPISCOPORUM nostrorum observatio nos longa contristat*. Id in epistola LIV. ad eundem repetit. Sexto in epistola LV. ad Thomam & Nicostratum: *Ad Joannem fratrem & COEPISCOPUM*



nostrum scripta direximus. Septimò in epistola lvi. ad Joannem & Dioscorum Legatos: Reperimus Thomatem & Nicofratum fratres & COEPISCOPOS nostros Constantinopolim non ita susceptos, sicut nostra fuere desideria. Octavò sub finem istius epistolæ: Quæ eis dicuntur invasa à fratre & COEPISCOPO nostro Joanne. Nonò in epistola lvii. ad Justinum Imper. Verùm inter hac pietatis vestra beneficia, una nos quæ etiam vehementer afficit cura non deserit, quòd Heliam, Thomatem, atque Nicofratum fratres & COEPISCOPOS meos, qui primi Ecclesiasticam festina secuti sunt devotione concordiam, non solum magni frustratur palma principii, verum etiam mali miseria comitatur exempli. Decimò in epistola lviii. ad Euphemiam Aug. Quasumus namque ut tandem de venerabilibus fratribus & COEPISCOPIS nostris Helia, Thomate, atque Nicofrato, quod sacratissimorum canonum dicat auctoritas, vobis decernentibus impleatur. Undecimò in epistola lxi. ad Justinianum: Helia, Thomati, atque Nicofrato fratribus & COEPISCOPIS nostris. Duodecimò in epistola lx. ad Germanum virum illustrem: Precipue tamen Helia, Thoma, atque Nicofrati fratrum & COEPISCOPORUM nostrorum causa nos commovet. Decimotertid in epistola lxii. ad Germanum & Joannem Episcopos: Itaque perlutum est, fratrem & COEPISCOPUM nostrum Joannem, dum ad Thessalonicam pro suscipiendis tantum libellis, qui promittebantur, accederet, ita plebis irrationabili seditione concussus ut, &c. Decimoquartò in epistola lxiii. ad Joannem & Germanum Episcopos: Pro Thoma & Nicofrati fratribus & COEPISCOPORUM nostrorum personis intentio dilectionis vestra vehementer debet incumbere. Decimoquintò in epistola lxiv. ad Joannem Melicitanum Episcopum: Libelli Joannis fratris & CONSACERDOTIS nostri Episcopi Constantinopolitani. Decimosexto in epistola lxv. ad Episcopos Hispaniæ: Ad Salustium fratrem & COEPISCOPUM nostrum sub hac parte rescripsimus. Decimoseptimò in epistola lxvii. ad Epiphanium Constantinopolitanum: Oportuerat quidem fraternitatem tuam divini contemplatione iudicii, atque caritatis nostræ respectu Eliam, Thomam, atque Nicofratum fratres & COEPISCOPOS nostros, postquam in consortium communionis nostræ recepimus, ad divina tecum mysteria incunctanter admittere. Decimooctavò in epistola lxv. ad Synodum Constantinopolitanam: Fratrem & COEPISCOPUM nostrum Epiphanium apud felicissimam Deo favente Constantinopolim, ad officium muneris Sacerdotalis assumptum pervenisse ad nos. Decimononò sub finem epistolæ: Quam (ordinationem) insinuandam Sedi Apostolica per Joannem fratrem & COEPISCOPUM nostrum, &c. religiose credidistis.

XVII. Agapetus I. in epistola ii. ad Africanos Episcopos: Quæ cum ita sint, redeuntibus Caio & Petro fratribus & COEPISCOPIS nostris, atque Liberato Diacono filio nostro proferimus sincerissimam Concilii vestri charitatem. Deinde in epistola iii. ad Reparatum Carthaginensem Episcopum: Præterea ad ea, quæ Caius atque Petrus fratres & COEPISCOPI nostri, sed & Liberatus Diaconus filius noster, ut apud nos agerent verbo à fraternitate tua sibi injuncta dixerunt, congruum putavimus verbo dare responsum.

XVIII. Vigilius in epistola iv. ad Justinianum: Absit ergo à nobis, ut quod omnibus fratribus & COEPISCOPIS nostris generare gaudium profitemur, &c. Deinde paulo post in eadem epistola: In his verò, in quibus Mennam fratrem & COEPISCOPUM nostrum memorem libelli tui, quem prædecessori nostro beata memoria Agapeto ordinationis suæ tempore vestra clementia porrexerat: anathema dixisse pietas vestra mandavit. Tum in epistola vii. ad Auxanium Arelatensem Episcopum: Si quæ ergo inter fratres & COEPISCOPOS in locis charitati vestre præfenti auctoritate commissis, seminante illa auctore ex iniquitate zizanias diffensiones emerferint, adhibitis vobiscum Sacerdotibus numero competenti causas canonicas & Apostolica auctoritate discutite. Quar-

tò in epistola ix. ad Episcopos Galliæ: Quapropter Auxanio & COEPISCOPO nostro Arelatensis civitatis antistiti vices nostras caritas vestra nos dedisse cognoscat, ut si aliqua (quod absit) fortassis emerferit contentio, congregatis sibi fratribus & COEPISCOPIS nostris causas canonica & Apostolica auctoritate discutiant, Deo placita equitate diffiniant. Quintò sub finem istius epistolæ: Illud pari auctoritate mandamus, ne quisquam sine prædicti fratris & COEPISCOPI nostri formata ad longinquiora loca audeat proficisci. Sextò in epistola xii. ad Valentinianum Episcopum: Credimus Catholicis Ecclesiæ filiis ea, quæ tunc ad fratrem & COEPISCOPUM nostrum Mennam scripsimus & abunde posse sufficere. Septimò in literis, quibus Theodorum Cæsareæ Capadociæ Episcopum condemnavit: Ideoque ex persona & auctoritate beati Petri Apostoli, cujus (licet exigui) nos locum gerimus, cum Datio Mediolanensi, Joanne Marsicano, Zaccheo Scyllaceno, &c. Fratribus & COEPISCOPIS nostris hac Theodorum Cæsareæ Cappadocia civitatis quondam Episcopum sententia promulgatione tam Sacerdotali honore & communione Catholica, quam vel omni officio Episcopali seu potestate spoliatum decernimus.

XIX. Pelagius I. in epistola iiii. ad Childebertum Regem: Excellentia vestra literas post illas quas Legati vestri detulerunt, etiam per eos, quos frater & COEPISCOPOS noster Sapaudus ad nos direxit, reverenter accepimus. Deinde in epistola xi ad eundem Regem: Passi estis subripi vobis Sapaudum fratrem & COEPISCOPUM nostrum Arelatensis civitatis antistitem. Tum in epistola xii. ad eundem Regem: Hoc breviter secundum admonitionem præfati magnifici viri Ruffini ad sanandum animum vestrum vel omnium fratrum, & COEPISCOPORUM nostrorum in Gallia regionibus consensientium faciendum esse perspeximus.

XX. Pelagius II. in epistola iiii. ad Gregorium Diaconum: Omnia quidem, quæ necessaria fuerunt per Honoratum notarium tibi curavimus indicare, quem cum fratre & COEPISCOPO Sebastiano ad dilectionem tuam direximus.

XXI. Gregorius I. in libri ii. Indict. x. epistola xx. ad Joannem Episcopum: Quoniam Paulo fratri & COEPISCOPO nostro Neapolitana Ecclesiæ visitationis operam injunximus. Et paulo post: Donec igitur, quid de persona prædicti fratris & COEPISCOPI nostri agendum sit, deliberare possimus. Deinde in ejusdem & libri & Indict. epistola xxii. ad Joannem Ravennatem Episcopum: Quorum memor fraternitas vestra competenti sibi more Castorium fratrem COEPISCOPUMQUE nostrum & prius compassione habita studuit visitare. Tum in ejusdem libri & Indict. x. epistola xxiii. ad Justinum presbyterum: Quoniam igitur quadam contra Sacerdotale propositum de Leone fratre & COEPISCOPO nostro sinister rumor sparsit. Quartò in ejusdem libri & Indict. epistola xxvii. ad Clerum & populum Crotonensem: Vestri antistitis obitum cognoscentes, cura nobis fuit destituta Ecclesiæ visitationem fratri & COEPISCOPO nostro Joanni solemniter delegare. Quintò in ejusdem libri & Indict. epistola xxxii. ad Joannem Episcopum Ravennæ: De fratre autem & COEPISCOPO nostro Natali valde contristabar. Sextò in ejusdem libri Indict. xi. epistola ix. ad Antoninum Subdiaconum: Convocato Episcoporum Concilio, si hæc in quibus accusatus est, fuerint approbata, præfati Natalis fratris & COEPISCOPI nostri volumus in eum proprium robur obtinere sententiam. Septimò in ejusdem libri & Indict. epistola xi. ad ordinem & plebem Albanensem: Fratrem & COEPISCOPUM nostrum hominem bonum vobis ordinavimus Sacerdotem. Octavò in ejusdem libri & Indict. epistola xiv. ad Clerum & populum Taracinensem: Angellum fratrem & COEPISCOPUM nostrum probatum jam meritis Cardinalem vobis constitui deprecamini Sacerdotem. Nonò in ejusdem libri

libri & Indict. epistola xxii. ad Antonium Subdiaconum: Natalem Salonitana Ecclesia fratrem & COEPISCOPUM nostrum obisse discurrere in partibus istis fama vulgavit. Decimo in epistola xxiv. ad Leontium Episcopum Urbinatem: Castorium fratrem & COEPISCOPUM nostrum hic pro corporis sui molestia retinemus. Undecimo in ejusdem libri & Indict. epistola xxv. ad Ariminenses: Ecclesia vestra necessario providimus Leontium fratrem, & COEPISCOPUM nostrum visitatorem per omnia deputare. Duodecimo in ejusdem libri & Indict. epistola xxvi. ad Magnum presbyterum: Comperimus siquidem, quod Laurentius quondam frater & COEPISCOPUS noster nullis te culpis exigentibus communione privaverit. Decimotertio in ejusdem libri & Indict. epistola xxvii. ad Marinianum Abbatem: Pro qua re Victorii fratri & COEPISCOPO nostro injunximus. Decimoquarto paulo post: Quia ergo nullus sine cognitione damnandus est, eidem fratri & COEPISCOPO nostro scripsimus. Decimoquinto in ejusdem libri & Indict. epistola xxxv. ad Petrum Subdiaconum: Sapius a vobis Paulus frater & COEPISCOPUS noster expetiit, ut &c. Decimosexto in ejusdem libri & Indict. epistola xxxvi. ad Sabinum defensorem: Januarium fratrem & COEPISCOPUM nostrum summa huc exhibere instantia non omittas. Decimoseptimo in ejusdem libri & Indict. epistola xl. ad Pantaleonem Notarium: Felici fratri & COEPISCOPO nostro te imminere precipimus. Decimo octavo in ejusdem libri & Indict. epistola xlv. ad Joannem Episcopum Galipolitanum: Ex gestis, quae ad nos fraternitas tua direxit, inventum est, Andream fratrem & COEPISCOPUM nostrum habuisse sine dubio concubinam. Decimonono in ejusdem libri & Indict. epistola xlvi. ad Clerum Salonitanum: Cui etiam de persona Malchi fratris & COEPISCOPI nostri, quid oporteat fieri jampridem injunximus. Vigesimo in ejusdem libri & Indict. epistola xlviii. ad Adeodatum Episcopum: Prae omnibus autem Columbum fratrem & COEPISCOPUM nostrum in cunctis adhibere vos convenit. Vigesimo primo in libri iii. epistola iv. ad Theodelindam Reginam: Decet ergo gloriam vestram ad reverendissimum fratrem & COEPISCOPUM meum Constantium, cujus & fides & vita bene olim approbata est, sub omni celeritate transmittere. Vigesimo secundo in ejusdem libri epistola xxxi. ad Constantium Mediolanensem Episcopum: Presentium latorem Venantium fratrem & COEPISCOPUM nostrum, ut instanter emendarentur, admonui. Vigesimo tertio in ejusdem libri epistola xxv. ad Zabardam Duce[m] Sardiniae: Scriptis fratris & COEPISCOPI mei Felicis & Cyriaci servi Dei gloria vestra bona cognovimus. Vigesimo quarto in epistola xxxiii. ad Theodelindam Reginam: Decet ergo gloriam vestram ad reverendissimum fratrem & COEPISCOPUM nostrum, cujus & fides & vita olim mihi bene est approbata, sub omni celeritate transmittere. Vigesimo quinto in libri iv. epistola xxxiv. ad Constantinam Augustam: Triste valde est, ut patienter feratur, quatenus despectis omnibus frater & COEPISCOPUS meus solus conetur appellari Episcopus. Vigesimo sexto in libri v. epistola xxiv. ad Marinianum Episcopum: Nunquid non ipse nosti, quia in causa, quae a Joanne presbytero contra Joannem Constantinopolitanum fratrem & COEPISCOPUM nostrum orta est, secundum canones ad Sedem Apostolicam recurrit? Vigesimo septimo in ejusdem libri epistola lv. ad Protasium Episcopum Aquensem: Virgilio fratri & COEPISCOPO nostro dicite. Vigesimo octavo in libri vi. epistola xix. ad Cyprianum Diaconum: Novit dilectio tua hanc olim consuetudinem tenuisse, ut fratres & COEPISCOPI nostri Romam semel in triennio de Sicilia convenirent. Vigesimo nono in libri vii. Indict. ii. epistola ii. ad Januarium Episcopum: De fratre autem & COEPISCOPO nostro Mariniano dum pax cum praedicto Agilulpho perfecta fuerit confirmata, erit cognitio. Trigesimo in

eiusdem libri & Indict. epistola xlvi. ad Sabinum Diaconum: Et ideo mediis sacrosanctis Evangelis experientia tua una cum Paulino, Proculo, Palumbo, vel Venerio, atque Martino reverendissimis fratribus COEPISCOPISQUE nostris, &c. Trigesimo primo in ejusdem libri & Indict. epistola xcii. ad Clerum & plebem Ausinensem: Cura nobis fuit, Ecclesia vestra visitationem fratri & COEPISCOPO nostro Severo Anconitana civitatis Episcopo solemniter delegare. Trigesimo secundo in ejusdem libri & Indict. epistola cxix. ad Siagrium Augustodunensem Episcopum: Quia igitur in predicationis opere quandiu cogitans Anglorum genti per Augustinum quondam Monasterii mei praeposita nunc fratrem & COEPISCOPUM nostrum impendere studui. Trigesimo tertio in libri viii. epistola xxvi. ad Anthemium Subdiaconum: Praecipimus ut una cum reverendissimo fratre nostro Fortunato COEPISCOPO, &c. Trigesimo quarto in ejusdem libri epistola xxxiii. ad Secundinum Episcopum: Praecipue dum eandem causam jam temporibus reverenda memoria Maximiani Episcopi vos atque fratrem & COEPISCOPUM nostrum Kuffinum ex ejus deputatione accessisse, audisse, ac decidisse testemini. Trigesimo quinto in libri ix. epistola liii. ad Theodoricum Regem: Quanta praeterea bona reverendissimo fratri & COEPISCOPO nostro Augustino ad Anglorum gentem proficiscenti excellentia vestra praeberit. Trigesimo sexto in libri x. epistola xvi. ad Romanum defensorem: Ad gloriosissimum Leontium una cum reverendissimo fratre & COEPISCOPO nostro Joanne te ire necesse est. Trigesimo septimo in ejusdem libri epistola xxii. ad Joannem Subdiaconum: Si ejus vita ad locum regiminis digna est, a reverendissimo fratre & COEPISCOPO nostro Mariniano hunc Abbatem ordinari faciat. Trigesimo octavo in ejusdem libri epistola xxxi. ad Columbum Numidia Episcopum: Victorii fratri & COEPISCOPO nostro, qui primatus inter vos locum tenet, curavimus scribendum. Trigesimo nono in libri xi. epistola iv. ad Adeodatum Abbatem: Sed dum huic rei frater & COEPISCOPUS noster Basilius Capuana Ecclesia praesens fuisset inventus, extitit valde contrarius. Quadragesimo, paulo post: Quibus revertentibus manifesta ratione comperimus, fratrem & COEPISCOPUM nostrum Basilium nullum in praedicto Craterensi Monasterio jus habere. Quadragesimo primo in ejusdem libri epistola lxx. ad Vitalem defensorem: De hoc igitur, quod scripsisti fratrem & COEPISCOPUM nostrum Januarium tempore quo sacrificium celebrat, tantam pati frequenter angustiam, ut, &c. Quadragesimo secundo, paulo post: Ab experientia tua & a reverendissimo fratre & COEPISCOPO nostro Januario injuste sublata, &c. Quadragesimo tertio in libri xii. epistola xviii. ad Bacaudam & Agnellum Episcopos: Scripsimus fratri & COEPISCOPO nostro Petro. Quadragesimo quarto, paulo post: Itaque fraternitas vestra cum superscripto fratre & COEPISCOPO nostro locum ipsum diligenter inspiciat.

XXII. Martinus I. in epistola v. ad Joannem Episcopum Philadelphiæ: Fidelis sermo & omni exceptione dignus, quem de te accepimus, dilecte frater, & ex iis, quae ad nos a te scripta sunt, & ab iis, qui experimentum jam ceperunt spiritalis tua Secundum Deum conversationis, Stephano nempe dilecto Coepiscopo nostro &c. Deinde, post alia: Hoc & prius Apostolica hac Sedes fieri praecepit per memoratum Stephanum dilectum COEPISCOPUM nostrum. Tum in epistola x. ad Petrum virum illustrem: Adjuvans vestra Christi amans claritudo per praefatum dilectum nostrum COEPISCOPUM propria matris, nempe Catholica viscera reficiet.

XXIII. Gregorius II. in epistola iv. quae sic inscribitur: Gregorius Episcopus servus servorum Dei, universis reverendissimis & sanctissimis fratribus COEPISCOPIS, religiosis presbyteris, seu Diaconibus. Deinde in epistola ad Clerum & populum: Probabilibus desideriis nihil tarditatis praestantes fratrem jam & COEPIS-



eorum nostrum Bonifacium vobis ordinavimus Sacerdotem. Tum in epistola viii. ad universum populum provinciae Altafaxonum: *Ministram quoque & conservum in Domino, quem misi ad vos Bonifacium ac COEPISCOPUM meum ad hoc ipsum, ut cognoscat quae circa vos sunt. Denique in epistola xiv. ad Bonifacium sic inscripta: Reverendissimo ac sanctissimo fratri Bonifacio COEPISCOPO Gregorius servus servorum Dei.*

XXIV. Gregorius III. in epistola ii. ad Bonifacium sic inscripta: *Reverendissimo ac sanctissimo fratri Bonifacio Coepiscopo:..... Gregorius servus servorum Dei.*

XXV. Zacharias in epistola ix. ad Bonifacium sic inscripta: *Reverendissimo & sanctissimo fratri Bonifacio COEPISCOPO Zacharias servus servorum Dei. Deinde in epistola xii. ad eundem sic inscripta: Sanctissimo & reverendissimo fratri Bonifacio COEPISCOPO Zacharias Episcopus servus servorum Dei.*

XXVI. Gregorius IV. in epistola i. sic inscripta: *Dilectissimis fratribus universis COEPISCOPIS per Galliam, Germaniam, Europam, & per universas provincias constitutis, Gregorius Episcopus servus servorum Dei. Deinde in epistola ii. sic quoque inscripta: Gregorius Episcopus servus servorum Dei, reverendissimis in Christo sanctissimisque fratribus COEPISCOPIS, &c.*

XXVII. Leo IV. in Romano Concilio, quod in causa Anastasii Cardinalis Presbyteri habuit: *Fratres & COEPISCOPI, Sacerdotes, Clerici, & universi, qui ad sacrum hodie nobiscum celebrandum Concilium promittente Domino convenistis.*

XXVIII. Nicolaus I. in epistola x. ad Metropolitam & Episcopos Constantinopolitanæ Sedi subiacentes: *Igitur postquam audivimus, quod quidam vestrum invidia facibus accensi, & superbia fastu arroganter elati, more Judaeorum contra Pastorem & magistrum suum, COMMINISTRUM nostrum Ignatium Ecclesiae praefate Patriarcham insurrexerunt. Hic comminister idem est ac Coepiscopus, & Consacerdos, ut paulo post dicitur: Adversus jam factum CONSACERDOTEM nostrum Ignatium. Deinde in epistola xiiii. sic inscripta: Nicolaus Episcopus servus servorum Dei, reverendissimo ac sanctissimo fratri, & COMMINISTRO nostro Ignatio Patriarcha Constantinopolitano, Comministro, id est, Coepiscopo, Consacerdoti.*

XXIX. Hadrianus II. in epistola ii. sic inscripta: *Hadrianus Episcopus servus servorum Dei, honorabilissimo fratri, & CONSACERDOTI nostro Ignatio sanctissimo Patriarcha Constantinopolitano: Consacerdoti, id est, Coepiscopo. Deinde in epistola vi. ad Synodum Tricafinam: Innocentia quippe jam nunc fratris & COEPISCOPI nostri Wifadi & Collegarum ejus, &c. Tum in epistola vii. Reverendissimis & sanctissimis confratribus, & COEPISCOPIS nostris, qui praeterito anno apud Sueffonicam urbem convenerunt. Tum in epistola xxi. sic inscripta: Hadrianus Episcopus servus servorum Dei, reverendissimis & sanctissimis fratribus, & COEPISCOPIS nostris in regno Caroli gloriosi Regis Ecclesiam Domini gubernantibus.*

XXX. Joannes VIII. in epistola viii. ad Carolum Imp. *Nos & religiosam petitionem vestram complevimus, & suggestionibus fratrum COEPISCOPORUMQUE nostrorum manus porreximus. Deinde in epistola xiv. ad Bituricensis provinciae Episcopos: Vacante Sede Frotarium fratrem & COEPISCOPUM nostrum in Sede Bituricensi praeficiendum ordinavimus Sacerdotem. Tum in epistola xvii. ad Ursum Ducem Venetiarum: Idem frater & COEPISCOPUS noster more majorum Sedem Apostolicam appellavit. Quarto in epistola lvi. ad Petrum & Leonem Episcopos Venetiae: Quidquid inter fratrem & COEPISCOPUM nostrum, Petrum videlicet Metropolitanum, & praedictos, controversiae vertitur, canonicum finem accipiat. Quinto in epistola lvii. ad Archiepiscopum Ravennae: Quapropter tam pro Ecclesiasticis quibusdam necessitatibus,*

quam pro statu & correctione Reipublicae auctoritate Apostolica decrevimus, reverendorum fratrum, & COEPISCOPORUM nostrorum Italici regni, id est, totius provinciae advocare Concilium. Sexto, post pauca: *Fratres & COEPISCOPOS, qui sub beatitudine vestra degunt, ad eandem universalem Synodum hortatu sanctitatis vestrae venire praecipimus. Septimo in epistola lx. ad eundem Archiepiscopum: Synodum nos cum Confratribus & COEPISCOPIS nostris instituisse fore modis omnibus celebrandam. Octavo in epistola c. ad Archiepiscopum Teutranum: Innoscimus denique, quia venerabilis frater & COEPISCOPUS noster Bernarius nostram nuper adiens praesentiam, reclamavit, &c. Nono in epistola ciii. ad Archiepiscopum Arelatensem: Quia omnipotentis Dei miseratione universalem Synodum sumus celebraturi in proximo, te, omnesque tuos COEPISCOPOS suffraganeos volumus, auctoritate Apostolica admonemus, expresseque mandamus ad hanc omni postposita occasione quantocius praesentare. Decimo in epistola civ. ad Bituric. Episcop. Hortamur interim dilectionem tuam patienter sufferre, & ad Treas cum fratrum COEPISCOPORUMQUE nostrorum Collegio diacepsos tua ad Synodum Domino cooperante celebrandam quantocius properare. Undecimo in epistola ccxxi. ad Clerum populūque Mediolanensem: Sanè reverendissimos fratres & COEPISCOPOS nostros Joannem Ticinensem & Veltonem Ariminensem illuc vice nostra dirigimus. Duodecimo in epistola ccxxvii. ad Theodoricum Theatinum & alios Episcopos: Cujus professionem coram COEPISCOPIS & fratribus nostris conferentes inquisivimus, &c.*

XXXI. Joannes XX. seu Benedictus IX. in actis Lemovicensis Concilii II. quod apud Baronium anno mxxxiv. refertur: *Profiteor quippe omnibus CONSACERDOTIBUS meis ubique terrarum adiutorem me & consolatorem potius esse quam contradicentem. Absit enim schisma à me & à COEPISCOPIS meis.*

XXXII. Leo IX. in epistola iii. ad Thomam Africanum sic inscripta: *Leo Episcopus servus servorum Dei Thoma CONFRATRI charissimo & COEPISCOPO salutem. Deinde in ipsa epistola: Unde charissimi confratres nostri & COEPISCOPI Petrus & Joannes rectè sentiunt de Carthaginiensis Ecclesiae dignitate. Tum in epistola vi. ad Petrum Episcopum sic inscripta: Leo Episcopus servus servorum Dei, dilecto fratri & COEPISCOPO Petro.*

XXXIII. Nicolaus II. in tabulario Sistaricensis Ecclesiae in tom. iii. Galliae Christianae: *Nicolaus servus servorum Dei, Clero, ordini, plebi consistentibus in civitate Sistaricensi salutem & Apostolicam benedictionem, si obediunt. Cum nostri sit officii universalis Ecclesiae curam gerere, oportet nos studere omnibus, ubique prodesse. Unde pro vestra salute fratrem etiam & COEPISCOPUM nostrum, vobis ordinavimus Sacerdotem, à religiosis viris in partibus Galliae habitantibus electum.*

XXXIV. Gregorius VII. in libri i. epistola lxxvi. ad omnes monachos, & laicos Monasterii S. Quirici: *Notum vobis fieri volumus, quod Monasterium sancti Quirici juris Ecclesiae sancti Petri confratri nostro Rainerio & COEPISCOPO Regatino dedimus. Deinde in libri ii. epistola lv. ad Laudensis Ecclesiae filios: Gaudemus quoque super fratre COEPISCOPO nostro vestro Pastore Opizone. Tum in libri iii. epistola xi. sic inscripta: Gregorius Episcopus servus servorum Dei, Arnaldo fratri & COEPISCOPO Archerechino. Quarto in ejusdem libri epistola xii. sic inscripta: Gregorius Episcopus servus servorum Dei, fratribus & COEPISCOPIS Udoni Trevirensi, Theodorico Viridunensi, & Hermanno Mehenfi. Quinto in libri iv. epistola iii. sic inscripta: Gregorius Episcopus servus servorum Dei, omnibus dilectis in Christo fratribus & COEPISCOPIS, &c. Sexto in libri vi. epistola xxxv. sic inscripta: Gregorius Episcopus servus servorum Dei, fratribus & COEPISCOPIS Rotomagensi, Turonensi, & Senonensi.*

Senonensi. Septimò, in ejusdem libri epistola xxxviii. sic inscripta: *Gregorius Episcopus servus servorum Dei, Henrico charissimo in Christo fratri, & COEPISCOPO Aquilegensi.* Octavò in libri vii. epistola ix. sic inscripta: *Gregorius Episcopus servus servorum Dei, fratribus & COEPISCOPIBVS Astensi, Taurinensi, & Electo Aquisi.* Nonò in ejusdem libri epistola xxviii. sic inscripta: *Gregorius Episcopus servus servorum Dei, fratri & COEPISCOPO Beneventano R.* Decimò in libri viii. epistola v. sic inscripta: *Gregorius Episcopus servus servorum Dei, dilectis in Christo fratribus, & COEPISCOPIBVS per Principatus & Apuliam & Calabria constitutis.* Undecimò in ejusdem libri epistola vi. sic inscripta: *Gregorius Episcopus servus servorum Dei, fratribus & COEPISCOPIBVS in Apulia & Calabria commorantibus.* Duodecimò in ejusdem libri epistola vii. sic inscripta: *Gregorius Episcopus servus servorum Dei, fratribus & COEPISCOPIBVS Christianam religionem defendentibus.* Decimotertiò in ejusdem libri epistola viii. sic inscripta: *Gregorius Episcopus servus servorum Dei, & fratri & COEPISCOPO Salernitano Alphano.* Decimoquartò in libri ix. epistola iii. sic inscripta: *Gregorius Episcopus servus servorum Dei, dilecto in Christo fratri & COEPISCOPO Patavienfi A.* Decimoquintò in ejusdem libri epistola xviii. sic inscripta: *Gregorius Episcopus servus servorum Dei, Va. dilecto in Christo fratri & COEPISCOPO.* Decimosexto in ejusdem libri epistola xxxi. sic inscripta: *Gregorius Episcopus servus servorum Dei, dilectissimo fratri & COEPISCOPO H.*

XXXV. Victor III. in Beneventano Concilio cui præsuit, & ubi Episcopos sic alloquitur: *Novit vestra dilectio, charissimi fratres COEPISCOPI.*

XXXVI. Urbanus II. in sermone, quem in Claramontano Concilio habuit, & ubi sic Episcopos affatur: *Vos fratres & COEPISCOPI & CONSACERDOTES & coheredes Christi per Ecclesias vobis commissas idipsum annunciate.*

XXXVII. Pascales II. in epistola lxi. sic inscripta: *Pascales Episcopus servus servorum Dei, Anselmo Cantuariensi venerabili fratri & COEPISCOPO.* Deinde in epistola xxviii. sic inscripta: *Pascales Episcopus servus servorum Dei, COEPISCOPO Bernardo Antiocheno Patriarcha:* Tum in epistola xxx. ad Episcopos Angliæ: *Et quidam gravibus infirmitatibus molestis impediti iidem fratres & COEPISCOPI pervenire ad nostram presentiam minime valuerunt.*

XXXVIII. Alexander III. in epistola lxi. ad Philippum Colonensem Archiepiscopum: *Et si teneamur omnibus & fratribus COEPISCOPIBVS nostris ex administratione suscepti regiminis Apostolicum patrocinium exhibere, his tamen, &c.* Deinde in titulo de privilegiis & privilegiatorum excessibus cap. ix. *Fratrium autem & COEPISCOPORUM nostrorum conquestionem comperimus.*

XXXIX. Gregorius VIII. in epistola lxi. ad omnes Ecclesiæ Prælatos: *Quoniam ad Episcoporum maxime spectat officium, afflictis & laborantibus subvenire, unumque illorum (Episcoporum) licet deficientibus meritis me esse voluit, prospicere tenemur, &c.* Cum ingenuè fatetur unum Episcoporum se esse, idem est, ac si diceret, Episcopos alios suos esse Coepiscopos. Et illuc spectat oratio, quæ feria vi. in parasceve Domini cantatur: *Oremus & pro beatissimo Papa nostro N. ut Deus & Dominus noster, qui elegit eum in ORDINEM EPISCOPATUS, saluum atque incolumem custodiat Ecclesia sua sancta ad regendum populum sanctum Dei.*

XL. Innocentius III. in libri i. epistola ad Averfanum Episcopum: *Fratribus & COEPISCOPIBVS nostris in iis, quæ rationabiliter & honestè requirunt Apostolicum libenter impertimus assensum.* Deinde in ejusdem libri epistola ad Gradensem Patriarcham: *Si quando à fratribus & COEPISCOPIBVS nostris requiritur, quod à tramite rationis non deviet, eorum postulationi facilem nos*

convenit præbere consensum. Tum in ejusdem libri epistola ad Ambianensem Episcopum: *His quæ à fratribus & COEPISCOPIBVS nostris in favorem religionis postulatur à nobis, libenter annuimus.* Quartò in ejusdem libri epistola ad Pampilonensem Episcopum: *Fratribus & COEPISCOPIBVS nostris specialem volumus gratiam exhibere.* Quintò in ejusdem libri epistola ad Abbatem & Monachos Burgulienfes: *En quæ à fratribus & COEPISCOPIBVS nostris, qui in partem sollicitudinis nostræ sunt vocati, auctoritate Apostolicæ Sedis ratione præcisa st. auctor, ne per aliquis insolentiam, seu temeritatem iniuriæ, vel infringantur, aut in dubium revocentur, Apostolico debent munimine roborari.* Sextò in ejusdem libri epistola ad Abfalonem Laudensem Episcopum: *Frates & COEPISCOPOS nostros tam propinquos, quam longè positos sincera tenemur caritate diligere.* Septimò in ejusdem libri epistola ad Petrum Colimbriensem Episcopum, *Fratrium & COEPISCOPORUM nostrorum iustitiæ consulere debemus.* Octavò in ejusdem libri epistola ad Dunelmensem Episcopum: *Ut ad ampliandum cultum divini nominis in locis Deo dicatis à fratribus & COEPISCOPIBVS statuamur, &c.*

Hic in Innocentio III. qui anno MCCXVI. excessit à vita, Romanæ Ecclesiæ circa usurpatum Coepiscopi nomen traditionem seco & finio. Hæc jam inde ab heroicis primùm sæculis, cum ducatur usque ad tempus Innocentii. unicuique perito & cordato homini sufficit, aut certè debet sufficere. Cui enim asserta per Pontifices xi. & per illorum auctoritates ducentas plus minus viginti traditio non erit satis, nulla unquam satis esse poterit traditio, cum alia vix esse potuerit testator.

Sed nunc videndum est, quò depromptum ex nostra traditione argumentum pertineat. Romanus Episcopus, putà Leo primus cum alium Episcopum appellat Coepiscopum, Coepiscopatum necessariò ponit, & sibi ante oculos statuit Cyprianum & Optatum: Illum qui derivatam ab Apostolis traditionem secutus in epistola lxi. ad Antonianum scribit: *Cum sit à Christo una Ecclesia per totum mundum in multa membra divisa. Item, Episcopatus unus Episcoporum multorum concordis numerofitate diffusus.* Quod & in libro de unitate Ecclesiæ repetit: *Episcopatus unus est, cujus à singulis in solidum pars tenetur.* Hunc verò cum in libro ii. ait: *Unam esse Episcopalem cathedram, ut unitas ab omnibus servaretur.* Et paullo post: *Et ut ipsa unitas representatis omnibus membris corpus Ecclesiæ coagularet?*

Ad Cyprianum & Optatum accedit præstantissimus Ecclesiarum Magister Hieronymus, quem Leo per ætatem videre potuit. Cypriano & Optato consentanea perscribit in epistola ad Evagrium: *Ubique, inquit, fuerit Episcopus, sive Roma, sive Eugubii, Constantinopoli, sive Rhegii, sive Alexandria, sive Tanis, ejusdem est meriti, ejusdem & Sacerdotii: Nempe quia unum ubique Sacerdotium.*

Quod Symmachus Papa antè laudatus, adeò singulari comparatione explicat, ut nihil suprà esse possit. Verba sunt ex epistola i. ad Eonium Arelatensem Episcopum: *Ad Trinitatis instar, cujus una est atque individua potestas, unum est per diversos antistites Sacerdotium.* Sic per diversos antistites divisum est Sacerdotium, ut tamen unum ad Trinitatis instar, atque individuum remaneat. Sic Episcopatus, cujus à singulis pars in solidum tenetur, unus tamen perseverat. Quo fit, ut à Coepiscopo Coepiscopatus, & à Consacerdote Consacerdotium dicatur.

Præterea Coepiscopus idem est ac compasstor, si ut compasstor Latine dicitur, compasstor Latine quoque diceretur. Hinc beatus Petrus in epistolæ capite v. ait: *Seniores ergo, qui in vobis sunt obsecro consenior πρεσβυτέρους τὸν ἐν ὑμῖν ἀρχαῖον ὁ συμπρεσβύτερος, & testis Christi Passionum, qui & ejus, quæ in futuro revelanda est, gloriæ communicator, pascite, qui in vobis est, gregem.*

Romanus Clerus & Cyprianus rem illustrent. Ille in epistola



epistola ad Carthaginensem Clerum: Denique & ipse Dominus implens, quæ erant scripta in lege & Prophetis docet, dicens: Ego sum Pastor bonus, qui pono animam meam pro ovibus meis. Mercenarius autem, & cuius non sunt oves propriæ, cum videret lupum venientem, relinquens effugit, & lupus dispergit oves. Sed & Simoni sic dicit: Diligis me? respondit, Diligo. Ait ei: Pasce oves meas, hoc verbum factum ex actu ipso quo cessit, cognoscimus & cæteri Discipuli similiter fecerunt. Nolumus ergo, fratres dilectissimi, vos mercenarios invenire, sed bonos Pastores, cum sciatis, tum non minimum periculum incumbere, si non hortati fueritis fratres nostros stare in fide immobiles, ne præceptum jam ad idololatriam funditus eradicetur fraternitas.

Hic in libro de unitate Ecclesiæ: Et Pastores sunt omnes, sed grex unus ostenditur qui ab Apostolis omnibus unanimi consensione pascatur. Et hoc ipsum canit Ecclesia in præfatione Festi Apostolorum: Te Domine suppliciter exorare, ut gregem tuum Pastor æternæ non deseras, sed per beatos Apostolos continuâ protectione custodias, ut eisdem rectoribus gubernetur, quos operis tui Vicarios eidem contulisti præesse Pastores, non unicum Pastorem universalem.

Quidquid id est, epistolæ nostræ argumentum absolvit, non Cyprianus, quamquam & ipse posset in epistola LII. ad Antonianum, ubi Cornelium Romanum Pontificem COEPISCOPUM suum appellat: sed absolvent Ephesinæ Synodi acta, in quibus & Celestinus Papa Cyrillum nominat COEPISCOPUM suum, & Cyrillus ac Synodus ipsa Celestinum nominant & suum COMMINISTRUM & COEPISCOPUM.

Celestinus quidem in epistola ad Nestorium: Sancti fratris & COEPISCOPI mei Cyrilli probatissimi Sacerdotis per filium meum Possidonium Diaconum talia de te scripta suscepimus. Deinde in epistola ad Clerum & populum Constantinopolitanum: Sicut relatio sancti fratris & COEPISCOPI mei Cyrilli per filium meum Possidonium Diaconum missa patefacit.

Cyrillus verò & Synodus ex Ægypti provinciâ congregata in epistola ad Nestorium capite II. Quod sane nisi juxta tempus in literis Celestini sacratissimi reverendissimique fratris & COMMINISTRI nostri Romanorum Episcopi expressum præfinitumque præstiteris, certò scias, nullam tibi deinceps cum Episcopis & Sacerdotibus Dei sortem, nullam tui rationem, nullum denique inter eos locum futurum esse. Et paulo post: Nam & hujus quoque exhortationis in epistola, quam ad magnæ Romæ sanctissimum fratrem & COEPISCOPUM *quædam* nostrum Celestinum scripsisti, sit mentio. Tum in epist. ad Juvenalem Hierosolymorum Episcopum: Nestorius scripsit ad Romanæ Ecclesiæ Episcopum Celestinum Dominum fratrem & ministrum *videlicet* meum.

Postremo Ephesina Synodus in actione III. Coacti per sacros canones & epistolam sanctissimi Patris nostri & COMMINISTRI Celestini Romanæ Ecclesiæ Episcopi lacrymis subinde perfusi ad lugubrem hanc contra eum (Nestorium) sententiam necessario venimus. Et rectè quidem: Nam Cyrillus in Apologetico ad Theodosium Imperatorem scribit de Episcopis; Quod sint constituti à Deo speculatores, ut populorum curam gerant.

Sunt igitur Celestinus, Cyrillus, Juvenalis Episcopi, cæteri Comministri, Coepiscopi, & Compastores omnes. Ita ut qui nuper scripsit, Petrum, ac proinde Petri successorem Rom. Pont. à Christo constitutum fuisse *unicum Pastorem universalem*, assertæ per Romanos Pontifices XL. per Patres, per Ephesinam Synodum traditioni adversetur, & inciderit in errorem illum gravissimum, quem Gregorius duodecies, nimirum in libri IV. epist. xxxi. ad Mauritium Aug. in ejusdem libri

epist. xxxiv. in ejusdem libri epist. xxxvi. ad Eulogium Alexand. & Anastasium Antioch. in ejusdem libri epist. xxxviii. ad Joannem Constantinop. in libri VI. epist. IV. ad Cyriacum Constantinop. in ejusdem libri epist. xxii. ad Anastasium Antioch. in ejusdem libri epist. xxviii. ad Cyriacum Constantinop. in ejusdem lib. epist. xxx. ad Mauritium Aug. in ejusdem libri epist. xxxi. ad Eulogium Alexand. & Anast. Antioch. in libri VII. Indict. I. epist. xxx. ad Eulogium Alexand. in ejusdem libri Indict. II. epist. LXX. ad Eusebium Thesalonicensem, & in libri XI. epist. XLVII. ad Cyriacum Constantinop. profligavit & profligatum agnoverunt successores Gregorii tres, Hadrianus I. in epistola ad Constantinum & Irenem, quæ actione IV. Synodi VII. & lecta & approbata est, Nicolaus I. in epist. ad Hincmarum & alios Archiepiscopos & Episcopos Galliarum, Leo IX. in epist. I. ad Michaellem Constantinop. Episcopum.

Prætermitti verò nequit, nuperi scriptoris errorem esse manifestiorem eo, quem Gregorius. Hadrianus, Nicolaus, & Leo tam acriter damnaverunt. Constantinopolitanus enim Episcopus non inscribebat se unum vel unicum universalem Episcopum, sed ex eo, quod inscriberet se universalem Episcopum, Gregorius inferebat, illum futurum esse unum Episcopum: Quo pacto cæterorum Episcoporum potestatem funditus eversum iri magnopere pugnabat.

Sed nuperus scriptor Petrum, ob idque Petri successorem conceptis verbis; *Unicum Pastorem universalem* appellat: Et sic illic majori quam Joannes Constantinop. Episcopus reprehensione dignus. Mox cum novam & inauditam omni retro tempore propositionem Christi verbis apud Joannem, ut fiat unum ovile & unus Pastor, corroborat, incurrit in Tridentinæ fidei professionem, qua tenemur Scripturam sacram juxta unanimem consensum Patrum interpretari & accipere. Non interpretatur, non accipit. Profectò mirum est, Theologum tam Lynceum in tanta luce tantum offendisse, necdum è tantis tenebris emeruisse, & sese, ut spes erat, correxisset.

Hæc autem omnia cum ita sint, manifestè liquet, relatum initio Bellarmini argumentum cum explorata Romanæ Ecclesiæ, Patrum & Ephesini Concilii traditione dimicare, & eam ob causam vitiosissimum esse: Deinde auctorem illum in formando argumento Tridentini Concilii decretum sprevisse, cum Scripturæ locum, *Pasce oves meas*, juxta unanimem consensum Patrum nequam exposuerit: Tum eundem auctorem, ut Curia placeret, irritam fecisse fidei professionem, qua sese ad exponendam eo modo Scripturam obstrinxerat. Non repeto insidias, quæ animis in argumento tenduntur: has supra deteximus & apertam in lucem ita prodidimus, ut nemini officere & incommodare possint. Bellarmini argumentum probare potest, collectis in Synodum ovium Christi Pastoribus non errandi privilegium convenire, sed uni seorsum ab illis convenire, tametsi primus sit ac præcipuus, probare non potest.

Tu verò quem natura tam acutum & perspicacem reddidit, animadvertis, quæ & qualia commissa sint peccata, ut nova opinio, quam turpis adulatio peperit, adversus Romanæ Ecclesiæ traditionem & Patrum sententiam inducatur. Romanæ Ecclesiæ traditioni & Patrum sententiæ adhæreamus irrevocabili consilio, & eminentissimam in tanta nube Pontificum, qui alios Episcopos toties appellant suos COEPISCOPOS, simplicitatem, Curialium nugarum expultricem, & assentationis cujuscumque delectricem, omni studio colamus & observemus. Petrum Cambuttum Aurelianensem Episcopum, honestatis totius exemplar ex me saluta. Vale. Lutetiæ Parisiorum VII. Idus Augusti MDCXLVI.

# Joannes Launoïus

## THOMÆ FORTINO,

*Parisiensi Theologo, & Harcuriani Collegii Provisori.*

**P**RODIIT nuper in lucem certa quædam Fratris Vincentii Baronis, Dominicani, farrago, quæ sic inscribitur: *Libri quinque Apologetici pro Religione, utraque Theologia, moribus, ac juribus ordinis Prædicatorum, adversus Theophilum Raynandi tres, totidem Petri de Alva libros, alique Epistolas Joannis Launoïi, exposulaciones Carterii, aliisque.* Cum & mei & veritatis amici in inscriptionem hanc conjecerunt oculos, immanem hominis istius mirati sunt audaciam. Nempe probè noverant in Epistolis meis scripsisse me nihil, quod ad religionem, utramque Theologiam, mores, ac jura Ordinis Prædicatorum attineret: Tantum abest, ut in epistolis meis religionem, utramque Theologiam, mores, ac jura Ordinis Prædicatorum læderem. Quinetiam nonnulli sciebant è contrariò, me aliàs cujusdam Theologicæ quæstionis confecisse historiam, in qua honor debitus & Beato Thomæ & universo Prædicatorum Ordini afferitur, & vindicatur. Hæc edita non est, quia edendi tempus nondum venit. Veniet, quando rerum omnium arbiter præpotens Deus voluerit.

Senferunt uni, spernendum esse scriptorem, qui calumniari sibi tantum proposuit, qui quem rationibus non potest, convitiis lacerat; calumnias & convitia esse arma illorum, non qui vincunt, sed qui vincuntur: Victores, lixi, caloniibus, invalidisque militibus id solatii tribuere, quod illi fugiendo contra eos impune declamitent & debacchantur.

Senferunt alii, Baronem invectione sua demonstrasse, nihil esse tam certum, cui futiles quædam rationes opponi non possint; absurdo & perridiculo examine suo nostras non infirmasse epistolas, sed confirmasse potius; objectionem ex imbelli telo vires acquirere, & eam ob causam Baroni gratias agi posse.

Senferunt quidam hominem vanum debitis cætero quin abusum esse gratiis, quæ agerentur. Adduxerunt initium operis, quod sanctus Hieronymus contra Helvidium composuit: *Nuper, inquit Ecclesiæ Doctor, rogatus à fratribus, ut adversus libellum cujusdam Helvidii responderem: Facere distuli, non quod difficile fuerit hominem rusticum, & vix primis quoque imbuium literis super veri assertionem convincere, sed ne respondendo dignus fieret, qui vinceretur.* Hieronymi verba hæc temperarunt ita, ut rejectis, quæ Helvidii doctrinam respiciunt, attenderint duntaxat, quæ personam, & personæ dotes literarias. In libris enim quos de morali Christianorum disciplina adversus corruptores illius edidit, sacra eruditio nulla, Ecclesiastica eruditio nulla comparat. In rebus quas decedit, Scripturarum auctoritati, Conciliorum Canonibus, Pontificum Decretis, Sanctorum Patrum testimoniis, Ecclesiasticæ traditioni nihil tribuit; sed omnia humanis & Philosophicis subjicit rationibus, quæ quia conjecturas oppositas non superant, legem nullam imponunt, agendi sic, vel aliter agendi licentiam dant & impunitatem. Moralem Christianorum disciplinam ita tractare, prodidisse est. Nullam illa præ se fert differentiam, qua fecerni à Judæorum & gentilium ethica, & internosci possit, etiam adhibitâ diligentia.

Tu verò varias doctorum & cordatorum amicorum sententias cum expenderes, iniisti consilium, quod mihi satis arrisit. Scilicet maledicta reddenda non esse pro maledictis, quia Christiana prohibet religio; Baroni suam sufficere malitiam; non esse agendas ob frivolum Epistolarum nostrarum examen gratias, ne frater ventosissimus & gloriæ cupidus infletur amplius; non esse quoque respondendum, quia auctor re & nomine Baro solidi nihil, eminentis nihil, expressi nihil tradit, quod responsum exigat. Sic removebitur victoria, quam victus de seipso referret. Temperatis igitur, quæ relatæ sunt opinionibus indiculum variorum Baronis errorum texendum esse censes. Censeo & ego tecum. Baronem pedetentim sequar, in Epistolarum nostrarum examine, quod ille sine ulla regularum Ecclesiasticæ critica notitia suscepit.

### CAPUT I.

*De meâ erga Beatum Thomam observantia.*

**V**ARiorum Baronis errorum indiculo, quem texere aggredior, præstruenda mihi est observantia, qua Beatum Thomam ego semper prosecutus sum, etiam si Parisienses Theologi in Doctoris hujus placita non jurent, aut illius dictis commodam expositionem impetiri debeant. Cum anno M. DC. LIII. de varia Aristotelis fortuna scriberem, & in libri nostri capite VI. fortunam illius tertiam exequerer, necesse mihi fuit meminisse decreti, quo Gregorius IX. ad annum M. CC. XXXI. Parisiensibus Magistris legem hanc imposuit: *Adhuc jubemus, ut Magistri artium unam lectionem de Prisciano, & unam post aliam ordinariè semper legant, & libris illis naturalibus, qui in Concilio Provinciali ex certa scientia prohibiti fuere Parisius, non utantur, quousque examinati fuerint, & ab omni errorum suspitione purgati.*

In capite VII. necesse quoque mihi fuit, ne arguerer, notare, sanctum Thomam in vetitos & nondum expurgatos Aristotelis libros commentaria edidisse. Sed tunc Doctorem sanctum excusavi hocce modo: "Illud Thomæ factum accipiant alii, quomodo voluerint: Omnino meus erit, qui benignius accipiet. Ego interim hanc in partem sic interpretor; vel quod Thomas alibi, quam Lutetiæ Commentaria hæc scripserit, sêque à Provincialis Concilii decreto, & ab imposita per Gregorium IX. Parisiensi Academiæ lege immunem esse crediderit; vel quod cum Lutetiæ commentaretur, Concilii decretum, Gregorii quoque legem penitus ignoraverit. Adjicio: De reliquo rationes meas, quibus purgandus mihi visus est Thomas, eatenus præsto, quatenus ab aliis plausibiliores exponantur. Expectabam in dies, ut Baro noster, vel alius quivis, quod mihi deesse potest, liberaliter suppleret. Mea me fefellit expectatio. Supplevit ille nihil, quod pro modulo meo feci, dissimulandum esse duxit, ne mihi gratias ageret.

Verumenimverò si quid ego Thomæ simile fecissem, non



non excusaret me vir bonus: Sed undique conquiret convitiis plaustra, quæ in me conjiceret, ut se Romæ commendabilem, & ingenti mercede dignum efficeret, quippe qui Pontificiam legem egregie tutatus esset, & illius violatorem in schismaticorum numerum amandasset. In summa, quidquid est in exemplo malo criminis, id mihi pro ingenio suo impingere veritus non esset.

In explicata Beati Thomæ purgatione mea non sistit observantia. Progreditur ulterius in priori ad Antonium Faurum, epistola, quam habet pars prima Epistolarum nostrarum, de excerptis ex quart. sentent. dist. xxiv. quæst. iiii. art. 10. ex libro contra impugnantes religionem, ex Opusculo contra Græcorum errores testimoniis, quæ Cyrillo Alexandrino subjecta esse pugno, sanctum Thomam sic excuso.

“Beatus Thomas ætatis annum agens xxv. qui Christi annus est M. CCXLVIII. Magistri sententias interpretari cepit & commentariis illustrare. Hinc sub Alexandro IV. qui anno M. CCLXI. excessit è vita, librum contra impugnantes religionem composuit. Tunc in Parisiensi Academia exarsit in-  
6 gens illa contentio, quæ ut Thomam ita & Bonaventuram ad scribendum impulit. Mox sub Urbano IV. qui anno M. CCLXIV. mortem oppetiit, ad confundendos Græcorum errores aggressus est, & tractatum suum huic Pontifici nuncupavit. Sic Doctor sanctus cum esset junior Theologus, imponi sibi passus est ab eo, qui relata testimonia Cyrillo Alexandrino supposuit. Verumenimvero cum ad maturiorem pervenit ætatem factus doctior & cautior, testimonia hæc pro derelicto habuit, & silentio deprehensa, vel saltem olfactu falsitatis indice suppressit. Deinde recensitis quætionibus, ubi Thomas Cyrilli testimonia adhibere debuerat, si tum credidisset vera esse, prætermisit tamen; subijcio: “Prætermisionis causa, quæ? Nisi quod Thomas factus consultior falsitatem subolfecit, quam tunc consultus olim subolfacere non potuerat. Et hoc ipsum est, quod respondetur objicientibus fuisse tempus quo Thomas Virginem Mariam ab omni originali & actuali peccato liberam & immunem extitisse scripsit. Sed frater Baro nunc mihi culpæ vertit, quod Ordinis sui Theologorum factum executus in alia materia fuerim. O imprudentem hominem, qui Ordinis sui Theologos per latus meum ferit. Immo & Paulum IV. Romanum Pontificem, qui mihi facem prætulerat, cum aliquando tractaret, utrum ipse posset matrimonium solvere, quod per verba de præsentia inter Franciscum Mommorantium, & Joannam Halluinam Piennæam contractum fuerat. Sic autem in illo tractatu se res habet: *Consentium opinando excepit Episcopus nomine Antoniellus, vir admodum senex & veneratione dignus, qui contrariam in sententiam discessit, & paucis decidit, Pontificem matrimonium istiusmodi posse dissolvere: Cui Pontifex respondit, se pro attributa sibi potestate tanta gratias nullas agere: Sed quia Episcopus hic nonnullis sancti Thomæ testimoniis usus fuerat, subjunxit Pontifex, beatum Thomam potuisse, cum esset junior multa dicere, quæ factus cum ætate doctior, revocaverat: Beatum insuper Paulum dicentem induxit: Cum essem parvulus, loquebar ut parvulus, sapiebam ut parvulus, cogitabam ut parvulus: Quando autem factus sum vir, evacuavi ea, quæ erant parvuli: Deinde addidit: Ego non sine causa vos hac de re moneo: Sed ut ex illis qui deliberaturi sunt, nullus fundamentum in iis rebus, quas sanctus Thomas, cum esset junior, docuerit, constituat. Hæc describo longius in epistola ad Joannem Gerbasium, quæ est in parte tertia Epistolarum nostrarum. Non ego solus igitur à Barone verberor, sed mecum omnes Dominicanæ familiæ Theologi, & Paulus IV. Verberati nos omnes vestigia Baronianæ ostendimus favitiæ.*

Persequor certiora meæ erga sanctum Thomam observantiæ indicia: Sic paullo post mediam ad Faurum epistolam: “Mihi non est animus mortalium ulli dicam malæ fidei scribere: Absit, ut in *κατασκευασμένα* jura invadam, historicè loquor & differo. Amicus quidem Plato, sed veritas amicior. In posteriori ad Christophorum Fauvæum epistola, quam habet pars tertia Epistolarum nostrarum, ea scribo quæ sancti Thomæ discipulorum nullus meritò rejiciet. “Hic (Thomas) etsi aliquando vetera novè tractaret, opinio-  
9 nis tamen novæ auctor sponte non erat, in iis potissimum quæ receptam Ecclesiæ rectionem attinerent. Quò fit, ut si quid in Thomæ dictis extra sui temporis traditionem & fidem decurreret, comprimendum & ad illam revocandum esset, ne fieret auctor opinionis, cujus auctor esse sciens & prudens nollet.

“Deinde in secunda ad eundem Faurum epistola sub finem: Utinam pronunciare mihi liceret, subiectum, quo de agimus, Cyrillo testimonium, ab alio, quam à sancto Thoma Catenæ Patrum inditum esse.

“Tum in media vel ferè media ad Paulum Ratuy-num Epistola: Hactenus expensæ sunt duodecim testimonia, quæ insincerus aliquis homo Thomæ sup-  
9 peditavit. Non enim credimus Doctorem sanctum mala fide tractasse quæstionem, quam tractandam suscepit.

His solemne adjicio sacramentum, quo religiose juro in beati Thomæ doctrinam omnem, quam convenienter definitæ sic à se Theologiæ Scholasticæ tradidit: Primum quidem in prima parte quæst. i. art. 11. *Sacra doctrina est scientia, quia procedit ex principiis notis lumine superioris scientia, qua scilicet scientia est Dei & beatorum. Unde sicut Musica creditur principia sibi tradita ab Arithmetico: Ita doctrina sacra creditur principia sibi revelata à Deo.* Deinde in art. vii. ad secundum: *Sacra doctrina utitur auctoritatibus canonicæ scripturæ propriè ex necessitate argumentando, auctoritatibus verò aliorum Doctorum Ecclesiæ quasi argumen-  
9 tando ex propriis, sed probabiliter. Innuitur enim fides nostra revelationi Apostolicæ & Prophetis facta, qui canonicos libros scripserunt, non autem revelationi, siquæ fuit aliis Doctoribus facta.* Hæc est methodus tradendæ Theologiæ Scholasticæ, in quam juro, & propter sancti Thomæ honorem non juro in aliam, quæ ab illa dissentiret.

Si frater Baro sancti Thomæ methodum hanc recipiat, captus est, quia velit nolit concordabit mecum: Si rejiciat, nullus & pretii nullius sunt opera, quæ hactenus in lucem emisit: Siquidem in iis omnibus & Scripturæ sacræ & sanctorum Ecclesiæ Doctorum auctoritates desiderantur, & desiderabuntur tamdiu, quamdiu extra veræ Theologiæ principia scribere, quomodo scripsit hucusque, & extra caulas illas balare persistet.

Quidquid id est, præstitum à me sacramentum, & relata mox meæ erga sanctum Thomam observantiæ testimonia sunt mihi instar amuleti, quo me meaque defenderem, etiamsi oppugnarer ab illo spiritu nefario, cui calumniatoris nomen in Scripturis impositum est.

## CAPUT II.

*Baronis titulus librorum Apologeticorum, & exordium ab impacta mihi calumnia.*

**I**N titulo me illorum, qui religionem, utramque Theologiam, mores, ac jura Ordinis Prædicatorum impugnant, numero adscribit, & in libri i. sect. 10  
11. paragrapho 111. cui titulus est: *Vindicatur Divus Thomas à calumnia falsi contra Joannem Launium: Et paullo post, Launius falsi ex inscitia aut mala fide nostra*

nostra familia summum decus & quintum Ecclesie Doctorem traducit, literatius scriberet, accusat. Hic crimen duplex est, quod frater Baro mihi impingit: Sed quia illud, nec probat nec probare potest, meritis calumniator habendus est. Adhuc innocentia mea vehementer confirmatur ex eo disputandi modo, quem cum de beati Thomae rebus agitur, servandum esse censui, ut superiori capite visum est. Atque ita semel atque iterum cecidit Cantherinus in porta. Semel quidem, cum in librorum quinque Apologeticorum inscriptione nomen meum apparere voluit: Iterum vero, cum Epistolarum nostrarum examine ab insigni mendacio exorditur. De utraque calumnia Theophilum Raynaudum, & Amadæum Guimenium amicos suos Baro consulit, cum apud ipsos confessione sacra universae vitae noxas expiare decreverit.

## CAPUT III.

*In una periodo sat longa multiplex error Baronis, & consilium pessimum.*

**H**Æc est hujusmodi in eodem paragrapho 111. Moderatissime de scriptis contra Divum Thomam Epistolis in auctoris gratiam pronunciaverim, si illius generis descriptionibus accenseam, à quibus nisi nimium sua adamceret, aut penes se esset, scripturandi cachocem, scribere debuit cacoethem, cohibere, praeiitisset supersedere, aut inter amicos pati, ut tantum legeretur, quia magis promptum & iustius erat, Divum Thomam ob tanti nominis & maximorum in Ecclesiam meritorum reverentiam defendere, quam illi quidquam impingere prater maximi Theologi officium, aut Theologorum principis dignitatem fuisse admissum. Et primò quidem non obscure significat, beatum Thomam, extra communem Ecclesiasticorum tractatorum sortem positum esse, ita ut examinari non debeant, quæ scripsit. Hoc in loco ignorat vel dissimulat, quæ Augustinus opportunè sapienterque juxta tradit in Epistolæ XIX. ad Hieronymum capite I. Ego fateor Charitati tuae, solis eis scripturarum libris qui jam Canonici appellantur, didici hunc timorem honorisque deferre, ut nullum eorum auctorem scribendo aliquid errasse firmissimè credam. At si aliquid in eis offendero literis quod videatur contrarium veritati, nihil aliud quam mendosum esse codicem, vel interpretem non assecutum esse, quod dictum est, vel minimè intellexisse non ambigam: Alios autem ita lego, ut quantalibet sanctitate doctrinaque præpollent, non ideo eorum putem, quia ipsi ita senserunt: Sed quia mihi vel per illos auctores canonicos, vel probabili ratione quod à vero non abhorreat, persuadere potuerunt. Nec te, mi frater, sentire aliud existimo. Prorsus, inquam, non te arbor sic legi tuos libros velle tanquam Prophetarum vel Apostolorum, de quorum scriptis, quod omni errore caveant, dubitare nefarium est. Absit hoc à pia humilitate & veraci de temetipso cogitatione, qua nisi esses praeclusus, non utique 12 diceret, Utinam mereremur amplexus tuos, & collatione mutua vel doceremur aliquid, vel disceremur. At frater Baro inscitè nugatur, si contendat, id à me debuisse erga sanctum Thomam fieri, quod sanctus Augustinus erga canonicorum librorum auctores faciendum sibi esse duxit. Quis istud animo æquo ferat? Ego tamen ut ex superiori capite liquet, nonnihil feci, quod ad sancti Augustini dictum & factum accedit, & nihilominus à Barone vapulo. Quia putat, me sancti Thomae libris eum non deferre honorem ac reverentiam, quam Augustinus canonicorum librorum auctoribus deferendam esse censet.

Deinde calumniatur turpiter, cum ait, me contra sanctum Thomam Epistolas scripsisse. Calumniam hanc ante oculos statuunt duo: Unum est caput primum, in quo meam erga Doctorem sanctum observantiam expono: Alterum est nostrarum

Epistolarum, in quibus de beato Thoma tractatur, lectio. In iis de beato Thoma nunquam conqueror, sed de illis tantum, qui Cyrillo subjecerunt testimonia, & subjecta Thomae tunc juniori Theologo suppeditaverunt.

Adhuc calumnia Baronis ex eo confirmatur amplius, quod spectata scribendi ratione mea, contra Thomam scribere non potuerim. Nam prae me fero Doctorem sanctum, cum factus eruditior Theologiae summam adornaret, laudatorum à se, cum esset iunior, Cyrilli testimoniorum falsitatem deprehendisse, aut certè subolfecisse, nec ob id illis usum esse, quando vel maximè uti debuit. Igitur frater Baro calumniator est.

Porro autem cur Epistolas hac de re conscripserim, in causa fuit Jacobus Vernantius, cujus errores Facultas Theologiae Parisiensis confixit. Hic auctor non semel obtrudit relata apud sanctum Thomam Cyrilli testimonia, quibus innixus in Ecclesiasticam Hierarchiam invasit, & primi ac secundi ordinis Sacerdotum munera, dignitatem & jura pessum dedit, & damnatos olim à facultate Theologiae errores instauravit. Quinetiam in literarum mearum exorsu mones, me ante annos tres de laudatis à sancto Thoma Cyrilli testimoniis iudicium tulisse, scilicet cum in tertia parte operis, quod *Assertio inquisitionis in Sammedardensis Monasterii privilegium* inscribitur, Brunonis Chassignii librum de Regularium omnium ab Episcopis exemptione refellerem. Hæc omnia versipellis frater Baro dissimulat, quò facilius calumnietur, & apud homines impuniùs, apud homines dico. Nam apud Deum Guimenianæ probabilitatis jure utetur, experieturque.

Tum maxima beati Thomae in Ecclesiam merita vir inconsultus oppignerat in defensionem relatorum à beato Thoma Cyrilli testimoniorum, quorum ipse Thomas falsitatem progressu temporis odoratus est, & rejecit tacitus, cum ad Pontificiae dignitatis probationem vel maxime infumenda erant, ut in priori ad Antonium Faurum Epistola planum facio.

Quartò frater obliviscitur, maxima beati Thomae in Ecclesiam merita non effecisse unquam ut illius auctoritas sola admitteretur ab omnibus, vel illius placita pro certis dogmatibus haberentur.

Durandus ex Ordine Prædicatorum Parisiensis Theologus, & apud Avenionem sacri Palatii Magister Thomae libros discussit, & plerisque in locis acriter refellit. Sed audienda est illius in Magistrum sententiarum præfatio: *Modus loquendi aut scribendi in ceteris, quæ fidem non tanguunt, est, ut magis innitatur rationi, quam auctoritati cujuscumque doctoris, quantumcumque celebris vel sollemnis, & parvipendatur omnis humana auctoritas, quando per rationem etiam elucescat contraria veritas. Quamvis enim captivandus sit intellectus noster in obsequium Christi, ut in his quæ tanguunt fidem, plus acquiescere debeamus auctoritati sacrae Scripturae, quam cuicumque rationi humanae, quia divina notitia, quam exprimit sacra Scriptura, plus excedit humanam notitiam, quam humana notitia bestiales: Tamen omnis homo dimittebat rationem propter auctoritatem humanam, incidit in insipientiam bestialem: Comparatus fit jumentis insipientibus.*

Durandum sequitur Facultas Theologiae Parisiensis, cum ad annum M. CCC. LXXXVII. contra Joannem Montefonum tractatum, seu causæ suæ conjectionem edidit, in qua Thomam de multis erroribus accusat. Tractatus, seu conjectionis huius excerpta Magistri sententiis attexuntur, & ibi commodè legi possunt. Sed legatur duntaxat unum hoc: *Sextum exemplum potest poni de quibusdam doctoribus, qui non sunt sancti canonizati, sicut venerabilis Anselmus Cantuariensis Episcopus, Hugo de sancto Victore,*



15 & quidam alii, quorum dicta, vel scripta in aliquibus reperiantur erronea, & tamen eorum doctrina non minus videtur esse authentica, quam doctrina sancti Thomae, cum ipsi communiter in actibus Scholasticis à scientificis allegantur auctoritative, nec solent negari; Sed eorum dicta reverenter glossari & exponi: Quod tamen Scholastici nondum consueverunt facere de dictis sancti Thomae, & ideo praesumptuosum videtur ejus doctrinam super ipsos & alios doctores sic extollere, quod non liceat credere, aut asserere ipsum in fide errasse, sicut & alii errarunt.

Facultatem Theologiae sequitur Judocus Clichtoveus Parisiensis Theologus in Epistola nuncupatoria, quae libro Jacobi Fabri Stapulensis de Magdalena praefigitur: Adde, inquit, aliquos esse, qui non nisi suo credunt consilio, & quod semel asseruerunt, volunt oraculo solidius haberi. Alii auctoritatula una, aut minus scribentis dicto, ut equus capistro retinentur, & ceteros aspernantur, qui ea de re aut scripserunt, aut dixerunt, aliámque spernunt rationis indaginem, & hi admodum probandi non sunt.

Huc spectat Joannes Major Parisiensis quoque Theologus, cum in Commentariis ad librum 11. sent. dist. xxx. quaest. iv. anno m. dx. editis sic loquitur: De Doctoribus pudet loqui; multi eorum magis sunt doctrina vel dictis potius suorum doctorum addicti, quam famatissimis sanctis Patribus pariter ac eruditissimis: Dummodo manu teneant suos, non est iis cura quid senserit Augustinus, &c. Deinde in quart. sent. dist. xv. quaest. xxxviii. Thomistas omnes non supputo praeter solum beatum Thomam. Ratio: Erant addicti jurare in verba magistri.

16 Ne sint omnia haec, videtur ignorare frater Baro, quod nullus ignorat, sancti Thomae auctoritatem in scholis Minorum Scoti auctoritati postponi, & Thomae ejusdem placita & rationes discuti, & sepiissime confutari. At ego licet Durando, Facultati Theologiae, Clichtoveo, Majori, Scoti discipulis simile nihil fecerim, dixerim, aut scripserim, perinde tamen à Barone excipior, quasi simile quid fecerim, dixerim, aut scripserim. O hominis iniquitatem!

Sed patefaciendum est modò pessimum illud consilium, quod his verbis, *magis promptum & justius erat, Divum Thomam (quintum Ecclesiae Doctorem) ob tanti nominis, & maximorum in Ecclesiam meritorum reverentiam defendere, quam illi quidquam impingere, concepit.* Universam Thomae doctrinam ita commendat, ut non liceat cuiquam quaestionis hujus vel illius articulum hunc vel illum rejicere. Quo pacto vult frater nos cogere ad recipiendam placita, quae Thomas duabus in quaestionibus tradit. Prior est in secunda secundae num. decima, ubi art. x. quaerit. *Utrum infideles possint habere prelationem seu dominium supra fideles:* Posterior est in eadem secunda secundae num. duodecima, ubi art. 11. quaerit, *utrum princeps propter apostasiam à fide amittat dominium in subditos, ita quod ei obedire non teneantur.* Instaurare conatur frater Baro, quod ante annos sat multos frater Biarotus instaurare non potuit, sed quia voluit, à Theologiae Facultate, cujus erat Baccalarius, cum infamia pulsus est. Sic patefactum est

17 nefarium Baronis consilium, à quo purgari nunquam poterit, nisi doctrinam traditam in duobus illis articulis doctrinae contrariam scripto profiteri velit. Quae de re viderint, quorum est prospicere, ne quid respublica detrimenti ex Baronis consilio capiat. Ad me quod attinet, traditam his in articulis doctrinam rejicio, quia illi non convenit Theologiae definitio, quam in cap. 1. ex beato Thoma retulimus. Hoc autem notandum fuit maximè, ne viderer à sacramenti mei lege recedere. Non recedo, nec Deo bene juvante recedam.

## CAPUT IV.

*Disimulat frater Baro prioris nostrae ad Faurum Epistolae seriem, quod calumniatur confidentius. Hinc de beati Thomae scientia detrahit.*

**I**llius verba sunt, quae praecedentia consequuntur. Nam si veris agere liceat, nec causa malignè invertatur, aliud nihil potuit illi vitio imputari, quam quod Urbano IV. iusta, id est, examen aliquot ex Patribus Graecis testimoniorum praecipiente sincerissimè paruerit, semoverit ab illis locis, quae aliquam erroris aut vocis insolentis auribus Romanis speciem praferrent, nec quasi falsa proscripserit, quae falsi convincere non poterat, nec aliqua similitudine carebant, sed sua passus probabilitate frui, neque in majus à se aucta partium studio, nec nimia morositate (qualem ubique affectat adversarius) imminuta.

Et primum ego in priori ad Faurum Epistola, 18 quod necessariò observandum est, observo, beatum Thomam magnificentiora Cyrilli testimonia laudasse multò priùs, quam Urbanus IV. Sedi Apostolicae praesideret: Id supra demonstravi in cap. 1. quasi verò Urbanus IV. fuisset tunc Romanus Pontifex, cum Thomas in quartum sent. Commentarios edidit, & librum contra impugnantes religionem scripsit. Quidquid id est, frater inclementioris manus & styli disimulat, quod apud æquos rerum aestimatores minimè disimulandum fuit. Disimulat verò, quod calumniae locus detur liberior. Et quamvis Cyrilli testimonia, quae Thomas in quart. sent. & in Opusculo contra impugnantes religionem adducit, in Opusculo contra Graecorum errores, quod Urbano IV. inscribit rursus adducat, inde tamen non sequitur scribendum sic esse, ut Baro scribit, quasi jam tum primum sanctus Doctor Cyrilli testimonia laudaverit, cum in Opusculo contra Graecorum errores praecipiente Urbano paruit. Sed vir bonus & maledicendi peritus eo modo scribere voluit, qui ad impingendam mihi calumniam, ut mox dixi, esset commodior, & ad mentiendum in beati Thomae gratiam aptior. Qua in re frater religione nulla, conscientia nulla, scrupulo nullo ducitur. Probabilitate utitur, contra quam ipse scripsit, homo ad exterminandam hypocrisim genitus.

Deinde beatus Augustinus ab illa morositate, cujus reum me facit Baro, me liberat in libri de Mendacio ad Consentium capite 1. In qua (indagine) si nullus error est, cum ab omni errore veritas liberet, atque in 19 omni errore falsitas implicet, nunquam errari tuum existimo, quam cum in amore nimio veritatis, & refectione nimia falsitatis erratur. Qui enim severe reprehendunt, hoc nimium dicunt esse: Ipsa autem veritas fortasse adhuc dicat, nondum est satis.

Tum Baro pro circumspectione sua de beati Thomae scientia & prudentia detrahit: De scientia quidem, cum ait, *nec quasi falsa proscripserit, quae falsi convincere non poterat.* De prudentia verò, cum subjicit, *sed sua passus sit probabilitate frui, neque in majus à se aucta partium studio, nec nimia morositate imminuta.* Prudentis non fuisset Theologi, in iis, quae ad fidem pertinent, recentioribus Graecis schisma suum ita fomentibus connivere. Dogmata, quae Thomas adversus Graecos illos confirmanda suscipit, prodidisset, siquidem passus esset, ut veterum Patrum Graecorum testimonia, quibus recentiores Graeci ad constabiliendos errores suos abutebantur, probabilitate sua fruerentur, id est, in utramque partem aientem & negantem flecterentur, ne studia partium auget, & morositatem morositati nostrae similem affectaret: O disputatorem egregium, qui Dominicanæ familiae decus summum & quintum Ecclesiae Doctorem facit proditorem dogmatum, quae

quæ in Opusculo contra Græcorum errores, pertractat. Et sanè Baro luculentius ostendere non potuit, beati Thomæ Opusculum contra Græcorum errores nec legisse se totum, nec si totum legerit, momentis suis expendisse, vel intellexisse. Præfationis partem mediam legit, & quod pertineat, vir pluribus intentus non attendit. Verebatur, ne morositatem in examinando Thomæ Opusculo affectare judicaretur.

## CAPUT V.

*Frater Baro nonnihil à scopo digreditur, ut aliunde, id est, ab impugnatis à me Monasteriorum exemptionibus calumniandi ansam accipiat.*

**I**N paragrapho III. impactas mihi calumnias persequitur, & eam ob rem inter Thomam & me comparationem instituit, & me ab eo dissimilem facit, asserens, Thomam Monasteriorum plura à juribus longa nêdum annorum, sed etiam seculorum serie confirmatis non depulsurum, quia habebat meliora scribenda, & subodoratus etiam, ut erat emuncta naris, aliquid incerti, aut minùs verisimilis, ex medicorum præcepto malum bene positum, noluisse primus movere, atque ista traditione rata & firma, quæ nihil obsunt fidei, profunt autem pietati, in disputationem revocare. Calumnia vix alia fingi potest luculentior, postquam in Assertionem Inquisitionis in Sammedardensis Monasterii privilegium part. III. Variorum cap. II. me & opus meum adversus maledicos ita præmunivi.

“Quoniam verò invidiosum argumenti genus tracto, operæ pretium esse duxi, mentem in eo meam sic aperire, ut ad faciendam mihi calumniam aditus omnis intercludatur. Imprimis protestor recipere me privilegia omnia, & immunitatum tabulas omnes, quæ canonica auctoritate fulciuntur, quæ utilitati Ecclesiæ prospiciunt, quæ de Ecclesiasticis Ordinibus & Canonum disciplinis promulgantur. Hæc de Leone I. & Gregorio VII. deponuntur.

“Deinde protestor penitus rejicere me privilegia & immunitates omnes, quæ suppositæ sunt, aut in quibus dandis subreptio vel obreptio intervenit. In hac rejectione mecum exempti consentiunt omnes, & necessariò consentire debent. Scilicet exemptorum nullus est, qui suppositæ vel fraudulentè impetrata privilegia, & immunitates defendere ac tueri vellet. Ad explorandum subreptionis vel obreptionis vitium iis utor legibus, quibus Romani Pontifices utuntur, & cum primis Innocentius III. cuius verba paullo antè recensentur. In summa quidquid ad explorandum subreptionis vel obreptionis vitium usurpo, id totum ex Romanorum Pontificum rescriptis derivatur. Accedunt Patres, Concilia, Theologi, qui Romanæ Ecclesiæ traditionem ac disciplinam sequuntur. Quare qui methodum istam negliget, Romanos Pontifices, Sedem Apostolicam, Patres, Concilia, Theologos negligat, & seorsum à Catholica communione sapiat, necesse est. Quo ex capite nisi schismaticum se, profectò temerarium comprobabit.

In secunda parte Assertionis ejusdem Romanos Pontifices octoginta sex laudo, & pene innumerabiles auctoritates, quæ ex illorum scriptis colliguntur. Integrum, & sincerum rei exemplum præbeo in Gallico examine privilegiorum & immunitatum, quas Monachi Monasterii sancti Germani Parisiensis objiciunt, ut se ab Archiepiscopi Parisiensis jurisdictione & obedientia subducant. In hoc enim opere non aliam Jurisprudentiam sequor, quam quæ vel ab Romana Curia, vel ab Apostolica Sede præscribitur. Hoc pacto inobsequentes & nominibus falsis exempti constringuntur, nec viam qua in ordinem coguntur,

declinare possunt, nisi confiato schismate Apostolicæ Sedi nuncium remittant.

Deinde ad hoc studii genus impulsus sum auctoritate Romanorum Pontificum, qui ex sacrorum canonum observatione totam Ecclesiæ pacem & concordiam pendere affirmant.

Romani Pontifices sunt Leo I. & Gregorius I. Ille quidem in Epistolæ LXII. ad Maximum Antiochenum Episcopum capite IV. *Universæ pacis tranquillitas non aliter poterit custodiri, nisi sua canonibus reverentia intemerata servetur.* Hic verò in libri XI. Epistola XLIV. ad Joannem Panormitanum Episcopum: *Illud autem admonemus, ut Apostolica Sedis reverentia nullius presumptione turbetur. Tunc enim status membrorum integer manet, si caput fidei nulla pulset injuria, & canonum manet incolumis atque intemerata semper auctoritas.*

Tum impulsus sum testimonio Romanorum Pontificum, qui suas partes in eo sitas esse asserunt, ut quidquid adversus sacros Canones attentatur, funditus evertant.

Romani Pontifices illi sunt inter alios Lucius III. & Innocentius III. Ille quidem in epistola ad Raimundum Noviomensem Episcopum: *Ex suscepto tenemur administrationis officio ea, quæ juri & rationi obviant, prohibere, ne fiant, & si temeritate aliqua admissa fuerint, salubri consilio revocare, ut Apostolici moderaminis auctoritate quassentur, quæ contra statuta juris Canonici attentata noscuntur.* Hic verò in libri II. Epistola ad Cantuariensem Archiepiscopum: *Quæ in derogationem sanctorum Canonum attentantur, tantò potius infringi volumus, & carere robore firmitatis, quantum auctoritas universalis Ecclesiæ, cui præsidemus, ad id nos provocat & inducit.*

Quartò impulsus sum responsis Romanorum Pontificum, qui Sedem Apostolicam à sacrorum Canonum observatione nunquam in suis decretis recedere profitentur.

Romani Pontifices illi sunt Zacharias & Gregorius VII. Ille quidem in Epistolæ I. ad Bonifacium Archiepiscopum capite V. *De illo namque, qui viduam avunculi sui, quæ & ipsa fuit uxor consobrini sui, & sacrum velamen habere monstrata est, & à beata memoria prædecessore nostro sibi licentiam concessam esse divulgavit, ut eam in pernicioso matrimonio assumere debuisset: Absit ut hoc prædecessor noster ita credatur præcepisse. Nec enim ab hac Apostolica Sede illa dirigitur, quæ contraria esse Patrum sive canonum institutis invenirentur.*

Hic verò in libri II. Epistola I. ad Sancium Aragoniæ Regem: *Solet sancta & Apostolica Sedes pleræque considerata ratione tolerare, sed nunquam in suis decretis & constitutionibus à concordia canonica traditionis discedere.*

Quintò impulsus Romanorum Pontificum decretis, quibus prohibent fieri ullam in Ecclesiastica disciplina mutationem, nisi quæ fiat in melius, non in deterius. Romani Pontifices sunt Bonifacius VIII. & Martinus V. Ille extra. de sent. excomm. *Alma mater Ecclesiæ nonnulla rationabiliter ordinat & consultè, quæ suadente subditorum utilitate postmodum revocat & in melius commutat.*

Hic verò in diplomate edito de statutis, quæ ab auditoribus Rotæ observari debent: *Romani Pontificis providentia circumspècta nonnunquam gesta per eum rationabilibus & honestis suadentibus causis moderatur, & commutat in melius, prout in Domino conspiciat salubriter expedire.*

Hic autem recipio, aquam cum igne faciliùs posse consistere, quam exemptiones plenas & perpetuas, plenas inquam & perpetuas, cum iis quæ Leo I. & Gregorius I. Lucius III. & Innocentius III. Zacharias & Gregorius VII. Bonifacius VIII. & Martinus V. tanta cum asseveratione pronunciarunt.



Denique impulsus sum exemplo sanctorum virorum Roberti Molismensis, Bernardi Claravallensis Abbatis, & Francisci Salesii Gebennensis Episcopi, qui ab omnibus, sed præcipue à Monachis coluntur.

Beatus Robertus, qui Cisterciensis Ordinis fundamenta jecit, apud Ordericum Vitalem sic loquitur in libro VIII. Ecclesiasticæ Historiæ: Ibi (in Burgundia) tempore Philippi Regis Francorum venerabilis Robertus Abbas cœnobium condidit, & inspirante Spiritu sancti gratia discipulos magna religionis aggregavit, studioque virtutum in sancta paupertate juxta usum aliorum Cœnobia comiter instruxit. Post aliquot annos, sancti Benedicti Regulam diligenter perscrutatus est, aliorumque sanctorum documentis Patrum perspectis, fratres sic affatus est: Fratres carissimi, secundum normam patris sancti Benedicti professionem facimus, sed ut mihi videtur, non eam ex integro tenemus. Multa, quæ ibi reperiuntur, non observamus, ut sanctos patres fecisse legimus, si mihi creditis, ô amici! legite gesta sanctorum Antonii, Macarii, Paconii, & ante alios omnes Doctoris gentium Pauli Apostoli: Abundantem victum & vestitum ex decimis & oblationibus Ecclesiarum habemus, & ea, quæ competunt Presbyteris, ingenio, seu violentia subtrahimus. Sic nimirum sanguine hominum vescimur, & peccatis participamus. Laudo igitur, ut omnino Regulam sancti Benedicti teneamus, caventes, ne ad dexteram, vel ad sinistram ab ea deviemus, victum & vestitum labore manuum nostrarum vendicemus, à femoralibus vel staminibus, pellicisque secundum regulam abstineamus, decimas & oblationes Clericis, qui Diœcesi famulantur, relinquamus, & sic per vestigia patrum post Christum currere ferventer insudemus. Hinc in novo, seu Cisterciensi Ordine quicumque Abbas Episcopis sic præstat obedientiam: Ego N., Abbas Cisterciensis Ordinis subjectionem & reverentiam & obedientiam à sanctis Patribus constitutam, secundum regulam sancti Benedicti, tibi, Domine Episcope, tuisque successoribus canonice constituendis, & sanctæ Sedis Apostolicæ, salvo ordine meo perpetuo me habiturum promitto. Cap. ne Dei Ecclesiam. de simonia.

Beatus Bernardus in Epistola XLII. ad Henricum Senonensem Archiepiscopum: Miror quosdam in nostro ordine Monasteriorum Abbates humilitatis regulam odiosa contentione infringere, & sub humili, quod pejus est, habitu & tonsura tam superbe sapere, ut cum unum quidem verbum de suis imperiis subditos prætergredi vix patiantur, ipsi propriis obedire contemnant Episcopis. Spoliant Ecclesias, ut emancipentur, redimunt se, ne obdiant. Non ita Christus. Ille siquidem dedit vitam, ne perderet obedientiam, quæ isti ut careant, totum fere suum suorumque victum expendunt. Quid est hoc præsumptionis ô Monachi! Et quibusdam interpositis. Certus sum ego Monachus, & Monachorum qualicumque Abbas, si mei quandoque Pontificis à propriis cervicibus excutere jugum tentavero, quod satana mox tyrannidi meipsum subijcio. Advertens nimirum cruenta illa bestia, quæ circuit quærens quem devoret, elongatam custodiam, heu statim insilit in præsumptorem.

Iterum in libri III. de Confid. ad Eugenium capite IV. Nolo autem pretendas mihi fructum emancipationis ipsius? Nullus est enim, nisi quod inde Monachi dissolutiores fiunt. Et paullo post: Quæ demum utilitas in sanguine isto? Vereor, ne illa quam in Propheta comminatus est Deus: Ille, inquit, in iniquitate sua morietur: Sanguinem autem ejus de manu tua requiram. Si enim extollitur, qui subtrahitur, & cui subtrahitur, uritur, qui subtrahit, quomodo innocens? parum est, involvimus ignem. Audi apertius. Si is, qui murmurat secundum animam mortuus est, qui instigat quomodo vivit? Quomodo verò non reus mortis amborum & sua pariter, qui gladium dedit, unde ambo morerentur! Hoc est, quod dixeram: Occidisti & possidisti: Adde quod qui audiunt, scandalizantur, indig-

nantur, detrahunt, & blasphemant: Hoc est, vulnerantur usque ad mortem. Non est bona arbor faciens fructus tales, insolentias, dissolutiones, dilapidationes, simulas, scandala, odia, quodque magis dolendum, inter Ecclesias inimicitias graves, perpetuæque discordias.

Beatus Franciscus Salesius Gebennensis Episcopus, in libri I. Epistola xxx. ad Bellicensem Episcopum: Gallica verba sic Latina facio: Et ego sanè causam obtinuisse te lator. Quidquid enim alii dicant, vel adferant: Id erit Deo gloriosum maxime, ut Episcopalis ordo noster pro eo, quomodo institutus est, ac valet, agnoscat, ut exemptionum muscus ex arbore Ecclesia avellatur, ut exemptiones, quæ corpori adhærescunt Ecclesiæ, putentur, atque emuscentur. Notum est omnibus, quantum importarunt mali, ut sacrum Concilium Tridentinum rectissime animadvertit. Vir sanctus respectum habet potissime ad sessionem xxiv. ubi cap. xi. Privilegia & exemptiones, quæ variis titulis plerisque conceduntur, hodie perturbationem in Episcoporum jurisdictione excitare, & exemptis occasionem laxioris vite præbere dignoscuntur. Ex Moderato Junio Columella discimus, quàm egregia & efficax sit inter muscum atque exemptiones comparatio. Sic enim ille scribit in libri IV. de re rustica capite XIV. Jam verò muscus, qui more compedis crura vitium devincta comprimit, suæque ex veterno macerat, ferro distringendus & eradendus est. Quò autem spectaret exemptionum muscus, cum intelligerent homines quidam Baroni similes, insusurrarunt Pontifici, Sanctorum numero adscribendum non esse, qui Monachorum exemptiones tam acriter reprehendisset, & condemnasset. Scilicet exemptionum reprehensor & condemnator in Pontificiam auctoritatem invadit. Accusationem hanc sprexit Alexander VII. & sprevisse se ultro dixit Carolo Suellionensium Episcopo, qui rem memoratu dignam, ut mihi confirmavit, sic & aliis confirmare potest.

His tribus Sanctis adjicio Umbertum quintum Ordinis Prædicatorum Magistrum Generalem, qui hæc appositè scribit in prima parte sermonum, sermone XVIII. ad Monachos nigros: Aliud est exaltatio Ecclesiæ, quæ eos (Monachos) in dignitatibus Abbatum & privilegiis multis excellenter exaltavit, & ideo decepta est & confunditur Ecclesiæ ex eorum inhonestate.

Hæc pauca de multis, quæ Baro nisi possit concoquere, devoret necesse est. Sed advertat insuper calumnias, quibus me lacescit, in Romanos Pontifices Leonem I. & Gregorium I. Lucium III. & Innocentium III. Zachariam & Gregorium VII. addo & Alexandrum VII. deinde in Robertum Molismensem Abbatem, Bernardum Claravallensem, Franciscum Gebennensem Episcopum, & Umbertum Ordinis Prædicatorum Magistrum Generalem penitus redundare. Vide nunc ac circumspecte, quot Pontifices summos, quot Sanctos frater inclementioris manus & styli pupugit, cum unum me pungere voluit.

Sed non antè tollam manum de tabula quin observaverim, Baronem cum ex aliis, tum ex eo maxime pugnare pro privilegiis & exemptionibus hujusmodi, quò continenter oppugnet fundamenta duo libertatum regni & Gallicanæ Ecclesiæ. Prius est in commonitorio, quod apud Tridentinam Synodum Carolus Cardinalis Lotharingus, Legati Regis, Regni antistites, & Parisienses Theologi communi omnium consilio scripserunt, & quod Cardinalis ille Romam misit ad Britonem Secretarium & Procuratorem suum. Commonitorii verba sunt Gallica, quæ Latine sic verto. Ego verò, inquit Cardinalis, negare non possum, quin Gallus sim, & Parisiensis Academia alumnus, in qua Romanum Pontificem Concilio subesse tenetur, & qui docem ibi contrarium, si tanquam hæretici notantur. Et paulo postquam dictum est, Gallos de vita potius,

potius, quàm de sententia sua decessuros esse, subi-  
citur: *Privilegia, seu libertates regni in hac veritate  
posita sunt universa.*

Posterior est, Romanum Pontificem non posse re-  
gis subditos à fidelitatis sacramento absolvere. At  
qui contendunt, Pontificem illum posse privilegia &  
exemptiones, de quibus frater Baro disserit concede-  
re, id ex eo tantum probant, quòd Pontifex Reges  
regno privare & illorum subditos fidelitatis sacra-  
mento liberare possit. Sic Henricus Henriquez in li-  
bro VII. *Moralis Theologiæ* cap. XXIV. *Exemptio qua-*  
dam persona, ut summi Pontificis à potestate seculari,  
est de jure divino, quia neminem in terris habet superio-  
rem: At persona Ecclesiastica, ut regulares & clerici  
jure divino non sunt exempti in persona, seu causa cri-  
minali, cum subjiciantur foro civili in quibusdam: Sed  
Pontifex jure suo potuit eos eximere, & in multis exem-  
it, & fecit sibi & delegatis suis speciali ratione sub-  
jectos: Determinatio vero causarum, in quibus eximuntur,  
pertinet ad eundem Pontificem: Sic potuit Pontifex  
regulares omnes facere omnino liberos ab Episcoporum le-  
ge Diocesana. In probatione consentiunt omnes ferè Ca-  
tholici, qui tractant de potestate Papæ: Et hinc saltem  
indirectè habet potestatem temporalem supra omnes prin-  
cipes Christianos. & ex causa privat eos regno & im-  
perio, ut probat Bellarminus libro V. de Romano Pontifi-  
ce à capite VI. Huc tota spectat auctoris ratiocina-  
tio. Romanus Pontifex Christianos Principes regno  
& imperio privat ex causa, & illorum obedientiæ po-  
pulares & cives subducit. Igitur Romanus Pontifex  
Presbyteros, Clericos, & Monachos Episcoporum ju-  
risdictioni & obedientiæ, quam promiserunt in con-  
secratione sua potest subducere. Bellarminus cum ra-  
tiorationis hujus antecedens triplici capite asseru-  
it, de consequente dubitari non potest. Quidquid in  
causa, mihi & omnibus certum esse debet, Presby-  
teros, Clericos, & Monachos canonicæ Episcoporum  
potestati, jurisdictioni spirituali, & confirmatæ sacra-  
mento obedientiæ subtrahi non posse, quin vel supra  
Concilium Romanum extollatur Pontifex, vel dicatur,  
Pontificem eundem posse cives & populares univer-  
sos Regum potestati, jurisdictioni temporali, & con-  
firmatæ sacramento obedientiæ subducere. Hac au-  
tem in re cum moræ & tergiversationi locus sit nul-  
lus, tandiu credemus meritò, Baronem velle funda-  
menta duo libertatum regni & Gallicanæ Ecclesiæ  
convellere, quandiu insigni quodam opere fundamen-  
ta duo illa libertatum regni, & Gallicanæ Ecclesiæ  
non tutabitur. Utinam libertatum istarum defensor  
sit publicus, qui occultus in hodiernum usque diem  
insidiator fuit! Utinam frater Baro exequeretur quod  
opto, & falli me crederem! Tunc error meus com-  
pensaretur illius scriptione de qua desperare me non  
posse vellem.

II. Porro autem medicorum præceptum hoc, ma-  
lum bene positum noluisse Thomas primus movere, Ec-  
clesiam graviter offendit. In corpus humanum quod  
interitui obnoxium est, transferri potest: in Ecclesi-  
am verò, quæ corpus Christi est, & quæ similiter  
interitui non est obnoxia, transferri non potest. Quis  
enim præter improvidum & Ecclesiasticæ disciplinæ  
rudem hominem diceret, malum, id est, incerta  
vel falsa monumenta in Ecclesia bene poni? Nonne  
Ecclesia indefessum & summum adhibuit semper stu-  
dium, ne dubii aut falsi Martyres vel Confessores co-  
lerentur, ne incertæ reliquiæ fidelium venerationi  
exponerentur, & ut omnis falsitas à divinis remove-  
retur officiis? Id luculenter ostendimus in peculiari  
quodam libello, qui de cura Ecclesiæ pro Sanctis, San-  
ctorum reliquiis, ac sacris officiis ab omni falsitate vin-  
dicandis inscribitur.

Heu mirum quantum abest frater Baro ab Augu-  
stini sententia, qui de vera religione cum scriberet,  
non dubitavit asserere in cap. LV. *Non sit nobis re-*

*ligio in phantasmis nostris. Melius est enim quæ-*  
*tecumque verum, quàm omne quidquid pro arbitrio fingi*  
*potest. Melior est vera stipula, quàm lux inani cogita-*  
*tione pro suspicantis voluntate formata. Dominicus Ban-*  
*nes ejusdem cum Barone Ordinis sapienter dixit in*  
*secund. secundæ quæst. I. art. II. dub. II. Nihil esse*  
*pium, nisi quod idem verum est. Hoc vir prudens non*  
*dixisset, si ut Baro majoris vel minoris probabilitatis*  
*opinionum tricus innutritus fuisset. Ignorat frater,*  
*Tertullianum aliquando dixisse: Veritati nemo præscri-*  
*bere potest, non spatium temporum, non patrocinia per-*  
*sonarum, non privilegium regionum. Ex iis enim ferè*  
*consuetudo initium ab aliqua ignorantia, vel simplicitate*  
*sortita in usum per successionem corroboratur, & ita*  
*adversus veritatem vindicatur. Et paullo post: Ca-*  
*terum suo vitio quis quid ignorat: Quod autem ignora-*  
*tur, fuit tam requirendum, quàm recipiendum, quod ag-*  
*noscitur.*

Tertulliano concinit illustis Ecclesiasticorum Anna-  
lium conditor Baronius, cum ad annum CIX. sect.  
II. pronunciat: *Jura veritatis sunt ampliora omni an-*  
*tiquitate, quippe qua nulla plurimorum seculorum valeant*  
*prescriptione ladi, nec innumera testium multitudine ob-*  
*ruiri atque labefactari.*

Rem adversus Baronem absolvit Gregorius Magnus  
in Homilia VII. super Ezechielem: *Si de veritate*  
*scandalum sumitur, utilius permittetur nasci scandalum,*  
*quàm ut veritas relinquatur.*

Baronis Magister S. Thomas in secunda secundæ,  
quæst. XLIII. art. VII. ad secundum, *Propter nullum,*  
*inquit, scandalum, quod sequi videntur, debet homo præ-*  
*termissa veritate falsitatem docere.*

Verum neque Augustini, neque Tertulliani, neque  
Baronii, neque Gregorii, neque Thomæ (nescio an  
Ecclesiæ) discipulus est, qui medicorum præceptum  
illud in Christianorum religionem inducit, & beato  
Thomæ transcribit. Et fanè Baro neque sibi, neque  
fidei suæ satis benè consulit, dum in iis, quæ ad re-  
ligionem pertinent, præcepta medicorum sua facit,  
sed convitiis suis, ut mea faciam, nunquam efficit.  
De Baronis consilio in adhibendo medicorum dog-  
mate non pronuntio, nisi quòd egisset prudentius, si  
non adhibuisset. Causam non adfero. Siquidem ad  
uniuscujusque vel leviter cogitantis pectus advolat,  
& ne advolaret, impedire me posse vellem.

## CAPUT VI.

*Subdola & calumniosa fratris Baronis inquisitio.*

SIC se habet in paragrapho IV. *Velim demonstret*  
*Launoius quid dixerit Thomas Pontifici (Urbano*  
*IV.) obsecutus peccaverit contra legitimi Theologi officium,*  
*sive ex inscitia, sive ex mala fide, aut negligentia*  
*culpam natam esse velit.*

Et primò quidem Epistolarum nostrarum, in quibus  
de subjectis quibusdam Cyrillo testimoniis agitur,  
scopus non est, S. Thomam vel inscitiam, vel malæ  
fidei, vel negligentiam nomine accusare. Scopus est  
tantum ostendere, testimonia, quæ Thomas ex Cy-  
rillo repetit, Cyrilli non esse, & Thomæ fraudulen-  
ter obreptum, non ab Urbano IV. sed ab incognito  
homine, qui doctori sancto, cum esset junior Theolo-  
gus, afficta Cyrillo testimonia subministravit. Hic  
homo Thomæ illudit, ut frater Baro hoc in loco suis  
lectoribus illudit, significans, Thomam jam tum pri-  
mum adhibuisse subjecta Cyrillo testimonia, cum o-  
pusculum adversus Græcorum errores composuit. Hoc  
autem ex iis, quæ supra cap. I. retulimus, manifestè  
falsum esse constat. Beatus enim Thomas multò ante  
Urbani Pontificatum subjectis Cyrillo testimoniis usus  
est semel, atque iterum: Semel cum in Magistri sen-  
tentias commentarios lucubraret: Iterum, cum Opus-  
culum contra impugnantes religionem ederet.

Tertul-



Tertullianus cum in Apologetici capite XIX. de instrumentis quibusdam ageret, dixit: *Religionis est infar fidem de temporibus asserere*: Sed frater Baro religione hac ut apparet destituitur. Destitui voluit, ut litigaret, & calumniaretur impunius. Cominus accedo. Nunc si quis scribenti Baroni, quod de Thoma & Urbano scribit (Thomam videlicet jam tum primum usurpasse subjecta Cyrillo testimonia, cum se debat Urbanus) fidem haberet, erraret quidem, sed innocenter erraret, eminentissima Baronis simplicitate & bonitate confisus. Quid quæso responderet mihi frater, si vestigiis illius & verbis insisterem? Velim demonstret Baro, quid ille Theologus, qui se Baroni præberet credulum, peccaverit contra legitimi Theologi officium, sive ex incitia, sive ex mala fide, sive ex negligentia culpam natam esse velit. Interea dum respondebit frater, responderem ego, Theologum illum, qui se Baroni præbuisset credulum, contra legitimi Theologi officium nihil peccasse, sed Baronem duntaxat, quem Theologus ille eruditum & minime fallacem esse Monachum credebatur.

Hic coactus sui Baronis verba repetere, quæ non satis intelligo. Quid sit legitimum Theologi officium capio: Quid verò sit legitimus Theologus non capio. Sed Baro, qui sublimioris est ingenii, bene capit. Quod mihi hac in re sufficit.

Deinde in libello, quem Urbanus Thomæ ad examinandum dedit, fuisse illa omnia Cyrilli testimonia, quæ sunt in Opusculo contra Græcorum errores, Baro tam facile pronuntiat, ac si libellum vidisset aliquando, & perlegisset. Opusculum contra Græcorum errores duas in partes tribuitur: Prior continet capita XXXII. Quorum unicuique præfigitur: *Quomodo intelligatur hoc vel istud alicujus Græci Patris dictum*: Posterior habet capita XXXVI. in quorum titulo, *quomodo intelligatur hoc vel illud alicujus Græci Patris dictum*, non ponitur amplius, sed simplex argumentum rei, quæ deinceps tractanda est. Ex quo pars posterior non ita videtur pertinere ad priorem, in qua libellus Thomæ ab Urbano IV. datus expenditur. Quidquid in causa, alia est in priori, alia in posteriori parte docendi ratio. Nec præterea id liquet, de quo pronuntiat frater assuetus placitis Aristotelicæ scholæ, ubi nemo suum judicium suspendit: Omnes de re qualibet intrepidè pronuntiant, ne illis aqua hæere videatur.

Ad Baronis votum redeo, & dico demonstrasse me, quod in Epistolis demonstrandum susceperam, commentitia nimirum esse testimonia, quæ apud Thomam in quart. sent. in Opusculo contra impugnantes religionem, & in Opusculo contra Græcorum errores Cyrillo asinguntur. Hoc inquam demonstravi apud cordatos & eruditos homines, qui antiquitatis Ecclesiasticæ gustum habent; non demonstravi forsitan apud Baronem & alios illi similes. Sed istud me nec angit nec sollicitat. De Doctore sancto cum ea, quæ decet, reverentia locutus sum, & me Parisiensis Theologi jure privavi, nec facti poenitet. Modestissimo doctore subreptionem vel obreptionem non abjudico, quam sibi Romani Pontifices ipsi non abjudicant.

Gregorius VII. qui & qualis Pontifex in libri IX. epistola XXX. ad Haganonem Episcopum: *Novit itaque prudentia tua, quia multa tanquam à nobis deferuntur & dicta & scripta, nobis nescientibus. Multa etiam subripi possunt, minus ad singula intentis, utpote divisis ad plurima, & intentis ad maxima, quibus vehementer arctamur. Unde in hac causa, quod profecto minime recordamur, siquid fortè subreptum fuit, optat magis animus corrigere, quam ab aequitate, & rationis tramite deviare, vel aliis corrigenda relinquere.*

Alexander III. de Rescriptis cap. LXXXI. *Si quando aliqua tua fraternitati dirigimus, quæ animum*

*tuum exasperare videntur, turbari non debes. Et infra: Qualitatem negotii pro quo tibi scribitur, diligenter considerans, aut mandatum nostrum reverenter adimpleas, aut per literas tuas, quare adimplere non possis, rationabilem causam præendas, quia patienter sustinebimus, si non feceris, quod prava nobis fuerit insinuatione suggestum.*

Innocentius III. in libri primi epistola ad Lugdunensem Archiepiscopum, & Abbatem Athanacensem: *Discretionem vestram per Apostolica scripta mandamus, quatenus si prædictas confirmationis literas per veri suspensionem & falsi suggestionem, ut supra dictum est, vobis consulerit impetratas, nullatenus permittatis, quod G. ex his fructum aliquem consequatur.*

De Sedis ipsius Apostolicæ more elegans est B. Bernardi locus in Epistola CLXXX. ad Innocentium II. *Iterum supplicatio, iterum preces, & decies repetita non desinent. Non desistimus, quia non diffidimus. Bonam causam habemus, & æquum judicem, qui non cunctabitur evacuare, quod surreptum est. Tantum apparebit, quod verum est, nec poterit inde ridere, qui voluit irridere, sed ut scriptum est, mentita est iniquitas sibi. Hoc solet habere præcipuum Apostolica Sedes, ut non pigeat revocare, quod à se fortè deprehenderit fraude elicitum, non veritate promeritum. Res plena aequitate & laude digna, ut de mendacio nemo lucretur, præsertim apud sanctam & summam Sedem.*

Hæc est subreptio vel obreptio, cui cum Romanus Pontifex & ipsa Sedes Apostolica sit obnoxia, Thomam eidem obnoxium fuisse, dicere non reformidavi. Quinetiam Thomas id fecit, quod Gregorius VII. faciendum sibi esse scribit: Seipsum tacitus correxit, cum in libris posterioribus, quæ quondam Cyrilli testimonia usurpaverat, non usurpat, etiam si vel maxime & convenientissime usurpanda essent. Nimirum illorum falsitatem deprehenderat, ut in Epistolis nostris docuimus. Hic moras nequit, & tergiversatur frater Baro, & me aliter scripsisse quam scripsi, fabulatur, & quæ injuria Romano Pontifici, vel Sedi Apostolicæ non infertur, cum illi obreptum esse dicitur, eam beato Doctore à me factam esse pugnat, & turpiter calumniatur.

## CAPUT VII.

*Instaurat frater Baro certum quoddam criticæ genus, in quo & seipsum prodit, & Thomam offendit, & calumniari pergit.*

Baronis istius verba sunt in fine paragraphi IV. *Unum superioribus addam, quò expeditior sit nostra disputationis progressus: Triplex testimoniorum genus distinguere oportere: Quadam certa, alia falsa & commentitia, postremi ordinis & mediæ dubia & probabilia. Launoius quæ ex Cyrillo aliisque Patribus Græcis ad secundam classem aperte falsorum revocat, nos probabilibus & dubiis accensemus. Hoc unum suscipio propugnandum contra Launoi Epistolæ tres, quas brevi refellam. Deinde in paragrapho V. Launoius igitur quæ ex Cyrillo pro primatu Petri ejusque successorum refert testimonia divus Thomas, non solum incerta quod ultro concedimus, aut suspecta, sed omnino falsi comperta probat.*

Hic non satis erat, triplex testimoniorum genus proponere, ut proponitur, sed necesse erat, solida & expressa designare indicia, quibus quæ certa esse putet testimonia, hæc certa; quæ falsa & commentitia, hæc falsa & commentitia; quæ dubia & probabilia, incerta & suspecta; hæc dubia & probabilia, incerta & suspecta dignoscantur. Fortassis arcanum est privatæ hominis criticæ, necessaria reticere indicia, ut certa, falsa, & dubia ad arbitrium libidinemque suam decernat. Sic cum aliquid voluerit esse certum, vel falsum, vel dubium, illud certum, vel falsum, vel dubium erit. Criticæ hujus futilitas ex

ex eo luculenter apparet, quod quæ Cyrilli testimonia, dubia & probabilia, incerta, & suspecta esse pronunciat, eadem certa vel falsa esse pronunciare possit. Scilicet rationem nullam adfert, cur Cyrilli testimonia, incerta, dubia, & suspecta esse potius, quàm certa vel falsa pronunciet: auctoritatis, doctrinæ, & iudicii se credit esse huiusmodi, ut ei velut  
 40 ex tripode pronuncianti assensus præbeatur ab omnibus. Quæ fratris arrogantia! Si dicat se id esse consecutum ex lectione Epistolarum nostrarum, in quibus quæ Cyrilli testimoniis oppono, evincunt quidem illa esse dubia, incerta, & suspecta, sed falsa & commentitia esse non evincunt. Hoc autem si ita est, frater Baro pessimè meretur de benefactore suo, quem tot convitiis & dictis petulantibus proscindit: Ingratus est,

*Et dixeris maledicta cuncta, cum ingratum hominem dixeris.*

At si temerè, nec adhibito studio scripsit, Cyrilli testimonia, quæ beatus Thomas refert tribus in locis, dubia, incerta, & suspecta esse, nullas mihi gratias agere debet, quia de meis Epistolis profecit nihil. Si huc se recipiat, oppidò quàm ridiculus efficitur; Ut allata à Doctore suo Cyrilli testimonia defendat. Quid mihi & meis rationibus respondeat fortitur, nec alterius, quàm volaticæ Academiæ alumnus se esse docet. Bona-ne est methodus hæc libros veros excernendi à supposititiis? Qua in schola discitur ars tam utilis ad quærendam & asserendam veritatem?

Deinde cum frater ultro concedit, Cyrilli testimonia, quæ sanctus Thomas laudat, dubia, incerta, & suspecta esse, debet quoque ultro concedere, Doctorem illum Petri primatum nonnisi dubiis, incertis, & suspectis Cyrilli testimoniis confirmasse: Sic Thomas cum Barone arbitro primatum Petri & successorum ita confirmat, insidiosè confirmat, quia destruere est potius, quàm confirmare.

41 Præterea si Thomas Cyrilli testimonia, dubia, incerta, & suspecta esse noverat, his testimoniis primatum Petri asserendo tam graviter peccavit, ut excusari nequeat. Siquidem horribili ruinæ primatum Petri exposuit, cum illum dubiis, incertis, & suspectis, fundamentis niti demonstrat: Si verò Thomas Cyrilli testimonia, dubia, incerta, & suspecta esse ignorabat, & ea pro certis habebat, Barone iudice per inscitiam erravit. In uno Thomas malæ fidei, in altero reus est insitiæ.

Hæc est egregia & palmaris pro Doctore sancto contra Launoium, Cyrilli testimoniorum quæ ab eo laudantur, defensio; in qua vir locuples, & acri præditus iudicio nihil ab hæreticis accepit, sed illis pro innata sibi ingenuitate & liberalitate tribuit multa, quibus & irrideatur Thomas, & assertus ab eo Petri primatus concutitur & labefactetur.

### CAPUT VIII.

*Baro ineruditum se calumniatorem ostendit, & in Sanctorum Patrum lectione peregrinum & hospitem.*

42 Emma hoc paragraphi v. periodus una vel altera manifestissimè demonstrat. Est autem huiusmodi: Non puto mihi fraudi fore, si de Primatu Petri & Ecclesiæ Romanæ magis cum Bernardo, Perronio, Coeffetæo, tribus immortalibus ornamentis Ecclesiæ Gallicanæ, & cum Græcis in Florentino Concilio schisma ejurantibus, quàm cum iisdem post Synodum in schisma delapsis, quàm cum Marco-Antonio de Dominis, cum Philippo Mornæo, & Blondello, quos ubique sequitur adversarius, assentiar. Quæcumque enim habet argumenta, ex his Ecclesiæ Romanæ hostibus deprompsit: Nos contra adversus illius & sociorum impetus præsidia ex nominatis viris clarissimis extruimus.

Dum frater Baro hæc jecit in suos commentarios, vel cerebro caruit, vel si non caruit, illud nimio calore turbatum fuisse oportet. Quod ita planum facio.

Et primò quidem in duabus ad Antonium Faurum Epistolis, quarum confutationem aggreditur, de primatu Petri non agitur, sed de laudatis à beato Thoma Cyrilli testimoniis, quæ Cyrillo subjecta esse probo iis legibus, quas viri graves & docti solent ad excernenda scripta subditiia usurpare. Mirum est hoc: Frater Baro Criticum agit & Criticæ leges ignorat; scribendi facilitate nescio quæ & formalibus argutiis omnia metitur, & omnia dijudicare se posse credit: Quæ vanitas! Quæ *inertia*!

Deinde confutationi duarum ad Faurum Epistolarum quid infervire possunt Bernardus, Perronius, Coeffetæus, qui numquam examinarunt, num laudata à Doctore sancto Cyrilli testimonia, sint vel vera, vel falsa, vel dubia, incerta, & suspecta? Ubinam Bernardus, ubinam Perronius, ubinam Coeffetæus, ut Petri primatum asserant, Cyrilli testimonia, quæ recenset Thomas, in medium adducunt? O portentum malæ fidei & *inertia* in Barone!

43 Quinetiam, quod frater iste dissimulat, sub finem prioris ad Faurum Epistolæ Perronii auctoritate utitur, ut illa Cyrilli testimonia supposita esse confirmem. "Sic enim scribo: Baronius quem nemo nescit, opportunitatem Sedis hujus (Apostolicæ) assertorem esse cupidissimum, & ubicumque & quomodoque corrogare, quæ illius amplitudini, commodis, honori inserviunt, de relatis testimoniis omnibus file: Contempsit illa potius, quàm non vidit. "Atque istud cum observo, etiam si nihil observarem aliud, testimoniorum vanitatem mihi viderer demonstrasse. Jacobo Cardinali Perronio in responsione ad Regem Britannicæ occasio non defuit faciendi quod non fecit Baronius: Sed vir prudens & attentus id facere quoque neglexit, cum de retinenda & ornanda Pontificis summi dignitate vel maxime cogitaret. Et revera ex universis Patribus, quos in opere suo Cardinalis adducit, nullus est, qui plura, qui eminentiora, qui expressiora Romano Pontifici tribuat, quàm citatus à beato Thoma Cyrillus. Sed à referendis Cyrilli testimoniis, quæ falsa esse censebat, sibi temperavit. Argumentum istud, quod à contumaci Baronii & Perronii silentio repetimus, eloquentissimum & disertissimum est. Si cum suis spectetur adjunctis omnibus, rem non solum apud eruditos homines, sed etiam apud Barones ipsos omnes, excepto uno, demonstrat.

44 Tum imprudenter allegat Florentinam Synodum, quæ ab asserendo Romani Antistitis Primatu Bernardum, Perronium, & Coeffetæum removet, etiam si Perronius & Coeffetæus, ut Bernardus, in Sanctorum numerum relati essent. Adscribo Synodi verba, quæ frater Baro nusquam legit, aut si legit, quod non credo, haud intellexit: *Agebat præterea* (Eugenius) *de privilegiis Papæ, ut habeat illa juxta determinationem Sacra Scriptura & dicta Sanctorum.* Hoc etiam non placuit Imperatori. An si quis, inquit, SANCTORUM in Epistola honoret Papam, excipiet hoc pro privilegio? Propter hoc significavit Papæ, aut hoc corrigeret, aut de ejus reditu cogitaret. Et post habitas plures inter Græcos & Latinos de dictis Sanctorum collationes, itum est eam in sententiam, ut definitio, quæ ad Primatum Romani Antistitis pertinet, conficeretur, injecta nulla de dictis Sanctorum mentione. Confecta sic est: *Item diffinimus, sanctam & Apostolicam Sedem, & Romanum Pontificem in universum orbem tenere primatum, & ipsum Romanum Pontificem successorem esse beati Petri Principis Apostolorum, & verum Vicarium Jesu Christi, totiusque Ecclesiæ caput, & omnium Christianorum Patrem & Doctorem existere, & ipsi in beato Petro pascendi, regendi, ac gubernandi universalem Ecclesiam à Domino Jesu Christo plenam*



plenam potestatem traditam esse, quemadmodum & in gestis Conciliorum Oecumenicorum, & in sacris Canonibus continetur. Sic refert Flavius Blondus Eugenii Papæ scriba in libro x. Decadis 111. Editionem hanc confirmant Marcus Vigerius Cardinalis in Decachordo chorda x. Joannes Roffensis in art. xxv. contra Lutheranas Assertiones, Joannes Eckius in libri 11. de Primatu Petri capite xxv. Albertus Pighius in libri 1v. de Ecclesiastica Hierarchia capite ultimo: Qui omnes decretum referunt, ut habet Blondus. Idem Græcè traditur: καὶ ὃν τὸν καὶ ἐν τοῖς παλαιῶν καὶ οἰκουμένην συνόδων, καὶ ἐν τοῖς ἱερεῖς πάντοι διαλαμβάντω. *Juxta eum modum, qui & in actis Conciliorum Oecumenicorum, & in sacris Canonibus continetur.* Latina & Græca definitionis hujus editio inter se conveniunt adversus Abrahamum Cretensem, qui primus Florentinam Synodum typis mandari curavit in editione sua, quæ ex Græci exemplaris versione facta est, sic contra fidem exemplaris illius habet: *Quemadmodum etiam in actis Conciliorum Oecumenicorum, & in sacris Canonibus continetur.* Cum verò Græcum & Latinum exemplar inter se conveniant, Abrahamus Cretensis excusari non potest, & perverse versionis reus peragi merito potest. Sic concordantibus Græcis & Latinis inter se statuuntur duo: Primum est, ut in asserendo & vindicando Romani antistitis primatu nulla de dictis Sanctorum fiat mentio; alterum, ut Romani antistitis primatus retineatur talis, qualis & in actis Conciliorum Oecumenicorum, & in Canonibus sacris assertus reperitur. Florentini Patres Oecumenicas Synodos septem priores intelligunt, cum Florentina Synodus hæc octavam Synodum se inscribat, quando primum ab Abrahamo Cretensi edita est, & Clementis VII. Medicæi privilegio munita.

Imprudenter igitur frater Baro Florentinam Synodum allegat & subjicit: *Nos contra adversus illum & sociorum impetus subsidia ex memoratis viris clarissimis extruimus.* Extruere quidem poterit, quia multa facere potest homo audacissimus, sed contra Florentinæ Synodi gesta & definitionem extruet, cum in asserendo Romani Episcopi primatu Bernardum, Perronium, & Coeffetæum adhibere non dubitat: Et sic ab homine schismatico non multum distat.

Quartò Florentinam Synodum mihi adhuc imprudentiùs opponit. 1. quia ego rebus in Florentina Synodo gestis utor, ut quæ Thomas Cyrilli laudat testimonia, hæc Cyrillo abjudicem. Sic igitur in priori ad Faarum Epistola dissero: "Præterea, quæ gesta sunt in Florentina Synodo, testimoniorum suppositionem validissimè confirmant. In Sessione vii. fuit qui palam dixerit: Habemus, Patres optimi, multas alias hac de re sententias, sed longè ante omnes Cyrilli in thesauris: Elucet enim præcipuè Romani Pontificis auctoritas in scriptis Cyrilli. Sed homo iste in Sessione xxv. obmutuit, cum loqui debuit etiam Stentore clamorior. Cyrilli thesauros non aperuit, cum aperiendi occasio sese obtulit. Nonne tunc vehemens & pugnax concertatio Romanos & Græcos diu tenuit, cum faciendum fuit decretum fidei circa Romani Pontificis dignitatem? Cur quæso Romani Græcis non objecerunt Cyrillum, summæ apud eos auctoritatis Episcopum, qui plura Petro, & in Petro Petri successoribus, quam Romani peterent, concedit? Cur Romani Græcis non objecerunt relata testimonia, quæ Græcis ad modum & tergiversationem aditum intercludunt omnem? Cur in præstandis illis testimoniis non oppugnaverunt Thomæ fidem? Oppugnare non sunt ausi. Et primum quidem Græci Græca postulassent Cyrilli exemplaria: Quis dedisset? Et quis etiamnum ea daret, in quibus quæ Thomas habet, reperirentur? Integram thesaurorum opus in lucem prodit, ubi nec vola nec vestigium testimoniorum, quæ exhibuimus,

Græci à Latinis sciscitati essent, quis relata testimonia à Græco vertisset in Latinum? An Thomas vel alius? Nemo affirmasset veritissimè Thomam, qui Græcè non intelligebat: Si alius, quæssissent, quo tempore claruerat? An totum thesauri opus verterat, an eas tantum partes, quas beatus Thomas in suos jecit commentarios? Cur vertendo periodum imperfectam & mutilam reddiderat? *Ut membra maneamus.* Certa quædam verba præcedentia cum insequentibus jungenda utique fuerant, ne Cyrillus vastè & hiulcè loqui videretur. Quæssissent quoque, quos Cyrillus alloquatur per illud: *Ut membra maneamus in capite nostro Apostolico throno Romanorum Pontificum?* Vel per illud: *Itaque fratres si Christum imitatur, ut ipsius oves vocem ejus audiamus manentes in Ecclesia Petri.* An alloquatur Ægypti, Orientis vel Occidentis Episcopos? Quare sic alloquatur? Quare in Theaurorum opere res tam alienas tractet? Quare Thomas non omnia, quæ ex Theauris arcessit, unicuique Theaurorum seu libro, seu capiti, seu assertioni non consignet? Quare hac in parte Synodum IV. non imitetur? Quare in Theauris extent, quæ Synodus VI. laudat, non extent, quæ Thomas? Huic argumento, quod rem videtur decernere, sic Baro respondet in paragrapho vi. *Cuius nomen illius Græci tacet, qui sess. vii. referebat sic Patres Concilij allocutum: Habemus multas alias hac de re sententias, sed longè ante omnes Cyrilli in Thesauro. Is fuit Andreas Collocensis Episcopus, cui Græcorum nullus intercessit:* Sed cum ista dicit, ne hilum quidem proficit, cum Andreas ille in sess. xxv. pisce mutior fuerit, & Cyrilli Theaurum suo silentio involuerit, & occultaverit. Nugari & respondere Baroni sunt unum & idem.

Nonne Florentinam Synodum mihi opponit imprudentissimè, cum ex ea depromam argumentum, quod tot rebus circumstantibus adornatum expugnari non potest. Hoc autem cum decretorium sentiret Baro, nec solidam responsum inveniret ullam, certum quoddam ex illo membrum avulsit, & avulsam crepundiorum loco habuit, ut otium suum puériliter oblectaret in paragrapho v.

II. Florentini Concilii definitionem, quæ antè relata est, semper adhibeo, cum de facienda Romani Pontificis auctoritate agitur. Noto loca præcipua: In parte 111. Assertionis, qua in Sammedardensis Monasterii privilegium inquiri, cap. v. in Censura Responsionis Caillocianæ; in Epistola ad Christophorum Fauvæum, quam habet pars prima Epistolarum nostrarum; in Epistola ad Thomam Rullandum, quam habet pars tertia; in Epistola ad Joannem Molendinum, quam habet pars quarta & in Epistola ad Felicem Philippæum Brossam supra.

Quintò frater externis potius quam nostris moribus imbutus per verba hæc, *magis cum Græcis in Florentino Concilio schisma ejurantibus, quam cum iisdem post Synodum in schisma delapsis,* Gallicanam Ecclesiam & Parisiensem Academiam perstringere voluit; quæ in Commonitorio supra in cap. v. laudato Cardinalis Lotharingii ore sic loquuntur: *Nunc superest titulum ultimus è Florentina Synodo depromptus, quem beatissimo patri nostro tribuere volumus. Ego verò negare non possum, quin Gallus sim, & Parisiensis Academia alumnus, in qua Romanum Pontificem subesse Concilio tenetur: Et qui docent ibi contrarium, ita tanquam heretici notantur. Apud Gallos Constantiense Concilium in omnibus suis partibus generale habetur. Basileense in auctoritatem admittitur. Florentinum perinde ac nec legitimum, nec generale repudiatur. Atque idcirco Galli de vita potius, quam de sententiâ decederent. Hac autem omnia cum ita sint, me ad sanctitatis sue pedes projico, & ei per viscera misericordiæ Dei nostri supplico, ut in præsentiarum verba hujusmodi & concertationes ista mittantur. Afflicto regno non est danda afflictio. Heretici jam satis offensi sunt, Catholici reguntur, ac ducuntur omnes à Theologis, qui clamores usque in cælum tollent.*

Privilegia

*Privilegia seu libertates in hac veritate posita sunt universae: Et eam ob causam disputatio huiusmodi, si fiat, tota ad subversionem audientium convertetur. Regnum separabitur & distrahetur: Quod erit commune ac summum illius exitium. Nam credere, futurum esse vel unum an-  
50 ristitem, qui his consentiat, insanum esset. Ex Gallico sermone quem alibi Latinum fecimus. Sermonem hunc Tridentina Synodus audiit, nec respuit. Quinetiam illum sic excepit, ut facere destiterit, quod facere instituerat, ut Cardinalis Pallavicinus in historia Tridentinae Synodi observat. At frater Baro sermonem rejicit, & illius auctores schismatis insinuat. Et quoniam sua est Baronibus astutia & calliditas, si Baro noster negaret id quod aio, credendum illi non esset, nisi quod in Commonitorio Gallicana Ecclesia & Parisiensis Academia tunc senserunt, sentire se publico instrumento testaretur.*

Sexto ineruditum, ut solet, calumniatorem agit scribens, me quaecumque habeo argumenta, hæc ex Marco Antonio Spalateni, Mornæo, & Blondello Ecclesiae Romanæ hostibus deprompsisse. Hi tres scriptores non examinarunt, quod sciam, utrum quæ Thomas laudat omnia Cyrilli testimonia, subditiua sint, necne. Tum non potuerunt censere de Cyrilli testimoniis, ut ego censui, non quia non mihi præstent ingenio, sed quia quo tempore vivebant, Mornæus præsertim & Marcus Antonius, Cyrilli opera omnia mandata typis non erant Græcæ & Latine, uti nunc mandata sunt.

Deinde quò facilius suam frater occultet calumniam, Marci Antonii, Mornæi, & Blondelli loca non indicat, in quibus affectum mihi plagium deprehendatur. Simia semper erit simia: Calumniator semper erit Baro, & frater Baro semper erit Baro.

Tum si fratri nos ita criminari liceat, nunquam poterimus commissum à fratre Jacobo Clemente colligere quondam suo parricidium dicis atque execrationibus infectari, quòd illud ante nos Philippus Mornæus, David Blondellus, vel alii de heterodoxorum grege infectati fuerint. Tunc frater Baro statim occurreret & sibi sumeret, nos diras atque execrationes illas omnes ex immanissimis Romanæ Ecclesiae hostibus deprompsisse: *Hæc sunt, inquit, protrita ex Mornæi & Blondelli promptuariis precario emendicata: Hæc sunt ex præjudicatis opinionibus, quæ omnino Mornæo & Blondello consensunt: Hæc Marci Antonii, Mornæi, & Blondelli officinam respiciunt.* Hæc disputandi methode frater fratris sui facinus detestabile vindicaret, & me, quia execraret, quod Mornæus, Blondellus, & alii ante me execrati essent, inter hæreticos relegaret, quippe qui argumentum contra fratrem Jacobum Clementem nullum haberem, quod ex immanissimis Romanæ Ecclesiae hostibus non deprompsissem. Atque ita, qui atroces Baronis timebit calumnias, parricidam revereri & fratri Jacobo Clementi benedicere cogetur. Quæ certa erit in eundem cum Barone nostro familiaritatis & amicitiae ratio.

Quartò sit ita, me id fecisse quod mendaciter obijcitur: Me id fecisse dico Apostoli Pauli secutus consilium: *Omnia probate, quod bonum est tenete.* Synodus illa, quæ canonicos libros secrevit ab apocryphis, consilium idem tribuit. Hoc posito, cur id mihi non liceret, quod beatus Thomas sibi licere credidit? Hic Doctor argumenta passim & liberè depromit ex operibus Aristotelis, quem antiqui Patres hæreticorum Patriarcham nominant, & tanquam capitalissimum Christianæ Religionis hostem abijciunt, ut in libri de varia Aristotelis fortuna capite 11. latè demonstravi. Sic Baro per latus meum Thomam quintum Ecclesiae Doctorem ferit, & sursum conjecit tela, quæ in illius caput reciderunt: O ingratum Thomæ discipulum, & ineptum jaculatorem! si tamen vis, sit tibi

*Enceladus jaculator audax.*

Quintò tam vehementes sunt Baronis calumniae, ut ad Stephanum Papam Martyrem, ad Augustinum, ad Hieronymum, & Theodoretum, ad Synodum VI ad Pium V. usque pertineant.

Ad Stephanum quidem, cum apud Cyprianum in Epistola LXXIV. ad Pompeium ita decernit: *Si quis ergo à quacunque hæresi venerit ad nos, nihil innovetur, nisi quod traditum est, ut manus illi imponatur in penitentiam, cum ipsi hæretici propriè alterutrum ad se venientes non baptizent, sed communicent tantum.* Quàm egregiè vapulasset à Barone Stephanus, qui non modò hæreticorum omnium baptismum recipit, sed etiam recipiendi argumentum ex hæreticorum ipsorum disciplina requirit!

Ad Augustinum, qui traditas à Ticonio Donatista exponendarum Scripturarum regulas docuit, sublatis, vel additis, quæ tollenda vel addenda judicavit. Quæ verborum acerbitate invasit in me Baro, eadem & in Augustinum invasisset?

Ad Hieronymum & Theodoretum, qui in interpretandis Scripturis sacris Aquilam, Symmachum, & Theodotionem aliquando sequuntur, etiamsi Aquila, Symmachus, & Theodotion à Christiana Religione defecissent. Baro omnem moveret lapidem, ut Hieronymi & Theodoreti fides suspecta redderetur.

Ad Synodum VI. quæ fidei definitionem non prius exaravit, quàm consentanea Orthodoxis Patribus Heterodoxorum testimonia adjecisset. Quod facti genus frater Synodi VI. Patribus exprobraret detestaretur & amandaret in Morboniam.

Ad Pium V. qui contententibus in Gallia & potissimum Lutetiae plerisque iterum baptizandos esse, qui à Calvinianæ sectæ ministris baptizabantur, silentium imposuit & legem, ne quis illorum iterum baptizaretur. Si tunc vixisset Baro, non minùs quàm ego, tulisset impunè. Calumniatricis Theologiae suæ principiis Pium Calvinianæ sectæ fautorem appellasset.

His adjicio Baronem eo comparatum esse animo, ut à suscipienda Religione Christiana detereretur ethnicum, quem argumentis è libro Mornæi de veritate illius depromptis persuasum iri perspiceret: Ut vehementer obliſſeret, nequis Joannæ Papiſſæ fabulam edito contra illam Blondelli tractatu dedoceretur. Et tamen certo est certius, Baronem ex illo Mornæi libro deprompturum esse multa, si de veritate Christianæ Religionis librum scriberet, vel librum non satis bonum scripturum esse: Deinde Joannæ Papiſſæ fabulam confutaturum non esse validius, quàm Blondellus confutavit.

## CAPUT XI.

54

*In superioris capitis argumento detegitur alia Baronis calumnia extra quàm insipida, & in Baronium & Bellarminum derivatur.*

Calumnia hæc est, me primatum Petri impugnasse, cum illa Cyrilli testimonia, quæ tribus in locis sanctus Thomas retulit, Cyrillo abjudicanda esse censui: Sed qua ratione, me de impugnato Romani antistitis primatu accusat, eadem & Baronium & Bellarminum accusaret. Rem in luce atque in omnium oculis defigo.

Beatus Thomas Romani antistitis primatum confirmat nonnullis Cyrilli testimoniis, quæ Cyrillo subiecta esse pluribus ostendi. Hinc frater Baro dicendi ansam arripuit, me Romani antistitis primatum impugnare, & ille statim, quæ de Romani Pontificis primatu sanctus Bernardus, Cardinalis Perronius, & Nicolaus Coeffetæus scribunt, mihi perinde obijcit, ac si primatum illum, quem passim vindico, negarem. Et hæc

N n n

est



est calumnia extra quam insipida, quæ in Baronium & Bellarminum facile derivatur.

Leo X. in Lateranensis Concilii Sessione XI. constitutionem edidit, in qua Synodus Alexandrina, & Athanasius laudantur, ut Romani Pontificis auctoritas & primatus in congregandis Conciliis asseratur. In Alexandrina, inquit, Synodo, Athanasio ibidem existente Felici Romano Pontifici, ab eadem Synodo scriptum  
55 fuisse legimus, Nicenam Synodum statuiffe, non debere absque Romano Pontifice Concilia celebrari.

Leonem sequuntur Albertus Pighius in libri IV. de Hierarchia Ecclesiastica capite IV. & in libri VI. capite VII. Ruardus Tapperus in oratione contra Philippum Melancthonem, Melchior Canus in libri VI. de locis capite IV. Bellarminus in libri II. de Rom. Pont. capite XV. & in libri I. de Conciliis capite XII. qui omnes pro asserendo Romani antistitis primatu Alexandrinam Synodum & Athanasium in medium adducunt.

Sed Baronius ad annum CCCLVII. Synodum hanc ut supposititiam rejicit: *Quæ fertur, inquit, Athanasii nomine ad Felicem Romanum Pontificem ex Synodo Alexandrina scripta ab Episcopis Aegypti, Thebaidis, & Libya, haud aequè probatur. Quippe quod talis fuerit status Ecclesiæ Alexandrina ab eo tempore, quo exulante Liberio Felix sedere capit, jam satis superius est demonstratum, ut nullus planè locus cogenda Synodi potuerit esse, Athanasio fuga lapsa, & in eremo latitante, atque aliis Episcopis pariter exturbatis. Sunt præter hæc multa alia, quæ ibi posita minus arrident: Ut cum de ipsius Felicis ordinatione Athanasius eundem Felicem reddit certiorum. At ipse suas merces mercator emat.*

Accedat nunc frater Baro, & quæ præditus est æquitate oppugnati primatus Papæ Baronium insimulet: Quid ita? Illustris Ecclesiasticorum Annalium conditor demonstravit, supposititiam esse Alexandrinam Synodum, qua Leo X. Pighius, Tapperus, Canus, Bellarminus, & alii primatum Romani Pontificis confirmant. Hæc de Baronio, nunc ad Bellarminum venio.

Albertus Pighius in libri VI. de Monarchia Ecclesiasticæ capite VI. proponit sibi primatum Romani Pontificis asserere ex testimoniis Romanorum Pontificum, qui Nicenam Synodum præcesserunt. Exinde Anacleti, Evaristi, Alexandri, Aniceti, Eleutherii, Victoris, Zephirini, Marcelli, & Melchiadis testimonia producit.

Pighium sequitur Melchior Canus, qui ut Romani antistitis primatum & primatus dignitatem corroboret, ad Anacletum, Evaristum, Alexandrum, Sixtum, Pium, Victorem, Zephirinum, Marcellum, Eusebium, Melchiadem, Marcum, & Julium confugit.

Canum sequitur vulgus Theologorum vel aliorum auctorum, quibus satis est aliquid esse typis mandatum, ut id verum esse credant. Adde quod antiqua instituta Ecclesiæ metiantur recentioribus. Quæ certa est errorum complurium origo.

At Bellarminus in libri II. de Romano Pontifice capite XIV. fatetur Pontificum illorum Epistolas indubitatas non esse. Sic enim scribit: *Primum igitur disertè asserunt primatum hi sancti Pontifices, Clemens Epistola I. Anacletus epistola III. Evaristus Epistola I. Alexander epistola I. Pius epistola I. & II. Anicetus epistola I. Victor epistola I. Zephirinus epistola I. Calixtus epist. II. Lucius epist. I. Marcellus epist. I. Eusebius epist. III. Melchiadis epist. I. Marcus epist. I.*

Ad hæc testimonia (Magdeburgenses & Calvinus)  
57 nihil respondent, nisi esse recentia & supposititia. At quamvis aliquos errores in eas irrepsisse non negaverim, nec indubitatas esse affirmare audeam, certè tamen antiquissimas esse nihil dubio. Et sanè nihil prodest antiquissimas esse Epistolas, si non sint Pontificum, quibus inscribuntur; si in eas errores irreperint, qui per

vetustiora exemplaria non dignoscantur, & auctoribus non attribuantur, sed librariis; si tum demum indubitata non existant. Huc frater Baro confestim advolat, & pro ea qua valet æquitate & iudicii acrimonia Bellarminum aggreditur, eumque labefactati primatus Papæ insimulat. Quid causæ? Bellarminus Calvino & Magdeburgensibus favet, cum in Pontificum illorum Epistolas errores aliquos irrepsisse non negat, eas indubitatas esse affirmare non audet. Ad insipidam Baronis calumniam ut cumulus accedent sanctus Bernardus, Perronius, & Coeffetæus, quos frater truculentiori stilo instructus, ut mihi, sic & Baronio ac Bellarmino objiciet.

## GAPUT X.

Baro pro ingenii sui dexteritate communem parat locum, quo quidquid Cyrillo vel aliis Patribus assignetur, ut verum retineri poterit.

SIC igitur scribit in paragrapho V. *Ceterum ut (Launoius) falsi convincat testimonia, probandum est illi ex opere Cyrilli inscripto, Thesaurus, nullam desiderari partem. Quod hætenus ne quidem tentavit, nec illi contigisse, quod commentariis in Joannem ejusdem Cyrilli (ne longius exempla conquiram) quæ quatuordecim libris continebantur & supersunt octo. Nam reliquos Clithoræus ausus est supplere. Quis nisi temerè certum asserat, nihil ex Thesauris amissum, cum de illius operibus sit maxima dissensio? Quidam unum tantum conficiunt librum in 35 assertiones partitum: Alii in quatuordecim dividunt: Alii duos tantum numerant, & hoc verisimilius puto, quorum primus qui superest 35 assertiones habet, unde deprompta puto testimonia, eundem passus est casum cum quatuor libris in Joannem, qui desiderantur. Ariolatione simili diceret, Thesauri librum, qui assertiones habet xxxv. assertiones habuisse centum & triginta quinque, quarum centum eundem passæ sunt casum cum quatuor libris in Joannem qui desiderantur, & in centesima trigesima quinta fuisse illa omnia testimonia, quæ beatus Thomas Cyrillo tribuit.*

Deinde in paragrapho VI. *Loco perfugii, quod illi à se præclusum putat, locum tuisissimum paravimus divisione Thesauri in duos libros, quorum primo continentur triginta quinque assertiones: Alter apud nos desideratur, unde probabilius est, deprompta esse testimonia, quæ apud divum Thomam extant. Gratuita non est, ut apparet, divisio, solida illius ratio comparatur ex libro, quem sanctus Thomas contra impugnantes religionem edidit. Nam in eo sic loquitur: Unde dicit Cyrillus Alexandrinus Episcopus in libro II. Thesaurorum: Et si scripsisset Thomas: Unde dicit Cyrillus Alexandrinus Episcopus in libro xxxv. Thesaurorum, Thesaurus seu Thesaurum Baro divisisset in libros xxxv. qui omnes præter primum desiderantur: Unde probabilius est ex libro xxxv. deprompta esse testimonia, quæ apud divum Thomam extant. O virum natum ad illustrandas optimas quasque artes, & ad tollendas per admirabile probabilis opinionis arcanum difficultates omnes, quæ vel in scientiis, vel in excernendis veterum auctorum commentariis, vel in numerandis illorum operibus occurrunt! Sed hic oblitus est, ingeniosum illud totius Critices suæ fundamentum, in quo triplex testimoniorum genus ponit, quædam vera esse, alia falsa, alia dubia, incerta & suspecta, & hujus esse generis, quæ beatus Thomas Cyrillo tribuit. Nam si Cyrilli testimonia, quæ laudat B. Thomas, sunt in Cyrilli libro qui desiderantur, testimonia hæc non sunt amplius dubia, incerta & suspecta, sed vera & certa. Sic vir acutus & sagax pugnat secum, nisi fortean succurrat probabilitas, quæ omnia complanet, & in tuto constituat.*

Tum

Tum in eodem paragrapho: Sed cum inde probat adversarius, falsum esse hoc testimonium, & volumen unde sumitur, supposititium, perinde arguitur, ac si quis neget Tullium de Republica scripsisse, aut Livium pluribus Decadibus totam historiam Romanam complexum fuisse, quod nonnisi fragmenta supersint eorum, qui censentur perisse, librorum, ac si huiusmodi auctorum fragmenta indubitata non sint operum, quæ desiderantur, monumenta. O varias & miseras temporum vices! Cyrilli liber secundus Thesauri diligenter conservatus fuerat usque ad annum M. CCXLVII. vel MCCXLVIII. quo beatus Thomas Lutetiæ in Magistri Sententias commentarios edidit, & eos Cyrilli testimoniis illustravit. Hic liber extabat adhuc Alexandro IV. Pontifice, qui anno M. CCXLI. demigravit ab hominibus, cum Thomas librum contra impugnantes Religionem Lutetiæ composuit, in quo liber ille 11. Thesauri laudatur. Sub Urbano IV. Alexandri successore opusculum contra Græcorum errores scripsit, in quo cum Cyrilli referantur auctoritates, liber ille extare adhuc debuit. Et si opusculum hoc scripsit in Italia, ut puto, libri illius 11. erant exemplaria duo, Parisiense & Italicum, quæ postea perierunt vel incendio vel alio casu rei literariæ funestissimo. Siquidem ab eo tempore repertus est nemo, qui vel Parisiense vel Italicum exemplar viderit, legerit, excerpterit. Unus habuit, unus vidit Thomas.

Tullium scripsisse librum de Republica, qui desideratur, Livium scripsisse Decades, quæ desiderantur, memoriæ proditum est, apud antiquos scriptores nihil est notius, nihil certius. Sed Cyrillum scripsisse Thesaurum, qui duos in libros divideretur, ut à Barone dividitur, nemo ante annum M. DC. LXVI. dixit unquam. Baroni divisionis huius relicta erat gloria, quæ eo major est, quod divisionis ratio tota sit auctoritas & potentia dividendis. At unum est, quod in divisione tam bella desideratur. Baro quidem numerat, quot assertiones Thesauri liber primus contineat: Sed quot assertiones Thesauri liber secundus complectatur, numerare oblitus est; cum tamen tam facile sit dicere quot assertiones Thesauri liber secundus habeat, quam facile est Thesaurum in libros duos parti.

Revertamur ad communem Baronis locum & de eo beato Thomæ accommodemus, ut omnia, quemadmodum decet, ad Baronis mentem pacificè componantur.

I. Beatus Thomas in quart. sent. dist. XXIV. quæst. III. art. 11. Utrum supra Episcopos possit esse aliquis superior in Ecclesia. Infra: Sed contra est, quod legitur in Concilio Constantinopolitano: Veneramus secundum Scripturas, & secundum Canonum statuta & definitiones sanctissimum antiquæ Romæ Episcopum, & primum esse & maximum Episcopum, & post ipsum Constantinopolitanum Episcopum. Baronis loco communi instructus dicet, maximam esse in numerandis Concilii huius canonibus dissensionem. Alii numerant tres, alii septem, alii novem: Quis nisi temerè certum asserat, ex Constantinopolitano Concilio amissum esse nihil? Amissus est ille canon, qui à beato Thoma refertur. Ecquis est tam hebes in plebecula, qui ignoret, amissum esse librum, quem Tullius de Republica composuit? Et deperditas esse nonnullas Titi Livii Decades?

II. Beatus Thomas in Opusculo contra Græcorum errores dicit: Legitur in Calchedonensi Concilio, quod tota Synodus clamavit Leoni Papæ: Leo sanctissimus Apostolicus & Ictumeraycos: id est universalis Patriarcha per multos annos vivat. Legebatur hoc quidem olim in Concilio, cum sanctus Doctor scribebat Opusculum contra Græcorum errores: Sed nunc dierum minimè legitur, quia acta in quibus legit Thomas, interciderunt, ut nonnulla Cyrilli in Joannem commentaria, & Tullii liber de Republica, & quædam Titi Livii Decades.

III. Beatus Thomas in eodem Opusculo adducit Calchedonensis Concilii canonem hunc: Siquis Episcopus predicatur infamis, liberam habeat sententiam appellandi beatissimum Episcopum antiquæ Romæ, quia habemus Petrum patrem refugii: Et ipsi soli libera potestate loco Dei sit jus discernendi Episcopi criminati infamiam secundum claves à Domino sibi datas. Et infra: Et omnia ab eo definita, ab eo teneantur, tanquam à Vicario Apostolici Throni. Et primò quidem de numero canonum Calchedonensis Concilii non conveniunt auctores. Sunt qui numerent XXVII. sunt etiam qui numerent XXVIII. quidni adhuc fuere plures, quam XXVIII. quorum in ordine laudatus à Thoma canon minimè legitur? Sed legebatur inter eos, qui numerum canonum XXVIII. excedebant, & hoc ita esse necessariò dicendum est, quia Thomas quintus Ecclesiæ Doctor decipi non potuit. Deinde ut Cyrilli Thesaurus in duos libros dividitur, quorum unus assertiones XXXV. continet, alter verò continebat ea Cyrilli testimonia, quæ apud Sanctum Thomam extant: Sic & Calchedonensium Canonum libri erant duo, quorum primus habet canones XXVII. aut XXVIII. alter verò habebat canonem, qui à beato Thoma laudatur. Hic autem liber 11. Calchedonensium Canonum periit, ut Thesauri liber ille 11. Tullii liber de Republica, & nonnullæ Livii Decades perierunt.

IV. Beatus Thomas sub finem Opusculi contra Græcorum errores, ut azymorum usum assereret, hanc Gregorii Papæ auctoritatem infumit: Dicit Gregorius Papa in Registro: Romana Ecclesia offert azymos panes, propterea quod Dominus sine ulla commixtione suscepit carnem: Sed cetera Ecclesia offerunt fermentatum pro eo, quod verbum Patris indutum est carne, & est verus Deus & verus homo. Si de Registro (melius Registro diceretur) Gregorii Papæ I. agitur, Epistola illa, ubi tam illustre testimonium exarabatur, periit, & quidem certò periit, quia in Epistolarum Gregorii Papæ primi Registro, quod editum est Romæ, non habetur. Nec mirari quis debet, Registri huius Epistolam unam periisse, postquam Cyrilli liber secundus Thesauri totus, & Tullii opus egregium de Republica, & multæ Livii decades miserabiliter perierunt. Cæterum ut quis (Launoius sit, vel quicumque alius) falsi convincat Gregorii Papæ testimonium, probandum est illi, ex opere Gregorii inscripto, Registrum Epistolarum, nullam desiderari, quod hæcenus ne quidem tentavit, nec illi contigisse, quod commentariis in Joannem ejusdem Cyrilli, quæ quatuordecim libris continebantur, & supersunt octo.

Si de Registro Gregorii VII. agitur, dicendum est, Epistolam, in qua scriptum erat relatum supra testimonium, ibi non extare, sed extare cum Cyrilli libro 11. Thesauri, qui post beati Thomæ ætatem cum Alexandriâ in transmarinas regiones exportabatur, naufragium passus est. Hoc ita dicendum est, cum exemplaria, quæ Thomas Lutetiæ & in Italia viderat, jam interciderant, & sic brevi, ut æqualis nemo videre potuerit. Non vidit Albertus Magnus Thoma vetustior & illius superstes, non vidit Alexander Aletius, non vidit Bonaventura, non viderunt æquales ceteri.

Dubium igitur nullum est, quin Gregorii Epistola sityba, qua Cyrilli liber secundus Thesauri tegebatur, agglutinata esset, & nisi hoc etiam apud Sagram affirmaveris, expedies te numquam ex libri VIII. Epistola 11. ad Synnadsensem Archiepiscopum, ubi Gregorius VII. id de azymo tradit, quod relato supra testimonio neutiquam consentit: De reliquo, inquit, quia cognovimus Ecclesiam vestram azyma sacrificare, & ob hoc à Gracis duntaxat imperiis quasi de hæresi reprehendi, volumus vos de temeraria garrulitate illorum multum mirari: Sed nec ab instituto desistere scientes, eorum procacitatem non modò vobis hanc velut calumniam objicere: Verumetiam simili de causa, graviore an-



rem injuria hucusque contra Romanam Ecclesiam insurgere. Et post alia: Et illi quidem suum fermentum commendantes reprehensionis in nos levissima verba contumaciter jaculari non desinunt. Nos verò azymum nostrum inexpugnabili secundum Dominum ratione defendentes, ipsorum fermentum nec vituperamus, nec reprobamus.

V. Beatus Thomas in tert. part. quæst. LXXIV. art. 65 IV. quærit: *Utrum in Eucharistia permixtio aquæ sit de necessitate sacramenti.* Infra: Sed contra est quod Cyprianus dicit: Siquis de antecessoribus nostris vel ignoranter vel simpliciter non observavit, ut scilicet aquam vino misceret in sacramento, potest simplicitati ejus venia concedi. Cyprianus aliter loquitur in Epistola LXIII. ad Cæcilium: Siquis de antecessoribus nostris vel ignoranter, vel simpliciter non observavit & tenuit, quod nos Dominus facere exemplo & magisterio suo docuit, potest simplicitati ejus de indulgentia Domini venia concedi: Nobis verò non potest ignosci, qui nunc à Domino admoniti & instructi sumus, ut calicem Dominicum vino mixtum, secundum quod obulit, offeramus. In hoc posteriori loco Cyprianus loquitur de vino, quod aquæ miscetur in sacrificio, contra eos, qui aquam solam offerrent, & consecrarent: In priore loco Cyprianus apud Thomam loquitur de aqua quæ vino miscetur: Priorem igitur locum periisse oportet, cum apud Cyprianum non habeatur. Quidni Cypriani Epistola, ex qua Thomas auctoritatem illam decerpit, perire potuerit, cum Cyrilli liber secundus Thesauri perierit? Cum Tullii liber de Republica perierit, cum multæ Livii Decades perierint?

VI. Beatus Thomas in supplemen. quæst. II. art. 11. Præterea, inquit, peccatum aggravatur ex consequenti effectu. Unde Hieronymus dicit, quod pœna Arrii nondum est determinata, quia est possibile aliquos per ejus hæresim corrumpere: Quibus corrumpentibus pœna augeatur. Et cum ad secundum respondet, sub finem responsionis ait: Et sic loquitur Hieronymus, in libris utique, qui jacturam passi sunt, non in libris sat pluribus, qui extant. Cur quæso non potuissent quidam Hieronymi codices jacturam pati, cum Cyrilli plures codices, & imprimis codex 11. Thesauri, & multæ Livii decades eandem passæ sint jacturam?

VII. Beatus Thomas in quæst. IV. art. 11. Sed contra est quod Augustinus dicit (in libro de vera & falsa pœnitentia) semper doleat pœnitens & de dolore gaudeat (cap. XII.) Sed liber ille Augustini non est, sed alterius, qui ab Augustino nominatim dissentit in capite XVII. Scriptum est enim, sine charitate neminem salvum esse. Non itaque in solo timore vivit homo. Quem ergo serò pœnitet, oportet non solum timere Deum judicem, sed & justum diligere. Non timeatur pro pœna, sed ametur pro gloria: Debet enim dolere de crimine, & de omni ejus prædicta varietate. Quod quoniam vix licet, de ejus salute Augustinus potuit dubitare. Credo quidem illi, qui dixit: Quacunque horâ peccator ingemuerit, & conversus fuerit, vitâ vivet. Quis modò crederet, beatum Thomam, quem frater Baro in paragrapho III. emuncta naris Doctorem nominat, nec ego, ut apparet, diffiteor, sed Augustini nomine citasse librum illum, qui tam manifeste Augustini non est? Verba hæc, semper doleat pœnitens, & de dolore gaudeat, extabant in alio Augustini de vera & falsa pœnitentia libro, qui ab ætate sancti Doctoris periit? Nonne periit Cyrilli liber secundus Thesauri, in quo quæ Cyrilli testimonia beatus Thomas recenset, antiqui Patres legerant, sed horum adhuc perierunt commentarii. In summa, tam perfrectæ frontis nemo est, qui negare possit Ciceronis librum de Republica, & multas Livii Decades intercidisse.

VIII. Beatus Thomas in quæst. IX. art. 11. in corpore artic. Et similiter est in peccatis, quia unum aggravatur ex adjunctione alterius, & illud, quod esset uni peccato conveniens medicina, alteri incentivum præ-

staret, cum quandoque aliquis contrariis peccatis infectus sit, ut Gregorius in Pastoralis docet. In Pastoralis scilicet, quod deperditum est à Doctoris sancti tempore, non in Pastoralis, quod extat. Nam ut Cyrillus composuit Thesauri libros duos, quorum primus extat, secundus, in quo laudata à sancto Doctore Cyrilli testimonia perfecte describuntur, ab annis plus minus quadringentis extare desiit: Sic & Gregorius composuit Pastoralia duo, magnum unum, quo fruimur, parvum alterum citatam à Thoma auctoritatem continens, quo frui non possumus. Quid quæso prohibet? Nonne hac in materia valet argumentum, quod à comparatione tali ducitur?

IX. Beatus Thomas in quæst. XV. art. III. Sic dicit Hieronymus: Fejunio sanantur pestes corporis, oratione pestes animæ. Hoc non comparat in editis Hieronymi libris: Sed in aliis, qui vel nondum editi sunt, vel certè evanuerunt ab eo tempore, quo Thomas scribebat in Magistri sententias. Quid mirum, si etiam perierit Ciceronis liber de Republica, si etiam perierint Livii Decades quamplurimæ?

X. Beatus Thomas in quæst. XL. art. VII. ad octavum: Dicendum quod Romanus Pontifex non utitur baculo, quia Petrus misit ipsum ad suscitandum quemdam discipulum suum, qui postea factus est Trevirensis Episcopus, & ideo in Diocesi Trevirensi Papa baculum portat, & non in aliis locis. Hoc tam præclarum Ecclesiasticæ antiquitatis monumentum conjunctum erat cum Cyrilli lib. II. Thesauri, qui jamdudum periit. Utendum est fragmentis, quæ supersunt, quemadmodum utimur Livii Decadibus, quæ naufragium effugerunt. Quidquid id est, in ordine Romano Pastoralis baculi benedictio præscribitur, & benedictus ita porrigitur: Accipe baculum sacri regiminis, &c. Porro an monumentum illud quod Thomas sortitus est, ordinem Romanum præverterit, necne, frater Baro explicabit.

XI. Beatus Thomas in quæst. LXVI. art. III. Sed contra est quod Gregorius dicit: Præcipimus, ne unquam illicitas ordinationes facias, ne bigamum, aut qui Virginem non est sortitus uxorem, aut ignorantem literas, aut habentem quamlibet partem corporis vitiatam, vel penitentiam, vel curiam, aut cuilibet conditioni obnoxium, ad sacros ordines permittas accedere. Hæc autem quamvis non reperiantur apud Gregorium, Gregorii tamen esse non desinunt. Nam ut non habemus omnes Cyrilli libros, sic non habemus omnes Gregorii libros & eos cum primis, ex quibus quæ relata sunt, Thomas decerpit: quasi verò Ciceronis liber de Republica, & multæ Livii Decades non sint deperditæ?

\*XII. Beatus Thomas in secunda secunda, quæst. I. art. IX. in responsione ad quintum: Dicendum est, quod si dicatur in sanctam Ecclesiam Catholicam, hoc est intelligendum secundum quod fides nostra refertur ad Spiritum sanctum, qui sanctificat Ecclesiam, ut sit sensus: Credo in Spiritum sanctum sanctificantem Ecclesiam: Sed melius est, & secundum communiorum usum, ut non ponatur ibi, in, sed simpliciter dicatur, sanctam Ecclesiam Catholicam: Sicut etiam Leo Papa dicit. At Leo tribus in locis Apostolorum Symboli meminit: In sermone XI. de passione, in sermone, seu tractatu contra hæresim Eutychetis, & in Epistola XIII. ad Pulcheriam: Sed nullibi quæstionem istam attingit. Quare necesse est periisse sermonem, tractatum, seu epistolam, in qua sanctus Thomas vidit, quod vidisse scribit: Et certè meminimus periisse librum quem Tullius de Republica conscripsit, & nonnullas Decades, quibus Livius Romanam Historiam commendavit.

XIII. Beatus Thomas in eadem secunda secunda, quæst. XXV. art. IX. Dicit Gregorius in homilia Pentecostes, quod amor Dei non potest esse otiosus. Magna enim operatur, si est: Si desinit operari, non est amor. Et

Et revera verba hæc non leguntur in hac homilia: Hæc tantum leguntur: *Ociosus est sermo Doctoris, si præbere non valet incentivum amoris.* Hic difficile non est Thomæ fidem in allegatione hac liberare. Excidit homilia, in qua quæ Thomas refert, ad verbum extabant. Quid dictu facilius? Quid confirmatu quoque facilius, si recordemur Cyrilli librum 11. Thesauri, scriptum à Tullio de Republica librum, & multas Livii de Romana Historia Decades intercidiſſe?

70 Hæc pauca de pluribus, de pluribus dico ad specimen, ut appareat subtilem & ingeniosam fratris Baronis Criticem asserendæ veritati mirum quantum inservire, & cum aliis auctoribus, tum maxime beato Thomæ perutilem esse. Nam illius in citandis auctoribus fides vacillaret nonnihil, nisi exquisita & facili juxta fratris Baronis arte sustentaretur.

## CAPUT XI.

*Oblitus artis suæ frater Baro beatum Thomam intricat, quem facile patuit extricare: Nos artis memores extricamus.*

**I**N epistola ad Antonium Faurum scripseram: "Audebitne aliquis Chrysostomo tribuere, quæ Thomas illi in opusculo contra Græcorum errores tribuit? Verba sunt: Chrysostomus ad consulta Bulgarorum ex persona Christi loquens: Ter te interrogo, an ames, an ames, an diligas, quia ter me trepidus & timidus negasti. Nunc autem reductus, ne credant te fratres gratiam & clavium auctoritatem amisisse, quia amas me coram ipsis, id tibi jam confirmo, quod meum est plenum. Hoc non urgeo, ne videar Thomæ facinus tam absurdum imponere. Cum Bulgari Christianam suscepunt fidem, annus volebatur octingentesimus quinquagesimus quartus, qui erat ab excessu Chrysostomi quadringentesimus trigessimus octavus."

Frater Baro extricare Thomam ita conatur in paragrapho v. Sed, inquit, non potuerunt nisi per summam ineptiam Chrysostomo tribui consulta ad Bulgaros 438. annis post obitum Chrysostomi Christianos. Si quod adversarius adhibet ingenii acumen in pungendis & lacerandis viris sapientissimis perinde ad defendendos admoveat, commoda occurrisset hæc excusatio. Theophylactum & Euthymium Græcorum scriptorum, uti Boetium & Symmachum, hominum Romanorum ultimos, fuisse Chrysostomi studiosissimos, & interdum illius breviores potius, quam auctores agere solitos, & cum Theophylactus fuerit Bulgarorum Archiepiscopus, credibile est, eo quod à Divo Thoma citatur, opere Chrysostomum induxisse loquentem, & testimoniorum collectorum potius in Chrysostomum quasi auctorem, quam in breviatorem Theophylactum retulisse. Hæc revera sunt fratris Baronis, & non alterius.

Profecto sanctus Thomas excusatione indignisset nulla, si ad probabilis opinionis, qua historicas res omnes tam subtiliter expendit, & tam callidè dijudicat, mysterium advertisset. Hic Baronem acumen suum deseruit. Nam probabilius est, Bulgaros ætate Chrysostomi Christianam suscepisse religionem & consuluisse Chrysostomum, qui & ad eorum consulta respondit: Beatus Thomas responsa Chrysostomi ad consulta Bulgarorum vidit, & ex iis quæ laudat in Opusculo, excerptit. Porro autem quærendus non est horum responſorum codex, quia statim atque Thomas eo usus est, intercidiſſe: Quæ magna est Ecclesiasticæ antiquitatis jactura. Ne mireris! Hoc est fatum librorum plurium, ex quibus Thomas testimonium aliquod deprompsit. Nonne periit liber, unde tot illustres pro Romano Pontifice auctoritates comparaverat? Nonne perierunt alii libri, quos in superiori capite notavimus?

Deinde probabilius est, Bulgaros non multo post

obitum Chrysostomi desertâ Christi fide ad superstitionem pristinam revertisse, & fidem illam Dei beneficio ac misericordia circa annum DCCCLV. resumpsisse, & tandem anno DCCCLVI. Nicolaus I. Bulgarorum consultationibus respondit. Unde habentur responsa ad consulta Bulgarorum. Hæc per mysterium probabilis opinionis, cui illustrandæ frater Baro vitæ suæ tempus omne transmisit, expeditiora sunt & faciliora, quam quæ nobis obtrudit.

Et primò quidem lapsus est in limine, cum ait, Sed, inquit, non potuerunt, nisi per summam ineptiam Chrysostomo tribui consulta ad Bulgaros 438. annis post obitum Chrysostomi Christianos: Calumniatur more suo, quia nusquam dixi, per summam ineptiam: Nec præterea Baronis latinitate usus essem. Quid enim hoc sibi vult, consulta ad Bulgaros? Verba sunt hominis in transverſum acti: Deinde cum frater excusatione Thomam indigere significat, Thomam errasse significat. Notum est illud Imperatoris: *Qui liberat, damnat.* Quid ergo tam anxie & tam sollicitè se gerit, ut excusationem quærat? Sed quærit commodam, bene est; sed sive commodam quærat, sive non, excusatione liberandus semper erit Thomas, & damnandus, quia liberandus. Commoda excusatio videtur hæc mihi, Thomam fuisse hominem & eum humani à se nihil putasse. Commodiorem Baro quæret, nec inveniet. Quam invenit, eo exponit modo, qui non solum miserabilis, sed etiam irridendus est.

Initium facit à comparatione, quam inter Theophylactum & Euthymium scriptores Græcos ex una parte, & Boetium ac Symmachum Romanos homines ex altera instituit: Quo consilio? Ad excusationem Boetius & Symmachus quid conducunt, etiamsi sint Romanorum ultimi? Quid prodest Euthymii cum Theophylacto societas? Cur potius adducitur Euthymius, quam Oecumenius, qui non minùs quam Theophylactus, Chrysostomi studiosus fuit?

Quæ hæcenus præfatus est Baro, ἀπεργασίον esse nemo non videt: Ad Thomæ & Scoti defensionem æquæ flecti possunt. Inutilem & ridiculam præfationem sequitur inventum hoc. Theophylactus cum fuerit Bulgarorum Archiepiscopus, & quasi brevior Chrysostomi tractatum aliquem composuit: Ubi Chrysostomum loquentem inducit. Hinc Chrysostomum potius, quam seipsum tractatus auctorem esse significat. Quo ita posito beatus Thomas in Opusculo contra Græcorum errores tractatum illum laudat his verbis: Chrysostomus dicit ad consulta Bulgarorum ex persona Christi loquens, &c. Ut suprâ. Statua dignum inventum, sed plumbea: Sponte sua dissilit, officinam & fabrum opprimit, & indefensum Thomam relinquit; qui & aliàs patronum deteriore nancisci potuit neminem. Baro imposterum consulat Palamedem Nauplii ex Climene filium, ut cum aliquid invenire voluerit, id tum demum inveniat, quod nisi spectatores teneat & oblectet, ex iis certè lacrymas non eliciat.

Cæterum si prudens, si curiosus homo de Barone contetur, ubinam gentium reperiri possit Theophylacti opus illud, quod sanctus Thomas vidit, annotavit, excerptit? Rejectâ opinione probabilis eruditionum suarum omnium parente respondebit tutò, oleum & operam perdituros esse illos omnes, qui Theophylacti librum deinceps indagabunt, adeundas non esse nisi frustra Bibliothecas Græcis & Latinis scriptoribus quamlibet refertas, quas habet Gallia, Hispania, Anglia, Germania, Italia, brevius dicam, Europa, Asia, Africa, & si vultis, America: Theophylacti & Cyrilli codices, in quibus extabant citata à Doctore sancto testimonia perierunt tam miserabiliter, ut ne unum quidem in terrarum orbe toto supersit. Tolerabilis quidem est codicum, quos Thomas propriis usurpavit oculis, amissio; sed intolerabilis cæterorum omnium codicum similitudo, quos



quos Bibliothecarum præfecti, ut eas ornarent ac locupletarent, variis in locis describi curaverant.

## CAPUT XII.

*Baronis non tam calumnia, quam portentum calumnia, vel potius insanie.*

75 **C**onspicuum est in paragrapho vi. ubi relatum à sancto Thoma in Catena super Matthæi caput xvi. Cyrilli testimonium conatur defendere. Sed in hoc paragrapho videtur oblitus eorum, quæ in fine paragraphi iv. & sub initium paragraphi v. scribit, nempe Cyrilli testimonia quæ beatus Thomas laudat, non esse aperte falsa, sed tantum dubia, incerta, & suspecta. At in paragrapho vi. Cyrilli testimonium quod habet Thomas in Catena super Matth. cap. xvi. perinde tuetur, ac si aperte verum esset, nec dubium amplius, incertum, & suspectum. Hoc autem quid est nisi secum pugnare? Et qui secum pugnat, estne sincerus veritatis assertor? Nam quidquid de hoc testimonio per paginas sex disputat, si eo tendit, ut testimonium dubium, incertum & suspectum remaneat nec in classem aperte falorum, ut ait, revocetur, oleum & operam perdit: Satis erat dicere, quod jam dixerat, testimonium esse dubium incertum & suspectum. Ego tamen si aperte falsum esse putem, adversarii confessione fuissem contentus: Quia testimonium dubium, incertum & suspectum ad asserendam veritatem est inutile. Si verò eo tendit, ut quod testimonium, dubium, incertum & suspectum esse ultro concederat, verum, certum, atque indubitatum esse incipiat; Baro in levitate tanta ridiculus efficitur, non solum quia pugnat secum, sed etiam quia testimonium in Cyrilli Thesaurio minimè habetur, nec haberi potest, si universa Cyrilli doctrina & res circumstantes diligenter attendantur. Ad convincendam testimonii falsitatem sufficit, per illud Romanæ tribui Ecclesiæ jus, quod nec ante Cyrillum, 76 nec vivente Cyrillo Romana sibi vindicabat Ecclesia. Adversarius in paragraphi vi. principio sic loquentem me inducit: *Hic locus apud Cyrillum nullibi extat, nec ejus convenit principiis. Hoc postremum nego.* Primum igitur tacitus concedit, nempe quod locus apud Cyrillum nullibi extet. Si Cyrilli opera omnia perlegit, sibi credit & mihi qui perlegi. Cur ergo post pauca dicit: *Nostre responsioni addo bonam fidem videri ab adversario exulare, nec unquam bonis artibus agere?* Ignorat mendacem memorem esse oportere. Condonandum hoc illi est, qui veritatem suis legibus non quærit, sed sortitur quid respondeat.

Pergit: *Digna sunt planè legato summi Pontificis, quas probavimus partes in Ephesino Concilio Cyrillum sustinuisse.* Quid sibi vult hoc? *Digna sunt planè legato summi Pontificis,* cum antè de uno tantum Cyrilli loco institutus sermo fuerit? Sic tamen is loquitur, quem Minerva artes omnes edocuit. Relicta oratione, quam non capio, hæc est ratiocinationis vis tota, quam Deo bene juvante capio: Cyrillus nomine Celestini Papæ Ephesino Concilio præfuit, itaque dubitari non potest, quin citatus à Thoma in Catena Cyrilli locus, in libris, ut ait, Thesauri extiterit. Cur quæso ex antecedenti tali non colligit, certò extare in libris Thesauri, quæcunque Cyrilli loca beatus Thomas in quart. sent. in libro contra impugnantes religionem, & in Opusculo contra Græcorum errores, allegat, certa esse, non dubia, incerta & suspecta, ut concedit? Antilogiis hujusmodi prolusum calumniæ, aut potius portento calumniæ, vel insanie, quam explicatum imus.

77 Ego inter plura rationum momenta, quibus Cyrilli testimonium supposititium esse confirmo, quin-

tum hoc est. "Cyrillus opinor, non diceret res à suo tempore tam alienas, quam quæ sunt alienissimæ. Diceretne, quod Ecclesia Apostolica Petri in fide plenissima, & auctoritate Petri stabilita iniquissimè ipsa sola regnet? Hoc si diceret, pugnaret secum. Alexandrina Cyrilli Ecclesia quid fieret? Si sola regnabat Ecclesia Romana, jam Alexandrina perierat & eo periisset certius, quod id Cyrillus Alexandrinus Episcopus testaretur.

"Falluntur ergo Imperatores Gratianus, Valentinianus & Theodosius, cum anno ccc.lxxx. Constantinopolitanis edicunt, eam amplectendam esse religionem, quam Damasus Romanus & Petrus Alexandrinus prædicant & sequuntur: Cunctos, inquit, populos, quos clementiæ nostræ regit temperamentum, in tali volumus religione versari quam divinum Petrum Apostolum tradidisse Romanis, religio usque ad nunc ab ipso insinuata declarat, quàmque Pontificem Damasum sequi clarèt, & Petrum Alexandriæ Episcopum virum Apostolicæ sanctitatis. In Theod. Cod. lib. xvi. tit. 11.

"Falluntur iterum Imperatores iidem & gravius quàm antea, cum insequenti anno Catholicos ab hæreticis secernunt, Romanæ Ecclesiæ mentione nulla facta. Sic se res habet in rescripto ad Auxonium Proconsulem Asiæ. Episcopis tradi omnes Ecclesias mox jubemus, qui unius majestatis, atque virtutis Patrem & Filium & Spiritum Sanctum confitentur ejusdem gloriæ, claritatis nuius, nihil dissonum, profana divisione facientes: Sed Trinitatis ordinem, personarum assertionem & divinitatis unitatem; quos constabit communione Nestarii Episcopi Constantinopolitanæ Ecclesiæ, Timothei, necnon intra Egyptum Alexandrinæ urbis Episcopos esse sociatos: Quos etiam in Orientis partibus Pelagio Episcopo Laodicensi, & Diodoro Episcopo Tarlensi in Asia, necnon Proconsulari, atque Asiatica Diocesi, Amphiochio Episcopo Iconiensi, & Optimo Episcopo Antiocheno in Pontica diocesi, Helladio Episcopo Cæsariensi, & Otreio Meliteno, Gregorio Episcopo Nysseno, Terentio Episcopo Scythiæ, Marmario Episcopo Marcianopolitano communicare constiterit, hos ad obtinendas Catholicas Ecclesias ex communione & consortio probabilium Sacerdotum oportebit admitti. Omnes autem qui ab eorum, quos commemoratio specialis expressit, fide communionis dissentiant, ut manifestos hæreticos ab Ecclesiis expelli, neque his penitus posthac obtinendarum Ecclesiarum Pontificium, facultatemque permitti, ut veræ ac Nicænæ fidei sacerdotia casta permaneant, nec post evidentem præcepti nostri formam malignæ locus detur astutiæ. In ejusdem Cod. libro xvi. tit. 111.

"Fallitur beatus Hieronymus Cyrillo æqualis, qui fidem ut in Romana, sic & in Alexandrina Ecclesia regnantem appellat, & se ab hæreticis hoc pacto distinguit in epistola, quam ad Marcum Celedensem Presbyterum scribit: Hæreticus vocor, homouision prædicans Trinitatem. Sabellianæ impietatis arguor, tres subsistentes veras, integras perfectasque personas indefessa voce pronuncians: Si ab Arianis meritò, si ab orthodoxis qui hujusmodi arguunt fidem, orthodoxi esse desierunt: Aut si eis placet hæreticum me cum Occidente, hæreticum me cum Egypto, hoc est cum Damaso Petroque condemnent.

"Fallitur Celestinus Romanus Pontifex Cyrillo itidem æqualis, cum Nestorio præscribit eam esse tenendam fidem, quam Romana & Alexandrina & universalis tenet Ecclesia. Sic enim ea de re scribit ad Cyrillum: Eam de Christi Dei nostri generatione fidem imposterum confessurum se esse spondeat, quam Romana & tuæ sanctitatis Ecclesia, & universa denique religio Christiana prædicat.

"Ad

“Ad hæc autem omnia respectum non habuit, qui “Cyrillo apud sanctum Doctorem relatum subjecit “testimonium. Is, opinor, nisi fidem cum fronte amississet, Apostolicam Ecclesiam Petri in fide plenissimam, & auctoritate Petri stabilitam iniquissimè ipsam solam regnare dixisset nunquam. Sic frater Baro respondet in paragrapho vi. *Respondeo Romanam Ecclesiam in fide solam regnasse prerogativa potestatis, qua nulli obnoxia, reliquas infra se positas habet, & quotquot Christi ovium nomine censentur, cura sua creditas & auctoritati subiectas, ut ex Bernardo probatum est. Si hoc gradu regnet sola, non video cur falsos dicat Imperatores Gratianum & Valentinianum, Hieronymum & Cyrillum, qui potestatis Ecclesiastica & communis fidei reliquas orbis Christiani Ecclesias consortes cum Romana volunt, ne sola regnet. Statua, ut jam dixi, dignum inventum, sed plumbea. Quis non videt nugæ esse sophisticas, quibus impedire vult, ne, id quod res est appareat? Sed cur Celestinum prætermisit? Nempe quia sophistica fuligine decolorari non potuit: Potuisset tamen decolorari ut alii. Sed venio ad portentum calumniæ, vel potius insanæ, quod post unam paginam sic se habet: Nisi velis per summam impietatem falsis Christi pollicitationibus nos deceptos, vel cassos fuisse apud Patrem æternum filii preces, negare non potest in Ecclesia Romana & summo Pontifice servatam auctoritatem, & illi individuum aut incorruptam fidem velut promissionem veritatis, & efficacia orationum Christi testimonium, pignus & monumentum æternum: Quod dam audacius arrodit Launois, totius religionis ruinam imprudentissimè molitur. Quid enim ex Evangelio superesse possit certi, si nedum dubia sed falsa & hæretica esse contendas, quæ de perennitate incorruptæ fidei Petri, ejusque successorum, illique astruunt Ecclesiam, non solum expressa verba Christi testantur, sed ipse eventus comprobatur Christi fidem inconquassabiliter intra Romanam Ecclesiam regnare, & à cæteris Ecclesiis orbis Christiani præcipuis hæresi depulsam periisse: Quam si obtineas, Launois, quod totis viribus contendis, perinde à Romana atque à cæteris Patriarchalibus exulasse, quid superest, nisi ut promissorum Christi veritatem ejures, aut cum hæreticis ad Ecclesiam invisibilem confugas?* Hæc est fanatici & energemate concitati hominis oratio. Argumenta quærenda non sunt, quibus atrocissima convitia & insanæ falsæ, ut utar verbo scripturæ, repellantur, sed vincula, quibus hic frater inclementioris vultus styli & manus constingatur, flagella, quibus castigetur usque dum ad se redeat, si tamen redire possit. In quæstione facti veriamur, nempe, utrum quod Cyrilli testimonium beatus Thomas laudat in Catena, Cyrilli sit, necne? Contendo non esse, & nisi me fallit animus, id in Epistola ii. ad Antonium Faurum Parisiensem Theologum evinco. Calumniator, vel ut apparet, insanus frater Baro contendit non esse apertè falsum, sed dubium duntaxat, incertum & suspectum, quem admodum mox vidimus. Si hac in facti quæstione manendum est, uti manendum esse legitima disputandi ratio postulat, irretitur suis ipse laqueis, quos mihi tanta cum dictionis vehementia paravit. Scilicet Cyrilli testimonium, quod adfert sanctus Doctor in Catena, dubium incertum & suspectum esse frater arbitrat? Hoc autem testimonii genere non probatur, ut par est Apostolicam Ecclesiam Petri in fide plenissima & auctoritate Petri inconquassabiliter ipsam solam regnasse.

At verò cum facti quæstionem, nec sibi, nec suis studiis favere perspiceret, quæstionem juris tractare instituit, quò virulentius, ut ipse putat, in me grassaretur, sed errat graviter, in me non grassatur.

Sed primum grassatur, in Romanam Ecclesiam, cujus certa est traditio, Romanum Pontificem in fide & moribus errare posse & erravisse. Traditionem

hanc duabus in Epistolis expono: Una est ad Raimundum Formentinum, quæ reperitur in parte prima Epistolarum nostrarum: Altera est ad Joannem Gerbasium, quam repræsentat pars tertia Epistolarum nostrarum. Affirmabit-ne Romanos Pontifices, qui traditionem illam attestantur, religionis totius ruinam imprudentissimè moliri? Hic affirmat.

Deinde aliter in eandem Romanam grassatur Ecclesiam, quæ derivatis ab initio traditionibus & universis Ecclesiæ institutionibus subijci se fatetur, ut in Epistola ad Ludovicum Cusinum visum est; quæ à Romano Pontifice ad universalem Ecclesiam, seu repræsentans universalem Ecclesiam Concilium provocari posse consentit. Id ex propriis illius monumentis probavimus in Epistola ad Nicolaum Parvipedium, quam habet pars secunda Epistolarum nostrarum. Pronunciabit-ne Romanos Pontifices, qui in utraque Epistola memorantur, religionis totius ruinam imprudentissimè moliri? Hic pronunciat.

Tum in eandem Romanam adhuc grassatur Ecclesiam, quæ suum Episcopum universali Ecclesiæ & Concilio subesse non diffidet. Id pluribus confirmavimus in illis Epistolis, quas ad Hieronymum Sambucium, & Joannem Gerbasium dedimus. Alteram pars prima, alteram verò pars secunda Epistolarum nostrarum exhibet. Asseverabit-ne Romanos Pontifices, quos ego in hujus sententiæ confirmationem profero, religionis totius ruinam imprudentissimè moliri? Hic asseverat.

Quartò in Humbertum grassatur Ordinis Prædicatorum Generalem Magistrum V. qui Romanum Pontificem in casu hæresis Ecclesiæ & Concilio subijcit, ut est in Epistola ii. ad Christophorum Fauvæum, quam repræsentat pars altera Epistolarum nostrarum. Grassatur in sanctum Thomam, qui indeficientis iudicii privilegium Romano Pontifici soli nusquam attribuit, sed Ecclesiæ duntaxat, vel Concilio, ut legi potest in eadem ad Fauvæum Epistola. Grassatur in Pium V. ex Ordine Prædicatorum assumptum Pontificem, qui cum esset Michael Cardinalis Alexandrinus, librum Clementis Moniliani Cardinalis probavit, & probando suum fecit. Moniliani testimonium pluribus in Epistolis adduco. Indicare sufficit Epistolam ad Martinum Metayerum, quæ est in secunda parte Epistolarum nostrarum. Audebit-ne dicere, Humbertum, Thomam, Pium V. religionis totius ruinam imprudentissimè moliri? Hic velit nolit, audebit dicere.

Quintò in Gallicanam grassatur Ecclesiam, quæ Romanum Pontificem summittit Concilio, & ei non errandi in fide & moribus privilegium adjudicat, sed soli adjudicat Ecclesiæ & Ecclesiam figuranti Concilio. Adferet-ne Gallicanam Ecclesiam, religionis totius ruinam imprudentissimè moliri?

Sextò in nostram Parisiensem grassatur Academiam, quæ hoc in argumenti genere nec à Romana, nec à Gallicana dissentit Ecclesia. Id ita notum est, ut pluribus exponere non sit necesse. Hic adduci non possum ut credam, Jacobum Louvetum & Ludovicum Fremontium Parisienses Theologos Baronis librum approbasse integrum, tametsi prima in pagina dicantur approbasse. Res eorum agitur, non mea: Videant, ne prævaricatores habeantur. Sed contendet-ne, Parisiensem Academiam religionis totius ruinam imprudentissimè moliri? Idque eo maximè tempore, quo Parisienses Theologi ab Innocentio VIII. sic laudantur in literis quas ad eos scripsit anno mcccc-lxxxvi. vii. Idus Septembris: *Dilecti filii salutem & Apostolicam benedictionem: Intelleximus non sine magna cordis nostri lætitia sinceram animorum vestrorum devotionem, quam ad nos sanctamque Romanam Ecclesiam & fidem Catholicam habetis, cum omne studium & curam vestram pro ejusdem fidei defensione & hæresum* extir-



extirpatione, sicut probatissimos quosque Christianos decet, incessanter adhibueris. Contendet-ne Innocentium religionis totius ruinam imprudentissime moliri, dum sic Parisienses laudat Theologos, qui tunc temporis Pontificem subiciebant Concilio, & ei non errandi privilegium abjudicabant?

Joannes Major Parisiensis Theologus qui per ætatem videre potuit Innocentium, in prioribus ad Matthæi cap. xviii. commentariis scribit: *Modum tenendi Concilium supra Papam semper Universitas nostra Parisiana à diebus Concilii Constantiensis imitata est. Sic quod in ea, qui prædictam viam tenent (Papam esse supra Concilium universale) in campo cogitur eam revocare. Et post alia: Nostra Facultas à diebus Concilii Constantiensis sic hanc partem fovet, (Concilium esse supra Papam) quod nulli licuit asserere oppositum probabile.* Jacobus Almainus Majori æqualis in libri de auctoritate Ecclesiæ capite viii. in solutione rationum Cajetani: *Papam esse supra Concilium universale, error est totius Ecclesiæ destructivus, & Ecclesiæ sponsa Christi perniciosissimus.* Deinde in cap. X. *Ultima resolutio in his quæ sunt fidei, non spectat ad Summum Pontificem. Non est enim verisimile, quod homini potenti in his quæ sunt fidei errare, ultimam commiserit Deus decisionem.* Almainus per ætatem Innocentium videre quoque potuit.

Contendet-ne, inquam, Parisiensem Academiam, religionis totius ruinam imprudentissime moliri? Hic utique contendit.

Septimò in Ludovicum grassatur Regem Christianissimum XIV. qui publica sanctione edixit, ut antiqua Facultatis Parisiensis Theologiæ hac super re decreta & placita conserventur & retineantur? Audebitne dicere, Ludovicum Regem nostrum, religionis totius ruinam imprudentissime moliri? Hic velit nolit, audebit dicere.

Octavò in supremas, medias, infimas regni grassatur Curias, quæ Regis sanctionem illam in acta retulerunt. Pugnabit-ne has Curias omnes, religionis totius ruinam imprudentissime moliri? Hic velit nolit, pugnabit.

Hæc sunt præsidia, hæc stationes viii. quas frater Baro quamlibet furiosus debet antè perrumpere ac dividere, quàm me conveniat, & censorii styli sui mucrone lædat, exenteret & confodiat.

86 Prælicenter, & fraudulentè juxta sibi finxit Herculem, quem debellaret, & ut gloriosum militem ageret. Ad populum, id est, indoctum fratrum & Curialium Magistrorum vulgus phaleræ istæ: Exquisita non sunt & solida rationum momenta, quibus apud cordatos atque eruditos homines veritas asseritur & constabatur.

De reliquo cum Scripturis sic disputat, ut eas controversiæ hujus iudices duntaxat constituere velit: Non is solus Baro sic disputat, sed quotquot ab initio Ecclesiæ hæretici. Formidare nihil se putat: Nam

*Incedit magna Illorum stipante caterva.*

Ego verò ea non sum præditus sapientia. Tridentinæ fidei professionem sequor & amplector, ut me ab hæreticis, & à Barone hæretica differendi ratione polluto sejungam in perpetuum, ni fortassis eos facti poeniteat. Exinde Scripturarum loca duo, *Oravi pro te, Petre, & Tu es Petrus, & super hanc petram*, quibus ille abutitur in Tridentinæ regulæ perniciem, juxta unanimum consensum Patrum, quoad fieri potest, interpretor & accipio, duabus in Epistolis, quarum unam ad Jacobum Bevilacqua Parisiensem Theologum, alteram ad Guillelmum Voellum Parisiensem quoque Theologum scribo, & quidquid in complexionem frater impotens & superbus infert, occupo & dissolvo.

## CAPUT XIII.

*Frater Baro in Hadrianum VI. & Cajetanum, in Romanam Ecclesiam & in Synodos tres sextam, septimam & octavam contumeliosissimus.*

SUB finem paragraphi vi. dum adversarium ita 87  
S laceffit: Eò sanè tuis disceptationibus nos deducis, & dum Pontificum vel Liberii ignaviam vel Felicis ambitum honorum, vel Joannis XXII. non solum quasi privatorum hominum culpas, sed Ecclesiæ Caput hæreses traducis, nonne promotes Calvinistarum causam, & iter ad perfugium Ecclesiæ invisibilis munis, nisi malis nos in Atheorum voraginem precipites dare?

Et primò quidem me non laceffit, sed Hadrianum VI. qui in quartum sententiarum de ministro Confirmationis scribit hæc: *Ad secundum principale de facto Gregorii dico 1. quod si per Romanam Ecclesiam intelligatur caput illius, puta Pontifex, certum est, quod possit errare in iis, quæ tangunt fidem, hæresim per suam determinationem aut decretalem asserendo.* Plures enim fuerunt Pontifices Romani hæretici. Item & novissimè fertur de Joanne XXII. qui publicè docuit, declaravit, & ab omnibus teneri mandavit, quod anima purgata ante finale judicium, non habent stolam, quæ est clara & facialis visio, & Universitatem Parisiensem ad hoc induxisse dicitur, quod nemo in ea poterat gradum Theologiæ adipisci, nisi primitus hunc errorem pestiferum jurasset se defensurum, & perpetuò ei adhasurum. Item patet hoc de errore quorundam Pontificum circa 88  
matrimonium, de quo in Cap. Licet. de spons. duorum. Item patet hoc de errore, quem edidit Celestinus circa matrimonium fidelium, quorum alter labitur in hæresim. Cujus error olim habebatur in alia Compilatione in Cap. Laudabilem. de convers. conjug. ut refert Ostiensis in Cap. Quanto. de divortis: *Non tamen dico Gregorium hic errare, sed evacuare intendo impossibilitatem errandi, quam alii asserunt.* Sic Hadrianus VI. Barone judice, Calvinistarum causam promovet, & iter ad perfugium Ecclesiæ invisibilis munit, nisi malis nos in Atheorum voraginem precipites dare.

Deinde Romanam laceffit Ecclesiam, quæ Leone X. vita functo Hadrianum in suum Pontificem assumpsit, & illius doctrinæ consensit, quomodo in Epistola ad Raimundum Formentinum ostendi. Hæc Epistola in parte quarta Epistolarum nostrarum extat. Sic Romana Ecclesia Barone judice, Calvinistarum causam promovet, & iter ad perfugium Ecclesiæ invisibilis munit, nisi malis nos in Atheorum voraginem precipites dare.

Tum Cardinalem suum laceffit Thomam Cajetanum, qui maximè in causa fuit, cur Romana Ecclesia Hadrianum in suum Pontificem optaverit. Sic quia quod est causa causa est causa causati, ut aiunt Philosophi, Cajetanus Barone judice, Calvinistarum causam promovet, iter ad perfugium Ecclesiæ invisibilis munit, nisi malis nos in Atheorum voraginem precipites dare.

Quartò Rom. laceffit iterum Ecclesiam, quæ in Bre. 89  
viario suo Venetiis, ad annum MCCCCLXXXII. & Parisiis ad annum MDXLI. edito Honorium Papam Monothelitis quos Synodus VI. damnavit, accenset, dum beati Leonis II. Festum agit 11. Calend. Julii. Res ita se habet in nocturni 1. lectione 11. *In qua Synodo (VI.) condemnati sunt Cyrus, Sergius, Honorius, Pyrrhus, Paulus & Petrus, &c.*

Præterea in sancti Eusebii Confessoris lectione, quæ eodem in Breviario ad XIX. Calend. Septembris legitur, Liberius Arianæ perfidiæ consensisse dicitur: *Beatus Eusebius Presbyter cum prasente Constantio fidem Catholicam constantissime defenderet, & Liberium Papam doleret Ariana perfidia consensisse, ab irato Constantio*

Constantio Imperatore includitur in quodam cubiculo domus sua, &c. Sic Romana rursus Ecclesia, Barone iudice, Calvinistarum causam promovet, & iter ad perfugium Ecclesia invisibilis munit, nisi malit nos in Atheorum voraginem precipites dare.

Quintò œcumenicæ Synodi tres, sexta, septima, & octava, Honorium Papam ut hæreticum condemnant. Sic œcumenicæ Synodi tres, quæ universam repræsentant Ecclesiam, Barone iudice, Calvinistarum causam promovent, & iter ad perfugium Ecclesia invisibilis muniunt, nisi malint nos in Atheorum voraginem precipites dare.

Postremò Romani Pontifices electi post Synodum VI. Honorio ut hæretico, vel hæreticorum fautori anathema denuntiant in fidei professione, quam post consecrationem suam edebant: Auctores, inquit, novi & hæretici dogmatis Sergium, Pyrrhum, Paulum, & Petrum Constantinopolitanos unâ cum Honorio, qui pravis eorum assertionibus fomentum impendit, pariterque Theodorum Pharanitanum, & Cyrum Alexandrinum .....execramur & condemnamus. Sic Romani Pontifices quamplurimi Barone iudice, tot criminum superstiti, Calvinistarum causam promovent, & iter ad perfugium Ecclesia invisibilis muniunt, nisi malint nos in Atheorum voraginem precipites dare.

Nunc, opinor, perspicis, inclementem fratrem priusquam ad me perveniat, Hadrianum VI. Cajetanum suum, Romanam Ecclesiam semel atque iterum, universam Ecclesiam semel in Synodo VI. rursus in Synodo VII. tertio in Synodo VIII. Romanos Pontifices quamplurimos pugione suo percutere: Sed quia plumbeus est pugio, hic nec Hadriano, nec Cajetano, nec Romanæ, nec universæ Ecclesiæ, nec Romanis Pontificibus anathema Honorio denunciatis nocet, nec tandem mihi nocere poterit, nisi cæteris omnibus quos modò recensui, percussis antè, & funere elatis.

## CAPUT XIV.

Frater Baro futurum se spondet Cajetani defensorem, id est, oppugnatorem fundamenti libertatum Gallicanæ Ecclesiæ, & Regiæ sanctionis, qua fundamentum illud firmatur & præmunitur. Cajetani fides mala in citandis auctoribus notatur.

IN paragrapho VII. frater ut forex suo ipsius perit indicio, dum Cajetani causam adversus Almainum Parisiensem Theologum & me defendit, & repetitum è variis distinctionibus communem locum parat, quo ut sibi videtur Almaini tela & mea declinet, & bene fundatam Parisiensis Academiæ & Gallicanæ Ecclesiæ sententiam de auctoritate Concilii supra Pontificem labefactet. Sed ne quicquam putet me illi affingere, ut mihi ferè semper affingit, quia nusquam mea verba proponit, illius verba propono: Neque enim aliud apud te lego, nisi convitiis in Cajetanum, encomia Almaini, denique Thesim ipsam in probationem assumptam. Aliam insinuat Cajetanus distinctionem legis cogentis, & dirigentis, quas ferunt Concilia, vel ipsi Pontifices, ligare conscientiam directionis vi, non pœna cogentis. Et post alia similia: Hos quibus se munit Cajetanus, obices præsumpat oportet adversarius, quæ hætenus ne verbo quidem tentavit seu ex incititia, seu ex conscientia suarum virium, quas his solutionibus refellendis impares esse novit: Et si contrà eniri aut eluctari velit, non convitiis, sed argumentis ipsemet Cajetanus sese tutabitur, aut certè sciat non defuturum defensorem, si disputationem revocet ad veras Theologiæ leges, nec vitiligationibus agat.

Et primò quidem non convitiis, sed argumentis Cajetanum persequor, & legitime persequor. Nam

refero textum illius integrum & per partes deinceps tribuo, quibus & argumenta & responsum subiicio: Quod frater Baro quamvis audacissimus sit, controversiarum sitientissimus nusquam facit. Utrum ex incititia vel conscientia suarum virium, quas huic negotio impares esse novit, ipse viderit. Viderint & alii qui illius & mea scripta perlegent, & inter se contentent.

Deinde Cajetani distinctionem rejicio, contortis in eum rationibus, quas ex illius dictis conficio, & hanc disputandi methodum optimam esse agnoscunt, qui disputare sciunt.

Tum necesse non erat me laudare Cajetanum, qui Parisiensis Academiæ matris meæ, & Gallicanæ Ecclesiæ doctrinam oppugnaverat. Laudavi Almainum, quia laudare potui & debui Theologum, qui oppugnatam à Cajetano adulatoricis curiæ Doctore, Parisiensis Academiæ, & Gallicanæ Ecclesiæ doctrinam defenderat.

Quartò thesim ipsam in probationem non assumpsi, sed thesim confirmavi rationum momentis, quæ vel ex Concilio, vel ex Patribus, vel ex Sedis Apostolicæ traditione depromuntur, ut ostendam Parisiensis Academiæ, & Gallicanæ Ecclesiæ sententiam de auctoritate Concilii supra Pontificem, & de negato illi indeficientis iudicii privilegio ad ipsam Romanam & universam Ecclesiam pertinere, & continuo falli eos, qui putant hanc sententiam uni Paris. Academiæ & Gallicanæ Ecclesiæ propriam esse. Atque hoc ipsum est, quod non solum in illis Epistolis, quas frater non tam impugnat, quàm indicat, sed etiam in aliis omnibus pugnacillimè defendo; & quod frater animo execratur, prospiciens adulationis suæ fundum penitus interire & dissipari.

Quintò jam visum est in cap. V. & VIII. libertatum Gallicanæ Ecclesiæ fundamentum positum esse totum in ea sententia, quæ Concilium supra Romanum Pontificem statuit, quæ Romanum Pontificem Concilio ut membrum Ecclesiæ subijcit lege tam dirigentis, quàm cogentis. Cajetanus hanc oppugnavit sententiam, & frater Baro se futurum esse spondet Cajetani defensorem, si contra Cajetanum disputare pergat: Sic Baro apertus & domesticus est libertatum Gallicanæ Ecclesiæ adversarius, & quia domesticus, ut proditor haberi, & proditoris pœnas luere debet.

Sextò cum frater Baro futurus est Cajetani defensor, futurus est quoque oppuglator Regiæ sanctionis, qua fundamentum libertatum Gallicanæ Ecclesiæ firmatum est ac præmunitum anno M. DC. LXIII. pridie Nonas Sextiles, Qui verò relata in acta publica sanctioni contraveniet, ut frater contravenire jam ausus est, exempli statuendi gratiâ castigabitur. Sanctum est ita.

Septimo oppidò quàm festivus & lepidus est frater, cum disputationem meam ad veras Theologiæ leges revocat, quas ipse nunquam observat, & ego semper observo. Theologiæ leges veras mihi non figo, ab aliis fixas accipio & sequor. Vincentius Lirinensis & suo & cordatorum eruditorumque hominum nomine hanc legem fixit in Commonitorio I. capite I. Sape igitur magno studio & summa attentione perquirens à quamplurimis sanctitate & doctrina præstantibus viris, quonam modo possim certa quadam, & quasi generali ac regulari via Catholica fidei veritatem ab hæretica pravitate falsitate discernere: Huiusmodi semper responsum ab omnibus ferè retuli: Quòd sive ego, sive quis alius vellet exurgentium hæreticorum fraudes deprehendere, laqueosque vitare, & in fide sana sanius atque integer permanere, duplici modo munire fidem suam Domino adjuvante deberet: Primò scilicet divina legis auctoritate, tum deinde Catholica Ecclesiæ traditione.

Gregorius IX. in rescripto ad Parisienses Magistros  
O o o legem



legem hanc fixit non dissimilem: *Magistri* verò & *Scholares Theologiae in Facultate*, quam profitentur, se *studeant laudabiliter exercere*, nec *Philosophos se ostendent*, sed *satagant fieri Theodidacti*, nec loquantur in lingua populi, linguam Hebraeam cum azotica confundentes, sed de illis tantum questionibus disputent, quae per libros Theologicos & sanctorum Patrum tractatus valeant terminari.

Beatus Thomas in prima parte, quæst. i. art. vii. ad secundum, hanc pariter legem fixit, non dissimilem: *Sacra doctrina*, id est *Theologia*, utitur auctoritatibus canonicæ scripturæ propriè ex necessitate argumentando: Auctoritatibus verò aliorum doctorum Ecclesiæ, quasi argumentando ex propriis, sed probabiliter.

At hæc sunt veræ Theologiæ leges quas observo, & quas frater observat nunquam, vel quia ignorat, vel quia dissimulat. Non alias Theologiæ leges colit, quam quæ in Aristotelicis & humanis ratiocinationibus consistunt. Quinetiam, plerisque Baronis lucubrationibus non convenit Scholasticæ Theologiæ definitio, quam Lutherus per irrisionem tradit hoc modo: *Theologia Scholastica est ea, quæ à Parisiensium Sorbona mixtione quadam ex divinis eloquiis & Philosophicis rationibus, tanquam ex Centaurorum genere biformis disciplina conflata est*. Scripturam sacrâ non utitur, aut si utitur, rarè. Aristotelicas, & humanas tantum ratiocinationes adhibet, & sic de quæstionibus Scripturæ sacræ auctoritate & Catholicæ Ecclesiæ traditione munitis triumphare se putat. Id dolenter animadvertet, qui siquid habet perituri temporis, commentarios Baronis evolvere & legendo percurrere voluerit.

Octavò priusquam ad defendenda Cajetani contra Parisienses dogmata se accingat, illius fidem liberet in citandis auctoribus, quos cap. xiv. & ultimo opusculi de divina institutione Pontificatus adducit.

I. Et à Græciæ incipiendo Chrysost. Homil. 55. super Mattheum exponens illud, *Super hanc petram, dicit, Petrum Ecclesia futura pastorem constituit*. At Chrysostomus hoc non dicit. Cajetanus de suo prodit. Chrysostomus dicit tantum: *Pastorem facit τὸν πῆρα τῆς πέτρης*, postquam super hanc petram, exposuit, id est fidem atque confessionem.

II. Theophilus quoque Luca 22. tractans illud, *Et tu aliquando conversus confirma fratres tuos*, ait: *Postquam me negato ploraveris ac penitueris, corrobora ceteros, cum te principem Apostolorum deputaverim: Hoc enim decet te, qui mecum robur es & petra Ecclesiæ*. Non ibi est, mecum, sed post me, quæ duo inter se maximè discrepant. Cajetanus Theophylactum dicere debuit, non Theophilum qui nullos in Scripturam edidit commentarios. Deinde Cajetanus continuò adjicit: *Et infra: Cum esset Apostolus denegavit, ac iterum per penitentiam obtinuit prærogativam, ut esset antistes mundi: Quæ non habentur in Theophylacti commentariis*.

III. Cyrillus Patriarcha Alexandrinus in lib. Thesau. Sicut Christus accepit à patre sceptrum Ecclesiæ gentium dux ex Israel egrediens super omnem principatum, & potestatem super omne quodcumque est, ut ei cuncta curventur: Sic & Petro & ejus successoribus, plenissimè commisit, & nulli alii, quam Petro, quod suum est plenum, sed ipsi soli dedit, & rursus pedes Christi humanitas est, scilicet ipse homo, cui tota Trinitas plenissimam dedit potestatem. At si locus iste conferatur cum eodem loco, quem beatus Thomas in opusculo contra Græcorum errores retulit, constabit Cajetanum in eo referendo semel atque iterum & tertio peccasse. Semel quidem cum Cajetanus scribit: *Sicut Christus accepit à patre sceptrum Ecclesiæ gentium dux ex Israel egrediens: Thomas verò ita scribit: Sicut Christus accepit ducatum & sceptrum Ecclesiæ gentium ex Israel egrediens*: Iterum cum Cajetanus verba duo hæc, plenissimam potestatem, sustulit, quæ Thomas habet. Cajeta-

nus igitur scribit: *Sicut Christus accepit à patre sceptrum Ecclesiæ gentium dux ex Israel egrediens super omnem principatum, & potestatem super omne quodcumque est, ut ei cuncta curventur: Sic & Petro, &c. Thomas verò scribit: Sicut Christus accepit à patre ducatum & sceptrum Ecclesiæ gentium ex Israel egrediens super omnem principatum & potestatem, super omne quodcumque est, ut ei cuncta curventur, plenissimam potestatem: Sic & Petro*. Tertiò, cum Cajetanus scribit: *Pedes Christi humanitas est, scilicet ipse homo, cui tota Trinitas plenissimam dedit potestatem*. Thomas verò scribit, *pedes Christi humanitas est, scilicet ipse homo, cui tota æternitas plenissimam dedit potestatem*. Hic Cajetani fides liberari non potest, nisi frater Baro recipiat, & demonstraret, uti demonstrare par est, Cajetanum aliud Cyrilli exemplar, Thomam aliud quoque Cyrilli exemplar natum esse; sed usquedum frater hoc fecerit, Cajetani fides in citandis auctoribus vacillabit.

Porro autem hic de testimonii veritate quæstio nulla instituitur. Nam in priori ad Antonium Faurum Epistola ex diversis Cyrilli operibus diversa excerptissima testimonia, ex quibus manifestum redditur, relata apud Thomam & Cajetanum Cyrilli testimonia, ab ejusdem Cyrilli stylo & scribendi ratione plurimum abhorreere.

IV. Cyrillus Patriarcha Hierosolymitanus ex persona Christi loquens dicit Petro: *Tu cum sine, & ego sine fine cum omnibus, quos loco tui ponam, planè & perfectè sacramento & auctoritate ero, sicut sum & tecum*. At hoc non legitur in operibus Cyrilli Hierosolymitani: Dicere verò & probare hoc in Cyrilli Hierosolymitani operibus lectum esse, quo tempore Cajetanus vivebat, Cajetani fides vindicaretur; sed dicere & non probare, Cajetani fides minimè liberaretur.

V. Concilium Chalcedonense, ut in ejus gestis legitur, tempore sancti Leonis & Mariani Imperatoris acclamavit Leoni Pape, *Leo sanctissimus Apostolicus & universalis*. Acclamatio hæc in Chalcedonenis Concilii gestis non legitur.

VI. Augustinus in 2. libro de doctrina Christiana, non longè versus principium, decretales Epistolas Apostolicæ Sedis inter canonicas habendas scripturas censet, dicens: *In canonicis scripturis Ecclesiarum Catholicarum quamplurimum, divinarum scripturarum solertissimus indagator auctoritatem sequatur, inter quas sanè illæ sint, quas Apostolica Sedes habere, & ab ea alii meruerunt accipere Epistolas*. Augustinus hoc non dicit. Sed dicit: *In canonicis autem scripturis Ecclesiarum Catholicarum quamplurimum auctoritatem sequatur, inter quas sanè illæ sunt, quæ Apostolicas Sedes habere, & Epistolas accipere meruerunt*. Quæ & qualis apud Cajetanum Augustiniani textus corruptio & interpolatio! Si frater adferat, Cajetanum ab incorrecto Gratiani decreto fuisse deceptum, ille divinabit. Cajetanus sequi se Gratianum minimè significat. Ne morosi simus, frater per nos obtineat quod sibi fimet, tunc pro Cajetano aliquid, sed contra se obtinebit: Nam secutus incorrecta Pii II. opera me ingenti criminatione maculare valuit, quod correctæ Pii II. opera in quibusdam Epistolis meis secutus fuerim, ut suo postea loco videbitur.

VII. In gestis Concilii Constantiensis inter damnatos articulos Joannis Wiclif & Joannis Hus reperimus hi duo, scilicet: *Petrus non est, nec fuit caput sanctæ Ecclesiæ Catholica: Non est de necessitate salutis credere Romanam Ecclesiam esse supremam inter alias Ecclesias: & subditur: Error est pro quanto negaret primum summi Pontificis super alias Ecclesias particulares*. Supprimat quæ ad rem maximè pertinent: Res igitur est hujusmodi: *Error est, si per Romanam Ecclesiam intelligat universalem, aut Concilium generale, aut pro quanto negaret primum summi Pontificis super alias Ecclesias particulares: Mediam articuli partem supprime, si per Romanam Ecclesiam intelligat universalem, aut Concilium generale*.

VIII. In Concilio quoque universali Florentia sub Eugenio IV. habentur hæc verba, *Diffinimus, &c. quemadmodum etiam in gestis Oecumenicorum Conciliorum, & in sacris canonibus continetur.* Cajetanus, etiam, contra Latini & Græci exemplaris fidem posuit. Nam in Latino exemplari, quod Flavius Blondus, Eugenii Papæ IV. amanuensis, exaravit, & refert in Decadis III. libro x. sic legitur: *Quemadmodum & in gestis Oecumenicorum Conciliorum & in sacris canonibus continetur.* Et sic laudatur ab auctoribus Cajetano vetustioribus & æqualibus; à Marco Vigerio Card. in Decachordo chorda x. à Joanne Rossensi in art. xxv. contra Lutheranas assertiones, à Joanne Ekio in libri II. de Primatu Petri capite xxv. ab Alberto Pighio in libri IV. de Hierarch. Eccles. capite ultimo. Deinde in Græco exemplari sic habetur, καὶ ἐν τοῖς ὁικουμενικοῖς καὶ ἐν τοῖς ἱεροῖς κανόσι διαλαμβάνεται. Corruptio hæc magni est ponderis. Nam particula etiam usum Pontificiæ auctoritatis ultra sacros canones & gesta Oecumenicarum Synodorum dilatat & extendit: Particula verò &, &, repetita usum Pontificiæ auctoritatis intra sacros canones & Oecumenicarum Synodorum gesta circumscribit & coercet.

Non sum nescius Cajetanum potuisse lectionem hanc à sancto Antonino & Cardinali Turrecremata accipere: Sed ea super re dico duo. Primum est, idque certum, lectionem illam Florentinæ Synodi Græcis & Latinis exemplaribus non respondere. Alterum, idque mihi dubium & incertum, an Synodi decretum quod referunt, sit rei faciendæ vel factæ species, necne? Si sit ut ego credo rei faciendæ species, excusari possunt; si sit rei gestæ species, excusari non possunt, quia res gesta sic non est, ut illi referunt: Immo rei gestæ nimirum definitioni, vis infertur, cum particula &, καὶ, in particulam etiam mutetur.

Hæc autem omnia cum ita sint, à Barone liberanda est prius Cajetani fides, quam aggrediatur ad tuenda illius placita, quæ Scholæ Pariliensis & Gallicanæ Ecclesiæ placitis adversantur.

## CAPUT XV.

101 *Frater Baro & suis & Cajetani distinctionibus Romana illudit Ecclesia, insulsum se Curia adulatorem exhibet, & Gallicana Ecclesiæ libertates oppugnare pergit.*

IN Paragrapho VIII. scribit quæ sequuntur: *Triplici distinctione Cajetani legum, juris divini & Ecclesiastici, quæ directione in auctores, coactione in subditos agant, & valide suscepta, illicita efficiunt: His, inquam responsionibus convulsa sunt & deleta, quæ longissimis epistolis ad Hieronymum Sambæuvium & Ludovicum Cusinum scriptis congerit. O ventosissimum Monachum! Convulsa, si superis placet, & deleta sunt, quæ tamen referre non est ausus, ne tam apertum mendacium detegeretur. Quasi verò verbis tribus aut quatuor convelli ac deleri possent Romanæ Ecclesiæ monumenta omnium ætatum, quibus qui Ecclesiæ huic præfuerunt, Concilii, sacris Canonibus & Apostolicis traditionibus se verè subjici fatentur. In his traditionibus eam pono, quam in epistola ad Ludovicum Cusinum expli-co, & ferè nullam esse testatiorem ostendo. Excommunicatus à parente suo Episcopo Marcion Romam se contulit ad annum CLVIII. & in fidelium communio-nem irreperere & admitti voluit. Sed Pius Pontifex & Clerus, quibus res nota erat, sive Ecclesiasticis literis, sive Marcionis relatione, dixerunt illi: Nos injus-su venerandi patris tui facere illud non possumus, una si-quidem fides est & animorum una consensio. Neque contra* 102 *spectatissimum collegam patrem tuum quicquam moliri pos-sumus. Dixissent ne hoc viri pii & martyrio tunc co-*

ronandi pæne omnes, si non potuisset verè affirmatæque dici? Si quam tulit repulsam Marcion, ut eam meritò ferret, non præcepisset recens derivata à Petro & Paulo Romanæ Ecclesiæ fundatoribus traditio?

Dilucidè ac breviter respondebit Baro, Romanæ Ecclesiæ traditiones se, qui ab illius architectis mille sexcentorum & ed amplius annorum spatio distat, meliùs novisse & certius, quàm Pius & Clerus noverant, qui centum plus minus annorum spatio tantum distabant. Hæc, inquam, respondebit breviter, quia λακωνισμὸν imitatur. Respondet argumentis, quæ sibi ut par est, non proponit. Mox procul rejiciet, quod Sulpitius Severus de Damaso & Ambrosio narrat in historiæ sacræ libro II. *Igitur post multa inter eos & digna memoratu certamina apud Casaraugustam Synodus congregatur, cui tum etiam Aquitani Episcopi interfuerunt. Verùm hæretici committere se judicio non ausi, in absentes tum lata sententia, damnatique Instantius & Salvianus, & Helpidius & Priscillianus laici. Additum est, ut si quis damnatos in communionem receperet, sciret in se eandem sententiam promendam. Atque id Ithacio Sossubenfi Episcopo negotium datum, ut decretum Episcoporum in omnium notitiam deferret. Et quibusdam interpositis: At tum Instantius, Salvianus & Priscillianus Romam profecti, ut apud Damasum urbis ea tempestate Episcopum, objecta purgarent.* Et quibusdam interpositis: *Hi ubi Romam pervenere, Damaso se purgare cupientes, ne in conspectum quidem ejus admissi sunt. Regressi Mediolanum, æquè adversantem sibi Ambrosium* 103 *repererunt. Tum vertereq; consilia, ut quia duobus Episcopis, quorum ea tempestate summa auctoritas erat, non illuserant, largiendo & ambiendo ab Imperatore cupita extorquerent. Damasus id erga Instantium, Salvianum, & Priscillianum fecit: Quod Pius Pontifex & Clerus erga Marcionem, ex Petri & Pauli traditione faciendum esse acceperant. Ambrosius Damasi factum executus est, nec poterat non exequi: Quippe qui sciret disciplinam hanc esse Apostolicam & eam Romæ diligenter observari & Nicæno canone firmatam esse. Tunc temporis non erant Cajetani, non erant Barones, qui Romæ Apostolicam traditionem & disciplinam futili distinctione solverent, qui Pontifices munus suum docerent, & supra apostolicam traditionem & Nicænam Synodum extollerent. Tunc errabatur istorum hominum judicio, nec in orbe toto suppetebat ullus, qui deprimeret eminentissimam illam Christianæ religionis simplicitatem, quæ Romæ vige-bat, & à Pontificibus magnopere colebatur. Heu Romam infelicem! Desiderabatur unus frater Baro, in beatæ simplicitatis illius locum sæcularem fastum inducturus. Effecisset omnino, ut qui Pontifex Pius, Damasus, alius exlegem se esse non credebat, exlegem se esse credidisset: Ille citra proprii Episcopi consensum Marcionem communionem donasset sua: Hic Instantii, Salviani & Priscilliani purgationem audisset, auditam probasset, auctoritatem suam cæterorum antistitum potestate majorem ostensurus. Hoc unum Baro spectat, non publicam Ecclesiæ utilitatem, quæ bene nusquam eminet, nisi dum sacri canones & pristinæ traditiones* 104 *ab omnibus accuratè servantur. Scilicet dum id præstat, quod Pius & Romanus Clerus, Damasus & Ambrosius & Sacerdotes reliqui præstiterunt; dum Baronis adulatione proscripta nemo se putat legibus solum esse. In epistola ad Hieronymum Sambæuvium non sunt mea, quæ scribo, sed Siricii Papæ, & plurimorum Pontificum, quorum una fides est, & una animorum consensio. Sed quia dicta illorum mea facio, & in bono lumine colloco, sic excandescit frater, ut pressus en-ergemate videatur. Itane verò? Tantum iræ, tantum furoris? Siricius antiqua Sedis suæ traditione succinctus, Baroni & aliis Curia assentatoribus solemnes ex-orcismos intentat. Exorcismorum codex est Collectio Romana bipartita, ubi Pontifex Any시오 & cæteris Episcopis per Illyricum constitutis respondet: Accipi,* 000 2 *inquiry*



inquit, literas vestras de Bonoso Episcopo, quibus vel pro veritate, vel pro modestia nostram sententiam sciscitari voluistis. Sed cum hujusmodi fuerit Concilii Capuensis, judicium ut finitimi Bonoso atque ejus accusatoribus iudices tribuerentur, & præcipue Macedones, qui cum Episcopo Thessalonicensi de ejus factis vel cognoscerent, advertimus, quod nobis judicandi forma competere non posset. Nam si integra esset hodie Synodus, recte de iis, quæ comprehendit vestrorum scriptorum series, decerneremus: Vestrum est igitur, qui hoc recepistis judicium, sententiam ferre de omnibus, & cætera, quæ in memorata ad Sambœuvium Epistola describo.

His autem verbis ut sacris obtestationibus cum urgetur Baro & circumfidetur, torquet se miserandum in modum, clamores in cælum usque tollit, & per latus meum ferit Siricium, eique exprobrat, quod nescierit se supra Capuense Concilium esse, datis ab eo Macedonibus Episcopis de Bonoso mandatis non teneri, & Capuensi Synodo, seu integræ seu non integræ, judicandi formam sibi competere. Præterea frater in calumniando vehemens & incensus Siricio & aliis ejusdem sententiæ Pontificibus, quos nostra in Epistola refero, hinc objicit Bernardum, Perronium, & Coeffætum, à quibus dissentit; inde objicit Marcum Antonium Spalatensem, Mornæum & Blondellum, quibus consentit. In summa nisi Siricius & Pontifices alii veterem Sedis Apostolicæ traditionem deserant, & in Baronis sententiam discedant, Christiana concidet religio, *ἡ πόλις ὅλη*. Insulsus adulator eousque progreditur, ut nihil illius, nisi ipsa insulitas rideatur.

Verum ne videatur sibi sapiens, expendenda est illa distinctio, qua fretus & armatus de Siricio, & Pontificibus aliis in Epistola ad Sambœuvium relatis amplissime triumphat. Triumphus causa est, distinctionis, quam ut Pythium magis, quam Evangelicum oraculum insumit Baro ad rerum omnium solutionem, ignorantia. Ignorarunt igitur legem legis auctorem dirigere, non cogere. Dirigendi vim auctorem respicere, vim cogendi subditos, Pontifices verò subditos non esse. Quod quia nec probat nec probare potest, manifestè petit principium. Et hoc est vitiosissime disputare, Curia adulatoribus maxime proprium. Id dum observo, Baronis machinas omnes funditus evertō.

Deinde legis divisio in dirigentem & cogentem à regulis deficit, cum rei divise membra inter se non opponantur, opponi debent. Qui lege cogitur, eadem non potest non dirigi. Cogente lege nemo plectitur, nisi & qui antè dirigenti legi parere noluerit. Quid quæso roboris importat lex, quæ dirigit & non cogit? Vis dirigendi quæ secum vim cogendi non habet, inefficax est & talis à sapientibus censetur. Quod Aristoteles Baronis præceptor amantissimus, in Eth. lib. x. cap. ult. & usus & experientia rerum magistra confirmant. Quid Ecclesiæ, quid Romano profuisset Concilio, Joan. XII. Pont. post homines natos sceleratissimum ad virtutem dirigere, nisi potuisset eum cogere, ac in vitiis publicisque offensionibus contumaciter & arroganter perseverantem de prima Sede dejicere?

Hac de re judicium sit penes Dominicani Ordinis Theologos numero quatuor, Vincentium Bellovacensem, Joannem Turrecrematam, Franciscum Victoriam, Michaëlem Cardinalem Alexandrinum, qui postea in Romanum optatus est Episcopum, & dictus Pius V. Audiendi sunt igitur. Et primum quidem Vincentius prodeat in Historialis Speculi libro xxiv. cap. lxxxvi. ubi legitimam Joannis abdicationem sic agnoscit: *Joannes ex Papa se cum uxore cujusdam oblectans à Diabolo in tempore percutitur, & sine Viatico Dominico moritur.*

Deinde Turrecremata in libri i. de Summa Ecclesiæ, capite cui titulus est, *Universalium Conciliorum celebratio maxime valet ad sex. Quinto celebratio Conciliorum est utilis ad refranandum exorbitantias quorundam Pontificum, qui Pontificatum suum, aut spretis*

sanctorum Patrum regulis pro voluntate exercent, aut simoniaca pravitate dehonestant, aut sæculi vanitate & vita scandalosa confundunt. Hujus causa congregatum legitur Concilium Episcoporum Italiae Romæ per Imperatorem contra Joannem Papam XII. qui venator, & lubricus publicus & incorrigibilis erat. Ut enim ait Hormisdas Papa in Epistola decretali ad Episcopos per Hispaniam constitutos, difficile est, ut cujusquam cor sic pravis cogitationibus induretur, ut in se patiatur culpandus fieri, cum noverit se judicium subeundum Concilii.

Tum Victoria in libri de potestate Papæ & Concilii propositione xxiii. Propter injustas dispensationes, vel alia mandata insolentia, quæ in perniciem Ecclesiæ procedunt, posse convocari & congregari Concilium contra voluntatem Papæ, ut si resisteret, obviaret ejus insolentia. Hoc expressè tenet Silvester in verbo Papa. §. 4. Quod si Papa suis moribus destruit Ecclesiam, potest convocari Concilium contra ejus voluntatem, ut per illud Papa moneatur, & Deus invocetur, & resistendo in malis remedium apponatur. Hoc expressè tenet Turrecremata assertor vehementissimus Pontificiæ dignitatis libro 3. cap. 10. Celebratio, inquit, Conciliorum utilis est ad refranandum exorbitantias quorundam Pontificum, & cætera ut suprâ.

Denique Michaël Cardinalis Alexandrinus Clementis Moniliani Cardinalis librum, qui Theologicarum institutionum Compendium inscribitur, approbavit, & approbando suum fecit. Monilianus in capite xix. de Conciliorum utilitate tractat, & quæ Turrecremata scripserat, sic transcribit: *Quarto valet ad refranandum exorbitantias quorundam Pontificum, & cætera, ut suprâ apud Turrecrematam.* Cardinalis Alexandrinus approbationem revocavit nusquam, sive ut viam sibi ad Pontificatum sterneret, sive postquam Pontificatum illum adeptus est, ut in eo pacifice maneret.

Ex his quatuor Ordinis prædicatorum scriptoribus primus est magnus Philosophus, Theologus & Historicus. Secundus Cardinalis & vehementissimus (Victoria judice) Pontificiæ dignitatis assertor. Tertius cum ex aliis, tum ex eo quoque commendatur, quod factus Parisiensis Theologus Theologiam Hispaniæ importaverit, excellentique viros Melchiorum Canum, Sotum utrumque Dominicum & Petrum, & alios erudierit. Quartus apotheosim suam cotidie præstolatur.

Occurret frater Baro, & sibi semper similis ad Bernardum, Perronium & Coeffætum, ut ad sacram anchoram confugiet: Deinde cum licentia & permisso sumet in manus, Spalatensem, Mornæum, Blondellum immanissimos Romanæ Ecclesiæ hostes qui Vincentium, Turrecrematam, Victoriam, Pium V. vel corruerint, vel secuti fuerint, & quia secutos esse probabile est, exinde Vincentius, Turrecremata, Victoria & Pius V. falsi convincuntur, & in Spalatensis, Mornæi & Blondelli fautores miserrimos evadunt. Baronem sequor: *Quocunque ierit, aut pariter in luto hærebimus, aut pariter expediemur.* Hieronymi verba sunt in Dialogo contra Luciferianos, quæ meos in usum derivanda esse censui.

Supereff aliquid, quod nefas esset intactum relinquere, ne de prætermillione Baro juveniliter exultaret: *Divini, inquit, & Ecclesiastici juris leges directione in auctores, coactione in subditos agunt.* Divini juris auctor est Deus, auctor est Christus, qui non statutis à se legibus, sed sua bonitate & justitia, divini juris leges omnes antevertebat dirigatur. Baronis propositionem hanc non noto, quia graviter notandum se omnibus exhibet. Calefacto cerebro & inconsideratè scribit, ut veritatem occultet, non ut patefaciat, ne patefacta suis & Curia cui servit, placitis repugnet.

Veniendum est ad Ecclesiastici juris leges, in quibus Baro fortasse ratiocinationis & responsionis suæ totius arcem constituit. Sed valde malè constituit: *Hæc leges, inquit, directione in auctores, coactione in subditos agunt, vel dirigendi vim exercent in auctores, cogendi in subditos.*

*subditos.* Apophthegmata sunt non Plutarchi aut Lycosthenis, sed fratris Baronis, cui non tantum fidei, quantum Plutarcho, vel Lycostheni debemus, ut jam planum fecimus in iis, quæ ad divisionem in vim dirigendi & vim cogendi pertinent. Restat ut quid sibi velit per illud in *subditos* expendamus. Id unum in scriptis suis sibi vult, Romanum Pontificem Ecclesiasticis legibus cogi non posse, quia illis subditus non est. At ego contra præ me fero Ecclesiasticis legibus cogi posse, quia illis subditus est.

Et primò quidem Romanus Pontifex membrum est universalis Ecclesiæ, ac proinde Concilii, quod universalem Ecclesiam repræsentat, & quamvis membrum Ecclesiæ sit primum, ex eo tamen membrum esse non desinit, aut totum esse incipit. Beatus Thomas in expositione Symboli: *Unde Ecclesia sancta Catholica idem est, quod congregatio fidelium, & quilibet Christianus est sicut membrum ipsius Ecclesiæ.* Si Christianus quilibet iudice quinto Ecclesiæ Doctore membrum est Ecclesiæ, Romanus Pontifex Ecclesiæ membrum erit, aliqui Christianus non esset. Non credo Baronem eo venturum esse dementiæ, ut Romanum Pontificem Christianum esse ierit inficias. Cum autem universalis Ecclesia, & repræsentans eam Concilium sit totum, & Romanus Pontifex sit Ecclesiæ vel Concilii pars tantum, necessariò consequitur, Romanum Pontificem Ecclesiæ & Concilio minorem esse, & eam ob causam subditum. Siquidem totum majus esse qualibet sui parte, & communis hominum sensus declarat, & inter Patres Athanasius, Hieronymus & Augustinus confirmant: Primus in Epistola ad Africanos: *Tanto major est Nicæna Synodus particularibus Conciliis, quantum totum sui aliqua parte.* Secundus in Epistola ad Evagrium: *Si auctoritas quaritur, orbis major est urbe.* Tertius in libri 11. de Baptismo capite 1. *Quanto facilius & fortius, quod per universa Ecclesiæ statuta firmatum est vel unius Episcopi (neminem excipit) auctoritati, vel unius provincie Concilio preferendum est.* Iterum in cap. 111. *Et ipsa Concilia, quæ per singulas regiones vel provincias fiunt, plenariorum Conciliorum auctoritati, quæ sunt ex universo orbe Christiano, sine ulla ambagibus cedere.* Denique in cap. 19. *Si autem Concilium ejus (Cypriani) attenditur, huic est universa Ecclesiæ posterius Concilium præponendum, cujus se membrum esse gaudebat.* Nam & Concilia posteriora prioribus apud posteros præponuntur. Et universum partibus <sup>111</sup> semper optimo jure præponitur. Frater Alexandrino, Antiocheno, Carthaginensi Episcopo, rationem partis vel membri in Ecclesia & Concilio asserere & retinere non poterit, cum illam Rom. Pont. detrahet, ne Ecclesiæ & Concilio subjici videatur. Si nobis ille non credat, Gregorio I. credat scribenti in libri 14. Epistola xxxviii. ad Joannem Constantinopolitanum Episcopum: *Certe Petrus Apostolus primum membrum sanctæ & universalis Ecclesiæ est. Paulus, Andreas, Joannes, quid aliud, quam singularium sunt plebium capita, & tamen sub uno capite (Christo) omnes sunt membra Ecclesiæ? Atque ut cuncta brevi cingulo locutionis asstringam, sancti ante legem, sancti sub lege, sancti sub gratia, omnes hi perficientes corpus Domini in membris sunt Ecclesiæ constituti, & nemo se unquam universalem vocare voluit.* Quicumque igitur in Ecclesia Dei & in figurante Ecclesiam Concilio rationem partis vel membri sive primi, sive alterius nominis, Ecclesia & figurante Ecclesiam Concilio minor est, ei inferior & subditus.

Deinde Metropolitanum Episcopum provincie suæ caput esse antiqui Scriptores & Concilia tradiderunt. Apollinaris Sidonius Arvernorum Episcopus in libri 14. Epistola ultima ad Domnolum: *Fecit & Patiens (Lugdunensis Archiepiscopus) vir quamlibet magnis par tamen laudibus, quod satis decuit personam, quæ caput est civitati nostræ per Sacerdotium, provincie vestre per civitatem.* Tum in libri vii. epistola v. ad A-

græcium Episcopum: *Nec te quanquam Senoria caput es, inter hac dubia subtraxeris intentionibus medendis Aquitanorum: Nec minimum refert, quod nobis est in habitatione divisa provincia, quando in religione causa con-* <sup>112</sup>

Emeritense Concilium, quod anno dclxvi. celebratum est, in præfatione sua: *Congregatis nobis omnibus provincie Lusitania Episcopis in nomine Domini residentibus in Hiernsalem, quæ in Emeritensi urbe (quæ caput hujus provincie noscitur esse, & sub principali nomine manet dedicata) juxta ordinem priorum canonum nostrorum juramine ceptum est initium.*

Gregorius II. in Epistola ad Ursum Venetiarum Ducem: *Quia peccata favente Ravennatibus civibus, quæ multarum caput Ecclesiarum extat, à nefanda gente Longobardorum capta est.* Apud Petrum Justinianum in libro 1. historiæ Venetæ.

Joannes VIII. in Epistola xviii. ad Felicem & Petrum Episcopos Mandanaucensem & Equilensem: *Ac capite tam Apostolica Sede, quam Metropolitano vestro dividamini.* Capitis nomen & Apostolicæ Sedi & Metropolitano Episcopo impertitur.

Concilium, quod Valfredus Cantuariensis Archiepiscopus habuit apud Celichyth. cap. xi. *Ut nulli Episcoporum liceat alterius parochiam invadere, vel etiam aliquid alterius ministerii ad se pertrahere in aliqua consecratione Ecclesiarum, vel Presbyterorum, & Diaconorum, nisi solus Archiepiscopus, qui est caput suorum Episcoporum.* At quamvis Metropolitanus provincie caput, multarum Ecclesiarum, & Episcoporum caput censeatur, & provinciali Concilio præsideat, & canonum in illo ad faciendam Ecclesiarum provincie disciplinam editorum auctor primus sit, ac præcipuus, his tamen canonibus subjicitur, & ad eos servandos cogi potest, & nisi fervet puniri. Cur ergo ratio <sup>113</sup> ne pari Romanus Pontifex non subiceretur canonibus Concilii, cujus caput esset, cui præsideret? Et quorum canonum auctor primus ac præcipuus extitisset?

Quinetiam ipsosmet Pontifices suorum provincialium Conciliorum decretis obnoxios esse reperimus. In Romana Synodo quam Symmachus Papa de bonis Eccles. non alienandis habuit, Rom. Pontifex obligatur can. 14. *His ergo perpensis mansuro cum Dei nostri consideratione decreto sancimus, ut nulli Apostolica Sedis præfatus, à presenti die, donec disponente Domino Catholica fidei manserit doctrina salutaris, liceat pradium rusticum quantacunque fuerit vel magnitudinis, vel exiguitatis, sub perpetua alienatione vel commutatione, ad cujuslibet jura transferre, nec cujusquam excusentur necessitatis obtentu.* Synodus vim dirigendi à vi cogendi non separat, nec separabit unquam, qui Pontificem non sui, sed Ecclesiæ gratia creari noverit. Adulatores Baro & alii norunt id quidem, sed si dicerent, quod norunt, sædo servitutis crimine utilitatibus suis non studerent.

Tum in can. vi. *Pari etiam Ecclesiarum per omnes Romana civitatis titulos, qui sunt Presbyteri, vel quicumque fuerint, adstringi volumus lege custodes, quia nefas dictu est obligatione, quæ se per charitatem Christi connectit summus Pontifex, ea hominem secundi in Ecclesia ordinis non teneri.* Sic homo secundi in Ecclesia ordinis, nimirum Presbyter obligatione seu lege tenetur eadem, quæ summus Pontifex, id est homo primi in Ecclesia ordinis. Quis modò nisi mente captus diceret, Presbyterum exposito decreto dirigi quidem posse, sed cogi non posse? Si Presbyter hoc decreto dirigi & cogi potest, eodem & Pontifex dirigetur & cogetur: *Quia nefas dictu esset, obligatione, quæ se per charitatem Christi connectit summus Pontifex, ea hominem secundi in Ecclesia ordinis non teneri: Scilicet uterque, & summus Pontifex & Presbyter, eadem obligatione & lege vincuntur.* Quæ enim Christi charitas in causa fuerat, cur summus Pontifex se latæ à provin-



provinciali Synodo legi submiserat, eadem & in causa esse debebat, cur Presbyter eidem legi se submitteret. Libere statuitur lex, sed statuta legi obtemperare necessarium est. Alioqui luenda est poena, quae non obtemperantibus decernitur. Nonne qui rationi obsequuntur, eos lege coercendos aliquando esse prudentissimi quique semper existimarunt?

Agapetus Papa, qui per aetatem Romanae Synodo huic interesse potuit, decretum ab ea editum vim dirigendi & cogendi se continere testatur in Epistola 1. quam ad Caesarium Arelatensem Episcopum scribit: *Tanta est Deo propitio, & ad ea libentissime concedenda quae alimonis proficiunt pauperum, & circa tuae fraternitatis affectum nostra devotio, ut onerosum nobis nullatenus esse judicemus; quod annui vestris desideriis postulatis. Sed revocant nos veneranda Patrum manifestissima constituta, quibus specialiter prohibemur, praedia juris Ecclesiae, cui nos omnipotens Dominus praesse constituit, quolibet titulo ad aliena jura transferre. Quam in re vestra quoque sapientia credimus esse gratissimum, quod in nullo contra praefata definitionis constituta, vel regulas pro qualibet occasione, vel sub cuiuscunque persona respectu venire praesumimus. Nec tenacitatis studio, aut secularis utilitatis causa hoc facere nos credatis, sed divini consideratione iudicii necesse nobis est, quidquid sancta Synodalis decrevit auctoritas inviolabiliter custodire. Subjungit postea Romanae Synodi decretum, quod ante retulimus. Nunc Deus immortalis, turpissima Baronis adulatione, & tam insolenter quam inutiliter iactata distinctione quid fiet? Vel illa distinctio pereat, vel Agapetus erraret necesse est. Si Agapetus errat, Baro singulari pudore suffunditur: Si non errat, Baro cum sua distinctione suffocatur.*

Rem pro nobis & contra Baronem conficit Romani Pontificis electi professio fidei, quam olim Romanus idem electus Pontifex emittebat. Verba sunt: *Diligentius autem & vivacius omnia decreta praedecessorum Apostolicorum nostrorum Pontificum, quaque vel Synodali probata sunt, confirmare & indimittunt servare, & sicut ab eis statuta sunt, in sui vigoris stabilitate custodire, quaque vel quosque condemnarunt, vel abdicarunt, simili auctoritatis sententia, condemnare, disciplinam & ritum Ecclesiae, sicut inveni, & a sanctis praedecessoribus meis traditum reperi, illibatum custodire & indimittunt res Ecclesiae conservare, & ut indimittunt custodiantur operam dare.* Haec ex veteri Romanae Ecclesiae Diurno, quibus vinculum vinculo adjicitur. Vinculum prius est Romanae Synodi decretum, quo Pontifex & Presbyteri obligantur. Vinculum posterius est iuramentum, quo novus Pontifex ad ea quae Romae Synodaliter decreta sunt, observanda constringitur. Utinam sperare mihi liceret, futurum, ut Baro sese corrigeret, antiquam Romanae Ecclesiae traditionem agnosceret, & adeo turpiter assentari desisteret! Desisteret utique dum incipiet sua sorte contentus esse, nec vetera Ecclesiae instituta futilibus quorundam recentiorum distinctionumculis metietur amplius.

Tum antistites, qui generalibus interfunt Conciliis & auctores sunt canonum, qui ad faciendam uniuscujusque Ecclesiae disciplinam decernuntur, iisdem sunt canonibus obnoxii, ut nemo dubitat: Obnoxii tamen non essent, si Baro cum sua distinctione audiretur. Ecclesiastici juris leges directione in auctores, coactione in subditos agunt. Si tantum canonum auctoritate cogi possent, qui Conciliis non interfuissent, & illorum canonum auctores non extitissent. Quis incredibilem Baronis sagacitatem non miretur, qui dum sacrorum canonum observandorum necessitati & legum coactui Romanum unum Pontificem conatur subducere, Pontifices ceteros, qui Conciliis interfunt, & edendis canonibus suam navant operam ac studium, eidem necessitati & coactui subducit? Distinctionem suam, qua simul & semel devorare duas e meis Epistolis sat longas sibi vide-

batur, reformet ac recoquat, ita ut verè dici queat,

*Spiculaque extenso Paan Pythonè recoxit.*

Præterea iactata distinctionis in hac materia vanitas colligitur ex Tridentino Concilio, quod in Sessionis x. capite v. sic loquitur, cum doctrinam confessionis exponit: *Neque enim per Lateranense Concilium Ecclesia statuit ut Christi fideles confiterentur, &c.* Et primo quidem Ecclesia per Lateranense concilium statuens, ea est quam Lateranense Concilium representabat. Deinde representata per Lateranense Concilium Ecclesia non est ipsum Concilium, quia nihil seipsum representat, sed est Ecclesia per orbem Christianum dispersa quae ab hoc Concilio post Nicolaum I. Catholicorum seu fidelium congregatio definitur.

His ita positis, ut necessariò poni debent, Ecclesia, quae per Lateranense Concilium statuit id quo de agitur, est Catholicorum seu fidelium congregatio per illud Concilium representata. Quapropter hæc fidelium congregatio per Lateranense Concilium representata annuæ confessionis auctor est; & quia auctor lege, quam de annua confessione tulit, fideles dirigi quidem possunt, cogi non possunt. En omnium animis & auribus absfona complexio, in quam bella illa Baronis distinctio infertur, ut velut Jovis fulmine percussa concidit.

Sublatà igitur atque extinctà futili distinctione, quomodo sese res habeat, videndum est. Collecta in Synodum Ecclesia seipsa per orbem dispersa major, & ad decernendum aptior omnibus & singulis Christiano nomine censitis præscribit, quid credendum vel non credendum, quid agendum vel non agendum sit, ut pie laudabiliterque vivant, & tum demum salutem consequantur. Hinc ut Synodo, quae universam representet Ecclesiam, sic & Synodi constitutionibus ob memoratum finem præscriptis, & earum legitimæ directioni & coactioni Christianus nemo subtrahitur aut subtrahi potest.

Denique revertor ad primam sedem, à qua nemo me divellet unquam: Gelasius I. magnus ille Pontifex quaestionem absolvit in Epistola XIII. ad Episcopos Dardaniæ: *Quibus, inquit, ex paterna traditione perpensis confidimus, quod nullus jam veraciter ignoret Christianus uniuscujusque Synodi constitutum, quod universalis Ecclesia probavit assensus, non aliquam magis exequi sedem præ cæteris oportere, quam primam.* Quid frater responderet Gelasio Curialium magistrorum hosti capitalissimo? Qua sophistica fulgine decolorabit tantum Pontificem, ne dignoscatur assertum ab eo primæ sedis officium? Qua tandem arte illi de sua futili distinctione accommodabit unquam? Inter primam sedem & sedes alias comparisonem instituit, qua Baronis & reliquorum adulatorum moræ, tergiversationes, cavilli dispelluntur, longè & latè dissipantur, & in pulverem vagum abeunt.

Fortasse Baro Curiae gratificaturus & retinendæ distinctionis suæ supra modum cupidus eò se recipiet, ut dicat Alexandrinam sedem, Antiochenam sedem, Eugubinam, si vis, sedem in exequendis Synodorum decretis, quæ universalis Ecclesiae probavit assensus, lege dirigente tantum, non lege cogentis teneri, & eam ob causam mirum non esse, si prima sedes lege cogentis teneri non possit. Si dicat hoc, quia aliud, nisi nobis consentiant, dicere non poterit, semel atque iterum versipellis homo captus est: semel quidem, quia quod privilegii genus uni tantum Sedi vult asserere, omnibus per summam imprudentiam asseret; iterum verò, quia licet id quod sibi fumeret, veritate aliqua niteretur, in primam Sedem transferri non posset. Quid ita? Gelasii verba si valeas, intellige: *Uniuscujusque Synodi constitutum, quod universalis Ecclesia probavit assensus, non aliquam magis exequi Sedem præ cæteris oportere, quam primam.* Si magis hoc

hoc capi nequit, nisi prima Sedes & lege dirigente & lege cogente teneatur exequi uniuscujusque Synodi constitutum, quod universalis Ecclesiæ probavit assensus.

Verum relicto sibi cum adulatrice Curia Barone semper adhæreamus primæ Sedi, quæ per Gelasium locuta est, atque expendamus tantisper, cur sic locutus est? Non aliquam magis exequi Sedem præ cæteris oportere, quàm primam. Hilarus Papa, quem Gelasius videre potuit, id nos docet in Romana Synodo cui præfuit: Si placet, inquit, fratres, ea, quæ ad ordinationum tenorem pertinent, juxta divinæ legis præcepta, & Nicanorum canonum constituta ita adjuvante Domino in omne ævum mansura solidemus, ut nulli fas sit, sine status sui periculo, vel divinas constitutiones, vel Apostolica Sedis decreta temerare, quia nos, qui potissimi Sacerdotis administramus officia, talium transgressionum culpa respiciet, si in causis Dei desides fuerimus inventi, quia meminimus, quod timere debemus, qualiter comminetur Dominus negligentia Sacerdotum, siquidem reatu  
120 majore delinquit, qui potiori honore perfruitur, & gravi-  
ora facit vitia peccatorum sublimitas dignitatum.

Symmachus qui & Gelasium videre potuit, Hilari pronuntiatum in Romana Synodo VI. repetit, & repetendo suum facit: Sanè, inquit, reatu majore delinquit, qui potiori honore perfruitur, & graviora facit vitia peccaminum, sublimitas dignitatum.

Innocentius III. Sedis Apostolicæ traditionem edoctus idem sibi sumit, cum ad Philippum Augustum, uxorem repudiare volentem ita scribit in lib. III. Regesti xv. epist. civ. Sed in carnali commercio inter te ac Reginam conjugem tuam adeo est processum, quod si etiam illi tantum confessioni vellemus insistere, quam nuper eadem regina fecisse proponitur coram prædicto Abbate de Trappa, & dilecto filio Magistro Roberto Corzon, nunc titulo S. Stephani in Celio monte Presbytero Cardinali, non audeamus super hujusmodi casu de nostro sensu pro te aliquid diffinire, propter illam sententiam Evangelicam, quam ipse Christus expressit, ut quod Deus conjunxit, homo non separet, cum absque dubio nec Sanctorum exempla, nec Patrum decreta intentioni tuæ in hoc articulo suffragentur. Verum si super hoc absque generali deliberatione Concilii determinare aliquid tentaremus, PRÆTER DIVINAM OFFENSAM ET MUNDANAM INFAMIAM, QUAM EX EO POSSEMUS INCURRERE, FORSAN ORDINIS ET OFFICII NOBIS PERICULUM IMMINERET, cum contra prætermissam veritatis sententiam nostra non possit auctoritas dispensare. Itane quæso scriberet, ut in postrema periodo scribit, si cogentis Ecclesiæ legem nullam agnosceret? Si  
121 Ecclesiæ subditum se non crederet? Ubina nisi apud Ecclesiam ordinis & officii periculum immineret? Adulatores Baroni similes, qui pulvillum omni magnatum cubito assuunt, in Curiam nondum induxerant, alterum legis munus, quod est cogere, in Romanos Pontifices exerceri non posse. Quasi verò tunc potuisset intelligi, peccantes corrigere iis negatum esse, quibus datum est alios dirigere ne peccent. Derisi sunt à Patribus Novatiani, qui peccatores illigabant in pœnis, quas solvere se non posse affirmabant.

Expositam per suos auctores Sedis Apostolicæ traditionem amplectitur beatus Thomas, cum in secunda secundæ quæst. c. art. 1. ad septimum ita respondet: Dicendum, quod Papa potest incurrere vitium simoniæ, sicut & quilibet alius homo. Peccatum enim tantò in aliqua persona est gravius, quantò majorem obtinet locum. Et primò quidem fieri potest, ut aliquis homo putà Paulus simoniæ peccatum commiserit levissimum, quod non commisisset, nisi committendi occasionem Pontifex exemplo suo dedisset. Deinde fieri quoque potest, ut Pontifex aliquis putà Joan. XII. simoniæ peccatum commiserit gravissimum & indies committere non desistat. Postremò peccatum hoc gravissimum esse poterit, tum ex parte rei, cum Sacerdotium grandi pecunia

venditur, tum etiam ex parte personæ, cum ut ait Thomas, peccatum tantò in aliqua persona est gravius, quantò majorem obtinet locum. Tunc sedente pro tribunali Barone munus legis cogentis in Paulum exercebatur, in Joannem XII. non exercebatur, sed tantum munus legis dirigentis, quam audiet si voluerit, & ea audita in vitio perseverabit impune. Hoc est egregium Baronis judicium, sed cujus allèssores non sunt Gelasius I. Hilarus, Symmachus, Innocentius III. beatus Thomas, quos interim, ut æquiores judices appellamus, & unà Baroni litem intendimus, quam contestari non auderet, & cum tot Pontificibus & quinto Ecclesiæ Doctore Thoma disceptare. O detestabile & à bonis omnibus declinandum fratris Baronis tribunal! in quo qui magis peccat, minùs corrigi potest, & idèò in majus discrimen adducitur, quia illius saluti minùs providetur. Hæc habui, quibus assertam Romanæ Ecclesiæ traditionem duabus in Epistolis, una ad Sambœuvium, altera ad Cusinum, non tam defenderem, quàm confirmarem.

## CAPUT XVI.

Repellitur quæstia ex Pii II. ad Carolum VII. Gallie Regem literis calumnia.

Baro calumniam hanc impingit mihi duobus in locis. Et primùm quidem in eodem paragrapho VIII. Tacere non possum, ejusdem quod epistola pagina 23. habet plagium epistola Pii II. ad Carolum VII. Regem Gallie, qua sic cum monet: Unum à te petimus, charissime fili, ut detractoribus Sedis Apostolicæ semper non credas, multa illorum passionibus tribuas. At Launois ex crassa inscitia, vel ex caca ad detrahendum libidine locum corripit & interpolavit, voci detractorum suffecto Doctorum vocabulo. Deinde in paragrapho XI. Dico me non mirari epistole VII. pagina 23. interpolata Pii II. ad Carolum VII. epistola verba, & loco detractorum Sedis Apostolicæ, ut mens auctoris & genuina lectio habet, ab adversario suffectum rō Doctoribus vocabulum.  
123

Hæc autem geminata calumnia diluitur ex Pii II. operibus, quæ Basileæ prodierunt apud Henricum Petrum anno MDLXXI. in hujus enim editionis Epistola CCLXXIV. ad Carolum VII. Regem Gallie verba sunt ipsamet, quæ sine corruptione & interpolatione ulla laudavi: Unum à te petimus, charissime fili, ut doctoribus Sedis Apostolicæ semper non credas, multa illorum passionibus tribuas. Tunc editionem hanc, quæ ex officina Henrici-Petrina prodierat, conferre non curavi cum editionibus primis, in quibus legitur, detractoribus, non doctoribus. Et primùm quidem me ab hoc labore deterruit inscriptio hæc: *Ænea Silvii, sen Pii II. opera, quæ extant, omnia, nunc demum post corruptissimas editiones, summa diligentia castigata & in unum corpus redacta.* Accedit Marci Hopperi præfatio, quæ inscriptioni fidem facit certissimam: Enumeratis enim singillatim Pii libris, subjicitur: *Hi ergo libri sunt, ex quibus volumen hoc compositum est, digni omnes, qui in manus studiosorum veniant: In quibus conquirendis, ut honoris ergo eos nominem, suam quoque operam nobis præstare eximii viri D. Bonifacius Amorbachius Juris utriusque Doctor, urbis nostræ Syndicus, & Academia tum temporis M. Rector, D. Joannes Spyraetes Juris utriusque licentiat, ordinarius apud nos legum Professor, affinis noster charissimus, nec non D. Conradus Lycosthenes Rubeaquesis liberalium Artium magister, qui sententias quoque, quarum hic auctor refertissimus est, à se inter legendum observatas, ut fuit vir diligentissimus ac verè studiosus, nobis communicavit: Quarum farraginem adjecit hic vides.*  
124

Ex his autem omnibus luculenter apparet, operum Pii II. editionem, qua usus sum, cæterarum omnium quæ præcesserant, emendatissimam esse. Unius instar sunt.



sunt editiones cæteræ, quæ præcesserant. Nam omnes sunt similes primæ, nec ulla in iis intervenit correctio, ut mutua omnium demonstrat contentio, & sic de numero priorum editionum jus supra Henricipetrinam editionem nullum acquiritur. Itaque Henricipetrina editio primæ antepositur, quia prima incorrecta est, postrema, quæ est Henricipetrina, correctior.

Deinde si Henricipetrinam editionem contulisset cum prioribus, quæ corruptissimæ sunt, fecisset imprudentius, si editiones primas Henricipetrinæ prætulisset. Quis unquam vidit sapientes atque eruditos homines, qui correctiorem libri alicujus editionem considerata re neglexerint, ut incorrectam sequerentur? Hic est scopolus, in quam falsi nominis Criticorum jurgia & contentiones impingunt, & ita pereunt, ut sævitæ vestigium relinquant nullum.

Cæterum operæpretium est hic animadvertere, quid vir literatissimus & acerrimi judicii de primis librorum editionibus scripsit in opere, quod inscribitur: Marini Statilei responsio ad dissertationes de Tragurienfi Petronii Fragmento: Enimvero si ista obiectio valet, vix ullum erit vetusti auctoris scriptum, quod non impostura suspectum esse debeat. Cujus enim Scriptoris non primæ editiones mendis prope infinitis scatent? Varro-  
 125 nis Fragmentum de lingua Latina, prout est editum ab Antonio Augustino, consideret, & pudebit eum sua istius objectionis. Multo enim plura ibi verborum portenta reperiet, quam in hoc Petronii Fragmento. Quid alia referam veterum auctorum monumenta, Plauti, Catulli, Tibulli, Propertii, Plinii, quàm fædis ubique maculis contaminata essent, priusquam in doctorum hominum manus venirent?

Tum demum rei in Epistola tractatæ series Henricipetrinæ editionis lectionem exigere probabilius videtur. Referenda est Epistola, quo lectionis bonitas attendatur facilius.

Pius Episcopus servus servorum Dei, Charissimo in Christo filio Carolo Regi Francia illustri, salutem & Apostolicam benedictionem. Quæ ad nos de conditionibus Tornacensis civitatis tua serenitas scripsit, non diffitemur ita esse, ut scribis. Abundans enim multitudo populi est in regni tui confinibus, & quæ mansit in tua & progenitorum omnium sæculis multis, præbetque tibi opportunitate loci commoda permulta & magna. Quod vero adjungit, Ecclesiam ipsam promissam tibi in personam Cardinalis Constantiensis fuisse, in eo vel tua Majestas informata verè non erat, vel qui de ea nos compellarunt, responsa nostra interpretati bene non sunt. Viventium beneficia cuiquam promittere nos noster non est, nec fuisse in hunc diem adiutore Deo meminimus. Recordamur oratoribus dixisse, cum vacare illam contingeret, rem facturos, de qua contentari merito posses: Daturus autem, cui velles eam Ecclesiam, nec diximus unquam, nec cogitavimus. Adveniente tamen obitu translati Episcopi, facere Majestati tuæ rem gratam in animo gessimus. Per obitum non vacavit.  
 126 Senex grandævus incommoda multa perferre in ea civitate non valens, precatus est illuc robustiorem transferri. Fuit iusta & pia ejus petitio. Rara vel nulla supplicationes hujusmodi à Sede Apostolica solent repelli. Si doles hominem Duci Burgundia subditum illic esse præpositum, minor culpa hæc nostra est, quàm fuerit prædecessorum nostrorum, qui plures Burgundos illic statuerunt. Nos rem novam non fecimus, veterem & usitatam sumus secuti. Hoc quoque ad transferendum Tullensem priores nos facit, quod sicut serenitas tua intelligit, Tornacensis diæcesis sub dominatu est Burgundorum, nec putamus videri inconveniens posse, si ex dominio illo daretur Episcopus, infra cujus limites major est & amplior Jurisdictionis illius pars. Nam quod tua serenitas queritur, & his & aliis rebus se cernere commoda regni tui & consanguineorum tuorum, nobis parum cordi esse, in hoc credimus evenire tibi, quod nobis. Ut enim tu complacere tibi à nobis sæpe non putas: Sic nos sæpe exaudiri à te vota nostra non cernimus. Non tamen propterea de tua ipsa nos

voluntate sinistram aliquid credimus, cogitamus semper causas tibi aliquas esse, propter quas non fortasse posses, quæ volumus. Accusamus necessitatem, mente, & animo aequissimi sumus. Par officium à te requirimus, charissime fili, nec vellemus quotiens tibi obtemperatum non est, torrens de animo nostro iudicium faceres. Meminimus in gratiam tuam multa fecisse, honore tuo multa multis dedisse. Si semper non dedimus, non semper esse Apostolica Sedes potest ut vult. Multa illam circumspicere oportet, multa metiri: Ita semper actiones suas dirigere, ut reddere illarum rationem Deo & hominibus possit. Postremo quod nobis denuncias, te permissurum non esse, ut idem Tullensis Tornacensi Ecclesia præsit, nihil in hoc aliud respondemus, nisi Majestatem tuam sanè intelligere, quod Regem Catholicum deceat. Et nos constanter sperare te, si factum nostrum diligentius considerare volueris, nihil dissimile à claris progenitoribus tuis esse facturum, quos non minùs veneratio in Ecclesiam Dei, & obedientia in sanctam Sedem Apostolicam, quàm cetera gloriosa facta, illustrarunt. Ipsam autem translationem cum facta solemnier sit, mutare sine reprehensione non possumus. Unum à te petimus, charissime fili, ut doctoribus Sedis Apostolicæ semper non credas, multa illorum passionibus tribuas: Pro certo habeas nos serenitatem tuam amare, illi cum possumus, obsequi cupere, nec prætermitturos unquam occasionem aliquam esse, in qua tue bonitati placere cum Deo possemus. Quod si in aliquo præjudicatum tuis iuribus putas, parati sumus tue celsitudini iustitiam cum omni benignitate administrare. Datum Romæ 1X. Decembris, anno LX. Pontificatus nostri anno tertio.

Cogitanti sæpè, & Pontificæ Epistolæ, qua responderetur Regi, contextum perpendenti facile venit in mentem, Doctores, qui tunc Sedis Apostolicæ consultationibus intererant, Cardinali Constantiensis potius, quàm Tullensi Episcopo fuisse. Duplex poterat esse causa: Primum, quod Constantiensis Cardinalis ad Sedem pertinebat Apostolicam, Tullensis Episcopus non pertinebat: Et ob id Cardinalis gratificatione visus dignior, quàm Episcopus: Deinde quod Rex Carolus præ se ferebat, promissum id sibi esse, quod Pius solerti quadam scribendi ratione promissum esse diffitetur. Exinde Sedis Apostolicæ doctores, ut Cardinali res ex animo succederet, & Pontificis voluntas inclinaretur, & à proposito retraheretur, Regem vel monuerant, vel monendum esse censuerant, eum posse meritò impedire, quominus Tullensis Episcopus, si Tornacensem in Ecclesiam transferretur, dominio suo frueretur. Pontifex consilium hoc regis postquam studuit verbis remove blandioribus, & rationem momentis plausibilibus, in illorum complementum adjicit: Unum à te petimus, charissime fili, ut doctoribus Sedis Apostolicæ semper non credas, multa illorum passionibus tribuas. Quia scilicet Sedis Apostolicæ doctores, qui rem planè novant, à partibus Regis Caroli & Constantiensis Cardinalis steterant, non à partibus Tullensis. Optabat contra Pius ut illis fides non haberetur, sed quidquid egerant in hoc negotio, humanis affectibus tribueretur: Atque ita hac in re locus nullus dandus est priori lectioni huic: Unum à te petimus, charissime fili, ut detractoribus Sedis Apostolicæ semper non credas, multa illorum passionibus tribuas. Quocirca lectio hæc prior probè correctæ est in editione quæ Basileæ anno MDLXXI. ex officina Henrici-Petrina prodit.

Deinde, quis sciens & prudens Pontifici sententiosum & argutum dicendi & scribendi genus sortito propositionem tribueret, quæ sensum incongruentem importaret? Nempe detractoribus aliquando credi posse, si detractoribus semper non credatur: Posse quoque detractorum passionibus nihil tribui, si multa tantum, & non omnia detractorum passionibus tribuantur. Spissi & non necessarii laboris foret, ad formales argutias confugere, ut inculta & absurda per sese Pio vindicaretur propositio. Hæc observatio apud cordatos

datos & literatè peritos homines lectionis prioris correctionem exigeret, tametsi viri graves & docti, à quibus Henrici-Petrina curata est editio, manuscripta non consulissent exemplaria, quæ illos consuluisse par est credere.

Tum quid profuisset mihi Epistolam Pii corrumpere vel interpolare: Nimirum id mali genus committere, quod ab omnibus facile deprehenderetur, & me culpæ, quam & summopere & semper odium ageret, & in certissimam subleste fidei vituperationem adduceret? Taceo illud & homine Theologo, & cum literis nonnihil habente commercii prorsus indignum esse. Sed frater Baro impingendæ mihi quomodocumque calumniæ avidus, & qui cum ipso conspirarunt, huc animum advertere vel noluerunt, vel, quæ mentis cæcitas, festinatio, vehementia, & immaturitas fuit, non quiverunt.

Denique gratuito sibi persuadebit nemo, noluisse Pontificem id de Sedis Apostolicæ Doctoribus scribere, quod ab eo in castigatori operum lectione legitur. Cur non scripsisset, si verè scribi potuit? Fortasse, inquit, majorem doctorum illorum curam habuit, quàm ut aliquid tale de illis scriberet? An majorem quæso te famæ Doctorum Sedis Apostolicæ curam habuit, quàm sacri Collegii? Parvipendebat Collegium & illud parvipendisse Jacobus Cardin. Papiensis testatur in Epistola CLXXXI. ad Paulum II. *Nobis verò, ait, quem esse animum credis, videntibus nostræ dignitati illudi: Hocce erat, quod repromittebas de te, cum pontificatum quærebas, cum te insinabas nobis, cum dolebas Nicolaum, Callistum, Pium parvipendisse Collegium nostrum.*

His ita constitutis primùm frater Baro inclementioris manus & styli vir perspectæ atque exploratæ calumniæ convincitur, cum scribit me Pii II. Epistolam corrupisse & interpolasse, atque vocem doctoribus, in locum detractoribus suffecisse. Hoc autem cum ita sit, duabus Baronis Philippicis quid fiet? Philippicæ nostræ, (inquit frater, sempiterni odii providus,) nisi remanere potuerint ad vulnus adversarii, remanebunt ad cicatricem. Non valebunt quidem ad asserendam veritatem, sed valebunt ad corroborandam infamiae notam, quæ inuretur adversario, & illius scriptis fidem detrahet.

Deinde ejusdem criminis sunt rei homines illi, à quibus accepisse se dicit, quod hac de re scripsit, nisi fortasse scribendo quod scripsit, aliis imponat & mentitus sit: Negotium est, quod inter Baronem & auctores seu relatores suos transigi debet.

Tum relatio, quæ fictis fabulis adscribenda est, calumniarum & mendaciorum Baronis numerum auget.

Præterea Baro ex affectata vel malitia, vel ignorantia calumniari me semel atque iterum voluit, cum in quibusdam meis Epistolis, & maxime in ea, quam ad Thomam Rullandum Parisiensem Theologum, mensibus abhinc quindecim exaravi, Laudatis tribus Pii II. Epistolis subjunxi: *Hæc ex Basileensi editione anni* 131 *M. DLXXXI. quam ut correctiorem & hic sequor, & in aliis meis epistolis secutus sum. Tertullianus in libri de velandis virginibus cap. 1. Caterum suo vitio quis quid ignorat? Quod autem ignorat, fuit tam requirendum, quàm recipiendum quod agnoscitur.*

Denique ut mea in citandis auctoribus liberetur fides, per summam Dei gratiam non indigeo Baronis loco communi, quem tamen supra cap. x. in bono lumine collocavi.

## CAPUT XVII.

Baro cum assertum à Cardinali Perronio Romani antistitis primatum passim objicit, calumniatur & lectoribus suis illudit.

RES sic se habet: Jacobus Cardinalis Perronius in responsione ad Regem Angliæ Romani antistitis primatum asserit. Sed non aliter asserit, quàm Parisienses Theologi asserunt. Primatum asserit, quo Pontifex nec supra universam Ecclesiam, nec supra Concilia extollitur, & cui indeficientis judicii privilegium non attexitur. Nam si primatum cum his dotibus, quarum una Christo soli debetur, altera Ecclesiæ & figuranti Ecclesiam Concilio soli à Christo datur, tribuisset Pontifici, pugnassecum & pugnando secum, egregiis scriptis auctoritatem detraxisset omnem. Cum in provinciali Concilio librum de Ecclesiastica & politica potestate damnavit, anno M.D.C.XII. 111. Idus Martii, tam Regis & Gallicanæ Ecclesiæ jura, quàm illius libertates excipiendas esse censuit. Damnavit *sans toucher neantmoins aux droits du Roy & de la Couronne de France, droits, immunités, & libertés de l'Eglise Gallicane*, Juribus tamen Regis & regni, juribus, immunitatibus, & libertatibus Gallicanæ Ecclesiæ per nos minimè tactis. Vir doctus & prudens id probè noverat, quod anno M. D. LXIII. 132 mense Januario Carolus Cardinalis Lotharingius Tridento Romam scripserat, in Commonitorio ad Secretarium suum, eumque in Romana Curia procuratorem: Verba sunt Gallica quæ alibi Latina sic feci: *Nunc superest titulorum ultimus è Florentina Synodo de promptu, quem beatissimo patri nostro tribuere volumus. Ego verò negare non possum, quin Gallus sim, & Parisiensis Academiae alumnus, in qua Romanum Pontificem subesse Concilio tenetur, & qui docent ibi contrarium, ita tanquam hæretici notantur. Apud Gallos Constantiense Concilium in omnibus suis partibus generale habetur. Basileense in auctoritatem admittitur. Florentinum perinde ac nec legitimum nec generale habetur, atque idcirco Galli de viâ potiùs quàm de sua sententia decederent. Hæc autem omnia cum ita sint, me ad sanctitatis sue pedes projicio, & ei per viscera misericordie Dei nostri supplico, ut impresentiarum verba hujusmodi omnia, & concertationes hujusmodi mittantur: Afflicto regno non est danda afflictio. Hæretici jam satis offensi sunt. Catholici reguntur ac ducuntur omnes à Theologis, qui clamores usque in cælum tollent. PRIVILEGIA ET LIBERTATES REGNI IN HAC VERITATE POSITÆ SUNT UNIVERSÆ, & eam ob causam disputatio hujusmodi si fiat, tota ad subversionem audientium convertetur. Regnum separabitur & distrabatur; quod erit commune ac summum illius exitium. NAM CREDERE FUTURUM ESSE VEL UNUM ANTISTITEM QUI HIS CONSENTIAT, INSANUM ESSET. Hæc sunt igitur Regis & regni jura, hæc Gallic. Ecclesiæ libertates, quas Perronius ut sibi constet, tacitus excipit, cum in Responsione ad Regem Angliæ Romani antistitis primatum adstruit, nec potest non excipere, cum perpetua Romanæ Ecclesiæ traditio suffragetur, ut pluribus in epistolis demonstravimus. Sed frater Baro, qui in assentatorum Curie turba dux est ac signifer, primatu tali contentus non est. Instaurare vult, quod Concilium delectorum Cardinalium & aliorum prælatorum tantopere vituperavit, quando Paulus III. de emendanda Ecclesia seriò cogitavit: Eum sic alloquitur: *Et quoniam sanctitas tua spiritu Dei erudita, (qui, ut inquit Augustinus, loquitur in cordibus nullo verborum strepitu) probè noverat principium horum malorum inde fuisse, quod nonnulli Pontifices tui prædecessores prurientes auribus, ut inquit Apostolus Paulus, coaceraverunt sibi magistros ad desideria sua, non ut ab eis discerent quid facere deberent, sed ut eorum studio & calliditate inveniretur ratio, qua liceret id quod liberet: Inde effectum est, præterquam principatum omnem sequitur adulatio, ut umbra corpus, difficillimisque semper fuit aditus veritatis ad aures principum, quod confestim prodirent Doctores, qui docerent Pontificem esse dominum beneficiorum omnium: Ac ideo cum dominus jure vendat id quod suum est, necessariò sequi, in Pontificem non posse cadere simoniam. Ita quod voluntas Pontificis**



ficis, qualiscumque ea fuerit, sit regula qua ejus operationes, & actiones dirigantur: Ex quo proculdubio efficitur, ut quidquid libeat, id etiam liceat. Ex hoc fonte, sancte Pater, tanquam ex equo Trojano irrupere in Ecclesiam tot  
 134 abusus, & tam gravissimi morbi, quibus nunc conspiciamus eam ad desperationem ferè salutis laborasse, & manasse harum rerum famam ad infideles usque. Credat sanctitas tua scientibus, qui ob hanc præcipuè causam Christianam religionem derident, adeo ut per nos, per nos inquam, nomen Christi blasphemetur inter gentes. Ecce tibi Romani antistitis primatum, quem frater iste tueri ac fovere nititur, atque ut in statu hujusmodi perseveret, Romanum antistitem supra universam Ecclesiam, & quodcumque Concilium attollit, eique non errandi privilegium appingit. Ut quidquid usquam fecerit, nec universa Ecclesia, nec generale Concilium ei possit dicere; cur ita facis? Neque hoc Baroni satis erit, nisi Romano tribuatur Pontifici, quod illi beatus Thomas in secunda secundæ quæst. x. art. x. in quæst. xii. art. ii. tribuit, idque sine veræ Theologiæ principis duobus, Scripturæ sacræ auctoritate, & Catholice Ecclesiæ traditione. Quas quæstiones cum ibi tractandas suscipit, has ea ratione non terminat, qua terminandas esse Theologiæ quæstiones Gregorius IX. præscribit in rescripto ad Parisienses magistros: Magistri vero & Scholares Theologia in Facultate, quam profitemur, se studeant laudabiliter exercere, nec Philosophos se ostendent, sed satagant fieri Theodidacti, nec loquantur in lingua populi, linguam Hebræam cum aëtica confundentes, sed de illis tantum in Scholis quæstionibus disputent, quæ per libros Theologicos & sanctorum Patrum tractatus valeant terminari. Hic Theologici libri sunt Scriptura sacra, cui sanctorum Patrum tractatus postponuntur & conjunguntur.  
 135 Quinetiam id juris, quo de agit Thomas, Pontifici vindicare non potest ullus Scripturæ locus, juxta unanimem consensum sanctorum Patrum acceptus, quemadmodum accipiendum esse Tridentinæ fidei regula præscribit. Hic fixo pede Baronem opperiri: Ita nihilominus ut tandem aliquando desinat veterem magistrum Aristotelem sequi, & piscatorum scholam frequentare incipiat, ne beatus Hieronymus Theologo id generis dicat: Disputatio tua non ex fontibus veritatis & Christiana simplicitate, sed ex Philosophorum minutis, & arte descendit.

Revertor ad Perronium, qui noster est, non adversarii: Noster est inquam: Primò, qui in asserendo Pontificis primatu magnifica & decretoria Cyrilli testimonia omnia, quæ sanctus Doctor in quartum sent. in opusculo contra impugnantes religionem, & in opusculo contra Græcorum errores refert, adhibito studio neglexit. Adhibito certè studio: Quid enim aliud expectari potest ab eo scriptore, quem Baro Achillem suum constituit? Deinde quia prudenter censuit, in asserendo Pontificis primatu usurpanda sibi non esse falsa, vel certè dubia, incerta, & suspecta testimonia, ne primatus causam prodere videretur. Appositè scripsit aliàs Joannes Rossensis Episcopus: Qui rationes invalidas & inefficaces adfert, perinde est ac si nullus attulisset. Item: qui suam opinionem rationibus munit, quæ palam sunt invalidæ, nullisque extant roboris, profecto prodit seipsum hallucinatum fuisse, atque fallacibus inductum rationibus ut ita opinaretur. Tum quia Perronius falsa vel incerta veris ac certis miscere noluit, ne quod elucubratur opus, bonis & malis artibus mixtum videretur, ac suspectum totum redderetur. Quis enim nescit, vitio disputantis asserendam primatus veritatem periclitari posse?  
 136

Ad extremum, quia in asserendo primatu ultra memoratos libertatum Gallicanæ Ecclesiæ limites progressus non est, sed intra eos se fortiter continuit. Si Baro negaret, injuriam ei faceret, quem passim observare & colere instituit, quia dicere cogeretur, Perronium contentione facta inter provincialem Sy-

nodum cui præfuit, & responsionem ad Regem Angliæ pugnantia locutum esse. Hoc non cogor ego dicere, quia mihi persuasum est, consentientem illum sibi per omnia mansisse in finibus & terminis, quos Martinus V. sacro approbante Concilio Constantiensi in ultima Sessione constituit, cum Joannis Wiclefi articulorum condemnatio repetita & confirmata est. Articulus xli. est hic: Non est de necessitate salutis credere Romanam Ecclesiam esse supremam inter alias Ecclesias. Error est, si per Romanam Ecclesiam intelligat universalem, aut Concilium generale, aut pro quanto negaret primatum summi Pontificis super alias Ecclesias particulares. En Papæ primatum, quem Facultas nostra Parisiensis Theologiæ, & quem Gallicana Ecclesia reverenter agnoscunt, & quem Perronius pro virili asseruit! Sed definita hoc in articulo veritas à Barone impugnatur, cum supra universalem Ecclesiam & Concilium generale Romanum Pontificem attollit, & unà Martino V. ac Constantiensi Concilio, capiti nempe juncto corpori Ecclesiæ non errandi privilegium adjudicat; quod capiti seorsum à corpore Ecclesiæ attribuire non dubitat: Quæ hominis insolentia! Extra Baronum caulas non reperiuntur, qui balare ita velint.

Cæterum quam exposuimus Perronianam tractandi methodum, hæc exorcismi instar erit, quo pressus frater Baro varia distortionem, vultu, statu, & motu totus deformabitur.

## CAPUT XVIII.

*Diluitur calumnia, quam Baro impingit mihi ob confutatum acriter Bellarminum, & calumniator ipse fert incommodum.*

**H**IC bonus frater probaturus intentatum nihil relinquere se ut me calumnietur, ad Bellarminum in paragrapho vi. viii. & ix. digreditur, & iis in locis mihi magno vertit crimini, quod Bellarminum paullo durius exceperim. O fratrem Prædicatorem egregium! Quam ipse in disputando non servat moderationem, eam ab aliis servatam non esse conqueritur.

*Turpe est doctori, quem culpa redarguit ipsum.*

Quæ servanda fuit in epistolis meis moderatio, hanc ubique servavi, sed rationes mihi sunt multæ ac justæ cur Bellarminum paullo acrius confutaverim.

I. Bellarminus Parisienses Theologos inopinantes violenter aggressus est, ut eos de antiqua doctrinæ suæ possessione per Concilia tria, Pisanum, Constantiense, & Basileense, & totidem Romanos Pontifices, Alexandrum V. Martinum V. & Eugenium IV. confirmatâ deturbare tentaret. Ut autem avita & paternæ retineretur possessio, conferenda cum hoste manus fuit, qui & forsan vulnus accipere potuit: Et hæc est  
 138 certaminum infelicitas. Quis præterea nescit commisso prælio vacare dignitatum nomina? Ut ait beatus Hieronymus.

*Tros Rutulus-ve fuit, nullo discrimine habeo.*

II. Bellarminus Parisiensium doctrinam notis severioribus affecit. Nam in libri iv. de Romano Pontifice cap. ii. postquam de quæstione hac, utrum certum sit Papæ judicium, tres retulit sententias, subjungit: Sententia, quæ dicit Pontificem etiam ut Pontificem posse esse hæreticum & docere hæresim, si absque generali Concilio definiat, non est quidem hæretica, sed est omnino erronea & hæresi proxima. Hæc autem est Parisiensium sententia, & eam Bellarminus illis tribuit & verè tribuit. In eo tamen fallitur, quod paucis Theologis Parisiensibus tribuit, quod omnibus, quod Theologiæ Facultati, quod antiquissimæ Academiæ tribuendum fuit.

Deinde

Deinde Bellarminus in libri II. de Conciliis capite XVII. proponit, *Summum Pontificem simpliciter & absolute esse supra Ecclesiam universam, & supra generale Concilium, ita ut nullum in terris supra se iudicium cognoscat: Hac propositio est ferè de fide.* Atque ita Parisiensis Academia, & Galli, qui contrariam tuebantur sententiam, sunt ferè hæretici.

Ad propulsandam utramque injuriam initum est à me certamen, in quo ad Tridentinæ Synodi legem de interpretandis Scripturis exactæ sunt probationes, quas ex Scriptura repetit; & continuo apparuit, Bellarmino nec legem illam, nec fidei professionem servasse, sed omnino neglexisse. Adde quod nullum producat privilegium, quo & Tridentinæ legi & professioni fidei derogare potuerit. Non eo inficias, quin omnia hæc Bellarmino multum importent dedecoris: sed quare fecisti sic.

III. Quæstionis prioris, quæ ad Papæ iudicium spectat, statum non proponit sincerè, ut qui Romano Pontifici non errandi privilegium abjudicant, odiosiores reddantur. Tunc necesse fuit Bellarmino malæ fidei dicam scribere, & quod negotiosum non erat ostendere, innumerabiles & Theologos, & Jurisperitos in ea versari sententia, quam Theologis duntaxat quinque, Nilo, Thessalonicensi Episcopo, Joanni Gersoni, Jacobo Almaino, Hadriano VI. & Alfonso Castrensi tribuit. In numerandis igitur opinionibus hujusce assertoribus errat, ut qui maximè errare potest. Hoc non antè perpenditur & examinatur, quam fide Bellarmini detrahatur quamplurimum. Inventum enim est, opinionem, quam *communissimam esse omnium ferè Catholicorum* affirmat, unius tantum esse vel alterius, qui & solida ratione nulla ducitur, & multis imponi sententiam, quam minimè docuerant.

IV. Bellarminus opiniones novas ac proinde suspectas antiquis & bene fundatis opinionibus, cujusmodi sunt Parisiensium, anteponit. Qua in re pugnat secum, ubi doctrinæ antiquitatem in notis Ecclesiæ constituit, lib. IV. de notis Ecclesiæ cap. V. Sic inconsequenter locutus suis ipse scriptis fidem detrahit & auctoritatem. Quinetiam *ἀναγλυθ* ille disputandi 140 modus eò processit, ut ex Bellarmini principiis semel atque iterum demonstraverim, Parisiensium placita, de quibus nunc agitur, divina fide credi posse, tantum abest ut condemnentur. Hoc quamquam Bellarmino probrosum, omitti tamen non potuit, nisi Parisiensium majorum nostrorum defensio negligeretur.

V. Bellarminus Romanæ Ecclesiæ & Sedis Apostolicæ traditionem, qua Parisiensium dogmata sustentantur, vel dissimulat, vel ignorat. In uno *κρύψας*, in altero *ἀνιστορησας*, incusatur, & convincitur. At neutrum silentio involvi potuit, nisi Parisiensium causa & veritas ipsa proderetur. Et hæc Parisiensium nostrorum laus est præcipua, quod illorum adversus Bellarminum defensio, in asserta per literas nostras Romanæ Ecclesiæ & Sedis Apostolicæ traditione tota consistat.

VI. Bellarminus Parisiensium placita, cum refellit, ut magis populariter refellat, & ab iis lectores suos deterreat, hæreticis adscribit, quasi illorum error in eo tantum consisteret. Factiosum esse, gravi honestoque viro indignum disputandi genus, dum se tulit occasio, demonstravi. Sed divina factum est aliquando providentia, ut in sententiam transierit, quam hæreticis attribuerat. In libri I. de Romano Pontifice cap. XII. statuit, claves datas esse Petro, non toti Ecclesiæ, ut Parisienses, & alii penè omnes, qui Pontificem Concilio subijciunt, affirmant. Sed in lib. II. de Conciliis cap. I. Parisiensium & aliorum, de quibus mox meminimus, sententiam ut certissimam ita supponit: *Concilium generale repræsentat Ecclesiam universam, ac proinde 141 consensus habet Ecclesia universalis. Quare si Ecclesia non potest errare, neque Concilium æcumenicum legitimum*

& approbatum errare potest. Sic non errandi in fide & moribus privilegium datum est prius toti Ecclesiæ, quam Concilio repræsentanti totam Ecclesiam, siquidem privilegium illud ab Ecclesia in Concilium derivatur. Hoc autem nihil aliud est, quam claves prius datas esse toti Ecclesiæ in sensu Parisiensium, quam Petro. At Parisienses loquuntur in sensu Patrum, & sancti Augustini præcipue, qui quæ Bellarminus in loco priori Petro simpliciter tribuit, Petro ut Ecclesiæ personam gerenti sine hæsitazione ulla tribuit. Hoc prætermitti non potuit, quia Bellarminus pugnantia locutus, suam destruit sententiam & adversariorum sententiam adstruit. Porro autem frater in Bellarmini orthodoxa Parisiensium placita hæreticis adscribentis schola diu multumque studuit, & in ea calumniatricis licentiæ locum primum jure merito consecutus est.

VII. Bellarminus illam de potestate Summi Pontificis doctrinam tradidit, qua imbutus frater Jacobus Clemens ejusdem cum Barone & Ordinis & disciplinæ id fecit, quod nemo ignorat, & quod referre horresco. At Parisiense Senatusconsultum, quo percussa illa doctrina fuit, me vehementer ad pugnam accendit. Et hoc ipsum esse, quod Baronem maximè pupugit, contendam semper, donec ille Senatusconsultum ab Romanæ Inquisitionis censura defenderit.

His septem rationibus, quæ septemplex clypei sunt instar, accedit, quod defensori plura, quam aggressori legibus permittantur. Bellarminus Parisienses Theologos, immo & Gallicanam Ecclesiam injuriose aggressus 142 est. Ego & Parisienses Theologos & Gallicanam Ecclesiam defendi: Idque pro modulo meo. Nam pæne nullus est Parisiensis Theologus, qui hac in defensione palmam mihi præripere non possit, ut frater in paragrafo IX. rectè advertit, & rectè advertisse libenter recipio. Nemini invidео, hac in re adstipulabor semper fratri, refragabor nunquam. Bellarminus servare noluit Homeri præceptum hoc:

*Αἰδέσθαι ἀλλήλους καὶ προσέχεσθαι ὁμιλίαν.*

Et quia servare noluit, ego servare non potui, etiam si maximè voluerim: Scilicet vis vi repellenda fuit.

Præsidia hæc mea, quæ modò exposita sunt & quæ æquis rerum æstimatoribus sufficient, Baroni non sufficient, quia Bellarmini de Rom. Pont. placita omnia complexus est animo, & adorat. Non mentior: Baronis verba sunt hæc in paragrafo VI. de me locuti: *Bellarminum fidei Catholica invictum pugilem nunquam desinit laceffere.* Nimirum in certis quibusdam literis, quas ad amicos scripsi. Bellarminum igitur nominat invictum fidei Catholicæ pugilem in libris, ubi Romano Pontifici non errandi privilegium attribuit, ubi Romanum Pontificem supra universam Ecclesiam & generale Concilium statuit, ubi tum demum Romano Pontifici jas constituendi reges asserere conatur.

Hæc me privatim non attinent, sed eos quorum est videre, ne quid ex Bellarmini doctrina (quam Baro vindicat in futili examine nostrarum Epistolarum) detrimenti respublica capiat. Hominem istum vehementer suspectum esse debere, cum alia omnia significant, tum illud quoque, quod supra capite XII. extremo differuimus.

Porro ille ab hac suspitione vehementi ac justa liberare se non potest, nisi dogmata illa nova Ecclesiæ cum Romanæ, tum universæ, & Regum & regnorum juribus contraria esse & verbo & scripto testetur. Est enim versipellis Monachus, atque exotica doctrina inquinatus, qui si de aliis controversiarum capitibus, quas ego non attigi, locutum se esse dixerit, mentietur. Nec se mentiri credet, quia probabilis opinionis à Guimenio inductæ, quam refutavit in speciem, mysterio ad arbitrium utitur. Hic scripto ut equus capistro retinendus est, non quod retineri possit ob naturæ inconstantiam *ἀλλομεταλλάττειν* homo, sed quod alia illum retinendi via nulla, si unam excipias, supersit.

Verumenimverò fingam us, Baronem dictum suum de



de aliis controversiarum capitibus intelligere; intelligat, fictione juris consentimus. Homo quamlibet lubricus & incomprehensibilis comprehendetur. Bellarminus in libri 1. de Rom. Pont. cap. xxv. scribit: *Cyrillus Alexandrinus in Thesuro, (si beato Thoma credimus in Opusculo contra Gracos) Sicut Christus, inquit, accepit à Patre sceptrum Ecclesie gentium Dux Israël, egrediens, super omnem principatum & potestatem, & super omne quodcunque est, ut ei cuncta curventur: Sic & Petro & ejus successoribus plenissime commisit, & nulli alii, quam Petro Christus quod suum est plenum, sed ipsi soli dedit.* Bellarminus per verba hæc quatuor (Si B. Thoma credimus) cum Thomam laudati testimonii sponforem ac vadem ita faciat, illi longè plus officit, quam ego, qui suggestum Thomæ testimonium impostori transcribo.

144 Deinde Bellarminus *invictus fidei Catholica pugil*, in libri 1. de gratia & libero arbitrio capite xii. de Baronis & aliorum sancti Thomæ Discipulorum gratia efficaciaci hoc modo: *Sequitur altera questio, unde sumatur efficacia gratia: De qua re tres opiniones invenio, duas extremas & unam mediam. Et quibusdam interpositis: Est igitur alia sententia in alio extremo aliorum, qui docent, gratiam efficacem esse actionem Dei physicam, quæ determinat voluntatem ad volendum & eligendum bonum, quod illi fuerat per gratiam excitantem inspiratum. Et quia non potest fieri, ut Deus physicè determet voluntatem, quin ipsa voluntas determinetur, & velit id ad quod determinatur, ideo fieri non potest ut gratia ista non habeat effectum infallibilem. Hæc opinio videtur mihi, aut esse omnino eadem cum errore Calvinii & Lutheranorum, aut parum ab illo distare. Hæc est de physica prædeterminatione sententia, quam invictus fidei Catholica pugil Bellarminus eandem cum errore Calvinii & Lutheranorum facit. Si frater Baro Bellarmini placitum accipiat, captus est, si rejiciat, nullus: Et tergiversanti occurrat & dicam: Si quæ tu mihi de Blondello & Mornæo objicis, veritate niterentur aliqua, nunc responderem hoc modo. Ex Mornæo & Blondello historicæ eruditionis nonnihil meos in usus derivare minùs malum est, quam commune cum Calvino & Lutheranis dogma proponere & asserere. At Thomistæ, in quibus est Baro, proponunt & asserunt. Quo judice? Bellarmino, à cujus tribunali provocare non licet, quia Baroni nostro, & Baronibus aliis, invictus est fidei Catholica pugil.*

#### CAPUT XIX. Ad Saturam.

145 IN hoc capite varia rerum momenta perstringam, sive quia unumquodque per sese legitimum caput efficere non potest, sive quia brevitati hoc modo consulatur.

I. In omni disputatione justa & splendida qui alteri respondet, illius rationes sanas atque integras referre debet, ut hinc quanta rationum, seu objectionum, inde quanta responsonum vis sit ac robur, appareat, eruditusque lector id dijudicare possit. In epistolis, quas ad Raimundum Formentinum & Felicem Phelippæum Brossiam Parisienses Theologos, de Cajetani & Almaini controversia perscripsi, quid Cajetanus Almaini dictis respondet, totum sine ulla commatis ullius prætermissione præsentio, ut cum postea Cajetani responsonem expendo, Lector videat, num aliquid, quod sit ponderis alicujus dissimulem. At frater Baro, ut mecum in nullo convenire velle ostenderet, contrariam disputandi rationem iniiit, cum ad examinandas epistolas meas aggreditur: Perinde ac si quod non refertur sincere posset examinari, Probationes meas, quas vel ex auctoritate Romanorum Pontificum, vel ex Sedis Apostolicæ traditione, vel ex Patrum & Conciliorum testimoniis arcesso, nec sanas nec integras exhibet, sed mutilas tantum & laceras. Aliud est non dissectum, aliud dissectum corpus, quod in conspectum omnium committitur. Corpus, quod dissectum non est, nisi multum placere possit, certè displicere multum nequit: Dissectum verò corpus non potest nisi horrorem incu-

tere. Probationes nostræ apud fratrem dissecti ac dilaniati corporis speciem referunt:

*Monstrum horrendum, informe, ingens, cui lumen ademptum.* 146

Hic est sincerus animus, quo reformatioris vitæ Monachus Baro scribere ac disputare instituit. Hæc est fraus perpetua in examine aliquot epistolarum nostrarum. Disputat sola infuscandæ materiæ & contradicendi cupidine; non quærendæ & asserendæ veritatis gratiâ.

In summa si quando (quod rarum) nonnullæ examinis paginæ imposturis, fraudibus, & contumeliis vacant, ibi nihil premit *xp. mda.*, nihil insequitur. Hinc inde saltitat, ita ut eum camelum saltitantem appellares. Ex epistolarum nostrarum serie & contextu certas quasdam plagulas distrahit, detorquet, vellicat, criminatur quæ non intelligit, & conatur ex claro lumine tenebras efficere. Nam Curia assentator nihil habet prius vel antiquius, quam ut abscondatur Romanæ Ecclesiæ, & Sedis Apostolicæ traditio, qua confossus ac disruptus miserè interiret. Perversitati huic affine est & illud, quod recentibus placitis, antiqua & prudentissima Romanorum Pontificum instituta æstimet & corrumpat. Observare duo hæc, Baronis in examinandis nostris epistolis consilium omne patefecisse, ac dissolvissè est. Hic frater manu tenet sacculum inerudito Theologorum pulvere, Aristotelicæ Philosophiæ ramentis, subrandidis quibusdam distinctiunculis, communibus locis omni materiæ ac proinde nulli convenientibus semiplenum, eoque aërem tantum & umbras diverberat. Nimirum de tali supellectile Romanis Pontificibus, Conciliis, Patribus, quos non vidit unquam, accommodare se posse putat, opinione hac occupatus magnificè se jactat, exercitissimò cuique athletæ tabellam provocationis dare aut dirigere paratus. Sed interea dum athletam offenderit, is velut rusticus rubiginoso quodam ense accinctus suam ipsius fraternitatem circumspicit, contemplatur attentius, & revera in vanam ac falsam gloriam dissipatur.

II. Quod ille frater de tribus tantum adversarii sui epistolis oppugnandis cepit consilium, id postea mutavit. Mutati consilii ratio disquiritur & asseritur. Consilium prius ita proponit in fine paragraphi iv. *Launoius, quæ dicitur Thomas ex Cyrillo aliisque Patribus Græcis refert, ad secundam classem aperte falsorum revocat: Nos probabilibus & dubiis accensemus.* Hoc unum suscipio propugnandum contra Launoi Epistolas tres, quas brevi refellam. Consilium posterius elucet in paragrapho vii. ix. x. & xi. ubi plures alias epistolas perturbato illarum ordine & desultoria levitate impugnare nititur, & iis accommodare de pluribus argutiis & distinctiunculis, quas volatice peperit Academia, non Romanæ, non Gallicanæ, non universæ Ecclesiæ traditio, quam ignorat, vel per summum scelus dissimulat. Ego Ecclesiæ, & cum primis Romanæ traditionem ab initio derivatam expono: Qua luculenter apparet, Romanum Pontificem Ecclesiæ & Conciliis subijci, & Gallicanam Ecclesiam hac in re non aliter sentire, quam Romana sentiat Ecclesia. Sed frater Baro, genere quidem Gallus, externis verò & pravis moribus imbutus, ut Romanæ Curia gratiam sibi conciliet in libertatum Gallicanæ Ecclesiæ perniciem, recepta in se Cajetani & recentium quorundam falsi nominis Theologorum opinione, Romanum Pontificem supra Ecclesiam, supra Concilia, supra sacros canones attollit, & tacitus errasse Hadrianum VI. contendit, cum ille Pontifex in mandatis, quæ dedit Francisco Cheregato suo in Germaniam eunti, scribit: *Scimus in hac S. Sede aliquot jam annis multa abominanda fuisse, abusus in spiritualibus, excessus in mandatis, & omnia denique in perversum mutata.*

III. Frater de adversarii sui, quia adversarium eum esse voluit, latinitate constanter, ut & de cæteris loquitur in paragrapho vi. *Latinam, ait, Minervam non admodum excoluit.* Sed in paragrapho vii. hæc alia tribuit adversario: *In confutatione Cajetani Almaini causa, selecta verba lego, elegantem orationis circuitum, mallet Theologum*

gum egisset, quam oratorem. Infrà: *Diserta ubique habes.* Deinde in paragrapho x. *Hic Launoio Rhetorica opus est ad purgandum quod Synodus factum imputat.* Nunc circa idem me vituperat, vel laudat, prout id, quod scribendum sibi sumit, exigere videtur. Sed quoniam pugnantia loquitur, mendacio liberari non potest. Non mentietur tamen me idoneo iudice, cum ait, ad-  
 149 versarium *Latinam Minervam non admodum excoluisse.* Nec inde miror, me apud antiquos Scriptores Minervam Latinam aut Græcam minimè legisse, tamen fuisse legerim, quem Minerva artes omnes edocuerit.

IV. Frater in paragrapho vi. ferè extremo Romanos Pontifices, Liberium, Felicem, Joannem XXII. ingeniosè, ut putat, in privatos & publicos homines partitur. Ut privati sunt homines, in hæresim labi possunt & labuntur; ut publici sunt homines, nec labuntur, nec labi possunt. Quasi verò qui privatus est  
 149 homo, minùs homo sit, quàm qui publicus est homo. Et contrà, qui publicus est homo, minùs homo sit, quàm qui privatus est homo. Et sanè Paulus, sive homo sit publicus aut privatus, nec magis nec minùs homo est. In utroque statu Paulus homo est æqualiter, qui proinde errare, labi & deficere potest, non quia privatus est aut publicus, sed quia homo est simpliciter. Aliud est distinctionem, vel divisionem, istiusmodi projicere in medium, quæ sola distinguens aut dividens auctoritate nitatur; aliud distinctionem vel divisionem istiusmodi adferre, quæ duobus veræ Theologiæ principiis, Scriptura & traditione suffulciatur. Ad hoc frater advertit nusquam, quia Theologiam aliter tractat, quàm Gregorius IX. tractandam præscripsit. Itaque negotio huic inutilis est prorsus illa partitio Romani Pontificis in privatum & publicum hominem; & siquid probaret, nimium probaret, & quia nimium, nihil. Unusquisque Episcopus, Ostiensis puta, in privatum & publicum hominem dividi potest: In privatum, qui scilicet privatam personam gerit in hac vel illa re: In publicum, qui publicam personam sustinet. Hæresis vel error, quemadmodum Romano Pontifici ut privato, non ut publico homini transcribitur: Sic & Ostiensi Episcopo ut privato, non ut publico homini transcribetur.

Verumenimverò Baroni demus, ut inventis fruatur alienis vel suis, fruatur quidem, & ne nihilum proficiet. Romanus Pontifex in hæresim cadat ut privatus homo, eamque ut privatus homo contumaciter defendat. Sed postquam vel declaratus ab Ecclesia hæreticus, vel ut hæreticus damnatus fuerit, & igni hæreticorum pœnæ traditus: Romano Pontifice, ut publico homine quid fiet? Si Romanus Pontifex, ut publicus homo sibi ut privato homini jam concremato superesse posset, unusquisque facillè intelligeret, Romanum Pontificem, in statu tali nusquam errare posse, quidquid vel in fide, vel in moribus decerneret. At quibus machinis & artibus efficietur unquam, ut Romanus Pontifex in quantum est publicus homo, sibi ut privato homini jam concremato supervivat? Jam sentit opinor, frater Baro, se in suis evanuisse cogitationibus, & Monachi caput in vapores resolutum esse, ut in Chymicorum schola loqui mos est.

V. Imprudenter & perversa scribendi ratione ibidem suppeditat argumentum, quo relatum à Thoma in Catena testimonium Cyrilli omnino suppositum ostenditur, & suppositionis tempus indicatur. Verba sunt: *Perire quotquot in Oriente floruerunt Ecclesiæ Patriarchales: Una in Occidente, Romana stat victrix seculorum & hæresum. Eventus pollicitationes Christi confirmat, & hanc post ista ægerrimè fers iniquissimè regnare solam, cum reliqua occiderint.* Nempe cum in Oriente Patriarchales perierunt Ecclesiæ & in Occidente Romana supererat sola eo vivente, qui relatum à Thoma in Catena Cyrilli testimonium Cyrillo supposuit. Suppositor recentibus institutis antiqua metiens, quod

Cyrillo adjudicare voluit, abjudicat, & fraudem suam cum inficitia omnibus conspicuum reddidit. Hoc Baronis verba ante oculos constituunt & verè constituunt, & falsitatis rationem novam obijciunt. Sic ab imprudenti & perverso disputatore veritas extorquetur. Per-  
 151 verum disputatorem appello, cum ait, *me ferre ægerrimè Romanam Ecclesiam regnare solam iniquissimè, postquam in Oriente Patriarchales perierunt Ecclesiæ:* Quæ itolida est fratris calumnia, ut Epistolam meam, quam examinare se dicit, legenti liquidò patebit. Quasi verò cum relatum à Thoma in Catena Cyrilli testimonium examinare, an verum sit, necne, instituerim, necessari-  
 152 rum fuerit, ut facerem, quod fecisse me inclementioris vultus, styli & manus frater asserit. Sed istud calumniæ genus cum ex aliis, tum ex eo quoque patienter fero, quòd unà falsitatis ratio subministratur dignissima, quæ nostris adjungatur.

VI. In paragrapho viii. Epistolarum, quas ad Hieronymum Sambœvium & Ludovicum Cusinum amicos & familiares meos exaravi, longitudinem conqueritur. Crimen meum est, quòd Epistola prior ad paginas lv. posterior ad paginas lviii. extendatur. Romanæ Ecclesiæ & Sedis Apostolicæ traditionem, quam in illis Epistolis fideliter exequor, in pauca conferri vellet, & imitari me morem calculonum, qui ingentes summas æris brevioribus expriment. Quorsum hoc? Ne scilicet traditio suis absoluta numeris tam perspicuè videretur: Et sanè facere potui, quod optare se significat, sed fecissem inutiliter. Nam si posteaquam permulta & varia Pontificum testimonia, quæ unicuique ætati consignantur, Pontifices ipsosmet sacris canonibus & Conciliis verè subjici à me probatum est, frater detrectat fidem mihi: Detrectaret longè magis, si tantum dicerem; Pontifices sacris canonibus & Conciliis verè subjici, Romanæ Ecclesiæ, & Sedis Apostolicæ traditio est. Quis igitur non facillè perspicit frivolam de me Baronis importunissimi traditionis hujusce hostis conquestionem esse? Porro autem ut cuja sit veritas, appareat, si Monachus derivatam ab initio per paginas centum aut mille Romanæ Ecclesiæ traditionem exhibeat, qua Pontifices sacrorum canonum & sancitæ ab universalibus Conciliis disciplinæ observationi subducantur, & prohibitum sit Ecclesiæ, quo minus Pontifici huic vel alii, putà Joanni XII. aut Benedicto IX. dicat, *cur ita facis*, tunc sermonis longitudinem non conquerar. Libenter cedam. In opus tale jucundum sibi futurum incubat, & curialibus magistris monumentum tam necessarium perinde ac patrimonium fortunet. Verum ut dicam quod sentio, is mallet Aristotelicæ Philosophiæ ramentorum, distinctiuncularum, & communium locorum ordinem ac seriem disponere, ut per eam Joannis XII. & Benedicti IX. res in tuto collocaret, & antiquam Sedis Apostolicæ traditionem inobscuraret. Baronis indoles hoc opus ut viribus accommodatum postulat & spectat. Quam quisquis igitur norit artem in hac se exercent.

VII. Sub finem paragraphi viii. frater effatur solemnia hæc verba: *Ad summam Romanorum Pontificum laudem pertinet, quod solo æquitatis respectu, nullo pœnarum metu se hujusmodi canonum observantissimos & vindices acerrimos prabuerim, ac proinde dignissimos, quibus summam auctoritatem Deus permetteret, cui ex pari æquitate moderabantur, quæ ut principium disputandi primum statuit nec probat: Quia primum ipse statuit, & ita notum esse credit, ut illius notitia Pontificum sic se gerentium enumeratione sola constare possit. Id de Joanne XII. Ordinis Prædicatorum scriptores, quos breviter relaturus sum, nos docebunt.*

I. Vincentius Bellovacensis in Historialis Speculi libro xxiv. cap. lxxxvi. Anno sequenti collecto à tota Italia Episcoporum Concilio, Joannes Papa de nefariis causis diffamatus, qui tertio evocatus, dum se excusatum  
 153 venire



venire cunctatur, post multa tandem eo à cunctis præjudicato, Leo adhuc laicus electione omnium & consensu Imperatoris Papa substituitur. Et post alia: Joannes ex Papa se cum uxore cujusdam oblectans, à diabolo in tempore percutitur, & sine viatico Dominico moritur. Sic Joannes XI. si Baroni creditur, solo æquitatis respectu sacros canones observabat.

II. Martinus Polonus in Chronico de vitis Pontificum de Joanne XII. Hic erat venator & totus lubricus, adeoque publice faminas etiam tenebat, propter quod quidam Cardinalium & Romanorum scripserunt Ottoni principi Saxonum occulte, ut scandalo Ecclesie compatiens, sine mora Romam properaret. Hic Papa Joanni Diacono tanquam hujus facti consiliario nasum, & alteri Joanni Subdiacono, qui literas scripserat, manum amputari fecit. Hic cum frequenter per Imperatorem & Clerum de sua correctione fuisset monitus, presente Imperatore, de Papatu destitutus communi voto Leo Papa eligitur. Et paulo post in vita Bene-

dicti V. Joannes verò oblectatus adulterio sine penitentia subito moritur. Sic Joannes XII. si Baroni creditur, nullo poenarum metu sacrorum canonum vindicem acerrimum se præbuit.

III. Sanctus Antoninus in secundæ partis historialis titulo xv. cap. III. §. II. Sed cum esset sceleratus hic Papa (Joannes XII) & Imperatorem, & omnes scandalizaret propter nefariam vitam suam, anno xxvi. ipsius Ottonis collecto à tota Italia Concilio Episcoporum, cum tertio esset vocatus ad respondendum de omnibus sibi objectis, & fugiens è Roma venire contemneret, eo à multis prejudicato, Leo electione omnium & consensu Imperatoris Papa substituitur. Et paulo post: Miserrimè etiam vitam finivit & impudicissimè. Sic Joannes XII. si Baroni creditur, dignissimum se præbuit, cui summam auctoritatem Deus permetteret, & qui aliunde vitam ita finiret.

IV. Joannes Turrecremata Cardinalis in libri III. de summa Ecclesie capite x. de universalium Conciliorum utilitate: Quinò celebratio Conciliorum est utilis ad refranandum exorbitantias quorundam Pontificum, qui pontificatum suum aut spretis sanctorum Patrum regulis pro voluntate exercent, aut simoniaca pravitare dehonestant, aut seculi vanitate & vita scandalosa confundunt. Hujus causa congregatum legitur Concilium Episcoporum Italiae Romæ per Imperatorem contra Joannem Papam XII. qui venator & lubricus publicus & incorrigibilis erat. Sic Joannes XII. si Baroni creditur, Ecclesiam ex æquitate summa moderabatur, forma factus gregis.

V. Franciscus Victoria in libri de potestate Papæ & Concilii propositione xxiii. Propter injustas dispensationes, vel alia mandata insolentia, qua in perniciem Ecclesie procedunt, posset convocari & congregari Concilium contra voluntatem Papæ, ut si resisteret, obviaret ejus insolentia. Hoc expressè tenet Silvester in verbo Papa §. 4. quod si Papa suis moribus destruit Ecclesiam, potest convocari Concilium contra ejus voluntatem, ut per illud Papa moneatur, Deus invocetur, & resistendo in malis remedium apponatur. Hoc expressè tenet Turrecremata assertor vehementissimus Pontificia dignitatis lib. 3. cap. 10. Celebratio, inquit, Conciliorum utilis est ad refranandum exorbitantias quorundam Pontificum, qui suum Pontificatum aut extra SS. Patrum regulas pro voluntate exercent, aut simoniaca pravitare dehonestant, aut seculi vanitate & vita scandalosa confundunt: Hac de causa congregatum legitur Concilium Episcoporum Italiae Romæ per Imperatorem contra Joannem Papam XII. qui venator publicus & incorrigibilis erat. Quod factum laudat & approbat Turrecremata, & hoc est valde utile. Sic Joannes XII. dignus est effato, quod frater tanta cum prudentia & judicii maturitate supra pronunciavit.

VI. Michael Cardinalis Alexandrinus, Pius V. postea, cum Clementis Moniliani Cardin. librum de Theologicis institutionibus, in quo Turrecrematæ verba

sincerè repetuntur, approbavit & approbando suum fecit, quod Monilianus & Turrecremata sibi sumunt.

Sic Joannes XII. si Baroni creditur, dignissimum se reddidit, cui summam auctoritatem Deus permetteret.

VII His addimus fratrem Thomam sacri Palatii<sup>156</sup> magistrum, qui Concilio delectorum Cardinalium & aliorum Prælatorum de emendanda Ecclesia interfuit, & cum aliis Paulum III. sic alloquitur: Et quoniam sanctitas tua spiritu Dei erudita (qui, ut inquit Augustinus, loquitur in cordibus nullo verborum strepitu) probè noverat principium horum malorum inde fuisse, quod nonnulli Pontifices tui prædecessores prurientes auribus, ut inquit Apostolus Paulus, coaceraverunt sibi magistros (Baroni similes) ad desideria sua, non ut ab eis discerent, quid facere deberent, sed ut eorum studio & calliditate inveniretur ratio, qua liceret id quod liberet: Inde effectum est præterquam quod principatum omnem sequitur adulatio, ut umbra corpus, difficillimisque semper fuit aditus veritatis ad aures principum, quod confestim prodirent Doctores (Baroni pares) qui docerent, Pontificem esse dominum beneficiorum omnium: Ac ideo cum dominus vendat id quod suum est, necessariò sequi, in Pontificem non posse cadere simoniam. Ita quod voluntas Pontificis qualiscumque ea fuerit, sit regula, qua ejus operationes & actiones dirigantur: Ex quo proculdubio effici, ut quidquid libeat, id etiam liceat. Ex hoc fonte, sancte Pater, tanquam ex equo Trojano irrupere in Ecclesiam Dei tot abusus & tam gravissimi morbi, quibus nunc confpicimus eam ad desperationem fere salutis laborasse, & manasse harum rerum famam ad infideles usque. Credat sanctitas tua scientibus, qui ob hanc præcipuè causam Christianam religionem derident: Adeo ut per nos, per nos inquit, nomen Christi blasphemetur inter gentes. At frater Baro non verebitur Pontificibus illis, de quibus sermo est, suum effatum aptare & dicere, quod solo æquitatis respectu, nullo poenarum metu se canonum observantissimos, & vindices acerrimos præbuerim, ac proinde dignissimos, quibus summam auctoritatem Deus permetteret, cui ex pari æquitate moderabantur. Hoc est igitur principium Baronis nostri primum, sed idem cum illo, quod Concilii hujus Patres ita detestantur: Sanctitas tua probè noverat principium horum malorum inde fuisse, &c. Hoc est certè principium, quod frater impio fed vano conatu instaurat contra veterem Romanæ Ecclesie traditionem, quam per suos assertores duabus in Epistolis repræsentavi. Persistet, & illam nulla usquam falsi nominis Theologorum everfura est adulatio. Hoc est Baronis principium, seu locus communis, quo quis nixus docere poterit, antistites cæteros solo æquitatis respectu, nullo poenarum metu sacros canones observare. Quid ita? Romani Episcopi alios Episcopos suos nominant coepiscopos: Idque apertè, frequenter, perseveranter, ut in superiori Epistola ad Raimundum Formentinum ostendi: Atque ita Baronis locus communis, quia singulis Episcopis convenit, nulli convenit. Qua quæso ratione unum Episcopum, tametsi primus sit ac præcipuus, ab reliquorum numero sejunget, ita ut verum sit dicere: Hic solo æquitatis respectu, nullo poenarum metu canones spiritu Dei conditos & totius mundi reverentia consecratos observat; Cæteri non solo tantum æquitatis respectu, sed etiam aliquo poenarum metu canones illos observant: Qua inquam ratione id efficiet, si ratio ut oportet ex duobus veræ Theologiae fundamentis, Scripturæ sacre auctoritate, & Catholicæ Ecclesie traditione ducatur?

VIII. Cum Baro nostram ad Claudium Santeulium percurrit Epistolam, obstupuit visu, & in paragrapho x. miratus est Pontificum adulator eripi sibi argumentum, quod apud Bellarminum legerat in his verbis: Sedis Apostolica præfulem nunquam minorum subjacuisse judicio. Quæ tamen non audent apertè referre, sed

sed Ennodium & Avitum in vades appellat. In argumento, quod ex verbis perperam intellectis ducitur, recolendo tamdiu indormierat, quamdiu de nostra Epistola nihil inaudiverat. De argumento securi erat animi, & in illius arce adulationis suæ prælidia constituerat, & perlucidum Joanni XII. & illis Pontificibus, quos Baronius ad annum DCCCXCVII. homines monstro similes nuncupat, pulvinum subjecerat. Non obstupuisse visu Baro, & delisset mirari, si quomodo intelligenda sint Scripturæ, addo & Patrum testimonia, ex Chrysostomo & Cyrillo didicisset. (Ex Cyrillo quidem, non quem sanctus Thomas solus vidit, sed quem omnes videre possumus) Oportet, inquit, *ob-  
servare tempus, quo aliquid dicitur, & personam, à qua  
dicitur, propter quid, & de quo dicitur.* Id ego in epistola feci, & à me factum dissimulat, quò calumni-  
etur facilius, & in jura Regis, regni, & Gallicanæ  
Ecclesiæ libertates invadat atrocius. Hoc, Sedis A-  
postolicæ præfulem minorum nunquam subiacuisse judicio, non est dictum de Romana Synodo, quæ Symmachum  
159 sede sua pulsam eidem sedi restituit, sed de iis, qui  
propter crimina seu falsa seu vera, sed non probata,  
Symmachum sede sua pepulerant, & apud Theodoricum  
Regem effecerant, ut in Symmachi locum Visi-  
tator daretur Petrus Altinensis Episcopus: Datus est,  
& eam ob rem convocata est à Theodorico Synodus,  
ut Symmachi causa plenior judicio disceptaretur ac  
finiretur. Porro autem illi, quorum factione id pa-  
tratum fuerat, minores erant, clerus, senatus, popu-  
lus magnam partem: Et sic verè affirmatæque pronun-  
tiatur, *Sedis Apostolicæ præfulem minorum* (hujusmodi)  
nunquam subiacuisse judicio. Sic præteritum appellatur  
tempus, quò quidquid in expellendo sede sua Sym-  
macho, & succedendo in ejus locum Visitatore actum  
fuerat, determinatur. Omnia hæc frater Baro negli-  
git, & propositionem hanc, *Sedis Apostolicæ præfulem  
nunquam minorum subiacuisse judicio*, nihili pendit, cum  
inficialibus quibusdam argumentis meis vim omnem  
passim adimere conatur ipse, qui & non raro iisdem  
utitur. Vir est si quisquam fuit desultoriæ levitatis  
& scientiæ. In argumentum quodcumque incurrit.  
Romana Synodus quidquid juris in causa Symmachi  
exerceri potuit, exercuit, ut in Epistola sigillatim  
ostendi. Ennodius & Avitus non aliò spectant, aut  
spectare profectò debent, quàm quò Symmachi causa  
postulat: Et siquid in eorum scriptis extra metam  
videatur egredi, ad eam statim revocandum esse mo-  
nui, & id recta ratio declarat. Hoc Baroni displicet,  
qui ubique locorum sive opportunum sive impo-  
160-  
tunum sit tempus, jactat Romanum Pontificem, nec Ec-  
clesiæ, nec Concilii subiacere judicio, tametsi argu-  
mento istiusmodi privatum se sentiat. Id autem valere  
in vulgus imperitorum novit, & perinde vociferatur  
ac cæcus homo, cui per viam eunti baculus aufertur.  
Convenit & illud Ovidii,

*Ecce ruidens rauco, Sileni victor Asellus,  
Intempestivos edidit ore sonos.*

IX. Hic illustre statuo exemplum, quo apud omnes constet perspicue, Baronem ad maledicendum natum esse hominem, quamvis austerioris vitæ habitum præ se ferat. In paragrapho x. Theodoricum Italiæ Regem, tyrannum semel atque iterum appellat, ut id videatur perquam meditatè factum. Semel sub initium paragraphi: *Concilii Romani sub Symmacho Papa Episcopi à Theodorico Rege, aut verius tyranno Italia & Arriano advocati.* Iterum finem versus: *Sed qua ratione, ait, Patribus Synodi Avito, Ennodio probatum judicium illud, quod a capite ad calcem damnavat: Quia à Rege, à tyranno, ab Ariano indictum est.* Theodoricum Regem tyrannum nominat, quem Romana Synodus gloriosissimum, clementissimum, serenissimum, piissimum vocat: Piissimum, id est, humanissimum ac benignissi-

161  
mum: Adscribo verba Synodi: *Sancta Synodus apud urbem Romam ex præcepto GLORIOSISSIMI Regis Theodorici ex diversis regionibus in Christi nomine dixit: Cum ex diversis provinciis ad urbem Romam convenire Sacerdotes Regia præcepisset auctoritas, ut de his, quæ de venerabili Papa Symmacho Apostolica Sedis præfule ab adversariis ipsius dicebantur impingi, sanctum Concilium judicaret.* Infra: *Respondit præfatus REX PISSIMUS bone conversationis affectu, plura ad se de Symmachi Papa actibus horrenda fuisse perlata, & in Synodo oportere tractari, si vera esset inimicorum ejus obiectio, indicatione constaret.* Et post alia, de evocatione Synodali CLEMENTISSIMO REGI gratias reulit. Et post alia: *decernere tamen aliquid Synodus sine REGIA NOTITIA non præsumpsit.* Infra: *His ita actis & rebus varia confusione turbatis, iterum nos ad justitiam contulimus principalem, scientes divinitatem propriam regere Dominum, quæ ad Italia gubernacula ipsa provideret, cujus mansuetudini omnia per relationis seriem sicut res poscebat ingessimus.* Et paullo post: *Ad hæc SERENISSIMUS REX taliter Deo aspirante respondit.* Dum Baro Theodoricum Regem calumniatur, calumniari quoque censendus est Synodum, quæ Theodoricum Regem tam impensè reveretur, & tot laudibus prosequitur.

Prætermitto veterum testimonia. Baronius Baroni non suspectus auctor mihi erit instar omnium ad annum DCCC. XCIII. *Quamvis Theodoricus Arianus esset, bene tamen Catholicis usus est, non tamen nihil negotii illis faciens, sed & indulgens, & omni officiorum genere prosequens.* Deinde ad annum DC. *Schismatici reveriti præsentiam Theodorici Regis omnia ex æquo agentis estuantes licet furore ab insultibus siluiffe noscuntur.* Et paullo post: *Ipsam Regem tametsi importunis schismaticorum studiis sollicitatum, reveritum tamen Sedis Apostolicæ culmen, quod admireris in barbaro Gotho & heretico Ariano, protectorem se potius illius, quàm persecutorem exhibuisse.* Apud Spondanum Baronii breviatorem. Secundum omnia hæc Baro non potest non esse calumniator nefarius Theodorici Regis, quem Baronius tot elogiis afficit, & Sedis Apostolicæ defensorem nuncupat. Sed forsitan Baroni hæreticus Rex idem est, ac tyrannus. Quid autem ab isto inclemente & inhumano fratre Reges expectare debeant, ii viderint, quorum est prospicere, nequid Respublica detrimenti ex illius scripture & doctrina capiat. Nescio an fratris Vincentii Baronis sit eadem super hac re, quæ fuit fratris Jacobi Clementis persuasio. Nolim ego credere: Sed utinam à persuasione tali mirum quantum abhorreat!

162  
X. In priori ad Antonium Faurum Epistola disquiro, quoniam in usu post beatum Thomam fuerint Cyrilli testimonia, quæ Cyrillo subiecta esse jam antea demonstraveram. Prætermittis, qui primi uti potuerant, ad "Joannem Montefonum venio & dico: Joannem Montefonum usum esse colligo ex tractatu, quem "Petrus Alliacus tunc Navarrici Collegii magister, "Theolog. Facultatis nomine adversus illum edidit: "Adscribo verba è responsione ad objecta Joan. Montefoni: Tertiò dicendum est, quòd illud, quod di- "ctus frater ad suæ appellationis fundamentum prin- "cipaliter assumit, scilicet quòd solius Sedis Aposto- "licæ est declarare, damnare, & reprobare. Et ite- "rum: Eorum quæ tangunt fidem ad solum Summum "Pontificem pertinet examinatio & decisio. Hoc, in- "quam, continet manifestam hæresim, & est dictum "sibi ipsi repugnans, & contrarium, & ideo propter "hoc solum, si nihil aliud erroneum dixisset Romana "Ecclesia ipsum deberet cogere ad revocandum. Hæc "Petrus Alliacus. Sed aliquantò post id quod res est 163  
"ita expono. Montefonus anno M. CCC. LXXXVII. "ab Episcopo & Theologis Parisiensibus, ut à judici- "bus non legitimis appellavit ad Clementem VII. "quem pro vero Pontifice habebat Gallia. Funda-  
"mentum



“mentum appellationis verba sunt ipsa, quæ per Thomam Cyrillo appinguntur. Jam igitur vides supposita testimonia effecisse, ut homo reus Episcopi & Theologorum Parisiensium jurisdictionem declinaverit: Perinde ac si Episcopus & Theologi Parisienses auctoritate caruissent omni. De re ista præterea nihil.

Sub finem paragraphi v. Baro sic respondere voluit: Huc evocat Joannis à Montefono longissimas cum Facultate Parisiensi contentiones, de quibus plura, maxime Gersonis lamentationes infra referam, sed parum sincere dicam Joannis à Montefono ad Sedem Apostolicam prætextam scribit solis ex Cyrillo testimoniis, quasi cætera jura deficerent, appellationem: Adversario usitatissimum est sophismatis agere, nullis legitimis argumentationibus, & cum fallaciarum loca in numero habeat, omnium familiarissimus & perpetuus est illi, quod vocant, à non causa, quasi perpetua & unica rei de qua agitur, causa: Sic hoc loco argumentatur à lite Joannis Montefoni, quasi ad summum Pontificem appellandi INCERTIS Cyrilli testimoniis, potiora non haberet exempla Athanasii ad Julium, & Chrysostomi ad Innocentium ab Orientalium Episcoporum judiciis consuegentium.

I. Si Baro rerum momenta, quæ illi displicent, & 164 castè & integrè referret, non responderet omnino, aut si responderet, responderet aliter quàm respondet. Hic narratoris personam sustineo, non disputatoris, & tamen sic erga me se gerit, quasi neglectis Dialecticæ legibus universis argumentarer. Quæ hominis impotentia! quæ ἀλαστοκροτία!

II. In narratione ista quod mihi proposui hoc unum est, Montefonum usum esse Cyrilli testimoniis, ut Parisiensis Episcopi & Theologicæ Facultatis judicium declinaret. Scilicet causabatur ille Parisiensi Episcopo & Theologicæ Facultati de rebus fidei judicandi formam nullam competere, & hanc uni Romano Pontifici reservatam esse. Id præ se ferunt relata Petri Alliati verba. Cum autem hinc neque Patres, neque Concilia, neque Pontifices asserere, quod causatur Montefonus, inde laudatum à Thoma Cyrillum asserere, quod idem causatur Montefonus, perspicerem, collegi statim Montefonum laudatis à Thoma Cyrilli testimoniis occupatum fuisse, quando à Parisiensi Episcopo & Theologicæ Facultate vocatus ter quaterque, sistere se noluit, & ab iis tanquam à judicibus non legitimis ad Romanum Pontificem appellavit.

III. Perlatà Avenionem, ubi Romana erat curia, controversiâ, Theologicæ Facultas litem obtinuit. Montefonus palinodiæ illius, quam Parisiis canere noluerat, damnatus est. Sed Clementis decreto parere noluit, in Arragoniam patriam suam aufugit, & ibi à Clemente, quem antè ut verum Pontificem coluerat, & quem ut unicum & legitimum judicem appellaverat, desecit, & Urbani VI. partes scriptis tutari cepit. 165 In hoc homine deficiendi ratio fuit causæ amissionis. Nam si non amisisset causam, in Clementis VII. obedientia perseverasset.

IV. Cum Baro ait, cætera non defecisse jura, rem qua de agitur non intelligit. Montefonus singularem appellationis suæ causam adferebat, quæ jure nullo sustentatur, nempe, quòd solius Sedis Apostolicæ est declarare, damnare, & reprobare ea quæ ad fidem pertinent. Damnatum à nostra Facultate Montefoni errorem Romani censors instaurare voluerunt anno MDCLIX. sed eum cum Romanæ, tum universalis Ecclesiæ traditione contrivimus in Epistola, quam ad Joannem Molendinum Parisiensem Theologum dedimus. Hæc est in parte IV. Epistolarum nostrarum. Quod autem ad cætera jura spectat, hæc non defecissent, si Montefonus Parisiensis Episcopi & Theologicæ Facultatis judicium subire voluisset: At subire noluit fretus Cyrilli testimoniis, quæ quidquid est in Ecclesia potestatis, Romano Pontifici soli transcribunt.

V. Ineptè sibi fingit monstra quæ debellet, cum de Athanasii ad Julium & Chrysostomi ad Innocentium

ab Orientalium Episcoporum judiciis provocantium sermonem instituit, & quoad Chrysostomum mendaciter instituit, ut mox videbimus. Illotis manibus ad hanc materiam irrumpit. Et illud sibi accersit, quod est in Olympiacorum Ode VI.

Γνώσα τ' ἔπειτ' ἀρχαῖον ὄρεδ' ἀλα-  
στὴν λόγῳ εἰ φέρουσιν Βοιωτῶν  
ω

VI. Disputandi vitium mihi turpiter imponit, & quòd exequatur facilius, verba mea reticet, in quibus nihil tale deprehendetur. Vir bonus & clemens 166 sua in disputando crudelitate abutitur. Deblaterandi non erat hic locus, ubi nec argumentor, nec argumentari me necesse est. Uter nostrum scribat, vel argumentetur sincerius, docere potest mutua eorum quæ diximus, contentio. Hircocervis, chimæris, hippocentauris refertum caput habet, & pectus, atque ita monstrosum quid in chartam non potest non expuere: Et totus in contumelias effunditur.

VII. Hic ut & alibi Cyrilli testimonia, quæ beatus Thomas laudat, omnia fatetur incerta esse, & tamen pro illis retinendis tanquam pro aris & focis dimicat.

*Parturient montes, nascetur ridiculus mus.*

Quodnam in tam audaci Theologo judicii genus? Quasi verò incertis testimoniis hujusmodi certi possit aliquid statui. Quænam beati Thomæ (quem emundæ naris Doctorem nominat) defensio? Nonne tacita potius est reprehensio & oburgatio, quòd sibi sumferit Pontificiam auctoritatem incertis Cyrilli testimoniis asserere? Nonne aperta est Pontificiæ auctoritatis proditio: Idque maximè cum expressiora, solidiora, & eminentiora aliorum Patrum testimonia non producat? Nonne in Baronis sensu de Thoma sic Pontificiam auctoritatem probante dici potest?

*—numerosa parabat*

*Excelsa turris tabulata, unde altior esset  
Casus & impulsa præceps immane ruina.*

Siccine beatus Thomas defenditur, cum graviter accusatur? Nonne qui post Thomam in fide Thomæ, propter eundem cum Thoma finem Cyrilli incertis usi sunt testimoniis in eandem reprehensionem incurrunt, sanctus Antoninus, Joannes Turrecremata, & Thomas 167 Cajetanus, Cardinales ambo, Melchior Canus, Dominicus Bannes, Dominicani omnes & innumerabiles alii? Deinde si Baro vellet in lucem edere proferreque rationes, quibus adducitur, ut credat, Cyrilli testimonia incerta esse, iisdem omnino probaretur, & Cyrillo subiecta & falsa esse.

VIII. In paragrapho XI. calumniandi causa fingit me scripsisse, Chrysostomum ad generale Concilium, non ad Innocentium provocasse, ut statim adjungat me Davidi Blondello, qui de Chrysostomi provocatione contra Cardinalem Perronium disputat. Blondello eam ob causam adjungit me, ut rei veritas involvatur, aut infuscetur. Ego verò scripsi tantum Chrysostomum referre se in Epistola ad Papam Innocentium, quòd à vexatoribus suis Episcopis ad œcumenicam Synodum semel atque iterum provocasset: Et sic tam certum est Chrysostomum ad œcumenicam Synodum, non verò ad Innocentium appellasse, quàm certum est Chrysostomi ad Innocentium epistolam non esse suppositam. Hoc autem ita posito, si Bellarminus, si Perronius, si Barones mille dicerent, Chrysostomum ad Innocentium appellasse, non ad generale Concilium, sine dubio falsum dicerent. Sed illos verum dicere contendet frater, quia Blondellus scriptor in sensu Baronis mentitur semper, quòd hæreticus sit, ut Theodoricus Rex tyrannus est, quia Arrianus, tametsi Rex fuerit piissimus, clementissimus, & à Baronio judicatus Sedis Apostolicæ protector: Et sanè qui factiosus scriberet & promptius ad veritatis excidium, hætenus inventus est nemo. 168

IX. Cavilla:

IX. Cavillator facetus est, cum in paragrapho xi. à me postulat, ut quam scholastici quidam Theologi quæstionem non tractarunt, eam ab illis tractatam esse demonstrem. Nempe *utra utri præstet duorum* (Papæ & seuncti ab eo Concilii) *auctoritas*. Tractatam ab ipsis Pontificibus in Epistolis nostris quæstionem invenire potuit, si quæsisset. dissimulat omnia, ne jacturam faciat temporis, quod impingendis mihi calumniis transmittendum esse jampridem duxit.

Vigilius cum esset Constantinopoli, Synodo V. quam ibi Justinianus celebrari jussit, ut quæstio de tribus Capitulis dirimeretur, rogatus interesse noluit, quod Occidentales Episcopi Orientalium numero haud exæquarentur. Occidentales erant pauci, Orientales verò quamplurimi. Invalida erat Vigili ratio, si Synodo auctoritate præstitisset: quid clarius?

Deinde Vigilius postquam, ne adesset Synodo, recusavit, Constitutum, opus sat grande & spissum edidit, in quo trium capitulorum defensionem suscipit, & Pontificali auctoritate sua tota præcipit, ne tria capitula damnentur. Constantinopolitana Synodus, quæ tunc habebatur, in contrariam ivit sententiam: Tria capitula damnavit & Vigilius, quod subscribere damnationi noluerit, ab Imperatore multatus est exilio. Sed quid tum demum accidit? Vigili Constitutum 169 summis est Synodi decreto, & huic palam cesserunt Romani Pontifices Pelagius II. & Gregorius I. cessuri nunquam, si major fuisset Vigili, quam Synodi hujus ex Orientalibus duntaxat conflata auctoritas. Quid iterum clarius? Sunt qui scripserint Vigilius ipsum (quod non puto) tandem aliquando celsisse. Sit ita: Vigilius in hac sententia Concilii auctoritatem sua majorem esse, & se præterea errasse, non Concilium, tunc agnovit. Adulatores nondum nati erant Baroni similes, qui *primum membrum sanctæ & universalis Ecclesiæ*, ut Gregorius Papa loquitur, sanctæ & universali Ecclesiæ anteponerent.

Eugenius IV. in certa quadam bulla, quæ in Basileensis Concilii Sessione xvi. recensetur, quæstionem hoc modo decidit: *Si Papa vel legatus ejusdem nollet disponere aliqua, & contra Concilium affectaret, Papa sententia vel ejus legati personam summi Pontificis representantis, non Concilii voluntas sequenda foret, cum super omnia Concilia habeat potestatem Papa, nisi forte quæ statuenda forent, Catholicam fidem respicerent, vel si non fierent, statum universalis Ecclesiæ perturbarent, quia tunc Concilii sententia esset potius attendenda.* Pontifex libenter agnoscit duo, definitionem fidei, & statum universalis Ecclesiæ collocandum, in quibus si Concilium & Papa non concordent inter se, Concilium Papæ antefertur. Hæc autem bulla est tertia ex iis, quas Eugenius ut Basileensi reconcilietur Synodo, refigit, quod in ea non sine Synodi contemptu Romanum Pontificem super omnia Concilia potestatem habere dixisset. Et hæc causa fuit, cur Eugenius bullam sciente se editam esse negaverit: Sed satis perspexerunt Patres, id Eugenium *οὐκ οὐκ* negasse. Sic ad majorem cautelam refixâ quoad hanc partem bullâ, complanantur omnia, & ad antiquam rediguntur traditionem, in qua medius Vigilius inter & Eugenium Leo III. cum à Caroli Magni legatis rogaretur, ut decantato Romæ Constantinopolitani Concilii Symbolo particulam, *filiisque*, adderet, respondit, *videte, quid sentiat de vobis. Nam & ego me illis* (Constantinopolitani Concilii Patribus) *non dico præferam, sed etiam illud absit mihi, ut coaquare præsumam.* Damasus Constantinopolitanæ Synodo huic nec per se, nec per suos legatos præfuit, nec illam convocavit, aut indixit. Quis enim vidit unquam indictam aut convocatam ab Romano Pontifice Synodum, cui per se, vel per suos legatos non præfuerit? Theologiæ Parisiensis Facultas Baronis quæstionem solvit, cum ad annum mccccxcvii. interrogata à Carolo VIII. Rege, num renuente Pontifice Romano universalis Sy-

nodus congregari posset ad reformandam Ecclesiâ, respondit posse, nec ita respondisset, si Pontificis auctoritatem Concilii potestate majorem esse, & magis indeficientem autumasset. Verum frater omnia hæc abjiciet procul, quippe qui stet ab adulatricis Curia partibus, & juratus sit antiquarum Romanæ & Gallicanæ Ecclesiæ traditionum, quas exposui, inimicus & hostis; quinetiam & prædo.

Quod autem Theologiæ Facultas respondit Carolo, Joannes Turrecremata Cardinalis jam docuerat, & post Carolum & Turrecrematam, Franciscus Victoria, Clemens Monilianus Cardinalis, & Michael Cardinalis Alexandrinus Moniliani operis approbator docuerunt: Turrecremata, Victoria, Michael, Pius V. postea, ex Ordine Prædicatorum, Monilianus ex Ordine Minorum.

XIII. Est in nostra ad Hieronymum Sambœvium Epistola nonnihil, quod vehementer exulceravit fratris animum, etiamsi disertè meminisse non sit ausus. Quem stomachum ob id erupisset in me, ob aliud erupit: Sed adscribo verba Epistolæ: "Neque verò doctores illi & inquisitores Curia tot & tantas Pontificum auctoritates prætereunt, sed & libros, in quibus pro Sedis Apostolicæ defensione similes auctoritates colliguntur ferè innumeræ, prohibitorio 171 "indici assignant, in publicam ejus Sedis offensionem, "ut & in publicum Decalogi contemptum assignarunt olim Parisiense Senatufconsultum, quo Joannes "Chastellus parricida damnatus est. Hoc autem cum querelæ jultæ formam contineat, Baronem cruentavit, mihiq; magnam calumniarum illius partem accersit. Occultus est Romanæ inquisitionis fautor & patronus. Quidquid id sit, fratrem istum pro latæ in Parisiense Senatufconsultum censuræ patrono ac defensore habeo tamdiu, quamdiu adversus nefariam censuram non scripserit. Notum est, quo anno, quo mense, quo die, & quem ob finem, in Parisiense Senatufconsultum ab Inquisitoribus lata censura est. Præteritum & futurum tempus respicit. Hoc frater intelligit, & nunc diversam epochæ rationem non explico ampli- 172 us. Igitur exspecto usque dum Baro censuram illam ejuret, & sanguinolentam doctrinam, quæ ex ea deducitur, publica scriptione mecum detestetur. Tunc videbimus, an odium, quo me meaque scripta, ut antè explicatum est, prosequitur, sit ingentius amore, quo quæ ad Regis salutem & regni tranquillitatem pertinent, prosequi debeat.

## CAPUT Ultimum.

### In quo Epistola concluditur.

Hactenus feci, quod faciendum esse censuisti. Errorum Baronis indiculum contexui, præcipuorum utique, non omnium, quia vix numerari possunt. Contenti fuimus illorum specimen dare idoneum, quod reliquum opus ante oculos facile constituat. In hoc opere non disputat ex locis Theologicis, quibus Ecclesiastici tractatus omnes comprehendi debent.

Et primò quidem non disputat ex Scripturis sacris, quæ in examine suo non comparent, nec eo comparere possunt modo, qui à Tridentino Concilio semel atque iterum præstituitur, semel in sessione iv. iterum in fidei professione.

Deinde non disputat ex Conciliis, quorum, ut beatus ait Augustinus, *saluberrima est in Ecclesia auctoritas*; tantum abest, ut paratus sit Conciliorum adversus Lutherum & Calvinum auctoritatem defendere.

Tum non disputat ex veteri Romanæ Ecclesiæ traditione & Romanorum Pontificum decretis, quæ nusquam laudat, aut si quando laudat, quid sibi velint, intelligere non vult. Consilii hujusmodi causa est, ne 173 videatur convenire mecum, qui Romanæ Ecclesiæ tra-



ditione & illius præfulum testimoniis Epistolas meas non tam impleo quam obruo: In hac re modum excedere quam tenere, satius mihi esse duxi. Quod discrimen inter Baronem & me intercedit, sic se habet. Ego & Romanæ Ecclesiæ & Sedis Apostolicæ traditioni agglutinor immortaliter. Sed Baro Romanæ illi firmiter adhærescit Curia, quam delectorum Cardinalium & aliorum Prælatorum Concilium graphice depingit.

Quartò non disputat ex sanctis Patribus, quia illos, quantum ex ejus libris colligitur, minime novit. Audivit fortasse sanctos Patres fuisse Irenæum, Tertullinum, Cyprianum, Optatum, Eusebium, Hilarium, Basilium, Gregorium Nyllenum, Gregorium Nazianzenum, Ambrosium, Chrysostomum, Hieronymum, Augustinum, Cyrillum, Leonem, Theodoretum, & alios. Sed eos nusquam invisit. Quinetiam si per loca ubi habitabant, transire contigit, avertebat oculos statim, ne introspeceret, & ne si sederent in porta ut magni veri diribitores, *salvete*, vel *basio le mani à vostre Signorie*, dicere cogeretur, demisso, ut par est, in terram capite, & rejecto in humeros cucullo, usque eò progreditur hominis civilitas.

Quintò non disputat ex historiis Ecclesiasticis, contentus scire utcumque Cardinales esse duos, Perronium & Baronium, quorum ille Eusebium, Severum, Sozocratem, Sozomenum, Theodoretum, Evagrium diligenter pervolutaverit: Hic verò rerum Ecclesiasticarum monumenta in tomos XII. distribuerit, sed an historias vel Annales confecerit, nondum satis edoctus est. Nihil te celare volo. Mallet ille frater disputare ex Ordinis sui historicis: Vincentio Bellovacensi, Martino Polono, Bernardo Guidonis, Antonio Florentino, auctore Sammaximensis Chronici à Silvestro Prierate vulgati, Jacobo Genuensi, & Claudio Rota Legendæ Aureæ Scriptoribus.

Hactenus recensui præcipuos locos, quibus docti atque cordati homines uti solent. Sed quibus frater in hunc usque diem utendum sibi esse non daxit. Est tamen certus quidam locus, quo Dominicani & Franciscani utebantur olim, cum de Conceptione beatæ Mariæ disputabant. Hoc acceptum refero Joanni Majori in secund. sent. dist. xxx. quæst. III. *Tanta est, inquit, controversia inter religiosos in hac questione, quod pro loco Dialectico locum non inventum ab Aristotele, nec à Philosophis introducunt locum ab injuriis.* Modestus frater Baro locum hunc unum enumeratis à me locis strenuè suffecit. In eum locum aliàs commentarios edidit, ex quibus contumelias, probra, & mendacia deponit, & iis singulas examinis sui paginas aspergit, oblitus egregiorum operum, quibus contra Amadæum Guimenium Moralem Christianorum disciplinam tuetur: Hinc permissam à Guimenio detractionem rejicit, hinc eam recipit & in auctoritatem & usum admittit. O fratrem ædificandæ religioni Christianæ, & exterminandæ hypocrisis natum! Id exemplo suo faciendum esse docet, quod ab aliis factum improbat. Utinam aliquando legisset Hieronymi Epistolam ad Marcum Celebensium Presbyterum, invenisset se miserum esse, cum alios tot contumeliis proscindit. *Apud Christianos, inquit, non qui patitur, 175 Sed qui facit contumeliam miser est.* Igitur Baro se mi-

serum reddidit, me felicem, qui tot ab illo illatas mihi injurias patienter fero, & ad eas ita ferendas Gregorius Magnus me duabus in Epistolis cohortatur: Primò quidem in libri II. Indict. XI. Epistola II. ad Paulum Episcopum: *Hæc res constantiam frangere, nec à via debet veritatis avertere. Nam major in sacerdotibus merces est in veritatis tramite, etiam post injurias permanere.* Deinde in libri X. Epistola IX. ad Opportunum Apruntensem: *Si contra veritatem injuriam pertuleris, lucrum puta, ut hæc agens per temporalia, quæ despiciendo pateris, ad cælestia regna pertingas.* Quas mihi frater injurias intulit, perfacile est animo æquo ferre, quia solus ego non fero. Fert cum primis Rex noster potentissimus, qui vetera Parisiensis Academiæ dogmata post Franciscum I. edicto communiit. Ferunt supremæ & inferiores Curia, quæ Regis edictum publicis tabulis inscripserunt. Ferunt veri & legitimi Parisiensis Academiæ filii & alumni. Quinetiam fert Romana Ecclesia, fert Sedes Apostolica, fert Gallicana & universa Ecclesia. Fert Pisanum, fert Constantiense, fert Basileense Concilium, ferunt Pontifices, qui Concilia tria hæc confirmarunt per monumenta certissima, & longè certiora iis, quibus vel à Silvestro Nicænum, vel à Damaso Constantinopolitanum approbatum fuisse frater ostenderet. Vide nunc ac dispice quot, quanti & quales humeri Baronis petulantibus dictis & injuriis supponantur. Vix ullus mihi restat ferendi quicquam locus. Itaque si quando visus sum Baronem paullo infectari asperius, non mei, sed Regis nostri, Gallicanæ Ecclesiæ, Parisiensis Academiæ; immo & Romanæ Ecclesiæ, Sedis Apostolicæ, universæ Ecclesiæ 176 per Pisanum, Constantiense & Basileense Concilium repræsentatæ causa infectatus sum. Aliquando inducenda est ferro sanitas. Hac in Epistola institui tantum narrare historiam variorum errorum, quos ille commisit, & cum maledicta, quibus maculare me voluit, refero, non maledico. Sicut non maledicit, qui maledicum graviter reprehendit, ne reprehensionis obliviscatur. Ego semper cavi, ne simul essemus maledici duo, sufficit, ut ille sit unus maledicus, sed revera stolidè maledicus. Exinde *moderatus* deferat, si quæ illi inter suos ut maledicat, obtigerit. Tu verò qui generatim & in averfione scribendi designasti materiam, nunc voto tuo ad hæc responderim, videris dum per otium licebit. Si voluisse respondere satis est, respondisse me confido. Si quid præterea requiritur, est cur respondisse me dubitem. Sed non tam mea, quam tua culpa fuit, qui majora viribus meis exegisti. Quidquid id est, invenies me detexisse hominem Romanæ Inquisitionis *inquisitor*, qui occasione data vel accepta Regis & regni jura, & Gallicanæ Ecclesiæ libertates per latus meum feriret. Quem occultè distringebat gladium, de manibus extorsit. Hoc pergratum tibi erit, qui & Regis & regni jura & Gallicanæ Ecclesiæ libertates & antiqua Parisiensis Academiæ placita, quæ tuitus sum, impensè colis & observas. Sed ex eo impensius colere & observare debes, quod idonea Romanæ Ecclesiæ & Sedis Apostolicæ traditione, Pontificem nempe Ecclesiæ & Concilio verè subijci, & definiendo errare posse, suffulciantur. Vale. Lutetiæ Parisiorum in ante diem tertium Calendarum Septembris an. MDCLXVI.

# JOANNIS LAUNOII CONSTANTIENSIS.

## Epistolarum

### PARS SEXTA.

# Joannes Launoïus HENRICO LUDOVICO HABERTO MOMMORIO,

*Inter Libellorum. supplicum Magistros primo.*

*Lutetiam.*

**Q**UIS Nicenam Synodum convocaverit, Constantinus-ne Imperator, an Silvester Romanus Pontifex, contaris de me, qui non aliud tibi respondere possum, quam quod tu mihi responderes, si hoc ipsum de teipso contarer. Essemus ambo tunc, ut apparet, in eadem re curiosi. Quod viderit, aut ab iis, qui viderunt, acceperit, respondere neuter potest: Uterque ex scriptis eorum, qui aut viderint, aut acceperint, respondere duntaxat poterit. Nam quidquid à recentiori auctore, sine vetustioris alicujus testimonio proferretur, nihili, aut certè parvi ducendum esset. Res est, de qua nisi mecum statim convenias, postquam tecum ipse reputaveris, convenies, alioquin periculum esset maximum, ne incerta pro certis & falsa pro veris haberentur. Christiano scriptori non tantum mendacium, sed & ipsa mendacii umbra fugienda est. Hinc beatus Augustinus, in libri de mendacio ad Consentium capite 1. scribit appositè: *Nunquam errari tutius existimo, quam cum in amore nimio veritatis, & rejectione nimia falsitatis erratur.* Verum quia primus tu movisti quæstionem, respondendi onus, quod & animum meum sollicitat, mihi sine dubio incumbit.

<sup>2</sup> Respondebo igitur, pro eo quantum in me fuerit virium: Sed antè præmittenda atque expendenda mihi tria videntur.

Et primùm quidem num ex Scriptura sacra convocandarum Synodorum jus & auctoritas cuiquam Romano putà Pontifici, vindicari queat. Vindicari nequit: Siquidem Scripturæ sacræ locus nullus est, qui juxta unanimem consensum Patrum acceptus, uti ac-

ciendum esse Tridentinæ fidei regula præscribit, cuiquam id juris & auctoritatis asserat.

Sunt, qui proferant in medium Scripturæ loca duo, unum ex Matthæi capite XVIII. *Ubi sunt duo vel tres congregati in nomine meo, ibi sum in medio eorum.* Alterum ex Joannis capite XXI. *Pasce oves meas.* Sed inutiliter proferunt. Nam locus prior de Conciliorum genere quovis intelligi potest, & à nonnullis Ecclesiasticis tractatoribus subinde intelligitur, tantum abest, ut ex eo secundum Tridentinæ fidei regulam intellecto convocandarum Synodorum generalium jus in Romanum Pontificem transferatur.

Præterea reperio Patres, qui locum illum aliò, quam ad provinciales aut generales Synodos convertunt.

Cyprianus occurrit in Libro de unitate Ecclesiæ: *Ad pacis premium venire non possunt, qui pacem Domini discordia furore ruperunt. Nec se quidam vana interpretatione decipiant, quod dixerit Dominus: Ubique fuerint duo aut tres collecti in nomine meo, ego cum eis sum.* Corruptores evangelii atque interpretes falsi extrema ponunt, & superiora prætereunt, partis memores & partem subdolè comprimentes. Ut ipsi ab Ecclesia scissi sunt, ita capituli unus sententiam scindunt. Dominus enim cum discipulis suis unanimitatem suaderet, & pacem: Dico, inquit, vobis, quoniam si duobus ex vobis convenierit in terra de omni re, quamcunque petieritis, contingeret vobis à patre meo, qui in cælis est. Ubique enim fuerint duo, aut tres collecti in nomine meo, ego cum eis sum, ostendens non multitudinē, sed unanimitati deprecantium plurimum tribui: Si duobus, inquit, ex vobis convenierit in terra, unanimitatem prius posuit, concordiam



cordiam pacis ante premisit, ut conveniat nobis fideliter & firmiter docuit. Quando autem potest ei cum aliquo, convenire, cui cum corpore ipsius Ecclesie; & cum universa fraternitate non convenit? Quomodo possunt duo aut tres in nomine Christi colligi, quos constat a Christo, & ab ejus evangelio separari? Non enim nos ab illis, sed illi a nobis recesserunt.

Tum in libro III. Testimoniorum ad Quirinum, cap. III. Agapem & dilectionem fraternam religiose & firmiter exercendam. Et post alia: Item illic: Amen dico vobis: Si duobus ex vobis convenierit in terra, de omni re quamcumque petieritis, contingit vobis a patre meo, qui in caelis: Ubique enim fuerint duo, aut tres collecti in nomine meo, ego cum eis sum.

Athanasius in homilia de Virginitate: Si igitur oret, aut psallas, seorsum sede: Nemo audiat, nisi tu sola. Quod si habeas concordem unam, atque alteram virginem, verba Christi sunt: Ubi duo aut tres congregati sunt in nomine meo, ibi ego sum in medio eorum; abijce muliebrem sensum, & cape fiduciam.

4 Hilarius in can. XVII. super Matthæum: In tantum humana pacis studuit concordia, ut unitatis merito omnia quæ a Deo precanda sunt, impetranda esse confirmet; Et ubi duo atque tres pari spiritu ac voluntate collecti sint, ibi se medium eorum pollicetur futurum.

Chrysostomus in cap. XVI. Matthæi: Per mutuam inter nos caritatem, simul nos ad Dei amorem ducit. Deinde de mutua consensione dicit. Non enim omnes, qui quomodocumque consentiunt, continuo laudabiles & Deo grati sunt putandi, sed ii solum, qui in scopo ac negotio pio & ad animæ salutem utili consentiunt, laudandi prorsus & admiratione dignandi sunt. Qui autem in rerum secularium cura, aut rerum alio modo noxiarum animæ procuracione consensum & cooperationem conferunt, non modo non Deo placent aut probantur, sed omnium in se odia concitant. Porro in hac consensione duorum in Christi nomine convenientium adumbrata videri possunt spiritus & caro, quorum in medio conspirantium reperitur Christus. Et tres animæ potentia, intelligibilis, irascibilis, & concupiscibilis, in quibus etiam inter se congruentibus Christus intervenit. Postremo intelligi quoque potest vetus & novum Testamentum, quorum in medio consentientium Christus reperitur predicatus ab utroque. Hæc Nicetas Serrarum Episcopus in catena Græcorum Patrum super Matthæum.

5 Hieronymus in cap. XVII. ejusdem Matthæi: Iterum dico vobis, quia si duo ex vobis consenserint super terram de omni re, quamcumque petierint, fiet illis a patre meo, qui in caelis est, &c. Omnis supra sermo nos ad concordiam provocarat. Igitur & premium pollicetur, ut sollicitius festinemus ad pacem, cum se dicat inter duos & tres medium fore. Et post pauca: Possumus & hoc spiritualiter intelligere: Quod ubi spiritus & animæ corpusque consenserint, & non inter se bellum diversarum habuerint voluntatum, carne concupiscente adversus spiritum, & spiritu adversus carnem, de omni re quam petierint, impetrent a patre. Nullique dubium quin bonarum rerum postulatio sit, ubi corpus ea vult habere quæ spiritus. Hæc pauca de multis quæ congerere non est opus. Ex his autem idonee probatur, Matthæi locum ad asserendum cuiquam convocandarum Synodorum generalium jus, inutilem esse.

De posteriori loco, qui Joannis est, pluribus hic non dissero, quia jam illum duabus in epistolis ad Tridentinæ fidei regulam expendimus. Altera est ad Raimundum Formentinum in parte secunda epistolarum nostrarum, altera verò ad eundem in parte quinta earundem epistolarum. Expensus ad regulam illam Joannis locus argumentum nullum præbet, quo congregandarum Synodorum generalium auctoritas Romano tantum Pontifici vindicetur. Et sanè non memini legere me ullum è sanctis Patribus, qui verba hæc, *Pasce oves meas*, de indicenda vel convocanda

Synodo generali intellexerit, tantum abest, ut ea juxta unanimum consensum Patrum intelligi possint.

Operæpretium est duobus Evangeliorum duorum locis adicere, quæ beatus Lucas de Hierosolymitana Synodo narrat in Actorum capite xv. Et quidem descendentes de Judæa docebant fratres, quia nisi circumcidamini secundum morem Moysi, non potestis salvari. Facta ergo seditione non minima Paulo & Barnaba adversus illos statuerunt, ut ascenderent Paulus & Barnabas, & quidam alii ex illis ad Apostolos & Presbyteros in Jerusalem super hac questione. Illi ergo deducti ab Ecclesia pertransibant Phœnicem & Samariam, narrantes conversionem gentium, & faciebant gaudium magnum omnibus fratribus. Cum autem venissent Hierosolymam, suscepti sunt ab Ecclesia, & ab Apostolis & senioribus, annunciantes quanta Deus fecisset cum illis. Surrexerunt autem quidam de heresi Phariseorum, qui crediderunt dicentes: Quia oportet circumcidi eos, præcipere quoque servare legem Moysi. Conveneruntque Apostoli & seniores videre de verbo hæc. Cum autem magna conquisitio fieret, surgens Petrus dixit ad eos: Viri fratres, vos scitis, quoniam ab antiquis diebus, Deus in nobis elegit per os meum audire gentes verbum Evangelii & credere, & qui novit corda Deus testimonium perhibuit, dans illis Spiritum sanctum, sicut & nobis, & nihil discrevit inter nos & illos, fide purificans corda eorum. Nunc ergo quid tentatis Deum imponere jugum super cervices discipulorum, quod neque patres nostri, neque nos portare potuimus? Sed per gratiam Dei Jesu Christi credimus salvari, quemadmodum & illi. Tacuit autem omnis multitudo, & audiebant Barnabam & Paulum narrantes quanta Deus fecisset signa & prodigia in gentibus per eos. Et postquam tacuerunt, respondit Jacobus dicens: Viri fratres, audite me. Simon narravit, quemadmodum primum Deus visitavit sumere ex gentibus populum nomini suo. Et huic concordant verba prophetarum sicut scriptum est: Posthac revertar & reedificabo tabernaculum David, quod decidit, & diruta ejus reedificabo, & erigam illud, ut requirant ceteri hominum Dominum, & omnes gentes, super quas invocatum est nomen meum, dicit Dominus faciens hæc & Notum a saculo est Domino opus suum: Propter quod ego judico non inquietari eos, qui ex gentibus convertuntur ad Deum, sed scribere ad eos, ut abstineant se à contaminationibus simulacrorum & fornicatione & suffocatis & sanguine. Moses enim a temporibus antiquis habet in singulis civitatibus, qui cum prædicent in synagogis, ubi per omne sabbatum legitur. Tunc placuit Apostolis & senioribus cum omni Ecclesia eligere ex eis & mittere Antiochiam cum Paulo & Barnaba Judam, qui cognominabatur Barsabas, & Silam, viros primos in fratribus, scribentes per manus eorum Apostoli & seniores fratres his, qui sunt Antiochia & Syria & Cilicia fratribus ex gentibus salutem. Quoniam audivimus, & quia quidam ex nobis exeuntes turbaverunt vos verbis, evertentes animas vestras, quibus non mandavimus: Placuit nobis collectis in unum eligere viros, & mittere ad vos cum charissimis nostris Barnaba & Paulo hominibus, qui tradiderunt animas suas pro nomine Domini nostri Jesu Christi. Misimus ergo Judam & Silam, qui & ipsi vobis verbis referent eadem. Visum est enim Spiritui sancto & nobis nihil ultra imponere vobis oneris, quam hæc necessaria, ut abstineatis vos ab immolatis simulacrorum & sanguine & suffocatis & fornicatione, à quibus custodientes vos bene agitis. Valeat. Illi ergo dimissi descenderunt Antiochiam, & congregata multitudine tradiderunt Epistolam. In his autem omnibus cum alii, tum præsertim Synodi V. Patres in Collatione VIII. celebrandarum Synodorum formam contineri judicarunt, & cum Hierosolymitana Synodus hæc sit prima omnium, ceteris agendi rationem & ordinem præscribere censenda est. Hoc ipsum dictat communis sapientium hominum intelligentia. At verò quæ relata sunt omnia cum diligenter lego & relego ac circumspicio, Simonem Petrum

trum in Synodo primum locutum esse invenio, Synodum convocasse non invenio. Nec ullus unquam invenit. Beatus Lucas quod notatu sibi visum est necessarium, memoriam prodidit, ratus & personam quæ Synodum convocat, & Synodi convocationem quæ actionem importat, extrinsecus esse aliquid & foris, nec in rei per Synodum definiendæ aut definitæ natura inherere.

Ad secundum quod attinet, id expedietur brevius. Nempe utrum apud antiquos Patres offendatur certa quædam legitimæ Synodi notio, quæ in differendi tractandique regulam assumi possit. Hæc apud Gelasium Papam offenditur in epistola xlii. ad Episcopos Dardaniæ. Verba sunt: *Malè gesta Synodus, id est, contra Scripturas sanctas, contra doctrinam Patrum, contra Ecclesiasticas regulas, quam tota meritis Ecclesia non recepit, & quam præcipue Sedes Apostolica non probavit.* Bene gesta Synodus, id est, secundum Scripturas, secundum traditionem Patrum, secundum Ecclesiasticas regulas pro fide Catholica & communione prolata, quam cuncta recepit Ecclesia, quam maxime Sedes Apostolica comprobavit. Pontifex in bene vel malè gestæ Synodi notione personam congregantis Synodum & Synodi congregationem prætermittit, quippe pui putet duo hæc ad malè vel bene gestam Synodum pertinere nihil, ita ut quicunque Synodum congregaverit, si contra Scripturas sacras, contra doctrinam Patrum, contra Ecclesiasticas regulas celebrata est, malè celebrata sit: sic & quicunque Synodum congregaverit, si secundum Scripturas, secundum traditionem Patrum, secundum Ecclesiasticas regulas celebrata est, bene celebrata sit. Porro Ecclesiasticæ regulæ, quarum meminit Gelasius, non sunt aliæ, quam quæ à Dionysio Exiguo Romæ in Codicem relatæ sunt anno d. xxvii. qui ab excessu Gelasii trigessimus primus est. Atque idcirco Dionysius Gelasium per ætatem videre & alioqui potuit. Has inter regulas nec comparet, nec comparere potest, quod in Marcelli Papæ epistola ad Maxentium sic legitur: *Nullus Episcopus, nisi in legitima Synodo suo tempore Apostolica, aut regulari auctoritate convocata, super quibuslibet criminibus pulsatus audiatur vel iudicetur.* Non comparet quidem, ut Dionysiani Codicis Canonum ostendit lectio: Et hæc est apud cordatos & doctos homines vehemens falsitatis suspicio. Comparere non potest, quia nondum natus erat Mercator ille, qui Marcello Papæ epistolam subiecit; nescius, quo in statu res Christianorum tunc essent, cum Marcellus Marcellino successit. Sic afflicta & prostrata erat Ecclesia, ut vix à metu carcerum & cædis respiraret. Diocletiano & Maximiano imperantibus acerbissima persecutio exorta, qua per x. continuos annos plebem Dei depopulata est, qua tempestate omnis fere sacro martyrum cruore orbis infectus est, ut ait Sulpitius Severus in hist. sacræ lib. ii. Marcellus ipse à Maxentii cui scribere dicitur, vexationibus liber & immunis non extitit. Jubente Maxentio carceres atque ærumnas complures sustinuit, & tandem ad Ecclesiæ vulnera pervenit. Qua de re sic Ulfuardus in Martyrologio xvi. Calend. Febr. *Roma via Salaria natale sancti Marcelli Papæ, qui ob Catholica fidei defensionem, jubente Maximiano (rectius Maxentio) tyranno, primo fustibus cæsus, deinde ad servitium animalium cum custodia publica deputatus, post multos annos ibidem serviendo amictu indutus cilicino defunctus est.* At Marcellus in hac & sua & miserrimorum Ecclesiæ temporum conditione de crebris ad Sedem Apostolicam provocationibus, de publicis Episcoporum judiciis, de Synodis auctoritate Apostolica congregandis, de non recipiendis laicorum contra Episcopos accusationibus ad Maxentium scribit, tractat & decernit. Ecce tibi mangonium, quo Mercator res suas non tam ornavit, quam illarum vitia detexit. Professio difficile est reperire fraudem ullam, quæ sit cogitum faciliior.

Superest tertium, in quo quæritur, num adferri possit Synodus, quam Imperator Constantinus ante Nicænum Concilium fieri & congregari præceperit? Adferri potest. Et primum quidem Romana, quam pro Ecclesiarum pace & concordia haberi iussit anno cccxlii. Eusebius in libri x. Ecclesiasticæ historiæ capite v. convocationis literas sic recenset. *Constantinus Augustus Miltiade Episcopo Romano & Marco, S. Quoniam ejusmodi litera complures ab Anilino clarissimo Africa Proconsule ad me missa sunt, in quibus constat Cæcilianum Episcopum civitatis Carthaginiensium à quibusdam collegis suis in Africa ordinatis Episcopis, multis de rebus in crimen vocari, & illud per mihi molestum videtur, ut in his provinciis, quas divina providentia ultro ac sua sponte sub meum subjunxerit Imperium, & in illis locis, in quibus crebra hominum frequentia versatur, non modo multitudo ad deteriora desleat, & distrabatur dissidiis, sed Episcopi etiam discordiam inter se ipsi exercent: Visum est mihi, ut idem Cæcilianus cum decem Episcopis, qui illum rem facere videantur, & decem aliis, quos ipse sua litis dijudicationi necessarios existimaverit, Romam navigio trajiciat, ut ibi coram vobis, & Rheticio etiam & Materno & Marino collegis vestris, quos ea de causa Romam maturare jusserim, possit audiri, sicut sanctissima Dei lex, uti nostis, postulat. Atque ut de omnibus hisce plenissimam accuratissimamque notitiam possitis habere, exemplaria literarum ad me ab Anilino missarum literis subscripta, ad vestros prædictos collegas misi. Quas cum vestra gravitas perlegerit, exquisitè ponderabit, quo modo, quave ratione lis illa quam supra diximus diligentissimè rectissimeque dirimatur & ex juris præscripto tandem aliquando absolvatur: Quandoquidem illud vestrum studium minime latet, me tantam reverentiam sanctæ & Catholica Ecclesiæ tribuere, ut velim vos nullum generale schisma, nullam discordiam in ullo loco omnino relinquare. Summa magni Dei majestas vos, honoratissimi viri, multis annis conservet. Quem Romanum Episcopum Constantinus hoc in loco, Eusebius in Chronico, & Optatus in lib. i. contra Parmenianum Miltiadem appellant, illum Augustinus in epistola clixii. & Prosper in Chronico integro Melchiamdem vocat.*

Quod autem faciendum esse Constantinus iussit, hoc factum fuisse Optatus scribit in libro i. contra Parmenianum: *Sed quia, inquit, audio aliquos de societate tua ligandi studio charitas habere nescio quas, querendum est, quibus sit accommodanda fides: Quæ cum ratione concordent, quæ cum veritate confabulentur. Vestra si sunt aliqua, mendacis forte videantur asperse. Nostras chartas probant & consuetus causarum, & contentiones partium, & exitus judiciorum, & epistolæ Constantini. Nam quod de nobis dicitis, quid Christianis cum regibus? Aut quid Episcopis cum Palatio? Si nota est nosse reges, vos tota perfundit invidia. Nam majores vestri, Lucianus, Dignus, Nassutius, Capito, Fidentius, & ceteri Imperatorem Constantinum, harum rerum adhuc ignarum his precibus rogaverunt, quarum exemplum infra scriptum est. Rogavimus te, o Constantine optime Imperator, quoniam de genere iusto es, cujus pater inter ceteros Imperatores persecutionem non exercuit, & ab hoc facinore immunis est Gallia: Nam in Africa inter nos & ceteros Episcopos contentiones sunt: Petimus, ut de Gallia nobis iudices dari præcipiat pietas tua. Data à Luciano, Digno, Nassutio, Capitone, Fidentio, & ceteris Episcopis Donati. Quibus lectis, Constantinus pleno livore respondit. In qua responsione & eorum preces prodidit, dum ait: *Petitis à me in saculo iudicium, cum ego ipse Christi iudicium expectem. Et tamen dati sunt (à Constantino) iudices, Maternus ex Agrippina civitate, Rheticius ab Augustoduno civitate, Marinus Arelatenis. Ad urbem Romanam ventum est ab iis tribus Gallis, & ab aliis quindecim Italis. Convenerunt in domum Faustæ in Laterano, Constantino III. & Licinio III. Coss. vi. Nonas Octobris die sexta feria. Cum consedisent Miltiades Episcopus**



pus urbis Romæ, & Rheticius & Maternus & Marianus Episcopi Gallicani, & Merocles à Mediolano, Florianus à Casena, Zoticus à Quimiano, Stemmianus ab Arimino, Felix à Florentia Tuscorum, Gaudentius à Pisis, Constantinus à Faventia, Proterius à Capua, Theophilus à Benevento, Savinus à Terracina, Secundus à Præneste, Felix à tribus tabernis, Maximus ab Ostia, Evandrus ab Ursino, Donatianus à Foro Claudii: Bis decem & novem confidentibus Episcopis causa Donati & Cæciliani, in medium missa est à singulis. In Donatum sunt hæc sententiæ lata, quod confessus sit se rebaptizasse, & Episcopis lapsis manum imposuisse, quod ab Ecclesia alienum est. Testes inducti à Donato confessi sunt se non habere, quod in Cæcilianum dicerent. Cæcilianus omnium supra memoratorum sententiis innocens  
 14 est pronuntiatus, etiam Meltiadis sententia, qua iudicium clausum est. Et paulo post: Sufficit ergo & Donatum tot sententiis esse percussum, & Cæcilianum tanto iudicio esse purgatum, & tamen Donatus appellandum esse ab Episcopis credidit. Ad quam appellationem Constantinus Imperator sic respondit: O rabida furoris audacia, sicut in causis Gentilium fieri solet, appellationem interposuerunt.

Constantinus de litis appellatione non iudicat per sese, sed Arelatense Concilium, quod convocari iussit. Convocationis literæ sunt huiusmodi, apud Eusebium in loco jam laudato: Constantinus Augustus Chresto Syracusanorum Episcopo S. Jamdudum cum nonnulli improbo & perverso animo à sancta religione & caelesti Evangelii doctrina, ac potentia, & à Catholica Ecclesiæ opinione desciscere coperint, cupiens equidem ejusmodi lites & controversias inter vos ortas dissolvere, ita scripsi, ut missis à Gallia quibusdam Episcopis, quin etiam ex Africa aliis adversarum partium accersitis, qui inter se maxima cum pertinacia, & animorum contentione digladiantur, & Episcopo Romano etiam coram, hoc diffensionis, quidquid videatur, possit illis presentibus accurata dijudicatione in rectam viam reduci. Verum quoniam (sicut usu venit) quidam tum sua salutis, tum veri cultus, qui sanctissima Christi religioni debetur, penitus oblii adhuc privatas inimicitias exercere, & graves similitates gerere non desinunt, dum nolunt aut Concilii (Romani) iudicio jam facto acquiescere, dumque definitè affirmant paucos admodum fuisse, qui suas ipsorum sententias palam  
 15 in Concilio proferebant, itaque ipsi cum omnia, quæ antè quæri debuerant, accuratè quaesita essent, ad iudicium dandum properè & valde celeriter festinabant, atque ex his omnibus fieri contigit, ut tum illi ipsi, quos fraternum & concordem animorum consensum inter ipsos retinere oportuerat, turpi, imò usuria & impia diffensione discordent, tum aliis hominibus, qui mentes à sanctissima religione alienas habent, ansam ludibrii & irrisioms præstent. Idcirco mihi sedulo providendum erat, ut istud, quod post iudicium antea pronuntiatum, sua sponte componi & tranquillari debuerat, etiam jam tandem multis presentibus Episcopis exitum & finem consequatur. Proinde quoniam plurimos Episcopos ex locis diversis & propè infinitis in urbem Arelatesiorum ad Calendas Augusti convenire mandavimus, tibi etiam per literas significandum putavimus, ut accepta rheda publica à clarissimo viro Laconiano Sicilia correctore, duobus item aliis Episcopis ex secunda Sede, quos tu ipse tibi maxime diligendos iudicaveris, tibi in societatem ascitis, quin etiam tribus famulis, qui vobis inter vias ministrarent, assumptis, ad eum diem in loco præscripto aliis occurras: Quo per tuam gravitatem, & consentientem sententiam reliquorum qui eo commeant, hoc dissidium, quod hactenus improbe & turpes & scelestas concertationes continuatum fuit, simulatque ea, quæ, ab utraque factione Episcoporum, quos simpliciter adesse mandavimus, audita fuerint, possit licet serò ad debitam religionem, fidem & fraternam concordiam aliquando revocari. Deus omnipotens in multos annos te nobis servet incolumem. Quin autem Imperator Arelatense Concilium, quo de agitur,  
 16 celebrari præceperit, hæc literæ dubitare non sinunt.

Concilium utrumque, Romanum & Arelatense, à Constantino congregatum esse beatus Augustinus agnoscit in epistola c.l.xii. ad Glorium & Eleusium: Deinde diximus, aliquantò post Majorini ordinationem, quem contra Cæcilianum nefario scelere, levaverunt erigentes altare contra altare, & unitatem Christi discordiis furialibus dissipantes, eos petisse à Constantino tunc Imperatore iudices Episcopos, qui de suis questionibus, quæ in Africa exorta pacis vinculum dirimebant, arbitro medio iudicarent. Quod posteaquam factum est, præsentem Cæciliano & illis, qui adversus eum navigaverant, iudicante Melchiae de tunc Romana urbis Episcopo cum collegis suis, quos ad preces Donatistarum miserat Imperator, in Cæciliano nihil probari potuisse, ac per hoc illo in Episcopatu confirmatis, Donatum, qui adversus eum tunc aderat improbatum. Quibus peractis rebus, cum illi omnes in pertinacia scelestissimi schismatis permanerent, post apud Arelatum memoratum Imperatorem eandem causam diligentius examinandam terminandamque curasse. Et post alia: An fortè non debuit Romana Ecclesiæ Melchiae Episcopus cum collegis transmarinis Episcopis illud sibi usurpare iudicium, quod ab Afris septuaginta, ubi Primas Trigistanus præsedet, fuerat terminatum? Quid quod nec ipse usurpavit? Rogatus quippe Imperator iudices misit Episcopos, qui cum eo sederent, & de tota illa causa, quod iustum videretur, statuerent. Hoc probamus & Donatistarum precibus & verbis ipsius Imperatoris: Utraque enim vobis lecta meministis & inspicendi ac scribendi licentiam nunc  
 17 habetis. Et post alia: Ecce putemus illos Episcopos, qui Rome iudicaverunt, non bonos iudices fuisse. Restabat adhuc plenarium Ecclesiæ universæ Concilium, ubi etiam cum ipsis iudicibus causa posset agitari, ut si malè iudicasse convicti essent, eorum sententiæ solverentur. Quod utrum fecerint, probent, nos enim non factum esse facile probamus, ex eo quod totus orbis non eis communicat, aut si factum est, etiam ibi sunt victi, quod ipsa eorum separatio manifestat. Sed tamen quid postea fecerint, Imperatoris literis sufficientissimè ostenditur. Iudices enim Ecclesiasticos tanta auctoritatis Episcopos, quorum iudicio & Cæciliani innocentia, & eorum improbitas declarata est, non apud alios collegas, sed apud Imperatorem accusare ausi sunt, quod malè iudicaverint. Dedit ille Arelatense iudicium, aliorum scilicet Episcoporum, non quia jam necesse erat, sed eorum perversitatibus cedens, & omnimodo cupiens tantam impudentiam cohibere. Neque enim ausus est Christianus Imperator, sic eorum tumultuosas & fallaces querelas suscipere, ut de iudicio Episcoporum, qui Romæ sederant, ipse iudicaret, sed alios, ut dixi, Episcopos dedit, à quibus tamen illi ad ipsum rursus Imperatorem provocare maluerunt.

Deinde in epistola c.l.xv. ad Generosum, Fortunatum, Alypium: Multa sunt alia, quæ illi recites, si non contentiosè agere, sed prudenter audire voluerit preces Donatistarum ad Constantinum: Ut propter ipsam causam inter Afros Episcopos dirimendam, iudices ex Gallia Episcopos mitteret. Literas etiam ejusdem Imperatoris, ubi Episcopos misit ad urbem Romam. Gesta quoque in urbe Roma, ubi ab Episcopis, quos ille miserat, causa  
 18 cognita atque discussa est. Itemque alias literas, ubi declarat memoratus Imperator eos apud se de collegarum suorum iudicio, id est, Episcoporum, quos ad urbem Romam miserat, fuisse conquestos, ubi etiam alios Episcopos voluit apud Arelatum iudicare: Ubi isti & ab ipsorum iudicio ad eundem Imperatorem appellaverunt.

Tum in epistola c.l.xvi. ad Donatistas: Scitote, quod primi majores vestri causam Cæciliani ad Imperatorem Constantinum detulerunt. Exigite hoc à nobis, probemus vobis, & si non probaverimus, facite de nobis quicquid poteritis. Sed quia Constantinus non est ausus de causa Episcopi iudicare, eam discutiendam ac finiendam Episcopis delegavit. Id est, ni fallor, fieri iussit Episcoporum Concilium, in quo causa illa discuteretur, ac finiretur. Augustinus continenter scribit & pergit: Quod & factum est in urbe

urbe Roma, presidente Melchiade Episcopo illius Ecclesie cum multis collegis suis, qui cum Cæcilianum innocentem pronunciaissent, & Donatum qui schisma Carthagini fecerat, sententia percussissent, iterum vestri ad Imperatorem venerunt, & de iudicio Episcoporum, in quo vultu fuerant, murmuraverunt. Quomodo enim potest malus litigator laudare iudices, quibus iudicantibus victus est? Iterum tamen clementissimus Imperator alios iudices Episcopos dedit apud Arelatum Gallia civitatem, & ab ipsis vestri ad ipsum Imperatorem appellaverunt, donec etiam ipse causam cognosceret, & Cæcilianum innocentem, illos calumniosos pronunciaisset.

19 Quartò in epistola CLXVII. ad Festum: Quasi verò Christiani Catholici Imperatores adversus eorum pertinacissimam iniquitatem aliud sequantur, quam Constantini iudicium, apud quem ultro Cæciliani accusatores fuerunt, cuius auctoritatem omnibus transmarinis Episcopis prætulere, ut non ad illos, sed ad illum Ecclesie causam deferrent, ut ab eo datum in urbe Roma Episcopale iudicium, in quo primum vultu sunt, rursus apud illum accusarent, ut ab altero apud Arelatum dato Episcopali iudicio ad illum appellarent, apud quem tamen novissime superati in sua perversitate permanserunt.

Quintò in epistola CLXXI. ad Donatistas: Postea literas ad Imperatorem Constantinum, ut inter Afros Episcopi transmarini iudicarent, miserunt, datis iudicibus, quos postulaverant, & Roma iudicantibus non obtemperaverunt, Episcopos apud Imperatorem, tanquam male iudicaverint, arguerunt. Ab aliis rursus Episcopis ad Arelatum missis ad ipsum Imperatorem appellaverunt.

Sextò in libri II. contra literas Petiliani capite XCII. Si autem, quod verum est, petentibus tum maioribus vestris Episcopale iudicium, dederat Constantinus & apud Romam & apud Arelatum, quorum primum apud eum accusastis, ab altero ad eum appellastis.

Septimò in libri III. contra Cresconium capite XLII. Sed factum est pro Cæciliano posterius iudicium transmarinum vestris, apud Constantinum Imperatorem ut fieret instantibus.

Postremò, in libri de unitate Ecclesie capite XV III. Nempe ipsi postea literas ad Imperatorem Constantinum dederunt, datisque ab eo, sicut petiverunt, disceptatoribus Episcopis non consenserunt, eosdemque postmodum apud illos tanquam iniquos iudices accusaverunt, & ab aliis sibi ad Arelatum datis, ad ipsum Imperatorem appellaverunt.

Hic non est opus commentario, ut omnibus manifestum fiat, Constantinum Imperatorem apud Augustinum convocasse Synodos duas, Romanam & Arelatensem, in quibus Cæciliani & Donatistarum causa discussa & finita est. Sufficit Latinæ linguæ cognitio, sufficiunt oculi duntaxat, ut illud intelligatur. Hoc Ecclesiarum magister apertè, frequenter & perseveranter premit, inculcat & infigit.

Nunc veniendum est ad Nicænam Synodum, quam Constantinus Imperator convocavit. Sed non erit inutile, ea referre, quæ convocationem præcesserunt, & quæ ab Eusebio rerum istarum oculato teste literis produntur in libro III. de vita Constantini. In eiusdem igitur libri capite VI. & V. res sic se habet. Quibus ex rebus ad exitum perductis, licet non parum ceperit voluptas, tamen invidia flamma, quæ Ecclesiam Alexandrinam graviter conturbabat, & pestiferum schisma, quod inter Thebanos & Egyptios versabatur, ipsius animum non parum commovit; quippe in singulis civitatibus Episcopi cum Episcopis dissidere, & populus contra populum tumultus ciere, & impetu quodam repentino instar symplegadam & mutuis pugnis se ipse concidere caput, usque eò, ut animis insanis ac desperatis impia scelera aggredi, & Imperatoris imagines contumelia afficere non dubitarent.

21 Verum Imperatorem non tam ad iram, quam ad immensam animi ageritudinem, qua furiosorum amentiam supra modum depleverat, incitarunt. Morbus porro alius longè gravissimus istas res antegressus est, qui longo tempore

Ecclesia multum exhibuisset molestia, dissensionem dico de salutari Paschatis festo ortam. Etenim alii Iudeorum ritum sequendum asseruerunt: Alii temporis quidem articulum in eo festo celebrando accuratè observandum esse, non tamen imitandam consuetudinem eorum, qui errore cecati, alieni à gratia evangelica esse viderentur. In hac igitur controversia cum prolixo iam temporis spatio populus ubique admodum dissensisset, divinaque leges & instituta confusione quadam essent permista, ita ut temporis in uno eodemque festo observando varietas & discrepantia maximam discordiam Paschatis solemnitate celebrantibus excitaret: Quippe eodem tempore alii jejuniis & corporis afflictatione se exercebant, nonnulli se tradebant otio & remissioni animorum, QUANQUAM NEMO CERTE ERAT, QUI HUIC MALO REMEDIUM INVENIRE POTUERIT, præsertim cum contentio dissidentium animos ex aequo exagitarat: Deo tamen, qui omnia potest, istis rebus mederi erat per facile. Ex hominibus autem, qui adhuc in terris atatem debebant, solus restare videbatur Constantinus, qui rectè factis sedulo operam daret: Qui quidem simulatque rerum istarum commemoratarum fama ad ipsius aures permanavit, intellexitque literas ad Alexandrinos à se missas nihil habuisse ponderis, novum consilium animo cepit agitare, inquit: Alio praelio contra occultum illum & clandestinum hostem Ecclesie statum perturbantem de integro decertandum.

His præmissis Eusebius in capite VI. Nicænam Synodum à Constantino Imperatore congregatam esse narrat his verbis: Deinceps igitur Concilium generale tanquam quandam Dei exercitum instruens in unum locum coëgit: Et Episcopos undique per literas honorificè scriptas, ut eò maturarent, accivit. Neque mandatum duntaxat ad hanc rem datum, sed in ea peragenda multum attulit subsidii auctoritas Imperatoris ac nuntius, qui nonnullis fecit potestatem, equis publicè ad iter celeriter conficiendum dispositis utendi, aliis permagnum iumentorum instratorum, quibus veherentur, numerum suppeditavit. Civitas autem Bithynia, quæ Nicæa antè nunc vixit, id est à victoria nomen traxit, Concilio celebrando admodum idonea, designata fuit. Ubi autem edictum in quaque provincia divulgatum erat, omnes summa cum animarum alacritate tanquam à carceribus ad cursum emissi properè advolarunt. Ego Constantini edictum cuius hic sit mentio, retulisse, si retulisset Eusebius. Sed non retulit, ratus satis esse, si summam edicti referret.

Nicæna Synodus ipsa narrationem Eusebii sic confirmat in epistola ad Alexandrinam Ecclesiam, ubi & convocationis suæ, & rerum à se definitarum rationem exponit: Quoniam Dei gratia, Deoque carissimo Principe Constantino, ex diversis provinciis & civitatibus nos convocante, συναχθῆναι & συναχθῆναι, magna & sancta Synodus Nicæa congregata est. Tam certum est igitur, Synodum hanc à Constantino congregatam esse, quam certum est Synodi huius Patres non ignorasse, à quo congregati fuerant. Veritas hæc argumenta non quærit. Sed persequenda est Imperatoris 23 convocationis traditio.

Epiphanius Constantiæ Cypri Episcopus huic fidem facit duobus in locis. Unus est in libri II. contra hæreses capite LXVIII. Verum paulò post Alexandri sanctissimi Alexandria Episcopi studio & hortatu, beata memoria Constantinus Synodum in urbe Nicæa congregat, ubi Arrii dogma post ejus mortem damnatum est. Alter in eiusdem libri capite LXIX. His ad eum modum gestis, Imperator Ecclesie consulens, cum jam plerisque à se invicem dissidentibus varia essent schismata, œcumenicam Synodum colligit CCCXVIII. Episcoporum. Hic auctor Nicæne Synodi ætate suppar non solum dicit, Synodum à Constantino coactam esse, sed etiam notat illum Episcopum, cuius studio & hortatu coacta est.

Rufinus Aquileiensis Presbyter Epiphanium sequitur



quitur in libri x. hist. capite i. ubi de Arrianæ hæresis ortu, progressu & condemnatione tractat: Sermo usque ad aures religiosi Principis quippe qui omni studio & diligentia curarat quæ nostra sunt, pervenit. Tum ille ex Sacerdotum sententia apud urbem Nicæam Episcopale Concilium convocavit, ibique Arrium CCCXVIII. Episcopis residentibus adesse jubet, ac de ejus propositionibus & questionibus judicari. Rem eandem narrant Rufinus & Epiphanius, sed hic tamen distinctius loquitur: Quod enim Concilium Rufinus ex Sacerdotum sententia indefinitè; id Epiphanius ex Alexandri Alexandrinæ civitatis Episcopi studio & hortatu coactum à Constantino definitè prodit, atque exprimit.

- 24 Socrates in libri i. hist. capite v. Cum igitur Imperator videret, his duabus contentione tempestatibus Ecclesiam vehementer jactari, generale Concilium convocavit, atque Episcopos undique per literas accersit, ut Nicæam urbem Bythinia se conferant.

Theodoretus in libri i. hist. capite vi. Verum ubi spes eum (Imperatorem) sefellerat, celebre illud Nicæanum Concilium cogit, & publicos asinos, mulas mulosque & equos utendos indulget. Deinde in vita beati Jacobi Nysibensis Episcopi: Cum Arrius, inquit, blasphemiam in unigenitum & Spiritum sanctum, pater & opifex in eum, qui ipsius crearet linguam movens tumultum & perturbatione implevisset Aegyptum; & Constantinus Maximus Imperator gregis nostri Zorobabel (quippe qui totam piorum, sicut ille, captivitatem reduxit ab exilio, & divina templa solo aquata in altum erexit) Ecclesiarum præfides omnes Nicæam convocasset. Venit cum aliis magnus quoque Jacobus pro veris dogmatibus, ut fortissimus bellator & totius agminis princeps decertaturus.

Sozomenus in libri i. hist. capite xvi. Constantinus indicit Concilium Nicææ urbis Bythinia, scribitque ad omnes Ecclesiarum præfides, ut ad diem præstitutum adfuerint.

Metrophanes & Alexander in actis Nicææ Synodi apud Photium cod. cclvi. Concilium Nicææ in Bythinia Imperator convocavit.

- 25 Anonymus scriptor actorum Nicææ Synodi in causa depositionis Arrii: Cum hac porro Constantinus non sine dolore audivisset, mittit Alexandriam Hosium re & nomine sanctum, quo Episcopo Corduba gloriabatur una Hispania urbium. Tradit verò etiam literas, cum ad Dei Pontificem Alexandrum, tum ad impietatis parentem Arrium, quæ petens ut Alexander clementia in Arrium uteretur, quæ jubens, ut is è furore desisteret, & sensum teneret Ecclesia: Sed & id hortabatur, ut à mutua lite & contentione discederent: Ut quæ in multis plurium malorum causa extitisset. Postquam autem Arrii morbus nec præclarissimi Osi præsentia & doctrina, neque Imperatoris admonitione curabatur, congregat Imperator Episcoporum Concilium in Bythinia urbe Nicæa, in qua confidentibus Episcopis ipse Imperator stans in medio non aliàs sedere sustinuit, quam ei sacer chorus annuisset.

Ephefina Synodus actione i. in relatione ad Imperatores Theodosium & Valentinianum de abdicatione Nestorii: Fides, inquit, à CCCXVIII. Patribus in Metropoli Nicæa à sancta memoria Constantino congregatis exposita.

Gelasius Cyzicenus in præfatione librorum de actis Nicææ Synodi: Quam ob causam fidelissimus Imperator Constantinus numerosam illam in urbe Nicæa Synodum congregavit. Deinde in libri ii. capite v. Cum videret Imperator perturbatam Ecclesiam generale Concilium convocavit, Episcopos undecunque per literas ut Nicæam Bythinia occurrerent, exhortans.

Romanum illud Concilium, quod Gelasii Papæ I. auctoritate celebratum dicitur, de Canonicis libris ab apocryphis fecernendis: Sancta, inquit, Romana Ecclesia post illas veteris vel novi Testamenti, quas regula-

riter suscepimus etiam has suscipi non prohibet scripturas, 26 id est, sanctam Synodum Nicæam CCCXVIII. Patrum mediante maximo Constantino Augusto, in qua Arrius hæreticus condemnatus est. Hoc refertur apud Juonem parte iv. decreti cap. lxiv. & apud Gratianum dist. xv. Sancta Romana.

Justinianus Imperator in Collatione i. generalis Concilii V. Quapropter Constantinus congregavit Nicæam ex diversis diocesibus CCCXVIII. sanctos Patres. Assensum est Imperatori Concilium, quia ex majorum traditione nihil habuit, cur dissentiret, & Constantino adjunctum non esse Silvestrum, qui adjunctus est in actione xviii. Synodi VI. quereretur. Quidquid in causa, questi non sunt Romani Pontifices Pelagius II. & Gregorius I. & alii, cum in Synodum V. juraverunt.

Isidorus Hispalensis in Chronico: Nicæanum quoque, ait, Concilium à Constantino ad condemnationem Arrii congregatur.

Gregorius Presbyter Cæsariensis oratione in Nicæanos Patres: Verum cum impius (Arrius) magis effervaretur & effervesceret, evocat Alexander plures futuros periculi socios, dirigitque literas ad Episcopos per ea constitutos loca, ac prodigiosos cordis Arrii factus adversus orthodoxorum fidem denunciavit. Et post pauca: Ubi porro victor ille inclutus (Constantinus) hac rescivisset, tanquam stimulo profana obscurorum, molestaque inopinatum conditione animo percussus, divinas protinus literas mittit; per quas & magistratus & eos, qui possent, Episcopos Nicæam Bythinia metropolim ad ea examinanda, quæ ad eos spectarent, venire suadet. Hæc ille, qui circa Imperium Heraclii vixisse dicitur.

Manfuetus Mediolanensis Episcopus in epistola Synodica ad Constantinum IV. Amplissimus Princeps zelo orthodoxæ fidei animatus (Constantinus) congregavit sanctum Concilium CCCXVIII. Patrum in Nicæa urbe Bythinia. Hæc in exordio generalis Synodi VI. in cuius actione xviii. Constantino Silvester Pontifex adjungitur, dum Constantino IV. acclamatur: Arrius divisor & partitor Trinitatis insurgebat, & continuo Constantinus semper Augustus & Silvester laudabilis magnam atque insignem in Nicæa Synodum congregabant. Hæc non à Synodo, sed in Synodo dicta sunt ab eo, qui acclamationem recitavit. Res non est, de qua Synodi Patres singillatim pronuntiaverint: Quare relata verba illius sunt tantum, qui Constantino Imperatori acclamavit, anno post Nicæam Synodum ccciv. Quæ de Constantino Nicæam Synodum congregante dicit, pluribus Conciliorum & Patrum testimoniis confirmantur: Quæ verò de Silvestro Nicæam Synodum congregante dicit, nullis Conciliorum & Patrum testimoniis fulciuntur. Hic audiendus est Xistus III. cum in epistola ad Joannem Antiochenum scribit: Nihil ultra liceat novitati, quia nihil adjici convenit vetustati. Novum est, non vetus, quod de Silvestro acclamationi adjicitur, quia post annos ccc l v. adjicitur. Et si quis post tantumdem temporis adjiciendum esse contenderet, is non posset φιλολογίᾳ non favere, qui post intercapedinem temporis minorem Leoni IV. & Benedicto III. mulierem in Romanorum Pontificum serie interponunt. Religionis est instar fidem de temporibus asserere, ut ait Tertullianus in Apologetici capite xix. Id minime receperunt Romani Pontifices in certa quadam fidei professione, quam recens creati edebant olim, ut ex Romanæ Ecclesiæ Diurno deprehendi facile potest. Sic incipit professio hæc: Ill. Episcopus Catholica & Apostolica Ecclesia urbis Romæ reverentissimis fratribus & dilectissimis filiis, seu universa plebi Dei. Adhuc Apostolica Sedis officium. Et post aliquam multa: Hujus Apostolica traditionis normam inviolabiliter custodiens venerandum Sanctorum CCCXVIII. Patrum Concilium, quod in Nicæa sub magno principe Constantino convenit, Dei gratia revelante in redegit symbolum, & consubstantialem Patri filium predicavit. Hæc in fidei professione, quæ statim

statim post Synodum VI. fieri cœpit. Ubi non dicitur, sub Constantino & Silvestro, sed tantum sub Constantino convenit. Sic exclusa illius qui Constantino IV. *πρωτοδόντος*, novitate recenta est antiquitas. Quippe quæ Nicæni, Ephesini, Romani & Mediolanensis Concilii, auctoritate & Justiniani, Eusebii, Socratis, Sozomeni, Theodoret, Actorum Nicæni Concilii, Gelasii Cyziceni, Ilidori Hispalensis, & Gregorii Presbyteri testimonio consecratur.

Regino Pruniensis Abbas in libro I. Chronicorum, Martyrologii Adonis pridie Cal. Jan. verba ipsa repetens: *Silvester Papa clarus habetur, cuius industria Synodus præclarissima tota orbe terrarum CCCXVIII. Patrum apud Nicæam urbem celebratur.* Hæc ille ad annum DCCCXV. qui post Adonem convocandæ Synodi industriam Silvestro tribuit, sed destitutus majorum patrocinio. Quod autem a recentiori auctore de rebus adeo antiquis sine alicujus vetustioris auctoritate profertur, contemnitur, ut Baronius scribit in Apparatu. Et revera contemnendi sunt Ado & Regino, qui Epiphania tam aperte contradicunt. Id enim Silvestro tribuunt, quod Epiphanius è Nicænis Patribus uni Alexandro Alexandria Episcopo tribuerat. Epiphania verba digna sunt quæ repetantur: Verum paulo post Alexandri sanctissimi Alexandria Episcopi studio & horatu beata memoria Constantinus Synodum in urbe Nicæa congregat, ubi Arrii dogma post ejus mortem damnatum est. Hæc ille, qui Constantiæ sive Salaminæ primariæ Cypri urbis Episcopus creatus est anno CCCLXX. & post Nicænam Synodum XLV. Igitur Epiphanius per ætatem rei gestæ testis admittitur, & Ado ac Regino per ætatem rejiciuntur.

Postiores Adone & Reginone scriptores Adonem & Reginonem contempserunt.

Joannes Zonaras tom. III. Annal. in Constantino: *Qua re cognita religiosissimus Imperator provinciarum Episcopos Nicæa in Bithynia urbe convenire præcepit.*

Rupertus Tuitienfis Abbas libro VII. in Apocalypsim: *Tunc utique quando famosissimum in Nicæa Concilium fervor Christiani Principis Constantini excitavit, publicis asinis atque multis Episcopos & qui cum eis erant, ad Synodum venire præcipiens.*

30 Robertus Autissiodorensis Monachus in Chronologia: *Cumque homines, quos in errorem seduxerat (Arrius) etiam in seditionem excitaret, apud Nicæam urbem Bithynia conventus 318. Episcoporum jussu ipsius Constantini factus est.*

Vincentius Bellovacensis in Speculi hist. libro XIII. cap. LXII. *Quod audiens pius princeps coadunari fecit sanctam Synodum apud Nicæam Bithynia urbem.*

Nicephorus in libri VIII. hist. cap. XIV. *Itaque Imperator malum id ad summum excrescere cernens, decantatissimam illam in Bithynia Nicænam Synodum promulgat, & literis locorum omnium Episcopos ad constitutam diem eò evocat.*

S. Antoninus in Speculi hist. tit. x. cap. III. *Quod audiens pius princeps coadunari fecit sanctam Synodum, apud Nicæam Bithynia civitatem.*

Platina in vita Silvestri Papæ: *Cum autem Alexander Alexandrina urbis Episcopus frustra revocare Arrium ab errore tentasset, Constantini mandato adhibita etiam impensa munifice quidem apud Nicæam urbem Bithynia generale Concilium indicitur.*

Antonius Sabellicus in Enneadis VII. libro VIII. de hæresi Arrii: *Ea res in causa fuit, ut Constantino auctore, sit Concilium in Nicæa indictum, quo trecenti & amplius venere antistes.*

Albertus Pighius in libri VI. de Hierarchia Ecclesiæ cap. I. ubi de Nicæna Synodo sermonem instituit: *Quæ (Christi Ecclesia) nec novam tunc aliquam ac supernaturalem de celebrandis ejusmodi (universalibus) Conciliis illuminationem aut revelationem accepit: Sed Constantini Principis pius religiosusque zelus prima eorundem causa & origo extitit. Qui cum videret pacem*

suo beneficio à foris quidem Ecclesia redditam, intus vero eandem (Arrio nova quadam Christo indigna, blasphemique docente & predicante de Christo) capisse turbam multo periculosius, & necdum constaret religioso Principi de impietate dogmatis ejusmodi, nec quid de eo teneret fides Catholica per orbem Ecclesia, visum est eidem ex toto orbe convocari Sacerdotale Concilium.

Gabriel Prateolus in Ecclesiasticis Annalibus Gallicè scriptis: *Constantinus Imp. Episcoporum precibus & Alexandri Alexandria Episcopi instantia (Ruffino teste lib. I. cap. I.) Nicæa in urbe Bithynia generale Concilium impensis suis fieri decrevit.*

Gilbertus Genebrardus Parisiensis Theologus in Epiphania, & Nicæna Synodi, Socratis, &c. sententiam discedit lib. III. Chronologiae. *Primum universale Concilium pro divinitate Christi contra Arrium jam mortuum, ut vult Epiphanius hæresi LXVIII. & LXIX. & colligitur ex Epistola Synodica. Socrates lib. I. cap. V. &c. At Epiphanius, Nicæna Synodus, Socrates, & alii quos laudat & sequitur, Constantini mandato Synodum illam convocatam esse tradunt.*

Carolus Sigonius in libro III. de Occidentali Imperio: *Dum hac ab eo (Constantino) aguntur, Episcopi, qui itineris laborem suscipere potuerunt, edicto ejus accepto ad CCCXVIII. Nicæam advolarunt. Et paulo post: Ipse (Constantinus) Nicæam accessit, atque in maxima Palatii aulâ sellas disponi, ac certo die convocari præcepit. Sigonii opus Curia Episcopalis & sancta Inquisitionis concessu Bononiæ in lucem prodit ann. M. D. LXXVIII.*

Bellarminus in libri I. de Conciliis capite XIII. 32 cum de Nicæni Concilii convocatione agit, multa sine dubio peccat, quod uti constet perspicue, illius verba referenda sunt ad Concilium illud pertinentia. Superest argumenta solvere, ex quibus etiam magis confirmabitur veritas. Argumenta Calvini & Magdeburgensium sumuntur ex indictionibus primorum Conciliorum, quæ ab Imperatoribus, non à Pontificibus indicta fuerunt. De Nicæno I. ait Ruffinus lib. I. hist. cap. I. *Tum Constantinus, apud urbem Nicænam Episcopale Concilium convocavit. Et post alia: Ac primum de Nicæno I. legimus in sexta Synodo actione XVIII. Constantinum & Silvestrum magnam Synodum apud Nicæam congregasse. Damasus quoque in Pontificali scribit, cum Silvestri consensu habitum esse in Nicæa Concilium, & Ruffinus lib. IO. hist. cap. I. dicit Constantinum ex sententia Sacerdotum Concilium indixisse. Ex quibus non solum habemus quod volumus, sed etiam obiter colligimus falsum esse, quod ait Pighius lib. VI. cap. I. de Ecclesiastica Hierarchia, Conciliorum generalium convocationem esse inventum Magni Constantini. Non enim hoc ipse per se excogitavit, sed Sacerdotum sententiam secutus est.*

I. Bellarminus in capite superiori nempe XII. questionem juris tractat, statuitque, revera esse Pontificis, non Imperatoris congregare Synodum generalem, idque demonstrari posse ex divinis literis. At gratis & sine Theologica ratione id dicit; nam supra notavimus, scripturæ locum nullum adferri posse, qui juxta unanimum consensum Patrum acceptus, prout exigit Tridentinæ fidei professio, demonstret quod Bellarminus demonstrandum suscepit.

II. Ut primum veræ Theologiæ principium, Scripturæ sacræ auctoritas Bellarmino non suppetit, quo probet lemma illud, quod sibi sumpsit, sic & alterum ejusdem veræ Theologiæ principium, Catholicæ Ecclesiæ traditio non eidem suppetit, ut per illud conficiat, quod per alterum conficere non potuit. Nam ex traditione quæ ad Nicænum Concilium pertineat, Concilium hoc Silvestri auctoritate convocatum esse minimè confirmat. Sed quidquid id est, humanis & philosophicis rationibus subicit, quæ nihil profunt aut parum, ubi desunt veræ Theologiæ principia

Rrr

duo,



duo, Scripturæ sacræ auctoritas & Catholicæ Ecclesiæ traditio.

III. Bellarminus cum Calvino, qui Ecclesiasticæ historiæ rudis erat & ignarus, disputat, & in rebus seu veris seu falsis ad hominem disputatis præsidium omne constituit: Sed asserenda semper est suis momentis veritas, quæ hominum mendacio nusquam indiguit. Calvinus vel alterius sectarii cujusvis error veritatem ex se non gignit. In hac materia errare ille potuit, ut & Bellarminus qui contra ipsum congressus est. Sed vix erratur ab eo qui quod asserendum est, ex Scriptura vel traditione asserit. Neque enim Calvinum errare sufficit, sed præterea requiritur, ut Catholici quidam non errent, cum utrinque errari potest. Huc ni fallor Augustinus spectat, dum in libri XII. Confessionum capite XXV. scribit: *O vita pauperum Deus meus in cuius sinu non est contradictio. Plurimi mihi mitigationes in cor, ut patienter tales feram, qui non mihi hoc dicunt, quia divini sunt, & in corde famuli tui viderunt, quod dicunt, sed quia superbi sunt. Nec noverunt Moysis sententiam sed amant suam, non quia vera est, sed quia sua est, alioquin & aliam veram pariter amarent. Sicut & ego amo, quod dicunt quando verum dicunt, non quia ipsorum est, sed quia verum est: Si autem ideo amant illud, quia verum est, jam & ipsorum est & meum est, quoniam in commune omnium est veritatis amatorum.*

IV. Bellarminus in capite XIII. dicit, *Supereff argumenta solvere, ex quibus etiam magis confirmabitur veritas.* Hoc perinde dicit quasi in superiori capite probasset Nicænum Concilium à Romano Pontifice congregatum fuisse, atque istud confirmatione tantum egere, quæ ex contrariorum argumentorum solutione peteretur. At in superiori capite ne verbo tenus attingit Nicænum Concilium, adeo non probat, illud à Silvestro Papa coactum esse.

V. Bellarminus dicit: *Argumenta Calvini & Magdeburgensium sumuntur ex indictionibus primorum generalium Conciliorum, quæ ab Imperatoribus non à Pontificibus indicta fuere.* Si Calvini & Magdeburgensium argumenta verè sumuntur, audienda sunt, non quia à Calvino & Magdeburgensibus sumuntur, sed quia ab iis verè sumuntur. Siquidem omnium est veritas. Exinde Stephanus Papa primus in sua ad Africanos Epistola dixit: *Siquis ergo à quacunque hæresi venerit ad nos, nihil innovetur, nisi quod (forlan in id) traditum est, ut manus illi imponatur in poenitentiam, cum ipsi hæretici propriè alterutrum ad se venientes non baptizent, sed communicent tantum.* Hic transcribendum esset quidquid Augustinus in variis operibus de recipiendo hæreticorum baptismo contra Donatistas disserit. Bellarminus Augustinum sequitur, & collatum ab hæreticis baptismum acriter defendit. Sed Bellarmino tamen & illius affectis religio videtur esse quicquam quod Calvinus & Magdeburgenses probent, non improbare.

VI. Bellarminus dicit in persona Calvini & Magdeburgensium: *De Nicæno I. ait Rufinus lib. 1. hist. cap. 1. Tum Constantinus apud urbem Nicænam Episcopale Concilium convocavit.* Si Calvinus & Magdeburgenses id tantum ex Rufino retulerunt, quod Bellarminus, Rufini verbis vim intulerunt. Quare Bellarminus eos merito redarguit, quod Rufinus non ita scripserit. Nam scribit: *Constantinus ex Sacerdotum sententia Episcopale Concilium convocavit.* Calvinus & Magdeburgensibus flagitium fuit, verba hæc: *Ex Sacerdotum sententia reticere, si reticuerint.* Sed Bellarminus fallitur & contra se disputat, cum ait, *ex quibus habemus, quod volumus, si Rufini stetur testimonio.* Et primum quidem Rufinus non exprimit, quinam fuerint Sacerdotes illi, ex quorum sententia Imperator Episcopale Concilium indixerit. Epiphanius Rufino antiquior nominat, & dicit inter alios fuisse Alexandrum Alexandria Episcopum. Deinde quo in sensu capien-

dum sit illud Rufini, *ex Sacerdotum sententia*, Epiphanius non obscurè significat, cum ait, Constantinum Alexandri Alexandria Episcopi, studio & hortatu Nicænam Synodum congregasse. Præterea locutio hæc *ex sententia* Latinis auctoribus, qualis fuit Rufinus, non est ex decreto vel lege, quam quis tulerit. Eapropter Nicæna Synodus, quæ sola rem decideret, se Constantini Imperatoris mandato coactam esse simpliciter proficitur. Hinc insuper efficitur, Bellarminum non habere quod vult, nisi velit Nicænam Synodum ex Alexandri Alexandria Episcopi, non Silvestri sententia coactam esse.

VII. Bellarminus dicit: *Ac primum de Nicæno I. legimus in sexta Synodo actione XVIIII. Constantinum & Silvestrum magnam Synodum apud Nicæam congregasse.* Et sanè missis, quæ supra de hoc testimonio jam dicta sunt & abunde sufficiunt, testimonium hoc Bellarminus contra se producit. Nam in superiori capite non dicit, *Esse Pontificis & Imperatoris congregare generalem Synodum*: Sed dicit, *esse revera Pontificis tantum, non Imperatoris congregare generalem Synodum.* At juxta testimonium hoc dicendum est, esse revera Imperatoris & Pontificis congregare generalem Synodum, quod Bellarminus cum minime dicat, testimonium hoc contra se producit. Deinde in eo testimonio Imperator Pontifici anteponitur: *Legimus, inquit, in sexta Synodo actione XVIII. Constantinum & Silvestrum magnam Synodum apud Nicæam congregasse*: Ubi congregandæ Synodi partes primæ Constantino, non Silvestro adscribuntur. Non Constantinus ad Silvestrum, sed Silvester ad Constantinum accedit. Quomodo Bellarminus ad Synoridem hanc aptabit Scripturas sacras, quibus Pontificis, non Imperatoris esse congregare generalem Synodum pugnat? Quomodo aptabit secundam rationem hanc: *Concilium generale ab eo indici debet ex auctoritate, qui potest omnes cogere, at nullus unquam Imperatorum totam Ecclesiam subiectam habuit.* Cur ergo laudat Synodi VI. actionem XVIII. ut ex ea probet Constantinum & Silvestrum Nicænam congregasse Synodum? Quomodo aptabit tertiam rationem hanc: *Concilia provincialia indicuntur à Metropolitano, & Nationalia à Primat vel Patriarcha, ut supra ostendimus, etiam testimonio adversariorum: Igitur Concilia generalia non ab Imperatore, sed à Summo Pontifice indicenda sunt.* Complexio hæc: *Igitur Concilia generalia non ab Imperatore, sed à Summo Pontifice indicenda sunt*, quo argumenti genere quadrabit testimonio, quod Bellarminus ex Synodi VI. actione XVIII. tam diligenter assumit? Ut qui vivit in diem; quid sit futurum cras, non cogitat, sic Bellarminus priore pagina scribens quid posteriore scripturus sit, non prospicit. Exinde contigit, ut prior & posterior, recta & versa pagina mutuis attritis vulneribus concidant, & in eandem ruinam miserè trahantur. Neque verò mirum videri debet, complexionem vitiosè inferri cum inferatur ex antecedente quod veteri disciplina non satis firmatur. At Bellarmino satis est, si Calvinus antecedens ex ignorantia concedat, tunc consequens huic ignorantie vitio superstruere non veretur: Quod sua quidem opinione nemo audebit vocare in dubium, ne Calvinus partes fovere dicatur. His artibus non eget Ecclesia, nec veritas, quæ convenienter rebus gestis, habito nullo ad personas respectu semper asserenda est.

VIII. Bellarminus dicit, *Damasus in Pontificali scribit, cum Silvestri consensu habitum esse in Nicæa Concilium*: Quid inde? Fortassis à vero abhorreere quod generales Synodi duæ Nicæna & Ephesina confirmant, Imperatoris mandato Nicænos Patres congregatos fuisse. Siquis diceret cum consensu Alexandri Alexandria Episcopi habitum esse in Nicæa Concilium, omnino verum diceret, & tamen non sequeretur Alexandrum Alexandria Episcopum Nicænam Synodum convocasse. Dico amplius, cum consensu reliquorum antistitum,

tistitum, qui Concilio interfuerunt, habitum est apud Nicæam Concilium (quis dubitat?) Et tamen nullus illorum indixit Concilium.

IX. Bellarminus igitur assertam per testes omni exceptione majores traditionem, qua Nicænam Synodum à Constantino indictam esse liquet, deferit ut Damasum, Rufinum, & Panegyrici Constantino IV. dicti auctorem sequatur: Damasum quidem, qui Synodum à Silvestro convocatum esse non testatur, qui quod de Silvestri consensu scribit, in Alexandri Alexandriae Episcopi & cæterorum qui adfuerunt, præsulum consensum transferri potest: Rufinum verò, qui de Silvestro ne verbum quidem ullum habet; Panegyrici demum auctorem, qui Bellarmini lemma subruit, qui & aliunde testis non est idoneus, ut suo loco docuimus, & ni fallor demonstravimus. Et hoc ipsum confirmatur exemplo, quod appositum iudicabitur. Tarasius Constantinopolitanus Episcopus in actione 1. Synodi VII. sic interloquitur: *Tarasius sanctissimus dixit: Quid dicitis de Anatolio? Nonne primus & sancta Synodi (Calchedonenfis) fuit?* Ut Bellarminus ex verbis illius, qui Constantino IV. Imperatori acclamando dixit, Constantinum I. & Silvestrum Nicænam congregasse Synodum, Romani Pontificis, non Imperatoris esse generales Synodos congregare colligit. Sic & ille pariter ex Tarasii verbis colligeret, non Romani esse, sed Constantinopolitani præsulis generalibus Synodis præsidere, aut certe Anatolium Calchedonenfi Synodo præfuisse. Quis verò Bellarminum ita philosophantem patienter audiret? Non audirem ego, & neutrum colligerem: Quia & acclamationis opifex contra relatas Nicæne & Ephesine Synodi auctoritates, & Tarasius contra Calchedonenfis Concilii acta, in quibus Leo per Legatos suos Synodo huic præfuit, à ferendo de rebus illis testimonio per ætatem prohibentur. Scilicet si Nicæne vel Calchedonenfis Synodi fuissent æquales vel tempore proximi, quæ acclamationis opifex de Silvestro, & quæ Tarasius de Anatolio dixerunt, minime dixissent.

Bellarminus hoc in loco citat Damasum Pontificalem, quod in libro de Scriptoribus Ecclesiasticis Damaso non tribuit, & certe tribuendum non est. Nam si librum scripsisset huiusmodi, non prætermisisset Hieronymus de Damaso scribens in libro de viris illustribus: *Damasus, inquit, Romanae urbis Episcopus elegans in versibus componendis ingenium habuit, multaque & brevia metro edidit & prope octogenarius sub Theodosio principe mortuus est.* Hieronymus Pontificalis rationem nullam injicit, injecturus sine dubio aliquam, si Damasus librum talem edidisset: Nec id ignorasset Damasi hospes & contubernalis, qui ad Gerontiam seu Agurichiam ita scribit: *Ante annos plurimos cum in chartis Ecclesiasticis juvarem Damasum Romanae urbis Episcopum, & Orientis & Occidentis Synodicis consultationibus responderem, vidi, &c.*

Bellarminus igitur peccat dupliciter, & primò quidem contra propriam conscientiam, cum Damaso tribuit librum, quem Damasi non esse noverat. Deinde cum liber ille causam non adjuvat, ut mox vidimus.

Hæc autem omnia oculatiores viri duo ejusdem cum Bellarmino societatis Joannes Mariana & Dionysius Petavius, cum perspicerent, rejecta Bellarmini opinione nova antiquam traditionem retinuerunt. Ille in libri IV. de rebus Hispaniæ capite XVI. Hunc (Arium) Imperator & Sectatores Nicæam Bithyniæ advocavit, quò salutis anno CCCXXVI. ex toto orbe Episcopos CCCXVIII. (in numero Patrum discrepant alii) convocandos curarat.

Hic in lib. V. primæ partis Ration. temp. cap. II. Quod incendium (ab Arrio excitatum) frustra per litteras, perque Legatum Hosium conatus restringere Constantinus, Nicænam Synodum haberi jussit anno CCCXXV. Sic Gallus & Hispanus, Italo intrepidè adversantur.

Cæterum quidquid de Imperatoria Romanæ, Arelatensis & Nicæne Synodi convocatione jam differui, oppidò confirmatur ex disciplina, quæ inter primam & secundam Synodum œcumenicam, in convocandis quibusdam aliis Conciliis observata reperitur.

I. Constantinus Tyriam Synodum convocavit anno CCCXXV. ut Eusebius testatur in lib. IV. de vita Constantini capite XII. Sed virtutis hostis invidia ceteram hac in re quasi tenebrosam nebulam clarissimi solis luminibus offundens, per controversias quasdam turbatis denno Egyptiis Ecclesiis instituta hujus celebritatis splendorem obscurare conata est: Sed Imperator omni cogitatione & cura in Deum delixa collegit ex omni Egypto, Africa, Asia, Europa frequentem Episcoporum cœtum, eumque tanquam Dei exercitum armis contentum objecit huic invidio diabolo, mandavitque primum, ut quàm celeriter renovata contentionis finem facerent.

Deinde in capite XII. in Epistola ad Synodum Tyri congregatam: Sed quoniam nonnulli scelerate ejusdem contentionis furore incitati, ac nequid gravius dicam vitam sua professione indignam agentes omnia turbare ac miscere conati sunt. (Quod scelus supra omnem calamitatem mihi sævè positum esse videtur) propterea vos vestra, ut est in proverbio, sponte currentes horrore, ut nulla interposita mora, sed omni qua possitis, celeritate in unum locum confluentes Synodum persiciatis.

Alexandrina Synodus, quæ ab Athanasio refertur in Apologia secunda: Cum nihil, inquit, culpe in ministro nostro Athanasio reperirent, Comesque summa vi imminens plura contra Athanasium moliretur, Episcopus Comitibus violentiam fugiens, ad religiosissimum Imperatorem ascendit, deprecans, & iniquitatem hominis, & adversariorum calumnias, postulansque ut legitima Episcoporum Synodus indiceretur, aut ipse audiret suam defensionem. Imperator rei indignitate motus, scriptis suis accusatores citat, suamque ipsius audientiam promittens, simulque Synodum indici jubet. Deinde post alia: Nos adito Principe, qui Synodum indixerat, in qua ipsius Comes præfederat, Eusebianorum scelera patefecimus.

Et quamvis Athanasius Tyriam Synodum veri nominis Synodum esse neget, ex eo tamen veri nominis Synodum esse non negat, quòd eam Constantinus indixerit. Non mihi, sed Athanasio credas, cum ille Synodum Tyriam impugnatur, in Apologia secunda: Ministri autem & Clerici ita eum imitabantur, ut & animis gaudium conciperent, & illum diem omnium faustissimum arbitrarentur: Nostram autem, qui Episcopi sumus, inenarrabilem letitiam, quid opus est scribere, cum jam antea testati sumus, quidquid ei acciderit, nobis videri accidere. Jam cum ipsi in re confessi certaque, contraria dicant, quam fidem merebitur illorum sive Concilium, sive Synodus, quam pro se tantopere jactitant? Qui invadunt, insultantque actis, quæ nec viderunt, nec judicarunt, nec interfuerunt, tanquam maxime earum rerum consciis, idque scripto protestantur, quomodo ipsi in suis actis, ob quæ se conventus habuisse dicunt, graves verique haberi poterint, ut non credas etiam ista ab illis itidem, ut illa per odium simultatemque instituta fuisse? Quis enim ibi conventus Episcoporum, aut confessus veri studiosus? Quis non ex plerisque noster inimicus? Nonne Eusebius, Eusebianique studio Arianiismi ad id Concilium perrexerunt, reliquis ejusdem secum sententia adductis? Nonne & nos contra eosdem homines eo nomine, quòd Arianicæ opinionis essent, scripta evulgavimus? Nonne Eusebius Casariensis de immolatione idolorum à nostris confessoribus accusatus fuit? Nunquid non de Georgio probatum fuit eum ab ordine sui sacerdotii à beato Alexandro rejectum fuisse? Nonne ceteri de aliis atque aliis criminibus notam censuramque passi sunt? Quo jure igitur isti contra nos Synodum nullam constituere potuerunt? Aut qua fronte talem con-



venum Synodum appellare audent, cui Comes praesedit? Et ubi spiculator apparebat? Et Commentariensis sive Carcerarius pro Diaconis Ecclesia adventantes introducebat? Ubi Comes verba faciebat, ceteri praesentes in silentio erant, vel potius Comiti obsequium suum accommodabant: Ubi quod communiter Episcopis placuit, ab illo impediatur? Ille imperio utebatur, nos à militibus ducebatur, vel potius iussis Eusebianorum sententiisque ipse Comes inserviebat. In summa, dilectissimi, quae species ibi Synodi, ubi vel cades, vel exilium, si Casari placuisset, constiterat? In his autem omnibus nulla est de Imperatoria Synodi convocatione vel indictione querimonia. Athanasius nusquam dicit, Imperatorem congregasse Concilium, quod jure congregare non potuerat. Dicendi tamen occasionem fuisse quis attentus & prudens iret inficias? Extra Synodum bene vel male gestam ponebat Synodi convocationem ut postea Gelasius posuit, Athanasium secutus, ut jam antè notavimus.

Epiphanius in libri II. contra haereseos cap. LXVI. de Constantino sic loquitur: Tyri in Phœnice convocari Synodum jubet, eique judicio praesse cum nonnullis aliis Casariensem Eusebium, qui omnes in Arianorum dogma propensiores erant.

Idem scribit Socrates in libri I. hist. capite xx. Interea loci Imperator judicium, quod de Athanasio coram censore fieret, tali de causa sustulit. Concilium Episcoporum ad templum, quod Hierosolymis adificaverat, consecrandum convocat. Episcopis autem, qui erant Tyri coacti, mandatum dedit Imperator, ut judicium de Athanasio obiter exercerent. Et quibuldam interpositis: Tyrum Episcopi numero LX. Dionysii viri Consularis accersitu adventaverant.

Idem quoque Theodoretus memoriae prodidit in libri I. hist. cap. xxviii. Imperator aliqui mansuetissimorum (Athanasii adversariorum) verbis ad iracundiam provocatus scripsit ad Athanasium Epistolam, qua & bilem suam aperuit, & ei ut Tyrum peteret, mandavit. Etenim quoniam suspicabatur, quemadmodum ego censeo, Athanasium Casarea propter illius urbis antistitem minime velle comparere, idcirco iussit, ut Concilium Tyri cogeretur.

Ad extremum idem tradit Sozomenus in lib. II. hist. capite xxiv. Athanasio autem adversarii per insidias de integro facessere molestiam, odium apud Imperatorem ei stirere, & magnum accusatorum numerum contra eum comparare ceperunt. Quorum importuno rogatu impulsus Imperator, Concilium Casarea Palaestina cogi mandavit. Ad quod vocatus Athanasius propterea non obtemperavit, quod fraudulentum judicium tum Eusebii illius urbis Episcopi, tum alterius Eusebii Episcopi Nicomediae, tum aliorum, quos circa se habebant, veritus est. Quare licet graviter urgeretur, ut id temporis eo accederet, tamen circiter menses triginta profectionem distulit. Postea autem cum vehementius impelleretur, venit Tyrum. In qua urbe multi Episcopi Orientis in unum congregati, jubent eum criminibus objectis respondere.

Historici omnes, Eusebius, Socrates, Theodoretus, Sozomenus, Alexandrinae Synodi Patres cum Athanasio, cujus interest praeter ceteris, Tyriam Synodum à Constantino indictam & coactam affirmant, nec Imperatorem in eo jus alienum usurpasse vel leviter significant, significaturi sine dubio, si usurpatum jus ullum credidissent.

II. Constantius & Constans fratres Sardicensem Synodum indixerunt anno CCCXLVII. Id non semel testatur Athanasius. Et primo quidem in Apologia secunda: Vobis siquidem sinceris hominibus ratio mea innocentiae reddenda est: Litigiosis vero sua ipsorum argumenta opponenda sunt, in quibus summa mihi vincendi fiducia est. Nam quod ad nos attinet, judicio nullo opus est. Judicatum est enim non semel, sed saepius: Primum quidem in nostra provincia. Et paulo post: Tertio iterum in magno Sardico Concilio ad edictum religiosissimorum

Principum Constantii & Constantis, in quo judicio ita ceciderunt adversarii, ut habiti pro calumniatoribus depositionem exautorationemque ordinis sui retulerint. Sic factetur Sardicensis Concilium edicto Constantii & Constantis Imperatorum congregatum esse.

Deinde circa mediam Apologiam: Hæc cum Romæ Synodus per Julium Romanum Episcopum scripsisset, improba iterum audacia Eusebiani in Ecclesiis perturbandis insidiisque tendendis usi sunt. Quod cum rescitum esset, ab religiosissimis Imperatoribus Constantio & Constante iussi sunt Episcopi Orientis & Occidentis Sardim convenire.

Tunc non multo post Sardicensis ipsa Synodus in Epistola ad omnes Catholicæ Ecclesiæ Episcopos & comministros: Sape multumque in servos Dei recta fidei cultores audaciam suam exercuerunt Ariomani, dum spuriam doctrinam subiciunt, & toti in hoc sunt, ut orthodoxos ejiciant: Tanta autem vi jam contra fidem insurrexerunt, ut id ne pietatem quidem religiosorum Imperatorum latuerit. Quapropter cooperante Dei gratia religiosissimi Principes nos ex diversis provinciis & civitatibus in unum convocaverunt, cupientes, ut sancta Synodus in Sardorum civitatem conveniret, quo omnis controversia praeclideretur, & ejecto quidquid est pravae fidei, sola in Christum pietas retineretur. Non ignorabat, opinor, Synodus, à quo congregata esset. Quo fit, ut credendum non sit, eam ab aliis, quam ab Imperatoribus congregatam fuisse.

Praeterea in Epistola ad solitariam vitam agentes: Interim cum ista fierent, simul & de Synodo Romana Constans Imperator, & quid Alexandria, & per universum orbem contra Catholicos gereretur, rescivit. Missa sunt igitur literæ à Constante ad fratrem suum Constantium, ibique de amborum sententia placuit, ut Synodus celebraretur, & de cunctis rebus cognitio fieret, ne ulterius injuriose habiti injuriis afficerentur, vel injuriosi ulterius pergerent injuriam facere. Conveniunt igitur ab Oriente & Occidente in urbem Sardicam numero plus minus centum Episcopi.

Postremo in Epistola Hosii ad Constantium, quam idem Athanasius in eadem ad Solitarios Epistola describit: Desinas igitur istiusmodi scribere, neque sentiam cum Ario, neque audias Orientales, neque Ursacio & Valenti fidem habeas: Quæ enim illi dicunt, non ob Athanasium, sed ob suam hæresim dicunt. Mihi crede, qui tibi avus ætate esse possem: Fui ipse in Sardicensi Concilio, cum tu tuisque frater beatus Constans nos omnes eo convocabat.

Athanasius Epistolæ Hosii subijcit: Hæc Abrahamicus ille senex & verè Hosius, id est, sanctus & sensit & scripsit.

Sic Alexandrina Synodus, sic Sardicensis, sic Hosius, sic Athanasius, qui dum refert & probat, quæ Alexandrina, quæ Sardicensis Synodus & quæ Hosius dixerunt, sua referendo & probando facit. An autem dari possit testis Athanasio constantior & locupletior, me latet; constantior quidem, quia non semel duntaxat vel iterum, sed quinquies ipse rem eandem asserit, vel ab aliis assertam recipit; locupletior verò, quia testis convocatae Synodi hujus omni major est exceptione. Athanasii causa Synodus convenit, & Athanasius Synodo interfuit. Athanasio subscribunt, qui sequuntur.

Incertus auctor vitæ sancti Athanasii: Hanc confusionem etiam cum damno expertus est magnus in Christo Athanasius & S. Paulus Constantinopolis Ecclesiæ tunc temporis praefectus, qui & ipse Sede sua motus Romam profugerat, socius Athanasii tam pietatis quam periculorum factus. Itaque Constantem & Julium ibi convenientes, quacunque passi essent, & quæ contra ipsos & veritatem Eusebii affectu perpetraverunt, recensent. Quocirca etiam rex de his statim fratri scribit. Sed cum nihilo efficeretur magis, Concilium alterum universale Athanasii & Pauli affectu petunt cogi condemnationes enim suas

suas non aliter aiunt posse tolerari, quam si ipsa sana fides simul condemnaretur. Itaque ex sententia amborum regum communis simul & universalis in Sardica iterum congregatur Synodus.

Sulpitius Severus in libro 11. hist. sacræ: Itaque Imperatorem eo usque compellunt, ut Athanasius exulatum in Gallias mitteretur. Mox in Aegypto octuaginta Episcopi congregati Athanasium injuste condemnatum esse pronunciant. Res ad Constantinum refertur. Jubeat ex toto orbe apud Sardicam Episcopos congregari, atque omne iudicium, quo Athanasius damnatus fuerat, retractari. Hic in Constantino error est vel auctoris vel potius librarii, cum res non ad Constantinum, sed ad Constantium relata sit.

Socrates in libri 11. hist. cap. xvi. Cum Imperator denuo scripsisset, ut Paulo & Athanasio sua ipsorum loca & Sedes restituerentur, nihilque proficeret (intestina namque seditio multitudinem sine intermissione implacatam tenuit) Paulus & Athanasius aliud Concilium cogi postulant, ut cum de eorum rebus, tum de fide in Concilio generali cognosceretur, docerent se abdicatos fuisse, quo ipsa penitus labefactaretur fides. Edicitur ergo Concilium generale, ut omnes Sardicam conveniant (est autem civitas hæc Illyrii) Idque de sententia duorum Imperatorum, alterius per literas id flagitantis, alterius, qui in Oriente regnabat, alacri & parato animo eisdem obtemperantis.

Theodoretus in libri 11. hist. capite v. Quibus literis (Constantis) persuasus Constantius mandatum dedit, ut Episcopi tum Orientis, tum Occidentis Sardicam, quæ est in Illyria urbs gentis Dacia primaria, adventarent.

Sozomenus in libri 111. hist. capite x. Cum autem Constantius Imperator postulari a fratre beneficii loco, ut Athanasius & reliqui, qui in eadem causa erant, ad sedes proprias restituerentur, & propter Arianos, qui contra nitebantur, literis nihil profecit, & Athanasius ac Paulus ad eum accedentes peterent, ut Concilium cogeretur, propterea quod ipsis, quod vera sanæque doctrina tolleretur, parata fuissent insidia: Sententia utriusque Imperatoris decretum est, ut Episcopi partis utriusque ad statum diem Sardicam urbem Illyrii convenirent.

Simeon Metaphrastes in vita sancti Athanasii: Cognitis igitur his constans, quæ Athanasio & Paulo facta erant, scribit fratri jubens illos recipi: Et quamvis scriberet rex Constantius, ut restituerentur Paulus & Athanasius suis locis, nihil amplius effectum est. Aliam Synodum conscribunt, qui cum Athanasio & Paulo erant, ut quæ ad eos pertinebant & ad fidem, earum tandem finis esset litium, docentes suam condemnationem facere ad fidei abolitionem. Annuntiatur ergo iterum universalis Synodus Sardica ex sententia duorum regum, undecimo anno à morte Patris Augustorum.

Nicephorus in libri 19. capite xii. Ut autem ab Occidentalibus est repudiata (quæ facta fuerat expositio) Constantius Caesar unum illud à fratre sibi dari postulavit, ut Paulus & Athanasius sedes suas reciperent. At cum literis suis nihil effecisset, propterea quod adversarii contra niterentur: Et cum populus ea de causa seditionem moveret, Paulus & Athanasius rursus Constantem adire, & ut universalis Synodus cogeretur, petiere, ut de professione fidei, & de eorum causis accuratius res explorari posset. Exautorationis enim ignominiam se propter fidei sinceritatem sustinere affirmarunt: Quapropter de duorum Imperatorum istorum sententia statutum, ut utriusque Imperii Episcopi ad diem certum Sardicam, quæ Illyrica civitas est, convenirent.

Joannes Grodecus Glogoviensis Decanus in vita Sancti Cyrilli Hierosolymitani apud Surium: A quibus etiam Nicephorus id accipiens & catalogum Patrum, qui circiter tempore Sardicensis Concilii floruerunt, quod de Constantii & Constantis voluntate institutum erat, longa serie recensens.

Carolus Sigonius in libro x. de Occidentali Imperio: Ita assentiente Constantio paullo post utriusque Imperatoris jussu Concilium Sardicam indicitur, atque eo ex Oriente & Occidente Episcopi convenire jubentur. Hoc non displicuit Inquisitoribus, qui Sigonii Commentarios probantur.

Pudet me nunc recentiorum quorundam scriptorum, qui ausi sunt literis prodere, Sardicensi Synodum à Julio Pontifice indictam & convocatam esse. In cæteris fidem sibi detrahunt, cum id quod tam aperte falsum est, ut verum persuadere vel certe tradere nituntur. Scripsisset igitur falsum Sardicensis Synodus, cum ait se Imperatorum auctoritate convocatam esse: Historiæ leges neglexissent Alexandria Synodus & Athanasius, cum in Sardicensi Synodi convocatione Julio nihil, sed quidquid id est, Imperatoribus tribuant. Si Julius Sardicensi Synodum indixisse censendus est, quia fortè ut indicetur à Constante & Constantio petiit, Paulus Constantinopolitanus & Athanasius Alexandrinus Sardicensi Synodum indixisse censendi sunt, quia ut indiceretur, ab illis Imperatoribus poposcerunt. Paulus & Athanasium rogasse Imperatores ut universale indiceretur Concilium, incertus auctor vitæ Athanasii, Socrates, Sozomenus, Nicephorus aperte testantur: Julium id quoque fecisse non tam aperte testantur: Et quamvis eos tam aperte testari ponemus, eadem tamen esset Julii, Pauli & Athanasii quoad Synodi convocationem ratio, par conditio. Quis autem reciperet Pauli & Athanasii mandato & auctoritate indictam esse Sardicensi Synodum, quia ab Imperatoribus Constante & Constantio ut indiceretur, expostularunt. Inde factum est, ut Dionysius Petavius lib. vi. parte 1. Rationarii temporum capite iv. cum Binii & aliorum recentiorum, quorum nomini parcimus, rationes pro Synodo à Julio indicta fuitiles & vanas esse perspiceret, sine hæsitatione ulla scripserit; antiquorum traditionem secutus: Gregorius Cappadox ingenti patrata cade sedem illam (Alexandriæ) occupavit, clam dilapso Athanasio, ac Romam profecto. Quo & Paulus Constantinopolitanus & alii Catholici Episcopi ab Arrianis expulsi tanquam ad asylum sese receperunt. Horum in causa Constantis & Constantii jussu Sardica generalis habita est Synodus anno cccxlvii. à qua Arrianus se subducens restitutus est Athanasius, ac ceteri Episcopi, & damnatis hæreticis Nicæna fides iterum approbata. Hic de Julio Sardicensi Synodum indicente ne gry quidem, tantum abest, ut illi Petavius Sardicensi Synodi convocationem adscribat. Profecto minime negandum est nisi temerè, quin Petavius Binio & recentioribus aliis doctrina, eruditione & antiquitatis Ecclesiasticæ cognitione & candore antecelluerit.

III. Nunc venio ad Liberium Romanum Pontificem, qui non convocavit Synodum, sed Constantium rogavit, ut Synodum convocare vellet. Hoc autem tam certum est, quam certum id contineri in Epistola, quam Liberius ad Imperatorem illum multis de rebus Ecclesiasticis scripsit: Sic igitur loquitur: Ego, religiosissime Imperator, tecum veram pacem requiro, quæ non sit verbis composita interna dispositione fallacia, sed præceptis Evangeliorum rationabiliter confirmata: Non Athanasii tantum negotium, sed multa alia in medium venerant, propter quæ Concilium fieri mansuetudinem tuam fueram deprecatus. Ut ante omnia, quod specialiter optat mentis tuæ erga Deum sincera devotio, cum fidei causa, in qua prima nobis spes est ad Deum, diligenter fuisset tractata.

Deinde in Dialogo, quem cum Imperatore Constantio habuisse Liberium Theodoretus narrat in libri 11. hist. capite xiii. Eusebius Enuchus dixit: Imperatorem nostrum Nrbuchodonosorem facis. Liberius. Haudquaquam, sed tu non minus temerè hominem condemnas. De quo nullum factum est iudicium. At ego primum generalem



generalem fieri posco subscriptionem, qua fides apud Nicæam exposita confirmetur: Deinde ut revocatis ab exilio, atque in sedes suas restituis fratibus nostris, si hi qui nunc turbati sunt in Ecclesiis, visi fuerint Apostolica fidei consentire: Tum Alexandriam convenientes omnes, ubi & accusatus & accusatores sunt & defensor eorum, examinata causa sententiam proferamus. Epictetus Episcopus dixit. At cursus publicus non sufficit ad Episcopos subvehendos. Liberius. Ecclesiastica causa cursu publico non egent, satis habent facultatum Ecclesia, ut Episcopos ad mare usque deducant.

6 Pontifex in loco priori adeo non indicit Synodum, ut magnas adhibeat preces, quibus Imperator ad indicendam Synodum fleatur. Si Liberii decessores, Silvester Nicænam, Julius Sardicensis Synodum indixissent, cur ipse Liberius non indixisset Synodum, quam à Constantio indici obsecratione tam humili tamque supplici rogabat? Indixisset utique, si quod indicendi habuisset exemplum: Id in Epistola mox laudata significat, cum de Pontificali creatione sua loquitur: Ad istud officium, testis est mihi Deus, invitatus accessi, in quo cupio quidem sine offensa Dei, quamdiu in seculo fuero, permanere, & nunquam mea statua, sed Apostolica, ut essent semper firmata, & custodita perfecti: Secutus morem ordinemque majorum nihil addi Episcopatu urbis Romæ, nihil minui passus sum. At minui passus esset aliquid, nisi morem ordinemque majorum secutus indixisset Synodum, quam usque adeo necessariam esse credebatur. Et cujus gratia Epistolam ita concludit: Ad exorandam igitur mansuetudinem tuam, ut benevolenti animo allegationes nostras audire digneris, fratrem & coepiscopum meum sanctum virum Luciferum cum Pancratio comprehytero meo, & Hilario Diacono placuit proficisci, quos credimus de clementia tua ad pacem omnium Ecclesiarum Catholicarum non difficulter posse Concilium impetrare.

In posteriore loco Liberius tam generosum ac fortem se præbuit, ut quod cupiebat indici Concilium indixisset, si penes se indicendi potestatem esse credidisset. Nec vis, nec violentia, nec minæ Imperatoris ab indicenda Synodo retardassent Pontificem, qui sub finem Dialogi sic interloquitur: Imperator. Unum est quod queritur. Volo enim te, ubi Ecclesiarum communionem fueris amplexus, mittere iterum Romam. Proinde consule paci, & subscribens Romam redi. Liberius. Romæ jam fratribus vale dixi. Potiores enim sunt Ecclesiæ leges, quam Romana habitatio. Imperator. Ergo trium dierum spatium habes ad deliberandum, ut aut subscribendo Romam redeas, aut statuas quem in locum deportari velis. Liberius. Ergo trium dierum spatium mutare mentem non potest. Quare mitte me quod voles. Biduo posthac Imperator examinato Liberio consiliumque non mutante jussit eum in Beroëam Thraciæ relegari. Digresso Liberio Imperator quingentos aureos ei misit ad expensas. Liberius autem illi, qui attulerat, respondit: Abi & da Imperatori. His enim opus habet ad stipendia militum. Similiter Imperatrix alios pari numero misit. Et Liberius, Redde, inquit, Imperatori. Nam his etiam ad militarem expeditionem opus habet. Quod si his non eget Imperator, det Auxentio & Epicteto: His enim opus habent. Ut verò ab his non accepit, Eusebius Eunuchus alios ei adfert. Cui Liberius, Tu orbis terra, ait, Ecclesias expilasti, & mihi ut damnato elemosynam adfers? Vade prius esto Christianus. Quis modò attentis Liberii interlocutionibus reciperet, persuasum fuisse Liberium posse se Concilium, quod ad faciendam Ecclesiæ pacem judicabat necessarium, indicare, sed Imperatoris metu non indixisse? Quis etiam reciperet, Liberium executum non esse tunc majorum factum, si quod exequi potuisset, vel exequendum novisset?

IV. Constantius Mediolanensem Synodum convocavit anno ccciv. Id testantur Ecclesiasticæ historiæ scriptores.

Socrates in libri ii. capite xxix. Per id tempus in Italia non multi ex Episcopis Orientis convenerunt, quandoquidem plerisque illorum ingravescentis ætas, & itineris longitudo impedimento fuit, quo minus illi adventarent: Episcopi verò Occidentis accessere, amplius trecenti: Exhibat edictum Imperatoris, ut Concilium Mediolani cogeretur. Quò cum Episcopi Orientis venissent, primum omnium postulabant, uti contra Athanasium communis pronunciaretur sententia. Quo quidem confecto putabatur fore, ut reditus Alexandriam illi penitus praecluderetur. Postquam intellexere Paulinus Treveris, quæ est in Gallia, Episcopus, Dionysius & Eusebius (quorum ille Alba primaria urbis Italia Episcopus fuit, hic Vercellarum civitatis Liguria) Episcopos Orientis omnes nervos contendere ad decretum contra Athanasium faciendum, non alia de causa, quam ut fides labefactaretur, consurgentes graviter vociferabantur, religionem Christianam per dolosos & fraudulentos illorum conatus expugnatum iri, dicebantque criminationem Athanasio obiectam perspicue falsam esse, illisque casus res excogitasse, uti fidem prorsus everterent. Dum hac isti vociferabantur, Episcoporum Concilium dimissum est.

Theodoretus in libri ii. hist. capite xv. Quamquam autem ipse Constantius, cum Magnentius post Constantii mortem Imperio versus Occidentem potius esset, ad istius tyrannidem expugnandum in Europam cum exercitu profectus esset, tamen ne istud quidem grave bellum, quod contra Ecclesias susceptum erat, sedavit. Nam Arriani Constantio, cujus animus tam facile ad omnia impelli poterat, tum erroris Arriani contagione infectus erat, persuadent, ut Mediolani, quod est oppidum Italia, Concilium convocaret: Ac primum omnes, qui eo convenirent, abdicationi, quæ Tyri ab iniquis illis iudiciis sigillatim adversus quosdam Episcopos facta est, assentiri cogeret. Deinde ut Athanasio Ecclesiis ejecto, aliam fidei doctrinam compoherent. Itaque Episcopi literis Imperatoris acceptis convenerant quidem, sed tamen neutram earum rerum fieri permiserunt: Immo verò coram ipsum aperte coarguerunt Imperatorem, utpote, iniqua & planè impia jubentem: Et propterea fuerunt tum Ecclesiis expulsi, tum ad ultimas orbis terre oras incolendas condemnati.

Sozomenus in libri iv. capite viii. Concilio igitur impulsu Imperatoris Constantii Mediolani convocato, ex Oriente pauci Episcopi illò adventarunt: Propterea quòd alii morbo, ut est verisimile, præditi, alii itineris longitudine deterriti, eo accedere recusabant. At Episcoporum Occidentis ibi congregati sunt trecenti & amplius. Cum autem Episcopi Orientis postularent, ut Athanasius condemnaretur, atque adeo omnino pelleretur Alexandria: Alii quidem vel metu, vel fraude vel ignorance rerum gestarum induciti assenserunt. Soli autem Dionysius Episcopus Alba, quæ est urbs primaria Italia, & Eusebius Vercellarum, quod est oppidum Liguria, Episcopus, & Paulinus Episcopus Treveris, & Rhodanus & Lucifer, contra vociferati sunt, testatique non oportere, Athanasium tam temerè condemnare. Nam si illud fieret, malum non in eo loco acquieturum, sed ad insidias, decretis rectè verèque de Deo sanctis struendas, & ad fidem Nicæni Concilii evertendam progressurum, atque ad has res perficiendas, tum Imperatorem, tum Arianos, omni cura & cogitatione incumbere. Atque isti, quia tum liberè in Concilio locuti essent, addicebantur exilio, & Hilarius unà. Causam autem Concilii Mediolani cogendi, quam ipsi memorarant, veram fuisse eventus rerum comprobavit. Hic ad illustrationem rei primò diligenter observandum est, non reprehendi Constantium, quòd Mediolanensem Synodum convocaverit.

Deinde quòd magni nominis antistites Synodo huic intersint: Non interessent autem, si Constantius convocandæ Synodi jus nullum haberet. Neque enim Synodali convocationi minus, quam rebus à Synodo definitis vel definiendis obstitissent, ut eos obistere videmus.

videmus. Tum Romanæ Ecclesiæ Presbyteri non interfuerunt Mediolanensi Concilio, si ejusdem Ecclesiæ postulasset traditio, ut Concilium à Romano Pontifice non ab Imperatore convocaretur. At Romanæ Ecclesiæ Presbyteros Mediolanensi interfuisse Concilio testatur Ariminense Concilium in epistola, quam ad Constantium dedit: *Hæc autem per id temporis facta sunt, cum Mediolani Synodus in confessum ibat, presentibus ibidem Romana Ecclesiæ Presbyteris.* Epistola hæc refertur ab Athanasio in libro de Synodis Arimini & Seleuciæ, à Socrate in libri 11. hist. capite xxix. & aliis.

Denique Patres ubi ubi sint in Synodi convocationem consentiunt, rati Imperatoriam convocationem divinis aut Ecclesiasticis legibus non adversari, sed in Synodi decreta non consentiunt, quippe quæ legibus iisdem vehementissimè repugnent. Id Hosius Cordubensis Episcopus confirmat in epistola, quam ad Constantium scripsit. Id Lucifer Caralitanus Episcopus in libris, quos vel pro Athanasio ad Constantium, vel de regibus apostaticis, vel de non conveniendo cum hæreticis, vel de non parcendo in Deum delinquentibus, vel de eo quòd moriendum sit pro filio Dei, composuit. Id Hilarius Pictaviensis Episcopus confirmat in libris, quos vel ad Constantium vel adversus Constantium & de Synodis adversus Arianos edidit. Id Athanasius Alexandrinus Episcopus confirmat pluribus in operibus, & in eo maximè, quod de Synodis Arimini & Seleuciæ exaravit. Nam illi antistites quatuor Imperatori convocandarum Synodorum jus nusquam abjudicant, tametsi nonnunquam accusent, quæ in convocationis ab Imperatore Synodis decernuntur. Quæ duo si distinguantur, Ecclesiasticæ historiæ non parum lucis important: Si verò confundantur non parum tenebrarum adferunt, & magnam contentionis materiam iis suppeditant, qui moras necere & tergiversari volunt.

V. Constantius Sirmiensem Synodum convocari iussit. Socrates in libri 11. hist. capite xxiv. Imperator (Constantius) Concilium Episcoporum Sirmii convocari jubet. Et paulò post: Illi (tam Orientis quam Occidentis Episcopi) post Consulatum Sergii & Nigriani, quo anno propter belli tumultus & seditiones nullus consul consuetæ consularis munera obire poterat, Sirmii congregantur.

Sozomenus in libri 1v. hist. capite v. Etenim à sententia tum eorum, qui fidem in Nicæno Concilio traditam cum admiratione amplexabantur, tum eorum, qui approbant Arrii doctrinam omnino discrepare comperiebatur: Imperatori præterea bilem movit, qui eodem tempore Sirmii vitam agens Concilium ideo convocavit.

Nicephorus in libri ix. capite xxxv. Ne ipse quidem Imperator mediocriter dissidio est commotus. Quapropter etiam Concilium ibi coëgit. Inter antiquos auctores de Sirmienfi Synodo multi multa dixerunt, sed factam ab Imperatore convocationem nullus redarguit.

VI. Constantius Ariminense & Seleuciense Concilium convocavit anno ccclviii. Qua de re nullum est apud auctores æquales, vel tempore proximos dubium. Athanasius in epistola de Synodis Arimini & Seleuciæ: *Nicæa igitur, quemadmodum statutum erat, nullum Concilium coactum fuit, sed secundum edictum promulgatum est, ut Episcopi Occidentales Arimini, quod est urbs Italia, convenirent. Orientales vero Seleuciæ Isauria, quæ Aspera cognomine appellatur.* Et post alia: *Omnibus igitur expectantibus, ut in unum convenirent, quos Imperatoris diplomata evocabant, & unum Concilium haberetur postquam divisio facta esset, alique Seleuciæ cognomento Tracheiam abissent, alii Ariminum se contulissent.* Et paulo post in exemplari Synodalis epistolæ ad Constantium: *Dei jussu tuoque pio edicto olim dogmatibus ita tradita esse, ut tradita*

*sunt, credimus.* Nam Ariminum ex omnibus ad Occidentem civitatibus in unum convenimus, ut fides Catholica Ecclesiæ cognosceretur, & qui alterius opinionis essent, manifesti fierent, ibique post longam deliberationem optima visa est ea fides quæ hactenus usque à priscis temporibus perduravit, quam & Propheta & Evangelia & Apostoli, per Dominum nostrum Jesum Christum prædicarunt. Et quibusdam interpositis: *Eo enim tempore, quo pro tuo edicto Synodus cogeatur, ipsos fraudis sua Concilia denudarunt.* Notandum est illud quod ait Ariminense Concilium, *Dei jussu, tuoque pio edicto, ut nō omēs doctrinās accepiss[et].* *Quædā religio[n]em & pietatem in Deum significat.* Quamobrem Ecclesiæ Doctor factam ab Imperatore Synodi convocationem non potest non appobare, non approbaret autem ita, cum illam minimè reprehendit: Sed reprehenderet, siquid in ea convocatione adversus legem Christi & Ecclesiasticam traditionem attentaretur.

Sulpitius Severus in lib. 11. hist. sacræ de Constantio: *Igitur apud Ariminum urbem Italia Synodum congregari jubet, idque Tauro præfecto imperat ut collectos in unum non ante dimittat, quam in unam fidem consentirent, promisso eidem consulatu, si rem effectui tradidisset.* Ita missis per Illyricum, Italiam, Africam, Hispanias, Galliasque magistris Officialibus acciti, numeratim quadringenti & aliquantò amplius Occidentales Episcopi Arimini convenere, quibus omnibus annonas & cellaria dare Imperator præceperat. Et quibusdam interpositis: *Interim in Oriente exemplo Occidentalium, Imperator jubet cunctos ferè Episcopos apud Seleuciam Isauria oppidum congregari.* Imperatoris factum sine reprehensione ulla narrat, minimè narraturus, si quid contra Dei & Ecclesiæ leges fecisset. Porro Taurus ille Prætorii præfectus erat, qui ex jussu regis Synodo adfuit, ut Hieronymus in Dialogo contra Luciferianos 62 tradit.

Socrates in libri 11. hist. capite xxix: *Dum hæc isti vociferabantur, Episcoporum Concilium dimissum est (Mediolanense) Quod ubi intellexit Imperator, illos acturum in exilium mandat, generalèque Concilium in animo habet, ut cunctis Episcopis Orientis in partes Occidentis accersitis, omnes (si fieri possit) ad concordiam reducat.* Ei verò rem istam animo agitantem videbatur perdifficilis ad præstandum propter itineris longitudinem, & ob eam causam Concilium in duas partes dividi jubet, atque Episcopos, qui tum aderant, Arimini, quæ est urbs Italia, convenire, Episcopos autem Orientis Nicomediam urbem Bithynia petere per literas imperat. Verum ejus institutum non successit prosperè. Nam neutrum Concilium secum consensit, sed utrumque fuit in duas partes distractum. Etenim neque Episcopi, qui Arimini conveniunt, concordare poterant, & qui in Oriente coacti erant, Seleucia urbis Isauria novum schisma conflarunt. Synodi convocationem & convocationis finem ac consilium laudat. Deinde in ejusdem libri 1. capite xxxi. De altero Concilio, quod effigiem Concilii Ariminensis pulchrè expressit, quòdque Imperatoris edicto fuit in Oriente vocatum, jam narraturus accedo. Et paulo post: *Episcopi, qui conveniunt, erant numero centum & sexaginta.*

Theodoretus in libri 11. hist. cap. xviii. Fidei igitur propugnatoribus expulsis, illi, qui Imperatoris animum, quòd vellent impellere potuerunt, quoniam fidem sibi suæque sectæ adversariam se perfacile labefactare possent, & doctrinam Arrii confirmare persuadent Constantio, ut Concilium Episcoporum tum Orientis, tum Occidentis Arimini cogeret. At persuadere Constantio, ut Concilium Episcoporum Arimini cogat, non est cogere Concilium, alioquin illi, qui Imperatoris animum, quòd vellent, potuerunt impellere, Ariminense Concilium jure suo coëgisse dicerentur, non Imperator; quod tamen à communi scriptorum consensu abhorret.

Deinde



Deinde in ejusdem libri i. capite xxviii. Aliquanto temporis spatio interjecto Constantius ab Eudoxio accusatoribus impulsus Seleucia Concilium convocari mandat. Est quidem Seleucia urbs Isauria ad mare sita, qua inter urbes illius facile primas tenet. Ad hanc urbem Episcopos Orientis, quinetiam Ponticos & Asianos frequentes accedere jubet. Quis autem affirmaret Eudoxii accusatores Seleucienſe indixisse Concilium, quia Constantius ab Eudoxii accusatoribus impulsus indixit & convocavit?

Theodoretus paulo post narrat, quomodo antistites nonnulli Imperatorem coarguerint, quod Apostolica doctrina insidias tenderet, non quod Synodum convocasset. Sic omnino distinguit Synodi convocationem ab iis, quæ in convocata Synodo tractantur ac deciduntur.

Sozomenus in libri iv. hist. cap. xvi. Imperator verò, quoniam persuasum habuit, neque ex usu esse vel Reipublicæ propter impensas, vel Episcoporum propter longa itinera, ut in unum locum omnes convenirent, Concilium in duas partes distribuit, scribitque Episcopis, 64 qui id temporis tum Arimini, tum Seleucia conveniant, ut primum de his quæ in fide ambigua viderentur, deciderent. Ad extremum uti lex Ecclesiæ postulat, causas etiam Episcoporum qui querebantur, se vel injuste abdicatos esse, vel in exilium missos (quorum unus Cyrillus Episcopus Hierosolymorum) disceptarent, deque criminibus quibusdam Episcopis illatis accurate judicarent. Nam alii alios accusaverant. Aegyptii autem Georgium rapinæ & contumeliarum insimulabant. Rebusque omnibus dijudicatis, decem utriusque partis ad aulam accederent, qui quæ acta essent, ipsi renunciarent. His mandatis impulsu singuli eum ad locum conveniunt, ad quem convenire imperatum erat: Atque Concilium Arimini prius coactum est, ad quod Concilium congregati sunt amplius quadringenti Episcopi. Hic auctor, ut & alii, seu Ariminensis seu Seleucienſis Concilii convocationem ut ab Imperatore factam non accusat, accusaturus opinor, siquid in ea contra Christi legem & Ecclesiasticos canones peccaretur.

Nicephorus in libri ix. capite xix. Vigessimus primus Imperii Constantii annus erat, cum Synodus Arimini coacta est. Et paulo post: Eodem tempore Arimini & Seleucia Constantius omnes undequaque Episcopos convenire jussit, opinionem ejusmodi abolituros, ut jam omnibus liquido pateat, Constantium non ob eam, quam Ariani ementiti sunt, causam, Ariminensem instituisse Synodum, sed propter opinionem, quam Aetius perperam vulgaverat. Nicephorus Imperatoriam Ariminensis & Seleucienſis Synodi convocationem non 65 arguit, arguturus, ut apparet, si Constantius in convocatione tali Christi legem, aut Ecclesiasticos violasset canones, quibus convocandarum Synodorum jus alteri tributum eo tempore fuisset.

In cumulum accedit Synodica Damasi Episcopi Romæ & Occidentalium Episcoporum ad Illyrici Episcopos de Ariminensi Concilio scripta, ubi de Ariminensis Concilii præsulibus conquerentes, de Imperatoria Concilii convocatione conqueruntur nequam, conquesturi sine dubio, si quid in ea convocatione peccatum esset. Adscribo verba, quæ proposito nostro inserviunt: Quam salutarem definitionem, adorabilemque deliberationem (Nicæni Concilii) corrumpere quidam aliis cogitationibus, ac temerare voluerunt. Sed in ipso principio ab his ipsis, qui Arimini novare ac retractare compellebantur, eatenus res correctæ est, ut consisterent sibi alia disputatione subreptum, quod non intelligerent Patrum sententia apud Nicæam constituta hoc esse contrarium. Neque enim præjudicium aliquod fieri potuit per numerum Arimini congregatum, quando constat neque Romanum Episcopum, cujus ante omnia expectanda erat sententia, neque Vincentium, qui tot annorum Episcopatum integrè gesserat, neque alios talibus præbuisse consensum, maxime cum isti ipsi, sicut

diximus, qui per fraudem deflexisse visi sunt meliore usi consilio, hac sibi displicere testati sunt. Synodus antistitum, quorum princeps fuit Damasus Imperatoris Concilii convocationi culpam nullam adscribit, ut vel ex eo constet, non fuisse persuasum Damaso & aliis Episcopis numero nonaginta, Constantium in ea convocatione sumpsisse sibi nonnihil, quod Evangelio, quod sacris canonibus, quod Ecclesiasticæ disciplinæ, quod Sedis Apostolicæ traditioni, quod alieno demum juri repugnaret.

Damaso & Occidentalibus reliquis adjungo Athanasium, ut unde de Imperatoria Ariminensis Concilii convocatione orsa est disceptatio hæc, in eodem terminetur. Sic igitur Athanasius de re tota, de Concilio & convocatione Concilii scribit ad venerabiles in Africa Episcopos: Sed tamen quia audivimus nonnullos hujus oppugnandæ (Nicænae) definitionis cupidos allegare Concilium Ariminense, quod ipsi (Ariani) jactitant, auctoritatem obtinuisse, necessario visum est, ut vos scripto certiores redditos admoneremus, ne istiusmodi homines tolerare velitis. Est enim istud aliud nihil, nisi propago Arianae hæreseos. Et post aliquam multa de Nicæno Concilio: Eaque fuit causa Nicæni Concilii. Concilia autem, quæ postea insecta sunt pro Arrio, contra œcumenicam Synodum instituta fuere. Id cum ita se habeat, quis ferat eos, qui Ariminensem aut ullam Synodum præter Nicænam in ore habent & jactitant? Aut quis non odio habeat illos, qui quæ Patrum sunt, abrogant? Recentiora autem Arimini per vim & contentionem extorta anteponunt? Aut quis cum eis convenire posset, qui ne secum quidem conveniunt, aut sua ipsorum approbant? Quippe qui in suis Conciliis decem scilicet aut pluribus etiam, ut superius dixi, alias alia scribentes, satis docent, se uniuscujusque Synodi criminales esse. Et paulo post. Videmus autem illi, qui Ariminense Concilium in ore habent, ne illa quidem scire quæ ibi acta sunt: Quippe qui alioquin obtinissent. Vos contra dilectissimi, compertum habetis ex iis, qui è vestro numero ad Concilium Ariminense se contulerunt, quomodo Ursacius & Valens illic præsto fuere, & una cum illis Demophilus, eosque ideo depositos, exautoratos esse; quod alia, quam quæ in Nicæno Concilio decreta essent, conscribere vellet, quo tempore cum ab illis postularetur, ut Arianam hæresim anathemate damnaverent, postulata præstare recusarunt, malebantque se potius ejus hæreseos duces, præfatosque videri. Episcopi contra legitimi servi Christi & recta fide præditi numero ferme ducenti dicebant sufficere Nicæni Concilii dogmata, nec plus, nec minus, aut querendum aut credendum esse. Hæc & Constantio significarunt, cujus jussu Concilium coiverat. Athanasius in his & aliis quæ latius disputat, Constantio jus convocandæ Synodi nusquam abjudicat, cum opportunitas idoneorum ad abjudicandum temporum fuit, & id ipsum exegit. Noverat hic Pater sanctissimus & doctissimus Scripturæ sacræ locum esse nullum, Ecclesiæ legem esse nullam, quæ reges & principes ab indicendis & congregandis Synodis prohiberent. Noverat Constantinum Magnum Romanam, Arelatenſem, Nicænam & alias Synodos convocasse, & eam ob causam mirum non est, quod Athanasius Constantium de Synodorum convocatione non accusaverit.

VI. Theodoretus in libri iv. hist. capite vii. meminit certi cujusdam Concilii, quod Valentini- 68 anus in Illyrico fieri jussit: Porro autem cum accepisset, quosdam in Asia & Phrygia de divinis dogmatibus controversari, Synodum haberi jussit in Illyrico, & quæ ab Episcopis decreta & sancita fuerant, misit ad illos, qui contendebant. Decreverunt autem, qui eo convenerunt, fidem in urbe Nicæna expositam servari oportere.

VII. Aquileienſe Concilium in secunda ad Imperatores Gratianum, Valentinianum, & Theodosium epistola illos precatur, ut Concilium Alexandriæ fieri jubeant propter Timotheum Episcopum, qui nonnullorum

nullorum dissidiis vexabatur. Verba sunt: Ideoque petimus vos, clementissimi & Christiani Principes, & ut Alexandria Sacerdotum Catholicorum omnium Concilium fieri censeatis, qui inter se plenius tractent atque definiant quibus impertienda communio, quibus servanda sit. Hæc ad annum cccclxxi. in Appendice Jacobi Sirmondi ad Theodosianum Codicem.

Executus sum forsan plura, quam postulaveras. Sed judicavi aliter respondere me non posse, nisi expectatam à te responsionem undequaque communirem. Communivi tum ex iis, quæ Nicænæ Synodi convocationem præcesserunt, tum etiam ex iis, quæ illam subsecuta sunt usque ad tempus, quo generalis Synodus secunda celebrata est. Responsio & Respon-

sionis munimenta Responsioni, quam nostra Theologiæ Parisiensis Facultas consulenti eam Carolo VIII. regi dedit anno mcccxcvii. iiii. Idus Januarias, roboris adjiciet quamplurimum. Quærebat Rex Christianissimus, num invito Romano Pontifice generalis convocari posset Synodus, quæ afflictæ & laboranti 69 Ecclesiæ provideret: Idque maximè, cum illa de decennio non celebraretur in decennium, ut Concilia duo, Constantiense & Basileense, definierant, & confirmaverat Martinus V. qui priori Concilio morem gesserat. Quidquid in causâ, futurum esse spero, ut Epistolæ longitudinem non conqueraris, & eam meliorem in partem interpreteris. Vale. Lauduni ann. m. dc. lxxvi. Nonis Decembris.

# Joannes Launoïus

EIDEM

## HENRICO LUDOVICO HABERTO MOMMORIO.

Lutetiam.

71 **V**ERUM quidem esse dicis, Theodosium Imperatorem convocasse Synodum secundam, quæ Constantinopolitana dicitur, sed illud minùs facile probari, quam probatur, Constantinum Nicænâ Synodum primam indixisse ac congregasse. Dum illud minùs facile probari sumis, ad mentem Bellarmini & aliorum, qui vetera instituta metiuntur recentioribus, & Synodi hujus convocationem volaticis distinctiunculis quibusdam convolvunt, loqui mihi videris. Quia vero de rei veritate dissentire non vis, mihi crede, unum atque alterum æquè probari potest; si modò quæ ad Constantinopolitanam Synodum pertinent, ex seipsis & adjunctis pensentur, & quæ post eam Synodum confecta sunt in Ecclesia Dei, diligenter attendantur. Et primùm quidem Theodoretus Epistolam, quæ à Constantinopolitana Synodo à Romanam missa est, integram recenferet, & solus ex antiquis scriptoribus recenferet: Deinde postquam momentis Epistolam suis expendes, in ea Synodos reperies duas, quæ intra biennium celebratæ fuerunt. Imperator priorem anno cccclxxxii. convocavit: posteriorem quis convocaverit, Theodoretus non tam apertè meminit. Referenda sunt Theodoretus verba, quibus illud quodcunque est, apertam in lucem edatur: Sic autem scribit in lib. v. hist. cap. vii. Hanc igitur ob causam solius Imperii sui Episcopos Constantinopoli cogi jussit. Quò cum advenissent centum numero & quinquaginta, vetuit, ne magnum Meletium sibi quisquam indicaret, ex somnii sui memoria virum cupiens agnoscere. Cùm ergo in Palatium totus ille cœtus Episcoporum intrasset, aliis omnibus prætermisissis ad magnum Meletium accurrat, & velut patris amans filius post longum tempus paterno fruens aspectu, amplexatus est eum, osculatusque oculos, labia, pectus, caput, & dexteram, quæ ipsi coronam imposuerat. Visum etiam, quod oblatum ei fuerat, exposuit. Cateros quoque omnes cùm amanter salutasset tanquam Patres, rogavit, ut de rebus propositis consulerent. Pergit in capite viii. Eo

tempore degebat is, qui Nazianzenam Ecclesiam novissimè rexerat, Arianorum blasphemias vehementer obfistens, qui plebem sanctam Evangelicis imbuens doctrinis, ovesque extra gregem aberrantes revocans, & à noxio pabulo abducens ita gregem illum ex modico magnum fecit. Hunc cùm vidisset divinus Meletius, & eorum, qui canonem scripserunt, perspectam mentem haberet, quòd ambitus videlicet materiam præcedentem Episcoporum translationem prohibuerint, divinissimo Gregorio Constantinopolitanum Episcopatum confirmavit, brevique post tempore ad doloris expertem vitam migravit, omnium qui dicendo aliquid poterant, funebribus orationibus exornatus. At Timotheus Alexandrinorum antistes Petri successor, illius, qui Athanasio in Episcopatu successerat pro admirabili Gregorio Maximum quendam Cynicum, detonsa subito 73 Cynica ejus coma ordinavit, qui frivolis etiam Apollinaris argutiis animam oppleverat. Itaque tam absurdum facinus non tulere, qui tunc convenerant, suscipiendi planè viri, divino zelo ac sapientia pleni. In quibus fuit Heladius magni Basilii successor in Episcopatu, Gregorius item & Petrus, eodem quo Basilii patre nati, & Amphilo- chius Lycconum Pastor, & Optimus Pisidarum, & Cili- cum Diodorus. Aderant & Pelagius Laodicea, & Eulogius Edesse, & Acacius & Isidorus noster, & Cy- rillus Hierosolymorum, & Gelasius Cæsarea Palæstina doc- trina moribusque insignis, aliique virtutis athleta quam- plurimi. Hi tunc universi seipsos ab Egyptiis segregantes cum magno Gregorio conventus celebrabant. At divinus Gregorius orabat illos, ut qui constituenda concordie cau- sa convenerant, mutuum ipsi consensum unius hominis in- juria potius ducerent. Nam & ego, aiebat, multis curis liberatus gratam mihi quietem recipiam, & vos post longum illud & grave bellum optatissima pace frue- mini. Absurdus profectò nihil fuerit, quàm eos qui ho- stilia nuper tela evaserint, suis inter se telis figi, & vi- res suas consumere. Sic enim risum inimicis, latitiâque parabimus. Quare virum quærite aliqua laude dignum, intelligentiâque præditum, qui tot curarum pondus subire



ac suslinere rectè possit, atque hunc Episcopum designate. His monitis obsecuti optimi Pastores, Nectarium virum Patricium, generis nobilitate clarum, virtutibusque omnibus illustrem, maxima illius urbis Episcopum ordinarunt, 74 Maximum verò tanquam Apollinaris dementia participem Episcopali dignitate spoliatum abdicarunt. Tum canonibus ad rectam administrationem Ecclesia editis, Niceaeque exposita fide palam confirmata in suam quisque pariam reversi sunt. Ecce Constantinopolitani Concilii summam, in qua seu Romani Pontificis, seu Occidentalium mentis nulla injicitur, aut injici potuit, cum Imperator solius Imperii Orientalis Episcopos congregari praeceperit! De fancienda apud eos & fide & disciplina tantum agebatur. Quod non perspiciunt, qui Concilii hujus convocationem Romano Pontifici transscribendam esse putant.

Alterum Concilium paucis Theodoretus continuò describit: Sequenti astate cum ad eandem urbem (Constantinopolim) Ecclesiasticis iterum negotiis evocati plurimi rediissent, Synodicam ab Occidentalibus Episcopis Epistolam acceperunt, qua invitabantur, ut Romam ad Synodum, qua ibi maxima cogeatur, se conferrent. Verum si longinquam quidem profectiorem velut inutilem futuram deprecati sunt. Epistolam autem miserunt, in qua procellam contra Ecclesias excitatam significantes, illorum hac in re negligentiam denotabant. Apostolica quoque doctrina summam iisdem literis indiderant. Sed scribentium virtutem ac sapientiam litera ipsa apertius declarabant.

Hinc pergit in capite ix. ubi Synodicam refert Constantinopolitanorum Patrum Epistolam, quæ sic inscribitur: Dominis honoratissimis & reverendissimis fratribus & Collegis Damaso, Ambrosio, Britoni, Valeriano, Ascholio, Basilio, & reliquis sanctis Episcopis in magna urbe Roma congregatis, sancta Synodus orthodoxorum Episcoporum, qui in magna urbe Constantinopoli convenerunt, in Domino salutem. Et post expositam calamitatem quæ Ecclesiis infertur ab Arianis, subjiciunt Patres: Nunc verò postquam Synodum Roma Dei nutu congregantes, nos etiam pro fraterna erga nos caritate vestra, tanquam membra propria, per religiosissimi Imperatoris literas evocastis, ne quia soli tunc ad subeundas arumnas fuimus additi, nunc in ista Imperatorum de pietate concordia soli regnetis, sed nos etiam vobiscum, ut ait Apostolus, congregemus, optabamus, si fieri posset, omnes simul, relictis Ecclesiis, desiderio potius, quam utilitati servire. Quis enim nobis dabit pennas sicut columbae, ut volumus & requiescamus apud vos? Verum quia hoc erat Ecclesiis renovari nuper ceptas, penitus denu-  
75 dare, & rem prestare pars magna non poterat, convenimus enim Constantinopoli ad literas à vestra reverentia superiori anno post Concilium Aquileiense ad religiosissimum Imperatorem Theodosium missas, ad hoc solum iter Constantinopolim usque instructi, & de hac tantum Synodo Episcoporum, qui in provinciis remanserunt, consensum adferentes, cum de longioris profectiōis onere nec suspicari essemus, nec amè quicquam audissemus, quam Constantinopolim pervenimus: Cum praestituti quoque temporis angustia, neque ad longius iter adornandum, neque ad Episcopos communionis nostrae, qui in provinciis erant, commonefaciendos, eorumque consensus obtinendos satis esset: Quoniam hac multaque ad hac alia plurimos venire prohibebant: Quod proximum erat, tum ad res constituendas, tum ad vestram erga nos benevolentiam declaran-  
76 dam, reverendissimos honoratissimosque fratres & collegas nostros Episcopos, Cyriacum, Eusebium & Priscianum exoravimus, ut proficiscendi ad vos laborem susciperent. Et post alia: Quæ igitur ad fidem attinent, quam aperte predicamus, in summa sunt hujusmodi, de quibus amplius animis vestris satisfacere poteritis, si totum Synodi Antiochena, & eum, qui superiori anno Constantino-  
77 poli à Synodo universali est editus & c. oikoumenikis en tēthei Cwōdō, inspicere dignamini, ubi & fidei confessionem uberius exposuimus. Et paulo post: Unde &

nova, ut sic vocemus, Ecclesia Constantinopolitana, quam nuper ex haeticorum blasphemia, tanquam ex ore leonis per Dei misericordiam eripimus, reverendissimum, religiosissimumque Nectarium in generali Concilio & c. oikoumenikis Cwōdō, communi omnium consensu & presente religiosissimo Imperatore Theodosio, clerique universo, & cuncta suffragante civitate Episcopum constituimus. Et paulo post: Quam quidem legitimam ordinationem (Flaviani Antiocheni Episcopi) Synodus quoque uni-  
78 versalis tō t Cwōdō xovōv comprobavit.

Et primò quidem certum est, Theodoretum rectissime observasse, Constantinopoli habitas esse Synodos duas, unam anno cccclxxxii. alteram insequenti anno. Deinde utramque Synodum à Theodosio fuisse convocata, etiamsi Theodoretus non meminerit expressè, posteriorem ab illo Imperatore convocata esse. Sed Constantinopolitani Patres hac in Epistola meminerunt: Conveneramus Constantinopoli ad literas à reverentia vestra superiore anno post Concilium Aquileiense ad religiosissimum Imperatorem Theodosium missas, ad hoc solum iter Constantinopolim usque instructi, & de hac tantum Synodo Episcoporum, qui in provinciis remanserunt, consensum adferentes, cum de longioris profectiōis onere nec suspicari essemus, nec amè quicquam audissemus, quam Constantinopolim pervenimus. Hic, ut apparet, non agitur de Constantinopolitano Concilio priori, quod anno cccclxxxii coactum est, sed de posteriori, quod post Aquileiense Concilium an. cccclxxxii. habitum est. Nempe Maximus Cynicus, quem Constantinopolitanum Concilium prius de Constantino-  
79 politana sede ejecerat, ad Damasum, Ambrosium, & Occidentales alios, quorum communionem sortitus fuerat, jam confugerat, ratus causam suam ab iis defensum iri. Nec sua Maximum spes fefellit, ut constat ex quinta Concilii Italiae ad Theodosium Epistola, cujus argumentum pars est præcipua, ut Nectarius Constantinopoli post Maximum ordinatus, loco cedat, aut Romæ super utriusque ordinatione habeatur Concilium. Sic Epistola inscribitur: Beatissimo Imperatori & clementissimo Principi Theodosio, Ambrosio, & ceteri Episcopi Italia. Et aliquanto post initium Epistolæ: In Concilio nuper cum Maximus Episcopus Alexandrina Ecclesia communionem manere secum lectis Petri sanctæ memoria viri literis prodidisset, ejusque intra privatas ades, quia Arianis basilicas adhuc tenebant, secretum esse, mandatoribus Episcopis ordinantibus, diluenda testificatione docuisset, nihil habuimus, beatissime Principum, in quo de Episcopatu ejus dubitare possemus, cum vim sibi repugnanti, à plerisque etiam de populo & clero testatus esset illatam. Tamen ne absentibus partibus præsumptè aliquid definivisse videremur, clementiam tuam datis literis putavimus instruendam, ut rei consuleretur ex usu publica pacis atque concordia: Quia revera advertebamus, Gregorium nequaquam secundum traditionem Patrum Constantinopolitana Ecclesia Sacerdotium sibi vindicare. Nos igitur in Synodo ea, quæ totius orbis Episcopi videbatur esse præscripta, nihil temerè statuendum esse censuimus. Adeo ipso tempore qui generale Concilium declinaverunt, Constantinopolitane gessisse dicuntur. Nam cum cognovissent ad hoc partium venisse Maximum, ut causam in Synodo ageret suam, quod etiamsi indictum Concilium non fuisset more & jure majorum, sicut & sancta memoria Athanasius, & dudum Petrus Alexandrina Ecclesia Episcopi, & Orientalium plerique fecerunt, ut ad Ecclesia Romana, Italia, & totius Occidentis confugisse judicium viderentur. Cum eum sicut diximus experiri velle adversum eos, qui Episcopatum ejus abne-  
80 rant, comperissent, praestolari utique etiam nostram super eo sententiam debuerunt. Non prerogativam vindicamus examinis, sed consortium tamen debuit esse communis arbitrii. Postremo prius constare oportuit, utrum huic abrogandum, quam alii conferendum sacerdotium videretur: ab his praesertim, à quibus se Maximus, vel destitutum vel appetitum injuria querebat: Itaque cum  
Maxi-

Maximum Episcopum receperunt in communionem nostra consortia, quoniam cum à Catholicis constitit Episcopus ordinatum, nec ab Episcopatus Constantinopolitani putavimus petitione removendum. Cujus allegationem presentibus partibus estimavimus esse pendendam. Nectarium autem, cum nuper nostra mediocritas Constantinopoli cognoverit ordinatum, coherere nostram communionem cum Orientalibus partibus non videmus, praesertim, cum ab iisdem Nectarius dicitur illico sine communionis consortio destitutus, à quibus fuerat ordinatus. Non mediocris igitur hic scrupulus. Nec quadam nos angit de domestico studio & ambitione contentio, sed communio soluta & dissociata perturbat: Nec videmus eam posse aliter convenire, nisi aut is reddatur Constantinopoli, qui prior est ordinatus, aut certe super duorum ordinatione sit in urbe Roma nostrum Orientaliumque Concilium. Hæc in Jacobi Sirmondi Appendice ad Codicem Theodosianum: Ex quibus colligere est, hinc depositum à Constantinopolitana Synodo Maximum ad Ecclesiæ Romanæ, Italiæ & totius Occidentis confugisse iudicium; inde Synodum, quæ tunc habebatur in Italia, petiisse à Theodosio, ut advocatis à se Romam Orientalibus in Synodo majore de Maximi & Nectarii ordinatione judicaretur; Hinc Occidentales id factum iri sperantes Romæ in Synodum coivisse, ibique Orientales expectasse: Quod Synodica Constantinopolitani Concilii Epistolæ verba hæc pertinent: Nunc vero postquam Synodum Roma nunc Dei congregantes, nos etiam pro fraterna erga nos caritate vestra, tanquam membra propria, per religiosissimi Imperatoris literas evocastis.

Tunc plurimi ex illis antistitibus qui anno superiori Constantinopolitanam Synodum habuerant, certis de causis redierant Constantinopolim, & cum ibi verarentur, Synodicam ab Occidentalibus Episcopis Epistolam acceperunt, qua Romam satagente Theodosio accerfebantur. Orientales illi Synodicam, cujus verba antè retulimus, ad Romanam Synodum scripserunt epistolam, in qua rationem reddunt, cur Romam ire non possint. Conveneramus, inquiunt, Constantinopolim ad literas à reverentia vestra superiore anno post Concilium Aquileiense ad religiosissimum Imperatorem Theodosium missas, ad hoc solum iter Constantinopolim usque instructi, & de hac tantum Synodo Episcoporum, qui in provinciis remanserunt, consensum adferentes, cum de longioris protectionis onere nec suspicari essemus, nec antè quidquam audissemus, quam Constantinopolim pervenimus. Sic Orientales cum alterum Constantinopoli celebrabant Concilium, Occidentales acceperunt literas, quibus ad Romanam Synodum advocabantur.

His autem ita constitutis, ut ex Theodoretici relatione & Synodica Constantinop. Concilii Epistola constitui debent necessariò, manifestum est, Constantinopolitanam Synodum, quæ anno CCCLXXXI. habita est, insciis Occidentalibus ab Imperatore Theodosio convocata esse, & Constantinopolitanam Synodum aliam, quæ anno CCCLXXXII. celebrata est, convenisse, prius, quam Orientales Synodicam, Damasi, Ambrosii & aliorum Occidentalium Epistolam accepissent. Quò fit, ut Constantinopolitana Synodus utraque Theodosii jussu convocata fuerit. Sed inter utramque Synodum hoc interest discriminis, quòd prior in Synodica Constantinopolitani Concilii Epistola semel iterum & tertio universalis dicatur: Posterior ne semel quidem universalis dicatur. In priori Synodo centum quinquaginta Episcopi adfuerunt. In posteriori Synodo, quæ Synodicas literas ad Romanam Synodum dedit, pauciores; sed quot, nescitur. Nunc referenda & expendenda sunt Bellarmini verba, quibus ille probat, Constantinopolitanum Concilium primum ex mandato Apostolicarum literarum indictum esse. Sic ergo in libri de Conciliis capite XIII. scribit: De Constantinopolitano I. Theodoretus refert, Theodosium non tam indixisse, quam literas Pon-

tificis Damasi, quibus Concilium indicebat, ad Episcopos misisse. Sic enim scribunt Episcopi congregati in illo Concilio ad Damasum Pontificem apud Theodoretum lib. 5. hist. cap. 9. Mandato, inquit, literarum superiore anno à vestra reverentia ad sanctissimum Imperatorem Theodosium missarum ad iter duntaxat Constantinopolim usque faciendum nos preparavimus. Licet ergo Theodosius indixerat Concilium, tamen indixit ex mandato Apostolicarum literarum. Quare in sexta Synodo actione XVIII. Patres dicunt, Theodosium & Damasum obstitisse Macedonio per secundam Synodum, sicut paulo antè dixerat, Constantium & Silvestrum coegisse primam Synodum, ut obstiterent Ario. Profecto si Bellarminus legisset, quæ ex Theodoro atque ex Synodica Constantinopolitani Concilii Epistola retulimus, non scripisset, quæ tanto cum errore scripsit.

I. Theodoretus mentionem nullam facit literarum, 82 quibus Damasus Constantinopolitanum Concilium indixerit. Hic auctor in toto Concilii hujus negotio ne Damasum quidem de nomine appellat. Nam in capite VII. dicit de Theodosio: Hanc igitur ob causam solius Imperii sui Episcopos Constantinopoli cogi iussit. Tum sub finem capitis VIII. quò quidquid actum est in Concilio, recenset: Sequenti estate, cum ad eandem urbem (Constantinopolim) Ecclesiasticis iterum negotiis evocati plurimi rediissent, Synodicam ab Occidentalibus Episcopis epistolam acceperunt, qua invitabantur, ut Romam ad Synodum, quæ ibi maxima cogebatur, se conferrent. Inter Occidentales Episcopos generatim continetur Damasus, sed speciatim non exprimitur.

II. In Synodica Constantinopolitani Concilii Epistola titulo legitur quidem Damasus, sed Ambrosio, Brittoni, Valeriano & aliis Episcopis conjunctis legitur: Dominis honoratissimis & reverendissimis fratribus & collegis Damaso, Ambrosio, Brittoni, Valeriano, Ascholio, Basilio & reliquis sanctis Episcopis in magna urbe Roma congregatis, sancta Synodus orthodoxorum Episcoporum, qui in magna urbe Constantinopoli convenerunt. Sic in ipsa Epist. Damasus solus non legitur.

III. Quæ & in synodica Constantinopolitani Concilii Epistolæ titulo, & in ipsa Epistola de Romana Synodo dicuntur, hæc Bellarminus unico Pontifici Damaso transcribit, ut videre licet in verbis quæ ex Joannis Chistophorsoni versione laudat: Mandato literarum superiore anno à reverentia vestra ad sanctissimum Imperatorem Theodosium missarum, &c. Constantinopolitani Concilii Patres alloquuntur Damasum, Ambrosium, & alios, qui Romæ congregati erant. Quapropter litera à vestra reverentia missa non sunt uni Damasum, sed & aliorum Episcoporum, qui tunc in Romana Synodo verfabantur, quæ & qualis à veteribus. Prætereo mandati nomen in Græco textu non haberi. Nempe in eo nihil esse, quod mandato respondeat: Qua in re Sirmondus Christophorsoni versionem emendavit.

IV. Damasus, Ambrosius & Occidentales alii ad Orientales non scripserunt, ut Concilium celebrarent Constantinopoli, sed ut Romam venirent cum Occidentalibus Synodum habituri, in qua quæ ad Nectarii & Maximi ordinationem pertinent, dijudicarentur.

V. Quo, si superis placet, fine, quove consilio Damasus Constantinopoli Synodum generalem indiceret, cui nec per se, nec per Legatum ullum interesset, aut præesset? Quis unquam vidit indictum à Romano Pontifice Concilium, cui nec per se, nec per Legatum ullum interesset, aut præesset? Bellarminus oculos ad hoc non adjecit. Et qui adjiciet, is Bellarminum extricabit nusquam.

VI. Imperatores Gratianus, Valentinianus, Theodosius, cum Synodi II. definitionem, quæ res fidei



complectitur, edicto munierunt, vel Damasi, vel Romanæ Ecclesiæ, vel etiam Occidentalium mentionem fecerunt nullam; facturi aliquam sine dubio, si vel Damasus, vel Romana, vel Occidentalis Ecclesia, Synodi secundæ, quæ Constantinopoli habita est, quoquo modo participes fuissent. At fuissent maxime participes, si ut Bellarminus scribit, ex mandato Apostolicarum literarum, id est, Damasi Constantinopolitana Synodus convenisset. Edictum seu lex Imperatorum sic se habet, in libri XVI. Cod. Theod. tit. III. ad Auxonium Proconsulem Asiæ: *Episcopis tradi omnes Ecclesias mox jubemus, qui unius majestatis atque virtutis Patrem & Filium & Spiritum Sanctum consitentur, ejusdem gloria, claritatis unius, nihil dissonum profana divisione facientes: Sed Trinitatis ordinem, personarum assertionem & divinitatis unitatem, quos constabit communione Nectarii Episcopi Constantinopolitana Ecclesia, Timothei, necnon intra Egyptum Alexandrina urbis Episcopos esse socios. Quos etiam in Orientis partibus Pelagio Episcopo Laodicensi, & Diodoro Episcopo Tarsensi in Asia, necnon Proconsulari, atque in Asiana diocesi Amphiloquio Episcopo Iconiensi, & Optimo Episcopo Antiocheno in Pontica diocesi, Helladio Episcopo Cæsariensi, & Otreio Meliteno, & Gregorio Episcopo Nysæno, Terennio Episcopo Scythia, Marmario Episcopo Marianopolitano communicare constiterit, hos ad obtinendas Catholicas Ecclesias ex communione & consortio probabili Sacerdotum oportebit admitti. Omnes autem, qui ab eorum, quos commemoratio specialis expressit, fide communionis dissentiant, ut manifestos hæreticos ab Ecclesiis expelli. Neque his penitus posthac obtinendarum Ecclesiarum Pontificium, facultatemque permitti, ut vera ac Nicæna fidei Sacerdotia casta permaneant, nec post evidentem præcepti nostri formam maligna locus detur astutia.* Bellarminus nusquam advertit animum ad hanc legem, in qua laudaretur utique Damasus, si ex Damasi mandato, ut ille scribit, Constantinopolitana Synodus indicta & convocata esset. Sic Bellarminiana disputandi ratio tota quanta est, Imperatorum obrueretur silentio, si superiorum observationum mole obruta nondum esset.

VII. Constantinopolitanum Concilium in relatis à Bellarmino verbis non est illud, quod an. CCCLXXXI. celebratum est, & quod generale habetur, sed illud, quod anno CCCLXXXII. celebratum est, nec generale habetur, & cuius nulla supersunt acta præter synodicam, in qua rerum in Constantinopolitano Concilio anni CCCLXXXI. gestarum ratio exponitur, ac redditur. Bellarminus facta esse duo illa Concilia ignorat vel dissimulat.

VIII. Hic auctor intus sibi canit, immo somniatur, dum ait, Theodosium indixisse Concilium ex mandato Apostolicarum literarum. Qua loquendi formula non utuntur Romani Pontifices, qui priscis illis temporibus vixerunt & cum Imperatoribus egerunt. Quasi verò Damasus per literas mandasset Theodosio, ut Constantinopolitanum Concilium indiceret. Hoc qui putat, in summa rerum Ecclesiasticarum illius temporis ignorance versetur necessesse est.

IX. Synodi VI. Patribus id tribuit, quod ei tribuendum est tantum, qui Constantino IV. laudatione publica gratulatus est, ut in Epistola superiori jam observavi, eoque pacto Bellarminus in usu verborum quæ Patribus Synodi VI. tribuit, secum pugnat, & diruit, quod ædificare contendit.

X. In actione XVIII. Synodi VI. non reperiuntur hæc: Theodosium & Damasum obstitisse Macedonio per secundam Synodum, sed ista: *Macedonius Spiritus denegabat deitatem, & dominantem servum predicabat, sed maximus Theodosius Imperator, & Damasus fidei adamus protinus obstitērunt.* Ubi de Synodi II. convocatione nulla fit mentio. Theodosius Macedonio per secundam Synodum, quæ illius jussu facta est,

obstitit, & Damasus per Romanam Synodum, cuius acta Theodoretus libro V. historiæ inseruit in capite XI. *Anathematizamus, inquit, Macedonianos, qui ex Arrii radice propagati non impietatem, sed nomen solum mutarunt.*

XI. Demus rem in actione XVIII. Synodi VI. ita se habere, ut Bellarminus narrat, ille à seipso dissidabit, & secum discordabit in capite XII. statuens: *Pontificis esse, non Imperatoris generalem Synodum congregare.* Theodosius enim & Damasus secundam Synodum congregabunt, & ita congregabunt, ut in illius congregatione Theodosius Damasum præcessurus sit. Quæ duo Bellarmini placitis non consonant.

XII. Damasus secundæ Synodo nec per se, nec per Legatum ullum præfuit aut interfuit: Literas de confingenda hæresi, quæ in Synodo confixa est, nullas vel ad Synodum vel ad Theodosium dedit. Agathos sextæ Synodo per Legatos suos præfuit, literas de contrita jam Monothelitarum hæresi ad Synodum & ad Imperatorem dedit, & tamen in actis Synodi VI. Constantinus & Agathos Synodum VI. convocasse non dicuntur. Sic multò minùs dicendi sunt Theodosius & Damasus secundam Synodum congregasse.

XIII. In veteri Romanæ Ecclesiæ Diurno extat fidei professio, quam recens creatus Pontifex edebat, ubi nulla Damasi habetur mentio, cum sermo de secunda Synodo instituitur: *Deinceps secundum Constantinopolitanum adæquè sanctum centum quinquaginta Patrum Concilium sub Imperialis memoria majore Theodosio in regia urbe concurrens, quod symbolo deesse putabatur, exposuit, & gratia Spiritus Sancti illustravit, Deum esse Spiritum Sanctum, Patri & Filio iuxta consubstantialem coadorandum annexuit.* Deinde in fidei professione, quam recens consecratus Episcopus emittebat: *Constantinopolitanam Synodum centum quinquaginta Patrum sub pia memoria Theodosio principe seniore facta.* At neutrumque Damasus Theodosio anjungitur: Adjungeretur sanè, si Theodosius & Damasus secundam Synodum congregassent.

Expediit Bellarmini causa & scriptione ad vetustiores sextæ Synodo auctores me recipio. Ii hoc ordine sequuntur.

Socrates in libri V. hist. cap. VIII. *Imperator nulla interposita mora Concilium Episcoporum ipsius fidem amplectentium convocavit. Quo tum fides Concilii Nicæni corroboraretur, tum Constantinopoli designaretur Episcopus.*

Sozomenus in libri VII. capite VII. *Brevi deinde Concilium Episcoporum sibi consentientium convocavit, partim ut Nicæni Concilii decreta confirmarentur, partim ut ordinaretur aliquis, qui Constantinop. Sedis Episcopatum administraret.*

Neuter meminit alterius Constantinopolitani Concilii, quod insequenti anno celebratum sit.

Huc percommode referri possunt Hieronymi contra Rufinum scribentis verba hæc: *Quis Imperator hanc Synodum (quam objicis) jussit congregari?* Hieronymus enim ad illud tempus, quo Constantinopolitanum habitum est Concilium, Romæ cum Damaso versabatur, & postea cum se adversus Rufinum defendit, quid tunc in urbe actum fuerit à Pontifice, quando celebratum est illud Concilium, ignorare non potuit. Ut cætera deessent testimonia, hoc unum sufficere mihi videretur. Hieronymus perinde loquitur, ac si Concilium nullum unquam sine jussu Imperatoris habitum esset & Concilium sic habitum ad legitimi, & veri Concilii notionem pertineret.

In decreto de Apocryphis Scripturis, quod Gelasio Papæ I. tribuitur: *Ad adificationem nostram eadem sancta Romana Ecclesia post illas veteris vel novi Testamenti, quas regulariter suscepimus, etiam has suscipi non prohibet Scripturas: Id est sanctam Synodum Nicænam trecentorum decem & octo Patrum mediante maximo Constantino Augusto, in qua Arius hæreticus condemnatus.*

ius est, sanctam Synodum Constantinopolitanam mediante Theodosio seniore Augusto, in qua Macedonius hereticus debitam damnationem excepit: Dicitur mediante Theodosio, sed non additur, & Damaso, quia Romanæ Ecclesiæ non ferebat traditio, ut adderetur.

89 Vigilius in Epistola encyclica ad universam Ecclesiam: Sciant igitur universi, nos illam fidem predicare, tenere & defendere, quam ab Apostolis traditam & per successores inviolabiliter custoditam reverenda Nicæna Synodus CCCXVIII. Patrum Sancto Spiritu sibi revelante redegit in Symbolum, ac deinde tres alie sanctæ Synodi, id est Constantinopolitana CL. Patrum sub pia memoria Theodosio seniore Principe facta. Non additur & Damaso, quia Vigilius Ecclesiæ suæ traditione instructus noverat verè addi non posse.

Justinianus Imperator in Collatione I. Concilii V. Constantinopolitani rem eandem paucis complectitur: Semper fuit studium orthodoxis & piis Imperatoribus patribus nostris pro tempore exortas hæreses per congregationem religiosissimorum Episcoporum amputare, & recta fide sincerè predicata in pace sanctam Dei Ecclesiam custodire. Et post alia: Theodosius CL. sanctis Patribus fecit rectam predicare fidem.

Ildorus Hispalensis in Chronico: Synodus Constantinopolitana centum quinquaginta Patrum colligitur à Theodosio. Recentiores Synodo VI. scriptores adjungo. Hi sunt:

Simeon Metaphrastes in vitæ Sancti Pauli Constantinopolitani Episcopi capite XII. Congregat itaque pius Imperator Synodum, stans Macedonios in concordiam redigere cum orthodoxis.

Joannes Zonaras lib. III. Annalium in Theodosio: Quamobrem jussu Imperatoris secundum Concilium est indictum, CL. divinis Patribus in urbe Imperatoria congregatis.

90 Robertus Autissiodorensis Monachus in Chronologia: Secunda Synodus universalis CL. Patrum jubente Theodosio & annuente Damaso Papa Constantinopoli congregatur. Melius dixisset nesciente Damaso, quia Theodosius congregavit antè Synodum, quam Damasus illam congregatam esse sciret. Præterea Damasus annuere potuit, sicut & annuerunt CL. Patres, qui indictæ ab Imperatore Synodo interfuerunt.

Nicephorus in lib. XII. hist. cap. X. Proinde primo quoque tempore Synodum quoque Episcoporum Imperator in unum locum ex Imperii sui provinciis dumtaxat convenire præcepit ad Nicæna decreta confirmanda.

Carolus Sigonius in libro VIII. de Occidentali Imperio: Theodosius Concilio, quod indixerat, operam dedit. Convenere ex Catholicis Episcopis CL. ex Macedonianis XXXVI. mense Maio. Inquisitores Sigonii libros approbarunt, nec apposuerunt, donec corrigantur.

Dionysius Petavius in libri VI. primæ partis Rationarii temporum cap. IX. Theodosius ut & professionem Nicænam & Gregorio partam dignitatem assereret, œcumenicam in illa urbe Synodum coëgit Episcoporum CL. Auctorem hunc Bellarmino, Binio, Coriolano, & recentioribus aliis contra rei gestæ veritatem scribentibus, Damasum indixisse Synodum, hac in re antepono: Quod iis & eruditione, & æquitate præstet.

Porro quidquid id est, quod jam disserui, oppidò confirmatur ex disciplina, quæ inter secundam Synodum œcumenicam & tertiam in convocandis quibusdam aliis Synodis observata reperitur.

91 I. Theodosius sectarum omnium Concilium indixit anno CCCLXXXIII. quo Arcadius Theodosii filius Augustus declaratus est.

Socrates in libri V. hist. cap. X. Itemque in aliis (ab Antiochena) urbibus dum Arriani ab Ecclesiis ex-turbabantur, tumultus exorti sunt. In qua re me quidem imprudentiam Imperatoris intuentem permagna capit admiratio. Nam non diu passus est civitates his tumultu

procellis agitari: Sed quantum in ipso situm est, brevi temporis curriculo Concilium omnium sectarum cogere laboravit, ratus ex mutuo Episcoporum inter ipsos colloquio & congressu unam omnibus consentientem de fide opinionem constabilitam fore. Quod quidem Imperatoris institutum causam fuisse arbitror, cur res tam prosperè illi evenirent. Et paullo post: Imperator igitur Episcopo Nectario accersito sermonem cum eo contulit, qua tandem ratione Christiana religio posset liberari discordiis, & Ecclesia ad concordiam reduci. Dixitque controversiam, quæ Ecclesias diremerat, debere accuratè excuti, uti dissensione penitus sublata, concordia in Ecclesiis constitueretur. Quod cum Nectarius audivisset, anxio & perplexo animo fuit, atque Agelio, qui tum Novatianorum Episcopus fuit, utpote fide cum ipso consentienti, accito, Imperatoris mentem aperuit. Ille quidem licet vir in aliis rebus admodum prudens fuerit, tamen quia in disceptandis discentiisque de religione controversiis non multum potuit, Lectorem suæ Ecclesiæ Sisinnium nomine ad disserendi munus designavit. Et post alia: Imperator verò cum intelligeret multiplicem eorum dissensionem, & quod non veterum de fide expositione, sed sola disse- 92 rendi subtilitate confidebant, ad aliud consilium confugit, imperatque, ut singula sectæ fidei, quam quaque tenebat, declarationem literis proderent. Idcirco qui ex quaque secta, in dicendi facultate erant disertissimi, hi dogma suam scriptis mandarunt. Dies ad hanc rem præstituta fuit. Sectarum Episcopi ad Palatium accersiti conveniunt. Aderant itaque Nectarius & Agelius fidei consubstantialis Episcopi, Arianorum Demophilus, Eunomianorum ipse Eunomius, Macedonianorum Elenus Cyzicensis. Tum verò Imperator eos qui convenerant, primum benignè ad se admittit, capit cuiusque dogma scriptis prodium, deinde se in locum separatum solum concludit. Precatur obnixè, ut Deus illi ad veritatem eliciendam opem ferre vellet. Postremò dogmate cuiusque perlecto, cetera omnia utpote Trinitatis unitatem dementia, damnat, lacerat: Solam autem Consubstantialis. Fidem laudat approbat. Ex sequenti capite apparet, Concilii hujus locum fuisse urbem Constantinopolim: Isdem, inquit, temporibus, quibus Concilium Constantinopoli habitum fuit, has res in partibus versus Occidentem confectas accepimus.

Sozomenus in libri VII. capite XII. Hoc temporis tractu Ecclesia Catholica fautoribus templa recuperantibus, in multis Imperii locis tumultus oborti sunt, quod Arianis se illis opponerent. Theodosius verò Imperator exiguo post priorem Synodum intermisso tempore, viginti tunc sectarum antesignanos rursus convocavit, ut aut discerent, aut docerent eorum veritatem, de quibus inter se contendeant: Sperabat enim se omnes effecturum esse concordēs, si communem ipsis de controversiis doctrina disputationem proposuisset. Postquam igitur 93 convenissent, (erat autem hic annus, quo Merobaudes iterum & Saturninus consules erant, & quo Imperator Arcadium filium sibi Imperii consortem assumpsit) Imperator Nectarium accersit, & cum eo de futura Synodo communicat, & quæstiones eas, quæ hæreses peperissent, ut in disceptationem proponerent, injungit: Quò una fieret credentium in Christum Ecclesia, & doctrina consona, qua religio conformari debeat. Et quibusdam interpositis: Orta & circa hanc quoque rem inter sectarum principes dissensione, (neque enim consimiliter singuli de veterum libris sentiebant) animadvertit Imperator, quod nudis privatarum opinionum altercationibus nixi definitum aliquid pronunciare detrectarent. Quamobrem damnata hac illorum pervicacia jussit, ut unaquæque secta doctrina sua libellum ipsi porrigeret. Cum itaque huic negotio conficiendo præstitutus dies adesset, convenerunt in Palatium pro iis, qui Consubstantialem, Trinitatem profitebantur, Nectarius & Agelius, pro Ariana hæresi Demophilus ejus antistes, pro Eunomianis ipse Eunomius, Elenus autem Cyzici Episcopus pro iis, qui vocantur Macedoniani. Acceptis autem singulorum libel- 94 lis



lis solos eos approbavit, qui *Consubstantialiam Trinitatem* asserbant, reliquos vero ut absurdos disruptit. An autem Constantinopolitanum Concilium istud quod Socrates & Sozomenus describunt, Concilium illud secundum Constantinopolitanum, cujus Theodoretus & Constantinopolitani Concilii Patres in synodica Epistola meminerunt, fuerit, incertum mihi videtur. 94 Constantinopolitanum enim Concilium secundum, quod Theodoretus & Patres illi commemorant, anno CCCLXXXII. coactum est: Constantinopolitanum verò Concilium, quod Socrates & Sozomenus exponunt, anno CCCLXXXIII. convenit: Sed quoniam Sozomenus Synodum, quæ anno CCCLXXXI. habita est, priorem nominat, licet nonnihil innuit, Synodum, quæ anno CCCLXXXIII. celebrata est, posteriorem seu secundam esse. Id si dicatur, dicendum erit continuo, Socratem & Sozomenum in epocha Constantinopolitanæ Synodi secundæ erravisse. Quidquid id sit: Theodosius Constantinopolitanam Synodum hanc convocavit.

Nicephorus in libri XII. capite XV. Socratem & Sozomenum pæne transcribit, & unâ significat Constantinopolitanam Synodum ab illis expositam secundam illam esse, quam Theodoretus & Concilii Patres anno CCCLXXXII. habitam esse scribunt: Eodem tempore cum Ariani ex sacris adibus deturbarentur, & Catholici in possessionem earum vacuam inducerentur, non parva exorta sunt turba. Quapropter Imperator Theodosius exiguâ a priore Synodo temporis intervallo, antesignanos vigentium tunc hæresium rursus convocavit, ut alterum istorum fieret: Videlicet, ut vel ipsi aliis opinionem suam persuaderent, vel ab aliis persuaderentur, de rebus, quæ in controversia essent, in unam eandemque sententiam adductum iri ratus, si in publico auditorio opinionibus dubiæ per disputationem discuterentur. 95 Cum autem universi convenissent, (factum id eo anno, quo filium Arcadium Augustum renunciavit) consilium de Synodo celebranda cum Nestorio Constantinopolitano communicavit, cohortatus, ut quæstiones, unde hæreses orirentur, omnes in publicam deducerentur disputationem, quò cum una fieret Ecclesia, atque unum inter omnes consentiens constitueretur dogma, tum universi religionem ita uti decet, colerent, neque quidquam controversia relinqueretur. Et quibusdam interpolitis: Quandoquidem autem etiam de eo hæresium duces dissensiebant (non omnibus enim eadem de veterum opinionibus sententia erat) rem secum ipse perpendens Imperator, intellexit propterea illos propositam sibi conditionem repudiare, quod disputationibus suis confiderent. Quamobrem iniquam sententiam eorum moleste ferens, hæresim quamque, libellum opinionem cujusque complectentem, offerre sibi jussit: Atque ubi dies constituta advenit, ex eis, qui Trinitatem *ὁμοουσιον* Consubstantialiam profiterentur Nestorius affuit & Agelius: Ex Ariani autem Demophilus, hæresis sue nomine Eunomius, Eleusius autem Cyzicenus Macedonianorum partes propugnans. Porro Imperator opinionibus hæreticorum omnibus perlectis, solam admiratus est & veram esse judicavit, quæ Trinitatem *ὁμοουσιον* consubstantialiam depradicat, reliquas verò ut veritati repugnantes conscidit. Et paullo post: Cum Synodus Constantinopoli iterum, sicut dictum est, sub Imperatore Theodosio ageretur, ex Occidente literæ venerunt, ut ipsi quoque Romanam ad Concilium ibi maximum institutum, in quo de rebus etiam Antiochenis inter Paulinum & Flavianum decideretur, venirent. 96 Ceterum, qui Constantinopoli congregati erant Episcopi, perfectionem Romanam ut incommoam detraxerunt. His autem postremis verbis iterum confirmatur, Bellarminum non intellexisse vel noluisse intelligere, quæ ex synodica Constantinopolitani Concilii hujus Epistola in medium adducit, probaturus, Constantinopolitanum Concilium anno CCCLXXXI. celebratum ex mandato Apostolicarum litterarum, id est, Damasi Papæ congregatum esse.

II. Imperator Arcadius convocato veluti Concilio Joannem Chrysostomum in Constantinopolitanum antistitem eligi curavit. Rem ita narrat Socrates in libri VI. hist. capite II. Non longo temporis spatio interposito Nestorius Constantinopolitanus Episcopus obiit mortem, Casario & Attico Consulibus quinto Calendæ Octobris. Itaque statim de Episcopo deligendo vehementer laboratum est, & cum aliis aliis ad id numeris quærent, de quæ ea re sæpe consilium iniretur, tandem visum est, Joannem Antiochia Presbyterum Antiochia accersere. Nam de eo fama percrebuit, quod & ad docendum aptus, & in dicendi facultate valde peritus erat. Quamobrem haud diu post Imperator Arcadius communibus omnium suffragiis, id est, cleri & populi illum accersit. Et quò ejus ordinatio plus haberet auctoritatis, adervant de Imperatoris mandato, cum aliis complures Episcopi, tum Theophilus Alexandria.

Sozomenus Synodi formam exprimit in libri VIII. capite II. Cum igitur (Joannes) notis ob experientiam, ignotis ob famam tum eruditionis, tum virtutis per universum Romanorum Imperium clarus esset, dignus visus est, qui Constantinopolitana Ecclesia Episcopus constitueretur: Postquam itaque in hoc populus & clerus suffragium suum contulissent, etiam Imperator ad stipulatus fuit, & qui eum adducerent, misit. Convocavit etiam Synodum, ut ea ratione favorabiliorem redderet illius ordinationem. Non multo post Asterius præfectus Orientis acceptis Imperatoris literis indicavit Joanni, ut ad se veniret, perinde ac si illum aliquid rogare ipse vellet. Qui ubi venisset, confestim unâ cum eo consensu curru Pagras adequitur. Quæ statim est ita dicta. Hic eo Legatis Imperatoris tradito reversus est.

Theodoretus hoc ipsum tradit in libri V. capite XXVII. Constantinopoli autem morituo Nestorio, qui Ecclesiam illam gubernarat, Arcadius, cui Imperii pars illa obvenerat, cum Joannem magnum lumen orbis terrarum, Antiochia inter Presbyteros cooptatum cognovisset, ad se accersivit & congregatis Episcopis mandavit, ut divinam Episcopatus gratiam ei conferrent, maximeque urbis Pastorem constituerent. Sic Imperatoris auctoritate congregati Episcopi tanquam habentes Synodum Joannem Chrysostomum in Episcopum consecrarunt.

III. Arcadius Calchedonensem congregavit Synodum, quæ etsi sædo exitu consummata fuerit, hæc tamen accusata est nusquam, quod Imperator illam congregasset. De hac Synodo Socrates loquitur, in libri VI. hist. capite XIV. Ut primum Epiphanius abnavigaverat, Joanni (Chrysostomo) nuntiatum fuit, Imperatricem Eudoxiam Epiphanius contra illum armasse. Ille utpote natura paulo ardentior, & in dicendo exercitatus & promptus sine mora apud populum concionem, qua omnes mulieres acerbè exagitabat, pro suggestu habuit. Multitudo eam rapit in deteriore partem, tanquam anigma contra Imperatricem elatum. Concio igitur a malevolis arrepta ad Imperatorem defertur. De qua Augusta quoque certior facta cepit apud Imperatorem conqueri, se contumelia affectam. Quam contumeliam ad ejus etiam ignominiam recasuram dixit: Proinde per Theophilum parat, ut Concilium contra Joannem cogatur. Sed Joannes ab hoc Concilio nefariè depositus ad generale Concilium provocavit. Ut Socrates paulo post scribit his verbis: Ubi verò Joannes eos, qui eum accersiverant tanquam inimicos à sua causa disputatione exceperat, & ad generale Concilium provocarat, illi absque mora quater illum accersiverunt. Et post pauca: Quæ res Constantinopoli sub vespere nuntiata multitudinem ad maximam seditionem concitavit. Atque tota nocte excubantes illum ab Ecclesia abstrahi nequam passi sunt, sed sublata voce clamaverunt, ejus causam debere in majore Episcoporum Concilio disceptari.

IV. Imperatrix Eudoxia Constantinopolitanum fieri jussit Concilium, quod non minus sædo exitu, quam Calchedonense absolutum est: Sed Concilii convocationem reprehendit tunc nemo, quasi ab auctoritate

ritate non legitima processisset. Audiendus est Sozomenus in libri VIII. hist. capite xx. Non multo autem post cum argenteum simulacrum Imperatricis columna impositum purpurea dedicaretur & applausus ob id ac publica saltatorum & histrionum spectacula ibi edere-  
 99 rentur; Sicut tunc moris erat in regiarum imaginum dedicatione: Joannes ea, quasi ad Ecclesie contumeliam fierent, in concione ad populum habita reprehendit. Quocirca Imperatrix, cum recens adhuc esset memoria superioris offensa quasi contumeliam passa rursus ira infrenuit, ac Synodum rursus convocari studet. Ea tunc in Ecclesia consuetudo fuit, ut Imperatores vel Imperatrices convocari Synodos præciperent.

V. Joannes Chrysostomus Imperatorem obsecrat, ut Synodum congregare velit. Illius verba sunt in Epistola I. ad Innocentium Papam: Ille statim ausugit, eò quod ingressi mox obsecrabamus religiosissimum Imperatorem, ut Concilium, quo facta hac punirentur, cogeret. Itaque nos non quiescimus, sed in hoc incubimus, orantes Imperatorem ut haberetur iudicium, in quo agere & respondere liceret. Dicebamus enim nos paratos esse ad ostendendum nos non esse reos, sed illos legum extremos transgressores. Chrysostomus, Christianæ libertatis in principes assertor, non orat Pontificem, cui scribit, sed Imperatorem ut convocet Synodum Episcoporum.

VI. Quinetiam ipse Innocentius in hac Chrysostomi causa universale Concilium dicit esse necessarium, sed non cogit ipse, cogendum esse ab Honorio Imperatore scribit. Quæ omnia perfecte constant, tum ex Innocentii literis, quas ad clericos Constantinopolitanos dedit, tum etiam ex Palladio, qui Joannis Chrysostomi vitam memoriæ tradidit. Innocentii verba sunt hæc apud Sozomenum in libri VIII. hist. capite xxvi. Sed quodnam remedium hisce rebus  
 100 in presenti adferemus? Necessaria est Synodalis cognitio, quam etiam multo antea congregandam diximus. Ea quippo sola est, qua huiusmodi procellarum impetus retundere potest, quam quidem donec consequamur, expedit medellam calamitatis huius committere voluntati magni Dei ac Christi ejus Domini nostri: Illa universis, que nunc per invidiam diaboli ad examen fidelium perturbata sunt, tranquillitatem dedit. Nihil autem desperare debemus, freti nostra in Deum fide. Ac nos quidem multum deliberamus, quonam modo Synodus Oecumenica congregari possit, per quam divina voluntate turbulenti isti motus consopiri possint. Palladius verò sic loquitur: Motus his literis (Innocentii Papæ) Princeps (Honorius) præcepit Synodum Occidentalium Episcoporum congregari, & cum in unam sententiam concurrisset, ad se referri. Congregati Italiae Episcopi Imperatorem orant, ut scriberet Arcadio fratri suo, ut juberet Thessalonica Concilium fieri, quò facilius possent utraque partes Orientis Occidentisque concurrere. Sic Italiae Episcopi disciplinam attestantur, qua Imperatores convocari Synodos juberent.

VII. Theodosius & Honorius Imperatores in Carthaginiensi collatione id fecerunt, quod convocati à se Concilii locum tenere potest. Res igitur est huiusmodi in præfatione primæ cognitionis, quæ collationi primæ præfigitur: Dudum vestra sublimitas secundum IMPERIALE PRÆCEPTUM & nos & ceteros, qui tam de sacratissimo comitatu, quam etiam de Africanis officiis sublimitatis tuæ sunt actibus deputati, ad  
 101 singulas provincias destinavit, & edicta etiam per universam Africam direxit, ut tam Catholici, quam Donatistæ Episcopi intra quartum mensem collationi cuncti adesse deberent, quæ tempora hodierna die videntur impleri: Et quia præsto sunt universi, de omnibus scilicet provinciis Africanis, id est, de provincia proconsulari, de provincia Bircensi, de Numidia, de Mauritanis, Sirifensi & Casariensi, sed etiam & de Tripolitana provincia, si præcipit nobilitas tua: Adsint iidem venerabiles viri, ut omnia suo ordine peragantur.

Flavius Marcellinus vir clarissimus tribunus & notarius dixit: Adsint venerabiles viri, quos presentes esse suggeritis. Et ingressis omnibus Episcopis partis Donati, ingressis etiam Aurelio, Alypio, Augustino, Vincentio, Fortunato, Fortunatiano, & Possidio Episcopis Ecclesie Catholicae, cum Novato, Florentio, Maurentio, Bonifacio, Prisco, Sereniano & Scyllacio Coepiscopis suis, Deuterio, Leone, Astero & Restituto aequè Episcopis & custodibus gestorum, Marcellinus vir clarissimus Tribunus Notarius dixit: Optarem quidem tanta huius multitudinis sanctitatem, quæ sub unius Christi Dei religione censetur, nulla à se dissensione seungi, sed quia id quod dudum error antiqui hostis innisit, Deum certum est velle nunc corrigi, ne diutius germana religio concertatione sua spectaculum gentibus faciat, licet supra meritum meum, HOC COGNOSCAM ESSE JUDICIUM: Ut inter eos videar iudicare, a  
 102 quibus me potius decuerat iudicari: Tamen quia certum est, hanc causam spectante Deo & Angelis testibus agitandam, quæ sub fidei celestis examine, vel probata premium afferat, vel lesa iudicium, ut tandem presentium disputationibus Episcoporum manifestius veritas elucescat, IMPERIALIS PRIMITUS SANCTO RECITETUR, ut in quem modum et formam sit suscipienda cognitio, ab omnibus possit adverti, licet eam cunctis innotuisse sat clarum sit. Martialis exceptor recitavit.

IMPERATORES CÆSARES FLAVIUS HONORIUS ET THEODOSIUS, PII, FELICES, victores ac triumphatores Augusti, Flavio Marcellino suo S. Inter Imperii nostri maximas curas Catholica legis reverentia, aut prima semper aut sola est. Neque enim aliud aut belli laboribus agimus, aut pacis consiliis ordinamus, nisi ut verum Dei cultum orbis nostri plebs devota custodiat, ut etiam Donatistas vel terrore vel monitu olim implere conveniant, qui Africam, hoc est, regni nostri maximam partem, & secularibus officiis fideliter servientem vano errore & dissensione superflua decolorant. Nos tamen eadem frequentius non piget replicare, QUÆ OMNIUM RETRO PRINCIPUM DEVOTA IN DEUM DEFINIUIT AUCTORITAS, NE TEMPORIEUS NOSTRIS, SI QUID FORTE IN INJURIAM LEGIS CATHOLICÆ FUERIT GENERATUM, JUSTO JUDICIO HOC NOBIS POSSIT IMPUTATE POSTERITAS. Nec sanè latet conscientiam nostram sermo celestis oraculi, quem errori suo posse proficere scava Donatistarum interpretatio proficitur, qui quamvis depravatos animos correctionem mitius invitaret, aboleri eum tamen etiam antè iussimus, nequa superstitionibus prestare occasio. Nunc quoque excludendam subreptionem simili auctoritate censemus, illudque merito profitemur, libenter nos ea, quæ statuta fuerant, submovere, ne in divinum cultum nobis se quisquam auctoribus astimet posse peccare. Et quamvis una sit omnium & manifesta sententia Catholica legis plenam veritatem recto hominum cultu, & celesti sententia comprobata, studio pacis & gratia venerabilium virorum Episcoporum legationem libenter admisimus, quæ congregari Donatistas Episcopos ad catum celeberrimæ desiderat civitatis, ut electis etiam Sacerdotibus, quos pars utraque delegerit, habitis disputationibus superstitionem ratio manifesta confutet. Quam rem intra quatuor menses PRÆCIPIMUS explicari, ut conversos animos populorum etiam clementia nostra, sicut desiderat, celerius possit cognoscere. Quod si intra præstitum tempus studiose Donatistarum Episcopi declina-verint convenire trini edicti vocatione, contumacium tempora concludantur: Quibus emensis atque transactis, si provocati adesse contempserint, cedat cum Ecclesiis populus, qui Doctores suos silentio cognoverint superatos, & victum se aliquando gratuletur, sciatque si non præceptis nostris, vel Catholica legis veris imperiis servientium. Cui quidem DISPUTATIONI PRINCIPLE LOCO TE JUDICEM VOLUMUS RESIDERE. Quidquid etiam antè in mandatis acceperis plenissime memi-  
 103 nisti,



nisti, omnemque vel in CONGREGANDIS EPISCOPIS, VEL EVOCANDIS si adesse contempserint, curam te volumus sustinere, ut ea, quæ antè mandata sunt, & quæ nunc statuta cognoscis, probata possis implere solertia. Id ante omnia servaturus, ut ea, quæ circa Catholicam legem vel olim ordinavit antiquitas, vel parentum nostrorum auctoritas religiosa constituit, vel nostra serenitas roboravit, novella subreptione submota integra & inviolata custodias. Et quibusdam interpositis: Omnia sanè, quæ vel in unum Episcopis congregatis disputatio completa firmaverit, vel desistentibus fortè statuerit circa contumaces lata sententia te referre, conveniet, ut QUID AD CONFIRMANDAM CATHOLICAM FIDEM PRÆCEPTO NOSTRA PROFECERIT, celerius possimus agnoscere.

Marcellinus vir clarissimus tribunus & notarius dixit: Recitata venerabilis lex gestis presentibus inferatur, cujus definitio evidenter apparuit, unde nunc edictorum per ordinem forma recitetur. Martialis exceptor recitavit. Quid clementissimus Princeps Dominus noster Honorius pro Catholica fidei confirmatione decreverit, antelatorum apicum tenore monstratur. Legationem siquidem venerabilium Episcoporum libenter accipiens, Africam suo devotam semper Imperio vario religionum genere diutius inquietari decolorarique non passus est. Studio namque pacis & fidei tantorum dissidia populorum ex antiqua persuasione veneratio veritatis voluit manifestatione seduci, ut quos sedare principalibus à se sanctionibus prorogatis, ac trahi ad unam fidei sententiam non posse pervidit, habita utrumque partium disceptatione revocaret. Cunctos etenim tam Catholicæ, quàm Donatiana partis Episcopos in unum voluit congregari, ut lectis ab utraque parte peritioribus viris, certæ fidei veritate discussa superpositionem ratio manifesta convincat, quatenus quidquid illud est, quod pro suis partibus æstimat unusquisque posse competere, proferatur in medium, & sic germana vel serò fidei lux clarescat. Consona siquidem utriusque partis petitio ad hanc principem sententiam provocavit. Et post alia: Et quoniam tanti mihi negotii summam committere voluit augustissimus Princeps, illud me quoque fateor libenter accipere, ut si de mea persona aliquid cunctationis affertur, alium mecum iudicem, quem ipsi delegerint Donatiana partis & fidei vel superioris vel similis dignitatis residere non abnuam. Sive autem cum alio, sive solus in hoc negotio iudicaturus interero, nihil aliud me, nisi quod allegationes partium examinata potuerint demonstrare & quod veri inveneris fides per admirabile mysterium Trinitatis, per Incarnationis Dominica Sacramentum, & per salutem memoratorum Principum iudicatum me esse promitto.

Ex his autem omnibus quæ descripti paullo latius, apparet, Collationem nisi reipsa sit Concilium, à Concilio non parum distare. Profecto quæ ibi ge-

renda proponuntur, Concilii speciem referunt. Dicebatur Collatio, quæ progressu temporis Africani Concilii secundi nomen accepit. Deinde hac in Collatione, Imperator Honorius & Marcellinus ab Imperatore delegatus iudex multa sibi sumunt, quæ Augustinus, qui Collationi interfuit, quæ Innocentius I. non reprehendunt, reprehensuri sine dubio, si quæ sibi sumunt Honorius & Marcellinus Scripturis sacris, Ecclesiæ traditioni, & Sedis Apostolicæ decretis repugnassent. Hæc Augustinus, hæc Catholicæ partis Episcopi præsentia sua confirmant, cui Innocentius I. sive Sedes Apostolica suo silentio consensit.

VIII. Theodosius coëgit Synodum, à qua Sisinnius in Constantinopolitanum Episcopum consecraretur. Monumenta rei hujuscæ Photius Bibliothecæ suæ indidit in Cod. LII. Sisinnius item Constantinopolitanus, & Theodotus Antiochenus communem Epistolam ad Berinianum & Antiochium, ceterosque in Pamphilia Episcopos scripsere, cujus Epistola hæc inscriptio est: Deo carissimis sacrorum Collegis Beriniano & Amphiloquio, omnibusque adeo in Pamphilia Episcopis. Sisinnius atque Theodotus, & universa sancta Synodus, quæ Dei gratia in magna urbe Constantinopolitana coacta est, consecrandi gratia Deo amantissimi Episcopi Sisinnii, jussu & auctoritate piensissimi & Christo cari Imperatoris nostri Theodosii, salutem in Domino. Hic sistit convocatarum ab Imperatoribus post annum CCCLXXXI. Synodorum traditio, quam indictæ à Theodosio Constantinopolitanæ Synodo generali subjunximus. Quæ ex Nicephoro sub finem num. I. ad confirmandam Imperialem Constantinopolitanæ Synodi convocationem retulimus, ad Imperialem ipsam Synodi hujus convocationem referenda erant. Sed certa de causa, nempe propter Socratis & Sozomeni transcriptionem non retulimus. Difficile fuisset rem aliter exequi. Hac de re te & lectorem nostrum monendos esse censui, nequis Nicephorum à me perperam intellectum obijciat, etiamsi parum utiliter obijceret. Nam quoquo modo referatur Nicephorus, salva semper erit reipsa Imperialis convocatio, quod unicum spectamus.

Jam quæ tua est mentis sagacitas, animadvertis facile, Synodos illas omnes mutuam sibi præstare operam in demonstratione veritatis, quam nonnulli partium studiis occupati convolvere & inobscurare conantur. Animadvertis quoque, Facultatem Theologiæ Parisiensis quærenti Regi Carolo VIII. rectè respondisse, generalem Synodum aliquando per Reges & Principes congregari posse. Epistola hæc argumentum præbet, quo illa responsio confirmatur. Vale. Lauduni x. Idus Decembris ann. M. DC. LXVI.

# Joannes Launoïus, GUILLELMO VOELLO

Parisiensi Theologo.

Lutetiam.

109 **U**T Theodosius senior Constantinopolitanam Synodum primam, sic & Theodosius junior Ephesinam Synodum primam indixit & convocavit. Tanta & tam varia est convocationis hujus, mihi crede, probatio, ut multitudinem laboret sua. Argumenta colliguntur primum ex iis, quæ Synodum antecedunt: Deinde ex iis, quæ in Synodo fiunt & Synodum comitantur: Tum demum ex iis, quæ subsequuntur. Singula quæque ordine suo complectar. Quæ Synodum antecedunt, sic se habent.

I. Basilius Diaconus & Monachi alii in libello supplici, quem Theodosio & Valentiniano Imperatoribus offerunt, illorum jussu Synodum fieri postulant: *Desideramus Christiana fidei firmamentum inconcussum immotumque persistere. Vestra proinde majestas sacram & œcumenicam Synodum, primo quoque tempore huc coire jubeat, quò hac præsentè Christus Dominus sanctissimas Ecclesias denuò uniat. Ut convocetur Synodus, Imperatores adeunt, alios adituri, si ut adirent, leges postulassent Ecclesiæ; secus si fecissent, non tulissent impune.*

110 II. Theodosius Imperator in Epistola, quam ad Cyrillum Alexandrinum de celebranda Synodo scribit: *Cui, ait, dijudicanda (doctrinæ Ecclesiasticæ) præficus eos oportet, qui Sacerdotiis ubique præsident, per quos & nos quoque in veritatis sententia stabilimur. Et post alia: Quamobrem & tuam quoque reverentiam ad tempus, quod aliis literis ad universos Metropolitanos Episcopos missis ediximus, præsto adesse oportebit, neque prius nostram amicitiam te recuperaturum confidas, quam omni turbatione & animorum agriitudine sedata ad propositarum questionum discussionem ultro accurreris. Imperator istud non sibi sumpsisset, nisi ut sibi sumeret, receptus Ecclesiæ mos permisisset.*

111 III. Theodosius in alia Epistola, quam ad eundem Cyrillum & Metropolitanos regionis illius misit, cogendam à se Synodum denuntiat: *Sapenumero jam antè ob ea, quæ accidunt, religiosam sanctissimorum Episcoporum undique in unum coactorum Synodum necessariam judicavimus, eam scilicet, quæ Ephesi convenit, ut habetur post pauca: Quamobrem ne illa, quæ ad præsentem rerum tantopere utilium inquisitionem spectant, si negligentius curentur, in pejus incrementa sumunt, tua pietas Deo bene propitio operam dabit, ut sacrosancto proximo Paschate elapso sub sacra Pentecostes diem ad Ephesium Asiæ civitatem accurrant, nonnullosque, quos nimirum idoneos judicabit provincia sua Episcopos, simul eodem secum adducat, ita ut neque necessarij sanctissimis ejusdem provincie Ecclesiis desint, neque ii rursus, qui ad eam rem aptè censebuntur, in sacra Synodo desiderentur. De indicta autem sanctissima Synodo nostra serenitas ad omnes omnino Deo dilectos Episcopos Metropolitanos literas scripsit, quò nimirum hac tandem ratione turba, quæ ex multis dissidiis & concertationibus hinc inde enata sunt, rite secundum Ecclesiasticos canones consopiantur: Et illa præterea, quæ hæcenus parum decenter admissa sunt, corrigantur. His nec Cyrillus nec Metropolitanj præfules obstitērunt, causati, Imperatoris non esse Synodum convocare, quam convocabat.*

IV. Theodosius iterum in Epistola, quam per Candidianum Comitem direxit: *Cum magnam, inquit, omnium, quæ à republica sunt, curam habeamus, tum verò maximam illorum, quæ ad pietatem religionemque conservandam pertinere arbitramur; Per ea namque cetera hominibus suppeditantur: Scripsimus proinde non ita multo antè de pietatis vestra Synodo apud Ephesium Metropolim congreganda, eadque sacra nostra inseruimus, quæ instituta rei quam maxime convenire censebamus. Scribere de congregando auctoritate sua Concilio non pergeret, si monitus esset, Concilii congregationem ad alium pertinere. Hoc uti credatur, Imperatoris de Ecclesia bene meriti pietas exigit. Quinetiam Synodus ipsa, quæ rei consensisset non licitæ, errasset gravissime.*

Hæcenus de iis, quæ Ephesinam Synodum antecedunt: Nunc vehiendum est ad ea, quæ in hac Synodo fiunt & Synodum comitantur. Synodus à Theodosio & Valentiniano convocata se esse testatur tam sæpe, ut, qui negaret, homo stolidè pertinax existimandus esset. Siquidem ex negatione tali consequeretur, Ephesinam Synodum nesciisse, quid ipsa gereret, aut scriberet, vel certè quid in ipsa gereretur, aut scriberetur. Rem igitur exponamus.

112 I. In actione 1. Synodo congregata in Ephesium Metropoli ex decreto religiosissimorum & Christianissimorum Imperatorum. Et quibusdam interpositis: *Juvenalis Hierosolymorum Episcopus dixit: Legatur pium piissimorum Christianissimorumque nostrorum Imperatorum edictum ad omnes Metropolitanos destinatum rebusque, quas tractare incipimus, velut fax quedam præluceat. Et quibusdam interpositis: Cyrillus Alexandria Episcopus dixit ..... proinde chartula illa, quæ ad præsens institutum faciunt, ordine recitantur: Maxime verò cum alterum jam piissimorum Christianissimorumque Imperatorum nostrorum edictum severè jubeat, ut quæ ad fidei questionem spectant, discutiantur, & citra omnem curationem definiantur. Quid clarius?*

Deinde in sententia, qua Nestorius abdicatur: *Sancta Synodus juxta religiosissimorum & Christianissimorum Imperatorum nostrorum præscriptum in Ephesium Metropoli congregata Nestorio novo Jude, &c.*

Tum in Epistola ad Clericos Constantinopolitanæ Ecclesiæ: *Sancta Synodus juxta religiosissimorum piissimorumque Imperatorum nostrorum decretum Ephesi per Dei gratiam congregata.*

Quartò in Epistola Cyrilli ad nonnullos è Constantinopolitano Clero: *Terminus quidem sanctæ Synodo à piissimis Imperatoribus præstitutus erat sacra Pentecostes: Prima enim illorum licera, quibus ad Synodum evocabamur, ita jubeant. Neque enim decebat, ut dominorum nostrorum edicta negligeremus. Hæc ille, qui Ephesinæ Synodo præfuit, quique à quo convocata vel convocanda erat Synodus, ignorare certè non potuit.*

Postremò in relatione Synodi ad Imperatores de Nestorii depositione: *Sancta Synodus per Dei gratiam & vestra majestatis nutu congregata.*

II. In actione 11. Synodus congregata in Ephesium Metropoli ex decreto religiosissimorum Christianissimorum



que Imperatorum, ac sedentibus in religiosissimi Episcopi Memnonis Episcopali Sede piissimis Episcopis.

Deinde in Epistola, quam Celestinus Pontifex post indictam à Theodosio Synodum ad eundem Imperatorem scripsit: *Huic celesti cura vel gloria unusquisque nostrum pro sacerdotali officio operam nostram in quantum valemus, impendimus, & huic Synodo, QUAM ESSE JUSSISTIS, nostram presentiam in his, quos misimus, exhibemus, pietatem vestram sub divini obsecramus obtestatione iudicii, nequid turbida novitati licere vestra mansuetudo permittat. Hæc Pontifex Romanus, quæ quis rejiceret, nisi adferat Celestinum, quæ sui sint juris ignorasse? Sed hoc non prius adferret, quam totis theatris exploderetur.*

III. In actione III. cum tunc Celestini, quam Occidentalis Concilii Legati verba sic faciunt: *Synodo in Ephesiorum metropoli congregata ex decreto amabilissimorum Deo, & Christi amantium Imperatorum sanctus Papa noster Celestinus Episcopus nos ipsius presentiam suppletes ad hanc Synodum misit, quam quidem Synodum convenire jusserunt humanissimi Christianissimique Imperatores. Et post alia: Synodum ergo, ut supra diximus, indixerunt, id unum spectantes & satagentes, ut fides Catholica à seculis hæcenus conservata, sic perpetuo immota perseveret. Ingruat quicumque voluerit, Celestinus & Occidentales Episcopi per legatos suos Imperatoriam Ephesinæ Synodi convocationem sustinebant, ne gradu quidem moti.*

IV. In actione IV. Synodo juxta piissimorum Christianissimorumque Imperatorum decretum in Ephesiorum metropoli congregata. Infrà: *Sancta Synodo gratia Dei, piissimorumque & Christianissimorum Imperatorum decreto in hac Ephesiorum metropoli congregata Cyrillus Alexandrinorum & Memnonis Ephesiorum Episcopi, pium (Imperatorum nostrorum) edictum & nos & vestram sanctitatem in hanc Ephesiorum metropolim ea de causa convenire jussit, ut & rectum Apostolica fidei decretum communi sententia confirmetur, & hæresis à Nestorio recens invelta discuiatur.*

V. In actione VI. Synodo in Ephesiorum metropoli congregata juxta sanctionem Dei amantissimorum Principum nostrorum.

Deinde in Epistola, quam Imperatores ad Synodum miserunt, & quæ inter acta Conciliabuli Joannis Antiocheni reperitur: *Quanto pietatis avitæque fidei zelo assidue flagremus, id ex pluribus argumentis prateritisque certis indiciis liquidum ut putamus evasit, maxime verò ex eo etiam terrarum orbi patefactum credimus, quod vestram Synodum nuper convocaverimus. Quis reclamavit?*

Tum in Synodi relatione ad Imperatores sic inscripta: *Piissimis Deoque devotissimis, Theodosio & Valentino Victoribus, triumphatoribus semper Augustis, Sancta Synodus, quæ per Dei gratiam vestraque majestatis nutum in Ephesiorum metropoli convenit.*

Quartò in Episcoporum, qui Constantinopoli inventi sunt, ad commonitorium sanctæ Synodi Rescripto: *Sancta Synodus juxta piissimorum, Christianissimorumque Imperatorum nostrorum edictum apud Ephesum congregata, ubi comperit, &c. Sic non inscribitur Synodi relatio ad Celestinum: Sancta Synodus, quæ per Dei gratiam in Ephesiorum metropoli convenit, Celestino Episcopo in Domino salutem; non additur, & per vestra sanctitatis nutum, ut in Synodi relatione ad Imperatores. Quinetiam in ipsa Synodi ad Celestinum relatione ponitur: Episcopos secundum Imperatorum sanctionem. Verba sunt: Quia verò necesse est, ut omnia, quæ consecuta sunt, sanctitati tue significentur, non potuimus non scribere, secundum omnium nostrum salvatoris Christi voluntatem, piissimorumque ac Christi amantium Imp. nostrorum sanctionem, ex multis variisque provinciis Episcopos supra ducentos in Ephesiorum metropoli nos convenisse.*

Quintò in inscriptione Epistolæ, quam Constanti-

nopolitanus Clerus ad Synodum misit. Ea autem sic se habet: *Piissimis sanctissimisque Patribus nostris juxta religiosissimorum Imperatorum nostrorum decretum ex universo orbe in Ephesiorum metropoli congregatis.*

Sextò in Synodi relatione ad Imperatores de subscriptione: *Vestra quidem majestas non est passa veram fidem Nestorii doctrina labefactari: Immo verò pietas vestra hujusmodi contra Christum sermones aperte detestata est, ex universo propè orbe ad Ephesiorum metropolim congregari nos jussit.*

Septimò in synodica ad Constantinopolitanum Clerum Epistola, quæ sic inscribitur: *Sancta Synodus, quæ Dei per gratiam piissimorumque Imperatorum jussu Ephesi convenit, dilectis comministris Constantinopoli agentibus.*

Denique in libello supplice, quem Clerus Constantinopolitanus Imperatoribus obtulit pro Synodo: *Quamobrem majorum vestrorum erga Ecclesiam amorem ac studium memoria repetentes, ac quemadmodum unusquisque eorum Imperii sui tempore sanctorum Patrum Synodis celebratis paruerit, Patrumque sanctiones legibus suis munendo, quam illi deferrent observantiam, satis ostenderunt: Ita & vos quoque parem affectum erga sanctam synodum, quam modo convenire jussistis, alacriter suscipite.*

VI. In actione VII. Regia auctoritas ob multas & maxime Ecclesiasticas causas Episcopos piensissimos, ut in Epheso conveniant, divinis, apertis, signatisque literis precepit.

Deinde Cyrillus in Apologetico ad Theodosium: *Etenim, inquit, cum sancta Synodus nostra in Ephesiorum metropoli juxta majestatis vestra decretum undique convenisset. Et post alia: Qui Antiochena præest Ecclesia, à vestra majestate ad præfinitum diem adesse jussus, à sancta Synodo absuit.*

Tum demum Theodoretus, qui Concilio interfuit, in Epistola XVI. ad Irenæum Episcopum: *Venerunt, inquit, & qui Synodum convocant, & evocatorias literas, tum aliis quibusdam Metropolitanis, tum nostro reddiderunt.*

Atqui hæc sunt, quæ & à Synodo & in Synodo aguntur & quæ Synodum comitantur, nunc progrediendum est ad ea, quæ Synodum excipiunt.

I. Joannes Antiochenus Episcopus in Epistola, quam ad Sixtum Celestini successorem direxit, idem testatur: *Cum itaque res ita se habebat, anno proximè lapso sacra Deo dilectissimorum Episcoporum Synodus juxta religiosissimorum Christianique amantium Imperatorum nostrorum decretum in Ephesiorum metropoli profliganda Nestoriana hæreseos causa convenit.*

II. Joannes idem in Epistola ad Cyrillum prioribus vestigiis suis ita insistit: *Piissimorum Imperatorum nostrorum edicto religiosissimorum Episcoporum Synodus ad Ephesiorum metropolim, tum Ecclesiasticarum rerum & controversiarum, tum rectæ quoque fidei causa dudum convenire jussa est.*

III. Ibas Edessenus antistes in Epistola ad Marim Perlam, quæ inter acta Calchedonenis Synodi refertur: *Ob hanc contentionem victores & pii triumphatores jusserunt primates Episcoporum in Ephesinam congregari civitatem. Facundus Hermianensis Epistolæ hujus meminit in libri VI. cap. III.*

IV. Socrates in libri VII. hist. cap. XXXIII. Nam & longo tempore interjecto Imperatoris mandato Episcopi ex locis omnibus Ephesum conveniunt, quod etiam Nestorius cum magna populi multitudine contendit.

V. Justinianus Imperator in Collatione prima Synodi V. Theodosius junior congregavit priorem Ephesinam sanctam Synodum, cui præsidebant Celestinus & Cyrillus sancti Pares.

VI. Theodosius & Valentinianus in lege, quæ in Collatione V. ejusdem Synodi V. refertur & probatur: *Quæ (Synodus) per sanctionem Imperialem ex omni orbe terrarum Ephesi congregata est. Hic recentiores*

ores adjungo historicos qui ab antiqua simplicitate non deflexerunt.

Familiam ducit Sigebertus in Chronographia ad annum ccccxxxiii. Tertia Synodus universalis Ephesina prima ducentorum Episcoporum jussu Theodosii junioris Augusti edita est.

Nicephorus in libri xiv. hist. capite xxxiv. Theodosius Imperialibus literis suis in metropoli Epheso locorum omnium Episcopos convenire jussit, sacram Pentecostes diem, qua convenirent, constituens.

Explicata sunt rationum momenta tria omni exceptione majora, quibus liquet, Ephesinam Synodum primam ab Imperatore Theodosio indictam & coactam esse. Et quamvis hac de re non sit facilius, quam de cæteris in Synodo & à Synodo gestis dubitare, Bellarminus tamen Concilii hujus indictionem & convocationem Imperatoriam obscurare voluit.

Examinanda sunt igitur quæ scribit in libri i. de Conciliis capite xiii. De Ephesino, inquit, Concilio I. Prosper in Chronico indicat Ephesinam Synodum factam esse Cyrilli industria, & Celestini auctoritate. Constat etiam ex Evagrio lib. i. cap. 4. & ex epistola Celestini ad Cyrillum, quæ habetur inter opera Cyrilli, & ex Photio in libro de septem Synodis, Cyrillum profectum esse ad Concilium tanquam Apostolica Sedis Legatum, quod est argumentum certum eam Synodum non sine consensu Pontificis coactam esse.

I. Ad Prosperum quod attinet, illius verba referenda sunt: Nestorius Constantinopolitanus Episcopus novum Ecclesiis molitur errorem inducere, prædicans, Christum ex Maria hominem tantum, non etiam Deum natum, eique divinitatem collatam esse pro merito, cujus impietati præcipua Cyrilli Alexandrini Episcopi industria & Papa Celestini repugnat auctoritas. Hæc narrat Prosper Tauro & Felice Consulibus, id est, anno Christi ccccxxviii. quo Ephesina Synodus nec indicta nec coacta est. Bellarminus non legit Prosperum, aut si quando legit, quibus Consulibus quod relatum est, narraret, observare neglexit. Hic auctor describit initia Nestorianæ hæreseos, cui primum Cyrillus, deinde Celestinus, & cum Celestino Occidentales fortiter restiterunt. Sed non loquitur de Ephesina Synodo, quæ Basilo & Antiocho Consulibus coacta est, anno videlicet ccccxxxi. Congregata, inquit, apud Ephesum plus ducentorum Synodo Sacerdotum, Nestorius cum hæres nominis sui, & cum multis Pelagianis, qui cognatum errori suo juvabant dogma, damnatur. Ubi à quo congregata sit Synodus, non dicit. Erravit igitur semel atque iterum Bellarminus, cum in opinionis suæ testem Prosperum adducit.

II. In citando Evagrio non minus erravit. Nam Evagrii locum citat, in quo de Synodi convocatione non agitur, & omittit locum in quo de Synodi convocatione agitur. Evagrii lectione res ipsa constabit. Sic ergo scribit in libri i. hist. cap. ixi. Hæc nefaria Nestorii dogmata cum Cyrillus Episcopus Alexandria vir sanè ipsa fama celebritate insignis sigillatim per literas refutasset, Nestoriusque ejus scriptis reluctatus est, neque Cyrillo, neque Celestini antiquæ urbis Roma Episcopi consiliis obsecundavit, sed suum ipsius virum nihil verius evomuit in Ecclesiam, postulavitque, ut auctoritate ac nutu Theodosii junioris, qui tum Orientis administravit Imperium, primum Ephesi Concilium cogeretur. Itaque Imperatoris literæ erant ad Cyrillum, & ad alios omnes ubique sanctarum Ecclesiarum præsidēs missæ, quæ diem Pentecostes, quo die vitalis & sacer spiritus ad nos descendit, conventui præstiterunt. Deinde in ejusdem libri cap. iv. Ubi igitur quindecim dies ultra diem præfinitum præterierunt, Episcopi Ephesi conveniunt, quasi jam Episcopi versus Orientem habitantes non essent venturi, aut si forte venirent, multum dilaberetur temporis, antequam in unum cogerentur, Cyrillo locum Celestini Episcopatum antiquæ Romæ, ut supra docui, gerentis obtinente accersunt Nestorium, &c. Sic Bellarminus Eva-

grium contra se laudare potuit, sed pro se laudare non potuit.

III. In Celestini ad Cyrillum Epistola nil omnino traditur, quod ad Ephesinæ Synodi convocationem pertineat. Quæ sequuntur verba Celestini, Bellarminus non intellexit, aut intelligere noluit: Quamobrem nostra Sedis auctoritate ascita, nostræque vice & loco cum potestate usus, ejusmodi non absque exquisita severitate sententiam exequeris, nempe ut nisi decem dierum intervallo, ab hujus nostræ admonitionis die numerandorum, nefariam doctrinam suam conceptis verbis anathematizet, eumque de Christi Dei nostri generatione fidem imposterum confisurum se spondeat, quam & Romana & tua sanctitatis Ecclesia, & universa denique religio Christiana prædicat, illico sanctitas tua illi Ecclesia prospiciat. Is verò modis omnibus se à nostro corpore segregatum esse intelligat, ut qui omnem medicinam curam aspernatus, necnon instar pestiferi morbi per universum Ecclesiæ corpus, insano modo grassatus, tam seipsum, quam ceteros omnes sibi commissos in extremum exitium præcipitare studuerit. Eadem hæc & ad sanctos quoque fratres & coepiscopos nostros Joannem, Rufum, Juvenalem & Flavianum perscripsimus, quò nostra, immo verò divini Christi Domini nostri sententia pluribus de eo sit manifesta. Data iiii. Idus Augusti Theodosio xiii. & Valentiniano iiii. Coss. qui anno Christi ccccxxx. respondent. Atque ita graviter hallucinatur Bellarminus, si putat, in his Celestini verbis mentionem fieri ullam Ephesinæ Synodi, quæ anno duntaxat ccccxxxi. post Consulatum Theodosii xiii. & Valentiniani iiii. x. Kal. Julii congregata est. Profectò mirum est Bellarminum Ephesinæ Synodi convocationem in ea Celestini Epistola quærere, ubi Celestinus de convocatione hac nec loquitur, nec loqui potest spectata temporum doctrina, & eam Celestini negligere Epistolam, in qua Celestinus de Ephesinæ Synodi convocatione palam loquitur. Sic enim ad Theodosium Imperatorem scribit: Huic Synodo quam esse jussistis nostram præsentiam in iis, quos misimus, exhibemus.

IV. Photius in libro de septem Synodis dicit quidem Cyrillum profectum esse ad Ephesinum Concilium, tanquam Sedis Apostolicæ Legatum, sed non dicit, Ephesinum Concilium Celestini auctoritate indictum & convocatum esse. Ex his duobus primum non quærimus, secundum quærimus, quod non invenimus. Bellarminus hac in re fucum facit, aut patitur.

V. Cum Bellarminus ita ratiocinatur: Quod est argumentum certum, eam Synodum non sine consensu Pontificis coactam esse; Cum larvis demicat: Quæstio non instituitur, utrum Ephesina Synodus vel citra Pontificis consensum vel cum Pontificis consensu coacta fuerit.

Deinde in hac ratiocinatione oblitus est lemmatis quod in capite xii. sibi sumpsit: Revera Pontificis est, non Imperatoris congregare Synodum generalem. Nam aliud est Pontificem congregare Synodum generalem, aliud, non sine Pontificis consensu congregari Synodum generalem.

Tum jus illud, quod uni Romano Pontifici vult asserere, cum omnibus Episcopis communicat. Nam si Romanus Pontifex universale Concilium censetur indicare, quod non sine illius consensu universale Concilium ab Imperatore indicatur: Ita Eugubinus & alii Episcopi universale Concilium censentur indicare, quod non sine illorum consensu universale Concilium ab Imperatore indicatur. Quid evidentius? Sic Bellarminus ratiocinando secum pugnat, cum in capite xii. scribit: Revera Pontificis est, non Imperatoris congregare Synodum generalem.

VI. Si Bellarminus advertisset ad Synodi hujus historiam, quod de illius indictione & congregatione scripsit, scripsisset nusquam. Inchoata jam erat Synodus, & altera celebrabatur actio, cum Sedis Apostolicæ Legati advenerunt. Estne credibile, Celestinum



sic indixisse & convocasse Ephesinam Synodum, ut illa priusquam Legati advenissent, haberetur? Vir prudens & attentus illud vix crederet, etiam si per indubitatas Celestini literas constaret. Non constat nec potest constare: Quia quod minimè factum est, id uti factum constare nequit potest. Hæc autem observatio, & quæ ex Ephesinæ Synodi actis, atque ex ipsis Celestini & Cyrilli Epistolis retulimus, efficiunt, ut admitti non possit tanquam verum, id quod habet vetus Romanæ Ecclesiæ Diurnum in Romani præfulis recens creati allocutione, ad fratres Episcopos & filios Presbyteros, & universam plebem Dei. *Quibus duobus universalibus, venerandisque Conciliis (Nicæno & Constantinopolitano) tertium generale ducentorum sanctorum Patrum accessit Concilium, quod sub Principali quidem memoria Theodosio Augusto factum est, ex auctoritate tamen Celestini Apostolica Sedis antistitis cum beato Cyrillo Alexandrina Ecclesia præfule.* Et revera qui allocutionem composuit, post Synodum VI. id est, post annos ab Ephesina ducentos plus minùs, historiam Synodi hujus non tam probè tenebat, quam tenuisset æqualis auctor vel ætate suppar. Decretum & indictum est priùs à Theodosio Ephesinum Concilium, quàm Celestinus decretum & indictum esse cognosceret, & eam ob causam ex Celestini auctoritate decerni atque indici non potuit.

124 Carolus Sigonius in libro XII. de Occidentali Imperio Diurnum sequitur & errat, dum ait, *Theodosius Celestini auctoritate literas ad omnes metropolitānos misisse, edicendo ut ad proximam Pentecostem Ephesi omnes adessent.* Diurnum quoque sequitur & errat Alphonsus Ciaconius, dum *Celestini auctoritate Ephesinum Concilium congregatum esse* scribit. Diurnum igitur, Sigonius, Ciaconius, & si qui recentiores alii, errant sine dubio; alioqui, quod insanum foret, dicendum esset, Celestinum, Cyrillum atque Ephesinæ Synodi Patres errare, cum Synodum hanc à Theodosio indictam & coactam esse testantur.

VII. Bellarminus si Ephesinæ Synodi acta legit, contra propriam scripsit conscientiam id quod retulimus. Si quidem acta illa palam & apertè significant, Ephesinam Synodum ab Imperatore Theodosio indictam & coactam esse: Si verò acta non legit, indignum se præbuit, cui ulla in re vix credatur, cum id scribat quod tam apertè falsum est, & ab omnibus, qui sciunt legere, falsum esse deprehenditur. Apage! Christiano homini placere non potest id præstigiarii & officiarum genus, quo veritas absconditur, & incautis error obijcitur, ut existiment id esse verum quod falsum est.

125 VII. Hic occurrit Bellarminus in libri I. de Conciliis capite XII. & itidem Sixtum III. proponit in Epistola ad Orientales ita scribentem: *Valentinianus Augustus nostra auctoritate Synodum convocavit.* Proponit quidem istud, sed mala fide proponit. Epistolæ verba sunt hujusmodi: *Scitote me criminari à quodam Basso & injustè persequi. Quod audiens Valentinianus Augustus nostra auctoritate Synodum convocari jussit.* Valentinianus apud Bellarminum auctoritate Sixti Synodum convocat: Valentinianus verò apud Sixtum præcipit, ut Sixtus auctoritate sua Synodum convocet, atque ita Sixtus apud seipsum Imperatoris mandata exequitur: Sed apud Bellarminum Valentinianus Sixti mandata perficit. Quæ & qualis verborum Sixti apud Bellarminum corruptio & depravatio! Sanus

& integer Sixtus pristinam traditionem retinet, & Imperatori suffragatur, corruptus verò & depravatus sibi quidem suffragatur, sed falsò & inutiliter, quia de particularis, non universalis Synodi convocatione agitur. Hæc ad hominem nempe Bellarminum disputo. Nam Baronio Sixti Epistolam reddenti suspectam faciliè consentio. Binius vitiosam existimat, idque rectè: Utriusque rationibus quas super. vacaneum esset repetere, adjicio Epistolam hanc penitus abhorrere à stylo & scribendi ratione, quæ Sixti epistolæ, siue quæ extant in tomis Conciliorum, siue quæ editæ sunt in Romana Collectione bipartita, exarantur. Styli diversitas tanta est, quantà propemodum esse potest. Diffitebuntur ii soli, à quibus Epistolæ aliæ cum hac ad Orientales Epistola non contenduntur.

Deinde falsa reputari potest historia, quæ ea in Epistola narratur, nempe Sixtum de illato Virgini stupro perperam accusatum esse, eumque se coram Episcopis Romæ congregatis de tali crimine purgasse. Quæ duo cum testimonio sui careant apud auctores æquales vel tempore proximos, argumentum est probabilissimum, hæc non accidisse, sed progressu temporis ficta esse. Nonne tam fingi potuerunt, quàm Polychronius Hierosolymorum Episcopus, quem à Sixto propter illatam Sedi Apostolicæ injuriam damnatum esse fictis fabulis prodiderunt? Juvenalis Sedem hanc ab anno ccccxxxix. usque ad annum cccclvii. tenuit, Ephesinæ & Calchedonenfi Synodo interfuit & subscripsit: Nihil certius. Et Sixtus ab an. ccccxxxi. usque ad annum ccccxxxix. Romanam administravit Ecclesiam. Leo successit. Meminit quidem impacti Sixto criminis Anastasius Bibliothecarius, sed cum inter eum & Sixtum anni intercedunt quadringenti & eò amplius, id sine majorum testimonio persuadere non potest. Sixti accusationem falsam, & coactum ob eam Concilium ex incertis, vel rumoribus vel monumentis collegit, & Sixti vitæ intulit: Absque alia disquisitione ulla: & sanè memoratu dignum est, falsò insinuatam esse tam nefarii criminis Romanum Pontificem, & probatam illius in Episcoporum Concilio innocentiam. Quis autem hæc à Prospero & aliis synchronis auctoribus oblivioni tradita esse crederet, si contigissent?

Præterea cur Sixtus ut ad Orientales, sic & ad Occidentales non scribit? His non minùs, quàm illis Sixti innocentia perspecta & animadversa esse debuit. Ex quo manifestè colligitur vanissimum & ineptissimum esse illius consilium, qui scriptam ad Orientales Epistolam Sixto III. subjecit.

Quidquid in causa, certa mihi sunt duo: Primum, Bellarminum vulgatam Sixti ad Orientales epistolam corrupisse, vel certè ab alio corruptam insumpisse ad lemmatis sui probationem. Quod est insignis *depravatio*. Deinde incorruptam Sixti epistolam prodesse nobis, & obesse Bellarmino. Sed id genus commodi rejicimus, quia veritas non indiget patrocinio falsitatis.

Eccè tibi deduximus Ecclesiæ disciplinam, quæ in Ephesina Synodo retenta & observata est, usque ad Synodos illas, quæ de Eutychetis hæresi judicarunt! Verùm hæc Ecclesiæ disciplina confirmat Theologicæ Facultatis nostræ decretum, quo propositæ à Carolo VIII. Rege de convocandis per Principes Conciliis quæstioni respondet anno m. ccccxcvi. Bene vale. Lauduni x. Calend. Jan. an. m. dc. lxxvi.

# Joannes Launoius

## JOANNI BRAYERO

Parisiensi Theologo, Aquisi Ecclesiastæ.

Lutetiam:

128

**Q**UAS in cogendis adversus Eutychetem Synodis partes Theodosius Imperator obierit, ut referam, hortaris. Hortationi tuæ faciam satis, eoque libentiùs, quod sanctus Leo Papa cogendarum Synodorum potestatem in Theodosio aperte, frequenter ac perseveranter agnoscat. Sic ante omnia perspicies, me ab Romanorum Pontificum doctrina seungi non posse; & nihil mihi magis in amore ac deliciis esse, quàm Sedis Apostolicæ traditionem, qua vetus Conciliorum disciplina sustentetur. Rem igitur repetimus ab initio, & quæ cum in Synodorum actis, tum apud auctores æquales & tempore proximos occurrunt, simpliciter ac sine fūco exponimus.

I. Theodosius præcepit, ut in Eutychetis causa Constantinopolitana Synodus haberetur. Id ex veteribus historicis tradit Evagrius in libri 1. hist. capite 1x. *Temporibus Flaviani error impij Eutychis oritur, de quo Concilium provinciale cogitur Constantinopoli, in eoque Eusebius Dorylaensis Episcopus & dicendi facultate peritus, prolatis libellis primus Nestorii blasphemiam coarctavit. Ubi verò Eutyches accedit, vocatus, illos errores genere suis ipsius verbis deprehenditur. Nam confiteor, Dominum nostrum antequam divinitas cum humanitate conjungeretur, ex duobus fuisse naturis. At post harum rerum conjunctionem unam solum naturam extitisse affirmo. Idem etiam corpus Domini non ex eadem substantia cum nostro corpore constare asseruit. Abdicatur igitur sacerdotio, & tamen cum Theodosium pro se ipso oravisset (libellos enim contra ipsum à Flaviano falso confictos dixit) primum Concilium Constantinopoli ex finitimis Episcopis ad eam rem exquirendam convocatur, à quo in Flavianum, & ab aliis quibusdam Ecclesiarum praesidibus accuratè inquisitum est, ac libellis, quod veri essent, confirmatis, alterum Ephesi celebratur Concilium. Hoc in loco Flavianus Constantinopolitanus sacerdotio privat Eutychetem, qui confugit ad Theodosium, & de Flaviano conquestus effecit, ut Imperator aliud in eadem urbe Concilium indiceret & congregaret. En Constantinopolitanum Concilium in causa Eutychetis celebratum, in quo etiam Flavianus vicerit, restamen ad aliud Concilium majus Ephesi celebrandum delata est!*

II. Leo Papa rogat Theodosium, ut intra Italiam Concilium fieri jubeat in causa Eutychetis. Excitata inter Eutychetem & Flavianum controversia ab utroque admonitus Leo, ad Eutychetem primum, deinde ad Theodosium, mox ad Flavianum literas dedit. Præterea rursus ad Theodosium scripsit precatus, ut in Italia Concilium ea super re fieri juberet. Leonis verba sunt ex Epistola 1x. *Pro integritate fidei Catholica Christianum Principem convenit esse sollicitum, & hoc indefessis precibus divinam misericordiam posco, ut cordi vestro, id quod est veritatis inspiret, neque falli vos in aliquo humanarum calliditatum amulatione patiat. A me autem, atque ab omnibus Catholicis Sacerdotibus, qua Evangelica fidei pietas defendat, satis plenè ac lucide literis meis, quas clementiam vestram jamdudum per*

*famulum vestrum Epiphanium tribunum, qui pro hac causa est, arbitror vos accepisse. Ratum est nec ambigi potest, hoc nos purissime credere, hoc constanter asserere, quod etiam venerandi Patres quondam apud Nicaeam congregati secundum fidem Symboli credendum & confitendum sacratissima auctoritate sanxerint. Nos enim, venerabilis Imperator, sicut Nestorii dogma perversum merito anathematizavimus; ita justè etiam horum impietatem, qui veritatem carnis nostra negant à Domino Jesu Christo susceptam esse, damnamus. Unde si pietas vestra suggestioni ac supplicationi nostræ dignetur annuere, ut intra Italiam habere jubeatis Episcopale Concilium, citò (auxiliante Deo) poterunt omnia scandala, quæ in perturbationem totius Ecclesiæ sunt commota, rescari, ut per universum regnum vestrum Catholica fidei integritate servata, & pacem Christianam manere, & vestram apud Deum crescere gloriam gaudeamus. Pontifex Imperatori rationem fidei suæ reddit, eumque demissè rogat ac suppliciter, ut intra Italiam Episcopale Concilium haberi præcipiat. Sed nullum intra Italiam habitum est, quod Leo non obtinuit, ut postea videbitur, obtenturus tamen facilè, si convocandi Concilii jus penes ipsum, non penes Imperatorem fuisset.*

III. Theodosius Ephesinam Synodum, quæ infaustum exitum habuit, indixit, & convocari jussit. Inter illos, qui convocationis hujus meminerint, principatum tenet Leo variis in Epistolis, & primum quidem in duodecima ad Theodosium: *Quantum rebus humanis consulere providentia divina dignetur, sollicitudo clementiæ vestra spiritu Dei incitata demonstrat, quæ in Catholica Ecclesia nihil impacatum, nihil vult esse diversum: Quoniam fides, quæ nonvisi una est, in nullo potest sui esse dissimilis. Unde licet Eutyches (quantum gestorum Episcopatum ordo patefecit) imperitè atque imprudenter errare detectus sit, debueritque à sua merito reprobabili persuasione discedere: Quoniam tamen pietas vestra, quæ in honorem Dei religiosissime Catholicam diligit veritatem, apud Ephesum constituit Synodale Concilium, ut imperito seni ea, in qua nimis caligat, veritas innotescat, fratres meos Julianum Episcopum, & Renatum Presbyterum, & filium meum, Hilarium Diaconum misi, qui ad vicem præsentiae meae pro negotii qualitate sufficerent. Postquam Imperatoris studium erga Catholicam Ecclesiam & fidem in tantum commendavit, in quantum commendari potuit, testatur constitutam fuisse ab Imperatore Ephesinum Concilium: Pietas, inquit, vestra, quæ religiosissime Catholicam diligit veritatem, apud Ephesum constituit Synodale Concilium.*

Deinde in Epistola xlii. ad Pulcheriam Augustam: *Quantum praesidii Dominus Ecclesiæ suæ in vestra clementia preparavit, multis saepe probavimus documentis. Et quidquid nostris temporibus contra impugnatores Catholica veritatis, industria Sacerdotalis obtinet, ad vestram maxime gloriam redundabit, dum sicut Spiritu sancto docente didicistis, illi per omnia potestatem vestram subjicitis, cujus munere & protectione regnatis. Et post alia: Augustissimus verò & Christianissimus Imperator cupiens,*

132



cupiens, quam celerrimè turbata componi, Episcopali Concilio, quod Ephesi vult haberi, nimium breve & angustum tempus indixit, diem Calendarum Augustarum præstituendo conventui, cum à tertio die Iduum Maiarum, quo serenitatis ejus scripta suscepimus, major pars reliqui sit temporis absumenda, ut profectio Sacerdotum, qui negotio sufficiant, valeat ordinari. Nam illud, quod pietas ejus etiam me credidit debere interesse Concilio, etiamsi secundum aliquod præcedens exigeretur exemplum, nunc tamen nequaquam possit impleri, quia rerum præsentium nimis incerta conditio à tanta in his populis me abesse non sineret, & in desperationem quandam animi tumultuantium mitterentur, si per occasionem causa Ecclesiastica viderer patriam & Sedem Apostolicam velle deserere. Quia igitur ad publicam hanc utilitatem pertinuisse cognoscitis, ut salva clementia vestra venia caritati me & precibus civium non negarem, in his fratribus meis, quos vice mea misi, me quoque adesse cum ceteris aestimate. Quantum in faciendis fidei dogmatibus Principum auctoritas valeat, Leo in aditu Epistolæ demonstrat: mox de brevitate temporis, quod Imp. celebrando apud Ephesum Concilio præfixit, conqueritur: non conquereretur opinor, si prius quaesito Leonis assensu Theodosius Concilium indixisset: De brevitate temporis non conquereretur, sed de usurpata Romani Pontificis auctoritate, si quod Imperator fecerat, jure non fecisset. Leonem de neglecta Sedis suæ prærogativa non accusabis, cum scieris, quis ille, qualisque.

Tum in Epistola xv. ad Ephesinam Synodum secundam: Religiosa clementissimi Principis fides sciens ad suam gloriam maximè pertinere, si intra Ecclesiam Catholicam nullius erroris germen exurgeret, hanc reverentiam divinis detulit institutis, ut ad sancta dispositionis effectum auctoritatem Apostolica Sedes adhiberet, tanquam ab ipso beatissimo Petro cuferet declarari, quid in ejus confessione laudatum sit, quando dicente Domino, Quem dicunt homines esse filium hominis? Varias quidem diversorum opiniones discipuli memorarunt. Et post pauca: Verum quia etiam talium non est negligenda curatio, & pie ac religiosè Christianissimus Imperator haberi voluit Episcopale Concilium, ut plenior judicio omnis posset error aboleri. Pontifex Ephesini Synodi convocationem Imperatoris voluntati & arbitrio tribuit.

Quarto in Epistola xvi. ad Flavianum Constantinopolitanum Episcopum: Literas tue dilectionis accepi cum gestis, quæ apud vos super fidei questione confecta sunt. Et quia clementissimus Imperator pro Ecclesia pace sollicitus Synodum voluit congregari, quamvis evidenter appareat rem, de qua agitur, nequaquam Synodali indigere tractatu.

Quinto in Epistola xvii. ad Theodosium: Acceperis clementie vestrae literis, & multum universali Ecclesie gaudendum esse perspexi, quod Christianam fidem, qua divinitus honoratur & colitur, in nullo dissimilem, in nullo vult esse discordem. Et quibusdam interpositis: Unde quamvis ad diem Concilii Episcopalis, quem pietas vestra constituit, occurrere me ratio nulla permittat, cum nec aliqua ex hoc exempla præcesserint, & temporalis necessitas me non patiatur deserere civitatem, præsertim cum tam evidens fidei causa sit, ut rationalibus causis ab indicenda Synodo fuisset abstinendum: Tamen in quantum Dominus juvare dignatur, meum studium commodavi, ut clementia vestra statutis aliquatenus pareatur, ordinatis hinc fratribus meis, qui amputandis scandalis pro causa equitate sufficiant, quique presentia mea impleant vicem. Hæc omnia si diligenter attendantur, perspicue ostendunt, Leonem ab Imperatore de indicenda Synodo consultum non esse.

Sexto in Epistola xviii. ad Pulcheriam Augustam: Ne autem piissimi Principis dispositioni, qua Episcopale Concilium voluit congregari, nostra videretur presentia defuisse, fratres meos Julianum Episcopum, Renatum Presbyterum, & filium meum Hilarium Diaconum misi, qui vi-

cem presentia mea implere sufficerent. Sic Leo Papa loquitur: Imperator Episcopale Concilium voluit congregari.

Septimo in Epistola xix. ad Julianum Episcopum: Et quia clementissimus Imperator pro benevolentia ac pietate animi sui de statu hujus, qui ante honorabilis videbatur, diligentius voluit judicari, atque ob hoc indicendum credidit Episcopale Concilium.

Octavo in Epistola xxv. ad Theodosium quæ sic inscribitur: Leo & sancta Synodus, quæ in urbe Roma convenit, Theodosio semper Augusto. Literis clementie vestrae, quas dudum ad beati Petri Apostoli Sedem pro Catholica fidei amore misistis, tantam fiduciam sumpsimus defendenda per vos veritatis & pacis, ut in causa tam simplici, tamque manita nihil putarem posse existere, quod noceret; præsertim, cum ad Episcopale Concilium, quod haberi apud Ephesum præcepistis, tam instructi sint missi, ut si scripta, quæ vel ad sanctam Synodum, vel ad Flavianum Episcopum detulerunt, Episcoporum publicari auribus Alexandrinus permisisset antistes, ita manifestatione purissima fidei, quam divinitus inspiratam & accepimus & tenemus, omnium congressionum strepitus quievisset. Hic non Leo solum, sed etiam sancta Synodus unà fatentur præcepisse Theodosium, ut Episcopale apud Ephesum haberetur Concilium. Neque verò id fatentur tantum, sed & sanctum nominant Concilium quod apud Ephesum haberi ceptum erat.

Porro autem Leo in allatis testimoniis omni luce clarioribus generalium Conciliorum indictionem & convocationem, ut quid primatui suo divinitus annexum minimè vindicat. Respectum habet ad literas, quas Theodosius ad Valentinianum scripserat, de indicta à se Ephesina Synodo: Propter hanc igitur, inquit, causam, quoniam quosdam cognovimus, sanctissimas Ecclesias nocibili novitate turbare, Synodum decrevimus Ephesi fieri. Non dissimili modo scripserat ad Placidiam: Ex literis tue mansuetudinis nostra cognovimus serenitas, quod Reverendissimus Patriarcha Leo à tua serenitate poposcerit. His itaque literis indicamus, quoniam de his, quæ dicta sunt à reverendissimo Episcopo, plenius atque apertius sæpe scriptum est. Ex quibus sine dubitatione manifestum est, nihil nos præter paternam fidem, aut dogmata divina, vel definitiones reverendissimorum Episcoporum, qui tam sub diva memoria Constantino in Nicea civitate, quam dudum nostro precepto in Epheso congregati sunt, definisse, aut decrevisse, aut intellexisse, sed hoc solum in Epheso constitui jussimus, ut omnes, qui nocibili latione Ecclesias sanctas turbaverunt, dignè removerentur.

Theodosius eandem in actione 1. Calchedonenfis Concilii ferram reciprocatur, & primum quidem in literis, quas ad Barsumam misit: Quoniam igitur & tua sanctitas pro Catholica fide tantum laborem sustinuit, ut ad nostram perveniret pietatem, jussim esse duximus, tuam sanctitatem puritate vitæ & Catholica fide probabilem ad Ephesinam pergere civitatem, & locum tenentem omnium religiosissimorum Archimandritarum Orientalium considerare sancta Synodo. Deinde quibusdam interpositis, idem Imperator in Epistola ad Proconsulem Asiæ: Quoniam igitur nunc & alia dubitatio contra divinam fidem excitata est, secundam hanc in Epheso fieri Synodum sanximus.

Ad Theodosium & Leonem accedunt, qui de Synodi hujus convocatione verba quoquo modo fecerunt.

Diogenes Cyzici Episcopus, qui Ephesinæ Synodo interfuit. Sic autem ait in actione 1. Calchedonenfis Concilii, inter acta Ephesidamnata Calchedone: Diogenes reverendiss. Episcopus Ecclesie Cyzici dixit: Quoniam vos regulas scitis, Aegyptii & qui cum ipsis reverendissimi Episcopi clamaverunt: Petimus, superfluos mitte foras, Imperator Episcopos vocavit, Synodus Episcoporum est: superflui quare clamant? Imperator vocavit Episcopos, quia Episcopale haberi voluit Concilium.

Anony-

Anonymus auctor Breviculi historię Eutychnianistarum in Appendice Jacobi Sirmondi ad Codicem Theodosianum: Cum ergo Eutychem istum Presbyterum & Abbatem Constantinopolitanam civitatis, Eusebius Dorylitanus Episcopus suadere talia reperisset, zelo fidei, quam etiam cum Agens in rebus esset, ostendit, (ipse enim Nestorium quoque in tempore reprehendit in Ecclesia res sacrilegas pradicantem) detulit ad Flavianum Episcopum & ad iudicium provocavit. Dicta causa est. Cum partes suas Eutyches videret urgeri, per Chrysaphium Spatarium Theodosii præsidium Principis expetivit. Cujus praecepto Florentius vir illustris ex Consule, discussioni Eutyche abesse non potuit. Et jam in praesentia ipsius convincitur Eutyches atque damnatur. Offenditur Imperator, & in Ephesina civitate mandatur Synodum congregari.

Prosper Aquitanus in Chronico integro: Hoc tempore Eutychniana hæresis exorta est, auctore Eutyche quodam Presbytero, qui apud Constantinopolim monasterio celeberrimo præsidebat, prædicans Jesum Christum Dominum nostrum, beatam Mariam Virginis filium nihil materna habuisse substantiam, sed sub specie hominis solum in eo verbi Dei fuisse naturam. Ob quam impietatem, à Flaviano ejusdem urbis Episcopo, quia corrigi noluit, condemnatus est, sed fidens amicitia regiæ & aulicorum favore ab universali Synodo se poscit audiri: Annuente Imperatore Theodosio, qui ob hujus causæ retractationem omnes Episcopos jussit Ephesum convenire. Atque hoc ipsum est Ephesinam Synodum Imperatoris auctoritate convenisse.

Leontius Byzantinus in libri de Sectis actione iv. Eutyches autem ab officio remotus Imperatorem adire, crebroque sibi factam à Flaviano injuriam dicere. Quapropter Imperator Theodosius generale Concilium Ephesi coire jubet, in quo cognosceretur, rectene Flavianus Eutychem deposuisset, necne?

Atqui hæc sunt, quibus citra ullam liquet controversiam, Ephesinum Concilium, quod bene inchoatum fatales exitus habuit, Theodosii Imperatoris jussu & auctoritate indictum ac coactum esse. Qui verò istud negaverit, inventus est nemo hætenus.

III. Theodosius à Leone Papa iterum rogatur, ut in eadem Eutychetis causa Concilium intra Italiam celebrari jubeat, & quidquid in Ephesina Synodo secunda gestum est, suspensum usque detineat, dum Synodus major congregetur. Postquam Ephesina Synodus evasit in prædicatoriam, & meruit, ut Ephesina Synodus secunda non dicenda diceretur, de instauranda Synodo majore Leo Pontifex cogitare cepit; Cujus rei testes sunt illius epistolæ complures, in quibus universale Concilium ab Imperatore postulat.

Prima est **xxiii.** ad Clerum & plebem Constantinopolitanæ urbis, in qua tamen non designatur Concilii locus: Licet de his, qua in Concilio Sacerdotum apud Ephesum gesta memorantur, multos nos mæror afficiat, eo quod, sicut consonans fama dispersit, & ipso rerum monstratur effectu, nec justitia illic moderatio, nec fidei est servata religio: De vestra tamen devotionis pietate gaudemus, & in sanctæ plebis acclamationibus, quarum ad nos exempla delata sunt, omnium vestrorum probamus affectum, quia & vivit & permanet apud bonos filios optimi patris justa dilectio, & Catholica doctrina eruditionem in nulla patimini parte corrumpi. Et sub finem epistolæ: Et quoniam oportet post divinum auxilium, etiam Catholicorum Principum gratiam promereri, humiliter ac sapienter exposcite, ut petitioni nostra, qua plenariam indici Synodum postulamus, clementissimus Imperator dignetur annuere, quo citius adjuvante misericordia Dei, & sanis fortitudo augeatur, & morbidis, si curari acquiescant, medicina præstetur.

Secunda est **xxv.** ad Theodosium, quæ superiori lucis adfert quamplurimum: Dum privata causa religionis exercetur obtentu, commissum est impietate paucorum, quod universam Ecclesiam vulneraret. Comperimus enim non incerto nuncio, sed fidelissimo rerum, quæ gesta sunt, narratore Hilario Diacono nostro (qui vix, ne subscri-

bere per vim cogeretur, effugit) convenisse ad Synodum (Ephesinam) plurimos Sacerdotes, quorum utique frequentia collationi & iudicio profuisset, si is, qui sibi licentiam principem vindicabat, sacerdotalem moderationem custodire voluisset, ut (sicut moris est) omnium sententia ex libertate prolatis, id tranquillo & aequo constitueretur examine, quod & fidei congrueret, & errantibus subveniret. In ipso autem iudicio, non omnes, qui convenerant, interfuisse cognovimus. Nam alios reiectos, alios didicimus intromissos, qui pro supradicti Sacerdotis arbitrio impiis subscriptionibus captivas manus dederint, & nociturum statui suo scirent, nisi imperata fecissent, talēque ab ipso prolatam esse sententiam, ut dum homo unus impetitur, in omnem Ecclesiam favire videretur. Quod nostri ab Apostolica Sede directi adeo impium & Catholica fidei contrarium esse viderunt, ut ad consentiendum nulla potuerint oppressione compelli, constanterque in eadem Synodo (ut decuit) fuerint protestati, nequaquam id quod constitueretur, Sedem Apostolicam recepturam: Quoniam revera omne christiana fidei Sacramentum (quod absit) à temporibus vestra pietatis excinditur, nisi hoc scelestissimum facinus, quod cuncta sacrilegia excedit, aboleatur. Quia verò diabolica nequitia subtiliter fallit incautos, & ita quorundam imprudentiam per similitudinem pietatis illudit, ut pro salubribus persuadeat nocitura, removeat quæsumus à vestra pietatis conscientia periculum religionis & fidei, quodque in secularibus negotiis legum vestrarum aequitate conceditur, in rerum divinarum pertractatione præstate, ut Christi Evangelio vim non inferat humana presumptio. Ecce ego, Christianissime & venerabilis Imperator, cum consacerdotibus meis implens erga reverentiam clementia vestra sinceri amoris officium, cupiensque vos placere per omnia Deo, cui pro vobis ab Ecclesia supplicatur, ne ante tribunal Christi Domini rei de silentio iudicemur; obsecramus coram unius Dei-  
tatis inseparabili Trinitate, qua tali facto leditur, cum ipsa vestri sit custos & auctrix Imperii, & coram sanctis Angelis Christi, ut omnia in eo statu manere jubeatis, in quo fuerunt ante omne iudicium, donec major ex toto orbe Sacerdotum numerus congregetur. Nec alieno peccato patiamini vos gravari, quia (quod necesse est nos dicere) veremur, ne cuius religio dissipatur, indignatio provocetur. Præ oculis habere, & tota mentis acie reverenter aspicite beati Petri gloriam, & communes cum ipso omnium Apostolorum coronas, cunctorumque martyrum palmas, quibus alia non fuit causa patiendi, nisi confessio vera divinitatis & vera humanitatis in Christo. Cui Sacramento, quia impie nunc à paucis imprudentibus obviatur, omnes partium nostrarum Ecclesia, omnes mansuetudini vestra cum gemitibus & lacrymis supplicant Sacerdotes, quia & nostri fideliter reclamarunt, & ejusdem libellum appellationis Flavianus Episcopus dedit, generalem Synodum jubeatis intra Italiam celebrari, quæ omnes offensiones ita aut repellat, aut mitiget, ne aliquid ultra sit vel in fide dubium, vel in caritate divisum. Convenientibus utique Orientalium provinciarum Episcopis, quorum siqui superati minis atque injuriis à veritatis tramite deviarunt, salutaribus remediis in integrum revocentur, ipsique quorum est causa durior, si consiliis melioribus acquiescant, ab Ecclesiæ unitate non excidant. Leo & Romana Synodus postulant ab Imperatore duo. Primum, ut quæ gesta sunt apud Ephesum suspendantur usque dum major ex orbe toto Synodus habeatur: deinde ut Synodus illa habeatur intra Italiam.

Tertia est **xxvi.** ad Pulcheriam: Si epistola, quæ pro fidei causa per nostros Clericos directæ sunt, ad vestram pietatem pervenissent, certum est, remedium vos his rebus, quæ contra fidem facta sunt, aspirante Domino præstare potuisse. Quando enim Sacerdotibus, quando Christiana religioni aut fidei desuistis? Et paullo post: Quæ enim congregata apud Ephesum Synodo sopienda & sananda pacis remedio credebantur, hæc non solum in ma-  
jora



jora pacis dispendia, sed (quod nimis dolendum est) etiam in ipsius fidei, qua Christiani sumus, excidia processerunt. Et hi quidem, qui missi sunt, quorumque unus vim Alexandrini Episcopi, sibi omnia vindicantis effugiens, rerum gestarum nobis ordinem fideliter nunciavit, reclamatione in Synodo, sicut oportuit, unius hominis non tam iudicio, quam furori, protestantes ea, qua per vim metumque gererentur, Sacramentis Ecclesia, & ipsi Symbolo ab Apostolis instituto, praedjudicare non posse, nec se ab ea fide ulla injuria separandos, quam plenissime expressam atque digestam à Sede beati Petri Apostoli ad sanctam Synodum detulissent. Cujus cum recitatio poscentibus Episcopis non sit admissa, ut scilicet remota ea fide, qua Patriarchas, Prophetas, Apostolos, & Martyres coronavit, generatio Jesu Christi Domini nostri secundum carnem, & vera mortis ac resurrectionis ejus confessio (quod horremus dicere) solveretur: Scripsimus de hac re (ut potuimus) ad gloriosissimum Principem, & quod maximum est, Christianum; cujus Epistola pariter exemplar subjecimus, ut fidem, in qua renatus per Dei gratiam regnat, <sup>144</sup> nulla sineret novitate corrumpi, quoniam Flavianus Episcopus in nostra omnium communione persistit: Atque hoc quod factum est sine consideratione justitiae, & contra omnem canonem disciplinam ratum haberi nulla ratio permittit: Et quia dissensionis scandalum non abstulisset Ephesina Synodus, sed auxisset, DE HABENDO INTRA ITALIAM CONCILIO ET LOCUS CONSTITUERETUR ET TEMPUS, omnibus querelis & praedjudiciis partis utriusque suspensis, quo diligentius universa, quo offensionem generaverant, retractentur, & absque vulnere fidei, absque religionis injuria in pacem Christi redeant, qui per impotentiam subscribere coacti sunt Sacerdotes, & soli auferantur errores. Quod ut obtinere mereamur, probatissima nobis fidei pietas tua, qua labores Ecclesia semper adjuvat, supplicationem nostram apud clementissimum Principem sibi specialiter à B. Petro Apostolo legationem commissam dignetur asserere, ut priusquam civile hoc & exiiale bellum intra Ecclesiam convalescat, redintegranda unitatis copia, & modum, Deo auxiliante, concedat, sciens imperii sui viribus profuturum quidquid Catholica libertati, benigna ipsius fuerit dispositione collatum. Quae per vim metumque gesta sunt in Ephesina Synodo narrat Leo & Romana Synodus, & mox petunt, ut intra Italiam Concilium ab Imperatore cogatur.

Quarta est xxxiii. ad Theodosium: Sin verò aliqui à puritate nostrae fidei atque Patrum auctoritate dissentiant, Concilium universale intra Italiam, sicut Synodus, qua ob hanc causam Roma convenerat, necum perit, clementia vestra concedat, ut in unum convenientibus omnibus his, qui aut ignorantia, aut terrore prolapsi sunt, <sup>145</sup> correctionis remediis consulatur. Leo & Romana Synodus semper idem postulant. Ut nimirum Imperator universale Concilium intra Italiam celebrari praecipiat.

Quinta est xxxv. ad Pulcheriam: Quibus vigilantem inspectis Constantinopolitanis antistes repudiandum sibi quod ausus est contra puram & singularem fidem imperita insipientia definire, incunctanter agnoscat. Quia & mea & sanctorum Patrum de Incarnatione Domini concors per omnia & una confessio est. Quam si quis existimaverit non sequendam, ipse se à compage Catholica unitatis abscondet: Cum tamen nos ut in integrum omnia revocentur, optemus. Ad effectum verò salubrium dispositionum velocius obtinendum fratres & Coepiscopos meos Abundium & Asterium, sed & Basilium & Senatorem Presbyteros probatissimos viros misi, qui clementia vestra formam fidei, quam secundum doctrinam venerabilium Patrum praedicamus, offerrent, & remotionis circumlocutionibus, quibus obscurari veritas solet, quid de Incarnatione filii Dei à totius orbis probatis Sacerdotibus defensum fuisset, ostenderent. Quos post divinam gratiam, sancto vestrae pietatis auxilio dignum est adjuvari, ne in totius Ecclesia perturbationem imprudens procedat contentio, cum correctione adhibita omnes oportet

in unius confessionis redire concordiam, à qua si forsitan ab aliquibus discrepat, universale Concilium Sacerdotum haberi intra Italiam clementia vestra annuente jubeatur, quo remota arte fallendi tandem pateat, quid altiore tractatu aut coerceri debeat, aut sanari. Sic Leo sibi semper consentit in agnoscendo cogendarum <sup>146</sup> Synodorum more, quem apud Imperatorem obtinuisse demonstrat.

IV. Valentinianus & Martianus Imperatores oecumenicam Synodum quartam primum Nicææ, deinde Calchedone fieri jusserunt. Quod ita explicatum imus. Interea dum Leo primus omni precum genere rogabat Theodosium, ut generale inter Italiam Concilium haberi praeciperet, hic Imperator diem clausit extremum. In ejus locum sufficitur Marcianus, qui cum Valentiniano Romanum Imperium gubernaret. Quod igitur Concilium, ut celebraretur in Italia, poscebat Leo, in alia regione celebrari Valentinianus & Marcianus decreverunt.

Imperatores id Leoni significant per literas, quae in capite xxxiii. partis primae Calchedonenis Concilii recensentur: Tale propositum, inquit, & desiderium habemus, quatenus omni errore sublato per celebrandam Synodum te auctore maxima pax circa omnes Episcopos fidei Catholica fiat. Verba haec duo, te auctore, ad sancendam inter Episcopos Catholicae fidei pacem referuntur, non ad celebrandam Synodum, quae teste Leone ipso Imperatorum iussu & auctoritate celebrata est, ut suo loco probabitur.

Deinde in capite xxxiv. ejusdem partis extat Marciani ad Leonem epistola, qua & ejusdem consilii meminit, & Pontificem in Orientem advocat: Superest, ait, ut si placuerit beatitudini tuae in has partes advenire, & Synodum celebrare, hoc facere religionis affectu dignetur, nostris utique desideriis vestra sanctitas satisfaciat, & sacra religioni, quae utilis sunt, decerneret. Si verò hoc <sup>147</sup> onerosum est, ut tu ad has partes advenias, hoc ipsum nobis propriis literis tua sanctitas manifestet, quatenus in omnem Orientem, & in ipsam Thraciam & Illyricum sacra nostra litera dirigantur, ut ad quendam definitum locum, ubi nobis placuerit, omnes sanctissimi Episcopi debeant convenire, & qua Christianorum religioni atque Catholicae fidei profint, sicut tua sanctitas secundum Ecclesiasticas regulas definierit, sua dispositione declarent.

Hoc ipsum ejusdem partis 1. cap. xxxv. repetitur in epistola Pulcheriae ad Leonem: Et propterea tua reverentia quocunque modo prospexeris, significare dignetur, ut omnes etiam totius Orientis Episcopi, Thracia atque Illyrici, sicut etiam nostro Domino piissimo Imperatori meo conjugi placuit, in unam civitatem velociter ab Orientalibus partibus valeant convenire, & illic facto Concilio, & de Catholica religione & de his Episcopis, qui ante hoc congregati sunt, sicut fides & Christiana pietas exigit, te auctore decernant. Te, inquit, auctore decernant in iis, quae ad fidem & Christianam pietatem attinent, ex quo luculentior apparet nonnullos verba illa duo de indicenda & convocanda Synodo perperam intelligere.

Non multo post Marcianus Concilii locum Nicæam urbem esse voluit, atque omnes ubique Episcopos per literas, ut eò maturarent, accivit. Hæ literæ extant in capite xxxvi. ejusdem partis primae: Ex illis hæc accipe: Quia igitur dubitationes quadam circa orthodoxam fidem motæ sunt, sicut indicant & <sup>148</sup> litera sanctissimi Archiepiscopi Romæ Leonis, placuit nobis proprie sanctum Concilium fieri in Nicæa Bithyniae civitate. Et post alia: Unde tua sanctitas cum quantis approbaverit reverendissimis Episcopis sub suo Sacerdotio constitutis sanctarum Ecclesiarum expertas habentibus divinas Scripturas & in scientia & in doctrina orthodoxa fidei præ cunctis eminentibus ad memoratam Nicæam civitatem proximis Calendis Septembris advenire festinet.

Et paulo post idem traditur in Epistola Valentini-  
ani & Marciani ad Anatolium Constantinopolitanum  
Episcopum: Quia igitur dubitationes quadam in ortho-  
doxa religione nostra videntur esse commisse, sicut etiam  
epistola reverendissimi Episcopi urbis Roma Leonis testan-  
tur, sed specialiter clementia nostra placuit ut venerabilis  
Synodus in Nicæna civitate provincia Bithynia celebretur.  
Et quibusdam interpolitis: Quare sanctitas tua  
cum quibus placuerit, reverendissimis Episcopis, quos de  
Ecclesiis sub sui Sacerdotii cura constituit idoneos, &  
instructos orthodoxæ religionis esse probaverit, ad prædi-  
ctam civitatem Nicænam intra diem Calendarum Septem-  
brium ire deproperet.

Deinde Valentinianus & Marcianus Synodum, quæ  
Nicææ convenerat, Calchedonem transtulerunt, ut  
habetur in capite xli. & xlii. partis primæ Cal-  
chedonenſis Concilii: Qua de re ita scribunt ad Sy-  
nodum Nicææ congregatam: Imperatores Cæsares Va-  
lentianus & Marcianus victores, triumphatores semper  
Augusti, sanctæ Synodo, quæ apud Nicæam Dei volun-  
tate & nostro decreto est congregata. Infra: Nunc spe-  
cialiter vestram venerationem per has literas nostras sacras  
adhortamur, quatenus sine ulla dilatione accedatis ad Cal-  
chedonenſem civitatem.

Hoc in loco referendum, atque explicandum est  
Valentiniani testimonium, quo Bellarminus in libri i.  
de Conciliis capite xli. sic abutitur: His accedat  
Valentinianus Imperator, qui cum ab Episcopis rogaretur,  
ut permitteret eis Concilium celebrare, respondit, ut  
refert Sozomenus lib. 6. cap. 7. Mihi, qui sum in sorte  
plebis, fas non est talia curiosius perscrutari: Sacerdotes,  
quibus ista cura sunt, quocunque voluerint loco conveni-  
ant. Verum quia dimidiata & truncata mihi non  
placent testimonia, quæ hac de re narrat omnia So-  
zomenus, describo: Ubi verò decessit Constantinopoli  
Valentinianus, perque Thraciam Romam versus iter fecit,  
Episcopi Helleſpontici & Bithyniæ & alii omnes, qui sili-  
um Patri consubstantialem asserendum putabant, mittunt  
ad eum pro se Legatum Hipatianum Heraclea, quod est  
oppidum Perinthi, Episcopum oratum, ut sibi de doctrina  
fidei ritè constituenda in unum conveniendi pote-  
stas permitteretur. Qui cum venisset ad Valentinia-  
num, & Episcoporum postulata ei exposuisset, respondit  
ille, sibi qui unus è laicorum numero erat, non licere se  
ejusmodi negotiis interponere, & ideo, Sacerdotes &  
Episcopi, inquit, quibus hac cura sunt, seorsum per se, ubi-  
cunque ipsis libitum fuerit, in unum conveniant. Quo  
responso ad Legationem Hipatiani dato Lampſaci Concili-  
um cogunt.

Et primò quidem testimonium hoc Bellarmini sco-  
po inutile est. Bellarminus enim intendit probare  
Romani Pontificis non Imperatoris esse generalem  
Synodum congregare. At hic de congreganda Sy-  
nodo generali non agitur: Quæ Synodus Lampſaci  
convenit generalis seu œcumenica habita esse nul-  
quam. Id autem cum ita sit, Bellarminus Sozome-  
ni testimonium suo inopportuno lemmati perperam  
usurpat, & ludicra exercitatione lectorem fatigat &  
decipere conatur. Quod injustum atque inhonestum est.

Deinde integra Sozomeni narratio expositam à no-  
bis traditionem confirmat, tantum abest ut ei oppo-  
natur. Antistites, quorum Sozomenus meminit, palam  
agnoscunt se non posse unum in cœtum convenire,  
quin conveniendi potestatem Imperator faciat. Et  
hoc idem est ac si Concilium Imperator indiceret &  
congregaret. Quod à Bellarmini consilio penitus a-  
lienum est. Nam vult ipse, ut provincialia Concilia  
à Metropolitanis, & nationalia à Primate vel Patriar-  
cha convocentur. Sic antecedentem causam statuit,  
unde inferat, generalium Synodorum indicationem &  
congregationem ad Romanum Episcopum pertinere.  
Hoc unum ille premit & urget, sed ex falsa antecede-  
nte causa premit & urget: Atque ita oleum & ope-  
ram perdit.

Tum Imperator antistitem Legato dixit, sibi cum  
esset unus è laicorum numero, de rebus fidei tractare  
sibi non licere, sed non dixit, sibi non licere Synodos  
indicere. Non dixit, & si dixisset, contra se, ut antè  
vidimus, dixisset, & Valentinianus pugnancia locutus  
Bellarmini quid prodesset consilio?

Postremò quamvis apud Sozomenum de cogenda  
Synodo universali sermo institueretur, dijudicandum  
adhuc esset, utrum affirmantibus Episcopis, penes  
Imperatorem esse, ut generalis Synodus cogatur, mi-  
nor an major adhibenda sit fides, quàm Valentiniano  
affirmanti, id sibi non licere. Ea super re sentiant  
alii quid voluerint, ego sentio majorem Episcopis,  
quàm Valentiniano fidem adhibendam esse. Quæ enim  
sint divini vel Ecclesiastici juris, Sacerdotes summi  
multò magis, quàm Imperatores scire debent. Et  
profectò valde miror, quod Bellarminus Imperatoris  
judicium Episcoporum judicio prætulit, maxime  
cum Imperator, Concilii indicationem & convocatio-  
nem ad Episcopos, non ad unum Romanum Ponti-  
ficem remittat. Quod ille tantum in disputatione  
sua sibi proposuit, & nihil inde præter vituperationem  
rui à Sozomeneſi reportavit.

Nunc ad Leonem venio. In cujus operibus defi-  
deratur epistola ad Episcopos Nicææ congregatos.  
Illius mentionem facit Evagrius in libri ii. hist. ca-  
pite ii. His de causis Concilium Calchedoni coactum  
est, nunciisque ac tabellariis missi, Sacerdotes per literas  
plenas pietatis undique acciti, ac primò Nicæam: Adco  
ut cum Leo Episcopus Romanus ad eos literas daret, per  
Pachasium, Lucentium, & ceteros, quos eò ad suum  
locum supplendum miserat, eas sic inscriberet: Episcopis  
Nicææ convocatis. Quidquid in causa, Leonis epistolæ  
sunt plures, in quibus de indicenda per Marcianum  
Imp. Synodo seu Nicæna, seu Calchedonenſi Pontifex  
fermonem instituit.

Prima est xlii. ad Marcianum Augustum: Nimis  
autem iniquum est, ut per paucorum insipientiam ad con-  
jecturas opinionum & ad carnalium disceptationum bella  
provocemur tanquam reparata disceptatione tractandum  
sit, utrum Eutyches impiè senserit, & utrum impiè Dio-  
scorus judicavit, quin in sanctæ memoria Flaviani con-  
demnatione se perculit, & simpliciores quosque, ut in ean-  
dem ruinam provolverentur, impiegit: Quorum multi  
jam ut cognovimus, ad satisfactionis remedia conversi,  
& veniam de inconstanti trepidatione poscentibus, non  
cujusmodi sit fides tenenda tractandum est; Sed eorum  
precibus qualiter annuendum. Unde piissima sollicitudi-  
ni vestra, quam de indicenda Synodo, habere dignami-  
ni, per legationem qua confestim ad clementiam vestram  
Deo annuente perveniet, quidquid ad causæ utilitatem  
arbitror pertinere, plenius atque opportunius suggeretur.  
Sic Marcianus indicendæ Synodi curam suscipit, &  
Leo, quidquid ad faciendam fidem pertinet per Le-  
gatos suos Marciano indicat.

Secunda est xlii. ad eundem Marcianum: Po-  
posceram quidem à gloriosissima clementia vestra, ut  
Synodum, quam ad reparandam Orientalis Ecclesiæ pa-  
cem, à nobis etiam petitam necessariam judicatis, ali-  
quantisper differri ad tempus opportunius juberetis, ut li-  
berioribus ab omni perturbatione animis, hi quoque Epif-  
copi, quos hostilitatis metus detinet convenirent. Marci-  
anum non Leonem Synodum indixisse argumentum est  
certissimum, quòd Leo à Marciano poposcerat, ut Sy-  
nodi indicationem in aliud tempus differret: Non di-  
stulit. Leo verò sic pergit: Sed quia pio studio hu-  
manis negotiis divina preponitis; & rationabiliter ac re-  
ligiosè regni vestri viribus creditis profuturum, si nulla  
sit in Sacerdotum sensibus dissonantia, nulla sit in Evange-  
lii predicatione discordia, ego etiam vestris dispositionibus  
non renitor optans, ut omnium cordibus Catholica fides,  
quæ non potest nisi una esse, firmetur. Infra: Sequens ve-  
rò in prædicta civitate (Ephesina) non potest vocari  
Concilium, quod in eversionem fidei fuisse constat agi-  
tatum.



tatum; quodque vestra clementia amore veritatis Catholicis adfutura aliud statuendo cassabis, gloriosissime Imperator. Unde per ipsum Dominum nostrum Jesum Christum, qui regni vestri est auctor & rector, obsecro & obsecro clementiam vestram, ut in presenti Synodo fidem, quam beati Patres nostri ab Apostolis sibi traditam pradicarunt, non patiamini quasi dubiam retractari, & quae olim majorum sunt auctoritate damnata, redivivis non permittatis conatibus excitari: Illudque potius jubeatis ut antiqua Nicæna Synodi constituta, remota hereticorum interpretatione permaneant. Nec me quoque (ut voluit clementia vestra) ab illo credatis abesse Concilio, cum in his fratribus, quos direxi, id est, Paschasino & Lucentio Episcopis, Bonifacio & Basilio Presbyteris, & in fratre meo Juliano, quem eorum volui esse participem, etiam mea sit estimanda presentia. Quos auxiliante Christo, ita acturos esse confido, ut ea, quæ Domino nostro placeant, decernantur, accedente pietatis vestrae studio, quod & paci proficit religionis & custodia veritatis. Quæ his in omnibus Imperatori Leo tribuit, indictam Nicææ seu Calchedonem ab Imperatore translatam Synodum fuisse confirmant. Deinde quæ tribuit, majoris sunt ponderis, quam Synodi indictio vel convocatio, quæ ad res in Concilio definiendas aut definitas minimè pervadit: Quodque vestra clementia amore veritatis Catholicis adfutura, aliud statuendo cassabis.

154 Tertia est XLIV. ad eundem Marcianum: Multam mihi fiduciam scribendi ad clementiam vestram, & litera vestra, quæ veneranter accepi, & Coepiscopi mei revertentes à Constantinopoli prabuerunt, non sola assertionem verborum, sed ipsis jam operum effectibus demonstrantes, ad defensionem Catholica fidei divinum in vobis vigere presidium. Quo nique non solum Ecclesia statuit, sed etiam vestri robur munitur Imperii, ut merito ejus expectetis protectionem, cujus colitis religionem & veritatem, gloriosissime Imperator. Pontifex respectum habet ad Synodum, quam Marcianus indixerat, cujus fit postea mentio: Synodum verò fieri, ut meminit clementia vestra, etiam ipsi poposcimus. Sed Sacerdotes omnium provinciarum congregari presentis temporis necessitas nulla ratione permittit: Quoniam illa provincia, de quibus maxime sunt evocandi, inquietante bello ab Ecclesiis suis eos non patimur abscedere. Unde opportuniori tempore propitiante Domino, cum firmiter fuerit restituta firmitas, jubeat clementia vestra reservari. De qua re plenius inter cetera apud pietatem vestram poterunt allegare, quos misi. Si Leo indicendæ Synodi fuisset auctor & rector, quæ ad Marcianum supra scripsit, neutiquam scripsisset: Indictionem Synodi ed distulisset utique, quod differenda sibi esse videbatur. In summa id fecisset ipse, quod ab Imperatore fieri voluit, nec factum est, quia Imperator faciendum non esse censuit, quicquid missi ab Leone Legati potuerint adferre.

155 Quarta est XLVII. quæ sic inscribitur: Leo Episcopus urbis Romæ sanctæ Synodo apud Calchedonem constituta. Optaveram quidem, dilectissimi, pro vestri caritate Collegii, omnes Domini Sacerdotes in una Catholica fidei devotione persistere, nec quemquam gratia aut formidine potestatum secularium depravari, ut à via veritatis abscederet. Sed quia multa sepe, quæ panitudinem possint generare, proveniunt, & superat culpas delinquentium misericordia Dei, atque ideo suspenditur ultio, ut possit locum habere correctio, amplectendum est clementissimi Principis plenum religione consilium, quo sanctam fraternitatem vestram ad destruendas insidias diaboli, & ad reformandam Ecclesiasticam pacem voluit convenire, beatissimi Petri Apostoli jure atque honore servato, adeo ut nos quoque suis ad hoc literis invitaret, ut venerabili Synodo nostram presentiam praberemus, quod quidem nec necessitas temporis, nec ulla consuetudo poterat permittere. Tamen in his fratribus Paschasino & Lucentio Episcopis, Bonifacio & Basilio Presbyteris, qui ab Apostolica Sede directi sunt, me Synodo vestra fraternitas exstimet presidere, nec se junctam à vobis presentiam meam

confidat, qui nunc in Vicariis meis adsum. Hic omnino testatur clementissimi Principis auctoritate factum esse, ut Episcopi Calchedonem convenirent, ibique Concilium celebrarent.

Quinta est XLIX. ad Marcianum Augustum: Credebamus clementiam vestram id desiderio nostro posse prestare, ut presenti necessitate respecta differri ad opportunius tempus Sacerdotalem Synodum juberetis, ut vocatis de cunctis provinciis Sacerdotibus verè posset esse universale Concilium. Sed quia vos amore Catholica fidei congregationem nunc fieri voluistis, ne devoto obviare viderer arbitrio, fratrem & Coepiscopum meum Paschasinum de ea provincia, quæ videtur esse securior, evocatum, qui vicem presentia mea possit implere, direxi, Bonifacio fratre nostro & compresbytero sociato, & his quos antea miseramus, adjunctis, consortem illis fratrem quoque meum Julianum addentes Episcopum. Non potuit significari manifestius, cujus auctoritate Marciani an Leonis Synodus hæc quæ Calchedone convenit, indicta & coacta fuerit? Synodum in tempus opportunius distulisset Leo, si Leonis auctoritate & arbitrio Synodus convenisset.

Sexta est I. ad eundem Marcianum: Sanctum clementia vestra studium, quo ad reparationem pacis Ecclesiasticæ Synodum haberi voluistis, adeo libenter accepi, ut quamvis eam fieri intra Italiam poposcissem & apertius expectari tempus optassem, quò scilicet plurimi possint Episcopi etiam de longinquis provinciis evocari, mox tamen, ut mihi pietatis vestra scripta sunt tradita, & Bonifacium de compresbyteris meis ab urbe direxerim, & de Episcopis fratrem meum Paschasinum de Sicilia fecerim navigare, qui vicem meam sufficienter implem, datis per eosdem Epistolis ad eos, qui legationem antè susceperant, ut ipsi quoque prædictis ad implendas partes mea presentia jungerentur. Unde quamvis nimis arctus dies Synodo fuerit constitutus, spero tamen adfuturum omnipotentis auxilium, quo omnes valeant ad præfinitum tempus occurrere, & unanimiter cum sancta fraternitatis assensu, quæ universali Ecclesiæ congruant, definire. Sic certo certius est, Marcianum generalem indixisse Synodum, & Leonem indictioni præbuisse assensum, qui subsecutus est indictionem, non antecessit. Subsecutus verò est, cum Leo efficere non potuit, ut Imperator Synodi convocationem in aliud tempus remitteret. Quæ assentiendi ratio cæteris, qui Synodo interfuerunt, antistitibus communis est: Et quia communis, Bellarmino & Bellarmini exscriptoribus nihil favet.

Septima est II. ad Pulcheriam: Religiosam clementia vestra sollicitudinem, quam Catholica fidei indefinenter impenditis, per omnia recognosco, & Deo gratias ago, quòd tantam universalis Ecclesiæ curam habere vos video, ut quod justitia & benevolentia congruere arbitror, confidenter insinuem, quo celerius, quæ propitio Christo pietatis vestra studio irreprehensibiliter hæcenus gesta sunt, ad gratulandum perducantur effectum. Quod ergo Synodum Calchedonensem haberi clementia vestra præcepit, cum à me ut in Italia haberetur, mansuetudo vestra retineat postulat, ut omnes nostrarum partium convocati antistites, si securitas temporis suppetet, convenirent: Adeo tamen non aspernanter accepi, ut binos de Coepiscopis meis & Compresbyteris ordinarem, qui vicem meam implere sufficerent, etiam datis ad venerabilem Synodum congruentibus scriptis, quibus fraternitas advocata cognosceret, quam formam servare in hac judicatione deberet, ne ulla temeritas aut fidei regulis, aut canonum statutis, aut benignitatis remediis obviret. Hic postquam dixit non sua, sed aliena potestate congregatam esse Synodum, ea subjungit, quibus Imperatorum verba hæc, auctore te, ad plenum & perfectum intelligantur: Adeo tamen, inquit, non aspernanter accepi ut binos de Coepiscopis meis & Compresbyteris ordinarem, qui vicem meam implere sufficerem, etiam datis ad venerabilem Synodum congruentibus scriptis, quibus frater

fraternitatem advocata cognosceret, quam formam servare in hac dijudicatione deberet, ne ulla temeritas, aut fidei regulis, aut canonum statutis, aut benignitatis remediis obviaret. Eruditus Pontifex huc spectare noverat, quæ Valentinianus & Marcianus, & Pulcheria suis ad eum Epistolis scripserant, & quæ paullo antè retulimus. Et sanè nemo melius Imperatorum mentem interpretabitur, quàm Leo, cujus vel unius intererat scire, quid illi sibi vellent.

Octava est lxi. quæ sic inscribitur: *Leo Episcopus sancta Synodo apud Calchedonem habita: Omnem quidem fraternitatem vestram nosse non ambigo, definitionem sancta Synodi, quæ ob confirmationem fidei in Calchedonensi civitate celebrata est, toto corde me fuisse complexum. Et quibusdam interpositis: Ne ergo per malignos interpretes dubitabile videatur, utrum quæ in Synodo Calchedonensi per unanimitatem vestram de fide statuta sunt, approbem, hac ad omnes fratres & Coepiscopos nostros, qui prædicto Concilio interfuerunt, scripta direxi, quæ gloriosissimus & clementissimus Princeps (sic ut poposcit) in noticiam vestram mittere pro Catholica fidei amore dignabitur, ut & fraterna universitas & omnium fidelium corda cognoscant, me non solum per fratres, qui vicem meam exequuti sunt, sed etiam per approbationem gestorum Synodaliū propriam vobiscum inisse sententiam, in sola videlicet fidei causa (quod sæpe dicendum est:) Propter quam generale Concilium & ex præcepto Christianissimorum Principum, & ex consensu Apostolica Sedis placuit congregari. Ex Apostolicæ Sedis consensu, qui ut ex superioribus Epistolis liquidd patet, Synodi indictionem non præcessit, sed subsequutus est.\**

Et quamvis omni luce clariora sint Leonis testimonia, quæ semel atque iterum retuli, Bellarminus tamen in libri i. de Conciliis capite xii. ut generalem congregare Synodum Romani Pontificis, non Imperatoris esse confirmet, in medium adducit testimonia Leonis tria, quæ nunc expendere oportet.

Primum est ex ferm. iiii. de Anniversario suæ assumptionis ad Pontificatum: *De toto mundo unus Petrus eligitur, qui & universarum gentium vocationi & omnibus Apostolis, cunctisque Ecclesie patribus præponatur, ut quamvis in populo Dei multi Sacerdotes sint, multique Pastores, omnes tamen propriè regat Petrus, quos principaliter regit & Christus. Ex hoc testimonio Bellarminus sic disputat: At quis non videt, ovine conveniat congregare Pastores, an Pastori potius congregare oves? Igitur cum Pontifex Pastor sit, Imperator ovis, non ad Imperatorem sed ad Pontificem spectabit munus Concilia Episcopalia convocandi. Hoc argumenti genus Leoni Papæ contumeliosum est. Nam eo probaretur, Leonem nescisse, quid scriberet, cum Imperatores Theodosium & Marcianum suis in Epistolis toties rogat, & obtestatur, ut generalia Concilia indicare & congregare velint. Abdicat se Pastoris munere, & illud in Imperatores transfert. In ovium numero se constituit, & Imperatores in Pastorum. Sic Bellarminus ut placitis serviat suis, Leonem miserabiliter traducit: Quippe qui Pastoris inter & ovis officium distinguere non potuerit, & tum demum ovem pro Pastore habuerit. Quis nisi Sedis Apostolicæ inimicus Bellarminus animo æquo ferret?*

Deinde Bellarminus in libri i. de Conciliis capite xiii. argumentum suum ut invalidum elidit scribens: *Prima Concilia ab Imperatoribus indicta fuisse, sed ex Pontificum sententia & consensu. Nimirum oves ex Pastorum sententia & consensu Pastores ipsos congregarunt, Pastorum Concilia indixerunt & convocarunt. Propositionem hanc quis non rideret? Tum si oves ex Pastorum sententia & consensu Pastores congregant, cur Pastores ipsi relictis ovibus non sese congregant, & coeunt in Concilium? Sic ille omitteretur circuitus, qui nescio quid animis & au-*

ribus absorum importat. Hæc ad hominem dicta sunt: Nam ad Leonis testimonium aliter dicendum est, & primò quidem in eo nullam fieri de congregandis à Romano Pontifice Conciliis mentionem, ac proinde ad congreganda Concilia malè detorqueri; Cum præfertim Leo ea super re suis in Epistolis tam clare pronuntiet: Deinde non desinit Pontifex Ecclesiam regere, tametsi non ipse, sed Imperator generale Concilium indicat & convocet. Quis enim affirmare auderet, Leonem non rexisse Ecclesiam, quamvis nec Ephesinam Synodum alteram, nec Calchedonensem indixerit & coegerit, ut antè vidimus?

Secundum testimonium est ex sermone i. de Petro & Paulo: *Per sacram beati Petri Sedem caput orbis effecta (Roma) latius præsidet religione divina, quàm dominatione terrena. Nunc autem Imperator vix unius provincie Episcopos ad Concilium cogere possit. Nec enim Itali, Hispani, Galli, Imperatori subiciuntur: Sed habent suos proprios Reges vel Principes temporales. Quid si nullus esset Imperator, immo etiam nullus Princeps Christianus, num ideo Concilia fieri non possent?*

Bellarminus Leonis testimonium ab illius tempore, quo Imperator non unam tantum regebat provinciam, ad hocce tempus, quo præter Imperatorem plures sunt in Occidente supremi principes, deflectit. Nonne sophistica est disputandi ratio hæc? Deinde ad metaphysicas hypothèses, quas Bellarminus fingit Leonis testimonium quid pertinet? Itane scripsit Leo, ut pertineret? Bellarminus intelligendo Leone aut decipitur, aut vult decipere. In Leonis testimonio ne unus quidem apex est de convocacione Synodorum. Aliud est probare, cujus sit Ecclesiæ præsidere; aliud, cujus sit congregare Concilia. Silvester i. Romanæ præfuit Ecclesiæ; Nec tamen Nicenam Synodum convocavit. Damasus Romanæ præfuit Ecclesiæ, nec tamen Constantinopolitanam Synodum indixit. Celestinus Romanæ præfuit Ecclesiæ, nec tamen Ephesinam Synodum primam coegit. Leo Romanæ præfuit Ecclesiæ, nec tamen Ephesinam Synodum alteram, nec Calchedonensem convocavit.

Tertium testimonium est in Epistolæ xciii. ad Turribium capite xvii. *Dedimus literas ad fratres & coepiscopos nostros, eisquæ Concilium Synodi generalis indiximus. Verum ut de quo Synodi genere tractet Leo, facilius appareat, integrum referendum est testimonium: In eo verò quod extremâ familiaris Epistola tua parte posuisti, miror cujusquam Catholici intelligentiam laborare, tanquam incertum sit, an descendente ad inferna Christo, caro ejus requieverit in sepulchro, quæ sicut verè & mortua est, & sepulta, ita verè est die tertio resuscitata. Et post alia: Quod non credere satis impium est, & ad Manichæi, Priscillianique doctrinam pertinere non dubium est. Qui sacrilego sensu ita se Christum simulavit confiteri, ut incarnationis & mortis & resurrectionis auferant veritatem. Habeatur ergo inter vos (Hispaniarum Episcopos) Episcopale Concilium, & ad eum locum, qui omnibus opportunus sit, vicinarum provinciarum convenient Sacerdotes, ut secundum ea, quæ ad tua consulta respondimus, plenissimo disquiratur examine. an sint aliqui inter Episcopos, qui hujus hæresis contagio polluantur, à communione sine dubio separandi, si nefandissimam sectam per omnium sensuum pravitates damnare noluerint. Nulla enim ratione tolerandum est, ut qui predicande fidei suscepit officium, is contra Evangelium Christi, contra Apostolicam doctrinam, contra universalis Ecclesiæ symbolum audeat disputare. Et post alia: Frustrà autem utuntur Catholico nomine, qui istis impietatibus non resistunt. Dedimus itaque literas ad fratres coepiscopos nostros, Tarraconenses, Carthagenenses, Lusitanos atque Gallicos, eisquæ Concilium Synodi generalis indiximus. Ad tuæ dilectionis sollicitudinem pertinebit, ut nostra ordinationis auctoritas*



ad prædictarum provinciarum Episcopos deferatur. Si autem aliquid, quod absit, obtiterit, quo minus possit celebrari generale Concilium Gallicia, saltem in uno conveniant Sacerdotes, quibus congregatis fratres nostri Hyacinthus & Ceponius immincebunt, conjuncta cum eis instantia tua, quò citius vel provinciali conventu remedium tantis vulneribus adferatur. Hoc autem in loco, ut constat, non agitur de generali Synodo, qualis fuit Ephesina, vel Chalcedonensis, sed de generali tantum Synodo, quæ Hispaniarum ambitu solo contineretur. Sed ne istud liqueret, Bellarminus Leonis testimonium truncavit. Hæc enim verba, *Tarracoenfes, Carthaginenses, Lusitanos atque Gallicos*, sultulit: Quibus sublatis de generali Synodo cujusmodi fuerat Nicæna, Leo sermonem habere incautis lectoribus videtur. Sed adhuc frustra. Quis enim unquam œcumenicas Synodos quinque numeravit Leonis tempore? Baronius, qui rem tractat sincerius, ad annum Christi ccccxlvi. generalem universæ Hispaniæ Synodum à Leone indictam esse scribit.

164 Porro autem si quis integrum Leonis testimonium inspiciat penitius, reperiet, Leonem non tam indixisse Concilium (quomodo hac in materia loquendum est) quàm Tarracoenfes, Carthaginenses, Lusitanos & Gallicos monuisse per Turribium, ut generalem ipsi Synodum facerent. Nam si Leo in Bellarmini sensu generale indixisset Concilium, designasset locum, in quo celebraretur: Deinde misisset Legatos, qui Concilio præfuerint. At Leo neutrum fecit. Quod si Bellarminus animadvertisset, Leonis testimonio abusus non esset, nec perspicuus in præteritis reliquisset tanti Pontificis auctoritates, quibus decisam esse quæstionem supra ostendimus. Utinam Bellarminus faperet, uti sapiendum esse Catholicis tractatoribus, Facundus Hermianensis Episcopus monet in libri ix. capite x. *Quemadmodum calumniantium hæreticorum est, ex dubiis & obscuris quæ certa & manifesta sunt malè interpretari: Ita solum est prudentia & pietatis Catholica ex indubitatis atque evidentibus, & firmare ambigua & latentia declarare.* Dolenter hoc observo, sed ut observem, cogit veritas, quæ & Bellarmino & Bellarmini officiis & tergiversationibus præferenda est. Complures Leonis Epistolas, in quibus hic Pontifex de indicenda vel indicta Imperatoris auctoritate Synodo palam aperte & frequenter loquitur, omittit ut divertat ad ea testimonia, in quibus ne verbum quidem ullum de indicenda vel indicta Synodo apparet. Ex quibus insuper nisi per miserabilem accidentis fallaciam concluditur. In conclusione distribuitur, quod in argumento neutquam distribuitur. Dialecticæ tirones id vident, & in viro tanto lamentantur.

Neque verò Valentinianus, Marcianus & Leo solum testantur Chalcedonensem Synodum sic indictam & coactam esse, ut planum fecimus, sed & ipsa etiam Chalcedonensis Synodus id in actionibus pene singulis exaratum esse voluit.

Sic autem præ se fert Actio prima: *In Chalcedonensi civitate facta est Synodus ex decreto piissimorum & fidelissimorum Imperatorum Valentiniani & Marciani.* Et quibusdam interpositis: *Conveniente sancto & universalis Concilio secundum sacram præceptionem in Chalcedonensi urbe congregato.* Et post alia: *Inter acta Chalcedone, Gloriosissimi iudices & amplissimus Senatus dixerunt: Ingredietur reverendissimus Episcopus Theodoretus, ut sit particeps Synodi, quia & restituit ei Episcopatum sanctissimus Archiepiscopus Leo, & sacratissimus ac piissimus Imperator sanxis eum adesse sanctæ Synodo.* Rursus inter acta Chalcedone: *Piissimus & Christianissimus Imperator noster pro aliquibus, quæ emerferunt, iussit hanc congregari Synodum, non ut fidem nostram exponamus, quam exposuerunt jam Patres nostri, sed ut inquiramus, quæ emerferunt, si conveniant sanctorum Patrum nostrorum statuis.*

Hic necesse est observare Bellarminum minimè legisse, quæ mox retulimus & quæ postea referemus. Nam si legisset, in libri i. de Conciliis capite xii. quæ sequuntur, *Chalcedonensis Concilii actione i. Dioscorus Alexandrinus jubetur non sedere inter Episcopos, eo quod Synodum facere ausus fuisset sine auctoritate Apostolica Sedis, quod, inquit, nunquam licuit, nunquam factum est, non adferret, ut Romani Pontificis, non Imperatoris, esse generale congregare Synodum probaret.* Verba illa non pertinent ad convocationem Ephesini Concilii secundi, quod Theodosius indixit. Quò verò pertineant, Leo tradit in Epistola xxv. ad Theodosium: *Litis clementiæ vestra, quas dudum ad beati Petri Apostoli Sedem pro Catholica fidei amore misistis, tantam fiduciam sumpsimus defendenda per vos veritatis & pacis, ut in causa tam simplici, tamque munita nihil putaremus posse existere, quod noceret, præsertim cum ad Episcopale Concilium, quod haberi apud Ephesum præcepistis, tam instructi sint missi, ut si scripta, quæ vel ad sanctam Synodum, vel ad Flavianum Episcopum detulerunt, Episcoporum publicari auribus Alexandrinus permisisset antistes, ita manifestatione purissimæ fidei, quam divinitus inspiratam & accepimus & tenemus, omnium congressionum strepitus quiesceret, ut nec imperitia ultra deciperet, nec occasionem nocendi amulatio reperiret. Sed dum privata causa religionis exercetur obtentu, commissum est impietate paucorum, quod universam Ecclesiam vulneraret.* Dioscorus igitur non permiserat, ut Apostolica Sedis scripta, quibus Occidentalem continebatur iudicium, in Ephesina Synodo legerentur. Atque istud est, de quo Lucentius Episcopus & Sedis Apostolicæ Vicarius pronunciat: *Synodum ausus est facere sine auctoritate Apostolicæ Sedis, quod nunquam licuit, nunquam factum est.* Nunquam enim licuerat, nunquam factum erat, ut quæ scripta Sedes Apostolica ad œcumenicam Synodum miserat, non legerentur. At Synodum Ephesinam primam, Constantinopolitanam & Nicænam Imperatores convocarunt impunè, & Leo Marcianum rogaverat, ut Chalcedonensem, cui Lucentius intereat, congregaret.

Actio secunda: *Conveniente sancto & universalis Concilio secundum sacram sanctionem in Chalcedonensi civitate congregato.* Tunc temporis imperatorum literarum sanctiones sacræ, præceptiones sacræ, vel simpliciter sacræ vocabantur.

Actio tertia: *In Chalcedonensi civitate Bithyniæ provincia secundum Dei gratiam, & ex sanctione piissimorum & fidelissimorum Imperatorum congregato universalis Concilio.* Et post alia in damnationis sententia, quam Synodus ad Dioscorum misit: *Sancta & magna & universalis Synodus, secundum constitutum piissimorum & Dei amatissimorum Principum nostrorum collecta est in Chalcedonensium civitate Bithyniæ. Eadem est inscriptio in Dioscori damnationis sententia, quæ ad Clericos Alexandrinos Chalcedone consistentes mittitur.* Eadem est in edicto, quod Synodus contra Dioscorum proponit. Eadem quoque sic est in Epistola, quam Synodus ad Valentinianum & Marcianum scribit: *Piissimis & fidelissimis & Christianissimis Imperatoribus, victoribus & triumphatoribus, Valentiniano & Marciano, sancta & magna Synodus secundum Dei gratiam & sanctionem vestra pietatis congregata in Chalcedonensi civitate.*

Actio quarta: *Congregato sancto universalique Concilio, quod secundum divinam sanctionem in Chalcedonensium civitate collectum est.* Et quibusdam interjectis in Epistola diversorum Archimandritarum ad Marcianum Imperatorem: *Sugerimus ergo pietati vestra, ut præcipiat, universalem Synodum fieri, quam vestra pietas providentiam faciens nostrum omnium saluti jam convenire sancivit.* Et post alia in Archimandritarum Epistola ad Concilium pro Dioscoro: *Piissimus noster*

noſter Imperator ex quo congregare hanc Synodum conſtituit, pollicitus eſt nobis confirmari tantum expoſitionem fidei CCCXVIII. ſanctorum Patrum, & nihil aliud ante hoc moveri vel fieri.

Actio quinta: Univerſali Synodo ſecundum præcepta diviniſſimi & piſſimi Domini noſtri congregata in Calchedonenſi civitate.

Actio ſexta: Univerſali Synodo ſecundum præcepta diviniſſimi & piſſimi Domini noſtri congregata in Calchedonenſi civitate.

Deinde quibuſdam interpoſitis in allocutione Marciani Imperatoris ad Synodum: Ubi primum divino iudicio ad Imperium ſumus electi, ante alias omnes publicas & ſummè neceſſarias cauſas nihil ſic & conſilio & ſtudio dignum putavimus, niſi ut circa orthodoxam fidem, qua ſancta & vera eſt, omnes unius eſſent ſententia, & nihil de ea dubitabile in animis hominum inſideret. Repertum eſt enim medio tempore, quosdam partim pecuniarum cupiditatibus, partim pravis ſtudiis diverſa ſenſiſſe, & præter ſanctorum Patrum fidem & doctrinæ expoſitionem erroribus plenam multitudinē edidiſſe. Huic rei remedium volentes adhibere ſancſtam veſtram collegimus Synodum, laboribus, quos ex itinere ſuſcepſiſtis, eventum maximè fore credentes, ut vera religio firmaretur.

Actio ſeptima, octava, nona, decima, undecima, duodecima, decimatertia, decimaquarta & XVI. eodem modo loquuntur: Univerſali Synodo ſecundum præcepta diviniſſimi & piſſimi Domini noſtri congregata in Calchedonenſi civitate.

Deinde in ſynodica ad Leonem relatione, quæ ita inſcribitur in cap. II. partis III. Calchedonenſis Concilii: Sancta & magna & univerſalis Synodus, qua per Dei gratiam, & ſanctionem piſſimorum Imperatorum noſtrorum collecta eſt in Calchedonenſium metropoli provincia Bithynia, ſanctiſſimo & beatiſſimo Archiepiſcopo Romanorum Leoni.

Tum in cap. III. ubi Valentiniani & Marciani reſertur edictum, quo Imperatores illi prohibent, ne ulla de fide coram vulgo inſtituatur diſputatio: E diverſis provinciis religioſiſſimi Sacerdotes Calchedonem venerunt juxta noſtra præcepta, & quid obſervari in religione debeat, perſpicua definitione docuerunt.

Deinde in cap. XXVI. ejuſdem partis III. Calchedonenſis Concilii, ubi reſertur Epiſtola Anatolii Conſtantinopolitani ad Leonem Imperatorem: Illa ſiquidem Deo amabilis ac venerabilis Synodus ex Imperiali tunc ſanctione celebrata, &c.

Et quanquam humanis modis omnibus, qui certum atque exploratum aliquid poſſunt efficere, certum atque exploratum efficitur, Valentiniani atque Marciani Imperatorum juſſu & auctoritate indicta & coacta eſt Calchedonenſis Synodus; Bellarminus tamen in libri I. de Conciliis poſtquam cap. XII. ſibi ſumpſit, eſſe revera Pontificis, non Imperatoris, congregare Synodum generalem, id cap. XIII. de Calchedonenſi Synodo confirmat. Verba ſunt: De Calchedonenſi patet ex Epiſtola Marciani Imperatoris ad Leonem Papam, qua habetur ante Concilium Calchedonenſe, in qua Imperator inditurus Concilium rogat Pontificem, ut ipſe veniat & Concilium faciat, & ſi nolit venire, per literas ſignificet, quid agi velit: Et in fine concludit, ſe ſcripturum ad omnes Epiſcopos, ut ad certum locum conveniant. Et qua Chriſtianorum, inquit, religioni atque Catholica fidei proſint, ſicut ſanctitas tua ſecundum Eccleſiaſticas regulas definiſſit, ſua diſpoſitione declarent. Exat etiam inter Epiſtolas ad Calchedonenſe Concilium pertinentes quadam Epiſtola Epiſcoporum ſecundæ Mæſiæ ad Leonem Imperatorem, ubi ſic aiunt: In Calchedonenſium civitate multi Epiſcopi convenerunt per juſſionem Leonis Romani Pontificis, qui verè caput eſt Epiſcoporum.

Denique Gelafius in Epiſtola ad Epiſcopos Dardania dicit, ſolam Apoſtolicam Sedem, ut Synodus Calchedo-

nenſis fieret, ſua auctoritate decreviſſe. Ubi Magdeburgienſiam lapſus notandus eſt, qui Centur. 3. cap. 7. col. 786. non intelligentes, quid illud (ſola) excluderet, putaverunt excludi Imperatorem, & ideo vociferantur, Gelafium eſſe imprudenter mentitum, ſed Gelafius per (ſola) non excludit Imperatorem, ſed alias Sedes Epiſcopales. Non enim Sedes Alexandrina, vel Antiochena, vel Hieroſolymitana, aut etiam Conſtantinopolitana, ſed ſola Romana Sedes eam Synodum fieri voluit, & reiſſa effecit, quanquam non ſine ope pii Imperatoris Marciani.

I. Hæc omnia Bellarminus perinde ſcribit, ac ſi quæ ex parte I. & II. hoc eſt ex ipſis Synodi actis, atque ex parte III. retulimus falſa & adulterina eſſent, vel ea mortalium nemo legere & intelligere valeret: Et ſi deeſſent illa, unus ſufficeret Leo, quem toties in medium adduximus.

II. Si quam aſſertionem Bellarminus ex Marciani ad Leonem Papam, ex Epiſcoporum ſecundæ Mæſiæ ad Leonem Imperatorem, ex Gelafii ad Dardaniæ Epiſcopos literis ſtatuit, hæc vera eſt, Leonem Papam & Calchedonenſem Synodum ipſam neſciſſe oportet, quid ſcriberent, cum quidquid ex iis recenſuimus, ſcripſerunt. Neſciſſe verò quis in animum induceret ſuum? Si cum Calchedonenſem Synodum ab Imperatoribus indictam & coactam eſſe tam apertè, tam frequenter & tam perſeveranter ſcripſerunt, quid ſcriberent neſcierunt, quomodo Bellarminus probare poterit, Leonem & Synodum rectè ſciſſe, quid adverſus Eutychem definierint? Par eſt utrobique obſtendendæ vel ignorantia vel ſcientia ratio, & nuſquam legitima diſparilitas adferetur. Vide nunc ac circunſpice quas in anguſtias Bellarminus ſe conjecit, nolens id quod res eſt, ſimpliciter agnoſcere. Sic extrema cum illo fortuna conſigendum eſt, ut veritas extundatur.

III. Bellarminus mala fide exhibuit, quid Marcianus ad Leonem ſcripſit. Ipſiſſima ſunt verba hæc: 172 Superest ut ſi beatitudini ſua placuerit in has partes advenire, & Synodum celebrare, hoc facere religionis affectu dignetur, noſtris utique deſideriis veſtra ſanctitas ſatisfaciet, & ſacra religioni qua utilia ſunt, decernet. Si verò hoc oneroſum eſt, ut tu ad has partes advenias, hoc ipſum nobis propriis literis tua ſanctitas manifeſtet, quatenus in omnem Orientem, & in ipſam Thraciam & Illyricum ſacra noſtra litera dirigantur, ut ad quandam definitum locum, ubi nobis placuerit, omnes ſanctiſſimi Epiſcopi debeant convenire, & qua Chriſtianorum religioni atque Catholica fidei proſint, ſicut tua ſanctitas ſecundum Eccleſiaſticas regulas definiſſit, ſua diſpoſitione declarent. Marcianus his in verbis determinandi loci, in quo Synodus fiat, juſ ſibi tribuit. Hoc autem quid aliud eſt, quàm Synodum indicare? Leoni verò & reliquis antiſtitibus definiendarum rerum, quæ fidem attinent, poteſtatem aſſerit. Quæ omnia Bellarminus permixcet inter ſe & confundit, ut his permixtis atque confuſis id appareat, quod revera falſum eſt.

VI. Si Mæſiæ ſecundæ præſules verum dicerent, Calchedonenſis ipſa Synodus erraret, cum paſſim affirmat, ſe Imperatorum ſanctione & decreto conveniſſe. Erraret Leo ipſe, cui quod non ſibi vindicat, Præſules illi ſibi vindicant. Coacta eſſet Synodus per juſſionem Leonis, qui ſuis apud Marcianum precibus obtinere non potuit, ne tam citò cogeretur. Exinde ſumendum eſt, Mæſiæ ſecundæ Epiſcopos id Leoni tribuere, quod revera Leo ipſe & Synodus & alii bene multi Marciano tribuunt. Quin igitur erraverint, negari non poteſt. Id factum putarunt, quod omnino non eſt factum. 173

V. Ad Gelafium quod attinet: Bellarmino non tam laborandum fuit, ut is cum Imperatore, quàm cum ſeipſo conciliaretur. Res hæc ita ſe habet: Gelafius in epiſtola ad Epiſcopos Dardaniæ ſcribit: Apoſto-



lica Sedes pro veritate ut Synodus Calchedonensis fieret, sola decrevit, in quo Pontificibus innumeris, qui latrociniis corruerant Ephesino, veniam poscentibus sola concessit. Romana Synodus, qua sacri & authenticissimi libri discernuntur ab apocryphis, & cui Gelasius præfuisse dicitur, de Calchedonensi Concilio tradit, quæ sequuntur: S. Romana Ecclesia post illas veteris vel novi Testamenti quas regulariter suscepimus, etiam has suscipi non prohibet scripturas, id est sanctam Synodum Nicænam. Et quibusdam interpolitis: Sanctam Synodum Calchedonensem, mediante Marciano Augusto & Anatolio Constantinopolitano Episcopo, in qua Nestoriana & Eutychiana hæreses simul cum Dioscoro ejusque complicitibus damnata sunt. Ibi nulla est vel Leonis vel Apostolicæ Sedis mentio. Tantum abest, ut Gelasius in Romana Synodo id de sola Sede Apostolica pronunciat, quod in epistola ad Episcopos Dardaniæ sine Romana Synodo pronunciat. Bellarminus illa duo, quæ non videntur coherere inter se, observare debuit, & inter se conciliare, si conciliari possunt. Quinetiam Bellarminus, ut à Magdeburgensibus dissentiat, à Gelasio & Romana Synodo dissentit; qua parte docet, Gelasium per (sola) Episcopales Sedes alias, quarum in 174 numero Constantinopolitanam collocat, excludere.

Tum si res ex seipsis pensentur, Gelasius cum Synodo Episcoporum lxx. locutus, Gelasio sine Synodo tali Epistolam scribenti præferendus est. Quis quæso istud in dubium vocare auderet? Quocirca si falleretur Gelasius, cum in Synodo pronuntiat; falleretur multo magis, cum sine Synodo pronuntiat. Hoc argumentum eo est fortius, quod Bellarminus Romanam illam Synodum Gelasio tribuat, cum aliis in locis, tum maxime in libri I. de verbo Dei capite IV. Præterea quibus rationum momentis Bellarminus probabit, falsam esse, quæ narrat Gelasius in Synodo, iisdem ego vel quis alius probabit, vera non esse, quæ Gelasius sine Synodo scribit in Epistola ad Episcopos Dardaniæ. Hoc unum premo, hoc unum mihi fumo, nec ullæ poterunt unquam extrui machinæ, quæ disputandi genus illud disturbent, & aliud desectant. Si Bellarminus controversiæ decisionem ad Leonis Epistolas & Calchedonensis Concilii acta revocat, ut Gelasium in Synodo & cum Synodo locutum errasse ostendat, nos quoque illam ad eandem Leonis epistolas & eadem Calchedonensis Concilii acta revocabimus, ut Gelasium sine Synodo in epistola ad Dardaniæ Episcopos locutum errasse demonstramus. Quidquid id est, & quidquid futurum sit, in antecessum dicimus, Gelasium ea in Epistola historiæ leges neglexisse, vel errasse Leonem Papam, cum in relictis illius Epistolis id scripsit, quod supra exposuimus. Dicenda sunt cum veritate, quæ veritas ipsa gestit. Et si Bellarminus instituisset eam dicere, Gelasii epistolam ad Episcopos Dardaniæ tractasset aliter, quam tractavit, & retractandi quæ scripsit, onere nos levasset.

175 Hactenus, ut apparet, ad hominem, Bellarminum scilicet disserui, Hieronymi Ecclesiarum Doctoris exemplum imitatus: Sequar te quocunque ieris; aut pariter in luto hærebimus, aut pariter expediemur. In Dialogo contra Luciferianos. Nunc ad simplicem rei veritatem accedo. Igitur cum ait Gelasius: Apostolica Sedes pro veritate, ut Synodus Calchedonensis fieret, sola decrevit, non fingit historiam cujus monumenta fuerint nulla, sed narrat historiam cujus scribendæ materiam Leo & Romana Synodus, nempe Apostolica Sedes objiciunt in Epistola xxv. ad Theodosium, quæ negotio huic lucis adfert plurimum. Hæc supra jam relata est. Sed nunc repetenda tantum sunt ea, quæ rem conficiunt: Ecce ego, inquit Leo, christianissime & venerabilis Imperator, cum Consecratoribus meis, id est, cum Romana Synodo, implens erga reverentiam clementiæ vestre sinceri amoris officium, cupiensque vos placere per omnia Deo, cui pro vobis ab Ecclesia sup-

plicatur, ne ante tribunal Christi Domini rei de silentio judicemur, obsecramus coram unius Deitatis inseparabili Trinitate, quæ tali facto ladiur, cum ipsa vestri sit custos & auctrix Imperii, & coram sanctis Angelis Christi, ut omnia in eo statu manere jubeatis, in quo fuerunt ante omne judicium, donec major ex toto orbe Sacerdotum numerus congregetur. Nec alieno peccato patiamini vos gravari, (quia quod necesse est nos dicere) veremur, ne 176 cujus religio dissipatur, indignatio provocetur. Præ oculis habete, & tota mentis acie reverenter aspiciate beati Petri gloriam, & communes cum ipso omnium Apostolorum coronas, cunctorumque martyrum palmas, quibus alia non fuit causa patiendi, nisi confessio vera divinitatis & veræ humanitatis in Christo. Cui Sacramento, quia impie nunc à paucis imprudentibus obviatur, OMNES PARTIUM NOSTRARUM ECCLESIAE, OMNES MANSUETUDINI VESTRÆ CUM GEMITIBUS ET LACRYMIS SUPPLICANT, UT QUIA ET NOSTRI FIDELITER RECLAMARUNT, ET EJUSDEM LIBELLUM APPELLATIONIS FLAVIANUS EPISCOPUS DEDIT, GENERALEM SYNODUM JUBEATIS INTRA ITALIAM CELEBRARI. Ut generalis Synodus haberetur in Italia, non obtinuerunt Leo & Romana Synodus: Sed in Oriente habita est, Nicææ primum cœpta, deinde translata Calchedonem: Quod spectat Gelasius, cum ait: Ut Synodus Calchedonensis fieret, Apostolica Sedes sola decrevit, etiam si aliò spectare reapse debuerit. Non enim petierant Leo & Romana Synodus, ut generale Concilium fieret Calchedone, sed intra Italiam. Qua in re benigne interpretandus est Gelasius, qui potius ad destinatum ab Imperatore generalis Concilii, quam ad postulatum à Leone & Romano Synodo locum respicit. Cum verò ait Gelasius, Apostolica Sedes ut Synodus Calchedonensis fieret, sola decrevit; hoc ea ratione decrevisse intelligenda est, quam Leo & Romana Synodus in Epistola sua exponunt, Imperatorem nempe rogando simpliciter, ut generale Concilium fieri juberet.

His autem ita explicatis apertè liquet, nec Magde- 177 burgenses nec Bellarminum Gelasii mentem assecutos esse. Occupati suis quique præjudiciis intus sibi cecinerunt, eoque traxerunt Gelasium, quò trahendus non erat. Hic per particulam (sola) Imperatorem non excludit, quasi voluerit Pontificis, non Imperatoris esse, generalem Synodum congregare, ut Magdeburgenses falsò putarunt. Deinde per particulam (sola) alias quidem Sedes Episcopales excludit, sed non excludit, quomodo excludere Bellarminus judicat. Nam judicat excludere ut significet, Pontificis non Imperatoris esse generalem congregare Synodum, & Pontificem reipsa Calchedonensem Synodum congregasse. Qua de re non agitur apud Gelasium ut ante visum & probatum est. Adhæc Bellarminus Gelasii textum corrumpit scribens: Gelasius in Epistola ad Episcopos Dardaniæ dicit: Solam Apostolicam Sedem, ut Synodus Calchedonensis fieret, sua auctoritate decrevisse. Gelasius his verbis (sua auctoritate) non utitur: Sic omnino dicit: Apostolica Sedes pro veritate, ut Synodus Calchedonensis fieret, sola decrevit, non addit Gelasius, sua auctoritate, sed Bellarminus addit, & Magdeburgensium lapsum corrigendo ipse labitur, & correctione indiget.

Magdeburgenses & Bellarminus debuerunt integram Gelasii ad Episcopos Dardaniæ epistolam perlegere, & observare, ad malè vel benè gestam Synodum non attinere Synodi convocationem. Adscribo verba quæ pluribus in Epistolis jam laudavi: Malè gesta Synodus, id est, contra Scripturas sanctas, contra doctrinam Patrum, contra Ecclesiasticas regulas, quam tota 178 merito Ecclesia non recepit, & quam præcipue Sedes Apostolica non probavit. Bene gesta Synodus, id est, secundum Scripturas, secundum traditionem Patrum, secundum Ecclesiasticas regulas pro fide Catholica & communione prolata,

prolatam, quam cuncta recepit Ecclesia, quam maxime Sedes Apostolica comprobavit. Sic ad veram, & genuinam Synodi notionem non exigit Synodi ejusdem convocationem, quæ vel à Pontifice vel ab Imperatore fiat. Quod si Magdeburgenses & Bellarminus perspexissent, Gelasii mentem aliter intellexissent.

Cæterum Valentiniani & Marciani literis, atque edictis, Leonis Papæ epistolis compluribus, Calchedonenſis Synodi gestis, & monumentis aliis, quæ Imperatoribus Calchedonenſis Synodi indictionem & convocationem vindicant, succedunt historici & auctores, qui ante & post Gelasium clauerunt.

I. Theodoretus, qui Concilio interfuit, in epistola cxxxviii. ad Anatolium Patricium: *Adhuc Deo dilectorum illorum (Imperatoris & Augustæ) sublimitatem obtestamini, ut recte institutis finem imponant, ut Synodum convocent, non turbulentis iterum & collectitiis hominibus refertam, sed ab iis omnibus disjunctam, eorum, qui divina judicent & magni faciant, veritatemque humanis rebus omnibus potorem habeant.*

Deinde in epistola cxxxix. ad Asparem Consullem & Patricium: *Adhuc etiam ab eis (Imperatore & Augusta) postulandum magnitudo vestra flehti se sinat, ut Ecclesia tempeſtati perfectum finem imponant, & Synodum congregari subeant, non eorum iterum, qui tumultuari soliti turbent Concilium, sed qui cum quiete illorum, qui divina sunt edocli, & Apostolica dogmata confirmant, & spuria atque à veritate aliena rejiciant.*

Denique in epistola cxi. ad Vincomalum Magistrum: *Magnitudinem porro vestram oro, ut gratias meis verbis agatis Christi amanti victorique Imperatori, & religiosissima, Deoque dilectissima Augusta, quod pio imperio validam radicem dederint pietatem, illorumque potentiam exoretis, ut firmam Ecclesiis pacem efficiat, & Synodum congregari jubeat, non tumultuantium rursus hominum, qui conventum perturbent, sed veritatis amantium, qui doctrinam Apostolicam stabiliant. His autem verbis omnibus non obscure significat auctor, loqui se de ea Synodo, id est, Calchedonenſi, quæ Ephesinam Synodum secundam non dicendam excepit.*

II. Prosper Aquitanus in Consulari Chronico: *Hujus (Marciani) edictis Apostolica Sedis auctoritatem secutus Synodus Ephesina damnatur, & apud Calchedonem celebrari Concilium Episcopale decernitur.*

III. Antiquus scriptor Breviculi historiæ Eutychianitarum: *Exemplo anno moritur Theodosius Imperator, Chrysaphius puniatur, Marcianus Princeps factus est. Lassam fidem graviter ferens indicit Synodum apud Nicæam, in qua & ipse & Pulcheria resedit, & omnis cum eo Senatus & potestates. Quam Synodum postea tranſtulit Calchedona propter palatii vicinitatem. In Jacobi Sirmondi Appendice ad Codicem Theodosianum.*

IV. Anonymus, sed vetus auctor vitæ sancti Auxentii Abbatis: *Videns magnus & orthodoxus Imperator Marcianus Ecclesiam in magna confusione & perturbatione decernit, ut Episcopi totius ferè orbis venirent Calchedonem civitatem Bithyniæ.*

V. Liberatus Afer Diaconus in capite xiii. Breviarii: *Sed eo (Theodosio) defuncto, cum Marcianus Imperii culmen fuisset adeptus, pro illius Papæ & Principum Romanorum petitione universale Concilium in Nicæa congregari jussit. Ubi occurrentibus dcxxx. Episcopis, & eis sedentibus Legati Papæ Leonis Marcianum petierunt, ut sui præsentiam præstaret Concilio, alioquin ipso absente ad Concilium non occurrent, & ita jussit Imperator Synodum transferri Calchedonem ut de proximo ad Concilium veniens eorum implemet petitionem.*

VI. Evagrius in libri ii. hist. capite ii. *Marciano igitur ista in animo habenti accedum tum illi, qui Leonis antiquioris Romæ Episcopi responsa ad alios perferre solent, docentque Dioscorum, decisionem Leonis in secundo*

Ephesino Concilio rectam sententiamque præscribentem repudiasse. Tum alii, qui erant à Dioscoro injuriis affecti, orantque ut de ipsorum rebus Concilium judicaret. Quod quidem ab Imperatore maxime omnium contendit Eusebius Dorylaensis Episcopus, ostenditque se tum Flavianum fraude & fallacis Chrysaphii Theodosii satellitis abdicatum fuisse, quod Flavianus Chrysaphio aurum pro ejus ad Episcopatum ordinatione postulanti, sacra Ecclesia vasa, quæ eum pudore suffunderet, misisset, quodque Chrysaphius in simili errore & pravitate cum Eutychæ versaretur. At præterea Flavianum miserandum in modum à Dioscoro interfectum, per vim ab eo Ecclesia extrusum, & calcibus verberatum. His de causis Concilium Calchedoni coactum est, nunciisque ac tabellariis missi, Sacerdotes per literas plenæ pietatis undique acciti (per Impp.) Ac primò Nicæam, adeo ut cum Leo Episcopus Romanus ad eos literas daret, per Paschasium, Lucentium & ceteros, quos eo ad suum locum supplendum miserat, eas sic inscriberet: Episcopis Nicææ convocatis S. postea autem Chalcedonem urbem Bithyniæ.

VII. Justinianus Imperator in Collatione i. Constantinopolitani Concilii V. *Marcianus congregavit Chalcedona sanctos Patres, & magna contentione inter Episcopos facta, non solum per suos judices, sed etiam per seipsum in Concilium pervenit, & ad concordiam omnes perduxit.*

VIII. Vigilius in epistola x. ad universam Ecclesiam: *Sciant universi nos illam fidem prædicare, tenere atque defendere, quam ab Apostolis iraditam & per successores eorum inviolabiliter custoditam reverenda Nicæana Synodus cccxviii. Patrum sancto Spiritu sibi revelante suscipiens redegit in symbolum: Ac deinde res alia sancta Synodi, id est, Constantinopolitana cl. Patrum sub pia memoria Theodosio seniore Principe facta, & Ephesina prima, cui beata memoria Papa Celestinus decessor noster & Cyrillus Alexandrinus Episcopus præfuerunt: Sed & Calchedonenſis dcxxx. Patrum, quæ sub pia memoria Marciano Imperatore convenit, cuiusque sancta recordationis decessor noster Papa Leo per Legatos suos Vicariosque præfedit. Cur Vigilius, qui anno post Gelasium xlii. ad Romanam accessit Ecclesiam, ut Leonem Calchedonenſi Concilio præfuisse dicit, sic & illud Concilium indixisse se non dicit, si ut verè diceret, ferebat Sedis Apostolicæ traditio?*

IX. Manfuetus Mediolanensis Episcopus in Synodica ad Constantinum IV. epistola: *Tunc, inquit, à præstantissimo & Christianæ religionis amatore Marciano Imperatore collecta est sancta Synodus in civitate Calchedone dcxxx. Patrum veneranda cohors.*

X. Romani Pontifices post consecrationem suam olim emittebant fidei professionem, quæ in veteri Romanæ Ecclesiæ Diurno extat. Et sic incipit: *Ill. Episcopus Catholica & Apostolica Ecclesiæ urbis Romæ reverendissimis fratribus, & dilectissimis filiis, seu universa plebi Dei. Et pluribus interpositis: Pro hujusmodi ergo de Incarnatione Dei Verbi regulis explanandis etiam quartum sanctum sexcentorum triginta patrum sanctorum Concilium sub Augusta memoria Marciano in Calchedone concurrat. Cui Apostolicus Papa Leo per Legatos & Vicarios præfuit. Hic nec præmittitur, nec additur Leonem Concilium cui præfuit, indixisse. Quinetiam Marcianum indixisse Concilium non obscure significant verba hæc, Concilium sub Augusta memoria Marciano in Calchedone concurrat. Sensus hunc confirmant, quæ postea de Synodo quinta sequuntur: Hæc igitur sancta atque universalis quatuor Concilia etiam sanctum quintum Concilium venerandum consecutum est, & sub pia memoria Justiniano Principe apud Constantinopolitanam urbem congregatum. At Justinianum congregasse Synodum quintam quis iret inficias? Qui assereret, Vigilius indixisse Synodum cui interesse noluit, Et à qua per constitutum suum, tam vehementer dissentit? In summa pergere in exilium maluit, quam consentire. Sub hoc tempus cum Ado dixit in Chronici ætate vi: Leonis Papa industria celebratum esse Chalce-*



Chalcedonense Concilium, dicens voluit, Leonis diligentia factum esse, ut Imperator Concilium illud haberi præciperet.

XI. Sigebertus in Chronico ad annum CCCCLII. Instantia Leonis Papa jubente Imperatore Marciano congregata & habita est quarta universalis Synodus DCXXX. Episcoporum.

XII. Nicephorus in libri xv. hist. capite II. Eorum rerum gratia Imperatorum literis locorum omnium Episcopis convocatis Synodus Chalcedone est coacta, qua quidem primum Nicæa convenerat: Quod etiam Romane urbis Episcopus Leo per Paschasini, Lucenii & aliorum ministerium literas miserat: Sed ea Chalcedonem Bithynia est translata, quod Imperator ei Synodo adesse vellet, magnum Constantinum imitatum, cum quo quam maxime de gloria concertans, sacrum illum conventum duplicavit, pro trecentis decem & octo, sexcentis triginta sex Patribus coactis.

XIII. Gobelinus Persona Cosmodromii ætate VI. Hoc tempore acta est Synodus Chalcedonensis ducentorum triginta Episcoporum jussu Marciani Imperatoris. Pro, sexcentorum, posuit, ducentorum. Typographicus error est, cujus gravitas efficit, ut auctori tribui non possit.

184 XIV. Carolus Sigonius in libro XIII. de Occidentali Imp. Leo XIV. Calend. Augusti ad Pulcheriam Augustam scripsit, votis se omnibus expetisse, ut Concilium intra Italiam haberetur, quod si securitas suppeteret, Occidentales Episcopi convenirent: Voluntatem tamen Marciani non ita aspernatum, quin Legator miserit, & rationem habendi Concilii demonstravit, nequid fieret quod legibus repugnaret. X. inde Calend. Octobris Marcianus cum esset Heracleæ, ad Episcopos Nicæa convocatos misit, ut Chalcedonem advenirent. Nam se ibi quoque præsto futurum: quod cum illi impigre obedienterque fecissent, tum Concilium VIII. Idus Octobris est inchoatum in eade sanctæ Euphemie Martyris.

XV. Joannes Mariana in libri v. de rebus Hispaniæ capite IV. Per idem tempus Orientis provincias Theodosio juniore defuncto Marcianus Imperio tenebat. Cujus diligentia Synodus Episcoporum Chalcedone habita Patrum Concilii Nicæni numero duplicato, Dioscori & Eutychetis vassus de Christo opiniones jugulavit.

Superest modò, ut quæ disciplina in nonnullis Conciliis auctoritate Principum coactis inter quartam & quintam Synodum observata est in Ecclesia Dei, breviter repræsentetur.

I. Imperator Leo præcipit ad annum CCCCLVI. ut Rhodiense Concilium haberetur. Mortalium nemo istud novit melius, quam qui celebraverunt Concilium, & qui ea de re ad Imperatorem Leonem ita scripserunt in capite XLV. partis tertiæ Chalcedonensis Concilii: Quæ tamen acta fuerunt apud Sacerdotes in Concilio 185 apud nos celebrando secundum sacram vestram & adorabilem sanctionem post non multum temporis vestre pietati declarabuntur.

II. Idem Leo Synodum Cyzici ad idem tempus fieri voluit, idque ex capite XLVII. ejusdem partis tertiæ Chalcedonensis Concilii discimus, ubi Patres suam ad Leonem Imperatorem epistolam sic inscribunt: Piißimo & Christianissimo, & justè à Deo potestatem totius orbis & dominationem sortito, victori semper Augusto Leoni Concilium humillimum Episcoporum gratia Christi, & nutu vestre tranquillitatis celebratum.

III. Theodoricus Rex Italiæ quin anno DII. Romæ Synodum convocaverit in causa Symmachi Papæ, neminem dubitaturum opinor. Convocationem illam Synodus ipsa præ se fert his verbis: Sancta Synodus apud urbem Romam ex præcepto gloriosissimi Regis Theodorici diversis è regionibus congregata in nomine Christi dixit. Cum ex diversis provinciis ad urbem Romam convenire Sacerdotes regia præcepisset auctoritas, ut de his, quæ de venerabili Papa Symmacho Apostolica Sedis præ-

sule ab adversariis dicebantur impingi, sanctum Concilium judicaret. Infra: Et dum à venerabili collectione de incipiendo haberetur negotio, prout poscebat causa, tractatus, sanctus Papa Symmachus basilicam Julii, in qua Pontificum erat congregatio, prout habuit cura, celeriter ingressus est, & de evocatione Synodali clementissimo Regi gratias retulit. Infra: Digna res visa est maximo Sacerdotum numero, atque ut mereretur, effectum optabant. Decernere tamen aliquid Synodus sine rege non præsumpsit. Sed suggestio iusta per legatorum negligentiam non meruit secundum vota responsum. Fussus est regis præceptionibus Papa Symmachus ante patrimonii vel Ecclesiarum quas amiserat, receptionem cum impugnatoribus suis in disceptatione configere, qui potestatis sue privilegia, & quæ pro conscientia ( quantum justè æstimamus ) emendatione submiserat.

Convocationi regis libenter consensit Ennodius in Apologetico pro Romana Synodo: Sed redeamus ad gravem & venerabilem non solum ex ala productum, sed mysticam propositionem. Non omnes, inquit, Sacerdotes regis ad Concilium advexit auctoritas, nec omnes in indicatione senserunt. Mancipia Tartari & liquidi Satana ministri quoscumque non evocavit scriptum Principis, novis nexibus & altum vestrorum spiritus causa pertraxit. Hic nihil est, quod in controversiam veniat.

IV. Alarici Regis permisso factum est anno DVI. ut Agathensis Synodus haberetur. Id Synodi Patres aperte significant in præfatione sua: Cum in nomine Domini ex permisso Domini nostri gloriosissimi, magnificentissimi, piissimique regis in civitate Agathensi sancta Synodus convenisset, ibique fixis in terram genibus pro regno ejus, pro longevitate, pro populo Dominum deprecemur, ut qui nobis congregationis permiserat potestatem, regnum ejus Dominus felicitate extenderet. Hæc de rege & pro rege qui ejusdem cum Synodi Patribus communionis non erat: Quod nisi sub oculos veniret, incredibile propemodum videretur.

V. Clodoveus Galliæ Rex, qui regum nostrorum primum Christianam religionem suscepit, anno DXI. Aurelianense Concilium primum congregari jussit. 187 Duobus id constat modis, primum quidem ex Concilii præfatione, quæ est hujusmodi: Cum auctore Deo ex evocatione gloriosissimi regis Chlotovechi in Aurelianensi urbe fuisset Concilium summorum antistitum congregatum, communi omnibus conlatione complacuit, ut quod verbis statuerunt, etiam scriptura testimonio roborarent. Deinde ex epistola Synodica ad Clodoveum Regem: Domino suo Catholica Ecclesia filio Chlotovecho gloriosissimo regi omnes Sacerdotes, quos ad Concilium venire jussistis. Quia tanta ad religionis Catholica cultum gloriosa fidei cura vos excitat, ut Sacerdotalis mentis affectu, Sacerdotes de rebus necessariis tractaturos in unum colligi jussistis, secundum voluntatis vestre consultationem, & titulos, quos dedistis, ea, quæ nobis visum est, definitione respondimus: Ita ut si ea quæ nobis statumimus, etiam vestro recta esse indicio comprobantur, tanti consensus regis ac Domini majori auctoritate servandam tantorum firmiter sententiam Sacerdotum. Hoc ipsum traditur in vita sancti Melanii Redonensis Episcopi: Idem Rex in Aurelianensi civitate congregavit Synodum XXXII. Episcoporum, ubi sanctus Melanius Redonensis Episcopus velut quidam strenuus signifer enituit.

Huc spectat Hincmarus Remensis in vita MS. beati Remigii: Clodoveus in Aurelianensi civitate Episcoporum Synodum convocavit. Hincmarus convocandæ Synodi consilium Remigio, sed jus Clodoveo assignat. Observavimus in Clodoveo, quod aliàs in Constantino observavimus. Eadem in utroque Principe potestas retinetur, & asseritur nullo resistente.

VI. Imperator Anastasius Synodum congregat, & 188 congregandæ Synodi potestatem agnoscit Hormisdæ Pontifex in epistola v. ad Anastasium, ubi facti quæstio hæc sic dirimitur: Ergo quia mansuetudo vestra futuram Synodum scriptis sacratissimis indicavit, cui nos interesse debere iisdem paginis, Deo, ut credimus, iibi

tibi imperante commonuit. Et post alia: *Verumamen licet in his nullum seculi precedentis extet exemplum, neque senioris facti qualitas, aut commissa libris, aut memoriis inserta teneatur, nihil ad nos, quibus dulce est beneficio Dei, pietate vestra invitante inchoare meliora, & hoc quod non accepimus à parentibus, tam clari operis institutum nobis ipsis imponere, totum pro redintegratione fidei & Ecclesiarum pace facere libenter amplectimur.* Imperator simulaverat velle se œcumenicam fieri Synodum, ad eamque ut apparet, Hormisdam acceverat.

VII. Childeburtus Rex & illius fratres anno DXXXIII. præcipiunt, ut in Aurelianensi urbe Synodus fiat. Quod conceptis verbis ipsa Synodi docet præfatio: *Cum ex præceptione gloriosissimorum regum in Aurelianensem urbem de observatione legis Catholica tractaturi Deo auxiliante convenissemus.* Synodi hujus Patres congregandorum Conciliorum potestatem in regibus agnoscunt.

VIII. Theodebertus Rex anno DXXXV. Arvernense Concilium haberi voluit, & voluisse docet ipsa Concilii præfatio, quæ talis est: *Cum in nomine Domini, congregante sancto Spiritu, consentiente domino nostro gloriosissimo, piissimoque Rege Theodeberto in Arverna urbe, Sancta Synodus convenisset, ibique fixis in terram genibus, pro rege, pro ejus regno, pro longevitate, pro populo Dominum deprecaremur, ut qui nobis congregationis tribuerat potestatem, regnum ejus Dominus noster felicitate attolleret, imperio regeret, justitiâ gubernaret, in Ecclesia ex more consedimus.* Hæc est eadem penè contextio verborum, quibus Agathensis Concilii præfatio exaratur.

XI. Childeburtus Rex Aurelianense convocavit Concilium quintum, anno DXLIX. idque testatur Concilii ejusdem præfatio: *Ad divinam gratiam referendum est, quando vita Principum concordat animis Sacerdotum, ut dum sit Pontificale Concilium, normam vivendi teneat recapitulatio antiqua canonum, vel ut locus tempusque est, in quibuscunque tituli veteribus adherens nova constitutio sanctionum.* Igitur cum clementissimus Princeps, triumphorum titulis invidiosissimus dominus Childeburtus Rex pro amore sacre fidei, & statu religionis in Aurelianensi urbe congregasset in unum Domini Sacerdotes, cupiens ex ore Patrum audire, quod sacrum est, ut quod pro Ecclesiastico ordine, auctoritate promeretur Pastoralis, & venientibus sit norma, & presentibus disciplina.

Hic finem accipit derivata ab eo tempore, quo damnari cœpit Eutychniana hæresis, congregandorum ex Principum auctoritate Conciliorum traditio. In qua litigandi & tergiversandi locus nullus est, cum illius testes præcipui sint Romani Pontifices, Leo cum primis & Romana Synodus, Sedes nimirum Apostolica, & alii Episcopi, quorum erat impedire; quo minus Principes congregarent Synodos, si talis congregatio scripturis & Apostolicis documentis repugnaret. <sup>190</sup> Hac in re mirus est omnium consensus, & si quis dissentit, magis ex rei gestæ ignorantia, quam ex certa ratione dissentit. Exinde confirmatum censebis Parisiensium Theologorum decretum, quo ad annum M.CCCCXCVII. propositis à Carolo VIII. Rege, de convocando ex auctoritate Principum generali Concilio responsum est. Vale, Lauduni XVII. Calend. Febr. ann. M. DC. LXVII.

# Joannes Launoius

## MICHAELI MAROLLIO

Villalupensi Abbati.

Lutetiam.

<sup>191</sup> **P**ERDIFFICILE est idoneam rationem tibi reddere, cur Bellarminus de Synodi V. indictione & convocatione nihil scripserit, cur indictam & convocatam esse ab Imperatore Justiniano Synodum V. dissimulaverit. Et revera Nicenam Synodum à Constantino, Constantinopolitanam à Theodosio seniore, Ephesinam à Theodosio juniore, Calchedonensem à Valentiniano & Marciano indictam & convocatam esse peræque dissimulare potuit; si quæ in superioribus Epistolis perspecta atque exposita sunt, considerentur. Par est ubique dicendi tacendique ratio. Quidquid in causa, eo tibi demonstratum, Synodum V. à Justiniano indictam & coactam esse. Quinetiam Justinianus ipse tradet se disciplinæ novæ auctorem non esse, sed majorum vestigiis insistere. Sic autem in collatione prima Synodi hujus loquitur: *Semper fuit studium orthodoxis & piis Imperatoribus Patribus nostris pro tempore exortas hæreses per congregationem religiosissimorum Episcoporum amputare, & recta fide sincera predicata in pace sanctam Dei Ecclesiam custodire.* Et post alia: *Quapropter Constantinus congregavit Nicææ ex diversis diæcesibus CCCXVIII. Patres sanctos, Theodosius congregatis CL. sanctis Patribus fecit rectam fidem prædi-*

*care.* Theodosius junior priorem Ephesinam sanctam Synodum congregavit, cui præsidebant Celestinus & Cyrillus sancti Patres. Marcianus congregavit Calchedone sanctos Patres, & magna contentione inter Episcopos facta, non solum per suos judices, sed etiam per seipsum in Concilium pervenit, & ad concordiam omnes perduxit. Et quibusdam interpositis: *Nos igitur sequentes sanctos Patres & volentes rectam fidem sine quadam macula in illis Ecclesiis predicari, & impiorum conatum refecare, primum quidem, & in vestris vos degentes Ecclesiis interrogavimus de prædictis impiis tribus Capitulis, & vestram nobis voluntatem manifestam fecistis, per qua & comprobavimus vos, quod indubitanter & cum alacritate rectam fidem confessi estis, & impiam condemnastis.*

Rem totam Evagrius, qui Synodi ætate suppar fuit, paucis exequitur in libri IV. hist. capite XXXVII. Jam verò cum Vigilus antiquæ Romæ, & Menas novæ primum, deinde Eurychius, Alexandria autem Apollinarius, & Dominus Antiochiæ Episcopatum gessit, Justinianus quintum Concilium convocavit.

Romani Pontifices recens creati in professione fidei, quam olim emittebant; Synodum V. sub pia memoria Justiniano consecram asserunt & recipiunt.

XXX

Manfuetus



Manfuetus Mediolanensis Episcopus in Synodica ad Constantinum IV. Imperatorem Epistola, veterem traditionem ita retinet: *Tunc à Justiniano Imperatore in urbe regia Constantinopoli, Concilio congregati sunt clix. venerandi Patres.*

Nicephorus in libri xvii. hist. capite xxvii. Imperator, inquit, *Justinianus sanctam quintam aemulicam Synodum Episcopis Ecclesiarum omnium convocatis coegit.*

Joannes Mariana in libri v. de rebus Hispaniæ capite ix. Eodem anno Constantinopoli degente Justiniano Imperatore generales Episcoporum conventus habiti, centum sexaginta quinque.

Dionysius Petavius in libri vii. primæ part. Rationarii temporum capite vii. Justinianus ut ei controversiæ modum poneret, generale Concilium indixit, quod quintum ordine celebratum est Constantinopoli anno 553. reclamante Vigilio, qui trium Capitulorum patrociniū adversus Imperatorem resumpsit. Eadem nihilominus ab quinta Synodo damnata sunt.

Et quamvis hic, ut apparet, plana sint omnia, & Bellarminus indicat à Vigilio, & coactam Synodum V. non vindicet, nihilominus tamen Pelagium II. qui annis à celebratione Synodi V. triginta novem vel circiter Romanæ Sedi præsidere cœpit, non Justiniano tantum, sed & Constantino, utrique Theodosio, Valentiniano & Marciano non veretur obijcere, quod ille Pontifex in Epistola i. ad Orientales ita scripserit: *Generalium Synodorum convocandi auctoritas Apostolica Sedi beati Petri singulari privilegio tradita est. Sed præstat paulo longiora describere: Relatum est ad Apostolicam Sedem, Joannem Constantinopolitanum Episcopum universalem se scribere, vósque ex hac sua præsumptione ad Synodum convocare generalem, cum generalium Conciliorum convocandi auctoritas Apostolica Sedi beati Petri singulari privilegio sit tradita.* Et primum quidem si vera est hæc Epistola, non supposita, cur Bellarminus Justinianum de usurpato Sedis Apostolicæ privilegio in convocanda Synodo V. non accusat? Cur ignorati privilegii hujusce non insinuat Liberium, qui postquam ad Imperatorem Constantium scripsit, *Secutus sum, inquit, morem ordinemque majorum: nihil addi Episcopatu urbis Romæ, nihil minui passus sum.* Epistolam suam hoc modo concludit: *Ad exorandam igitur mansuetudinem tuam, ut benevolenti animo allegationes nostras audire digneris, fratrem & Coepiscopum meum sanctum virum Luciferum cum Pancreatio presbytero meo & Hilario Diacono placuit proficisci, quos credimus de clementia tua ad pacem omnium Ecclesiarum Catholicarum non difficulter posse Concilium impetrare.* Si quæ Bellarminus ex Pelagio refert, veritate niterentur ulla, Liberius Episcopatum urbis minui passus esset, cum ipse non fecit, quod ab Imperatore fieri postulavit. At nemo credet unquam passum esse Liberium, ut urbis Episcopatus hac in parte minueretur. Cur Bellarminus ignorati privilegii hujusce non insinuat Leonem I. qui tot in Epistolis tam suppliciter rogat Imperatores, nunc Theodosium, ut Ephesinam Synodum alteram, nunc Marcianum & Pulcheriam, ut Calchedonensem Synodum congregare velint? Quasi verò Pontifex ille dignitatem Sedis Apostolicæ retinentissimus non vindicasset tale privilegium, si quod à beato Petro Apostolo per traditionem accepisset. Vindicasset autem facile, cum apud Theodosium, Marcianum & Pulcheriam gratia valeret quamplurima.

Tum Bellarminus opinor, Nicænam Synodum non coarguet, quod contra Sedis Apostolicæ privilegium se Imperatoris mandato congregatam esse scribat. In summa, si vera esset Pelagii Epistola, negligentia damnandi essent Vigilius, Leo, Celestinus, Damasus, Julius, Silvester, quod celebratas suis temporibus Synodos æcumenicas non indixissent, quod singulare beati Petri privilegium non vindicassent, quod insigni

quadam incuria atque exemplo pessimo fivissent, ut Imperatores in beati Petri & Sedis Apostolicæ prærogativam involarent?

Hinc perspicua falsitatis nota est in eo, quod à Pelagio dicitur Joannes Constantinopolitanus generalem Synodum convocasse. Nam Gregorius Pelagii successor scribit quidem Joannem fecisse Synodum, sed eam fuisse generalem minimè scribit. Gregorii locus postea referetur commodius. Sic non Pelagius, sed alius auctor est Epistolæ.

Præterea Epistola omnino abhorret à stylo Pelagii, & anno Domini consignatur, qui consignandi modus nondum erat in usu: Qua in re impostor seipsum detexit. Hic tamen certa sunt duo. Primum est, Pelagium II. ad Joannem Constantinopolitanum scripsisse, & assumptum ab eo universalis Episcopi seu Patriarchæ nomen graviter improbasse. Gregorius Pelagii successor id in libri iv. Epistola xxxvi. ad Eulogium Alexandrinum, & Anastasium Antiochenum Episcopum testatur: *Ante hos siquidem annos octo sancta memoria decessoris mei Pelagii tempore frater & Coepiscopus noster Joannes in Constantinopolitana urbe ex causa alia occasionem querens Synodum fecit, qua se universalem appellare conatus est. Quod mox idem decessor meus ut agnovit, directis literis ex auctoritate sancti Petri Apostoli ejusdem Synodi acta cassavit. Quarum videlicet Epistolarum sanctitati vestra exemplaria studui destinare.* Alterum verò est, periisse exemplaria hæc, & in eorum locum ab Isidoro Mercatore suffectam esse Epistolam, quæ ex sententiis, cum præcedentium Pontificum Innocentii, Celestini, Leonis, tum subsequentiū Gregorii & Martini compingitur, & illam clausulam falsam, & omni retro versus Apostolos testimonio sui atque exemplo carentem includit. Nunc indicanda sunt nonnulla Concilia, quæ inter quintam & sextam Synodum à variis Principibus congregata reperiantur.

I. A Childeberto Rege Galliæ Parisiense Concilium, quod ea de re sic præfatur: *Cum in urbem Parisius ad invitationem domini regis gloriosissimi Childeberti venissemus & in unum positi, quæ ad Ecclesiasticum ordinem vel Catholica fidei auctoritatem pertinent, Christo adjuvante quæ erant necessaria tractavimus.*

II. Ab Ariamiro Hispaniæ Rege Bracarense Concilium primum, cujus antistites se jussu regis convocatos esse semel atque iterum ita profitentur: *Cum Galicia provincia Episcopi ex præcepto præfati gloriosissimi Ariamiri regis in metropolitana ejusdem provincie Bracarensis Ecclesia convenissent. Et post alia: Nunc ergo quoniam optatum nobis hujus congregationis diem gloriosissimus filius noster aspirante sibi Domino regali præcepto concessit, ut semel positi consideremus, prius si placet, de statu fidei Catholica perquiramus.*

III. A Chariberto Rege Galliæ Turonense Concilium secundum, in cujus præfatione sic se res habet. *Ubi insana libertas generat vulnera, sacerdotalis districtio det medelam. Quapropter Christo auspice in Turonica civitate Concilio concordante juxta convencionem gloriosissimi domini Chariberti regis annuentis coadunati pro pace & instructione Ecclesie.*

IV. A Theodomiro Rege Hispaniæ Lucense Concilium, ubi & Concilii & Principis verba hoc ipsum significant: *Die Calendarum Januarii Theodomirus Princeps idem Suevorum Concilium in civitate Luca fieri præcepit, ad conservandam fidem Catholicam, vel pro diversis Ecclesie causis. Et post alia: Cupio, sanctissimi Patres, ut provida utilitate decernatis in provincia regni nostri, quia in tota Galicia regione spatiosa satis dioceses à paucis annis tenentur, ita ut aliquante Ecclesie per singulos annos vix possint à suo Episcopo visitari. Insuper tanta provincia unus tantummodo metropolitanus Episcopus est, & de extremis quibusque parochiis longum est singulis annis ad Concilium venire.*

V. A Mirone Rege Hispaniæ Bracarense Concilium

um secundum, quod de sua ipsius convocacione loquitur hoc modo: Anno 11. Regis Mironis die Calendarum Juniarum, cum Gallacia provincia Episcopi tam ex Bracarense, quam ex Lutensi Synodo cum suis metropolitani precepto prefati regis simul in metropolitana Bracarense Episcopi convenissent. Et post alia: Martinus Bracarense Sedis Episcopus dixit: Inspiratione hoc Dei credimus provenisse, sanctissimi Patres, ut per ordinationem domini gloriosissimi filii nostri regis ex utroque Concilio conveniremus in unum, ut non solum de visione alterutra gratulemur, sed etiam ea, qua ad ordinationem & disciplinam Ecclesiasticam pertinent, pariter conloquamur.

VI. A Gunthramno Rege Burgundiae Matisconense Concilium primum, cujus verba sunt in praefatione: Cum ex evocatione gloriosissimi domini Gunthramni regis tam pro causis publicis, quam pro necessitatibus pauperum in urbe Matisconensi nostra mediocritas convenisset.

VII. Ab eodem Rege Gunthramno Lugdunense & Cabilonense Concilium in causa Salonii, & Sagittarii, ut ex Gregorio Turonensi dicimus, qui de Lugdunensi sermonem instituit in lib. v. hist. Francorum capite XXI. Igitur contra Salonium Sagittariumque Episcopos tumultus exoritur. Hi enim a sancto Nicetio Lugdunensi Episcopo educati Diaconatus officium sunt sortiti. Huiusque tempore Salonius Ebredunensis urbis, Sagittariusque Vapigenis Ecclesiae Sacerdotes statuuntur. Sed assumpto Episcopatu in proprium relati arbitrium ceperunt in persecutionibus, cadibus, homicidiis, adulteriis, diversisque in sceleribus insano furore grassari, ita ut quodam tempore celebrante Victore Tricastinorum solennitatem natalitii sui remissa cohorte, cum gladiis & sagittis irruerent super eum, venientesque sciderunt vestimenta ejus, ministros ceciderunt, vasa & omnem apparatus prandii auferentes, relinquentes Episcopum in grandi contumelia. Quod cum Rex Gunthramnus comperisset, congregari Synodum apud urbem Lugdunensem iussit. Coniunctique Episcopi cum Patriarcha Nicetio beato, discussis causis invenerunt eos de his sceleribus, quibus accusabantur, valde convictos, praeceperuntque ut qui talia commiserant, Episcopatu privarentur. At illi cum adhuc propitium sibi regem esse nossent, ad eum accedunt, implorantes se injuste remotos, sibi que tribui licentiam, ut ad Papam urbis Romanae accedere debeant. Rex vero annuens petitionibus eorum datis Epistolis eos abire permisit. Qui accedentes coram Joanne Papa exponunt, se nullius rationis exigentibus causis dimotos. Ille vero Epistolas ad Regem dirigit, in quibus locis suis restitui jubet. Quod Rex sine mora, castigatis prius illis verbis multis implevit. Sed nulla, quod peius est, fuit emendatio subsequuta.

Hæc Gregorius de Lugdunensi Concilio. Sed in eundem libri capite XXVIII. Cabilonense Concilium sic exequitur: Anno quoque quarto Childeberti, qui fuit decimus octavus, Gunthramni & Chilperici regum, apud Cavillonum civitatem Synodus acta est ex jussu Principis Gunthramni, discussisque diversis causis contra Salonium & Sagittarium Episcopos, iteratur illa antiqua calamitas. Obijciuntur eis crimina, & non solum de adulteriis, verumetiam de homicidiis accusantur, sed hæc per poenitentiam purgari consentes Episcopi, illud est additum quod essent rei Majestatis & proditores. Qua de causa ab Episcopatu dejecti in basilicam beati Marcelli sub custodia detrunduntur. Sic utrumque Concilium a Gunthramno Rege indictum & coactum est.

VIII. Ab eodem Rege Valentinum Concilium secundum, ut Patres ipsi memoriae prodiderunt: Cum in urbe Valentina juxta imperium gloriosissimi Gunthramni regis nostra mediocritas pro diversis pauperum querimoniis convenisset, id primo auctore Deo decrevimus sentiendum, quod pro salute regis & anime sue salvatione, vel religionis statu censuimus opportunum.

IX. Ab eodem Rege Matisconense Concilium secundum, quod ultimo capite decernit, triennio post

eum in locum congregandas esse antistites, quem Princeps magnificus designabit: Unversa, inquit, fraternitatis deliberatione ac definitione complacuit, ut antiquorum Patrum juribus in omnibus custoditis ad Synodum post triennii tempus omnes conveniant, ut de alterna principaliter sospitate ex hilarati causarum exurgentium tam divina religionis, quam humanae necessitatis discutiunt, & omnibus justum æquumque finem imponant, & hoc adimplere sollicitudinis sit metropolitani Lugdunensis Episcopi una cum dispositione magnifici Principis nostri prius diffinientis locum mediterraneum, ad quem omnes Episcopi sine labore alacres congregentur. En ipsimet antistites, qui jus congregandorum Conciliorum in suis principibus libenter agnoscunt. Et simul enervant pseudographum syllogismum, quem Bellarminus in libri 1. de Conciliis capite XII. ita componit: Concilia provincialia indicuntur à Metropolitano, & nationalia à Primate vel Patriarcha, ut supra ostendimus: (Hic historiae leges negligit.) Igitur Concilia generalia non ab Imperatore, sed à Summo Pontifice indicenda sunt. Pseudographus est syllogismus seu ratiocinatio, quippe quæ ex principiis scientiæ hujus, id est (Ecclesiasticae historiae) perperam intellectis proficiscitur. Nam Theologiæ veræ principiis duobus, Scripturæ sacrae auctoritate, & Catholicae Ecclesiæ traditione neutiquam fulcitur. Quapropter Bellarminus contra se philosophari pergit, cum adversarios urgere se putat: Nam si Imperator, inquit, indicare deberet generalia Concilia, deberet Rex aut Dux, aut Magistratus civilis indicare Concilia provincialia vel nationalia. Ut enim se habet Imperator orbis terrarum ad Concilium generale, ita se habet Rex aut Dux unius provinciae ad Concilium illius provinciae vel nationis.

Bellarminus argumentum hoc adversariis suppeditat, qui Ecclesiastica traditione muniti contendunt, provincialia Concilia indicenda esse à rege, duce, aut civili quovis magistratu, quia generalia Concilia ab Imperatoribus indicta & coacta fuisse ex ipsismet Conciliis & auctoribus æqualibus vel tempore proximis liquidò constat.

Præterea, Bellarmini argumentum, quia nimis probat, nihil probat omnino. Siquidem probaret & generalia & provincialia seu regionalia Concilia, quæ Christianorum Principum jussu indicta & coacta sunt, contra rationem indicta & coacta esse. Quis argumentum tale patienter sustineret?

At verò redeundum est ad Turonensem Gregorium, qui nisi Matisconense Concilium primum aut secundum in libri VIII. capite XX. intelligat, aliud intelligit dum ita scribit: Interim dies placiti advenit, & Episcopi ex jussu regis Gunthramni, apud Matisconensem urbem collecti sunt. Faustianus autem, qui ex jussu Gundobaldi Aquis Episcopi Episcopus ordinatus fuerat, ea conditione remouetur, ut eum Berthramnus, Orestesque sive Palladius, qui eum benedixerant, vicibus pascere, centenosque ei aureos annis singulis ministrarent.

X. A Childeberto II. Rege Galliae incerti loci Concilium, quod Gregorius Turonensis in libri IX. hist. capite XXI. ita describit: Commotus autem Rex (Gunthramnus) vias claudi per regnum suum præcepit, ne ullus de Childeberti regno per ejus regni territorium pervinire posset habere dicens: Quia per nequitiam ejus, qui cum rege Hispania fœdus inivit, exercitus corrumpit meum, & ut se non subdam urbes ille diitoni mea, ejus hoc immissio facit. Additum est etiam huic causa aliud amaritudinis incendium, quod Childebertus Rex filium suum seniore Theodebertum nomine Suesiones dirigere cogitabat. Quæ res suspicionem fecerat Gunthramno Regi dicente eo, quia in hoc filium meum nepos meus Suesiones dirigit, ut Parisius ingredi faciat, regnumque meum auferre cupiat. Quod numquam Childebertus vel in cogitatione (si dici fas est) habere potuit. Multa autem & in Brunichildem opprobria jactabat, dicens ejus consilio hæc fieri: Addens etiam, quod Gundobaldi quondam



dam filium invitatum conjugio copulare vellet. Unde etiam Synodum Episcoporum in Calendis Novembribus CONGREGARE PRÆCEPIT: multique de extremis partibus Galliarum ad hunc properantes de via regressi sunt, pro eo quod Brunichildis Regina se ab hoc crimine exui sacramentis, & sic viis iterum reseratis pervium  
203 patfecit volentibus ad Regem Childebertum accedere.

XI. A Recaredo Suevorum Rege Narbonense Concilium, cujus Patres hoc ipsum affirmant: Nos, inquit, in urbe Narbona secundum quod sancta Synodus per ordinationem gloriosissimi domini nostri Regis Recaredi in urbe Toletana finivit die Calendarum Novembrium, Deo auspice in unum convenimus. De hoc Concilio fortasse loquitur Gregorius Turonensis in libri IX. capite XV. Igitur eo tempore in Hispania Richaredus Rex compunctus miseratione divina convocatis Episcopis religionis sue ait, &c.

XII. A Clotario II. Galliarum Rege Parisiense Concilium V. cujus præfatio rem sic explicat: Cum in Dei nomine secundum præcorum sanctorum Patrum constitutionem in urbe Parisius ex evocatione gloriosissimi Principis domini Chlotacharii regis in Synodali Concilio convenissemus, tam pro revocandis antiquorum canonum statutis, quæ præsentis temporis necessarium facit opportunitas iterari, quàm his, quæ ad surgentes undecunque querelarum materias recentis diffinitionis ordo poposcit institui, tractantes quid Principis, quid salui populi ulterius competeret, vel quid Ecclesiasticus ordo salubriter observaret.

XIII. A Sigeberto II. aut III. Galliarum Rege, morem in convocandis Conciliis retentum & ostensum in Epistola, quam ad Desiderium Caturcensem Episcopum exaravit: Dum fabula, inquit, corrente à pluribus & fidelibus nostris cognovimus, quasi vocati, ab eodemque Patre nostro Vulfolando Episcopo Synodali Concilio Calendis Septembribus in regno nostro, ignoramus in  
204 quo loco una cum reliquis fratres & comprovinciales vestros debeatis conjungere. Licet nos statuta canonum & Ecclesiasticas regulas, sicut parentes nostri in Dei nomen conservarunt: Ita & nos conservare optamus: Tamen dum ad nostram antea notitiam fuit non perlatum; sic nobis cum nostris proceribus convenit, ut sine nostra scientia Synodale Concilium in regno nostro non agatur, nec ad dictas Calendas Septembris nulla conjunctio Sacerdotum ex his, qui ad nostram ditionem pertinere noscuntur, fiat. Postea vero opportuno tempore, si vobis antea denunciatur, utrum pro statu Ecclesiastico, an pro regni utilitate, sive etiam pro qualibet rationabili conditione conventio esse decreverit, non abnuimus. Sic tamen, ut diximus, ut in nostri prius deferatur cognitio. Proinde præsentia scripta sanctitati vestræ destinare curavimus, per quæ petimus ut pro nobis orare digneris, & ad istam conjunctionem, priusquam nostram cognoscatis voluntatem, penitus accedere non debeatis, & ut certius credatis, hunc indiculum manu propria subter subscripsimus. Sigebertus his in literis jus seu morem convocandorum Conciliorum sibi adfiscit, nec ab ullo unquam æquali scriptore, quod sciam, propter id reprehensus est.

XIV. A Clodoveo II. Galliarum Rege Cabilonense Concilium, ut ipsa fides facit præfatio: Priscis canonibus noscitur institutum, ut metropolitani cum eorum

comprovincialibus per singulos annos debeant, in Synodali conjungi Deo propitiante Concilio: Sed nunc tam ex communi omnium voluntate, quàm ex evocatione vel ordinatione gloriosi Domini Clodovei Regis, pro zelo religionis, vel orthodoxa fidei dilectione in Cabilonensi urbe in Ecclesia sancti Vincentii pariter conglobati, ipsius sancti martyris intercessionem poscentes, ut longevitatem supra dicti Principis suo suffragio mereremur. Præfationi accedit Synodica ad Theodosium Atrebatensem Epistola, quæ sic se habet: Domino semper peculiari suo Theodosio cætu Episcoporum, qui nuper est Cabilono urbe cum Christi gratia admatu. Omnibus veridica relatione perparuit, quod nec vos credimus ignorasse, quod religiosus dominus Clodoveus Rex in supra scripta urbe Cabilono VIII. Calend. Novembris Synodale præcepit esse Concilium.

XV. A Recisuindo Hispaniarum rege Toletanum Concilium VIII. ubi Rex ipse gratulatur Episcopis, quod præcepto suo morem gesserint, si qua fides affirmanti Concilio adhibenda est: Cum ex more, inquit, unusquisque nostrum ordini suo sedes debitas occupasset, & eventum rei tranquilla intentionis expectatio sustineret, adest serenissimus Princeps pia religione plenissimus, & summo laudum titulo gloriosus, qui sese nostro cæui reddens acclivem, ut hunc omnipotentem Domino precibus commendavimus, altans dulcissimis hortatus est verbis, grates referens Deo virtutum, quod sua jussionis implentes decretum in unum fuisset adunati Concilium.

XVI. Ad hanc epocham spectat Proconsulare Concilium, quod in Lateranensi Concilio testatur, Concilia ab Imperatoribus contra hæreses congregata esse. Siquidem Lateranense Concilium, quod Martinus I. habuit adversus Monothelitas, in secretario II. refert antistitem Concilii Proconsularis Epistolam, quæ rem disertis verbis exprimit: Contra quas (hæreses antè recensitas) Concilia venerabilium Pontificum per sacras Christianissimorum Principum jussiones congregata esse noscuntur. Hæc autem Epistola & lecta & probata est in Lateranensi Concilio. Sic Concilia duo, Proconsulare & Lateranense, assertionem nostram plenissime confirmant. Et sanè nemo adducetur unquam, ut credat, Martinum Pontificem & Lateranense Concilium ita neglexisse Sedis Apostolicæ jura, ut si ad eam spectarent, quæ à Proconsulari Concilio tam constanter attribuuntur Imperatoribus, neutiquam repugnassent? Ut suo confirmassent silentio, quæ stentorea voce oportuisset rejicere? In summa tacendo consenserunt. Quis diceret Martinum & Concilium errori consensisse, nisi vellet Romanæ Ecclesiæ & Sedi Apostolicæ plus obesse quàm prodesse?

Porro autem in expositione traditionis, quæ à Synodo V. usque ad sextam decurrit, inter illius testes sistit se tibi Gregorius Turonensis vir fide dignus: Quippe qui perspecta & animadversa literis prodiderit, & aliunde libertatum Ecclesiasticarum assertor & vindex fuit acerrimus. Censebis tu ipse, qui Gregorii historiam ea qua polles singulariter, Gallici sermonis elegantia, & notis exquisitioris literaturæ nobilitandam esse duxisti. Ornamentum hoc genti nostræ deerat, defuissetque ni fallor semper, nisi tu addidisses. Sed ab Epistolæ proposito digredior. Vale. Lauduni XV. Calend. Februarii anno M. DC. LXVII.

# Joannes Launoius

## JACOBO MALATESTÆ

Parisiensi Theologo, & Regiæ Capellæ Divionensis Canonico.

Divionem.

207 **A**IS fuisse, qui veterum Synodorum œcumenicarum indictionem & convocationem Romanis Pontificibus attribuant; sed nescire te, utrum in illarum numero Synodum sextam collocent. Ego quidem memini legere me, qui Synodum hanc, ut & priores alias, gratuito & formati in Academia volatica ratiocinationibus collocare sint ausi, sed non memini legere me, qui comparatis vel ex ipsius Synodi contextu, vel ex Scriptorum æqualium aut supparium testimonio argumentis collocaverint. Hi sunt planè loci, quibus instituenda est quæstionis hujusce probatio, non syllogismi, quos ad arbitrium libidinèque tuam finxeris, aut Aristotelis lima expoliveris, aut sæculi minùs integri opportunitatibus aptaveris. Quæstio hæc est, quæ in facti non in juris conditione versatur. Igitur Constantinus IV. Synodum VI. indixit, eamque indixisse idoneis rationibus comprobatur.

208 **P**rima sumitur ex literis, quibus Imperator Synodum indixit, ad Donum scribens Romanum Pontificem: Et licet, inquit, animo doleremus ultra omnem dolorem tam pro exprobratione, qua nobis ob hoc ab inimicis inferebatur, & propter ipsam veritatem, quod Pontifices secundum vos, & orthodoxus noster populus propter quasdam novitates vocum in schisma incidisset, exultatioque ex hoc fieret impiis & hæreticis, attamen Deo nostro commissimus, ipso pro nobis potiora providente, dum ejus benignitas jussit correctionem hujus rei fieri, tunc nobis condonare opportunitatem temporis ad generalem collectionem faciendam utrarumque sedium, quatenus considerantibus eis definitiones sanctorum quinque Synodorum, & editiones sanctorum probabilium Patrum satisfacerent sibi metipsis, & convenirent in uno ore, ut noque corde ad glorificandum honorificum nomen Dei nostri. Et post alia: Postquam igitur tempus non recipit perfectam congregationem fieri, adhortamur vestram paternam beatitudinem per presentem nostram piam sacram dirigere viros utiles ac modestos, notitiam habentes totius à Deo inspirata doctrina & peritiam irreprehensibilem habentes dogmatum, indutos personam vestra Apostolica Sedis ejusque Concilii, deferentes & libros, quos oportet proferri, & omnem auctoritatem habentes, quatenus convenientes cum hic posito sanctissimo ac beatissimo Patriarcha Theopolitana civitatis perscrutentur, cum omni mansuetudine & modestia & per gratiam sancti Spiritus veritati insistere & consentire, munitionem habentibus eis, qui huc advenerint ex parte Sedis vestra per presentem nostram piam sacram. Et post alia: Personas verò, quæ dirigentur à paterna vestra beatitudine, decernet, ex vestra quidem Ecclesia sancta (si utique videbitur ei) tres persone sufficiant. Quod si & plures, quanta ei placuerint, dirigat. De Concilio verò usque ad duodecim Metropolitas & Episcopos. De quatuor 209 verò monasteriis Bizancenis, ab unoquoque monasterio Monachos quatuor. Nam si reciperet tempus, ut dictum est, & perfectam congregationem studuissimus facere: Sed quoniam tempus non admittit; Deus autem noster proprio consilio protulit, quod nos differebamus in hoc tem-

pore, per omnia volumus vestram paternam beatitudinem minime effici impedimentum voluntati Dei, sed eos dirigere. Constantinus dum Pontificem Donum alloquitur, non modò Synodum indicit, sed & de numero personarum, quæ Synodo interlint, decernit.

Secunda quæritur ex literis, quas Imperator ad Georgium Constantinopolitanum Episcopum direxit: Necessarium, inquit, indicavimus presentem nostram piam sacram ad vestram paternam beatitudinem uti, per quam adhortantes eam sancimus congregare vestram paternam beatitudinem, omnes, qui ad ejus sanctissimam Sedem pertinent, sanctissimos Metropolitas & Episcopos in hanc à Deo conservandam nostram regiam urbem, quatenus cooperante omnipotente & misericordi Deo nostro diligentissima inquisitio dogmatis fiat. Et post alia: Innotescet quoque super hoc & Macario venerabili Archiepiscopo Antiochena magna civitatis, quatenus & ipse de propria Synodo Deo amabiles Metropolitano & Episcopos paratos faciat pro hoc ipso huc congregari. Jam enim super hoc adhortati sumus per nostros pios apices adhuc inter vivos existentem Donum sanctissimum Apostolica Sedis antiquæ Romæ præfulem, & illo de hoc sæculo migrante Agatho sanctus nuper ordinatus Papa in Apostolica Sede prædicta antiqua Romæ hujusmodi nostros pios suscipiens apices destinavit in presentem, propriam 210 ejus indutos personam Theodorum & Georgium Deo amabiles Presbyteros & Joannem Diaconum: Ex persona verò totius ejus Concilii, Joannem, & Abundantium, & Joannem venerabiles Episcopos cum ceteris Clericis & Monachis. Imperator ad Georgium scribens Constantinopolitanum Episcopum indicit Synodum, ut ad Donum scribens Romanum Episcopum jam indixerat. Hic ut Bellarminus diceret ab Agathone indictam esse Synodum, quia indicta à Constantino Synodo consensit, ita & ad Bellarmi imitationem quis diceret, Georgium Constantinopolitanum indixisse Synodum, quia indicta ab Imperatore synodo consensit? Cavillus cavillo repellitur.

Tertia comparatur ex actione I. II. III. & IV. ubi sic habetur: Conveniente sancta & universali Synodo, quæ secundum Imperialem sanctionem congregata est. Eltne aliquid verbis exaratum clarioribus? Minime verò.

Quarta ducitur ex Agathonis Papæ ad Constantinum, Heraclium, & Tiberium Augustos Epistola, quæ actione IV. refertur: His itaque, ait, mansuetissimi rerum Domini divalibus apicibus animatus, & ad spem consolationis de profundis angoribus alleviatus, orsus sum meliori respectu confidentia, paulatim iis, quæ per mansuetissima fortitudinis vestra sacram dudum præcepta sunt, efficaciter promptam obsequentiam exhibere, ut personas quales secundum temporis hujus defectum, ac servilis provincia qualitatem poterant inveniri, pro obedientia satisfactione inquirerem, & cum consilio confamilulorum meorum Episcoporum tam de propinqua hujus Apostolica Sedis Synodo, quam de familiari amatores Christiani Imperii, & sequenter de religiosis servis Dei, ut ad piissima tranquillitatis vestra vestigia properarent,



rarent, hortarer. Et post alia: Ideoque Christianissimi Domini & filii secundum piissimam jussionem à Deo protegenta mansuetudinis vestra pro obedientia, quam debuimus, non pro confidentia eorum scientia, quos dirigimus, inter famulos nostros Abundantium..... licentiam proinde eis sive auctoritatem dedimus, qua tranquillissimum vestrum Imperium, dum jusserit ejus clementia, similiter satisfaciendi, in quantum eis dumtaxat injunctum est. Et post alia: Satisfaciendum est nostro exiguo famulatu apud serenissimorum Dominorum nostrorum clementiam pro tarditate missarum ex Concilio nostro personarum, quas dirigi per suam sacram augustissimam vestrum piissimum fastigium jussit. Et post alia: Personas autem, quas nostra humilitatis ordine praevidimus dirigere ad vestra à Deo protegenta fortitudinis vestigia, qua omnium nostrum, id est, universorum per Septentrionales vel Occiduas regiones Episcoporum suggestionem praebebimus, efferre debeant, suppliciter obsecrantes, ut à Deo coronato vestro Imperio favente hac eadem ab omnibus predicari, atque apud omnes obineri jubeatis. Sic Pontifex Agatho non semel agnoscit, Synodum VI. ab Imperatoribus, quos nominat & impense revereatur, indictam & congregatam esse, tantum abest, ut illis indicendae congregandaeque Synodi potestatem abjudicet, & Sedi Apostolicae reserret, ut reservandum esse facta sub nomine Pelagii II. ad Orientales Epistola subdit. Nondum natus erat, qui Pelagius id genus Epistolae subiceret. Bellarminus hoc Pelagii testimonio non esset usus in libri I. de Conciliis capite XII. si ad hanc Agathonis Epistolam oculos adjecisset. Fucatas Isidori merces non oderat, quibus hic officinam suam instruit.

212

Quinta depromitur ex Actione v. vi. vii. viii. ix. & x. ubi scribit: Conveniente sancta & universali Synodo, qua secundum Imperialem sanctionem congregata est. Et in actione x. haec praecise traduntur: Sancta & universali Synodo, qua per jussionem piissimi & à Deo decreti Domini nostri & magni Victoris Imperatoris Constantini nunc convenit, in hac à Deo conservanda regia urbe Imperiali in Secretario, quod cognominatur Trullus, libellus satisfactionis compositus & porrectus à me Petro indigno Episcopo Nicomediae.

Sexta colligitur ex actione xi. xii. xiii. xiv. xv. & xvi. ubi traditur: Conveniente sancta & universali Synodo, qua secundum Imperialem sanctionem congregata est. Noverat, opinor, Synodus, à quo ipsa congregata erat.

Septima habetur ex actione xvii. ubi sunt verba haec: Sancta magna & universalis Synodus, qua per Dei gratiam, & piam sanctionem Constantini piissimi & fidelissimi magni Imperatoris congregata est in hac à Deo conservanda regia Constantinopoli nova Roma in Secretario Divalis Palatii, quod cognominatur Trullus, decrevit, quae habentur in subditis: Unigenitus Dei Patris Filius, &c.

Octava petitur ex actione xviii. Ubi quae modò ex praecedenti actione retulimus, ad verbum iterantur: Deinde ex literis, quas Synodus Agathonis Papae scripsit: Sanctum & universale Concilium, quod per Dei gratiam & piam sanctionem piissimi ac fidelissimi Imperatoris Constantini congregatum est in hac regia Constantinopoli nova Roma, sanctissimo & beatissimo Papa senioris Romae Agathonis in Domino salutem. Haec omnia in Romana editione Conciliorum generalium.

Quid ergo Bellarminus, & quid Franciscus Coriolanus suis in summam Conciliorum praeludiis, dicturi sint, non satis praevideo. Dicent-ne Agathonem & Synodum nescisse quid proferrent, quid actis suis inferrent? Si non dicant, capti sunt, quia res contra ipsos decernitur: Si dicant, nulli sunt, quia in materia tam perpicua Agatho & Synodus falluntur, & si falluntur, cur in ceteris non fallerentur? Sic non errandi privilegium, quod Concilio proprium

est, in ultimum discrimen adduceretur. Si verò dicant spectandum non esse quid à Synodo & in Synodo VI. traditum est, sed quid tradendum fuit, instaurandarum haereson, quae ab antiquis Conciliis Nicæno, Constantinopolitano, Ephesino, Chalcedonensi damnatae sunt, occasionem suggerent. Siquidem pari modo affirmabitur, spectandum non esse, quae dogmata ab illis Conciliis perculsa fuerint, sed quae dogmata percelli debuerint: Non quid creditum sit, sed quid credendum fuerit. Haec sunt omnium auribus atque animis absõna, quae ex perversis Bellarmini & Coriolani disputationibus in complexionem inferuntur, idque necessarib.

Nona ducitur ex veteri Romanae Ecclesiae Diurno, ubi recens creati Pontifices fidei professionem edunt locuti de Synodo VI. qua & per decretum Christianissimi ac piissimi à Deo coronati Constantini magni Principis congregata est. Quot & quanti quæso Pontifices id professi sunt?

Decima quaeritur ex variis auctoribus, qui de Synodi VI. convocatione nonnihil monumentis consignarunt suis.

I. Ex Beda in libelli de temporibus capite XXI. Hic (Constantinus) sextam Synodum composuit.

II. Ex Paulo Aquilegiensi Diacono, in libro XIX. Historiarum: Quorum (Monothelitarum) nequam opiniones idem Christianissimus Imperator Concilio universali Constantinopoli convocato ducentorum octoginta novem Patrum Episcoporum damnavit, & dogmata, quae in antecedentibus quinque sanctis universalibus Conciliis fuerant confirmata, roboravit, atque pium duarum voluntatum & operationum promulgari dogma decrevit, per eandem sanctam & subtilissimam universalem Concilii Synodum, cui praerant tam ipse piissimus Imperator, quam pii Sacerdotes. Et paullo post subicit: Anno duodecimo Imperii Constantini collecta est sancta Synodus & universalis sexta Constantinopoli ccccix. sanctorum Patrum praeceptione pii Patris Constantini.

III. Ex Freculpho Lexoviensi Episcopo in Chronicorum tom. II. cap. XXVII. Sexta Synodus universalis Constantinopoli celebrata, & Graeco sermone scripta temporibus Agathonis Papae: Exequente ac residente piissimo Principe Constantino, intra Palatium suum, simulque Apostolica Sedis & Episcopis c. l. residentibus.

IV. Ex Hincmaro Remensi Episcopo, in Opusculi XXXIII. capite XX. Sexta item (Synodus) Constantinopoli sub Agathone Papa, qui ex rogatu Constantini, Heraclii & Tiberii Principum piissimorum misit in regiam urbem legatos suos, in quibus erat Joannes tunc Romana Ecclesia Diaconus, non longè post Episcopus pro adunatione faciendae sanctorum Dei Ecclesiarum, qui benignissime suscepti à reverendissimo fidei Catholica defensore Constantino jussi sunt, remissis disputationibus philosophicis pacifice colloquio de fide vera perquirere, datis eis de Bibliotheca Constantinopolitana cunctis antiquorum Patrum, quos petebant, libellus. Hincmarus respectum habet ad Constantini literas, quas ad Donum Romanum Pontificem dedit, & quarum fragmenta huc spectantia hic exhibuimus.

V. Ex Adone Viennensi in Chronic. ætate VI. Agatho, inquit, Pontifex Romana Ecclesia constituitur. Hic rogatu Constantini, Tiberii, Heraclii piissimorum Principum misit in urbem regiam legatos suos, & cetera, quae hic referuntur ad verbum, ut apud Hincmarum habentur, sive Hincmarus ex Adone, sive Ado ex Hincmaro transcripserit. Et quibusdam interpolitis: Haec est sexta Synodus universalis Constantinopoli celebrata, & Graeco sermone scripta tempore Agathonis Papae, exequente & residente Constantino piissimo Imperatore intra Palatium suum, simulque Legatis Apostolica Sedis & Episcopis c. l. residentibus. Quae verba Freculphus supra sibi vendicat.

VI. Ex Anastasio Sedis Apostolicae Bibliothecario in vita Agathonis Papae: Hic suscepit divalem jussionem piissimorum

piissimorum Principum Constantini, Heraclii & Tiberii Augustorum per Epiphanium Gloriosum à secretis missum praecessori suo Dono Papa, invitantem atque adhortantem, ut debeat Sacerdotes vel missos suos dirigere in regiam urbem pro adunatione facienda sanctorum Dei Ecclesiarum, quod & ordinare non distulit. Iterum in vita Leonis II. Hic suscepit sanctam sextam Synodum qua per Dei providentiam nuper in regia urbe celebrata est, Græco eloquio conscriptam, exequente ac residente piissimo & clementissimo magno Principe Constantino. Ubi, presidente, tunc habebatur, sed, residente, nunc habetur.

VII. Ex Reginone Prumiensi Abbate in libri I. Chronicon: Constantinus Augustus c. l. Episcopos congregari fecit in urbe regia, inter quos etiam fuerunt Legati sanctæ Romanæ missi ab Agathone Papa, Joannes Diaconus & Joannes Portuensis Episcopus.

VIII. Ex Lamberto Schafnaburgensi in libro de rebus Germanorum: Constantinus Constantini filius (regnavit) annis XVII. Hic sextam Synodum congregavit. Cujus rogatu Agatho Papa misit in regiam urbem legatos suos, in quibus fuit Joannes Romana Ecclesia tunc Diaconus, non longè post Episcopus.

IX. Ex Georgio Cedreno in Compendio historiarum: Anno Constantini hujus, qui filium habuit Justinianum, supra decimum tertio, sexta sancta universalis Synodus Constantinopoli fuit, collectis eò CCLXXIX. sanctis Patribus. Et post alia: Ceterum illa (Synodi) œcumenica fuerunt sic dicta, quia jussu Imperatorum summi Pontifices, quotquot per Imperium Romanum erant, convocarentur.

X. Ex Joanne Zonara in libro IV. Annalium: Cum autem Constantinus orthodoxus esset, unire studuit Ecclesias ob Monothelitarum hæresim jam inde à proavo suo Heraclio ortam dissidentes. Itaque Concilium Constantinopolitanum indixit, cujus principes fuerunt Agathonis Papæ Romani Legati, Georgius Constantinopolitanus, & Theophanes Antiochenus.

XI. Ex Gobelino Persona in Cosmodrom. ætate VI. cap. xxxv. Agatho ex rogatu Constantini Imperatoris misit Legatos suos viros literatos Constantinopolim pro sexta Synodo faciendâ, & congregati sunt c. l. Episcopi, & jussit Imperator, ut dimissis philosophicis disputationibus pacifico colloquio vera de fide perquirerent. Hæc dum scribit, acta Synodi mox relata ante oculos sibi statuit.

XII. Ex Wernero Rolewinkio Cartusienſi in Fasciculo temporum ætat. VI. Iste Constantinus (IV.) fuit Catholicus, & bonus zelosus per omnia contra hæreticos, Ecclesias reparavit, & Græciam Romana Ecclesia reconciliavit, Synodum sextam congregavit.

XIII. Ex auctore Compilationis Chronologicæ, quæ in annum MCCCCLXXIV. desinit: Sub hoc Papa (Agathone) Constantinus Imperator sextam Synodum in Constantinopolim congregavit.

XIV. Ex Hartmanno Schedelio Senensi in ætate VI. mundi: Synodum sextam universalem apud Constantinopolim Constantinus Imperator celebrari jussit.

XV. Ex Romana Ecclesia in Breviario suo, quod ann. M. CCCCLXXII. Venetiis & Parisiis an. M. D. XLIII. in lucem prædixit: In Nocturni I. lectione I. Hic (Leo) suscepit sanctam sextam Synodum, qua nuper pro Dei providentia in regia urbe celebrata est, Græco eloquio conscriptam, exequente & presidente piissimo ac clementissimo magno Principe Constantino intra regale Palatium ejus. Hæc lectio desumpta est ex Anastasio Bibliothecario.

XVI. Ex Joanne Nauclero volum. II. Chron. generat. xxiii. Bene etiam tunc usus est pace illa Constantinus, quod eo, qui securus est, anno VI. curavit Synodum apud Constantinopolim congregari.

XVII. Ex Dionysio Petavio Societatis Jesu Theologo in lib. VIII. part. primæ Ration. temporum cap. I. Constituta reipublica tranquillitate ad pacandam

Ecclesiam Imperator consilia transtulit. Quam in rem generale sextum Concilium indixit Agathone Romano Pontifice.

Hactenus de Synodo sexta. Nunc appellandi sunt Principes, qui Constantinum imitati Concilia inter Synodum VI. & VII. convocari jusserunt.

I. Ervigius Rex Hispaniæ Toletanum Concilium XII. fieri voluit, ut Concilii ipsius Patres testantur: Cum ex glorioso prædicti (Ervigii) Principis jussu in unum fuisset aggregati conventum, & in Basilica sanctorum Apostolorum debitis in sedibus locaremur, adfuit etiam coram nobis idem clementissimus Princeps.

II. Rex idem Ervigius Toletanum Concilium XIII. haberi præcipit. Id confirmat caput XIX. Concilii, 219 cujus verba sunt: Cujus virtutis admirabili dono cor gloriosi atque religiosissimi Principis nostri divino igne succensum decrevit pariter & elegit, ut in unum cœtum omnes Hispania aggravati Pontifices illa decernerent, quæ gravêdines & pressuram removeant, & sublevationis opem dejectis opulenter impendant.

III. Egicanus Rex Hispaniæ Cæsaraugustanum Concilium indixit, & hanc indictionem Concilii Pontifices non obscure demonstrant: Quia nos divina celsitudo ex jussu excellentissimi Domini nostri Egicani Principis in hanc Cæsaraugustanam urbem coadunari præcepit.

IV. Rex idem Egicanus præcepit Toletanum Concilium XVI. celebrari. Ex ore Pontificum, qui Concilium celebrant, prodit hæc veritas: Cujus, inquit, Egicani jussu fraternitatis nostra cœtus adunatus est.

V. Rex idem Egicanus Toletanum Concilium XVII. congregari jussit. Hoc Concilii Patres affirmant in actione gratiarum: Cujus (Egicani) jussu atque imperio ad hunc pacis conventum congregati fuisse dignoscimur.

VI. Carlomannus Princeps Liptinenſe coëgit Concilium, & in Concilio ea super re præfatus est ita: In nomine Domini nostri Jesu Christi. Ego Carlomannus Dux & Princeps Francorum, anno ab Incarnatione Domini DCCXLIII. II. videlicet Calendæ Maii cum consilio servorum Dei, & optimatum meorum Episcopos, qui in regno meo sunt, cum Presbyteris ad Concilium & Synodum pro timore Christi congregavi, id est, Bonifacium Archiepiscopum, & Burchardum, & Ragenfridum Wintanum, & Witbaldum & Daddanum & Eddanum, ac 220 aliquos Episcopos cum Presbyteris eorum, ut mihi consilium darent, quomodo lex Dei & Ecclesiastica religio recuperetur, quæ in diebus præteritorum Principum dissipata corrui, & qualiter populus Christianus ad salutem anime pervenire possit, & per falsos Sacerdotes deceptus non pereat. Iterum in Can. I. Itaque per consilium Sacerdotum religiosorum & optimatum majorum ordinavimus per civitates Episcopos & constituimus super eos Archiepiscopum Bonifacium, qui missus est sancti Petri, statimque per annos singulos Synodum congregari, ut nobis presentibus canonum decreta & Ecclesia jura restituerentur.

VII. Pipinus major domus regiæ Concilium apud Sueffiones convocavit; cujus rei fides est penes ipsum Concilium, quod sic incipit: In Dei nomine & Trinitatis anno DCCXLIV. sub die VI. Non. Martii Luna XIV. in anno II. Childerici Regis Francorum. Ego Pipinus Dux & Princeps Francorum, dum pluribus non habetur incognitum, qualiter nos in Dei nomine una cum consensu Episcoporum sive Sacerdotum vel servorum Dei, sive Comitum & optimatum Francorum colloqui, apud Sueffionis civitatem Synodum facere decrevimus, quod ita in Dei nomine fecimus.

VIII. Pipinus cum Rex esset Vernensē congregavit Concilium. Duo sunt, quæ negantem convincerent, exordium & canon IV. Exordium sic se habet: Ideo gloriosissimus, atque Deo religiosus illustris vir Pipinus Rex Francorum universos pene Galliarum Episcopos aggregari



gregari fecit ad Concilium verno Palatio publico, recu-  
 221 perare aliquantisper cupiens instituta canonica. Canon  
 verò est ejusmodi: Ut bis in anno Synodus fiat, prima  
 Synodus mense primo, quod est, Martii, Calendis, ubi-  
 cumque dominus Rex jusserit in ejus presentia, &c.

IX. Rex idem Pipinus in villa Gentiliaco Synodum  
 fieri voluit. Hoc traditur in Annalibus Francorum  
 qui ab anno Christi DCCXLI. ad annum DCCCXIV.  
 extenduntur: Anno DCCLXVII. tunc habuit dominus  
 Rex Pipinus in supradicta villa Synodum magnam inter  
 Romanos & Græcos de sancta Trinitate vel Sanctorum  
 imaginibus.

X. Epocham atque Epistolam absolvit Gregorius  
 II. qui receptum morem convocandæ ab Imperatori-  
 bus Synodi generalis attestatur in Epistola ad Leo-  
 nem I. Isaurum: Cum Dominus, inquit, Germanus,  
 quique tunc temporis Patriarcha erat Dominus Georgius  
 suggestissent, persuasissentque Constantino Constantis filio, Ju-  
 stiniani Patri, ut Romam ad nos scriberet: Sic interpo-

sito jurejurando scripsit ad nos, & nobiscum egit, ut ad  
 Synodum universalem congregandam viros utiles mitte-  
 remus: Neque cum illis, inquit, tanquam Imperator se-  
 debo, aut imperiosè loquar, sed tanquam unus ex illis &  
 prout statuerint Pontifices, ego exequar & eos, qui rectè  
 loquuntur admittimus. Cum ex hac Gregorii Papæ E-  
 pistola, tum ex Synodo sexta liquet, quem Impera-  
 tores in indicenda & celebranda Synodo œcumenica  
 ordinem servarent. Porro autem tu, qui & Faculta-  
 tis Theologiæ nostræ placitis constanter, ut virum  
 generosum decet, adhæres, & probè tenes Ecclesiæ  
 historiam & nosti rectè differere, in hac Epistola &  
 epocha invenies, quidquid requiritur & sufficit, ut 222  
 argumentationes omnes, quas Bellarminus & Corio-  
 lanus vel à calamitosi Christianorum temporibus, vel  
 ab instituta Metropolitanos inter & Romanum Pon-  
 tificem comparatione repetunt, tanquam invalidæ eli-  
 dantur. Vale, Lauduni XII. Calend. Februarii ann.  
 M. DC. LXVII.

# Joannes Launoius

## LUDOVICO HENRICO FAIO SPESSÆO

Parisiensi Theologo, & Ecclesiæ beati Petri Viennensis Abbati.

Lutetiam.

223 **I**N septimæ Synodi, quæ Nicæna II. est, convo-  
 catione nihil penitus occurrit, quod illam in  
 alium, quàm in Constantinum & Irenen trans-  
 scribat.

Et primò quidem Tharastius Constantinopolitanus  
 Patriarcha vir sanctissimus transcribit in Apologeti-  
 co pro imaginibus: Petimus, inquit, vos fratres, ut  
 reor & vos, quoniam scio vos timorem Dei habere, à  
 piissimis & orthodoxis Imperatoribus nostris Synodum  
 universalem colligi, ut efficiamur nos, qui unius Dei su-  
 mus unus. Imperatores fecerunt, quod Tharastius pe-  
 tiit, & quod petendum esse ex majorum traditione di-  
 dicerat.

Deinde septima Synodus ipsa transcribit in actio-  
 ne I. Conveniente sancta & universali Synodo, quæ  
 per Dei gratiam & piam sanctionem Imperatorum con-  
 gregata est in Nicænsium metropoli. Et post alia:  
 Sancta Synodus dixit: Ingrediantur & ingressi sunt  
 Episcopi, qui prædicti sunt: Cùmque ingressi fuisset,  
 gloriosissimi Principes dixerunt: Domini benigni  
 honorabilem & adorandam sacram jusserunt mittere ad  
 omnem sacram Synodum vestram. Et audite: Sancta  
 Synodus dixit: Confirmat Deus Imperium bonorum Do-  
 minorum nostrorum, delatam in manibus gloriosiss. à se-  
 cretis Leontius eandem sacram piam legit. Sacre exor-  
 dium hoc est: Constantinus & Irene fideles Imperato-  
 res Romanorum sanctissimis Episcopis, qui in voluntate  
 & gratia Dei, & jussione pii Imperis nostri convenerunt  
 in Nicæna Synodo. Et post alia: Igitur beneplacito &  
 224 ranti ejus (Dei) congregavimus vos sanctos Sacerdotes  
 ipsius, qui disposuistis testamentum ejus super incruenta  
 sacrificia, ut definitionibus Synodorum, quæ rectè dogma-  
 tizaverunt, judicium vestrum simile fiat. Adeo quippe  
 confugimus pro veritate, & ad pietatem commendamus, ut

Ecclesiastico ordini consulamus, antiquam legislationem  
 confirmare volentes, ut & militaribus consiliis detecti, &  
 Republica curis vacantes primum orbis opus habeamus  
 pacificam observantiam Ecclesiæ Catholice, & in secundo  
 hoc ponentes ad sacratissimam vestram non fatigemur  
 congregandam Synodum, dantes unicuique licentiam, ut  
 sine subtractione loquatur, quæ sibi visa fuerint, ut di-  
 stricta examinatio fiat.

Tum Hadrianus Papa primus transcribit in Episto-  
 la ad Tharastium, quæ actione II. recensetur.

Porro post confessionem fidei vestra notum factum est  
 nobis, quod vestra venerabilis sanctitas postulaverit ab or-  
 thodoxis ac zelatoribus & propugnatoribus veritatis,  
 piissimis videlicet Imperatoribus nostris, qui ad gloriam  
 Dei facti sunt, quò fieret universalis Synodus, & repro-  
 miserint coram omni populo Christiano supplicationi vestre  
 piè annuentes, Synodumque in regia urbe fieri desinientes.  
 Nos autem quemadmodum & in ipsa diva continebatur  
 jussione dilectos nobis, & approbatos atque prudentes Sa-  
 cerdotes pro statu sacrarum imaginum, ut prædicto in illis  
 partibus ordine constituentur, cum magno desiderio &  
 maximo gaudio destinavimus: Sed vestra sanctitas iis-  
 dem piissimis Imperatoribus alacriter suggerat, ut inprimis  
 pseudosyllogismus ille, qui sine Apostolica Aucto-  
 ritate inordinatè, & insyllogisticè factus est adversus  
 venerabilium Patrum traditionem, contra divinas sa-  
 cras imagines anathematizetur presentibus Apocryphis  
 nostris.

Quartò septima Synodus transcribit iterum in actio-  
 ne IV. Quamobrem sancta & universalis hac Synodus  
 beneplacito Dei, & muni piorum & fidelium Imperato-  
 rum nostrorum Irene novæ Helenæ, ac novæ Constantini  
 hujus à Deo consecrandi germinis congregata Synodo in hac  
 Nicænsium clara metropoli, &c.

Quintò

Quintò ſeptima eadē Synodus iterum tranſcribit in aſſione VII. ubi fidei definitio exaratur : Sancta, magna ac univerſalis Synodus, qua per Dei gratiam & ſanctionem piorum & Chriſtianorum Imperatorum Conſtanti & Irene matris ejus, congregata eſt ſecundò in Nicæenſium clara metropoli. Et quibuſdam interpoſitis : Piſſimis & Chriſtiſſimis Imperatoribus noſtris Conſtantino & Irene matri ejus, Tarasius indignus Epiſcopus regia urbis veſtra, & tota Synodus, qua beneplacito quidem Dei, præceptione verò imperii veſtri ſecundò convenit in hac ſplendida Nicæorum metropoli.

Sextò Anaſtaſius Bibliothecarius tranſcribit in vita Hadriani I. Hic elegantiffimus præſul, atque fortiffimus reſta fidei prædicator direxit miſſos videlicet Petrum Præbyterum Romanæ Eccleſiæ, & Petrum religioſum Abbatem venerabilem monaſterii ſancti Sabæ ad Imperatorem Conſtantinum & Irenen, adhortans eos, atque prædicans per ſuas Apoſtolicas literas pro ſacris imaginibus erectionem, qualiter per teſtimonia Scripturarum, ſeu traditionem venerabilium Patrum à priſcis temporibus uſque hæcenus orthodoxi venerantur in ſancta Catholica & Apoſtolica Romana Eccleſia, quòd præſati Imperatores eandem venerantes atque amplectentes Apoſtolicam epiſtolam Concilium in Nicæa congregari fecerint ccccl. Epiſcoporum. In compendium mittit Hadriani Papæ Epiſtolam, quæ in aſſione II. refertur & approbatur.

Septimò Poeta Saxonicus tranſcribit in libro III. Annalium de geſtis Caroli ad annum dcccxciv.

*Annis præterea Synodum non pluribus antè Conſtantinopoli celebrari fecit in urbe Græcorum Princeps, qui Conſtantiſmus habebat Nomen, & ejuſdem genetrix Irene vocata, Et condixerunt, ut ſeptima ſeu generalis Appellaretur.*

Oſtavò Paulus Aquilegienſis Diaconus in libro xxiii. Hiſtoriarum hac de re ſcripſit, quæ videre potuit: Ipſa ( Irene ) iterum mēſe Maio mittens per omnem locum convocat omnes Epiſcopos, quò convenirent in Nicenſium civitatem ad efficiendum illic Concilium. Et per totum æſtivum tempus congregati ſunt omnes apud Nicæam. Siquidem eos, qui ex Romana Sedis & Orientalium perſona venerē, non dimiſerat, ſed ſecum retentos habebat. Anno oſtavo Irene & Conſtanti exivit Tarasius Archiepiſcopus Conſtantinopolitæ in Nicenſium civitatem, & celebrata eſt ſancta & univerſalis Synodus Epiſcoporum. Infrà: Et quinto Idus Octobris, undecimæ indiſtionis, mēſe Novembre ingreſſi ſunt omnes regiam urbem, & præſidentibus Imperatoribus unà cum Epiſcopis in Magnaura lectus eſt tomus, & ſubſcripſit tam Imperator, quàm mater ejus firmantes pietatem ſecundum antiqua dogmata Sacerdotum.

Nonò Platina in vita Hadriani I. Leone mortuo, Irene & ejus uxor & filius Conſtantiſmus ſextus Imperium accipientes Concilio cccxxx. Epiſcoporum in Nicæa urbe ſecundo habito, inſtituere, ut qui ſacras imagines delendas dicerent, perpetuo anathemate notarentur.

Decimò Hartmannus Schedelius Senenſis in ætate VI. mundi: Irene mater Conſtantiſmi mulier prudentiſſima & religioſa ſtatim adepto Imperio Concilium ſecundum in Nicæa urbe cccxxx. Epiſcoporum congregavit.

Undecimò Jacobus Philippus Bergomas in Supplem. Chron. lib. xi. Quæ ( Irene ) prudentiſſima & religioſa mulier ſtatim Imperio adepto Concilium ſecundum in Nicæa urbe cccxxx. Epiſcoporum congregavit.

Postremò quidquid jam notavimus confirmatur ex diſciplina, quæ inter ſeptimam & octavam Synodum in convocandis quibuſdam Conciliis obſervata eſt.

I. Carolus Magnus Francofordienſe Concilium indiſcit, idque Concilii Patres, ſemel, iterum, tertio & quarto declarant.

In canone I. Conjugentibus Deo favente, Apoſtolica auctoritate atque piſſimi Domini noſtri Caroli Regis juſſione, anno xxvi. principatus ſui, cunctis regni Franco-  
rum, ſeu Italia, Aquitania provinciæ Epiſcopis ac ſacer-  
dotibus Synodali Concilio, inter quos ipſe miſiſſimus ſancto  
interſuit conventui.

In libello Epiſcoporum Italiæ contra Elipandum miſſo ad provincias Hiſpaniæ: Sancto incitante Spiritu, ac zelo fidei Catholica ſcintillatim ſub peſtore ſerveſcente, clementiſſimi ac tranquillimi, glorioſique Caroli regis Domini terra Imperii ejus decreto per diverſas provincias regni ejus diſioni ſubjectas, ſummâ celeritate procurante multitudine antiſtitum ſacris obtemperando præceptis in uno collegio congregata convenit.

In Synodica ab Epiſcopis Galliæ & Germaniæ ad præſules Hiſpaniæ miſſa: Congregatis nobis in unum caritatis conventu, præcipiente & præſidente piſſimo & glorioſiſſimo Domino noſtro Carolo Rege ad renovandum cum conſilio pacifica unanimiſſis ſanctæ Dei Eccleſiæ ſtatum, & ad prædicandam orthodoxa fidei veritatem.

Denique Carolus ipſe in Epiſtola ad Elipandum & cæteros Hiſpaniæ Epiſcopos: Ad impletiōem hujus gaudiū fraternâ cogente caritate juſſimus ſanctorum Patrum Synodale ex omnibus undique diſionis noſtra Eccleſiis congregari Concilium, quatenus ſancta omnium unanimiſſa firmiter decerneret, quid credendum ſit de adoptione carnis Chriſti, quam nuper novis aſſertionibus, & ſanctæ Dei univerſali Eccleſiæ antiquis temporibus inauditis, vos ex ſcriptis veſtris intuliſſe cognovimus, immo & ad beatiffimum Apoſtolica Sedis Pontificem de hac nova inventione noſtræ devotionis ter quaterque direximus miſſos ſcire cupientes, quid ſancta Romana Eccleſia Apoſtolicis edocta traditionibus de hac voluiſſet  
reſpondere inquisitione, necnon & de Britannia partibus  
aliquos Eccleſiaſtica diſciplinæ viros convocavimus, ut ex  
multum diligenti conſideratione veritas Catholica fidei in-  
veſtigaretur, & probatiſſimis ſanctorum Patrum hinc inde  
roborata teſtimoniis abſque ulla dubitatione teneatur.

Rem iſtam verſibus quinque ſic expreſſit Poeta Saxonicus in libro III. de geſtis Caroli ad annum dcccxciv.

*Dira venenifera conatus ſemina ſecta;  
Quæ Felix infelici malè ſparſerat anſu,  
Vellere de ſacro Domini radicatus agro,  
Catholicus Princeps Synodum celebrare vocatos  
Undique Pontifices jam dictam fecit ad aulam.*

Eginhardus in Annalibus de geſtis Caroli Magni ad annum dcccxciv. Rex ad condemnandam hæreſim Felicianam æſtatis initio, quando & generalem populi ſui conventum habuit, Concilium Epiſcoporum ex omnibus regni ſui provinciis in eadem villa congregavit.

II. Idem Carolus magnus Romanum Concilium adverſus Felicem Urgelitanum fieri juſſit. Cujus rei teſtis nullus eſt locupletior Leone III. qui ſic loquitur in eo Concilio: De peſte illa, quæ per miſerum Felicem ex Epiſcopo de nomine adoptionis in Chriſto Dei filio orta eſt, Concilium facere atque tractare pariter deberemus. Et olim quidem à prædeceſſore noſtro bona memoria Domino Hadriano Papa, & ex auctoritate Sedis Apoſtolice, & ejuſdem regis magni juſſione Synodali tramite, ſub anathematis vinculo putabatur eſſe extinta.

Deinde in Aquisgranenſi Concilio quod anno dcccxcix. celebratum eſt, fit ſermo de Romana Synodo: Quæ nuper in Roma hac intentione præcipiente glorioſiſſimo ac piſſimo Domino noſtro Carolo congregata eſt.

III. Idem Carolus Ratiſponenſe Concilium haberi præcepit, ut in Romani Concilii aſſione II. traditur: Inprimis namque in Ratiſbonenſe Concilio, quod per juſſionem præfulgidi & orthodoxi filii noſtri domini Caroli Magni regis actum eſt. En teſtis omni exceptione major!



IV. Carolus Imperator factus Remense Concilium secundum indixit, idque legitur in præfatione Concilii: *Hic est ordo capitulorum breviter adnotatus, quæ anno Dominica Incarnationis DCCCXIII. notata sunt in conventu Metropolitana Sedis Remensis, A DOMINO CAROLO PISSIMO CÆSARE MORE PRISCORUM IMPERATORUM CONGREGATO, ordinante Wulfario ejusdem sanctæ Sedis Archiepiscopo.* Hoc tempore Pelagii II. Epistola 1. ad Orientales, recens & fallax Ilidori Mercatoris opus, nondum eam adepta erat vitii maturitatem, quæ postea Bellarminum & alios in errorem induxit: Maturitas illa posterioribus sæculis reservabatur, in quibus nonnulli verum id esse credunt, quod typis mandatum inveniunt, & suis placitis aptant.

V. Idem Imperator Arelatensem Synodum sextam coegit; quod Patres ita confirmant: *Dum anno XLVI. inclyti, orthodoxi Domini & Principis nostri Caroli Imperatoris, sub die VI. Idus Maias, æra DCCCL. unanimis nostræ conventus in Arelatenfium urbe in Basilica sancti Stephani martyris primi aggregatus consisteret, atque unusquisque nostrum ex more secundum ordinationis nostræ tempus locis debitis resideret, rerum omnium Domino prius devotissima gratiarum jura persolvimus pro eo, quod nos & alterna visionis intuitu solari permisit, & alterna pacis osculo conservandos siavit, diffusis cordibus, simulque & vocibus precum murmura effundentes, ut sicut nos alternorum osculorum impensione letificos efficit, ita serenissimum ac religiosissimum prædictum Dominum nostrum Carolum Imperatorem, cujus jussu fraternitatis nostræ cæsus est ordinatus, fidei suæ conservatione stabiliat.*

VI. Idem Imperator Moguntiacum indixit Concilium, & præfatio Concilii fidem indictioni conciliat hoc pacto: *In nomine Patris, & Filii & Spiritus Sancti, gloriosissimo & Christianissimo Imperatori Carolo Augusto veræ religionis rectori ac defensori, sanctæ Dei Ecclesiæ unâ cum prole sua, ejusque fidelibus vita & salus, honor & benedictio cum victoria suæ sine mansura. Alimica reverentia vestra patefecimus nos humillimi famuli, ac missi vestri Hildebaldu scilicet sacri Palatii Archiepiscopus, Ricolfus & Arno Archiepiscopi, seu Bernharius unâ cum reliquis Coepiscopis, atque Abbatibus & cætero Clero, quia venimus secundum jussionem vestram in civitatem Moguntiam, ibique pariter adunati primitus cum Litaniis triduanum celebravimus jejunium, divinam suppliciter postulantem clementiam, quatenus sancta gratia sua conventum & actionem ipsius Synodi sibi acceptabilem facere dignaretur.*

VII. Idem Imperator convocavit Turonense Concilium tertium, ut ex præfatione constat: *Diffinitum itaque est de locis & tempore, quando & ubi coadunari fuerit opus, & quod à tanto Principe nobis injunctum est, ad statuta loca convenimus. Siquidem urbe Turonis congregati Episcopi, Abbates & venerabilis Clerus pro parvitate nostra pauca, quæ ad tantum opus pertinere animadvertimus, & quæ secundum canonicam regulam emendatione indigent, distinctè per Capitula adnotavimus, serenissimo Imperatori ostendenda.*

VIII. Idem Imperator congregavit Cabilonenfem Concilium secundum, idque Patres, in præfatione non modò factum ab Imperatore, sed etiam majus adhuc aliquid videntur asserere: *Auxiliante, inquit, Domino nostro Jesu Christo, & Imperante serenissimo atque inclyto Augusto Carolo convenimus Episcopi & Abbates totius Gallie Lugdunensis in urbem Cabilonenfem, & de quibusdam rebus, in quibus nobis emendatio necessaria videbatur, quedam capitula quæ subter inserta sunt, eidem Domino Imperatori presentanda, & ad ejus sanctissimum judicium referenda adnotavimus, quatenus præsentis examine ea rationabiliter decernimus, confirmetur, sicuti minus aliquid egerimus, illius sapientia suppleatur.*

Porro autem illa omnia quæ mox retulimus, enar-

rantur in Francorum Annalibus, qui ab anno Christi DCCXLI. usque ad annum DCCCXIII. perducuntur: Hoc anno sic ibi se res habet: *Concilia quoque jussu ejus super statu Ecclesiarum corrigendo per totam Galliam ab Episcopis celebrata sunt: Quorum unum Moguntiaci, alterum Remis, tertium Turonis, quartum Cabilone, quintum Arelati congregatum est.* Eadem omnino verba reperiuntur, cum in vita Caroli per monachum Engolismensem edita, tum in Eginhardi Annalibus.

Apud Monachum illum ad eundem annum: *Concilia quoque jussu Domni Caroli Imperatoris super statu Ecclesiarum corrigendum per totam Galliam ab Episcopis celebrata sunt, unum Moguntiaci, alterum Remis, tertium Turonis, quartum Cabilone, quintum Arelati congregatum est.*

Apud Eginhardum: *Concilia quoque jussu ejus super statu Ecclesiarum corrigendo per totam Galliam ab Episcopis celebrata sunt, quorum unum Moguntiaci, alterum Remis, tertium Turonis, quartum Cabiloni, quintum Arelati congregatum est.*

Annales Bertiniani & Metenses idem eodem anno tradunt: *Concilia quoque jussu ejus super statu Ecclesiarum corrigendo per totam Galliam celebrata sunt, & cætera ut supra.*

Chronicon vetus Moissiacensis cœnobii ad annum DCCCXIII. Carolus Imperator decrevit quatuor Concilia fieri, id est, ad Moguntiam civitatem unum, alterum in Remis, tertium Turonis, quartum Arelato civitate: Mandavitque ut quidquid in unamquamque Synodum definivissent, ad placitum constituti Imperatoris rennunciassent. Quod & factum est.

Ado Viennensis in Chronici ætate VI. Concilia quoque in quinque partibus regni sui ad corrigenda, quæ necessaria forent, fieri constituit, Moguntiaco, Remis, Turonis, Cabilone, Arelate.

Prætereo Reginonem Abbatem in Chronicorum libro II. Sigbertum in Chronographia, Joannem Nauclerum in volum. II. generatione XXVIII. Joannem Tillium in Chronico de regibus Francorum qui rem eandem iisdem fere verbis tradidere. Hæc quæ ut apparet trita sunt admodum & vulgaria, si vidisset Bellarminus, pro argumento non cepisset comparationem, quam inter provincialium, seu regionalium & universalium Synodorum convocationem instituit. In ea comparatione ut certum sibi sumit, quod non incertum modo, sed etiam falsum est.

IX. Ludovicus Pius Aquisgranense coegit Concilium: Sic eadem sub filio, quæ sub patre disciplina vigit in convocandis Conciliis. Id docet exordium Aquisgranensis Synodi, quæ anno DCCCXVI. convenit: *Cum in nomine sanctæ & individue Trinitatis Christianissimus ac gloriosissimus Rex Ludovicus superno munere victor Augustus anno Incarnationis Domini nostri Jesu Christi DCCCXVI. Indict. X. anno siquidem Imperii sui tertio Aquisgrani Palatio generalem sanctamque convocasset conventum, &c.*

Chronicon vetus Moissiacensis cœnobii ad annum DCCCXV. Ludovicus Imperator habuit Concilium magnum in Aquis, & constituit duos filios Pippinum & Carolum super Bagoaria, & decrevit in ipsa Synodo dominus Imperator Ludovicus, ut in universo regno suo monachi regulariter viverent secundum regulam & canonici secundum canonum auctoritatem.

X. Ludovicus Pius & Lotharius Parisiense Concilium sextum fieri jusserunt. In hanc rem egregia est Ludovici Epistola, ex qua quæ instituto servant, descriptum imus: *In nomine Domini Dei & Salvatoris Domini nostri Jesu Christi Ludovicus & Lotharius divina ordinante providentia Imperatores Augusti omnibus fidelibus sanctæ Dei Ecclesiæ & nostris. Recordari vos credimus, qualiter hoc anno consilio Sacerdotum & aliorum fidelium nostrorum, generale jejunium per totum regnum nostrum celebrare jussimus. Et post alia: Sed quia tunc*

tunc fieri (placitum) non potuit juxta voluntatem noſtram, viſum nobis fuit præſens placitum cum aliquibus ex fidelibus noſtris habere, & in eo de his quæ propter prædictum impedimentum remanſerunt, qualiter ad effectum pervenirent, Domino adjuvante, conſiderare. Quapropter noſſe volumus ſolertiam veſtram, quod in iſto præſenti placito cum fidelibus noſtris conſideravimus, ut primo omnium Archiepiſcopi cum ſuis ſuffraganeis in locis congruis tempore opportuno convenirent: Et ibi tam de ſua quam de omnium noſtrum correctione & emendatione ſecundum divinam auctoritatem quærendo invenirent, & nobis atque fidelibus noſtris ſecundum miniſterium ſibi commiſſum annuntiarent. Et poſt alia: Quapropter ſtatimus atque decernimus, cum conſultu Sacerdotum, cæterorumque noſtrorum fidelium huius rei gratia, ob placandum ſcilicet contra nos nobiſque ſubjectos Domini furorem, conventus eorundem Episcoporum in quatuor Imperii noſtri locis congruentiſſimè fieri. Primo ſcilicet in Moguntiacenſi urbe, conveniant Metropolitani, Augariuſ, Adubalduſ, Hetto, Bernuinuſ cum ſuffraganeis ſuis. Secundo quoque in Pariſiorum urbe, ubi futuruſ amiſteſ Senonicuſ & Ebbo, Ragnoarduſ & Landranuſ Metropolitani cum ſuffraganeis ſuis conveniant. Tertiò verò Lugdunum, ubi Agobarduſ, Bernarduſ, Andreuſ, Benedictuſ, Agericuſ cum ſuis ſuffraganeis ſimiliter conveniant. Quarto etiam apud Tolofam urbem, quò ſimul conveniant Notho, Bartholomæuſ, Adalelmuſ, Agulfuſ cum ſuffraganeis ſuis.

Sed audiamuſ loquentes in Pariſienſi Concilio Episcopos: Hiſ igitur legibus & inſtitutis Propheticiſ inſtructi Imperatores non abſ re duxerunt ſuper ſuis populiſque ſibi ſubjectiſ erratibuſ Sacerdoteſ legem Domini conſulendos. Quapropter ſtatuerunt in quatuor congruentiſſimis Imperii ſui locis conventuſ Episcoporum uno eodemque tempore fieri debere. Et poſt alia: Eorum itaque glorioſorum & orthodoxorum Principum juffionibuſ obediētes, imò non ſolum noſtra, ſed etiam ejuſ, totiuſque populi ſibi commiſſi ſaluti juxta miniſterium nobiſ colatum conſulere cupienteſ anno Incarnationiſ Domini DCCCXIX. Imperantibuſ eiſdem præcellentiſſimis ac glorioſiſſimis Deoque dilectiſ Auguſtiſ Hludovico videlicet; ſiliòque ejuſ Hlothario, ſub die VIIII. Idum Juniarum noſ indigni Episcopuſ ex diœceſi ſcilicet Durocortorum, nec non ex diœceſi Senonica & Turonica atque Rothomagica, apud Pariſiorum urbem convenimus, & qualiter de præmiſſiſ cauſiſ juxta admonitionem eorundem Principum egerimuſ vel tractaverimuſ, atque ſtatuerimuſ, in ſubſequentibuſ breviter capitulatim adnotare curavimuſ.

XI. Ludovicuſ Piuſ Aquisgranenſe Conciliuſ ſecundum convocavit; idque antiſtiteſ ſignificant duobuſ in lociſ. Et primo quidem in præſatione Conciliuſ: In nomine ſanctæ Trinitatiſ cum convenimuſ Episcopuſ Synodali evocatione convocante noſ glorioſiſſimo & orthodoxo Imperatore Ludovico inviſtiſſimo Auguſto gratia inſpirante divina Aquisgranuſ Palatii. Deinde in epiftola Synodica ad Pipinuſ: Domino Pipino Regi nobiliſſimo cætuſ venerabilium præſuluſ apud Aquisgranuſ juffu ſaluifero & ordine providentiſſimo orthodoxiſ genitoruſ veſtri Domini noſtri Ludovici Caſariſ eximii.

XII. Caroluſ Calvuſ Rex Galliaſ Sueſſionenſem Synodum alteram congregavit, idque omnino credendum eſt, ſi qua fideſ adhibenda ſit Episcopuſ, dum ita ſcribunt: Regnante in ſempiternuſ Domino Deo univerſorum anno regni glorioſi Caroli filii Ludovici religioſiſſimi Auguſti, XIII. Episcopuſ juxta canonem Synodum celebrare volentibuſ, annuit idem Rex Caroluſ, eoſque apud urbem Sueſſionum in Monafterio ſancti Medardi & ſancti Sebaſtiani X. Calenduſ Maii convenire præcepit.

XIII. Rex idem Caroluſ Vermerienſe Conciliuſ ſecundum haberi præcepit; idque ſemel atque iterum profitentur ipſimet Antiſtiteſ. Semel quidem in can. I. Episcopuſ apud Vermeriam Palatium juffu glorioſi Principiſ Caroli in nomine Domini Jeſu Chriſti ſynodaliter con-

gregati. Iterum in can. II. In nomine Patriſ, & Filii, & Spirituſ ſancti, Episcopuſ, qui juffu glorioſiſſimi Principiſ Domini noſtri Caroli ad Synodum in Vermeriam Palatium, &c.

XIV. Rex idem Caroluſ Valentinuſ Conciliuſ tertium fieri juffit, ut Conciliuſ noſ docet præſatio: Regnante Domino noſtro Jeſu Chriſto anno DCCCLV. ab Incarnatione ejuſ, glorioſiſſimo Lothario Imperatore XV. Indiſtione IIII. menſe Januario VI. Iduſ ejuſdem menſiſ apud urbem Valentinam in domo baſilicæ ſancti Joanniſ adjacente, cum propter cauſam Episcopuſ civitatiſ ipſiſ criminibuſ diffamati ex juffione præſati Pii Principiſ reverendiſſimi trium provinciaruſ Episcopuſ in unum collecti reſideſſent.

XV. Ad hanc epiftolam & epocham ſpectant Alcuinuſ & Rothaduſ Sueſſionenſiſ Episcopuſ, quorum ille pluſ ab Imperatoribuſ convocatiſ Synodoſ fuiſſe ſcribit in libro III. contra Elipandum: Fuerunt etiam & multa poſt huiuſ Nicanuſ auctoritateſ Conciliuſ Synodaleſ congregationeſ per diverſaſ mundi parteſ Imperialibuſ Chriſtianorum Principum edictiſ convocate, prout cauſa vel deſenſio Catholica fidei contra hereticuſ impietateſ flagitabat. Alcuinuſ celeberrimi nominis virum fuiſſe nemo ignorat. Hic verò convocatiſ eſſe ab regibuſ Synodoſ affirmat in libello proclamationiſ, quem Nicolao Papæ I. obtulit: Dum, inquit, ad Synodum juffu glorioſi Regiſ Caroli pro militate ſanctæ Dei Eccleſiaſ convocatiſ Episcopuſ conveniſſemuſ.

Hiſ ita, quæ ſine fucò retulimuſ, conſtitutiſ, certa ſunt tria: Primum quidem, Bellarminuſ nec Synodum VII. nec Concilia, quæ inter eam & octavam Synodum habita ſunt, perlegiſſe uſquam. Nam adduci non poſſum, ut credam, illuſ ſi quando Concilia huiuſmodi perlegiſſet, inſtituere voluiſſe comparationem, quam de convocatione Conciliorum inter Metropolitanoſ ſeu primateſ, & Romanuſ Pontificem inſtituit. Deinde comparationem iſtam ſponte ſua diſſilire: quippe quæ ex inſigni Eccleſiaſticaſ hiſtoriæ & Conciliorum ignorantiaſ proficiſcatuſ.

Tum demum vehementer obreptum eſſe Hadriano Papæ, vel ei qui ſub illiuſ nomine certaſ quaſdam ſanctioneſ Eccleſiaſticaſ in unum corpus collegit, & Angilramo Metenſium Episcopuſ miſit. Capitula Angilramo data vocantur, ubi num. III. iſtud tradit uſ de Romano Pontifice: Cui juffione Domini & meritibz beati Petri Apoſtoliſ ſingulariſ congregandorum Conciliorum auctoritateſ & ſanctorum canonum ac venerandorum Patrum decretiſ multipliciter privata tradita eſt poteſtaſ. Hæc deprompta ſunt ex ſubjectiſ ab Iſidoro Mercatore veteribuſ Romanis Pontificibuſ, & cum primis Pelagio II. epiftoliſ. Præterea Scripturæ ſacræ imponitur. Nulluſ enim eſt illiuſ locuſ, in quo Chriſtuſ id præceperit, quod in iſtiſ Capituliſ præceptum dicitur: Nulluſ eſt locuſ, qui legitime traditioniſ junctuſ, id præceptiſ genuſ evincat. Nulli ſunt Canoneſ Hadriano vetuſtiorēſ, nulla ſanctorum decreta quibuſ ſingulariſ illa congregandorum Conciliorum auctoritateſ Romano Pontificiſ reſervetur. In ſumma, ſex œcumenicæ Synodiſ quæ Hadrianuſ præceſſerunt, & ſeptima, quæ illiuſ tempore celebrata eſt, congregatæ ſunt omneſ ab Imperatoribuſ. Quo ita poſito Romani Pontificeſ neglectæ auctoritateſ ſuæ, & ſancti Patreſ qui convocatiſ Imperatoriſ poteſtateſ Conciliuſ interfuerunt, contemptæ juffionis Dominicæ accuſandi & condemnandi eſſent. Quiſ autem facinuſ tantum vellet admittere?

Hæc tria exaggerare tibi ſupervacaneuſ eſſet, qui quæ legiſ, & legiſ multa, non populari trutina, ſed aurificuſ ſtatera ponderare ſoleſ: Nec auctoribuſ detrahiſ vel tribuiſ quæ detrahiſ vel tribuiſ ratio juſta prohibet.

Nunc mittendæ ſunt ratiocinationeſ illæ, quæ in Academia volatica formantur, & perpoliuntur. Statu-



endæ sunt tibi semper disputandi regulæ tres, quarum una ex Tridentinæ fidei professione, altera ex certa Tridentini Concilii historia ducitur, tertia ex fidei decreto, quod in Florentina Synodo confectum est. In prima regula Scriptura sacra nonnisi juxta unanimem consensum debet accipi: *Item Scripturam sacram juxta eum sensum, quem tenuit & tenet sancta mater Ecclesia, cujus est judicare de vero sensu & interpretatione sacrarum Scripturarum, admitto, nec eam unquam nisi juxta unanimem consensum Patrum accipiam & interpretabor.* At nullus est Scripturæ sacræ locus juxta unanimem consensum Patrum acceptus, qui generalium Conciliorum indictionem Romano Pontifici vindicet, & si quis esset Scripturæ locus argumento huic proprius, is esset, vel, *Tu es Petrus, & super hanc petram, vel, Oravi pro te Petre, vel Pasce oves meas.* At verò nullum ex his tribus locum esse materiæ huic proprium docebunt te tres epistolæ, quarum prima sub Jacobi Bevilacqua, altera sub Guillelmi Voëlli, tertia sub Raimundi Formentini nomine apparet in parte quinta epistolarum nostrarum.

In secunda regula res facile constabit. Paulus Suavis & Sforza Cardinalis Pallavicinus ambo narrant pariter, Sedis Apostolicæ Legatos impedivisse, quo minus in Tridentini Concilii sessionibus poneretur clausula hæc, *Synodus vel Concilium universalem Ecclesiam representans.* Ex eo verò impediverunt, quod illa clausula in antiquis seu canonibus seu Conciliis non inveniretur. Antiqui canones & Concilia decernunt nusquam, ut universales Synodi ab Romano Pontifice indicantur seu cogantur. Immo in antiquis legitur Con-

ciliis hæc ab Imperatoribus indicta & coacta esse.

Intertia regula res quoque facile constabit. Florentina Synodus in decreto fidei statuit, regendam esse ab Romano Pontifice Ecclesiam, quemadmodum & in gestis œcumenicorum Conciliorum, & in sacris canonibus continetur. *ἡ δὲ ἐν τῷ πρώτῳ καὶ ἐν τοῖς ἑσπέραις ἐπὶ οἰκουμενικῶν συνόδων, καὶ ἐν τοῖς ἱερεῖς καὶ ἐκ διαλαμψάντων.* Hæc regula cum eadem pæne sit cum secunda, eodem modo diriget ac gubernabit: Ita ut actis œcumenicorum Conciliorum, de quibus hic agitur, & sacris canonibus addatur nihil, & nihil similiter detrahatur. Nam fides, ut ait Tertullianus, una est, immobilis & irreformabilis. De quibus agitur dico, quia Florentina Synodus octavam se cum primum edita est, inscripsit, idque confirmavit Clemens VII. Medicæus, qui edendæ Synodi privilegium concessit. Acta Synodi sextæ, quæ epistolæ nostræ argumentum præbuit, ad Florentinæ fidei decretum pertinent, & rem secundum Principes decidunt. His autem constitutis regulis qui refragabuntur tibi, Christiana professione vix censerī poterunt, aut certè quomodo censerī poterunt, non assequor, ad assequendum tamen paratissimus: Qui verò tibi consentient, Christiana professione censebuntur, quia propositis legibus obtemperabunt; Id est, & à Florentini Concilii decreto, & à Tridentinæ fidei professione non deficient. Cæterum jam satis opinor perspicis, in hac epistola validè confirmari responsum, quod Facultas nostra Parisiensis Theologiæ Carolo Regi VIII. super certa quadam universalis Concilii cogendi ratione dedit anno M. CCCXCXVII. Id unicuique notum est. Vale, Lauduni XII. Calend. Feb. ann. M. DC. LXVII.

## Joannes Launoiius, HIERONYMO SAMBOEU VIO.

Lutetiam.

243 **E**T quamvis ut Synodus haberetur octava, inter se penitus consenserint Basilius Imperator, & Hadrianus Pontifex; tamen Synodus & Hadrianus ipse suam Imperatori convocationem tribuunt. Sic enim Synodus loquitur in actione I. de Basilio: *Qui universalem Synodum congregans, quæ visa sunt Spiritui sancto, pie peregit.*

Deinde, Hadrianus in epistola ad Basilium Imperatorem: *His unum diebus suscitavit celitus profectum Imperium, per quod Apostolica Sedes ipso auctore caprum pro Ecclesia Constantinopolitana pietatis opus consummaret. Et post alia: Volumus ergo per vestra pietatis industriam illic numerosum celebrari Concilium.*

Tum, sanctus Ignatius sequitur actione VII. in sua acclamatione ad Concilium. Illius verba sunt: *Quoniam universali paci consulens piissimus & prudentissimus Imperator noster multam habuit curam & sollicitudinem colligendi sanctissimos Vicarios ex cunctis aliis Patriarchalibus sedibus, & Synodum universalem celebrandi ad exhibitionem & satisfactionem perfectam, veritate sibi cooperante.*

Quartò, Synodus ipsa rem absolvit actione X. in definitione, quam terminum appellat: *Sancta magna & universalis Synodus, quæ per divinam voluntatem & gratiam & sanctionem Imperatorum Basili & Constantini congregata est in hac regia urbe. Iterum de Basilio: Qui per supernum auxilium, & gratiam Ecclesiastici tabernaculi architectos in hanc regiam urbem convocavit.* 244 Et rursum post alia de eodem Basilio: *Vicarios ex omni-*

bus Patriarchalibus thronis, necnon & omnem Episcoporum catalogum in idipsum collegit, qui videlicet convenientes magnam hanc & universalem celebravimus Synodum.

Quintò, ad Synodum accedunt historici duo, Georgius Cedrenus & Ioannes Zonaras. Ille in Compendio historiarum de Basilio locutus: *Res etiam Ecclesiasticas correxit, Pontificatu exturbans auctoritate ad hoc congregati Concilii usus Photium, qui in eum se ingesserat, ac tantisper vacare jussit, dum Deus eum reduxit, qui legitime Patriarcha fuisset creatus, reduxitque in locum Photii Ignatium à Barda injustè pulsum: Itaque Ecclesiis Dei tranquillitatem restituit.* Hic in libro III. Annalium: *Basilius indicto Concilio Photium de Ecclesia expulit, quasi Ignatius contra leges à Barda Cesare Sede Pontificia dejectus esset.*

Cæterum antequam ulterius progrediar, moneo te, fuisse Græcos & Latinos, qui octavam Synodum è numero generalium synodorum expunxerint. Non recensebo singulos. Florentina Synodus expunxit. Nam in illius editione prima inscribitur octava Synodus, quam Græci & Latini sine dubio celebraverant. Deinde Clemens VII. in privilegio editionis Florentinam Synodum octavam appellat. Id observatum minime reperies apud Bellarminum & alios, qui universalium Conciliorum catalogum texuerunt. Rem memoratu dignam faciunt Florentina Synodus, Abrahamus Cretenis Florentinæ Synodi editor, & Clemens VII. editionis approbator. Ad hanc autem octavam Syno-

Synodum Constantinopolitanam, cujus indictionem & convocationem exequor, adjungo certa quædam alia Concilia quæ varii reges fieri jusserunt.

I. Ludovicus Rex Germaniæ Colonienſe Concilium indixit, & præſto ſunt Fuldenſes Annales, qui hoc confirmant anno DCCCCLXX. Habita autem eſt & Synodus in civitate Colonia juffu Hludovici Regis VI. die Calend. Octobres, præſidentibus Metropolitanis Episcopis provinciarum, Luitberto Moguntiacenſium, Bertihilpho Treverorum, Vuliberto Agrippinenſium, cum cæteris Saxonia Episcopis.

II. Carolus Calvus Duziacenſe Concilium I. fieri præcepit anno DCCCCLXX. Annales Bertiniani: Hincmarus Laudunenſis Episcopus adeo & Regem ſuum & Archiepiscopum ſuum erga ſe commovit, ut Rex Synodum in mense Auguſto apud Duziacum condiceret.

III. Idem Carolus Duziacenſe II. convocavit Concilium, ut Synodica Concilii docet Epistola ad Episcopos Aquitaniæ: Sancta Synodus plurimarum provinciarum nutu divino & ſanctiõne domini Caroli Regis glorioſi apud Duziacum ſecus municipium Moſomum Remenſis Parochia in Dei nomine, anno Incarnationis Dominica DCCCCLXXIV. Indiſt. VII. Idibus Junii convocata.

IV. Alfonsus Rex Hiſpaniæ Legionenſe convocavit Concilium, & Concilii Patres id aſſerunt: Convenimus apud Legionem in ipſa Sede beata Maria omnes & Abbates & optimates regni Hiſpania, & juffu ipſius regis talia decreta decrevimus.

246 V. Ferdinandus Rex Hiſpaniæ Cojacenſe congregavit Concilium, idque Patres in præſatione Concilii memoriæ commendarunt. In nomine Patris, & Filii & Spiritus ſancti: Ego Ferdinandus Rex & Sancia Regina ad reſtaurationem noſtræ Chriſtianitatis fecimus Concilium in caſtro Cojaco in diœceſi Ovetenſi cum Episcopis, Abbatibus, & totius regni noſtri optimatibus.

VI. Henricus primus Galliæ Rex Pariſienſe convocavit Concilium, ut Durandus Troarnenſis Abbas tradit in opere, quod de corpore & ſanguine Chriſti adverſus Berengarium ſcripſit: Cum autem, inquit parte IX. Tanti malis fama crebrefceret, & omnium corda fidelium vehementius percelleret, perque multos hujusmodi viri latenter & aperte jam ſerperet, contigit, ut ad aures etiam regis Francorum Henrici perveniret, qui conſultu ſui regni Pontificum procerumque Concilium Pariſius cogi XVII. Calend. Novembris præcepit, ac præſatu Berengarium, ut aut ſua dicta Patrum auctoritate firmaret, multis ſibi obſistentibus, aut ſi ea defendere nequiret, in Catholicam, cui obviare non poſſet, fidem tranſiret, intereſſe tantorum cætui Patrum imperavit.

VII. Gulielmus Rex Angliæ Vintonienſe fieri juffit Concilium, & hoc ita eſſe Concilium ipſum ita declarat: Concilium magnum in octavis Paſche Vintonia celebratum eſt jubente & præſente Rege Wilhelmo, Alexandro Papa conſentiente.

VIII. Iſaaciſ Comnenus Imperator Conſtantinopolitanam indixit Synodum, ut Anna Comnena ſcribit in libro V. Alexiados: Sebaſtocrator Iſaaciſ in 247 magnam Dei Eccleſiam ſe conſert, ibique indiſto cætu ſactorum miniſtrorum non modica exceptus eſt admiratione præſulum aſſefforum Patriarchæ verentium, quorſum hic talis viri adventus ſpectaret.

IX. Alexius Comnenus Imperator Synodum quoque cogi voluit, quod eadem Anna tradit in libro X. Alexiados: Hæc Imperator reputans, & tempus eſſe ſtatuens expediendæ opis, ſiquam aſſerre poſſet ad tantum diſcrimen, ruente pernicio ſiſtenda, Eccleſiæ proceres unam in Synodum convocat, ut collatis conſiliis atque ſententiis de præſenti rerum ſtatu decernerent. Convenit univerſus Episcoporum cætus una cum ipſo Patriarcha Nicolao: Siſtitur coram illis Nilus cum Armenis.

X. Otto I. Romanum fieri juffit Concilium, à quo Joannes XII. ob innumera & horrenda dictu facinora

depoſitus eſt. Id auctores ſynchroni teſtantur duo, Floardus, & Chronicorum Reginonis Continuator.

Hic ad annum DCCCCLXIII. Imperator, inquit; plurimorum Episcoporum collecta multitudine Synodum coadunavit, & conſilio eorum miſſa legatione canonica auctoritate profugum Apoſtolicum ad Sedem Pontificalem & Apoſtolicam revocavit. Illo tamen hoc omnibus modis veniente, plebs Romana Leonem protoſcriniarium, virum ſtrenuum & induſtrium, communi conſenſu in locum ejus elegit & ordinavit, cui interſuerunt omnes propè Romania & Italia Episcopi.

Ille in Chronico ad annum DCCCCLXV. Qui (Otto) Roma Octaviano Papa (Joanne XII.) à quo fuerat ſuſceptus, & ad Imperii regenda gubernacula benediſtus, ab urbe digreſſo, & ſape illum revocante Imperatore, à quo quia 248 de inreligioſitate ſua corripiebatur, reverti nolente congregata Synodo Joannem illuſtrem quendam ejusdem Eccleſiæ Clericum per electionem Romanorum Papam ordinari fecit. Sed eo Papiam ingrediente, Octavianus à Romanis recipitur, nec multo poſt vita deceſſit. Joanne verò cum Imperatore demorante Papiæ Romani quendam Benediſtum ipſius Eccleſiæ ſcriniarium eligunt, atque Pontificem ſibi ordinari faciunt, qui in Joannis electione conſenſerat, & eidem ſubjectus extiterat. Imperator Otto Romam reverſus, convocata magna Synodo Joanne in Sede ſua reſtituto, Benediſtum Episcopum totius Synodi judicio depoſitum ſecum abduxit, & in Saxoniæ direxit. Hic Joannes pro Leone quater ponitur. Error eſt auctoris, vel potiùs librarii.

E recentioribus ſcriptoribus adjicio tres, Adamum Bremenſem Canonicum, Joannem Turrecrematam, & Clementem Monilianum Cardd.

Adamum in libri II. hiſt. Eccleſ. capite V. Rex habito Concilio Episcoporum Joannem Papam cui Octavianus cognomen erat, multis accuſatum criminibus depoſi fecit.

Turrecrematam in libri III. de ſumma Eccleſiæ capite X. Hujus cauſa congregatum legitur Concilium Episcoporum Italia Roma per Imperatorem contra Joannem XII. Qui venator & lubricus publicus & incorrigibilis erat. Hæc in Romana editione quæ Pii IV. diplomate munita eſt.

Monilianum in Theologicarum institutionum Compendio cap. XIX. Conciliorum celebratio valet ad quinque. Et poſt alia: Quarto valet ad reſtanandum exorbitantias quorundam Pontificum, qui munus ſacrum, aut 249 ſpretis ſanctorum Patrum regulis pro voluntate exercent, aut ſimoniaca pravitate deboneſtant, aut ſeculi vanitate, aut vita ſcandalosa confundunt. Hujus rei cauſa congregatum legitur Concilium Episcoporum Italia Roma per Imperatorem, contra Joannem Papam XII. Qui venator lubricus & publicus erat & incorrigibilis. Hæc ille cujus librum approbavit, & approbando ſuum fecit Michael Cardinalis Alexandrinus, qui factus Pontifex Pius V. Approbationem revocavit nuſquam. Sic igitur Cardinales duo Turrecremata & Monilianus cum ab Imperatore convocati contra Joannem XII. Synodum laudant, & Romani Pontifices duo Pius IV. & Pius V. laudati à Cardinalibus Synodum approbant, Synodi convocationem aſſerunt, vindicant, & ab omni recentiorum quorundam auctorum impetitione liberam & immunem efficiunt. Intelligebant viri ſapientes, ad ſupernaturalem prudentiam qua regitur Eccleſia, non pertinere Synodorum convocationem, ſi hæc uti ſpectanda eſt, ſpectetur ſeorſum à divinis, & merè Eccleſiaſticis rebus quæ in Synodis tractantur, & deciduntur.

Porro extra ordinem temporis Romanum poſui Concilium, quo tum demum ut illuſtriori Eccleſiaſticæ rei monumento noſtra concludatur Epistola, & Pariſienſium Theologorum reſponſum Carolo VIII. datum anno M. CCCXCVII. confirmetur.

Hæc eſt igitur in convocandis per varios Principes, ſi non omnibus, in plerisque certè Conciliis diſciplina;



250 disciplina, quæ viguit usque ad annum Christi M. LXXXI. quo Alexius Comnenus apud Orientales imperare cepit. Disciplina verò cuicunque sit, abundè sufficit, ut demonstretur, nemini antè disputandum esse, ut Bellarminus disputat, quàm universalium & maximè particularium, seu nationalium Conciliorum

historiam replicaverit & sincerè examinaverit. Et sanè si quis ad imitationem Bellarmini disserteret, is non litigiosis modò, sed etiam pseudepigraphis argumentationibus se & alios in errorem induceret. Tu ab imitatione tali abstinebis. Benè vale Lauduni v. Calend. Februarii anno M. DC. LXVII.

# Joannes Launoïus

## RAIMUNDO FORMENTINO

Parisiensi Theologo.

Lutetiam.

249 **Q**UIN generalia Concilia, quæ ante Florentinum habita sunt, cum Romæ, tum in Gallia, Lugduni & Viennæ, tum in Germania, Constantiæ & Basileæ, Romani Pontificis auctoritate indicta & convocata fuerint, dubitari meritò nequit. Indictionem & convocationem hujusmodi testantur ipsamet Conciliorum acta, quæ manibus teruntur omnium. Hæc referre spissi & non necessarii laboris foret. Mihi crede, non minùs damnum est, quod adversus veram rei gestæ historiam asseritur, quàm quod contra veram rei gestæ historiam negatur. Utrobique malæ fidei testimonium habetur. Ante Florentinum dixi Concilium, quia hoc in Concilio factum est aliquid, quod de veterè generalium Conciliorum disciplina censetur. Nempe decretum, quo Græci cum Latinis in mutuam reducuntur concordiam, ita inscribitur: *Eugenius Episcopus servus servorum Dei, consentiente ad infra scripta charissimo in Christo filio Joanne Palæologo Romaorum Imperatore illustri, & loca tenentibus venerabilium fratrum nostrorum Patriarcharum, & ceteris Orientalem Ecclesiam representantibus. Latentur cali, exultet terra, &c.* Sic inscriptum est concordie seu unionis decretum, cum ex aliis, tum ex eo quoque, quod Florentinum Concilium sine ulla Joannis Palæologi Imperatoris auctoritate vel prævio consensu congregatum fuerat. Igitur inscriptione tali compensata est disciplina vetus, qua generales Synodi octo in Oriente Imperatorum jussu celebratæ fuerant. Id observari non poterat in Florentina Synodo, quæ antè indicta & coacta est, quàm Græci ad eam venirent, vel eam fieri putarent. Quam verò inscriptionis illius rationem tibi reddimus, libenter & tibi & aliis subjicio, qui meliorem atque opportuniorem reddent. Et sanè non est admodum, cur quis de reddenda ratione omnibus accepta sibi facile gratuletur. Horatius Justinianus postea Cardinalis cum rationem idoneam & Curialibus Magistris placentem reddere non posset, unionis decretum aliter inscriptum sic exhibuit: *Eugenius Episcopus servus servorum Dei ad perpetuam rei memoriam. Latentur cali, exultet terra, &c.* Hoc in Florentinæ Synodi actis, Justinianus ann. M. DC. XXXVIII. in lucem edidit. Sed editioni huic & Latina & Græca repugnant exemplaria, quæ ante tempus illud in manibus versabantur omnium. Latina quidem primum apud Blondum Eugenii Papæ IV. notarium, qui decretum unionis integrum repræsentat in libro x. Decadis III. deinde apud Abrahamum Cretensem, Alerienssem Episcopum, qui Florentinæ Synodi acta à Græco in Latinum vertit. Nam utrobi-

que unionis decretum eo inscribitur modo, quo inscriptum supra retuli: *Eugenius Episcopus servus servorum Dei, consentiente ad infra scripta charissimo in Christo filio Joanne Palæologo Romaorum Imperatore illustri, & loca tenentibus venerabilium fratrum nostrorum Patriarcharum, & ceteris Orientalem Ecclesiam representantibus. Latentur cali, exultet terra, &c.* Græca verò, quæ identidem typis mandata sunt. Et sic se habent: *Εὐγένιος ἐπισκοπος δούλος καὶ δούλων τοῦ θεοῦ εἰς ἀίδιον τῆς χάριτος ἀνήμενος, συνανοῦντος τοῖς ὑπογραφεμένοις, καὶ τῷ ποινοτάτῳ υἱοῦ ἡμῶν Ἰωάννου Παλαιολόγου τῷ πεφαισῶς βασιλεῖ καὶ Ῥωμαίων καὶ τῷ τοποτηρητῶν καὶ σεβασμῶν ἀδελφῶν ἡμετέρων καὶ πατριάρχων, καὶ τῶν λοιπῶν καὶ τῶν ἀνατολικῶν ἐκκλησιῶν πρεσβυτέρων. Διφραγνέουσιν οἱ οὐρανοί, &c.*

Fortassis in Synodo fuere, quibus placuit unionis decretum ita exarari, ut à Justiniano recenseretur. Sed non est exaratum, nec in tabulas publicas relatum. Id jam probatum est satis superque. Justinianus ergo mala fide liberari non potest, cum Synodo tribuit, quod nonnullis in Synodo ante conscriptum unionis decretum agentibus, & disputantibus tribuendum fuit, quinetiam omittendum. Justinianus veræ ac germanæ inscriptionis decreti fulgore perstrictus, Synodi decreto vim intulit, & lectoribus suis fucum facere voluit. Sed quod reipsa gestum est, eam ob causam videndum fuit simpliciter. In summa corruptit, quod incorruptè servandum erat, ne Catholici ab hæreticis reprehendantur, & ejus accusentur criminis, quod Catholici hæreticis obijciunt. Quo in casu miserrima esset Catholicorum conditio, quia cum segregibus communis. Vitium quidem est Curialium Magistrorum, qualis Justinianus erat, non Sedis Apostolicæ, quæ eminentissimam simplicitatem & innocentiam colit. Curiales Magistri quidquid ad usum sui temporis rapere possunt, rapiunt, ne antiquæ Conciliorum 251 disciplinæ veritas agnoscat. Longè aliter se gerit Sedes Apostolica, quæ ut Gregorius VII. in libri II. Epistola I. scribit ad Sancium Aragoniæ Regem, omnino cavet, *Ne quidquam à se contrarium sanctis Patribus in exemplum & auctoritatem posteris relinquantur; quæ nunquam in suis decretis & constitutionibus à concordia canonica traditionis discedit.* Inquisitores Curialibus magistris suffragantur, non nobis vel aliis, qui Sedem Apostolicam colunt ac venerantur. Qui seorsum per religionem à nobis sentiunt, advolant & Inquisitorum operâ efficiunt, ne Sedis integritatem facile persuadeamus ob viciniam, quæ Sedem inter & Curiam intercedit. Quàm molestum hoc sit nobis & veritatis amatoribus, tu probè nosti. Vale. Lauduni VI. Calend. Febr. ann. M. DC. LXVII.

Joan-

# Joannes Launoius

## THOMÆ RULLANDO,

Parisiensi Theologo.

Lutetiam.

253 **B**ELLARMINUS de generalium Conciliorum indictione & convocatione sic disputat, ut quamvis manifestè constet, Tridentinum imprimis Concilium ab Romano Pontifice indictum & congregatum esse, affirmari tamen possit, ab Imperatore & Christianis Principibus indictum & congregatum esse. Res ita se habet: Hic auctor in libri 1. de Conciliis capite XII. docet, esse revera Pontificis, non Imperatoris congregare Synodum generalem. Deinde in ejusdem libri capite XIII. ut argumenta diluat assertioni huic contraria, hoc sibi sumit: Dico nullum esse Concilium generale Catholicum à solo Imperatore indictum, id est, sine consensu & auctoritate Romani Pontificis: sub initium superioris capitis posuerat, satis esse si Concilii indictionem ab Imperatore factam, Romanus antistes postea ratam habeat & confirmet. Quo ita constituto in Bellarmini opinione Romani Pontifices censentur Nicænum, Constantinopolitanum, Ephesinum & Chalcedonense Concilium indixisse & coegisse, quia Imperatores Concilia hæc quatuor non sine consensu Romanorum Pontificum indixerunt & coegerunt, quia Romani Pontifices Nicæni, Constantinopolitani, Ephesini & Chalcedonensis Concilii indictionem ab Imperatoribus factam ratam habuerunt & confirmarunt. Quis modo Bellarminianum disputandi modum secutus non diceret, Tridentinum Concilium ab Imperatore & Christianis Principibus indictum & convocatum esse, quia Romanus Pontifex Concilium hoc absque Imperatoris & Christianorum Principum consensu nec indixit, nec convocavit, quia Imperator & Christiani Principes Tridentini Concilii indictionem à Romano Principe factam ratam habuerunt & confirmarunt. Prospicio quidem illum, qui hoc diceret, etiamsi verum diceret, eruditorum & cordatorum hominum ludibrio expositum iri. Sed ludibrii causa in Bellarminum non potest non transferri. Bellarminus ergo ridebitur, quod ea sibi sumat lemmata, quibus quod ille ædificare contendit, funditus evertitur. Si solus Bellarminus rideretur, ferri quidem hoc utcumque posset: Sed in Bellarmino plerique omnes Catholici Scriptores ridentur ab hæreticis. Quippe qui veritatem suis legibus non quarant, & in tractando communes parent locos, qui omni materiæ ac proinde nulli convenient.

Profectò longè satius esset dicere id quod res est, nempe Concilia, quæ auctoritate Principum indicta & coacta sunt, auctoritate Principum indicta & coacta esse, quam tali modo, qui ridiculos scriptores efficiat, disputare, quam universales assertiones ponere, quæ vera uniuscujusque Concilii disciplina & traditione certa comprobari nequeunt.

254 Quæstionem hanc non ita tractabit, qui se ad Gelasium primum recipiet, & ab eo tractandi de convocatione generalium Synodorum legem mutuabit. Romanus hic Pontifex cum in Epistola XIII. ad Episcopos Dardanæ, quæ & qualis sit bene gesta Synodus exponit, & ad mentem & traditionem Sedis suæ exponit, de convocatione vel indictione ne ver-

bum quidem ullum facit, ratus convocandi vel indictionem Concilii actum ad veram & propriam bene gestæ Synodi notionem minimè pertinere. Ex Gelasio igitur refero, quæ satis referri non possunt: *Ubi, inquit, etiam consequenter ostenditur, quia malè gesta Synodus, id est, contra Scripturas sanctas, contra doctrinam Patrum, contra regulas Ecclesiasticas, quam tota meritò Ecclesia non recepit, & præcipuè Sedes Apostolica non probavit: Per bene gestam Synodum, id est, secundum Scripturas, secundum traditionem Patrum, secundum Ecclesiasticas regulas, pro fide Catholica & communione prolatam, quam cuncta recepit Ecclesia, quam maxime Sedes Apostolica comprobavit.* Itaque sunt apud Gelasium res quinque, quibus bene gesta Synodus circumscribitur: Scripturæ sanctæ, Patrum traditio, Ecclesiastica regulæ, universæ Ecclesiæ consensus, & Sedis Apostolicæ comprobatio. At Scripturæ sanctæ de convocatione & indictione Synodorum nihil præstunt: Patrum silet traditio, & si quando loquitur, in gratiam Pontificum loquitur, ut de Hieronymo, Augustino, Leone Papa & quibusdam aliis Patribus observabitur: Ecclesiastica regulæ nihil definiunt: Siquidem Ecclesiasticorum canonum codex Dionysii, codex canonum universæ Ecclesiæ, & codex canonum Africanæ Ecclesiæ regulam nullam continent, quæ convocandarum & indicendarum Synodorum generali-  
um jus cuiquam asserat & peculiariter reser-  
vet: Universæ Ecclesiæ consensus & Sedis Apostolicæ comprobatio ad rerum definitionem potius, quam ad indictionem & convocationem Synodorum pertinent.

His accedunt principia numero tria, quibus cum ad asserendam optimis legibus veritatem, tum ad amoliendam quoque invidiam omnem uti soleo.

Primum est Tridentinæ fidei formula, ubi sic habetur: *Item Scripturam sacram juxta eum sensum, quem tenuit & tenet sancta mater Ecclesia, cujus est judicare de vero sensu & interpretatione sacrarum Scripturarum, admitto, nec eam unquam nisi juxta unanimem consensum Patrum accipiam & interpretabor.* At nullus est Scripturæ sacræ locus, qui juxta unanimem consensum Patrum acceptus Synodorum generalium convocationem uni Romano Pontifici attribuat. Mitto pristinam Ecclesiæ traditionem, quæ principio huic suppetias venit, & quæ in octo literis nostris superioribus latissime splendescit.

Alterum principium est Sedis Apostolicæ Legatorum apud Tridentinam Synodum interlocutio, qua ne Synodi actis formula, *Sacro sancta Synodus Tridentina universalem Ecclesiam representans*, inferretur, obstituerunt: Scilicet formulam illam nec in sacris canonibus, nec in veteribus Conciliis haberi. At nec sacri canones illi, nec vetera Concilia, eorundem indictionem uni Romano Pontifici vindicant. Porro de mota super formulam hanc controversia Paulus Suavis & Sforza Pallavicinus inter se conveniunt. Et quia  
inter se conveniunt, rem ita evenisse credendum est. Et sanè vix ulla reperiri potuit occasio, in qua Sedis  
Apostolice



Apostolicæ Legati Ecclesiasticæ antiquitatis studium majus ostenderent. Noverant omnino Concilia quatuor, Pisanum, Constantiense, Basileense & Lausanense, & tres Romanos Pontifices, Martinum V. Eugenium IV. & Leonem X. formulam illam usu suo consecrassent.

Martinum quidem in diplomate, quo recipiendorum in Ecclesiam hæreticorum modus præscribitur: *Utrum credant, quod illud sacrum Concilium Constantiense universalem Ecclesiam representans approbavit & approbat in favorem fidei & salutem animarum, quod hoc est ab universis Christi fidelibus approbandum & tenendum.*

Eugenium verò in Epistola ad Fredericum Romanorum Principem: *Concilium autem generale Constantiense, sicut & cetera Concilia Catholicam militantem Ecclesiam representantia suscipimus.*

Leonem denique in Lateranensis Concilii sessione <sup>258</sup> XI. unde, inquit, præfatus Julius prædecessor noster in presenti Concilio Lateranensi universalem Ecclesiam representante per eum legitime indicto, &c. Igitur Legati quanquam hæc probe tenerent omnia, iis tamen procul abjectis (quæ à Martino revocantur ad professionem fidei) sese receperunt ad antiquos canones & Concilia, ut impedirent, quominus in Tridentini Concilii sessionibus formula hæc, *Synodus seu Concilium universalem Ecclesiam representans*, adhiberetur. Sic post illustrem hanc adeo sinceri animi testificationem in usu principii hujus nobis timendum est nihil. Optimi Rom. Ecclesiæ defensores ad nos non accurrent modo, sed etiam advolabunt, recentia Curialium Magistrorum placita subversuri. Hoc ut pie credi potest, ibi in exemplum.

Tertium principium est Florentinæ Synodi definitio hæc: *Item diffinimus sanctam Apostolicam Sedem & Romanum Pontificem in universum orbem tenere primatum, & ipsum Romanum Pontificem successorem esse beati Petri Principis Apostolorum, & verum Vicarium*

Jesu Christi, totiusque Ecclesiæ caput & omnium Christianorum Patrem & Doctorem existere; & ipsi in beato Petro, pascendi, regendi, ac gubernandi universalem Ecclesiam à Domino Jesu Christo plenam potestatem traditam esse, quemadmodum & in gestis œcumenicorum Conciliorum, & in sacris Canonibus continetur. καὶ ἐν τοῖς ἱεροῖς κειμένοις διαλαμβάνει. Juxta eum videlicet modum, qui & in actis œcumenicarum Synodorum, & in sacris canonibus continetur. Florentina Synodus cum se ab initio inscripsit octavam Synodum, eamque inscriptionem Clemens VII. Medicæus in privilegio edendæ seu editæ Synodi confirmet, ad Synodos duntaxat septem, Nicænam I. Constantinopolitanam, Ephesinam, Calchedonensem, Constantinopolitanam II. & III. & Nicænam II. respectum habet. At in sacris canonibus, & in actis œcumenicarum Synodorum illarum VII. de convocandarum Synodorum generalium jure nihil traditur, nihil legitur, quod ad Romanum Pontificem privato jure spectet. Quinetiam in iis actis legitur, Synodos de quibus agitur, indictas ab Imperatoribus & convocatas esse, tantum abest, ut legatur, ab Romanis Pontificibus indictas & convocatas esse.

Cæterum in principia hæc tria excurrere placuit, non quod necesse foret, ut Bellarminus suis ipse dictis involveretur, sed ut tutissima haberes præsidia quibus pro Ecclesiæ, & Sedis Apostolicæ dignitate juratissimi veritatis hostes ad deditionem compellerentur. Mantissa est ad eam cum Bellarmino congressionem, in qua illius in disputando methodum secuti docuimus, Imperatorem & Christianos Principes Tridentinum indixisse convocasseque Concilium, quod tamen recepto loquendi modo nec indixerunt nec convocarunt. An autem tali methodo veritas asseratur, ipse tu videris, viderint & alii. Vale. Lauduni, Idibus Februarii ann. M. DC. LXVII.

# Joannes Launoiius

## LUDOVICO CUSINO,

### Nummariorum Judicum Præsidi.

<sup>261</sup> **F**UERUNT in Gallia, fuerunt in Germania, qui ex eo recipiendum non esse Tridentinum Concilium scripserint, quod ab Imperatore indictum minimè fuerit. Sed injustæ causæ defensionem susceperunt.

Primum, quia Gelasius Pontifex, quem suspectum meritò habere nequeunt, Concilii indictionem seu Imperatoriam, seu Pontificiam bene gestæ Synodi dotibus non accenset. Sic enim in epistola XIII. ad Episcopos Dardaniæ scribit: *Ubi consequenter ostenditur: Quia malè gestæ Synodus, id est, contra Scripturas sanctas, contra doctrinam Patrum, contra regulas Ecclesiasticas, quam meritò Ecclesia non recepit, & præcipue Sedes Apostolica non probavit: Per bene gestam Synodum, id est, secundum Scripturas, secundum traditionem Patrum, secundum Ecclesiasticas regulas pro fide Catholica & communione prolatam, quam cuncta recepit Ecclesia, quam maxime Sedes Apostolica comprobavit. Quò modo rejecturi sunt Gelasium, qui uno ante Gregorium Magnum sæculo Romanam administravit Ecclesiam? Hic de Concilii indictione & convocati-*

one nihil decernit, cum decernendi sese offert occasio. Decerneret, ni fallor, si illam ad bene gestæ Synodi notionem pertinere arbitraretur.

Deinde decisa est quæstio in Collatione, quam <sup>263</sup> Maximus Constantinopolitanus Monachus cum Theodosio Cæsariensi Episcopo quondam habuit: *Maximus. Suscipiant damnationem horum, quæ Romæ Synodice prolata est per pia dogmata seu regulas, & solvitur medius paries, atque hortatione non indigemus. Et ait Theodosius Episcopus: Non est firmata Synodus, quæ Romæ celebrata est, quoniam sine jussione facta est Imperatoris. Maximus. Si Synodos, quæ factæ sunt, jussiones Imperatorum firmant, & non pia fides, recipe Synodos, quæ contra Homousion factæ sunt. Nam jussione Principum sunt patrata. Primam videlicet in Tyro, secundam in Antiochia, tertiam in Seleucia, quartam in Constantinopoli sub Eudoxio Ariano, quintam in Nice, quæ est in Thrace, sextam in Sirmio, & post hæc multo post septimam in Epheso secundam, cui Dioscorus præfuit. Omnes enim hæc Imperatorum jussio aggregavit. Atamen omnes damnata sunt propter impietatem infidelium dogmatum*

matum ab eis confirmatorum. Quare autem non abjicitis eam, quæ deposuit Paulum Samosatenum, sub beatis & sanctis Dionysio Papa Romano, & Dionysio Alexandrino, atque Gregorio miraculorum patratore, qui eidem præfuit Synodo, quoniam non est jussione facta Imperatoris? Quis præterea canon promulgat, solas illas approbandas Synodos, quæ Imperatoris jussione sunt congregatæ? Verum etsi omnino jussione Imperatorum Synodos aggregetis, illis novit sanctas & probabiles Synodos pius Ecclesiæ canon, quas rectitudo dogmatum approbavit. Sed & bis quemadmodum novit Dominus meus, & alias docet, fieri Synodos in omni provincia per singulos annos regula sancit, jussionis Imperialis nullam memoriam faciens ad tuitionem salutis fidei nostræ, & correctionem omnium Capitulorum, quæ divina non conveniunt Ecclesiæ legi. Et dixit Theodosius Episcopus: Ita est, ut asseris, dogmatum quippe rectitudo Synodos roborat. Hæc ante annos mille disputata rem nostram conficiunt, & iis quibuscum pugnamus ad plenum & perfectum satisfaciunt. Igitur non à Synodorum convocatione, quæ ab hoc vel illo fiat, sed à recta fide, quæ in Synodis sancitur, Synodorum auctoritas depromenda est.

Hac in re Maximus cum Gelasio scribit concordissimè, & cum utroque Georgius Cedrenus in Compendio historiarum: Ubi post sextam Synodum ait, Fuisse certis in locis Synodos, quarum decreta habemus, tametsi ea in numero sex istorum Conciliorum non extent. Tale fuit, quod Ancyra coactum est, item Neocæsarea, Gangris, Antiochia, Laodicea, &c. Hæc enim coacta sunt ob quæstiones certis locis obortas, neque jussu Imperatorum, neque iis presentibus: Quinetiam habita sunt, priusquam Christiani existerent Imperatores. Cæterum œcumenicæ fuerunt sic dictæ, quia jussu Imperatorum Summi Pontifices, quotquot per Imperium Romanum erant, convocarentur. Sic in vera Synodi definitione non continetur Synodi convocatio, quæ ab eodem non semper profecta est. Deinde quæ Synodus œcumenica est, non vocatur œcumenica, quod Imperatoris cujusdam jussu & auctoritate indicta fuerit, sed quod dispersi per Romanum Imperium Sacerdotes summi congregentur. Hæc autem Cedrini placita duo funditus evertunt, quæ Tridentinæ Synodi oppugnatores sibi sumunt, ut moras neccant & tergiverfentur.

Tum Tridentina Synodus indici cogique non potuit, qua ratione Nicæna, Constantinopolitana, Ephesina, Chalcedonenfis indicta & coacta est. Romani Imperii status & conditio non est eadem, quæ tunc erat. Romanum Imperium moderabatur unus Princeps, qui & ante sæcula non pauca moderari desiit. Hinc Imperium divisum est duas in partes, Orientalem unam, Occidentalem alteram, quæ nunc plures supremos Principes fortitur. Et qui Imperatoris nomen & personam sustinet, auctoritate Regibus Galliæ vel Hispaniæ multò inferior est. Cavillantur ergo, qui Tridentinum Concilium ex eo rejiciunt quod illud Imperator non convocaverit, ut Imperatores, olim, prima Concilia universalia convocarunt. Non minus falluntur, qui vetera instituta recentibus, quàm qui recentia veteribus æstimanda esse censent.

Postremò quicquid ex vetere disciplina desiderari potest ab oppugnantibus Tridentinæ Synodi, alia ratione compensatum est. Imperator, & Christiani Principes alii non indixerunt quidem Tridentinam Synodum, sed eam indidenti Romano Pontifici consenserunt. Qua de re Clemens VII. ad Franciscum I. Galliarum Regem ita scribit anno M. D. XXXIII.

Clemens Papa VII. Charissime in Christo fili noster salutem & Apostolicam benedictionem. Superiore biennio, sicut tua Majestas recordari potest, cum serenissimum Casarem quanquam pro sua inclita pietate omnia conatum, tamen in Conventu Augustano nihil remedi ad hæresim Lutheranam in Germania tollendam præ illorum obstinatione afferre potuisse audiremus, solùmque Concilii

generalis remedium à nostris prædecessoribus in casu simili usitatum, & ab ipsis Lutheranis postulatum superesse videremus, habita super hoc cum venerabilibus fratribus nostris S. R. E. Cardinalibus matura deliberatione ad ipsius Concilii generalis inductionem in Italia & loco ad hoc commodiore celebrandi devenire intendentes, id tue Majestati sicut Casaris & ceteris Principibus significandum communicandumque duximus, eamque nostris literis finimus hortati, ut tam sancto & tam necessario operi, pro tua pietate & Christianissimi titulo, proque tuorum majorum perpetua consuetudine favere, causamque sanctæ fidei cum tua, si fieri possit, presentia, aut saltem oratoribus tuis, tuique regni prælatis adjuvare & tueri, & in hoc te & illos interim præparare pro communi officio velles. Et post alia: Nunc autem ipsi hostibus Dei beniginitate repulsis, cum serenissimus Caesar nobiscum Bononiæ congressus inter cetera publicè salutaria hoc quoque de indicendo generali Concilio nobiscum egerit; illudque non solum à Lutheranis, ut antea, sed à ceteris Germanis Principibus & civitatibus in proximo Ratisbonensi conventu flagitatum, sequæ omnem operam suam cum apud nos, tum apud Reges & Potentatus ceteros in id pollicitum fuisse duxerit. Et post alia: Quamobrem te, fili noster in Christo charissime, qui primus ab ipso Casare serenissimoque fratre ejus assensibus tuis jam in hoc unanimiter concordibus ad ejusdem Concilii generalis convocationem pie consentiri, illudque cum tua, si fieri possit, presentia, aut saltem cum oratoribus tuis & tui regni prælatis, sicut antea tua Majestati scripseramus jurare & tueri, ac te & illos interim ad hoc præparare, & de tua super hoc voluntate, quam nonnisi te dignam speramus, ad nos perscribere quamprimum velis, ut cum Casaris ac tuo & Romanorum regis cæterorumque Principum ac potentatum, ad quos scribimus, & quorum neminem tua Majestatis accedente defecturum confidimus, unanimi voto & consensu ad inductionem ipsius Concilii commodiore loco celebrandi, sicut & tunc tue serenitati scripsimus, adiutore Domino devenire possimus.

Clementi Franciscus Rex ita respondet: Beatissime Pater, reddita sunt nobis tua litera, quibus tuam mentem significas in Concilio Christianorum cogendo. Deo gratia, quod tam pie tua Sanctitas sit animata, hoc præsertim tempore, cum palam sit omnibus illud cogi, si unquam aliàs, esse necesse. Quod ad nos attinet, non est, cur magnopere de hac re urgeri, vel tua Sanctitate teste, debeamus, cum jampridem quid haberemus animi, planè indicaverimus, videri scilicet operampretium fore, ut tum ritè, tum etiam de eorum, quorum interest, voluntate, eo loci ejusce rei gratia conveniatur, ubi omnis rebus profanis de causa religionis tractetur, decidaturque: Nemo ut postea existat, qui iis fidem abroget, quæ in eo conventu definita invenientur. Hoc tam pio instituto nihil est, quod pro singulari nostra in Rempublicam Christianam devotione nobis nec prius possit, nec antiquius videri. Et paullo post: Parisiis die XVII. mensis Feb. M. D. XXXIII.

Ad mutuam Clementis VII. Galliæ Regis, & cæterorum Principum consensionem iterum accedit Paulus III. qui cum indicit Concilium, exquisitas fuisse Principum eadem super re sententias pericribit: Deinde, inquit, animo repetentes majores nostros sapientia admirabili & sanctitate præditos sæpe in summis Christianæ reipublice periculis remedium optimum atque opportunissimum œcumenicæ Concilia, & Episcoporum generales conventus adhibuisse: Ipsi quoque animum ad generale habendum Concilium adjecimus, exquisitisque Principum sententiis, quorum nobis videbatur utilis in primis & opportuna ad hanc rem esse consensio, cum eos tunc non alienos ab hoc tam sancto opere invenissemus, œcumenicum Concilium & generalem eorum Episcoporum aliorumque Patrum ad quos pertineret, conventum in civitate Mantuæ indiximus, anno Incarnationis Domini M. D. XXXVII. Pontificatus nostri III. ad X. Calend. Jun. inchoandum.



His autem omnibus, quæ latè disserui, constitutis contentiosum funem non possunt non ducere, qui pugnant ex eo recipiendum non esse Tridentinum Concilium, quòd illud Imperator nec indixerit nec convocaverit. Hic vitandi sunt errores extremi duo: Unus eorum, qui quæ indicta non sunt ab Imperatoribus generalia Concilia, repudiant: Alter eorum, qui generalia Concilia ab Romano Pontifice indicenda cogendaque esse ita sibi sumunt, ut vera ac legitima non sint generalia Concilia, quæ ab Romano Pontifice non indicantur aut congregentur. Hi taci-

268

tè non possunt non revocare in dubium, quæ à primis Conciliis generalibus vel de fide vel de moribus Ecclesiæ decreta fuerint: Quodnam genus imprudentiæ & ἀλαστορίας? Illi posteriorum generalium Conciliorum definitiones elidunt ut invalidas, & ce-

lebrandis deinceps generalibus Conciliis viam præcludunt. Conciliorum generalium indictio & convocatio res est disciplinæ, non dogmatis. Dogmata fidei suas non habent vices, sed eam gravitatem, quæ perpetua constantia roboratur. Disciplina verò cujusmodi est Synodorum indictio & convocatio, nonnullis mutationibus obnoxia est. Quod Bellarminus sibi sumit, dum in libri 1. de Conciliis cap. xiii. ait: *Posse se opponere consuetudinem consuetudini. Si enim quatuor aut quinque Concilia Imperatores indixerunt, plura quàm duodecim indixerunt Pontifices.* Tu verò, qui acri polles iudicio, de utroque illo errore, quem confiximus, censebis. De fortuna generalium Conciliorum omnium agitur, & cum censueris, id perinde accipiam, quasi veteres illi centumviri iudicassent. Vale. Lutetiæ Parisiorum v. Calen. Martii anno M.DC.LXVII.

# Joannes Launoius

## JACOBO BEVILAQUÆ

### Parisiensi Theologo.

269

**P**ROPONIS mihi celebrem illum canonem Ecclesiasticum, qui apud Socratem in libri 11. hist. capite xiii. & apud Sozomenum in libri 111. capite ix. laudatur. Apud Socratem quidem ita: Porro autem alia litera ab Episcopis Aegypti ad eum missa sunt, quæ quidem crimina Athanasio objecta, perspicue falsa esse docuerunt. Itaque Julius literis contrariis ad ipsum missis, Episcopis, qui Antiochia convenerunt, per literas respondit. Ac primum docet, quantum molestia & acerbis eorum Epistola ipsi attulisset: Deinde eos contra Ecclesiæ canones egisse, quòd illum ad Concilium non vocassent: Quippe cum canon Ecclesiasticus vetet, ne decreta absque sententia Episcopi Romani Ecclesiis sanciantur: *μηδὲν παρὰ τῶν ὁμολογούντων τῶν ἐπισκόπων Ῥώμης γινώσκειν τὰς ἐκκλησιαστικάς.* Apud Sozomenum verò sic: At verò cum Episcopi Aegypti hac falsa esse scripserint, Julius certior factus non intum esse Athanasio in Agypto vitam agere, cum ad se accessisset. Ad illos autem, qui Antiochia in unum convenerant (nam fortè fortuna id temporis eorum acceperat Epistolam) scripsit atque adeo incusavit, quòd clam contra fidem Concilii Nicani novas res moliti fuerant, quòdque contra leges Ecclesiæ ipsum ad Concilium non vocarant. Nam legem esse ad Sacerdotii dignitatem spectantem, quæ pronuntiat, acta illa irrita esse, quæ præter sententiam Romani Episcopi constituuntur.

270

Proposita ex Socrate & Sozomene lege hac seu canone quæris, unde illam Socrates & Sozomenus acceperint. Accepisse se non aliunde, quàm ex Julio profitentur. Cum ergo Julium vadem & sponforem habent unicum, audiendus est Julius in Epistola, quam ad Orientales scripsit. Epistolæ verba, quæ huc spectant, istiusmodi sunt: Si ut dicitis, omnino in culpa fuerunt, (Athanasius & Marcellus) oportuit secundum canonem, & non isto modo iudicium fieri. Oportuit scribere omnibus nobis, ut ita ab omnibus, quod justum esset, decerneretur. Episcopi enim erant, & non vulgaris Ecclesiæ, qui ista patiebantur, sed quam ipsi Apostoli suamet opera ad fidem instruxerant. Cur igitur & imprimis de Alexandria civitate nihil nobis scribere voluistis? An ignari estis, hanc consuetudinem esse, ut primum nobis scribatur, ut hinc, quod justum est, definiri

posset. Quapropter si istic huiusmodi suspicio in Episcopum concepta erat, id huc ad nostram Ecclesiam referri oportuit. Hæc, ut apparet, verba sunt, ad quæ Socrates & Sozomenus in historia sua respectum habere. Sed dum Julii orationem, & Socratis ac Sozomeni narrationem inter se contendo, quæ Socrates & Sozomenus scribunt, expressiora esse, quàm quæ Julius scribit invenio. Id cordatos atque eruditos homines, nullis occupatos præiudiciis mutua docet contentio. Julius scribit: Oportuit secundum canonem, & non isto modo iudicium fieri; oportuit scribere omnibus nobis, ut ita ab omnibus, quod justum esset decerneretur. An ignari estis hanc consuetudinem esse, ut primum nobis scribatur, ut hinc quod justum est, definiri posset? Hæc autem longè minùs expressa sunt, quàm quæ scribunt Socrates & Sozomenus: Ille scribit: Julius docet eos contra canones Ecclesiæ egisse, quòd illum ad Concilium non vocassent, quippe cum canon Ecclesiasticus vetet, ne decreta absque sententia Episcopi Romani Ecclesiis sanciantur. Sozomenus pariter scribit: Legem esse ad Sacerdotii dignitatem spectantem quæ pronuntiant, acta illa irrita esse, quæ præter sententiam Romani Episcopi constituuntur.

Deinde canon ille, quem laudat Julius, conditus esse debuit post tempus, quo Paulus Samosatenus ab Antiocheno Concilio damnatus & sede pulsus est. Dionysius quippe Romanus Pontifex ad Antiochenum istud vocatus non est Concilium; Samosatenus absque Romani antistitis sententia damnatus est, & damnationis acta cassâ & irrita tunc fuisse nemo unquam literis prodidit. Dionysius non antè scivit damnatum esse Samosatenum, quàm damnationis sententiam accepisset, quæ apud Eusebium in libri vii. hist. capite xxiv. sic inscribitur: Dionysio, Maximo, & omnibus ubique in orbe terrarum Collegis, Episcopis, Presbyteris & Diaconis, & universa ac Catholica sub cælo Ecclesia, Helennus & Hymenæus & Theophilus, Theotecnus & Maximus, Proclus, Nicomas & Eulianus, Paulus, Bolanus & Protogenes, Hierax & Eutychnus, Theodorus, Malchion & Lucius, & reliqui omnes Episcopi & Presbyteri & Diaconi, qui civitates & regiones finitimas apud nos incolunt, & Ecclesia Dei 271

quæ

que apud nos sunt, dilectis fratribus in Domino salutem. Eusebius ad Dionysium Maximum scriptam fuisse Epistolam, initio capituli testatur: Omnes igitur, ait, Episcopi & Pastores, qui in Concilio supra commemorato erant convocati, unam communi consensu Epistolam ad Dionysium Episcopum Romanum, & ad Maximum Alexandria Ecclesiam procurantem nominatim conscripserunt. Notanda verò sunt, quæ sub finem Epistolæ traduntur: Istum igitur, tam Deo adversarium, tamque contumacem, eramus coacti Ecclesie, & congregatione fidelium indicere, excludereque, & alium Episcopum, qui huic Catholica Ecclesie præset, in ejus locum substituere. Unde Dominum divina certè, ut putamus, providentia designavimus, Demetriani hominis felicitis commemorationis, (quippe qui hanc Ecclesiam ante hunc præclarè rexisset) filium, omni genere virtutum, quæ Episcopum decent, exornatum. Ac vos de illius electione per Epistolam certiores fecimus, ut illi scribatis, & ab eo literas accipiatis communionis. Hæc omnia si legantur paullo attentius, demonstrant, canonem cujus meminit Julius ante Synodum Antiochenam conditum non esse. Ac proinde si quis ea de re canon conditus est, inter Antiochenæ Synodi tempus & Julii Pontificatum conditus esse debuit. Antiochena Synodus, quæ ad Dionysium, Maximum & alios præfules scripsit Epistolam, habita est anno Christi cclxxii. & anno cccxxxvii. Julius Romanæ Ecclesiæ Sacerdotium accepit. Hoc autem in temporis intervallo quod annos sexaginta quinque continet, Julii canon quærendus est. Quæritur, non invenitur Concilium, in quo canon ille sit conditus. Hunc non exhibet, quem exhibere deberet vetus codex canonum Romanæ Ecclesiæ, non exhibet codex canonum universæ Ecclesiæ, non exhibent celebrata tunc Concilia, non exhibent antiqua rerum Ecclesiasticarum monumenta, quæ hæcenus ad nos pervenerint.

Exhibet quidem Epistola, quam Isidorus Mercator sub nomine Marcelli Papæ ad Antiochenæ provinciæ Episcopos scribit. Canonem sic dicit esse Apostolicum: Simulque iidem (Apostoli) inspirante Domino constituerunt, ut nulla Synodus fieret præter ejus (Petri) Sedis auctoritatem.

Primum Epistolæ falsitatem demonstrant Apostolorum cum Epistolæ tum acta, in quibus nihil tale reperitur. Accedit pristinae traditionis silentium, quia præcedentis Antiochenam Synodum ætatis monumenta nulla sunt, quæ canonem hunc Apostolis consignent.

Deinde Antiochena Synodus Apostolicum non violasset canonem, si quis extitisset. Quis quæso sanctos illos qui celebrarunt Synodum anno cclxvi. & anno cclxxii. Firmilianum Cæsareæ Cappadociæ, Gregorium Thaumaturgum Neocæsareæ, Athenodorum Ponti, Helenum Tarfi, Nicomam Iconii, Hymenæum Hierosolymorum, Theotecnum Cæsariensis Palæstinæ, Maximum Bostorum Episcopos, & alios gloriæ atque immortalitatis candidatos omnes, aut ignorati aut violati canonis accusaret? Et quis accusationem patienter sustineret?

Tum nec Dionysius Pontifex nec Romana Ecclesia, cujus res intreat quàm maximè, de contempto Apostolorum canone conquesta non est, conquestura sine dubio, si quis Romæ de tali canone rumor fuisset vel levissimus.

Hinc in toto Epistolæ decursu de causis Ecclesiasticis, de appellationibus & Episcoporum Conciliis sermo perinde instituitur, ac si liberum ubique & palam fuisset Christiani religionis exercitium. In cryptis & latibulis Christiani quærebantur ad necem, & Marcellus ipse Pontifex variè tortus fecit martyrium.

Postremò data est Epistola Maxentio & Maximo Consulibus, quos nec Eusebii, nec Prosperi, nec Caffiodori Chronicon, nec Fasti Siculi repræsentant: In

libro quidem de Romanis Pontificibus annus, quo Marcellus obiit, adscribitur Consulatus Maxentii quarto & Maximi. Sed huic libro nulla fides aut exigua, cum sine majorem testimonio loquitur.

Præterea liber hic Maxentii consulatum quartum designat, qui in Epistola non designatur: Data Calend. Aprilis Maxentio & Maximo viris clariss. Coss. Anno videlicet cccix. At Marcellus jam antè decellerat ad xvii. Calend. Februarii, ut in Ussardi & Adonis, in veteri & hodierno Martyrologio Romano notatur.

Exhibet alia Mercatoris ejusdem Epistola, quam sub nomine Athanasii, & Alexandrinæ Synodi ad Felicem Papam dedit: Ubi sic habetur: Nam scimus in Nicæna magna Synodo trecentorum xviii. Episcoporum ab omnibus concorditer esse roboratum, non debere absque Romani Pontificis sententia Concilia celebrari.

Et primò quidem Athanasius de numero Episcoporum Nicæni Concilii aliter loquitur in Epistola de Nicænæ Synodi contra Arianam hæresim decretis: Episcopi contra qui convenerant (erant autem illi plus minùs trecenti) placidè & humaniter postulabant. Deinde in Epistola ad Solitarios: Patres contra orbis Concilio coacto, congregatisque plus minùs trecentis Episcopis Arianam hæresim condemnarunt. Et paullo post: Synodum plusquam trecentorum Episcoporum abrogat. Sic non tam disertè numerum Episcoporum Nicæni Concilii subducit. Quod certum est indicium, Athanasium Epistolam non conscripsisse. Deinde Athanasius in Epistola ad Solitarios, Felicem velut Antichristum repudiat. Hoc, inquit, ministro (Episcopo) utens (Constantius) incredibile facinus designavit, & quod verè referat imaginem Antichristi, ut qui in locum Ecclesiæ Palatium suum succedere voluerit, & pro conventu populi, & jure Comitiorum tres Eunuchos præsentem esse jussisset, tresque item eunuchos, malis imbutos moribus exploratores (non enim eos Episcopos dixeris (ὅν γὰρ οὐκ ἔστιν ἐπισκόπος τίς)) ut ipsi Felicem quendam Episcopum in Palatio crearent, dignum profecto talibus suffragatoribus. Cæterum populi omnes cognita hæreticorum pravitate non permisere eos Ecclesiam intrare, proculque ab iis recesserunt. Quid igitur, quod Antichristi non sit, omisit?

Tum Baronius ad annum cccxvii. Epistolam ut adulterinam rejicit: Quæ fertur sub Athanasii nomine ad Felicem Romanum Pontificem ex Synodo Alexandria scripta ab Episcopis Egypti, Thebaidis & Libya, haud equè probatur: Quippe quòd qualis fuerit status Ecclesiæ Alexandrina ab eo tempore, quo exulante Liborio Felix sedere cœpit, jam satis superius est demonstratum, ut nullus planè locus vel tempus cogenda Synodi potuerit esse Athanasio fuga lapsa, & in eremo latitante, atque aliis Episcopis pariter exturbatis, sicut præter hæc multa alia, quæ ibi posita minùs arident, ut cum de ipsius Felicis ordinatione Athanasius eundem Concilium reddidit certiorum. At ipse suas merces Mercator emat.

Postremò, Latine non Græcè scripta est Epistola, nisi quis recipiat se aliquando Græcum exemplar ostensurum, quod aliquis Latino Sermonem donaverit. Interim Athanasii & Baronii judicio fruemur, illudque opponemus Bellarmino, qui libri i. de Conciliis caput xii. expositis supra Isidori mercibus adornavit. Porro autem his ex causis, quas modò declaravi, adducor ut credam, Julium suo modo, non nostro locutum esse, & canonem ac consuetudinem pro uno & eodem accepisse, ut verborum series ostendit: quod enim in verbis prioribus canoni tribuit, id in posterioribus consuetudini transcribit: Oportuit secundum canonem & non isto modo fieri. Oportuit scribere nobis omnibus, ut ita ab omnibus, quod justum esset, decerneretur. Et paullo post: An ignari estis hanc consuetudinem esse, ut primum nobis scribatur, ut hinc quod justum est, definiri possit? Quærenda non sunt ante Synodum Antiochenam hujus consuetudinis vestigia, quot impressa nulla uspiam invenies. Et quominus invenire possis,



277 possis, Synodus hæc, & quæ de Dionysii Romani Pontificis silentio disseruimus, semper impediunt. Si quæ inducta fuit consuetudo talis, post Synodi tempus inductam fuisse necesse est, idque prius, quàm Julius Pontificatum iniret. Spatium est annorum lxxv. quibus consuetudinis initium circumscribitur. Et quamvis credibile sit, extitisse consuetudinem, quam Julius appellat, & Orientalibus opponit, eam tamen pluribus iteratis actibus firmatam tunc fuisse, pronunciare non audeo. Cur non audeam, in causa sunt duo: Primum, quod quæ exempla suppetebant Julio, mihi non suppetant. Exemplum nullum obijciunt incolumbia ac salva monumenta veterum, qui inter Antiochenam Synodum & Julium claruerunt. Deinde, quod Julii decessores occasione data consuetudinem, aut canonem in se non receperint. Quæ de re postea commodius.

Socrates Julii scripturam paullo aliter convertit, & ei de hoc sensu accommodat: *Julius, inquit, docet eos contra Ecclesiæ canones egisse, quod illum ad Concilium non vocassent, quippe cum canon Ecclesiasticus veter, ne decreta absque sententia Episcopi Romani Ecclesiis sanciantur.* Sic Julius conqueritur de Orientalibus, quod illum ad Concilium suum Antiochenum non vocassent, prohibente canone, ne decreta absque sententia Romani Episcopi Ecclesiis sanciantur.

Dionysius Romanus Pontifex conquestus non est de Orientalibus Episcopis Paulum Samosatenum condemnantibus, quod illum ad Synodum suam Antiochenam non vocassent. Julius de aliis conqueritur Orientalibus Episcopis, quod illum ad Concilium suum Antiochenum minime vocassent. Conqueritur verò exigente canone, ut vocaretur. Et hic est canon qui condi debuit in eo temporis intervallo, quod inter Antiochenam Synodum, ubi Paulus Samosatenus est depositus, & Julium intercedit. Jam supra in illum canonem inquisivimus. Socrates rationem adjicit, cur Julius ad Concilium Antiochenum, in quo Athanasii causa judicata est, vocari debuerit: Nimirum e-denda non esse absque sententia Romani Pontificis decreta, quæ ad Ecclesiarum rectionem pertinent. Intelligebat opinor Ecclesias, quæ per Orientem & Occidentem constitutæ sunt.

Sozomenus Julii verba paullo aliter ac Socrates interpretatur. *Julius, inquit, Orientales incusavit, quod contra leges Ecclesiæ ipsum ad Concilium non vocarent.* Nam legem Ecclesiæ esse ad Sacerdotii dignitatem spectantem, quæ prænuntiat acta illa irrita esse, quæ præter sententiam Episcopi Romani constituuntur. Hæc sunt eò Socraticis expressiora, quod verbis negantibus reddantur, atque hocce modo nonnulla vis illata est Julii Epistolæ, cui Sozomeni scriptio non adæquæ respondet. Sed quoniam veritati non præscribitur, quidquid Socrates & Sozomenus ex Julii Epistola in Græcam transtulerunt linguam, de archetypo, id est, de Julii Epistola censendum est. Profectò ridiculum esset, plura ex Socrate & Sozomeno Latinam Julii Epistolam Græcè vertentibus Romano Pontifici tribuere, quàm Julii Epistola tribuat. Hinc efficitur, ut huc tandem recidant omnia, quidquid in causa censendum esse de archetypo, quod ad quærendi inveniendique veri leges expendimus, Augustino duce præside, cum in libri i. de mendacio ad Consentium capite i. ait: *Nunquam errari tutius existimo, quàm cum in amore nimio veritatis, & reiectione nimia falsitatis erratur. Qui enim severe reprehendunt, hoc nimium esse dicunt. Ipsa autem veritas fortasse adhuc dicat, nondum est satis.* Julius in Epistola sua non scribit id quod Sozomenus à Julio scriptum esse tradit, sive quia ipse Latinum idioma non satis calluerit, sive quia per interpretem minus peritum scripserit.

Cæterum Socratis & Sozomeni res propriè non est, sed Julii, cujus extat Epistola, qua usi Socrates & Sozomenus id quod retulimus, memoriæ prodiderunt. Arbitratur Julius antiochenum Conci-

lium fecisse duo, quæ sine sententia Romani Pontificis fieri non poterant; unum est, judicasse Athanasii causam, quæ sine sententia Romani Pontificis judicari non poterat.

I. Quia Athanasius ad Julium & Occidentales Episcopos confugerat, & Eusebiani ipsimet Athanasii hostes ad Julium causæ arbitrium detulerant, ut Athanasius in Apologia de fuga sua testatur his verbis: *Quin & Eusebiani ad Julium literas misere, & ut nos terrent, Synodum jusserunt convocari, & ipsi Julio, si vellet, arbitrium causæ detulerunt.*

II. Quia Athanasius secundæ Sedis erat Episcopus, non tertiæ, ut Paulus Samosatenus, quem Antiochena Synodus deposuerat. Persuasum autem erat difficile, coactum in tertia sede Concilium, quale est id quo de agitur, judicium ferre posse de secundæ Sedis Episcopo, quin ea in re sententia Episcopi primæ Sedis interveniret. Congruebat ratio, ni legum omnium animæ, ut consortium esset communis arbitrii.

Alterum est, Antiochenum Concilium sanxisse decreta, quibus Ecclesiæ omnes Orientis & Occidentis gubernarentur. Id autem fieri non posse Julius rectè sentiebat, & opponebat Ecclesiasticum canonem, seu consuetudinem, qua hoc in casu, primas Romano Pontifici vindicabat. Romanum Pontificem intelligo, ut Julius intelligit, cum in Epistola ad Orientales ait: *Tametsi solus sim, qui scripsi, non meam tamen solius sententiam, sed omnium Italarum, & omnium his regionibus Episcoporum scripsi.* An autem Concilii Antiocheni præfules illiusmodi decreta, cujusmodi putabat Julius, sancire voluerint, nescire me fateor. Id ex antiquorum Patrum commentariis deprehendere non potui. Suspicebatur id Julius de Episcopis agentibus contra canonem Ecclesiæ seu consuetudinem, quam illis opponebat. Ecclesiæ canonem iterum dico seu consuetudinem, ratus Julium potuisse unum pro altero accipere, cum acceptum reperiam apud Eusebium in libri vi. historiæ capite xxxv. ubi refert Cornelii Romani Epistolam ad Fabium Antiochenum de Novati Baptismo: *Gravi morbo affectus ipsoque in lectulo, in quo jacebat ablatus, cætera postquam quam convalescit adeptus non est, quæ juxta Ecclesiæ canonem & τὸν τῆς ἐκκλησίας κανόνα, suscipienda sunt.* Huc spectat Simeon Metaphrastes in vita sancti Athanasii: *Alexander, inquit, cum sciret eminus, vidit pueros Ecclesiasticum canonem per lusum subeuntes.* ἐς οὓς ὁ πῶδός ἐκκλησιαστικὸν κανόνα παύρνια παρέλθοντες. Hic Ecclesiæ canon idem est ac ritus seu consuetudo Ecclesiæ. Tunc nullus erat Ecclesiæ canon, quem Orientales vel Occidentales Episcopi in Synodo condidissent.

Nunc venio ad Julii successores Damasum, Siricium, Innocentium I. & Leonem I. qui laudatum ab Julio canonem non usurparunt, cum oblata occasione usurpandus erat. Orientales Constantinopolitanum fecerunt Concilium primum, ad quod nec Damasum nec Occidentales alios vocarunt: Deinde cum de Macedonio & aliis sancto Spiritui resistentibus hæreticis tulerunt judicium, non prius ad Damasum scripserant, ut Romæ quod justum esset decerneretur. Tum sine sententia Damasi decreta sanxerunt de Ecclesiis, ut cum Socrate loquar. Sed Damasus Constantinopolitani Concilii Patribus citatum à Julio canonem non opposuit, cum vel maxime opponendus fuit.

Anysius Thessalonicensis Episcopus & cæteri per Illyricum constituti antistites fecerunt, quod Julius ex canone faciendum esse contendit. Scripserunt ad Siricium, ut ab eo iudicii prærogativam obtinerent in causa, quam Capuensis Synodus iudicandam illis commiserat. Ex Julii, Socratis, & Sozomeni canone iudicii prærogativam obtinere debuerunt, non obtinuerunt. Quinetiam à se deprecatus est Siricius in epistola, quam Anysius, & cæteris per Illyricum constitutis præfibus dedit: *Accipi literas vestras de Bonoso Episcopo, quibus vel pro veritate,*

282 vel pro modestia nostram sententiam sciscitari voluistis. Sed cum huiusmodi fuerit Concilii Capuensis iudicium, ut finitimi Bonosus, atque ejus accusatoribus iudices tribuerentur, & præcipue Macedones, qui cum Episcopo Thessalonicensi de ejus factis vel cognoscere, adversimus, quod nobis iudicandi forma competere non posset. Nam si integra esset hodie Synodus, recte de iis, quæ comprehendit vestrorum scriptorum series, decerneremus. Vestrum est igitur, qui hoc recepistis iudicium, sententiam ferre de omnibus, nec refugiendi vel elabendi vel accusatoribus, vel accusato copiam dare. Vicem enim Synodi recepistis, quos ad examinandum Syodus elegit. Denique cum Bonosus Episcopus post iudicium vestrum misisset ad fratrem nostrum Ambrosium, qui ejus sententiam consuleret, interdixit sibi Ecclesiam irrumperere atque ingredi, responsum est ei quod nihil temerandum foret, sed omnia modeste patienter ordine gerenda, neque contra sententiam vestram tentandum aliquid, ut quod videretur vobis iustitia convenire, statueretis, quibus hanc Synodus dederat auctoritatem. Ideo primum est ut ii iudicent, quibus iudicandi facultas est data. Vos enim totius, ut scripsimus, Synodi vice decernitis, nos quasi ex Synodi auctoritate iudicare non convenit. Et post alia quibus suam privato jure exponit sententiam: Legimus etiam, & omnia percurrimus vel de eo quod fratri nostro & Coepiscopo Basso in consortium regenda Ecclesia datus est Senecio, vel de cæteris, unde vestra normam expectamus sententia. Siricius hanc non scripsisset epistolam, si laudatum à Julio canonem seu consuetudinem ex Sedis Apostolicæ traditione didicisset. Nonne potius si Romæ vel levissimum de canone increbuisse rumor, illum & Capuensi Concilio & delegatis ab eo iudicibus ut murum opposuisset firmissimum? Epistola habetur in Romana collectione bipartita, quæ non populari, sed eminenti approbatione munitur. Franciscus Cardinalis Barberinus de hoc opere sic censet, in epistola nuncupatoria: Titulum ad munus vero S. R. E. Vicecancellarii, hoc est, tabularii Apostolici custodis, cuius est sanctiones Pontificias à sacris scriptis proferre, cum opus est, sigillo & cæteris idoneis legitime ritibus munitas ad fidem authenticam veritatis. Quæ mea ejus generis curæ etsi solet elaborare frequentius in recentibus, atque indies emanantibus à suprema Petri cathedra statutis vivendum Pontificum, tamen opinor nihil prohibet, quo minus exemplo Evangelici scribæ præter nova, vetera quoque educam ex Apostolico Thesauro, quando præsertim ut nunc, spes ingemis invitat operæ pretii. Eruditorum, qui hæc viderunt, beatissime Pater, concors opinio est, multa in hac collectione reperiri, quæ orthodoxum dogma sanciant, quæ jura vetera Sedis Apostolicæ illustrent, quæ laxitatem obrepentem hodiernis moribus, cinctu quasi severiori disciplina veteris adstringant; Quæ denique plerisque iniquis huius & factiosi sæculi malis, maxime autem pruriginis novitatum (quæ cæterarum fore pestium fons est) aptissimum remedium esse possunt. Verum de utilitate ac præstantia horum actorum non aliud requirendum testimonium est, post gravissimum tuæ sapientiæ præjudicium, quo illa tanti habuisti, ut ære tuo in editionis pretium liberaliter effuso publicationem eorum urgentem duxeris. Fortunet utinam factum caeleste numen, &

284 quem speravimus fructum vel eruditionis, vel exempli salutaris, tam orthodoxi, tum errantes ex hisce percipiant. Sic Romana collectio bipartita commendatur tam bene ac tam diligenter, ut nihil possit supra.

Innocentius primus conquestus non est de perversis Episcopis, qui condemnaverunt Chrysostomum, nec de Africanis antistitibus, qui in Pelagii iudicio laudatum à Julio canonem & consuetudinem non sunt executi. Non enim primum scripserunt Innocentio, ut Romæ quod iustum esset decerneretur. Cassa & irrita non fuerunt Africanorum decreta, etiam si Romani Episcopi sententia non præverit.

Leo primus conquestus non est de Flaviano Constantinopolitano antistite, qui Eutychetem nullo præeunte Romani Episcopi decreto condemnavit: Deinde ubi

Calchedonensis Synodus vindicare voluit canonem, quem Constantinopolitani Concilii Patres in gratiam Episcopi novæ Romæ sanxerant, Leo de illis Patribus conquestus non est, quod ille adversus laudatum à Julio canonem seu consuetudinem sancitus fuerat. Vel nullus unquam vel conquerendi locus fuit, si canonem hunc vel consuetudinem Sedes Apostolica præ se tulisset. Calchedonensium Patrum consiliis opponit Nicænos canones, non opponit canonem, quem Julius Orientalibus opposuerat, & quem à Julio acceptum Socrates & Sozomenus Græcè locuti suis & variis, ut antè visum est, modis interpretantur. Eruntne qui dicturi sint Romæ & apud Latinos turpiter ignoratum id esse, quod auctores Græci duo Leonis æquales bene noverant? Quis credet? Prudens sine dubio & attentus nemo.

Tum ad extremum Romani Pontifices Aurelianensibus, Turonensibus, Gallicanis aliis, & Toletanis, cæterisque Hispaniensibus Conciliis æquales, de illis nunquam conquesti sunt, quod sine Romani Pontificis sententia condiderint canones, quibus non Italici, vel Africanæ, vel Orientales, sed Gallicanæ & Hispanienses Ecclesiæ regerentur.

Hæc autem cum ita sese habeant omnia, nunc pro ea, qua multum polles, sagacitate & solertia, perspice, quæ laudati à Julio, & explicati à Socrate & Sozomeno canonis origo fuerit, quæ Romæ in originis urbe cognitio, quis ibidem usus. Exinde miraberis, quid factum sit, ut Bellarminus canonem illum epistolæ nostræ argumentum ad Conciliorum generalium convocationem flexerit in libri 1. de Conciliis cap. xii. ubi cujus sit congregare Concilia disquirat. Ne fidem mihi detrectes, adscribo Bellarmini verba: *Quarto probatur ex illo antiquissimo canone, quo statuitur præter sententiam Romani Pontificis non posse Concilia celebrari. Hunc enim canonem Apostolicum esse scribit beatus Marcellus Papa in epistola ad Episcopos Antiochene provincie. Eundem renovavit Concilium Nicænum I. ut testatur Synodus Alexandrina in epistola ad Felicem, & Julius I. in epistola ad Orientales: Cujus meminerunt Socrates lib. 2. cap. 13. Sozomenus lib. 3. cap. 9. Nicephorus lib. 9. cap. 5. Si ergo sine Romani Pontificis consensu non licet Concilia celebrare, sequitur ejus potissimum esse illa convocare.*

I. Marcelli epistolam subditiā esse certis indiciiis jam ostendimus.

II. Bellarminus hoc in loco cenforiæ oblitus est 286 animadversionis, qua in libri 11. de Rom Pont. capite xiv. primorum Pontificum & nominatim Marcelli epistolas notavit. At quamvis, inquit, aliquos errores in eas irrepsisse non negaverim, certè tamen antiquissimas esse nihil dubito. Antiquitas huiusmodi Bellarmino nihil prodest, nisi velit per antiquitatem errores tolli posse, & quod antea falsum erat, postea verum esse. Tum gratuito scribit errores in eas epistolas irrepsisse, cum nullum exemplar seu editum seu manu exaratum proferri possit, quod ejusmodi careat erroribus. Et tamen aliquod proferri posse significat. Cum illis erroribus primò scriptæ sunt.

III. Alexandrinæ Synodi epistola ad Felicem apertè supposita est, ut antè vidimus.

IV. Quid Julii epistola, quid Socratis & Sozomeni testimonia valeant, quid ferre recusent, explanavimus. Nicephori fides, & auctoritas eadem quæ Socratis & Sozomeni, è quibus quæ jecit in suos Commentarios, desumpsit.

V. Vitiosa est Bellarmini consecutio: Quis enim ante ipsum ex antecedente tali, præter sententiam Romani Pontificis non posse Concilia celebrari, collegit penes unum Romanum Episcopum convocandarum Synodorum potestatem esse? Aliud est convocare Synodos, aliud præter Romani Pontificis sententiam Concilia celebrari non posse. Id autem discrimen tam certum est, quam quod certissimum.

VI. Bel-



287 VI. Bellarminus consecutionis suæ vitium tegere conatur nonnullis complexionibus, quas ex interpretatione Calvinī & Magdeburgensium infert. Sed frustra conatur. Sint illi objectum canonem malè interpretati, definētne ob id Bellarmini vitiosa esse consecutio? Si Calvinus & Magdeburgenses à vera canonis istius intelligentia aberraverint, ii nunquam efficient, ut fallax non sit, quæ fallax est consecutio. Calvinus, inquit ille, respondet, ex illo canone id solū effici, debuisse vocari ad Synodum, etiam Romanum Pontificem, quia erat unus ex præcipuis Patriarchis. Bellarminus facti quæstionem ad juris quæstionem revocans à proposito digreditur. Nam quæstio una per aliam quæstionem minimè solvitur. Calvinī tamen responsionem sic refellit: *At si ita esset, tunc etiam potuisset fieri canon, ne præter consensum Episcopi Alexandrini vel Antiocheni cogeretur Concilium.* Quid inde sequitur, nisi quod debuisse servari talis canon, si talis ab Ecclesia conditus fuisset in Concilio? Magdeburgenses, inquit ille, dicunt, verba Socratis non significare, præter Romani Pontificis sententiam non debere celebrari Concilia, sed non debere Ecclesias dedicari, quia Græcè habetur *κωνόισεν τὰς ἐκκλησίας*.

At Bellarminus illos perspicuè falli demonstrat ex subiecta materia, quæ interpretationem istiusmodi non admittit. Perversa quidem est Magdeburgensium, sed non melior Bellarmini interpretatio, cum Julii, Socratis, Sozomeni & Nicephori verba transfert ad Conciliorum convocationem, quæ ad Romanum Pontificem pertinent. Quidlibet non sit ex quolibet, & sua constat

unicuique rei veritas, quæ à malignis interpretibus obscurari quidem potest, sed everti non potest. Jam quæ tua est ingenii magnitudo & vis, omnino capies, incelebratum olim fuisse canonem, quem hodie multi celebrem esse putant, & quamvis incelebratus non fuisset, cum tamen non pertinere quod plerique volunt, Sedis Apostolicæ traditione destituti, ut planum fecimus. Magistris illis omnino convenit, quod Joannes Roffensis Episcopus & Martyr prudenter scribit in libro de unica Magdalena: *Qui rationes invalidas & inefficaces adfert, perinde est ac si nullas attulisset, immò longè fuisset ei satius nullas adduxisse.* Cum enim quis sententiam aliquam nulla fulcitam ratione producit in medium, simpliciter & nudis eam verbis asserens, dubitare adhuc de illo possumus, num abditum aliquid soliditatis habeat, cui innitatur, quod hæcenus non explicuit. Verum qui suam opinionem rationibus munit, quæ palam sunt invalidæ, nulliusque extant roboris, profecto seipsum prodit hallucinatum fuisse, atque fallacibus inductum rationibus, ut ita opinaretur, suumque ita errorem ipse manifestum facit, quando cunctis aperte liquet, eam omni solida cavere basi. In hanc reprehensionem incurrunt, qui quem Julius, Socrates & Sozomenus laudant canonem, hunc ad asserendum Romano Pontifici convocandarum Synodorum universalium jus infumunt, & tortuosis quibusdam argumentis ultrà porrigunt, quàm Julii decessoribus, Damaso, Siricio, Innocentio, Leone & Sede tandem Apostolica porrectum invenerint. Vale, Lutetiæ Parisi. Nonis Martii ann. M. DC. LXVII.

# Joannes Launoiius,

## ANTONIO FAURO

Parisiensi Theologo.

289 **D**E Gregorii Papæ VII. dictatu, qui libri II. epistolæ LV. ad Laudensis Ecclesiæ filios, atque epist. LVI. ad Manassæ Remensem Episcopum interponitur, sciscitaris quid sentiam: Num Gregorii sit, aut alterius, qui duabus illis epistolis dictatum interposuerit. Gregorii non esse, sed quid adventitium & apocryphum respondeo. Et primum quidem quibus epistolis dictatus interponitur, gratis & sine ratione interponitur. Tam enim facile potuit aliis epistolis interponi, quàm memoratis duabus epistolis interponitur. Siquidem in istis epistolis nihil omnino traditur, quod dictatus interpositionem exigat. Temerè igitur, nec ullo Gregorii consilio interponitur dictatus ab eo, qui illum Gregorii ingenio convenire putavit. Deinde in Gregorii epistolis occurrunt multa, quæ Gregorio dictatum hunc abjudicant.

I. In titulo I. dicitur, quod *Romana Ecclesia à solo Domino sit fundata.* Id non asseruisset Gregorius, quod in ejus epistolis nullum haberet testimonium sui, quod Romanorum Pontificum & sanctorum Patrum traditioni repugnaret. Hi enim dum se præbet occasio, Romanam Ecclesiam à Petro & Paulo fundatam esse constanter affirmant, & si qui fundatam illam à Domino scribunt, Petri & Pauli ministerium non excludunt, ut hac in propositione luculenter excluditur.

Præterea, si propositio hæc sic intelligeretur, ut Romanæ Ecclesiæ Episcopus à Domino sit tantum institutus, cæterarum Ecclesiarum Episcopi non item, id Gre-

gorii VII. doctrinæ penitus adversaretur. In libri I. epistola III. ad Guibertum Ravennatem Episcopum: *Neque verò dilectioni vestra dubitandum est, quin Romanam Ecclesiam, & eam cui Deo auctore præsidetis, ea concordia, & quantum cum communi utriusque honore poterimus, omnimoda caritate copulare desideremus.* In epistola XII. ad Gulielmum Papiensem Episcopum: *Quod quidem præ cæteris Longobardorum Episcopis te oportet agere, ut Apostolica & universalis Ecclesia eam, cui Deo volente præesse dinosceris speciali gratia & honore sublimavit ita, & cætera.* In libri IV. epistola XIII. ad Rodulfum Turonensem Archiepiscopum: *Qui nos in ea re Ecclesia, cui Deo volente præesse dinosceris, totius justitiae locum reservasse cognoscis.* In libri VI. epistola XII. ad Landulfum Pisanum Episcopum: *Unde postulante te frater Landulfe, ut Ecclesiam, cui Deo volente præesse dinosceris, ejusque bona ab adversariorum impetu & infestatione Apostolica auctoritatis munimine tueremur.* In ejusdem libri epistola XXXIV. ad Gebuinum Lugdunensem Episcopum: *Quapropter, quia dilectissime in Christo frater Gebuine, postulasti à nobis, quatenus dignitatem ab antecessoribus nostris concessam Ecclesia, cui Deo auctore præesse dinosceris, confirmaremus.* Sic Deo volente & Deo auctore præesse Ecclesiæ rem eandem significant. Quibus verbis cum sermonem de se Gregorius instituit, persæpe utitur: In libri II. epistola LXVII. ad Annonem Colonensem Archiepiscopum: *Constat Ecclesiam Colonensem inter cæteras regni Teutonici Ecclesias sancta & Apostolica Sedi, cui DEO AUCTORE DESERVIMUS, ita fide & dilectione atque obsequiis ab annis prioribus esse devinctam.*

devinctam. In ejusdem libri Epistola LXXVII. ad Clerum & populum Babembergensem: Notum est pen omnibus in Teutonicis partibus habitantibus, quod Babembergensis Ecclesia specialis quodammodo filia adhaeret matri suae Romanae Ecclesiae, cui DEO AUCTORE DESERVIMUS, licet indigni. In Libri III. Epistola XVIII. ad Symeonem Hispanorum Episcopum: Heretica non debet pravitate minui, quod Apostolica constat traditione munitum. Apostolica enim Sedes, cui quamvis immeriti DEO AUCTORE PRÆSIDEMUS, ipso gubernante firma permansit ab ipsis primordiis. In libri VI. Epistola XIII. Licet ex universali cura sanctae & Apostolicae Sedis, cui DIVINA MISERATIONE PRÆSIDEMUS, DEBITORES SIMUS OMNIBUS, &c. In libri VIII. epistola I. ad Simandensem Archiepiscopum: Summa Sedis specula, cui DEO AUCTORE LICET INDIGNI PRÆSIDEMUS, ac universalis Ecclesiae sollicitudo, quam ipsis disponente providentia gerimus, compellit nos, &c.

His autem omnibus comparatis inter se apparet, ut Gregorium auctore Deo & miseratione divina Romanae Ecclesiae, sic & alios Episcopos auctore & volente Deo suis quicquid Ecclesiis praeesse. Sed Gregorius in libri I. Epistola XXII. ad Clerum & plebem Carthaginiensem omnia sic absolvit: Ineffabilis igitur gloria spe tam fideli promissore confidenter membra vestra mortificate, mortem Christi cordibus vestris insigite, adversa omnia pro eo pati gaudete, credentes cum Apostolo non esse condignas passiones hujus temporis ad futuram gloriam, quae revelabitur in nobis. Rixas ergo, & contentiones ut venenum vitare. Humilitatis discipuli, humilitatem induite, Christi vicem super vos habenti ex debito obedite: Consilia, admonitiones ejus vero amore amplecti insudate: Scientes cum sibi, Christo, qui pro vobis passus est, obedieritis: Ejus vero predicationes, indicia etiam cum susceperitis, Christi per omnia suscipietis: Aut enim, qui vos suscipit, me suscipit, qui vos spernit, me spernit. Aliter vero si feceritis, in Christum peccatis, Christum spernitis, Christi discipuli esse desinitis: Apostolo resistitis, qui ait: Omnis anima potestatibus sublimioribus subdita sit. Cum ergo mundanis potestatibus obedire predicavit Apostolus, quando magis spiritualibus, & vicem Christi inter Christianos habentibus? Hac filii carissimi, gemens cogito, stens scribo, dolore cordis intimo vobis mitto: Pervenit quidem ad aures nostras, quosdam vestrum irreligiose in legem Christi contra Christum, Cyriacum venerabilem fratrem nostrum, vestrum verò Archiepiscopum & Magistrum, imò verò vestri Christum apud Saracenos sic accusasse, Furgiis detractionis sic lacerasse, ut inter latrones numeraretur, verbibus nudus caderetur. O exemplum iniquum, vestri & universae Ecclesiae dedecoris exemplum! Itaque si docente Gregorio VII. Carthaginienensis Episcopus ac proinde ceteri, cum eadem sit ceterorum ratio, Episcopi inter Christianos vicem Christi habeant, sicut ipsemet Christus, institutionem Domino suam acceptam referunt, atque ita Romanae Ecclesiae Episcopus à Domino solo institutus non est, & adscribi Gregorio nequit lemma hoc: Quod Romana Ecclesia à solo Domino sit fundata.

II. In titulo II. dicitur: Quod solus Romanus Pontifex jure dicatur universalis, titulus hic nec est nec esse potest illius Pontificis, qui Gregorium primum ad imitandum sibi proposuit. Gregorius VII. nec imitaretur, nec subsequeretur Gregorium I. si Gregorio I. tam aperte contradiceret. Gregorius I. statuit, ne Romanum quidem Episcopum jure dici posse universalem, Gregorius verò VII. statuit, solum Romanum Pontificem jure dici posse universalem. Apud Gregorium I. sunt Epistolae duodecim, in quibus argumentum istud tractatur, libri I. Epistola XXXII. ad Mauritium Imp. ejusdem libri epistola XXXIV. ad Constantinam Augustam: Ejusdem libri epistola XXXVI. ad Eulogium Alexandrinum & Anastasium Antioche-

num: Ejusdem libri epistola XXXVIII. ad Joannem Constantinopolitanum: Libri VI. Epistola IV. ad Cyriacum Constantinopolitanum: Ejusdem libri epistola XXIV. ad Anastasium Antiochenum: Ejusdem libri epistola XXVIII. ad Cyriacum Constantinopolitanum: Ejusdem libri epistola XXX. ad Mauritium Imp. ejusdem libri epistola XXXI. ad Eulogium Alexandrinum & Anastasium Antiochenum: libri VII. Indict. I. epistola XXX. ad Eulogium Alexandrinum: Ejusdem libri Indict. II. epistola LXX. ad Eusebium Thessalonicensem & alios Episcopos: Libri XI. Epistola XLVII. ad Cyriacum Constantinopolitanum. Pauca de his Epistolis profero ad specimen: De Epistola I. Quis est iste, qui contra statuta Evangelica, contra canonum decreta novum sibi usurpare nomen praesumit? Utinam vel sine aliorum imminutione unus sit, qui vocari appetit universalis. De Epistola III. Nullus unquam decessorum meorum hoc tam profano vocabulo mihi consensit, quia videlicet si unus Patriarcha universalis dicitur, Patriarcharum nomen ceteris derogatur. Sed absit hoc, absit à Christiana mente id sibi velle quempiam arripere, unde fratrum suorum honorem imminuere in quantulumcumque parte videatur. De Epistola IV. Certè Petrus Apostolus primum membrum sanctae & universalis Ecclesiae est: Paulus, Andreas, Joannes, quid aliud, quam singularium plebium capita? Et tamen sub uno capite omnes sunt membra Ecclesiae. Atque ut cuncta brevi cingulo locutionis astringam, sancti ante legem, sancti sub lege, sancti sub gratia, omnes hi perfectientes corpus Domini, in membris sunt Ecclesiae constituti. & nemo se unquam universalem vocare voluit. De Epistola VI. Si unus Episcopus vocatur universalis, universa Ecclesia corrumpitur, si unus universus, cadit, sed absit hac stultitia, absit hac levitas ab auribus meis. De Epistola VIII. Ego autem fidenter dico, quia quisquis se universalem Sacerdotem vocat, vel vocari desiderat, in elatione sua Antichristum praecurrit, quia superbiendo se ceteris praepont. De Epistola X. Indicare quoque vestra beatitudo studuit, jam se quibusdam non scribere superba vocabula, quae ex vanitatis radice prodierunt, & mihi loquitur dicens: Sicut jussistis. Quod verbum jussionis, peto, à meo auditu remove: Quia scio, quis sum, qui estis? Loco enim mihi fratres estis, moribus patres. Non ergo jussi, sed quia utilia visa sunt, indicare curavi. Non tamen invenio vestram beatitudinem hoc ipsum, quod memoria vestra intuli, perfectè retinere voluisse. Nam dixi, nec mihi vos, nec cuiquam alteri tale aliquid scribere debere, & ecce in praefatione Epistolae, quam ad me, ipsum qui prohibui, direxistis: Superba appellationis verbum, universalem me Papam dicentes, imprimere curastis. Quod, peto, dulcissima mihi sanctitas vestra, ultra non faciat, quia vobis subtrahitur, quod alteri plusquam ratio exigit praeberetur. Ego enim non verbis quaro prosperari, sed moribus. Nec honorem esse deputo, in quo fratres meos honorem suum perdere cognosco. Meus namque honor est universalis Ecclesia, meus honor est fratrum meorum solidus vigor. Tunc ego verè honoratus sum, cum singulis quibusque honor debitus non negatur. Si enim universalem me Papam vestra sanctitas dicit, negat se hoc esse, quod me facitur, universum. Recedant verba, quae vanitatem inflant & caritatem vulnerant.

Doctrinam hanc à tanto Pontifice consecratam diligenter coluerunt & observarunt successores.

Hadrianus I. in Epistola ad Constantinum & Irenem, quae in actione VI. Synodi VII. & lecta & approbata est: Valde mirati sumus, quod in vestris Imperialibus jussis pro Patriarcha regia urbis Tarasio directis, universalem ibidem cum reperimus exaratum, sed utrum per imperitiam, aut schisma, vel haeresim iniquorum scriptum est, ignoramus. Sed deinceps suademus vestra clementissima Imperiali potentia, ut minime in suarum exarationum serie universalis describatur, quia contra sanctorum canonum instituta, seu sanctorum Patrum traditionem decreta esse videtur.

Nico.



Nicolaus I. in Epistola lxx. ad Hincmarum & alios Archiepiscopos & Episcopos Galliae: Sed quid mirum, si hoc isti praeferunt, cum etiam gloriantur atque perhibeant, quando de Romana urbe Imperatores Constantinopolim sunt translati, tunc & primum Romanae Sedis ad Constantinopolitanam Ecclesiam transmigrasse, & cum dignitatibus regis etiam Ecclesia Romana privilegia translata fuisse: Ita ut ejusdem inuasor Ecclesia Photius etiam ipse se in scriptis suis Archiepiscopum atque universalem Patriarcham appellet. Videte ergo, si hac Ecclesia Christi non praedecant, videte si tolerabilia valeant estimari.

297 Leo IX. in Epistola i. ad Michaellem Constantinopolitanum: Successit quoque huic Joannes, cujus superbiam quamvis universus mundus capere nequiverit, angustus tamen caespes post non multum temporis compressit. Hic nimia vanitatis novum nomen primus sibi usurpavit. Ubi se à cunctis oecumenicis Patriarchis, id est, universalem & dici & scribi debere decrevit: Pro qua utique presumptione à beatis Pontificibus Pelagio & Gregorio digna percussus est excommunicatione. Cujus contagii macula adhuc vobis cum ipsa maledictione sic adhaesit, ut nunc quoque vos ipsos oecumenicos Patriarchas appellare & scribere non timeatis. Et certe nomen istud à sanctis Patribus in Chalcedonensi Synodo ob reverentiam sanctae Romanae & Apostolicae Sedis sanctissimo decessori nostro Leoni Papa & praeclarissimo Doctore, successoribusque ejus fuit oblatum, sed nec ab illo, nec ab ullo successorum ejus constat hactenus receptum. Et cui post Christum Jesum hoc nomen poterat magis aptari, quam successoribus Petri? Sed imitanda humilitas reverendorum Pontificum, attendens, quod ipse Princeps Apostolorum non invenitur dictus universalis Apostolus: Superbum refutavit vocabulum penitus, quo videbatur par dignitas subtrahi cunctis per orbem praesulibus, dum uni ex toto arrogaretur: Tanquam singulis dicerent verbis & factis, quod magister eorum, & primus crucifigendus inquit: Non sum dignus sursum caput ponere, sed declinare vultum in terram. Vestra ergo fraternitas videat, quanta apud se protervia tumeat, quae nec oblatum sibi à quoquam, nec concessum, sed potius denegatum, & sub anathematis interpositione ab Apostolica & prima Sede, & à sanctis & orthodoxis Patribus indictum superstitiosum vocabulum, tanta obstinationis contumacia per quadringentos jam à beatissimo Papa Gregorio & amplius annos usurpare non cessat: Et qualiter exemplo Domini nostri Jesu Christi, & suorum parati estis pro fratribus animas ponere, qui per tot tempora nolulistis saltem inane nomen & totius Ecclesiae unitatem sua insolentia scandalizans deponere. Hæc ille, quem Gregorius VII. per ætatem videre & alloqui potuit. Nam inter Leonis IX. excessum & Gregorii VII. creationem anni tantum intercedunt decem & octo. Quis modò prudens & attentus crederet, Gregorium sine ulla Ecclesiasticorum canonum, quos relati Pontifices laudant, & Apostolicæ Romanæque traditionis derogatione, & sine explicatione ulla voluisse sibi sumere, quod solus Romanus Pontifex jure dicatur universalis. Deinde, si Romanus Pontifex jure dicatur universalis, cur ipsemet Gregorius universalem se suis in Epistolis non inscripsit?

298 III. In titulo iiii. dicitur: Quod ille solus possit deponere Episcopos, vel reconciliare. Et in titulo xxv. dicitur: Quod absque Synodali conventu possit Episcopos deponere & reconciliare. At nihil fingi vel excogitari potest, quod Gregorii doctrinæ magis adversetur. Ego autem asserere, nullum unquam fuisse Pontificem, qui Synodales conventus egerit frequentius, & amaverit sincerius. In Epistolis illius nihil, quod esset alicujus momenti, sine Synodo constituit, multo minus deposuit Episcopos, quorum depositio ad majores Ecclesiæ causas pertinet. Hic unus ex libri i. epistola xl. ad omnes Episcopos Mediol. provinciae locus in probationem sufficeret: Non incogni-

tum vobis esse credimus in Romana Ecclesia jamdudum constitutum esse, ut per singulos annos ad decorem & utilitatem sanctae Ecclesiae generale Concilium apud Sedem Apostolicam sit tenendum. Nos itaque hujus celebritatis hoc in tempore causam valde necessariam considerantes in prima hebdomada quadragesimae Synodum annuente Deo Roma celebrare disposuimus, ad quam omnes vos & Apostolica auctoritate praesentiam vestram exhibere commonemus atque precipimus, quatenus una nobiscum & cum alia frequentia vestri ordinis, officii nostri debitam sollicitudinem in divinis & Ecclesiasticis causis suffragante divina clementia commodè ac reverenter exercere valeamus. Hæc est Romanae Ecclesiæ traditio, à qua Gregorius recedebat nusquam, ut ipse docet in libri ii. epistola l. ad Sancium Aragoniae Regem: Solet, inquit, sancta & Apostolica Sedes pleraque considerata ratione tolerare, sed nunquam in suis decretis & constitutionibus à concordia canonica traditionis discedere. Sic Episcopum absque Synodali conventu non privasset Sacerdotio, nisi forsitan Episcopus in hæresim jam à Concilio damnatam incurrisset. Sed id quicunque alius Episcopus faceret, ut Gelasius Papa scribit in Epistola iv. ad Faustum: Euphemium verò miror, si ignorantiam suam ipse non perspiciat, qui dicit Acacium ab uno non potuisse damnari. Itane non perspicit, secundum formam Synodi Chalcedonensis Acacium fuisse damnatum? Nec novit eam, aut se nosse dissimulat, in qua utique per numerosam sententiam Sacerdotum, erroris hujus auctores constat fuisse damnatos: Sicut in unaquaque hæresi à principio Christiana religionis & factum fuisse & fieri manifesta rerum ratione monstratur, decessoremque meum executorem fuisse veteris constituti, non nova constitutionis auctorem? Quod non solum praesuli Apostolico facere licet, sed cuicunque Pontifici, ut quolibet & quemlibet locum secundum regulam hæreseos antè damnata, & communione Catholica discernant. Acacius quippe non fuit novi, vel proprii inventor erroris, ut in eum nova scita prodirent, sed alieno facinori sua communione se miscuit. Itaque necesse est, ut in eam recideret justa lance sententiam, quam cum suis successoribus per convenientiam Synodalem suscepit auctor erroris.

Præterea in libris novem Epistolarum ne una quidem est, ubi unus, vel alter titulus repræsentetur, ita ut appareat, Episcopum hæreseos novæ conditorem fuisse ab eo sine Synodali conventu depositum.

IV. In titulo vii. dicitur: Quod illi soli (Rom. Pont.) licet pro temporis necessitate novas leges condere. At titulus hic Gregorio penitus repugnat: Sic enim scribit ii. epistola lxxvii. ad Annonem Coloniensem Archiepiscopum: Novit fraternitas tua, quia præcepta hæc non de nostro sensu exsculpimus. Sed antiquorum Patrum sanctiones Spiritu sancto predicante prolatas officii nostri necessitate in medium propalamus, ne pigri servi subeamus periculum, si dominicam pecuniam, quæ cum favore repositur, sub silentio abscondamus: Quamquam huic sanctae Romanae Ecclesiae semper licuit, semperque licebit contra noviter incrementos excessus nova quoque decreta atque remedia procurare, quæ rationis & auctoritatis edita iudicio, nulli hominum sit fas, ut irrita refutare. Nota: Quamquam huic sanctae Romanae Ecclesiae semper licuit: Non addit excludendi particulam: Huic soli sanctae Romanae Ecclesiae semper licuit. Deinde non loquitur de Romano Pontifice, tantum abest, ut loquatur de solo Romano Pontifice, sed loquitur de Romana Ecclesia: Aliud est Romana Ecclesia, aliud Romanus Pontifex: Sicut aliud est caput corporis, aliud corpus. Tum in ejusdem Libri Epistola lxxviii. ad Wezelinum Magdeburgensem Archiepiscopum: Non nostra, inquit, decreta, quamquam licenter si opus esset possemus vobis proponimus, sed à sanctis Patribus instituta renovamus, ne nostro silentio servi dominicam pecuniam abscondentis sententiam incurramus. Licenter, inquit, si opus esset, possemus, non adjicit, soli possemus. Adhæc

Adhæc quæ decreta edebat Gregorius, in Synodo edebat, ut de libri 111. epistola x. ad Henricum Regem observare licet: *Congregata hœc in anno apud Sedem Apostolicam Synodo, cui nos superna dispensatio præsidere voluit, cui etiam nonnulli tuorum interfuere fide- lium, videntes ordinem Christianæ religionis multis jam labefactum temporibus, & principales ac proprias lu- crandarum animarum causas dari prolapsas, & suadente diabolo concultas, concussi periculo & manifesta proditi- one Dominici gregis ad sanctorum Patrum decreta do- ctrinamque recurramus, nihil novi, nihil adinventione nostra statuantes, sed primam & unicam Ecclesiastica disciplinam regulam, & tritam Sanctorum viam relicto er- rore repetendam & sectandam esse censuimus.* In Synodo in- staurabat veterum Patrum decreta, tantum abest ut sibi soli fumeret novas leges & nova decreta condere.

Profecto quæ ad hunc titulum animadvertimus, hæc sufficiunt, ut Gregorio dictatus abjudicetur.

V. In titulo x. dicitur: *Quod illius solius* (Rom. Pont.) *nomen in Ecclesiis recitatur.* Si Gregorio VII. Pontifice in Ecclesiis recitabatur idem Missæ canon, qui modò recitatur, non solius Romani Pontificis nomen in eo recitabatur. Nam diœcesani quoque E- piscopi recitabatur. At quis nunc sine probatione cer- ta crederet, sub Gregorio VII. Romani solius Pontifi- cis nomen recitatum esse in Missæ canone, cui tem- poris progressu diœcesani antistitis nomen adjunctum esset?

Præterea in orationibus, quæ feria vi. Parasceves dicuntur, cantata Dominica Passione, non diœcesani modò Episcopi, sed etiam Imperatoris nomen appa- ret. At certum est orationes huiusmodi multò an- te Gregorii ætatem dici consuevisse in Occidentali Ecclesia. Hæ ex sua contextione Caroli Magni tempus appellant.

VI. In articulo xi. dicitur: *Quod unicum est nomen* (Papæ) *in mundo.* Quid articulus hic significet, ar- ticuli verba præ se non ferunt: Baronius ad annum Christi cxxxv. putat statuisse Gregorium VII. ut Papæ nomen unius duntaxat Romani Pontificis esset in toto Christiano orbe, nec liceret alicui alii vel se- ipsum, vel alium ea nuncupatione insignire. At mi- rum esset id fecisse Gregorium, nec in Epistolis suis meminisse uspiam. Immo Gregorius in libri iv. epi- stola vi. ad Henricum Leodiensem Episcopum aper- te significat se nunquam id decreturum esse, quod eum decrevisse Baronius contendit. Verba sunt: *Quod de causa Guillelmi Traiectensis Episcopi nos consulisti, prudentia tua non tam à nobis, quam à communi san- ctorum Patrum sententia indubitanter expressum addisce- re & intelligere potest: Quorum statuta sectantes au- defendentes, si quando iudicium de negotiis Ecclesiasticis fecimus vel facimus, non nova aut nostra proferimus, sed ab eis per Spiritum Sanctum prolata sequimur & exercemus.* Quis quæso sciens & prudens ad hunc Gregorii morem, ingenium & consilium, plerosque Dictatus titulos & eum maxime, quem tractamus, ap- taret? Nonne noverat. derivatam ab initio Ecclesiæ traditionem, qua Papæ nomen Episcopis omnibus im- pertiebatur? Nonne noverat traditionis huius aucto- rem fuisse Romanum Clerum, qui apud Cyprianum in Epistola 111. sic ad Carthaginensem Clerum scri- bit? *Didicimus secessisse benedictum Papam Cyprianum à Clementio Subdiacono, qui à vobis ad nos venit.* Dein- dein Epistola xxx. Romanus Clerus ad Cyprianum: *Cypriano Papa Presbyteri & Diaconi Roma consistentes.* Tum in Epistola xxxi. ejusdem Cleri ad eundem Cy- prianum: *Cypriano Papa Presbyteri & Diaconi Ro- ma consistentes.* Hinc in fine Epistolæ: *Optamus te, beatissime & gloriosissime Papa, in Domino semper bene valere.*

Romani Cleri exemplum sequuntur Confessores, qui in Epistola xvii. ad Cyprianum ita scribunt: *U- niversi Confessores Cypriano Papa.* Sequuntur Moyfes,

Maximus & alii dum in Epistola xxvi. ad Cypria- num eundem scribunt: *Cypriano Papa Moyfes & Maxi- mus Presbyteri, &c.* In fine Epistolæ: *Optamus te, bea- tissime ac gloriosissime Papa, in Domino semper bene valere.*

Traditio hæc Alexandrinam minimè latebat Eccle- siam. Dionysius siquidem illius antistes in Epistola ad Philemonem Romanum Presbyterum decessorem suum nomine Heraclam Papam suum appellat: *Istum canonem, istudque exemplum à beato Papa nostro Heracla;* *mag. tē maxeis. πῶτα accepti.*

Romanæ Ecclesiæ traditionem edocti jam erant non Christiani modò, sed etiam ethnici, ut ex beati Cypriani passione colligimus, in qua sic habetur: *Pro- consul eum* (Cyprianum) *intuitus ait: Tu es Thas- cius Cyprianus, qui te Papam sacrilega mentis hominibus præbuisi.*

Constantinus illud sciebat, cum ad Athanasium in Apologia 11. scribit: *Victor Constantinus Maximus Augustus. Papa Athanasio, τῷ πῶτα Ἀθανασίῳ.*

Presbyteri & Diaconi Alexandrini apud Athana- sium in libro de Synodis Arimini & Seleuciæ sic scri- bunt Alexandrino Episcopo suo: *Beato Papa Episco- po Alexandro Presbyteri & Diaconi in Domino salu- tem. Fides nostra jam usque à majoribus nostris, quam didicimus à beato Papa, hæc est.* Et paulò post: *Quem- admodum & tu beate Papa in media Ecclesia de solio tuo discipulis tuis subinde exposuisti. Infra: Quid ex- postulatis cum Alexandro Papa sermocinante ex Patre esse Filium?*

Romanæ Ecclesiæ traditionem sequuntur Latini Patres.

Rufinus in expositione symboli ad Episcopum quen- dam nomine Laurentium: *Mihi quidem, inquit, fide- lissime Papa Laurenti, ad scribendum animus, tam non est cupidus, quam nec idoneus.*

Prudentius in libro *dei septuaginta*, hymno iv. in pas- sione sancti Hippolyti martyris ad Valerianum Episco- pum: *Rorantes saxorum apices vidi, optime Papa.*

Hieronymus in sex ad Augustinum Epistolis, has sic inscribit: *Domino verè sancto & beatissimo Papa Augustino Hieronymus in Domino salutem.* Hæ autem sunt inter Augustinianas undecima, decimatertia, decima septima, decima octava & trigesima: Et in deci- ma octava legitur: *Sancti fratres, qui nobiscum Domi- no servant, assatim te saluant, & sanctos, qui tecum Christi leve trahunt jugum, præcipue sanctum & susci- piendum Papam Alipium, ut meo obsequio salutes precor: Incolumem te & memorem mei Christus Deus noster tue- atur omnipotens, Domine verè sancte & beatissime Papa.*

Augustinus ipse duas ad Aurelium Epistolas lxxvi. & lxxvii. ita inscribit: *Domino beatissimo & debita ob- servantia venerabili, sinceriterque charissimo fratri & con- sacerdoti Papa Aurelio, Augustinus in Domino salutem.*

Sidonius Arvernorum Episcopus in libri iv. Epi- stola 11. Claudiani ad Sidonium Papam, in libri vi. Epistola 1. ad dominum Papam Lupum, Epist. 11. ad Papam Pragmatium, Epistola 111. ad dominum Papam Leontium, Epistola iv. ad dominum Papam Lupum, Epistola v. ad dominum Papam Theoplastum, Episto- la vi. ad dominum Papam Eutropium, Epistola vii. ad dominum Papam Fronteium, Epistola viii. ad do- minum Papam Græcum, Epistola ix. ad dominum Pa- pam Lupum, Epistola x. ad dominum Papam Censo- rium, Epistola xi. ad dominum Papam Eleuterium, Epistola xii. ad dominum Papam Patientem scribit, & unamquamque libri huius Epistolam sic concludit: *Memor nostri esse dignare domine Papa.*

In libri vii. prioribus Epistolis xi. ad dominum Papam Mamertum, ad dominum Papam Græcum, ad dominum Papam Megethium, ad dominum Papam Fonteium, ad dominum Papam Agræcium, ad domi- num Papam Basilium, ad dominum Papam Græ- cum, ad dominum Papam Euphronium, ad domi- num Papam Perpetuum, ad Papam Auspiciam & ad



dominum Papam Græcum scribit, & unamquamque Epistolam sic concludit: *Memor nostri esse dignare domine Papa.*

In libri VIII. Epistola XIII. res sic se habet: *Sidonius domino Papa Nonnechio S. Multa in te genera virtutum, Papa beatissime, munere superno congesta gaudemus. Infra: Memor nostri esse dignare domine Papa. In ejusdem Libri Epist. XIV. Sidonius domino Papa Principio S. Jam diu nobis Papa venerabilis, etsi necdum vester vultus aspectus, tamen actus inspectus est. Infra: Memor nostri esse dignare domine Papa. In Epistola XV. Sidonius domino Papa Prospero S. Infra: Memor nostri esse dignare domine Papa. Mitto Epistolas X. quæ in libro IX. parem titulum ad finem habent.*

Avitus Viennensis Episcopus in Epistola VII. Constantinopolitano Papa, & in Epistola XXXIII. Hierosolymitano Papa scribit.

Clodoveus Rex traditione prisca imbutus scriptam à se post bellum Gothicum Epistolam hoc modo concludit: *Orate pro me domini sancti, & Apostolica Sede dignissimi Papa.*

Turonense Concilium II. quod anno DLXVII. habitum est, in canone XXI. Papam nominat Avitum Viennensem Episcopum. Adscribo verba canonis XX. Omnes sciant, quod nunquam in canonicis libris legitur benedictio vidualis, quia solum propositum illi sufficere debet, sicut in Epaoenensibus canonibus à Papa Avito, vel omnibus Episcopis conscriptum est. Deinde in can. XXI. In Epaoenensibus canonibus à Papa Avito, vel reliquis Episcopis constitutum est. Sic Romanæ Ecclesiæ circa nomen Papæ commune Episcopis omnibus traditio confirmatur.

Euphronius Turonensis Episcopus apud Gregorium Turonensem, in libri IV. historiæ Francorum capite XXVI. Papa nuncupatur: *Qui veniens Turonis rem gestam beato Euphronio pandit deprecans, ut hoc consensum subscribere dignaretur, quod vir Dei manifeste respuit. Igitur postquam Presbyter Parisiæ urbis portas ingressus regis presentiam adiit, hac effatus est: Salve Rex gloriose: Sedes enim Apostolica Eminentia tua salutem mittit uberrimam: Cui ille, nunquid ait? Turonicam adisti urbem, ut Papa illius salutem nobis deferat. Hoc in loco Manuscripti Codices variant, quorum alii cum editis conveniunt, alii non conveniunt: Qui conveniunt, debent vincere, cum ab antiqua disciplina & Romanæ Ecclesiæ traditione & loquendi more non dissentiant.*

Fortunatus Pictaviensis Presbyter in libri I. carmine IX.

*Promptus amore pio, quæ Papa Leontius olim  
Condedit eximio consolidata loco.*

In ejusdem libri carmine XI.

*Fundavitque piam dehinc Papa Leontius aulam.*

In ejusdem libri carmine XII.

308 *Qui precibus commisit opus tibi Papa Leonti.*

In ejusdem libri carmine XIII.

*Quantus amor Domini maneat tibi Papa Leonti.*

In ejusdem libri carmine XV.

*Nobilitate potens præcellis Papa Leonti.*

In ejusdem libri carmine XIX.

*Nunc revocanda venit Papa mercede Leonti.*

Hic Papa Leontius Burdegalensis est Episcopus.

In libro III. carminum: *Domino sancto & venerabilis Apostolico domino & dulci patri Euphronio Papa Fortunatus.*

Ibidem: *Domino sanctoque mihi in Deo peculiari patrono Euphronio Papa Fortunatus. Hic Papa Euphronius Turonensis est Episcopus.*

Ibidem: *Domno sancto & Apostolica Sede dignissimo domno & Patri Felici Papa Fortunatus. Hic Papa Felix Nannetensis Episcopus.*

Ibidem in carmine XIII. *Domno sancto & meritis Apostolicis predicando in Christo Patri Magnerico Papa Fortunatus. Hic Papa Magnericus Moguntinensis est Episcopus.*

Ibidem in carmine XXVI. *Domno sancto atque Apostolicis actibus predicando domno pio & peculiariter dulci in Christo Patri Avito Papa Fortunatus.*

In libro V. carminum: *Domno sancto & meritis Apostolicis præconicando domno & in Christo Patri Gregorio Papa Fortunatus.*

Ibidem: *Domno sancto & Apostolica Sede dignissimo domno Gregorio Papa Fortunatus. Hic Papa Gregorius Turonensis est Episcopus.*

Ibidem in carmine XVII.

*Longius hinc vestro sub nomine Papa Gregori.*

qui Turonensis est Episcopus.

Denique in opere de vita sancti Martini, quod Gregorio Turonensi nuncupat: *Domno sancto atque Apostolico, piissimo in Christo & peculiari Patri Gregorio Papa Fortunatus.*

Inter Epistolas, quæ Tomo I. Historiæ Francorum adtexuntur.

Num. V. *Domino suo Nicetio Papa Florianus ex Monasterio Romano.*

Num. XI. *Domino sancto & in Christo beatissimo fratri Nicetio Papa Mapinius Episcopus.*

Num. XV. *Domino suo Villico Papa Mapinius Episcopus.*

Num. XVII. *Domino semper peculiari suo Villico Papa Dynamius.*

Num. XXI. *Domino semper suo & Apostolico domino & Papa Nicetio Rufus Episcopus.*

Num. XXII. *Domino verè sancto ac beatissimo Domino & Patri Petro Papa Gogus. Sub finem Epistolæ: Per te, beatissime Papa, saluto universam plebem pastorali vobis sollicitudine commendatam.*

Num. LIV. *Domino semper suo Modoaldo Papa Desiderius peccator.*

Num. LVI. *Domino semper suo Abboni Papa Desiderius peccator.*

Num. LVII. *Sancto ac præferendo Apostolico Patri Dadoni Papa Desiderius servus servorum Dei.*

Num. LXVI. *Domino sancto & Apostolica Sede dignissimo domno & Patri Desiderio Papa Anulfus peccator.*

Num. LVII. *Domino semper nobis proprio & post Deum peculiari Patrono Desiderio Papa Constantius & Dado Episcopi. Sic concludunt Epistolam: Annis multis vobis servire mereamur, beatissime Papa.*

Num. LXIX. *Domino suo semper atque Apostolico Patri Desiderio Papa Elegius servus servorum Dei.*

Num. LXX. *Quam Ruricius Desiderio Episcopo inscribit Epistolam, sic eam concludit: Orate pro nobis, domine semper peculiaris atque Apostolice Papa.*

Num. LXXII. *Domino semper suscipiendo, & cum omni honore venerabiliter nominando domno Desiderio Papa Sulpitius peccator. In fine Epistolæ: Annis innumeris vobis serviam & prosperis perseverantibus polle, beatissime Papa.*

Num. LXXIII. *Domino reverendissimo, palma triumphali decorato, ac Pontificali nomine adornato, præcellentissimo Ecclesiæ speculatori Desiderio Papa, Paulus peccator.*

Num. LXXIV. *Domino semper suo Desiderio Papa Paulus peccator.*

Num. LXXV. *Domino semper proprio Desiderio Apostolico Papa Abbo peccator.*

Num. LXXVI. *Domno clementissimo, palmata triumphatione decorato, Pontificali officio coronato, domno semper meo Desiderio Papa Christi speculatori Chanulfus vester.*

Num.

Num. LXXVII. Domino semper nobis proprio Apostolico Patri Desiderio Papæ Constantius peccator.

Num. LXXVIII. Domino semper suo Desiderio Papæ Verius peccator.

Num. LXXXI. Domino semper suo & Apostolico Patri Desiderio Papæ Gallus peccator.

Num. LXXXIII. Domino semper preferendo & cum omni veneratione nominando beatissimo Patri Desiderio Papæ Felix peccator. In fine Epistolæ: In sacrosanctis precibus vestris nostri memoriam admiscere dignemini, domine verius & semper suscipiende Papæ.

Marculus Monachus Formularum libros duos Landerico Papæ sic nuncupat: Domino sancto & meritis beatissimo, & Apostolico semper honore suscipiendo, omni- que præconio laudis celebrando domino ac reverentissimo Pa- pæ Landerico, Marculus ultimus ac vilissimus omnium Monachorum.

Deinde in libri II. formula XLIII. de Redem- ptione ad Episcopum: Domino sancto meritis Apostolico in Christo desiderabili domino & fratri illi Papæ ille pec- cator Episcopus. Quæ in formulis præscribuntur, com- munem & publicum rei usum ostendunt.

Eulogius Presbyter, qui ad annum DCCCL. claruit, in Apologetico sanctorum Martyrum sub finem: Adest & venerabilis Pontifex felicium stipatus agmine Clericorum votis ardentioribus, talibus interesse festinantes exequiis, qui mox sanctas reliquias advenit, & inclitus Papæ detegit, & oculis sancta membra demulcet.

Tortarius Floriacensis Monachus in versibus, quos de translatione S. Mauri martyris pepigit.

*Illius (Benedicti) & normam juxta deducere vitam,  
Quam me barbarico Papam contradere ludo.*

Hæc ante annos plus minùs sexcentos, quæ deriva- tam ab initio usque ad Gregorii VII. ævum traditionem demonstrant. Quis modò expensis rebus omni- bus crederet, traditionis hujus lineam decreto abrum- pere voluisse Gregorium, qui profitetur se non nova aut sua, sed quæ communi sanctorum Patrum senten- tia expressa sunt, in lucem edere ac proferre? Qui in libri II. Epistola I. ad Sancium Aragoniæ Regem, ait Sedem Apostolicam in suis decretis & constitutionibus à canonica traditionis concordia nusquam discedere.

Præterea si Gregorius fecisset id, quod eum ex di- ctatu fecisse contendit Baronius, fecisset quidem, quia nomen Papæ & res hoc nomine significata Episcopis omnibus gratis & sine ratione tributa fuisset hæcenus. At illud quis assereret traditione salva, quæ primam sui originem ex Romana traheret Ecclesia? Injuriam crearet Gregorio, quem in sua sævientem viscera repræsentaret. Si fecisset verò, quia nollet Papæ nomen & rem eo nomine significatam Episcopis tri- bui amplius, pugnasset secum, oppressa Romanæ & universæ Ecclesiæ traditione, cujus assertor & patro- nus esse debet. His adde, quæ in libri I. Epistola XXIV. ad Brunonem scribit Veronensem Episcopum: Sicut Romana Ecclesia debitorum honorem impendi à ce- teris Ecclesiis, ita unicuique Ecclesiæ proprium jus ser- vare desideramus. Quod in libri IV. Epistola XVI. ad Romanenses Clericos repetit: Sicut Romana & Apostolica Ecclesiæ jura & dignitates suas conservari cupimus, ita & membris ejus videlicet ceteris Ecclesiis ex hujus providentia & auctoritate oportere & dignissimum esse perpendimus. Concludit omnia, cum in libri II. Epistola I. ad Sancium Aragoniæ Regem scribit, CA- VENDUM SIBI ESSE, ne quicquam à nobis contrarium sanctis Patribus in exemplum & auctoritatem posteris re- linquatur.

Quibus ex causis adducimur ut credamus Grego- rium Episcopis Papæ nomen, & quicquid eo nomine dignitatis importatur, vindicatum esse, si adversus Novatores quosdam suo tempore vindicandum fuisset; tantum abest ut vetuerit, ne quod nomen per annos

mille & amplius tributum fuerat Episcopis, deinceps tribueretur. Sic dictatum Gregorio abjudicandum esse censemus.

VII. In titulo XXI. dicitur: Quod Romanus Pon- tifex si canonicè fuerit ordinatus, meritis beati Petri ef- ficitur sanctus, testame sancto Ennodio Papiensi Episco- po, ei multis sanctis Patribus faventibus, sicut in decre- tis beati Symmachi Papæ continetur. Et primùm qui- dem non tam præcisè dicuntur ab Ennodio, quæ hic ex eo laudantur. Ennodii verba sunt in Apologeti- co pro Synodo: Non nos beatum Petrum sicut dicunt à Domino cum Sedis privilegiis, vel successores ejus pec- candi judicamus licentiam suscepisse. Ille perennem me- ritorum dotem cum hereditate innocentia misit ad po- steros: Quod illi concessum est pro ætuum luce, ad il- los pertinet, quos par conversationis splendor illuminat. Quis enim sanctum esse dubitet, quem apex tanta dig- nitatis atollit? In quo si desint bona acquisita per me- ritum, sufficiunt quæ à loci decessore præstantur: Aut enim claros ad hac fastigia erigit, aut qui eriguntur, illustrat. Ennodius de Pontificalis officii sanctitate loquitur potius, quàm de vitæ sanctitate, quæ homi- nem Deo gratum, æternæque gloriæ candidatum reddit. At contrà titulus ille de posteriori sanctita- te loquitur potius, quàm de priori; atque ita Enno- dio vis infertur. Hoc autem Gregorio tribuere non auderem.

Deinde quidquid id est, non legitur in Symmachi Papæ decretis, quæ habet vetus codex canonum Ro- manæ Ecclesiæ. Qui dictatum asserunt Gregorio, coguntur errorem hunc illi affricare. Non cogor ego, quia ut dictatum, sic & errorem, tanquam ab ingenio Gregorii alienum rejicio.

Postremò nunquam dixisset Gregorius meritis be- ati Petri sanctos effici nonnullos Formosi Papæ suc- cessores, de quibus Baronius ad annum DCCCXCVII. sic loquitur: Cum verò hos Romana Ecclesia passa est tyrannos Tuscia Principes dominantes, sive pecuniis sive armis populo Cleroque Romano, per quos intrusi in ca- thedram Petri, solium Christi, homines monstruosi, vita turpissimi, moribus perditissimi, usquequaque sædissimi, vestimentis exuta gloria atque lætitia, mærens, dolens ac lugens, sedit in tristitia Domina gentium. Cæterum etsi interdum deforme valde, turpeque contigerit apponi Ecclesiæ caput, tolerandum tamen ipsi fuit. Quæ illu- stris annalium Ecclesiasticorum conditor monumentis consignat suis, ita nota erant Gregorii VII. tempo- re, ut ea ignorare non potuerit. Quemadmodum & probè noverat, quæ Luitprandus in libri VI. de re- bus per Europam gestis capite VII. de Joanne XII. tradit; Referens acta Romani Concilii, in quo hic Pontifex abdicatus: Tunc consurgens Petrus Cardina- lis Presbyter se vidisse illum missam celebrasse, & non communicasse testatus est: Joannes Episcopus Narniensis, & Joannes Cardinalis Diaconus, se vidisse illum Diaconum ordinasse in equorum stabulo non certis temporibus sunt professi. Benedictus cum ceteris Condiacensis & Pres- byteris dixit se scire, quod ordinationes Episcoporum pretio faceret, & quod annorum decem Episcopum in Tuderina civitate ordinaret. De sacrilegio non esse ne- cesse percontari, dixit, quia plus videndo, quàm audien- do scire potuissimus. De adulterio dixerunt, quod oculis non viderant, sed pro certo scirent, viduam Raine- rij, & Stephanam patris concubinam, & Annam vidua- am cum nepte sua abusum esse, & sanctum Palatium lu- panar & prostibulum fecisse. Venationem dixerunt pub- licè exercuisse. Benedictum spiritualem patrem suum lu- mine privasse, & mox mortuum esse, Joannem Cardina- lem Subdiaconum virilibus amputatis occidisse, incendia fecisse; ense accinctum, galea & lorica indutum fuisse testati sunt. Diaboli in amorem vinum bibisse, omnes tam Cleri, quàm laici acclamarunt. In ludo alea Jo- vis, Veneris ceterorumque demonum auxilium poposcisse dixerunt. Maturinus ac canonicas horas eum non cele- brasse,



brasse, nec signo crucis se munivisse professi sunt. Deinde in capite x. de morte horribili Joannis ejusdem Papæ XII. Quadam nocte extra Romam, dum se cum cujusdam viri uxore oblectaret, in temporibus adeo à diabolo est percussus, ut intra dierum octo spatium eodem sit vulnere mortuus. Sed Eucharistia viaticum ipsius instinctu, qui eum percusserat, non percepit, quem  
 316 admodum à suis cognatis & familiaribus, qui presentes erant, persape sub attestazione audivimus. Hæc autem omnia, cum perfectè teneret Gregorius, is prudens & attentus dixisset nusquam Romanos Pontifices me-

ritis beati Petri sanctos effici. Observatio hæc ad abjudicandum Gregorio dictatum sufficeret. Tu non ignoras necesse non esse ut ostendatur, dictatum ab ingenio & moribus Gregorii abhorreere, singulos dictatus articulos Gregorii scriptis non convenire. Abunde est, si nonnulli dissentiant, uti vehementer dissentiunt. Qui dictatum Gregorio subjecit, de Gregorii doctrina nonnullis quidem articulis, sed non omnibus accommodavit. Quo pacto fraudem suam aliter patefecit. Vale, Lutetia Paris. Calend. April. ann. M. DC. LXVII.

# Joannes Launoius

## LUDOVICO MARÆSIO,

### Parisiensi Theologo.

317 **S**CIS quæ mihi causa sit, cur de fratris Vincentii Baronis exercitatione in postremam nostræ partis quintæ Epistolam ad te scribam. Sed in incipiendi ratione non tenebo te diutius. Epistolæ hujus idem erit initium, quod Epistolæ beati Hieronymi ad Marcum Celedensem Presbyterum: *Decreveram quidem, inquit, utendum mihi Psalmista voce dicentis: Cum confisteret adversum me peccator, obmutui, & humiliatus sum & filii à bonis. Et iterum: Ego verò tanquam surdus non audiebam, & tanquam mutus non aperiens os suum, & factus sum, ut homo non audiens. Sed quia charitas omnia superat & propositum vincit affectus, non tam injuriam facientibus reddo vicem, quam tibi satisfacio postulanti. Apud Christianos enim non qui patitur, ut ait quidam, sed qui facit contumeliam, miser est.* Baronis exercitationi non respondebo, quia in ea expressi ac solidi nihil est, quod justam responsionem exigit. Plena quidem sunt omnia calumniis, sed eas auctori suo ut propriam illius suppellectilem relinquo. Domesticum est instrumentum, quod illi multo minus, quam usura lucis auferretur. Vir disciplinæ apud Monachos severioris, maledicere adversario conscientia bonæ signum esse, & causam, quam agit, non nisi verborum immoderatione defendi posse arbitratur: Monachorum nomine utor, cum eo usum Sixtum V. re-  
 318 perio in sermone, quem in Consistorio IV. Nonas Septembris ann. M. D. LXXX. habuit de Henrici III. morte: Christianam religionem Baro aliter colit, quam nos colimus. Colit ille cum novis quibusdam Theologis, nos cum antiquis, de quibus apud Hieronymum mentio injicitur. Responsionis igitur loco hinc inde seligam certa quædam exercitationis momenta, quæ animadversiones nostras excipient.

#### ANIMADVERSIO I.

*Pauca de pluribus notantur mendacia, cum ad speciem operis, tum ad indicium opificis.*

**M**endacium primum est in Præfatione exercitationis pag. 370. Totis viribus Romani Pontificis primatum ita aperte invasit, ut ausus sit scribere à duobus, aliunde, quam à liberalitate Constantini, vel à conventionem cum Episcopo nescio quo Hierosolymitano, cuius ne quidem nomen extat in historiis, inita repetitum fuisse. Peccarem in lectores meos, si de Barone Monacho quærerem, quibus in Epistolis, & quibus in lu-

cubrationibus aut commentariis res tam falsas & tam insulas exaraverim, & Romani Pontificis Primatum ita deformaverim. Calumniator est impudens & stolidus, qui talia de Romani Pontificis primatu vel scripsit vel finxit. Baronem de me finxisse certum est, quia nunquam scripsisse me constat.

Mendacium secundum in articulo I. pag. 372. *Atque ut alteri satisfaciam accusationi primis Epistola verbis inserta, sciat Launoius non eo consilio à me sibi responsum, quasi quæ titulo nostra Apologia præferuntur, omnes fuscæ aut ullam ex professo partium impugnari. Impactam mihi calumniam non tam diluit, quam miserabiliter eludit. Quis quæso cognoscendi consilii, quod frater scribendo iniit, modus est alius, quam per verba ipsa, quibus scripsit, & consilium illud lectoribus exposuit? Mendacii & calumniae Baronem sic accusaveram in exordio Epistolæ: Prodiit nuper in lucem certa quadam fratris Vincentii Baronis Dominicani farrago, quæ sic inscribitur: Libri quinque Apologetici pro religione, utraque Theologia, moribus ac juribus Ordinis Prædicatorum, adversus Theophilum Raynaudis tres, totidem Petri de Alva, aliquot Epistolas Joannis Launoi, expostulationesque Carterii, aliisque. Cum & mei & veritatis amici in inscriptionem hanc conjecerunt oculos, immanem hominis istius mirati sunt audaciam. Nempe probè noverrant in Epistolis meis scripsisse me nihil, quod ad religionem, utramque Theologiam, mores ac jura Ordinis Prædicatorum attineret: Tantum abest, ut in Epistolis meis religionem, utramque Theologiam, mores ac jura Ordinis Prædicatorum lauderem. Quinetiam nonnulli sciebant è contrario, me alias cujusdam Theologicæ quæstionis confecisse historiam, in qua honor debitus & beato Thomæ & universo Prædicatorum Ordini asseritur & prædicatur. Nonne in abstergenda calumnia, quam mihi in operis sui titulo impegit, moras nescit? Nonne manifestè tergiversatur? Cæteris de eodem titulo conquerentibus sic posset satisfacere: Id est, neutiquam satisfaceret. In summa coloravit mendacium, non detexit, nec confessus est ingenuè: usque ad ededibile est, ut homo impingendis calumniis assuetus, calumniari, & ficta crimina imponere desistat.*  
 Mendacium tertium est in articulo I. paragrapho I. qui sic inscribitur pag. 373. *Launoius affectati in re sacra literaria principatus videtur suspitione laborare. Hoc est tam alienum à mente mea, quam quod alienissimum. Nec Baro ullum ex meis vel dissertationi.*

tionibus vel Epistolis vel alio commentariorum genere producit testimonium, quo impactum mihi crimen asserat. Ubinam quæso de me in re sacra literaria scribo, quæ Dominicani de se in variis rerum Ecclesiasticarum momentis venditant apud Matthæum Parisiensem in historia Angliæ ad annum m. ccxli. *Hic igitur* (Gregorii IX. & Innocentii IV. privilegiis) latificati & magnificati Predicatores varias Ecclesiarum Prælores, Episcopos, Archidiaconos Synodus sacris presidentes, ubi multi & magni viri videlicet Decani, Presbyteri, Vicarii, nec non & Ecclesiarum Rectores cum Clericis convenerant, procaciter alloquentes, indulta sibi talia privilegia in propatulo demonstrarunt, erecta cervice ea exigentes recitari, & in Ecclesiis veneranter recipi & commendari, & ad predicandum populo sine aliqua contradictione, vel in Synodis, vel in Ecclesia parochiali quasi legatos, vel etiam Dei Angelos admitti, & se ingerentes nimis impudenter cogitabant, singulos etiam saepe viros religiosos, esse confessus? Quibus si responsum fuisset, etiam a quo? Sacerdote meo? & quis ille idiota? Nunquam Theologiam audivit, nunquam in decretis vigilavit, nunquam unam questionem didicit enodare. Ceci sunt & duces cecorum: Ad nos accedite, qui novimus lepram à lepra distinguere, quibus ardua, quibus difficulta, quibus Dei secreta patuerunt. Ubinam, Deus immortalis, dixi similia, ut mihi principatum in re sacra literaria compararem? Mendacium est igitur, quod frater Baro scripsit.

Mendacium quartum est in his Paragraphi hujus primi verbis pag. 375. *Et quamvis illi non admodum quoad dogmata cum Divo Thoma conveniant, in cuius summa ut statim dicam, cuidam mihi amicissimo testatus est se nihil Christianum reperire præter secundam secundæ ab ejus sensu alienam & illi suppositam.* At istud nunquam vel scripsi vel dixi, immo ne cogitavi quidem. Nec cogitare me finit religio, qua in Epistola ad Thomam Fortinum capite 1. sic me addressingo: Hic solemne adjicio sacramentum, quo religiosè juro in beati Thomæ doctrinam omnem, quam convenienter definit à se Theologiæ Scholasticæ tradidit: Primum quidem in Prima parte quæst. 1. art. 11. Sacra doctrina est scientia, quia procedit ex principiis notis lumine superioris scientiæ, quia scilicet scientia est Dei & beatorum. Unde sicut Musica credit principia sibi tradita ab Arithmetico: ita doctrina sacra credit principia sibi revelata à Deo. Deinde in art. vii. ad secundum: Sacra doctrina utitur auctoritatibus canonicæ Scripturæ propriè ex necessitate argumentando, auctoritatibus verò aliorum Doctorum Ecclesiæ, quasi argumentando ex propriis, sed probabiliter. Innititur enim fides nostra revelationi Apostolis & Prophetis factæ, qui canonicos libros scripserunt, non autem revelationi, si quæ fuit aliis Doctoribus facta. Hæc est methodus tradendæ Theologiæ Scholasticæ, in quam juro & propter sancti Thomæ honorem non juro in aliam, quæ ab illa dissentiret. Sic apertam in lucem proditur mendacium & impostura configitur.

Mendacium quintum est in Paragrapho 11. pag. 382. Scio te inter amicos hoc scommate luisse, jure Turco, id est, fratri Othomano me Ethicam Schola nostra inscripsisse, quod tota Turcica sit, & Alcoranum speret. Sic fingit sibi mendaciorum monstra, quæ debellet. Hoc ne cogitavi quidem: Tantum abest ut proferrem: Atque ita fictum est à se vel ab alio mendacium.

Mendacium sextum est in eodem Paragrapho pag. 384. Omnes Monachos proscindis quasi palpatores Romanæ Pontificis. Non proscindo, sed laudo Petrum Damianum, cujus testimonium in prima parte Affert. Inquisit. in privilegium Sammedard. profero ex libri 1. Epistola xii. ad Alexandrum II. Præterea

duo quedam ad Apostolicam Sedem frequens usus obtrinit, quæ si prudentia vestra judicet, ut nobis videtur, omnino digna sunt corrigi: Unum, quia cunctis fere decretalibus paginis anathema subjungitur: Alterum, quia cujuslibet Ecclesiæ filius, sive Clericus sit, sive laicus, exponere propriis excessus antistitis prohibetur. Quorum primum quam sit salutis immane periculum & infinitè patens vorago labentium, ac pernicies animarum clementia vestra pietas non ignorat. Infra: Non enim secundum Stoicos omnia peccata sunt paria. Atque idcirco indifferenti sunt ultione plectenda. Infra: Quamobrem si sancta prudentia vestra placet, hunc morem de cætero à decretalibus paginis amoveri precipiat.

Non proscindo, sed laudo Juonem Carnotensem, cujus testimonium in part. 111. Affert. Inquis. in privilegium Sammed. profero ex Epistola cx. ad Paschalem II. Quoniam pro gratia nobis collata decorem Ecclesiæ Dei diligimus, multa inordinate in eadem fieri vehementer dolemus. Qui in quibusdam subditis cum quedam illicita corrigere, vel cum quosdam ad meliora promovere studemus, ipsi in stercorebus suis computrescere cupientes, literas à Sede Apostolica nescio quibus subreptionibus impetratas nobis deferunt ad palliandam malitiam suam, vel defendendam inobedientiam. Unde fit in Ecclesiâ mirabilis contemptus mandatorum Dei, & infestabilis morum corruptela, cum ibi invenit quorundam perveritas incorrupta confugium, ubi innocentia sola deberet habere præsidium. Hæc ille, qui ex Abbate sancti Quintini Bellovacensis factus est Carnotensis Episcopus.

Non proscindo, sed laudo Goffridum Vindocinensem Abbatem, cujus testimonium ibidem profero ex tractatu de ordinatione Episcoporum & de investitura laicorum: Sunt quidam, qui Romana Ecclesiâ omnia licere putant, & quasi quadam dispensatione aliter, quam divina Scriptura precipit, eam facere posse. Quicunque ergo sic sapit, desipit. Nam Romana Ecclesiâ post Petrum minimè licet, quod Petro non licuit. Petro quæ liganda erant, ligandi, & quæ solvenda solvendi, vel à Christo data potestas, non quæ liganda solvendi, est quæ erant solvenda, ligandi concessa facultas. Infra: Præterea nulla ratione fieri licet, quod Christus suo exemplo non docuit, ipse enim legem solvere non venit, sed adimplere. Romana itaque Ecclesiâ divinarum Scripturarum legem solvere non debet, sed conservare, & tradita sibi à Christo potestate non ad suam voluntatem uti, sed secundum Christi dispositionem.

Non proscindo, sed laudo beatum Bernardum Clavallensem Abbatem, cujus testimonium ibidem profero ex libri 111. de Consid. ad Eugenium III. capite 14. Miraris quorsum hæc, ignarus usque adhuc quid dicere velim. Non te tollo diutius. Mirum loquor & querimoniam Ecclesiarum. Truncari se clamant ac de membrari. Vel nulla vel paucæ admodum sunt, quæ plagam istam non doleant, aut non timeant. Quæris, quam? Subtrahuntur Abbates Episcopis, Episcopi Archiepiscopis, Archiepiscopi Patriarchis sive Primatibus? Bona ne species hæc? Mirum si excusari queat vel opus. Sic facitendo probatis vos habere plenitudinem potestatis, sed iustitia fortè non ita. Facitis hoc, quia potestis, sed utrum & debeatis, quæstio est. Honorum ac dignitatum gradus & ordines quibusque suos servare positi estis, non invadere. Infra: Tunc denique tibi licitum censeas suis Ecclesiis mutilare membris, confundere ordinem, perturbare terminos, quos posuerunt patres tui? Si iustitia est juri cuique servare suum, auferre cuiquam sua jure quomodo poteris convenire? Erras si ut summam, ita & solam institutam à Deo vestram Apostolicam potestatem existimas. Si hoc sentis, dissens ab eo, qui ait: Non est potestas nisi à Deo.

Non proscindo, sed laudo Matthæum Parisiensem Monachum, cujus testimonium ibidem profero ex historia Angliæ ad annum m. ccxli. de Fratibus Ordinis Prædicatorum: Impetrato igitur à Gregorio Papa (IX.) qui specialiter eorum fautor erat, paucis evolutis annis, inaudito privilegio, hoc etiam his temporibus

novum



novum ad primum roborandum non sine ordinariorum jactura & prajudicio à Domino Papa sunt adepti. Et cætera, quæ Baronem legisse vellem. Horreo illa describere.

Non profcindo, sed laudo Albertum Magnum, cujus testimonium in Epistola ad Christophorum Fauvæum parte III. Epistolarum nostrarum profero ex Commentario in quartum dist. XII. art. VII. Item dicitur quod hæc quæstio devoluta est ad Sedem Apostolicam, & ibi judicatum, quod spelta esset species hordei. De hordeo autem confici non potest, ergo nec de spelta. Infra: Spelta frumenti genus est, & non species grani, & habet sub se triticum, & speltam, unde spelta frumentum est, & de ipsa potest confici corpus Domini sicut de tritico. Infra: Ad aliud dicendum, quod non puto Curiam ita determinasse, & si ita determinavit, hoc fuit ex ignorantia materia grani spelta. Hic Romanam Curiam cum Apostolica Sede ex usu, ni fallor, illius temporis confundit.

Non profcindo, sed laudo beatum Thomam, cujus testimonium ut Angelicum in Epistola ad Christophorum Fauvæum, quæ est in parte I. Epistolarum nostrarum, profero ex quarto dist. XXXIV. quæst. III. art. II. Ad tertium dicendum, quod potestas Sacerdotis exceditur à potestate Episcopi, quasi à potestate alterius generis: Sed potestas Episcopi exceditur à potestate Papa, quasi à potestate ejusdem generis. Unde omnem actum Hierarchicum, quem potest facere Papa in ministratione Sacramentorum, potest facere Episcopus. Hæc Thomas, qui ut apparet Romani Pontificis primatum apprimè constituit, & ita perspicuè, ut nihil supra esse possit. Deinde ex secunda secundæ quæst. c. art. I. ad septimum: Dicendum quod Papa potest incurrere vitium simoniae, sicut & quilibet alius homo. Peccatum enim tantò in aliqua persona est gravius, quanto majorem obtinet locum, quomodo enim res Ecclesia sint ejus, ut principalis dispensatoris, non tamen sunt ejus ut domini & possessoris, & ideo si reciperet pro aliqua re spirituali pecuniam de redditibus Ecclesia alicujus, non careret vitio simoniae. Et similiter etiam posset simoniam committere recipiendo pecuniam ab aliquo laico non de bonis Ecclesia. Quis quæso secundum ista diceret beatum Thomam Romani Pontificis adulatorem esse?

Non profcindo, sed laudo Augustinum Anconitanum ex Ordine Eremitarum sancti Augustini Theologum, cujus testimonium in Epistola ad Christophorum Fauvæum profero ex Summa quæst. v. art. VI. ad secundum: Licet in quæstionibus terminandis auctoritas Papa dum est Papa, sit necessaria, cum tamen definit esse Papa per crimen hæresis, auctoritas illa remanet in Ecclesia sicut ipso mortuo. Hæc Epistola est in parte III. Epistolarum nostrarum.

Non profcindo, sed laudo Alvarum Pelagium ex Ordine Minorum Theologum, & Joannis XXII. penitentiarium, cujus testimonium ibidem profero ex libri II. de Planctu Ecclesiæ capite x. In condemnatione Papa ut dictum est, duo (testes) sufficiunt, nec in hoc privilegiatus est, imò deterius conditionis, quia ipse major sine comparatione aliorum est, & ideo sine spe venia condemnandus ut diabolus. De penit. dist. II. principium.

Non profcindo, sed laudo Dionysium Cartusianum, cujus testimonium in eadem Epistola profero ex libri I. de auctoritate Papæ & generalis Concilii art. x. Porro quod generale Concilium sit super Papam & amplioris potestatis, seu auctoritatis, quam ille, hinc apparet necessario concludendum, quoniam in generali Concilio Constantiensi hoc apertissime determinatum est. Sed & universitates seu studia quadam privilegiata in suis scriptis hoc videntur concorditer affirmare, quibus contradicere videtur penitus infecurum.

Non profcindo, sed laudo Jacobum Paradisium Cartusianum, cujus testimonium in Epistola ad Raymundum Formentinum parte IV. Epistolarum nostrarum profero

ex Collectorio de auctoritate Ecclesiæ: Si singulis membris medicina est parata, cur capiti denegatur, cum hoc magis indigeat sanatione, quam alia: Quia eo agitante omnia membra agrotare videntur? Nisi forte quis insanis ad hunc errorem prorumperet, quod diceret Papam impeccabilem & indeviabilem, quasi jam extra terminum viatorum volentes eum collocare: Non recensent Petrum primum Papam reprehensum fuisse à Paulo uno singulari, à sibi inferiore, ad Galatas II. Et Ecclesiastica historia & Speculum historiale, & certa ac indubitata experientia manifestat, eum & in fide & moribus similem esse posse ceteris peccatores ex veritabilitate liberi arbitrii nondum confirmati. Auferre igitur à Papa correctionem, imò potestatem deponendi, est maxima impietatis, & ipsum statuere in plena audacia peccandi, & per consequens furioso gladium dare ut seipsum sine resistentia interimat.

Non profcindo, sed laudo sanctum Antoninum Ordinis Prædicatorum Theologum, cujus testimonium in Epistola ad Thomam Fortinum capite XIX. part. v. Epistolarum nostrarum profero ex secunda parte Speculi hist. tit. XV. cap. III. Sed cum esset hic sceleratus Papa (Joannes XII.) & Imperatorem & omnes scandalizaret propter nefariam vitam suam, anno XXVI. ipse Ortonis collecto à tota Italia Concilio Episcoporum cum tertio esset vocatus ad respondendum de objectis sibi criminibus, & fugiens è Roma venire contemneret, eo à multis præjudicato, Leo electione omnium & consensu Imperatoris Papa substituitur. Et paulo post: Miserrimè etiam vitam finivit & impudicissimè.

Non profcindo, sed laudo Joannem Turrecrematam, cujus testimonium ibidem profero ex libri III. de summa Ecclesiæ capite LX. Quinò celebratio Conciliorum est utilis ad refranandum exorbitantias quorundam Pontificum, qui Pontificatum suum, aut spiritus sanctorum Patrum regulis pro voluntate exercent, aut simoniaca pravitate dehonestant, aut sæculi vanitate & vita scandalosa confundunt: Hujus causa congregatum legitur Concilium Episcoporum Italia Roma per Imperatorem contra Joannem XII. qui venator & lubricus publicus & incorrigibilis erat.

Non profcindo, sed laudo Hadrianum Galterum Ordinis sancti Benedicti Monachum, & Parisiensem Theologum, cujus testimonium in Epistola ad Christophorum Fauvæum parte I. Epistolarum nostrarum, profero ex tractatu de primatu Petri: Sic ergo relinquatur temerè dici, veritatique maxime contrarium, quod Summus Pontifex in nullo casu Concilio universalis sit inferior, nec minus item falsum, quod in nullo casu possit ipse deponi, praterquam in casu hæresis. Nam ipse potest esse criminiosus, aut fautor alicujus criminis, vel intolerabilis erroris tam perniciosi Reip. Christianæ, quam perniciose est hæresis, cui crimini resecando, si non possit remedium adhiberi, nisi per Summi Pontificis destitutionem, verè & realiter destituendus est.

Non profcindo, sed laudo Thomam Illyricum ex Ordine Minorum Theologum, cujus testimonium ibidem profero ex Clypeo Papali, quem adversus Lutherum edidit & Hadriano VI. nuncupavit: Casus septem secundum quosdam, in quibus Summus Pontifex, seu Papa est auferibilis ab Ecclesia de Papatu. Et quibuldam interpositis: Secundo auferibilis in casibus debilibus, & hoc per ipsam Ecclesiam, vel per Concilium generale representans eam, vel per aliquos ad hoc per eam institutos sive consentiat ipse, sive non consentiat sua cessione. Sumitur imprimis argumentum pro hoc casu, ex veritate precedenti. Nam si Vicarius sponsus potest resignare sponte ipsi Ecclesiæ, dando ei libellum repudiis, cum sponsus & sponsa non debeant quoad hoc impari jure censi, poterit similiter repudiare sponsum talem ipsa Ecclesia sponsa, dum par ratio vel potior adducitur pro ipsa contra sponsum, vel quia prostituere querit eam, quantum in se est, vel tyrannide seve tractare laniando eam, vel placitando bona sua, & dissipando, vel quia abuti conatur ea in perniciem filiorum. Nullum quippe statum,

statum, nullum gradum dignitatis, nullum ministracionis genus dedit Deus, nisi in edificacionem suam & utilitatem communem.

Non profcindo, sed laudo Gregorium Abbatem sancti Georgii Venetensis, & fratrem Thomam sacri Palatii Magistrum, qui delectorum Cardinalium & aliorum Prælatorum Concilio interfuerunt. Hi venerunt in partem eorum, quæ Concilio Paulo III. significanda esse censuit. Verba sunt: *Quibus sanctitas tua sua ad se vocatis mandavit, ut nullius aut commodi tui, aut cuiuspiam alterius habitâ ratione tibi significarem* *abusu illos, gravissimos videlicet morbos, quibus jampridem Ecclesia Dei laborat, ac præsertim hac Romana Curia, quibus effectum prope est, ut paulatim ac sensim in-* *gravescerent pestiferis his morbis magnam hanc ruinam traxerit quam videmus.* Et quoniam sanctitas tua spiritum Dei erudita probe noverat principium horum malorum inde fuisse, quod nonnulli Pontifices tui prædecessores prurientes auribus, ut inquit Apostolus Paulus, concervaverunt sibi magistros ad desideria sua, ut non ab eis discerent, quid facere deberent, sed ut eorum studio & calliditate inveniretur ratio, qua liceret id quod liberet. Inde effectum est, præterquam quod principatum omnem sequitur adulatio, ut umbra

corpus, difficillimisque semper fuit aditus veritatis ad aures Principum, quod confestim prodirent Doctores, qui docerent Pontificem esse dominum beneficiorum omnium: Ac ideo cum Dominus jure vendat id, quod suum est, necessariò sequi, in Pontificem non posse cadere simoniam. Ita quod voluntas Pontificis, qualiscunque ea fuerit, sit regula qua ejus operationes & actiones dirigantur. Ex quo proculdubio efficitur, ut quidquid libeat, id etiam liceat. Ex hoc fonte, sancte Pater, tanquam ex equo Trojano irrupere in Ecclesiam Dei tot abusus & tam gravissimi morbi, quibus nunc conspicimus eam ad desperationem ferè salutis laborasse, & mansisse harum rerum famam ad infideles usque.

Non profcindo, sed laudo Franciscum Victoriam Parisiensem ex Ordine Prædicatorum Theologum, cujus testimonium in Epistolæ ad Thomam Fortinum capite XIX. profero ex libri de potestate Papæ & Concilii propositione XXIII. Propter injustas dispensaciones, vel alia mandata insolentia, que in perniciem Ecclesie procedunt, posset convocari & congregari Concilium contra voluntatem Papæ, ut si resisteret, obviaret ejus insolentia, &c.

Non profcindo, sed laudo Clementem Monilianum ex Ordine Minorum Cardinalem, cujus testimonium in Epistola ad Christophorum Fauvæum parte prima Epistolarum nostrarum, profero ex Compendio Theologicarum institutionum capite XIX. Conciliorum celebratio valet ad quinque. Et quibuscumque interpositis:

Quarid (valet) ad refranandum exorbitantias quorundam Pontificum, qui minus sacrum, aut spretis sanctorum Patrum regulis pro voluntate exercent, aut simoniaca pravitate debonestant, aut sæculi vanitate, aut vita scandalosa confundunt. Hujus causa congregatum legitur Concilium Episcoporum Italia Roma per Imperatorem, contra Joannem Papam XII. qui venator & lubricus publicus erat & incorrigibilis.

Non profcindo, sed laudo Michaëlem ex Ordine Prædicatorum Cardinalium Alexandrinum, qui Theologicas Moniliani Institutiones approbavit, & approbando suas fecit, nec approbationem rescidit factus Pontifex Pius V.

Non profcinderem, sed laudarem Michaëlem Cæsenatensem Ministrum Generalem Ordinis Minorum, qui suis in literis ad Regem Romanorum, & Alemanniæ Principes hæc scribit sub finem: Ego secundum formam juris & canonicas sanctiones ab ipso (Joanne XXII.) sicut ab hæretico appellavi legitimè ad sacrosanctam matrem Romanam & universalem Ecclesiam, & generale Concilium, quod in fide & moribus præest Papa sicut superior, eo quod Papa quicumque errare potest in

fide & moribus: Sicut plures Rom. Pontifices exciderunt à fide.

Non profcinderem, sed laudarem Durandum Parisiensem ex Ordine Prædicatorum Theologum, & sacri Palatii Magistrum, qui in quartum sent. dist. VII. quæst. IV. scribit ad primum sub finem: *Nescio cur dici non possit, quod Gregorius cum fuerit homo & non Deus, potuerit errare.* Tum dist. XIII. quæst. II. *Quod autem dicitur de Innocentio qui videtur approbasse illam consuetudinem, (Qua Presbyteri Cardinales circumstant Rom. Pont. & cum eo pariter celebrant) potest dici, quod approbat ut Doctor, non ut Papa, nec doctrina sua tenetur ab omnibus.* Nec Ecclesia Romana tenet illud, quod ipse dicit de Presbyteris Cardinalibus celebrantibus cum Papa: Et si fiebat tempore suo, nunc tamen non sit, quia visum est periculum posse contingere in tali celebratione. Imò vix fieret, quin periculum contingeret, & ideo illa consuetudo abolita est, sicut nobis constat, qui in Curia Romana longo tempore sterimus, & adhuc ibi sumus, & missis Summorum Pontificum interfuimus, in quibus illa consuetudo nunquam fuit observata, & si observaretur, non esset necessarium, quod bene fieret, quia secundum Hieronymum non quod sit Roma, sed quod fieri debet, attendendum est.

Non profcinderem, sed laudarem Paulum Langium Bozawiensem Monachum, qui de Bonifacio IX. scribit hæc in Citizenfi Chronico: Anno Domini M. CCCCIV. Bonifacius Summus Pontifex diem clausit extremum, qui primus annatam beneficiis Ecclesiasticis imposuit, ut beneficium adeptus dimidium annui proventus Apostolico solveret fisco, qui per multas fecit pro pecunia exemptiones in perpetuum malum Ecclesie, per hujusmodi quippe obedientie bonum dirimitur, & corpus Ecclesie militantis confunditur & dissipatur. Quare sancti tales exemptiones valide reprehendunt. Quemadmodum & beatus ac mellifluus Bernardus in libro de Confid. ad Eugenium Sum. Pontificem alloquens ita inter alia fatuit: *Audi murmur & querimonias Ecclesiarum.* Et post recitatum beati Bernardi testimonium subjicit: *Hinc liquet, quod ubi causa sufficiens non est dispensationis, ille cum quo dispensatur, quantum ad Deum tutus non est, etiam si Papa dispense.* Ut notatur extrâ de voto & voto red. Non est in glossa, si causa subest. Facilius ergo & curialius cum sua dispensatione vadit in gehennam secundum Ostiensem. Quadrat etiam supra narratis Cancellarius Parisiensis, Gerson videlicet ipse Christianissimus Doctor, in fine libelli Theologicarum conclusionum inquit: *Papa non potest pervertere ordinem Hierarchicum universalis Ecclesie. Quin in multis casibus liceret eidem resistere in facie & dicere: Cur ita facis, utpote in exemptionibus manifestè nocivis, & si Prælatos & Ecclesias sibi subditas onerare sumptibus intolerabilibus & libertatibus penitus spoliare vellet.*

Non profcinderem, sed laudarem Claudium Sanctesium Parisiensem ex Ord. Canonicorum regularium Theologum, qui in Epistola ad Claudium Espenacum Parisiensem quoque Theologum, sic è Trident. Concilio scribit, ann. M.D. LXII. XVII. Cal. Julii: *Si Galli huc non venissent, conjectura non levi ducor ad cogitandum, transacta fuisse multa veritati & Ecclesiastica antiquitati contraria. Te, Domine, ad me rescribas rogo, num gratum acceptumque habeas, ut Papa definatur, appelleturque Pastor universalis Ecclesie, habens plenam potestatem regendi, & pascendi universalem Ecclesiam.* Hic norimus Pontifices nonnullos sic locutos esse, idque in bonam partem ac sensum accipi posse. Sed questio est, utrum id in tam celebri Concilio quale est istud, determinandum sit, ne inde colligi possit, Papam supra Concilium esse, quod quidam colligi posse contendunt. Quæ ex Gallico in Latinum vertimus.

Hæc habui ex variorum Ordinum, & præsertim beati Dominici Monachis, quæ hinc innocentiam meam demonstrarent, & inde Baronis mendacium in oculis omnium defigerent.

Men-



Mendacium septimum est in paragrapho 111. ubi sic scribit pag. 385. Summo terrore egit ut timeretur, & minis tentavit, me à suscepto consilio & labore deterrere. Non modò purum putum est mendacium hoc, sed etiam incredibile. Is enim non sum qui timeri possim, sed Baro timeri potest, quia frater est fratris Bernardi de Montepolitiano, & fratrum aliorum trium, quos ille bene novit, & nos Galli bene novimus omnes, & detestamur.

Octavum & repetitum mendacium est in eodem Paragrapho, ubi scribit: Non dubitavi mihi amicissimo dicere, nulla silentii fide petita, imò eo consilio, ut ad me referret, in Divi Thomæ Summa Theologica nihil exstare Christiani, nisi secundam secundam, quam hoc nomine quod aliquid Christiani habeat, in argumentum assumebat, esse opus alienum & alteri inscribendum. Et hoc fabrefactum est in officina diaboli mendacium, quod supra depulsum est. Præterea beati Thomæ secundam secundam frequenter laudo in Epistolis meis, nec laudarem, si illius non esse crederem. Scio quidem à Bellarmino & aliis observatum in secunda secundam reperiri multa, quæ apud Vincentium Bellovacensem reperiuntur: Sed illud meo iudicio non obstat, quominus secunda secundam beato Thomæ rectè adscribatur. Cui rei sufficiunt duo,

336 Thomam Vincentii vel aliorum, commentariis, quos in usus suos derivavit addidisse pleraque, & iis formam dedisse, & de certa docendi discendique methodo accommodasse. Quas Apelles pingebat tabellas, Apellis dicebantur, non Praxitelis, etiam si Apelles multa cum Praxitele & aliis pictoribus haberet communia, penicillum, telam, colorum materiam, cetera, quæ aliunde quærentur.

Nunc indico Epistolas in quibus ex secunda secundam auctoritates repeto: Epistolam priorem ad Antonium Faurum in parte prima Epistolarum nostrarum. Deinde Epistola ad Christophorum Fauvæum in eadem parte prima Epistolarum. Tum Epistolam ad eundem Fauvæum in parte 111. Epistolarum nostrarum; Postremo Epistolam ad Jacobum Bevilacqua in parte v. Epistolarum nostrarum. Ex his autem omnibus amuletum conficitur etiam, adversus Satanam potentissimum, quo paragraphus totus extinguitur.

Mendacium nonum est in paragrapho 1v. pag. 395. quacunque de ficto Dionysio disputavit. De ficto Dionysio disputavi nusquam. Alium esse Parisiensem Dionysium ab Arcopagita disputavi. Hunc Athenarum fuisse Episcopum & ibi martyrium fecisse scripsi, illum imperante Decio Roma venisse in Galliam, & primum Parisiorum antistitem fuisse: De ficto autem Dionysio in scriptis meis nihil cuiquam occurret.

Mendacium decimum est in articulo 11. pag. 102. Primatum Petri passim verbis tenus astruit, factis procul, 337 imò totis viribus evertit, quod passim cum ex aliis argumentis, tum maxime ex ejus silentio licet agnoscere. Non fileo, sed palam loquor in Epistola ad Thomam Fortinum capite xv 11. ubi enim Petri seu Papæ primatum recipio & profiteor, quem Constantiensis Concilium & Martinus V. contra hæreticos vindicant. Deinde non fileo, sed palam in Epistola ad Felicem Philippæum Brossam, ubi non solum admitto primatum Romani Pontificis, sed etiam mordicus te neo modum illum, modum planè divinum, quem Florentina Synodus ad dignoscendum Pontificiæ dignitatis usum legitimum præscribit. Hæc autem Epistola est in parte v. Epistolarum nostrarum. At Frater novas Curialium adulatorum opiniones secutus primatui superponit tria; Pontificem in fide & moribus errare non posse, generali Concilio superiorem esse, & Principes ditionibus & regnis suis privare posse; quæ ego Romanæ Ecclesiæ, & Sedis Apostolicæ traditionem secutus primatui non superpono, & quia non superpono, primatum evertere me dicit. En sincerum Baronis ingenium!

Mendacium undecimum est in eadem pagina & materia, ubi ait me scripsisse, Syricii epistolam tot habere fulmina, quot verba, quibus Romanus Pontifex à primatu deiciatur. Nusquam dixi vel scripsi, quibus à primatu deiciatur: Sed dixi, quibus evertitur opinio nonnullorum Curialium Magistrorum, qui Romanum Pontificem super Concilium statuunt. Sed quoniam Baro putat primatum illum stare non posse, nisi supra Concilium extollatur Pontifex, nos Pontificem de primatu deicere mentitur: Ergo Siricius deiecit, Martinus V. deiecit, & Constantiensis Concilium, & Parisiensis nostra Theologiæ Facultas. 338

Mendacium duodecimum est in articulo 11. paragrapho 111. pag. 412. Launoius sic omnia subducit, aut fictilia inclamat, ut non dubitaverit scribere quod semel à me objectum dissimulavit, Leonem nonum & Nicolaum primum, ita omnium præsidiorum, quibus auctoritas Pontificia muniatur, ignaros, ut omnis consilii inopes non habuerint, unde hanc suam auctoritatem mendicarent, quàm à Constantini gratia, vel abdicatione Polychronii fictitii Heeropolymorum antistitis. Tam luculentum est hoc mendacium quàm quod luculentissimum. Expectanda non est assertionis falsæ probatio, quæ reperiatur nusquam. Affirmatè tamen dicit, me non dubitasse illud scribere. Sed descriptionis locus ubinam est, nisi in officina Satanæ, quæ apud Baronem patet?

Mendacium decimumtertium est ibidem pag. 413. Esto apud Gallos, pleni Concilii auctoritatem non obtineat Florentinum Concilium, quod obtrudit Launoius, ut sibi liceat ab illo dissentire. Nescio an legi vel audiri possit unquam mendacium vel putidius vel stolidius: Ubique & undecunque me recipio ad Florentinum Concilium, sive ut probem Romanum Pontificem inferiorem esse Concilio, sive ut exercendæ Pontificiæ auctoritatis modum legitimum disquiram, & disquisitum asseram. Utrumque penitus liquet ex Epistola ad Christophorum Fauvæum in parte prima Epistolarum nostrarum. Prætereo reliquas Epistolas. Hac de re jam supra. Sed post mendacia duo superiora præ me fero nullum esse seu dictum seu dicendum ab impostore ullo mendacium, quod religiosus frater Baro in suos commentarios jacere non possit. 339

Mendacium decimumquartum est in ejusdem articulo paragrapho v. pag. 428. Rogo, inquit, lectorem decurrat hac plagia Cajetano objectâ, & præter observatam morositatem Launoi comperit nihil à Cajetano sanctis Patribus assigni, quod alii vel ipsimet suis libris non scripserint. Ego plagii Cajetanum neutiquam acuso, sed malæ tantum fidei in citandis auctoribus, & cum primis Augustino ut cæteros omittam. Cajetanus Augustinum ita citat: Augustinus in 11. libro de doctrina Christiana non longè versus principium decretales Epistolas Apostolica Sedis inter canonicas habendas scripturas censet. In canonicis scripturis Ecclesiarum Catholicarum quamplurimum divinarum Scripturarum solertissimus indagator auctoritatem sequatur, inter quas sanè illa sint, quas Apostolica Sedes habere, & ab ea alii mernerunt accipere Epistolas. Contendit, ut apparet, Frater Baro, id quod Augustino Cajetanus assignit, decretales nempe Sedis Apostolicæ Epistolas inter canonicas habendas esse Scripturas, vel Augustinum ipsummet, vel Patres alios scripsisse. Quæ in mentiendò confidentia? Augustinus scribit, quod ab eo scriptum (ajetanus ait) Hoc tantum dicit Augustinus in libri 11. de doctrina Christiana capite v 11. Erit igitur divinarum Scripturarum solertissimus indagator, qui primò totas legerit, notâsq; habuerit, & si nondum intellectu, jam tamen lectione duntaxat eas, quæ appellantur canonicæ. Nam cæteras securius leget fide veritatis instructus, ne præoccupent imbecillum animum, & periculosos mendaciis atque phantasmatibus eludentes præjudicent aliquid contra sanam intelligentiam. In canonicis autem scripturis Ecclesiarum Catholicarum quamplurimum auctoritatem sequatur, inter quas sanè 340

sane illa sunt, quæ Apostolicas Sedes habere & Epistolas accipere meruerunt. Id est Sedes illæ seu Ecclesiæ, quæ Apostolorum, & præsertim Petri vel Pauli Epistolas accipere meruerunt. Siccine Augustinus decretales Sedis Apostolicæ epistolas Scripturis canonicis accenset, ut Baro contendit? Deinde audiendus est iterum Augustinus in epistolæ XIX. ad Hieronymum capite I. *Ego fateor charitati tuæ, solis eis Scripturarum libris, qui jam Canonici appellantur, didici hunc timorem honoris deferre, ut nullum eorum auctorem scribendo aliquid errasse firmissimè credam. At si quid in eis offendero literis, quod videatur contrarium veritati, nihil aliud, quam mendosum esse codicem, vel interpretem non affectum esse, quod dictum est, vel minime non ambigam: Alios autem ita lego, ut quantalibet sanctitate doctrinæque præpollent, non ideo verum putem, quia ipsi ita senserunt: Sed quia mihi vel per illos auctores canonicos, vel probabili ratione, quod à vero non abhorreat, persuadere potuerunt. Cum igitur Augustinus tantum inter canonicas Scripturas, & quorumlibet sanctorum hominum libros discriminis constituat, fieri non potest, ut decretales Sedis Apostolicæ Epistolas scripturis canonicis accensuerit. Cæteros appellat Patres Frater, sed nullus reperietur unquam, qui decretales illas inter libros canonicos habendas esse scripserit, ut iste scripserit dicit. Porro autem mendacium hoc non contra me tantum est, sed etiam contra Catholicam Ecclesiam, quæ decretales Sedis Apostolicæ Epistolas pro canonicis scripturis non agnoscit.*

Mendacium decimumquintum est in ejusdem articuli paragrapho VI. pag. 434. *Launius non solum de primatu Petri, sed etiam de controversiis Augustini cum Pelagianis, de Confessionis Sacramento singulares, nec admodum tuas opiniones sectatur. Si hoc ex meis scriptionibus probari posset, non esset mendacium, sed quia probari non potest, mendacium est, impostura est, à mendaciorum omnium patre derivata.*

Mendacium decimumsextum est simile in confessionibus verbis: *Is affectatis opinionibus non desinit gloriari se de tota Ecclesia bene meritum, sibi que præ cæteris Theologi titulum deberi.* Mendacium hoc Baroni suggeritur ab eo, qui præcedentia suggessit. Temerariæ assertionis in operibus meis, quia nec vola, nec vestigium, sponforem prædemque faciet virum quendam sibi amicissimum: Albúne sit vel ater, Deus scelerum omnium ultor novit, Frater dicturus est nunquam, & nullus coram affirmaturus est unquam.

Mendacium decimumseptimum est paulo post pag. 436. *Me Pontificum auctoritatem sublato omnis juris divini discrimine Curatis & Sacerdotibus quibusque exequare. Sed quo in opere, quibus in dissertationibus vel Epistolis, id scribo, nec significat nec significare potest. Quod à me non est factum, quis ut factum ostenderet. Quinetiam in dissertatione de vera notione plenarii apud Augustinum Concilii, cap. III. recito & amplector, quæ Constantienſe Concilium & Martinus V. redeunt ab hæresi damnata credendum hac de re præscribunt: Item utrum credat, quod Papa electus, qui pro tempore fuerit, ejus nomine proprio expresso sit successor beati Petri habens supremam potestatem in Ecclesia. Item utrum credat auctoritatem jurisdictionis Papæ, Archiepiscopi & Episcopi in solvendo & ligando esse majorem auctoritate simplicis Sacerdotis, etiamsi curam animarum habeat.*

Deinde in Epistola ad Christophorum Fauvæum part. III. Epistolarum nostrarum refero & amplector Tridentini Concilii decretum istud: *Si quis dixerit in Ecclesia Catholica non esse Hierarchiam divinam ordinationem institutam, qua constat ex Episcopis, Presbyteris & ministris, anathema sit.* Nonne Presbyteri discernuntur hic ab Episcopis, quorum nomine Ro-

manus Pontifex in Hierarchiæ definitionem venit, nisi Baro velit Romanum Pontificem ad definitam à Concilio Hierarchiam nihil attinere. Sed velit nolit, captus est.

Mendacium decimumoctavum est in articuli III. pag. 443. ubi sibi sumit operum Pii II. editiones, quæ Henricipetrinam editionem anni M. DLXXI. præcesserunt, ex Catholicorum officina prodisse, quod falsum est. Nam opera Pii Bahicæ impressa fuerunt anno M. DLI. in Henricipetrina typographia, ubi nomen Doctoribus, non habetur, sed detractoribus, etiamli tunc Basileensis Bibliopola seorsum à Catholicis per religionem sentiret. Sed nomen detractoribus, in editione anni M. DLXXI. sublatum est opera recuperatorum codicum manuscriptorum, & conjecturarum, quæ ex capitibus à me notatis capi poterint. Mentitur hic egregiè, ut inde calumniandi causam arripiat.

Mendacium decimumnonum est in eodem paragrapho pag. 444. ubi ait, *me in gratiam hæreticorum pugnare: Nimirum quia objicio Stephani Papæ I. & Pii V. decreta, quibus vetatur Baptismi hæreticorum iteratio.*

Mendacium vigesimum est in eodem paragrapho II. pag. 447. *Id, inquit, præ te fers Augustinum controversiis de prædestinatione, & auxiliis gratia contra Pelagianos à perpetua traditione Ecclesiæ longissimè abductum fuisse. Hoc nunquam dixi aut scripsi, nec fieri potest, ut à me vel dictum aut scriptum probetur. Non alius præter spiritum nequam Baroni mendacium hoc insuffuravit.*

Mendacium vigesimumprimum est in paragrapho ultimo pag. 461. *Quis verò excuset in controversiis de primatu Petri interpretationes Patrum in verba, quibus ipse Christus spondet, aut tradit Ecclesiæ regimen ad sensum moralem aut allegoricum sensum institutas ob torto collo ad literalem sensum trahere, & pro unico & genuino velle nos habere? Hoc mendacium in eadem Satanæ reperitur officina, quæ superiora mendacia produxit. Idque ita se habere perspicue docet Epistolarum nostrarum lectio. Hæc pauca de infinitis mendaciis & convitiis, quibus Baronis exercitatio & exercitatiois paragraphi singuli non tam implentur, quam obruuntur.*

## ANIMADVERSIO II.

*In dicendis mendaciis superioribus consilium suum Baro exponit.*

CUM in articuli I. paragrapho III. sic scribit: *Non dubito, quin Launius, & qui illum quasi maximum nostri sæculi lumen admirantur, hanc primam nostram impressionem ægerrimè ferant, quasi inculpate tutele metas exceßerim. Fateor si meam tantum privatam causam agerem, me vix justam damnationem evasurum. Sed sciat lector in me peti Divum Thomam. Nam cum ejus ethicæ sit interpretatus, non possum accusari prodite disciplinæ Christianæ & permixtæ cum ethnica & Judaica. In his autem verbis sunt tria, quæ diligenter curioseque observentur. Primum est, Baronem ob ea mendacia, quæ animadversione superiori retulimus, se justam damnationem vix evasurum, si privata illius causa tantum ageretur. Alterum, ob ea mendacia, quæ animadversione superiori retulimus, se justam damnationem evasurum, si beati Thomæ causa consideretur. Tertium, se non posse prodite disciplinæ Christianæ & permixtæ cum ethnica & Judaica accusari, quod beati Thomæ ethicæ sit tantum interpretatus.*

In primo fatentem habemus reum, nec habemus aliter, nisi quia mortalem disciplinam à Christo præscriptam & à beato Paulo inculcatam minime servavit. A Christo quidem præscriptam apud Matthæum capite V. *Audivistis, quia dictum est: Diliges proximum tuum,*



odii habebis inimicum tuum: Ego autem dico vobis, diligite inimicos vestros. A Paulo verò inculcatam in Epistolæ ad Romanos capite XII. Nolite esse prudentes apud vosmetipsos, nulli malum pro malo reddentes, providentes bona non tantum coram Deo, sed etiam coram omnibus hominibus, si fieri potest, quod ex vobis est, cum omnibus hominibus pacem habentes, non vosmetipsos defendentes charissimi: Sed date locum ira: Scriptum est enim, mihi vindictam, ego retribuam, dicit Dominus. Sed si esurierit inimicus tuus, ciba illum; si sitit, potum da illi. Hoc enim faciens, carbonem ignis congeres super caput ejus. Noli vinci à malo, sed vince in bono malum.

In altero, ut beatus defendatur Thomas, sibi sumit Baro, servandam non esse amplius moralem disciplinam, quam Christus & Apostolus docent. Sed vide, quas in angustias beati Thomæ redigatur defensio, quem acculatum esse falsò supponit? O quam misera est Barone arbitro Doctoris sancti causa, si defendi non possit, nisi posthabitis Christi & beati Pauli regulis, & sublata differentia, quæ inter Christianorum, & Gentilium, ac Judæorum Ethicam intercedit! Siccine beatum Paulum audit in Epistolæ ad Ephesios capite IV. scribentem: Jam non sumus parvuli fluctuantes, & circumferamur omni vento doctrinæ in nequitia hominum, ad circumventionem erroris?

In tertio dum Frater Ethicam suam cum beati Thomæ Ethica conjungit, Doctori sancto non mediocrem facit injuriam. Etenim cum residuo conscientie ductus, & rei veritate impulsus fatetur ob Ethicam, quæ in exercitatione verbo & exemplo traditur, justam se damnationem evadere vix posse, beati Thomæ Ethica justam damnationem evadere vix posset. Quis istud animo æquo sustineat? Cominus accedo. Nonne Moralis illa disciplina, quam beatus Thomas convenienter definit à se Theologiæ docet, omnino discrepat ab illa Morali disciplina, quam Frater spreta beati Thomæ definitione Theologiæ docet? Ubinam in Fratris hujus Ethica reperitur usus doctrinæ sacræ, quam beatus Thomas in prima parte quæst. I. art. II. sic definit? *Sacra doctrina est scientia, quia procedit ex principiis notis lumine superioris scientiæ: Quæ scilicet scientia est Dei & beatorum: Unde sicut Musica credit principia sibi tradita ab Arithmetico: Ita doctrina sacra credit principia sibi revelata à Deo.* Ubinam apparet, quod in art. VII. ad secundum docet? *Sacra doctrina nititur auctoritatibus canonicæ Scripturæ propriè ex necessitate argumentando, auctoritatibus verò aliorum Doctorum Ecclesiæ, quasi argumentando ex propriis, sed probabiliter.* Immititur enim fides revelationi Apostolis & Prophetis facta, qui canonicos libros scripserunt, non autem revelationi, siquæ fuit aliis Doctoribus facta. Sic Thomas, non sic Baro: quia in morali Baronis disciplina ad usum redacta neutiquam reperitur Theologiæ definitio hæc, & eam ob causam manifestè liquet, Baronis Ethicam à beati Thomæ Ethica mirum quantum sejungi & abhorere. Quod cum perspicerem, Baronem ea de re monueram in exordio nostræ ad Thomam Fortinum Epistolæ: In libris quos de morali Christianorum disciplina adversus corruptores illius edidit, sacra eruditio nulla, Ecclesiastica eruditio nulla comparet. In rebus quas decedit, Scripturarum auctoritati, Conciliorum canonibus, Pontificum decretis, sanctorum Patrum testimoniis, Ecclesiasticæ traditioni nihil tribuit: Sed omnia humanis & philosophicis subjicit rationibus, quæ quia conjecturas oppositas non superant, legem nullam imponunt agendi sic, vel aliter agendi licentiam dant, & impunitatem. Moralem Christianorum disciplinam ita tractare prodidisse est. Nullam illa præ se fert differentiam, qua fecerni à Judæorum & Gentilium ethica, inter noscique possit, etiam adhibita diligentia. Hoc ipsum viri bonitate doctrinaque præstantes mecum notaverant, & quia Baronis amici, graviter dolebant, ac de opere imperfecto conquerebantur; quippe quod nullam

ex objecto suo, scripturis & traditione Patrum repetere differentiam.

Monueram verò, non quòd starem à corruptorum, quos impugnare partibus, sed ut libros revocaret ad examen privatum, eosque tandem per Scripturas, & sanctorum Patrum traditionem, à Judæorum & Gentilium Ethica distingueret. Moralis enim Christianorum disciplina, si verè Christianorum est, speciem suam ac naturam ex Scripturis, & Patrum traditione totam arcessit. Moralis Judæorum disciplina inimicorum odium & Gentilium vindictam permittit. Christianorum utrumque prohibet. Ad hæc cum sanctus Thomas definiit Theologiam, constituerat sibi ante oculos, opinor, Gregorium IX. qui de tradenda Theologia ad Parisienses Magistros ita scribit: *Magistri verò & Scholares Theologiæ in Facultate, quam profitentur, se studeant laudabiliter exercere, nec Philosophos se ostentem, sed satagam fieri Theodidacti, nec loquantur in lingua populis linguam Hebræam cum asonica confundentes; sed de illis tantum questionibus disputare, quæ per libros Theologicos & sanctorum Patrum tractatus valeant terminari.* Theologicos libros, quorum meminit Gregorius, Scripturam sacram Thomas interpretatur.

Cæterum si Baro productis è sancto Thoma testimoniis conficiat, Doctorem tantum in ea fuisse sententia, ut crederet, communem seu privatam cujusque viri etiam sanctissimi causam ea defendi posse ratione, qua defendendam esse Frater asserit, facile patiar, illius Ethicam cum beati Thomæ Ethica conjungi. In facti hujus quæstione errare me fatebor ingenuè; sin minus ille fateatur pari modo errare se, dum Ethicam suam cum sancti Thomæ Ethica conjungit. B. Thomas cum adversus Græcorum errores scripsit, Græcæne probris, dictis petulantibus, contumeliis & nefariis figmentis lacescit? Publicam tunc causam agebat. Cum librum contra impugnantes religionem exaravit, hausitne de triviis compositilibus convitia, quibus religiosorum ordinum institutos proscinderet? Publicam, ni fallor, causam agebat. Cum splendor contra Gentiles commentarios edidit, in eos ne verborum dehonestamenta, tanquam saxa conjecit? Communem, ut apparet, causam agebat.

Ratum igitur fixumque maneat, aliam esse Doctoris sancti Ethicam, aliam Baronis, & hanc à Judaica & Gentili Ethica non sejungi, in qua inimicorum odium & vindicta permittantur & exercentur. Utinam aliquando sejungatur. Porro dum ita loquor, ad mentem Fratris Baronis, qui me pro inimico ducit, loquor. Nullam illi causam dedi, cur tam apertas & tam atroces mecum inimicitias gereret. Sed scrutator cordium Deus permisit, ut meum de morali disciplina sua judicium confirmaret, definitam à beato Thoma sacram doctrinam posthaberet, & illius in scribendo contra Græcorum errores, religionis oppugnatores, & Gentiles exemplum abjiceret. Et sic non est dignus præceptore tanto discipulus. Corruptæ inter Christianos morales disciplinæ principium illud in se recepit, quo licere putant ad famæ conservationem quæcunque crimina fingi posse etiam atrocissima, quæ adversariis imponantur.

Nunc referenda sunt perniciofa morales disciplinæ dogmata, ex quibus disputandi principium sibi fecit. Illa sunt omnino, quæ nostra Facultas Theologiæ damnavit anno M. DCLXV. III. Nonas Februarii.

Propositiones excerptæ ex libro Amadai Guimenis, &c. De homicidio pag. 87. num. 3. Eum, qui imponit falsum testimonium alicui, ut suam justitiam & honorem defendat, non peccare mortaliter. Cur ergo peccabit ex eo, quod convicianti dicat, Mentiris, & quidem si pro defensione honoris licet alterum occidere, cur non & vocare mendacem? pag. 98. Credo quòd per injuriam per.

percutus possit statim repercutere, etiamsi invasor non deberet ultra progredi, sed ad vitandam ignominiam & dedecus posset, qui colaphum accepit, gladio statim repercutere, non ad sumendam vindictam, sed ad vitandam infamiam.

Pag. 94. num. 1. Potest etiam interfici, qui virum aliquem honoratum conviciis & maledictis afficit, nec potest aliter cogi ut taceat. Talis enim est invasor honoris.

Num. 2. Respondeo esse cuiusdam licitum prædictum injuriantem & detrahentem notabiliter famam alterius clam occidere, si nulla alia via talis fama lesionem evitare queat. In praxi tamen difficile est hoc modo defensionis uri, &c.

### CENSURA.

*Haec propositiones sunt falsa, scandalosa, & respectivè pietati, charitati & iustitiæ contraria, vindictæ & crudelitati viam aperientes.*

Ex his ergo perniciosis dogmatibus tractandi principium sibi sumpsit Baro, ut tot proferret mendacia, quot in superiori animadversione protulit, ut me atrociter calumniaretur, ratus famam & honorem suum, quem læsum esse iudicat, non aliter defendi posse. Quo ex capite duntaxat illum inclementioris stili & manus virum appellavi. Sed verba hæc aliter interpretari, & aliò flectere voluit, & fortasse potuit: Quia

*Consciis ipse sibi de se putat omnia dici.*

Interpretationem illius nec probo nec improbo. Eventus probabit. Sed interim Deum Opt. Max. obsecro & obtestor, ne homo perversis infectus disciplinis id tandem perpetret, quod iuste timeri potest. Siquidem perspicimus Baronem damnasse libros, quorum doctrinam scribendo amplectitur. Prætereo domestica exempla & dogmata, & Romanæ Inquisitionis censuras, quæ apud illum magni sunt ponderis.

### ANIMADVERSIO III.

*Frater Baro in Alexandrum VII. R. P. contumeliosus.*

SEipsum prodit in exercitationis suæ principio, pag. 369. cum ita scribit: Ego quidem quandiu per res nostras & per scholæ ac familia nostra amulos licuit, à scribendo semper abhorui, & maximam vitæ partem silentio transégi, nec amicorum consiliis, aut etiam majorum monitis eo propelli potuissim, nisi adactus fuissim quadam velut à cælo delapsa, qui nunc sedet, Summi Pontificis vocem. Prodierat in nostros homines liber atrocissimus, eo, ut creditur, auctore, qui Epistola quadam ad amicum gloriatur se exercitissimum in consutandis bambalionibus. Is verò qui credebatur in eadem officina cusus contra Dominicanos liber, ita optimo Pontifici visus est nos iniquè habuisse, ut addiderit omnino ab aliquo à nostris refusandum, quamvis responsio prohibitionis periculo non careret. Ego verò, qui aliis suadentibus ac ferè præcipientibus libelli examen, morem gerere recusaveram, huic veluti oraculo obistere non potui. His in verbis animadvertenda sunt duo: Primum, quid Frater Alexandro VII. tribuat: Deinde id, quod tribuit, quomodo tribuat. Hoc igitur tribuit, refutandum esse librum contra Dominicanos editum, quamvis refutatio, seu, ut ait, responsio prohibitionis periculo caritura non esset. Deinde istud eo modo tribuit, ut Pontificis vox è cælo delapsa videatur. Sic Alexandri VII. pronuntiatum est, quod è cælo, quod è Petri cathedra delabitur, Theophili Raynaudi Diatribis respondendum esse, quamvis responsio prohibitionis periculo caritura non esset. Et quoniam pronuntiatum hoc Alexandro VII. injuriosum est, mea

me in Romanum Pontificem impellit pietas, ut credam, Baronem pudore omni deposito mentiri. Quis enim unquam in animum induceret suum, Pontificem accuratæ circumspeditionis virum, id dedisse consilii, quod tam pravum, tamque à Christiana simplicitate alienum est. Hoc est igitur improbi hominis mendacium, quod Frater Alexandro VII. turpiter affingit. Ego, inquit Pontifex apud Baronem, sum auctor & suavor, ut Dominicanorum aliquis libro Theophili Raynaudi respondeat, etiamsi responsio prohibitionis periculo caritura non sit, id est etiamsi ab Romanis Inquisitoribus damnetur.

Tum si dixisse se, quod Baro narrat, Pontifex conveniret, imprudentis & malè in Alexandrum VII. affecti Fratris est tam audacter narrasse quod narravit. Etenim narratio hæc, quæ cordatorum atque eruditorum hominum animis & auribus absona est, Pontificem ludibrio & contemptui hæreticorum omnium exponit. Quod Alexander privatim, nec, ut apparet, satis meditatè dixit, non ea dixisse mente, ut publicis inferretur commentariis, & tanquam solum divinitus oraculum posteritati serviret. Et sanè mihi videtur in tantum lædi Pontifex, in quantum lædi potest, aut nisi lædatur, Romanæ Inquisitionis Index egregiè fugillatur: *Quadam velut è cælo delapsa, qui nunc sedet, Summi Pontificis voce*, Baronis verba sunt, quibus Alexander in altum tollitur, quò lapsu graviore concidat, vel ut Romani censores irrideantur ac spernantur, ut in plerisque profectò irrideri ac sperni merentur. Atque eò merentur magis, quòd Baronis exercitationem non adscribant Indici, saltè usque dum corrigatur.

### ANIMADVERSIO IV.

*Frater Baro Romanæ Inquisitionis censuras nunc parvi, nunc magni pendit.*

EXempla sunt duo, quibus Romanæ Inquisitionis censuras parvipendit. Unum est, quod in superiori animadversione declaratum est. Nam ibi vidimus auctore & suavore Alexandro VII. componi posse librum etiamsi prohibitionis periculo cariturus non sit: In Theophili Raynaudi officina cusus contra Dominicanos liber ita optimo Pontifici visus est nos iniquè habuisse, ut addiderit omnino ab aliquo à nostris refusandum, quamvis responsio prohibitionis periculo non careret. Romanus Pontifex non consulere, ut liber talis ederet, nec illum Frater ederet, si uterque Romanæ Inquisitionis prohibitionem & indicem magno in pretio haberet.

Alterum est in lib. IV. sect. III. art. II. Verba sunt Baronis: P. Combesium quinto loco aggredieris Theophile, ac per plures paginas verberas acerbissimè ob quadam verba, in re probabili liberius contra Baronium dicta, quorum causam totis viribus versas, quasi de summa Reip. Christiane ageretur. Verum est in historia Monothelitarum à Combesio conscripta aliqua duriora contra Cardinalem Baronium. Et quibusdam interpositis: At in Combesio nihil desiderari nec diligentiam, nec eruditionem, nec fidem; ob illa in Cardinalem Baronium à Combesio durius dicta jam est prohibita à sacra Congregatione historia Monothelitarum. Cum sincerè nobis exponit, quam ob causam Combesii historia Monothelitarum à sacra Congregatione prohibita sit, continuo significat Congregationis sacræ decretum, quo prohibetur, parvi faciendum esse. Decreti causa hæc est Barone arbitro: *Combesius in Baronium nonnulla dixerat durius*. In fidem nihil, in veritatem nihil dixerat, in Baronium dixerat aliquid durius. Hæc autem causa cum levissima sit, Congregationis sacræ decretum illud non potest non esse levissimum, ut Baro vult à Lectoribus suis intelligi. Romanæ Inquisitionis censores œcumenicum magistratum gerunt, ex commodo & affectu commentarios quorumcunque auctorum metiuntur, & Curia-



lium Magistrorum rem familiarem acriter defendunt. Hæc autem cum privata sint tantum studia, Inquisitionis decretum in Combesii historiam Monothelitarum factum parvi pendendum esse Baro non obscure significat. Quinetiam, ni fallor, Congregationem sacram literarum atque cordatorum hominum ludibrio & contemptui exponit.

355 Nunc veniendum est ad exempla, quibus Baro Romanæ Inquisitionis censuras & decreta magni pendit. Exempla hæc sunt quoque duo. Unum est in exercitationis art. 11. paragr. 1v. pag. 423. *Sed non puto, inquit, hujusmodi Epistolis Innocentium dignaturum esse Launoium, cum ejus libri Roma censuris configantur.* Hi autem libri sunt duo: Unus sic inscribitur: *Inquisitio in privilegia Præmonstratensis Ordinis.* Alter, *Censura Responsionis, qua Frater Norbertus Caillocius sese mendaciis atque erroribus novis irretivit.* In priori libro relata in Præmonstratensi Bibliotheca privilegia per rerum in iis comprehensarum ordinem dispono, & iis quæ dissero, cum ad Curiam, tum ad Sedis Apostolicæ Jurisprudentiam expositis, plurima Romanorum antistitum testimonia adjungo. In posteriori propius adhuc ad Romanos Pontifices accedo, & Sedis Apostolicæ traditioni, & Florentinæ Synodi decreto fidei pressius infisto. Hinc efficitur, ut in his duobus libris nihil sit ferè meum præter chartam & atramentum. Itaque Romani censes decreto suo vel Romanos Pontifices, Sedis Apostolicæ traditionem & Florentinæ Synodi definitionem fidei, vel meam chartam & atramentum, non me confixerunt. Verum ut id quod res est, liberè dicam, quidquid hac in re fecerunt censes, *οὐκ ὀφείδεις ἔργα* fecerunt; homines suis servientes commodis, pigritatione, ut sit in bello, uti voluerunt: Prædictos libros adscripserunt Indici, quia Lutetiæ secularis magistratus certum quendam Caillocii librum condemnauerat, quod propositiones multas juri Regum nostrorum, Gallicanæ Ecclesiæ libertatibus adversas contineret. Quidquid id est, in hoc argumenti genere, quod tracto, libri Romanorum Inquisitorum decretis honorantur potius, quam læduntur. Exinde retentæ ab Ecclesia & Sede Apostolica traditionis confirmatio accedit.

Alterum exemplum est in eo, quod Frater propositam à me Inquisitorum censuram quandam mecum ejurare noluerit. Res sic se habet in epistolæ ad Thomam Fortinum capite XIX. num. XLII. "Est in nostra ad Hieronymum Sambœvium epistola nonnulla, quod vehementer exulceravit Fratris animum, etiamli diserte meminisse non sit ausus. Quem stomachum ob id erupisset in me, ob aliud erupit. Sed adscribo verba epistolæ: Neque verò Doctores illi & Inquisitores Curiam tot & tantas Pontificum auctoritates, sed & libros, in quibus pro Sedis Apostolicæ defensione similes auctoritates colliguntur ferè innumeræ, prohibitorio Indici assignant, in publicam ejus Sedis offensionem, ut & in publicum Decalogi contemptum assignarunt olim Parisiense Senatufconsultum, quo Joannes Chastellus parricida damnatus est. Hoc autem cum querelæ iustæ formam contineat, Baronem cruentavit, mihiq; magnam illius calumniarum partem accersit. Occultus est Romanæ Inquisitionis fautor & patronus. Quidquid id sit, Fratrem istum pro latæ in Parisiense Senatufconsultum censuræ patrono ac defensore habeo tandiu, quandiu adversus nefariam censuram non scripserit. Notum est, quo anno, quo mense, 357 quo die, & quem ob finem in Parisiense Senatufconsultum ab Inquisitoribus lata censura est. Præteritum & futurum tempus respicit. Hoc Frater intelligit, & nunc diversam epochæ rationem non explico amplius. Igitur exspecto usque dum Baro censuram illam ejuret, & sanguinolentam doctrinam, quæ ex ea deducitur, publica scriptione mecum detestetur. Tunc videbimus, an odium, quo me meaque scripta, ut an-

te explicatum est, prosequitur, sit ingentius amore, quo quæ ad Regis salutem & regni tranquillitatem pertinent, prosequi debeat. At Frater in longa exercitatione, qua meam ad Fortinum epistolam vexat, ne verbum quidem ullum est contra censuram, quæ à me illi damnanda proponitur. Fortassis exspectat tempus, quo Parisiense Senatufconsultum Romæ censura confixum esse, dicet. Ut enim mihi decretum Inquisitionis opponit, sic & Parisiensi Senatui opponet.

Explicanda nunc est ratio, propter quam Frater Baro latam in Parisiense Senatufconsultum censuram mecum ejurare & detestari noluerit. Hoc Senatufconsultum anno M. D. XCIV. 1v. Cal. Jan. factum est, & Romæ ab Inquisitoribus intactum usque ad annum M. DC. IX. quo ab illis censura notatum & Indici adscriptum est VII. Idus Septembris, cum per varias Europæ partes de futura Henrici IV. morte rumor increbresceret. Hinc censura consilium se sponte objicit, Inquisitores decreto suo Jacobum Clementem, Joannem Chastellum, Carolum Ridicovium & Petrum Argerum parricidas omnes ab infamia supplicii liberant, & religione solvunt alios, qui vellent vindictas & famæ restitutos homines imitari: Proh nefas! non defuit, qui post menses septem & dies XXIV. imitaretur. Sic patefactum est consilium censuræ, quam Baro mecum ejurare & detestari noluit. Baronis moram & tergiversationem auget nova censurarum Inquisitionis collectio, quam novus quoque sacri Palatii Magister curavit, & Alexander VII. addito diplomate confirmavit: Sed ei fraudulenter obreptum esse ostendi in epistola ad Michaelem Marollium, quam habet pars tertia epistolarum nostrarum. In hac autem censurarum collectione Senatufconsultum Parisiense legitur, etiam si sub illud fere tempus plures in Gallia eruditi & cordati viri de censura illa graviter conquesti fuissent. Ecce tibi Romanæ Inquisitionis decreta duo, quæ, ut apparet, Frater Baro magni pendit!

#### ANIMADVERSIO V.

*Insigne exemplum, quo calumniis mactati à Fratre Barone, has patienter ferre debent, levatione quasita ex Romanis Pontificibus, & aliis præstantibus viris, qui Baronis judicio nos in atheorum voraginem præcipientes dederunt.*

NE animadversionis titulus quemquam statim commoveat, quasi fucum facerem, Baronis verba subjicio è libri I. Apologetici sect. 11. paragr. VI. pag. 139. & 140. *Eò sanè tuis disceptationibus nos deducis, & dum Pontificum, vel Liberi ignaviæ, vel Felicis ambitum honorum, vel Joannis XXII. singularem opinionem, non solum quasi privatorum hominum culpas, sed Ecclesiæ capitum hæreses traducis, non ne promoves Calvinistarum causam, & iter ad perfugium Ecclesiæ invisibilis munis, nisi malis nos in atheorum voraginem præcipientes dare? Sic eos omnes, qui Romanum Pontificem in rebus ad fidem pertinentibus errasse, aut quod idem est, errare posse docent vel significant, Baro nos & alios in atheorum voraginem præcipientes dare pugnacissimè contendit.*

I. Igitur in atheorum voraginem præcipientes dedit Christianos Clemens VIII. qui consentiente Romana Ecclesia suppressit edita Sixti V. auctoritate Biblia, & illius diploma Bibliis præfixum, in quo Sixtus Pontificali ritu, non privato tantum, sed publico etiam jure decernit: *Illud sanè omnibus certum atque exploratum esse volumus, nostros hos labores ac vigilias nunquam eò spectasse, ut nova editio nunquam exeat, sed ut vulgata vetus ex Tridentina Synodi præscripto emendatissima, pristinaque sua puritati, qualis primum ab ipsius interpretis manu styloque prodierat, quoad ejus fieri potest,*

potest, restituta imprimatur. At neque Bibliorum editio hæc, neque Sixti diploma suppressa essent, nisi Sixtus graviter errasset in materia, quæ magni est omnino ponderis. Cum id ergo Clementis auctoritate factum fuerit, Clemens nos in sensu & doctrina Baronis in atheorum voraginem præcipites dedit. Quis ad sensum & doctrinam Baronis non exhorrescit?

360 II. Igitur Christianos in atheorum voraginem præcipites dedit Paulus IV. qui anno M. D. LVII. cum Romæ in deliberationem veniret, utrum ipse contractum per verba de præsentis inter Franciscum Mommorantium & Joannam Halluynam Piennæam matrimonium posset solvere, hæc præfatus est: *Fratres & filii mei, Ego sanè vos congregare volui, ut ex vobis id cognoscam, quod exigui non est momenti ac ponderis: Num videlicet matrimonium per verba de præsentis contractum possit auctoritate nostra dissolvi. Et notate diligenter quod ego dico: Hic enim non agitur questio de verbis futuri temporis, aut de simplici promissione. Nos querimus, num matrimonium per verba de præsentis contractum, quod est verum matrimonium & verum sacramentum juxta sanctorum Theologorum sententiam auctoritate nostra dissolvi possit: Intellego, cum carnalis nulla intercessit conjunctio. Deinde addidit hoc: Ne quaso vos teneant decessorum meorum facta & exempla, quæ catenus sequi volo, quatenus Scriptura auctoritas & Theologorum rationes ad illud agendum inducent: Dixit adhuc, quod sequitur: NON DUBITO QUIN EGO ET DECESSORES MEI ERRARE ALIQUANDO POTUERIMUS, NON SOLUM IN HOC, SED ETIAM IN PLURIBUS aliis rerum generibus, & tamen condemnandi planè non sumus. Nam Deus suam ita regit Ecclesiam, ut illi certum ad tempus abscondat multa, quæ tum inde patefecit; quod Christus ipse satis innuit, cum beato Petro dicebat: Quod ego facio, tu nescis modò, scies autem postea, & in alio loco aiebat: Adhuc multa habeo vobis dicere, sed non potestis portare modò: Cum autem venerit spiritus veritatis, docebit vos omnem veritatem. Quis igitur scit modò, num quæ reliquis circa indissolubile matrimonii vinculum antè fuerunt incognita, per nos Deus apertam in lucem nunc prodi velit? Et cætera, quæ & Gallicè & Latine refero in epistola ad Joannem Gerbasium, quam habet pars tertia epistolarum nostrarum. Cum Paulus III. sic locutus sit in frequenti Consistorio, & sibi & decessoribus suis non errandi privilegium abjudicat, & continuò in sensu & doctrina Baronis nos in atheorum voraginem præcipites dedit. Quis ad sensum & doctrinam Baronis tam miseri non exhorrescit?*

III. Igitur Christianos in atheorum voraginem præcipites dedit Hadrianus VI. qui cum agit de ministro Confirmationis in quartum sententiarum, ita pronunciat: *Ad secundum principale de facto Gregorius dico 1. quod si per Romanam Ecclesiam intelligatur caput illius, puta Pontifex; certum est, quod possit errare etiam in iis, quæ tangunt fidem, hæresim per suam determinationem aut decretalem asserendo: Plures enim fuerunt Pontifices Romani hæretici. Et quibusdam in rei hujus confirmationem interpositis: Non tamen dico Gregorium hic errare, sed evacuare intendo impossibilitatem errandi quam alii asserunt. Hæc in omni operum Hadriani editione, & præsertim in Romana, quæ ingentibus adornata & cumulata est elogiis, ut ostendimus in epistola ad Joannem Baptistam Franckevillam Lovaniensem Theologum. Hæc epistola extat in parte IV. epistolarum nostrarum. At siquis, non dicam, epistolarum, sed mortalium, in sensu & doctrina Baronis nos in atheorum voraginem præcipites dedit, is fuit Hadrianus VI. Quis ad Baronis tam miseri sensum & doctrinam non exhorrescit?*

IV. Igitur Christianos in atheorum voraginem præcipites dederunt Romani Pontifices, qui ante Hadriani tempus in Apotheosi utebantur hac protestationis formula: *Antequam ad pronuntiationem veniamus,*

*protestamur publicè apud vos presentes, quod per hunc actum canonizationis non intendimus aliquid facere, quod sit contra fidem, aut Catholicam Ecclesiam, sive honorem Dei. Christophorus Marcellus Corcyrensis Archiepiscopus in libri 1. de Canonizatione Sanctorum lectione VI. protestationis hujusmodi causam sic exequitur: Tunc procurator causa petit à Pontifice nomine procuratorio & nomine Principum pronunciari & declarari beatum N. in Sanctorum Catalogo adscribendam, & ut Sanctum venerandum à Christi fidelibus. Sunt tamen aliqui clarissimi viri, qui dicunt hoc introductum ex quadam causa, quia Papa tunc cogebatur ad canonizandum quendam contra suam opinionem, & propterea protestabatur. Nunc autem non videri congruam illam protestationem. Sed de hoc statuât Summus Pontifex & sacer Senatus. Protestatio hæc & protestationis causa non obscurè significant, Romanos Pontifices, qui protestatione usi sunt aliquem in Sanctorum numerum referentes, vel erravisse, vel certè errare posse persuasos fuisse. Id autem cum ita sit, vide quot Pontifices nos in sensu & doctrina Baronis, in atheorum voraginem præcipites dederint? Quis ad tam miseri Baronis sensum & doctrinam non exhorrescit? Cæterum Marcelli opus de Romanæ Ecclesiæ Ritibus editum est Romæ anno M. D. XVI. & Leoni X. nuncupatum.*

V. Igitur Christianos in atheorum voraginem præcipites dedit Julius II. in diplomate, quo postquam definiit, simoniam veram atque indubitatam hæresim esse, continuò definiit Papam simoniacè electum non hæreticum modò, sed etiam hæresiarcham esse. Res ita se habet apud Odoricum Raynaldum in tomo X. Ecclesiasticorum Annalium: *Ad perpetuam rei memoriam. De fratrum nostrorum S. R. E. Cardinalium consilio & unanimi consensu hac nostra perpetuè valitura constitutione, Apostolica auctoritate, & de potestatis nostre plenitudine statuimus, ordinamus & definimus, quod si (quod Deus pro sua clementia & ineffabili bonitate avertat) contigerit, postquam nos & successores nostros successivè ipse Deus ab hujusmodi universalis Ecclesiæ regimine absolverit, humani generis inimico procurante, & ambitione vel cupiditate ad hoc inclinante seu impellente electionem Romani Pontificis ab eo, quem eligi contigerit, vel ab aliquo seu aliquibus de eorum Cardinalium quomodolibet votum dantibus per simoniacam hæresim in dando, vel promittendo vel recipiendo pecunias, bona cujusunque generis, castra, officia, vel beneficia, seu promissiones, vel obligationes commissas per se vel alium, seu alios quomodocunque & qualitercunque etiam duarum partium, vel omnium Cardinalium unanimi concordia, quomodolibet etiam per viam assumptionis unanimiter nemine discrepante etiam sine scrutinio factæ celebrari vel fieri, non solum hujusmodi electio vel assumptio de ipso nulla existat, & nulla eidem vel electo vel assumpto administrandi in spiritualibus & temporalibus facultatem tribuat; Sed etiam contra dictum sic electum vel assumptum de simoniaca labe à quocunque Cardinali, qui eidem electioni interfuerit, interponi & excipi possit: Sicut de vera & indubitata hæresi, ita quod à nullo pro Romano Pontifice habeatur: Quinimo ipse sic electus, à priori suo Cardinalatus & alio quocunque honore, Ecclesiis cathedralibus, etiam Metropolitanis & Patriarchalibus, monasteriis, dignitatibus, & aliis quibuscunque beneficiis & pensionibus, quæ tunc obinebat in titulum, vel in commendam, aut aliàs quomodocunque eo ipso absque alia declaratione privatus existat, & idem electus non Apostolicus, sed apostaticus, & tanquam simoniacus & hæresiarcha, & ad prædicta omnia & singula perpetuè inhabilis habeatur & sit. Julius cum sibi sumat, electum simoniacè Pontificem hæresiarcham esse, nos in sensu & doctrina Baronis in atheorum voraginem præcipites dedit. Quis ad sensum & doctrinam Baronis tam miseri non exhorrescit? Mitto hic Julium errare, cum definit, simoniam veram atque indubitatam hæresim esse. Si-*

monia



monia quidem est certum atque indubitatum peccatum, sed non est certa & indubitata hæresis, nisi cum adversus Scripturam, & Catholicæ Ecclesiæ traditionem docetur, Simoniam absque peccato committi posse.

VI. Igitur Christianos in atheorum voraginem præcipites dedit Eugenius IV. cum de Romano Pontifice sic loquitur in actione xvi. Basileensis Concilii: Si Papa vel Legatus ejusdem nollet disponere aliqua, & contra Concilium affectaret, Papa sententia, vel ejus Legati personam Summi Pontificis representantis, non Concilii voluntas sequenda foret, cum super omnia Concilia habeat potestatem Papa, nisi forte qua statuenda forent, Catholicam fidem respicerent, vel si non fierent, statum universalis Ecclesiæ principaliter perturbarent, quia tunc Concilii sententia esset potius attendenda. Discordantibus in materia fidei Concilio & Pontifice decernit Eugenius, Concilii potius, quam Pontificis sententiæ standum esse. At cum illud decernit, Pontificem in materia fidei errare posse non dubitat. Atque ita nos in sensu & doctrina Baronis in atheorum voraginem præcipites dedit. Quis ad sensum & doctrinam Baronis tam miseri non exhorrescit?

Porro Eugenius, ut cum Basileensi reconciliaretur Synodo, bullam, quæ relata verba continet, revocavit, & revocando dixit illam nesciente se editam esse. Hoc *οὐκ ὀνομάζω* dixit propter illud, cum super omnia Concilia potestatem habeat Papa, membrum, quo duobus exceptis casibus potestatem sibi super omnia Concilia tribuit, ac proinde potuisse Basileensem Synodum absque illius consensu in alium locum transferre quæ res inter Synodum & Eugenium dissidii causa fuerat.

VII. Igitur Christianos in atheorum voraginem præcipites dedit Gregorius XI. cum testamentum suum ita condidit: Item volumus, dicimus & protestamur ex nostra certa scientia, quod si in Consistorio, aut in Concilio, vel in sermonibus, vel in collationibus publicis vel privatis, ex lapsu lingua, aut aliâ ex aliqua turbatione, vel etiam lætitia inordinata aut presentia magnatum ad eorum forsitan complacentiam, seu ex aliqua dissemperantia, vel inadvertentia, aut superfluitate, aliqua dixerimus erronea contra Catholicam fidem, quam coram Deo & hominibus, ut tenemur præ ceteris, profitemur, colimus & colere cupimus, seu forsitan adherendo opinionibus contrariis fidei Catholicae scienter, quod non credimus, vel etiam ignoranter, aut dando favorem aliquibus contra Catholicam religionem obloquentibus, illa expressè & specialiter revocamus, de testamur, & habere volumus pro non dictis. Gregorius trium criminum accusat sese: Primum, quod in Consistorio vel in Concilio, vel in alio loco erronea contra Catholicam fidem quoquomodo dixerit: Deinde, quod forsitan contrariis fidei Catholicae opinionibus scienter adhæserit: Tum demum, quod dederit favorem aliquibus contra Catholicam religionem obloquentibus. Hoc autem cum ita sit, in materia fidei erravisse, vel saltem errare se posse, libenter agnoscit: Quo pacto Gregorius nos in sensu & doctrina Baronis in atheorum voraginem præcipites dedit. Quis ad Baronis tam miseri sensum & doctrinam non exhorrescit?

VIII. Igitur Christianos in atheorum voraginem præcipites dedit Joannes XXII. qui contra veterem Romanæ Ecclesiæ professionem fidei de beata visione prædicaverat & docuerat, quod prædicandum & docendum non erat; idque vicinus morti revocavit his verbis: Nequis sinistre interpretari possit, nos sensisse aliquid aut sentire, quod sacra Scriptura obviat, aut fidei orthodoxa, dicimus & protestamur expressè, quod quidquid in questione, seu materia visionis animarum, videlicet, an anime à peccatis & pœnis peccatorum purgata videant divinam essentiam illa visione, quam Apostolus vocat facialem, seu in quacunque alia materia in sermonibus & collationibus diximus, allegavimus, seu

proposuimus, non intendentes aliquid determinare vel decidere, seu credere, quod esset quovis modo Scriptura sacra obviatum, vel contrarium fidei orthodoxa sed illud solum tenere & credere, quod & sacra Scriptura potest & poterat & Catholica fidei convenire. Et si forsitan in prædictis sermonibus, vel collationibus aliqua, quæ vel Scriptura sacra seu fidei orthodoxa quovis modo essent vel viderentur obvia, ipsa præter intentionem à nobis fuisse prolata dicimus & asserimus, eaque revocamus expressè, non intendentes illis adharere, nec ea in presentem defendere, nec etiam in futurum. At reprobatum fuisse pridem ab Ecclesia Romana errorem, quem prædicaverat & docuerat, discimus ex fidei professione, quam Clemens IV. ad Palæologum Græcorum Imperatorem scribens eidem misit anno M. CCLXVII. Fidei professio hæc est: Et quidem credimus sanctam Trinitatem. Et paullo post: Hæc est vera fides Catholica, & hæc super dictis articulis tenet & prædicat sacrosancta Romana Ecclesia, sed & propter diversos errores à quibusdam ex ignorantia & ab illis ex malitia introductos dicit & prædicat. Et paullo post: Illorum igitur animas qui post suum baptismum nullam omnino peccati maculam incurrerunt, illas etiam, quæ post peccati maculam contractam, vel in suis manentes corporibus, vel eisdem exuta prout superius dictum est, fuerunt purgata, mox in calum recipi. Hæc eadem continentur in literis, quas Joannes Constantinopolitanus Patriarcha dedit ad Joannem XXI. anno M. CCLXXVII. à quo tempore usque ad Joannis XXII. Pontificatum anni tantum intercedunt quadraginta. Non damnandus, ut quidam falsè putant, sed jam damnatus erat error, quem Joan. XXII. admittens in propositam ab Ecclesia Romana professionem fidei peccaverat, & ita dignum se præstitit, qui nos in sensu & doctrina Baronis in atheorum voraginem præcipites dederit. Quis ad sensum & doctrinam Baronis tam miseri non exhorrescit?

IX. Igitur Christianos in atheorum voraginem præcipites dedit Innocentius III. cum se bis terve in definiendo obnoxium errori sponte sua fatetur. Semel in serm. II. de consecratione Romani Pontificis: In tantum fides mihi necessaria est, ut cum de ceteris peccatis solum Deum judicem habeam, propter solum peccatum, quod in fide committitur, possem ab Ecclesia judicari. Iterum in serm. III. de consecratione ejusdem Pontificis, ubi postquam probavit certum quoddam esse inter Episcopum & illius Ecclesiam conjugium, subjungit: Propter causam verò fornicationis Romana Ecclesia posset dimittere Romanum Pontificem, fornicationem non dico carnalem, sed spirituales, quia non est carnale sed spirituale conjugium, id est, propter infidelitatis errorem. Tertio in Epistola ad Philippum Francorum Regem, qui volebat Pontificis auctoritate cum uxore divortium facere: Non audemus, inquit, super hujusmodi casu pro te aliquid definire propter illam sententiam Evangelicam, quam ipse Christus expressit, ut quod Deus conjunxit, homo non separet, cum absque dubio, nec Sanctorum exempla, nec Patrum decreta intentioni suæ in hoc articulo suffragentur. Verum si super hoc absque generali deliberatione Concilii determinare aliquid tentarem, præter divinam offensam, & mundanam infamiam, quam ex eo possemus incurrere, forsitan ordinis & officii nostri nobis periculum immineret, cum contra præmissam veritatis sententiam nostra non possit auctoritas dispensare. In hoc negotio cum agatur de Christi sententia, fatetur erraturum se, si quid absque generali deliberatione Concilii decernere tentaret. Erraturus verò esset si aliter decerneret: Præter divinam offensam & mundanam infamiam quam ex eo possemus incurrere, forsitan ordinis & officii nostri nobis periculum immineret. Sed Innocentius ingenua confessione id consequitur, ut nos in sensu & doctrina Baronis in atheorum voraginem præcipites dederit. Quis ad sensum & doctrinam Baronis non exhorrescit?

X. Igitur

X. Igitur Christianos in atheorum voraginem præcipites dedit Hadrianus II. cum scribit ad Synodum VIII. literas, quæ in ejusdem Synodi actione v. 11. lectæ & approbatæ sunt: Licet Honorio ab Orientalibus post mortem anathema sit dictum, sciendum tamen est, quia super hæresi accusatus fuerat, propter quam solum licitum est minoribus majorum suorum moribus resistere, vel pravos sensus libere respicere, quamvis & ibi nec Patriarcharum nec cæterorum antistitem cuiuspiam de eo fas fuerit proferendi sententiam, nisi ejusdem primæ Sedis Pontificis consensus præcessisset auctoritas. Synodice fuerunt Hadriani literæ, & eam ob causam Romana Synodus consentiente & approbante scriptæ. Atque ita Hadrianus & Episcopi complures nos in sensu & doctrina Baronis in atheorum voraginem præcipites dederunt. Quis sensum & doctrinam Baronis non exhorrescit?

XI. Igitur Christianos in atheorum voraginem præcipites dederunt Romani Pontifices, cum recens creati edita fidei professione anathema dixerunt Honorio I. Ill. Episcopus Catholica & Apostolica Ecclesia urbis Romæ reverendissimis fratribus & dilectissimis filiis, seu universæ plebi. Infra sub finem: Auctores verò novi & hæretici dogmatis Sergium, Pyrrhum, Paulum & Petrum Constantinopolitanos unâ cum Honorio, qui pravis eorum assertionibus fomentum impendit, pariterque Theodorum Pharanitanum & Cyrum Alexandrinum: . . . nexu perpetui anathematis devinxerunt. In veteri Romanæ Ecclesiæ Diurno. Sic recens creati Pontifices, cum Honorio ut hæretico, vel hæreticorum fautori dixerunt anathema, nos in sensu & doctrina Baronis in atheorum voraginem præcipites dederunt. Quis ad sensum & doctrinam Baronis non exhorrescit?

XII. Igitur Christianos in atheorum voraginem præcipites dedit Leo II. Agathonis successor proximus, cum Synodum VI. ubi hæreseos multoties damnatur Honorius, latinitate donavit, & in epistola ad Constantium IV. confirmante Synodum VI. de Honorio conqueritur, quod hanc (Romanam) Apostolicam Ecclesiam non Apostolica traditionis doctrina lustraverit, sed profana traditione immaculatam fidem maculari permiserit. Tum in epistola ad Eringium Regem de eodem Honorio adhuc conqueritur, quod immaculatam Apostolicam traditionis regulam, quam à prædecessoribus suis acceperat, maculari consenserit. Leo scribit, quod à Synodo Patribus definitum invenerat. Et Franciscus Combesius ex Ordine Prædicatorum Theologus Leonis epistolas à Baronii & aliorum impetitionibus ita defendit, ut de earum veritate dubitare non liceat amplius. Quocirca Leo II. nos in sensu & doctrina Baronis in atheorum voraginem præcipites dedit. Quis ad sensum & doctrinam Baronis non exhorrescit? Hæc de Romanis Pontificibus, nunc de sanctis Patribus.

XIII. Igitur Christianos in atheorum voraginem præcipites dedit Hilarius Pictaviensis Episcopus, cum ad Constantium scribens Liberium hæreseos infumulat: Vertisti deinde usque ad Romam bellum tuum: Erupisti illinc Episcopum: Sed o te miserum! Qui nescio utrum majore impietate relegaveris, quam remiseris. Constantius ex urbe Liberium relegaverat Catholicum Episcopum, sed in urbem Liberium remiserat hæreticum Episcopum. Hinc Hilarius Liberio anathema non semel denuntiat. Sic ille, quem beatus Augustinus Ecclesiæ Catholicæ adversus hæreticos acerrimus defensorem nominat, nos in sensu & doctrina Baronis in atheorum voraginem præcipites dedit. Quis ad sensum & doctrinam Baronis non exhorrescit?

XIV. Igitur Christianos in atheorum voraginem præcipites dedit Athanasius Alexandriæ Episcopus, cum Felicem Liberii successorem, Antichristi instar habet in epistola ad Solitarios: Hoc ministro utens (Constantius) incredibile facinus designavit, quod verè referat imaginem Antichristi, ut qui in locum Ec-

clesia Palatium suum succedere voluerit, & pro conventu populi & jure comitiorum tres eunuchos presentes esse jussit, tresque item κατακόπης, hoc est exploratores (non enim eos Episcopos duxeris) ut ipsi Felicem quendam Episcopum in Palatio crearent, dignum profecto talibus suffragatoribus. Cæterum populi omnes cognita hæreticorum pravitate non permisere eos intrare Ecclesiam, proculque ab iis recesserunt. Quid igitur hic, quod Antichristi non sit, omisit? Proh nefas! Athanasius cum ita Felicem excipiat, nos in sensu & doctrina Baronis in atheorum voraginem præcipites dedit. Quis ad sensum & doctrinam Baronis non exhorrescit?

XV. Igitur Christianos in atheorum voraginem præcipites dedit Hieronymus, cum Liberium ut hæreticum ducit, primum in Chronico: Liberio, inquit, in exilium ob fidem truso omnes Clerici juraverunt, ut nullum alium susciperent. Verum cum Felix ab Ariani fuisset in sacerdotium substitutus, plurimi perjuraverunt, & post annum cum Felice ejecti sunt, quia Liberius tadio victus exilii, & in hæretica pravitate subscribens Romam quasi victor intraverat. Deinde in libro de viris illustribus: Fortunatianus natione Afer, Aquileensis Episcopus, imperante Constantino, in Evangelia titulis ordinatis brevi & rustico sermone scripsit commentarios, & in hoc habetur detestabilis, quod Liberium Romanæ urbis Episcopum pro fide ad exilium pergentem primus sollicitavit ac fregit, & ad subscriptionem hæreseos compulit. Hieronymus, quia sensit ita de Liberio, nos in sensu & doctrina Baronis in atheorum voraginem præcipites dedit. Quis ad sensum & doctrinam Baronis non exhorrescit?

XVI. Igitur Christianos in atheorum voraginem præcipites dederunt Optatus lib. II. contra Parmenianum, & Augustinus epistola CLXV. ad Generosum, cum à Romanorum Pontificum catalogo Felicem abjiciunt. Sic enim Augustinus Optatum secutus Romanos Pontifices numerat: Petro successit Linus, & interpositis aliis: Julio Liberius, Liberio Damasus, &c. Hoc ita posito Optatus & Augustinus nos in sensu & doctrina Baronis in atheorum voraginem præcipites dederunt. Quis ad sensum & doctrinam Baronis non exhorrescit?

XVII. Igitur Christianos in atheorum voraginem præcipites dederunt Orientales Episcopi, cum referente supra Hadriano II. anathema Honorio dixerunt. Hæc de sanctis Patribus, nunc de aliis scriptoribus.

XVIII. Igitur Christianos in atheorum voraginem præcipites dedit Auxilius, Formosi Papæ defensor, cum Liberium in hæreticorum numero ponit in libri I. de Ordinationibus capite xxv. Quis nesciat, quod Liberius prob dolor! Ariana hæresi subscripserit, & per ejus transgressionem nefandissima scelera sunt commissa? Deinde in libri II. capite I. de Liberio: Qui Ariana hæresi subscripsit. Quo ita constituto, Auxilius nos in sensu & doctrina Baronis in atheorum voraginem præcipites dedit. Quis ad sensum & doctrinam Baronis non exhorrescit?

Joannes de Parisiis beati Thomæ discipulus & Parisiensis ex Ordine Prædicatorum Theologus in libro de potestate Regia & Papali, postquam docuit R. Pontificem hæreticum fieri posse, & ob hæresim deponi, hæc in capite xxiv. docet: Nunc verò ostendendum multipliciter, quod Papa possit renuntiare & invitus deponi. Et quibusdam interpositis: Quod ergo dicitur in principali argumento quod Papatus est summa virtus creata, & sic non potest auferri. Respondet, licet sit summa virtus in persona, tamen est ei æqualis vel major in Collegio vel in tota Ecclesia: Vel potest dici, quod potest deponi à Collegio, vel magis à generali Concilio auctoritate divina, cujus consensus supponitur & præsumitur ad eum deponendum, ubi apparet manifestum scandalum & incorrigibilitas ipsius præsidem. Sic Joannes de Parisiis beati Thomæ discipulus



pulus nos in sensu & doctrina Baronis in atheorum voraginem præcipites dedit. Quis ad sensum & doctrinam Baronis non exhorrescit?

XIX. Igitur Christianos in atheorum voraginem præcipites dedit Joannes Turrecremata ex Ordine Prædicatorum Theologus & Cardinalis, cum in libri IV. de Ecclesia cap. XVI. exponit modos viginti, quibus contra fidem aliquis pertinaciter errare præsumitur: *Decimus septimus modus convincendi specialiter Papam de pertinacia in hæretica pravitate est, si errorem definit solemniter, & à Christianis asserit tanquam Catholicum esse tenendum. Patet, quia talis artans alios ad errorem pertinaciter defendendum est pertinax reputandus.* Hic, ni fallor, respectum ad Joannem XXII. Quidquid illud est, Turrecremata nos in sensu & doctrina Baronis in atheorum voraginem præcipites dedit. Quis ad sensum & doctrinam Baronis non exhorrescit?

XX. Igitur Christianos in atheorum voraginem præcipites dedit Dionysius Cartusianus, cum in libri I. de auctoritate Papæ & Concilii capite XXXI. sic docuit: Cum Papa possit errare in fide & moribus & ceteris, quæ sunt de necessitate salutis, ejus judicio non videtur ultimæ ac certitudinaliter standum in istis, cum non sit infallibilis regula, neque indeviabile fundamentum. Sic Dionysius nos in sensu & doctrina Baronis in atheorum voraginem præcipites dedit. Quis ad sensum & doctrinam Baronis non exhorrescit?

XXI. Igitur Christianos in atheorum voraginem præcipites dedit Tostatus Abulensis Episcopus, cum in part. II. defensorii capite XXX. scribit: Ex quo apparet, quod jura manifestè supponunt Papam posse effici hæreticum, & confirmatur experientia. Nam Papa Marcellinus fuit hæreticus. Et quibusdam interpolitis: Item de Papa Joanne XXII. qui tenuit hæresim circa visionem beatificam, & postea coactus fuit publicè illam revocare, ut patet in gestis Summorum Pontificum. Deinde in præfatione ad beati Matthæi Evangelium: Quilibet homo quantumcunque sanctus & quantumcunque potestatis potest errare in fide & effici hæreticus, sicut de multis Summis Pontificibus legimus, ut de Liberio, de Joanne XXII. & aliis quibusdam. Tostatus, qui & qualis Theologus & antistes, nos in sensu & doctrina Baronis in atheorum voraginem præcipites dedit. Quis ad sensum & doctrinam Baronis non exhorrescit?

XXII. Igitur Christianos in atheorum voraginem præcipites dedit Theologiæ Parisiensis Facultas, cum anno M. CCCCLXXXII. Joannis Angelii Minoritæ assertionem hanc damnavit: Quicumque contradicit voluntati Papæ Paganizat, & sententiam excommunicationis incurrit ipso facto, & à nullo Papa reprehendi potest, nisi in materia hæresis. Hæc propositio est falsa, scandalosa, & sapientis hæresim manifestam. Sic Parisiensis Theologiæ Facultas nos in sensu & doctrina Baronis in atheorum voraginem præcipites dedit. Quis ad sensum & doctrinam Baronis non exhorrescit?

XXIII. Igitur Christianos in atheorum voraginem præcipites dedit Dominicus Jacobatius Cardinalis, cum in libri VII. de Conciliis capite VII. ait: Et licet (Rom. Pont.) per hæresim abscinderetur à corpore Ecclesiæ, eo ipso quoad Deum & Ecclesiæ triumphantem, tamen quoad militantem, quæ non judicat de occultis, & humanum requirit declaratorium judicium, ante sententiam toleraretur: Adeo quod etiam accusatus de hæresi, si ante sententiam spoliaretur, vel ei obedientia subtraheretur, esset restituendus 2. quæst. 7. Nos si incompetenter, versiculo item Symmachus: Ad quod Capitulum nonne 3. quæst. quarta. Et sic in tali casu non esset sibi ipsi Papa, nobis sic propter tolerantiam & communem errorem, quo creditur, & teneri debet, ut Papa ante judicium in eum latum per Concilium generale, ad quod pertinet, & in casu illo esset Synodus major Papa, & orbis urbe. 40. dist. & 19. dist. Anastasius. Et post alia: Sed quod plus est,

licet in causa fidei Papa superiorem habeat, totam scilicet Ecclesiæ, ut superius dictum est, tamen convicto Marcellino Papa per propriam confessionem de idololatria, nullus in eum ausus est ferre sententiam, sed ei met remisit sententiam. His ita positis Jacobatius nos in sensu & doctrina Baronis in atheorum voraginem præcipites dedit. Quis ad sensum & doctrinam Baronis non exhorrescit?

XXIV. Igitur Christianos in atheorum voraginem præcipites dedit Thomas Campegius Feltrensis Episcopus, cum in libri de Concil. cap. 36. scribit: Si Papa ut privata persona immutare vellet, quæ de fide definita sunt, Patribus dissentientibus, præferenda foret sententia Concilii, quæ etiam præferenda foret in his quæ nondum definita forent. Arg. gl. in Cap. Anastasius 19. dist. Quod Papa tenetur requirere consilium Episcoporum, ubi de fide agitur. Quinimo Papa in his quæ determinata sunt, censeretur à fide devius, & Concilium eo majus, C si Papa 40. dist. Quo casu dici posset illud D. Bernardi: Quæ major superbia, quam quod unus homo toti congregationi judicium suum præferat, tanquam ipse solus haberet spiritum Dei? Propter quod Archid. approbans glossam d. C. Anastasius dixit, periculosum foret fidem nostram committere arbitrio unius hominis. Et licet alias causa fidei nondum decisa referantur ad Sedem Apostolicam, & sic ad Papam, C. quo vicesimaquarta quæst. 1. Capitulo sacrosancta, vigesima secunda dist. C. majores. De Bapt. tanquam ubi esset dubium, quod Papa cum Cardinalibus dubitarent, tunc non deberet sine Concilio decidere, sed vocare Concilium secundum Cardinalem Alex. in d. C. Anastasius, & in simili casu fuit facta congregatio Hierosolymis super Circumcisione. De qua Ait. 15. Hæc ille qui Tridentino Concilio interfuit. Sic Campegius & alii, quos citat, Archidiaconus, & Cardinalis Alexandrinus nos in sensu & doctrina Baronis in atheorum voraginem præcipites dederunt. Quis ad sensum & doctrinam Baronis non exhorrescit, & homunculum talem cum Bernardo de Montepolitano, Jacobo Clemente, Carolo Ridicovio, Petro Argero, & eorum sectatoribus non execretur? Hoc autem, amice, postquam perlegeris & diligenter expenderis, paratam in iis consolationem reperies, quæ adversus Baronis contumelias, probra, omnemque muliebris linguæ lasciviam rectè possit adhiberi.

## ANIMADVERSIO VI.

Baronis error circa visibilis Ecclesiæ rationem detegitur & configitur.

Visibilis Ecclesiæ rationem Baro constituit in Romano Pontifice, qui errare non possit in fide & moribus, & sic errorem inducit novum, qui heterodoxis omnibus apertè suffragatur. Sed prius referenda sunt Baronis verba: Eo sanè tuis disputationibus nos deducis, & dum Pontificum, vel Liberii ignaviam & Felicis ambitum honorum, vel Joannis XXII. singularem opinionem, non solum quasi privatorum hominum culpas, sed Ecclesiæ capitulum hæreses traducis, nome promotes Calvinistarum causam, & iter ad perfugium invisibilis Ecclesiæ munis? Id est, nisi concedatur, Romanum Pontificem non errandi privilegio gaudere, errarèque in fide & moribus non posse, invisibilis evadet Ecclesiæ, vel certè Ecclesiæ de visibilitate sua (mollienda sunt usu verba) periclitabitur. Siquidem iter ad perfugium invisibilis Ecclesiæ muniretur. Hæc est nova & perniciofa Baronis doctrina: Nova quidem, quia Theologorum etiam Curialium nullus hoc ante Baronem docuit: Perniciofa verò, quia ut Baro ipse loquitur, Calvinistarum causam adjuvat, & hæreticorum aliorum, qui invisibilem Ecclesiæ esse pugnant.

Dominicus

Dominicus Bannes ejusdem cum Barone Ordinis, quod Ecclesia Christi sit visibilis, proprietatem Ecclesiae quintam facit in secunda secundae quaest. 1. art. x. Nunc videndum est, utrum Baronis errori præverit, necne? *Hæc*, inquit, proprietatis quam Catholici Ecclesiae Christi attribuiamus, ab hæreticis odio habetur, atque irridetur. Nos autem Catholici constanter asserimus, Ecclesiam Christi esse visibilem & quasi manibus palpabilem, & hujus oppositum est hæresis Joannis Huss & Wicleff & Catharorum & Donatistarum & Begardorum & Beguinarum. Contra quam hæresim Catholici Doctores multa scripserunt variis in locis disputantes, vel de Sacramento Ordinis, vel de sacrificio Missæ, vel de sacrificio in communi, vel de adoratione, vel oratione vocali, vel de legibus positivis & humanis. Videatur D. Augustinus contra Donatistas, & libro de unitate Ecclesiae, & in Epistol. 48. Vide etiam Divum Thomam in 3. part. quaest. 8. art. 1. ad tertium, ubi ponit differentiam inter Christum Dominum, & Spiritum sanctum, quod Christus Dominus secundum naturam visibilis est caput hominum, eo quod caput debet habere manifestam excellentiam super cetera membra. At verò Spiritus sanctus dicitur cor Ecclesiae, eo quod invisibiliter animat & vivificat illam: Quia in re assimilatur cordi, quod occultè insinit in membra corporis. Et confirmatur. Nam gubernatio Ecclesiae à Christo capite derivata est per membra visibilia, videlicet per ministerium hominum manifestum, juxta illud 2. ad Corinthios 4. Sic nos existimet homo ut ministros Christi.

Præterea probatur hæc proprietatis ex illo Psal. 44. Affixit regina à dextris tuis in vestitu deaurato circumdata varietate, in quibus verbis Ecclesia visibilis pulchritudo & ornatus depingitur. Item Matth. 5. comparatur Ecclesia civitati supra montem posita, quæ abscondi non potest. Similiter & lucerna ardenti super candelabrum, ut luceat omnibus, qui in domo sunt.

Præterea Matth. 18. Ubi correctionis fraternæ docuit ordinem Christus Dominus, & dixit, Si te non audierit, &c. Dic Ecclesiae, & si Ecclesiam non audierit, sit tibi tanquam Ethnicus. Ex hoc loco sumitur manifestum argumentum, quo convincitur Ecclesiam esse visibilem, alioquin quomodo Ecclesia denunciaretur de incorrigibili, & quomodo Ecclesia hominem doceret, atque admoneret, ut corrigeretur?

Præterea Joannis 1. dicitur, quod fuit ab initio, quod audivimus, quod vidimus, quod manus nostra contrectaverunt de verbo vita, & vita manifestata est, & annunciamus vobis, ut & vos societatem habeatis nobiscum. Ex quo colligitur, non solum esse visibile aliquid, quod de Christo predicatum est, sed etiam quod ipsi predicatorum Apostoli visibiles fuerint. Siquidem invitabant, ut homines societatem cum illis haberent, unamque Ecclesiam constituerent.

Et confirmatur, quia nova Ecclesia Christi olim visibilis erat à principio, cujus partes erant Apostoli & beata Virgo & ceteri discipuli. Ergo & modo debet esse visibilis. Siquidem eadem Ecclesia semper permansit, si formaliter loquamur, sicut est eadem civitas, quamvis non sint iidem homines, qui antè fuerant illius civitatis cives. Accedit adhuc, quod Spiritus sanctus olim venerit in linguis igneis & visibilibus, quasi denotans Ecclesiam Christi visibilem esse.

Præterea Baptismus dicitur esse meritò janua Ecclesiae, & omnium Sacramentorum. Sicut Baptismus est Sacramentum visibile, ergo & Ecclesia Christi visibilis est.

Et denique: Si Ecclesia Christi visibilis non esset, plurima maximaque incommoda sequerentur. Primum quidem sequeretur Deum non esse colendum exteriori cultu, sed interiori & invisibili tantum. Probat sequela, quia cultus & sacrificium maxime pertinent ad unitatem Reipublicæ, ergo si Ecclesia Christi esset omnino invisibilis, superflua essent visibilia sacrificia & sacramenta, frustra etiam esset visibilia templa edificare, & vocaliter orare.

Sequeretur etiam non esse Prælatos certos in Ecclesia, ad quos sit recurrendum in explicatione fidei & morum correctione. Frustrà essent & leges Ecclesiastica, ac proinde omnia in Ecclesia sursum deorsumque versarentur.

Nunc vide atque expende capita omnia, ex quibus insignis Theologus Ecclesiae visibilitatem contra hæreticos repetit; non invenies illud, quod Baro tam vehementer premit & urget. Nova est igitur, & perniciofa Ecclesiae doctrina, quam Frater iste vult inducere. Nova quidem est, & Ecclesiae perniciofa, quod Hussitarum, Wiclefistarum, Catharorum, Donatistarum, Begardorum & Beguinarum hæresi faveat, & hodiernis Novatoribus amplissimam irridendæ & traducendæ Ecclesiae occasionem præbeat.

Bellarminus, quem Baro invictum Catholicæ fidei pugilem appellat, in libri 111. de militante Ecclesia capite xii. visibilitatem Ecclesiae, ex non errandi privilegio, quod inest Romano Pontifici, non repetit: Aliunde repetit & probat hoc modo: Primum igitur, quod vera Ecclesia sit visibilis, probatur primò ex Scripturis omnibus, ubicunque invenitur nomen Ecclesiae. Nam semper nomine Ecclesiae visibilis congregatio significatur, nec unum saltem locum Calvinus proferre potuit, nec protulit, ubi hoc nomen tribueretur congregationi invisibili. Certè cum dicitur Num. 20. Cur eduxistis Ecclesiam Domini in solitudinem? Ecclesia vocatur populus ille notissimus Israël, qui exierat de Aegypto. Sic 3. Reg. 8. De visibili Ecclesia manifestè loquitur Scriptura, cum dicit: Convertitque Rex faciem suam, & benedixit omni Ecclesiae Israël. Omnis enim Ecclesia Israël stabat. Matth. 16. Super hanc petram edificabo Ecclesiam meam. Nomine petra sive intelligas Christum aut fidei confessionem, ut hæretici volunt, sive Petrum ut nos credimus, semper fundamentum Ecclesiae est aliquid sensibile, ut patet, ac proinde Ecclesia ipsa est sensibilis, sive visibilis. Nam etsi nunc neque Christum, neque Petrum videamus, tamen tunc uterque sensibus corporeis expositus erat ad videndum, nunc uterque videtur non in se, sed in Vicario, aut successore suo. Sicut regnum Neapolitanum non ideo est invisibile, quia rex abest. Nam Rex videtur in suo prorege. Matth. 18. Dic Ecclesiae, si Ecclesiam non audierit, &c. Certè neutrum servari posset, si esset Ecclesia invisibilis. Act. 28. Attendite vobis & universo gregi, in quo vos Spiritus sanctus posuit Episcopos regere Ecclesiam Dei. Quomodo poterunt regere Ecclesiam quam non noverant? Act. 15. Illi quidem deducti ab Ecclesia pertransibant Phenicem. Et ibidem: Cum venissent Hierosolimam, suscepti sunt ab Ecclesia. Et cap. 18. Ascendit Paulus, & salutavit Ecclesiam. Quomodo ista conveniunt Ecclesiae invisibili? 1 Cor. 15. Galat. 1. & Philip. 3. Paulus dicit se persecutum Ecclesiam Dei. At notum est quos persequatur ex Actis Apost. cap. 9. Denique 1 Timoth. cap. 3. Hæc tibi scribo fili Timothee, ut scias quomodo te oporteat conversari in domo Dei, quæ est Ecclesia Dei vivi, &c. At sanè non poterat in ea conversari, nisi sciret, quam esset.

Secundò probatur ex aliis Scripturis, ubi non nominatur, sed aperte describitur Ecclesia, Psal. 18. In sole posuit tabernaculum suum. Exponit August. tract. 2. in Epistolam Joannis, in manifesto posuit Ecclesiam suam, ut sicut sol non potest omnino latere, ita nec Ecclesia possit abscondi. Item Isaia 2. Daniel. 2. & Michea 4. Comparatur Ecclesia monti magno & conspicuo, qui nullo modo potest latere secundum communem expositionem Hieronymi in ea loca, & Augustini tract. 1. in Epistolam Joannis. Item illud Matth. 5. Non potest civitas abscondi supra montem posita. Augustinus lib. de unitate Ecclesiae cap. 14. & alibi passim exponit de Ecclesia: Denique parabole Evangelica de arca, de reti, de ovili, de convivio, &c. Omnes ostendunt Ecclesiam veram, quæ est regnum calorum, esse visibilem.

Cccc

Terrið



Tertio probatur ex ipso ortu & progressu Ecclesia. Nam ut omitamus, statum Testamenti veteris, in quo adeo visibilis erat Ecclesia, ut in ipsa carne portarent visibile signum circumcisionis: In Testamento novo sine dubio Ecclesia Christiana tota erat in principio in Apostolis & Discipulis Christi, qui adeo visibiles erant, ut super illos visibiliter Spiritus sanctus descenderet in die Pentecostes, &c.

Quarto probatur ex ipsa ratione Ecclesia. Ecclesia enim est societas quadam non Angelorum, neque animalium, sed hominum. Non autem dici potest societas hominum, nisi in externis & visibilibus signis consistat, &c.

385 Quinto tempore Christi, ut volunt Philippus & Illyrius, Ecclesia solum erat in Zacharia, Simeone, Anna, Maria & paucis aliis piis, non autem in Pontificibus & cetera multitudine Judaeorum. At constat, quod Zacharias, Simeon, & ceteri communicabant cum Pontificibus in templo, sacrificiis, &c.

Sexto probatur ex necessitate. Nam tenemur omnes sub periculo aeterna mortis vera Ecclesia nos adungere, & in illa perseverare, id est, capiti ejus obedire, & ceteris membris communicare. Ut patet ex Cypriano de simplicitate praelatorum, Hieronymo in Epistola 1. ad Damasum de nomine Hypostasis & Augustino lib. 4. de Baptismo cap. 1. At hoc fieri non potest si est Ecclesia invisibilis.

Septimo ex dictis questione superiore: Si enim Ecclesia est congregatio hominum utentium Sacramentis iisdem & fidem Christi profitentium sub regimine legitimorum Pastorum, ut ibi probatum est, sequitur necessario etiam esse visibilem.

Ultimo testimonio veterum, Origenis homil. 30. in Matth. Cypriani lib. de unitate Ecclesia, Chrysostomi homil. 4. in caput 5. Isaia, Augustini lib. 3. contra Epistolam Parmeniani cap. 5. tract. 1. in Epistolam Joan. & tract. 2. Haec non refero testimonia, quia univocis nota sunt & perspecta, nec Baroni suffragantur.

386 Nunc de Barone nostro sciscitor, an sit Bellarmini argumentum ullum, vel ulla probatio, quae ex Pontificio non errandi privilegio depromatur, ut auctor ille visibilem esse Ecclesiam demonstret? Quot sunt in Bellarmini rationibus periodi, quot commata, tot sunt quoque amentata tela, quibus nova & Ecclesiae perniciofa Baroni doctrina concutitur & labefactatur. Comparatio inter Neapolitanum regnum & Ecclesiam ducta Baronem penitus confundit. Neapolitanum regnum visibile est ex regis praesentia, non ex ullo non errandi in ferendis legibus privilegio, quod rex habeat.

Jacobus Cardinalis Perronius, quem Baro ut ducem optimum sequitur, de Ecclesiae visibilitate vel invisibilitate scribit in commentariis, quibus Jacobo Regi Anglorum respondet, sed eundem cum Banne & Bellarmino disputandi modum retinet, & Fratris errores comprimit. Non enim dicit eos qui asserunt Romanum Pontificem in fide & moribus vel errasse vel errare posse, iter ad perflugium invisibilis Ecclesiae munire.

Nunc Baroni oppono Senonense Concilium anno M. D. XXVIII. celebratum, quod illius errores duos in hac materia configit duobus in fidei decretis, quorum primum ita se habet: Cum adeo explorata sit ex Scripturis, tum unitas Ecclesiae, tum sanctitas, ut qui secus ausit affirmare, manifesta statim impietatis convincatur, apertissimum autem in haereticos argumentum, & quod minore negotio contundi queant, sit ejus auctoritas, cujus definitiones & decreta propter sui claritatem, non facile sint cavillis & tergiversationibus obnoxia: operapretium se facturos esse putaverunt, siquam inficiari non possunt, dolo tandem & versutius eludant. Id quod tum demum assecuti fuerint, si pro sententia Lutherianorum invisibilis & tota spiritualis, ac proinde

nobis incognita credatur Ecclesia. Nam quis futurus contentions modus, ubi provocatur ad judicem, qui nec inveniri, nec inventus internosci possit? Atqui, inquit Christus, si te corripiente frater tuus non audierit, dic 387 Ecclesia. Quid autem crassius aut inutilius fingi possit, si prorsus occulta sit, & impervestigabilis Ecclesia, cujus majores natu admonet Apostolus universo gregi, non quidem invisibili attendere, in quo eos Spiritus sanctus posuerat Episcopos ad regendam Ecclesiam Dei? Nunquid invisibilis illa, a qua pro Petro, cum carcere tenebatur, assidua fiebat oratio? Aut in qua Timotheum conversari docet Apostolus? Non igitur fide tantum & internis charismatibus, sed confessione fidei, & externa ac visibili sacramentorum participatione constat, semperque constituit Ecclesia, quae ab ipsis incunabulis, communi & praescripta unius & ejusdem fidei protestatione non caruit: unum corpus, inquit Paulus, unus Spiritus, unus Dominus, una Fides. Sed ne ab his invisibilibus tantum pendere videretur Ecclesia, unum adjecit Baptisma. Et enim in uno Spiritu omnes nos in unum corpus baptizati sumus, sive Judaei, sive Gentiles, sive servi sive liberi. Quisquis igitur tergiversandi studio invisibilem & incertis sedibus errantem dixerit Ecclesiam, non haesim tantum dixisse, sed haesum omnium puteum fodisse judicetur. In hoc decreto asseritur & probatur, visibilem esse Ecclesiam, sed non inde asseritur & probatur, quod Romanus Pontifex in fide & moribus errare non possit, vel quod iter ad perflugium invisibilis Ecclesiae muniant, qui Romano Pontifici non errandi privilegium detrahunt. Nondum Frater Baro erroris hujus parens emerferat.

Alterum decretum est hujusmodi: Absurdum non abs re videri possit, si tanto studio veteri Synagoga Deus affuit, ut si quid in lege difficile vel ambiguum occurreret, quod circa controversiam a iudicibus & legisperitis absolvi non posset, designato tamen caetu non carerent, cujus arbitrio res tota finiretur: Ecclesiam autem longè Synagoga potiore, ita necessariis destituit auxiliis, ut prorsus non habeat, cui suborta de fide questione iudicatis inniti possit. Proinde cum certa sit & infallibilis fidei regula, nec aliquando invisibilitatis praetextu tandem eludi queat, ea profecto sacris generalibus Conciliis auctoritas derogari non potest, quae proximè universalem representant. His enim Conciliis, si ea decernendi, quae ad sinceritatem fidei & extirpationem haereseum, Ecclesiae reformationem, & morum integritatem pertinent, potestas adimatur, nihil certum, nihil stabile futurum est, nihil denique, quo haereticus ab orthodoxo possit internosci, cum ille frequenter, tum impendio loquacior, tum pervicacior, pluribus (licet perperam intellectis) Scripturarum testimoniis falso gloriatur. Nec erat, quo veterum quondam haereticorum retunderentur insultus, nisi Ecclesiastici proceres Apostolorum exemplo Concilia celebrassent, quibus sancti Spiritus auctoritatem ferocientibus illis, & rerum humanarum scientia tumentibus, opponerent. Quò fit, ut si Conciliorum auctoritati sub hac temporum calamitate tantillum depercat, protinus velut ab inferis suscitanda sint damnatae haereses; neque defuturi sint, qui hinc Arrio, inde Nestorio, ceterisque id genus pestibus palam subscribere non formident. Etsi autem nonnihil quoque laicorum interfit, quod credendum sit, quid agendum: Id tamen ab Apostolis (quibus succedunt Episcopi) legimus observatum, ut sive murmuri Graecorum occurrendum foret, seu pacanda super legalibus oborta seditio, non centurionem, non promiscuam e plebe multitudinem accerferent, sed presentem sibi Spiritum sanctum affirmarent, cujus instinctu, quod iustum esset & aequum, sanciretur. Quod si ubi duo vel tres in nomine Domini congregantur (licet sibi ipsis relictis falli possint) continuo tamen in medio eorum sit Dominus; quanto magis ubi Summus Pontifex, ceterique primores Ecclesiastici conveniunt, ut haesibus subinde pullulantibus occurrant, & Dominicum agrum subortis expurgent Zizanias? Sancta igitur

igitur & inviolabilis est sacrorum Conciliorum universalium auctoritas. Quisquis pertinacius refragatur, hostis fidei jure optimo censeretur debet.

Concilium hoc in canone facit duo, & primum quidem non errandi in fide & moribus privilegium universali Synodo adjudicat. Deinde id genus privilegii cuicumque alteri, etiam Romano Pontifici abjudicat. Hoc facile colligitur ex his decreti verbis: *His enim Conciliis (universalibus) si ea decernendi, qua ad sinceritatem fidei & extirpationem heresum, Ecclesie reformationem, & morum integritatem pertinent, potestas adimatur, nihil certum, nihil stabile futurum, nihil denique, quo hæreticus ab orthodoxo possit inter nosci.* Sic excluditur Romanus Pontifex, cujus opera hæreticus ab orthodoxo possit certo inter nosci. Deinde id colligitur ex Judoco Clithoveo Parisiensi Theologo, qui Senonensi Concilio interfuit, & decretorum rationes unum in librum coegit: Hæc est igitur relati decreti ratio: *Ad hæc necesse est, ipsam Ecclesiam Catholicam (quoniam in fide & moribus aberrare nequit) habere regulam aliquam certam & determinatam atque infallibilem, per quam in suis dubiis circa materiam fidei & morum incidentibus dirigi debeat, re etoque duci tramite, ne in devia errorum decumbat, aut in obliquum deflectatur.* Nempe si nullam haberet ipsa Ecclesia regulam sensibilem & mensuram quandam tamquam amussim directricem, cum ipsa visibilis sit, & humano sensui pervia, facile posset ob hujus regula defectum prolabi in errores & pertrahi ad diverticula pravorum dogmatum & morum. Atqui talis regula totius Ecclesie directiva non est judicium ipsius Summi Pontificis, cum ipse nequaquam in Dei gratia confirmatus sit, & falli possit & in errorem prolabi. In primo assertam à Novatoribus invisibilitatem Ecclesie refellit. In secundo, si audiatur Frater Baro, iter ad perfugium invisibilis Ecclesie munit, & Novatorum causam promovet. Sed quis delirantem ita Baronem audiet?

In superiori Animadversione Hilarius, Hieronymus, Auxilius & Tostatus, Liberium in hæreticorum numero ponunt. Athanasius Felicem ut intrusum ab hæreticis Episcopum rejicit: Optatus & Augustinus eundem à Romanorum Pontificum catalogo expungunt. Tostatus & Hadrianus VI. Joannem XXII. errasse in fide docent. Sed inde Baro pugnacissime contendit, illos omnes Calvinistarum causam promovere, & iter ad perfugium invisibilis Ecclesie munire. Et hæc est nova & Christianæ religioni perniciofa doctrina, quam Frater totis viribus obtrudit.

Animadversionem hoc epichiremate concludo: Visibilitas Ecclesie non pendet ex sola persona Romani Pontificis, multo minus ex privilegio, quod illi conveniret. Nam si visibilitas Ecclesie penderet ex sola persona Romani Pontificis, Ecclesia non esset semper visibilis: Sed nunc esset visibilis, nunc esset invisibilis. Visibilis tunc esset Ecclesia, cum Romanus Pontifex federet, tunc invisibilis cum Romana Sedes vacaret, & si Sedes hæc diu vacaret, invisibilis diu foret Ecclesia.

Clemente IV. mortuo anno M. CCLXVII. die XXIX. Novembris, Sedes usque ad Septembris diem primum anni M. CCLXXI. cum Gregorius X. renunciatus est Pontifex, vacavit, & sic in pestifera Baronis opinione per tantundem temporis Ecclesia non aspectabilis permansit. Ecclesia quæ Origene auctore, plena est fulgore ab Oriente usque ad Occidentem, Post Clementis IV. mortem usque ad Gregorii X. Pontificatum Barone auctore tenebris plena fuit ab Oriente usque ad Occidentem, quippe non erat visibilis.

Clemente V. vita functo die XX. Aprilis anni M. CCCXIV. Sedes usque ad diem septimum Augusti anni M. CCCXVII. cum Joannes XXII. creatus est Pontifex, vacavit. Sic in nova & perniciofa Baronis

opinionem per tantundem temporis Ecclesia fuit invisibilis. Ecclesia, quæ Cypriano auctore, Domini luce perfusa radios suos per orbem terrarum spargit, post Clementis V. excessum usque ad Joannis XXII. Pontificatum Barone auctore radios suos per orbem terrarum spargere desistit.

Hæc est igitur nova & Ecclesie perniciofa doctrina, quam multis modis confiximus: Sed ô miserum hominem qui eam in sua contra nostram epistolam exercitatione non revocat, sed suo potius silentio confirmat. Qua de re viderint, quorum est prospicere nequid ex ea doctrina damni capiat Ecclesia.

### ANIMADVERSIO VII.

*Pessimi consilii accusatus Baro convincitur in quaestione de abdicandis ob heresim regibus. Tum quaestio hæc certis & idoneis ad disputandum regulis profligatur.*

IN Epistolæ nostræ capite III. de Barone sic conquirebar: "Sed patefaciendum est modo pessimum illud consilium, quod his verbis, magis promtum & justius erat, Divum Thomam ( quantum Ecclesie Doctorem ) ob tanti nominis & maximorum in Ecclesiam meritorum reverentiam defendere, quàm illi quidquam impingere, concepit, universam Thomæ doctrinam ita commendat, ut non liceat cuiquam quaestioni hujus vel illius articulum hunc vel illum rejicere: Quo pacto vult Frater nos cogere ad recipienda placita, quæ Thomas duabus in quaestionibus tradit: Prior est in secunda secundæ num. decima, ubi art. x. quaerit, utrum infideles possint habere prælationem, seu dominium supra fideles. Posterior est in eadem secunda secundæ num. duodecima, ubi art. II. quaerit, utrum Princeps propter apostasiam à fide amittat dominium in subditos, ita quod ei obedire non teneantur. Instaurare conatur Frater Baro, quod ante annos sat multos Frater Biarotus instaurare non potuit: Sed quia voluit, à Theologiæ Facultate cujus erat Baccalarius, cum infamia pulsus est. Sic patefactum est nefarium Baronis consilium, à quo purgari nunquam poterit, nisi doctrinam traditam in duobus illis articulis doctrinæ contrariam scripto proferri velit. Qua de re viderint, quorum est prospicere nequid respublica detrimenti ex Baronis consilio capiat. Ad me quod attinet, traditam his in articulis doctrinam rejicio, quia illi non convenit Theologiæ definitio, quam in cap. I. ex beato Thoma retulimus.

At Frater Baro Fratris Biaroti socius sic in exercitationis suæ paragrapho IV. respondet: *Ceterum ad id quod affers ex quaestione decima & duodecima, secunda secunda, & obtendis juribus regum adversari: Duo respondeo, primum non pertinere ad subjectam de testimoniis Cyrilli disputationem, nisi tu velis iterum tuis censuris jus divinatorum praeceptorum asserere, ut qui in unum peccavit, reus omnium fiat. Deinde dico hæc à D. Thoma scripta regnis & ditionibus, quorum comitia generalia status eam cum Principe ineunt conventionem, ut salva religio sit, prima omnium cura, eaque violata non stent mutua promissa. An verò sic institui cum principibus possint pacta salvo jure naturali non est meum disputare. Id certò scio, in orbis Christiani infinitis partibus, quæ iis locis docet Divus Thomas, non solum impune, sed etiam cum laude à Theologis propugnari. Si id apud nos prohibitum sit, patriis legibus obtemperabo.*

I. Hic bonus & clemens Frater nusquam integra refert, quæ scribo: Atque ita facilius vel imponit mihi, vel ex argumentis nostris, quæ dissimulat, evadit. Responsum priorem aliò deflectit, cum ait ea quæ disputo, non pertinere ad subjectam de Cyrilli



testimoniis disputationem. Ego ut ex verbis meis liquet, non ago de subjectis apud Thomam Cyrilli testimoniis, sed de beati Thomæ doctrina universa, quam summam in auctoritatem admitti debere contendit.

II. Exerrantem sequor, ut eum in viam veritatis reducam. Quæstio tantum erat de nonnullis testimoniis, quæ apud sanctum Thomam beato Cyrillo affingi credimus. Sed Baro ad universam sancti Thomæ doctrinam digreditur, & ego digressum secutus Baronem, hunc eo deduco, unde nili cum certa quadam sui perniciæ reverti non potest.

III. Quò spectent verba hæc: *Nisi tu velis iterum tuis censuris jus divinarum preceptorum asserere, ut qui in unum peccavit, reus omnium fiat.* Præter unum Baronem qui intus sibi canit, nemo id assequetur unquam. Etenim in oratione mea nihil est prorsus, quod responsionis genus istud postulet. Relicto disputationis ipatio evagatur longius, atque emotæ mentis exhalatione sese allevat.

IV. Disputantem inducit B. Thomam, quomodo non disputat de pactis, conventis & stipulationibus quæ inter reges & generalia regnorum comitia intercesserint, B. Thomas mentionem de iis nullam facit. Quare Frater Baro Thomæ suo turpiter imponit. Thomas in quæstionis x. art. x. scribit: *Distinctio fidelium & infidelium est ex jure divino: Jus autem divinum, quod est ex gratia, non tollit jus humanum, quod est ex naturali ratione.* Ideo distinctio fidelium & infidelium secundum se considerata non tollit dominium & pralationem infidelium supra fideles. Potest autem jure per sententiam vel ordinationem Ecclesiæ auctoritatem Dei habentis tale jus dominii vel pralationis tolli, quia infideles merito suo infidelitatis merentur potestatem amittere super fideles, qui transferuntur in filios Dei. Sed hoc quidem Ecclesiæ quandoque facit, quandoque autem non facit.

Deinde in quæstionis xii. art. ii. *Aliquis per infidelitatem peccans potest sententialiter jus dominii amittere: Sicut etiam quandoque propter alias culpas. Ad Ecclesiam autem non pertinet punire infidelitatem in illis, qui nunquam fidem susceperunt, secundum illud Apostoli 1. ad Corinth. 5. Quid mihi de his, qui foris sunt, judicare? Sed infidelitatem illorum, qui fidem susceperunt, potest sententialiter punire, & convenienter in hoc puniuntur, quod subditis fidelibus dominari non possunt.* Hoc autem vergere posset in magnam fidei corruptionem, quia ut dictum est, homo apostata pravo corde machinatur malum, & jurgia seminat intendens homines separare a fide, & ideo quam citò aliquis per sententiam denunciatur excommunicatus propter apostasiam a fide, ipso facto ejus subditi sunt absoluti a dominio ejus & juramento fidelitatis, quo ei tenebantur. Ubinam à Thoma quæso agitur de pactis, conventis & stipulationibus, quæ inter reges & regna intervenerint? Sic hoc in loco Frater non disputaret, si remotis tergiversationibus, præstigiis & fraudibus disputandum esset. Sed in animadversione 1. vidimus monachum esse, qui mentiri nec erubescit, nec religioni habet.

V. Cum ait: *Id certò scio, in orbis Christiani infinitis partibus, quæ iis locis docet divus Thomas, non solum impune, sed etiam cum laude à Theologis propugnari.* Tacitus sugillat Parisiensis Theologiæ Facultatem, quæ Fratrem Biarotum è societate sua exterminavit. Exterminandi causa fuit suscepta defensio illius doctrinæ, quam in orbis Christiani infinitis partibus non solum impune, sed etiam cum laude à Theologis propugnatam asserit, & eo asserit consilio, ut Biarotum collegam suam à culpa liberet, & Parisiensis Theologiæ Facultatem iniquitatis condemnet, & supremam insuper Curiam, quæ exterminandi Biaroti causam justam esse censuit.

Deinde tacitus sugillat eandem Facultatem, quæ contrarias relatis Sancti Thomæ assertionibus

propositiones duas Regi ante aliquot annos obtulit.

Prima est: *Non esse doctrinam Facultatis, quod Summus Pontifex aliquam in temporalia Regis Christianissimi auctoritatem habeat.* Imò Facultatem semper obtinisse etiam iis, qui indirectam tantummodo esse illam auctoritatem voluerunt.

Altera est: *Esse doctrinam Facultatis ejusdem, quod Rex Christianissimus nullum omnino habet in temporalibus superiorem præter Deum, eamque suam esse antiquam doctrinam, à qua nunquam recessura est.* Tum tacitus sugillat Regis edictum, quo præcipitur, ut propositiones istæ in omnium regni Curiarum tabulas referantur, & capitali poena prohibetur, nequis quid his propositionibus adversum doceat, & tueatur.

VI. Non potest cum vera laude à Theologis relata Thomæ propugnari doctrina, quæ convenienter definitur ab eodem Thoma Theologiæ nec tractatur, nec tractari potest. Sic igitur ab illo Theologia definitur, in prima parte quæst. 1. art. 1. *Sacra doctrina est scientia, quæ procedit ex principiis notis lumine scientia superioris, quæ scilicet scientia est Dei & beatorum.* Unde sicut Musica creditur principia sibi tradita ab Arithmetico, ita doctrina sacra creditur principia sibi revelata à Deo.

Deinde in art. viii. ad secundum: *Sacra doctrina videtur auctoritatibus canonica Scriptura proprie ex necessitate argumentando, auctoritatibus vero aliorum Doctorum Ecclesiæ, quasi argumentando ex propriis, sed probabiliter.* Invenitur enim fides nostra revelationi Apostolorum & Prophetis facta, qui canonicos libros scripserunt, non autem revelationi, si qua fuit aliis Doctoribus facta. Ubinam sunt Scripturæ sacræ testimonia? Ubinam sanctorum Patrum auctoritates, quibus relatæ ex duobus articulis propositiones confirmantur? Igitur cum beatus Thomas oblitus sit tractare propositas à se quæstiones, quomodo juxta definitionem Theologiæ supra expositam tractandæ sunt, non video, Baronem rectè dixisse cum dicit: *Id certò scio in orbis Christiani infinitis partibus, quæ iis locis docet Divus Thomas, cum laude à Theologis propugnari.* Theologica quæstio cum laude non propugnatur à Theologis, cum Theologicè non propugnatur, id est, sine Scripturis sacris & Patrum auctoritatibus: Quæ duo beatus Thomas ad conflandam veræ Theologiæ definitionem infumit.

Adhæc tractari non potuerunt quomodo sanctus Doctor Theologiam definivit. Si quidem Scripturæ testimonia & sanctorum Patrum auctoritates non suppetunt, quibus tractentur & asserantur.

Secundo relata sancti Thomæ doctrina nec tractatur nec tractari potest, quomodo tractandam esse Theologiam Gregorius IX. constituit in rescripto ad Parisienses Magistros: *Magistri, inquit, & Scholares, Theologia in Facultate, quam profitentur, se student laudabiliter exercere, ne Philosophos se ostentent, sed satagent fieri Theodidacti, nec loquantur in lingua populi linguam Hebraeam cum Aethiopica confundentes, sed de illis tantum in Scholis quæstionibus disputent, quæ per libros Theologicos & sanctorum Patrum tractatus valeant terminari.* Beatus Thomas (salva illius reverentia) in iis quæ retulimus Philosophum se, non Theodidactum ostendit. Siquidem ex libris Theologicis, id est, Scripturis sacris, & ex sanctorum Patrum tractatibus nihil adfert vel potest adferre, quod propositam à se quæstionem magni omnino ponderis terminare valeat. Quæ ratione Gregorii IX. præscripto contravenitur.

Tertiò relata beati Thomæ doctrina nec tractatur nec tractari potest juxta regulam, quæ à Silvestro II. proponitur in Epistola ad Seguinum Senonensem Archiepiscopum: *Sic, inquit, lex communis Ecclesiæ Catholica, Evangelium, Apostoli, Propheta, canones spiritum Dei conditi, & totius mundi reverentiam consecrati, & decreta*

decreta Sedis Apostolica ab his non discordantia. Ubinam Evangelium, ubinam Apostoli, ubinam Prophetæ tradunt, Ecclesiæ rectores eam supra Christianos Principes habere potestatem, quæ illis à beato Thomæ tribuitur? Ubinam canones spiritu Dei conditi in totius mundi reverentia consecrati? Ubinam decreta Sedis Apostolicæ ab illis canonibus non discordantia, & Silvestri tempus præcedentia constituunt, hominem Ecclesiastica communione privatum ditiores & hæreditates suas simul amittere, ut Baronius Doctor sibi sumit? Et ideo, inquit, quam cito aliquis per sententiam denunciatur excommunicatus propter apostasiam à fide, ipso facto ejus subditi sunt absoluti à dominio ejus & juramento fidelitatis, quo ei tenebantur. Julianus Imperator à Christianorum fide defecit, & tamen nec privatus est Imperio, nec ab iis qui regebant Ecclesiam, judicatus est dignus, qui privaretur. Quinetiam id genus pœnæ Juliano non objecerunt Patres, qui contra Julianum scripserunt, Gregorius Nyssenus, Gregorius Nazianzenus, Cyrillus Alexandrinus: Non objecit Ambrosius Theodosio, qui ob cædem Thessalonicae patrata ab Ecclesiæ ingressu prohibitus est. Respondet Baro Thomam dicere: Sed hoc quidem Ecclesia quandoque facit, quandoque non facit. Thomam dixisse hoc ingenue fateor. Sed id probari non posse præ me fero. Ecclesiam seu Ecclesiæ rectores id aliquando fecisse, quod eos Thomas fecisse vult exemplo nullo confirmari potest: Exemplum intelligo, quod Silvestri II. Pontificatum antecesserit. Tertullianus in Apologetici capite xvii. scribit: Religionis instar esse fidem de temporibus asserere.

Quartò relata sancti Thomæ doctrina nec tractatur ab auctore suo, nec tractari potest, qua ratione Vincentius Lirinensis & cum eo sanctitate, atque eruditione præstantissimi quique viri tractandam esse religionis controversiam judicant in capite i. Commontorii i. Sape igitur magno studio & summa attentione perquirens à quamplurimis sanctitate, & doctrina præstantibus viris, quonam modo possim certa quadam & quasi generali ac regulari via Catholica fidei veritatem ab hæretica pravitate falsitate discernere, hujusmodi semper responsam ab omnibus ferè retuli, quod sive ego, sive quis alius vellet exurgere hæreticorum fraudes deprehendere, laqueosque vitare, & in fide sana sanus atque integer permanere, duplici modo munire fidem suam Domino adjuvante deberet: Primò scilicet, divina legis auctoritate, tum deinde Ecclesiæ Catholica traditione. Ad hæc veræ Theologiæ principia duo si relata Thomæ doctrina expendatur, statim ut nova diffugiet: Quippe quæ nec divinæ legis auctoritate, nec Catholica Ecclesiæ traditione retineri unquam poterit. Non sufficeret divinæ legis auctoritas, quæ Philosophicis ratiocinationibus, & privato spiritu ad constabiliendam doctrinam illam detorqueretur. Hic est disputandi mos hæreticorum. Sed requiritur præterea ut divinæ legis auctoritati jungatur Catholica Ecclesiæ traditio, quemadmodum idem Vincentius eleganter ostendit in capite proximo: Hic forsitan, inquit, requirat aliquis: Cum sit perfectus scripturarum canon, sibi que ad omnia satis superque sufficiat, quid opus est, ut ei Ecclesiastica intelligentia jungatur auctoritas? Quia videlicet Scripturam sacram pro ipsa sua altitudine, non uno eodemque sensu universi accipiunt: Sed ejusdem eloquia aliter atque aliter alius atque alius interpretatur, ut pene quot homines sunt, tot illic sententia erui posse videantur. Aliter namque illam Novatianus, aliter Photinus, aliter Sabellius, aliter Donatus exponit, aliter Arius, Eunomius, Macedonius, aliter Apollinaris Priscillianus, aliter Jovinianus, Pelagius, Celestius, aliter postremo Nestorius. Atque idcirco multum necesse est, propter tantos tam varii erroris anfractus, ut Prophetica & Apostolica interpretationis linea secundum Ecclesiasticam & Catholicam sensus normam dirigantur.

Hac disputandi methodo veritas asseritur, & falsitas discernitur, & doctrinæ qualis est ea, quam ex Thomæ retulimus novitas agnoscitur & continuo dispoditur.

Quintò relata Thomæ doctrina cum Florentinæ fidei definitione non convenit, qua parte ibi regendæ ab Romano Pontifice Ecclesiæ modus præscribitur: Romano Pontifici in beato Petro pascendi, regendi ac gubernandi universalem Ecclesiam à Domino nostro Jesu Christo plenam potestatem traditam esse, quemadmodum & gestis æcumenicorum Conciliorum & in sacris canonibus continetur. Sic apud Blondum Eugenii Papæ notarium legitur in Decadis iii. libro x. Sic quoque laudatur à Marco Vigerio Card. in Decachordo chorda x. à Joanne Ekio in libri i. de primatu Petri capite xxv. à Joanne Rossensi in articulo xxv. contra Lutheranas assertiones, ab Alberto Pighio in libri iv. de Hierarchia capite ultimo. Exemplari Latino Græcum ita respondet: καὶ ὅτι ἔστιν ἐν τοῖς ἀρχαίοις καὶ ἐν τοῖς ἐστέσι καὶ ἐν τοῖς ἀλλοδαποῖς: Juxta eum modum, qui & in gestis æcumenicorum Conciliorum, & in sacris canonibus continetur. Apud Abrahamum Cretensem Florentini Concilii editorem primum perperam legitur: Quemadmodum etiam in gestis æcumenicorum Conciliorum, & in sacris canonibus continetur. Utriusque lectionis insigne discrimen est, quod in Latina Blondi & Græca editione geminata particula, &, &, &, &. Pontificiæ potestatis usum adstringit, sed in Abrahami & falsa lectione dilatat.

Hinc Florentina Synodus cum in prima editione sui & in Clementis VII. privilegio editionis inscribatur octava, hoc in loco respectum habet ad universales Synodos VII. Nicenam I. Constantinopolitanam I. Ephesinam, Chalcedonensem, Constantinopolitanam II. & III. & Nicenam II. quarum gestis Pontificiæ auctoritatis limites definiantur: Sacri verò canones hic memorati sunt ii, quos habet Dionysii codex canonum Ecclesiasticorum, vetus codex canonum Romanæ Ecclesiæ, vel Ecclesiæ universæ.

His ita constitutis liquidò patet ad Ecclesiæ restitutionem nihil attinere doctrinam, quæ ex beato Thomæ relata est, cum nec in gestis æcumenicorum Conciliorum septem, nec in sacris canonibus contineatur. Quo ex capite doctrina hæc ut nova & peregrina repudianda est, nec unquam potuit à quoquam vera cum laude propugnari, ut Baro contendit.

Præterea, ut exposita Florentinæ Synodi definitio conscriberetur, habitæ sunt ultro citroque disputationes, quibus effectum est tandem, ut in ea definitione sanctorum Patrum testimonii locus nullus relictus sit: Agebat (Eugenius) de privilegiis Papæ, ut habeat illa juxta determinationem sacrae Scripturæ & dicta Sanctorum. Hoc etiam non placuit Imperatori. An si quis, inquit, Sanctorum in Epistola honoret Papam, excipiet hoc pro privilegio? Propter hæc significavit Papæ, aut hoc corrigeret, aut de reditu ejus cogitaret. Et cætera, quæ in Concilii sessione xxv. recententur. Hæc autem conscribendæ definitionis forma, cum dicta sanctorum Patrum excludat, non possunt admitti variorum auctorum testimonia, quæ Bellarminus in tractatu de potestate Summi Pontificis in rebus temporalibus contra Guilelmum Barclaium edito refert. Et sanè Bellarminus à gravi culpa liberari non potest, quod insuper habita Florentinæ fidei definitione & neglecta conscribendæ definitionis hujus forma tractatum illum composuerit, & præsidium omne suum in variorum auctorum, qui annis abhinc plus minus quincentis claruerint, testimoniis collocaverit. Res igitur eò deducitur, ut nisi Bellarmini tractatus concidat, Florentinæ fidei definitionem, & conscribendæ definitionis formam concidere necesse sit.

Sextò relata Thomæ doctrina penitus extabescet, si opponatur Tridentinæ fidei professioni, in qua qui

profi-



profitetur, dicit: Item sacram Scripturam juxta eum sensum, quem tenuit & tenet sancta mater Ecclesia, cuius est judicare de vero sensu & interpretatione sacram Scripturarum, admitto, nec eam unquam nisi juxta unanimum consensum Patrum accipiam & interpretabor. At nullus est Scripturæ locus, qui juxta unanimum consensum Patrum acceptus relatæ doctrinæ faveat, & quia nullus locus sic acceptus illi faver, relatæ Thomæ doctrina pereat oportet. Non enim sufficit asserere, posse juxta per sententiam vel ordinationem Ecclesiæ auctoritatem Dei habentis tolli jus dominii, quo infideles potiuntur supra fideles, vel excommunicatum Principem hoc ipso quod excommunicatus sit, dominium in subditos amittere, vel subditos ab excommunicati principis dominio & juramento fidelitatis absolvi, nisi per Scripturam probetur, & ea probetur ratione, quam professio Tridentinæ fidei præstituit.

Postremo Paulus Suavis, & Sforza Cardinalis Palavicinus narrant in Tridentini Concilii historia, fuisse Episcopos, qui actis inferendam esse clausulam hanc: *Synodus seu Concilium universalem Ecclesiam representans*, magnopere contenderent. Videbant clausulam illam à tribus Conciliis, Pisano, Constantiensi & Basileensi usurpatam esse. Videbant, Concilia hæc tria, primum ab Alexandro V. alterum à Martino V. tertium ab Eugenio IV. approbata esse. At Sedis Apostolicæ Legati contrā nisi sunt, & ne actis Tridentinis infereretur clausula, obstiterunt, causati clausulam in antiquis canonibus & Conciliis non reperiri. Sic relatæ ex articulis beati Thomæ doctrina in antiquis canonibus & Conciliis non invenitur. Par est utrobique disputandi ratio, & tamen doctrina illa est, quam Frater Baro in orbis Christiani infinitis partibus cum laude à Theologis propugnari affirmat. O cæcitas hominis! Estne illa Tridentinis Sedis Apostolicæ Legatis doctrina Theologica, quæ in antiquis canonibus & Conciliis non offenditur? Estne illa Tridentino Concilio doctrina Theologica, quam nullus Scripturæ locus juxta unanimum consensum Patrum acceptus sustentat? Estne illa Florentinæ Synodo doctrina Theologica, quæ nec in gestis œcumenicorum Conciliorum, nec in sacris canonibus continetur? Estne illa Vincentio Lirinensi & Patribus aliis doctrina Theologica, quam ab hæretica pravitate divinæ legis auctoritas & Catholicæ Ecclesiæ traditio non fecernunt? Estne illa Silvestro II. Papæ doctrina Theologica, cui Evangelium, Apostoli, Prophetæ, canones spiritu Dei conditi & totius mundi reverentia consecrati, & decreta Sedis Apostolicæ ab his non discordantia & Silvestri tempus antecedentia non suffragantur? Estne illa Gregorio IX. Papæ doctrina seu quæstio Theologica, quæ per libros Theologicos, Scripturas nempe sacras & sanctorum Patrum tractatus terminari non valet, & in qua Magistri Philosophos se potius, quàm Theodidactos ostendunt? Estne illa tandem beato Thomæ doctrina seu quæstio Theologica, quæ ad normam definitæ ab eodem sancto Doctore Theologiæ, nec tractatur, nec tractari potest? Hæc autem omnia cum ita sint, fieri non potest ut relatæ ex articulis Thomæ doctrina cum laude à Theologis propugnatur. Hinc Frater imponit splendide, cum audet scribere doctrinam illam in orbis Christiani infinitis partibus cum laude à Theologis propugnari.

Nunc expendendum occurrit certum quoddam Constantiensis Concilii decretum, quod sic extat in sessione. XVII. *Sacrosancta Synodus Constantiensis definit, quod quicumque cujuscunque status, aut conditionis existat, etiamsi regalis, Cardinalatus, Patriarchalis, Archiepiscopalis, Episcopalis, Ducatus, Principatus, Comitatus, Marchionatus, seu alterius cujuscunque dignitatis, seu status Ecclesiastici vel secularis existat, qui sere-*

*nissimum & Christianissimum D. Sigismundum Romanum & Ungaria Regem impediret, sententiam excommunicationis auctoritate hujus sacri Concilii generalis ipso facto incurrat, absolutione ejusdem ipsi sacro Concilio, seu futuro unico, & indubitato Summo Pontifici, præterquam in articulo mortis, reservata specialiter & ulterius omni honore & dignitate, officio, beneficio vel seculari sit ipso facto privatus.*

Et primò quidem Curiales Magistri decretum hoc regibus nunquam objicient, ne consecratam à Constantiensis Concilio formulam, *Synodus seu Concilium universalem Ecclesiam representans*, admittere cogantur. In Tridentino Concilio Legati noluerunt admittere, quod in antiquis canonibus & Conciliis non inveniretur, ubi & invenientur multo minùs, quæ hoc in Constantiensis Concilii decreto ad reges pertinent.

Deinde si rem ex seipso pensamus, quidquid hoc in Concilii decreto & similibus aliis factum est esse satis constat. Quæ autem hocce modo sunt, nullam ad consequentiam trahuntur. Sigismundus Imperator, qui Concilio per se aderat & reges alii, qui per oratores suos aderant, cum in optatis nihil, in votis nihil haberent magis, quàm ut sublato schismate, unicus & certus in Romana Ecclesia institueretur Pontifex, passi sunt libenter, ut decretum hoc & alia similia ederentur, quomodo edita esse perspicimus. Sed nihil inde colligitur, nisi quod reges hac in rerum & temporum conditione publica Ecclesiæ commoda privatis suis anteposuerint. Anteposuisse verò in alia rerum & temporum conditione obesse non potest, maxime si spectentur, quæ adversus Thomæ doctrinam præscripsimus. Hic mirari subit, cur certi quidam homines importunè & audacter fatigant Christianos Principes, qui ob publicam Ecclesiæ pacem & tranquillitatem de suo jure semel decesserint, successores ob decessorum œconomica & pia facta divexant, tantum abest, ut in successoribus decessorum œconomica & pia facta compensent, aut compensatione digna judicent.

VII. Postquam Frater sine pudore ullo scripsit, Thomæ doctrinam in orbis Christiani infinitis partibus cum laude à Theologis propugnari, subjicit, si id apud nos prohibitum sit, patriis legibus obtemperabo. Hoc in loco festivus homo est, si regni nostri leges permitterent, eas doceret propositiones, in quibus expositam suprâ disputandi methodum negligere oportet, doceret tamen, ut hinc Fratrem Biarotum tueretur, inde Parisiensis Theologiæ Facultatem ob illius expulsionem carperet.

Deinde si liceret, quod non licet, quanta posset ingenii vi propositiones illas assereret, quæ Edmundum Burginum & Jacobum Clementem in Henrici III. perniciem, quæ Joannem Chastellum, Carolum Ridovicum, Petrum Argerum & Franciscum Ravalliacum in Henrici IV. necem armarunt, quæ domesticas seditiones excitant, & civile bellum accendunt.

Tum Henrici III. & Henrici IV. successor Ludovicus XIV. ingentes Baroni debet gratias agere, quod patriis legibus obtemperare velit. Hoc est ab exponenda in scholis exitiali & sanguinolenta doctrina abstenturum se promittat, & vitæ regum dignetur consulere, cui consulere jure naturæ debet.

VIII. In obtemperacione hac totus quantus est Baro, proditur, ac demonstratur. Idque maxime cum antè dixit, Thomæ doctrinam in orbis Christiani infinitis partibus non impune solum, sed etiam cum laude à Theologis propugnari. Sic infinitas orbis Christiani partes uni tantum parti, nempe regno Galliæ opponit, ni fortassis occulta fraude anteponat, ut ini-

quissimam Bernardi de Montepolitiano, Jacobi Clementis, Edmundi Burguini, Caroli Ridicovi, & Petri Argeri causam adjuvare possit. Bernardus Henrico VII. Imperatori per Eucharistiæ Sacramentum mortem attulit, Clemens Henricum III. Galliarum Regem gladio peremit, Burguinus, ut hoc ageret, suavit: Ridicovius & Argerus in Henrici IV. Regis necem conjurarunt, & poenas luerunt nefario consilio dignissimas. Disruptis corporibus suis paverunt corvos in disco radiato. Hi omnes juraverant in doctrinam, quæ, ut ait Frater illorum Baro, in infinitis Christiani orbis partibus non impunè solum, sed cum laude propugnatur.

IX. Quo fine, quove consilio dubitat id esse apud nos prohibitum, quod tot Parisiensibus Senatusconsultis in lucem editis prohibitum esse constat, viderint ii ad quos Senatusconsultorum custodia & executio pertinet. Id si, inquit Frater Dubitanti, apud nos prohibitum sit, quod anno Christi M. DLXI. IV. Nonas Decembris anno M. DCCIV. IV. Januarii anno M. DCCV. VII. Idus Januarii, & XIII. Calend. Febr. anno M. DCCX. VI. Calend. Junii, & VI. Calend. Decembris, anno M. DCCIV. VI. Cal. Aug. & anno M. DCCV. IV. Nonas Jan. prohibitum fuit. Et post tot Senatusconsulta tot variis & facta & publicata temporibus, Id si apud nos prohibitum sit, audeat scribere, & cum illum scriptionis hujusmodi non pudeat, benè & gnaviter impudentem esse oportet.

X. Utinam Baronem aluisset schola Sedis Apostolicæ, in qua Gregorius Magnus lib. VII. Indiçt. I. Epistola I. sic docuit: *Pervenit verò ad me, quia transmisit nescio quem Clericum, qui diceret, quia Malcus Episcopus in custodia pro solidis occisus sit: De qua re unum est, quod breviter suggeras serenissimis Dominis nostris, quia si ego in morte Longobardorum me miscere voluissim, hodie Longobardorum gens, nec Regem, nec Duces, nec Comites haberet, atque in summa confusione esset divisa, sed quia Deum timeo, in mortem cuiuslibet hominis me miscere formido.* Conjiciat oculos Frater in verba hæc: *Sed quia Deum timeo, in mortem cuiuslibet hominis me miscere formido.* At juxta Thomæ doctrinam quæ in orbis Christiani infinitis partibus non solum impunè, sed etiam cum laude propugnatur à Theologis, Gregorius seposito Dei timore in mortem Regum, & Principum miscere se non formidaret.

Utinam Baronem aluisset schola Sedis Apostolicæ, in qua Martinus I. Epistola ad Theodorum sic docuit: *Noscere voluit chara vestra dilectio, qualiter de Sede sancti Petri Apostoli, sicut unus passer solitarius ab ædificiis raptus fuerim.* Et post alia: *Quibus confestim introeuntibus jussio à Calliopa porrecta est Presbyteris & Diaconibus, in qua humilitatis mea abjectio continebatur, quod irregulariter & sine lege Episcopatum subripuissim, non essem in Apostolica Sede dignus institui, sed omnimodè in hanc regiam urbem (Constantinopolim) transmitti, subrogato in loco meo Episcopo.* Quod necdum aliquando factum est, & spero, quod nec aliquando fieri habet, quia in absentia Pontificis Archidiaconus & Archipresbyter, & primicerius locum presentant Pontificis: dum hac moventur, quæ de fide gesta fuerunt, jam manifestavi vobis. Quod autem preparati non fuimus ad repugnandum, melius judicavi decies mori, quam unuscujusque sanguinem in terram fundi. Quod quidem & sine periculo hoc gestum est, non paucis, quæ non placuerunt Deo, malis effectis. Eadem itaque hora dedi meipsum ad exhibendum Imperatori, & non resistendum. Porro acclamantibus mihi ut veritatem dicam, quibusdam ex Clero, ne facerem hoc, nulli eorum accommodavi aurem, ne subito fierent homicidia. Ubinam tunc erat illa doctrina, quam in orbis Christiani infinitis partibus non solum impunè, sed etiam cum laude propugnatam à Theologis affirmat? Scilicet Martini tempo-

re cum laude facta essent Principum, & populorum homicidia.

Utinam Baronem aluisset schola Sedis Apostolicæ, in qua Pius II. Epistola CCCXCVI. ad Mahometam Turcorum Principem ita scribit: *Non te odio prosequimur, neque tuo insidiamur capiti, quamvis nostra religionis hostis existas, & armis Christianam urgeas plebem; operibus tuis, non tibi sumus intenti, diligenter jubente Domino inimicos nostros & pro persecutoribus nostris oramus.* Cum hac Sedis Apostolicæ traditione non concordat doctrina illa, quam Baro in orbis Christiani infinitis partibus non solum impunè, sed etiam cum laude propugnari à Theologis dicit, & quam ipse si regni leges permitterent, libenti ac prolixo animo doceret. Sed nunc audio Baronem, qui recipiat doctrinam illam allatis à Thoma in memoratis articulis, & à Bellarmino in libri v. de Rom. Pont. capite VII. & VIII. rationibus atque exemplis valide confirmari. Audio quidem, sed id quod omnino falsum est, audio. In capite VII. rationes sunt quinque, quarum prima non est Theologica, quod ex duobus veræ Theologiæ principiis, Scripturæ & Catholicæ Ecclesiæ traditione haud colligatur. Philosophica est tota & eam ob causam in materiâ tanti momenti spernenda est. Deinde nimis probat, & accidentis fallaciam involvit.

Secunda ratio iisdem quibus prima vitiis inquinatur, & auctor peccat in allatam Tridentini Concilii regulam, dum verbis istis Christi, *Ecce duo gladii hic, utitur.* E tanta nube Patrum Bernardus unus Scripturæ locum in eum sensum explicat, qui Bellarmini causæ servire potest. Deinde Bernardus fortassis Scripturæ locum intelligit, quomodo Cæsius Bernardi suppar & ejusdem cum eo Ordinis interpretatur homilia II. in Dominicam II. Adventus: *Duplex hac potestas duo gladii sunt, quos Domino Petrus præsentavit, illo respondente, satis est; unus gladius spiritualis est, qui Papæ collatus est à Domino, alter materialis, quem tenet Imperator, similiter à Deo collatus. Hoc duplici gladio regitur & defenditur Ecclesia Dei.* Igitur ut spiritualis gladius Papæ, sic & materialis gladius Imperatori à Domino collatus est. Quomodo nec Scripturæ locus, nec Bernardus, nec Cæsius Bellarmini causam adjuvant.

Tertia ratio similis est primæ, & auctor cum loco Deuteronomii capite XV. utitur, in propositam Tridentinæ fidei regulam peccat.

Quarta ratio iis nititur fundamentis, quæ nulla Ecclesiæ traditione sustentantur, & auctor in eadem Tridentinæ fidei regulam peccat, dum Lucæ testimonium cap. XIV. ad rationis suæ confirmationem insinuat.

Quinta ratio ducitur ex his verbis: *Fasce oves meas,* in qua auctor à Tridentinæ fidei præscripto deficit. Ecclesiasticorum tractatorum nullus est, qui Christi locum hunc ad regum depositionem flexerit. Id luculenter apparet in duabus Epistolis, quæ Raimundo Formentino Parisiensi Theologo inscribuntur, una est in secunda parte, altera in quinta parte Epistolarum nostrarum.

Tum Bellarminus in capite VII. cum ex Levitici capite XIII. ex II. Paralipomenon capite XXIII. IV. Reg. II. exempla & argumenta repetit, non minus quam antea Tridentinæ fidei regulam negligit: Ut taceam regum aliam esse in veteri, aliam in novo Testamento rationem.

In cumulum observasse sufficit plerisque Bellarmini rationibus ne convenire quidem scholasticæ Theologiæ definitionem, quam Lutherus per ludibrium ita tradidit: *Scholastica Theologia est ea, quæ à Parisiensium Sorbona, mixtione quadam ex divinis eloquiis & Philosophicis rationibus, tanquam ex Centaurorum genere bisformis disciplina conflata est.*

Perverfa religione illos imitatur, quorum Eusebius



in libri IV. hist. capite XXVII. ita meminit: *Hi autem legē, Prophetis & Evangelis utuntur, sacrarum Scripturarum sensus & sententias pro suo arbitratu interpretantur.* Adjicit & rationes, quas ad confirmanda placita sua suapte Marte & ingenio excogitat.

414 Præterea Bellarminus argumentum depromit ex privilegio, quod Gregorium primum Monasterio sancti Medardi concessisse ait. Sed privilegium illud Gregorio subjectum à Monachis fuisse docuimus in Assertionione Inquisitionis in Monasterii S. Medardi Sueffionensis privilegium.

Ad extremum historiae leges spernit, cum ait Zachariam à Francorum primoribus rogatum Childericum Regem deposuisse, & in ejus locum Pipinum Caroli Magni patrem creari jussisse. Quæstionem hanc fuse persequor in Assert. jam dictæ part. III. cap. XVII. & janè vix negari potest, quin Bellarminus in hac materia præfixum à Florentina Synodo tractandi modum excefferit; hoc premo, hoc urgeo.

### ANIMADVERSIO VIII.

*Frater Baro in exercitationis articulo II. paragrapho I. de pluribus Camarinam movet inconsultò.*

415 EGO ab isto Fratre, qui semper evagatur, coactus in Epistolæ nostræ capite V. de Monachorum & Monasteriorum exemptionibus scripseram duo. Alterum me non aliter, quam ex Romanæ Curiae, vel Sedis Apostolicæ Jurisprudentia, Monachorum & Monasteriorum tabulas exemptionum, & privilegia examinare. Quod non solum in medium profero, sed etiam conceptis verbis assero. Alterum verò, privilegia, quæ Clericos & Monachos Episcopali potestati subtrahunt in perpetuum, apud Gallos defendi non posse, quin regni & libertatum Gallicanæ Ecclesiæ fundamenta duo, Romanum Pontificem universali subesse Concilio, eumque non posse cives & populares regis potestati, Jurisdictioni temporali & confirmatæ sacramento obedientiæ subducere, omnino evertantur.

At Frater Baro ex illis duobus, quæ in examinandis privilegiis & immunitatum tabulis mihi sumpsi, primum dissimulat, & dissimulatione sua docet se gratam non habere Romanæ Curiae & Sedis Apostolicæ Jurisprudentiam. Prospexit homo rerum suarum fatagens, privilegia & immunitatum tabulas, quibus Clerici vel Monachi Episcopali obedientiæ & Jurisdictioni subducerentur in perpetuum, nisi cum utraque, saltem cum alterutra Jurisprudentia consistere non posse. En sincerum Fratrem, qui Romani antistitis primatum ubique prædicare non cessat!

Ad secundum ex illis duobus quod attinet, non ausus est illud palam rejicere, sed oblique & per circulos, quibus potest præsidii quatefecit: Tantum abest, ut Romanum Pontificem universali subesse Concilio, & eum non posse regem deponere & subditos à juramento fidelitatis absolvere confirmet. Hoc expectandum non est ab eo, qui juravit in doctrinam hanc: *Aliquis per infidelitatem peccans potest sententialiter jus domini amittere, sicut etiam quandoque propter alias culpas.* Iterum: *Quam citò aliquis per sententiam denunciatur excommunicatus propter apostasiam à fide,*

416 *ipso facto ejus subditi sunt absoluti à dominio ejus & juramento fidelitatis, quo ei tenebantur.* Hæc autem prius notanda sunt, quam Baronem de multis Camarinam inconsultò movisse demonstremus.

Et primum quidem in paragraphi I. titulo I. qui se habet: *Revertitur in Launoium læsa majestatis regiae, & violatorum Gallicanæ Ecclesiæ jurium adversum me falso instaurata accusatio.* Et quoniam ex scriptis meis

nihil adfert, vel adferre potest, quo illum à me læsæ majestatis regiae, & violatorum Gallicanæ Ecclesiæ jurium accusatum esse probet, de calumnia justè dammandus est. Hic cum veritate dicenda sunt, quæ veritas ipsa gessit: Baro conscientiae pondere oppressus & convictus seipsum accusat, & propriam accusatorem in me transferre non dubitat.

Deinde ubinam, Deus immortalis, ea scribo, quæ efficiant, ut læsæ majestatis regiae, & violatorum Gallicanæ Ecclesiæ jurium accusari possim! Non effeci ego, sed inia, inquit pag. 408. à Leone X. cum Francisco I. Rege Galliarum concordia de Sacerdotiis sublata canonica electione conferendis, quam non tam mihi objicit, quam Regi nostro Ludovico XIV. qui memorata regni & libertatum Gallicanæ Ecclesiæ fundamenta duonuper publica sanctione confirmavit, & in supremarum Coriarum tabulas referri jussit. Sic Frater suo judicio prudens & acutus regem per latus meum feriit. Sed rex potentissimus Baronis pugionem facile retundet, quia plumbeus est: Ego tamen ictum minime declino, sed me totum inter regem & Baronem interpono, & interponerem etiam si pugio ferreus aut 417 chalybæus foret.

Tum ut paragraphi titulum probare incipiat, sic scribit: *Rem facile aggredior, quia tota constat assertionem ante me à viris sapientissimis & eloquentissimis demonstratā, eos nempe, qui Summi Pontificis supremam in Ecclesia potestatem convellunt, perdendis quoque regibus ac evertendis sceptris viam munire.* Horum in numero ponit Wiclefum, Lutherum & Calvinum, qui potestatem utramque Pontificiam & regiam oppugnaverunt. Ut missum faciam, ista paragraphi titulo perinde respondere, ac si camelus saltaret, certa est illa propositio: Sed Lutheri & Calvini sectatores, qui cum illis hæreticis de minuenda vel tollenda potestate regia scribere, pugnant se reges nullos interfecisse. Quis autem dubitat, eum magis peccare, qui regem occidit, quam eum, qui minuendam esse regiam potestatem docet? Rei sunt omnes, sed majore digni sunt supplicio parricidæ, quam qui minuendam esse regum potestatem docent. Calvinistæ & Lutherani Catholicis obijciunt, Fratrem Jacobum Clementem Henricum III. gladio peremisse, Fratres Carolum Riddicovium, & Petrum Argerum à Gandavensi Prædicatorum cœnobio advenisse Parisios, ut Henricum IV. occiderent: Non occiderunt, qui capti sunt & publicis suppliciis mactati; Joannem Chastellum & Franciscum Ravilliacum execranda imitatione Clementem secutos esse, illum quidem cum Henricum IV. trucidare conatus est, hunc verò cum regem illum trucidavit.

His adjiciunt Fratrem Bernardum de Montepolitiano, qui in ipsa communione Eucharistica Henricum Imperatorem VII. veneno extinxit. Mihi non crede, sed historicis, quorum familiam ducit.

I. Beneventus Imolenfis apud Conradum Vecerium in vita Henrici VII. *Monachos Prædicatorii Ordinis, quibus ille ministris utebatur in sacrificiis, horrendi facinoris auctores, eamque rem Beneventus Imolenfis saculis hujus in literas retulit.*

II. Ptolomæus Lucensis ex Ordine Prædicatorum, æqualis quoque scriptor relatus à Bzovio in Annalibus Ecclesiasticis, ad annum M. CCCXIII. *Henricus VII. Imperator intoxicatus fuit per fratrem quendam de Ordine Prædicatorum in speciebus corporis Christi, ut à suis audivi, qui mecum fuerunt.* Et post pauca hos verus subijcit:

*Cæsaris Henrici mortem plangamus amici,  
Qualiter hic vitam finivit per Jacobitam;  
Per corpus Christi venenum tradidit ipsi.*

Ex codice, inquit, Vaticano Ptolomæi. Ut hoc observem diligentius, me cogit Lugdunensis editio anni

ni M. DCXIX. ubi multa desiderantur ad finem Annalium Ptolomæi. At versus qui Ptolomæi subduntur Annalibus, rem gestam uti certissimam docent.

III. Albertus Argentinensis in Chronico: In Assumptione Virginis Maria, Vigilia decantata coram eo (Henrico) Missa, eoque per quendam Prædicatorem communicato, post missam cepit illico infirmari. Dicebatur enim, quod ipse Prædicator venenum sub ungue digiti tenuis absconsum post communionem potus Caesaris immisisset, & illico discessisset.

IV. Joannes Aventinus in libro VII. Annalium Boiorum: Inter hæc in Italia Henricus VII. Caesar Augustus duodevigesimo Calend. Sept. celeberrimo Christianorum die festo in sacra æde à Bernardo Dominicano cælesti victimâ toxico oblitâ, atque polline adamantina, quod præsens venenum esse aiunt, sacra optimi Principis potioni inditâ novo & inaudito exemplo extinguitur.

V. Gobelinus Persona in Cosmodromii ætate VI. cap. LXVIII. Quare anno VII. Imperii sui Florentiam obsedit, & obsidione durante febre correptus moritur; sed veneno ipsum fuisse intoxicatum à quodam Fratre ex Ordine Prædicatorum, dum ablutionem communionis recipit, fama perhibuit.

VI. Blondus in Decad. II. Libro IX. Ptolomæus Lucensis affirmat veneno eum (Henricum) periisse à Prædicatorum Ordinis fratre in Eucharistia dato. Alius addidit, id Florentinorum industria factum esse.

VII. Aeneas Silvius, seu Pius II. in Decad. Blondi epitom. lib. IX. Quem (Henricum VII.) ferunt Florentinorum dolis à monacho Prædicatore in Eucharistia intoxicatum. Mors ejus Florentinorum & Roberti Siculi salus fuit.

VIII. Wernerus Rolewinckius Cartusienfis in Fasciculo temporum, ætate VI. Henricus coronatus à Clemente V. tandem imoxicatus fuit sumendo Eucharistiam. Hæc leguntur in libris, & fama feruntur per quendam de Ordine Prædicatorum facta, scilicet per Fratrem Bernardinum (alii Bernardum dicunt) de Montepolitiano, &c. Sed tamen Ordo excusatur per quasdam literas testimoniales, quas apud se habet.

IX. Auctor Chronologicæ Compilationis, quæ ab initio mundi orsa in annum M. CCCCLXXIV. definit: Anno Domini M. CCCXIII. Henricus Imperator ab uno fratre Prædicatorum veneno interit.

X. Joannes Nauclerus in secundo volumine generat. XLIV. de Henrico VII. Disposuerat se per aliquot dies jejuniis & bonis operibus intendens Sacramentum corporis & sanguinis Christi in festo (Assumptionis) sumere. Quâ die Tridentinus Episcopus confessor suus, & Vicecancellarius aberat missus à Clemente V. unde quidam Jacobinus de Ordine beati Dominici subornatus, ut aiunt, præmissis & pollicitationibus, nec sine suspitione Florentinorum, qui tum coram celebrabat, venenum sub specie sacramenti dedit, vertens calicem vite in calicem mortis.

XI. Paulus Langius Monachus, in Chronico Citi-zenfi: Eodem anno (M. CCCXIII.) Henricus Imperator quoque dum Bonconventum oppidum Italia obsidione premeret, diem obiit. Signa veneni in cadavere apparuisse multi scripsere. Ptolomæus verò Lucensis affirmat, veneno eum periisse à Prædicatorum Ordinis fratre in Eucharistia dato. Aliusque addidit, id Florentinorum dolo & instinctu factum esse.

XII. Henricus Mutius in Germanorum Chron. lib. XXIII. de Henrico Imp. VII. In itinere obvium habuit elegans & amplum castrum, quod vocatur Bonconventum. In eo castrum propter festum diem, qui erat di-ve Virginis sacratus, per duos dies quiescere, ibique sacramentum corporis Christi sumere. Aberat autem eo tempore Episcopus Tridentinus, quo confessore, ut vocant, u-

tebatur. Nam cum Vicecancellario miserat ad Pontificem. Quare quidam Monachus Ordinis beati Dominici subornatus à Guelphis, qui in arce ea missam celebrabat, dedit Imperatori sub specie sacramenti venenum. Imperatorem scribunt statim præsens venenum sensisse & intellexisse in sacramento sibi datum, adhibuisse remedia, sed omnibus remedium viribus veneni efficaciam prævaluisse.

XIII. Albertus Crantzius in libro IX. Saxonie: Ptolomæus Lucensis affirmat, veneno eum (Henr. Imp.) periisse à Prædicatorum Ordinis fratre in Eucharistia dato. Aliusque addit, id Florentinorum procuratore factum. Hi fratres multa in purgationem sui con-gesserunt.

XIV. Gilbertus Genebrardus Parisiensis Theologus in libro III. Chronolog. Henricus veneno sublatu- dicatur à Dominicano, cum sacrosanctum Christi corpus sumeret.

XV. Dionysius Petavius in Breviar. temp. part. I. lib. IX. capite VI. In eo conatu anno M. CCCXIII. in agro Senensi, non sine veneni à Dominicano monacho dati suspitione est extinctus. Hic accuratus scriptor Bzovium, qui historiam adeo perspicuam conatur involvere, contemplit potius, quam non vidit. Ptolomæus Lucensis ex Ordine Prædicatorum auctor, cum toties assertus sit, unus sufficeret, etiamsi cæteri deessent. Rei gestæ æqualis est, & cum ex aliis, tum ex eo quoque fide dignus, quod collegæ suo noluisse duplex crimen, sacrilegium & parricidium imponere.

Hactenus Lutheranorum & Calvinistarum objectio- nes retulimus, quibus Catholicos doctores fatigant, & quibus quid sit responsurus Baro, viderit. Nunc superest, ut suas Baroni voces reddam è pag. 405. Externis ac domesticis exemplis monitos nos voluit Deus periculorum, quæ ex hac Pontificia ac regia dignitate divisione impenderint mala. Absit, ut te Launo, èd progressum audacia criminer, quò hæc tres Christiani orbis pestes (Wiclefus, Lutherus, Calvinus) prorupere: A te tantum obtinere vellem, ut ab eorum exemplis abhor- rerer, & attenderes, quæ ex Pontificia dignitatis contemptu mala ingruant, & in eos paulò effes æquior, qui Regia concordem reverentur: Et si quid mali inde inten- tes Regibus, graviora ex dejecta, quam ex servata ant aucta Pontificis potestate imminere.

I. Externa & domestica sunt exempla, quæ Bernardus de Montepolitiano, Edmundus Burguinus, & hujus discipulus Jacobus Clemens, Petrus Argerus, & Carolus Ridicovius, & horum imitatores Chastellus & Ravalliacus suppeditant. Monitos nos esse voluit Deus periculorum, quæ ex Regum parricidiis impendeant. Quot quæso, & quantas clades Henrici III. & Henrici IV. parricidia importarunt Gallie?

II. Absit ut te, Baro, èd progressum audaciæ criminer, quò illæ quinque Christiani orbis pestes, Bernardus de Montepolitiano, Edmundus Burguinus, Jacobus Clemens, Petrus Argerus, & Carolus Ridicovius cum suis imitatoribus prorupere.

III. A te tantum obtinere vellem, ut ab eorum exemplis abhorrerer, & attenderes, quæ ex regiæ dignitatis contemptu mala ingruant, & in eos paulo effes æquior, qui Pontificum dignitatem regiæ concordem reverentur. Sed nobiscum tu nunquam reverberis, nisi quomodo Pontificiam dignitatem æstimamus, æstimandam esse censeas. Æstimamus ex perpetua Sedis Apostolicæ traditione, quam in plurimi Epistolis declaramus, ex Florentinæ Synodi decreto, ubi Pontifex Ecclesiam debet regere, Quem admodum & in actis Conciliorum æcumenicorum & in sacris canonibus continetur: Ex illo tandem Tridentinæ professionis fidei articulo, ubi sic juramus: Item sacram Scripturam juxta enim sensum, quem tenet & tenet



tenet sancta mater Ecclesia, cujus est judicare de vero sensu & interpretatione sacrarum Scripturarum, admitto, nec eam unquam, nisi juxta unanimem consensum Patrum accipiam, interpretabor. Tu astimandam censes ex libris, quos Nicolaus Coeffetaus adversus Antonium Spalatensem Episcopum lucubravat: Deinde ex libris, in quibus invictus tibi Catholicæ fidei pugil Bellarminus, veteri & legitimo Romani Antistitis primatui adjecit tria, quæ adjecisset nunquam, si primatum ex perpetua Sedis Apostolicæ traditione, ex Florentinæ Synodi decreto, ex relata mox Tridentinæ professionis fidei regula æstimasset. Hæc autem tria sunt, certum in pronunciando de rebus fidei & morum judicium, ita ut quidquid est in Ecclesia creditum & factum necessarium, hominis unius arbitrio committatur; collocata supra Ecclesiam universam & generales Synodos Cathedra, ita ut universa Ecclesia & generales Synodi sint Pontificis scamnum & 424 *scamnum*, ita ut mater filii pedibus subiaceat, ita ut primum membrum Ecclesiæ membris dominetur cæteris, & denuntiet illorum operâ se non indigere, ita ut voluntas Pontificis, qualiscunque ea fuerit, sit regula, quâ ejus operationes & actiones dirigantur; jus denique deponendi reges, subditos à juramento fidelitatis absoivendi & regna de gente & in gentem transferendi. Hæc autem sunt tria, quæ ad auctam, ut Baronis utar verbo, Pontificis potestatem attinent, sed patienter ferenda esse dicit, ne quid pejus contingat Regibus: Et si quid, ait, mali inde intentes regibus, graviora ex dejecta, quàm ex servata aut aucta Pontificis potestate imminere. Trimembris est Pontificiæ potestatis divisio, in dejectam, servatam & auctam. Tunc potestas hæc dejecta dicitur, cum de proprio & legitimo statu deicitur, ac deturbatur. Servata, cum in proprio & legitimo statu retinetur, & nec nihil detrahitur, sic & nihil supra existit. Aucta, cum proprius & legitimus status augetur, cum accessiones sunt rerum, quæ proprio & legitimo statui non conveniunt, nec possunt juxta Sedis Apostolicæ traditionem, Florentinæ Synodi decretum, & Tridentinæ professionis fidei præscriptum convenire. Pontificia igitur potestas cum augetur prærogativis tribus illis, quas mox exposuimus, nihil inde mali regibus intentari docet, aut si quid inde mali regibus intentetur, mali minus intentatur, quàm si Pontificia potestas incrementum non acciperet. Ut igitur malum 425 evitetur majus, in regum gratiam dicendum est Romanum Episcopum posse reges de regnis suis abjicere, & subditos à fidei sacramento, quo regibus tenentur, absolvere. Hæc est Baronis Theologia, quam simpliciter exponere est refellere, & auctorem regibus formidandum, castigandum, exterminandum, & à Theologis censoria severitate notandum exhibere. Nec immerito juravit in doctrinam hanc: Aliquis (Princeps) per infidelitatem peccans potest sententialiter jus domini amittere, sicut etiam quandoque propter alias culpas. Iterum: Quàm citò aliquis (Princeps) per sententiam denunciatur excommunicatus propter apostasiam à fide, ipso facto ejus subditi sunt absoluti à dominio ejus & juramento fidelitatis, quo ei tenebantur. Antè Baronem juraverant Edmundus Burguinus, Jacobus Clemens, Petrus Argerus, & Carolus Ridicovius, Christiani orbis portenta quatuor.

Verum ut ad summum redeamus Pontificem, referendum est singulare Dominicanorum privilegium, quod narrante Abrahamo Ezovio, à Leone X. impetrarunt: Leo, inquit ille ad annum M.D.XVI. ut ad manus regulares unitos haberet, qui pontificiam auctoritatem & majestatem, scque etiam unanimiter adversus Episcopos tuerentur, edito super ea re diplomate, corpus quoddam, seu congregationem Regularium omnium in urbe insinuit, quorum superiorem ad cœnobium Minorum toties, quoties necesse haberent, in gravaminibus eti-

am à SUMMO PONTIFICE illatis, vel inferendis convenirent & deliberarent, & in commune decernerent, presidente cœni Dominicanorum Magistro, qui moderator consiliorum esset. Extat Bulla in archivo Minor. 426

Sed ad me spectat, quæ Frater pergit ita scribere: Neque unquam res Gallicas floruisse magis, quàm Pepino, Carolo Magno, Ludovico Pio, aliisque regibus, quorum felicitatem, victorias & Imperii amplitudinem nequeas certius, quàm obsequiis in Sedem Apostolicam metiri. Quo enim se illi reverentius & demissius subjecere, eò latius victoricia arma circumtulere, & plures sibi populos subegere. Si hoc præpostera pietatis & deformis obsequii in Summos Pontifices arguas, ut apud Bellarminum legi Calvinum hanc reverentiam, quasi latronum societatem traducentem, quam summo Pontifici concordet & obsequentiissimi regno Longobardorum semper Romano Pontifici imminentium dejecto multis dissonis sancti Petri patrimonium locupletarint, videris ipse, an hæc tuo, quod ubique nuncupas regia dignitatis, ejus etiam nobis neglecta aut violata jura obrudis, studio consentiant. Optimè verò, antiqua hæc tempora ad quæ me revocas, studio meo consentiunt: tunc ignotæ erant tres illæ prærogativæ, quibus tu Romani antistitis primatum augere contendis.

I. Romanus Pontifex subiciebatur Conciliis & canonibus, & his subiectum se esse ultrò fatebatur.

Zacharias, à quo Pipinus per Bonifacium Moguntinum Episcopum in regem consecratus est, in Epistola 1. ad eundem Bonifacium capite IV. De eo autem, 427 quod tibi successorem constitui velle dixisti, ut te vivente in loco tuo eligatur Episcopus; Hoc nulla ratione concedi patimur, quia contra Ecclesiasticam regulam, vel instituta Patrum esse monstratur. Siccine loqueretur Pontifex, si se supra Ecclesiasticam regulam omnem, & Patrum instituta positum esse, vel si non errandi privilegio donatum esse à Deo crederet?

Deinde in ejusdem Epistolæ capite V. De illo namque, qui viduam avunculi sui, quæ & ipsa fuit uxor consobrini sui, & sacrum velamen habere monstrata est, & à beata memoria prædecessore nostro sibi licentiam concessam esse divulgavit, ut eam in pernicioso matrimonio assumere debuisset: Absit, ut hoc prædecessor noster ita credatur præcepisse. Nec enim ab hac Apostolica Sede illa diriguntur, quæ contraria esse Patrum sive canonum institutis inveniantur. Sedis Apostolicæ traditionem attestatur, ut probet decessorem suum non fecisse, quod ab eo factum rumor increbuerat. Ab hac, inquit, sede non diriguntur, quæ contraria esse Patrum sive canonum institutis inveniantur. Noverat Celestinum Perigeni, Dynato & aliis Illyrici Episcopis scripsisse: Dominentur nobis regula, non regulis dominemur; sumus subiecti canonibus, cum canonum præcepta servemus.

Tum in ejusdem Epistolæ capite VII. Tua verò fraternitas, siquid de cætero evenerit, ut sacri decent canones, studeat emendare in plebibus sibi à Deo commissis. Non enim aliud nobis convenit predicare, præter quod à sanctis Patribus sumus edocti. Sic non prædicabat, se ab observatione sacrorum canonum immunem esse ac liberum, aut non errandi privilegio 428 gaudere.

Præterea in Epistolæ V. ad eundem Bonifacium cap. II. Reperimus in memoratis tuis literis, quæ nimis animos nostros conturbant, quod talia à te nobis referuntur, quasi nos corruptores sumus canonum, ut Patrum rescindere traditiones queramus, ac per hoc, quod absit, in simoniacam hæresim incidamus, accipientes & compellentes, ut hi quibus pallia tribuimus, nobis præmia largiantur, expetentes ab illis pecunias. Sed, carissime frater, hortamur charitatem tuam, ut nobis deinceps tale aliquid minimè tua fraternitas scribat, quia fastidiosum à nobis

nobis & injuriosum suscipitur dum nobis illud ingeritur, quod nos omnino detestamur. Absit enim à nobis & à nostris Clericis, ut donum quod per Spiritus sancti gratiam suscepimus, pretio venundemus dum & illa tria pallia, quæ te suggerente, ut pradiimus, sumus flagitati, nullum ab eis quispiam commodum expetiit. Insuper & chartas, quæ secundum morem à nostro scrinio pro tua confirmatione atque doctrina tribuuntur, de nostro concessimus, nihil ab eis auferentes: Absit, ut sic quippiam à tua fraternitate criminis nobis simoniaci obijciatur.

Et primò quidem cum dicit: Non sumus corruptores canonum, perinde est, ac si diceret, non sumus ii, qui sacris canonibus derogemus, quia illis subjecti sumus.

Deinde huc spectat adhuc quod proximè sequitur: Parum rescindere traditiones non queramus. Et rectè quidem quia nullus erat Baro veri nominis baro, qui Romanum Pontificem supra traditiones Patrum & supra Synodos collocaret.

Postremò cum ait: Ac per hoc, quod absit, in simoniacam heresim incidamus: Significat se posse heresim committere, atque nullum inesse sibi non errandi in in fide & moribus privilegium.

Zachariæ succedit Hadrianus I. in epistola lxxxv. Carolini codicis ad Carolum Magnum: Qui terminos antiquorum Patrum transgredientes suam conantur immolationem atque imperitam adimplere voluntatem, iudicium sibi canonum committunt. Et paulo post: Nos omnium Ecclesiarum pastorem curam habentes divina predicare præcepta non sinimus de consecrationis vitio, quod in partibus Italia & Thuscæ per heresim simoniacam fit. Et paulo post: Absit à nobis, ut super tales viros veritate compertâ manus consecrationis imponeremus, sed nec ad audiendum aures inclinarem, etiamsi qualibet nobis potestas tales acanonistos viros poposcisset consecrari. Verba sunt Pontificis, qui sacris se canonibus subijci existimabat. Acanonistos nominat, qui terminos antiquorum Patrum transiliunt, nec nominari se acanonistum vellet unquam, ne pari cum aliis modo tractaretur. Qui Pontifex postcentibus sæculi principibus non derogat sacris canonibus, perspicuè docet se supra canones non esse.

Hadriano succedit Leo III. qui tempore Caroli Magni claruit. Rem in certo quodam inter ipsum & Caroli Magni Legatos dialogo illustrat, qui sic inscribitur: Ratio habita de symbolo fidei in Secretario sancti Petri Apostoli, inter Leonem Papam, & Bernardum atque Jesse sen Adalardum missos Caroli Imperatoris. Agitur de inferendis symbolo verbis, filioque, quæ in symbolo Romæ decantari solito non erant, quæ hoc in monumento nostro serviunt instituto, hæc sunt: Missi. Nunquid non bene idem tunc auctores fecissent, si quatuor tantum addendo syllabas tam pernecessarium fidei sacramentum, cunctis deinceps sæculis perspicuum redderetur? Papa. Sicut non audeo dicere, non bene fecisse, si fecissent, quia proculdubio sicut cetera, quæ vel omiserunt scientes utique, & non tam humana, quam divina illuminati sapientia fecerunt: Ita quoque non audeo dicere, istud eos nobis minus intellexisse, & perpendisse, cur dimiserunt, vel cur dimissum, ne ultra mitteretur, sicut & cetera prohibere. Tu & tui videte, quid semiatis de vobis. Nam & EGO ME ILLIS (Patribus Constantinopolitanæ Synodi primæ) NON DICO PRÆFERAME, SED ETIAM ILLUD ABSIT MIHI, UT COÆQUAR PRÆSUMAM. Non se præfert Constantinopolitanæ Synodo primæ, non se eidem Synodo coæquare præsumit. Quid ita? Nisi quia Synodo inferior erat, & inferiorem se credebatur. Si Leo confessione tam ingenua recedit à Sedis Apostolicæ traditione, capti sunt Curiales Magistri & palpator Baro, quia Pontifex vehementer aberrabit; si non recedit ut certò credimus, nulli sunt Curiales Magistri & palpator Baro, quia contra Sedis Apostolicæ traditionem pugnant, & ab ea turpiter deficiunt.

Rem absolunt æquales Pippino, Carolo Magno & Ludovico Pio Romani Pontifices, qui post consecrationem suam Honorium Papam in professione fidei, ut hæreticum aut hæreseos fautorem anathemati subdebant. Ill. Episcopus Catholica & Apostolica Ecclesia urbis Romæ reverendissimis fratribus & dilectissimis filiis, seu universa plebi Dei. Ad hoc Apostolicæ Sedis officium, dilectissimi filii, ad quod superna gratia ita providente ac suffragante pervenimus. Et post alia de sexta Synodo: Auctores verò novi hæretici dogmatis Sergium, Pyrrhum, Paulum, Petrum Constantinopolitanos una cum Honorio, qui pravis eorum assertionibus fomentum impendit, pariterque & Theodorum Pharanitanum, Cyrum Alexandrinum cum eorum imitatoribus, simulque & hos, qui hæreticorum dogmata veritate fidei synodali declarata, atque predicata pertinaciter defenderant, pessimum & Deo odibilem Macarium, cum ejus discipulo & magistro impietatis, & Polychronium delirum senem novum Simonem cum omnibus hæreticis atque sequacibus nexu perpetui anathematis devinxerunt. Hæc ex veteri Romanæ Ecclesiæ Diurno, edito quidem Romæ, sed ibi captivum adhuc detinetur. Sic non errandi privilegio carere se non dubitabant, cum decessorem Honorium errasse palam & publicè assererent. Veritas hæc argumenta non quærit, usque adeo illustris est & persuasiva facilis.

Nicæna Synodus II. quæ Carolo Magno rege habitata est, Honorium Papam hæreticorum numero semel, iterum & tertio adscribit.

Carolus Magnus in libri vi. Capitularium num. ccliv. supra canones & Synodos positum esse credebatur neminem, cum ita decenit: Quæ ad perpetuam utilitatem sunt instituta, nulla commutatione varientur, nec ad privatum trahantur commodum, quæ ad bonum sunt commune præfixa. Et manentibus terminis, quos statuerunt Patres nemo damnet alienus, sed intra fines proprios atque legitimos, prout quis valuerit, in latitudine se charitatis exerceat. Leonis verba sunt, quæ Imperator prudens sua facit & in legem convertit.

Omitti nec potest, nec debet, quod de Gallicanis præsulibus ad annum dcccxxxiii. narratur ab eo, qui Ludovici Pii vitam memoriæ mandavit: Sed quia corrumpunt bonos mores colloquia mala, & lapidum etiam duritiam mollis aqua guttula sapius illisa terebrare solet, tandem ad id ventum est, ut filios Imperatoris in unum cum copiis, quibus poterant, coire facerent, Gregoriumque Papam advocarent, subornatu quasi qui patri solus filios reconciliare deberet & pisset. Rei tamen veritas post claruit. Imperator porro è contrario mense Maio Wormaciam venit cum valida manu, ibique quid agendum sibi fuit, diu deliberavit, missisque destinatis, Bernardo scilicet Episcopo cum reliquis, filios hortabatur ad se veniendum, & redeundum. Sed & Papam Romana Sedis conveniebat, ut si more prædecessorum suorum aderat, cur tantas neceret moras, non sibi occurendo. Cum verò rumor usquequaque diffusus sereret de ceteris, quod verum erat: De Papa verò Romano, quod ideo adesset, ut tam Imperatorem, quam Episcopos excommunicationis vinculis irretire vellet, si qui inobedientes essent sue filiorumque Imperatoris voluntati, parum quid subripuit Episcopis Imperatoris præsumptio audaciæ, asserentibus nullo modo se velle ejus voluntati succumbere. Sed si excommunicaturus adveniret, excommunicatus abiret, cum aliter se habeat antiquorum canonum auctoritas. Igitur quo tempore imperabat Ludovicus Pius, Gallicani præfules obstiterunt, ne Romanus Pontifex se supra canones efferret. Non agnoscebant eum sacris canonibus derogare posse, aut non errandi privilegio gaudere.

Agobardus Lugdunensis Episcopus qui tum floruit, historiam illam paucis complectitur in tractatu de comparatione utriusque regiminis Ecclesiastici & politici ad Ludovicum Imp. Certè clementissime Domine,



si nunc Gregorius Papa irrationabiliter & ad pugnandum venit, merito & pugnatus & repulsus recedet. Si autem pro quiete & pace populi & vestra laborare nititur, bene & rationabiliter obtemperandum est illi, non repugnandum.

Cæterum ut ad plenum & perfectum Baroni satisfiat, ostendendum mihi est, quomodo Romani Pontifices sese erga Pippinum & Carolum Magnum gesserunt.

Stephanus II. in epistola IV. ad Pippinum Regem ita scribit: Unde, fili excellentissime & spiritualis compater, à te peto & tanquam presentialiter assistens, PROVOLUTUS TERRÆ, ET TUIS VESTIGIIS PROSTERNENS, cum divinis mysteriis conjuro coram Deo vivo & vero, & ejus Principe Apostolorum beato Petro, ut sub nimia festinatione & maxima celeritate nobis subvenias, ne pereamus, quoniam post Dominum in tuis manibus nostras omnium Romanorum commisimus animas.

Paulus I. in epistola X. ad proceres Francos: Novus quippe Moyses, novusque David in omnibus operibus suis effectus est Christianissimus, & à Deo protectus filius & spiritualis compater Dominus Pippinus, Dei nutu victoriosissimus rex, per quem exaltata Dei Ecclesia triumphat, & fides Catholica ab hæreticorum telo illibata consistit.

Hadrianus I. in epistola I. ad Carolum Magnum: Ecce novus Christianissimus Dei Constantinus Imperator his temporibus surrexit, per quem omnia Deus sancta sua Ecclesie beatorum Apostolorum Principis Petri largiri dignatus est. Deinde in epistola IV. ad eundem Carolum: Ob hoc, præcellentissime Rex & dulcissime fili, peto tanquam presentialiter assistens, cum divinis mysteriis conjuro coram Deo vivo & vero, & ejus Principe Apostolorum beato Petro, ut sub nimia festinatione & maxima celeritate nobis subvenias, ne pereamus, quia post Deum in tuis manibus nostras omnium Romanorum commisimus animas.

In istis autem trium Pontificum verbis Baro non inveniet nova Curie placita, quæ primatui vult adjungere. O quam longè ab ejusmodi placitis aberant Paulus & Hadrianus, qui ligandi solvendi que potestatem ita circumscribunt! Ille in epistola X. ad proceres Francos: Firmum quippe beatissimum Petrum Apostolorum Principem, cui à Redemptore nostro ligandi solvendi que peccata in calo & in terra concessa est potestas, adepti estis protectorem. Hic in epistola I. ad Carolum Magnum: de beato Petro, Cui claves regni calorum ab omnium opifice facinorum nexus solvendi simulque ligandi attributa est facultas, &c.

Deinde in epistola ad Tilpinum Remensem Archiepiscopum: Cui (Petro) data est à Deo & Salvatore nostro Jesu Christo ligandi, solvendi que potestas peccata hominum in calo & in terra. Atqui facinorum nexus, peccata hominum ligare vel solvere, non est, si superis placet, Christianos homines bonis & hæreditatibus suis, & Christianos Principes regnis & imperiis suis privare, vel populares seu cives à juramento fidelitatis, quo eis tenebantur, eximere. Hæc res per seipsa patet. Itaque si Frater Romanis Pontificibus Paulo & Hadriano Christi verba interpretantibus credit, nullus est: Si non credit, captus est; & sibi præterea contradicet, dum existimat Romanum Pontificem in fide & moribus errare non posse. Hic Baro ut est in Regum perniciem & regnorum everfionem ingeniosus, adferet librum suum cum privilegio Regis & approbatione Parisiis editum esse, sed nostras epistolas sine privilegio Regis & approbatione Parisiis editas esse, & ob id Regem sibi consentire & à me dissentire, cum omni conatu rejicio, quæ Frater in art. I. paragrapho IV. pag. 393. sic scribit: Id certò scio, in orbis Christiani infinitis partibus, quæ iis locis docet divus Thomas, non solum impune, sed etiam cum laude à Theologis propugnari. Verba Thomæ sunt: Potest justè per sententiam vel ordinationem Ecclesie auctoritatem Dei habentis tale jus domini vel prælationis tolli, quia infi-

deles merito sua infidelitatis merentur potestatem amittere super fideles, qui transferuntur in filios Dei. Iterum alibi: Aliquis per infidelitatem peccans potest sententialiter jus domini amittere, sicut etiam quandoque propter alias culpas. Infra: Infidelitatem illorum, qui fidem susceperunt, potest (Ecclesia) sententialiter punire, & convenienter in hoc puniuntur, quod subditis fidelibus dominari non possunt. Infra: Et ideo quàm citò aliquis per sententiam denunciatur excommunicatus propter apostasiam à fide, ipso facto ejus subditi sunt absoluti à dominio ejus & juramento fidelitatis, quo ei tenebantur. Si Rex de re tota, & de Baronis consilio & doctrina bene monitus flet, & in perniciem sui & regni consentit, ego quamlibet invitatus acquiesco.

#### ANIMADVERSIO IX.

Frater Baro cum respondet, dissimulat, quæ in adversarii objectionibus sunt præcipua & invicta.

HIC Frater ut odiosum redderet judicium, quod de relatis à B. Thoma sancti Cyrilli testimoniis tuleram, objecerat me quæcunque dixeram ex hæreticis mutuatum esse. Verba sunt à libro I. sect. II. paragrapho V. Quæcunque habet argumenta, ex his Ecclesie Romana hostibus (Marco Antonio de Dominis, Philippo Mornæo, & Davide Blondello) deprompta. Cum deest legitima disputandi ratio, sincerus vir hanc ad aram & asylum confugit. Sed continuo pergit & dicit: Nos contra adversus illum & sociorum impetus præsidia ex nominatis viris clarissimis (sancto Bernardo, Perronio & Coëffetæo) extruimus.

Ego quidem primum in nostræ ad Thomam Fortunum Parisiensem Theologum epistolæ capite VII. responderam, nec sanctum Bernardum, nec Perronium, nec Coëffetæum de Cyrilli testimoniis, quæ Thomas laudat, tractasse, aut vindicasse unquam, atque ideo Fratrem vanissimum disputatorem agere, dum scribit se adversus meos & sociorum impetus præsidia ex tribus illis viris clarissimis exstructum esse. Tum responderam nec Marcum Antonium, nec Mornæum, nec Blondellum examinasse unquam, utrum quæ Cyrilli testimonia beatus Thomas tribus in operibus suis laudat, subjecta Cyrillo sint, necne? Atque ideo Fratrem non posse Marci Antonii, Mornæi & Blondelli loca indicare, è quibus quod de relatis à Thoma Cyrilli testimoniis judicium tuli, deprompterim. At Frater sua in epistolam nostram exercitatione hæc dissimulat omnia, & vadimonium deserit, & sic non indicatis illis locis maledictiæ reus habendus est.

Deinde disputandi gratiā posueram me ex tribus illis hæreticis depromptisse, quod non deprompteram, sed me potuisse id impune facere, decretoriis rationibus quinque confirmaveram, quarum nonnullas in exercitationis art. II. diminutè repræsentat, ne vis illarum appareat, alias verò minimè tangit. Has repeto & ut amuletum etiam adversus Satanam præsentissimum oppono. "Tum si Fratri nos ita criminari liceat, nunquam poterimus commiserum à F. Jacobo Clemente collega quondam suo parricidium diris atque execrationibus insectari, quod illud ante nos Philippus Mornæus, David Blondellus, vel alii de heterodoxorum grege insectati fuerint. Tunc Frater Baro statim occurreret & sibi fumeret, nos diras atque execrationes illas omnes ex immanissimis Romanæ Ecclesie hostibus depromptisse. Hæc sunt, inquiet, protrita ex Mornæi & Blondelli promptuariis precario emendicata. Hæc sunt ex præjudicatis opinionibus, quæ omnino Mornæo & Blondello consentiunt. Hæc Marci Antonii, Mornæi & Blondelli officinam respiciunt. Hac disputandi methodo Frater Fratris sui facinus "dete-

“detestabile vindicaret, & me, quia execrerer, quod  
“Mornæus, Blondellus & alii ante me execrati es-  
“sent, inter hæreticos relegaret, quippe qui argu-  
“mentum contra Fratrem Jacobum Clementem nul-  
“lum haberem, quod ex immanissimis Romanæ Ec-  
“clesiæ hostibus non deprompissim, atque ita qui  
“atroces timebit Baronis calumnias, parricidam reve-  
“reri, & Fratri Jacobo Clementi benedicere cogetur.  
“Quæ certa erit ineundæ cum Barone nostro familia-  
“ritatis & amicitiae ratio.

“Quartò sit ita, me id fecisse quod mendaciter  
“objicitur: Me id fecisse dico Apostoli Pauli secu-  
“tus consilium: Omnia probate, quod bonum est,  
“tenete. Synodus illa, quæ canonicos libros secrevit  
“ab apocryphis, consilium idem tribuit. Hoc po-  
“sito, cur id mihi non liceret, quod beatus Thomas  
“sibi licere credidit? Hic Doctor argumenta passim  
“& liberè depromit ex operibus Aristotelis, quem an-  
“tiqui Patres hæreticorum Patriarcham nominant,  
“& tanquam capitalissimum Christianæ Religionis  
“hostem abjiciunt, ut in libri de varia Aristotelis for-  
“tuna capite 11. latè demonstravi. Sic Baro per  
“latus meum Thomam quintum Ecclesiæ Doctorem  
“feriit, & sursum conjecit tela, quæ in illius caput  
“reciderunt. O ingratum Thomæ discipulum, & in-  
“eptum jaculatorem! Si tamen vis sit tibi

“Enceladus jaculator audax.

Hæc sunt argumenta duo, quæ Frater Baro præte-  
riit, quæ fugit, & fugâ salutis suæ consuluit. Nam si  
illa reciperet, opprimeretur, & oppressus respirare  
vix posset.

### ANIMADVERSIO X.

*Cum Baro pro evertentibus Episcopalem obedi-  
tiam privilegiis, Pontificia & Regia auctori-  
tati blanditur, utrisque exitium machinatur.*

**I**N articuli 11. paragrapho 1. pagina 407. de pri-  
vilegiis monasteriorum ita statuit: Sed ut in ma-  
teria invidiosissima orationi moderer, aliud caput attingam  
de privilegiis monasteriorum. Censes-ne illa in totum  
tollenda, neque posse salvo Ecclesiæ juribus, in antiqua  
disciplina legibus retineri, etiamsi Pontificia auctorita-  
ti Regia accesserit, neque regni Parliamentis intercesse-  
rim! Si id patiare, in tuto sunt infinita regularium Ec-  
clesiarum & Capitulorum immunitates, quibus hæc tria mun-  
imenta non desunt. Hujus generis sunt collata à Summis  
Pontificibus, necdum probata, sed etiam expetita à Re-  
gibus cœnobio sancti Maximini privilegia, de quibus ho-  
die sub iudice lis est. Nec dubito, Launois, si res tuo  
440 iudicio decerneretur, quin simus causâ casuri, quam-  
vis præter literas Pontificias & Regias, Senatus decreta  
suppetant, partium pacta, quibus transegerint, quorum  
intererat, ne hujusmodi immunitates obtinerent. Et qui-  
busdam interpositis: De altera parte disputationis, quæ  
ad singulares spectat immunitates, assentior Launoio re-  
jiciendas, quas evicerit gravi obreptionis vitio non ca-  
rere. Baroni de me contanti quid de privilegiis mo-  
nasteriis concessis censeam, singillatim & 228<sup>o</sup> 232<sup>o</sup>  
respondeo.

I. Censeo tollendum esse privilegium illud, de quo  
Abrahamus Bzovius ex Ordine Prædicatorum scrip-  
tor in Annalium Ecclesiasticorum tomo XIX. loquitur  
ad annum M.D.XVI. Leo ut ad manum regula-  
rei unitos haberet, qui Pontificiam auctoritatem & ma-  
jestatem, sequè unanimiter adversus Episcopos tuerentur,  
edito super ea re diplomate corpus quoddam, seu Con-  
gregationem Regularium omnium in urbe instituit, quo-  
rum superiore ad cœnobium Minerva toties, quoties  
necesse haberent, in gravaminibus etiam à Summo Pon-  
tifice illatis vel inferendis convenirent & deliberarent,  
& in commune decernerent, præsidente cœni supremo  
Dominicanorum Magistro, qui moderator consiliorum esset.

En seditiosum privilegium, quod filii in parentes ar-  
mantur! En injuriosum privilegium, quo Episcopi de  
sacra potestate deturbantur! En privilegium exem-  
pli pessimi, cum aliud dari posset simile quo unius-  
cujusque cœnobii Fratres jungerentur adversus su-  
periores suos, depugnarent, in otio tumultuantur,  
& in tumultu otiantur; in summa tumultuantes  
& otiantes uni duntaxat Romano Pontifici subde-  
rentur!

II. Censeo tollendum esse quodcunque privilegium 441  
illuc pertinens, quod concessum Dominicanis à Leone  
X. privilegium pertinere constat, scilicet sublato  
quocunque tali privilegio inferiores parebunt superi-  
oribus, Calchedonenis Concilii canones IV. & VIII.  
spiritu Dei conditi, & totius mundi reverentia con-  
secrati vigeant, efflorescant, observabuntur. Quo pa-  
cto Ecclesiasticæ paci consulatur, & omnia in pristina  
concordiam reducentur.

III. Cominus ad Baronem accedo, & loquor aper-  
tius. Censeo tollenda esse privilegia, quæ Presbyteros  
& Monachos ab Episcoporum diœcesanorum obedi-  
entia & potestate liberos & immunes efficiunt. Cur  
autem tollantur rationes mihi sunt inter alias duæ,  
quas Frater Baro & reliqui privilegiorum istiusmodi  
defensores suppeditabunt.

Et primum quidem qua ratione Baro & Fratres re-  
liqui non barones, uniuscujusque cœnobii Monachos  
& uniuscujusque collegii sodales nec ab obedientia  
& potestate superiorum eximendos, nec uni proxime  
& 442 subdendos esse Romano Antistiti pug-  
nabunt, eadem & ego prorsus pugnabo, eosdem Mo-  
nachos & uniuscujusque collegii sodales ab Episco-  
porum obedientia & potestate nec liberandos, nec  
uni Romano Pontifici proxime & 443 subdendos  
esse. Hic ut apparet non meis viribus, qui cum  
Monasticis millelima parte non sum conferendus, sed  
valentissima ratione & certissima veritate innumera-  
biles monachorum & sodalium copias profligabo,  
nisi fortassis, ut me debilitent, perversa religione  
ducti velint unumquodque cœnobium & collegium in  
ultimam confusionem & ordinis perturbationem ad-  
ducere.

Deinde rationem alteram qui exemptos ab Episcopo-  
rum obedientia & potestate se venditant, jam-  
pridem suppeditarunt opera Henrici Henriquezii, quem  
audire placet in libri VII. moralis Theologiæ cap.  
XXIV. scribentem his verbis: Exemptio quadam per-  
sona, ut Summi Pontificis à potestate seculari est de  
jure divino, quia neminem in terris habet superiorem:  
At persona Ecclesiastica, ut regulares & Clerici jure  
divino non sunt exempti in persona, seu causa criminali,  
cum subjiciantur foro civili in quibusdam: Sed Pon-  
tifex jure suo potuit eos eximere, & in multis exem-  
it & fecit sibi & delegatis suis speciali ratione  
subjectos. Determinatio vero causarum, in quibus exi-  
muntur, pertinet ad eundem Pontificem: Sic potuit  
Pontifex regulares omnes facere omnino liberos ab Episcopo-  
rum lege diœcesana. In probatione consentiunt  
omnes ferè Catholici, qui tractant de potestate Papa:  
Et hinc saltem indirectè habet potestatem temporalem supra  
omnes Principes Christianos, & ex causa privat eos reg-  
no, & Imperio, ut probat Bellarminus libro V. de Ro-  
mano Pontifice à capite VI. Sic igitur ratiocinantur  
monachi: Romanus Pontifex Christianos Principes  
regno & imperio privat ex causa, & consequenter  
illorum obedientiæ populares & cives subtrahit.  
Romanus igitur Pontifex, Presbyteros, Clericos  
& Monachos Episcoporum obedientiæ & potestati  
subtrahere potest. Ratiocinationis istius antecedens 443  
in superiori animadversione sic eversum est, ut  
erigi nunquam instaurarique potuerit: Atque ita  
vana & inutilis est consecutio. Sed disputandi gra-  
tiâ concessio antecedente negatur consecutio, quip-  
pe quæ à dicto secundum quid ad dictum simpliciter  
procedat.



procedat, nec ea potest non esse vitiosissima. Quamobrem ex antecedenti tali nihil in complexione infertur aliud, quam quod Presbyteri, Clerici & Monachi possint ex causa Episcoporum obedientiae & potestati subtrahi. Hinc cessante causa quae perpetua esse non potest, sed temporaria, Presbyteri, Clerici & Monachi Episcoporum obedientiae & potestati subtrahi cessabunt. Qua igitur ratione Monachi perpetuas ab Episcoporum potestate & obedientia immunitates adstruunt, eadem & illas funditus evertunt. Haec exemptio per Monachorum rationem statuitur in poenam, quae fontis est, non infontis Episcopi, nec in successorem legitimum & infontem transire merito potest: Nisi Monachi per summum nefas argumentum suum aliter faciant, & philosophentur hoc modo: Romanus Pontifex ad arbitrium suum & sine causa privare potest Reges regno & imperio: Igitur & Episcopos potestate & iurisdictione, quam habent in Presbyteros, Clericos & Monachos ad arbitrium suum & sine causa privare poterit.

444 Verumenimvero suspicor, Transalpinos Monachos & harum exemptionum patronos, quorum duces & antesignani sunt, Robertus Quatremarius, Norbertus Caillocius, & Vincentius Baro, non reformaturos esse enthymema, quod Cisalpini Monachi, apud Henriquezium formarunt, sed intoleranda fraude, nefariis molitionibus & consiliis perfecturos, ut illius enthymematis consequentia permultis supremarum Galliae Curiarum decretis confirmetur: Ut postquam confirmata fuerit, impune sic argumententur: Romanus Pontifex absolute & simpliciter potest Presbyteros, Clericos & Monachos Episcoporum potestati & iurisdictioni subducere: Igitur & poterit Regum obedientiae & imperio populares & cives universos subducere. Antecedens probatur ex Senatusconsultis quae & Luteriae, & Tolosae, & Aquilexii, & Rotomagi, Burdigalae, & Gratianopolis, & Divione magna cum celebritate, & nobis agentibus facta sunt. Sic Transalpini & Cisalpini Monachi velut ex compacto & consensu dolis ac machinationibus argumentantur, & ad optatum ab omnibus scopum, Episcopalis & Regiae auctoritatis eversionem, perveniunt. Qua in re Transalpini Cisalpinis deteriores esse mihi videntur. Cisalpinorum modus argumentandi eo tantum spectat, ut antistites ex causa priventur sua in Monachos potestate ac iurisdictione: Transalpinorum vero modus argumentandi eo pertinet, ut primum Episcopi sua in Monachos iurisdictione, deinde Reges sua quoque in populares & subditos potestate sine ulla causa priventur.

Ne vero quis putet me gratis & sine ratione notasse Quatremarium, Caillocium, & Baronem; praesto mihi sunt ipsorummet scripta & facta quibus id asseram & confirmem.

445 Quatremarius enixe tuetur subiectum Gregorio I. Sammedardensis Monasterii privilegium, quo Bellarminus in libri v. de Rom. Pont. capite viii. & in libri de potestate Pontificis in temporalibus capite xl. Adolphus Sculkenius in cap. xiii. Apologiae pro Bellarmino, Franciscus Suares in defensione fidei Cath. lib. iiii. cap. xxiii. de Papae potestate coerciva in Reges, Martinus Becanus in Anglicana controversia cap. iiii. de iuramento fidelitatis quaest. iiii. utuntur omnes, ut probent, Romanum Pontificem posse deturbare Reges e regno suo & subditos a iuramento fidelitatis absolvere. Ego in praefatione operis, quod *Affertio Inquisitionis in Monasterii sancti Medardi Sueffion. privilegium inscribitur*, Quatremarium admonui, ut doctrinam istam regum vitae infidiosam ejuraret, sed quia Monachus est Congregationis, quae B. Benedicto invisam & inauditam ab Episcoporum obedientia & potestate immunitatem efflictim deperit, ejurare haecenus noluit.

Caillocii res sic se habet: Ego in libro, qui *Inquisitio in Praemonstratensis Ordinis privilegia inscribitur*, observaveram, Ludovico XI. Regi Galliae fraudulenter obreptum esse, dum certa quaedam confirmavit privilegia, in quibus clausula haec haberetur: *Siqua igitur in futurum Ecclesiastica secularisve persona hanc nostrae concessionis paginam sciens contra eam temere venire tentaverit, secundo tertioque commonita, nisi satisfactione congrua emendaverit, potestatis honorisque sui dignitate careat*. Deinde observaveram clausulam istam imprecationis modum minime continere, sed receptam juris formam, quam recipit abdicationis sententia. Et clausula haec praeter Regem ceteros, qui ad regnum pertinent, comprehendit, & sic Regis regnique iura non potest non offendere. Sic autem Caillocius ut illa privilegia ab omni obreptione immunia & salva conservet, in opere, quod *Responsio ad inquisitionem Joannis Launoi Paris. Theol. in privilegia Praemonstratensis Ordinis inscribitur*, respondet in capite xviii. Sed etsi Reges & Principes haec clausula comprehenderet, eaque imprecationis, aut comminationis modum non contineret, sed receptam juris formam, quam exciperet abdicationis sententia, Quid inde? Enimvero ad hoc ut Principes & Reges obligare posset haec clausula, vel acceptatio, requireretur ex parte Principum, (adeo ut hi jus haberent similem clausulam respondendi, si vellent) vel non requireretur acceptatio, sed obligare posset etiam invitos. Si requiratur acceptatio, aut princeps acceptavit, aut non acceptavit; si non acceptavit, quid ex ejusmodi clausula Principi metuendum; si autem acceptavit, quidnam acceptanti & servare volenti formidandum esset? Si vero jus repugnandi Principes non habeant, sed eos haec clausula obligare potest vel invitos, hanc approbaverint, necne, aqua semper erit obligatio. Quid clarius ad patefaciendum regiae dignitatis everforem?

Baro jampridem juravit in doctrinam hanc: Et ideo quam cito aliquis (Princeps) per sententiam denuntiatur excommunicatus propter apostasiam a fide, ipso facto ejus subditi sunt absoluti a dominio ejus, & iuramento fidelitatis, quo ei tenebantur. In hanc, inquam, doctrinam ille juravit, & supra meditate scripsit: Certo scire se in orbis Christiani infinitis partibus non solum impune, sed etiam cum laude a Theologis propugnari.

IV. Pontificiae dignitati turpiter illudit, cum a Pontifice concessa esse vult privilegia, quibus seu Presbyteri, seu Monachi Episcoporum obedientiae & potestati contra canones subducuntur in perpetuum. Nam hujusmodi privilegia, siquae extarent, per manifestissimam obreptionem concessa essent. Mihi non crede, sed ipsismet Romanis Pontificibus Gelasio I. Zachariae, Gregorio VII. Joanni XXII. qui qua in re versetur Sedis Apostolicae officium, nos docent.

Gelasius in epistola xiiii. ad Episcopos Dardaniae: Quibus convenienter ex paterna traditione perpensis confidimus, quod nullus jam veraciter ignorat Christianus, uniuscujusque Synodi constitutum, quod universalis Ecclesia probavit assensus, non aliquam magis exequi Sedem praeter ceteris oportere, quam primam. Qua & namquamque Synodum sua auctoritate confirmat, & continuata moderatione custodit, pro suo scilicet principatu, quem beatus Petrus Apostolus Domini voce perceptum Ecclesia nihilominus consequenter & tenuit semper & retinet. Si praeter ceteris sedibus oportet primam uniuscujusque Synodi constitutum, quod universalis Ecclesiae probavit assensus, magis exequi; haec prima Sedes non potuit omnino sine manifesta obreptione dare privilegium, quo constitutum illud infringatur. At constituto tali similes sunt Calchedonensis Concilii canones quartus & octavus, qui Presbyteros & Monachos Episcoporum potestati subijciunt. Et sane inter ceteras Ecclesias Gallicana in illis

illis canonibus retinendis summam semper adhibuit diligentiam. Indicabo tantum Concilia, quæ fidem meam præsent.

Concilium Veneticum anno Christi cccclxv. celebratum can. v. & vi.

Concilium Agathense anno dvi. celebratum can. xxxviii.

Concilium Aurelianense primum anno dxi. celebratum can. vii, xix, xxi.

Concilium Epaonense anno dxvii. celebratum can. viii, ix, x. & xix.

Concilium Aurelianense II. anno dxxxiii. celebratum can. xiii. & xxi.

Concilium Aurelianense III. anno dxxxviii. can. xxi.

Concilium Arelatense IV. anno dcli. celebratum can. xi.

Concilium Arelatense II. anno dliv. celebratum can. ii. & iii.

Concilium Turonense II. anno dlxvii. celebratum can. vii.

Concilium Autissiodorense anno dlxxviii. celebratum can. vii. & xxiii, xxiv, xxv, xxvi.

Concilium Parisiense anno dcxv. celebratum can. viii. & xii.

Concilium incerti loci paullo post Parisiense istud celebratum can. iv, v. & xi.

Concilium Cabilonense anno dcl. celebratum can. xv.

Concilium Augustodunense anno Christi circiter dclxx. celebratum can. vi, x, xi.

Concilium Vernense anno dcc. lv. celebratum in præfatione, & can. iiii, v, x, xi.

Concilium Francofordiense anno dcc. xciv. celebratum can. xiii, xiv, xv, xvi, xvii, xviii, xix, xxiv, xxxii. Concilium hoc Gallicanis adjicio, quia illud inter antiqua Gallie Concilia reperio.

Concilium Arelatense anno dcccxi. celebratum can. vi. & viii.

Concilium Moguntiacum anno eodem celebratum can. xi, xii, xix, xx, xxi.

Concilium Remense anno eodem celebratum can. ix, xviii, xxv, xxvi, xxx.

Concilium Turonense III. anno eodem celebratum can. xxv. & xxxi.

Concilium Parisiense VII. anno dcccxxix. celebratum in libri i. capite xlvi. in libri iii. capite xviii.

Concilium Aquigranense II. anno dcccxxvi. celebratum in Capituli i. can. iiii. & in ejusdem Capituli can. ii. & iii.

Concilium Vernense anno dcccxliv. celebratum can. iiii. & iv.

Concilium Meldense anno dcccxliv. celebratum can. lvii. & lxi.

Concilium Succionense II. anno dccccli. celebratum can. i. & ii.

Concilium Carisiacense anno dcccclviii. celebratum cap. ix.

Concilium apud Saponarias anno dcccclix. celebratum can. ix. & xi.

Concilium apud S. Macram anno dcccclxxxi. can. iv.

Hoc in loco Conciliorum canones non refero: Integros retuli in libro, qui *Affertio Inquisitionis in Chartam immunitatis Sang. Monasterii*, inscribitur. Retuli inquam ubi Calchedonensis Concilii canones duos iv. & viii. præmisi. Si qua igitur privilegia his canonibus adversa Romanus Pontifex largiretur, contra primæ Sedis, cui præsidet, officium ageret, & agendo sibi fraudulenter obreptum esse commonstraret. Nimirum docente Gelasio non aliquam memoratos canones magis exequi Sedem præ cæteris oportere, quam primam. Oportere verò est consentaneum esse officio,

licere legibus & juri, decere temporibus & personis, ut ait Tullius in oratione pro Cornelio. Sumamus aliam Sedem id genus privilegii quo de agimus, dedisse, quis auderet rectè datum asserere? Nemo utique, quia oportet aliam Sedem Calchedonensis Concilii canones exequi. At primam illos magis exequi oportet. Hæc est primæ Sedis per Gelasium ratiocinatio, quam quis eludet?

Zacharias in Epist. i. ad Bonifacium Moguntinum Archiep. capite v. *Nec ab hac Apostolica Sede illa diriguntur, quæ contraria esse Patrum sive Canonum institutis inveniuntur.* Si ab Romana Sede illa non diriguntur, quæ Patrum sive canonum institutis judicantur contraria, ab eadem non diriguntur privilegia, quæ adversus Calchedonensis Concilii canones, Presbyteros vel Monachos ab Episcoporum obedientia & potestate liberent in perpetuum, alioquin subreptionis vel obreptionis jure accusabuntur.

Gregorius VII. in libri ii. Epistola i. ad Sanctum Aragoniæ Regem: *Solet sancta & Apostolica Sedes pleraque considerata ratione tolerare, sed nunquam in suis decretis & constitutionibus à concordia canonica traditionis discedere.* Si Sedes Apostolica in suis decretis & constitutionibus à concordia canonica traditionis, nunquam discedit, nunquam dabit privilegia, quæ Calchedonensis Concilii canonibus iv. & viii. adversentur, aut si quando daret, per obreptionem vel subreptionem daret.

Joannes XXII. tit. iv. de concessione Præbendæ: *Sedes Apostolica in suis actibus veritatem prosequens, lucem amans libenter evitat nodosa ambiguitatis involutum, illamque sibi semper in suis ordinationibus reservare cautelam intendit, ut de illis ita proveniat commodum, quod aliis non imminet detrimentum.* Quæ his ex verbis colliguntur mala duo, cum Sede Apostolica commune nihil habent, & nonnisi per obreptionem subreptionem-ve habere omnino possunt. Sedes Apostolica in omnibus suis actibus cautionem eam semper adhibet, ut hinc commodum adferat, illinc detrimentum nullum importet. Sed aliter se res habet in privilegiis, quæ Presbyteros & Monachos Episcoporum obedientiæ & potestati subtrahunt. Hæc privilegia Monachis & Presbyteris incommode adferunt, tantum abest, ut commodum adferant: lis plurima vitia, virtutes nullæ superstruuntur, ut beatus Bernardus auctor idoneus & locuples amplissimè demonstrat, & primum quidem in Epistola xlii. ad Henricum Senonensem Archiepiscopum. Ubi ait: *Patienter ab hujusmodi libertate abstineam, quæ me pessimè addicat superbia servituti. Plus timco dentes lupi, quam virgam pastoris.* Certus enim sum ego Monachus & Monachorum qualiscunque Abbas, si mihi quandoque Pontificis à propriis cervicibus excutere jugum tentavero, quod Satana mox tyrannidi meipsum subijcio. Deinde in libri iii. de Consider. cap. iv. ubi sic alloquitur Eugenium III. *Nolo autem præterferas mihi fructum emancipationis ipsius, nullus est enim, nisi quod inde Episcopi insolentiores, monachi etiam dissolutiores fiunt.* Et paullo post: *Monstrum facis, si manu submovens digitum facis pendere de capite, superiorem manui, brachio collateralem. Tale est si in Christi corpore membra aliter locas, quam disposuit ipse.*

Ad Episcopos autem quod attinet, potestas illorum divinitus accepta turbatur, ut Tridentina Synodus animadvertit in sessionis xxiv. capite xi. de privilegiis & exemptionibus: *Quæ variis titulis plerisque conceduntur, hodie perturbationem in Episcoporum jurisdictione excitare, & exemptis occasionem laxioris vite præbere dignoscuntur.* Huc spectat Gregorius Magnus cum in libri ix. capite xxxii. ad Romanum Sicilia defensore ita scribit: *Si sua unicuique Episcopo jurisdictio non servatur, quid aliud agitur, nisi ut per nos, per quos Ecclesiasticus custodiri debuit ordo, confundatur?*

Hæc



Hæc igitur omnia, quæ Gelasius, Zacharias, Gregorius VII. & Joannes XXII. de Apostolica seu prima Sede prædicant, ostendunt illius principatum in observatione & executione sacrorum canonum potissimum consistere, & Baronem vehementer errare, quia primæ Sedis principatum in derogatione & eversione sacrorum canonum constituit. Explicatum à Gelasio, Zacharia, Gregorio, & Joanne Romanis Pontificibus cathedræ suæ principatum agnoscimus & reveremur; Baro nec agnoscit, nec reveretur.

Deinde si Romanus Pontifex exemptiones plenas & perpetuas daret, certissimam evertendæ dignitatis suæ viam patefaceret. Res ita se habet. Cum Romani Pontifices jus appellationum sibi suæque Sedi vindicant, id ex sacris canonibus omnino repetunt.

Innocentius I. in Epistola ad Victricium Rotomagensem Episcopum capite II. Si autem majores causa in medium fuerint devoluta ad Sedem Apostolicam, sicut sancta Synodus statuit, & beata consuetudo exigit, post Episcopale judicium referantur. Observat duo: Sancta Synodus statuit, & beata consuetudo exigit: Consuetudinem Synodi statuto subicit, ut probet, Synodi statutum in auctoritatem & usum admissum fuisse.

Gelasius I. in Epistola IV. ad Faustum: Nobis opponunt canones dum nesciunt quid loquantur. Contra quos hoc ipso venire se produnt, quod prima Sedi sana rectaque suadenti parere fugiunt. Ipsi sunt canones, qui appellationes totius Ecclesiæ ad hujus Sedis examen voluerunt deferri. Sunt ipsi, inquit, canones, & aliud nihil profert in medium. Et paulo post pergit: Sed religiosi viri atque perfecti secundum canones concessam Sedi Apostolica potestatem nimirum conantur eripere, & sibi met eam contra canones usurpare contendunt. Vide quid dicat: Secundum canones concessam Sedi Apostolica potestatem.

454 Gregorius I. in libri V. Epistola XXIV. ad Marinianum Ravennatem Episcopum: Nunquid non ipse nosti, quia in causa, quæ à Joanne Presbytero contra Joannem Constantinopolitanum fratrem & Coepiscopum nostrum orta est, secundum canones ad Sedem Apostolicam recurrit.

Innocentius, Gelasius & Gregorius respectum habent ad Sardicense Concilium, quod editis canonibus appellationum jus Romanæ Sedi asseruit.

In Calchedonensi Concilio canones sunt maxime duo IV. & VII. quibus Monachi & Presbyteri omnes Episcoporum potestati submittuntur. Quartus est ejusmodi: Qui verè & purè solitariam eligunt vitam, digni sunt convenienti honore. Quidam verò monachorum habitu utentes indifferenter per civitates incedunt, necnon & monasteria, & seipsos propria presumptione commendant. Placuit igitur neminem aut edificare, aut constituere monasteria, aut oratorii domum sine conscientia ipsius civitatis Episcopi. Eos verò qui per singulas civitates seu possessiones in monasteriis sunt, placet nobis Episcopos subjectos esse debere, & quieti operam dare, atque observare jejunia & orationes in locis, in quibus semel se Deo voverent permanentes. Nec Ecclesiasticis verò nec secularibus negotiis communicem, vel in aliquo sint molesti propria monasteria deferentes: Nisi fortè his precipiatur propter opus necessarium, ab Episcopo civitatis. Nullum verò recipere in monasteriis servum obtentu monachi, præter sui domini conscientiam. Transgredientem verò hanc definitionem nostram excommunicatum esse de-

455 crevimus, ne nomen Dei blasphemetur. Verumtamen Episcopum civitatis convenit competentem Monasteriorum providentiam gerere.

Octavus: Clerici, qui præsiciuntur Ptochiis, vel qui ordinantur in Monasteriis & Basilicis martyrum sub Episcoporum, qui in unaquaque civitate sunt, secundum sanctorum Patrum traditiones potestate permaneant, nec per contumaciam ab Episcopo suo dissiliant. Qui verò audent evertire hujusmodi formam quocunque modo, nec

proprio subjiciuntur Episcopo, siquidem Clerici sunt, canonum correctionibus subjacebunt, si verò laici vel monachi fuerint, communionem priventur.

His autem ita constitutis, si Romani Pontifices Calchedonensis Concilii canones non exequerentur, sed iis, ut Presbyteri & Monachi Episcoporum obedientiæ & potestati subducerentur, derogarent in perpetuum; cæteri Pontifices ad Romanorum Pontificum exemplum Sardicensis Concilii canones pollent non exequi: Et sic jus appellationis ad Sedem Apostolicam subverteretur. Quo subverso Sedis Apostolicæ dignitate quid fieret? Id genus mali cum ipsimet Romani antistites prospicerent, huic quanta potuerunt auctoritate, occurrerunt.

Symmachus in Epistola I. ad Aeonium Arelatensem Episcopum: Hoc accedit, quod ne sit sententiarum varietas, ad ipsam sacrosantam Catholicam religionem credimus pertinere; cujus potestas omnis infringitur, nisi universa, quæ à Domini Sacerdotibus semel statumuntur, perpetua sint: Quod aliàs contingere non poterit, si successor decessoris actibus non tribueret firmitatem, & roborando quæ gesta sunt, faciat rata esse quæ gesserit. 456 Quanta enim Vicariis beatissimi Petri Apostoli judicabitur esse reverentia, si quæ in Sacerdotio præcipiunt, eisdem transeuntibus dissolvantur? Si Symmachus hoc dicit de Anastasio decessore suo, qui certam quandam Leonis I. constitutionem per obreptionem resciderat, quid non dixisset, (si quid tamen majus dici potuit, aut expressius) si universalis Synodi canonibus Spiritu Dei conditis, & totius mundi reverentiâ consecratis derogasset?

Gregorius I. in Libri I. Epistola XII. ad Montanam & Thomam: Justitia, ac rationis ordo suadet, ut qui sua à successoribus desiderat mandata servari, decessoris sui proculdubio voluntatem & statuta custodiat. Deinde in libri VII. Indict. I. Epistola XVII. ad Bonifacium defensorem: Nimis est asperum, & præcipue bonis Sacerdotum moribus inimicum, nisi quempiam quacunque rationis excusatione, & quæ bene sunt ordinata, rescindere, & exemplo suo docere ceteros sua quandoque post se constituta dissolvere. Quæ Gregorius duabus in Epistolis scribit, scripsisse diceret, ut quod unum intendimus, comprobaretur. Nempe si quis Romanus Pontifex, relatos Calchedonensis Synodi canones in Presbyterorum & Monachorum gratiam rescinderet, dissolvendorum ab Episcopis Sardicensium de appellationibus canonum exemplum præberet. Porro autem observandum est Gregorium verba tantum facere de decessorum mandatis, non de sacris canonibus. Nam si de iis verba fecisset, id omnino dixisset, quod in libri II. Indict. XI. Epistola LII. ad Joannem Constantinopolitanum Episcopum scribit: Si canones non custoditis & majorum vultis statuta convellere, non cognosco qui estis. 457

Gregorius VII. Gregorii I. vestigia relegens, non proletario vel plebeio cuidam, sed Aragonum regi Sanctio nonnihil in libri II. Epistola I. denegat gratiæ: Ne, inquit, quicquam à nobis contrarium sanctis Patribus in exemplum & auctoritatem posteris relinquantur. Tunc nondum exorti erant homines Baroni nostro similes, qui sublato pudore omni, & neglecta mali exempli perniciem Romanis Pontificibus omnia permittunt, & nefariis molitionibus suis id tandem consecuti sunt, ut Concilium delectorum Cardinalium & aliorum Prælatorum de emendanda Ecclesia conscriptum Paulo III. jubente, eundem monuerit adulatores fuisse, qui Pontificibus nonnullis persuaserint; Quod voluntas Pontificis, qualiscunque ea fuerit, sit regula, quæ ejus operationes & actiones dirigantur. Ex quo proculdubio effici, ut quidquid libeat, id etiam liceat. Ex hoc fonte, sancte Pater, tanquam ex equo Trojano irrupere in Ecclesiam Dei tot abusus, & tam gravissimi morbi, quibus nunc conspiciamus eam ad desperationem fere salutis laborasse, & manasse harum rerum famam ad infideles usque. Dimisso

Dimisso igitur Barone & aliis sacrorum canonum & moralis apud Christianos disciplinæ corruptoribus, qui ex Aristotelis schola prodierunt, hic rata debent esse tria. Primum, quod plenæ & perpetuæ Monachorum & Clericorum ab obedientia & potestate Episcopali immunitates Romanæ Sedis juribus vehementer obesse possunt, nunquam prodesse possunt. Deinde, quod si quæ Clericis & Monachis immunitates istiusmodi concessæ sint, non potuerunt, nisi per obreptionem, subreptionem-ve concedi. Nemo enim credet ullum fuisse Romanum Pontificem, qui contra Sedis suæ dignitatem & amplitudinem conjuraverit. Postremo, quod Baro & alii qui ad defendendas immunitates hujuscemodi conspirant, Sedis Apostolicæ dignitatem & jura certissimo discrimini exponere non verentur, quo tempore simulant se velle Sedis Apostolicæ jura & dignitatem augere.

V. Cùm Frater Baro regiam vult auctoritatem in privilegiorum, quibus Clerici vel Monachi obedientiæ & potestati Episcoporum subtrahuntur, defensionem oppignerare, luculenter ostendit nullas esse occultiores insidias, quàm quæ latent in simulatione officii. Siquidem Baro cùm videtur regiam auctoritatem efferre, eam de suo statu dejecit ac deturbat. Regiæ auctoritatis est curare, ut canones spiritu Dei conditi & totius mundi reverentiâ consecrati ferventur, non ut iis per Clericorum vel Monachorum privilegia derogeretur.

Exinde Clodoveus primus Galliæ Rex, in Aurelianensi Concilio I. quod illius jussu celebratum est, Calchedonenfis Concilii canones duos IV. & VIII. promulgari, & in Ecclesiasticam regni sui disciplinam admitti voluit. Quod uti fieret accuratius, condendorum canonum materiam Patribus dedit, ut ipsimet testantur in Epistola Synodica ad Clodoveum: *Quia tanta ad religionis Catholica cultum gloriosa fidei cura vos excitat, ut Sacerdotalis mentis affectu, Sacerdotes de rebus necessariis tractantur in unum colligi jusseritis, secundum voluntatis vestræ consultationem, & titulos quos dedistis, ea quæ nobis visum est, definitione respondimus, &c.*

In canone VII. res sic se habet: *Abbatibus, & Presbyteris, omnique Clero, vel in religionis professione viventibus sine discussione vel commendatione Episcoporum pro petendis beneficiis venire non liceat.*

In can. XIX. *Abbates pro humilitate religionis in Episcoporum potestate consistant, & siquid extra regulam fecerint, corrigantur.*

In can. XXII. *Nullus Monachorum Congregatione Monasterii derelicta, ambitionis & vanitatis impulsu celulam construere sine Episcopi permissione, vel Abbatis sui voluntate presumat.*

Childebertus Rex, & illius fratres anno DXXXIII. Aurelianense Concilium II. fieri jusserunt ab Episcopis de observatione legis Catholicæ, ut ipsimet præfantur, tractantur.

In can. XIII. statuunt, *Ut Abbates, Martyrarii, Reclusi, vel Presbyteri epistolia dare non presumant.* Id Episcopis reservatur, ut soli fidelibus literas dent commendatitias.

In can. XXI. statuunt, *Ut Abbates, qui Episcoporum præcepta despiciunt, ad communionem nec penitus admittantur, nisi contumaciam susceptâ humilitate deponant.* Atquidquid hic statuunt, convenienter Calchedonenfi Concilio statuunt.

Pippinus cùm Rex esset, Vernense celebrari voluit Concilium, in cujus præfatione quodnam sit Regis officium, ita declaratur: *Suffecerint quidem priscorum Patrum regula sanctæ Ecclesiæ Catholica, rectissima norma ad mortalium correctionem prolata, si earum sanctissima jura perseverassent illasa. Sed quia emergentibus causis quibusdam congruis, temporèque inquieto superveniente contingit, nonnulla ex hac re negligentia faciente fuisse intermissa. Ideoque gloriosissimus, atque adeo re-*

*ligiosus illuster vir Pippinus Rex Francorum universos pene Galliarum Episcopos aggregari fecit ad Concilium Verno Palatio, recuperare aliquantisper cupiens instituta canonica. Inter antiquos canones, qui recuperantur, sunt Calchedonenfis Concilii canones duo, IV. & VIII. ut constat ex Vernensis Concilii canone III. & V. qui sic se habent: Ut unusquisque Episcoporum potestatem habeat in sua parochia tam de Clero, quàm de regularibus, vel secularibus ad corrigendum & emendandum secundum ordinem canonicum spirituales, ut sic vivant, qualiter Deo placere possint. Iterum: Ut Monasteria, tam virorum, quàm puellarum secundum ordinem regularem vivant, & si facere contempserint, Episcopus in cujus parochia esse videntur, hoc emendare debet.*

Carolus Magnus Pippini filius, Calchedonenfis Concilii canonem IV. libro V. Capitularium intulit num. XXV. *Monachos per unamquamque civitatem aut regionem subiectos esse Episcopo suo & quietem diligere, & intentos esse tantummodo jejuniis & orationi in locis, in quibus renuntiaverunt seculo, permanentes. Nec Ecclesiasticis verò, nec secularibus negotiis communicent, vel in aliquo sint molesti, propria Monasteria deserentes, nisi forte eis præcipiatur propter opus necessarium ab Episcopo civitatis.* Deinde num. XXVII. *Episcopum convenit civitatis competentem Monasteriorum providentiam gerere. Quæ postrema est Calchedonenfis canonis IV. periodus. Tum num. XXXIX. Ut omnes Presbyteri, Diaconi & Subdiaconi sub potestate Episcopi mancant. Denique num. XL. Ut nullus Presbyter presumat in alia parochia baptizare, nec missas celebrare sine jussione Episcopi, in cujus parochia est, & omnes Presbyteri ad Concilium Episcopi conveniant, & si hoc quod superius comprehensum est, facere contempserint, secundum suam canonicam institutionem judicentur, tam ipsi quàm defensores eorum.* Quibus verbis exprimitur, quidquid in Calchedonenfis Synodi canone VIII. decernitur.

Hæc pauca de multis, quibus manifestè constant, duo: unum est Galliæ Reges Clodoveum, Childebertum, Pippinum, Carolum Magnum Calchedonenfis Concilii canones duos, IV. & VIII. in se recepisse. Alterum, eos multa fieri præcepisse Concilia, ubi sancta illis canonibus disciplina convenientissima executioni mandari jubetur. Sic ergo Reges nostri canonum illorum custodes se, vindices & propugnatores diligentissimos exhibuerunt; tantum abest, ut permitterent canones illos in desuetudinem abire, vel derogationibus enervari: Atque ita Clericos, & Monachos Episcoporum obedientiæ & potestati subtrahi.

Præterea intelligebant viri prudentes canonum illorum custodiam, & ad regum salutem, & ad regni tranquillitatem pertinere. Nam si semel concederetur, ut institutæ divinitus Episcoporum potestati, & obedientiæ subducerentur Clerici vel Monachi, concessio hæc in ipsorum regum perniciem certissime redundaret. Sic populares & cives regum potestati, & obedientiæ subducerentur. Non enim majore nexu populares & cives à Regibus suis, quàm Clerici vel Monachi ab Episcopis suis pendent. Par est utrobique nexus, eadem obligatio, quia utraque divino jure sancitur.

Id autem Frater Baro novis Curia Romanæ placitis addictus cùm perspicit, Reges nostros in derogationem sacrorum canonum, qui Monachos subjiciunt Episcopis, obstringere conatur. Siquidem ex illa derogatione lucratur duo; primum, quod Monachi ab Episcoporum potestate & obedientia liberantur. Deinde, quod ubi placuerit Curia, simili modo populares & cives ab regum potestate & obedientia liberabuntur. Et quamvis utrumque spectet, sine dubio tamen secundum magis spectat, quia ex eo Curia gratiorem se reddit, dignioremque Inquisitionis sacræ muneribus, ad quæ jamdudum adhinnit.

Eeee

Itaque



Itaque nemini mirum videri debet, si Baro Reges simulatâ in eos pietate ad Monachorum privilegia, de quibus agitur, confirmanda inducat & oppigneret. Non ignorat annos jam esse permultos, postquam Monachi sibi similes & Magistri Curiales apud Henricum Henriquezium in libri VII. moralis Theologiæ capite XXIV. sic argumentantur: Romanus Pontifex indigne 463 rectè habet potestatem temporalem supra omnes Principes Christianos, & ex causa eos privat regno & imperio. Igitur & Episcopos privare poterit auctoritate omni, quam habent in Monachos. De veritate antecedentis non dubitat Frater Baro, quia illud apud Henriquezium probatur ex Bellarmino, quem ipsemet Baro invictum Catholicæ fidei pugilem sæpius appellat. Sed nunc dierum quodnam ille scelus anhelat? Quam pestem patriæ molitur? Non tenebo te diutius. Intendit confirmare antecedens ex auctoritate Regum, quos ad vindicanda Monachorum privilegia, de quibus agitur, insigni fraude & proditioe inclinat & pertrahere conatur. Nam ubi semel & certò probaverit, Reges privilegia, quibus Monachi ab Episcoporum potestate & obedientia solvantur aut solvi putantur, grata ratâque habuisse, sic philosophabitur. Romanus Pontifex Monachos ab instituta divinitus Episcoporum potestate & obedientia liberat ex consensu Principum; igitur populares ac cives à Principum potestate & obedientia, ex eorundem Principum, velint nolint, consensu liberare potest. Dixi velint nolint, quia fieri non potest, ut monasticum pugionem illum evitent Principes, quia in ejus ictum, ut fumitor, consenserunt.

His ita constitutis, ut abrogentur istiusmodi privilegia, si quæ sint, nullius in Gallia magis interesse, quam Regis in me recipio & spondeo. In hoc scammate Baronem & privilegiorum istiusmodi patronos & defensores opperior. Si quæ sint, dixi, quia nullum reperi Monachorum privilegium, in quo conceptis verbis statuatur, Monachos ab Episcoporum potestate & obedientia subduci in perpetuum. Et si quæ reperirentur, ea vel supposititia, vel subreptitia forent. Id necessariò dicendum esse convincunt, quæ 464 supra de Sedis Apostolicæ dignitate & opportunitatibus differui.

VI. Armatis, ut mox visum est, in perniciem sui Regibus ad supremas regni Curias accedit, easque ad patrandum idem facinus insidiosè oppignerat. Nam certum est, privilegia quibus Clerici vel Monachi Episcoporum obedientiæ & potestati subtrahuntur in perpetuum, non posse in Gallia defendi, quin regni & Gallicanæ Ecclesiæ fundamenta duo subvertantur. Unum est, Romanum Pontificem universali subjacere Concilio; Alterum, eundem non posse cives & populares Regum potestati & temporali jurisdictioni, & confirmatæ sacramento obedientiæ subducere. In unius veritate privilegia & libertates regni positas esse omnes traditur in commonitorio, quod apud Tridentinam Synodum Carolus Cardinalis Lotharingus, Legati, Regni Antistites, & Parisienses Theologi communi consilio scripserunt, & quod Cardinalis ille Romam misit ad Britonem Secretarium & procuratorem suum. In altero pax regni totius ac tranquillitas consistit. Nefarium est igitur Baronis consilium, dum omni ope & opera enitur, ut supremæ regni Curie libertatum Gallicanæ Ecclesiæ fundamenta duo concutiant & susque deque vertant.

Nefarii consilii rationem cum ex aliis, tum ex eo 465 quoque repeto, quod juraverit in doctrinam hanc: *Aliquis (Princeps) per infidelitatem peccans potest sententialiter jus domini amittere, sicut etiam quandoque propter alias culpas.* Item: *Quam citò aliquis (Princeps) per sententiam denunciatur excommunicatus, propter apostasiam à fide, ipso facto ejus subditi sunt absolvi à dominio ejus, & juramento fidelitatis, quo ei tenebantur.* Quod ergo frater juravit jusjurandum ne videa-

tur relinquere, sed ut conservare se probet, omninò contendit, supremas regni Curias confirmasse privilegia, quibus monachi ab Episcoporum obedientia & potestate absolvantur. Privilegia istiusmodi confirmarunt nusquam, aut per obreptionem confirmarunt: Et sic cassâ & irrita esset illorum confirmatio. Et nisi hoc dicatur, necessariò dicendum est, supremas regni Curias patrocinari doctrinæ illi, in quam juravit Baro, & quæ priscis Ecclesiæ sæculis invisa & inaudita est, & Libertatum Gallicanæ Ecclesiæ fundamenta Fratris istius machinis labefactat.

VII. Proponit mihi Sammaximinensis Cænobii privilegia, quæ Lutetiæ Dominicanorum opera apud Christophorum Jurnellum in lucem edita sunt anno M. DC. LXVI. Pontificiæ Bullæ seu diplomata sunt numero tredecim. Non omnia, sed certa quædam expendam ad specimen, ex quo quid sentiendum sit de cæteris, judicetur.

I. Diploma primum est Bonifacii VIII. quod ita inscribitur: *Bonifacius Episcopus servus servorum Dei, charissimo in Christo filio Carolo Regi Sicilia illustri, salutem & Apostolicam benedictionem.* Et quibusdam interpositis: *Nos igitur attendentes, quod tu eximiam devotionem à te habitam ad præfatam Sanctam, ex eo præcipue per operis evidentiam ostendisse dignosceris, quod olim dum incertus existeret locus, ubi sepulchrum fuerat corpus ipsum, ad illud inquirendum & inveniendum, efficacius studium impendisti, & tandem eodem invento ipsum in dicta Ecclesia fecisti cum debita devotione & reverentia, conveniente ad hoc Cleri & populi partium illarum copiosa multitudinem tumulari.* Infra: *Datum Laterani octavo Idus Aprilis Pontificatus nostri anno I.* 466

At diploma istud Bonifacio VIII. subjectum esse multa demonstrant.

Et primò quidem Bonifacius scribere non potuit Carolo Siciliæ R. cui negotiosam illam corporis B. Mariæ Magdalene disquisitionem & inventionem in diplomate suo attribuit. Disquisitio & inventio in annum M. CCLXXIX. incidit, quo regnabat Carolus I. Siciliæ Rex, qui & anno M. CCLXXXIV. demigravit ab hominibus. Disquisitionis & inventionis tempus assero ex Sammaximinensis Monasterii Chronicis, quæ Silvester Prieras Ordinis Prædicatorum Magister generalis in lucem emisit, & expositioni Evangelii feriæ v. infra octavas Paschæ intexuit. Cum anno, inquit, *Domini millesimo quadringentesimo nonagesimo septimo devotionis gratia antrum, in quo ponitur beata Maria Magdalena, & sacras ejus reliquias apud sanctum Maximinum visitarem, ostensum est mihi.* Et quibusdam interpositis: *Cum verò diligentius de omnibus prædictis veritatem scrutari voluissim, Chronicam hujus sententia reperi. Carolus Rex Sicilia secundus & Comes Provincia circa annum Domini millesimum ducentimum septingentesimum nonum bello navali cum Rege Aragonum congressus, & victus & captivatus est, & apud Barcinonem moriturus diro carceri mancipatus.* Non regnabat tunc, anno videlicet M. CCLXXIX. Carolus II. sed Carolus I. qui obita morte regnare desit anno M. CCLXXXIV. qua in re historici omnes consentiunt. 467

Deinde Carolo I. Bonifacius scribere non potuit anno M. CCLXXIX. quo disquisita & inventa sunt beatæ Mariæ Magdalene ipsa, cum eo anno Romanam administrabat Ecclesiam Nicolaus III. non Bonifacius, qui eam administrare cœpit anno M. CCXCI. exeunte.

Præterea Carolus II. in diplomate, quo statuit, ut Sammaximinenses Magistratus Massiliensi Episcopo Bonifacii Bullam exequenti præsto sint. Carolus II. *Dei gratia Rex Jerusalem & Sicilia, Ducatus Apulie, & Principatus Capuæ, Provincia & Folcaquerii Comes, Ballivo ac universis hominibus sancti Maximi fidelibus suis gratiam suam & bonam voluntatem.* Infra: *Datum Anagnina anno Domini M. CCXCV. die XXII. Martii*

Martii octava Indict. regnorum nostrorum anno XI. Et sic Caroli II. annus primus respondet anno Christi M. CCLXXXV. quo paternis ditionibus successit. Sic loquor, quia anno tantum M. CCLXXXIX. Rex inauguratus est: Et hac de re satis inter auctores convenit. Diploma Caroli II. à Sammaximinensibus Dominicanis editum est cum Romanorum Pontificum Bullis.

468 Tum si Bonifacius scripsisset ad Carolum secundum Regem Siciliae, notasset sine dubio, Carolum cum ipse corpus Magdalene reperit, tunc tantum fuisse Salerni Principem, tum ut id quod res erat, diceret, tum etiam ut Caroli II. pietatem magis commendaret. Pontifex non notavit, quod ut apparet, notandum fuit. Privilegii suppositor animum intendit in illud unum, ut Carolum, cui Magdalene corpus inveniendum Fratres commiserant, privilegio adscriberet, quo facilius deinceps eum ob egregie navatam in corporis inventionem operam, per patratum à Magdalena miraculum è carcere liberaret, alioqui decuisset magis Carolum I. quam II. patrem, quam filium, ad disquirendum & inveniendum Magdalene corpus adhibere.

Hinc Bonifacius his verbis, *Dum incertus existeret locus, ubi sepultum fuerat corpus ipsum*, usus non esset, quibus Provincialium religio suggillatur. Quid? Ad annum usque M. CCLXXXIX. incertus erat locus, in quo Magdalene corpus sepulturam acceperat. Magdalena, inquam, quæ ut sincera Fratrum Sammaximinensis cœnobii monumenta tradunt, *Provincialium Apostola & prædicatrix fuerat*. Hæc est stupenda & incredibilis post vicissitudines commutationesque sæculorum duodecim Provincialium negligentia, & ut ita dicam, irreligiositas, quam sapiens Pontifex diplomati suo intulisset nunquam. Sammaximinenses intulerunt, ut Provincialium impensis suam commendarent diligentiam & pietatem.

Postremo quæ de incerto loco, ubi Magdalene 469 corpus jacebat, & quæ de ardua & difficili ejusdem corporis disquisitione & inventionem scribuntur, ad eum modum, quo scribuntur, Bonifacius scripsisset nunquam. Non ignorabat Pontifex, quod omnes noverant, in Vizeliacensi monasterio ad annum M. CCLXVII. elevatum fuisse Magdalene corpus, quod ibi dudum omni veneratione colebatur, & plurimum Romanorum antistitem Paschalis II. Alexandri III. Lucii III. Urbani III. Clementis III. Innocentii III. & Martini IV. rescriptis muniebatur. Martini inquam IV. à quo Benedictus Cajetanus Cardinalis Diaconus creatus est. Hic autem factus Pontifex Bonifacii nomen accepit. Martinus cum esset Simon Apostolicæ Sedis Legatus, Vizeliacensi elevationi cum beato Ludovico & cæteris Aulæ Principibus interfuit, & Pontificatus anno primo certas quasdam Magdalene reliquias Senonensi Ecclesiæ transmissit. Quis modò crederet Bonifacium sine disceptatione & veritatis cognitione ulla scripsisse, quod ab eo uti scriptum retulimus?

His autem omnibus ita constitutis luculenter apparet, Carolum Regem Siciliae anno M. CCLXXXIX. non petiisse à Bonifacio, nec potuisse petere, quod in Bulla petitur. Siquidem Bonifacius tunc temporis Pontifex non erat, ut peteretur ab eo quod petitum, & ab eo daretur quod datum asseritur. Pontifex erat Nicolaus III. cui Martinus IV. successit anno M. CCLXXXIII. Martino successit Honorius anno M. CCLXXXV. Honorio successit Nicolaus IV. Nicolaus successit Celestinus V. anno M. CCXCIV. Celestino Bonifacius VIII. successit eodem anno.

470 Bonifacio non minus subiectum est alterum diploma, quod ita inscribitur: *Bonifacius Episcopus servus servorum Dei, charissimo in Christo Carolo Sicilia Regi illustri salutem, & Apostolicam benedictionem. Desideris tuis in his libenter annuimus, per quæ Summi Regis reddaris conspectui gratus, tibi quoque salutis proveniat incrementum. Deinde finem versus: Quod ei-*

dem Priori suisque successoribus habitatorum ville dicti loci sancti Maximini, & illuc advenientium, quandiu ibi fuerint, cura imminet animarum, quæ per seculares Presbyteros idoneos instituendos & destinendos per ipsum, quoties viderit opportunum, valeat exerceri, quibus idem Prior & successores ejus teneantur in vita necessariis congruè providere: Et quod ratione dicta Cura Prior seu Presbyteri supradicti jurisdictioni diocesani in nullo penitus sint subiecti, nec teneantur sibi vel aliis reddere rationem. Infra: Datum Laterani VII. Idus Aprilis Pontificatus nostri anno I. Qui privilegium Bonifacio subjecit, illud in exordio funditus evertit. Bonifacius inducit largiri privilegium, quo Carolus Rex Siciliae reddatur Deo gratiosior, & salutis incrementum adipiscatur. Hoc autem privilegium consistit primum in everfione scripturæ, ubi Apostolorum successoribus Episcopis dicitur: *Attendite vobis & universo gregi, in quo vos Spiritus sanctus posuit Episcopos regere Ecclesiam Dei*. In hoc privilegio Aquisgranensis Episcopis dicitur, *Non attendite universo gregi in quo vos Spiritus sanctus posuit Episcopos regere Ecclesiam Dei*. Qui sunt in sancti Maximini cœnobio Prædicatores, attendent.

Deinde privilegium consistit in everfione sacrorum 471 canonum, qui Clericos & Monachos Episcoporum potestati subijciunt. Hi autem canones relati sunt supra, vel certè laudati.

Tum privilegium consistit in everfione præclari muneris, quod prima Sedes Gelasio I. Zacharia, Gregorio VII. & Joanne XXII. supra tradentibus sibi vindicat.

Nonne Christianæ religioni sædè illuditur, si putetur, Carolum Regem Siciliae privilegii hujusce impetratione Deo reddi posse gratiorem, vel salutis incrementum acquirere?

II. Qui privilegium Bonifacio subjecit, non medio-crem Carolo Regi creat injuriam, dum illum tale privilegium, efflagitantem facit. Et sanè nemo credet unquam Christianum Principem efflagitasse privilegium, quod Scripturæ, canonibus spiritu Dei conditis & mundi reverentia consecratis, & primæ Sedis officio repugnat. Enunciatur quidem in diplomate Carolum efflagitasse privilegium, sed ut apud Jurisperitos constat, *Enunciata non probant*.

III. Præterea Carolum Regem à postulando tali privilegio deterruissent publica & privata utilitas: Publica quidem, cum Rex pro dignitate & munere suo ad sacrorum canonum custodiam advigilet. Non advigilaret, si nulla exigente necessitate canones, quibus obstricti tenentur Clerici & Monachi relaxandos in perpetuum curaret. Privata verò, cum Clerici vel Monachi Episcoporum obedientiæ & potestati nequeant subtrahi, quin continuo sup- 472 pedietur argumentum, quo probetur, cives & populares Regis ipsiusmet obedientiæ & potestati subtrahi posse, idque quod portento simile quid est, sine ulla causa, quæ intervenerit & horrendo ac inaudito casui locum dederit.

IV. Si Dominicanorum arte & industria inventum à Carolo beatæ Magdalene corpus, si virtutes Magdalene & merita effecerunt, ut Carolus peteret à Bonifacio privilegium, quo Sammaximinensis cœnobii Fratres Episcoporum obedientiæ & potestati subducerentur; cur eandem ob causam idem Carolus non petiit privilegium, quo cœnobii hujus Fratres à Prioris sui obedientia & potestate liberarentur, quo Prior Provinciale & Ordinis Magistrum generalem pro Superioribus non agnosceret, sed Romanum unum Pontificem, cui proximè subesset? Hæc omnia paribus librata ponderibus privilegium vel exigunt vel repudiant, eundem scopum ferunt, vel nullum: Si eundem, capti sunt Sammaximinenses Monachi, si nullum, nulli. Ruentis naturali impetu argumenti vis ac robor sustineri quidem potest, deflecti non potest.



Sustineri quidem potest, si quidquid pugnacissime contendunt, libenter admittatur, & in Sammaximense cœnobium confusio & ordinis perturbatio inducatur. Deflecti verò non potest, quia legitimum adferetur nunquam discrimen, quod gratuitum non sit, & in Academia volatica effectum, ac proinde exitu simili non retorqueatur.

V. Privilegii suppositor Romanæ Curiae stylum ignorabat: Ubi *Diœcesanus*, simpliciter & sine adjuncto 473 non diceretur, sed venerabilis Frater noster Episcopus Aquensis, aut Coepiscopus, aut certè diœcesanus Episcopus Aquensis diceretur. Municipalis vel provincialis idiotismus est, quem illi Curiae transcripsit, & transcriptione suâ privilegii fraudem detexit.

VI. Qui presbyter hoc in privilegio animarum curam suscipit, aut qui eam presbytero committunt, rationem nemini reddere tenentur. *Nec teneantur sibi vel alij reddere rationem.* Sic nec Romanus Pontifex, nec ipse Deus excipitur, si verba per se ipsa spectentur. In summa, hæc effrænata & cæcā non parendi proprio Episcopo libidinem non possunt non importare, & stolidam privilegii suppositionem obijcere.

VII. Cum in verbo, *sibi*, extet emineatque in constructione vitium, actum est de privilegio. Gregorius VII. in libri .i. Epistola xxxiii. ad Fratres Monasterii beatæ Mariæ siti in Episcopatu Dordonensi: *Veniens, inquit, ad nostram præsentiam frater Benedictus, quem post obitum Patris Uberti religio vestra sibi præesse elegit in Abbatem, detulit nobis quoddam privilegium, quod beata recordationis prædecessoris nostri Alexandri nomine titulum invenimus, quod nimium ratum non esse manifestissimis deprehendimus indicis, corruptione videlicet Latinitatis, necnon & diversitate canonica auctoritatis.* Lucius in cap. Ad audientiam tit. de Rescriptis. *Ad audientiam nostram te significante pervenit, quod H. de sancto Stephano super absolutione sua literas tibi (ut primâ facie videbatur) Apostolicas præsentavit. Quibus, quoniam manifestum continent in constructione peccatum, fidem te nolumus adhibere.* In 474 antiqua collectione & glossa est: *Contra istam præsumptionem non est admittenda probatio.*

VIII. Privilegium hoc à mente Bonifacii & Sedis Apostolicæ tam alienum est, quàm quod alienissimum. Bonifacii, & Sedis Apostolicæ mens tota in duobus maximè spectatur. Unum est in Epistola, quam ad Generalem & Priores cæteros Ordinis Carmelitarum scribit, ubi quod iis petentibus concedit, hac clausula præmunendum esse censuit: *Iustis petitionum desideriis dignum est nos facilem præbere consensum, & vota, quæ à rationis tramite non discordant, effectu prosequente complere.* Iustum non est Prædicatorum desiderium, quo Caroli Regis interventu postulare se significant privilegium, quo ab observatione sacrorum canonum eximantur. Deinde vota hujusmodi à rationis tramite non possunt non discordare, cum ad disciplinam Ecclesiæ supra Monachos solvendam pertineat. Sic Bonifacius, nisi circumventus, desideriis illis consensum præbisset nullum, & vota effectu prosequente non complevisset. Cæterum præmunio, quâ Bonifacius utitur, non tam Bonifacii est, quàm Sedis Apostolicæ & Gregorii Papæ I. ut ex duabus Epistolis illius colligitur: In libri .i. Epistola lxi. ad Joannem Surrentinum Episcopum: *Religiosis desideriis facile est præbere consensum, ut fidelis devotio celerem sortiatur effectum.* Rursus in libri xi. Epistola li. ad Joannem Panormitanum Episcopum: *Implenda sunt semper postulantiū desideria, quoties illa poscuntur, quæ à ratione non deviant.* Hæc sunt Sedis Apostolicæ insignia, hæ notæ plusquam Threiciæ, quibus privilegium à Bonifacio compungitur.

475 Alterum est, Extrâ de sententia excommunicationis in Sexto: *Alma, inquit, mater Ecclesia nonnulla rationabiliter ordinat & consultè, quæ suadente sub-*

*ditorum utilitate postmodum revocat, & in melius commutat.* Verba hæc se habent instar fulminis, quo privilegium istud & alia similia deflagrant. Quis enim diceret subjectionis hierarchicæ, & canonicæ obedientiæ statum, qui spiritu Dei conditus & totius mundi reverentia consecratus est, in melius commutari, cum in statum perpetuæ exemptionis ab hierarchica subjectione, & canonica obedientia commutatur? Hæc esset in deterius non in melius commutatio, quam nunquam approbatura est Ecclesia, nisi hæc, quod cogitatu, nedum dictu nefas, secum ipsa tandem aliquando pugnaret.

De commutatione tali Bernardus, Monachorum, qui annis abhinc sexcentis vel quingentis floruerint, sanctissimus in libri iii. de Confid. capite iv. ita declamat: *Nolo autem præterdas mihi fructum emancipationis ipsius, nullus enim, nisi quod inde Episcopi insolentiores, Monachi etiam dissolutiores fiunt.* Infra: *Adde quod qui audiunt, scandalizantur, indignantur, detrahunt, & blasphemant & vulnerantur ad mortem. Non est bona arbor faciens fructus tales, insolentias, dissolutiones, dilapidationes, simulas, scandala, odia, quodque magis dolendum inter Ecclesias, inimicitias, graves, perpetuæque discordias.* Infra: *Ignosce mihi, non facile adducor licitum consentire, quod tot illicita parturit. Tunc denique tibi licitum censeas, suis Ecclesiis mutilare membris, confundere ordinem, perturbare terminos, quos posuerunt patres tui. Si jus sitia est jus cuique servare suum; Auferre cuiquam sua justo quomodo poterit convenire?* Infra: *Monstrum facis, si manu submovens digitum facis pendere de capite, superiorem manui, brachio collateralem. Tale est si in Christi corpore membra aliter locas, quàm disposuit ipse, nisi tu putas alium esse, qui posuit in Ecclesia quosdam quidem Apostolos, quosdam autem Prophetas, alios verò Evangelistas, alios Doctores & Pastores, ad consummationem sanctorum, in opus ministerii, in adificationem corporis Christi. Ecce tibi Bernardus, quem Frater Baro inlclamat semper ut sibi accurrat: Sed hac in materia Bernardo reclamabit fortiter, ne ad se veniat. Suis servit commodis, non veritati, quæ nisi privatis jungatur opportunitatibus, ab religioso homine jubetur procul abire & delitescere.*

Bernardum sequitur Petrus Blefensis in Epistola lxxviii. ad Alexandrum III. *Quid est eximere ab Episcoporum jurisdictione Abbates, nisi contumaciam & rebellionem præcipere, & armare filios in parentes? Et post alia: Apostolus ad Romanos loquens: Omnis inquit, anima potestatibus sublimioribus subdita sit. Si Ecclesiæ Romana sic Apostolus scribit, quis in Ecclesiæ Romana doctrina Apostolica contraire præsumpsit? Ad Hebræos etiam scribens dicit, Obedite præpositis vestris. In humano corpore membrum unum servire alteri non detrectat. Quidam Angeli aliis præsumunt, nec inter se superbiam emancipationis admittunt: unus eorum quandoque se eximere voluit à potestate divina, & de Angelo diabolus factus est.*

Concilium delectorum Cardinalium, & aliorum Prælatorum de emendanda Ecclesia ad Paulum III. 477 *Alius abusus magnus & minimè tolerandus, quo universus populus Christianus scandalizatur, est ex impedimentis, quæ inferuntur Episcopis in gubernatione suarum ovium, maximè in puniendis scelestis & corrigendis.* Et paullo post: *Hoc scandalum, beatissime Pater, tantopere conturbat Christianum populum, ut non queat verbis explicari.*

Tridentinum Concilium in sess. xxiv. capite xi. *Privilegia & exemptiones, quæ plerisque variis titulis conceduntur, hodie perturbationem in Episcoporum jurisdictione excitare, & exemptis occasionem laxioris vite præbere dignoscuntur.*

Quæ igitur rerum momenta duo suppeditat Bonifacius VIII. ei Sammaximense privilegium abjudicare possunt, adjudicare non possunt. Sic labefactum

tum multifariam privilegium in eandem secum ruinam trahit alia Sammaximinensis cœnobii privilegia, quæ illi ut malè materiato fundamento superstruuntur.

IX. Inter illa privilegia reperitur Eugenii IV. privilegium, quod ita se habet: *Eugenius Episcopus servus servorum Dei, ad perpetuam rei memoriam. Rationi congruit, & convenit honestati, ut ea, quæ de Romani Pontificis gratia processerunt, licet ejus superveniente obitu literæ Apostolicæ super illis confectæ non fuerint, suum consequantur effectum. Dudum siquidem pro parte dilectorum filiorum Prioris & Conventus fratrum Prædicatorum Ecclesiæ beatæ Mariæ Magdalene, de sancto Maximino Aquis diocesis, Romanæ Ecclesiæ immediatè subiectæ, felicitis recordationis Martino Papa V. prædecessori nostro, ex-*  
 478 *posito quod olim pia memoria Bonifacius Papa octavus, etiam prædecessor noster, inchoata memoria Caroli secundi Regis Sicilia, qui ad eandem Sanctam, cujus corpus in Ecclesia ipsa reconditum est, singularem gerebat devotionis affectum, precibus inclinatus, quod habitatorum S. Maximini prædicti, ac de Balma Massiliensis diocesis, ubi penitentiam egisse dicitur ipsa Sancta. Et post alia: Ne autem pro eo quod super concessione Martini prædecessoris hujusmodi literæ Apostolicæ confectæ non fuerint, Prior, conventus, habitatores & advenientes prædicti frustrentur effectum, volumus & auctoritate Apostolica decernimus, quod hujusmodi Martini prædecessoris concessio perinde valeat, suumque sortiatur effectum, ac si super ea ejusmodi Martini prædecessoris literæ, sub ipsius diei data confectæ fuissent. Infra: Datum Romæ apud sanctum Petrum anno Incarnationis Domini millesimo quadringentesimo trigesimo quinto. Id. Mart. Pontificis nostri anno primo. At diploma hoc falsum esse multa palam ostendunt. Privilegium MS. quod esse debet archetypum, subalbido, sed Datum Romæ, nigro atramento & recentiori scriptura exaratur. Inter trigesimo, & quinto, indita est virgula, ut perspicuum falsitatis indicium tolleretur. Eugenii annus i. anno Christi M. ccccxxxv. non respondet, sed anno M. ccccxxxix. Id constat ex III. quæ extant Bullis in Basileensis Conc. sessione XVI. ubi Eugenii annus III. anno Incarnat. Dom. M. ccccxxxiiii. respondet. Martinus quintus Eugenii decessor obiit anno M. ccccxxxi. decimo Calendas Martii, ut in ejus epitaphio legitur: *Martinus*  
 479 *Papa V. sedit annos XIII. menses tres, dies XII. obiit anno M. ccccxxxix. die xx. Februarii. Eugenius Papa IV. creatus est eodem anno v. Idus Martii; Pontifex, inquit Platina, creatur anno M. ccccxxxix. v. Idus Martii. Cum Platina, Bzovius & alii conveniunt, dissentit nemo. Eugenius igitur privilegium Sammaximinensibus dare non potuit, quia nondum erat Pontifex. Atque hæc est evidens falsitatis nota, quam Frater Baro nunquam inducet, etiamsi quibus usus est hæcenus, maledictis omnibus uteretur.**

Deinde Eugenius id fecisset nunquam quod ab eo factum hic dicitur. Inprimis sumitur Martinum V. voluisse dare privilegium, quod non dedit. Deinde sumitur, Martinum dedisse privilegium, quod dare voluit, & datum exhibetur anno VII. Pontificatus. Tum sumitur Martini privilegium effectum caruisse suo, quia illius superveniente obitu literæ Apostolicæ confectæ non fuerunt, quasi verò ab anno VII. Pontificatus usque ad annum XIII. quo migravit, hæc literæ confici nequiverint. Postremo statuit Eugenius, ut Martini concessio perinde valeat, suumque debuit sortiatur effectum, ac si super ea ejusdem Martini literæ sub ipsius diei data confectæ fuissent. Eugenius verò istud uno ferè anno statuit, quàm Pontifex crearetur. Hic est stylus, hæc scribendi ratio, quam novum falsariorum genus in Romanam Curiam intrudit.

Cæterum propter istiusmodi fraudes nulla me incedit admiratio. Nam Sammaximinensibus Monachis  
 480 facilius fuit his vel illis Pontificibus subijcere privilegia, quæ in scriniis & tabulariis futuro reserven-

tur tempori, quàm beatæ Mariæ Magdalene miraculum subijcere, quo Carolus II. Rex Sicilia è carcere liberetur, repugnantibus pactis & conventis publicis, quæ pro ejus liberatione facta sunt. & manibus teruntur omnium: Repugnantibus quoque historicis omnibus qui de Regis captivitate & liberatione scripserunt. Præcipui sunt Joannes Victorinus in memoriali MS. historiæ ad annum M. cclxxxviii. Ptolomæus Lucensis ex Ordine Prædicatorum in annalibus, ad annum M. cclxxxiv. & ad annum M. cclxxxvi. Joannes Villanius in libri VII. universalis historiæ capite cxxiv. Thomas Walsinghamus in historia Anglorum. Sanctus Antoninus ex Ordine Prædicatorum Florentinus Archiepiscopus, in tertia parte hist. tit. xx. cap. iv. §. ix. Blondus Flavius in lib. VIII. Decad. II. post annum M. cclxxxv. Aneas Silvius seu Pius II. in Epitome Blondi, ex libro VIII. Decad. II. Baptista Platina libro de vitis Pontificum, in Nicolao IV. Joannes Nauclerus in volum. II. generat. XLIII. Jacobus Philippus Bergomas in Supplem. Chron. libro XIII. Paulus Æmilius in libro VIII. de rebus gestis Francorum. Pandulfus Collenucius in libro V. Compendii Neapolitanæ historiæ. Hieronymus Surita in libro II. de indicibus rerum ab Aragoniæ Regibus gestarum, ad annum M. cclxxxiv. & cclxxxviii. Thomas Fazellus ex Ordine Prædicatorum in posterioris Decadis libro IX. de rebus Siculis cap. II. Franciscus Belleforestus in hist. Francorum lib. IV. cap. xxxiii. & xxxvi. Joannes Mariana in libri XIV. de rebus Hispaniæ capite XI. Horatius Turselinus in epitomæ libro IX. Abrahamus Bzovius ex Ordine Prædicatorum, in Annalibus Ecclesiasticis tom. XIII. ad annum M. cclxxxviii. Jacobus Gordonus in Chronologia ad annum M. cclxxxiii. & M. cclxxxviii. Henricus Spondanus in Annalibus Ecclesiasticis ad annum M. cclxxxviii. Dionysius Petavius in Rationarii temporum parte prima, libri IX. cap. II. Andreas Victorellus & Ferdinandus Ughellus in additionibus ad librum Ciaconii de vitis Pontificum & Cardinalium in Nicolao IV. Odoricus Raynaldus in tomo XIV. Ecclesiasticorum Annalium, Scipio Dupleix in vita Philip. Pulchri ad annum M. cclxxxvi. VII. VIII. & IX. Honoratus Bucheus Aquis Academiæ Theologus in Vindiciis, fidei & pietatis provinciæ, sæculo XIII.

At secundum ista quid non audebunt Sammaximinenses Monachi in confingendis privilegiis, postquam ausi sunt in suis monumentis & parietinis describere, Carolum II. insigni miraculo, quod illi narrant, è carcere liberatum esse. Nempe captivum Regem Barcinone Narbonem unâ nocte translatum esse. Verbo dicam uno, prodigiosa hæc miraculi suppositio reos primùm gravissimæ pœnæ facit Monachos, & privilegia deinde suspecta reddit & indigna, quæ ad Prætorium ullum, ad Senatuum ullum producantur.

X. Ne sint omnia, quæ jam disseruimus, & ad Sammaximinensium privilegiorum eversionem abundè sufficiunt, hæc eadem privilegia supposititia vel subre-  
 481 *ptitia esse contendo, & iis contendo rationibus, quæ Romanæ ita probarentur Curia, ut in ea, si cum Archiepiscopo Aquis disceptarent Monachi, causâ caderent, & Archiepiscopus litem obtineret. Hac in re si Baro sibi constet, non discordamus. Sic enim scribit: De altera parte disputationis, quæ ad singulares spectat immunitates, assentior Launoio rejiciendas, quas evicerit gravi obreptionis vitio non carere. Sic evinco, & in Romana Curia vulgò Rota sic evincerem.*

Honorius III. victoriæ campum dedit in tit. de capellis Monachorum cap. III. ad Venetensem Episcopum: *Ex parte, inquit, tua fuit propositum. Et infra: Abbas & Conventus Rivenensis, Venetensis diocesis, occasione*



sione literarum Apostolica Sedis asserunt, sibi esse concessum, ut in singulis ipsorum Prioribus singuli Monachi commorentur, si pluribus facultates non suppetunt eorumdem. Cum autem id obviat Lateranensi Concilio, de quo nulla est mentio in auteditis literis, fraternitati tua breviter respondemus, quod hujusmodi literas ab Apostolica Sede non credimus emanasse. Quod si per occupationem forsitan emanaverint, nolumus per hoc derogari Concilio supradicto. In explicando capite non dissentiant Juris interpretes, quos referre infinitum esset. Refero tres, qui pro ceteris spondebunt, Henricum Henriquezium è Societate Jesu Theologum, Ascanium Tamburium Vallisombrosæ Monachum, & Augustinum Barbosam.

Primus in tomo I. Moralis Theologiæ lib. VII. 483 cap. xxv. *Expressa*, inquit, *mentio requiritur, ut derogetur decreto generalis Concilii, ut ostendit praxis, quæ cordato viro est instar interpretum sexcentorum.*

Alter in tomo I. de jure Abbatum disp. XI. quæst. xv. Concilio, ait, *generali non censetur derogatum per clausulam generalem, nisi expressa mentio fiat Concilii generalis dicendo, non obstante quavis constitutione, seu lege in generali Concilio edita.* Hæc perspicua sunt, & nullis dissentientium auctorum placitis involuta.

Tertius in tit. de capellis Monachorum: *Collige*, inquit, *ex textu: Nolumus per hoc derogari Concilio supradicto, speciale privilegium contra jus commune eidem non derogare, si de eo mentio non habetur.* Ex omnium sententia rationem hanc paullo post subjicit: *Lex summa cum deliberatione, consultatione & evidenti necessitate promulgari solet, ac proinde in illius constitutione Princeps facile circumveniri non potest.* L. II. de Const. Princ. Non sic tenendum in privilegiis, quæ quod cum facilissimo negotio concedantur propter supplicantium importunas preces, facile Princeps poterit circumveniri: Quæ de causa in privilegio mentio juris est facienda: Alias enim per ignorantiam privilegium præsumitur concedi. Hæc omni luce clariora sunt.

Certus igitur & indubitatus Pontificiæ responsionis & illius interpretum sensus est, privilegium, quo quis Clericus vel Monachus juri communi, nempe Episcopali obedientiæ & potestati subtrahitur, supposititium vel subreptitium habendum esse, nisi generalibus Conciliis Clericos & Monachos Episcopali potestati subjicientibus, Calchedonensi puta Concilio, per expressam clausulam derogetur. E Sammaximinensis autem cœnobii privilegiis in lucem editis nullum occurrit, in quo similis derogandi Calchedonensi Concilio clausula apponatur. Sic Dominicani Fratres inspectis privilegiis in Romana Curia facile causa caderent, ubi Honorii Papæ III. viget responsio, & in auctoritatem summam admittitur. Stultum esset putare illos in Gallia & cum primis in Parisiensi Senatu litem obtenturos esse, quam Romæ amitterent. In hoc quidem vel alio negotii genere, fieri potest, ut Monachilitem amittant Parisiis, quam Romæ obtinerent; sed fieri non potest, ut litem obtineant Parisiis, quam Romæ amitterent. Nunc Fratres argumenti hujus complexione ut energemate constricti moras nectunt & tergiversantur. Canones, inquit, in Calchedonensi Concilio sunt duo, quintus, & duodecimus, quibus impunè & sine ulla clausula derogatur. Monachorum tergiversatio hæc si quid valeat, Romanam attinet Curiam, ubi sancita per Honorii responsionem disciplina omnino servatur; non attinet supremas Galliæ Curias, ubi expressa universalium Conciliorum derogatio rejicitur, & de abusu damnatur. Res ergo pro Romanæ Curiae praxi & usu mihi expedienda est, allato discrimine, quod inter Calchedonensis Concilii canones duos IV. & VIII. & inter alios V. & XII. intercedit. Canon V. quo Episcoporum vel Clericorum de civitate in civitatem vetatur migratio, derogatione nullâ indiget,

ut tacitè laudatus à Calchedonensi Concilio Sardi- 485  
censis Concilii canon primus ostendit. Canonis verba sunt: Non minus mala consuetudo, quam perniciofa corruptela funditus eradicanda est, ne cui liceat Episcopo de civitate sua ad aliam transire civitatem. Manifesta est enim causa, quæ hoc facere tentat, cum nullus in hac re inventus sit Episcopus, qui de majore civitate ad minorem transiret. Unde apparet avaritia ardore eos inflammari & ambitioni servire, & ut dominationem agant. Si omnibus placet, hujusmodi perniciosæ & austerius vindicetur, ut nec laicam communionem habeat, qui talis est: Responderunt universi, placet. Sic non prohibetur Episcoporum de civitate in civitatem transitus, in quo locum nullum habet avaritia, ambitio & dominandi cupiditas. Permittitur verò cum evidens urget necessitas, & publica exigit utilitas. Sic è Romanæ Sedis traditione canonem hunc Clemens II. intelligit, cum ad Joannem Salernitanum Episcopum scribit: Quoties ita contingit ut exigente necessitate vel maximâ utilitate transmutandus est quisquam Episcopus de propria Sede ad aliam, diligentissime perquirenda est persona, utrum necessario sit transmutanda, ut sic major utilitas oriatur, sicut major Sedes assumitur. Sic quoque Eugenius III. intelligit in epistola VIII. ad Episcopos Germaniæ, ubi suum consensum denegat Antistitis cujusdam translationi, quam sine manifestæ utilitatis & necessitatis indicio fieri volebant.

Nunc veniendum est ad canonem XII. qui sic se habet: Pervenit ad nos, quod quidam præter Ecclesiastica statuta facientes, convolarunt ad potestates, & per 486  
pragmaticam formam in duo unam provinciam dividerunt; ita ut ex hoc facto duo Metropolitani esse videantur in una provincia: Statuit ergo sancta Synodus de reliquo nihil ab Episcopis tale tentari, alioqui qui hoc admissus fuerit, amissioni gradus proprii subiacebit. Quæcunque verò civitates literis Imperialibus Metropolitani minis honore subnixæ sunt, honore tantummodo perservantur, & qui Ecclesiam ejus gubernat Episcopus: Salvis scilicet vera metropolis privilegiis suis. Ad hunc canonem observari possunt multa, quorum alia Monachorum illum opponentium consilio inutilia sunt, alia verò reipsa incommo-  
dant. Inutilia sunt, quæ ad prohibitionem unius provinciae in duas distributionem pertinent, & ad jura metropolitica, quæ distributionem istiusmodi sequuntur. Nam Principes distributionis auctores consensum canoni nullum præbuerunt, nec illum executioni mandandum esse duxerunt. In summa, præponderant majestas Imperii, & major tractandarum in nova metropoli rerum Ecclesiasticarum opportunitas; & sic non superfluum modò, sed etiam absurdum foret in canone, qui moribus utentium receptus non est, expressam derogandi formulam adhibere.

Quæ verò Sammaximinensibus Monachis incommo-  
dant, sunt ipsa condendi canonis ratio, & ab iis sumptus inde agendi cum Aquis Archiepiscopo modus. Certi quidam erant olim Antistites, qui provinciarum suarum finibus contenti non erant. Hi apud Imperatorem enitebantur, ut provinciam unam in duas divideret, & primam secundæ provinciae civitatem in metropolim erigeret. Quo ita facto civi- 487  
tatis istius Antistes Metropolitanus evadebat. Calchedonensis Concilii Patribus displicuit hæc ambitionis plena mutatio, in qua qui antea subiciebatur Metropolitano, subjici cessabat, & incipiebat pluribus Episcopis præesse. Ambitionem castigare voluerunt Patres intactâ dignitate Imperii. Sammaximinenses Monachi exemplum malum hoc sequentes elaborant, vel potius eblandiuntur & efficiunt, ut Aquis Episcopatus fideles tribuantur in partes duas, quarum una subsit Episcopo, altera non subsit, & hæc pars Sammaximinensium est Monachorum, qui religiosæ humilitatis votum animo planè sincero emittunt. Subsumus, inquit, non

non Aquis quidem Episcopo, sed Romano, cujus in Sammaximinensi parochia Vicarii sumus. Utinam liceret mihi videre diploma, in quo Clemens XI. ut Episcopum se, ita & parochiæ cujusdam curionem sic se inscriberet: *Clemens Episcopus servus servorum Dei, & Sammaximinensis parochia Curio, ad perpetuam rei memoriam.* Pars autem fidelium, qui humilitatis votum non emittunt, Aquis subest Episcopo & Romano, & cum illustrissimo sanctitate & doctrinâ Monachorum Abbate sic exclamat: *Quis dabit mihi centum in mei custodiam deputari Pastores? Quanto plures sentio mei curam gerere, tanto securior exeo in pascua. Stupenda insania! Animarum non cunctis turbis mihi custodiendas colligere, & unum super proprium gravor habere custodem.*

Ad scopum redeo, à quo me infusurrantes patronis suis frivolas tergiversationes Monachi divertunt. In hoc igitur stadio, quod breviter cum Barone insigni & valido athleta decurrendum suscepi, præ me fero tria, quæ ab illo declinari nequeunt; Primum, quod in Sammaximinensibus privilegiis expressè non derogatur Calchedonensi Concilio, & eam ob causam privilegia illa, si Concilii adversentur canonibus IV. & VIII. vel falsa vel certè subreptitia sunt. Deinde, quod Romanus Pontifex non potest nisi circumventus his canonibus expressè derogare, quia canones isti jus divinum explicant, cui non derogatur. Tum demùm, quod derogatio, quæ universali Concilio fieret in perpetuum, Sedis Apostolicæ traditioni repugnat, & intolerabilem apud Gallos abusum importat.

Nunc repetenda sunt Baronis verba: *Singulares immunitates assensio Launoi reijciendas, quas evicerit gravi obreptionis vitio non cavere.* Evici, sed mihi propterea non assentietur, & sibi & mihi reclamabit, quia Sammaximinensium privilegiorum fautor, & patronus subdititii miraculi, quo Carolus II. Siciliæ Rex captivus Barcinone Narbonem unâ nocte translatus est.

Verumenimverò ut Baroni aditus omnes ad moram & tergiversationem intercludam, propono convenientem huic loco beati Thomæ doctrinam, in quam si jurat, captus est, si non jurat nullus. In quodlibeto IV. quæst. VIII. art. II. Respondeo, inquit, dicendum, quod Papa habeat plenitudinem potestatis in Ecclesia, ita scilicet, quod quæcunque sunt instituta per Ecclesiam, vel Ecclesia prelatos, sunt dispensabilia à Papa. Hæc enim sunt, quæ dicuntur esse juris humani, vel juris positivi: Circa ea verò quæ sunt juris divini, vel juris naturalis dispensare non potest, quia ista habent efficaciam ex institutione divina. Infra: Unde circa hoc (bigamiam) potest dispensare, licet dispensare non debeat, nisi ex magna & evidente causa. Quod in Opusculi XIX. cap. IV. sic ampliùs exponit: Nec tamen Papa, quando aliquid aliter facit, quàm à sanctis Patribus statutum sit, contra eorum verba facit, quia servatur intentio statuendum, etiamsi non serventur verba statutorum, quia non possunt in omnibus casibus & omnibus temporibus observari, servatâ intentione statuendum, quæ est utilitas Ecclesiæ.

His ita positis contendo Romanos Pontifices, si reipsa dederint omnia privilegia, quæ Sammaximinensis cœnobii Fratres typis mandari curarunt, per obreptionem, vel subreptionem dedisse. Et primò quidem quia in Calchedonensis Synodi canonibus IV. & VIII. quibus adversantur hæc privilegia, jus est non tam humanum, quàm divinum explicatum, cum ibi de hierarchica Presbyterorum & Monachorum subiectione agatur: Beatus autem Thomas Romanum Pontificem in jure divino dispensare non posse cum sentiat, eundem Calchedonensis Synodi canonibus IV. & VIII. derogare in perpetuum, id est Presbyteros & Monachos Episcoporum obedientiæ & potestati subducere non posse, sentiri quoque debet, nisi

velit Baro sanctum Doctorem inconsequenter philosophari. Deinde etsi jus istud esset tantum humanum & positivum, Romani Pontifices in eo nisi ex magna & evidenti causa dispensare possent. Quo in casu Calchedonensis Synodi canonibus IV. & VIII. derogare non possent in perpetuum, cum magna & evidens dispensandi causa, non omne tempus, sed præsens duntaxat respiciat. Sic temporaria erit, non perpetua sacrorum canonum derogatio. Hæc est S. Thomæ circa sacrorum canonum seu dispensationem, seu derogationem doctrina, quæ Sammaximinensis cœnobii privilegiis non convenit. In iis enim nec magna nec evidens dispensandi, seu derogandi causa legitur, ac proinde privilegia hæc non possunt non esse per obreptionem, vel subreptionem concessa. Denique sacrorum canonum finis, qui est utilitas Ecclesiæ, cum perpetua illorum derogatione servari non potest: Alioqui si servaretur, abrogandi essent sacri canones, qui ad utilitatem Ecclesiæ sanciti sunt; abroganda quoque essent Sedis Apostolicæ decreta ex iisdem canonibus promulgata, ut sanctus Leo & Silvester II. loquuntur. Quid ita? Universalium Conciliorum canones, spiritu Dei conditi & totius mundi reverentiâ consecrati, & decreta Sedis Apostolicæ ex iisdem canonibus promulgata utilitatem Ecclesiæ ut scopum unicum spectare desiissent: Quo nihil est relato sancti Doctoris testimonio magis contrarium. Siquidem perpetua sacrorum canonum derogatio, quæ hujusmodi confirmaretur privilegiis, sacrorum canonum locum occuparet, & Ecclesiam in frustra concerperet.

## ANIMADVERSIO XI.

491

*Exemplum stupende in explicanda Theologorum, & cum primis Hadriani VI. circa Pontificium non errandi privilegium mente, protervitatis.*

QUOD protervitatis in Barone genus notatum eo, non crederetur, nisi semel atque iterum legeretur. Nam si legeretur semel, dubitari posset, num id verum esset, quod legeretur. In art. II. pag. 423. scribit: *Fateor nonnullos Theologorum ita primatum Sedis Apostolicæ defendere, & causam Summi Pontificis agere, ut soli obreptioni, quoad quæstiones facti, multis pravis affectibus obnoxium esse velint: Ab hæresi verò etiam quæ privatum hominem omnino eximant, & casus Liberii atque Honorii, aliorumque obignaviam, & vitia conversationis, non erroris referant: Multos habet hæc opinio defensores: probabilior tamen, aut certè expeditior, magisque loco & tempori conveniens errori subijcit quæ privatum.* Deinde pag. 424. in hanc secundam opinionem Hadrianum VI. traducit. *Quid, inquit, sic explicata, sic munita auctoritas, & perennitas Sedis Romane habet adversum traditioni, juribus Ecclesiæ, sensis Sorbone, Hadriano VI.*

Et primùm quidem hæc dissentit à Cardinale Bellarmino, quem invictum fidei pugilem sæpius appellat: Nam auctor ille in libri IV. de Rom. Pont. capite II. in statu quæstionis, *Sine certum Papa judicium, quam proponit, Hadrianum inter eos statuit, qui Pontificem etiam ut Pontificem posse hæresim docere scribunt.* Secunda, inquit, sententia est, Pontificem etiam ut Pontificem posse esse hæreticum, & docere hæresim, si absque generali Concilio definiat, & de facto aliquando accidit. Hanc opinionem sequitur & tuetur Nilus in suo libro adversus primatum Papæ. Eandem securi sunt aliquot Parisienses, ut Gerson & Almainus, in libris de potestate Ecclesiæ, necnon Alfonsus de Castro lib. I. cap. II. contra hæreses, & Hadrianus VI. in quæst. de Confirmatione, qui omnes non in Pontifice sed in Ecclesia sive in Concilio generali tantum constituunt infallibilitatem judicii de rebus fidei. Si hoc legit Baro, cur seipsum



seipsum decipit & vult alios decipere; si non legit, cur tam impudenter id scripsit, quod mox retulimus? Sed Hadriani verba sunt: *Ad secundum principale de facto Gregorii dico, I. quod si per Romanam Ecclesiam intelligatur caput illius, puta Pontifex, certum est, quod possit errare etiam in iis, quæ tangunt fidem, per suam determinationem aut decretalem asserendo.* Hæcne sonant privatum hominem, ut Baro tam audacter dicit? Hadrianus pergit: *Plures enim fuerunt Pontifices Romani hæretici. Item & novissime scribitur de Joanne XXII. qui publicè docuit, declaravit, & ab omnibus teneri mandavit, quod anima purgata ante finale iudicium non habent stolam, quæ est clara & facialis visio Dei, & Universitatem Parisiensem ad hoc induxisse dicitur, quod nemo in ea poterat gradum in Theologia adipisci, nisi primitus hunc errorem pestiferum jurasset se defensurum, & perpetuò ei adhasurum.* Item patet hoc de errore quorundam Pontificum circa matrimonium, de quo in Caput Licet, De spons. duorum. Item patet hoc de errore, quem ediderat Celestinus circa matrimonium fidelium, quorum alter labitur in hæresim, cuius error olim habebatur in alia compilatione, in Cap. Laudabilem. De convers. conjug. ut refert Ostiensis in Cap. Quanto. De divortiiis. Non tamen dico Gregorium hic errare, sed evacuare imendo impossibilitatem errandi, quam alii asserunt. O tempora, o mores! o frontem Baronis ferream, qui eam Hadriano non tribuit opinionem, quam ipse diabolus Hadriani lectione, ut energemate adactus tribueret! Quod observamus de Hadriano, de Nilo, de Gersono, de Almaino & de Alfonso Castrensi, apud Bellarminum observari potest, quem & hic in dissimulandis aliis ejusdem cum Gersono & Hadriano sententiæ, historicas leges neglexisse demonstro in altera ad Christophorum Fauvæum Epistola, quæ extat in Parte III. Epistolarum nostrarum.

Deinde continuò subnequit, Honorium & Liberium fuisse erroris à Synodis quatuor notatos: Honorio, inquit, & Liberio alicujus erroris notatis. Quodnam portentum in Ecclesiastica historia ignorantia? Honorius à tribus tantum Synodis VI. VII. & VIII. notatus fuit erroris, sed Liberius à nulla Synodo notatus est. Tum, alicujus erroris, verba sunt hominis errorem Honorii & Liberii vel minuentis vel nescientis: si minuentis, Arrianorum & Monothelitarum hæresim pro errore levi ducit; si nescientis, cur tam temerariæ scriptionis periculo se committit?

Porro autem cum ait opinionem priorem multos habere defensores, lectoribus suis, si quos sortitur, foedissimè imponit. De illa invictus Baroni Catholica fidei pugil sic loquitur in loco jam citato: *Tertia sententia est in alio extremo, Pontificem non posse nullo modo esse hæreticum, nec docere publicè hæresim, etiamsi solus rem aliquam definiat.* Ita Albertus Pighius lib. quarto Hierarchia Eccles. cap. VIII. Igitur opinio, quæ apud Baronem defensores habet multos, apud Bellarminum habet unum tantum, Pighium qui Hierarchiæ Ecclesiasticæ assertionem anno M. DXXXVIII. edidit.

Franciscus Torrensis, qui postea Societatem Jesu ingressus est, Pighio statim restitit in libro, quem de sexta, septima & octava Synodo composuit.

Melchior Canus ex Ordine Prædicatorum Salmanticensis Theologus in libri VI. de locis capite ultimo, Pighianæ opinioni se ut murum firmissimum opposuit: *Huic, inquit, loco Albertus Pighius Campensis non aliter potuit occurrere, quam omnes Romanos Pontifices erroris notâ liberando; ita contendit nullum unquam in hæresim incidisse: Atque ut Anastasium in libertatem assereret, Gratianum vexavit contumeliosissimè, Jurisperitis turpissimè maledixit: Ut verò Honorium tueretur, sextæ generalis Synodi exemplaria falsarios corrupisse, multis conjecturis suadere nisus est: Deinde etiam in eam opinionem inclinavit, ut crederet, Epistolam Honorii*

ad Sergium à Gracis de more fuisse viriatam: Synodum autem in eo iudicio fuisse deceptam. Quin adeo duorum Conciliorum sexti & septimi acta omnia calumniatus est, ac pro sua certè virili amborum labefactavit & auctoritatem & fidem. Hæc verò Alberti opinatio nova quidem in Ecclesia est, sed eâ etiam ratione confirmari potest, quod non est verisimile, quod homini, qui hæreticus esse possit, fidei summam Deum commiserit, &c.

Dominicus Bannes ex eodem Ordine Salmanticensis quoque Theologus in secunda secundæ, quæst. I. art. x. dub. II. concl. I. *Summus Pontifex in quantum Doctor & persona privata errare potest in rebus fidei, sive errore inculpato, sive culpabili etiam cum pertinacia, ita ut sit hæreticus.* Hæc conclusio est contra Albertum Pighium Campensem ubi supra, & contra quosdam recentiores Theologos, & cum primis Bellarminum, qui in lib. IV. de Rom. Pont. cap. VI. Pighii opinionem probabiliter pique credi posse statuit. Continuò subiungit: *Est tamen sententia omnium antiquorum & Pontificum Romanorum & scholasticorum Doctorum ante Albertum Pighium, imò & post illum graviores Doctores ita sentium.* Et quibusdam interpolitis: *Nunc ergo probatur conclusio: Primò, quia non est licitum Theologo præsertim in re gravi novas opiniones inducere, nisi magnâ & necessariâ ratione cogente: Sed nostra conclusio est antiqua & communis opinio, contraria verò nova est; & absque manifesta & urgenti ratione asseritur. Ergo non est admittenda. Primus enim auctor hujus opinionis fuit Pighius lib. IV. de Eccles. Hierarch. cap. VIII. parum topicâ & probabili ratione ductus. Est enim voluntariè & gratis asseritum, ut cum primum quis creatur Summus Pontifex, statim confirmetur in fide, ita ut etiam si velit, non possit errare errore personali. Probatur secundò. Nam quamvis opposita opinio præ se ferre videatur quandam pietatem & Pontificiam dignitatem extollere, tamen re bene inspectâ parum pia est, quin potius minuit Pontificiam dignitatem. Ergo nostra conclusio est tenenda. Antecedens probatur, quia nihil est pius, nisi quod idem verum est. Sed opinio Alberti est minus vera, ac proinde minus pia. Et cætera, quæ Frater Baro legere poterit apud auctorem, si tamen legere voluerit, quia meditationibus suis Aristotelicis omnia tribuit, omnia decedit. Ponderandæ sunt admodum Cani & Bannis rationes, quas attuli. Hæ momenti sunt tanti, & efficaciæ, ut ad secundam opinionem, quam Baro eligit, certo quodam naturæ impetu pervadant, eamque convellant. Sed hoc non agimus modò. Baronis consilium & scriptionem expendimus.*

Secundam opinionem expeditiorem magisque temporali & loco convenientem appellat, non veriorem, quia Frater Aristotelicis suis commodis servire se putat, neque unquam attendit quid consentaneum sit ei dicere, cui veritatem tueri ac retinere propositum est. Sed in illa opinionis optione fallitur. In opinione secundâ, si Pontifex separaretur à Concilio, meræ distinguendum quorundam Doctorum sunt præstigiæ, cum secunda opinio iisdem rationibus quatitur, quibus prima. Neque enim Pontifex fallitur, aut falli potest quâ privatus homo est, sed quia homo simpliciter est. Id planum facimus duabus in Epistolis, una ad Joannem Gerbasium, altera ad Martinum Metayerum, quæ extant in parte tertia Epistolarum nostrarum. Sed ne sit inimica veritatis contentio, ad rem ipsam quod attinet, sufficit, Pontificem, in quantum est privatus Doctor, in hæresim labi, eamque contumaciter defendere. Tunc ille ut privatus Doctor vocabitur in iudicium, & decretis jure canonico & civili supplicii multabitur, id est, comburetur. Combusto Pontifice ut privato Doctore, si ille supersit ut Doctor publicus & Magister Ecclesiarum omnium, non poterit non esse supra universale Concilium, & infallibilitatis privilegio gaudere. Sic inutiles & in Academia volatica perpolitæ distinctiones evanescunt, auctoresque suos

suos prudentium hominum contemptui exponunt. De Barone unum adjicio: ille pro congenita φιλαυτία, qua bufonis in modum turgescit, ad pauca respicit, & deinde facile pronunciat. Hinc in juvenili exercitatione passim occurrunt & mendacia & imposturae.

## ANIMADVERSIO XII.

Tradita à Barone definitio definitionis ex cathedra refertur, & ad S. Thomam & discipulorum ejus scripta expenditur.

**S**IC igitur eodem in loco pagina nempe 424. scribit: Neque enim frustra concessum fuisse monui alio loco divina liberalitate Petro praeter ceteris Apostolis, & divinis omnibus, non solum contactu & verbo, sed sola umbra agros curasse, & alia id genus miracula edidisse, ut esset vaticinio & argumento, quamvis à moribus & sanctitate Petri longissime abessent ejus successores, & vix illius umbram referrent, facturos tamen miracula, & nunquam ab ejus fide & auctoritate casuros, vel certe nunquam ex suis privatis erroribus commissas sibi oves in errorem suis decretis abrepturos. Et hoc vocant definitionem ex cathedra. Oportuisset eos notare, qui definitionem ex cathedra hoc modo explicarunt. Id novum quidem est, nec Theologicum: Novum quidem, quia nullus unquam definitionem ex cathedra his verbis exposuit: Non est Theologicum, quia ex vera Theologiae principiis duobus, Scriptura & Catholicae Ecclesiae traditione, minime colligitur. Spissum sane opus est & operosum, quod cerebrosus homo sibi finxit. Sed illud commune nihil habet cum sancti Thomae & discipulorum ejus scriptis, quae mox relatum imus.

I. Beatus Thomas in secunda secundae quaest. 1. art. x. aliena se esse à Baronis commento mente prodit in responsione ad secundum argumentum quod ita proponit: Praeterea illud, quod est sub anathemate interdictum ab universali Ecclesia, non subest potestati hominis alicujus, sed nova symboli editio interdicta est sub anathemate auctoritate universalis Ecclesiae: Dicitur enim in gestis prima Ephesine Synodi, quod perlecto Symbolo Nicana Synodi decrevit sancta Synodus, aliam fidem nulli licere proferre, vel conscribere, vel componere praeter definitum à sanctis Patribus, qui in Nicana congregati sunt cum Spiritu sancto, & subditur anathematis poena, & idem etiam reiteratur in gestis Calchedonenfis Synodi. Ergo videtur, quod non pertineat ad auctoritatem Summi Pontificis nova editio symboli. Argumento huic ita respondet: Ad secundum dicendum, quod prohibitio & sententia Synodi se extendit ad privatas personas, quarum non est determinare de fide. Non enim per hujusmodi sententiam Synodi generalis ablata est potestas sequenti Synodo novam editionem symboli facere, non quidem aliam fidem continentem, sed eandem magis expositam. Sic enim qualibet Synodus observavit, ut sequens Synodus aliquid exponeret supra id, quod praecedens exposuerat propter necessitatem alicujus haeresis insurgentis. Unde pertinet ad Summum Pontificem, cujus auctoritate Synodus congregatur, & ejus sententia confirmatur.

Et primum quidem spectandus est scopus argumenti, quod sanctus Thomas sibi objicit, deinde spectandus modus, quo respondet. Argumenti scopus est, à symboli editione nova quemcunque hominem etiam Romanum Pontificem excludere, quod ab universali Ecclesia, id est, Ephesine Synodo prima vetita sit nova symboli editio. In respondendi modo, quem beatus Thomas usurpat, spectanda sunt tria: Primum, quod Ephesine Synodi prohibitio & sententia se extendit ad privatas personas, quarum non est determinare de fide: Deinde, quod per hujusmodi sententiam generalis Synodi ablata non est po-

testas sequenti Synodo, novam editionem symboli facere: Postremo, quod Synodi generalis congregatio ad Romanum Pontificem pertinet. In horum autem trium primo Romanus Pontifex à privatae personae conditione non eximitur, atque ita quamdiu ille ut persona privata considerabitur, tamdiu de rebus fidei determinare non poterit, quod ad illum prohibitio & sententia Synodi se extendat. In secundo personae, quae seorsum à Synodo privatae erant beati Thomae judicio, evadunt publicae, cum in Synodum conveniunt. Et tunc temporis de rebus fidei determinare possunt, novumque symbolum edere, in quo non alia quidem fides traditur, sed jam tradita magis explicatur. In tertio Romanus Pontifex Synodum hanc congregat, quae & res fidei decernit, & novum condit Symbolum. Sic apud Thomam Romanus Pontifex à Concilio sejunctus persona privata est, ut ceteri quoque antistites. Concilio junctus persona publica est, ut ceteri quoque antistites, sine quibus Concilium fieri non posset. Hoc tantum habet praeter ceteris antistitibus: Quod solus Concilium congreget & Concilio praesideat. Sed non solus sedet iudex: Antistites ceteri cum illo judicant, & communi omnium consensu dogma fidei deceditur, & novum fidei symbolum conditur, si condendum est. Si Baro Romani antistitis personam publicam hoc modo non intelligit, cum non errandi privilegium illi tribuit, à Thoma suo & nobis discordat. Si verò intelligit, & Thomae suo & nobis concordat.

Joannes de Parisiis Parisiensis ex Ordine Praedicatorum Theologus Magistrum suum Thomam sequitur in libro, quem de potestate Regia & Papali inscripsit. Sic ergo loquitur in cap. vi. Ita si appareret, quod Papa bona Ecclesiarum infideliter distraheret, seu detraheret, scilicet non ad bonum commune, cui superintendere tenetur, cum sit Summus Episcopus, deponi posset, si admonitus non corrigeretur, dist. iv. Si Papa. Ubi dicitur: Cuncta judicaturus à nemine judicandus est, nisi deprehendatur à fide devius. Ubi dicit glossa, quod si comprehendatur in quocunque alio vitio, & admonitus non corrigitur, sed scandalizet vel scandalizaret Ecclesiam idem posset fieri. Sed forte secundum alios hoc fieri posset per solum Concilium generale. Iterum cap. xxi. Cum fides Christiana sit Catholica & universalis, non potest Summus Pontifex hoc ponere sub fide sine Concilio generali, quia Papa non potest discernere statuta Concilii dist. 19. Anastasius. Nam licet Concilium non possit proprie legem imponere. Extra. De elect. signasti. 135. quest. 6. Veniam: Tamen non intelligitur in iis, quae fidei sunt, eò quod orbis major est urbe & Papa. Concilium majus est Papa solo. Quod jam observavimus in magistro, in discipulo non potest non observari. Jungendus est Pontifex universali Concilio, ut persona publica sit, & certo de rebus fidei pronuntiet. Hoc dissimulat Baro, & in eo à majoribus suis dissentit.

Huc spectant Praedicatores centum & triginta in unum congregati Parisiis, qui se ad Philippi Pulchri Regis causam adjunxerunt, & à Bonifacio VIII. ad futurum generale Concilium provocarunt. Instrumenti verba sunt: In Capitulo Conventus Fratrum Praedicatorum Paris. hora tertia congregati, auditis expositionibus sibi & plenius intellectis, provocationibus & appellationibus ex parte excellentissimi Principis Domini Philippi Dei gratia Regis Francia illustris, ac reverendorum in Christo Patrum Dominorum, Archiepiscoporum, Episcoporum, Abbatum & Priorum ac Baronum regni Francia, quorum nomina in publicis instrumentis confectis super hoc plenius continentur, ex certis causis & sub certis modis in eisdem instrumentis serius expositis & contentis, ad sacrum congregandum generale Concilium, vel ad futurum verum & legitimum Summum Pontificem, vel ad illum vel ad illos, ad quem vel quos de jure foret appellandum, pro se & sibi in hac parte adhaerentibus, seu adhaerere volentibus

Ffff

buz



bus interjectis, ne dictus Bonifacius Papa octavus mortuus, seu provocatus ex eis contra prædictum Dominum Regem, Prælatosque & Ecclesias, subditos & adherentes, parentes & amicos quocumque procederet, aut procedi faceret, excommunicando, suspendendo, interdicens, depnendo, privando, vel alias quovismodo, quocumque colore quæsito, sua aut alia auctoritate quacumque, prout in eisdem instrumentis publicis plenius continetur, provocationibus & appellationibus antedictis adhaeserunt. Hæc anno M. CCCXI. xxvi. die mensis Junii.

Inter Prædicatores istos eminebant tres, Joannes de Parisiis, Durandus de sancto Porciano, & Hervæus Natalis. Provocatio à Pontifice ad futurum generale Concilium importat duo, inferiorem esse Concilio Pontificem, eumque in fide & moribus jam erravisse, vel errare posse, quamdiu saltem à Concilio separatur. Quo in statu privata persona est, non publica, nisi cum junctus Concilio intelligitur.

503 Durandus de sancto Porciano qui Avenione sacri Palatii Magisterium postea obivit, ad Joannem Parisiensem accedit in quartum sent. dist. vii. quæst. iv. ad primum finem versus: Nescio, cur dici non possit, quod Gregorius, cum fuerit homo & non Deus, potuerit errare. Quocirca si quod non errandi privilegium habeat, non habeat nisi cum Ecclesiæ vel Concilio jungitur, quomodo tunc publicam personam sustinet?

Tum dist. xiii. quæst. ii. Quod autem dicitur de Innocentio, qui videtur approbasse illam consuetudinem (qua Presbyteri Cardinales circumstant Rom. Pont. & cum eo pariter celebrant) potest dici, quod approbat ut Doctor, non ut Papa, nec doctrina sua tenetur ab omnibus, nec Ecclesia Romana tenet illud, quod ipse dicit de Presbyteris Cardinalibus celebrantibus cum Papa, etsi fiebat tempore suo, nunc tamen non fit: Quia visum est periculum posse contingere in tali celebratione. Immo vix, quin periculum contingeret, & ideo illa consuetudo abolita est, sicut nobis constat, qui in Curia Romana longo tempore stetimus, & adhuc ibi sumus, & missis Summorum Pontificum interfuimus, in quibus illa consuetudo nunquam fuit observata, & si observaretur, non esset necessarium, quod bene fieret, quia secundum Hieronymum, non quod sit Roma, sed quid fieri debet, attendendum est. Innocentius, ut est Doctor privatam personam gerit, ut est Papa, publicam, ut mox explicatum est.

504 Petrus Paludanus Hierosolymorum Patriarcha, in quartum dist. vii. quæst. iv. art. iii. concl. ii. de facto Gregorii I. Tunc Gregorius potuit conferre Sacerdotibus, quod licet confirmarent, qui alias peccassent confirmando, licet verè confirmassent. Si autem non est ita, sed solus Episcopus est minister, nescio cur non possit dici, quod Gregorius, cum fuerit homo & non Deus, errare potuerit. Hoc videtur certum quoddam esse pronunciatum, quo Papæ, nisi jungatur Ecclesiæ vel Concilio, significatur apud omnes non errandi privilegium abjudicari.

Joannes Turrecremata tunc Magister sacri Palatii, in libro quem de Summi Pontificis & Concilii generalis potestate composuit, num. lxvii. Si verò casus talis contingeret, quod Patres universi in Synodo universalis convenientes unanimiter aliquam definitionem fidei facerent, cui sola persona Papa contradiceret, dicerem iudicio meo, quod Synodo standum esset, & non persona Papæ. Iudicium enim tantorum Patrum universalis unius Synodi in materia fidei merito præferendum videtur iudicio unius hominis, in quo casu optimè venit illa glossa, quæ habetur in Caput, Anastasius, dist. xix. quod ubi de fide agitur, Papa tenetur requirere Concilium Episcoporum. Quod intelligendum est, quando casus est valde dubius, & Synodus convocari potest. Et tunc Synodus major erit Papa, non quidem potestate jurisdictionis, sed auctoritate iudicii discretivi, & amplitudine cognitionis. Hæc ille factus postea Cardinalis, qui personam Papæ

non facit publicam in materia fidei, nisi quatenus Episcoporum Synodo conjungitur.

Silvester Prieras generalis Prædicatorum Magister in Summa, verbo Concilium, quæst. ii. Cujus dicta approbo in quantum dicit Papam subijci Concilio in his quæ sunt fidei manifestè, quia si errat in his obstinatè, jam non est caput Ecclesiæ, sed se deponit, & in his quæ concernunt universalem statum Ecclesiæ, super quo à Christo non habet potestatem in destructionem, sed in edificationem. Deinde concl. iiii. Sicut non erat Ecclesiæ perseveranter, ita nec Papa, quandiu est caput Ecclesiæ, & ut caput Ecclesiæ, id est, utens adiutorio membrorum Ecclesiæ per Concilia, &c. Sic apud Prieratem Papa non censetur persona publica, nisi jungatur Ecclesiæ, & adiutorio membrorum Ecclesiæ utatur.

Cyprianus Benetus in libri de non mutando Palchate fundamento xiii. Quod semper est aliqua Ecclesiæ, quæ per rectam fidem reguletur, & confirmetur intelligendo semper à tempore Christi usque ad consummationem sæculi: Sed ex eo non convincitur hoc convenire alicui particulari, intelligendo per particularem Ecclesiæ, quamcumque ab Ecclesiâ universali distinctam. Igitur ex sufficienti divisione convincitur hoc convenire Ecclesiæ universali, & toti congregationi fidelium. Consequentia patet: Sed minor ratione probatur: Illud quod in Scriptura sacra promittitur toti Ecclesiæ, & non parti, non debet attribui alicui parti: Sed semper rectam fidem habere, aut nunquam contra veram fidem errare, in sacra Scriptura à Christo promittitur toti & soli fidelium congregationi, ut patet & probatione majoris, igitur: Major autem principalis rationis probatur. Primo ex illo verbo Christi Luca xxii. Petre pro te rogaui, ut non deficiat fides tua: Neque dubitandum est, ipsum in hoc fuisse exaudium, quia secundum Apostolum ad Hebræos exauditus est pro sua reverentia. Constat ergo, quod Christus promisit Petro quod non deficiat fides sua, non intelligens de ejus personali, sed de generali Ecclesiâ Dei committenda regimini Petri: cum non loquatur de aliqua Ecclesiâ particulari, sequitur, quod intendit de Ecclesiâ totali. Et post aliquanta: Non igitur pro personali fide Petri rogavi Christus, quæ defecit tunc, sed pro generali. Iterum fundamento xiv. Sed quidquid statuit S.D.N. Papa sacro approbante Concilio, in omnibus illi obtemperandum esse ingenuè profiteamur, & non nisi sanctum illud & Catholicum esse censendum. Sic Benetus Pontificem, quatenus persona publica est, & quatenus agit ut caput Ecclesiæ, non separat ab Ecclesiâ vel Concilio, quemadmodum Baro subdole separat.

Joannes Viguerius in Institutionibus Ecclesiæ, cum de condendi symboli potestate quæstionem agitat: Dicendum est, inquit, quod Summus Pontifex, ut privata persona errare potest, non tamen ut est Summus Pontifex. Unde fit, ut si tanquam persona privata symbolum edere tentaret, non esset symbolum, maxime ubi à vera fide deviaret. Si autem procedat, & pronuntiet ut Summus Pontifex, sive ut Papa, quando observat ritum in Conciliis Apostolorum & sanctorum Patrum definitionibus observari solitum, ut putà quando vocat Concilia sensorum, id est, Episcoporum, & instat instareque facit orationibus, & invocat Spiritum sanctum, cuius assistentia Ecclesiæ promissa est, immo & ipsemet se talibus congregationibus assuturum pollicitus est, & non patitur ipsum errare. Et sic quod Papa ut Papa, sive ut est Summus Pontifex facit, Concilium ritum congregatum, quod universalem repræsentat Ecclesiæ, facit; Sedes enim Romana Concilio ritè congregato directà in determinationibus fidei & morum fide confirmata est, ut errare non possit. Quæ hunc in modum philosophatur Viguerius, ex relatis beati Thomæ verbis derivavit. Viguerio Romanus Antistes nunc est persona privata, nunc publica, reduplicantibus explicata particulis, ut Summus Pontifex, ut Papa. Sed tunc ei Concilium adjungit, non ab eo sejungit, ut Baro contra S. Thomam & illius discipulos, Joannem Parisiensem, Fratres illos omnes

omnes, qui à Bonifacio VIII. ad futurum generale convocarunt Concilium, Durandum, Paludanum, Torrecrematam, Silvestrum, Benetum & Viguerium nefariè sejungit, à concordia tantorum virorum societate transfugit, & ad turpissima palpatorum Curiae castra devolvit, infeliciter pugnaturus sub hoc signo: *Voluntas Pontificis, qualiscumque ea fuerit, est regula, quae ejus operationes & actiones dirigantur, ita ut quidquid liceat, id etiam liceat.*

## ANIMADVERSIO XIII.

Frater Baro Proteum agit in Bellarmino, & in Cajetano se prodit historia rudem & imperitum.

**S**IC se res habet in articuli 11. paragrapho v. Launoius stylum in duo praestantissima Ecclesia lumina, in Cajetanum & Bellarminum, qui ob egregias doctores venerationi sunt & amoris nedum Catholicis, sed etiam haereticis praeter Lannoium, qui disputationem intra modestia & charitatis fines contentam ex ferocia animi innata putat esse veritatis prodicionem, & ideo omnibus hereticis parcat, ut duos sapientissimos, & sanctissimos viros quasi religionis hostes districto gladio insequatur & confodiat: Furioso non sunt arma permitenda, & si aequitate nequeat à tantis viris insectandis cohiberi Lannoium, par esset auctoritatem publicam adhiberi. Stylum accere, & districto gladio insectari & confodere arma non sunt mea, sed fratris Baronis, qui in gratiam collegarum suorum detestabili vitia sanctorum ab hujusmodi locutionibus sibi non temperat:

*Infandum, tu Baro, jubes renovare dolorem.*

Si Edmundus Burguinus furioso Baronis Fratri Jacobo Clementi non permisisset arma, nec illum fasciasset, Henricum III. districto gladio non confodisset. Furiosi erant Carolus Ridicovius & Petrus Argerus, cum Gandavo advolarunt Lutetiam, ut Henricum IV. districto gladio confoderent. Vultus meus nec minas nec funestum quid spirat, ut Baronis vultum & minas & funestum quid spirare omnibus compertum est.

Ad Bellarminum quod attinet, hunc ita convenit in libri IV. Apolog. sect. IV. parag. 111. ubi postquam auctorem illum à gravitate, modestia, sinceritate & bona fide laudavit, subiicit: *Qua verò Mariales scribit de Bellarmino, licet non sint aliena à morosorum opinione, quod causam haereticorum juverit, & à ministri ore excepi, Bellarminum de suis Ecclesiis reformatis optime meritum, quod illarum Theologiam miro ordine digesserit, quod fortiora argumenta proferat, quam extent apud auctores suos, & addebat se audivisse Bellarminum in Hispania prohibuit, quod ab ejus* 509 *lectione aliquid mali timerent Catholicis, quia argumentis validissimis debiliores dabat solutiones. Et hunc etiam fuisse sensum doctissimi Cardinalis Perronii refert Cardinalis Bentivolus in libro edito, quem inscripsit, Memoria, pag. 100. ubi dicit, se hac eadem propriis auribus à Perronio excepiisse. Hæc Baro, in quibus difficile potest agnosci, utra fuerit in eo major, simulatio, an auctoritas.* Hinc Bellarminum in speciem commendat, inde communi & haereticorum & Catholicorum sententiâ vituperat, relatis, quæ non modò scripta sunt, sed etiam quæ scripta non sunt, si tamen pro suo non imponit, cum quæ in familiari colloquio ex ore haereticis pastoris exceperit, narrat. Quid enim opus erat sparsa hinc inde ad elevandam Bellarmini auctoritatem tot elogia in unum conferre, si sincero animo & veraci sensu crederet, Bellarminum ita laudandum esse ut laudat? In summa si Frater sibi Bellarminum laudanti fidem vult majorem haberi, quam heterodoxo pastori, Hif-

panis librorum Bellarmini lectionem vetantibus, & Cardinali Perronio, necesse non erat admodum, heterodoxi pastoris, Hispanorum & Perronii judicium proferre, nisi fortè, ut judicio tali suum, quia verius est, anteponeret, & me nonnunquam ab amplectenda Perronii sententia exemplo tam illustri deterrere vellet: Si verò heterodoxo pastori, Hispanis & Perronio Bellarminum vituperantibus fidem vult majorem haberi, quàm sibi Bellarminum laudanti, non erat quoque necesse admodum, Bellarminum laudare, nisi fortè ut doceret eum esse se, qui simulatione, inani ostentatione, ficto non modò sermone, sed etiam vultu invictum, ut loquitur, Catho- 510 *licæ fidei pugilem laudaret. Hic dolus malus, sed ubique auctoritas.*

Ad Cajetanum venio, quem nollem equidem tractasse, quemadmodum Dominicani scriptores duo tractarunt, Ambrosius Catharinus, & Melchior Canus: Ille justæ magnitudinis librum de erroribus Cajetani lucubratus est; hic Cajetanum temeritatis in expositione scripturarum accusat, in libri VII. de locis capite 111. concl. v. *Illud breviter dici potest, Cajetanum summis edificatoribus Ecclesiæ parem esse potuisse, nisi quibusdam erroribus doctrinam suam, quasi cujusdam lepræ admixtione sedasset, & vel curiositatis libidine affectus, vel certè ingenii dexteritate confusus literas demum sacras suo arbitratu exposuisset; felicissimè quidem ferè, sed in paucis quibusdam locis, acutius sanè multò quàm feliciter. Nam & vetusta traditionis parum tenax, & in Sanctorum lectione parum quoque versatus, libri signati mysteria ab his noluit discere, qui non suo sensu illa, sed majorum traditione, verà scilicet verbi Dei clave aperuerunt. Ita cum plurima scripsisset egregiè, venit ad extremum omnia, & novis quibusdam scripturae expositionibus aliorum, quæ vel gravissimè dixerat, aut elevarat, aut imminuit certè auctoritatem: Invenio quidem facio, ut doctissimum virum nomine etiam expresso reprehendam, sed cum nominis & gloria celebritas hoc loco à Lutheranis objiceretur, notandam temeritatem putavi.*

Nunc veriùs de Barone, quàm de me quis diceret, illum stylum acuisse in Bellarminum; Catharinum & Canum: In Cajetanum qui Bellarminus scilicet & Cajetanus ob egregias doctes venerationi sunt & amoris nedum Catholicis, sed etiam haereticis praeter Baronem, Catharinum & Canum: *Qui disputationem intra modestia & charitatis fines contentam ex ferocia animi innata putant esse veritatis prodicionem, & ideo omnibus haereticis parcat, ut duos sanctissimos & sapientissimos viros quasi religionis hostes districto gladio insequantur & confodiant. Furiosis non sunt arma permitenda, & si aequitate nequeant à tantis viris insectandis cohiberi Baro, Catharinus & Canus, par esset publicam auctoritatem adhiberi: Idque maxime ut Baro omnium furiosissimus coërceretur. Hic dimissio homine furioso, qui singulis paginis mentiri non erubescit, & mihi sæpius imponit, recipio me modeste cum Bellarmino & Cajetano disputasse, quamvis priùs in majores nostros Parisienses Theologos atrociter invaserint. Quas in Epistolæ ad Thomam Fortinum capite XV 111. rationes de mea cum Bellarmino congressione reddidi, ne tangit quidem, quia omni termino immobiliore offendit. Cajetanus Pisanæ Synodi judicio Gersonem optimum Ecclesiæ defensores acutius lacefiverat. Deinde tunc cum aliis Parisiensibus Theologis se gessit tam inciviliter, ut edixerint, ne ille in scholis suis laudaretur. Eat nunc dictum Frater Baro, Cajetanum ob egregias doctes venerationi fuisse & amoris nedum Catholicis, sed etiam haereticis praeter æquales suos Parisienses Theologos, qui Cajetani nomen & libros à suis scholis edicto propulsaerint.*



## ANIMADVERSIO XIV.

*Frater Baro ut suis & Curia studiis & placitis serviat, Christi Ecclesiam in statum sacularem transscribit.*

- 512 **V**Enimus tum demum ad ultimam adulatricis Curiae lineam, quæ in eodem art. & parag. sic exaratur: *Ut uno verbo congesta in Cajetanum argumenta dispellam, certum est leges canonicas eodem loco in Ecclesia, quo civiles in republica reponi: Eodem etiam gradu Summos Pontifices Ecclesia, quo Reges suis regnis præesse. Si ita sit, velim respondeat Launicius, an Reges legibus civilibus subjiciat, quoad utramque vim dirigendi & penis cogendi: si vix ausit hoc tentare, sed supremos Principes obnoxios legum directioni à coactione & penis eximat, hoc exemplo agnoscat, non adeo absurdum esse Cajetani sententiam, quod Summis Pontificibus indulgeat immunitatem, quam non auderet Regibus negare, nisi vellet in odio Summorum Pontificum Reges in ordinem cogere. Hic planè mihi usurpanda sunt, quæ tibi assumpsisti verba Hieronymi, Quocumque ieris, aut pariter in luto heribimus, aut pariter expediemur. At si sequi me dignaretur Baro quocumque eo, mecum hæreret in Epistola ad Franciscum Bonum, quæ est in parte IV. Epistolarum nostrarum. In ea Epistola observaret tria, primum est, me ex veræ Theologiæ principiis duobus, scripturæ auctoritate, & Catholicæ Ecclesiæ traditione, demonstrare, alio modo Christi Ecclesiam, alio modo regna & principatus sæculares gubernari. Alterum, eos qui hoc negarent seditiosis usuro esse argumentis, quæ de cœnosis fontibus Aristotelis haurirentur, sicque Christianæ Ecclesiæ rectionem turbaturos, ut illius fidem Ariani quondam turbarunt. Tertium, Baronem loquenti apud Matthæum, Marcum & Lucam Domino se opponere, & contra eum dicere. Nam Dominus ait: *Reges gentium dominantur eorum, vos autem non sic: At Baro scribit eodem gradu Summos Pontifices Ecclesiæ, quo Reges regnis suis præesse, quasi diceret: Reges gentium dominantur eorum, vos autem sic. Quæ in Aristotelio Barone perversitas? Quæ improbitas? Ecclesiasticum regimen cum politico confundit, quod Scriptura, quod Patres, quod Romani Pontifices Leo I. Gelasius I. Gregorius I. Nicolaus I. tam apertè discernunt. Sed quoniam vir totus ex Aristotelis schola & lima politus, nec Christum Dominum, nec Patres, nec Pontifices audiendos sibi esse putat, Cajetanum saltem audire dignetur. Sic enim loquitur in cap. XX. Matthæi: Scitis utpote rem notoriam, quia Principes gentium dominantur eorum, pro eis. Non purus dominandi actus, sed finis significatur; est enim sensus quod principes gentium ordinant principatum suum ad dominandum: Et qui majores, pro magni, sunt, in mundo potestatem exercent in eos, pro in eas: Similiter non purus usus potestatis, sed finis significatur, & est sensus, quo qui magni sunt ordinant celsitudinem suam ad usum potestatis, hoc est ad præcipiendum, ad compellendum. Hæc notoria omnibus. Non sic erit inter vos: Ordinatur Jesus principatum & majoritatem suam in Ecclesia**
- 514 *desinendo, statuendo: Non sic erit inter vos, principatus vester non erit ad dominandum, præcipiendum, cogendum, &c.*

Deinde in cap. XXI. Luca: *Dicit autem eis: Reges gentium, &c. Reprimit ambitionem ex differentia inter principatum mundanum & Ecclesiasticum penes hoc, quod finis regum est dominari, & similiter finis habentium potestatem distribuere communia bona (puta honores, dignitates;) ita quod finis principantium in hoc mundo est dominari cum gloria: Vos autem non sic, utrumque finem abducit à suis: Vos Apostoli, vos capita Ecclesiæ non sic, non tendentes ad dominium aut ad humanam gloriam. Cajetanus igitur ad divinam Christi*

scientiam eruditus inter Ecclesiasticum & politicum regimen differentiam multum statuit. Baro ad nimiam Curiae assentationem eruditus inter utrumque illud regimen differentiam nihil statuit, quo Romanos Pontifices supra universam Ecclesiam & universale Concilium attollat. Anni sunt ferè duo, quod in Epistola ad Franciscum Bonum quærendas seu quæstas è sæculo ter-giversationes occupaveram, sed eas modò Frater Aristotelius perinde obtrudit, ac si non occupassem.

Præterea in aliis Epistolis nostris Romanos Pontifices sacris canonibus & Conciliis subjici confirmo ex Sedis Apostolicæ traditione, quam edo & in medium profero. Quinetiam cò negotium deduco, ut ipsimet Curiales Magistri mirà rerum conversione assertionem nostram in Ecclesiasticum dogma transferant, cum vel minime transferre volunt.

Hoc in loco acutus sibi videtur Baro, cum objicit Gersonem, Almainum & alios qui de origine jurisdictionis commentarios ediderunt. Non juro in eorum placita, nisi quatenus cum veræ Theologiæ principiis, Scriptura, Ecclesiæ & Sedis Apostolicæ traditione cohæreant. Non juro simpliciter in illorum placita omnia, ut Baro in Doctoris sui placita omnia simpliciter jurat, & cum primis in hæc: *Potest jussu per sententiam vel ordinationem Ecclesia auctoritatem Dei habentis tale jus domini vel prelationis tolli, quia infideles merito sua infidelitatis merentur potestatem amittere super fideles, qui transferuntur in filios Dei. Iterum: Aliquis per infidelitatem peccans potest sententialiter jus domini amittere, sicut etiam quandoque propter alias culpas. Iterum: Quam citò aliquis per sententiam denunciatur excommunicatus propter apostasiam à fide, ipso facto ejus subditi sunt absoluti à dominio ejus, & juramento fidelitatis, quo ei tenebantur. Quam doctrinam ait certò se scire, in orbis Christiani infinitis partibus non solum impune, sed etiam cum laude à Theologis prægnari.*

Cæterum inter ea, quæ hac in re Pontificem à Rege, putà Galliæ perspicuè discriminant, objiciunt se mihi quatuor: Unum est Pauli Samosatani Antiochiæ, id est, tertiæ Sedis Episcopi depositio, & Domini in illius locum subrogatio. Antiochena Synodus & Paulum deposuit & Dominum in illius locum subrogavit, inconsulto prius Romano, id est, primæ Sedis Episcopo. At notum est in Gallia, provinciæ gubernatorem nec destitui, nec institui inconsulto Rege.

Alterum, Nicænæ Synodi canon IV. *Episcopum convenit maxime ab omnibus, qui sunt in provincia, Episcopis ordinari. Si autem hoc difficile fuerit, aut propter instantem necessitatem, aut propter itineris longitudinem: tribus tamen omnimodis in idipsum convenientibus, & absentibus quoque pari modo decernentibus, & per scripta consentientibus, tunc ordinatio celebretur. Firmitas autem eorum quæ geruntur, per unamquamque provinciam, Metropolitanis tribuatur Episcopo. Hoc in canone dum Episcopi ordinantur per provincias, Romani Antistitis consensus nec requiritur, nec intervenit. Metropolitanis consensus requiritur, intervenit, & sufficit. In Gallia, ut rectores præficiantur civitatibus, Regis consensus requiritur & necessarius est; quinetiam Rex ipse solus rectores civitatibus præponit.*

Tertium, derivatus ab initio Christianæ Religionis collocatorum per civitates Episcoporum status, qui non ita pendet à Romano Pontifice, ut is pro suo arbitratu Petrum verbi gratiâ, vel Paulum amovere possit, & alium in Petri vel Pauli locum sufficere. In Galliâ Rex pro arbitratu suo, & ut expedire sibi videtur, civitatum rectores amovet, in alia loca transfert, vel immunes, privatos & sine potestate relinquit.

Postremum est, Innocentius III. qui inter Galliæ Regem & seipsum Romanum Pontificem discrimen illud instituit, ut in Cap. per venerabilem pronunciet: *Regem in temporalibus superiorem minime recognoscere:*

Et in sermone 11. & 111. de consecratione Romani Pontificis, in spiritualibus Ecclesiâ etiam Rom. inferiorem se libenter agnoscat. In serm. 11. dicit: *In tantum mihi fides necessaria est, ut cum de ceteris peccatis Deum iudicem habeam, propter solum peccatum, quod in fide committitur, possem ab Ecclesia judicari.* In sermone 111. Propter causam verò fornicationis Romana Ecclesia posset dimittere Romanum Pontificem: Fornicationem non dico carnalem, sed spirituale, quia non est carnale, sed spirituale conjugium, id est, propter infidelitatis errorem.

Addo quæ ad Philippum Augustum scribit, in libri 111. Regesti xv. Epist. civ. *Sed in carnali commercio inter te ac reginam adeo est processum, quod si etiam illi tantum confessioni vellemus insistere, quam nuper eadem regina fecisse proponitur coram prædicto Abbate de Trappa, & dilecto Magistro Roberto Corzon nuntio. S. Stephani in Celio monte Presbytero Cardinali, non auderemus super huiusmodi casu de nostro sensu pro te aliquid definire propter illam sententiam Evangelicam, quam ipse Christus expressit, ut quod Deus coniunxit, homo non separet, cum absque dubio, nec sanctorum exempla, nec Patrum decreta intentioni tue in hoc articulo suffragentur. Verum si super hoc absque generali deliberatione Concilii determinare aliquid tentarem, præter divinam offensam & mundanam infamiam, quam ex eo possemus incurrere, forsitan ordinis & officii nostri periculum immineret, cum contra præmissam veritatis sententiam nostra non possit auctoritas dispensare.* Innocentium diceret eo scripsisse consilio, ut insolens in disputando Frater cohiberetur, ac refrænaretur. Errare se nunquam fatebitur, quia ut publicum, non ut privatum doctorem scripsisse se nugabitur, & sic spes nulla est, ut nugari desinat. Innocentium verò errasse dicit, quia ex alia tunc cathedra, quam ex sua locutum esse pugnacissimè contendet. Nam si semel è cathedra Petri locutus esset Innocentius, se Baro in miseriam sempiternam natum esse crederet, & mallet crucem futurum sibi sepulchrum esse.

Hæc pauca de multis discriminibus, quæ adferri possent, ut tandem Frater Baro videat stare non posse comparationem, quam inter sacerdotium & regnum, inter Romanos Pontifices & Reges instituit, non amore Regum, quos amat uti modò vidimus, sed adulatione Pontificum, quorum cubito pulvillos ad omnem canonum spiritu Dei conditorum, & totius mundi reverentiâ consecratorum exolutionem solet assuere, quos uno verbo exleges facit.

## ANIMADVERSIO XV.

Frater Baro in Joanne XII. desultoria levitatis exemplum præbet, & sibi turpiter contradicit, & Innocentio III.

IN libro 1. Apolog. sect. 11. parag. viii. sub finem, de Romanis Pontificibus universim & sine differentia ulla scribit: *Ad summam Romanorum Pontificum laudem pertinet, quod solo æquitatis respectu, nullo pœnarum metu se huiusmodi canonum observantissimos, & vindices acerrimos præbuerint, ac proinde dignissimos, quibus summam auctoritatem Deus permetteret, cui ex pari æquitate moderabantur.* Ego in Epistola ad Thomam Fortinum capite xix. contra Baronem sic dico: *Quæ (verba mox relata) ut principium disputandi primum statuit, nec probat, quia primum ipse statuit, & ita notum esse credit, ut illius notitia Pontificum sic se gerentium enumeratione solâ constare possit.* Id de Joanne XII. Ordinis Prædicatorum scriptores, quos breviter relatus sum, nos docebunt. Et quia nos docent Joannem XII. scelestissimum hominem fuisse, & meritò ab Episcoporum Italia Concilio de Sede prima

deturbatum, in exercitationis articulo 11. paragrapho v. finem versùs mutat sententiam, nec cur mutet me in causa fuisse significat: *Nonne iis relictis canonibus actum est in Joannem XII. & Benedictum IX. Pontifices, ut ipse loquitur, post homines natos sceleratissimos? An putat conculcatis tantum legibus Ecclesiasticis sese continuisse intra divinarum observantiam, vel his eodem impetu, quo Ecclesiasticas deiecerant, violatis, harum maxime pœnas abdicatione tanta dignitatis meruisse & æquissimo totius Ecclesiæ iudicio fuisse passos?*

Et primum quidem de Benedicto IX. non ita ut de Joanne XII. locutus sum: Benedictum Pontificem fuisse post homines natos sceleratissimum nusquam dixi. Mendacium est quod Baro mentiri solitus mihi affingit.

Deinde Benedictus IX. & Joannes XII. nunc solo æquitatis respectu, nullo pœnarum metu se Ecclesiasticorum canonum observantissimos & vindices acerrimos præbuerunt; nunc Pontifices sunt post homines natos sceleratissimi, Ecclesiasticos canones conculcant, non se intra divinarum legum observantiam continent. Quæ hominis in scribendo levitas & inconstantia?

Præterea cum subicit, Benedictum IX. & Joannem XII. Ecclesiasticarum & divinarum legum pœnas abdicatione tanta, id est, Pontificie dignitatis meruisse, & æquissimo totius Ecclesiæ iudicio fuisse passos, mentitur, & adhuc secum pugnat. Mentitur quidem cum innuit habitum esse plenarium totius Ecclesiæ Concilium à quo Benedictus & Joannes de Romana Sede pulsi fuerint. Benedictus à Romanis duntaxat pulsus est, Joannes ab Episcoporum Concilio, quod nunquam existimatum est plenarium totius Ecclesiæ Concilium. Æquissimum quidem fuit iudicium, quo Joannes Pontificiâ dignitate privatus est, sed non fuit totius Ecclesiæ iudicium.

Secum verò pugnat cum in exercitationis articulo 11. paragrapho ultimo pag. 452. & 453. scribit quæ sequuntur: *Post scriptam & etiam typis mandatam responsum ad exemplum Joannis XII. Pontificum deterrimi ad Sedem Apostolicam ætatis anno vix decimo octavo à patre Alberico Romana civitatis tyranno vi promoti, & ab Othone magno Imperatore ac Synodo Romana câ dignitate abdicati, oportuit ad defensionem tractatus de perpetua fide Eucharistiæ, sæculi decimi historiam Pontificiam à Patre Coeffeteau contra mysterium iniquitatis Mornai propugnatam relegere: Et occurrit obiectio de abdicatione Joannis à Mornao primum intorta adversus Pontificiam dignitatem, deinde à Launoio instaurata, ne conqueratur sibi perpetuam à Catholicis ad heterodoxos discessionem obijci, cum eademmet de re, nedum à Baronio invidis, ut loquitur Coeffeteau, argumentis pagina 94. Othonis & Synodi Romana facinus præter omne jus susceptum confutante, sed etiam à Coeffeteau eam abdicationem improbane dissentiat, nec conveniat cum auctore tractatus de fide perpetua, qui pagina 397. non omnino excusat præposterum Othonis zelum.*

Atque ut ex hac ipsa historia intelligat Launoius, Christum suæ Ecclesiæ melius consuluisse, quam iis, quæ suggerit, aut ab aliis perperam adhibita commendat, remediis frustra fecere, quibus Imperator cum Synodo Romana usus est. Nam ut ex aliis auctoribus refert idem Coeffeteau, vix Imperator Roma in Germaniam cum exercitu redierat, superstiti Joanni suffecto Leone VIII. cum ab amicis Romam revocatur, depulsus Joannes: amulum fugat, Synodum habet, quæ prioris acta rescindit, nec solum censuras in suos iudices, sed etiam summam crudelitatem in Cardinales, amputata uni manu, rescissa alteri lingua sævit. Sed Deus singulari miraculo voluit nos docere, à se, non ab hominibus, nec à Launoii prudentia remedia esse expectanda. Nam cum impurissimus quamvis legitimus Pontifex, ad volutabrum rediisset, & cum amicarum una sese oblectaret, divino permisso, aut illius jussu ita dirè exceptus est à demone, ut octavo post plagas



plagas die vix anno viceſimo ſeptimo atatis vitam corruptiſſimam finierit; atque hac peſte liberata eſt Eccleſia, efficaciſſimo remedio, quàm perperam & præter canones præſentata etiam à quibuſdam Episcopis Synodi manifeſta Donatiſtarum hæreſi ad abdicationem. Ceterùm quidquid ſit, malo Coeſſetæ, & auctori tractatus de perpetua Eucharistiæ fide, quàm Launoio hac de re aſſentiri.

Frater Baro, ut eſt vir acerrimi iudicii, in hoc poſteriori loco deſtruit, quidquid in priori de juſta  
522 Joannis XII. abdicatione ædificaverat: Tam perſpicua eſt illa ἀπλογία, ut nulla unquam fuerit magis perſpicua. Superest tantùm ut obſervem nonnulla, quæ hominem luculenter oſtendant.

I. Occurrit, inquit, (in opere Coeſſetæ contra myſterium iniquitatis) obſectio de abdicatione Joannis à Mornæo primùm intorta adverſus Pontificiam dignitatem, deinde à Launoio inſtaurata. Et primùm quidem peccat in beati Hieronymi præceptum, quod habet libro III. contra Pelagianos: In dogmatibus & quaſtionibus diſſerendis non perſona, ſed cauſa quaerenda eſt. Baro perſonam quaerit non cauſam, ut ex perſona cauſam traducat & diffamet.

Deinde graviter peccat in illuſtres ordinis ſui Theologos qui Mornæo faciem prætulērunt. Referendi ſunt illi ad perpetuam Baronæ æreſis infamiam.

Vincentius Bellovacenſis in hiſtorialis Speculi libro XXIV. capite LXXXVI. Anno ſequenti collecto à tota Italia Episcoporum Concilio Joannes Papa de nefariis cauſis diffamatus, qui tertio evocatus, dum ſe excuſatum venire cunctatur, poſt multa tandem, eo à cunctis præjudicato, Leo adhuc laicus electione omnium & conſenſu Imperatoris Papa ſubſtituitur. Et poſt alia: Joannes expapa ſe cum uxore cujuſdam oblectans à diabolo in tempore percutitur; & ſine viatico Dominico moritur.

Martinus Polonus in Chronico de vitis Pontificum, de Joanne XII. Hic erat venator & totus lubricus, adeoque publicè fœminas etiam tenebat, propter quod quidam Cardinalium & Romanorum ſcripſerunt Ottoni Principi Saxonum occultè, ut ſcandalo Eccleſia compatiens ſine mora Romam properaret. Hic Papa Joanni Diacono, tanquam hujus facti conſiliario naſum, & alteri Joanni Subdiacono, qui literas ſcripſerat, manum amputari fecit. Hic cum frequenter per Imperatorem & Clerum de ſua correptione fuiſſet monitus, præſente Imperatore de Papatu deſtitutus, communi voto Leo Papa eligitur. Et paulo poſt in vita Benedicte V. Joannes verò oblectatus adulterio ſine pœnitentia ſubito moritur.

Sanctus Antoninus in ſecund. part. hiſt. tit. xv. cap. III. §. II. Sed cum eſſet ſcleratus hic Papa (Joannes XII.) & Imperatorem & omnes ſcandalizaret propter nefariam vitam ſuam, anno xxvi. ipſius Ottonis collecto à tota Italia Concilio Episcoporum, cum tertio eſſet vocatus ad reſpondendum de omnibus ſibi obſectis, & fugiens à Roma, venire contemneret, eo à multis præjudicato, Leo electione omnium & conſenſu Imperatoris Papa ſubſtituitur. Et paulo poſt: Miſerrimè etiam vitam finivit, & impudiciſſimè.

Joannes Turrecremata Card. in libri III. de Summa Eccleſiæ capite x. de univerſalium Conciliorum utilitate: Quinto celebratio Conciliorum eſt utilis ad reſtranandum exorbitantias quorundam Pontificum, qui Pontificatum ſuum aut ſpretis ſanctorum Patrum regulis pro voluntate exercent, aut ſimoniaca pravitate dehoneſtant, aut ſæculi vanitate & vita ſcandalosa confundunt. Hujus cauſa congregatum legitur Concilium Episcoporum Italia Roma per Imperatorem contra Joannem Papam XII. qui venator & lubricus publicus & incorrigibilis erat.

Franciſcus Victoria in libri de poteſtate Papæ & Concilii, propoſitione xxiii. Propter injuſtas diſpenſationes, vel alia mandata inſolentia, quæ in perniciem Eccleſiæ procedunt, poſſet convocari & congregari contra voluntatem Papæ, ut ſi reſiſteret obviaret ejus inſolentia.

Hoc expreſſè tenet Silveſter in verbo, Papa, §. IV. Quod ſi Papa ſuis moribus deſtruit Eccleſiam, poteſt convocari Concilium contra ejus voluntatem, ut per illud Papa moneatur, Deus invocetur, & reſiſtendo in malis remedium apponatur. Hoc expreſſè tenet Turrecremata, aſſertor vehementiſſimus Pontificia dignitatis, libro III. Summe cap. x. Celebratio, inquit, Conciliorum utilis eſt ad reſtranandum exorbitantias quorundam Pontificum, qui ſuum Pontificatum, aut extra ſanctorum Patrum regulas pro voluntate exercent, aut ſimoniaca pravitate dehoneſtant, aut ſæculi vanitate & vita ſcandalosa confundunt. Hac de cauſa congregatum legitur Concilium Episcoporum Italia Roma per Imperatorem contra Joannem Papam XII. qui venator publicus, & incorrigibilis erat. Quod factum laudat & approbat Turrecremata, & hoc eſt utile.

Michael Cardinalis Alexandrinus Clementis Moniliani Compendium Theologicarum institutionum probavit & probando ſuum fecit, cum aliis in locis, tum in cap. XIX. Conciliorum celebratio valet ad quinque. Et poſt alia: Quare ad reſtranandum exorbitantias quorundam Pontificum, qui minus ſacrum aut ſpretis ſanctorum Patrum regulis pro voluntate exercent, aut vita ſcandalosa confundunt. Hujus cauſa congregatum legitur Concilium Episcoporum Italia Roma per Imperatorem contra Papam Joannem XII. qui venator lubricus & publicus erat & incorrigibilis. Hic Cardinalis librum Moniliani approbavit Romæ in ſacro Palatio ann. M. DLXII. Nec factus Pontifex Pius V. approbationem revocavit.

Hæc Ordinis Prædicatorum illuſtres viri numeroſi: Primus eſt Philoſophus, Theologus & hiſtoricus magni apud illos nominis. Secundus hiſtoricus & Romanus Pœnitentiarius. Tertius Theologus & hiſtoricus & ſanctorum canoni adſcriptus. Quartus ex ſacri Palatii Magiſtro Cardinalis, Pontificiæ dignitatis non ſolùm fautor, ſed etiam amplificator habitus. Quintus Pariſiis Theologiam importavit Hiſpaniam, & illi apud Salmanticenſes nobile domicilium collocavit. Sextus Theologus, & Romanus Pontifex, qui æternæ gloriæ candidatus apotheſim in dies præſtolatur. Hi autem omnes de Joannis XII. abdicatione prius ſcripſerunt, quàm Mornæus à parentibus ſuſceptus educatuſque eſſet. Hoc igitur cum ita ſeſe habeat, Frater Baro ſi verum amaret tantisper, ſcripſiſſet hoc modo: Occurrit obſectio de abdicatione Joannis à Vincentio Bellovacenſi, Martino Polono, ſancto Antonino, Joanne Turrecremata, Franciſco Victoria, & Michaelæ Alexandrino Cardinale, poſteà Pio V. primùm intorta adverſus Pontificiam dignitatem, deinde à Mornæo inſtaurata, tum demum à Launoio ex illuſtrioribus Ordinis Prædicatorum ſcriptoribus vindicata; & tunc temporis conſcientia ſinceri Monachi fretus verè & coram Angelis Dei ſubjicere potuit: Ne Launoius conqueratur ſibi perpetuam à Catholicis ad heterodoxos diſceſſionem objici, quæ antea ſubleſta fide ſubjecerat. De Barone libenter quaererem, num vellet me ſecum ita diſſerere, & eum quem ſpectat finem, ſpectare. In medium proferrem & dicerem: Occurrit mihi (Fratri Baroni) obſectio, de Henrici Imperatoris VII. nece per venenum in Eucharistica communionem præbitum curata, de Henrici III. Galliarum Regis parricidio, de nefariis Edmundi Burguni, Caroli Ridicovii & Petri Argerii conſiliis & molitionibus à Mornæo, vel heterodoxis aliis primùm intorta, deinde à Launoio inſtaurata. Sed obſectio hæc facile diluitur; hæretici quippe ſunt, qui telum illud in nos (Baro diceret) primùm intorquent, ac proinde cum Launoius objectionem inſtaurat, oleum & operam cum hæreticis perdit; & eam ob cauſam Bernardum de Montepolitiano, Jacobum Clementem, Edmundum Burgunium, Carolum Ridicovium & Petrum Argerium, fratres noſtros ab illa objectionem tutos eſſe quis non videt? En perverſa diſputandi methodus, quam ſi Baro

Baro recipiat, captus, si rejiciat, nullus est, & nullus semper erit, quia vir ad pauca respiciens, vix aliter disputaturus est unquam.

II. In Epistola ad Ludovicum Maræsum, quam habet pars tertia Epistolarum nostrarum, ostendo Baronium contra Sedis Apostolicæ traditionem Joannem XII. tueri, & quæcunque Romano Concilio singillatim objicit, dissolvo. Id Baro dissimulare non debuit, si inveniendæ asserendæque veritatis studio ullo flagraret.

III. Nicolao Coeffetæo ex Baronii commentariis sapienti memoratos Ordinis sui scriptores objicio, quorum vi & auctoritate labefactatur & obruitur.

IV. Frater & suo & meo judicio acutus est in observandis remediis, quibus Christus Ecclesiæ suæ contra malos Pontifices, & in primis contra Joannem XII. consuluit. Igitur cum perspexisset Christus Joannem XII. ab Romana Synodo depositum fuisse, nequid deinceps perperam in Joanne & prater canones fieret, statuit ut diabolus deprehensus in adulterio Pontificem ita feriret, ut octavo post plagas die vitam corruptissimam deponeret. *Deus*, inquit, *singulari miraculo voluit nos docere à se, non ab hominibus, nec à Launoi prudentia remedia esse expectanda. Nam cum impurissimus, quamvis legitimus Pontifex, ad voluntarium rediisset, & cum amicarum una sese oblectaret, divino permissu, aut illius jussu ita dirè exceptus est à demone, ut octavo post plagas die vitam corruptissimam finiret. Statua dignum inventum, sed plumbea. Quis sanæ mentis crederet maluisse Christum ad liberandam ab scelerato Pontifice Ecclesiam, diaboli operâ, quam Episcoporum Synodo uti? Non alii quàm Barones istud tradituri sunt unquam, vel inde probaturi, Romanum Pontificem Ecclesiæ legibus non subiacere.*

De Christo doctrina nova hæc est, quam Romani nunquam probarent Pontifices, si quando in deliberationem veniret. Non probaret Innocentius III. qui mihi erit instar omnium, ut de tribus testimoniis illius conjicio.

Primum est in sermone II. de consecratione Romani Pontificis: *In tantum, inquit, mihi fides necessaria est, ut cum de cæteris solum Deum judicem habeam, propter solum peccatum, quod in fide committitur, possem ab Ecclesia judicari. Commissum in fide peccatum laxiori modo accipit, ita ut comprehendat illud, quod in contumacia consisteret, nempe si pluries monitus Pontifex emendare se, & à concitanda offensione publica cessare nollet.*

Alterum est in sermone III. de consecratione ejusdem Pontificis: *Propter causam verò fornicationis Romana Ecclesia posset dimittere Romanum Pontificem: Fornicationem non dico carnalem, sed spirituales, quia non est carnale, sed spirituale conjugium, id est, propter infidelitatis errorem.*

Tertium est in libri III. Regest. xv. Epistola c. iv. ad Philippum Regem Francorum: *Sed in carnali commercio inter te ac reginam conjugem tuam adeo est processum, quod si etiam illi tantum confessioni vellemus insistere, quam nuper eadem regina fecisse proponitur coram prædicto Abbate de Trappa, & dilecto filio Magistro Roberto Corzon, nunc titulo S. Stephani in Calio monte Presbytero Cardinali, non audeamus super hujuscemodi casu de nostro sensu pro te aliquid definire propter illam sententiam Evangelicam, quam ipse Christus expressit, ut quod Deus conjunxit, homo non separet, cum absque dubio nec Sanctorum exempla, nec Patrum decreta intentioni tua in hoc articulo suffragentur. Verum si super hoc absque generali deliberatione Concilii determinare aliquid tentarem, præter divinam offensam, & mundanam infamiam, quam ex eo possemus incurrere, forsan ordinis officii nobis periculum immineret, cum contra præmissam veritatis sententiam nostra non possit auctoritas dispensare.*

V. In his verbis: *Præsentia etiam à quibusdam Episcopis Synodi manifesta Donatistarum hæresi ad abdicationem: Enigma est, quod ego non intelligo. Explicabit Frater Baro cum voluerit, & gryphos suos apertius dissolvat. Interim Fratrem oro atque obtestor, ut scribere de divinis desistat. Non enim omnes possunt capere, quod pertineant obscuritates & ænigmata somniorum, quæ ut anus delira sibi fingit, & sibi quoque deinceps illud æmulum secum reputanti suos inter collegas maxime applaudit.*

VI. Cum ait: *Cæterum quidquid sit, malo Coeffetæo & auctori tractatus de perpetua Eucharistiæ fide, quam Launoio hac de re assentiri.* At ego contra Baronem ita dico. Cæterum quidquid sit, malo Vincentio Bellavacensi, Martino Polono Romanæ Ecclesiæ Pœnitentiariorum, beato Antonino Florentino Archiepiscopo, Joanni Turrecrematæ Cardinali, Francisco Victoriæ & Pio V. (quibus & qualibus apud Dominicanos scriptoribus!) quam Coeffetæo, auctori tractatus de perpetua Eucharistiæ fide, & Baroni hac de re assentiri. Coeffetæo quidem, sive quod à majorum suorum traditione deficit, sive etiam quod Cardinalis Perronius Coeffetæi opus, quo de agitur, satis frigide laudabat. Nam objicientibus illud mendis non carere sic respondebat: Excusandus est Coeffetæus, quia breviorum librum conficere per otium illi non licuit.

In hac autem animadversione executi sumus duo: Hinc incredibilem fortè aliis, nobis verò sine difficultate ulla credibilem Baronis ἀντιλογία retulimus, inde illius speculationes cæcas, sibi tantum, non aliis exitabiles apertam in lucem prodidimus.

#### ANIMADVERSIO XVI.

*Frater Baro tanta in scribendo laborat imprudentia, ut adversarium cogat ea scribere, quæ ne ab eo scriberentur, omni ope & operâ entiti deberet.*

QUÆ nunc animadversurus sum, invitatus, fateor, dolens & coactus animadvertam. Hic Frater de me conquestus fuerat, quod Bellarminum paullo acrius confutaverim. Nempe quidquid iste sapit, non ex scriptura, vel lectione Patrum, vel Ecclesiæ traditione, sed ex Bellarmini commentariis sapit. Hinc cum illi Bellarminus in rebus Pontificiis eripitur, nudus & inermis, Iro & Codro pauperior remanet, & perinde ac cæcus homo, cui baculus detrahitur, in ejulatium & muliebrem vociferationem erumpit. Ego in Epistolæ ad Thomam Fortinum capite XVIII. rationes edo & in medium profero septem, quibus Baronis querelam amolior, eamque injustam esse ostendo. Baronem septima præ cæteris ratio exulcerat, quæ sic se habet: "Bellarminus illam de potestate Summi Pontificis doctrinam tradidit, qua imbutus Frater Jacobus Clemens ejusdem cum Barone & Ordinis & disciplinæ id fecit, quod nemo ignorat, & quod referre horresco. At Parisiense Senatusconsultum, quo perculsa illa doctrina fuit, me vehementer ad pugnam accendit. Et hoc ipsum esse, quod Baronem maxime pupugit, contendam semper, donec ille Senatusconsultum ab Romanæ Inquisitionis censura defenderit. Baro in exercitationis art. II. paragr. VI. rationem hanc sic eludit: *Quamvis daremus Launoio adversa partis Theologos se suosque interdum acerbius habuisse, propterea putat ex illa præjudicata opinione gravari posse parricidii ab insano perinde ac improbo, ac sacrilego meditatibus & peractibus, quæ nullo auctore sola cecitas & rabies subjecerit? Quis ferat ista imputari Bellarmino, quo nec doctiorem, nec sanctiorem, nec ab his sceleribus abhorrentem magis nostrum sæculum tulit, aut futura visura sunt? Illud disputandi*



genus, & adeo horrenda alienis opinionibus importandi mala, adeo ab omni humanitate alienum est, ut quicumque hac audituri sunt, auctorem hujusmodi calumniarum, vix hominum numero sint habituri. Dum hæc audio & lego, audire & legere mihi videor, quæ Scipio Dupleix in Henrici III. historia de Jacobo Clemente narrat. Hic scelestus Baronis collega pridie quam gladio suo Regem exenteraret, cum prætorianis militibus cœnabat. Inter cœnandum dicenti cuidam sparsum esse rumorem Ordinis Prædicatorum fratres numero sex in Regis vitam conjurasse, non respondit, rumorem illum falsum esse, ne mentiretur, sed affectata simulati sermonis negligentia respondit, *In omni sodalitis ut bonos, ita & malos reperiri.* In summa ad eum ferè respondit modum, quo Baro scripsit quæ retulimus. Clemens prætorianos milites illis arbitratos sincerum esse hominem, qui loqueretur: Baro lectores suos illud arbitratos sincerum esse hominem qui scribit. Illudet, inquam, nisi fortassis comparatio hæc illusionem removeat, & ad diligentem subdolæ orationis lectionem impellat.

Et primò quidem observabunt lectores me non loqui de persona Bellarmini, cujus consilium Deo dijudicandum relinquimus, sed de illius doctrina, quæ ut ad Regum parricidium, & regnorum everfionem inducens Parisiensi Senatusconsulto proscripita est anno M. DC. XVI. Calend. Decembris.

Deinde lectores observabunt, Baronem non alia mente Bellarminum laudare, quam ut illius doctrinam laudet, & ab hujusmodi doctrinæ proscriptione Parisiensem Senatum vituperet.

Tum lectores observabunt, Baronem nolle adversus iniquam Romanæ Inquisitionis censuram tueri Parisiense Senatusconsultum, quo Joannes Chastellus parricida damnatus est.

Quartò lectores observabunt, Baronem gratulatum sibi esse, quòd in Parisiensi Senatusconsulti censuram consentire videbitur. Quo pacto, ut pleniori obsequio & Curialium Magistrorum iudicium, & Inquisitorum favorem emereri se posse sperat & cogitat. Anni jam sunt plures, quòd ex imo pectore nonnullum anhelat Romanæ Inquisitionis officium, seu Romæ, seu in Gallia gerendum. Tunc temporis quæ æquitatem memoratum Parisiense Senatusconsultum confixum est, eadem & lucubratiunculas nostras confingeret.

Quintò lectores observabunt, Baronem mentiri splendide, cum ait, Jacobum Clementem auctore nullo ad facinus, quòd appellare non audeo, ductum fuisse. Hic Baro Clementem Edmundi Burguini facinorosissimi præceptoris auditorem fuisse, & Burguinum istum ob varia parricidii capita disceptum in partes quatuor fuisse Parisiensi Senatusconsulto, quòd anno M. DCVII. Calend. Febr. Turonis latum est. Senatusconsultum videre poterit, & singula condemnationis capita examinare.

Sextò lectores observabunt, Burguinum & Clementem jurasse in doctrinam hanc: *Aliquis (Princeps) per infidelitatem peccans potest sententialiter jus domini amittere, sicut etiam quandoque propter alias culpas. Item: Quam citò aliquis (Princeps) per sententiam denunciatur excommunicatus propter apostasiam à fide, ipso facto ejus subditi sunt absoluti à dominio ejus & juramento fidelitatis, quo ei tenebantur.* Et quoniam Baro in eandem cum Burguino & Clemente doctrinam juravit, me, quia doctrinam illam novam esse pugno, nec ei convenire Theologiæ definitionem, quæ à beato Thoma traditur, infinitis convitiis proscindit, & proscindet semper, quia doctrinam illam hæcenus habuit infat Evangelii.

Postremò lectores observabunt, Baronem verum non esse beati Thomæ discipulum, quòd Theologiam docet & docuit aliam ab ea, quam B. Thomas definiit.

Lubricus homo est & incomprehensibilis, qui se propter miram scribendi facilitatem, qua valet plurimum, varias in partes flectit & convolvit, Proteo mutabilior. Sed nunquam hærebit in Apostolicæ Sedis traditione, quam ex Gregorio I. Martino I. & Pio II. explico sub finem animadversionis VII.

## ANIMADVERSIO XVII.

*Frater Baro in Romanam Synodum, quæ à Theodorico Rege Italia habita est pro causa Symmachi, & Baronium injuriosissimus.*

IN Epistolæ ad Thomam Fortinum capite XIX. num. IX. notaveram Baronem in libri I. Apolog. sect. II. paragr. X. semel atque iterum, sed & tertio addere debui, significare Theodoricum Italiam Regem tyrannum esse, quia Arianus erat, quia hæreticus erat. Id autem significat illa occupatus doctrina, in quam jurat, excommunicatum propter apostasiam à fide Principem, jus domini amittere, illius subditos ab illius dominio absolutos esse & juramento fidelitatis, quo ei tenebantur. Deinde notaveram Theodoricum Regem habitum non fuisse unquam tyrannum, etiam si fide Catholicus non esset. Id ex Romanæ ipsius Synodi actis & Baronii testimonio comprobaveram. Tunc manus dare & conquiescere debuit: Sed suis contra hæreticos Reges occupatus præjudiciis non conquiescit. Sic in exercitationis articulo III. paragr. I. Romanam Synodum & Baronium per latus meum mucrone suo ferit: *Launoius ait, Theodoricum gente Gothum, Italia dominantem à me per summam injuriam tyrannum & Arianum appellari, cum Synodus ejus imperio Roma habita, titulis Regis piissimi & clementissimi ac serenissimi illum dignetur & donet: Et Baronius quamvis Arianum laudet, quòd Catholicos omni genere officiorum sit prosecutus. Non dubito quin hac Theodorici defensione præaverit Socinianis in posterum causaturis, negatum Christum Patri consubstantialem nullius posse erroris accusari, quòd Synodus Romana non dubitavit, Theodoricum ita sentientem, quasi Regem piissimum compellere. Quis non videt non me, sed Romanam Synodum & Baronium à Barone redargui, quòd Theodoricum laudantes Socinianis patrocinentur? Monachus calumniandi avidus sibi temperare non potest à contumeliis, sive hæc in adversarios, sive in amicos redundant. Delectum quidem habet dictorum petulantium, quibus homines perstringat, sed delectum non habet hominum, quos perstringat. Amicos centum perstringeret, si inter eos unus, quem haberet pro adversario, permisceretur. Sunt & alia duo, quæ notare oportet. Alterum est, Baronem à me reprehendi, quòd Theodoricum Arianum vocaverit, sed mera est impostura: Theodorico nullam fecit injuriam, cum illum Arianum vocavit; sed non mediocrem illi fecit injuriam, cum tyrannum appellavit. Alterum verò, cum Regis piissimi titulum ad fidem, non ad mores revocat, significans, id à me factum esse, cum tamen factum sit contrarium; sic enim scribo: "Frater Baro Theodoricum Regem tyrannum nominat, quem Romana Synodus gloriosissimum, clementissimum, serenissimum, piissimum vocat: Piissimum, id est, humanissimum ac benignissimum."*

Cæterum etiam si Baro ex veteribus historicis nullum reperiatur aut laudet, qui Theodoricum Italiam Regem tyrannum appellaverit, eundem tamen appellandum esse tyrannum statuit munitus ea ratione, quam solus reliquorum omnium auctorum contemptus facit singularem. Bernardus de Montepolitiano, Edmundus Burguinus, Jacobus Clemens, Carolus Ridicovius, Petrus Argerus & Baro quos volunt Principes & hæreticos & tyrannos faciunt, &c. Jurarunt in verba hæc: *Aliquis*

*Aliquis (Princeps) per infidelitatem peccans potest sententia-  
rialiter jus domini amittere, sicut etiam quandoque propter  
alias culpas.*

## ANIMADVERSIO XVIII.

*In re qua ad laudatum à me ex Epistola Pii II.  
testimonium pertinet, Frater Baro peccatum  
suum convolvit, secum pugnat, gravissima  
reprehensioni beatum Thomam exponit, cal-  
ces Gregorio IX. & Romanis Censoribus im-  
pigit.*

**I**N animadversionis titulo momenta rerum sunt  
quatuor, quæ breviter expeditum imus. Ego qui-  
busdam in Epistolis meis ex Pii II. Epistola CCC LXXIV.  
ad Carolum VII. adhibueram testimonium, quod ita  
se habet: *Unum à te petimus, charissime fili, ut Docto-  
ribus Sedis Apostolicae semper non credas, multa illorum pas-  
sionibus tribuas.*

Deinde nequis vel peccaret, vel peccasse me cre-  
deret, in Epistola ad Thomam Rullandum Parisiensem  
Theologum monui me Basileensem anni M. D. LXXI.  
editionem, utpote correctiorem sequi. Hæc autem  
Epistola est in parte III. Epistolarumstrarum.  
Quidquid, id est, Frater Baro, pro ea qua valet  
bonitate & clementia, dissimulat, ut in styli sui  
mucronem exaceret confidentius. Per varia scri-  
ptionis loca Stentore vocalior it clamatum, inter-  
polasse me Pii textum, & pro, *detractoribus*, reposu-  
isse, *doctoribus*: Tunc incredibilem miratus sum ca-  
lumniam, & in Epistola ad Thomam Fortinum Pa-  
risiensem Theologum capite XVI. demonstratâ rei ve-  
ritate meam præsto innocentiam. Hinc siquid in Ba-  
rone Christiani superfuisset pudoris, culpæ veniam  
deprecatus esset. In exercitationis, seu invektivæ  
articulo III. paragr. non deprecatur, immò culpam  
suam convolvit, ne videatur errasse, & ut est in ma-  
le agendo gnavus & indolentius, quod prius calumni-  
andi propositum imbiberat, alio tacite convertit.  
Prima, inquit, *scriptione accusaveram gravis plagii, quo  
Epistola Pii II. ad Carolum VII. Regem Gallie cor-  
ruperat hæc verba: Unum à te petimus, charissime fi-  
li, ut Sedis Apostolicae detractoribus semper non credas,  
multa illorum passionibus tribuas. Fatetur antiqua ex-  
emplaria ita habuisse, detractoribus, sed sibi placuisse do-  
ctoribus, & visum sibi magis ad mentem auctoris acce-  
dere editionem, quam sequitur, Basileensem, qua ex offi-  
cina Henricipetrina prodierat, curasse conferre cum edi-  
tionibus primis, quæ habent, detractoribus, & sibi ma-  
gis probari, doctoribus. Cur ita? Quia sic visum est  
hæreticis Basileensibus, primum Henrico Petro Biblio-  
pole.... Deinde hæc interpolatio probatur Marci Hop-  
peri testimonio, cujus, inquit, Launoius, inscriptioni si-  
dem facit certissimam præfatio, enumeratis sigillatim Pii  
libris, & adjuncto gregalium, id est, Zuinglii & Oeco-  
lampadii discipulorum. Ex quibus omnibus luculenter ait  
Launoius, apparere operum Pii II. editionem (licet hæ-  
reticorum manibus consecratam) qua usus sit, cæterarum  
omnium, quæ præcesserant, emendatissimam esse: Unius  
verò instar esse editiones cæteras, quæ ex Catholicorum  
officina prodierant, quia prima sunt concordæ. Quis ista  
crederet potuisse excidere Theologo Catholico, ut hæreti-  
corum vadem se præbeat, eorum prælo & officinis fidem  
incorruptam præstet, Catholicorum traducat, quasi falsam  
& fallacem? An non meminit præcepti Apostolici: Hæ-  
reticum post unam aut alteram admonitionem devota, eo-  
rumque commercium pejus angue, & peste, odio haben-  
dum & fugiendum? Annon legit apud Cardinalem  
Perronium, dum Gelasii, Bertrandi & Paschasii libros  
expendit, observatum, hos auctores horribilibus falsatio-  
nibus ab hæreticis Lutheranis & Basileensibus corruptissimos  
prodiisse?*

I. Cum vituperare me putat, me præter mentem  
suam laudat; cum ait: *Fatetur antiqua exemplaria  
ita habuisse, detractoribus*. Id quod res est, ego fa-  
teor ingenuè. Sed Baro id quod res est, non fate-  
tur ingenuè: Nimirum errasse se, cum ante scripsit,  
me Pii II. verba corrupisse. Quod mendacii genus in  
animadversione prima notavi. Sic igitur cum id quod  
res est, fateor ingenuè, laudem, vir bonus velit nolit,  
mereor, sed cum ille id quod res est, non fateatur in-  
genuè, vituperium meretur.

II. Baro maledicendi cupiditate cæcatus non tam  
mecum, quam secum pugnat, cum ita pergit scribe-  
re: *Sed sibi placuisse, doctoribus, & visum sibi magis  
ad mentem auctoris accedere editionem, quam sequitur,  
Basileensem, qua ex officina Henricipetrina prodierat,  
curasse conferre cum editionibus primis, quæ habent;  
detractoribus, & sibi magis probari nomen, doctoribus.*  
Cur ita? Quia sic visum est hæreticis Basileensibus.  
Secum pugnat, cum hinc de me ait, *Sibi placuisse,  
doctoribus, & visum sibi magis ad mentem auctoris ac-  
cedere editionem, quam sequitur*. Et cum inde ait:  
*Sibi magis probari nomen, doctoribus*. Cur ita? Quia  
sic visum est hæreticis Basileensibus. Suntne alia duo,  
quæ inter se magis pugnent? Non audet referre,  
quia non potest refellere momenta rationum, qui-  
bus lectionem hanc, *doctoribus*, in Epistola Pii II.  
exigi probo. E meis rationibus postremam refero,  
quæ duobus postea ejusdem Papæ testimoniis con-  
firmabitur: Denique gratuito sibi persuadebit ne-  
mo, noluisse Pontificem id de Sedis Apostolicæ do-  
ctoribus scribere, quod ab eo scriptum in castiga-  
tiori operum editione legitur. Cur non scripsisset,  
si verè scribi potuit? Fortasse, inquires, majorem  
doctorum illorum curam habuit, quam ut aliquid  
tale de illis scriberet? An majorem, quæso te, fa-  
ma Doctorum Sedis Apostolicæ curam habuit,  
quam sacri Collegii? Parvipendebat Collegium,  
& illud parvipendisse Jacobus Cardinalis Papiensis  
testatur in Epistola CLXXXI. ad Paulum II. No-  
bis verò, ait, quem esse animum credis, videntibus  
nostræ dignitati illudi? Hocce erat, quod repro-  
mittebas de te, cum Pontificatum quærebas, cum  
te insinuabas nobis, cum dolebas Nicolaum, Calli-  
stum, Pium parvipendisse Collegium nostrum? Hæc  
autem omnia, quæ apud cordatos atque eruditos ho-  
mines videri possunt efficacissima & hoc in rerum  
genere invictissima, confirmantur ex duabus Pii E-  
pistolis, quarum prima est Epistola CCC LXXI. ad  
Martinum Meyerum: *Fatemur, inquit, insuper ali-  
quando in Romana Curia, quam regunt homines aliqua  
fieri, quæ digna essent emendatione, nec dubitamus ip-  
sos Romanae urbis præfules etiam in quantum homines  
falli, errare, labi ac decipi posse. Secunda est ea, quæ  
de moribus Germaniæ exaratur: Fatemur, inquit;  
in Romana Curia, quam homines regunt, non omnia esse  
nitida, & plurima fieri digna correctione, nec ambi-  
mus ipsos prima Sedis Antistes, cum Christi Dei no-  
stri vicariatum assumunt, homines remanere, ac propte-  
rea falli, errare, labi ac decipi posse. Nunc quæso te,  
frater Baro, Piusne Sedis Apostolicæ doctorum ma-  
gis, quam rectorum famam curabit? In his testimo-  
niis Romanus ipse Pontifex ut liquet, multò durius de  
Sedis Apostolicæ rectoribus quam de doctoribus pro-  
nunciat. Accedit, quod de iis tantum doctoribus, qui  
tunc viverent, pronuntiet, non verò pronunciet de  
iis rectoribus qui tunc viverent, sed qui vixerant, &  
quorum alii successerant. Non enim plures Sedis  
Apost. rectores simul esse possunt, sed plures simul in  
Rom. Curia doctores versari possunt.*

Deinde quæ Baro mihi de Basileensibus hæreticis  
opponit, in ipsum successu pari retorquentur. Nam  
apud eosdem quorum meminit hæreticos Basileæ  
anno M. D. L. ut jam in animadversione I. mendacio  
XVIII. notavimus, edita sunt Pii II. opera, in qui-



bus nomen, *detraitoribus*, non, *doctoribus*, habetur. Quis modò Baronem non rideret, si ridendus potiùs, quàm miserandus videretur? Tum officinam Catholicorum nominat, quæ hæreticorum est, nisi probet Henricum Petrum, Marcum Hopperum & alios Zuin-  
 542 glij & Oecolampadii discipulos Catholicam religionem professos esse anno M. DLI. cum Pii II. opera ediderunt: Sed ab illa jam tum primùm anno M. DLXXI. defecisse, cum Pii opera tunc omnia recuderunt. At secundùm ista Baronis epichieremate hoc quid fiet? *Quis ista crederet potuisse excidere Theologo Catholico, ut hæreticorum vadem se prabeat, eorum prelo & officinis fidem incorruptam præstet, Catholicorum traducat, quasi falsam & fallacem? An non legit apud Cardinalem Perronium, dum Gelasii, Bertrandi & Paschasii libros expendit, observatum, hos auctores horribilibus falsationibus ab hæreticis Lutheranis & Basileensibus corruptissimos produisse? Ego rem faciliè expedio, cum id quod in Basileensi editione anni M. DLI. incorrectum remanserat, in Basileensi editione anni M. DLXXI. correctum esse supra observavi. Ad Gelasii, Bertramni seu Ratramni, & Paschasii libros quod attinet, si hi Basileæ editi sunt aliter, quàm reperti in Catholicorum bibliothecis codices manuscripti præ se ferant, Basileenses editores vehementer accuso. Si verò Basileæ non sunt aliter editi, quàm reperti in Catholicorum bibliothecis codices manuscripti præ se ferant, Basileenses editores accusare non possum. Frater Baro, pro ea, qua valet æquitate & clementia accusabit, si voluerit, accusabit sine dubio, quia in suis concertationibus æquitatem servare nullam consuevit.*

Præterea cum me ita convenit, *An non meminit præcepti Apostolici, hæreticum post unam aut alteram admonitionem devota, oblitus est eorum, quæ Bellarmino invictò Catholicæ fidei pugili suo, in lib. IV. Apolog. sect. IV. paragr. III. sic objicit: Quæ verò Martiales scribit de Bellarmino, licet non sint aliena à morosorum opinione, quòd causam hæreticorum juverit, & à ministri ore excepi Bellarminum de suis Ecclesiis reformatis optimè meritum, quòd illarum Theologiam miro ordine digesserit, quòd fortiora argumenta proferat, quàm extent apud auctores suos, & addebat se audivisse Bellarminum in Hispania prohibuit, quòd ab ejus lectione aliquid mali timerent Catholicis, quia argumentis validissimis debiliores dabat solutiones. Nunc mea vice dicam & Baronis verba repetam: An non meminit præcepti Apostolici, hæreticum post unam aut alteram admonitionem devota? Eorumque commercium pejus anque & peste odio habendum & fugiendum? Sic igitur beati Pauli præceptum, quod aliis objicit, executus est fideliter, cum aliis exequendum injungit. O virorum circumspèctissime! Beatus Paulus præcipit, ut hæreticus post unam vel alteram monitionem vitetur;*  
 543 *Baro ut morem gerat Apostolo, cum hæretico doctore familiariter versatur, & quæ ab eo Bellarmini famæ contraria didicit, monumentis illustrat suis, ne quod oblivioni tradendum erat, tradatur. O virum bonæ invicti Catholicæ fidei pugilis famæ amantissimum!*

Denique beati Pauli præceptum interpretatur de libris, in quos nec cadit, nec cadere potest admonitio: Non interpretatur de seipso, in quem cadit admonitio, nisi fortasse velit eam in hominem sibi similem cadere non posse, quia inutiliter & sine fructu ullo caderet.

III. Vir prudens non advertit, me dum operum Pii II. editione Basileensi utor, multò minùs reprehendendum esse, quàm beatum Thomam, qui Catholici cujusdam Doctoris codice ab hæreticis librariis manu exarato non tantùm utitur, sed etiam doctrinæ sanæ passim immiscet auctoritates illius Philosophi, quem sancti Patres & tractatores Ecclesiæ Patriarcham hæreticorum omnium appellant, quem ut infensissimum Christianæ religionis hostem execran-

tur, & averfis in sinistram palmis abominantur. Sanctorum Patrum hac de re & tractatorum sententias retuli, & per ætates singulas digessi in capite 11. libri, quem de varia Aristotelis fortuna inscripsi.

His adde Gregorii IX. ad Magistros Parisienses rescriptum, in quo Pontifex vetat, ne quos Aristotelis libros damnaverat provinciale Concilium, iis ullus utatur, antequam ab omni errorum suspitione purgati fuerint. Rescripti verba sunt: *Ad hac jubemus, ut Magistri artium unam lectionem de Prisciano & unam post aliam ordinariè semper legant, & libris illis naturalibus, qui in Concilio provinciali ex certa scientia prohibiti fuere Parisius, non utantur, quousque examinati fuerint, & ab omni errorum suspitione purgati. Hic salva sint ea, quæ aliàs pro beati Thomæ excusatione scripsi. Nunc ad hominem disputo, & Baronem eas ad angustias, ad quas me compellere voluit, compello, & præ me fero, illum per summam imprudentiam reprehensionem beatum Thomam exposuisse gravissimam, cum me vel nulli, vel saltem parvæ exponere tentavit.*

IV. Nunc tandem videndum est, Baronem calces Gregorio IX. & Romanis censoribus impingere, cum in exercitationis articulo 111. paragr. ultimo pag. 455. ita scribit: *Eodemque, ni fallor, refert, quod primo capite habet decretum Gregorii IX. ad Academiam Parisiensem, quo cavet etiam comminatione indignationis Sedis Apostolicæ, ne Philosophorum gentilium libri in scholis prælegantur, quasi istis censuris perstringatur D. Thomas, quem in speciem videri vult Launoius purgasse. Sed iis excusationibus non eget qui nihil peccavit, quin potius summam consecutus est laudem S. Doctor, quam cum mereri nequeat Launoius, prætexta nititur defensione inumbrare, qua culpam si qua foret, gravaret, vix ulla venia dignam.*

Et primò quidem imponit Gregorio IX. Pontifici, cum ait: *Quo cavet etiam comminatione indignationis Sedis Apostolicæ. Gregorius indignationem Sedis Apostolicæ comminatur nemini. Sic autem ille comminatur: Si quis autem hoc attentare præsumpserit, indignationem omnipotentis Dei, & beatorum Petri & Pauli Apostolorum ejus se noverit incursurum. At Frater Baro ut ridiculum efficiat Pontificem, ea ratione scribit, ut putemus Gregorium in ea esse sententia, ut credat omnipotentem Deum, & Petrum ac Paulum Apostolos Sedem Apostolicam fuisse, cum ille indignationem Sedis Apostolicæ comminatur lectoribus librorum, quos proscribit. Quis porro præter Baronem Sedem Apostolicam in omnipotenti Deo, in Petro ac Paulo Apostolis constituit unquam? Ut novam definientis è cathedra Pontificis notionem sibi finxit, & nobis obtrudit supra in animadversione XII. sic & novam Sedis Apostolicæ notionem nunc sibi fingit, & nobis obtrudit, ad magnum Gregorii IX. dedecus.*

Deinde eidem Pontifici non minùs fœdè imponit, cum ait, *ne philosophorum gentilium libri in scholis prælegantur. Id neutiquam fecit Gregorius. Non prohibuit, ne Platonis libri in scholis prælegerentur. Antiqui Patres Ecclesiæ non æquè à Platonis atque ab Aristotelis Philosophia abhorruerunt. Beatus Augustinus in libri VII. Confessionum capite IX. Deum sic alloquitur: Procurasti mihi per quandam hominem immamissimum typho turgidum, quosdam Platoniorum libros ex Græca lingua in Latinam versos: Et ibi legi, non quidem his verbis, sed hoc idem omnino, multis & multiplicibus suaderi rationibus, quòd in principio erat Verbum, & Verbum erat apud Deum, & Deus erat Verbum, &c. Iterum in lib. de beata vita: Lectis autem Platonis paucissimis libris, cujus te studiosissimum accepi, collatâque cum eis quantum potui, etiam illorum auctoritate, qui divina mysteria tradiderunt, sic exarsi, ut omnes illas vellem anchoras rumpere, nisi me nonnullorum hominum existimatio commoveret. Iterum adhuc in libri*

libri x. de Civitate Dei capite xxi. *Pudet videlicet doctos homines ex discipulis Platonis fieri discipulos Christi qui piscatorem suo spiritu docuit sapere ac dicere: In principio erat Verbum, & Verbum erat apud Deum, & Deus erat Verbum. Hoc erat in principio apud Deum. Omnia per ipsum facta sunt, & sine ipso factum est nihil, quod factum est. In ipso vita erat, & vita erat lux hominum, & lux in tenebris lucet, & tenebrae non comprehenderunt. Quod initium sancti Evangelii, cui nomen est secundum Joannem, quidam Platonici, sicut à sancto sene Simpliciano, qui postea Mediolanensi Ecclesiae praesedit Episcopus, solebamus audire, aureis literis conscribendum, & per omnes Ecclesias in locis eminentissimis proponendum esse dicebat. Vide nunc ac circumspice, Maræsi noster, quanta sit Romano Pontifici injuria, & quam multiplex ac tortuosum sit Baronis ingenium (quod Tullio auctore fidum esse non potest,) cum Gregorio id imponit turpiter, quod impositum notavimus.*

547 Tum indefinite loquitur de gentilibus Philosophis, ut illorum nomine Platonem cum primis & Aristotelem inter se convolvat, & ita Gregoriani decreti auctoritatem eleve, & in sancti Thomae gratiam eludat. Siquidem sperat nonnullos nacturum se esse lectores, qui credant vetuisse Pontificem, ne Platonis & Aristotelis libri in scholis praelegantur. Hoc autem cum animo imberberint, facile sibi persuadebunt, Gregorii decretum non esse idoneum, cui propter Platonem mos à quoquam geratur. Quo pacto vana erit illa excusatio, qua beatum Thomam propter Aristotelem lectum, & commentariis illustratum purgare volui.

548 Quarto Gregorius sciens & prudens de folis Aristotelis operibus in rescripto ad Parisienses Magistros loquitur, de illius tantum philosophi operibus, quae provinciale Concilium damnaverant, sermonem instituit, ut Pontifex in rescripto significat. Illa Aristotelis opera esse Rigordus in libro de vita Philippi Augusti testatur his verbis: *In diebus illis (ad annum m. ccix. legebantur Parisiis libelli quidam de Aristotele, ut dicebantur, compositi, qui docebant Metaphysicam, delati de novo à Constantinopoli: & Græco in Latinum translati: Qui quoniam non solum hæresi (Almarici) sententiis subtilibus occasionem præbebant, immò & aliis nondum inventis præbere poterant, jussi sunt omnes comburi, & sub pœna excommunicationis cautum est in eodem Concilio, nequis eos de cætero scribere & legere præsumeret, vel quocunque modo habere. Concilio huic Parisienses Magistros interfuisse tradit Hugo Monachus, qui Roberti Autissiodorensis Chronologiam continuavit. Gregorius IX. provincialis Concilii decretum confirmando, illud temperavit hoc modo: Libris illis naturalibus, qui in Concilio provinciali ex certa scientia prohibiti fuerunt Parisiis, non utantur, quousque examinati fuerint, & ab omni errorum suspitione purgati. Vide quàm mediatè & quàm circumspèctè decretum: Non ab omnibus tantum erroribus, sed etiam ab omni errorum suspitione purgati. Et quamvis Aristotelis libri, quos provinciale Concilium prohibuerat, nec examinati, nec ab omni errorum suspitione purgati fuerint, illos tamen beatus Thomas secum habuit, legit, & multis donavit commentariis. Quod Thomas Campanella Ordinis Prædicatorum Theologus cum perspicere, in prologo instauratarum scientiarum art. 11. scripsit, id omne à beato Thoma factum esse cum licentia Pontificis. Sed quia istud gratis scripsit, perinde est ac si nihil scripsisset. Frater Baro rem aliter expediendam sibi esse censuit. Beatus, inquit, Thomas Launoi excusationibus non eget, qui nihil peccavit: quin potius summam consecutus est laudem S. Doctor, quam cum mereri nequeat Launoius, prætexta nititur defensione innumbrare.*

Postremò Monachus hac superba scriptione sua provinciale Concilium, & Romanum Pontificem irridet,

& primatum illius despicit, quem nos colimus & observamus. Deinde cum provincialis Concilii & Gregorii IX. decretum repudiat, luculenter ostendit Romanæ Inquisitionis decretum nullum esse, vel futurum esse, quod potiori jure repudiari non possit. Nam in provincialis Concilii & Gregorii IX. decreto sunt tria, quæ in prohibitoriis Romanæ Inquisitionis decretis reperire non licet. Primum est provinciale Concilium; alterum, Parisienses Theologi Concilio juncti; tertium, Pontifex per seipsum docens: *Gregorius Episcopus, servus servorum Dei, dilectis filiis universis Magistris & Scholaribus Parisiensibus salutem & Apostolicam benedictionem. Parens scientiarum Parisius velut altera Cariatsepher civitas litterarum cara claret, magna quidem, sed de se majora facit optari docentibus & discipulis gratiosa. In qua utique tanquam in officina sapientia specialis habet argentum venarum suarum principia, & auro locus est, in quo ritè conflatur. Ex quibus prudentes eloquii mystici murenulas aureas vermiculatas argento cudentes & fabricantes monilia ornata lapidibus pretiosis, immò nulli pretio comparandis sponsam Christi decorant. Quod ad parentem scientiarum Lutetiam elogium addit Gregorius, Paris. Theologos, qui provinciali adhærebant Concilio vehementer commendat. His tribus accedunt sancti Patres, Justinus martyr, Clemens Alexandrinus, Irenæus, Tertullianus, Origenes, Lactantius, Eusebius, Athanasius, Hermias, Basilus, Gregorius uterque Nyssenus & Nazianzenus, Epiphanius, Theodorus Presbyter Antiochenus, Faustinus Presbyter, Ambrosius, Chrysostomus, Hieronymus, Simplicianus Mediolanensis Episcopus, Augustinus, Cyrillus Alexandrinus, cæterus Episcoporum Ponti, Socrates, Theodoretus, Chrysologus, Sidonius, Beda, Rabanus, Remigius Lugdunensis, Leo XI. Bernardus, & alii, quorum testimonia refero in capite 11. libri, quem de varia Aristotelis fortuna inscribo. Hi autem omnes Philosophum hunc abominantur, ut Christianorum dogmatum hostem acerrimum, & hæreticorum omnium Patriarcham. Hoc in loco prætermittere nec debeo, nec possum, quod anno superiori Romæ accidit x. Calen. Aprilis. Inquisitores propositionem hanc: *Libri prohibiti donec expurgentur, possunt retineri, usque dum adhibita diligentia corrigantur, proscripterunt, & proscriptione sua Gregorii IX. decretum seu rescriptum valide confirmarunt.**

Nunc ad Baronem venio, qui adversus quæcunque Romanæ Inquisitionis decreta prohibitoria efficacissimum nobis amuletum paravit. Etenim si beatus Thomas cum Gregorii IX. decretum prohibitorium tot præsidii munitum insuper habuit, peccavit nihil; si ob edita in Aristotelis libros commentaria ingentem consecutus est laudem; Qui prohibitoria Romanæ Inquisitionis decreta similium præsidiorum expertia contemnet, nihil peccabit; quin potius si in prohibitos ab Romana Inquisitione libros edat commentaria, ingentem ob id gloriam consequetur. Baro in superiori animadversione 14. Romanæ Inquisitionis censuras nunc parvi, nunc magni facit. In hac autem animadversione xv. 11. nihili: Ita ut non peccet, qui censuras illas negligit; Immo in laude ponantur auctores, qui libros prohibitos commentariis illustrarint. Sed mihi vitio vertit, quod provincialis Concilii & Gregorii IX. decreto non contradixerim, & in vetitos Patriarchæ hæreticorum omnium libros commentaria non ediderim: *Quam, inquit, Doctoris sancti laudem cum mereri nequeat Launoius, prætexta nititur defensione innumbrare, quæ culpam, si qua foret, gravaret vix ulla venia dignam. En egregiam Baronis indolem, qui propter desultoriam in scribendo levitatem apud suos ut alter Gorgias Leontinus existimatur! Quidquid id est, quam de beati Thomæ facto contra provincialis Concilii & Gregorii XI. decretum sententiam statuit, hanc Antonius Spalatensis, Philippus Mornæus &*



David Blondellus defendent potius, quam beatus Bernardus, Robertus Cardinalis Bellarminus, Jacobus Cardinalis Perronius, & Nicolaus Coeffetus, quorum opem & auxilium perpetuo inclamat. Hi non accurrent, sed illi advolabunt. Baronem amplectentur amicissime, dissuaviabuntur, & quotquot in directorium Inquisitionis ad Christianæ libertatis tuendæ cupiditatem scribendo exarserunt.

### ANIMADVERSIO XIX.

*In Barone luculentum amissa fidei & frontis exemplum circa Bellarmini de gratia efficaci sententiam ostenditur.*

CUM ego perspicerem Baronem in quarundam Epistolarum nostrarum examine Bellarminum passim appellare invictæ fidei pugilem, explorare volui, num esset simulatio, quæ vultu & fronte sustineri solet, aut veritas, quæ sincero animo coleretur. Hinc cum probè tenerem in Bellarmini libris asseruari Lydium lapidem, quo qui & qualis esset frater Baro dignosceretur, in Epistola ad Thomam Fortinum capite XV III. Baronem quia illum simplicem & apertum esse credebam piè, sic convenio:

552 “Deinde Bellarminus invictus fidei Catholicæ pugil, in libri 1. de gratia & libero arbitrio capite “XII. de Baronis & aliorum S. Thomæ discipulorum gratia efficaci scribit hoc modo: Sequitur altera “quæstio, unde sumatur efficacia gratiæ: De qua “re tres opiniones invenio, duas extremas, & unam “mediam. Et quibusdam interpositis: Est igitur alia “sententia in alio extremo aliorum, qui docent gratiam efficacem esse actionem Dei physicam, quæ “terminat voluntatem ad volendum & eligendum bonum, quod illi fuerat per gratiam excitantem inspiratum. Et quia non potest fieri, ut Deus physicè “determinet voluntatem, quin ipsa voluntas determinetur, & velit id ad quod determinatur, ideo fieri non potest, ut gratia ista non habeat effectum infallibilem. Hæc opinio videtur mihi, aut esse omnino eadem cum errore Calvinii & Lutheranorum, “aut parum ab illo distare. Relato Bellarmini textu sic pergo:

553 “Hæc est de physica prædeterminatione sententia, “quam invictus fidei Catholicæ pugil Bellarminus “eandem cum errore Calvinii & Lutheranorum facit. “Si Frater Baro Bellarmini placitum accipiat, caput est, si rejiciat, nullus: Et tergiversanti occurram & dicam: Si quæ tu mihi de Blondello & Mornæo objicis, veritate niterentur aliqua, nunc responderem hoc modo. Ex Mornæo & Blondello historicæ eruditionis nonnihil meos in usus derivare minus malum est, quam commune cum Calvinio & Lutheranis dogma proponere & asserere. At Thomistæ, in quibus est Baro proponunt & asserunt. Quo iudice? Bellarmino, à cujus tribunali provocare non licet, quia Baroni nostro & Baronibus aliis Bellarminus invictus est fidei Catholicæ pugil.

Hoc est desumptum ex Bellarmini verbis epicherema, quo Baronem urgebam, & cui respondere non potuit aliter, quam per insignia mendacia, & multa stultiloquia, quæ in exercitationis articulo III. paragra. II. sic exarantur: *Et ne videar adeò iniquum Launoii iudicium solis verbis castigare, exemplum addam, quod ipsemet suppediat. Quamvis Bellarminus posterioribus editionibus fortè præter ejus mentem correctis (nam de primis & de iis, quæ Lovanii docuerat, secus omnino mihi constat sensisse) licet, inquam, doctrina de gratia efficaci schola nostra non admodum videatur æquus, non tamen propterea me unquam penitebit tituli pugilis*

fidei Catholica invicti, quia non sunt nostra iudicia, vel aliorum merita, ex propriis commodis, aut ex privatis fidiis metienda.

Et primo quidem iniquum esse Baronis de me iudicium confirmat exemplum, quod à me suppediatum esse scribit. Operum Bellarmini editiones posteriores in eo, quod ad efficacem gratiam spectat, à prioribus non dissentunt. Priores sunt quæ Ingolstadii apud Davidem Sartorium curatæ sunt anno M. DLXXXIX. ubi sic habetur in libri 1. de gratia & libero arbitrio capite XII. *In qua re sita sit gratia efficacia. Sequitur altera quæstio, unde sumatur efficacia gratiæ, de qua re tres opiniones invenio, duas extremas & unam mediam. Et post alia: Est igitur alia sententia in alio extremo aliorum, qui docent gratiam efficacem esse actionem Dei physicam, quæ determinat voluntatem ad volendum & eligendum bonum, quod illi fuerat per gratiam excitantem inspiratum. Et quia non potest fieri, ut Deus physicè determinet voluntatem, quin ipsa voluntas determinetur, & velit id ad quod determinatur, ideo fieri non potest, ut gratia ista non habeat effectum infallibilem. Hæc opinio videtur mihi aut esse omnino eadem cum errore Calvinii & Lutheranorum, aut parum ab illo distare. Et quemadmodum superior opinio destruebat gratiam efficacem, & simul prædeterminationem, ita hæc opinio destruit gratiam sufficientem, & simul tollit è medio liberum arbitrium. Nam ista determinatio voluntatis, quam gratia efficere dicitur, est necessaria ad hoc ut voluntas moveatur. Siquidem sine Dei concursu nihil omnino fieri potest, & ex sententia horum auctorum Dei concursus nihil est aliud nisi determinatio, quam Deus efficit in voluntate: Quod si gratia ista necessaria est, non igitur sine ea potest fieri actio bona, ac per hoc nulla remanet gratia verè sufficientem, quæ non sit etiam efficax. Destruit igitur hæc opinio gratiam sufficientem. Quod autem tollat liberum arbitrium, ita probari potest. Nam posita gratia determinante, non est in potestate liberi arbitrii agere vel non agere, neque est in ejus potestate, ut ea gratia ponatur, vel non ponatur. Igitur necessario, & non liberè voluntas agit. Hæc omnia ut in posterioribus operum Bellarmini editionibus, sic & in prioribus eadem & ad verbum reperiuntur: Et tamen Frater Baro audet scribere quæ retulimus, Bellarminum nempe in posterioribus operum suorum editionibus aliter sensisse de efficaci gratia, quam in prioribus: Quod mendacium est apertissimum; 555 posteriores editiones fortè præter ejus mentem correctas esse: Quod est secundum mendacium primo simile. Posteriores enim editiones præter ejus mentem correctæ non sunt, si à prioribus in nullo discordent. Deus immortalis! Quæ mea infelicitas! Res est mihi cum eo Fratre, qui quodnam sit futurum de se Dei & hominum iudicium non reformidat.*

Deinde cum ait, *De iis quæ Lovanii docuerat, secus omnino mihi constat sensisse*, putatne hoc persuadere se posse, cum mendaci etiam vera dicenti non credatur? Quod sibi omnino constare dicit, constare sibi omnino non potest, scilicet non aliter sentiendum esse de iis, quæ Bellarminus Lovanii docuerat, quam de prioribus operum Bellarmini editionibus, quæ à posterioribus non dissentunt, ut mutua docet priorum & posteriorum editionum contentio. Hic ad eas redactus est angustias, ut fidem suam liberare nequeat, nisi quæ vult Bellarminum dixisse Lovanii, Bellarmino per summum nefas subiciat. Quo pacto fidem minime liberabit suam, quia nulla reliqua est, sed scelus scelere cumulabit.

Tum sit ita. Bellarminus aliter docuerit Lovanii, aliæ fuerint priores operum editiones, quam posteriores: Quid quæso tunc temporis vetuit, quominus mutaret sententiam? Si mutavit sententiam, in posteriori sententia manendum, nec ad priorem recurrendum est, quia rejecta priori, posteriorem sibi vendicat & ei adhæret. Si Bellarminus mutavit sententiam, iudicio suo mutavit in melius. Cur ergo Frater Baro posteriorem

556 riorem Bellarmini sententiam non amplectitur, si simpliciter & sine fuco credat, Bellarminum esse revera invictum fidei Catholicæ pugilem? Cum hic sibi sumit, prædeterminationem physicam, in qua Thomæ discipuli recentiores efficaciam gratiæ constituunt, aut esse omnino eandem cum errore Calvinii & Lutheranorum, aut parum ab illo distare; Si Bellarminus invictus Catholicæ fidei pugil dicendus est, is certè contra Calvinum, Lutheranos, & iis consentientes Baronem & Baronis socios maxime dicendus est.

Præterea, cum ait: *Bellarminus doctrina de gratiæ efficaci scholæ suæ*, id est, recentiorum Thomæ discipulorum, non admodum videtur æquus. De addito ad Bellarminum elogio, mirum quantum detrahit: Quia Bellarminus quæ in re sita sit efficacia gratiæ, ignorat. II. Per ignorantiam, quæ expensis rebus omnibus nonnisi summa est, Baronis & sociorum opinionem de gratiæ efficaci cum errore Calvinii & Lutheranorum confundit. III. Quo jure dicit Bellarminum scholæ suæ non admodum videri æquum, eodem & fortè potiori Bellarminum scholæ Parisiensium non admodum videri æquum, dicere quis poterit. IV. Qua ratione dicit Bellarminum scholæ suæ non admodum videri æquum, eadem & Calvinistæ & Lutherani dicent Bellarminum scholæ suæ non admodum videri æquum, quia non aliud de gratiæ efficaci sentire se, quam Baro & Baronis collegæ sentiunt, profitebuntur. At secundum hæc omnia hoc elogio, *Invictus Catholicæ fidei pugil*, quid fiet? Baronis studio & opera extabescet.

Hinc cum ait, *Posterioribus editionibus præter ejus mentem correctis*, videtur innuere, posteriores operum Bellarmini editiones correctas fuisse, cum Romæ agitata est de auxiliis gratiæ quæstio. Sed oppidè quàm fallitur? Nam quæstio hæc agitata non est Sixti V. tempore, quo Bellarmini opera Ingolstadii apud Davidem Sartorium typis primum mandata esse constat. In verbis mox relatis, Baro perficiendi & occultandi maleficii spem collocat, quod in eo consistit, ut credatur, Bellarmini scripta præter illius mentem à sociis correctæ esse; eoque pacto Ludovici Molinæ causam contra Prædicatores vehementer adjutum iri.

Postremo, cum ait: *Me nunquam poenitebit tituli pugilis fidei Catholicæ invicti, quia non sunt nostra judicia, vel aliorum merita ex propriis commodis, aut privatis dissidiis metienda*, lectoris patientiā abutitur, & secum pugnat. Si judicia ex propriis commodis metienda non sunt, sed ex publicis, cur Baro illa ex publicis non metitur, & eandem cum invicto fidei Catholicæ pugile sententiam de gratiæ efficaci non amplectitur? Cur privata non cessant dissidia? Cur apud invictum fidei Catholicæ pugilem veritas non vincit? Cur ab afflictis Calvinii & Lutheranorum societate Baro & Baronis collegæ non transfugiunt, & ad invicti Catholicæ fidei pugilis florentem aliam non devolant? Cur propriis commodis publica, & privatis dissidiis communem Ecclesiæ pacem non anteponunt, invictum Catholicæ fidei pugilem secuti? Cur tandem Baro ne vana ductus poenitentia credatur, opinionem ab invicto Catholicæ fidei pugile judicatam, eandem cum errore Calvinii & Lutherano-  
rum, vel certè errori huic finitimam non ejurat? Ita me Deus adjuvet, ejuraturus est nunquam, non quod Baroni religio sit, quominus ejuret, quia multa solet agere remotā conscientia, sed quod à Fratribus in physicam prædeterminationem jurantibus sibi timeat.

Est & aliud Bellarmini de immaculata Virginis Conceptione placitum, in quod nusquam quoque jurabit, quia Bellarminum hac in materia pro invicto Catholicæ fidei pugile non habet. Sed habet in eo potissimum argumenti genere, quo Romanum Ponti-

ficem supra Ecclesiam & Concilia, filium supra matrem attollit, non errandi privilegium non modò contra Ecclesiæ, sed etiam contra Sedis Apostolicæ traditionem illi tribuit, & Reges ditionibus suis privandi jus assignat. Hæc sunt tria capita, quibus Baro Romani Pontificis primatum augere, sed regnum, atque Ecclesiam Gallicanam affligere instituit. In primo capite molitur exitium veritatis illius in qua privilegia, seu libertates regni posita sunt universa. Ut Carolus Lotharingus Cardinalis testatur in communitorio, quod anno M. DLXIII. Romam misit ad Britonem Secretarium suum. In secundo calamitatem regno machinatur per Bonifacii VIII. constitutionem, cujus initium est, *Unam sanctam*, &c. In tertio conatur asserere hanc, in quam jurat doctrinam: *Potest justè per sententiam vel ordinationem Ecclesia auctoritatem Dei habentis tale jus domini vel prelationis tolli, quia infideles merito sua infidelitatis merentur potestatem amittere super fideles, qui transferuntur in filios Dei*. Iterum: *Sed aliquis (Princeps) per infidelitatem peccans potest sententialiter jus domini amittere, sicut etiam propter alias culpas*. Et quibusdam interpositis: *Et ideo quam citò aliquis per sententiam denuntiatur excommunicatus propter apostasiam à fide, ipso facto ejus subditi sunt absoluti à dominio ejus & juramento fidelitatis, quo ei tenebantur*. Hæc autem doctrina cum semel asserta fuerit, Baro fratres suos Burguinum, Clementem, Ridicovium & Argerum famæ restituet, & fortassis ut viros de Republica bonè meritos fastis adscribet. Hæc sunt arcane Baronis molitiones, quas ego patefacio, & quibus candidè renunciabit nunquam, nisi quam doctrinam rejicimus, scripto rejiciat. Cæterum in me recipio & spondeo, ex iis, qui seorsum à Catholicis per religionem sentiunt, fuisse unquam neminem qui in versibus tam paucis plura, quam Frater Baro mendacia & stulti-  
loquia protulerit.

## ANIMADVERSIO XX.

*Frater Baro jus naturale violat in silentio, quod exigit privata & familiaris congressio.*

560 Anni sunt tres & edè ampliùs, quod nescio quo fato Lauduni in secunda Belgica cum essem, in Fratris Baronis congressum & colloquium veni. Hominem de facie non noveram, nec de nomine; de habitu & vestitu qui & qualis esset, facile intellexi. Continud ex adjunctis suspicatus sum Baronem bonæ indolis monachum esse, qui conscientia moderator foret, & confitentium peccata soleret audire. Mox sub consuetudinis initium Ecclesiasticas quæstiones cum Aristotelico more decideret, ante oculos mihi obversari cœpit Theologus è schola, quam Gregorius IX. emendare voluit, & in antiquum statum restituere. Hinc occasione data in sermone injeci, difficile inveniri doctorem, qui vel ad præscriptum Gregorii IX. vel convenienter definitæ à beato Thoma doctrinæ sacræ Ecclesiasticæ quæstionem tractaret ac solveret. Et quia liberius putabam esse colloquium, in exemplum statui Thomam ipsum, qui opusculum de absolutionis forma composuit. Al-latis rationibus, cur Thomas mihi non videbatur ad plenum & perfectum satisfecisse, Frater ira penè ex-canduit: miratus sum hominis ingenium & tacui, ne contentionis funem duceremus, & honestus congressionis nostræ finis amitteretur. Hoc autem familiarè colloquium, quod naturali jure cælari & in occulto latere debuit, me infcio vulgavit post nonnulla mendacia, quæ animadversione I. notanda esse censui. Sic igitur in articulo III. paragrapho II. scribit: *Nec ad hoc mihi opus est aliorum testimoniis, quia memini eorum, quæ ex suo ore excepi. Nam cum tecum familiariter colloquerer, & D. Thoma doctrinam ab ea dote commendarem, quam fufius prosequor hujus Apolo-*



Apologia libro I. sectione 1. articulo 2. quod tota sit à traditione Ecclesie hausta, tu contra more tuo intercessisti; neque enim aequis auribus, quod ad summorum virorum laudem pertinet, audire potes, & exemplum addidisti: traditionis Ecclesie ignarum, aut ab illa alienum inde D. Thomam probabas, quod opinaretur penitentem confessum non formula deprecatoria absolvendum, sed sententia more judiciorum: Et cum apud omnes Catholicos usu recepta sit absolutio instar judicii, non precationis concepta, sed apud te nedum D. Thomas deceptus sit, sed totam Ecclesiam secum in errorem abripuerit, te iudice, quid inde consequatur, malim à prudente Catholico lectore aestimari, quam à me dici, ne conqueratur Launoius sibi à me portenta calumniarum inferri, & vix sibi Catholicis nomen, sicut nec ipse Christiani divi Thomae libris relinquere. Familiare colloquium ita refert, ut nulla sit linea, quæ non aliquo mendacio conspurcetur. Baroni satis non fuit jus naturale violare, nisi crimen istud aliis criminibus cumularet. Tam innata est huic homini, tamque insita mentiendi cupiditas, ut factum vix ullum narrare possit, quin veris falsa semper admisceat.

Mentitur I. quia beati Thomæ doctrinam mihi non commendavit ab ea dote, quam assignat.

Mentitur II. quia intercedere non potui commendationi, quæ nulla facta est. Deinde mihi commendandus non est B. Thomas, in cuius doctrinam iuro, quo modo mox exponam.

Mentitur III. cum ait me æquis auribus, quod ad summorum virorum laudes pertinet, audire non posse. Quasi verò libenter non audirem laudem beati Thomæ, in cuius Theologiam ita iuro: Religiosè iuro in beati Thomæ doctrinam omnem, quam convenienter definit à se Theologiæ scholasticæ in prima parte quæst. I. art. II. & art. VIII. ad secundum tradidit; & propter honorem S. Thomæ non iuro in aliam, quæ ab illa dissentiret. Sacramentum hoc etsi repetam sæpius, id tamen more suo dilululal F. Baro, ut me pro suo instituto criminari non cesset.

Mentitur IV. cum ait, Me divi Thomæ libris vix Christiani nomen relinquere. Hanc calumniam alibi notavi & repuli: Apud fatanam ipsum edito mox sacramento repellerem, quod apud Baronem repellere non possum.

Mentitur V. cum ait, dixisse me, Thomam traditionis Ecclesie ignarum fuisse, ubi propositam quæstionem tractavit: Hoc non dixi. Sed dixi laudare me Thomam, quod tractandæ & solvendæ quæstioni vacasset, sed me laudaturum eum esse magis, si per otium licuisset vacare diutius. Ad tractandam & solvendam quæstionem unum tantum diem insumpsit, ut in operis fine testatur. Voluntas autem Dei fuit, ut pro defensione potestatis Petro tradita, in seculo Cathedra Petri hoc opus de mandato vestro compilare laborarem. Generalem Ordinis sui Magistrum alloquitur. Credebam ego tunc cum in Baronis familiaritate versabar, & etiamnum credo, non suffecisse diem unum, ut perfectè planèque tractetur & dirimatur Theologiæ controversia, quæ ex derivatæ ab initio traditionis Ecclesiasticæ notitia pendet. Id non colligebam ex anonymi doctoris opere, quod sanctus Thomas refellendum aggreditur, & quod ego non vidi, sed ex doctoris rationibus iis, quas Magister sanctus diluendas sibi proponit. Hæ autem sunt in opusculi XXI. de forma absolutionis capite II. Secundò ponit, quod Magister, qui sententias compilavit, non posuit hanc formam (Ego te absolvo,) nec aliquem Sanctorum legimus hac forma usum fuisse. Contra quod dicendum est, quod nec Magister formam posuit, nec legitur de alia forma, qua aliquis Sanctorum sit usus, nec etiam legitur, quod aliquis istam formam negaverit. Legitur autem, quod ipse institutor sacramenti dixit: Quodcumque solveris, quod est majus omni auctoritate. Et paulo post: Quarto autem inducit (ad-

versarius) sic sensisse quosdam antiquos & famosos Magistros, scilicet Magistrum Guillelmum de Autissiodoro, & Magistrum Guillelmum quondam Episcopum Parisiensem, & dominum Hugonem quondam Cardinalem: De quibus quod ita senserint, non constat: Sed etsi ita senserunt, nunquid eorum opinio præjudicare poterit verbis Domini dicentis Petro, Quodcumque solveris &c. Nunquid etiam si nunc viverent, præjudicare possent communi sententia Magistrorum Parisiensium, qui contrarium sentiunt decernentes, absque his verbis, Ego te absolvo, absolutionem non esse per solam orationem deprecariam? Et capite V. Addit etiam (adversarius) obijciendo, quod vix triginta anni sunt, quod omnes hac sola forma utebantur, Absolutionem & remissionem &c. Sed quomodo de omnibus potest testimonium perhibere, qui omnes non vidit? Sed hoc certum est, quod jam sunt mille ducenti anni, & amplius, quod dictum est Petro, Quodcumque solveris, &c.

I. Beatus Thomas Ecclesiasticæ controversiæ, quæ inter eum & doctorem anonymum erat, iudicem facit scripturam solam, quæ tamen sola iudex esse non potest; ex illo enim scripturæ loco, quem anonymi doctoris rationes diluens ei obijcit, habetur quidem, à Christo datam esse Ecclesiæ ligandorum ac solvendorum criminum potestatem, sed non habetur, quæ verborum formula in ligandis solvendisque criminibus Ecclesiæ rectores uterentur. Id per seipsum patet, & confirmatur primum ex duplici absolutionis forma, quam Alexander Aletius Thomæ æqualis in part. IV. Summæ quæst. LX. membro II. ita refert: Sed si contra hoc obijciatur, quia absolutio Sacerdotis, quæ sit expressione talium verborum, Ego absolvo te, vel Dominus absolvat te, magis exprimit absolutionem à peccato, quam confessio penitentis. Deinde ex pluribus aliis formis, quas Rainerius Pisanus ex Ordine Prædicatorum Theologus in Pantheologiæ part. I. cap. V. sic recenset: In Sacramento Penitentia quæ sit forma verborum, sunt septem opiniones: Quidam dicunt quod debemus uti verbo deprecatorio, dicentes, quacumque petieris esse solvenda, erunt soluta. Alii autem dicunt, quod hæc est forma absolutionis: Absolutionem & remissionem tribuat tibi Deus omnipotens. Alii, Ego remitto tibi omnia peccata tua. Alii, Benedictio Dei Patris, &c. Alii: Sancte Domine noster Iesus Christus. Alii, quod forma absolutionis est manus impositio. Alii, Ego te absolvo. Igitur si scriptura decerneret, quibus præcisè verbis utendum esset inter absolvendum, tot variae absolutionis formæ apud Theologos non invenirentur.

II. Ecclesiasticæ controversiæ iudicem facere scripturam solam, illam multiplicare est, non dirimere. Veritas hæc ut probetur, argumenta querere non oportet. Sed illa tractandi methodus quò pertineat, à me vellem posse effici, ne omnino animadvertetur. Sed non omnes possumus, quod volumus.

III. Scripturæ jungenda erat Ecclesiæ traditio sed eam jungere non licuit per unum diem, quem in confutandam doctoris anonymi scriptionem insumpsit. Nam in opusculi totius decursu nulla compararet ullius Ecclesiæ traditio, ne quidem illius in qua vivebat, dum opusculum ederet. Ritualium librorum, in quibus sacramentorum ordo præscribi solet, nullus adducitur, veterum Theologorum & tractatorum nullus laudatur. At si Thomas satis habuisset temporis, laudasset veteres Theologos & tractatores, si laudari potuissent, Rituales adduxisset libros, & Sacramentorum codices. Eam per suos auctores exposuisset Ecclesiæ traditionem, quæ in aliis operibus elucet, ut nobis bene confirmat frater Baro, cum sic ait, Beati Thomæ doctrinam totam ab Ecclesiæ traditione haustam esse. Sic nobis & rei literariæ inauspicatò contigit, ut sanctus Doctor non potuerit, nisi die duntaxat uno præstitutum sibi à Generali ordinis Magistro pensum accurare.

IV. Beatus

IV. Beatus Thomas inficiali doctoris anonymi conjecturæ huic, *Nec aliquem Sanctorum legimus hac forma usum fuisse, similem opponit conjecturam: Nec legitur de alia forma, qua aliquis Sanctorum sit usus.* Sed legitima non est oppositio. Siquidem apud Radulfum Ardentem legitur in homilia de majori letania: *Confessio criminalium debet fieri Sacerdoti & nominatim, qui solus habet potestatem ligandi atque solvendi, sicut lepra iudicium solis Sacerdotibus erat in lege commissum.* Confessio verò venialium alterutrum, & cui libet etiam minori potest fieri. Et paulo post: *Unde & non dicimus: Ego dimitto tibi peccata tua: Sed dicimus orando: Misereatur tui omnipotens Deus, &c.* Hic Theologus illustris uno ante Thomam sæculo claruit in Aquitania; profectò non loquitur ut auctor rei gerendæ, sed ut testis rei gestæ, nimirum ritus, qui in absolutione à presbyteris fervaretur. Atque ex illo capite argumentum majoris est ponderis. Deinde ut sanctus Thomas dicit: *Non legitur, quòd aliquis istam formam (Ego te absolvo) negaverit: Sic & doctor anonymus dixisset: Non legitur, quòd aliquis istam formam (misereatur tui omnipotens Deus, &c.) negaverit.* Tum sanctus Thomas dicit: *Legitur, quòd ipse institutor Sacramenti dixit, Quodcumque solveris.* Sed doctor anonymus responderet, se id non negare, sed asserere absolvendi formam, quæ ab Ecclesiæ traditione pendet, non à scriptura, quæ sola quæstioni huic finem imponere non potest.

V. B. Thomas doctoris anonymi argumento quarto primum respondet, non constare Guillelmum Autissiodorensem, Guillelmum Parisiensem & Hugonem Cardinalem ita sensisse, ut ille præ se ferebat. At sanè respondentem constare debuit, num celebres Magistri tres illi loquerentur ut auctores formæ absolutionis in Ecclesiam inducendæ, vel ut testes formæ absolutionis apud Ecclesiam receptæ. Nam si posteriori modo loquuntur, multò magis audiendi sunt, quàm si priori loquerentur. Guillelmus Parisiensis, qui ad ann. m. cccx. Theologicæ scholæ rector erat, sic loquitur in libro de Sacram. Pœnit. cap. xix. *Neque more iudicum forinsecorum pronuntiat confessor, Absolvimus te, non condemnamus: Sed magis orationem facit super eum, ut Deus absolutionem & remissionem atque gratiam sanctificationis tribuat.* Et nemo dubitat, quin possit & debeat confessor orare Patrem misericordiarum, ut etiam remittat peccanti peccata, quæ nec ipse penitens in se cognoscit, & eidem confessori recognoscit. Unde & in absolutione penitentium non consueverunt dicere Sacerdotes, *Dimittat tibi Deus peccata, quæ confessus es mihi, sed potius omnia.* Guillelmus ut testis sine dubio loquitur, & eam ob causam Thomas illum audire, vel ut falsum testem rejicere debuit. Guillelmus Autissiodorensis & Hugo Cardinalis, non tam disertè loquuntur in scriptis, quæ ad nos pervenerunt; eo tamen loquuntur modo, qui magis doctori anonymo, quàm Thomæ suffragatur. Ille in libro iv. Summæ de Pœnitentia, hic in commentariis ad caput xvi. Matthæi.

Deinde respondet Magistros tres illos, quamvis ita senserint, ut sensisse præ se ferebat doctor anonymus, *præjudicare non posse verbis Domini dicentis Petro: Quodcumque solveris, &c.* Sic controversiæ istius iudicem facit scripturam solam insuper habita Ecclesiæ traditione, quæ legitima scripturæ interpret esse censetur.

Tum respondet, *Eosdem Magistros, si viverent, præjudicare nunquam posse sententia Magistrorum Parisiensium, qui contrarium sentiunt.* Quo nimirum tempore beatus Thomas scribebat, ab anno m. cclx. quo Hugo Cardinalis obiit, ad annum m. cclxxiv. quo Thomas ipse ad superos discessit. Ut hanc epocham constituam, verba hæc, *dominum Hugonem quondam Cardinalem,* postulant. Si Guillelmus uterque & Hugo considerentur ut Ecclesiastici usus & traditionis

testes, itque exceptione aut rejectione careant, cur Magistris cedant junioribus, non video. Si ex utraque parte considerentur tanquam testes, & cætera sint paria, æquitati & rationi consentaneum non erit, ut juniores antiquioribus præponderent: Si verò cætera sint disparia, præponderare deberent. Sed id certò judicari nequireret, nisi rationum momenta, quibus utebantur juniores, diligenter expendere: Non refert Thomas, ac proinde non possunt expendi. Quidquid in causa, Parisienses Magistri ad annum m. cclx. nulli præter Thomam suppetunt, qui cum Guillelmo Autissiodorensi, Guillelmo Parisiensi & Hugone Cardinali conferantur, tantum abest, ut præferantur.

VI. Beatus Thomas non respondet illi annorum triginta epochæ, quam doctor anonymus constituit. Neque enim respondet, cum ait: *Sed quomodo de omnibus potest testimonium perhibere, qui omnes non vidit?* Responsio non est hæc, sed declinatio, quæ ut non nihil tegatur, subjicit: *Sed hoc certum est, quòd jam anni sunt m. cc. & amplius, quòd dictum est Petro, Quodcumque solveris.* Quibus in verbis disparatam, non contrariam epocham defixæ à doctore anonymo epochæ opponit. Disparata est, quæ controversiæ iudicium ad scripturam pro more suo remittit. Contraria, quæ ad traditionem & usum Ecclesiæ supra annos xxx. longè & latè patentem remitteret. Beatus Thomas non utique remittit, & quia non remittit, anonymi doctoris argumentum novas vires accepit, & decretorium mutuo inter se certatim evadit. Hic ut nihil dissimulem, beatus Thomas omni ope & opera eniti & elaborare debuit, ut defixam ab adversario epocham refrigeret;

Prolato sacrorum Rituum codice, qui formam hanc, *Ego te absolvo,* præscriberet;

Exhibito Sacramentorum libro, qui eandem formam contineret;

Propositis commentariis nominatissimi cujusdam, & Guillelmo Parisiensi & Radulfo Ardente vultuosioris Magistri, qui contra ac illi scribunt, sine hæsitatione ulla scriberet: *Non orando, sed enunciando dicimus, Nos te absolvimus, Ego te absolvo, vel dimitto tibi peccata tua;*

Disquisitis seu primi, seu secundi ordinis Sacerdotibus septuagenariis vel octogenariis, qui secundum fidem & religionem gravissimè testarentur, se ante annos triginta dum peccata confitentes absolverent, indicativa usos esse formam, quam vel à majoribus acceperant, vel in Ritualibus libris didicerant. Sic & non aliter refigenda erat anonymi doctoris epocha per Ecclesiæ traditionem, quæ ab Apostolicis ducta temporibus, per consequentes annos in Radulfo Ardenti, Guillelmi Parisiensis & doctoris anonymi scripta necessariò incurreret. At nihil horum à beato Thoma factum reperitur. Hæc & similia Baroni in familiari sermone injeci, demonstraturus scripturæ jungendam esse Catholicæ Ecclesiæ traditionem, ut Theologicæ quæstiones, qualis est ista, pro merito & dignitate tractentur & solvantur. Tunc temporis laudavi beatum Thomam, quòd pro eo ac potuit, quæstionem tractavit: Sed quia non ferebat unius diei spatium, ut beatus Thomas quæstionem plenè tractaret ac dilueret, familiaris colloqui libertate usus dixi, quæstionem à Thoma plenè tractatam ac dilutam non esse, quia sanctus Doctor in ea tractanda scripturæ Ecclesiasticam traditionem conjungere non potuerat. Hinc prima mali labes, inde irarum ardor, quo Frater Baro deflagrare cœpit, & nostrum familiare colloquium, quòd naturali jure celare debuit, corrumpere, & variis mendaciis aspergere.

VII. Quæstionem juris instituit, de qua tunc verbum nullum fecimus, hærentes in sola facti quæstione, quam de beato Thoma & illius opusculo institueram. Juris quæstio hæc est: *Et cum apud Catholicos,* inquit,



usu recepta sit absolutio instar judicii, non precationis concepta. Sed ad nostrum familiare colloquium quid attinet? Omnino nihil: Ad desultoriam tamen Baronis levitatem attinet, qui disputare aggreditur, etiamsi ad disputandum imparatus accedat.

VIII. Calumniatur in his verbis: Si apud te D. Thomas deceptus sit. Deceptum fuisse beatum Thomam minime dixi. Sed dixi & iterum dico cum non habuisse satis temporis, ut propositam à Generali Ordinis Magistro controversiam pro dignitate tractaret ac finiret. Cur autem unum diem tantum opus ad suum insumpsit, non pronuncio, quia mihi non liquet: Beatus Thomas & Generalis Magister Ordinis viderint, quia res inter eos transacta est.

IX. Calumniatur iterum, cum pergit scribere: Si 571 D. Thomas totam Ecclesiam secum in errorem abriperit te iudice. De hac re, quam animo calumniandi sibi fumit, apud me nihil quicquam deliberatum & constitutum est. Quò igitur calumniator spectat? Fortassis ut Ecclesiam in opusculi beati Thomæ defensionem oppigneret, & inde confirmet, Theologiam quæstionem idoneè tractatam esse, quamvis in ea tractanda scripturæ auctoritati non junxerit Catholicæ Ecclesiæ traditionem. Profectò non memini legere me, Ecclesiam in ea esse sententia, ut credat scripturam ad decidendas fidei controversias sufficere.

Fortassis calumniator inquiet aliò se spectare, nempe in Ecclesia sic esse receptum beati Thomæ opusculum, ut nemo ab eo postea dissenferit. Hoc si ita, credidere omnes scripturam ad decidendas fidei controversias sufficere, quia beatus Thomas quæstionem scriptura sola, nulla Ecclesiæ traditione adhibita diremit. Cur ergo Rainerius Pisanus ex Ordine Prædicatorum Theologus, pluribus post Thomam annis opiniones septem de absolutionis formâ retulit?

Cur ergo ante Pisanum Franciscus Maironius ex Ordine Minorum Theologus, qui Thomam per ætatem videre potuit, in quartum dist. xiv. scripsit: *Causa formalis secundum aliquos est: Absolvo te, & additur communiter, à peccatis tuis.* Et paullo post contra tertium: *Quoniam quidem habent hunc ritum: Absolvo te Deus Pater, Deus Filius, Deus Spiritus Sanctus: Ad tertium dicendum, quòd sic fiebat in provincia Provincia; sed improbatâ fuit ista forma. Sed tamen*

572 *videretur, quòd sicut Græci baptizant sub hac forma: Baptizetur servus Christi, ita videretur, quòd non esset inconveniens in confessione taliter absolvere; quia tamen sacramentalia sunt stricti juris, ideo non debent immutari.*

Cur ergo Nicolaus Cabasilas in Liturgicæ expositionis capite xxix. scribat? In ea quæ sit in Ecclesia Latinorum Pontificis ordinatione, postquam infundit unguentum in caput ejus qui ordinatur, qui ordinat optat locupletem sancti Spiritus gratiam in eum descendere; peccatorum quoque remissio penitentibus datur per orationem Sacerdotum, & ultimum olei Sacramentum similiter perficit Sacerdotum oratio.

Cur ergo Dominicus Sotus ex Ordine Prædicatorum Theologus, qui Tridentino Concilio interfuit, in quartum dist. iii. quæst. unica art. v. scribit? *Qua utique ratione & in Sacramento Pœnitentiæ, licet quis diceret, Absolvo te, vel absolvat te Christus, vere absolveret, quamvis peccaret. Nam & forma extrema Unctionis est: Indulgeat tibi Deus quicquid peccasti per visum, &c.* Quo argumento doctor anonymus utebatur apud beatum Thomam, sed cum ita Sotus disputet, beati Thomæ responsionem ad illud argumentum, sibi nec sufficere, nec placere significat.

Cur Aquensis Synodus Provincialis, quæ anno m. dlxxxv. habita est, cum agit de Sacramento Pœnitentiæ, hæc præscribit? *Atque ut omnes una utantur absolutionis formula, hanc omnibus observandam pro-*

ponimus, ut post preces illas, quæ incipiunt: *Misereatur, &c. Et Indulgentiam, &c. Qua in Missalibus quibus- 573* *cunque leguntur atque in Missis quotidie recitantur, subdat confessorius: Dominus noster Jesus Christus te absolvat, & ego auctoritate ipsius te absolvo ab omni vinculo excommunicationis minoris (aut etiam si ejus rei facultatem habeas, majoris) si qua teneris: Deinde absolvo te ab omnibus peccatis tuis, in nomine Patris, & Filii, & Spiritus sancti. Amen. Passio Domini nostri Jesu Christi, & merita beata Maria semper Virginis, & omnium Sanctorum, & quicquid boni feceris & mali sustinueris, sint tibi in remissionem peccatorum, in augmentum gratiæ, & premium vitæ æternæ. Amen. Vade in pace, & noli amplius peccare. Ex his autem luculenter apparet in antiquis Missalibus ubi absolutionis forma præscribatur, non haberi, quæ à confessorio subdenda esse statuit Synodus.*

Nunc indico nonnullas Ecclesias, in quibus nondum suscepta erat absolvendi forma, pro qua beatus Thomas tam acriter pugnat.

I. In Lugdunensis primæ Lingonensi Ecclesia, ut ex illius Rituali libro ad annum m. d. lxxiii. Tre- cis edito constat, qua parte ordo traditur ad visitandum infirmum.

II. In Lugdunensis secundæ capite ipso Rotomagensi Ecclesia, ut ex illius Rituali libro ad annum m. d. xlv. & m. d. lxxxviii. Rotomagi edito constat, qua parte ordo traditur ad visitandum infirmum.

In Baiocensi Ecclesia, ut ex illius Rituali libro Cadomi anno m. dc. xi. edito constat, qua parte ordo traditur ad visitandum infirmum.

In Ebroicensi Ecclesia, ut ex illius Rituali libro anno m. d. xxi. m. d. xlvii. & m. d. lxxxvi. Ro- 574 tomagi edito constat, qua parte ordo traditur ad visitandum infirmum.

In Abrincensi Ecclesia, ut ex illius Rituali libro anno m. d. xxxix. Rotomagi edito constat, qua parte ordo traditur ad visitandum infirmum.

In Sagiensi Ecclesia, ut ex illius Rituali libro anno m. d. xv. Rotomagi edito constat, qua parte ordo traditur ad visitandum infirmum.

In Constantiensi Ecclesia, ut ex illius Rituali libro anno m. ccccxciv. sine urbis nomine edito, & Rituali libro anno m. dc. ix. Constantiis edito constat, qua parte ordo ad visitandum & communicandum infirmum traditur.

III. In Lugdunensis tertiæ Cenomannensi Ecclesia, ut ex illius libro Rituali anno m. d. xl. Rotomagi, & anno m. dc. viii. Cenomannis edito constat, qua parte ordo traditur ad visitandum infirmum.

In Andegavensi Ecclesia, ut ex illius libro Rituali anno m. d. lxxx. Parisiis edito constat, qua parte ordo traditur ad visitandum infirmum.

IV. In Lugdunensis quartæ Nivernensi Ecclesia, ut ex illius libro Rituali anno m. d. lxxxii. Parisiis edito constat, qua parte ordo traditur ad visitandum infirmum.

In Autissiodorensi Ecclesia, ut ex illius libro Rituali anno m. d. xxxvi. Parisiis edito constat, qua parte ordo traditur ad visitandum infirmum.

In Trecenti Ecclesia, ut ex illius libro Rituali 575 anno m. d. xli. & m. d. lxxiii. Trecenti edito constat, qua parte ordo traditur ad visitandum infirmum.

In Aurelianensi Ecclesia, ut ex illius libro Rituali anno m. d. lxxxii. Parisiis edito constat, qua parte ordo traditur ad visitandum infirmum.

In Parisiensi Ecclesia, ut ex illius libro Rituali anno m. div. m. d. xlii. & m. d. lxxxii. Parisiis edito constat, qua parte ordo traditur ad visitandum infirmum.

V. In Belgicæ i. Metensi Ecclesia, ut ex illius libro Rituali anno m. d. xlii. sine urbis nomine, & anno m. dc. v. edito constat, qua parte ordo traditur ad 576

communicandum infirmum, & ad communicandum in die Paschæ.

In Tullensi Ecclesia, ut ex illius libro Rituali anno M. D. XXIV. & M. D. LIX. Parisiis edito constat, qua parte ordo traditur ad visitandum infirmum.

VI. In Belgicæ II. Laudunensi Ecclesia, ut ex illius libro Rituali anno M. DCCCXIII. Parisiis edito constat, qua parte ordo traditur ad visitandum & communicandum infirmum.

In Ambianensi Ecclesia, ut ex illius libro Rituali anno M. D. XII. edito constat, qua parte ordo traditur ad visitandum infirmum.

In Silvanensi Ecclesia, ut ex illius libro Rituali anno M. D. XXV. Parisiis edito constat, qua parte ordo traditur ad visitandum infirmum.

In Bonquienensi Ecclesia, ut ex veteri illius libro Rituali constat, qua parte ordo traditur ad visitandum infirmum.

576 In Noviomenensi Ecclesia, ut ex illius libro Rituali anno M. D. LX. Parisiis edito constat, qua parte ordo traditur ad visitandum infirmum.

In Mechliniensi Ecclesia, ut ex illius libro Rituali anno M. D. XCVIII. Antuerpiæ edito constat, qua parte ordo traditur ad visitandum infirmum.

VII. In Aquitanicæ I. Mimatenensi Ecclesia, ut ex illius libro Rituali anno M. D. XXX. Lugduni edito constat, qua parte ordo traditur ad visitandum infirmum.

In Cadurcensi Ecclesia, ut ex illius libro Rituali anno M. DC. IV. Cadurci edito constat, qua parte ordo traditur ad visitandum infirmum.

VIII. In Viennensi Ecclesia, ut ex illius libro Rituali ad annum M. D. sine urbis nomine impresso constat, qua parte ordo traditur ad visitandum infirmum.

IX. In Narbonensi Ecclesia, ut ex illius libro Rituali anno M. D. XLV. Tolosæ edito constat, qua parte ordo traditur ad visitandum infirmum.

In Nemaufensi Ecclesia, ut ex illius libro Rituali anno M. D. XXXIII. Lugduni edito constat, qua parte ordo traditur ad visitandum infirmum.

In Magalonsensi, seu MonsPELLIENSI Ecclesia, ut ex illius libro Rituali anno M. D. XXXIII. Lugduni edito constat, qua parte ordo traditur ad visitandum & communicandum infirmum.

In Uctiensi Ecclesia, ut ex illius libro Rituali anno M. D. Lugduni edito constat, qua parte ordo traditur ad communicandum infirmum.

577 X. In Tolosanensi Ecclesia, ut ex illius libro Rituali anno M. D. XXXVIII. Lugduni, & anno M. D. LIII. Tolosæ edito constat, qua parte ordo traditur ad communicandum infirmum.

XI. In Aquisiensi Ecclesia, ut ex illius libro Rituali anno M. D. LXXXVII. Aquis Sextiis edito constat, qua parte ordo traditur ad dandam Extremam Unctionem.

Hæc autem omnia, quæ in facti questione exequor, nisi Frater Baro concoquat, devoret necesse est. Deinde illa omnia, quæ de beato Thoma & de Ecclesia tota sibi sumit, cum Rainerio Pisano, Francisco Maironio, Nicolao Cabasila, Dominico Soto, Aquisiensi Synodo provinciali, memoratarum Ecclesiarum libris Ritualibus conciliet. Tum demum ab Aristotele suo discat, eum, qui ad pauca respicit, facile pronunciare. In horum autem numero Frater principatum tenet, & longè latèque dominatur, & prout est affectus & Aristotelio spiritu plenus, semper dominabitur. Sed non antè manum de tabula, quin tandem observaverim, Baronem sancti Thomæ de forma absolutionis opusculum perlegisse nusquam, aut si perlegit, oscitanter perlegisse, sic enim Thomam loquentem inducit: *Absolutio instar judicii, non precationis concepta*. At Thomas in cap. I. de precativæ orationi indicativam orationem objicit, non judicativam, ut Frater Baro. Quodnam corruptio- nis genus, etiam si tantum unius literulæ in aliam

mutatio intercedat? Quænam verò inter deprecativam & judicativam antithesis est? Deinde in capite II. Thomas seipsum magis adhuc explicat, cum ait: *Sacerdos aliquid facit, ministerium absolutionis impendendo*. Iterum: *Dicamus, quod alia est ratio de absolutione ab excommunicatione, quæ non est sacramentalis, sed magis judiciaria, jurisdictionem consequens, & alia de absolutione à peccatis in Sacramento Pœnitentiæ, quæ consequitur potestatem clavium, & est sacramentalis*. Iterum in cap. III. *Ego te absolvo, id est, sacramentum vel ministerium absolutionis tibi impendo*. Si licuisset per temporis angustias, definitionem hanc ad definitionis bonæ leges revocasset, quippe quæ re definita, non sit clarior, & ideo à nonnullis Theologis rejicitur. Deinde sub finem: *Sacerdos dicens, Ego te absolvo, vel ego te baptizo, cum certitudine denunciat sacramenti effectum*. In Sacramento Pœnitentiæ apud Thomam & Doctores alios certa quædam judicii ratio intervenit, sed qua in re sita sit, frater Aristotelius ignorat.

In Rituali Ferrariensis Ecclesiæ libro, qui excurrentis sæculi initio in lucem prodiit, certa quædam est diversitas, quæ Aristoteliam Baronis curiositatem exercere potest. Cum ibi ordo administrandi Sacramentum Pœnitentiæ traditur, absolutionis forma cum, *Ego te absolvo*, præscribitur: Sed cum postea communicandi infirmi modus post confessionem præscribitur, is sine, *Ego te absolvo*, præscribitur. In hac diversitate rei cardo vertitur, num posterior absolvendi ratio priori sit antiquior, necne. Siquidem antiquitas est Catholici dogmatis nota, ut Bellarminus, invictus Baroni Catholicæ fidei pugil secundum veteres Ecclesiæ tractatores diligenter observat.

Interim gratum opus faciet ac necessarium, si quod beati Thomæ opusculo deest, supplere velit. Brevitate temporis coactus est pauca scribere, qui & alias scripsisset multa, quæ cum magna rei Theologicæ jactura desiderantur. Indicavimus fontes è quibus supplementum illud hauriri possit.

At si quis ad me adiret & diceret, beatum Thomam opusculi de absolutionis forma auctorem non esse, quia si auctor esset, quætionem convenienter definitæ à se Theologiæ scholasticæ tractasset ac diluisset; profectò stupefactus dicentem intuerer & audirem. Salebra hæc esset, in qua, fateor, prorsus hærem. Et quia expedire extricareque me non possem, difficillimam quætionem ad Baronem nostrum remitterem, qui ut Alexander Gordium nodum hunc dissolveret, auxilio familiaris sui, diligentissimi viri Petri Alvæ Franciscani, qui quæ vera & germana sint beati Thomæ opera, ex pluribus MM. SS. bonæ notæ codicibus, & cum primis Clementis VI. Papæ, Parisiensis Theologi sermonibus non ita pridem, ut audio, recognovit.

## ANIMADVERSIO XXI. ET ULTIMA.

*Incredibilis est Baronis æstus, cum adversario de vitiis sociorum suorum Campanella & Catherini dicam scribit.*

QUAM lubricus & incomprehensibilis sit F. Baro, cogitari forsitan potest, sed verbis exprimi non potest. In exercitationis articulo I. paragr. III. pag. 389. Thomam Campanellam ex Ordine Prædicatorum Theologum in medium profert, & de eo mihi dicam impingit his verbis: *Campanella id ferè in Philosophicis meditabatur, ut sublato Aristotele solus andiretur, quod in Theologicis putat sibi Lannoim deberi: Ille librum scripsit de gentilismo tollendo, & Aristotele à scholis depellendo, ut se illius loco sufficeret. Et cum urgeretur auctoritate Divi Thomæ, qui Aristotelem in magistrum sibi assumpserat, ejusque libros luculentis illustraverat commentariis,*  
H h h h Divum



Divum Thomam fuisse suarum constitutionum observantissimum; iis vero caveri, ne fratres Dominicani libros gentiles legerent: Unde concludebat, ne quidem lectum à Divo Thoma Aristotelem. Launoius vero repetit à Gregorio IX. prohibitam decreto lectionem & commentationem Aristotelis, & Divum Thomam excusat ignorance decreti. Itaque Launoius Campanella consiliis convenit. Ille semoto Aristotele in Philosophia spatiis, hic in Theologicis depulso Thoma regnare vult & audiri. Campanella Aristoteli asinitatem objiciebat: Launoius Divo Thomae rationem disputandi impropert, quæ nihil Christiani respiciat, quæ futilia doceat, & ethicam maximè Christianam instituat, quæ à Judaica discerni non possit, quamcunque diligentiam ad id adhiberis.

Deinde in ejusdem exercitationis articulo III. paragr. ultimo pag. 454. Quare, inquit, subjiciam tibi sapientissimi Domini à Soto ad tui similem Catharinum verba.

Sic quæ putat collegarum suorum crimina, hæc mihi vir prudens & attentus objicit, obiecturus aliquando, ni fallor, Bernardi de Montepolitiano, Edmundi Burguni, Jacobi Clementis, Caroli Ridi-covii & Petri Argeri scelera & parricidia. Hoc genus objectionis à Barone monstrorum istiusmodi collega expecto. Deinde pro ea, qua valet, eminentissima simplicitate, accusabit me, secum & cum illis sceleratissimis hominibus jurasse in doctrinam hanc: *Potest jussu per sententiam & ordinationem Ecclesiæ auctoritatem Dei habentis, tale jus dominii vel prelationis tolli, quia infideles merito suæ infidelitatis merentur potestatem amittere super fideles. Iterum: Sed aliquis (Princeps) per infidelitatem peccans potest sententialiter jus dominii amittere, sicut etiam quandoque propter alias culpas. Et post pauca: Et ideo quàm citò aliquis (Princeps) per sententiam denunciatur excommunicatus propter apostasiam à fide, ipso facto ejus subditi absoluti sunt à dominio ejus & juramento fidelitatis, quo ei tenebantur. Interim in antecessum & in omnem eventum contra istiusmodi accusationem ut fictam & falsam reclamo, ad forum & tribunal quodcunque, & ad rostra omnia descendere paratus.*

Sed quoties Frater à mendacio contra verum steterit, nunc videndum est. In relatis igitur verbis non tam mendacia, quàm mendaciorum portenta numero septem invenio.

Mendacium primum est in his verbis: *Campanella id ferè in Philosophicis meditabatur, ut sublato Aristotele solus audiretur, quod in Theologicis putat sibi Launoius deberi.* Quod mihi tribuit, in Hesiodi Theogonia facilius, quàm in meis scriptionibus legeretur. De Campanella Baronis fratre (bono, an malo nihil mea refert) non spondeo, de me tantum spondeo, & Baronem mendacii turpissimi accuso.

582 Mendacium secundum est, cum ita scribit: *Launoius vero repetit à Gregorio IX. prohibitam decreto lectionem, & commentationem Aristotelis: Hoc non repeto ita simpliciter, ut Baro repetit. Gregorius lectionem prohibet usque dum libri Aristotelis à provinciali Concilio damnati, examinati & ab omni errorum suspitione purgati fuerint.*

Mendacium tertium est, cum ita scribit: *Launoius Divum Thomam excusat ignorance decreti, quod Gregorius IX. fecerat, ne quis Aristotelis libros à provinciali Concilio vetitos antè legeret, quàm examinerentur & ab omni errorum suspitione purgarentur.* Sic ego beatum Thomam, qui Aristotelis libros illos legerat, & in eos commentaria ediderat, excuso in libri de varia Aristotelis fortuna capite VII. *Illud Thomæ factum accipiant alii, quomodo voluerint, omnino meus erit, qui benignius accipiet. Ego interim hanc in partem interpretor: vel quod beatus Thomas alibi, quàm Lutetiæ commentaria hæc scripserit, scque à provinciali Concilii decreto, & ab imposita per Gregorium IX. Parisiensi Aca-*

*demixtæ lege immunem esse crediderit, vel quod cum Lutetiæ commentaretur, Concilii decretum, Gregoriique legem penitus ignoraverit. De reliquo rationes meas, quibus purgandus mihi visus est Thomas, eatenus præsto, quatenus ab aliis plausibiles exponantur. Hæc autem cum ita sint, non ignorance sola decreti Thomam purgavi. Imposituram ergo patior, cum Baro è duabus rationibus meis unam malitiosè omittit.*

Mendacium quartum est, cum ita scribit: *Launoius Campanella consiliis convenit. Ille semoto Aristotele in Philosophia spatiis, hic in Theologicis depulso Divo Thoma regnare vult & audiri.* Quibus in locis, quibus in commentariis beatum Thomam depello, ut in Theologicis regnem & audiar? O stupidum mendacium, quod verisimilitudine omni caret!

Mendacium quintum est in iisdem verbis: *Hic in Theologicis depulso Divo Thoma regnare vult & audiri.* Mendacium hoc, quod nunc exponendo confiximus, cætera incredibili stupiditate superat, si qua ratione me in beati Thomæ doctrinam obstrinxi, consideretur. Sic autem se res habet in Epistolæ ad Thomam Fortinum capite I. *His solenne adjicio sacramentum, quo religiosè juro in beati Thomæ doctrinam omnem, quam convenienter definit à se Theologiæ scholasticæ tradidit: Primum quidem in prima parte quæst. I. art. II. Sacra doctrina est scientia, quæ procedit ex principiis notis lumine superioris scientiæ, quæ scilicet scientia est Dei & beatorum. Unde sicut musica credit principia sibi tradita ab Arithmetico: Ita doctrina sacra credit principia sibi revelata à Deo. Deinde in art. VII. ad secundum: Sacra doctrina utitur auctoritatibus canonicæ Scripturæ propriè ex necessitate argumentando, auctoritatibus verò aliorum Doctorum Ecclesiæ, quasi argumentando ex propriis, sed probabiliter. Innititur enim fides nostra revelationi Apostolis & Prophetis factæ, qui canonicos libros scripserunt, non autem revelationi, siquæ fuit aliis Doctoribus facta. Hæc est methodus tradendæ Theologiæ scholasticæ, in quam juro, & propter sancti Thomæ honorem non juro in aliam, quæ ab illa dissentiret. Siccine Doctorem sanctum depello, ut in Theologicis regnem & audiar?*

Mendacium sextum est in his verbis: *Campanella Aristoteli asinitatem objiciebat, Launoius divo Thomae rationem disputandi impropert.* Commentitium scelus est, quod mihi turpiter imponit, & repugnat sacramento, quo me obstrinxi. Præterea in operibus meis simile nihil invenitur.

Mendacium septimum est, cum ait dixisse me quæ sequuntur: *Divo Thomae ratio disputandi nihil Christiani respicit; futilia docet, & ethicam maximè Christianam instituit, quæ à Judaica discerni non possit, quamcunque diligentiam ad id adhibueris.* Commentus est istud, cujus in libris meis nec vola extat, nec vestigium.

Porro autem diabolus mendacia fortassis atrociora confingeret, sed stolidiora, improbabiliora & minus verisimilia confingere non posset.

Ad Campanellam quod attinet, Frater Baro non mentitur, qua potissimum parte Campanella Aristotelis Philosophiam à Theologorum scholis removendam esse censet, & propositis Baronis, vel aliorum illi similium rationibus, cur Aristotelis Philosophia in Theologorum scholis retinenda sit, Baronem & alios illi similes in ludibrium adducit. Campanellæ librum, ubi ea de re agitur, approbarunt Antonius Mallet, Congregationis Gallicanæ, Ordinis Fratrum Predicatorum Vicarius generalis, & F. Du Feu Minister Provincialis provincie Franciæ, Parisienses Theologi duo. In Vicarii generalis licentia & approbatione hæc de auctore traduntur: *Ostendit veram Philosophiam longè melius, certius & tutius ex Christiana schola, quam*

quàm aliarum nationum libris hauriri posse, juxta decre-  
tum Synodi Parisiensis confirmata à Gregorio IX. & juxta  
votum Lateranensis Concilii sess. VIII. sub Leone X.  
cui Religionis nostræ constitutiones & ordinationes valde  
conformantur, &c. Datum Parisiis in Collegio nostro sancti  
Jacobi die 1. Junii M. DC. XXXVI. Nunc quas manus  
Baro cum socio suo conferere voluerit, conferat per  
me licet. Hoc solum opto, ut manus illæ violentæ  
non sint. Cur hoc optem, novit ille, qui rerum à suis  
collegis suprâ nominatis seu gestarum, seu gerenda-  
rum historiam probè tenet, & aliunde si seipsum in-  
spiciat, truculenti nescio quid præ se ferre, si jam  
fidem cum fronte non amisisset, haud diffiteretur. Sed  
diffiteatur, vel non diffiteatur, interest nihil: Nemo  
non agnoscit, cum hominis vultum intuetur.

Deinde memoriam refricat discordiarum, quæ in-  
ter fratres suos Dominicum Sotum & Ambrosium Ca-  
tharinum fuerunt: Et quidquid id est, in me trans-  
ferendum esse putat. Quasi verò is essem, qui excita-  
tas inter duos Monachos discordias sedare possem.  
Immortales sunt, cum æternitate adæquantur. Do-  
minici Soti ad Catharinum verba sunt, si referenti  
Baroni fas est credere: *Ceterum tui me semper habebis  
in Christo obsequentissimum, atque ita ad tua jussa paratio-  
rem, quàm tecum litigandi cupidum: Quod mihi per te  
utinam fuisset semper liberum. Nunc verò ita immotum  
insidet animo, ut nulla in posterum causa, aut vi ad tertiam  
concertationem provocari aut adigi possim.*

Et primò quidem occultiores non esse insidias, quàm  
quæ latent in simulatione officii, docent nos, quæ in  
suburbano Parisiorum vico manè contigerunt anno  
M. DLXXXIX. Calend. Sextilibus. Capiet hoc Fra-  
ter, si velit; capiet enim verò, quia in certa quædam  
Magistri sui verba juravit. Jacobus Clemens dicere  
potuit, se nullam imposturam cum Henrico III. Gal-  
liæ Rege congressionem habiturum. Deinde Bernar-  
dus de Montepolitiano Baronis collega postquam an-  
no M. CCCXIII. Eucharistiam in die Assumptionis Be-  
atæ Mariæ porrexit Henrico VII. Imperatori, dicere  
potuit, se nullam aliam imposturam eidem Imperatori  
porrecturam esse Eucharistiam.

His ita præmissis, quis non facilè deprehendit Ba-  
ronem simili protestatione uti? Nam postquam con-  
tumelias, probra, imposturas, mendacia, cæteraque  
verborum dehonestamenta exercitationi suæ intulit,  
& postquam durissima quæque & ultima expertus est,  
subjicit: *Nunc verò ita immotum insidet animo, ut  
nulla imposturam causa, aut vi ad tertiam concertationem  
provocari aut adigi possim.* Quid enim in concertatione  
tertia proferret ampliùs, quàm quod in prima & se-  
cunda protulit? Repetere posset, quæ jam dixit, iis  
addere nequicquam posset. Calumniatoris illius, quem  
habet in deliciis, officina ab omnibus imposturis &  
mendaciis vacua facta est. Concertatio tertia flac-  
cesceret, integræ paginæ sterilescent: In summa irat-  
um mare detumesceret. Artificium est rude & apertu  
facile, quo simplicitatem lectoris illudit.

Postremò fucum facit scribens: *Litigare tecum mi-  
hi per te utinam fuisset semper liberum.* Gratuita est op-  
tandi particula & propositio: Ego causam nullam  
dedi, cur Baro strictioris, ut videri vult, observan-  
tiæ Monachus tanta cum verborum acerbitate mecum  
litigaret. Quibus in Epistolis beato Thomæ obrep-  
tum esse honorificis verbis usus dico, cum certa quæ-  
dam sancti Cyrilli testimonia producit, quid quæso di-  
co, quod & Pontifices & Reges de seipsis non dicant, &  
sibi ab aliis dici non sinant?

Gregorius VII. in Libri IX. Epistola XXXI. ad  
Haganonem Episcopum: *Multa etiam subripi possunt,  
nimis ad singula intentis, utpote divisis ad plurima &  
intentis ad maxima, quibus vehementer arctamur. Unde  
in hac causa, quod profectò minimè recordamur, siquid  
fortè subreptum fuit, optat magis animus corrigere, quàm  
ab equitate & rationis tramite deviare, vel aliis corrigenda  
relinquere.*

Alexander III. cap. LXXXI. Si quando. De rescri-  
ptis: Si quando aliqua tua fraternitati dirigimus, quæ  
animum tuum exasperare videntur, turbari non debet.  
Et infra: Qualitatem negotii, pro quo tibi scribitur,  
diligenter considerans, aut mandatum nostrum reveren-  
ter adimpleas, aut per literas tuas, quare adimplere non  
possis, rationabilem causam pratendas: Quia patienter  
sustinebimus, si non feceris, quod prima nobis fuerit insi-  
gnatione suggestum.

Sanctus Bernardus in Epistola CLXXX. ad Innocen-  
tium II. Hoc solet habere præcipuum Apostolica Sedes, ut  
non pigeat revocare, quod a se fortè deprehenderit fraude  
elicitum, non veritate promeritum. Res est plena aequitate, &  
laude digna, ut de mendacio nemo lucretur, præsertim apud  
sanctam & summam Sedem.

Theodoricus Rex Italiæ apud Cassiodorum pronun-  
tiat: Pro aequitate servanda nobis patimur contradici: Sic  
& Rex Athalaricus: Rarum confidentia genus est interdum  
resistere contra vota Principis.

Hæc quæ Pontificibus & Regibus arbitris ad ipsos  
Pontifices & Reges pertinent, Barone arbitro, ad  
sanctum Thomam nec pertinent, nec pertinere pos-  
sunt. Nam si pertinere possent, cur diceret: *Liti-  
gare tecum mihi per te utinam fuisset semper liberum?*  
Nempe quia scripsi beato Thomæ obreptum esse in  
citandis quibusdam sancti Cyrilli testimoniis, Baro-  
nem coëgi, ut mecum litigaret, ut me quia rationi-  
bus non potuit, convitiis laceraret? Et sanè mino-  
rem mecum litigandi causam habuit, quàm cum Paulo  
IV. qui olim dixit, beatum Thomam potuisse, cum esset  
junior, multa dicere, quæ factus cum ætate doctior re-  
vocaverat. Et paullo post alloquendo frequentem  
Cardinalium confesum, ait: *Ego non sine causa vos  
hac de re moneo, sed ut ex iis, qui deliberaturi sunt,  
nullus fundamentum in iis rebus, quas S. Thomas  
cum esset junior docuerit, conficiat.* Pauli IV. testi-  
monium latiùs refero in nostra ad Joannem Gerbasium  
Epistola, quam habet tertia pars Epistolarum nostra-  
rum. Sic gratuitam mecum litigandi causam quæsi-  
vit Baro, & invenit adversarium suis quidem viribus  
imparem, sed quia Monachus non est Baroni similis,  
injuriarum, ut Christianum decet, patientissimum. Ad-  
versarium talem inventurum se sperabat athleta toro-  
sissimus, & maximè iracundus, quia Peripatetici, id est,  
Aristotelis discipuli, iracundiam fortitudinis quasi co-  
tem esse dicunt.

Mitto nonnullas esse Academias, ubi Durandi com-  
mentaria in Sententias publicè præleguntur. Quis  
autem nescit, Durandum Theologica beati Thomæ  
placita passim refellere? nec aptè refelleret, nisi demon-  
straret Thomam à legitima disputandi ratione deficere.

In Ordine Franciscanorum universo Thomæ Scotus  
anteponitur: Anteponi non potest, nisi Theologiæ  
Professores ostendant, Scoti doctrinam Thomæ doctrina  
exquisitiorem, meliùs constitutam ac præclariùs fun-  
datam esse.

Præ his autem omnibus quid tentavi, quid aggressus  
sum, quod Baronis antiqui concionatoris immo-  
deratum, mendaciis & imposturis refertum, & juve-  
nili licentia superfluens scribendi genus in me concita-  
ret? Hoc unum dixi, beato Thomæ in citandis qui-  
busdam Cyrilli auctoritatibus obreptum esse: Et ta-  
men Baro relicta Durandi cathedra, relictis Francis-  
canorum scholis unum me convenit & exclamat: *Liti-  
igare tecum mihi per te utinam fuisset semper liberum.*  
Sic ille seipsum cordatis atque eruditis hominibus deri-  
dendum propinat: Sic suam prodit anxietatem: Sic seip-  
sum designat famæ sed non bonæ.

## CONCLUSIO.

HIC seco & finio. Nempe Fratris Baronis eos  
confixisse errores, quos jam confixi, mihi plus-  
quam satis est. De cæteris erroribus spicilegia faciant  
alii,

H h h h 2



alii, qui voluerint, non repugno. Inter errores istiusmodi reperies duos, quos graviter redarguisti in ea concione, quam ad Rectorem & Academiam in ædibus sancti Jacobi de macello habuisti, & habendo ita tenuisti omnium oculos atque animos, ut postquam te per tres horas dicentem audivissent, per semihoram dixisse te tantum affirmarent. Hos errores iterum redarguo, quia tam injuriosi sunt Ecclesiæ, ut redargui satis non possint. Ad hæc mirum quantum favent iis omnibus, qui seorsum à nobis per religionem his temporibus lentunt. Redarguendi causas sumo ex Bellarmino, quem ut invictum Catholicæ fidei pugilem colit & observat, ex Dominico Banne, qui Dominicanæ sectæ Theologus est illustrissimus, & Jacobo Cardinali Perronio, quem ut numen Romani Senatus æquæ grave & sanctum ac Dei hoc in argumenti genere semper inclamat. Ad istud opus, in quo me adjungo tibi, animadversiones duas infumo, quintam & sextam. Ut animadversionum initium ducimus à mendaciis & imposturis, sic earum finem facimus in mendaciis & imposturis: Non quod nobis sumamus mendacia & imposturas omnes, quibus strictioris observantiæ Monachi tota fordescit exercitatio, notasse, ut notarentur vix nobis fecissent carbones, qui ex

591 Cotia, vel Arduenna sylva Parisios adveherentur. Sed attende quæso maxime ad imposturam, quæ in animadversione xv. patefacta & convicta est. Hic Frater Baro (tu nosti corrugatæ frontis hominem) confidenter asseverat, Bellarminum in primis operum editionibus de gratia efficaci longè aliter, quam in postremis sensisse, & hæc certiora esse dicit, quam ea quæ apud Sagram, tametsi postremæ editiones primis adæquæ respondeant. Tot imposturis & tot mendaciis ille hoc consecutus est, ut sibi vera narranti vel scribenti nemo crediturus sit unquam: Vel si quis tandem aliquando crediturus est, eo utetur temperamenti genere, ut quibus adhibenda fides erit, hæc prius ex ore gravis & honesti cujusdam viri exeant, unde nihil nisi consideratum & minime fallax exire solet. Causæ sunt omnino duæ principes, ex quibus tanta mentis & animi pravitas ortum habuit. Primum quod Frater Baro ad Philosophiam Aristotelis non doctus, sed factus, non institutus, sed imbutus est: Ad Philosophiam Aristotelis, quem sancti Patres ut hæreticorum omnium, id est, mendacium hominum patriarcham execrati sunt: Ad eam Philosophiam, cui nemo debet juxta Gregorii IX. decretum se prius dedere, quam examinata, & ab omni errorum suspitione purgata fuerit. Deinde quod nec discendo, nec docendo institit scholasticæ Theologiæ, quam beatus Thomas definiit, in prima parte quæst. i. art. 11. Si Baro amici sui Petri Alvæ Franciscani criticus usus ista conetur eludere, conatus erit inutilis;

nam eadem eruuntur ex commentario, quem sanctus Thomas in primum Sententiarum edidit. Igitur illa Theologiæ definitio composita est ad Gregorii IX. decretum, quod ita se habet: *Magistri vero & scholares Theologia, in Facultate, quam profitentur, se studeant laudabiliter exercere, nec Philosophos se ostentent, sed satagant fieri Theodidacti, nec loquantur in lingua populi, linguam Hebraam cum azotica confundentes, sed de illis tantum in scholis questionibus disputent, qua per libros Theologicos & sanctorum Patrum tractatus valeant terminari.* Et quibudam interjectis: *Nulli ergo hominum liceat hanc paginam nostræ provisionis, constitutionis, concessionis, prohibitionis & inhibitionis infringere, vel ei ausu temerario contraire. Si quis autem attentare præsumpserit, indignationem omnipotentis Dei & beatorum Petri & Pauli Apostolorum ejus se noverit incursurum.* Hinc Baronis Theologia non est ea, quam beatus Thomas definiit, quam Romanus Pontifex ex Petri cathedra sequendam esse præcepit. Sed est interdum ea, quam Lutherus per ludibrium sic deformavit: *Theologia scholastica est ea, qua à Parisiensium Sorbona mixtione quadam ex divinis eloquiis & philosophicis rationibus, tanquam ex Centaurorum genere bisformis disciplina conflata est.* Interdum dixi, quia scholastica Baronis Theologia philosophicis tantum rationibus sæpè constat; ita ut sibi vindicare non possit, quod cæteris Episcoporum Ponti in Epistola ad Leonem Thracem Imperatorem sibi vendicat. *Hæc, inquit, piscatoriæ & non Aristotelicæ suggestimus, id est, Apostolicæ, non philosophicæ.* Utinam Baro imitari vellet Theodosium juniorem, *Qui, apud Socratem in libri vii. hist. cap. xxii. subtilitate ratiocinationum Aristotelicarum penitus derelicta philosophia studium rectis vitæ officiis sedulo excoluit. Iram cohibere didicit, dolorem toleranter ferre, neminem, qui illum injuria affecerat, ulcisci.* Quæ saltem hac in parte didicit à Magistro Aristotele, de-

Atqui hæc sunt quæ ad Baronem pertinent: Quæ verò ad nos, eò spectant, ut, velit nolit frater iste, sequamur Theologiam, cujus definitionem B. Thomas exposuit, & docendi methodum, quam Gregorius IX. sapientissimus Pontifex præstituit. Ut Thomam in exposita Theologiæ definitione, sic & Gregorium in tradita docendæ Theologiæ methodo reverebimur; & quod observatione summa dignum est, consociabimur cum Parisiensibus Theologis majoribus nostris, à quibus scholastica Theologia definitur *Divinarum Scripturarum notitia, recepto, quem Ecclesia approbat sensu, non spretis orthodoxorum doctorum interpretationibus & censuris, ac interdum aliarum disciplinarum non contempto suffragio.* Vale Lutetiæ Parisiorum anno m. dc. lxxvii. Calend. Augusti.

JOANNIS  
LAUNOII  
CONSTANTIENSIS,  
Epistolarum  
PARS SEPTIMA.

Joannes Launoius  
MICHAELI GIRARDO

Vertoliensi Abbati.

**E**T vetus, quæ mihi tecum est amicitia, & commune erga Regem Regisque auctoritatem studium, exigunt, ut id publica testificatione constare possit: Tolosæ fuit nuper, qui notas & observationes in XII. libros Epistolarum Gregorii Papæ ediderit. Is vocatur Antonius Dadinus Alteserra, qui Jurisconsulti & Antecessoris personam & nomen apud suos magna cum laude sustinet. Ego librum integrum perlegi, & eruditione varia refertum offendi. Interim ex animo dolui, cum ad talem inveni, quod propter auctoris dignitatem, & antiquum docendi munus noluissem invenire. Acriter tamen & pro viribus defendit monasterii Sancti Medardi privilegium, quod sexcentis abhinc annis Gregorio subiectum est; & ea in re Pontifici tanto & sibi non mediocrem infert injuriam. Quæ autem Gregorio infertur injuria, apertam in lucem prodit sequens clausula: *Si quis Regum, Antistitum, Judicum, vel quarumcunque secularium personarum hujus Apostolica auctoritatis & nostræ præceptionis decreta violaverit, aut contraxerit, aut negligenter duxerit, vel fratres inquietaverit, vel conturbaverit, vel aliter ordinaverit, cujuscunque dignitatis vel sublimitatis sit, honore suo privetur, & ut Catholica fidei depravator, vel sanctæ Dei Ecclesiæ destrutor, à consortio Christianitatis, & corpore ac sanguine Domini nostri Jesu Christi sequestretur, & omnium maledictionum anathemate, quibus infideles & heretici ab initio sæculi usque in præsens damnati sunt, cum Juda traditore Domini in inferno inferiori damnetur, nisi dignâ penitentia præfatorum Sanctorum sibi propitiaverit clementiam, & fratrum communem reconciliaverit concordiam.*

Et primò quidem sine decessorum exemplo, sine Canonum auctoritate inducitur id genus pænæ irrogare: *Ut si quis Regum, Galliæ putà, Hispaniæ, Ita-*

*liæ, Angliæ, Orientis & Occidentis; & si quis Antistitum, Alexandriæ putà, Antiochiæ, Constantinopolis, Hierosolymorum, Carthaginis, Mediolani & aliarum civitatum, monasterii Sancti Medardi Sueffionensis privilegium NEGLIGENTER DUXERIT, cujuscunque dignitatis vel sublimitatis sit, honore suo privetur, & ut Catholica fidei depravator, vel sanctæ Dei Ecclesiæ destrutor à consortio Christianitatis, & corpore & sanguine Domini nostri Jesu Christi sequestretur, & omnium maledictionum anathemate, quibus infideles & heretici ab initio sæculi usque in præsens damnati sunt, cum Juda traditore Domini in inferno inferiori damnetur, nisi dignâ penitentia præfatorum Sanctorum sibi propitiaverit clementiam, & fratrum communem reconciliaverit concordiam.* Quis autem crederet Gregorium eximæ sapientiæ Pontificem negligentia nomine suspectis erga privilegium Regibus & Antistitibus id pænæ genus irrogasse?

Deinde quia Reges custodes sunt Canonum, si quis 3 Regum statuerit, ut Sammedardensis Monasterii Abbas, quàm à diocesano Episcopo christianitatis, olei, altaris, calicis, corporalis benedictionem expetat; is statim honore suo privetur, & ut Catholica fidei depravator, vel sanctæ Dei Ecclesiæ destrutor, à consortio Christianitatis, & corpore ac sanguine Domini nostri Jesu Christi sequestretur, & omnium maledictionum anathemate, quibus infideles & heretici ab initio sæculi usque in præsens damnati sunt, cum Juda traditore Domini in inferno inferiori damnetur, nisi dignâ penitentia præfatorum Sanctorum sibi propitiaverit clementiam, & fratrum communem reconciliaverit concordiam: Quis modò crederet Gregorium convenientissimæ, si quis unquam, disciplinæ Pontificem id pænæ genus irrogasse Regibus, qui suis edictis sacros Canones observari præciperent; qui nimirum bene ac laudabiliter agerent?

Tum



Tum si quis Antistitum contra privilegium diceret, & pro jure suo sibi fumeret, ut si deponendus esset Sammedardensis Abbas, non deponeretur pleniori ac solemniori judicio, quàm deponendum esse Episcopum Concilia decernunt; is statim honore suo privetur, & ut Catholica fidei depravator, vel sancta Dei Ecclesia destrutor, à consortio Christianitatis, & corpore ac sanguine Domini nostri Jesu Christi sequestretur, & omnium maledictionum anathemate, quibus infideles & hæretici ab initio sæculi usque in præsens damnati sunt, cum Juda traditore Domini in inferno inferiori damnetur, nisi digna pœnitentiâ præfatorum

4 Sanctorum sibi propitiaverit clementiam, & fratrum communem reconciliaverit concordiam. At Concilia decernunt reum Episcopum à Synodo provinciæ suæ deponendum esse: Sammedardensis Abbas longè aliter deponendus esse statuitur. Subjungimus, ait privilegium, & aliud editum, si causâ capitalis criminis Abbas est deponendus, non prius deponatur, donec depositores Apostolicam auctoritatem requirant, & ita sint tres Metropolitani cum Suffraganeis suis, & Abbatibus quamplurimi. Quis modò crederet Gregorium qui tanta cum æquitate Juris Canonici gubernacula tenebat, huic privilegii clausulæ contradicentem, & sibi sumentem, quod pro æquali ut minimùm Episcoporum & Abbatum judicio abdicationis ex auctoritate Canonum sumi potuit, voluisse afficere eo pœnæ genere, quod mox relatum est? Hac in clausula privilegii auctor Decalogi totius violatorem non castigaret acrius, quàm castigat eum, qui privilegium negligenter duceret, aut ei aliqua ex parte repugnaret: Et hæc est Joviniani & Stoicorum hæresis in quam incurrit. Conferret quippe paria esse crimina omnia, quod æqualem pœnam omnibus & singulis criminibus imposeret. Si verò in Joviniani & Stoicorum hæresi non esset, crimen levissimum gravissimâ pœnâ dignum esse necessariò putaret: Et hic est alius error, in quem incideret. Sic evitatâ Charybdi in Scyllam, velit nolit, rueret ac præcipitaret. Porro autem hi sunt errores varii, quibus Alteserra dum Sammedardense privilegium tuetur ut verum ac legitimum, eminentissimam Gregorii simplicitatem infamat, & Pontificiæ dignitati periculosum vulnus infligit.

Nunc venio ad injuriam, quam ille Sammedardensis privilegii defensor sibi creare voluit. Injuriam istiusmodi capita sunt multa, quæ tibi sigillatim explicatum imus.

Primum est, quod privilegii inscriptionem non satis attendit. Quid attinet omnes Episcopos, quibus inscribitur: *Gregorius omnibus Episcopis*? Unum attinet Sueffionensem Episcopum, in cujus diocesi situm est monasterium. Quid deinde attinet Gregorium, qui quædat in Epistola privilegia, non inscribit *Episcopis omnibus*? In libri IV. Epistola XLIII. certum quoddam privilegium concedit Ariminensi monasterio Sanctorum Andreæ & Thomæ; sed illud Castorio Ariminensi Episcopo inscribit, non Episcopis omnibus. In libri VI. Epistola XII. certum quoddam privilegium concedit Massiliensi monasterio virginum; sed illud Respectæ Abbatisæ inscribit, non Episcopis vel Abbatis omnibus. In libri VII. indict. I. Epistola XXIII. certum quoddam privilegium concedit Castellensi monasterio; sed illud Joanni Schillitano Episcopo inscribit, non Episcopis omnibus. In libri VII. indict. II. Epistola CXIV. certum quoddam privilegium Siagrio Augustodunensi concedit Episcopo; sed illud eidem Episcopo inscribit, non Episcopis omnibus. In ejusdem libri & indictionis Epistola CXVII. certum quoddam privilegium concedit Arelatensi monasterio; sed illud Virgilio Arelatensi Episcopo inscribit, non Episcopis omnibus. Hæc est usitata Gregorii consuetudo scribendi, quæ observari debuit, ne tamen observata est, etiam si de observatione tali privilegium configi potuerit.

Alterum, quod in notis id semel atque iterum animadvertit, quo Sammedardense privilegium percellitur. Semel quidem ad libri I. Epistolam XXIV. Sic ut sancti Evangelii quatuor libros, sic quatuor Concilia suscipere & venerari me fateor. Hac synodalis Epistola continet professionem fidei Gregorii, in qua ait se suscipere quatuor Concilia generalia, Nicanum, Constantinopolitanum, Ephesinum primum & Chalcedonense, velut quatuor Evangelii libros. Iterum verò ad libri II. Epistolam X. Astruentes, quod aliquid de sancta Chalcedonensi Synodo pia memoria Justiniani temporibus sit immutatum. Adversus schismaticos affirmat de Chalcedonensi Synodo nihil immutatum in quinta Synodo, quæ habita est tempore Justiniani. Confirmat Chalcedonensem Synodum, & quatuor Concilia generalia sicut quatuor libros Evangelii se recipere profertur hic ut sup. lib. I. ind. IX. epist. XXIV. At in Chalcedonensi Concilio traduntur, quæ Sammedardensi privilegio adversantur. Et primum quidem in Canone IV. Qui verè & sincerè singularem sectantur vitam, competenter honorentur: Quoniam verò quidam utentes habitu monachi, Ecclesiastica negotia civiliaque conturbant, circumeuntes indifferenter urbes, necnon & monasteria sibi instituere tentantes, placuit nullum quidem usquam adificare aut constituere monasterium vel oratori domum præter conscientiam civitatis Episcopi. Monachos verò per unamquamque civitatem aut regionem subjectos esse Episcopo, & quietem diligere, & intemos esse tantummodo jejuniis & orationibus, in locis, in quibus renunciaverunt seculo, permanentes. Nec Ecclesiasticis verò, nec secularibus negotiis communicent, vel in aliquo sint molesti, propria monasteria deserentes: Nisi forte his præcipiatur propter opus necessarium ab Episcopo civitatis. Nullum verò recipere in monasteriis servum obtentu monachi præter sui domini consensum. Transgredientem verò hanc definitionem nostram excommunicatum esse decrevimus, ne nomen Dei blasphemetur. Verumtamen Episcopum convenit civitatis competentem monasteriorum providentiam gerere. Et in can. VIII. Clerici, qui præficiuntur prothodochis, vel qui ordinantur in monasteriis & basilicis Martyrum, sub Episcoporum, qui in unaquaque civitate sunt, secundum Sanctorum Patrum traditiones, potestate permaneant, nec per contumaciam ab Episcopo suo dissiliant. Qui verò audent evertere hujusmodi formam quocunque modo, nec proprio subjiciuntur Episcopo: Si quidem Clerici sunt, Canonum correptionibus subiacent; si verò laici vel monachi fuerint, communionem priventur. Cum igitur Alteserra notat semel atque iterum Gregorium Chalcedonense Concilium venerari ut librum Evangelii, cur illud defendit privilegium, in quo Chalcedonensis Concilii Canones duo tam manifestè spernuntur? Privilegii verba sunt: *Chrismatibus quoque ac olei, altaris, calicis, corporalis à quocunque voluerint Pontifice benedictionem expetant.* Et paulo post: *Pralatus loci remota omni consuetudine pessimâ Regum, Antistitum, Judicum, exemplum divinæ religionis & honestatis ceteris exhibeat monasteriis, & super ea plena gaudeat libertate. Cujus rectores & filii presentes & successuri tantum sub Regum custodia positi, admonitionem sancti Petri & successorum suorum hujus sanctæ Romanæ Sedis Pontificum auctoritate proclamant.* Nonne his in verbis spernuntur Canones duo editi à Concilio, quod Gregorius ut librum Evangelii veneratur? Nonne ubi Pontifex id pronuntiat, continuò subjicit: *Dum Concilia universalis sunt consensu constituta, se, & non illa destruis quisquis præsumit aut solvere quos ligant, aut ligare quos solvunt.* Nonne in libri II. indict. XI. epistola LII. ad Joannem Constantinopolitanum Episcopum, ei dicit: *Et quamvis cum omnibus hominibus pacem habere summo opere cupiam, vobiscum præcipiè, quos vehementer amo, si tamen ipsi quos novi, vos estis. Nam si Canones non custoditis, & majorum vultis statuta convellere,*

non

non cognosco qui estis. At si, quod falsum est, verum esset privilegium, hoc eodem dedisset anno, quo ad Joannem tanta cum animi firmitate & constantia scribit. Sic non potuit Alteferra sine famæ & existimationis suæ jactura defendere privilegium quod defendit.

Tertium, quod semel atque iterum in notis observat aliud, quo privilegium Sammedardense rejicitur ut subditum. Semel quidem ad libri I. epistolam I. Ut semel per annum ad Syracusanam sive Cathanensem civitatem fraternitas vestra conveniat, &c. Ea etate Episcopi Sicilia immediate parebant Summo Pontifici, nec habebant <sup>9</sup>Metropolitanas: Argumento est quod Gregorius per hanc epistolam Petro Subdiacono vices suas mandat intra Siciliam, eidemque jus tribuit congregandi semel in anno Concilium omnium Episcoporum provincia Cathana vel Syracensis, in quo omnia ita disponantur, ut merito possit Episcopale Concilium appellari. Si enim Sicilia habuisset Metropolitanam, vix Pontifex Petro Subdiacono dedisset potestatem cogendi Concilii Episcoporum, quæ propria est Metropolitanæ. Quam enim sollicitum fuerit de servanda cuique jurisdictione propria, locupletem ipsum testem habemus lib. IX. epist. XXXII. Nam si sua unicuique jurisdictio non servatur, quid aliud agitur, nisi ut per nos, per quos Ecclesiasticus custodiri debuit ordo, confundatur? Iterum ad libri II. epistolam XXXVII. Absit hoc à me, ut statuta majorum consacerdotibus meis in qualibet Ecclesia infringam, quia mihi injuriam facio, si fratrum meorum jura perturbabo. Hinc sumptum est Canon: Quod verò. 25. quest. 2. Summus Pontifex tueri debet statuta & privilegia Ecclesiarum. Can. Privilegia 1. & 2. eadem caus. & quest. quia sibi injuriam facit, si fratrum jura infringat. Eadem est sententia Gregorii lib. IX. epist. XXXII. Nam si sua unicuique Episcopo jurisdictio non servatur, quid aliud agitur, nisi ut per nos, per quos Ecclesiasticus custodiri debuit ordo, confundatur? Can. Pervenit. II. qu. I. Hic mirum est, cur vir doctus, postquam observavit quis & qualis fuerit Gregorius, dum agitur de retinenda sacrorum Canonum disciplina, Sammedardensis privilegii falsitatem non subolfece-  
<sup>10</sup>rit; quæ enim observat ad loca duo Gregorii, tam non possunt cum Sammedardensi privilegio consistere, quàm aqua cum igne potest consistere.

Quartum, quod mirari quoque subit, cur vir doctus, cum ad libri II. indict. II. epistolam LXII. observat multa, eaque non contemnenda, non observet illico, Sammedardense privilegium cum eo Gregorii spiritu, quo scribitur ad Mauritium Epistola, conciliari non posse, ut mntia docebit contentio. Sammedardense privilegium dicit: Siquis autem Regum, Antistitum, Judicum, vel quarumcunque secularium personarum hujus Apostolica auctoritatis & nostra præceptionis decreta violaverit, aut contradixerit, aut neglexerit duxerit, fratres inquietaverit vel conturbaverit, vel aliter ordinaverit, cuiuscunque dignitatis vel sublimitatis sit, honore suo privetur, & ut Catholica fidei depravator, vel sanctæ Dei Ecclesiæ destructor, à consorcio Christianitatis, & corpore ac sanguine Domini nostri Jesu Christi sequestretur, & omnium maledictionum anathemate, quibus infideles & hæretici ab initio sæculi usque in præsens damnati sunt, cum Juda traditore Domini in inferno inferiori damnetur, nisi digna penitentia præfatorum Sanctorum sibi propitiaverit clementiam, & fratrum communem reconciliaverit concordiam. Gregorius verò ita scribit ad Mauritium: Omnipotenti Deo reus est, qui serenissimis dominis in omni quod agit & loquitur, purus non est. Ego autem indignus pietatis vestræ famulus in hac suggestione, neque ut servus, jure reipublicæ, sed jure privato loquor, quia serenissime domine, ex illo jam tempore dominus meus fuisti, quando adhuc dominus omnium non eras. Longino viro clarissimo stratore veniente dominorum legem suscepi, ad quam fatigatus tunc agitudine corporis respondere nil valui: In qua dominorum pietas sanxit, ut quisquis publicis administratio-

nibus fuerit implicatus, ei ad Ecclesiasticum officium venire non liceat. Quod valde laudavi, evidentissimè sciens, quia qui secularem habitum deserens, ad Ecclesiastica officia venire festinat, mutare vult sæculum, non relinquere. Quod verò in eadem lege dicitur, ut ei in monasterio converti non liceat, omnino miratus sum: Dum & rationes ejus possint per monasterium fieri, & agi potest, ut ab eo loco, in quo suscipitur, ejus quoque debita solvantur. Nam etsi quisquam devota mente converti voluisset, prius res malè ablatas redderet, & de sua anima tanto verius, quanto expeditior cogitaret. In qua lege subjunctum est, ut nulli, qui in manu signatus est, converti liceat. Quam constitutionem ego, fateor, dominis meis vehementer expavi, quia per eam calorum via multis clauditur, & quod nunc usque licuit, ne liceat prohibetur. Multi enim sunt, qui possunt religiosam vitam etiam cum seculari habitu ducere; & plerique sunt, qui nisi omnia reliquerint, salvari apud Deum nullatenus possunt. Ego verò hæc dominis meis loquens quid sum nisi pulvis & vermis? Sed tamen quia contra auctorem omnium Deum hanc intendere constitutionem sentio, dominis tacere non possum. Ad hoc enim potestas dominorum meorum pietati celsitus data est super omnes homines, ut qui bona appetunt, adjuvantur, ut calorum via largius pateat, ut terrestre regnum caelesti regno famuletur. Et ecce apertâ voce dicitur, ut ei qui semel in terrena militia signatus fuerit, nisi aut expletâ militiâ, aut pro debilitate corporis repulsus, Domino Jesu Christo militare non liceat. Et quibuscumque admonitionibus interjectis subdit: Ego quidem jussioni subiectus eandem legem per diversas terrarum partes transmitti feci; & quia lex omnipotenti Deo minime concordat, ecce per mea suggestionis paginam serenissimis dominis nunciavi. Utrobique ergo, quæ debui, exsolvi, qui & Imperatori obedientiam præbui, & pro Deo quod sensi, minime taceui.

Quæ vir doctus excerptis, ut suis ea illustraret observationibus, excerptis quoque: Sed plura excerptis, quia nostrum ad institutum plura requiruntur. Relata Sammedardensis privilegii clausula cum relatis epistolæ istius fragmentis conciliari non potest. Aut subiectum est Gregorio privilegium, in quo Reges pro nulla vel certè levi culpa tractantur tam immaniter: Aut subiecta est eidem Gregorio epistola, in qua Mauritius Imperator ita benignè compellatur, etiamsi Gregorii judicio gravissimè peccasset. At subiecta non est Pontifici epistola: Quippe quod Joannes Diaconus illius in libri I. de vita Gregorii, capite XLIX. meminere, & in omnibus epistolarum Gregorii codicibus tam editis, quàm manu exaratis reperiatur, nec à moderato auctoris sui stylo & scribendi ratione dissonat. Subiectum igitur est Gregorio privilegium ob causas contrarias. Joannes Diaconus privilegii mentionem nullam facit, facturus sine dubio, cum ex aliis, tum ex eo quoque quod faciendæ mentionis occasio se præberet, dum in ejusdem libri III. capite I. hæc scribit de simoniaca hæresi: Contra quam venerabilis pater apud Brunichildam Reginam, Theodoricum quoque & Theodobertum Francorum Reges fortiter expugnavit, donec collecta generali Synodo hanc sub anathemate damnamdam penitus impetraret. Nec ante Siagrio Episcopo Augustodunensi, Reginâ & Regibus multis precibus flagitantibus, pallium dedit, quàm præfente Cyriaco suo Abbate, ipsi quod de propellendis hæresibus moniti fuerant, adimplerent. Hæc est Regina Brunichildis, hic Rex Theodoricus, quorum precibus concessum esse dicitur privilegium. Deinde manuscriptus ante annos abhinc quingentos epistolarum Gregorii codex nullus est, qui Sammedardense privilegium repræsentet. Quin etiam recentiores manuscripti codices vel nulli vel pauci repræsentant. Apud Sammedardenses solitarium erat in scriniis monachorum, qui illud Pontifici supposuerant. Hinc est, ut cum olim ederentur Gregorii epistolæ, Sammedardenses monachi suum curarint edi privilegium, & ad calcem apponi. Tum relata



609

clausula ab ingenio Gregorii, & ab Ecclesiastico agendi modo in tantum quantum distare potest. Sic vir doctus desiderari voluit, cum ad defendendum se privilegium aggressus est.

III. quod vir doctus Alteferra testatur prius subscriptiones legisse se, nec observasse quæ feruntur. I. Portuenses Episcopos subscripsisse duos, Gregorium & Felicem. Sic enim se res habet. Tertius subscribit: *Gregorius Portuensis subscripsit*. Vice-simus primus subscribit: *Felix Portuensis Episcopus subscripsit*. Erantne tunc in eadem sede Episcopi duo? Permisissetne Pontifex Ecclesiasticæ disciplinæ vindex acerrimus, ut in Portuensi Ecclesia tam prope ab urbe violarentur Canones Nicæni Concilii, quod venerabatur ut librum Evangelii? Cur legenti subscriptiones Alteferræ luculentum istud adulteratæ tabulæ non suboluit iudicium? Romano Concilio, quod extat in libri IV. epistola XLIV. subscribit Felix Portuensis Episcopus: Et cum inter viginti tres Episcopos subscribat ferè medius, junior Episcopus esse non potest. Gregorius Portuensis Episcopus apparet nusquam, nisi forte in Arelateni Concilio, cui anno CCCXIV. subscripsit. Sed ille ad Gregorii Papæ tempus quid attinet? In Sammedardensi duntaxat privilegio ipse sibi testis est, ac proinde nullus, quia supposititius, & supposititium est privilegium.

II. Fictitia est civitas Anania, cujus Episcopus nomine Petrus privilegio subscribit. Ferdinandus Ughellus in tomo I. Italiæ sacræ. *Petrus*, inquit, *Anania Episcopus reperitur subscriptus in privilegio Sancti Medardi Suevionensis, à Gregorio magno concessio anno 593. An hic Petrus fuerit Episcopus Anania, & quænam illa fuerit Anania civitas, prorsus ignorat.*

15 III. Marinianus Ravennatis Ecclesiæ Episcopus subscribit anno 593. Marinianus non erat tunc Ravennatis Ecclesiæ Episcopus, sed Joannes, cui Marinianus anno 596. successit. Ad Joannem scribit Gregorius in libri I. epistola XXXV. in libri II. indict. X. epistola XXII. XXVI. XXXII. in ejusdem libri indict. XI. epistola LIII. & LIV. & Joannes in epistola LV. ad Gregorium Papam scribit. In libri IV. epistola I. XI & XV. sic Joannes ante & post annum 593. quod datum dicitur Sammedardense privilegium, vixit. Marinianus Joanni successit anno 596. & Romano subscripsit Concilio, & ad eum Gregorius in libri V. epistola I. scribit de Testamento, quod Joannes decessor condiderat. Et hoc est insigne falsitatis argumentum, quod Alteferra observare debuit; nec observavit amantissimus adulterini privilegii, quo Reges & Episcopi tam inciviliter tractantur.

IV. Vitulinus Sipontinensis Episcopus subscribit anno 593. Vitulinus seu Vitalinus non erat tunc Sipontinensis Episcopus, sed Felix, cui non Vitulinus, sed Vitalianus successit post annum 593. Ad Felicem Sipontinum Episcopum Gregorius scribit in libri I. epistola LI. in libri II. indict. XI. epistola XLII. XLIII. in libri III. epistola XVII. in libri VII. indict. I. epistola IX. ad Vitalianum Sipontinum Episcopum scribit. Hic Alteferra observare debuit duo; unum, Felicem anno 593. & 594. fuisse Sipontinum Episcopum; alterum non Vitulinum, sed Vitalianum fuisse Sipontinum Episcopum. Ex his duobus cognovisset adulterinum esse privilegium, quod uti verum ac legitimum tueretur.

16 V. Joannes Syracusanorum Episcopus subscribit anno 597. Joannes non erat tunc Syracusanorum Episcopus, sed Maximianus, ad quem Gregorius & ante & post annum 593. scribit. In libri II. indict. X. epistola IV. in ejusdem libri & indict. X. epistola XVII. & XXVI. in ejusdem libri indict. XI. epistola XII. in libri III. epistola XI. XII. XIII. XIV. XXXII. & XLII. in libri VI. indict. XII. in epistola ad Cy-

prianum Diaconum. *Amarissimas*, inquit, *tue dilectionis epistolas de Domni Maximiani obitu mense Novembris suscepi. Et quidem ille ad præmia desiderata pervenit: Sed infelix populus Syracusana civitatis lugendus est, qui pastorem talem diu habere non meruit. Proinde dilectio tua sollicitudinem gerat, ut in eadem Ecclesia talis debeat ad ordinandum eligi, qui post Domnum Maximianum ejusdem regiminis locum non videatur immerito sortiri.* Maximiano successit Joannes, ad quem Gregorius in libri V. indict. XIV. epistola sic scribit: *Apostolica Sedis benevolentia & antiqua consuetudinis ordine provocati, fraternitati tua, quam in Syracusana Ecclesia gubernationis officium constat suscepisse, pallii usum providimus concedendum, illis videlicet temporibus, atque eo ordine, quibus decessorem quoque tuum usum non esse ambigis.* Hæc autem si vir doctus observasset, Sammedardensis privilegii fautor ac defensor non accessisset.

VI. Constantius Narnienis Episcopus subscribit anno 593. qui tunc non erat Narnienis Episcopus, sed Præjctitius, ut in tomo I. Italiæ sacræ traditur. Præjctitius Narnienis & Interamnæ excisæ 17 Episcopus anno 565. obiit circa annum 565. cui Gregorius Ecclesiam Narniensem commendat lib. II. epistola II. *Gregorius Præjctitio Episcopo Narniensi. Pervenit ad vos peccatis imminetibus in civitate vestra Narniensi mortalitatem omnino grassari, quæ res non nimis afflixit. Quamobrem salutantes fraternitatem tuam modis omnibus suademus, ut à Longobardorum sive Romanorum, qui in eodem loco degunt, admonitione sive exhortatione nulla ratione cessetis, & maxime à gentiliū & hæreticorum, ut ad veram & ætarnam fidem Catholicam convertantur.* Præjctitio successit Constantius, qui & anno 596. Romanæ Synodo subscripsit. Vir doctus notam in hujus Episcopi subscriptionem prætermisit, ne fortè privilegii suppositio detegeretur.

VII. Privilegii fabricator suam fraudem non satis occuluit, cum è numero Episcoporum, qui Gregorii junioris Papæ constituto subscribunt, tres assumpsit, Gregorium Portuensem, Anastasium Tyburtinum, Tyberium Sylvæ candidæ, qui Sammedardensi privilegio subscriberent. Nam illi Episcopi, ad Gregorii magni tempus quod attinet, nullum aliud habent testimonium sui, quàm quod ab illius privilegio & illius subscriptione quæritur. Sibi mutuo casum adjuvant, quem Alteferra machinis nullis sustinere potest.

VIII. Primævius Nunciensium Episcopus subscribit privilegio: Sed quis ille fuerit Primævius, quæ Nunciensium civitas, non ita facile invenitur. Ab Alteferra disquiri debuit, ne inde privilegium de statu suo periclitaretur.

Et sanè negari non potest, quin vir doctus in observandis privilegii subscriptionibus negligenter se gesserit. Sed excusetur, vel non excusetur: Excusari non potest, quod privilegii verba diminutè & minus sincere retulerit. Si quis autem Regum, Antistitum, Judicum, vel quarumcunque secularium personarum hujus Apostolicæ auctoritatis & nostræ præceptionis decreta violaverit, honore suo privetur, &c.

Hoc in loco vir doctus sibi facit injuriam, cum in referenda privilegii clausula ingenuitas & animi candor desideretur. Permulta detrahit, in quibus explicati suprâ & nunquam tribuendi Gregorio Papæ errores luculenter apparent. Integra igitur verba sunt hæc: *Si quis autem Regum, Antistitum, Judicum, vel quarumcunque secularium personarum hujus Apostolicæ auctoritatis & nostræ præceptionis decreta violaverit, aut contradixerit, aut negligenter duxerit, vel fratres inquietaverit, vel conturbaverit, vel aliter ordinaverit, cuiuscunque dignitatis vel sublimitatis sit, honore suo privetur, & ut catholica fidei depravator, vel sanctæ Dei Ecclesiæ destructor à consortio Christianitatis, & corpore ac*

ac sanguine Domini nostri Jesu Christi sequestretur, & omnium maledictionum anathemate, quibus infideles & heretici ab initio seculi usque in presens damnati sunt, cum Juda traditore Domini in inferno inferiori damnetur, nisi digna penitentia prefatorum Sanctorum sibi propitiaverit clementiam, & fratrum communem reconciliaverit concordiam.

19 Si Alteserra integram & tanto Pontifice indignam privilegii clausulam exhorruit, cur privilegium, cur privilegii clausulam tuitus est? Si non exhorruit integram, nec Gregorio magno indignam esse privilegii clausulam arbitratus est, cur totam non retulit, & eam suis non mansuefecit & excoluit commentariis? Id non præstitit. Sed quidquid est auribus & animis absolum, quidquid Joviniani & Stoicorum errorem vel alium oppolitum representat, per unum &c. suppressit; deinde propugnandam cum suo &c. clausulam ita suscepit. Nonnullis, ait, viris eruditioribus pro falso habetur hoc privilegium hoc argumento, quod si quis violaverit privilegium, cujuscunque dignitatis sit, Pontifex dixit, ut honore suo privetur, non exceptis personis Regum vel Judicum, quod valde abhorrens & alienum videtur a discretione Gregorii, qui cum Regibus & Principibus reverentius agere soleret.

Utuntur & alio argumento, quod inter Episcopos, qui subscribere privilegio, ponuntur Enlogius Alexandrinus Episcopus, & Dominicus Carthagenensis Episcopus, de quibus non legitur usquam quod Roma fuerint.

Verum non desunt argumenta contraria ad tuendum privilegium. Primum, moveor auctoritate Illustrissimi viri Cardinalis Baronii, qui hoc privilegium laudavit in Martyrol. 8. Junii ex fide Registri ipsius Gregorii lib. 12. indict. 7. cap. 32. Secundo, privilegium extat in Registro Gregorii etiam in 2. editione Vaticana, nimirum lib. 2. post Epistolam 38. Vix est ut dubitari possit de fide Registri Epistolarum Gregorii, quod prodit ex scrinio Ecclesie Romana, quod depositum est

20 cum aliis operibus, teste Joanne Diacono lib. 4. cap. 71. Tanti est auctoritas Archivii Ecclesie Romana, ut nequaquam suspecta sint monumenta Pontificum, quæ illic inveniuntur. Cap. ad audientiam. De præscript. Tertiò, non est idoneum falsi argumentum clausula postrema privilegii, quæ indicitur, ut honore privetur quisquis privilegium temeraverit: Quia si æquis animis interpretemur verba Pontificis, privilegii violatoribus non alia pena indicitur, quam anathematis, ut probatur his sequentibus verbis: Ut Catholica fidei depravator, vel sancta Dei Ecclesia destructor à consortio Christianitatis, & corpore ac sanguine Domini nostri Jesu sequestretur, &c. Privilegiis Apostolicis anathematis pena injici solebat, ut constat etiam hic de privilegio eidem monasterio concessio à Joanne Papa III. privilegio Landerici Parisiensis Episcopi monasterio beati Dionysii concessio, & aliis appositam fuisse penam anathematis rectè observat vir Illustrissimus Hieronymus Bignonius in notis ad Marculfum. Et quod dicitur, ut qui privilegium violaverit, honore suo privetur, refertur ad ea quæ proximè sequuntur, nimirum ad penam anathematis, per quam qui à communione Ecclesie removetur, revera potissimo vite honore & dignitate privatur, ex quo inter infideles & hereticos ablegatur. Imo illud non eò pertinet, ut Rex vel Judex privetur honore Regis vel Judicis, sed ut careat honore patroni, seu fundatoris, vel advocati, vel defensoris monasterii: Quo sensu par pena apponitur monasterio Augustodunensi lib. 11. epistola x.

21 Quarto, ne vos pungat, amabo, Enlogii Alexandrini, & Dominici Carthagenensis Episcoporum subscriptio, quia privilegium fortè missum ad utrumque, & ab his subscriptionibus suis munitum, ita desiderante Pontifice, ut eorum honori & gratia indulgeret propter ætiorum amicitiam, quæ intercedebat inter eos, ut satis constat ex Libro 11. E-

pist. xxxix. Lib. v. Epist. xxxvii. & aliis locis.

Denique, nihil est quod miremur à Gregorio concessum privilegium monasterio Sancti Medardi Sueffionensis, vel confirmatum privilegium, concessum antè per Joannem III. Papam. Nam idem Pontifex privilegia concessit vel confirmavit quampluribus aliis monasteriis Gallia, ut Arelatensi, Augustodunensi, & aliis. Et certè monasterium istud fuit dignissimum gratia Pontificis. Fuit enim regia fundationis, nimirum fundatum à Clothario I. & Sigeberto ejus filio, de quo Gregorius Turonensis lib. 4. cap. 19. Idem de gloria Confess. cap. 95. Et Ansericus Sueffionensis Episcopus, quo postulante privilegium concessum est, fuit bene meritis de Ecclesia. Idem interfuit Concilio Remensi anno Christi dcccxxx. de quo Flodoardus hist. Remensis lib. 2. cap. 5.

Quidquid hic eruditus auctor disputat, tres in partes tribuitur. In prima rationes duas tantum proponit ex infinitis, quibus privilegium quatur, & illius suppositio demonstratur. In secunda suas ipse proponit rationes numero tantum duas, quibus prostratum & jacens privilegium erigat & sustentet. In tertia propositas ab initio rationes si non diluat, diluere saltem omni ope atque opera conatur. Præscriptum ab illo 22 sequor ordinem, & ejus vestigiis insisto.

Ad primam partem quod pertinet, vir doctus merito accusandus est ~~quædam~~, quod multas rationes alias, & priorem in meliori lumine collocatam dissimulet, & silentio involvat. Deinde ex iis, quæ supra disseruimus, liquidò patet, stare non posse privilegium, tametsi rationes illæ duæ non suppetere aut omitterentur, ut ad indagandam rei veritatem inutiles. Tum si prima suis adornata conditionibus exhiberetur, omnis Alteserræ conatus ad privilegii defensionem impotens redderetur: Quæ scribit, omnia diffugerent, & sponte sua dissilirent. Quod ille occupavit animo & prospexit, non ausus ultimam privilegii clausulam totam recensere, cujus similem nulla unquam vidit aut visura est ætas in scriptis Pontificum. Ubinam reperietur scriptum: Si quis Rex monachos inquietaverit, vel contrarium sacris Canonibus privilegium negligenter duxerit, trahabitur perinde ac si Catholicam fidem depravasset, sanctam Dei Ecclesiam destruxisset, & cum Juda Christum Dominum prodidisset? Quis ante Gregorium, quis post Gregorium Pontifex hoc edixit? Attamen si credatur Alteserræ, non Alexander VI. non Joannes XII. aut aliquis alius inconsideratissimæ disciplinæ Pontifex, sed Gregorius magnus Pontificum omnium moderatissimus & patientissimus edixit.

Nunc veniendum est ad secundam partem, in qua sunt, me vide, argumenta duo extra-quam levia & infirma. Et de illis necessariò mihi esse arbitror si non subtiliùs differendum, at certè dolentius deplorandum. 23

Et primò quidem argumentatur ex auctoritate Baronii, quem nemo nescit usquam aut rarò vocare in dubium scripta, ex quibus Romani Antistitis potestas in Reges constabiliri queat. Hinc ille Baronius ad annum 595. num. lxxxv. Eodem anno petentibus Francorum Regibus datum legitur à S. Gregorio Papa privilegium monasterio Sancti Medardi Sueffionensi in Gallia, &c. Et numero lxxxvi. Sed quas infligat penas, audi quæ habet in fine: Siquis autem Regum, &c. Vides, Lector, Pontificis Romani esse sancire leges, quibus si ipsi Reges non pareant, regno priventur. Sed quod hic festivum ac lepidum est, vir doctus Baronii quidem auctoritate movetur in retinenda privilegii clausula, & ipso proinde privilegio; sed non movetur in retinenda clausulæ explanatione. Baronius clausulam de privandis regno Regibus intelligit; Alteserra de privandis honore patroni seu fundatoris Regibus interpretatur. Imò, inquit,



relata privilegii clausula ab ingenio Gregorii, & ab humano illius atque Ecclesiastico agendi modo in tantum distat, in quantum distare potest. Sic vir doctus iudicium suum desiderari voluit, cum ad defendendum Sammedardense privilegium aggressus est.

- 14 Quintum, quod vir doctus Alteserra testatur privilegii subscriptiones legisse se, nec observasse quæ sequuntur. I. Portuenses Episcopos subscripsisse duos, Gregorium & Felicem. Sic enim se res habet. Tertius subscribit: *Gregorius Portuensis subscripsit*. Vice-simus primus subscribit: *Felix Portuensium Episcopus subscripsit*. Erantne tunc in eadem sede Episcopi duo? Permisissetne Pontifex Ecclesiasticæ disciplinæ vindex acerrimus, ut in Portuensi Ecclesia tam prope ab urbe violarentur Canones Nicæni Concilii, quod venerabatur ut librum Evangelii? Cur legenti subscriptiones Alteserræ luculentum istud adulteratæ tabulæ non suboluit iudicium? Romano Concilio, quod extat in libri IV. epistola XLIV. subscribit Felix Portuensis Episcopus: Et cum inter viginti tres Episcopos subscribat ferè medius, junior Episcopus esse non potest. Gregorius Portuensis Episcopus apparet nusquam, nisi forte in Arelatenſi Concilio, cui anno CCCXIV. subscripsit. Sed ille ad Gregorii Papæ tempus quid attinget? In Sammedardensi duntaxat privilegio ipse sibi testis est, ac proinde nullus, quia supposititius, & supposititium est privilegium.

II. Fictitia est civitas Anania, cujus Episcopus nomine Petrus privilegio subscribit. Ferdinandus Ughellus in tomo I. Italiæ sacræ. *Petrus*, inquit, *Anania Episcopus reperitur subscriptus in privilegio Sancti Medardi Sueſſionensis, à Gregorio magno concessio anno 593. An hic Petrus fuerit Episcopus Anania, & quanam illa fuerit Anania civitas, prorsus ignorat.*

- 15 III. Marinianus Ravennatis Ecclesiæ Episcopus subscribit anno 593. Marinianus non erat tunc Ravennatis Ecclesiæ Episcopus, sed Joannes, cui Marinianus anno 596. successit. Ad Joannem scribit Gregorius in libri I. epistola XXXV. in libri II. indict. X. epistola XXII. XXVI. XXXII. in ejusdem libri indict. XI. epistola LII. & LIV. & Joannes in epistola LV. ad Gregorium Papam scribit. In libri IV. epistola I. XI & XV. sic Joannes ante & post annum 593. quod datum dicitur Sammedardense privilegium, vixit. Marinianus Joanni successit anno 596. & Romano subscripsit Concilio, & ad eum Gregorius in libri V. epistola I. scribit de Testamento, quod Joannes decessor condiderat. Et hoc est insigne falsitatis argumentum, quod Alteserra observare debuit; nec observavit amantissimus adulterini privilegii, quo Reges & Episcopi tam inciviliter tractantur.

IV. Vitulinus Sipontinensis Episcopus subscribit anno 593. Vitulinus seu Vitalinus non erat tunc Sipontinensis Episcopus, sed Felix, cui non Vitulinus, sed Vitalianus successit post annum 593. Ad Felicem Sipontinum Episcopum Gregorius scribit in libri I. epistola LI. in libri II. indict. XI. epistola XLI. XLII. in libri III. epistola XVII. in libri VII. indict. I. epistola IX. ad Vitalianum Sipontinum Episcopum scribit. Hic Alteserra observare debuit duo; unum, Felicem anno 593. & 594. fuisse Sipontinum Episcopum; alterum non Vitulinum, sed Vitalianum fuisse Sipontinum Episcopum. Ex his duobus cognovisset adulterinum esse privilegium, quod uti verum ac legitimum tuetur.

- 16 V. Joannes Syracusanorum Episcopus subscribit anno 597. Joannes non erat tunc Syracusanorum Episcopus, sed Maximianus, ad quem Gregorius & ante & post annum 593. scribit. In libri II. indict. X. epistola IV. in ejusdem libri & indict. X. epistola XVII. & XXVI. in ejusdem libri indict. XI. epistola XII. in libri III. epistola XI. XII. XIII. XIV. XXXII. & XLII. in libri VI. indict. XIIII. in epistola ad Cy-

prianum Diaconum. *Amarissimas*, inquit, *tua dilectionis epistolas de Domni Maximiani obitu mense Novembris suscepi. Et quidem ille ad premia desiderata pervenit: Sed infelix populus Syracusana civitatis lugendus est, qui pastorem talem diu habere non meruit. Proinde dilectio tua sollicitudinem gerat, ut in eadem Ecclesia talis debeat ad ordinandum eligi, qui post Domnum Maximianum ejusdem regiminis locum non videatur immerito sortiri. Maximiano successit Joannes, ad quem Gregorius in libri V. indict. XIV. epistola sic scribit: Apostolica Sedes benevolentia & antiquæ consuetudinis ordine provocati, fraternitati tuæ, quam in Syracusana Ecclesia gubernationis officium constat suscepisse, pallii usum providimus concedendum, illis videlicet temporibus, atque eo ordine, quibus decessorem quoque tui usum non esse ambigis. Hæc autem si vir doctus observasset, Sammedardensis privilegii fautor ac defensor non accessisset.*

VI. Constantius Narniensis Episcopus subscribit anno 593. qui tunc non erat Narniensis Episcopus, sed Præfectus, ut in tomo I. Italiæ sacræ traditur. Præfectus Narniensis & Interamnæ excisæ 17 Episcopus anno 565. obiit circa annum 565. cui Gregorius Ecclesiam Narniensem commendat lib. II. epistola II. *Gregorius Præfectio Episcopo Narniensi. Pervenit ad vos peccatis imminenti in civitate vestra Narniensi mortalitatem omnino grassari, quæ res non nimis afflixit. Quamobrem salutantes fraternitatem tuam modis omnibus suademus, ut à Longobardorum sive Romanorum, qui in eodem loco degunt, admonitione sive exhortatione nulla ratione cessetis, & maxime à gentilibus & hæreticorum, ut ad veram rectamque fidem Catholicam convertantur. Præfectio successit Constantius, qui & anno 596. Romanæ Synodo subscripsit. Vir doctus notam in hujus Episcopi subscriptionem prætermisit, ne fortè privilegii suppositio detegeretur.*

VII. Privilegii fabricator suam fraudem non satis occulit, cum è numero Episcoporum, qui Gregorii junioris Papæ constituto subscribunt, tres assumpsit, Gregorium Portuensem, Anastasium Tyburtinum, Tyberium Sylvæ candidæ, qui Sammedardensi privilegio subscriberent. Nam illi Episcopi, ad Gregorii magni tempus quod attinet, nullum aliud habent testimonium sui, quàm quod ab illius privilegio & illius subscriptione quæritur. Sibi mutuo casum adjuvant, quem Alteserra machinis nullis sustinere potest.

VIII. Primævius Nunciensium Episcopus subscribit privilegio: Sed quis ille fuerit Primævius, quæ Nunciensium civitas, non ita facile invenitur. Ab Alteserra disquiri debuit, ne inde privilegium de statu suo periclitaretur.

Et sanè negari non potest, quin vir doctus in observandis privilegii subscriptionibus negligenter se gesserit. Sed excusetur, vel non excusetur: Excusari non potest, quod privilegii verba diminutè & minus sincerè retulerit. Si quis autem Regum, Antistitum, Judicum, vel quarumcunque secularium personarum hujus Apostolicæ auctoritatis & nostræ præceptionis decreta violaverit, honore suo privetur, &c.

Hoc in loco vir doctus sibi facit injuriam, cum in referenda privilegii clausula ingenuitas & animi candor desideretur. Permulta detrahit, in quibus explicati suprâ & nunquam tribuendi Gregorio Papæ errores luculenter apparent. Integra igitur verba sunt hæc: Si quis autem Regum, Antistitum, Judicum, vel quarumcunque secularium personarum hujus Apostolicæ auctoritatis & nostræ præceptionis decreta violaverit, aut contradixerit, aut negligenter duxerit, vel fratres inquietaverit, vel conturbaverit, vel aliter ordinaverit, cuiuscunque dignitatis vel sublimitatis sit, honore suo privetur, & ut catholica fidei depravator, vel sanctæ Dei Ecclesiæ destrutor à consortio Christianitatis, & corpore

ac sanguine Domini nostri Jesu Christi sequestratur, & omnium maledictionum anathemate, quibus infideles & heretici ab initio seculi usque in presens damnati sunt, cum Juda traditore Domini in inferno inferiori damnetur, nisi digna poenitentia prefatorum Sanctorum sibi propitiaverit clementiam, & fratrum communem reconciliaverit concordiam.

19 Si Alteserra integram & tanto Pontifice indignam privilegii clausulam exhorruit, cur privilegium, cur privilegii clausulam tuitus est? Si non exhorruit integram, nec Gregorio magno indignam esse privilegii clausulam arbitratus est, cur totam non retulit, & eam suis non mansuefecit & excoluit commentariis? Id non praestitit. Sed quidquid est auribus & animis absonum, quidquid Joviniani & Stoicorum errorem vel alium oppositum representat, per unum &c. suppressit; deinde propugnandam cum suo &c. clausulam ita suscepit. Nonnullus, ait, viris eruditioribus pro falso habetur hoc privilegium hoc argumento, quod si quis violaverit privilegium, cujuscunque dignitatis sit, Pontifex dixit, ut honore suo privetur, non exceptis personis Regum vel Judicum, quod valde abhorrens & alienum videtur a discretione Gregorii, qui cum Regibus & Principibus reverentius agere solet.

Utuntur & alio argumento, quod inter Episcopos, qui subscribere privilegio, ponuntur Eulogius Alexandrinus Episcopus, & Dominicus Carthagenensis Episcopus, de quibus non legitur usquam quod Romae fuerint.

Verum non desunt argumenta contraria ad tuendum privilegium. Primum, moveor auctoritate Illustrissimi viri Cardinalis Baronii, qui hoc privilegium laudavit in Martyrol. 8. Junii ex fide Registri ipsius Gregorii lib. 12. indict. 7. cap. 32. Secundo, privilegium extat in Registro Gregorii etiam in 2. editione Vaticana, nimirum lib. 2. post Epistolam 38. Vix est ut dubitari possit de fide Registri Epistolarum Gregorii, quod prodit ex scrinio Ecclesiae Romanae, quod depositum est cum aliis operibus, teste Joanne Diacono lib. 4. cap. 71. Tanti est auctoritas Archivii Ecclesiae Romanae, ut nequaquam suspecta sint monumenta Pontificum, quae illic inveniuntur. Cap. ad audientiam. De praescript. Tertiò, non est idoneum falsi argumentum clausula postrema privilegii, quae indicitur, ut honore privetur quisquis privilegium temeraverit: Quia si aequis animis interpretemur verba Pontificis, privilegii violatoribus non alia poena indicitur, quam anathematis, ut probatur his sequentibus verbis: Ut Catholica fidei depravator, vel sanctae Dei Ecclesiae destrutor a consorcio Christianitatis, & corpore ac sanguine Domini nostri Jesu sequestratur, &c. Privilegiis Apostolicis anathematis poena injici solebat, ut constat etiam hic de privilegio eidem monasterio concessò a Joanne Papa III. privilegio Landericis Parisiensis Episcopi monasterio beati Dionysii concessò, & aliis appositam fuisse penam anathematis rectè observat vir Illustrissimus Hieronymus Bignonius in notis ad Marculfum. Et quod dicitur, ut qui privilegium violaverit, honore suo privetur, refertur ad ea quae proximè sequuntur, nimirum ad penam anathematis, per quam qui à communione Ecclesiae remouetur, revera potissimo vite honore & dignitate privatur, ex quo inter infideles & hereticos ablegatur. Imò illud non eò pertinet, ut Rex vel Judex privetur honore Regis vel Judicis, sed ut careat honore patroni, seu fundatoris, vel advocati, vel defensoris monasterii: Quo sensu per poenam apponitur monasterio Augustodunensi lib. 11. epistola x.

21 Quarto, ne vos pungat, amabo, Eulogii Alexandrini, & Domini Carthagenensis Episcoporum subscriptio, quia privilegium fortè missum ad urumque, & ab his subscriptionibus suis munitum, ita desiderante Pontifice, ut eorum honori & gratia indulgeret propter arctiorem amicitiam, quae intercedebat inter eos, ut satis constat ex Libro 11. E-

pist. xxxix. Lib. v. Epist. xxxvii. & aliis locis.

Denique, nihil est quod miremur à Gregorio concessum privilegium monasterio Sancti Medardi Sueffionensis, vel confirmatum privilegium, concessum autè per Joannem III. Papam. Nam idem Pontifex privilegia concessit vel confirmavit quampluribus aliis monasteriis Galliae, ut Arelatensi, Augustodunensi, & aliis. Et certè monasterium istud fuit dignissimum gratia Pontificis. Fuit enim regia fundationis, nimirum fundatum à Clothario I. & Sigeberto ejus filio, de quo Gregorius Turonensis lib. 4. cap. 19. Idem de gloria Confess. cap. 95. Et Ansericus Sueffionensis Episcopus, quo postulante privilegium concessum est, fuit bene meritis de Ecclesia. Idem interfuit Concilio Remensi anno Christi dcccxx. de quo Flodoardus hist. Remensis lib. 2. cap. 5.

Quidquid hic eruditus auctor disputat, tres in partes tribuitur. In prima rationes duas tantum proponit ex infinitis, quibus privilegium quatur, & illius suppositio demonstratur. In secunda suas ipse proponit rationes numero tantum duas, quibus prostratum & jacens privilegium erigat & sustentet. In tertia propositas ab initio rationes si non diluat, diluere saltem omni ope atque opera conatur. Praescriptum ab illo sequor ordinem, & ejus vestigiis insisto. 22

Ad primam partem quod pertinet, vir doctus merito accusandus est, quod multas rationes alias, & priorem in meliori lumine collocatam dissimulet, & silentio involvat. Deinde ex iis, quae supra disseruimus, liquidò patet, stare non posse privilegium, tametsi rationes illae duae non suppetere aut omitterentur, ut ad indagandam rei veritatem inutiles. Tum si prima suis adornata conditionibus exhiberetur, omnis Alteserrae conatus ad privilegii defensionem impotens redderetur: Quae scribit, omnia diffugerent, & sponte sua dissilirent. Quod ille occupavit animo & prospexit, non ausus ultimam privilegii clausulam totam recensere, cujus similem nulla unquam vidit aut visura est aetas in scriptis Pontificum. Ubinam reperietur scriptum: Si quis Rex monachos inquietaverit, vel contrarium sacris Canonibus privilegium negligenter duxerit, tractabitur perinde ac si Catholicam fidem depravasset, sanctam Dei Ecclesiam destruxisset, & cum Juda Christum Dominum prodidisset? Quis ante Gregorium, quis post Gregorium Pontifex hoc edixit? Attamen si credatur Alteserrae, non Alexander VI. non Joannes XII. aut aliquis alius inconsideratissimae disciplinae Pontifex, sed Gregorius magnus Pontificum omnium moderatissimus & patientissimus edixit.

Nunc veniendum est ad secundam partem, in qua sunt, me vide, argumenta duo extra-quàm levia & infirma. Et de illis necessariò mihi esse arbitror si non subtilius differendum, at certè dolentius deplorandum. 23

Et primò quidem argumentatur ex auctoritate Baronii, quem nemo nescit usquam aut rarò vocare in dubium scripta, ex quibus Romani Antistitis potestas in Reges constabili queat. Hinc ille Baronius ad annum 595. num. lxxxv. Eodem anno petentibus Francorum Regibus datum legitur à S. Gregorio Papa privilegium monasterio Sancti Medardi Sueffionensi in Gallia, &c. Et numero lxxxvi. Sed quas infligat penas, audi qua habet in fine: Siquis autem Regum, &c. Vides, Lector, Pontificis Romani esse sancire leges, quibus si ipsi Reges non pareant, regno priventur. Sed quod hic festivum ac lepidum est, vir doctus Baronii quidem auctoritate movetur in retinenda privilegii clausula, & ipso proinde privilegio; sed non movetur in retinenda clausulae explanatione. Baronius clausulam de privandis regno Regibus intelligit; Alteserra de privandis honore patroni seu fundatoris Regibus interpretatur. Imò, inquit,



quit, illud non eò pertinet, ut Rex vel Index privetur honore Regis vel Judicis, sed ut careat honore patroni seu fundatoris. Sic Alteserra cum auctore pugnat, cuius auctoritate movetur. Capiat hoc qui capere poterit. Non id animadverto, quasi utriusque vel alterutrius explicationis rationem ullam habeam. Nullam habeo, quia privilegium Gregorio subiectum esse recipio. Deinde de allata hoc in negotio Baronii auctoritate Baronium ipsum audiat in apparatu pronunciantem: *Quod à recentiore auctore de rebus adeo antiquis sine alicujus vetustioris auctoritate profertur, conterminatur.* Deinde argumentatur ex regesto seu registro Gregorii, atque ex Vaticana illius editione, in qua illatum libro 11. post Epistolam xxxviii. Sammedardense privilegium reperitur. Non auro contra carum emerim hoc genus argumenti, quod jam aliud agentes displosimus. Romani editores privilegium, quod olim in calce Epistolarum Gregorii appositum fuerat, ad memoratum libri Epistolarum secundi locum revocandum esse duxerunt. Scilicet credebant verum esse, quod reipsa falsum erat, privilegium, & credulitate occupati sua privilegio inter libri 11. Epistolas dederunt locum, quem & Dominicæ Incarnationis annus dxciii. & indictio xi. postulabant. Hoc autem quid spectat ad veritatem privilegii? Si vir doctus nescit, id ex Cardinali Perronio in hujus ad tertium regni statum concione discat. Acribo verba: *Je ne me veux point servir des Bulles de l'Abbaye de Soissons, d'autant qu'elles ne sont point insérées dans le registre des Epistres de Saint Gregoire, mais ont esté prises des Archives des Moines de Saint Medard, & ajoutées hors d'œuvre après la fin du registre, comme il appert & par les anciennes impressions du mesme registre, & par la citation que Gregoire VII. qui vivoit il y a plus de cinq cens ans, fait de l'Epistre à Senator, sans parler de celle de Soissons.* Quod Latine dicitur: *Uti nolo Bullis Sneffionensis Abbatia, quod illa Epistolarum Gregorii regesto inserta non sint, sed ex Sammedardensium Monachorum archivo deprompta, atque extra Epistolarum Gregorii libros xii. adjecta fuerint, ut ex antiquis regesti ejusdem editionibus, & Gregorii VII. citatione omnino liquet. Hic enim Pontifex, qui supra annos abhinc quingentos vivebat, Epistolam ad Senatorem laudat, nulla facta Sammedardensis privilegii mentione.* Jacobus Gretserus in examine mysterii Plessæani cap. trigesimo primo privilegium hoc abire patitur, cum ait: *De privilegio Sancti Medardi monasterio concessio jam antea egimus, neque in isto opes Græciæ sita sunt; quod tamen etsi apocryphum esset, haud tamen ideo evinceretur, Sanctum Gregorium universalis Ecclesiæ curam non gessisse.* Perronius & Gretserus non audent privilegium defendere, quod Alteserra defendit. Hic appellat Romanæ Ecclesiæ scrinium, quod illi non appellant. Quid ita? Intellegebant viri sagaces, scrinium istud inutile esse ad defendendum quidquid est in singulis Gregorii operibus, præsidium. Nam quamvis Joannes Diaconus testetur Gregorium tot Epistolarum libros in Romano reliquisse scrinio, quot annos vixit Pontifex; non inde tamen sequitur, unamquamque Epistolam Gregorii esse, nisi quales libros in scrinio reliquerit, hi ad nos pervenissent. Non pervenerunt, nec pervenisse fidem faciunt, qui Romæ operum Gregorii editionem curarunt. Abundè jam notavimus quæ impediunt, ne Sammedardense & similia privilegia Gregorio attribui possint.

Sed vir doctus ait: *Tanti est auctoritas Archivi Ecclesiæ Romanæ, ut nequaquam suspecta sint monumenta Pontificum, quæ illic inveniuntur.* Cap. ad audientiam de prescriptionibus. Non extat nunc Archivum Romanæ Ecclesiæ, quod extabat Gregorii tempore, nisi probet ille Romanam operum Gregorii editionem idem esse quod erat Archivum Romanæ

Ecclesiæ, cum Gregorius è vita migravit, & ab eo tempore operibus nihil, Epistolis nihil inditum fuisset. Probabitne Capite ad audientiam, insertum Gregorii operibus in penitenciales psalmos septem Commentarium Gregorii esse, qui tamen qualis se habet in Romana editione, nec Gregorii est, nec Gregorii potest esse?

Hoc ergo Caput ad audientiam non est satis provisum ac præcautum Alteserræ perfugium. In hoc Capite agitur de monumentis censuum, quibus centenaria possessione præscribitur: Non agitur de monumentis veritatis, cui possessione simili non præscribitur. Tertullianus in libri de velandis virginibus capite 1. *Veritati, inquit, nemo præscribere potest, non spatium temporum, non patrocinia personarum, non privilegium regionum.* Matthæus Gribaldus, qui olim Tolo-læ in frequentissimo illo Galliarum gymnasio Jura civilia interpretatus est, in libro 11. de ratione studendi: *Cursus, inquit, temporis non mutat substantiam veritatis.* L. sicut falsi. C. ad l. Cornel. de fals. Tertulliano & Gribaldo fidem habendam esse majorem quam Alteserræ, quis non facile percipit? Sic parum consideratè adductum est Caput ad audientiam.

In tertia parte respondet argumentis non omnibus, quibus privilegii adulterium ostenditur; sed duobus tantum, quæ sibi voluit objicere: Priori quidem, cum negat idoneum falsi argumentum esse postremam privilegii clausulam. At ego contrà vehementer assero, clausulam hanc non idoneum modò, sed etiam maximè idoneum falsi argumentum esse propter errores, quos ex eà jam deduximus. In privilegii clausula si Rex Galliæ Sammedardensis Monasterii Monachos inquietat, si privilegium negligerenter ducit, perinde plectitur, ac si Dei & Ecclesiæ præcepta violasset omnia: segregatur à cœtu fidelium, & juxta Baronium & Bellarminum regno, vel juxta Alteserram patroni seu fundatoris honore privatur. Sic pro nulla vel levi culpa Rex duplici poena, eaque gravissima castigatur, & Catholica insuper fidei depravator, ac sancta Ecclesia destructor censetur, non utique à Gregorio Papa, sed à privilegii suppositore, & à supposititii privilegii defensoribus, qui cujusmodi errores fuerint Joviniani & Stoicorum ignorant, vel dissimulant, & eos in Gregorium, quod immane facinus est, transferunt: Hæreticum faciunt Pontificem, ut eum faciant regnorum & sæcularium dignitatum everforem, & Canonum qui Monachos Episcopis subjiciunt.

Deinde si animis æquis agamus, non interpretabimur verba Pontificis, quia non sunt verba Pontificis, sed impostoris, qui ait: *Et ut Catholica fidei depravator, vel sancta Dei Ecclesia destructor à consortio Christianitatis, & corpore ac sanguine Domini nostri Jesu Christi sequestretur.* Diximus verba hæc in nullis seu Gregorii, seu decessorum illius privilegiis, vel scriptis aliis, quæ certa & minimè dubia sint, occurrere. Nam religionis est instar instrumentorum fidem de temporibus asserere, ut Tertullianus docet in Apologetici capite xix.

Hinc cur post sequestretur, vir doctus ponit, &c. Non capio, nisi quia quæ sequuntur suspectam anathematis interpretationem nihil adjuvent, vel clementiæ civilitatisque multa & magna documenta sint, sed ab instituto abhorrentia. Quidquid in causâ, res est hujusmodi. Sequitur: *Et omnium maledictionum anathemate, quibus infideles & heretici ab initio mundi usque ad præsens damnati sunt, cum Juda traditore Domini in inferno inferiori damnetur.* Hoc est exquisitissimum maledictionum, dirarum & anathematum genus, quod Alteserra reticuit, quia forsan sibi visum est modum omnem excedere, nec ullis involucris

lucris tegi posse. Inventa sunt à Monachis sub nomine Gregorii Papæ terricula, quibus ad coercendos reges & magistratus adhibeatur vis major, & illi tanquam Gorgone conspecta sic obstupescant, & eò tandem deveniant, ut animos, vultus, oculos & manus à Monachis avertant. Sed Alteserram nec concoxisse istud, nec pervidisse mirum est.

Præterea Sammedardenses Monachi sunt, qui ut Gregorio, sic & Joanni III. privilegium subjecerunt, ut alterum alterius esset confirmatio. Atque illud vanum est artificium, in quo vir doctus petit principium, cum ex Joannis privilegio exemplum fumit.

Ad hæc frustra nos deducit ad Landerici Parisiensis Episcopi privilegium, in quo par clausula non exaratur. Heu prisca fides!

Denique cum vir doctus nobis aurem pervellit de privilegio, quod Gregorius in Libri XI. Epistola X. legitur Augustodunensi concessisse xenodochio, pervellere similiter debuit & de privilegio, quod in ejusdem libri epistola XI. ad Thessaliam Abbatissam Augustodunensis Beatæ Mariæ monasterii, & de privilegio, quod in ejusdem libri Epistola XII. ad Lupponem Presbyterum & Abbatem, Augustodunensi suburbanæ Beatæ Martini Ecclesiæ concessisse pari modo legitur. Hæc enim privilegia tria, si inscriptionem & quæ pertinent ad inscriptionem excipias, iisdem descripta sunt verbis, ubi talis est clausula postrema: *Siquis verò Regum, Sacerdotum, Judicum, personarumque secularium hanc constitutionis nostræ paginam cognoscens contra eam venire tentaverit, potestatis honorisque sui dignitate careat, reumque se divino judicio existere de perpetrata iniquitate sciat, & nisi ea quæ vel malè ablata sunt, restituerit, vel dignâ penitentia illicitè acta desolverit, à sacratissimo corpore ac sanguine Dei & Domini nostri Redemptoris Jesu Christi alienus fiat, atque in extremo examine districtæ ultioni subjaceat.* Hæc est clausula, quæ in unaquaque Epistola repetitur: Sed ne molesta videretur ejusdem repetitio, & index nescio cujus falsitatis appareret, in Romana & aliis editionibus integræ non repetuntur Epistola ad Thessaliam, & Epistola ad Lupponem; initia Epistolarum ponuntur cum &c. ut supra, scilicet in Epistola ad Senatorem Presbyterum & Abbatem. Sic igitur in Epistola ad Thessaliam: *Quando ad ea, ad quæ Catholicorum Regum corda Pontificalibus sunt monitis provocanda, ita ardenti desiderio, divina præveniente gratia, succenduntur, ut ab eis ultro poscantur: Tantò sunt alacri & læto animo concedenda, quantò & ea ipsa, quæ cupiunt, si nolent facere, peti debuerunt. Proinde juxta scripta filiorum nostrorum præcellentissimorum Regum Brunichildæ, ac nepotis ipsius Theodorici, monasterio Beatæ Mariæ, ubi ancillarum Dei congregatio est constituta in urbe Augustodunensi, &c. ut supra.* Sic etiam in Epistola ad Lupponem: *Quando ad ea, ad quæ Catholicorum Regum corda Pontificalibus sunt monitis provocanda, ita ardenti desiderio, divina præveniente gratia, succenduntur, ut ab eis ultro poscantur: Tantò sunt alacri & læto animo concedenda, quantò ea ipsa quæ cupiunt, si nolent facere, peti debuerunt. Proinde juxta scripta filiorum nostrorum præcellentissimorum Regum Brunichildæ ac nepotis ipsius Theodorici, Ecclesiæ Sancti Martini, quæ in suburbano civitatis Augustodunensis, &c. ut supra.* In his ergo tribus Epistolis qui Rex malè ablata, nimirum asses quindecim, non restituerit, duplici pœna punitur; sæculari, quæ juxta Baronium & Bellarminum regno, vel juxta Alteserram patroni seu fundatoris honore privatur: Item Ecclesiasticâ, quæ pellitur à cœtu fidelium. Sic enim Alteserra ad relatum clausulam notat: *Privilegio concesso monasterio & xenodochio Augustodunensi apponitur clausula penalis, ut siquis Regum, Sacerdotum, Judicum, vel privatorum, privilegium & immunitatem hujusce monasterii perfregerit, potestatis honorisque sui dig-*

nitate careat, id est, amittat omnem prerogativam & potestatem, quam habebat in monasterio patronus seu fundator Ecclesiæ vel monasterii: Violans ejus jura, amittit jus patronatus; Et excommunicatur. Hic vir doctus & prudens non advertit, eum qui Ecclesiæ vel monasterii patronus aut fundator non esset, & contra Pontificiæ constitutionis paginam veniret, lenius puniri, quàm Regem, qui Ecclesiæ vel monasterii patronus aut fundator esset, ac pari modo contra Pontificiæ constitutionis paginam veniret. Rex duplici pœna puniretur, jus patronatus amitteret, & excommunicaretur: Plebeius verò qui Ecclesiæ vel monasterii patronus vel fundator non esset, unicâ pœnâ puniretur, scilicet excommunicaretur duntaxat. Sic Regis & plebei pariter delinquentium, ut ponitur, diversa esset pœna; Regis durior, plebei levior. In has autem salebras impellendus non est Gregorius, sed qui Epistolas Gregorio subjecit, & qui clausulam sic interpretatur.

Suppositionis rationes sunt eadem, quibus Sammedardense privilegium Gregorio subjectum esse probavimus, si spectetur, ut spectari debet, Joviniani vel Stoicorum error, quem supra exposuimus. Accedit eadem trium Epistolarum contextio, quæ falsitatis nota est. Accedit & hujus clausulæ modus abnormis, qui nec in certis Gregorii aut illius decessorum privilegiis, seu scriptis invenitur usquam: Sua est ætati cuique scribendi ratio, quæ veterum monumenta vera à subditiis excernuntur. Id genus formulæ uno vel altero post Gregorium sæculo obtinere cœpit.

Porro autem de Sammedardensi & tribus Augustodunensis privilegiis ita contigisse mihi videtur. Augustodunensia privilegia hæc post Joannem Diaconum, qui ad annum DCCC. LXXV. claruit, & ante Gregorium VII. qui anno M. LXXIII. Romanus Pontifex creatus est, Gregorio supposita fuerunt. Post Joannem quidem Diaconum, qui in libris de vita Gregorii Papæ Augustodunensium privilegiorum mentionem nullam facit, facturus sine dubio si Gregorius illa concessisset, si Romanus aliquis Epistolarum Gregorii codex istas Epistolas repræsentasset. Hic enim auctor putasset Epistolas, in quibus qui Reges, Sacerdotes & Judices Gregorianæ constitutioni non obediunt, potestatis honorisque sui dignitate privantur, & ab Ecclesiastica communione remonentur, Gregorio & Sedis Apostolicæ rationibus conducere quamplurimum. In silentii hujus circumspectione, & accurata consideratione totus habito, & in ea, quæ inde ducitur, hæreo commororque sententia. Et ea de re vix dubitabit, qui concinnatam à Joanne ex fragmentis Epistolarum vitam Gregorii meditatè legerit.

Ante verò Gregorium VII. quòd is Augustodunensis xenodochii privilegium laudet. Id totum confirmat Petrus Damianus, dum ita scribit ad Alexandrum II. in libri I. Epistola XII. Præterea duo quedam apud Apostolicam Sedem frequens usus obtinuit, quæ si prudentia vestra judicat, ut nobis videretur, omnino digna sunt corrigi, quia cunctis fere decretalibus paginis anathema subjungitur: Alterum, quia cujuscumque Ecclesiæ filius, sive Clericus, sive laicus, exponere proprii excessus Antistitis prohibetur. Quorum primum, quàm sit salutis immane periculum & infinitè patens vorago labentium, ac perniciës animarum, clementia vestra pietas non ignorat. Dicitur enim: *Quisquis hæc vel illa non fecerit, sive certè quisquis hoc quod superius statutum est, irritum duxerit, vel in aliquo violaverit, anathema sit.* Et post alia: *Non enim secundum Stoicos omnia peccata sunt paria, atque idcirco indifferenti sunt ultione plectenda. Sed juxta modum culpa temperanda semper est mensura vindictæ.* Porro nec beatus Papa Gregorius, vel ceteri Patres, qui diversis temporibus in Apostolica Sedis regimine floruerunt, hunc morem



in suis reperiri observasse decretis. Sic Epistolarum Gregorii codices non continebant tunc temporis Sammedardenſe vel Auguſtodunenſia privilegia, in quibus anathema, de quo Damianus apud Alexandrum II. querimoniam habet, ſubneſcitur. Damianus, mihi crede, non aliis Epistolarum utebatur codicibus, quàm qui Romæ aſſervabantur.

Deinde Auguſtodunenſia privilegia Sammedardenſi vetuſtiora ſunt, quia Gregorius VII. ex Auguſtodunenſibus privilegiis unum citat, licet citando deceptus ſit, Sammedardenſe non citat. Sed vetuſtas iſta non eſt alia præterquàm falſitatis, quæ à veritate revincitur. Tunc confecti ſunt Epistolarum Gregorii codices, qui Auguſtodunenſia privilegia repræſentant. Extat in Bibliotheca Thuana manuſcriptus codex hujusmodi ſat antiquus: Sua tamen antiquitate Damiani & Alexandri II. tempus minimè ſuperat. Hinc Auguſtodunenſes non modò curarunt, ut privilegia ſua inderentur Epistolarum codici, ſed etiam ut in libro XI. poſt miſſas à Gregorio ad Brunichildam Reginam, & ad Theodoricum Regem Francorum Epistolæ collocarentur, earumque numerum augerent. Xenodochii privilegium Senatori Presbytero & Abbati, monaſterii Beatæ Mariæ privilegium Theſſaliæ Abbatiffæ, & monaſterii Sancti Martini privilegium Lupponi Presbytero & Abbati inſcribitur ad formam Epistolarum x, xi. & xii. Sed cum in iis Senatorem & Lupponem Presbyteros & Abbates fecerunt, id paulò fecerunt imprudentius. Fraudem detegunt ſuam, quia Gregorius nolebat permittere, ut idem eſſet Abbas & Presbyter. Sic enim ſcribit in libri III. Epistola xi. *Incongruum eſt, unam eandemque Eccleſiæ ſubſtantiam duplici quodammodo jure cenſere, id eſt, uſurpationis, & Canonum. Presbyteros, Diaconos, ceterosque cuiuſlibet ordinis Clericos, qui in Eccleſiis quoquo modo militant, Abbates per Monaſteria eſſe non permittas: Sed aut admiſſâ Clericatus militiâ monaſticis non provehantur ordinibus, aut ſi in Abbatis loco permanere decreverunt, Clericatus nullatenus permittantur habere militiam. Satis enim incongruum eſt, ſi cum unum ex his pro ſui magnitudine diligenter qui non poſſit explere, ad utrumque judicetur idoneus, ſicque invicem & Eccleſiaſticus ordo vitæ Monachicæ, & Eccleſiaſticis utilitatibus regula Monachatus impediatur.* Hoc in loco agitur, quid Gregorius obſervari voluerit, non quid ante Gregorium Auguſtinus, vel quidam alii Patres aliis in locis obſervari voluerint, non quid poſt Gregorium obſervatum in Eccleſia fuerit. Qui Gregorio Auguſtodunenſia ſuppoſuit privilegia, hæc accommodavit ad uſum ſui temporis, in quo idem Abbatis & Presbyteri officioungebatur.

Præterea ex quo poſt Joannis Diaconi tempus manuſcriptis Epistolarum Gregorii codicibus inferri cœperunt Epistolæ ad Senatorem Presbyterum & Abbatem, Epistola ad Theſſaliam ſive Thalaffiam Abbatiffam, Epistola ad Lupponem Presbyterum & Abbatem, ut Romana præ ſe fert editio, tanta in his tribus Epistolis varietas identidem deprehendi potuit, ut ea vel ſuppoſitioni vel interpolationi patefaciendæ ſufficeret.

In monaſterii Sancti Martini Tornacenſis codice, qui nunc extat in Bibliotheca Telleriana, reperiuntur quidem Epistola ad Senatorem, & Epistola ad Theſſaliam, editis prorfus ſimiles; ſed delideratur Epistola ad Lupponem.

In monaſterii Cluniacenſis codice non habetur Epistola ad Lupponem, ſed habetur Epistola ad Senatorem. Deinde in ea Eccleſiæ Sancti Martini, non xenodochii & monaſterii ſit mentio. Adſcribo verba: *Proinde juxta ſcripta filiorum noſtrorum præcellentiffimorum Regum Brunigilda ac nepotis ipſius Theodorici, Eccleſiæ Sancti Martini, quod in ſuburbano civitatis Auguſtodunenſis à Siagrijo reverenda memoria Epifcopo, & excellentiffima filia noſtra Regina conſtructum eſt.*

At in edita Epistola xenodochii vel monaſterii ſit tantum mentio: *Proinde juxta ſcripta filiorum noſtrorum præcellentiffimorum Regum Brunichilda ac nepotis ipſius Theodorici, xenodochio, quod in civitate Auguſtodunenſi à Siagrijo reverenda memoria Epifcopo, & prædicta excellentiffima Regina filia noſtra conſtructum eſt.* In MS. codice ſolœciſmus eſt, *Eccleſiæ Sancti Martini, quod conſtructum eſt.*

In MS. codice legitur: *In ſuburbano civitatis Auguſtodunenſis.* In edita autem Epistola legitur: *In civitate Auguſtonenſi.*

Infra in MS. codice: *Item conſtituimus, obeunte Presbytero prædictæ Eccleſiæ, non alius ibi quâcunque obreptionis aſtutiâ ordinetur, niſi quem Rex ejuſdem provincie cum conſenſu Clericorum ſecundum Dei timorem elegerit, ac providerit ordinandum.* In edita Epistola: *Item conſtituimus ut obeunte Abbate atque Presbytero ſupraſcripti xenodochii atque monaſterii, non alius ibi quâcunque obreptionis aſtutiâ ordinetur, niſi quem Rex ejuſdem provincie cum conſenſu Monachorum ſecundum timorem Dei elegerit, ac providerit ordinandum.* In MS. codice dicitur: *Obeunte Presbytero ejuſdem Eccleſiæ.* In edita Epistola: *Obeunte Abbate atque Presbytero xenodochii atque monaſterii.* In MS. codice dicitur: *Cum conſenſu Clericorum.* In edita Epistola: *Cum conſenſu Monachorum.*

Infra in MS. codice legitur: *Secundum ordinationem ejuſdem Presbyteri.* In edita Epistola: *De ordinatione ejuſdem Abbatis.*

Poſtremo quæ ſequuntur in edita Epistola: *Simili quoque definitione juxta deſiderium conditorum decernimus, ut nullus eorum, qui eidem xenodochio atque monaſterio Abbas aut Presbyter in poſterum fuerit ordinatus, ad Epifcopatus officium quâcunque obreptione ſit auſus accedere, ne res xenodochii vel monaſterii iniqua erogatione conſumens, graviffimam egeſtatis neceſſitatem pauperibus ac peregrinis, vel ceteris exinde viventibus generet. Epifcopum verò tollendi de eodem loco ad Eccleſiaſticum Ordinem promovendum, vel pro aliqua quâcunque cauſa, ſine conſenſu Abbatis atque Presbyteri, haberi licentiam prohibemus, ne hujus rei uſque ad hos uſurpatione perducatur, ut loca quæ acquisitione hominum conſtruenda ſunt, ablatione deſtruantur; in Cluniacenſi codice M.S. neutiquam comparent.*

Epistola tertia in Rothomagenſi editione anni M. D. XXI. in Pariſienſi anni M. D. XXIII. in Baſilenſi anni M. D. LI. inſcribitur Lupponi Epifcopo & Abbati. Quæ inſcriptio in quibuſdam certè codicibus MMS. reperiri debuit, cum librorum editiones primæ ex aliquo codice MS. proficiſcantur. At in Romana & aliis editionibus proximis Epistola Lupponi Abbati atque Presbytero inſcribitur. Dico aliquid ampliùs & ad demenſum. Fuit quidam Monachus, nomine Andreas, qui Gregorii viventis ſcripta quâdam corruerit, & nonnullos illi ſermones ſuppoſuerit: Quæ de re Pontifex ſic conqueritur in libri IX. Epistola LXIX. ad Euſebium Theſſalonicensẽ Epifcopum. *Lator, inquit, præſentium Theodorus Eccleſiæ veſtra lætor ad ſanctorum Apoſtolorum limina veniens, dum omnes, homo quippe novus, haberet incognitos, Andrea Monacho, qui ad Sanctum Paulum incluſus fuerat, res & chartas, quas detulit, ut reverà olim novo, innocenter depoſuit, credens quidem quod mens ipſius, ſicut & nos ante habueramus, cum habitu concordaret: Sed tanta ille pravitate inventus eſt, ut ſi ejus ſultitia ſub incluſionis ſuæ ſpecie paulò adhuc ampliùs licuiſſet, multorum animas malitiæ ſuæ falſitate deciperet, & quocumque potuiſſet, non levia ſcandala generaret. Nam inter alia, quæ idem Andreas peſſimè cogitavit & fecit, eam quoque, quam ad nos miſiſtis, dum apud ipſum à præſato latore eſſet depoſita, ita falſavit Epistolam, ut quicunque eam legeret, vos nec catholice, nec rectè ſapere evidenter argueret. Ex qua re contigit,*

contigit, ut dum veritatem studiosè quæreremus, ejus, qua latebat, iniquitas vulgaretur; & tanta in eo re-  
perta sunt, quanta nec de scelerato quocunque laico cre-  
derentur. Et quia inter diversa mala aliquos etiam  
sermone scripsit, atque eos ex nostro nomine titulavit,  
& suspecti sumus ne eos alicubi transmiserit: Frater-  
nitatis vestra sollicitudinem gerat, & siquid tale repe-  
rerit, eos & exscindi & omnino faciat aboleri; ut  
quod imperitus literarum & scriptura divina nescius,  
nostro, sicut diximus, nomine prænoverit, quorundam  
animos non possit inficere. Ut igitur Andreas ille Mo-  
nachus Gregorii viventis scripta quædam falsavit, &  
nonnullos illi sermones supposuit: Sic & alius Mo-  
nachus aut Clericus tres istas Epistolas, seu tria hæc  
Augustodunensia privilegia Gregorio viventi vel vita  
functo potuit supponere vel falsare, & Epistolarum  
codici ante Joannis Diaconi tempus inferre, & tam  
potuit hoc facere, quam potuerunt alii post Jo-  
annis Diaconi tempus corrumpere tres Gregorii E-  
pistolas, quarum una est in libro IV. quadragesima  
prima ad Luminosum Abbatem: Altera in eodem  
libro quadragesima tertia ad Castorium Ariminen-  
sem Episcopum: Tertia in libro VII. ind. I. de-  
cima octava ad Marinianum Ravennatem Epif-  
copum.

Corruptionem Epistolarum facilè deprehendes, si  
tres istas Epistolas Romanæ editionis contendas cum  
illarum fragmentis, quæ Ivo Carnotensis in decreti  
sui part. VII. cap. XII. & XIII. Gratianus in cau-  
sæ XVII. quæst. II. cap. II. III. & VI. & Petrus  
Cluniacensis Abbas in libri I. Epistola XXXVIII.  
ad Bernardum Claravallensem Abbatem referunt.  
Nos aliàs hæc omnia inter se contendimus in art.  
II. & III. defensionis Sedis Apostolicæ adversus pri-  
vilegia subreptitia, quæ secunda pars est Assert. In-  
quisitionis in monasterii sancti Medardi Sueffionensis  
privilegium.

His ita constitutis luculenter apparet, manu exa-  
ratum ante Joannem Diaconum Epistolarum Grego-  
rii codicem, si quis ubique existeret, vindicandis Gre-  
gorio tribus Epistolis, seu Augustodunensibus privile-  
giis vix sufficere; atque hoc in iis quæ ad Grego-  
rium spectant, repetendum, insigendum & inculcan-  
dum est. Et quamvis non credam vetustiores esse  
Joanne Diacono Epistolarum Gregorii codices, qui  
Augustodunensia privilegia contineant; nihilominus  
tamen præmunitione hac utendum mihi esse censui,  
ut probem Epistolis & operibus Gregorii, sicut oportet,  
recognoscendis manuscriptorum codicum antiqui-  
tatem vix sufficere; tum etiam ut ad falsitatem adi-  
tum omnem intercludam. Non dubito quin Monachi  
fuerint Andree Monacho similes, qui Sammedardense  
& Augustodunensia privilegia vel supposuerint vel fal-  
saverint.

Quamobrem unicus & optimus præscribendi contra  
tres Epistolas, seu tria privilegia Augustodunensia,  
vel ut falsa, vel ut interpolata, modus quærendus est  
ex iis, quæ jam adversus Sammedardense privilegium  
disputavimus. Necessariò enim dicendum esset, Gre-  
gorium cum Joviniano & Stoicis censere peccata esse  
paria, vel peccatum non gravissimum gravissimis  
pœnis dignissimum judicari, sæcularis dignitatis pri-  
vatione & Ecclesiasticâ excommunicatione. Nam in  
relata trium Epistolarum seu Augustodunensium pri-  
vilegiorum clausula, si quis Regum aliquid malè ab-  
latum, asses putà quindecim, xenodochio, vel Beatæ  
Mariæ monasterio, vel Beati Martini Ecclesiæ resti-  
tuere noluerit, continuò statuitur, ut potestatis hono-  
risque sui dignitate careat, & à sacratissimo corpore ac  
sanguine Dei ac Domini nostri Redemptoris Jesu Chri-  
sti alienus fiat. Quibus positis sequitur, modestissi-  
mum & exaggeratæ sapientiæ Pontificem in Joviniani  
& Stoicorum errorem, vel in alium oppositum semel,  
iterum & tertio cecidisse: Semel in Epistola ad Se-

natozem, iterum in Epistola ad Thessaliam, tertio in  
Epistola ad Lupponem. Hoc autem mortalium quis  
sciens & prudens reciperet, & vellet Gregorium tam  
injuriousè tractare? Deinde tanta est in Gregorii do-  
ctrina, quæ ad summam erga sæculi Principes obser-  
vantiam, ad perfectam Episcopalis jurisdictionis, &  
sacrorum Canonum custodiam, & universalium Conci-  
liorum, & maxime Calchedonensis reverentiam atti-  
net, cognatio, stabilitas & constantia, ut id non possit  
non esse Gregorio subiectum, in quo Regum pessum-  
datur auctoritas, Episcoporum minuitur jurisdictio, sa-  
cri Canones, & cum primis Calchedonensis Synodi;  
spernuntur & conculcantur, quemadmodum antea in  
Sammedardensis privilegii examine notatum est. Hinc  
efficitur, ut cum Gregorius VII. epistolam ad Sena-  
torem laudavit, in qua Regibus dicitur anathema,  
vel pro levi causa excommunicantur, & regno pri-  
vantur, Epistola hæc vel tunc novè conficta extra E-  
pistolarum codicem vagaretur, vel Epistolarum codici  
nuper accesserit. Nam quo tempore Damianus ad Alex-  
andrum II. scripsit, nullum in Epistolis aut scriptis  
Gregorii anathema legebatur; tantum abest, ut in iis  
Reges potestatis honorisque sui dignitate privarentur.  
Excusandus est Gregorius VII. quem falsarii nescio  
qui deceperant, objicientes illam Epistolam, quæ for-  
tasse πρὸς Λουπόνιον, & ut causæ serviret contra Hen-  
ricum IV. imp. Gregorio primo nuper adscripta  
fuerat.

Hic ut cumulus accedit repulsa, quam Constantina  
Imperatrix à Gregorio tulit postulans beati Pauli  
caput, aut membrum aliud, quod in ejusdem Apostoli  
Basilica Constantinopoli apud palatium edificata col-  
locaret. Sic enim in libri III. epist. xxx. ad illam  
scribit: *Serenitas vestra pietatis, religionis studio &*  
*sanctitatis amore conspicua, propter eam quæ in honorem*  
*S. Pauli in palatio edificata est, Ecclesiam, caput e-*  
*jusdem S. Pauli aut aliud quod de corpore ipsius suis*  
*ad se jussionibus à me præcepit debere transmittere: Et*  
*dum illa mihi desiderarem imperari, de quibus facili-*  
*nam obedientiam exhibens, vestram erga me amplius*  
*potuissim gratiam provocare, major me maestitia te-*  
*nuit, quod illa præcipitis, quæ facere nec possum, nec*  
*audeo.* Nimirum quia Romanæ Ecclesiæ mos ob-  
tinuerat, ne sanctorum reliquiæ ex suis locis ex-  
traherentur. Hæc autem Gregorius scribit ad Im-  
peratricem, cui debebat & jure reipublicæ & pri-  
vato parere, ut ipse alio in loco dicit. Nonne idem  
scripsisset ad Brunichildam & Theodoricum, quibus  
jure nullo simili parere debuit, si ab eo petissent  
contraria sacris Canonibus privilegia? Gregorius Ro-  
manâ munitus constantiâ dixisset: *Illâ petitis, quæ*  
*facere non possum, nec audeo.* Calchedonensis Syno-  
dus, quam ut librum Evangelii veneror, Monachos  
& Clericos secundum traditiones sanctorum Patrum  
Episcopis submisit: Hos transgredi limites nec pos-  
sum, nec audeo. Id de Canonibus spiritu Dei con-  
ditis, & totius mundi reverentia consecratis dixisset,  
opinor, verisimilius, quam quod relata Romanæ  
Ecclesiæ circa reliquias consuetudine Imperatrici dixit.  
Exinde in libri XI. Epistola VIII. ad Brunichildam  
ita scribit: *Similiter verò de quodam bigamo*  
*requisiti, an ad sacrum Ordinem potuisset accedere, juxta*  
*canonicam regulam omnino vetuimus.* Absit enim ne  
vestris temporibus, in quibus tam multa pia ac religio-  
sa agitis, aliquid contra Ecclesiasticum institutum fieri  
permittatur. An postea quidquid in ejusdem libri E-  
pistola X. ad Senatorem, in Epistola XI. ad Thessa-  
liam, in Epistola XII. ad Lupponem fieri permit-  
tatur, fieri permitteretur à Gregorio, quinetiam ut  
contra Ecclesiasticum institutum fiat, decerneretur?  
Minimè gentium. Is non est Gregorius, qui in tam  
conjunctis Epistolis secum pugnet. Sic ergo in re-  
cognoscendis Gregorii operibus non sufficeret manu-  
scriptorum codicum antiquitas, quæ forte in ple-  
risque



risque aliis Patribus sufficeret. Sed jungenda est maxime cognatio, stabilitas & constantia in doctrina, quam Gregorius circa Principum observantiam, circa Episcopalis jurisdictionis & sacrorum Canonum custodiam semper retinuit.

Postremo dixi superius: Sexcentis abhinc annis Sammedardenſe Gregorio ſubjectum eſt privilegium. Non dixi: Sexcenti ſunt anni, quod Sammedardenſe Gregorio ſubjectum eſt privilegium. Nam Sammedardenſes Monachi videntur privilegium ſuum poſt annum m. cci. fabricaſſe. Id colligo ex provincie Remenſis Concilio, quod eodem anno celebratum eſt Compendii. Verba ſunt: *Item nonnulli Abbates hujus provincie juraverunt, ſeu ordinaverunt, ſeu conſpirationem fecerunt, ut praefertur, ut ſi contingat aliquem Episcopum contra Abbatem ſibi ſubditum velle procedere pro ſuis exceſſibus, vel ad puniendum eum, quod ad deſenſionem ejus contribuent, & ad ſumptus* 44 *communes ipſum deſendent; quod non eſt dubium fore in praedictum ſui Episcopum, & contra ſua poſſeſſionis (profeſſionis) juramentum, per quod ſuo Episcopum eſt aſtrictus, necnon contra ſua Eccleſia libertatem. Monemus ergo tales quod hoc revocent infra menſem, alioquin excommunicationi ſubiacbunt ipſo facto.* Tunc Sammedardenſis Abbas & Monachi, ut ſe ab Episcopum ſuo & a provinciali Concilio deſenderent, conſuſerunt privilegium, quod vir doctus tuetur, nec advertit ſe, dum relatam privilegii clauſulam interpretatur, Gallie Regibus graviffimam plagam imponere, & regiam dignitatem ita ſubjicere auctoritati Pontificie, ut ſi Reges Monachos inquietent, aut negligenter ducant privilegium, eos patronorum ſeu fundatorum monaſterii honore privatum iri. Quod quam alienum ſit a Gregorii mente & Theologica ratione, jam oſtendimus. Alteſſera, qui ſe totum & animo & corpore in Monaſticarum exemptionum deſenſionem contulit, ut illud retineret privilegium, poſtremam ejus clauſulam, ex qua Bellarminus, Baronius, & alii deponendorum Regum jus Romano Pontifici aſſerunt, interpretatione nova donavit, atque ita Bellarmini, Baronii & aliorum interpretationem temperare voluit. Sed id genus temperamenti cavillus eſt atque illuſio. Verum eſt vulnus Regie majestati infixum, mollius quidem, infixum tamen. Et hæc res eſt, cui nunquam a nobis adſcribetur bonum factum.

Cæterum Alteſſera cum eſt duobus noſtris argumentis quæ ſibi objecerat, priori reſpondet, ad confirmandam reſponſionem ſuam tam multa congerit, ut nec reſponſionem, nec reſponſionis confirmationem potuerim brevius expedire ac reſellere. Nunc ſuperest, ut quid poſteriori argumento reſpondet, conſideremus. Reſpondet itaque primum, Eulogium Alexandrinum & Dominicum Carthaginenſem Episcopos Sammedardenſi ſubſcripiſſe privilegio, quia privilegium forte miſſum ad utrumque fuerat. Hic, ut apparet, quid reſpondeat ſortitur. Pari modo dici poceſt, falſam eſſe Eulogii & Dominici ſubſcriptionem, quia privilegium forte miſſum ad utrumque non fuerat. Deinde reſpondet, deſideraſſe Pontificem Gregorium, ut privilegium Eulogi & Dominici ſubſcriptionibus muniretur. Reſponſionem hanc difficultas rei, non veritas extorquet. Id enim non probatur, ſed duntaxat præjudicatur. Tum reſpondet Gregorium Eulogii & Dominici ſubſcriptionem deſideraſſe, ut eorum honori & gratia indulgeret propter arctiorem amicitiam, quæ intercedebat inter eos, ut ſatis conſtat ex variis Gregorii ad illos Epistolis. Cur ergo Anaſtaſii Antiocheni Præſulis honori & gratiæ non indulſit propter arctiorem amicitiam, quæ intercedebat inter eos, ut conſtat ex variis Gregorii ad Anaſtaſium Epistolis? Et hic aqua ſine dubio hærebit. Gregorius ſcripſit ad Anaſtaſium & Eulogium ſimul in libri I. epistola xxiv. in libri IV. epistola xxxvii. &

in libri VI. epistola xxxi. Scripſit ad Anaſtaſium ſeorſum ab Eulogio in libri I. epistola vii. in ejuſdem libri epistola xxv. in libri IV. epistola xxxvii. in libri VI. epistola xxiv. in libri VII. indiſt. I. epistola III. Et tamen Anaſtaſius non ſubſcripſit 46 privilegio. Verumenimvero ſubſcripiſſetne Eulogius privilegio, ubi ſacri violantur Canones, poſtquam Gregorius ad eum ſcripſit in libri I. epistola xxiv. *Dum Concilia univerſali ſunt conſenſu conſtituta, (ut Canon. IV. & VIII. Calchedonenſis Concilii) ſe & non illa deſtruit, quiſquis præſumit, aut ſolvere quos ligant, aut religare quos ſolvunt.* In libri VII. indiſt. I. epistola xxx. *Ego enim non quero verbis proſperari, ſed moribus. Nec honorem eſſe deputo, in quo fratres meos honorem ſuum perdere cognosco. Meus namque honor eſt univerſalis Eccleſia, meus honor eſt fratrum meorum ſolidus vigor. Tunc ego verè honoratus ſum, cum ſingulis quibuſque honor debitus non negatur.* At per privilegium debitus honor negatur Sueſſionenſi Episcopum Gregorii Papæ fratri, cui per ſacros Canones Monachi ſummittuntur. Iterum ſubſcripiſſetne Dominicus privilegio, ubi ſacri violantur Canones, poſtquam Gregorius ad eum ſcripſit in libri II. indiſt. x. epistola xxxix. *De Eccleſiaſticis verò privilegiis, quod veſtra fraternitas ſcribit, hoc poſtpoſita dubitatione teneat, quia ſicut noſtra deſendimus, ita ſingulis quibuſque Eccleſiis ſua jura ſervamus.* At Sueſſionenſi ſua jura non ſervantur Eccleſiæ, dum illius Eccleſiæ Episcopum ſancita per Concilii Univerſalis quarti Canones obedientia ſubtrahitur. Pergit Gregorius: *Nec cuilibet favente gratia ultra quam meretur impetior, nec ulli hoc, quod ſui juris eſt, ambitu ſtimulante derogo; ſed fratres meos per omnia honorare cupio, ſicque ſtudeo honore ſingulos ſubvehi, dummodo non ſit, quod alteri jure 47 ab altero poſſit opponi.* At Sueſſionis Eccleſiæ juri derogaret, ſi ab illius jurisdictione Sammedardenſes Monachos eximeret; non honoraret fratres ſuos per omnia, ſi auctoritatem Sueſſionenſis Episcopum minueret, & ſi faceret, quod alteri jure ab altero poſſet opponi.

Ad reliqua quod pertinet, omnino miror, cur vir doctus Sammedardenſe & Auguſtodunenſia privilegia cum Arelatenſi conferat, quia conferendi nulla eſt ratio, ut Arelatenſis privilegii docebit nos lectio: *Cum pie deſiderium voluntatis, & laudande devotionis intentio ſacerdotalibus ſit ſemper ſtudiis adjuvanda, cura eſt ſollicitudinis adhibenda, ut ea, quæ pro quiete Monachorum religioſaque converſationis fuerint ordinata, nec diſſimulatio negligere, nec quædam valeat præſumptio perturbare.* Sed ſicut hoc quod ratio exigebat utilitatis, oportuit deſiniri, ita quod deſinitum eſt, niſi forte ubi major eſt auctoritas, non debet violari. Igitur glorioſa memoria Childbertus Francorum Rex Catholica religionis amore ſuccenſus, intra muros Arelatenſis civitatis monaſterium virorum, ut ſcripto reperimus, pro ſua mercede conſtituens, quædam ibidem pro habitantium ſuſtentione conceſſit. Cujus ne voluntas unquam duceretur in irritum, & ea quæ pro quiete Monachorum diſpoſita fuerant, turbarentur, quæque contulit, in jure ejuſdem monaſterii Epistolis ſuis Apoſtolica petiit auctoritate firmari: Hoc quoque ſua petitioni ſubjungens, ut eidem monaſterio, tam in diſpoſitione rerum, quam in ordinatione Abbatis quædam pariter privilegia largirentur. Sciens quippe eam 48 Apoſtolica Sedi reverentiam a fidelibus exhiberi, ut quæ ejus fuiſſent decreto diſpoſita, nullius deinceps illicita uſurpationis moleſtia quaterentur. Unde quia effectum & regia voluntas & res valde deſiderata poſcebat, a prædeceſſore noſtro Vigilio Romana Sedis Antifite ad prædeceſſorem veſtrum Aurelium ſcripta tranſmiſſa ſunt, ubi omnia quæ amplectenda voluntatis ſtudio deſcribebat, Apoſtolica auctoritatis libenter amiſſu firmata ſunt: *Quia difficultatem pari non poſuit huiſmodi*

modi res petita. Sed ut fraternitas vestra qua fuerint tempore illo decreta cognoscat, antedicti praedecessoris nostri scripta his praevidimus scriptis adjungi. Quibus lectione percursis hortamur, ut omnia sacerdotali, ut decet, studio inviolata conserves, nihilque illis de indebitis, nihil permittas de illicitis irrogari, nec ea quadam patiaris usurpatione convelli. Nam licet ea, quae semel Apostolica Sedis auctoritate sancita sunt, nihil egeant firmitatis, ex abundantia tamen nostra cuncta, qua pro hujus rei quiete à praedecessore nostro statuta sunt, nostra iterum auctoritate in omnibus roboramus. Fraternitas ergo vestra ita se in custodiendis exhibeat, quatenus & omnem occasionem inquietudinis excludat, & aliis hac operari suadeat, dum se in custodienda eis defuncti piissima voluntate sollicitam, ut decet, exhibuerit & devotam. Haecenus in libri VII. epistola CXVII. ad Virgilium Arelatensem Episcopum. Optassem equidem necesse non fuisse ut illam totam referrem: Sed uti referrem vir doctus Alteserra me coegit. Contendit ille Sammedardense privilegium cum Arelatenfi, quocum contendere non potest, nisi ut contentione facta pateat meridiana luce clariùs, Alteserram Arelatense privilegium legendo percurrisse nusquam. Nam si percurrisset, non potuisset non observare, in eo mentionem nullam fieri anathematis, quo Rex, Episcopus, Judex, aut quaecunque persona secularis percelleretur, si Monachos inquietaret, vel privilegium negligenter duceret: In eo mentionem nullam fieri dignitatis & honoris, quo Rex privaretur, si Monachos inquietaret, aut privilegium negligenter duceret: In eo mentionem nullam fieri olei & chrismatis, quod Abbas vel Monachi à quocunque vellent Pontifice requirerent: In eo mentionem nullam fieri Abbatis, qui consecraretur: In eo mentionem nullam fieri judicialis formae, quae reus Abbas abdicaretur: In eo mentionem nullam fieri Regum & Episcoporum qui subscriperint. In summa non potuisset non observare, Sammedardense & Augustodunensia privilegia per Arelatense infirmari potius, quam confirmari. In Arelatenfi privilegio Monachorum quieti providetur; sed non providetur everisione sacrarum Legum, aut derogatione sanctorum Canonum, quorum auctoritate jurisdictioni Episcoporum subjacent. Si vir doctus putat Monachorum quieti, de qua sola privilegium agit, non aliter quam everisione sacrarum Legum & derogatione sanctorum Canonum consuli posse, fallitur, & contumeliosus est in Calchedonensem Synodum, quae Monachos in Episcoporum potestate constituit. Injuriosus est in multas Galliae Synodos, quae Calchedonenfis Synodi vestigia relegentes Monachos jurisdictioni Episcoporum subjecerunt. Injuriosus est in decreta Sedis Apostolicae, quae hac in parte de Ecclesiasticis ordinibus & Canonum promulgata sunt disciplinis, ut beatus Leo loquitur.

Sed quid Alteserra sibi vult, dum ait: Et certe monasterium istud fuit dignissimum gratia Pontificis; fuit enim regia foundationis, nimirum fundatum à Clothario & Sigeberto ejus filio? Quid inde? Fuit regiae foundationis Arelatense monasterium; Childebertus illud fundavit: Fuit etiam dignum gratia Pontificis; sed ea, quae in relata Gregorii ad Virgilium Epistola splendet. Pontifex eam impertiebat gratiam, quae salva sanctorum Canonum reverentia impertiri potest. Privilegii commata pene singula exponunt, qua in re desiderata ab Rege Monachorum quies consistat. Cura, inquit, est sollicitudinis adhibenda, ut ea pro quiete Monachorum religiosaeque conversationis fuerint ordinata, nec dissimulatio negligere, nec quadam valeat praesumptio perturbare. Item: Childebertus quadam ibi pro habitantium sustentatione concessit. Item: Cujus ne voluntas unquam duceretur in irritum, & ea quae pro quiete Monachorum disposita fuerant, turbarentur, quaeque contulit, in jure monasterii Epistolis suis Apostolicam

petiit auctoritate firmari. Item: Ut eidem monasterio tam in dispositione rerum, quam in ordinatione Abbatis quadam pariter privilegia largirentur. Item: Nec ea patiaris quadam usurpatione convelli. Haec autem quod spectant omnia, nisi ut bona, quae Rex pro Monachorum sustentatione, & eam ob causam quiete, monasterio contulerat, & in ejusdem monasterii jure constituerat, intacta atque illaesa persisterent? Childebertus ut voti compos fieret, à Gregorio petit, ut quidquid id est, Apostolicam auctoritate firmetur. Sed abijt, ut Childebertus petat, ut Abbas & Monachi liberentur ab observatione Canonum, qui spiritu Dei conditi, totius mundi reverentia consecrati fuere. Sed et si petisset Childebertus quod non petiit, id nunquam concessisset Gregorius, qui tribus in locis, in libri II. indict. x. Epistola XIV. ad Natalem Salonitanum Episcopum, in ejusdem libri & indictionis Epistola XV. ad universos Dalmatiae Episcopos, & in ejusdem libri & indict. epistola XVI. ad Antonium Subdiaconum, ita protestatur: Nos nullum pro personali amore defendimus, sed auctore Deo normam justitiae, postposita cujuslibet acceptione persona, custodimus. Ita, inquam, protestatur, qui nullum in gratiam Principum daret privilegium, quo sacris universalium Conciliorum Canonibus derogaretur. Id primò constat ex libri III. epistola XXX. ad Constantinam Augustam: Serenitas vestra pietatis, religionis studio & sanctitatis amore conspicua, propter eam, quae in honorem Sancti Pauli Apostoli in palatio edificatur, Ecclesiam, caput ejusdem Pauli, aut aliud quid de corpore ipsius suis jussionibus à me praecipit debere transmitti. Et dum illa mihi desiderarem imperari, de quibus facillimam obedientiam exhibens, vestram erga me amplius potuissim gratiam provocare; Major me maestitia tenuit, quod illa praecipitis, quae facere non possum, nec audeo. Quod de Romanae Ecclesiae consuetudine scribit, id potiori jure scripsisset de Canonibus, qui ab universali Ecclesia conditi sunt. Id deinde constat ex libri VII. indict. I. epistola XVI. ad Columbum Numidiae Episcopum: Nulla ergo vos res ab aequitatis studio, nulla suspendat potentia personarum, sed innitens praeceptis Dominicis, omnia, quae sunt rectitudini adversa, contemne. Id demum constat ex Libri XI. Epistola VII. ad Brunichildam: Absit ne vestris temporibus, in quibus tam multa pia ac religiosa agitis, aliquid contra Ecclesiasticum institutum fieri permittatur. Sic praecipue apud Reginam satagit, ut contra Ecclesiasticum institutum, id est, sacros Canones, nihil fieri permittat. Ergone sacris derogasset Canonibus, ut Clothario & Sigeberto vitam sanctis Regibus gratificaretur? Minime verò, nisi omnem exuisset verecundiam. De tanto autem Pontifice quis hoc in animum induceret sumum? Is fortè qui sanctum Pontificem Proteo mutabiliorem faciet, hinc vigilantissimum, inde negligentissimum sacrorum Canonum custodem, quia derogatorem.

Alteserra colophonem hunc addit: Ansericus Suesionensis Episcopus, quo postulante privilegium concessum est, fuit bene meritus de Ecclesia. Quid tum? Ergone debet de Ecclesia male mereri Gregorius? Omnino male mereretur de Ecclesia, si propter Ansericum sacris Canonibus derogaret, si Sammedardenses Monachos ab Episcopali jurisdictione liberaret, & in Joviniani & Stoicorum haesim incurreret per postremam privilegii clausulam, quam non Gregorius, sed postremi homines condiderunt. Sed cur tandem Ansericum virum de Ecclesia bene meritum dicit? Fortasse, quia Ansericus in privilegio appellatur vir Apostolicus: Quo nomine beatus Gregorius nullum unquam qui viveret, Episcopum insignivit. Hoc non observavit vir doctus, ne defenso à se privilegio incommode videretur. Et eam ob causam oblitus est observare locum, ubi omnes Galliarum Episcopi in obtinendum à Gregorio privilegium consenserunt. Nempe illoque



illorum intererat maxime, ut relati supra Calchedonenſis Concilii Canones duo, qui ad totius Eccleſiæ regimen ſpiritu Dei inſtruite conditi ſunt, penitus abolerentur. Hic in extremo Alteſerræ impetu finienda eſt noſtræ epistolariſ velitatio, nec finiri poteſt melius, quàm ea Gregorii auctoritate, quâ Caſtelli-enſis monaſterii privilegio & illius ſecuritati provi-dit. Sic autem ſe res habet in libri VII. indiſt. I. epistola XXXIII. ad Joannem Schillitanum Epiſco-pum: Grave nimis eſt, & contra ſacerdotale conſtat eſſe propoſitum, velle cujuſquam monaſterii privilegia o-lim indulta conſundere, & ad irritum, quæ ſunt pro quiete diſpoſita, niti deducere. Queſti itaque nobis ſunt Monachi Caſtelli-enſis monaſterii quod in fraternitatis veſtræ civitate eſt conſtitutum, quia eidem monaſterio que-dam contra ea, quæ à prædeceſſoribus veſtris permiſſa, ac conſuetudine longa ſervata ſunt, feſtinetis ſuperindu-cere, & antiquam ordinationem quadam præjudicii no-vitate turbare. Proinde his fraternitatem veſtram hor-tamur effortibus, ut, ſi ita eſt, ab ejus moleſtia ſe ſine aliqua excuſatione contineat, & quæ ei ſunt diutius cuſtodita, nullius occaſionis tentet uſurpatione convellere; ſed cuncta illibata & ſine aliqua ſtudeat refragatione ſervare; & plus ſibi in eodem monaſterio, quam præde-ceſſoribus ſuis licuit, noverit non licere. Quia verè pa-riter queſti ſunt, fraternitatem tuam quadam de monaſte-rio ſub xeniſ quafi ſpecie abſtuliffe, neceſſe eſt, ut ſiquid te indecenter recolis accepiſſe, ſine delatione reſtituas, ne avaritia te graviter culpa redarguat, quem largum erga monaſteria ſacerdotaliſ magis debuerat magnificencia de-monſtrare. Servatis itaque omnibus, quæ à tuis, ſicut diximus, prædeceſſoribus permiſſa ſunt ac ſervata, cura tua ſit circa æctus ac vitam Monachorum illic conſiſten-tium te vigilantem inſiſtere: Et ſi quempiam illic præve-corſari, aut in aliquam immunditia, quod abſit, cul-pam inveneris incidiffe, diſtriſta ac regulari emendati-one corrigere. Nam ſicut ab iis quæ incongruè uſurpan-tur, fraternitatem veſtram volumus abſtinere: Ita in his, quæ ad diſciplina rectitudinem vel animarum cuſtodiam pertinent, eſſe ſollicitam modis omnibus admo-nemus.

Pontifex Caſtelli-enſi monaſterio auctoritate ſua ſic conſuluit, ut Childebertus Francorum Rex ab eodem Pontifice Arelatenſi monaſterio conſuli voluit. Que-rebantur Caſtelli-enſis monaſterii Monachi, quod E-piſcopus antiqua monaſterii privilegia convellere ten-taret, hoc eſt, certa quædam bona, quæ propter vi-tæ neceſſitatem Monachis conceſſa fuerant, uſurpare vellet. Gregorius auditâ Monachorum querelâ dicit, id actionis genus ab Epiſcopali propoſito abhorrere: Hortatur Epiſcopum ut relinquat intacta, quæ deceſ-ſores intacta reliquerant. Tum demum quanta fieri

poteſt moderatione ſtatuit, ut non faciat quod deceſ-ſores non fecere, & à bonis monaſterii manus abſti-neat. Sed quicquid ad Monachorum converſationem & mores pertinet, in Epiſcopi poteſtate relinquit; a-liquin derogandum fuiſſet Chalcedonenſis Synodi Canonibus, quibus derogavit nuſquam. Childeber-tus timebat, ne quod à Caſtelli-enſi Epiſcopo tenta-tum fuerat in Caſtelli-enſi monaſterio, à Virgilio A-relatenſi, aut illius ſucceſſoribus in Arelatenſi mo-naſterio tentaretur. Hinc Rex petiit à Gregorio, ut quicquid monaſterio à ſe conſtructo ad ſuſtentandam Monachorum vitam conceſſerat, auctoritate Sedis A-poſtolice Pontifex confirmaret. Non aliud petiit Rex, nec aliud Pontifex confirmavit: Nec ulquam meminit canonicæ animadverſionis, quæ Epiſcopo Diceceſano per ſacros Canones aſſeritur & reſerva-tur. Sed tam ab Epiſtola ad Schillitanum, quàm ab Epiſtola ad Virgilium Arelatenſem Epiſcopum procul abeſt clauſula hæc: *Siquis autem Regum, Antiſtitum, Judicum, vel quarumcunque perſonarum ſecularium;* quæ Sammedardenſe privilegium, Epiſtolas ad Sena-torem Presbyterum & Abbatem, ad Theſſaliæ Ab-batiſſam, & ad Lupponem Presbyterum & Abbatem claudit. Clauſula eſt quam vir eruditus Alteſerra nec in antiquiorum Gregorio Pontificum ſcriptis, nec in ipſius Gregorii veris & minimè dubiis Epiſ-tolis, nec in Pontificum ætate ſupparium commenta-riis unquam inveniet, ut antè animadvertimus. Sed 56 modò relinquendus eſt Alteſerra, qui utinam opus ſuum non edidiſſet cum Regis privilegio, ne Rex in doctrinæ ſibi & regno pernicioſæ conſcientiam ab ex-teris & Galliæ hoſtibus duceretur. Tu verò, qui va-cuam fuco, & alienam ab adulatrice Curia Jurispru-dentiam, & optimarum artium ſtudia ſincero colis animo, nec amas quæ reſellimus: Fateri mecum de-bes ingenuè, amicum quidem eſſe Platonem, amicum Socratem, ſed magis amicam eſſe veritatem, in qua conſulitur honori Gregorii Papæ, cui aliàs in Jovi-niani & Stoicorum errorem, vel in alium oppoſitum lapſus exprobrari meritò poſſet. Conſulitur Ponti-ficiæ dignitati, quæ per privilegiorum ſeu Epiſtola-rum hujusmodi defenſores Principibus inviſa & odio ſa redditur: Conſulitur Regum poteſtati, quæ per-cellitur indigniſſimè & labefactatur: Conſulitur Re-gum ſaluti, quæ bellis civilibus & parricidiis expo-nitur: Conſulitur excommunicationi, quæ Eccleſia-ſticarum pœnarum ſuprema cum ſit, in Sammedardenſi & Auguſtodunenſibus privilegiis nulli, vel ſaltem levi culpæ, contra fas juſque decernitur: Conſulitur tandem Chriſtianæ Religioni, à qua ſuſcipienda Reges & Ma-giſtratus ethnici, ac proinde Regna integra deterren-tur. Vale Lutetiæ Pariſ. Nonis Octobris an. M.DC. LXIX.

# Idem Launoius,

## E I D E M

# MICHAELI GIRARDO.

*Vertolienſi Abbati.*

57 **M**IRATUS sum, & tu ipse, ni fallor, miraberis, cur vir doctrinâ & optimarum artium studiis imbutus persuasum habuerit, necesse esse, ut provinciales Synodi ab Romano Pontifice confirmentur. Sic autem ille ad libri II. indiēt. XI. Epistolam XLVIII. ad Adeodatum provinciae Numidiae Primatem scribit: Concilium itaque, quod congregare disponitis, dum Deo fuerit solatante peractum, de ejus nos unitate atque concordia latificate, ac reddite per omnia certiores. Mandat, inquit Alteserra, ut Concilium ubi fuerit peractum, sibi notum fiat; optima ratione, quia Concilia provincialia non habent vim, priusquam comprobentur à Romano Pontifice. Canon. Conc. 17. dist.

Et primò quidem quæ Gregorii verba vir doctus retulit, interpretationem hanc non exigunt. Nam satis est, si Gregorius de celebrata communi omnium consensu Synodo fiat certior. Idipsum in superiori ad Columbum Numidiae Episcopum Epistola petierat: Propterea de unitate ac pace Concilii, quod Deo auctore congregare disponitis, caritas tua animos nostros subiliter omnia indicando latificet. Non adjicit, ut quæ acta in Synodo fuerint, confirmemus. Adjecisset Pontifex 58 valde circumſpectus & multum providens, si de more illud adjici debuisset. In hac Epistola res eadem tractatur. Celebranda erat apud Numidas Synodus, tum ut qui sacros Ordines pretio susceperant, sacrorum Canonum auctoritate castigarentur: Tum etiam ut provideretur, qua postea conditione & remedio id genus mali propulsaretur.

Deinde si postulasset Gregorius, ut celebratæ Synodi acta mitterentur ad se, Adeodatus & Columbus Gregorii votis annuissent. Ad Gregorium scripſissent utique, & ipsimet futuram actorum Synodaliū confirmationem gratulati essent. At neque scripta ab illis ulla ad Gregorium hac de re Epistola, neque actorum Synodi confirmatio inter Epistolas Gregorii vel gentium uspiam leguntur.

Tum nequis causetur, non omnia, quæ tunc gesta sunt Romæ & in Numidia, pervenisse ad nos, Gregorius consulendus est in aliis Epistolis, ubi de celebrandis Synodis agit. Negligenda non est ulla indagandæ veritatis ratio.

1. In libri I. Epistola I. ad universos Episcopos Siciliae, ut semel in anno conveniant ad provinciale Concilium. Illud quoque, inquit, fieri debere perspeximus, ut semel per annum ad Syracusanam, sive Catanensem civitatem, universaliter honore, quo dignum est, sicut eidem (Petro Subdiacono Sedis Apostolicæ) jussimus, fraternitas vestra conveniat, quatenus qua ad utilitatem ipsius provincia Ecclesiarumque pertinent, sive ad necessitatem pauperum oppressorumque sublevandam, sive monitionem omnium atque correctionem eorum, quorum excessus contigerit demonstrari, congrua cum eodem Petro Subdiacono Sedis nostrae debetis moderatione disponere; à quo Concilio procul absint odia, facinorum nutrimenta, atque invidia interna tabescat, & nimis execrabilis animorum discordia, sacerdotes suos concordia Deo placita & caritas recognoscat. Hac igitur omnia cum ea maturitate ac tranquillitate gerite, ut dignissime Episcopale

possit Concilium nuncupari. Non addit, ut Concilii acta Romam ad se mittantur confirmationis accipiendæ gratiâ.

II. In ejusdem libri epistola XXXII. ad Romanum Patricium & Exarchum Italiae scribit, ut in causa Blandi Hortensis Episcopi Concilium fiat: Præterea pervenit ad nos, Blandum Episcopum Hortensis civitatis longo jam tempore in civitate Ravennate à vestra excellentia detineri, & sit, ut Ecclesia sine rectore, & populus quasi sine pastore grex defluat, & ibidem infantes pro peccatis absque baptismo moriantur. Et rursus quia non credimus, quod eum excellentia vestra, nisi pro aliqua probabilis excessus causa tenuerit; Oportet, ut habita Synodo palam fiat, si quod in eum crimen intenditur: Et si talis culpa in eo reperitur, quæ usque ad degradationem sacerdotii perducatur, aliam necesse est ordinationem inquiramus, ne Ecclesia Dei in his, sine quibus eam Christiana non patitur esse religio, inculta ac destituta remaneat. Sin autem excellentia vestra aliter se habere, quàm de eo quod dicitur esse, perspexerit, eum ad Ecclesiam suam reverti concedat, ut officium suum in commissis sibi animabus adimpleat. Non adjicit quod videbatur adjici- 60 endum esse, nimirum videre se velle acta Synodi, quæ Episcopum abdicaret, si Episcopus abdicatione dignus judicaretur.

III. In ejusdem libri Epistola LXXII. ad Gennadium Patricium & Exarchum Africae, ubi de habendo contra hæreticos Concilio agitur: Cognovimus eos contra Ecclesiam Catholicam, Domino eis adversante, colla subrigere, & fidem velle Christiani nominis inclinare. Sed eminentia vestra conatus eorum comprimat, & superbas eorum cervices jugo rectitudinis premat. Concilium verò Catholicorum Episcoporum admoneri precipite, ut Primatem non ex ordine loci postpositis vitæ meritis faciat, quoniam apud Deum non gradus elegantior, sed vitæ melioris actio. Ipse verò Primas non passim, sicut moris est per villas, sed in una juxta eorum electionem civitate resideat, quatenus adepta dignitatis meliori ingenio resistendi Donatistis possibilitas disponatur. Ex Concilio verò Numidie si qui desiderarint ad Sedem Apostolicam venire, permittite, & si quilibet eorum via contradicere voluerit, obviat. Neque hic invenitur, quod ad mentem & propositum Alteserræ inveniendum esset. Gregorius non petit à Gennadio, ut Catholicorum Antistitem Concilium mittatur Romam, ut ibi confirmetur. Ad Numidiam Concilium quod attinet, precatur Gennadium, ut ab eo ad Sedem Apostolicam provocationes fieri permittat, & si qui velint intercedere, hos coërceat; sed non petit, ut Numidicum Concilium in omni eventu mittatur Romam, ut ibi confirmationem accipiat.

IV. In ejusdem libri Epistola LXXXII. ad Hilarium Monachum Africae, ubi faciendum esse propter Episcopi facinus Concilium præscribit: Felicissimus atque Vincentius Diacones Ecclesia Lamigenſis, oblata petitione, qua tenetur in subditis, suggererunt ab Argentio ejusdem civitatis Episcopo, gravem se injuriam perculisse, & accepto premio Donatistas in Ecclesiis fuisse præpositos, quod eum inter alia non 61



leve aliud facinus, quod dici nefas est, commisisse commemorant. Propterea experientia tua presenti pagina preceptum duximus injungendum, quatenus prefatum Episcopum, idonea satisfactioni committere non omittas, inaque instantiâ in locis illis fiat ex more Concilium, & omnia secundum oblata petitionis textum canonicè coram positus partibus subtili indagatione perquirantur, & quaecumque eorum judicio fuerint terminata, te exequente modis omnibus compleantur. Ita ergo cum omni te vivacitate huic causæ volumus præbere instantiam, ut ad examinanda quæ jussimus, nulla possit subnecti dilatio, sciturnus non in levem te offensam incurrere, si nostra quacumque excusatione lentatâ fuerit preceptio. Hic de mittendo Romam Concilio, ut ibi confirmationem obtineat, ne verbum quidem ullum injiciatur.

V. In libri II. indict. XI. Epistola VII. ad Natalem Salonitanum Episcopum, ubi præcipit, ut in Florentii Epidauritanæ civitatis Episcopi causa Synodus instaretur: Cum cuncta negotia indaganda sollicitudine veritatis indigeant, tum quæ ad dejectionem sacerdotalium graduum pertinent, districtius sunt trutinanda, in quibus non tam de humanis constitutis, quam divina quodammodo benedictionis refragatione tractatur; quæ res quoque nos in Florentii Epidauritana civitatis Episcopi persona ad exhortationem vestra fraternitatis admonuit. Nunciatum siquidem nobis est, à quibusdam fuisse eum in causis criminalibus accusatum, & nullis canonicis probationibus exquisitis, nec sacerdotalis Concilii præveniente judicio, eum ab honoris officio, non jure, sed auctoritate depositum. Quia ergo non potest quemquam Episcopatus gradum, nisi iustis ex causis, concors sacerdotum summoovere sententia; Hortamur fraternitatem vestram, ut prefatum virum ex eodem in quo detrusus est, ejici faciat exilio, causamque Episcopali disceputatione perquiri. Et si in his in quibus accusatur, canonica fuerit probatione convictus, canonica proculdubio est ultione plectendus. Quod si aliàs de eo quam asstimatum est, Synodali fuerit inquisitione compertum, necesse est, ut & criminatores iusti districtiorem juris exhorreant, & in criminato innocentia sua serventur illibata suffragia. Executionem verò antefati negotii Antonino Subdiacono nostro ex nostra preceptione mandamus, quatenus ejus instantiâ, & quæ sunt legibus Canonibusque placita, decernantur, & decreta juvante Domino mancipentur effectui. Ubinam mentio Concilii Romam deferendi, ut in eo quæ gesta fuerint, confirmentur?

VI. In ejusdem libri & indict. Epistola IX. ad Antoninum Subdiaconum, ut in causâ Florentii injustè depositi habeatur Concilium: Pervenit ad nos Florentium Epidauritana civitatis Episcopum, præceptis prius rebus ejus, pro quibusdam non approbatis criminibus sine sacerdotali Concilio fuisse damnatum. Et quia non debet is penam sustinere canonicam, in cuius damnatione non est canonica prolata sententia; præcipimus experientia tua, ut Natali fratri & Coepiscopo nostro debeas imminere, quatenus supradictum virum de eodem ejici faciat, quo nunc dicitur detrusus, exilio; convocatoque Episcoporum Concilio, si hac in quibus accusatus est, canonicè fuerint approbata, prefati Natalis fratris & Coepiscopi nostri volumus in eum proprium robur obtinere sententiam: Sin autem generali fuerit judicio absolutus, nec eum deinceps cujuslibet præjudicio subjacere permittas, & prefata res districtâ tua sollicitudinis restituatur instantiâ. Necesse est ergo, ut quanto graviora talium negotiorum perpendis pondera, tantò ea maturiori vigilantiorque studeas executione complere. Hic non postulat, opinor, Gregorius, ut Concilium quo de agitur, mittatur ad se confirmationem suscepturum: Et tamen nulla unquam fuit major id postulandi occasio.

VII. In libri IV. Epistola I. ad Virgilium Arelatensem Episcopum, ubi celebrandum esse in causâ fidei Concilium docet: Si quæ verò inquisitio de fide,

vel fortasse aliarum rerum inter Episcopos causa emergerit, quæ discerni difficilior possit, collectis duodecim Episcopis ventiletur atque decidatur; si autem decidi nequiverit, discussa veritate, ad nostrum judicium referatur. Quæ extremis in verbis ponitur exceptio, vel exceptioni quid simile, demonstrat Gregorium haud in ea esse sententia, ut credat provinciale Concilium Romani Pontificis confirmatione indigere; alioquin exigeret, ut celebratum, quod ipsemet in re omnium gravissimâ fieri vult, Concilium deferretur ad Sedem Apostolicam, ut ab ea confirmaretur. Non exigit, ut appareat.

VIII. In ejusdem libri Epistola I. ad Episcopos sub regno Childeberti constitutos, ubi de congreganda, cum opus erit, Synodo agitur, per Virgilium Arelatensem Episcopum, qui vices Sedis Apostolicæ gerebat in Galliis. Cui etiam, inquit, injunximus, ut si quarundam causarum tale fuerit certamen exortum, in quo aliorum presentia opus sit, congregatis sibi in numero competentis fratribus & Coepiscopis nostris, salubriter hoc servata aequitate discutiat, & canonica auctoritate definiat. Si quam verò contentionem, quod longè faciat divina potentia, de fidei causâ evenire contigerit, aut negotium emerferit cujus vehemens sit fortasse dubietas, & pro sui magnitudine judicio Sedis Apostolicæ indigeat, examinata diligentius veritate, relatione sua ad nostram studeat perducere notionem, quatenus à nobis valeat congrua sine dubio sententia terminari. Et quoniam necesse est, ut ad eum, cui nostras vices injunximus, quotiens oportere perspexerit, pro facienda collatione aptis debeant Episcopi temporibus convenire; Hortamur, ut nullus mandatis ejus inobediens esse presumat, nec communis Congregationi interesse postponat, nisi aut corporis infirmitas quempiam fortasse vetuerit, aut cujusdam eum causæ justa excusatio minime venire permiserit. Hi tamen qui prohibente aliqua necessitate nequeunt in Synodum convenire, loco suo Presbyterum aut Diaconum dirigant, quatenus quæ à nostro Vicario, Deo auxiliante, fuerint definita, ad eum, qui absens est, per ipsum quem miserit, fida relatione perveniant, ut inconcussa firmitate serventur, & nullus ea, quæ constituerit, audeat occasio excusationis violare. Sic multa præscribit Gregorius: Sed inter ea non præscribit, ut quæ in Galliis Concilium definierit, in urbem referantur, ut ibi confirmationem à Pontifice accipiant. Quis modo sciens & prudens secundum ista vellet Gregorio id de confirmandis Conciliis provincialibus decreti genus tribuere, quod Alteserra tribuit?

IX. In libri VII. indict. II. Epistola CXII. ad Siagrium, Etherium, Virgilium & Desiderium Galliarum Episcopos, ubi de Synodo bis in anno habenda tractatur: Nec hoc quoque in hac sollicitudinis parte relinquimus, quod de habendis per Parochias Conciliis Patrum providentiâ, utilitatis causâ sancitum est. Unde ne qua inter fratres dissensio, ne qua inter prepositos & subjectos sit fomenta discordia, in unum convenire Sacerdotes necesse est, ut & de incidentibus causis disceptatio, & sit salubris de Ecclesiastica observatione collatio, quatenus dum per hoc & præterita corriguntur, & regulam futura suscipiunt, omnipotens Dominus fratrum concordiam collaudetur. Cujus vobis adesse presentiam, si hæc observabitis, scitote, quia scriptum est: Ubi fuerint congregati duo aut tres in nomine meo, ibi sum in medio eorum. Si ergo adesse dignatur, ubi duo vel tres fuerint: Quanto magis non deerit, ubi plures convenerint Sacerdotes? Et quidem, quia de habendo bis in anno Concilio Patrum sit regulis statutum, non latet: Sed ne fortè aliqua impleri hoc necessitas non permittat, semel tamen in anno sine excusatione aliqua decernimus congregari, ut expectatione Concilii nihil prævium, nihil presumatur illicitum. Et paullo post: De his itaque quæ superius dicta sunt, fraternitatem vestram auctore Deo volumus Synodum congregare, atque in ea reverendissimo fratre nostro Siagrio Coepiscopo, & dilectissimo filio

filio nostro Cyriaco Abbate mediantibus omnia, quae sanctis Canonibus, sicut praediximus, sunt adversa, districtè sub anathematis interpositione damnentur: Id est, ut nullus pro adipiscendis Ecclesiasticis ordinibus dare aliquod commodum praesumat, vel pro datis accipere, nec ex laico habitu quisquam repente valeat ad locum sacri regiminis pervenire; neque ut aliae mulieres cum Sacerdotibus habitent, nisi, haec quae sacris, ut praedictum est, Canonibus, sunt permixta. De quibus cunctis reverendissimus frater noster Siagrius Episcopus cum omni Synodo, dilectissimo filio nostro Cyriaco Abbate remanente, nobis quae acta sunt, studeat renunciare, ut subtiliter agnoscetes quid & cum qua cautela vel qualiter sit decretum, omnipotenti Deo de vestra ac moribus gratias incessabiliter persolvamus. Ut gratias Deo persolvat, non ut confirmet, quomodo vir doctus provincialem Synodum confirmandam esse à Romano Pontifice existimavit? Atque hic locus illustris est ac perspicuus, de cuius proprio lumine accommodandum fuit epistolae loco, quem ille aliena caligine aspersit.

67 X. In ejusdem libri VII. indict. II. epistola CXIII. ad Aregium Episcopum, quem Pontifex ad faciendam cum aliis Synodum hortatur: Praeterea in ea Synodo, quam contra simoniacam haeresim per fratrem & Coepiscopum nostrum Siagrium decrevimus congregari, sanctitatem vestram volumus interesse, atque eidem fratri ita pallium, quod transmisimus, tribui, si prius se proviserit, illicita quae prohibuimus per definitionem Synodicam, à sancta Ecclesia remove. De qua Synodo omnem nobis subtiliter ordinem tuam fraternitatem volumus scriptis decurrentibus nunciare, ut ipse, cujus nobis sanctitas valde experta est, nos reddas de omnibus certiores. Pontifex de celebrato contra simoniam Concilio, non de quaerenda celebrati Concilii confirmatione curat. De celebrato Concilio certiore facere Gregorium, non est à Gregorio celebrati Concilii confirmationem quaerere. Qui Gregorium & ejus verba intelligit aliter, ex eo potest colligi quanta occupatione distineatur.

XI. In ejusdem libri & indict. II. epistola CXIV. ad Siagrium Augustodunensem Episcopum, quem ad congregandam contra simoniam Synodum quanta potest animi contentione impellit. Proinde secundum postulationis tuae desiderium pallii te usu, quod inter Ecclesiam tuam habere debeas, ad sacra tantum Missarum sollemnia celebranda Deo auctore praevidimus honorandum. Quod tamen ita tibi dandum esse decrevimus, si prius per Synodi definitionem emendari promiseris, quae corrigenda mandavimus. Et post alia: Curam praeterea congregandae Synodi, quam vobis atque aliis fratribus nostris pro illicitarum rerum prohibitionem faciendam scripsimus vestra specialiter sollicitudini noveritis incumbere. Unde quia praecellentissimos filios nostros Francorum Reges magnam vobis novimus dilectionem impendere, omni vos studio, omni quae agere annisu necesse est, ut quod de Synodo congreganda mandavimus, fraternitatis vestrae vigilantia compleatur, atque omnia illic, quae pro animarum salve scripsimus, censeantur, quatenus per hoc & vos zelum vestrum, & qualiter vobis illicita displiceant ostendatis, & nos utiliter providisse qui vestram ad hoc praeter ceteris personam eligimus, videamur. Eandem semper ferram de congreganda Synodo recipiat, nec usquam vel leviter innuit, mittendam esse ad se, ut eam confirmet.

XII. In ejusdem libri & indict. epistola CXV. ad Brunichildam, ut convocari contra simoniacam haeresim Concilium curet. Quia igitur tantum facinus non solum illis periculum, verum etiam vestro regno satis est noxium, salutantes excellentiam vestram paterno affectu petimus, ut de hujus pravitatis emendatione Deum vobis placabilem faciat. Et ut nulla deinceps valeat occasione committi, Synodum fieri jussio vestra constituat, ubi praesente dilectissimo filio nostro Cyriaco Abbate sub districta anathematis interpositione debeat interdici, ne ullus ex laico habitu subito ad Episcopatus audeat gradum ac-

cedere, neque pro Ecclesiasticis ordinibus cuilibet quidquam dare, vel ausus sit accipere, ut Dominus & Redemptor noster sic quae vestra sunt faciat, sicut excellentiam vestram in iis, quae sua sunt, pia esse viderit devotione sollicitam. Curam verò & sollicitudinem Synodi, quam faciendam decernimus, fratri Coepiscopo nostro Siagrio, quem vestrum proprium novimus, specialiter delegare curavimus, quem petimus, ut & supplicanti libenter audire & ope juvare dignemini: Quatenus quod ad mercedem vestram respiciat, remoto hujus contagio in cunctis finibus juri vestro subiectis, pia & Deo placita procedat ordinatio Sacerdotum. Hic ne verbum quidem, quo provincialem Synodum ab Romano Pontifice confirmandam esse significet.

XIII. In ejusdem libri & indict. epistola CXVI. ad Theodoricum & Theodebertum Reges Francorum, à quibus flagitat, ut Synodus congregetur. Qua de re, ut magnum omnipotenti Domino munus valeatis offerre, Synodum congregari praecipite, in qua sicut fratribus Coepiscopisque nostris mandavimus praesente dilectissimo filio nostro Cyriaco Abbate, sub anathematis debeat obligatione constitui, nullum pro Ecclesiastico ordine aliquid unquam dare, nullum accipere, nec quemquam ex laicis ad Sacerdotium repente transire, quatenus hanc vobis mercedem, & hic & in futura vita Redemptor noster, cujus Sacerdotes interius ab hoste perire non sinitis, recompenset. Et hic quoque silentium est altissimum de Romani Pontificis confirmatione, quam provincialis Synodus obtinere debeat.

XIV. In libri IX. epistola XLIX. ad Virgilium Arelatensem Episcopum quem ad congregandam Synodum cohortatur. Vel nunc ergo, dilectissime frater, da operam, ut quod à correptione quiescendo in aliis perdidisti, resarcias, & ab hac quos potueris pravitae compescas: Atque ut Synodus ad erucendam ipsam haeresim congregari possit, insiste, quatenus cum dilectionis vestra mercede melius ab omnibus caveatur, quod auctore Deo omnium fuit constitutione damnatum. Non addit, & à Romano Pontifice confirmatum.

XV. In ejusdem libri epistola I. ad Aetherium Episcopum, quem pariter ad convocandam Synodum excitat: Quia igitur ad aliorum emendationem promptam cor geritis, & vetustatis malum libera, sicut decet, voce damnatis, postquam & aliis fratribus Coepiscopisque nostris ipsa voluntas est, oportet ut unanimes contra dominicos hostes insurgere, & avaritiam de domo Dei synodali debitis definitione projicere. Nihil in dandis Ecclesiasticis ordinibus auri fames inveniat, nihil blandimenta surripiant, nihil gratia conferat, honoris premium vita sit proventus, sapientia incrementum, modestia morum, ut obtinente hujusmodi observantia & indignus, qui praeiis quareat ascendere, judicetur, & digne, cui bonum testimonium actio perhibet, honoretur. Hac vobis, dilectissime frater, cura sit, hac animis vestris sollicitudo semper invigilet, ut & zelum, quem literis ostenditis, cordis vestri testem opere demonstratis. Itaque assidue instantique ad congregandam Synodum imminete, & ita vos enixius exhibete, ut nominis dignitatem officii administratione compleatis. Quibus in verbis ne gry qui-

dem de Synodi confirmatione, quae à Romano Pontifice quaerenda praescribitur.

XVI. In libri XI. epistola VII. ad Brunichildam Reginam Francorum, ubi agitur de facienda Synodo, quae quidquid adversus Canones attentatum fuerat, corrigatur: Praefati autem viri magnifici filii nostri dato capitulari inter cetera petierunt, quod sibi ex vestra perhibere jussione mandatum, ut talis debeat à nobis in Galliis persona transmitti, quae facta Synodo cuncta quae contra sacratissimos Canones perpetrantur, omnipotenti Deo auctore, possit corrigere. De quaerenda à Romano Pontifice Synodi confirmatione altissimum est silentium.

Nunc vide ac circumspecte, quot in epistolis Gregorii provincialis Synodi congregationem repetit



& inculcat; & tamen nusquam meminit confirmationis, quæ à Romano Pontifice comparanda sit. Sed quorsum nusquam meminerit? Noverat vir sacrorum Canonum maximè intelligens, Nicænam Synodum, ubi Canone v. celebranda esse per provincias his in anno Concilia decernit, non decernere, ut Conciliorum hujusmodi acta mittantur Romam, atque ibi confirmationem accipiant. Nicæni Canonis v. verba sunt: *De his, qui communione privantur, seu ex Clero seu ex laico ordine ab Episcopis per unamquamque provinciam, sententia regularis obtineat, ut hi qui abiciuntur, ab aliis non recipiantur. Requiritur autem, ne pusillanimitate, aut contentione, vel alio quolibet Episcopi vitio, videatur* 72 *à congregatione seclusus. Ut hoc ergo decentius inquiretur, bene placuit, annis singulis per unamquamque provinciam bis in anno Concilia celebrari, ut communiter omnibus simul Episcopis congregatis provincia, discutiantur hujusmodi quaestiones; & sic qui suo peccaverunt evidenter Episcopo, excommunicati rationabiliter ab omnibus estimantur, usquequo vel in comuni vel Episcopo placeat humaniorem pro talibus ferre sententiam. Concilia verò celebrentur: Unum quidem ante quadragesimam Pascha, ut omni dissensione sublata munus offeratur Deo purissimum; secundum verò circa tempus Autumni. Hæc in Concilio, quod Gregorius colere se ac venerari ut librum Evangelii testatur. Sic autem non coluisset nec veneratus esset Concilium, si quid relato Canonis addidisset, nempe querendam esse à Romano Pontifice provincialis Synodi confirmationem, statim atque celebrata esset. Hoc non addidit Gregorius decessorum Liberii, Celestini I. Sixti III. & Leonis I. vestigiis insistent. Liberius in epistola ad Constantium Imp. scribit: *Nunquam mea statuta, sed Apostolica, ut essent semper firmata & custodita, perfeci, secutus morem ordinemque majorum: Nihil addidi Episcopatus urbis Romæ, nihil minui passus sum.* Celestinus in epistola ad Episcopos Galliarum: *Desinat incessere novitas vetustatem.* Sixtus in epistola ad Joannem Antiochenum Episcopum: *Nihil ultra liceat novitari, quia nihil additi convenit vetustati. Perspicua majorum fides & credulitas nulla cæni permixtione turbetur.* Leo in epistola LIII. ad Anatolium Constantinopolitanum Episcopum capite vi. *Sancti illi ac venerabiles Patres, qui in urbe* 73 *Nicæna sacrilego Ario cum sua impietate damnato mansuras usque in finem mundi leges Ecclesiasticorum Canonum condiderunt, & apud nos, & in toto orbe terrarum in suis Constitutionibus vivunt; & si quid usquam aliter quam illi statuerunt, præsumitur, sine cunctatione cassatur, ut quæ ad perpetuam utilitatem generaliter instituta sunt, nulla commutatione varientur, nec ad privatum trahantur commodum, quæ ad bonum sunt commune præfixa. Hæc probè noverat Gregorius, & quia probè noverat, querendam esse à provincialibus Concilii Romani Pontificis confirmationem, Nicæno Canonis non addidit, nequid Episcopatus urbis Romæ adderet, quod addendum non esset, ne novitas vetustatem Nicæni Canonis incesseret, ne videretur ultra quidquam licere novitati, quia nihil additi convenit vetustati, ne quæ ad perpetuam utilitatem instituta sunt, generaliter, nec ad privatum traherentur commodum, quæ ad bonum sunt commune præfixa.**

Verum Alteserra dicet: Ego gratis, & sine ratione non asserui, necesse esse ut provinciales Synodi à Romano Pontifice confirmantur. Id asserui ex distinctione xvi. Canone, qui sic se habet: *Concilia Sacerdotum Ecclesiasticis legibus quotannis decreta per provincias, quia Papa præsentiam non habent, valitudinem perdiderunt.* Itane verò? Tantum studii ac diligentiae? Hic Gratianus per summam erravit negligentiam, dum quod Symmachi Papæ hostes apud Ennodium in absurdum, 74 ut putant, complexionem deducunt, id pro Canone seu Ecclesiasticæ disciplinæ momento sumpsit. Nolebant illi ut Symmachus interesset Synodo, in qua discutebatur illius causa: Patribus visum est, ut interesset, cum ex aliis, tum ex eo quoque quod Romanæ provinciæ Sy-

nodus erat. *Et perfectum Concilium illud, ubi interfuerit Metropolitanus Antistes, ut statuit Antiochenum Concilium, Can. xv. Symmachus igitur interest Synodo, & quia impactum illi crimen probari jure non potuit, absolutus est. Tunc Symmachi hostes Synodum accusant in opere, quod inscribunt adversus Synodum absolutionis incongrua.* Et Romana Synodo hac cum cæteris provincialibus Synodis, in quibus Papa præsens adesse nec solet, nec etiam potest, comparata, pugnant cum illa Synodo, & arguantur in Apologetico, quem Ennodius Ticinensis tunc Diaconus, pro Synodo confecit, ubi schismaticorum objectiones retulit & refellit. Verba sunt objectionis qua de agitur. *Post hæc, inquit Ennodius, versis in fugam ordinibus lymphatici more sermonis addidistis: Ergo Concilia Sacerdotum Ecclesiasticis legibus quotannis decreta per provincias, quia præsentiam Papa non habent, valitudinem perdiderunt? Legistis, insimulissimi, aliquando in illis præter Apostolici apicis sanctionem aliquid constitutum, & non de majoribus negotiis ad collationem, si quid occurrit, præfata Sedis arbitrio fuisse servatum. Sic enim habes: Si quis Episcoporum judicio provinciali depositus fuerit, Romanum Papam, si placet, rursus appellet.* Et cætera quibus objectionem diversimodè 75 confutat. Gratianus schismaticorum objectionem & Ennodianæ responsionis plagulam convertit in Canonem, à quo deceptus Alteserra novum Ecclesiasticæ disciplinæ genus inducere voluit in adulatricis Pontificum Curiae favorem, sed in exitium infinitarum Synodorum provincialium, quæ quia confirmatæ non fuerunt à Romanis Pontificibus, Alteserræ judicio valitudinem perdiderunt. Ubi & novo Grammatices schemate Papæ præsentiam in Synodo, Papæ confirmationem Synodi placuit interpretari. Gratiani *ἀλλασίας* secutus, in aliam *ἀλλασίας* incidit, & Gregorium magnum in eandem secum ruina trahere conatus est. Atque istud factum, ut more suo Romanæ Curiae gratificaretur: Romanæ dico Curiae, non Ecclesiæ, seu Sedi Apostolicæ, quæ nullo unquam decreto ex sacris Canonibus promulgato statuit, ut ad se provinciales Synodi confirmationis accipiendæ grati deferrentur. Tu verò qui hæc probè nosti, perspicè, quò nos Alteserra deducit, & quam ad perniciem vocat antiqua & novantiqua Galliarum, Hispaniarum, Angliarum, Germaniarum, Orientis & Occidentis Concilia provincialia, quæ Papæ præsentiam non habuerunt. Alteserra, qui provincialibus Synodis Pontificiæ confirmationis necessitatem imponit, tantisper attendat hoc in loco, quid Martinus I. ad Amandum Trajectensem scribat Episcopum, & quid ab aliis Galliarum Episcopis postulet. Martini verba sunt: *Ideo necesse habuimus, ne pro quadam negligentia & animarum detrimento, quæ nobis commissa sunt, culpa reatu adstringamur, cæterum generalem fratrum & Coepiscoporum nostrorum in hac Romana* 76 *civitate congregare, in quorum præsentia memoratorum hæreticorum scelerosa conscripta examinata atque denudata sunt, Apostolico mucrone Patrumque definitionibus uno ore unòque spiritu condemnavimus, ut cognoscentes universi errorem, qui in eis continetur, eorum pollutione nullatenus maculentur. Unde prævidimus volumina gestorum synodali in præsentia vobis dirigere unà cum encyclia nostra, ex quorum serie omnia subtiliter potestis addiscere, & tenebras illorum nobiscum ut filii lucis extinguere. Idcirco studeat fraternitas tua omnibus eadem innotescere, ut tam abominandam hæresim nobiscum execrentur, quamque suæ salutis Sacramenta addiscere valeant, atque synodali conventionem omnium fratrum & Coepiscoporum nostrorum partium illarum effecta secundum tenorem Encycliæ à nobis directæ scriptæ unà cum subscriptionibus vestris nobismet destinanda concelebrent, CONFIRMANTES ET CONSENTIENTES EIS, quæ pro orthodoxa fide & destructione hæreticorum vesaniam nuper exorta à nobis statuta sunt. Sic Martinus Papa exigit, ut Gallicani Præfules confirmant, ea, quæ Romana Synodus contra hæreticos, & maximè Monothelitas, definierat. Hæc autem si vir doctus circumspiciat aliquantulum, permulta detrahet*

trahet de certa quadam congerie præjudiciorum, quibus in gratiam adulatorum Romanæ Curiae vehementer occupatur.

77 Est & aliud, quod prætermittere non possum, solertem atque eruditum hominem hic pro Canone habere, qui revera Canon non est veterum Patrum iudicio, & cum primis Basilii & Gregorii Nysseni, ut Photius in Nomocanone tit. 1. cap. 14. tradit. Quod non ab uno, sed à communi Episcoporum cœtu Canones edantur, sive promulgentur. Basilii Canon XLVII. circa finem. Gregorii Nysseni Canon VI. circa medium. Ad Basilium & Gregorium accedit Facundus Hermianensis Episcopus in libri XII. pro defensione trium Capitulorum capite 111. Sciens igitur ille modestissimus Princeps Ozia Regi non impunè cessisse, quia sacrificare præsumpsit, quod licitum est singulo cuique etiam secundi ordinis Sacerdoti; multo magis impunè sibi cedere non posse cognovit, Vel quæ jam de fide Christiana ritè fuerant constituta, discutere, quod nullatenus licet; Vel novos constituere Canones, quod non nisi multis, & in unum congregatis primi ordinis Sacerdotibus licet. At neque id quod Gratianus refert, neque id ex quo refertur, veri Canonis locum tenere potest. Quod enim refert Gratianus non est Episcoporum plurium in unum congregatorum sententia. Id verò unde refertur, certa quædam est hominum, qui à Symmacho & Romana Synodo defecerant, complexio, quam illi putabant absurdam esse. Complexioni verò huic quis legitimi Canonis notionem imponi? An illa complexio est Episcoporum plurium in unum collectorum decisio? Quidquid id est, sive in decreto, sive extra decretum Gratiani consideretur, idem semper erit, seu verum, seu falsum, seu depravatum. Siquidem Concilium nullum, Pontifex nullus edixit 78 unquam, ut quidquid extat in Gratiani decreto, Canonis vel Ecclesiasticæ regulæ vim & auctoritatem obtineat. Exinde falluntur continuo, qui dum aliquid in Canonici Juris corpore contineri dicunt, id putant auctoritatis esse majoris, quam si non contineretur.

Observationis istius exemplum statuo in causæ xv. C. 111. Alius item Romanus Pontifex, Zacharias scilicet, Regem Francorum non tam pro suis iniquitatibus, quam pro eo quod tanta potestate erat inutilis, à regno deposuit, & Pipinum Caroli magni Imperatoris patrem in ejus locum substituit, omnesque Francigenas à juramento fidelitatis, quod illi fecerant, absolvit. In his verbis momenta sunt rerum tria, quæ uti narrantur, minimè contigerunt: Ab rei gestæ veritate penitus abhorrent. Historicus nullus est, qui vivente vel Pipino, vel Carolo magno Pipini filio, vel Ludovico Pio, memoriæ prodiderit, Zachariam Francorum Regem deposuisse à regno, aut Pipinum substituisse in illius Regis depositi locum, aut Francigenas omnes à fidelitatis juramento, quod deposito Regi fecerant, absolvisse. Sic in rei testimonium appello auctores æquales, vel tempore proximos, qui soli possunt appellari, quia hi soli certò nosse possunt quid eo in negotio verè gestum fuerit.

79 Incertus auctor in opere historico, quod à Dagoberto I. usque ad Pipinum Regem scripsit: Carolus igitur Dux & Major domus regni Francorum, postquam Alemanniam, Bavariam & totam provinciam Teutonico- rum subegit regno Francorum, genuit Carolomannum & Pipinum. Qui diviso post obitum ejus patris regno Francorum, Majores domus præfuerunt, Regibus tamen in Francia, sed parva dignitate regnantibus. Igitur Pipinus missis Romam Legatis Zachariam Papam de regno Francorum & ignavis ejus Regibus consuluit. Cujus auctoritate, & non multò post jussu Stephani Pontificis Romani, Hilderico, qui tunc temporis regimen Francorum tenebat, deposito, atque in monasterium detruso, Pipinus Major domus Rex Francorum electus, & Sueffionis à Bonifacio Moguntinensi Archiepiscopo unctus est anno Domini DCCLII. Hic Zacharias apud æqualem auctorem nec Childericum seu Hildericum à regno deponit, nec Pipinum in illius locum substituit, nec Francigenas à juramen-

to fidelitatis, quod Childerico fecerant, absolvit.

Fredegarius in fine Chronici, quod jubente Childerico Comite Pipini Regis patruo scripsit, & à fine historiæ Gregorii Turonensis Episcopi usque ad Pipini ipsius consecrationem perduxit. Quo tempore, inquit, una cum consilio & consensu omnium Francorum missa relatione, à Sede Apostolica auctoritate percepta Pipinus electione totius Franciæ in sedem regni cum consecratione Episcoporum & subjectione Principum, una cum Regina Bertradane, ut antiquitus ordo deposcit, sublimatur in regno. Hic apud æqualem auctorem Zacharias, nec Childericum à regno deponit, nec Pipinum in illius locum substituit, nec Francigenas à juramento fidelitatis, quod Childerico fecerant, absolvit.

Libellus vetusti scriptoris de Majoribus Domus regni. His, inquit, temporibus Hildericus (Childericus) 80 in regno Francorum substituitur; de quo Pipinus Dux Legatos ad Zachariam Papam dirigit, interrogans eum, si ita manere deberent Reges Francorum, cum pene nullius essent potestatis, solo regno nomine contenti. Quibus Legatis Romanus Pontifex respondit illum debere Regem vocari, qui Rempublicam regeret: Detonso igitur Hilderico, & in monasterio detruso, mox Franci Pipinum sibi Regem constituunt. Hic apud æqualem, ut videtur, auctorem Zacharias, nec Hildericum à regno deponit, nec Pipinum in illius locum substituit, nec Francigenas à juramento fidelitatis, quod Hilderico fecerant, absolvit.

Annales Francorum auctiores ab anno DCCVIII. ad annum usque DCCCVIII. quo auctor vixisse se testatur: Anno DCCXLIX. Zacharias Papa per Fulradum mandavit, ut Pipinus ad Regem levaretur, id est, significavit, ut constet ex iis quæ sequuntur. Anno DCCCL. Pipinus secundum morem Francorum electus ad Regem, & unctus per manus sanctæ memoriæ Bonifacii Episcopi, elevatus à Francis in regno Sueffionis civitate. Hildericus verò, qui falsè Rex vocabatur, tonsuratus est, & in monasterium missus. Hic apud auctorem tempore proximum Zacharias nec Childericum deponit à regno, nec Pipinum in illius locum substituit, nec Francigenas à juramento fidelitatis, quod Hilderico fecerant, absolvit.

Annales rerum Francicarum, quæ à Pipino & Carolo Magno Regibus gestæ sunt ab anno DCCXII. usque ad annum DCCCXXIV. Burgardus Uvitzburgensis 81 Episcopus, & Folradus Capellanus missi fuerunt ad Zachariam Papam interrogando de Regibus in Francia, qui illis temporibus non habentes regalem potestatem, si bene fuisset, an non; & Zacharias Papa mandavit Pipino, ut melius esset illum Regem vocari, qui potestatem haberet, quam illum, qui sine regali potestate manebat, ut non conturbaretur ordo. Per auctoritatem ergo Apostolicam jussit Pipinum Regem fieri. Hæc anno DCCXLIX. & anno DCCCL. Pipinus secundum morem Francorum electus ad Regem, & unctus per manum sanctæ memoriæ Bonifacii Archiepiscopi, & elevatus à Francis in regno suo in Sueffionis civitate. Hildericus verò, qui falsè Rex vocabatur, tonsuratus est & in monasterium missus. Hic apud auctorem tempore proximum Zacharias nec Hildericum à regno deponit, nec Pipinum in illius locum substituit, nec Francigenas à juramento fidelitatis, quod Hilderico fecerant, absolvit.

Eginhardus Caroli Magni Notarius in annalibus de gestis Philippi Regis anno DCCCLIX. Burchardus Uvitzburgensis Episcopus, & Folradus Presbyter Capellanus, missi sunt Romam ad Zachariam Papam, ut consulere Pontificem de causa Regum, qui illo tempore fuerunt in Francia, qui nomen tantum Regis, sed nullam potestatem regiam habuerunt, per quos prædictus Pontifex mandat melius esse illum Regem vocari, apud quem summa potestatis consisteret, dataque auctoritate sua jussit Pipinum Regem constitui. Deinde anno DCCCL. Hoc anno secundum Romani Pontificis sanctionem Pipinus Rex Francorum 80 appellatus est, & ad hujus dignitatem honoris unctus sacra unctione



unctione manu sancta memoria Bonifacii Archiepiscopi & Martyris, & more Francorum elevatus in solium regni in civitate Sueffiona. Childericus vero, qui falso Regis nomine fungebatur, tonsa capite in monasterium missus est. Hic apud auctorem tempore proximum Zacharias nec Childericum à regno deponit, nec Pipinum in illius locum substituit, nec Francigenas à juramento fidelitatis, quod Childerico fecerant, absolvit.

Anastasius Romanæ Ecclesiæ Bibliothecarius, quo tempore Ludovici Pii Imperatoris filii in diversis per Occidentem locis regnabant, claruit, & Romanorum Præsulum vitas scripsit. In Zachariæ vita, quæ sat longa est, Francorum procerum super Regni statu consultationem prætermisit, ratus, opinor, eam non fuisse Zachariæ responsionem, quæ Romanæ Ecclesiæ & Sedis Apostolicæ auctoritatem extolleret, aut Pontificis dignitatem eo augeret modo, quem Gratianus in Cap. *Alius* repræsentat. Prætermisit, inquam, vir sciens ac prudens & consultationem & responsionem, quia Zacharias poterat à Francis proceribus non consuli: Et poterant & alii ab iisdem consulti respondere quod Zacharias respondit, & cum respondissent, jus sibi nullum inde, vel in deponendo Childerico, vel in creando Rege Pipino, vel in Francigenis à juramento fidelitatis liberandis quæri putassent. Quod autem Zacharias respondit, vel respondissent alii, dictat communis hominum  
83 sensus & intelligentia. Id non excedit naturalem prudentiam, quæ regnorum, rerumpublicarum & statuum omnium regula est. Quidquid in causa, auctoris hujus opportunitatum primæ Sedis non immemoris silentium palam loquitur, in Romanæ Ecclesiæ scriniis monumentum fuisse nullum, quod rebus in Cap. *Alius* narratis fidem faceret, nihil in ejusdem Ecclesiæ traditionem deputatum fuisse, quod ne apud homines intercederet, literis mandaretur. In Anastasio figimus præscriptionis adversus posteriores historicos epocham, quæ omni termino immobilior à cordatis atque eruditis hominibus judicabitur. Et si Platina vestigiis institisset Anastasii in Zachariæ vita, de Francorum proceribus & de Pipino Rege non prodidisset memoriæ quæ prodidit, antiquis Romanæ Ecclesiæ, cujus res agitur potissimum, monumentis destitutus. Non prodidit tamen tria illa rerum puncta, quæ in Cap. *Alius* leguntur. Quæ prodidit, ea partim ex illo Cap. partim ex historicis non æqualibus, nec tempore proximis, ac proinde non satis idoneis testibus deprompsit. Sed indigna hæc sunt, quæ nunc recensentur.

Cæterum extrema Eginhardi periodus, & certæ quædam præcedentium scriptorum clausulæ, in quibus Zacharias super statu Regum Francorum consultitur, non obscure significant verba hæc, [auctoritas, jussus, sanctio Romani Pontificis, vel Sedis Apostolicæ,] eo in sensu accipienda non esse, quem præ se & seorsim à reliquo contextu exhibere possunt. Commodè sumenda, & Francorum consultationi ac interrogationi aptanda  
84 sunt. Consultationis & interrogationis natura non patitur, ut qui respondet, per auctoritatem, jussum, sanctionem & mandatum respondeat, si aptè & convenienter respondere velit. Scilicet necessarium est, ut omnis responsio in consultationem & interrogationem quadret. Scriptores tamen, qui verbis illis utuntur, consulti & interrogati Pontificis qui respondet, dignitatem potius, quàm responsa attendunt: Rati, ut preces, sic & responsa & consilia potentum, ut mandata æstimanda esse, etiamsi reipsa æstimanda non sint. Id autem posteriores quidam historici cum perspicerent, negotium totum ut narrandum erat simpliciter, narrarunt.

Hucbaldus Elnonensis Monachus, qui ad annum dccccxx. claruit, in vitæ sancti Lebuini Confesso-

ris capite viii. Pipinus totius ditionis compos effectus consultu Papa Zacharia, & unanimi Francorum consensu per unctionem sanctissimi Archiepiscopi Bonifacii Sueffionis civitate habito conventu Rex appellatus, & regali est sede donatus, repudiato ac tonsurato Childerico, qui casto nomine antea Rex appellabatur.

Guillelmus Nangius in Chronographia MS. Burcharius Uvitziburgensis Episcopus, & Fulradus Abbas sancti Dionysii in Francia, à proceribus Francorum missi sunt Romam ad Zachariam Papam, ut eum consulerent de causa Regum, qui diu regnantes in Francia solo Regis nomine contenti nullam habebant potestatem, per quos prædictus Papa mandavit, id est, significavit, melius esse illum vocari Regem, qui bene Remp. gubernabat, & sue utilitati propria publicam utilitatem anteferebat. Quo audito Franci Pipinum Regem statuerunt, & Childericum, qui  
85 tunc regnabat, factum Monachum in monasterium detruxerunt: Qui Pipinus jussu & auctoritate Zachariæ Papa Sueffionis civitate à Bonifacio Moguntia Archiepiscopo in Regem Francorum inungitur. Sic Pontificia auctoritas & jussus nec Childerici abdicationem, nec collatam à Francis potestatem regiam attinet, sed sacrum duntaxat unctionis ritum, quo collata jam à Francis potestas regia redderetur venerabilior & augustior.

Nunc si convertamus iterum oculos in C. *Alius*, liquebit adhuc magis, pura puta commenta esse, quæ ibi recensentur.

Deinde si quæ ibi recensentur, veritate niterentur aliqua, Pipinus & Francorum proceres Zachariæ gratias egissent; sed nullas egerunt, acturi maximas, si ab illo tantum accepissent beneficii: Quis sana mente prædictus dubitaret?

Denique quæ ibi Zacharias fecisse dicitur, non fecisset sine Synodo, quam res tanti ponderis exigebat. In C. *Alius* agitur de abdicando Rege inutili, de alio in illius locum sufficiendo, & de Francigenis à juramento fidelitatis, quod præstiterant, absolvendis: Quæ tria à Romano Pontifice fieri posse, nec divinæ legis auctoritas, nec Ecclesiæ traditio, nec præcedens exemplum ullum suadebat. At celebrata non est tunc Romæ Synodus, quæ jus hujusmodi vel jam assertum Romano, Pontifici, vel certè asserendum comprobaretur. Zacharias affirmare consueverat: Non aliud nobis convenit prædicare, præter quod à sanctis Patribus sumus edocti. Quinetiam ne una quidem extat epistola, quam Zacharias ad Episcopos & proceres Francorum hac de  
86 re scripserit. Ex quo facile adhuc intelligitur, Pontificem Francorum consultationibus & negotiis non aliter, quàm per datum voce tenus consilium invenisse. Dicit aliquis C. *Alius* ex certa quadam Gregorii VII. epistola depromptum esse. Id quidem verum est, sed quæ ibi narrantur, clam subministrata Gregorio fuerunt ab iis, qui leges historiæ neglexerunt: Atque hic, ut Cypriani verbis utar, non tam culpandus est ille, cui negligenter obrepum est, quàm execrandi, qui fraudulenter obreperunt. Posteriores quidam Gregorio auctores inducti sunt in errorem, dum probando suum fecerunt, quod est in C. *Alius*. Defecerunt ab eo, quod priores tradidere. Hinc Tertullianus in libri iv. contra Marcionem capite iv. Quis inter nos determinabit, nisi temporis ratio ei præscribens auctoritatem, quod antiquius reperietur, & ei præjudicans vitiationem, quod posterius revincetur? Porro autem quod ad C. *Alius* notavi, digressio non censebitur, quia digressus non sum ab eo quod proposui. Si tamen digressionis speciem aliquam referat, hæc sermoni nostro haud opportuna tibi, vir prudentissime, videbitur. In omnem eventum Alteserræ alterum negligentia Gratiani specimen præbebit. Vale Lutetia Paris. Idibus Octobris anno M. DC. LXIX.

# ANTONII CARLERII,

*Laudunensis Canonici,*

## TUMULUS.

Joannes Launoius

*Parisiensis Theologus,*

JOANNI JACOBO BARILLONIO.

*Gisiaco Priori.*

**Q**UEM Antonii Carlerii tumulum confici, debetur tibi tribus de causis maxime: Primum, quod ille amicus erat tuus; Deinde, quod communia inter vos ferebant pietatis veræ studia, quæ singillatim non persequor: Quippe certus sum te esse, quam haberi male. Norunt tamen omnes & hic prædicant, te Gisiaco in Prioratu œconomum egisse pauperum, non Priorem, ex quo Prior esse cœpisti. Hæc quia non possunt non esse nota & publica, latere, quæ tua est anxietas, obruique silentio nequeunt. Tum judicis necessarium, nedum utile, ut vitæ amici tui breviculus eat in exemplum apud posteros. In hujus descriptione sequimur morem calculorum, qui certis quibusdam æris brevioribus ingentes auri argentique summas designare solent.

*Igitur Sta viator & vide.*

Hic jacet Antonius Carlerius, Lauduni in Belgica secunda, honestis ac religiosis parentibus natus; Facultatis Theologiæ Parisiensis Baccalaureus; Basilica sancta Maria Canonici, & Ecclesiola beati Martini ad eandem Basilicam Curio; innocentissima & actuosissima juxta vitam: Duobus his plusquam par titulis, si tamen alter ob plebis reditusque paucitatem id nominis meretur: absolutum Christiana humilitatis exemplar; vir simplicitatis eminentissima, incomparabilis modestia, cum in arduis ferè nihil sibi sumeret, permulta si voluisset, & diuturni usus magisterio, & acquisita scientia jure sibi sumpturus: In tantum frugi, ut quotidianus & domesticus victus non multum abesset à jejuniis præciborum parcitate: Assiduus & indefessus catechistes, cum publicè tum privatim: Sermocinatus vulgariter nec ulli nec usquam fuit fastidio, auribus & animis in dies audiebatur prioribus. Hierarchicum deperit ordinem, obedientiam & veteris disciplina instaurationem: Contentus nus-

quam magis visus, aut hilarior, quam cum varia Episcopi pro negotiis piis mandata identidem perficeret seu in urbe, seu in pagis: Inimicarum charitatis litium fugitans; exortarum inter privatos rixarum pacificator humanissimus; ad captivorum, rei capitalis damnatorum, miserorum & oppressorum quorumlibet consolationem paratissimus; advolabat, non currebat; ubique locorum acceptissimus, ac propter ingenuos mores ne malis quidem invisus aut molestus habitus. Omnibus præsto fuit, quibus poterit; divitibus, egenis, quæ cognita, quæ incognita, ceteris in Clero, in Monasteriis, in Nosocomio, in Gerontocomio degentibus: Nulli defuit, si deesse non potuit, in damno positum ducens tempus omne, quod in Dei gloriam, vel in privata publicæ Ecclesiæ commoda non insumebat. Eo tandem divini amoris incensus ardore, ut quod bonum præstare licuit, semper præstiterit, & quod malum, ne fieret, impedire liberum fuit, semper impedierit: Et sic omnia factus omnibus, & jamdudum impletis verè Christiani hominis partibus universis, & cælo maturus, ut immortalis illic viveret, hic inter mortales vivere desiit, Anno ætatis suæ LVII. Christi M.DC.LXIX. pridie Idus Maias.

Ecce amici tui tumulus, in quo nullas historiæ leges negleximus! Quod enim nos vidimus, quod ipse tu vidisti, quod viderunt cæteri, testamur. Et sanè, ubi multa eaque vera & insignia, quæ solus Deus vidit, prætermittuntur, locus nullus patet mendacio, vel arti, quæ res perperam & cum adulatione (quæ scdum crimen servitutis est) amplificet. Scio, te explorati candoris virum, & mendacium, & artem illam odisse. Paterna & avita hæreditas est, quam cum reliquis fratribus Paulo, Antonio, Henrico sine jactura ulla crevistis. Vale, & ut soles, amare me perge. Lauduni ann. M.DC.LXX. Idibus Martii.

PETRI



# PETRI MAYNONII.

*Laudunensis Ecclesiæ Canonici,*

## EPITAPHIUM:

A D

## CÆSAREM.

*Laudunensem Episcopum, Ducem, & Patrem Franciæ.*

**O**PTASTI, ut Epitaphium hocce conscriberem: Obsecutus conscripsi. Potuisses conscribere, si per gravissima, quibus distineris, munera licuisset operi huic operam dare; Longius conscripsisses & tersius: Nam plura, quàm ego, tu nosti, quæ dixisses ornatius. Infinitas tamen virtutum actiones cogeris omittere, quas ego quoque omitam necessario: Quia qui vita functus est, dum viveret, impediit, ne in cognitionem hominum illæ venirent. Solius Dei cognitione contentus fuit: Quod homini verè Christiano sufficit. Hic colenda nobis sunt omnia silentio, quæ monumentis literarum nequeunt consignari. Superfunt alia eaque multa præclara, & cedro digna, quæ de vita præstantis hominis exponam sine fūco, & sine apparatu ullo præterquam veritatis, quæ cum deest historiæ, ornamenta desunt universa. Joannes Lannoius Parisiensis Theologus.

Petrus Maynonius Laudunensis Ecclesiæ Presbyter Canonicus, dum in urbe & antiquitate familie & ingenti honoratæque consanguineorum copia floreret anno M. DC. LXX. III. Idus Aprilis obiit, cum ætatis annum ageret quadragessimū quintum. Affatim compensata videbatur brevis vita, cujus summa fuit, Deo, pauperibus, sibi & musis vivere. Deo vixit, cum ex præscripto divinæ legis viam semper instituerit, nec mentem ab ea lege aut cogitationem unquam avocaverit. Opus non fuit ut vitia ineuntis adolescentiæ magnis emendarentur virtutibus; sed magnarum virtutum auxilio perfecit, ut ineuntis adolescentiæ vitia longè latèque propulsarentur. Canonicus factus scripturas sacras absque intermissione ulla pervoluavit, illarum succo sese pavit ac refecit; Dei laudes die ac nocte cecinit, & quàm maximas potuit ob derivata in humanum genus, & in seipsum beneficia gratias Deo reddidit, sic Deo vixit. Deinde pauperibus vixit, quia dictum sibi putabat, quod beatus Jacobus Apostolus tradidit in Catholica Epistola capite 1. Religio munda & immaculata apud Deum & Patrem hæc est; Visitare viduas & pupillos in tribulatione eorum, & immaculatum se custodire ab hoc sæculo. Hinc piorum è Clero & plebe hominum cœtibus, qui de commoda pauperum levatione diebus stans sunt in adibus Episcopi, sedulo intererat, & ibi aliisque in locis cum æquitate semiebat tanta, ut apud plerosque admirationem concitaret sui & amorem. Scilicet vir erat rectus & timens Deum. Sententiam quant dixerat, nulla excipiebat levitas & inconstantia, sed firmitas, constantia, propositique tenacitas. Quæ de suo pauperibus erogabat seu publicis, seu privatis, latere nos voluit pro eo ac potuit. Ne id sciretur cautionem summam adhibebat. Sic pauperibus vixit, ut de iis fovendis perpetuo cogitaverit. Tum sibi vixit imitatus Chri-

stum, qui magnam vita partem privatim egit, & procul à magnis hominum congressibus. Quò factum, ut convenientes statui Clericorum virtutes comparaverit facilius, & mirificè excoluerit. Inter eas eminebat, quæ abscondi non potuit, nunquam silenda, nunquam satis laudanda in Ecclesiasticis cursibus assiduitas. Nocturni & diurni pensi genus istud sic accuravit, ut collegas paucos habuerit pares, superiorem verò neminem. Erat in Maynonio cum summa humanitas, tum mira comitas, mixta modestia gravitas & innoxia hilaritas. Accedebant insignis humilitas, pietas, & prudentia, quæ & aliis in rebus, sed maxime in testamentaria tabella splendescunt: Humilitas in deprecandis à pio celebri & numerofo Laudunensium Presbyterorum Collegio offensionibus, quæ ad Decanum & sodales Canonicos quoquo modo spectarent. Pietas in bonis penè cunctis & suppellectilibus ad pauperum Nosocomii, & Gerontocomii, & Mendicantium Ordinum subsidium, & ad certarum, quæ sunt in agro Laudunensi, Ecclesiarum instaurationem erogandis. Prudentia in dictandis singulis ultima voluntatis commatibus, quæ & sana mentis integritatem etiam in corpore non sano, limatum & acre judicium ostendunt, immo & sacrata vetustatis odorem spirant. Sic vixit sibi. Postremò musis vixit, cum reliquum vita tempus optimarum artium studiis transmittendum esse duxit. Et quia secessum amant literæ, secessum quoque ipse amabat, quò iis liberiùs vacaret. Notato mox tempore interdum subducebat horas aliquot, ut pomeridianâ cum nonnullis familiaribus Canonibus ambulatione suam oblectaret otium, & tenera valetudini consuleret. Sic igitur vacavit literis, ut versatus fuerit admodum in Ecclesiastica historia partibus iis, quæ præsertim attinent universam Conciliorum materiam, Episcopatus dignitatem, & disciplinam Canonum, quibus generalia Ecclesiarum gubernacula continentur. Arbitrium propria voluntatis, seu motum proprium, quo regeantur Ecclesiæ, capere non poterat, quia rectionis id genus nec in sacris Canonibus, nec in decretis Pontificum ex iisdem Canonibus promulgatis, nec in actis Conciliorum generalium invenerat. Ingenio erat docili, elato, solerti, & genito ad capefendas scientias: Sed vir religione ductus intra illius, quam ex Sacerdotali professione nactus fuerat, Sparta limites sese semper cohibuit. His autem modis quatuor cum simul viveret, invasit eum ægritudo, quæ ad mensum unum plus minus duravit. Visitat agrotum Episcopus, & eum solaturus solatium accepit, non impertiit. Canonicatum nemini transscribere voluit, sed in Episcopi potestate relinquendum esse censuit. Piorum hominum operâ cum illo egit Episcopus, ut successorem aliquem designaret; tamisper hæsit, & tandem fecit, quod Præsul expetiit: designavit Presbyterum annos plus minus sexaginta natum, quem & nobilis simplicitas, morum

*innocentia, transacta in regendis Virginibus Deo dicatis vita, & vitiorum omnium vacuitas apud omnes semper commendaverant. In agritudine sua beatum secutus Augustinum, (quod & quale moribundi exemplar!) decem vel octo dies, antequam exiret e corpore, significavit nolle se quicquam audire de seculo, nolle se videre homines, aut ab iis videri, etiam quorum alias laudabili familiaritate usus fuerat, ut ita totus secum habitans omnes annos suos ad plenum & perfectum recogitaret, Sacramentorum Ecclesiae praesidiis, ut decet, communicaretur, & tutus viam universa carnis ingrederetur. Verum agritudo quamlibet diuturna, & facta paulatim vehementior laborantis non fregit animum, sed exegit, erectumque Christiana magnopere confirmavit patientia, ad supremam usque horam, quâ verus Dei servus obdormivit in pace, & mortalitati exuta nunquam exuenda successit immortalitas.*

Feci hætenus quod optasti, Antistes illustrissime: Nunc tuum est perspicere, an optatis tuis adæque responderim. Respondisse me puto, quia nihil quod sciverim, & momenti sit alicujus, de industria prætermisi. Quod recensui, id Maynonium famæ & posteris aptè designabit, & ad imitandum proponet.

Quod Epitaphium appello, sic olim beatus Hieronymus appellaverat. Paulus Jovius & Papyrius Massonus, & recentiores alii elogium vocant. Sed hac in lite quæ nondum finita est, Hieronymo me adjungo. Interim valde doleo vices Ecclesiae, cui te Deus præesse voluit. Hæc mensibus abhinc undecim non sine magno sui damno amisit Antonium Carlerium, & Petrum Maynonium, insigne par Presbyterorum, quos nisi semper, certè diu multumque desideratura est. Carlerius ducebat vitam, quæ fere tota in actione consistebat. Maynonius ducebat vitam quæ fere tota in contemplatione sita erat. Uterque tamen verus Dei servus audiebat, & communi consensu, aliter tamen atque aliter ad commune bonum Ecclesiae non tendebat modò, sed etiam impetu ferebatur. Obscura tibi non sunt aut ignota quæ scribo, sed perspecta omnino atque animadversa. Laudunensium civium publica vox est, cui reluctatur nemo. Faxit Deus immortalis, ut quod in interitu præstantissimæ synodidis hujus detrimentum passa est Ecclesia hæc, id tandem aliquando refarciatur. Lauduni, anno M. DC. LXX. Idibus Aprilis.

# CAROLI VAIRONII

*Laudunensis Ecclesiae Canonici,*

## EPITAPHIUM:

A D

# CAROLUM VAIRONIUM

*Laudunensis quoque Ecclesiae Canonicum, & Cleri Syndicum.*

**D**OLERE te non dubito, quod patrum virum certè optimum amiseris; tecum ego doleo: Sed tamen iusta ratio suppetit, quæ dolorem nostrum cohibeat, & illius avocamenta præbeat. Hinc ille juvenis institutus Canonicus, sic variis enituit virtutibus, ut vitiis nunquam obrutus fuerit. Canonicæ disciplinæ custos perpetuus, & comiter severus alios correxit, qui meritò corrigendi erant; qui & statim correctionem beneficii loco habuerint: Laudunensis Cleri cum factus est Syndicus, ad ejusdem Cleri negotia & opportunitates advigilavit sedulo; & inde gnavi & industrii hominis laudem maximam reportavit; gratus unicuique, ingratus nemini, nisi forsan ei qui calumniator extiterit. Hinc amittendi patrum tempus venerat, cum ætatis annum impleter octogesimum tertium. Supremum in singulas propemodum horas opperiebatur exitum, nec mors quamlibet lubrica, & incomprehensibilis imparatum illum offendit. Hilari & sereno erat vultu, quasi futuræ quietis securus. Ut ad vada Mæandri concinebat albus olor. Atque hoc erat certum quoddam occupatum rectè antea vitæ præmium. Intelligebat vir prudens, eum oportere laudabiliter vivere, qui vult laudabiliter apud Christianos mori. Is igitur levi correptus febre tum demum intra paucos dies nonis Maii vivere desiit, ut in pace cum Christo æternum viveret, quia Chri-

stiani nunquam viverent si hîc semper viverent. Neque enim in exilio nisi miserè atque ærumnosè vivitur. Misera autem vita & ærumnosa censenda non est vita. Verum quia patruus bene Christianam in exilio vitam egit, hîc magna cum exultatione, & gloria per consequentes annos omnes victurus est: In Laudunensi Ecclesia, quam annorum LXIV. spatio collustravit exemplis pluribus, quæ ad vitam beatè instituendam conducunt. In Laudunensi, inquam, Ecclesia, cujus reditus auxit, non malis, sed bonis artibus. In Gerontocomio, cui primùm extruendo sat magnam pecuniæ summam impertitus est. Accessit nuper & alia non mediocris pro temporum calamitate summa, quam testamento legavit. In Nosophocomio, inter ipsa Christi membra sanctissima, quibus fovendis ac sustentandis largitione piâ consuluit. In Minorum & Minimorum cenobiis, ad quæ religiosa pietissimi hominis liberalitas pervenit. In Clericorum Seminario, cui multa benignè tribuit; persuasus locum hunc universæ Diocesi non proficuum modò, verumetiam necessarium esse, ut in eo qui sacris initiantur ordinibus, & regendis deputantur plebibus, nunc subigantur & formentur ab initio, nunc reformentur in melius, ac veluti recoquantur, cum; ut aliquando fit, & nihil est in rebus humanis firmum ac stabile, ab institutionibus primis aliqua ex parte disceditur. Tantæ molis est, Clericos & Al-



taris ministros in officio, quod penitus divinum est, sed infinitis rerum discriminibus obnoxium, continere. Postremo victurus est apud teipsum ex fratre filium, qui acceptam ab optimo sene educationem egregiam magnis non cessas dotibus ornare: Sed ex illis elucet potissimum hæc, *probum & oppido cordatum esse hominem*, quæ ut gentilitium Vaironiæ apud Laudunenses familiæ singulare circumfertur. Hoc tacere nec possum, nec debeo, etiamsi pudorem tuum sollicitare non sit animus. Id enim te solum non attinet, sed patrum, patrem pauperum studiosissimum curatorem, cæteros: Patrum imprimis, cui planum, apertum, & omni dolo ac fraude vacuum pectus erat. Dicam brevius: Cor propriis manibus gestare videbatur, quod in aliorum manus deponeret tractandum, visendum, explorandum. Vir optimus hanc agendi vivendique rationem hauserat à Christianis veteribus, quorum mores Plinius Junior in Epistola ad Trajanum describit. Sic Carolus Vaironi-

us vixit, sic mortuus est: Atque ita vivendo & moriendo diversis, quæ mox indicata sunt, beneficiis consecutus est, ne qui à bonis desiderandus esset postea, desideraretur, sed commendaretur potius, & memoria subsequenterum sæculorum prædicaretur. Desiderii illiusmodi vades omni exceptione majores reliquit tot eleemosynas, quæ monumentis cælestibus obsignantur, & Deum ipsum, quia justus & fidelis est, oppignerant ad reddendam mercedem, cui debetur æternitas. Tu verò, quem patrui Sacerdotio & Syndicatui (mollienda sunt usu verba) & virtutibus successisse, & facili, expedito & solerti pollere ingenio, & gaudeo & gratulor, hæc quæ scripsimus, tam æquo accipias velim animo, quam scripta sunt pronò. Vale, anno M. DC. LXX. pridie idus Maii. Joannes Launoius Parisiensis Theologus.

*Ex Lavernio in pago Laudunensi.*

# Joannes Launoius

## JOANNI ROLANDO

Parisiensi Theologo, & Remensi Canonico.

**A**UGUSTODUNENSIIUM privilegiorum, quæ in libro XI. Epistolarum Gregorii Papæ I. Epistola X. ad Senatorem Presbyterum & Abbatem, Epistola XI. ad Thessaliam Abbatissam, Epistola XII. ad Lupponem Presbyterum & Abbatem, repræsentantur, clausula postrema partes duas complectitur. Prior ita se habet: *Siquis verò Regum, Sacerdotum, Judicum, personarumque secularium hanc constitutionis nostræ paginam agnoscens, contra eam venire tentaverit, potestatis honorisque sui dignitate carcat, remque se divino iudicio existere de perpetrata iniquitate cognoscat: Et nisi vel ea, quæ ab illo malè ablata sunt, restituerit, vel dignâ penitentia illicitè acta desleverit, à sacratissimo corpore, ac sanguine Dei & Domini nostri Redemptoris Jesu Christi alienus fiat, atque in æterno examine districta ultioni subiacet.* Posterior verò est hujusmodi: *Cum-  
elis autem eidem loco justa servantibus sit pax Domini nostri Jesu Christi, quatenus & hic fructum bonæ actionis recipiant, & apud districtum Judicem præmia æternæ pacis inveniant.* At neque prior, neque posterior pars clausulæ reperitur in certis quibusdam privilegiis, quæ Gregorius in Epistolis suis identidem concedit. Cur autem reperiri deberet, postulare si-  
2 milis ratio videtur, sed eo per singula privilegia & rem oculis tuis subijcio.

I. Gregorius in libri I. epistola XII. ad Joannem Episcopum de Urbe veteri, hoc privilegii genus concedit: *Agapitus Abbas monasterii sancti Georgii insinuat nobis, plurima se à vestra sanctitate gravamina sustinere, & non solum in his, quæ necessitatis tempore aliquod monasterio possint inferre subsidium, verumetiam quod in eodem monasterio missas prohibeas celebrari, sepeliri etiam ibidem mortuos interdicas.* Quod si ita est, à tali vos hortamur inhumanitate suspendi, & sepeliri ibidem mortuos, vel celebrari missas, nullâ ulterius habitâ contradictione permittas, ne denuo querelam de iis quæ dicta sunt, prædictus vir venerabilis Agapitus depo-

nere compellatur. Hic non adjicitur prior aut posterior pars clausulæ quæ relata est, & Augustodunensibus privilegiis tribus subnectitur. Posterior certè subnectenda erat: *Cunctis autem eidem loco justa servantibus sit pax Domini nostri Jesu Christi, &c.* si vel usus Romanæ tulisset Ecclesiæ, vel Pontifex inducendum illum esse judicasset.

II. In libro IV. epistola XII. ad Luminosum Abbatem monasterii S. Thomæ Ariminensis, hoc ei privilegii genus concedit: *Petitionem tuam, congregationisquæ tuæ libenter suscepimus, secundum statuta Patrum jurisque formam tuis precibus accommodantes effectum, Castorio fratri & coepiscopo nostro nostrâ preceptione transmissa est Epistola, successoribusque ejus, & à te monasterioque tuo cunctam lationis funditus abstulimus potestatem, ut nec ultra in vestro versetur gravamine, nec monasterii res describat, nec publica illic debeat esse processio: Illâ videlicet ei jurisdictione relicta, ut in defuncti Abbatis locum, alium, quem dignum communis consensus congregationis elegerit, debeat ordinare.* His autem ita perfectis in Dei opere estote solliciti, & assidue operam orationi date, ne non videatur magis vobis quæsita mentis in oratione securitas, sed malè, quod absit, degentibus Episcopalis evitata districtio. Et sanè nisi prior pars clausulæ addenda esset, posterior, Cunctis autem eodem loco justa servantibus sit pax Domini nostri Jesu Christi, addenda erat, si vel usus Romanæ tulisset Ecclesiæ, vel Gregorius inducendum illum esse judicasset.

III. In ejusdem libri Epistola XLIII. ad Castorium Ariminensem Episcopum, ubi concessum privilegium ei significat: *Luminosus Abbas monasterii Sanctorum Andrea & Thomæ in Ariminensi civitate constituti, quas nobis lacrymabiliter preces effuderit, indita textus petitionis informat, pro qua re fraternitatem tuam hortamur, ut obeunte Abbate monasterii ipsius, Ecclesia tua in describendis, providendisque acquisitis acquirendisve ejusdem monasterii rebus nullâ se occasione permisceat.* Ab-

batem

batem verò eidem monasterio non alium, sed quem dignum moribus atque actibus monastica disciplina communi consensu congregatio tota poposcerit, te volumus ordinare. Missas autem illic publicas per Episcopum fieri omnimodo prohibemus, ne in servorum Dei secessibus popularibus occasio praebeatur ulla conventibus, & simplices ex hoc animas plerumque, quod absit, in scandalum trahat, frequentior quoque introitus mulieribus arceatur. Hanc autem scriptorum nostrorum paginam omni in futuro tempore à te vel post te Episcopis ordinandis, firmam statuimus illibatamque servari, ut & tua Ecclesia juvante Domino, suo tantummodo sit jure contenta, & Monasterium illud nulli alterius aliquà ratione generali canonice jurisdictioni deserviens, remotis vexationibus, ac cunctis gravaminibus divinum opus cum summa animi devotione perficiat. Huic Epistolæ utraque pars clausulæ subdenda erat, si ut subderetur, usus Romanæ tulisset Ecclesiæ, vel Gregorius inducendum illum esse judicasset.

IV. In libri VI. Epistola XII. ad Respectam Abbatissam, cui certum quoddam privilegii genus ita concedit: Pia postulatio voluntatis effectum debet prosequente compleri, quatenus & devotionis sinceritas laudabiliter emittatur, & utilitas postulata vires indubitanter assumat: Proinde monasterio, quod in honorem Sancti Cassiani est consecratum, in quo praeesse dignosceris, juxta petitionem filiorum nostrorum Dinamii atque Aureliani, qui id religiosam devotionem domini sui juris injunctis unisse edificiis comprobantur, hæc privilegia praevidimus indulgeri: Constituentes, ut obcunte antedicti monasterii Abbatissa, non extranea, sed quam congregatio sibi de suis eligerit, ordinetur: Quam tamen si digna huic ministerio iudicata fuerit, ejusdem loci Episcopus ordinet. In rebus autem vel in dispositione monasterii ejusdem, nec Episcopum, neque Ecclesiasticorum quempiam aliquam habere decernimus potestatem, sed hæc ad solitudinis tuæ, vel quæ post te in eodem loco fuerit Abbatissa, curam statuimus per omnia pertinere. Die siquidem natalis vel dedicationis supradicti monasterii, Episcopo illic missarum sacra conveniat solemniter celebrare, à quo tamen ita est officium exsolvendum, ut cathedra ejus, nisi prædictis diebus dum illic missarum sollemniter celebrat, non ponatur. Quo discedente similiter etiam cathedra illius de eodem oratorio auferatur. Ceteris vos diebus per Presbyterum, qui ab eodem Episcopo fuerit deputatus, Missarum officia peragantur. Præterea erga vitam actusque ancillarum Dei, siue Abbatissa quæ in suprascripto fuerit monasterio constituta, Episcopo secundum Dei timorem, sollicitudinem statuimus adhibere, ut si aliquam de illic habitantibus exigente culpâ oportuerit ultioni submitti, ipse juxta sacrorum canonum vigorem modis omnibus debeat vindicare. His ergo à nobis statutis atque concessis, ita te in congregationis tuæ dispositione custodiam stude sollicitorem enixius in omnibus exhibere, ut iniqui hostis malitia; nihil ibi quod maculari possit, inveniat. Hæc igitur omnia, quæ hujus pagina præceptionis amplectitur, monasterio tuo in omnibus, & ab omnibus in perpetuum servari Christo protegente censemus, quatenus indultorum privilegiorum beneficia in sua semper inviolabiliter firmitate permaneant. Huic Epistolæ utraque pars clausulæ subdenda erat, si ut subderetur, usus Romanæ tulisset Ecclesiæ, vel Gregorius inducendum illum esse judicasset.

V. In libri VII. indict. I. epist. XXXIII. ad Joannem Schillitanum Episcopum, ubi de certo quodam privilegio monachorum Castellienis monasterii agitur: Grave nimis & contra sacerdotale constat esse propositum, velle cujusquam monasterii privilegia olim indulta confundere, & ad irritum quæ sunt pro quiete disposita, nisi deducere. Quæsti itaque nobis sunt monachi Castellienis monasterii, quod in fraternitatis vestra civitate est constitutum, quia eidem Monasterio quadam contra ea, quæ à prædecessoribus vestris permessa, ac consuetudine

longâ servata sunt, festinetis superinducere, & antiquam ordinationem quadam præjudicii novitate turbare: Proinde his fraternitatem vestram hortamur assatibus, ut si ita est, ab ejus molestia se sine aliqua excusatione contineat, & quæ ei sunt diutius custodita, nullius occasionis tentet usurpatione convellere, sed cuncta illibata, & sine aliqua studeat refragatione servare, & plus sibi in eodem monasterio, quam prædecessoribus licuit, noverit non licere. Quia verò pariter quæsti sunt fraternitatem tuam, quadam de monasterio sub xemi quasi specie abstulisse, necesse est, ut si quid te indecenter recolis accepisse, sine delatione restituas, ne avaritia te graviter culpa redarguat, quem largum erga monasteria sacerdotalis magis debuerat munificentia demonstrare. Servatis itaque omnibus quæ à tuis, sicut diximus, prædecessoribus permessa sunt ac servata, cura tuæ sit circa actus ac vitam confitentium illic monachorum te vigilantem insistere, & si quempiam illic pravè conversari, aut in aliquam immunditia, quod absit, culpam inveneris incidisse, districtâ ac regulari emendatione corrigere. Nam sicut ab iis, quæ incongruè usurpantur, fraternitatem vestram volumus abstinere, ita in his, quæ ad discipline rectitudinem vel animarum custodiam pertinent, esse sollicitam modis omnibus admonemus. Indicaverunt etiam prædicti monasterii monachi, castrum quod Schillitanum dicitur, in solo juris monasterii eorum esse fundatum, atque ab hoc habitantes illic factis libellis solatium annis singulis spondisse persolvere, sed postea contempsisse & ab eadem se præstatione supervacue suspendisse. Fraternitas ergo vestra subtiliter veritatem curet addiscere, & si ita reperiit, instanter studeat, ut ea quæ promiserunt, quia & ratio exigit, præbere non differant, quatenus & illi quiete quod tenent, possideant, & monasterii jura præjudicium non incurrant. Præterea quæsti nobis sunt prædicti monasterii monachi Abbatem suum terram inter Schillitanum castrum, quæ in sexcentos pedes extenditur, sub prætextu fabricandæ Ecclesiæ fraternitati tuæ donationis titulo concessisse, & ideo volumus quantum parietes possunt edificata Ecclesia circumdare, juri Ecclesiæ vindicari. Quidquid verò extra parietes ejusdem Ecclesiæ esse potuerit, ad jura monasterii sine difficultate aliqua revertatur: Quia nec mundanarum legum, nec sacrorum canonum statuta permittunt res monasterii de jure ejus quolibet titulo segregari. Ea propter donationem ejusdem terræ, quæ contra rationem facta est, sine aliqua dilatione restituere. Huic Epistolæ utraque pars, vel certè posterior clausulæ, quæ ex Augustodunensibus privilegiis relata est, subdenda erat, si ut subderetur, usus Romanæ tulisset Ecclesiæ, vel Gregorius inducendum illum esse judicasset.

VI. In libri ejusdem indict. II. Epistola CXIV. ad Siagrium Augustodunensem Episcopum, ubi certum quoddam illi privilegium ita concedit: Magistra bonorum omnium charitas, quæ nihil sapit extraneum, nihil confusum, ita exercet corda & corroborat, ut nil grave, nil difficile existimet, sed fiat totum dulce quod agitur. Hujus igitur cum sit proprium nutrire concordiam, servare conjuncta, dissociata conjungere, prava dirigere, & virtutes ceteras perfectionis suæ munimine solidare, quisquis in ejus radices se inserit, nec à viriditate deficit, nec fructibus inanescit, quia humorem fecunditatis opus efficax non amittit: Atque ideo multum tibi, dilectissime frater, condelector atque congaudeo, quod sic eadem charitate te præditum multorum testificatione comperio, ut & ipse quæ sacerdotis sunt, decenter exhibeas, & aliis te laudabiliter imitandum ostendas. Quia igitur in prædicatione & opere quandiu cogitans, Anglorum genti per Augustinum quondam monasterii mei præpositum, nunc fratrem & coepiscopum nostrum impendere studui, ita sollicitum atque devotum adjutorumque in omnibus te, ut oportuit, fuisse cognovimus, ut magnum me sibi fraternitas tua hac de re saceret debitorem, tanta rei consideratione commonitus, ne infructu-



ofus erga te viderer existere, fraternitatis tua petitionem nullā pertuli ratione postponere : Proinde secundum postulationis tua desiderium pallii te usu, quod inter Ecclesiam tuam habere debeas, ad sacra tantum missarum solemniam celebranda, Deo auctore praevidimus honorandum. Quod tamen ita tibi dandum esse decrevimus, si prius per Synodi definitionem emendari promiseris, quae corrigenda mandavimus, quia dignum profecto esse credimus, ut cum mentis gravitate, quā Deo te propositio pollere didicimus, habitus quoque exterioris clarior in te cultus accresceret, praesertim cum te hunc non ad superflua elationis pompam, sed pro genio & honore tuae arbitramur Ecclesiae petivisse. Cujus ne indumenti munificentiam nudam videamur quodammodo contulisse, hoc etiam pariter prospeximus concedendum, ut Metropolitae suo per omnia loco & honore servato, Ecclesia civitatis Augustodunae, cui omnipotens Deus praesse te voluit, post Lugdunensem Ecclesiam esse debeat, & hunc sibi locum & ordinem ex nostrae auctoritatis indulgentia vindicare. Ceteros vero Episcopos secundum ordinationis suae tempus, sive ad confidendum in Concilio, sive ad subscribendum, vel in qualibet alia re sua attendere loca decernimus, & suorum sibi praerogativam ordinum vindicare, quia omnino rationis ordo nos admonet, ut cum usu pallii aliqua simul, sicut diximus, largiri privilegia debeamus. Sed quoniam cum honoris augmento cura quoque sollicitudinis debet accrescere, ut cultui vestium actionis quoque ornamenta convenient, oportet ut enixius in cunctis se studiis vestra fraternitas exerceat, & circa subjectorum actus sit cura vigilans, ut vestrum illis exemplum instructio, & vita magistra sit. Lingua vestra exhortatione discant, quod metuant, & doceantur quod diligant, ut dum talenta credita lucro multiplicata reddideris, in die retributionis audire sis meritis : Euge serve bone, & fidelis, intra in gaudium Domini tui. Curam praeterea congreganda Synodi, quam vobis atque

10 aliis fratribus nostris pro illicitarum rerum prohibitionem sciendam scripsimus, vestra specialiter sollicitudini noverritis incumbere. Unde quia praeclentissimos filios nostros Francorum Reges magnam vobis novimus dilectionem impendere, omni vos studio, omnique agere annisu necesse est, ut quod de Synodo congreganda mandavimus, fraternitatis vestrae vigilantia compleatur, atque omnia illic, quae pro animarum salute scripsimus, censeantur, quatenus per hoc & vos zelum vestrum, & qualiter vobis illicita displiceant ostendatis, & nos utiliter providisse, qui vestram ad hoc praeter ceteris personam eligimus, videamus. Huic Epistolae, quae privilegium continet, utraque pars, vel certe posterior clausulae subdenda erat, si ut subderetur, usus Romanae tulisset Ecclesiae, vel Gregorius inducendum illum esse judicasset.

VII. In ejusdem libri & indi. epistola cxvii. ad Virgilium Arelat. Episcopum, ubi certum quoddam privilegium genus Arelat. monasterio concedit. Cum pia desiderium voluntatis & laudanda devotionis intentio sacerdotalibus sit semper studiis adjuvanda, cura est sollicitudinis adhibenda, ut ea quae pro quiete monachorum, religiosaeque conversationis fuerint ordinata, nec dissimulatio negligere, nec quadam valeat praesumptio perturbare. Sed sicut hoc quod ratio exigebat utilitatis, oportuit definiri : Ita quod definitum est, nisi forte ubi major est auctoritas, non debet violari. Igitur gloriose memoria Childebertus Francorum Rex Catholica religionis amore successus intra muros Arelatensis civitatis monasterium virorum, ut scripto reperimus, pro sua

11 mercede constituens, quadam ibidem pro habitantium sustentatione concessit. Cujus ne voluntas unquam duceretur in irritum, & ea quae pro quiete monachorum disposita fuerunt, turbarentur, quaque contulit in jure ejusdem monasterii Epistolae suis Apostolicae petitis auctoritatem firmari : Hoc quoque suae petitioni subiungens, ut eidem monasterio tam in dispositione rerum, quam in ordinatione Abbatis quadam pariter privilegia largirentur :

Sciens quippe eam Apostolica Sedi reverentiam a fidelibus exhiberi, ut quae ejus fuissent decreto disposita, nullius deinceps illicita usurpationis molestia quaterentur. Unde quia effectum & regia voluntas, & res valde desiderata poscebat, a praedecessore nostro Vigilio Romana Sedis Antistite ad praedecessorem vestrum Aurelium scripta transmissa sunt, uti omnia, quae amplectenda voluntatis studium deposcebat, Apostolica auctoritatis libenter annisu firmata sunt : Quia difficultatem pati non potuit hujusmodi res petita. Sed ut fraternitas vestra quae fuerint tempore illo decreta cognoscat, amedicti praedecessoris nostri scripta his praevidimus scriptis adjungi. Quibus lectione percursis hortamur, ut omnia sacerdotalis, ut decet, studio inviolata conserves, nihilque illi de indebitis, nihilque permittas de illicitis irrogari, nec ea quadam patiaris usurpatione convelli. Nam licet ea, quae semel Apostolica Sedis auctoritate sancita sunt, nil egeant firmitatis ; ex abundantia tamen nostra cuncta, quae pro hujus rei quiete a praedecessore nostro statuta sunt, nostrae iterum auctoritate in omnibus roboramus. Fraternitas ergo vestra ita se in custodiendis eis exhibeat, quatenus & omnem occasionem inquietudinis excludat, & aliis hac operari suadeat, dum se in custodienda defuncti piissima voluntate sollicitam, ut decem, exhibueris & devotam. Huic Epistolae neutra pars clausulae subdita fuit, quae subdenda erat, si ut subderetur, usus Romanae tulisset Ecclesiae, vel Gregorius inducendum illum esse judicasset.

VIII. In libri xi. epistola iv. ad Adeodatum Neapolitanum Abbatem, ubi Craterense monasterium Neapolitano conjungitur. Quantum bene disposita Fratrum congregationi animus noster ex interni desiderii intentione congaudet, tantum ex destitutis, & pane in desolatione positis Fratribus monasterii S. Marcellini, ut pastoralis sollicitudinis eis citius cura subveniat, vehementer merore concutitur. Monachi siquidem monasterii, quod Cratera dicitur, Neapolitana urbi è vicino fundati, porrecta nos petitione informasse noscuntur, locum ipsum ita pane funditus servorum Dei obsequiis destitutum, ut vix illic remanserint, qui loci ipsius solummodo valeant esse custodes. Ob quam rem lacrymabiliter supplicantes a nobis proposuisse noscuntur, ut monasterio vestro ipsum unire monasterium deberemus, quatenus per sollicitudinem tuam, & deinceps succedentibus aliis locus ipse auctore Deo regulari valeat ordinatione disponi. Sed dum huic rei frater & coepiscopus noster Basilii Capuana Ecclesia praesens fuisset, invenimus exiit valde contrarius, asserens locum ipsum olim monasterio alii Diocesis suae fuisse conjunctum, & idcirco minime in alterius Ecclesiae jus debere contradi. Contra quam objectionem Neapolitana rursus Clerus Ecclesia multo esse aliter, quam dicebatur, oppositis allegationibus replicabat, quibus diversa sententibus ne constituere quidquam dubie viderentur, deputatis cognitoribus institutis inter eos esse judicium. Quibus renunciantibus manifestata ratione comperimus, fratrem & coepiscopum nostrum Basilium nullum in praedicto Craterensi monasterio jus habere. Quo cognito monachis pia poscentibus necessario duximus praebere consensum. Praesentis itaque praecipi nostri auctoritate idem Craterense monasterium cella vestra constituimus unendum. Hoc praecipue commonentes, ut locus ipse ita cum divino solatio per vos deinceps debeat ordinari ; Quatenus dum ab hoste licuerit, deputati a vobis illic monachi debeant jugiter in Dei laudibus permanere : Perturbationis vero tempore intra urbem in cellam quippe propriam revocari. Res vero omnes eidem monasterio competentes, diligenti volumus curā perquiri, atque recolligi, easque ut tibi visum fuerit, apte disponi. Nihilque quod eidem monasterio competit a quoquam detineri permittas, sed omnia in jus cella quippe jam tua reformare non negligas, ut cunctis salubri ordinatione dispositis, quae Deo placita & nostrae sunt auctoritate suffulta, perpetuis maneant incon-

13

14

& sic adornata periodus ultima, ut utraque pars clausulæ facile addi poterit, si ut adderetur, usus Romanæ tulisset Ecclesiæ, vel Gregorius inducendum illud esse judicasset.

Hæc igitur observatio, quæ ex variis Gregorii Epistolis colligitur, Gregorio Augustodunensi privilegia, nimirum Epistolam ad Senatorem, Epistolam ad Thessaliam, Epistolam ad Lupponem, non potest non abjudicare.

Deinde Gregorius simoniacam, ut vocat, hæresim in Epistolis passim exagitat, nec tamen hæresi pollutos à sacratissimo corpore & sanguine Dei ac Domini nostri alienos esse, nec in æterno examine districtæ ultioni subjacere denuntiat, ut ii denuntiantur, qui Augustodunensi Xenodochio, seu Monasterio non-nihil ablatus, asses puta duodecim restituere noluerint. Hic agendi modus in unum & eundem Gregorium quadrare non potest. Igitur Augustodunensi privilegia tria, quæ toridem continentur Epistolis, supposita vel interpolata dici debent, cum Epistolæ omnes illæ, in quibus simoniacam hæresim persequitur, atque à variis Ecclesiis tollendam esse statuit, suppositæ vel interpolatæ esse dici non possint. Hæ autem Epistolæ sunt magno in numero, quarum nonnullas Joannes Diaconus laudat in vita Gregorii, & sic in suppositionis vel interpolationis suspicionem minimè veniunt. Id in pluribus Epistolis observandum est.

Et primò quidem in libri IV. epistola XXIII. ad Castorium Notarium, de eligendo Episcopo: Nulla ergo sit in hac electione vanitas, ne dum præmia appetunt, virtutem discretionis amittant, & illum dignum ad hoc esse arbitrentur officium, qui non meritis sed datione placherit. Specialiter enim & absolute cognoscant quia non solum indignus est sacerdotio, sed & aliis profecto erit culpis obnoxius, quisquis Dei donum pretii præsumperit vanitate mercari. Non itaque largus præmiis, sed dignus 15 meritis eligatur. Nam & electum & eligentes par poena respiciet, Si sacerdotii sinceritatem sacrilegè violare tentaverint. Ut autem id mali genus avertat, hæc clausula, Qui simoniacus fuerit, à sacratissimo corpore ac sanguine Dei & Domini nostri Redemptoris Jesu Christi alienus fiat, atque in æterno examine districtæ ultioni subiaceat, non utitur, usurus sine dubio, si utendi mos fuisset in Romana Ecclesia.

Deinde in ejusdem libri Epistola I. ad Virgilium Arelatensem Episcopum: Quibusdam namque narratibus agnovi, quod in Galliarum vel Germania partibus nullus ad sacrum ordinem sine commodi datione perveniat. Quod si ita est, flens dico, gemens denuncio, quia cum sacerdotalis ordo intus cecidit, foris quoque diu stare non poterit. Scimus quippe ex Evangelio quid redemptor noster per semetipsum fecerit, quia ingressus templum cathedras vendentium columbas evertit. Columbas enim vendere est de Spiritu Sancto, quem Deus omnipotens consubstantiali sibi per impositionem manuum hominibus tribuit, commodum temporale percipere. Ex quo, ut prædixi, malo jam innuitur quid sequatur. Quia qui in templo Dei columbas vendere præsumpserunt, eorum Deo iudice cathedra ceciderunt: Qui videlicet error in subditis cum augmento propagatur. Nam ipse quoque qui pretio ad sacrum ordinem perducitur, jam in ipsa proventus sui radice vitiat, paratior & aliis vendere quod emit. Et ubi est quod scriptum est: Gratis accepistis, gratis date? Et cum primò simoniacæ hæresis sit contra sanctam Ecclesiam exorta, cur non penditur? Cur non videtur, quia eum, quem 16 quis cum pretio ordinat, provehendo agit, ut hereticus fiat? Clausulam hanc, qui simoniacam ordinationem minimè vitaverit, à sacratissimo corpore ac sanguine Dei, & Domini nostri Redemptoris Jesu Christi alienus fiat, atque in æterno examine districtæ ultioni subiaceat, non addit, additurus proculdubio cum jure addi poterit, si addendi mos fuisset in Romana Ecclesia, vel eam Gregorius addendum esse censuisset.

Tum in ejusdem libri epist. IV. ad Joan. Corinth. Episcopum: Præterea pervenit ad nos, quod in illis partibus nullus ad sacrum ordinem sine commodi datione perveniat. Quod si ita est, flens dico, gemens denuncio, quia cum sacerdotalis ordo intus cecidit, foris quoque diu stare non poterit: Scimus quippe ex Evangelio, quid Redemptor noster per semetipsum fecerit, quia ingressus templum cathedras vendentium columbas evertit. Columbas enim vendere est de Sancto Spiritu, quem Deus omnipotens consubstantiali sibi per impositionem manuum hominibus tribuit, commodum temporale percipere. Ex quo, ut prædixi, malo jam innuitur, quid sequatur, quia qui in templo Dei columbas vendere præsumpserunt, eorum Deo iudice cathedra ceciderunt: Qui videlicet error in subditis cum augmento propagatur. Nam ipse quoque qui ad sacrum ordinem perducitur, jam in ipsa proventus sui radice vitiat, paratior est aliis vendere quod emit: Et ubi est, quod scriptum est, gratis accepistis, gratis date, & cum primò contra sanctam Ecclesiam simoniacæ hæresis sit exorta, cur non penditur? Cur non videtur, quia eum, quem quis cum pretio ordinat, provehendo agit, ut hereticus fiat? Quia ergo hanc nefandissimam pravitatem sancta universalis omnino damnat Ecclesia, hortamur fraternitatem vestram, ut tam detestabile, & tam immane peccatum de locis omnibus quæ sub se sunt, sollicitudinis suæ modis omnibus compeecat instantia. Nam si tale aliquid deinceps fieri senserimus, jam non verbis, sed canonicè hoc ultione corrigemus, & de rebus, quod non oportet, aliud incipimus habere iudicium. Et clausulam hanc: Interim reus à sacratissimo corpore ac sanguine Dei, & Domini nostri Redemptoris Jesu Christi alienus fiat, atque in æterno examine districtæ ultioni subiaceat, non adjunxit; adjuncturus omnino, quia jure adjungi potuit, si adjungendi mos fuisset in Romana Ecclesia, vel eam Gregorius adjungendam esse sensuisset.

Quartò in ejusdem Epistolæ fine: Novit autem fraternitas vestra, quia prius pallium nisi dato commodi non dabatur, quod quoniam incongruum erat, factò Concilio ante corpus Beati Petri Apostolorum Principis, tam de hoc quam de ordinationibus aliquid accipere sub districta interdictione vetimus. Oportet ergo, ut neque per commodum, neque per gratiam, aut quorundam supplicationem aliquos ad sacros ordines consentiat vel permittatis adduci. Nam & peccatum, sicut diximus, grave est, & sine correptione hoc non patimur remanere. Supererat ut adderetur clausula hæc, aliqui qui per commodum ad sacros ordines adducuntur, à sacratissimo corpore ac sanguine Dei ac Domini nostri Redemptoris Jesu Christi alienus fiat, atque in æterno examine districtæ ultioni subiaceat; sed addita non est, 18 etiam si jure addi poterit, quia ut adderetur mos non erat in Romana Ecclesia, vel eam addendam esse Pontifex censeret.

Quintò in ejusdem libri Epistola XVI. ad universos Episcopos per Helladiam constitutos. Quibus narratibus agnovi, quod in illis partibus nullus ad sacrum ordinem sine commodi datione perveniat. Quod si ita est, flens dico, gemensque denuncio, quia cum sacerdotalis ordo intus cecidit, foris quoque diu stare non poterit: Scimus quippe ex Evangelio, quid Redemptor noster per semetipsum fecerit, quia ingressus in templum cathedras vendentium columbas evertit. Columbas quippe vendere, est de Sancto Spiritu, quem sibi consubstantiali per impositionem manuum hominibus tribuit, commodum temporale percipere. Ex quo, ut prædixi, innuitur quid sequatur, quia qui in templo Dei columbas vendere præsumpserunt, eorum Deo iudice cathedra ceciderunt: Qui videlicet error in subditis cum augmento propagatur. Nam ipse quoque, qui ad sacrum ordinem perducitur, jam in ipsa proventus sui radice vitiat, paratior est aliis vendere quod emit, & ubi est quod scriptum est: Gratis accepistis, gratis date; & cum primò 19 contra



contra sanctam Ecclesiam simoniaca hæresis sit exorta, cur non perpenditur? Cur non videtur, quia eum, quem quis cum pretio ordinar, provehendo agit, ut hæreticus fiat? Ideoque hortamur, ut nullus vestrum denno hoc fieri patiat, sed neque gratiâ alicujus, neque supplicatione aliquos ad sacros ordines audeat promovere, nisi eum, quem vita & actionis qualitas ad hoc dignum esse monstraverit. Nam si aliter factum denno senserimus, districtâ & canonicâ illud noveritis ultione compesci. Hæc tantum Gregorius, qui ad incutiendum metum majorem non adjicit clausulam hanc: Reus à sacratissimo corpore ac sanguine Dei & Domini nostri Redemptoris Jesu Christi alienus fiat, atque in aeterno examine districtâ ultioni subiaceat; adjecturus, si adjiciendi mos fuisset in Romana Ecclesia, vel eam Pontifex esse adjiciendam putavisset.

19 Sexto in lib. VII. indict. II. epist. CXII. ad Siagrium, Etherium, Virgilium, & Desiderium Galliarum Episcopos. Nuncio siquidem apud nos olim discurrente vulgatum est, quod in Galliarum partibus sacri Ordines per simoniacam hæresim conferantur; & vehementi tadio mororis afficimur, si in Ecclesiasticis officiis quemquam habeat locum pecunia, & sit seculare quod sacrum est. Quicunque verò hoc pretii studet datione mercari, dum non officium, sed nomen attendit, sacerdos non esse, sed dici tantummodo inaniter concupiscit. Quid scilicet? Quid per hoc aliud agitur, nisi ut nulla de actu probatio, nulla sollicitudo de moribus, nulla sit de vita discussio, sed ille solummodo dignus, qui dare pretium suffecerit, æstimetur? Et quibuldam interpositis: Itaque, fratres carissimi, in sacerdotibus ordinandis sinceritas vigeat, sit simplex sine vanalitate consensus, pura præferatur electio, ut ad summa sacerdotii non suffragio venditorum provectus, sed Dei credatur esse judicio. Nam quam grave omnino sit facinus Dei donum velle  
20 pretio comparare vel vendere, Evangelica est testis auctoritas. Templum enim Dominus & Redemptor noster ingressus cathedras vendentium columbas evertit. Quid aliud est columbas vendere, nisi pretium de manuum impositione percipere, & Sanctum Spiritum, quem omnipotens Deus hominibus tribuit, venundare? Quorum sacerdotium ante Dei oculos cadere, cathedrarum utique patenter eversione signatum est: Et tamen exerit adhuc nequitia pravitas vires suas. Nam cogit vendere quos decipit, ut emerent: Et dum non attenditur, quod divinâ voce præcipitur, gratis accepistis, gratis date, agitur, ut crescat & geminata fiat in uno eodemque delicti contagio, ementis scilicet & vendentis; & cum liqueat hanc hæresim in Ecclesia ante omnes radice pestifera surrepisse, atque in ipsa sua origine Apostolicâ esse detestatione damnata, cur non cavetur? Cur non perpenditur, quia benedictio illi in maledictionem convertitur, qui ad hoc ut fiat hæreticus promovetur? Et quibuldam interpositis: Unde etiam illud certum est, quia etsi monasteria aut Xenodochia, vel quid aliud de pecunia, quæ pro sacris ordinibus datur, construuntur, mercedi non proficit, quoniam dum perversus emptor honoris in locum sanctum transmittitur, & alios ad suam similitudinem sub commodi datione constituit, plura malè ordinando destruit, quam ille potest edificare, qui ab eo pecuniam ordinationis accepit. Ne ergo sub obtentu elemosynæ cum peccato aliquid studeamus accipere, aperte scriptura sacrâ ordo nos prohibet, dicens: Hostiæ impiorum abominabiles, quæ offeruntur ex scelere. Et post alia: Nimis ergo declinandum est, dilectissimi fratres, sub  
21 obtentu elemosynæ peccata simoniaca hæreseos perpetrare. Nam aliud est propter peccata elemosynas facere, aliud propter elemosynas peccata committere. Hæc & alia, quibus simoniacam in dandis ordinibus sacris pravitatem, seu ut Gregorius loquitur, hæresim detestatur; sed clausulam hanc, qui per pecuniam ordines sacros accipit, à sacratissimo corpore ac sanguine Dei & Domini nostri Redemptoris Jesu Christi alienus fiat, atque in aeterno examine districtâ ultioni subiaceat,

non adhibet, adhibiturus planè, si adhibendi mos fuisset in Romana Ecclesia, vel eam adhibendam esse judicasset.

Septimò in ejusdem libri & indict. Epistola CXV. ad Brunichildam Reginam Francorum: Nec illud quidem, quod simili emendationi tradendum est, præterimus, sed omnino execrabile & esse gravissimum detestamur, quod sacri illic ordines per simoniacam hæresim, quæ prima contra Ecclesiam orta & districtâ maledictione damnata est, conferantur. Hinc ergo agitur, ut sacerdotii dignitas in despectu, & sanctus sit honor in crimine. Perit utique reverentia, adimitur disciplina, quia qui culpas debuit emendare, committit, & nefariâ ambitione honorabilis sacerdotii ducitur in depravatione censura. Nam quis denno veneretur, quod venditur, aut quis non vile putet esse quod emitur? Unde valde contristat, & terra illi condoleo, quia dum Sanctum Spiritum, quem per manus impositionem omnipotens Deus hominibus largiri dignatur, divino munere habere despicunt, sed præmiis assequuntur, sacerdotium illic subsistere diu non arbitror. Nam ubi dona superna gratia venalia  
22 judicantur, ad Dei servitium non vita queritur, sed magis contra Deum pecunia venerantur. Quia igitur tantum facinus non solum illis periculum, verumetiam vestro regno satis est noxium, salutantes excellentiam vestram paterno affectu petimus, ut de hujus pravitate emendatione Deum vobis placabilem faciatis, & ut nullâ deinceps valeat occasione committi, Synodum fieri jussu vestra constituat, ubi præsentem dilectissimo filio nostro Cyriaco Abbate, sub districtâ anathematis interpositione debeat interdici, ne ullus ex laico habitu subito ad Episcopatus audeat gradum accedere, neque pro Ecclesiasticis ordinibus cuilibet quidquam dare, vel ausus sit accipere, ut Dominus & Redemptor noster sic quæ vestra sunt faciat, sicut excellentiam vestram in iis quæ sua sunt, pia esse videat devotione sollicita. Neque hic comparet clausula, à sacratissimo corpore ac sanguine Dei & Domini nostri Redemptoris Jesu Christi alienus fiat, atque in aeterno examine districtâ ultioni subiaceat; quæ utique compareret, si tunc in usu fuisset Romanæ Ecclesiæ, vel eam Pontifex usurpandæ esse duxisset.

Octav. ejusdem libri & indict. epistola CXVI. ad Theodoricum & Theodebertum Francorum Reges: F. r. autem simoniacam hæresim, quæ prima contra Dei Ecclesiam diabolicâ supplantatione surrepsit, & in ipso ortu suo telo Apostolica ultionis percussa atque damnata est, in regni vestri finibus dominari, cum in sacerdotibus fides sit eligenda cum vita: Si enim vita deest, fidei meritum non habet, Beato Jacobo attestante, qui ait: Fides sine operibus mortua est. Quæ enim opera esse valeant sacerdotis, qui honorem tam sacramenti convincitur obtinere per præmium? Ex qua re agitur, ut ipsi quoque, qui sacros ordines appetunt, non vitam corrigere, non mores componere studeant, sed divitias, quibus honor sacer emitur, satagent congregare. Hinc fit etiam, ut insontes & pauperes à sacris ordinibus prohibiti, despectique resiliant, & dum innocentia pauperis displicet, dubium non est, quod præmium illic delicta commendet, quia ubi aurum placet, ibi & vitium. Hinc igitur non solum in ordinatis & ordinati animam letale vulnus infigitur, verumetiam excellentia vestra regnum vestrorum Episcoporum culpâ, quorum magis intercessionibus juvari debuerat, præggravatur: Si enim id dignum in sacerdotio creditur, cui non actionis merita, sed præmiorum copia suffragatur, restat, ut nihil sibi ad honores Ecclesiasticos gravitas, nil defendat industria, sed totum auri profanus amor obtineat, & dum vitia remunerentur honore, in locum ultoris is qui fortasse fuerat ulciscendus, adducitur: Atque hinc sacerdotes non proficere, sed perire potius judicant. Vulnerato namque pastore quis curandis ovibus adhibeat medicinam? Aut quomodo populum orationis clypeo tueatur, qui jaculis se hostibus feriendum exponit? Aut qualem de se fructum producturus est, cujus gravi peste radix infecta est?

Major

Major ergo metuenda est illis locis calamitas, ubi tales intercessores ad locum regiminis adducuntur, qui Dei in se magis iracundiam provocant, quam per semetipsos populis placare debuerant. At postquam tot & tanta mala, quæ ex simoniâ ordinationibus scaturiunt, exposuit, restabat ut clausula, *simoniâ pravitatem pollutus à sacratissimo corpore ac sanguine Dei & Domini nostri Redemptoris Jesu Christi alienus fiat*, atque in æterno examine districta ultioni subiaceat, adhiberetur, si adhibendi mos fuisset in Romana Ecclesia, vel eam Pontifex adhibendam esse duxisset.

Nono in libri IX. epistola I. ad Ætherium Galliarum Episcopum: Nihil in dandis Ecclesiasticis ordinibus auri fames inveniat, nil blandimenta surripiant, nil gratia conferat, honoris premium vita sit provectus, sapientia incrementum, modestia morum, ut obtinente hujusmodi observantiâ & indignus qui præmiis quarit ascendere, judicetur, & digne, cui bonum testimonium actio perhibet, honoretur; atque hic quoque locus erat adhibendæ clausulæ, à sacratissimo corpore, ac sanguine Dei & Domini nostri Redemptoris Jesu Christi, atque in æterno examine districta ultioni subiaceat, si adhibendi mos fuisset in Romana Ecclesia, vel eam Gregorius adhibendum esse censuisset, quod potentius Clericos à suscipiendis per pecuniam ordinibus deterreret.

Decimo in ejusdem libri epistola LI. ad Arigium Galliarum Episcopum: Qualiter præterea in abscondenda simoniâ heresi fraternitatis vestra zelus olim exarserit, bene recolimus: Unde hortamur, ut operam studiosius impendentes, districta inter alia, quæ scripsimus, Concilii definitione damnentur, quatenus dum voluntatis nostra intentio sollicitudinis vestra fuerit ope completa, & omnipotenti Deo oblationem gratissimam de vitorum correptionibus offeratis, & ad aliorum adificationem, qualiter in vobis pastoralis officii cura fulgeat, ostendatis. Non subnectit clausulam, à sacratissimo corpore ac sanguine Dei & Domini nostri Redemptoris Jesu Christi alienus fiat, atque in æterno examine districta ultioni subiaceat; subnexuisset, si subnectendi mos apud Sedem Apostolicam obtinuisset.

Undecimo in ejusdem libri epistola LIII. ad Theodoricum Regem Francorum: Et quoniam adhortationem nostram adeo regiis animis vestris per laudis prædicamenta placuisse signastis, ut quidquid ad Dei nostri cultum, quidquid ad Ecclesiarum reverentiam, quidquid ad honorem pertinere cognoscitis sacerdotum, & studiosè statui, & velitis in omnibus custodiri: Iteratâ vos pro vestra magna mercede adhortatione pulsamus, ut congregari Synodum jubeatis, & sicut dudum scripsimus, corporalia in sacerdotibus vitia & simoniâ hereses pravitatem omnium Episcoporum definitione daminari, atque de regni vestri amputari finibus faciatis, nec plus illic pecuniam obtinere, quam præcepta Dominica permittatis. Nam cum omnis avaritia idolorum sit servitus, quisquis & hanc maxime in dandis Ecclesiasticis honoribus vigilanter non præcaverit, infidelitatis perditioni subijciatur, etiamsi tenebre fidem, quam negligit, videatur. Gregorius iteratas de extirpanda pravitatem simoniâ cohortationes munivisset clausulâ, à sacratissimo corpore, &c. si hæc in usu fuisset ipsiusmet Pontificis aut Romanæ Ecclesiæ.

Duodecimo in ejusdem libri epistola LIV. ad Theodoricum Regem Francorum: Itaque excellentia vestra Dei mandatis inhaerens studium ad congregandam Synodum pro sua mercede adhibere dignetur, ut omne à sacerdotibus corporale vitium & simoniâ heresis, quæ prima in Ecclesiis iniquâ ambitione surrexit, potestatis vestra imminente censurâ, Concilii definitione tollatur, & abscessa radicitus amputetur, ne si plus illic aurum, quam Deus diligitur, qui modo tranquillus in suis præceptis despicitur, iratus in vindictâ postmodum sentiat; & hæc quidem, quia pro vobis loquimur, idcirco imminere sepius non cessamus, ut prodesse excellentissimis ac dul-

cissimis filiis nostris vel importunitate possimus. Nam regno vestro per omnia proficit, si quod contra Deum in illis partibus geritur, emendatione vestra excellentia corrigatur. His rationum momentis subijungi potuit clausula, à sacratissimo corpore, &c. ut homines à committenda avocarentur citius simonia: Sed subijuncta non est, quia ut subjungeretur Romanæ Ecclesiæ consuetudo non obtinuerat.

Decimotertiò in ejusdem libri epistola LV. ad Clotharium Regem Francorum: Præterea pervenit ad nos, quod sacri illic ordines cum datione pecuniæ conferantur; & vehementer affligimur, si ad Dei dona non meritis accedunt, si præmiis prosiliunt. Et quia hæc simoniâ heresis prima in Ecclesia surgens Apostolorum est auctoritate damnata, petimus, ut pro mercede vestra congregari Synodum faciatis, quatenus omnium sacerdotum definitione compressa & radicitus amputata, nullas illic vires de cætero in periculum animarum inveniat, nec ulterius sub qualibet excusatione permittatur exurgere, ut tantò vos omnipotens Deus noster contra adversarios vestros exaltet, quantò vos in suis mandatis zelum habere, & pro animarum salute, quæ hujus fuerant sceleris gladio peritura, videris cogitare. Hic Gregorius non se recipit ad clausulam, à sacratissimo corpore, &c. quia ut se reciperet non ferebat Romanæ Ecclesiæ consuetudo.

Decimoquartò in libri X. epistola XXXI. ad Columbum Numidiæ Episcopum: Præ omnibus igitur hortamur, ut zelum, quem propter Deum habere te novimus, ardentius studeas exercere; & quia memoratus frater noster Paulinus Ecclesiasticos ordines per simoniâ dare heresim, quod auditu nefas est, dicitur unâ cum antedicto primatè, vel aliis, subtilius hoc & cum omni tibi diligentia sit cura perquirere: Et si ita, quod absit, inventum fuerit, studendum atque agendum, ut & eum qui præmium accipere, & eum qui dare non metuit, canonica ultionis sententia feriat, quatenus horum emendatio multorum possit esse correptio, & priusquam hæc radix mortifera convalescat, & plures interimat, totius Concilii definitione dampnetur, ut nullus dare aliquid audeat, nec quisquam ex gratia, sed promoveatur ex merito, ne & Ecclesiasticus ordo confundatur, & sit probitas vitæ despectui, si præmium meritis indignum acceperit: Atque hic commodus erat locus clausulæ, à sacratissimo corpore, &c. si tunc in usu fuisset Romanæ Ecclesiæ, aut eum Gregorius sibi sumpisset.

Decimoquintò in libri XI. epistola XLVIII. ad Eulogium Patriarcham Alexandrinum: Quadam die inter me, & familiares meos de consuetudinibus Ecclesiarum cum sermo fuisset exortus, quidam, qui in magna civitate Alexandrina medicinali arte erat imbutus, collectorum se apud Sophistam suum habuisse perhibuit, summa pravitatis puerum, quem repente dixit esse Diaconum ordinatum, atque addidit, quod per præmia & donationes ordinatus fuisset; quia eandem consuetudinem in sancta Alexandrina Ecclesia convalescere fatebatur, quod ego audiens obstupui, & valde miratus sum, quia sanctissimi, ac beatissimi viri domini Eulogii lingua, quæ tum multos hæreticos ad fidem catholicam revocat, simoniâ heresim de sancta Alexandrina Ecclesia non erasit. Et quis erit, cujus exhortatio vel correctio hoc poterit emendare, si magna & admirabilis doctrina ejus hoc sine emendatione reliquerit? Unde pro absolute hinc a vestra, proque augmento mercedis vestra, ut ante tremendi oculos iudicis vestra in omnibus perfecta sint opera, festinare debetis, simoniâ heresim, quæ prima in Ecclesia exorta est, à sanctissima sede vestra, quæ nostra est, funditus evellere atque eradicare. Propter hoc etenim comigit, ut Ecclesiasticorum ordinum à plurimis sanctitas caderet, quia persone non pro vita & actibus, sed pro præmiis ad eos ordines adducuntur. Si autem morum merita, & non præmia queruntur, ad ordinationem persone indigna non venient, & tantò plus incipiet vobis merces accrescere, quantò boni quique, qui adducti



adducti ad sacros ordines fuerint, de animarum lucris studuerint cogitare. Subnectenda erat clausula, à sacratissimo corpore ac sanguine Dei & Domini nostri Redemptoris Jesu Christi alienus fiat, atque in aeterno examine districta ultioni subiaceat; Ut simoniaca hæresis incusso metu tali longelateque propulsaretur. Clausulam hanc non subnexuit Gregorius, nec subnectendam esse duxit. Præterea non erat in usu Romanæ Ecclesiæ, quo tempore hic Pontifex illius clavam tenuit. Hæc secunda observatio perimit ac delet Augustodunensia privilegia, in quibus relata clausula semel, iterum & tertio repetitur, ut sub initium Epistolæ notavimus.

Ad hæc simoniacam hæresim vel corrigentibus, vel fugientibus non proponit quod Augustodunensia privilegia servantibus proponit: *Cunctis autem eidem loco iusta servantibus sit pax Domini nostri Jesu Christi, quatenus & hic fructum bonæ actionis recipiant, & apud districtum judicem præmia aeternæ pacis inveniant.* Hæc, inquam, non proponit Pontifex, nisi majori certè non minori jure propositurus, si proponendi consuetudo Romanæ fuisset Ecclesiæ, vel si proponendi consuetudinem inducendam esse censuisset: Dixi nisi majori certè non minori jure propositurus, quod agebatur de custodiendis canonibus, qui ab universali sanciti sunt Ecclesiæ, & ex scripturis sacris promulgati. Quis ergo non videt clausulam, quæ ex Augustodunensibus privilegiis relata est, Gregorii non esse, & quia Gregorii non est, Augustodunensia privilegia Gregorii non esse, sive quia penitus adulterina sunt, sive quia interpolata: Hæc observatio confirmat id, quod observatio 1. & 11. assertum & confirmatum est.

Tum innumerabiles sunt Epistolæ, in quibus postquam bona, pia, religiosa & cælo digna opera exequenda proposuit, non subdit: *Cunctis hac servantibus sit pax Domini nostri Jesu Christi, quatenus & hic fructum bonæ actionis accipiant, & apud districtum judicem præmia aeternæ pacis inveniant.* Non subdit, inquam, etiam si subdendi dispar non fuerit ratio. Cur verò Gregorius non subdiderit, disquirenti tantum quantum volueris tibi nihil occurret aliud, quam quod jam prius notatum est. Id nempe nec in Gregorii, nec in decessorum illius usu atque instituto positum unquam fuisse. Quæ ex causa certum redditur suppositionis vel interpolationis indicium. Quin autem stylus & scribendi character præcipuum teneat locum inter ea, quibus germana scripta excernuntur à supposititiis, apud artis magistros non ambigitur. Sic confirmata relinquitur Augustodunensium privilegiorum suppositio vel interpolatio, quam aliis rationum momentis in priori ad Michaellem Girardum Epistola demonstrandam suscepimus.

Postremò, cum clausula post Gregorium primum Romæ obtinere cœpit, in ea Regum nulla facta est mentio. Nicolaus primus occurrit, qui monasterii Corbeienfis privilegium clausulâ hac sic communiat & concludat. Verba sunt in Epistola xxiv. ad Trasulfum Abbatem: *Siquis verò sacerdotum vel clericorum hanc constitutionis nostræ paginam agnoscens contra eam venire tentaverit, ordinis sui dignitate careat: Laicus verò cuiuscumque sit potestatis vel dignitatis, si hujus privilegii decreta in aliquo violaverit, reum se iudicio divino existere de perpetrata iniquitate cognoscat, & nisi vel ea, quæ ab eo sunt malè ablata, restituerit, vel legitimâ penitentiâ illicitè acta desceverit, Dei, & Beatorum Apostolorum Petri & Pauli auctoritate atque nostrâ sententiâ anathematis vinculo inmodatus, à sacratissimo corpore & sanguine Domini nostri Jesu Christi alienus existat, atque examini districtæ ultionis subiaceat.* Cunctis autem eidem venerabili monasterio iusta servantibus sit pax Domini nostri Jesu Christi, quatenus & hic fructum bonæ actionis recipiant, & apud districtum judicem præmia aeternæ quietis inveniant.

Nicolaum sequitur Joannes VIII. in Epistola cxi. ad omnes Christi fideles: *Si quis verò sacerdotum, ju-*

*dicum atque secularium personarum hanc constitutionis nostræ paginam cognoscens, contra eam venire tentaverit, potestate honoris sui ac dignitate (percussus Apostolico anathemate) careat, reumque se divino iudicio existere de perpetrata iniquitate cognoscat: Et nisi vel ea quæ ab illo sunt malè ablata, restituerit, vel præsumpta correxerit, vel dignâ penitentiâ illicitè acta desceverit, à sacratissimo corpore Dei Domini ac Redemptoris nostri Jesu Christi alienus fiat. Cunctis autem eidem præfata Ecclesiæ iura servantibus sit pax Domini nostri Jesu Christi, quatenus & hic fructum bonæ operationis recipiant, & apud summum arbitrum præmia aeternæ pacis inveniant.*

Utraque autem clausula quæ iisdem pœne verbis constat, adversus Augustodunensia privilegia rationes duas suppeditat: Prior est quodd longo post Gregorium tempore usurpari cœpit. Gregorius ad annum dciv. & Nicolaus ad annum dcccix. è vita discessit. Posterior, quod Reges clausulæ huic Nicolai aut Joannis ætate nondum illigarentur. Sic enim habent Augustodunensia privilegia: *Siquis verò Regum, sacerdotum, judicum, &c.* Sic verò Corbeienfè: *Si quis verò sacerdotum vel clericorum, &c.* Sic Pictaviensè quod Joannes VIII. concessit: *Si quis verò sacerdotum judicum, &c.* Hæc observatio etiam si sola esset, percellendis Augustodunensibus privilegiis sufficeret. Hoc observo tantum ut id quod res est, & à nobis sumitur, agnoscatur, non ut Corbeienfis aut Pictaviensis privilegii clausulam approbemus. Nam alterutrum è duobus dicendum est, vel utrumque privilegium per obreptionem aut subreptionem obtentum esse, vel Pontifices duos Nicolaum I. & Joannem VIII. in Jovinianistarum & Stolicorum errorem incurrisse, dum sacerdotes judicè sive siquid ab eis malè ablatum, asses putà duos non restituerint, sacerdotali, aut judiciali dignitate privantur, & à corpore & sanguine Domini nostri Jesu Christi secluduntur: Quo pœnæ genere nulla dari potest major in Ecclesiâ, & sacerdotes ac judices, si Dei & Ecclesiæ præcepta violassent omnia, puniri non possent acerbius, & hic error nisi per alium errorem vitari nequit, nempe leviolem culpam gravissimâ omnium pœnâ meritò castigandam esse.

Supereff modò ut ex iis quæ suprà disseruimus, colligatur Augustodunensia privilegia post Nicolai & Joannis tempus Gregorio Papæ I. subjecta esse, quorum unum à Gregorio VII. in libri viii. epistola xxi. sic laudatur: *Beatus quoque Gregorius Papa Reges à sua dignitate cadere statuit, qui Apostolica Sedis decreta violare præsumperint, scribens ad quemdam Senatorem Abbatem his verbis: Si quis verò Regum, sacerdotum, judicum, atque secularium personarum hanc constitutionis nostræ paginam agnoscens contra eam venire tentaverit, potestatis honorisque sui dignitate careat, reumque se divino iudicio existere de perpetrata iniquitate cognoscat, & nisi ea quæ ab illo sunt malè ablata restituerit, vel dignâ penitentiâ illicitè acta desceverit, à sacratissimo corpore ac sanguine Domini Redemptoris nostri Jesu Christi alienus fiat, atque in aeterno examine districta ultioni subiaceat.* Quod si beatus Gregorius doctor ubique mitissimus Reges qui statuta sua super unum Xenodochium violarent, non modo deponi, sed etiam excommunicari, atque in aeterno examine damnari decrevit; quis nos non solum Apostolicorum iudiciorum contemptorem, verum etiam ipsius matris Ecclesiæ quantum in ipso est conculcatorem, totiusque regni & Ecclesiarum improbissimum prædonem, & atrocissimum destructorem deposuisse & excommunicasse reprehendat?

Et primum quidem magna Sancto Gregorio fit injuria, cum ille, qui jure optimo vocandus est doctor mitissimus, hoc in loco doctor mitissimus vocari non possit. Siquidem Reges, qui nonnihil Xenodochio malè ablatum, asses putà duos, non restituerint, deponit, & Ecclesiasticâ communione privat: Pœna duplex est eaque omnium gravissima, quæ levi, ut apparet, culpæ irro-

irrogatur; alioquin indissimulabili veritate fatendum est, S. Gregorium credidisse pares esse culpas omnes, cum Regibus, qui decalogum violassent totum, poena gravior non imponeretur. Quo pacto hic Pontifex in Joviniani & Stoicorum hæresim incurrisset. Sed ne incurrisse dicatur, abjudicanda sunt illi Augustodunensia privilegia, seu Epistolæ tres quæ illa repræsentant.

34 Deinde videndum est discrimen, quod inter Gregorium I. & Gregorium VII. in ista Regum, sacerdotum & judicum animadversione intercedit. Gregorius I. cum Reges, sacerdotes & judices deponit, & à corporis & sanguinis Dominici communione separat, eos graviter supra modum castigat, si, ut mox notavimus, spectentur crimina, quæ ab illis contra Augustodunensia privilegia nonnunquam admitterentur: Gregorius VII. cum Henricum IV. privat imperio, & à corporis & sanguinis Dominici communione sejungit, eum leniter & infra modum castigat,

si spectentur flagitia omnia, quæ ab illo patrata fuisse narrat: Atque ita dum Gregorius VII. Gregorium I. laudat, injustitiæ accusat, & cum doctorem mitissimum appellat, doctorem fuisse immitem ostendit. At secundum ista quis adhuc Augustodunensia retineret privilegia?

Tum demum Gregorius VII. invalidum eo pacto reddit Gregorii I. testimonium, quo utitur, ut latam à se in Henricum sententiam confirmet: Sed velit nolit, invalidum reddere non potest illud Gregorii I. testimonium, quin privilegia funditus evertat: Stare quippe illa non possunt cum tanta talique injuria, quæ Gregorio magno inferretur. Jam sentis, opinor, quot & quantis rationum molibus evincitur, Augustodunensia privilegia Gregorio subjecta, vel certè interpolata esse, & aliunde tribui non posse tanto Pontifici, sine fidei & famæ suæ jactura. Quod propter Apostolicæ Sedis honorem ferre non possumus. Vale Lauduni pridie Calend. Aprilis, anno M. DC. LXX.

# Joannes Launoius

E I D E M

## JOANNI ROLANDO,

Parisiensi Theologo, & Remensi Canonico.

35 ILLUSTRISSIMUS Ecclesiasticorum Annalium conditor ad annum DCCXXX. scribit, Quod Græci historici omnes, & idem Theophanes ait anno XIV. Leonis Imperatricis, ipsum Leonem à Gregorio II. privatum esse exactione tributorum Italia. Testatur id Cedrenus & alii. Zonaras hac Roma (quod par est credere) facta esse Synodicè tradit. Sed Zonaræ verba referenda sunt, quæ non refert Baronius: Sic igitur scribit in tomo III. Annalium: Qua de causa Gregorius, qui tum Romæ veteris Ecclesiæ gubernabat, repudiata societate profidis novæ Romæ, necnon eorum, qui illum sequerentur, illos unâ cum Imperatore Synodico anathemate obstrinxit, & vectigalia, quæ ad id usque tempus inde pendebantur, inhibuit isto cum Francis fœdere. Et post aliquam multa: Sub priore Justiniano Franci Germanicâ stirpe oriundi, Italiani invaserunt, ut supra est expositum, fueruntque Romanorum hostes, sed sub Leone Isauro temporis illius Papa Gregorius ob perversam opinionem defecit ab illo Imperatore impio, eique tributum pendere recusavit, neque sibi quicquam esse rei voluit cum impiis Ecclesiæ Constantino-politana gubernatoribus, ommissisque bellis pacem cum Francis fecit. Nunc quæris, an ista quæ Theophanes & 36 Zonaras narrat, vera sint, an falsa. Respondeo falsa esse mihi videri.

Et primò quidem Zonaras dum in priori loco meminit Synodici anathematis, significat Romanum Concilium tunc sub Gregorio II. celebratum esse, in quo quæ recenset, gesta fuerint: At nullum celebratum est Concilium, in quo gesta hujusmodi reperiantur. Zonaras fieri voluit Concilium, quod in re tanti momenti futurum esse duxit, ut narratio, quæ æqualium vel supparium auctorum destituitur testimonio, fucetur ac coleretur.

Deinde in posteriori loco Zonaras injuriosè tractat Gregorium II. quem facit inobsequentem Christo dicenti apud Lucam cap. xx. Reddite ergo quæ sunt Cæsaris, Cæsari; & repugnantem Paulô dicenti in

epistolæ ad Rom. cap. XIII. Omnis anima potestatibus sublimioribus subdita sit. Non est enim potestas, nisi à Deo. Et paulo post: Ideo enim & tributa præstatis: Ministri enim Dei sunt, in hoc ipsum servientes. Reddite ergo omnibus debita, cui tributum, tributum, cui vectigal, vectigal; & repugnantem quoque Petro dicenti in epistolæ I. capite II. Subjetti igitur estote omni humana creatura propter Deum, sive Regi quasi præcellenti, sive ducibus tanquam ab eo missis ad vindictam malefactorum, laudem vero bonorum, quia sic est voluntas Dei, ut bene facientes obmutescere faciatis imprudentium hominum ignorantiam; quasi liberi, non quasi velamen habentes malitia libertatem, sed sicut servi Dei. Omnes honorate, fraternitatem diligite, Deum time, Regem honorificate: Servi subditi estote in omni timore dominis non tantum 37 bonis & modestis, sed etiam dyscolis: Hac est enim gratia, si propter Dei conscientiam sustinet quis tristitias, patiens injustè. Quis secundum ista sibi persuaderet, voluisse Gregorium II. qui sanctus atque in scripturis sacris eruditus erat Pontifex, Christo, Paulo & Petro ita refragari, ut non solum vectigal, quod Imperatori jure Reip. debebat, reddere noluerit, sed etiam impedierit, ne alii redderent? Consideratâ re nemo id sibi persuadebit unquam. Existimabunt omnes fabulosam esse Zonaræ narrationem.

Tum Gregorius II. in traditione Patrum perquam versatus erat, & probè noverat, Athanasium in Apologia ad Constantium Imperatorem hæreticum scripsisse: Certè me profectioni adornabam; nam & hujus quoque rei conscius est Montanus, ut literis tuis acceptis, si dignatus fuisses scribere, statim decederem, & promptitudine exequendi mandatum tuum antevenirem. Non enim ita insano, ut istiusmodi præceptis contradicendum putarim. Cum enim nihil scriptum esset à tua majestate, mihi quæ nihil injunctum esset, ubi, quæso, mandatis restiti, aut quâ fronte dicere possunt, me non obsecutum imperiis fuisse?

M m m m

Nove-



Noverat Hosium Cordubensem Episcopum ad eundem Imperat. ita scripsisse: Desine, quaeso, & memineris, te mortalem esse, reformida diem iudicii, serva te in illam diem purum, ne te misceas Ecclesiasticis, neque nobis in hoc genere præcipe, sed potius ea à nobis discere. Tibi Deus imperium commisit, nobis quæ sunt Ecclesia concedidit; & quemadmodum qui tuum imperium malignis oculis carpit, contradicit ordinationi divina, ita & tu cave, ne quæ sunt Ecclesia ad te trabens magno crimini obnoxius fias. Date (scriptum est) quæ sunt Caesaris Cesari, & quæ Dei Deo. Neque enim fas est nobis interris imperium tenere, neque tu thymiamatum & sacrorum potestatem habes, Imperator.

Noverat Liberium decessorem in Dialogo, quem idem Liberius & Constantius instituerunt inter se de Athanasio, cum illo Imperat. collocutum sic esse: Judicia Ecclesiastica ab Imperatore summa cum aequitate fieri debent. Quare si pietati tuæ placet iudicium constitui, jube, & si condemnationem commovere videbitur Athanasius, tum in illum juxta Ecclesiastici ordinis formam sententia proferatur. Infrà: Digresso Liberio, (ut iret in exilium) Imperator quingentos aureos ei misit ad expensas. Liberius autem illi, qui attulerat, respondit: Alis & da Imperatori, his enim opus habet ad stipendia militum. Similiter Imperatrix alios pares in numero (aureos) misit, & Liberius, Redde, inquit, Imperatori; nam his etiam ad militarem expeditionem opus habet.

Noverat Ambrosium Mediolanensem Episcop. in epistola xxxiii. ad forem testari dixisse se Valentiniano: Noli te gravare, Imperator, ut putes te in ea, quæ divina sunt, aliquod imperiale jus habere; publicorum tibi manium jus commissum est, non sacrorum.

Noverat Gregorium I. decessorem in libri ii. indict. xi. epistola lxi. ad Mauritium Imperat. scripsisse: Omnipotenti Deo reus, qui serenissimis dominis in  
39 omni quod agit & loquitur, purus non est. Ego autem indignus pietatis vestre famulus in hac suggestione neque ut Episcopus, neque ut servus jure reipublica, sed jure privato loquor, quia, serenissime domine, ex illo jam tempore dominus meus fuisti, quando adhuc dominus omnium non eras. Longino viro clarissimo fratre veniente dominorum legem suscepi, ad quam fatigatus tunc agitudine corporis respondere nil valui; in qua dominorum pietas sanxit, ut quisquis publicis administrationibus fuerit implicatus, ei ad Ecclesiasticum officium venire non liceat. Quod valde laudari evidentissime sciens, quia qui secularem habitum deserens ad Ecclesiastica officia venire festinat, mutare vult seculum, non relinquere. Quod vero in eadem lege dicitur, ut ei in monasterio converti non liceat, omnino miratus sum, dum & rationes ejus possint per monasterium fieri, & agi potest, ut ab eo loco, in quo suscipitur, ejus quoque debita solvantur. Nam etsi quisquam devota mente converti voluisset, prius res male ablatas redderet, & de sua anima tanto verius, quanto expeditior cogitaret. In qua lege subjunctum est, ut nulli qui in manu signatus est, converti liceat, quam constitutionem ego fateor dominis meis vehementer expavi, quia per eam cælorum via multis clauditur, & quod nunc usque licuit, ne liceat, prohibetur: Multi enim sunt, qui possunt religiosam vitam etiam cum seculari habitu ducere, & plerique sunt, qui nisi omnia reliquerint, salvari apud Deum nullatenus possunt. Ego verò hac dominis meis loquens, quid sum, nisi pulvis & vermis? Sed tamen quia contra auctorem omnium Deum hanc intendere constitutionem  
40 sentio, dominis tacere non possum. Ad hoc enim potestas dominorum meorum pietati calitus data est super omnes homines, ut qui bona appetunt, adjuvantur, ut cælorum via largius pateat, ut terrestre regnum cælesti regno famuletur: Et ecce aperta voce dicitur, ut ei qui semel in terrena militia signatus fuerit, nisi aut expleta militiâ, aut pro debilitate corporis repulsus, Domino nostro Jesu Christo militare non liceat. Et post admonitiones

nonnullas subjicit: Ego quidem jussioni subjectus eandem legem per diversas terrarum partes transmitti feci, & quia lex omnipotenti Deo minime concordat, ecce per mea suggestionis paginam serenissimis dominis nunciavi: Utrobique ergo quæ debui, exsolvi, qui & Imperatori obedientiam præbui, & pro Deo, quod sensi, minime tacui.

Deinde in libri xi. epistola xxxviii. ad Phocam, qui ut Imperator fieret, Mauritium cum uxore & filiis immaniter trucidaverat: Gloria in excelsis Deo, qui juxta quod scriptum est, mutat tempora & transfert regna, & qui hoc cunctis innosuit, quod per Prophetam suum loqui dignatus est dicens: Quia dominatur excelsus in regno hominum, & cui volueris, ipse dat aliud. In omnipotentis quippe Dei incomprehensibili dispensatione alternatim vita mortalis sunt moderamina, & aliquando cum injustorum multorum peccata ferienda sunt, non erigitur per cujus duritiam tribulationis iugo subjectorum colla deprimantur, quod in nostra diutius afflictione probavimus. Aliquando verò misericors Deus merentium multorum corda sua decrevit consolatione refovere, nunc ad regiminis cultum provehit, per cujus misericordia viscera in cunctorum mentibus exultationis sue gratiam infundit: De qua exultationis abundantia roborari nos citius credimus, qui benignitatem pietatis vestra ad imperiale fastigium pervenisse gaudemus.

Noverat Martinum I. in Epistola ii. ad Theodorum, ubi Pontifex exilium suum describit: Quod autem preparati non fuimus ad repugnandum, melius judicavi decies mori, quam uniuscujuscumque sanguinem in terram fundi: Quod quidem & sine periculo hoc gestum est, non paucæ quæ non plauerunt Deo, male effectis. Eadem itaque hora dedi meipsum ad exhibendum Imperatori & non resistendum. Perço acclamantibus mihi ut veritatem dicam, quibusdam ex clero ne facerem hoc, nullis eorum accommodari autem, ne subito fierent homicidia.

Noverat Agathonem Martini successorem in Epistola Synodica, quæ in Synodi vi. actione iv. lecta est ac comprobata: Hic itaque, mansuetissimi rerum domini, divalibus apicibus animatus, & ad ipem consolationis de profundis angoribus alleviatus, orsus sum meliori respectu confidentiâ paulatim iis, quæ per mansuetissima fortitudinis vestra sacram dudum præcepta sunt, efficaciter promptam obsequentiam exhibere, ut personas quales secundum temporis hujus defectum ac servilis provincia qualitatem poterant inveniri, pro obedientia satisfactione inquirerem: Et cum consilio consanulorum meorum Episcoporum tam de propinqua hujus Apostolica Sedis Synodo, quam de familiari clero amatores Christiani Imperii, & sequenter de religiosis servis Dei, ut ad piissima tranquillitatis vestra vestigia properarent hortarer, & nisi longus provinciarum ambitus, in quibus humilitatis nostra Concilium constitutum est, tanti temporis protelationem ingereret, olim hoc quod vix tandem nunc fieri potuit studiosa obedientia noster famulatus impleverat. Et paulo post: SERVILEM vestri serenissimi principatus Romanam urbem, dicit & addit se legatos mittere PRO OBEDIENTIA QUAM DEBUIMUS. Sic Gregorius cum in Patrum doctrina & in Apostolica Sedis traditione exercitatus esset, non ita se gessit erga Leonem Imperatorem ac dominum suum, ut eum se gessisse Zonaras memorie prodidit; alioqui dicendum esset, quod mea quidem sententia dici non debet, Gregorium à Patrum doctrina, & Apostolica Sedis traditione defecisse. Relati Patres & Romani Pontifices, Athanasius, Hosius, Liberius, Ambrosius, Gregorius magnus, Martinus I. Agatho, constanter docent Imperatoribus parendum esse in iis, quæ ad Imperium & Rempublicam pertinent, neque tantum id docent, sed & exemplo suo confirmant; tantum abest, ut se Imperatorum obedientiæ subducant, & impediunt ne illis tributa pendantur. Quinetiam Liberius & Martinus Beati Petri documentis convenienter patiuntur.

patiuntur exilia, tametsi forent injustissima. Non repugnat Liberior, non resistit Martinus, immo cavet diligenter, ne ab aliis resistatur, & homicidia perpetrentur. Gregorius magnus ita subditum se Imperatori cognoscit, ut ei morem gerat in promulganda lege, quam iniquam & Deo ipsi contumeliosam putat esse. Agatho Imperatoribus obedientiam, & subjectionem tantum, quanta esse vix potest, exhibet in re, quæ non modo ad Imperium, sed etiam ad Ecclesiam spectat. Quis autem crederet Gregorium II. horum omnium memorem præstitisse, quod Zonaras scripsit?

Quartò Gregorius II. ipse non obscure significat, se Patrum Doctrinæ & Sedis Apostolicæ traditioni adhæsisse, cum semel atque iterum ad Leonem Iſaurum Imperatorem Epistolas 11. dedit. Semel in priori, cum ait: *Literas vestra à Deo custodite majestatis ac fraternitatis per Augustalem Spatharocandidatum missas accepimus, imperante te indictione quartadecima, ipsius etiam 14. & 15. & 1. & 2. & 3. & 4. & 5. & 6. & 7. & 8. & 9. indictionum acceptas Epistolas tuas in sancta Ecclesia, repositas in limine confessionis sancti & gloriosi ac principis Apostolorum Petri diligenter servamus. Infrà Imperatoris argumenta præcipua refellit: Scripsisti autem non esse manufacta veneranda, nec ullam effigiem ad similitudinem effictam, sicut dixit Deus, neque in calo, neque in terra: Et demonstra mihi quis tradiderit veneranda, & adoranda esse manufacta, tum ego Dei mandatum esse fatebor. Quare verò tanquam Imperator & caput Christianorum, sapientes non percontatus es, qui experientia pollent, & ab ipsis edoceri potuisses, propter quæ manufacta Deus hac dixeris, priusquam confunderes & commisceres humiles populos atque conturbares. Verumtamen tu sanctos Patres nostros ac doctores rejecisti ac repudiasti & foras amandasti, quibus manu propria scriptisque tuis te pariturum eosque secuturum promissisti. Et paullo post: Per Deum te obtestamur ut arrogantiam deponas & superbiam, quæ circumfusus, multaque cum humilitate sincere aures nobis accommodes. Et paullo post: Et dicis nos lapides, parietes ac tabellas adorare. Non ita est, ut dicis Imperator, sed ut memoria nostra excitetur, & ut stolidæ & imperitiæ crassaque mens nostra erigatur, & in altum provehatur per eos, quorum hac nomina, & quorum appellationes, & quorum hæ sunt imagines, & non tanquam Deos, ut tu inquis, absit, non enim spem in illis habemus. Ac siquidem imago sit Domini, dicimus: Domine Jesu Christe Fili Dei, succurre & salva nos: Sin autem sancta matris ejus, dicimus: Sancta Dei genitrix, Domini mater, intercede apud filium tuum verum Deum nostrum, ut salvas faciat animas nostras: Sin verò martyris: Sancte Stephane, qui pro Christo sanguinem tuum effudisti, qui ut Protomartyr loquendi confidentiam habes, intercede pro nobis: Et de quovis martyre, qui passus est martyrium, ita dicimus: Tales per illos preces offerimus. Nec ita est, ut dicis Imperator, quasi Deos martyres appellemus: Averte cogitationes tuas malas, te obtestor. Et paullo post: Scis, Imperator, sancta Ecclesia dogmata non Imperatorum esse, sed Pontificum quæ tute debent dogmatizari. Idcirco Ecclesiis præpositi sunt Pontifices à Republica negotiis abstinentes: & Imperatores ergo similiter ab Ecclesiasticis abstinent, & quæ sibi commissa sunt, capestant. Et paullo post: Cessa & quiesce, tum Synodo (quam Imperator petebat) minimè opus erit; Scribe ad omnes & in quascumque regiones orbis terrarum, quibus offendiculo fuisti, Germanum Patriarcham Constantinopolitanum, & Gregorium Papam Romanum circa imagines peccasse: & nos ab hac cura quietum te prestabimus, ne peccatum aut lapsus ullus sit tuus, utpote qui à Deo potestatem & celestia & terrena solvendi acceperimus. Testis est Deus, quasumque misisti ad nos Epistolas, auribus cordibusque Regum Occidentis obtulimus, pacem illorum tibi ac benevolentiam concilians, teque laudantes ac mirifice efferentes prout te antea conversantem*

intuebamur. Idcirco laureata tua etiam receperunt, ut Reges à Regibus honore affici convenit: Idque cum nondum incæptum hoc, conatumque tuum, quo adversus imagines insurrexisti, audivissent. Cum verò didicerunt certioresque sunt facti, te Joannem Spatharocandidatum ad Calcopratia misisse ad evertendum & confringendum Salvatorem, qui appellatur Antiphoneta, ubi & miracula multa sunt, inventa sunt illic mulieres zelo succensæ, & illarum emula, quæ unguenta ferebant, quæ Spatharocandidatum orarunt, Ne, obsecramus, ne hoc facias, aiebant. Ille verò earum preces non admittens erectâ scalâ conscendit, cumque ter securi faciem imaginis Salvatoris percussisset, hoc videntes mulieres, & iniquum illud facinus non ferentes, attractâ scalâ fustibus concisum illic necarunt. Tum tu mali amulator missis satellitibus mulieres nescio quot illic occidisti, astantibus utilibus viris Romanis & ex Francia, ex Vandalis, ex Mauritania, ex Gothia, & ut generatim dicam, ex toto interiori Occidente. Cum autem advenissent, & in suis regionibus, singuli juvenilia tua pueriliaque facta narraſſent, tunc projecta laureata ina conculcarunt, & faciem tuam conciderunt, ac delecto habitu Longobardi & Sarmata, ceterique qui ad Septentrionem habitant, miseram Decapolim incursionibus infestant, ipsamque Metropolim Rovennam occuparunt, & ejectis magistratibus tuis proprios constituerunt magistratus, & vicinas nobis sedes regias, ipsamque Romam sic tractare statuerunt, cum tu nos defendere minimè possis; & hac ob imprudentiam ac stultitiam sustinuiſti. At enim nos perterrefacis, aisque, Romam mittam & imaginem Sancti Patri confringam, sed & Gregorium illinc Pontificem vinctum adduci curabo, sicut Martinum Constantinus adduci jussit. Scire autem debes ac pro certo tenere, Pontifices, qui pro tempore Romæ extiterint concilianda pacis causâ sedere tanquam parietem intergerinum, septimum medianum Orientis & Occidentis, ac pacis arbitros & moderatores esse; quique ante te fuerunt Imperatores, in hoc componenda pacis certamine desudarunt. Quod si nobis insolenter injultes & minas intentes, non est nobis necesse tecum in certamen descendere: Ad quatuor & viginti stadia secedet in regionem Campania Romanus Pontifex, tum, vade, ventos prosequere: Prædecessor noster Martinus Pontifex ad pacem cohortans sedebat. Idcirco malignus ille Constantinus de fide sancta Trinitatis sentiens, & hæreticis Pontificibus proscriptis adſtipulans Sergio, Paulo & Pyrrho, missis satellitibus rapuit illum, & Byzantium tyrannica violentia abduxit, multisque malis obſeſſum in exilium amandavit. Quinctiam Maximo monacho, & hujus discipulo Anastasio mala multa exhibuit, & Lazicam in exilium misit. At Constantinus, qui eos relegarat, interfectus & in peccato suo mortuus est. Nezeuxius enim, qui tum comes obsequii ejus erat, ab Episcopis Sicilia certior factus hæreticum eum esse, ipsum intus in templo trucidavit, & in peccato suo interit. Beatum verò esse Martinum testatur civitas Cherſonis, in quam relegatus est, & Bosphori, totusque Septentrio & incolæ Septentrionis, qui ad monumentum ejus accurrunt & curationes accipiunt, atque utinam Dei munere nobis contingat, ut per Martini viam incedamus, tametsi ob plebis utilitatem vivere volumus & supervivere, quandoquidem Occidens universus ad humilitatem nostram convertit oculos, ac licet, tales non sumus nos, illi tamen magnopere nobis confidant, & in eum, cujus denuntias te imaginem everſurum atque deleturum, Sancti scilicet Petri, quem omnia Occidentis regna velut Deum terrestrem habent. Quod si hoc velis experiri, planè parati sunt Occidentales ulcisci etiam Orientales, quos injuriis affecisti. Verumtamen per Dominum te obsecramus, à juvenilibus ac puerilibus factis avertere. Scis Romam imperium tuum ulcisci non posse, nisi fortè solam urbem propter adjacentem illi mare ac navigia: ut enim antè diximus, si ad quatuor & viginti stadia Romæ fueris egressus Papa, nihil



tuas minas extimescit. Unum est, quod nos male habet, quod agrestes barbari mansueti fiant, & tu mansuetus contra agrestis & ferus. Totus Occidens sancto Principi Apostolorum fidei fructus offert. Quod si quospiam ad evertendam imaginem miseris Sancti Petri, vide, protestamur tibi, innocentes sumus à sanguine, quem fufuri sunt: verum in cervices tuas, & in caput tuum ista recident. Nuper siquidem ab interiori Occidente preces illius, quem Septimum appellant, accepimus, qui vultum expetit nostrum Dei gratiâ, & ut ad impartendum ei sanctum baptismum illuc proficiscamur; ac ne socordia negligentiaque nostrâ ratio nobis reddenda sit, ad iter nos accingimus. Deus autem timorem suum in cor tuum immittat, & te ad veritatem convertat ab iis, quæ in mundum perperam invexisti, tuasque literas quamprimum accipiam, quæ nobis tuam annuntient conversionem. Operapretium fuit plura ex Gregorii Epistola describere, ex quibus intelligerentur duo potissimè. Unum est, Gregorium ipsummet illatam sibi à Zonara & historicis aliis injuriam ulcisci ac repellere. Nam fieri non potest ut quis quæ mox retulimus, percurrat legendo, & non statim Zonaram & consentientes sibi historicos calumniatores appellet. Pontifex præceptum Christi secutus Imperatori reddit quæ sunt Imperatoris, & Deo reddit quæ Dei sunt. Nam licet quæ Dei sunt, quæ videlicet ad sacrarum imaginum cultum pertinent, defendat acriter, non recedit tamen usquam ab iis, quæ Imperatori jure Reipublicæ debentur. Quintetiam de fovenda inter Imperatorem, & populos pace cogitationem omnem suscipit, tantum abest ut sibi sumat, quod Zonaras & alii historici monumentis consignarunt suis. Alterum est, Gregorium ea obicere quibus Zonara, & consentientium sibi historicorum error deprehendatur. Recenset quæ ratione certi quidam Occidentis populi, audito quod Imperatoris jussu subversæ fuissent imagines sacræ, seditionem fecerint, & in veterum magistratum locum novos succederint. Hæc autem & alia cum minus bene intellexissent Zonaras & consentientes sibi historici, quod tunc reipsa gestum est, aliter narrarunt, quàm verè narrandum fuit. Gregorius Imperatori nec obedientiam, nec tributorum pensionem detraxit, detractasse scripserunt. Occidentales populi, quorum meminit Gregorius, Imperatori detractarunt obedientiam, sed an tributorum pensionem detractaverint, Pontifex hac in Epistola filat. Aliud est populos illos non potuisse ferre, ut imagines sacræ subverterentur; aliud eos recusasse tributa pendere. Quod in populis displicere reprehendique posset, id rejiciendum est in Imperatorem, qui literas de subvertendis imaginibus perscripsit, non in Pontificem, qui ut Imperatori pareret, illius Epistolas Occidentis Regibus transmisit. Gregorius II. Gregorium I. imitatus est. Gregorius I. Imperatoriæ jussioni subiectus Mauritiū legem per diversas terrarum partes transmitti curavit; & quia lex omnipotenti Deo minime concordabat, hoc ipsum Mauritiū per literas significandum esse censuit, eumque ad retractandam legem modis omnibus cohortatus est. Gregorius verò II. Imperatoriæ jussioni subditum se cum sentiret, dedit operam, ut missæ ad se Leonis Isauri de subvertendis imaginibus Epistolæ, ad Occidentis Reges perferrentur: Sed quia Epistolæ omnipotenti Deo minime concordabant, has, quoad ejus fieri potuit, refutavit, & Leonem à nefario consilio deterruit. Huc & non aliò spectant Gregorii Epistolæ verba quæ proposuimus. Verum quæ jam observavimus ad priorem Gregorii Epistolam, iterum ad posteriorem observamus. Sic ergo scribit Gregorius: Accipimus vestri à Deo consecrati Imperii, atque in Christo fraternitatis literas per Rufinum legatum vestrum delatas, meque prorsus vite mee tadin, quod sententiam non mutaris, sed in eisdem malis perseveres, nec ea quæ Christi sunt, sapias, ut sanctos ac celebres miraculorum effectores patres nostros ac doctores sceleris & imiteris. Et paullo

pòst: Scripsisti, Imperator sum & sacerdos: Enimvero qui ante te fuerunt Imperatores, hoc opere ac sermone demonstraverunt, qui curam gesserunt Ecclesiarum una cum Pontificibus, cupiditate zeloque incensi, rectæque fidei veritatem pervestigantes, Constantinus magnus, Theodosius magnus, Valentinianus magnus, & Constantinus Justiniani pater, qui sexta Synodo interfuit. Imperatores isti religiose imperarunt, & cum Pontificibus uno consilio ac sententiâ Synodos congregantes, atque veritatem dogmatum perquirentes, sanctas Ecclesias constituerunt & ornarunt. Hi sunt sacerdotes & Imperatores, qui id opere demonstrarunt: Tu verò ex quo imperium occupasti, definitiones Patrum perpetuò non custodisti; sed cum sanctas Ecclesias fimbriatis aureis vestibus convestitas & variegatas invenisses, eas ornari privasti atque vastasti. Quid enim nostra sunt Ecclesia? Nonne res manufactæ, lapides, ligna, &c. Quibus impugnatas ab Imperatore sacras imagines defendit. Et paullo pòst: Audi humilitatem nostram, Imperator, cessa & sanctam Ecclesiam sequere prout invenisti, atque accepisti, non sunt Imperatorum dogmata, sed Pontificum, quoniam nos Christi sensum habemus. Alia est Ecclesiasticarum rerum constitutio, & alius sensus secularium: In administrationibus sæculi militarem ac ineptum quem habes sensum & crassum, in spiritualibus dogmatum administrationibus habere non potes, & ecce tibi palatii & Ecclesiarum scribo discrimen, Imperatorum & Pontificum: Agnosce illud & salvare, nec contentiosus esto: Si quis à te regia indumenta, purpuram, diadema capitis, trabem abstulerit, & obsequii ordines, futurum est ut ab hominibus turpis, deformis & abjectus habeatur. Et paullo pòst: Nam quemadmodum Pontifex introspectendi in palatium potestatem non habet, ac dignitates regias deferendi; sic neque Imperator in Ecclesias introspectendi, & electiones in clero peragendi, neque consecrandi, vel symbola sanctorum Sacramentorum administrandi, sed neque participandi absque opera sacerdotis, sed unusquisque nostrum in qua vocatione vocatus est à Deo, in ea maneat. Vides, Imperator, Pontificum & Imperatorum discrimen: Si quispiam te offenderit, domum ejus publicas & spoliis, solam illi vitam relinquens, tandemque illum etiam vel suspendio necas, vel capite trunca, vel relegas, eumque longè à liberis, & ab omnibus cognatis & amicis suis amandas. Pontifices non ita: Sed ubi peccaverit quis & confessus fuerit, suspendi vel amputationis capitis loco Evangelium & crucem ejus cervicibus circumponunt, eumque tanquam in carcerem in secretaria, sacrorumque vasorum araria conjiciunt, in Ecclesia Diaconia, & in Catechumena ablegant, ac visceribus eorum jejunium, oculisque vigilias, & laudationem ori ejus indicunt: Cumque probe castigarunt, probeque fame affixerunt, tum pretiosum illi corpus Domini impatiunt, & sancto illum sanguine potant; & cum illum vas electionis restituerint, ac immunem peccati, sic ad Dominum purum insontem transmittunt. Vides, Imperator, Ecclesiarum Imperatorumque discrimen: Imperatores qui piè & in Christo vixerunt, Ecclesiarum Pontificibus obedire minime recusarunt, nec eos vexarunt; tu verò, Imperator, cum transgressus fueris, ac perversus evaseris, & manu propria subscripseris, teipsum subiciens, & confessus fueris, eum qui terminos Patrum tollit, execrabilem esse, in hoc proprio judicio condemnatus es, ac Spiritum sanctum à te alienasti. Persequeris nos, ac tyrannicè vexas, militari carnalique manu: Nos inermes ac nudi, qui tetrenos & carnales exercitus non habemus, invocamus principem exercitus omnis creaturæ sedentem in calis Christum, qui est super omnes exercitus supernarum virtutum, ut immittat tibi demonem, sicut ait Apostolus: Tradere hujusmodi satanæ in interitum carnis, ut spiritus salvus sit. Vides, Imperator, quò impudentia atque inhumanitatis teipsum provexeris: Animam tuam in barathra, & prærupta loca precipitem egisti, quod humiliari nolueris, duramque cervicem tuam submittere. Nam ubi præclarè

præclarâ commotione adhibitâ & doctrinâ Pontifices Deo exhibuerunt Imperatores irreprehensibiles, & mundos à peccatis ac delictis, magnam apud eum laudem & gloriam obtinent in sanctam resurrectionem magnam: Quo tempore res nostras occultas, opera nostra in lucem prolaturus est, in confusionem nostram coram angelis suis. Tum verò futurum est, ut nos humiles erubescamus, quod te propter inobedientiam tuam lucrati non fuerimus, cum illi, qui ante nos fuerunt Pontifices, eos qui suis temporibus imperarunt, Deo obtulerint. Quod nobis humilibus pudorem incutiet, qui temporum nostrorum Imperatorem non offeramus gloriosum & celebrem, sed ignominiosum & adulterinum. Ecce nunc quoque te hortamur, penitentiam age & convertere, atque ad veritatem ingredi, sicut invenisti & accepisti, custodi. Et paullo post: Hortamur te ut sis Pontifex, & Imperator, prout antè scripsisti. Quod si te pudeat, hoc tibi ipsi tanquam Imperatori tribuere, ad regiones omnes, quibus scandalo fuisti, scribe, Gregorium Papam Romanum circa imagines errare, itémque Germanum Constantinopolitanum Patriarcham: Et nos culpam peccati recipimus, utpote qui potestatem à Domino acceperimus, & auctoritatem terrena celestiaque solvendi ac ligandi, réque ab hac cura quietum præstamus: Neque voluisti, neque vis, nos ut rationem Christo Domino reddiduri, monita atque documenta adhibuimus tibi, prout à Domino edocti sumus; at tu refugisti, atque obediri nobis humilibus recusasti, simulque Germano præfui, & sanctis atque gloriosis miraculorum effectioribus, & doctoribus Patribus nostris, & secutus perverfos, pravosque dogmatum magistros, qui à veritate aberrant, habeto partem cum illis, nos prout antè scripsimus tibi, viam ingredi dimur Dei benigntate in extremas Occidentis regiones verius illos, qui sanctum baptismum efflagitant. Cùm enim illuc Episcopos misissem, & sancta Ecclesia nostra clericos, nondum adducti sunt ut capita sua inclinarent, & baptizarentur eorum principes, quod exoptent, ut eorum sim susceptor. Hac de causa nos ad viam Dei benignitate accingimus, ne forte damnationis & incuria nostra rationem reddamus. Deus det tibi prudentiam ac penitentiam, ut ad veritatem converteraris, ex qua descivisti, rursumque restituat humilibus populis in unum pastorem Christum, & in unum ovile orthodoxarum Ecclesiarum ac præfulum, & pacem Dominus Deus noster præbeat universo terrarum orbi. nunc & semper & in secula seculorum. Amen.

Ecce iterum quomodo Gregorius purgat se universo terrarum orbi de calumnia, quam illi Zonaras, & illi consentientes historici impeerunt. Profecto tantum abest, ut Pontifex Imperatoris obedientiam se vel alios subtraheret, & ne penderentur vectigalia, obstitit, ut illum Ecclesiasticâ communione non privaverit, aut reipsâ privatum in publico fidelium consensu denuntiaverit, vel anathema dixerit. Invo-candum duntaxat Deum esse significat, ut quod apud Beatum Paulum Corinthio incestus reo contigit, Imperatori contingat.

Porro autem Gregorius in hac Epistola ostendit passim, se multum abesse ab opinione illa, quam qui Theophanis, & Zonaræ testimonium in auctoritatem admittunt, constabile nituntur. Animadvertenda sunt duo maxime, quorum unum est istud: Nos inermes ac nudi, qui terrenos ac carnales exercitus non habemus, invocamus principem exercitus omnis creatura sedentem in caelis Christum, qui est super omnes exercitus supernarum virtutum, ut immittat tibi demonem, sicut ait Apostolus. Inermes & nudi Pontifices non esse judicant, qui quod Theophanes, & Zonaras, & his consentientes historici scribunt, Gregorium fecisse mentiuntur. Alterum est multiplex discrimen illud, quod Gregorius inter Imperatores & Pontifices constituit, & hoc præcipue: Quomodo Pontifex introspectendi in palatium potestatem non habet, ac dignitates regias deferendi, sic neque Imperator in Ecclesias introspec-

ciendi, &c. Atque hæc est egregia & sincera Gregorii II. de Romani Pontificis auctoritate confessio, in qua tam perspicui auctoritatis hujus limites defiguntur. Itaque si Romanus Pontifex decernente Gregorio juniore, eoque sanctissimo viro, nec introspectendi in palatium, nec regias dignitates deferendi potestatem habet, quo jure Gregorius præstitisset id, quod Theophanes, Zonaras, & his consentientes historici tradunt? Quo jure se & Italos Imperatoris subduxisset obedientiam? Quo jure vetuisset, ne Imperatori consueta vectigalia pensitarentur? Quo jure Imperatori quamlibet hæretico supremam dignitatem abrogaret, & regna de gente in gentem transferret? Intelligebat vir doctus & sanctus verba hæc, Pasce oves meas, quæ Petro dicta sunt in persona Ecclesiæ, illuc orthodoxorum Patrum flexisse neminem.

I. Non flexit Romanus clerus ad Carthaginensem clerum scribens, eumque instruens, quid circa lapsos, absente propter persecutionem Cypriano, faciendum sit: Denique ipse Dominus implens quæ erant scripta in lege & Prophetis, docet dicens: Ego sum Pastor bonus, qui pono animam meam pro ovibus meis. Mercenarius autem, & cujus non sunt oves propria, cùm viderit lupum venientem, relinquens effugit, & lupus dispergit oves: Sed & Simoni sic dicit: Diligis me? Respondit: Diligo: Ait ei, pasce oves meas: Hoc verbum factum ex actu ipso, quo cessit, cognoscimus, & ceteri discipuli similiter fecerunt. Nolumus ergo, fratres dilectissimi, vos mercenarios invenire, sed bonos Pastores, cùm sciatis, tum non minimum periculum incumbere, si non hortati fueritis fratres nostros stare in fide immobiles, ne præcipitem ad idololatriam funditus eradicetur fraternitas. Qui sic locum Evangelii, pasce oves meas, explicant, & de sensu illius Carthaginensi clero accommodant, non prælucent iis, qui locum illum ad subtrahendam principibus obedientiam populorum, vel ad eos abdicandos flecterent.

II. Non flexit Ambrosius in libri de dignitate sacerdotali capite 11. cùm ait: Sic certè à Domino ad Beatum Petrum dicitur: Petre, amas me? Et ille, tu scis, quia amo te: Et cùm tertio fuisset interrogatus, & trina responsione fuisset subsecutus, repetitum est à Domino tertio, pasce oves meas, quas oves & quem gregem non solum tunc beatus suscepit Petrus, sed & nobiscum eas suscepit, & cum illo eas non suscepimus omnes. Ambrosius non præluceat iis, qui salum Zonaræ testimonium in auctoritatem recipiunt.

III. Non flexit Chrysostomus, cùm in libro 11. de sacerdotio Basilium quemdam Presbyterum sic affatur: Tum ostensurum Basilium eximiam suam dilectionem in Christum, si pascat ejus gregem, cùm scriptum sit, si diligis me, pasce oves meas. Deinde cùm in homilia lxxix. super Matthæi caput xxiv. differit hoc modo: Amas me, Petre? Pasce oves meas, cùm tertio ipsum interrogasset, hoc amoris esse argumentum confirmavit, quod non ad sacerdotes solummodo dictum est, verum etiam ad singulos nostrum, quibus vel minimus grex commissus esse videtur. Tum demum in homilia xxxi. de Sancto Philogonio Episcopo: Quantum autem sit pietatis argumentum, quod Deus illum tanto magistratu dignum indicavit, audi: Christus excitatus à mortuis quid dicat Petro: Petre, amas me? Isque respondisset: Tu, Domine, scis, quod amo te: Si diligis me, pasce oves meas. Chrysostomus nusquam præluceat iis, qui ex Evangelii loco probant, Romanum Pontificem posse Imperatorum, & Regum obedientiam populos subtrahere, & Imperatores & Reges de sede regia deturbare.

IV. Non flexit Hieronymus libro xvii. in Esaiam cap. lxii. O Pastores Israël, nunquid pascunt semetipsos Pastores, & non magis oves? Audiant cum Apostolo Petro, pasce oves meas; Mirumque in modum de cementariis atque pastoribus transibunt in agricolas. Deinde



Deinde in libro xviii. in eundem Esaiam cap. lxiii. Agni autem credendi sunt oves, qui in vestibus candidis sequuntur agnum quocunque vadit, quos Dominus tradidit Petro ad pascendum, dicens, *Pasce agnos meos*. Hæc ad subtrahendam principibus obedientiam quid attinent?

V. Non flexit Augustinus cum in libri de Agone Christiano capite xxx. sic differit de Catholica Ecclesia: *Huic Ecclesie claves regni cælorum data sunt*, cum Petro data sunt, & cum ei dicitur, ad omnes dicitur, *amas me, pasce oves meas*. Deinde in tractatu xlvii. super beati Joannis Evangelium: *Ideo Petro, quem facere volebat Pastorem bonum, non in ipso Petro, sed in corpore suo ait: Petre, amas me, pasce oves meas*. Postremò in Psalm. cviii. *Ut ergo Petrus, quando ei dictum est, tibi dabo claves, in figura personam gestabat Ecclesia, sic & quando ei dictum est, pasce oves meas, Ecclesia quoque personam in figura gestabat*. Hic ne verbum quidem, immo ne umbra verbi de Romani Pontificis auctoritate illa, quam loco huic, *pasce oves meas*, inædificant, qui Zonaræ testimonium libi vindicare contendunt.

VI. Non flexit Cyrillus Alexandrinus, cum illud, *pasce oves meas*, in cap. xxi. Joannis exponit: *Advenientem itaque Christus eum acrius urget, utrum se plus iis diligeret, idque tertio. Annuat verò Petrus ac diligere se fatetur, sui amoris testem eum citans. In singulis autem confessionibus multifariam audit rationales oves sibi cura esse debere: Ego verò arboror (nam abstrusum horum verborum sensum investigandum quoque aio) frustra hac scripta non esse, sed arcani quiddam ac reconditi in se omnino habere. Nunquid enim merito querit aliquis, quam ob causam Simonem dumtaxat interrogat, aut quid sibi velit istud, *pasce oves meas, & similia?* Respondemus igitur, divinum Petrum unà cum aliis Discipulis, jam electum fuisse ad divinum Apostolatam. Ipse quippe Dominus noster Jesus Christus eos nominavit Apostolos ut scriptum est, sed quia interea dum procederet Judæorum facinus, nonnihil lapsus est (ingenti quippe formidine captus divinus ille Petrus ter Dominum negarat) agrum nunc sanat, & ternam confessionem loco terna illius negationis flagitat, hanc illi quodammodo opponens & delicta correctione compensans. Et paulo post: *Quapropter per triplicem beati Patri confessionem triplici abnegatione contractum peccatum abrogatur: Ex eo verò quod Dominus dicit: Pasce agnos meos, tradit jam ei Apostolatus renovatio quadam esse censetur, quæ delictorum subinde solvit infamiam, & infirmitatis humana delet angustias*. Cyrillus hac verborum, *pasce oves meas*, expositione non præluet iis, qui illa seu ad subtrahendam principibus obedientiam populorum, vel ad principes abdicandos converterent.*

VII. Non flexit Leo Pontifex I. in sermone 11. de natali Apostolorum Petri & Pauli, cum ait: *In Petro ergo omnium fortitudo munitur, & divina gratia ita ordinatur auxilium, ut firmitas, quæ per Christum Petro tribuitur, per Petrum Apostolis tribuatur*. Nam & post resurrectionem suam Dominus beato Petro Apostolo post regni claves ad trinam æterni amoris professionem mysticâ insinuatione ter dixit, *pasce oves meas: Quod & nunc proculdubio facit, & mandatum Domini pius Pastor exequitur, confirmans nos exhortationibus, & pro nobis orare non cessans, ut nullâ tentatione superemur*. His autem verbis nunquam superstruetur juris quæstio, quæ ex Zonaræ testimonio deduci potest.

VIII. Non flexit Basilius Seleuciensis Episcopus, cum oratione xxviii. sic loquitur: *Idcirco pederentem exercitati ad perfectiorem sensum provehuntur, ut quo primum pacto docti fuerint, docere discant*. Sic olim Petro, qui puella terrore Dominum negitaverat, objurigatione missâ riam dabat, docens qua ratione peccantes ferendi sint. *Petre, inquit, amas me? Tu, inquit, scis quia*

*amo te: Pasce oves meas. Infirmitatem tuam sensisti? Agnovisti, quæ tua devoluta sit jactantia? Experimentiâ doctus es tibi minime credere? Nosti naturæ mensuram? Didicisti, quàm sit utique necessaria gratia? Veniam concedas quæ te scis eguisse. Ne depretiaveris penitentia pharmacum, cuius tu robur admiratus es, pasce oves meas*. Sic Basilius non præcurrit opinioni, quæ ex eo Evangelii loco principibus obedientiam subducit, & vetat, ne iis tributa solvantur, & tandem abrogat imperium.

IX. Non flexit Maximus Taurinensis Episcopus, sermone in natali Apostolorum Petri & Pauli: *Nam sicut in deserto dominico sitienti populo aqua fluxit è petra, ita universo mundo perfidia ariditate lassato de ore Petri fons salutifera confessionis emerfit*. Hic est Petrus, cui Christus ascensus ad Patrem, pascendas oviculas agnoscque commendat, ut quos ille pietatis miseratione redemerat, hic fidei suæ virtute servaret: *Et rectè sanè ei arbiter occultorum Dei Filius pascendas oves suas tuendasque commisit, cui noverat in nutriendo grege dominico, nec studium deesse, nec fidem*. Sic Maximus non suffragatus sententiæ, quæ ex verbis, *pasce oves meas*, principibus obedientiam & vectigalia, & imperium abrogare conatur.

X. Non flexit Gregorius I. lib. vi. in lib. i. Reg. cap. xvi. *Sit ergo rufus pastor, & non sit remissus in opere, sit pulcher in aspectu, videlicet sublimis in eo contemplatio, sit decorâ facie, ut totum robur operis, & altitudo contemplationis superna majestatis oculis notum sit per ineffabilem pulchritudinem charitatis*. Hæc quippe tria immensi decoris insignia, quia sancta Ecclesia doctor habere debet, pro omnibus Petrus assumitur, & an amet Redemptorem tertio interrogatur: *Primo namque ei dicitur, Petre, amas me? Ut per amorem agere fortia studeat: Secundo, ut in contemplando alta cognoscat: Tertio, ut perfectæ charitatis affectu, & erga proximum ferveat, & ad speciem conditoris ferventius inardescat*. Non item flexit in lib. iv. epistola xxxii. ad Mauritianum Imperatorem: *Cum adversus Joannem Constantinopolitanum ita disputat: Cum his ergo Evangelium scientibus liquet, quod voce dominicâ sancto & omnium Apostolorum Petro principi Apostolo totius Ecclesie cura commissæ est: Ipsi quippe dicitur, Petre, amas me, pasce oves meas; ipsi dicitur: Ecce satanas, expetii cribrare vos, sicut triticum, & ego pro te rogavi, Petre, ut non deficiat fides tua, & tu aliquando conversus confirma fratres tuos. Ipsi dicitur: Tu es Petrus & super hanc petram edificabo Ecclesiam meam, & porta inferi non prævalebunt adversus eam: Et tibi dabo claves regni cælorum, & quodcumque ligaveris super terram, erit ligatum & in cælis: Et quodcumque solveris super terram, erit solutum & in cælis. Ecce claves regni cælestis accepit, potestas ei ligandi ac solvendi tribuitur, cura ei totius Ecclesie & principatus committitur; & tamen universalis Apostolus non vocatur, & vir sanctissimus confacerdos meus Joannes vocari universalis Episcopus conatur: Exclamare compellor ac dicere: O tempora! ô mores! Hæc autem à Gregorio coacervata Scripturæ sacræ loca, in quibus est, *pasce oves meas*, non ed spectant, ut Pontifex seipsum & alios ab Imperatorum obedientia subducatur, vetetque, ne iis tributa pendantur, vel tandem Imperium abdicetur*.

XI. Non flexit Paterius Romanæ Ecclesie subdiaconus in libri 11. super Evangelium Joannis capite lviii. *Hinc veritas ad Discipulos dicit: Non potest civitas abscondi super montem posita: Neque accendunt lucernam, & ponunt eam sub modio, sed super candelabrum, ut luceat omnibus, qui in domo sunt*. Hinc Petro ait: *Simon Joannis, amas me? Qui cum se amare protinus respondisset, auditur: Si diligis me, pasce oves meas. Si ergo dilationis est testimonium cura passionis, quisquis virtutibus pollens gregem Dei renuit pascere, Pastorem summum convincitur non amare*. Id circa, *pasce oves*

oves meas, in mentem Paterio venire non poterat, quod nemini adhuc venerat: Nec ut veniret, Romanæ Ecclesiæ ferebat traditio.

XII. Non flexit Beda venerabilis in caput XXI. Joannis, cum verba hæc, *pasce oves meas*, explicat. Sed prius, inquit, Dominus, quod sciebat, interrogat, nec semel, sed iterum & tertio, utrum Petrus eum diligit, nec aliud toties audit à Petro, quam se diligi, nec aliud toties commendat Petro, quam suas oves pasci: Redditur trina negationi trina confessio, ne plus amoris lingua serviat, quam timori, & plus vocis eliciat videatur mors imminens, quam vita præsens. Sic amoris officium, mors cere dominicum gregem, si fuit timoris indicium, negare Pastorem: Qui hoc modo pascunt oves Christi ut suas velint esse, non Christi, se convincuntur amare, non Christum, vel gloriandi, vel dominandi, vel acquirendi cupiditate, non obediendi, & subveniendi, & Deo placendi cupiditate. Contra hoc ergo vigilat toties inculcata ista vox Christi, quos Apostolus gemit sua quævere, non quæ Jesu Christi. Nunquid est aliud, diligis me, pasce oves meas, quam si diceretur, si me diligis, non te, pascere te cogita oves meas, & sicut meas pasce, non sicut tuas, gloriam meam in eis quære, non tuam, dominium meum, non tuum, lucra mea, non tua: Ne sis in eorum societate, qui pertinent ad tempora periculosa seipsos amantes, & cætera, quæ huic malorum initio convelluntur: Quod vitium maxime cavendum est in iis, qui pascunt oves Christi, ne sua quarant, non quæ Jesu Christi, & in usus cupiditatum suarum conferant, pro quibus sanguis fusus est Christi. Cujus amor in eo, qui pascit oves ejus, in tam magnum debet spirituales excrescere ardorem, ut vincat etiam mortis naturalem timorem, quo mori volumus, & quando cum Christo vivere volumus. Sic Anglorum doctor celebris verba hæc, *pasce oves meas*, non flexit in opinionem, quæ subditos à principum suorum obedientia liberat, & impedit ne iis tributa pendantur.

His ita constitutis mirum non est, Gregorium II. qui & in doctrina Patrum, & in Apostolicæ Sedis traditione perquam eruditus erat, dixisse, Pontificem in palatium introspiciendi, & Regis dignitates deferendi potestatem non habere, & dicendo hæc unâ destruxisse quicquid Theophanes, Zonaras & consentientes historici supra narrarunt, seu potius fictis de Gregorio fabulis memoriæ prodiderunt. Sic Gregorius antecedentem verborum scripturæ, *pasce oves meas*, interpretationem concludit: Et subsequenter eamque bene novam præcludit ad exponendam rei indignitatem: Quæ in eo sita est, ut Tridentinæ professionis fidei violetur articulus hic: Item sacram Scripturam juxta eum sensum, quem tenet & tenuit sancta mater Ecclesia, cujus est judicare de vero sensu, & interpretatione sacrarum Scripturarum, admitto, nec eam unquam, nisi juxta unanimum consensum Patrum, accipiam & interpretabor. Violatur igitur hic articulus, cum scripturæ verba, *pasce oves meas*, ad Principes supremam potestate suâ privandos detorqueantur, & violatores incurrunt in reprehensionem & poenam, quæ sessione Concilii quartâ decernitur. Præterea, inquit, ad coercenda petulantia ingenia decernit, ut nemo sua prudentia innixus in rebus fidei, & morum ad adificationem doctrinæ Christianæ pertinentium sacram Scripturam ad suos sensus contorqueat, contra eum sensum, quem tenuit, & tenet sancta mater Ecclesia, cujus est judicare de vero sensu, & interpretatione Scripturarum sanctarum, aut etiam contra unanimum consensum Patrum ipsam Scripturam sacram interpretari audeat, etiamsi hujusmodi interpretationes nullo unquam tempore in lucem edenda forent. Qui contravenerint per ordinarios declarentur, & penis a jure statutis puniantur.

Illorum, qui contravenerunt, familiam ducit Bellarminus in libri v. de Rom. Pont. capite VII. Fran-

ciscus Suares in libri III. de primatu summi Pont. capite XXXIII. Martinus Becanus in Anglicanæ controversiæ capite III. quæst. III. & quidam alii qui Bellarminum sequuntur, cum Evangelii verba hæc, *Pasce oves meas*, ad jus deponendorum Principum detorqueant.

Bellarminus igitur hoc modo philosophatur: Quinta ratio. Cum Petro dictum est, *pasce oves meas* Joannis ultimo, data illi facultas omnis, quæ est pastori necessaria ad gregem tuendum; at pastori necessaria est potestas triplex: Nimirum una circa lupos, ut eos arceat, quæ ratione poterit: Altera circa arietes, ut siquando cornibus ledant gregem, possit eos recludere & prohibere, ne gregem ulterius præcedant: Tertia circa oves reliquas, ut singulis tribuat convenientia pabula: Ergo hanc triplicem potestatem habet summus Pontifex. Ergo & habebunt ii, quos summus Pontifex fratres & coepiscopos appellat. Pascendarum enim ovium potestatem cum Petro acceperunt, ut scribit Ambrosius, vel in persona Petri, ut scribunt Chrysostomus & Augustinus, nec ab illis dissentiant cæteri Patres, quorum auctoritates retulimus. Huc quoque spectat præfatio, quam Ecclesia in festis Apostolorum omnium canit: *Equum & salutare, te, Domine, suppliciter exorare, ut gregem tuum, Pastor æterne, non deseras, sed per beatos apostolos tuos continua protectione custodias, ut iisdem rectoribus gubernetur, quos operis tui vicarios eidem contulisti præfisse Pastores.* Nec dubitandum est, quin ad normam verborum, *pasce oves meas*, &, *pascite gregem qui in vobis est*, 66 exarata sit hæc præfatio. Hinc efficitur, ut quicquid Bellarminus ex verbis Joannis colligit postea, id reliquis Episcopis & Pastoribus futurum sit commune. Quod novum & omnium animis atque auribus absonum videbitur. Bellarminus philosophari pergit: Ergo tria ducuntur argumenta ex hoc loco: Primum sit. Lupi, qui Ecclesiam Dei vastant, hæretici sunt, ut patet ex illo Matthæi VII. Attendite à falsis Prophetis, &c. Si ergo princeps aliquis ex ove aut ariete lupus fiat, id est, ex Christiano fiat hæreticus, poterit Pastor Ecclesia eum arcere per excommunicationem, & simul jubere populo, ne eum sequatur, ac proinde privare eum dominio in subditos. Sic non unus tantum Romanus Pontifex, sed & cæteri Pontifices, quia Pastores sunt Ecclesiæ, id quod Bellarminus colligit, perficient: Hæreticum principem & fidelium communione, & imperio in subditos privabunt. Id ex Bellarmini ratiocinatione sequitur, aut nihil sequitur, nisi Bellarminus arcendorum illo modo luporum potestatem ad unum Romanum Pontificem per accidentis fallaciam reducat. In conclusione necessario distribuet, quod in præmissis distributum non erit, & ne aliter fieri possit distributio, & res ipsa & laudati Patres impediunt. Bellarminus tamen causam obtineret, si Christus ingentem, expeditum, & necessariis rebus omnibus instructum exercitum, quo uterentur Pontifices, certo quodam in loco reliquisset: Non reliquit. Id se non habere sepositum ac reconditum fatetur Gregorius II. noster, cum in posteriori ad Leonem Isaurum Epistola è beati Petri sede pronuntiat: Nos inermes & nu- 67 di, qui terrenos & carnales exercitus non habemus, invocamus principem exercitus omnis creatura sedentem in cælis Christum, qui est super omnes exercitus supernarum virtutum, ut immittat tibi demonem, sicut ait Apostolus.

Bellarminus pergit: Alterum verò sit. Potest Pastor arietes furiosos & destruentes ovile separare & recludere: Princeps autem est aries furiosus destruens ovile, quando est Catholicus fide, sed adeo malus ut multum obsit religioni & Ecclesiæ, ut si Episcopatus vendat, Ecclesias diripiat, &c. Ergo poterit Pastor eum recludere, vel redigere in ordinem ovium. Atqui istud pertinet ad omnes Episcopos, & Pastores Ecclesiæ, nisi velit unum tantum esse Pastorem Ecclesiæ, Romanum scilicet.



scilicet; & ceteros Pastores Romani hujus vicariam praefecturam gerere: Et si hoc contenderet, & secum & cum Romanis Pontificibus pugnaret. Deinde ex hoc argumento concludi non potest sine accidentis fallacia, principem fide Catholicam, sed adeo malum, ut multum oblit religioni & Ecclesiae, deponi posse. Joannes XII. Episcopatus vendebat, patrabat homicidia, & tandem arietum pene omnium furiosissimus fuit; & tamen Baronius, Bellarminus & alii <sup>quidam</sup> Romanum accusant Concilium, à quo de Romana sede deturbatus est. Hic aberrantem à janua Bellarminum sequor: Quia furiosum Principem recludere, vel in ordinem ovium redigere, non est eum privare dominio in subditos, si Latine loquamur, nec rem paralogismis implicemus.

Bellarminus pergit: *Tertium argumentum est. Pastor ac debet omnes oves ita pascere, ut eis convenit: Ergo potest ac debet Pontifex omnibus Christianis ea jubere, atque ad ea cogere, ad qua quilibet eorum secundum statum suum tenetur, id est, singulos cogere, ut eo modo Deo serviant, quo secundum statum suum debent: Debent autem Reges Deo servire defendendo Ecclesiam, puniendoque haereticos & schismaticos, ut Augustinus docet in Epistola L. ad Bonifacium, Leo Epistola LXXV. ad Leonem Augustum, & Gregorius lib. II. epist. LXII. ad Mauricium: Ergo potest ac debet Regibus jubere ut hoc faciant, & nisi fecerint, etiam cogere per excommunicationem, aliasque commodas rationes, quas inter non collocat decretum, quo Principes dominio in subditos priventur. Disputator oblitus est ut secundum, ita & tertium argumentum ex verbis, *pasce oves meas*, quaesitum debere ad spectare, si quod spectare debeat. Argumentum hoc vel nullum ad Pontificem vel Pastorem Ecclesiae, vel ad omnes pertinet, & eodem quo praecedentia ratiocinii vitio inquinatur, & sic auctor à scopo deflectit suo. Ceterum nec Augustinus, nec Leo, nec Gregorius in laudatis Epistolis affirmant, Principes à Romano Pontifice fidelium communione, & imperio in subditos privari posse, si haereticos & schismaticos castigare negligant. Profecto nisi cum Bellarmino mihi res esset, mirarer admodum, cur cum ea in ratione, nimirum quinta, de abdicandis per Rom. Pont. Regibus agatur, Augustinus, Leo & Gregorius, ut rationis hujus fautores in medium adducantur. In seipsum crudelis est, qui famam suam tantopere contemnit.*

69 Suares abdicationem Principum in verbo, *Pasce*, comprehendere putat, nec disputationem longam adhibet, ut id lectoribus suis persuadeat. Christus, inquit, qui bene & optime omnia fecit & instituit, hanc potestatem Petro contulit, eamque sub verbo, *Pasce*, & sub potestate ligandi, & solvendi comprehendit: Ergo per illam potestatem & talem Principem dominio suo privare, ne noceat subditis, & hos à juramento fidelitatis solvere. Injuriam facit non mediocrem antiquis Patribus, & Evangelii Joannis interpretibus non advertentibus id, quod Christus tam bene instituit.

Et primum quidem Gregorio Nazianzeno, qui tam multa contra Julianum Imperatorem viventem edidit.

Deinde Cyrillo Alexandrino, qui contra eundem Julianum vitam functum calumiam strinxit, & Joannis insuper Evangelium commentariis illustravit.

Tum Gregorio Papae I. qui oblatam memorandae potestatis hujus occasionem nactus est, cum scripsit ad Imperatorem Mauricium, ut legem, Deo, sicuti credit adversam, revocet, aut emolliat.

Deinde Gregorio juniore, qui Christum potestatis id genus Petro dedisse adeo non novit, ut falsus palam fuerit, se nec introspiciendi in palatium, nec regias dignitates deferendi potestatem habere.

Tum Gregorio III. qui aequè ac decessor pro sacrarum imaginum defensione cum Leone Isauro dimicavit.

Denique Nicolao & Hadriano II. quibus multae cum Regibus Galliae contentiones fuerunt.

Tunc nec id quod Christum bene fecisse auctor hic 70 asserit, traditum à majoribus acceperant, nec verbum, *pasce*, intellexerunt, quomodo idem auctor intelligendum esse docet, & exinde in libri VI. de forma juramenti fidelitatis capite IV. sibi sine controversia ulla sumit, post sententiam condemnatoriam Regis de regni privatione latam, per legitimam potestatem posse quidem eum, qui sententiam tulit, vel cui ipse commiserit, Regem privare regno, etiam illum interficiendo.

Becanus in compendium mittit quidquid Bellarminum supra differentem exhibuimus, & dicit Romanum Pontificem cum Reges deponit, jure deponere, quia ex officio Pastoris deponit: In verbis, *pasce oves meas*.

Ad hanc comparationem cum pastore ovium ratione carentium facta subjicit: *Lupos arceat omni modo, quo potest*. Hinc autem efficitur, ut si pastor ovium ratione carentium funda, ferro, breviori sclopo lupos prohibere possit & prohibeat, Pastor ovium ratione praeditarum lupos, id est, haereticos aut iniquos Principes similiter prohibitorum sit, idque nisi per se, certe per alium, ut Suares proponit.

Ceterum Bellarminus, Suares, Becanus & affeculae sophisticas fraudes istiusmodi non commississent, nec verba Joannis, *pasce oves meas*, in tam absurdas tamque Christianae legi contrarias argumentationes & complexiones intulissent, si Tridentinis Patribus quae ex sessione IV. relata sunt, decernentibus morem gefissent, & relatum quoque ex professione fidei articulum sincere, uti Catholicis Theologiae professoribus convenit, observassent. Sed quia neutrum fecere, 71 iis omnibus, qui seorsim à nobis per religionem sentiunt, Tridentinum Concilium despectui & ludibrio exponere, & eos ad Ecclesiam redire gestientes, ab emittenda fidei professione exemplo suo, velint nolint, pessimo detertere veriti non sunt.

Nunc ut confirmetur amplius, quod ex Gregorii Epistolis deduximus, accedit Carolus Magnus in Epistola ad Constantinum & Irenem: Ubi sic loquitur: *Neque aliter fiebat in partibus & regionibus istis, donec proavus vester ex impiorum quorundam instructione venerandas imagines abstulit, ex quo tempore magnus error Graciam istam invasit: Unde non contemnendum scandalum in mundo factum est, sed va illis per quos scandalum in mundo irrepsit, ut ipsa veritas memini nescia testatur. Qua de causa in magnam tribulationem uterque Gregorius, Romani Pontifices, per ea tempora sanctissimi conjuncti sunt; saepius enim proavum serenitatis vestrae admonuerat, ne sineret venerandas imagines de statu suo deici: Verum illorum preses salutifera, nequicquam fusa sunt, animumque illius haud quicquam commoverunt. Hinc Carolus suo silentio narrationem Zonaræ obruit; hinc Gregorii junioris innocentiam & Sedis Apostolicæ traditionem, quæ Imperatorum etiam de fide non bene sentientium auctoritas intacta relinquitur, confirmat.*

Carolo accedit Paulus Diaconus in lib. VI. de gestis Longobardorum capite XLIX. Omnes Ravennae exercitus vel Veneriarum talibus jussis uno animo resisterunt, & nisi eos prohibuisset Pontifex, Imperatorem super se constituere fuissent aggressi.

Paulo Diacono accedit Anastasius Bibliothecarius, cum 72 in vita Gregorii II. id fileat, quod si contigisset, minimè silendum fuit. Non enim scribit Gregorium se & alios Imperatoris obedientiae subtraxisse, & tributa pendere recusasse: Quod Theophanes, Cedrenus & Zonaras scribunt. Immo ea tradit Anastasius, quæ Gregorium ab illa injuria vindicant: *Fussionibus itaque postmodum missis decreverat Imperator, ut nulla imago cuiuslibet Sancti aut Martyris, aut Angeli ubicunque haberetur, maledicta enim omnia asserbat, & si acquiesceret in hoc Pontifex, gratiam Imperatoris haberet, & si hoc fieri praecepisset, à suo gradu*

gradu decideret. Respicens ergo pius vir. profanam principis jussionem, jam contra Imperatorem quasi contra hostem se armavit, renuens haresim ejus, scribens ubique cavere se Christianos, eo quod orta fuisset impietas talis. Igitur perinde omnes Pentapolenses atque Venetiarum exercitus contra Imperatoris jussionem restituerunt dicentes, nunquam se in ejusdem Pontificis condescendere nece, sed pro ejus magis defensione viriliter decertare. Ita ut anathemati Paulum Exarchum, vel qui eum direxerat, ejusque consentaneos submittant, spernentes ordinationem ejus, sibi omnes ubique in Italia Duces elegerunt, atque sic de Pontificis, deque sua immunitate cuncti studebant. Cognita vero Imperatoris nequitia, omnis Italia consilium iniit, ut sibi eligerent Imperatorem, & Constantinopolim ducerent. Sed compescuit tale consilium Pontifex, sperans conversionem Principis. Hoc Theophanes, Zonaras, & alii historici calumniatores Gregorii junioris capiunt & intelligant. Sed pergit Anastasius: Ipsi interea diebus ex hilaratus Dux Neapolis, deceptus diabólica instigatione cum filio suo Adriano Campania partes tenuit, seducens populum, ut obediunt Imperatori, & occiderent Pontificem. Tunc Romani omnes eum secuti comprehenderunt, & cum filio suo interfecerunt, post hunc, & Petrum Ducem, dicentem contra Pontificem Imperatori scripsisse, turbaverunt. Igitur diffensione facta in partibus Ravenna, alii consentientes impietati Imperatoris, alii cum Pontifice & fidelibus se tenentes, intra eos contentione mota Paulum Patricium occiderunt. Et quibusdam interpositis: Post aliquod verò tempus Eutychium Patricium Eunuchum, qui dudum Exarchus fuerat, Neapolim misit Imperator, ut illud, quod Exarchus Paulus, Spatharii quoque, & ceteri malorum consiliatores facere nequiverunt, perficeret ille: Nec sic ille innuente Deo latuit miserabilis dolus, sed claruit cunctis pessimum consilium, quia Christi violare conabantur Ecclesias, & perdere cunctos, atque diripere omnium bona. Cumque mitteret hominem proprium Romam cum scriptis suis, in quibus continebatur, ut Pontifex occideretur cum optimis: Roma agnitâ crudelissimâ infamiâ, protinus ipsum Patricium missum occidere voluerunt, nisi defensus Pontificis nimia prepedisset. Hic sisto & advoco Theophanem, Zonaram, & consentientes sibi historicos recentiores, & cum primis Cardinales numero tres, Cæsarem Baronium, Robertum Bellarminum, & Jacobum Perronium, ut quæ scribit Anastasius de Gregorii moderatione, accuratè perspiciant. Pergit auctor: Verum eundem anathematizaverunt Eutychium Exarchum, sese magis cum parvis constringentes sacramento, nunquam Pontificem Christiane fidei zelotem, & Ecclesiarum defensorem se permittere noceri aut amoveri; sed mori pro illius salute essent omnes parati. Munera tunc hinc inde Ducibus Longobardorum & Regi pollicentes plurima, ut ab juvenamine desisterent Pontificis, per suos Legatos Patricius ille suadebat. Qui rescriptis detestandam viri dolositatem desipientes nã se quasi fratres fidei catenâ constrinxerunt: Romani atque Longobardi desiderantes cuncti mortem pro defensione Pontificis sustinere gloriosam, nunquam illum passuri perferre molestiam pro fide vera, & Christianorum certantem salute. His ita se habentibus, elegit majus presidium pater ille distribuere pauperibus largissimâ manu, qua reperiebat, incumbens orationibus & jeuniis, & latans Deum quotidie deprecabatur: Et spe ita manebat semper fultus plusquam hominum, gratias tamen voluntati populi referens pro mentis proposito, blando omnes sermone, ut bonis in Deum proficerent actibus, & in fide persisterent, rogabat, sed ne desisterent ab amore vel fide Romani Imperii ammonerat: Sic cunctorum corda mollebat, & dolores continuos mitigabat. Hic iterum sisto & advoco Theophanem, Zonaram, consentientes sibi recentiores historicos, & cum primis Cardinales numero tres, Baronium, Bellarminum & Perronium, ut quæ de divino planè agendi modo Gregorii tradit Anastasius, observent & recoquant. Per-

git auctor, sed paulo post: Eo tẽpore sepulchri disti Eutychius Paridius, & Luitprandus Rex interunt consilium nefarium, ut congregatis exercitibus Reio subice- 75 ret Duces Spoletanum & beneventanum, & Exarchum Romam, & quã pridem de Pontificis persona jussu fuerat, impleveret. Quia Rex Spoletum veniens susceptus ab utrisque Ducibus sacramentis, utque obsidibus cum tota sua cohorte in Neronia campum secessit: Ad quem egressus Pontifex, atque presentatis studuit, ut pariter, Regis mollire animum commonitione piã, ita ut se prosterneret ejus pedibus, & promitteret se nulli inferre lesionem, atque sic ad tantam compunctionem piis monitis flexus est, ut quæ fuerat indutus arma, exueret, & ante corpus Apostoli poneret mantum, armillansiam, balteum, spatiam atque ensen deauratum, necnon coronam auream & crucem argenteam: Post orationem factam obsecrans Pontificem, ut memoratum Exarchum ad pacis concordiam suscipere dignaretur, quod & factum est. O Pontificem summâ prudentiã clarum, quem Theophanes, Cedrenus, Zonaras, consentientes his recentiores historici, & Cardinales Baronius, Bellarminus, & Perronium minimè cognoverunt! Cognovissent utique Pontificem, qui quod illi tribuunt, sibi non sumebat: Arma sua non carnalia, sed spiritualia esse noverat, quibus munitus armatos contra se homines debellaret. Pergit auctor: Et sic recessit Rege declinante à malis quibus inerat consilium cum Exarcho. Igitur Exarcho Roma moranti, venit in partibus Tuscia in castrum Manturianense quidam seductor Tiberius nomine, cui cognomen erat Petasius, qui sibi regnum Romani Imperii usurpare conabatur. Leniores quoque decipient, ita ut Manturianenses, Lunenses, atque Bledani ei sacramenta pre- 76 stitissent. Exarchus verò hac audienti turbatus est, quem sanctissimus Papa confortans, & cum eo proceres Ecclesia mittens atque exercitus, profecti sunt. Qui venientes in Manturianensi Castello, ibidem Petasius interceptus est, cujus abscissum caput Constantinopolim ad Principem missum est. Et, nec sic Romani plenam gratiam largitus est Imperator. Nam post hac clausit ejusdem Imperatoris malicia, pro qua persequeretur Pontificem, ita ut compelleret omnes Constantinopolim habitantes tam virtute, quàm blandimentis, ut deponerent, ubicumque haberentur, indigine, tam Salutaris, quàmquod ejus generis sancta, vel omnino Sanctorum, easque in medio civitatis, quod dicere crudelitas est, igni cremarent, & omnes dealbarent depictas Ecclesias: Et quia plerique ex ejusdem civitatis populo tale scelus fieri prepediebant, aliquanti capite truncati, alia partem corporis excisi penam perculerunt. Pro qua causam Germanum sancta Constantinopolitana Ecclesia Antistitem, eo quod ei consensum impetrare nolisset, Pontificem privavit ejusdem Imperator, sibi que complice Anastasium Presbyterum in ejusdem locum transfecit. Qui missa Romam Synodica, dum talis hostis cum consentientibus reperiret, ut sanctum non decessit, eum fratrem aut confederatum solum vocari, sed rescriptis commonitoris, nisi ad Catholicam converteretur fidem, etiam extorrem ab sacerdotali officio esse mandavit. Imperatori quoque suadens salutaria, ut à tali execrabili miseria declinaret, scripsit commonuit. Hic tertium sisto & advoco Theophanem, Cedrenum, Zonaram, & consentientes sibi & recentiores historicos, & cum primis 77 Cardinales Baronium, Bellarminum & Perronium, ut primum animadvertant, Gregorium junioem ex lupis oves effecisse Luitprandum & Exarchum, à quibus querebatur ad necem, & illos piis Pontificis admonitionibus Ecclesiasticam de sacris imaginibus doctrinam amplexos esse: Ut deinde animadvertant, Gregorium noluisse stare à partibus Tiberii, qui Romanum usurpare conabatur Imperium: Adeo non staret contra Leonem Iconomachum, & infensissimum sibi hostem: Ut tunc demum animadvertant, Gregorium aliter atque aliter se gerere erga Anastasium factum Imperatoris jussu Constantinopolitanum Episcopum, & Imperatorem ipsum sacrarum imaginum everforem. Gregorius cum



Synodica Anastasii Epistolæ respondet, cum nec fratrem, nec confacerdotem appellat, statuitque, ut nisi ad Catholicam fidem convertatur, sacerdotali cadat officio. Gregorius verò, cum ad Leonem scribit, eum Imperatorem nominat sæpius, nec ut Imperiali cadat officio, si non convertatur ad fidem Catholicam, decernit. Imperatori tantum suadet, ut ab everendis imaginibus sacris desistat. Retulimus partem haud exigam literarum, quibus id suadere sibi visus est.

Omittere non possum, quæ idem Anastasius tradit in vita Gregorii III. successoris proximi: Fuit autem temporibus Leonis, & Constantini Imperatorum, ea persecutione grassante, quæ per ipsos mota est ad depositionem, & destructionem sacrarum imaginum Domini nostri Jesu Christi & sanctæ Dei genitricis, sanctorum Apostolorum, omniumque Sanctorum, & Confessorum, pro quibus idem sanctissimus vir, ut ab hoc respicerent ac se removerent errore, comminatoria scripta vigore Apostolica Sedis instituta, quemadmodum & sancta memoria decessor ipsius dixerat, misit per Gregorium Presbyterum: Qui humano ductus timore non eadem scripta Imperatori porrexerat: Qui revertens secum hæc in civitatem Romanam reducens ipsi sanctissimo Pontifici præfecit, confessus se faciens reum culpe. Quem magnâ comminatione Pontifex ipse voluit ab ordine sacerdotali privare. Cui \* residente in Concilio, sed obsecrante tam Concilio, quam optimatibus, ut non deponeretur, sed magis idem presbyter penitentia submitteretur. Cui impositâ dignâ penitentia, iterum secundo cum eisdem literis apud regiam direxit urbem: Sed nequiter augmentata dispositio eorum Imperatorum eadem venerabilia scripta in Siciliensi insula retinere fecit, nec ad urbem regiam pertransire permisit: Sed eundem portitorem pene per annum integrum in exilium relegavit. Unde majore fidei ardore permotus Pontifex Synodale decretum cum Synodali conventu, coram sacrosancta confessione sanctissimi corporis beati Petri Apostoli residentibus cum eodem summo & venerabili Papa & Archiepiscopis, id est, Antonio Gradendi Archiepiscopo, Joanne Episcopo Ravennate, cum cæteris Episcopis istius Hætheria parvis mm. XC III. seu Presbyteris sanctæ hujus Apostolicæ Sedis, astantibus, Diaconibus cum cuncto clero, nobilibus etiam consilibus & reliquis Christianis plebibus astantibus, decrevit, ut si quis deinceps antiqua consuetudinis, & Apostolicæ Ecclesiæ tenentes fidem usum contemnens, adversus eandem 79 venerationem sacrarum imaginum, videlicet Dei, & Domini nostri Jesu Christi, & genitricis ejus semper Virginis immaculatæ atque gloriöse Mariæ, beatorum Apostolorum, & omnium Sanctorum depositor atque destructor & profanator vel blasphemus extiterit, sit extorris à corpore, & sanguine Domini nostri Jesu Christi, vel totius Ecclesiæ unitate atque compage: Quod & subscriptione sua solemniter universi firmauerunt, & inter cetera instituta probabilius prædecessorum orthodoxorum Pontificum annectenda sanxerunt. Post peractum igitur hoc memoratum superius Synodale constitutum, iterum misit alia scripta comminatoria pro erigendis sacris imaginibus per Constantinum Defensorem, quæ similiter ut anteriora dicta sunt, & partitorem eorum fortissimè custodiâ construxerunt: per annum integrum: Postmodum autem vi cæcæ ceteris ad ipsa scripta, & comminantes ei post tanti temporis custodiam, cum injuriis eam remisit. Nam & cuncta generalitatis istius provincie Italia similiter pro erigendis imaginibus supplicationum scripta unanimiter ad eosdem Principes direxerunt, quæ & ipsa similiter ut anteriora ablata sunt à Sergio, Patricio extraneo ipsius insula Sicilia, ac fere per octo menses detenti, remissi sunt similiter cum exprobrationis injuria portitores. Et iterum faciens Dominus Papa adhortatorias literas pro erigendis superscriptis imaginibus sacris, & orthodoxæ fidei firmitate idcirco per Patrum Defensorem apud regiam urbem tam Anastasio invasori Sedis Constantinopolitane, quamque Principibus Leonis & Constantino. Hic tandem sibi & quantum

advoco, quos antea advocavi ut videant, an cum his 80 omnibus stare possit Theophanis & Zonaræ narratio; Gregorium videlicet excussisse jugum imperii, & ne ab Italis Leoni penderentur vestigalia, prohibuisse. At stare hoc posse quis verè affirmatæque diceret? Gregorius III. Leonem ut Imperatorem agnoscit; non agnosceret: Plenas ad eum humanissimis cohortationibus & admonitionibus literas scribit; non scriberet: Inter illos, quos communione corporis & sanguinis Domini extorres denuntiat, Imperatorem ne nominat quidem; desertè nominaret & audacter, quia non sufficit eum generatim & *en quoy* nominare, ut sic extorris intelligatur. Si percussus Imperator fuisset anathemate, & tributis privatus, Georgius Presbyter & Constantinus Defensor, quos Imperator carcere detineri per annum jussit, non tam impune tulissent, quam impune tulerunt. Utrumque trucidari sine dubio præcepisset, & armatâ manu in Pontificem & Romanos irruisset. Præterea si Romani ac finitimi populi rebellassent adversus Imperatorem, & recusassent vestigalia pendere, non legeremus apud Anastasium, quæ sic legimus: Nam & cuncta generalitas istius provincie Italia similiter pro erigendis imaginibus supplicationum scripta unanimiter ad eosdem Principes direxerunt. An, quæso, grata fuissent illa supplicationum scripta, si hinc Italia provincie se Imperatoris subtraxisset obedientiæ, & ei renuisset tributa solvere? Hinc pro erigendis imaginibus, quæ de locis sacris deturbatæ fuerant, Imperatori libellos obtulisset supplices? An sana Principibus supplicandi ratio, pacem cum scuto petere, & olivæ ramo gladium inferere? Infans sim, si hoc 81 credam; sed infanior sit qui credet deinceps Theophanis & Zonaræ narrationem esse veram. Quod de provincie Italia observamus, observandum quoque est de Gregorio III. qui rursus Imperatori pro restituendis imaginibus supplicat, qui Imperatorem ad instaurandam sacri cultus libertatem benignè adhortatur. Sic Gregorius III. ut perinde ac Gregorius II. intra sacratæ, & incorruptæ antiquitatis terminos, doctrinam quippe Patrum, & Sedis Apostolicæ traditionem, se continuit, & per id ad inconcessa sibi, imperii videlicet detractionem, & pensionis vestigalium recusatorem ultra progressus non est: Immo Pontifex è schola B. Pauli limatus, quod sibi per Matth. cap. xvi. licuit, expedire non censuit, sumpta lege, quam Gregorius Nazianzenus in oratione xxxii. sic statuit: *Ac de his quidem ita sentio, cunctisque animarum dispensatoribus rellæque doctrina arbitris legem statuo, ut nec per duritiam hominum animos exasperent, nec per summisionem elatos & insolentes efficiant, sed prudenter & consultò in fidei causa se gerant, nec in alterutro per mediocritatem excedant.* Hæc ille, qui ob eximiam divinarum rerum scientiam Theologi cognomentum est adeptus. Pontifex Imperatori nullum nominatim dixit anathema, ne hoc pacto ille magis exacerbaretur, & more veterum Imperatorum fuso Christianorum sanguine vexaret Ecclesiam, & persecutionum numerum auget. Imperatorem admonuit, & hortatus est sæpe, & repetitis precibus ab incepto deterere, & ad doctrinam sanam revocare conatus est, relictis cæteris patientiæ, quam 82

Tertullianus ita describit: *Ad eo satis idoneus patientia sequester Deus. Si injuriam deposueris penes eum, ultor est, si damnum, restitutor est: Si dolorem, medicus est: Si mortem, resuscitator est. Quantum patientialicet, ut Deum habeat debitorem? Nec immerito. Omnia enim ejus placita tuetur, omnibus mandatis ejus intervenit, fidem munit, pacem gubernat, dilectionem adjuvat, humilitatem instruit, penitentiam exspectat, exomologesin adsignat, carnem regit, spiritum servat, linguam frangat, manum continet, temeritates inculeat, scandala pellit, martyria consummat, pauperem consolatur, divitem temperat, infirmum non eximit, violentum non confamit, fidelem delectat, gentilem arguit, servum Domino, dominum Deo commendat, feminam exornat, virum*

virum approbat, amatur in puero, laudatur in juvene, suspicitur in sene, in omni sexu, in omni aetate formosa est. Et quibusdam interpolitis: Caterum nos amemus patientiam Dei, patientiam Christi, rependamus illi, quam pro nobis ipse dependit: Offeramus patientiam spiritus, patientiam carnis, qui in resurrectionem carnis & spiritus credimus. Hæc autem omnia eruditi Pontifices Gregorius II. & Gregorius III. cum planè scirent, erga Leonem Isaurum Imperatorem ita se gesserunt, ut se gessisse hac in Epistola comperies, & jam antè compereras, dum incredibili studio evolvisse tot & tantos libros, ut illustre Parisiensis in Theologia magistri nomen consequeris. Tu dives eras & abundabas facultatibus, & ut Cornelius Minutianus apud Plinium juniorem, studebas ut pauper; ratus titulum sine re non nisi vanum, atque otiosum quid objicere, & scientiæ, quæ perfectè comparata non est, id esse proprium, ut hominem, qui natura modestus non sit, sed confidens, ad gignendos errores sapius impellat.

Nunc superest ut de certis quibusdam historicis, qui mutuis inter se, & cum utroque Gregorio II. & III. certaminibus attriti concidunt, aliquid exponamus.

Baronius scribit, quod Græci historici omnes aiunt, Leonem Isaurum à Gregorio II. privatum esse exactione tributorum Italiæ: Quo scribendi genere nimium sibi indulget.

Joannes Damascenus homo Græcus est, qui in oratione i. de imaginibus historici personam sustinet, nec tamen dicit Leonem à Gregorio II. privatum esse exactione tributorum Italiæ, cum dicendi occasio se tribuit, ut ex verbis illius apparet: Et nunc beatus Germanus alapis percussus & in exilium missus est, & plures alii Paures, quorum nomina nos ignoramus. Nomen id latronum est? Dominus cum ad ipsum tentandi gratiâ Scriba, & Pharisei accessissent, ut eum sermone irriterent, quævissemque ex eo, liceretne Cesari censum dari, necne; Ostendite, inquit, mihi numisma; quod cum ostendissent, Cujus, inquit, habet imaginem? Respondentibus autem illis, Cesaris, ait, Reddite quæ sunt Cesaris Cesari, & quæ sunt Dei Deo. Paremus tibi, Rex, in iis quæ ad vitæ civilis negotia pertinent, ut in tributis, vectigalibus & congruariis solvendis, quorum tibi, quantum ad vos spectat, munus est creditum ac demandatum: At in Ecclesiasticis rebus statuendis ac decernendis habemus Pastores, qui nobis locuti sunt verbum, & leges atque instituta Ecclesiastica tradiderunt. Damascenus ex Christi doctrina confirmat, Leoni solvenda esse vectigalia, nec ab ejus obedientia discedendum esse in iis quæ ad vitæ civilis negotia pertinent; tantum abest ut idem dicat, quod Theophanes, Cedrenus & Zonaras dixerunt.

Anonymus auctor vitæ Sancti Stephani junioris, qui pro defensione sacrarum imaginum fecit martyrium, hac de tota re nihil tradit, sine dubio traditurus aliquid, si novæ & tam inusitatæ rei sua constitisset veritas: In summa non scribit, quod à Græcis historicis omnibus scriptum affirmat Baronius.

Nicephorus Patriarcha Constantinopolitanus in historia ad annum dccxxx. Post hæc, inquit, Imperator ingenti civium numero in palatium collecto, unâ & Germanum Patriarcham advocat, tum apud eum vehementius instat ut de sacris imaginibus evertendis scriptum aliquod faceret, quod ille renuit, & Episcopatu cessit. Neque enim, inquit, sine generalis Concilii auctoritate ullum religionis dogma scripto commito. Ergo cum se paternam in domum recepisset, illic reliquum vitæ tempus exegit. Hujus in locum Anastasius substituitur Ecclesiæ magna clericus. Deinceps itaque multi studiosi ætatis, qui Imperatoris dogmati assentiri volebant, variis penis atque ignominii affecti sunt. Nicephorus hic Græcus est historicus, cui Baronius contra jus fasque tribuit, quodtribuendum non fuit: Scilicet cum ait, Græcos historicos omnes memorie prodidisse, Leonem à Gregorio II. privatum esse exactione tributorum Italiæ.

Sic Baronius cum Damasceno, cum auctore vitæ sancti Stephani, cum Nicephoro Patriarcha congregitur tam infelicitè, ut vincatur: Sed infelicius adhuc congregitur cum duobus Sedis Apostolicæ præsulibus, Gregorio II. & Gregorio III. qui sese à Theophanis, Cedreni, & Zonaræ calumnia defendunt; & tunc ille cogitur de collocato apud Triumviros, Theophanem, Cedrenum & Zonaram præsidio & statione decedere, & se in fugam ab urbe turpissimam conferre. Nimirum utebatur armis hominum, qui Romanæ Ecclesiæ communionem deseruerant, & seorsum ab ea stativa sibi castra fecerant, & sanctæ atque eximie pulchritudinis illius insignia, quæ ut vidimus, ex Patrum doctrina & Sedis Apostolicæ traditione repetuntur, devenustaverant. Baronius infelicitatis suæ socios habet quotquot impactam à Cedreno & Zonara Romanis Pontificibus, sanctis & immerentibus viris, calumniam in auctoritatem admittunt, ut illorum successoribus tribuant, quod illi sibi non sumpserunt.

Sigebertus in Chronico ad dccxxxi. scribit: Gregorius Romana Ecclesia xcix. præsidet, qui & ipse Leonem Imperatorem erroris redarguit, & populum Romanum, & vectigalia Hesperia ab eo averit. At Siffridus Presbyter, Sigeberti narrationem hanc obruit suo silentio, cum in epitomes libro i. ad annum dccxxvi. ait: Leo II, Imperium adeptus regnare cepit. Hic in Christianos & Ecclesiam Dei impius & crudelis fuit, Domini salvatoris, & ejus gloriosa genitricis imagines, & aliorum sanctorum, in medio civitatis Constantinopolitana incendio tradidit, & multos Christianos, qui non assenserunt huic impietati, decollari fecit. Quod refert Sigebertus, non adjicit, quia secundum literas Gregorii II. & Anastasii Bibliothecarii documenta adjicere non debuit.

Platina Sigebertum sequitur in libro de vitis Pontificum in Gregorio III. Hic, inquit, statim ubi Pontificatum inivit, Cleri Romani consensu Leonem III. Imperatorem Constantinopolitanum Imperio & communionem fidelium privavit, quod sanctas imagines è sacris adibus abrasisset, & statuas demolitus esset. Sed Carolus Sigonius id tacitus refellit in libro xii. de regno Italiæ, postquam notavit Germanum Constantinopolitanum abdicasse se sacerdotali officio: Quibus rebus actis Leo XI. Calend. Febr. Anastasium subrogavit, ac conventu dimisso imagines omnes publice comburi jussit, quique ei sententia non subscripsissent, miserè aut capite, aut aliâ corporis parte multavit; Quod ubi cognovit Gregorius, per literas eum admonuit, ut ad Catholicam veritatem ritumque tuendum se referret, atque Anastasium sacerdotali officio spoliavit. Sigonius cum Gregorio loquitur, ut Platinam refellat. Quidquid tunc præstitit Gregorius, in his consistit verbis: Gregorius Leonem per literas admonuit, ut ad Catholicam veritatem ritumque tuendum se referret. Siquid ultra fecisset Gregorius, narrasset, uti narrat Anastasium, quem Leo Imperator Germano subrogaverat, ab illo Pontifice sacerdotali spoliatum esse officio.

Bellarminus in libri v. de Romano Pontif. capite viii. Gregorius II. Leoni Imperatori Iconomacho à se excommunicato prohibuit vectigalia solvi ab Italis, & proinde multavit eum parte Imperii. Magdeburgenses id reprehendunt, sed nullum proferunt scriptorem, qui factum hoc Gregorii vituperet, cum nos è contrario habeamus multos, qui laudaverunt ut sanctum & legitimum, nimirum Cedrenum, Zonaram, &c. Cedrenus de excommunicatione mentionem nullam facit: Anno, inquit, xii. Leo impius caput de sacris imaginibus evertendis meminisse. Quo cognito Gregorius tributo Italiæ & Romæ eum prohibuit. Hæc tantum: Unde liquet Bellarminum cum hoc auctore non tam castè atque integrè versari.

Bellarminus dicit Cedrenum testari Leonem à Gregorio excommunicatum fuisse; Cedrenus id non testatur. Bellarminus dicit, Cedrenum ubi scripsit: Gregorius tributo Italiæ, & Romæ Leonem prohibuit, factum hoc ut sanctum ac legitimum habere; Cedrenus de



facti hujusmodi conditionibus fileat. Verumenimvero accedant Bellarmini sodales tres, quos de facie nosse potuit. Unus est Jacobus Gretserus in examine mysteriorum Plestani cap. xxxv. *Tantum abest ut Gregorius (II.) subditos contra Leonem inflammaret, & ad defectionem sollicitaret, ut quamdiu potuit, potestatem & auctoritatem ejus salvam præstiterit. Hinc captam à Longobardis Ravennam eidem Imperatori per Venetos restituendam curavit.*

- 88 Alter est Horatius Tursellinus in epitomae historiarum libro vi. *Gregorius ergo secundus Romanus Pontifex in Concilio Romano decrevit, imagines sacras ad juvandam imperie multitudinis memoriam esse retinendas: Ipsum autem Leonem anathemate percussit. Cujus decreti fama Romanos, Campanos, Ravennates, & Pentapolitanos à Leonis imperio abrupit. Gretserus, Cedreni, & Zonaræ narrationem funditus destruit, & quidquid ei à Bellarmino superstruitur. Tursellinus verò qua in re fallitur, nempe cum ait Leonem à Gregorio percussum fuisse anathemate ad Bellarminum accedit; sed à Bellarmino recedit, cum minimè dicat, Gregorium Romanos, Campanos, Ravennates, & Pentapolitanos à Leonis imperio abrupisse. E contra nonnullam aperit causam erroris, in quem lapsi sunt Theophanes, Cedrenus, Zonaras, & his consentientes historici, qui nec Gregorii II. Epistolas ad Leonem I. saurum, nec conscriptam ab Anastasio Gregorii II. & Gregorii III. vitam legerunt, nec ex monumentis illiusmodi rei veritatem repetendam esse duxerunt.*

Tertius Bellarmini sodalis Jacobus Galterius in tabula Chronographica concludet mutuam pugnam, quæ supra ab una parte tam sedè pugnata est; sic enim in tabulæ sæculo octavo scribit de Gregorio II. *Is quidem rebus gestis cum Gregorio magno conferendus; inter quas non exigua laus illi fuit, quod Sanctum Bonifacium in Germaniam miserit ad prædicandum, quòdque*

*forti animo impietati Leonis Isaurici Imperatoris resistit. Non addit restitisse fidelium communione Leonem privando, & ne ei vectigalia solverentur in Italia prohibendo: Non addit, inquam, quia vir Gregorii II. Epistolis & Anastasii commentariis, quæ antè relata sunt, eruditus addere non potuit. Addendi præ manibus occasionem haud fuisse quis iret inficias? Hæc habui, quæ tibi familiariter differerem de falsâ Theophanis, Cedreni & Zonaræ narratione, quam Baronius ad annum dcccxxx. Bellarminus in libri v. de Roman. Pontif. capite viii. Perronius in oratione ad tertium regni nostri statum, & alii recipiunt, & principibus ut murum athenæum opponunt. Sed murus iste supra multiplici ariete percussus, disiectus & solo æquatus est. Revoca te ad Epistolas, Baronii, Bellarmini & Perronii vitiorum in re, qua de agimus, expultrices, exagitæ supra falsitatis emendatrices & veritatis commendatrices, quas Gregorius II. ad Leonem Isaurum è beati Petri cathedra nimirum juxta Patrum doctrinam, & Sedis Apostolicæ traditionem perscripsit. Revoca te ad Anastasium Romanæ Ecclesiæ Bibliothecarium, qui quo tempore Gregorii II. & Gregorii III. vitam edidit; nempe uno post Leonem Isaurum sæculo, integra rerum ab illis gestarum monumenta non potuit non habere. Revoca te ad Joannem Damascenum, qui ex lege Christi docuit, quod docendum fuit, qui quod propriis usurpavit oculis, exaravit. Sic ad Gregorium II. ad Anastasium & Damascenum cum te revocaveris, & illorum armis instructus fueris, hinc antiquam Patrum & Sedis Apostolicæ traditionem facillè defendes; inde Theophanem, Cedrenum, Zonaram, & horum discipulos, Baronium, Bellarminum, Perronium & alios pari modo profligabis, & tum demum in tutandis Principum juribus in tua vetere sententia, quæ tua laus est præcipua, fortissimè persistes. Vale, Lutetiæ Paris. Idibus Junii, anno M. DC. LXX.*

# Joannes Launoius, CAROLO PRESTIO.

Parisiensi Theologo.

- 91 **B**ELLARMINUS in quæstione, quam libro v. de Rom. Pont. cap. vii. de abdicandis per eum Principibus hæreticis instituit, ratione hac utitur: *Non licet Christianis tolerare Regem infidelem aut hæreticum, si ille conetur pertrahere subditos ad suam hæresim vel infidelitatem. Quòd si Christiani olim non deposuerunt Neronem & Diocletianum, & Julianum Apostatam, ac Valentem Arianum, & similes, id fuit, quia deerant vires temporales Christianis.* Nunc de ratione ista quid censeam quæris. Id ego censeo, quod tu vir in veræ Theologiæ principiis, Scriptura & traditione, atque in Ecclesiastica historia versatus censere potes: Primum Philosophicam esse potius, quàm Theologicam rationem, quippe quæ nec scripturam, nec traditionem ab initio derivatam fulciatur. Nam extra hoc scammatis genus Theologo non licet excurrere, si nomen suum retinere velit: Deinde Bellarminum rationem suam vacillare cum perspicit, me vide, id ipsum ut sustentetur, occupare quo labefactata concidit. O proleptim miseram! Christiani quondam non deposuerunt Neronem, Diocletianum, Julianum, Valentem, quia

Christianis temporales vires tunc defuere. Defuerunt: ne ad annum dccc. xxx. quo Leo Isaurus Imperator imaginibus sacris bellum indixit acerrimum, qui statuit, ut illæ de templis ejicerentur ac diffringerentur? Ejectæ sunt, & diffractæ; nec Christi servatoris dignitati, nec beatæ Mariæ Virginis honori parciuntur. Quomodo tunc se gessit Gregorius junior, cum Oriens & Occidens Christianam religionem impensè coleret? Cum Christianis vires idoneæ suppeterent? Vix tempus fuit ullum, quo latius diffusa fuerit Ecclesia? An Pontifex Leonem Iconomachum abdicavit Imperio? An Christianis suasit vel præcepit, ut illum deponerent & alium sufficerent? Minimè verò. E Christi schola talis evaserat ut apprimè cognosceret, reddenda esse Cæsari, quæ sunt Cæsaris, & reddenda esse Deo, quæ sunt Dei. Quo factum, ut hinc Imperatoriæ jussioni subiectum se sentiens, acceptas à Leone Isauo literas ad Occidentis Principes perferri curaret; inde quoque divinæ jussioni subiectum se sentiens, imagines sacras pro viribus tueretur, & momenta rationum reselleret, quas adhibebat Leo, ut imagines ejiciendas è locis sacris

sacris diffingendâsque esse confirmaret. Divina est statera, cui jura fori & jura poli appendebat: Equilibritatem hujusmodi & *invocatus* acceperat à Gregorio Magno, qui missam ad Mauritium Augustum Epistolam sic concludit: *Ego quidem jussioni subjectus, eandem legem per diversas terrarum partes transmitti feci, & quia lex ipsa omnipotenti Deo minime concordat, ecce per suggestionis meae paginam serenissimis Dominis nunciavi.* Utrobique ergo, quæ debui, exsolvi, qui & Imperatori obedientiam præbui, & pro Deo quod sensi, minime tacui. In libri II. Epistola LXII. Ne sint, si vis, hæc omnia, Gregorius II. quæstionem absolvit in posteriori ad Leonem Isaurum Epistola, ubi potestatis suæ limites defigit: *Pontifex nec introspectendi in palatium, nec Regias dignitates deferendi potestatem habet.* Et quibusdam interjectis: *Nos inermes ac nudi, qui terrenos & carnales exercitus non habemus, invocamus Principem exercitus omnis creaturæ sedentem in cælis Christum, qui est super omnes exercitus supernarum virtutum, ut immitat tibi demonem, sicut ait Apostolus, tradere hujusmodi suana in interitum carnis, ut spiritus salvus sit.* Hi sunt termini, quos Gregorius & sibi, & Pontificiæ auctoritati disposuit, memor Scripturæ sacræ, memor Ecclesiasticæ traditionis, quæ terminos non aliter disponit. Utriusque regulæ violatorem esse illum credidit, qui terminos moveret. Quod & demonstravit amplius, cum Imperator ei mortem minaretur: Sic enim in priori ad Leonem Epistola scribit: *Quod si nobis insolenter insultes, & minas intentes, non est nobis necesse tecum in certamen descendere; ad quatuor & viginti stadia secedet in regionem Campaniæ Romanus Pontifex: Tum vade, ventos prosequere.* At quoniam Imperator Gregorio proposuerat exemplum Martini decessoris, quem Constantinus victum Constantinopolim adduci jusserat, respondet, *Constantinum à Neuzezio trucidatum esse, & in peccato suo interiisse: Beatum verò esse Martinum, ut restatur civitas Chersonis, in quam relegatus est, & Bosphori, totisque Septentrio, & incola Septentrionis, qui ad monumentum ejus accurrunt, & curationes accipiunt: Atque utinam Dei munere nobis contingat, ut per Martini viam incedamus.* Hæc ille cum Christiana per universum Imperium vigeret religio, & peridoneis ad deponendum Imperatorem (si fas fuisset) viribus abundaret.

Quinetiam, quod tibi permirum fortasse videbitur non solum contentus fuit seipsum in officio continere Reipublicæ; sed etiam alios continuit tantum, quantum potuit. In Italia fuere populi, fuere magistratus, quos Leo propter sacrarum imaginum defensionem ita vexavit & torfit, ut de ejurando Imperatorio nomine & obedientia, & de creando novo Principe cogitationem susceperint. Gregorius illorum impetus compressit, atque à consilio hujusmodi deterruit. Fuit quoque in Thuscia homo audax, nomine Tiberius, qui arreptâ occasione se pro Imperatore venditavit. Gregorius standum esse semper à Leonis Isauri partibus, & ejiciendum procul Tiberium constituit: Statim ut de Imperio sic & de vita ejectus est Tiberius. Rem latius exequor in posteriori ad Joannem Rolandum Parisiensem Theologum Epistola. Tu illam, si lubet, percurres. Interea omnibus prudentiæ titulus par Gregorius occurrit Bellarmino sibi fument, *Christianos veteres jure potuisse Neronem, Diocletianum, Julianum, Valentem deponere, ut patet ex Apostolo I. Corinth. VI. ubi jubet constitui novos judices à Christianis temporalium causarum, ne cogerentur Christiani causam dicere coram judice Christi persecutore: Sicut enim novi judices constitui potuerunt, ita & novi Principes & Reges propter eandem causam, si vires adfuissent.* Atqui hæc sunt omnino, quæ Gregorii auctoritate, ductu, sapientiâ, & confessione oppressa & obruta jam vidimus. Præterea aliud est ad dirimendas lites arbitros eligere, aliud hæreticos Principes deponere, & Christianos in illorum locum subrogare. Comparatio quam auctor tam sollicitè instruit, soboles est privati spiritûs, quem orthodoxi in heterodoxis quotidie reprehendunt, & ut hæresum omnium parentem accusant. Profecto è tanta nube Patrum, quanta fuit scripturæ hujus explicatrix, nullus comparisonem similem adornavit. Novus & perversus Paulini loci sensus est, quem Tridentini Patres in sessione IV. obliterant, & respondens sessioni in fidei professione articulus expungit. Mitto comparisonem dialecticorum legibus repugnare: Manifestam enim, ut comperies, fallaciam accidentis involvit, qua qui Pontificiam & Ecclesiasticam potestatem, ut vigeat, egere poneret, de utraque potestate mereretur pessimè, & totis theatris explodendus esset. Vale, Lutetiæ Paris. Calend. Julii, anno M.DC.LXX.

# Joannes Launoius

## LUDOVICO MARÆSIO.

Parisiensi Theologo.

97 **N**ON sine causa nuperrimè mirabamur ambo, quantum Bellarminus historiæ leges neglexerit, cum in lib. II. de Rom. Pont. cap. XVII. tradit, quæ sequuntur: *Ad primum, quod Zacharias justè & legitimè deposuerit Childericum Regem, & creari jusserit Pipinum, affirmant omnes, quotquot hanc historiam scribunt, tam Græci, quam Latini, exceptis Magdeburgensibus centuria VIII. cap. X. in vita Zachariæ, & Calvino loco citato. Refert enim Eginhardus in vita Caroli Magni, Cedrenus in vita Leonis Isauri, Paulus Diaconus lib. VI. cap. V. de gestis Longobardorum, Aimoinus lib. IV. cap. VI. Blondus lib. X. decadis I. Regino lib. II. Chronicorum, Marianus Scotus lib. V. Chronologia, Otto Frisingensis lib.*

*V. Historiarum, Ado Viennensis in Chronico, atate VI. Abbas Urspergensis in Chronico, Siebertus item in Chronico, & Paulus Æmilius lib. I. & II. de gestis Francorum.*

Et primò quidem videndum est utrum Eginhardus, Cedrenus, Paulus Diaconus, Aimoinus, Blondus, Regino, Marianus, Otho, Ado, Abbas Urspergensis, Siebertus, & Paulus Æmilius affirmant omnes, Zachariam justè & legitimè deposuisse Childericum Regem, & jussisse, ut Pipinus Rex crearetur. De singulis exponendum est hoc ordine, quid affirmaverint.

I. Eginhardus hac de re duobus in locis aliter at 98 quæ aliter, & ita loquitur, ut vix sibi ipsi conciliari possit. In vita Caroli Magni hæc scribit: *Gens Merovingorum, de qua Franci Reges sibi creare soliti erant, usque*



usque in Childericum Regem, qui jussu Stephani Romani Pontificis depositus ac detonsus, atque in monasterium trusus est, durasse putatur. Et post alia: Pipinus autem per auctoritatem Romani Pontificis ex Praefecto palatii Rex constitutus, cum per annos xv. aut eo amplius solus imperaret Francis, finito Aquitanico bello, quod per continuos ix. annos gerebatur, apud Parisius morbo aqua intercutis diem obiit.

In Annalibus verò de gestis Pipini Regis hæc scribit anno dccxlix. Burchardus Uvitzsburgensis Episcopus, & Folradus presbyter capellanus missi sunt Romam ad Zachariam Papam, ut consularent Pontificem de causa Regum, qui illo tempore fuerunt in Francia, qui nomen tantum Regis, sed nullam potestatem Regiam habuerunt: Per quos praedictus Pontifex mandavit, melius esse illum vocari Regem, apud quem summa potestatis consisteret, dataque auctoritate sua jussit Pipinum Regem constitui. Deinde anno dcccl.

Hoc anno secundum Romani Pontificis sanctionem Pipinus Rex Francorum appellatus est, & ad hujus dignitatem honoris unctus sacra unctione manu sancta memoria Bonifacii Archiepiscopi & martyris, & more Francorum elevatus in solium regni in civitate Sueffonia. Childericum verò qui falso Regis nomineungebatur, tonsio capite in monasterium missus est. Nunc locus vitæ Caroli Magni cum duobus annalium locis contendendus est. Si in libro de vita Caroli Magni pro Stephano poneretur Zacharias, quod Bellarminus ex ea vita statuit, id prorsus obtineret; non obtinet, quia quod tribuendum est Zachariæ, Stephano tribuitur. Exinde colligitur, Bellarminum vitam Caroli Magni, quam laudat, nusquam legisse. Accedit mutua loci vitæ Caroli Magni cum annalium locis duobus pugna, quæ vix dilui potest, ut sola docet lectio. Hinc mihi facile persuadeo, vel vitam, vel annales corruptos interpolatosve fuisse: sed vitam potius corruptam, aut interpolatam fuisse cum ex aliis, tum eo quoque constat, quod posteri, quæ dicuntur in annalibus, non quæ dicuntur in vita, sibi vindicarint: Atque hoc argumentum est peridoneum, quo annalium loca duo vitæ Caroli Magni loco præferantur. Verum Eginhardus in vita Caroli affirmat quidem jussu Stephani Papæ depositum fuisse Childericum, & Pipinum per auctoritatem Romani Pontificis Regem constitutum; Sed id justè & legitime factum esse non affirmat, contra quam Bellarminus sibi sumpsit. Nunc expendendi sunt annales in quibus auctor Childericum à Zacharia justè & legitime depositum fuisse non affirmat, quod tamen affirmat Bellarminus ab auctore literis mandatum; Atque ita è duobus, quæ Eginhardus affirmare debuit, ne unum quidem affirmat, quomodo affirmandum fuit: Qua verò parte alterum Eginhardus affirmat, Bellarminus non affirmat. Contrà id silet, in quo rei cardo vertitur. Silet à Francis per legatos consultum fuisse Zachariam, & quid ad dandum consilium Zachariæ propositum fuerit, meliusne esset illum vocari Regem, apud quem potestatis summa consisteret, quam illum, qui nomen tantum Regis, nullam verò potestatem regiam haberet. Consultus Zacharias de jure, respondere Francis, ut par erat, debuit, sed pro respondentium more in quæstione juris, respondere non debuit, ut id quod respondebat fieri juberet, alioqui respondentis metas excessisset. Talis enim debet esse responsio, qualis est interrogatio. Nec dubitandum est, quin Pontifex responderit, quomodo vir sapiens respondere debuit: Et quamvis Eginhardus Zachariæ responsum Pontificis dignitati magis, quam illi factæ interrogationi accommodet, non obscurè tamen significat, Zachariæ responsum illi factæ interrogationi magis, quam dignitati Pontificis accommodandam reipsa fuisse. Id Eginhardi verba hæc, Pipinus more Francorum elevatus in solium regni, omnino exigunt. Nam qui ante Childericum & Pipinum elevabantur in regni solium, au-

thoritate Francorum, non Romani Pontificis elevabantur. Quare cum ille scribit, Zacharias data auctoritate sua jussit Pipinum Regem constitui, non-nihil sibi & populis indulget, & certæ cujusdam *divorciat* causa potius, quam circumspectione, & accurata veritatis consideratione scribit: Quò & adhuc pertinet, quod ait: Hoc anno secundum Romani Pontificis sanctionem Pipinus Rex Francorum appellatus est. Zacharias ita confirmat, quod anno superiori factum fuerat, celebratam videlicet more Francorum Pipini elevationem in regni solium. Zacharias utique confirmat, quod post acceptam illius respon-<sup>101</sup>sionem Franci peregerant: Illa verba sunt approbantis de facto, non de jure decernentis. Quippe qui absoluto in regnum Francorum dominio caret. Apprimè noverat, quod decessor Gregorius junior secundum Patrum doctrinam & Sedis Apostolicæ traditionem in posteriori ad Leonem Isaurum Epistola proficitur, Pontificem introspectendi in palatium non habere potestatem, nec dignitates regias deferendi. Ad Regis unctionem quod attinet, à veteribus historicis memoriæ non est proditum, de illa Francorum legatos verba apud Zachariam ulla fecisse. Hæc enim in usu institutoque majorum non erat. Quis, quæso, Childericum III. de quo Eginhardus loquitur, Theodoricum II. Childericum II. Dagobertum II. Childebertum II. Clodoveum III. Theodoricum I. Childericum III. Clotarium III. Clodoveum II. Dagobertum I. & superiores alios Reges, unctos fuisse certis æqualium, aut supparium ætate scriptorum testimoniis comprobaret? Igitur Zacharias Pipinum ungi voluit, non ut Rex ille fieret, quia jam elapso anno à Francis more majorum in regni solium e-  
vektus fuerat, sed ut novus Rex, novo apud Francos ritu augustior redderetur, & populis venerabilior, ac Romanæ Ecclesiæ favorabilior. Quod prospero successu non caruit. Pipinus enim anno dcccliv. & dccclv. contra Longobardorum Regem Astulfum pro defensione Romanæ Ecclesiæ progressus est, eumque prælio vicit, & cuncta, quæ Romanæ ademerat Ecclesiæ, bona restituere coëgit. Zacharias, ut ita dicam, vel successor Stephanus, anno dccxlix. dcccli. vel dccclii. sevit arbores, quæ annis insequentibus<sup>102</sup> Romanæ Ecclesiæ profuerunt. Sic quidquid est à Zacharia vel Stephano gestum, non tam captata tunc occasione & prævisa opportunitate, quam re per seipsam examinata, & suis expensâ momentis æstimandum ac dijudicandum est.

II. Cedrenus in vita Leonis Isauri ne gry quidem vel de Childerici Regis abdicatione, vel de Pipini Regis creatione, vel de Zacharia Papa; tantum abest, ut affirmaverit, ut Bellarminus affirmasse dicit, Zachariam justè & legitime deposuisse Chilpericum Regem, & jussisse ut Pipinus Rex crearetur. Cedreno Bellarminus imponit.

III. Paulus Diaconus in libri vi. de gestis Longobardorum capite v. E. duobus, quæ ab eo Bellarminus affirmari tradit, ne unum quidem affirmatur. Paulus hæc tantum scribit: *Eo tempore apud Gallias Francorum Regibus à solita fortitudine degenerantibus, ii qui Majores domus esse videbantur, administrare Regis potentiam, & quidquid Regibus agere mos est, ceperunt. Quippe cum celitus esset dispositum ad horum progeniem Francorum transferri regnum.* Paulo Diacono Bellarminus imponit.

IV. Aimoinus in libri iv. de gestis Francorum capite lxi. Richardus Uvitzburgensis Episcopus, & Folradus Capellanus, missi sunt Romam ad Zachariam Papam, ut consularent Pontificem de causa Regum, qui illo tempore fuerunt in Francia, qui nomen tantum Regis, sed nullam potestatem regiam habebant, per quos praedictus Pontifex mandavit, melius esse illum vocari Regem, apud quem summa potestas consisteret, dataque auctoritate sua jussit Pipinum Regem constitui: *Hoc anno secundum Romani Pontificis sanctionem Pipinus Rex*

Rex Francorum appellatus est, & ad hujus dignitatem honoris unctus sacra unctione manu sancta memoria Bonifacii Archiepiscopi & martyris, & more Francorum elevatus est in regni solium Sueffionis civitate. Verba sunt Annalium Eginhardi, quæ repetendo & probando sua facit, & nostris animadversionibus obnoxia, cum utrobique sint eadem, quæ animadvertantur.

V. Blondus in libro x. decadis primæ: Invenio apud Alcuinum Paulumque, & plerosque alios, qui Francorum gesta scripsere, procures populisque ejus gentis, Pipini virtutem, & è contrâ Childerici Regis amentiam debitis pensantes meritis Zachariam Pontificem Romanum consuliisse, ineptumne Regem ultra tolerandum, an Pipinum merita fraudandum regia dignitate censeret. Cùmque respondisset Pontifex illum, qui regia melius obiret munera, esse habendum Regem, Francos publico totius gentis consilio Pipinum declarasse Regem, Childerico in clericum tonsurato. Ubinam affirmat Blondus, quod Bellarminus eum affirmare dicit, Zachariam justè & legitime deposuisse Childericum Regem, & jussisse, ut Pipinus Rex crearetur? Bellarminus auctori suo imponit.

VI. Regino Prumiensis Abbas in lib. II. Chronicorum: Anno Dominice incarnationis DCCXLIX. Burchardus Uvriburgensis Ecclesie Episcopus, & Folradus Capellanus missi sunt Romam ad Zachariam Papam, ut interrogarent de regibus in Francia, qui illis temporibus non habentes regiam potestatem, Reges tamen vocabantur, si bene essent Reges. Et præfatus Papa mandavit Pipino, melius sibi videri illum Regem vocari, qui potestatem haberet, quàm illum, qui sine regali potestate manebat: Et ne perturbaretur Christianitatis ordo, per auctoritatem Apostolicam jussit Pipinum Regem creari, & sancta unctionis oleo perungi. Anno Dominice incarnationis DCCCL. Pipinus secundum morem Francorum electus in Regem, & unctus per manus sancta memoria Bonifacii Moguntiacensis urbis Archiepiscopi, & elevatus est à Francis in regno in Sueffionis civitate. Hildericus verò qui falsò rex vocabatur, attonsus est, & in monasterium missus. Regino Zachariam deposuisse Childericum Regem non affirmat, ut Bellarminus Regionem affirmasse docet. Et sic hac in parte Regioni imponit. In cæteris, quæ ad Pipinum spectant, qui consultus de juris quæstione respondet, interrogationi jubendo non respondet, si propriè respondet, ut ad Eginhardi Annales notavimus.

VII. Marianus Scotus in lib. I. I. Chronicorum ann. DCCCL. Pipinus missa legatione Romam, Zachariam Papam interrogat de Regibus Francorum, ex antiqua Merovingorum stirpe descendendum, qui Reges quidem dicebantur, sed potestas regni tota apud Majorem domum habebatur, excepto quod charta & privilegia Regis nomine scribebantur, & ad Martis campum, qui Rex dicebatur, plastrum bubus trahentibus vectus, atque in loco eminenti sedens semel, in anno à populis visus publica dona solemniter sibi oblata suscipiebat, stante coram Majore domus, & qua deinceps eo anno agenda essent, populis annuntiant: Sicque Rege domum redeunte cætera regni negotia Major domus administrabat. Orat ergo sibi decerni, qui eorum Rex justè dici debeat & esse, is qui securus domi sedeat, an ille qui curam totius regni, & omnium negotiorum molestiam perferat. Tunc Zacharias Papa ex auctoritate sancti Petri Apostoli mandat populo Francorum, ut Pipinus, qui potestate regia utebatur, etiam nominis dignitate frueretur. Ita Hildericus Rex, qui ultimus Merovingorum Francis imperabat, depositus & in monasterium missus est. Pipinus verò in civitate Sueffionum à sancto Bonifacio Archiepiscopo in Regem unctus, regni honore sublimatus est. Marianus Zachariam deposuisse Childericum Regem non affirmat, ut Bellarminus eum affirmare dicit. Et sic hac in parte Mariano imponit. Cætera, ut Eginhardi Annales intelligi debent, commodam explicationem secum important.

VIII. Otto Frisingensis in libri v. hist. capite XXI. Anno ab incarnatione Domini DCCCL. cum, ut sæpe jam dixi, Regibus Francorum solo nomine regnantibus Majores

domus omnem regni curam administrarent, Pipinus, qui hanc dignitatem per successionem acceperat, Burchardum Herbipolensem Episcopum, & Folradum Capellannum suum ad Zachariam sciscitandi gratia misit. Pontifex ergo melius esse ut ille, qui curam omnium haberet, Rex diceretur, quàm qui solum nomen Regis gereret, remandavit. Eo tempore Hildericus ex antiquorum Francorum Regum, qui à Meroveo Clodii filii Merovingi dicebantur, sanguine descenderat, inane, ut supra dixi, regium nomen tenebat. Deinde cap. XXII. Igitur anno ab incarnatione Domini DCCCLII. reversis à Roma nunciis, auctoritate Zachariae Papæ, Pipinus à beato Bonifacio Moguntino Archiepiscopo, aliisque regni principibus in Sueffionis civitate ad regnum eligitur. Tum cap. XXIII. Anno Domini DCCCLIV. Pipinus à Stephano Papa primo à fidelitatis sacramento, quod Hildericus promiserat cum aliis regni Francorum primoribus absolvitur, ac deponso Hildericus, & in monasterium detruso postmodum in Regem ungitur. Otto Zachariam deposuisse Hildericum seu Childericum non affirmat, ut Bellarminus eum affirmare scribit. Et sic hac in parte Bellarminus Ottoni imponit. Sed Otto in iis, quæ anno DCCCLIV. contigisse narrat, semel atque iterum fallitur; semel quidem cum tunc temporis Pipinum à Stephano Papa in Regem unctum fuisse ait: jam unctus fuerat, ut vetustiorum Ottone scriptorum testimoniis constat: Iterum verò, cum Pipinum & cæteros Francorum primores sacramento fidelitatis, quod Childerico præstiterant, à Stephano liberatum fuisse dicit. Id accepit à Gregorio VII. qui liberationem hujusmodi causæ serviens suæ primus inexit, & accipiendo corrumpit. Nam Gregorius liberationem illam Zachariæ appingit, deceptus ab iis, qui monumenta falsa illi subministrabant. Qua de re in posteriori à Michaëlem Girardum Vertoliensem Abbatem epistola differuimus. Cætera quæ sunt Ottonis, subjecta sunt animadversionibus, quas ad Eginhardi Annales paravimus.

IX. Ado Viennensis Episcopus in Chronici ætate VI. Pipinus, inquit, Urgardum Uvriburgensem Episcopum, & Folradum Capellannum suum ad Zachariam tunc temporis Pontificem Romanum misit, ut interrogarent eum, si ita manere deberent Reges Francorum, cum penè nullius potestatis essent, jam solo Regis nomine contenti. Quibus Zacharias Pontifex responsum dedit, Regem potius illum debere vocari, qui rempublicam gereret. Reversis legatis, abjectoque Childerico, qui tunc regium nomen habebat, Franci per consilium Legatorum, & Zacharia Pontificis electum Pipinum Regem sibi constituunt: Childericus tonsuratus & in monasterium missus est. Ado Zachariam deposuisse Childericum Regem, & jussisse, ut Pipinus Rex crearetur non affirmat, ut Bellarminus eum affirmare scribit: atque ita utrumque Adoni imponit.

X. Abbas Urspergensis in Chronico: Anno, inquit, Domini DCCCL. hic itaque S. Burchardus, & Folradus archicapellanus ad Zachariam Romanum Pontificem missi sunt, ut consulerent eum de Regibus, qui tempore fuerunt in Francia, sed nullam potestatem regiam habentes. Et post alia: Zacharius verò Papa super hujusmodi negotio consultus remandavit, melius esse illum vocari Regem, apud quem summa potestas consisteret, dataque auctoritate sua Pipinum Regem constitui jussit. Anno Domini DCCCLII. Pipinus per auctoritatem Zachariae Papæ, more Francorum electus ad regnum per manus S. Bonifacii Archiepiscopi Moguntiacensis, elevatus est in regni solium in Sueffionum civitate. Et paullo post: Pipinus ex Prasecto palatii auctoritate Apostolica sublimatus, & unctus in sedem regni, postea regnavit annis quindecim absolutus per Papam Stephanum à juramento, quod Regi Hildericus cum cæteris regni primoribus fecerat. Abbas Urspergensis Zachariam deposuisse Childericum Regem non affirmat, ut Bellarminus eum affirmare dicit. & sic hac in re Abbati imponit. In cæteris quæ Abbas tradit, idem observandum est, quod ad Ottonem Frisingensem & ad Eginhardi Annales observavimus: Posteriora verba per priora intelligenda sunt.

XI. Si.



XI. Sigebertus in Chronico ad annum DCCL. *Hil-  
dericus Rex Francorum in monachum tonsuratur: Pipinus  
verò princeps Apostolica auctoritate, & Francorum electi-  
one à sancto Bonifacio Moguntia Archiepiscopo in Regem  
ungitur & consecratur.* Sigebertus Zachariam depo-  
suisse Childericum Regem, & iussisse, ut Pipinus Rex  
crearetur, non affirmat, ut Bellarminus eum affirmare  
scribit, & sic Sigeberto imponit. Hic Apostolica au-  
toritas est Zachariæ Pontificis auctoritas, quæ supre-  
mum jus non præ se fert, cum Francorum electioni  
jungatur. Pontificis sententiam importat, quasi Sigebertus diceret: Pipinus Princeps Zachariæ ea super re  
consulti sententia, & Francorum electione à S. Boni-  
facio in Regem ungitur. Præterea auctoritas Latinis  
scriptoribus est pondus, momentum, existimatio, testi-  
monium.

XII. Paulus Æmilius in libro 11. historiæ Franco-  
rum: Pipinus, ait, *Burchardum Visiburgensium Episco-  
pum ad Zachariam Pontificem maximum oratorem misit,  
ut Franci solverentur jurisjurandi religione, quo se Chil-  
derico devinxerant. Is Romam profectus, ac ad Pontifi-  
cem maximum admissus potestate dicendi facta locutus est.*  
109 Et infra: *Oratione Episcopi motus Zacharius, initio mini-  
mè audebat tam magni momenti cogitationem suscipere.*  
*Deinde cum Francos proceres mira consensione animorum  
Pipino adesse, cupereque compertum, exploratumque habu-  
isset, Francos sacramento Regi Childerico dicto solvit. Ibi-  
que conventu habito Pipinum Regem salutavere.* Æmilius  
Zachariam deposuisse Childericum Regem, & iussisse ut  
Pipinus Rex crearetur, non affirmat, ut Bellarminus  
eum affirmare sibi sumit. Et sic Æmilio utrumque im-  
ponit. Æmilius sine veterum scriptorum testimonio  
loquitur, eoque carent, quæ de missæ Romam legatio-  
nis consilio scribit. Id supra in Ottone, & in Abbate  
Urspergeni notatum est, & præscriptione confixum.

In hac igitur recensione auctorum duodecim, quos  
Bellarminus laudat, multis ab eo modis peccatum est.

Et primò quidem cogitationem nullam suscepit de  
conciliando secum Egingardo, quem assertionis suæ  
principem constituit. Eginhardus non affirmat in An-  
nalibus, quod Bellarminus ab illo affirmatum esse dicit:  
scilicet Zachariam deposuisse Childericum Regem, &  
iussisse ut Pipinus Rex crearetur.

Deinde ex reliquis auctoribus undecim nullus est,  
qui disertè affirmet Zachariam deposuisse Childericum  
Regem, & iussisse ut Pipinus Rex crearetur, quamvis  
ex iis nonnulli multa scribant, quæ ab antiquorum sim-  
plicitate degenerent.

Tum ex illorum scriptorum duodecim numero se-  
cludendi sunt Cedrenus, & Paulus Diaconus, qui ne-  
que de Childerico, neque de Pipino, neque de Zacharia  
loquuntur. Hinc invitus exclamare cogor: Heu prisca  
fides!

Quartò, profitetur Græcos omnes, qui hanc historiam  
scribunt, affirmare, Zachariam deposuisse Childericum  
Regem, & iussisse ut Pipinus Rex crearetur: Et tamen  
Græcorum historicorum nullum adfert præter Cedre-  
num, qui, ut mox dixi, falsò allegatur.

Quintò, cum recipit, quod Zacharias justè & legi-  
timè deposuerit Childericum Regem, & creari jusserit  
Pipinum & ait: Affirmant omnes quotquot hanc histo-  
riam scribunt tam Græci, quàm Latini, citatis à se scri-  
ptoribus imponit. Quod enim factum esse sibi videtur  
enarrant, sed an sit jure vel injuria factum non dispu-  
tant. Id apertè constat ex Scriptorum verbis, quæ re-  
tulimus.

Sextò, si quos laudat scriptores, Zachariam justè &  
legitimè deposuisse Childericum Regem, & iussisse ut  
Pipinus Rex crearetur, affirmarent, in doctrinæ suæ  
perniciem laudaret, & secum turpiter pugnaret. Nam  
in lib. v. de Rom. Pont. cap. 11. tria ordine probanda  
fufcipit: *Primò Papam non esse dominum totius orbis: Se-  
cundo non esse dominum totius orbis Christiani: Tertiò  
non esse dominum ullius provincia aut oppidi, nullamque*

*habere jure divino jurisdictionem merè temporalem.* Sci-  
licet ad hæc capita revocarentur & Childerici depo-  
sitio, & Pipini Regis institutio. Hinc, si laudati scri-  
ptores juris quæstionem tractant, ut Bellarminus pro-  
ponit, captus est, quia secum pugnat; si non tractant,  
nullus est, quia illis imponit.

Septimò, cum ait, *exceptis Magdeburgensibus & Cal-  
vino*, minùs sincerè agit. Nam Magdeburgenses & Cal-  
vinum excipit, quò facilius lemma suum persuadeat,  
& injecta in hæreticos studii partium suspicione con-  
firmet: Nec aliunde satis sibi præcavet, cum Mag-  
deburgenses utique, si tollatur verborum acerbitas,  
de re ipsa non tradant aliud, quàm quod lau-  
dati à Bellarmino Blondus & Ado Viennensis tradi-  
derint.

Octavò, nimis confidenter asserit, Latinos omnes  
quotquot hanc historiam scribunt, affirmare Za-  
chariam justè & legitimè deposuisse Childericum Re-  
gem, & iussisse ut Pipinus Rex crearetur. Ex La-  
tinis quos citat excipiendi sunt duo, Ado & Blon-  
dus. Et quamvis illorum testimonia jam retuleri-  
mus, operæ tamen pretium est ea repetere, ut de  
rei veritate magis ac magis constet. Sic igitur scri-  
bit Ado in Chronici ætate vi. *Pipinus Urgardum  
(Burchardum) Visiburgensem Episcopum, & Fulra-  
dum Capellanum suum ad Zachariam tunc temporis  
Pontificem Romanum misit, ut interrogarent eum, si ita  
manere deberent Reges Francorum, cum penè nullius po-  
testatis essent jam solo Regis nomine contenti. Quibus  
Zacharias Pontifex responsum dedit, Regem potius il-  
lum debere vocari qui rempublicam gereret. Reversis  
Legatis, abjectoque Childerico, qui tunc regium nomen  
habebat, Franci per consilium Legatorum, & Zacha-  
ria Pontificis electum Pipinum Regem sibi constitu-  
unt. Childericus tonsuratus, & in monasterium mis-  
sus est.*

Sic etiam Blondus in lib. x. decadis 1. Invenio  
apud *Alcuinum, Paulumque, & plerosque alios, qui* 112  
*Francorum gesta scripsere, proceres populosque ejus gen-  
tis Pipini virtutem, & à contrà Childerici Regis amen-  
tiam debitis pensantes meritis, Zachariam Pontificem  
Rom. consuluisse, ineptumne Regem ultra tolerandum,  
an Pipinum merita fraudandum regia dignitate cen-  
seret? Cùmque respondisset Pontifex, illum, qui regia me-  
lius obiret munera, esse habendum Regem, Francos pub-  
lico totius regni consilio Pipinum declarasse Regem,  
Childerico in clericum tonsurato.*

Æneas Silvius seu Pius II. in epitome libri x.  
decadis 1. Sunt, qui dicunt, *Francorum proceres Za-  
chariam Papam consuluisse, ineptumne Regem tolerarent, Pi-  
pinum dignitate regia dignum assumerent? Cùmque respon-  
disset Pontifex, eum, qui regia melius obiret munera, præ-  
ferendum, Francos publico totius gentis consilio Pipinum  
Regem declarasse, Childerico in clericum tonsurato.* Hæc  
ille cum refert & probat, Blondus & Adoni jungendus  
est. Auctores hi tres id omnino tradunt, quo res tota  
probè, ut par est, exponitur, & Zacharias à Child-  
erici depositione, & Pipini Regis creatione removetur,  
& tandem intelligitur, minùs propriè locutos esse cer-  
tos quosdam historicos, qui Zachariæ consilium, & in-  
terrogationi convenienter datum ab eo Francicis Le-  
gatis responsum, in jussionem & mandatum scribendo  
converterunt. Id apud illos effecit respondentis personæ  
dignitas, ut quod consilium erat duntaxat, & congruens  
interrogationi responsum, jussu & mandato, splendidi-  
ori nomenclatura donarent. Vox auctoritas, qua sæpe  
utuntur relati historici, quid apud Latinæ linguæ ma-  
gistros significet, & qua ratione utendum sibi esse dux-  
erint, jam expositum est. Porro autem ut potentum præ-  
ces vulgò creduntur mandata, etiam præces sint tantum,  
nec præ se ferant mandatorum insignia, sic poten-  
tum consilia æstimantur vulgò mandata, etiam si consili-  
orum naturam minimè exuerint, & prudentum responsa  
instar legum habentur. Hæc est popularis trutina, quam  
Bellar-

Bellarminus hac in quaestione adhibet, cum adhibenda esset aurificum statera, si dum agitur causa Principum Cardinalis æquitati studeret. Quidquid id est, veritari, quam legitime inquirimus, obstare non debet factiosa disputandi ratio.

Nondò, laudati à Bellarmino scriptores ceteri, cum de Zacharia, de Childerico & de Pipino non asserunt, quod ille conceptis verbis asserit, in nostras quàm in Bellarmini partes facilius ducuntur, si quidquid ad uniuscujusque testimonium notavimus, attendatur.

Decimò, Adoni, Blondo & Pio II. subnectimus auctores alios, qui haud dissimiliter loquuntur.

I. Fredegarium Scholasticum, qui Chronicum suum absolvit his verbis: Quo tempore una cum consilio, & consensu omnium Francorum missa relatione à Sede Apostolica auctoritate percepta, præcelsus Pipinus electione totius Francia, in sedem regni cum consecratione Episcoporum, & subjectione Principum una cum Regina Bertradane, ut antiquitus ordo deposcit, sublimatur in regno. Hic percepta Sedis Apostolicæ auctoritas est testimonium vel sententia, ut Fredegarii textus, & sub-  
114 jecta ei materies satis ostendunt.

II. Appendicem à Theodorico II. usque ad Pipinum Regem adjectam libro, cui titulus est: *Gesta Regum Francorum partim è Gregorii Turonensis Episcopi historia, partim aliunde desumpta, & usque ad Regem Theodorico II. deducta.* Quo tempore cum consilio Francorum missa relatione Sedis Apostolicæ auctoritate percepta, ipse Pipinus cum consensu Francorum, & consecratione Episcoporum sublimatur in regno.

III. Antiquum illum scriptorem qui libellum de Majoribus regie domus composuit: *Hic, inquit, temporibus Hildricus in regno Francorum substituitur, de quo Pipinus Dux Legatos ad Zachariam Papam dirigit, interrogans eum, si ita manere deberent Reges Francorum, cum pene nullius essent potestatis, solo regio nomine contenti.* Quibus Legatis Romanus Pontifex respondit, illud debere Regem vocari, qui rempublicam gereret. De-  
115 tonto igitur Hildrico, & in monasterium detruso, mox Franci Pipinum sibi Regem constituunt.

IV. Anonymum scriptorem vitæ sancti Lebuini Confessoris, in cap. VIII. Pipinus totius ditionis compos effectus consultu Papa Zacharia, & unanimi Francorum consensu per unctionem sanctissimi Archiepiscopi Bonifacii Sueffionis civitate habito conventu Rex appellatus, & regali est Sede donatus, repudiato ac tonsurato Childerico, qui casso nomine Rex appellabatur.

V. Annales Francorum auctiores ab anno DCCVII. ad annum DCCCVIII. Anno DCCXLIX. Zacharias Papa per Fulradum mandavit, ut Pipinus ad Regem levaretur. Mandavit, id est, scripsit, ut ex iis quæ  
115 sequuntur, apparet. Anno DCL. Pipinus secundum morem Francorum electus ad Regem, & unctus per manus sanctæ memoriæ Bonifacii Episcopi, elevatus à Francis in regno Sueffionis civitate. Hildericus verò, qui falsè Rex vocabatur, tonsoratus est, & in monasterium missus.

VI. Monachum Egoilismensem in vita Caroli Magni per eum descripta: Post Theudericum, inquit, regnavit solo nomine Childericus insensatus frater ejus, & defecit totum regale genus. Childerico insensato deposito de solio, & facto clerico in monasterio, Franci cum consilio domni Papa Zacharia, & nobilium Romanorum, Deo volente, uno consensu, & una voluntate elevarunt sibi in Regem Pipinum pium filium Caroli Martelli.

VII. Guillelmum Nangium in Chronographia MS. Burchardus Wизiburgensis Episcopus, & Fulradus Abbas sancti Dionysii in Francia à proceribus Francorum missi sunt Romam ad Zachariam Papam, ut consulerent eum de causa Regum, qui diu regnantes in Francia solo Regis nomine contenti, nullam habebant regiam potesta-

tem: Per quos prædictus Papa mandavit, (id est, scripsit) melius esse illum vocari Regem, qui bene rempublicam gubernabat, & suæ utilitati propriam utilitatem anteferebat. Quo audito Franci Pipinum Regem statuerunt, & Childericum qui tunc regnabat, factum monachum in monasterium detruserunt. Qui Pipinus jussu & auctoritate Zacharia Papa Sueffionis civitate à Bonifacio Moguntia Episcopo in Regem Francorum innungitur, id est, annos LXXXIII. postquam Majores domus ceperunt principari super Reges Francorum. Hic quæ jussu  
116 & auctoritate Zachariæ facta est Pipini Regis unctio, Pipinum jam constitutum à Francis Regem supponit, non constituit, & quia ritus sacer est, à Pontifice præcipi poterat ob eum finem, qui supra descriptus est.

VIII. Joannem Triterium in libro de origine Francorum: Eodem anno (DCCLI.) proceres totius regni convenientes in unum super abrogatione Regis Hildericus inutilis ceperunt consilium. Placuit autem in communi omnibus, ut Regem Hildericum nullam regnandi peritiam vel potestatem habentem deponerent, & Pipinum, penes quem totius regni firma manebat auctoritas, in Regem sublimarent: Sed Pipinus in hanc rem consentire non voluit, nisi prius consilium Romani Pontificis Zacharia inquireretur, causas allegans se moventes. Communicato igitur consilio mittuntur Romam S. Burchardus Wirzburgensis Episcopus, & Volradus Abbas ad Zachariam Pontificem, ut consulerent eum super memorato Regum negotio, quid illi melius ac justius recti usque videretur fore, utrum nomen regium cum diademate illi debeat permanere, qui semper nihil operatur regno nostro dignum, an potius alteri sit conferendum, id est, Pipino, qui cuncta regni negotia solisque facit laborem. Respondit Papa Legatis justum sibi videri, ut ille, qui regni perfert labores, qui cuncta disponit regni negotia, & nomen portet regium & diadema potius, quàm Hildericus, qui semper otiosus nihil ad regni facit utilitatem. Scripsit ergo Episcopis, & proceribus Francorum consuluit, ut Hildericus abrogato atque in monasterium detruso, Pipinum  
117 facerent Regem, & sancto etiam Bonifacio Archiepiscopo Moguntino per Apostolica scripta mandavit, quatenus eundem Pipinum in Regem ungeret Francorum. Pipinus jussu Zacharia Pape in Regem Francorum in civitate Sueffionum unctus, & coronatus est per manus S. Bonifacii Archiepiscopi Moguntiacensis anno Dominicæ incarnationis DCCLII. Ut apud Nangium, sic & apud Triterium Pipini Regis creatio secernitur ab illius unctione, quæ auctore Zacharia celebrata est, & quæ aliunde Regem supponit, non instituit, alioqui mutata esset Regis instituendi ratio. Sed mutata non est, retento ordine, qui antiquitus in unoquoque Rege observabatur.

IX. Robertum Guaguinum in libro II. histor. Francorum: Pipinus Regum Francia inertia perspecta, cum domi delitescerent, nec reipublica procuratorem ullam susciperent, Zachariam Romanum Antistitem per Archiepiscopum Bituricensem Burchardum (dicere voluit aut debuit, Burchardum Wизiburgensem) & Furandum (Fulradum) ipsius Pipini domesticum tandem consulit, mer ad rempublicam gerendam potissimum idoneus ex Regibus esset; Isne qui otio domi tempus contereret, nihil agens, nihil omnino curans, an qui industria virtutisque publica negotia moderaretur? Intentus & sollicitus ad Pipini consulta respondit Zacharias, eum regni gubernaculo dignum esse, qui prudentia spectatus rempublicam diligenter curiosèque componeret. Quo responso adducti proceres Pipinum sibi deligunt, & ex Zachariæ sententia atque auctoritate illum confirmant, quem Bonifacius Sueffione more regio unxit. Hic sententia & auctoritas idem sonant, ut apud Latinos auctores sonare consueverunt.  
118

X. Carolum Sigonium in lib. III. historiarum de regno Italiæ: Hunc magistratum (qui Major domus Regis dicebatur) Carolus Martellus gesserat, tum verò  
O o o o Pipinus



Pipinus Caroli filius summa cum industria ac virtutis commendatione administrabat, Childerico Rege nullam partem cura sibi regia deposcente. Quod inausum esse Pipinus existimans Zachariam consulit, ut ei regio fastigio dignior videretur, isne, qui otio languens, nihil ad communem utilitatem afferret, an qui dies noctesque de regni salute atque custodia cogitaret. Cui Zacharias respondit, omnino se Regem illum judicare, qui regni commodis & incolumitati serviret, rogatusque ab illo decretum pro magnitudine potestatis interposuit, quo regnum Childerico in parum idoneo abrogavit, & Franci sacramenti religione solutis ut Pipinum Regem substituerent, auctor fuit. Quo decreto accepto Franci conveniunt, ac Childerico abdicato Pipinum Regem consentientibus omnium voluntatibus designarunt, eumque Suesione per Bonifacium Moguntinum Archiepiscopum consecraverunt. Præclare omnia: Sed cum ait, Zacharias à Pipino rogatus decretum pro magnitudine potestatis interposuit; Quo regnum Childerico in parum idoneo abrogavit, & Francos sacramenti religione solvit, sunt planè duo, quæ veteribus historiis succreverint. Adinventum quid est & insusurratum Gregorio VII. cum in Epistola ad Hermannum Metensem Episcopum rationes exponit, cur Henricum IV. Imperatorem deponendum esse judicavit? Unde Gratianus certam quandam plagulam decerpit, eamque indidit decreto suo in causâ xv. cap. iiii. quod postea non discussum, sed populariter acceptum scriptores multos in errorem abduxit. Sed erroris originem detexisse sufficit, ut error caveatur, nec pro veritate in auctoritatem admittatur. Nicolaus Vignierius in Ecclesiastica historia ad annum DCCL. hæc uti fignenta valide confutat, monetque legendam esse Hincmari Archiepiscopi Remensis Epistolam, ubi ad ea quæ Hadrianus II. de regno Lotharii mandaverat, respondet, & in antecessum multa profert, quibus ad fignenta hæc aditus omnis intercluditur. Ad me quod attinet, in secunda ad Michaellem Girardum Epistola de posteriori adinventione, & de Anastasii Bibliothecarii silentio adversus illa rerum momenta duo præscripsi, atque iterum præscribo. De Anastasio, inquam, silentio, quod si circumspeditione & accurata consideratione perpendatur, de falsitate rerum istarum dubitandi locum nullum relinquit. Quis enim prudens & attentus crederet, virum Sedis Apostolicæ magnitudini & commodis addictum, & in Romanorum Pontificum scriniis versatum id commemorare, quod Gregorius VII. Otto Frisingensis, Abbas Urspergensis, Joannes Tritemius, & recentiores alii tam cupide commemorant, neglexisse? Quis, inquam, prudens & attentus hoc crederet, cum ex aliis, tum ex eo quoque quod antea simile nihil in Romana contigisset Ecclesia? Igitur Anastasius non tam silet, quam eloquitur, non accidisse, quod illi accidisse narrant.

119 copum rationes exponit, cur Henricum IV. Imperatorem deponendum esse judicavit? Unde Gratianus certam quandam plagulam decerpit, eamque indidit decreto suo in causâ xv. cap. iiii. quod postea non discussum, sed populariter acceptum scriptores multos in errorem abduxit. Sed erroris originem detexisse sufficit, ut error caveatur, nec pro veritate in auctoritatem admittatur. Nicolaus Vignierius in Ecclesiastica historia ad annum DCCL. hæc uti fignenta valide confutat, monetque legendam esse Hincmari Archiepiscopi Remensis Epistolam, ubi ad ea quæ Hadrianus II. de regno Lotharii mandaverat, respondet, & in antecessum multa profert, quibus ad fignenta hæc aditus omnis intercluditur. Ad me quod attinet, in secunda ad Michaellem Girardum Epistola de posteriori adinventione, & de Anastasii Bibliothecarii silentio adversus illa rerum momenta duo præscripsi, atque iterum præscribo. De Anastasio, inquam, silentio, quod si circumspeditione & accurata consideratione perpendatur, de falsitate rerum istarum dubitandi locum nullum relinquit. Quis enim prudens & attentus crederet, virum Sedis Apostolicæ magnitudini & commodis addictum, & in Romanorum Pontificum scriniis versatum id commemorare, quod Gregorius VII. Otto Frisingensis, Abbas Urspergensis, Joannes Tritemius, & recentiores alii tam cupide commemorant, neglexisse? Quis, inquam, prudens & attentus hoc crederet, cum ex aliis, tum ex eo quoque quod antea simile nihil in Romana contigisset Ecclesia? Igitur Anastasius non tam silet, quam eloquitur, non accidisse, quod illi accidisse narrant.

120 His ita recensitis facile perspicis, in quot & quantos errores Bellarminus abreptus fuerit, cum ita scripsit: Quod Zacharias justè, & legitime deposuerit Childericum Regem, & creari jussit Pipinum, affirmant omnes quotquot hanc historiam scribunt, tam Græci, quam Latini, exceptis Magdeburgensibus & Calvino. Erravit quod ex historicis duodecim, quos scripti sui vades appellat, nullus constanter asserat, Zachariam justè & legitime deposuisse Childericum Regem, & jussisse, ut Pipinus Rex crearetur.

Erravit cum in illis historicis sint duo Cedrenus & Paulus Diaconus, qui Zachariæ vel Childerici, vel Pipini ne quidem meminerint, tantum abest ut id mandarint literis, quod Bellarminus sibi sumpsit.

Erravit cum persuadere sibi videtur, historicos esse tantum duodecim, qui Childerici depositionem, & Pipini creationem memoriæ prodiderint.

Erravit cum de omnibus historicis tam leviter pronuntiaverit. Non ita pronuntiasset, si Fredegarium

Scholasticum, Appendicem à Theodorico II. usque ad Pipinum adjectam libro, cui titulus est Gesta Regum Francorum, &c. Anonymum scriptorem vitæ S. Lebnini, Annales Francorum auctiores: Guillelmum Nangium, Joannem Tritemium, Robertum Guaguinum, & Carolum Sigonium legendo percurrisset.

Erravit cum historicam narrationem, quæ ad Ecclesiæ dogmata nil attinet, perinde tractat, ac si maxime attineret. Excepit, inquit, Magdeburgensibus & Calvino affirmant omnes, Zachariam justè & legitime deposuisse Childericum Regem, & jussisse, ut Pipinus Rex crearetur. Quo pacto videretur in Magdeburgensium & Galvini hæreses incurrere, qui Bellarmino hac in re non consentiret. Id autem tractationis genus à Christiana simplicitate defecit quamplurimum, & Catholicæ communioni mirum quantum incommodat, quia certum est eam his officiis non indigere, ut nec veritatem mendacio.

Bellarminus sibi satis non esse putat consilio & rationibus pugnare, sed artificium quoddam excogitare consuevit. Quas Catholicis cum doctoribus aliquando contentiones habet, hæreticis communes facit, quod, ut retur, vincat facilius. Sed non recordatur se hæreticorum baptismum defendere; non recordatur Stephanum Papam ad Africanos ita scribere: Siquis ergo à quacunque hæresi venerit ad nos, nihil innovetur, nisi quod traditum, ut manus illi imponatur in poenitentiam. Non recordatur eundem Pontificem edictum suum ita confirmare: Cum ipsi hæretici propriè alterutrum venientes non baptizent, sed communicent tantum.

Erravit cum in lib. v. de Rom. Pont. cap. viii. scribit: Zachariæ rogatus à primoribus Francorum Childericum deposuit, & in ejus locum Pipinum Caroli Magni patrem Regem creare jussit. At veterum historicorum nullus est, qui primores Francorum id rogasse Zachariam testatus unquam fuerit. Francorum primoribus imponit.

Ut Bellarminus erravit imponens historicis omnibus, quod historici omnes minime dixerunt, scilicet, Zachariam justè & legitime deposuisse Childericum Regem, & jussisse ut Pipinus Rex crearetur, sic Magdeburgenses errarunt imponentes Zachariæ, quod ei non tribuunt laudati ab illis scriptores, Regino, Blondus, Siebertus, quos Bellarminus ipse laudat. Magdeburgenses ita loquuntur: Divinam quandam potestatem sibi arrogans ponendi, & deponendi Reges proterve assumpsit, & à fidelitatis juramento subditos eorum primus absolvit. Nam cum Bonifacii consilio Pipinus pater Caroli Martelli, Spuri domini sui prador per Legatos Burchardum & Volradum cum exorasset, ut Francia regnum Childerico deturbato, sibi & hæredibus suis firmaret, statim ille Childerico alias minus favens obnegatum auxilium assensit, & Bonifacio suas partes delegavit, ut Pipinum ungeret Regem. Regino lib. ii. Annales Francorum, Blondus ex Albino & Paulo lib. x. decadis i. anno Domini DCCL. Siebertus. Magdeburgenses in odium Pontificum imponunt Reginoni, Annalibus Francorum, Blondus & Sieberto. Illorum nullus scripsit, Zachariam ponendi, & deponendi Reges divinam quandam potestatem arrogasse sibi, & proterve assumpsisse. Id videre est in eorum historicorum testimoniis, quæ suprâ recensuimus. Imponunt quoque id quod ad juramenti fidelitatis absolutionem pertinet: Historici quidam alii dixerunt, sed Regino, Annales Francorum auctiores, Blondus & Siebertus non dixerunt. Imponunt adhuc Pipino prodicionis crimen, de quo ne verbum quidem ullum est apud Reginonem, Annales Francorum, Blondum & Siebertum. Imponunt denique Francorum & Pipini Legatis, qui non effecerunt apud Zachariam, ut Franciæ Regnum Childerico deturbato, Pipino & hæredibus firmaret; id Regino, Annales Francorum, Blondus & Siebertus minime

mè testantur. Legationis capita legi possunt apud eos auctores, quorum testimonia exposuimus. Sic utrobique erratum est, cum Bellarminus & Magdeburgenses laudatis à se historicis id tribuunt, quod ex rei veritate tribuendum minime fuit. *Incommoda* studiis partium scribendi ratio modum tenere non potuit.

Quæ Calvinus scribit tam falsa sunt, & tam vacua veterum testimonio, ut ne mereantur quidem referri, vel risu discutiri. Pipinum & Zachariam calumniatur, & præterea nihil.

Nunc vides, opinor, Bellarminum & Magdeburgenses convenire inter se, & non convenire: In eo conveniunt, quod destituendi & instituendi Principes Zachariæ jus attribuant: In eo non conveniunt, quod Bellarminus jus illud legitimum esse censeat: Magdeburgenses verò jus illud censeant non esse legitimum, sed temerè atque arroganter usurpatum. Qua in re Bellarminus cum Magdeburgensibus convenit, secum pugnat, dum in libri v. de Rom. Pont. cap. 11. *Papam non esse dominum totius orbis*, & cap. 111. *Papam non esse dominum totius orbis Christiani*, & cap. 1v. *nullius loci dominum temporalem esse probat*. Ellet enim verò vel totius orbis, vel totius orbis Christiani, vel alicujus loci dominus temporalis, si potestatem deponendorum & creandorum Regum justam & legitimam haberet. Qua verò in re Magdeburgenses cum Bellarmino conveniunt, non secum pugnant. Decreverunt quippe prætermittendum sibi non esse <sup>124</sup> tempus ullum, quo si possent, Romanum Pontificem in odium atque invidiam raperent. Sed Zachariæ decretum nullum edunt, quo Pontifex sibi attribuat, quod illi nefarie attribuunt. Ut Bellarmini adulatio, sic & Magdeburgensium contumelia spernenda est.

Cæterum Bellarminus in facto, seu exemplo Zachariæ mirificum se præstat. Ex eo depromit argumentum, quod ipsemet debet solvere, si suis se finibus contineat. Qui Romanum Pont. totius mundi, vel certè totius mundi Christiani dominio potiri, & temporalem jurisdictionem jure divino directè habere docent, exemplo Zachariæ utuntur, & eo uti modo possunt, quo Bellarminus proponit. *Zacharias rogatus à primoribus Francorum Childericum deposuit; & in ejus locum Pipinum Caroli Magni patrem Regem creari jussit*. At Bellarminus, qui contrarium, nempe Romanum Pontificem totius orbis, totius orbis Christiani, alicujus loci dominum non esse, nec temporalem jurisdictionem jure divino directè habere tradit, argumento huic respondere debet, aut *apóstatas* accusabitur: Non respondet, igitur *apóstatas* accusandus est, dissimulat argumentum, quo nisi tria, certè duo illius lemmata convelluntur. Insistendo scripturæ, & traditioni duobus veræ Theologiæ principiis, quibus Romanum Pontificem nec totius orbis Christia-

ni dominum esse, nec temporalem jurisdictionem jure divino directè habere confirmat, respondendum fuit; primò, à Francorum primoribus rogatum non esse Zachariam, ut Childericum deponeret, & in locum ejus Pipinum Regem creari juberet, uti probavimus; ac proinde Bellarminum causæ propriæ jugulum petiisse, argumento in perniciem assertionum suarum adornato: <sup>125</sup> Deinde, quamvis rogatus esset Zacharias, ut id faceret quod in argumento sumitur, facturum non esse Zachariam: Quippe noverat doctrinam Patrum, & Sedis Apostolicæ traditionem, ad quam informatus decessor Gregorius II. Leoni Isauro in Epistola secunda scripserat, *Pontificem nec introspectendi in palatium, nec dignitates regias deferendi potestatem habere*: Denique Zachariam à Francorum proceribus rogatum sententiam, utrum ille, qui non vocatur Rex, nec gerit Regis officium, dixisse quod vir prudens quilibet, & politicis administrationibus eruditus dixisset, eum videlicet qui non vocatur Rex, sed gerit Regis officium, digniorem esse Regis nomine, quàm is, qui vocatur quidem Rex, sed non gerit Regis officium. Cur autem Franci Zachariam de statu Regis & regni consuluerint, in causa fuit illius, & Sedis Apostolicæ præclara in dandis consiliis existimatio & auctoritas. Sed neque ex Francis Zachariam consulentibus, neque ex respondente Francis Zacharia, potest quicquam aptè colligi, quod ad stabiliendam Bellarmini, vel aliorum opinionem inserviat. Consultus à Francis Zacharias id respondit, quod vir prudens, ut jam monui, & publicis negotiis instructus in tali rerum eventu respondisset. Quid inde? Ergone Pontifex est totius mundi Christiani dominus, & temporalem jurisdictionem jure divino habet directè? Non sequitur, nec sequi Bellarminus in lib. v. de Rom. Pont. cap. 11. 111. & 1v. docet. Vel ergone Pontifex *in ordine ad bonum spirituale summam potestatem habet disponendi de rebus temporalibus Christianorum omnium*? Non sequitur, nec nisi tortuoso, futili, & vitioso disputandi genere sequi potest. <sup>126</sup>

Verum non ante manum de tabula, quàm te admonerim Bellarminum, & Magdeburgenses abuti testimonio quorundam historicorum, qui scribendo respectum habent ad dignitatem personæ, quæ respondet, non ad interrogationem, cui persona respondet, & tamen certo est certius habendum esse respectum ad interrogationem cui persona respondet, non ad dignitatem personæ, quæ respondet. Si Bellarminus & Magdeburgenses verum amassent, respectum non habuissent ad dignitatem personæ, quæ respondet, nec eo modo scripsissent, quo scripserunt. Non desunt historici, qui Zachariam Francorum interrogationi duntaxat respondentem inducunt. Hos qui non sequitur errat, qui sequitur non errat; sequere tu, & non errabis. Vale Lutetiæ Paris. x11. Calend. Julias ann. M. DC. LXX.



# Joannes Launoius

## CLAUDIO AMELINÆ,

Parisiensis Ecclesiæ Cantori.

- 127** **M**EMORABILE est, ut nosti, beati Ambrosii factum, quod Theodoretus in libri v. historię cap. xvii. latè describit. Bel-larminus illo utitur in lib. vi. de Rom. Pont. cap. xvii. ut probet Romanum Pontificem in ordine ad bonum spirituale summam potestatem habere disponendi de rebus temporalibus Christianorum omnium. Sed quantum abutatur & erret, scire non poteris, nisi factum referatur integrum, & momentis expendatur suis. Igitur apud Theodoretum est huiusmodi: Thessalonica urbs est maxima & populosa. Macedonum quidem in gente posita, sed qua caput est tum Thessalia & Achaia, tum aliarum complurium provinciarum, qua reguntur à Praefecto Pratorio Illyrici. In hac cum orta esset seditio, magistratus quidam lapidati & vexati fuere. Quo nunciato accensus Imperator ire impetum non tulit, nec freno rationis vim ejus non repressit, sed vindictæ arbitrium illi permisit. Illa verò hac potestate accepta velut juris sui tyrannus ruptis habenis jugoque rationis excusso injustos gladios in omnes distinxit, & insontes pariter cum fontibus trucidavit. Septem enim hominum millia interfecta perhibentur non praesente judicio, & condemnatis iis, quæ dira illa ausi fuerant, sed sicut in messe omnibus simul spicarum more defectis. Hac audita lacrymabili calamitate Ambrosius
- 128** ille, quem saepe memoravi, Imperatori cum Mediolanum venisset, atque in sacrum templum de more ingredi vellet, obviam procedens extra vestibulum sacris illum liminibus pedem inferre tali oratione vetuit: Ignorare videris, o Imperator, patrata à te cadis quanta sit magnitudo, neque adhuc post sedatam iram admissum facinus ratio pervidit: Non sunt enim fortasse Imperatoria potestatis peccatum cognoscere, rationique tenebras offundis principatus. At tamennaturam te nosse par est, quam fragilis & fluxa, avitumque pulverem, ex quo orti sumus, & in quem dilabimur, nec purpura fulgore deceptum, corporis quod illa tegitur, imbecillitatem ignorare. Natura conjunctis imperas Princeps, atque adeo conservis. Unus enim omnium Rex, & Dominus conditor universorum. Quibus igitur oculis communis Domini templum aspicias? Quibus pedibus sacrum illud solum calcabis? Quomodo manum extends injuste cadis sanguine adhuc stillantem? Quomodo huiusmodi manibus sacrosanctum Domini corpus accipies? Quomodo pretiosum ori sanguinem admovebis, qui furore actus tantum sanguinis nefarie profudisti? Recede igitur & cave prius crimen altero crimine augere coneris: Sed vinculum admitte, quo te ligari Deus omnium Dominus sursum probat. Medicinam id faciet, sanitatemque restituet. His verbis inflexus Imperator (in divinis enim educatus apprimè norat, quamnam Sacerdotum essent partes, & quamnam Imperatorum) cum gemitu & lacrymis rediit in palatium. Longo autem post tempore octo mensibus interlapsis, Servatoris nostri natalis dies advenerat,
- 129** & Imperator in palatio residebat magnam vim effundens lacrymarum. Quod cum animadvertisset Rufinus, qui magister officiorum tunc erat, summa libertate ut familiarissimus utebatur, ipsam adiens causam fletus percontatur. At ille vehementius ingemiscens, & uberrimes lacrymas erumpens: *Ladis, inquit, tu Rufine, mea enim mala non sentis: Ego verò gemo, & lugeo meam considerans calamitatem, quod servus ac mendicis ad divinum templum pateat aditus, intrentque securi, & domino suo supplicent: Mihi verò inaccessum illud sit, & caelum insuper occlusum. Memini enim Dominicam sententiam: Quodcumque ligaveritis super terram, eris ligatum & in caelis. Cui Rufinus, curram, si placet, ad Pontificem, & precibus adducam, ut solvat vincula tua. Non flectitur, ait Imperator. Nota est mihi aquinas sententia Ambrosii: Neque ille reverentia Imperatoria potestatis divinam transgressurus est legem: Sed instante multis verbis Rufino, & spondente se persuasurum Ambrosio, properè abire illum jubet Imperator: Atque ipse falsa spe inductus paulo post secutus Rufini promissis confisus. Simul autem ut Rufinum vidit Ambrosius: Caudum, inquit, impudentiam amularis, Rufine. Tanta enim cadis consiliarius pudorem de fronte absterfisti, & neque erubescis, neque formidas post tantam adversus divinam imaginem admissam rabiem. Cumque preces adhiberet Rufinus, & Imperatorem brevi adfuturum diceret, zelo divino succensus sanctus Ambrosius: At ego, inquit, Rufine, praeviso prohibitorium me illam sacrorum liminum ingressu. Quod si imperium mutaveris in tyrannidem, cum voluptate & ego cadem excipiam. His auditis Rufinus Pontificis consilium Imperatori per internuntium significavit, suavitique, ut intra palatium se contineret. Sed Imperator cum hac medio in foro didicisset: Ibo, inquit, & justas contumelias perferam. Cum autem ad sacra septa pervenisset, in divinum templum est ingressus, sed ad Pontificem in saluatorio residentem accedens, ut vinculis solveretur obsecrabat. Ille verò tyrannicum ejus adventum appellabat, & in Daum furere Theodosium aiebat, ejusque leges concutere. Cui Imperator: Minime, ait, contra leges lætas mihi arrego, nec sacra vestibula per nefas ingredi cupio, sed ut vincula mea solvas oro, communisque Domini elementia recorderis, nec mihi occludas januam, quam Dominus penitentiam agentibus omnibus patefacit. Et Pontifex: Quamnam tu, inquit, penitentiam post tam iniquum facinus ostendisti? Aut qua medicamenta gravissimis vulneribus sanandis adhibuisti? Tuum est, ait Imperator, medicamenta ostendere & temperare, meum verò qua adhibebuntur, accipere. Tum divinus Ambrosius: Quoniam tu, inquit, judicium iracundia permittis, & non ratio, sed furor profert sententiam, scribe legem, qua iracundia sententias irritas reddat, & inanes: Diebusque triginta perscripta maneant de cade, vel publicatione lata sententia, rationis judicium expectantes. Diebus transactis qui judicata scripsere, imperata exhibeant, ac tum ira sedata ratio apud se dijudicans expendet, qua decreta sunt, dispicietque, justane sint, an injusta: Et siquidem injusta esse compererit, scripta utique conscindet; sin verò justa, confirmabit, rectèque judicatis dierum numerus haudquaquam officiet. Consilium hoc amplectens Imperator, factique optimum existimans, legem statim conscribi jussit, & manus sua subscriptione firmavit. Quo facto divinus Ambrosius vinculum exsolvit: Ita demum intrare templum ausus fidelissimus Imperator, non*

stans, neque genibus flexis Deum precatus est, sed pronus humi stratus in Davidicam vocem erupit: Adhæsit pavimento anima mea, vivifica me secundum verbum tuum; & manibus capillum vellens & frontem percussiens, & guttis lacrymarum pavementum rigans, veniam sibi dari postulabat. Ubi autem tempus advenit, quo dona sacra mense offerret, surgens paribus cum lacrymis sanctuarium conscendit, donisque oblati intus ad cancellos sustitit ut solebat. Verum hic rursus non continebat magnus Ambrosius, sed locorum discrimina edocuit. Primumque, nunquid vellet rogavit: Et cum Imperator divinorum mysteriorum perceptionem expectare se diceret, per primum Diaconorum hæc ei significavit: Ad loca interiora, Imperator, aditus solis Sacerdotibus patet, cæteris omnibus invia sunt & intacta. Proinde exi, & cum aliis confiste. Nam purpura Imperatores facit, non Sacerdotes. Quam admonitionem iidem aquo animo accipiens fidelissimus Imperator, renuntiare iussit se non animi arrogantia mansisse intra cancellos, sed quia Constantinopoli hunc morem esse didicerat: Cæterum pro hac etiam curatione gratias agere. Tali ac tanta virtute emicuerunt tum Imperator, tum Episcopus.

132 Et primum quidem Bellarminus historiam hanc non legerat, vel si quando legerat, eam oblitus erat, dum illam assumit, ut lemma istud, Pontificem ut Pontificem habere in ordine ad bonum spirituale, summam potestatem disponendi de temporalibus rebus Christianorum omnium, confirmet. Quidquid id est, si ve legerat, si ve non legerat exemplo, ut ille vocat, vel narratione quæ profus divina est, aburitur, & vehementer errat. Quis enim quæso, narrationem inter & lemma nexus? Quæ junctio? Quod vinculum? Narratur commissum ab Imperatore facinus, narratur exposita Imperatori per Ambrosium magnitudo facinoris, quod objurgatione & emendatione longa dignissimum est. Narratur suscepta libenter, & pie acta à reo poenitentia. Narratur reddita Episcopo Mediolanensi obedientia eaque tanta, quanta fingi excogitareque potuit? Ideone quia sic se res habet, Romanus Pontifex de rebus temporalibus Christianorum omnium disponendi potestatem summam obtinuit? Profecto non philosophari, sed somnare est, ex memorata narratione jus illud colligere aut ex agendæ poenitentiae modo, quem Theodosius tenuit, vel quem peccatores reliqui tenent, vel tenere possunt, id in complexione inferre, quod Bellarminus intulit. Cui præterquam Bellarmino, vel alii alia cogitanti venire potest in mentem, Regum vel plebeiorum modum agendæ poenitentiae adhibere, ut probet, Romanum Pontificem in ordine ad bonum spirituale, summam potestatem habere disponendi de rebus temporalibus Christianorum omnium?

133 Deinde Bellarminus nec in Ambrosium, nec in seipsum inespexit, cum scripsit; Ambrosius excommunicavit Imperatorem Theodosium: Non inespexit in Ambrosium, qui in libri 11. de officiis cap. xxvii. docet excommunicationem tardius ferendam esse: Cum dolore, inquit, amputatur etiam, quæ putnis pars corporis, & diu tractatur si potest sanari medicamentis: Si non potest, tunc à medico bono abscinditur: Sic Episcopi affectus boni est, ut optet sanare infirmos, serpentina auferre ulcera, adurere aliqua, non abscindere; Postremo quod sanari non potest, cum dolore abscindere. Unde pulcherrimum illud præceptum magis eminet: Ut cogitemus, non quæ nostra sunt, sed quæ aliorum. Hoc enim modo nihil erit, quod vel irati nostro indulgeamus affectui, vel faventes nostra plus iusto tribuamus aliquid voluntati. Constituitne sibi Ambrosius si Theodosium, non dico repugnantem & inobsequentem, sed audientem, & suis monitis omnibus diligenter obtemperantem excommunicasset? Hoc est, precibus Ecclesiæ & societate fidelium privasset? Secutusne esset consilium quod cæteris præbet Sacerdotibus? Nempe voci pastoris obedientem

excommunicasset Imperatorem Theodosium, quem ne contumacem quidem excommunicasset, nisi fortassis tardissime. Recordatus esset quid in Epistola LVIII. de criminoso magistratu scribit: *Majores*, inquit, maluerunt indulgentiores esse circa iudices, ut dum gladius eorum timeretur, & reprimeretur, scelorum furor non incitaretur. Augustinus Ambrosii discipulus in eadem cum majoribus, & magistro suo descendit sententiam, cum in homiliæ xxviii. è numero homiliarum l. cap. 111. ait: Sed aliquando nos parcimus, & non novimus, nisi loqui: Excommunicare, de 134 Ecclesia projicere pigri sumus, aliquando enim timemus, ne ipso flagello peior fiat qui caditur. Hæc autem cum ita sint, Ambrosius non minus prudenter cum Imperatore Theodosio quam cum criminoso magistratu egisset. Nunc Bellarmino & Bellarmini lemma quid fiet? Sanctissimus Ecclesiarum doctor Imperatori nullum dixit anathema, nec se eum precibus Ecclesiæ, & cætu fidelium privare denuntiavit: Illum Mediolanensis templi ingressu duntaxat prohibuit, usque dum propter admissum crimen poenas à se repetivisset: Repetit suo Antistiti obsequentissimus. Discendum est id ex ipso Ambrosio in oratione, quam de obitu Theodosii habuit. Verba sunt. *Dilexi virum*, qui magis arguentem, quam adulantem probares. *Servavit omne quo utebatur insigne regium*. *Deservit in Ecclesia publice peccatum suum*, quod ei aliorum fraude obreperat, *gemitu & lacrymis oravit veniam*: Quod privati erubescunt, non erubuit Imperator publice poenitentiam agere, neque ullus postea dies fuit, quo non illum desleret errorem. *Quid quod præclaram adeptus victoriam*, tamen quia *hostes in acie strati sunt*, abstinuit à consortio sacramentorum, donec Domini circa se gratiam filiorum experiretur adventu? Excommunicationem illam, de qua Bellarminus loquitur, hoc in contextu toto quis leget, quis invenit? Ambrosius, quomodo se erga Theodosium gesserat, melius, opinor, quam alius quisquam noverat: At quidquid id est, ivit in clarissimum principalis obedientiæ, & vindicatæ religionis exemplum. Pro Bellarmino dicet aliquis, scriptores alios rem fortassis ita narrare, ut quod ille sibi sumit, stare possit. Cur ergo Bellarminus Theodoretum attulit, & scriptores alios prætermisit? Querenda tamen, & afferenda est veritas, cui non præscribitur. Igitur scriptores alii producendi sunt.

Paulinus in vita sancti Ambrosii: *Per idem*, inquit, *tempus causa Thessalonicensis civitatis non minima successit tribulatio Sacerdoti*, cum civitatem pene deletam comperisset. Promiserat enim illi Imperator, se veniam daturum civibus supradictæ civitatis, sed agentibus Comitibus occultè cum Imperatore, ignorante Sacerdote usque in horam tertiam, gladio civitas est donata, atque plurimi interempti innocentes. Quod factum ubi acceperat Sacerdos, copiam Imperatori ingrediendi in Ecclesiam denegavit, nec prius dignum iudicavit cætu Ecclesiæ, vel sacramentorum communione, quam publicam ageret poenitentiam. Cui Imperator contra asserbat David adulterium simul & homicidium perpetrasse. Sed responsum illico est: *Qui secutus es errantem, sequere corrigentem*. Quod ubi audivit clementissimus Imperator, ita suscepit animo, ut publicam poenitentiam non abhorreret. Cujus correctionis profectus secundum illi paravit victoriam. At his in verbis locus nullus est excommunicationis, quæ percussam ab Ambrosio fuisse Theodosium Bellarminus contendit. Publica exigitur ab Imperatore poenitentia, priusquam ingrediatur in Ecclesiam. Imperator publicam poenitentiam agere non renuit. Hac ultro defungitur, remotus quidem ab Ecclesiæ Ingressu, & sacramentorum communione, sed non ideo excommunicatus dicendus est, ut à Bellarmino dicitur, alioqui poenitentes omnes excommunicati dicerentur.

Rufinus Aquileiensis Presbyter in Ecclesiasticæ historiæ lib. 11. cap. xviii. *Per idem tempus subreptione*



reptione quadam demonis turpis macula religioso Principi (Theodosio) sumpta est. Etenim cum apud Thessalonicam seditione exorta quidam ex militaribus vir impetu fuisset populi furentis extinctus, repentini nuncii atrocitate succensus ad ludos Circenses invitari populum, eique ex improvise circumfundi milites, atque obtruncari passim, ut quisque occurrisset, gladio in ea vindictam dari, non crimini, sed furori. Ob hoc cum à Sacerdotibus Italia argueretur, agnovit delictum, culpamque cum lacrymis professus publicam penitentiam in conspectu totius Ecclesiae exegit, & in hoc sibi tempus adscriptum absque regali fastigio patienter innoxit. Quibus omnibus istud quoque mirabiliter adiecit: Lege sanxit in posterum, ut sententia Principum super animadversione prolata in diem tricesimum ab executoribus differrentur, quò locus misericordiae, vel si res tulisset, penitentia non periret. Hic ne verbum quidem ullum est de excommunicatione, cujus meminit Bellarminus. Decernentibus Episcopis Imperator, publicam agit penitentiam in conspectu Ecclesiae totius, & ideo non excommunicatur Theodosius, ut Bellarminus excommunicatum fuisse contendit.

Augustinus, in lib. v. de civitate Dei cap. xxvi. Quid autem fuit religiosa humilitate mirabilius, quando in Thessalonicensium gravissimum scelus, cui jam Episcopis intercedentibus promiserat indulgentiam tumultu quorundam, qui ei coherebant, vindicare compulsus est, & Ecclesiastica coercitus disciplina sic egit penitentiam, ut Imperatoriam celsitudinem pro illo populus orans magis fletu videndo prostratam, quam peccando timeret iratam? Hec ille secum & si qua similia, quae commemorare longum est, bona opera tulit, ex isto temporali vapore cujuslibet culminis & sublimitatis humana, quorum operum merces est aeterna felicitas.

Deinde in homilia xlix. è quinquaginta homiliis cap. iiii. Et resistit mihi filius pestilentiae, & erubescit genu figere sub benedictione Dei? Quod non erubuit Imperator, erubescit nec Senator, sed tantum curialis. Superba cervix, mens turpior fortassis, imò quod non dubitatur, propterea Deus voluit, ut Theodosius Imperator ageret penitentiam publicam in conspectu populi, maxime quia peccatum ejus calari non potuit, & erubescit Senator, sed tantum curialis, quod non erubuit Imperator. Erubescit plebeius, sive negotiator, quod non erubuit Imperator. Bellarminus in neutro Augustini loco Theodosii excommunicationem inveniret. Agendae penitentiae exemplum inveniet, quo nullum unquam fuit memorabilius. Imperatorem inveniet, quo nullus unquam fuit Ecclesiasticae disciplinae observantior.

Sozomenus in lib. vii. cap. xxiv. Imperator, inquit, sublato Eugenio cum Mediolanum venisset, ad Ecclesiam processit. Occurrit ei Ambrosius ejus civitatis Episcopus, & apprehensa illius purpura in praesentia populi: Siste gradum, inquit, homini enim ob peccata profano, & manus innoxio sanguine commaculatas habenti fas non est, antequam penitentiam egerit, vel sacrum ingredi solium, vel ad divinorum mysteriorum communionem admitti. Imperator libertatem Sacerdotis admiratus cogitationibus conscientiam accusantibus regressus est, penitentia compunctus. Erat autem peccati insinulatio hujusmodi. Botbericha tunc temporis apud Illyrios militum Praefecti auriga pincernam domini impudice intuitus de stupro interpellarat, eaque de causa comprehensus in vinculis erat. Instanti autem solemnii equestri certamine populus Thessalonicensis illum velut ad eam concertationem necessarium dimitti postulabat. Quod quoniam non impetrabat, in gravem seditionem efferbuit, ac tandem etiam Botbericham ipsum interfecit. Qua re nunciata Imperator praeter modum excanduit, & certum eorum numerum, qui adfuerant, interficere praecipit, ex quo civitas multis injustis cadibus impleta fuit. Siquidem peregrini qui modo vel adnavigaverant, vel de via advenerant ex improvise appre-

hendebantur, siebantque miserabiles clades, in quibus & hac quoque. Mercator pro filiis suis duobus capris seipsum offerens orabat, ut filiis servatis ipse interficeretur, & in ejus facti mercedem auri quidquid habebat militibus pollicebatur. Illi calamitatem hominis miserati pro uno ex filiis quocumque vellet, supplicationem admittunt, duos verò dimittere, tutum sibi non esse dicunt ob id quod numerus deficeret. Pater itaque utrumque lamentabundus ac plorans intuitus, neutrum electionem facere sustinuit, sed in continua hesitatione, donec interficerentur ambo, suspensus mansit, equali utriusque amore victus. Quinetiam frugi quendam servum accepi pro domino suo, qui ad lanienam raptabatur, alacriter tunc oppetiisse mortem. Talium igitur ac talibus consequentium malorum, ut consentaneum est, Ambrosius Imperatorem insimulans, ab Ecclesia arcuit, & à communione seclussit. Imperator igitur coram Ecclesia peccatum confessus est, ac toto tempore, quod illi ad penitentiam definitum erat, ut qui lugeret, imperiali ornatu usus non est, quin & legem quoque illis irrogavit, qui imperialibus mandatis famulantur, ut in tricesimum usque diem supplicia differant eorum, qui ad mortem condemnati sunt: Ut intermedio tempore Imperatoris ira mitigari, & placato ejus animo misericordia locus esse posset. Ab hoc Ambrosio, & alia multa praclare gesta sunt; officio Sacerdotali digna, quae ut consentaneum est, indigenis solis constant. Ex praecipuis autem ejus factis ego & illud quoque cognovi. Moris erat ut Imperatores dum sacris interessent, in sacrario sederent, majestatis ergo à populi consortio separati. Ambrosius autem considerans, eam consuetudinem vel ex assentatione, vel ex ordinis inscitia esse natam, Imperatori in Ecclesia locum assignavit ante sacrarii cancellos, ita ut populum Imperator, Imperatorem Sacerdotes ordine sedis antecederent. Hanc autem optimam constitutionem Theodosius Imperator approbavit, & successores ejus corroboraverunt, ac nos eam ex eo usque tempore conservatam cernimus. Sozomenus non alia narrat de Ambrosio & Theodosio, quam Theodoretus, Ambrosius, Paulinus, Rufinus & Augustinus jam narrarunt in iis, quae ad institutum nostrum pertinent. Concurrunt inter se omnes, ut nobis explicant, qua libertate & Christiana constantia beatus Ambrosius se cum Theodosio, & qua patientia, & animi demissione Theodosius se cum Ambrosio gesserit; sed nullus eorum meminit excommunicationis illius, qua Theodosium ab Ambrosio percussum fuisse Bellarminus affirmat. Neque verò Sozomeni verba haec: Ambrosius Imperatorem insimulans ab Ecclesia arcuit, & à communione seclussit, quemquam commovere debent. Quam enim excommunicationem Bellarminus statuit, minime significant, sed ingressus tantum in Ecclesiam, & communionis sacramentorum amotionem, usquedum Imperator publicam egisset penitentiam. Quod penitentibus universis commune esse nemo nescit. Bellarminus non hoc duntaxat, aliud quid asperius intelligit, sed intelligentiae suae defensionem nec apud Ambrosium, nec apud Paulinum, nec apud Rufinum, nec apud Augustinum, nec apud Sozomenum, nec apud Theodoretum, quem laudat unicum, offendit.

Verum enimverò ad Bellarminum cominus accedendum est, qui non magis in seipsum, quam in Ambrosium inspexit. Hic auctor in lib. iiii. de militante Ecclesia cap. iiii. Theodosium jure excommunicari non potuisse tradit his verbis: Excommunicationis non potest ferri, nisi in contumaces, & incorrigibiles, ut beatus Augustinus docet libro de vera religione capite vi. idem etiam omnes Theologi deducunt ex illo Matthaei xviii. Si Ecclesiam non audierit, sit tibi velut ethnicus & publicanus. At Imperator reum se agnovit, contumax non fuit, humilitatem & modestiam prae se tulit admirabilem, admissum crimen emendare lubenti prolixoque animo voluit. Sic Bellarminus uno in loco destruit quod in alio aedificaverat. Sic

Sic Bellarminus cum Ambrosio, cum Augustino, cum Theologis omnibus & secum pugnat, & pugnando miserè corruit. Qui casum adjuvent, multos reperiet; qui retardet, neminem. Baronius, qui quæsitæ ubique occasione, quod ornandæ augendæque Romani Pontificis dignitati inserviat, prætermittit nihil. Quid quid id est, ita recenset, ut de Romano Pontifice ne verbum ullum inijciat. Hoc, inquit, ipso anno (cccxc.)

Theodosius Imperator, qui anno superiori recessens ab urbe mense Septembri, ut vidimus, Mediolanum se contulerat, ibidem ob cladem Thessalonicensium perpetratam, à sancto Ambrosio repellitur ab Ecclesia, ac non nisi publicè acta penitentia in eadem admittitur. Quibus verbis non id quod Bellarminus excommunicationis genus exponit, nec ad Romanum traducit Episcopum, cui de rebus temporalibus Christianorum quædam disponendi potestatem summam tribuat. Neque verò negandum est, Theodosium certo quodam modo excommunicatum fuisse, sed non eo, quem Bellarminus innuit, sed quem Ambrosius, Paulinus, Rufinus, Augustinus, Sozomenus describunt, & quem Facundus Hermianensis Episcopus persequitur in libri xii. pro defensione trium Capitulorum cap. v. At per hoc, inquit, si Princeps quoque pro suis peccatis intercessionem vult habere, Sacerdotem etiam in suis peccatis castigatorem ferre non dedignetur, ut pro illo intercedens possit audiri, na dicatur ei, quod Hieremia dictum est: Noli orare pro populo hoc, & ne postulaveris misereri illius, & non accesseris ad me pro eis, quia non exaudiam te. Quod metuens beate recordationis major Theodosius Imperator, cujus semper memorabilis erit in Ecclesia Christi memoria, quemquam sepe de magnorum barbarorum præliis, & de maximorum tyrannorum triumphaverit, non tamen ex huiusmodi victoriarum frequentia, in quibus Trajano filio gehenna comparari non potest, veram meruit gloriam, sed de supplici & publica peccati sui penitentia, quam expugnato regali fastigio placide, atque humiliter Antistite Ambrosio castigante suscepit, & indictum sibi debita satisfactionis tempus ab Ecclesia communione remotus implevit. Et paullo post: Et non tale aliquid petimus corrigi quale fuit, quod excommunicatione ulcisceretur Ambrosius, quæ scilicet ad certum temporis spatium Mediolanensis pastor Theodosium ab Ecclesia communione removerat.

Tum Bellarminus ad Theodoretum historiam quam laudat, non satis advertit, cum ait: Præcepit Imperatori ut legem ferret. Et paullo post: Cœgit Imperatorem ad legem politicam ferendam. In Theodoretum historia nec præcipiendi, nec cogendi vestigium ullum apparet: Ambrosius quidem dicit Theodosio, scribe legem, γράψον νόμον, sed Theodosius prædixerat Ambrosio: Tuum est medicamenta ostendere & temperare, meum verò quæ adhibebuntur accipere. Tum divinus Ambrosius. Quoniam tu, inquit, iudicium iracundia permittis, non ratio, sed furor proferit sententiam: Scribe legem, &c. Quibus Theodoretus subnectit: Consilium hoc complectens Imperator, πάλιν ὁ βασιλεὺς διέταξε τὸν εὐσεβήσαντα, fastidique optimum existimans, legem statim conscribi iussit. Bellarminus, ut satis liquet, non veritati, sed causæ servit suæ, dum Theodoretum historia imponit, quæ non præ se fert Theodoretum historia, ut deinceps concludat hoc modo. Præterea cogere Imperatorem ad legem politicam ferendam, & præscribere ei formam legis, nonne manifestè ostendit, posse Episcopum interdum temporali potestate uti etiam in eos, qui potestatem super alios acceperunt? Et si Episcopus quilibet id potest, quanto magis princeps Episcoporum? Ex tot antecedentibus quæ consecutio, seu potius quæ fallacia? Sacerdotes primi & secundi ordinis hominibus variorum criminum reis, sed verè penitentibus varium satisfaciendi Deo, & Ecclesiæ modum indicunt, his ut jejurent, illis ut vigilent, aliis ut se funiculis divexent, quibusdam ut flagellis se cædant, nonnullis ut injuste ablata restituant, unis, ut stipem

pauperibus erogent; & tamen necesse non est ut ad præstanda hæc omnia temporali potestate utantur. Sint igitur, qui erogandæ pauperibus stipis, seu dandæ eleemosynæ formam præscribant. Quis inde sana mente præditus concludat Sacerdotes ad id præstandum posse temporali potestate uti, & si utantur, posse vectigalia & tributa penitentibus imponere, aut eos his, vel illis vectigalibus & tributis privare? Gregorius junior Bellarmino responderet, quod Leonis Isauri scripsit in posteriori Epistola: Nos nec introspectiendi in palatium, nec regias dignitates deferendi potestatem habemus. Nos hermes & audi, qui terrenos & carnales exercitus non habemus. Inrogamus principem omnis creatura sedentem in cælis Christum, qui est super omnes exercitus supernarum virtutum, ut immittat tibi demones, aut ut Apostolus, tradere huiusmodi satana in interitum carnis, ut spiritus saluus sis. Qui porro sic responderet Pontifex, manifestè ne ostenderet posse se interdum temporali potestate uti, etiam in eos, qui potestatem super alios acceperunt? Contrarium penitus ostenderet, nempe non posse se temporali potestate uti ad id præstandum, quod Bellarminus sibi fingit. Huc iterum nos ad se revocat Gregorius, cum in eadem Epistola discrimen inter Imperatorem, & Sacerdotem criminis reos castigantes statuit: Sic igitur Leonem Isaurum alloquitur: Vides, Imperator, Pontificum & Imperatorum discrimen: Si quispiam te offenderit, domum ejus publicas & spoliis, solum illi vitam relinquens, tandemque illum etiam vel suspendio necas, vel capite truncas, vel relegas, eumque longe à liberis, & ab omnibus cognatis & amicis suis amandas: Pontifices non ita: Sed ubi peccavit quis, & confessus fuerit, suspendii vel amputationis capitis loco Evangelium & crucem ejus cervicibus circumponunt, eumque tanquam in carcerem in secretaria, sacrorumque vasorum araria conjiciunt, in Ecclesia Diaconia, & in cathedra ablegant, ac visceribus eorum jejunium, oculisque vigilia, & laudationem ori ejus indicunt. Cumque probe castigantur, probeque fame affligerunt, tum pretiosum illi corpus Domini impartiunt, & sancto illum sanguine potant, & cum illum vas electionis constituerint, ac immunem peccati, sic ad Dominum purum & infontem transmittunt. Tunc si ex lege Christi docendus erat Imperator, hunc docuisset Gregorius de Rom. Pontificis auctoritate, & dixisset Romanum Pontificem in ordine ab bonum spirituale potestatem summam habere disponendi de rebus temporalibus Christianorum omnium. Non docuit, quia hoc Imperatorem ex lege Christi, & ex Petri cathedra docere non potuit. Tu nosti & legem Christi, & cathedram Petri ad docendum falsum hominem inclinare neminem.

His autem ita constitutis certum est Bellarminum in quæstione, quam de abdicandis per Romanum Antistitem Principibus instituit, Theodoretum historia quam laudat, immoderate abusum esse, & turpiter errasse: Deinde certum est, Bellarminum scriptores alios, qui de Theodosio & Ambrosio facti scripserunt, ne disceret quod discendum erat, dissimulasse. Tum certum est, Bellarminum à seipso discrepare, dum lemma proponit suum, & dum illud probat, singulare lemma facit, & uni Romano Pontifici proprium in libri v. de Rom. Pont. cap. vii. Sed lemmatis probationem Episcopis omnibus per Ambrosium communem reddit in ejusdem libri capite vii. atque ita in rationis, quam assumit, decursu toto sophismata sunt duo, nec satis aliunde contorta & aculeata: Ignoratio elenchi, & fallacia accidentis: Quæ si caverentur, ut caveri debent, Bellarminus argumento vacuus prodiret. Omitto aliud esse Imperatorem ingressu Ecclesiæ & fidelium communione, aliud Imperio privare. Hæc si Bellarminus conjungit, quæ seipsa minime conjunguntur, nullus est: Si separat, quæ seipsa separantur, captus est, atque jus excommunicandi Principis



Principis ad jus deponendi Principis ineptè, & absurdè transfertur. Quod autem illa duo minimè conjungantur, liquidò patet cum ex aliis, tum ex eo quoque, quod Theodosius, Ambrosio teste, novam adeptus victoriam se à consortio sacramentorum ali-

quandiu abstinuit, nec tamen privavit se Imperio. Quæ superius relata sunt Ambrosii verba, expende, & in iis religiosi Principis factum observa. Vale Lutetiae Paris. Idibus Julii ann. M. DC. LXX.

# Joannes Launoius

## RAIMUNDO FORMENTINO

Parisiensi Theologo, & Aurelianensi Canonico & Subdecano.

147 **D**OLES non immeritò reperisse te recentiores quosdam è schola Theologos, & cum primis Franciscum Suarem in libri III. de Pontificis Summi primatu cap. XXI. & Martinum Becanum in Anglicanæ controversiæ cap. III. quæst. III. qui ut Romanum Antistitem posse subditos à juramento fidelitatis Regibus præstito liberare confirmant, Evangelii verba, quodcumque solveris super terram, erit solutum & in cælis, assument. Enimverò ferendum non est hoc: Quippe qui violent unum eumque notabilem è Tridentina professione fidei articulum hunc: Item sacram scripturam juxta eum sensum, quem tenet & tenuit sancta mater Ecclesia, cuius est judicare de vero sensu & interpretatione sacrarum scripturarum, admitto, nec eam unquam, nisi juxta unanimum consensum Patrum accipiam & interpretabor. At cur articulus hic violari non debeat, causæ sunt omnino quatuor: Primum, quod maximè necessarius est ad imponendum finem iis quæstionibus, quæ in perpetuas lites, rixas & tergiversationes pertraherentur: Deinde quod articulo sua debet constare veritas, ne ad dubitandum de cæteris aditus ullus præbeatur: Tum ne Catholicæ communionis assertores & vindices offendantur: Denique ne hæretici ex eo rejiciendæ professionis fidei ansam capiant, cum illam viderint à Catholicis Theologis contemni. Sed ne putes locum dari calumniæ, violatum esse à duobus illis magistris, hac in quæstione articulum tibi demonstratum imus.

148 **O**rdior ab ipsis Romanæ Ecclesiæ Præsulibus, qui de concessa sibi à Christo ligandi ac solvendi potestate loquuntur sincerius. Docebunt nos, quomodo potestas illa, quæ apud Matthæum Petro traditur, intelligenda sit, an de liberatione sacramenti, quo subditi Regibus suis obstringuntur, an de peccatis, quibus implicantur homines, an de utroque, quod recentiores illi Theologi sibi arrogant.

I. Inter Romanos Pontifices mihi primus insignitè occurrit Philippus, non quidem Romanus Pontifex, sed qui Romani Pontificis Cælestini personam gerebat in Ephesino Concilio: Sic autem Evangelii verba interpretatur in actione III. Philippus Presbyter, & Apostolica Sedis Legatus dixit: Sæculis omnibus notum est, quod beatus Petrus claves regni cælestis accepit, solvendique ac ligandi peccata potestas ipsi data est. Dicit quidem sæculis omnibus notum esse, quod Petrus ligandorum ac solvendorum criminum potestatem à Deo acceperit. Sed non dicit sæculis notum esse omnibus, quod una potestatem solvendi subditos à juramento fidelitatis Regibus præstito acceperit. Sic ad annum Christi ccccxxxi. eadem est Ephesini Concilii, quod in dicentem Presbyterum Sedis Apostolicæ Legatum consensit, ac Sedis ipsius Apostolicæ circa verborum Evangelii intelligentiam traditio, sic &

universalis Ecclesiæ, cujus repræsentatio per Concilium celebrabatur.

II. Sanctus Leo in sermone II. anniversarii diei, quo ad Pontificatum assumptus fuerat: Cum enim, inquit, 149 sicut Evangelica lectio referatur, interrogasset Dominus Discipulos, quem esse ( multis diversa opinantibus ) crederent, respondissetque beatus Petrus, dicens: Tu es Christus filius Dei vivi, Dominus ait, beatus es Simon Barjona, quia caro & sanguis non revelavit tibi, sed Pater meus, qui in cælis est. Et ego dico tibi, quia tu es Petrus, & super hanc petram edificabo Ecclesiam meam, & porta inferi non prævalebunt adversus eam, & tibi dabo claves regni cælorum, & quodcumque ligaveris super terram, erit ligatum & in cælis, & quodcumque solveris super terram, erit solutum & in cælis. Manet ergo dispositio veritatis, & beatus Petrus in accepta fortitudine petra perseverans, suscepta Ecclesia gubernacula non reliquit. Sic enim præ cæteris est ordinatus, ut dum petra dicitur, dum fundamentum pronuntiatur, dum regni cælorum janitor constituitur, dum ligandorum, solvendorumque arbiter, mensura etiam in cælis judiciorum suorum definitione præficiatur, quasi ipsi cum Christo esset societas, per ipsa appellationum ejus mysteria nosceremus. Deinde in sermone II. de natali Apostolorum Petri & Pauli: Hanc, inquit, confessionem ( Tu es Christus Filius Dei vivi ) porta inferi non tenebunt, mortis vincula non ligabunt. Vox enim ista, vox vera est, & sicut confessores suos in cælestia provehit, ita negatores ad inferna demergit. Propter quod dicitur beato Petro Apostolo: Tibi dabo claves regni cælorum, & quacumque ligaveris super terram, erunt ligata & in cælis, & quacumque solveris super terram, 150 erunt soluta & in cælis. Transiit quidem in Apostolos alios vis istius potestatis, sed non frustra uni commendatur, quod omnibus imitetur. Petro ergo singulariter hoc creditur, quia cunctis Ecclesiæ rectoribus Petri forma proponitur. Leonis posterior locus priorem determinat, cum per sese, tum per Sedis Apostolicæ traditionem, quæ Philippo Romanæ Ecclesiæ Presbytero, & Cælestini Vicario, dicente, & Ephesinæ Synodo assentiente splenduit: Unde quod spectet illud, quæcumque ligaveris & solveris, ostenditur, quæ liganda & solvenda sint, in Petro cunctis Ecclesiæ rectoribus proponuntur. Et hæc sunt maximè peccata.

III. Gelasius in Synodo, qua Misenus Cumanus Episcopus absolutus est. Quod super facultatis nostræ est modulum, divino judicio relinquamus. Non autem nobis poterunt imputare cur pravicationis offensam viventibus remittamus; quod Ecclesia Deo largiente possibile est: Qui nos etiam mortuis aut veniam, aut condemnationem dare possunt, quod nobis possibile non esse manifestum est: Quia cum dictum sit: Quæ ligaveritis super terram, erunt ligata & in calo, quos non esse jam constat

constat super terram, non humano, sed suo iudicio reservavit. Nec audeat Ecclesia sibi vindicare, quod ipsis beatis Apostolis conspiciat non fuisse concessum. Si enim licet ligari mortuos, licet & solvi; & si licet mortuis damnationem inferre, licet & veniam dare. Hac in discussione limitum, quibus ligandi & solvendi potestas circumscribitur, non apparet, potestatem illam aliter, quam in ligandis solvendisque criminibus versari.

151 IV. Vigiliis in constituto Gelasium ita sequitur: Item beatus Gelasius Papa in Epistola, quam ad Episcopos Dardania de causa Acacii scripsit: Post alia ita dicit: Qui postquam in collegium recidens pravitatis, iure meruit ab Apostolica communione secludi. In hac autem persistens damnatione defunctus est: Absolutionem, quam superstes, nec quasivit omnino, nec meruit, mortuus jam non potest impetrare. Siquidem ipsis Apostolis Christi voce delegatum est: Quae ligaveritis super terram, & quae solveritis super terram. Ceterum jam de eo, qui in divino est iudicio constitutus, nobis fas aliud decernere non potest, prater id, in quo eum dies supremus invenit. Item memoratus beata recordationis Papa Gelasius, in gestis Synodalibus de Miseni Episcopi Cumani absolutione confectis, hoc evidenter edocuit dicens, & cetera, quae supra relata sunt. Fatebatur quidem Vigilius, Theodorum Mopsuestenum haereticos labe maculatum esse, sed negabat eum post mortem condemnari posse; & id relatis a se scripturae verbis confici putabat. Quidquid id est, scripturae verba in ligandis & solvendis criminibus semper consistunt. Res haec in antiqua traditione posita erat, nec perinde facile mutari poterat.

V. Gregorius Magnus, qui ad annum DXC. cepit Romanae praeside Ecclesiae, in homilia XXVI. super Evangelia. Unde & in hac ipsa datione spiritus dicitur: Quorum remisistis peccata, remittuntur eis, & quorum retinueritis, retenta sunt; libet intueri, illi Discipuli ad tanta onera humilitatis vocati ad quantum culmen gloria sint perducti. Ecce, non solum de semet-  
152 ipsis securi sunt, sed etiam & aliena obligationis potestatem relaxationis accipiunt. Principatum superni iudicii sortiuntur, ut vice Dei quibusdam peccata retineant, quibusdam relaxent: Sicque eos à Deo decebat erigi, qui tantum pro Deo consenserant humiliari. Ecce qui districtum Dei iudicium metuum, animarum iudices sunt, & alios damnant, vel liberant, qui semetipsos damnari metuebant. Horum profecto nunc in Ecclesia Episcopi locum tenent, ligandi atque solvendi auctoritatem suscipiunt, qui gradum regimini sortiuntur. Grandis honor, sed grave pondus istius est honoris: Durum quippe est, ut qui nescit tenere moderamina vitae suae, iudex vitae fiat alienae, & plerumque contingit, ut hic iudicii locum teneat, qui ad locum vitae minime concordat. Ac proinde saepe agitur, ut vel damnet immeritos, vel alios ipse ligatus solvat. Saepe in solvendis ac ligandis subditis suis voluntatis motus, non autem causarum merita sequitur: Unde fit, ut ipse hac ligandi & solvendi potestate se privet, qui hanc pro suis voluntatibus, & non pro subditorum moribus exercet. Saepe fit, ut erga quemlibet proximum odio vel gratia moveatur Pastor: Judicare autem de subditis digne nequeunt, qui in subditorum causis sua vel odia, vel gratiam sequuntur. Unde rectè per Prophetam dicitur: Mortificabant animas, quae non moriuntur, & vivificabant animas, quae non vivunt. Non morientem quippe mortificat, qui iustum damnat, & non victurum vivificare nititur, qui reum à supplicio absolvere conatur. Causa ergo pensanda sunt, & tunc ligandi atque solvendi potestas exercenda. Videndum est, quae culpa praecessit, aut quae sit poenitentia  
153 secuta post culpam, ut quos omnipotens Deus per compunctionis gratiam visitat, illos Pastoris sententia absolvat. Tunc enim vera est absolutio praesidentis, cum aeterni arbitrium sequitur iudicis. Quod bene quatridentis mortui resuscitatio illa significat, quae videlicet de-

monstrat, quia prius mortuum Dominus vocavit & vivificavit, dicens: Lazare, veni foras, & postmodum is, qui vivens egressus fuerat, à discipulis est solutus, sicut scriptum est. Cumque egressus esset, qui fuerat ligatus instructus, tunc dixit discipulis: Solvite & finite abire. Ecce illum discipuli jam viventem solvunt, quem magister resuscitaverat mortuum: Si enim discipuli Lazarum mortuum solverent, factorem magis offenderent, quam virtutem. Ex qua consideratione intuentum est, quod illos nos debemus per pastorem auctoritatem solvere. quos auctorem nostrum cognoscimus per suscitantem gratiam vivificare. Quae nimirum vivificatio ante operationem rectitudinis in ipsa jam cognoscitur confessione peccati: Unde & huic ipsi mortuo Lazaro nequaquam dicitur, revivisce, sed veni foras. Omnis quippe peccator dum culpam suam intra conscientiam abscondit, introversum laet, in suis penetrabilibus occultatur, sed mortuus venit foras, cum peccator nequitias suas sponte confitetur. Lazaro ergo dicitur, veni foras, ac si aperit cuilibet mortuo in culpa diceretur: Cur reatum tuum intra conscientiam abscondis? Foras jam per confessionem egredere, quia apud te interius per negationem latet. Veniat itaque foras mortuus, id est, culpam confiteatur peccator, venientem verò foras solvant discipuli, ut Pastores Ecclesiae ei penam debeant amovere, quam  
154 meruit, qui non erubuit confiteri, quod fecit. Hac de solutionis ordine breviter dixerim, ut sub magno moderamine Pastores Ecclesiae vel solvere studeant, vel ligare. Sic postquam ligandi ac solvendi potestatem volvit, ac revolvit, illam tum demum in ligandis ac solvendis culpis, quas peccatores continentur Ecclesiae Pastoribus, sitam esse pronuntiat.

VI. Gregorius II. ad annum DCCXXX. Gregorium I. sequitur in priori ad Leonem Isaurum Epistola: Scribe ad omnes, & in quascunque regiones orbis terrarum, quibus offendiculo fuisti, Germanum Patriarcham Constantinopolitanum, & Gregorium Papam Romanum circa imagines peccasse, & nos ab hac cura quietum te praestabimus, ne peccatum aut lapsus ullus sit tuus, utpote qui à Deo potestatem & caelestia, & terrena solvendi acceperimus. Deinde in posteriori ad eundem Isaurum Epistola: Quod si te pudeat, hoc tibi ipsi tanquam Imperatori tribuere, ad regiones omnes, quibus scandalo fuisti, scribe, Gregorium Papam Romanum circa imagines errare, itemque Germanum Constantinopolitanum Patriarcham: Et nos culpam peccati recipimus, utpote qui potestatem à Domino acceperimus, & auctoritatem terrenae caelestiaque solvendi ac ligandi, teque ab hac cura quietum praestabimus. Gregorius junior & suam, & Germani Patriarchae Constantinopolitani potestatem ligandi ac solvendi, in criminibus positam esse agnoscit.

VII. Zacharias, qui ad annum DCCXLI. Romanae Ecclesiae clavum tenere cepit, majorum traditionem amplectitur, & conservat in Epistola ad Wittam: Pro quo, inquit, & nos ardenti animo & divino juva-  
155 mine, ac auctoritate beati Petri Apostolorum principis, cui data est potestas à Deo & Salvatore nostro Jesu Christo ligandi, solvendique peccata hominum in caelo & in terra confirmamus. Haec est Sedis Apostolicae doctrina, à qua ne latum quidem unguem discedit.

VIII. Hadrianus I. qui anno DCCLXXII. ad Romanam accessit Ecclesiam, in Epistola ad Constantinum & Irenem: Ipse princeps Apostolorum, cui à Domino Deo ligandi solvendique peccata in caelo & in terra potestas data est, crebro vobis protector existens, &c. Haec autem Epistola cum in synodi VII. actione II. lecta & approbata sit, dubitare non licet, quin Romanus hic Pontifex verborum Evangelii sensum verum ac legitimum reddiderit. Concordat ibi representata per Concilium Ecclesia. Deinde in Epistola ad Tilpinum Remensem Archiepiscopum, quam Flodoardus in libri II. historiae Remensis capite XVII. refert: Sed &  
Pppp nova



nova tibi pro tuo bono studio concedimus, atque auctoritate beati Petri Apostolorum principis, cui data est à Deo & Salvatore nostro Jesu Christo ligandi, solvendi que potestas peccata hominum in cælo & in terra, confirmamus. Hoc modo infigitur, & inculcatur verborum Evangelii, intelligentia, & hujus intelligentiæ per Sedem Apostolicam traditio.

Hic tantisper sistendum & recogitandum est, num ad annum DCCXCV. quo Hadrianus I. excessit è vita, jure merito dici possit, quod Cælestinus qui anno CCCCXXXI. Christi, & Cælestini successor proximus Sixtus III. qui anno CCCCXXXIX. migravit, edixerunt, 156 ille in Epistola ad Episcopos Galliarum: *Desinat novitas incescere vetustatem*: Hic in Epistola ad Joannem Antiochenum: *Nihil ultra liceat novitati, quia nihil addi convenit vetustati*: Per spicua majorum fides, & credulitas nulla cæni permixtione turbetur. Atque hæc jure merito dici possunt, & iis opponi, qui pluribus post Hadrianum I. sæculis novum sensum Evangelicis verbis: *Quodcumque solveris addiderunt*, & eò extenderunt usque, ut ad subditos fidei sacramento, quo suis obstringuntur Regibus, solvendo protraxerint. Igitur si Cælestini & Sixti præstantissimæ Romanorum Pontificum synodidis edicta recipiant, capti sunt, quia sensus sui novitate obruentur: Si rejiciant, nulli, quia deserta vetustate novitatem prædicare incipient, adjectis, quæ derivata ab initio, per Apostolicam Sedem, & Concilia duo universalia verborum Evangelii intelligentia non permittit adjicere. Hæc, me vide, digressio non est, sed obfirmatio cum novitatis doctoribus congressio. Pergamus ad posteriora sæcula.

IX. Leo IX. ut est in ejus vita tomo octavo Italiæ sacræ: Quinto sui Pontificatus anno gravi detentus infirmitate, convocatis ad se diversarum diocesium Episcopis, diversisque Ecclesiastici ordinis viris, ait ad eos: *Fratres Coepiscopi mei, & matris filii Ecclesiæ ac corporis mei intima viscera, quibus Dominus Ecclesiam suam regendam tradidit, & ligandi atque solvendi dedit potestatem, vobis dominicus grex commissus est*. Pontifex juxta Sedis Apostolicæ traditionem loquitur, quæ ligandi, ac solvendi Pontificium in criminibus constituit.

157 X. Alexander III. de sent. excomm. cap. XXVIII. antiquam verborum Evangelii explanationem ita retinet: *Nos igitur consultationi tue breviter respondemus, quod judicium Dei veritati, quæ non fallit, nec fallitur, semper innititur; judicium autem Ecclesiæ nonnunquam opinionem sequitur, quam & fallere sape contingit, & falli. Propter quod contingit interdum, ut qui ligatus est apud Deum, apud Ecclesiam sit solutus, & qui liber est apud Deum, Ecclesiæ sit sententia innodatus. Vinculum ergo, quo peccator ligatus est apud Deum, in culpa remissione dissolvitur; illud autem, quo ligatus est apud Ecclesiam, cum sententia remittitur, relaxatur. Quod in suscitatione Lazari sermo Evangelicus manifestat, quem prius Dominus suscitavit, & Apostolis præcepit postmodum solvere suscitatum. Hæc alienum lumen non exigunt, sed proprio splendescunt. Ligandi, & solvendi potestas in criminibus ligandis & solvendis collocatur.*

XI. Innocentius III. Alexandrum imitatur in eodem loco, & illius verba pene omnia usurpat: *Vinculum ergo, quo peccator ligatus est apud Deum, in culpa dimissione remittitur; illud autem, quo ligatus est apud Ecclesiam, cum sententia remittitur, relaxatur. Quod in suscitatione Lazari sermo Evangelicus demonstrat, quem prius Dominus suscitavit, & Apostolis præcepit solvere suscitatum. Deinde in sermone de sanctis Petro & Paulo: Petrus ergo per claves acceptas claudit & aperit, claudit cum ligat, aperit cum solvit. Et post pauca: Est ergo duplex ligatio, culpa & sententia: Unde sape contingit, quod non semper ista solutiones (Dei & hominum) sese comitentur. Quod Dominus ipse in solutione Lazari mysticè designavit, qui prius mortuum suscitavit, & postea jussit Apostolis ut solverent suscitatum. Solvis*

autem Sacerdos non tantum ostendendo solum, & ligat non tantum ostendendo ligatum: Sed ligat & solvis subtrahendo vel restituendo suffragia Ecclesiastica, & sacramenta divina.

Tum in Epistola ad Regem Armenorum: *In Petro Apostolorum principe, cui excellentius alius Dominus ligandi, & solvendi contulit potestatem, dicens eidem, quodcumque ligaveris, &c. Excellentius quidem, sed tamen in eodem ligandorum & solvendorum criminum genere.*

Quartò in Epistola ad fideles per Moguntinam provinciam constitutos: *Nos de omnipotentis Dei misericordia, & beatorum Apostolorum Petri & Pauli auctoritate confisi, ex illa, quam nobis Deus licet indignis, ligandi atque solvendi contulit, potestate omnibus, qui laborem istum (expeditionis sanctæ) in propriis personis subierint, & expensis plenam suorum peccatorum, de quibus veraciter corde contriti & confessi fuerint, veniam indulgemus.*

Quintò in alia Epistola, quæ Lateranensi Concilio, cui præfuit Innocentius, tribui potest: *Nos igitur omnipotentis Dei misericordia, & beatorum Apostolorum Petri & Pauli auctoritate confisi, ex illa, quam nobis licet indignis, Deus ligandi & solvendi contulit, potestate omnibus qui laborem (expeditionis sanctæ) propriis personis subierint, & expensis plenam suorum peccatorum, de quibus veraciter corde contriti, & confessi fuerint, veniam indulgemus.*

Denique in Lateranensis Concilii capite XXI. Omnis 159 utriusque sexus. *Siquis autem alieno Sacerdoti voluerit iusta de causa sua confiteri peccata, licentiam prius postulet, & obtineat à proprio Sacerdote, cum aliter ille ipse non poterit solvere, vel ligare. Hoc caput, seu hic canon Innocentio duplici de causa tribuitur: Primum, quia Lateranensis Concilii capita, seu canones digessit: Deinde, quia præfuit Concilio, quod capita, seu canones in auctoritatem admisit. Hinc magna statuitur adversus Suaris, & Becani sensum novum præscriptio.*

XII. Gregorius IX. in Epistola ad Græcorum Archiepiscopum: *Fuit, inquit, Paulus ex verbo Christi Petro, & ceteris Apostolis sic universaliter dicens: Quorum remisistis peccata, remittuntur eis, & quorum retinueritis, retenta sunt, cum Petro mysterium dignitatis exercens, & ex verbis ejusdem auctoritatis singulariter Petro propositis, quodcumque ligaveris super terram, erit ligatum & in calis, & quodcumque solveris super terram, erit solutum & in calis. Hæc loca duo scripturæ mutuam sibi præbent intelligentiam, & in remittendis & retinendis, ligandis & solvendis criminibus coherent: Sic ligandi & solvendi potestas eadem quæ remittendi ac retinendi. Ex remittendi autem, & retinendi potestate quis jus deponendorum Regum, & civium a juramento fidelitatis absolvendorum colliget?*

XIII. Innocentius IV. in constitutione quam Pontificatus anno XI. edidit, ad Narbonensem Archiepiscopum: *Nihilominus tamen ipsi parochiani irrequiritis eisdem Sacerdotibus, imò potius damnabiliter vilipensis 160 ad quosdam religiosos velut apud ipsos resinam dumtaxat salutis inveniant, se temere transferentes opertos eis peccatorum nudant morbos, iniquitatis revelant secretum, & virus vitiorum in confessione depromunt: Et quamquam iidem religiosi cum non sint sui iudices, ipsos non possunt solvere vel ligare, imaginaria tamen quadam absolutione ipsis illudere non verentur. Sic Pontifex Evangelii verba, quodcumque ligaveris, & quodcumque solveris, intra negotium penitentiae ubique continet.*

Deinde in alia constitutione, quam Neapoli edidit diebus quindecim ante suum excessum è vita: *Sanè, inquit, gravis & clamorosa querela nostris assidue auribus inculcatur, quod nonnulli vestrum suis juribus, & finibus non contenti parochianos alienos presumant temere* ad

ad duo officia recipere, contra canonicas sanctiones, & licet dictorum Parochianorum iudices non existant, nec ligandi, nec solvendi eos acceperint potestatem, se tamen ipsorum iudices facientes, ipsos in foro penitentiali periculose absolunt, & ligant pro sua libito voluntatis.

Tum in lib. v. Decretalium de pœnis & remiss. tit. xxxviii. Sed quares quid sonat: Remitto tibi annum de penitentia tibi iuncta? Respondeo, quibusdam videtur, quod annus utilis indulgentiæ indulgeatur. Sed quares, unde hoc habes, quod Papa vel Prelati hoc possint. Respondeo ex privilegio speciali beati Petri, illo scilicet, quodcumque ligaveris, &c. quod potest intelligi, quodcumque denuntiaveris solutum, & habet locum hac exceptio in foro penitentiali.

XIV. Nicolaus IV. in Epistola ad omnes fideles pro recuperatione terræ sanctæ: Nos enim omnipotentis Dei misericordia, & BB. Petri & Pauli Apostolorum ejus auctoritate confisi, & illa quam nobis licet indignis Deus ipse ligandi & solvendi contulit, potestate, omnibus qui vexilli dominici charactere insigniti personaliter propriis sumptibus, in prædicta terra subsidium proficisci curaverint, plenam suorum peccaminum, de quibus veraciter fuerint corde contriti, & ore confessi veniam indulgemus.

XV. Hadrianus VI. in quartum sent. de sacramento penitentiae dist. iv. quæst. ii. art. ii. Tertia opinio est, quæ à doctores hoc tempore communiter tenetur: Quod claves ministerialiter remittunt & culpam, & pœnam aeternæ damnationis, ad quam etiam glossa finaliter declinat, Matth. xv. aliis repulsis. Nota, inquit, Christum per se intus vivificare, & ministris potestatem solvendi post vitam redditam tribuere. Non enim aliquem solvere possunt, nisi vivat, quem solvant: Sed ad quid solvendi potestatem accipiunt, cum à Deo liberatus sit & vivificatus, quem solvunt? Dicunt quidam ministros solvere, id est, solutos demonstrare, ac reconciliare Ecclesie, qui prius de crimine manifestos vel convictos ab introitu Ecclesie privaverant. Deinde in quodlibeto v. An sine gravi dolore possumus peccati veniam promereri? Difficultas, inquit, magna est inter Doctores, an claves Sacerdotii se extendant ad culpæ remissionem. Et certè probatissimi Theologi senserunt quod non Magister sent. v. dist. iv. dicit: Sacerdotibus non concessit Deus potestatem culpam dimittendi seu ligandi, &c. sed ostendendi homines ligatos & solutos: In culpis igitur retinendis & solvendis Sacerdos operatur Evangelicus, quod in leprosis olim legalis. Et sunt illa originaliter verba Hieronymi tractantis illud Matthæi, quodcumque ligaveris, &c. Hæc quidem Hadrianus cum Lovanii profitebatur Theologiam, scripsit, sed ubi creatus est Pontifex ut Romanis typis mandarentur, & infinitis donarentur elogiis permisit. Quare illa tam sunt Pontificis, quam Professoris Theologiæ, qui quodcumque ligaveris & solveris, ad penitentiam determinat, nec ultra protendit.

XVI. Romani Pontifices, qui Tridentinum Concilium probando suum fecerunt, in sessionis xiv. cap. vi. Circa ministros, inquit, hujus sacramenti declarata sancta synodus falsas esse, & à veritate Evangelii penitus alienas doctrinas omnes, quæ ad alios quosvis homines præter Episcopos, & Sacerdotes clavium ministerium perniciosè extendunt, putantes verba illa Domini, quacumque alligaveritis super terram, erunt alligata & in cælo, & quorum remiseritis peccata, remittuntur eis, & quorum retinueritis, retenta sunt, ad omnes Christi fideles indifferenter & promiscue contra institutionem hujus sacramenti ita fuisse dicta, ut quivis potestatem habeat remittendi peccata. Deinde in ejusdem sessionis cap. viii. Claves Sacerdotibus non ad solvendum duntaxat, sed ad ligandum concessas etiam antiqui Patres & credunt, & docent. Et in ejusdem sessionis canone xv. Siquis dixerit claves Ecclesie esse datas tantum ad solvendum, non etiam ad ligandum, & propterea Sacer-

dotes, dum imponunt pœnas confitentibus agere contra finem clavium, &c. anathema sit. Tridentina Synodus doctrinam, & traditionem Sedis Apostolicæ secuta, 16; ligandi & solvendi potestatem in sacramento penitentiae concludit: Et quia doctrinam & traditionem Sedis Apostolicæ ita concludit, de stabilienda Evangelicis verbis opinione nova minimè cogitat; immo eam opinionem stabiliri non posse satis innuit, si præterea relatus initio Tridentinæ professionis fidei articulus non spernatur.

XVII. Paulus III. in Missali Romano, quod ab eo reformatum & approbatum Lugduni prodiit anno m. d. l. ubi ordo ad communicandum infirmum præscribitur. Inprimis Sacerdos munitus stola accipit calicem cooperatum ad hoc deditum: Deinde in illo ponat reverenter corpus Christi. Quo facto primò præcedat ejus minister cum cymbalo parvo, & de eo ab Ecclesia usque ad domum infirmi, itinerando parvum sonum pausatim faciens. Secundò ipse Sacerdos cum venerabili sacramento ipsum ministrum insequens dicit, Psal. l. Miserere mei Deus, &c. Et in introitu domus Sacerdos dicat: Pax huic domui. R. Et omnibus habitantibus in ea: Postmodum accedat ad infirmum salutando eum, & audiat confessionem ab eo, qua finita absolute dicat orationem sequentem.

## O R A T I O.

Dominus Jesus Christus, qui dixit discipulis suis, quacumque ligaveritis super terram, erunt ligata & in cælo, & quacumque solveritis super terram, erunt soluta & in cælo, ipse te absolvat ab omnibus peccatis tuis, cogitatione, locutione, operatione, quibus negligenter egisti, & à nexibus peccatorum absolutum perducere dignetur ad regna cælorum, Qui cum Patre & Spiritu sancto, vivit & regnat in secula sæculorum. R. Amen. Et 164 postea Viaticum infirmo datur.

XVIII. Gregorius XIII. in libro, cui titulus est Sacra institutio baptizandi, aliæque sacramenta, quæ simplex Sacerdos conferre potest, administrandi, juxta ritum sanctæ Romanæ Ecclesie, Lugduni edita anno m. d. lxxxiv. idem quod est antea præscriptum probat, & confirmat in ordine ad communicandum infirmum, quam repetere spissi & non necessarij laboris foret.

XIX. Clemens VIII. Raimundum Pennafortium ex ordine Prædicatorum Theologum inter sanctos retulit, & quo in diplomate retulit Pennafortii Summam de penitentia probavit, & probando suam fecit. Sic ergo beatus Raimundus de ligandi & solvendi potestate censet in lib. de penit. & remiss. §. lxi. Queritur quid remittit Sacerdos in penitentia. Et postquam multas in utramque partem rationes exposuit, & nonnulla adnotavit circa claves, subjicit: His prælibatis dicendum est fere secundum omnes, quod purè, verè ac propriè Deus dimittit peccata, & debitum aeternæ pœnæ. Et paullo post: De Sacerdotibus non est dubium, quin habeant potestatem dimittendi & retinendi peccata. Et paullo post: Dicuntur autem Sacerdotes ligare, & solvere tribus modis: Primò, ligant & solvunt; id est, ostendunt aliquem solutum, vel ligatum. Unde Dominus leprosos prius restituit sanitati, deinde ad Sacerdotes misit, quorum judicio ostenderentur mundati. Item Lazarum primò resuscitavit, deinde mandavit discipulis suis solvere suscitatum. Nam etsi aliquis apud Deum sit absolutus, non tamen in facie Ecclesie 165 absolutus habetur, nisi per judicium Sacerdotis, &c. Secundus modus ligandi est, cum satisfactionem penitentiae confitentibus imponunt, vel solvendi, cum de ea aliquid dimittunt. Unde Leo Papa: Christus hanc præposuit Ecclesie tradidit potestatem, ut confitentibus penitentiae satisfactionem darent, & eosdem salubri satisfactione purgatos ad communionem sacramentorum per janua reconciliationis admitterent. Tertius modus est qui fit per ex-



communicationem, &c. Atqui hæc sunt, quæ Pontifex probando sua facit in consecrationis diplomate, cujus verba sic adscribo: *Conscripsit* (sanctus Raimundus) *Summam casuum conscientia*, qui solent in foro penitentia frequenter occurrere, magna doctrina & auctoritatis, & tam confessorius, quam confitentibus valde utilem & necessariam. Selecti tunc fuerunt e Sede Apostolica præfules, qui de beati Raimundi consecratione tractarent, & in tractatu suo Summam illam ita comprobant:

*Auctoritatem* hujus Summæ commendant; *Auctor* ipse, qui vite sanctitate, miraculorum operatione in vita & in morte claruit, quem ob eorum continuationem post tria secula sanctissimus dominus noster Clemens Papa VIII. solemniter canonizavit: *Modus* item docendi facilis, ubique apertus, & tutus, cum vir sanctus in casibus, & articulis ambiguis decidendis, aut sacrarum literarum, aut sacrarum canonum, aut sanctorum Doctorum auctoritate nitatur: *Istis* autem deficientibus ad jurisperitos in arte egregios canonistas recurrit. Raro autem, aut nunquam propria auctoritate & sensu nititur. *Novitates* enim & singulares opiniones tanquam pestem perpetuo vitandas putavit. Postremo eandem Summam valde commendant illustrium doctorum agmina, qui post Raimundum floruerunt. Omnes enim & juris civilis professores, & sacrarum canonum doctores, & Theologia magistri, Raimundi Summam venerabiliter, quoties se obivit occasio, allegantes, viri sancti testimonio sunt usi ad sua dicta comprobanda. Ad beati Raimundi Summam elogium vix addi potuit augmentius.

Romanis Pontificibus adjungendi sunt Cardinales nonnulli, quos ad Clerum Romanum pertinere specialius nemo negat.

I. Robertus Pullus in sent. part. vi. cap. ix. Sed ut absolutionis ratio manifestius declaratur, prius quid sit ligari vel solvi necesse sit prævideatur. Ligantur homines vinculis spiritualibus, aut peccati, aut pœna peccati. Deinde cap. lxi. In omnibus supradictis malum hominis meritum obligationem, pia Dei ratio absolutionem parit. Sacramentum tamen ligandi atque solvendi penes ipsos Dei Vicarios, id est, Sacerdotes Ecclesiæ est. Unde Dominus, quorum remisistis peccata, remissa erunt, & quorum retinueritis, retenta sunt, & item, quodcumque ligaveris super terram, erit ligatum & in cælis, &c. Illud communiter omnibus, istud Petro, & per Petrum proponitur omnibus. Quamobrem auctoritate Domini Apostoli eorumque successores peccata hominum retinent, ac per hoc ipsos solvunt.

II. Robertus Corzon ex Parisiensi Theologo & Canonico factus Cardin. & Sedis Apostolicæ in Gallia Legatus, in Summa MS. Theol. quæst. iii. de penit. cap. iii. Triplex, inquit, Sacerdoti convenit absolutio, & triplex ligatio. Prima absolutio est offensio absolutionis, quam facit in foro penitentiali, sicut dictum est. Secunda, qua totam pœnam penitenti, aut partem pœnae ei injuncta relaxat. Tertia est, quando eum in participium Ecclesiæ suffragiorum recipit, ut membrum in illa numero & merito. Similiter triplex ligatio convenit Sacerdoti. Prima, qua subditum obligat pœna, quam ei injungit pro peccato. Secunda, qua eum excommunicat ad horam, & ab Ecclesiâ separat, & ejus sacramentis. Tertia, qua impœnitentem, & hæreticum tradit in manus satanae cruciandum in gehenna. Corzonis Summa extat MS. in Bibliotheca cœnobii S. Victoris.

III. Odo ex Abbate Ursicampi factus Cardin. & Tusculanus Episcopus, in Summa MS. quæstionum scholarium: Claves regni cælorum primò data sunt Petro, & in eo successoribus Petri, id est, omnibus Prælatibus Ecclesiæ, quibus in Petro dictum, quodcumque ligaveris super terram, &c.

IV. Jacobus Vitriacus Cardinalis, & Sedis Apostolicæ per Orientem Legatus, in historiæ Orientalis cap. lxxvi. de Jacobitis. Alius error est, quod confis-

siones peccatorum suorum non Sacerdotibus, sed soli Deo latenter faciunt, ponentes ihu se in igne tanquam cum fumo peccata sua ascendant coram Domino. Errant miseri non intelligentes scripturas, & pereunt ex defectu doctrina, vulnera sua medicis spiritualibus abscondentes, quorum est inter lepram & lepram discernere, & peccatorum circumstantias pensando penitentibus penitentiam injungere, & secundum claves sibi traditas ligare vel solvere.

V. Hugo Cardinalis in Matthæi cap. xvi. ad illud, quodcumque solveris. Tripliciter exponitur secundum triplex genus ligationis. Ligatur enim peccator vinculo culpa, quando peccat, ligatur vinculo pœna, cujus debitor efficitur, postea ligatur injuncta satisfactione vinculo penitentia. Vinculo culpa & pœna aterna non potest eum Sacerdos ligare vel solvere, sed tantum ligatum vel solutum ostendere, sicut Sacerdos Leviticus non faciebat, vel mundabat leprosum, sed tantum infectum, vel mundum ostendebat. Ligatum ostendit ad penitentiam non admittendo, solutum satisfactionem injungendo, & sic ligando solutum ostendit. Item Sacerdos potest ligare, vel solvere penitentiam injungendo, grandem relaxando. Item Sacerdos potest ligare vel solvere excommunicando, & ab eadem excommunicatione absolvendo.

VI. Henricus Cardinalis, & Ostiensis Episcopus in lib. vi. Summæ de penit. & remiss. Dicendum est, inquit, quod etsi solus Deus dimittat peccata, tamen Sacerdos officium suum exhibet penitentiam injungendo. Unde Ambrosius, verbum Dei dimittit peccata. Et paulo post: Dicuntur autem Sacerdotes ligare & solvere multis modis, primò, ligant & solvunt, id est, ligatum vel solutum ostendunt: Sicut patet in leprosis, quos Dominus per se mundavit. Deinde ad Sacerdotes misit, per quos ostenderemur mundati. Et post pauca: Secundò, ligant, cum satisfactionem imponunt confitentibus, vel solvunt eos, cum de ea aliquid dimittunt, vel per eam purgatos ad communionem sacramentorum admittunt. Et post pauca: Tertiò, ligant, vel solvunt excommunicando, vel sententiam relaxando.

VII. Dominicus Jacobatius Cardinalis in libro x. de Conciliis: Sed probabilior est opinio illorum, qui dicunt datam potestatem in cena Domini, quia post resurrectionem quando dictum fuit, Accipite Spiritum sanctum, Dominus loquebatur presentibus, & consequenter, ex quo Thomas unus de duodecim erat absens, non habuisset potestatem ligandi & solvendi, cum tamen omnibus data fuerit in foro conscientia. Et paulo post: In qua potestate ligandi & solvendi in foro conscientia fuerunt Petrus, & alii Apostoli pares. Et post alia: Potestas remittendi, & retinendi peccata est potestas ligandi & solvendi.

VIII. Thomas Cardinalis Cajetanus in opusculo de divina institutione Pontificatus cap. v. Differentia inter claves regni cælorum, & inter ligare & solvere, non est usquequaque nota. Apparet siquidem juxta litera superficiem per claves, potestatem: Per ligare & solvere explicatos esse actus potestatis, ut efficacia clavium declararetur, quo pacto scilicet ad cælorum regnum pertingerent. Hæc autem manifestatur dicendo, quodcumque solveris super terram, erit solutum & in cælis. Et paulo post: Quod verò solvere, & ligare sint actus clavium, doctores omnes testantur. Quod autem sint actus partiales, & non adequati clavibus ex hoc patet, quod solvere & ligare se habent adaperire & claudere, ut partes ad totum. Omnis enim qui solvit aliquem, aperit illi regnum cælorum, sed non omnis qui aperit alicui regnum cælorum, solvit. Et similiter omnis qui ligat, claudit, sed non omnis qui claudit, ligat: & ne per multa diutius vagemur, sed solida ratio simul cum veritate pateat; Solvere & ligare actus sunt judiciales, sive in sacramento penitentia, sive in foro Ecclesiastico: Aperire & claudere actus sunt superiores comprehendentes sub se & actus judiciales, & actus non judiciales. Utrisque clauditur, & aperitur regnum cælorum.

IX. Gaspar

IX. Gaspar Contarenus Cardinalis in libro IV. de sacramentis. Nonnulli dicunt, & Lutherani hujus erant secta, quod illis verbis, quorum remisistis peccata, remittuntur eis, & quorum retinueritis, Christus non dedit Sacerdotibus potestatem ullam, sed tantum officium. Quare putant satis esse Sacerdoti fateri se peccatorem esse. Is verò habet officium absolvendi. Hæc sententia clarius luce meridiana confunditur Evangelio Joannis loco paulo supra citato, in quo pariter fit mentio de remissione, & retensione peccatorum. Item in collatione clavium Petro fit mentio apud Matthæum cap. XVI. de solutione & ligatione. Et post alia: Clavis ligandi & solvendi pertinet ad executionem judicis facti, qua vel solvit, vel ligat si non solvit: Si tamen ita ei videbitur debere fieri, vel simul solvit & ligat. Solvit utique à culpa, & reatu pœnæ æternæ; ligat verò pœna satisfactionis, quam pœnitenti imponit. Sic locum Matthæi interpretatur de sacramento pœnitentiæ.

X. Nicolaus Pelveus Senonensis Archiepiscopus & Cardinalis, in Manuali Sacerdotum, quod illius auctoritate emendatum atque editum est anno M.D.LV. qua parte generalis in die Paschæ confessio præstituitur cum absolutione insequente.

*Alia Absolutio. Oremus.*

<sup>171</sup> Dominus noster Jesus Christus, qui dixit discipulis suis, quacunque solveritis super terram, erunt soluta & in cælis (de quorum numero me licet indignum, & peccatorem ministrum esse voluit) intercedente beata Dei genetrice Maria, beato Michaële Archangelo, & beato Petro Apostolo, cui data est potestas ligandi atque solvendi, vos absolvat, & ego auctoritate Dei, & Ecclesiæ mihi commissa vos absolvo, &c.

XI. Stanislaus Hosius Cardinalis, & Varmiensis Episcopus in confessione Catholica fidei Christianæ Petricoviensis synodi nomine conscripta in cap. XLV. Neque verò, inquit, dubitandum est, quin hoc ipsum pœnitentiæ sacramentum ab ipso Christo fuerit institutum, cujus hæc clarissima verba sunt ad Petrum: Dabo tibi claves regni cælorum, & quodcunque ligaveris super terram erit ligatum & in cælis. Tum ad reliquos Apostolos: Amen dico vobis, quacunque alligaveritis super terram, erunt ligata & in cælo, & post resurrectionem ad eosdem: Accipite Spiritum sanctum, & quorum remisistis peccata remittuntur eis, & quorum retinueritis retenta sunt.

XII. Robertus Cardinalis Bellarminus, in lib. I. de Rom. Pont. cap. XII. ad illud, quodcunque ligaveris. Est ergo communis expositio Hilarii, Hieronymi, Anselmi, & aliorum in hunc locum, nec non Augustini tract. XXII. & XLIX. in Joannem, Dominum loqui de potestate clavium, quia Apostoli & eorum successores, ligant vel absolvunt peccatores. Et quamvis hic tractari <sup>172</sup> videatur præcipue de potestate jurisdictionis, qua peccatores excommunicantur, tamen jam nominati Patres locum hunc de utraque potestate, ordinis videlicet, & jurisdictionis, exponunt, & certè videtur ex ipso textu id posse deduci. Nam ita generaliter hic dicitur, quacunque solveritis, &c. sicut Matthæi XVI. quodcunque solveris. Et paulo post: Causa verò hujus promissionis (quodcunque ligaveris, & quodcunque solveris) fuit, quia dixerat Dominus habendum esse pro ethnico & publicano, qui Ecclesiæ non audiret. Nequis ergo putaret contemnendam esse Ecclesiæ auctoritatem subjunxit tantam fore Prælatorum Ecclesiæ potestatem, ut quæ ipsi ligaverint in terris, sint ligata & in cælis.

XIII. Petrus Gondius Parisiensis Episcopus & Cardinalis in manuali Sacerdotum, quo ad ann. M.D.LXXXI. restituto Sacerdotes uti voluit, in ritu extremæ unctionis.

ABSOLUTIO.

Dominus noster Jesus Christus, qui dixit discipulis suis, quacunque ligaveritis super terram, erunt ligata & in cælis, & quacunque solveritis super terram, erunt soluta & in cælis, de quo numero quamvis indignos nos esse voluit, ipse te absolvat per ministerium nostrum ab omnibus peccatis tuis quacunque cogitatione, locutione, operatione negligenter egisti, atque à nexibus peccatorum absolutum, vel absolutam perducere dignetur ad regnum cælorum. Pelveus & Gondius secuti Ecclesiæ traditionem ligandi, & solvendi potestatem in ligandis & solvendis criminibus constituunt.

Cardinales hi omnes Pullus, Corzon, Odo, Vitriacus, Hugo, Henricus, Jacobatius, Cajetanus, Contarenus, Pelveus, Hosius, Bellarminus, Gondius, scripturæ verba, quodcunque ligaveris, & quodcunque solveris, sic interpretantur, ut intra sacramentalis pœnitentiæ limites coerceant, neq; à sensu Romanæ Ecclesiæ recedant, nec ad jus deponendorum Regum, & subditorum à juramento fidelitatis absolvendorum protrahant. Id ad unumquemque sigillatim notari potuit, quod nunc compendii causa generatim & per aversionem notamus.

Expeditis Pontificibus & Cardinalibus, qui in Romanam unam conveniunt Ecclesiam, nunc venio ad sanctos Patres, quorum testimonia & sententias ex ordine repræsentabo.

I. Origenes tractatu I. in caput XVI. Matthæi, quodcunque solveris super terram, sic exponit: Adversus illum igitur, qui injustè judicat, neque juxta verbum Dei ligat super terram, neque secundum voluntatem illius solvit super terram, porta inferi prevalet; is verò adversus quem porta inferi non prevalet, justè judicat, eo quod claves habeat regni cælorum, aperiens eis qui solvuntur super terram, sic ut & in cælis sint soluti ac liberi, claudensque iis, qui justo ipsius judicio ligati sunt in terris, ut & in cælis sint ligati condemnatione. Quoniam autem ii, qui Episcoporum locum sibi vindicant, utuntur eo dicto, sicut Petrus, & claves regni cælorum à Servatore acceperunt, docentque ea, quæ ab illis ligata fuerint, hoc est, condemnata, eadem & in cælis esse ligata; Rursus ea, quæ soluta fuerint ab ipsis, eadem & in cælis esse soluta. Hæc quid pertinent <sup>174</sup> ad interpretationem novam, qua vel deponuntur Reges, vel subditi Regum à juramento fidelitatis absolvuntur?

II. Beatus Cyprianus in Epistola XXXVII. ad lapsos: Dominus, inquit, noster, cujus præcepta metuere & observare debemus, Episcopi honorem & Ecclesiæ sue rationem disponens in Evangelio loquitur, & dicit Petro: Ego dico tibi quia tu es Petrus, & super istam petram edificabo Ecclesiam meam, & porta inferi non vincet eam, & tibi dabo claves regni cælorum, & quæ ligaveris super terram, erunt ligata & in cælis, & quacunque solveris super terram, erunt soluta & in cælis: Inde per temporum & successionum vices Episcoporum ordinatio, & Ecclesiæ ratio decurrit, ut Ecclesiæ super Episcopos constituantur, & omnis alius Ecclesiæ per eosdem prapósitos gubernetur.

Deinde in Epistola LXXIII. ad Iubajanum: Manifestum est autem, ubi & per quos remissa peccatorum dari possit, quæ in baptismo scilicet datur. Nam Petro primum Dominus, super quem edificavit Ecclesiam, & unde unitatis originem instituit, & ostendit, potestatem istam dedit, ut id solveretur in cælis, quod ille solvisset in terris. Et paulo post: Undè intelligimus non nisi in Ecclesiæ praposis, & in Evangelica lege ac Dominica ordinatione fundatis licere baptizare, & remissam peccatorum dare: Foris autem nec ligari aliquid posse, nec solvi, ubi non sit qui aut ligare possit aliquid, aut solvere.

Tum in libro de unitate Ecclesiæ, ubi agit de hæreticis,



175 ticus, vel eorum fautoribus, qui asserunt, noctem pro die, interitum pro salute, desperationem sub obtentu spei, perfidiam sub pretextu fidei, Antichristum sub vocabulo Christi, ut dum verisimilia mentiuntur, veritatem subtilitate frustrentur. Hoc eo fit, fratres dilectissimi, dum ad veritatis originem non rediunt, nec caput quaerunt, nec magistri celestis doctrina servatur, qua si quis consideret & examinet, tractatu longo atque argumentis opus non est: Probatio est ad fidem facilis compendio veritatis. Loquitur Dominus ad Petrum: Ego dico tibi, inquit, quia tu es Petrus, & super istam petram aedificabo Ecclesiam meam, & porta inferi non vincunt eam, & tibi dabo claves regni caelorum, & quaecumque solveris super terram, erunt ligata & in caelis, & quaecumque solveris super terram, erunt soluta & in caelis. Verba haec Cyprianus ad remissionem peccatorum fleat, nec interpretationi novae, cui obstitimus, favet.

III. Firmilianus Cappadociae Episcopus in Epistola ad Cyprianum: Qualis verò error sit & quanta cecitas ejus, qui remissionem peccatorum dicit apud Synagogas haeticorum dari posse, nec permanet in fundamento unius Ecclesiae, qua semel à Christo supra petram solidata est. Hinc intelligi potest, quòd soli Petro Christus dixerit, quaecumque ligaveris super terram, erunt ligata & in caelis, & quaecumque solveris super terram, erunt soluta & in caelis. Evangelii verba haec de remissione peccatorum intelligit, & eam ob causam interpretationi novae obesse potest, prodesse non potest.

IV. Sanctus Hilarius in caput xvi. Matthaei: O beatus caeli janitor, cujus arbitrio claves aeterni aditus traduntur, cujus terrestre judicium praedicta auctoritas sit in caelo, ut quae in terris aut ligata sunt, aut soluta, statim ejusdem conditionem obtineant & in caelo. Deinde can. xviii. in eundem Matthaeum: Ad terrorem autem metus maximi, quo in praesens omnes contineantur, immobile severitatis Apostolica judicium praeferat, ut quos in terris ligaverint, id est, peccatorum nodis innexos reliquerint, & quos solverint confessione videlicet venia receperint in salutem, Apostolica conditione sententia in caelis quoque aut soluti sint, aut ligati. Dum verborum Evangelii sensum nobis aperit, occurrit novis interpretibus, qui ea ad jus deponendorum Regum, & subditorum à sacramento fidei absolvendorum detorquent.

V. Pacianus Barcinonensis Episcopus in Epistola ad Sympronianum: Nunquid Deus, inquit, non poenitenti non comminaretur, nisi ignosceret poenitenti? Hoc inquit, Deus poterit. Verum est, sed & quod per Sacerdotes suos facit, ipsius potestas est. Nam quid est illud, quod Apostolis dicit: quae ligaveritis in terris, ligata erunt & in caelis, & quae solveritis in terris, soluta erunt & in caelis: Cur hoc, si ligare hominibus ac solvere non licebit? An tantum hoc Apostolis licet? Ergo & baptizare solis licet, Spiritum sanctum dare solis, & solis, gentium peccata purgare, quia totum hoc aliis, quam Apostolis imperatum est? Quòd si in uno loco, & resolutio vinculorum, & sacramenti potestas datur, aut totum ad eos Apostolorum forma & potestate, deductum est, aut nec illud ex decretis relaxatum est. Quam Pacianus rationem in disputando servat, haec ad sciendam novam de absolutione juramenti fidelitatis opinionem prorsus inutilis est.

177 VI. Sanctus Ambrosius enarratione in Psalmum xxxviii. Remitte, inquit, mihi, hoc est, hic mihi remitte ubi peccavi: Nisi hic remiseris mihi, ibi remissionis requiem invenire non potero. Quod enim in terra ligatum manserit, ligatum manebit in caelo, quod solutum in terra fuerit, solutum erit in caelo. Propheta enim & Prädicator Ecclesiae congreganda Evangelico spiritu indulgentias Domini praevidet, & praecepta Apostolis ei Dominus revelabat. Imò hac erat vetus sententia, ut qui se ligasset in terris, vinctus migraret à corpore. Ideo Dominus, quod ante erat judicii sui dedit Apostolis, peccata remittendi auctoritatem, ne citò solvenda diu ligata

manerent. Denique audi dicentem: Tibi dabo claves regni caelorum, & quodcumque ligaveris super terram, erit ligatum & in caelo, & quodcumque solveris super terram, erit solutum & in caelo. Tibi, inquit, dabo claves regni caelorum, ut solvas & liges. Hac Novatianus non audit: Sed Ecclesia Dei audit: Ideo ille in lapsu, nos in remissione: Ille in impenitentia, nos in gratia. Quod Petro dicitur, Apostolis dicitur. In his autem verbis nec Petro, nec Apostolis, nec illorum successoribus dicitur, ut Principes privent imperio, aut eorum subditos à sacramento fidelitatis absolvant.

Deinde in libri 1. de poenitentia capite 11. Sed aiunt (Novatiani) se Domino deferre reverentiam, cui soli remittendorum criminum potestatem reservent. Imò nulli majorem injuriam faciunt, quam qui volunt ejus mandata rescindere, commissum munus refundere. Nam cum ipse in Evangelio suo dixerit Dominus Jesus, Accipite Spiritum sanctum, quorum remiseritis peccata, 178 remittuntur eis, & quorum retinueritis, retenta erunt. Quis est ergo qui magis honorat, utrum qui mandatis obtemperat, an qui resistit? Ecclesia in utroque servat obedientiam, ut peccatum & alliget, & relaxet: Haereticus in altero immittit, in altero inobediens vult ligare quod non resolvat, non vult solvere quod ligavit. Et quibusdam interpositis: Munus Spiritus sancti est officium Sacerdotis, jus autem Spiritus sancti in solvendis ligandisque criminibus est. Haec sunt omni luce clariora, quibus obruitur tenebrosa quorundam recentium Theologorum opinio, qui verba haec, quodcumque solveris, usurpant, ut probent Romanum Episcopum absolvere posse à sacramento fidei, quo subditi Regibus suis obstringuntur.

VII. Theodosius magnus apud Theodoretum in libri y. hist. cap. xvii. ubi describitur, quomodo Ambrosius vetuit, ne Imperator ille in Ecclesiam Mediolanensem prius intraret, quam publicam de Thessalonicensi strage poenitentiam egisset: Quibus igitur oculis (ait Ambrosius Theodosio) communis Domini templum aspicias, quibus pedibus sacrum illud solum calcabis, quomodo manus extendes injusta cadis sanguine adhuc stillantes? Quomodo hujusmodi manibus sacrosanctum Domini corpus accipies? Quomodo pretiosum ori sanguinem admovebis, qui furore actuantium sanguinis nefarie profudisti? Recede igitur, & cave prius crimen altero crimine angere coneris. Sed vinculum admittit, quo te ligari Deus omnium Dominus sursum probat. Medicinam id faciet, sanitatemque restituet. His verbis 179 inflexum Imperator (in divinis enim eloquiis educatus apertè norat, quam Sacerdotum essent partes, & quam Imperatorum) cum gemitu & lacrymis rediit in palatium. Longo autem post tempore, octo mensibus interlapsis, Servatoris nostri natalis dies advenerat, & Imperator in palatio residebat, magnam vim effundens lacrymarum. Quod cum animadvertisset Rufinus, qui magister officiorum tunc erat, & summa libertate ut familiarissimus utebatur, ipsum adiens causam fletu percontatur. At ille vehementius ingemiscens, & ubiores in lacrymas erumpens: Ludis, inquit, tu Rufine, mea enim mala non sentis. Ego verò gemo & lugeo meam considerans calamitatem, quòd servis & mendicis ad divinum templum pateat aditus, intrentque securi, & Domino suo supplicent, mihi verò & inaccessum illud sit, & calum insuper oclusum. Memini enim Dominicam sententiam: Quodcumque ligaveritis super terram, erit ligatum & in caelis. Cui Rufinus: Curram, si placet, ad Pontificem, & precibus adducam, ut solvat vincula tua. Non flectitur, ait Imperator. Et post alia: Cum autem (Imperator) ad sacra septa pervenisset, in divinum templum non est ingressus. Sed ad Pontificem in saluatorio residentem accedens, ut vinculis solveretur, obsecrabat: Ille verò tyrannicum ejus adventum appellabat, & in Deum furere Theodosium aiebat, ejusque leges conculcare. Cui Imperator. Minime, ait, contra leges latas mihi arrogo, nec sacra vestibula per nefas ingredi cupio,

cupio, sed vincula mea solvas oro, communisque Domini  
 180 clementia recorderis. Nec mihi occludas januam, quam  
 Dominus pœnitentiam agentibus omnibus patefecit. Et  
 Pontifex: Quamnam tu, inquit, pœnitentiam post tam  
 iniquum facinus ostendisti? Aut que medicamenta gra-  
 vissimis vulneribus sanandis adhibuisti? Tuum est, ait  
 Imperator, medicamenta ostendere & temperare, meum  
 verò qua adhibebuntur, accipere. Tum divinus Ambro-  
 sius: Quoniam tu, inquit, iudicium iracundia permit-  
 tis, & non ratio, sed furor profert sententiam, scribe  
 legem, que iracundias reddat inanes: Diebusque tri-  
 ginta perscripte maneat de cade vel publicatione lata  
 sententia, rationis iudicium expectantes. Diebus trans-  
 actis, qui iudicata scripsere, imperata exhibeant, ac tum  
 arg sedata, ratio apud se dijudicans, expendet, que de-  
 creta sunt, despicietque iustane sint, an iniusta: Et si-  
 quidem iniusta esse comperit, scripta utique conscindet;  
 sin verò iusta, confirmabit, recteque iudicatis dicrum nu-  
 merus haud quaquam officiet. Consilium hoc amplectens  
 Imperator, factuque optimum existimans, legem statim  
 conscribi iussit, & manus sue subscriptione firmavit.  
 Quo facto divinus Ambrosius vinculum absolvit. Hac  
 in narratione sunt duo: Alia sunt Imperatoris, alia  
 sunt Ambrosii. Imperator in divinis scripturis versa-  
 tus agnoscit Dominicam illam sententiam: Quodcum-  
 que ligaveris, illamque iuste in se exercitam fuisse. De-  
 inde orat Ambrosium, ut quibus ligatum se sentiebat  
 vinculis, hæc amoveret, & publicæ quam agebat,  
 pœnitentiæ finem imponeret. Ambrosius ligandi &  
 solvendi potestatem in ligandis & solvendis crimini-  
 bus & in indicenda, quæ criminibus conveniat, pœ-  
 nitentia statuit, nec ultra profert, sine dubio prolaturus,  
 si per scripturam & traditionem proferre licu-  
 isset: Nimirum ad liberationem sacramenti, quo Me-  
 diolanenses Imperatori tenebantur. Et præterea non  
 vetuit ne ei tributa penderentur, vetiturus aliàs, si  
 Christianæ religionis leges id permisissent.

VIII. Amphilochius Iconiensis Episcopus in oratio-  
 ne de pœnitentia: Pollui sacrum baptisma, diuini-  
 factum vestimentum sordidavi, etiam novi, dilecte, quod  
 pollutus sis. Ceterum pœnitentiam agas. Tibi ego cer-  
 tam susceptionis spem præbeo: Ego te Deo conciliabo, ne  
 timueris, habes salutem, habes pœnitentiam, tantum te à  
 malo opere separare, per me Dei Filius aperiet Paradi-  
 sum, tantum, convertere. Quanquam enim Pontifices pec-  
 catores sumus; Latissime tamen in nostras humilium ma-  
 nus Christus Deus noster clavam Paradisi dedit: Quod  
 enim, inquit, ligaveritis super terram, erit ligatum &  
 in cœlis, & quod solveritis, erit solutum & in cœlis.  
 Propterea ergo fiducia pœnite, consequerisque veniam ab  
 eo, qui habet potestatem in terra dimittendi peccata.  
 Amphilochius ligandi & solvendi potestatem in re-  
 mittendis & retinendis criminibus ponit, nec ultra  
 porrigit documenta veterum Patrum secutus.

IX. Joannes Chrysostomus in libro III. de Sacer-  
 dotio: Etenim qui terram incolunt atque in ea versan-  
 tur, iis commissum est, ut ea qua in cœlis sunt, dispen-  
 sent, iis datum est, ut potestatem habeant, quam Deus  
 optimus neque Angelis, neque Archangelis datam esse vo-  
 luit: Neque enim ad illos dictum est, quacunque alliga-  
 veritis in terra, erunt alligata & in cœlo, & quacunque  
 182 solveritis in terra, erunt soluta & in cœlo, habent &  
 terrestres Principes vinculi potestatem, verum corporum  
 solum. Id autem quod dico Sacerdotium ipsum, etiam a-  
 nimam contingit, atque ad cœlos usque pervadit, usque  
 adeo, ut quacunque infernè Sacerdotes confecerint, illa ead-  
 em Deus supernè recta habeat, ac servorum sententiam  
 Dominus confirmet.

Deinde in homilia LV. super Matthæum ad illud.  
 Et quodcumque ligaveris in terra, erit ligatum & in cœ-  
 lo, & quodcumque solveris in terra, erit solutum & in  
 cœlis. Quomodo igitur non est ejus qui dicit: Ego tibi  
 dabo ut etiam in dextris & sinistris sedere concedas. A-  
 nimadvertis, quo pacto ipse etiam ad aliozem de se opi-

nionem Petrum adducit, & seipsum his duabus pollici-  
 tationibus Filium esse Dei revelat & ostendit. Nam que  
 Deus concedere solus potest, peccatorum scilicet remissi-  
 onem, & ut Ecclesia tot tantisque fluctibus impetu irrum-  
 pentibus immobilis maneat, cuius Pastor, & caput pisco-  
 tor homo atque ignobilis terrarum orbe reluctantè ada-  
 mantis naturam firmitatem superet.

Tum in sermone I. de utilitate lectionis scripturæ  
 sacræ: Diximus in potestate situm esse magistratus, ut  
 vinciat & solvat: Unde rursus hoc imperium esse penes  
 Apostolos. Quoscunque enim ligaveritis super terram,  
 inquit, erunt ligati & in cœlis: Et quoscunque solveritis  
 super terram, erunt soluti & in cœlis. Vides carceris  
 & carceris potestatem, & nomen quidem, rem autem mi-  
 nimè eandem. Vincula & vincula, sed alia in terra,  
 alia in cœlo, & cœlum quidem carcer illis est. Cognosce  
 183 igitur amplitudinem, magistratus in terris sedentes sen-  
 tentiam ferunt, & ad cœlum usque penetrat virtus sen-  
 tentia. Et quemadmodum Imperatores in una quidem  
 civitate residentes sententiam ferunt, ac leges sanciant;  
 At sententiarum legumque vis universum orbem terrarum  
 pervadat: Sic etiam tum temporis Apostoli quidem uno  
 in loco residentes hac sanciebant. Perro legum virum, &  
 vinculorum istorum non solum orbem pervadebat; Sed ad  
 ipsum calorum fastigium ascendeat. Vides carcerem &  
 carcerem, alterum in terris, alterum in cœlis, alterum  
 corporum, alterum animarum. Neque enim corpora tan-  
 tum, sed etiam animas vinciebant. Vis intelligere, quo  
 pacto in potestate illorum esset debita dimittere. Siqui-  
 dem hic quoque multum discriminis offendes. Neque e-  
 nim pecuniarum debita, sed peccatorum debita remitte-  
 bant: Quorum, inquit, remisistis, remittuntur eis, &  
 quorum retinueritis, retenta sunt. Sic Chrysostomus li-  
 gandi & solvendi potestatem intra remittendorum  
 ac retinendorum criminum limites coercet, nec ultra  
 protendit ad jus deponendorum Regum, & subditorum  
 à sacramento fidei liberandorum.

X. Hieronymus in caput XVI. Matthæi: Et dabo  
 tibi claves regni calorum, & quodcumque ligaveris, &c.  
 Istum locum Episcopi & Presbyteri non intelligentes, a-  
 liquid sibi de Phariseorum assumunt supercilio, ut vel  
 damnent innocentes; vel solvere se noxios arbitrentur,  
 cum apud Deum non sententia Sacerdotum, sed rerum  
 vita quaratur. Legimus in Levitico de leprosis, ubi  
 jubentur ut ostendant se Sacerdotibus, & si lepram ha-  
 buerint, tunc à Sacerdote immundi fiant, non quò Sa-  
 cerdotes leprosos faciant & immundos, sed quò habe-  
 ant notitiam leprosi & non leprosi, & possint discernere,  
 quis mundus, quisve immundus sit. Quomodo ergo ibi le-  
 prosum Sacerdos mundum vel immundum facit, sic &  
 hic alligat, vel solvit Episcopus & Presbyter, non eos,  
 qui insontes sunt, vel noxii; sed pro officio suo cum pec-  
 184 catorum audierint varietates, scit qui ligandus sit, quisve  
 solvendus.

Deinde in caput XVIII. Amen dico vobis, quacun-  
 que alligaveritis super terram, erunt ligata & in cœlo,  
 & quacunque solveritis super terram, erunt soluta & in  
 cœlo. Quia dixerat, si autem Ecclesiam non audierit,  
 sit tibi sicut ethnicus & publicanus, & poterat contempto-  
 ris fratris occulta esse responsio, vel tacita cogitatio. Si  
 me despicias, & ego te despicio; si tu me condemnas, &  
 mea sententia condemnaberis. Potestatem tribuit Aposto-  
 lis, ut sciant, qui à talibus condemnantur, humanam sen-  
 tentiam divina sententia roborari, & quodcumque ligatum  
 fuerit in terra, ligari pariter & in cœlo.

Tum in Psalmum XVII. ad illud. qui das vindictam  
 mihi. Vox Ecclesie ad Christum: Dedit Deus potestatem  
 Ecclesie ligandi & solvendi, & disciplinam faciendi;  
 ut habuit potestatem Petrus & Paulus per Spiritum Do-  
 mini: Sicut dixit: Ecce dedi vobis potestatem calcare  
 super serpentes & scorpiones, & omnem virtutem inimici.  
 Sic auctore & interprete Hieronymo ligandi & sol-  
 vendi potestas in ligandis, & solvendis criminibus sita  
 est, nec ea profertur ulterius.

XI. Augu-



185 XI. Augustinus multis in locis, quodcumque ligaveris, & quodcumque solveris, interpretatur. Et primum quidem in concione 11. de secunda parte Psalmi c1. De celo ergo prospexerat Dominus, ut audiret gemitum compeditorum, ut solvat filios mortificatorum. Mortificantur illi: Filii autem mortificatorum qui, nisi nos? Quomodo autem solvimur, nisi cum dicimus ei, dirupisti vincula mea, tibi sacrificabo hostiam laudis? Solvitur autem unusquisque vinculis cupiditatum malarum, vel à nodis peccatorum suorum. Remissio peccatorum solutio est: Quid enim prodesset Lazaro, quia processit de monumento, nisi diceretur, solvite eum, & finite abire? Ipse quidem voce de sepulchro suscitavit, ipse clamando animam reddidit, ipse terrenam molem terreno sepulchro impostam vicit, & processit ille victus. Non ergo pedibus propriis, sed virtute producentis fit in corde penitentis. Cum audis hominem penitere peccatorum suorum, jam revixit, cum audis hominem confitendo proferre conscientiam, jam de sepulchroeductus est, sed nondum solutus est. Quomodo solvitur, à quibus solvitur, qua solveritis, inquit, in terra, erunt soluta & in celo. Merito per Ecclesiam dari solutio peccatorum potest: Suscitari autem ipse mortuus, non nisi intus clamante Domino potest.

Deinde in sermone vii. de verbis Domini super Matthæum: Sanctum Evangelium cum legeretur, audivimus exaltasse Dominum Jesum in spiritu, & dixisse: Confiteor tibi, Pater Domine celi & terra, quia abscondisti hæc à sapientibus, & prudentibus, & revelasti ea parvulis. Et post alia, in quibus de confessione duplici loquitur, subdit: Confitemur ergo sive laudantes Deum, sive accusantes nosmetipsos. Pia est utraque confessio, sive cum te reprehendis, qui non est sine peccato, sive cum illum laudas, qui non potest habere peccatum. Si autem bene cogitemus, reprehensio tua, laus ipsius est. Quare enim jam confiteris accusatione peccati tui? In accusatione tui ipsius quare confiteris, nisi quia ex mortuo vivus factus? Scriptura quippe ait: A mortuo quasi qui non sit, perit confessio. Si perit à mortuo confessio, qui confitetur vivit, & si peccatum confitetur, vivit à morte revixit. Si peccati confessor revixit à morte, quis eum suscitavit? Nullus mortuus est sui ipsius suscitator. Ille potuit se suscitare, qui mortua carne mortuus non est. Etenim hoc suscitavit, quod mortuum fuerat. Ille suscitavit se, quia vivebat in se, in carne autem suscitanda mortuus erat. Non enim Pater solus filium suscitavit, de quo dictum est ab Apostolo, propter quod Deus eum exaltavit, sed etiam Dominus seipsum, id est, corpus suum. Unde dicit, solvite templum hoc, & in triduo suscitabo illud. Mortuus est peccator maxime ille, quem moles consuetudinis premit, quasi sepultus Lazarus: Quisquis igitur mala consuetudinis, mala vite, terrenarum scilicet cupiditatum mole premitur, ita ut in illo jam factum sit, quod in quodam Psalmo miserabiliter dicitur: Dixit stultus in corde suo, non est Deus: Fit talis de quali dictum est: A mortuo velut qui non sit, perit confessio, quis eum suscitavit, nisi qui semoto lapide clamavit, dicens: Lazare, prodi foras? Quid est autem foras prodire, nisi quod occultum erat, foras prodere? Qui confitetur, foras prodiit, foras prodire non possit, nisi viveret, vivere non posset, nisi resuscitatus esset. Ergo in confessione sui accusatio, Dei laudatio est. Dicit ergo aliquis, quid prodest Ecclesia, si jam confessor voce Dominica resuscitatus prodiit? Quid prodest Ecclesia confitenti, cui Dominus ait, qua solveritis in terra, soluta erunt & in celo? Ipsum Lazarum attende, cum vinculis prodit, jam vivebat confitendo, sed nondum liber ambulabat vinculis irretitus. Quod ergo facit Ecclesia, cui dictum est: Qua solveritis soluta erunt, nisi quod ait Dominus continuo ad discipulos: Solvite illum, & finite abire.

Postremo in homilia xxvii. è numero homiliarum quinquaginta. Restat penitentia tertium genus: Unde aliquid breviter dicam, ut adjuvante Domino proposita

& promissa persolvam. Est penitentia gravior & luctuosior, in qua proprie vocantur in Ecclesia penitentes, etiam remoti à sacramento altaris participandi, ne accipiendo indignè iudicium sibi manducant & bibant. Illa verò penitentia luctuosa est, grave vulnus est, adulterium fortè commissum est, fortè homicidium, fortè aliud quod sacrilegium: Gravis res, grave vulnus. Lethale mortiferum, sed omnipotens medicus. Jam post suggestionem facti, & delectationem, & consensionem, pertrationem quasi quatrduanus mortuus putet, sed nec ipsum Dominus deseruit, sed clamavit, Lazare prodi foras. Cessit voci misericordia moles sepultura, cessit mors vita, cessit infernus superno. Elevatus est Lazarus, processit de tumulo, & ligatus erat, sicut sunt homines in confessione peccati agentes penitentiam. Jam processerunt à morte. Nam non confiterentur, nisi procederent: Ipsum confiteri, ab occulto & à tenebroso procedere est. Sed quid Dominus Ecclesia sua? Qua solveritis, inquit, in terra, erunt soluta & in celo. Proinde Lazarus procedente, quia implevit Dominus misericordia sua bonum, perducere ad confessionem mortuum, latentem, putentem, jam cetera implet Ecclesia ministeria, solvite illum, & finite abire. Sanctissimus Ecclesiarum magister Evangelii verba, quodcumque ligaveris, & quodcumque solveris, in ligandis solvendisque criminibus definit, nec ultra proferre cogitat.

XII. Ambrosio, & Theodosio connumerandus est Theodoretus, qui rei inter utrumque gestæ, & à seipso narratæ fautor studiosissimus, & approbator accedit. Ibi potestas ligandi & solvendi ad penitentiae vincula flectitur, ut vidimus, nec ultra porrigitur.

XIII. Facundus Hermianensis Episcopus in libri x. pro defensione trium Capitulorum capite iv. Quis, inquit, religiosus reprehendere posset hanc synodum (Calchedonensem) qua quod sibi datum non est, usurpare non ausa est. Nam Ecclesie sue nullam Dominus in mortuis ligandi & solvendi tribuit potestatem, cum discipulis suis diceret: Quacunque alligaveritis super terram, erunt ligata & in celo, & quacunque solveritis super terram, erunt soluta & in celo. Quis igitur solum qui sunt in terris, ligare accepit, & solvere. Et idcirco reprehendi non debet, quod Theodorum vel si culpabilem nosset, tamen quia non erat in terris, alligare non ausa est. Aliorum quibus hoc placuit, non ejus fuerit ista presumptio. Nam sicut non oportuit audere & solvere post mortem eos, qui alligati erant in terris, quod quidem habere videtur nonnullam pietatis imaginem: Ita non oportuit, ut auderet eum, qui alligatus non erat in terris, alligare post mortem. Quod & aperta impietatis est, & ejus potestati non creditum. Quapropter etiam beati Patres definerunt, quia nostrum non est iudicare eos, qui honoratè defuncti sunt, sed solius iudicis vivorum & mortuorum. Qui de ligandi & solvendi potestate sic scribit, non pateretur, ut illa vel ad deponendos Principes, vel ad liberandos sacramento fidei subditos Principum traduceretur.

XIV. Venerabilis Beda in caput xxi. Joannis. Ecclesia qua fundatur in Christo, claves ab eo regni calorum accepit in Petro, id est, potestatem ligandi & solvendi peccata. Quid clarius? Quid antiquæ traditioni Sedis Apostolicæ convenientius?

Deinde in libri iii. super caput xvi. Matthæi: Hæc potestas (ligandi) sine dubio cunctis datur Apostolis, quibus ab eo Christo post resurrectionem dicitur generaliter, Accipite Spiritum sanctum, &c. Necnon Episcopis & Presbyteris, & omni Ecclesie idem officium committitur. Hæc autem quis ad sæcularia, ad jus deponendorum Regum, aut liberandorum sacramento fidei subditorum extendet?

XV. Dungalus Diaconus in libro contra Claudium Taurinensem Episcopum: Ecclesia ergo qua fundatur in Christo, claves regni calorum accepit in Petro, id est, potestatem ligandi solvendique peccata.

XVI. Rabanus Moguntinensis Episcopus, in libro v. super

190 super caput xvi. Matthæi. *Qua solvendi ac ligandi potestas, quamvis Petro soli dari videatur à Domino, absque ulla tamen dubietate noscendum est, quod & cæteris Apostolis datur ipso teste, qui post passionis resurrectionisque triumphum apprensus eis insufflavit, & dixit omnibus: Accipite Spiritum sanctum. Ligandi ac solvendi potestatem Petro, Apostolis, Episcopis & Presbyteris communem facit, ac proinde inutilem ad probandum dogma novum, quod impugnamus. Non enim dicent Presbyteros abdicare posse Reges, vel absolvere populos à sacramento fidelitatis, quo Regibus suis tenentur.*

XVII. Hincmarus Remensis Episcopus in opusculi contra Hincmarum Laudunensem capite xx. *Claves, inquit, regni cælorum ipsam discernendi scientiam, potentiamque nominat, qua dignos recipere in cælum, indignos secludere deberet à regno: Unde manifeste subiungit: Et quodcumque ligaveris super terram. Hæc ut intelligantur explicatione non egent.*

XVIII. Radulfus Flaviacensis in lib. iii. super Levit. cap. i. *Per doctorem, inquit, absolutionem nimirum, quibus claves commissa sunt, ad divinam indulgentiam pertingendam. Doctores quippe dictum est, quæcumque ligaveritis super terram, ligata erunt in cælis, &c. Accedendum itaque ad illos, vulnera per confessionem pandenda, flendum coram eis, ut sic commissa nostra & meritis levant, & potestate relaxent. Ligandi & solvendi potestatem in peccatis determinat.*

191 XIX. Theophylactus Bulgarorum Archiepiscopus, in caput xvi. Matthæi ad illud, & dabo tibi claves regni cælorum, & quidquid alligaveris super terram, erit alligatum & in cælis, & quidquid solveris super terram, erit solutum & in cælis. *Tanquam Deus magna potestate dicit: Dabo tibi, Sicut enim Pater dedit tibi revelationem, sic & ego claves. Claves autem intelligas, quæ ligent & solvant, hoc est, delictorum vel indulgentiarum, vel pænas. Habent enim potestatem remittendi & ligandi, qui sicut Petrus Episcopatus gratiam assecuti sunt. Quamvis enim Petro soli dictum sit, dabo tibi claves, omnibus tamen & Apostolis concessa sunt, sicut quando cum dixit: Quorum remiseritis peccata, remittuntur, &c. Ligandi & solvendi potestatem & Petro, & cæteris Apostolis tribuit, & in remittendis ac retinendis peccatis constituit.*

XX. Anselmus, vel quisquis alius apud Anselmum in caput xvi. Matthæi. *Notandum quod dicit, super terram: Non enim data est hominibus potestas ligandi, vel solvendi mortuos, sed vivos. Mortuos enim solvendi vel ligandi potestas soli Deo reservata est. Ligare & solvere, est super terram vivos excommunicare, vel absolvere. Non addit etiam à fidelitatis juramento, quo subditi suis Regibus obligantur, quia ut addat Ecclesiæ traditio non finit.*

192 XXI. Gerardus Leodiensis Episcopus in Epistola ad Leodienses Archidiaconos, de disciplina quæ erga excommunicatos servanda est: *Quod quidem non temere à vobis fieri confido: Si unde consecrationes honoris accipitis, inde legem totius observantia vestra sumere velitis, & beati Petri Apostoli Sedes, quæ vobis Sacerdotalis mater est dignitatis, Ecclesiastica vobis sit magistra rationis. Et quibusdam interjectis: Quod igitur ex sententia veritatis in cælo ligatum est, per eos quos auctore Deo principatum superni iudicis sortiuntur, ut vice Dei ligandi auctoritatem accipiant. Quis tam precipitata mentis atque exorbitata intelligentia est, ut ligationis huius censuram irritam, non dicam facere, sed confiteri præsumat? Verum quia sæpe accidere solet, ut erga quemlibet proximum odio aut gratia moveatur Pastor, inde rectè per Prophetam dicitur: Mortificabant animas, quæ non moriuntur, & vivificabant animas, quæ non vivunt: Unde Gregorius in homiliis suis. Non morientem, inquit, justificat, qui iustum damnat, & non victurum vivificare nititur, qui reum supplicii absolvere conatur. Causa ergo pensanda sunt, & tunc li-*

*gandi atque solvendi potestas exercenda. Videndum est itaque quæ culpa precessit, aut quæ sit penitentia subsecuta post culpam, ut quot omnipotens Deus per compunctionis gratiam visitat, illos Pastoris sententia absolvat. In explicando ligandi ac solvendi jure traditionem sequitur. Nec eam auget jure, quod in absolvendis à juramento fidelitatis hominibus, præstito Regibus, consistit.*

XXII. Ivo Carnotensis Episcopus in decreti part. xiv. cap. iii. *Plerumque contingit, ut hic iudicis locum teneat, cuius ad locum vita minimè concordat, ac sæpe agitur, ut vel damnet immeritos, vel alios ipse ligatus solvat; sæpe in solvendis ac ligandis subditis sua voluntatis motus, non autem causarum merita sequitur Pastor: Unde fit ut ipsa ligandi ac solvendi potestate se privet, qui hunc pro suis voluntatibus, & non pro sub-*

193 *ditorum moribus exercet.*

XXIII. Rupertus Tuitiensis Abbas lib. x. in Evangel. Joan. cap. xi. *Cum itaque ad huiusmodi peccatorem gratia Dei revertitur, mortuus pedes & manus ligatus invenitur, quia funibus peccatorum suorum circumdatus sub lapide clausus, id est, sub lege reus tenetur. Clamat Jesus voce magna, veni foras, quia non nisi magno terrore aspirantis Dei, & de futuro iudicio comminantis exterritus malè securus peccator ad cor suum reducit, statim prodit, id est, reatum suum confitetur, & quia jam vivit, solvite illum, inquit, Jesus; dicit enim, quæcumque alligaveritis super terram, &c. Si pro arbitrio vel animo suo illum viventem ligent, hunc autem mortuum solvant, videlicet condemnantes iustum, & justificantes impium. Ipsi illa, non sua, sed Christi potestate se privant, & viventem quidem ligando, sic mortificare nequeunt, mortuum autem solvendo non solum non vivificant, verumeriam & factorem cunctorum navibus ingerunt.*

XXIV. Brunus Signienis Episcopus in Levit. cap. xi. *Solis Episcopis, & Sacerdotibus secundum animam damnandi & iudicandi, ligandi atque solvendi potestas à Domino data est.*

XXV. Radulfus Ardens in concione ii. de festo beatorum Petri & Pauli: *Sunt autem duæ claves discretio & potestas, Discretione discernitur, qui sint ligandi, vel qui solvendi, potestate ligantur ligandi, & solvantur solvendi. Sed quid hodie dicam, fratres mei, cum multi Sacerdotum careant discretione, & multi eorum qui discretionem habent, abutantur ligandi atque solvendi po-*

194 *testate?*

XXVI. Hugo Victorinus in Annotationibus Elucidarii Evangelii Joannis cap. xi. *In Lazari resurrectione quomodo solvere & ligare discipuli, & eorum successores in Ecclesia videlicet prelati, queant, insinuat, licet tamen in his diversa sentiant diversi. Dicunt enim quidam Sacerdotes nihil aliud in solvendis & ligandis peccatis facere, quam Sacerdotes in lege super lepra mundatos, eos enim vel solutos, vel ligatos ostendunt. Solus enim Deus peccata remittit, aut pro eis ligat: Dicunt autem alii, quod peccata remittunt ex officio, quod habent.*

XXVII. Gratianus dist. i. de penit. cap. lxxx. *Ipsi Sacerdotes plus jam possunt proficere, plus consentibus parcere, quibus enim remittunt, remittit Dominus. Lazarum enim de monumento jam suscitatum obtulit Dominus discipulis solvendum, per hoc ostendens potestatem solvendi concessam Sacerdotibus: Dixit enim quodcumque solveritis super terram, solvetur & in cælis. Hoc est, ego Deus, & omnes ordines cælestis militia, & omnes Sancti in gloria mea laudant vobiscum & confirmant quos ligatis & solvitis. Non dixit, quos putatis ligare vel solvere, sed in quos exercetis opera iustitiae, aut misericordiae. Ubique ligandi & solvendi potestas in peccatis concluditur, nec ultra profertur.*

XXVIII. Magister sent. in lib. iv. dist. xvi. *Hoc sanè dicere ac sentire possumus, quod solus Deus dimittit peccata, & retinet, & tamen Ecclesia contulit potestatem*



195 ligandi & solvendi, sed aliter ipse solvit, & ligat, aliter Ecclesia. Et post alia: In solvendis ergo culpis, vel retinendis, ita operatur Sacerdos Evangelicus, & judicat, sicut olim legalis in illis qui contaminati erant lepra, quæ peccatum signat. Unde Hieronymus super Matthæum, ubi Dominus ait Petro, tibi dabo claves, & quodcumque ligaveris super terram, erit ligatum & in cælis, & quodcumque solveris super terram, erit solutum & in cælis, & cætera, quæ ex Hieronymo supra retulimus. Et nonnullis interpositis: Secundum hos ligandi & solvendi modos, qui antè fuerant expositi, quomodo verum est, quod dicitur, quodcumque solveritis super terram, erit solutum & in cælis, & quodcumque ligaveritis super terram, erit ligatum & in cælis, &c. Aliquando enim ostendunt solutos vel ligatos, qui ita non sunt apud Deum, & pœna satisfactionis, vel excommunicationis interdum indignos ligant vel solvunt, & indignos sacramentis admittunt, & dignos arcent. Sed intelligendum est hoc in illis, quorum merita solvi vel ligari possunt. Tunc enim sententia Sacerdotis iudicio Dei, & totius cælestis curiæ approbatur & confirmatur, cum ita ex discretionem procedit, ut reorum merita non contradicant. Quoscunque ergo solvunt vel ligant, adhibentes clavem discretionis reorum meritis, solvuntur vel ligantur in cælis, id est, apud Deum, quia divino iudicio Sacerdotis sententia sic progressa approbatur & confirmatur.

XXIX. Bandinus in quartum sent. Sacerdos autem, inquit, dimittit in confessione peccatum ministerio officii, quo potest solvere vel ligare. Solus enim Sacerdos Evangelicus & ligat, & solvit, hoc est, ligatum vel solutum à Deo ex officio ostendit. Et paulo post: Ostendit autem solutum eo ipso, quod pœna temporali obligat: Quem verè pœnitere arbitrat, ligatum ostendit, si contra fecerit. Ligat etiam Sacerdos, cum pœnam temporalem imponit, solvit, cum eam dimittit. Tertio etiam ligat, cum à communione suspendit, solvit, cum communioni restituit.

XXX. Ricardus Victorinus tractatum edidit de ligandi & solvendi potestate, quam in solvendis & ligandis criminibus determinat, nec eam profert ad præstitum Regibus fidelitatis sacramentum, quo subditi à Romano Pontifice absolvantur.

XXXI. Petrus Cantor Parisiensis in Summa quæst. de pœnit. Si constituitur laicus laico, vel laica laica, non dicimus nasci spirituales proximatem, quia non est ibi ligatio vel absolutio, sed consilium tantum, nec ostendit ligatum vel solutum, sicut Sacerdos facit, sed tantum ostendit ligandum vel solvendum, si superviveret, & accederet ad Sacerdotem. Infra: Unum officium clavis est ligare per pœnitentia injunctionem: Sed duplex est ligatio, privata & sollemnis, privata, quando quis seipsum domat, crucifigendo concupiscentiam præter injunctionem Sacerdotum, vel si cogitavit, non potuit continere retroactis temporibus: Conabor de cætero, & jejunabo, orabo, vigilabo, separabo me ab altari, & quantum ad participationem, & quantum ad consecrationem, & huiusmodi Solemnis, quæ per sacramentale officium imponitur. Majorum traditionem secutus ligandi, & solvendi potestatem ultra pœnitentia sacramentum non extendit.

XXXII. Guillelmus Autissiodorensis in libro iv. Summæ de sacramento Pœnitentia. Qua parte de usu clavium agit: Queritur qualiter intelligendum sit quod Dominus dicit, quodcumque ligaveris super terram: In Matthæo dixit Dominus Petro, quodcumque ligaveris supra terram, & in Evangelio Joannis dixit discipulis: Accipite Spiritum sanctum, quorum remiseritis peccata, remissa sunt, & quorum retinueritis, retenta sunt. Patet ergo quod in utroque Evangelio utitur Dominus futuro subjunctivi modi, quod significat consummationem rei significata per verbum: Unde sensus est, quodcumque ligaveris, id est, cujuscunque solutionem consummaveris super terram, erit solutum & in cælo.

Consummatio autem dicitur respectu inchoationis. Deus autem inchoat solutionem dimittendo culpam & pœnam æternam. Sacerdos verò consummat dimittendo aliquid de pœna ex vi clavium. Autissiodorensis ad alia non flectit verba Evangelii Matthæi, quàm ad peccata, quæ in pœnitentia sacramento vel solvuntur, vel ligantur, vel remittuntur, vel retinentur. Verba hæc, quodcumque ligaveris, & quodcumque solveris, paria facit cum his aliis: Quorum remiseritis peccata remittuntur eis, & quorum retinueritis retenta sunt. At nemo usus est hæcenus Evangelii Joannis verbis, ut probaret Romanum Pontificem posse aut Reges deponere, aut subditos à sacramento fidelitatis absolvere.

XXXIII. Alexander Aletensis in parte iv. Summæ quæst. viii. membro i. art. iii. Ad illa quæ obijciuntur de verbis Matthæi xvi. & Joannis xx. potest dici, sicut dici solet quod Dominus conferendo claves dixit, quodcumque ligaveris super terram, &c. Et A-193 postolis, quorum remiseritis peccata, & in utroque usus est verbo conjunctivi modi, quod significat perfectionem rei significata per verbum. Unde sensus est, quodcumque ligaveris, id est, cujuscunque solutionem consummaveris, consummatio autem dicitur respectu inchoationis, quia Deus inchoat solutionem dimittendo culpam & pœnam æternam, & Sacerdos consummat condimittendo aliquid de pœna temporali ex vi clavium, ut hoc patet in suscitacione Lazari, &c. Hæc ille, quem doctorem irrefragabilem appellant, ut Hadrianus vi. loco jam citato expressè testatur.

XXXIV. Albertus Magnus Ratisponensis Episcopus in Commentariis super caput xvi. Matthæi. Deus ergo absolvit à duobus (primis) vinculis (culpæ & pœnæ æternæ) per seipsum, & sine conditione, & nisi absolvat, nihil potest fieri de peccatore, nisi damnatio, Esaia xliiii. Ego sum qui deleo iniquitates tuas propter me, supra num. ix. quis potest peccata dimittere, nisi solus Deus: Psal. l. tibi soli peccavi: Sic autem absolutum mittit ad Sacerdotem ligatum pœna purgatoria, & pœna peccato condigna, sicut Lazarum suscitatum misit ad discipulos solvendum, Joann. xi. Sacerdos autem vincularum à Deo solvere non potest simpliciter. Sed ligando ad pœnam expiationis, potest absolvere à pœna condigna purgationis, quam in purgatorio solvere deberet. Eo quod Sacerdos non est Dominus, sed minister, & oportet eum æstimare emendam Domino faciendam, & ad illam ligare, & tunc residuum vi clavium remittere, & absolvere à vinculis, quibus vinctus ad eum accessit.

XXXV. Vincentius Bellocensis in libro viii. historialis speculi capitis lxi. Purè, inquit, & propriè solus Deus dimittit peccata, & debitum pœnæ æternæ. Dicuntur autem Sacerdotes ligare & solvere tribus modis. Ligant enim & solvunt primò, id est, ostendunt ligatum & solutum. Unde leprosus per se prius restituit sanitati: Deinde ad Sacerdotes misit, quorum iudicio ostenderentur mundati. Infra: Secundus modus ligandi est, cum satisfactionem pœnitentia consentientibus imponunt, vel solvendi, cum de ea aliquid dimittunt, vel per eam purgatos ad communionem admittunt. Tertius est, qui fit per excommunicationem. Juxta omnes illos modos est auctoritas illa exponenda, quodcumque solveris super terram.

XXXVI. Beatus Thomas in libri iv. contra gentiles capite lxxxi. Necessarium ergo fuit confessionem institui quasi secundam partem huius sacramenti, ut culpa pœnitentis immutescat Christi ministro. Oportet ergo ministrum, cui fit confessio, judiciariam potestatem habere vice Christi, qui constitutus est iudex vivorum & mortuorum. Ad judiciariam autem potestatem duo requiruntur, scilicet auctoritas cognoscendi de culpa, & potestas absolvendi vel condemnandi. Hæc duo dicuntur due claves Ecclesie, scientia discernendi, & potentia ligandi & solvendi, quas Dominus Petro commisit juxta illud Matthæi xvi. Deinde in catena super Matthæi cap.

cap. xvi. Et quodcumque ligaveris, id est, quemcumque indignum remissione judicaveris, dum vivit, indignus apud Deum judicabitur: Et quodcumque solveris, id est, quemcumque solvendum judicaveris, dum vivit, remissionem peccatorum consequetur à Deo.

200 XXXVII. Augustinus Anconitanus in Summa quæst. xx. art. iv. Potestas clavium potest ad plures actus definiri, sicut ad plures actus talis potentia potest ordinari. Ordinatur autem prædicta potentia ad tres actus. I. Ad actum absolvendi & ligandi. II. Ad actum cognoscendi & discernendi inter dignos & indignos. III. Ad actum exequendi in tali, vel tali materia. Et isti tres actus ponuntur in definitione clavis, quæ ponitur. iv. sent. dist. xviii. ubi dicitur, quod clavis Ecclesiæ est potestas ligandi ex scientia, quæ dignos debet recipere, & indignos excludere à regno Ecclesiæ.

XXXVIII. Alvarus Pelagius ex ordine Minorum Sylvensis Episcopus, in lib. i. de planctu Ecclesiæ art. lxiii. Claves sunt discernendi scientia & potentia. xxii. dist. lv. quia dignos recipere, & indignos debet excludere à regno. Unde subdit: Et quodcumque ligaveris, id est, quem in peccatis persistentem solveris, sic & erit in calis.

XXXIX. Nicolaus Lyranus in caput xvi. Matthæi. Nota Christum per se intus vivificare, ministris potestatem solvendi post vitam redditam tribuere. Non enim aliquem solvere possunt, nisi vivat, quem solvunt. Sed ad quid solvendi potestatem accipiunt, cum à Deo jam liberatus & vivificatus sit, quem solvunt, quaritur, &c.

XL. Bartholomæus Pisanus ex Ordine Prædic. Theologus, in Summa quæ dicitur Bartholina.

XLI. Baptista Trovamala ex Ordine Minorum Theologus, in Summa quæ dicitur Rosella.

XLII. Baptista Salius ex Ordine Minorum Theologus, in Summa quæ dicitur Baptistiniana.

201 XLIII. Joannes Tabienis ex Ordine Prædicatorum Theologus, in Summa, quæ dicitur Tabiena, & Summa Summarum in verbo clavis, seu Sacerdos, quæstionem hanc sibi proponunt, qualiter Sacerdotes dicuntur solvere ac ligare. Sic respondent omnes: Respondeo secundum Raimundum, quod illa auctoritas, quodcumque ligaveritis vel solveritis super terram, &c. non est simpliciter intelligenda, sed tunc de jure tantum, cum Sacerdos jure ligat vel solvit. Vel Respondeo secundum Raimundum tribus modis. Primo, ligant & solvunt, id est, ostendunt aliquem ligatum vel solutum esse à Deo. Nam etiamsi quis apud Deum solutus sit, tamen in facie Ecclesiæ non alias solutus habetur, quam per iudicium Sacerdotis. Secundo ligant, cum satisfactionem penitentibus imponunt, vel solvunt, cum de ea aliquid dimittunt. Et paulo post: Tertiò, ligant & solvunt per excommunicationem, & ad omnes illos modos potest convenire illud, quodcumque solveris super terram, &c.

XLIV. Guillelmus Okamus, in quartum dist. xviii. quæst. viii. & ix. Ad argumenta Joannis, cum dicit, quod tunc non ligarent, vel solverent Sacerdotes aliquem, respondeo secundum Magistrum, quod Sacerdotes ligant & solvunt, quia ostendunt homines esse ligatos vel solutos.

202 XLV. Alfonso Tostatus Abulensis Episcopus, in Matthæi caput xvi. quæst. lxxiv. Clavis, ut dicit Hieronymus, & habetur iv. sent. xviii. est potestas spiritualis ligandi & solvendi, quia Ecclesiasticus iudex dignos recipit, & indignos excludere debet à regno. Deinde in quæst. lxxvi. Effectus clavium est actus, vel usus earum est solvere, vel ligare, aut recipere ad regnum, vel excludere, & non solvitur quis, nisi ab aliquo, vel non ligatur, nisi in aliquo. Est dubium, quid est illud, in quo solvitur quis, & ligatur per claves. Dicendum est, quod actus clavium est super materiam, & ista est duplex, scilicet mediata & immediata. Mediata est ipse homo, qui absolvitur & ligatur. Materia im-

mediata est peccatum, de quo homo absolvitur, vel in quo ligatur.

XLVI. Petrus Sutor factus ex Parisiensi Theologo Cartusianus in libro, quem de potestate Ecclesiæ in occultis, anno m. d. xxxiv. edidit, cap. i. Utraque potestas clavis per similitudinem nuncupatur, quod sit velut instrumentum ad aperiendam januam Paradisi institutum: Sed prima dicitur clavis potestatis, altera scientiæ. Harum quidem prima præcipua est, quæ & potestas ligandi atque solvendi ideo vocatur, quod virtute ejus Sacerdos liget peccatorem, dum decernit eum esse ligatum, quando eum vitæ in vitiis antea non pœniter, ut decet, vel quando eum vera pœnitentia ductum ad pœnam aliquam satisfactoriam obligat. Absolvit verò, dum culpam ministerialiter remittit, saltem quantum ad Ecclesiam pertinet, & peccatorem ipsum solum suo iudicio decernit. Absolvit, inquam, dum partem pœnæ temporalis virtute hujusmodi potestatis relaxat. Ex munere à Facultate Theologiæ accepto Sutoris librum legerunt Parisienses magistri numero tres, Stephanus Loretus, Joannes Gillainus, & Robertus Buchignius, qui de eo ad Facultatem Theologiæ retulerunt, & relatione facta visum est Facultati librum in lucem edi posse. Is erat tunc mos probandorum operum, quæ de rebus Theologicis agerent.

203 XLVII. Minorum Ordo in Breviario, quod anno m. d. xxxv. Parisiis apud Gerlerium Merlinum edidit, qua parte ritum ad communicandum infirmum præstituit: Imprimis pulsetur campana, ut fratres qui possunt, in Ecclesiam conveniant. Et post alia: Deinde Sacerdos accedat ad egrotum, & in modum crucis aspergat eum aqua benedicta dicendo, Asperges me, cum Psal. Miserere mei, cum Gloria Patri, Sicut erat, & repetitur, Asperges me. Deinde immediate infirmus adoret, & exosculetur crucem, & dicat, Confiteor Deo, &c. Finita confessione Sacerdos absoluit dicat hanc orationem: Dominus Jesus Christus, qui dixit discipulis suis, quacumque ligaveritis super terram, erunt ligata & in calo, & quacumque solveritis super terram, erunt soluta & in calo, de quorum numero quamvis indignos nos esse voluit, ipse absolvat per ministerium nostrum ab omnibus peccatis tuis, quacumque cogitatione, locutione, operatione negligenter existi, & à nexibus peccatorum absolutum perducere dignetur ad regna calorum, Qui cum Patre & Spiritu sancto vivit & regnat in sacula seculorum Amen. Postea Sacerdos elevet corpus Domini de calice, & infirmus adorans dicat semel tantum: Domine, non sum dignus.

204 XLVIII. Joannes Maldonatus in Matthæi caput xvi. Et quodcumque ligaveris. Hac etiam metaphora est, quæ idem quod duabus superioribus significatur, supremam remittendi aut retinendi peccata potestatem Petrum habuisse. Deinde in caput xviii. Dubium non est quin & de externa, & interna ligandi potestate Christus loquatur, cum dicit, quacumque alligaveritis super terram, erunt ligata & in calo, id est, apud Deum. Quod enim apud Deum ligatur & solvitur, non solum extrinsecus, & hominum opinione, sed etiam intrinsecus, & revera ligatur & solvitur. Adde quod qui aliter interpretantur, Christi consilium non intelligunt. Voluit enim Ecclesiæ tribunal ultimum esse, ad quod essent peccatores, cum non aliud esset emendationis remedium, referendi, ideoque summam illi tribuit potestatem. Summam autem non tribuisset, si minorem illi non dedisset, quam omnis respublica jure suo habet, ut homines perniciosos mittat in exilium. Quod in Ecclesia est excommunicare. Quid sit ligare & solvere & quomodo hinc confessionis præceptum necessario colligatur, cap. xvi. & xix. exposuimus.

XLIX. Franciscus Lucas Brugensis in caput xvi. Matthæi. Quodcumque, quemcumque eorum, qui cives erunt hujus regni per orbem terrarum diffusi. Ligat igitur Petrus, dum tali sententia cogit illum subire meritas pœnas, sive capitalem, ut si Ecclesiæ illum expellat, &



separet à communione Sanctorum, aut neget ei peccatorum remissionem, &c. Quodcumque, quicumque, ut supra, solveris suis vincum pœnis, pœnisve promeritis, cuicumque peccata, aut pœnas peccatis debita remiseris.

L. Sacramentale Ferriacensis Ecclesiæ in ordine, quem ad communicandum infirmum præscribit: Dominus, inquit, Deus noster Iesus Christus, qui dixit discipulis, quæcumque ligaveritis super terram, erunt ligata & in celo, & quæcumque solveritis super terram, erunt soluta & in celo, de quorum numero quamvis indignos nos esse voluit, ipse te absolvat ab omnibus peccatis tuis, quæ quovismodo cogitatione, locutione, & operatione negligenter egisti, atque à peccatorum nexibus absolutum perducere dignetur ad regna calorum.

LI. Michael Sanromanus è Societate Jesu Theologus in libri III. de spiritualibus expeditionibus cap. III. Deinde, inquit, docet (Concilium) hanc contritionem ab Adami peccato semper necessariam fuisse, addidisse tamen Christus confessionis necessitatem, sine qua etiam justificat, cum tamen in voto, & desiderio suo tempore facienda teneatur, & ob id quidem Lazaro Christus vitam dedit, solvi tamen à discipulis, eò quod contritio sola vitam mortuis per gratiam præbeat; verum nondum solum debitum, quousque per claves commissis Ecclesiæ ministris solvatur per confessionem, pœnitentium illis dicitur, quidquid ligaveritis, & quidquid solveritis, erit ligatum & solutum & in calis. Id expressit Augustinus tractatu XLIX. in Joannem.

LII. Sacerdotalis liber Lugdunensis Ecclesiæ, qui anno M. D. XLIV. Lugduni editus est, in ritu & ordine communicandi infirmi.

LIII. Manuale Ratomagense, quod anno M. D. XLIV. & anno M. D. XC. Rotomagi editum est, in ritu, & ordine visitationis infirmorum.

LIV. Manuale Bajocense, quod anno M. DC. XI. Cadomi editum est, in eodem ritu.

LV. Manuale Ebroicense, quod anno M. D. XLVII. & M. D. LXXXVI. Rotomagi editum est, in eodem ritu.

LVI. Manuale Abrincense, quod anno M. D. XXXIX. Cadomi editum est, in eodem ritu.

LVII. Manuale Constantiense, quod M. CCC. XCIV. editum est, in eodem ritu.

LVIII. Manuale Sagiense, quod anno M. D. XV. Rotomagi editum est, in eodem ritu.

LIX. Manuale Aurelianense, quod anno M. D. LXXXI. Parisiis editum est, in eodem ritu.

LX. Manuale Meldense, quod anno M. D. XLVII. Parisiis editum est, in eodem ritu.

LXI. Manuale Autissiodorense, quod anno M. D. XXXVI. Parisiis editum est, in eodem ritu.

LXII. Manuale Trecentense, quod Trecentis anno M. D. LI. editum est, in eodem ritu.

LXIII. Manuale Turonense, quod anno M. D. LXX. Turonis editum est, in eodem ritu.

LXIV. Manuale Cenomanense, quod anno M. XI. editum est, in eodem ritu.

LXV. Manuale Andecavense, quod anno M. D. LXXX. Parisiis editum est, in eodem ritu.

LXVI. Manuale Venetense, quod anno M. D. D. XCVI. Veneti editum est, in eodem ritu.

LXVII. Manuale Nannetense, quod anno M. D. LX. Parisiis editum est, in eodem ritu.

LXVIII. Manuale Laudunense, quod an. M. D. XXXVIII. Parisiis editum est, in eodem ritu.

LXIX. Manuale Bituricense, quod an. M. D. LXXXVIII. Parisiis editum est, in eodem ritu.

LXX. Manuale Viennense, quod anno M. D. editum est, in eodem ritu.

LXXI. Manuale Narbonense, quod anno M. D. LXV. Tolosæ editum est, in eodem ritu.

LXXII. Manuale Tolosanum, quod anno M. D. XXXVIII. Tolosæ editum est, in eodem ritu.

LXXIII. Manuale Aquense, quod anno M. D. LXXVII. editum est, in eodem ritu.

Hæc autem omnia Gallicanarum Ecclesiarum manualia repræsentant orationem, seu, ut vocant, absolutio-  
nem quæ sequitur. Dominus Iesus Christus, qui dixit discipulis suis, quæcumque ligaveritis super terram, erunt ligata & in calis, & quæcumque solveritis super terram, erunt soluta & in calis, de quorum numero quamvis indignos esse nos voluit, ipse te absolvat per ministerium nostrum ab omnibus peccatis, quæcumque cogitatione, locutione, atque operatione negligenter egisti, atque à nexibus peccatorum absolutum perducere dignetur ad regna calorum, Qui cum Deo Patre, &c.

LXXIV. Prædicatorum Ordo, cum Raimundus Penafortius à Clemente VIII. relatus est in Sanctorum numerum, Raimundi Summam de pœnitentia Romanis typis mandari curavit: Et in nuncupatoria ad illum Pontificem Epistola Raimundi Summam ita magnificè probavit, ut non potuerit non probare quæ sequuntur. Queritur quid remittit Sacerdos in pœnitentia. Et paullo post: His prælibatis dicendum est ferè secundum omnes, quod purè, verè, ac propriè solus Deus dimittit peccata, & debitum æterna vita. Et post pauca: De Sacerdotibus autem non est dubium, quin habeant potestatem dimittendi & remittendi peccata. Et paullo post: Dicuntur autem Sacerdotes ligare & solvere tribus modis: Primò, ligant & solvunt, id est, ostendunt aliquem solutum vel ligatum. Unde Dominus leprosos prius restituit sanitati, deinde ad Sacerdotes misit, quorum judicio ostenderentur mundari. Item Lazarum primò resuscitavit, deinde mandavit discipulis suis solvere suscitatum. Nam etsi aliquis apud Deum sit absolutus, non tamen in facie Ecclesiæ absolutus habetur, nisi per judicium Sacerdotis, &c. Secundus modus ligandi est, cum satisfactionem pœnitentia consentientibus imponunt, vel solvendi, cum de ea aliquid dimittunt. Unde Leo Papa: Christus hanc præpositis Ecclesiæ tradidit potestatem, ut consentientibus pœnitentia satisfactionem darent, & eosdem salubri satisfactione purgatos ad communionem sacramentorum per jannam reconciliationis admitterent. Tertius modus est, qui fit per excommunicationem, &c.

Nunc referenda sunt nuncupatoriæ ad Clementem Epistolæ verba, quibus Summæ commendationem persequitur. Inter præclaros Ordinis nostri viros, qui singulis seculis vita sanctitate, & litterarum peritia claruerunt, & sicut primæva institutio postulat, Evangelium prædicando, hereses & hereticos impugnando & expugnando, pravos & novas doctrinas confutando (ut tuta semper & sacra retineantur, & vetera ac Catholica dogmata inviolata consistant) in vinea Domini laboraverunt, Raimundus de Penafort præcipuum semper obtinuit locum, qui cum juris utriusque esset insignis professor, Præfecti provincialis jussu Summam de pœnitentia, & particularem quoque de matrimonio composuit tractatum, ut eorum studiis salubriter consuleretur, qui confessiones peccatorum audiunt. Et post alia: Eri magni, & excelsi animi vestri munus hoc quæcumque libenter accipere, & partem viri sancti fovere, ut vestri nominis auctoritate munus ab impijorum, & impiorum invidia defendatur. Sic Ordinis Prædicatorum judicio impii, & imperiti habendi sunt, qui Raimundi doctrinam oppugnabunt. Sed quod institutum nostrum attinet, vir sanctus, quodcumque ligaveris & quodcumque solveris, non intellexit aliter, quàm & Romani Pontifices, & Romanus clerus, & sancti Patres semper intellexerunt.

Idem Prædicatorum Ordo in Manuali suo, quod Romæ ann. M. DC. VII. editum est, inter ea, quæ ad ritum unctionis sacre infirmorum pertinent, absolutio-  
nem hanc præscribit: Dominus Deus noster qui dixit discipulis suis, quæcumque ligaveritis super terram, erunt ligata & in calis, & quæcumque solveritis super terram, erunt soluta & in calis, de quorum numero nos quam-

vis indignos esse voluit, ipse te absolvat ab omnibus peccatis tuis, quacunque cogitatione, locutione, atque operatione negligenter egisti, atque à nexibus peccatorum tuorum absolutum perducere dignetur ad regna calorum, &c. Hic observatum esse volumus, quod mox ad Summam Raimundi observavimus.

Verumenimverò argumentum nobis aliud suppetit, quod ex divinis Romanæ Ecclesiæ officiis comparatur. In iis ligandi & solvendi potestas ligandis & solvendis animabus circumscribitur. Gregorius magnus in libro sacramentorum præsto est, cum ad VII. Calend. Martii festum Cathedræ sancti Petri celebrandum proponit, & recitari vult orationem hanc: *Deus, qui beato Apostolo tuo Petro collatis clavibus regni celestis animas ligandi atque solvendi Pontificium tradidisti, concede ut intercessionis ejus auxilio à peccatorum nostrorum nexibus liberemur.* Sic in Romana operum Gregorii editione, quæ Gregorio XIII. Pontifice curata, & ei dedicata est. Hic sacramentorum liber ex Missali MS. sancti Eligii recensitus, & correctus eandem orationem prorsus exhibet: *Deus qui beato Apostolo tuo Petro collatis clavibus animas ligandi atque solvendi Pontificium tradidisti, &c.*

Non me latet orationem hanc ab Anastasio Bibliothecario tribui Leoni Papæ IV. sed Leo potuit illam à sacramentorum Gregorii libro desumere, & desumendo suam facere, & vocem (*animas*) retinere, tametsi ea nunc apud Anastasium non compareat: Sed à sciolo quodam librario potuit auferri. Quidquid in causa, hic certa sunt duo. Unum est, Anastasii librum de vitis Pontificum emendatione, & ad priscos codices MM. SS. recensione penitus indigere, quia passim & lacunis, & mendis aspergitur & inobscuratur: Alterum, relatum orationem non discrepare à mente Gregorii, ut ex descripto supra illius testimonio liquet; nam ligare & solvere animas idem est ac ligare & solvere peccata, quibus animæ inquinantur.

Ad orationem Gregorii respectum habet, ni fallor, Petrus Damianus Cardinalis, qui annis abhinc sexcentis claruit. Sic enim loquitur in sermone 1. quem de beato Joanne Evangelista instituit. *Tacet is, inquit, cui porta inferi non prevalent, qui ligandi animas atque solvendi obrinet principatum.* Loquitur ex traditione Romanæ Ecclesiæ Sedis Apostolicæ, quam mirum in modum illustravit.

Julius II. qui anno M.D. IV. factus est Pontifex, sacramentorum librum imitatur in diplomate XXIII. quod Seraphinus Cherubinus in Bullario refert. *Liquet, inquit, omnibus Christiana fidei cultoribus Petrum ab ipso Salvatore nostro Jesu Christo, Apostolorum Principem fuisse constitutum, eique ligandi ac solvendi animas celesti privilegio traditam esse potestatem, cum ei dicitur: Tu es Petrus, &c.* Hæc non de alia, quàm de Sede Petri pronunciat. Adulatores Curie sive rejiciant, sive recipiant, confringantur. Rejiciendo, Pontificem de Petri Sede pronunciantem rejiciunt, & erroris accusant; recipiendo, novitium dogma, quod impugnamus, rejiciunt, & nobiscum concordant.

Julium II. excipit Missale Romanum, quod Parisiis circa annum M.D. XX. apud Franciscum Reginaldum in lucem prodit, in festo Cathedræ B. Petri: *Deus, qui B. Petro Apostolo tuo collatis clavibus regni celestis, animas ligandi atque solvendi Pontificium tradidisti, concede ut intercessionis ejus auxilio à peccatorum nostrorum nexibus liberemur.*

Missale Romanum idem, quod M.D. XLIII. reformavit Paulus III. & insequenti anno Lugdunensibus typis mandatum est apud Guillelmum Rovillum, orationem ut optimam & legitimam ita retinet: *Deus qui beato Petro Apostolo tuo collatis clavibus, animas ligandi atque solvendi Pontificium tradidisti, &c.*

Breviarium Romanum quod Parisiis anno M.D. XLIII. apud Thielmanum Kerverum, & idem Breviarium per Franciscum Cardinalem Guinognium emendatum,

quod Parisiis anno M.D. LXVI. apud Guillelmum Merlinum prælo excusum est, cum sacramentorum libro, Damiano, Julio II. & Missali Romano convenit hoc modo: *Deus qui beato Petro Apostolo tuo collatis clavibus regni celestis animas ligandi atque solvendi Pontificium tradidisti, &c.*

Diurnum monasticum, juxta ritum monachorum Ordinis sancti Benedicti de observantia congregationis Cassinensis, alias sanctæ Justinae de Padua, quod ex decreto Capituli generalis anno M.D. LXXXIV. reformatum, & per Gregorium XIII. Pontificem confirmatum, Venetiis apud Juntas anno M.DC. emissum est, in festo Cathedræ sancti Petri eandem habet orationem: *Deus qui beato Petro Apostolo tuo collatis clavibus regni celestis, animas ligandi ac solvendi Pontificium tradidisti, &c.*

Hic mitto plura Breviaria, quæ in aliis Ecclesiis sese Romano usui accommodarunt. Infinitus enim essem, si vellem ire per singula. Romanæ Ecclesiæ, non aliarum Ecclesiarum traditionem quærere aggressus sum. Diurnum omissem monasticum, nisi Gregorius XIII. editionem illius & reformationem confirmasset, quia confirmando suum fecit, & orationem qua de agitur, ut Romanæ cui præsidebat Ecclesiæ, censum in se ultro recepit. Omittere non possum consentiens Missale Ambrosianum, quod anno M.DC. XLVIII. editum est.

Nonnullæ sunt, haud dubito, Ecclesiæ quæ orationem istam habent, & sine voce (*animas*) recitant: Sed ex earum usu hac in parte corrigendus non est Romanæ Ecclesiæ usus, qui ab antiqua, & solida traditione descendit. Quinetiam illarum Ecclesiarum usus corrigendus est: Quippe qui ab Romanæ Ecclesiæ usu fundatissimo defecerit. Huc pertinere potest Innocentius I. dum ad Decentium Eugubinum Episcopum ita scribit: *Si instituta Ecclesiastica ut sunt à beatis Apostolis tradita integra vellent servare Domini Sacerdotes, nulla diversitas, nulla varietas in ipsis ordinibus ac consecrationibus haberetur; sed dum unusquisque non quod traditum est, sed quod sibi visum fuerit, hoc existimat esse tenendum, inde diversa in diversis locis vel Ecclesiis aut teneri, aut celebrari videntur, ac fit scandalum populis, qui dum nesciunt traditiones antiquas humana presumptione corruptas, putant sibi aut Ecclesiis non convenire, aut ab Apostolis vel Apostolicis viris contrarietatem indultam.*

Nunc præterire non possum silentio in Ecclesiasticorum rituum instauratione, quæ Romæ Clemente VIII. Pontifice curata est, vocem (*animas*) ex oratione nostra sublata esse, sed an rectè sublata fuerit, multa dubitare me cogunt.

I. Vox (*animas*) vetustiores Clemente VIII. Pontifices Gregorium I. Julium II. Paulum III. Gregorium XIII. ut patronos, & approbatores sibi vindicat. Igitur Clemens (si tollendæ vocis fuit auctor) cum decessoribus pugnat, nec potest non cadere, quia unus multis nequit obistere; & hæc indignitas Romanæ Sedis cultorem graviter commovere debet. Res enim eo adducitur, ut sedes & sedens contemnantur, & quæ ibi ponenda est fides, minuatur. Nota sunt, quæ sanctus Gregorius semel atque iterum in hanc rem scribit: Primum in libri V. Epistola XII. ad Montanum & Thomam. *Justitia ac rationis ordo suadet, ut, qui sua à successoribus desiderat mandata servari, decessoris sui proculdubio voluntatem & statuta custodiat.* Deinde in libri VII. indict. I. Epistola XVII. ad Bonifacium defensorem. *Nimis est asperum & præcipue bonis Sacerdotum moribus inimicum, nisi quempiam quacunque rationis excusatione, & quæ sunt bene ordinata, rescindere, & exemplo suo docere ceteros sua quandoque post se constituta dissolvere.* Qua ratione facta sub Clemente correctio dissolvitur.

II. Vox (*animas*) ad Romanæ Ecclesiæ, & Sedis Apostolicæ auctoritatem confugit, in qua dum beati Petri



Petri Cathedræ festum agebatur, immenso tempore retenta, & inter Missarum solemnias consecrata est, invaluit & irroborevit.

III. Vox (*animas*) ad sacramentorum Gregorii librum, & Julii II. constitutionem & Missale Ambrosianum se recipit. Loca sunt tutissima, quæ Romani Missalis, & Breviarii correctores novi minimè lustrarunt; nam si lustrassent, admota conscientia non egissent, quod egerunt. Antiquitatis potius, ut mos est Romanis, quam novitatis assertores esse voluissent. Jam ei occursum est, quod de vocis nostræ defectu apud Anastasium in vita Leonis IV. prætexeretur: Scilicet Gregorium orationi suæ suppetias venire in homilia, cujus testimonium adeo grande recensitum est. Nam, quodcumque ligaveris, & quodcumque solveris, de ligandi & solvendi animas seu peccata potestate, pene dicam cum fastidio repetit & inculcat.

IV. Vox (*animas*) sese in Missali, & Breviario antiquitate defendit adversus correctores novos, & ad sui præsidium advocat Philippum Presbyterum, qui Sedis Apostolicæ legatus Ephesinæ synodo interfuit, advocat & synodum ipsam, quæ Philippum dicentem audiit, & quæ dixit comprobavit; advocat & Zachariam & Hadrianum, & synodum VII. à quibus per vocem peccata tantundem sonantem asseritur, confirmatur, & omni termino immobilior defigitur.

V. Nunc demus, quod Ecclesiasticorum officiorum correctores volunt sibi dari, Leonem IV. orationis, quæ in festo Cathedræ sancti Petri legitur, auctorem esse primum, nec illi vocem (*animas*) intulisse; intulisse verò qui transcripserint; non continuò sequitur, expungendam fuisse: siquidem in Romanæ Ecclesiæ sensu, quem perpetua consignabat traditio, adjecta fuerat, ut quid ligandum vel solvendum erat, magis explicaretur, & firmitus conservaretur. Quod autem sic adjicitur, removeri statim non debet, nisi quis velit cum Græcis è Romanæ Ecclesiæ symbolo, quod hodie decantatur, removendum esse, filioque, quia Constantinopolitani Concilii primi symbolo adjectum minimè fuerat. Quæ ligandi & solvendi potestas ad liganda & solvenda peccata, ad ligandas & solvendas animas ex omni memoria definita erat, hanc correctores in gratiam Theologorum Curie adulatores voluerunt indefinitam relinquere, ut quidquid adulatores illi sub ligandi & solvendi potestate comprehenderent, ab Ecclesiasticæ traditionis rudibus, & ignaris rectè comprehensum putaretur, & inprimis liberatio sacramenti, quo subditi Principibus suis obligantur: Atque istud est, cui à nobis nequit adscribi bonum factum, tam propter eam, quæ de perpetua Romanæ Ecclesiæ, & Sedis Apostolicæ traditione quàm propter ea, quæ de Patrum doctrina in exponendis Evangelii verbis, quodcumque ligaveris, & quodcumque solveris, observavimus. Nam Patres & tractatores Ecclesiastici, & celebriores è schola Theologi, qui cum Romana Ecclesia mirificè conveniunt, Evangelii verba de potestate ligandi & solvendi peccata exponunt, nec extendunt ad liberationem sacramenti, quo subditi Principibus suis tenentur; atque ita recentiores qui eò usque extendunt, relatum initio Tridentinæ professionis fidei articulum violare non metuunt, ut opinionem suam constabiliant.

Neque verò tueri se possunt auctoritate Gregorii VII. Papæ, qui iis videtur præluxisse in libri VIII. Epistola XXI. ad Herimannum Metensem Episcopum. Mos est, inquit, reproborum ob nequitia sua probationem nisi consimiles sibi defendere, quia pro nihilo habent mendacii perditionem inquirere. Nam ut de multis pauca dicamus, quis ignorat vocem Domini ac Salvatoris nostri Jesu Christi dicentis in Evangelio: Tu es Petrus & super hanc petram edificabo Ecclesiam meam, & porta inferi non prævalerunt adversus eam, & tibi dabo claves regni celorum, & quodcumque ligaveris super terram, erit ligatum & in calis,

& quodcumque solveris super terram, erit solutum & in calis. Nunquid sunt hic Reges excepti, aut non sunt de ovibus, quas Filius Dei beato Petro commisit? Quis, rogo, in hac universali concessione ligandi atque solvendi à potestate Petri se exclusum esse existimat, nisi forte infelix ille, qui jugum Domini portare nolens diaboli se subicit oneri, in numero ovium Christi esse recusat, cui tamen ad miseram libertatem minimè proficit, quod potestatem Petri divinitus sibi concessam à superba cervice excutit, quoniam quanto eam quisque per elationem ferre abnegat, tanto durius ad damnationem suam in judicio portat? Hanc itaque divina voluntatis institutionem, hoc firmamentum dispensationis Ecclesiæ, hoc privilegium B. Petro Apostolorum Principi celesti decreto principaliter traditum atque firmatum sancti Patres cum magna veneratione suscipientes atque servantes sanctam Romanam Ecclesiam tam in generalibus conciliis, quàm etiam in ceteris scriptis, & gestis suis universalem matrem appellaverunt.

Et primum quidem, tota illa verborum, quæ, quodcumque ligaveris & solveris, circumstant, series & contextio, seu in sese, sive in præcedenti, & Romanæ Ecclesiæ sensu consideretur, potestatem solam ligandi & solvendi, in ligandis & solvendis criminibus sitam, aut, quod idem est, eam tandem obijciunt excommunicationem, pœnam ultimam, quæ à Petri, & reliquorum Apostolorum successoribus infligi possit.

Deinde, si relata scripturæ verba extendat, quod ego non facile crediderim, ad liberationem sacramenti, quo subditi Principibus suis obligantur, erit verborum scripturæ expositio, quæ neque ex Romanæ, neque ex cæterarum Ecclesiarum traditione derivabitur. Privata erit expositio, quæ quia privato spiritui transcriberetur, corruet & retineri non poterit.

Tum Gregorio VII. Zacharias & Nicolaus I. occurrent: Ille in tomo I. Concil. Gallie in prima ad Bonifacium Archiepiscopum epistola, cum ait: Non a lino nobis convenit predicare, præter quod à sanctis Patribus sumus edocti. Hic in Epistola v. ad Michaëlem Imperatorem, cum dicit: Serenissimi Imperii vestri... hanc sanctam Catholicam & Apostolicam, caput omnium Ecclesiarum, Romanam scilicet Ecclesiam, qua semper sanctorum Patrum sincerissimas auctoritates in omnibus actibus suis sequitur, consulere decrevit. At sancti Patres Gregorium non edocuerunt, cum ille Henrici IV. Imperatoris subditos à juramento fidelitatis absolvit, nec in hoc absolutionis actu sincerissimas sanctorum Patrum auctoritates secutus est.

Quartò Gregorius ipsemet occurret sibi pluribus in locis: In libri I. Epistola XXXIV. ad Remedium Lincensem Episcopum: Latorem, inquit, presentium, quem fraternitatis sua litera homicidio maculatum nobis denuntiaverunt, nulla sanctorum Patrum auctoritas concedit ulterius sacris altaribus ministrare. Sic nulla sanctorum Patrum concedit auctoritas, ut Principum subditos à juramento fidelitatis eximat Romanus Pontifex. In libri II. Epistola I. ad Sancium Aragoniæ Regem: Solet sancta & Apostolica Sedes pleraque considerata ratione tolerare, sed nunquam in suis decretis, & constitutionibus à concordia canonica traditionis discedere. Sed in canonice traditionis concordia invenitur nihil, quo vel Regum depositio vel absolutio sacramenti, quo subditi tenentur Regibus, vindicetur. In ejusdem libri II. Epistola LXXV. ad Suevium Regem Danorum. Pastoralis officium in dilectione Dei, & proximi, quasi in fundamento consistit: Non igitur in Regum depositione, vel in liberatione sacramenti, quo populus Regi suo constringitur. Quis enim unquam asseruit, Regum depositionem, vel illiusmodi liberationem veluti fundamentum esse, cui pastorale officium innitatur? In libri IV. Epistola VI. ad Henricum Leodiensem Episcopum: Siquando judicium de negotiis Ecclesiasticis fecimus vel facimus, non nova aut nostra proferimus; sed ab eis (sanctis Patribus) per Spiritum

*Spiritum sanctum prolata sequimur & exercemus.* Quod erga Henricum Imperatorem IV. præstitit, inusitatum & novum fuit; decessorum Gregorii nullus Regem ullum deposuit, aut illius subditos à sacramento fidelitatis absolvit.

Postremò Gregorius VII. si scripturæ verba, quodcunque solveris, sic intellexit, ut inde potuerit Imperatoris subditos à juramento fidelitatis absolvere, subreptum vel obreptum illi fuit. Quod verum esse posse docet ipse in libri IX. Epistola XXXI. ad Haganonem Episcopum: *Multa, inquit, subripi possunt, nimis ad singula intentis, utpote divisis ad plurima, & intentis ad maxima, quibus vehementer arctamur: In hac causa, quod minime recordamur, siquid fortè subreptum fuit, optat magis animus corrigere, quam ab aequitate & rationis tramite deviare, vel aliis corrigenda relinquere.* Neque verò in hac tantum Epistolæ parte, sed & in pluribus aliis insequentibus Gregorio subreptum vel obreptum est; quod breviter demonstramus.

I. Scribit: *Sancti Patres Romanam Ecclesiam tam in generalibus Conciliis, quam in cæteris scriptis, & gestis suis universalem matrem appellaverunt.* Sancti Patres in Nicæno Concilio I. quod generale est, Romanam Ecclesiam non appellaverunt universalem matrem: Sancti Patres in Constantinopolitano Concilio, quod generale est, Romanam Ecclesiam non appellaverunt universalem matrem: Sancti Patres in Ephesino Concilio I. quod generale est, Romanam Ecclesiam non appellaverunt universalem matrem: Sancti Patres in Calchedonenſi Concilio, quod generale est, Romanam Ecclesiam non appellaverunt universalem matrem: Sancti Patres in Constantinopolitano Concilio II. quod generale est, in Constantinopolitano III. quod generale est, in Nicæno Concilio II. quod generale quoque est, Romanam Ecclesiam non appellaverunt universalem matrem: Sancti Patres in scriptis, & gestis suis, Irenæus, Tertullianus, Cyprianus, Eusebius, Athanasius, Optatus, Hilarius, Basilus, Gregorius Nyſſenus, Gregorius Nazianzenus, Siricius, Damasus, Ambrosius, Epiphanius, Chrysostomus, Hieronymus, Augustinus, Celestinus, Leo, Maximus, Chrysologus, Fulgentius, Gregorius magnus, Romanam Ecclesiam non appellaverunt universalem matrem. In hac facti quæſtione ſoli ſunt oculi iudices. Quæſo te, an major dari poſſit unquam obreptio vel ſubreptio?

II. Gregorius laudat Julii ad Orientales Epistolam, non quam refert Athanasius, sed quam nescio quis malæ fidei ſcriptor Julio ſubjecit. Id ex conſulari nota planiſſimum eſt: *Data Calendis Novemb. Feliciano, & Maximiano viris clariff. Conf.* At quibus annis Julius Romanam adminiſtravit Eccleſiam, Conſules hi duo, Felicianus & Maximianus non comparent ſimul. Maximianus anno CCCXI. comparet octavum conſul cum Licinio Cæſare, & Felicianus anno CCCXXVII. qui Julii annus I. eſt, cum Titiano. Deinde in annuſi primum Julii cadere non poſſunt, quæ ſequuntur: *Idcirco quoniam dudum vocati venire renuiſtiſ, modo ad certum diem, id eſt xv. Calend. Novemb. vos iterum regulariter literis, miſſiſque evocamus.* Hæc autem anno CCCXII. contigerunt in annaliſus Eccleſiaſticis, non anno CCCXXXVII. Tum Gregorius ex hac Epistoſa quæ ſequuntur, adducit: *Apoſtolica Sedes habet poteſtatem ſingulari privilegio ſibi conceſſam aperire, & claudere januas regni cæleſtis, quibus voluerit: Sontibus nempe & malis, perinde ut inſontibus & bonis. Quis crederet id unquam ſeriò ſcripſiſſe Julium, & attento animo laudâſſe Gregorium?*

III. Gregorius profert è libro XI. Gregorii Papæ Epistolam X. ad Senatorem Presbyterum & Abbatem: Sed eam ſubdititiâ, vel certè interpolatâ ſemel atque iterum oſtendimus, ſemel in priori ad Michaelem Girardum Vertolienſem Abbatem Epistoſa: Iterum verò in priori ad Joannem Rolandum Pariſienſem Theologum

Epistoſa: Quæ duabus in illis Epistoſis diſputo, hic repetere ſupervacuum foret.

IV. In medium edit Clementis ad Jacobum fratrem Domini Epistolam, quæ ab eruditis hominibus apocrypha, & ſuppoſiticia dudum probata eſt: Jacobus multis ante annis obierat, quàm Clemens Pontifex renunciaretur, quod ad convincendam falſi Epistoſam notare ſufficeret.

V. Hinc paullo poſt proſequitur: *Si ſpeciale, inquit, aliquod de perſonis Principum requiratur exemplum, beatus Innocentius Papa Arcadium Imperatorem, quia conſenſit, ut ſanctus Joannes Chryſoſtomus è ſua ſede pellereſtur, excommunicavit.* Excommunicatio hæc memoratu, ſi contigiſſet, digniſſima ſcriptorum aqualium & ſupparium, quotquot fuerint, Idatii Lemicensis Episcopii, Proſperi, Socratis, Sozomeni, Theodoretii, Palladii, qui Chryſoſtomi vitam edidit, obruitur ſilentio. Siccine tacetur Ambroſii cum Theodoſio in Mediolanenſem Eccleſiam ingreſſi volente poſt cædem Theſſalonicanæ congreſſio? De hac loquuntur omnes, ut in Epistoſa ad Claudium Amelinam Pariſienſis Eccleſiæ Cantorem oſtendimus. Conſiſta eſt Innocentii ad Arcadium Epistoſa poſt ætatem Dionyſii, à quo relata fuiſſet in codicem canonum, ubi complures Innocentii referuntur Epistoſæ, in quarum nonnullis de Joanne Chryſoſtomo mentionem facit Innocentius. Quis auctor Epistoſæ fuerit, ſcire non intereſt, ſubdititiâ illam eſſe ſcire ſufficit. Georgius Alexandrinus qui ad annum DCXXX. vixit, laudator primus, & architectus fuiſſe creditur. Ex illo Photius, Glycas, Nicephorus, & cæteri Epistoſam ut germanam acceperunt, & decepti ſunt. Præterea excommunicatus fuerit ab Innocentio, vel non fuerit Arcadius, id nihil omnino conducit ad Henrici IV. Imperatoris abdicationem, vel ad liberationem ſacramenti, quo populus Imperatori obſtringeſatur. Id, inquam, nihil omnino conducit, niſi quis vel. t. idem eſſe privari imperio, atque privari communione fidelium. Quod perabſurdum & perridiculum eſſet.

VI. Cum Gregorius VII. refert, quæ Gregorius magnus ad Mauricium ſcripſit, in libri IV. Epistoſa XXXI. accurati relatoris leges negligit: Sic autem refert: *Hæc ſicut beatus Gregorius in Epistoſa ad Mauritiū Imperatorem directâ commemorat, Conſtantinus magnus Imperator omnium Regum, & Principum ferè totius orbis dominus evidenter intelligens in ſancta Nicæna ſynodo poſt omnes Episcopos ultimus reſidens, nullam judicii ſententiâ ſuper eos dare præſumpſit; ſed illos etiam Deos vocans non ſuo debere ſubſeſſe judicio, verum ſe ad illorum pendere arbitrium judicavit.* Sic verò Gregorius I. Eccleſiaſtica quoque reſtat ſcriptura, quia cum pia memoria Conſtantino Principi ſcripto oblata accuſationes contra Episcopos fuiſſent, libellos quidem accuſationis accepit, & eoſdem, qui accuſati fuerant, Episcopos convocans, in eorum conſpectu libellos quos acceperat, incendi, dicens: *Vos diſceſtis à vero Deo conſtituti, ite & inter vos cauſas veſtras diſcite, quia dignum non eſt, ut iudicemus deos.* Non ergo ſcribit Gregorius I. ut eum ſcribentem inducit Gregorius VII. id mutua docet utriuſque loci contentio. Quo in loco Conſtantinus ſedit in Nicæna ſynodo, Gregorius I. non dicit, ſed ſi dixiſſet, aliter quàm dicit Gregorius VII. dixiſſet; dixiſſet utique ut Eusebius, in lib. III. de vita Conſtantini capite X. tradit. Signo verò dato, quod Imperatoris introituſ indicabat, conſurrexiſſe omnes dicuntur. Imperator deinde tanquam quidam cæleſtis Dei Angelus purpureo veſtituſ & nitido, velut clario luminis fulgore ſplendens... per medium conſeſſum intrat. Et poſt alia: *Simul ac, inquit, ad ſummum locum (ſynodi) venit, primum in medio conventu erectus conſtituit, ac cum parva quadam ſella ex auro fabricatâ illi eſſet loco poſita, non prius conſedit, quàm Episcopii ad id innuiſſent, idemque omnes poſt Imperatorem ſaſcitarunt.*

VII. Gregorius VII. decreta Symmachi Papæ ſic laudat: *Quod de Apoſtolica Sede prælibavimus, in decre-*



decretis Symmachi Papæ (licet experimento sciamus) sic continetur: Ille scilicet beatus Petrus, perennem meritum dotem cum hereditate innocentia misit ad posteros. Et post pauca: Quis enim sanctum esse dubitet, quem apex tanta dignitatis attollit, in quo si desint bona acquisita per meritum, sufficiunt quæ à loci decessore præstantur? Atque hæc non extant in Symmachi Papæ decretis, quæ habet codex vetus canonum Romanæ Ecclesiæ.

VIII. Gregorius VII. de beato Ambrosio sic loquitur: Et beatus Ambrosius licet sanctus, non tamen universalis Ecclesiæ Episcopus Theodosium magnum excommunicans ab Ecclesiâ exclusit. Ambrosius Imperatorem non exclusit simpliciter ab Ecclesiâ, sed à Mediolanensi tantum exclusit Ecclesiâ, usque dum poenitentiam de peccato egisset. Deinde non excommunicavit Theodosium, ut videre sibi videtur Gregorius, quia contumacem non invenit. Illum potius invenit, qui peccatorem se esse sentiens, emendationis spem omnem daret, & Pastoris admonitionibus locum præberet amplissimum.

Denique Gregorius VII. ibidem Ambrosium ita laudat: Qui etiam in suis scriptis ostendit, quod aurum non tam pretiosius sit plumbo, quam regia dignitate sit altior dignitas sacerdotalis, hoc modo circa principium sui Pastoralis scribens: Honor, fratres, & sublimitas Episcopalis nullis poterit comparationibus adequari. Si Regum fulgori compares, & Principum diademati, longè erit inferior, quam si plumbi metallum ad auri fulgorem compares. Quippe cum videas Regum colla, & Principum submitti genibus Sacerdotum, & exosculata eorum dextera orationibus credant se communiri. Ambrosius nullum exaravit librum, qui Pastoralis inscribatur. Deinde quæ citat Gregorius VII. non habentur in aliis Ambrosii operibus. Hæc autem omnia, quæ de Gregorii Epistola ad Herimannum Metensem observavimus, palam ostendunt, Gregorio inter scribendum vehementer obreptum vel subreptum esse, nisi fortassis (quod facilius crediderim) Gregorii scriba Epistolam de suo composuerit.

Jam visum est auctores novos Gregorii VII. auctoritate tueri se non posse: Nunc videndum est, utrum melius tueri se possint Innocentii IV. auctoritate, quam ex sententia contra Fridericum Imperatorem in Lugdunensi Concilio lata repetunt: Adscribo verba Innocentii: Privilegium insuper, quod beato Petro, & successoribus ejus in ipso tradidit Dominus Jesus Christus, videlicet, quodcumque ligaveris super terram, erit ligatum & in cælis, & quodcumque solveris super terram, erit solutum & in cælis: In quo utique auctoritas, & potestas Romana Ecclesiæ consistit, pro viribus diminueret, vel ipsi Ecclesiæ auferre satagit (Imperator) scribens se prefati Gregorii (IX.) sententias non vereri, latam ab eo excommunicationem in ipsum non solum contemptis Ecclesiæ clavibus non servando, verum etiam per se ac officiales suos, & illam, & alias excommunicationis vel interdicti sententias, quas idem omnino contempsit, cogendo alios non servare. Et post aliquam multa: Nos itaque super præmissis, & compluribus ejus nefandis excessibus cum fratribus nostris, & sacro Concilio deliberatione præhabita diligenti, cum Jesu Christi vices licet immeriti teneamus in terris, nobisque in beati Petri Apostoli persona dictum sit, quodcumque ligaveris super terram, &c. Memoratum Principem qui se Imperio & regnis, omni que honore ac dignitate reddidit tam indignum, quique propter suas iniquitates à Deo, ne regnet vel imperet, est abjectus, suis ligatum peccatis, & abjectum, omni que honore & dignitate privatum à Domino ostendimus & denuntiamus, ac nihilominus sententiando privamus, omnesque qui ei juramento fidelitatis tenentur astricti, à juramento hujusmodi perpetuo absolventes.

In relatis semel atque iterum ex Matthæi capite XVI. verbis animadvertimus duo, primum, quod in

iis auctoritatem, & potestatem Romanæ Ecclesiæ consistere Innocentius affirmet. Credo enim verò, sed Romana Ecclesiâ, Concilia, sancti Patres, & tractatores Ecclesiastici potestatem illam ligandi ac solvendi definiunt in criminibus, nec ultra proferunt, vel ad abdicandos principibus suis Reges, vel ad subditos sacramento fidelitatis liberandos: Nec in priori citatione, de qua hic loquimur, dissentire Innocentius videtur. Recordabatur adhuc eorum, quæ supra ipsemet dicit in ordine suo, cum Romanæ Ecclesiæ circa ligandi & solvendi Pontificium traditionem expeditimus. Traditio hæc suis sic explicata est ac fixa monumentis, ut de quacunque alia prorsus actum sit, si ea, intelligis, negligatur. Non enim potest quis pro arbitrio libidineque sua traditionis genus unum admittere, & aliud rejicere. Machina & instrumentum esset illudendæ veritatis certissimum.

In posteriori citatione aliter se res habet, ac in priori. Pontifex Evangelii verba porrigit ad deponendos Reges, & subditos à juramento fidelitatis absolvendos, capita duo; quæ Romanæ Ecclesiæ patrocinio, & sanctorum Patrum suffragiis retro versus Apostolos destituuntur. Hic repetenda sunt, quæ satis repeti nequeunt Gregorii II. & Nicolai I. testimonia. Pronuntiat Gregorius, se nec introspiciendi in palatium, nec regias dignitates deferendi potestatem habere. Pronuntiat Nicolaus, Romanam Ecclesiam semper sanctorum Patrum sincerissimas auctoritates in omnibus actibus suis sequi, auctoritates sincerissimas, id est, integras, veras & minime fucatas. Cujusmodi non sunt eæ, quibus Gregorium usum esse vidimus, & quoad ejus fieri potuit, excusandum proposuimus, rejecta in Amanuensem culpa.

Porrò autem Gregorii II. & Nicolai I. testimonia etiam centies repetita displicere nunquam poterunt, quia quæ & qualis sit ab Apostolicis usque ducta temporibus Sedis Apostolicæ integritas, demonstrant. Hinc fit, ut cavendum sit maxime, ne verba hæc: Super præmissis & pluribus ejus (Friderici) nefandis excessibus cum fratribus nostris, & sacro Concilio deliberatione præhabita diligenti, ad, quodcumque ligaveris, quod sequitur, non transferantur, sed transferenda sunt ad id quod antecedit, ut ipsa verborum præ se fert series & contextio: Ad nefandos videlicet Imperatoris excessus, quorum facta fuerat mentio & declaratio. Neque verò dubium est, quin si venisset in deliberationem, utrum Evangelii verba, quodcumque ligaveris, & quodcumque solveris, ad deponendos Reges, & ad subditos à juramento fidelitatis absolvendos extendantur, non extendi per Romanæ Ecclesiæ & sanctorum Patrum, & illustrium schola Theologorum traditionem inventum & judicatum esset. Quò fit ut Innocentio, qui tum variis Friderici vexationibus occupabatur, obreptum vel subreptum esse negari vix possit. Obreptio vel subreptio confirmatur ex verbis ejusdem Matthæi capite XVIII. Quæcumque alligaveritis super terram, erunt ligata & in cælo, & quæcumque solveritis super terram, erunt soluta & in cælo. Quæ dicuntur Apostolis, & quia iis dicuntur, illorum successoribus Episcopis dicuntur: Quibus qui unquam ex hoc loco deponendorum Regum, & subditorum à juramento fidelitatis eximendorum jus attribuit? Paria sunt apud Matthæum capitibus XVI. & XVII. (si pluralem numerum excipias) verba, & parium est eadem natura: si fover in fi. sol. matr. & parium eadem est potentia, nec major. L. I. §. veteres de acquirendo poss. si reus de duobus re.

Præterea Innocentius in hac contra Fridericum sententia Concilium semel atque iterum nominat, sed universale, œcumenicum, vel generale nusquam nominat. Semel in principio: Innocentius sacro præsentis Concilio ad rei memoriam sempiternam. Iterum in media ferè sententia: Nos igitur super præmissis, & compluribus ejus nefandis excessibus cum fratribus nostris, & sacro Concilio deliberatione præhabita diligenti. Deinde

Deinde in literis, quibus Pontifex Senonensem Archiepiscopum vocat ad celebrandum Concilium, non addit; universale, œcumenicum, vel generale. Ut  
 229 Romam, inquit, te conferas sciurus, quod nos dictum Principem in predicatione nostra citavimus, ut per se vel per suos ministros in Concilio celebrando compareat, respondens. Idem omnino scribit ad Senonense Capitulum, ad Regem Franciæ, ad Episcopos Angliæ, & ad Ostiensem Episcopum. Verba sunt: Nos de ipsorum fratrum consilio Concilium duximus celebrandum. Non addit, universale, œcumenicum, vel generale. Sed an addere reipsa potuerit, pronuntiari facile non est. Nam cur reipsa non addiderit, nulla potest adferri plausibilis ratio, & potest adferri cur rebus ita compositis addi nequiverit, si recepta universalis, œcumenici, vel generalis Concilii notio retinenda sit; atque in hoc cardo rei vertitur. Pontifex quidem ad celebrandum Concilium, Ludovicum Galliæ Regem, Senonensem Archiepiscopum, Senonense Capitulum, & Angliæ Episcopos vocavit; sed nondum apparuit, Pontificem Italiæ, Siciliæ, Germaniæ, Aragoniæ, Castellæ, & Lusitaniæ antistites ad celebrandum Lugduni Concilium vocasse. Odoricus Rainaldus Ecclesiasticorum Annalium continuator, qui hac in parte regestum Epistoliarum Innocentii laudat, nullam laudat, qua illi vocentur. Orientales mitto, qui profecto vocati non fuere.

Bellarminus Concilium, quod ex quibusdam Galliæ & Angliæ Episcopis, & Romanæ Ecclesiæ Cardinalibus coaluit, universale, œcumenicum, vel generale non appellaret, & cur non appellaret, in lib. 1. de Conciliis cap. xvii. rationem reddit, ubi conditiones ad generale Concilium celebrandum necessarias exponit hoc modo. *Prima est, ut evocatio sit generalis, ita ut innoteat omnibus majoribus Christianis provinciis. At sic generalis non fuit ad Lugdunense Concilium evocatio. Quarta conditio, ut saltem ex majori parte Christianarum provinciarum aliqui adveniant, & si quidem Concilium sit in Oriente, semper visum est sufficere, si ex provinciis omnibus Orientis Episcopi conveniant multi: Ex toto autem Occidente mittantur aliqui à summo Pontifice, qui suppleant aliorum locum: Et è contrario si celebretur in Occidente, ex omnibus provinciis conveniant multi, ex Oriente autem pauci aliqui veniant nomine aliorum.* At conditio hæc in Lugdunense Concilium neutiquam quadrat. Dicit aliquis, Hic auctor in ejusdem libri capite v. Lugdunense Concilium hoc in generalium Conciliorum numero ponit auctoritate Palmerii, Platini & Onuphrii. Id quidem verum est, sed tacite revocat in cap. xvii. quod in cap. v. de Lugdunensi Concilio scripserat, vel secum pugnat, quia hoc in Concilio desiderantur conditiones illæ duæ, quas ad celebrandum generale Concilium requirit. Præterea Palmerio & Platina imponit. Palmerius dicit, *Fredericus hoc anno (M.CC.XLIV.) ab Innocentio in Lugdunensi Concilio damnatus est.* Platina dicit, *Concilium, deinde eo loci (Lugduni) indicto.* Sed ut videre est, neuter auctor Concilii generalis, vel œcumenici, vel universalis meminit. Onuphrius Lugdunense quidem Concilium fuisse generale scribit. Sed fortassis non easdem conditiones, quas Bellarminus, ad generale Concilium requirit. Sic Bellarminus ad eas compellitur angustias, quibus expedire se nunquam poterit.  
 230 Si quas enim conditiones ad faciendum generale Concilium requirit, legitime requirit, quod Lugdunense Concilium generale nominat, generale non erit: Et è contrà, si quod Lugdunense Concilium generale vocat, generale sit, quas ad faciendum generale Concilium requirit conditiones, nec bene, nec legitime requirit. Ad hæc de Palmerio & Platina, quos falso citat, fidem suam liberaturus est nunquam, nisi prætexat, quæ crimen augebit, indiligentiam.

Præterea Bellarminus alium tractandi modum nobis suppeditat, cum in libri v. de Rom. Pont. capite

xi. Honorii Papæ I. causam agit, & de synodo sexta loquitur. *Quod si aliquis, inquit, adhuc non possit adduci, ut credat corruptam esse VI. synodum, is accipiat alteram solutionem, quæ est Joannis à Turrecremata lib. 11. de Ecclesia cap. xciii. qui docet, Patres VI. synodi damnaſſe quidem Honorium, sed ex falsa informatione, ac proinde in eo judicio errasse. Quamvis enim generale Concilium legitimum non possit errare, ut neque erravit hoc sextum in fidei dogmatibus definiendis, tamen errare potest in questionibus de facto. Itaque tunc dicere possumus, hos Patres deceptos ex falsis rumoribus, & non intellectis Honorii epistolis, immerito cum hæreticis connumerasse Honorium.* Sic ad illorum imitationem de Lugdunensi Concilio pronuntiare possumus: Et quamvis Concilium istud errare non possit in definiendis fidei dogmatibus, quæ juris est quæstio, errare tamen potuit in quæstione de facto: Scilicet in lata contra Imperatorem sententia. Itaque tunc dicere possumus, Concilii Patres, cum Imperatorem  
 233 abdicarunt dignitate propria, & subditos à juramento fidelitatis absolverunt, deceptos fuisse, Evangelii verbis, *quodcumque solveris, per antiquam Romanæ Ecclesiæ, & sanctorum Patrum traditionem non intellectis.* Sed quod mirere, erroris genus id confirmatur ex scripturæ hujus interpretibus & Theologis, qui post Concilium floruerunt: Siquidem omnes, vel pene omnes scripturæ verba in ligandis & solvendis criminibus determinarunt, & nulli, vel certè pauci ad jus deponendorum Regum, & subditorum à juramento fidelitatis eximendorum protraxere. Id autè planum fecimus. Hic est tractandi ac disputandi modus, quem Cardinales duo Turrecremata, & Bellarminus ultro nobis obijciunt. Quinetiam multò facilius fuit veram Epistolarum Honorii, quam verborum Evangelii, *quodcumque solveris*, intelligentiam assequi. Epistolæ erant tantum duæ, quæ hora una volvi sæpius ac revolvì poterant, & ad sensum, per naturam rerum, & vocum omnium inter se junctarum intentum, & commeantem deduci. Replicandæ verò fuerunt Romanæ Ecclesiæ Pontificum & Cardinalium Epistolæ, & scripta ferè innumerabilia: Replicandi SS. Patrum, tractatorum, & illustrium è schola Theologorum commentarii, ut verborum Evangelii genuinus perquireretur sensus, & assereretur: Ad quod opus, ut par est, exequendum infumendi dies, & menses toti fuissent nec pauci. Hoc in loco Turrecremata & Bellarminus, & qui eorum sequuntur opinionem, penitus constringuntur, si quam instituimus comparisonem rejiciant. Nam cogentur Turrecremata, & Bellarmini sententiam, quam adamante rejicere, ut  
 233 comparisonis *ἀναλογία* rejiciant, & sanè nulla unquam admittenda erit comparatio, vel hæc admittatur necesse est.

Verum enim vero ad rem ipsam quod attinet, hæc tum demum ita circumscribimus, ut calumniæ locus nullus patere merito possit. In Florentina Synodo non solum definita est Romani antistitis potestas, sed etiam potestatis hujus exercendæ fines ac limites præscripti sunt, & sic aditus ad usurpationem omnem interclusus manet. Appono synodi verba: *Item definimus sanctam Apostolicam Sedem, & Romanum Pontificem in universum orbem tenere primum, & ipsum Romanum Pontificem successorem esse beati Petri Apostolorum Principis, & verum Vicarium Jesu Christi, totiusque Ecclesiæ caput, & omnium Christianorum Patrem & Doctorem existere, & ipsi in beato Petro pascendi, regendi ac gubernandi universalem Ecclesiam, à Domino Jesu Christo plenam potestatem traditam esse, quemadmodum & in gestis Conciliorum œcumenicorum, & in sacris canonibus continetur.* Sic apud Blondum Eugenii Papæ IV. scribam in libro x. decadis 111. Sic in omnibus quoque codicibus Græcis tam editis, quam manuscriptis: *καὶ ὁ ἐν τῇ πόλει καὶ ἐν τοῖς ἀποστολικαῖς καὶ ἐν τοῖς ἐκκλησιαστικαῖς ἀρχαῖς καὶ ἐν τοῖς ἐκκλησιαστικαῖς ἀρχαῖς καὶ ἐν τοῖς ἐκκλησιαστικαῖς ἀρχαῖς.*



Oecumenicæ synodi, de quibus hic sermo instituitur, septem sunt primæ; & non aliæ: 1. Quia Florentina Synodus in prima editione sui octava synodus inscribitur. 11. Quia in editionis privilegio quod Clemens VII. concessit, octava quoque Synodus appellatur: 234 111. Quia in Florentinæ synodi actis, synodus post septimam nulla laudatur, etiamsi sæpius oblata sit occasio, in qua synodi post septimam habitæ laudari potuerint. Non ibit inficias, qui acta illa legendo percurreret.

His autem ita constitutis, nec spreta Gallicanæ Ecclesiæ circa Florentinam synodum deliberatione, si quodcunque ligaveris, & quodcunque solveris, in gestis oecumenicorum Conciliorum, & sacris canonibus eò extendatur usque, ut jus deponendorum Regum, & subditorum à sacramento fidelitatis eximendorum coerceat, id salvo judicio meliori retinendum esse mihi videtur. Si verò quodcunque ligaveris, & quodcunque solveris, in gestis oecumenicorum Conciliorum, & in sacris canonibus non eò extendatur usque, ut jus deponendorum Regum, & subditorum à sacramento fidelitatis eximendorum contineat, id quoque retinendum esse mihi videtur, & cuicumque alii videri debet, ne Florentinæ synodi definitio corrumpatur. At per Romanæ Ecclesiæ præfulum & Cardinalium traditionem, quam explicuimus, & per SS. Patrum & celeberrimæ scholæ magistrorum doctrinam, quam exhibuimus, in gestis oecumenicorum Conciliorum & in sacris canonibus, quos Florentina synodus respicit, jus deponendorum Regum, & subditorum à sacramento fidelitatis absolvendorum haud contineri certo est certius. Sic Florentina synodus latam ab Innocentio IV. in Lugdunensi synodo contra Fredericum sententiam emendare dicenda est. Posterior synodus priori derogat, & rem nostram in tuto collocat, ut ad latam ab Innocentio IV. contra Fredericum sententiam, & novam in ea scripturæ verba, quodcunque ligaveris, & quodcunque solveris, interpretationem notavimus. 235

Jam sentis, opinor, recentiores Theologos Suarem, Becanum, & alios, de quibus conquerebaris, graviter incurrit in relatum Tridentinæ professionis fidei articulum, qui ex sessione 1v. Concilii depromptus

est: Præterea, inquit, ad coercenda petulantia ingenia decernit, ut nemo sua prudentia innixus in rebus fidei, & morum, ad adificationem doctrinæ Christianæ pertinentium, sacram Scripturam ad suos sensus contorquens contra eum sensum, quem tenuit & tenet sancta mater Ecclesia, cujus est judicare de vero sensu, & interpretatione Scripturarum sanctarum, aut etiam contra unanimum consensum Patrum, ipsam Scripturam sacram interpretari audeat, etiamsi hujusmodi interpretationes nullo unquam tempore in lucem edenda forent. Editæ sunt à Suare, cum ita scribit loco citato. Deinde hoc (Reges ab Romano Pontifice deponi posse) colligimus ex aliis Christi verbis, quodcunque ligaveris. Nam illa etiam generalia & indifferentia sunt. Quod si quis dixerit, Matthæi xviii. fuisse declarata, & determinata ad ligamen censure; respondemus, declaratum ibi esse in illa generali potestate ligandi, includi excommunicationis vinculum: Non tamen ad illam solam poenam imponendam potestatem illam limitari. Tum quia nulla talis limitatio ex illo contextu colligitur: & cætera id genus, sine ulla traditione Patrum. Becanus ita quoque scribit loco citato: Ut autem legitime hoc fiat (Regum depositio) duo requiruntur: 236  
num ex parte Pontificis, nempe potestas absolvendi: Alterum ex parte subditorum, nempe legitima causa cur absolvendi sint (à vinculo subjectionis) & quidem potestatem absolvendi accepit Pontifex à Christo, his verbis: Quidquid solveris super terram, erit solutum & in cælis. Et hoc quoque sine ulla traditione Patrum, & contra Tridentinæ synodi regulam, & privato duntaxat spiritu, ex quo tanquam ex perenni fonte errores prope innumeri semper manarunt, & Dei Ecclesiam conturbarunt. Suares igitur, Becanus & recentiores alii lapsi sunt non modò, quia Tridentinæ professionis fidei articulum spreverint, sed etiam, quia Florentinæ præscriptionis rationem nullam habuerint: Quæ quoties agitur de Romani Pontificis auctoritate, semper habenda est. Exempla sunt mala, quæ nos cavere oportet. Cavebimus semper ut syrtes & scopulos, si Tridentina regula, & Florentina præscriptio ante oculos nobis semper obversentur. Vale, Lutetiæ Paris. Idibus Julii, anno M. DC. LXX.

# Joannes Launoïus

## MICHAELI GIRARDO.

Vertolienſi Abbati.

237 **E**VOLUTO libello, quem contra me Antonius Dadinus Alteserra Tbolanus Antecessor edidit, actutum in duas opiniones contrarias distractus sum: Et primum quidem admonente scriptura nihil respondere statui, ne similis illi efficerer. Nam satis est me contentum esse laurea, quam mihi suis convitiis decernit: Hæc enim arma sunt eorum, non qui pugnatâ fortiter pugna vincunt, sed qui vincuntur. In antirrhético suo oblitus est Homericum illud:

Ἀλλήλους αἰσέειν κατὰ κρατερὰς ὤμους.

quod ego dum scribebam, semper ante oculos mihi proponendum esse duxi. Acriter, non abnuo, quia pro veritate, pro Gregorii Papæ dignitate, pro Regum nostrorum jure, sed humanis nihilominus telis

πρὸ λόγου decertavi. Alteserra verò libellum paginarum xlii. à contumeliis, quæ antiquum juris antistitem dedecent, orditur, & huic per contumelias finem imponit: Sed utrobique puerili motu, atque exercitatione recalescit. Scribendi genus illud contemptionem sui secum importat, & vituperationem subit: Non me, sed auctorem suum apud cordatos, & eruditos homines dehonestat. Quidquid illud est, eò recidit, ut de Alteserra dicam, quod de Helvidio dixit Hieronymus: Quia cum me veritate non posset, laceravit convitiis.

Deinde cum ab Alteserra Gregorium I. Romanum Pontificem, & Reges nostros per latus meum ferri perspexi, eadem admonente scriptura respondendum esse censui, ne ille sapiens sibi videretur. Ibi enim nulla prorsus est sapientia, ubi Pontificia dignitas nefarie læditur, & in odium vocatur atque invidiam, ubi regia

regia potestas per iniquitatem summam minuitur. Quod imus demonstratum, expendendo, quæ Alteserra pro Gregorii Papæ defensione in medium adducit. Sed non prius expendam, quam observavero Alteserram mala omnino fide mecum agere & congregari. Is nec meum disputandi sequitur ordinem, nec argumenta mea refert uti propono, invertit ordinem meum, & quæ argumenta refert, diminutè refert, & referendo vim illorum & robur enervat. Inducit me loquentem ut vult, & quomodo vult. Sic enim putat se le-  
 39 toribus suis, si quos sortiatur, illudere, & veritatem nescio quibus modis, & tergiversationibus convolvere, & inobscurare. Atque ita disputationis justæ terminos egreditur, & investigandæ allerendæque veritatis leges contemnit. Hoc autem de me conqueri non potest. Quid quid enim ad defendendum monasterii Sammedardensis privilegium scripsit, ego ad verbum descripsi, ne dissimulare quicquam viderer, & postea singillatim refutavi.

His autem præmonitis ad scriptum Alteserræ venio, & verba illius planè refero.

CAP. I. Privilegium falsi arguitur primum hoc argu-  
 39 mento, quod pœna, qua irrogatur temeratoribus privilegii, nova, insolens & ante inaudita, durior & delicto gravior videtur, maxime si spectetur regia dignitas, cum qua mitius & reverentius semper agendum est. At primum argumentum meum non est ejusmodi; sic propono: "Ea in re (in defensione Sammedardensis privilegii) Pontifici tanto (Gregorio) & sibi non mediocrem infert injuriam. Quæ autem Gregorio infertur injuria, apertam in lucem prodit sequens clausula: Si quis Regum, Antistitum, judicum, vel quarumcunque sæcularium personarum hujus Apostolicæ auctoritatis, & nostræ præceptionis decreta violaverit, aut contraxerit, aut NEGLIGENTER DUXERIT, VEL FRATRES INQUIETAVERIT, vel conturbaverit, vel aliter ordinaverit, cujuscunque dignitatis, vel sublimitatis sit, HONORE SUO PRIVETUR, ET UT CATHOLICÆ FIDEI DEPRAVATOR, VEL SANCTÆ DEI ECCLESIAE DESTRUCTOR, à consortio Christianitatis, & corpore ac sanguine Domini nostri Jesu Christi sequestratur, & omnium MALEDICTIONUM ANATHEMATE, QUIBUS INFIDELES ET HÆRETICI ab initio sæculi usque in præsens damnati sunt, cum JUDA TRADITORE DOMINI in inferno inferiori damnetur, nisi digna pœnitentia præfatorum Sanctorum sibi propitiaverit clementiam, & fratrum communem reconciliaverit concordiam. Et primò quidem sine decessorum exemplo, sine canonum auctoritate inducitur id genus pœnæ irrogare, ut si quis Regum, Galliarum puta, Hispaniarum, Italiae, Angliarum, Orientis & Occidentis, & si quis Antistitum, Alexandriae puta, Antiochiæ, Constantinopolis, Hierosolymorum, Carthaginis, Mediolani, & aliarum civitatum monasterii sancti Medardi privilegium  
 40 NEGLIGENTER DUXERIT, HONORE SUO PRIVETUR, ET UT CATHOLICÆ FIDEI DEPRAVATOR, VEL SANCTÆ DEI ECCLESIAE DESTRUCTOR, à consortio Christianitatis, & corpore & sanguine Domini nostri Jesu Christi sequestratur, ET OMNIUM MALEDICTIONUM ANATHEMATE, QUIBUS INFIDELES ET HÆRETICI (ut Paulus Samosatenus, Arius, Macedonius, &c.) damnati sunt, cum JUDA TRADITORE DOMINI in inferno inferiori damnetur, &c. Quis autem crederet, Gregorium eximie sapientiae Pontificem negligentiae nomine suspectis erga privilegium Regibus & Antistitibus, id pœnæ genus irrogasse? Hoc est falsi argumentum primum, quod propono, & quod Alteserra dissimulat, cum illud aliter proponat, & proponendo vim illius & robur enervet. Qui sic cum adversario congreditur, nonne mala fide congreditur, & debito cordatis atque eruditis hominibus honore indignus redditur? Cum Alteserra privilegium istud Gregorio attribuit, & Gregorii Ecclesiæ, seu defensor adversus Launioium accedit, nonne infa-

mat & prodit Gregorium? Videamus interim, quomodo argumentum quod tam insincerè sibi proposuit, & mihi tribuit, diluat.

Sed hoc argumentum facile solvitur, salva & incolumi dignitate Regia majestatis, cujus devotissimum me cultorem profiteor: Nempe cum Regem, qui privilegium Sammedardensis monasterii negligenter ducit, vel fratres inquietat, (grande omnino scelus) patronatus jure privandum esse censet, & perinde tractandum ac si fidem depravasset Catholicam, & sanctam Dei destruxisset Ecclesiam, ut Samosatenus, Arius, & reliquæ pestes hujusmodi, & tum demum ut Judas alter Christum prodidisset. O devotum & sincerum Regiæ majestatis cultorem! Profectò satius esset nostros Reges cultore tali carere, quàm non carere. De Antistitibus silet, quos tamen in argumento meo cum Regibus conjunxeram. Similiter dicit se esse devotissimum Episcopalis dignitatis cultorem, cum Suessionensem Episcopum, vel Remensem Archiepiscopum, qui privilegium negligenter ducit, vel fratres inquietat, Episcopali, vel Archiepiscopali honore privandum esse judicat, & perinde tractandum ac si fidem depravasset Catholicam, & sanctam Dei destruxisset Ecclesiam, & cum Samosateno, Ario, Eunomio, Macedonio, Nestorio, Eutychete vexillum sustulisset, & Christum cum Juda prodidisset.

CAP. II. Continuo pergit: Ea ætate singulari pietate Regum, Principum, Episcoporum, & fidelium varia surrexere monasteria maxime in Gallia, qua ipsi fundatoribus expetentibus à Sede Apostolica exemptionis privilegia impetrarunt: Ut tutiora essent, appositæ sunt pœna Ecclesiastica adversus transgressores. Nec nominat, nec nominare potest monasterium ullum, cujus fundator Gregorii ætate privilegium exemptionis à Sede Apostolica petierit vel impetraverit. Accipio exemptionis privilegium, quo Sedes Apostolica monachos in rebus ad disciplinam, & mores spectantibus canonicæ Episcoporum obedientiæ subduxerit. Hic Alteserra luculenter imponit. Deinde inter nos non est quæstio, an privilegiorum transgressoribus Ecclesiasticæ pœnæ aliquando sint appositæ: Sed quæstio est, utrum Gregorii ætate concessum sit à Sede Apostolica monasterio alicui privilegium, in quo eadem quæ in Sammedardensi privilegio pœna sit appositæ, nimirum ut Reges & Episcopi qui privilegium negligent, & inquietabunt monachos, patronatus & Episcopalis honoris amissione puniantur, & ut Catholicæ fidei depravatores, & sanctæ Dei Ecclesiæ destructores, & similes Judæ proditores habeantur, & omnium maledictionum anathemate, quibus infideles & hæretici, Samosatenus puta, Arius, Nestorius, Eutyches & alii, damnentur: Atque hic quoque Alteserra, si non imponit, turpiter illudit.

CAP. III. Pergit: Ut monasteriorum dos in tuto esset, constitutum, ne in fundatorum, sed tantum in Episcoporum potestate esset. Concilium Toletanum IV. can. xxxii. Noverint conditores Basilicarum in rebus, quas eisdem Ecclesiis conferunt, nullam se potestatem habere, sed juxta canonum instituta, sicut Ecclesiam, & dotem ejus ad ordinationem Episcopi pertinere. Can. Noverint x. qu. i. quod repetitur est Capitul. lib. vii. c. cc. xxxiii. ccc. lxxviii. Et si forte fundator, vel ejus liberi, aut heredes res Ecclesiæ à se traditas pervaderent, annua excommunicatione, id est, annua suspensione à communione Ecclesiastica damnati. Concil. Tolet. ix. can. i. Filiis vel nepotibus, ac honestioribus propinquis ejus, qui construxit, vel ditavit Ecclesiam, licitum sit hanc bona intentionis habere Solertiam, ut si Sacerdotem seu ministrum aliquid ex collatis rebus praverint defraudare, aut commotionis honesta conventionem compescant, aut Episcopo vel judici corrigenda denuntient. Et infra: Ipsi tamen heredibus in eisdem rebus non liceat, quasi juris proprii potestatem præferre, non rapinam, nec fraudem ingerere, nec violentiam quamcunque præsumere; sed hoc solum in salutarem sollicitudinem adhibere, quod aut nullam noxam operatio nocens attingat, aut multam, vel aliquam partem salutaris mercedis assumat. Si quis verò deinceps hac monita temerare præsumserit, & malè rata cum con-  
 43 fusione



fusione restituet, & excommunicationis annua sententiam suscipiet. can. Filiis. XVI. qn. VII. quod repetit Conc. Lateranense habuit sub Alexandro III. cap. Præterea. Extra de jure patronat. Siccine diluitur falsi argumentum, quod proposui? Hæc omnia, quæ retuli, sint vera, ad rem quid pertinent? Alteserra divagatur, à proposito digreditur, & in digressionem hac non meminit se in ea esse sententia, ut credat auctoritatem nullam habere provincialia Concilia, quæ Romanus Pontifex non approbavit. Sic ille suis in annotationibus ad libri II. indict. XI. epistolam XLVIII. ad Adeodatum provincie Numidie primatem dogmatizat: Mandat ut Concilium ubi fuerit peractum sibi notum fiat, optima ratione, quia Concilia provincialia non habent vim, priusquam comprobentur à Roman. Pont. Canon. Concil. XVII. dist. Annotationem hanc ut à mente Gregorii alienam, ineptam, & absurdam procul abjeci in epistola, cujus argumentum fuit hæc annotatio, sed hac in re nondum comparuit Ecdicus Gregorii Papæ. Præterea in Toletani Concilii IV. canone XXXII. excommunicationis nulla fit mentio, tantum abest ut in eo par clausula cum Sammedardenis privilegii clausula reperiatur. In Toletani Concilii IX. canone I. excommunicationis quidem fit mentio, sed ceterarum rerum quas Sammedardenis privilegii clausula repræsentat, nulla fit mentio. Hinc si opus esset, confirmaretur clausulæ enormitas, cuius ope Sammedardense privilegium Gregorio abjudicaretur.

CAP. IV. Pergit: Nec durior debet videri pœna apposta huic privilegio: Quæ non alia est, quam excommunicationis & amissionis juris patronatus, quia jus patronatus est merum beneficium Ecclesiæ. Nec contemnitur vel offenditur Regis dignitas, cum eodem jure censetur in hoc pœna genere, ac alius fundator, sive Princeps, sive Antistes sit, sive privatus. Siccine diluitur falsi argumentum, quo propter atrocitatem clausulæ Sammedardenis privilegium ut à Gregorii, & Sedis Apostolicæ moribus alienissimum rejicitur? Sed lepidus est Alteserra cum ait, non debere appositam privilegio huic pœnam duriorē videri: Scilicet cum Rex qui privilegium negligenter ducit, vel monachos inquietat, æquè punitur, ac si totum incendisset monasterium, & monachos omnes exquisito crudelitatis genere trucidasset. Intelligis, Alteserra: Rex monasterii vastator ac incendiarius, & immanissimus monachorum omnium interfecto non posset puniri durius, quam qui in privilegii clausula privilegium negligenter ducit, vel monachos inquietat? Rex privilegii negligens, & quietis monachorum turbator jus patronatus amittit, à consortio Christianitatis, & corpore, & sanguine Domini nostri Jesu Christi sequestratur, Catholica fidei depravator, & proditoris Judæ similis denuntiatur. Neque hoc satis: Sed & omnium maledictionum anathemate, quibus infideles & hæretici, Arius puta, Nestorius, Eutyches, ab initio sæculi usque in præsens damnati sunt, in inferno inferiori damnatur. Gregorii Papæ proditor est, non defensor, qui privilegium hujusmodi Gregorio vindicat. Apostolicæ Sedis amicus non est, sed adversarius, qui concessum esse ab illa privilegium istiusmodi pertinaciter doceret.

Ad hæc cum subjicit: Nec contemnitur vel offenditur Regis dignitas, cum eodem jure censetur in hoc pœna genere, ac alius fundator sive Princeps, sive Antistes sit, sive privatus; non recordatur quid in suis ad hoc privilegium Annotationibus scripserit. Et certe, inquit, monasterium fuit dignissimum gratia Pontificis; fuit enim Regia fundatio. Nimirum fundatum à Clothario I. & Sigiberto ejus filio. Clotharius & Sigibertus Reges, nunc eodem jure censentur in genere pœnæ, ut privati homines, cum in obtenta ab iis privilegia peccant: Nunc non eodem jure censentur in genere gratiæ, ut privati homines, cum à Romano Antistite privilegia impetrant; atque ita circumspexit Antecessor novit pugnantia loqui.

CAP. V. Et paulo post pergit: Nec in pœnis Ecclesiasticis sit distinctio personarum, quia pœna Ecclesiastica

imponuntur non ad destructionem, sed ad edificationem, non ad verecundiam, sed ad salutem. Egregiam verò rationem! Erravit ergo Hilarus Pontifex, cum in decretis suis ait: Nos qui potissimi sacerdotis administramus officia, talium transgressionum culpa respiciet, si in causis Dei defides fuerimus inventi, quia meminimus, quod timere debemus, qualiter comminetur Dominus negligentis Sacerdotum. Siquidem reatu majore delinquit, qui potiori honore perficitur, & graviora facit vitia peccatorum sublimitas dignitatum.

Prætermisso de patroni nomine, & dignitate parergo, veniendum mihi est ad id, quod ad rem facit, nisi Alteserra fallatur. Nec singularis est, inquit, locus iste apud Gregorium. Privilegio enim Augustodunensis Canonii, quod est apud Gregorium lib. XI. epistola. XI. par omnino apponitur clausula: Ex quo unum non potest tolli, nisi tollatur & alterum. Et primum quidem non dico, mentitur, etiam si verum sit; sed dico tantum, fallitur, cum ait: In Augustodunensi privilegio par omnino apponitur clausula: Id mutua demonstrat contentio. In Sammedardeni privilegio dicitur: Si quis Regum, Antistitem, judicem, vel quarumcunque secularium personarum hujus Apostolicæ auctoritatis, & nostræ præceptionis decreta violaverit, aut contradixerit, aut negligenter duxerit, vel fratres inquietaverit, vel conturbaverit, vel aliter ordinaverit, cujusque dignitatis vel sublimitatis sit, honore suo privetur, & ut Catholica fidei depravator, vel sanctæ Dei Ecclesiæ destructor, à consortio Christianitatis, & corpore ac sanguine Domini nostri Jesu Christi sequestratur, & omnium maledictionum anathemate, quibus infideles, & hæretici ab initio sæculi usque in præsens damnati sunt, cum Judæ traditore Domini in inferno inferiori damnatur, nisi digna poenitentia præfatorum sanctorum sibi propitiaverit clementiam, & fratrum communem reconciliaverit concordiam. In Augustodunensi verò privilegio sic dicitur: Si quis verò Regum, Sacerdotum, personarumque secularium hanc constitutionis nostræ paginam cognoscens contra eam venire tentaverit, potestatis honorisque dignitate careat, reumque se divino judicio existere de perpetrata iniquitate cognoscat. Et nisi vel ea, quæ ab illo male ablata sunt, restituerit, vel digna poenitentia illicitè acta deslexerit, à sacratissimo corpore, ac sanguine Dei & Domini nostri redemptoris Jesu Christi alienus fiat, atque in æterno examine districtæ ultioni subiaceat. Cunctis autem eidem loco justis servantibus sit pax Domini nostri Jesu Christi, quatenus & hic fructum bonæ actionis recipiant, & apud districtum judicem præmia æternæ pacis inveniant. Ubinam in ultima privilegii hujus Augustodunensis clausula leguntur verba hæc? Ubi Catholica fidei depravator, vel sanctæ Dei Ecclesiæ destructor à consortio Christianitatis: sequestratur, & omnium maledictionum anathemate, quibus infideles & hæretici ab initio sæculi usque in præsens damnati sunt, cum Judæ traditore Domini in inferno inferiori damnatur, nisi digna poenitentia præfatorum sanctorum (beatæ Mariæ, & sanctorum Petri & Stephani) sibi propitiaverit clementiam, & fratrum communem reconciliaverit concordiam. Ubinam in ultima Sammedardenis privilegii clausula leguntur verba hæc? Hanc constitutionis nostræ paginam agnoscens contra eam venire tentaverit, potestatis honorisque sui dignitate careat, reumque divino se judicio existere de perpetrata iniquitate cognoscat. Item: In æterno examine districtæ ultioni subiaceat. Cunctis autem eidem loco justis servantibus sit pax Domini nostri Jesu Christi, quatenus & hic fructum bonæ actionis recipiant, & apud districtum judicem præmia æternæ pacis inveniant? Igitur cum tanta sit inter utramque clausulam diversitas, non capio, cur Alteserra tam præfidenter scripserit, in privilegio Augustodunensi par omnino apponitur clausula. Necesse est, ut quodnam sit de se futurum Dei, & hominum judicium non reformidet. Cum verò subdit: Ex quo unum non potest tolli, nisi tollatur & alterum. Verum dicit, non tamen præcisè, quia par omnino est utriusque privilegii clausula, sed propter rationes certas, quæ duobus in locis exponuntur, primum in epistola, cui circumspexitus Ante-

Antecessor respondere se putat, deinde in priori ad Joannem Rolandum Parisiensem Theologum Epistola.

CAP. VI. Alteserra pergit: Imò privilegium Sueffioneuse non auctorem habet Gregorium, sed Joannem III. ut exponitur initio Epistola Gregorii, cui credendum est. Optimè quidem, si privilegium Gregorio subjectum non esset, ut subjectum probavimus. Quod hinc de Joanne III. notat, jam aliàs notaverat, sed dissimulat quæ respondimus. Privilegii suppositor illud ut sibi fidem conciliet, Joanni III. affigit.

CAP. VII. Alteserra paulo post pergit: Nec dispar est formula privilegii Ludovici (dicere voluit Landerici) Parisiensis Episcopi, concessi Dionysiano monasterio... cui apposita est pena excommunicationis, quam ipso jure sequitur amissio juris patronatus. Et hinc quod dissimulat, quæ hac de re in Epistola scripseram hoc modo. "Ad hæc frustra nos deducit ad Landerici Parisiensis Episcopi privilegium, in quo pat' clausula non exaratur. Heu prisca fides! In hoc privilegio Landericus profitetur se id velle duntaxat concedere quod sacris canonibus non opponitur. Quod & nos, ait, considerantes, dum & canonica institutio nos hac de re non prejudicat. Et postquam dixit: Omnes illi, qui in hoc circumscripto spatio Ecclesiis serviunt, sint liberi & absoluti ab omni debito, & redditione circadarum & synodorum: Addit quæ sequuntur: Tamen volumus, & pro reverentia sancti martyris Dionysii concedimus, ut si necessitas eis fuerit, ex nostrorum, & successorum nostrorum Episcopatu sine pretio obsequia & oleum juscipiant. Hæc Antecessor ne torvis quidem oculis aspexit.

CAP. VIII. Pergit: Ac licet atrocior hujusmodi pena videretur sine exemplo ante Gregorium, non ideo minus effectus legitima & canonica, quia Pontifex novum criminis genus, quod contingebat in casu novo, recenti & novello, scilicet jure patronatus, potuit nova lege coercere. Casus, qui de novo emergunt, novo indigent auxilio legum. Hic cum mecum pugnare deberet, mavult secum pugnare. Nimirum Cæsareis viribus suis dignum athletam offendit neminem. Et primum quidem fatetur, ante Gregorium exemplum esse nullum, quo quæ pena in Sammedardensi privilegio describitur, comprobetur. Deinde dicit penam hujusmodi esse canonicam, quod est omnino falsum, quia nulli sunt canones ante Gregorium conditi, in quibus legatur, ut qui Rex vel Sammedardense, vel Sammedardensi simile privilegium, id est, Calchedonenis synodi canonibus adversum negligenter ducet, vel inquietabit monachos, jure patronatus, si fundator sit monasterii, privetur, & si Catholica fidei depravator, vel sancta Dei Ecclesia destruetor à consortio Christianitatis, & corpore ac sanguine Domini nostri Jesu Christi sequestretur, & omnium maledictionum anathemate, quibus infideles & heretici ab initio sæculi usque in præsens damnati sunt, cum Juda traditore Domini in inferno inferiori damnetur. Præterea, ut pugnam secum majorem instruat, Sammedardense privilegium Joanni III. tribuit, à quo illud Gregorius acceperit, acceptumque confirmavit. A Joannis autem III. exitu usque ad Gregorii Pontificatum anni sunt XVII. Non existimo me Alteserræ molestum fore, aut importunum, si quam pugnam secum pugnat, pro modulo meo adjuvarem. Denique post Gregorium nulli sunt sancti canones, in quibus quæ pena in vetustioribus Gregorio canonibus non reperitur, imposita reperitur.

Deinde cum ait: Pontifex novum criminis genus, quod contingebat in novo casu recenti, & novello, scilicet jure patronatus, potuit nova lege coercere; sibi canit, nec videtur Sammedardense privilegium legisse, aut si quando legerit, oblitus est. In privilegio non fit mentio novi criminis quod tunc contigerit, sed tantum ne contingat imposterum, cavetur. Hoc in

loco Gregorii honori parum consuluit, dum illi latam adversus Reges monasteriorum, vel Basilicarum fundatores legem tribuit, quæ à decessore nullo in auctoritatem admissa est, quæ latuit usque ad tempus editorum Lutetiæ Gregorii operum, ad quorum calcem Sammedardense privilegium ut rejectaneum & novitium quid adtextum est. Hic Antecessor juris civilis civilem vel sæcularem loquendi modum transfert in Ecclesiam, cum legumlationem Gregorio attribuit. Romani Pontifices, quorum res agitur, non ita loquuntur: Sic verò loquuntur.

Julius I. in Epistola ad Orientales apud Athanasium: Quid quæso nos oportuit facere? An non quod Ecclesiastici canonis est? Et paulo post: Qui igitur sunt, qui contra canones agunt?

Siricius in Epistola ad Himerium Tarraconensem Episcopum capite I. de Arianis non rebaptizandis: Cum hæc fieri & Apostolus veter, & canones contradicant, & post cassatum Ariminense Concilium missa ad provincias à veneranda memoria prædecessore meo Liberio generalia decreta prohibeam.

Innocentius I. in Epistola ad Victricium Rotomagensis Episcopum præfatione: Propter eos igitur, qui vel ignorantia vel desidia non tenent Ecclesiasticam disciplinam, & multa non presumenda presumunt, rectè postulasti, ut in illis partibus istiusmodi, quam tenet Ecclesia Romana, forma servetur. Non quò nova præcepta aliqua imperentur, sed ea, quæ per desidia aliquorum neglecta sunt, ab omnibus observari cupiamus, quæ tamen Apostolica, & Patrum traditione sunt constituta.

Cælestinus I. in Epistola ad Perigenem, Dynatum, Basilium, & alios Illyrici Episcopos: Inter ceteras curas & diversa negotia, quæ ad nos ex cunctis veniunt semper Ecclesiis, propensiosem nos etiam vestri sollicitudinem gerere, & ex decretorum nostrorum sanctione discetis. Infra: Dominentur nobis regula, non regulis dominemur, simus subjecti canonibus, cum præcepta canonum servamus. In Romana Collect. bipartita.

Sixtus III. in Epistola ad Episcopos Illyrici: A canonum præceptis vestrum nemo discedat, nec ab eis deviet, quæ juxta regularum ordinem frequens ad vos directæ Sedis Apostolica decrevit auctoritas. In Romana Collect. bipart.

Leo I. in Epistola I. ad Episcopos Campaniæ, Piceni & Thuscianæ capite V. Ne quid verò sit quod prætermisum à nobis fortè credatur, omnia decretalia constituta tam beatæ recordationis Innocentii, quam omnium præcessorum nostrorum, quæ de Ecclesiasticis ordinibus, & canonum promulgata sunt disciplinis, ita vestram dilectionem custodire debere mandamus, ut si quis illa contempserit, veniam sibi deinceps noverit denegari. Deinde in Epistola LIII. ad Anatolium capite IV. Sancti illi & venerabiles Patres, qui in urbe Nicana sacrilego Ario cum sua impietate damnato mansuras usque in finem mundi leges Ecclesiasticorum canonum condiderunt, &c. Sæculare nomen, leges, ut consecraretur, Ecclesiasticis canonibus conjungit.

Hilarus in Romana synodo: Si placet, fratres, ea quæ ad ordinationum tenorem pertinent, juxta divina legis præcepta, & Nicæanorum canonum constituta, ita adjuvante Domino in omne ævum mansura solidemus.

Gelasius in Epistola VIII. ad Anastasium Imp. Duo sunt, quibus principaliter mundus hic regitur, auctoritas sacra Pontificum, & regia potestas. Et quibusdam interjectis: Si enim quantum ad ordinem pertinet publica disciplina cognoscens imperium tibi superna dispositione collatum, legibus tuis ipsi quoque parent religionis Antistites, ne vel in rebus mundanis exclusæ videantur obviare sententia: Quo, rogo, te decet affectu eis obedire, qui prærogandis venerabilibus attributi sunt mysteriis? Et post alia: Apostolica Sedis auctoritas, quod omnibus sæculis Christianis Ecclesia prælata sit universa, & canonum serie pater-



paternorum, & multiplici traditione firmatur. Hæc pauca de multis, quæ ætatem Gregorii præcedunt: Sed de iis quæ subsequuntur pauciora referenda sunt, sed quæ sufficient.

Nicolaus I. in Epistola VIII. ad Michaëlem Imperatorem: Sed cum ad verum ventum est, & eundem Regem atque Pontificem, ultra sibi nec Imperator jura Pontificalia accipiat, nec Pontifex nomen Imperatorum usurpavit: Quoniam idem mediator Dei, & hominum homo Christus Jesus, sic actibus propriis dignitatibusque distinctis officia utriusque discevit, ut & Christiani Imperatores pro æterna vita Pontificibus indigerent, & Pontifices pro cursu temporalium rerum tantummodo Imperialibus legibus uterentur. Deinde in Epistola XXI. ad synodi Sylvanectensis Episcopos: Caterum de Balduino, de quo multa jam scripsistis, sciat beatitudo vestra, nos non regulas atque sancta decreta velle corrumpere, quibus homo ab uno Episcopo excommunicatus, ne ab alio recipiatur Episcopo prohibitum est.

254 Silvester II. in Epistola ad Seguinum Senonensem Archiepiscopum: Sit lex communis Ecclesia Catholica, Evangelium, Apostoli, Propheta, canones spiritu Dei conditi, & totius mundi reverentia consecrati, & decreta Sedis Apostolica ab his non discordantia.

Gregorius VII. in libri I. Epistola I. ad Sancium Aragoniæ Regem: Quia venerandi canones ad Sacerdotis gradum provehi tales contradicunt, probare eos non satis cautum fore putavimus, ne quid a nobis contrarium sanctis Patribus in exemplum, & auctoritatem posteris relinquantur. Solet enim sancta, & Apostolica Sedes plerumque considerata ratione tolerare, sed nunquam in suis decretis, & constitutionibus à concordia canonica traditionis discedere.

Innocentius III. in libri II. Epistola ad Cantuariensem Archiepiscopum: Qua in derogationem sanctorum canonum attentantur, tamò potius infringi volumus, & carere robore firmitatis, quamò auctoritas universalis Ecclesia cui præsidemus, ad id nos provocat & inducit.

Eugenius IV. seu Florentina synodus in fidei definitione, & in articulo de exercenda Pontificia potestate: Juxta eum modum, seu quemadmodum, & in gestis ænemicorum Conciliorum, & in sacris canonibus continetur.

Antecessor igitur cum loquitur de sancto Gregorio, non loquitur ut Romani Pontifices loquuntur. Sed mirum est, Gregorium, ut ille putat, in Sammedardensi privilegio legem tulisse, cum non admodum necesse erat; non tulisse verò, cum admodum necesse erat, scilicet cum Imperator Mauricius edixit, ut nulli qui in manu signatus est, in monasterio converti liceat. Imperator fixit legem, quam improbabat Gregorius, nec eam tamen lege contraria refixit. Gregorius, judice Alteserra, in ipsa Sammedardensis privilegii concessione legem tulit adversus Principes, qui nondum ferendæ legis occasionem dederant, illosque eam daturus non esse sperandum erat. Sic ille, & sua dicta factaque, & nostra circumspicit & definit.

CAP. IX. Pergit: Atrocior videtur pœna pro ratione admissi, imò horrenda, quòd excommunicato additur pœna, ut partem habeat cum Juda proditore: Sed nuda imprecatio est, nuda comminatio, genius & vigor canonum hoc probat, ut duriores pœna proponantur, nempe excommunicatio, anathema & similes, ut leges quæ sola religione tuta sunt, religionis metu colantur. Tristioribus, & atrocioribus verbis usus est Pontifex, ut occurreret vitio, quia maluit cohibere mala, quam commissa punire. Cogitatis hujusmodi videtur sibi viam sternere ad recipiendam cum plausu, & admurmuratione legem hanc: Ut qui Rex Sammedardense privilegium negligenter duxerit, vel monachos inquietaverit, primum jure patronatus privetur, deinde ut Ca-

tholica fidei depravator, vel sancta Dei Ecclesia destructor à consortio Christianitatis, & corpore ac sanguine Domini nostri Jesu Christi sequestretur, & omnium maledictionum anathemate, quibus infideles & heretici (Arius puta, Nestorius, Eutyches) ab initio sæculi usque in præsens damnati sunt, cum Juda proditore Domini in inferno inferiori damnetur.

In Antecessoris schola ab eo qui potest, feratur 256 lex hujusmodi: Ut qui mancipium alapa percussit, torqueatur iis omnibus suppliciis, quibus latrones, incendiarii, proditores patriæ, & parricidæ ab initio sæculi usque in præsens torti sunt. Alteserra diceret: Atrocior videtur pœna pro ratione admissi: Imò horrenda: Sed nuda imprecatio est, nuda comminatio, genius & vigor legum hoc probat, ut duriores pœna proponantur, ut leges, quæ severitate sola tuta sunt, religionis metu colantur.

Spectatum admissi visum teneatis?

Quia ne quidem digna sunt hæc omnia, quæ vel risu explodantur.

CAP. X. Et post alia, quæ nihil ad rem faciunt, pergit: Haudquaquam contractum Joviniani scelus, paria omnia ducentis delictis, quasi gravior pœna inducatur pro leviori delicto: excommunicatio, & amissio juris patronatus non excedunt modum delicti patroni, seu fundatoris delinquentis in officio suo. His in verbis, delinquentis in officio suo tenebras quærit. Dicendum erat delinquentis contra Sammedardense privilegium. In eo causæ totius nostræ cardo vertitur. Profectò gravior pœna pro delicto leviori statuitur, quod propter Alteserræ moram & tergiversationem repetò, & repetendum est sæpius, cum in Sammedardensi privilegio, qui Rex illud negligenter ducit, vel monachos inquietat, jus patronatus amittit, & ut Catholica fidei depravator, vel sancta Dei Ecclesia destructor à consortio Christianitatis, & corpore ac sanguine Domini nostri Jesu Christi sequestratur, & omnium maledictionum anathemate, quibus infideles, (ut Nero, Domitianus, Diocletianus & Maximianus.) & heretici (ut A- 257 rius, Nestorius, Eutyches) ab initio sæculi usque in præsens damnati sunt, cum Juda traditore Domini in inferno inferiori damnetur. Nonne duplex pœna hæc modum excedit delicti, quod in privilegii clausula notatur? Quo posito nonne Joviniani, & Stoicorum error incurritur, aut alius, quo levissimum delictum pœna duplici gravissima castigatur? Id genus clausulæ Alteserra Gregorio tribuit, ego non tribuo. Uter nostrum de Pontifice tanto mereatur melius, id dubitationem non habet.

CAP. XI. Pergit. Non leve, imò gravissimum est delictum ejus, qui res semel Deo dicatas amovet tanquam fur & latro, & prævaricatur adversus Deum, & votum proprium. Tergiversatur, & mala fide agit: in Sammedardensis privilegii clausula, cui pro Gregorio falsi dicam scribimus, ne verbum quidem de rebus monasterii, vel de rebus Deo semel dicatis, de privilegio, & monachis sit tantum mentio. Deinde qui Rex è mansis servilibus viginti, quos Regina Brunichildis dedit monasterio, unum amovet, punitur tantum, quantum puniretur, si mansos serviles viginti amovisset, vel si solo æquasset monasterium, & monachos omnes interfecisset? Ubique objicitur Joviniani & Stoicorum error, cum peccata omnia supplicio pari castigantur, vel si error iste non objicitur, alius objicitur, cum levissimum peccatum pœna gravissima punitur. In has velint nolint, coguntur angustias, qui Sammedardense privilegium defendendum suscipiunt, mox acerbissimam injuriam inferunt Gregorio, quem non cognoscunt. Cognoscerent enimvero, si quæ in libri VIII. moralium capite I. ad illa verba Jobi: Præbete aurem, videte an mentiar, scribit, diligenter expendissent: Quia verò sancta Ecclesia ex magisterio humilitatis instituta, recta qua errantibus dicit, non quasi ex

auctoritate præcipit, sed ex ratione persuadet. Gregorius in Sammedardensis privilegii clausula aliter quod non est credendum, se haberet. Nam ex magisterio humilitatis institutus, recta quæ errantibus dicit, ex auctoritate præcipit, non ex ratione persuadet. Jo-  
viniani & Stoicorum errorem, vel alium, quem antè exposuimus, nulla persuadet ratio, sola præcipit auctoritas. Hic autem Gregorii locus, si capiatur ut oportet, & Sammedardense, & Augustodunensis privilegia Gregorio faciliè abjudicat.

CAP. XII. Pergit, sed paullo post: Non me effugiebat Petrum Damianum virum sanctissimum laborasse scrupulo, ut ipse testis est lib. I. epist. XII. Quod passim in decretis Pontificum appetita sanctio excommunicatio-  
nis, & anathematis in transgressores, quasi tribunalium forensium ritum penam canonicam variari oporteret pro modo delicti. Sed erat, quòd vir optimus à se scrupulum amoveret, si cogitasset panas seculares esse diversas pro modo delicti, quia in foro seculari alia sunt pœna corporales, alia petinaria, alia majores, alia minores: At in foro canonico non alia sunt pœna canonice, quàm excommunicatio, suspensio, & interdictum. In foro Ecclesiastico gravior pœna imponitur etiam pro majori delicto, (Pro minori dicere voluit: ) Ut fideles mei pœna, vel  
359 potius religione in officio commendantur, gravior pœna proponitur magis, quàm infligitur. Quidquid hic sentit Alteserra, cum textu Damiani stare non potest. Id autem ne observaretur, Damiani textum referre noluit, sed ego refero: Præterea, inquit, duo quadam apud Apostolicam Sedem frequens usus obtinuit, quæ si prudentia vestra judicat, ut nobis videtur, digna sunt corrigi: Unum, quia cunctis fere decretalibus paginis anathema subjungitur: Alterum, quia cujuslibet Ecclesie filius, sive clericus sit, sive laicus, exponere propria excessus Antistitis prohibetur. Quorum primum quàm sit salutis immanè periculum, & infinitè patens vorago labentium, ac perniciem animarum, clementia vestra pietas non ignorat. Dicitur enim quisquis hac vel illa non fecerit, sive certe, quisquis hoc quod superius statutum est, irritum duxerit, vel in aliquo violaverit, anathema sit. Ubi notandum, quàm lubrica, quàm præceptis subitò ruendi illic procuratur occasio, ut antè quis in aterna mortis barathrum corruat, quàm se vel leviter impigisse recognoscat, & substrata quodammodo tendicula jam pes ejus invertitur, dum se liberis adhuc incedere gressibus arbitrat. Delinquit itaque quisquis ille in illud Apostolica constitutionis editum, & aliquando levi quadam ac perexigua offensione transgreditur, & continuo velut hæreticus, & tanquam cunctis criminibus teneatur obnoxius, anathematis sententia condemnatur. Et cum dictante justitia, alia sit ultione plectendus, qui plus delinquit, alia qui minus excedit: Sic gravior leviterque peccantibus, æqua cunctis & indifferens pœna, solius scilicet anathematis irrogatur. Non tribunalium more, vel  
360 forensis examinis aut libertas ceditur, aut possessio confiscatur, nec pecuniaria multa reus addicitur, sed Deo potius omnium scilicet bonorum auctore privatur. Hanc itaque homo de homine penam sumit, quàm de sui transgressione mandati ipse quoque Deus omnipotens non præsumit. Qui amat, inquit, aut patrem, aut matrem plusquam me, non continuo addit, si anathematizatus, vel maledictus: Sed tantum ait, non est me dignus. Et in lege oculus pro oculo, dens pro dente, percussura pro percussura, adustio pro adustione duntaxat exigitur. Nec continuo qui reus est, de synagoga projicitur, vel maledictione damnatur. Non enim secundum Stoicos omnia peccata sunt paria, atque idcirco indifferenti sunt ultione plectenda, sed juxta modum culpe temperanda semper est mensura vindictæ. Porro nec beatus Papa Gregorius, vel ceteri Patres, qui pro diversis temporibus in Apostolica Sedis regimine floruerunt, hunc morem in suis reperiri observasse decretis, & vix eorum aliquando statuta anathema subnectitur, nisi cum Catholica fidei clausula terminatur. Quamobrem si sancta prudentia ve-

stra placet, hunc morem de cætero à decretalibus paginis amoveri præcipiat, & vel damni pecunia, vel alterius cujuslibet ultionis calculum in earum transgressione præfigat, ne quod aliis est ad tuitionis munimenta provisum, aliis ad perniciem perveniat animarum. Alteserra in  
iis quæ antè retulimus, Damiani dicta explicare se putat, cum illis omnino repugnat. Et præ se fert corrigendum non esse, quod Damianus invictis rationibus corrigendum esse arbitratur. Huc spectat quid-  
261 quid juris antecessor vel interpretatione, vel potius refutatione Damiani machinatus nihili ducit Stoicorum errores, quos ille objicit, & salutis incommoda, quæ proponit. Quasi verò non æquè in foro Ecclesiastico, ac in foro civili locum habere non posset axioma hoc: Juxta modum culpe temperanda semper est mensura vindictæ. Eritne deterioris conditionis Ecclesia, quàm sæculum, ubi servatur in pœnis arrogandis æquitas? Alteserra & Ecclesiam, & Christianam religionem hominibus ethnica superstitione imbutis deridendam propinat, cum ait in foro seculari rem ita esse compositam, ut pœna gravior pro leviori culpa non imponatur, in foro canonico imponi significet. Cur ergo Gregorius noster in libri v. Epistola xxvi. ad Maximum, qui Salonæ Episcopatum arripuerat, sic scribit? Humiliare tandem, & obedientia te submitte, atque ad nos sine excusatione aliqua venire festina, ut requisita, & cognita veritate secundum Dei timorem quidquid æquum canonicumque fuerit, decernatur. Certus enim esto, quia justitiam tibi, & canonum statuta servabimus, atque causa tua revelante Domino veritatis auctore amicum justitiæ finem imponemus? Amicusne erit finis justitiæ, cum pœna gravior pro leviori culpa irrogabitur? Cum requisita & cognita veritas ad amicum justitiæ finem imponendum nihil proderit. Alteserra harum rerum insultatam, si nequit concoquere, devoret necesse est. Devoraturus est quidquid volueris ineptiarum, dummodo Sammedardense retineatur privilegium, & Rex noster, si illud negligenter ducat, vel quietem alicujus monachi turbet, jus pa-  
262 tronatus amittat, & ut Catholica fidei depravator, vel sanctæ Dei Ecclesie destructor, à consortio Christianitatis, & corpore ac sanguine Domini nostri Jesu Christi sequestretur, & omnium maledictionum anathemate, quibus infideles, & hæretici ab initio sæculi usque in præsens damnati sunt, cum Juda traditore Domini in inferno inferiori damnetur, &c.

Sic primum falsi argumentum, quod Sammedardensi opposueram privilegio, Alteserræ vanis responsionibus, moris & tergiversationibus confirmatur, & redditur efficacius. Quapropter etiam si reliqua falsi argumenta rectè dilueret, nihil omnino proficeret, quia bonum ex integra, malum ex quolibet defectu. Verùm sequuntur falsi argumenta duo, quæ coactus est intacta relinquere, quia quod responderet, non habuit.

“Prius est hujusmodi. Deinde quia Reges sunt custodes canonum, si quis Regum statuerit, ut Sammedardensis monasterii Abbas non ab alio, quàm à  
“Diecepsano Episcopo, chrismatis, olei, altaris, calicis corporalis benedictionem expetat, is statim  
“honore suo (jure patronatus, ut interpretatur Alteserra) privetur, & ut Catholicæ fidei depravator, vel sanctæ Dei Ecclesie destructor à consortio Chri-  
“stianitatis, & corpore ac sanguine Domini nostri Jesu Christi sequestretur, & omnium maledictionum  
“anathemate, quibus infideles, & hæretici ab initio sæculi usque in præsens damnati sunt, cum Juda tra-  
“ditore Domini in inferno inferiori damnetur, nisi  
“digna pœnitentia præfatorum Sanctorum propitiaverit clementiam, & fratrum communem reconcilia-  
“rit concordiam.”

“Quis modò crederet Gregorium convenientissimæ siquis unquam disciplinæ Pontificem id pœnæ genus irrogasse Regibus, qui suis edictis sacros canones  
“obser-



“observari præciperent? Qui nimirum bene ac laudabiliter agerent. Alteserra hoc argumentum vidit, & fugit: Et illud revera ad convincendam privilegii suppositionem & falsitatem sufficit.

“Posterius est. Tum si quis Antistitum contra privilegium diceret, & pro jure suo sibi sumeret, ut si deponendus esset Sammedardensis Abbas, non deponeretur pleniori ac solemniori judicio quam deponendum esse Episcopum Concilia decernunt, is statim honore suo privetur, & ut Catholicæ fidei depravator, vel sanctæ Dei Ecclesiæ destructor à confortio Christianitatis, & corpore ac sanguine Domini nostri Jesu Christi sequestretur, & omnium maledictionum anathemate, quibus infideles, (Nero, Domitianus, Diocletianus, Julianus Apostata) & hæretici, (Arius, Nestorius, Eutyches) ab initio sæculi usque in præsens damnati sunt, cum Juda traditore Domini in inferno inferiori damnetur, nisi digna poenitentia præfatorum Sanctorum sibi propitiaverit clementiam, & fratrum communem reconciliaverit concordiam. At Concilia decernunt reum Episcopum à Synodo provinciæ suæ deponendum esse: Sammedardensis Abbas longè aliter deponendus esse statuitur. Subjungimus, ait privilegium, & aliud edictum, si causa capitalis criminis Abbas est deponendus, non prius deponatur, donec depositores Apostolicam auctoritatem requirant, & ita sint tres Metropolitanis cum suffraganeis suis, & Abbates quamplurimi. Quis modò crederet Gregorium, qui tanta cum æquitate juris canonici gubernacula tenebat, huic privilegii clausulæ contradicentem, & sibi sumentem Episcopum, quod pro æquali ut minimùm Episcoporum, & Abbatum judicio abdicationis ex auctoritate canonum sumi potuit, voluisse afficere eo poenæ genere, quod mox relatum est? Hac in clausula privilegii auctor decalogi totius violatorem non castigaret acrius, quam castigat eum, qui privilegium negligenter duceret, aut ei aliqua ex parte repugnaret: Et hæc est Joviniani, & Stoicorum hæresis, in quam incurrit. Censeret paria esse crimina omnia, quod æqualem poenam omnibus, & singulis criminibus imponeret. Si verò in Joviniani, & Stoicorum hæresi non esset, crimen levissimum gravissima poena dignum esse necessarium putaret, & hic est alius error, in quem incideret. Hic evitata Charybdi in Scyllam, velit, nolit, rueret, ac præcipitaret. Porro autem hi sunt errores varii, quibus Alteserra dum Sammedardense privilegium tuetur ut verum ac legitimum, eminentissimum Gregorii simplicitatem infamat, & Pontificiæ dignitati periculosum vulnus infligit. His duobus argumentis oppressus Alteserra tacuit, & Sammedardense privilegium sibi eripi passus est.

Argumentum quartum est comparatum ex stylo, & loquendi more Gregorii, cum certa quædam privilegia concedit. Huic ita respondet: Aliud quoque falsi argumentum ducitur ex inscriptione illa Epist. omnibus Episcopis, quasi hæc Epistola pertineret tantum ad Sueffionensem Episcopum, in cujus diocesi situm est monasterium: Sed non inusitata, & singularis est talis inscriptio. Gregorius enim ipse Epist. xviii. lib. vii. quæ pertinet ad privilegium Classensis monasterii, quod est apud Ravennam, inscripsit omnibus Episcopis, ex fide Gratiani in can. Quam sit necessarium. xviii. qu. ii. O egregiam responsionem, quæ petitur ex fide Gratiani, Inscriptionem Gregorianæ Epistolæ corruptentis. Perinde est ac si optimas criticæ artes edoctus Antecessor, Gregorii Epistolam ad Castorium Ariminensem Episcopum ex fide Gratiani corrigeret. Gratianus illam in caus. xv. qu. ii. cap. vi. miserandum in modum corruptit, ut mutua inter Gregorium scribentem, & Gratianum referentem Epistolam docere potest contentio. Sed Epistola illa, quæ est de Classitani monasterii privilegio, in omnibus Epistolarum

Gregorii tam editis, quam manuscriptis codicibus, inscribitur *Mariniano Episcopo Ravennati*, non *Episcopis omnibus*: Et inde argumentum nostrum adhuc confirmatur, tantum abest ut infirmetur.

CAP. XIII. Pergit: Et ipsa inscriptio satis aperte refertur ad omnes Episcopos Galliarum: Nec mirum legi Epist. scriptam Episcopis non adjecto nomine provincia de qua essent: *Moris antiqui fuit, ut cum Episcopus Episcopo scriberet, non adhiberetur nomen civitatis, quia unus est Episcopatus, una Ecclesia.* August. contra Cresconium lib. iv. cap. xlv. Quod quidem Concilium ne te lateat, Arianorum est, quos jamtu inter alios hæreticos nominasti, nec additis civitatum nominibus legi solet: Quia nec ipse mos est Ecclesiasticus, quando Episcopi Episcopis scribunt Epistolam. Alteserra, cum ait inscriptionem satis aperte referri ad omnes Episcopos Galliarum, id animo sibi fingit. Hæc est tantum inscriptio: *Gregorius omnibus Episcopis*, quæ non magis Galliarum, quam Hispaniarum Episcopos aperte demonstrat. Sed Alteserram nimium indulgere sibi permittamus. Quid omnes Episcopos Galliarum attinet privilegium monasterii, quod in Sueffionensibus conditum est suburbis?

Deinde cum apud Gregorium nihil reperiat, quo quæsitum è Gregoriana scribendi, & agendi consuetudine argumentum diluat, qua potest via elabatur, & divertit ad antiquum morem, quo cum Episcopus Episcopo scriberet, civitatis nomen taceretur. Hoc effugio, hoc diverticulo non solvitur argumentum, sed argumenti vis augetur, quia Gregorii consuetudo scribendi, non aliorum Episcoporum quaeritur. Sic antiquum illum morem Episcoporum, de quibus loquitur, antiquaret objecto Gregorii more, qui dum Episcopis scribit, civitatum nomen semper adhibet. Non ita indagatur, & asseritur veritas. Alteserra indagandæ, & asserendæ veritatis hujusmodi artem ignorat, vel quod indignum esset, dissimulat. *Antiqui moris, ait ille, ratio fuit, unitas Episcopatus & Ecclesiæ?* Hæcne ratio latuit Gregorium, qui dum Episcopis scribit, Episcopalis civitatis nomen adjungit? Gregorii ætate antiquus ille mos obsoleverat, & ab usu recesserat. Id perspexisset Alteserra, si in doctrina temporum versatus esset.

CAP. XIV. Pergit: Et Launoius certè cum notat inscriptionem hujus Epistolæ, nimia presumptione videtur velle imponere Pontifici formulam inscriptionis Epistolarum, quasi Pontifex Epistolam distaret ex certa formula. Quod satis grave & contumeliosum est Pontificiæ dignitati. Hic quid Alteserra sibi velit, non capio, & an ille capiat, nescio. Ego inscriptionis Epistolarum formulam servandam nullam Pontifici impono; sed quam formulam in scribendarum Epistolarum, in quibus concedit privilegia, servavit, duntaxat observo, & de observatione tali Sammedardense privilegium configo, & à Pontifice abalienandum esse puto. Qui Pontifici Epistolam, qua de agimus, subjecit, eam ex certa formula falsitatis judice distavit. Cum Alteserra dicit hoc satis grave, & contumeliosum esse Pontificiæ dignitati, monstrum sibi fingit, quod debellet.

Sic quartum nostrum falsi argumentum frivola responsione confirmatum remanet.

CAP. XV. Ad quintum nostrum falsi argumentum pergit: Ineptius falsi argumentum subjungitur, ex eo quod non uno loco proficitur Gregorius se Chalcedonense Concilium colere, & amplecti, tanquam unum è quatuor Evangeliiis, & secum pugnassee videtur, cum tale privilegium concessisse fertur Sueffionensi monasterio, quod derogaret Chalcedonensi Concilio, ex quo monasterio omnia sunt in potestate Episcoporum. Sic ille argumentum meum refert, ut magna illud sui parte mutilet: Prætermittit quæ sequuntur. Cum igitur Alteserra notat semel atque iterum Gregorium Chalcedonense Concilium venerari ut librum Evangelii, cur illud defendit privilegium, in quo Chalcedonensis Concilii

"Concilii canones duo tam manifestè spernuntur. "Privilegii verba sunt: Chrismatis quoque ac olei, "altaris, calicis corporalis, à quocunque voluerint "Pontifice benedictionem expetant. Et paullo post: "Prælatus loci remota omni consuetudine pessima "Regum, Antistitum, iudicium exemplum divinæ religionis & honestatis, cæteris exhibeat monasteriis, " & super ea plena gaudeat libertate. Cujus rectorum & filii præsentem, & successuri tantum sub Regum custodia positi admonitionem sancti Petri, & "successorum suorum hujus sanctæ Romanæ Sedis "Pontificum auctoritate proclamant. Nonne his in "verbis spernuntur canones duo editi à Concilio, "quod Gregorius ut librum Evangelii veneratur? "Nonne ubi Pontifex id pronuntiat, continuo subjicit: Dum Concilia universali sunt consensu constituta, se & non illa destruit, quisquis præsumit aut "solvere quos ligant, aut ligare quos solvunt? Nonne in libri 11. indict. xi. Epistola 111. ad Joannem Constantinopolitanum Episcopum, ei dicit? "Et quamvis cum omnibus hominibus pacem habere summopere cupiam, vobiscum præcipue quos "vehementer amo, si tamen ipsi quos novi, vos "estis. Nam si canones non custoditis, & majorum "vultis statuta convellere, non cognosco qui estis. "At si, quod falsum est, verum esset privilegium, "hoc eodem dedisset anno, quo ad Joannem tanta cum animi firmitate, & constantia scribit. Sic "non potuit Alteserra sine famæ, & existimationis suæ jactura defendere privilegium, quod defendit. His omnibus insincerè prætermisissimis argumentis, quod sibi tam mala fide proposuit, respondet hoc pacto. *Haud enim inficias eo ex Concilio Chalcedonensi, quod continet jus commune, omnia monasteria subiecta esse Episcopo: Sed cum Romanus Pontifex de plenitudine potestatis possit dispensare contra Concilium, rectè usus est potestate sua, cum ex causa monasterium Sueffionense liberavit à potestate Episcopi, nec in tam de tuendo Chalcedonensi Concilio professionem fefellit, cum ex quibusdam causis ei derogavit, quia usus est jure suo, id est, plenitudine potestatis, qua nullo vinculo obligari potest.* Non satis erat ista recentiorum quorundam juris antecessorum Romanæ Curie adulatorum placita in medium edere, quibus comparatum è Gregorii doctrina argumentum dilueretur, sed valde necesse erat placita hæc pluribus Gregorii testimoniis confirmare. Quod perfici nequaquam potest. Ubinam apud Gregorium diligentissimum sacrorum canonum custodem reperiet Pontificem hunc dixisse, aut scripsisse unquam dispensare se posse de potestatis plenitudine contra Chalcedonense Concilium? Ubinam apud Gregorium reperiet Pontificem hunc dixisse, aut scripsisse unquam se usum jure suo, id est, plenitudine potestatis, dum Chalcedonensi Concilio derogat? Ubinam apud Gregorium reperiet Pontificem hunc dixisse, aut scripsisse unquam potestatis plenitudinem, qua in solvendis canonibus universalium Conciliorum utebatur, vinculo nullo obligari posse? Profectò mirum non est, Alteserram argumentum nostrum referentem prætermisisse, quod eum prætermisisse notavimus. Quæ enim prætermisit impediabant, ne quomodo respondit, tam prælienter responderet.

270 CAP. XVI. Pergit: *Et hoc responso refellitur proximum argumentum falsi, id scilicet, quod Gregorius tenax disciplina non uno loco obtestatus legitur se sollicitum esse de tuenda, & servanda cuicunque jurisdictione.* Argumentum numero sextum referre non audeat, quale proposui. Sic autem proposui. "Alteserra semel atque iterum in notis observat aliud, quod privilegium "Sammedardense rejicitur ut Subdititium: Semel "quidem ad libri 1. Epistolam 1. ut semel per annum ad Syracusanam, sive Cathaneniam civitatem "fraternitas vestra conveniat, &c. Ea ætate Episcopi Siciliæ immediatè parebant summo Pontifici,

"nec habebant Metropolitans: Argumento est, quod "Gregorius per hanc Epistolam Petro Subdiacono "vices suas mandat intra Siciliam, eidemque jubuit congregandi semel in anno Concilium omnium "Episcoporum provincie Cathanæ vel Syracusis, in "quo omnia ita disponantur, ut meritò possit Episcopale Concilium appellari. Si enim Sicilia habuisset Metropolitanum, vix Pontifex Petro Subdiacono dedisset potestatem cogendi Concilii Episcoporum, quæ propria est Metropolitanis. Quam enim sollicitus fuerit de servanda cuicunque jurisdictione propria, locupletem ipsum testem habemus lib. xi. epist. xxxii. Nam si sua unicuique jurisdictione non servatur, quid aliud agitur, nisi ut per nos, per quos Ecclesiasticus custodiri debuit ordo, confundatur. Iterum ad libri 11. epistolam xxxvii. Absit hoc à me, ut statuta majorum consacerdotibus meis in qualibet Ecclesia infringam, quia mihi injuriam facio, si fratrum meorum jura perturbo. "Hinc sumptus est canon, Quod verò xxv. q. 11. 271 "Summus Pontifex tueri debet statuta, & privilegia Ecclesiarum: Annon Privilegia 1. & 11. eadem caus. & quæst. quia sibi injuriam facit, si fratrum jura infringat. Eadem est sententia Gregorii lib. ix. epist. xxxii. si sua unicuique Episcopo jurisdictione non servatur, quid aliud agitur, nisi ut per nos, per quos Ecclesiasticus custodiri debuit ordo, confundatur? Can. 1. Pervenit. 11. qu. 1. Hic mirum, cur vir doctus postquam observavit quis & qualis fuerit Gregorius, dum agitur de retinenda sacrorum canonum disciplina, Sammedardensis privilegii falsitatem non subolfecerit. Quæ enim observat ad loca duo Gregorii, tam non possunt cum Sammedardensi privilegio consistere, quàm aqua cum igne potest consistere. Hic Antecessor eximius athleta in sua venacula incurrit, cum argumentum istud diluere conatur: Quas notas ædificaverat, has funditus evertit, cum ait: *Hoc in privilegio Greg. dispensasse contra Chalcedonensis Concilii canones, quibus Sueffionensis Episcopi jura statuuntur. Estne sollicitus Pontifex de tuenda unicuique Episcopo sua jurisdictione, qui Sueffionensis Episcopi jurisdictionem privilegio Sammedardensi turbat in perpetuum? Ne verò Pontifici fiat injuria hæc, ei abjudicandum est privilegium. Alteserra seipsum destruit, non Gregorium, qui tale privilegium nec dedit, nec dare potuit, nisi secum turpiter pugnaret. Alteserra dum relatas notas exaravit, Lectorem suum monere debuit illius rei, cujus nos modò, sed ὁ ψυχαδὴς monet: Hac, inquit, obtestatione (de tuenda unicuique sua jurisdictione) Pontifex non intelligitur sibi ademisse potestatem concedendi Ecclesiis, & monasteriis privilegia & exemptiones.* Hic auctor propriis laqueis irretitus, iisdem Gregorium irretire nititur, quò sese facilius expediat. Irretitus hærebit Alteserra, & apertam in lucem proditâ scriptorum ἀνυπολόγια torpedit; Gregorius verò expeditus & liber abibit, quia cum se vigilantissimum sacrorum canonum custodem futurum esse protestetur, nullo privilegio sacros infringet canones, quibus Episcoporum jura sanciantur. In Summa, ut omnia in brevi quadam tabella complectar, Gregorius, ut sibi de plenitudine potestatis injuriam faciat, de eadem potestatis plenitudine fratrum suorum Episcoporum jura infringet: Et contrà, Gregorius de plenitudine potestatis Episcoporum jura infringet, ut de eadem plenitudine injuriam sibi faciat. O memorandum sæculis omnibus factum, quod vir prudens Gregorio inspirat!

CAP. XVII. Pergit: *Alioquin uno iudicio falsi, & quasi uno istu tollerentur privilegia omnium monasteriorum, & in his multorum, quæ Lannoius vera esse non negat.* Hic diverticulum quærit. Non agimus de reliquorum monasteriorum privilegiis & exemptionibus, sed de Sueffionensis monasterii unius privilegio, quod à monachis Gregorio subiectum est, & subiectum esse de-



monstravimus, & demonstramus. Ad hæc non satis consideratè philosophatur, cum ait, uno judicio falsi, quasi uno ictu tollerentur privilegia omnium monasteriorum. Nam etsi falsi convincatur Sammedardense privilegium, non sequitur falsi convinci posse privilegia, quæ Pontifices monasteriis quibsdam concesserint, aut concedere potuerint. Alteserræ redargutionem peperit fallacia, quam dialectici ignorationem elenchi appellant. Porro autem cum ad propositum nihil potest adferre, à proposito digreditur, cum ait, *vera quædam esse privilegia me non negare*. Quid tum? Ideo ne verum erit Sammedardense privilegium? Sed quid de veris privilegiis, quibus clerici & monachi canonicæ Episcoporum obedientiæ subtraherentur in perpetuum, sentio, breviter expono. Privilegium nempe nullum esse tale, in cujus concessione obreptio vel subreptio non intervenerit, aut non intervenire poterit: Et primum quidem, ut id sentiam cogit me Sedis Apostolicæ dignitas & opportunitas. Nam si semel Sedes Apostolica per id genus privilegiorum Ecclesiasticos subvertat canones, minuendæ dignitatis suæ viam aperiet. Ecclesiastici quippe sunt canones, quorum opera Romani Pontifices jus appellationum sibi vindicant. Gelasius in Epistola IV. ad Faustum: *Ipsi sunt canones, qui appellationes totius Ecclesiæ ad hujus Sedis examen voluerunt deferri*.

Nicolaus I. in Epistola VII. ad Michaëlem Imperatorem: *Quoniam, inquit, secundum canones, ubi est major auctoritas, judicium inferiorem sit deferendum, ad dissolvendum, scilicet, vel ad roborandum, patet profecto Sedis Apostolicæ, cujus auctoritas major est, judicium à nemine fore retrahendum, neque cuiquam de ejus judicio licere judicare*. Urbanus II. in diplomate, quo Monopolitanæ Ecclesiæ privilegia confirmat: *Sacrorum, ait, canonum, & decretorum Pontificalium deposcit auctoritas, ut majores Ecclesiarum causa Apostolica Sedis judicio terminentur*. In tom. 1. Italiæ sacræ.

Ecclesiastici quippè sunt canones, quorum auxilio & sua, & Ecclesiæ suæ jura repetit Gregorius magnus in libri VII. indict. I. epist. VII. ad Amos Hierosolymorum Episcopum: *Cum fraternitatem vestram confidamus canonum statuta, & vigorem diligere disciplina, ut clerici nostri vobis ad evitandam distractionem Ecclesiastici ordinis falsitas surripere valeat, ejus culpam sanctitati vestra indicare prospeximus, ut sollicitudine vestra disciplina possit submitti, quam refugit*. Comperimus autem quod Petrus Acoluthus, quem dilectissimo filio nostro Sabiniario Diacono, responsa Ecclesiastica facienti, observare in urbe regia feceramus, fugiens ad Ecclesiam vestram venerit. Quod si verum est in tuo eum facere fraternitas vestra, & inventa huc studeat occasione remittere, aut si fortè hoc metuens, à vestra discesserit Ecclesia, ut per diversa loca ne comprehendendi valeat, latuerit in omnibus parochiis vestris, ut diligenter requiratur, injungite, & inventum ad nos, sicut prefati sumus, transmittite, quem etiam volumus per vos, quia sit communione privatus, agnoscere, nec Domini corporis ac sanguinis, quousque ad nos redeat, audeat mysteria sumere, nisi fortè vicino mortis insistente periculo. Hæc Gregorius, quem multorum instar esse posse nemo dubitat. Porro Gregorii Epistolam, & ejus in ea conscribenda consilium, qui pro dignitate causæ capiet, judicabit facile à Sedis Apostolicæ re non esse, ut statutis derogetur canonum, & disciplinæ vigor remittatur.

Ecclesiastici quippe sunt canones, quorum auctoritate Romanus Pontifex regendam suscepit Ecclesiam, ut à Florentina synodo definitum est: *Cui in beato Petro pascendi, regendi, ac gubernandi universalem Ecclesiam, à Domino nostro Jesu Christo plenam potestatem traditam esse, quemadmodum & in gestis conciliorum Conciliorum, & in sacris canonibus continetur*. Ut Blondus Eugenii Papæ IV. scriba refert

in libro X. decadis III. & ut habet Græcus textus: *καὶ ὁ ὁ Θεὸς, καὶ ὁ Θεὸς τῶν ἀρχιεπισκόπων καὶ ἐπισκόπων, καὶ ὁ Θεὸς τῶν ἐκκλησιῶν καὶ τῶν ἀδελφῶν τῶν ἐκκλησιῶν*.

Ecclesiastici quippe sunt canones, quorum sanctorum primatum suum Pontifices asserunt. Hadrianus IV. in Epistola VII. ad Basilium Thessalonicensem Episcopum. *Traditum est, inquit, quoniam modo sancti Patres divino spiritu illuminati, omnium Ecclesiarum primatum sacrosanctam Romanam Ecclesiam absolute obtinere jusserint, & ad ejus sententiam omnium judicium referri præscripserint*. His autem ita constitutis manifestum est, Apostolicam Sedem amissuram esse magnum sui præsidium, si Ecclesiastici canones subverterentur. Subvertuntur, dum iis in perpetuum derogatur. Præterea si Romanus Pontifex sacros non exequeretur canones, quibus Episcoporum auctoritas supra clericos & monachos sancitur, Episcopi non exequerentur sacros canones, quibus Romani Pontificis auctoritas supra Episcopos sancitur. Id exempli ratio & natura postulat. Hæc est prima ratio, cur illa privilegia, quibus clerici vel monachi canonicæ Episcoporum obedientiæ subtraherentur in perpetuum, subreptione, vel obreptione laborare censerem.

Altera ratio quæritur ex status clericorum vel monachorum sanctitate & integritate, quæ cum privilegiis istiusmodi diu stare non potest. Id nos invictè docet beatus Bernardus in Epistola XII. ad Henricum Senonensem Archiepiscopum: *Longè autem præstantius solis subdi Episcopis, quàm universitati. Sed non propter me, inquit, facio, sed quare Ecclesia libertatem. O libertas omni, ut ita loquar, servitute servilior! Patienter ab hujusmodi libertate abstineam, quæ me pessimè addicat superbia servituti: Plus timeo dentes lupi, quàm virgam pastoris. Certus enim sum ego monachus, & monachorum qualiscumque Abbas, si mei quandoque Pontificis à propriis cervicibus excutere jugum tentavero, quod sacra mox tyrannidi meipsum subijcio. Advertens nimirum eruenta illa bestia, quæ circuit quærens quem devoret, elongatam custodiam, Hen statim insilit in præsumptorem. Merito enim non cunctatur præsidere superbo, qui se jure Regem gloriatur super omnes filios superbia. Quis dabit mihi centum in mei custodiam deputari pastores? Quamdiu plures sentio mei curam gerere, tanto securior exeo in pascua. Et paullo post: Quid igitur vos, o monachi, Sacerdotum gravat auctoritas? Metuistis infestationem? Sed si quid patimini propter justitiam, beati? Seculariorem contemnitis? Sed secularior nemo Pilato, cui Dominus astitit judicandus. Non haberet, inquit, in me potestatem, nisi tibi data esset desuper. Jam tunc per se loquebatur, & in se experiebatur, quod post per Apostolos clamavit in Ecclesiis: Non est potestas nisi à Deo, & qui resistit potestati, Dei ordinationi resistit. Ite nunc ergo resistere Christi vicario, cum nec suo adversario Christus resistit. Sic beatus Abbas occupat, & revincit quidquid monasticarum exemptionum patroni & vindices adferrent. Deinde in libri III. de Consid. cap. IV. demonstrat his exemptionibus multa superstrui vitia, virtutem nullam. Nolo autem præteritis mihi fructum emancipationis ipsius: Nullus est enim, nisi quod inde Episcopi insolentiores, monachi etiam dissolutiores fiunt. Et paullo post: Adde quod qui audiunt, scandalizantur, indignantur, detrahunt, blasphemant, hoc est, vulnerantur ad mortem. Non est bona arbor faciens fructus tales, insolentias, dissolutiones, dilapidationes, simulas, scandala, odia, quodque magis dolendum, inter Ecclesias inimicitias graves, perpetuæque discordias. Et paullo post: Monstrum facis, si manu submovens digitum, facis pendere de capite, superiorem manus, brachio collateralem. Cum verò post pauca subjicit: Nonnulla tamen monasteria sita in diversis Episcopatibus, quod specialius petinuerint ab ipsa sui fundatione ad Sedem Apostolicam, pro voluntate fundatorum quis nesciat? Hæc monasteria à communi subjectionis canonicæ regula non excipit. Nam secum pug-*

naret manifestissime, & quidquid tam in Epistola ad Henricum Senonensem, quam in libro de Conf. ad Eugenium differvit, funditus everteret: Significat fuisse ab initio monasteria, quæ fundatores ad bonorum temporalium conservationem in Apostolicæ Sedis tutela collocaverant. Sed aliud est tutela, & protectio hujusmodi, quam fundatores curare poterant; aliud immunitas ab observatione canonum spiritu Dei conditorum, & totius mundi reverentia consecratorum, quam fundatores curare non poterant. Et quia monachi tutelam, & protectionem Sedis Apostolicæ in libertatem, licentiam, & ab observatione canonum exemptionem asseruerunt progressu temporis, vir sanctus addit: Sed aliud est quod largitur devotio, aliud quod molitur ambitio impatiens subjectionis.

Tridentina synodus rationem nostram absolvit in sessionis xxiv. de reformatione capite xi. dum ait: Privilegia & exemptiones, quæ variis titulis plerisque conceduntur, hodie perturbationem in Episcoporum jurisdictione excitare, & exemplis occasionem laxioris vite præbere dignoscuntur.

Superest tertia ratio, eaque validissima, quæ cum ex Regis salute, tum ex publica regni tranquillitate petitur. Res enim ita se habet apud eos, quibuscum Alteserra pro exemptionibus dimicat: Pontifex jure suo potuit eos (regulares & clericos) eximere, & in multis exemit, & fecit sibi, & delegatis suis speciali ratione subiectos; determinatio verò censuram, in quibus eximuntur, pertinet ad eundem Pontificem: Sic potuit Pontifex regulares omnes facere omnino liberos ab Episcoporum lege diocesana. In probatione consentiunt omnes fere Catholici, qui tractant de potestate Papa, & hinc saltem indirecte habet potestatem temporalem supra omnes Principes Christianos, & ex causa eos privat regno & imperio, ut probat Bellarminus lib. v. de Rom. Pont. à cap. vi. Sic disputat Henricus Henriquez in libri vii. de Theol. moral. capite xxiv. Argumenti vis ac robor est hujusmodi. Romanus Pontifex Reges ex causa privat regno & imperio, ac proinde subditos à juramento fidelitatis absolvit: Igitur Romanus Pontifex regulares, & clericos omnes ab Episcoporum lege diocesana, ac proinde à canonica subjectione absolvet, vel absolvere poterit. In antecedente pro certo id assumit, quocum & Regis salus, & publica regni tranquillitas consistere non possunt. Si Alteserræ non placet Henricus argumentatio, imprimis doceat nos tractatu quodam Romanum Pontificem Reges deponere non posse, nec eorum subditos à juramento fidelitatis eximere: Deinde tractatu alio doceat nos Romanum eundem Pontificem regulares & clericos à canonica Episcoporum subjectione eximere posse in perpetuum. Hic ne tergiversetur Alteserra causatus aliam esse politicæ, aliam canonicæ subjectionis materiam: Alia quidem est materia, sed in utraque similis est disputandi forma, nisi suis tractatibus quos ab eo postulo, dissimilem esse disputandi formam ostendat. Hæc est mea adversus Alteserram præscriptio, hæc tertia ratio vehemens, cur censerem in privilegiis, quibus regulares & clerici ab observatione sacrorum canonum eos Episcopis subjiicientium eximerentur in perpetuum, obreptionem vel subreptionem non posse non intervenire.

Hæc est digressio, in quam Alteserra me compulit: Non erit tamen, si capio, inutilis.

CAP. XVIII. Pergit: Paulo post, & dicit: Suesionensi privilegio lex non dicitur Regi, Antistiti, vel magistratui, sed patrono, seu fundatori & defensori monasterii. Diversa sunt potestates, quæ ex mente Pontificis diverso jure spectantur, & quia Rex quatenus fundator Ecclesiæ jus patronatus suscepit ex gratia & beneficio Ecclesiæ, jure privati usus est, & legi foundationis se obstrinxit, à qua recedere noluit, quia jure privati usus est, & Rex idemque fundator in limine foundationis admittendo privilegium, videtur sibi legem dicere, à qua

recedere non potest. Atque ita, si Rex unius vel alterius Sammedardenfis monachi quietem turbet, jure patronatus privabitur, quia privilegium admittendo consensit ut privaretur. Similiter, si Rex Augustodunensis monasterii monachum aliquem sine Abbatis consensu ad Ecclesiasticum ordinem promovendum esse sentiat, potestatis honorisque sui dignitate privabitur, quia admittendo privilegium, consensit ut regno, (sicut interpretatur Gregorius VII.) privaretur. Et quoniam deliramenta hæc ad rationem falsi non pertinent, auctori suo relinquimus, & iis quorum est videre, nequid ex deliramentis talibus detrimenti capiat Respublica.

CAP. XIX. Pergit: Rex videtur contrahere cum Ecclesia: Lex foundationi dicta in ipso limine vicem contractus obtinet, can. Eleutherius. xviii. qu. ii. l. Donationes c. de donat. inter virum & uxorem. Sed videndus est can. Eleutherius, qui se sic habet: Eleutherius frater, & coepiscopus noster queritur, quod mater ejus in casa, quæ castellum dicitur, oratorium construxerit, ac dedicaverit, & in eodem loco monachos constituerit, ex quibus unus est presbyter. Hoc autem tempore dedicationis inter Episcopum Cardellum, cujus ipsa Diocesis est, & matrem suam asserit convenisse, ut quidam dedicationis vel natalis martyrum die, quorum in eodem monasterio reliquia sunt, per fidelium oblationes intraverit, medietatem quidem habeat ipsum monasterium; Medietas autem Episcopo offeratur. Contra quam conventionem Marium presbyterum (sive sciente, sive nesciente Episcopo) monachis ipsis, vel presbytero, qui ex his est, vim dicitur intulisse, & frequenter molestiam generare, ita ut memoratum presbyterum prope ceciderit, & missus facere cum nullo modo permittat, dicens, ut quasi pensionis nomine aliquid statuere debeat. Hæc igitur omnia diligenter te examinare jubemus, & si apud te evidenti ratione constiterit, quia tempore, quo dictatum est ipsum, conditiones superius posita convenirent, servari eas ex nostra auctoritate precipimus, nec aliquid amplius exinde ab aliquo exigatur: Si verò nihil tale constiterit, mediante te, quid Episcopo ipsi nomine eulogia offerri debeat, inter ipsos monachos, & presbyterum volumus definiri, salvo tamen eo, ut presbyter Gaudentius, qui etiam monachus est, missas in monasterio suo, sicut consuevit, facere à nullo ulterius debeat prohiberi.

Et primò quidem canonem vocat, qui reipsa canon vocandus non est, cum canon non sit unius, sed multorum Antistitum opus, ut ex Basilio, Photio & Facundo probavimus in secunda ad Michaellem Girardum Epistola. Sed sincerus juris Antecessor illud dissimulat. Deinde quidquid id est, Gratianus Pelagio tribuit, nec dicit, utrum ille primus sit, an secundus. Utriusque editæ sunt Epistolæ, sed neuter reperitur ad Episcopum, qui dicatur Eleutherius, scripsisse. Tum neuter ad alios scripsit Episcopos, quæ Gratianus refert. Solutum & vagum quid est, quod incerto Pontifici supponit, nec auctoritatis potest esse ullius, donec auctori suo vindicetur. Postremo, ne sint, si velis, hæc omnia, Gratiani canon ad Alteserræ propositum nihil prorsus conducit. Canonis sensus est, non debere Episcopum aliquid à monasterio exigere præter conditiones, quæ dedicationis tempore constitutæ sunt. Sic intellectus canon nusquam efficit, ut si Rex contrarium sacris canonibus privilegium, cujusmodi est Sammedardense, negligenter ducat, vel monachi unius quietem turbet, decernente Gregorio, jus patronatus amittat, & perinde ac si Catholicam depravasset fidem, & sanctam Dei subvertisset Ecclesiam, tractetur.

Canon alter, seu lex ita se habet: Donatio quæ constante matrimonio inter conjuges dicitur esse facta, ex quo alter locupletior, & pauperior alter efficitur, firmitatem non habet, nisi donatoris obitu confirmetur: quæ tamen penitus evanescit, si revocetur ab eo tacite vel expresse,



expressè, vel qui donationem accepit, prius debitum natura absolvat. Sanè soluto matrimonio, si tunc dos ad mulierem, sic & donatio propter nuptias redit ad virum, nisi à consuetudine secus obineat, vel ex pacto de lucranda dote à donatione propter nuptias, quod aequale sit, tamen hinc inde contrarium inducatur. At quidquid istud est, ad Regem, qui quia Sammedardensem monachum unum conturbaret, jure patronatus privaretur, exquisitoque anathematum genere percelleretur, transferre hominis est, qui otio & literis intemperanter abutitur. Inducit Regem, qui fundet monasterium, & fundando sic transigat cum Ecclesia, ut si quando monachum unum conturbet, velit jus patronatus amittere, & pro Catholicæ fidei corruptore, & sanctæ Dei Ecclesiæ evertere haberi, & quibus maledictionum generibus infideles, & hæretici ab initio sæculi perculsi sunt, percelli. Estne sana mente præditus Antecessor, qui talia, non dicam, de nostris Regibus, sed de plebeio, & vili quodam homine, nisi demens evaserit, comminiscatur? Atqui hæc est Alteserræ in defendendo Sammedardensi privilegio perversitas & obstinatio.

283 CAP. XX. Paulo post pergit: A Gregorii ingenio haudquaquam aliena est hæc clausula, qua pertinet ad tuendum vigorem Ecclesiasticæ disciplinæ, simul ad conservandas res Ecclesiæ semel dicatas: De cura utriusque quam sollicitus fueris, testantur tot ipsius Epistola, ut in his immorari, easque exscribere, Epistola procudenda causa, exemplo adversarii, nimis ambitiosum & otiosum esset. Immo verò necessarium esse maxime, ut palam fieret, ab ingenio Gregorii alienam non esse clausulam, cum clausula in argumentum falsi assumitur, doctorum vel indoctorum nemo est, qui hoc ignoret. Quod perficere debuit, nec potuit, inutili, & infulso schemate prætermittit. Cæterum cum dicit Sammedardensis privilegii clausula vigorem Ecclesiasticæ disciplinæ tuitum esse Gregorium, significat in more positum esse, institutumque antecedentium Pontificum, ut Ecclesiasticam disciplinam, & rerum Ecclesiæ semel dicatarum conservationem simili clausula communirent. Quo nihil est falsius. Vetustiorum Gregorio Pontificem ne unum quidem adferre potest, qui pari unquam clausula usus fuerit, seu cum Ecclesiasticam disciplinam asseruerit, seu cum res Ecclesiæ semel dicatas vindicaverit, & à prædonibus defenderit. Et sanè non credo inveniri unquam posse hominem, qui minus quam Alteserra, à mendacio & fallitate abhorreat, & quale futurum sit de se Dei, & eruditorum virorum judicium, minus reformidet.

284 CAP. XXI. Pergit paulo post: Opponitur & aliud argumentum, quod in privilegiis inscriptionibus notantur varia nomina Episcoporum, qui tum non sedisse, sed antè vel postea dicuntur, aut quod duo Portuenses Episcopi adhibentur. Verum ne his excutiendis otiose immerer, quia vix est ut de tempore, & ætate cujusque conveniat inter Chronologos, si quis forte error deprehendatur in inscriptionibus Episcoporum, qui privilegio subcribere, is non vitiat aut inquinat instrumentum, quia facile in nominibus error obrepit culpa vel imperitia libreriorum. Quot similes passim occurrunt errores in subscriptionibus Conciliorum? Propter quæ tamen non vacillat veritas, & auctoritas Conciliorum. Alteserra rationis nostræ difficultate præpeditus confugit ad communem, ut apparet, locum, qui quia omni materiæ convenit, nulli convenit. Ut ille suam in communi loco fraudem teget, rationem nostram non tam in compendium, quam in dispendium redegit, & ita proponit, ut sponte videatur se loco communi objicere. Subscriptionum, de quibus agitur, falsitatem ex variis 285 Gregorii Epistolis convinco; ac proinde necesse non est adire Chronologos, qui de tempore uniuscujusque Episcopi tractant; necesse non est adire Concilia, in quibus variant Episcoporum subscriptiones, quæ tamen ex MM. SS. codicibus sæpenumero corriguntur.

CAP. XXII. Pergit: Et quod Joannes Diaconus, qui Gregorii vitam concinnavit ex gestis ejus, & ex Epistolis ejusdem, non meminit istius Epistolæ, qua continebatur privilegium, de quo hæc est; Licet non sit oblitus Brunichildis Regina, & Theodorici Regis fundatorum, nihil probat: Sufficit enim quod non negat privilegium, quod haud dubie legebatur inter Epistolas Gregorii: Sufficit quod in Epistola Gregorii nihil falsi, aut suspecti notavit. O disputatorem egregium, qui ponit id verum, quod saltem in questione versatur. Nos in Gregorii Epistolis multa notavimus, quæ privilegii falsitatem demonstrant: Sine dubio, inquit, Sammedardense privilegium, quo tempore Joannes Diaconus, Gregorii vitam composuit, legebatur inter Epistolas Gregorii: Hoc dici facile potest, sed probari non potest, cum ne unus quidem sit ante Joannis Diaconi ætatem manuscriptus Epistolarum Gregorii codex, in quo extet privilegium. Et si extaret, Alteserra posset audiri, nec ego tamen cederem, quia ad asserendam privilegio veritatem id non sufficeret, ut in Epistola nostra notavi. Sed Alteserra quidquid illud est dissimulat.

CAP. XXIII. Paulo post pergit: Ego audacior quam par sit, quod non dubitarim defendere privilegium Suesionense, quod falsi damnatur à Cardinali Perronio, & Gressero: Sed cur illi privilegium damnarunt, nempe 286 præventi iniquiore sensu hujus privilegii, quasi esset machina à Pontificibus composita ad deponendos Reges. Quid respondeat fortitur. Auctores, de quibus sermo instituitur, non legit. Quo in opere Perronius Sammedardense privilegium Gregorio ut adulterinum abjudicat, Augustodunense laudat, quo probet à Romano Pontifice magistratus, & Reges abdicari posse. Gresserus in eadem est cum Bellarmino circa deponendos Reges sententia, id non semel testatus est, & cum primis in mysterii Plessæni examine capite XLV.

CAP. XXIV. Pergit: Sed pergendo non se tantum torqueret, quantum se torquet in iis, quæ ad Romanum Archivum pertinent, si quæ sua sunt defenderet, & mihi x<sup>o</sup> m<sup>o</sup> responderet. Sic enim hominem urgeo: Sed vir doctus ait: "Tanta est auctoritas Archivi Romanæ Ecclesiæ, ut nequaquam suspecta sint monumenta Pontificum, quæ illic inveniantur. cap. ad audientiam de prescriptionibus. Hæc ille. Sed contradixi his verbis: Non extat nunc Archivum Romanæ Ecclesiæ, quod extabat Gregorii tempore, nisi probet ille Romanam operum Gregorii editionem idem esse, quod erat Archivum Romanæ Ecclesiæ, cum Gregorius vita migravit, & ab eo tempore operibus nihil, Epistolis nihil inditum fuisse. Probabitne, capite ad audientiam insertum Gregorii operibus in prenitentiales Ps. v. 11. commentarium Gregorii esse, qui tamen qualis se habet in Romana editione, nec Gregorii est, nec Gregorii potest esse. Nam in isto commentario sunt tria, quæ illud Gregorio Papæ I. abjudicant. Primum est in Psalmi v. versiculo 1x. Nostris 287 verò maxime temporibus (simonia) malitia sua virum exercebat, & totius Ecclesiæ pacem schismatica infestatione turbavit. Concitavit enim adversus Ecclesiam Dei non solum innumerabilem populi multitudinem, verum etiam regiam, si fas est dicere, potestatem. Nulla enim ratio finit, ut inter Reges habeatur, qui destruat potius quam regat Imperium, & quoscunque habere potest pervertat suis socios, eos à consortio Christi efficit alienos. Qui turpissimi lucri cupiditate illectus, sponsam Christi captivam cupit abducere, & passionis Dominica sacramentum ausu temerario contendit evacuare: Ecclesiam, quippe quam sui sanguinis pretio redemptam Salvator noster voluit esse liberam, hanc iste potestatis regia jura transgrediens facere conatur ancillam. Quamvis melius foret sibi dominam suam esse agnoscere, eique religiosorum Principum exemplo devotionis obsequium exhibere, nec contra Deum factum extendere dominationis, à quo

quo sua dominium accepit potestatis. Ipse est enim qui ait, per me Reges regnant: Sed immensa cacatus cupiditatis caligine, & divino, ut patet, ingratus beneficio, & contra Deum fastuosus terminos quos posuerunt Patres nostri, contempta divino timore transgreditur, & contra Catholicam veritatem sua furore tyrannidis effertur: in tantum autem sua temeritatem extendit vassania, ut caput omnium Ecclesiarum Romanam Ecclesiam sibi vindicet, & in domina gentium terrena ius potestatis usurpet.

Alterum est in ejusdem Psalmi versiculum xxvi. <sup>288</sup> Sum etiam porta inferi quaedam potestates hujusmodi. Quid enim Nero, quid Diocletianus, quid denique iste, qui hoc tempore Ecclesiam persequitur, numquid non omnes porta inferi? Tertium in penitentialis Psalmi vi. proemio sub finem: Erat autem caput in hoc Psalmo pro membris, Christus pro Ecclesia, virtus pro infirmitate erat, quippe ut non severe judicentur, sed misericorditer exaudiantur. Persequitur etiam hoc tempore schismaticus corpus Christi, impugnatur haereticus Ecclesiam, unitatem infidelis perturbat.

Hæc autem ad Gregorii Papæ I. Mauriti & Phocæ Imperatorum tempora quid attinent? Siccine Gregorius cum Mauricio agit, dum in libri II. indict. XI. Epistola lxxii. ad eum scribit, & de injusta illius lege conqueritur? Siccine agit cum Phoca, dum in lib. xi. Epistola xxxviii. ad eum scribit? Siccine cum Brunichilde Regina, & Regibus Francorum agit, dum ad eos de extirpanda hæresi simoniaca scribit? Minimè verò. Quæ ex commentario in Psalmos penitentiae descripsimus, omnino spirant ætatem Gregorii Papæ VII. & Henrici IV. Imperatoris, qui graves inter se exercuerunt inimicitias, atque hoc, ut quod omnibus notum sit, nihil est necesse pluribus verbis exponere. Alteserra nunc exclamet, & communes locos pueriliter adhibeat. Non extitit, inquit Launoius, in hunc diem Archivum Romana Ecclesiæ, aut existere probatur, quod erat tempore Gregorii. O quam dira & immanis blasphemia! Quam atrox injuria infertur Sedi Apostolica. Igitur quo casu periere tabula Ecclesiæ Romana? Omnes gentes, civitates & municipia <sup>289</sup> habent sua Archiva, monumenta fidei publica, quæ summa diligentia magistratum cura custodiuntur? Ex his igitur ut Sammedardense privilegium, sic & commentarium in Psalmos penitenciales septem genuina esse Gregorii opera concludet vir dialecticus, siquis unquam fuit.

CAP. XXV. Pergit post aliquam multa quæ de archivis Ecclesiarum undique tam studiosè quam inutiliter disquisivit. Gregorius etiam Epistola, quæ continetur privilegium Augustodunensis monasterii non parci Launoius ne privilegium Sueffionense admittere cogatur. Sed o quam inhumanum a præbytero, & Theologo non uno telo confodi Gregorium! Quali verò sic confodiatur Gregorius, cum subiecta illi fuisse non unum tantum, sed tria Augustodunensia privilegia demonstrantur! O quam inhumanum, & crudele factum Alteserræ, qui adversario suo tam fœdè imponit: Sed imponit, quia eum confutare aliter non potest! O impia necessitas, quæ ad tam perniciosum mendacium compellit!

CAP. XXVI. Pergit: Falsi petitur & Augustodunense privilegium, quòd ejus non meminit Joannes Diaconus: Sed tale argumentum nihil probat, quia negativa argumenta non valent. Alteserra nisi mala fide ageret, argumentum exhiberet meum, quod argumentum quidem negativum est, sed suis adornatum conditionibus affirmativo æquipollet. "Est autem hujusmodi: Porro autem de Sammedardensi, & tribus Augustodunensibus privilegiis res ita contigisse mihi videtur. Augustodunensia privilegia hæc post Joannem Diaconum, qui ad annum dcccclxxv. claruit, & ante Gregorium VII. qui anno m. lxxiii. Romanus Pontifex creatus est, Gregorio supposita fuerunt. Post Joannem quidem Diaconum, qui in libris de

"vita Gregorii Papæ, Augustodunensium privilegiorum mentionem nullam facit, facturus sine dubio, si Gregorius illa concessisset, si Romanus aliquis Epistolarum Gregorii codex istas Epistolas representasset. Hic auctor putasset Epistolas, in quibus qui Reges, Sacerdotes, & Judices Gregorianæ constitutioni non obediunt, potestatis honorisque sui dignitate privantur, & ab Ecclesiastica communione remonentur, Gregorio, & Sedis Apostolicæ rationibus conducere quamplurimum. In silentii hujus circumspeditione, & accurata consideratione totus habitus, & in ea quæ inde ducitur, hæreo commororque sententia: Et ea de re vix dubitabit, qui concinnatam à Joanne ex fragmentis Epistolarum vitam Gregorii meditatè legerit. Argumento huic quia non potuit aptè respondere, illud magna sui parte truncavit, ut responderet quomodo respondentem ostendimus. Quærendus fuit vel unus manu exaratus Epistolarum Gregorii codex, in quo & Sammedardense, & Augustodunensia tria privilegia legerentur. Non quæsit, ut apparet. Ac proinde argumentum dissimulat potius, quam solvit.

CAP. XXVII. Pergit: Veritatis præscriptioni sufficit, quòd Gregorius VII. lib. viii. Epistola xxi. hoc privilegium memorat ex regeſto Gregorii, nempe ex Epistola 10. libri II. Quasi diceret: Gregorius VII. Clementis ad Jacobum fratrem Domini laudavit Epistolam: Igitur Epistola hæc vera est, quia veritatis præscriptioni sufficit, quòd Gregorius Clementis ad Jacobum Epistolam citavit in libri viii. Epistola xxi. ad Herimannum Metensem Episcopum. Quæ Alteserra hic scriberet, tam confidenter & tam prælicenter non scriberet, nisi more suo dissimulasset, quæ in hanc rem scribo his verbis. "Hoc ergo cap. III. Ad audientiam. Nón est satis provisum, ac præcautum Alteserræ perfugium. In hoc capite agitur de monumentis censuum, quibus centenaria possessione præscribitur: Non agitur de monumentis veritatis, cui possessione simili non præscribitur. Tertullianus in libri de velandis virginibus capite I. Veritati, inquit, nemo præscribere potest, non spatium temporum, non patrocinia personarum, non privilegium regionum. Matthæus Gribaldus, qui olim Tolosæ in frequentissimo illo Galliarum gymnasio jura civilia interpretatus est, in libro II. de ratione studendi: Cursus, inquit, temporis non mutat substantiam veritatis. I. sicut falsi, C. ad L. Cornel. de fal. Tertulliano & Gribaldo fidem habendam esse majorem quàm Alteserræ, quis non facillè percipit? Sic parum consideratè adductum est caput, Ad audientiam. Quem verò tanti facit Baronium, consulat ad annum cix. sect. II. & ab illo discet, jura veritatis esse ampliora omni antiquitate: Quippe quæ nulla plurimorum sæculorum valeant præscriptione ladi, nec innumera testium multitudine obrui atque labefactari. Sic quavis anni sint circiter sexcenti, postquam Gregorius VII. Augustodunense laudavit privilegium, hæc tamen antiquitas efficere non potest, ut quod falsum, vel interpolatum est privilegium, verum atque integrum esse possit. De temporibus quæ Joannes Diaconus Gregorii vitam edidit, adversus Augustodunensia privilegia præscriptionem fiximus. Refigenda est præscriptio, Cum instar religionis sit, instrumentis fidem de temporibus asserere, ut Tertullianus dicit in Apologetici capite XIX.

CAP. XXVIII. Pergit: Et Gratianus auctor decreti idem refert ex regeſto Gregorii in Can. Hinc est etiam, xvi. qu. I. sed quidquid id est, refero ut expendatur: Hinc est etiam quòd xenodochium atque monasterium, quod in eodem Francorum regno constitutum est, quia per ambitiones, & contentiones quorundam non canonicè tractabatur, à perversitate malorum liberari cupiens præcepit, ut sine regali provisione, & monachorum



chorum electione nullus ibi Abbas aliqua unquam subreptione introduceretur. Præcepit etiam, ut ejusdem monasterii Abbas nunquam ad Episcopatum eligeretur, ne forte occasione Episcopatus Abbatia aliquid detrimenti caperet. Quod privilegium ita est illius Ecclesie, ut communem legem Regibus vel Abbatibus omnino dare non possit. Non enim quod uni singillatim conceditur, statim omnibus convenit. Alteserra cum dicit, Gratianum ex Augustodunensi privilegio canonem, Hinc est etiam, desumpsisse, nos docet tria: Primum, quod Augustodunense privilegium nusquam legit, aut si quando legit, quid & quale sit oblitus est: Deinde, quod canonem, Hinc est etiam, cum Augustodunensi privilegio non contulit. Nam non dicam, si serio, sed si vel oscitanter contulisset, non potuisset verè affirmatèque dicere, Gratianum id fecisse, quod eum fecisse scribit. Canonis verba non sunt verba privilegii. In canone ne versus quidem sunt duo, quos continenter habeat privilegium: In canone dicitur, quod xenodochium atque monasterium per ambitiones, & contentiones quorundam non canonicè tractabatur. Sed istud privilegio convenire non posse, sola privilegii lectio demonstrat. Ubinam privilegium representat, quæ sequuntur: Quod privilegium ita est illius Ecclesie, ut communem legem Regibus vel Abbatibus omnino dare non possit. Non enim quod uni singillatim conceditur, statim omnibus convenit? Gratiani verba sunt, non Augustodunensis privilegii. In Gratiani decreto tam potuit notari Sammedardense, quam Augustodunense privilegium, ex quo canon exciperetur. Denique, quod canonem id vocat, quod canon vocari re ipsa nec debet, nec potest. 1. Quia Gratiani opus est, non Gregorii Papæ, nec illius quoque, qui privilegium Gregorio subjecit. 11. Quia in secunda ad te Epistola ex Basilio, Rhotio, & Facundo animadvertimus, canonem non esse id, quod ab uno tantum Episcopo, sed quod à communi Episcoporum cœtu editum est ac promulgatum.

CAP. XXIX. Pergit: Quod Damianus loco supra citato queritur de pœna anathematis, quæ decretis Pontificum quasi ex formula apponi solebat, eamque respicit quasi alienam à stylo Gregorii, & priorum Pontificum, minime privilegii utriusque monasterii Successionis, & Augustodunensis fidem elevat, quia utrumque speciali ratione desiderabat pœnam excommunicationis, ut consuleretur rebus Ecclesie, quæ non aliter quam religionis vinculo tuta esse poterant à patronis seu fundatoribus potentioribus, quibus Ecclesia inermis par esse non potest. Lepidus est Alteserra, qui quæstionem facti in quæstionem juris convertit, ut Gregorium primum id fecisse probet, quod Damianus Gregorium lectis, opinor, illius Epistolis non fecisse tradit. Quis Antecessoris dialecticam non miretur? Repetendum est Damiani testimonium quod ille dissimulat: Præterea duo quædam apud Apostolicam Sedem frequens usus obtinuit, quæ si prudentia vestra iudicat, ut nobis videtur, omnino digna sunt corrigi, quia cunctis ferè decretalibus paginis anathema subjungitur: Alterum, quia cuiuslibet Ecclesie filius sive clericus, sive laicus exponere proprii excessus Antistitis prohibetur. Quorum primum quàm sit salutis immane periculum, & infinitè patens vorago labentium, ac perniciës animarum, clementia vestra pietas non ignorat. Dicitur enim, quisquis hæc vel illa non fecerit, sive certè quisquis hoc quod superius statutum est, irritum duxerit, vel in aliquo violaverit, anathema sit. Ubi notandum, quàm lubrica, quàm præceps subito ruendi illic procuratur occasio, ut ante quem in æterna mortis barathrum corrumpat, quàm se vel leviter impegerit recognoscat, & substrata quodammodo tendicula jam pes ejus innectitur, dum se liberis adhuc gressibus ingredi arbitratur. Et infra: Non enim secundum Stoicos omnia peccata sunt paria, atque idcirco indifferenti sunt ultione plerenda; sed juxta modum culpe temperanda semper est mensura vindictæ.

Porro nec beatus Papa Gregorius, vel ceteri Patres, qui diversis temporibus in Apostolica Sedis regimine floruerunt, hunc morem in suis reperimus observasse decretis, & vix eorum aliquando status anathema subnectitur, nisi cum Catholica fidei clausula terminatur. Locutusne esset ita de Gregorio, si Epistolarum Gregorii codices habuissent Epistolas quatuor, seu privilegia quatuor, Sammedardense unum & Augustodunensia tria, in quibus pœna duplex, excommunicationis & privatio juris patronatus, aut regie potestatis continentur? Adduxissetne in temperandæ disciplinæ exemplum Pontificem intemperantissimum: Intemperantissimum dico, qui pro levi culpa Regem aliquem duplici pœna gravissima puniret, excommunicatione & privatione juris patronatus, vel regie potestatis? Ratum ergo fixumque sit, Romanos Epistolarum Gregorii codices, quibus Damianus utebatur, quatuor illas Epistolas seu privilegia non comprehendisse, & Alteserram argumenti nostri vim ac robur subtilitate falsa effugisse.

Cap. XXX. Pergit: Falsi suspicio obtunditur & Epistola, quæ continetur & Augustodunense privilegium, ex eo quod illa scripta est Senatori Abbati & Presbytero; quasi Presbyteres Abbates esse non ferret Gregorius. Sed ne, amabo, imponatur Gregorio: Ne Presbyteri seculares eligantur in Abbates voluit Gregorius lib. 111. Epist. 11. quia volebat eos eligi ex monachis professis; sed ne Abbates essent Presbyteri id omnino alienum à jure, & moribus Ecclesie, & à mente Pontificis; imò plerumque Abbas erat unus Presbyter in monasterio, ut probavi in hunc locum ex Augustino & Cassiano. Fucum facit aut patitur, cum Epistolæ XI. libri 111. eum sensum accommodat, quem illa ferre non potest. "Hoc ut evidenter appareat, rationem meam repeto. Qui Gregorio subjecerunt Augustodunensia privilegia duo, in libri XI. Epistola X. ad Senatorem Presbyterum & Abbatem, & in ejusdem libri Epistola XII. ad Luponem Presbyterum, & Abbatem, id fecerunt paulo imprudentius. Fraudem detegunt suam quia Gregorius nolebat permittere, ut idem esset Abbas & Presbyter. Sic enim scribit in libri 111. Epistola XI. ad Maximianum Syracusanum Episcopum: "Incongruum est unam eandemque Ecclesiam substantiam duplici quodammodo jure censer, id est, usurpationis & canonum: Presbyteros, Diaconos, ceterosque cuiuslibet ordinis Clericos, qui in Ecclesiis quoquo modo militant, Abbates per monasteria esse non permittas: Sed aut admissa clericatus militia monasticis non provehantur ordinibus, aut si in Abbatis loco permanere decreverunt, clericatus nullatenus permittantur habere militiam. Satis enim incongruum est, si cum unum ex his pro sui magnitudine diligenter non possit explere, ad utrumque judicetur idoneus: sicque invicem, & Ecclesiasticus ordo vitæ monachicæ, & Ecclesiasticis utilitatibus regula monachatus impediatur. Hoc in loco agitur, quid Gregorius observari voluerit, non quid ante Gregorium Augustinus, Cassianus, vel quidam alii Patres, aliis in locis observari voluerint, non quid post Gregorium observatum in Ecclesia fuerit. Qui Gregorio Augustodunensia supposuit privilegia, hæc accommodavit ad usum sui temporis, quo idem Abbatis, & Presbyteri officioungebatur; non ad Gregorii mentem, qua nulla fuit unquam evidentior, ut constat ex verbis, quæ mox relata vanam esse Alteserræ responsionem ostendunt. Nam factus sive extra, sive intra monasterium Presbyter, Diaconus aut clericus, hunc & Abbatis, & Presbyteri seu Diaconi, seu Clerici munus simul obire non patitur Gregorius. Attendenda est Gregorii ratio, quam Alteserra non attendit, sed pro more suo dissimulat. Perfit in ea sententia Gregorius, cum in libri IV. Epistola I. ad Joannem Ravennatem Episcopum ita scribit: Pervenit ad me, quod in Ecclesia

Ecclesia fraternitatis tuæ aliqua loca dudum monasteriis consecrata, nunc habitacula clericorum, aut laicorum facta sunt: Dumque hi qui sunt in Ecclesiis fingunt se religiosè vivere, & monasteriis praponi appetunt, & per eorum vitam monasteria destruuntur: NEMO ENIM POTEST ET ECCLESIASTICIS OBSEQUIIS DESERVIRE, ET IN MONACHICA REGULA ORDINATE PERSISTERE, ut ipse monasterii distinctionem teneat, qui quotidie in Ecclesiastico ministerio cogitur permanere. Proinde fraternitas tua hoc quolibet in loco factum sit emendare festinet; quia ego nullo modo patiar, ut loca sacra per clericorum ambitum destruantur. Pontifex in hoc totus est, ut credat clerici, & Abbatis officia simul in uno stare non posse. Joannes Diaconus id ita intelligit in libri xi. de vita sancti Gregorii capite liv. Singula Ecclesiastici juris officia singulis quibusque personis singulatim committi debere jubebat asserens, quia sicut in uno corpore multa membra habemus; Omnia autem membra non eandem actum habent: Ita in Ecclesia corpore secundum veridicam Pauli sententiam in uno eodemque spiritu alii conferendum est hoc officium, alii committendum est illud: Neque uni quantumlibet exercitata persona uno tempore duarum rerum officia committenda sunt, quia si totum corpus oculus, ubi auditus? Sicut enim varietas membrorum per diversa officia, & robur corporis servat, & pulchritudinem repræsentat: Ita varietas personarum per diversa nihilominus officia distributa, & fortitudinem, & venustatem sanctæ Dei Ecclesia manifestat; & sicut indecorum est, ut in corpore humano alterum membrum alterius fungatur officio, ita nimirum noxium simulque turpissimum, si singula rerum ministeria personis totidem non fuerint distributa. Et paullo post in eandem rem citat duas illas Epistolas, quæ antè citatæ sunt.

CAP. XXXI. Pergit paullo post: Utrumque privilegium post sexcentos annos falsi damnatur: Sed in his quæ sunt facti, antiquioribus ex necessitate rerum humanarum credendum est. Credendum Gregorio VII. qui privilegium Augustodunense laudavit, credendum Gratiano, qui idem in decreti apices retulit in conspectu totius Ecclesiæ Romanæ. Quod opus approbatum est ab Eugenio III. & in scholis publicè legendum propositum; ut legitur apud Philippum Bergomensis in supplem. Chronic. lib. ii. ad ann. M. CXLIX. Si Alteserræ ratiocinatio hæc admittatur, credendum erit veram esse Clementis ad Jacobum Episcopum Hierosolymorum Epistolam, quia Gregorius illam citavit; & tamen Petrus Comestor scholast. hist. in acta Apostol. cap. ci. Gobelinus Persona in Cosmodromii ætate vi. cap. vii. Joannes Turrecremata Card. in Summa de Ecclesia lib. ii. cap. ci. Nicolaus Cusanus Card. in libri iii. de Concordantia catholica capite ii. Joannes Driedo lib. i. de Dogmat. cap. ii. part. iii. Claudius Espenæus in libri i. de Continentia capite vi. Baronius Card. ad ann. Christi LXXIX. Bellarminus Card. in libro de scriptionibus Ecclesiasticis, Jacobus Card. Perronius in capite xxxi. Replix, Severinus Binius in notis ad hanc Epistolam, Antonius Possevinus in Apparatu sacro, apocrypham, & supposititiam esse non diffitentur. O virum circumspiciendum Alteserram! Jam supra cap. xix. quid de Gratiani decreto sentiendum sit ostendimus. Alteserra fallitur egregiè, cum putat veritati præscribi posse. Deinde Eugenius III. Gratiani decretum approbavit nusquam, aut publicè legendum proposuit, ut colligi facillè potest ex Vaticano codice, quem Baronius ad annum M. C. L. i. in medium profert: Hoc item anno Gratianus Benedictinus colle-

git ampliori studio librum decretorum; & per distinctiones ac quæstiones rite disposuit. Ita quidem codex Vaticanus habet: Decretum Gratiani monachi S. Felicis Bononiensis, ordinis sancti Benedicti, compilatum in dicto monasterio anno Domini M. C. L. i. tempore Eugenii Papa III. Ex his Philippi Bergomensis errorprehenditur, cum ait ad annum M. CXLIX. Gratiani decretum ab Eugenio III. approbatum, & in scholis publicè legendum propositum esse, annis nimirum duobus antequam compilatum esset. Baronius sprexit potius, quam non vidit Bergomensis testimonium. Bergomensis Gratiani æqualis non fuit, nec suppar ætate: vitam deposuit anno M. D. XVII.

Postremo, si in his, quæ sunt facti, antiquioribus ex necessitate rerum humanarum credendum est, ut Alteserra ponit, complures ille fabulas, & maximè tres, ut veras recipiet historias, & in auctoritatem admittet.

Prima est, Romanum Pontificem fuisse nomine Cyriacum, qui Pontianum inter & Hyginum anno uno, & mensibus nonnullis federit, ut tradunt Robertus Autissiodorensis monachus in Chronico, Albericus monasterii Trium Fontium Abbas in Chronico, Martinus Polonus in Chronico, Vincentius Bellovacensis in libri xx. Speculi historialis capite xi. Thomas Cantipiatanus in libri ii. de apibus capite lxxxv. Jacobus Genueus in Legenda Sanctorum xxi. Octobris, Joannes Parisiensis in libri de potestate papali, & regia, capite xxiv. Augustinus Anconitanus in Summa quæst. iv. art. viii. de renunciatione Pontificatus, Albericus Rosate in Dictionario, verbo Renunciatio, Joannes Andreas in novella vi. Dominicus à sancto Geminiano, in receptam vi. decret. glossam, Sanctus Antoninus part. iii. tit. xxxiii. cap. iv. Joannes Turrecremata Card. in caput, Quam periculosum, Petrus Equilensis Episcopus in libri ix. de Sanctis, capite lxxxviii. Compilatio Chronologica, Joannes Nauclerus in volum. ii. Chronographiæ generat. viii. Joannes Theuvrochius in Chronicis Hungarorum, capite xvii. Antonius Bonfinius in libro v. decadis i. Martyrologium Coloniae post Lombardicam historiam editum ann. M. CCCC. xc. Joannes Capgravius in legenda Sanctorum Angliæ, Silvester Præer in Summa, verbo Papa, Liber sextus decretalium juxta Lugdunensem editionem anni M. D. XX. M. D. L. & M. D. LIII. Romanum Brevarium anno M. D. L. editum in lectione iv. & v. festi undecim mille Virginum, Antonius Cuchus in lib. ii. pand. cap. ii. Bartholomæus Fumus in Armilla, verbo Papa. Lælius Zechus in libro de Rep. Eccles. num. xxxv. Nicolaus Olahus in historia Attilæ, Hermannus Schombachus in tomo i. de Ursula vindicata, Jacobus Bergomensis, quem extra chronicam seriem statuimus in gratiam Alteserræ, in supplem. Chronic. libro viii. ad annum cxxxvii. Cyriacum Papam Pontiano huic successisse multi ferunt: Sed quia contra Patrum voluntatem Papatui cessit, atque cum undecim Virginum millibus, quas ferè omnes baptizaverat, Agrippinam urbem concessit in Pontificum catalogo positus non est, cum tamen & ipse virgo existens cum Virginibus illis martyrio sit coronatus. Hic est auctor quem juris Antecessor consultissimè laudat.

Altera est, beatum Germanum Autissiodorensis, cum ad extirpandam Pelagii hæresim profectus est in Angliam, Regem ob negatum hospitium deposuisse, & porculatorem in ejus locum suffecisse. Hæricus Autissiodorensis monachus, qui annis abhinc octingentis claruit, rem ita narrat in libri i. de miraculis S. Germani Autissiod. capite lv. Hic (Marcus in Britannia Episcopus)



pus) multis coram referre solitus erat, Germanum sanctissimum, ut ipsius utar verbis; nationis Apostolum, vice quadam dum Britannias permearet, Regis palatium cum suis discipulis introisse: Erat tum hyems horrida, nec hominibus solum, verumetiam ipsis bestiis vehementer infesta. Itaque directo ad Regem internuntio, superventura nocti hospitium postulavit. Rex abnuvit, atque ut erat & gente, & animo barbarus, negotium floccipendit. Interea Germanus cum discipulis sub dio persistens, cœli inclementiam infractis animis tolerabat. Jamque die in vesperam coacto subulcus Regis regressus ad pascuis perisum quotidiani salarii acceptum ex palatio ad proprium tugurium referebat. Is ubi Germanum beatissimum conspexit, brumali horrore cum discipulis tæbescentem, appropinquans cominus orat humiliter, ut quis esset, quare ex causa inter algores nimios illic moraretur, ediceret, cūque nihil certitudinis ex responso percepisset, persona dignitate permotus; Oro, ait, quisquis es, domine, ut parcas corpori, servique tui succedere digneris hospitio, ac demum si qua paupertati mea suppetunt officia, receptare. Non parum enim interesse video imminenti noctis angustias quantumlibet vili domicilio temperare. Non aspernatus persona qualitatem successit hospitio, & qua sibi a paupere impendebantur obsequia, libens excepit. Erat illi in peculio vacca tantum & vitulus, conversusque ad uxorem, Hei, non intelligis, ait, quantum suscepis hospitem: Accingere itaque & unicum, qui est nobis, vitulum mactans cœnaturis appone. Disto illa incunctanter paruit, cœlūque vitulum in mensa componit: Episcopus solito abstinentes ceteris esum indicit: Cœna explicata, Germanus mulierem evocat, imperatque ut ossa vituli collecta diligentius super pelliculam ejus ante matrem in præsepio componat: Quo factum (mirum dictu) vitulus absque mora surrexit, matrique coadstans pabulum carpere cepit. Tum ad utrosque conversus Antistes, Salvo, inquit, præmio charitatis, jura hospitii tali interim beneficio compensata recipite: Proventum rei mirabilem collato omnes præconio sustulerunt. In crastinum Pontifex palatium repetiit, Regisque ad publicum præstolatur egressum; illum ab intimis procedentem Germanus excipit, atque patenti objurgationi verborum cur sibi pridie hospitium negaverit, severus exquirat. Rex stupore defixus intorquet, virique constantia autem ad responso defecit. Tum Germanus auctoritate mirabili, Egredere, inquit, & scepra regni potiori permittite. Illo hesitante Germanus baculo incunctanter impellens, Egredieris, ait, & sicut definitum constat a Domino, nequaquam deinceps in æternum potestate regia abuteris. Barbarus auctoritatem cœlestem in Præfule Reformidans cum conjuge, & liberis indifferenter egreditur, palatii fores retentare nulla posthac ratione conatur. Jam Germanus uno ex discipulis directo subulcum cum conjuge evocat, atque universo stupenti palatio in regni culmen componit. Ex eo tempore in Hodiernum reges ex subulci genere prodeuntes nationi Britonum dominabantur. Hoc idem commemorant, qui vitas Sanctorum ediderunt, Jacobus Genuensis, Petrus Equilenis Episcopus, Claudius Rota.

Tertia est, mulierem fuisse nomine Joannam, quæ Leonem IV. inter & Benedictum III. Romanæ præfuerit Ecclesiæ, ut scribunt Marianus Scotus in Chronic. libro III. ætate VI. Gotfridus Viterbiensis in Chronic. parte XX. Martinus Polonus, & Baptista Platina de vitis Pontificum, Wernerus Rollewinkius in fasciculo temporum, Baptista Mantuanus in poematibus, Compilatio Chronologica: sed Alteserræ multorum instar erit Jacobus Bergomenis in supplem. Chronic. libro X. ad annum DCCC. LVIII. Joannes, inquit, VII. Papa natione Anglicus, post Leonem Pontificem Pon-

tifex factus sedit annis II. & mense V. Hunc tradunt fuisse faminam, quæ adolescens admodum ex Anglia Athenas cum quodam doctissimo amasio profecta, ibidem bonarum artium præceptores audiendo tantum profecit, ut Romam veniens paucos admodum etiam in sacris literis haberet pares. Ea quippe legendo, disputando, docendo, orando tantam benevolentiam, & gratiam sibi comparavit, ut mortuo Leone prædicto Pontifice, in ejusdem locum, ut multi affirmant, omnium consensu Pontifex crearetur. Verum postea à familiari compressa gravidatur, & Papa existens peperit. Nam ex Vaticano ad Lateranensem basilicam aliquando ad letanias profecta, inter Coliseum, & sanctum Clementem præter spem doloribus circumventa, sine obstetrice aliqua publice peperit, & eò loci ab omnibus mortua, ibidem sine ullo honore cum fetu misera sepulta est: Ad cujus detestandam spurcitiam, & nominis continuandam memoriam in hodiernum usque Summi Pontifices rogationum cum clero, & populo sacrum agentes, eum locum partus medio ejus in iunere positum ut abominentur, eo omisso declinant ad diverticula, viscosque, & sic loco detestabilis postergato reintrantes iter perficiunt, quod caperunt. Et ad evitandos similes errores statutum fuit, nequis de cetero in beati Petri Sede collocaretur, priusquam per perforatam sedem futuri Pontificis genitalia ab ultimo Diacono Card. attractarentur.

Hæ autem sunt fabulæ numero tres, quas Alteserra suis innixus principiis ut veras recipiet historias, & in auctoritatem admittet. Ego primam & tertiam confixi in ea ad Carolum Mauritium Tellerium, nunc Remensem Coadjutorem, Epistola, quam habet pars quarta Epistolarum nostrarum: Secundam confixi duobus in locis; in Judicio de Hadriani Valesii disceptatione, ad observationem xxvi. & in Dissertatione de auctoritate negantis argumenti. Sed quoniam illæ fabulæ vix confutari possunt, quin infumatur argumentum negans, juris Antecessor dicet, quod sapius in libello suo dicit: Hoc, inquit, argumentum nihil probat, quia est à negatione. Et paulo post: Hoc argumentum, ut & cetera, quæ Launoius ducit à negatione, nihil probant: Argumenta à negatione nihil valent. Atque ita quæ fabulosa esse affirmamus, ille affirmabit certiora esse, quàm ea quæ apud Sagram: Cyriacum & Joannam mulierem in ordine Romanorum Pontificum collocabit, & Germanum Autissiodorensis id fecisse, quod Hericus monachus narrat, animosè tuebitur.

C A P. XXXII. Pergit, sed post alia: Nequid argentiarii omittantur in falsi judicio, falsum Launoi videtur Sueffionense privilegium, quod in eo Ansericus Sueffionensis Episcopus vir Apostolicus dicitur. Verum, ut istud verbo transigam, nihil est, quod turbetur Launoius novitate verbi. Apostolici dicti sunt Episcopi vel proximi Apostolicorum temporum, quasi discipuli Apostolorum, ut Martialis & alii, vel meritis comparandi, quasi Apostolorum amuli; vel ut ordine pares, quasi successores Apostolorum. B. Radegund. in Epistola scripta ad Episcopos Galliarum, Dominis meis Ecclesiæ Patribus, & viris Apostolicis quod commendando. Fortunatus lib. V. cap. I. de Martino Gallicensi Episcopo:

Martino servata novo Gallicia plaude,  
Sortis Apostolica vir tuus iste fuit.

Hic Alteserræ gratias ago, quod in confirmando falsi judicio nostro tantopere laboraverit; & hæc est stupenda & mirabilis æneia. Nostrum "falsi judicium sic se habet: Sed cur tandem Ansericum virum de Ecclesiâ bene meritum dicit? "Fortasse, quia Ansericus in privilegio appellatur vir "Apo.

"Apostolicus, quo nomine beatus Gregorius nulum unquam qui viveret & cui scriberet, Episcopum insignivit. Hoc non observavit vir doctus, ne defenso à se privilegio incommodare videretur. Non est inter Alteserram, & me quæstio, num Episcopi ante, & post Gregorium vocati fuerint viri Apostolici; sed quæstio est utrum Gregorius Papa Episcopum qui viveret, & cui scriberet, aliquando vocarit virum Apostolicum: Vocavit nulum, & hoc Alteserra confirmat, nullam Gregorii referens Epistolam, nullum Gregorii referens locum, ubi Gregorius Episcopum qui viveret & cui scriberet, virum Apostolicum nuncupaverit. Sic ab Alteserra confirmatum remanet falsi iudicium quod Sammedardensi objeceram privilegio.

Privilegii huius suppositor ante oculos sibi constituerat Marculfi monachi formulas, in quarum nonnullis Episcopi dicuntur viri Apostolici. In concessione Regis ad Episcopale privilegium: *Ille Rex viris Apostolicis, Patribus nostris, &c.* In præcepto de Episcopatu: *Ille Rex viro Apostolico, illi Episcopo, &c.* In indiculo ad Episcopum pro aliis distringendis: *Domino sancto & Apostolico, Domino, & Patri illi Episcopo, ille Rex.* Igitur qui Sammedardense privilegium subiecit Gregorio, Marculfi formulas imitatus, Ansericum Suessionensem Episcopum virum Apostolicum appellavit, & incautus nobis præbuit falsi indicium.

Nunc postquam ostendimus Alteserram loquendo confirmasse superius falsi indicium; ostendendum est, eundem tacendo confirmasse argumenta tria, quæ in Epistola sic propono.

"Hic ut cumulus accedit repulsa, quam Constantina Imperatrix à Gregorio tulit, postulans B. Pauli caput, aut membrum aliud, quod in ejusdem Apostoli basilica Constantinopoli apud palatium ædificata collocaret. Sic enim in libri 111. Epistola xxx. ad illam scribit: *Serenitas vestrae pietatis, religionis studio, & sanctitatis amore conspicua, propter eam, quæ in honorem sancti Pauli Apostoli in palatio ædificatur, Ecclesiam, caput ejusdem S. Pauli, aut aliud quid de corpore ipsius suis ad se iussionibus à me præcepit debere transmitti: Et dum illa mihi desiderarem imperari, de quibus facillimam obedientiam exhibens, vestram erga me amplius potuissem gratiam provocare, major me mœstitia tenuit, quod illa præcipitis quæ facere nec possum, nec audeo.* Nimirum quia Romanæ Ecclesiæ mos obtinuerat, ne Sanctorum reliquiæ suis ex locis extraherentur. Hæc autem Gregorius scribit ad Imperatricem, cui debebat & jure reipublicæ & privato parere, ut ipse alio in loco dicit. Nonne idem scripsisset ad Brunichildam & Theodoricum, quibus nullo jure simili parere debuit, si ab eo petissent contraria sacris canonibus privilegia? Gregorius Romana munitus constantia dixisset: *Ille petitis, quæ facere nec possum, nec audeo.* Chalcedonensis synodus, quam ut librum Evangelii veneror, monachos & clericos secundum traditionem sanctorum Patrum, Episcopis submisit: Hos transgredi limites nec possum, nec audeo. Id de canonibus spiritu Dei conditis, & totius mundi reverentia consecratis dixisset, opinor verisimilius, quam quod relata Romanæ Ecclesiæ circa reliquias consuetudine Imperatrici dixit.

"Exinde in Libri xi. Epistola viii. ad Brunichildam ita scribit: Similiter verò de quodam bigamo requisiti, an ad sacrum ordinem potuisset accedere, juxta canonicam regulam omnino vetuimus. Absit enim ne vestris temporibus, in quibus tam multa pia ac religiosa agitis, aliquid contra Ecclesiasticum institutum fieri permitta-

tur. An postea quidquid in ejusdem libri Epistola x. ad Senatorem, in Epistola xi. ad Thessaliam, in Epistola xii. ad Lupponem, fieri permittitur, fieri permetteretur à Gregorio, quin etiam ut contra Ecclesiasticum institutum fiat, decerneretur? Minime gentium. Is non est Gregorius, qui in tam conjunctis Epistolis secum pugnet. Item alibi Alteserra, ne defenso à se privilegio incommodaret, oblitus est observare locum, ubi omnes Galliarum Episcopi in obtinendum à Gregorio privilegium consenserunt. Nempe illorum interest, ut relati supra Chalcedonensis Concilii canones duo, qui ad totius Ecclesiæ regimen spiritu Dei instruente conditi sunt, penitus abolerentur.

Hæc autem argumenta tria, quæ solvere non potuit, prætermisit, & invictam eorum veritatem dissimulatione sua prodidit & asseruit. In duobus primis argumentis Gregorius propriis munitis armis, virtute propria Alteserram ut Pontificiæ æquabilitatis, & constantiæ inimicum eo perniciosiorem, quò tectior est, longè à se propulsat & propellit. In tertio argumento ad id quod fieri nequit, per absurdam complexionem deducitur.

Nunc in gratiam Alteserræ subnectendus est certus quidam catalogus manuscriptorum Epistolarum Gregorii codicum, in quibus Sammedardense non habetur privilegium.

Codex MS. monasterii S. Audoeni Rotomag.

Cod. MS. Carmelitarum Paris.

Cod. MS. Cisterciensis monast.

Cod. MS. Cluniacensis monast.

Cod. MS. Corbeiensis monast.

Cod. MS. Gemeticensis monast.

Cod. MS. Lyrensis monast.

Cod. MS. Mosliacensis monast.

Cod. MS. monasterii S. Petri Carnot.

Cod. MS. Pratellensis monast.

Cod. MS. monasterii S. Remigii Remens.

Cod. MS. Puteanus in bibliotheca Regia.

Cod. MS. Sorbonici Collegii.

Codices duo MSS. Tellerianæ bibliothecæ.

Cod. MS. Thuanæ bibliothecæ.

Codices duo MSS. Cœnobii S. Victoris Paris. In horum codicum altero, qui recentissima manu exaratus est, Sammedardense privilegium reperitur, idque ad calcem Regesti Epistolarum Gregorii, huc, ut facile conjicitur, ex Sammedardensium monachorum officina nuper asportatum.

Cod. MS. Vossii.

Cod. MS. Vallislucentis monast.

Enumeratos illos codices MSS. coacervavit Petrus Guffanvilla, vir solers ac diligens, ut ad illos regestum Epist. Greg. recensere & recognoscere.

In Vindiciis Gregorianis MSS. codices omnes Angliæ Sammedardensi carent privilegio.

Non dissimiles erunt hac in re codices, qui ex forulis & bibliothecis identidem eruentur, & quò antiquiores erunt, eò magis expertes Sammedardensis privilegii. Jam perspicis, vir sagax atque erudite, quali & quanta licentia, & iniquitate scribat adversarius: *Privilegium istud recens inventum est, inquit Launojus, exemplaria quotquot sunt ante Gregorium VII. descripta, privilegium istud nesciunt. Verum ubinam latent illa exemplaria? Siletur, ubinam eadem latere tempore variarum editionum, quæ per tempora facta sunt, non sine sedula, & anxia veterum exemplarium inquisitione. Nihil probat Launojus, sed omnino negat. Felix qui divinat, quod non didicit, & quod nemo ante eum scivit.* Hæc omnia, tot repræsentatis Epistolarum Gregorii codicibus, qui Sammedardense privilegium nesciunt, velut necessario quodam labefactata motu concidunt, & Alteserræ licentiam,

Tttt

&



311 & iniquitatem patefaciunt. Hanc exposuisse confutasse est, adeo falsa sunt, peregrina & insulsa, quæ scribit. Adversus Sammedardense & Augustodunensia privilegia tria præscripseram de silentio Joannis Diaconi omisuri nunquam, quæ ad amplificandam in Galliis erga Reges potestatem Romani Antistitis spectarent; id enim familiare & proprium est iis, qui Romæ de rebus Pontificem quoquo modo atinentibus commentantur. Removenda tunc erat præscriptio, non dicam ostensis pluribus, sed vel uno codice, quæ Sammedardense & Augustodunensia privilegia exhiberet. Alteserra non ostendit. Præscripseram de Petri Damiani non tacentis, sed loquentis Epistolæ ad Alexandrum II. Ubi privilegia, seu Epistolas quatuor Gregorio abjudicat, propter anathemata quibus ob leve vel nullum peccatum Reges percutebant in Stoicorum errorem aliàs laboretur. Removenda tunc erat præscriptio, non dicam ostensis pluribus, sed vel uno codice, in quo Gregorius reliquos Principes perinde ut Reges Galliæ tractaret. Alteserra non ostendit. Præscripseram de perpetua, & constanti Gregorii in servandis universalium Conciliorum canonibus. Removenda tunc erat præscriptio, non dicam ostensis pluribus Gregorii, sed vel unica Epistola, ubi Chalcedonensis Concilii canonibus derogasset in perpetuum; & quia derogasset in perpetuum, sine causa ulla derogasset. Alteserra non ostendit. Præscripseram de præstita Imperatoribus obedientia, & exhibita Principibus aliis reverentia. Removenda tunc erat præscriptio, non dicam ostensis pluribus Gregorii Epistolis, 312 sed vel unica, ubi vel Imperatorum obedientiæ, & reliquorum Principum reverentiæ defuisset, quomodo deesse oportuit ut privilegia defenderentur. Alteserra non ostendit.

CAP. XXXIII. Pergit & ita concludit: *Sed incautus homo velim intelligat, se Romanos judices habere, à quibus unico verbo victus est, dum ejus libri damnati sunt, & vetitos inter consiti.* Sic cum Parisiensi Senatu agere poterit: *Incautus Parisiensis Senatus velim intelligat, se Romanos judices habere, à quibus unico verbo victus est, dum ejus consulta damnata sunt, & inter vetitos libros censita, & cum primis illud, quod contra Joannem Chastellum parricidam factum est.* Sic, inquam, cum Parisiensi Senatu agere poterit, si quando, quod absit, de hocce Parisiensis Senatus consulto malam opinionem animo imberberit, & parricidæ, quod iterum absit, facinus & doctrinam defenderit, aut alia de causa Parisiensem Senatum aggressus fuerit. Alteserra ut Romanorum iudicum quos appellat, emeretur gratiam, à me urgeri sic voluit, nempe noverat me dictum sui simile jam ita percussisse. Repercutiendi occasio hæc fuit.

313 Annus circumagebatur millesimus sexcentismus quinquagesimus octavus, cum in privilegia Præmonstratensis Ordinis certa de causa inquisivi. Inquirendo privilegia per ea disposui capita, quibus luculenter apparet, Canonicos hujusce Ordinis ab Episcoporum jurisdictione liberos & immunes non esse. Id Fratri Norberto Caillocio Præmonstratensi mirum in modum displicuit, qui Inquisitioni nostræ respondere aggressus est; nec homo impotentissimus temperare potuit, quin atrociter in jura Regis & regni, ac Gallicanæ Ecclesiæ libertates invaderet. Scelus hoc, edita in lucem responsione, pervenit ad eorum notitiam, quorum est prospicere, nequid ex scriptione ulla detrimenti respublica capiat. Interim auctoritate publica damnatur liber ad ignem, & ut auctor interrogationibus Regii Cognitoris responsurus se reciperet in carcerem, decernitur. Caillocius decreto minime paruit, sed aufugit. Excessit e regno, de me meaque Inquisitione quibus valuit artibus, & machinis apud Romanos censores querimoniam in-

stituit. Censores ut afflicto homini nonnihil impertirent solatii, Inquisitionem nostram prohibitorum librorum Indici adscribunt, cui memoratum Parisiensis Senatus placitum jampridem adscripserant, quo pacto ut olim parricidam, & parricidæ doctrinam vindicarent, sic & Caillocii responsionem vindicarent & comprobarent. Atqui hæc sunt secularia pignorationis jura, quæ secularibus potius quam Ecclesiasticis innutriti negotiis Censores usurparunt. Progressu temporis Caillocius ærumna tardioque affici, & de modo redeundi in Galliam cogitare cepit. Paginarum numero sex libellum edidit, in quo respondere se dicit ad ea, *quæ illi falsò imposueram.* Sperabat fore, ut culpa sua in me subtiliter rejecta, nec intraret carcerem, nec captivorum tabulis inscriberetur, & tandem absolutus dimitteretur. Dum hæc agerentur, libellus dono viri eminentissimi Achilles Harlæi, qui modò generalis Cognitoris provinciam tanta cum exultatione sustinet, in manus meas venit; libelli fraudem detexi, eaque detecta, continuo auctor sperare desiit, quod valde speraverat, despondit animum & hastas abiecit. Quod Romani Censores ubi rescisissent, antirrheticum meum, qui *Censura responsionis* nuncupatur, Parisiensis Senatus decreto contra parricidam facto confestim in prohibitorio Indice adjunxerunt, rati se misero, & infortunato homini opem ferre aliter non posse. In eam adducti fuerant opinionem, ut putarent me adulatricis Curie commodis adversari. Porro in libris duobus, quos relegatione in prohibitorium Indicem commendabiles fecerunt, nihil est fere meum præter atramentum & chartam. Reliqua sunt Apostolicæ Sedis præfatum, quorum auctoritates doctoribus Curie non semper probantur. Sed noster est hac in re Pius II. ad Carolum VII. Galliæ Regem ita scribens: *Unum à te petimus, charissime fili, ut doctoribus Sedis Apostolicæ semper non credas, multa illorum passionibus tribuas.* In Basileensi apud Henricum Petrum editione anni M.D.LXXI. Sed in ipsa Censorum officina quærendum nobis est amuletum, quod ne satanas quidem sustineret: Sic autem illud ex tribus compositionis partibus instruitur & adornatur.

Prima pars est decretum provincialis Concilii quod anno M.CC.IX. Henricus Senonensis Archiepiscopus, & comprovinciales Episcopi Lutetiæ celebrarunt. Concilium statuit, ut certi quidam Aristotelis libri comburentur, & nequis eos de cetero scribere, legere, vel quocunque modo habere præsumeret. Hæc apud Rigordum in vita Philippi Augusti.

315 Altera pars est regularis illa Epistola, quam Gregorius IX. ad Parisiensis Academiæ magistros & scholares scripsit anno M.CC.XXXI. Hic Pontifex decretum provincialis Concilii partim confirmat, partim temperat cum jubet, *Ut magistri artium libris illis naturalibus, qui in Concilio provinciali ex certa scientia prohibiti fuerunt Parisiis, non utantur, quousque examinati fuerint, & ab omni errorum suspitione purgati.* Hæc in tabulis Academiæ.

Tertia pars est ultima ex propositionibus XV.II. quas Alexander VII. & Romanæ inquisitionis judices condemnauerunt anno M.DC.LXVI. X. Calend. Aprilis. Ultima propositio hæc sic se habet: *Libri prohibiti donec expurgentur, possunt retineri usque dum adhibita diligentia corrigantur.* Atque hæc sunt partes amuleti numero tres, latius explicatæ in priori ad Andream Berruerium Epistola, quam habet pars quinta Epistolarum nostrarum. Sed ut confectum amuletum aptè sumatur, observanda sunt duo: Primum quod Gregorii IX. & Alexandri VII. decretis nondum satisfactum est, licet satisfaciendi summa sit necessitas atque evidens utilitas. Deinde quod Aristotelis libri nondum examinati, nondum ab omni errorum suspitione purgati, Romæ, Tolosæ, & alibi in scholis publicis

publicis leguntur, & commentariis illustrantur. Nunc prohibitorio Indice quid fiet? An non manifesta sit decretorum Gregorii IX. & Alexandri VII. contemptio, Alteserræ judicandum relinquimus. Interim abeat juris Antecessor, cum obicit Indicem, in quo non tam notatos quàm laudatos esse libros nostros verè, & affirmatè dici potest. Abeat, qui ob Sammedardensis privilegii, & in eo sancitæ contra Reges nostros pœnæ defensionem martyrium expectat, & ad illud (quæ hominis religio!) per impactam mihi calumniam se parat, & sibi puerili allusione ita blanditur: *Si mecum iniquius agatur à Launoio, solatii loco est, quòd hæc patior ab homine, qui non pepercit Dionysio, Magdalena, Maximino: Imò laudi est quòd socius martyrum fio. Et si inter Launoii trophæa ponor, inter divos me referri sentio, unde summum beneficium fiet summa injuria. Hoc epicitharisma post fabulam: Ubi nihil præter deliramenta loquitur.*

Fortassis tu cum perlegeris quæ ad te scribo, pro ea qua multum polles judicii acrimonia, censebis longiorem fuisse me, quàm oportuit; expensis iis, quæ ut aliena & peregrina spernenda, & obruenda silentio fuerunt. Alteserra eundem amorem contradicendi sequitur, à quæstionum lineis excidit, more loquacium potius, quàm facundorum, qui

cum disputare nesciunt, tamen litigare non desunt. Tu cum Hieronymo in dialogo contra Luciferianos loqueris. Sed ego quoque Hieronymum ibidem imitor, cum sequor Alteserram quocunque ierit. Tu hæc omnia æqui bonique consule. Nam licet multa non feriant scopum quem feriri oportuit, Alteserræ culpa fuit, qui sæpius à proposito deflexit: Nihilominus tamen illa ad veritatis alicujus illustrationem conducunt.

Tu modo, vir prudens & sincere, vide, num jurisconsultus Alteserra fecisset consultius Sammedardense & Augustodunensia privilegia abjudicare Gregorio, quàm adjudicare: Suppositoribus, sacrorum canonum everforibus, & regiæ dignitatis hostibus relinquere, quàm Gregorio sacrorum canonum custodi acerrimo, & regiæ dignitatis cultori studiosissimo vindicare. Sed cum Alteserra extremis libelli sui verbis acutè prorsus, & falsè scribit monendum esse me ut abstineam Gregorio, ne honore meo priver; ego vicissim illum moneo, ut seipsum curet diligentius, & scriptionibus cum Regi, tum regiæ majestati injuriolis absteineat, ne (privilegiorum Gregorio subjectorum verbis utar) potestatis dignitatisque honore careat, seu privandus esse judicetur. Vale Lutetiæ Paris. ann. M. DC. LXX. idibus Augusti.





# JOANNIS LAUNOII CONSTANTIENSIS.

Epistolarum

PARS OCTAVA.

## Joannes Launoius RAIMUNDO FORMENTINO

Parisiensi Theologo, Aurelianensis Ecclesiæ Canonico & Subdecano.

**D**E Præsede Nicæni Concilii non est una auctorum omnium opinio, & eam ob causam postulas, ut quænam sit probabilior, expendam. Retractanda est igitur materia hæc, quæ jam multorum ingenia exercuit; sed an possim quippiam scribere, quod non sit scriptum prius, valde dubito. Hoc tamen quo minus postulationi tuæ satisfaciam, non impedit, quia cum de illustranda veritate agitur, veritas ipsa nunquam dicit: Satis est. In materiæ hujus retractatu ordinem hunc servabo. Primum quidem, quid de Nicænæ Synodi Præsede per varias ætates memoriæ quoquo modo traditum est, referam. Deinde, quid mihi videbitur probabilius, subnectam, examinatis ante nonnullis, quæ examinanda necessario videntur.

I. Nicæna Synodus Alexandrum Alexandriæ Episcopum sibi præfuisse indicat in Epistola, quam Alexandrinæ Ecclesiæ, Ægypti, Libyæ, & Pentapolis habitatoribus scripsit. Verba sunt: *Atque ista decreta ad Ægyptum & sanctissimam Ecclesiam Alexandrinam propriè & separatim referuntur. Quod si aliud præterea quippiam, dum honoratissimus dominus & collega* <sup>2</sup> *& frater noster Alexander una adest, sancitum & statutum fuerit, ipse utpote qui rebus decisis cum præfuerit, tum communicarit, &c.* *ἄτε δὲ καὶ ἀδελφὸς καὶ συνωδὸς καὶ γερμενός σου χαίρειν, vobis coram accuratius renuntiabit.* Chrystophorus ita vertit ut retulimus; Sirmondus vero ita traducit in versione historiæ Theodoret: *Id ipse coram tanquam gestorum auctor & particeps accuratius exponet.* At videtur idem esse Concilii auctorem, & præesse Concilio, ut confirmari potest ex Valentiniani & Marciani ad Leonem Papam Epistola, ubi sic habetur: *Tuam sanctitatem*

*principatum in episcopatu divina fidei possidentem sacris literis in principio credimus alloquendam, invitantes atque rogantes, ut pro firmitate & statu Imperii nostri æternam divinitatem tua sanctitas deprecetur, ut & tale propositum & desiderium habeamus, quatenus omni errore sublato, per celebrandam Synodum, te auctore, maxima pax circa omnes Episcopos fidei catholica fiat. Hic te auctore & te Præsede rem eandem sonant, nec ulla suppetit legitima recusandi ratio.*

II. Eusebius Cæsariensis Episcopus, qui Nicænæ Synodo interfuit, Eustathium Antiochenum Episcopum huic quoque Synodo præfuisse significat in libri III. de vita Constantini capite x. & xi. *Die autem, inquit, Concilio quo res in controversiam vocata dirimerentur, præstituta, singuli parati erant in ipsa media regalis Palatii aula, quæ amplitudine cæteris facile præstabat, illud celebraturi, ac compluribus sedibus in utroque aula latere ordine dispositis, qui erant accersiti, intus præsto fuerunt, & sedem, qua quemque decebat, capiebat quisque.* <sup>3</sup> *Atque cum universus ministrorum Dei conventus ordine decenti collocatus esset propter Imperatoris adventum qui tum erat in expectatione, omnibus fuit silentium. Et quibusdam interpositis: Signo vero dato, quod Imperatoris introitum indicebat, consurrexerunt omnes dicuntur. Imperator deinde tanquam quidam cælestis Dei Angelus purpureo vestitu & nitido, velut clero luminis fulgore splendens, coruscantibusque illius radiis illustratus, & conspicuo auri lapidumque pretiosorum nitore pulcre adornatus, per medium confectum intrat. Et paullo post: Simul atque vero ad summum locum venit, primum in medio conventu erectus constitit; ac cum parva quadam sella ex auro fabricata*



bricata illi esset loco posita, non prius consedit, quam Episcopi ad id inuissent: Idemque omnes post Imperatorem factitarunt. Episcopus autem, qui in dextro ordine primam sedem occupabat, assurgens, perbreui oratione Imperatorem affatus est, hymnumque quo Deo omnipotenti ille gratias ageret, recitavit. Hunc autem fuisse Eustathium, ait Theodoretus in libri i. hist. capite vii. Statim ut sessum est, Eustathius ille magnus, (qui Philogonio, cuius supra mentionem feci, ex hac vita ad aliam meliorem translati, episcopatum Ecclesia Antiochena obtinuit, quippe hunc Episcopi & Sacerdotes & universus populus Christo deditus communibus suffragiis invitum Ecclesiam illam pro Philogonio pascere coegerunt) ille, inquam, Eustathius Imperatorem laudis insignibus ornare, & ei pro singulari studio suo erga res sacras eximia gloria præconia tribuere cœpit.

Ex his ergo facile constant res duæ. Una, Imperatorem, cum ad summam aulae partem venisset, eo modo sedisse, ut Episcopus illi nullus assideret; scilicet, neque dextrum, neque sinistrum latus ita stiparet, ut inter Antistites duos medius videretur. Altera, Eustathium sedem inter Episcopos primam in ordine dextro tenuisse, primum omnium fecisse verba, & Constantinum Synodi nomine compellasse.

Porro autem multos in Synodo fuisse Præsides testatur idem Eusebius in ejusdem libri iii. de vita Constantini capite xiiii. Hic (Constantinus) ista Latino sermone, altero eadem interpretante locutus, sermonem omnem deinceps Concilii Præsides, τοῖς τὸ αὐτὸ πρῆσβυτοι, concessit.

Eusebium excipit Proclus, beati Joannis Chrysostomi discipulus, qui ad annum Christi cccxxxiv. ex Cyziceno factus est Constantinopolitanus Episcopus, in synodicis ad Orientales literis. Beatissimus, inquit, Eustathius, sanctorum Patrum, qui apud Nicaeam congregati sunt, primus existens fidem orthodoxam confirmavit. Hæc apud Facundum Hermianensem Episcopum in libri viii. capite i.

Proclum sequitur Felix III. qui ad annum cccclxxvi. floruit. Hic autem scribit in Epistola v. ad Zenonem Imperatorem: Petrus (Fullo) primogenitus diaboli filius, & qui sancta Antiochena Ecclesia indigne se ingressu, sanctamque sedem Pontificatus Ignatii martyris polluit, qui Petri dextera Episcopus ordinatus est, Eustathique confessoris & præsidentis cccxviii. Patrum, qui in Nicaea convenerant.

Facundus Hermianensis Episcopus, qui circa tempus Synodi v. floruit in libri xi. capite i. rem totam ita concludit: Nam beatus Eustathius Antiochenus Episcopus, qui primus in Nicæno Concilio fuit, sexto adversus Arianos libro de eo, quod ait Dominus: Nemo scit diem illum: Dicamus, inquit, cuius gratia filius hominis diem proprium adventus ignorat. Deinde sub finem capitis: Unde beatus Eustathius, quanquam multos possit talibus dictis offendere, non tamen condemnatur velut Nestoriani auctor erroris; sed honoratur cum multis, & præ multis Patribus tanquam Nicæni Concilii primus existens. Quem ergo Proclus & Facundus primum omnium Nicæni Concilii Patrem nominant, eundem & Felix præsentem, seu Præsidentem appellat.

III. Athanasius Hosii πρεσβυτῆρῶν favere videtur, si potissimum cum Eusebio jungatur, qua parte multos Nicæni Concilii Præsides constituit. Sic autem ille scribit in Apologia ad Constantinum Imperatorem: Nam de magno & gravissima ætatis viro, eodemque confessore Hosio, qui vere Hosius est, id est, sanctus, superfluum arbitror mentionem facere, cum nullus fortasse sit, qui cognitum habeat, eum ab istis quoque in exilium missum esse. Non enim quicquam latere potest in

viro illo tanta claritudinis. In qua enim Synodo ille 6 non dux & antesignanus fuit, quam non ille recta tenendo in sententiam suam pertraxit? Quæ Ecclesia illius præsidentia, πρεσβυτῆρῶν, non pulcherrima monumenta retinet? Deinde in Epistola ad solitarios: Neque quicquam profecimus, quamdiu reliquus est Hosius. Quamdiu enim ille in suis agit, omnes in suis Ecclesiis agere videntur. Potest ille & verbis & auctoritate fidei sue omnes contra nos inducere. Hic est princeps Synodorum, & si quis scribit, ubique auditur. Hic formidatus fidei in Nicæna Synodo concepit, & Arianos ubique pro hæreticis traduxit. Hæc omnia si diligenter examinentur, Nicæna Synodi πρεσβυτῆρῶν Hosio adjudicant, si repetamus ex Eusebio plures illius Synodi πρεσβυτῆρῶν, πρεσβυτῆρῶν, Præsides fuisse. Præterea Eusebius de Hosio in libri iii. de eadem Constantini vita capite vii. scribit id, quod huc non immerito referri potest. Ex ipsis Hispaniis unus nominis & fama celebritate insignis, cum aliis multis in confesso illo adfuit.

Accedunt Theodoretus & Sozomenus, ille in libri ii. hist. capite xv. Hosius de quo dixi, Corduba fuit Episcopus, qui sicut in celebri illo Concilio Nicæno magnam laudem adeptus est, sic & in Sardicensi omnium qui eo conveniebant, facile primas obtinuit. Hic vero in libri i. hist. capite xv. & xvi. Itaque à Constantino vehementer laboratum est, ut dissensione de utraque re suscepta Ecclesiam prorsus liberaret. Ac quoniam hoc malum, si modo antequam ad plures manaret, coerceretur, sanari posse existimabat: Idcirco misit virum, quem circa se habebat, fide & vite integritate præstantem, & superioribus temporibus ob varias Christianæ religionis confessiones admodum nobilitatum. Hosium dico Episcopum Corduba, quo illis, qui in Ægypto de fide digladiabamur, tum hos, qui in Oriente de festo Paschæ dissensiebant, ad concordiam reduceret. Verum ubi contra quam expectabat res succederet, & contentio reconciliationem concordia impediret, Hosiusque ad pacem faciendam missus re infecta reverteretur, Constantinus indicit Concilium Nicænae urbi Bithynia, scribitque ad omnes Ecclesiarum Præsides, ut ad diem constitutum adsint. Sic quæ Athanasius, Eusebius, Theodoretus & Sozomenus de Hosio scribunt, eo spectant, ut eum de Præsidentum numero fuisse facile iudices.

IV. Vitus & Vincentius Romani Presbyteri interfuisse quidem Synodo, non præfuisse dicuntur ab auctoribus, qui æquales vel ætate supiores fuerunt.

Et primum ab Eusebio in libri iii. de vita Constantini capite vii. Et quanquam urbis illius penes quam Imperium est, Episcopus ingravescente ætate præpeditus absuit, ejus tamen Presbyteri qui aderant, illius locum suppleverunt, ὅτι αὐτὸς τὰς ἐκκλησίας ἐπαύρηται.

Deinde à Julio I. in Epistola, quam ad Orientales scribit apud Athanasium in Apologia ii. ubi de Marcello Ancyra Episcopo loquitur: Sed etiam olim se hujus sententia fuisse confirmabat, uti & Presbyteri nostri, qui tunc in Nicæno Concilio aderant, ἐν τῇ κατὰ Νικαίαν συνόδῳ ἡρώδῳι, de ipsius recta fide testabantur. Quis autem Julium tacuisse crederet, Vitum & Vincentium Concilii fuisse Præsides, si Præsides fuissent? Idque maxime, cum Sedis Apostolicæ prærogativas disquirat.

Tum à Socrate in libri i. hist. capite v. Et quanquam urbis illius penes quam Imperium est, Episcopus ingravescente ætate præpeditus absuit, ejus tamen Presbyteri qui aderant, illius locum suppleverunt.

Quarto à Sozomeno in libri i. hist. capite xvi. Constantinus indicit Concilium Nicænae urbi Bithynia, scribitque ad omnes Ecclesiarum Præsides, ut ad diem præstitutum adsint. Huic Concilio interfuere ex Episcopis, qui sedes tenebant Apostolicas, Macarius Hierosolymorum Antistes, Eustathius Episcopus Antiochia Orontem

Orontem fluvium tangenti, Alexander Alexandria propter lacum Maraam sita: Julius autem Episcopus Romanus atque quidem ingravescente praeputio absuit; sed Vitus & Vincentius ejusdem Ecclesiae Presbyteri pro illo adfuere.

Denique à Theodoro in libri I. historiae capite VI. Trecenti decem & octo Episcopi convenerant: Romanus autem propter summam senectutem ipse quidem non adfuit, sed Presbyteros duos misit cum potestate actis assentiendi, non dicit praesidendi.

His succedunt Romani Pontifices numero tres, Gelasius I. Vigilius, & Pelagius II. qui licet Concilii Praesidium ex parte sedis suae, siqui fuerant, meminisse debuerint; non tamen meminerunt.

Gelasius in Romana Synodo, quam ad annum cccxciv. de scripturis authenticis & apocryphis habuisse dicitur. Verba sunt haec, in quibus facienda erat antedicta mentio: Sancta Romana Ecclesia post illas veteris vel novi Testamenti, quas regulariter suscipimus, etiam suscipi non prohibet, scripturas: Id est, sanctam Synodum Nicenam cccxviii. Patrum mediante maximo Constantino Augusto, in qua Arius haereticus condemnatus est; sanctam synodum Constantinopolitanam mediante Theodosio seniore Augusto, in qua Macedonius haereticus debitam damnationem excepit; sanctam synodum Ephesinam, in qua Nestorius condemnatus est consensu beatissimi Celestini Papa, mediante Cyrillo Alexandrinae sedis Antistite, & Arcadio Episcopo ab Italia destinato; sanctam synodum Chalcedonensem, mediante Martino Augusto, & Anatolio Constantinopolitano Episcopo, in qua Nestoriana & Eutychiana haereses simul cum Dioscoro ejusque complicibus damnatae sunt.

Vigilius in Epistola x. ad universum populum Dei: Sciant igitur universi nos illam fidem predicare, tenere atque defendere, quam ab Apostolis traditam, & per successores eorum inviolabiliter custoditam reverenda Nicæna Synodus cccxviii. Patrum, sancto Spiritu sibi revelante, suscipiens redegit in symbolum; ac deinde tres alia sancta Synodi, id est, Constantinopolitana ccl. Patrum sub pia memoria Theodosio seniore Principe facta, & Ephesina prima, cui beata memoria Papa Celestinus decessor noster, & Cyrillus Alexandrinus Episcopus praesederunt: Sed & Chalcedonensis dcxxx. Patrum sub pia memoria Martino Imperatore convenit, cuique sancta recordationis decessor noster Papa Leo per legatos suos vicariosque praesedit. Haec Epistola legitur in Jacobi Sirmondi appendice ad codicem Theodosianum.

Pelagius in Epistola v. ad Episcopos Istriae: Nos enim illam fidem praedictam tenemus, & cum omni puritate conscientiae usque ad sanguinis effusionem defendimus, quam ab Apostolis traditam & inviolabiliter custoditam reverenda Nicæna Synodus cccxviii. Patrum suscepit, atque redegit in symbolum: Sed & Constantinopolitana ccl. Patrum sub pia memoria Theodosio seniore Principe facta; etiam Ephesina prima, cui praesedit beata recordationis praedecessor noster Celestinus Romanae urbis Antistes, & Cyrillus Alexandria Episcopus: Sed & Chalcedonensis dcxxx. Patrum, quae sub pia memoria Marciano Imperatore convenit, cuique sancta recordationis Papa Leo per legatos & vicarios suos praesedit. At si tum, id est, ante Gregorii primatatem, Romae creditum esset, Silvestrum per suos legatos Nicæno praefuisse Concilio, quis in animum induceret suum id à Gelasio, Vigilio, & Pelagio Pontificibus Sedis suae auctoritati devotissimis sponte praetermissum esse? Noane personae, res, tempus, locus exigunt, ut quemadmodum Ephesino Concilio Celestinus & Cyrillus, & Chalcedonensi Leo per vicarios suos praesedissem dicuntur; sic & Nicæno Silvester per legatos suos praesedissem diceretur? Nonne omnes haec circumstantiae debuissent ab illis Pontificibus Romanis mentionem talem extundere, siquid alias singe-

retur subesse, quod eam ultro non eliciisset? Ut taceretur, non erat, opinor, notius aut certius, Silvestrum per legatos Nicæno praefuisse Concilio, quam Leonem per vicarios Chalcedonensi praefuisse Concilio. Qui hoc adferret, quod tamen adferendum esset, omnium ludibrio se exponeret. Bene ac sapienter Plinius scripsit in Epistola xvii. Praeterea faciendi aliquid vel non faciendi vera ratio cum hominum ipsorum, tum rerum etiam ac temporum conditione iniur.

Cæterum ut cumulus accedunt recens creati Pontifices illi omnes, qui post sextam Synodum & ante Carolum Magnum emisere fidei professionem, quam habet vetus Romana Ecclesia diurnum. Verba sunt: Etenim hujus Apostolica Traditionis normam inviolabiliter custodiens venerandum sanctorum cccxviii. Patrum Concilium, quod in Nicæa sub magno Principe Constantino convenit, Dei gratia revelante, redegit in symbolum, & consubstantialem Patri Filium predicavit. Et post alia: Dehinc secundum Constantinopolitanum adeque sanctum centum quoque quinquaginta Patrum Concilium, sub imperiali memoria juniore Theodosio in regia urbe concurrens, quod symbolo deesse putabatur, exposuit, & gratia Spiritus sancti illustrante Deum esse Spiritum sanctum, Patri & Filio consubstantialem co-adorandum annexit. Et post alia: Quibus duobus universalibus venerandisque Conciliis tertium generale ducentorum sanctorum Patrum accessit Concilium, quod sub principali quidem memoria Theodosio Augusto factum est, ex auctoritate tamen Celestini Apostolicae Sedis Antistitis, cum beato Cyrillo Alexandrina Ecclesia Praesule, prius in Ephesinam urbem convenit. Et post alia: Pro hujusmodi ergo de Incarnatione Dei Verbi regulis explanandis, etiam quartum sanctum sexcentorum triginta Patrum sanctorum Concilium sub augusta memoria Marciano Imperatore in Chalcedone concurrens, cui Apostolicus Leo Papa per legatos & vicarios praefuit. Et post alia: Haec igitur sancta atque universalia quatuor Concilia etiam sanctum quintum Concilium venerandum consecutum est, & sub pia memoria Justiniano Principe apud Constantinopolitanam urbem est congregatum. Et post alia: Inter haec veneranda & universalia quinque Concilia etiam sextum Concilium generale centum septuaginta quinque venerabilium Praesulum predicamus, quod favente Deo, & votum pia memoria magni Principis nostri domini Constantini clementer implente, in urbe regia eo praesidente celebratum est, cui Apostolica recordationis Agatho Papa per legatos suos & responsales praefuit. In hac igitur fidei professione non minus quam in Gelasio Concilio, & in Vigilio ac Pelagii Epistolis taceretur, Silvestrum per suos legatos Nicænae Synodo praesedissem: Scilicet enunciari vere non potuit, quod Sedis Apostolicae Traditione nulla fulcitur. Non enunciatur, Damasum Constantinopolitanum Concilio, quod imperante Theodosio seniore habitum est; aut Vigilius Constantinopolitano Concilio, quod imperante Justiniano celebratum est, praefuisse, quia Damasus & Vigilius Conciliis illis per vicarios suos minime praefuerunt: Sic non enunciatur, Silvestrum per suos legatos Nicæno praefuisse Concilio, quia Silvester illi hocce pacto neitiquam praefuit. Enunciatur, Agathonem Concilio sexto per suos legatos & responsales praefuisse, quia revera praefuit. Cur ergo non enunciaretur, Silvestrum per suos vicarios Nicæno praefuisse Concilio, si revera praefuisset?

V. Caroli Magni tempore nonnihil ab Hadriano Papa est factum, ex quo postea non bene accepto praesidendi partes in Hosium, Vitum & Vincentium translatæ sunt, quod sic ostensum imus. Annus Christi agebatur septingentesimus septuagesimus tertius, cum Hadrianus Papa Carolo Regi obtulit sacrorum Canonum epitomen, quæ inscribitur, compendiosa Traditio Canonum Orientalium seu Africanorum; quæque



quæque primum ab Henrico Canisio edita est in tomo v. antiquarum lectionum. Quod autem hac in epitome ad nostrum institutum pertinet, sic se habet in præfatione Sardicensium Canonum: Sunt etiam viginti regulæ, quæ per Hosium Cordubensem Episcopum currunt, quæ titulatur, tanquam xl. Episcoporum apud Sardicam: Quæ tamen non apud Græcos, sed ma-

14 gis apud Latinos invenimus. Sciendum autem est hunc Hosium inter cccxviii. Patres Nicæni Concilii honorabilem fuisse, atque ab Apostolica Sede cum Victore & Vincentio Presbyteris destinatum.

Sed causæ & historicæ veritatis interest referre, quid apud Binium Conciliorum editorem Sirmondus in hanc epitomen observaverit. Non solum, inquit, epitomen constat oblatam fuisse Carolo Magno, sed integram collectionem tum Canonum, ex quibus epitome illa deinceps conflata est, tum decretorum etiam Pontificum à Siricio ad Gregorium Juniores. Denique illum ipsum Carolo datum esse librum, qui codex Canonum à Nicolao Papa dicitur dist. xix. cap. Si Romanorum: Quique Moguntia primum excusus anno mxxxv. in editione postea Parisiensi inscriptus est, codex Canonum vetus Ecclesiæ Romanæ. Hoc enim declarant plurima, quæ in Bibliothecis Gallia videntur, collectionis hujus exemplaria. In hoc autem codice veteri Canonum Nicæni Concilii subscriptiones sunt hujusmodi: Hosius Episcopus civitatis Cordubensis, provincia Hispania dixit: Ita credo. Victor & Vincentius Presbyteri pro venerabili viro Papa & Episcopo nostro sancto Silvestro subscripsimus, ita credentes.

Alexander Alexandria magna. Hunc proximè sequuntur Episcopi provinciarum Ægypti, Thebaidos & Libyæ.

Macarius Hierosolymitanus. Hunc proximè sequuntur Episcopi provinciarum Palæstinæ & Phœnicæ.

15 Eustathius Antiochenus. Et hunc proximè sequuntur Episcopi provinciarum Syriæ Cæles.

At in epitome canonum Apostolicæ quidem Sedis legatus dicitur Hosius; sed Concilio præfuisse non dicitur: In codice vero Canonum primus quidem subscribit Hosius; sed Apostolicæ Sedis legatus non dicitur.

Hic Gelasium Cyzicenum cum incertæ sit ætatis, ponendum esse statui, qui in libri ii. de actis Nicænæ Synodi capite v. de Hosio, Vitone & Vincentio hæc scribit: Hosius ex Hispaniis nominis & fama celebritate insignis, qui Silvestri Episcopi maxima Roma locum obtinebat, una cum Romanis Presbyteris Vitone & Vincentio cum aliis multis in consensu illo adfuit. Deinde in cap. xii. Sancta & magna & generalis Synodus sanctorum Patrum Nicæa congregatorum per beatum & sanctum Hosium Episcopum civitatis Cordubæ in Hispania, tenentem locum Episcopi Romani, cum prædictis ejusdem sedis Presbyteris dixit.

Photius Constantinopolitanus Episcopus, qui ad annum dcccix. floruit, in codice lxxxviii. Bibliothecæ testatur se Gelasii istius historiam legisse. Legimus, inquit, historia formam, Res in Nicænâ Synodo gestas; liber autem divisus est in tres partes. Refert auctor Hosium Cordubæ Episcopum, Vitonem atque Vincentium Romanos Sacerdotes Silvestri Romani Pontificis legatos adfuisse, παρῆναι. Gelasius quis ille fuerit, & quicumque tandem ante Photium ætate vixerit, dicit quidem Hosium Silvestri locum 16 obtinere, παρῆναι, in Concilio, & legatum una cum Vitone & Vincentio adesse, sed præesse non dicit. Aliud est adesse Concilio, aliud præesse, aliud παρῆναι, aliud παρῆναι. Neque enim omnes, qui adfunt Concilio, præfunt Concilio: Alioqui quot adessent Episcopi, tot Concilii Præsides haberentur.

In libro ii. Concilii Nicæni, quod Alфонсus Pifa-

nus edidit, reperiuntur eadem verba, quæ extant apud Gelasium in libri ii. capite xii. Sancta & magna & generalis Synodus in Nicæa congregatorum sanctorum Patrum per beatum & sanctum Episcopum Hosium Cordubæ civitatis provincia Hispanica, locum tenentem Romani Episcopi, cum prædictis ejusdem sedis Presbyteris, dixit. At vero, ut jam monuimus, aliud est, locum obtinere, aliud præsidere.

VI. Hosius post Carolum Magnum dici cœpit Nicæni Concilii Præsides cum Victore & Vincentio Romanis Presbyteris. In ea est sententia Hincmarus Remensis Episcopus in opusculi contra Hincmarum Laudunensem capite xx. Cui (Nicæno Concilio) ad vicem Silvestri præfuerunt Osius, Cordubensis Episcopus, Victor & Vincentius Presbyteri urbis Roma.

Hincmarum sequitur Gregorius VII. in apologetici capite iii. Osius Cordubensis Episcopus, Victor & Vincentius Presbyteri Romana Ecclesiæ, ex parte sancti Silvestri Papa Nicæno Concilio præfuerunt.

VII. Auxilius, qui Hincmarum inter & Gregorium medius vixit, in opere de ordinationibus à Formoso Papa factis capite xv. Hosium quidem facit 17 Sedis Apostolicæ legatum; sed Nicæno præfuisse Concilio non dicit: Iste nimirum Osius Cordubensis Ecclesiæ præfuit Antistes, qui quondam Apostolica Sedis Apocrisarius una cum Victore & Vincentio Presbyteris, sancto & magno Nicæno interfuit Concilio. Et post pauca: Tu qui Nicænâ Synodo præfens affuisti. Interesse autem & præsentem adesse Concilio, præesse non est Concilio, ut verba ipsa demonstrant.

VIII. Photius Hincmaro æqualis Concilii Præsides facit tres, Alexandrum Constantinopolitanum, Silvestrum & Julium Romanos Pontifices. Qua de re ita scribit in libro de septem Synodis: Præerant & Alexander, qui sedem CP. obinebat, & Silvester ac Julius illustres & celebres Romana Ecclesiæ Pontifices, quorum tamen neuter interfuit; sed Bitonium & Vincentium nomine suo uterque pontificatus sui tempore communi congressui adesse voluerunt. E tribus Præfidentibus primum constituit Alexandrum Constantinopolitanum Episcopum.

IX. Libellus synodicus: Nicænâ Synodo præfuerunt & præfuerunt Vitus & Vincentius Presbyteri, locum tenentes Silvestri Papa Romani, ejusque successoris Julii. Hæc Libelli synodici auctor, cujus incerta est ætas.

X. Leo Papa IX. in literis, quas circa annum m. lxi. scripsit ad Michaellem Constantinopolitanum Episcopum, duos tantum facit Nicænæ Synodi Præsides, Victorem & Vincentium, Romanæ Ecclesiæ Presbyteros. Verba sunt: Cui (Nicæno Concilio) 18 præfuerunt Victor & Vincentius Romani Presbyteri. Hosium Cordubensem Episcopum prætermittit, ratus eum ex parte sedis suæ Concilio non præfuisse: Et revera prætermisionis istiusmodi alia causa nulla proferri potest.

XI. Georgius Cedrenus Concilii Præsides quinque primarum sedium Episcopos facit in compendio historiarum: Præerant ei (Concilio) Silvestri Papa Romani locum tenentes Vitus & Vincentius Presbyteri, Metrophanes Byzantii, Alexander Alexandria, Eustathius Antiochia, & Macarius Hierosolymorum Episcopi.

XII. Nicephorus Callistus in libri viii. hist. capite xiv. quæstionem ita tractat, ut nullus ante pari modo tractaverit: Roma Julius, Constantinopolis Alexander Apostolicas Sedes tenuerunt; & Romanus Antistes propter decrepitam ætatem, Constantinopolitanus vero propter imbecillitatem in sedibus suis remanserunt: Sed eorum nomine bini Presbyteri missi sunt à Julio quidem Vitus & Vincentius; ab Alexandro autem duo alii & vita & eruditione plurimum excellentes. Habebant

Habebant ii ab illis mandatum & cautionem, ut in conventu illorum locum obtinerent.

XIII. Nilus Metropolita Rhodius in libello de Synodis: *Præerat Synodo (Nicænæ) Silvester Roma, Alexander Constantinopolis, Alexander Alexandria, Eustathius Antiochia, & Macarius Hierosolymorum Episcopi.* Hæc ille ad annum MCCCXI.

19 XIV. Baronius ad annum CCCXXV. & Bellarminus in libri I. de Conciliis capite XIX. Hincmarum & Gregorium VII. cupide sequuntur, alique qui ex Baronii & Bellarmi commentariis sapiunt. Hincmarus ad annum DCCCLX. claudit, qui à Nicæni Concilii celebratione quingentesimus trigessimus quintus est. Gregorius Romanam cepessit Ecclesiam ad annum MLXXIII. qui ab eadem Concilii celebratione septingentesimus quadagesimus octavus est. In instrumentis religionis instar est fidem de temporibus asserere, ut docet Tertullianus in Apologetici capite XIX.

Atqui hæc sunt, quæ de variis Nicænæ Synodi Præsidibus collegimus, quæque velut in chronicam synopsim mittenda esse tibi proposuimus. Hoc enim pacto longe facilius erit iudicium, ac certius, quod optas à nobis interponi.

Et primum quidem ingenue fatendum est, pronunciari certo non posse, quinam fuerint Nicænæ Synodi Præsides, si quæ omnia retulimus ab initio, universim & in averlione considerentur. Nam dum ita considerantur, statim occurrit opinionum varietas, quam parit ignorantia veritatis. Tertullianus in libri II. ad nationes capite II. *Sane mera sapientia Philosophorum, cujus infirmitatem prima hæc contestatur varietas opinionum, veniens de ignorantia veritatis.*

Deinde sciendum est, auctores Græcos præsidendi munus non uni tantum, sed pluribus attribuere. Id 20 constat ex Eusebio, qui rerum à se scriptarum testis oculatus fuerat, ac proinde omni exceptione major. Ad Eusebium accedunt Photius, Cedrenus, & Nilus, quorum relata sunt ante testimonia. Inter illos discrimen hoc interest, quod Eusebius Concilii Præsides non appellat de nomine, cæteri appellant, & appellant inter se non conveniunt. Nam Photius Alexandrum Constantinopolitanum Episcopum primum Concilii Præsidentem facit, non Silvestrum, quem Cedrenus & Nilus primum Concilii Præsidentem constituent. Nicephorus de iis qui Concilio adfuerunt, loquitur potius, quam de iis qui præfuerunt, nisi forte eos præfuisse velit, qui Apostolicas Sedes tenuerunt: Quo in casu Romanus Pontifex Concilii Præses primus habebitur. Quod in hanc rem de Gelasio Cyziceno, & de actis Nicænæ Synodi à Pisano editis observari potest, jam observatum est.

Tum Latinos auctores, qui post Carolum Magnum vixerunt, præsidendi partes in multos transtulisse, sed diversimode: Alios, ut Hincmarum & Gregorium VII. in Hosium, Victorem seu Vitum & Vincentium: Alios, ut Leonem IX. in Victorem & Vincentium, prætermisso Hosio. Dixi, qui post Carolum Magnum vixerunt, quia qui ante illum vixerunt, de his Concilii Præsidibus silent: Tantum abest, ut Hosium, Vitum & Vincentium Concilii Præsides faciant; immo talem instituunt tractandi methodum, qua persuasi videntur, nec Hosium, nec 21 Vitum & Vincentium Romani Pontificis nomine præfuisse Concilio. Hinc Julius I. Gelasius I. Vigilius, Pelagius II. & Pontifices alii consequentes in fidei professione Concilii Præsides illos non faciunt, quo loco & tempore faciendi erant ac dicendi Præsides, si Romanæ Ecclesiæ ita tulisset Traditio. Hinc Felix III. & Facundus Eustathium Antiochenum Concilii Præsidentem appellant: *Honoratur, inquit Facundus, cum multis & præ multis Patribus tanquam Nicæni Concilii primus existens.*

Nunc examinandus est Gelasii Cyziceni liber, cui à nonnullis plusquam par sit, tribuitur auctoritatis. Scriptorem hunc ante Photium à quo laudatur, vixisse certum est; sed quanto tempore vixerit, incertum: Quidquid id est, in opere suo multa tradit, quæ cum in rebus Ecclesiasticis ignorantiam, tum longe remotam à Nicænæ Synodo ætatem significant.

I. In præfatione dicit *Rufinum Presbyterum Romanum fuisse, & Nicæno interfuisse Concilio. Neque tamen omnia inde habui; sed ex aliis etiam scriptoribus variis, Eusebio Pamphili Episcopo Casarea, & Rufino Presbytero Romano, qui etiam sancta illi Synodo interfuerunt.* At Rufinus Aquileiensis erat Presbyter, non Romanus: Quinetiam cum Origenis dogmata Romam detulit, ab Anastasio Papa vocatus est ad dicendam causam; & cum subterfugia quæreretur, publico damnatus est iudicio, nec unquam postea in Romanæ Ecclesiæ gratiam rediit. Præterea Nicænæ Synodo non interfuit, nec interesse potuit. Hæc quippe Synodus habita est anno 22 CCCXXV. & Rufinus anno CCCXX. ex hac vita migravit. Ecce tibi errorum monstra duo in aditu vestibuloque operis, quod Gelasius Cyzicenus composuit.

II. In libri I. capite III. & alibi *Θεσσαλον*, *Francorum* meminit; at nomen istud ad Nicænæ Synodi tempus quid attinet? ætatem utique multo recentioris importat.

III. In libri I. capite V. Eusebii textum interpolat, & legatum Silvestri Papæ Hosium facit, eumque Vito & Vincentio Romanis Presbyteris adiungit; at neutrum scribit Eusebius. Non veretur Eusebii textum corrumpere, qui de Rufino tam falsa tradere veritus non est.

IV. Cum in ejusdem libri capite XII. dicit *sanctos Patres Nicææ congregatos fuisse ab Hosio*, contradicit sanctis ipsis Patribus, qui ad Alexandrinam Ecclesiam ita scribunt: *Quoniam Dei gratia, Deoque carissimo Principe Constantino ex diversis provinciis & civitatibus nos convocante, magna sancta Synodus congregata est.* Contradicit Eusebio, quem sequi se testatur. Sic enim ille scribit in libri III. de vita Constantini capite VI. *Deinceps igitur Concilium generale tanquam quendam Dei exercitum instruens in unum locum coegit, & Episcopos undique per litteras honorifice scriptas, ut eo maturarent, accivit; immo vero non Hosii, sed alterius studio & hortatu Synodus illa congregata est, ut memorie prodidit Epiphanius in libri II. contra hæreses 23 capite LXVIII. Verum, inquit, paullo post, Alexandri sanctissimi Alexandria Episcopi studio & hortatu, beata memoria Constantinus Synodum in urbe Nicæa congregat, ubi Arij dogma post ejus mortem damnatum est.*

Deinde quod rei summa est, pugnat secum in præfatione seu capite I. *Quæ, inquit, in sancta, magna & universali Episcoporum Synodo ex omnibus, ut sic dicam, Romani orbis provinciis, & ex Perside, Dei gratia, & pii ac Deo chari Imperatoris nostri Constantini edicto, Nicæa congregata, pro apostolica & orthodoxa fide, contra perversa & impia impii Arij dogmata: Omnia, inquam, quæ in præclara illa & sancta Synodo dicta, facta & constituta fuerant, jampridem, cum adhuc in paterna domo vitam degerem, legi, cum illa invenissem in antiquissimo libro in membranis plane integris descripta, qui fuit divini & celebris Dalmatis, in illustri Cyzicenorum metropoli sancta atque catholica Ecclesia Archiepiscopi. Infra: Quam ob causam fidelissimus Imperator Constantinus numerosam illam Synodum in urbe Nicæa congregavit. Sed in libri II. capite XII. dicit auctor quæ sequuntur: Sancta & magna & universalis Synodus sanctorum Patrum Nicæa congregatorum per beatum 24*



24 & sanctum Hosium Episcopum civitatis Corduba in Hispania, tenentem locum Episcopi Romani, cum predictis ejusdem sedis Presbyteris, altero ipsum interpretante dixit. Atque ita non tam auctor, quam Synodus pugnans loquitur, quo nihil est absurdius, & in sanctam Synodum contumeliosius. Sic per summam inicitiam vel malitiam scripsit Gelasius, Nicenam Synodum ab Hosio congregatam esse; & si nullam hac in re fidem meretur, cur mereretur, cum ait Hosium Romani Episcopi locum tenuisse?

V. In ejusdem libri capite xxvii. inter subscriptiones gravissimi errores offenduntur: Alexander Alexandria Episcopus cum Athanasio tunc Archidiacono, Concilii gesta misisse dicitur, Ecclesiis per totam Egyptum, Libyam & Pentapolim, & regiones finitimas usque ad India provincias. Et primum quidem id non fecit Alexander; sed ipsa Synodus in Epistola, quæ apud Theodoretum in libri i. hist. capite viii. sic inscribitur: Sancta magnæque Dei gratia Alexandria Ecclesia, & dilectissimi fratribus per Egyptum, Libyam & Pentapolim constitutis, Episcopi Nicææ congregati, & magnam sanctamque Synodum celebrantes, in Domino salutem. Quoniam Dei gratia, Deoque carissimo Principe Constantino ex diversis provinciis & civitatibus nos convocante, magna & sancta Synodus Nicææ celebrata est: Neceffarium duximus ab universo sacro Concilio, etiam ad vos literas mitti, ex quibus intelligere possitis, quam in eo proposita & examinata, quamam decreta ac stabilita sint, & cætera, quibus illa singillatim exponit.

Præterea Athanasium facit Archidiaconum qui tunc Diaconus tantum erat. Ita Socrates in libri i. hist. capite v. Contra istos (qui Arii opinionem sequebantur) Athanasius Ecclesia Alexandria Diacōnus strenue pugnavit. Ita quoque reliqui auctores, qui quam Athanasius in Nicæno Concilio dignitatem haberet, memoriæ prodiderunt.

Eusebius Antiochia Episcopus Concilii gesta misisse dicitur Ecclesiis in Cæsaria, & Mesopotamia tota, & Cilicia utraque. Hic non omnes provincias, quæ Antiocheno subiacebant Episcopo, perfecte numerat, cum tamen omnes ex instituto suo numerare velit. Omittit Theodoriadem, Isauriam, Euphratensem, Ophoenam, & alias, quæ tempore Nicæni Concilii ad Antiochenum Episcopum spectabant. Hæc autem ostendunt Gelasium pro comperto non habuisse, quæ in Nicæno Concilio acta sunt.

Joannes Persa Concilii gesta misisse dicitur Ecclesiis in tota Persia & magna India. Et primum quidem non dicitur quis fuerit ille Joannes Persa, an Episcopus, Presbyter, vel Diaconus. Deinde Eusebius non meminit Joannis hujus, qui ex Perside in Concilium venerit; sed Jacobi Nisibeni Antistitis, cujus admirandam historiam Theodoretus confecit. Gelasius Eusebium sequi se præfatur, sed non sequitur, nisi ut eum corrumpat, & aliena falsa proferat.

26 Macarius Hierosolymorum Episcopus cum Eusebio Pamphili Episcopo Cæsarea Palestina, Concilii gesta misisse dicitur Ecclesiis in Palestina, Arabia & Phœnicia: Ubi Palestinam, Arabiam & Phœniciam Hierosolymorum Episcopo assignat; & nihilominus certum est nonnisi post Calchedonense Concilium Palestinam Hierosolymorum Episcopo subjectam esse. Phœniciam illi assignat, quæ tunc assignata non est; sed sub Antiocheno Episcopo remansit.

Alexander Constantinopolis tunc solum Presbyter, postea vero Ecclesia illius episcopatum sortitus, Concilii gesta misisse dicitur Ecclesiis omnium Cycladum insularum. Baronius in annalibus ex Socrate & Sozomeno evincit, Metrophanem Byzantii Episcopum anno

Christi cccxvii. migrasse, & tunc illi Alexandrum successisse. Theodoretus in libri i. hist. capite i. plane significat Alexandrum fuisse Constantinopolis Antistitem, cum Nicæna Synodus habitata est: Nam in capite ii. primarios Antistites enumerat, & in illorum ferie Alexandrum ponit. Eodem, inquit, tempore Romana quidem Ecclesia gubernacula tenebat Silvester. Antiochia vero post Tyrannum, cum Ecclesiis jam reddita pax esset, episcopatum obtinuit Vitalis. Hierosolymitanam vero sedem post Hermonam sortitus est Macarius, vir sui nominis, id est, beatus, bonorumque omnium cumulo decoratus. At Constantinopoli per idem tempus episcopali munere fungebatur Alexander, Apostolicis quoque donis illustris: Hoc ergo tempore Alexandrinus Alexander, cum Arium videret dominandi cupiditate incensum, eorum quos blasphemiam laqueis irretierat, privatos conventus impiam ejus blasphemiam Ecclesiarum Prasidibus per Epistolas significavit.

Deinde in capite iii. refert Epistolam, quam ea super re Alexander Alexandrinus Episcopus ad Alexandrum Constantinopolitanum Episcopum scripsit. Sic inscribitur: Honoratissimo fratri & unanimi Alexandro, in Domino salutem. Sub finem Epistolæ: Quibus refragantes Arius & Achillas, ac reliqui cum eis hostes veritatis Ecclesia exturbati sunt, ut aversi à pia doctrina nostra, juxta beatum Paulum qui ait: Siquis vobis evangelizaverit præter id quod accepistis, anathema sit. Et paulo post: Istos à fratribus anathemate perstrictos nemo vestrum recipiat, nec eorum dicta vel scripta ferenda putet: hos, inquam, aversantes, unanimes, & dilectissimi fratres, suffragamini nobis adversus furiosam illorum temeritatem, non aliter atque collega nostri, qui egre tulerunt, & ad me contra istos scripserunt, libelloque contra eos edito subscripserunt, quæ & per filium meum Apionem ad vos misi, partim Egypti totius & Thebaidis, partim Libyæ & Pentapolis & Syria, atque etiam Lyciæ & Pamphylia, Asia, Cappadocia, & finitimarum circumquaque, quorum exemplo à vobis etiam accepturum me confido. Hæc ab Alexandro Alexandria Episcopo scripta sunt ad Alexandrum, ut apparet, jam Constantinopolitanum Episcopum.

In capite iv. refertur Arii Epistola ad Eusebium Nicomediensem Episcopum. In capite v. Eusebii Nicomedienfis Epistola ad Paulinum Episcopum Tyri. In capite vi. referuntur quæ gesta sunt in Nicæno Concilio: His cognitis sapientissimus Imperator primum quidem fontem ipsum malorum obstruere conatus est, atque insignem quendam solertia virum Alexandrum cum literis misit extinguenda contentionis studio, & spe reducendarum ad concordiam partium. Verum ubi spes eum fessellit, celebre illud apud Nicæam Concilium coegit, venturisque Episcopis, & eorum comitibus, publicis cursus asinos, mulas, mulosque & equos utendos indulgit. Postquam autem congregati sunt omnes, qui itineris molestias ferre poterant, ipse quoque Nicæam venit, tum Episcoporum multitudinem videre cupiens, tum pacem inter illos & concordiam componere, statimque omnia illa assatim subministrari jussit. Trecenti decem & octo Episcopi convenerant; Romanus autem propter summam senectutem ipse quidem non adfuit; sed Presbyteros duos misit cum potestate actis assentiendi. Denique in capite xviii. Postquam divinus ille Alexander, qui Arium orationis jaculo confixerat (Byzantii Episcopum dico, sic enim Constantinopolis eo tempore vocabatur) ad meliorem vitam excessit, Eusebius impietatis propugnator, parvi faciens sanctiones, quarum auctor ipsemet cum aliis Episcopis fuerat, Nicomedia protinus relicta Constantinopolitanam sedem invasit, vetante palam canone tum Episcopos, tum Presbyteros ab una civitate in aliam transire.

His ita relatis ex Theodoro manifestum redditur,

tur, Alexandrum fuisse jam Constantinopolitanum Episcopum, & Gelasium errasse graviter, cum illum nondum fuisse Episcopum, sed Presbyterum duntaxat scribit.

29 VI. De Alexandro, seu, Presbytero, seu Episcopo Constantinopolis perinde loquitur, ac si Metropolitæ nulli subiceretur, cum tamen Nicæni Concilii tempore ab Heracleensi penderet.

VII. Huic Alexandro propriam veluti diocesim tribuit Cycladum insulas, quæ suum habebant Metropolitanam tempore Calchedonensis Concilii, ubi Joannes Rhodi insulæ Metropolitanus legitur.

VIII. Inter Eustathium Antiocheum & Macarium Hierosolymitanum Episcopos tres, Joannem Persam, Leontium Cæsariensem in Cappadocia, & Theonem Cyzicenum interponit. At turbatus ordo ille magnam prodit auctoris indiligentiam. Nicæna Synodus illustriorem locum detulit Hierosolymorum Antistiti, de quo sic statuitur in can. VII. *Quia consuetudo obtrivit & antiqua Traditio, ut Asia Episcopus honoretur, habeat honorem consequentiam, salva Metropoli propria dignitate.* Hæc Metropolis erat Cæsarea Palæstina, non Cæsarea Cappadociæ, non Persis, non Cyzicus in Hellesponto. Post Calchedonense Concilium Hierosolymorum civitas veteris sue Metropoli superior evasit, & deinceps quinta sedes appellata est.

Hæc autem cum ita sint, si Gelasius rectum credidit Episcoporum qui subscripserunt ordinem, vehementer erravit, ut mox visum est; si vero rectum minime credidit, nec veram Episcoporum qui subscripserunt seriem texere voluit, ex ea tunc neque Hosii, neque Alexandri utriusque, neque Eustathii *verba* ulla colligi potest.

30 In summa nostra in Gelasium animadversiones non possunt non efficere, quin illi auctoritas omnis detrahatur; & sane in apocryphis ducendi sunt commentarii, quos Gelasius de actis Nicænæ Synodi conscripsit. Permirum quoque videri potest & debet a nonnullis præstantibus viris factum esse pluris auctorem illum, qui nihili faciendus est. Deinde ratio cur illis sit pluri, invalida est omnino: In Nicæna nempe Synodo Hosii Romani Episcopi vices gessisse, quod etiam si daretur ut verum, nihil inde solidi colligerent. Nam, ut jam notavimus, aliud est vices gerere Romani Pontificis, atque ita Concilio adesse, aliud præesse.

I. Photius, qui primus omnium vindicat Gelasii commentarios, Nicæni Concilii Præsides facit Alexandrum Constantinopolitanum Episcopum, & Silvestrum ac Julium Romanos Pontifices, & inter istos tres caput est Alexander: Et sic Photius destruit, quod alii ex opere per Photium vindicato astruere volunt. *O quantum est in rebus inane!*

31 II. Legati quos Silvester ad Arelatensem Concilium primum misit, Claudianus & Vitus Presbyteri, Eugenius & Quiriacus Diaconi Concilio huic interfuerunt, non præfuerunt, nec eos præfuisse æqualis vel ætate suppar ullus scriptor unquam asseruit. In Synodica ad Silvestrum Epistola de legatis, vel legatorum *verba* verbum nullum injicitur. In Arelatensis Concilii II. quod post annos triginta & octo celebratum est, canone XVIII. Marino Arelatensi Episcopo Concilii *verba* videtur assignari: *Ad Arelatensis Episcopi arbitrium Synodus congreganda, ad quam urbem ex omnibus mundi partibus, præcipue Gallicanis, sub Marini tempore legimus celebratum fuisse Concilium.* Hic Marinus Arelatensis Præsul, sub cuius tempore celebratum est Concilium, in Synodica Epistola primus nominatur: *Dilectissimo Papa Silvestro Marini, &c.*

III. Concilio Carthaginensi, quod sextum dicitur, legati Romanæ Ecclesiæ Faustinus Episcopus, Philippus & Asellus Presbyteri interfuerunt, non

præfuerunt, ut ex præfatione & subscriptionibus liquet. In præfatione res est huiusmodi: *Post consulatum gloriosissimorum Imperatorum Honorii duodecimum, & Theodosii octavum Augustorum octavo Calendis Junii, scripta hæc sunt Carthagine in secretario basilicae Fausti, cum Aurelius Papa, una cum Valentino prima sedis Numidia, & Faustino Ecclesiæ Potentina prima sedis provincia Italia Piceni legato; sed & legatis diversarum provinciarum, Africanarum, id est, Numidiarum duarum, Byzacena, Mauritania Sitifensis, & Mauritania Cæsariensis; sed & Tripolis & Vincentio Culucitano, Fortunatiano, & ceteris Episcopis provincia proconsularis ducentis decem & septem; necnon Philippo & Asello Presbyteris Romana Ecclesiæ cum consedisset, astantibus Diaconibus Aurelius Episcopus dixit.* In editione Græca, quam habet codex Canonum Africanæ Ecclesiæ res eodem modo & ordine describitur.

Ad subscriptiones quod attinet, Aurelius Carthaginensis Episcopus primus omnium subscribit; legati vero Romanæ Ecclesiæ primi subscribunt nullquam.

IV. Discrimen istud agnoscit Leo Papa duabus in Epistolis. Una est XLVII. ad Nicænā Synodum, non an Calchedonensem, ut falso in vulgatis codicibus scribitur: *Amplectendum clementissimi Principis plenam religionem consilium, quo sanctam fraternitatem vestram ad destruendas insidias diaboli, & ad reformandam Ecclesiasticam pacem voluit convenire, beatissimi Petri Apostoli jure atque honore servato, adeo ut nos quoque suis ad hoc literis invitaret, ut venerabili Synodo nostram præsentiam præberemus; quod quidem nec necessitas temporis, nec ulla consuetudo poterat permittere:* Tamen in his fratribus Paschasino & Lucentio Episcopis, Bonifacio & Basilio Presbyteris, qui ab Apostolica Sede directi sunt, me Synodo vestra fraternitas existimet præsidere. Hic duo dicit Leo, præsentiam suam Synodo præbere, & Synodo præsidere, quia qui suam Synodo præbet præsentiam, Synodo non semper præsidet.

33 Altera est XLIX. ad Marcianum, ubi idem fere repetitur: *Credebamus clementiam vestram id desiderio nostro posse præstare, ut præsentis necessitate respecta differri ad opportunius tempus sacerdotalem Synodum juberetur, ut vocatis de cunctis provinciis sacerdotibus vere posset esse universale Concilium. Sed quia vos amore catholica fidei congregationem nunc fieri voluistis, ne devoto, obviare viderer arbitrio, fratrem & Coepiscopum meum Paschasinum de ea provincia, qua videretur esse securior, evocatum, qui vicem præsentia mea possit implere, direxi, Bonifacio fratri nostro & compresbytero sociato, & bis, quos antea miseramus adjunctis, consortem illis fratrem quoque meum Julianum addentes Episcopum. Et post alia: Quia vero quidam de fratribus (quod sine dolore non didicimus) contra turbines falsitatis non valuerunt, catholicam tenere constantiam prædictum fratrem & Coepiscopum meum vice mea Synodo convenit præsidere. Pontifex non est contentus dicere, qui vicem præsentia mea possit implere; sed adjicit, qui vice mea præsideat. Non enim omnis, qui præsens adest Concilio, huic præsidet: Alioqui tot essent Concilii Præsides, quot Episcopi Concilio præsentia adessent. Neque vero sine causa vir prudens & attentus duo hæc conjunxit, quia Romanæ Ecclesiæ Presbyteros, qui a Silvestro ad Nicænū Concilium missi fuerant, interfuisse Concilio, non præfuisse, probe noverat.*

IX. Nicænū Concilium, quod Alfonso Pisanus edidit, nisi minoris sit, certe majoris non est fidei, quam Gelasii Cyziceni historia. Quapropter de Alfonso Pisani Concilio querenda non sunt veterum testimonia, nisi quis velit oleum & operam perdere. Quo tempore celebrata est Synodus Carthaginensis 34 sexta, sæculo post Nicænā minus uno, accidit ut



per Ecclesias Christiani orbis præcipuas, acta Nicæna Synodi; Canones & exemplaria disquirere oportuerit: Sedulo disquisita sunt, & tum demum aliud inventum est nihil præter ea, quæ apud Rufinum extant. Reliqua magno Christianæ religionis detrimento jam perierant, seu quia plura statim actorum Concilii confecta non fuerant exemplaria, seu quia quæ confecta fuerant, Arianorum malignitas & perfidia sustulerat. Ad annum igitur Christi ccccix. quo celebrata est Carthaginensis Synodus, cum ita se res haberet, manifeste apparet, in rerum natura extitisse nondum, qui acta Nicæni Concilii à Pisano editi confarcinasset; sed fuit tandem, qui post optima Ecclesiæ sæcula partim de alieno, partim de suo confarcinaret. Alienum est, quod de veteribus historicis & Patribus decerpit, habita sæpe rerum & temporum ratione nulla vel exigua; suum vero, quod pro arbitrio libidineque suâ commentus est. Sic bonis malisque artibus mixtum opus in lucem prodiit. Sed utrum prodierit ante Photii ætatem, mihi non constat, etiamsi constet nullam operis hujus mentionem in illius Bibliotheca fieri. Spis si nunc & non necessarij laboris foret indicare singula quæ dispungam. In literis tam mediocriter institutus est nemo, qui quæ sunt auctoris, non facile dignoscat & repudiet. Scio quidem magnos quosdam ætatis hujus viros laudasse Nicænum Pisani

35 Concilium; sed eos facti sui pœnituisse scio. Cæterum Concilii hujus actorum conditor à Gelasio Cyziceno, quæ retulimus, accepit, vel ipsemet commentus est. Quidquid sit pari modo & intelligi & explicari debent. Juniorem illum esse Gelasio, mihi persuadeo, atque ut mihi persuadeam, duæ me res impellunt. Photius in Bibliotheca meminit Gelassi & operis ab eo compositi; non meminit auctoris gestorum Nicæni Concilii à Pisano editi, aut gestorum istiusmodi. Deinde ad ea, quæ tradit Gelasius, actorum Concilii hujus exemplar adjecit multa, quæ si recentior esset Gelasius, notasset, aut notare potuisset.

X. Nunc Nicæni Concilii subscriptiones examinandæ sunt; atque imprimis sciendum est, Nicænum Concilium Græce Latineque editum esse, sed Græco sermone exaratas subscriptiones desiderari. Nullum est repertum adhuc exemplar Græcum, in quo subscriptiones quæ videntur modo, videantur.

Codex Canonum Dionysii ad vetustissima exemplaria recognitus Nicænos Canones habet; sed nec Græcas, nec Latinas subscriptiones habet ullas.

Hic codici similis est hac in parte Isidori collectio, seu quæ primum edita est a Jacobo Merlino Parisiensi Theologo, seu quæ manuscripta reperitur. Codex Canonum vetus Romanæ Ecclesiæ, qui anno mxxxv. Moguntiæ prodiit, subscriptiones Latinas exhibet. Joannes Wendelstinus, cujus 36 opera & studio prodiit, manuscripta se aliquot natum esse dicit exemplaria; sed antiquitatis quantæ fuerint, non dicit. Latine subscriptiones istæ transferunt in Conciliorum generalium volumina, quæ post annum mxxxv. typis commendata sunt. Itarum ergo subscriptionum antiquitas tota ex illo codice pendet.

Cæterum viri docti eodice illud Hadriano Papæ primo consignant; sed unde Hadrianus subscriptiones habuerit, non disquirunt. Utinam isto labore nos levassent, aut certe dixissent, quid ea super re optarentur. Ad me quod attinet, subscriptiones hæc mihi videntur omnino incertæ, & cur videantur, facit Dionysius, qui Romæ Canones Ecclesiasticos in unum corpus redegit, nec subscriptiones ullas repræsentavit. Deinde facit Isidorus Dionysium secutus, tum defectus Græcorum exemplarium, quæ subscriptiones præ se ferant. Hinc Proclus, Facundus & Felix III. quorum duo primi

asserunt, Eustathium Antiochenum in Nicæno Concilio primum omnium fidem confirmasse, tertius trecentorum decem & octo Patrum Præsidentem fuisse, quod in has subscriptiones minime quadrat. Eustathius enim non modo post Hosium, Vitum & Vincentium, sed etiam post Antistites provinciarum Egypti, Thebaidos, Libyæ, Palæstinae & Phœnicia, subscribit.

Deinde facit quadringentorum & quadraginta septem annorum spatium, quod inter Nicænam Synodum & Hadrianum intercedit. At diuturnitas lapsusque temporis, qualis est iste, non solum profana; sed etiam sacra inficiens, locum dare solet variis & dubiis rebus, quas imperitum vulgus per otium fingit.

Postremo faciunt subscriptiones ipsæ, quæ perturbatæ non possunt non esse. Nam Palæstinæ Episcopi omnes, nedum Hierosolymitanus ante Eustathium Antiochenum subscribunt, ut interim nihil dicam de provinciarum Egypti, Thebaidos & Libyæ Episcopis, qui hoc quoque subscribendi jure utuntur, si tamen ita loqui fas est. Quo autem in Concilio subscriptiones reperiuntur hoc ordine dispositæ? Non in Ephesino, non in Chalcedonensi, non in aliis posterioribus, ubi Patriarcharum quisque ordine suo subscribit.

Porro hæc omnia quæ notavimus, apud cordatos atque eruditos homines efficiunt, ut ad constituendum in quoquam præsidendi munus, ex hac subscriptionum serie nihil queat rationis comparari, quamvis daretur vicem alicujus in Concilio gerere idem esse, atque præsidere. Quod jam multis de causis displosum est.

XI. Romani Pontifices sunt numero tres, qui de Hosio, Vito seu Victore, & Vincentio locuti non consentiunt inter se. Hadrianus I. Leo IX. & Gregorius VII. Primus Hosium, Victorem & Vincentium ab Apostolica Sede destinatos fuisse scribit, sed præfuisse non scribit. Nam honorabilem locum inter Nicæni Concilii Patres habuisse, non est præsidere. Secundus præsidendi officium Presbyteris tantum attribuit; sed tertius contra Hosio Episcopo & Presbyteris Victori & Vincentio attribuit. Quæ vero ratione secundus ab Hosio præsidendi ex parte Silvestri munus excludit, eadem & idem munus à Victore & Vincentio excluderet. Tertius nempe in illis tribus non modo veterum historicorum aequalium, vel supparium patrociniis, sed etiam Sedis Apostolicæ Traditione caret.

Præterea cum Hadrianus destinatum ab Apostolica Sede Hosium fuisse ait, historiae leges negligit, ut colligitur ex Eusebio, Julio Rom. Pont. Theodoro & Sozomeno, qui Hosium Vito & Vincentio Romanæ Ecclesiæ Presbyteris non adjungunt. Quæ vero sint Romanorum Pontificum partes in cujullibet veritatis assertionem declarant excellentissimi scriptores duo, Tostatus Abulensis Episcopus, & Cardinalis Baronius. Ille potissimum duobus in locis, quorum primus est in lib. i. Regum cap. viii. quæst. ccii. Dicendum, quod statuto Papa tenentur obedire omnes fideles, quia non potest ei deesse potestas obligandi; & tamen assertioni Papa circa veritatem quamlibet non tenentur stare omnes fideles, quia potest Papa decipi, & alius eo verius intelligere: Nec obstat si dicas, quod etiam Papa habet determinare circa dubia fidei, Extra de Baptismo & ejus effectu, cap. Majores. Nam Papa non habet majorem cognitionem veritatis quam alii; & tamen quando fieret veritas fidei cognita per viros in lege Dei peritos, & communi consensu definita, poterit Papa jubere omnibus fidelibus, quod eam firmiter teneant, quia hoc non pertinet ad cognitionem, sed ad potestatem, & istud non potest facere aliquis alius fidelium. Alter est ibidem in quæst. cciii. An in definitionibus negotiorum, & expositione sacrarum

sacrarum Scripturarum prapontatur auctoritas Pontificum omnibus sanctis Doctoribus Ecclesiæ: vel è contra, & in hoc non recedimus à determinationibus scilicet Sanctorum. Est enim doctrina Gratiani & Juristarum xx. dist. cap. Decretales. Itaque quod in definitionibus negotiorum prapontatur auctoritas Pontificum omnibus sanctis doctoribus, sed in expositione sanctarum Scripturarum, & consequenter in inquisitione quarumlibet aliarum veritatum, tractatores sacra Scriptura, ut Hieronymus, Augustinus, & ceteri, sunt praponendi Pontificibus, & hoc innuitur dist. xx. cap. De libellis. Si hoc verum est in rebus, de quibus Tostatus agit, multo verius erit in rebus mere historicis, de quibus tractamus.

Hic vero duobus quoque præterea in locis. Unus est in apparatu ad Annales Ecclesiasticos: Quod à recentiore auctore de rebus adeo antiquis sine alicujus vetustioris auctoritate profertur, commemoratur. Alter ad annum DCIV. num. LI. In his, inquit, quæ rerum gestarum veritatem spectant, quam frequentur accidat falli etiam prudentissimos, non in alijs tantummodo, sed & in iis, quæ facta dicuntur in eodem loco, in quo ipsi sunt, & quo vivimus tempore, cum usus doceat, pluribus demonstrare supervacaneum esse putamus, ob idque nihil est, ut quantavis siue sanctitatis, siue doctrina cujuslibet prerogativa veri, quod non factum sit unquam, ut factum asserentis, ipsi veritati possit præjudicium inferre, cum in his, quæ sunt facti, non dogmatis, pariter quisque sanctissimus atque doctissimus, fideique orthodoxa professor atque defensor, aliquando falli. Et post alia: Num, rogo te, eminentia superexcellens iudique comparata, cumulatque in aliquo viro efficere potest, ut quod mendacium est, veritas sit, & quod perinde, ac verum ab eo falsum asseratum est, recipiatur ab omnibus? Atinimè gentium dicas: sed rejiciendum penitus asseres, ut contrarium historica veritati, à quovis allatum firmatumque, ut verum fuerit: Ita quidem jure omnesque prudentes hoc ipsum dicunt, ac firmiter protestantur.

His autem ita positis apparet non obscure, quid de Hadriano, Leone & Gregorio dicendum sit, si quid antiquioribus historicis & Patribus ignotum & incompertum affirmant. Id vero affirmant, quod antiquiores Romani Pontifices, Julius I. Gelasius I. Vigilius, Pelagius II. & alii usque ad Hadrianum affirmassent, si vere affirmare potuissent: Id affirmarent, quod Eusebius, Theodoretus & Sozomenus tradidissent, si vere tradere potuissent. Hadrianus igitur, Leo & Gregorius ex Tostato & Baronio potuerunt decipi, cum id de quo agitur, ad veritatis inquisitionem pertineat. Deinde Hadriano, Leoni & Gregorio præponendi sunt Eusebius, Julius, Theodoretus, Sozomenus, Proclus, Felix, Facundus, qui & insuper viciniore fuerunt Concilio, ob idque rerum in eo gestarum intelligentiores.

XII. Hadriani, seu, ut est in quodam MS. Angilrami Metensis Episcopi epitome Canonum decepit Hincmarum & Gregorium, qui & seipsos postea deceperunt. Hosium cum Victore & Vincentio, Silvestri legatum cum Hadriano vel Angilramo, perperam crediderunt.

Deinde ex tribus illis legatis Nicæna Synodi Præsides fecerunt: Error natus ex eo est, quod vetera instituta expenderint ad normam recentium, vel unam eamque immutabilem esse Synodorum omnium formam existimaverint; sed id plane falso. Nonne potest esse una unius Synodi, altera alterius forma & disciplina, cum ut una tantum servetur, lex vetus nulla, nullus Ecclesiæ Canon præcipiat?

XIII. Decreveram ego Photium sine retractatione ulla prætermittere, quod mihi non videatur per ætatem scriptor idoneus: Sed quia Bellarminus & Baronius eum adducunt, ego ne *apostolus* accuser, ad-

duco. Hoc tamen inter me & alios interest, quod illi faventem adducant, & nocentem prætermittant. Ego & faventem & nocentem adduco, ut quid ei concedendum sit, omnino appareat. Judicent alii quid voluerint, existimo Photium eum esse scriptorem, cui hac in materia nihil pene fidei, nihil tribui auctoritatis oporteat. In multis quos unicuique Synodo Præsides assignat, primum fere semper facit<sup>42</sup> Constantinopolitanum Episcopum. In Nicæna Synodo primum statuit Alexandrum, in Calchedonensi Anatolium, in Constantinopolitana tertia Georgium, in Nicæna secunda Tarasium. Hoc autem quid potest esse cum à veritate rei, tum ab gestis Synodorum illarum alienius? Sic exposuisse Photium confutasse est.

XIV. Cedrenus & Nilus cum Photio concordant, ubi multos Nicæni Concilii Præsides constituunt, sed ab eo discordant, cum primo in loco Romanum non Constantinopolitanum Episcopum ponunt; & graviter errant cum præsidendi munus quinque primarum sedium Episcopis attribuunt. Primorum Conciliorum historiam ignorant, & ignorantia hujus argumentum est certissimum in Constantinopolitana Synodo prima, cui præfuisse Damasum testantur: At qua ratione præfuisset illi Synodo, cui nec per se, nec per legatos interfuit?

XV. Examinatis & rejectis, quæ mihi visa sunt inveniendi asserendique veri regulis minus probabilia, expono, quæ retentis iisdem regulis probabiliora mihi videntur.

Et primum quidem cum Eusebius testis idoneus & locuples, quia oculatus, multos fuisse Nicæna Synodi Præsides *αὐτοῖς* testetur, inveniendi asserendique veri leges inducunt me, ut credam multos Nicæna Synodi Præsides fuisse. Tum Præsides illos fuisse Alexandrum Alexandrinum Episcopum, Eustathium Antiochenum, & Hosium Cordubensem: Alexandrum quidem significante ipsa Nicæna Synodo, cuius verba loco suo retulimus. Et sane quemadmodum assererem, Virum & Vincentium Romanæ Ecclesiæ Presbyteros Nicæno præfuisse Concilio, si ii ut Alexander *αὐτοῖς* & *ἡ γὰρ συνήθεια* dicitur, ita dicerentur *αὐτοῖς* & *ἡ γὰρ συνήθεια*. Sic & ego asserere non dubito Alexandrum Nicæno præfuisse Concilio, quia ille ab eo dicitur *αὐτοῖς* & *ἡ γὰρ συνήθεια*; Eustathium vero, habita ratione eorum quæ de illo Eusebius, Proclus, Felix III. & Facundus literis prodiderunt. At si de Vito & Vincentio prodidissent similia, quis eos Nicæno præfuisse Concilio negaret? Hosium denique, quia suadet Athanasius, Sozomenus & Theodoretus suffragantur: Et siquæ de Hosio scribunt Athanasius, Sozomenus & Theodoretus, de Vito & Vincentio scriberent, concederem in eorum sententiam, qui Vitum & Vincentium Nicæno præfuisse Concilio docent; Hosium vero præfuisse cum propter celebritatem nominis, tum propter exanthlatos satagente Constantino in defensione fidei labores, qui vix exprimi possunt, non propter Romani Episcopi vices, quas Eusebius, Julius, Sozomenus, & Theodoretus, Vito & Vincentio duntaxat impertiunt.

Romana Ecclesia hoc in præsidendi munere nihil sibi vindicat per Antistitum suorum Traditionem, quæ à Constantini ætate usque ad Caroli Magni tempus decurrit. Hoc præsidendi munus in præteritis reliquerunt Gelasius, Vigilius, Pelagius II. & alii in professionibus fidei, quas ediderunt; ubi tamen relinquendum non erat, si vere relinqui nequisset: Id premo, id urgeo, in eo securus habito.

Præterea Tertullianus in auxilium veritatis succurrit quatuor in locis: Primus est in libri de præscriptione hæreticorum capite xxxi. Sed ab excessu revertar ad principalitatem veritatis, & posteritatem mendacitatis disputandam. Et paulo post: Ex ipso ordine manifestatur id esse dominicum & verum, quod sit



per Ecclesias Christiani orbis præcipuas, acta Nicæ-  
næ Synodi, Canones & exemplaria disquirere oport-  
uerit: Sedulo disquisita sunt, & tum demum aliud  
inventum est nihil præter ea, quæ apud Rufinum ex-  
tant. Reliqua magno Christianæ religionis detri-  
mento jam perierant, seu quia plura statim actorum  
Concilii confecta non fuerant exemplaria, seu quia  
quæ confecta fuerant, Arianorum malignitas & per-  
fidia sustulerat. Ad annum igitur Christi ccccix.  
quo celebrata est Carthaginienfis Synodus, cum ita  
se res haberet, manifeste apparet, in rerum natura  
extitisse nondum, qui acta Nicæni Concilii à Pi-  
fano editi confarcinasset; sed fuit tandem, qui post  
optima Ecclesiæ sæcula partim de alieno, partim de  
suo confarcinaret. Alienum est, quod de veteribus  
historicis & Patribus decerpfit, habita sæpe rerum  
& temporum ratione nulla vel exigua; suum ve-  
ro, quod pro arbitrio libidineque sua commentus  
est. Sic bonis malisque artibus mixtum opus in lu-  
cem prodit. Sed utrum prodierit ante Photii æta-  
tem, mihi non constat, etiamsi constet nullam ope-  
ris hujus mentionem in illius Bibliotheca fieri. Spis-  
si nunc & non necessarij laboris foret indicare sin-  
gula quæ dispungam. In literis tam mediocriter  
institutus est nemo, qui quæ sunt auctoris, non fa-  
cile dignoscat & repudiet. Scio quidem magnos  
quosdam ætatis hujus viros laudasse Nicænum Pisani  
35 Concilium; sed eos facti sui poenituisse scio. Cæte-  
rum Concilii hujus actorum conditor à Gelasio Cy-  
ziceno, quæ retulimus, accepit, vel ipsemet com-  
mentus est. Quidquid sit pari modo & intelligi &  
explicari debent. Juniorem illum esse Gelasio, mihi  
persuadeo, atque ut mihi persuadeam, duæ me res  
impellunt. Photius in Bibliotheca meminit Gelasii  
& operis ab eo compositi; non meminit auctoris ge-  
storum Nicæni Concilii a Pisano editi, aut gestorum  
istiusmodi. Deinde ad ea, quæ tradit Gelasius, acto-  
rum Concilii hujus architectus adjecit multa, quæ  
si recentior esset Gelasius, notasset, aut notare po-  
tuisset.

X. Nunc Nicæni Concilii subscriptiones examinan-  
dæ sunt; atque imprimis sciendum est, Nicænum  
Concilium Græce Latineque editum esse, sed Græco  
sermone exaratas subscriptiones desiderari. Nullum  
est repertum adhuc exemplar Græcum, in quo sub-  
scriptiones quæ videntur modo, videantur.

Codex Canonum Dionysii ad vetustissima exempla-  
ria recognitus Nicænos Canones habet; sed nec Græ-  
cas, nec Latinas subscriptiones habet ullas.

Huic codici similis est hac in parte Isidori col-  
lectio, seu quæ primum edita est à Jacobo Merli-  
no Parisiensi Theologo, seu quæ manuscripta re-  
peritur. Codex Canonum vetus Romanæ Ecclesiæ,  
qui anno mxxxv. Moguntia prodit, subscription-  
es Latinas exhibet. Joannes Wendelstinus, cujus  
36 opera & studio prodit, manuscripta se aliquot na-  
ctum esse dicit exemplaria; sed antiquitatis quantæ  
fuerint, non dicit. Latine subscriptiones istæ tran-  
sierunt in Conciliorum generalium volumina, quæ  
post annum mxxxv. typis commendata sunt. Ita-  
rum ergo subscriptionum antiquitas tota ex illo co-  
dice pendet.

Cæterum viri docti eodice illum Hadriano Pa-  
pæ primo consignant; sed unde Hadrianus subscrip-  
tiones habuerit, non disquirunt. Utinam isto la-  
bore nos levassent, aut certe dixissent, quid ea  
super re optarentur. Ad me quod attinet, subscrip-  
tiones hæ mihi videntur omnino incertæ, & cur  
videantur, facit Dionysius, qui Romæ Canones Ec-  
clesiasticos in unum corpus redegit, nec subscrip-  
tiones ullas repræsentavit. Deinde facit Isidorus Dio-  
nyfium secutus, tum defectus Græcorum exempla-  
rium, quæ subscriptiones præ se ferant. Hinc Pro-  
clus, Facundus & Felix III. quorum duo primi

asserunt, Eustathium Antiochenum in Nicæno Con-  
cilio primum omnium fidem confirmasse, tertius  
trecentorum decem & octo Patrum Præsidem fuisse,  
quod in has subscriptiones minime quadrat. Eusta-  
thius enim non modo post Hosium, Vitum & Vin-  
centium, sed etiam post Antistites provinciarum Æ-  
gypti, Thebaidos, Libyæ, Palæstinæ & Phœnicia,  
subscribit.

Deinde facit quadringentorum & quadraginta sep-  
tem annorum spatium, quod inter Nicænam Syno-  
dum & Hadrianum intercedit. At diuturnitas lap-  
susque temporis, qualis est iste, non solum pro-  
fana, sed etiam sacra inficiens, locum dare solet  
varijs & dubijs rebus, quas imperitum vulgus per  
otium fingit.

Postremo faciunt subscriptiones ipsæ, quæ pertur-  
batæ non possunt non esse. Nam Palæstinæ Epis-  
copi omnes, necnon Hierosolymitanus ante Eusta-  
thium Antiochenum subscribunt, ut interim nihil di-  
cam de provinciarum Ægypti, Thebaidos & Libyæ  
Episcopis, qui hoc quoque subscribendi jure utun-  
tur, si tamen ita loqui fas est. Quo autem in Con-  
cilio subscriptiones reperiuntur hoc ordine dispositæ?  
Non in Ephesino, non in Chalcedonensi, non in  
alijs posterioribus, ubi Patriarcharum quisque ordine  
suo subscribit.

Porro hæc omnia quæ notavimus, apud corda-  
tos atque eruditos homines efficiunt, ut ad Consti-  
tuendum in quoquam præsidendi munus, ex hac sub-  
scriptionum serie nihil queat rationis comparari,  
quamvis daretur vicem alicujus in Concilio gerere  
idem esse, atque præsidere. Quod jam multis de causis  
dispositum est.

XI. Romani Pontifices sunt numero tres, qui de  
Hosio, Vito seu Victore, & Vincentio locuti non  
consentiunt inter se. Hadrianus I. Leo IX. & Gre-  
gorius VII. Primum Hosium, Victorem & Vincen-  
tium ab Apostolica Sede destinatos fuisse scribit, sed  
præfuisse non scribit. Nam honorabilem locum in-  
ter Nicæni Concilii Patres habuisse, non est præsi-  
dere. Secundus præsidendi officium Presbyteris tan-  
tum attribuit; sed tertius contra Hosio Episcopo &  
Presbyteris Victori & Vincentio attribuit. Quæ vero  
ratione secundus ab Hosio præsidendi ex parte Sil-  
vestri munus excludit, eadem & idem munus à Vi-  
ctore & Vincentio excluderet. Tertius nempe in il-  
lis tribus non modo veterum historicorum æqualiam,  
vel supparium patrocínio, sed etiam Sedis Aposto-  
licæ Traditione caret.

Præterea cum Hadrianus destinatum ab Apostolica  
Sede Hosium fuisse ait, historiæ leges negligit, ut  
colligitur ex Eusebio, Julio Rom. Pont. Theodoro  
& Sozomeno, qui Hosium Vito & Vincentio Ro-  
manæ Ecclesiæ Presbyteris non adjungunt. Quæ  
vero sint Romanorum Pontificum partes in cujulli-  
bet veritatis assertionem declarant excellentissimi scrip-  
tores duo, Tostatus Abulensis Episcopus, & Cardi-  
nalis Baronius. Ille potissimum duobus in locis,  
quorum primus est in lib. I. Regum cap. VIII.  
quæst. CCII. Dicendum, quod statuto Papa tenentur o-  
bedire omnes fideles, quia non potest ei deesse potestas  
obligandi; & tamen assertioni Papa circa veritatem  
quamlibet non tenentur stare omnes fideles, quia potest  
Papa decipi, & alius eo verius intelligere: Nec obstat  
si dicas, quod etiam Papa habet determinare circa  
dubia fidei, Extra de Baptismo & ejus effectu, cap.  
Majores. Nam Papa non habet majorem cognitionem  
veritatis quam alii; & tamen quando fieret veritas fi-  
dei cognita per viros in lege Dei peritos, & communi  
consensu definita, poterit Papa jubere omnibus fidelibus,  
quod eam firmiter teneant, quia hoc non pertinet ad  
cognitionem, sed ad potestatem, & istud non potest  
facere aliquis alius fidelium. Alter est ibidem in quæst.  
CCIII. An in definitionibus negotiorum, & expositione  
sacrarum

sacrarum Scripturarum præponatur auctoritas Pontificum omnibus sanctis Doctoribus Ecclesiæ; vel è contra, & in hoc non recedimus à determinationibus scilicet Sanctorum. Est enim doctrina Gratiani & Juristarum xx. dist. cap. Decretales. Itaque quod in definitionibus negotiorum præponitur auctoritas Pontificum omnibus sanctis doctoribus, sed in expositione sanctarum Scripturarum, & consequenter in inquisitione quarumlibet aliarum veritatum, tractatores sacra Scriptura, ut Hieronymus, Augustinus, & ceteri, sunt præponendi Pontificibus, & hoc innuitur dist. xx. cap. De libellis. Si hoc verum est in rebus, de quibus Tostatus agit, multo verius erit in rebus mere historicis, de quibus tractamus.

Hic vero duobus quoque præferam in locis. Unus est in apparatu ad Annales Ecclesiasticos: Quod à recentiore auctore de rebus adeo antiquis sine alicujus vetustioris auctoritate profertur, commemoratur. Alter ad annum DCIV. num. LI. In his, inquit, quæ rerum gestarum veritatem spectant, quam frequentur accidat falli etiam prudentissimos, non in antiquis tantummodo, sed & in iis, quæ facta dicuntur in eodem loco, in quo ipsi sunt, & quo vicimus tempore, cum usus doceat, pluribus demonstrare supervacaneum esse putamus, ob idque nihil est, ut quantavis siue sanctitatis, siue doctrina cujuslibet prærogativa viri, quod non factum sit nunquam, ut factum asserentis, ipsi veritati possit præjudicium inferre, cum in his, quæ sunt facti, non dogmatis, patiuntur quisque sanctissimus atque doctissimus, fideique orthodoxa professor atque defensor aliquando falli. Et post alia: Num, rogo te, eminentia superexcellens undique comparata, cumulatque in aliquo viro efficere potest, ut quod mendacium est, veritas sit, & quod perinde, ac verum ab eo falsum assertum est, recipiatur ab omnibus? Minime gentium dicas, sed rejiciendum penitus asseres, ut contrarium historice veritati, à quovis allatum firmumque, ut verum fuerit: Ita quidem jure omnesque prudentes hoc ipsum dicent, ac firmiter protestebuntur.

His autem ita positis appareat non obscure, quid de Hadriano, Leone & Gregorio dicendum sit, si quid antiquioribus historicis & Patribus ignotum & incomptum affirmant. Id vero affirmant, quod antiquiores Romani Pontifices, Julius I. Gelasius I. Vigilius, Pelagius II. & alii usque ad Hadrianum affirmassent, si vere affirmare potuissent: Id affirmarent, quod Eusebius, Theodoretus & Sozomenus tradidissent, si vere tradere potuissent. Hadrianus igitur, Leo & Gregorius ex Tostato & Baronio potuerunt decipi, cum id de quo agitur, ad veritatis inquisitionem pertineat. Deinde Hadriano, Leoni & Gregorio præponendi sunt Eusebius, Julius, Theodoretus, Sozomenus, Proclus, Felix, Facundus, qui & insuper viciniore fuerunt Concilio, ob idque rerum in eo gestarum intelligentiores.

XII. Hadriani, seu, ut est in quodam MS. Angilrami Metensis Episcopi epitome Canonum decepit Hincmarum & Gregorium, qui & seipsos postea deceperunt. Hosium cum Victore & Vincentio, Silvestri legatum cum Hadriano vel Angilramo, perperam crediderunt.

Deinde ex tribus illis legatis Nicænæ Synodi Præsides fecerunt: Error natus ex eo est, quod vetera instituta expenderint ad normam recentium, vel unam eamque immutabilem esse Synodorum omnium formam existimaverint; sed id plane falso. Nonne potest esse una unius Synodi, altera alterius forma & disciplina, cum ut una tantum servetur, lex vetus nulla, nullus Ecclesiæ Canon præcipiat?

XIII. Decreveram ego Photium sine retractatione ulla prætermittere, quod mihi non videatur per ætatem scriptor idoneus: Sed quia Bellarminus & Baronius cum adducunt, ego ne *apud eos* accuser, ad-

duco. Hoc tamen inter me & alios interest, quod illi faventem adducant, & nocentem prætermittant. Ego & faventem & nocentem adduco, ut quid ei concedendum sit, omnino appareat. Judicent alii quid voluerint, existimo Photium eum esse scriptorem, cui hac in materia nihil pene fidei, nihil tribui auctoritatis oporteat. In multis quos unicuique Synodo Præsides assignat, primum fere semper facit<sup>42</sup> Constantinopolitanum Episcopum. In Nicæna Synodo primum statuit Alexandrum, in Chalcedonensi Anatolium, in Constantinopolitana tertia Georgium, in Nicæna secunda Tarasium. Hoc autem quid potest esse cum à veritate rei, tum ab gestis Synodorum illarum alienius? Sic exposuisse Photium confutasse est.

XIV. Cedrenus & Nilus cum Photio concordant, ubi multos Nicænæ Concilii Præsides constituunt; sed ab eo discordant, cum primo in loco Romanum non Constantinopolitanum Episcopum ponunt; & graviter errant cum præsidendi munus quinque primarum sedium Episcopis attribuunt. Primorum Conciliorum historiam ignorant, & ignorantia hujus argumentum est certissimum in Constantinopolitana Synodo prima, cui præfuisse Damasum testantur: At qua ratione præfuisset illi Synodo, cui nec per se, nec per legatos interfuit?

XV. Examinatis & rejectis, quæ mihi visa sunt inveniendi asserendique veri regulis minus probabilia, expono, quæ retentis iisdem regulis probabiliora mihi videntur.

Et primum quidem cum Eusebius testis idoneus & locuples, quia oculatus, multos fuisse Nicænæ Synodi Præsides *regis pte* testetur, inveniendi asserendique veri leges inducunt me, ut credam multos Nicænæ Synodi Præsides fuisse. Tum Præsides illos fuisse Alexandrum Alexandrinum Episcopum, Eustathium Antiochenum, & Hosium Cordubensem: Alexandrum quidem significante ipsa Nicæna Synodo, <sup>43</sup> cujus verba loco suo retulimus. Et sane quem admodum assererem, Vitum & Vincentium Romanæ Ecclesiæ Presbyteros Nicæno præfuisse Concilio, si ii ut Alexander *rebei et si yeshunabian* dicitur, ita dicerentur *rebei et si yeshunabian*. Sic & ego asserere non dubito Alexandrum Nicæno præfuisse Concilio, quia ille ab eo dicitur *rebei et si yeshunabian*; Eustathium vero, habita ratione eorum quæ de illo Eusebius, Proclus, Felix III. & Facundus literis prodiderunt. At si de Vito & Vincentio prodidissent similia, quis eos Nicæno præfuisse Concilio negaret? Hosium denique, quia suadet Athanasius, Sozomenus & Theodoretus suffragantur: Et siquæ de Hosio scribunt Athanasius, Sozomenus & Theodoretus, de Vito & Vincentio scriberent, concederem in eorum sententiam, qui Vitum & Vincentium Nicæno præfuisse Concilio docent; Hosium vero præfuisse cum propter celebritatem nominis, tum propter exanthlatos satagente Constantino in defensione fidei labores, qui vix exprimi possunt, non propter Romani Episcopi vices, quas Eusebius, Julius, Sozomenus, & Theodoretus, Vito & Vincentio duntaxat impertiunt.

Romana Ecclesia hoc in præsidendi munere nihil sibi vindicat per Antifitum suorum Traditionem, quæ à Constantini ætate usque ad Caroli Magni tempus decurrit. Hoc præsidendi munus in præteritis reliquerunt Gelasius, Vigilius, Pelagius II. & alii in professionibus fidei, quas ediderunt; ubi tamen <sup>44</sup> relinquendum non erat, si vere relinqui nequisset: Id premo, id urgeo, in eo securus habito.

Præterea Tertullianus in auxilium veritatis succurrit quatuor in locis: Primus est in libri de præscriptione hæreticorum capite xxxi. Sed ab excessu reveriar ad principatatem veritatis, & posteritatem mendacitatis disputandam. Et paullo post: Ex ipso ordine manifestatur id esse dominicum & verum, quod sit



sit prius traditum; id autem extraneum & falsum, quod sit posterius immixtum. Sic dominicum & verum est, quod de Alexandro Alexandrino Episcopo, Eustathio Antiocheno, Hosio Cordubensi prius traditur: Id extraneum & falsum, quod regnante Carolo & progrediente tempore de Hosii legatione, de Viti & Vincentii, & Alexandri Constantinopolitani *apostelia* immittitur. Tertullianus ibidem pergit: *Ea sententia manebit adversus posteriores quasque hereses, (dicamus opiniones) quibus nulla constantia de conscientia competit ad defendendam sibi veritatem.* Hoc in uniuscujusque testimonii examine luculenter ostendimus.

Alter in ejusdem libri capite xxxiv. *Posterior nostra res non est, immo omnibus prior est;* sic Alexandri Alexandrini, Eustathii Antiocheni, & Hosii Cordubensis *apostelia* firmatur, quia prior est omnibus, quæ de Viti, Vincentii & Alexandri Constantinopolitani, & cæterorum *apostelia* dicuntur. Pergit ibidem Tertullianus: *Hoc erit testimonium veritatis ubi que occupantis principatum.*

Tertius est in libri contra Hermogenem capite i. *Solemus hæreticis compendii gratia de posteritate præscribere.* Hic novitiis scriptoribus de Gelasio Cyziceni, de actorum Nicæni Concilii à Pisano editorum, de epitomes Hadriani, vel Angilrami, de Isidori Mercatoris collectionis, de Hincmari, de Photii, Leonis XI. Gregorii VII. Cedreni & Nili posteritate præscribo.

Quartus in libri iv. contra Marcionem capite iv. de instrumento Apostolorum: *Ego meum dico verum, Marcion suum. Ego Marcionis adfirmo ad alteram, Marcion meum. Quis inter nos determinabit, nisi temporis ratio ei præscribens auctoritatem, quod antiquius reperietur, & ei præjudicans vitiationem, quod posterius revincetur?* Sic ratio temporis auctoritatem præscribit Alexandri, Eustathii & Hosii *apostelia*, quæ reperitur antiquior; & vitiationem præjudicat Hosio, ut Silvestri Papæ vices gerenti, & Viti & Vincentii *apostelia*, quæ posterior revincitur. Hæc enim omnia Caroli Magni tempus comitantur, ut supra demonstratum est.

Hieronymus succurrit in Epistola ad Pammachium & Oceanum, dum ita novatorem quendam refellit: *Cur post quadraginta annos docere nos niteris, quod ante nescivimus?* Cur similiter Isidorus, Mercator, Hadrianus I. vel Angilramus, Hincmarus, Photius, Leo IX. Gregorius VII. Cedrenus, Nilus, & recentiores post annos quadringentos quinquaginta & eo amplius docere nos nituntur, quod antiquiores auctores nescierunt, quod Sedis Apostolicæ Traditione nulla firmatur? Pergit Hieronymus: *Cur proferit in medium, quod Petrus & Paulus edere noluerunt?* Cur pariter Isidorus, Hadrianus vel Angilramus, Hincmarus, Photius & alii proferunt in medium, quod Julius, Gelasius, Vigilius, Pelagius II. & quotque recens creati Pontifices in relata fidei professionem jurarunt, edere noluerunt, quod Eusebius, Theodoretus, Sozomenus minime tradiderunt? Pergit Hieronymus: *Usque in hunc diem sine ista doctrina mundus Christianus fuit;* sic usque ad Caroli Magni tempus sine Isidori, Hadriani vel Angilrami, Hincmari, Photii, & aliorum doctrina mundus Christianus fuit, & in Romana Ecclesia Apostolicæ Cathedræ principatus viguit.

Succurrunt Romani Pontifices Celestinus I. & Sixtus III. Ille in Epistola ad Gallorum Episcopos: *Desinat, si ita res est, incessere novitas vetustatem.* Hic in Epistola ad Joannem Antiochenum: *Nihil ultra liceat novitati, quia nihil addi convenit vetustati. Majorum fides & credulitas nulla cæni permixtione turbetur.* Sic doctrinæ quæ ad Nicæni Concilii *apostelia* attinet, novitas circa Caroli Magni tempus inducta, desinat incessere vetustatem, quæ apud Eu-

sebius, Julium, Theodoretum, Sozomenum, & alios exaratur: Novitati huic nihil ultra liceat, quia nihil addi convenit vetustati.

Succurrit Bernardus in Epistola cxxxiv. ad Lugdunenses Canonicos: *Nunquid Patribus doctiores aut devotiores sumus? Periculose præsumimus, quid quid ipsorum in talibus prudentia præterivit; nec vero id tale est, quod nisi prætereundum fuerit, Patrum quiveris omnino diligentiam præterisse.* Nunquid Eusebio, Theodoro, Sozomeno doctiores? Nunquid Julio I. Felice III. Gelasio I. Vigilio, Pelagio II. cæteris in relata fidei professionem jurantibus Sedi Apostolicæ devotiores sumus? Periculose præsumimus quidquid ipsorum in talibus prudentia præterivit; nec vero id tale est, quod nisi prætereundum fuerit, Nicæni Synodi *apostelia* Hosio Cordubensi, Vito, Vincentio, Silvestri, vicariis asserenda memoratorum Patrum quiverit omnino diligentiam præterisse.

Succurrit Baronius contra Gelasium Cyzicenum, Hadrianum vel Angilramum, Hincmarum, Photium, Leonem IX. Gregorium VII. Cedrenum & Nilum, & contra seipsum: *Quod à recentiori, inquit, auctore de rebus adeo antiquis sine alicujus vetustioris auctoritate profertur, contemnitur.* Hoc pronuntiati genere destruitur quidquid laudati scriptores de Nicæni Concilii *apostelia* monumentis consignarunt suis: Contemni debet, quia sine alicujus antiquioris auctoris testimonio profertur. Adde id quod ille sibi ad annum cix. num. li. sumit de veritatis juribus: *Quæ nulla plurimorum seculorum valeant præscriptione ladi, nec innumera testium multisitudine obrui atque labefactari.*

Succurrit tandem Bellarminus in argumento, quod in libri iii. de Rom. Pont. capite xxiv. ita Joannæ Papissæ objicit: *Non solum Latini, ut Anastasius, Ado, Regino, Lambertus, Hermannus, Abbas Urspergensis, & Otto Frisingensis; sed etiam Græci, qui ante Martinum Polonum scripserunt, ut Zonaras, Cedrenus, Joannes Curopalata, & alii nullam mentionem hujus tam prodigiosa historia inter res ejus temporis faciunt: Quomodo autem credibile est, melius novisse res gestas circa annum dccc. Martinum Polonum, qui vixit anno mcll. quam omnes historicos illos, qui vixerunt anno dccc. vel dcccc. vel m.* Bellarminus de silentio auctorum, qui ab anno dccc. usque ad annum mcll. claruerunt, contra Martinum Polonum præscribit: Quo plane modo de silentio auctorum omnium, qui ab anno cccxv. usque ad annum dccc. floruerunt, contra Gelasium Cyzicenum, Isidorum Mercatorem, Hadrianum I. vel Angilramum, Hincmarum, Photium, Leonem IX. Gregorium VII. Cedrenum, Nilum præscribitur; & recte præscribitur, si Bellarminus recte præscribit. Sed cum Bellarminus suo judicio contra Martinum recte præscribere se sentiat, contra auctores, quorum testimoniis Hosio, Vito & Vincentio Silvestri legationem & Concilii *apostelia* asserit, recte præscribere se sentiat necesse est. Neque vero potest contra auctores illos præscribere, quin contra seipsum legationis illius, & *apostelia* assertorem legitime præscribat, alioqui palmare argumentum, quo Joannam Papissam à Petri Sede abigit, destruat, & Joannam ad eam Sedem imprudenter revocet.

Athanasius duobus in locis, in Apologia ad Constantium Imperatorem, & in Epistola ad Solitarios, Hosium mire prædicat, & eum Synodorum ducem, antesignanum & Principem appellat: Sed Silvestri Papæ legationem obisse nusquam dicit, cum dicendi sponte se offerebat occasio. Eusebius, Socrates Eusebii verba in libri i. hist. capite v. repetens, Sozomenus & Theodoretus Hosio nullam ullius in Concilio legationem tribuunt, & exploratæ fidei nemo

nemo tribuit ante Carolum Magnum, qui anno DCCCLVIII. regnare cepit. Eusebius, Julius I. Socrates Eusebii verba repetens, Sozomenus & Theodoretus Vitum & Vincentium Romanos Presbyteros præfuisse Concilio non dicunt, cum dicendi erat opportunitas. Felix III. præsidendi partes assignat Eustathio Antiocheno Episcopo. Gelasius I. in Romano Concilio illas præsidendi partes non assignat Vito & Vincentio. Vigilius & Pelagius II. non assignant in confessionibus fidei, quas edunt: Non assignant quoque Romani Pontifices, qui post Synodum VI. in Nicænum & alia Concilia quinque universalia iurarunt. Denique non assignat ullus notæ fidei scriptor, qui ante Carolum Magnum vixerit. Post Carolum assignant plures; sed eos ætas recentior, prolata in medium inveniendi asserendique veri regulæ Tertulliani, Hieronymi, Celestini, Sixti, Bernardi, Baronii, Bellarmini à ferendo ea super re testimonio prohibent.

Accedunt duo, vetus Sedis Apostolicæ Traditio, & contumax in Traditione tali silentium, quo penitus obruitur quidquid post Carolum Magnum tradi cepit, & recentiorum auctorum inconstantia. Sunt qui Hosium primum Concilii subscriptorem, & Silvestri legatum faciunt. Sunt qui legatum neutiquam faciunt. Sunt qui Hosium, Vitum & Vincentium Silvestri legatos faciunt: Sed Concilii Præsides non faciunt: Siquidem aliud est legationem obire, aliud præsidere, sicut aliud est interesse Concilio, aliud præesse. Quod & ratione & exemplis confirmatum est. Sunt qui Hosium, Vitum & Vincentium Concilii Præsides faciunt. Sunt qui Vitum & Vincentium Præsides duntaxat faciunt. Sunt qui primum Præsidentem faciunt Alexandrum Constantinopolitanum. Sunt qui Silvestrum; sed huic adiungunt Constantinopolis, Alexandria, Antiochia, & Hierosolymorum Episcopos: Et in hoc adhuc non consonant inter se. Ab uno ponitur Metrophanes Byzantii seu Constantinopolis Episcopus, ab altero Alexander. Concilii tandem subscriptiones ut adventitiæ, & cum antiquis institutionibus pugnantem exploduntur.

Porro autem probationum quæ ex natura facti huius, quod in munere præsidendi ad Silvestri legatos pertinet, ducuntur, defectum supplere non potest juris quæstio: Quæstionem juris appello, quæ ex Scriptura sacra repeteretur. Bellarminus in libri I. de Conciliis capite XXI. repetendam illam esse censuit, idque ex Christi ad Petrum verbis: *Pasce oves meas*. Ex hac igitur propositione, *Petrus est pastor ovium Christi*, jus præsidendi Conciliis repetit; sed per accidentis fallaciam, in qua non distributum universalis propositionis affirmativæ prædicatum distribuit, quomodo distribuendum sibi sumit. Quod fallaciæ genus ut vitetur in interpretandis Scripturis, Tridentina Synodus in sessione IV. sic constituit: *Præterea ad coercenda petulantia ingenia decernit, ut nemo sua prudentia innixus in rebus fidei & morum ad adificationem doctrinæ Christianæ pertinentium, sacram Scripturam ad suos sensus contorquens contra eum sensum, quem tenuit & tenet sancta mater Ecclesia, cuius est judicare de vero sensu & interpretatione Scripturarum sanctarum, aut etiam contra unanimem consensum Patrum ipsam Scripturam sacram interpretari audeat, etiamsi huiusmodi interpretationes nullo unquam tempore in lucem edenda forent. Qui contravenerint, per Ordinarios declarentur, & penis à iure statutis puniantur.* Decretum hoc in formam iuramenti professionis fidei sic transit: *Item sacram Scripturam juxta eum sensum, quem tenuit & tenet sancta mater Ecclesia, cuius est judicare de vero sensu & interpretatione sacrarum Scripturarum,*

*admitto, nec eam unquam nisi juxta unanimem consensum Patrum accipiam & interpretabor.* Ergo parandum est cum Tridentinæ Synodi decreto, tum iuramento professionis fidei, ac videndum quo sensu & modo sancti Patres verba hæc, *Pasce oves meas*, acceperint & intellexerint.

Initium facio ab ipsa Romana Ecclesia, cujus Clerus verba hæc, *Pasce oves meas*, Carthaginensi Clero ita transcribit inter Cypriani Epistolæ: *Denique & ipse Dominus implens quæ erant scripta in lege & Prophetis, docet dicens: Ego sum pastor bonus, qui pono animam meam pro ovibus meis; mercenarius autem, & cuius non sunt oves propria, cum viderit lupum venientem, relinquens effugit, & lupus dispergit oves. Sed & Simoni sic dicit: Diligis me? Respondit: Diligo. At ei: Pasce oves meas. Hoc verbum factum ex actu ipso quo cessit, cognoscimus, & ceteri discipuli similiter fecerunt.* Tunc Fabianus Romanus Pontifex migraverat, & Cyprianus ob ingruentem persecutionem secesserat: Sic Romanus Clerus ad Carthaginensem mittit literas, quibus & fidelium curam commendat, adhibitis Christi verbis, *Pasce oves meas*, quæ ad constituendum Romanum Pontificem Conciliorum Præsidentem attinere nihil possunt.

Ambrosius Ecclesiæ Doctor in libri de dignitate sacerdotali capite II. Romani Cleri exemplum sequitur: *Sic certe à Domino ad beatum Petrum dicitur: Petre, amas-me? Et ille: Tu scis quia amo te. Et cum tertio fuisset interrogatus, & trina responsione fuisset subsecutus, reperitum est à Domino tertio: Pasce oves meas. Quas oves & quem gregem non solum tunc beatus suscepit Petrus, sed & nobiscum eas suscepit, & cum illo eas nos suscipimus omnes.* Hic illustri Doctor Ecclesiæ in ea est sententia, ut putet Christum in Petro cæteris Episcopis, *Pasce oves meas*, dixisse, & eam ob causam vel omnes Episcopos, vel eorum nullum Conciliorum Præsidentem per hæc verba fecisse.

Joannes Chrysostomus insignis quoque Ecclesiæ Magister in libro II. de Sacerdotio, interlocuenti cuidam Basilio, ut eum ad sumendum episcopatum induceret, opponit locum Joannis, *Pasce oves*, ostensurum suam dilectionem in Christum, si pascat ejus gregem, cum scriptum sit: *Si diligis me, pasce oves meas.*

Deinde in homilia LXXIII. super Matthæi caput XXIV. *Amas me, Petre?* inquit, *pasce oves meas.* Cum ratio ipsum interrogasset, hoc amoris argumentum esse confirmavit, quod non ad Sacerdotes solummodo dictum est: Verumetiam ad singulos nostrum, quibus vel minimus ille commissus esse videtur. Quid clarius?

Postremo in homilia XXXI. de beato Philagorio Episcopo: *Quantum autem sit pietatis argumentum, quod Deus illum tanto magistratu dignum judicaverit. Audi, Christus excitatus à mortuis quid dicat Petro: Petre, amas me? Isque respondisset: Tu Domine scis quia amo te. Si diligis me, pasce oves meas.* Chrysostomus in his tribus locis verba hæc, *Pasce oves meas*, non solum flectit ad omnes primi & secundi ordinis Antistites, sed etiam significat se cum in homilia LXXX. ad populum Antiochenum in homilia LXXXVII. super Joannem, & in homilia VI. contra Judæos dixit Christum Petro per totum orbem terrarum contulisse Ecclesiæ curam & præsentiam, intelligere, quod tunc Petrus Ecclesiæ personam gestaret, & quod Petro dixit, cæteris in Petro dixerit.

Cyrillus Alexandrinus Episcopus in caput XXI. Joannis ad illud, *Pasce oves meas*: *Advenientem itaque Christus eum acius urget, utrum se plus eis diligeret, idque tertio; annuit vero Petrus, ac diligere se faceret, sui amoris testem eum citans.* In singulis autem



autem confessionibus multifariam audit rationales oves sibi cura esse debere; ego vero arbitror (nam abstrusum horum verborum sensum investigandum quoque aio) frustra hac scripta non esse, sed arcani quiddam ac reconditi in se omnino habere. Nunquid cum merito querit aliquis, quam ob causam Simonem dantaxat interrogat, quid sibi velit istud, *Pasce oves meas*, & similia: Respondemus igitur divinum Petrum una cum aliis discipulis jam electum fuisse ad divinum apostolatum. Ipse quoque Dominus noster JESUS CHRISTUS eos nominavit Apostolos, ut scriptum est: sed quia interea dum procederet Judæorum facinus, nonnihil lapsus est; (ingenti quippe formidine captus divinus ille Petrus ter Dominum negarat.) Aegrum nunc sanat, ternam confessionem loco ternæ illius negationis flagitat, hanc illi quodammodo opponens, & delicta correctione compensans. Et paulo post: Quapropter per triplicem beati

55 Petri confessionem triplici abnegatione contrarium peccatum abrogatur; ex eo vero quod Dominus dicit: *Pasce agnos meos*, traditi jam ei apostolatus renovatio quadam esse censetur, quæ delictorum subinde solvit infamiam, & infirmitatis humane delet angustias. At in hoc tractatu Cyrilli toto ne verbum quidem ullum est, quo jus præsidendi Conciliis Petro vel Petri successoribus tributum à Christo declaretur.

Augustinus Doctor Ecclesiæ in tractatu XLVII. super Joannis Evangelium: Quomodo ipse animam suam pro nobis posuit, sic & nos debemus ad adificandam plebem, ad asserendam fidem animas pro fratribus ponere. Ideo Petro quem facere volebat pastorem bonum, non in ipso Petro, sed in suo corpore ait: *Petre, amas me? Pasce oves meas.* Et paulo post: Ad hoc pertinet, *Pasce oves meas*, ut ponas animam tuam pro ovibus meis. Et post pauca: Tenete ergo quomodo Dominus JESUS CHRISTUS & ostium sit & pastor: Ostium pandendo se, pastor intrando per se. Et quidem, fratres, quod pastor est dedit & membris suis, Nam & Petrus pastor, & Paulus pastor, & ceteri Apostoli pastores, & boni Episcopi pastores; ostium vero nemo nostrum se dicit, hoc sibi ipse proprium tenuit, quæ intrant oves.

Deinde in libri de agone Christiano capite XXII. rem ita decidit: Cum ei (Petro) dicitur, ad omnes dicitur, *Amas me, pasce oves meas.* Augustinus hic loquitur ut ante locutus fuerat Ambrosius.

56 Tum in Psal. CVIII. intelligendæ, quæ Petrum attinet, scripturæ regulam ita tradit: Sicut enim quadam dicuntur, quæ ad Apostolum Petrum proprie pertinere videntur, nec tamen habent illustrem intellectum, nisi cum referuntur ad Ecclesiam, cujus ille agnoscitur in figura gestasse personam propter primatum quem in discipulis habuit: Sicut est, *Tibi dabo claves regni cælorum*, & siquæ hujusmodi. Ut ergo Petrus quando ei dictum est, *Tibi dabo claves regni cælorum*, in figura personam gestabat Ecclesiæ, sic & quando ei dictum est, *Pasce oves meas*, in figura quoque personam gestabat Ecclesiæ propter primatum, quem in discipulis habuit.

Quod & aliter Augustinus significat in libri de pastoribus capite XIII. Hic unus predicatur, quia unitas commendatur. Neque enim vere modo ideo tacentur pastores, & dicitur pastor, quia non invenit Dominus, cui commendet oves suas: Tunc autem ideo commendavit, quia Petrum invenit; imo vero in ipso Petro unitatem commendavit: Et multi erant Apostoli, & uni dicitur, *Pasce oves meas.* Ecclesiæ Doctor sic exponit verba hæc, *Pasce oves meas*, ut si ex iis jus præsidendi Conciliis pro Romano Pontifice concluditur, pro cæteris Pontificibus necessario concludatur. Quid igitur apud Augustinum Bellarmino fiet?

Leo I. in sermone XIV. de Passione Domini:

Quamvis beato Petro principaliter dicat, *Pasce oves meas*; ab uno tamen Domino ipsa omnium regitur cura pastorum. Quis ex hac verborum, *Pasce oves meas*, interpretatione munus præsidendi Concilio Romano Pontifici assereret? 57

Mapinius tertius à S. Remigio Remensis Episcopus in priori ad Villicum Papam Epistola, Augustinum in pauca contrahere videtur. Licet, inquit, sancto Petro hoc à Domino dictum legatur, *Pasce oves meas*, sed ad cunctos, qui sacerdotale funguntur officium, pertinet præsens sententia. Ex Mapinii sermone idiplum facile est concludere, quod ex omnibus Augustini locis conclusum est.

Venerabilis Beda in caput XXI. Joannis: Sed prius Dominus quod sciebat interrogat, nec semel, sed iterum ac tertio, utrum Petrus eum diligat: Nec aliud toties audit à Petro, quam se diligere: Nec aliud toties commendat Petro, quam suas oves pasci. Reddiitur negationi trina trina confessio, ne minus amor lingua serviat quam timori, & plus vocis eliciisse videatur mors imminens, quam vita præsens: Sic amoris officium fuit pascere dominicum gregem, si timoris indicium, negare pastorem. Qui hoc animo pascunt oves Christi, ut suas velint esse, non Christi, se convincuntur amare, non Christum, vel gloriantur, vel dominandi, vel acquirendi cupiditate, non obediendi, & subveniendi, & Deo placendi caritate. Contra hoc ergo vigilat toties inculcata vox ista Christi, quos Apostolus gemit sua querere, non quæ JESU CHRISTI. Nunquid est aliud, *Diligis me, pasce oves meas*, quam si diceretur, *Si diligis me, non te, pascere te, cogita oves meas, & sicut meas pasce, non sicut tuas; gloriam meam in eis quare, non tuam; dominium meum, non tuum; lucra mea, non tua, ne sis in eorum societate, qui per-* 58 *tinent ad tempora periculosa, seipso amantes, & cætera, quæ hinc malorum initio connectuntur. Quod vitium maxime cavendum est eis qui pascunt oves Christi, ne sua querant, non quæ JESU CHRISTI, & in usus cupiditatum suarum conferant, pro quibus sanguis fusus est Christi, cujus amor in eo qui pascit oves ejus, in tam magnum debet spirituales crescere ardorem, ut vincat etiam mortis naturalem timorem, quo mori nolumus, & quando cum Christo vivere volumus. Hic auctor verba hæc, *Pasce oves*, ad eos omnes qui curam habent animarum, extendit: Quo ita posito Bellarminus multo plures haberet Conciliorum Præsides, quam habere vellet.*

Leo IV. in Romanæ Synodi capite XXVI. Quia Dominus pascere & docere nos voluit, & omnibus ministrare, non terrenis lucris vel avaritiis delectari. In Romana collectione bipartita, Pontifex respectum habet ad Joannis locum, *Pasce oves meas*, eumque ad omnes Episcopos extendit.

Huc pertinet derivata fere ab initio usque ad Joannem XXII. Romanæ Ecclesiæ Traditio, in qua ejusdem Ecclesiæ Episcopus cæteros Episcopos appellat Coepiscopos, hoc est, ut ita dicam, compastores, à compascendis ovibus Christi. Quo ita constituto Episcopi omnes in Bellarmini sententia Conciliorum Præsides contra Bellarminum ipsum forent.

Jam perspicias, opinor, auctorem hunc, ut quod sibi sumpsit lemma confirmet, non modo contra dialecticorum leges, sed etiam contra relatum Tridentinæ Synodi decretum, & professionis fidei articulum, & contra seipsum graviter peccasse. 59

Interim me recipio penitus ad Gelasium primum, qui cum Synodum bene vel male gestam describit, Præsidis mentionem nullam facit, facturus sine dubio, si ex Traditione Romanæ Ecclesiæ facienda necessario fuisset. Adscribo verba ipsa Gelasii ex Epistola XIII. ad Episcopos Dardanæ: *Ubi etiam consequenter ostenditur, quia male gesta Synodum,*

Synodus, id est, contra Scripturas sanctas, contra doctrinam Patrum, contra Ecclesiasticas regulas, quam tota merito Ecclesia non recepit, & præcipue Sedes Apostolica non probavit: Per bene gestam Synodum, id est, secundum Scripturas, secundum Traditionem Patrum, secundum Ecclesiasticas regulas pro fide Catholica & communione prolatam, quam cuncta recepit Ecclesia, & quam maxime Sedes Apostolica comprobavit. Pontifex Ecclesiasticarum rerum fuit intelligens, & Sedis suæ defensor acerrimus, quas partes Sedes Apostolica in Synodo male gesta non habet, & quas in Synodo bene gesta habet, cupidissime exponit, & de Synodi bene gestæ Præsidente silet, ratus ad veram Synodi bene gestæ notionem, præsidendi munus nihil attingere. In hoc silentio, quod manifesti sermonis instar est, habito & conquiesco.

60 Hæc est rerum, personarum & temporum conditio, in qua Sedes Apostolica non aliud, opinor, decerneret, quam quod olim per Celestinum & Sixtum III. decrevit. Per Celestinum quidem: Si ita res est, desinat novitas incessere vetustatem. Per Sixtum vero: Nihil ultra liceat novitati, quia nihil addi convenit vetustati. Majorum fides & credulitas nulla cæni permixtione turbetur.

Nunc pro acri ingenio tuo dispice, num in tractanda quæstione, quam exigente te tractare aggressus sum, ab illis Pontificum decretis recesserim, necne. Si recessi, improbabilia sunt penitus, quæ probabiliora censui: Si non recessi, ut non recessisse me credo, quæ probabiliora sunt, probabiliora censui, adhibitis inveniendi asserendique veri legibus; & ea sunt minus probabilia, quæ Bellarminus & Bellarmini exscriptores de Nicæni Concilii Præsidente tradiderunt. Mox dispice num rationes, quas incertis & vanis testimoniis adjiciunt, Theologiæ veræ principia duo sustentent, divinæ legis auctoritas, & Catholicæ Ecclesiæ Traditio, quæ vel maxime agnoscitur, cum divinæ legis auctoritas juxta unanimum consensum Patrum intelligitur. Traditionis hujus loco philosophicas argumentationes invenes, & nihil præterea. Relatum Tridentinæ Synodi decretum, & professionis fidei articulum, necnon & traditam à Gelasio Synodi bene gestæ notionem si amplectuntur, capti sunt; si non amplectuntur, nulli sunt. Nos amplectimur, & ab impressione omni tuti sumus & secure vadimus. Vale, Lutetiæ Paris. Calend. Februarii ann. MDCLXXIII.

# Joannes Launoïus

## RENATO BURGEO,

Parisiensi Theologo.

61 **Q**UIS Sardicensi Concilio, quod an. CCCXLII. habitum est, præfuerit, aliunde sciri melius non potest ac certius, quam ex eodem Concilio, & Athanasio, qui ei interfuit, & in cujus gratiam convocatum est. Sic ergo Concilium ad Episcopos scribit apud Athanasium in Apologia secunda: Cum non semel aut bis, sed iterum atque iterum citati essent, (Eusebiani) citationibus non obtemperarunt, tametsi omnes Episcopi simul congregati essent, & imprimis præclara senectute Hosius homo & ob ævi longitudinem & confessionem suam, & ob tantos suos labores omni reverentia dignus, & omnes expectarent & hortarentur eos, ut in judicium prodirent. Et quibusdam interpositis: Citati prodire noluerunt, Hosius ab Hispania, Julius Romæ per Archidamum & Philoxenum Presbyteros, Protogenes Sardica. Deinde ipsemet Athanasius in eadem Apologia idem repetit his verbis, quæ mox retulimus. Quod autem Hosius Julii Papæ vices obierit, nec dicit Concilium, nec Athanasius: Quinetiam eo scribunt pacto, ut Hosium ab illo vicario munere excludant. Id vel leviter perpendenti Concilii Athanasique textum occurrit. His accedit Theodoretus in libri II. hist. capite xv. Hosius, de quo dixi, Corduba fuit Episcopus, qui sicut in celebri illo Nicæno Concilio magnum laudem adeptus est, sic & in Sardicensi omnium qui eo conveniebant, facile primas obrinuit, id est, præfuit, ut in Concilio & apud Athanasium legitur: præfuisse vero ex parte Julii, veterum omnium, qui sentirent aliter, inveni neminem, nec invenire posse puto.

Præterea Hadrianus Papa primus, vel, ut alii volunt, Angilramus Metensis Episcopus, in epitome Canonum de Hosio ita scribit, ut significet, non credidisse se Hosium fuisse hoc in Concilio legatum Sedis Apostolicæ. Sunt, inquit, etiam xx. regula, quæ per

Osium Cordubensem Episcopum currunt, quæ titulantur tanquam xl. Episcoporum apud Sardicam, quæ tamen non apud Græcos; sed magis apud Latinos inveniuntur. Sciendum autem est hunc Osium inter CCCXVIII. Patres Concilii Nicæni honorabilem fuisse, atque ab Apostolica Sede cum Victore & Vincentio Presbyteris destinatum. Hadrianus quidem vel Angilramus dicit, Hosium in Concilio Nicæno fuisse legatum Sedis Apostolicæ; sed non dicit eundem fuisse in Sardicensi Sedis Apostolicæ legatum. Cur autem non dicat id, quod ex occasione data dicendum fuit, alia ratio nulla est, nisi quod tunc temporis id Romæ non crederetur; quemadmodum ex Isidori Mercatoris collectione credi cæpit, Hosium fuisse in Nicæno Concilio Sedis Apostolicæ vicarium.

Libellus synodicus, cujus auctor incertæ ætatis est, Hosium convocatis Sardicæ Episcopis præfuisse dicit; 63 sed ex parte Julii præfuisse non dicit: Constans Synodum sanctam Sardica indicit metropolim Illyriorum & Dacorum, ut Pauli & Athanasii causam examinaret. In ea conveniunt Roma, ex Hispaniis, Gallia, Italia, Campania, Affrica, Sardinia, Dardania, Macedonia, Thessalia, Paonia, Mysia, Achaia, Epiro, Thracia, Europa, Asia, Caria, Bithynia, Hellesponto, Phrygia, Pisidia, Cappadocia, Ponto Euxino, Cilicia, Phrygia altera, Pamphylia, Lydia, insulis Cycladibus, Aegypto, Thebaide, Libya, Galatia, Palestina, Arabia, septuaginta sex primores Episcopi, quibus præerat Hosius Cordubæ Episcopus, Abramianus, & Protogenes Sardicæ Archiepiscopus. Tres auctor facit Sardicensis Concilii Præsides, quorum primus est Hosius, nulla facta mentione Julii, cujus vice defungeretur.

Baronius Sardicensis Concilii historiam cum exponit, in ejus indicationem, quam in *περὶ τῆς ἐκείνης*, sollicitius inquirere videtur. Julium Romanum Episcopum indi-

X x x

cendi



cendi Concilii auctorem primum fuisse, non tam probat, quam probare nititur: Sed per suos, qui aderant, legatos Sardicensi præfuisse Concilio nec probat, nec probare conatur, ratus satis esse, si duo hæc convolveret, & primum cum secundo subtiliter permisceret. Quid ita? Nempe Hosio, quem Julii legati  
64 tum fide dignus nemo dixerat, *πρεσβειαν* seu præsidendi partes nemo negare poterat.

Fuit alius postea dignitatis non minoris vir, qui rem aliter tractandam suscepit. De indictione Concilii parum; sed de præsidendi munere vehementer etiam atque etiam curat. Cum antiquorum testimoniis, ex quibus res tota pendet, nequit Hosii *πρεσβειαν* destruere, & Julii astruere, utrumque rationibus quibusdam volaticis metitur. Facundus & disertus homo ingenii & eloquentiæ suæ nervos nullos non intendit, argutiasque adhibet omnes & machinas, ut quod factum non fuit, tanquam factum appareat. Et primo quidem ut Hosii subscriptionem suos in usum derivet, gratis sibi sumit, Hosium Julio vicariam præstitisse operam; sed pro utilitate sua fecisse Athanasium, ut Hosius tanquam Episcopus tacita legati mentione subscripserit, & Archidamus ac Philoxenus tanquam Presbyteri, topoteretæ Julii subscripserint, quo major esset fautorum Athanasii numerus. Hæc puta est subtilitas & machina, cui cum desit probatio, deesse quoque debet fides: Rejicitur facilitate eadem qua ponitur. Contumeliosa videtur in Athanasium, quippe quem callidum & versipellem hominem & præstigiatores exhibeat. Deinde loco Constantii Hosium Concilio præfuisse, ab aliquibus dictum fingit, ut Hosio Hosium ipsum & Athanasium opponat. Hosium quidem dum ad Imperatorem illum ita scribit: *Ne nobis in hoc genere præcipere; sed ea potius à nobis discere: Tibi Deus imperium commisit, nobis ea quæ sunt Ecclesia concedidit.* Athanasium vero in Epistola ad Solitarios: *Quis enim, inquit, videns eum in decernendo Principem se facere Episcoporum, & præsidere judiciis Ecclesiasticis, non merito dicat illum eam ipsam abominationem desolationis esse, quæ à Daniele predicta est?* Sed illud figmentum inane, quamvis nonnullis veniret in mentem, Hosio tamen incommodaret nihil. Quasi vero noceret, aut certe nocere deberet cuiquam injecta temere falsitas? Scilicet qui certo certius Sardicensi præfuit Concilio, haud præfuisse dicitur. Legitimane est differendi methodus hæc? Quia sunt vel erunt aliquando, qui cum Hosius Concilio revera præfuerit, illum nomine Imperatoris præfuisse somniabunt. Aliud est Hosium Imperatoris nomine præfuisse Concilio, aliud ex decreto Imperatoris præfuisse. Qui sibi fingit Herculem, quem debellet, distincta esse duo hæc dissimulat. Prius innuit, Hosium id fecisse, quod Imperator fecisset, si adfuisset Concilio, vel adesse voluisset, hoc est, Sardicensi Concilio & Ecclesiasticis judiciis præfuisse. Posterius significat, Hosium id iussu Imperatoris fecisse, quod spectata ordinis sui natura & dignitate facere potuit. Illud cum relatis Hosii, & Athanasii auctoritatibus pugnat, hoc non pugnat.

Solenne fuit olim Imperatores Christianos convocare Concilia, & jubere, ut Episcopi de rebus fidei  
66 decernerent, quamvis ipsi suis in legibus & constitutionibus non decernerent, nisi forte, ut quæ jam à

Conciliis decreta erant, assererent, & confirmarent. Evagrius scribit præcepisse Valentinianum III. ut Dioscorus Ephesinæ Synodo secundæ præficeret. Hoc apprimè novit Leo I. nec ut aliquid Scripturæ, sacris Canonibus, aut Sedis Apostolicæ dignitati contrarium reprehendit. Ad Synodum istam misit legatos, quibus audientibus, & non repugnantibus Valentiniani literæ ante omnia & lectæ & probatæ & commentariis insertæ fuerunt.

Porro nullus unquam de neglecta Sedis Apostolicæ dignitate Leonem accusavit, aut ei super ea re dicam scripsit. Egregia prorsus est in hoc argumenti genus Epistola Valentiniani & Marciani ad eundem Leonem, ubi dicitur: *Tale propositum ac desiderium habemus, quatenus omni impio errore sublato per celebrandam Synodum, te auctore, maxima pax circa omnes Episcopos fidei Catholica fiat. Te auctore, videtur idem esse ac, te Preside, nisi fortasse quid majus importet.*

Utinam eruditus ille vir, quocum congregimur, serio expendisset, quæ Gelasius I. in Epistola xiiii. ad Dardaniam Episcopos de Synodo bene vel male gesta docet: *Ubi etiam consequenter ostenditur, quia male gesta Synodus, id est, contra Scripturas sanctas, contra doctrinam Patrum, contra Ecclesiasticas regulas, quam tota merito Ecclesia non recepit, & præcipue Sedes Apostolica non probavit; Per bene gestam Synodum, id est, secundum Scripturas, secundum Traditionem Patrum, secundum Ecclesiasticas regulas pro fide Catholica & 67 communione prolata, quam cuncta recepit Ecclesia, quam maxime Sedes Apostolica comprobavit.* Hæc si serio expendisset, olei atque operæ non perdidisset tantum, quantum perdidisse mox ostendimus. Pontifex cum de certa & definita Concilii *πρεσβεια* mentionem nullam injiciat, hanc ad bene gestam Synodum pertinere non credidit. Scripturæ, Traditio Patrum, atque Ecclesiasticæ regulæ, quarum meminit, & quibus bene gestam Synodum consignat, de præsidetia (mollienda sunt usu verba) pertinaciter silent.

Fixa ergo & rata sunt duo hæc: Hosium Sardicensi præfuisse Concilio, nec in eo tenuisse Romani Episcopi locum, qui à duobus illius Presbyteris Archidamo & Philoxeno tenebatur. An autem ex decreto Constantii præfuerit, hoc nisi falsum sit, ut incertum & incertum relinquatur. In tractandis rebus istiusmodi, ante oculos ponendum est semper id, quod Facundus diligenter observat in libri ix. cap. v. *Quemadmodum calumniantium hæreticorum est ex dubiis & obscuris, quæ certa & manifesta sunt, male interpretari: Ita solitum est prudentia & pietatis Catholica ex indubitatis atque evidentibus, & firmare ambigua & latentia declarare.* Oblatam sponte veritatem amplecti cum facile possent homines quos refellimus, mendacia cum labore confinxerunt.

Ad Bellarminum quod attinet, cum Hosii *πρεσβεια* Romana legatione destitutam esse perspiceret, nec pri- 68 mæ, nec mediæ, nec postremæ ætatis inveniret auctorem, qui legationem illam assereret, quætionem hanc maluit præterire silentio, quam tractare, ne male tractando confirmaret, quod confirmari noluisset. Exinde fit, ut contra Baronium & eruditum virum, cuius nomini parco, de Bellarmini taciturnitate præscribi merito possit. Vale, Lutetiæ Parisiorum, Idibus Februarii anni MDCLXXIII.

# Joannes Launoius, GERMANO GRUINO

Parisiensi Theologo.

**D**AMASUM Romanæ Ecclesiæ Episcopum non præfuisse Constantinopolitanæ Synodo primæ confirmant duo maxime. Unum est, Synodi hujus epistola ad Occidentales sic inscripta: *Dominis honoratissimis & reverendissimis fratribus, & collegis Damaso, Ambrosio, Brittoni, Valeriano, Acholio, Basilio, & reliquis sanctis Episcopis in magna urbe Roma congregatis, sancta Synodus orthodoxorum Episcoporum, qui in magna urbe Constantinopoli convenerunt, in Domino salutem.* Cum habebatur Constantinopolitana Synodus, Romæ erat Damasus, ac proinde Synodo huic præesse non poterat. Synodus scribit ad Damasum, Ambrosium, & alios Episcopos, qui tum in urbe congregati erant; sed observare te convenit, Synodum, quæ scribit, anno CCCLXXXII. habitam esse, & rerum in Synodo, quæ ibidem superiori anno celebrata fuerat, gestarum rationem reddere, & illam semel, iterum & tertio (quod fortasse miraberis) œcumenicam seu universalem se nuncupare. Quæ, inquit, ad fidem attinent, quam aperte predicamus, in summa sunt hujusmodi, de quibus amplius animis vestris satisfacere poteritis, si totum Synodi Antiochena, & eum, qui superiori anno Constantinopoli à Synodo universali, *πρότερος οὐκ ἐκείνην συνόδον, ἐστὶν ἐκείνην, ἡμεῖς ἐκείνην*, est editus, inspicere dignamini. Infra: Reverendissimum religiosissimumque Nectarium in generali Concilio, *ὅτι τὸν οὐκ ἐκείνην συνόδον, ἀλλὰ τὴν ἐκείνην*, communi omnium consensu, & præsentē religiosissimo Imperatore Theodosio, cleroque universo, & cuncta suffragante civitate Episcopum constituimus. Infra: Quam quidem ordinationem (Flavianī Antiocheni Episcopi) legitimam Synodus quoque universalis, *τὸ τὸν οὐκ ἐκείνην συνόδον, ἀλλὰ τὴν ἐκείνην*, comprobavit. Et paullo post subjicit: Quibus tanquam legitime & canonicè apud nos constitutis, vestram quoque reverentiam gratulari, *ὡς ἔχουσιν*, obsecramus, intercedente spiritali caritate & Domini timore, humanum omnem affectum coercente, Ecclesiarumque adificationem pluris duci faciente, quam privatam erga unumquemque voluntatem & gratiam. Hæc est igitur universalis Synodus, cui Damasus non præfuit.

Alterum est, Italiæ Concilium in epistola v. ad Theodosium Imperatorem: Nectarium autem, inquit, cum nostra mediocritas Constantinopoli cognoverit ordinatum, coherere communionem nostram cum Orientalibus non videmus. Et post pauca: Nec videmus eam (communione) posse aliter convenire, nisi aut is (Maximus) redatur Constantinopoli, qui prior est ordinatus, aut certe super duorum ordinatione sit in urbe Roma nostrum Orientalemque Concilium. Neque enim indignum videtur Augustis, ut Romana Ecclesia Antistitis, finitimorumque & Italicorum Episcoporum debeant subire tractatum, qui nunc Acholii Episcopi ita expectandum esse judicium putaverunt, ut de Occidentalibus partibus Constantinopolim evocandum putarent. Hic Acholius, ni fallor, erat Thessalonicensis Episcopus, qui quod ex antiqua consuetudine Romanæ diœcesi subjaceret, in Occidentalium numero collocatur. Cur autem Occidentales alii Constantinopolim evocati non fuerint, nunc sollicitius inquirere aut tractare supervacaneum foret: Alieni res est instituti. Constantinopolitanæ igitur Synodo Occi-

dentalium nemo interfuit præter Acholium, qui Damasi vices non gerebat, & Romam jam se receperat, cum Constantinopolitana Synodus laudatam supra epistolam Damaso, Ambrosio, Brittoni, Valeriano, Acholio, & aliis Romæ congregatis misit.

Acholum porro non gessisse vices Damasi confirmatur ex epistola, quam Damasus ipse Acholio, Severo, Uranio, Philippo & Joanni Episcopis scribit in Rom. collect. bipart. verba sunt: *Decursis literis dilectionis vestra, fratres carissimi, satis sum contristatus eo tempore, quo Deo præstante hæretici ierant abjecti, nescio quos ex Egypto venientes in postulatione contra regulam Ecclesiastica disciplina alienum à nostra professione in Constantinopolitana civitate Cynicum ad sacerdotium vocare voluisse. Qui igitur is fuerit ardor animi, quam fæda præsumptio, scire non possumus. Hinc apparet inquietos homines cum multa præsumunt, quid agere debeant, ignorare. Non legerant Apostolum scribentem: Vir autem si comam nutriat, ignominia est illi; nesciebant Philosophorum habitum non convenire incessui Christiano. Et paullo post: Philosophia sapientie secularis amica est, inimica fidei, venenum quoddam spei, bellum gravissimum caritatis. Qui ergo consensus templo Dei & idolis? Quæ participatio Christo & Belial? Sed fortasse dicturi sunt aliqui: Christianus erat. Huic homini qui in habitu idoli incedit, nunquam adscribendum nomen est Christiani, quia fieri non potest, ut qui hinc placere gentibus desiderat, ullum nobiscum consortium integra fidei possit habere. Et paullo post: Recte igitur factum est, ut id quod male captum erat, auctoritate publica destrueretur. De cetero commoneo sanctitatem vestram, ut quia cognovi dispositum esse Constantinopoli Concilium fieri debere, sinceritas vestra det operam, quemadmodum prædictæ civitatis Episcopus eligatur, qui nullam habeat reprehensionem. Et paullo post: Illud præterea commoneo dilectionem vestram, ne patiamini aliquem contra statuta majorum nostrorum de civitate alia ad aliam transduci, & deferere plebem sibi commissam, & ad alium populum per ambitionem transire. His verbis Damasus non commonet Episcopos, ut nomine suo Constantinopolitanæ Synodo præsent, sed ut dent operam, ut qui in abdicati Cynici locum sufficietur, omni reprehensione careat; nec permittant, ut qui jam Episcopus est, à sua Sede in Constantinopolitanam transferatur. Id omnino noverat Gelasius, cum ad Synodi bene gestæ definitionem Romani Pontificis præsentiam non requirat.*

Præterea, si quis ex parte Damasi Constantinopolitanæ interfuisset Synodo, Italiæ Concilium non ita scripsisset ad Theodosium, ut scripsisse mox retulimus. Occidentales non exegissent à Theodosio, ut Orientales Romam accederent celebraturi simul Concilium, in quo pleniore judicio Maximi & Nectarii ordinatio retractaretur & decideretur. Orientales excusarunt se multa causati, ut in Synodi epistola declaratur. Nunc verò, inquit Synodus, postquam Synodus Roma Dei nutu congregantes, nos etiam pro fraterna erga nos caritate vestra tanquam membra propria per religiosissimi Imperatoris literas evocastis, ne quia



74 soli tunc ad subeundas arumnas fuimus additi, nunc in ista Imperatorum de pietate concordia soli regnetis; sed nos etiam vobiscum, ut ait Apostolus, congregemus, optabamus, si fieri posset, omnes simul relictis Ecclesiis desiderio potius, quam utilitati servire. Quis enim nobis dabit pennas sicut columba, ut volemus & requiescamus apud vos? Verum quia hoc erat Ecclesiam renovari nuper capias penitus denudare, & rem prestare pars magna non poterat. Conveneramus enim Constantinopolim ad literas à reverentia vestra superiore anno post Concilium Aquileiense ad religiosissimum Imperatorem Theodosium missas, ad hoc solum iter Constantinopolim usque instructi, & de hac tantum Synodo Episcoporum, qui in provinciis remanserunt, consensum adferentes, cum de longioris professionis onere nec suspicati essemus, nec ante quicquam audissemus, quam Constantinopolim pervenimus, cum praestituti temporis angustia, neque ad longius iter adornandum, neque ad Episcopos communionis nostrae, qui in provinciis erant, communes facientes, eorumque consensu obtinendos satis esset: Quoniam hac multaque adhuc alia plurimos venire prohibebant.

His autem constitutis omnibus, aperte liquet, Damascum nec per se, nec per ullos legatos Constantinopolitanæ Synodo primæ præfuisse. Romani Pontifices ipsi tacite consentiunt, dum in fidei professionibus quas nonnunquam edunt, generales Synodos recensent, & unamquamque notione propria designant.

Vigilius in epistola x. ad universum populum Dei: Sciant igitur universi, nos illam fidem prædicare, tenere atque defendere, quam ab Apostolis traditam, & per successores eorum inviolabiliter custoditam reverenda Nicæna Synodus CCCXVIII. Patrum sancto Spiritu sibi revelante suscipiens redegit in Symbolum; ac deinde tres alie sanctæ Synodi, id est, Constantinopolitana c. l. Patrum sub pia memoria Theodosio seniore Principe facta, & Ephesina prima, cui beata memoria Papa Celestinus decessor noster, & Cyrillus Alexandrinus Episcopus præfuerunt; sed & Calchedonensis DCXXX. Patrum, qua sub pia memoria Martino Imperatore convenit, cuiusque sanctæ recordationis decessor noster Papa Leo per legatos suos vicariosque præfedit. In Appendice Jacobi Sirmondi V. Cl. ad Codicem Theodosianum.

75 Pelagius II. in epistola v. ad Episcopos Istriae: Nos enim illam fidem prædictam tenemus, & cum omni puritate conscientia usque ad sanguinis effusionem defendimus, quam ab Apostolis traditam, & per successores eorum inviolabiliter custoditam, reverenda Nicæna Synodus CCCXVIII. Patrum suscepit atque reliquit in Symbolum; sed & Constantinopolitana c. l. Patrum sub pia memoria Theodosio seniore Principe facta; etiam Ephesina prima, cui præfedit beata recordationis prædecessor noster Celestinus Romana urbis Antistes & Cyrillus Alexandrinus Episcopus; sed & Calchedonensis DCXXX. Patrum, qua sub pia memoria Martino Imperatore convenit, Papa Leo per legatos vicariosque suos præfedit.

Inaugurati recens Pontifices illi omnes, qui post sextam Synodum emisserunt fidei professionem, quæ in veteri Romanæ Ecclesiæ diurno continetur. Etenim, inquit unusquisque recens creatus Pontifex, hujus Apostolica Traditionis normam inviolabiliter custodiens venerandum sanctorum CCCXVIII. Patrum Concilium, quod in Nicæa sub magno Principe Constantino convenit, Dei gratia revelante redegit in Symbolum, & consubstantialem Patri Filium prædicavit. Et post alia: Dehinc secundum Constantinopolitanum adque sanctum centum quoque quinquaginta Patrum Concilium sub Imperiali memoria majore Theodosio in urbe regia conveniens, quod Symbolo deesse putabatur, exposuit, & gratia Spiritus sancti illustrante Deum esse Spiritum sanctum, Patri & Filio, utpote consubstantialem & coadorandum annexit. Et post alia: Quibus duobus universalibus venerandisque Conciliis, tertium generale ducentorum

sanctorum Patrum accessit Concilium, quod sub principis quidem memoria Theodosio Augusto factum est, ex auctoritate tamen Celestini Apostolica Sedis Antistitis cum beato Cyrillo Alexandria Ecclesiæ Prasule, prius in Ephesinam urbem convenit. Et post alia: Post hujusmodi ergo de Incarnatione Dei Verbi regulis explanandis, etiam quartum sanctum sexcentorum triginta Patrum sanctorum Concilium sub augustæ memorie Martino Imperatore in Calchedonia congregatum, cuius Apostolicae Sedis Papa Leo per legatos & vicarios præfuit. Et post alia: Hæc igitur sancta atque universalis quatuor Concilia, etiam sanctum quintum Concilium venerandum consecutum est, & sub pia memoria Justiniano Principe apud Constantinopolitanam urbem est congregatum. Et post alia: Inter hæc veneranda & universalis quinque Concilia, etiam sextum Concilium generale centum sexaginta quinque venerabilium Prasulium prædicatum: Quod favente Deo, & vobum pia memoria magni Principis nostri domini Constantini clementer impleme, in urbe regia eo presidente celebratum est, cui Apostolica recordationis Agathæ Papa per legatos suos & responsales præfuit. Hæc in diurno Romano, quod Romæ editum est; sed ibi captivum detinetur: Parisiis manuscriptum habetur. Sic Apostolica Sedes Constantinopolitanæ Synodi Episcopis sibi non vindicat. Hanc alii relinquit, de quibus deinceps agendum est.

II. Socrates in libri VII. capite IX. tradit nonnulla, ex quibus quis Prasfex Concilii fuerit, videtur posse colligi: Post hæc habito conventu ipse Nestarius, & alii Sacerdotes Nicæni Concilii fidem ratam esse habendam, & universam hæresim abrogandam esse censuerunt. Cum primus nominetur Nestarius, is Concilii Prasfex fuisse censeretur potest.

III. Vetus codex Canonum Romanæ Ecclesiæ ab Hadriano vel Angilramo Metensi Episcopo confectus, Nestarium exhibet, qui Constantinopolitanæ Synodo primus subscribat hoc modo: Nestarius Constantinopolitanus, Timotheus Alexandrinus, Cyrillus Hierosolymitanus, quem sequuntur Episcopi provinciarum Palæstinæ. Meletius Antiochenus, quem sequuntur Episcopi provinciarum Syriæ-Cæles. Nestarius cum Synodo subscribat primus, primus certe Prasfex esse debuit, si codici huic fides habenda esset in iis, quæ ad subscriptiones pertinent: Nullam aut exiguam habendam esse docet ipse subscriptionum ordo, ubi Cyrillus Hierosolymitanus ut Patriarcha subscribit, & subscribendo cum Episcopis provinciarum Palæstinæ Antiochenum Episcopum præcedit. Errores sunt duo, qui ex Ilidori Mercatoris officina prodierunt. In codice Canonum Dionysii subscriptio compareret nulla, nec in Græcis Concilii hujus exemplaribus; quod tamen signatum erat in illo codice Canonum Romanæ Ecclesiæ: notare placuit, ne quid intactum prætermitti judicaretur. Supra dixi, vel ab Angilramo Metensi Episcopo confectum: Nam id ita habetur in MS. codice quem vir diligens & eruditus Stephanus Baluzius in notis ad Antonii Augustini Gratianum laudat.

IV. Photius Constantinopolitanus Antistes ab illo codice dissentit nonnihil, & multos facit Concilii Prasfides in libro de Synodis: Concilium, inquit, Constantinopolitanum Prasfides habuit Timotheum, qui Alexandria sedem, & admirabilem virum Meletium, qui sedem Antiochia, & Cyrillum, qui Hierosolymorum sedem obtinebat. Nestarium præterea, qui nuper ab initiatorum grege separatus & ablatus divino lavacro vita sordibus purus, jam purissimam sacri principatus dignitatem ex communi Concilii consensu & electorum suffragiis, simul & regia civitatis Episcopus, & Concilii Prasfex declaratus est. Et post alia: Quibus haud multo post & Damasus Episcopus Roma eadem confirmans atque eadem sentiens accessit. Sic loquitur, non quod reperiatur vetus bonæ notæ monu-

monumentum ullum, quod Damasus Constantinopolitanae Synodi acta disertè confirmaverit, sed dam-natas jam ab hac Synodo hæreses Romæ habito Episco-porum conventu iterum profligaverit.

79 V. Octava Synodus, quæ anno Christi DCCCLXIX. coacta est, Timotheum in actione VI. primum Con-cilii Præsidentem appellat: *Quoniam*, inquit, *Timotheus primus factus est prædictæ sanctæ Synodi præfident, ut-pote Alexandria Patriarcha, & una cum Episcopis, qui secum erant, promoveit Nectarium Constantinopoleos Pa-triarcham.* Qui autem primum Concilii Præsidentem dicit, alios, qui simul Præsides sint, necessario significat.

VI. Libellus Synodicus num. LXXI. Constantino-politanae Synodo præfuerunt, inquit, & præfiderunt *Timo-theus Alexandria, Cyrillus Hierosolymorum.*

VII. Georgius Cedrenus rem paullo aliter ac Pho-tius tractat in compendio historiarum: *Præfuerunt Timotheus Alexandria, Meletius Antiochia, Cyrillus Hie-ro-solymorum Episcopi, & Gregorius Theologus, de quo mentionem nullam facit Photias, & rectè, quia tunc Constantinopolim deseruit, & se in solitudinem recepit.*

VIII. Nilus Rhodiensis Episcopus multos quoque Concilii Præsides statuit, quorum primus est Dama-sus: *Præerant Damasus Roma, Nectarius Constanti-nopolis, Timotheus Alexandria, Cyrillus Hierosolymita-nus, Meletius Antiochenus, Gregorius Theologus, Gre-gorius Nyssa, & Amphilo-chius, Iconii Episcopi.* Hæc ille, qui post Photium, octavam Synodum & Cedre-num claruit, & in plerisque graviter errat, Præsi-dem Concilii primum vocat Damasum, qui Con-cilio nec per se, nec per suos vicarios interfuit. Secundum Præsidentem dicit Nectarium, quem Pho-tius Timotheo Alexandrino, Meletio Antiocheno, & Cyrillo Hierosolymitano postponit. Gregorium Theologum, Gregorium Nyssenum, & Amphilo-chium numero Præsidentum sine veterum testimoniis adscribit.

IX. Porro in iis quæ Synodi *acta* attinent, relati auctores conveniunt & dissentiunt. Conve-niunt quidem in eo, quod plures Synodo præse-disse affirmant, sed de primo Præsidente dissentiant. Alii primum Præsidentem assignant Nectarium, alii Ti-motheum.

In hac dissensione, hinc an illis accedam interro-gas, ego tibi meam sic expono sententiam. Necta-rius nec præfuit, nec præesse potuit Constantinopo-litanae Synodo, quæ anno CCCLXXXI. habita est, & quæ in synodica Epistola ter universalis seu œ-cumenica vocatur: scilicet Nectarius necdum erat baptizatus, qui & in ipsa Synodo Constantinopolis Episcopus electus est, ut synodica testatur Epistola; sic enim ibi loquuntur Patres: *Unde & nova, ut sic vocemus, Ecclesie Constantinopolitana, quam nuper ex hæ-reticorum blasphemiam tanquam ex ore leonis per Dei miseri-cordiam eripimus, reverendissimum religiosissimumque Nectarium in generali Concilio, communi omnium consensu, & præsentè religiosissimo Imperatore Theodosio, cleroque universo, & cuncta suffragante civitate Episcopum cons-tituimus.*

Exinde Photius cum Timotheum facit Synodi pri-mum Præsidentem, bene facit; sed cum dicit Necta-rium postquam baptisma suscepit, Synodi Præsidentem declaratum esse, id dicit, quod nec consonat, nec cohæret.

Octava Synodus, libellus synodicus, & Cedrenus Ti-motheum primum fuisse Præsidentem scribunt, & de Ne-ctario silent, persuasi eum non præfuisse Concilio, ut ego persuasus sum. Nilus tam imperite scribit, ut in-dignus sit, qui audiatur.

Deinde facile crederem Nectarium præfuisse Con-cilio, quod sequenti anno, Id est, CCCLXXXII. ce-lebratum est, & quod synodicam Epistolam actorum

prioris Synodi explicatricem dedit Damaso, Am-brosio, & aliis, qui Romæ congregati erant, ut præ-ter ipsam Epistolam Theodoretus testatur in libri v. hist. capite VIII. *Sequenti æstate cum ad eandem urbem Ecclesiasticis iterum negotiis evocati plurimi red-issent, synodicam ab Occidentalibus Episcopis Epistolam acceperunt, qua invitabantur, ut Romam ad Synodum, qua ibi maxima cogebatur, se conferrent. Vtrum hi longinquam quidem protectionem, velut inutilem futuram deprecari sunt: Epistolam autem miserunt, in qua pro-cellam contra Ecclesias excitatam significantes, illam hac in re negligentiam denotabant.* Quæ ex hac Epistola nunc referenda essent, jam supra retulimus. In iis, qui indistinctè fecerunt Nectarium Constantinopoli-tani Concilii Præsidentem, erroris causa fuit, quod po-sterius Concilium, cui præfuit Nectarius, cum priori confuderint. Quæ ad prius Concilium pertinent, sunt ea, quæ in synodica memorantur, & quæ in codice canonum Dionysii ad tres aut quatuor Canones rediguntur; quæ vero ad posterius Con-cilium, interciderunt præter Epistolam synodi-cam, ubi quæ acta fuerant in priori Concilio, nar-rantur.

X. Baronius de Concilii hujus Præsidente nihil scri-bit, & cum nihil habeat, quo probet, Damasum Romanum fuisse Concilii Præsidentem, contendit Da-masi præcepto & auctoritate Concilium apud Con-stantinopolim celebratum esse. Hoc uti confirmet ex codice Vaticano producit quæ sequuntur: *Sen-tentiam de damnatione Macedonii & Eunomii, Da-masus confirmari præcepit, etiam in sancta secunda Sy-nodo, qua præcepto & auctoritate ejus apud Constanti-nopolim celebrata est.* Baronius quia dicti hujus au-ctorem, ut ei fidem majorem conciliet, antiquum esse non dicit, recentiorem inde colligimus. Quo fit ut Baronii regula excludatur: *Quod à recentiore auctore sine alicujus vetustioris auctoritate profertur, contemni-tur.* Et illud sane contemni debet, quia ingentia mendacia duo continet. Primum est, Damasi præ-cepto & auctoritate Synodum apud Constantinopolim celebratam esse: Mendacium convincitur ex iis, quæ supra Italiae Concilium ad Theodosium scribit, & quæ Constantinopolitani Concilii Patres in sua ad Damasum, Ambrosium, & Occidentales alios di-cunt. Constantinopolitanum Concilium quod anno CCCLXXXI. habitum est, inscio fere Damaso habi-tum cum sit, Damasi præcepto & auctoritate ha-beri non potuit. Tum credibile non est, Romani Pontificis præcepto & auctoritate habitum esse ge-nerale Concilium, cui nec per se, nec per suos vi-carios præfuisse, aut certe interfuisse. Quo exem-83 plo, qua ratione id genus facti Annalium Ecclesi-asticorum conditor tueretur? Constantinopolitanum Concilium, quod anno CCCLXXXI. celebratum est, inscio Damaso cum celebratum sit, Damasi præcepto & auctoritate celebrari non potuit. Id apertè sig-nificat Theodoretus, cum Concilii hujus causam explicat in verbis, quæ ante num. VIII. recensui-mus: *Damasus idipsum confirmat in Epistola quam Acholio, Severo, & aliis scribit. Illius verba mox re-tulimus, quæ rem in luce Ecclesiæ atque in oculis omnium detegit.*

Alterum mendacium est, Damasum præcepisse, ut sancta Synodus Constantinopolitana secunda sen-tentiam de damnatione Macedonii & Eunomii con-firmaret. Vaticani codicis verba non obscurè in-nuunt, Macedonium & Eunomium ab Romanis vel Occidentalibus damnatos esse prius, quam à secun-da Synodo damnarentur; sed illud veritate nulla nititur. Theodoretus in libri v. hist. capite VIII. utriusque Constantinopolitani Concilii supra memo-rati, historiam perstringit & in capite IX. po-sterioris Concilii Epistolam refert, qua quid in priori concilio gestum fuerat, Damaso, Ambro-sio,



sio, & Occidentalibus aliis exponitur. Et in capite x. i. describit fidei catholicæ confessionem, quam Damasus Papa in Macedoniam misit ad  
 84 Paulinum Episcopum, cum esset Thessalonica. Verba sunt: *Quoniam post Concilium Nicanum hic error emerfit, ut quidam ore profano dicere audeant Spiritum sanctum per Filium sanctum esse, anathematizamus eos, qui non liberrime predicant Spiritum sanctum unius ejusdemque cum Patre & Filio substantia ac potestatis existere. Similiter autem anathematizamus eos, qui Sabellii errorem sequuntur, & eundem esse dicunt Patrem & Filium. Anathematizamus Arium & Eunomium, qui pari impietate, licet verbis discrepent, Filium & Spiritum sanctum creaturam esse confirmant. Anathematizamus Macedonianos, qui ex Arii radice propagati non impietatem, sed nomen solum mutarunt, &c.*

Hæc fidei confessio in Romana Synodo edita est, ut Theodoretus ipse testatur in fine superioris capituli: *Quin & alia quedam Episcopi in magna Roma congregati adversus diversas hæreses scripserunt, quæ narrationi intexere congruum existimavi.* In hac autem fidei catholicæ confessione proprius & idoneus erat locus dicendi Damasum fecisse quid eum Vaticanus codex fecisse dicit, si vere dici potuisset. Damasus & Romana Synodus, cujus Theodoretus meminit ad Constantinopolitanum Concilium in damnatione Macedonii & Eunonii respectum habet, non illud præcedit.

In summa cadente primo mendacio secundum stare nequit: Necessaria consecutione corruit.

XI. Bellarminus id quod res est, Baronio longe  
 85 declarat sincerius. *Constat, inquit, non præsedisse Imperatorem, constat etiam non præsedisse Romanum Pontificem, sed Nectarium Constantinopolitanum, cujus rei causa est, quia Romanus Pontifex non interfuit nec per se, nec per legatos: Pontifex enim Damasus convocaverat quidem Episcopos Orientis Constantinopolim; sed ex eo loco postea volebat eos Romam venire, ubi ipse coegerat Synodum Episcoporum Occidentalium, ut Roma fieret plenissimum Concilium. Ceterum excusarunt se Orientales justas ob causas, & conjunxerunt se animis & sententiis cum Occidentalibus, non autem præsentia corporali.*

Bellarminus multa sibi fumat, quorum alia vera sunt, alia falsa. Et primo quidem verum est Theodosium non præsedisse Synodo, cui interfuit: Nam ille in synodica ad Damasum, Ambrosium, & Occidentales alios Epistola præfens, non Præses fuisse dicitur, etiamsi Bellarminus id non observet. Deinde verum est, Damasum nec per se, nec per suos legatos Synodo præfuisse: Quod ille si legitimis probasset monumentis, non potuisset imponere, quæ

postea imposuit. Tum falsum est, Nectarium Concilio præsedisse, ut jam docuimus. Hinc falsum est Damasum Orientis Episcopos Constantinopolim evocasse: Et rei falsitas jam pluribus in locis demonstrata est.

Præterea Damasus uni tribuit, quod Damasus Ambrosio, & Occidentalibus aliis Romæ congregatis tribuendum est. Hi enim optabant omnes, ut Orientis Episcopi Romam venirent, atque ita ex Occidentis & Orientis Sacerdotibus plenissimum fieret Concilium, in quo Nectarii & Maximi ordinatio diceretur, & judicio majore finem acciperet. Orientales excusarunt se, & desiderati ab Occidentalibus Concilii spes evanuit: Nec Maximi depositio, nec Nectarii ordinatio retractata est. Maximus depositus, & Nectarius ordinatus remansit. Orientalium Synodi Imperatoris præsentia corroboratæ auctoritas impedit, ne quid circa Maximum & Nectarium Romæ ab Occidentalibus innovaretur, quod Bellarminus observare neglexit.

XII. Sunt & alii Latini, qui velis nolis Damasus Concilii præsedisse vindicent, & cum apud veteres nihil inveniant, quo suis ferviant studiis, Nilum auctorem Græcum recentiorum arripiunt, sed invitis, ut aiunt, canibus venantur. Non habuit Nilus perspectam Concilii hujus formam, & quo modo celebratum fuit, nesciit. Igitur ab eo argumentum nullum depromi potest præterquam erroris. Adhæc dissimulant Nilum multos Concilii Præsides facere, quorum Damasus primus est, sed non solus. In eo præsidendi munere collegas habet Nectarium Constantinopolitanum, Timotheum Alexandrinum, Cyrillum Hierosolymitanum, Gregorium Nazianzenum, Gregorium Nyssenum, & Amphilochem Iconiensem. En post fabulam epicitharisma, quo veritatis incuriosi homines studia sua & otium oblectare possunt, & Bellarmino in aurem insusurrare, quod ipse sibi non consentiat! Nam postquam disertam assertionem  
 87 posuit, qua generalibus Conciliis, quale Constantinopolitanum agnoscit, præsidendi officium, & jus uni Romano Pontifici transcribit, post aliquot paginas exceptionem subjungit, cum ait Damasum nec per se, nec per legatos Constantinopolitanæ Synodo præsedisse. Quæstionem juris quæstione facti dissolvit, & quod stabilire vult, funditus evertit. In absurdas complexiones hujusmodi non incurrisset, si ex Gelasii Epistola xiii. ad Episcopos Dardaniæ, quid sit bene vel male gesta Synodus, didicisset: sed quia non didicerat, notatum mox in philosophando lapsum cavere non potuit. Hæc est Constantinopolitanæ Synodi Præsidum historia, cui adjicies vel detrahes, si quid adjiciendum aut detrahendum videbitur. Interim vale, Lutetiæ Parisiorum, Calend. Martii anni MDCLXXIII.

# Joannes Launoius

## ANTONIO FAURO

Parisiensi Theologo.

<sup>89</sup> **E**PHESINÆ Synodi primæ *πρεσβεία* seu præsentia est hujusmodi, ut ab inchoata Synodo illa usque ad Calchedonensem uni Cyrillo adscribatur. Deinde ab inchoata Calchedonensi Synodo usque ad annum Christi DCL. vel circiter, scriptores multi Celestinum & Cyrillum Ephesinæ Synodi Præsides fecerunt. Tum ab eo tempore scriptores multi Cyrillum hac in Synodo Celestini legatum aut vicarium dixerunt. Denique in posterioribus sæculis fuere, qui Cyrillo Celestini vicario Memnonem Ephesiorum in *πρεσβεία*, & Juvenalem Hierosolymitanum conjunxerunt. Et quoniam in instrumentis, quibus utemur, instar religionis est fidem de temporibus asserere, ut Tertullianus ait, ordine proposito istius *πρεσβείας* historiam exequemur, & nostrum aliquando de auctorum testimoniis interponemus iudicium. Sed nonnihil præfari me oportet.

Igitur annusolvebatur Christi quadringentesimus vicesimus octavus, cum Nestorius Constantinopolitanus Episcopus hæresim suam & verbis & scriptis publicare cœpit. Hæc scripta insequenti anno perlata sunt Alexandriam, eaque Cyrillus statim confutavit. <sup>90</sup> Hinc Nestorium monuit, ut mutaret sententiam, errorisque suos ejureret. Nestorius id facere noluit, & ea super re scripsit ad Celestinum, arbitratus se suamque doctrinam ab eo defensum iri. Celestinus coacta Occidentalium Episcoporum synodo Nestorii scripta diligenter examinat, errores configit: Tantum abest, ut quæ Nestorius docuerat, probaret, ut ille probaturum falso speraverat. Romanus Pontifex cum Synodo decernit insuper, ut monitus Nestorius nisi resipisceret intra decem dies, Ecclesiæ communione ac sacerdotio privaretur. Celestinus ann. CCCXXX. synodicæ sententiæ executorem constituit Cyrillum, eique, ut partes suas hac in re susciperet, continuo scribit. Qua de re sic etiam loquitur in literis, quas ad Constantinopolitanum clerum dedit: *Ne tamen ad tempus ejus videatur valere sententia, qui in se jam divinam sententiam provocaverat, aperte sedis nostra sanxit auctoritas, nullum sive Episcopum, sive clericum, seu professionem aliqua Christianum, qui à Nestorio vel ejus similibus, ex quo talia prædicare cœperunt, vel loco suo, vel communione dejecti sunt, vel dejectum, vel excommunicatum videri; sed hi omnes in nostra communione & fuerunt, & hucusque perdurant, quia neminem deicere vel removere poterat, qui prædicans talia titubabat.* Et quibusdam interpolitis: *Et quia nostra in tanto negotio propemodum præsentia necessaria videbatur, vicem nostram propter marina & terrena spatia ipsi sancto fratri meo Cyrillo delegavimus, ne morbus iste longitudinis occasione grassetur.* Cyrillus susceptis Celestini & Occidentalium partibus cogit Synodum: In ea Nestorii dogma rejicit, & viros seligit, qui Constantinopolim pergerent, quid Romæ & Alexandriæ statutum esset contra eundem Nestorium, denunciaturi. Theodosius Imperator istud cum rescivit, impedire statuit, ne Romani & Alexandrini Concilii decretum executioni mandaretur, & decreti effectum suspendit, rem eo progressam ratus, ut OEcumenicam Synodum indicaret necessariam, quam postea indixit. Exinde

factum est, ut utriusque Romani & Alexandrini Concilii sententia ad exitum non pervenerit, & Cyrillus Celestini & Occidentalis Synodi vicarius esse desierit. In promptu est certa ratio: Cyrillus ab Celestino & Occidentali Synodo vices eo tantum fine acceperat, ut Celestini & Synodi decretum exequeretur. Itaque Imperator suspensio Celestini & Synodi decreto, insequenti anno Ephesi generalem Synodum indixit: Quod cum minime præviderent Celestinus & Romæ coacta Occidentalium Episcoporum Synodus, Cyrillo vicariam in Synodo tali præfecturam nullam dederunt: Idque eo metiendum est sine, quo tunc Celestinus & Occidentalium Synodus suas Cyrillo vices commiserunt.

Accedit & rerum status qui tunc erat, antequam Imperatoris jussu Ephesina Synodus conveniret. Sed indicta Synodo, alius rerum cœpit esse status, in quo suas Cyrillo vices prorogare debuit, cum de mittendis ad Ephesinam Synodum Sedis Apostolicæ legatis <sup>92</sup> cogitationem suscepit.

I. Nunc videndum est an Ephesina Synodo indicta, & indictione Celestino, & Occidentalibus Episcopis cognita, vicariam præfecturam aliquam Cyrillo prorogaverint, aut dederint. At nullam prorogasse vel dedisse, primum colligitur ex Celestini literis, in quibus missis ex Italia legatis Cyrillus non adjungitur. Celestini literæ sunt duæ. Una ad Ephesinam Synodum, altera ad Theodosium, quæ in actione <sup>91</sup> leguntur. In priori Pontifex sic loquitur: *Dirigimus pro nostra sollicitudine sanctos fratres & Consecratos nostros unanimes nobis & probatissimos viros, Arcadium & Projectum Episcopos, & Philippum Presbyterum nostrum, qui iis quæ aguntur, intersint, & quæ à nobis antea statuta sunt, exequantur, quibus præstandum à vobis non dubitamus assensum, quando id quod agitur, videatur pro universalis Ecclesiæ securitate decretum.*

In posteriori: *Sufficiat tunc, quod sollicitudo vestra clementia circa fidei catholica defensionem, cui pro Christi Dei nostri amore, qui vestri Imperii rector est, adesse modis omnibus festinatis, integram, immaculatamque eam pravorum dogmatum damnato errore servatis, in hoc semper munimen vestri Imperii constituentes, scientes regnum vestrum sancta religionis observantia communitum firmius duraturum: Sed huic celesti curæ vel gloria unusquisque nostrum pro sacerdotali officio operam nostram in quantum valemus, impendimus, & huic Synodo, quam esse iussistis, nostram præsentiam in his, quos <sup>93</sup> misimus, exhibemus, pietatem vestram sub divini obsecrantes obtestatione judicii, ne quid turbide novitati licere vestra mansuetudo permittat. Et quibusdam interjectis: *Hæc, gloriosissime & tranquillissime Imperator Auguste, quæ in vestro corde esse novimus, Deum illic inesse non dubii, augustis etiam auribus per fratres & Coepiscopos meos Arcadium & Projectum, & Compresbyterum meum Philippum, quos misimus, intimamus.**

Celestinus his in Epistolis unum dicit, alterum reticet, quod tamen necessaria de causa dicendum fuit, si vere affirmatæque dici potuisset. Dicit quidem misisse se eos, Arcadium nempe & Projectum Episco-



Episcopos, & Philippum Presbyterum, qui suam Ephesinæ Synodo præsentiam exhibeant; non vero dicit se eos Cyrillo adjungere; quod dixisset utique, si adjungere voluisset. His jungenda est Celestini ad Cyrillum Epistola, quæ eadem in actione 11. refertur, & ubi Ephesinæ Synodi meminit, sed non meminit vicarii muneris, quod in ea illi tribuerit: Indifficiliter est Ecclesiarum & catholica fidei speranda tranquillitas, quando pro hæc elaborare christianissimos Principes sic videmus. Non est inefficax in divinis maxime causis cura regalis, quæ pertinet ad Deum, qui fideliter tenet corda regnantium. Itaque breviter responsum tua reddimus sanctitati: Etenim quæris, utrum sancta Synodus recipere debeat hominem à se prædicata  
 94 damnantem, an quia induciarum tempus emensum est, sententia dudum lata perduret. Super hac utique consultatione communi communem Dominum consulamus. Nonne nobis respondet illico per Prophetam, omnem hominem velle saluum fieri, & venire ad scientiam veritatis? Nunquam displicet Deo accelerata in quocunque correctio. Tua sit hoc sanctitatis cum venerando fratrum Concilio, ut orti in Ecclesia strepitus comprimantur, & finitum Deo juvante negotium votiva correctione discamus. Conventui autem nos deesse non dicimus: Neque enim ab his absentes esse possumus, quibus nos ubicumque positus, fides tamen una conjungit. Nolo nos corpore isto recenseri, cujus præsentiam Apostolus adsignat infirmam: Illic sumus; quidquid illic pro omnibus agitur, cogitamus; spiritualiter agimus, quod corporaliter agere non videmur. Et sane de vicario munere quod Cyrillus acceperat à Celestino, dicendi locus hic fuit, aut nullus unquam fuit: Quot sunt enim fere periodi, tot sunt occasiones datæ, in quibus vicarii illius in Ephesina Synodo muneris injiceretur mentio; & tamen injecta est nusquam, quia cum veritate injici non potuit. Ea de re, qui quæ ex Celestini Epistola ad Cyrillum retulimus, magis ac magis consideraverit, neminem dubitaturum opinor.

Hic prætermittendus non est Philippus Sedis Apostolicæ legatus, cum in actione 111. dicit sententiam: Hujus, inquit, secundum ordinem successor, & locum tenens sanctus beatissimisque Papa noster Celestinus Episcopus, nos ipsius præsentiam suppletes, ad hanc  
 95 Synodum misit. Philippus nec sibi, nec collegis suis Cyrillum adjicit, aut significat Celestinum Cyrillo dedisse vicariam præfecturam, qua vel interesset Ephesinæ Synodo, vel præset.

Quod autem ex Celestini literis, & ex Philippi sententia non colligitur, colligi quoque non potest ex actis Synodi, quæ de Sedis Apostolicæ legatis duobus in locis sermonem infutit.

Primus est in actione 111. cum de rebus gestis Patres ad Imperatorem referunt: Et hæc quidem antequam sanctissima hæc Synodus conveniret, Celestinus sanctissimus magna Roma Episcopus per literas suas indicaverat, Cyrilloque sanctissimo, ut vices suas subiret, commiserat; sed & nunc denuo aliis etiam literis sancta Synodo, quam vestra majestas in Ephesiorum Metropoli convenire præcepit, hæc significavit: Misit autem has literas per Arcadium & Projectum sanctissimos Episcopos, ac Philippum religiosissimum Presbyterum magna Roma, qui Celestini Episcopi præsentiam suppleant, ἀναπληρῶντες τὴν παρούσαν. Loquuntur Patres de vicibus, quas Celestinus antequam Ephesina Synodus conveniret, Cyrillo dederat; sed eas postquam Synodus hæc convenit, prorogasse non dicunt: Quod dixissent utique, si vera cum ratione dici potuisset; scilicet necessaria dicendi causa fuit, ut constaret omnibus, Cyrillum consortem esse legationis, quam Arcadius, Projectus & Philippus in Synodo gerebant.

Alter locus est in actione vi. ubi Patres de rebus  
 96 gestis referunt ad Imperatores per Palladium Magistrum: Quæ quidem Synodus omnes totius orbis san-

ctissimos Episcopos unum idemque sentientes habet; nam & magna Roma Episcopus interest Synodo, neque desunt Africani per piissimum Cyrillum Archiepiscopum representati, cum quo suam sententiam conjunxerunt. Cur non dixissent Celestinum per Cyrillum representari, quemadmodum dicunt Africanos per Cyrillum representari? Vel cur non dixissent, Cyrillo adjunctos esse Arcadium, Projectum & Philippum, ut Romanum Episcopum, & Occidentales Episcopos alios representarent? Hoc non dixerunt Patres, quia probe noverant, Cyrillum Romani Episcopi, & Occidentali legatione nulla in Synodo fungi, Arcadium & Projectum Episcopos, & Philippum Presbyterum solos Romanum Episcopum, & Occidentales reliquos idonee representare.

Hæc est prima nostra ratio, quæ tot partibus absolvitur, & iis adornatur conditionibus, ut rem decernat.

Nunc venio ad secundam ex iis quæsitam, in quibus Cyrillus dicitur διέπον τὸν τόπον Celestini, ut in actione 1. legitur: Post consulatum dominorum nostrorum, Flavii quidem Theodosii xiii. Valentiniani vero 111. semper Augustorum, x. Calendas Julii Synodo congregata in Ephesiorum Metropoli ex decreto religiosissimorum & Christianissimorum Imperatorum, & confidentibus in sanctissima Ecclesia, qua appellatur Maria, religiosissimis & sanctissimis Episcopis, Cyrillo Alex-  
 97 andrie, qui & Celestini quoque sanctissimi sacrosanctissimeque Romana Ecclesia Archiepiscopi locum obtinebat.

Iterum in actione 11. Post consulatum dominorum nostrorum semper Augustorum, Flavii quidem Theodosii xiii. Valentiniani vero 111. sexto Idus Julii, qui dies juxta Aegyptios est Epiphi sextus decimus, congregata Synodo in Ephesiorum Metropoli, ex decreto religiosissimorum Christianissimorumque Imperatorum, ac sedentibus in religiosissimi Episcopi Memnonis Episcopali ade, piissimis Episcopis, Cyrillo Alexandrino, qui & Celestini quoque sanctissimi ac beatissimi Romanorum Ecclesia Archiepiscopi locum obtinebat, & Juvenale Hierosolymorum, & Memnone Ephesiorum.

Rursus in actione 111. Post consulatum dominorum nostrorum semper Augustorum Theodosii xiii. & Flavii Valentiniani 111. xvii. Calend. Aug. Synodo juxta piissimorum Christianissimorumque Imperatorum decretum in Ephesiorum Metropoli congregata, confidentibusque in sanctissima Ecclesia, qua appellatur Maria, piissimis Deoque dilectissimis Episcopis, Cyrillo Alexandrino, qui & Celestini quoque sanctissimi Ecclesia Romana Archiepiscopi locum obtinebat, & Arcadio Episcopo, Romanæ Sedis legis legato, & Projecto Episcopo, qui & ipse quoque Romana Ecclesia legatus erat, & Philippo Presbytero & legato, & Juvenale Hierosolymorum, & Memnone Ephesiorum.

Verba illa, qui & obtinebat, sunt scribæ seu notarii, qui acta Synodi literis prodidit, non Cyrilli: Cyrillus quippe locum Celestini tenere se in Ephesina Synodo nusquam dixit, etiam si dicendi pluries sese præbuit occasio.

Deinde locutio hæc, qui & obtinebat, non posset obicientium proposito inservire. Nam verbum obtinebat tempus præsens, quo Ephesi fiat Synodus, vere non importat; sed præteritum etiam si minus perfectum, quo res ante Synodum illam peracta fatis commode adnotetur.

His omnibus ita constitutis, Cyrillus nullas in Ephesina Synodo Celestini vices habuit, & nihilominus præfuit.

Ratio tertia comparatur ex duobus locis, ubi Cyrillus omnium primus subscribit, Celestini mentione nulla facta.

Primus est in Epistola ad clerum Constantinopolitanum, quæ actione 111. refertur. Sic igitur subscribit: Cyrillus Alexandria Episcopus, Philippus Apostolica

*stolica Sedis Presbyter, Juvenalis Hierosolymorum Episcopus, Arcadius Episcopus & legatus, Projectus Episcopus & legatus.*

Alter est in synodica de Charisio Presbytero sanctione, quæ actione vi. refertur: *Cyrillus Alexandria Episcopus subscripsi, pronuntians cum sancta Synodo; Arcadius Episcopus & legatus Sedis Apostolica subscripsi, pronuntians cum sancta Synodo; Juvenalis Episcopus Hierosolymorum subscripsi, pronuntians cum sancta Synodo; Projectus Episcopus, & legatus Apostolica Sedis subscripsi cum sancta Synodo; Flavianus Episcopus Philippensium subscripsi cum sancta Synodo; Philippus Presbyter Apostolica Sedis legatus subscripsi, pronuntians cum sancta Synodo.* Arcadius, Projectus, & Philippus, qui vario subscribunt ordine, cum se nominant legatos Sedis Apostolicæ, Cyrillus vocem & manum comprimit suam, nec se Sedis Apostolicæ legatum appellat, etiamsi primus omnium subscribat. Siquando & sicubi assumendum fuit illud dignitatis insigne, assumendum fuit maxime in subscriptionibus, ut ab Arcadio, Projecto, & Philippo assumptum videmus. Quare cum Cyrillus illud dignitatis insigne non assumat in subscriptione sua, à Celestino nihil habuit unde assumeret.

Ratio quarta ea est, quam Cyrillus de se & de legatis Arcadio, Projecto, & Philippo duobus in locis objicit.

Primus est in actione iii. *Cyrillus Episcopus Alexandria dixit: Quia Arcadius & Projectus sanctissimi piissimique Episcopi, necnon Philippus religiosissimus Romana Ecclesia Presbyter deposuerunt, perspicue sancta Synodus percepit: Deposuerunt enim suppletes locum Sedis Apostolica, totiusque Synodi sanctissimorum Deoque dilectissimorum Occidentalium Episcoporum. Quare cum ea, quæ à Celestino sanctissimo Deoque dilectissimo Episcopo decreta jam fuerant, executi sint, sanctæque Synodi, quæ in hac Ephesiorum Metropoli convenit, sententia contra hæreticum Nestorium lata, adscripta sint, consequens est, ut eorum, quæ hesterno hodiernoque die acta sunt, commentarii superioribus actis at-textantur.*

Alter est in actione v. *Cyrillus Alexandria Episcopus dixit: Hesterno die sanctitate vestra in hoc ipso loco consistente, presidentibus etiam legatis à magna Roma missis, videlicet sanctissimi piissimique Episcopi Celestini locum tenentibus, ego & Memnon reverendissimus hujus Ephesina Metropolis Episcopus, libellos obtulimus, postulantes, ut Joannes reverendissimus Ecclesia Antiochene Episcopus, & qui una cum ipso injuriam in nos contexuerunt, depositionisque abuti nomine præsumpserunt, ad sanctam hanc & OEcumenicam Synodum accerferentur, quo coram causam pro se dicerent, suæque dicacitati patrocinarentur, sive injustas machinationes defenderent.*

Hic primum, *Cyrillus Alexandria Episcopus dicitur; sed & Sedis Apostolica legatus, vel Celestini locum tenens non additur, ut addendum erat, si ut adderetur, rei gestæ passæ esset veritas.* Deinde cum Cyrillus de Celestini & Occidentalium Episcoporum legatis verba facit, his se non connumerat, quibus connumerare se oblitus nunquam esset, si Celestini legationem obiisset. Denique tantum abest, ut Cyrillus commune cum legatis Arcadio, Projecto & Philippo munus in Synodo sortitum se esse ostendat, ut potius se ab illis distinguat, & in distinctionis signum sibi jungat Memnonem Ephesiorum Episcopum, cui Celestinus nullas unquam vices suas commiserat.

Hoc confirmatur plurimum, ex eo quod Cyrillus nec ab Arcadio, nec à Projecto, nec à Philippo legatis, qui ab Occidente venerant, dicatur Celestini vicarius, quando Celestini vicarium vel maxime dici oportuit. In hac enim actione iii. Nestorii causa ad exitum perducitur tota, & dam-

natio decernitur; hoc est, idipsum mandatur executioni, quod Celestinus in Romano Concilio contra Nestorium statuerat, & pro se suas Cyrillo vices tunc delegaverat. Cyrillus ergo ante indictam vel inceptam Ephesi Synodum Celestini vicarius esse desierat, cum his in locis Celestini vicarius non datur in exequenda illa sententia, pro qua exequenda jam ante Synodum constitutus fuerat Romanæ Ecclesiæ vicarius: Quam enim contra Nestorium sententiam Romana Synodus tulerat, eandem & Ephesina tulit.

Præterea Arcadius & Projectus Episcopi, & Philippus Presbyter, qui vel legatos & vicarios vel Apostolicæ Sedis, vel Celestini, vel Romanæ Ecclesiæ se semper appellant, Cyrillum legatum, seu vicarium Sedis Apostolicæ vel Celestini, vel Romanæ Ecclesiæ appellant nusquam, appellaturi utique, si ut appellaretur, Celestinus fecisset.

Ratio quinta ea est, quam suppeditant illa loca, in quibus Cyrillus Synodi caput & præceptor simpliciter vocatur; & primum quidem actione v. in exemplo relationis, quam Synodus ad Imperatores de Orientalibus transmisit: *Præter omnem Ecclesiasticum ordinem, præterque Canones, contra Ecclesiasticam & sanctam Synodum, & contra caput sanctissimorum Episcoporum hic congregatorum, Cyrillum scilicet, sanctissimum Alexandria Archiepiscopum, & Memnonem Episcopum Deo dilectissimum, blasphemiam depositionis, contumeliam, ut existimant, in se continentem, per audaciam protulerunt.*

Deinde actione vi. in supplici libello quem ad Imperatores pro Synodo clerus Constantinopolitanus obtulit: *Etenim si OEcumenica Synodi præceptor, cuius sententia per ea, quæ deposuerunt, reliqui omnes subscripserunt, indignum quidquam præter Canonum ordinem pertulerit.*

Tum actione eadem in Synodi relatione ad Imperatores: *Supplicamus, ne sancta nostra Synodus suo destituatur capite, uti µὴ ἀνίστατον ὑπὲρ τὴν τῶν σὺνόδων.* Synodus ad augendum apud Imperatores Orientalium vel crimen, vel de iis querelam, non dixisset modo Cyrillum fuisse congregatorum Episcoporum caput; sed etiam Celestini Romani Pontificis personam gessisse: Id minime dixit, quod ultro dicendum esset, si res ita fuisset. In tali rerum conditione silentii causa nulla prætexeretur, aut prætexi posset, quia silentium culpæ verteretur. Cyrillum Celestini locum obtinuisse in Synodo, non fuisset notius, quam eundem Cyrillum congregatorum Episcoporum caput & præceptorem extitisse. Quo fit ut Synodus ubique scripsisset, Orientales depositionis sententiam tulisse in eum, qui & congregatorum Episcoporum caput erat, & Sedis Apostolicæ vices gerebat. E duobus alterum haud scripsit, quia illud vere scribere non potuit.

Huc accedit, quod nec Celestinus, nec tres legati Arcadius, Projectus, & Philippus de illata Cyrillo ab Orientalibus injuria conquesti sint unquam. Quis autem in animum induceret suum conquestos illos non esse, si Cyrillus pro Celestino legationem aut vicariam præfecturam obiisset? Clamores in cælum usque fustulissent de læsa Sedis Apostolicæ dignitate, conticuisset nemo:

*Conticuere omnes, intentique oratenebant,*

quandiu exorta inter Orientales & reliquam Synodum contentio duravit. Observatio hæc sola, si suis, ut convenit, expendatur momentis, rem apud æquos rerum æstimatores conficere judicabitur: Cyrillum nempe quidquid in Ephesina Synodo fecerit, ut Celestini Papæ vicarium minime fecisse.

Ratio sexta sic se habet: Leo primus, quos ad Ephesinam Synodum secundam legatos miserat, aliis quos postea ad Calchedonensem Synodum misit,

Y y y

per



per novas literas adjunxit. Id ex verbis Epistolæ XLIX. ad Marcianum patet. Credebamus, inquit, clementiam vestram id desiderio nostro posse prestare, ut presenti necessitate respecta differri ad opportunius tempus sacerdotalem Synodum juberetis, ut vocatis de cunctis provinciis Sacerdotibus vere posset esse univ-  
 104 *sale Concilium.* Sed quia vos amore catholica fidei congregationem nunc fieri voluistis, ne devoto obviare viderer arbitrio, fratrem & Coepiscopum meum Paschasium de ea provincia, qua videbatur esse securior, evocatum, qui vicem presentia mea possit implere, direxi, Bonifacio fratre nostro & Compresbytero sociato, & his quos antea miseramus, adjunctis, consortem illis fratrem quoque meum Julianum addentes Episcopum. Quod & in actione VIII. Calchedoniensis Concilii agnoscitur, ubi Theodoretum restitutionem proponunt Paschasius & Lucentius reverendissimi Episcopi, & Bonifacius reverendissimus Presbyter, insuper & Julianus Episcopus Coensis, habentes locum Apostolica Sedis. Cur ergo ita se gessit Leo, nisi quod probe nove-  
 rat finitani esse Juliani & aliorum legationem, cum Theodosius, rogante Romana Synodo, quidquid actum fuerat Ephesi pro non acto haberi voluit, donec major ex orbe toto Sacerdotum numerus cogeretur: Sic finita erat Cyrilli legatio, postquam Theodosius suspensa Romani Concilii sententia Ephesinum Concilium primum fieri jussit. Hinc quia Celestinus suis vel ad Ephesinum Concilium, vel ad Imperatores literis Cyrillum Arcadio, Projecto & Philippo non adjunxit, Cyrillus in Ephesino Concilio Celestini locum tenere non potuit.

Ratio septima ex generalium Conciliorum disciplina sumitur. In nullo unquam generali Concilio, quod apud Orientem celebratum sit, delecti sunt extra Occidentem Præsules, à quibus vel Romanus Pontifex, vel Occidentales Episcopi repræsentarentur. Id prudenter omnino factum est & apposite; nam in generali Concilio res definienda proponitur, super ea deliberatur ab omnibus, qui vocantur ad Concilium, & sententia decernitur. Si tunc exempli gratia Alexandrinus Episcopus Romani Episcopi locum teneret, Alexandrinus Episcopus, nisi talis esse desineret, semel atque iterum deliberaret, & sententiam diceret; semel quidem cum Romani Episcopi partes, seu mandatum impleveret: Iterum quando quid sibi videretur ipsimet, exponeret. Atque ita si Alexandrinus Episcopus, cum Romani Episcopi mentem explicaret, à seipso ut illius vicario, cum aperiret suam, dissideret, Ecclesia tota schismatis periculo exponeretur; & illud periculum eo esset majus, quod Egyptii Præsules pro recepto more Alexandrini Episcopi sententiam sequantur. Quid, quæso, & quantum mali importatum esset Ecclesiæ, si Dioscorus Alexandrinus Episcopus Leonis Papæ personam in Ephesina Synodo secunda gestasset? Necesse non est id pluribus verbis interpretari; & quamvis à Cyrillo, qui quam Nestorii doctrinam, Celestinus & coacta Romæ Synodus damnavit, jam ante damnaverat, timendum nihil fuerit; Imperator tamen noluit, ut Romani Concilii sententiam exequeretur: Sed ut in generali Synodo instauraretur de Nestorio & ejus doctrina judicium, generalem Synodum indixit Ephesi, indictamque Romano Episcopo, & magnarum sedium Antistitibus significari jussit. Romanus Præsul Celestinus, cum Imperatoris sacras literas accepit, prætermisso, ut par erat, Cyrillo, tres ad Ephesinam Synodum misit legatos, Arcadium & Projectum Episcopos, & Philip-  
 106 *pum Romanæ Ecclesiæ Presbyterum,* qui Sedis Apostolicæ & Occidentalium partes sustinerent, & quid jam de Nestorio & ejus doctrina statuerant, coram Patribus Synodi proponerent: Quali vero tres illi legati ad exequendum munus illud non sufficerent, & indiguerant Cyrilli ope, qua indiguerant

alias, cum apud Orientales Occidentalium nullus esset, qui quidquid adversus Nestorium decreverant, exequeretur. Sed illud Celestini factum non iuit in exemplum, quod vel ipse rursus statuerit, vel successores imitati fuerint.

Ratio octava deponitur ex ipsomet Celestino Pontifice, qui nec sibi, nec legatis suis Ephesinæ Synodo præsidendi munus vindicat. Non enim Arcadium, Projectum & Philippum misit ad Synodum ut ei præessent; sed ut interessent. Celestinus differtis verbis id semel atque iterum scribit. Semel actione II. in Epistola ad Ephesinam Synodum: *Direximus pro nostra sollicitudine sanctos fratres & sacerdotes nostros unanimes nobis, & probatissimos viros Arcadium, Projectum Episcopos, Philippum Presbyterum nostrum, qui iis, qua aguntur, intersint, παρόντων.* Iterum eadem actione in Epistola ad Theodosium: *Huic celesti cura vel gloria unusquisque nostrum pro sacerdotali officio operam nostram in quantum valeamus, impendimus, & huic Synodo, quam esse iustis, nostram presentiam in his quos misimus, exhibemus.* 107

Id quoque Philippus Sedis Apostolicæ legatus testatur, cum actione III. sic loquitur: *Hujus (Petri) secundum ordinem successor, & locum tenens sanctus beatissimisque Papa noster Celestinus Episcopus nos ipsius presentiam, παρούσαν, suppletes ad hanc Synodum misit.*

Id etiam Synodus eadem actione significat in relatione ad Imperatores: *Et hac quidem antequam Synodus hac sanctissima conveniret, Celestinus sanctissimus magna Roma Episcopus per literas suas indicaverat, Cyrilloque sanctissimo ut vices suas subiret, commiserat; sed & nunc denno aliis etiam literis sanctæ Synodo, quam vestra majestas in Ephesiorum Metropoli convenire præcepit, hac significavit. Misit autem has literas per Arcadium & Projectum sanctissimos Episcopos, & Philippum religiosissimum Presbyterum magna Roma, qui Celestini Episcopi presentiam suppleat, ἀναπληρῶσι τὸν παρόντα.*

Deinde Synodus actione VI. in relatione, quam per Palladium Magistrum ad Imperatores misit: *Qua quidem Synodus omnes totius orbis sanctissimos Episcopos unum idemque sentientes habet; nam & magna Roma Episcopus Synodo interest, οὐ παύεται.* Neque desunt Africani per piissimum Cyrillum Archiepiscopum repræsentati, cum quo suam sententiam conjunxerunt.

Celestini testimoniis duobus alia tria subjunximus, 108  
 Philippi Romanæ Ecclesiæ Presbyteri, & legati unum, & Ephesinæ Synodi duo, in quibus Synodo præsidendi jus nullum tribuitur. Legatorum in Synodo presentia, παρούσια, non ἀντιθέσια asseritur. Præsidere Synodo & interesse, discrimen ingens admittunt. Non enim omnis, qui Synodo interest, Synodo præsidet: Alioquin Episcopi omnes, qui Synodo interfunt, Synodo præsidere; atque ita tot Præsides, quot Episcopi. Quare Celestini locum tenere, non est præsidere nomine Celestini. Arcadius, Projectus & Philippus Celestini locum tenebant in Synodo, nec tamen Synodo præsiderunt; & sane nulla est Ephesinæ Synodi actio, cui præfuisse legantur. Aliquando post Cyrillum nominantur & subscribunt proxime, sed ante nusquam. Tum absente Cyrillo, & his tribus legatis præsentibus Juvenalis Hierosolymorum Antistes nominatur primus, & subscribit, quod in actione V. & VI. contigit; in actione quidem V. cum de rebus gestis inter Cyrillum Alexandrinum, & Memnonem Ephesinum ex una parte, & Orientales ex altera, relatio ad Imperatores decernitur: *Juvenalis Hierosolymorum Episcopus subscripsi, Arcadius Episcopus & Apostolica Sedis legatus subscripsi, Projectus Episcopus & Apostolica Sedis legatus subscripsi, Philippus Presbyter & Apostolica Sedis legatus*

legatus subscripsi; subscripserunt autem & reliqui omnes. Deinde in exemplo relationis quam Synodus ad Imperatores mittit, pari modo subscribunt: Juvenalis Hierosolymorum Episcopus retuli, Arcadius & Projectus Episcopi, & Philippus Presbyter Sedis Apostolica legati retulimus; subscripserunt autem reliqui omnes Episcopi.

Tum in actione vi. Synodi decreto de fide ita subscribunt: Cyrillus Episcopus Alexandria subscripsi, pronuncians cum sancta Synodo.

Arcadius Episcopus & legatus Sedis Apostolica subscripsi, pronuncians cum sancta Synodo.

Juvenalis Hierosolymorum Episcopus subscripsi, pronuncians cum sancta Synodo.

Projectus Episcopus & legatus Sedis Apostolica subscripsi, pronuncians cum sancta Synodo.

Flavianus Episcopus Philippensium subscripsi, pronuncians cum sancta Synodo.

Philippus Presbyter Sedis Apostolica & legatus subscripsi, pronuncians cum sancta Synodo.

Postremo Cyrillus ipse Africanorum in Synodo locum tenebat; nec tamen Africanorum nomine Synodo praesidebat: Et sic quamvis, quod verum non est, verum esset, Cyrillum nempe Celestini locum tenuisse in Synodo; non inde tamen sequeretur Cyrillum Celestini nomine Synodo praesedis: Quare si Cyrillus Synodo praesedit, ut reipsa praesedit, Celestini nomine non praesedit. Facessant igitur sumpta ex his verbis, qui & Celestini locum obtinebat, praedicta, quibus qui Cyrillum Celestini nomine Synodo huic praefuisse existimant, falso ducuntur. Facessant fucatae argumentationes, quae apud recentiores quodam è schola Theologos, partim ex occupatione animi, partim ex actorum Ephesinae Synodi ignorantia procedunt.

Sibi tum demum non credant, sed Léoni Papae, qui in Epistola xlvii. ad Nicenam Synodum, seu Calchedonensem ita scribit: Amplectendum igitur clementissimi Principis plenum religione consilium, quo sanctam fraternitatem vestram ad destruendas insidias diaboli, & ad reformandam Ecclesiasticam pacem voluit convenire, beatissimi Petri Apostoli jure, atque honore servato, adeo ut nos quoque suis ad hoc literis invitaret, ut venerabili Synodo nostram praesentiam praeberemus. Quod quidem nec necessitas temporis, nec ulla consuetudo poterat permittere: Tamen in his fratribus Paschasino & Lucentio Episcopis, Bonifacio & Basilio Presbyteris, qui ab Apostolica Sede directi sunt, me Synodo vestra fraternitas existimet praesidere. Cum ergo Pontifex eruditus probe noverat aliud esse Synodo praesentiam suam praebere, aliud praesidere, duo haec conjunxit, ut cunctis liquido pateret, se non tantum Synodo per legatos suos interfuturum, sed etiam praesessurum. Eadem repetit in Epistola xlix. ad Marcianum Imperatorem.

Ratio nona ex Ephesinae Synodi actis ducitur, in quibus Cyrillo Memnon Ephesiorum Episcopus in πρεσβεία conjungitur, non Sedis Apostolicae legati Arcadius, Projectus & Philippus: Ita ut Cyrillus & Memnon Synodi Praesides dicantur; Cyrillus vero, Arcadius, Projectus & Philippus una Synodi Praesides non dicantur. Sunt autem in actis Synodi loca quatuor, ubi res illa sic se habet.

Primus est actione iv. in allocutione Cyrilli & Memnonis ad Synodum de Joanne Antiocheno & Orientalibus: Fieri non potest, ut hi, qui à sancta hac Synodo desciverunt, & prava Nestoris opinioni se adjunxerunt, talique ac tanto crimine obstricti tenentur, quidquam contra hujus Oecumenica Synodi Praesides audiant efficere.

Alter est actione vi. in qua Synodus de Joanne Antiocheno & illius conciliabulo sermonem facit: Contra sancta & Oecumenica Synodi Praesides τῶν τῶν ἱερέων τῆς ἀγίας καὶ οἰκουμένης συνόδου, depositionis sen-

tentiam scribere, eamque veluti ab universa Synodo profectam vestram ad pietatem deferre ausi sunt. Et post alia: Nullum prorsus crimen, quod contra sancta Synodi nostra duces proferre queant, habentes. Et iterum post alia: Cyrillus & Memnon sancta Synodi Principes, ἱερεῖς.

Tertius eadem actione in mandato, quod Synodus dedit Episcopis, ab ea missis Constantinopolim adversus Orientales: Non prius illis communionem spondeatis, quam Praesides suos, πρεσβύτες, recipiat sancta Synodus.

Quartus denique eadem actione in relatione Synodi ad Imperatores: Joannes Antiochenus contra Praesides nostros, πρεσβύτες, orthodoxae fidei amulatores Cyrillum Archiepiscopum & Coepiscopum Memnonem invehit. Infra: Supplicamus, ne sancta nostra Synodus suo destituatur capite, nosque & universi terrarum orbis Sacerdotes intolerabili, continuque luctu Praesidium nostrorum, πρεσβύτης, causa coheramur. Infra: Rogamus majestatem vestram, ut & nos quoque (omnes enim vincitis utpote fratribus, sanctaeque Synodi Praesidibus colligati sumus) à vinculis absolvat.

Porro autem ex iis, quae in hac ratione nona recensuimus, hinc octava confirmatur ratio, hinc simul ostenditur, Cyrillum & Memnonem pari modo Praesides dici: Et sicut Celestini auctoritate Memnon Synodi Praeses non dicitur, sic & Cyrillus Celestini auctoritate Synodi Praeses non dicitur.

Ratio decima ex iis, qui post Ephesinam Synodum usque ad Calchedonensem de Ephesinae Synodi Praeside locuti sunt, arcessitur.

Primus hoc in ordine occurrit Leo Magnus, qui tum erat Romanae Ecclesiae Archidiaconus, vel certe Diaconus, cum Ephesina Synodus celebrabatur: Sic enim scribit in Epistola jam laudata xlvii. Prioris autem Ephesinae Synodi, cui sancta memoria Cyrillus Episcopus tunc praesedit, contra Nestorium specialiter statuta permaneant. Quid clarius? Pontifex simpliciter loquitur: ad Pontificis, cujus intererat, imitationem simpliciter loquamur, nec id addamus, quo negligens opportunitatum Sedis Apostolicae Leo judicetur.

Secundus, Theophilus Episcopus Cleopatridis in actione i. Calchedonensis Concilii inter Ephesi acta: Cui (Ephesinae Synodo) praesuit ter beatus Archiepiscopus quondam noster Cyrillus.

Tertius ibidem Auxonius Sebennitenensis civitatis Episcopus: Cui (Ephesinae Synodo) praesuit ter beatus, & omnino laudabilis memoria Antistes noster Cyrillus.

Quartus Eudoxius Etennorum Pamphyliae Episcopus actione iv. Calchedonensis Concilii sic locutus: Ephesi habita Synodus, praesidente sanctissimo Episcopo Cyrillo.

Quintus Neon Psyllti Pamphyliae Episcopus, actione eadem ubi sententiam dixit: Cui (Synodo Ephesinae) praerat beata memoria Cyrillus.

Sextus Nunechius Laodiceae Phrygiae Pacatianae Episcopus actione eadem: Cujus (Ephesinae Synodi) Praeses erat beatus Pater noster Cyrillus.

Septimus Marcianus Imperator in sacra ad Palladium, quae parte iii. Calchedonensis Concilii capite xix. refertur: Ephesina Synodo Cyrillus praesuit.

Huc revoco Aegicanem Hispaniae Regem, qui longe post Calchedonensem Synodum enituit: Sic autem scribit in edicto ad Toletanum Concilium xv. Ephesini ceterus Cyrillo praesidente traditio protulit. Ubi-que Cyrillus Ephesinae Synodo praesidet, facta nulla mentione Celestini, cujus auctoritate praesederit, vel cujus vices gesserit.

Absoluta prima epocha, ubi Cyrillo, quod suum est redditur; Ad secundam transeamus. Haec breviter decurrenda, & propriis implenda est auctoribus, qui Celestinum & Cyrillum Ephesinae Synodo praefuisse tradunt.



In hac serie primus se offert Euphrates Eleutheronæ Episcopus, qui actione 111. Calchedonensis Concilii sic loquitur de Synodo Ephesina: *Cujus Præsides fuerunt beatissimus Celestinus Apostolica Sedis Præsul, & beatissimus Cyrillus Episcopus magna civitatis Alexandria.*

Secundus non unus tantum auctor; sed universus cætus Episcoporum Calchedonensis Concilii in actione v. Decernimus igitur, ordinem, & omnes formulas custodientes, quæ de fide sunt constituta, & nos sanctæ Synodo quondam in Epheso facta, cujus Præsides, *ἡγούμενοι*, fuerunt beatissima memoria Celestinus Romanorum, & Cyrillus Alexandrinorum Episcopus; præfulgere quidem rectæ & immaculata fidei expositionem sanctorum ac beatissimorum trecentorum decem & octo Patrum, qui in Nicæa temporibus pia memoria Constantini Imperatoris congregati sunt.

Tertius Marcianus Imperator in lege, quam pro confirmanda Synodo Calchedonensi tulit, & quæ parte 111. hujus Synodi habetur: *Celestinus Romana urbis, & Cyrillus Alexandria civitatis* (in Ephesino Concilio) veritatis duces fuerunt.

Iterum in sacra Archimandritis missa, quæ extat in parte 111. Calchedonensis Concilii cap. 1x. Orthodoxorum itaque fidem sicut accepimus, servare in perpetuum festinamus: *Quemadmodum etiam sancta Synodus nuper in Calchedonensium civitate celebrata credere docet Symbolum confirmandum, & consona* 115 *ipsis sanctis Patribus Ephesinoque Concilio, cujus Celestinus & Cyrillus reverenda memoria Præsides fuerunt,* *πρεσβύτεροι.*

Rursus in edicto ad Palladium prætorii Præfectum ibidem cap. xii. *Apud Ephesum Nestorii error est expulsus, presidentibus, πρεσβυτέροις, Celestino Roma urbis, & Celestino Alexandria civitatis Episcopis.*

Quartus Pulcheria in sacra Archimandritis missa ibidem cap. xiv. *Nestorii impietas expulsa est a Concilio Ephesino, cui Celestinus & Cyrillus reverenda memoria præsidebant.*

Quintus Julianus Coenensis Episcopus in Epistola ad Leonem Imperatorem: *Cui (Ephesino Concilio) præfuerunt ter beati & sanctissimi Patres Celestinus Romanæ Pontifex civitatis, & Cyrillus Alexandrinus Episcopus, ibidem cap. xlvii.*

Sextus Confessus Episcoporum Armeniæ primæ in Epistola ad eundem Imperatorem: *Cui (Ephesinæ Synodo) præfuerunt religiosissimi & sanctissimi memoria Romanorum & Alexandrinorum Episcopi Celestinus & Cyrillus, ibidem cap. xlviii.*

Septimus Joannes Neapolitanus Episcopus in relatione ad Hormisdam Romanum Pontificem: *In qua (Ephesina Synodo) Principes extiterunt sanctissima memoria Episcopi Celestinus Apostolica Sedis vestra, & Cyrillus Alexandria.*

116 Octavus, Petrus Diaconus in libri de Incarnatione & gratia capite v. *Accepimus autem & quatuor Concilia secundum hunc expositionis nostræ sensum. Et post pauca: Necnon etiam Ephesinum primum, cui præfuerunt beatissimus Celestinus Romanus, & Cyrillus Alexandrinus Antistites.*

Nonus Vigilius Pontifex Romanus in Epistola ad universum populum Dei: *Cui (Ephesinæ Synodo) beata memoria Papa Celestinus decessor noster, & Cyrillus Alexandrinus Episcopus præfuerunt. In Jacobi Sirmondi Appendice ad Codicem Theodosianum.*

Decimus Justinianus Imperator in collatione 1. Constantinopolitani Concilii v. *Cui (Ephesinæ Synodo) præsidebant Celestinus & Cyrillus sancti Patres. Rursus in confessione fidei adversus tria capitula: Cujus (Ephesinæ Synodi) auctores erant Celestinus & Cyrillus sanctæ memoria.*

Undecimus Pelagius II. in Epistola ad Episcopos Istriæ: *Cui (Ephesinæ Synodo) præfuerunt beata*

*memoria prædecessor noster Celestinus Romanæ urbis Antistes, & Cyrillus Alexandria Episcopus.*

Præterea sunt nonnulli à quibus res eadem his aliis verbis congregata Ephesi Synodo sub Celestino & Cyrillo exprimitur: *Horum numero adscribuntur*

Cætus Episcoporum Europæ in Epistola ad Leonem Imperatorem: *Quod (Ephesinum Concilium) sub beata memoria Celestino successore sancti & venerandi custodis clavium Petri, & sub felicitis memoria Cyrillo Alexandrino Pontifice congregatum est. In parte 111. Calchedonensis Concilii capite xxvii.*

Lucianus Byzenis Episcopus in epistola ad eundem Imperatorem: *Ibidem cap. xxviii. Qui (congregati Ephesi Præsides) sub Celestino Romana urbis, & Cyrillo Alexandrinorum sanctis Episcopis conveniunt.*

Sunt & alii, qui ad illos aliter accedunt. In hoc ordine primus est Hormisdas Pontifex in epistola 1x. ad Joannem Nicopolitanum Episcopum: *Patrum, inquit, sequentes in omnibus constituta, anathematizamus omnes hereticos, præcipue Nestorium, qui quondam Constantinopolitane urbis fuit Episcopus, damnatus in Concilio Ephesino à Celestino Papa urbis Roma, & à sancto Cyrillo Alexandria civitatis Antistite.*

Sexta Synodus, seu potius is qui sermonem propheticum ad Imperatorem nomine Synodi habuit: *Iterum Nestorius, & iterum Celestinus & Cyrillus, ille quidem Christum dividebat; hi vero cum Domino conspirantes, una cum sceptrorum Domino divisorem deiciebant, ut Ephesus, & ibidem gestorum tabula per literariam vocem dum ipsi silent, causas ipsas loquuntur. Quod in Præsides quadrat.*

Constantinus IV. in edicto quod pro sexta Synodo fecit: *Cujus (Ephesinæ Synodi) auctores fuerunt Celestinus & Cyrillus, qui cum Domino nostro atque inseparabili Deo nostro divisorem Nestorium cum sua profana & maligna secta condemnauerunt. Auctores perinde atque Præsides dicuntur.*

Romani Pontifices recens creati in fidei professione, 118 quam olim dum inaugurabantur, emisissent: *Quibus duobus universalibus venerandisque Conciliis (Nicæno & Constantinopolitano) tertium generale ducentorum sanctorum Patrum accessit Concilium, quod sub principalis quidem memoria Theodosio Augusto factum est: Ex auctoritate tamen Celestini Apostolica Sedis Antistitis, cum beato Cyrillo, Alexandria Ecclesia Præsule.*

Cur autem alii Celestinum & Cyrillum Ephesinæ Synodi Præsides fecerint; alii Synodum sub Celestino & Cyrillo congregatam dixerint, alii damnatum à Celestino & Cyrillo Nestorium scripserint, alii tandem paullo aliter loquantur; ratio omnium una fuit, quia quæ adversus Nestorium in Romana primum Synodo, deinde in Ephesina decreta sunt, perinde miscent & conjungunt, ac si una eademque Ephesina synodus foret. Et quia Celestinus Romanæ synodo præfuit, & Cyrillus Ephesinæ, inde accidit, ut Celestinus & Cyrillus Ephesinæ synodo præfuisse nunc dicantur, nunc Ephesina synodus sub Celestino & Cyrillo coacta memoretur.

Et vere licet in quæstione facti sit error certissimus, quia Celestinus nec per se, nec per Arcadium, Projectum & Philippum legatos suos Ephesinæ synodo præfuit; tamen quidquid est, facile excusatur: Et primum quidem Romana & Ephesina synodus de re eadem duobus adeo vicinis temporibus celebratae sunt, ut una & eadem synodus videatur esse, & dicatur Ephesina, quia hæc negotio ab Romana inchoato finem imponit. Deinde utriusque synodi Romanæ & Ephesinæ acta inter se miscentur; ita ut unum corpus efficiant. Tum utraque Synodus rem eandem agit: Quæ enim in Romana gesta sunt, in Ephesina repetuntur, neque repetuntur tantum, sed etiam prædicantur, & in auctoritatem admittuntur. Quo fit, ut dum actione 11. lecta est Celestini Epistola

Epistola Occidentalium Episcoporum sententiam continens, omnes reverendissimi Episcopi simul acclamaverint: *Hoc iustum iudicium, novo Paulo Celestino, novo Paulo Cyrillo; Celestino custodi fidei, Cyrillo cum Synodo concordis: Celestino universa Synodus gratias agit, unum Celestinum, unum Cyrillum, una fides Synodi.* Quapropter prerogativa familiaritatis, quæ inter utramque Synodum fuit, hoc adfert, ut re in compendium missa, quod duabus Synodis, Romanæ, cui Celestinus præfuit, & Ephesinæ, cui Cyrillus, tribuendum est, Ephesinæ uni tribuatur; eo fere modo, quo ipsi juris auctores tradunt, nonnunquam celeritate conjungendarum inter se actionum unam actionem occultari: Sic Romana Synodus in Ephesina occultatur, cui ob id Celestinus & Cyrillus à nonnullis præfuisse dicuntur. Sed nunc cum explorata est rei veritas, cui nec unquam, nec à quoquam præfribitur, & iustitia postulat, ut reddatur cuique suum, Romanæ Synodi Præsidem Celestinum, & Ephesinæ Præsidem Cyrillum asserimus; ac proinde Cyrillum in Ephesinæ Synodi celebratione, Celestini vicarium non dicimus, quia ex iis quæ ante retulimus, dici re ipsa non potest. Quod cum ex seipso manifestum est, tum ex Cardinalibus Bellarmino & Perronio, qui dum Celestinum huic Concilio per Cyrillum præfuisse contendunt, neminem laudant eorum, quos epochæ huic consignavimus. Et recte quidem: Qui enim ita loquuntur, Celestini vicarium non ponunt Cyrillum. Papa & Papæ vicarius, Episcopus & Episcopi vicarius, unam duntaxat personam sustinent, non duplicem. Quis enim diceret? Leo, Paschasius, & Lucentius Episcopi, Bonifacius & Basilius Presbyteri Calchedonenli Concilio præfuerunt. Certe Leo non ita dicit, & nescio, utrum aliquem ita dicentem patienter audiret.

Succedit epocha tertia, quæ Cyrillum Celestini vicarium exhibebit. Menas Constantinopolitanus Episcopus, qui ad annum Christi DCL. claruit, hunc loquendi modum usurpat in fidei professione, quam cum quibusdam aliis Præsulibus ad templum sanctæ Euphemie misit. Verba sunt de Ephesina Synodo: *In qua, in legatis suis atque vicariis, id est, beatissimo Cyrillo Alexandrina urbis Episcopo, Arcadio, & Projecto Episcopis, & Philippo Presbytero, beatissimo Celestino Papa senioris Romæ noscitur præfuisse.* Professionis hujus exemplar habetur in constituto Vigilii Papæ, qui tunc Romanam gubernabat Ecclesiam.

Æqualis Menæ Liberatus Carthaginienfis Diaconus in capite v. Breviarii: Porro Cyrillus cum suis habens vices Sedis Apostolicæ, evocato Concilio CC. Episcoporum, Nestorium vocaverunt.

Marcellinus Comes in chronico: Celestinus Romana arcis Pontifex, Nestorio pravitatis Episcopo, per Epistolam suam datis eidem X. dierum induciis, vel penitenti veniam, vel dissentienti damnationem denuntiavit; idem Nestorius Constantinopolitana Ecclesia perfidus Antistes, à quo & Nestoriana perfidia pullulavit, apud Ephesum CC. sanctorum Patrum sententia in Synodo damnatus est, Celestino Cyrillum Alexandrina civitatis Episcopum pro tempore vicarium denunciante.

Evagrius in libri i. hist. capite iv. Ubi igitur quindecim dies ultra diem præfinitam præterierunt, Episcopi Ephesi convenerant, quasi jam Episcopi versus Orientem habitantes non essent venturi, aut si forte venissent, multum dilaberetur temporis, antequam in unum cogerentur: Cyrillo locum Celestini episcopatum antiqua Romæ, ut supra docui, gerentis obtinente, accersunt Nestorium, hortanturque ut criminibus ipsi objectis respondeat.

Manfuetus Mediolanensis Episcopus in synodica ad Constantinum IV. Epistola: *Congregata est sancta Synodus in Ephesina civitate CC. sanctissimorum Patrum numero, ubi sancta memoria Cyrillus Alexandrina Eccle-*

*sia Præsul, auctoritate Sedis Apostolica præditus, caput extitit.*

Nicolaus Papa primus in Epistola ix. ad Michaellem Imp. Cyrillus idcirco in Ephesina Synodo ante omnes sedet, quin & ipse locum memorati Papæ (Celestini) ibidem sicut gesta ejusdem Synodi testantur, obtinuit.

Photius in libro de Synodis: *Ephesi, quod oppidum est in Asia, sanctum atque æcumenicum Concilium tertium celebratum est ducentorum Episcoporum, ex quibus erant Præsides Cyrillus ille celeberrimus inter Patres, qui propter virtutum, sapientiæque divitias magna civitatis Alexandria sedem obtinebat, & Celestini Romani Pontificis implebat sedem, atque personam gerebat, & Memnon, cui Ecclesia Ephesiorum commissa erat gubernacula, & Juvenalis Episcopus Hierosolymorum.*

Menologium ab Sirleto Cardinali editum v. Idus Junias: *Natalis Cyrilli ejusdem civitatis Episcopi, quem summus Pontifex Celestinus idoneum judicavit, cui vices suas in Ephesino Concilio delegaret.*

Gregorius VII. In Apologetici capite III. Item temporibus Theodosii junioris Augusti sanctus Cyrillus Patriarcha Alexandrinus, & Arcadius Episcopus ex Italia vice beati Papæ Celestini Ephesino Concilio præfuerunt.

Joannes Zonaras in tomo iv. Annalium: *Itaque ducentis Patribus Ephesum ad Concilium congregatis, cujus princeps erat sanctus Cyrillus Celestini Papæ Romani etiam vice fungens, qui per valetudinem adesse non poterat.*

Libellus synodicus num. ccccxxx. *Quod animadvertens Theodosius minor Imperator Ephesi beatorum Patrum ducentorum tertiam æcumenicam Synodum congregari jussit, cui Cyrillus præfuit Apostolorum adstipulator.*

Nicephorus Callistus in libri xiv. histor. capite xxxiv. *Celestinus autem Romæ Episcopus propter navigationis pericula ipse Synodo adesse detrectavit. Ad Cyrillum tamen, ut locum illic suum obtineret, scripsit; ex quo tempore fama est, mitram illam & Papæ appellationem, atque ut orbis universi judex appellaretur, accepisse.*

Nilus Metropolita Rhodius in libro de Synodis: *Sancta & æcumenica tertia Synodus Ephesi habita est, imperante Theodosio juniore congregata à ducentis sanctis Patribus adversus Nestorium Patriarcham Constantinopolitanum. Huic præerant Celestinus Romæ, Cyrillus Alexandria, Juvenalis Hierosolymorum, & Memnon Ephesi Episcopi.*

Florentina Synodus in editionis primæ sessione v. In hoc libro actorum tertia Synodi varia beati Cyrilli habentur epistola, qui princeps erat Synodi illius, locumque obtinebat, & sensum Celestini Papæ.

Et primum quidem his testimoniis undecim oppongo ea omnia, quæ in prima & secunda epocha ex inveniendi asserendique veri legibus constitui.

Deinde epocham hanc tertiam, ut minimum incertam reddunt ii, quos ad eam quidem spectantes; sed tamen propter doctrinæ similitudinem, ad primam & secundam revocandos esse censui: Ægicanes Rex Hispaniæ, Petrus Diaconus, Vigilius, Justinianus, cui consentit Synodus V. & Pelagius II. Quid enim certi epocha tertia habere potest, in qua Ægicanes, Petrus Diaconus, Vigilius, Justinianus, Pelagius II. Menæ, Marcellino, Liberato, Evagrio, Mansueto, Nicolao I. Menologio, Gregorio VII. Zonara, Libello synodico, Nicephoro, Florentinæ Synodo non concordant? In hac autem dissensione, quis inter eos determinabit, nisi temporis ratio ei præscribens auctoritatem, quod antiquius reperietur, & ei præjudicans vitiationem, quod posterius revincetur? Tertullianus in libri iv. contra Marcionem capite iv.

Tum ut ingenue, ita & necessario fatendum est, relatos epochæ hujus auctores, perspecta & animadversa non habere omnia, quæ cum ad Nestorii damnationem, tum ad Ephesinæ Synodi celebrationem perti-

122

120

123

121

124



pertinent. Quæ distinguere vel maxime oportet, confundunt & eas vices, quas Celestinus Cyrillo ad exequendam tantum Romanæ Synodi contra Nestorium sententiam commisit, ad Ephesinæ Synodi tunc Celestino incognitæ celebrationem sine ullis novis Celestini literis, & insuper habita rei veritate extendunt. En apertum tibi fontem erroris, quo implicati auctores de Nestorii damnatione, & de Ephesinæ Synodi celebratione scripserunt.

125 Præterea de Celestino perinde verba faciunt, ac si vices, quas Cyrillo commisit, solus commisisset. Non commisit solus, sed partim suo nomine, partim Occidentalium Episcoporum, qui Romæ hæretica Nestorii dogmata confixerunt: Quo in casu specialis & propria Celestino ut Romano Pontifici prærogativa nulla vindicatur, etiam si à nonnullis vindicari putetur. Quod diligenti & summa observatione dignum est.

Denique recentiores Græci permixtis à se & confusis Romanæ Synodi, & Ephesinæ gestis id de mitra, de phrygio, & de quibusdam honorum titulis adjiciunt, quod veterum scriptorum seu Græcorum seu Latinorum testimonio caret, & eam ob causam contemptui exponitur secundum Baronii regulam.

Postrema epocha coerct eos, qui Cyrillo Celestini vicario nunc duos, nunc tres, suppressa vicarii mentione, alios Præsides, nunc unum adjungunt. Hoc facti genus trium Græcorum est, Photii, qui ad annum DCCCIX. floruit, Georgii Cedreni, & Nili Rhodiensis Episcopi, qui posterioribus adhuc sæculis vixerunt.

Primus in libro de septem Synodis ita scribit: *Erant Præsides Cyrillus ille celeberrimus inter Patres, qui propter virtutum sapientiaque divitias magna civitatis Alexandrina, & Celestini Romani implebat sedem, atque personam gerebat, & Memnon, cui Ecclesia Ephesiorum commissa erat gubernacula, & Juvenalis Episcopus Hierosolymorum.* Eadem scribit in Epistola 1. ad Michaelem Bulgaria Regem.

126 Secundus in compendio historiarum: *Præfuerunt illi (Ephesinæ Synodo) Cyrillus Alexandria Episcopus, qui locum Celestini Papæ tenebat, & Juvenalis Hierosolymorum Episcopus.*

Tertius in libro de Synodis: *Huic (Ephesinæ) præerant Celestinus Roma, Cyrillus Alexandria, Juvenalis Hierosolymorum, & Memnon Ephesiorum Episcopi.*

Photio sunt tres Præsides, Cyrillus Celestini personam gerens, Memnon & Juvenalis: Essent fortasse quatuor, si, ut apparet, Cyrillus duplicem personam, suam & Celestini gerebat.

Cedreno sunt duo tantum Præsides, Cyrillus & Juvenalis; si tamen Cyrillus Celestini tantum, non suas simul partes agat.

Nilo sunt Præsides quatuor, Celestinus, Cyrillus, Juvenalis & Memnon. His ita propositis mihi visum est distinctionis & doctrinæ majoris gratia, Photium, Cedrenum & Nilum in hanc eamque propriam epocham conjicere; tametsi nonnulla tradant quæ ad tertiam, secundam & primam epocham referuntur. Cum Photius & Cedrenus Cyrillum Celestini personam in Ephesina Synodo gessisse memorant, epochæ tertiæ scriptoribus concordant, & eodem atque illi modo refelluntur: Qua vero ratione Nilus Celestinum, & Cyrillum Ephesinæ Synodi Præsides statuit, cum auctoribus epochæ secundæ convenit, & fortunam eandem fortitur. Cum Photius & Nilus Memnonem Ephesinæ Synodi Præsidem faciunt, respectum 127 habent ad ea ejusdem Synodi acta, quæ in epochæ

primæ ratione nona persequimur. At in iis Memnon Synodi Præsides appellatur. Denique cum Photius Cedrenus & Nilus Juvenalem in numero Præsidentum collocant, ante oculos sibi constituunt ea Synodi acta, quæ in epochæ primæ ratione octava describuntur. In iis Juvenalis primus subscribit, quem Arcadius, Projectus, & Philippus Sedis Apostolicæ legati sequuntur, nec primum unquam in subscribendo locum sibi vindicant.

Prætermittendus non est Libellus synodicus, etiam si quo modo loquitur, nullus sit unquam locutus: *Ephesina Synodo Cyrillus præfuit, Apostolorum adscriptor, Cωννοσ.* Si per Apostolorum adscripturam, quis Celestini vicarium intelligat, Libellum synodicum in eadem cum illis qui sic loquuntur, forte collocet, necesse est.

Hactenus Ephesinæ Synodi *πρεσβυτερος* executi sumus, & quo facilius exequeremur & ordinatius, scribendi argumentum in epochas quatuor distribuimus. Prima omnium expeditissima est, quippe quæ Ephesinæ Synodi actis, & scriptorum æqualium, vel ætate supparium testimoniis circumscribatur.

Altera in actorum Romanæ & Ephesinæ Synodi conjunctione Celestino & Cyrillo quod suum est unicuique conservat, & recentioribus Romanæ Curie magistris, qui Cyrillum Celestini vicarium in Ephesina Synodo faciunt, vehementer incommodat: Ita ut 128 nullos, vel certe paucos invenias, qui relatis in epocha secunda auctoribus ad probandum assertionem suam utantur.

In epocha tertia erroris, qui multorum occupavit animos, fons aperitur, & una ostenditur, certum esse, quod illustris Annalium Ecclesiasticorum conditor ad annum DCIV. scribit num. XL. *In his quæ rerum gestarum veritatem spectant, quam frequenter accidit, falli etiam prudentissimos, non in antiquis tantummodo, sed & in his quæ facta esse dicuntur in eodem loco, quo ipsi sunt, & quo vivunt tempore, cum usus doceat, pluribus demonstrari supervacaneum esse putamus; ob idque nihil est, ut quantocius sanctitate, sive sanctitatis, sive doctrinæ cuiuslibet prærogativa viri, quod non factum sit unquam, & factam asserentis, ipsi veritati possit præjudicium inferre. Cum in his quæ sunt facti, non dogmatis, potuerit quisque sanctissimus atque doctissimus fidei orthodoxæ professor atque defensor aliquando falli. Sit in exemplum, quod qui major est Damasceno Theologus, ita ἀντομαστωνος dictus, celeberrimus sanctitate atque doctrina Gregorius Nazianzenus in e oratione, quam de S. Cypriano habuit, manifestissimo lapsus errore cognoscitur, cum duos in unum Cyprianos constat, Antiochenum atque Carthaginensem, quos constat fuisse diversos & inter se distinctos. Num, rogo te, eminentia superexcellens undique comparata, cumulatæque in viro tanto efficere potest, ut quod mendacium est, veritas sit, & quod perinde ac verum ab eo falsum assertum est, recipiatur ab omnibus. Sed & accidere 129 solet, ut aliquid vulgo allatum, si quis certos velit examinare testes an verum sit, neminem id serio testantem inveniat, fiatque ut quod ab omnibus dici jactatur, asseratur à nemine, rumorque ille evanescat in auris.*

In epocha quarta, quæ vera, & quæ falsa sunt, suis locis & auctoribus redduntur, & negotium totum brevi manu conficitur. Porro autem in his omnibus, nisi scopum assecutus sum, assequi tamen volui. Tu pro eruditione tua & acri judicio ad illum reduces quidquid aberrare judicabis. Vale, Lutetiae Parisiorum, Idibus Martii, anni MDCCLXXIII.

# Joannes Launoïus

## THOMÆ RULLANDO

Parisiensi Theologo.

**E**PHESINI Concilii secundi, quod recte inchoatum, succedente postea factione, latrocinii nomen accepit, Præsidentem fuisse Dioscorum Alexandriæ Episcopum, res quatuor sine difficultate ulla confirmant: Imperator Theodosius, Leo primus, Concilii hujus acta Chalcedone relecta, scriptores idonei complures.

I. Imperator ad Dioscorum ita scribens: Quoniam vero suspicamur aliquos sectatores Nestorii assumere studium & conferre, ut omnimodo intersit sancto Concilio, hac de causa necessarium duximus, his sacris literis uti ad tuam reverentiam, per quas manifestum facimus tua beatitudini, & universæ sanctæ Synodo, quod nos regulas sanctorum Patrum sequentes, non solum propter Theodoretum, sed etiam alios omnes, qui ad congregatam sanctam Synodum pertinent, auctoritatem & primatum, tui auctoritatem, & tuam beatitudinem, tua prebemus beatitudini: Scientes diligentius, quod & reverendissimus Archiepiscopus Hierosolymorum, & beatissimus Archiepiscopus Thalasius, & omnis talis fervens amator & emulator orthodoxæ fidei consentanei erunt tue sanctitati radianti per Dei gratiam honestate vite & catholica fide. Eos namque qui addisamentum aliquod aut imminutionem conati sunt dicere, præter quæ sunt exposita de fide catholica a sanctis Patribus, qui in Nicæa, & postmodum qui in Epheso congregati sunt, nullam omnino fiduciam in sancta Synodo habere patimur. Sed & sub vestro judicio esse volumus, quia hac de re nunc sanctam Synodum disposuimus convenire. Imperator ergo statuit, ut Dioscorus in Synodo primatum teneat, & quæ in Synodo fient, sub illius judicio fiant.

II. Leo primus Imperatoris consilium ubi rescisset, decrevit legatos ad judicium Synodum mittere, qui non præessent quidem; sed duntaxat interessent. Id aperte colligitur ex pluribus Leonis Epistolis, quas sic percenseo.

Prima est XII. ad Theodosium: Quantum, inquit, rebus humanis consulere divina providentia dignetur, sollicitudo clementiæ vestre spiritu Dei incitata demonstrat, quæ in catholica Ecclesia nihil impacatum, nihil vult esse diversum: Quoniam fides, quæ non nisi una est, in nullo potest esse sui dissimilis. Unde licet Eutyches (quantum gestorum Episcopatum ordo patefacit) imperito atque imprudenter errare detectus sit, debueritque à suo merito reprobabili persuasione discedere: Quoniam tamen pietas vestra, quæ in honorem Dei religiosissime catholicam diligit veritatem, apud Ephesum constituit synodale Concilium, ut imperito semel ea, in qua nimis caligat, veritas innotescat; fratres meos Julianum Episcopum, & Renatum Presbyterum, & filium meum Hilarium Diaconum misi, qui ad vicem præsentia mea pro negotii qualitate sufficerent, & qui eum secum deferrent iustitia ac benignitatis affectum: Ut quia dubitari non potest, quæ sit Christiana confessionis integritas, & totius erroris pravitas damnaretur, & si respiciens qui deviaverat, pro venia supplicaret, sacerdotalis ei benevolentia subveniret. Sic Leo sciens & prudens mittit legatos ad Ephesinam Synodum, in qua Theodosius Dioscoro auctoritatem & primatum dedisse se

scribit. Auctoritatem, inquit, & primatum tua prebimus beatitudini. Et paullo post subjicit: Sed & sub vestro judicio esse volumus, quia hac de re nunc sanctam Synodum disposuimus convenire. Deinde legati Leonis præsentiam exhibent, non *veritas*. Fratres meos Julianum Episcopum, & Renatum Presbyterum, & filium meum Hilarium Diaconum misi, qui ad vicem præsentia mea pro negotii qualitate sufficerent.

Secunda est XVI. ad sanctam Ephesinam Synodum: Religiosissima, inquit, clementissimi Principis fides sciens ad suam gloriam maxime pertinere, si intra Ecclesiam catholicam nullius erroris germen exurgeret, hanc reverentiam divinis detulit institutis, ut ad sancta dispositionis effectum auctoritatem Apostolica Sedes adhiberet, tanquam ab ipso beatissimo Petro cuperet declarari, quid in ejus confessione laudatum sit, quando, dicente Domino: Quem dicunt homines esse filium hominis? Et post alia: Verum quia eisi talium non est negligenda curatio, & pie ac religiose Christianissimus Imperator haberi voluit Episcopale Concilium, ut pleniori judicio omnis possit error aboleri, fratres nostros Julianum Episcopum, Renatum Presbyterum, & filium nostrum Hilarium Diaconum, cumque his Dulcitium, notarium probat nobis fidei misi, qui vice mea sancto conventui vestra fraternitatis intersint, & communi vobiscum sententia, quæ Domino sint placitura, constituant. Sic Ephesinam Synodum alloquitur, eamque sanctam nominat, dicitque se fratres suos Julianum Episcopum, & Renatum Presbyterum, Hilarium Diaconum, & Dulcitium notarium mittere, qui sancto conventui vestra fraternitatis intersint, non ait, præsent.

Tertia est XVII. ad Theodosium: Acceptis, inquit, clementiæ vestre literis, & multum universali Ecclesie gaudendum esse prospexi, quod Christianam fidem, quæ divinitus honoratur & colitur, in nullo dissimilem, in nullo vult esse discordem. Et post alia: Unde quamvis ad diem Concilii episcopalis, quem pietas vestra constituit, occurrere me ratio nulla permittat, cum nec aliqua ex hoc exempla præcesserint, & temporalis necessitas me non patiatur deferere civitatem, præsertim cum tam evidens fidei causa sit, ut rationabilibus causis ab indicenda Synodo fuisset abstinendum; tamen in quantum Dominus juvare conatur, meum judicium commodavi, ut clementia vestra statutis aliquatenus pareatur, ordinatis hinc fratribus meis, qui computandis scandalis pro causæ equitate sufficiant, quique præsentia mea impleant vicem. Non dicit, qui vice mea præsideant, quia ex Theodosii literis noverat Ephesinæ Synodo præfessurum esse Dioscorum.

Quarta est XVIII. ad Pulcheriam: Ne autem piissimi Principis dispositioni, quæ episcopale Concilium voluit congregari, & nostra videretur præsentia defuisse, fratres meos Julianum Episcopum, Renatum Presbyterum, & filium meum Hilarium Diaconum misi, qui vicem præsentia mea implere sufficerent, vicem, inquit, præsentia, non *veritas* aut præsidendi, implere sufficerent.

Quinta est XIX. ad Julianum Episcopum: Et quia clementissimus Imperator pro benevolentia ac pietate ani-



mi sui de statu hujus, qui ante honorabilis videbatur, diligentius voluit judicari, atque ob hoc indicendum credidit episcopale Concilium, per fratres nostros Julianum Episcopum, & Renatum Presbyterum, sed & filium meum Diaconum Hilarium, & quos ex latere meo vice mea misi ad fratrem nostrum Flavianum, sufficientia pro qualitate causa scripta direxi, quibus & vestra dilectio, & Ecclesia universa cognoscat de antiqua & singulari fide, quam indoctus impugnator incescit, quid divinitus traditum teneamus, quid incommutabiliter predicemus. Non dicit, misi, qui vice mea Synodo praesiderent; sed qui sufficientia pro qualitate causae scripta deferrent.

Sexta est xxii. Leonis & Romanae Synodi ad Constantinopolitanos: In notitiam, inquit, nostram, quae Ephesi contra opinionem omnium sunt acta, 136 perlatis, magno animum nostrum fatemur maxime confusum; nec tantum licuisse iniquitati facile potuissimus credere, nisi filius noster Hilarium Diaconus, qui a nobis vice nostra cum aliis ut interesset Synodo missus fuerat, fugiens reverisset, declinans ne injusta particeps esset sententiae. Ut interesset, inquit, Synodo, non ut praesellet dicit; quo tamen tempore dicendum videbatur, si vere dici potuisset.

Septima est xxv. ejusdem & Leonis & synodi ad Theodosium. Comperimus, inquit, non incerto nuncio, sed fidelissimo rerum quae gesta sunt, narratore Hilario Diacono nostro, (qui vix ne subscribere per vim cogeretur, effugit) convenisse ad Synodum plurimos Sacerdotes, quorum utique frequentia collationi & iudicio profuisset, si is, qui sibi locum principem vindicabat, sacerdotalem moderationem custodire voluisset, ut (sicut moris est) omnium sententias ex libertate prolatis, id tranquillo & aequo constitueretur examine, quod & fidei congrueret, & errantibus subveniret. Hac in Epistola proficitur Dioscorum principem in synodo sibi vindicasse locum, nec illud ullatenus reprehendit. Sed quod observatione summa dignum est, Leo sex in Epistolis affirmat se legatos mittere, qui praesentiae suae vicem in synodo suppleant, vel synodo interfint; sed nusquam affirmat eos se mittere, ut praesint, seu praesideant.

III. Ephesini Concilii secundi acta Calchedone relecta eo spectant, ut appareat, Dioscorum Ephesino huic Concilio praefuisse. Nam postquam relecta est Imperatoris ad Dioscorum Epistola, sic loquitur Dioscorus: Dioscorus reverendissimus Episcopus Alexandria dixit: Comperi vestra clementia, quia non mihi soli sacratissimus noster Imperator commisit iudicium; sed & beatissimo Juvenali, & sacratissimo Episcopo Thalassio auctoritatem Synodi dedit. Et post alia: Synodo congregata in Ephesi Metropoli ex praecipione religiosissimi & Christianissimi Imperatoris, & residentibus in sancta Ecclesia reverendissimis & sanctissimis Episcopis Dioscoro Alexandrino, & Juliano Episcopo, agentes vices, & tenente locum sanctissimi Leonis. Infra: Iudices & Senatus dixerunt: Postulante Flaviano sancta memoria Eusebium accusatorem Eutychis ingredi, quapropter secundum regulam vos, quibus potestas judicandi data fuerat, hoc fieri non precepistis? Dioscorus reverendissimus Episcopus Alexandria dixit: Postulo recitari prosecutionem, (Alias depositionem Elpidii:) Non enim habui prohibere, nisi commonitorium detulisset Elpidius, confirmans quia Imperator eum jusserat non ingredi. Infra, ubi referuntur sententiae Episcoporum Concilii Ephesini II. in sententia Olympii Evalsensis Episcopi: Cui (universali Concilio) Praesul & primus est sanctissimus Pater noster, & universalis Episcopus Dioscorus magna Alexandrina civitatis.

Postremo insignis est locus in actione III. Calchedonenensis synodi, in qua Julianus Hippapensis Episcopus dixit: Sancti Patres audite. Quando in Ephesi 138 Metropoli primum habebat Dioscorus ad iudicandum

inter Flavianum & Eusebium Episcopum, & inter Eutychem, &c. Hic igitur uno in loco Dioscorus agnoscit, sibi quidem, sed non soli commissum esse iudicium, quo exorta inter Flavianum & Eutychem controversa dirimeretur. Unde sibi & duobus aliis, quos nominat, auctoritatem synodi datam esse proficitur. In altero Dioscorus Juliano sedis Apostolicae legato praenotatur, sine offensa, sine iurgio. In tertio Iudicibus & senatu generatim, & per aversionem quaerentibus, cur postulante Flaviano Eutychis accusator non erat ingressus synodum, primus omnium Dioscorus respondet. In quarto Concilii Praeses appellatur. In quinto denique primum tenere dicitur in Ephesi Metropoli.

IV. Dioscorum Ephesino praefuisse Concilio II. scriptores post illud plures memoriae prodiderunt. In hoc genere primas tenet, qui scripsit Breviculum historiae Eutychianistarum: Jam, inquit, in praesentia ipsius (Theodosii) convincitur Eutyches atque damnatur. Offenditur Imperator, & in Ephesina civitate mandat, Synodum congregari. Adhuc fere cccclx. Episcopi, principibus Dioscoro Alexandrino Episcopo, Juvenali Hierosolymitano, Thalassio Casariensi, Eustathio Berytensi, Eusebio Ancyritano, Basilio Isauria. Adhuc etiam vicarii ab Apostolica Sede directi, Julius Puteolanus Episcopus, Hilarium Archidiaconum, quia Presbyter Renatus in Delo insula morte praeventus est. In hac igitur Synodo fuerunt Praesides Dioscorus, Juvenalis, Thalassius, & 139 alii.

Prosper Aquitanus in Chronico: Ob quam impietatem a Flaviano ejusdem urbis Episcopo, quia corrigi noluit, condemnatus est Eutyches; sed fidens amicitia regia & amicorum favore, ab universali Synodo se poposcit audiri, annuente Imperatore Theodosio, qui ob hujus causa retractationem omnes Episcopos iussit Ephesum convenire. In quo Concilio Dioscorus Alexandrinus Episcopus primum sibi vindicans, absoluto Eutyches, in Flavianum Episcopum Constantinopolitanum damnationis sententiam tulit, reclamante Hilario Diacono Ecclesiae Romanae, qui vice sancti Leonis Papae cum Julio Episcopo Puteolano a Sede Apostolica fuerat destinatus; nempe ut interesset Ephesinae Synodo, non ut praesellet.

Evagrius in libri I. hist. capite IX. & X. Temporibus, inquit, Flaviani error impij Eutychis oritur, de quo Concilium provinciale cogitur Constantinopoli. Et quibusdam interpositis: Abdicatur igitur sacerdotio; & tamen cum Theodosio pro se ipse oravisset, (libellos enim contra ipsum a Flaviano falso confectos dixit) primum Concilium Constantinopoli ex finitimis Episcopis ad eam rem exquirendam convocatur, a quo & in Flavianum & ab aliis quibusdam Ecclesiarum Praesidibus accurate inquisitum est; ac libellis, quod veri essent, confirmatis, alterum Ephesi celebratur Concilium. Hujus Concilii, qui Alexandria Episcopatum post Cyrillum successit, quo odium incenderetur, (Chrysostomus enim, qui tum Praefectus palatii fuit, hanc rem callide molitus fuerat) Praeses, ἑταρῶν, designatus fuit, eoque Juvenalis Episcopus Hierosolymorum, qui etiam Ephesinam rexisset Ecclesiam, multis ipsum comitantibus Sacerdotibus commisit. His accessit Dominus, qui Joanne mortuo Antiochia crebatur Antistes, Julius (Julianus) praeterea, qui locum supplevit Leonis, τὸν πρῶτον ἀντιόχειον, antiqua Roma Episcopi. Julianus locum Leonis supplevit, ut interesset, non ut praesellet.

Libellus synodicus incertae post Theodorum Balamonem aetatis: Cui (Ephesinae synodo) Dioscorus Alexandria Papa praesuit.

Nicephorus Dioscorus quoque Concilii Θεοδοσιανῶν tribuit in libri XIV. hist. capite XLVII. Hi ambo Theodosium permonent, ut alteram Ephesi Synodum, quae Eutychetis & Flaviani causam disceptaret, celebrari jubeat,

jubeat, sententiarumque ferendarum judicium Dioscoro impio committat, & eundem Synodo praeferat; copias etiam militares, quae satis sint, mittat, quae rem judicandam exequerentur. Ubi id Imperator mandavit, & Synodus, quae praeclatoria vocatur, Ephesi congregata est; Praesidens ei Dioscorus, notariis aliis rejectis, suos tantum adhibuit, ut acta ex sententia ejus in scriptum referrentur. Affuerunt Concilio ei, quos supra nominavimus, Ecclesiarum Antistites cum Sacerdotibus suis, Leone veteris Romae Pastore excepto, cujus locum Julius (Julianus) Episcopus eo missus obtinuit. Et quibuldam interpositis: Ibi Leonis Papa locum tenentes illius ad Flavianum & Synodum ipsam datas literas legi petierunt. Ut vero Dioscorus eas rejectis, mandatarii transversum Dioscori impetum animadvertentes à Synodo discessere, & Romam recurrere. Cum ait, sententiarum ferendarum judicium Dioscoro impio committat, impium intelligit, qui postea fuerit: Nam tunc factus est impius, cum Leonis literas abiecit, & Eutychetis errorem approbavit.

Matthaeus Palmerius in Chronico: Eutychiana haeresis Constantinopoli exoritur, auctore Eutyches Presbytero, qui à Phabiano Constantinopolitano Episcopo damnatus est, ob quam damnationem, annuente Theodosio Imperatore, Synodus apud Ephesum indicitur, in qua Dioscoro Alexandrino Episcopo praesidente, Eutyches restituitur; Phabianus vero damnatur. Phabianus pro Flaviano mendose scribitur.

Hæc autem omnia cum ita sint, nemo omnium jure potest ambigere, quin Dioscorus per aliquid tempus Ephesino Concilio secundo praefuerit, & quiete ac tranquille praefuisset usque in finem, nisi sacras Ecclesiae regulas violasset. Sed facti istius atrocitas Dioscorum quidem reddidit indignum, qui Synodo praesideret, sed efficere non potuit, ut qui decernente Imperatore, Leone Papa consentiente, quia nusquam repugnante, & comprobante ab initio Synodo ipsa, praesedit, minime praesederit. Ex quo facile intelligitur, Imperatores Dioscorum Concilii Praesidem cum designant, non eum designare, qui loco Imperatorum praesideat, quasi ipsi praesidendi jure gaudeant; sed Imperatorum auctoritate & decreto praesideat. Quidquid id est, Leo Pontifex designatum ab Imperatoribus Concilii Praesidem agnoscit, eumque ut legitimum Praesidem habet, quando legatos suos mittit ad Concilium, non ut praesideant, sed ut intersint. Tam clara sunt Leonis verba, ut alio detorqueri nequeant, vel sophistica fuligine inobscurari. Verbo dicam, Leo non indiligens Ecclesiastica potestatis vindex & assertor minime queritur Imperatorem fecisse quidpiam, quod auctoritatis & juris sui limites excederet.

Præterea Calchedonenis Synodus Imperatoris Epistolam, qua Dioscorus Ephesinae Synodi Praeses, seu primus Judex constituitur, actione 1. legi jubet, nec eam respuit, immo consensu tacito omnium probat.

Ad hæc Julianus Hippæpensis Episcopus actione 14. Calchedonenis Synodi multa in Dioscoro damnat. Sed quod Ephesinae Synodi primas fuerit, non damnat, damnaturus sine dubio, si quid Dioscorus hac in re Ecclesiasticis legibus contrarium attentasset: Primatis abusum reprehendit, non auctoritatem qua potuit legitime uti. Historici plures in Dioscoro Concilii Praesidem suspiciunt, nec eam ut indecoram vel usurpatam accusant. In summa veterum, quod sciam, auctorum nemo est, qui alium à Dioscoro Concilii Praesidem notaverit, quandiu Concilium legitime processit.

Hæc autem omnia etiam si meridiana luce clariora sunt, à nonnullis convolvuntur, & tenebris asperguntur.

Chrysaphius Eunuchus Theodosii cubiculi Praefectus, qui Flaviano infensus erat, opponitur, quod ab

Imperatore literas in gratiam Dioscori extorserit. Theodosii negligentia, & facilitas obsignandi tabulas etiam contra libertatem uxoris opponitur.

Extincti propter scelera Chrysaphii mors opponitur. At hæc multiplicata & exaggerata à suis auctoribus oppositio apud simplices & incautos valere fortassis potest, apud cordatos atque eruditos valere non potest. Quasi vero quæ sic opponuntur hodie, siquid haberent veritatis ac roboris, Dioscoro cum damnatus est, opposita non fuissent? Quæ ita reprehenduntur in odium Dioscori, Calchedonenis Synodus non reprehendit, & quod abunde sufficit non reprehendit Leo, qui si quisquam alius, debet reprehendere. Deinde quæ opponuntur, possunt evadere in locum communem, quo quæ magna & præclara in gratiam Ecclesiae vel dixit, vel fecit Theodosius, conciderent, vel certe plurimum labefactarentur. Hoc ita demum usu venit, dum qui disputat, seipsum potius, quam veritatem querit, haud cogitans privatis studiis bonum publicum everti.

Tum Liberatus opponitur in capite XII. Breviarii scribens: Sedentibus in basilica Dei genitricis Mariae illis Episcopis, Ecclesiae Romanae Diaconi vices habentes Papa Leonis assidere non passi sunt, & quod non fuerit data praefessio sanctae Sedi, eorum insuper etiam quod non lecta fuerit ad Flavianum Epistola in Eutychetis damnationem à Papa Leone scripta, & occultata fuerat Epistola ejus per supra memoratos legatos ad ipsam Synodum directa. At de ista praefessione non conqueritur Leo I. cum ad Theodosium scribit, & Dioscori tyrannidem & violationem Canonum exponit. Epistolæ xxv. ad Theodosium referenda sunt verba, & diligenter observanda: Literis clementiae vestrae, quas dudum ad beati Petri Apostoli Sedem pro catholica fidei amore misistis, tantam fiduciam sumpsimus defendenda per vos veritatis & pacis, ut in causa tam simplici, tamque munita nihil putaremus posse existere quod noceret, praesertim cum ad episcopale Concilium, quod haberi apud Ephesum praecepistis, tam instructi sint missi, ut si scripta, quae vel ad sanctam Synodum, vel ad Flavianum Episcopum detulerunt, Episcoporum publicari auribus, Alexandrinus permisisset Antistes, ita manifestatione purissima fidei, quam divinitus inspiratam & accepimus & tenemus, omnium congregationum strepitus quievisset, ut nec imperitia ultra deciperet, nec occasionem nocendi emulatio reperiret. Sed dum privata causa religionis exercebantur obtentu, commissum est impietate paucorum, quod universam Ecclesiam vulneraret. Comperimus enim non incerto nuntio, sed fidelissimo rerum quae gesta sunt, narratore Hilario Diacono nostro, qui vix ne subscribere per vim cogeretur, effugit, convenisse ad Synodum plurimos Sacerdotes, quorum utique frequentia consultationi & judicio profuisset, si is qui sibi principem locum vindicabat, sacerdotalem moderationem custodire voluisset, ut (sicut moris est) omnium sententias ex libertate prolatis, id tranquillo & aequo constitueretur examine, quod & fidei congrueret, & errantibus subveniret. In ipso autem judicio non omnes qui convenerant, interfuisse cognovimus. Nam alios rejectos, alios didicimus intromissos, qui pro supradicti Sacerdotis arbitrio impiis subscriptionibus captivae manus dederunt, quod nociturum statim suo scirent, nisi imperata fecissent, talemque ab ipso prolatam esse sententiam, ut dum homo unus impetitur, in omnem Ecclesiam saevire videretur. Quod nostri ab Apostolica Sede directi adeo impium & catholicam fidei contrarium esse viderunt, ut ad consentiendum nulla potuerint oppressione compelli, constanterque in eadem Synodo, ut decuit, fuerint protestati, nequaquam id quod constinebatur, Sedem Apostolicam recepturam: Quoniam revera omne christiana fidei sacramentum (quod absit à temporibus vestra pietatis) excinditur, nisi hoc scelestissimum facinus, quod cuncta sacrilegia excedit, aboleatur. Quid est his in verbis quod spectet ad

Z z z z

nega.



negatam Concilii *προεδριαν*, quam ipse Leo postulaverit? Pontifex capita recenset singula, quæ vanam & irritam Synodum effecerant; sed inter ea suis vicariis ablatum jus præsidendi non comparet. 146 Quinetiam vindicatum Dioscoro locum in Synodo principem confirmat, dum in ea sacerdotalem moderationem requirit, & violatam Ecclesiæ & Conciliorum libertatem accusat.

Falleretur ergo Liberatus, si quod ex eo opponitur, ad mentem opponentium intelligeretur; sed revera intelligi non debet, nec ut intelligatur ipsa verborum series permittit. Nam Liberatus inprimis dicit: *Ecclesia Romana Diaconi vices habentes Papæ Leonis assidere non passi sunt.* Non dicit præsidere, sed assidere; & tamen præsidere dicendum fuit, si de præfessione tali postea loqueretur. Eam intelligit præfessionem, quæ in legendis ante omnia Leonis Papæ ad Flavianum literis consistebat. Præfessionem huic vim intulit Dioscorus, cum permittere noluit, ut assidentibus legatis dogmaticæ Leonis ad Flavianum literæ ante omnia legerentur.

Denique opponitur hæc ratio, quam ne Dioscorus in Calchedonenſi Concilio federet, Lucentius Sedis Apostolicæ legatus in medium adduxit actione 1. quia *συνεδόν ἐτάλυνσε ποιήσαι ἐπιτροπῆς διὰ τὴν ἀποστολικὴν ἐξουσίαν ὅπως ἔδεικνυτο γέγενεν, ἐδὲ ἐξόν ἡμεῖς*. quia Synodum facere ausus est sine arbitrio seu procuratore Sedis Apostolicæ; quod nunquam factum est, nunquam fieri licuit. Atqui verba hæc Lucentii *προεδριαν* Synodi nequaquam attinent. Sed ea tantum, quæ Leo Lucentii institutor declaravit apertius, & Lucentius declarat ipse, cum ait: *Quod nunquam factum est, 147 nunquam fieri licuit.* Nempe in præcedentibus Synodis, quibus adfuerunt Sedis Apostolicæ legati, Præsidibus assederunt, eorumque documenta semper lecta sunt, & actis publicis inserta. Id quod in Ephesina Synodo secunda fieri Dioscorus non permisit, usus potestate Chrysaphii, qui Eutychis defensionem non amore quidem hæresis, sed odio Flaviani susceperat. Quæ res cum venisset in notitiam Theodosii, Chrysaphius abdicatur & interimitur.

Ego dixi in præcedentibus Synodis, quibus adfuerunt Sedis Apostolicæ legati, ut in Ephesina Synodo prima, ubi præsidenti Cyrillo assederunt; & quidquid in mandatis & documentis habuerant, lectum, & in publicas Synodi tabulas relatum est. Lucentii dictum probari non posset ex Constantino-politana Synodo prima, cui nec ulli Sedis Apostolicæ legati interfuerunt, nec ullæ à Damaso Papa Ecclesiasticæ de re definienda literæ missæ sunt. Et fane nescio an illud ex Nicæna Synodo probaretur. Nam licet Silvestri Papæ legati Synodo huic interfuerint cum potestate actis assentiendi, ut Theodoretus loquitur; eos tamen parata ad fanciendam fidem instrumenta secum detulisse, omnino incomperum est. Sic aliud est quid asserere, aliud, quid asserum probare. Hinc Lucentii assertio tanti apud Synodum Calchedonenſem non fuit ponderis, ut Dio-

scoro negaretur sedendi potestas. Nam ille in tribus primis Calchedonenſis Synodi actionibus sedit. Quod & notare, visum est operæpretium, sive ut historicæ 148 veritati consulatur, sive ut id quod dissimulatum est ab iis, qui Dioscoro Ephesini Concilii *προεδριαν* adimunt, elucescat.

Cæterum Dioscorus Concilio huic universali non præsedit solus: Cum illo Juvenalis Hierosolymorum, & Thalassius Cæsareæ Cappadociæ Archiepiscopi præfederunt. Id profecto in literis Theodosii ad Dioscorum continetur. Deinde in actione 1. Calchedonenſis Concilii hoc ipsum his declaratur verbis: *Dioscorus reverendissimus Episcopus Alexandria dixit: Comperit vestra clementia, quia non mihi soli sacratissimus Imperator commisit iudicium; sed & beatissimo Juvenali, & sanctissimo Episcopo Thalassio auctoritatem Synodi dedit. Nos ergo iudicavimus, quæ iudicata sunt: Consensit nobis & universa Synodus. Quare in me solum ista extenditur, quando auctoritas & ex aquo tribus data est?*

Tum Leo Magnus absolvit omnia, cum in Epistola 11. ad Pulcheriam capite 111. de Præsidibus Ephesini Concilii 11. sic loquitur: *Siquidem pene omnes, qui in consensum præsentium ante traducti fuerant aut coacti, rescindendo quod statutum fuerat ab illis, & condemnando quod scripserunt, perpetuam culpæ abolitionem, & Apostolica pacis gratiam sint adepti.* PRÆSENTIUM nomine eos omnes intelligit, qui in Theodosii Epistola ad Dioscorum nominantur, Dioscorum Alexandriæ, Juvenalem Hierosolymorum, & Thalassium Cæsareæ, Cappadociæ Episcopos.

Hæc de Conciliorum universalium Præsidibus, 149 cum legis & tecum ipse reputas, non dubito, quin continuo tibi ante oculos statuas, quæ Gelasius in Epistola xiii. ad Episcopos Dardaniæ de notatione bene vel male gestæ Synodi convenienter scribit: *Ubi etiam consequenter ostenditur, quia male gesta Synodus, id est, contra Scripturas sanctas, contra doctrinam Patrum, contra Ecclesiasticas regulas, quam tota merito Ecclesia non recepit, & præcipue Sedes Apostolica non probavit. Bene gesta Synodus, id est, secundum Scripturas, secundum Traditionem Patrum, secundum Ecclesiasticas regulas, pro fide catholica & communione prolata, quam cuncta recepit Ecclesia, quam maxime Sedes Apostolica comprobavit.* Igitur ad bene gestæ Synodi notionem Gelasius pertinere non credit præsidendi munus, quod, ut apparet, his, vel illis Antistitibus committitur, quod uni certæ Sedi secundum Scripturas, secundum Traditionem Patrum, & secundum regulas Ecclesiasticas non addicitur. Hoc Bellarminus & illius discipuli, si capiant, capti sunt, quia quæ hac in parte immutabilia fixerunt dogmata, refigenda sunt necessario utpote Gelasio contraria; si non capiant, nulli sunt, quia Gelasio in causa Gelasii, hoc est, Sedis Apostolicæ, contradicunt. Vale, Lutetiæ Parisiorum, Idibus Aprilis anni MDCLXXIII.

# Joannes Launoius LUDOVICO CUSINO

## Nummariorum Judicum Præsidi.

151

**C**ALCHEDONENSI Concilio quin Leo Pontifex Romanus præfuerit, dubitari ne-  
tquam potest. Qua vero id ratione conti-  
gerit, paullo indagandum est diligentius,  
quia ut indagetur pro solertia tua exis. Cum E-  
phesina synodus in prædatorium evalit, ad Theodo-  
sium scripsit Leo, eumque rogavit suppliciter, ut  
quidquid in ea gestum esset, utque eo suspenderetur,  
quoad Synodus major fieret; tum ut ea synodus intra  
Italiam haberetur. Ex Leonis Epistola ad Theodosi-  
um, verba sunt hæc: Ecce ego, Christianissime Impe-  
rator, cum sacerdotibus meis implens erga reverentiam  
clementia vestra sinceri amoris officium, cupiensque  
vos placere per omnia Deo, cui pro vobis ab Ecclesia sup-  
plicatur, ne ante tribunal Christi Domini rei de silen-  
tio judicemur, obsecramus coram unius Deitatis insepa-  
rabilis Trinitate, qua tali facto laditur, cum ipsa vestri  
sit custos & aultrix Imperii, & coram sanctis Angelis  
Christi, ut omnia in eo statu manere jubeatis, in quo  
fuerunt ante omne iudicium, donec major ex toto orbe  
Sacerdotum numerus congregetur. Et post alia: Cui  
Sacramento, quia impie nunc a paucis imprudentibus ob-  
viatur, omnes partium nostrarum Ecclesia, omnes man-  
suetudini vestra cum gemitibus & lacrymis supplicant  
Sacerdotes, ut quia & nostri fideliter reclamant,  
& eisdem libellum appellationis Flaviani Episcopus de-  
dit, generalem Synodum jubeatis intra Italiam cele-  
brari, qua omnes offensiones ita aut repellat, aut miti-  
get, ne aliquid ultra sit in fide dubium, vel in caritate  
divisum.

Leo eadem pene repetit in Epistola xxv. quam  
& suo & Romanæ synodi nomine ad Pulcheriam  
dedit: Scripsimus de hac re, ut potuimus, ad gloriosis-  
simum Principem, & quod maximum est, Christianum,  
cujus Epistola pariter exemplar subjecimus, ut fidem in  
qua renatus per Dei gratiam regnat, nulla sineret no-  
vitate corrumpi: Quoniam Flavianus Episcopus in no-  
stra omnium communione persistit, atque hoc quod factum  
est sine consideratione iustitiae, & contra omnem Cano-  
num disciplinam, ratum haberi nulla ratio permittit; &  
quia dissensionis scandalum non abstulisset Ephesina Syno-  
dus, sed auxisset, de habendo intra Italiam Concilio  
& loco constitueretur & tempus, omnibus querelis &  
præjudiciis partis utriusque suspensis, quo diligentius  
universa, qua offensionem generaverant, retracten-  
tur, & absque vulnere fidei, absque religionis inju-  
ria, in pacem Christi redeant, qui per impotentiam  
subscribere coacti sunt Sacerdotes, & soli auferantur  
errores.

Iterum in Epistola xxx. ad Theodosium: Sin vero  
aliqui a puritate nostræ fidei atque Patrum auctoritate  
dissentiant, Concilium universale intra Italiam, sicut Sy-  
nodum, qua ob hanc causam Roma convenerat, necum  
petit, clementia vestra concedat, ut in unum convenienti-  
bus omnibus his, qui aut ignorantia, aut terrore prolapsi  
sunt correctionis remediis consulatur.

Rursus in Epistola xxxv. ad Pulcheriam: Quos  
(legatos sedis Apostolicæ) post divinam gratiam  
sancto vestra pietatis auxilio dignum est adjuvari,  
ne in totius Ecclesie perturbationem imprudens proce-

dat contentio, cum correctione adhibita omnes oporteat  
in unius confessionis redire concordiam, à qua si for-  
sit ab aliquibus discrepatur, universale Concilium Sa-  
cerdotum haberi intra Italiam clementia vestra annu-  
ente jubeatur, quo remota arte fallendi tandem pa-  
teat, quid altiore tractatu, aut coerceri debeat, aut  
sanari.

Interea dum vita Theodosius defungitur, Leo sta-  
tim ad Marcianum Theodosii successorem pro in-  
dicenda synodo scribit Epistolam numero xliii.  
cujus verba sunt hæc præcipua: Prior itaque Syno-  
dus Ephesina Nestorium cum dogmate suo merito iuste-  
que damnavit: Quisquis in illo errore persistit, ad nullius  
potest spem remedii pervenire. Sequens vero in prædicta  
civitate non potest vocari Concilium, quod in eversione  
fidei fuisse constat agnatum, quodque vestra clementia  
amore veritatis, Catholicis affuturæ, aliud statuendo cas-  
sabit, gloriosissime Imperator.

Ex iis vero factum est, ut Valentinianus & Mar-  
cianus ad Leonem ita scripserint: Tale propositum ac  
desiderium habemus, quatenus omni impio errore sublato,  
per celebrandam Synodum, te auctore, maxima pax circa  
omnes Episcopos fidei catholica fiat. Hæc Epistola ha-  
betur in parte 1. Calchedonenis Concilii cap. xxxiii.  
Cum Imperatores dicunt, te auctore, idem est ac si, te  
Præsidi, dicerent.

Accedunt aliæ literæ, quas ibidem Marcianus ad  
Leonem dedit: Superest, ut si placuerit beatitudini  
tue in has partes advenire & Synodum celebrare, hoc  
facere religionis affectu dignetur: nostris utique deside-  
riis vestra sanctitas satisfaciet, & sacra religioni qua  
utilia sunt, decernet.

Theodorus Lector hæc omnia paucis complectitur  
in libro 1. collectaneorum: Marcianus & Pulcheria  
Leoni Papa Romano scripserunt, illique cunctam auctori-  
tatem tribuerunt, nempe ut fieret Concilium, cui præ-  
sideret. Quia vero hæc nimis splendescunt, metuo  
ne sint, qui confugiant ad recentiorum nonnullorum  
tenebras, quibus inobcurentur.

Et quamvis Leo vehementer optaverit, ut hinc  
in Italia celebraretur Concilium, inde Concilium il-  
lud celebrandum propter publicas calamitates in  
tempus differretur opportunius; Imperator tamen  
Nicæ in urbe Bithyniæ sine mora ulla indixit. Pon-  
tifex Leo, qui celebrato in Italia Concilio, ut appa-  
ret, præfuisset, eidem Concilio extra Italiam cele-  
brato per vicarios suos præfuit. Hinc Nicæam illos  
misit, non ut interessent tantum Concilio, sed etiam  
ut præessent. Sic se res habet in Epistola xlvii.  
quam ille ad Nicænam synodum, non Calchedonen-  
sem, ut falso in vulgatis codicibus legitur, scribit.  
Amplendum, inquit, clementissimi Principis plenum  
religione consilium, quo sanctam fraternitatem vestram  
ad destruendas insidias diaboli, & ad reformandam  
Ecclesiasticam pacem voluit convenire, beatissimi Pe-  
tri Apostoli jure atque honore servato, adeo ut nos  
quoque suis ad hoc literis invitaret, ut venerabili Sy-  
nodo nostram præsentiam preberemus: Quod quidem  
nec necessitas temporis, nec ulla consuetudo poterat per-  
mittere. Tamen in his fratribus Paschasino & Lucenio  
Zzzz 2 Episco-

154

155



Episcopis, Bonifacio & Basilio Presbyteris, qui ab Apostolica Sede directi sunt, me Synodo vestra fraternitas existimet presidere.

Deinde in Epistola XLIX. ad Marcianum repetitur fere idem: Credebamus clementiam vestram id desiderio nostro posse prestare, ut presenti necessitate rescripta differri ad opportunum tempus. sacerdotalem Synodum haberetis, ut, vocatis de omnibus provinciis Sacerdotibus, vere posset esse universale Concilium. Sed quia vos amore catholica fidei congregationem nunc fieri voluistis, ne devoto obviare viderer arbitrio, fratrem & Coepiscopum meum Paschasium de ea provincia, qua videbatur esse securior, evocatum, qui vicem presentia mea possit implere, direxi, Bonifacio fratre nostro & compresbytero sociato, & his, quos antea miseramus, adiunctis, consortem illis fratrem quoque meum  
156 Julianum addentes Episcopum. Et infra: Quia vero quidam de fratribus (quod sine dolore non didicimus) contra turbines falsitatis non valere catholicam tenere constantiam, praedictum fratrem & Coepiscopum meum vice mea Synodo convenit presidere.

Tum brevi certis de causis Synodus Nicæa Calchedonem translata est: Quod ita factum Leo in Epistola LI. ad Pulcheriam significat. Quod ergo, inquit, Synodum Calchedonensem haberi clementia vestra precepit, cum à me in Italia haberetur, mansuetudo vestra retineat postulatum, ut omnes nostrarum partium convocati Amissites, si securitas temporis superpetet, convenirent; adeo tamen non aspernantur accepi, ut binos de Coepiscopis meis & compresbyteris ordinarem, qui vicem meam implere sufficerent, etiam datus ad venerabilem Synodum congruentibus scriptis, quibus fraternitas advocata cognosceret, quam formam servare in hac disputatione deberet, ne ulla temeritas aut fidei regulis, aut Canonum statutis, aut benignitatis remediis obviaret. Hæc cum alia respiciunt, tum Imperatores etiam, qui suis ad Leonem Epistolis affirmant velle se, ut Leone auctore, id est, Præsidente per celebrandam synodum pax maxima circa omnes Episcopos fidei catholice fiat, & ut quæ religioni sacræ sunt utilia, decernat. Quidquid id est, Theodorus Lector pacis verbis complectitur. Calchedonense Concilium hac in parte Leoni consentit, ejusque ~~rescripta~~ in vicariis agnoscit in tribus acti-

157 onibus primis, quæ sic incipiunt: Conveniente sacro & universali Concilio secundum sacram præceptionem in Calchedonensi urbe congregato, id est, Paschasio & Lucenio Episcopis, & Bonifacio Presbytero locum tenentibus Archiepiscopi Leonis, Anatolio Archiepiscopo Constantinopolitano, Dioscuro Episcopo Alexandrino, Maximo Antiochia, Juvenali Hierosolymorum Episcopo. Et quibusdam interpositis: Residentibus magnificis, & gloriosissimis iudicibus in medio ante cancellos sanctissimi altaris, & ex leva parte sedentibus vicariis Antistitis Leonis & Anatolio Archiepiscopo, Maximo Antiochia, Thalasio Episcopo Casarea Capadocia, Stephano Episcopo Ephesi, & ceteris Episcopis Orientis & Ponti & Asiana & Thracia regionum, exceptis Palestinis; ex dextera vero parte similiter consistentibus Dioscuro Episcopo Alexandrino, Juvenali Episcopo Hierosolymorum, Quintillo Episcopo Heraclea prima Macedonia, & agente vices Episcopi Thessalonicensis, &c. Paschasius & Lucentius Episcopi, & Bonifacius Presbyter censentur presidere Concilio, quod nominentur primi, non quod Leonis Archiepiscopi locum tenere dicantur. Nam non omnis Presbyter aut Episcopus, qui locum alterius Episcopi tenet in Synodo, præsidet, aut præsidere dicendus est. In tribus Calchedonensis Concilii actionibus primis Quintillus Heraclea primæ Macedonia Episcopus Thessalonicensis Episcopi locum tenet; eum tamen Calchedonensi Concilio

158 præesse quis diceret? Et paulo post actionis III. incipit: Paschasius Episcopus Libyæ provinciæ

Sicilia, agens vices sanctissimi Episcopi Apostolica Sedis senioris urbis Roma Leonis, ~~per~~ interpretem sic dixit: Notum est, nempe huic Deo amabili Concilio, & ad beatum & Apostolicum & Catholicum Papam Leonem sacras esse literas destinatas, quatenus huic sancto Concilio se presentare dignaretur. Sed quoniam neque antiqua hoc tenuit consuetudo, neque generalis temporis necessitas permittere videbatur, nostram parvitatem huic sancto Concilio pro se præsidere præcepit.

Julianus Hypæpensis Episcopus ut Dioscorum Ephesinæ Synodi, sic & Leonem Calchedonensis Præsidentem facit in actione III. Julianus Hypæpensis Episcopus dixit: Sancti Patres audite. Quando in Ephesi Metropoli primatum habebat Dioscorus ad iudicandum inter Flavianum & Eusebium Episcopum, & inter Eutychem, & ex omni parte iniquam proferens sententiam, ipse prius persecutus est injustum iudicium, & omnes cum necessitate secuti sunt. Nunc vestra sanctitas primatum tenet sanctissimi Leonis, & omne sanctum Concilium, quod secundum Dei gratiam & sanctionem piissimorum nostrorum Imperatorum congregatum est, & cognovit singula, quæ in Epheso injuste acta sunt, & vestra sanctitati innotuerunt, & semet & secundo & tertio vocavit Dioscorum; & nullatenus voluit obedire. Petimus igitur vestram sanctitatem qui habes; magis autem qui habetis locum sanctissimi Papa Leonis promulgare in eum, & infirmam regulis contra eum proferre sententiam: Omnis enim sancta Synodus concors efficitur vestra sanctitatis sententia. At primatum hic in synodo tenere est synodo præesse. 159

Idem præsidendi munus Leoni confirmat Concilium actione V. ubi exaratur ejusdem adversus Eutychem definitio, eique primi omnium subscribunt Leonis vicarii. Deinde actione VIII. in qua iidem vicarii restitutionem Theodoretici sic proponunt: Paschasius & Lucentius reverendissimi Episcopi, & Bonifacius reverendissimus Presbyter, insuper & Julianus Episcopus Coensis, habentes locum Apostolica Sedis, dixerunt.

Tum Leo ipse præfuisse se synodo Calchedonensi duobus in locis scribit. Unus est in Epistola LIII. ad Anatolium Constantinopolitanum Episcopum capite III. Nimis, inquit, hæc improba, nimis sunt prævia, quæ sacratissimis Canonibus invenimus esse contraria: In totius Ecclesiæ perturbationem superba hæc tendis elatio, quæ ita abuti voluit Concilio synodali, ut fratres in fidei negotio tantummodo convocatos, & definitione ejus causæ, quæ erat curanda, perfunctos, ad consentiendum sibi aut depravando traduceret, aut terrendo compelleret. Inde enim fratres nostri ab Apostolica Sede directi, qui vice mea Synodo præsidebant, probabiliter atque constanter illis ausibus obstiterunt. Alter est in Epistola XCIV. ad Galliarum Episcopos: Impletis per misericordiam Dei communibus votis, dignum est fraternitatem vestram sanctorum gaudiis habere consortium. Nam fratres mei, qui vice mea Orientali Synodo præfederunt, quæ vota retulere, significo. 160

Cæterum à Calchedonensis Concilii ~~rescripta~~, quam Leoni Papæ variis modis asseruimus, excipienda est ejusdem Concilii actio XII. cui Anatolius Constantinopolitanus Episcopus præfuit, non Leonis vicarii. Id actionis XII. contextus apertam in lucem prodit: Similiter tertio Calendarum Novembrium eodem consulti in eadem sanctissima Ecclesia residentibus supra scriptis magnificissimis & gloriosissimis iudicibus, & eodem sancto & generali Concilio gloriosissimi iudices dixerunt: Sollicitudo necessaria reipublicæ negligitur, nobis propter fidem in sancto Concilio continuo occupari à divino apice iussu. Quia ergo multum nos à necessariis reipublicæ causis abducere non est possibile, velocem questionibus solutionem imponere festinantes,

namque, primo ordine dicere sanctam Synodum potimum, siquid majus deliberavit de sanctissima Ephesiorum Ecclesia, utrum alium ei Episcopum oporteat ordinari, an certe Bassianum reverendissimum Episcopum recipere Episcopatum, an Stephanum reverendissimum Episcopum esse. Omnia enim qua ad eos pertinent, sicut novit eadem sancta Synodus, hesterno die sufficienter examinata noscuntur.

161 Anatolius reverendissimus Archiepiscopus Constantinopolitanus dixit: Mihi placet, si etiam sancto Concilio videatur, ne utrum horum illius esse civitatis Episcopum, sed aliam debere ordinari, eo quod prater Canones sibi met Episcopatum usurparunt; habere autem eos dignitatem Episcopi, & a sancta pascendos Ecclesia.

Paschasius reverendissimus Episcopus obtinens locum Apostolica Sedis, dixit: Bassianus vel Stephanus Episcopi, sicut cognitio manifestavit, non bono ordine uterque Ephesiorum Ecclesiam detinuisse noscuntur. Hac ergo gratia, si omnis sanctissima Synodus consentit, his remotis, alter regulariter ordinetur.

Lucentius reverendissimus Episcopus obtinens locum Apostolica Sedis dixit: Non est canonicum ambos esse.

Julianus reverendissimus Coensium civitatis Episcopus, & ipse vicarius Apostolica Sedis dixit: Non debent ambo projici.

Gloriosissimi Judices dixerunt: Quoniam saepe nobis interloquentibus & poscentibus proferri sententiam de Episcopatu sanctae Ecclesiae in Epheso constituta, perfecta responsio ab omnibus non est data, venerabile & immaculatum Evangelium in medio proferatur. Et allato sanctissimo Evangelio in medio, gloriosissimi Judices dixerunt: Similem petitionem sancta Synodo rursus offerimus, propositis sanctis Evangelis, adhortantes vos, neque duorum quumquam ledere, si forte quisquam eorum dignus est, ut in memorata sanctissima Ecclesia episcopatum debeat obtinere, sive si uterque indignus est, declarare. Unde secundum Deum, & secundum quod dignum est atque decens, ac utile sanctae Ecclesiae, qua sunt iusta, decernite.

162 Anatolius reverendissimus Episcopus Constantinopolitanus dixit: Eo dudum dixi: Mihi videtur, si etiam sanctissimo Concilio placet, ut neuter eorum sit Ephesiorum civitatis Episcopus; sed alius ex electione omnium, qui pascendi sunt, ordinetur ad gubernandum quod dignum est, quod ambo prater regulas sibi met episcopatum usurparint; habere autem eos & dignitatem Episcopi, & communionem, & ab Ecclesia esse pascendos.

Paschasius reverendissimus Episcopus obtinens locum Sedis Apostolica antiquioris Romae, dixit: Hec ipsa, qua semel disposui, & in praesentia dispono de memoratis, quorum uterque nullo ordine Ephesiorum suscepit Ecclesiam; & propterea, si consensit omnis Synodus, debet, his remotis, alter secundum Canonum statuta decerni.

Sequuntur sententiae Maximi Antiocheni Episcopi, Juvenalis Hierosolymitani, Thalassii Caesariensis, Eusebii Ancyraei, Juliani Coensium Episcopi, & vicarii Apostolicae Sedis, &c.

Gloriosissimi Judices dixerunt: Placet sancto Concilio interlocutio Dei amantissimi Archiepiscopi Anatolii, & reverendissimi Episcopi Paschasii obtinentis locum Romae Apostolica Sedis, qua declaratum est, ambos quidem esse reverendos, tanquam prater regulas factos; alterum vero ordinari debere: Prædictos autem habere Episcopi dignitatem, & a sanctissima Ephesina Ecclesia nutriendos.

Sancta Synodus exclamavit: Hac pia interlocutio, hac secundum regulas est.

163 Digenes reverendissimus Episcopus Cyzici dixit: Atque haec melior est. Omnes clamaverunt: Hac iusta sententia, hac omnibus placet. Ambo absque regulis facti sunt; qua canonica sunt, in his obtineant.

Gloriosissimi Judices dixerunt: Quoniam placuit universis interlocutio Dei amantissimi Archiepiscopi regia Constantinopolis Anatolii, & reverendissimi Episcopi Paschasii obtinentis locum Leonis Dei amantissimi Archiepiscopi senioris Romae, precipiens, eo quod uterque contra regulas factus est, neutrum eorum denominari, neque praesse sanctissima Ephesiorum Ecclesia, & omnis sancta Synodus contra regulas eos ordinatos edocuit, & interlocutionibus reverendissimorum Episcoporum consensit: Removebuntur quidem a sancta Ecclesia Ephesiorum Bassianus & Stephanus reverendissimi; habeant autem dignitatem Episcopi, & ex redditibus memorata sanctissima Ecclesia, nutrimenti gratia & consolationis, annis singulis solidos aureos ducentos accipiant. Alter vero secundum regulas ejusdem sanctissima Ecclesiae Episcopus ordinabitur.

Omnis sancta Synodus exclamavit: Hac iusta sententia, hac iusta forma, hac bene habent. Bassianus reverendissimus Episcopus dixit: Quae mihi abrepta sunt, jubete restitui. Gloriosissimi Judices dixerunt: Siquid Bassiano reverendissimo episcopo ex rebus illi competentibus direptum est, sive a Stephano reverendissimo Episcopo, sive ab aliis quibuscunque personis, hoc ei post judiciales probationes, ab his, qui abstulerunt, vel causa laesionis fuerunt, restitueretur.

Hic igitur merito dubitari non potest quin Anatolius Constantinopolitanus Antistes, Sedis Apostolicae legatis praesentibus & sententiam dicentibus, Calchedonensis Concilii actioni xii. praefuerit; & si quis assereret actionis hujus Praesides fuisse plures, Anatolium Praesidem fuisse primum dicere cogetur.

Rem expono latius. In Calchedonensi Concilio tractantur negotiorum genera duo. Unum, cujus gratia indictum atque habitum est Concilium: Et eo in casu Leo per suos vicarios Concilio praefuit, qua ratione praefuisse illum vidimus. Alterum, cujus gratia indictum atque habitum non est Concilium, ut id quod in actione xii. tractatur: Componendum nempe dissidium, quod actionis hujus initio proponitur, an Bassianus vel Stephanus retinendus sit in Ephesina Ecclesia Episcopus, an Bassiano & Stephano amotis sufficiens sit alius. Disciplinae res est, quam Nicæna Synodus suis regulis asseruit & constabilivit, & Calchedonensis Concilii Patres ac Sedis Apostolicae legati eam ob causam Anatolio reservatam esse crediderunt. Intelligebant viri prudentes nihil esse eo convenientius aut justius, quod Celestinus Romanus Pontifex Perigeni, Dynato, Basilio, & cæteris Illyrici Episcopis, non ita pridem scripserat: Dominemur, inquit, nobis regulae, non regulis dominemur; sumus subiecti Canonibus, cum Canonum praepcepta servamus. Hinc effectum est, ut Anatolius actioni xii. praefuerit; nempe cum ordinandus fuit 165 Metropolitanæ Ephesiorum Ecclesiae Antistes, ille loquitur primus, & deinde eum ita locutum excipiunt Leonis & Occidentalium Episcoporum vicarii.

Porro hac vel alia de causa Sardiana Synodus Concilii hujus Praesides, ut minimum duos, Leonem & Anatolium, facit in epistola, quam ad Leonem Imperatorem mittit parte iii. Calchedonensis Concilii capite xlii. De principali namque capitulo, & quod ad ipsam Christianorum fidei respicit summam, id est, de sancto & universali Concilio Calchedone collecto, cui regulariter praesederunt, & maxima Roma sanctissimus & beatissimus Archiepiscopus Leo per venerabiles Episcopos directos & clericos, necnon & regia Constantinopolis sanctissimus & venerabilis Archiepiscopus Anatolius, & summi Sacerdotes, qui eis concordantes fuerunt, & similia decreverunt.

Sardianam Synodum excipit Romana illa Synodus, quæ de Scripturis authenticis & apocryphis habita est. Ibi videtur unicus tantum Concilii Praeses Anatolius.



natolius. Sancta, inquit, Romana Synodus post illas veteris vel novi Testamenti, quas regulariter suscepimus, etiam suscipi non prohibet scripturas. Et quibusdam interpolitis: Sanctam Synodum Calchedonensem, mediante Marciano Augusto & Anatolio Constantinopolitano Episcopo, in qua Nestoriana & Eutychiana hereses simul cum Dioscoro ejusque complicitibus damnata sunt. Verba  
 166 hæc, mediante Anatolio Constantinopolitano Episcopo, videntur *regidelas* importare. Et quia nulla fit Leonis mentio, vix possum Gelasio tribuere, quod illi hac in Synodo tribuitur. Potuitne Gelasius in præteritis Leonem relinquere, quem & acta Calchedonensis Synodi, & ipsius Leonis epistolæ, Concilii hujus Præsidentem tam luculenter faciunt?

Hic non tam miror errorem, quam quæro modum, quo talis error tunc temporis, & in tali loco (si Romana Synodus sit Gelasii) obrepserit. Per multa vidi cum edita, tum manuscripta exemplaria, quæ hac in re non variant. Ingenue fateor esse aliquando veritatem, sic & falsitatem adeo illustrem, ut eam nullæ verborum, rerumve præstigiæ possint obruere. Interim moneo constituendam nobis semper esse Oecumenicæ Synodi notionem, quam ætate super Calchedonensis Concilii Gelasius tradit in epistola XIII. ad Episcopos Dardaniæ. Hæc est ejusmodi: Male gesta Synodus, id est, contra scripturas sanctas, contra doctrinam Patrum, contra Ecclesiasticas regulas, quam tota merito Ecclesia non recepit, & præcipue Sedes Apostolica non probavit. Bene gesta Synodus, id est, secundum scripturas, secundum traditionem Patrum, pro fide catholica & communione prolata, quam cuncta recepit Ecclesia, quam maxime Sedes Apostolica comprobavit.

Macedonius Constantinopolitanus Episcopus Calchedonensem synodum damnare nolens respectum videtur habuisse ad Leonem synodi hujus Præsidentem: Et sane norunt omnes Imperatorem Anastasium Calchedonensis synodi hostem ita fuisse capitalem, ut nemo magis oderit. Sed cum Macedonium virum illum fide catholicum, qui ad annum cccxcv. Constantinopolitanæ Ecclesiæ clavum tenere cœpit, ad synodi illius damnationem impelleret, hic Anastasio sic respondit apud Theodorum Lectorem. In libro II. Collectaneorum: Cum hac gereremur, Imperator Macedonium vehementer urisit, ut idem & ipse faceret; (id est, synodum quartam condemnaret) ille vero sine universali Synodo, cui magna Roma Episcopus præfideret, nihil se facturum dixit. Quasi diceret: Huic synodo, cui Romanus Pontifex præfedit, contradicere non possum sine alia universali synodo, cui Romanus alter Pontifex præfideat. Post Macedonium & Gelasium auctores multi unicum Concilii Præsidentem fecerunt Leonem.

Vigilius in epistola ad universum populum Dei: Sed & Calchedonensis DCXXX. Patrum, quæ sub pia memoria Marciano Imperatore convenit, cuique sancta recordationis decessor noster Papa Leo per legatos suos vicariosque præfedit.

Facundus Hermianensis Episcopus in libri v. capite v. Sufficit ad defensionem ipsius Epistole, quod eam tanta Synodus, & ipsius auctor Synodi vir Apostolicus, & in doctrina veritatis toto orbe notissimus, approbavit. Hoc in loco synodi auctor idem est ac Præses.

168 Pelagius II. in Epistola v. ad Episcopos Istriæ: Cui (Calchedonensi Synodo) sancta recordationis Papa Leo per legatos vicariosque suos præfedit.

Adalbertus Morinensis Episcopus in fidei professione, quam ante ordinationem suam Hincmaro Remensi obtulit: Sex sanctas & generales de fide Synodos, quas sancta & Apostolica Ecclesia recipit, me recipere & venerari profiteor, videlicet Nicenam

CCCXVIII. Patrum, &c. Calchedonensem DCXXX. Patrum, cui præfedit per vicarios suos sanctus Leo Papa, temporibus Marciani Principis, contra Eutychem nefandissimum Præsulem Monachorum celebratam.

Tarasius Constantinopolitanus, qui ad annum DCCLXXX. claruit, Anatolium Constantinopolitanum Calchedonensis synodi Præsidentem facit hoc modo: Dum actio prima synodi VII. celebrabatur, certa quædam de Anatolio facta est interlocutio, ubi Tarasius sermonem huncce instituit: Tarasius sanctissimus dixit: Quid dicitis de Anatolio? Nomen primum, *Euppes*, sancta Synodi fuit? Tum post pauca legitur hoc veluti proœmium Calchedonensis Concilii: Conveniente sancto & universali Concilio, id est, Paschasino & Lucentio Episcopis, & Bonifacio Presbytero, locum tenentibus Archiepiscopi Leonis, & Anatolio Episcopo Constantinopolitano. Hæc ille nemine repugnante dixit; & tamen mirum est Anatolium a Tarasio nunc primum Concilii, nunc alterum Præsidentem fieri. Quidquid id est, ætas recentior Tarasium a ferendo contra Leonis præsentiam testimonio excludit.

Photius in libro de septem Synodis rem aliter exponit. Concilii Præsides statuit multos, & in iis primum omnium Anatolium: Sanctum & Oecumenicum quartum Concilium præsentem atque faventem habuit Marcianum piissimum Imperatorem, delegitque sibi Calchedonem insignem Bithynia civitatem; sexcenti & triginta Episcopi interfuerunt. Præsides declarati sunt Anatolius, qui sacra regie civitatis habenas moderabatur, & Paschasius ac Lucentius episcopali dignitate præstantes, cum Bonifacio Presbytero, qui locum obtinebant Leonis sanctissimi Papa Romani, cujus gloria magna, magnusque pietatis ac religionis zelus est studium, & Maximus Antiochia Episcopus, & Juvenalis Episcopus Hierosolymorum. Nonne oppido ridiculus est Photius, qui Præsidentibus aliis Anatolium suum præponit?

Scriptores Græci post Photium alii eisdem Concilii Præsides statuunt, sed in iis primum omnium Leonem.

Gregorius Cedrenus in Compendio historiarum. Præfuerunt, inquit, Concilio Leonis Papa Romani vicarii, Paschasius & Lucentius Episcopi, ac Bonifacius Presbyter, Anatolius Constantinopolitanus, Juvenalis Hierosolymorum, Episcopi.

Joannes Zonaras in tomo III. Annalium: Itaque DC. Patres Deo pleni Calchedonem in eadem  
 174 sancta martyris Euphemie conveniunt, quorum principes erant Leo Papa Romanus, Anatolius Constantinopolitanus, & Juvenalis Hierosolymitanus.

Nilus Rhodiensis Episcopus in libro de Synodis: Sancta & Oecumenica quarta Synodus Calchedone habita est, imperante Marciano congregata, à sexcentis triginta sanctis Patribus adversus Dioscorum Patriarcham Alexandrinum, & Eutychem Archimandritam Constantinopolitanum. Hinc præerat Leo Roma, Anatolius Constantinopolis, Juvenalis Hierosolymorum, & Maximus Antiochia, Episcopi.

His videtur assentiri Nicephorus in libri XV. hist. capite VIII. Synodo huic (Calchedonensi) interfuerunt ex veteri Roma Paschasius, Lucentius, & Bonifacius, Leonis, Romani Antistitis locum obtinentes: Interfuit & Anatolius nova Roma Episcopus, Maximus Antiochia ad Orontem, Juvenalis Hierosolymorum, & ipse Dioscorus Alexandria, Præsules, qui, sicuti diximus, exautoratus, & ad exilium damnatus, Gangrensem regionem in Paphlagonia incolere est jussus.

Cedrenus igitur, Zonaras, Nilus, & Nicephorus tacite

tacito coarguunt Tarasium & Photium, qui Anatholium Calchedonenſis Concilii Præſidem fuiſſe primum ſignificant, eumque Leoni anteponunt: Atque ita vel nimio erga Sedem ſuam Conſtantinopolitanam ſtudio ducuntur, vel in ſumma actorum Concilii huius ignoratione verſantur.

Hæc habui, quibus Calchedonenſis Concilii 171 *apostolus* Leoni Papæ aſſerem, & varia Synodorum & auctorum teſtimonia explicarem, conciliarem, & exigente nonnunquam veritate, reſellerem.

Excepimus actionem XII. cui præſuit Anatolius Conſtantinopolitanus Antiſtes, præſentibus & non

repugnantibus Sedis Apoſtolicæ & Occidentalium Epiſcoporum legatis, qui & ſententiam poſt Anatholium dixerunt. Recentiores quidam auctores legibus aſſueti metaphyſicis, id eſt, æternis & immutabilibus, quas ad Eccleſiaſticas res huiusmodi tranſmittunt, iſtud vix capient: Quia, quod tu probe tenes, capere neſciunt, capienda eſſe pro tempore, quæ fert certa & legitima illiusmet temporis conditio. Tuum igitur erit, cum tam acri iudicio polleas, perſpicere, num quod mihi propoſui, conſecutus fuerim, & revocare ad ſcopum, quæ ab eo præter mentem meam deſlecterent. Vale Lutetiæ Pariſiorum, Idibus Aprilis anni MDCLXXIII.

# Joannes Launoius

## CAROLO PRESTIO

Parienſi Theologo.

173 **Q**UONIAM vero nonnulli ſunt auctores, cum Latini, tum Græci, qui habita Conſtantinopoli diverſis temporibus Concilia duo miſceant: Nos contra ſic diſtinguimus, ut oportet diſtinguere, & prius de uno, quam de altero, tractamus. Hac enim ratione quod uni tribuendum eſt, non tribuetur alteri, & cum veritate quæ geſſit ipſa veritas dicetur. Ex his ergo duobus Conciliis primum celebratum eſt anno DXXXVI. quo degens Conſtantinopoli Agapetus Romanus Pontifex exceſſit à vita. Secundum coactum eſt anno DLIII. quo Vigilius Romanam adminiſtrabat Eccleſiam. Hoc generale Concilium quintum appellatur, illud non ſic appellatur, nec revera poteſt appellari, ſi priſcus ſcribendi & loquendi modus in auctoritatem admittatur.

I. Priori Concilio quod habitum eſt anno DXXXVI. Menas Conſtantinopolitanus Epiſcopus præſedit. Id teſtantur acta Concilii ipſius, quod actionibus quinque conſtat. In earum prima Menæ præſidendi partes aſſignantur hoc modo: *Præſidente domino noſtro ſanctiſſimo & beatiſſimo Archiepiſcopo, & Patriarcha Mena, in mediuſculo ante occidentem venerabilis domus 174 Domina noſtra ſanctæ & glorioſe Dei genitricis ſemper virginis Mariæ, quæ eſt prope ſanctiſſimam magnam Eccleſiam; & à dextera quidem parte conſidentibus ei iuxta pium juſſum Chriſto amantiſſimi & à Deo cuſtoditi Imperatoris noſtri Juſtiniani, ſanctiſſimis ac Deo amantiſſimis Epiſcopis Sabino, Canuſino, Epiphania Aſculano, Aſterio Salernitano, Ruſtico Faſulano, Leone Nolano, Epiſcopis ex Italia regione, prius quidem miſſis à Sede Apoſtolica, deinde vero unanimiter conſentientibus advenienti huc ſanctæ memoriæ Agapeto Papæ antiqua Romæ. Deinde in actione IV. Monachi quidam ſuo in libello Menam uti Præſidem his verbis alloquuntur: Per omnia ſanctiſſimo & beatiſſimo domino noſtro Menæ regiæ urbis Archiepiſcopo, & ſanctiſſimis Epiſcopis, qui ex Italorum regione in ipſam conveniunt, ac Deo amantiſſimis Archidiaconis Apoſtolicæ Sedis, ac ſanctæ Epiſcoporum ſanctiſſimorum Synodo in Chriſto amata civitate congregatæ, Marianus Preſbyter, & Archimandrita Monafterii Dalmatii, & primus venerabilium Monafteriorum regiæ urbis.*

His autem ſi opponerentur quæ libellus ſynodicus tradit de hac Synodo, per certiora utique Synodi huius acta corrigerentur. Libelli ſynodici adſcribo verba: *Juſtino autem mortuo, Juſtiniani nepos ipſius ſceptra imperii ſuſcepit. Cum vero & Menas terrena iſthac reliquiſſet, Anthimus Trapezuntis Epiſcopus, Byzantina Eccleſia ſolium naſtus eſſet, & cum Gothis Romam, eique vicina loca depradati eſſent, Agapetus beatus illius Papa urbem regiam acceſſit, divina 175 & ſanctæ inſtituta Synodo, in qua Anthimus Conſtantinopolitanum Epiſcopum, qui in Manicheiſmi ſuſpicionem venerat, & ne iudicio ſiſtere ſe cogeretur, ſeipſum abſconderat, in hunc uſque diem anathemati ſubjecit; ſolium vero Eccleſia Byzantina Eutychieſ Monachus ſortitus eſt. Hæc libelli ſynodici auctor, qui incerta ætate claruit.*

II. Eutychieſ Conſtantinopolitanus Epiſcopus alteri præſuit Concilio, quod univerſale quatum habetur. Concilium hoc in varias tributum eſt collationes, in quarum prima Eutychieſ locum primum ſic occupat: *Conſidentibus in ſecretario venerabilibus Epiſcopis huius regiæ civitatis, Eutychio ſanctiſſimo Patriarcha regiæ Conſtantinopolis nova Romæ, Apollinario ſanctiſſimo Archiepiſcopo Alexandrina civitatis, Domino ſanctiſſimo Patriarcha Theopolitana civitatis. In reliquis collationibus ſeptem primus omnium ſemper nominatur Eutychieſ, & id agit, quod Præſides Conciliorum agere ſolent.*

III. Et quamvis hoc ita ſit; Vigilius tamen Papa, qui tum erat Conſtantinopoli, huic præſuiſſet Concilio, ſi voluiſſet intereſſe. Qua in re fides adhibenda eſt maxime Eutychio, cujus res agitur. Huic ergo credatur ad Vigilium ita ſcribenti: *Petimus, præſidente nobis veſtra beatitudine ſub tranquillitate, & ſacerdotali manſuetudine, propoſitis ſanctis Evangeliiſ, communi tractatu eadem capitula in medio proponenda 176 quæri & conferri. Quæ verba repetuntur in Vigilii conſtituto de tribus capitulis: Cum igitur prædicta omnia & ſervavimus & ſervamus, & in iſdem nobis invicem conſentimus, neceſſarium eſt conferri de tribus capitulis, unde quibuſdam queſtio nata eſt; & ideo petimus, præſidente nobis veſtra beatitudine ſub tranquillitate & manſuetudine ſacerdotali, ſanctis propoſitis Evangeliiſ, communi tractatu eadem capitula in medio*



dio proponenda quari & conferri. Id Victor Tunnonensis Episcopus confirmat in Chronico, dum ait: *Quintum Concilium Constantinopolitanum habitum est sub Eutychio Mena successore. Non dicit sub Vigilio, qui vocatus ad Concilium, Concilio interesse noluit.*

Deinde in collatione v. legitur & approbatur Mopsuestenae Synodi contra Theodorum Mopsuestenum Antistitem relatio ad Vigilium, quem & Synodus hac, & generalis quinta non aliter ac Praesidem suum, si adesse voluisset, alloquuntur: *Decbat vere, cum primam inter Sacerdotes dignitatem sortiti esis, sanctissimi, ea qua ad sanctarum Ecclesiarum statum respiciunt, manifesta vestra divinitus honorata beatitudini fieri. Hoc bene & Christianissimus noster Imperator considerans, & ad vestram scientiam quadam, qua de Theodoro quondam Mopsuestena Ecclesia Episcopo mota sunt, jussit referri. Assignatur idonea & commoda ratio, cur Vigilium Synodo V. interesse & praesse potuit, si voluisset; non tamen interfuit, nec ideo praefuit.*

177 IV. Photius Synodi hujus Praesides nominat quinque Patriarchalium sedium Episcopos, & in iis primum omnium Constantinopolitanum. Sic enim scribit in libro de septem Synodis: *Sanctum & aecumenicum Concilium quintum centum quinquaginta Episcoporum praesentia & concursu celebratum est. Praefuerunt Mena primum, deinde Eutychius ipsius regiae civitatis Antistes, & Vigilium Roma Episcopus, qui in civitate quidem erat, Sed Concilio non aderat: Et quamvis ad sacri coetus conventum promptus non esset, communem tamen Patrum fidem libello comprobavit; Apollinarius Alexandria, Dominusque Antiochia Archiepiscopi, & Didymus & Evagrius, Eustochii Hierosolymorum Episcopi vicem gerentes. Hic auctor in duobus fallitur. Concilia duo, quae diversis celebrata sunt temporibus, in unum confundit: Alterum sub Mena, alterum sub Eutychio. Deinde secum pugnat, Vigilium faciens Praesidem Concilii V. cui non interfuit: In civitate quidem erat, sed Concilio non aderat.*

V. Georgius Cedrenus à Photio dissentit paullulum, & rem ita narrat in compendio historiarum: Anno xxv. (Justiniani) Constantinopoli actum fuit sacrum V. aecumenicum Concilium clxv. Patribus collectis sub Vigilio sanctissimo Papa Roma, qui libello veram fidem asseruit. Praefuerunt Eutychius Constantinopolis, Apollinarius Alexandria, Dominus Antiochia Episcopi, & Vicarius Hierosolymitani. Sic Concilii V. Praesides dum numerat Patriarchalium sedium, Constantinopolis, Alexandriae, Antiochia, Hierosolymorum, Episcopos, à *precede* Vigilium excludit. Sed in eo fallitur, cum ait: *Qui libello veram fidem asseruit.* Nam Concilio V. libellum de vera fide nullum obtulit. Ad Justinianum scripsit constitutum, in quo tria defendit capitula, quae Concilium damnavit.

VI. Joannes Zonaras Concilii V. Praesides numerat tres, Vigilium, Eutychium, & Apollinarium.

Sub hoc, inquit in tomo III. Annalium, Eutychio Concilium V. est coactum clxv. sanctorum Patrum, quorum primus ac praecipuus fuit Vigilium, & is, cujus facta est mentio, Eutychius, & Alexandrinus Apollinarius. Zonaras errat graviter scribens primum ac praecipuum Concilii Patrem fuisse Vigilium, qui Concilio interesse noluit, & qui vetuit, ne tria capitula, quae damnavit Concilium, damnarentur.

VII. Nilus Rhodiensis Episcopus in libro de Synodis, Concilii V. Praesides numerat Patriarchalium sedium quinque Episcopos, sed primum omnium Romanum: *Sancta & aecumenica quinta Synodus habita est Constantinopoli, imperante Justiniano, congregata à centum sexaginta sanctis Patribus adversus insanientem Origenem. Praerant Synodo Vigilium Papa Roma, Eutychius Constantinopolis, Apollinarius Alexandria, Dominus Antiochia, & Damianus Hierosolymorum. Vigilium Papa non praefuit Concilio, quia non interfuit, & in constituto suo ad Justinianum tuetur illa capitula, quae Concilium proscripsit. Deinde errat cum omisissis tribus capitulis cogendae Synodi V. causam facit Origenem, eumque, quasi tunc infaniret.*

Libellus synodicus, Zonara & Nilo relictis in errore suo, ad Cedrenum se recipit: Cui (Synodo V.) praefuerunt Patriarcha praesidentes Eutychius Constantinopolitanus, magnus Apollinarius Alexandrinus, Dominus Antiochenus.

Haec est utriusque Concilii Constantinopolitani sub Mena, & sub Eutychio Praesidum historia, ubi quos Photius, Cedrenus, Zonaras, & Nilus errores admiserunt, confiximus. Sed quia Concilio generali V. nec interfuit, nec praefuit Vigilium, meminisse semper oportet bene gestae Synodi, quam Gelasius in Epistola XIII. ad Episcopos Dardaniae sic describit: *Ubi etiam consequenter ostenditur, quia male gesta Synodus, id est, contra Scripturas sanctas, contra doctrinam Patrum, contra Ecclesiasticas regulas, quam tota merito Ecclesia non recepit, & praecipue Sedes Apostolica non probavit; bene gesta Synodus, id est, secundum Scripturas sanctas, secundum Traditionem Patrum, secundum Ecclesiasticas regulas, pro fide catholica & communione prolata, quam cuncta recepit Ecclesia, quam maxime Sedes Apostolica comprobavit. Ex hac autem definitione colligitur certum non esse male gestae Synodi iudicium, quod ei primae Sedis Episcopus non praefuerit: Sicut certum quoque non esse bene gestae Synodi iudicium, quod ei idem primae Sedis Episcopus praefuerit. Siquidem Gelasius Sedis Apostolicae iurium defensor acerrimus, & illius dignitatem maxime retinens, praesidentiam istiusmodi praetermittit, cum male vel bene gestae Synodi notionem exprimit & inculcat. Hoc Pelagius II. & Gregorius I. apprime noverant, cum amplexi sunt Concilium V. cui Vigilium reipsa non praefuerat, immo constitutum ad Imperatorem Justinianum ediderat, in quo illa vindicat capitula, quae Concilium V. procul abiecit. Vale, Lutetiae Parisiorum, IV. Idus Maii anni MDCLXXIII.*

# Joannes Launoius

## JOANNI GERBASIO

Parisiensi Theologo, & Latine eloquentiæ Professori Regio.

181 **E**TSI facile est probare Agathonem Romanum Pontificem sexto præfuisse Concilio; hæc tamen probatio ex plurium scriptorum, qui post illud Concilium vixerunt, testimoniis inobscuratur: Sed ubi rei veritas satis patebit indicii, opposita falsitas agnosceretur & evanescet.

Agathonis *πρωτεύουσα* patet primum ex actione prima, quæ Episcoporum ordinem sic repræsentat: *Conveniente sacra & universali Synodo, id est, Theodoro & Georgio venerabilibus Presbyteris, & Joanne venerabili Diacono, vicem agentibus Agathonis sanctissimi & beatissimi Archiepiscopi antiquæ Romæ, & Georgio venerabili ac sanctissimo Archiepiscopo magnæ Constantinopolis, Petro Presbytero & Monacho Apocrisario Theodori venerabilis vicarii sedis Hierosolymorum, Joanne Episcopo Portuensis, Abundantio Episcopo civitatis Paternensis, Joanne Episcopo civitatis Rhegitane, locum representantibus cxxv. Episcoporum venerabilium sancti Concilii antiquæ Romæ, & Theodoro Presbytero locum agente Theodori Archiepiscopi Ravenna. Et post alia:*

182 *Residentibus gloriosis patriciis & consulibus ex latere piissimi & Christo amabilis nostri Imperatoris Constantini. Ex leva quidem ejus parte residentibus venerabilibus vicariis Agathonis, & qui ex persona ejus Synodi erant Deo amabiles Episcopi; Theodoro Presbytero, & locum agente Theodori Archiepiscopi Ravenna, & Basilio Episcopo civitatis Gortyna, & Georgio Presbytero & Monacho, & Apocrisario Theodori venerabilis vicarii sedis Hierosolymorum, & cæteris Episcopis Concilii sanctissimi Papæ Agathonis. A dextera vero ejus parte similiter residentibus Georgio sanctissimo Archiepiscopo Constantinopoleos, & Macario Archiepiscopo Antiochiæ, & Petro Presbytero & Monacho, loci servatore sedis Alexandrina. Et post alia Legati Sedis Romanæ sic alloquuntur Constantinum Imperatorem: Benignissime domine, secundum directam sacram ab à Deo instructa vestra fortitudine ad sanctissimum Papam, demandati sumus ab eo ad piissimam vestigia à Deo confirmata vestra serenitatis, una cum ejus suggestionem cum altera ejus Synodica suggestionem & aque facta ad à Deo custoditam vestram pietatem, à subjacentibus ei venerabilibus Episcopis, quas & obtulimus à Deo coronatæ fortitudini vestre.*

Deinde ex actione VII: ubi Apostolica Sedis legati primi loquuntur, & sic alloquuntur Constantinum: *Theodorus & Georgius Presbyteri, & Joannes Diaconus locum presentantes sanctissimi Papæ Agathonis. Et quibusdam interpositis: Piissimus Imperator Constantinus dixit: Proferant, qui locum adimplent Imperatoris. Et quibusdam adhuc interpositis: Petimus (inquiunt illi legati) firmatam à Deo vestram fortitudinem, interrogari Georgium sanctissimum Archiepiscopum hujus à Deo consecrandæ vestre regie urbis, & subjacentem ei Synodum, necnon & Macarium Archiepiscopum Antiochiæ, & subjectos ei Episcopos, si convenit ei tenor relatarum duarum suggestionum, id est, sanctissimi Agathonis, & Concilii ei subjacentis.*

Denique ex actione XVIII. ubi hoc ordine subscribunt Patres Concilii.

*Theodorus humilis Presbyter sanctæ Romanæ Ecclesiæ, & locum gerens ter beatissimi & universalis Papæ urbis Romæ, subscripsi.*

*Georgius humilis Presbyter sanctæ Romanæ Ecclesiæ, & locum gerens Agathonis ter beatissimi & universalis Papæ urbis Romæ, subscripsi.*

*Joannes Diaconus sanctæ Romanæ Ecclesiæ, locum gerens Agathonis ter beatissimi & universalis Papæ urbis Romæ, subscripsi.*

*Georgius, misericordia Dei Episcopus Constantinopoleos novæ Romæ, definiens subscripsi.*

*Petrus Presbyter, & locum servans Apostolica Sedis Alexandria, subscripsi.*

*Theophanes Episcopus Antiochiæ.*

*Georgius Presbyter, & locum gerens Theodori, & locum servantis Apostolica Sedis sanctæ Christi Dei nostri Hierosolymorum civitatis, subscripsi.*

*Joannes Episcopus Thessalonicensis, & Apostolica Sedis legatus.* 184

*Theodorus Episcopus civitatis Trimituntina, locum gerens Epiphaniæ sanctissimi Archiepiscopi.*

*Theodorus Presbyter Ravennatis Ecclesiæ, locum gerens Theodori Archiepiscopi.*

*Joannes Episcopus Portuensis, legatus totius Concilii sanctæ Sedis Apostolica urbis Romæ.*

*Basilus Episcopus civitatis Gortyna insule Cretæ, & legatus totius Concilii Apostolica principalis Sedis antiquæ Romæ.*

*Abundantius Episcopus civitatis Tompsana, legatus totius Concilii sanctæ Sedis Apostolica urbis Romæ.*

*Joannes Episcopus Ecclesiæ Rhegitana legatus totius Concilii sanctæ Sedis Apostolica, & sic de cæteris.*

Hæc est Synodi VI. *πρωτεύουσα*, quam ejusdem actione prima, septima & decima octava Agathonis Papæ asserunt.

Huc accedit vetus Romanæ Ecclesiæ diurnum in fidei professione, quam olim recens creati Pontifices edebant: Inter hæc veneranda & universalis quinque Concilia, etiam sextum Concilium generale centum septuaginta quinque venerabilium Præsulum predicamus, quod, favente Deo, & votum pia memorie magni Principis nostri domni Constantini clementer implente, in urbe regia, eo præsidente, celebratum est, cui Apostolica recordationis Agatho Papæ per legatos suos & responsales præfuit. Hæc ex eo libro, qui Romanis quidem typis mandatus est, sed ibi captivus adhuc detinetur. 185

Nunc audiendi sunt, qui Georgio Constantino-politano & Macario Antiocheno Synodi VI. *πρωτεύουσα* attribunt: Beda, Hincmarus, Lambertus Schaffnaburgensis, Marianus Scotus, auctor chronologicæ compilationis ad annum MCCCCLXXIV. perductæ. Beda apud Lambertum, qui in libro de rebus gestis Germanorum chronicam ab Adamo usque ad annum DCCII. synopsis ex Beda proponit, in qua hæc de duobus illis Præsidibus tradit. Hic (Constantinus) sextam Synodum congregavit, cujus rogatu Agatho



Agatho Papa misit in regiam urbem legatos suos, in quibus fuit Joannes Romana Ecclesia tunc Diaconus, non longe post Episcopus, pro adunatione facienda sancta Ecclesia. Hæc sexta Synodus Constantinopoli acta est, ubi affuerunt Episcopi c. l. presidente Georgio Patriarcha regia urbis, & Macario urbis Antiochie. Hæc Beda & Lambertus simul.

Hincmarus, qui Bedam inter & Lambertum medius vixit in opusculi l. v. contra Hincmarum Laudunensem capite xx. Sexta item (Synodus) in Constantinopoli sub Agathone Papa, qui ex rogatu Constantini, Heraclii & Tiberii Principum piissimorum misit in regiam urbem legatos suos, in quibus erat Joannes Romana Ecclesia tunc Diaconus, non longe post Episcopus, pro adunatione facienda sanctarum Dei Ecclesiarum. Qui benignissima suscepti à reverendissimo fidei catholica defensore Constantino jussi sunt, remissis disputationibus, pacifico conloquio de vera fide perquirere, datis eis de Bibliotheca Constantinopolitana cunctis antiquorum Patrum, quos petebant, libellis. Adfuerunt autem & Episcopi c. l. presidente Georgio Patriarcha regia urbis, & Antiochia Macario, & convicti sunt, qui unam voluntatem & operationem adstruebant in Christo.

Marianus in libri II. ætate VI. Adfuerunt autem Episcopi c. l. presidente Georgio Patriarcha regia urbis & Antiochia Macario.

Auctor compilationis chronologicæ ad annum DCLXXXII. Hujus Imperatoris (Constantini) rogatu Agatho Papa misit legatos suos ad Concilium præfatum in regiam urbem, ubi præfuerat olim Episcopus, presidente Georgio Patriarcha regia urbis, & Macario Patriarcha Antiocheno cum legatis Sedis Apostolicæ. Compilationis hujus auctor in eo differt ab aliis quatuor, quod Georgio, & Macario Sedis Apostolicæ legatos adjungat. Nunc occurrunt mihi duo, quæ salvo judicio meliorem auctoris hujus, Mariani, Lamberti, Hincmari, Bedæ sententia pronuntiem. Et primo quidem præsidendi partes ex ordine, quo & Agathonis legati & Patriarchæ Constantinopolitanus & Alexandrinus Imperatori assidebant, perperam æstimavere. Crediderunt eos Synodo præsidere, qui ad Imperatoris dexteram sedebant, non qui ad lævam. At quamvis ex Synodi actis certum sit, Patriarchas Constantinopolitanum & Alexandrinum sedisse ad Imperatoris dexteram, & Agathonis legatos ad lævam; Agathonis tamen legati nominantur primi, Imperatorem alloquuntur primi, & definitioni subscribunt primi, & post ipsos Patriarchæ Constantinopolitanus & Alexandrinus. Deinde cum Gelasio Romanæ Ecclesiæ Episcopo fortasse crediderunt, universalibus Conciliis præsidendi munus uni certæ ac determinatæ fedi proprium non esse, nec illud ad bene gestæ Synodi notionem pertinere. Gelasii verba sunt hæc in Epistola XIII. ad Episcopos Dardanice: *Ubi etiam consequenter ostenditur, quia male gesta Synodus, id est, contra Scripturas sanctas, contra doctrinam Patrum, contra Ecclesiasticas regulas, quam tota merito Ecclesia non recepit, & præcipue Sedes Apostolica non probavit. Bene gesta Synodus, id est, secundum Scripturas, secundum Traditionem Patrum, secundum Ecclesiasticas regulas, pro fide catholica & communionem prolata, quam cuncta recepit Ecclesia, quam maxime Sedes Apostolica comprobavit.*

Photius in libro de Synodis multos facit Synodi VI. Præsides, & in iis primum omnium Constantinopolitanum Episcopum. Sanctum, inquit, & Oecumenicum sextum Concilium sibi quoque sacrum in urbem regiam arcanorum Ecclesia spectaculorum theatrum elegit. Cæcum autem & septuaginta divinis viris fultum in certamen ingrediens, pietatem & religionem splendide victtricem demonstravit. In hoc qui præessent, judicati sunt digni, Georgius regia ipsius civi-

tatis Antistes, & Theodorus & Georgius in presbyterii dignitate constituti, una cum Joanne Diacono, qui Agathonis sanctissimi Papa Romani loco in eorum qui præerant, ordine numerati sunt, & magna civitatis Alexandrina Sedis locum Petrus Monachus implevit. Cum quibus & Georgius Monachus ac Presbyter in gradum pontificia sedis Hierosolymorum ascendit. Photius in eo cum Beda, Hincmaro, Lamberto, Mariano, & auctore compilationis chronologicæ concordat, quod Georgium Constantinopolitanum Episcopum Concilii Præsidentem constituat primum: Sed in eo discordat, quod Agathonem secundum Præsidentem constituat. Recentiores Græci, Cedrenus, Zonaras, Nilus, & Libellus synodicus Concilii hujus Præsides multos faciunt, sed in iis primum omnium Agathonem.

Cedrenus in Compendio historiarum: Principes, inquit, fuerunt Agathonis Papa Romani, locum tenentes Theodorus ac Georgius Presbyteri & Joannes Diaconus, Georgius Constantinopolis, & Theophanes Antiochia Archiepiscopi.

Zonaras in tomo III. Annalium: Itaque Concilium Constantinopoli indicit, cujus fuerunt principes Agathonis Papa Romani legati, Georgius Constantinopolitanus, & Theophanes Antiochenus: Neque Alexandria, neque Hierosolyma Patriarcham habebant à Sarracenis occupate. Qua in re Zonaras suam prodit ignorantiam, quia in actione XVIII. Petrus Presbyter & locum servans Apostolica Sedis Alexandria, & Georgius Presbyter, & locum gerens Theodori, & locum servans Apostolica Sedis sancta Christi Dei nostri Hierosolymorum civitatis, subscribunt.

Nilus in libro de Synodis: Sancta & Oecumenica sexta Synodus habita est, imperante Constantino Pogonato, congregata à centum septuaginta patribus, cui præerant, Agatho Roma, Georgius Constantinopolis, Petrus Monachus, Alexandria legatus, & Theophanes Antiochia Episcopi, adversus Honorium Papam Roma, Cyrum Alexandria, Sergium, Pyrrhum, Paulum, & Petrum Constantinopolis Episcopos.

Libellus synodicus num. DCLXXXI. Cui (Synodo VI.) præfuerunt præsidentes locum tenentes Papa Romani Agathonis, Theodorus & Georgius Presbyteri, & Joannes Diaconus; Constantinopolitanus item Patriarcha Georgius, qui Petro successerat, Theophanes Antiochie Syria Archiepiscopus, Alexandria Ecclesia locum tenens Monachus & Presbyter.

Scriptores isti Photius, Cedrenus, Zonaras, Nilus, Libelli synodici auctor sic dissidentes inter se in eo conveniunt, quod Concilii Præsides multos constituent: Nec memini legere me, aequales illis fuisse Latinos, qui facti genus illud reprehenderint, ut quid ab Ecclesiasticis regulis alienum.

Porro autem cum in actis Synodi hujus Imperator PRÆSIDENTS dicitur, præsentis speciem refert, & in narratione Synodo anteponitur, ne quis me accuset *ἡγεμὼν*, & insuper habitam Principum dignitatem queratur. Quidquid id est, notare operæ pretium duxi.

Et primo quidem sciendum est Synodum actionibus octodecim constare, & actionis I. II. III. IV. V. VI. VII. VIII. IX. X. XI. & XVIII. exordium sic se habere: In nomine Domini Dei & Salvatoris nostri JESU CHRISTI, imperantibus à Deo coronatis & serenissimis dominis nostris Flavio, Constantino quidem piissimo, & à Deo decreto magno Principe perpetuo Augusto & Imperatore anno XXVII. & post consulatum ejus à Deo instructa mansuetudinis anno XIII. Heraclio vero & Tiberio à Deo conservandis ejus fratribus anno XXII. die VII. mensis Novembris, Indictione IX. PRÆSIDENTE, *ἡγεμῶν*, eodem piissimo, & Christo dilecto magno Imperatore Constantino, in secretario sacri palatii, quod cognominatur Trullus. En quomodo in actionibus duodecim Impe-

Imperator PRÆSIDENTS appellatur: Et ne appellaretur intercessit nemo; universa Synodus consensit.

Deinde sciendum est in actione XII. XIII. XIV. XV. XVI. & XVII. quia Imperator aberrat, non scribitur: *Præsidente Imperatore Constantino*; sed scribitur: *Proposito sessu piissimi & Christo amabilis magni Imperatoris Constantini in secretario sacri palatii, & cætera*, ut in actionibus duodecim aliis.

Tum sciendum est, Imperatorem quæ proponenda sunt, ad deliberandum proponere, & passim interloqui. In actione I. sic proponit:

191 *Constantinus piissimus Imperator dixit: Si vultis nobis de hoc offendere, non aliter vos suscipimus, nisi probationes proferentes, quemadmodum dixistis, ex sanctis universalibus Synodis, & sanctis probabilibus Patribus. Et paulo post interloquitur: Agathonis legati nec proponunt, nec interloquuntur.*

In actione II. Imperator sic proponit: *Constantinus piissimus Imperator dixit: Proferantur & acta predicta sanctæ Calchedonensis Synodi, & coram nostro relegantur auditu. Et paulo post interloquitur: Agathonis legati nec proponunt nec interloquuntur.*

In actione III. Imperator sic proponit: *Constantinus piissimus Imperator dixit: Præfens Antiochus religiosus lector & notarius suscipiens librum relegat. Et paulo post subinde interloquitur, idque septies. Agathonis legati nec proponunt, nec interloquuntur.*

In actione IV. Imperator sub illius finem ita proponit: *Constantinus piissimus Imperator dixit: Relegantur suggestiones quæ factæ tam ab Agathone Papa, quam à subjacente ei Synodo. Agathonis legati nec proponunt, nec interloquuntur.*

In actione V. Imperator ita proponit: *Constantinus piissimus Imperator dixit: Edicant Macarius Deo amabilis Archiepiscopus, & qui cum eo sunt, Deo amabiles, si secundum suam pollicitationem preparati occurrant. Et paulo post interloquitur: Agathonis legati nec proponunt, nec interloquuntur.*

192 In actione VI. Imperator ita proponit: *Piissimus Imperator Constantinus dixit: Persequatur Deo amabilis Macarius Archiepiscopus, & qui cum eo sunt, si secundum interlocutionem à Deo factam debite preparati advenierint. Et paulo post semel atque iterum interloquitur.*

In actione VII. Imperator ita proponit: *Piissimus Imperator Constantinus dixit: Proferant qui locum adimplent Agathonis sanctissimi Papa urbis Roma memorata ab ea testimonia. Et paulo post Imperator interloquitur: Agathonis legati nec proponunt, nec interloquuntur.*

In actione VIII. Imperator ita proponit: *Piissimus Imperator Constantinus dixit: Edicat Georgius sanctissimus Archiepiscopus hujus à Deo conservanda civitatis nostræ, & Macarius venerabilis Archiepiscopus Antiochia, & eis subjacens Synodus, si convenit eis sensus suggestionum directarum ab Agathone Papa Rome, & ejus Synodo. Et paulo post Imperator sic interloquitur: Piissimus Imperator Constantinus dixit: Quod consideratum est à sancta Synodo fiat. Agathonis legati nec proponunt, nec interloquuntur.*

Quarto sciendum est in narratione Imperatorem sanctæ Synodo præponi, quod deinceps ostensum imus.

In actione hac octava post Macarii interlocutionem sic se res habet: *Piissimus Imperator Constantinus & sancta Synodus dixerunt: Quoniam quidem suspicio nobis data est circa vos occasione porrectæ chartulæ à Theodoro Deo amabili Episcopo Me-*

*lieno, non aliter nobis satisfaciis, nisi utique in scripto libellos fidei vestra in subsequenti adduxeritis, ut debetis coram sanctis & immaculatis Dei eloquiis eos offerre.*

In actione XI. *Constantinus piissimus Imperator & sancta Synodus dixerunt: Memorati viri ingrediantur, & ingressi sunt.*

*Constantinus piissimus Imperator & sancta Synodus dixerunt: Relegantur quæ dudum gesta sunt, & relata sunt. Et post pauca: Constantinus piissimus Imperator & sancta Synodus dixerunt, &c.*

In actione X. *Constantinus piissimus Imperator & sancta Synodus dixerunt: Quæ dudum gesta sunt, relegantur, & relecta sunt.*

*Constantinus piissimus Imperator & sancta Synodus dixerunt: Auditores effecti testimoniorum, quæ prolata sunt à Macario & Stephano, agnovimus, qualis computatio ab eis facta est in hujusmodi testimoniis, quæ obumbraret atque confunderet Domini nostri JESU CHRISTI veri Dei nostri humanationis dispensationem.*

In actione XI. *Constantinus piissimus Imperator, & sanctum Concilium dixerunt: Georgius Presbyter & religiosus Monachus, &c.*

*Constantinus piissimus Imperator, & sancta Synodus dixerunt: Scientia nunc relatorum synodicorum sumus edocti; dicunt autem Theodorus & Georgius Deo amabiles Presbyteri, & Joannes Diaconus locum representantes Agathonis sanctissimi Papa Romani, si iterum noviter aliquid prosequi cupiunt. Et post legatorum interlocutionem: Constantinus piissimus Imperator & sancta Synodus dixerunt: Edicat Georgius. Et post illius interlocutionem: Constantinus piissimus Imperator & sancta Synodus dixerunt: Hæc ad medium deducuntur, &c. Et post interlocutionem: Constantinus piissimus Imperator & sancta Synodus dixerunt. Infra: Constantinus piissimus Imperator dixit: Secundum quod previdit sancta Synodus fiat.*

Quinto sciendum est, absente Constantino, Iudices in narratione Synodo anteponi in actione XII. *Gloriosissimi Iudices, & sancta Synodus dixerunt. Et hoc ter in eadem actione repetitur: Nempe Iudices Imperatoris vice fungebantur.*

Postremo sciendum est, Imperatori prius acclamatum esse, multos annos, quam Agathoni Papæ & Patriarchæ Georgio acclamaretur. Hoc ipsum appareret in actione VIII. *Sancta Synodus exclamavit Constantino magno Imperatori multos annos, conservatori orthodoxæ fidei multos annos, pacifico Imperatori multos annos, novo magno Constantino Imperatori multos annos, novo Theodosio Imperatori multos annos, novo Imperatori Marciano multos annos, novo Justiniano Imperatori multos annos. Nos famuli Imperatoris. Agathoni orthodoxo Papa Romano multos annos, Georgio orthodoxo Patriarchæ multos annos, sacro Senatui multos annos, orthodoxo Senatui multos annos. Imperatori septies, Agathoni Papæ semel tantum, & Senatui, seu Iudicibus semel atque iterum acclamatur.*

Deinde in actione XVIII. postquam Imperator ita subscripsit: *Constantinus in Christo est Rex Imperator Romanorum, legimus & consensimus. Semel atque iterum illi acclamatur: Semel ita, Multos annos Imperatori, integritates duarum naturarum Christi Dei nostri in declarasti; luminarium pacis, Domine, conserva: Marciano novo Constantino æterna memoria, novo Justiniano Constantino æterna memoria. Omnes hæreticos tu effugasti, dejectorem hæreticorum, Domine, conserva: Vita tua Orthodoxorum vita est, celestis Rex terrestrem conserva, per te universalis Ecclesia pacificata est. Iterum paulo post;*



post: Sancta Synodus exclamavit multos annos Imperatori, Christo dilecto Imperatori multos annos, pi-um & Christianum Imperatorem, Domine, conserva, orthodoxam fidem tu conservasti. Definitio ortho-  
doxa est.

Hæc igitur omnia, quæ ex actis Synodi fideliter decerpimus, certam quandam Præsidis speciem non possunt non exhibere; sed huic speciei deest subscriptio. Imperator non primus, sed ultimus subseribit, & cur ita subseribat, ex iisdem actis nec apparet, nec quæ satisfaciatur reddi potest ratio, postquam Imperator in Synodo ita se gessit, ut gessisse se ostendimus. Sed utram postremam subseriptionem acclamationum, quibus erga Imperatorem Concilium utitur, singulare genus ad gradum altiorem evehat, & humilem subseriptionis locum suæ gravitate compenset, necne, digna res est quæ  
196 ponderetur diligentius. Hæc super re tuam & aliorum expecto sententiam. Quidquid id est, Basilis Imperator in octava Synodo rogatus est, ut primus omnium subseriberet, noluit subseribere. Post Patriarchas  
alios subseripsit.

Ad rem ipsam quod attinet, quæ ex actis Synodi de Imperatore & Judicibus observavi, hæc per sese acta ipsa Synodi primo defendunt; deinde Sedis Apostolicæ legati, qui nequiquam repugnarunt, sed taciturnitate sua penitus consenserunt; tum Leo II. qui acta Synodi omnia latinitate donavit.

Præterea Romanum Diurnum in Romani Præsulis recens consecrati allocutione ad Episcopos. Inter hæc, inquit novus Pontifex, veneranda universalia Concilia, etiam sextum Concilium universale centum septuaginta quinque venerabilium Præsulum prædicamus, quod, favente Deo, & votum pie memoria magni Principis nostri domini Constantini clementer implente, in urbe regia EO PRÆSIDENTE celebratum est.

Postremo Romanæ Ecclesiæ Breviarium, quod anno MCCCCLXXXII. Venetiis, & anno MDXLI. Lutetiæ in lucem prodiit, ubi Constantinus sextæ Synodi præsidens vocatur in nocturni 1. lectione 1. Hic (Leo) suscepit sanctam sextam Synodum, quæ nuper per Dei providentiam in regia urbe celebrata est, Græco eloquio conscriptam, exequente ac PRÆSIDENTE piissimo ac clementissimo magno Principe Constantino, intra regale palatium ejus quod appellatur Trullus. Lectio hæc tota desumpta est ad verbum  
197 ex beati Leonis II. vita, quam Anastasius Romanæ Ecclesiæ Bibliothecarius confecit. Unde vehemens suspicio est, antiquiores Anastasii codices recentioribus præstare, ubi RESIDENTE non PRÆSIDENTE legitur. Qui opus Anastasii de vitis Pontificum transcripserunt, aut typis mandari curarunt, cum VOX PRÆSIDENTE sibi incommodaret, ab ea lite-

ram p. sustulerunt, & diphthongum æ in e simplicem mutarunt.

Romanum Breviarium, quod anno MDXLI. Parisiis editum est in 4<sup>o</sup>. depromptum ex sancti Leonis vita lectionem retinet; sed vocem PRÆSIDENTE, quam habebat Breviarium vetustius, in vocem RESIDENTE commutat. Qui successerunt Romani Breviarii correctores antiquam lectionem, quæ ex quo tempore Leonis II. festum in Romana celebrari cepit Ecclesia, recitata ibi fuerat, abrogarunt, & aliam in ejus locum succurrunt. In qua Synodus sexta non amplius dicitur celebrata EXEQUENTE AC PRÆSIDENTE piissimo ac clementissimo magno Principe Constantino, ut olim dicebatur. Sic ergo dicitur: Leo probavit acta sextæ Synodi, quæ Constantinopoli celebrata est, præsidemibus legatis Apostolicæ Sedis, præfente quoque Constantino Imperatore, & duobus Patriarchis, Constantinopolitano & Antiocheno. Sed Antiochenus dignus non erat, cujus nomen in Ecclesia prædicaretur. Is erat Macarius, qui ut Monothelita hæreticus damnatus est à Synodo & Episcopatu privatus. Id notabatur in antiquis Romani Breviarii lectionibus; quas Anastasius in vita Leonis II. suppeditaverat. Si correctores inspexissent in actionem VII. sextæ Synodi, Georgio Constantinopolitano, ut orthodoxo Patriarchæ acclamatum esse deprehendissent; sed Macario Antiocheno, ut orthodoxo Patriarchæ acclamatum esse minime deprehendissent: Si correctores iidem dignati essent ad Romanum Diurnum attendere, reperissent sine dubio, Macarium Antiochenum anathemati toties subiectum fuisse, quoties Romæ Pontifices novi creabantur.

Verumenimvero homines alias bene docti & sincero animo præditi, sivilissent antiquas de Leone II. Romani Breviarii lectiones recitari, ut ab initio recitata fuerant, si participium *συνεδνήσθη* in actis Synodi sextæ reperiri duodecies, & illud Leonem II. PRÆSIDENTE duodecies vertisse, & hoc ipsum PRÆSIDENTE in Romanæ Ecclesiæ Diurno quod protulimus contineri novissent. Quidquid id est, in Romani Breviarii correctoribus corrigendi voluntas laudari potest; sed correctio, ut mox vidimus, laudari non potest. Nunc finienda est historia quæ ad præsidendi sextæ Synodo partes & pontificias & imperatorias pertinet: Singulare in iis disciplinæ Ecclesiasticæ genus est, quod & tuo & alius cujuscunque viri sapientis examini subijcio. Historiam, & in ea synodalis præsentia disciplinam profecutus sum; de utraque re judicium feres, & ei stabo libentissime. Vale, Lutetiæ Paris. I. dib. April. ann. MDCLXXIII.

# Joannes Launoius

## HIERONYMO SAMBOEUUVIO.

**Q**UIS Synodi VII. Præses fuerit, Photius & Nilus inter se non conveniunt; sed acta Synodi secundum Nilum pronuntiant. Et primum quidem actio prima, ubi Episcoporum ordo his verbis describitur: Conveniente sancta & universali Synodo, id est, Petro Archipresbytero Romana Ecclesia, scilicet Apostoli Petri, & Petro Presbytero Monacho & Abbate Monasterii sancti Saba, retinentibus locum Apostolica Sedis Archiepiscopi senioris Romæ Hadriani, Tarasio Archiepiscopo Constantinopoleos, Joanne & Thoma Presbyteris, & vicariis Apostolicarum Sedium Orientalis diæceseos.

Hoc loco primi nominantur Romani Pontifices legati; quod præsidendi partes significat.

Deinde actio v. ubi legati sic primi verba faciunt: Petrus Archipresbyter, & loci servator sanctissimi Papæ senioris Romæ ex pittacio, Tarasio Constantinopoleos novæ Romæ Patriarcha, atque omni huic sancta universali Synodo, Petrus Archipresbyter, &c.

Tum actio VII. & ultima: Conveniente sancta & universali Synodo juxta divinam gratiam, & pium Imperatorum à Deo electorum decretum congregata in Nicæa splendida Metropoli Bithynia provincia, hoc est, Petro religiosissimo Protopresbytero sanctissime Romane Ecclesia sancti Petri Apostoli, & Petro religiosissimo Monacho & Præside veneranda mansionis sancti Sabæ, agentibus vicem Apostolica Sedis, & sanctissimi Episcopi veteris Romæ.

Denique synodica definitio, cui legati Romæ Ecclesiæ subscribunt primi.

Petrus miseratione divina Protopresbyter sanctissime Ecclesiæ Romane beati Petri, & locum retinens Hadriani Papæ veteris Romæ, definiens subscripsi.

Petrus indignus Presbyter & Præses sancti Patris nostri Sabæ, & vices agens Hadriani Papæ veteris Romæ, definiens subscripsi.

Tarasius miseratione divina Episcopus Constantinopoleos novæ Romæ Patrum dogmatibus insistent, & catholica Ecclesiæ adherens, definiens subscripsi.

At Photius multos facit Concilii hujus Præsides; sed in iis primum omnium Tarasium. Sanctum (inquit in libro de septem Synodis) & œcumenicum septimum Concilium, Nicæam sibi quoque Bithynia civitatem delegit, in qua & antea rectorum dogmatum judicium fuerat. Trecenti & sexaginta septem interfuerunt Episcopi, qui sacra magnæ phalangis suæ ordinum Duces ac Præsides constituerunt, Tarasium inter Episcopos celeberrimum, & Petrum religiosissimum Protopresbyterum Ecclesiæ Romane, & alterum Petrum Presbyterum, ipsum quoque & illius mansionis præfectum sancti Sabæ. Hi Sedis Apostolica sortiti sunt locum, Hadriano tunc pontificiam dignitatem exercente, & Joannem ac Thomam singulari vivendi ratione celebres, & sacro honore insignes, & totius Orientis diæceses Apostolicarum magnarumque Sedium gubernantes, nempe Apollinarii & Theodoriti & Elia; quorum primus Alexandria, alter Antiochia, tertius Hierosolymorum erat Antistes. Ergo quinque facit Concilii hujus Præsides, Tarasium Constantinopolitanum, Hadrianum Romanum per suos vicarios, Apollinarium Alexandrinum, Theodorum Antiochenum, & Eliam Hierosolymitanum.

Libellus synodicus Photium sequitur num. DCCLXXXVII. Cui (Synodo VII.) præfuerunt præsidentes, sanctus Ta-

rasius Constantinopolitanus, qui Paulo Cyprio successerat, Petrus & Petrus Presbyteri Hadriani sanctissimi Papæ Romani locum tenentes, Joannes & Thomas Monachi & Presbyteri, Patriarcharum Alexandrini, Antiocheni, Hierosolymitani diæceseos Orientis locum tenentes.

Hoc autem in ordine secundus est Hadrianus, qui apud Nilum in libro de Synodis primus ponitur: Sancta & œcumenica septima Synodus Nicæa secundo habita est, imperantibus Constantino & ejus matre Irene, congregata à sexcentis sexaginta tribus sanctis Patribus adversus Iconomachos. Præerant huic Hadrianus Papa Roma, Tarasius Constantinopolis, Politianus Alexandria, Theodorus Antiochie, Elias Hierosolymorum. Quin melior sit Nili, quam Photii opinio, relata septimæ Synodi acta dubitare non sinunt.

Theodorus Abbas Studita, hujus temporis scriptor, 201  
cujus virtutem & doctrinam summe laudat Baronius, scribit duo, quorum alterum constituendis universalium Conciliorum Præsidibus multis, ut eos Photius constituit, inservire potest. Siquidem ex quo in libri II. Epistola CXXIX. ad Leonem Sacellarium πντακόρου quinque capitum vocat Ecclesiam, & πντακόρου κατὰ τὴν ἐκκλησίαν, quinque capitum principatum Ecclesiæ dicit, universalium Conciliorum Præsides multos objicere videtur. Alterum vero primum inter illos Præsides locum in iis Conciliis Romano Pontifici reservat & asserit. Nam in Epistola ad Leonem III. Pontificem hunc ὁ δὲ πντακὸν κατὰ τὴν, omnium capitum caput appellat, quemadmodum Jacobus Sirmondus refert in Censura conjecturæ anonymi scriptoris de suburbicariis regionibus & Ecclesiis cap. III. Ex auctoritate igitur Theodori Studitæ Photius redarguitur, qui Tarasium Synodi hujus Præsidem primum facit, idque insuper contra rei gestæ veritatem, quæ sese ex actis ipsius Synodi prodit, ut mox vidimus. Photii proprius hic error est, ut universalium Conciliorum Præsidem primum faciat Constantinopolitanum Episcopum; sed errorem illum in Epistolis ad Raimundum Formentinum, ad Ludovicum Cusum, & ad Carolum Prestium confiximus. Non repero quæ his in Epistolis differuimus contra Photium, ne inutilis & molesta sit repetitio. Cæterum Baronius Theodori Studitæ Epistolas plures annali septimo in- 203  
feruit, quas Jacobus Sirmondus, vir ad optimarum artium studia genitus, in familiaris & amici gratiam Latinitate donaverat.

Latinorum auctorum neminem adfero, quia neminem inveni; nec mirum: Septimam enim Synodum veteres, & cum primis Galli, pro œcumenica non habuerunt.

Annales Francorum ab anno Christi DCCVII. perducti ad annum DCCCVIII. quo auctor vixisse se testatur: Anno DCCXCV. Pseudosynodus Græcorum, quam falso septimam vocabant, & pro adorandis imaginibus fecerant, rejecta est à Pontificibus.

Annales Francorum ab anno Christi DCCXII. perducti ad annum DCCCXIV. Pseudosynodus Græcorum, quam falso septimam vocabant, & pro adorandis imaginibus fecerant, rejecta est à Pontificibus.

Incertus auctor vitæ Caroli Magni anno DCCXIV. Pseudo-



Pseudosynodus Græcorum pro adorandis imaginibus facta, quam falso septimam vocabant, rejecta est à Pontificibus.

Poeta Saxonicus in Annalium libro III.

Annis præterea Synodum non pluribus ante, Constantinopoli celebrari fecit in urbe, Græcorum Princeps, qui Constantinus habebat Nomen, & ejusdem genitrix Irene vocata; Et condixerunt, ut septima seu generalis Appellaretur; sed eam non nomine tali Dignum Concilium pariter cognoverat istud: Utque supervacuum, spernendam censuit iste.

204 Hic Poeta Francofordiense Concilium & Carolum Magnum intelligit.

Eginhardus in Annalibus de gestis Caroli Magni Imperatoris: Anno DCCXCIV. Synodus etiam quæ ante paucos annos in Constantinopoli sub Irene & Constantino filio ejus congregata, & ab ipsis non solum septima, verumetiam universalis, erat appellata, ut nec septima, nec universalis haberetur, dicebaturque quasi supervacua, in totum ab omnibus abdicata est.

Hincmarus Remensis Episcopus in opusculi LV. contra Hincmarum Laudunensem capite XX. Septima autem apud Græcos vocata universalis pseudosynodus de imaginibus, quas quidam confringendas, quidam autem adorandas dicebant: Neutra vero pars intellectu sano dissimilis sine auctoritate Apostolica Sedis non longe

ante tempora nostra Constantinopoli est à quamplurimis Episcopis habita, & Romam missa. Quam etiam Papa Romanus in Franciam direxit: Unde tempore Caroli Magni Imperatoris, jussu Apostolica Sedis, generalis est Synodus in Francia, convocante præfato Imperatore, celebrata; & secundum Scripturarum tramitem, Traditionemque majorum ipsa Græcorum pseudosynodus destructa est & penitus abdicata.

Régino Prumiensis Abbas in libro II. Chronicorum: Anno DCCXCIV. pseudosynodus Græcorum, quam pro adorandis imaginibus fecerant, à Pontificibus rejecta est.

Atqui hæc sunt, propter quæ Latini Scriptores antiqui mentionem de Præsidibus septimæ Synodi nullam in libris suis reliquerint. Ex horum numero & ordine excipiendus est Anastasius Bibliothecarius, qui cum ex aliis, tum ex hoc quoque septimam agnoscit Synodum, quod quæ sub Hadriano II. habita est Constantinopoli, octavam appellet.

In posterioribus sæculis quod pertinet ad Synodum VII. id apud Gallos alia cœpit providentia gubernari. Scriptores Galli, cum sese dedit occasio, Synodum septimam pro universali & œcumenica duxerunt. Cur autem duxerint, in causa, opinor, fuit, quod illis definitus ab illa Synodo sacrarum imaginum cultus placuerit. Hanc igitur Synodum admittunt, eique Hadrianum I. per suos vicarios præfuisse recipiunt. Vale, Lutetiae Parisiorum, pridie Kalend. Maii anni MDCLXXIII.

## Joannes Launoiius FRANCISCO BONO.

207 **N**ON tam arduum & negotiosum est observare quis è clero præfuerit octavæ Synodo, quam disquirere, cur Photius, Georgius Cedrenus, Joannes Zonaras, & Nilus Rhodiensis Episcopus de octavæ Synodi Præsidente, seu, ut ipsi loqui amant, Præsidibus tacuerint.

Utumque breviter expediendum est; & primum quidem Hadrianus II. Concilio huic per suos vicarios præfedit. Id Pontifex in Epistola sua ad Basilium Imperatorem testatur: Volumus per vestra pietatis industriam illic numerosum celebrari Concilium, cui nostri quoque missi præsidentes, & culparum personarumque differentias liquido agnoscentes, juxta quod in mandatis acceperunt, singulas libere discretionibus exerceant. Hæc autem Epistola refertur & probatur in actione I. quæ sic incipit: Convenientibus Donato & Stephano Episcopis, & Marino Diacono, locum tenentibus Hadriani Archiepiscopi senioris Roma, & Ignatio Archiepiscopo Constantinopoleos nova Roma, & vicariis Orientis Thoma Metropolitani Tyri, locum tenente sedis Antiochia, & Syncello locum tenente Theodosii Archiepiscopi sedis Hierosolymorum. Et post pauca: His ita congregatis, sanctissimi vicarii senioris Roma & Orientis dixerunt.

208 Iterum post alia: Sanctissimi vicarii senioris Roma dixerunt: Ergo & omnem dubitationem emittamus è cordibus vestris, & verbis & operibus certificemus vos, quia secundum ea quæ mandata & jussa sunt vobis, disponemus. Ergo habemus Epistolas ad Imperatorem & Patriarcham; & si jubetis, legantur. Tunc legati loquuntur primi, ut mos est Præsidentum.

Tum in actione VIII. Donato Episcopo Ostiensi, &

Stephano Episcopo Nepefino, & Marino Diacono sanctæ Ecclesiæ Romana, locum tenentibus Hadriani Papæ, & cætera ut supra in actione I.

Quarto in actione IX. Congregatis Papæ Hadriani legatis, & Patriarcha Ignatio, cæterisque Alexandria, Antiochia, & Hierosolymorum vicariis & sacro Senatu. In his actionibus VIII. & IX. Hadriani Papæ legati nominantur primi, ut Præsides nominari solent.

Denique in actione X. Hadriani Papæ legati Episcoporum omnium primi subscribunt.

Hæc ex actis octavæ Synodi de illius præsentia, de qua cur laudati scriptores Græci fileant, disquirendum est: Quin autem octava Synodus hæc ita vocari debeat, quin legitima & generalis sit, non dubitant, qui illam celebrare.

Pro Latinis insuper Anastasius Sedis Apostolicæ Bibliothecarius, qui tunc ætatis florebat, loquitur & spondet in ejusdem Synodi præfatione: Nuncupanda est sine ulla contradictione Synodus universalis octava, ut & appellatio, quam cum aliis Conciliis sortita est, non celetur, & nomen proprium, quod singulariter possedit, non veletur.

Photius quem librum de septem inscripsit Synodis, de octo potuit inscribere; sed non inscripsit, quia Synodum octavam noluit agnoscere, in qua præsens ille anathemate percussus est tanquam Constantinopolitanæ sedis incubator, & restitutus Ignatius, qui ab ea Photii tyrannide dejectus fuerat.

Scio quidem, librum de Synodis à Photio fuisse prius editum, quam Synodus octava fieret, dici posse: Sed

Sed quod incertum est diceretur. Ad hæc Photius octavæ Synodo annis supervixit pluribus, ideoque octavam Synodum aliis septem adungere potuit, si eam ut universalem agnovisset.

Cedrenus & Zonaras meminerunt quidem; sed eam nec octavam, nec œcumenicam appellarunt. Nilus Synodum octavam, quæ sub Hadriano II. habita est, ne verbo quidem attigit; sed aliam, in qua defuncto Ignatio restitutus est Photius, eamque falso vocat octavam & œcumenicam.

Libellus synodicus incertæ ætatis octavam & œcumenicam Synodum ita vocat: *Synodus œcumenica octava Constantinopoli celebrata anno III. piissimorum Imperatorum Basilii & Constantini, in qua præsentibus Donato & Stephano Episcopis, & Marino Diacono, locum tenentibus Hadriani Archiepiscopi senioris Roma, in locum pristina dignitatis restitutus est Ignatius, estque judicatum, Photium nefaria occupatione solium Patriarchæ tenuisse, & restituendum esse Ignatium.*

Tacere non possum Florentinam synodum, quæ ex Latinis & Græcis Antistitibus conflata est, alia providentia gubernatam fuisse. Hæc enim Synodus sub nomine octavæ synodi cum primum in lucem prodit, Græci & Latini qui aderant, & qui eam typis mandarunt, nec synodum in qua depositus est Photius, nec aliam Synodum in qua sedi suæ redditus est Ignatius, ut octavam agnoscerent: Qua non agnita, hæud mirum est Græcos & Latinos illos octavæ Synodi Præsidem nullum agnovisse.

Porro autem quoniam veritas erubescit, cum absconditur, ut illius rubori parcam & verecundiam, celare te nolo de tribus, quæ ad Imperatoriam dignitatem pertinent. Primum quidem quod Imperatores Basilii, Constantinus & Leo, præsidentes semel atque iterum dicuntur. Semel in actione VIII. Præsidente eodem piissimo & amico Christi Basilio in dextera parte magni nominis templi Ecclesia magna, & sancta & universalis Synodo. Iterum in actione X. Propositis veneranda (sanctæ Crucis) lignis, sanctisque Evangelis ad dexteram sanctæ Sophiæ partem templi, PRÆSIDENTIBUS Christi dilectis Imperatoribus, legatis, reliquisque eodem, quo priore nona actione sedebant, ordine considerantibus.

Deinde quod ante acclamatum est Imperatoribus quam Romanis Pontificibus. Sic se res habet in fine actionis IX. Multos annos Imperatorum Basilii, Constantini & Leonis magnorum Principum & Imperatorum, multos annos; Eudoxia piissima Imperatricis multos annos; Nicolai beatissimi Papæ Romani æterna memoria; Hadriani beatissimi Papæ Romani æterna memoria. Rursus in actione X. Multos annos Imperatorum Basilii, Constantini & Leonis, multos annos Basilii orthodoxi, multos annos. Amatorem veritatis, Domine, conserva. Basilio novo Constantino æterna memoria, novo Theodosio æterna memoria, novo Marciano æterna memoria, novo Justiniano æterna memoria, Eudoxia piissima Augusta multos annos. Deus conservet Imperium vestrum, per vos universalis Ecclesia pacem obtinuit. Et quibusdam interjectis: Germani, Tarasii, Nicephori, & Methodii venerabilium Patriarcharum æterna memoria, Nicolai Papæ senioris Romæ æterna memoria, Hadriani beatissimi Papæ Romani multos annos.

Denique quod Imperatores rogati sunt ab Romanæ Ecclesiæ vicariis, ut ante omnes subscriberent. Res est hujusmodi in actione X. Legati veteris Romæ dixerunt: Posteaquam divina providentia totus Ecclesia status & res composita sunt, oportet ut hac nostra manu subscribendo confirmemus. Subscribant ergo primo loco Christi amantes Imperatores. Imperator Basilius dixit: Nostra serenitas imitata majores nostros, Constantinum Magnum, Theodosium, Marcianum, & ceteros, vult illa quidem post omnes Episcopos subscribere. Sed quoniam nos vestra sanctitas tali honore dignatur, secundum omnes deum vicarios subscribemus. Edocti enim sumus

Christo vero Deo nostro habere exaltantem humilitatem. His ita constitutis, Imperatores synodo & rebus ab ea definitis, primos omnium subscribere, Romanæ Ecclesiæ legati nec rem sibi vel sedi Apostolicæ indecoram, nec ab Ecclesiastica dignitate alienam esse crediderunt. Legatis consenserunt Patres cæteri, quia dissenfisse ab iis nequitiam leguntur. Quod autem Imperatores primi non subscripserint, humilitatis eminentissimæ, non defectus potestatis est indicium: Quia legati & his consentiens synodus potuisse eos subscribere judicarunt. Præjudicata Imperatorum subscriptio hæc, lucem non modicam importat illis locis, in quibus Imperatores PRÆSIDENTES dicuntur. Nec sane post alios præsedisse Concilio; sed alii post ipsos præsedisse dicerentur. Quod & Concilii acclamationes luculenter confirmant, in quibus Imperatores primi nominantur. Inventa est confirmatio, si suis momentis omnibus expendatur. Interim ut recentium quorundam adulatricis curiæ magistrorum ictus declinem, recipio me ad Sedem Apostolicam, quæ per Gelasium Præfulem suum ita loquitur in Epistola XIII. ad Episcopos Dardaniæ, ubi docet quæ male, & quæ bene gesta sit synodus. Male, inquit, gesta Synodus, id est, contra Scripturas sanctas, contra doctrinam Patrum, contra Ecclesiasticas regulas, quam tota merito Ecclesia non recepit, & præcipue Sedes Apostolica non probavit. Bene gesta Synodus, id est, secundum Scripturas, secundum Traditionem Patrum, secundum Ecclesiasticas regulas, pro fide catholica & communione prolata, quam cuncta recepit Ecclesia, quam maxime Apostolica Sedes comprobavit. Huc identidem revolvor, huc confugio, ut ea quæ vera sunt, & quæ ad primæ Sedis jura spectare vulgo putantur, tutissimo in loco exponam. Gelasius ad Synodum bene gestam Romani Pontificis præsentiam (molienda sunt usu verba) non exigit; sed Sedis Apostolicæ probationem exigit. Scientissimus Pontifex non ignorabat, quid ea super re ferebat Romanæ Ecclesiæ Traditio, ad quam qui accedit, meus est; à qua qui recedit, meus non est. Adhærere nos semper oportet antiquitati, quæ nulla potest fraude seduci. Disciplina gens illud quo de agitur, observatum minime fuit in Florentina synodo, cui Joannes Palæologus Imperator interfuit. Is enim præsidens non dicitur; est tamen nonnihil actum, quo quidquid est rei, compensatum videtur. Igitur vide & circumspecte decretum, quo Orientales cum Occidentalibus in mutuam redeunt concordiam. Sic apud Blondum Eugenii Papæ IV. notarium in libro X. decadis III. inscribitur: *Eugenius Episcopus servus servorum Dei, consentiente ad infra scripta carissimo in Christo filio Joanne Palæologo Romanorum Imperatore illustri, & loca tenentibus venerabilium fratrum nostrorum Patriarcharum, & cæteris Orientalem Ecclesiam representantibus. Latentur cæli, exultat terra, &c.* His omnino respondent Græca exemplaria, seu quæ à Latina versione separatim, seu quæ Latine versionis conjuncta sunt. At verba ista: *Consentiente ad infra scripta carissimo in Christo filio Joanne Palæologo Romanorum Imperatore illustri, & quæ sequuntur alia, non placuerunt* Horatio Justiniano, qui acta Florentinæ Synodi anno MDCCXXVII. juris publici fecit, ubi concordie decretum aliter inscriptum exhibere non erubuit. *Eugenius Episcopus servus servorum Dei, ad perpetuam rei memoriam.* Sic nefarie supprimuntur illa, quibus Imperator Eugenio consentire dicitur in iis omnibus, quæ in decreto continentur. Quanta vero sit & ponderosa inscriptionis hujus representatio, perspicue significant, quæ ex inscriptione tolluntur & supprimuntur. Hic querenda non est bona fides, quia non inveniretur: Invenietur utique mala, si queratur. Id autem genus flagitii uni dumtaxat assignandum est falsario, non sedi Apostolicæ, quam Pius II. Epistola



stola cccclxxv. ad Carolum VII. Regem Galliae appellat *matrem justitiae & aequitatis*. Præterea solenne istud est in ore trium Pontificum, Gregorii I. in libri II. Indict. XI. Epistola xxix. ad Presbyteros & Diaconos Mediolanensis Ecclesiae; Gregorii VII. in libri I. epistola xxiv. ad Brunonem Veronensem Episcopum; Innocentii III. in libri v. epistola ad Rectores Thusciae: *Sicut ab aliis nostra exigimus, ita singulis sua jura servamus*. Quinetiam ipsemet Eugenius Romanæ Ecclesiae traditione fultus, alio in loco Imperatori sua jura vindicat & asserit, dum in procemio Florentinae Synodi de purgatorio antiquæ editionis ita scribitur: *Aiebat Pontifex: Ubi ego sum cum Imperatore & Patriarcha, ibi est universa Christianorum Synodus, præsertim cum adjunt Patriarcha omnes & Cardinales nostri*. Imperator quo in loco & or-

dine, & quam ob causam ponitur, satis superque apparet; & cum apparet hocce modo, me vide, objiciuntur cum alia multa, tum illud maxime quod Celestinus I. in Epistola x. ad sanctum Cyrillum scribit: *Indifficiliter est Ecclesiarum & catholicae fidei speranda tranquillitas, quando pro hac elaborare Christianissimos Principes sic videmus. Non est enim inefficax in divinis maxime causis cura regalis, quæ pertinet ad Deum, qui fideliter tenet corda regnantium*.

Cæterum de universalium aliorum Conciliorum, quæ apud Occidentem habita sunt, difficultas nec movetur, nec moveri potest. His Romanus Pontifex per se vel per suos legatos præfuit. Vale, Lutetiae Parisiorum, Nonis Maii anni MDC LXXI I.

# Joannes Launoius

## CLAUDIO AMELINÆ

Parisiensi Canonico & Archidiacono.

217 **Q**UOT Synodi celebratæ sint universales vel œcumenicæ, numerare difficile quidem est, si facti; difficilior vero, si juris conditio spectetur. Tu qui acris valles judicio, difficultatis utriusque rationem in eo positam esse, quod universales & œcumenicas Synodos alii aliter atque aliter numerent; alii aliter atque aliter definiant, facile præsentis. Difficultatem priorem, quæ in facti conditione versatur, expedio, & tibi ante oculos constituo.

I. Scriptores Græci Photius, Nilus, Libellus synodicus Nicænæ Synodum secundam universalibus accensent Synodis: Accensent & Romani Pontifices electi in professione fidei, quam ad annum dcccc. emittebant. Proferuntur ibi se sancta octo universalis Concilia, Nicænæ, Constantinopolitanæ, & Ephesinæ primum, Chalcedonenæ, quintum quoque & sextum item Constantinopolitanæ, septimum item Nicænæ, octavum quoque item Constantinopolitanæ, usque ad unum apicem immutata servare.

218 Antiquiores è Gallia Scriptores Nicænæ Synodum hanc universalibus non accensent Conciliis, Annales Francorum ab anno Christi dcccviii. ad annum dcccvii. perducti, Annales Francorum ab anno Christi dcccxi. ad annum dcccviii. perducti, incertus auctor vitæ Caroli Magni, Poeta Saxonicus, Eginhardus, Hincmarus Remensis Episcopus, Regino Prumiensis Abbas.

II. Quæ ad restituendum Ignatium, & ad deponendum Photium celebrata est Synodus, hanc octavam & universalem habent in sua fidei professione Romani Pontifices, ut mox apparuit, & Libellus Synodicus: Sed nec octavam, nec universalem habent Photius, Georgius Cedrenus, & Joannes Zonaras. Atque his, quod majus est, adjungo Florentinam Synodum, quæ in prima sui editione Latina & Græca, & in pontificio editionis privilegio Synodus octava, & in pontificio editionis privilegio Synodus octava, inscribitur: Sic inscripta tunc non esset, si Florentini Patres Synodum illam octavam & universalem agnovissent.

III. Præmitto eam Synodum, quæ, ut est in fine Libelli synodici, Ignatio vitæ functo, & Joanne VIII.

Romano Pontifice coacta est, ad restituendum Photium. Sic enim ibi scribitur: *Constantinopolitana, quam ipsam aliqui octavam œcumenicam nominant. Ignatio circa annum Domini dcccclxxvii. mortuo, Photius consentiente Joanne IX. Papa Romano, qui VIII. alias solet nominari, in solium Patriarchale reductus est à Basilio Imperatore. Habita inde Synodus est Episcoporum Constantinopoli, in qua de unione cum Joanne his verbis, quæ apud Balsamonem reperiuntur, est actum. Statuit sancta & universalis Synodus, ut si qui ex Italia clericis, vel laicis, vel Episcopis, in Asia vel Europa vel Libya versantes, sub vinculo vel depositione vel anathematizatione, apud sanctissimum Papam fuerint, ut ii quoque sint ejusmodi etiam apud Photium sanctissimum Patriarcham Constantinopolitanum in eadem poena definitione: Id est, vel depositi vel anathematizati vel segregati. Hæc autem Synodus, ut ab aliquibus octava œcumenica vocatur, sic & ab aliquibus pseudooctava, & non œcumenica dicitur. Quidquid id est, ut hi, sic & illi, asserendi quod asserunt, causam in medium proferre non dubitant.*

222 IV. Gallicana Ecclesia nec Florentinum, nec Lateranensem Concilium, quod Leo X. habuit, universalibus Conciliis adnumerat. Id testati sunt in Tridentino Concilio Gallicani Antistites de Florentino, & Pio IV. Caroli Cardinalis Lotharingii opera, significare. Cardinalis ad suum secretarium, qui tunc in urbe res illius curabat, verba sunt hæc è Gallico in Latinum conversa fideliter: *Nunc superest titulum ultimus è Florentina Synodo depromptus, quem beatissimo Patri nostro tribuere volunt. Ego negare non possum, quin Gallus sum, & Parisiensis Academiae alumnus, in qua Pontificem subesse Concilio tenetur, & qui docent ibi contrarium, tanquam hæretici notantur. Apud Gallos Constantinense Concilium in partibus suis omnibus ut generale habetur. Basilienæ in auctoritatem admittitur. Florentinum perinde ac nec legitimum, nec generale repudiatur: Atque idcirco Galli de vita potius, quam de sententia decedunt. Hæc Cardinalis, Gallorum nomine in commonitorio, quod ad memoratum jam Secretarium Tridento Romanum*

Romam misit, ut his de rebus cum Pio IV. communicaret.

Ad Lateranense V. Concilium quod attinet, dum Academia Parisiensis anno MDXVII. pro sacrarum electionum & juris communis defensione adversus concordata Bononiensia provocat, Concilium illud in suis literis cœtum quemdam non in spiritu Dei congregatum appellat. Sed Romani, inquit, propriis cupiditatibus & commoditatibus inhiantes, attendentes his mediis aurum & argentum sicut antea, ex dictis Regno & Delphinatu ad se pro suo voto non deferri, huiusmodi statutis invidentes ea per Romanos Pontifices abrogari facere studuerunt, quod auxiliante Domino hæcenus prohibitum extitit, donec advenit Dominus Leo Papa X. qui Romanis plus debito favens, in quodam cœtu in Romana civitate, quæ contra nos est, nescimus qualiter, non tamen in spiritu Domini congregato, præmissa tam saluifera statuta abroganda esse (nescimus quo freti consilio) censuit, & contra fidem catholicam & auctoritatem sacrorum generalium Conciliorum veniendo, sacrum Basiliense Concilium damnavit. Sic igitur apud Gallos Florentinum & Lateranense V. Concilium pro generalibus non habentur, apud Italos & alios pro generalibus habentur. Bellarminus pro Italici spondet in libri 1. de Conciliis capite v. ubi Florentinum & Lateranense V. Concilium in universalium Conciliorum numero ponit.

21 V. Bellarminus & qui eum sequuntur, cum Florentina Synodo minime concordat. Florentina Synodus in prima sui editione octava Synodus inscribitur, idque confirmatur ex editionis privilegio, quod Clemens VII. Medicæus concessit: Nam ibi Florentina Synodus octava quoque Synodus appellatur. At Bellarminus, & qui eum sequuntur, Florentinam Synodum universalem Synodum decimam sextam nominant.

Expedita facti questione, planum est universales Synodos à Catholicis scriptoribus aliter atque aliter censerî, ab unis plures, ab aliis pauciores numerari; & cum res ita sit, notata initio apertam in lucem sese prodit difficultas, quæ juris conditione haud minuitur, sed duplici modo augetur.

Primus in ea consistit ratione, quam Patres & tractatores Ecclesiastici reddunt, cur Concilia, de quibus loquuntur, sint vel fieri possint universalia. Secundus eos attinet è Schola Theologos, qui varias universalis Concilii definitiones tradiderunt. Ad primum autem modum quod pertinet, hunc quia duplex est adhuc, ut apparet, ordine propono.

1. Eusebius Cæsariensis Episcopus cur Nicænum universale sit Concilium, in libri 111. de vita Constantini capite vi. sic edisserit: Deinceps igitur Concilium generale tanquam quemdam Dei exercitum instruens in unum locum coegit, & Episcopos, undique per literas honorifice scriptas, ut eo maturarent, accivit. Et quibusdam interpositis: Civitas autem Bithynia, quæ Nicæa nunc vocatur, id est, victoria, nomen traxit, Concilio celebrando admodum idonea designata fuit. Ubi autem editum (Constantini) in quaque provincia divulgatum erat, omnes summa cum alacritate animorum tanquam è carceribus ad cursum emissi proprie advolarunt. Tum in capite VII. Ex omnibus namque Ecclesiis, quæ frequentes in tota Europa, Africa & Asia extiterunt, Dei ministri, qui facile primas ferre putabantur, in unum convocati. Templum etiam Nicææ velut Dei nutu amplificatum intra parietes suos, Syros pariter & Cilices, Phœnices, Arabes, & Palaestinos: Egyptios porro, Thebanos, Afros, aliosque ex Mesopotamia profectos recepit. Aderat etiam una in Concilio Persidia Episcopus, nec ab hoc choro Scythia absuit. Pontus item, Galatia, Pamphylia, Cappadocia, Asia, & Phrygia viros apud se lectissimos suppeditarunt. Quinetiam Thraces, Macedones, Achaia, E-

pirota, & quorum domicilia multo longiore locorum intervallo distabant, eo adventarunt. Ex ipsis Hispanis unus nominis & fama celebritate insignis cum aliis multis in confessu illo adfuit; & quamquam urbis illius, penes quam imperium est, Episcopus ingravescente ætate præpeditus absuit; ejus tamen Presbyteri, qui aderant, illius locum suppleverunt. Talem coronam solum ex omni præterita ætatis memoria unus Imperator Constantinus pacis vinculo ad Christi gloriam devinxit, & quo servatori suo gratias ageret, istud eximium victoria ab hostibus & inimicis parva monumentum obtulit, effigie chori Apostolici pulcre in hoc nostro conventu expressa. Sic præclare ac dilucide rationem exponit, cur Nicænum Concilium habeatur universale vel œcumenicum.

Gelasius Cyzicenus apud Photium codice LXXXV111. Bibliothecæ, paucis rem eandem tradit, ubi historiam suam ita incipit: Quæ in sancta magna & universali Synodo ex omnibus, ut sic dicam, Romani orbis provinciis, ipsaque adeo Perside congregata, &c.

II. Quæ ratio apud Eusebium & Gelasium facit, ut Nicæna Synodus vocetur universalis, hæc eadem apud Patres Concilii sub Damaso Romæ coacti, & apud Theodoretum facit, ut Ariminensis Synodus universalis vocari non possit. Quid autem gestum est in Romano illo Concilio, Sozomenus narrat in libri VI. historię capite XXI11. Verba sunt: Atque cum Episcopi Gallia & agri Venetorum, alios etiam nonnullos apud se eadem serio conari significassent, brevi tempore post multi multarum gentium Episcopi Romæ in unum congregati, cum Auxentium, tum alios, qui eidem favebant doctrina, à sua communione alienos esse pronuntiarent, fidemque à Nicæno Concilio confirmatam ratam manere statuerunt. Denique decreta Concilii Ariminensis huic repugnantia irrita esse, propterea quod neque Episcopus Romanus, neque alii item complures illis consenserant: Immo vero etiam, quod à multis, qui illi Concilio intererant, eadem ipsa decreta improbatæ fuerant. Quæ ita gesta esse & constituta, testis est Epistola Damasi Episcopi Romani & cæterorum cum eo id temporis simul coactorum, ad Episcopos Illyrici scripta, quæ ita se habet: Episcopi ad sanctum Concilium Romæ convocati, Damasus, Valerianus, & ceteri dilectis fratribus Episcopis qui sunt in Illyrico, salutem. Et paullo post: At vero initio quod peccatum erat ab illis, qui Arimini formulam fidei Concilii Nicæni novare, retractareve coacti sunt, aliqua ex parte propterea sarciebatur, quod de disputatione alio tempore habita ferebantur à veritate abduktos, quam nequaquam sententia Concilii Nicæni adversari cogitabant: Siquidem numerus Episcoporum, qui erant Arimini in unum coacti, vim habere non debet, præsertim cum formula illa composita sit, neque Episcopo Romano, cujus sententia præ cæteris omnibus expectanda erat, neque Vincentio, qui tot annis episcopatum integre gesserat, neque aliis eidem consentientibus: Cumque etiam, quod omnium maximum, illi ipsi, ut ante diximus, qui in fraudem illecti, à veritate deflexisse visi sunt, & post ad meliorem mentem denuo traducti, plane testentur, hanc formulam sibi magnopere displicere.

Theodoretus eandem Damasi & aliorum Antistitum ad Illyricos Epistolam refert in libri 11. capite XII. ubi res paullo aliter exprimitur: Neque præjudicium aliquod fieri potuit per numerum Arimini congregatum, quando constat neque Romanum Episcopum, cujus ante omnia expectanda erat sententia, neque Vincentium, qui tot annorum episcopatum integre gesserat, neque alios talibus præbuisse consensum.

Porro Epistola, quam Sozomenus & Theodoretus laudant, prodiit nuper Latine, ut erat exarata, in libro, cui titulus est, Collatio Romana bipartita. Sic inscribitur: Damasus, Valerianus, Vitalianus, Ausidius, Pacianus, Victor, Priscus, Innocentius, Abundius, Theudulus, & ceteri qui ad audiendam causam



Auxentii, exponendamque fidem in urbe Romana, conveniunt Episcopi, Catholicis per Orientem constituta in Domino salutem. Et paullo post initium: Gallorum atque Venetensium relatione comperimus, nonnullos non haresis studio, neque enim hoc tantum mali cadere in Dei Antistites potest; sed inscitia vel ex simplicitate quadam savis interpretationibus astuentes non satis displicere, quæ magis Patrum nostrorum tenenda sit sententia, cum diversa consilia eorum auribus ingerantur. Et post alia: Sed & in ipso exordio ab iisdem ipsis, qui hoc apud Ariminum retrahere cogebantur, emendatum habentis est, ut subreptum sibi alia disputatione fateantur; idcirco, quod non intellexissent Patrum sententiam apud Nicæam formatam, esse contrarium. Neque enim præjudicium aliquod nasci potuit ex numero eorum, qui apud Ariminum conveniunt, cum constet, Romanum Episcopum, cujus ante omnes fuit expetenda sententia, neque Vincentium, qui tot annis sacerdotium illibate servavit, neque alios hujusmodi statuti consensum aliquem commodasse, cum præsertim, ut diximus, iidem ipsi qui per impressionem succubuisse videbantur, iidem consilio meliore displicere sibi fuerint protestati.

Sic tria sunt propter quæ Ariminense Concilium dici non potest universale. Primum quidem, quia Romanus Antistes, cujus præ cæteris omnibus expectanda seu expetenda fuit sententia: Deinde quod Antistites alii multi, & Vincentius præsertim Ariminensi decreto minime consenserint. Denique quod nonnulli ex iis qui interfuerunt Concilio & succubuerant coacti, sententia meliore suum sibi factum displicere protestati fuerint. Hæc autem cum ita sint, Ariminense Concilium universale non fuit, & eam ob causam Nicæno præjudicium nullum inferre potuit. Major quidem Arimini, quam Nicææ congregatus Episcoporum numerus; sed ex omnibus Christiani orbis provinciis congregatus non fuit: Atque ideo universale non fecit Concilium. His ita constitutis, Bellarminus in libri I. de Conciliis capite VI. Ariminense Concilium reprobatum jure potuit dicere; sed Ariminense Concilium universale dicere jure non potuit. Ad hæc in exemplum universalis Concilii, quod erraverit à nonnullis, parum sincere profertur.

Nicænam Synodum sequitur Constantinopolitana Synodus prima, quæ universalis reipsa non est, si ad ea, quæ de Eusebio, Gelasio & Cyziceno jam observavimus, & quæ mox de Innocentio I. & Leone I. Romanis Pontificibus continuo sumus observaturi, exigatur. In hac enim Synodo Occidentalium Episcoporum nullus adfuit: Et tamen inter universales Synodos, eaque secunda numerata est ævi progressionem, quæ id obtinuit, quod ab initio non habuit. Obtinuit vero facile, quia paullo post Romæ celebrata est Synodus, ubi damnata à Constantinopolitana Synodo hæreses, iterum damnantur in fidei confessione, quam Theodoretus lib. V. cap. XI. historię describit: Quoniam post Concilium Nicænum hic error emerfit, ut quidam ore profano dicere audeant Spiritum sanctum per Filium factum esse, anathematizamus eos, qui non liberrime predicant Spiritum sanctum unius essentiam cum Patre & Filio substantia ac potestate existere. Similiter autem anathematizamus eos, qui Sabellii errorem sequuntur, & eundem esse dicunt Patrem & Filium. Anathematizamus Arium & Eunomium, qui pari impietate, licet verbis discrepent, Filium & Spiritum sanctum creaturam esse confirmant. Anathematizamus Macedonianos, qui ex Arii radice propagati non impietatem, sed nomen solum mutant. Hinc Gregorius I. in libri I. Epistola XXIV. ad Joannem Constantinopolitanum Episcopum, proficitur, se sicut sancti Evangelii quatuor libros, quatuor Concilia suscipere & venerari, Nicænum, Constantinopolitanum, Ephesinum I. & Calchedonense.

Ita Innocentius I. Italix Episcopi, & beatus

Augustinus, quomodo universale fiat Concilium, significant. Innocentius in literis ad Theophilum Alexandrinum, quarum Palladius in dialogo de vita Chrysostomi meminit cap. III. Ad hæc rescriptis beatissimus Papa Innocentius, communionemque utriusque partis admissa, Theophili judicium cassum atque irritum esse decrevit, dicens oportere conflare aliam irreprehensibilem Synodum Occidentalium & Orientalium Sacerdotum.

Ibidem congregati, inquit Palladius, Italia Episcopi Imperatorem orant, ut scriberet Arcadio fratri suo, ut juberet Thessalonica Concilium fieri, quo facilius possent utraque partes Orientis, Occidentisque concurrere.

Augustinus in libri III. contra duas Epistolas Pelagianorum capite XII. Verum istorum superbia, quæ tantum se extollit adversus Deum, ut non in illo velit, sed potius in libero arbitrio gloriari: Hanc etiam gloriam captare intelligitur, ut propter illos Orientis & Occidentis Synodus congregetur.

Sic auctoribus Innocentio, Italix Episcopis, & Augustino, universale fit Concilium, quando Orientis & Occidentis Ecclesiarum Præsides in unum congregantur.

IV. Theodosius Junior, quæ ratione faciendum sit universale Concilium; Cyrillus atque Ephesina Synodus prima, quæ ratione factum sit, exponunt. Imperator in suis ad Cyrillum Alexandrinum literis, quæ parte I. Ephesinæ Synodi capite XXXI. recententur, quæ ratione de rebus fidei judicandum, & universale, ut arbitror, Concilium fiat, exponit. Cui dijudicanda (loquitur de doctrina Ecclesiæ) eos præfici oportet, qui sacerdotiis ubique præsent: Per quos & nos quoque in veritatis sententia stabilimur magis, magisque identidem stabilimur. Qui sacerdotiis ubique præsent, eos dijudicandæ doctrinæ fidei causa congregandos esse censet.

Ephesina Synodus de seipsa pronuntiat in actione III. Firmum ergo est juxta decretum omnium Ecclesiarum, (omnes namque Orientis & Occidentis Ecclesiarum Sacerdotes vel per se, vel certe per suos legatos, sacerdotali huic consensui intersunt) quod in ipsum pronuntiatum est. Sic omnes Orientis & Occidentis Ecclesiarum Sacerdotes universalem Synodum componunt. Iterum in actione V. Per absurdum est ducentorum & decem sanctorum Episcoporum Synodo, quibus & universa Occidentalium sanctorum Episcoporum multitudinem, & per ipsos reliquos orbis terrarum consensit, triginta tantum numero sese opponere. Eadem quæ antea universalis Synodus ex Orientis & Occidentis Ecclesiarum Sacerdotibus describitur. Rursus in actione VI. in relatione Concilii per Palladium Magistranium ad Imperatores: Quæ quidem Synodus omnes totius orbis sanctissimos Episcopos unum idemque sentientes habet. Nam & magna Roma Synodus simul interest, neque desunt Africani per piissimum Archiepiscopum Cyrillum representati, cum quo suam sententiam conjunxerunt. Iterum in relatione Concilii ad Imperatores per Juvenalem & alios: Sancta & acumenica Synodus, cujus consensui adest Celestinus magnæ vestra Roma Archiepiscopus, & universa Occidentalis Synodus per Episcopos, quos ad nos ipsa misit; tota denique Africa & Illyricum. His duobus in locis œcumenica Synodus Asiæ, Europæ, & Africæ Antistites comprehendit.

Postremo Cyrillus in Apologetico ad Theodosium de Concilio Ephesino sic loquitur: Quotquot ex universo orbe venerunt Ephesum, eos Nestorius affectu contumelia. Et quibusdam interpositis: Fidei meæ relictudini testimonium perhibuit, & sancta Romana Ecclesia, & sancta quoque Synodus ex universo, ut ita dicam, orbe, qui sub cælo est, congregata. Sic in universali Concilio Orientales Episcopi eum Occidentalibus junguntur.

V. Leo

V. Leo Romanus Pontifex Concilii vere universalis rationem duobus in locis declarat. Primus est in Epistola xlii. ad Martianum Augustum capite 11. Synodum, inquit, vero fieri, ut meminit clementia vestra, etiam ipsi poposcimus; sed Sacerdotes provinciarum omnium congregari presentis temporis necessitas nulla ratione permittit, quoniam illa provincia de quibus maxime sunt evocandi, inquietante bello, ab Ecclesiis suis eos non patiuntur abscedere: Unde opportuniori tempore, propitiante Domino, cum firmior fuerit restituta securitas, juberet clementia vestra reservari. De qua re plenius inter cetera apud pietatem vestram poterunt allegare quos misi.

Alter in Epistola ad eundem Martianum xlii. Credebamus, inquit, clementiam vestram id desiderio nostro posse prestare, ut presentis necessitate respecta, differri ad opportunius tempus sacerdotalem Synodum juberetis, ut vocatis de cunctis provinciis Sacerdotibus vere posset esse universale Concilium. Hæc adeo clara sunt, ut commentariis nullis indigeant.

Adjicio, quæ in Epistola xci. ad Theodorum Foroliviensem Episcopum scribit capite 1. Sollicitudinis quidam tua is ordo esse debuerat, ut cum Metropolitanis tuo primis, de eo quod querendum videbatur esse, conferres; ac si id, quod ignorabat dilectio tua, etiam ipse nesceret, justius vos pariter posceretis, quia in causis, quæ ad generalem observantiam pertinent omnium Sacerdotum, nihil sine primatibus oportet inquiri.

VI. Facundus Hermianensis Episcopus rationem reddit in libri v. capite v. cur universale fuerit Calchedonense Concilium, & rationem reddendo significat, quid sit universale Concilium. Verba sunt: Non idem modus esse debet, atque ordo querendi post definitionem Concilii totius Ecclesiæ consensu firmati, qui fuit ante definitionem. Tunc enim ratio poscebat, ut si orthodoxa judicaretur illa Epistola, (libæ) suscipienda judicaretur à Synodo: Nunc autem ratio poscit, ut si suscepta probetur à Synodo, judicetur orthodoxa. Igitur auctore Facundo, qui universale dicit Concilium, idem dicit ac firmatum totius Ecclesiæ consensu Concilium. Et contra. Felix III. Facundo præverat in Epistola ad Vetraniensem Episcopum: Calchedonensis Synodus de Nicæni Concilii tenore procedens pro Christiana confessionis integritate servanda, tam auctoritate Sedis Apostolica, quam universalis Ecclesia est celebrata consensu. Hæc in Appendice Codicis Theodosiani.

Cæterum observationes illæ quas supra de Synodo secunda in medium protulimus, efficiunt, ut Synodus quinta satis diu nutaverit, & generalis Concilii vi ac nomine caruerit. Nempe nec Vigilii Papa, qui tunc versabatur Constantinopoli, nec Occidentales Episcopi synodo huic interfuerunt. Hæc vero postea pro generali habita est, ut Gregorius Magnus docet in libri iii. epistola xxxvii. ad Constantinum Mediolanensem Episcopum. De illa, inquit, Synodo, quæ in Constantinopoli postmodum facta est, quæ à multis quinta nominatur, scire vos volo, quia nihil contra quatuor sanctissimas Synodos constitueris, vel senseris, quippe quia in ea de personis tantummodo, non autem de fide aliquid gestum est, & de his personis, de quibus in Calchedonensi Concilio nihil continetur. Sed post expressos Canones facta contentio, & extrema actio de personis ventilata est. Deinde in libri vii. epistola lvi. ad Secundinum Inclusum. Unde certam, inquit, dilectionem tuam esse desidero, quia prædicta sanctissima Orientalis Ecclesia uno sensu, una doctrina fidem ejusdem sanctæ memoria Leonis tenent, sanctamque Calchedonensem Synodum ita nobiscum custodiunt atque venerantur, ut nullus esse Episcopus reputetur, qui ejusdem Synodi defensor sectatorque non fuerit. Hinc est etiam, ut quoties in quatuor præcipuis sedibus Antistites ordinantur, synodales sibi Epistolæ vicissim mutant, in

quibus se sanctam Calchedonensem Synodum cum aliis generalibus Synodis custodire fateantur: Sicut & nos a versamur atque anathemate plectendos ducimus, si quis de fide ejusdem Synodi aliquid imminuere, vel aliquid in ea addere præsumit. Nam Synodus, quæ postea generaliter facta est, idcirco à nobis recipitur, quia ejusdem Synodi in omnibus sequax, honorem illius auctoritatemque custodit. Sic illa, quam Pontifex hic significat, æconomia fuit opus, ut quæ Synodus incertæ per annos sat multos auctoritatis extitit, generalis & quintæ synodi vim nomenque consequeretur. Exinde contigit, ut ipse Gregorius jam in libri i. Epistola xxiv. ad Joannem Constantinopolitanum scripserit: Quintum quoque Concilium pariter veneror. Tum deum in Romano Diurno illud universalibus accensetur Conciliis, in fidei professione quam recens consecrati Pontifices emittebant.

VII. Maximus Constantinopolitanus Monachus in disputatione, quam cum Pyrrho Patriarcha Constantinopolitano instituit, conditiones præcipuas universalis Synodi demonstrat hoc modo: Subit me admiratio, quomodo Synodum vocas quæ non est habita, ut leges, canones synodici, & jura Ecclesiastica habent: Nec enim Epistola encyclica ex consensu Patriarcharum edita est, neque locus, neque dies conveniendi decretus. Non fuit aliquis actor, aut accusator; qui conveniunt, Epistolæ commendatitias non habuerunt, nec Episcopi à Metropolitanis, neque Metropolitanis à Patriarchis, nec Epistola, neque vicarii ab aliis Patriarchis missi sunt. Quis igitur particeps rationis Synodum sustinuit appellare, quæ scandalis & discordia cunctum orbem implevit? Cum Maximus explodit Synodum, ad quam Pyrrhus recipiebat sese, universalis Synodi conditiones, quæ sint præcipuæ, ut vidimus, ostendit.

VIII. Beatus Stephanus Junior Maximum Constantinopolitanum Monachum imitatur & subsequitur. Constantinopoli celebratum fuerat Concilium, quod imagines sustulerat. At qui celebraverant Concilium, ut facto suo fidem conciliarent, illud universale seu œcumenicum appellarunt. Appellationem hujusmodi Stephanus ferre non potuit, eamque sic impugnavit: Jam qui œcumenicum Concilium istud vocari queat, quod nec Romanus Antistes, citra cujus auctoritatem nullo modo fieri potest, ut res Ecclesiastica ad normam redigantur, gratum habuit, nec Alexandrinus comprobavit, nec Antiochenus, nec denique Hierosolymitanus? Ubinam eorum libelli sunt? Aut quinam per diversa loca missi sunt, quibus falsum vestrum Concilium confirmaretur, ut hac ratione œcumenicum censeretur possit? Hæc in sancti Stephani vita, quæ extat apud Joannem Damascenum. Primatum sedium Episcopis non attribuit Concilium quod adversus imagines celebratum fuerat: Et quia non attribuit, universale non esse Concilium putat, cui quinque primarum sedium Episcopi per se vel per legatos suos haud interfuerint.

XI. Nicæna Synodus secunda de conditionibus universalis Concilii idem tradit quod Stephanus Junior. Nam in actione v. probat ea, quibus universalis synodi notio auferatur Constantinopolitanæ Synodo, quam Copronymus ad abolendas imagines celebrari præcepit. Quomodo, inquit, magnum & universale Concilium (erit) quod neque receperunt, neque concordaverunt reliquarum Præsules Ecclesiarum, sed illud anathemati transmiserunt? Non habuit enim adiutorem illius temporis Romanorum Papam, vel eos qui circa ipsum sunt, Sacerdotes: neque etiam per vicarios ejus, neque per encyclicam Epistolam, & c. vobis & c. tunc Comitis, ut Synodorum mos est; sed nec consentientes sibi Patriarchis Orientis, Alexandria scilicet, Antiochia, & sanctæ civitatis, vel comministros & summos Sacerdotes, qui cum ipsis existunt.

X. Carolus Magnus seu quis alius in libri i. i.



de imaginibus capite xi. ut probet, universalem non esse synodum VII. universalis synodi conditiones quæ sint præcipuæ, declarat, & scribit quæ sequuntur: *Ecclesiastica tunc prædicatio innotat peccantem fratrem primo clam corripendum, qui si audire nolueris, seorsum adhibitis fratribus, vel corripendi studio, vel conveniendi testimonio admonendus est: Qui si & ille audire contempserit, tunc multis res innotescenda* 236 *est, ut detestationi eum habeant; & qui nequivit salvari pudore, saltem opprobriis salvetur: Qui si neque multorum admonitionis assensum præbuerit, ethnicorum sive publicanorum more detestandus est: Cui prædicationi non mediocriter illorum Ecclesia contraire videtur, qui totius mundi Ecclesias, priusquam more Ecclesiastico per epistolares eloquium consulendo, sive scrutando allequatur, presumptivè sive incaute anathematizare conatur. Debuerat enim ad circumjacentium provinciarum Ecclesias legationem sciscitantiam facere utrum imagines adorari aut non adorari deberent, ut juxta cujusdam sapientis vocem per consilium, & sequenda sequens, & vitanda vitans, non tam postmodum penitere constaret; sed quidquid de hac re plures secundum Apostolicam institutionem tenere vellet Ecclesia, ipsa quoque teneret, & qua pluribus consentientibus antiquis institutionibus obstiti tentaret, & obstinata mente ab universitate Ecclesiastici corporis se dirimere vellet, hanc detestatione multaret. Carolus ergo vel quis alius censet eam Synodum universalem non esse, quæ circumjacentium provinciarum Ecclesias non consuluit, ut sciret, utrum imagines adorandæ forent necne: scilicet utrum id quod definiendum occurrit & proponitur, definire possit. Hoc enim in Ecclesiastico more positum esse contendit, ut non ante Synodus illa, quæ universalis diceretur, de dogmatibus aliquid decerneret, quam quid super iis sentirent circumjacentium provinciarum Ecclesiæ, per Antistites præfentes, vel per eorum Epistolas resciret.*

237 *IX. Hincmarus Remensis eandem retractat materiam, & ex eisdem Caroli operibus retractat in opusculi LV. cap. XX. In cujus voluminis libro IV. hæc de universali nomine scripta sunt. Universitas ab uno cognominatur, quod uno multoties verso propagatur; nam multitudine unitatum vertente in unum collecta, universitas efficitur. Sicut enim Ecclesia universalis est, quæ Græco eloquio catholica dicitur, ita nimirum omne quidquid ab ejus unitate non discessit, catholicum nuncupari potest. Omnis enim doctrina Christiana vel qualibet constitutio sive traditio, talis esse debet, ut universali conveniat Ecclesiæ. Quod nequaquam habere observaverunt, qui per diversas mundi partes aliquibus regionum partibus coarctati conventicula quadam statuerunt, quibus & se quamplures ab Ecclesiastica unitatis consortio segregaverunt. Cum ergo duarum & trium provinciarum Præsules in unum conveniunt, si antiquorum Canonum institutione muniti aliquid prædicationis aut dogmatis instituunt, quod tamen ab antiquorum Patrum dogmatibus non discedat, catholicum est quod faciunt, & fortasse dici potest universale: Quoniam quamvis non sit ab universi orbis Præsulibus actum, tamen ab universorum fide & traditione non discrepat. Catholicum est quod faciunt, & fortasse dici potest universale: Quoniam quamvis non sit ab universi orbis Præsulibus actum; tamen ab universorum fide & traditione non discrepat: Quod crebro factum in plurisque mundi partibus quibusdam necessitatibus incambentibus scimus. Multa enim Concilia gesta sunt, quorum institutionibus sancta munus & corroboratur Ecclesia. Si vero duarum aut trium provinciarum Præsules in unum convenientes, nova quadam statuere cupientes, conventicula quadam faciunt, quæ non cum universi orbis Ecclesia sentiunt, sed ab ea quadam ex parte dissentunt, non est catholicum quod faciunt; & ideo universale nuncupari non potest. Omne quod Ecclesiasticum est, catholicum est; & omne quod*

catholicum est, universale est. Omne autem quod universale est, profanis vocum novitatibus caret. *Esse hæc Synodus (Nicæna VII.) vocum novitatibus caret, antiquorum Patrum dogmatibus contenta universalis dici poterat. Non autem antiquorum Patrum dogmatibus contenta est; non igitur universalis dici potest. Universalem plane eandem Synodum non cunctaremur præferri, nisi eam universalis Ecclesiæ dogmatibus sentiremus refragari. Hæc ille ex eo volumine, de quo paullo ante dixerat. De cujus (septimæ Synodi) descriptione non modicum volumen, quod in palatio adolescentulus legi, ab eodem Imperatore Romani est per quosdam Episcopos missum. Sic Gallicana tunc Ecclesiæ conditiones illas omnes, quæ in Carolinis libris explicantur, in se recipit.*

XII. Constantiensis synodus, cum celebrata est sessio XXXIX. professionis fidei formulam quæ à Romano Pontifice mox eligendo fieret, composuit. In ea universales synodi recensentur; sed undecim tantum. Adscribo verba: *Ego N. electus in Papam, omnipotenti Deo, cujus Ecclesiam suo præsidio regendam inscipo, & beato Petro Apostolorum Principi corde & ore profiteor, quandiu in hac fragili vita constitutus fuero, me firmiter credere & tenere sanctam fidem catholicam secundum traditionem Apostolorum, generalium Conciliorum, & aliorum sanctorum Patrum: Maxime autem octo Conciliorum universalium, videlicet primi Nicæni, secundi Constantinopolitani, tertii Ephesini, quarti Chalcedonenfis, quinti & sexti Constantinopolitanorum, septimi item Nicæni, octavi quoque Constantinopolitani, necnon Lateranensis, Lugdunensis & Viennensis generalium etiam Conciliorum.* Non memini legere me, qui ante Constantiensis Concilii tempus, universalis Concilia plura vel pauciora in Occidente habita simul & semel nominaverit.

XIII. Eugenius IV. qua ratione universale fieri possit Concilium in Florentinæ synodi præmio sic tradit, cum de Purgatorio agitur: *Cumque à nobis (Græcis) aliud fieri non posset, res ipsa cogebat celebrari Synodum ad disputandum, absentibus etiam iis, qui Synodo interesse debebant. Aiebat enim Pontifex: Ubi ego sum cum Imperatore & Patriarcha, ibi est universa Christianorum Synodus; præsertim cum adsunt Patriarcha omnes & Cardinales nostri. Sic ad mentem Eugenii universale Concilium personis viginti plus minus idonee constaret. Hæc est nova & inaudita omni retro versus Apostolos tempore celebrandi Concilii, quod universale diceretur, methodus. Quamobrem si cum iis, quæ de Eusebio & Gelasio Cyziceno in causa Nicæni Concilii, de Innocentio I. Italici Episcopis Augustino, Theodosio Juniore, Ephesina Synodo, Leone I. Facundo, Maximo Constantinopolitano Monacho, Stephano Juniore, Nicæna synodo II. Carolo Magno, & Hincmaro Remensi in causa celebrandi generalis Concilii observavimus, contendatur, rei ad solvendum propositæ difficultas non minuitur, sed crescit.*

XIV. Gaspar Cardinalis Contarenus illustrium Conciliorum Summam confecit, eamque Paulo III. Papæ dicavit. In hac universales synodos novem tantum numerat, Græcas octo primas, & nonam Florentinam, quæ apud Latinos celebrata est. Contarenus aliter ac Constantiensis synodus universales synodos numero subducit. Sed quod notandum est maxime, nec Lateranensem, nec Lugdunensem, nec Viennensem ut universales agnoscit. Historiam, ut apparet, persequimur, quæ nota non est omnibus, qui solent universalis Concilia numerare, & qui quæ de numero affirmant, certiora esse putant, quam quæ apud Sagram.

Cæterum difficultas, cujus solutionem quaerimus necdum invenimus, augetur adhuc magis, si quæ à pluribus è Schola Theologis definitione uni-

universalis Synodi traduntur, paullo diligentius considerentur.

Qui ab Hincmari Remensis tempore, hoc est, ab anno DCCCXXXII. quo ille de vita decessit, ad annum MCC. aut circiter, universalis Concilii rationem exposuerit, offendi neminem. Sed ab ætate ista occurrunt mihi universalis Concilii definitiones multæ, quas & Theologi & canonici juris Antistites diversis temporibus conscripserunt. Eas prout se offerunt, propono.

Glossa in. cap. i. dist. XVII. universale Concilium ita definit apud Turrecrematam in libri III. Summæ capite XII. Concilium generale est quod à Papa vel ejus legato cum Episcopis celebratur.

Guillelmus Okamus scholasticorum familiam ducit in libri v. dialogorum capite LXXXV. Dicitur, inquit, quod congregatio quæcumque non ideo solummodo vocatur Concilium generale, quia auctoritate summi Pontificis convocatur. Tunc enim omne consistorium cum Papa esset Concilium generale. Illa igitur congregatio esset Concilium generale reputanda, in qua diversa persona gerentes auctoritatem & vicem universarum partium totius Christianitatis, ad tractandum de communi bono rite conveniunt, nisi aliqui noluerint vel non potuerint convenire. Unde si aliqua provincia nollet vel non posset personas habentes auctoritatem & vicem earum transmittere, non minus esset Concilium generale censendum.

Thomas Waldensis in libri i. de doctrinali fide antiqua capite XXVI. Ipsa convocatio Synodi est tantum conformis Ecclesie universali: Non tamen est universalis Ecclesia; sed Ecclesia catholica imago propinqua, & de omnibus Ecclesiis catholicis ex sacris Antistitibus & Christi Sacerdotibus, quantum in hac vita uno tempore & uno loco convenire possunt, simillima genitura: Et ideo est universalis Ecclesia in auctoritate multum conformis. Et in capite XXVII. Non nego tamen posse vocari (ad Concilium) laicos potentes vel simplices si sic expedire negotio videatur Ecclesia.

Joannes Gerson Parisiensis Cancellarius in tractatu de potestate Ecclesiastica, consideratione XII. Concilium generale, inquit, est congregatio legitima auctoritate facta ad aliquem locum, ex omni statu hierarchico totius Ecclesie catholica, nulla fidei persona, que audiri requiratur, exclusa, ad salubriter tractandam & ordinandam ea, que debitum regimen ejusdem Ecclesie in fide & moribus respicit.

Joannes Brevicoxa Parisiensis Theologus in tractatu MS. de potestate Ecclesie & Conciliorum. Est ergo, inquit, primo sciendum, quod per Concilium generale non intelligo quamlibet congregationem Episcoporum & Archiepiscoporum summi Pontificis auctoritate convocata, licet improprie talis congregatio ab aliquo vocetur Concilium generale. Hoc notat glossa dist. XVII. cap. i. dicit enim glossa: Conciliorum quedam sunt generalia, quedam particularia, quedam provincialia, & quedam episcopalia. Universale est, quod à Papa vel ejus legato cum omnibus Episcopis presentibus statutum est. Ex quibus patet, quod secundum quandam acceptionem Concilii generalis, seu universalis, Concilium universale est congregatio omnium Episcoporum auctoritate Papa vel ejus legati facta seu convocata. Sed sic non accipio hic Concilium generale; sed per Concilium generale intelligo congregationem illam, in qua diversa persona gerentes vicem diversarum partium & provinciarum totius Christianitatis, ad tractandum de bono communi rite conveniunt. Debet autem hujusmodi Concilium auctoritate summi Pontificis congregari, nisi in casu, in quo Papa est notorius hereticus: In quo casu convocatio generalis pertineret ad Prælatos in divina lege peritos principes; secundo etiam pertineret ad reges & Principes; tertio Concilii generalis convocatio in dicto casu pertinet, licet minus principaliter, ad omnes Catholicos, quos Papa sic esse hereticum. In casu, quo Prælati Principes seculares Concilium generale convocare neg-

ligerent, & tamen appareret imminens periculum, si non fieret tale Concilium: Nolo tamen dicere, quod ad hoc quod sit Concilium generale, quod requiratur, quod de qualibet provincia totius Christianitatis, sive aliqui aut aliquis gerens auctoritatem dictæ provincie: Quia si aliqua provincia vellet & non posset personas auctoritatem ejus habentes transmittere, non minus congregatio diœcesis contradiceret Concilio generali congregando; & ad hujusmodi congregationem seu Concilium nollet convenire, non minus esset Concilium generale: Dum tamen hujusmodi Concilium esset omnibus Christianitatis diœcesibus & provinciis intimatum & significatum. Si vero quæ- 244 ratur de modo per quem debet convocari & congregari Concilium generale, respondetur probabiliter nihil penitus asserendo, quod inter ceteros modos iste modus mihi videatur probabilis: Videlicet quod de qualibet parochia vel communitate, que faciliter posset convenire, mitterentur aliqui vel aliquis ad Concilium episcopale, vel parlamentum Regis aut Principis, vel alterius publicæ potestatis, in casu quo Episcopus Concilio generali congregando repugnaret, & imminens periculum, si non fieret, verisimiliter appareret: Qui sic congregati aliquos eligere mittendos ad Concilium generale, qui taliter electi à Conciliis episcopalibus, vel parlamentis secularium potestatum, in unum locum convenientes possunt generale Concilium appellari. Hæc ille, qui ex Parisiensi Episcopo Gebennensis factus est, quia Burgundionum Duci Parisiis dominanti subesse noluit.

Alfonsus Tostatus Abulensis Episcopus in parte II. defensorii capite XXXVII. Accipiendo, inquit, secundo modo Ecclesiam universalem pro generali Synodo, etiam convenit sibi quod non possit errare: Sciendum tamen, quod universitas Christianorum dispersa est per universalem Ecclesiam militans. Generalis autem Synodus legitime congregata non est realiter universalis Ecclesia, sed per representationem sufficientem. Et sic patet ex superscriptionibus quibus utuntur generales Synodi, in hac forma scilicet: Sacrosancta generalis Synodus in Spiritu sancto legitime congregata, Concilium generale facient, universalem Ecclesiam representans; & quia Concilium 245 generale sufficienter representat universalem Ecclesiam, potest omnia que potest Ecclesia universalis, que est tota universitas Christianorum, si illa ad aliquid faciendum conveniret, & habet omnes conditiones universalis Ecclesie.

Joannes Turrecremata ex Parisiensi Theologo Cardinalis in libri III. Summæ capite v. universalis Concilii definitiones duas proponit. Unam quorundam aliorum Magistrorum, quæ sic se habet: Concilium generale est societas fidelium in unum propositum, & propter communem unam intentionem congregatorum. Altera, quæ ipsius Turrecrematæ est, & ita se habet: Concilium universale catholica Ecclesia, est congregatio majorum Prælatorum Ecclesie, auctoritate Romani Pontificis speciali convocata, ad aliquid communi intentione solenniter tractandum in religione christiana, Papa ipso in Concilio Præsidente, vel aliquo loco sui.

Senonense Concilium, quod anno MDXXVIII. celebratum est decreto III. & Theologie Parisiensis Facultas in articulis, quos anno MDXLII. adversus hæreses hujus temporis condidit, num. XII. id esse judicant universale Concilium, quod universalem Ecclesiam representat.

Melchior Canus qui Tridentino Concilio interfuit, in libri v. de locis capite III. Concilia, inquit, generalia voco, quæ omnium Christianorum Pontificum convocatione celebrantur. Inter multos autem sæpe disceptatum est, an generalis convocatio satis sit, an etiam sit 246 necessaria congregatio generalis. Si enim summus Pontifex Concilium generale indiceret, non congregantur tamen nisi soli decem ex Italia Pontifices; hujusmodi profecto Synodus non esset, cur generalis videatur. At contra, si necesse est Episcopos omnes congregari. Primum nullum forte in Ecclesia tale adhuc Concilium fuit, in quo Episcopi



piscopi universi convenerint. Deinde pessimus quisque Episcopus, dum non solum per negligentiam, sed per malitiam Synodo adesse contempserit, generalem non esse calumniabitur; & Princeps in Republica quilibet, si illi Synodus displicuerit, inturbare eam minimo negotio poterit causarique Episcopos suos, vel morborum, vel tumultuum causa, Concilio interesse non posse. Verum quoniam omnes hujusmodi controversias persequi non est operis institui, huic questioni breviter respondemus. Non satis est quidem ad Concilium generale, si evocatio generalis est, quando adeo pauci congregantur, ut major meliorque provinciarum pars relicta esse videatur; praesertim si causa legitima est, cur Episcopi Synodo non affuerint. At si per malitiam hominum pessimorum una & item altera provincia desit, non propterea Concilii generalis nomen amittitur; sed ne si per negligentiam quidem, aut aliam occasionem quamlibet Episcopi aliquot desint, nominis sui iacturam generale Concilium faciet, nisi in dubium veritatis, an Concilia illa quatuor, Nicanum, Ephesinum, Constantinopolitanum, Calchedonense, generalia sint.

247 Quamobrem ut fideles ita nos hoc loco loquimur, ut Synodum generalem omnium Episcoporum evocatione legitima finiamus, licet non sit omnium congregatio. Communi enim fidelium sensu agendum est, cum de rebus vobisque Ecclesiae loquimur, idque eodem modo fecerunt sapientes. Nec satis est tamen ad generale Concilium evocatio generalis, nisi sit etiam generalis congregatio; sed ad generalem convocationem omnium Episcoporum congregatio requiritur. Neque hic definimus, nisi id quod frequens in Ecclesia est.

Clemens Monilianus Cardinalis in tractatu de Concilio Oecumenico cap. vii. illud ita definit: Est congregatio majorum Pralatorum Ecclesiae auctoritate Romani Pontificis coacta, ad aliquid communi intentione solemniter tractandum, Papa eidem presidente, vel alio loco illius. At si definitio haec valeret, secunda & quinta Synodus Constantinopolitanae Synodi absque dubio non essent Oecumenicae, & praeclarum nomen istud in hoc ipso capite contra mentem auctoris amitterent. Romanus enim Pontifex his Synodis nec per se, nec per suos legatos praefuit.

Dominicus Bannes in brevioribus Commentariis ad secundam secundae art. x. quaest. 1. dub. iii. Synodus generalis est Synodus catholicorum Episcoporum generali convocatione & congregatione summi Pontificis auctoritate celebrata. Et post pauca: Diximus praeterea in praedicta definitione (generali convocatione) ad differentiam Concilii provincialis, ubi congregantur solum Episcopi unius provinciae aut regni, Sed in Concilio generali debent omnes Episcopi omnium regnorum, quamvis opus non sit, ut omnes veniant ad Concilium; sed sufficit, quod cum omnes fuerint vocati, major pars illorum adsit, ut sit vere Concilium generale.

Bellarminus in libri 1. de Conciliis capite xvii. universale quidem non definit Concilium; sed putat se ex consuetudine Ecclesiae colligere conditiones quatuor, quae sufficiant & requirantur ad universale Concilium: Et hoc est, ni fallor, omnino quid sit generale Concilium definire.

Prima est, ut evocatio sit generalis, ita ut innotescat omnibus majoribus Christianis provinciis.

Secunda, ut ex Episcopis nullus excludatur undecunque veniat, modo constet eum esse Episcopum & non excommunicatum.

Tertia, ut adsint per se vel per alios quatuor praecipui Patriarcha praeter summum Pontificem. Et post pauca: Porro hac tertia non omnino necessaria; sed tantum ad bene esse (olim) indicabatur. Nam Synodus tertia sine Patriarcha Antiocheno damnavit Nestorium Constantinopolitanum; & Synodus Calchedonensis sine Patriarcha Alexandrino omnia fere conclusit: Et nunc non sunt necessarii isti Patriarcha, quia haeretici, vel certe schismatici sunt.

Quarta, ut saltem ex majori parte christianarum provinciarum aliqui adveniant; & si quidem Concilium sit in Oriente, semper visum est sufficere, si ex provinciis omnibus Orientis Episcopi conveniant multi; ex toto autem occidente mittantur aliqui a summo Pontifice, qui suppleant locum aliorum: E contrario si celebretur in Occidente, conveniant ex omnibus provinciis Occidentis multi; ex Oriente autem pauci aliqui veniant nomine aliorum.

Hic auctor ex universalibus Conciliis octodecim, quae in ejusdem libri 1. de Conciliis capite v. numeraverat, per conditiones primam & quartam multa tollenda sunt, ut Lateranensis II. & V. Lugdunensis I. & Viennensis. Et primum quidem in iis generalis non fuit evocatio, quae omnibus majoribus Christianis provinciis innotuerit. Deinde ex Oriente toto Antistites interfuerunt nulli, tantum abest ut aliqui interfuerint, quemadmodum quarta exigit conditio; vel Antistites ex omnibus majoribus Christianis provinciis evocati fuerint, ut prima expostulat conditio.

Praeterea Bellarminus dum universalis Concilia numerat octodecim, a Constantiensis Concilii Patribus, & a Contareno multum recedit; sed dum necessarias ad faciendum Concilium universale conditiones exequitur, ad Constantiensis Concilii Patres & Contarenum fat propius accedit. In uno popularem trutinam, in altero aurificum stateram adhibet, posteaquam, ut vidimus, pugnavit secum: Usque adeo difficile nonnunquam est summis etiam atque eminentibus viris certum in scribendo modum tenere, & veritatem unicum accuratae potissimum scriptionis scopum assequi. Sed vix assequetur, qui facile pronuntiat; & is facile pronuntiat, qui ad pauca, cum ad multa respiciendum est, respicit; & quod pejus est, opiniones novas pro veteribus obtrudit, & in veterum defensores atrociter invadit.

Ceterum quidquid Glossa, Okamus, Waldensis, Gerson, Brevicoxa, Toftatus, Turrecremata, Senonense Concilium, Canus, Monilianus, Bannes ante Bellarminum de universalis Concilii notione tradiderunt, universalibus quae fieri possent, Synodis convenirent potius, quam omnibus Conciliis, quae, ut apparet, facta sunt, & quae pro universalibus nunc ab unis auctoribus, nunc ab aliis ducuntur. Jam sentis, opinor, veritate summa niti, quod ab initio proposui, negotiosum quippe & arduum esse, ne dicam, adnotare, quot sint universalis Concilia certo apud omnes ac definito numero comprehendere, si tractationis nostrae caput utrumque inspicias. Vale, Lutetiae Parisiorum Idibus Maii anni MDCLXXIII.

Joan-

# Joannes Launoius,

## LUDOVICO HENRICO GONDRINO

Senonensium Archiepiscopo.

**M**ISISTI binas ad me pro tua singulari benevolentia constitutiones: Unam, qua Senonensis Ecclesiae visitatio, & in Canonicorum vitam ac mores inquisitio edicitur. Alteram, qua quæ sint Decanorum urbis & ruris partes & munia, declaratur. Constitutio prior ad amussim facta, edicentis gravitatem sacerdotali modestiâ mixtam continet, & suavitates odorum, qui afflantur è sacris Canonibus, effundit. Constitutio posterior quidquid Synodi ea de re sanxerunt, quidquid Patres atque Ecclesiastici tractatores præscripserunt, miro quodam artificio repræsentat. Multiplex & unum opus est: Multiplex quidem, quia pluribus reipsa partibus constat; unum vero, quia multitudo partium fere non apparet, tanta est earum & concinnitas & concentio, quæ legentium oculos tenet & delectat incredibiliter. Non fallitur, qui constitutionem utramque veteribus Ecclesiae monumentis conferendam esse sibi sumet, atque ut ederes, affirmabit insepisse te penitus in id, quod olim ad Siguinum decessorem tuum Silvester II. non mendacis & fluctuantis sæculi philosophia, sed Christianæ legis meditatione scripserat: *Sit lex communis Ecclesie catholica, Evangelium, Apostoli, Propheta, canones Spiritu Dei conditi, & totius mundi reverentia consecrati, & decreta Sedis Apostolica ab his non discordantia.* Hac communi Ecclesie catholice lege diocesanam instauras disciplinam, hierarchiam salvam, & à temporis calamitate incolumem retines, & quæ curva sunt, corrigis, & canonice administrationis exemplar à bonis omnibus habetis, quæreris, & inventus in auctoritatem admitteris. Hinc missas ad me constitutiones tuas dum attentius considero, insigni me beneficio ornatum sentio; sed mihi ad remunerandum nihil suppetit præter voluntatem. Remunerabunt te Romani Pontifices per *quodam meum*, quod inscribi potest: *Asserta per Romanos Pontifices Metropolitanorum auctoritas.* Sed quia non asseritur nisi decretis, quæ ex sacris promulgantur canonibus, exponendi prius sunt canones, qui Metropolitanorum auctoritatem constituunt.

### CAPUT I.

*Vicani Concilii canon IV. & canonis VI. pars ultima referuntur.*

**G**ITUR canon IV. sic se habet: *Episcopum convenit maxime quidem ab omnibus, qui sunt in provincia, Episcopis ordinari. Si autem hoc difficile sit, aut propter instantem necessitatem, aut propter iteris longitudinem; tribus tamen omnimodis in idipsum convenientibus, & absentibus quoque pari modo de sententiis, & per scripta consentientibus, tunc ordinari celebratur.* Firmitas autem eorum, quæ geruntur unamquamque provinciam, Metropolitanis tribuatur.

Deinde canonis VI. pars quoque ultima sic se habet: *Illud autem generaliter clarum est, quod si quis*

*præter sententiam Metropolitanam fuerit factus Episcopus, hunc magna Synodus definivit, Episcopum esse non oportere; sin autem communi cunctorum decreto rationabili, & secundum Ecclesiasticam regulam comprobato, duo aut tres propter contentiones proprias contradicunt, obtineat sententia plurimorum.*

Concilio huic interfuerunt Romanæ Ecclesie Presbyteri, qui Silvestri Papæ vices gerebant. Eusebius in libri III. de vita Constantini capite VII. *Ex omnibus, inquit, Ecclesiis, quæ frequentes in tota Europa, Asia & Africa extiterunt Dei ministri, qui facile primas ferre putabantur, in unum convocati; templum etiam velut Dei mnu amplificatum intra parietes suos, Syros pariter & Cilices . . . recepit.* Et paullo post: *Et quanquam urbis illius, penes quam Imperium est, Episcopus ingravescente ætate præpeditus absuit; ejus tamen Presbyteri, qui aderant illius locum suppleverunt.*

Julius I. in Epistola ad Orientales, quæ in Athanasii Apologia II. habetur. Jam olim, inquit, *se hujus sententia fuisse confirmabat, (Marcellus Antiochenus) ubi & nostri Presbyteri, qui tunc in Concilio Nicano aderant, de ipsius recta fide contestabantur.* Hæc autem cum ita sint, canonum istorum conditio non minus ad Romanæ, quam ad cæterarum Ecclesiarum Antistites spectat.

### CAPUT II.

*Antiocheni Concilii canones duo IX. & XIX. referuntur.*

**C**ANON IX. est ejusmodi: *Per singulas regiones Episcopos convenit nosse, Metropolitanum Episcopum sollicitudinem totius provincie gerere, propter quod ad Metropolim omnes undique, qui negotia videntur habere, concurrunt. Unde placuit eum & honore præcellere, & nihil amplius præter eum ceteros Episcopos agere secundum antiquam à Patribus nostris regulam constitutam: Nisi ea tantum, quæ ad suam diocesim pertinent, possessionesque subjeetas. Unusquisque enim Episcopus habeat suæ parochie potestatem, ut regat juxta reverentiam singulis competentem, & providentiam gerat omnis possessionis, quæ sub ejus est potestate, ita ut Presbyteros & Diaconos ordinet, & singula suo judicio comprehendat. Amplius autem nihil agere temet præter Antistitem Metropolitanum, nec Metropolitanus sine cæterorum gerat consilio Sacerdotum.*

Canon XIX. est quoque ejusmodi: *Episcopus præter Synodum & præsentiam Metropolitanam nullatenus ordinatur. Hoc autem modis omnibus coram posito melius quidem est, ut omnes simul adsint ejusdem provincie Sacerdotes, quos Metropolitanus Episcopus advocare debet; & si quidem omnes occurrerint, optime: Quod si hoc difficile fuerit, saltem plures esse omnimodo convenit, aut certe scriptis ejusdem sententia comprobari: Et ita sub plurimorum vel præsentia vel decreto ordinatio celebratur. Quod si secus contra definita factum fuerit, nullas ordinationes vires habeat: Si vero juxta definitam regulam fiat, &*

*non*



nonnulli pro contentione propria contradicant, obtineat sententia plurimorum.

Hi canones habentur in canonum Ecclesiasticorum codice, quem Dionysius Romanus Monachus confecit. Codicem hunc ad Sedem Apostolicam spectare non obscure significat Hincmarus Remensis in opusculi LV. cap. XLIII. Qui sunt, inquit, illi canones, quos & Apostolica Sedes & omnes Episcopi per universum orbem, & omnis Ecclesia catholica canones appellant? Quique (Pontifices) à Nicæno Concilio, quod primum in nostris codicibus, quos ab Apostolica Sede majores nostri acceperunt sequendos per ordinem usque ad Africanum Concilium pro canonibus recipiendis, venerandis & observandis retinent? Hinc efficitur ut relati canones duo in censum Romanæ Ecclesiæ deputentur.

## CAPUT III.

## Ephesina Synodus.

256 **I**N actione IV. repetit, & in auctoritatem admittit CCCXVIII. Patrum, qui Nicææ conveniunt, canonem IV. Episcopum quidem convenit ab omnibus, qui in provincia sunt, constitui: Si vero id difficile fuerit, aut propter urgentem necessitatem, aut propter itineris longitudinem, omnes fratres simul conveniant, suffragantibus etiam absentibus, & per litteras assensum suum declarantibus, ac tunc ordinatio fiat; suprema vero auctoritas eorum, quæ sunt, detur in unaquaque provincia Metropolitana. Actioni huic interfuerunt ii, quos Celestinus ad Synodum vicem suam suppleturos miserat.

## CAPUT IV.

## Calchedonensis Concilii canon XXV. refertur.

**Q**UONIAM quidam Metropolitanorum, quantum comperimus, negligunt commissos sibi greges, & ordinationes Episcoporum facere differunt, placuit sanctæ Synodo intra tres menses ordinationes Episcoporum celebrari, nisi forte necessitas inexcusabilis præparet tempus dilationis extendi: Quod si hoc minime fecerit, correctioni Ecclesiastica subiacebit. Verumtamen redditus Ecclesiæ viduata penes æconomum ejusdem Ecclesiæ integri reserventur.

At relati tribus in capitibus canones ii sunt, quibus Metropolitanorum jura sanciantur, quibus Metropolitanorum fines & termini designantur. Calchedonensi Concilio Romanus Pontifex Leo per suos vicarios non solum interfuit, sed etiam præfuit.

## CAPUT V.

Romanorum Pontificum referuntur decreta, quibus relati canones promulgantur & executioni demandantur.

**Q**UONIAM vero decreta hæc magno sunt in numero & auctoritate, non omnia sub uno capite referenda esse duxi. Quamobrem caput hoc in plures distribuam articulos, & unicuique articulo Pontificem unum consignabo, quo facilius sacrorum Canonum assertio, & Sedis Apostolicæ traditio agnoscantur. Sic enim cessabit illorum querela, qui usurpatam esse ab Romanis Pontificibus Metropolitanorum auctoritatem prædenter affirmant.

## ARTICULUS I.

## SIRICIUS ducet familiam.

In Epistola ad Anysium Thessalonicensem Episcopum: 258 Etiam dudum, frater carissime, per Candidianum Episcopum, qui nos præcessit ad Dominum, hujusmodi litteras dederamus, ut nulla licentia esset sine consensu tuo Episcopos ordinare præsumere. Quæ utrum ad te pervenerint, scire non potui. Multa enim gesta sunt illic per contentionem ab Episcopis in ordinationibus faciendis, quod tua melius caritas novit; & ideo sollicite agere te oportet, ne, ut factum est, certatim in una Ecclesia, dum ordinare præsumunt indignos, veluti tres Episcopos fecisse videantur. Ad omnem enim hujusmodi audaciam comprimendam vigilare debet instantia tua, Spiritui in te sancto fervente, ut vel ipse, si potes, vel quos judicaveris Episcopos idoneos, cum litteris dirigas, dato consensu, qui possint in ejus locum qui defunctus vel depositus fuerit, catholicum Episcopum & vita & moribus probatum secundum Nicænæ Synodi statuta, vel Ecclesiæ Romanæ, clericum de clero meritum ordinare.

In Romana collectione bipartita, hæc est Siricii Epistola, quæ ex Nicænæ Synodi canonibus promulgatur. In ea quæ sint Metropolitanorum jura, Metropolitanum docet Anysium, ut Leo I. Anastasium Thessalonicensem Episcopum postea docebit.

## ARTICULUS II.

## INNOCENTIUS I.

In Epistolæ ad Victricium Rotomagensis Episcopum capite I. Primum ut extra conscientiam Metropolitanorum Episcopi nullus audeat ordinare. Integrum enim judicium est, quod plurimorum sententiis confirmatur; nec unus Episcopus ordinare præsumat, ne furivum beneficium præstitum videatur. Hoc enim à Synodo Nicænæ constitutum est atque definitum. Sic relati canonis Nicæni assertorem se ac vindicem præbet.

## ARTICULUS III.

## BONIFACIUS I.

In Epistola ad Hilarium Narbonensem Episcopum: Ecce ut caritas tua recognoscit ex subditis, Lutescentis Ecclesiæ cleri ordo, vel plebis preces suas vel lacrymas ad nos, quantum datur intelligi, magno cum dolore miserunt, dicentes, Coepiscopum nostrum Patroclum sua petitione cessante in locum decedentis Episcopi, nescio quem in aliena provincia, prætermisso Metropolitanano, contra Patrum regulas ordinasse: Quod nequaquam possumus ferre patienter, quia convenit nos paternarum sanctionum diligentes esse custodes. Nulli etenim videtur incognita Synodi constitutio Nicænæ, quæ ita præcipit, ut eadem proprie verba ponamus? Per unamquamque provinciam 260 jura Metropolitanos singulos habere debere, nec cuiquam duas esse subjectas; quod illi, quia aliter credendum non est, servandum, sancto Spiritu suggerente, sibimet censuerunt. Bonifacius rationem reddit, quare sancitam à Nicænâ Synodo disciplinam servari curet: Quia, inquit, convenit nos paternarum sanctionum diligentes esse custodes. Sed maxime notanda est Epistolæ conclusio: Advertat caritas tua adeo nos canonum præcepta servare, ut ita constitutio quoque nostra definiat, quatenus Metropolitanus sui unaquaque provincia in omnibus rebus ordinationem semper exspectet.

Deinde in Epistola ad Episcopos per Thessaliam constitutos: Nullus Episcopus per Illyricum citra conscientiam Coepiscopi nostri Rufi ordinare præsumat. In Romana collectione bipartita.

## ARTI-

## ARTICULUS IV.

## CELESTINUS I.

In Epistolæ ad Episcopos per Viennensem & Narbonensem provincias constitutos capite IV. Primum, ut juxta decreta canonum unaquaque provincia suo Metropolitano contenta sit, ut decessoris nostri data ad Narbonensem Episcopum continentia constituta, ne usurpationis locus alicui Sacerdoti in alterius concedatur injuriam: Sit concessis unusquisque contentus limitibus. Pontifex exequendis Nicænæ Synodi canonibus invigilat & insistit. Deinde in ejusdem Epistolæ capite VIII. dicit: Furiis nostri, id est, canonum gubernacula custodimus. Sic Romani Pontificis auctoritas in regendis canonibus omnino consistit.

Iterum in Epistola ad Episcopos Illyrici: Dominemur nobis regula, non regulis dominemur; sumus subiecti canonibus, cum canonum precepta servamus. In his verbis, quæ cedro digna sunt, quidquid ad rectam Ecclesiæ gubernationem & pacem exigere potest, continetur. Hæc tamen adulatricis curiæ magistri non capiunt, sed dissimulant, & obelo sæpe notant.

## ARTICULUS V.

## SIXTUS III.

In Epistola, quam universis Episcopis Synodo apud Thessalonicam congregandis scribit: Nos fratri & Coepiscopo nostro Anastasio tantum tribuimus, quantum decessoribus ipsis à nostris decessoribus attributum; priorum judicium sequimur, hæc constituendo, quæ ab his novimus constituta: Quia & ipsum hujus probamus meriti, cujus fuerunt illi, qui talia meruerunt. Nullus obviet salubribus constitutionibus: Nullus præceptionibus his resulet: Habeant honorem suum Metropolitanis singularum (provinciarum) salvo hujus privilegio, quem honorare debeant, amplius honorati. In provincia sua jus habeant ordinandi; sed hoc inscio vel invito, quem de omnibus volumus ordinationibus consuli, nullus audeat ordinare. Sacrorum canonum, & cum primis Nicæni assertorem se ac vindicem præbet.

Deinde huc spectat, quod idem Pontifex in Epistola ad Episcopos per Illyricum consistentes scribit hoc modo: A canonum præceptis vestrum nemo discedat, nec ab his deviet, quæ juxta regularum ordinem frequens ad vos directæ Sedis Apostolica decrevit auctoritas. In Romana collectione bipartita, Hæc autem decreta sunt ea, quibus sacrorum canonum edicuntur observatio.

## ARTICULUS VI.

## LEO I.

In Epistolæ LXXXIV. ad Anastasium Thessalonicensem Episcopum capite II. Igitur secundum sanctorum Patrum canones spiritu Dei conditos, & totius mundi reverentia consecratos, Metropolitanos singularum provinciarum Episcopos, quibus ex delegatione nostra paternitatis tua cura præstenditur, jus tradita sibi antiquis dignitatis intemperatum habere decernimus: Ita ut à regulis præstitutis, nulla aut negligentia, aut præsumptione discedant. Quod decernit, ex sacris canonibus promulgat. Deinde in cap. V. Cum ergo de omni Sacerdotis electione tractabitur, ille omnibus præferatur, quem cleri plebisque consensus concorditer popularint, ita ut si in aliam forte personam partium se ea dividerint, Metropolitanis judicio is alteri præferatur, qui majoribus & studiis juvatur & meritis, tantum nullus invitis & non petentibus ordinetur, ne civitas Episcopum non optatum aut contemnat, aut oderit, & fiat

minus religiosa, quam convenit, cui non licuit habere quem voluit. Hic quoque ex sacris promulgat canonibus quod decrevit.

Tum in Epistolæ LXXXIX. ad Episcopos Viennensis provinciæ capite II. Quam sollicitudo nostra non sua querens, sed quæ sunt Christi, dignitatem divinitus datam nec Ecclesiis, nec Ecclesiarum Sacerdotibus abrogabit. Sed hunc tramitem semper inter majores nostros, & bene tantum & salubriter constitutum, Hilarius Ecclesiarum statum & concordiam Sacerdotum novis præsumptionibus turbaturus excessit, ita sua vos cupiens subdere potestati, ut se beato Petro non patiat esse subiectum, ordinationes sibi omnium per Gallias Ecclesiarum vindicans, & debitam Metropolitanis Sacerdotibus in suum jus transferens dignitatem. Iterum in cap. VI. Obtestor & obsecro, & sub Dei vos invocatione convenio, prohibete, fratres, talia, & omnem dissensionis materiam de vestris provinciis remove. Certe nos ante Deum absolvimus, qui vos, ne permittatis ultra hæc fieri, convenimus. Per pacem & quietem Sacerdotes, qui præfuerint sunt, postulentur, teneatur subscriptio clericorum, honoratorum testimonium, ordinis consensus & plebis. Qui profuturus est omnibus, ab omnibus eligatur. Ordinationem sibi, ut jam ante diximus, singuli Metropolitanis suarum provinciarum, cum his, qui ceteros sacerdotii antiquitate præveniunt, restituito sibi per nos jure, defendant. Alienum jus alter sibi non audeat vindicare; suis limitibus, suis terminis sit unusquisque contentus, & privilegium sibi debitum in alium transferre se posse noverit non licere. Quod si quis negligens Apostolicas sanctiones, plus gratiæ tribuens personali, sui honoris deservitor esse voluerit, privilegium suum in alium transferre se posse credens; non is cui cesserit, sed is qui intra provinciam antiquitate Episcopali ceteros prævenit Sacerdotes, ordinandi sibi vindicet potestatem, non quæ passim, sed quæ die legitimo celebretur. Iterum in cap. VIII. Et quoniam honoranda semper est antiquitas, fratrem & Coepiscopum nostrum Leontium probabilem Sacerdotem hæc (si vobis placet) dignitate volumus decorari, ut præter ejus consensum alterius provincia non indicatur à vestra sanctitate Concilium, & à vobis omnibus, quemadmodum vetustas & probitas exigit, honoretur, Metropolitanis privilegiis sui dignitate servata. Ubique asserit Metropolitanorum jura, quæ sacri canones sanxerunt.

Denique in Epistolæ XCII. ad Rusticum Narbonensem Episcopum capite I. Nulla ratio finit, ut inter Episcopos habeatur, qui nec à clericis sunt electi, nec à plebibus expetiti, nec a provincialibus Episcopis cum Metropolitanis judicio consecrati.

At secundum ista, quæ ex Leone retuli, quis nisi temerarius & audax diceret, Apostolicam Sedem velle Metropolitanorum jura suos in usus derivare. Nonne ad satiram Leo constituit, ut sacri custodiantur canones, quibus Metropolitanorum sancitur auctoritas? Enimvero quia speciale sub generali comprehenditur, referre adhuc placuit, quæ tantus Pontifex de custodiendis universis Nicænæ Synodi canonibus decernit.

Et primo quidem in Epistolæ LIII. ad Anatolium Constantinopolitanum Episcopum capite II. Doleo etiam in hoc dilectionem tuam esse prolapsam, ut sacratissimas Nicænarum canonum constitutiones conareris infringere, tanquam opportune se tibi hoc tempus obtulerit, quo secundis honoris privilegium sedes Alexandrina perdidit, & Antiochena Ecclesia proprietatem tertie dignitatis amiserit, ut his locis juri tuo subditis omnes Metropolitanis Episcopi proprio honore priventur. Quibus inauditis & nunquam ante tentatis, ita prævenis excessibus, ut sanctam Synodum ad extinguendam solum hæresim, & confirmationem fidei catholica studio Christianissimi Principis congregatam in occasionem ambitus trahas, & ut conniventiam suam tibi det, impellas: Tanquam refutari nequeat, quod illicite voluerit multitudo,



266 & illa Nicanorum canonum per Spiritum vere sanctum ordinata conditio in aliqua unquam sit parte solubilis. Nulla sibi de multiplicatione congregationis synodalia Concilia blandiantur, neque trecentis illis decem atque octo Episcopis quantumlibet copiosior numerus Sacerdotum, vel comparare se audeat vel preferre, cum tanto divini

267 tum privilegio Nicana sit Synodus consecrata, ut sive per pauciores, sive per plures Ecclesiastica judicia celebrentur, omni penitus auctoritate sit vacuum, quidquid ab illorum fuerit constitutione diversum. Nimis ergo hac improba, nimis sunt prava, qua sacratissimis canonibus inveniuntur esse contraria.

Iterum in cap. IV. Sancti illi & venerabiles Patres in urbe Nicana, sacrilego Ario cum sua impietate damnato, mansuras usque in finem mundi leges Ecclesiasticorum canonum condiderunt, & apud nos & in toto orbe terrarum in suis constitutionibus vivunt; & si quid usquam aliter, quam illi statuerunt, praesumitur, sine cunctatione cassatur, ut qua ad perpetuam utilitatem generaliter instituta sunt, nulla commutatione varientur, nec ad privatum irahantur commodum, qua ad bonum sunt commune praefixa: Et manentibus terminis, quos constituerunt Patres, nemo in jus tendat alienum; sed intra fines proprios atque legitimos, prout quis voluerit, in latitudine caritatis se exerceat. Iterum adhuc in capite V. Non convellantur jura primatum, nec privilegii antiquitus instituti Metropolitanis fraudulentur Antistites.

Deinde in Epistola IV. ad Martianum Augustum capite III. Privilegia Ecclesiarum sanctorum Patrum canonibus instituta, & venerabilis Nicana Synodi fixa decretis, nulla possunt improbitate convelli, nulla novitate mutari: In quo opere, auxiliante Christo, fideliter exequendo necesse est me perseverantem exhibere famulatum, quoniam dispensatio mihi credita est, & ad meum tendit reatum, si paternarum regula sanctionum, qua in Synodo Nicana ad totius Ecclesiae regimen, spiritui Dei instruyente, sunt condita, me, quod absit, commovere violentur, & major sit apud me unius fratris voluntas, quam universae domus Domini communis utilitas. Rursus in cap. V. Abstineat ergo ab Ecclesiasticarum injuria regularum, & illicitos declinet excessus, ne se ab universali Ecclesia, dum inimica paci tentat, abscindat.

268 Tum in Epistola LV. ad Pulcheriam Augustam capite II. Quoniam contra statuta paternorum canonum, qua ante longissima aetatis annos in urbe Nicana spiritualibus sunt fundata decretis, nihil cuique addere conceditur, ita ut si quis diversum aliquid decernere velit, se potius minuat, quam illa corrumpat: Qua si (ut oportet) a cunctis Pontificibus intemerata servemur, per universas Ecclesias tranquilla erit pax & firma concordia, nulla de mensuris harum dissensiones, nulla de ordinationibus lites, nulla de privilegiis ambiguitates, nulla erunt de aliena usurpatione certamina; sed ea qua jure caritatis rationalis est, & morum & officiorum servabitur unanimitas. Et quibusdam interpositis: Superbum nimis est & immoderatum ultra fines alios tendere & antiquitate calcata, alienum jus velle praeipere, atque ut unius crescat dignitas, tot Metropolitanorum impugnare primatus, quietisque provinciis, & olim sanctae Synodi Nicanae moderatione dispositis, bellum novae perturbationis inferre, atque, ut venerabilium Patrum decreta solvantur, quorundam Episcoporum proferre consensum, cui tot annorum series negavit effectum. Iterum in cap. III. Consensiones Episcoporum sanctorum canonum apud Niceam conditorum regulis repugnantes, unica nobiscum vestra fidei pietate, in irrum mittimus, & per auctoritatem beati Petri Apostoli generali prorsus definitione cassamus: In omnibus his Ecclesiasticis legibus obsequentes, quas ad pacificationem omnium Sacerdotum per trecentos decem & octo Antistites Spiritus sanctus instituit, ita ut, etiamsi multo plures alii quam illi statuere decernerent, cum nulla reverentia sit

habendum quidquid fuerit à praedictorum constitutione diversum.

Quarto in Epistola LXI. ad Juvenalem Hierosolymitanum Episcopum: De custodiendis quoque sanctorum Patrum statutis, qua in Synodo Nicana inviolabilibus sunt fixa decretis, observantiam vestra sanctitatis admono, ut jura Ecclesiarum, sicut ab illis CCCXVIII. Patribus divinitus inspirata sunt, ordinata permanent. Nihil alienum improbus ambitus concipiat, nec per alterius immutationem, suum aliquis querat augmentum. Quantumlibet enim exortis assentationibus se instruat vanitatis elatio, & appetitus suos Conciliorum aestimet nomine roborandos; infirmum atque irritum erit quidquid à praedictorum Patrum canonibus discreparit.

269 Quinto in Epistola LXII. ad Maximum Antiochenum Episcopum capite III. Tanta apud me est Nicenorum canonum reverentia, ut ea qua sunt à sanctis Patribus constituta, nec permiserim, nec patiar aliqua novitate violari: Etsi enim diversa nonnunquam sunt merita Praesulum; tamen jura permanent sedium, quibus etsi possunt amuli perturbationem aliquam inferre, non tamen possunt minuire dignitatem. Rursus in cap. IV. Nunc autem ad omnia generaliter pronunciare sufficiat, quod quid à quoquam contra Nicenorum canonum statuta in quacunque Synodo vel tentatum est, vel ad tempus videtur extortum, nihil praedicti potest inviolabilibus inferre decretis; & facilius erit quarumlibet consensionum pactum dissolvere, quam praedictorum canonum regula ex ulla parte corrumpi.

Postremo in Epistola ad Anatolium Constantinopolitanum Episcopum capite I. Et ita studiis tuis uterer, ut nullus auderet, vel fidei catholica resiliare, vel Nicenis venerabilium Patrum regulis contraire. Sed cum in injuriam canonum, ut agnosceret, illa tentata sunt, qua omnibus Ecclesiis scandalum maximum generarent, quid aptius ac modestius facerem, quam ut te primum, ut ab hac intentione discederes, fraterno animo, missis literis, admonerem? Iterum in cap. III. Sufficiant limites quos sanctorum Patrum providentissima decreta posuerunt, ut quieta sit suis meritis & antiquis privilegiis dignitas omnium Sacerdotum, renovetur, & maneat in se dominica caritatis affectio. Et paulo post: Super omnia autem fraterna caritate hortor & moneo, ut ea, qua ad gloriam, vel ad munimen pertinent sacerdotalis officii, Nicenorum canonum, universalis Ecclesia pacem servantia decreta custodias. Sic enim inter Domini Sacerdotes inviolata caritas permanebit; Si paribus studiis, qua sunt à sanctis Patribus constituta, servemur.

270 Hæc omnia Leo frequenter, aperte & perseveranter, ut tum demum, quæ sit Sedis Apostolicæ indoles, quæ dignitas, quæ in servandis Ecclesiae canonibus firmitas & constantia, dignoscamus. Si quis contradicat, Romanum det aliquem Pontificem, qui decretum aliquando ediderit, quo quæ sanctus Leo de custodiendis Nicenae Synodi canonibus statuit, abrogentur. Nullus est, opinor, Pontifex, qui sibi ante oculos non constituat, quod Gelasius I. in Epistola LXI. ad Episcopos Dardaniæ sic scribit: Quibus convenienter ex paterna traditione perpensis confidimus, quod nullus jam veraciter Christianus ignoret uniuscujusque Synodi constitutum, quod universalis Ecclesia probavit assensus, non aliquam magis exequi sedem praeter ceteris oportere, quam primam, qua & unamquamque Synodum sua auctoritate confirmat, & continuata moderatione custodit; pro suo scilicet principatu, quem beatus Petrus Apostolus Domini voce perceptum, Ecclesia nihilominus subsequenter & tenuis semper & retinet.

## ARTICULUS VII.

HILARUS.

271 In Epistola ad Ascanium & universos Episcopos Tarraconensis provinciae: Postquam literas vestra dilectionis accepimus, quibus praesumptiones Sylvani Episcopi Calagurensium Ecclesia retundi petitis, & rursus Veronensium quaritis nimis inclita vota firmari; honoratorum & possessorum Tyriassonensium, Ascanensium, Calaguritanorum, Varenensium, Tritensium, Leuvenensium, & Veronensium civitatis, cum subscriptionibus diversorum, literas nobis constat ingestas: Per quas id quod de Sylvano querela vestra deprompserat, excusabant. Sed reprehensione iustissima, eorum pariter iusta allegatio non carebat, quia praeter conscientiam Metropolitanam fratris & Coepiscopi nostri Ascanii nonnullis civitatibus ordinatos claruit Sacerdotes. Unde quoniam quidquid ab alterutra parte est indicatum, omni videmus perversitate confusum, temporum necessitate perspecta: Hac ratione decernimus ad veniam pertinere, quod gestum est, ut nihil deinceps contra praecepta beati Apostoli, nihil contra Nicenorum canonum constituta tentetur. Hoc autem primum juxta eorundem Patrum regulas volumus custodiri, ut nullus praeter notitiam atque consensum fratris Ascanii Metropolitanam aliquatenus consecratur Antistes, quia hoc & vetus ordo tenuit, hoc trecentorum decem & octo 272 sanctorum Patrum definitum auctoritas, cui quisquis obvias tetenderit manus, eorum se consortio facietur indignum, quorum praecceptionibus resularit. Sic violatores Nicenorum canonum arguit, & una Metropolitanorum auctoritatem vindicat, & vindicando decretum suum ex Nicenae Synodi canonibus promulgat: Nihilominus temporum necessitate perspecta, veniam aliquam concedit; sed severe prohibet, ne deinceps ulla sacrarum legum fiat derogatio. Hoc est temperamenti genus, quod post Hilarem adhibent Gelasius I. & Gregorius VI. Ille quidem in Epistola ad omnes Episcopos capite I. Necessaria, inquit, rerum dispositione constringimur, & Apostolica Sedes moderamine convenimur, sic canonum paternorum decreta librare, & retro Praesulum decessorumque nostrorum praecepta metiri, ut qua praesentium necessitas temporum restaurandis Ecclesiis relaxanda deposcit, adhibita consideratione diligenti, quantum potest fieri, temperemus, quo nec in totum formam veterum videamur excedere regularum. Iterum in cap. II. Priscis igitur pro sui reverentia mentibus constitutis, qua ubi nulla vel rerum, vel temporum perurget angustia, regulariter convenit custodiri. Hic in libri II. Epistola I. ad Sancium Aragoniae Regem: Solet sancta & Apostolica Sedes pleraque considerata ratione tolerare, sed nunquam in suis decretis & constitutionibus a concordia canonica traditionis descendere. Haec est Sedis Apostolicae consuetudo, cui Gelasius & post saecula non pauca Gregorius VII. testimonium praebent amplissimum.

## ARTICULUS VIII.

SIMPLICIUS.

In Epistola XIV. ad Zenonem Augustum: Unde si qua alia reliquia sub vestro reperiuntur Imperio, eas vel nunc in exteriores terras jubete propelli; ne qua deinceps in eo sit necessitas & causa supplicii, quia melius est aditum obstruxisse, quam penam exegisse peccati. Et quoniam seditiones Antiochenae religiosissimo proposito sedandas non aliter existimastis, nisi praeter praedictum venerandi illius Concilii Niceni apud Constantinopolim, iisdem petentibus ordinaretur Antistes: Quod in ejus tantummodo persona sic memorastis assumptum; ut deinceps secundum definitiones Patrum Orientali Synodo creatio Antiocheni Pontificis reservetur; nec haberi

loco vultis injuria, quod dissensionis gravis factum est auferenda. Tenet hanc pietatis vestra beatus Petrus Apostolus sponsonem, & Christianissimi fidelissimi Principis mentem in hac verba jurasse, quod post hac in Antiochena urbe, veteri servato more, comprovincialibus suis Episcopis ordinetur, ne quod nunc frater & Coepiscopus meus Acacius vobis est jubentibus executum, in usum posteritatis veniat, & statuta Patrum qua praecipue praestastis illasa, confundat. Unde qua a vobis amore quietis sancte & religiose sunt ordinata, reprobare non possumus, ne status Antiochena 274 Ecclesia sub nostra dubitatione videatur ambiguus: Praecipue cum is qui legitur ordinatus, testimonio clementiae vestrae, & tanta sit praedicatione subnixus, ut in eo praeter horum vulnere dolore posito possumus & Ecclesia qua illum meruit, gloriari. Quod de ordinatione Antiocheni Antistitis statuit, id ex sacris Nicenae Synodi canonibus promulgat.

## ARTICULUS IX.

FELIX III.

In Epistola X. ad clerum & plebem Constantinopolitanam de Acacio Constantinopolitano Episcopo. Alienarum, inquit, quoque provinciarum sibi jura defendens, sanctorum trecentorum decem & octo Patrum canones, illicitarum sibi ordinationum praesumptor est conatus evertere. Quibus verbis non obscure significat se Metropolitanorum jura defensorum esse, si ea violasset Acacius: Quod illum reprehendat acriter ob tentatam Nicenorum canonum everisionem, id plane manifestum est.

## ARTICULUS X.

GELASIUS I.

In Epistola ad Natalem Episcopum, quam habet collectio Romana bipartita: Quia per ambitiones illicitas non pudet quosdam Ecclesiarum jura ac privilegia, 275 qua Metropolitanis vel provincialibus Episcopis decrevit antiquitas, temeraria praesumptione pervadere, propter quod etiam communionis Apostolica desiderant tenere dissidium, quo scilicet ab ejus auctoritate divisi, velut impune proprias usurpationes exercent, non respicientes, quod aeterno judici rationem tam de catholica sinceritatis injuria, quam de traditionum praedictorum paternarum non sine perpetua sint damnationis interitum reddiduri. Si in hac obstinatione permanserint, caritatem tuam duximus sustinendam: Nos pariter ad Metropolitanos vestra provincia, sive cujusquam contigua, qua catholicam servant unitatem magnopere delegasse, ut obvenientes Episcopos in eadem regione Metropolitanus suus debeat ordinare, eundemque ipsum Metropolitanum, si humana morte transierit, non nisi comprovinciales Episcopi juxta formam veterem studeant ordinare: Quatenus qua veneranda decrevit antiquitas, nullus sibi contra fas usurpare contendat. Sic Pontifex in sacrorum canonum disciplina insigniter versatus Metropolitanorum jura defendit, & ea per eosdem canones asserit.

## ARTICULUS XI.

SYMMACHUS.

In codice canonum Romanae Ecclesiae conspicuum se praebet, cum ita de Sede beati Petri loquitur: Ista scriptura nullum Romana civitatis potuit obligare Pontificem; 276 quia non licuit laicis statuendi in Ecclesia praeter Papam Romanum habere aliquam potestatem, quos obsequendi manet necessitas, non auctoritas imperandi, maxime cum nec Papa Romanus subscripserit, nec alicujus secundum canones Metropolitanus legatur assensus. Et paulo post:



Quod si cujuslibet provincia Sacerdotes intra suos terminos Concilio habito, quidquid sine Metropolitanis sui Antistitis auctoritate tentaverint, irritum esse debere, Patres sancti sanxerunt: Quanto magis quod in Apostolica Sede non existente Praefule, qui prerogativa beati Petri Apostoli per universum orbem primum obtinens sacerdotii, statim synodalibus consuevit tribuere firmitatem, à laicis, licet consentientibus aliquantulis Episcopis, (qui tamen Pontifici, à quo consecrati probantur, praedictum inferre non poterunt), praesumptum fuisse cognoscitur, viribus carere non dubium est. Hæc in Synodo Romana & dicta sunt & confirmata.

## ARTICULUS XII.

## HORMISDA.

In Epistola xxvi. ad Sallustium, quem Apostolicæ Sedis vicarium constituit per Baticam & Lusitaniam: Vices itaque nostras per Baticam & Lusitaniam provincias, salvis privilegiis, qua Metropolitanis Episcopis decrevit antiquitas, presenti tibi auctoritate committimus. Hormisda paucis multa dicit, & in iis Metropolitanorum jura, quæ decrevit antiquitas, Nicæna nimirum Synodus, mirifice confirmat; sed absolvit omnia, cum in indiculo quem dedit Ennodio, Fortunato, & aliis Sedis Apostolicæ legatis Constantinopolim euntibus, dicit: Quod ad canones pertinet, jam ante suggestimus: Canones solvere, in religionem committere est. Vide quantum sit, iudice Hormisda, peccatum, canones violare.

## ARTICULUS XIII.

## AGAPETUS I.

In Epistola iiii. ad Reparatum Carthaginensem Episcopum: Universa præterea, qua inimicorum perveritas inuenerat, caritati tuae Metropolitanæ jura reparantes hortamur, ut ea que tua vel tuorum nomine rescriptimus, universis debeas innotescere. Metropolitanis quippe auctoritate suffultum; Ne quis se excusabiliter asserat ignorare quod Sedis Apostolicæ principalitas canonum consideratione perscripsit. Sic Pontifex Metropolitanorum jura instaurat, tantum abest ut imminuat.

Deinde in Epistola ad Cæsarium Arelatensem Episcopum: In nullo contra præfata definitionis constituta vel regulas pro qualibet occasione, vel sub ejusdemque persona respectu venire præsumimus. Et paullo post: Divini consideratione judicii necesse nobis est, quidquid synodalis decrevit auctoritas, inviolabiliter custodire. Hæc palam loquuntur.

## ARTICULUS XIV.

## PELAGIUS I.

In Epistola ad Sapaudum Arelatensem Episcopum: Hinc est quod & nos fraternitati tuae hujusmodi curas injungimus, ut sedis nostræ vicarius institutus ad instar nostrum in Galliarum partibus primi Sacerdotis locum obtineas, & quidquid ad gubernationem vel dispensationem Ecclesiastici status gerendum est, servatis Patrum regulis, & Sedis Apostolicæ constitutis, divini judicii consideratione dispensas, tamquam te in custodiendis canonibus sancta conversatione demones, qualem tanti loci decet esse vicarium. Un. Hormisda Sallustium Sedis Apostolicæ vicarium in provinciis Batica & Lusitania constituit, sic & Pelagius I. Sapaudum ejusdem sedis vicarium in Gallis constituit, scilicet ut per ejus operam serventur Patrum regulæ, inter quas numerantur, quæ ad Metropolitanorum Antistitem jura & dignitatem pertinent. Itaque Sapaudus, quamlibet Sedis Apostolicæ vicarius, non ordinabat aliarum

à sua provinciarum Episcopos; sed operam potius dabat, ut illi à propriis Metropolitanis ordinarentur.

## ARTICULUS XV.

## GREGORIUS I.

In libri vi. Epistola xiv. ad Constantium Medianensem Episcopum. Illum vero, inquit, Episcopum, quem à tua fraternitate invenimus esse depositum, postquam sacri canones, ut nostis, ultra tres menses Ecclesiam præcipiant non vacare, si manifestum in eo crimen apparuit, loco ejus Episcopum studii vestri sit modis omnibus ordinare, quia diu sine proprio rectore esse non debet Ecclesia. Vindicat sacros canones, quibus Metropolitanorum potestas asseritur.

Deinde in libri vii. indict. ii. Epistola viii. ad Innocentium & alios Sardiniae Episcopos: Cognovimus, quod mos vestra sit insula post paschalem festivitatem vobis euntibus, aut directis responsalibus vestris ad Metropolitanum vestrum, utrum sciatis an minime ipse vobis de venturo Pascha scripta debeat denunciatione mandare: Et quantum dicitur, quidam vestrum hoc facere secundum consuetudinem postponentes, aliorum quoque ad non obediendum corda pervertunt. Additur etiam quod ex vobis aliqui pro Ecclesie sue emergentibus causis transmarina petentes, sine prædicti Metropolitanis sui cognitione vel Epistolis, sicut canonum ordo constituit, audeant ambulare. Hortamur ergo fraternitatem vestram, ut antiquam Ecclesiarum vestrarum consuetudinem exequentes, tam de suscipienda paschali denunciatione, quam etiam quendam vestrum pro causis propriis ubicunque compulerit ambulare necessitas, ab eodem Metropolitanano vestro secundum indictam vobis regulam, petere licentiam debeatis, nec eum postponere in aliquo præsumatis, excepto, si, quod non optamus, contra eundem Metropolitanum vestrum habere vos aliquid cause contingat, ut ob hoc Sedis Apostolicæ judicium requiratis. Nam is qui petere festinant licentiam, quod scitis, per canones etiam antiquorum Patrum institutione habere permisum est.

Tum in libri xii. Epistola xv. ad Augustinum Anglorum Episcopum: Et quia nova Anglorum Ecclesia ad omnipotentis Dei gratiam, eodem Domino largiente, & te laborante, perducta est, usum tibi pallii in ea ad sola Missarum solennia agenda concedimus: Ita ut per loca singula duodecim Episcopos ordines, qui tue ditioni subjaceant, quatenus Londoniensis civitatis Episcopus semper in posterum à Synoda propria debeat consecrari, atque honoris pallium ab hac sancta & Apostolica, cui deferrio, Sede percipiat; ad Eboracam vero civitatem te volumus Episcopum mittere, quem ipse judicaveris ordinandum: Ita ut si eadem civitas cum finitimis locis verbum Dei receperit, ipse quoque duodecim Episcopos ordinet, ut Metropolitanis honore perfruatur.

Postremo cum Gregorius ubique doceat servandos esse canones, in iis sine dubio comprehendit, quæ ad Metropolitanorum auctoritatem pertinent. In specimen pauca de multis referam.

Ex libri ii. indict. x. Epistola xxxvii. ad Natalem Salonitanum Episcopum: Quod vero dicitis nostris temporibus debere servari quæ à meis quoque prædecessoribus tradita atque custodita sunt, absit hoc à me, ut statuta majorum consacerdotibus meis in qualibet Ecclesia infringam; quia mihi injuriam facio, si fratrum meorum jura perturbo.

Ex ejusdem libri indict. xi. Epistola vii. ad Joannem Larissæum Episcopum: Hæc consona sanctis Patribus definitione sancimus, ut qui sacris nescit obedire canonibus, nec sacris administrare, nec communionem capere sit dignus altaribus.

Ex ejusdem libri & indict. Epistola iiii. ad Joannem Constantinopolitanum Episcopum: Ego attestante mihi conscientia fateor, quia cum nullo homine habere scandalum

datum volo, & quanta valeo virtute declino. Et quamvis cum omnibus hominibus pacem habere summo pere cupiam, vobiscum precipue, quos vehementer amo, si tamen ipsi quos novi, vos estis. Nam si canones non custoditis, & majorum vultis statuta convellere, non cognosco qui estis.

Ex libri VII. indict. I. epistola xxx. ad Eulogium Alexandrinum Episcopum: Ego non verbis quero prosperari, sed moribus, nec honorem esse depero, in quo fratres meos honorem suum perdere cognosco; meus namque honor est universalis Ecclesia; meus honor est fratrum meorum solidus vigor. Tunc ego vere honoratus sum, cum singulis quibusque honor debitus non negatur.

282 Ex Libri XI. Epistola XLIV. ad Joannem Panormitanum Episcopum: Tunc status membrorum integer manet, si caput fidei nulla pulset injuria, & canonum manet incolumis atque intemerata semper auctoritas.

Hæc omnia palam loquuntur, & sacrorum canonum observationem prædicant.

## ARTICULUS XVI.

## MARTINUS I.

Qua ratione Hierosolymitani Patriarchæ jura in constituendis Præsulibus defendit, eadem & Metropolitanorum jura defenduntur. Sic igitur se res habet duabus in Epistolis, quarum una est ad Joannem Philadelphie Episcopum: Impossibile est ea conterege vel pratermittere, qua continentem locum defensionis non habent; sed omnino in iis, qui libenter peccant & amant peccare, denegare oportet eam veniam, qua in hujusmodi lapsibus ex dispensatione datur: Ne & ipsi propter canonis contemptum amplius graventur, & nos in culpa simus, injuste agendi iis licentiam permittentes. Defensores enim divinarum canonum & custodes sumus, non prævaricatores: Quandoquidem prævaricationibus conjuncta manifesto retributiones sunt. Cujus rei gratia hortamur canonem observari in iis qui præter mentem ac scientiam seipsos elegerunt, vel delecti sunt in patriarchia beata memoria Sophronii. Qui sane ante ipsius patriarchiam, vel post decessum in Domino, a quibusdam non convenienter electi sunt, propter angustiam, ut dictum est, temporis, vel quod ejus copia non esset, qui judicio adhibito sive juxta canones eligere deberet. Altera ad Pantaleonem: De iis, qui non canonice isti electi sunt in patriarchia beata memoria Sophronii, cum canonem inviolabiliter determinimus custodiri, qui a sanctis Apostolis & Patribus nostris constitutus est de iis, qui in alia civitate præter sententiam scientiamque Pontificis, qui ei civitati præest, vel eligant, vel eliguntur, vel consentiunt, vel convocant. Canones enim Ecclesiasticos solvere non possumus, qui defensores & custodes canonum sumus, non transgressores.

Notanda est ratio, quæ semel atque iterum adfertur, cur sanctissimus Pontifex in Sede beati Petri sedens ita loquatur: Defensores divinarum canonum & custodes sumus, non prævaricatores: Quandoquidem prævaricationibus conjuncta manifesto retributiones sunt. Canones Ecclesiasticos solvere non possumus, qui defensores & custodes canonum sumus, non transgressores.

His autem sic constitutis Metropolitanorum dignitas asseritur mirifice ac vindicatur.

## ARTICULUS XVII.

## GREGORIUS III.

In Epistola I. ad Bonifacium Archiepiscopum: Præcipimus, ut juxta sacrorum canonum statuta, ubi multitudo excrevit fidelium, ex vigore Apostolica Sedis debeas ordinare Episcopos; pia tamen contemplatione, ut

non vilescat dignitas Episcopatus. Metropolitanus in exequendo munere suo sacros canones exequitur, atque ut Bonifacius exequatur, Pontifex edicit: Qua in re Sedis Apostolicæ vigor præcipue consistit.

His addimus decreta nonnulla, quæ Bonifacius Episcopus Romani Pontificis jussu edidit in Synodo. Sic autem illa se habent: Statuimus, quod proprium sit Metropolitanis, juxta canonum statuta, subditorum sibi Episcoporum investigare mores & sollicitudinem circa populos, quales sint; & moneat, ut Episcopi a Synodo venientes in propria parochia cum Presbyteris & Abbatibus conventum habentes, præcepta Synodi servare insinuando præcipiant: Et unusquisque Episcopus, si quid in sua diocesi corrigere vel emendare nequiverit, ibidem in Synodo coram Archiepiscopo & palam omnibus ad corrigendum inspiret. Et hæc sunt, quæ ad Metropolitanos pertinent.

## ARTICULUS XVIII.

## ZACHARIAS.

In Epistola IV. ad Bonifacium: De Episcopis vero Metropolitanis, id est, Grimone, quem nos jam compertum habemus, & de Abel & Artberto, quos per unamquamque Metropolim per provincias constituisti, hoc per tuum testimonium confirmamus, & pallia dirigimus ad eorum firmissimam stabilitatem, & Ecclesia 285 Dei augmentum, ut in meliori proficiant statu. Qualiter enim mos pallii sit, vel quomodo fidem suam exponere debeant hi, qui pallio uti conceduntur, eis direximus, informantes eos ut sciant, quod sit pallii usus, ut subiectis viam prædicent salutis, ut Ecclesiastica disciplina in Ecclesiis eorum servetur & maneat inconcussa, & ut sacerdotium Deo acceptum esse possit, quantum humana conditio valet: Ita ut nullus inveniat eorum a sacris deviare canonibus, & sacrificium eorum mundum Deo immoletur: Ita ut Dominus eorum placeatur muneribus, & populus Dei purificationis mentibus ex omni vitiorum squalore sincerum valeat Deo servitium exhibere. Hic præter assertam metropolitice dignitatis auctoritatem habetur vera Ecclesiastici pallii descriptio.

## ARTICULUS XIX.

Electorum Pontificum Romanorum professio, in qua sacros canones servaturos se esse promittunt.

In veteri Romanæ Ecclesiæ Diurno extat fidei professio, quam olim Romani Pontifices faciebant, cum primum inaugurabantur. Hanc semel atque iterum edidi: Semel quidem in libro, cui titulus est: Defensio Sedis Apostolicæ adversus privilegia subreptitia. Iterum in Epistola ad Ludovicum Cusinum, quam habet pars prima Epistolarum nostrarum. Quæ autem 286 in ea fidei professione nostrum ad institutum pertinent, sunt hujusmodi: Sancta quoque universalis Concilia, Nicæna, Constantinopolitanum, Ephesum primum, Chalcedonense, & secundum Constantinopolitanum, quod Justiniani pia memoria Principis temporibus celebratum est, usque ad unum apicem immutata servare, & una cum eis pari honore & veneratione sanctum sextum Concilium, quod nuper Constantino pia memoria Principe, & Agathone Apostolico prædecessore meo convenit, medullitus & plenius conservare; quæque vero prædicaverunt, predicare; quæque condemnaverunt, corde & ore condemnare. Diligentius autem & vivacius omnia decreta prædecessorum Apostolicorum nostrorum Pontificum, quæque vel synodali & probata sunt, confirmare, & indimute servare, & sicut ab eis statuta sunt, in sui vigoris stabilitate custodire; quæque vel quosque condemnarunt



demerunt vel abdicarunt, simili auctoritatis sententia condemnare. Disciplinam & ritum Ecclesie, sicut inveni, & à sanctis predecessibus meis traditum reperi, illibatum custodire, & indiminuat res Ecclesie conservare, & ut indimnate custodiantur, operam dare. Nihil de traditione eorum, quæ à probatissimis predecessoribus meis servata reperi, diminueret vel mutare, aut aliquam novitatem inducere; sed ferventer, ut vere eorum discipulus & sequipeda, totis mentibus meis & conatibus, quæ tradita sunt, conservare ac venerari. Si qua vero emerferint contra disciplinam canonicam, emendare, sacrosque canones, & constituta Pontificum nostrorum, ut divina & cælestia mandata custodire, utpote tibi me reddidit sciens de omnibus quæ profiteor, districtam in divino judicio rationem, cuius locum divina dignatione perago, & vicem intercessionibus tuis adjutus impleo, si præter hæc aliquid agere præsumpsero, vel, ut præsumatur, permiserò. Romani Pontifices cum sacramento tali promittunt se servaturos esse canones, Omnino servabant illos, & cum primis Nicænos, quibus Metropolitanorum jura fanciuntur, & dignitas asseritur. Hæc est fidei professio, quæ Romanos Pontifices secundum antiquam traditionem obstringit, & illi obstrictos se esse ingenue fatentur.

## ARTICULUS XX.

## HADRIANUS. I.

In epitome canonum ex Laodicensi Synodo: Ut Episcopi cum judicio Metropolitanis, & aliorum Episcoporum provehantur. Deinde in Epistola ad Bertherium Viennensem Episcopum: Dilectus & illustris ac religiosus filius noster Carolus Rex, Patricius Romanorum, Romam venit, & Pascha Domini apud sanctum Petrum nobiscum egit; ubi inter alia eum monuimus de Metropolitanorum honore, & de civitatibus, quæ laicis hominibus tradita erant, & quia Episcopalis dignitas fere per LXXX. annos esset conculcata. Cum hæc & alia similia gloriosus Rex audisset, promisit ante corpus beati Petri Apostoli, quod omnia ad emendationem nostram venirent. Unde placuit nobis, ut omnibus Archiepiscopis & Episcopis auctoritatem literarum nostrarum mitteremus, ut sicut antiquis privilegiis singula Metropolitanae urbes fundata sunt, ita maneat, ut habeat unaquæque Metropolis civitates sibi subditas, quas beatus Leo, & alii predecessores ac successores ipsius, post Chalcedonensem Synodum, singulis Metropolitis distinxerunt. Nec propterea ulla Metropolis præjudicium patiatur, si alicui suffraganeorum, aut nos, aut predecessor noster, rogantibus piis Francorum Ducibus, pallium largiti sumus. Nec debet & Ecclesia ullum damnum sui ordinis inde sustinere, si per LX. aut LXXX. & eo amplius annos inertia quorumcumque Præsulum, & vastatione barbarorum, dignitatem antiquam, & Romanorum Antistitem firmitate roboratam, perdidit & amisit, quando innumeris pene annis illa, Spiritu Dei disponente, usa fuerit. Auctoritate igitur beati Petri Principis Apostolorum, singulis Metropolitis antiquo more potestatem suam reddidimus, & filium nostrum gloriosum, & inclitum Regem Carolum ante corpus beati Petri inde rogavimus, ut antiquam dignitatem omnis Metropolis haberet. Ideo hanc Epistolam auctoritatis nostra omnibus misimus, quam & tu, ut haberes, volumus; & ut tu nosces Ecclesia tua privilegium, quod à tempore beati Papæ Leonis habuit, esse integre reformatum. In supplemento antiquiorum Conciliorum Gallie sic asserta est

289 Metropolitanorum potestas, ut pene nihil supra esse possit.

Tum in Epistola ad Tilpinum Remensem Episcopum, apud Flodoardum in libri 11. historiæ Remensis capite XVII. Et tua fraternitas jam ex magna parte ipsas res apud gloriosum filium nostrum Carolum, & ante ad Carolomanum gloriosissimum fratrem

ejus impetratas habes, & ordinem ex aliqua parte, & in Episcopis, & in aliis secundum canonicam & sanctæ Sedis Romanæ auctoritatem directum habes: Propterea petisti à nobis tibi, & Ecclesie fieri privilegium ex auctoritate beati Petri, Principis Apostolorum, & sanctæ Sedis Romanæ, ac nostræ, ut quod perfectum habes, inante valeat permanere, & quod adhuc perfectum non habes, per nostram auctoritatem possis, auxiliante Deo, & beato Petro Apostolo ad perfectionem perducere, pro quo & nos ardenti animo, & divino juvamine, Apostolicæ fult auctoritate, non solum vetera secundum sacros canones, & Apostolica sanctæ Sedis decreta statuimus; sed & nova tibi pro tuo bono studio concedimus, atque auctoritate beati Petri Principis Apostolorum, cui data est à Deo & Salvatore nostro JESU CHRISTO ligandi solvendi que potestas peccata hominum in cælo & in terra, confirmamus atque solidamus, Remensem Ecclesiam, sicut & antiquitus fuit, Metropolim permanens, & primam suæ dioceseos sedem esse, & te qui in eadem sede, cooperante Deo, ordinatus es, primatem ipsius dioceseos esse, cum omnibus civitatibus, quæ ab antiquo tempore Remensi Metropoli Ecclesie subiectæ fuerunt, atque etiam perpetuis temporibus tibi & successoribus tuis sit confirmatum. Et post alia: Et quod ad nostram notitiam perduxisti, quia ad alios Episcopos de ipsa diocesi Remensi quidam accipiebant ordinationes, & habebant indebita refugia, & hoc per omnia prohibemus; sed sicut sacra docet auctoritas, & in Synodis comprovincialibus convocandis & faciendis, & in ordinationibus ac dijudicationibus Remensis Ecclesie, & Archiepiscopus, qui in ea constitutus fuerit, talem habeat auctoritatem, sicut sacri canones, & hujus sanctæ Ecclesie constitutiones docent. Hadrianus Metropolitanæ sedis Remensis jura per sacros canones & Sedis Apostolicæ decreta vindicat & asserit: Sedis Apostolicæ decreta intelligit, quæ de Ecclesiasticis ordinibus, & canonum promulgata sunt disciplinis, ut sanctus Leo Papa loquitur in Epistolæ 1. capite v.

## ARTICULUS XXI.

## LEO III.

In Epistola 1. ad Kenulphum Regem Merciorum: De Athermaldo vero jam facto Archiepiscopo Dorobernensis Ecclesie, sicut à nobis posposit vestrorum Præsulum excellentia, ut ei justitiam faceremus de ipsis diocesebus suis, tam Episcoporum quam Monasteriorum, quibus illicite, ut cognovistis, expoliatus est, & à venerabili sede ejus, quam dudum tenuit, ablata sunt, nos per omnia enucleatius trutinantes in sacro scrinio nostro reperimus, sanctum Gregorium predecessorem nostrum in integro ipsas parochias numero duodecim beato Augustino Syncello suo Archiepiscopo tradidisse, & confirmasse Episcopos consecrandi. Unde veritate ipsa comperta, ordinationes seu confirmationes, nostra auctoritate Apostolica illi in integro, sicut antiquitus fuerunt, constituentes reddidimus, & privilegium confirmationis secundum sacrorum canonum censuram Ecclesia sua observandum tradidimus. Dissipata Metropolitanæ apud Anglos Ecclesiæ jura instaurat, & ad pristinam sacrorum canonum formam reducit.

## ARTICULUS XXII.

## EUGENIUS II.

In Romanæ Synodi capite IV. Quamquam admonita Doctorum, & statuta Patrum Sacerdotes indoctos prohibeant consecrari, opportuni temporis moderatione, si Episcopi inveniantur indocti, à Metropolitanis proprio, & deinceps Sacerdotes, Presbyteri, Diaconi, vel etiam Subdiaconi à suo Episcopo, ut doceri possint, admoveantur. In secunda parte Romanæ collectionis bipartitæ.

ARTI-

## ARTICULUS XXIII.

## LEO IV.

292 In epistola 11. ad Episcopos Britanniae cap. vi. De libellis & commentariis aliorum non convenit aliquem judicare, & sanctorum Conciliorum canones relinquere, vel decretalium regulas, id est, quae habentur apud nos simul cum illis in canone, & quibus in omnibus Ecclesiasticis utimur iudiciis, id est, Apostolorum, Nicanorum, Ancyranorum, Neocæsariensium, Gangrensiū, Antiochenſium, Laodicensium, Calchedonensium, Sardicensium, Carthagenſium, Africanensium: Et cum illis regula Praesulum Romanorum, Silvestri, Siricii, Innocentii, Zosimi, Celestini, Leonis, Gelasii, Hilari, Symmachi, Simplicii. Isti omnino sunt, per quos judicant Episcopi, & per quos Episcopi simul & clerici judicantur. Et post alia: Quam ob causam luculentius, & magna voce pronuntiare non timeo; quia qui illa, quae diximus, sanctorum Patrum statuta, quae apud nos canones praeſtulantur, sive sit Episcopus, sive clericus, sive laicus, non indifferenter receperit, ipse se convincit, nec catholicam, & Apostolicam fidem, nec sancta vera Christi Evangelia quatuor utiliter & efficaciter, & ad effectum suum retinere vel credere. Cum sacros canones & Sedis Apostolicae decreta vindicat, Metropolitanorum Praesulum jura vindicat, quae & sacris canonibus, & Sedis Apostolicae decretis, ex iisdem canonibus promulgatis faciuntur.

## ARTICULUS XXIV.

## BENEDICTUS III.

293 In epistola 1. ad Hincmarum Remensem Episcopum: Inter haec quidem & hoc sancimus, ne quilibet tuae dioceseos regulis subiectum Ecclesia, te contempto, impune audeat seu valeat aliena expetere, seu expectare iudicia, ut aliorum traditionibus Patrum, canonumque constitutionibus est promulgatum, salvo in omnibus jure Apostolica nostra Sedis, ut ab ipso veluti Christo, & sacris est cautum canonibus: Sed cuncti sive in praelatione, sive in subiectione debita ordinem ab Ecclesiasticis regulis traditum observantes, obediant, & studiosius obtemperare procurent. Et hoc promulgamus atque statuimus, ut te, qui ejus provinciae Primas dignoscere, nullius unquam infestatione contra canonica Apostolicaque decreta, sive iudicia Ecclesiastica tibi commissa, aut virtute, aut facultate nudari, aut ante audientiam Romani Pontificis à quocunque damnari, statuimus. Et paullo post: Et hoc volumus, ne quilibet ex provincia & diocesi Metropoli tuae tibi subiecta, juxta secundum Ecclesiasticas constitutiones primatus Ecclesiae tuae, & tibi debitum quoquo modo per contemptum convellere, qui tibi vel Ecclesia tua quamcumque violentiam contra eadem canonica constituta, & decreta Romanorum Pontificum pertinaciter inferre praesumat, cum anathematis 294 interpositione nostra Apostolica, & beati Petri Apostolorum Principis auctoritate prohibemus. Pontifex Apostolicae Sedis traditionem sequitur in confirmanda auctoritate, quam Metropolitanis sacri canones attribuant.

## ARTICULUS XXV.

## NICOLAUS I.

In epistola ix. ad Michaellem Imperatorem: At nos è diverso credimus, quod Ecclesia Christi sacros canones, & praecipue Nicanos non tradat oblivioni, praecipientes videlicet, ut hi qui abjiciuntur, ab aliis non recipiantur. Quod Nicolaus ex occasione de Nicæno canone v. scribit, de Nicæno canone iv. & de postre-

ma Nicæni canonis vi. parte, ex occasione alia scripsisset. Hoc ipsum semel atque iterum repetit in epistola LVIII. ad Episcopos in regno Ludovici constitutos: In quo etiamſi Sedis Apostolica iudicium à quovis retractandum esset, etiamſi ab inferioribus potiorum sententia solvenda prorsus existeret, quantum Theotgualdus atque Guntharius circa sacros canones, & praecipue Nicanos, qui luculenter innuunt, non debere, qui abjiciuntur, ab aliis recipi, contumaces extiterint. Et post alia: Secundo, quia eandem Engeltrudim à nobis, & à Synodo abjectam, & anathematizatum recipere & absolvere praesumpserunt: Et hoc contra canones, & praecipue contra ipsum Nicanum magnum Concilium, quod, hi qui abjiciuntur, ab aliis non recipiantur, sanxisse dignoscitur. At cum eadem sit hujus, & cæterorum Nicænae Synodi canonum ratio, Nicolaus canonem iv. & postremam canonis vi. partem asseruisse & vindicasse dicendus est.

Sed rem ipsam attingit in epistola LXIV. ad Lotharium Regem: Si regum est proprium, rebelles corporis motus rationis imperio refranare ac regere; debuerat utique excellentia tua in omnium regni tui Ecclesiarum defensione adesse, & minime Metropolitanis Remorum jure soluto in parochia regni tui, viduata Ecclesia Hilduinum aliunde constituere pervasorem. Ob hanc rem dilectionem tuam hortamur & monemus, atque Apostolica auctoritate inhibendo arcemus, ut nullo pacto in his, quae ad Remorum sanctam Ecclesiam pertinent, illicitos appetitus extendens ditioni tuae submitas, neque Ecclesiae Cameracensi pervasorem diutius inhabitare permittas. Quod nisi feceris, & omnia Metropolitanis Remorum non restitueris, ut ipse juxta suum illic privilegium disponere queat.

Deinde in epistola LXV. ad Hilduinum clericum: Diceris, quod contra statuta sanctorum canonum Ecclesiam Cameracensem invaseris, & ejus sancta plebis clericos opprimas ac debonestes, bona quaque ipsius diripias, Metropolitanis, id est, confratri nostro Hincmaro Remorum Archiepiscopo, nullam debitam subiectionem, vel obedientiam impendas: Sed absque libitu ejus, ecce per decem jam menses viduatam Ecclesiam occupatam 296 detineas. Infra: Et quoniam licet humana quadam potestas permittat, divina tamen, canonicaque censura te in eadem Ecclesia Episcopum consecrari nequaquam consensit: Immo omnes qui tui sunt moris atque presumptionis, à tanta dignitate procul repellit: Maxime cum Metropolitanis Remorum provinciae, cui ipsa Cameracensis Ecclesia subiecta est, nullum debeat prejudicium irrogari; praecipimus tibi, ut de eadem Ecclesia Cameracensi nihil auferens quantocius abscedas, ut talis à clero & à plebe ipsius Ecclesiae eligi, & ab Archiepiscopo Remorum consecrari possit, qui in nullo à sanctis canonibus reprehendatur. Vix potuerunt Metropolitanorum jura fortius defendi. Quare non sine causa Nicolaus in epistola ix. ad Michaellem Imperatorem sacris canonibus adjungit constituta & decretalia, non quae, ut apparet, iisdem canonibus derogant; sed quae ex iisdem canonibus promulgentur. Id verborum series perspicue declarat: Paternos terminos non transgrediamur, sacros canones non conculcemus, nec decretalia Sedis Apostolicae constituta, quibus Ecclesia tota fulcitur atque munitur; quoquo modo violemus.

## ARTICULUS XXVI.

## HADRIANUS II.

In epistola XXXIV. ad Carolum Calvum: Sed de his nihil audent judicare, quod possit Nicæno Concilio, 297 & quinque cæterorum Conciliorum regulis vel decretis nostrorum antecessorum obviare. At de his, quae praefati canones & decreta decernunt, ipsi quoque cum ipsis una vobiscum congregati, cum nostro spiritu similiter decernimus, & quod statuunt, statuimus, & quod judicant,



cant, judicamus, nec in ullo deviantes à tenore canonico, servantes omnibus sua jura Metropolitanis. Quid manifestius?

Deinde in epistola xxxiii. ad eundem Carolum Calvum: Hoc sit in memoriale perpetuum, quod concesseritis nobis hoc donum, ut non patiamini tantum locum (Turonensem Ecclesiam) pessum ire, & in desolationem; praesertim cum fuerit ex antiquo Metropolis, & meritis gloriosissimi Confessoris Christi Martini honorabilis, semperque venerabilis, & inter Gallicanas eadem vel secunda, vel tertia provincia Turonensis, & multis, quae ab ea distracta sunt, ditata villis, possessionibus, & Abbatibus. Et cum alia, quae sub ea sunt civitates, jam sint pene destructa, harum matrem tantam & Metropolim ne patiamini destrui, desolari, & dehonori vestro in tempore. Quin potius studete tam de rebus vestris propriis, vel procul ab ea positis, vel tutis à paganis ditare, continere & extollere, quia tunc ea vobis in aeternum confirmatis, cum quae Ecclesiarum Dei obsequiis condonatis, & reservatis omnibus sua jura Metropolitanis.

298 Tum in epistola ad Hincmarum Laudunensem Episcopum: Auctoritate sancti Spiritus tibi praecipimus, ut memor sacrorum canonum, qui jubent per unamquamque provinciam jus Metropolitanos singulos habere debere, Metropolitanano tuo per omnia secundum sacros canones subiectus existas, neque molestie feras hunc tibi esse praelatum, qui te nostri tuis omnibus esse praepositum. Sua Metropolitanis jura servanda esse semel atque iterum inculcat.

## ARTICULUS XXVII.

### JOANNES VIII.

In epistola xiiii. ad clerum & ordinem Bituricensis Ecclesiae: Quapropter quia eundem virum Erotarium reverendum Archiepiscopum, probis moribus actibusque praeclaris comperimus, ne talis tantisque vir otio, quo prodesse aliis valeat, minime vacet, ejusdem sanctae Bituricensis Ecclesiae, cui subestis, ei pastorem curam auctoritate Apostolica committimus, & in ipsa eum incardinandum necessario esse censuimus. Cui vos ita decentem obedientiam, & canonicam subjectionem humiliter exhibete, utpote revera Metropolitanis jura tenenti, proprio rectori & vestro Antistiti convenit, & ex nostra Apostolica auctoritate definitum advertitis. Quae definitio ex sacris canonibus promulgatur.

299 Deinde in epistola xviii. ad Felicem & Petrum Episcopos Mandanauensem & Equilensem: A capite, nam scilicet Apostolica Sede, quam Metropolitanano vestro, in nullo dividamini, ne, quod absit, circumveniamini à Satana, qui scilicet semper dissensione gaudet. Membra quippe, quae capiti non haerent, inter mortua deputantur: Sicut proculdubio vos, qui nec Apostolica Sedis, quae est caput omnium Ecclesiarum, decretis haeritis, nec affectui Metropolitanis proprii, & patroni atque magistri.

Tum in epistola cxxliii. ad Carolum Regem: Regulariter illum (Hieronymum) electum, (ad Lausanensem episcopatum) & proprio Archiepiscopo causa infirmitatis praebente consensum, & Episcopos consecratos illius literis, quas nobis ostendit, rogante consecratum fuisse jam dicta Ecclesia Episcopum incunctanter agnoscimus.

Hinc in epistola cxxlvii. ad Ssentopulchrum Comitem: Nos illum (Methodium) in omnibus Ecclesiasticis disciplinis & utilitatibus orthodoxum, & proficuum esse reperientes, vobis iterum ad regendam commissam sibi Ecclesiam Dei remisimus, quem veluti pastorem proprium, ut digno honore & reverentia, lataque mente recipiatis, jubemus, quia nostra Apostolica auctoritatis praeccepto archiepiscopatum & privilegium confirmavimus, & in perpetuum, Deo juvante, firmum manere statuimus, sicut antecessorum nostrorum auctoritate omnium Ecclesiarum Dei jura, & privilegia statuta & firmata consistunt; & ita sane, ut juxta canonicam traditionem om-

nium negotiorum Ecclesiasticorum curam habeat, & ea, Deo veluti contemplante, dispenset.

Postremo in epistola cccxiv. ad Hincmarum Remensem Episcopum: Noli ergo jam nunc Ecclesiam Laudunensem viduatam, & sine regimine pastoralis dimittere; sed indifferenter electum, & de Laudunensis Ecclesia clero, virum idoneum, & in quo omnium vota consentiant, eidem Ecclesiae praefice prorsus Episcopum.

Præmittenda non est Synodus, quam Joannes Ravennae habuit. Hæc duobus in locis Metropolitanorum jura vindicat, & vindicata confirmat.

Primus est in capite i. Quisquis Metropolitanus intra tres menses consecrationis suae ad fidem suam exponendam, palliumque suscipiendum ab Apostolica Sede, nulla inevitabili necessitate imminente non miserit, commissi sibi careat dignitate; ita ut tandem episcopali illi sedi cedat, omnique consecrandi licentia careat, quamdiu in exponenda fide, & in expetendo pallio priscum morem contempserit. Sit licentia Metropolitanis aliis post secundam & tertiam communionem, viduatæ Ecclesiae, cum consilio Romani Pontificis, ordinando Episcopum subvenire.

Alter est in capite ii. Si vero consecrandi Episcopi negligentia provenerit, ut ultra tres menses Ecclesia viduata consistat, communionem privetur, quousque aut loco cedat, aut se consecrandum præbere non differat. Quod si ultra quinque menses per suam negligentiam retinuerit viduatam Ecclesiam, neque ibi, neque alibi consecrationis donum percipiat, imo Metropolitanis sui judicio cedat.

Sic Joannes VII. totus est in asserendis juribus, quæ Metropolitanis per sacros canones decernuntur.

## ARTICULUS XXVIII.

Excitata inter Joannem VIII. & Otenamum Vienneensem Episcopum circa Genevensis Episcopi ordinationem controversia refertur & explicatur.

Nonnullæ sunt Joannis VIII. epistolæ, quibus controversia hæc continetur. Prima est quæ numeratur 301 cclxxxii. Sic ea se habet: Clero & populo Genevensi. Dilectissimi filii nostri Caroli Imperatoris, Principumque ipsius relatu, vestram Ecclesiam viduatam cognoscentes pastore, & propter dissensionem Bosonis, cui sociatus ejusdem sedis videtur Metropolitanus, ordinationem electi vestri Optandi differre, auctoritate & potestate Apostolica, secundum deprecationem ejusdem serenissimi Imperatoris, filii scilicet nostri spiritualis Caroli, atque optimatum ejus, præcognita vestra omnium in eodem Optando electione, & qualiter idem serenissimus Imperator eidem Ecclesiae electionem perenniter de proprio clero donaverat, diutius ipsa Ecclesia ne viduata maneret pastore, consecravimus eum sancti Spiritus gratia, & ad regendum vos pastoraliter instructum direximus, quem devote & unanimiter suscipientes, obediētes ei, utpote proprio patri spirituali, sitis in omnibus: Salvo deinceps ejusdem loci privilegio antiquo propria Metropolis sancimus, ut quicumque huic nostræ auctoritati, & Apostolica deliberationi contra stare, aut non obedire, vel, quod absit, electionem ipsius Ecclesiae aliquando pervertere aut infringere, quam, Deo propitio, juste est affecta, tentaverit, gladio utique canonica discipline noverit se feriendum, atque omnipotentis Dei vindictam non evasurum, si digna celeriter non fuerit satisfactio- 302 ne sanatus. Confirmamus denique nostri Apostolatus auctoritate, omnes res ejusdem Ecclesiae pacifice ac quiete perpetualiter possidere. Et quicumque easdem invadere ac dissipare ausus fuerit, postquam à proprio Episcopo canonice admonitus fuerit, si secundum divinas & humanas leges non emendaverit, sub anathemate sit damnatus.

Quidquid in hac tractatur epistola, reducitur ad tria capita. Primum est, quod Pontifex non propria voluntate,

voluntate, sed gravissimis rationum momentis inductus, electum Antistitem creaverit. Pastore Genevensis carebat Ecclesia; Oteramus consecrationem illius, quem clerus & populus secundum canones in Præsulem elegerat, differebat. Differendi causa erat. Boso Comes Imperatori Carolo inimicus & infensus, cui Oteramus favebat; consecrationi adversabatur. Imperator, qui de Genevensi Ecclesia bene meritus fuerat, instabat & summo urgebat studio, ut electus consecraretur, ne Genevensis Ecclesia adversus Ecclesiasticas leges diu pastoris officio privaretur. Hæc omnia sufficiunt, ut Joannes VIII. affectatam Metropolitani negligentiam suppleret.

Alterum, quod scribit nolle se ullum contra Metropolitanam dignitatem facere præjudicium: Salvo deinceps ejusdem loci privilegio antiquo propria Metropolis, quod factum tectumque ab injuria conservare se velle non semel ostendit. Præclare Tertullianus in hanc rem cap. XVII. libri de Baptismo: *Emulatio schismatum mater est. Omnia licere dixit sanctissimus Apostolus, sed non omnia expedire. Sufficiat scilicet in necessitatibus utaris: sicubi aut loci, aut temporis, aut persone conditio compellit. Tunc enim constantia succurrentis excipitur, cum urget circumstantia periclitantis.*

Ultimum, quod Joannes VIII. non hortatur modo, sed etiam præcipit, ut omnes consecrato à se Episcopo morem gerant. Prævidebat fore ut Oteramus præstante ab omnibus, quorum intererat, obedientiæ moram atque impedimentum inferret, ut deinceps intulit.

Secunda est epistola, quæ numeratur CCLXXXVII. Oteramo Viennensi Episcopo. Inter eximios nunciusque Christi Dei nostri Sacerdotes te habere, tenereque omnino volumus. Sed quia Ecclesiastica paci & utilitati contraria agere audimus, valde miramur, nihilominus & turbati existimus, eo quod sicut fidelium relatu compertimus, hic, qui cum Bosone præsumptore, & regni perturbatore tyrannidem exercere non cessant, ausu temerario favere, eorumque malis operibus communicare præsumas, & in superbiam eorum sequax existens, falsa opinione sanctam nostram Romanam Ecclesiam infamare non dubitas, quod ad talia peragendum ipsius auctoritatem habere te certifices: Quod quam evidentem ostendere non poteris, pro qua scilicet Romana Ecclesia te murum opponere omnibus iniqua agentibus debueras. Pro quibus nimirum tot malis, tantisque præsumptionibus tibi ex auctoritate Dei, & sanctorum Apostolorum ac nostra præcipimus, ut de presenti Romani ad limina sanctorum Apostolorum, nostramque præsentiam venire procures, ut de talibus te criminibus secundum auctoritatem sanctorum Patrum coram nobis & Sede Apostolica satisfaciendo purgare valeas, quatenus te inter fratres, & sacerdos retinere valeamus. Nam, quod non credimus, si aliter feceris, & venire distuleris, donec hanc nostram jussionem impleveris, scias te omni Episcopali officio esse privandum. Joannes recenset crimina, quorum Oteramus accusatur. Hinc Bosoni favebat, & aliis qui cum Bosone tyrannidem exercebant. Hinc opinione falsa Romanam perinde infamabat Ecclesiam, quasi quod faciebat, Romanæ Ecclesiæ auctoritate faceret, dum scilicet Bosoni suppetias veniebat. Calumniæ, si Pontifex bene admonitus fuerit, causam præbuit Bosonis in Romanæ Ecclesiæ filium adoptatio. Pontifex enim Bosonem in Romanæ Ecclesiæ filium adoptaverat, ut dum Boso res mundanas administraret, Pontifex divinis liberius vacare posset. Quidquid id est, ille Oteramo præcipit, ut de objectis criminibus seipsum purgaturus Romam accedat.

Tertia epistola est, quæ numeratur CCXCII. Oteramo Viennensi Episcopo. Relatu veraci didicimus, sanctimoniam vestram in Genevensi Ecclesia Episcopum consecrasset, cui nos necessaria temporum qualitate perspecta, jam primum Clericis ejusdem Ecclesiæ suggerentibus, auctoritate Apostolica præfecimus Episcopum nomine Optandum: Quo audito, audaciam & temeritatem vestram nimirum admirantes, ob id maxime turbati sumus, eo quod non

solum super ordinationem nostram obices manus habuistis; sed etiam ad contemptum & injuriam Sedis Apostolicæ, præfatum Episcopum turpiter capientes, arcta custodia retrusistis, & rebus omnibusque suppellectilibus ejus direptis, hæcenus retrusum affligitis, & contra omne ministerium vestrum, quod nulli Christiano licet, Sacerdotem Domini tetro carcere maceratis, non habentes præ oculis scilicet, quod Sacerdotes Domini sacra Scriptura aliquando Deos, aliquando angelos nominet, & qui eos tangit, tangit pupillam oculi Domini. Quapropter auctoritate Dei omnipotentis, & Principum Apostolorum Petri & Pauli, simulque nostra vobis præcipimus, ut accepta hac nostra epistola, aut quoquo modo tenore illius audito, si infra octo dierum spatia jam dictum Episcopum propriæ sedis, proprioque honori & dignitati reddere, restituereque contempseritis, à corpore & sanguine Domini nostri Jesu CHRISTI, cum omnibus vobis in hoc facto faventibus, sitis prorsus extorres, quousque juxta hanc nostram dispositionem perficere satageritis. Et quia alia multa vobis à quibusdam obijciuntur, qua synodali discussione sunt corrigenda, decernimus, ut omni excusatione remota, VIII. Calend. Octobris futura primæ Indictionis, Romam ad Synodum occurrere non omittatis, ut tunc & de vobis objectis rationem reddatis, & si adversus eandem Episcopum à nobis consecratum, aliquam querimoniam habetis, canonico valeamus quidquid illud fuerit, Deo juvante, libramine definire. Hoc enim scientes, quia si ad eandem Synodum præfato tempore venire distuleritis, canonica in vos censuram sententiæ proferemus.

Joannes imprimis rationem reddit, cur Optandum in Genevensem Episcopum consecraverit, nequid contra canones egisse videatur. Ratio hæc quaritur ex his verbis: *Necessaria temporum qualitate perspecta, jam primum Clericis ejusdem Ecclesiæ suggerentibus.*

Deinde Oteramum graviter accusat, quod consecratum à se Episcopum in carcerem conjecerat, despecta Sacerdotum dignitate, quam ex Scripturis sacris repetit.

Tum illis solennibus formulis, quas adhibere solent Pontifices, jubet ut Episcopum Optandum emittat à carcere, nisi à corporis & sanguinis Christi communione separari velit.

Denique Romanam Synodum indicit, ad quam Oteramum vocat, ut in ea de impactis sibi criminibus sese purget, & siquam habeat de Optando querelam exponat, finem alioqui canonico judicio accepturam.

Quarta & ultima est epistola, quæ numeratur CCXCV. Oteramo Viennensi Archiepiscopo. Suscepisti vestra fraternitatis apicibus, quod esset alicujus, ut ita dixerim, rectitudinis zelo compositi satis ubertim cognovimus, quia post plurima in Ecclesia Genevensi fatemini vos consecrasset Episcopum, & ut quidam Optandus nomine, Clericus advenisset, qui in Ecclesia Genevensi, nec baptizatus, clericatus, ordinatus, acclamatus, eruditus unquam extiterat, Ecclesiam illam invaderet. Multipliciter admiramur, cur illa nescire vos dicitis, qua totus, ut remur, Occidens non ignorat: Præcedenti siquidem tempore nobis fuerat nuntiatum, ut vos in eadem Ecclesia Episcopum consecrare contempseritis. Ideo nos necessaria temporum qualitate perspecta, Clericis ejusdem Ecclesiæ suggerentibus, auctoritate Apostolica illic Episcopum Optandum nomine consecravimus. Qua ex re non bene vos fecisse probamus, qui super ordinationem nostram obices manus habuistis, & alterum Episcopum ibi ordinastis. De hoc autem quod dicitis, quod ipse Optandus in Genevensi Ecclesia, nec baptizatus, clericatus, ordinatus, acclamatus, eruditus unquam extiterit, interim silentio est regendum, eo quod, cum caritate vestra loquamur, nihil horum habens vestra sanctitas in Viennensi Ecclesia est consecrata. Verumtamen his interim necessario prætermisissis, sanctimoniam vestram jamdudum



308 dudum literis nostris monuimus, ut quia quadam vobis obijciuntur à quibusdam, qua synodali discussione sunt corrigenda, omni excusatione remota, VIII. Calend. Octobris futura Indiç. I. Romam ad Synodum occurrere studeretis: Nihilominus autem iterato decernimus, ut eodem tempore Apostolica nostra vos præsentes præsente, ut tunc & de vobis obiectis rationem reddatis, & si adversus eundem Episcopum a nobis consecratum aliquam querelam habetis, nos canonico valeamus quidquid illud fuerit, Deo juvante, libramine definire. Ceterum Adalberto Maurianensis Ecclesie Episcopo, auctoritatis nostrae literas, quas ei à vobis dari mandavimus, ecce transmissimus, ut cum Bernario Gratianopolitana sedis Episcopo, eodem VIII. Calend. Octobris Romam occurrat, quatenus de his, qua ei irreverenter tam temerario ausu sui ordinis immemor intulit, coram nobis plenissimam satisfactionem exhibeat. Joannes & Oteramus de se mutuo conqueruntur: Hic, quod ille in Genevensi Ecclesia consecrasset Episcopum: Ille, quod hic Metropolitani officium contemplerat, & in contemptionis probationem, Occidentem totum appellat: Quo pacto seipsum excusat, & una innuit, nolle se contra canones Metropolitani jura usurpare. Sunt & alia multa quæ prætereo, quia instituto minime conveniunt.

## ARTICULUS XXIX.

## STEPHANUS VI.

309 Apud Flodoardum in libri iv. Remensis historiae capite i. ubi res ita narratur, Stephanus ad Fulconem Remensem Episcopum scribit: Pro Teutboldo Lingonensi significans ad se hujus Lingonensis Ecclesie querimoniam pervenisse, quod obeunte Isaac Episcopo, inconsulto clero & populo, Egelonem quendam Monachum nuper de saculo venientem, in Episcopum Aurelianus Lugdunensis ordinaverit, eisque vi illata proposuerit nolentibus: Quo divina vocatione hominem excedentes, ne in idipsum incurrerent, concordati voto, clerus & populus Teutboldum ipsius Ecclesie Diaconum eligentes, ab ipso Papa sibi in Episcopum consecrari petierint; sed ille uniuscujusque Ecclesie privilegium inconcussum servare volens, id agere distulerit, eumque præfato Aureliano direxerit, scribens ad eum, ut si cleri populi que vota in eum concordarent, & sacri canones illi non obviarent, manus huic imponere nequaquam differret, quod fieri si ratio prohiberet, & idipsum sibi rescriberet; interim tamen alterutrum inibi ordinare nullo modo se inconsulto præsumeret: Simulque & Oiranum Senogallensem Episcopum à suo latere direxit executorum, quem deludens Aurelianus ad Lingonensem præmiserat urbem, pollicitus se citissime subsequeretur. Quod cum diu expectaretur, nec ipse adveniret, nec mora sua causam innotescere, vel Papa remandare præviderit, quocirca iterato clerus & populus cum decreto manu omnium roborato, præfatum electum Romam remiserunt, obnixè sibi in Episcopum consecrari petentes: Sed nec id tunc agere atqueverit, volens Lugdunensi Ecclesie collatum privilegium immutatum consistere, ideoque jam dicto Aureliano iterato rescribens mandaverit, ut quia concordati voto clerus & populus jam dictum diaconum expetebat, aut ipsum consecraret, aut quid in eo reprehensibile judicaret, rescribere maturaret. Sed is prior inobedientia contumaciam adjiciens, non solum oblatum consecrare, seu quid in eo reprehensibile judicaret, sibi rescribere contempsit; verum etiam contra interdicta, & sacrorum canonum statuta quendam extraneam, & eidem Ecclesie ignotam, in angulo ordinatum, illis ingerere niti præsumpsit. At hi potius laborem subire, quam subijci ignoto eligentes, ad se redierunt implorantes, ne pateretur Ecclesiastica jura violari. Nos autem, inquit, qui omnium Ecclesiarum in beato Petro

Apostolorum Principe curam suscepimus, scientes inter Episcopos non haberi eum, qui neque a clero electus, neque à populo est expetitus, sapientem Teutboldum venerabilem Diaconum, ipsorum lamentabilibus precibus inclinati, Lingonensis Ecclesie Episcopum consecravimus, condigna sententia prævaricatoribus illata, licet & aliis prævaricationibus fuerint impediti. Quapropter tua injungimus sanctimonia, ut his nostris Apostolicis literis perceptis, postposita dilatione, ad Lingonensem accedens Ecclesiam, & eundem Teutboldum à nobis solemniter consecratum Episcopum exinde revesias, omnibusque Archiepiscopis & Episcopis innotescas, pro tanta contumacia ultione, nos ejusdem Ecclesie specialem sollicitudinem suscepisse pro laboris maceratione, & oppressionis illata relevatione. Quidquid autem idem venerabilis Episcopus Teutboldus vobis ex nostra parte renulerit, credite, & affectui mancipare nullo modo ambigite; utpote tuam reverentiam circa nos devotam consistere credimus. Ad hac idem Praful Fulco rescribens, gratias agit pro consolatione literarum ipsius, asserens se paratam fuisse & esse quacunque sibi ab ipsius Papa celsitudine injuncta fuerint, adimplere: Praefatam vero præceptionem de Teutboldo Episcopo explere sine mora voluisse; sed Odonis Regis sui consulti interim intermissum, dum Rex idem suos legatos ad eundem Papam dirigeret, ac per eos jussionem ipsius certissime cognosceret: Super his autem, qua litera ipsius Papa prosecuta sunt, velle scilicet se omnibus Ecclesiis sua instituta & privilegia inconcuso ordine intemerata servare, valde gravis universis Episcopos, in quorum præsentia hac recitari fecerat. Priora Ecclesie sæcula exemplum nullum suppeditant, vel ad tuendam Metropolitano dignitatem augmentius, vel ad perdocendam Romanorum Pontificum æquitatem illustrius, vel ad retinendam sacrorum canonum observationem accommodatus. Exemplum hoc, & præcedentia concludit, & subsequencia præcludit.

Deinde in epistola ad Dominicum Ravennatem Archiepiscopum, quæ sic se habet apud Hieronymum Rubeum in libro v. historiae Ravennatis Ecclesie: Stephanus Episcopus, servus servorum Dei, reverendissimo & sanctissimo fratri nostro Dominico Archiepiscopo sanctæ Ravennatis Ecclesie. Divina majestas pastorale ministerium nobis: sollicitudinem gerentes cura pervigili nostrum Apostolicum impendere suffragium: Idcirco omnium sanctæ Dei Ecclesie fidelium agnoscat notitia, quia cum Ravennas Ecclesia per obitum Romani quondam Episcopi ejusdem Ecclesie viduata sine pastore consisteret, repente & sancta Placentina Ecclesia illius suffraganea à suo pastore quondam Paulo Episcopo extitit denudata. Quapropter diversis Italici regni fluctuantibus procellis, quia per eandem sanctam Ravennatem Ecclesiam proprio pastore destitutam, ipsa sancta Placentina Ecclesia de pastore proprio remedium recuperandi minime adipisci valebat, Apostolicam Sedem, nostrumque Apostolicum, utpote ad caput omnium Ecclesiarum, & matrem refugium visi sunt: fecisse, offerentes nobis proprium electum Bernardum nomine, Diaconatus officio utentem, suggerente una cum decreto ab eis in eum facto, hunc à nobis sibi consecrari. Antistitem, ne ipsa Ecclesia diu sine pastore annihilaretur, & eligentes atque petentes acephali & vagabundi incederent. Nos autem, ut diximus, cum proprius Metropolitanus deesset, satis ab eis rogati prædictum Bernardum in eadem Placentina Ecclesia prævidimus consecrare Episcopum, dantes illi in mandatis, atque jubentes expresse, ut in omni subjectione & fidelitate se sub jure sanctæ Ravennatis Ecclesie observaret, quia sic nobis placuit, ita scilicet, ut omnem obedientiam, omnemque devotionem atque consuetudinem & usum antecessores fecisse probantur, & ipse adimplere satagat in sancta Ravennate Ecclesia. Unde volumus, & à præfati Indictione VIII. decernimus, eandem sanctam Ravennatem Ecclesiam nullam deinceps per eandem à nobis

nobis: consecratione concessa perpeti; sed à nobis nostrisquidam successoribus Pontificibus sit: omnimodis. Quinimo eadem prædicta sancta Placentina Ecclesia, in jus & consecrationem, acque debitam obedienciam ejusdem prædictæ sanctæ Ravennatis Ecclesiæ, quemadmodum antiquitus fuisse recolitur, omnibus consistat temporibus. Volentes uniuscujusque jus & privilegium Ecclesiæ indimmutum haberi, & irrefragabiliter custodiri.

Tum ibidem: Stephanus Episcopus servorum Dei omnibus Sacerdotibus, clero & populo, seu universæ generalitati Placentiæ commorantibus, salutem. Qualiter sancta Ravennas Ecclesia privata proprio pastore in obitu vestri Episcopi viduata existeret, vos nosse per omnia scimus. Sed ad supplementum & sublevationem vestra Ecclesiæ nostrum Apostolicum subsidium visi fuimus impartiri, ita ut Bernardum Diaconum pastorem vestrum per nostram consecrationem institueremus; & ideo fidelitatem omnium vestrum injungimus, & decernentes sancimus, ut tam ipse Bernardus, quamque omnes successores sui in perpetuum sub Ravennatis Ecclesiæ pontificatu, plenam observantiam, totamque fidelitatem viriliter custodiat, & more antecessorum ejus, devotissimus tam ipse quam successores sui existant, observandam in omnibus omnem obedienciam, omnemque consuetudinem sanctæ Ravennatis Ecclesiæ, ejusque Archiepiscopis absque omni contradicitione & molestia, prout irrefragabiliter pollicitus est. Nam si ipse, vel aliquis successor ejus, aut aliquis vestrum tam de sacerdotali ordine, quam de laicali cœtu contempnerit, vel transgressor apparuerit per inobedienciam, Sacerdos qui existerit, ex Dei omnipotentis, sanctorumque Apostolorum Petri & Pauli, & nostra auctoritate Apostolica maneat suspensus à proprio ministerio, quousque solutionis gratiam à Ravennate Archiepiscopo perceperit. Ecce tibi Metropolitanæ dignitatis defensor ac vindex acerrimus!

## ARTICULUS XXX.

## SILVESTER II.

In Epistola cxiiv. ad Parisiensem Episcopum: Etsi omnis Ecclesia catholica una atque eadem est, singulis tamen Sacerdotibus modus quidam præscriptus est, quo se extendere, & ubi terminos debeant collocare. Respectum habet ad sacros canones, quibus Episcoporum omnium jura sanciantur.

Deinde in Epistola ad Wilderodum Argentinensem Episcopum: Licuit sequi Evangelium, Apostolos, Prophetas, sacra Concilia, virorum Apostolicorum decreta ab his quatuor non discordantia, semper in usu habita, semper habenda.

Tum demum in Epistola ad Seguinum Senonensem Archiepiscopum: Sit lex communis Ecclesiæ catholice, Evangelium, Apostoli, Propheta, canones Spiritu Dei constituti, & totius mundi reverentia consecrati, & decreta Sedis Apostolicæ ab his non discordantia. In his tribus Epistolis Metropolitanorum Antistitem non obscure vindicatur auctoritas. Præterea verba hæc, Canones Spiritu Dei constituti, & totius mundi reverentia consecrati, Leonis Papæ primi verba sunt, quibus ille Nicæni Concilii canones, & præsertim tertium & sextum asserit, & eorum observationem præcipit.

## ARTICULUS XXXI.

## LEO IX.

In diplomate, quo Salernitanum Archiepiscopum instituit, Clementis II. vestigia secutus. Confirmamus, inquit, etiam tibi ipsum ex integro archiepiscopatum Salernitanum, cum sibi adjacentibus pa-

rochiis suis; & insuper licentiam & potestatem damus ordinandi & consecrandi in his subjectis nobis locis, hoc est, Pestanensem Episcopatum cum parochiis & adjacentiis suis, & Nolantum, & Confanum cum parochiis & adjacentiis suis, necnon Malvitanum & Cusentinum, simulque Episcopatum Bisuntinensem, atque Episcopatum Acerentium, cum omnibus parochiis & adjacentiis earum. Necnon liceat tibi ordinare Episcopos super congruentia loca secundum regulam sanctorum Patrum, in ipsa integritate Salernitani archiepiscopatus; & non habeant potestatem successores nostri in cunctis prædictis Episcopatibus, quos vobis auctoritate Apostolica concessimus, deinceps in perpetuum Episcopos consecrare, quemadmodum vobis concessum est. Hic Pontifex Episcopatus assignat, quorum Antistites deinceps non à Romano Pontifice, sed ab Archiepiscopo Salernitano consecrabuntur. In summa id in Salernitana Metropoli, quod in cæteris fieri solet, omnino fiet.

Deinde in epistola v. ad Petrum Episcopum: Terminos quos Patres fixerunt, nulli arroganter transgredi conceditur.

## ARTICULUS XXXII.

## NICOLAUS II.

In secunda ad Gervasium Remensem Archiepiscopum Epistola, sic jura Metropolitana defendit: Audivimus relatione multorum, quod Belvacensis Episcopus contra statuta canonum sine vobis, & sine vestro assensu fuerit consecratus, imo execratus: Et quod pejus est, ad Episcopatum sublimatus. Accingimini igitur, & fultus hac nostra auctoritate ex parte omnipotentis Dei, auctoritate beati Petri Apostoli, omne Episcopale officium sibi, usque dum ad Romanam Synodum in tertia septimana post Pascha ante nos discutiendus veniat, interdicit. Si autem in aperto res est, quod pecuniam dederit, omnibus Belvacensibus clericis ac laicis, ut sibi ante prædictum nostrum judicium non obediant, sub excommunicatione prædicti Apostoli Petri auctoritate interdicit. Nicolaus sacrorum canonum observationem sic asserit, sic eos violatos ulciscitur.

## ARTICULUS XXXIII.

## GREGORIUS VII.

In libri iii. Epistola ii. ad Sigefridum Moguntinum Archiepiscopum: Qualiter Babenbergenfis Herimannus jam non Episcopus hoc anno Romam penitens se habuerit, vel qualiter se judicio Apostolica Sedis subtraxerit, quæ fraude clericos prædictæ Ecclesiæ sub obtentu penitentie deceperit, & quomodo res ejusdem sibi contra Deum commissa Ecclesiæ pejus, quam prius destruxerit, & ita in clericos sibi commissos, sicut tyrannus surrexerit, vestra, ut reor, cognoscit fraternitas, & certa dolet tristitia. Quocirca nos ulterius tantas non valentes impune ferre nequitias, & noviter inventas sevitas, maxime circa eam, quæ beato Petro specialiter commissa est Ecclesiæ, judicio sancti Spiritus per ejusdem auctoritatem beati Petri Apostolorum Principis, prædictum Herimannum ab officio Episcopali, atque sacerdotali deposuimus, (in Romana Synodo) & in perpetuo depositum esse censuimus. Et quia hæresi junxit sacrilegium, & sacrilegio apertam tyrannidem, excommunicationis vinculo eum alligavimus, quousque Apostolica Sedi se repræsentet, quam conatus est non solum decipere, sed etiam dolo malo irridere. Si autem ad ultimum sibi diem pervenerit, non ei penitentiam & communionem denegamus; sed mox, ut poterit, Apostolicam adire Sedem omnino illi præcipimus. Hæc ut publice fratribus tibi subjectis Coepiscopis notifies volumus, & ex parte beati Petri præcipimus, ut secundum sanctorum instituta



instituta Patrum summo opere procurare in predicta Babenbergensi Ecclesia pastorem ordinare, quatenus quod in predicto simoniaci negligenter egisti, comproberis emendare.

Gregorius Moguntini in ordinando Babenbergensis Ecclesiae Episcopo Metropolitani jura diligenter custodit, etiam si huic Babenbergensis Ecclesia ab Henrico Imperatore illius fundatore sub Apostolica Sedis tutela & jure posita esset. Inde Sigifredus Archiepiscopus sese in ordinando Herimanno negligenter egisset. Quae duo idem Pontifex in sequenti Epistola comprehendit, scribens ad Henricum regem: *Ceterum de Babenbergensi Ecclesia, quae sui fundatoris institutione, sancta & Apostolica Sedis, tanquam humeri capiti, membrum scilicet propinquius speculiori quadam cura sollicitudinis inhaeret, vehementer dolemus, & ejus desolationi pra viribus occurrere, opulari, & consulere officii nostri necessitate impellimur.* Simoniacus enim ille Herimannus dictus Episcopus hoc anno ad Synodum Romanam vocatus venire contempsit; sed cum propius Romanam accessisset, in itinere subsistit, & praemittens nuncios cum copiosis muneribus, noto sibi artificio innocentiam nostram, & confratrum nostrorum integritatem actionis peccunia attentare, atque, si fieri posset, corrumpere molitus est. Quod ubi praefer spem evenit, jam de damnatione sua securior festinamer retrocessit. Et post alia: *Quid vero hac ipsa de causa Sigifredo confratri nostro Moguntino Episcopo, & eidem Babenbergensi clero & populo scripserim, ex literis ad eos datis ad liquidum poteris cognoscere.* Quamvis igitur Babenbergensis Ecclesia fundatoris sui institutione Sedi Apostolicae tanquam humeri capiti adhereret, & Sigifredus Moguntinus Antistes in ordinando Herimanno negligenter se gessisset: Haec tamen non efficiunt, ut Gregorius contra canones Babenbergensis Ecclesiae ordinationem sibi reservet. Convenientissimae disciplinae hujus rationem in libri II. Epistola I. ad Sancium Aragoniae Regem: *Quoniam erga reverentiam sanctae & Apostolicae Sedis regiam nobilitatem tuam pia devotione & amore fervere intelligimus, te & regnum tuum dignis honoribus sublimari cupimus, & Apostolicam benevolentiam, non solum in nostro, verum etiam in quocunque tempore tibi & causis tuis sincera caritatis affectum praebere desideramus.* Ceterum quod nos de causa Aragonensis Episcopatus & consulisti, & te quodammodo velle significasti, diu & multum volentes, & cum filiis sanctae Romanae Ecclesiae pertractantes, incongruum fore pervidimus: *Quoniam in eo canonica decreta nobis obviare cognovimus.* Veniens igitur ad nos, sicut nosti, confrater noster Sanctius Aragonensis Episcopus, multa nobis de infirmitate corporis sui conquerens, deferendi Episcopatum a nobis suppliciter licentiam postulavit, quod & morbo confectus, & pene consumptus, diutius competenti ministerio regere & custodire non possit: Atque ut facilius impetraret, indicavit nobis de duobus clericis, quorum alterum in Episcopatum eligi, tuam & suipsius voluntatem, atque consilium fore nuntiavit. De quorum vita & conversatione eum interrogantes, alia omnia, praeterquam quod de concubinis nati erant, bona satis & honesta accepimus. Et quia venerandi canones ad sacerdotii gradum tales provehi contradicunt, probare eos non satis tantum fore putavimus, ne quidquam a nobis contrarium sanctis Patribus, in exemplum & auctoritatem relinqueretur. Solet enim sancta & Apostolica Sedes pleraque considerata ratione tolerare; sed nunquam in suis decretis & constitutionibus a concordia canonica traditionis discedere. Sic praeclearam exponit rationem Gregorius, cur sacros sibi canones servandos esse, nec Babenbergensis Episcopi ordinationem sedi suae vindicandam esse, luculenter confirmat.

Hic praetermittere nec possum, nec debeo, quod

Monachus Antiliodorensis in Chronologia narrat ad annum MLXXXII. quo Gregorius VII. legatum habebat in Gallia Hugonem Diensem Episcopum. Defuncto, inquit ille Monachus, Meldensi Episcopo, venerabilis Hugo Diensis Episcopus, & Apostolica Sedis legatus, apud eandem urbem Concilium habuit, & Robertum Ecclesiae Resbacensis Abbatem Episcopum ordinavit. Quod Richerius Senonensis Archiepiscopus sine assensu suo & praesentia indignans fieri, eundem Robertum excommunicavit, aliumque postea in ejus loco Episcopum ordinavit. Richerius tacitus consensus Pontifex, quia legatus Niceno canones, & Sedis Apostolicae decreta ex iisdem canonibus promulgata violaverat.

#### ARTICULUS XXXIV.

##### URBANUS II.

In Epistola ad Richerium Senonensem Archiepiscopum: *Quantas pro Gaufrido quondam Episcopo Carnotensis Ecclesiae molestias sustinueris, quanta ad Apostolicam Sedem querela perlata fuerint, dilectionis tuae strenuitas recognoscit. Tandem rei novitate diligentius perquisita, largiente Domino, iustitia satisfecimus, & ab ipso in nostris manibus sine consilio tenore conditionis Episcopatus resutatus est. Tandem ad tuam fraternitatem scripta direximus, rei gesta ordinem indicantes, & ut tuam Carnotensibus ad eligendum & consecrandum Antistitem auxilium contribueres, flagitantes. Nostra itaque fulta licentia Carnotenses venerabilem virum Presbyterum Ivonem canonico ordine in Episcopum elegerunt. Cum autem a te consecrationis gratiam pro more Ecclesiae petivissent, tua fraternitas ei manum imponere recusavit. Ad nos igitur ipsis venientibus, & consecrationis ejusdem gratiam deposcentibus, nos qui viri religionem jamdudum noveramus, alias eligendi licentiam dederamus, petitioni iusta deesse nequivimus. Consecramus igitur eum, salva tuae Ecclesiae obedientia, remittentes, dilectionis tuae dulcedinem postulamus, ut omni lisis fomite consopito benignitate eum debita complectaris, & ad Ecclesiae regimen auxilium tuum ei largiaris. Hic notanda sunt tria. Primum, Urbanum ideo consecrare Ivonem in Episcopum, quod Richerius Metropolitanus eum consecrare sine iusta causa recufaverat. Deinde Urbanum protestari nolle se quidquam de praestanda ab Episcopo Carnotensi Metropolitanae Ecclesiae obedientia detrahere. Postremo Urbanum rogare Metropolitanum Richerium, ut omnem litis fomitem, quae inter eum & Carnotensem Episcopum erat, consopiret, & Ivoni auxilium ad Ecclesiae regimen largiretur. Quae omnia Metropolitanus auctoritatem asserunt & confirmant.*

#### ARTICULUS XXXV.

##### PASCHALIS II.

In Epistola II. ad Daimbertum Senonensem Archiepiscopum: *Venit ad nos cum tuo seu suffraganeorum tuorum testimonio, Parisiensis Ecclesiae electus, per nuncios & per literas ejusdem Ecclesiae preces afferens, ut a nobis Dei gratia deberet in Episcopum consecrari. Nos persona gravitatem videntes, morum maturitatem attendentes, infirmitati divina compatiens, Ecclesiae preces duximus audiendas. Salvo igitur in omnibus Senonensis Ecclesiae jure & persona tua reverentia, eum nostris tanquam beati Petri manibus, largiente Domino, consecravimus. Ecce tibi egregie alertata Metropolitana Praefulis auctoritas! Nam quavis necesse non esset verba haec, salvo Senonensis Ecclesiae jure, salva Metropolitana reverentia, addere, quia Metropolitanus & comprovinciales Episcopi consenserant;*

Addenda

Addenda tamen esse censuit, ne Romanus, opinor, Pontifex id aliquo modo sibi tribuere videretur, quod sacris canonibus repugnaret.

Deinde in Epistola VIII. ad clerum & populum Babenbergensem: *Quanto affectionis debito Babenbergensis Ecclesia ab ipso sua institutionis primordia Sedi Apostolica constringatur, nisi nos lateret, litterarum vestrarum significatio manifestat. Quod affectionis debitum venerabilis frater Otto vestra Ecclesia electus constanter tenuisse, ac tenere cognoscitur, cum per tot & tanta pericula ad Apostolicam Sedem visitationem percurrerit. Nos igitur cum debita benignitatis affectione suscepimus, & juxta vestra dilectionis desideria, nostris tanquam beati Petri manibus, salvo Metropolitani jure, vobis per Dei gratiam, Presulum ordinavimus. Salvo, inquit, Metropolitani jure, ut Pontifex significet, se esse custodem canonum, non derogatorem.*

Præterea cur factum suum tot rationum momentis præmoneret, nisi ut certa quædam daretur excusatio, & Moguntino Metropolitano conquerendi causa omnis adimeretur?

Sed rem absolvit in Epistola XXIX. ad Baldvium Hierosolymorum Regem: *Unaqueque provincia justitiae suae limitibus perfundatur. Nec enim possumus manifeste sanctis Patrum nostrorum canonibus obviare, nec omnia volumus, aut pro Principum potentia Ecclesiasticam minui dignitatem, aut pro Ecclesiastica dignitate Principum potentiam mutilari, ne apud nos occasione alterutra pax turbetur Ecclesiae. Quot commata tot sententiæ, quibus quod supra explicatum est, valde confirmatur.*

## ARTICULUS XXXVI.

## INNOCENTIUS II.

In Epistola ad Henricum Senonensem Archiepiscopum ita scribit, ut non possit non confirmare Metropolitanorum jura, cum ne ab Episcopis sacri violentur canones, severe prohibet. *Statuta, inquit, Sedis Apostolica, & canonum veneranda decreta nulli Sacerdotum Domini ignorare liberum est. Sacerdotis enim est legem scire, & ad interrogationem respondere de lege: Quod si legem ignorat, ipse se arguit indebite honorem sacerdotii occupare; sed & ignorantia canonum Episcopum non excusat. Ceterum Episcopus qui scienter canones violat, a sanctis Patribus judicatur, & a sancto Spiritu, cujus instinctu ac dono sunt conditi, 325 condemnatur: Quoniam blasphemare Spiritum sanctum non incongrue videntur, qui contra eosdem canones aliquid aut proterve agunt, aut loqui presumunt, aut facere voluntibus consentiunt. Hæc in historia Senonensium Archiepiscoporum, quæ ad relatos initio canones facile transferuntur. Hic Pontifex illuc quoque spectat in Epistola VII. ad Radulfum Alexandria Patriarcham: Sanctorum Patrum institutionibus continetur, ut unusquisque suis terminis contentus existat, nec in aliena jura irrepit. Ea etiam quæ nobis fieri nolumus, tam divinis quam humanis legibus proximis nostris facere prohibemur. Et sane in aliena jura irrepit, qui Metropolitanorum jura perturbat.*

## ARTICULUS XXXVII.

## EUGENIUS III.

In Epistola ad Moysen Ravennatem Archiepiscopum: *Eugenius Episcopus, servus servorum Dei, venerabili fratri Moysi Ravennatis Archiepiscopo, salutem & Apostolicam benedictionem. Dilecti filii nostri Placentini canonici, obiente venerabili fratri nostro Arduino bone memoria Episcopo, dilectum filium nostrum Abbatem de Columba, in patrem sibi & Episcopum elegerunt;*

*& ut ipsa electio firmitatem auctoritatis nostræ munimine fortiretur, cum essemus Alsfiodori, per nuncios suos humiliter postularunt. Nos vero Ravennatis Ecclesie, tanquam specialis filie nostræ suam justitiam 326 conservare volentes, eorum petitionibus tunc non duximus admittendas. Postmodum vero iidem filii nostri apud Treverim nostro se conspectui presentantes idipsum instantius à nobis petierunt, asserentes possessiones episcopatus, & bona, nisi firmaretur electio, & devastari nimirum, & consumi, & nullam esse personam, quæ tibi super hoc, & Ravennatis Ecclesie responderet, cum multis rationes dicerent se habere, pro quibus Placentini electi à Ravennate Archiepiscopo consecrationem suscipere non debebant. Nos itaque necessitatibus Placentina Ecclesie paternæ caritatis debito prospicere cupientes, electionem ipsam in omnibus, salva jure Ravennatis Ecclesie, confirmavimus, & ipsa Ecclesia Placentina per Apostolicam scripturam mandavimus, ut proxime præterita sancti Luca festivitatem, nostro se conspectui præstaret, tibi reddere, & quæ justitia dictaret, exequi preparata. Cum autem apud Papiam pervenimus, presentibus dilecto filio nostro & clero Placentini, in fratre Archiepiscopo, humiliter postulasti, ut instrumenta & rationes Ravennatis Ecclesie attentius audirentur, & ipsi canonicum finem imponeremus. Nos vero eas usque ad terminum utriusque partis præsum audire diffulimus, & tam tibi, quam alteri parti dedimus in mandatis, ut memorato termino, omni seposita occasione, ad nostram præsentiam venirent. Cum igitur præfixo termino, idem electus per se, aut per responsales, qui sufficienter rationem ostenderent, ad nostram venire præsentiam contempsisset, privilegiis prædecessorum nostrorum felicitis memorie Gelasii, Callisti, Honorii & Innocentii Romanorum Pontificum, & scriptis eorum, & nostris diligenter inspectis, in quibus continebantur præcepta, ut memoratus frater noster bone memoria Arduinus Episcopus Ravennatis Archiepiscopo, tanquam Metropolitano suo humiliter obediret, communicato fratrum nostrorum consilio, judicavimus, ut Placentinus electus & illi, qui ei succedent, à te, fratre Archiepiscopo, & à successoribus tuis, tanquam à suis Metropolitanis consecrationem sine contradictione suscipiant, & eis de cetero subjectionem, obedientiam & reverentiam exhibeant, salva in omnibus Sedis Apostolica auctoritate. Si quis autem nostra definitionis paginam sciens contra eam venire tentaverit, secundo tertiove communiis, si non satisfactione condigna emendaverit, clericus Ecclesiastico beneficio; laicus vero Christiana communione privetur. Fac mecum, Domine, signum in bonum.*

*Ego Eugenius catholica Ecclesie Episcopus. Ego Chonradus Sabinensis Episcopus. Ego Hubaldus Presbyter Cardinalis tit. SS. Joannis & Pauli. Ego Gilbertus indignus Sacerdos tit. S. Marci. Ego Guido Presbyter Cardinalis tit. SS. Laurentii & Damasi. Ego Julius Presbyter Cardinalis tit. S. Marcelli. Ego Guido Presbyter Cardinalis tit. Pastoris. Ego Octavianus Diaconus Cardinalis tit. S. Nicolai in carcere Tulliano. Ego Gregorius Diaconus S. Angeli. Ego Joannes Diaconus Cardinalis sancte Marie Novæ. Ego Hyacinthus Diaconus Cardinalis sancta Maria in Cosmedin. Datum 328 Pisis per manum Guidonis Cardinalis & Cancellarii, III. Idus Novemb. Indict. XII, Incarnationis Domini, anno MCLXIX. Pontificatus vero Domini Eugenii Papa III. anno IV. Hæc Hieronymus Rubeus in libro v. historia Ravennatis Ecclesie. Difficile est invenire pontificium diploma ullum in quo jura Metropolitica magis confirmantur. Pontifex etiam in necessitate, cui sacri canones cedunt, formulam hanc: Salvo jure Ravennatis Ecclesie, adhibet. Quis hoc non miretur? Mirari desinet, qui Eugenium in Epistola XII. ad Episcopos Germaniæ scribentem, contra Deum & sacrorum canonum sanctiones, nulli omnino petitioni possumus præbere consensum, leget & attente considerabit.*



## ARTICULUS XXXVIII.

## ANASTASIUS IV.

In diplomate, quo Lateranensium canonicorum Regularium statum confirmat, non potest quoque non confirmare Metropolitanorum jura, cum ita scribit: *Aequum ergo est ac rationabile, ut suis unicuique honor Ecclesia ac dignitas conservetur, & sicut in humani corporis compage, naturalis ratio singulis quibusque membris ad salutem providens, speciales & proprios actus edocet; nobilioribus vero suam dignitatem conservat: Ita in corpore Ecclesiae Apostolica provi-*  
 329 *dentia secundum sacrorum institutiones canonum universas regit Ecclesiam; Digniores autem & famosiores in sui status prerogativa custodit. Hæc est naturalis, ac proinde efficacissima comparatio, qua sua Metropolitanis Ecclesiis dignitas asseritur & conservatur.*

## ARTICULUS XXXIX.

## HADRIANUS IV.

Rem nostram paucis exequitur, cum Apostolicæ dignitatis suæ officium exponit in Epistola ad Henricum Gradensem Patriarcham: *Apostolica officium dignitatis credita nobis, & dispensationis debitum utiliter exequi comprobamur, cum collatam unicuique Ecclesiae (ac proinde Metropolitanæ) dignitatem provida sollicitudine custodimus, & singulis Ecclesiis (ac proinde Metropolitanis) jura sua illibata studemus & integra custodire.*

## ARTICULUS XL.

## ALEXANDER III.

In Epistola ad Remensem Archiepiscopum: *Alexander Episcopus servus servorum Dei, venerabili fratri Archiepiscopo salutem & Apostolicam benedictionem. Dilecti filii Decanus & Capitulum Ambianense transmissa nobis conquestione monstraverunt, quod venerabili fratre*  
 330 *nostro Ambianensi Episcopo pro consecrationis munere obtinendo ad tuam presentiam accedente, tu ab ipso juramentum præter formam canonicam, quam ceteri suffraganei Metropolitanis suis consueverunt præstare, pro tua voluntatis arbitrio exegisti: Propter quod idem Decanus & Capitulum duxerunt ad nostram providentiam recurrendum. Quia vero non decet aliter te fuisse, quod ab alio tibi fieri non vis, fraternitati tuæ per Apostolica scripta mandamus, quatenus contentus forma canonica, quam nos à Coepiscopis nostris immediate subiectis recipimus, nihil amplius obtentu alicujus consuetudinis ab Episcopo ipso exigas, prætextu præstiti juramenti, sciens nos eundem Episcopum ab hujusmodi juramento quoad alios articulos absolvisse, vel denunciassse potius non teneri. Datum Anagnina Idibus Januarii pontificatus nostri anno vi. Diploma istud extat in Chartulario Ambianensis Episcopi, ubi Pontifex Metropolitanus quædam Antistitis jura confirmat. Sed quæ Metropolitanus juramento præstari solito superaddiderat, aut superaddere voluerat, rescindit.*

## ARTICULUS XLI.

## LUCIUS III.

In libro i. Decretalium tit. xi. de temporibus ordinationum, & qualitate ordinandorum cap. vi. ad Turonensem Archiepiscopum: *Si Archiepiscopus obierit, & alter fuerit ordinandus, omnes Episcopi ejusdem*  
 331 *provincia ad Sedem Metropolitanam conveniant, ut ab*

*omnibus ordinetur. Reliqui vero comprovinciales Episcopi, si necesse fuerit, cæteris consentientibus, à tribus jussu Archiepiscopi poterunt ordinari; sed melius est, si ipse cum omnibus eum; qui dignus est, elegerit, & cuncti pariter Pontificem consecraverint. Tum cap. vii. Ne Episcopi sine Metropolitanis permisso, nec Metropolitanus sine tribus aut duobus Episcopis comprovincialibus præsumat Episcopum ordinare, ita ut alii Episcopi comprovinciales admonerentur Epistolis, ut se suo responsio significent consensisse. Quod si inter partes aliqua dubitatio fuerit, majori numero Metropolitanus consentiat. Hæc ex Arelatenſi Concilio decreta indicantur, atque ita Lucius decretum suum ex sacris canonibus edicit.*

Postremo in Epistola ad Gerardum Ravennatem Archiepiscopum: *Lucius Episcopus servus servorum Dei, venerabili fratri Gerardo Ravennati Archiepiscopo salutem & Apostolicam benedictionem. Dignum est & consonum rationi, ut cum ad tua fraternitatis instantiam Bononiensi, & Mutinensi Ecclesiis impenderimus dedicationis munus, nunquam ex hoc adversus tuam Ecclesiam, cui tanquam Metropoli sunt subjectæ, & aliquantam vindicare valeant libertatem. Nos itaque providere volentes, ne de facto nostro contra te, vel successores tuos, injuria ac scandalum materia oriatur, auctoritate Apostolica constituimus, nullum ex hoc tibi, vel successoribus tuis præjudicium in posterum generetur; sed*  
 332 *semper jam dicta Ecclesia, sicut ante dedicationem, quam eis impendimus, erant in tua & successorum tuorum obedientia & subjectione, sine contradictione consistant. Nulli ergo hominum liceat hanc paginam nostræ constitutionis infringere, vel ei ausu temerario contravenire. Si quis autem hoc attentare præsumperit, indignationem omnipotentis Dei, & beatorum Petri & Pauli Apostolorum ejus se noverit incursurum. Datum Verona 11. Nonas Septembris. Hæc apud Hieronymum Rubicum in historiæ Ravennatis libro vi. quibus luculenter apparet Lucium voluisse Metropolitanorum jura farta & tacta ab omni detrimento, quietiam à detrimento cujuscunque suspicione conservare. Ravennas Episcopus Lucium precatur, ut Mutinensem & Bononiensem Ecclesias consecraret. Lucius consecrat. Quo pacto Ravennatis Ecclesiæ, quæ Metropolis est, nocumentum adferri nullum potuit; & tamen ne ex facto hujusmodi nocumentum adferretur in posterum, diplomate suo prospexit.*

## ARTICULUS XLII.

## INNOCENTIUS III.

In Epistola ad Trecentum Capitulum, quæ refertur in Promptuario Trecentinarum antiquitatum: *Joannes Episcopus, servus servorum Dei, dilectis filiis Trecenti Capitulo salutem & Apostolicam benedictionem. Exam-*  
 333 *minatis studiis eligentium, & meritis electorum super duabus electionibus in vestra Ecclesia celebratis, utramque cassavimus secundum canonicas sanctiones. Consequenter autem injunximus canonicis vestris, qui à vobis acceperant potestatem, ut si contingeret utramque electionem de jure cassari, personam idoneam juxta consilium nostrum eligerent in Pastorem, ut de corde puro & conscientia bona & fide non ficta, idoneas nobis nominarent personas, ex quibus illam, quam nos magis idoneam crederemus, secundum consilium nostrum eligerent in Episcopum, & factum est ita. Nam quibusdam personis idoneis nominatis, dilectum filium M. Herveum, virum utique vita, scientia & forma præclarum secundum consilium nostrum concorditer in Pontificem elegerunt, & nos electionem ipsius auctoritate curavimus Apostolica confirmare. Quocirca devotioni vestre per Apostolica scripta præcipiendo mandamus, quatenus eidem electo reverentiam & obedientiam impendatis tam debitam, quam devotam, præstantes eum venerabili fratri nostro*

nostro Archiepiscopo Senonensi, ut ipsum quamtoctius ordinare satagas in Presbyterum, & in Episcopum consecrare. Datum Roma apud sanctum Petrum x. Calend. Martii, Pontificatus nostri anno i. x. Sic Pontifex Nicænum canonem exequitur, cum Trecentem electum Senonensi Archiepiscopo ordinandum & consecrandum in Presbyterum & Episcopum remittit.

Deinde in Epistola ad Ubaldum, qui cum esset Faventinus Episcopus, ab iis, quorum intererat, in Ravennatem optatus fuerat Archiepiscopus: Innocentius Episcopus, servus servorum Dei, venerabili fratri V. Episcopo. Et paulo post: Fraternitati tuae per Apostolica scripta mandantes, quatenus ad Ecclesiam Ravennatem accedens, circa regimen ejus insistere studeas salubriter & prudenter. Nos igitur suffraganeis ejusdem Ecclesiae, clero ac populo Ravennati per nostras damus literas in mandatis, ut tibi tanquam pastori suo exhibeam reverentiam debitam & honorem. Datum Laterani Calend. Junii, Pontificatus nostri anno xi.

Tum demum in libri iii. Regesti xv, ad Wilhelmum Philippensem Archiepiscopum: Episcopatus quoque inferius nominandos Ecclesia tua Metropolitico jure subiectis tibi, tuisque successoribus, nihilominus confirmamus. Pontifex utrobique decessorum traditionem sequitur, & sacros canones observat, & cur observet, in libri ii. Epistola ad Cantuariensem Archiepiscopum scribit: Qua in derogationem sanctorum canonum attentantur, tanto potius infringi volumus, & carere robore firmitatis, quanto auctoritas universalis Ecclesia, cui praesidemus, ad id nos provocat & inducit.

runt. Infra: Cum igitur non deceat alii te fecisse, quod ab aliis tibi nolles fieri, mandamus, quatenus contentus forma canonica quam nos à Coepiscopis nostris, nobis immediate subiectis, recipimus, nihil amplius à Castellano Episcopo obtentu alicujus consuetudinis exigas, praetextu praestiti juramenti, scias nos eundem Episcopum ab hujusmodi juramento quoad alios articulos absolvisse, vel denunciare potius non teneri. Hic consideranda sunt tria. Unum, Gregorium Metropolitanum jura asserere, eaque facta & integra conservare. Alterum, eundem supervenientes his juribus abusus emendare. Tertium denique, eundem seipsum in exemplum proponere, quo Metropolitanum jura secundum formam canonicam exerceantur. Adjungo, quæ idem Pontifex in constitutione anno mcccxxxiv. edita sapienter omnino & apposite docet. Rex, inquit, excelsus summi Regis, Deus & homo CHRISTUS JESUS, quem legi necessitas non subiecit, factus est voluntate sub lege, formam relinquens vicario, ut licet praeter ceteris libertatem in excellentia dignitatis acceperit, recognoscat tamen cum ceteris quamdam in officii debito servitium sacrarum observantiae sanctionum: Gratuito alligans utramque necessitatem voluntariam, & necessariam voluntatem, ut dum praelationes sic subiecit, major appareat ex hujusmodi subiectione praelatus. Auctoritatis est posse statueri; sed virtutis, ut quis se subiciat suo statuto: Per alterum potens in subditis; per alterum potentior in seipso. Qui Pontifex sic loquitur, & sincere loquitur, ut Gregorius IX. non dubitabit asserere canones, quibus Metropolitanorum jura sanciantur: iis nunquam, nisi per subreptionem, derogaturus est in perpetuum.

## ARTICULUS XLIII.

## HONORIUS III.

In compilationis v. titulo xvi. de officio & potestate judicis ordinarii capite iii. ad Episcopum Salicensem: Non videtur Metropolitano licere, ut suffraganeis sui jura minuat vel immutet, nisi super eo antiqua & approbata consuetudine, vel speciali privilegio muniat. Unde reputari potest indignum, ut in dicana Domini, quo deberent in Ecclesiis suis Episcopi chrisma conspergere, lavare juxta exemplum Domini pedes pauperum, & reconciliare publice poenitentes, ad Metropolitanam Ecclesiam, qua per quadraginta milliaria & amplius à se distat, chrisma ibidem cum Metropolitano tuo confecturus accedas. Quamquam idem Metropolitani tam in sua, quam in aliis Metropolitico jure sibi subiectis Ecclesiis non ex speciali privilegio, vel antiqua & approbata consuetudine, sed ex usurpatione hoc obtinuisse hactenus videtur. Hoc itaque olim in tua consecratione attendens, quod huic gravamini occurrens fuisti publice protestatus. Volentes igitur, venerabilis in Christo frater, tuo super gravamine providere, auctoritate tibi praesentiam indulgemus, ut ad hoc, nisi speciale privilegium exigas, vel antiqua & approbata consuetudo requiratur, per usurpationem hujusmodi nullatenus tenearis. Sic Metropolitanum jura defendit, quibus nihil, nisi speciale privilegium, vel antiqua & approbata consuetudo potest opponi.

## ARTICULUS XLIV.

## GREGORIUS IX.

De majoritate & obedientia cap. xiii. Dilecti filii Archidiaconi & Capituli, Castellani suum ad nos querimoniam detulerunt, quod cum à Castellano Episcopo exigeres juramentum praeter formam canonicam, quam ceteri suffraganei Metropolitani suis conservare praestare, idem conspicientes, ex hoc Ecclesia sua praedictum generari, ad Sedem Apostolicam appella-

## ARTICULUS XLV.

## INNOCENTIUS IV.

In Epistola ad Bononiensem Episcopum: Innocentius Papa, servus servorum Dei, venerabili fratri Bononiensi Episcopo, salutem & Apostolicam benedictionem. Venerabilis fratris nostri . . . Archiepiscopi Ravennatis precibus inclinatus, praesentium tibi auctoritate mandamus, quatenus ei, cuius suffraganeus esse dignosceris, exhibeas fidelitatis solita juramentum, non obstante quod illud nobis recepto de manibus nostris consecrationis munere praebuisti. Datum Lugduni Idibus Decembris, Pontificatus nostri anno iv. Apud Hieronymum Rubicum in libro vi. historiae Ravennatis Ecclesiae. Innocentium Nicæno canoni derogare noluisse credendum est. i. Quia hac in Epistola derogare se Nicæno canoni voluisse non dicit. ii. Quia statuit ut Bononiensis Episcopus à se consecratus fidelitatis juramentum idem praestet Ravennati Archiepiscopo, quod praestitisset, si ab eo consecrationis munus accepisset. iii. Innocentius relato supra Lucii III. exemplo sciens & prudens non contraivisset. iv. Duobus in locis canonum executorem, non derogatorem se praebet. Unus est in Epistola decretali ad Narbonensem Archiepiscopum: Religiosi, cujuscunque sint ordinis, ne in aliorum praedictum parochianos praefatos ad hujusmodi sacramenta recipiant, nec confessiones audiant eorundem, nisi petita prius & obtenta licentia à Sacerdote proprio, juxta statuta Concilii generalis. Alter est in alia simili Epistola ad universos Religiosos: Parochianos sine Sacerdotis sui licentia ad poenitentiam nullatenus admittatis, cum si quis alieno sacerdoti iusta de causa voluerit confiteri peccata, secundum statuta generalis Concilii licentiam prius postulare & obtinere debeat à proprio Sacerdote. Prior Epistola data est anno xi. posterior anno xii. pontificatus Innocentii III. Cum ille canonem [Omnis utriusque sexus,] ita exequitur, fixos à generalibus Conciliis Metropolitanorum terminos nusquam refiget.

ARTI-



## ARTICULUS XLVI.

EUGENIUS cum Florentina Synodo.

In decreto unionis Græcorum, ubi dicitur: *Item definimus . . . Romano Pontifici in beato Petro pascendi, regendi, ac gubernandi universalem Ecclesiam à Domino nostro JESU CHRISTO plenam potestatem traditam esse, quemadmodum & in gestis Conciliorum œcumenicorum, & in sacris canonibus continetur: Καὶ ὅτι τῶν κατὰ τὴν ἐκκλησίαν συνόδων, καὶ ἐν τοῖς ἱερεῖς καὶ ἐν τοῖς διακόνου; juxta eum modum, qui & in gestis Conciliorum œcumenicorum, & in sacris canonibus continetur: Renovantes insuper ordinem traditum in canonibus cæterorum venerabilium Patriarcharum, ut Patriarcha Constantinopolitanus secundus sit post sanctissimum Romanum Pontificem; tertius vero Alexandrinus; quartus autem Antiochenus; & quintus Hierosolymitanus, salvis videlicet privilegiis omnibus & jurebus eorum.* Cum ad alia multa, tum maxime ad Metropolitanorum dignitatem & jura sacri canones, quorum hic fit mentio, Nicæni, Antiocheni, Ephesini, & Chalcedonenses pertinent. Quamobrem unionis decreto huic turpissime prævaricari censendus esset, qui contra illud vel ageret, vel sentiret. Deinde cum Eugenius & Florentina synodus sacros instaurant canones, quibus Patriarcharum dignitas & jura omnia 340 faciuntur, id omnino faciunt, quod ad Metropolitanorum dignitatem & jura omnia sine ullo negotio transfertur. Nam iisdem & Conciliis & canonibus, vel aliis auctoritate pari conditis Metropolitanorum dignitas & jura omnia confirmantur. Sic igitur tam Patriarcharum quam Metropolitanorum jura confirmata fervari debent: Alioqui tota decreti Eugenii, & Florentinæ synodi non modo nutaret auctoritas; sed etiam certissimo casui exponeretur, & continuo turbaretur pax Ecclesiæ, quæ, ut Gregorius I. & Leo I. asserunt, in observatione sacrorum canonum consistit. Porro autem decretum unionis Græcorum, cum duabus particulis, &, &, quibus decreti sensus restringitur, referunt Blondus in libro x. decadis III. Marcus Vigerius Card. in decachordo, chorda x. Joannes Ekhus in libri II. de primatu Petri capite I. Joannes Roffensis in art. xxv. contra Lutheranas assertiones, Albertus Pighius in libri IV. de Hierarchia cap. XIV.

## ARTICULUS XLVII.

CLEMENS IX.

In diplomate, quo Alestensis Ecclesiæ Ritualement librum proscribere voluit: *Credita nobis, inquit, divinitus omnium Ecclesiarum sollicitudinis ratio exigit, ut Ecclesiastica disciplina, cujus custodes à Domino constituti sumus, ubique conservanda jugiter incumbentes; 341 omni cura atque vigilantia præcavere studeamus, ne quid in eam irrepat, quo quomodolibet turbari, aut à præscriptis ritibus aberrare, & via erroribus aperiri possit.* At si Pontifex Ecclesiasticæ disciplinæ, ad quam Metropolitanorum jura facile revocari possunt, custos à Domino constitutus est, hæc jura semper illæsa conservabuntur; alioqui Pontifex adversus custodis officium gravissime peccaret. Alia est custodis aut sequester ratio; alia illius, qui custodem aut sequestrem instituit: Et tunc potissimum, cum qui depositus est, seu qui custodem & sequestrem instituit, est rerum omnium præpotens dominus. Id Clemens jamdudum è schola beati Petri politus, & ad omnem Romanæ Ecclesiæ traditionem eruditus, probe novet, cum se Ecclesiasticæ disciplinæ custodem à Domino constitutum perspicue, & sine ulla verborum ambiguitate pronuntiavit.

Hæc est Apostolicæ Sedis circa Metropolitanorum

jura traditio, cujus lineam Pontifices quadraginta septem, à tempore Nicæni Concilii ad nostram ætatem, fideliter duxerunt. Hi omnes in unum coacti id celebrarent Concilium, quo nullum unquam fuit augustius, non modo si spectetur Pontificum dignitas; sed etiam si spectetur Pontificum sanctitas, doctrina, & ad defendendam veritatem constantia atque animi magnitudo.

His autem Pontificibus numero XLVII. jungendi sunt ii omnes, qui etiam de Metropolitanorum dignitate nihil scripto tradiderint; descriptam tamen articulo XIX. fidei professionem ediderunt, & in Concilium Nicænum, Ephesinum, & Chalcedonensem, & in veram & sinceram canonum illorum observationem jurarunt. Verum enim vero quidquid id est, re in compendium missa, Romani Pontifices quinque, qui diversis floruerunt temporibus, repræsentant, & Sedem Apostolicam in Metropolitanicæ dignitatis assertionem constanter oppugnant.

Primus est Julius I. in Epistola ad Orientales, quæ apud Athanasium refertur. *Morem, inquit, qui semel in Ecclesia obtinuit, & à Synodo confirmatus est, iniquum est paucis abrogari.* Et post aliquanta: *Nos scilicet discordiam induximus, qui compatimur cum patientibus fratribus, & omnia secundum canonem facimus? An qui contentiose violato canone trecentorum duo decreta prævaricantur, & per omnia Synodum contempni habent? Dum Julius ita scribit, non suam tantum, sed & sedis suæ, & viciorum Antistitum sententiam scribit, ut ipse profitetur his verbis: Tametsi solus sim qui scripsi, non meam tamen solius sententiam, sed omnium Italarum, & omnium in his regionibus Episcoporum scripsi.* Et paulo post: *Etsi solus scribo, scribere me tamen communem omnium sententiam vos scire volo.* Hoc est igitur primæ sedis oraculum, quod anno circiter CCCXIII. fudit Julius I.

Alter Leo I. in Epistola LXII. ad Maximum Antiochenum capite IV. *Quod, inquit, ab Nicænorum Patrum regulis, constitutioneque discordat, Apostolica Sedis nunquam obtinebit consensum.* En notanda aureis characteribus professio: *Quod alterum est, sed idem primæ sedis oraculum, quod anno circiter CCCCLII. Romæ fudit Leo Maximus.*

Tertius, Gelasius I. in Epistola XIII. ad Episcopos Dardaniæ: *Quibus, inquit, ex paterna traditione perpensis confidimus, quod nullus jam veraciter Christianus ignoret uniuscujusque Synodi constitutum, quod universalis Ecclesia probavit assensus, non aliquam magis exequi sedem præ cæteris oportere, quam primam, quæ & unamquamque Synodum auctoritate sua confirmat, & continuata moderatione custodit: Pro suo scilicet principatu, quem beatus Petrus Apostolus Domini voce perceptum, Ecclesia nihilominus subsequente, & tenuit semper & reinet.* Sic prima sedes præ cæteris sedibus universalium Conciliorum canones exequi debet, & debito huic principatus adscribitur, quem beatus Petrus Domini voce percepit. Facundus Hermianensis Episcopus, Gelasii suppar, illius verba in libri II. pro defensione trium capitulorum capite VI. intelligit hoc modo: *Ille (Vigilius Papa) non in destructionem paterna sententia, sed in defensionem atque ultionem primam accepit & maximam potestatem.* Hoc est igitur tertium; sed tamen idem primæ sedis oraculum, quod anno circiter CCCXCVI. Romæ fudit Gelasius I.

Quartus, Zacharias in Epistola XI. ad Bonifacium Archiepiscopum capite V. *Nec enim ab hac sede illa diriguntur, quæ contraria esse Patrum sive canonum institutis invenirentur.* Atque hoc si bene intelligatur, admirationem habet maximam. Zacharias ratione hæc decessori suo datam ab eo (ut putabatur in Germania) contrahendi in gradibus illicitis matrimonii licentiam abjudicat, & in falsum subscribit: tantum abest ut subreptionem objiciat. Hoc est igitur quartum, sed idem

idem primæ sedis oraculum, quod anno circiter DCCLIII. Romæ fudit Zacharias.

Quintus, Gregorius VII. in libri II. epistola I. ad Sanctum Aragoniæ Regem: *Solet sancta & Apostolica Sedes pleraque considerata ratione tolerare; sed nunquam in suis decretis & constitutionibus à concordia canonica traditionis discedere*: Et hæc est ratio, cur regiæ petitioni assensum præbere noluit, quia sacris in ea canonibus derogandum erat. Hoc est igitur quintum sed idem primæ sedis oraculum, quod anno circiter MXXV. Romæ fudit Gregorius VII.

His porro ita per Romanæ Ecclesiæ traditionem constitutis, nisi Metropolitanorum dignitas in tuto apud Sedem Apostolicam collocetur, nihil unquam, me vide, in tuto collocabitur.

Non me latet, dici consueisse ea quæ sunt Ecclesiastica disciplina, mutari posse; sed ab iis qui ad pauca respiciunt, dici sæpius; ab iis qui ad multa, rarius. Quidquid in causa dictum, hoc non movit plures Romanos Pontifices, qui Sedi Apostolicæ per varias ætates præfuerunt.

I. Non movit Clementem IX. qui, ut in articulo XLVI. vidimus, custodem se Ecclesiastica disciplina à Domino constitutum esse prorsus affirmat. Nam si movisset, quod tam cupide affirmat, non affirmasset.

II. Non movit Paschalem II. cum in epistola II. ad Daimbertum Senonensem Archiepiscopum scriberet: *Non enim volumus, ut privilegiorum obtentu Ecclesia qualibet prejudicium patiatur*.

III. Non movit Gregorium VII. cum in libri II. epistola I. ad Sanctum Aragoniæ Regem scriberet: *Quia venerandi canones ad sacerdotii gradum tales (de concubinis natos) provehi contradicunt, probare eos non satis cautum fore putavimus, ne quidquam à nobis contrarium sanctis Patribus in exemplum & auctoritatem posteris relinquatur*.

IV. Non movit Leonem III. qui à Caroli Magni legatis rogatus, ut particulam (*Filioque*) Symbolo adderet, addere noluit: Etiam si plures jam Ecclesiæ addidissent. *Tu & tui videte quid de vobis sentiat. Nam & ego me illis (Constantinopolitanis Patribus) non dico præferam; sed etiam illud absit ut coequare præsumam*. Et quidem quod Spiritus sanctus à Filio ut à Patre procedat, res est fidei; sed illud Symbolo Constantinopolitani Concilii addere, disciplinæ res erat. Sed nihilominus addere noluit, ne se Concilio præferre aut coequare videretur.

V. Non movit Gregorium I. alioquin in libri III. epistola xxx. ad Constantinam Augustam minime scripsisset, quod ita scripsit: *Serentia vestra pietatis religionis studio & sanctitatis amore conspicua propter eam, quæ in honorem sancti Pauli Apostoli in palatio edificatur, Ecclesiam, caput ejusdem sancti Pauli, aut aliud quid de corpore ipsius, suis ad se iussionibus à me præceptis debere transmitti. Et dum illa mihi desiderarem imperari, de quibus facillimam obedientiam exhibens, vestram erga me amplius potuissem gratiam provocare, major me tristitia tenuit, quod illa præcipitis quæ facere nec possum, nec audeo*. Et tamen quæ petebat Augusta, spectabant ad Ecclesiæ disciplinam.

VI. Non movit Agapetum I. cum in epistola ad Cæsarium Arelatensem Episcopum scripsit: *In nullo contra prisca definitionis constituta, vel regulas pro qualibet occasione sub cuiuscunque personæ respectu venire præsumimus. Nec tenacitatis studio, aut secularis utilitatis causa hoc facere nos credatis; sed divini consideratione iudicii necesse nobis est, quidquid synodalis decrevisse auctoritas, inviolabiliter custodire*. Res erat disciplina.

VII. Non movit Leonem I. alioquin in epistola III. ad Apatolium capite LIV. minime scripsisset quod ita scripsit: *Sancti illi & venerabiles Patres, qui in urbe Nicæna, sacrilego Ario cum sua impietate damnato, mansuras usque in finem mundi leges Ecclesiasti-*

*corum canonum condiderunt, & apud nos & in toto orbe terrarum in suis constitutionibus vivunt; & si quid usquam aliter quam illi statuerunt, præsumitur, sine cunctatione cassatur, ut quæ ad perpetuam utilitatem generaliter instituta sunt, nulla commutatione varientur, nec ad privatum trahantur commodum, quæ ad bonum sunt commune præfixa*.

Sic Leo I. Agapetus I. Gregorius I. Leo III. Gregorius VII. Paschalis II. Clemens IX. impediunt, aut certe impedire debent, quominus dicto huiusmodi promiscue, & sine ullo rerum & personarum delectu utantur.

Bonifacius VIII. utendi modum præscribit Extra de sent. excomm. *Alma, inquit, mater Ecclesia nonnulla rationabiliter ordinat & consulto, quæ suadente subditorum utilitate postmodum revocat, & in melius commutat*.

Bonifacio Innocentius III. & Clemens IV. hac in re præverunt. Ille in libri I. epistola ad Collocensem Episcopum. Hic in constitutione, qua certa quædam privilegia privatis personis concessa restringit.

Bonifacium secuti sunt Clemens V. in epistola ad Nicosiensem Archiepiscopum, Joannes XXII. in Extravaganti *Ad conditorem*: Martinus V. in constitutione, qua quid Rotæ auditores facere debeant, præscribit: Eugenius IV. in Rescripto ad Veronensem Ecclesiam: Callistus III. in Rescripto ad Turensem Archiepiscopum: Sixtus IV. in constitutione quam Bzovius refert in annalibus Ecclesiasticis: Innocentius VIII. in constitutione de jure patronatus: Clemens VII. in constitutione qua congregationem Fratrum Minorum observantiæ strictioris approbat: Pius V. in constitutione qua vetat, ne Mendicantes prius quam examinentur ab Episcopis, confessiones penitentium excipiant: Sixtus V. in constitutione qua domestici secretarii munus reformat: Gregorius XV. in constitutione quam anno MDCXXII. III. Calend. Augusti edidit. Pontifices XIV. unum & idem, nisi verbis iisdem, eodem certe sensu enunciant.

Hoc ergo temperamentum, seu disciplinæ Ecclesiasticæ compositio, de qua Innocentius III. Clemens IV. Bonifacius VIII. Clemens V. Joannes XXII. Martinus V. Eugenius IV. Callistus III. Sixtus IV. Innocentius VIII. Clemens VII. Pius V. Sixtus V. & Gregorius XV. sermonem suis in constitutionibus faciunt; non nova, sed antiqua res est. De ea si quidem Tertullianus in libri de velandis Virginibus capite I. generatim sic loquitur: *Hac lege fidei manente (quam ante retulerat) cetera jam disciplina & conversationis admittunt novitatem correctionis, operante scilicet & proficiente usque in finem gratia Dei*. Sed tamen quidquid id est, singulari quadam explicatione indiget, ut suis absolutum numeris intelligatur.

Et primo quidem apud Tertullianum & Romanos Pontifices illos XIV. sermo est de nonnullis, non de omnibus, quæ alma mater Ecclesia rationabiliter ordinat & consulte. Quod & verbis infrequentibus manifeste confirmatur, ubi quæ revocantur, commutanda sunt in melius. Istud prorsus ii dissimulant, à quibus indiscriminatim jactatur: Res est disciplinæ, & eam ob causam mutationi obnoxia.

Deinde diligenter circumspectandum est, an quæ revocanda, vel mutanda sunt, commutari possint in melius. Nam si commutari non possent in melius, nec revocanda, nec mutanda essent. Atque ita quod Ecclesiasticæ disciplinæ momentum, spectata rei natura, mutari posset, ex accidenti mutari non posset.

Exemplum statuo. Quæ rationabiliter Ecclesia discernit & consulte circa doctrinam & mores illorum, qui volunt ad sacros ordines accedere, revocanda



& mutanda non sunt, quia commutari non possunt in melius: Bonane esset commutationis species, in qua indocti & male morati homines ad sacros ordines accederent? Hic seipsum inspiciant & demirentur, qui de disciplina Ecclesiastica commutatione verba prius faciunt, quam ad Tertulliani testimonium, & laudatorum Pontificum constitutiones oculos adjece-  
runt. Quodcumque illud est ex memoria pronuntiant, & fortassis quod pronuntiant, ignorant, ut ignorare solent, quos Academia volatica educavit.

Sed modo ad Nicænum canonem iv. & canonis vi. partem ultimam, & ad Sedis Apostolicæ decreta ex eodem canone promulgata, veniendum, & videntum est, utrum quæ ibi disciplina sancitur Ecclesiastica, 350  
revocari & commutari possit in melius. Hic rhodus, hic saltus. Nam si revocari potest in melius, quin tandem aliquando revocari queat, dubitaturum opinor neminem. Atque, ut libere dicam quod sentio, difficile prorsus est disciplinam sancire meliorem & convenientiorem, quæ in Nicænæ disciplinæ locum sufficiatur. Et sane fieri qui potest, ut disciplina sancitur melior & convenientior, quam quæ sancita est per Nicænos canones, quos Sedes Apostolica per beatum Leonem & alios Pontifices, ut Spiritu Dei conditos, & totius mundi reverentia consecratos prædicat, & in auctoritatem assumit? Occurret aliquis, & Metropolitanorum dignitatem quibusdam in locis detrimenti passam esse nonnihil dicet, & obijciat Hadrianum VI. in commonitorio, quod Francisco Cheregato in Germaniam eunti dedit, hæc dolenter scribentem: *Scimus in hac sancta Sede aliquot jam annis multa abominanda fuisse, excessus in mandatis, abusus in spiritualibus, & omnia demum in perversum versa.* At ista Romanam Curiam attinent, non Sedem Apostolicam. Curia patrociniū non suscipio, cum illa ab Romanæ Ecclesiæ & Sedis Apostolicæ traditione, quam per tot articulos exhibuimus, recedit. Præterea Romani Pontifices variis in Tri-

dentinæ Synodi locis Metropolitana jura vindicant, & sicuti illatum illis detrimentum fuerat, resarciunt.

Hactenus igitur confirmata & asserta est per Romanos Pontifices Metropolitanorum Antistitem dignitas, & sic confirmata & asserta, ut confirmari & asserti non possit augustius. Non enim promiscue eduntur Pontifices & proferuntur in lucem; sed ii qui præ cæteris habentur insignes, & omnium sermone prædicantur, Siricius, Innocentius I. Bonifacius I. Celestinus I. Sixtus III. Leo I. Hilarius, Simplicius, Felix III. Gelasius I. Symmachus, Hormisdas, Agapetus I. Pelagius I. Gregorius I. Gregorius III. Zacharias, Hadrianus I. Leo III. Eugenius II. Leo IV. Benedictus III. Nicolaus I. Hadrianus II. Joannes VIII. Stephanus VI. Leo IX. Nicolaus II. Gregorius VII. Urbanus II. Paschalis II. Innocentius II. Eugenius III. Anastasius IV. Hadrianus IV. Alexander III. Lucius III. Innocentius III. Honorius III. Gregorius IX. Innocentius IV. Eugenius IV. Clemens IX. Adjungendi sunt, qui olim recens electi Pontifices relata articulo XIX. fidei professionem ediderunt.

Vide nunc ac circumspecte, Metropolitanorum Præsulū sæculi nostri decus & gloria, quot & quantis post Nicænos, Antiochenos, Ephesinos & Chalcedonenses Patres, Romanis Pontificibus, ob assertam dignitatem tuam & illius jura, deditus atque obstrictus tenearis. Benefactorum multitudine obrueris, nisi ejus eses firmitatis & constantia, qui pondus infinitum sustineres. Interim colendi sunt omnes memoria beneficii sempiterna: Et tunc demum ita culti dicentur, cum decreta Sedis Apostolicæ ex sacris canonibus Nicænis, Antiochenis, Ephesinis, & Chalcedonensibus promulgata, diligenter à Metropolitanis Episcopis observabuntur. Bene vale, Lutetiæ Parisiorum, Calendas Junii anni MDCLXXIII. 352

## Joannes Launoius NICOLAO GATINÆO.

353 **C**UM nuper expendere simul varias Ecclesiæ definitiones, quas qui seorsum à nobis per religionem sentiunt, apud Bellarminum in libri iv. de militante Ecclesia capite III. tradiderunt posteriori sæculo; tibi venit in mentem de me res quatuor contari.

Et primum quidem, num certa quædam Ecclesiæ definitio ab Apostolicis usque ducta temporibus ad initium Tridentini Concilii pervenerit.

Deinde, si qua pervenit absque intermissione ulla, num retenta fuerit, & Tridentini Concilii tempore, & post Tridentinum Concilium.

Tum, si qua definitio nova, vel interpolata edita fuerit intermisi à catholicis Doctoribus nonnullis, num & Republica Ecclesiastica fuerit, ut ederetur.

Denique, si nova quædam data esset, aut interpolata Ecclesiæ definitio, an retinenda esset, sublata veteri; & quænam, si plures essent, retineretur, & anteferreretur cæteris, dummodo id expedire videretur. Hic est status questionum quatuor, quibus singillatim & ordine respondendum est, non quod

nostris responsionibus tu, cum sis vir doctissimus, indigeas; sed ut inter nos amicitia faciam satis.

Igitur questioni primæ respondeo, certam quandam esse Ecclesiæ corporis Christi definitionem, quæ ab Apostolicis usque ducta temporibus ad initium Tridentini Concilii pervenerit. Sed id non prius explicabo, quam præmiserim certa quædam cum veteris, tum novi Fœderis testimonia, ex quibus formari potuit hæc definitio.

Primum est in Numerorum capite XIX. ver. XX. *Si quis hoc ritum non fuerit expiatus, peribit anima illius de medio Ecclesiæ.* Quid est de medio Ecclesiæ, nisi de medio cætus Fidelium?

Alterum in libri I. Regum capite XVII. ver. XVII. *Noverit universa Ecclesiæ, (cætus nempe Fidelium) quia non in gladio, nec in hasta salvus Dominus.*

Tertium in libri I. Regum capite VII. ver. XIV. *Convertitque Rex faciem suam, & benedixit omni Ecclesiæ Israel: Omnis enim Ecclesiæ Israel stabit.* Utrobique cætus fidelium intelligitur.

Quartum

Quantum in libri I. Paralipom. capite xxix. vers. 1. Locutusque est David Rex ad omnem Ecclesiam, id est, ad cœtum Fidelium omnium.

Quintum in libri II. Paralipom. capite I. vers. v. Altare quoque aeneum quod fabricatus fuerat Beseleel filius Uri filii Hur, ibi erat coram tabernaculo Domini: Quod & requisivit Salomon & omnis Ecclesia, quæ certe alia non est quam cœtus Fidelium.

355 Sextum in Psalmo xxxiv. vers. xviii. Confitebor tibi in Ecclesia magna, quæ cœtus est sine dubio Fidelium.

Septimum in Psalmo cvi. vers. xxxii. Exsultent eum in Ecclesia plebis, in cœtu quippe Fidelium.

Octavum in Psalmo cxlix. vers. 1. Cantate Domino canticum novum, laus ejus in Ecclesia sanctorum, in cœtu videlicet Fidelium.

Nonum in Matthæi capite xvi. vers. xviii. Supra hanc petram adificabo Ecclesiam meam, cœtum nempe Fidelium.

Decimum in Actuum capite v. vers. xi. Intrantes autem juvenes invenerunt illam mortuam, & sepelierunt ad virum suum, & factus est timor magnus in universa Ecclesia, in cœtu videlicet Fidelium omnium.

Undecimum in eorundem Actuum capite viii. vers. 1. Facta est autem in illa die persecutio magna in Ecclesia, quæ erat Hierosolymis, in Ecclesia, in cœtu Fidelium.

Duodecimum in Epistolæ ad Romanos capite xvi. vers. xvi. Salutant vos Ecclesia Christi. Et vers. xxiii. Salutet vos Caius hospes meus, & universa Ecclesia. Utrobique significatur Fidelium congregatio.

Decimum-tertium in Epistolæ I. ad Corinthios capite vi. vers. v. Contemptibiles qui sunt in Ecclesia, in cœtu Fidelium, illos constituite ad judicandum.

Decimum-quartum in ejusdem Epistolæ capite 356 xii. vers. xxviii. Et quosdam quidem posuit Deus in Ecclesia, in cœtu nimirum Fidelium, primum Apostolos, &c.

Decimum-quintum in ejusdem Epistolæ capite xiv. vers. iv. Qui loquitur lingua, semetipsum edificat; qui autem prophetat, Ecclesiam Dei edificat. Ecclesia Dei hoc in loco nihil sonat aliud quam Fidelium congregationem.

Decimum-seximum in Epistolæ II. ad Corinthios capite viii. vers. xviii. Misimus etiam cum illo fratrem nostrum, cujus laus est in Evangelio per omnes Ecclesias: Per omnes puta cœtus Fidelium.

Decimum-septimum in ejusdem Epistolæ capite eodem, vers. xxiv. Ostrationem ergo, quæ est caritatis vestrae, & vestra gloria, pro nobis in illis ostendite in facie Ecclesiarum, id est, in conspectu cœtus Fidelium.

Decimum-octavum in Epistolæ ad Ephesios capite v. vers. xxi. Quoniam vir caput est mulieris, sicut Christus caput est Ecclesia: omnino cœtus Fidelium.

Decimum-nonum in Epistolæ ad Philipenses capite iv. vers. xv. Scitis autem, & vos Philipenses, quod in principio Evangelii, quando profectus sum à Macedonia, nulla mihi Ecclesia communicavit in ratione dati & accepti, nisi vos soli. Ecclesia, qua de agitur, congregatio est Fidelium.

Vicesimum in Epistolæ ad Colossenses capite I. vers. xviii. Et ipse est caput corporis Ecclesia, cœtus utique Fidelium.

357 Vicesimum-primum in Epistolæ I. ad Timotheum capite iii. vers. v. Si quis autem domui suæ præesse nescit, quomodo Ecclesia Dei diligentiam habeat? Hic Ecclesia Dei est societas Fidelium.

Hæc pauca de pluribus, quæ potuerunt in eum sensum addensari. Nunc secure veniendum est ad Patres, Concilia, Romanos Pontifices, Ecclesiasticos tractatores, & celebriores à Schola Theologiæ, & Juris Canonici Magistros, qui Scripturas sacras imitati Ecclesiam cœtum Fidelium, seu congregatio-

nem definierunt, aut si quando non iisdem verbis, certe æquipollentibus utuntur.

I. Ordior ab Justino Martyre, qui haud longe à temporibus Apostolorum fuit, in dialogo contra Tryphonem: Sicut in corpore videre est, cum multis numeratis membris cuncta simul unum vocantur: Sic & permulti numero mortales, perinde atque una res forent, una voce vocantur Ecclesia. Sic Justinus eleganti similitudine, quæ ex beato Paulo repetitur, describit Ecclesiam: Ut multorum membrorum in unum collectio corpus dicitur; sic & multorum hominum, de quibus ibi loquitur, Fidelium congregatio vocatur Ecclesia.

II. Irenæus in libri I. adversus hæreses capite II. Ecclesia per universum orbem usque ad fines terra seminata, & ab Apostolis, & à discipulis eorum accepit eam fidem, quæ est in Deum Patrem omnipotentem. Ecclesia hic est Fidelium congregatio, quæ eandem fidem ubique gentium proficitur. Porro autem illud ipsum in ejusdem libri capite III. repetitur: 358 Hanc predicationem cum acceperit, & hanc fidem, quemadmodum pradiimus, Ecclesia, & quidem per universum mundum disseminata, diligenter custodit.

III. Tertullianus multis in locis Ecclesiam ut cœtum Fidelium deformat. In libri de baptismo capite vi. Ibi Ecclesia, quæ trium corpus est. In libri de exhortatione castitatis capite viii. Sed ubi tres, Ecclesia est, etiam si sint laici. In libri de pudicitia capite xxi. Illam Ecclesiam congregat, quam Dominus in tribus posuit, atque ita exinde etiam numerus omnis, qui in hanc fidem conspiraverint, Ecclesia ab auctore & consecratore censetur, & ideo Ecclesia delicta donabit; sed Ecclesia spiritus per spirituales hominem, non Ecclesia numerus Episcoporum. Et licet Tertullianus Montani doctrina jam imbutus librum hunc exaraverit; observari tamen possunt duo, quæ nostrum ad institutum pertinent. Unum est in istis verbis, Numerus omnis qui in hanc fidem conspiraverint, Ecclesia ab auctore & consecratore censetur, formari posse definitionem Ecclesiæ; nam verba illa non sonant aliud, quam collectionem Fidelium. Alterum in verbis consequentibus, Non Ecclesia numerus Episcoporum: Nam verba hæc in auctoris sensu referuntur alio. Vult dicere Ecclesiam, quæ vincit Episcoporum numero, delicta non donare; sed Ecclesiam quæ gloriatur spiritu, qui Deus est, qui solus delicta donare potest: & hoc est perversum Montani dogma quod notare convenit, ne quis ex posterioribus verbis Ecclesiam definiat, ratus eam se ad Tertulliani mentem definire. Mens siquidem Tertulliani ex illius instituto æstimanda est.

IV. Clemens Alexandrinus in libro vi. Stromatum: Non locum, inquit, sed electorum congregationem appello Ecclesiam. Electorum nomine eos, ni fallor, intelligit, qui ad Christi fidem vocantur, atque ita Ecclesia erit Fidelium congregatio apud Clementem Alexandrinum.

V. Origenes tractatu in caput xvi. Matthæi: Petra enim est, quisquis Christi discipulus est, ex quo biberunt de spiritali consequente petra, super talem petram construitur omnis Ecclesiastica doctrina, & secundum hanc vitæ institutionem: In unoquoque enim perfecto habente congregationem eorum, qui complent beatitudinem verborum, factorum & sensuum, est, quæ à Deo edificatur, Ecclesia. Hæc si conferantur in pauciora, textus veritate salva, ex illis fiet congregatio Fidelium, qua ratione definitur Ecclesia.

VI. Origenes idem, vel alius apud Hieronymum homilia II. in Cantica Canticorum: Ecclesiam autem cœtum omnium adverte sanctorum, id est, Fidelium.

VII. Cyprianus in epistola Lxi. ad Pupianum. Illi, ait, sunt Ecclesia, plebs Sacerdoti adunata, & pastori suo grex adherens. De Ecclesia simpliciter & absolute non loquitur, sed comparete, habito nempe respectu ad Ecclesiam Romanam, ubi propter institutos 360



simul Antifites duos schisma excitatum est. Id verba clamant insequentia Cypriani: Unde scire debes Episcopum in Ecclesia esse, & Ecclesiam in Episcopo, & si quis cum Episcopo non sit, in Ecclesia non esse, & frustra sibi blandiri eos, qui cum Sacerdotibus Dei pacem non habentes, obstrepunt, & latenter a quodam communicare se credunt, quando Ecclesia, quæ catholica est, scissa non sit, neque divisa, sed utique connexa, & coherentium sibi invicem Sacerdotum glutino copulata. Sic luculenter apparet, Cyprianum pro tempore, & ad extirpandum schisma, quo tunc Romana flagrabat Ecclesia, Ecclesiam definivisse plebem Sacerdoti adunatam, & gregem pastori suo coherentem. Verba hæc, *Grex pastori suo adherens*, possessivo nomine privatam Ecclesiam significant, Romanam videlicet, Carthaginensem, & quamcumque aliam, in qua grex pastori suo adhereret, & plebs Sacerdoti suo adunatur. Sublato schismate, Cyprianus catholicam Ecclesiam, quæ una est, definivisset paulo aliter, si definienda proprie fuisset, nec definiendo à Scripturis sacris recessisset. Ecclesiæ definitionem quærimus, quæ Ecclesiæ omni soli & semper conveniat. His, opinor, de causis, reliqui Patres, qui Cyprianum subsecuti sunt ætate, Cypriani definitionem illam suos in usus minime derivarunt. Hanc eos non vidisse quis affirmaret? Viderant quidem & intellexerunt, & ea de causa judicarunt non esse Ecclesiæ definitionem, quæ extra casum propositum vindicanda foret.

VIII. Lactantius in libri iv. de vera sapientia capite xxx. Sola igitur catholica Ecclesia est, quæ verum cultum retinet. Hic est fons veritatis, hoc est domicilium fidei, hoc templum Dei, quod si quis non intraverit, vel à quo si quis exierit, à spe vite & salutis æterna alienus est. Infra: Sed tamen, quia singuli quique cætus hæreticorum se potissimum Christianos, & suam esse catholicam Ecclesiam putant: Sciendum est illam esse veram, in qua est confessio & penitentia, quæ peccata & vulnera, quibus subiecta est imbecillitas carnis, salubriter curat. Hoc autem totum quid aliud, quam cætus Fidelium? Et cætus Fidelium quid rursus aliud, quam Ecclesia, ubi peccata confessione & sincero corde purgantur?

IX. Hilarius in libro vii. de Trinitate: Hoc etiam, inquit, Ecclesia proprium est, ut tum vincat cum leditur, tum intelligatur cum arguitur, tum obtineat cum deseritur: Omnes quidem illa secum atque intra se vellet manere, nec ex tranquillissimis finibus suis aliquos abicere aut perdere, dum indigni sunt tante matris habitaculo; sed discedentibus ex ea hæreticis, vel abjectis, quantum amittit occasionis largienda ex se salutis, tantum assequitur ad fidem expectanda de se beatitudinis. Cognosci enim hoc ex ipsis hæreticorum studiis promissum est: Namque cum à Domino Ecclesia instituta, & ab Apostolis confirmata, una omnium sit, ex qua se diversarum impietatum furens error absciderit, nec negari possit ex viro mala intelligentia, fidei extrinsece diffidum, dum quod legitur, sensui potius coaptatur, quam lectioni sensus obtemperat: Tamen dum sibi partes singula adversantur, non solum suis, sed etiam adversantium est intelligenda doctrinis, ut dum adversus unam omnes sunt, turpissimum tamen errorem omnium per id, quod sola est atque una, confutet. Hæc autem omnia, quæ Hilarius magna cum iudicii vi disputat, unicuique semel atque iterum meditati obijciunt, institutam à Deo Ecclesiam, Fidelium seu Catholicorum cœtum esse, atque ita delineari rectissime, & ab omnibus hæreticorum sectis & coitionibus distincti & internosci: Quæ certa est veræ ac legitimæ definitionis conditio.

X. Basilii Magnus in Psalmi xliv. versiculum: *Astitit Regina à dextris tuis in vestitu deaurato, circumdata varietate. De Ecclesia jam edisserit, de qua in Canticis didicimus, quod una sit perfecta Christi columba, quæ in dextrum Christi locum eos accipit, qui cominanti*

*exercitio bonorum operum toti redduntur Ecclesia cognoscibiles.* Ex his autem verbis alia non potest formari Ecclesiæ definitio, quam cætus Fidelium.

XI. Titus Bostrensis Episcopus oratione in ramos palmarum: Idcirco ivit in cœnaculum ad montem Olivarum, quod est Ecclesia fidelis populi; Atque ita cœnaculum, ad quod ivit Christus, est Ecclesia fidelis populi. Ex his autem facile intelligitur, Ecclesiam esse congregationem Fidelium.

XII. Pacianus in Epistola iiii. ad Sympronianum: 363 Ecclesia plenum est corpus & solidum, & toto jam orbe diffusum, sicut civitas. Infra: Quo cognomine (Christianorum) congregationem plebis meæ agnoscerem. Infra: Proponis, & recte quidem, Ecclesiam esse populum ex aqua & Spiritu sancto renatum, sine negatione nominis Christi, templum & domum Dei, columnam & stabilimentum veritatis, virginem sanctam castissimis sensibus, sponsam Christi ex ossibus ejus & carne, non habentem maculam, neque rugam, integra Evangeliorum jura servantem; Quis hoc nostrum negat? Quinetiam addimus, Ecclesiam esse reginam in veste deaurata & variegata secundum vitam in lateribus Domini, matrem adolescentularum, quarum non est numerus, unam speciosam columbam matris suæ, atque perfectam ipsam omnium matrem, edificatum in fundamentis Prophetarum & Apostolorum, & ipso angulari lapide CHRISTO JESU, domum magnam vasorum omnium diversitate locupletatam, sed hæc omnia posterius: Interim tua illa videamus. At in his omnibus videre est, Ecclesiam esse congregationem plebis Christi, seu quod idem est, Fidelium, seu Catholicorum societatem, quod nec Sympronianus ipse negare audet, immo hoc ipsum asserit; sed omisisse tantum nonnihil, quod Pacianus it postea explicatum.

XIII. Ambrosius in libri i. Hexameron capite i. Ex omni igitur valle congregatus est populus catholicus: Jam multe congregationes sunt; sed una est congregatio, una Ecclesia, quæ scilicet catholici populi, seu catholicorum societas. Deinde enarratione in Psalmum xxxvi. Omnis congregatio cujusque regionis nomen sibi vendicare consuevit, ut Aegyptii, Ethiopes, Syri, Judæi, Arabes, provincia sua terrarumque suarum vocabulum præferunt: Nos de diversis populis congregati, vocabulum nobis unius generis non possumus usurpare; & ideo quia nomen non habebamus in terris, de calo accepimus, ut Christi populus diceremur. At populus Christi idem est ac cætus Fidelium. Tum demum sermone xv. in Psalm. cxviii. Civitas Dei Ecclesia, Ecclesia corpus Christi. Quæ verba eandem notionem præ se ferunt.

XIV. Epiphanius in libri adversus hæreses tomo ii. num. xxxi. Cum igitur Ecclesia doctrinam ejusmodi fidemque, uti diximus, acceperit, eam vel toto orbe diffusam conservat, quasi in una quadam domo habitans ac similiter omnibus illis assentitur, tanquam anima una eodemque corde pradita, eademque concordissime, sic quasi unum os habeat, docet & predicat. Si quis omnia hæc in pauca conferre voluerit, inveniet Ecclesiam esse collectionem hominum, qui ubique sint, in eadem omnes fide atque doctrina vivunt, quod est Fidelium, seu Catholicorum congregatio.

XV. Joannes Chrysostomus homilia x. in epistolam ad Ephesios: Ecclesia nihil aliud est, quam domus edificata per animas nostras. Sed instituto nostro convenientius in sermone, quem habuit antequam iret in exilium: Non manum ambitu constabatur Ecclesia, in numerosa multitudine Ecclesia consistit. Quid hoc sibi vult, explicabit ordine suo Isidorus Pelusiota, qui sancti Patris hujus auditor fuit; sed in antecessum Ecclesia Chrysostomi iudicio est numerosa Fidelium multitudo.

XVI. Auctor imperfecti operis in Matthæum, quod est inter libros Chrysostomi, sive sit illius, sive sit alterius; sed cujuscunque sit, nostrum est homilia x. in

in Matthæum : *Qua est, inquit, hæc civitas? Ecclesia est Sanctorum, de qua dicit Propheta: Gloriosa dicta sunt de te, civitas Dei, Cives autem ejus sunt omnes Fideles, de quibus dicit Apostolus: Vos estis cives Sanctorum, domestici Dei. Hæc est præclara Ecclesiæ definitio, quæ eo prorsus spectat, ut sit Fidelium congregatio?*

XVII. Rufinus in expositione Symboli ad illud, *Sanctam Ecclesiam*: Cum ait, *Ecclesiam hanc Deo esse congregatam*, quid sibi vult, nisi quod illa sit eorum, qui credunt in Deum, id est, Fidelium congregatio?

XVIII. Hilarius Romanæ Ecclesiæ Diaconus in Epistola ad Ephesios capite iv. *Ut quia unum corpus est Ecclesia, unum sapiat populus, quia unum est quod creditur. Deinde in Epistolæ ii. ad Timotheum caput ii. Nam in una domo omnes sub uno sunt nomine: Uno enim domini sui nomine censentur omnes. Mundus autem diversa professionis continet homines, ita ut disparet profectum se habere & Deos & Dominos;* 366 *non ergo domum magnam mundum dixit, sed Ecclesiam, in qua omnes sub unius Domini sunt nomine. Sub unius, inquit, Domini nomine omnes, qui scilicet Christiani vocantur, ita ut Ecclesia nihil sit aliud reipsa, quam Christianorum, seu Fidelium collectio.*

XIX. Hieronymus in Psalmum cxxxiii. *Ecclesia non in parietibus consistit, sed in dogmatum veritate: Ecclesia ibi est, ubi fides una est. Sic Doctor Ecclesiæ, dum ita describit Ecclesiam, ab aliis Patribus non diffedit; immo ad eos accedit, cum verba illa non sonent, nisi Fidelium collectionem.*

XX. Incertus auctor & vetus apud Hieronymum Commentariorum in Epistolæ ad Romanos caput xvi. *Offendit congregationem Fidelium Ecclesiam nominari.*

XXI. Incertus auctor & vetus apud eundem Hieronymum Commentariorum in caput v. Proverbiorum: *Ecclesia & Synagoga, Græca nomina sunt, & unam eandemque rem significant, id est, conventum plurimorum ad invicem: Si autem subtilius distinguatur, Ecclesia convocatio, & Synagoga congregatio interpretatur, & vetus quidem Dei populus utroque nomine vocabatur. Nunc autem gratia distinctionis ille Synagoga, noster Ecclesia dicitur, merito scilicet fidei & scientiæ majoris, quia & irrationabilis creatura potest congregari. Hæc autem omnia eo revolvuntur tandem, ut Ecclesia sit Fidelium societas.*

XXII. Isidorus Pelusiota in libri ii. epistola cxxlvi. 367 *ad Theodosium Episcopum: Quod Sanctorum cætus ex certa fide atque optima vivendi ratione collectus, Ecclesia sit, inter eos constet, qui sapientiam degustaverunt. His in verbis notanda sunt tria. Primum quidem, quod eruditus auctor, cum Sanctorum nomine utitur, Fideles, seu Christianæ religionis professores intelligit, quos Scriptura Sanctos appellat. Deinde quod quam Ecclesiæ notionem tradit, hæc certa & minime dubia est inter Christianos: Atque ii sunt, quos ait sapientiam degustasse, scilicet Christi doctrinam, quæ vera & unica est sapientia. Denique quod Ecclesiæ notio hæc antecedentia sanctorum Patrum testimonia, quæ minus sunt perspicua, illustrat & concludit, & subsequenter præcludit.*

XXIII. Celestinus Papa I. in Epistola ad Presbyteros, Diaconos, Clericos & Solitarios: *Ad eos, qui faciunt Ecclesiam Dei, mihi locuturo det Apostolicus sermo principium.* Epistola hæc extat in Ephesina Synodo: At si Presbyteri, Diaconi, Clerici & Solitarii faciunt Ecclesiam Dei, ut Pontifex loquitur, Ecclesia hæc non multum abest à Fidelium congregatione, in qua sistit Ecclesiæ definitio.

XXIV. Augustinus multis in locis. Primus est in libri de catechizandis rudibus capite i. *Ecclesia est populus Dei per omnes gentes, quod est corpus ejus, adjunctis atque annumeratis omnibus Sanctis, qui etiam*

ante adventum ejus in hoc sæculo vixerunt, ita eum credentes venturum esse, sicut nos venisse. At populus Dei per omnes gentes Fidelium est congregatio.

Alter in libri i. de Baptismo contra Donatistas capite xv. *Ecclesia vero, quod est populus Dei, etiam in istius vita peregrinatione, antiqua res est, in aliis hominibus, habens animalem portionem; in aliis autem spiritualem.* At populus Dei Fidelium est congregatio.

Tertius in libri v. de Baptismo contra Donatistas capite xxvii. *Et quod in Cantico Canticorum Ecclesia sic describitur, Ortus conclusus, soror mea sponsa, fons signatus, puteus aquæ vivæ, paradisus cum fructu pomorum, hoc intelligere non audeo, nisi in Sanctis & Justis, non in avaris & fraudatoribus & feneratoribus & ebriosis & invidis; quos tamen cum justis baptismum habuisse communem, cum quibus communem non habebant utrique caritatem, ex ipsius Cypriani literis, sicut sæpe commemoravi, uberius discimus & docemus. Nam dicit mihi aliquis: Quomodo irrepserint in ortum conclusum & fontem signatum, quos sæculo solis verbis & non factis renuntiasset Cyprianus, & tamen intus fuisse testatur? Si enim & ipsi ibi sunt, etiam ipsi sponsa Christi sunt. Itane vero talis est illa sine macula & ruga, & illa speciosa columba tali membrorum parte turpatur? An iste*

*sunt spina, in quarum medio est illa sicut lilium, quod in eodem Cantico dicitur? In quantum ergo lilium, in tantum & ortus conclusus & fons signatus, in illis videlicet justis, qui in occulto Judæi sunt circumcissione cordis. Omnis enim pulchritudo filia Regis intrinsecus, in quibus est numerus certus Sanctorum prædestinatus ante mundi constitutionem: Illa vero multitudo spinarum, sive occultis, sive apertis separationibus forinsecus adjacet super numerum. Annunciavi, inquit, & locus sum, multiplicati sunt super numerum. Numerus ergo ille justorum, qui secundum propositum vocati sunt, de quibus dictum est: Novit Dominus qui sunt ejus; ipse est ortus conclusus, fons signatus, puteus aquæ vivæ, paradisus cum fructu pomorum. Ex hoc numero quidam spiritaliter vivunt, & supereminenter viam caritatis ingrediuntur; & cum præoccupatum hominem in aliquo instruunt, in spiritu lenitatis intendunt, ne & ipsi tententur: Et cum forte & ipsi præoccupantur, reprimuntur in eis aliquantulum, non autem extinguuntur caritatis affectus, rursusque insurgens & inardescens pristino cursui restituntur. Et quibuscumque interpositis subdit: Ex illis ergo omnibus, qui, ut ita dicam, intrinsecus, & in occulto intus sunt, constat ille ortus conclusus, fons signatus, puteus aquæ vivæ, paradisus cum fructu pomorum. Hæc Ecclesiæ descriptio, etiam si longiore accuratiorque indagationem contineat, eo tamen pertinet, ut Fidelium congregationem exhibeat.*

Quartus in Psalmum xxxiv. concione ii. *Ecclesia est multitudo, qua toto orbe terrarum diffusa est, & hoc est Fidelium cætus.*

Quintus in Psalmum xc. concione ii. *Corpus hujus capitis Ecclesia est, non qua hoc loco est, sed qua hoc loco, & per totum orbem terrarum, nec illa, qua hoc tempore, sed ab ipso Abel usque ad eos, qui nascuntur usque in finem, & credituri in Christum, totus populus Sanctorum ad unam civitatem pertinentium, qua civitas corpus est Christi, cui caput est Christus. Eadem est Ecclesiæ definitio, quæ dilatatur.*

Sextus in tractatu xxv. super Joannem: *Hunc itaque cibum & potum societatem vult intelligi corporis & membrorum suorum, quod est sancta Ecclesia in prædestinatis & vocatis & justificatis & glorificatis Sanctis & Fidelibus ejus. Et hoc est prorsus Fidelium societas.*

XXV. Cyrillus Alexandrinus multis in locis. Primus in libro de Adoratione in spiritu & veritate: Porro spelunca illa in Christo potest intelligi Ecclesia, nempe illud sanctorum hominum diversorium, piorumque



rectum, in quo iusti viri habitabant. Hæc non valde distant à Fidelium cœtu, qui dicitur Ecclesia.

Alter in libro 1. Glaphyrorum super Genesim: Ecclesia primogenitorum discipulorum in cœlis illorum, qui per fidem vocati sunt ad sanctificationem, cœtus à beato Paulo vocatur. Sic auctore sancto Cyrillo, Paulus Apostolus Ecclesiam Fidelium congregationem appellat.

Tertius in oratione 1. super Esaïam: Ecclesias, cum dicimus seu nominamus sanctos in illis cultores, significamus. Hoc autem quid est, nisi cœtus Fidelium, qui Sancti in Scripturis dicuntur?

Quartus in oratione 1v. super eundem Esaïam: Cum dicimus Ecclesiam, non circuitu murorum vim huius distinctionis accommodamus; sed piorum potius in ea sanctissimam multitudinem significamus. Ecclesia igitur est piorum multitudo.

Quintus in caput v. Micheæ: Inhabitat Christus Ecclesiam, & tanquam propriam sibi civitatem fecit, etsi natura divinitatis universa compleat. Hæc itaque civitas Dei, quasi quadam tellus & regio sanctificationum, & unitate in Deo per Spiritum locupletatorum. Periphrasis est, qua Fidelium congregatio significatur.

Sextus in Zachariam: Delectari & letari omnino iussit spiritualem Sion, quæ est Ecclesia Dei viventis, sive ipsa per fidem salvatorum sacratissima multitudo. Sic Ecclesia est Sanctorum multitudo.

XXVI. Joannes Cassianus ostendit duobus in locis inter se collatis, Ecclesiam esse collectionem Fidelium. Primus est in libro vi. de Incarnatione Christi, & sic se habet: Ergo, ut supra dixi, si Sabellianæ, aut Arianae, vel cuiuslibet hæreseos discipulus, atque assertor esses, tueri utique te parentum exemplo velis magistrorum institutione, plebis societate, & Symboli fide. Alter est in libro vii. & sic se habet: Et tu, ô impiissime, atque imprudentissime præclara urbis contaminator, catholica atque sancta plebs gravis & exitiosa contagio, stare in Ecclesia, ac loqui audes. In priori loco Nestorium in absurdam complexionem deducit, cum ait: Si tueri te velis plebis societate. In posteriori quid illa sit plebs, explicat, catholica nimirum & sancta. Quibus ita positis, facile intelligitur, Cassianum in ea fuisse sententia, ut catholicæ & sanctæ plebis societas sit Ecclesia, & Ecclesia sit catholicæ & sanctæ plebis societas, quæ in catholici dogmatis comprobationem, ut magistrorum institutio, & Symbolum adferri legitime potest.

XXVII. Prosper Aquit. in epigrammatum libro.

*Dum lapides vivi pacis compage ligantur,  
Inque pares animos convenit una domus;  
Claret opus Domini.*

His versibus Catholicorum seu Fidelium cœtus facile superstruitur.

Deinde in Psalmum cv. ad illud: Et dicet omnis populus, id est, omnis electio prædestinatorum, omnes filii promissionis qui sunt ex circumcissione, & in præputio gens sancta, populus adoptionis. Quidquid id est, Fidelium congregatio exprimitur.

Denique in Psalmum cvi. Ecclesia catholica in electis suis præcognitis adeo filiis promissionis membris corporis Christi minuitur, nec ad paucitatem redigitur, quia ipsi vere sunt, aut cum lapsi fuerint, reparantur ac permanent, & semper multi sunt, quia de numero eorum nihil perit. Hoc in loco, si bene attendatur, Ecclesia, quæ sit Fidelium societas describitur.

XXVIII. Theodoretus in Epistolæ ad Timotheum primæ caput 111. Hæc ergo scribo docens, quomodo eos oporteat se gerere, quibus credita est animarum cura; domum enim Dei & Ecclesiam appellavit cœtum eorum qui crediderunt. Sic Ecclesia Theodoro est cœtus Fidelium.

Deinde in epistolæ ad Ephesios caput 1. Ecclesiam vocat cœtum Fidelium, ἐκκλησίαν ἡν λέγει ὁ ὁὐρανὸς ὅτι πῶς ἐστὶν. 373 Res ipsa propriis verbis exponitur.

Tum in Psalmum cviii. Ecclesia caput. Dominus vocatur, & corpus ejus cœtus Ecclesia. Eandem auctor ferram reciprocatur.

Hinc in libro 1. super Cantica Canticorum: Si quis autem ades sponsa velit Ecclesiam, quæ ubique gentium in mari terraque sunt, intelligere, à veritate non aberrabit; & recte quidem, quia Ecclesia cœtus est Fidelium, ubicunque hi reperiantur.

Præterea in libro 1v. super eadem Cantica: Sic igitur & Christi Ecclesia animarum virtute perfectarum cœtum revelata facie gloriam Domini speculans, ut ait beatus Paulus, in eandem imaginem transformatur à claritate in claritatem, tanquam à Domini Spiritu, & sit tota splendida, ut luna similis videatur. Luna, inquam, electæ, nec solum luna videtur similis; sed etiam soli, soli, inquam, stuporem spectantibus injicienti. Ecclesia igitur est cœtus animarum virtute perfectarum, id est, Fidelium.

Denique in libri 111. historiæ Ecclesiasticæ capite xiiii. in editione Christophorsoni, & in capite x. in editione Jacobi Sirmondi de filio Sacerdotis locutus Ecclesiam deformat cœtum Fidelium: Per id vero tempus adolescens quidam filius Sacerdotis in falsa religione educatus ad piorum cœtum aggregatus est. At piorum cœtus est Ecclesia, ad quam aggregatus est.

XXIX. Petrus Chrysologus cum in sermone lxi. de Symbolo Apostolorum ad illud, Credo sanctam Ecclesiam, ut confitearis Ecclesiam Christi sponsam in perpetua Christi societate mansuram, dicit, omnino respectum habet ad receptam tunc temporis definitionem Ecclesiæ, nempe quod illa sit Fidelium societas.

XXX. Salvianus Massiliensis Presbyter in libro 111. contra avaritiam: Quæro à vobis cum quibus loquor, cuncti parentes in illis tot ac tantis tunc credentium milibus, tanta fidei perfectione viventibus, omnesque cum filiis, aut omnes sine filiis fuerint? Neutrum, opinor, nulla enim Ecclesia plebs est non de utroque permixta. In his autem verbis prodit se Ecclesia, quæ est credentium multitudo, & Christianæ plebis congregatio.

XXXI. Gregorius Magnus in moralis expositionis super Job libri xix. capita xiv. Sancta quippe Ecclesia sic consistit unitate Fidelium, sicut corpus nostrum unitum est compage membrorum. At ubi est unitas Fidelium, ibi est Fidelium collectio: Sicut ubi est una membrorum corporis unius compages, ibi est membrorum collectio.

Huc nonnullæ Gregorii locutiones pertinent; & primum quidem illa, quæ in libri xviii. moralis expositionis super eundem Job capite xiv. est ejusmodi: Quisquis extra unitatem Ecclesiæ patitur, penas pati potest, martyr non potest extra unitatem Ecclesiæ; perinde est ac si diceret, extra Fidelium societatem. Et paullo post: Una est Ecclesia, in qua qui conflari voluerit, ab omni etiam poterit peccatorum sorde purgari; una est Ecclesia, &c. ac si diceret: Una est Fidelium societas, in qua, &c.

In libri xxxv. ejusdem expositionis capite vii. Quia igitur sæpe septenario numero sancta Ecclesia universitas figuratur, veniant ad beatum Job amici illius, & justum divinitus offerant holocaustum; sed vigilantiter omnino septenarii numeri arcana custodiant, ut videlicet hi qui extra sunt positi, prius universitati sanctæ Ecclesiæ se misceant, & tum demum veniam de reatu pristina elationis exquirant. At extra universitatem sanctæ Ecclesiæ positi, idem est ac extra Fidelium omnium congregationem. Tum miscere se universitati Ecclesiæ, idem est ac miscere se congregationi Fidelium omnium. Et cum paullo post Gregorius subjicit: Ac si hæreticis redeuntibus aperte diceretur: Universali

vos Ecclesia jungite; idem est ac si diceretur: Univerſo Fidelium cœtui vos jungite.

In libri de cura pastoralis parte III. admonitione XXV. Et quia cuncta simul congregatio Ecclesia per confessionem servit testimonio veritatis, non incongrue per Galead exprimitur, quæ ore cunctorum Fidelium de Deo, quæ vera sunt, testatur. At cuncta Ecclesiæ congregatio est Ecclesia.

In homilia XII. super Evangelia: Et quia ex utroque sexu Fidelium multitudo colligitur, sancta Ecclesia decem virginibus similis esse denuntiatur, in qua quia mali cum bonis, & reprobi cum electis admixti sunt, recte similis virginibus prudentibus, & fatuis similis esse perhibetur. Sic Ecclesia dicitur ex utroque sexu Fidelium multitudo.

XXXII. Isidorus Hispalensis in libri de Officiis capite I. Ecclesia autem vocatur proprie, propter quod omnes ad se vocet, & in unum congreget.

Deinde in Exodum capite XIII. Per hanc arcam, quam de lignis impuribilibus Moyses fabricavit, Ecclesia Christi significatur, edificata ex omnibus Sanctis merito & corpore incorruptis, habentibus etiam interius duas tabulas Testamenti. Sic Isidoro Ecclesia est Sanctorum omnium collectio.

XXXIII. Venerabilis Beda in quæstionibus super Genesim: Item quod eadem arca collecta in unum cubitum desuper consummatur, sic & Ecclesia corpus Christi in unitatem collecta sublimatur & perficitur. Hæc facile repræsentant cœtum Fidelium, qui corpus Christi componunt.

Deinde in quæstionibus super librum Jesu Nave: Extra hanc domum, id est, extra Ecclesiam nemo salvatur. At extra Ecclesiam idem est atque extra Fidelium congregationem.

Tum in libri de templo Salomonis capite V. Edificatur ergo in monte domus Domini in visione pacis, quia dilatata per orbem Ecclesia in una eademque fide & veritatis catholica societate consistit, quæ reipsa nihil aliud quam cœtum Fidelium importat.

Denique in caput XXVI. Job: Ecclesia quæ est Sanctorum omnium congregatio, pro æterna sibi in Domino stabilitate columna & fundamentum dicitur veritatis. Commentarius in Job Bedæ tribuitur, etiam si inter Hieronymi opera extet.

XXXIV. Alcuinus sen quisvis alius in libri I. de divinis Officiis capite XII. in expositione Symboli: Sanctam Ecclesiam Catholicam, subaudiis, credo Ecclesia Græce, Latine congregatio Fidelium. Ut sic intelligeretur Ecclesia, derivatus ab initio mos obtinuerat.

XXXV. Carolus Magnus in libro V. Capitularium num. LXXII. Aut contemnentes de Ecclesia non rejicerint. At de Ecclesia rejicere quid aliud est, quam de cœtu Fidelium rejicere?

Deinde in ejusdem libri numero XCVIII. Ut Episcopi incestuosos pariter investigare studeant, omnino precipimus; si penitere noluerint, de Ecclesia expellantur, scilicet de societate Fidelium seu Catholicorum. Quod & Carolus sic explicat in libro VI. num. CCCXIV. Placuit ut Fideles ne parvipendant excommunicationem illorum, quoniam si hoc fecerint, juste segregabuntur à cœtu Christianorum. Ex his autem omnibus apparet Ecclesiam Caroli Magni judicio Fidelium congregationem esse.

XXXVI. Parisiense Concilium VI. in part. II. cap. II. Primum igitur, quod universalis sancta Dei Ecclesia unum corpus esse manifestissime credatur, ejusque caput Christus, Apostolicis oraculis approbamus. Unde Paulus: Vos autem estis corpus Christi, membra de membro; jam sicut in uno corpore multa membra habemus, omnia autem membra non eundem actum habent, ita multi unum corpus sumus in Christo. Item ejus caput Christus, ex quo totum corpus per nexum & conjunctiones administratum crescit in Templum sanctum

in Domino. Quisquis ergo per aliqua illicita ex membro Christi se fecit in membrum diaboli, noverit se non esse in corpore Christi, sed in corpore diaboli. At inter hæc omnia facile eminet Ecclesia, quæ est cœtus Fidelium.

XXXVII. Amalarius Metensis Ecclesiæ Diaconus in libri III. de Officiis capite II. Ecclesia, inquit, est convocatus populus per ministros Ecclesiæ, ab eo qui facit unanimes habitare in domo. A communi notione Ecclesiæ non multum abest.

XXXVIII. Rabanus Moguntinus Episcopus libro XXI. in Epistolam Pauli primam ad Timotheum capite III. Id vero est cognoscendum, quoniam domum Dei Ecclesiam, non domum orationis dicit, secundum plurimorum opinionem, sed Fidelium congregationem. Deinde in libri I. de institutione Clericorum capite I. Ecclesia Græcum est nomen, quod in Latinum vertitur convocatio sive conventus, in eo quod omnes convocet ad se.

XXXIX. Walafridus Strabo in libri de rebus Ecclesiasticis capite VI. Ecclesia quidem Græcum nomen, & interpretatur convocatio vel conventus, cum sit vel generalis Sanctorum unitas in una fide & dilectione conjuncta. Unde una & catholica dicitur Ecclesia, vel singulorum societas sancta locorum. Unde & multa dicuntur Ecclesiæ. Tandem etiam ipsa domus, in qua ad divina vel discenda, vel celebranda convenit multitudo Fidelium, Ecclesia vocatur. In his autem omnibus Ecclesiam Fidelium congregationem esse reperiet quis sine ulla controversia?

XL. Nicolaus I. de Consecrat. dist. I. cap. VIII. Ecclesia, id est, Catholicorum congregatio. Quod omnium sermone promulgabatur, Pontifex constitutioni inserit suæ.

Deinde in Epistola I. Appendicis Epistolarum ejusdem Pontificis: Eum excommunicaret à corpore & sanguine Domini nostri Jesu, & societate omnium Fidelium. Hæc omnium Fidelium societas est Ecclesia.

XLI. Atto Vercellensis Episcopus in libelli de pressuris Ecclesiæ parte prima: Ecclesia est domus, quæ non ex parietibus manufactis, sed ex vivis & electis lapidibus, id est, Sanctorum cœtibus elegantissime constat.

XLII. Burchardus Wormatiensis Episcopus in libri III. de cœtorum capite I. Ecclesia Græcum nomen est, quod in Latinum vertitur convocatio, propterea quod omnes ad se vocet. Quasi diceret: Ecclesia est omnium Fidelium convocatio seu collectio.

XLIII. Sanctus Bruno in prioris ad Timotheum Epistolæ caput III. Quæ domus est Ecclesia, id est, in qua Deus multos ad fidem convocavit, & hoc nihil aliud est quam Fidelium convocatio.

XLIV. Ivo Carnotensis Episcopus in part. III. decreti cap. III. Ecclesia Græcum nomen est, quod in Latinum vertitur convocatio, propterea quod omnes ad se vocet. Idem cum Strabone, & Burchardo sentit, illorum verba descripsit, & sua probando fecit.

XLV. Elias Cretensis in orationem LII. Gregorii Nazianzeni: Ecclesia aptissimo vocabulo appellatur, quod simul omnes eos, quibus salus cordis est, ad se vocet & colligat. Sic Ecclesia est Fidelium congregatio.

XLVI. Herveus Dolensis Monachus in prioris ad Timotheum Epistolæ I. caput III. Quæ domus, in qua Deus inhabitat, est Ecclesia ex multis collecta Fidelibus, scilicet quia Fidelium est collectio. Dolensis commentarius in Epistolas beati Pauli extat inter opera beati Anselmi.

XLVII. Odo Cameracensis in sacri canonis expositione dist. III. ad illud, Sed & plebs tua sancta: Quæ pro veneratione hujus sacrificii, hic est in presenti devotæ collecta, vel secundum solitarios in unitate Ecclesia fideliter ubique vivendum. Hoc autem quid aliud tum demum



demum præ se fert, nisi quod Ecclesia sit Fidelium collectio?

XLVIII. Euthymius Zigabenus in Psal. ci. ad illud, *In medio Ecclesia laudabo te: Ecclesia congregatio- nem & cætum hominum significat.*

- 381 XLIX. Sanctus Bernardus serm. LXI. in Cantica Cantorum: *Nec puto abs te esse, si intelligimus, Angelorum custodiam vicem exhibere maceria in vinea Domini, quæ est Ecclesia prædestinatorum.* Deinde serm. LXVIII. in eadem Cantica: *Et quid sponsa, nisi congregatio iustorum? Quid ipsi, nisi quærentium Dominum, quærentium faciem sponsi? Consentit iis, qui Ecclesiam definiunt congregationem Fidelium.*

L. Joannes Cyparissota in Palamitarum transgressionum serm. iv. cap. i. definitiones Ecclesiæ tres exponit. Prima est. *Sancta Dei Ecclesia, juxta quod divinitus tradita est, à Patribus accepta eloquia, sacra congregatio, nedum ex pluribus ac beatis non consurgens, sed ex iis etiam, qui minores sunt in nomine veri luminis, quod illuminat omnem hominem venientem in hunc mundum.*

*Secunda. Sancta Dei Ecclesia est sacer conventus, funiculus hereditatis Christi, regale sacerdotium, populus acquisitionis in petra Apostolicarum & patronarum traditionum fundatus, nihilque novitatis admittens ad ever- tenda quæ ab initio suscepit dogmata.*

*Tertia. Sancta Dei Ecclesia est Christi corporis mem- brorum integritas ad unum reducta caput, juxta quod dictum est à Domino: Et erit unum ovile, & unus pas- sor. Ecclesiæ definitiones duæ priores idem reipsa sunt, aut certe parum inter se differunt. Tertia inclu- dit Christum caput Ecclesiæ.*

- 382 LI. Petrus Venerabilis in opusculo de auctoritate Ecclesiæ, contra Petrobrussianos: *Dicitur Ecclesia, ut ipsi dixisti, congregatio; sed non omnium, non pecorum, sed hominum, sed Fidelium, bonorum, iustorum. Quod si aliquando inter bonos illos mali, inter iustos iusti aut patent, aut latent, non idcirco minus Ecclesia dicitur. Sic inter hæreticos & Catholicos convenit, quod Ecclesia sit Fidelium congregatio.*

LII. Honorius Augustodunensis in Gemma animæ capite III. *Ecclesia dicitur convocatio, quæ non timore, sed amore Spiritus sancti unam fidem convocatur. Ecclesiæ periphrasis, cum simplicius dici potuerit Fidelium congregatio.*

LIII. Hugo Victorinus in part. II. de Sacram. cap. II. *Ecclesia sancta corpus est Christi uno spiritu vivificata, & unita fide viva, cujus corporis membra singuli quique Fidelium existunt. Et paulo post: Ecclesia sancta, id est, universitas Fidelium, corpus Christi vocatur, propter Spiritum Christi quem accepit. Sic auctor celebris traditam ab antiquis Patribus, & maxime à Nicolao I. definitionem Ecclesiæ interpretatur.*

LIV. Magister sent. Parisiensis Episcopus acceptam à majoribus definitionem Ecclesiæ sequitur pluribus in locis libri iv. sententiarum. Et primo quidem in dist. iv. ubi ait: *Qui baptizantur, Fideles dicuntur, qui à Fidelium consortio non separantur, cum orat Ecclesia pro defunctis.* Deinde in dist. XIII. *Hæreticus à catholica Ecclesia præcisus nequit, &c. Tum in dist. xv. Et alius modus ligandi per ex- communicationem, cum quis à Fidelium consortio præscinditur. Denique in dist. xxv. Hæretici ab Ecclesia præcisi, & Catholici ad catholicam societatem venientes, &c. At ex his omnibus loquendi modis facile colligitur, Magistrum in ea fuisse sententia, ut crederet Ecclesiam nihil aliud esse præter con- gregationem Fidelium. Quid enim est separari vel non separari à consortio Fidelium, quam separari vel non separari ab Ecclesia? Sic Ecclesia & Fi- delium consortium non distinguuntur aliter quam apud Dialecticos definitum & definitio. Quid aliud est præcindi ab Ecclesia, quam præcindi à ca-*

tholica societate? Quid rursus aliud ad catho- licam societatem, quam ad Catholicorum congre- gationem, quæ à Nicolao Papa dicitur Ecclesia, redire?

LV. Arnulphus Lexoviensis Episcopus in sermo- ne quem in Synodo habuit: *Ecclesia sicut nobis carissimi fratres, congregatio Fidelium dicitur. Fi- deles autem sunt, qui censentur nomine Christiano, qui scilicet de agnitione fidei catholica Christiani nominis contrahunt dignitatem.* Exponit Ecclesiæ definitio- nem, quæ in ore versabatur omnium. Quo fit ut illa carissimis quoque illis fratribus tribui possit non immerito, cum illam taciturnitate sua compro- barunt.

LVI. Guillelmus Abbas in libri II. de vita san- cti Bernardi capite vi. *Ecclesia una est, & quid- 384 quid extra eam est, quasi extra arcam judicio Dei necesse est interire & dilui.* Describit Ecclesiam ex- tra quam, Fidelium videlicet conventum, non est salus.

LVII. Alanus insignis ille Theologus, qui contra Waldenses calumum exaravit in libro I. *Similiter a- liis sacramentis derogantes scribum, locum materiale non esse Ecclesiam, sed conventum Fidelium.* Infra: *Sci- endum ergo quod Ecclesia dicitur locus materialis, & Ec- clesia conventus Fidelium, sicut & Jerusalem dicta est, de qua dictum est: Ascendit Jesus in Jerusalem; & conventus populi, qui erant in Jerusalem.* Sic Alano Ecclesia est conventus Fidelium.

LVIII. Guillelmus Autissiodorensis in libri III. summæ capite iv. *Et ita tunc erat Ecclesia, id est, congregatio Fidelium.*

LIX. Lateranense Concilium universale, cui præ- fuit Innocentius III. in cap. I. *Una est Fidelium uni- versalis Ecclesia, extra quam nullus omnino salvatur. Universale Concilium acceptam à Patribus, & Sedis Apostolicæ Præsulibus rationem Ecclesiæ semel atque iterum confirmat. Semel quidem cum ait: Una est Fidelium universalis Ecclesia, id est, Catholicorum collectio. Iterum vero cum addit: Extra quam nullus omnino salvatur. Quis eam definitionem non esse le- gitimam pugnaret?*

385 LX. Alexander Alenis part. iv. quæst. II. memb. iv. art. III. *Ecclesia tota est in Christianis, quod idem est ac si diceret: Ecclesia est Christianorum seu Fidelium congregatio.*

LXI. Albertus Magnus in tractatu III. de sacrifi- cio Missæ cap. vi. *Græco nomine Ecclesia etiam Lati- no nomine dicitur convocatio; & quia voces & convo- cationes sunt rationalium tantum animalium, & inter homines rationales non sunt, nisi verbum rationale fidei audientes, & intra percipientes, idcirco dicitur Ecclesia Fidelium congregatio.*

LXII. Sanctus Bonaventura serm. I. in Hexame- ron: *Loquendum est ergo Ecclesia, quæ quidem convo- catio est rationalium. Synagoga autem est gregum & hominum brutaliter viventium. Ecclesia loquendum est, quæ quidem est unio rationalium uniformiter & con- corditer unitorum per concordiam, & uniformem custo- diam divinæ legis, per unionem & concordiam coheren- tium divinæ pacis, per uniformem & concordem consan- tiam divinæ laudis. Hic multa sunt verba, quæ tum demum in Catholicorum seu Fidelium collectio- nem resolvuntur.*

LXIII. Sanctus Thomas multis in locis Ecclesi- am definit collectionem seu congregationem Fide- lium.

Primus est in quartum sent. dist. vi. art. iv. in quæst. I. *Ad primum dicendum, quod baptismus dicitur fidei sacramentum, quæ per eum homo caribus Fi- delium aggregatur, id est, Ecclesiæ, quæ cætus est Fi- delium.*

Alter in dist. XIII. quæst. II. art. I. in corpore: *Et quia congregatio corporis mystici per unitatem veræ fidei*

386 fidei primo constituitur: Ideo haeticus secundum nos dicitur, qui à communi fide, quæ catholica dicitur, discedit, contraria opinioni vehementer inherens per electionem. Aggregatio corporis mystici per unitatem veræ fidei est Ecclesia.

Tertius in dist. xx. quæst. i. art. viii. Cum Ecclesia sit congregatio Fidelium: Congregatio autem sit duplex, scilicet OEconomica, ut illi, qui sunt de una familia; & Politica, sicut illi, qui sunt de uno populo: Ecclesia simulatur congregationi politica, quia ipse populus Ecclesia dicitur. Hæc perspicua sunt.

Quartus in libro iv. contra gentes cap. lxxviii. Matrimonium ordinatur etiam ad perpetuitatem Ecclesie, quæ in collectione Fidelium consistit.

Quintus in opusculo, quod expositio primæ decretalis inscribitur: Ecclesia nihil est aliud quam aggregatio Fidelium.

Sextus in opusculo, quod Symboli expositio inscribitur: Unde Ecclesia sancta, catholica, idem est quod congregatio Fidelium, & quilibet Christianus est sicut membrum ipsius Ecclesie.

lxiv. Richardus de Mediavilla, celebris ex Ordine Minorum Theologus in libri iii. super sent. distinct. xiii. art. ii. quæst. i. Quantum ad primum, sciendum, quod cum Ecclesia sit collectio Fidelium, ut habetur de consecrat. dist. i. Ecclesia potest dici corpus ad similitudinem corporis homogenei. Traditam à Nicolao I. definitionem Ecclesie amplectitur.

387 lxxv. Durandus Mimatenfis Episcopus in libri i. de Officiis capite i. Prius est ut de Ecclesia & ejus partibus videamus. Notandum est ergo, quod Ecclesiarum alia est corporalis, in qua scilicet divina Officia celebrantur; alia spiritalis, quæ est Fidelium collectio. De consecrat. dist. i. Durandus Ecclesie definitionem accepit à Nicolao Papa primo.

lxxvi. Joannes XXII. in extravaganti de celebratione Missarum: Cum itaque catholicam Ecclesiam, quæ congregationem Fidelium comprehendit, videamus, &c. Perinde est ac si diceret: Catholica Ecclesia est Fidelium congregatio.

lxxvii. Alvarus Pelagius ex Ordine Minorum, Silvensis Episcopus, in libro de planctu Ecclesie art. xxxvii. Secundum fratrem Alexandrum de Ordine Minorum, Magistrum in Theologia solemnissimum, Ecclesia est multitudo Fidelium, sive universitas Christianorum. Antiquam traditionem sequitur, tantum abest ut ab ea per novitatem recedat.

lxxviii. Nicolaus Liranus Parisiensis, ex Ordine Minorum Theologus, in Matthæi caput xvi. Ecclesia non consistit in hominibus ratione potestatis vel dignitatis Ecclesiastica, vel secularis, quia multi Principes & summi Pontifices inventi sunt apostatasse à fide, propter quod Ecclesia consistit in illis personis, in quibus est notitia & vera confessio fidei & veritatis. Et hoc nihil aliud est præter collectionem Fidelium; sed non infestiva est ratiocinatio, qua auctor, ut illuc perveniat, utitur.

388 lxxix. Thomas Waldensis Parisiensis, ex Ordine Carmelitarum Theologus in tomo i. doctrinalis fidei antiquæ lib. ii. art. ii. cap. viii. Idcirco non electorum tantum est Ecclesia, nec etiam reproborum; sed Ecclesia mixta est ex reprobis cum electis. Deinde in tomo ii. de sacramentalibus. Secundum, inquit, utramque literam nomen Ecclesia vel multitudinis Israel verissime secundum intentionem primam dicitur de tota illa collectione Fidelium. Nicolaus Papa & Lateranense Concilium per os Waldensis loquuntur.

lxxx. Definitio hæc transire debet in Facultatis Theologie Parisiensis sententiam, quod Facultas Waldensis librum de sacramentalibus probavit, & probando suum fecit. Illius adscribo verba: Decreverunt Decanus & Facultas Theologiae Scholæ Parisiensis

librum hunc à præclarissimo Doctore Thoma Walden compositum admodum utilem esse, dignumque qui edatur: Qui quidem ad enervandas Lutheranas calumnias atque hereses Reipublica christiana perniciosissimas plurimum conducit, &c. Anno Domini MDXXIII. Idibus Decembris, de mandato domini Decani, & ex ordinatione sacre Facultatis.

lxxxi. Quod modo de Facultate Theologie Parisiensis notavimus, notandum est pariter de Martino V. & Romanis Censoribus, qui Waldensis librum probarunt, & probando suum fecerunt. Id constat ex Epistola, quam auctori Pontifex ille sic scripsit: Dilecto filio Thoma Waldensi, Ordinis beate Mariae de Monte Carmelo provinciali Angliæ, sacra Theologia Magistro. Dilecte, fili, salutem & Apostolicam benedictionem: Placuit primo nobis opus quod edideras contra Hussitas haeticos, teque fuimus adhortati, ut id quod restabat in materia de sacramentis, simili perscueres studio & diligentia; quod te fecisse gaudemus, & tuum studium utile & salutare Ecclesie commendamus. Recepinus enim nuper de manu dilecti filii Joannis, Ordinis beate Mariae de Monte Carmelo Magistri in sacra pagina, latoris presentium, volumen secundum de sacramentis quod per solennes viros examinari fecimus, sicut primum, quod pariter ab omnibus commendatum est. Et quibusdam interpolitis: Datum Romæ apud sanctos Apostolos sub annulo Piscatoris viii. Augusti, pontificatus nostri anno x. qui anno Christi mcccxxxvii. responderet. Sic Ecclesie definitio hæc, Fidelium collectio, tam est Martini V. qui Waldensis librum probando illam probavit, quam Waldensis, qui librum composuit, eique relatam Ecclesie definitionem intulit.

lxxxii. Joannes Gerson Parisiensis Cancellarius in tractatu super Magnificat, partitione iii. Est enim Ecclesia congregatio, seu potius convocatio Fidelium, prout accipitur à triumphante distincta. Nicolai Papæ & Lateranensis Concilii, cui præfuit Innocentius III. discipulum se præbet, & traditam ab eis definitionem Ecclesie assumit.

lxxxiii. Tostatus Abulensis Episcopus in caput xiii. Geneseos quæst. dēclxiii. Hoc attendendum est, quod aggregatio Fidelium, quæ facit Ecclesiam, vocatur aliquando corpus Christi vel membra ejus: Fidelium quidem aggregatio facit Ecclesiam, quia definitio est Ecclesie. Tum in præfatione super Evangelium Matthæi quæst. xii. Dicendum quod Ecclesia, quæ est congregatio Fidelium, habet multas partes necessarias, sine quibus manere non potest. Quod continuo probat ex Epistolæ ad Ephesios capite vi. & ex epistolæ prioris ad Corinthios capite xii. Denique in parte ii. Defensorii cap. xxxvii. Ecclesia est tota universitas Christianorum.

lxxxiv. Nicolaus Panormitanus Archiepiscopus in cap. Significasti. de electione: Universalis Ecclesia constituitur ex collectione omnium Fidelium; unde omnes Fideles orbis constituunt istam Ecclesiam universalem, cujus caput & sponsus est Christus.

lxxxv. Nicolaus Cusanus Cardinalis in libri i. de Concordantia catholica capite i. Ecclesia est corpus unum, ex omnibus rationabilis creatura spiritibus adhaerens capiti suo Christo.

lxxxvi. Joannes Turrecremata Cardinalis in libri i. de summa Ecclesie cap. i. Habemus jam ex dictis, quid nominis Ecclesia, ex quibus illico colligitur notitia ejus, quid sit Ecclesia secundum rem: Est enim Catholicorum seu Fidelium collectio.

lxxxvii. Joannes Ragusius in oratione, quam de communionem sub utraque specie habuit in Basilienfi Concilio: Oportet igitur, quod certa & manifesta sint signa & indicia Ecclesie catholice, per qua discernantur oves à lupis: hujus autem signa sunt unitas fidei, unitas sacramentorum & preceptorum Dei. Et post alia: Uterius ex prædictis potest colligi una descriptio Ecclesie catholice; talis videlicet, quod Ecclesia est corpus mysticum



sticum, organicum, fide Christi animatum. Corpus ponitur loco generis; additur mysticum, ob differentiam corporis naturalis, licet ad similitudinem ejusdem dicatur sic; organicum, propter diversitatem statuum, graduum & officiorum, ad similitudinem diversorum membrorum in corpore naturali, quæ sunt diversa organa. Quæ declarans Apostolus, inquit prima ad Corinthios XII. Sicut corpus unum est, &c. Ex quibus verbis & sententiis Apostoli clare habentur particula tres, scilicet, quod Ecclesia est corpus mysticum, organicum. Additur autem, fide Christi animatum, per quam Ecclesia militans in tali esse constituitur, & ab omni alia Ecclesia sive congregatione distinguitur. Hæc Ecclesiæ descriptio, quæ explicatur latius, reipsa non distinguitur à recepta Ecclesiæ definitione, quæ se habet: Ecclesia est Fidelium seu Catholicorum collectio.

LXXXVII. Cracoviensis Academia in tractatu super auctoritate sacrorum canonum: Est ergo Ecclesia corpus mysticum, organicum, fide Christi animatum. Corpus ponitur pro genere: Additur, organicum, id est, habens organa, quia secundum Apostolum, Sicut in uno corpore non eundem actum habent; ita multi sumus unum corpus in Christo; singuli autem alter alterius: Et sicut unum membrum servit sibi & toti corpori, sic in Ecclesia militante, diversi in diversis statibus & officiis sibi & aliis in Ecclesia subministrant. Addunt, mysticum, quia secundum Apostolum, Sicut corpus unum est, & multa membra habet, omnia autem membra corporis cum sint multa, unum corpus sunt: Ita & omnes nos, qui in Christo baptizati sumus, unum corpus constituimus Ecclesia, I. Corinth. XII. Additur, fide Christi animatum, quia sicut anima corpus, sic fides animam vivificat, dicente Scriptura: Justus ex fide vivit. Ex quo fit, quod omnes baptizati habentes fidem Christi sive informem, sive formatam, constituunt Ecclesiam militantem. His autem, quæ mox Ragulius tradidit, & fuscæ tractavit Cracoviensis Academia, subductis omnibus, res eo venit, ut Ecclesia sit Fidelium congregatio.

LXXXIX. Sanctus Antoninus Florentinus Archiepiscopus tit. XII. de Ecclesiis & eorum patronis: Ecclesia tripliciter accipitur, pro collectione Fidelium generalis, pro congregatione Justorum speciali, alias spirituali, pro adificatione lapidum materialis. De prima acceptione dicitur prima ad Timotheum III. Scias quomodo in domo Dei oporteat te conversari, quæ est Ecclesia Dei vivi, id est, congregatio Fidelium. Infra: Secundo modo sumitur Ecclesia pro congregatione bonorum Fidelium, qui sunt per caritatem Christo incorporati, &c.

LXXX. Pius II. in libro I. de gestis Basileensis Concilii: Ecclesia est Fidelium multitudo ubique gentium dispersa. Et paulo post: Ecclesia ergo significat congregationem multitudinis: Dicitur Ecclesia, id est, multitudo Fidelium congregata in Concilio generali.

LXXXI. Dionysius Cartulianus in Mattheum art. XXVIII. Aedificabo, hoc est, spiritualiter collocabo, & confirmabo Ecclesiam meam, id est, congregationem Fidelium, corda eorum per fidem, caritatem & gratiam mihi inseparabiliter connectendo, ita ut omnes sint unum corpus mysticum, unaque domus.

LXXXII. Sanctus Bernardinus Senensis in serm. XX. feriæ III. post secundam Dominicam in Quadragesima cap. II. Ecclesia unum est corpus per vinculum caritatis. Deinde in serm. XXXVII. feriæ V. post Dominicam V. in Quadragesima: Ecclesia duplex est, militans & credentium in Deum, triumphans, &c. Utroque Ecclesia Fidelium est congregatio.

LXXXIII. Ambrosius Calepinus ex Ordine Eremitarum sancti Augustini, in suo dictionario: Fidelium omnium, qui per orbem sparsi sunt, universitas, à Christi Ecclesia dicitur.

LXXXIV. Sylvester Prietas Ordinis Prædicatorum Magister generalis in summa, verbo, Ecclesia: Kdatum

Ecclesiam esse idem proprie quod populus convocatus seu adunatus in Dei cultu. Et hoc nihil est aliud quam cœtus Fidelium.

LXXXV. Goffridus Boussardus Parisiensis Cancellarius in expositione canonis Missæ ad illa verba: Offerimus pro Ecclesia sancta. Ecclesia est congregatio fidelium. Et paulo post: Est congregatio omnium Fidelium à principio mundi usque ad consummationem sæculi.

LXXXVI. Jacobus Almainus Parisiensis Theologus in libri de auctoritate Ecclesiæ & Conciliorum capite II. Cum Christi Fidelium collectio non sit solum corpus politicum, & ad finem naturalem ordinatum, quod est vivere secundum virtutem naturalem; verumetiam est corpus Christi mysticum ad finem supernaturalem, vitam scilicet æternam, ordinatum. Sic corpus Christi mysticum, & Fidelium collectio est Ecclesia. Hæc convertuntur apud Dialecticos.

LXXXVII. Thomas Cardinalis Cajetanus in libri de auctoritate Papæ & Concilii capite VI. oblatam ab adversario Almaino definitionem Ecclesiæ, quæ est Fidelium collectio, admittit, nec ullo modo impugnatur, etiam si lites multas circa Ecclesiam moveat. Deinde idipsum dicit in tertiam partem quæst. VIII. art. III. in responsione ad secundum. Quod, inquit, intellige formaliter de Ecclesia militante, hoc est, de congregatione Fidelium existentium in caritate.

LXXXVIII. Philippus Decius in sermone pro justificatione Pisani Concilii: Constat & omnibus exploratum est, Ecclesiam universalem, quæ congregatio Fidelium dicitur, can. Ecclesia, de consecrat. dist. I. indigere reformatione in capite & in membris.

LXXXIX. Dominicus Jacobatus Cardinalis in libri de Conciliis art. I. num. XVII. quot modis dicitur Ecclesia. Vide . . de consecrat. dist. I. capitulo Ecclesia, ubi à Nicolao Papa definitur fidelium sive Catholicorum collectio. Cardinalis in Papæ sententiam discedit.

XC. Polydorus Vergilius in libri IV. de invent. rerum capite I. Et hæc est Ecclesia sancta, id est, communio Sanctorum supra petram fidei adificata, cujus caput existit Christus. Deinde in cap. II. Crescebat Ecclesia Fidelium; Ecclesia nimirum, quæ est communio seu cœtus Fidelium.

XCI. Judocus Clithoveus Parisiensis Theologus in serm. de nono art. fidei Symb. Porro Ecclesia diffinitur tota Fidelium & in Christo regenerationem congregatio, quæ corpus est Christi mysticum; & Christus, ut homo, ejus caput, sicut dicit Apostolus scribens ad Ephesios capite I.

XCII. Joannes Rossensis Episcopus in præfatione libri IV. contra Oecolampadium sub finem: Quid est Ecclesia catholica, nisi corpus unum ex plebe Patribusque collectum, ubicunque fuerint per orbem sparsi? Deinde in opere contra Ulricum Velenum in illius conclusione: Ecclesia quid aliud est quam Fidelium in quandam unitatem collectio?

XCIII. Franciscus Lychetus ex Ordine Minorum Theologus in Commentario ad quæst. II. prologi Joannis Scoti: Ecclesia est illa hominum congregatio, quæ semper ab initio institutionis suæ manebit stabilis in ejusdem fidei ac doctrinæ professione.

XCIV. Senonense Concilium, quod anno MDXXVIII. celebratum est in decreto I. inter decreta fidei: Ecclesia est tabernaculum illud Dei cum hominibus, in quo habitabit cum eis. At ipsi populus ejus erunt, & ipse Deus cum eis erit eorum Deus. Hæc autem Ecclesiæ descriptio quid aliud est, quæso, quam Fidelium societas cum Deo?

XCV. Joannes Major Parisiensis Theologus in Matthei caput XVI. Ad secundum dicimus: Ecclesia est Fidelium collectio.

XCVI. Guillelmus Parvus Parisiensis ex Ordine Prædicatorum Theologus, & Sylvanectensis Episcopus, in

in horto fidei ad art. ix. Symboli Apostolorum: Circa quod sciendum est, quod Ecclesia idem est quod congregatio. Unde Ecclesia sancta idem est quod congregatio Fidelium, & quilibet Christianus & sicut membrum illius. Deinde in libro Gallico, qui viator salutis Latine diceretur, ad art. ix. Symboli Apostolorum: Credo sanctam Ecclesiam catholicam, id est, Credo congregationem omnium Fidelium in una fide, cujus caput est Dominus noster JESUS CHRISTUS.

XCVII. Claudius Viexmontius in confessionis methodo, quam ad Navarrici Collegii Parisiensis usum composuit anno MDXXXII. Est autem Ecclesia tota Fidelium in Christo per baptismum regeneratorum congregatio, cujus Christus caput est, & optimi quique Christiani ejus membra sunt, invicem caritatis vinculo conjuncta; mali etiam ejus membra, sed putrida, & per peccatum mortua. Hac in expositione Symboli Viexmontius id habet, quod ad perfectam Ecclesiae definitionem pertinet: Scilicet Ecclesia Viexmontio est Fidelium seu Catholicorum congregatio, cum ait Ecclesiam esse Fidelium in Christo per baptismum regeneratorum congregationem. In hac igitur definitione retinetur antiqua Patrum, & Nicolai Papae, & Lateranensis Concilii traditio, quae redditur illustrior nonnullorum accessione.

XCVIII. Parisienses Theologi cum hanc confessionis methodum probarunt, probando suam fecerunt. Quo fit ut Ecclesiae definitio, quae est apud Viexmontium, Parisiensibus illis Theologis merito tribui possit.

XCIX. Albertus Pighius in libri i. de Hierarchia capite i. Ut evidens faciamus quam sit Christi Ecclesia, ab ipsa nominis notione exordium est. Ecclesia itaque Latine multitudinem, cœtum aut conventum significat: Græca enim vox est, multitudinem non qualemunque, sed convenientem & conciliatam in unam aliquam societatem. Et quamvis varia formae sint humanarum societatum, ut ob causas finesque diversos in unum conveniunt, concilianturque homines, & secundum suam formam, sua cuique imposita conveniens nomenclatura, ut inter se convenient homines ad finem supernaturalem assequendum in fide, cultuque Dei ac religione & spe salutis inde adipiscendae, ejusmodi hominum societati Ecclesiae vocabulum appropriatum esse in Scripturis Ecclesiasticisque scriptoribus plane intelligimus. Sed quoniam & vera est & falsa de Deo fides, vera falsaque religio, veri Dei falsorumque deorum cultus, hic statim in duo è diametro se secat Ecclesia, videlicet in Ecclesiam sanctam, quae rectam de Deo fidem servat, vera religione verum Deum colit & adorat, & ab eo salutem suam exspectat: Et in eam, quae dicta omnia non habet sincera ac recta; sed vel in omnibus, vel in aliquo eorum aberrat. Quae omnia si paullo considerentur attentius, tum demum eo spectant, ut Ecclesia sit Christi Fidelium congregatio.

C. Desiderius Erasmus in explicatione Symboli Apostolorum, catechesi v. Ecclesia societas & contubernium est, non quorumlibet, sed sanctorum: Quemadmodum concio Latine declarat conventum, non quorumlibet, sed ejusdem reipublica civium in unum congregatorum ad consultandum de communibus commodis. Et paullo post: Satis est credere in terris esse quandam societatem ad vitam prædestinatorum, sive apud Indos, sive apud Gaditanos, sive apud Hyperboreos, sive apud Afros.

CI. Adamus Salseboltus Lovaniensis Theologus in oratione quodlibetica: Ecclesia est convocatio in unam aliquam societatem, qua in fide cultuque Dei & religione consensit. Definitionis antiquae paraphrasis est.

CII. Joannes Driedo Lovanensis item Theologus in libri iv. de Dogmatibus Ecclesiasticis capite 11. Ecclesia generaliter, secundum institutionem accepto vocabulo, est multitudo hominum consentientium aut

convenientium in unam aliquam societatem; velut cum dicimus Ecclesiam Christi, significamus eos qui conveniunt in Christo. Et paullo post: Ecclesia sancta est multitudo, qua sancta unitate latatur, unitate intellecta, non secundum congregationem in unam patriam vel provinciam, in unum corporalem locum, sed secundum unionem unius signaculi fidei, & unius spiritus vivificantis in omni loco & gente, sive se facie noverint, sive non noverint. Quod Salseboltus paucis, Driedo pluribus verbis exponit. Quidquid id est, uterque ea, quae ex Augustini libro de catechizandis rudibus supra retuli, amplificandum esse duxit. Ecclesiarum Magistro, Ecclesia est populus Dei per omnes gentes, & populus Dei per omnes gentes nihil aliud est quam Fidelium collectio.

CIII. Catechismus Romae editus Italice anno MDXLV. M. Che cosa e questa chiesa catolica? F. La congregation Dei Fidei, laquale Deo a ordinata & eletta a vita eterna. Latine: Quid est Ecclesia catholica? Est Fidelium congregatio, quae a Deo ad vitam eternam ordinata & electa est.

Hic finitur circa definitionem Ecclesiae traditionis linea, quam non solum ab Apostolis, sed etiam convenienter Scripturae sacrae ad tempus usque Tridentini Concilii duximus, & per consequentes annos 400 omnes ducendo quaestioni tuae primae respondimus, nimirum certam esse & constantem Ecclesiae definitionem, quae in Fidelium congregatione consistit.

Nunc veniendum est ad quaestionem secundam, utrum definitio haec, quae a primis ærae Christianae seculis usque ad initium Tridentinae Synodi sine controversia ulla atque inoffenso pede pervenit, & Tridentinae Synodi tempore, & post illud tempus retenta fuerit: A pluribus Magistris retentam fuisse demonstratum imus.

\*I. Demonstrationis hujus initium faciet Moguntinum Concilium in Christianae institutionis articulo x. Ecclesia, inquit, est cœtus hominum, qui a primo electo usque ad ultimum Deo per fidem Christi inhaerent.

II. Matthæus Orius Parisiensis ex Ordine Prædicatorum Theologus in libro de quinque verbis Pauli contra hæreses: Nam sicut corpus unum est, & multa membra habet; omnia autem membra cum sint multa, unum corpus sunt: ita Christus. Etenim omnes Fideles unum corpus Christi sunt, qui eodem spiritu vivunt, eadem caritate connectuntur, eundem panem & eundem calicem participant. At quid hoc aliud est, quam Fidelium seu Catholicorum collectio, quae repetitis ex Epistolis beati Pauli exemplis illustratur?

III. Joannes Gropperus in Christiana institutione: Ecclesia est societas omnium Fidelium, inde ab initio mundi in unum corpus mysticum sub uno capite Christo per Spiritum sanctum artificissima conjunctione in vinculo caritatis & pacis conglutinata. Hæc ille, qui recusato cardinalitii galeri honore, sua sorte contentus esse voluit.

IV. Michael Buccingherus Colmariensis Presbyter in Ecclesiastica historia: Ecclesia catholica militans est Sanctorum communio seu congregatio complectens tam bonos quam malos. Vel aliter: Ecclesia est multitudo seu collectio Fidelium fide & caritate vineta. Vel sic: Ecclesia est congregatio Fidelium consentientium in unam ac eandem Evangelii doctrinam secundum consonantiam sanctorum Patrum, & in eundem catholicum ac legitimum sacramentorum ritum. Triplex est non re, sed verbis tantum Ecclesiae definitio: Mutatum in phrasin, nihil in doctrina mutatum.

V. Franciscus Torrensis in libro i. de Romani Pontificis supra Concilia potestate: Sponsa Christi est Ecclesia, os de ossibus ejus, & caro de carne ejus, id est, communicans, sicut scriptum est, carni & sanguini,



quæ sponsus participavit. Hoc autem quid aliud quam societas seu congregatio Fidelium? Deinde in libro III. Quod ipse etiam Pontifex dicat Ecclesia, priusquam aliquis tanquam ethnicus & publicanus habendus sit, id est, antequam ejiciatur ex Ecclesia. At quid est ejici ex Ecclesia, nisi ex cœtu Fidelium? Et post alia: Credimus nos, hoc est, Christianos, qui Ecclesia Dei sumus, per baptismum ablutos, sanctificatos, & justificatos in nomine Domini nostri JESU CHRISTI, quod est credere sanctam Ecclesiam, id est, sanctificatam & mundatam lavacro aquæ in verbo. Igitur cum Christiani sint Ecclesia Dei, Ecclesia Fidelium est congregatio; & sic illa perpetuo definita est.

VI. Robertus Cenalis Parisiensis Theologus & Abrincensis Episcopus, in traductionis sycphanticæ tomo III. in Calvinum receptam Ecclesiæ definitionem, quæ à Novatoribus vexatur, ita defendit. Verum est, inquit, Ecclesiam esse congregationem recte credentium; sed querendum est quinam sint illi vere credentes. Merito queritis, quinam sint vere credentes: Hinc documenta datis, vos esse alienatos ab vulva, errantes ab utero, loquentes falsa. Nemo enim querit, nisi quod se perdidisse animadvertit. Vere credentes, sunt, doctrinam sanctorum Patrum asserentes; vere credentes sunt grana in horreo remanentia, qui à prisca Patrum fide nunquam discesserunt. Et primo quidem ante annum MDLVI. quo Cenalis scribebat, nemo præter Novatores illius temporis definitionem hanc Ecclesiæ impugnaverat. Calvinus & Calvini sectatores impugnant. Deinde illam definitionem explicat, tuetur, nec illi quidquam addit, ratus vitandam esse novitatem, & tenendam antiquitatem, quæ in notis Christianæ doctrinæ ponitur. Tum demum recte credentium idem esse ac Fidelium quis negaret, nisi logomachiam adornaturus?

403 VII. Martinus Peresius Guidixensis Episcopus, qui Tridentino Concilio interfuit in libro de divinis Traditionibus part. II. de privato spiritu assertionem V. Per Ecclesiam sic obiter intelligo (ne nobis obstrepent, cum de hoc nomine falso gloriantur adversarii) Fidelium in Christo credentium congregationem in unitate fidei permanentem, non ut isti sunt in varias sectas super rebus fidei gravissimis male divisi; sed idipsum dicentes omnes in una fide sub uno Christo & in uno baptismo, sicut Paulus docet. Explicat quid sit Fidelium in Christo credentium congregatio.

VIII. Hosius Warmiensis Episcopus Card. & in Tridentino Concilio Sedis Apostolicæ legatus, in libri de Symbolo capite XIV. ad articulum, Credo sanctam Ecclesiam catholicam. Hanc ex animabus nostris constructam domum esse, dicit Chrysostomus, quam describit Augustinus ex multis animabus unam civitatem habentium, unum animam, & cor unum in Deum; & alio loco dicit, eam esse populum Sanctorum ad unam civitatem pertinentium, quæ civitas corpus Christi est, cui caput Christus. Et cap. XX. in fine. Ut autem, quæ de re agatur, intelligi possit, scire oportet, quod sicut vidimus in uno homine esse animam unam & unum corpus; tamen diversa esse membra ipsius: Ita Ecclesia catholica est unum corpus, & habet diversa membra, sicut etiam Paulus meminit. Anima autem, quæ corpus hoc vivificat, est Spiritus sanctus; caput vero illius, Christus. At hæc omnia exponunt fufius antiquam Ecclesiæ definitionem, quæ est cœtus Fidelium, quorum caput est Christus.

404 IX. Claudius Espenceus Parisiensis Theologus, qui Tridentino Concilio Bononiam per aliquod tempus transiit interfuisse, si qua ibi celebrata esset sessio, in prioris ad Timotheum epistolæ caput III. Quæ est Ecclesia Dei vivens? Multorum, imo omnium, ad unius Dei fidem atque doctrinam cœtus & convocatio.

X. Melchior Canus, qui Tridentino Concilio interfuit in libri IV. de locis capite II. Nobis in presenti non est animus differendi, nisi de Ecclesia militante, hoc est, cœtu Fidelium viatorum. Sane vero quemadmodum infideles nondum baptizatos in Ecclesia Christi voce intelligere, non cum veritate solum, sed cum sensu etiam communi pugnat; ita hæreticos partes Ecclesiæ non esse constitucndum est. Id quod commune est quidem omnium Theologorum, non eorum modo qui scripserunt, sed eorum etiam, qui vetustate ipsa habentur nobilissimi. Testantur hoc Cyprianus, Augustinus, Gregorius, duoque Concilia, Lateranense & Florentinum. Recte igitur Nicolaus Papa definivit Ecclesiam esse Catholicorum collectionem. Quidquid vir doctus & prudens de Ecclesia disseruit, eo spectant duntaxat, ut probet optimam esse Ecclesiæ definitionem, quæ à Nicolao Papa traditur.

XI. Simon Vigoreus Parisiensis Theologus & Narbonensis Archiepiscopus, in serm. XVIIII. super Symbolo: Ecclesia est cœtus Fidelium, non uno in loco, non una in urbe, non eodem in regno congregatorum, quæ ab initio mundi initium habuit, & usque ad mundi finem duratura est.

XII. Alfonso Salmeron è Societate Jesu Theologus, qui Tridentino Concilio interfuit, in prolegomeno XLII. Ecclesia catholica militans est vera per fidem & caritatem Hierosolyma, in qua sola vera est remissio peccati & redemptio, salus & sacrificandi acceptabiles Deo hostias virtus. Deinde in tomo III. part. II. tractatu XXV. Vox autem Synagoga proprie significat congregationem populi coeuntis; sed ponitur & pro loco, quemadmodum & Ecclesia vocabulum, quod & ipsum à Græcis desumptum est, & proprie significat evocatum ad audiendum de reipublica negotiis: Interim tamen pro loco seu templo usurpatur, in quo solet convenire concio. Veteres autem scriptores Ecclesiastici plerumque usurpant Synagoga pro cœtu populi Judaici: Ecclesiam vero pro communione Christi Fidelium. Sic insequendo majorum traditionem philosophatur.

XIII. Petrus Sotus ex Ordine Prædicatorum Theologus, qui Tridentino Concilio interfuit, in compendio doctrinæ catholicæ, in explicatione Symboli: Credimus ex omnibus omnium temporum & nationum hominibus in vera fide & sacramentis invicem communicantibus & convenientibus, unam fieri Ecclesiam; atque hoc significatur verbis, catholicam Ecclesiam, quæ nimirum est cœtus Fidelium.

XIV. Joannes Hesselius Lovaniensis Theologus, qui Tridentino Concilio interfuit, in explicatione Symboli Apostolorum capite LI. Est Ecclesia congregatio hominum ad hæc convocata à Spiritu sancto, ut merita Christi ei communicentur.

XV. Gentianus Hervetus, qui Tridentino Concilio interfuit in catechismo: Ecclesia est cœtus Fidelium à Spiritu sancto convocatorum, ad audiendum & faciendum quidquid eorum salutis expedit. Latine dicimus quod ille dixit Gallice.

XVI. Gabriel Prateolus in catechismo inter explicandum Apostolorum Symbolum: Offendit Ecclesiam, id est, cunctorum Christi Fidelium congregationem, pro qua Christus in carne multa fecit & per tulit.

XVII. Michael Merspurgenis Episcopus in brevi institutione ad Christianam pietatem: Hæc catholica, id est, universalis appellatur Ecclesia, quod quamvis ad omnes orbis partes dispersi Fideles, & diversis temporibus viventes, eandem tamen semper fidei & doctrinæ confessionem, & similem eorundem sacramentorum usum teneant, idque per spiritum veritatis, quam Christus Ecclesiæ suæ se daturum promissit, ut maneat in ea in æternum. Sic auctor receptam Ecclesiæ definitionem interpretatur.

XVIII. Cle-

XVIII. Clemens Monilianus Cardinalis in Theologicarum institutionum compendii capite xxxiii. de Symbolo Apostolorum, ad illud sanctam Ecclesiam:

407 Ecclesia sumitur pro universitate omnium iustorum & sanctorum, tam viatorum quam comprehensorum, & hoc modo eam accepit Apostolus ad Ephes. v. Infra: Accipitur quoque pro congregatione omnium iustorum duntaxat comprehensorum, sicut eam accipit beatus Augustinus in Enchiridio capite lvi. Infra: Alio modo sumitur Ecclesia pro congregatione hominum in caritate existentium, de qua Apostolus ad Ephes. v. Infra: Altero modo sumitur Ecclesia, ut complectitur omnes, qui communionem professionis fidei, similiter & doctrinam sacramentorum secundum catholicam & Apostolicam traditionem habent. Infra: Ecclesia, de qua communiter loquuntur Doctores, accipitur pro cœtu Fidelium viatorum, qui numero vel merito adunati sunt in fide & cultu visibili unius veri Dei. Hæc perspicua sunt omnia.

XIX. Petrus Vielus Parisiensis Theologus in catechismo seu instructione Christiana: Per hunc articulum, Credo sanctam Ecclesiam catholicam, intelligo cœtum Fidelium, qui tam bonos quam malos Christianos complectitur.

XX. Carolus Guiliartius Carnotensis Episcopus in formula populari elementorum fidei ad Clerum & populum Carnotensem: Pastor. Quid Ecclesia nomine intelligis? Puer. Populum Dei, id est, eum populum, qui vero Deo utitur ad illius gloriam & sempiternam suam felicitatem. Pastor. Ubi is est populus? Puer. Non loco definitur, neque natura, neque sexu, neque ætate; sed ipsa Dei gratia, quam quisquis recipit, ex Dei est populo, sive Græci, sive Judæi, sive 408 servus, sive dominus, sive mas, sive femina.

XXI. Edmundus Augerius è Societate Jesu Theologus in catechismo Latine & Græce edito: Jubemur credere unam esse Ecclesiam, id est, Fidelium congregationem suis insignibus decoratam. Nam nos sanctam imprimis nominamus, quod extra hanc nulla esse possit sanctimonia. Deinde catholicam dicimus, id est, universam, ac tam late patentem, ut neminem averseatur, qui illius se cura permittit, sed omnibus sit obvia, tanquam parens optima, doctrinaque perpetuo duratura spiritali cibo reficiat.

XXII. Robertus Stephanus in catechismo quam Latine & Græce typis mandavit anno m d lxxv. Magister. Quid est Ecclesia? Discipulus. Corpus & Societas Fidelium, quos Deus ad vitam æternam prædestinavit.

XXIII. Carolus Bonius Ingolismensis Episcopus in Ecclesiæ suæ Manuali ad expositionem art. ix. A temporibus Apostolorum recepta loquendi consuetudine sanctarum Scripturarum verbum hoc (Ecclesia) usurpatum est ad significandam rempublicam Christianam & cœtum Fidelium, qui per fidem ad veritatis lumen & Dei notitiam vocati sunt, ut post dissipatas ignorantia & falsitatis tenebras Deo pie & sancte serviant, & eum toto corde diligant. Atque ut quidquid id est, uno verbo comprehendatur, Ecclesia, ut ait beatus Augustinus in Psal. xc. est corpus huius capitis (Christi) Ecclesia est, non que hoc loco est, sed qua hoc loco, & per orbem totum terrarum. Et in libri de catechizandis rudibus capite ii. 409 Ecclesia est populus Dei per omnes gentes, quod est corpus ejus. Hæc ille Gallice, quæ nos Latine interpretati sumus.

XXIV. Romanus catechismus, seu qui ex Tridentini Concilii decreto confectus est part. i. art. ix. ann. iii. Communi sacrarum literarum consuetudine hæc vox (Ecclesiæ) ad rempublicam Christianam, Fideliumque tantum congregationem significandam usurpata est, quæ scilicet ad lumen veritatis & Dei notitiam per fidem vocati sunt, ut rejectis ignorantia & falsitatis tenebris Deum verum & Deum unum pie & sancte colant, illique ex toto corde inserviant. Atque, ut unico verbo hæc res tota absolvarur, Ecclesia, ut ait Augustinus, est

populus fidelis per universum orbem dispersus. Quo loquendi modo à communi & recepta Ecclesiæ definitione haud recedit.

XXV. Renatus Benedictus Paris. Theologus in catholice fidei confessione art. xxv. Vocamus ergo Ecclesiam congregationem Fidelium Christi, qui conveniunt & ununtur in confessione doctrina & pura religio- nis; quam Apostoli & eorum successores semper & ubique tenuerunt & proposuerunt. Antiquam Ecclesiæ definitionem amplectitur, ne videatur ulli novitati favere.

XXVI. Onuphrius Panvinus in tertia parte de primatu Petri. Ecclesia, inquit, quid aliud est quam Fidelium in quandam unitatem collectio? Qui à Baronio vocatur Ecclesiasticæ pater historiæ, Ecclesiam aliter definire non poterat.

XXVII. Franciscus Lucas Burgenis in caput xvi. 410 Matthæi: Ab his (lxx. interpretibus) acceptam Ecclesia vocem Apostoli appropriarunt cœtui consentienti credenti- que in Jesum Christum Filium Dei; & hoc nihil aliud est quam cœtus Fidelium.

XXVIII. Franciscus Feuardentius Parisiensis ex Ordine Minorum Theologus, in notis ad libri i. Irenæi contra hæreses caput iii. Ecclesia est congregatio Christianorum.

XXIX. Philippus Diez ex Ordine Minorum Theologus, in concione ii. Dominicæ v. post Pascha: Olim congregatio Fidelium apud Judæos Synagoga vocabatur, nunc apud nos Ecclesia dicitur.

XXX. Edmundus Campianus è Societate Jesu Theologus in ratione ix. quam Oxoniensibus Academicis reddidit, ex Scripturis sacris Ecclesiam docet vocari civitatem sanctam, fructiferam vineam, montem excelsum, directam viam, columbam unicam, regnum, cœlum, sponsam & corpus Christi, firmamentum veri, multitudinem illam, cui Spiritus promissus instillet omnia necessaria. At Ecclesia, quæ est illa multitudo, cui Spiritus promissus instillet omnia salutaria, Fidelium est congregatio.

XXXI. Cæsar Cardinalis Baronius ad annum Christi lvii. num. xcix. Ea quidem voce (Ecclesia) inter alios frequenter utitur Tertullianus, quæ primitus ab Apostolo Paulo, sed ex antiquiori divina Scriptura, communique usu loquendi, tandem est ab omnibus usurpata, ut nomine Ecclesia certus quidam locus, quo ad synaxes celebrandas Fideles convenirent, significaretur; de qua Augustinus lib. questionum in Leviticum tit. lxx. Et hoc, inquit, quotidianus usus loquendi obtinuit, ut in Ecclesiam prodire, ad Ecclesiam confugere non dicatur, nisi ad ipsum locum parietesque prodierit atque confugerit, quibus Ecclesia congregatio continetur.

XXXII. Joannes Azorius è Societ. Jesu Theologus, in libro v. institut. Moralium de quarto Decalogi præcepto cap. xx. Secundo quaritur, quam Ecclesia nomine intelligatur, sive quid Ecclesia voce significetur. Nicolaus Papa de consecrat. dist. i. Ecclesiam definit collectionem Fidelium seu credentium. Sed sciendum est, Ecclesiam posse dupliciter accipi. Primo, ut est omnium Fidelium ab initio mundi ad ejus usque finem & exitum multitudo. Infra: Secundo modo dicitur Ecclesia, quæ in Christi nomine per baptismum, qui est fidei sacramentum, Christianam plebem a Synagoga distinguit. Nicolaus loco citato Ecclesiam primo modo accepisse videtur.

XXXIII. Jacobus Gretserus è Societate Jesu Theologus, in libri contra Replicatorem capite ix. Vera Ecclesia, hoc est, cœtus Christum recte colentium. Perinde est ac si diceret: Ecclesia est collectio Fidelium.

XXXIV. Franciscus Suarez è Societ. Jesu Theologus, in libri iii. de primatu summi Pontificis capite iv. num. xvi. Essentialis Ecclesiæ perfectio in vera & viva fide per caritatem operante consistit.

XXXV. Thomas Stapletonus Lovaniensis Theologus in controversiæ i. capite vi. Ecclesia Christi secun- 412 dum



dam statum novi Testamenti est multitudo collecta Fidelium omnium Christi nomen profitentium, incipiens à Jerusalem, indeque per universum mundum dispersa, crescens per omnes gentes successione pastorum & populorum, perpetua, semper illustris & manifesta, mixta bonis & malis, electis & reprobis, fide & sacramentis, sancta communione, una & origine, Apostolica amplitudine & perpetuitate catholica fidei propagatione & conservatione firma usque ad finem duratura. Verboſior hac paullo definitio videri fortasse cuiquam potest; sed is expendat oportet primum dialectico more, strictam & formalem Ecclesie definitionem hic à nobis non queri, quæ ex solo genere & essentiali differentia constet; sed omnes ejus proprietates, & notas hic contineri propter controversia & adversaria litiſtiones. Non recedit ab antiqua Ecclesie definitione, quam per annos omnes à Christo consequentes, deduximus. Hanc tantum exaggerat, & notis ac proprietatibus ad propositum sibi finem instruit.

XXXVI. Christophorus à Sacroboſco è Societate Jesu Theologus, in tractatu de investiganda vera ac visibili Ecclesia capite 11. Sumo, inquit, Ecclesiam hanc fuisse corpus heterogeneum, id est, constans membris diversa rationis, adeo. ut alii superiores fuerint, alii subditi, alii pastores, alii oves, alii pradii potestate dirigendi & coercendi, alii necessitatem habentes parendi & obsequendi. Hæc est dilatatio brevioris definitionis hujus, Ecclesia est Fidelium seu Catholicorum collectio.

XXXVII. Paulus Nazarius ex Ordine Prædicatorum Theologus quæſt. 1. in tertiam partem art. 11. Ecclesia est unum corpus mysticum, cujus caput est Christus; Fideles autem in gratia constituti vera sunt membra. Definitio hæc verbis tantum, non sensu ab antiquo & communi dissentit.

XXXVIII. Guillelmus Estius Duacensis Theologus & Cancellarius in Annotationibus ad præcipua & difficiliora Scripturæ sacræ loca, ad caput xviii. Matthæi: Controversia est inter Catholicos & hæreticos, quid nomine Ecclesia intelligendum sit. Joannes Hus, & cum secuti hæretici nostri temporis definiunt Ecclesiam, prædestinatorum universitatem. Catholici definiunt societatem eorum, qui per rectam fidem & sacramenta sibi mutuo coherant. Hoc autem idem est ac Fidelium seu Catholicorum collectio.

XXXIX. Jacobus Tirenus è Societate Jesu Theologus, in controversiarum indice, quæ ad calcem commentariorum in scripturam extat, controversia v. Nonne Scriptura quotiescunque de Ecclesia vera & proprie dicta agit, semper designat congregationem hominum omnibus conspiciam?

Et hæc abunde sufficiunt ut quæſtioni secundæ fiat satis, & continuo probetur, derivatam ab Apostolis definitionem Ecclesie ab illustrioribus Theologis, & antiquæ traditionis amatoribus, & tempore Tridentini Concilii, & post tempus ejusdem Concilii retentam fuisse. Nec sane mirum id ita factum esse, cum tunc unusquisque Catholicus, quo foret religiosior, eo constantius novellis adinventionibus obſisteret, & crederet rationem pietatis nihil aliud admittere, nisi ut omnia qua fide à Patribus succèpta essent, eadem fide posteris consignarentur.

Nunc ad quæſtionem tertiam venio, & statim observo nonnullos è Catholicorum numero reperire me Theologos, qui eminentissima Ecclesiastica traditionis, quam ante retulimus, simplicitate contenti non fuere. Hi sunt Petrus Canisius & Robertus Bellarminus, ambo è Societate Jesu, qui antiquam definitionem interpolant, aut contra bonæ definitionis, vel etiam descriptionis regulas auxerunt, & auctarium suum insigni discordia nobilitant. Ille non in prima vel in altera, sed in tertia catechismi editione: Hic in libri iv. de militante Ecclesia capite 111.

De Canisio res sic se habet. Hic auctor catechismi seu doctrinæ Christianæ summam anno MDLXII,

edidit Antverpiæ, in qua veterem Ecclesie definitionem sine additamento retinet his verbis in art. ix. Symboli Apostolorum: Ostendit Ecclesiam, id est, cunctorum Christi Fidelium congregationem, pro qua Christus in carne omnia fecit & pertulit, eamque unam esse docet in fide, fideique doctrina & administratione sacramentorum. Secundo eam esse sanctam, quia ea à Christo suo capite sanctificatur, tum à Spiritu sancto usque gubernatur. Sic eodem in loco iterum in lucem prodit anno MDLX. Est igitur Ecclesia Canisio idem quod majoribus cunctorum Christi Fidelium congregatio, quæ cur sit talis, & una & sancta, deinceps exponitur.

Canisius post annum MDLX. catechismum suum seu doctrinæ Christianæ summam recognoscit, & ei multa passim adjungit, ut videre licet in editione, quæ Parisiis anno MDLXVII. accurata est. In editionis hujus capite xviii. Ecclesie definitio est ejusmodi ad illud Symboli, Credo sanctam Ecclesiam. Ostendit Ecclesiam, id est, cunctorum Christi Fidelium visibilem congregationem, pro qua Dei Filius hominis natura suscepta cuncta fecit & pertulit, eamque docet primum unam esse & consentientem in fide fidelique doctrina & administratione sacramentorum, quæque sub uno capite suo Christo, unoque vices ejus in terris gerente Pontifice maximo regitur, ac in unitate conservatur. Deinde rem paullo aliter comparavit ad annum MDLXXVII. in parvo catechismo ad usum Collegiorum Societatis Jesu: Ecclesia est, inquit, omnium Christi fidem atque doctrinam profitentium congregatio, qua sub uno & summo post Christum capite & Pastore in terris gubernatur.

Ad Bellarminum quod attinet, hic anno circiter MDLXXVII. definit Ecclesiam hoc modo: Nostra autem sententia est, Ecclesiam unam tantum esse, non duas, & illam unam & veram esse cæterum hominum ejusdem Christianæ fidei professione, & eorundem sacramentorum communione colligatam sub regimine legitimorum pastorum, & præcipue unius Christi in terris vicarii Romani Pontificis.

Nunc mihi sumo Conciliorum, Patrum, tractatorum & Theologorum ac Jurisperitorum fuisse neminem, qui ante Canisium & Bellarminum Ecclesiam ita definiert. Hoc autem observasse, si vere observetur, traditam à Canisio & Bellarmino definitionem Ecclesie confutasse, & novitatis, quæ inter Christianos semper suspecta fuit, convicisse est. Jam in antecessum convicimus, cum id fecimus omnino quod faciendum Vincentius Lirinensis consulit in commonitorio 1. contra profanas novitates capite iv. Quid igitur, ait, faciet Christianus catholicus, si se aliqua Ecclesia particula ab universalis fidei communione præciderit? Quid usque, nisi ut pestifero corruptoque membro sanitatem corporis anteponat? Quid si novella aliqua contagio, non jam particulam tantum, sed totam pariter Ecclesiam commaculare conetur? Tunc item providebit ut antiquitati inhereat, quæ prorsus non potest ab ulla novitatis fraude seduci. Quid si in ipsa vetustate duorum aut trium hominum, vel certe civitatis unius aut etiam provincie alicujus error deprehendatur? Tunc omnino curabit, ut paucorum temeritati vel inscitie, si qua sunt, universaliter antiquitus universalis Ecclesie decreta præponat. Quid si tale aliquid emergat, ubi nihil ejusmodi reperitur? Tunc operam dabit, ut collatas inter se majorum consulat interrogetque sententias, eorum duntaxat, qui diversis licet temporibus & locis, in unius tamen Ecclesie communione & fide permanentes, Magistri probabiles extiterunt. Et quidquid non unum, aut duo tantum, sed omnes pariter uno eodemque consensu aperte, frequenter, perseveranter tenuisse, docuisse, scripsisse cognoverit, id sibi quoque intelligat absque ulla dubitatione credendum. Et primum quidem Canisio & Bellarmino antiquitatem opponimus, cui inhaerendum est, & novitati resistendum. Deinde Canisio & Bellar-

Bellarmino Nicolaum I. Lateranense Concilium universale, cui præsuit Innocentius III. Joannem XXII. Martinum V. operum Waldensis approbatorem, Pium II. & Romanum catechismum opponimus. Tum relatas & collatas inter se majorum sententias, quibus nostra ad quaestionem 1. responsio adornatur, Canisio & Bellarmino opponimus.

Hinc Celestinum I. & Sixtum III. Canisio & Bellarmino opponimus. Illum quidem, cum in epistola ad Galliae Episcopos scribit: *Desinat novitas incesse vetustatem*. Hunc in epistola ad Joannem Antiochenum, ubi ait: *Nihil ultra liceat novitati, quia nihil addi convenit vetustati*.

Denique Canisio & Bellarmino Bellarminum ipsum opponimus, cum varias Ecclesiae notas scribendo excutitur in libri IV. de hisdem notis capite II. Secunda, inquit, nota est antiquitas. Et paullo post: *In omni insigni mutatione religionis semper ista sex demonstrari possunt. Primo auctor ejus*. At Canisius & Bellarminus auctores sunt novae ad Ecclesiae definitionem accessionis; & quod mireris, cum Bellarminus quempiam ab ea nota, id est, antiqua traditione delectentem reperit, & proprio appellavit nomine, hunc continuo in opinionis falsae suspicionem adducit.

Quod autem nova ad Ecclesiae definitionem accessio repugnet accuratae definitionis, vel etiam descriptionis legibus, nos docet vir minime suspectus. Is est Andreas Duvallius Parisiensis Theologus in secunda secunda, tractatu de fide, art. I. *Quid sit Ecclesia?* Adscribo verba: *Generaliter & latissime definitur societas creaturae rationalis supernaturali cognitione Deo adherens, ejusque vero cultu inter se communicans*. Et post alia: *Pressior & angustior definitio Ecclesia hac est, societas Fidelium in vero Dei cultu inter se communicantium: Quae definitio deprompta est ex Lateranensi Concilio, cap. I. ubi dicitur, Una est societas Fidelium: Quo pacto soli congregationi hominum convenit*. Huc autem aliqui addunt, sub uno Pastore Christi vicario; sed hoc magis ad statum Ecclesiae, quem in novo Testamento à Christo Domino accepit. Præterea ad statum Ecclesiae hujus vita potius, quam ad ejus essentiam ab unoquoque statu abstrahentem spectat.

Canisius illorum, quos auctor hic ut Dialecticæ im-  
419 peritos tacite redarguit, familiam ducit. Sed quæ ratio perficit, ut Canisium & quos habet sectatores, ita redarguat; eadem & perficit, ut Bellarminum irreprehensum præterire non possit. Canisius & Bellarminus idem peccati genus diversa ratione commiserunt, ut Canisius, quæ sub uno & summo post Christum capite & Pastore, sic & Bellarmini sub regimine legitimorum Pastorum, & præcipue unius Christi in terris vicarii Romani Pontificis. Verba hæc ad statum Ecclesiae pertinent; ad Ecclesiae naturam vel essentiam non pertinent, ut Duvallius scite notavit: Si quidem Ecclesiae natura, vel essentia in Fidelium seu Catholicorum cœtu tota continetur, & est vera illius definitio. Quinetiam, si fieret Ecclesiae descriptio, in ea modus quo illa regitur, minime compareret, ut videre est in Magistrorum plurimum testimoniis, quæ in responsione ad quaestionem primam referenda esse duxi. Si fieret hominis vel definitio vel descriptio; num, quaestio, definitionem hominis, vel descriptionem modus ille, quo per universum orbem regitur homo, ingrederetur? Ut est multiplex politicæ administrationis modus, sic & homines aliter apud Gallos, Hispanos, Anglos & Polonos; aliter apud Turcas; aliter apud Venetos, Genuenses & similes Italiae populos; aliter apud Helvetios & Batavos definiretur aut describeretur. Hæc autem est absurda rei complexio, à qua qui Dialecticæ præceptis imbuti sunt, nusquam dissentient: Qui imbuti non sunt, facient quid sibi videbitur. Tota interim errabunt via, & toto errabunt calo, si velint.

Præterea de Canisio & Bellarmino mox observavimus, quod ii suum ad veterem Ecclesiae definitionem additamentum insigni discordia nobilitaverint. Nam Canisius Fidelium seu Catholicorum congregationem ad statum Monarchiæ reducit; Bellarminus ad statum Aristocratiae, seu, quod reipsa idem est, ad statum Monarchiæ Aristocratia temperatum: Quæ summa est inter Canisium & Bellarminum discordia. Sed cum insignem illam discordiam propius inspicio, temperare mihi non possum, quin quod habet Tertullianus in libri de præscriptione hæreticorum capite XLII, objiciam: *Mentior, si non etiam, ait, à regulis suis variant inter se, dum unusquisque proinde suo arbitrio modulatur quæ accepit, quemadmodum de suo arbitrio ea composuit ille qui tradidit*. Agnoscis naturam suam & originis suæ morem profectus rei; idem licuit Valentinianis quod Valentino; idem Marcionitis quod Marcioni de arbitrio suo fidem innovare. Sic, absit invidia comparationi, licuit Canisio & Bellarmino de arbitrio suo Ecclesiae definitionem innovare. Id discordiæ genus evenit, eventurumque est semper, quamdiu à pristina traditione & simplicitate recedatur.

Canisius sectatores sortitus est nonnullos, & cum primis Dominicum Bannem in brevioribus ad secundam secundæ, quæst. I. art. X. commentariis: *Notandum est, inquit, tertio, quod Ecclesia adhuc duobus modis dicitur: Uno modo, ut sit congregatio eorum, qui fidem in Deum profitentur; & sic eadem est Ecclesia ab initio mundi usque in finem, & in hac acceptione usus est divus Thomas hoc nomine Ecclesia quæst. VIII. art. III. & ita significatur nomine vineæ, ad quam excolendam paterfamilias exiit summo mane conducere operarios*.

Alio modo dicitur Ecclesia Fidelium viatorum collectio, quam congregat non solum fides, sed etiam baptismus, qui dicitur fidei sacramentum; & hoc pacto distinguitur ab Ecclesia, quæ fuit in lege naturæ & in lege Moysis: His ita constitutis, facile possumus Ecclesiae definitionem tradere. Nam si priori modo ex duobus ultimo prædictis accipiamur, Ecclesia est congregatio seu collectio Fidelium; & sic definitur à Nicolao, de consecrat. dist. I. can. Ecclesia: Si autem accipiamur posteriori modo, ex duobus prædictis poterit definiri. Primo universaliter, ut comprehendat etiam hæreticos: Et sic Ecclesia est congregatio hominum baptizatorum, seu protestantium fidem in baptismo. Secundo definitur specialiter, & sic Ecclesia est congregatio Fidelium baptizatorum visibilis sub uno capite Christo in calis, & vicario ejus in terris.

Deinde in fusiore commentariis rem ita tractat: In principio dubitatur primo, utrum Ecclesia sit collectio Fidelium. Interpositis in contrarium argumentis decem subjicit: Sed contra est caput, Ecclesia. De consecrat. dist. I. ubi sic Ecclesia definitur: Et glossa super illud I. ad Timotheum III. Quæ est Ecclesia Dei? Dicit, Ecclesia est convocatio multorum ad Dei cultum. Infra: Tertio notandum est, quod hanc Ecclesiam militanem duobus modis accipere possumus, aut pro universitate omnium, qui habuerunt, habent, aut habituri sunt fidem Christi, licet in nullo alio cultu, exteriorique religione conveniant. Quo modo loquitur de Ecclesia divus Thomas III. part. quæst. VIII. art. III. & Doctores asserentes eandem Ecclesiam esse modo cum illa, quæ fuit tempore legis naturæ & Mosaicæ. Quo modo etiam sumitur in cap. Firmistr. De Trinitate, & in extravagantia, Unam sanctam. & cap. Ecclesia. de Consecrat. dist. I. in quibus locis dicitur extra Ecclesiam non parere alicui salutem aut remissionem peccatorum. Aut potest accipi pro collectione viatorum, quos unis fides, cujus exterior confessio facta est in baptismo. Si sumatur primo modo, sic bene definita est à Nicolao, ut refertur de consecrat. dist. I. cap. Ecclesia: Quod sit Fidelium collectio, ut dictum est in argumento. Sed contra: Si verò secundo modo accipiamur, potest definiri, quod sit collectio Fidelium



lium baptizatorum; sive sic, est collectio Fidelium baptizatorum visibilis sub uno capite Christo in calis, & vicario ejus in terris. Sic apud Bannem definitiones Ecclesiae sunt duae: Vetus una quam à Magistro suo sancto Thoma, discipulus: Nova altera, quam ab altero è Societate Jesu Magistro, qui vivebat adhuc, accepit. Bannes scribebat anno MDLXXXIII. & Canisius è vivis excessit anno MDXCVII. Cur autem Canisii potius quam Bellarmini definitionem, quae in libris  
423 controversiarum de Ecclesia jam ab anno MDLXXVII. prodierat, optavit, me latet. Quidquid in causa, Bannes mutuatur eam à Canisio definitionem, quam Scripturae locus, Tibi dabo claves, vel, Tu es Petrus, vel, Pasce oves meas, juxta unanimem Patrum consensum intellectus, ut intelligendum eum esse Tridentinae fidei professio decernit, objicere non potuit.

Gregorius Valentia è Societate Jesu Theologus, in libro VI. de Analyfi fidei catholicae cap. I. rem istam tractat hoc modo: *Ecclesia est congregatio, seu cœtus hominum eorum, qui Romano Pontifici pro tempore existenti pareat.* Hæc est Canisii, sed deformata paullo aliter definitio. At cum Romanus Pontifex non existit, & Romana per annos plures, ut jam accidit, & rursus potest accidere, vacat Ecclesia, qui fiet congregatio seu cœtus eorum hominum, qui antea Romano Pontifici parebat? Sublata una parte definitionis, ut definitio, sic & res definita perit. Vir prudens cum & definitionis novitatem, & exortas è novitate difficultates animo prospiceret, in capite II. ad Ecclesiae definitiones duas alias, quæ antiquæ concordant, se recepit. *Ecclesia, inquit, est eorum multitudo, quos beneficio vocationis divinae, verus Dei cultus, & vera Dei cognitio indita divinitus conjungit.* Et paullo post: *Definitur adhuc pressius Ecclesia, ut sit hominum multitudo quam congregat, non modo verus Dei cultus in hac vita, & vera cognitio; sed etiam baptismi*  
424 *sacramentum, eademque professio Christiana religionis.* Hæc autem Christianæ religionis professio effecit, ut auctor primam suam Ecclesiae definitionem tacitus abjecerit: re melius considerata, deprehendit nullum esse Scripturae locum, qui secundum unanimem consensum Patrum acceptus definitionem illam exhiberet.

Christophorus Gillius è Societate Jesu Theologus, in libro I. tractatus de locis Theologicis, cap. IX. num. II. *Ecclesia, inquit, nomine intelligitur universus cœtus Fidelium sub uno Pastore vicario Christi servans unitatem fidei in vinculo pacis.* Hic duo sunt, quæ diligenter & accurate notentur. Unum est, id quod Ecclesiae nomine Gillius vult intelligi, ante Canisium scriptorem non admodum veterem, intellectum neutiquam fuisse, ut nostra docere te potest ad quæstionem primam responsio; & sane mirum est tanti nominis intelligentiam fugisse Patres, Concilia, Romanos Pontifices, Ecclesiasticos tractatores, Theologos, qui a tempore Apostolorum usque ad Canisium floruerunt.

Alterum est Gillium traditam à Canisio Ecclesiae definitionem corrigere vel interpolare. Hic auctor à Canisiana definitione verba hæc, *post Christum, removet.* Canisius dicit, *qua sub uno & summo post Christum capite, & Pastore in terris gubernatur;* Gillius vero dicit, *sub uno Pastore vicario Christi.*

Adamus Tannerus è Societate Jesu Theologus, disp. de fide, quæst. III. dub. II. num. XLV. *Quid sit Ecclesia? A Doctoribus Ecclesiasticis & Theologis hoc loco in bonam tantum partem pro certo hominum cœtu ad veram Dei cognitionem & cultum, veraque religionis societatem divinius evocato.* Et paullo post: *Militans Ecclesia rursus aliquando late sumitur pro congregatione Fidelium, seu veram fidem profitentium, qui in quovis statu sive natura & ante legem scriptam, sive post legem seu scriptam seu Evangelicam vixerunt aut vivunt.* Infra num. XLVI. *Frequentius tamen, imo, nisi quid*

addatur, universim hoc loco strictius usurpari solet pro congregatione Fidelium Christianorum, qua scilicet à Christo collecta, instituta & fundata est. Et infra: *Qua ratione Ecclesia communiter definiri solet ex catechismo Canisii, omnium fidem atque doctrinam profitentium congregatio, qua sub uno & summo post Christum capite & Pastore in terris gubernatur; explicatius vero juxta ea qua de membris Ecclesia dicuntur, definiri potest cœtus Fidelium baptizatorum tam corpori reliquo quam suo capiti visibili in terris legitime adhaerentium.* Id postea confirmat auctoritate Cypriani dicentis: *Ecclesia est plebs Sacerdoti adunata, & Pastori suo grex adhaerens.* In hac Tanneri oratione notanda sunt tria.

Primum, quod antiquas Ecclesiae definitiones, quæ cum ab Ecclesiasticis, tum à Theologis traduntur, non dissimulet.

Deinde, quod antiqua Patrum, Conciliorum, Pontificum & tractatorum traditione qua communiantur definitiones illæ, non contentus, novas inducat. Inducit eam, cujus faber & architectus est Canisius; 426 eam veram inducit, quæ ex eo nova est, quod epithetum, *visibile;* capiti jungat, Fidelium alias congregationi jungendum: Nam caput quo de loquitur, visibile semper non est; sed visibilis est semper Fidelium congregatio. *Ἀποστολική* est in quam Bannes non incurrit, dum Ecclesiam ita definit: *Est collectio Fidelium baptizatorum visibilis sub uno capite Christo in calis & vicario ejus in terris.* Id genus vitii effugisset, si quem laudat Canisii catechismum bene didicisset.

Denique, quod suis non expensa momentis Cypriani verba in novæ definitionis confirmationem adducit. Reus factus est erroris illius, quem Vincentius Lirinensis in communitorii I. capite XI. ita notavit: *Captant plerumque veteris cujuspiam viri scripta paulo involuntius edita, qua pro ipsa sui obscuritate dogmati suo quasi congruant, ut illud nescio quid quodcumque proferunt, neque primi, neque soli sentire videantur.* Cyprianus explicatur in Resp. ad quæst. I. num VII.

Petrus Cabrera Hieronymianus in tertiam partem quæst. VIII. art. II. *Neque hic est sermo de Ecclesia secundum quandam acceptionem, ut pertinet tantum ad statum legis novæ, secundum quam recte definitur à Catholicis nostri temporis contra recentiores Lutheranos, quod est collectio Fidelium baptizatorum sub uno capite Christo in calis, & ejus vicario in terris.* Hujusmodi ergo acceptio tantum convenit Ecclesiae secundum legis Evangelicæ statum, quia in lege natura aut scripta non erat unum caput Ecclesiae in terris. Sermo itaque est de Ecclesia, prout definitur à Nicolao Pontifice in cap. Ecclesia. De consecrat. dist. I. *quod sit collectio Fidelium omnium, qui habent, habuerunt, vel habituri sunt fidem in Deum & in Christum. Qua ratione dicitur esse una Ecclesia, qua fuit ab initio mundi, & durabit usque in finem.*

Cabrera vetustam Ecclesiae definitionem retinet, & retinendo novam ipsæ quam tradit, improvidus configit. Deinde tacitus accusat Nicolaum Pontificem, Lateran. Concilium, Martinum V. Waldensis operum approbationem, Pium II. & Romanum catechismum, quod non eam Ecclesiae definitionem ediderint, quæ ad revincendos recentiores Lutheranos idonea foret. Postremo cum à recentioribus Catholicis, Canisio puta & Banne, Ecclesiam recte definitam esse contra recentiores Lutheranos sibi sumit, oppido quam fallitur, cum hæreticorum novitas doctrinæ antiquitate, non alia novitate repellenda sit. Id à Vincentio Lirinensi, cujus testimonium supra retulimus, discere debuit. Cabrera igitur non sapit ad priscam disputandi contra hæreticos regulam, cum novis Lutheranorum placitis nova sua placita opponit. Non sic disputant Paulus Nazarius, Thomas Stapletonus, Renatus Benedictus, Claudius

Claudius Espencæus, Alfonsus Salmeron, Melchior Canus, Martinus Peresius, Matthæus Orius, Joannes Gropperus, Joannes Driedo, Guillelmus Estius, & cæteri qui cum Lutheranis novatoribus dimicantur: 428 Non eversa quidem, sed servata veteri Ecclesiæ definitione, quam alii verbis pluribus, alii paucioribus tradiderunt. Mutatum aliquando in nonnullis vocibus; sed in doctrina nihil mutatum. Id prorsus ei constabit, qui quas è Patribus, Conciliis, Pontificibus & Magistris optimis definitiones Ecclesiæ commemoravimus, sigillatim expendet, inter sese conferet: Et tum demum inveniet singulas, quæ verbis nonnihil diversæ sunt, ad hanc, *Ecclesia est collectio Fidelium seu Catholicorum*, concurrere.

Verumenimvero redeundum est ad Bellarmini definitionem, de qua possunt observari duo, quod illa traditam à Canisio & Banne, & quibusdam aliis Ecclesiæ definitionem funditus evertat. Id mutua definitionum luculenter docet contentio. Canisii & Bannis definitio Ecclesiæ hæc est: *Ecclesia est omnium Christi fidem atque doctrinam profitentium congregatio, qua sub uno & summo post Christum capite, & Pastore in terris gubernatur. Vel Ecclesia est collectio Fidelium baptizatorum visibilis sub uno capite Christo in calis, & vicario ejus in terris.* Bellarmini vero Ecclesiæ definitio hæc est: *Ecclesia una tantum est, non dua, & illa vera & una est cætus hominum ejusdem christianæ fidei professione, & eorundem sacramentorum communione colligatus sub regimine legitimorum Pastorum, & præcipue unius Christi in terris vicarii Romani Pontificis.* Postrema verba hæc, *sub regimine legitimorum Pastorum, ac præcipue unius Christi in terris vicarii Romani Pontificis*, consistere nequitiam possunt cum 429 istis, *qua sub uno & summo post Christum capite & Pastore in terris gubernatur.* Hæc omnia labefactant sese mutuo & destruant.

Cæterum quod de Canisii discipulis mox delibavimus, id ad Bellarminum transferri non potest: Nullus enim, quod sciam, extitit, qui traditam à Bellarmino definitionem Ecclesiæ suos in usus derivaverit; & tamen major est apud Theologos Bellarmini quam Canisii auctoritas. Cur autem hoc ita contigerit si quæras, universim occurrunt mihi causæ quatuor: Quod Canisii definitio adulatricis curiæ fautoribus magis arrideat: Quod Canisii definitio literariorum adolescentium catechismis indita sit, Bellarmini definitio indita non sit. At

*Quod semel est imbuta recens servabit odorem Testa diu.*

Quod nonnullos infans novarum opinionum amor capiat: Quod alios summa nec ferenda teneat principiorum veræ Theologiæ Scripturæ & traditionis ignoratio.

His autem ita positis, quæstioni tertiæ respondeo simpliciter, è Christiana republica fuisse admodum, ut quod Canisius & Bellarminus antiquæ & probatæ ubique gentium definitioni Ecclesiæ addiderunt, non addidissent.

I. Canisii & Bellarmini additamenta ad statum Ecclesiæ pertinent, non ad explicandam amplius rei naturam. Id antea sapienter observavit Duvallius, & unicuique vel leviter cogitanti advolat ad pectus. Sic præterea Canisius & Bellarminus in additamentis 430 suis contra Dialecticorum regulas adhuc peccarunt.

II. Videntur neglexisse beatum Paulum dicentem: *Ut non circumferamur omni vento doctrina in nequitia hominum ad circumventionem erroris.* Aliter atque aliter statum Ecclesiæ definiunt, & ab antiqua simplicitate deficiunt, quæ cum ex Scriptura, tum ex Patrum, Conciliorum, Romanorum Pontificum, tractatorum & celebriorum è Schola Theologiæ & Juris Magistrorum traditione comparatur.

III. Si Patres, Concilia, Romani Pontifices, tra-

ctatores, celebriores è Schola Theologiæ & Juris Magistri ex una parte, & Canisius ac Bellarminus ex altera contendunt inter se, contentionem hanc Tertullianus dirimet in libri IV. contra Marcionem capite IV. *Funis ergo ducendus est contentionis par hinc inde nisu fluctuante. Ego meum (titulum) dico verum, Marcion suum: ego Marcionis adfirmo adulteratum, Marcion meum. Quis inter nos determinabit nisi temporis ratio ei præscribens auctoritatem, quod antiquius reperietur, & ei præjudicans variationem, quod posterius revincetur? In quantum enim falsum corruptio est veri, in tantum precedat necesse est veritas falsum.* Sic Patres, Concilia, Romani Pontifices, tractatores, & celebriores è Schola Theologiæ & Juris Magistri causam adversum Canisium & Bellarminum obtinebunt.

IV. Si Canisius & Bellarminus ad Vincentium Lirinensem confugiunt, causam amittent, illo judicante in commonitorio I. capite IV. *In ipsa catholica Ec- 431 clesia magnopere curandum est, ut id teneamus, quod ubique, quod semper, quod ab omnibus creditum est; hoc est etenim vere proprièque catholicum, quod ipsa vis nominis ratioque declarat, qua omnia vere universali-ter comprehendit; Sed hoc ita demum fit, si sequamur universitatem, antiquitatem & consensionem.* Canisius, Canisii sectatores, & Bellarminus in additamentis suis nec universitatem, nec antiquitatem, nec consensionem sequuntur. Hoc meridiana luce clarius est, cum ante illos nemo definivit Ecclesiam, quemadmodum definierunt. Quo fit ut in Canisii & Bellarmini definitionibus Ecclesiæ nec universitas, nec antiquitas, nec consensio reperiri possit.

V. Canisius & Bellarminus in suis Ecclesiæ definitionibus id fecerunt quod exempli res est pessimi. Nam qui à nobis seorsum per religionem sentiunt, si dicant Ecclesiam velle se meliorem in formam reducere, ut Canisius & Canisii sectatores & Bellarminus fundatam in Scripturis & perpetua traditione definitionem Ecclesiæ in formam meliorem reducere se putarunt, quid iis responsuri sint Catholici, nescire me fateor: Respondendo cavere vix possunt, quin arma contra se suppedient adversariis. Hi reddent quod illi objicient, & successu pari reddent, cum potior non sit in reformanda Ecclesia, quam in reformanda Ecclesiæ definitione novitatis ratio. Parium eadem est natura.

VI. Cum aliam ab antiqua definitionem Ecclesiæ 432 tradunt, Nicolaum I. Lateranense Concilium, cui præfuit Innocentius III. Joannem XXII. Martinum V. Waldensis operum approbatorem, Pium II. & Romanum catechismum non mediocri afficiunt injuria. Demonstrant illos non percepisse fatis quid esset Ecclesia, cum illam eo definierint modo, qui nonnullis membris, iisque suo judicio præstantissimis captus ac debilis est. Quanta porro sit injuria hæc, tibi & aliis decernendum relinquo.

Nunc veniendum est ad quæstionem quartam & ultimam, quæ ita proponitur: Si nova quædam data esset aut interpolata Ecclesiæ definitio, an retinenda esset sublata veteri; & quænam, si plures essent, retineretur & anteferretur cæteris, dummodo id expedire videretur. Indicata novitatis origine, vel ad antiquam Ecclesiæ definitionem additamento, num quæstioni respondendum sit, diversarum rerum quæ mihi ante oculos ponuntur, specie implicatus hæreo. Si non respondeam, fortassis videbor quærentem spernere, aut certe inutilis & vacua reddetur expectatio; si vero respondeam, novitati favebo nonnihil in detrimentum antiquitatis, quæ inter præcipuas Ecclesiæ, hoc est, doctrinæ sanioris notas reponitur. Hoc ipsum necessario eveniet, si Canisii definitionem Ecclesiæ pluri habendam esse, quam Bellarmini definitionem Ecclesiæ: Vel contra, si Bellarmini definitionem Ecclesiæ pluri habendam 5 G esse,



esse, quam Canisii definitionem Ecclesiae velim ac recipiam. Sed cum eo me has in angustias redactum sentio, prorsus obmutescerem, nec Bellarmini definitionem Canisii definitioni præferendam esse responderem, nisi Romana Ecclesia per suos Præsules, & Sedes Apostolica responsionem meam adjuvant, & penitus sustinerent. Audiendi sunt igitur illi Præsules, quorum primus occurrit Gelasius in Epistola 14. seu in Commonitorio ad Faustum fungentem legationis officio Constantinopoli. Euphemium vero miror, si ignorantiam suam ipse non perspicit, qui dicit Acacium ab uno non potuisse damnari. Itane non perspicit, secundum formam Synodi Chalcedonensis, Acacium fuisse damnatum; nec novit eam, aut se nosse dissimulat, in qua utique per numerosam sententiam Sacerdotum erroris huius auctores constat fuisse damnatos, sicut in unaquaque heresi à principio Christianae religionis, & factum fuisse & fieri manifesta rerum ratione monstratur, decessoremque meum executorem fuisse veteris constituti, non novae constitutionis auctorem? Quod non solum Praefuli Apostolico facere licet, sed cuiusvis Pontifici, ut quolibet & quemlibet locum secundum regulam haereseos ipsius ante damnata à Catholica communione discernat. Acacius quippe non fuit novi vel proprii inventor erroris, ut in eum nova scita prodirent; sed alieno facinori se miscuit. Itaque necesse est, ut in illam recideret iusta lance sententiam, quam cum suis successoribus per convenientiam synodalem suscepit auctor erroris. Sic postquam erroris faber & architectus ab universali damnatus est Concilio, Romanae Sedis Praefuli aequales sunt reliqui Praefules in mandanda executioni sententia contra eos, qui postea damnatum errorem in se recipiunt. Executores sententiae huiusmodi sunt pari jure omnes, nisi fortassis quod Romanae Sedis Praefuli major executionis imponatur necessitas. Id conceptis verbis testatur ipse Gelasius in Epistola 1111. ad Episcopos Dardaniae: *Quibus convenienter ex paterna traditione perpensis confidimus, quod nullus jam veraciter Christianus ignoret, uniuscujusque Synodi constitutum, quod universalis Ecclesiae probavit assensus, non aliquam magis exequi sedem praeter ceteris oportere quam primam, qua & unanquamque Synodum sua auctoritate confirmat, & continuata moderatione custodit, pro suo scilicet principatu, quem beatus Petrus Apostolus Domini voce perceptum, Ecclesia nihilominus subsequente, & tenuit semper & retinet. Vnde quomodo Pontifex exequenda sententiae necessitatem majorem in primam sedem propter illius principatum, quam in ceteras sedes transferat. Haec gubernanda Ecclesiae ratio longe magis ad Bellarminianam, quam ad Canisianam Ecclesiae definitionem accedit.*

Symmachus in epistola 1. ad Aeonium Arelatensem Archiepiscopum, ubi censet unum esse per diversos Antistes sacerdotium ad instar Trinitatis, cuius una est atque individua potestas. In his paucissimis verbis notanda sunt tria, quae aestimari debent maxima, & primum quidem, quod sacerdotii unitas cum naturae divinae unitate, qua major fingi nulla vel excogitari potest, comparatur. Deinde quod sacerdotium istud, cuius unitas est tanta, inter omnes Episcopos dividitur ad instar Trinitatis, cuius una est atque individua potestas, & in qua personae tres numerantur, una atque individua potestate praeditae. Tum demum quod comparatio haec, cum Bellarminianae definitioni vix faveat, quomodo Canisianae faveret?

Gregorius I. in libri 14. epistola xxxviii. ad Joannem Constantinopolitanum Episcopum: *Certe Petrus Apostolus primum membrum sanctae & universalis Ecclesiae est; Paulus, Andreas, Joannes, quid aliud quam singularium sunt plebium capita? & tamen sub uno capite (Christo) omnes membra sunt Ecclesiae, atque ut cuncta brevi cingulo locutionis adstringam, sancti*

*ante legem, sancti sub lege, sancti sub gratia, omnes hi perficientes corpus Domini in membris Ecclesiae sunt constituti, & nemo se unquam universalem vocare voluit. Haec Canisianam Ecclesiae definitionem infirmarent, Bellarminianam confirmarent.*

Deinde in libri VII. Indict. 1. Epistola xxix. ad Eulogium Alexandrinum: *Indicare quoque vestra beatitudo studuit, jam se quibusdam non scribere superba vocabula, qua ex vanitatis radice prodierunt; & mihi loquitur dicens, sicut iussistis. Quod verbum iussio, peto, à meo auditu remove, quia scio quis sum, qui estis. Loco enim mihi fratres estis, moribus patres. Non ergo iussi, sed quae utilia visa sunt indicare curavi; non tamen invenio vestram beatitudinem hoc ipsum quod memoria vestra inulsi, perfecte retinere voluisse. Nam dixi, nec mihi vos, nec cuiquam alteri tale aliquid scribere debere; & ecce in praefatione Epistola, quam ad meipsum qui prohibui, direxistis, superba appellationis verbum universalem me Papam dicens, imprimere curastis. Quod, peto, dulcissima sanctitas vestra ultra non faciat, quia vobis subtrahitur, quod alteri plus quam ratio exigit, praebeatur. Ego enim non verbis quero prosperari, sed moribus, nec honorem esse deputo, in quo fratres meos honorem suum perdere cognosco. Meus namque honor est universalis Ecclesia, meus honor est fratrum meorum solidus vigor. Tunc ego vere honoratus sum, cum singulis quibusque honor debitus non negatur. Si universalem me Papam vestra sanctitas dicit, negat se hoc esse, quod me facit universum, sed absit hoc: Recedant verba, quae vanitatem inflant, & caritatem vulnerant. Quidquid tot verbis exagitur ab æquissimo Pontifice, si suis expendatur momentis, ad Bellarminianam, non ad Canisianam Ecclesiae definitionem accurret.*

Tum demum in ejusdem libri Indict. 11. Epistola 145. ad Joannem Syracusanum Episcopum, ubi de Byzaceno Primato criminis accusato sic loquitur: *Nam quod se dicit Sedi Apostolicae subijci, si qua culpa in Episcopis invenitur, nescio quis ei Episcopus subiectus non sit. Cum vero culpa non exigit, omnes secundum rationem humilitatis aequales sunt. Canisius verba haec Gregorii ad definitionem suam aptare nusquam poterit; Bellarminus ad suam aptare sine negotio poterit.*

Gregorius VIII. in Epistola 111. ad omnes Ecclesiae Praelatos, Episcoporum numero seipsum adscribit. *Quoniam ad Episcoporum maxime spectat officium, afflicti & laborantibus subvenire, unumque illorum, deficientibus licet meritis, me esse volui, prospicere tenemur, &c. Respectum habuit ad Romanam Ecclesiam Missale, ubi feria vi. in Parasceve Domini sic oratur pro Romano Pontifice: Oremus & pro beatissimo Papa nostro N., ut Deus & Dominus noster, qui elegit eum in ordinem Episcopatus, saluum atque incolumem custodiat Ecclesiae suae sanctae ad regendum populum sanctum Dei. Hic ergo Pontifex, quo magis ad Bellarminianam Ecclesiae definitionem accedit, eo magis à Canisiana Ecclesiae definitione recedit.*

Hanc porro & consimilem doctrinam secuta Synodus Tridentina Hierarchiam in sessionis xxiii. canone vi. definiit: *Si quis dixerit in Ecclesia catholica non esse hierarchiam divina ordinatione institutam, quae constat ex Episcopis, Presbyteris & ministris, anathema sit.* Hoc in canone Romanus Episcopus ceteris aggregatur Episcopis, si ad hierarchiam divina ordinatione institutam pertineat. Non pertinere vero sine errore quis diceret? Quanta porro fuerit in Tridentina Synodo Romanorum Pontificum auctoritas, haec facit, ut Gelasio, Symmacho, Gregorio I. & Gregorio VIII. Tridentinam Synodum adjungam. His ita constitutis, relato Tridentinae Synodi canone Canisiana Ecclesiae definitio destrueretur potius quam confirmaretur, sed Bellarminiana prorsus assereretur.

Succurrunt Pontifices illi omnes à quibus Episcopi fratres & Coepiscopi vocantur, Stephanus I. in epistola ad Cyprianum, Julius I. in epistola ad Orientales, Liberius in epistola ad Ursacium, Valentem & Germinium, Siricius in epistola IV. ad Africanos, Anastasius I. in epistola ad Joannem Hierosolymitanum, Innocentius I. in epistola VII. ad Rufum, Gerontium, & alios Macedoniæ Episcopos, Zosimus in epistola ad Hefychum Salonitanum, Bonifacius I. in epistola II. ad Rufum Episcopum, Celestinus in epistola ad Episcopos Galliæ, Xistus III. in epistola I. ad Perigenem Episcopum, Leo I. in epistola V. ad Dorum Beneventanum Episcopum, Simplicius in epistola ad Joannem Ravennatem Episcopum, Felix III. in Romana Synodo, cui præfuit, Gelasius I. in epistola ad universos per Picenum Episcopos, Anastasius II. in epistola ad Anastasium Imperatorem, Symmachus in epistola X. ad universos Galliæ Episcopos, Hormisdas in epistola X. ad Avitum Viennensem Episcopum, Joannes II. in epistola V. ad Presbyteros & Diaconos Contumeliosi Episcopi, Agapetus I. in epistola X. ad Africanos Episcopos, Vigilius in epistola IV. ad Justinianum, Pelagius I. in epistola III. ad Childebertum Regem, Pelagius II. in epistola III. ad Gregorium Diaconum, Gregorius Magnus in libri II. Indict. II. epistola XX. ad Joannem Episcopum, Martinus I. in epistola ad Joannem Episcopum Philadelphiam, Joannes VII. in scripto quodam ad Gregorium Portuenssem Episcopum, Gregorius II. in epistola ad Clerum & populum, Gregorius III. in epistola II. ad Bonifacium, Zacharias in epistola X. ad Bonifacium, Stephanus II. in epistola V. ad Pippinum Regem, Paulus I. in epistola III. ad Pippinum Regem, Gregorius IV. in epistola ad fratres & Coepiscopos per Galliam, &c. constitutos, Leo IV. in Romano Concilio, quod in causa Anastasii Cardinalis Presbyteri habuit, Nicolaus I. in epistola X. ad Metropolitanos & Episcopos Sedi Constantinopolitane subjectos, Hadrianus II. in epistola VI. ad Tricassinam Synodum, Joannes VIII. in epistola VIII. ad Carolum Imperatorem, Joannes XIII. in epistola ad Gregorium Portuenssem Coepiscopum, Joannes XX. seu Benedictus XI. in actis Lemovicenses Concilii II. Victor II. in epistola ad Humbertum Coepiscopum, Leo IX. in epistola III. ad Thomam Africanum Episcopum, Nicolaus II. ad Clerum & plebem Sistaricensem, Gregorius VII. in libri I. epistola LXVI. ad omnes monachos & laicos Monasterii sancti Quirici, Victor III. in Beneventano Concilio, Urbanus II. in sermone, quem in Claromontano habuit Concilio, Paschalis II. in epistola XXX. ad Episcopos Angliæ, Callistus II. in epistola ad fratres & Coepiscopos Corsicæ, Hadrianus IV. in epistola III. ad Episcopos Galliæ & Germaniæ, Alexander III. in epistola LII. ad Philippum Colonensem Archiepiscopum, Innocentius III. in libri I. epistola ad Averfanum Episcopum, Honorius IV. in privilegio quod Nicolao Tusculano Antistiti concessit, Joannes XXII. tit. V. *Ne Sede vacante*. Tot autem & tanti Romani Pontifices cum uniuscujusque diæcesis Episcopos appellant fratres & Coepiscopos, Canisianam Ecclesiæ definitionem adjuvare non possunt, Bellarminianam adjuvare possunt. Nam si Canisianâ consideretur Ecclesiæ definitio, ut Christum in regenda Ecclesia collegas nullos habet; sic & Romanus Pontifex illius vicarius collegas nullos haberet, quod à Romanæ Ecclesiæ & Sedis Apostolicæ traditione multum, ut mox vidimus, abhorret. At si Bellarminiana consideretur Ecclesiæ definitio, Romanus Pontifex in regenda Ecclesia collegas, licet disparili modo, quamplurimos habet.

Huc quoque spectant Romani Pontifices illi omnes qui profitentur ingenue, Ecclesiarum quibus cæteri Antistites præsent, gubernationem iis à Deo com-

missam esse. Nonnullorum ad exemplum testimonia proferimus.

Leo Magnus præbit in epistolæ IXII. ad Maximum Antiochenum capite II. *Et ideo, frater carissime, oportet dilectionem tuam toto corde perspicere, cuius Ecclesiæ gubernaculis TE DOMINUS VOLUERIT PRÆSIDERE.*

Felix III. in epistola V. ad Flavitarum Constantinopolitanum Episcopum: *Ne commissæ vobis DIVINITUS rationabiles oves, non sine vestro discrimine, quod absit, perire sinantur, exhortor.*

Gregorius III. in epistola IIII. ad Episcopos provinciarum Germaniæ: *Ut populum vobis A DEO commissum piis admonitionibus edocetis.*

Zacharias in epistolæ I. ad Bonifacium Archiepiscopum capite I. *Tua vero sancta fraternitas si quid de cætero evenierit, ut sacri docent canones, studeat emendare in plebibus sibi A DEO commissis.*

Hadrianus I. in epistola LXXVII. Carolini codicis ad Carolum Magnum: *Ceteri vero Episcopi atque Presbyteri in eorum degentes Ecclesiis, canonice unusquisque per vestrum regale robustissimum presidium suum valeant regere populum sibi A DEO commissum.*

Leo IV. in epistola ad Britannicæ gentis Episcopos: *Quanto studio, quantaque solertia gregem vobis A DOMINO commissum pascitis, divinisque fovetis edulii, nobis directâ scripta reseravunt.*

Joannes VIII. in epistola VI. ad Episcopos, qui à Carolo desciscientes Ludovico Regi adhæserunt: *Nonne lux mundi & sal terra Veritate attestante vos estis? Et paullo post: Nonne vos posuit SPIRITUS SANCTUS Episcopos regere Ecclesiam Dei?*

Joannes IX. in Ravennati Concilio, ubi sic perorat conversus ad Episcopos LXXIV. qui convenerant: *Hortamur ut secundum debitam sollicitudinem commissam sibi A DEO Ecclesiæ curam unusquisque vestrum agere studeat.*

Paschalis II. in epistola XXI. ad Didacum Compostellanum Episcopum: *Ad hoc TE OMNIPOTENS DEUS populo suo præesse constituit, ut ejus peccata corrigas, & Domini annunties voluntatem.*

Innocentius II. in epistola ad Litifredum Novariensem Episcopum: *In eminente Sedis Apostolica specula, disponente Domino, constituti, ex injuncto nobis officio fratres nostros Episcopos diligere, & commissis sibi A DEO Ecclesiis suam debemus justitiam conservare; proinde, carissime frater Litifrede Episcopo, Novariensi Ecclesiæ, cuius A DEO cura tibi commissæ est, salubriter providere statuimus.*

Lucius II. in epistola ad Rainerium Ariminensem Episcopum: *In eminenti Apostolica Sedis specula, disponente Domino, constituti, ex injuncto nobis officio fratres Episcopos debemus diligere, & Ecclesiis sibi A DEO commissis suam conservare.*

Eugenius III. in epistola ad Gottifredum Lucensem Episcopum.

Anastasius IV. in epistola ad Rodulfum Fesulanum Episcopum.

Innocentius III. in privilegio, quod Magnardino Imolensi Episcopo concessit.

Honorius III. in epistola ad Bennonem Senogallensem Episcopum.

Gregorius XI. in privilegio, quod Rogerio Tricarienti Episcopo concessit, rem eandem iisdem verbis perscribit.

Alexander IV. in epistola ad Rotomagenssem Archiepiscopum & comprovinciales: *O formidolosa speculatorum, quos populo suo dispensatio divina præposuit, & periculosa conditio, si perfunctorie res agatur; si eo modo in sollicitudine commissæ non militem, quo summus præcepit Imperator, sibi & universo gregi, cui DEUS EOS CUSTODES & EPISCOPOS constit.*



tuit, non attendant. *Is præcipue horrendum erit humanorum operum finale judicium omnibus in commune tremendum. Et quibusdam interpolitis: Excitet vel summi Pastoris amor, QUI VOS PASCENDOS rationalibus ovis præposuit.*

Hæc autem doctrina, quam relati supra Pontifices Romani de pastoralis munere cæteris Episcopis divinitus concessio tam diserte tradunt, Bellarminianam Ecclesiæ definitionem ædificat, Canisianam non ædificat, quinetiam usque deque vertit.

Præterea Romani Pontifices sunt multi, qui simpliciter & absolute dicunt, Episcopos Ecclesiam Dei gubernare. Tres in exemplum adfero, ut in tribus verbum istud stare possit.

Innocentium I. in epistolæ II. ad Victricium Rotomagensis Episcopum capite III. *Sacerdotes in eadem provincia Dei Ecclesiam nutu divino gubernant.*

444 Gelasium I. in epistola V. ad Episcopos universos per Picenum: *Quapropter nimis incusamus fratres & Coepiscopos nostros, maxime per Piceni provincias Ecclesiam Dei gubernantes.*

Nicolaum I. in epistola I. ad universos Catholicos: *Ignatium virum senem & sanctum ac per XII. annos innocentem Dei Ecclesiam regentem, expulerunt. Iterum in epistola LXVI. ad Carolum Calvum: Cujus transcriptum exemplar vera sedis Antistitibus in regno vestro Ecclesiam Dei gubernantibus, vestra tribus gloria faciat. Hæc autem omnia in Bellarminianam Ecclesiæ definitionem quadrarent, in Canisianam minime quadrarent.*

Quod hic Innocentius I. Gelasius I. & Nicolaus I. qui diversis claruerunt temporibus, de Episcopis Dei Ecclesiam gubernantibus pronuntiant, & recte, ut credere par est, pronuntiant; nec de civitatum Galliarum rectoribus, nec de provinciarum Galliarum gubernatoribus recte pronuntiare possumus: Quis enim recte, hoc est, simpliciter & absolute pronuntiaret, hos omnes & rectores & gubernatores Regnum Galliarum regere & gubernare? Quid ita? Aliter Ecclesia, & aliter Regnum Galliarum regitur & gubernatur.

Abfolvunt omnia Romani Pontifices, qui cæteros alios Pontifices Christi vicarios appellant.

445 Hormisdas in epistola XXV. ad universos Hispaniarum Episcopos: *Ut in Sacerdotibus ordinandis quæ sunt à Patribus præscripta & definita cogitetis, quia sicut est caput Ecclesiæ Christus, Christi autem vicarii Sacerdotes, sic & in eligendis curam oportet esse perspicuam.*

Gregorius VII. in libri I. epistola XXI. ad Clerum & populum Carthaginensem: *Rixas & contentiones ut venenum vitæ, humilitatis discipuli, humilitatem induite, Christi vicem super vos habenti ex debito obedite, consilia, admonitiones ejus vero amore complecti insinuate, scientes cum sibi, Christo qui pro vobis passus est, obedieritis; ejus vero prædicationes, judicia ejus etiam cum susceperitis, Christi per omnia suscipietis. At enim: Qui vos suscipit, me suscipit; qui vos spernit, me spernit. Aliter vero si feceritis, Christi discipuli esse definitis, Apostolo resistitis, qui ait: Omnis anima sublimioribus potestatibus subdita sit. Cum ergo mundanæ potestatibus obedire prædicavit Apostolus, quanto magis spiritualibus, & vicem Christi inter Christianos habentibus, quos Episcopos esse dicit?*

Romana Ecclesia Pontificum est instar plurium in præfatione, quæ in festis Apostolorum legitur: *Aterne Deus, te Domine, suppliciter exorare, ut gregem tuum, Pastor æternæ, non deseras; sed per beatos Apostolos tuos continuam protectione custodias, ut iisdem rectoribus gubernetur; quos operis tui vicarios eisdem contulisti præesse Pastores. Sic Christus, canente Romana Ecclesia, non Petro solum, sed etiam cæteris Apostolis tanquam operis sui vicariis, regendam tradidit universam Ecclesiam: Quod in Episcopos Apostolorum successores non potest non transferri.*

Hic temperare mihi non possum, quin observem alios esse Doctores sanctos, qui cum agunt de Pastoribus, & tractant illud, *Pasce oves*, præfationi huic præluxerint; alios esse qui eam sibi prælucentem habuerint. Audiendi sunt igitur, & breviter adjungendi, ut ad quæstionem ultimam nostra finiatur responsio.

Ambrosius in libri de sacerdotali dignitate capite I. *Sic certe à Domino ad beatum Petrum dicitur, Petre, amas me? & ille, Tu scis quia amo te. Et cum tertio fuisset interrogatus, & trina responsione fuisset subsecutus, repetitum est à Domino tertio, Pasce oves meas; quem gregem tunc beatus suscepit Petrus, sed & nobiscum eas suscepit, & cum illo eas nos suscepimus omnes.*

Joannes Chrysostomus homilia LXXIX. in Matthæi caput XXIV. *Pasce oves meas, ad Sacerdotes omnes primi & secundi generis extendit: Amas me, Petre, inquit, pasce oves meas. Cum tertio ipsum interrogasset, hoc amoris esse argumentum confirmavit, quod ad Sacerdotes non solummodo dictum est, verum etiam ad singulos nostrum, quibus vel minimus grex commissus esse videtur.*

Deinde in homilia II. de prophetiarum obscuritate: *Vos pro omnibus Episcopis, qui Ecclesiam regunt, preces offeratis.*

Tum in libro contra gentiles: *Babylas per eos dies Christi Ecclesiam à Spiritus gratia sibi conceditam cum haberet, &c.*

Denique in homilia XXXVI. super epistolam I. ad Corinthios: *Pacem nunc quoque precatur omnibus is, qui præest Ecclesia, O tñs εκκλησίας πορεύσας.* 447

Augustinus tractatu XLVII. ad Joannem: *Petrus Pastor, Paulus Pastor, & cæteri Apostoli Pastores, & boni Episcopi Pastores.*

Deinde in libri de agone Christiano capite XXX. *Cum ei (Petro) dicitur, ad omnes dicitur, Amas me, pasce oves.*

Denique in Psalmum CVIII. *Sicut enim quadam dicuntur, quæ ad Apostolum Petrum proprie pertinere videantur; nec tamen habent illustrem intellectum, nisi cum referuntur ad Ecclesiam, cuius ille agnoscitur in figura gestasse personam propter primatum, quem in discipulis habuit, sicut est, Tibi dabo claves regni calorum; & si quæ hujusmodi, ut illud, Pasce oves meas: Quemadmodum sanctissimus Ecclesiarum Magister ostendit supra in tractatu XLVII. super Joannem, & in libri de agone Christiano capite XXX. Ut ergo Petrus quando ei dictum est, Tibi dabo claves, in figura personam gestabat Ecclesiæ; sic & quando ei dictum est, Pasce oves meas, Ecclesiæ quoque personam in figura gestabat.*

Petrus Damianus Ostiensis Episcopus & Cardinalis, in opusculi XXVII. capite III. *Episcopi Apostolorum noscuntur obtinere primatum.*

Sanctus Bernardinus Senensis in ferm. XX. feriæ III. post Dominicam II. in Quadragesima cap. I. *Primo honorandi sunt Sacerdotes in ratione dignitatis, sicut enim vicarii Dei in terris; Ut animas Christi sanguine redemptas servari curent, & maxime spiritualiter pascant. In cuius mysterium Joannis XXI. ait Dominus Petro: Simon Joannis, amas me? Dicit ei Petrus: Domine, tu omnia nosti; scis quia amo te. Dicit ei Dominus, Pasce oves meas. Ecce quod Petro in persona aliorum Sacerdotum commissum est à Domino animarum cura. Magna est igitur dignitas Sacerdotum, qui animabus pascendis vicem Dei gerunt in terris.* 448

His autem ita constitutis, Hormisdas, Gregorius VII. Romana Ecclesia in præfatione, quæ in festis Apostolorum legitur, Ambrosius, Chrysostomus, Augustinus, Damianus & Bernardinus, cum Episcopos Christi vicarios proponunt, Canisianam Ecclesiæ definitionem tollunt è medio, & Bellarminianam hinc confirmant, hinc in pronomine (unius) nonnihil emolli-

emolliunt, nisi fortassis per adverbium (præcipue) jam satis emollicum intelligeretur.

449 Leo X. cum Pauli Germani Mildelburgii libros de recta Paschæ celebratione opera Petri Bembi probavit, probando suos utique fecit. Sic autem inscribuntur: *Ad summum Christiana aristocratia principem, maximumque sacrorum Antistitem Leonem X. Pauli Germani de Mildelburgo, Dei & Apostolica Sedis gratia Episcopi Sempronensis, præfatio in libros de recta Paschæ celebratione.* Qui tunc dierum titulum hunc ducto ex duobus veræ Theologiæ principiis, Scriptura & traditione, argumento reprobaverit, legere me non memini; sed postquam illum gratum acceptumque habuit Pontifex, quis reprobare ausus esset? Utut sit, Mildelburgii præfatio inservire Canisio non potuit, Bellarmino inservire potuit, qui & Mildelburgii libros vidisse se in libro de scriptoribus Ecclesiasticis testatur. Hoc igitur quia satis lucet, necesse non est pluribus exponere.

Hactenus Bellarminianam Ecclesiæ definitionem adversus Canisianam propugnâvimus, & eo propugnâvimus modo, ut Canisiana vel Bannesiana defendi non possit, etiam auxilio scholasticæ Theologiæ, quam falso & per irrisionem Lutherus apud Hieronymum Hangestum Parisiensem Theologum sic definiit: *Scholastica Theologia est ea, qua à Parisiensium Sorbona mixtione quadam ex divinis eloquiis & philosophicis rationibus, tanquam ex Centaurorum genere biformis disciplina conflata est.* Defendi, inquam, non possit per hanc scholasticam, nisi accidentis interveniret fallacia, in qua à re ad modum, à non distributo ad distributum (verba sunt artis) disputatur. Sed Lutherum sic falso Theologiam scholasticam definire præmonui, cum à Parisiensibus apud eundem Hangestum in libro de Academiis, scholastica Theologia hoc modo definitur: *Est divinarum Scripturarum peritiam recepto, quem Ecclesia approbat, sensu, non spretis orthodoxorum Doctorum interpretationibus & censuris, ac interdum aliarum disciplinarum non contempto suffragio.*

Tunc temporis Parisienses majores nostri non ali-

am scholasticam agnosci, haberique voluerunt Theologiam, quam quæ hocce modo describitur. Qui illam duas in partes divideret, continuo destrueret, & sciens, sed minime prudens in Lutheri calumniam incurreret.

Jam vides, opinor, vir perspicacissime, Bellarminianam Ecclesiæ definitionem Canisianæ merito anteponendam esse in usu, si ut anteponeretur, certa quædam necessitas exigeret, & in mutuo duarum definitionum conflictu quærendæ & asserendæ veritatis conditio poneretur. Non enim sum nescius Bellarminianam Ecclesiæ definitionem, id est, Bellarminianam ad veterem Ecclesiæ definitionem additamentum, si semel admittatur, Catholicis de novitatibus hæreticorum conquerentibus, incommodare posse. Non repeto, quæ ea super re antea discernimus. Apposite omnino & sapienter dixit olim nomine suo & Romanæ Ecclesiæ Gregorius VII. cum in libri II. Epistola I. scriberet ad Sancium Aragoniæ Regem, non esse permittendum: *Ut aliquid contrarium sanctis Patribus in exemplum & auctoritatem relinquatur.* Relinqueretur admittâ semel ea quæ à Bellarmino traditur, Ecclesiæ definitione, cui adduntur, quæ ad explicandam rei definitæ naturam minime pertinent. Pauciora scribere non potui quam quæ scripsi: Ut multa scriberem, multiplex tua postulat quæstio.

Cæterum quod contra Canisium, Bannem & alios utriusque discipulos, pro Bellarmino disputâvimus: Etiam si non valeat ad probandum quid sit Ecclesia, valere nihilominus poterit ad probandum quid sit status Ecclesiæ, & in quo consilium illius, regimenque locatum sit. Huc spectant Romani Pontifices pene innumerabiles antiquæ mediæ & postremæ ætatis: Huc quoque spectant laudati cum illis Pontificibus Patres, Ambrosius, Chrysostomus, Augustinus, Damianus, Bernardinus, & Romana ipsa Ecclesia in præfatione Missæ, quæ de Apostolis celebratur. Interim tu omnia, ut soles, æqui bonique consulas velim. Vale, Lutetiæ Paris. x. Calend. Quintiles ann. MDCLXXIII.

# Joannes Launoius

## LUDOVICO MARÆSIO

Parisiensi Theologo.

453 **Q**UOMODO disputationes instituendæ sint & tractandæ quæstiones fidei, cum eas definire oportet, ut nonnihil scriberem, auctor cum primis & suâs fui. Tu, ut labori tuo parceres, id à me præstari vis, quod ipse successu feliciori præstitisses. Quidquid in causâ, vacare me huic operi, si vacandum est, utilius vel securius non posse credidi, quam si corpus in unum compingerem, non quid ea super re mihi videretur, sed quid Apostolis, Conciliis, Romanis Pontificibus, & aliis Patribus visum esset. Hic satis prævideo fore qui dicant, non quid facti, sed quid juris quærendum & asserendum fuit; fortassis istud dicent, sed non recordati ex facto jus nonnunquam trahi. At si quando jus ex facto trahitur, ut siue dubio trahitur, ex Apostolorum, Conciliorum,

Romanorum Pontificum, & aliorum Patrum facto trahetur. Sunt quidem, fateor, exempla, quæ referam, sed optima & habenda legum instar, quibus Christianorum nemo sapiens obsequium detrectaturus est unquam. Præterea quæ cautione & prudentia exemplum malum fugiendum est, eadem & bonum sequendum esse egregie cordati homines semper intellexerunt. Igitur describo, quæ Apostoli, quæ Concilia, quæ Romani Pontifices, quæ Patres alii fecerunt, & posteris, ut recte facta, tradiderunt. Hoc autem in negotio à quibusdam quid faciendum sit, ab aliis quid cavendum præstituitur, sed utrique scopum eundem attingunt. Syntagma nostrum varia in capita distribuam, ne quod nostris mentibus importare lumen debet, tenebrarum aliquid importet.

CAPUT



## CAPUT I.

*Observatus de Concilio Apostolorum tractandi  
modus exponitur.*

**H**UJUS operis initium aliunde sumi non potest rectius, quam ex Concilio, quod Apostoli contra certos quosdam Phariseos Hierosolymis celebrant; sed qua ratione celebratum sit, beatus Lucas Actorum cap. xv. sic commemorat: Surrexerunt autem quidam de haresi Phariseorum qui crediderunt, dicentes: Quia oportet circumcidi eos, precipere quoque servare legem Moysi; conveneruntque Apostoli & seniores videre de verbo hoc. Cum autem magna conquisitio fieret, surgens Petrus dixit ad eos: Viri fratres, vos scitis, quoniam ab antiquis diebus Deus in nobis elegit per os meum audire gentes verbum Evangelii & credere. Et qui novit corda Deus, testimonium perhibuit, dans illis Spiritum sanctum, sicut & nobis, & nihil discrevit inter nos & illos, fide purificans corda eorum. Nunc ergo quid tentatis Deum imponere jugum super cervicibus discipulorum, quod neque Patres nostri, neque nos portare potuimus? Sed per gratiam Domini JESU CHRISTI credimus salvari, quemadmodum & illi. Tacuit autem omnis multitudo, & audiebant Barnabam & Paulum narrantes, quanta Deus fecisset signa & prodigia in gentibus per eos. Et postquam tacuerunt, respondit Jacobus dicens: Viri fratres, audite me. Simon narravit, quemadmodum primum Deus visitavit sumere ex gentibus populum nomini suo, & huic concordant verba Prophetarum, sicut scriptum est: Post hac revertar, & reedificabo tabernaculum David, quod decidit, & dirua ejus reedificabo, & erigam illud, ut requirant ceteri hominum Dominum, & omnes gentes, super quas invocatum est nomen meum, dicit Dominus faciens hec. Notum à seculo est Domino opus suum. Propter quod ego judico non inquietari eos, qui ex gentibus convertuntur ad Deum; sed scribere ad eos, ut abstineant se à contaminationibus simulacrorum, & fornicatione, & suffocatis, & sanguine. Moyses enim à temporibus antiquis habet in singulis civitatibus, qui eum pradicent in Synagogis, ubi per omne sabbatum legitur. Tunc placuit Apostolis & senioribus cum omni Ecclesia eligere viros ex eis, & mittere Antiochiam cum Paulo & Barnaba, Judam, qui cognominabatur 456 Barsabas, & Silam viros primos in fratribus, scribentes per manus eorum. Apostoli, seniores, fratres, his qui sunt Antiochia & Syria & Cilicia fratribus ex gentibus, salutem.

Hic potissimum notanda sunt tria. Imprimis magna sit ab Apostolis super re, quæ definienda erat, conquisitio, etiam si Sancto Spiritu jam plenè forent, nec alias in decernendo errare possent. Deinde Prophetarum scripta laudantur, excutiunturque. Tum demum Synodica ad fratres, qui ex gentibus erant, epistola confribitur, quæ Apostolica definitionis summam repræsentat.

## CAPUT II.

*Observatus de Irenæo & Tertulliano tractandi  
modus exponitur.*

**I**RENÆUS Lugdunensis Episcopus & martyr, & Tertullianus vixerunt iis temporibus, quibus Ecclesiam nascentem hæreses quamplurimæ afflixerunt, eas uterque confutandas suscepit, & cum sciret hæreses quasdam esse doctrinæ novitates, his doctrinæ antiquitatem opposuit. Hæc est in utroque tractandi methodus. Pauca de Irenæo notamus, sed quæ suf-

ficient: ex lib. 111. adversus hæreses cap. 11. Cum autem ad eam iterum traditionem, quæ est ab Apostolis, quæ per successiones Presbyterorum in Ecclesiis custoditur, 457 provocamus eos, (Valentinum & Marcionem) adversatur traditioni, dicentes, se non solum Presbyteris, sed etiam Apostolis existentes sapientiores sinceram invenisse veritatem. Et quibuldam interpositis: Evenit itaque neque Scripturis jam, neque traditioni consentire eos. Adversus tales nobis certamen est, ô dilectissime, more serpentum lubrici undique effugere conantes.

Deinde ex eodem lib. cap. 1v. Quid enim? etsi quibus de aliqua modica questione disceptatio esset, non oporteret in antiquissimas recurrere Ecclesias, in quibus Apostoli conversati sunt, & ab eis de præsentis questione sumere, quod certum & re liquidum est? Quid autem, si neque Apostoli quidem Scripturas reliquissent nobis, nonne oportebat ordinem sequi traditionis, quam tradiderunt eis, quibus committebant Ecclesias? Cui ordinationi assentiunt multa gentes barbarorum, quorum qui in Christum credunt, sine charta & atramento scriptam habentes per spiritum in cordibus suis salutem, & veterem traditionem diligenter custodientes, in unum credentes Deum, &c.

Tum ex eodem lib. cap. v. Traditione igitur, quæ est ab Apostolis, sic se habent in Ecclesia, & permanente apud nos, revertamur ad eam, quæ est ex Scripturis, ostensionem, & eorum, qui Evangelium conscripserunt Apostolorum: Ex quibus conscripserunt de Deo sententiam, ostendentes quoniam Dominus noster JESUS CHRISTUS veritas est, & mendacium in eo non est. Sic primum traditionem ab Apostolis ad suum usque tempus decurrentem exponit. Deinde 458 Scripturam adfert traditioni consentaneam, ut ex iis tanquam ex duobus Theologiæ principiis, usque antiquissimis, exortas nuper in Ecclesia novitates comprimat & confundat.

Quarto ex lib. 1v. cap. xliii. Quapropter eis, qui in Ecclesia sunt, Presbyteris obaudire oportet; his qui successionem habent ab Apostolis, sicut ostendimus; qui cum episcopatus successione charisma veritatis certum, secundum placitum Patris, acceperunt. Reliquos vero, qui absistunt à principali successione, & quocunque loco colliguntur, suspectos habere, vel quasi hæreticos & mala sententia, vel quasi scindentes & elatos & sibi placentes, aut rursus ut hypocritas, quæstus gratia & vana gloria hoc operantes.

Quinto ex eodem lib. capite lxiii. Agnitio vera est Apostolorum doctrina, & antiquus Ecclesia statum in universo mundo; & character corporis Christi secundum successiones Episcoporum, quibus illi eam, quæ in unoquoque loco est, Ecclesiam tradiderunt, quæ pervenit usque ad nos, custodita sine fictione scripturarum, neque additamentum, neque ablationem recipiens.

Denique ex lib. v. hist. Eusebii cap. xix. Ista dogmata ne hæretici quidem, qui erant ab Ecclesia ex-turbati, unquam affirmare audebant; ista dogmata Presbyteri, qui ante nos fuerunt, quique erant ipsorum Apostolorum discipuli, minime tibi tradiderunt. Hæc ibi Irenæus. Antiquitas hæreticis opponi duplici modo potest: Uno, dum ipsa nihil loquitur, ejusque silentium novitatibus opponitur, ut postremus Irenæi locus ostendit; altero, dum loquitur, & eam 459 prædicat doctrinam, quæ novitatibus contraria est. Hactenus de Irenæo, nunc de Tertulliani commentariis decerpenda sunt, quæ eandem ad metam pertinent.

Et primum quidem de lib. præscriptionis hæreticorum cap. xxi. Hinc igitur dirigimus præscriptionem, si Dominus JESUS CHRISTUS Apostolos misit ad prædicandum, alios non esse recipiendos Prædicatores, quam Christum instituit, quia nec alius Patrem novit, nisi Filius; & cui Filius revelavit, nec alius videtur revelasse Filius, quam Apostolis, quos misit ad prædicandum, usque quod illis, revelavit. Quid autem prædicaverint, id

id est, quid illis Christus revelaverit, & hic præscribam non aliter probari debere, nisi per easdem Ecclesias, quas ipsi Apostoli condiderunt, ipsi eis prædicando tam viva, quod aium, voce, quam per Epistolas postea. Si hac ita sunt, constat proinde omnem doctrinam qua cum illis Ecclesiis Apostolicis & matricibus & originalibus fidei conspires, veritati deputandam, sine dubio tenentem quod Ecclesia ab Apostolis, Apostoli à Christo, Christus à Deo accepit; omnem vero doctrinam de mendacio præjudicandam, qua sapiat contra veritatem Ecclesiarum & Apostolorum, Christi & Dei. Superest ergo, uti demonstremus, an hac nostra doctrina, cuius regulam supra edidimus, de Apostolorum traditione censeatur: Et ex hoc ipso, an cetera de mendacio veniam. Communicamus cum Ecclesiis Apostolicis, quod nulli doctrina diversa. Hoc est testimonium veritatis.

Deinde de eodem libro capite xxxi. & xxxi. Ita ex ipso ordine manifestatur id esse Dominicam & verum, quod sit prius traditum; id autem extraneum & falsum, quod sit posterius immixtum. Ea sententia manebit adversus posteriores quasque hæreses, quibus nulla constantia de conscientia competit ad defendendam sibi veritatem. Ceterum si qua audent interferere se atque Apostolica, ut ideo videantur ab Apostolis tradita, quia sub Apostolis fuerunt, possumus dicere: Edant ergo origines Ecclesiarum suarum, evolvant ordinem Episcoporum suorum, ita per successiones ab initio decurrentem, ut primus ille Episcopus aliquem ex Apostolis, vel Apostolicis viris, qui tamen cum Apostolis perseveraverit, habuerit auctorem & antecessorem.

Tum de eodem libro capite xxxiv. His definitionibus provocata à nobis, & revicta hæreses omnes, si ve qua postea, si ve qua coætanea Apostolorum, dummodo diversa; si ve generaliter, si ve specialiter notata ab eis, dummodo prædamnata, audeant respondere, & ipsa aliquas ejusmodi præscriptiones adversus nostram disciplinam. Si enim negant veritatem ejus, debent probare illam quoque hæresim esse eadem forma revictam, qua ipsa revincuntur; & ostendere simul, ubinam quærenda sit veritas, quam apud illas non esse jam constat. Posterior nostra res non est, immo omnibus prior est, hoc est testimonium veritatis ubique occupantis Principatum; ab Apostolis utique non damnatur, immo defenditur, hoc erit indicium proprietatis.

Tertio de lib. contra Hermogenem cap. i. Solemus hæreticis compendii gratia de posteritate præscribere. In quantum enim veritatis regula prior, qua etiam futuras hæreses prænotavit, in tantum posteriores quæque doctrinæ hæreses præjudicabuntur, quia sunt qua futura veritatis antiquiore regula prænotabatur.

Ex lib. i. contra Marcionem cap. i. Non negabunt discipuli ejus, primam illius fidem nobiscum fuisse, ipsius literis testibus, ut hinc jam destinari possit hæreticus, qui deserto quod prius fuerat, id postea sibi elegerit quod retro non erat. In tantum enim hæresis deputabitur, quod postea inducitur, in quantum veritas habebitur, quod retro & à primordio traditum est. Sed alius libellus hunc gradum sustinebit adversus hæreticos, etiam sine retractatu doctrinarum revincendos, quod hoc sint de præscriptione novitatis.

Quarto de lib. iv. cap. iv. Fumus ergo ducendus est contentio (de Evangelio Lucæ) pari hinc inde nisi fluctuante. Ego meum dico verum, Marcion sum; ego Marcionis adfirmo adulteratum, Marcion meum. Quis inter nos determinabit, nisi temporis ratio ei præscribens auctoritatem, quod antiquius reperitur, & ei præjudicans vitiationem, quod posterius revincitur? In quantum enim falsum corruptio est veri, in tantum præcedat metasse est veritas falsum. Prior erit res passione, & materia emulatione. Alioquin quam absurdum, ut si nostrum antiquius probaverimus, Marcionis vero posterius; & nostrum ante videatur falsum, quam habuerit de veritate materiam; & Marcionis ante credatur amulationem à nostro expertum, quam est editum: Et postremo id verius existimetur, quod est serius post tot ac tanta

jam opera atque documenta Christiana religionis sæculo edita, qua edi utique non potuissent sine Evangelii veritate, id est, ante Evangelii veritatem! Quod ergo pertinet ad Evangelium interim Luca, quatenus communio ejus inter nos & Marcionem de veritate disceptat, adeo antiquius Marcione est, quod est secundum nos, ut ipse illi Marcion aliquando crediderit. Infra cap. v. In summa, si constat id verum quod prius, id prius quod & ab initio, id ab initio quod ab Apostolis, pariter utique constabit, id esse ab Apostolis traditum, quod apud Ecclesias Apostolorum fuerit sacrosanctum.

Denique de libro contra Praxeam capite i. Hanc regulam (fidei) ab initio Evangelii decurrerit, etiam ante priores quosque hæreticos, nedum ante Praxeam hæreticum, probavit tam ipsa posteritas omnium hæreticorum, quam ipsa novellitas Praxeæ hæretici. Quo per æque adversus universas hæreses jam hinc præjudicatum sit, id esse verum quodcumque primum, id esse adulterum quodcumque posterius.

His autem locis omnibus, auctor eandem tundit incudem, & eandem reciprocatur ferram, qua hæreses comminuuntur, dum scilicet antiquitatem novitati opponit.

## CAPUT III.

Observatus de Concilio Antiocheno contra Paulum Samosatenum tractandi modus exponitur.

EUSEBIUS semel atque iterum Concilium istud attingit lib. vii. historiæ. Semel quidem cap. xxxi. Omnibus igitur variis temporibus (ut talis occasio) & persæpe in unum convenientibus, in unoquoque congressu orationes habitæ sunt, & quæstiones posite, cum à Paulo Samosateno, qui peregrinam suam & alienam ab Ecclesia doctrinam adhuc occultare & obtegere moliebatur; tum ab illis, qui ejus errorem, & in Christum blasphemiam patefacere & in apertum proferre omni studio elaborabant.

Iterum cap. xxiv. in epistola synodica. Quoniam Paulus relicto Ecclesiæ canone ad adulterinam depravatamque doctrinam se transfudit, ejus res gestas, cum sit extra Ecclesiæ fines ejectus, nihil attinet disquirere.

Ex his autem constat, Paulum relicto Ecclesiæ canone, id est, fidei regula, novam & peregrinam doctrinam amplexum esse. Deinde ut erroris coargueretur, orationes habitæ esse, quæstiones motas & argumenta proposita, quibus sublata est novitas doctrinæ, & retenta antiquitas. Neque aliud quidquam fieri poterat, neque alio fieri modo, quam ut novitati vetustas opponeretur.

## CAPUT IV.

Observatus de Concilio Nicæno adversus Arium tractandi modus exponitur.

SCRIPTORES occurrunt mihi tres, qui hunc modum tractandi memoriæ tradiderunt. Primus est Athanasius apud Theodoretum lib. i. historiæ cap. vii. Et illi quidem (hæretici) tanquam ex stercore vocibus eruis de terra vere locuti sunt. Episcopi vero non sub ipsis vocibus confinxerunt, sed Patrum testimonio probatus usurparunt. Fuerunt enim ante annos centum prope & triginta præfati Episcopi, tum magna Roma, tum urbis nostra, qui eos infirmularunt, qui Filium creaturam dicerent, & consubstantialem Patri negarent. Neque hujus rei ignarus fuit Eusebius Cæsariensis Episcopus qui hæresi Ariana antea suffragatus, Synodo postea Nicæna subscripsit, atque ad suos scribens



scribens idem affirmavit. Novimus, inquit, quosdam ex antiquis disertos & illustres Episcopos & scriptores, cum de Patris & Filii divinitate loqueremur, consubstantialis voce usos esse.

Iterum in epistola synodica ad Jovinianum. Nam pro certo scias velimus, Auguste sanctissime, hanc ipsam (fidem de Christo) ab omni saeculorum memoria predicatam fuisse. Hanc confirmant sancti Patres Nicaea coacti, huic omnes ubique Ecclesia assensa sunt.

Alter est Socrates lib. 1. historiae cap. v. ubi rem clarius exponit: Aderant (Concilio Nicæno) laici complures differendi scientia valde periti, qui erant ad patrocinium alterutrius partis suscipiendum parati. Et post alia: Paulo antequam Episcopi in unum convenirent, Dialectici in quibusdam disputandi tanquam prolusionibus adversus plerosque se exercuerunt. At cum nonnulli quasi illecebris ad differendum traherentur, laicus quidam ex Confessorum numero, simplici, & sincero animo praeiit, cum Dialecticis illis congrederetur, sicque contra illos verba facit, Christum certe & Apostolos artem differendi neutiquam nobis tradidisse, neque inanes fallacias, sed mentem apertam & simplicem, quae fide & bonis operibus integra servari solet. Qua cum dixisset, cum alii homines, qui aderant, & eum admirati sunt, & illius approbatae sententiam; tum Dialectici, ut primum sincerum veritatis sermonem audiverant, a quo animo ac placido conquievit. Sic igitur tumultus ille ex differendi facultate concitatus, tandem penitus repressus est. Ita Nicæni Patres de asserenda Christi divinitate cum tractarent, artem differendi procul amandarunt, & repudiatis Dialecticorum rationibus solam majorum traditionem in auctoritatem admiserunt.

Tertius idipsum testatur Vigilius Papa in suis ad universum populum Dei literis, quæ encyclicæ dici merito possunt: Sciant igitur universi nos illam fidem predicare, tenere atque defendere, quam ab Apostolis traditam, & per successores inviolabiliter custoditam reverenda Nicæna Synodus CCCXVIII. Patrum sancto Spiritu sibi revelante suscipiens redegit in Symbolum. Novator igitur, seu potius instaurator novitatis fuit Arius, qui prædicatam ab Apostolis fidem, & a successoribus retentam perturbavit: Arii porro novitas nec fuit, nec esse, nec dici quoque potuit, nisi quia contradiceret antiquitati. Cum Arium novitatis seu novæ & damnatæ opinionis instauratorem nomino, Athanasius & Alexander Alexandriæ Episcopus mihi ante oculos obversantur. Ille dum in libro de Synodis ait: Quasi nescirent, ante Concilium Nicænum hæresim istam (Arii) abominabilem fuisse, quo tempore Artemas ejus fundamenta jaciebat. Hic dum apud Theodoretum in libri 1. hist. capite III. ad Alexandrum Constantinopolitanum Episcopum ita scribit: Multa dicere cum haberem, dilectissimi, missa facio, quod absurdum putem Doctores, qui nobis consentiunt, pluribus admonere. Ipsi enim à Deo edocti estis, non ignorantes istam, quæ adversus Ecclesiasticam pietatem nuper se extulit, Eubionis & Artemas doctrinam esse, emulationemque Pauli apud Antiochiam Samosatensium, qui omnium passim Episcoporum Concilio & judicio ab Ecclesia est ejectus, cuique succedens Lucianus diuturno trium Episcoporum tempore exclusus ab Ecclesia mansit. Horum impietatis hausta facie, nunc nobis, qui ex non extantibus dicunt, velut occulta illorum germina prodierunt, Arius & Achilles, & reliqua cum eis turba improborum.

Alexander Alexandrinus dicit quidem Paulum Samosatenum ab Antiocheno damnatum fuisse Concilio; sed qua ratione damnatus fuerit, non dicit. Dicunt Hilarius & Athanasius. Ille in epistola de Synodis: Male intelligitur homousion, quid ad me bene intelligentem? Male homousion Samosatens confessus est; sed nunquid melius Ariani negaverunt? Hic in libro de Synodis Arimini & Seleuciæ: Caterum quia affirmant, eum

Epistola penes me non erat, Episcopos qui Samosatensem condemnarunt, dixisse Filium non esse Patri consubstantialem, ac jam deinde ipsos, qui ita locuti sunt, ab hac voce abhorre, rectum fuerit reverenter cum iis de ea re disputationes facere. Nam arietare cum illis prorsus indecorum est, eo quod omnes Patres sint. Rursus dijudicare istos bene, illos male dixisse nequaquam sanctorum est: Omnes enim in Christo dormierunt. Quapropter neque contentiosius agendum est, neque numerus eorum qui congregati fuerunt, in comparationem mittendus, ne videantur trecenti illi Nicæenses, eos qui pauciores sunt, præstringere, neque tempora metienda sunt, ne priores videantur posteriores exauctorare. Omnes enim isti (quemadmodum dixi) Patres sunt; sed tamen, neque isti, quasi novum aliquid sapientes id in scripta retulerunt, neque sui fiducia voces in Scriptura non solemnes defendunt; sed à Patribus imitati eorum vocabulis uti voluerunt. Duo enim Dionysii diu ante eos septuaginta fuerunt qui Samosatensem sustulerunt, quorum alter Roma, alter Alexandria Præsul erat. Ibi cum quidam Alexandrinum Episcopum apud Romanum accusarent, quasi qui Filium opus, & non consubstantialem Patri diceret, & Synodus Roma coacta indigne tulit, & Romanus ad cognominem sibi Episcopum omnium sententiam perscripsit, ac jam inde ille se ad defensionem parans, libello suo titulum refutationis & apologia indidit, & in hac verba ad Romanum scripsit: Ego & in alia Epistola scripsi, ubi ostendo crimen quod deferunt contra me, falsum esse, quasi dicerem, Christum non consubstantialem esse Deo. Nam tamen dico, me id nomen non reperisse, nec legisse alicubi in sacris literis; rationes tamen nostras quas retulerunt, non abluunt ab hac sententia. Et post expositas rationes illas subdit Athanasius: Si igitur aliquis carpi Nicæenses, quod non dixerint omnia, quæ ipsorum antecessoribus placuerunt, idem quoque merito carperis septuaginta Episcopos Pauli Samosatensis condemnatores, quod ea quæ antecessorum erant, non observaverint. Antecessores autem eorum fuerunt duo isti Dionysii, caterique, qui Roma tum congregati fuerunt. Verum neque hos, neque illos fas est culpæ. Omnes enim Christi curam gessere, studiaque sua contra hæreticos intenderunt: Et hi quidem Samosatensem; illi vero Arianam hæresim condemnaverunt; bene vero & hi & illi pro subiecta materia, & quemadmodum beatus Apostolus in Epistola sua ad Romanos dixit: Lex spiritualis est, lex sancta est, & præceptum sanctum & justum. Et paulo post: Et legis impotentia quatenus invalida est. Ad Hebræos vtro aliter scripsit: Lex neminem perfecit. Itidem, & ad Galatas: In lege, inquit, nemo justificatur: Ad Timotheum contra legem bonam esse dixit, si quis ea legitime utatur; neque tamen quis ob id sanctum virum reprehenderit, quasi qui contraria & pugnantia scribat; sed potius eum admiratione prosequatur, quod tam congruentia pro re nata ad singulos scripta mittat, ut & Romani & alii condiscerent à litera ad spiritum converti; Hebræi vero & Galatæ instituerentur, non in legem, sed in datorem legis spem suam habere. Ita quoque etsi amborum Conciliorum Patres diversimode de consubstantiali mentionem fecere; non tamen ea de causa ab illis dissidere debemus, sed illorum mentes scrutari: Quod si fecerimus omnino, inveniemus ambas Synodos inter se consentire. Qui enim Samosatensem sustulerunt, hanc vocem consubstantiale, & quævis corporalius accipere, cum Paulus sophisticari vellet, & diceret, si Christus non ex homine Deus factus est. Igitur est consubstantialis Patri; & necessario sequitur tres esse substantias, unam quidem qua prior sit, ut princeps; reliquas vero duas ex ea oriundas: ideoque merito vitantes illud sophisma Pauli, dixere, Christum non esse consubstantialem; non enim ita se habet Filius ad Patrem, ut ille cogitabat; illi vero qui Arianam hæresim anathemate notarunt, cognoscentes non creaturam, sed genitum quiddam ex substantia Patris Filium esse, & substantiam

stantiam Patris originem, radicem & fontem esse Filii, & veram undecumque esse similitudinem geniti cum genitore, & nequaquam eum, uti nos, diversa natura esse, ac perinde separari à Patre; sed ipsius eum esse Filium; nec ab eo dividi posse, ut nec splendor à luce: Et pro se habentes Dionysii exempla, fontem scilicet, & consubstantialis assertionem; & præterea unitricem Salvatoris vocem, ego & Pater unum sumus, & qui vidit me, vidit & Patrem meum: His de causis merito inducti sunt, ut Filium consubstantialem dicerent: Et quemadmodum nunquam quisquam, ut superius dixi, Apostolum culpaverit, quod de lege ad istum modum Romanis; ad illum vero Hebraeis scribat: Ita Neoterici priscos homines nunquam culpaverint, si viderint eorum mentem & interpretationem; neque rursus prisci Neotericos reprehenderint, si conspiciant, quo animo, & in quem usum de Domino scribant. Nam utraque Synodus justam habet & rationabilem causam, cur illa ad illum; ista vero ad istum modum verba sua temperaverit. Quandoquidem enim & Samosatensis sentiebat, Filium ante Mariam non fuisse, sed ab ea initium sue essentia accepisse; ideo Episcopi tunc congregati hominem hæreseos condemnatum abdicarunt, & de Filii divinitate simplicius scribentes, non exquisitam diligentiam in tractatu huius vocis, consubstantialis, adhibuerunt; sed ut acceperunt de consubstantiali, ita locuti sunt. In eo enim omnem curam habebant, ut quod Samosatensis excogitavit, tollerent, & docerent ante omnia Filium fuisse, cumque non ex homine Deum esse factum; sed cum Deus esset, induisse servi speciem; cum Verbum esset, carnem esse factum, quemadmodum Joannes locutus est: Atque ita adversus Pauli blasphemias actum esse. Verum, quia Eusebius & Arius, ante tempora quidem fuisse Filium dicerent; sed tamen factum esse, & unum ex creaturis esse docere conarentur, & dictum illud ex Deo non ita interpretarentur, ut Filium genitum ex Patre vero natum crederent; sed eum ita ex Deo esse, ut cetera creata affirmarent, & similitudinis unitatem Filii cum Patre negarent essentia aut natura constare, ut solide Filius Patri suo similis haberi possit; sed consensu dogmatum, rationeque doctrina eam similitudinem constata esse: Et quia intersepebant, & omnibus modis alienabant essentiam Filii à Patre, aliud ei initium existendi assignantes, ad creaturarum censum eum detrahebant: Ideo Nicæa congregati Episcopi, conspiciatis eorum hominum, qui ita sentiebant, vastitatem, collectis in unum, quæ ex sacris literis ad sententiam suam tuendam facerent, liquidius rem exponentes, Filium consubstantialem esse asseverarunt, ut ingenitas & vera natura Filii inde significaretur, nihilque cum eo res creatas commune habere edoceret. Vocis enim istius exquisita ratio eorum simulationem, cum dicitur eum ex Deo esse, patefecit, & omnes eorum argutias, quibus simpliciores fallunt, excludit. Certe cum omnia queant fucis lenociniisque sophismatum adulterare, & pro libidine mutare, hanc solam vocem adaperientem ipsorum hæresim reformidant, quam Patres pro munimento & arce contra illorum impias commentationes in scripta retulerunt. Desinat igitur omnis contentio, neque in nos mutuo arietemus, si diversimode Concilia acceperunt Verbum consubstantiale. Ad Alexandri Alexandrini, Hilarii & Athanasii textum animadvertenda sunt nonnulla, quibus antiquitas dogmatis per nomen, *ὁμύσιον*, exhibiti asseritur, assertaque confirmatur.

Et primum quidem Patres, tam qui Paulum Samosatensem, quam qui Arium condemnarunt, nihil novum decrevere: Atque inde necessario consequitur, ut in condemnatione hac, quod antiquum erat, retinuerint, nempe Christi divinitatem, quam illi vetustiores hæretici, Ebion, Artemas sive Artemon & Theodotus Coriarius detraxerant, & detrahendo fundamenta jecerant, quibus Paulus Samosatensis, & Arius errores suos postea superstruxerunt.

Deinde Ebion, Artemas seu Artemon, & Theodo-

tus in hæreticis habiti non sunt; nisi quod contra doctrinæ veræ antiquitatem, novum de Christo dogma invexerint.

Tum par est credere doctrinæ de Christo veræ antiquitatem præ se tulisse nomen, *ὁμύσιον*, quo novum Ebionis, Artemæ seu Artemonis, & Theodoti dogma percelleretur. Hoc autem, uti credam, inducunt me duo. Unum, quod Paulus Samosatensis nomen *ὁμύσιον*, perperam intellexerit, & sic perperam intelligendo hæreticus evaserit. At Paulus nomen, *ὁμύσιον*, perperam intelligere non potuit, nisi illud antea usus consecrasset Ecclesiæ, & damnati Ebionis, Artemæ seu Artemonis & Theodoti hæresibus tanquam ahenum murum objecisset. Ut Antiochiæ, sic & Alexandriæ & Romæ celebris erat *ὁμύσιον* professio. Quod Athanasius in epistola ad Africanos testatur: *Prisci*, inquit, Episcopi abhinc annis prope centum & triginta, tum qui Romæ, tum qui in nostra civitate pontificatum gessere, accusaverunt eos qui Filium Dei creaturam dicerent, aut qui negarent eum consubstantialem Patri. Hoc ipsum in causa fuit, cur quidam Dionysium Alexandrinum apud Dionysium Romanum accusarent, quasi qui Filium opus, & non consubstantialem Patri diceret. Alexandrinus accusationem diluit, quomodo eum diluisse, supra retulimus: Scripserat duntaxat, nomen, *ὁμύσιον*, nec reperisse, nec legisse se in sacris literis; sed in Ecclesia retinendum illud non esse, minime scripserat aut dixerat, quin etiam retinendum illud esse pluribus rationum momentis asseverat.

Alterum, quod nullum certum assignari tempus possit, quo post Apostolorum ætatem nomen, *ὁμύσιον*, usurpari cœperit in Ecclesia Dei, vel quod nullum certum assignari Concilium possit, aut ullius gentis Pontifex, à quo ut usurparetur, institutum fuerit, Quamobrem recte credendum est, nomen istud à pristina traditione descendere, quæ & multis Scripturæ locis fulcitur & confirmatur. Antiqua igitur res est, qua novitas Ebionis, Artemæ seu Artemonis, Theodoti, Pauli & aliorum confoditur. Hinc Hilarius & Athanasius prudentissimorum hominum nobile par, rationem reddunt peridoneam, cur Antiocheni Patres nomen, *ὁμύσιον* tollendum, & Nicæni restituendum esse censuerint. At tollendo & restituendo hoc nomine unum utrique decreverunt.

Scilicet, quidquid id est, contra hæreticos fecerunt: Contra Paulum, qui *τὸ ὁμύσιον* perperam intellexerat; & contra Arium, qui perperam negarat. Sed in ista consiliorum varietate nulla fuit inconstantia; sed statuta potius, fixaque in vindicanda, retinendaque Christi divinitate constantia. Sic unum utrique tam Antiocheni quam Nicæni Patres decreverunt. Rem istam Athanasius numeris suis sic absolvit, ut nihil supra esse possit. His autem ita constitutis, luculenter apparet Athanasium vere dixisse quod eum dixisse proposuimus.

Postremo nonnihil humani passus fuit Augustinus, cum tractatu xcvi. in Joannem scribit: *Adversus impietatem Arianorum hæreticorum novum nomen Patres homousion condiderunt.*

Fulgentius, cum in Responsione ad Arianorum objectionem vii. dicit: *Hanc Patres nostri per omnia Christi secuti doctrinam, (Ego & Pater unum sumus) unius esse substantiæ Patrem Filiumque dixerunt, quod Græco homousion dictum est: Illa scilicet ratione, quoniam in Græcia nova tunc emerferat hæresis, qua unigenitum separare nitebatur à substantia genitoris.*

Vigilius Afer in illo dialogo, ubi Athanasium & Arium coram Probo disputantes inducit. *Quoniam*, inquit, *res antiqua novum nomen (homousion) accipit, non vocabulo novo nova rei virtus accessit: Hoc utique requiro, utrum res, qua antiqua est, simul à te cum nominis novitate damnetur.* At si Hilarii tractatum de Synodis, Alexandri Alexandriæ Episcopi ad Alexandrum



Constantinopolitanum epistolam, & varia Athanasii opera paullo legissent attentius, in hunc errorem non incurrisent. Dicenda sunt cum veritate, quæ veritas ipsa gessit.

Porro autem his omnibus attexo Vincentium Lirinensem, qui qua ratione Christiani sese adversus Nicænæ fidei perturbatores munierint, sic docet cap. VI. commonitorii. Item quando Ariorum venenum non jam portiunculam quandam, sed pene totum orbem contaminaverat, adeo ut prope cunctis Latini sermonis Episcopis partim vi, partim fraude deceptis, caligo quædam mentibus offunderetur; quidnam potissimum in tanta rerum confusione sequendum foret, tunc quisquis verum Christi amator & cultor exstitit, antiquam fidem novella perfidia præferendo, nulla contagii ipsius peste maculatus est. Cujus quidem temporis periculo satis superque monstratum est, quantum invehatur calamitatis, novelli dogmatis inductione. Et post alia: Namque cum profana ipsa Ariorum novitas velut quadam Bellona aut Furia capto prius omnium Imperatore, cuncta deinde palatii culmina novis legibus subjungasset, nequaquam deinceps destitit universa miscere atque vexare. Et post pauca: At qui hæc omnia nunquid ullam aliam ob causam, nisi utique dum pro cælesti dogmate humana superstitiones introducuntur, dum bene fundata antiquitas scelestæ novitate subruitur, dum superiorum instituta violantur, dum rescinduntur scita Patrum, dum convelluntur definita majorum, dum sese intra sacrata atque incorrupta vetustatis castissimos limites profana ac novella curiositatis libido non continet.

Deinde cap. VII. Sed forsitan odio novitatis & amore vetustatis hæc fingimus. Quisquis hoc æstimat, beato saltem credat Ambrosio, qui in secundo ad Imperatorem Gratianum libro æcerbitatem temporis ipse deplorans, ait: Sed jam satis, omnipotens Deus, nostro exordio, nostroque sanguine, Confessorum necesse, exitia Sacerdotum, & nefas tanta impietatis eluimus. Satis claruit eos, qui violaverint fidem, tutos esse non posse. Item in tertio ejusdem operis libro: Servemus igitur, inquit, præcepta majorum, nec hæreditaria signacula ausi rudi temeritate violemus. Et post pauca: Quos, inquam, pro religiosa vetustatis tenacitate tanto munere Dominus dignos judicavit, ut per eos prostratas restauraret Ecclesias, extinctos spiritualiter populos revivificaret, dejectas Sacerdotum coronas reponeret, nefarias illas novella impietatis, non literas, sed lituras, infuso calitus Episcopis: Fidelium lacrymarum fonte deleteret. Universum postremo jam pene mundum sæva repentina hærescos tempestate percussum, ad antiquam fidem à novella perfidia, ad antiquam sanitatem à novitatis vesaniam, ad antiquam lucem à novitatis cecitate revocaret. Hæc ille, quibus Arii novitatem catholica vetustate prostratam esse contendit, & recte, ut vidimus, contendit.

## CAPUT V.

*Observatus de Concilio Milevitano II. contra Pelagium tractandi modus exponitur.*

**I**N hanc rem, qua vetustas novitati opponitur, illusterrimum est caput II. quod sic se habet: Item placuit, ut quicumque parvulos recentes ab uteris matrum baptizandos negat, aut dicit in remissionem quidem peccatorum eos baptizari; sed nihil ex Adam trahere originalis peccati, quod regenerationis lavacro expietur: Unde fit consequens, ut in eis forma baptismatis, in remissionem peccatorum, non vera, sed falsa intelligatur; anathema sit. Quoniam non aliter intelligendum est, quod ait Apostolus, Per unum hominem peccatum intravit in mundum, & per peccatum mors, & ita in omnes homines pertransiit, in quo omnes peccaverunt; nisi quem-

admodum Ecclesia catholica ubique diffusa semper intellexit: Propter hanc enim regulam fidei, etiam parvuli, qui nihil peccatorum in semetipsis adhuc committere potuerunt, ideo in peccatorum remissionem veraciter baptizantur, ut in eis regeneratione mundetur; quod generatione traxerunt. Quæ dirimendarum fidei controversiarum ratio duobus in momentis consistit, tota hic omnino repræsentatur. Imprimis Pelagio Scripturæ locus objicitur; deinde perpetua catholicæ Ecclesiæ traditio, qua Scripturæ locus intelligatur. Res igitur eo recedit, ut Pauli testimonium eo intellectum sensu, quo catholica Ecclesia non quomodocunque sumpta, sed ubique diffusa, non uno duntaxat tempore, sed semper intellexit, tanquam certa præscribatur ratio, ad quam debeat Pelagii novitas expendi. Quod ut convenienter huic instituto fiat, præstanda sunt duo. Ex Pelagii verbis ponenda novitas ipsius, & Pauli locus in quo explicanda reluceat Patrum universitas, consensio & antiquitas.

## CAPUT VI.

*Observatus de beato Hieronymo & Augustino contra hereticos tractandi modus exponitur.*

**H**ieronimus duos edidit libros, in quibus ille tractandi modus offenditur: Unum adversus Helvidium; alterum apologiam pro libris adversum Jovinianum compositis. Hæc autem in primo tradit: Non Rhetorici campum, non Dialecticorum tendiculas, nec Aristotelis spineta conquirimus; ipsa Scripturarum verba ponenda sunt, ut ipsis, quibus adversum nos usus est testimonius revincatur. Allatis igitur, & in bonum sensum explicatis pluribus Scripturarum locis, subjicit: Sed quoniam jam è cautibus & confragosis locis enavigavit oratio, pandenda sunt vela, & in epilogos illius irruendum, in quibus sciolus sibi visus, Tertullianum in testimonium vocat, & Victorini Petavionensis verba proponit. Et de Tertulliano quidem nihil amplius dico, quam Ecclesia hominem non fuisse. De Victorino vero id assero, quod & de Evangelistis fratres eum dixisse Domini, non filios Maria, fratres autem eo sensu, quem superius exposuimus, propinquitate, non natura. Verum nugæ terimus, & fonte veritatis omissio, opinionum rivulos consectamur. Nunquid non possum tibi totam veterum scriptorum seriem commovere; Ignatium, Polycarpum, Irenæum, Justinum martyrem, multosque alios Apostolicos & eloquentes viros, qui adversus Hebionem & Theodotum Byzantium, Valentinum, hæc eadem sentientes, plena sapientia volumina conscripserunt? Sic igitur Helvidium refellit Hieronymus, & confirmat Mariam perpetuo fuisse virginem, cum divinis literis, tum maxime jugi sanctorum Patrum traditione: Uno verbo dicam, Helvidii novitatem antiquitate confutat.

Postquam Hieronymus virginitatis gloriam ac decus contra Jovinianum variis Scripturarum testimoniis asseruerat, Jovinianus illi respondendo multa de suis libris objecit, quibus ita respondit in apologia: Dum autem viveret sancta memoria Damasus, librum contra Helvidium de beata Maria virginitate perpetua scripsimus, in quo necesse fuit nobis ad virginitatis beatitudinem prædicandam multa de molestiis dicere nuptiarum. Num vir egregius & eruditus in Scripturis, & virgo, & virginis Ecclesia Doctor aliquid in illo sermone reprehendit? In libro quoque ad Eustochium multo duriora de nuptiis diximus, & nemo super hac re læsus est. Amator quippe castitatis, præconium pudicitie, intenta aure captabat. Lege Tertullianum, lege Cyprianum, lege Ambrosium, & cum illis me vel accusa, vel libera. Sic Joviniani novitatem Patrum antiquitate & consensione repellit.

Ad

Ad Augustinum quod attinet, eandem ille servat disputandi methodum adversus Donatistas & Pelagianos. Hæc sunt testimonia, quibus id comprobatur. Ex lib. II. de baptismo contra Donatistas cap. IX. ubi postquam retulit Cypriani verba quædam ex epistola ad Quirinum, subjicit: Hac æstimatione satis ostendit, multo magis se fuisse commemoraturum, si quod de hac re transmarinum, vel universale Concilium factum esset. Nondum autem factum erat, quia consuetudinis robore tenebatur orbis terrarum, & hac sola opponebatur inducere volentibus novitatem.

Iterum ex lib. IV. cap. XXII. de baptismo infantium: Quod universa tenet Ecclesia, nec Conciliis institutum, sed semper retentum est, non nisi auctoritate Apostolica traditum rectissime creditur.

Rursus ex lib. I. contra Julianum cap. III. Sed tu quia tam crebro nobis Manichæorum nomen opponis, quos & quales viros, & quantos fidei catholica defensores, tam execrabili criminatione appetere audeas, si vigilas, intueri. Non quidem omnium de hac re sententias, nec omnes eorum, quos commemorabo, me congregaturum esse polliceor, quia nimis longum est, & necesse esse non arbitror; sed panam paucorum, quibus tamen nostri contradictores cogantur erubescere & cedere, si ullus in eis vel Dei timor, vel hominum pudor tantum malum pervicacia superaverit. Irenæus Lugdunensis Episcopus non longe à temporibus Apostolorum fuit, iste ait. Et post relatum illius testimonium: Multo autem apertius de eadem fide beatissimus Martyr & Episcopus Cyprianus. Et post relatum illius testimonium: Reticius ab Augustoduno magna auctoritatis Episcopus cum de baptismo ageret, ita locutus est. Et post relatum illius testimonium: Olympius Hispanus Episcopus, vir magna in Ecclesia & in Christo gloria, in quadam sermone Ecclesiastico. Et post relatum illius testimonium: Hilarius Ecclesia catholica adversus hæreticos acerrimus defensor, Episcopus Gallus, cum de Christi carne ageret, attende quid dixerit. Et post relatum illius testimonium: Ambrosius excellens Dei dispensator, cum secundum Lucam exponeret Evangelium, inquit. Et post relatum ejus testimonium multiplex: I nunc, & mihi obijce originale peccatum, dissimulatum ab istis; finge te nescire quid dicam, & sancta Ecclesia tot tantosque Doctores, qui vita optime gesta, debellatisque suorum temporum erroribus gloriosissime de hoc seculo, antequam vos ebulliretis, exierunt. Et post alia cap. V. Sed non tibi deerit magni nominis & fama celeberrima illustris Episcopus, etiam de partibus Orientis, cujus eloquia ingentis merito gratia etiam in linguam Latinam usquequaque claruerunt. Sedent ergo cum istis Patribus sanctus Gregorius. Audi ergo quid dicat. Et post relatum ejus sententiam: An tibi parva in uno Gregorio Episcoporum Orientalium videtur auctoritas? Est quidem tanta persona, ut neque ille hoc, nisi ex fide Christiana omnibus notissima diceret, nec illi eum tam clarum haberent atque venerandum, nisi hac ab illo dicta ex regula notissima veritatis agnoscerent. Sed, si vis, addimus huic sanctum Basilium, imo velis nolis addendus est. Et post relatum illius sententiam adjungit: Quid plura? Vide jam utrum sufficiant tibi ex Orientis partibus duo isti tam insignes viri, & tam clara præditi sanctitate: Sed dic non sufficere. Habemus alios Orientales Episcopos quatuordecim, Eulogium, Joannem, Ammonianum, Porphyrium, Eutonium, Porphyrium, Fidum, Zosimum, Zobennum, Nymphidium, Chromatium, Jovinum, Eleutherium, Clematium, quos uno loco simul inventos in istum confesum introducere valeamus, illos ipsos, qui Pelagio iudices præfuerunt, eumque, ut homines, nullo ex altera parte urgente adversario, putantes catholicum tanquam catholicum pronuntiarent. Nisi enim in eorum conspectu, audituque damnaisset eos, qui dicunt, quod peccatum Ada ipsum solum laserit, & non genus humanum, & quod infantes nuper nati in eo statu sint, in quo Adam fuit ante peccatum.

Iterum ex cap. VI. ubi objectum sibi ab Juliano Chrysostomum diluit: Itane verba sancti Joannis Episcopi audes tanquam è contrario tot talium sententiis collegarum ejus opponere, eumque ab illorum concordissima societate sejungere, & eis adversarium constituere? A sit, absit hoc malum de tanto viro credere aut dicere. Absit, inquam, ut Constantinopolitanus Joannes de baptismo parvulorum, eorumque a paterni chirographi liberatione per Christum, tot ac tantis Coepiscopis suis, maximeque Romano Innocentio, Carthaginensi Cypriano, Cappadoci Basilio, Gregorio Nazianzeno, Gallo Hilario, Mediolanensi resistat Ambrosio. Alia sunt, in quibus inter se aliquando etiam doctissimi atque optimi regula catholica defensores, salva fidei compage, non consonant, & alius alio de una re melius aliquid dicit & verius. Hoc autem unde nunc agimus, ad ipsa fidei perinet fundamenta. Sic Augustinus, ut ipse loquitur in expositione sententiæ Reticii, Julianum persequitur, tanquam eum, qui auderet contra veteres Ecclesiarum Magistros, ruinosam construere novitatem. Sic Augustinus, ut ipse adhuc loquitur in expositione sententiæ Olympii, novitias Juliani præsumptiones catholicæ antiquitatis subvertit.

Rursus ex lib. II. contra Julianum cap. X. Propter quam catholicam veritatem sancti ac beati, & in divinum eloquiorum pertractatione clarissimi Sacerdotes Irenæus, Cyprianus, Reticius, Olympius, Hilarius, Ambrosius, Gregorius, Innocentius, Joannes, Basilus, quibus addo Presbyterum, velis nolis, Hieronymum, ut omittam eos qui nondum dormierunt, adversus vos proferunt de omnium hominum peccato originali obnoxia successione sententiam. Et quibusdam interpositis: Sed Ambrosium aliosque collegas ejus, quos cum illo commemoravi, tales fuisse credendum est: Verum etsi tales non fuerunt in his causis, quas ad se delatas, & inter partes cognitæ, cum hic viverent, suo judicio finierunt; ad hanc tamen causam tales erant, quando de illa sententias protulerunt, nullas nobiscum vel vobiscum amicitias attenderunt, vel inimicitias exercuerunt, neque nobis, neque vobis irati sunt, neque nos, neque vos miserati sunt. Quod invenerunt in Ecclesia, tenuerunt; quod didicerunt, docuerunt; quod à Patribus acceperunt, hoc filiis tradiderunt. Nondum vobiscum apud istos iudices aliquid agebamus, & apud eos est acta causa nostra. Nec nos, nec vos eis noti fuimus, & eorum pro nobis latus contra vos sententias recitamus, nondum vobiscum certabamus, & eis pronuntiantibus vincimus. Sic frequenter & perseveranter contra Julianum eam insisit viam, qua per antiquitatem novitas conculcatur.

Cæterum his non debet opponi, quod sanctus Doctor ita scribit in libri III. contra Maximinum capite XIV. Hoc est illud homousion, quod in Concilio Nicæno adversus hæreticos Arianos à catholicis Patribus veritatis auctoritate & auctoritatis veritate firmatum est, quod postea in Concilio Ariminensi propter novitatem verbi minus quam oportuit intellectum; quod tamen fides antiqua pepererat. Et paulo post: Sed nunc nec ego Nicænum, nec tu debes Ariminense tanquam præjudicaturus proferre Concilium, nec ego hujus auctoritate, nec tu illius derideris: Scripturarum auctoritatibus, non quorumque propriis, sed utrisque communibus testibus, res cum re, causa cum causa, ratio cum ratione concertet. At multiplex ratio est, cur hic locus unus multis opponi nequeat. I. Quia multi sunt quibus unus opponatur, & unus multis resistere non potest. II. Hunc concertandi modum peperit incognita beato Augustino tunc antiquitas. Augustinus novum illud nomen esse credidit; quod tamen antiquum erat, ut supra in capite IV. vidimus. III. Exemplum simile nullum præcessit, aut subsequutum est, videlicet, ut Scripturis solis, & humanis rationibus flecta Patrum traditione fidei dogmata sancirentur. IV. Hæc est veluti prærogativæ tabula, quam sanctus Doctor bonitate causæ confusus adversario de-



dit. Non abfimilem prerogativæ tabulam in disputationibus Rhetores & Philosophi dare solent, non Ecclesiastici tractatores.

## CAPUT VII.

*Observatus de Cyrillo Alexandrino contra Nestorium scribente tractandi modus exponitur.*

486 **C**YRILLUS Alexandriae Episcopus cum alia multa scripsit adversus Nestorium, tum illum quoque librum, qui Reginis nuncupatur. Hæc est libri inscriptio. Prædicarat Nestorius beatam Mariam dicendam non esse Deiparam; sed contra Cyrillus talem esse dicendam sensit, & Nestorianæ novitati objicit antiquitatem Patrum, quos hoc in opere sic laudat cap. ix. Porro autem vocem hanc, Deipara, veteribus, Patribus, quorum sanctimoniam, & fidei integritatem admiramur, necnon omnibus, qui eos deinceps hucusque sunt secuti, per universum, ut ita dicam, terrarum orbem familiarem esse existimavi. Ne enim citra delectum, & temere quidquid in mentem venerit, effutire videar, argumentis ex libris, quos illi ad Ecclesiæ utilitatem composuere, petitis, atque huc in medium allatis, orationis meæ veritatem confirmare studebo. Sequitur indiculus Patrum, quorum auctoritates commemorat Cyrillus.

Athanasius Alexandriae Episcopus ex libro de Incarnatione, Atticus Episcopus, Antiochus Episcopus, Amphiloichius Iconiensis Episcopus, ex libro de generatione Domini secundum carnem; Ammo Episcopus Adrianopoleos, Joannes Episcopus Constantinopolitanus; ex libro de divina generatione; Severianus Episcopus, Vitalius Episcopus, ex sermone de fide; Theophilus Episcopus, ex sermone inscripto ad eos, qui cum Origene sentirent.

Sequitur indiculus multarum assertionum, quæ ex Scripturis probantur, & Nestoriano dogmati opponuntur.

## PRIMA ASSERTIO.

*Quod Christus sit Deus unione ad Deum Verbum ascendente ad ejus gloriam.* Probatur ex multis epistolarum ad Romanos, prioris ad Corinthios, posterioris ad eosdem, ad Galatas, ad Ephesios, ad Colossenses, ad Hebræos testimoniis. Probatur ex uno epistolarum ad Philippenses, ad Timotheum & ad Titum. Probatur ex duobus epistolarum Jacobi, ex tribus primæ Petri, ex duobus secundæ, ex uno epistolarum primæ Joannis, ex uno quoque epistolarum Judæ, ex pluribus Evangelii secundum Matthæum, secundum Joannem, & secundum Lucam.

## SECUNDA ASSERTIO.

*Quod Christus sit vita & vivificator.* Probatur ex duobus testimoniis prioris epistolarum ad Corinthios, ex uno posterioris, & ex quinque epistolarum ad Hebræos.

## TERTIA ASSERTIO.

488 *Quod unus sit Filius & Dominus JESUS CHRISTUS.* Probatur ex uno testimonio primæ Joannis.

## QUARTA ASSERTIO.

*Quod fides tendat in Christum, ut in Deum.* Probatur ex uno testimonio primæ Petri, & ex pluribus primæ Joannis.

## QUINTA ASSERTIO.

*Quod Christus sit vita.* Probatur ex uno testimonio Evangelii secundum Matthæum, ex uno quoque Evangelii secundum Joannem, & ex uno etiam Evangelii secundum Lucam.

## SEXTA ASSERTIO.

*Quod Christus per fidem sit propitiatio.* Probatur ex pluribus testimoniis epistolarum ad Romanos.

## SEPTIMA ASSERTIO.

*Quod per Christi sanguinem redempti, Deoque reconciliati sumus.* Probatur ex uno testimonio prioris ad Corinthios, & primæ epistolarum Petri.

## OCTAVA ASSERTIO.

*Quod Christi mors mundo salutaris extiterit.* Probatur 489 ex pluribus testimoniis epistolarum ad Romanos, ad Galatas, ad Ephesios, ad Hebræos, ad Titum, epistolarum primæ Joannis, & Evangelii secundum Joannem.

## NONA ASSERTIO.

*Quod unus sit Dei Filius & Dominus JESUS CHRISTUS.* Probatur ex pluribus testimoniis epistolæ ad Romanos, ad Corinthios, ad Galatas, ad Ephesios, ad Philippenses, ad Colossenses, ad Hebræos.

## DECIMA ASSERTIO.

*Quod unus sit Filius & Dominus.* Probatur ex testimoniis Evangelii secundum Matthæum, secundum Joannem, & secundum Lucam.

## UNDECIMA ASSERTIO.

*Quod fides sit in Christum tanquam in Deum.* Probatur ex testimoniis epistolæ ad Romanos, ad Corinthios, ad Galatas, ad Ephesios, ad Philippenses, ad Timotheum, & ad Titum.

## DUODECIMA ASSERTIO.

*Quod fides sit in Christum.* Probatur ex testimoniis Evangelii secundum Joannem, & secundum Lucam. 490 Hæc actio 1. Concilii.

Sic igitur paternæ traditioni Scripturam conjungit, ut ex iis tanquam ex duobus certissimis Theologiæ principis Nestoriana hæresis percellatur.

## CAPUT VIII.

*Observatus de Capreolo Carthaginensi Episcopo ad Synodum Ephesinam scribente tractandi modus exponitur.*

**C**UM vocatus esset ad Synodum Ephesinam Capreolus Carthaginensis Episcopus, ad eam scripsit, & finiendæ controversiæ rationem sic proposuit: Hinc factum est, ut licet solemem aliquam legationem mittere nequaquam valuerimus, attamen propter reverentiam & observantiam, quæ Ecclesiastica disciplina jure debetur, filium meum Besulam Diaconum una cum his excusationis literis ad vos, venerabiles fratres, destinaverimus: Quamobrem vestram sanctitatem iterum atque iterum rogatam capio, ut Spiritum sancto cooperante, quem cordibus vestris, qua acturi estis, preste futurum non

non dubito, novas doctrinas, & antea Ecclesiasticis au-  
ribus innitatas prisca auctoritatis robore instructi e  
medio profligatis. Et post alia: Nam qui illam per-  
petuam stabilitatem retinere voluerit, qua de catholica fi-  
dei ratione statuerit, non propria auctoritate, sed anti-  
quorum Patrum iudicio sententiam suam corroborare de-  
bet, ita ut ea ratione partim veterum Patrum, partim re-  
centiorum decretis, & sententiis placita sua corroborans  
unicam Ecclesia veritatem, jam inde ab initio ad pre-  
sens usque tempus simplici puritate, invictaque constantia  
& auctoritate, decurrentem se asserere, docere & tenere  
ostendat. Sic Scripturis & perpetua traditione monet  
definiendas esse quaestiones fidei, quae in Conciliis  
tractentur. Sic iudicat reprimendam esse doctrinae  
novitatem, ut ei non propria tantum eorum qui vi-  
vunt, auctoritas, sed antiquorum Patrum sententiae  
opponantur.

## CAPUT IX.

*Observatus de Ephesina Synodo contra Nestorium  
tractandi modus exponitur.*

**T**RIA sunt omnino, ex quibus modus ille tractan-  
di definiendique colligitur. Imprimis Epistola,  
quam Cyrillus ad Nestorium misit, legitur, & om-  
nium Concilii Patrum suffragiis comprobatur, ut  
quae & Nicænae Synodo, & omni retro traditioni  
conveniret. Spissi & non necessarii laboris foret sen-  
tentias Episcoporum singulas recensere; unam unius  
retero, quae instar erit omnium: Hæc illa est. Peri-  
genes Corinthiorum Episcopus dixit: Idem plane de  
fide à Cyrillo sanctissimo, sacratissimoque Episcopo nostro  
recte nunc exposita, meum iudicium est, quod de fi-  
dei Symbolo à sanctissimis sacratissimisque Patribus Ni-  
cæae quondam edito, Patrum proinde sanctiones ab initio  
traditas, & ad presens usque tempus integre apud  
nos conservatas citra ullam hesitationem custodire desi-  
dero. Sic reliqui Antistites, nisi in eadem verba,  
in eundem certe sensum & mentem concesserunt.  
Hinc factum est, ut quemadmodum Cyrilli ad Ne-  
storium Epistola doctrinae Apostolicæ, quæ à san-  
ctis Patribus Nicænis exposita est, consentire iudi-  
catur; Sic & Nestorii ad Cyrillum Epistola, quæ  
postea legitur, ab eadem Apostolica doctrina dissen-  
tire iudicetur.

Deinde testimonia veterum Patrum recensentur, id  
postulante Concilii Notario, qui sic loquitur: Petrus  
Presbyter Alexandriae & Notariorum primicerius dixit:  
Quandoquidem sanctissimorum, sacratissimorumque Pa-  
trum ac Episcoporum, ac diversorum præterea Marty-  
rum codices in promptu habemus, nonnullaque capita ex  
illis selegimus, ea, si vobis ita visum fuerit, prælegemus.  
Flavianus Episcopus Philippensium dixit: Legantur, &  
in Actorum monumenta referantur, & lecta sunt in hunc  
modum. Sequitur indiculus Patrum, quos in antiquæ  
fidei testes adduci Concilium voluit.

Petrus Episcopus & Martyr, ex libro de Deitate;  
Athanafius Alexandriae Episcopus, ex libro contra  
Arianos, & ex Epistola ad Epictetum; Julius Roma-  
nus Episcopus, ex Epistola ad Domnum; Felix Epi-  
scopus Romanus & Martyr, ex epistola ad Maximum  
Episcopum & Clerum Alexandriae; Theophilus Alex-  
andrinus, ex quinta & sexta Paschali epistola; Cypri-  
anus Episcopus & Martyr, ex tractatu de elemosyna;  
Ambrosius Episcopus Mediolanensis, ex expositione  
de fide, rursus ex libro 11. de fide; Gregorius  
Nazianzenus Episcopus, ex epistola prima ad Cledo-  
nium; Basilius Cæsareæ primæ Cappadociæ Episcopus,  
ex libro de Spiritu sancto; Gregorius Episcopus  
Nyssenus, Atticus Episcopus Constantinopolitanus,  
Amphilochius Leonienis Episcopus.

Tum demum ex Nestorii codicibus referuntur,  
quæ mentem illius de Christo patefaciant, & quæ  
patefacta veteribus Ecclesiarum Magistris contraria  
iudicetur. Res sic se habet: Petrus Presbyter Alexan-  
dri, & Notariorum primicerius, dixit: Habemus etiam  
præ manibus reverendissimi Nestorii blasphemiarum com-  
mentarios, e quorum uno capita selegimus, qua si  
sanctæ huic Synodo placet, prælegemus. Flavianus Epi-  
scopus Philippensium dixit: Legantur, & in acta re-  
ferantur. Similiter Episcopi dixerunt: Omnes eadem  
diximus. Sequuntur varia e Nestorii commentariis  
excerpta, quibus relatis, Petrus Presbyter Alexandri-  
nus, & Notariorum primicerius, dixit: An hic aperte  
affirmat neminem ex Doctoribus, qui ante illum existerunt,  
ea populis locutum quæ ipse locutus est?

Verumenimvero hunc tractandi modum, in quo  
novitas antiquitate rejicitur, ab Ephesinis Patribus re-  
tentum esse sic testatur Vincentius Lirinensis cap. 11.  
commonitorii 11. Quod ne presumptione magis nostra,  
quam Ecclesiastica promere videremur, exemplum adhi-  
buimus sancti Concilii, quod ante triennium ferme in  
Asia apud Ephesum celebratum est; viris clarissimis  
Basso Antiochoque Consulibus, ubi cum de sanciendo  
fidei regulis disceptaretur, ne qua illic forsitan profana  
novitas, in modum perfidia Ariminensis obreperet, uni-  
versis Sacerdotibus, qui illo fere ducenti numero con-  
venerant, hoc catholicissimum, fidelissimum, atque opti-  
mum factum visum est, ut in medium sanctorum Patrum  
sententia proferrentur: Quorum alios Martyres, alios  
Confessores, omnes vero catholicos Sacerdotes fuisse  
& permansisse constaret: Ut scilicet rite atque solen-  
niter ex eorum consensu atque decreto antiqui dogmatis  
religio confirmaretur, & profana novitatis blasphemiam  
condemnetur. Quod cum ita factum foret, iure me-  
ritoque impius Nestorius catholica vetustati contrarius,  
beatus vero Cyrillus sacrosanctæ antiquitati consentaneus  
iudicatus est. Et ut ad fidem rerum nihil deesset, etiam  
nomina & numerum (licet ordinem fuisset obli-  
ti) edidimus eorum Patrum, juxta quorum ibidem  
concinentem sibi concordemque sententiam, & legis sa-  
cra prologia exposita sunt, & divini dogmatis regula  
constabilita est. Quos ad confirmandam memoriam, hic  
quoque recensere nequaquam superfluum est. Sunt ergo hi  
viri, quorum in illo Concilio vel tanquam iudicum,  
vel tanquam testium scripta recitata sunt. Sanctus Pe-  
trus Alexandrinus Episcopus, Doctor præstantissimus, &  
Martyr beatissimus; sanctus Athanasius ejusdem civita-  
tis Antistes, Magister fidelissimus, & Confessor emi-  
nentissimus; sanctus Theophilus, ejusdem item urbis E-  
piscopus, vir fide, vita, scientia satis clarus, cui successit  
venerandus Cyrillus, qui nunc illustrat Alexandrinam Ec-  
clesiam. Et ne forsitan unius civitatis ac provincia doct-  
rina hac putaretur, adhibita sunt etiam illa Cappa-  
docia lumina sanctus Gregorius, Episcopus & Confessor  
de Nazianzo; sanctus Basilius, Cæsareæ Cappadociæ  
Episcopus & Confessor; sanctus item alter Gregorius  
Nyssenus Episcopus, fidei, conversationis, integritatis, &  
sapientie merito, fratre Basilio dignissimus. Sed ne sola  
Græcia aut Oriens tantum, verumetiam Occidentalis  
& Latinus orbis ita semper sensisse approbaretur, lectæ  
sunt quoque ibi quadam ad quosdam Epistola sancti  
Felicis Martyris, & sancti Julii urbis Romæ Episcopo-  
rum. Et ut non solum caput orbis, verumetiam latera  
illi iudicio testimonium perhiberent, adhibitus est à Meri-  
dio beatissimus Cyprianus, Episcopus Carthaginiensis &  
Martyr; à Septentrione sanctus Ambrosius, Medio-  
lanensis Episcopus. Hi sunt igitur apud Ephesum sa-  
crato decalogi numero Magistri, Consilarii, testes, iudi-  
cesque producti, quorum beata illa Synodus doctrinam  
tenens, consilium frequens, credens testimonio, obediens judi-  
cio, absque radio, presumptione & gratia de fidei regulis  
pronunciavit. Quanquam multo amplior majorum numerus  
adhiberi potuerit; sed necesse non fuit, quia neque multi-  
tudine testium negotii tempora occupari oportebat, &  
decem



decem illos non aliud vere sensisse, quam ceteros omnes collegas suos nemo dubitabat. Post quæ omnia adjecimus, etiam beati Cyrilli sententiam, quæ gestis ipsis Ecclesiasticis continetur. Namque cum lecta esset sancti Capreoli Episcopi Carthaginensis Epistola, Qui nihil aliud intendebat & precabatur, nisi ut expugnata novitate antiquitas defenderetur: Ita Episcopus Cyrillus prolocutus est & defini-  
 497 in unum congregatio audendi à se aliquid & statu-  
 endi addere videretur fiduciam, nihil tamen novarent, nisi præsumerent, nihil sibi penitus arrogarent; sed omnimodis præcaverent, ne aliquid posteris traderent, quod ipsi à Patribus non accepissent; & non solum in præ-  
 senti rem bene disponerent, verumetiam post suorum exempla præberent, ut & ipsi scilicet sacrata vetustatis dogmata colerent; profana vero novitatis adinven-  
 ta damnarent. Invenit enim sumus in Nestorii sceleratam præsumptionem, quod sacram Scripturam se primum & solum intelligere, & omnes eos ignorasse jactaret, quocunque ante se magisterii munere præditi divina eloquia tractavissent; universos scilicet Sacerdotes, uni-  
 versos Confessores & Martyres, quorum alii explanas-  
 sent Dei legem, alii vero explanantibus consensissent, vel credidissent: Totam postremo, etiam nunc errare, & semper errasse adseveraret Ecclesiam, quæ, ut ipsi videba-  
 tur, ignaro erroneoque Doctores & secuta esset, & sequeretur. En perfecta descriptio methodi, quæ in damnandis hæresibus servanda est, scilicet ut novitas antiquitate subvertatur.

## CAPUT X.

Observatus de Celestino & Sixto Pontificibus contra novitates tractandi modus exponitur.

498 **P**ONTIFEX uterque rem totam quatuor aut quinque versiculis conficit, & adversus quasunque hæreses mirifice præscribit. Sic autem Celestinus loquitur in Epistola ad Galliarum Episcopos: Ergo corripiantur hujusmodi, non sit his liberum habere pro voluntate sermonem: Desinat, si ita res finit, inces-  
 499 quitur, cap. 111. commonitorii 11. Quæ omnia licet

cumulate abundeque sufficerent ad profanas quasque novitates obruendas & extinguendas: Tamen nequid deesse tanta plenitudini videretur, ad extremum adjecimus geminam Apostolica Sedis auctoritatem, unam scilicet sancti Papa Sixti, qui nunc Romanam Ecclesiam venerandus illustrat; alteram decessoris sui beata memoria Papa Celestini, quam hic quoque interponere necessarium judicavimus. At itaque sanctus Papa Xistus in Epistola, quam de causa Nestorii Antiocheno misit Episcopo. Ergo, inquit, quia sicut ait Apostolus, fides una est, quæ evidenter obtinuit, dicenda credamus, & tenenda dicamus. Quæ sunt tandem illa credenda & dicenda prosequitur, & ait: Nihil ultra, inquit, liceat novitati, quia nihil addi convenit vetustati; perspicua majorum fides & credulitas nulla cæni permixtione turbetur. Omnino Apostolice, ut majorum credulitatem perspicuitatis lumine ornaret; novitias vero profanas cæni permixtione describeret: sed & sanctus Papa Celestinus pari modo, eademque sententia. At enim in Epistola, quam Gallorum Sacerdotibus misit, arguens eorum convitiam, quod antiquam fidem silentio destituentes, profanas novitates exurgere paterentur. Merito, inquit, causa nos respicit, si silentio foreamus errorem. Ergo corripiantur hujusmodi, non sit iis liberum habere pro voluntate sermonem. Hic aliquis fortasse addubitet, quinam sint illi, quos habere prohibeat liberum pro voluntate sermonem: Vetustatis prædicatores, an novitatis adinventores. Ipse dicat, dubitationem legentium ipse dissolvat. Sequitur enim: Desinat, inquit, si ita res est: (Id est, si ita est ut apud me quidam urbes & provincias vestras criminantur, quod eas quibusdam novitatibus consentire noxia dissimulatione faciatis) Desinat itaque, si ita res est, incescere novitas vetustatem. Ergo hæc fuit beati Celestini beata sententia, non ut vetustas cessaret obruere novitatem; sed potius novitas desineret incescere vetustatem. Quibus Apostolicis Catholicisque decretis quisquis refragatur, insultet primum omnium necesse est memoria sancti Celestini, qui statuit ut desineret incescere novitas vetustatem. Deinde irrideat definita sancti Sixti, qui censuit, ne ultra quidquam liceat novitati, quia nihil addi convenit vetustati. Sed & beati Cyrilli statuta contemnat, qui venerandi Capreoli zelum magna prædicatione laudavit, quod antiqua fidei dogmata confirmari cuperet; novitia vero adinventum damnari. Ephesinam quoque Synodum, id est, totius pene Orientis sanctorum Episcoporum judicata proculcet, quibus divinitus placuit nihil aliud posteris credendum decernere, nisi quod sacrata, sibi in Christo consentiens sanctorum Patrum tenuisset antiquitas: Quique etiam vociferantes & acclamantes uno ore testificati sunt, hæc esse omnium voces, hoc omnes optare, hoc omnes censere, ut sicut universi fere ante Nestorium hæretici contemnentes vetustatem, & adserentes novitatem, damnati forent: Ita ipse quoque Nestorius auctor novitatis, & impugnator veritatis condemnaretur.

## CAPUT XI.

Observatus de Vincentio Lirinensi contra quaslibet hæreses tractandi modus exponitur.

**V**INCENTIUS apud Monasterium Lirinensis insula Presbyter composuit opus, quo emergentes in Ecclesia subinde novitates & hæreses confutarentur. Dignum sane opus, quod qui discendæ seu docendæ Theologiæ incumbunt, vel memoriter teneant, vel certe perpetuo sibi ante oculos ponant. Totum quantum est, describendum hic esset, nisi brevitati confulerem, & illud præ manibus foret omnium. Ex eo jam decerpsi nonnulla, quibus & quæ in Nicæno & Ephesino Concilio gesta sunt, latius confirmarentur, quæ Celesti-

Celestius & Sixtus Pontifices Romani contra novitates edixerunt, copiosius illustrarem. Hoc autem loco referam quatuor tantum prima capita, quibus disputandi ratio continetur, relictis exemplis, quæ ad applicatam disputandi rationem pertinent.

Caput I. communitorii 1. Sape igitur magno studio & summa attentione perquirens à quamplurimis sanctitate & doctrina præstantibus viris, quonam modo possim certa quadam, & quasi generali ac regulari via catholica fidei veritatem ab heretica pravitate falsitate discernere, huiusmodi semper responsum ab omnibus fere retuli. Quod si ego, si quis alius vellet exurgens hereticorum fraudes deprehendere, laqueosque vitare, & in fide sana sanus atque integer permanere, duplici modo munire fidem suam, Domino adjuvante, deberet; primo scilicet divina legis auctoritate: Tum deinde Ecclesia catholica traditione.

Caput II. Hic forsitan requirat aliquis: Cum sit perfectus Scripturarum canon, sibi que ad omnia satis superque sufficiat, quid opus est, ut ei Ecclesiastica intelligentia jungatur auctoritas? Quia videlicet Scripturam sacram pro ipsa sua altitudine, non uno eodemque sensu universi accipiunt; sed ejusdem eloquia aliter atque aliter, alius atque alius interpretatur, ut pene quot homines, tot illic sententiæ erui posse videantur. Aliter namque illam Novatianus, aliter Photinus, aliter Sabellius, aliter Donatus exponit, aliter Arius, Eunomius, Macedonius, aliter Apollinaris, Priscillianus, aliter Jovinianus, Pelagius, Celestius, aliter postremo Nestorius. Atque idcirco multum necesse est, propter tantos tam varii erroris anfractus, ut Prophetica & Apostolica interpretationis linea secundum Ecclesiastici & Catholici sensus normam dirigatur.

Caput III. In ipsa item catholica Ecclesia magnopere curandum est, ut id teneamus, quod ubique, quod semper, quod ab omnibus creditum est: Hoc est etenim vere proprièque catholicum, quod ipsa vis nominis ratione declarat. Sed hoc ita demum sit, si sequamur universitatem, antiquitatem, consensionem. Sequemur autem universitatem hoc modo, si hanc unam fidem veram esse fateamur, quam tota per orbem terrarum constituitur Ecclesia; antiquitatem vero ita, si ab his nullatenus sensibus recedamus, quos sanctos majores ac Patres nostros celebrasse manifestum est; consensionem quoque itidem, si in ipsa vetustate, omnium vel certe pene omnium Sacerdotum pariter & Magistrorum definitiones sententiæque sectemur.

Caput IV. Quid igitur faciet Christianus Catholicus, si se ab aliqua Ecclesia particula ab universalis fidei communione praeiderit? Quid utique, nisi ut pestifero corruptoque membro sanitatem universi corporis anteponat. Quid si novella aliqua contagio, non jam portuunculam tantum, sed totam pariter Ecclesiam commaculare conetur? Tunc item providebit, ut antiquitati inhæreat, quæ prorsus jam non potest ab ulla novitatis fraude seduci. Quid si in ipsa vetustate duorum aut trium hominum, vel certe civitatis unius, aut etiam provincie alicujus error deprehendatur? Tunc omnino curabit, ut paucorum temeritati vel inscitia, si qua sunt, universaliter antiquitus universalis Ecclesia decreta præponat. Quid si tale aliquid emergat, ubi nihil huiusmodi reperiatur? Tunc operam dabit, ut collatas inter se majorum consulas, interrogetque sententias, eorum duntaxat, qui diversis licet temporibus, in unius tamen catholica Ecclesia communione & fide permanentes Magistri probabiles extiterunt, & quidquid non unus aut duo tantum, sed omnes pariter uno eodemque consensu, aperte, frequenter, perseveranter tenuisse, scripsisse, docuisse cognoverit, id sibi quoque intelligat absque ulla dubitatione credendum.

## CAPUT XII.

Observatus de Joanne Cassiano contra Nestorium tractandi modus exponitur.

HIC auctor libros VII de Incarnatione Christi scripsit adversus Nestorium, & postquam illius hæresi Scripturas sacras in libris prioribus opposuit, in libri VII capite XXI. eidem hæresi sanctos Patres sic opponit: Sed tempus est tandem finem libro, imo universo operi imponere, si paucorum tamen sanctorum virorum atque illustrium Sacerdotum dicta subdidero, ut id quod auctoritate testimoniorum sacrorum jam approbavimus, etiam fide presentis temporis roboremus.

Hilarius vir virtutum omnium atque ornamentorum; & sicut vita, ita eloquentia insignis, qui & Magister Ecclesiarum & Sacerdos, non per sua tantum merita, sed etiam per profectus crevit aliorum, & inter procellas persecutionum ita immobilis perstitit, ut per invictæ fidei fortitudinem, etiam Confessoris ceperit dignitatem in libro fidei primo, Deum verum ex Deo vero, &c.

Deinde in capite XXV. Ambrosius eximius Dei Sacerdos, qui à manu Domini non recedens, in Dei semper digito quasi gemma rutilavit, in libro qui est ad virginem, ita memorat frater meus candidus, &c.

Tum in capite XXVI. Hieronymus Catholicorum magister, cujus scripta per universum mundum quasi divina lampades rutilant, in libro ad Eustochium. Dei, inquit, Filius, &c.

Quarto in capite XXVII. Rufinus quoque Christianæ Philosophia vir, haud contemnenda Ecclesiasticorum Doctorum portio, ita in expositione Symboli de Domini Nativitate testatur. Filius enim, inquit, Dei nascitur ex Virgine, &c.

Augustinus Hippona Regiensis oppidi magnus Sacerdos. Ut autem homines, inquit, nasceremur ex Virgine, &c.

Quinto in capite XXVIII. Sed forte quia hi quos numeravimus viri in diversis mundi partibus fuerunt, minus probabiles tibi auctoritate videantur. Ridiculum id quidem, quia loco fides non imminuitur, & quid sit quis, non ubi sit, considerandum; præsertim cum Religio omnes uniat, & hi qui in fide una sunt, in corpore quoque uno esse noscantur. Sed tamen aliquos tibi quos non despicias, etiam de Orientalibus proferemus. Gregorius (Nazianzenus) splendidissimum scientia ac doctrina iubar, qui cum olim jam vita functus sit; etiam nunc tamen auctoritate ac fide vivit, & cum olim corpore absit ab Ecclesiis; tamen voce ac magisterio non recedit. Cum ergo, inquit, processisset ex Virgine Deus, &c.

Sexto in capite XXIX. Athanasius quoque Alexandria urbis Sacerdos, eximium constantia & virtutis exemplum, quem heretica persecutionis procella non contrivit, sed probavit, qui similem semper splendenti speculo vitam habens, primum pene indeptus est martyrii meritum, quam Confessoris caperet dignitatem. Videamus quid de Domino JESU CHRISTO, & de Domini matre senserit. Hec ergo, inquit, intentio, &c.

Denique in capite XXX. Joannes Constantinopolitanorum Antistitem decus, cujus sanctitas absque ulla gentilitia persecutionis procella, ad martyrii merita pervenit. Quid de Filii Dei Incarnatione senserit ac predicaret, ausculta. Et illum quidem, quem si nuda deitate venisset, non calum, non terra, non maria, non ulla creatura sustinere potuisset, illa Virginitatis viscera portaverunt. Huius ergo fidem atque doctrinam, etiam si aliorum ignorabas, sequi ac tenere debueras, cum utique amore ac desiderio te Antistitem sibi plebs religiosa delegit. Quia cum de Antiochena Ecclesia te sibi sumeret Sacerdotem, ex qua eorum ante prælegeras, recepit.



recepturum se in te credidit, quidquid in illo habere desisset. Nonne, queso, hi omnes quasi prophetico olim spiritu ad confundendas blasphemias tuas cuncta dixerunt? Tu cum Dominum Salvatoremque nostrum Christum esse clamitas, non Deum: Illi autem Christum Dominum verum Deum. Tu Mariam Christotocon, non Theotocon esse blasphemias; illi ita Theotocon non negant, ut Theotocon esse cognoscant. Non res tantum blasphemias tuis sunt opposita, sed & verba rerum, ut aperte intelligamus, olim adversus blasphemias tuas munimen à Deo inexpugnabile preparatum: Quod ventura quoque vim hæretica impugnationis parato jam muro franget veritatis. Et tu, o impiissime, atque impudenter præclara urbis contaminator, catholica ac sancta plebis gravia & exitiosa contagio, stare in Ecclesia Dei ac loqui audes, & blasphemias ac furiosis vocibus tuis Sacerdotes semper illase fidei & catholica confessionis infamas, Magistrorum priorum vitio plebem Constantinopolitana urbis errare? Tu ergo emendator priorum Antistitem, tu condemnator veterum Sacerdotum, tu Gregorio excellentior, tu Nestario probatior, tu Joanne præstantior, omnibusque Orientalium urbium Sacerdotibus, qui etsi non ejusdem nominis, cujus hi, quos nominavi, ejus tamen fidei fuerunt. Quod quidem quantum ad hanc causam pertinet, sufficit, quia cum de fide agatur, omnes in eo idem sunt, quod optimi, in quo consortes sunt optimorum. In hac autem tractandi methodo, Callianus Scripturæ sacræ sanctos Occidentis & Orientis Patres conjungit: Et conjunctio hæc antiquitatem doctrinæ, & in doctrina universitatem & consensionem ostendit.

508

## CAPUT XIII.

*Observatus de Concilio Calchedonenſi adversus Eutychem tractandi modus exponitur.*

IN actione 11. hujus Concilii legitur primum Leonis epistola synodica, quam ad Flavianum Constantinopolitanum Antistitem miserat contra Eutychis errores. Hæc est plena testimoniis Scripturarum, quibus Archimandritæ illius novitas antiquatur. Deinde sequuntur sanctorum Patrum & Confessorum auctoritates; illorum autem sunt hæc nomina. Sanctus Hilarius in libro ix. de fide; sanctus Gregorius Nazianzenus in homilia de Epiphania; Ambrosius Episcopus & Confessor in libro ii. de fide ad Gratianum, & in libro de Incarnatione Domini contra Apollinarianos; sanctus Joannes Constantinopolitanus Episcopus, in homilia de Ascensione Domini; sanctus Augustinus Hipponensis Episcopus, in epistola ad Volusianum, in expositione Evangelii secundum Joannem, & in sermone de expositione fidei; Cyrillus Alexandrinus Episcopus, in scholiis de Incarnatione Unigeniti. Et post pauca: Post lectionem prædictæ Epistolæ (Leonis) reverendissimi Episcopi clamaverunt: Hæc Patrum fides, hæc Apostolorum fides, omnes ita credimus, orthodoxi ita credunt; anathema ei, qui non ita credit. Petrus per Leonem ita locutus est: Apostoli ita docuerunt, pie & vere Leo docuit, Cyrillus ita docuit, Cyrilli aterna memoria, Leo & Cyrillus similiter docuerunt.

509

Hoc autem ita gestum esse scribitur in vita sancti Auxentii, qui sese Concilii defensorem acerrimum exhibuit: Qui in hac magna, inquit vitæ auctor, & æcumenica Synodo erant sancti Patres omnium, quos ante scripsimus, evertentes hæreses, non ex suis syllogismis, sed ex divinis Scripturis, & præclaris, qui antea fuerunt, Doctoribus magnum pietatis mysterium obsignantes, confirmaverunt unicum & unigenitum Dei Filium. Non adhibitis igitur syllogismis, quos sæcularis Philosophia suggerit, sed sacræ Scripturæ expositione, & apertam in lucem prodita majorum traditione,

hæreses & novitates evertuntur, catholicæ fidei dogmata sancuntur, aut sancita corroborantur. Quod Calchedonenſis Synodus cum plane novisset, syllogismorum machinas abegit, & solam Scripturam, & catholicæ traditionis lineam admovit.

## CAPUT XIV.

510

*Observatus de Theodoro Cyri Episcopo contra varias hæreses scribente tractandi modus exponitur.*

THEODORETUS Cyri Augusto-Euphratesiæ Episcopus, cum alia multa adversus hæreticos, tum maxime dialogos tres conscripsit; quorum primus est immutabilis dictus, secundus inconfusus, tertius impatiibilis. In primo dialogo, quam disputandi rationem observat, his verbis ostendit.

## ORTHODOXUS.

Non convenit autem anticipata opinioni servire, sed veram doctrinam inquirere.

## ERANISTES.

Suasioni tuæ pareo & monitis acquiesco.

## ORTHODOXUS.

Quoniam igitur priorem cohortationem facile admisti, velim rursus, ne humanis rationibus veritatis inquisitionem subicias; sed Apostolorum & Prophetarum & Sanctorum, qui hos secuti sunt, vestigia inquiras. Hoc enim facere viatores solent, ut cum à via regia deflexerint, semitas considerent, si quorum abeuntium aut venientium vestigia habeant, vel hominum, vel equorum, vel asinorum, vel mulorum; & postquam invenerint, canum more illa persequuntur, nec ante desistunt, quam in rectam viam redierint.

511

## ERANISTES.

Sic faciamus, tu itaque præi, ut qui sermonem inchoasti. Et post allatas multas ex utroque testamento auctoritates subjicit.

## ERANISTES.

Probabiliter hoc enarraſti; ego autem scire velim, quomodo antiqui Ecclesiæ Doctores, Verbum caro factum est, intellexerint.

## ORTHODOXUS.

Decibat quidem te in Apostolicis & Propheticis probationibus acquiescere. Quia vero etiam sanctorum Patrum interpretationes requiris, ego hanc quoque tibi, Deo adjuvante, adhibebo medicinam.

## ERANISTES.

Ne mihi obscuros viros vel ambiguos adduxeris; talium enim interpretationes non recipiam.

Hinc adferuntur testimonia Athanasii Alexandrini Episcopi ex Epistola ad Epictetum, Gregorii Nazianzeni ex Epistola ad Cledonium, Ambrosii Mediolanensis Episcopi ex libro de fide, cap. vi. Flaviani Antiocheni Episcopi ex commentariis in Evangelicum illum locum, Verbum caro factum est; Gelasii Casariensis Episcopi ex concione de apparitione Dominica; Joannis Chrysostomi ex commentariis in eundem locum Severiani

512

riani Gabalorum Episcopi ex commentariis in eundem locum.

Deinde subdit Eranistes: Admiror virorum istorum concordiam & consensum. Omnes enim dicta Evangelica sic interpretati sunt, ac si unum in locum convenientes, opinionem suam simul una conscripissent.

Tum ubi Orthodoxus dixit alios esse fortissimos veritatis propugnatores, qui similia dicant, Eranistes adjicit.

Valde cupienti mihi etiam horum testimonia propones.

## ORTHODOXUS.

Audi ergo viros Apostolicam doctrinam sonantes. Sancti Ignatii Episcopi Antiocheni & Martyris ex epistola ad Romanos:

Irenaei Episcopi Lugdunensis ex tertio libro contra haereseos.

Sancti Hippolyti Episcopi & Martyris ex oratione, quam fecit in illud, Dominus pascit me.

Sancti Methodii Episcopi & Martyris ex sermone de Martyribus.

Sancti Eustathii Episcopi Antiocheni & Confessoris ex interpretatione Psalmi xv.

Sancti Athanasii Episcopi Alexandrini & Confessoris ex defensione facta pro Dionysio Episcopo Alexandria.

513 Sancti Basilii Episcopi Caesariensis ex interpretatione Psalmi lxx.

Sancti Gregorii Episcopi Naziansi ex priore expositione ad Cledonium.

Sancti Gregorii Nysseni ex sermone de Abraham.

Sancti Flaviani Episcopi Antiocheni ex sermone de Joanne Baptista.

Amphilochii Episcopi Iconii ex oratione in illud, Pater major me est.

Sancti Joannis Episcopi Constantinopolitani ex oratione quam habuit, cum Gothus legatus ante eum dixisset.

## ERANISTES.

Consonantia quidem dicunt omnes, & consentiunt cum Orientalis terra cultoribus ii qui Occidentalem excolunt.

Tum Orthodoxus adducit unum haeticum, qui eadem cum Catholicis sentiat. Unum, inquit, admirabilis vestra haereseos Doctorem Apollinarem in medium adducam, & non aliter ac sancti Patres Verbum caro factum est, intellexisse ostendam. Audi ergo, quid hac de re scripserit in compendario suo libro.

In altero dialogo eandem retinet tractandi rationem. Post allatas enim multas ex utroque Testamento auctoritates, dicit Eranistes: Multa quidem hac de re verba fecisti; ego vero Sanctos sequor, qui in Ecclesiis olim clauerunt. Ostende igitur post unionem distinxisse naturas.

## ORTHODOXUS.

514

Ego quidem illorum tibi lucubrationes recitabo. Tu vero admiraberis, sat scio, crebram distinctionis mentionem, quam scriptis suis, dum adversus impias haereseos dimicant, inferuerunt. Audi ergo eos, quorum jam tibi testimonia laudavi, hac palam & diserte affirmantes sancti Ignatii Antiocheni Episcopi & Martyris, ex epistola ad Smyrnaeos.

Irenaei antiqui Episcopi Lugdunensis ex lib. ii. adversus haereseos.

Sancti Hippolyti Episcopi & Martyris ex oratione de distributione talentorum, ex epistola ad Reginam quandam, ex sermone in Hilcanam & Annam, ex sermone in magnum Canticum, ex interpretatione xxiii. Psalmi.

Sancti Eustathii Antiocheni Episcopi & Confessoris in inscriptiones titulorum.

Sancti Athanasii Episcopi Alexandrini ex oratione ii. contra haereseos, ex epistola ad Epictetum, ex maiore oratione de fide, ex tomo contra Arianos.

Sancti Ambrosii Mediolanensis Episcopi in expositione fidei, ex epistola ad Gratianum Imp. ex lib. de Incarnatione Domini contra Apollinaristas.

Sancti Basilii Episcopi Caesarea ex oratione de gratiarum oratione, & ex libro contra Eunomium.

Sancti Gregorii Episcopi Nazianzeni ex oratione de nova Dominica, ex epistola ad Cledonium, ex priore ex. 515 positione ad Cledonium, ex oratione ii. de filio, ex oratione in Theophania.

Sancti Gregorii Episcopi Nyssa ex oratione catechetica, ex oratione ad Eunomium.

Sancti Amphilochii Episcopi Iconii ex oratione in illud, Pater major me est.

Beati Theophili Episcopi Alexandria ex iis quae scripsit adversus Origenem.

Sancti Joannis Chrysostomi Episcopi Constantinopolitani ex oratione quam in magna Ecclesia habuit, ex commentario in principium Psalmi xli. ex libro de divisione linguarum, ex oratione dogmatica, ex lib. adversus eos qui dicunt demones res humanas gubernare, ex oratione de iis qui Pascha primum jejunant, ex oratione de Ascensione, ex interpretatione epistola ad Ephesios, ex interpretatione Evangelii secundum Mattheum.

Sancti Flaviani Episcopi Antiocheni ex Evangelio secundum Lucam, & ex oratione in Theophania.

Cyrilli Episcopi Hierosolymitani, ex catechetica oratione iv. de decem dogmatibus, de nativitate ex Virgine.

Antiochi Episcopi Ptolemaidis.

Sancti Hilarii Episcopi & Confessoris in lib. ix. de fide.

Sanctissimi Augustini Episcopi ex epistola ad Volusianum.

Severiani Episcopi Gabalorum de nativitate Christi.

Atticii Episcopi Constantinopolitani ex epistola ad Euphychium. 516

Cyrilli Episcopi Alexandrini ex epistola ad Nestorium, ex expositione ad Hebraeos, ex scholiis, ex libro de Incarnatione.

## ERANISTES.

Non putabam eos distinguere naturas post unionem, sed distinctionem prope infinitam deprehendi.

## ORTHODOXUS.

Furiosum & temerarium est adversus insignes illos viros, fideique duces linguam movere; ut autem scias etiam Apollinarium inconfusam dicere factam fuisse unionem, hujus quoque tibi verba proponam.

In tertio dialogo eandem quoque disputandi viam insitit. Nam allatis ex utroque Testamento pluribus testimoniis, Orthodoxus ait: Ostendam autem tibi sanctos Patres, haec ipsa, quae a nobis exposita sunt, in scriptis suis sensisse, quorum nonnulli admirando illi Concilio interfuerunt, alii post eos in Ecclesiis floruerunt, quidam etiam multo ante orbem olim terrarum illustrarunt. Sed neque temporum discrimen, neque linguarum diversitas consonantiam turbavit; sed lyra similes videntur, quae multas quidem & diversas chordas habet, unum autem sonorum concentum efficit.

## ERANISTES.

Pergratam mihi & expetendam narrationem afferes. 517 Certissima est enim talis doctrina, & utilissima.

51

ORTHO-



## ORTHODOXUS.

Fac igitur pateant aures, & spiritalium fontium fluenta excipe.

Sancti Ignatii Episcopi Antiocheni & Martyris ex epistola ad Smyrnenfes.

Irenaei Episcopi Lugdunensis ex tertio libro adversus haereses, ex libro etiam quinto.

Sancti Hippolyti Episcopi & Martyris ex epistola ad quandam Reginam, ex sermone de duobus latronibus.

Sancti Eustathii Episcopi Antiocheni & Confessoris ex libro de anima, ex oratione in illud, Dominus creavit me initium viarum suarum, ex inscriptionibus graduum, ex interpretatione Psalmi XCI.

Sancti Athanasii Episcopi Alexandrini & Confessoris ex epistola ad Epictetum, ex majore sermone de fide.

Sancti Damasi Episcopi Roma in expositione.

Sancti Ambrosii Episcopi Mediolanensis ex libro de fide catholica.

Sancti Basilii Episcopi Caesariensis ex lib. II. contra Eunomium.

Sancti Gregorii Episcopi Nazianzeni ex epistola ad beatum Episcopum Constantinopolitanum, ex priore expositione ad Cledonium, ex oratione de Paschate.

518 Sancti Gregorii Episcopi Nysseni ex oratione catechetica ex opere adversus Eunomium.

Sancti Amphiloicii Episcopi Iconii ex oratione in illud, Amen, amen dico vobis, qui sermonem meum audit; ex oratione in illud, Pater major me est, ex orat. de filio, ex orat. in illud, Non potest filius ex seipso facere quidquam.

Sancti Flaviani Episcopi Antiocheni in Dominica Pascha ex orat. de Juda proditore.

Theophili Episcopi Alexandria ex tomo Heortastico.

Gelasii Episcopi Caesarea Palaestina ex orat. in Epiphania.

Sancti Joannis Episcopi Constantinopolitani ex orat. in illud, Pater meus usque modo operatur, & ego operor.

Severiani Episcopi Gabalorum ex oratione de signaculis.

Ecce tibi eos, qui & Orientales & Occidentales, atque etiam Australes & Boreales mundi partes colunt, inanem haeresim vestram reprehendere ostendimus, & divinam naturam aperte impatibilem predicare, & utramque linguam, Graecam dico & Romanam, consentientem de divinis confessionem proferre.

## ERANISTES.

Miror ego horum virorum consensum.

## ORTHODOXUS.

519 Ut autem intelligas, quod qui, multiformem hanc haeresim stabilire conantur, blasphemiarum magnitudine videntes etiam haeresiarchas superare contendunt; Audi rursum Apollinarii scripta, qua divina natura impatibilitatem predicant, & corporis esse propriam passionem consentitur, Apollinarii ex libro compendiaro, ex libello de fide, ex libello de Incarnatione.

## ERANISTES.

Audivi, & miratus sum.

## ORTHODOXUS.

Ego vero tibi ex alio etiam haeticorum grege testem producam, qui Unigeniti divinitatis impatibilitatem diserte predicat.

## ERANISTES.

Quemnam memoras?

## ORTHODOXUS.

Eusebium fortasse Phanicem audivisti, qui Emesa urbis ad Libanum Pontifex fuit.

## ERANISTES.

Incidi in aliqua ejus scripta, & deprehendi Arian dogmata sequi.

## ORTHODOXUS.

Erat ille ex secta, & tamen cum Patrem Unigenito majorem ostendere conatur, impatibilem predicat ejus, qui minoratur, divinitatem, & pro hac sententia longa & valde admiranda certamina sustinuit. Et post alia: Audi igitur virum clamantem, & cum nobis loqui existima. 520 Hac Theodoretus, qui novitati Eusebii Emeseni catholicam antiquitatem opponit.

## CAPUT XV.

Observatus de Leone Papa ad Leonem Augustum scribente contra haeticos tractandi modus exponitur.

ETI quam juste damnatus fuerat Eutyches, à Concilio latam in eum sententiam proferre sufficiebat; tamen cum Leo magnus ille Pontifex ea de re ad Imperatorem scriberet, visus est judicium instaurare, quasi nefas esse duceret de Eutychis damnatione sermonem instituere, praeterita illa Ecclesiae consuetudine, qua novitates è medio tolluntur. Sic igitur agit Leo: Promississe me memini, venerabilis Imperator, in causa fidei, de qua clementiam tuam novi pie esse sollicitam, pleniorum humilitatis meae dirigendum esse sermonem, quem nunc (auxiliante Domino) fidei occasione persolvo, ut sancto pietatis tua studio utilis, quantum arbitror, deesse non possit instructio. Quamvis enim sciam clementiam tuam humanis instructionibus non egere, & sincerissimam de abundantia Spiritus sancti hausisse doctrinam; officii tamen mei est, & patefacere quod intelligis, & predicare quod credis. Et post alia, cap. I. Non longo temporis intervallo catholica fides, qua est singularis 521 & vera, cuique nihil addi, nihilque minui potest, à duobus est hostibus appetita, quorum prior Nestorius, Eutyches secundus emeruit, qui Ecclesia Dei duas haereses sibi contrarias inferre voluerunt, ut uterque à Prædicatoribus veritatis merito damnetur, quia insanum nimis & sacrilegum fuit, quod varia falsitate ambo senserunt. Et postquam locis Scripturae pluribus Eutychianam haeresim impugnavit, subjicit: Non ergo quisquam sibi erubescendum existimet Christianus de nostri in Christo corporis veritate, quia omnes Apostoli, Apostolorumque discipuli, & præclari Ecclesiarum quique Doctores, qui ad martyrii coronam, vel ad confessionis meruere gloriam pervenire, in hujus fidei lumine splenduerunt, consonis utique sententiis intonantes, quod in Domino JESU CHRISTO deitatis & carnis una sit consistenda persona. Et post alia: Ut autem pietas tua cum venerabilium Patrum prædicationibus nos concordare cognoscat, aliquantas eorum sententias huic credidi subiiciendas esse sermoni. Quibus si digneris attendere recensitis, non aliud nos predicare reperies, quam quod sancti Patres nostri toto orbe docuerunt, nec quemquam ab illis, nisi solos haeticos, discrepare.

Sequitur indiculus Patrum qui postea laudantur.

Sanctus

Sanctus Hilarius Pictaviensis Episcopus & Confessor in libro 11. de Trinitate.

522 Sanctus Athanasius Alexandrinæ Ecclesiæ Episcopus & Confessor in epistola ad Epictetum Corinthiorum Episcopum.

Sanctus Ambrosius Episcopus & Confessor Mediolanensis Ecclesiæ lib. 11. de fide ad Gratianum Imperatorem, & alibi.

Sanctus Augustinus Episcopus Hipponensis Ecclesiæ in epistola ad Dardanum, & alibi.

Sanctus Joannes Constantinopolitanus Episcopus & Confessor in Homilia de cruce & latrone, & alibi.

Sanctus Theophilus Episcopus Alexandriæ in epistola Paschali, quam per Egyptum destinavit.

Sanctus Gregorius Episcopus Nazianzenus in homilia de Epiphania.

Sanctus Basilius Episcopus Cappadox.

Sanctus Cyrillus Episcopus Alexandrinus in libro qui dicitur Golia, & alibi.

Hec nos sequi verba debemus, his nos convenit obtemperare dogmatibus, considerantes quid sit incarnatum esse, & hominem factum Dei Verbum. Et post alia: Hoc igitur recta fidei ratio protestatur. In tali sensu sanctos Patres fuisse comperimus. Ideo illi non dubitaverunt sanctam Virginem dicere Theotocon, non quod Verbi natura, deitasque in sancta Virgine sumpsit exordium; sed quod ex ea natum sit sacrum illud corpus animatum anima rationali, cui substantialiter adunatum Dei Verbum, carnaliter natum esse dicitur. Leo novitati catholicam antiquitatem opponit.

## CAPUT XVII.

Observatus de Joanne II. ad Senatores scribente tractandi modus exponitur.

Leonem post annos fere 1100. Joannes II. Papa excipit, eumque imitatur, dum ad Senatores scribens fidem de Christi divinitate & incarnatione confirmat, & Acemetas monachos Nestorii sectatores vitandos esse monet. Sed ponenda sunt Joannis verba: Olim quidem illustres & magnifici filii ad hoc sententia mea summa constiterat, ut ante iussionem vestram, postquam epistola vel dogmatis tenorem cuncta Ecclesia, hoc est, Sacerdotum senatus & populi probavit assensum, sub paginali alloquio vestris etiam sensibus intimanda dirigerem; sed consilii ordinem illa res vertit, quia & dogmati per dies singulos divina Scriptura subduntur, & imperfecta destinari non poterant, & ea, quæ per legatos directæ sunt, prius non poterant in exemplaribus scripta transmitti. Novimus etiam, quod Domino docente præceptum est, 525 quod Pastor diligens gregem salubria ultro non desistat suggerere, quia res, quæ ad salutem Ecclesiæ pertinet, omnibus necesse est sensibus intimari. Et post alia; Nunc tamen nequid de vestris sensibus relinquatur ambiguum, quid epistola tenor habeat, quid textus dogmatis contineat, breviter insinuare curavi. Justinianus siquidem Imperator filius noster, ut ejus epistola tenore cognovisset, de his tribus questionibus orta certamina fuisse signavit: Utrum unus ex Trinitate Christus & Deus noster dici possit, hoc est, una de tribus personis sanctæ Trinitatis sancta persona; an Deus Christus carne pertulerit impassibili deitate; an proprie & veraciter mater Domini Dei nostri Christi Maria semper virgo debeat appellari. Probavimus in his catholicam Imperatoris fidem, & ita esse Prophetis & Apostolicis vel Patrum exemplis evidenter ostendimus; unum enim ex sancta Trinitate Christum esse, hoc est, unum de tribus sanctæ Trinitatis personis, sanctam esse personam, sive subsistentiam, quam Græci hypostasim dicunt, in his exemplis evidenter ostendimus.

In hoc dogmate laudatur liber Genesis 11. Paulus 1. ad Corinthios cap. 1111. Symbolum Nicænæ Synodi, sanctus Augustinus in libro 11. de civitate Dei, in libro 11. contra Maximinum, in libro xv. de Trinitate; Gregorius Nazianzenus in sermone de Epiphania Domini, Gregorius Nyssenus in epistola ad Ablamium, Proclus in epistola ad Occidentales. Hæc igitur ex plurimis pauca digessimus. 526

Deum vero carne passum hic nihilominus roboremus exemplis. In hoc dogma laudatur liber Exodi cap. 1111. Evangelium Joannis cap. 1111. Zacharias Propheta cap. 1111. beatus Petrus Actorum cap. 1111. Paulus epistola 1. ad Corinthios capitulo 1. David Ps. 11111. Acta Apostolorum cap. 1111. Cyprianus Episcopus & Martyr in epistola de patientia, Gregorius Nazianzenus, sanctus Augustinus in libro de caritate, Cyrillus capitulo 1111. Leo in epistola ad Juvenalem, & in epistola ad Flavianum. Ex hac quoque parte plura ex dogmatis lectionum poteritis agnoscere.

Gloriosam vero & sanctam semper Virginem Mariam proprie & veraciter Dei genericem, matremque Dei Verbi ex ea incarnati ab hominibus catholicis confiteri recte esse docemus proprie & veraciter. Et post alia: Cujus rei probamenta ex Patrum traditionibus consequenter sanctus Augustinus libro 1. de prædestinatione; Leporius in Epistola, quam Aurelium Episcopus Carthaginensis, & beatus Augustinus, & Synodus Africana firmavit; Gelasius in libro adversus Nestorium & Eutychem. Et post alia: His igitur evidenter ostensum est, illustres & magnifici filii, quid speraverit Imperator, 5 I 2 quid

523

## CAPUT XVI.

Observatus de Synodo Carthaginensi tractandi modus exponitur.

Synodum hanc habuit anno 1111. Bonifacius Carthaginensis Episcopus, in qua post recitatum Nicæni Concilii Symbolum, subjicitur: Satis est consequens, ut qui recta credulitatis regulam sumpsimus, disciplina quoque Ecclesiastica instituta noscamus; ne à recta credulitate observatio inordinata discordet, cum oporteat fidem moribus decorari, ne sit quisquam religionis integerrimus Predicator, nisi mandatorum fuerit diligentissimus observator.

Bonifacius Episcopus dixit: Ad profectum pertinet scientiæ semper querere augmenta doctrine. Merito, quoniam sanctissima voluntati respondere celeriter decet, proferantur ex scrinio hujus Ecclesiæ antiquorum Patrum venerabilia constituta: Recitetur quid vetustas observandum posteris dereliquerit: Audiam qui custodiunt quod se custodisse gratulentur: Audiam qui transgrediuntur quod de reliquo custodire dignentur.

Cur autem hac in Synodo Ecclesiastica disciplina æstimetur tanti, & cur ita cupide laudentur majorum instituta, quibus illa sancitur, facit cum res ipsa quæ profertur atque in medium editur, tum antiquissimus Bonifacii decessor & eminentissimus martyr Cyprianus in libro quem de disciplina & habitu Virginum inscripsit. Disciplina, inquit, custos spei, retinaculum fidei, dux itineris salutis, fomes ac nutrimentum bona indolis, magistra veritatis, facit in Christo manere semper, ac jugiter Deo vivere, & ad promissa cælestia & divina premia pervenire.

524



quid Romana sequatur & colat Ecclesia. Et post alia: Neque enim naturas in eo aliter agnoscimus, nisi differentiam intelligentes, & consistentes divinitatis atque humanitatis; sed nec duas personas in Christo intelligimus per id quod dicimus duas naturas, ut adunationis divi-  
 527 sionem facere videamur, & sit, quod absit, quaternitas, non Trinitas, sicut Nestorius sentit insanus. Nec confundimus easdem unitas naturas, cum unam personam Christi confitemur, ut Eutyches impius credit. Tomum vero Papa Leonis, omnesque Epistolas, necnon & quatuor Synodos, Nicanam, & Constantinopolitanam, & Ephesinam primam, & Chalcedonensem, sicut Romana hactenus suscepit & veneratur Ecclesia, sequimur, complectimur atque servamus. Hoc enim est nostra fidei firmamentum, hac fidei nostra petra firmissima. Sic Joannes adhibitis Scriptura & Patribus novitati vetustatem antepōnit.

## CAPUT XVIII.

Observatus de collatione Catholicorum cum Severianis habita Constantinopoli tractandi modus exponitur.

Annus Christi agebatur quingentesimus tricesimus tertius, cum habita est Constantinopoli Catholicorum cum Severianis collatio. Severiani concedebant quidem bona fuisse Chalcedonensis Synodi primordia; sed exitum habuisse felicem negabant. Catholici contra Synodum, & recte inceptam & legitime terminatam affirmabant. Severiani eam partis suae rationem adferbant, quod in sua definitione  
 528 traditionem Patrum secuta non esset Synodus. Catholici negabant, rati & mentitos esse hæreticos, & necessarium fuisse, ut Synodus traditionem Patrum sequeretur, & Eutychianam novitatem catholica antiquitate profligaret. Sed referenda sunt quædam collationis verba, quibus totum istud consistit negotium: Episcopus dixit: Ostensum ergo vobis est, quia iuste est congregatum Chalcedonense Concilium. Contradicientes dixerunt: Iuste convenit, si & iustum finem suscepisset. Episcopus dixit: Quid enim reprehenditis, illud peccasse Concilium, ut adversus hoc possumus vobis reddere rationem? Contradicientes: Ante omnia duarum naturarum novitatem. Beato enim Cyrillo & antecessoribus ejus ex duabus naturis unam naturam Dei Verbi incarnatam post unionem prædicantibus illis in duabus naturis innovare præsumperunt. Episcopus dixit: Omnis quidem novitas peregrina est; non tamen omnis obnoxia. Contradicientes dixerunt: Secundum utraque; beato enim Cyrillo, & beato Athanasio Alexandrina civitatis Episcopis, Felici etiam & Julio Romana Ecclesia Episcopis, Gregorio mirabilium factori, & Dionysio Areopagita unam naturam Dei Verbi decernentibus post unionem, hos omnes transgressi illi post unionem præsumperunt duas naturas prædicare. Episcopus dixit: In tantum falsa sunt Epistolæ, sive testificationes illa quas dicitis, ut neque unam ex illis Cyrillus voluerit recordari, nec in Epistolis, quas ad Nestorium scripsit, ut in his, quas contra blasphemias ejus protulit testificationes in sancta Synodo Ephesina, quando maxime debuit proferre eas; sed nec in expositione XII. capitulorum ad-  
 529 versus Theodoretum & Andream scribens, qui contra eadem capitula scripserunt; sed nec adversus Orientale Concilium, quod unde nescio, Arii illi vel Apollinaris opinionem imposuisse visum est. Neque enim Arius aliquando vel Apollinaris duas naturas confessi sunt; sed unam naturam Dei Verbi incarnatam ipsi magis noviter protulerunt, ut creatam & passibilem divinam Verbi naturam introducerent: Adversus quos duas substantias atque naturas omnes sancti Patres decreverunt; sed in hoc

dicimus, quia XII. gloriosorum Patrum testimonia adversus Nestorii blasphemias in Epheso beatus Cyrillus proferens, id est, sancti Petri Episcopi Alexandrini & Martyris, sancti Felicis Episcopi Romani & Martyris, Cypriani Episcopi Carthagenensis & Martyris, beati Athanasii, & beati Theophili Episcoporum Alexandria, Julii Episcopi Romani, Ambrosii & Basilii, Gregorii & alterius Gregorii, Amphilochoi Iconii, & Attici Constantinopolitani. Nullum testimonium eorum de una natura protulit; sed non solum aliorum, sed & nec beati Athanasii, qui à vobis proferitur in unius natura incarnati Verbi confessione, cum certe diversa testimonia ejus illic intexuerit; sed & beati Julii, eo quod Dei generix sit sancta Virgo, & Dominum esse eum, qui carne passus est. Si ergo sciebat de una natura quemquam ex his dixisse, illic maxime proferre debuit, ubi tantum erat & tale universale Concilium; si autem illi non sunt prolata, quemadmodum nunc à vobis proferantur, satis  
 530 admiror. Contradicientes. Quid ergo suspicamini, quia nos eas falsavimus? Episcopus: Vos non suspicamini; sed antiquos hereticos Apollinaristas, qui reprehendunt eum in epistola quam ad Orientales pro unione & pace de duabus naturis scripsit: Quoniam & hi qui cum Nestorio sapiunt, falsaverunt ad Epictetum sancti Athanasii Epistolam, sicut beatus Cyrillus beato Joanni Antiochena civitatis Episcopo scribens docuit nos. Contradicientes: Possumus ostendere, quia beatus Cyrillus usus est istis testimoniis in libris adversus Diodorum & Theodorum editis. Episcopus: Modo maxime & illos adversus Diodorum & Theodorum libros ambiguos facitis, tanquam si eos adversus mortuos prolatos dicentes, non poterant refellere falsitatem. Si enim adversus mortuos prolati sunt, multo magis adversus Nestorium, & eos, qui contra capitula ejus scripserunt, proferre habuit eadem testimonia; sed nunc videtur, quoniam & in illis libris heretici falsantes addiderunt ea. Contradicientes dixerunt: Si ergo ex antiquis rescriptis, & ex archivis Alexandria poterimus utique ostendere sic habentia, quid estis dicturi? Episcopus: Si sub temporibus Proterii vel Timothei cognomine Solofacioli offensa sunt, indubitabilia erunt. Quoniam vero jam à multis hi qui adversantur orthodoxæ duarum naturarum confessioni illa antiqua apud se retinent, indulgete nobis, si adversarios nostros testes suscipere dubitamus. Nam & beati Julii famosam illam  
 531 Epistolam manifeste Apollinaris offendimus fuisse scriptam ad Dionysium; illam autem, quam sancti Gregorii mirabilium factoris dicitis testificationem, suadete Severo, & his, qui ea, qua illi sapiunt, confiteri, quia incorruptum carnis ipse decrevit: Et tunc vobis credendum est, quoniam & ea, qua de una natura dicta sunt, ipsius sunt; quod autem prius dici debuit, in ultimo dicimus. Illa enim testimonia, qua vos Dionysii Areopagite dicitis, unde potestis ostendere vera esse, sicut suspicamini? Si enim ejus eram, non potuissent latere beatum Cyrillum. Quid autem de beato Cyrillo dico, quando & beatus Athanasius, si pro certo scisset ejus fuisse, ante omnia in Nicæno Concilio de consubstantiali Trinitate eadem testimonia protulisset adversus Arii diversa substantia blasphemias? si autem nullus ex antiquis recordatus est ea, unde nunc potestis ostendere, quia illius sunt, nescio. Ex his autem omnibus apparet nedum Catholicos, sed etiam hæreticos in ea fuisse sententia, ut crederent antiquorum Patrum traditionem & consensum ad sancienda fidei dogmata vel maxime requiri. Hæretici quidem non errarunt in eo, quod istud æque ac Catholici contenderent. Sed quod subditiis & falsatis antiquorum Patrum operibus contenderent: Et hoc ipsum est, quod nunc dierum etiam atque etiam vellem ab iis, qui seorsum à nobis per religionem sentiunt, observari.

532

## CAPUT XIX.

*Observatus de quinta Synodo œcumenica tractandi modus exponitur.*

**I**N hac Synodo collationes sunt duæ, prima & tertia, in quibus illustris est ille tractandi modus. In prima sic loquitur Justinianus in epistola quam ad Patriarchas Eutychium Constantinopolitanum, Apollinarium Alexandrinum, Domnium Theopolitanum, & alios Episcopos mittit: Scire etenim vos volumus, quod nos ea, quæ à sanctis quatuor Conciliis, Nicæno, Constantinopolitano, Ephesino primo, & Chalcedonensi de una eademque fide exposita & definita sunt, & de Ecclesiastico statu regulariter disposita, servamus & defendimus, & ea sequimur, & omnia quæ consonant istis suscipimus & amplectimur; quidquid autem non consonat istis, vel à quacunque perscriptum inveniat contra ea, quæ de una eademque fide à sanctis quatuor Conciliis, vel uno ex his definita sunt, hoc tanquam alienum omnino pietatis execramur; sequimur autem in omnibus sanctos Patres & Doctores sanctæ Dei Ecclesiæ, Athanasium, Hilarium, Basilium, Gregorium Theologum, & Gregorium Nyssenum, Ambrosium, Theophilum, Joannem Constantinopolitanum, Cyrillum, Augustinum, Proclum, Leonem, & omnia, quæ ab his de fide recta & ad condemnationem hæreticorum conscripta & exposita sunt, suscipimus. In prædictis igitur omnibus permanentes illos Patres & Sacerdotes suscipimus, qui ea, quæ à sanctis quatuor Conciliis de fide exposita sunt, & à prædictis sanctis Patribus prædicata sunt, servant & prædicant in sancta Dei Ecclesia. Hæc Imperator, quæ & à Synodo suscipiuntur, & comprobantur.

In tertia hæc eadem repetuntur: Super hac sequimur per omnia & sanctos Patres & Doctores Ecclesiæ, Athanasium, Hilarium, Basilium, Gregorium Theologum, & Gregorium Nyssenum, Ambrosium, Augustinum, Theophilum, Joannem Constantinopolitanum, Cyrillum, Leonem, Proclum; & suscipimus omnia, quæ de recta fide & condemnatione hæreticorum exposuerunt. Suscipimus autem & alios orthodoxos Patres, qui in sancta Dei Ecclesia rectam fidem irreprehensibiliter usque ad finem vitæ suæ prædicaverunt.

Ut autem ostendatur, alienam esse ab illis Patribus Theodori Mopsuesteni Antistitis doctrinam, Synodus jubet, ut referantur excerpta ex variis illius commentariis testimonia xxxi. quæ collatione iv. legi possunt. In his autem omnibus novitati objicitur antiquitas.

## CAPUT XX.

*Observatus de Concilio Lateranensi contra Monothelitas tractandi modus exponitur.*

**I**N hoc Concilio, quod adversus Monothelitas celebratum est, sic se res habet. In primis Secretario ii. refertur epistola synodica Concilii proconsularis ad Paulum Constantinopolitanum, ubi quæ sequuntur ad institutum faciunt: Contra quas (hæreses) Concilia venerabilium Pontificum per sacras Christianissimorum Principum iussiones congregata tunc esse noscuntur. Et post alia: Ut autem exemplis sanctorum Patrum, quæ præmissa sunt, multo amplius roborentur, eorum exempla huic nostro epistolari eloquio ex multis parva inferi maturavimus. Hinc sequuntur multæ auctoritates, quæ ex libris sancti Ambrosii & sancti Augustini collectæ sunt. Deinde Secretario v. repetuntur ea, quæ superiori capite ex collatione iii.

quintæ Synodi retulimus. Tum postea: Martinus sanctissimus ac beatissimus Episcopus sanctæ Dei Ecclesiæ Catholica atque Apostolica urbis Roma dixit: Manifestatur nobis ex his, quæ relecta sunt, sive definita à sancto vestro Concilio, condemnatum esse & alienum fidei Ecclesiæ unumquemque, qui non susceperit verbo & mente, omnes sanctas Synodos & venerabiles Patres, cunctaque quæ ab eis pro orthodoxa fide exposita sunt in destructionem omnium hæresum; jam ad nostram cognitionem splendidissima verba eorum omnique suscipienti saluifera deducantur. Theophylactus primicerius Notariorum Apostolica Sedis dixit: Secundum iussionem beatitudinis vestra destorata à nobis sanctorum Patrum testimonia deferens præ manibus gero, quid præcipitis? Martinus sanctissimus ac beatissimus Episcopus sanctæ Dei Ecclesiæ Catholica atque Apostolica urbis Roma dixit: Suscepta Patrum venerabilium testimonia lectione pandantur.

Sequuntur nomina Patrum, quorum auctoritates postea referuntur. Beatus Ambrosius Mediolanensis Episcopus, sanctus Augustinus Hipponeregienensis Episcopus, sanctus Basilus Cæsariensis Episcopus, Gregorius Nyssenus Episcopus, sanctus Cyrillus Alexandrinus Episcopus, Gregorius Nazianzenus, Amphilocheus Iconiensis Episcopus, Hippolytus Martyr, Leo, Athanasius, Joannes Constantinopolitanus Episcopus, Severianus Gabalenis Episcopus, Hilarius, Dionysius Areopagita Atheniensis Episcopus, Justinus Philosophus & Martyr, Cyrillus Hierosolymitanus Episcopus, Ephremius Antiochenus Episcopus, Joannes Episcopus Scythopoleos, Anastasius Episcopus Antiochiæ.

Et post pauca: Sancta Synodus dixit: Domini Dei & Salvatoris nostri perficientes cum summa devotione sancti Patres, Verbum datam eis lucernam ab eo gratia atque scientia, non utique sub modio absconderunt instructuosa obscuritatis, sed super candelabrum sustulerunt saluifera doctrina, quatenus resplendeat omnibus, qui in domo sunt, id est, populis catholica Ecclesiæ, ne unquam offendant pedem ad lapidem hæreticæ perfidiæ quisquam de his, qui consentiunt Dominum & venerantur. Et post alia: Et hæc quidem ipse Sanctorum Deus Dominus noster JESUS CHRISTUS multifarie, multisque modis per sanctos Patres de seipso locutus illuminavit nobis fidem suam orthodoxam, sic & intransgressibiliter tenere eam, sicuti Patres prædicaverunt. Hujus autem fidei orthodoxa extraneos & alienos, utpote denegantes eam in scripto memoratos auctores novitatis, & impia eorum conscripta. Propterea & hos & ea, quæ ab eis confecta sunt dogmata reprobantes secundum statuta venerabilium Patrum sive præcepta, qui hoc facere nobis per omnia precipiunt, dogmata & sermones sanctorum Patrum, uno corde & ore unanimiter & consonanter firmamus, nihil addentes, nihil subrahentes de his, quæ ab ipsis tradita sunt nobis, sicque credimus, sicut Patres crediderunt, ita prædicamus, quomodo docuerunt. Et quibusdam interpositis, ubi hæretici & hæreses anathemate percelluntur: Ideoque oportet iterum detegere opprobria presumptorum ante faciem illorum, ut omnibus aperiamus, quorum hæreticorum immunditiam in semetipsis per suam novitatem portantes sanctis Patribus, & venerabilibus quinq. Conciliis in deceptione simpliciorum se concordare mentiti sunt. Deducantur igitur nobis in medium codices infidelium hæreticorum, hoc est, eorum testimonia, per hos, quorum interest, ad convincendam hæreseos illorum insaniam.

Theophylactus primicerius Notariorum Apostolica Sedis dixit: Secundum sacram præceptionem vestra beatitudinis excerpta à nobis testimonia de codicibus hæreticorum afferens præ manibus habeo. Quid præcipitis?

Martinus sanctissimus ac beatissimus Episcopus sanctæ Dei Ecclesiæ Catholica atque Apostolica urbis Roma dixit: Producta testimonia hæreticorum suscipiantur;



& in approbatione consonantia novitatis præsumptorum, qua contra fidem orthodoxam cum denominatis hæreticis detinentur, lectioni vulgentur.

Sequuntur nomina hæreticorum, quorum testimonia percensentur: Lucius Arianus Episcopus Alexandrinus, Apollinaris, Polemon discipulus Apollinaris, Severus, Themistius, Colluthus, Theodorus Mopsuestenus Nestorianus, Paulus Diaconus Perfa Nestorianus, Julianus Halicarnassensis Episcopus, Theodulus Nestorianus.

Postquam vero horum omnium producta sunt testimonia, veteres illi hæretici cum novis Monothelitis componuntur; & quoties componuntur, in hunc componuntur modum: *Hæretici dixerunt: Auctores novitatis dixerunt.*

538 Postea sequuntur canones xx. quorum undecim primi sic incipiunt: *Si quis secundum sanctos Patres non confitetur, &c. condemnatus sit: Quinque proximi, hoc est, XII. XIII. XIV. XV. & XVI. sic incipiunt: Si quis secundum sceleratos hæreticos unam Christi Dei nostri voluntatem confitetur, & unam operationem, in peremptionem sanctorum Patrum confessionis, &c. condemnatus sit. Duo sequentes XVII. & XVIII. incipiunt ut primi. Sed notandus est præ reliquis XVIII. Si quis secundum sanctos Patres consonanter nobis pariterque fide non respuit & anathematizat animam & ore omnes, quos respuit, & anathematizat nefandissimos hæreticos cum omnibus impiis eorum conscriptis usque ad unum apicem sancta Dei Ecclesia Catholica & Apostolica, hoc est, sancta & universalis quinque Synodi, & consonanter omnes probabiles Ecclesie Patres: Id est, Sabellium, Arium, Eunomium. Et pluribus enumeratis: Et compendiose omnes hæreticos, qui à catholica Ecclesia reprobati & abjecti sunt.*

#### CAPUT XXI.

*Observatus de Epistola synodica Mansueti Mediolanensis Episcopi ad Constantinum IV. Imperatorem tractandi modus exponitur.*

539 **Q**UO tempore Monothelitarum novitas vexare cepit Ecclesiam, Constantinus IV. statuit habendum esse Concilium, quo illa damnetur. Eam ob rem cum ad alios Episcopos, tum ad Mansuetum Mediolanensem scripsit, eosque Constantinopolim accivit. Hic autem congregata provincie suae Synodo ad Constantinum misit literas, quibus exterminandæ novitatis cujlibet modum præstituit. Verba sunt: *Nam si relegas, insignissime Imperator, non cum Dialecticis, non cum Rhetoricis, non cum Grammaticis, sed cum rusticis & piscatoribus Dominus posuit rationem; & his tradidit sui secreta consilii, quos & Principes ordinavit, & quibus solvendi ligandique tribuit potestatem. Nonne vobis videtur, optime Imperator, dementissima mentis esse, qui Apostolicas traditiones, & venerabilium Patrum instituta depravare festinant? Nos autem omnes, qui sub felicissimos & Christianissimos à Deo custodiendos Principes dominos nostros, per excellentissimos Reges Christiana religionis amatores, una cum eorum sancta devotione pari tenore & reverentia traditiones sanctorum Apostolorum, seu reverendissimorum Patrum, qui in supradictis Conciliis adfuerunt, omni cum veneratione suscipere, amplecti, defendere, predicare, præcipue sancta memoria Leonis Apost. Sedis Præfulis dicta, sed etiam orthodoxos Patres, qui per diversa loca zelo Dei ferventes dogmata salutaria nobis reliquerunt, ut veneranda memoria Gregorius Nazianzena civitatis Episcopus, & Basilus Cappadocia Episcopus, & Cyrillus Alexandrinus Præsul, & Athanasius ejusdem Alexandrina Ecclesie Pontifex, necnon & Joannes Constantinopolitanus Antistes, & Hilarius Pictavi-*

ensis Episcopus, & omni sapientia clarus Augustinus Hipponregiensis Episcopus, & veneranda corona Christi confessor Ambrosius Mediolanensis Ecclesie Præsul, simul & eruditissimus, & omni luce conspicuus Hieronymus Præbyter: Quidquid hi docuerunt, sapienter, prædicaverunt, vel defensores extiterunt, nos eorum acta vel statuta omni devotione suscipimus. Hæc est methodus, sine qua præscribi non posse adversus hæreses credidit Mansuetus aut Mediolanensis Synodus, quæ per os Metropolitanæ sui locuta est.

#### CAPUT XXII.

*Observatus de sexta Synodo generali contra Monothelitas tractandi modus exponitur.*

**H**ÆC Synodus actione IV. exhibet epistolam Agathonis Papæ, & Concilii Romani cxxv. Episcoporum, qui omnes subscripserunt. In ea, si uspiam, elucet nostra tractandi ratio, qua controversia religionis dirimuntur. Præsto sunt verba Scripturæ, quibus impugnatur novitas: *Pater, si possibile est, transeat calix iste, veruntamen non sicut ego volo, sed sicut tu vis; & in alio loco: Non mea voluntas, sed tua fiat.* Cujus testimonii sensum si à sanctis & probabilibus Patribus explanatum cognoscere cupimus, & quid mea voluntas, & quid tua significet, veraciter intelligere, beatus Ambrosius in II. libro ad Gratianum Augustinum his verbis de hoc loco nos intelligere commendat. Quo relato subdit: *Quem locum Confessor Christi Athanasius Antistes Alexandrina Ecclesia in libro adversus Apollinarium hæreticum, de Trinitate & Incarnatione, etiam duali numero comprehendens sic explanat. Athanasii relato testimonio sequitur: Cujus divini sermonis intemum beatus Augustinus præstantissimus Doctor ita adversus Maximinum Arianum disseruit. Et postea: Quod & Apostolica memoria sanctus Leo in Epistola ad Leonem Augustum explanat. Hinc Gregorius Nazianzenus, & Concilium Calchedonense subjiciuntur. Et post alia: Licet enim numerosa aliorum sanctorum Patrum existant volumina, parva tamen testimonia de libris, qui in Græco sunt, propter fastidium in hac humillima suggestionem subneximus.*

Sequitur indiculus Patrum, quorum auctoritates recensentur.

Sanctus Gregorius Theologus in lib. II. de Filio.

Sanctus Gregorius Nyssenus in lib. II. contra Eunomium, & lib. contra Apollinarem.

Sanctus Joannes Episcopus Constantinopolitanus in sermone ad eos, qui ad Missas non occurrerunt, & de Confubstantiali.

Sanctus Cyrillus Alexandrinus in lib. thesaurorum.

Sanctus Hilarius defensor veritatis egregius in lib. IX. de Trinitate.

Sanctus Ambrosius in lib. II. ad Gratianum Imperatorem.

Sanctus Dionysius Areopagita Episcopus Atheniensis in lib. II. divinatorum nominum cap. II.

Sanctus Leo Romanæ Ecclesie Pontifex in tomo fidei ad Flavianum Constantinopolitanum Episcopum, & in epistola ad Leonem Augustum.

Et post alia: *Non desunt autem & aliorum venerabilium Patrum probatissima testimonia, duas manifeste dicentium naturales operationes in Christo, ut silentio transeamus sanctum Cyrillum Hierosolymitanum, sanctum Joannem Constantinopolitanum, vel quicumque postmodum pro rectitudine venerabilis Concilii Calchedonenfis, & tomo sancti Leonis satisfaciendo laboriosos confectus adversum confundentium hæreses pertulerunt: De quorum errore & novi dogmatis descendit assertio, id est beata memoria Joannes Scythopolitanus Episcopus, Eulogius Alexandrinus Episcopus, Ephraimus & Anastasius major*

major, Ecclesie Theopolitana Antistes dignissimi, & pra omnibus emulatores vere & Apostolica fidei pia memoria Justinianus Imperator, cujus fidei rectitudo quantum pro sincera confessione Deo placuit, tantum rempublicam Christianam exaltavit: Et utique ab omnibus gentibus ejus religiosa memoria veneratione digna censetur, cujus fidei rectitudo per augustissima ejus edicta in toto orbe diffusa laudatur.

543 Et post alia: Ut autem & Deo odibilium haereticorum, quorum sicut vocabula pariter abominamur & dicta, ad demonstrationem duntaxat eorum, quos novi dogmatis inventores unam in Christo dicendo voluntatem & operationem secuti sunt, pauca quadam ex eorum execrabilibus dictis inneximus.

Sequuntur nomina haereticorum, qui postea citantur.

Apollinaris, Severus, Nestorius, Theodosius Alexandrinus. Tum: Nunc necesse est, ut novi dogmatis inventio quosnam secuta sit, & quorum Doctorum auctoritate fulciatur, annotemus.

Sequuntur nomina Monothelitarum, quorum testimonia producantur.

Cyrus Alexandrinus Episcopus, Theodorus Pharanitanus Episcopus, Sergius Constantinopolitanus Episcopus.

Pirrus Constantinopolitanus Episcopus, Paulus Constantinopolitanus Episcopus, & Petrus ejus successor.

Hæc autem omnia sic comparantur inter se, ut novi dogmatis auctores cum veteribus haereticis conveniant, & ab antiquis Patribus dissentiant. Ex quo certa constat methodus, qua haeretici, hoc est, novi dogmatistæ refellantur.

544 Actione VIII. Agathonis epistola probatur ab omnibus Episcopis, qui Constantinopoli convenerant, atque eodem pene modo probatur. Instar omnium erit Georgius Constantinopolitanus Antistes, qui his verbis loquitur: Georgius sanctissimus Archiepiscopus Constantinopolitanus dixit: Inspiciens, pie domine, omnem virtutem suggestionum directarum ad piissimam vestram fortitudinem, tam ab Agathone Papa sanctissimo Roma, quam ab ejus Synodo, & scrutans libros sanctorum ac probabilium Patrum, qui repositi sunt in venerabili meo Patriarchio, inveni cuncta testimonia sanctorum ac probabilium Patrum, quæ in eisdem suggestionibus continentur, consonantia, & in nullo discrepantia à sanctis ac probabilibus Patribus: Et consentio eis, & sic profiteor & credo.

Actione IX. & X. relegendur laudatorum Patrum testimonia, quibus adduntur sanctus Epiphanius, & Justinus Martyr: Relegendur quoque testimonia haereticorum, Severi, Theodori, Theoduli, Apollinaris, quibus adjiciuntur Themistius, Anthimus & Paulus; ita ut eadem semper constet ratio, qua novitas impugnetur.

## CAPUT XXIII.

Observatus de septima Synodo contra Iconoclastas tractandi modus exponitur.

545 HADRIANUS I. Pontifex Romanus Græcis præluce in epistola ad Constantinum & Irenem, quæ actione II. Concilli refertur. Verba sunt hæc: Quamobrem non est dubitandum, omnia quæ in Ecclesiis Dei ad laudem & decorem domus illius constituentur, sancta & colenda esse. Sed & hoc, o serenissimi Imperatores, ad incredulorum certiore fidem, & errantium castigationem adjiciendum est, non frustra Moysi famulo suo, quemadmodum in libro Numerorum legitur, propter pestem in populum grassantem præcepisse: Fac serpentem, & pone illum in signum, & qui tactus fuerit,

illumque inspexerit, vivet. Fecit igitur Moyses serpentem aeneum, & posuit illum, & servati sunt. O infamiam infrementium adversus fidem & cultum sacrum Christianorum! O stultitiam vetantium venerandas imagines honorari, in quibus Servatoris nostri, cujus potentia genus humanum & constat adhuc & servatur, & præterea genitricis ejus, omniumque Sanctorum historie continentur! Nam si Israeliticum populum per inspectionem aeri serpentis servatum à sua peste credimus; Christi vero Dei & Servatoris nostri, omniumque Sanctorum figuram contemplantes & venerantes dubitamus nos servari. Absit, absit ut amplius dubitemus, absit ut à Patrum sanctorum traditione diversa sentiamus. Hæcenus in doctrina illorum, nec ab illa declinemus.

Sequuntur nomina Patrum, qui in eum sensum adducuntur. Sanctus Augustinus, Gregorius Nyssenus, Basilus, Joannes Chrysostomus Constantinopolitanus Episcopus, Cyrillus, Athanasius, Ambrosius, Stephanus Episcopus Boitrorum, Hieronymus Presbyter Hierosolymitanus. Et post allata illorum testimonia, subjicit: Hæc sunt, piissimi & serenissimi Imperatores & dilectissimi filii, quæ ex sacra Scriptura veteris & novi Testamenti, item piis sanctorum Patrum sententiis de sacris imaginibus Dei, sanctorumque virorum, item de divina pictura in Ecclesiis ad laudem Dei, & memoriam Sanctorum suscipienda, breviter descripsimus.

Deinde hæc Hadriani epistola sic ab Episcopis comprobatur. In exemplum sint, qui sequuntur: Euthymius sanctissimus Episcopus Sardensium dixit: Ergo ante lectis beatissimi Papa veteris Roma literis sincere & irrepugnabiliter inhereo, consensio, & confiteor de orthodoxa fide, deque sanctis videlicet & venerandis imaginibus: Non veluti hoc sit novum aliquod dogma, aut nuperum inventum recipiens; sed clare cognoscens ex Apostolica traditione, sanctorumque Doctorum in Ecclesia jussu per manus nobis traditum, ob eamque causam venerandas imagines ex toto corde cum debito honore & salutari adoratione suscipio.

Leo Presbyter Ecclesie Constantinopolitane locum tenens Sida Metropolis dixit. Et post pauca: Sanctas & venerandas imagines recipio, quoniam hæc vetustissima traditio est.

Constantinus sanctissimus Episcopus Gangrorum dixit: Juxta lectam relationem sanctissimi Papa veteris Romæ Hadriani, & priscam Patrum traditionem venerandas imagines recipio. His pene verbis Antistites reliqui subscribunt. Tum actione IV. sub initium: Et nunc quoque testamur, Synodum sacram hanc gaudere, quod ex lectis literis clarum est & perspicuum, Orientis & Occidentis Sacerdotes summos in unam sententiam convenisse.

Sequuntur nomina librorum & auctorum, qui producantur in assertionem veritatis. Exodus cap. xxv. Numeri cap. VII. Ezechiel cap. XII. Paulus in epistola ad Hebræos cap. IX. Joannes Chrysostomus in Encomio Meletii, & alibi; Cyrillus Alexandrinus in epistola ad Acacium; Gregorius Theologus in carmine suo & in sermone de virtute; Antipater Episcopus Boitrorum in oratione de muliere laborante sanguinis fluore; Asterius Episcopus Amasie in Ephrafi Euphemie Martyris; vita Anastasii Perse Martyris; miracula sancti Anastasii Martyris; Athanasius in sermone de imagine Domini veri Dei, & de miraculo in Berytensi civitate prodito; beatus Nilus in epistola ad Heliodorum & Olympiodorum; dogmata agitata inter Maximum & Theodosium Episcopum Cæsareæ, quæ est in Bithynia; canon LXXXII. Quinisextæ; Leontius Episcopus Nicopoleos Cypri in V. libro Apologiæ pro Christianis contra Judæos, & de imaginibus Sanctorum; Sophronius Archiepiscopus Hierosolymorum in Encomio Cyri & Joannis; Athanasius in lib. IV. contra Arianos; Basilus cap. XVI. ad Amphilochem de sancto Spiritu, in libro contra Sabellianos;



548 nos, Arium & impios; Theodoretus Episcopus Cyri in vita Simeonis; Basilius in oratione de Martyre Barlaam; vita sanctæ Mariæ Egyptiacæ; martyrium Procopii; vita Theodori Archimandritæ; Gregorius Papa Romanus in epistola ad Germanum Constantinopolitanum; Germanus iste Constantinopolitanus in epistola ad Joannem Episcopum Synadon, in epistola ad Constantinum Episcopum Nacoliæ, & ad Thomam Episcopum Claudiopoleos.

Actiōne v. hæc traduntur, quæ ad rem nostram faciunt: *Constantinus sanctissimus Episcopus Constantia, quæ est in Cypro, dixit: Legantur, & si qui plures sint libri, in redargutionem & triumphum falsa istius & calumniatricis congregationis. Quæ scilicet sub Copronymo habita est sancta Synodus dixit: Legantur.*

Sequuntur nomina eorum, qui lecti fuerunt. Sanctus Cyrillus Hierosolymitanus in catechesi 11. Simeon Stylita in epistola v. ad Justinum Juniorem Imperatorem, Joannes Episcopus Thessalonicensis in sermone: Falso inscripta sanctorum Apostolorum itineraria, Amphilocheus Episcopus Iconiensis de falso inscriptis ab hæreticis libris, Theodorus lector in historia Ecclesiastica, Joannes Episcopus Gabalorum de vita & politia Severi hæresiarchæ, Evagrius in lib. 1v. hist. cap. xxvi.

Sic Hadrianus & Synodus credunt non alia ratione Iconoclastarum novitatem redargui posse, quam si ipsi & Scriptura & Patrum antiquitas opponerentur.

549

## CAPUT XXIV.

*Observatus de Concilio Francofordiensi contra Elipandum tractandi modus exponitur.*

**H**UJUS Concilii pars magna est epistola, quam Hadrianus primus ad Episcopos Hispaniæ contra Elipandum scripsit. Sed referamus ea, quæ causæ serviunt: Nunquidnam dixit Petrus: Tu es Christus, qui propter nos factus es filius hominis, & per adoptionem factus es Filius Dei? Absit. Hoc nec Petrus confessus est, nec sancta Ecclesia super firmam petram fundata. Tum citatis quibusdam Scripturæ locis subjicit: Sufficeret quinimo in eis duobus vel tribus testibus stare omne verbum; sed propter controversias litigantium, qui falsis objectionibus conjecturalium questionum molimine veritatis refragari nituntur assertionibus, adhibeamus quin etiam alios veritatis testes, sanctos videlicet prædicatores nostros, qui in gremio catholica Ecclesiæ lacte fidei sunt nutriti, & ad tantam perfectionis maturitatem pertingere meruerunt, quatenus & solidi tibi capaciores fierent, & minutius turbis frangendi peritiam retinerent.

550 Sequuntur nomina eorum, qui adducuntur in testes: Beatus Athanasius in Symbolo, Gregorius Nazianzenus in epistola ad Cledonium, sanctus Augustinus in quodam sermone super Evangelium Joannis, & Gregorius Papa in libris Moralium.

Hadriani epistolam sequitur epistola quam Galliæ & Germaniæ Præfules ad Episcopos Hispaniæ miserunt. In ea sic se res habet: Nunquid sagaciores sumus ad inveniendam viam veritatis, quam Apostolici Doctores? Et quare aliquid confirmare audemus, quod in illorum non inveniatur scriptis? Et post alia: Dices enim: Cur times adoptivum Christum Dominum nominare? Dico tibi, quia nec Apostoli eum sic nominarunt, nec sancta catholica Dei Ecclesiæ consuetudinem habet sic eum appellare; imo nec credere eum adoptivum esse, sed proprium filium, juxta præcedentia Apostolorum testimonia, & sanctorum Doctorum dogmata.

In hac porro epistola Patres bonum in sensum interpretantur Hilarii, Augustini & Hieronymi testimo-

nia, quæ Elipandus adferebat in confirmationem erroris sui. Et præterea afficta Hieronymo ad Cerasiam epistola comprobatur. Tum Hildefonsus Toletanæ Sedis Episcopus, quo ille quoque utebatur, novitatis arguitur, quod in ritu Missæ de cœna Domini, & de Ascensione posuerat: *Qui per adoptivi hominis passionem suo non indulsit filio. Item: Hodie Salvator noster post adoptionem carnis sedem repetivit deitatis.* Et primo quidem ei sic opponitur Scriptura: *Melius est testimonio Dei Patris credere de suo filio, quam Hildefonsi vestri, qui tales vobis composuit preces in Missarum sollemnis, quales universalis & sancta Dei non habet Ecclesiæ.* 551 Deinde opponitur Gregorius magnus, qui longe aliter quam Hildefonsus in oratione cum feriæ 11. post palmas, tum Ascensionis dominicæ loquitur.

Ad utramque supra laudatam epistolam accedit ea, quam Carolus Rex ad Elipandum dedit, in qua quæ ad institutum nostrum faciunt, sic se habent: *Ad impletionem vero hujus gaudii, fraterna cogente caritate, jussimus sanctorum Patrum synodale ex omnibus undique nostra diuisionis Ecclesiis congregari Concilium, quatenus sancta eorum unanimitas veraciter decerneret, quid credendum sit de adoptione carnis Christi, quam nuper novis assertionibus, & sancta Dei universalis Ecclesiæ antiquis temporibus inauditis, vos ex vestris scriptis inulisse cognovimus. Imo & ad beatissimum Apostolicæ Sedis Pontificem de hac nova inventione nostra devotionis ter quaterque direximus missos, scire cupientes quid sancta Romana Ecclesiæ Apostolicis edocta traditionibus de hac respondere voluisset inquisitione. Necnon & de Britannia partibus aliquos Ecclesiastica disciplina viros convocavimus, ut ex multarum diligenti consideratione veritas catholica fidei investigaretur, & probatissimis hinc inde roborata testimonii absque ulla dubitatione teneatur. Et post alia: Nec vestra me paucitatis in consensione hujus novæ assertionis socium admitto; sed Apostolica Sedi & antiquis ab initio nascentis Ecclesiæ, & Catholicis traditionibus tota memis intentione, tota cordis alacritate conjungo. Quidquid in illorum legitur libris, qui divino Spiritu affati, toti orbi à Deo dati sunt Doctores, indubitanter teneo. Hoc ad salutem animæ meæ sufficere credens, quod sacratissima Evangelica veritatis pandit historia, quod Apostolica in suis Epistolis confirmat auctoritas, quod eximii sacra Scripturæ tractatores, & præcipui Christianæ fidei Doctores, ad perpetuam posteris scriptum reliquerunt memoriam.* 552

Sic duobus modis sublata est Elipandi novitas. Uno, quod quæ ille de adoptione Christi dixerat, nec Scriptura, nec antiqui Ecclesiarum præceptores dixerant. Altero, quod ubi de Christo locuti erant, hunc Filium Dei proprium vel nominassent, vel tradidissent ea, ex quibus id dogmatis genus apprime colligeretur. Præterea hujus rei confirmandæ gratia, Concilii Patres duxerunt esse necessarium, ut Hilarii, Augustini, Hieronymi, & Hildefonsi auctoritates, quibus abutebatur Elipandus, revolverentur, & in catholicum sensum exponerentur. Sic enim alloquuntur Hispanos: *Et miramur, dum tanta sanctorum Patrum testimonia profertis, cur non intelligatis, quod contra eadem testimonia sensum ponitur vestrum, alia prave intelligentes, alia pessime interpretantes, juxta Apostolorum non intelligentes, quæ dicitis, nec de quibus affirmatis. Sufficiat vobis, obsecramus, dicere in confessione catholica fidei, quod sancti Patres dixerunt, & sic Symbolum tenere Ecclesiastica professionis, sicut sanctissimi Doctores exposuerunt: Longe siquidem inferiores sumus illis ad excogitanda verba, convenientia fidei Apostolica tantum firmiter credamus & teneamus, quod illi scripserunt, qui spiritu Dei repleti sunt, & nobis à Deo dati sunt Doctores. Hæc in epistola, quam Patres Concilii ad Episcopos Hispaniæ miserunt.* 553

CAPUT

## CAPUT XXV.

*Observatus de Epistolis Nicolai Papæ & Hincmari contra Græcos tractandi modus exponitur.*

**Q**UO tempore dissidia inter Ignatium & Photium ferverent Constantinopoli, Nicolaus Pontifex Romanus Ignatium legitimum Antistitem, & Photium intrusum declaravit, & in eam urbem legatos misit, qui declararunt. Qui stabant à partibus infaustis, Romanam criminari cœperunt Ecclesiam, & obijcere nonnulla, quæ ut eis responderetur, ad Hincmarum Remensem, & alios Galliæ Episcopos Nicolaus misit. Hujus epistolæ verba sunt post recensitas objectiones: In his igitur explosis cæteris curis, vos, fratres, convenit summopere desudare; & quia communia sunt hæc opprobria, quæ universali Ecclesie in ea duntaxat parte, quæ Latina uti dignoscitur lingua, sicut prætulimus, ingeruntur, communiter omnes, qui divino sacerdotio illustrari videamini, decertare debetis, quo paterna traditiones tanta derogationi non pateant. Et post alia: Ridiculum est enim & satis abominabile dedecus, ut temporibus nostris vel falso insinulari sanctam Dei Ecclesiam permittamus, vel eas traditiones, quas antiquitus à Patribus nostris suscepimus, pro libitu semper errantium infringi patiamur. Et post alia: Sed magnopere convenit, ut & vestra quoque fraternitas morem secuta majorum concertans nobis, & unanimiter collaborans in talibus inveniat. Unde unusquisque vestrum, qui Metropolitana jura sortitus est, junctis sibi fratribus & Coepiscopis suis, qui sub se sunt, de his diligentem curam suscipiat, & quid invidis & detractoribus opponi necesse sit, rimari studeat, & invenire summopere gestiat, atque inventum nobis ocius transmittere minime parvipendat, quatenus id nos quoque adversus eorum vesaniam cum cæteris assertionibus nostris deinde mittere valeamus. Et post alia: Verum pro his & similibus causis canonice discutiendis, & istis definiendis, tam vestram quam aliorum fratrum Coepiscoporum nostrorum reverendam ad nos connotare vellemus presentiam, nisi nos diversa mundi calamitates & cotidiana pressura id gerere vetuissent. Et post alia: Alioqui vestram ad nos fraternitatem convocandi, & pariter de hujusmodi questionibus tractandi nobis erit omnino necessitas, ut videlicet juxta pristinam consuetudinem nobiscum in idipsum apud sanctum Petrum convenientes, communes Ecclesie calumnias repellamus, qui commune sacerdotii culmen in Christi Ecclesia singuli secundum suorum qualitatem privilegiorum promeruisse dinoscimur: Præcipue cum non solum propter hujusmodi generalis Ecclesie negotium; sed etiam pro specialis hujus sedis exorta causa prædecessores vestri, una cum prædecessoribus nostris hic soliti sunt non immerito convenire. Hæc Nicolaus, ex quibus idem quod antea colligitur. Hincmarus vero accepta illius Pontificis epistola, sic Odoni Beliovacensi Episcopo scribit: Dominus Apostolicus communiter nobis & aliis Episcopis regni domini nostri Caroli Epistolam misit, in qua continetur, quod Græci tam Ecclesiam Romanam specialiter, quam omnem generaliter, quæ Latina lingua utitur, conantur reprehendere, quia jejunamus in sabbatis, quod Spiritum Sanctum ex Patre Filioque procedere dicamus, cum ipsi hunc tantum ex Patre procedere fateantur.

Dicunt præterea nos abominari nuptias, quia Presbyteros sortiri conjuges prohibemus, & insinulare tentant, quod eosdem Presbyteros chrismate linire frontes baptizatorum inhibemus; quod tamen chrisma nos ex aqua fluminis conficere fallaciter arbitrantur. Reprehendere nihilominus molimur, eo quod octo hebdomadibus ante Pascha à carnium, & septem hebdomadibus à casei & ovorum esu more suo non cessamus, & cætera, in quibus

& reliquæ objectiones & mens Pontificis continentur. Postea subjungit Hincmarus: Quapropter, frater carissime, secundum Domini Apostolici commendationem de his per tramitem Scripturarum & traditionem majorum, quæ illi convenienter rescribere possumus, quære, & in unum colligere stude, ut cum simul, adjuvante Domino, venerimus, quæ quisque nostrum invenit singillatim, communi studio relegamus, & quæ eidem Domino Papæ à nobis inde scribenda sunt, ordinemus.

In his autem duabus epistolis idem pene præscribitur, ut scilicet Græcorum respondeatur objectionibus, non quomodocunque; sed per tramitem Scripturarum & traditionem majorum, quæ sunt duo terminandarum Ecclesie controversiarum principia, toties inculcata, quoties antiqui easdem controversias agitarunt.

## CAPUT XXVI.

*Observatus de regulari Gregorii IX. ad Magistros Parisienses Epistola tractandi modus exponitur.*

**G**REGORIUS IX. ut exorta quædam in Academia Parisiensi dissidia sedaret, ad ejusdem Academiae Magistros dedit epistolam, in qua Theologici studii rationem ita præscribit: Magistri vero & Scholares Theologia in Facultate quam profitentur se studeant laudabiliter exercere, nec Philosophos se ostendent, sed satagent fieri Theodidacti, nec loquantur in lingua populi, linguam Hebraeam cum Aethiopica confundentes; sed de illis tantum in Scholis questionibus disputent, quæ per libros Theologicos & sanctorum Patrum tractatus valeant terminari. Hæc Pontifex, quibus libros Theologicos à sanctorum Patrum tractatibus cum distinguat librorum Theologicorum nomine, novum & vetus Testamentum, quæ libri vere sunt Theologici, necessario debet intelligere. Quo ita constituto, nullum est dubium, quin Pontifex Scripturam & catholicæ Ecclesie decurrentem ab initio traditionem, quæ in sanctorum Patrum commentariis deprehenditur, terminandarum fidei controversiarum regulam esse sibi sumat, quandoquidem utrumque velit esse regulam tractandarum in Scholis Theologiæ questionum, quarum plures dogmatibus fidei non accensentur. Intelligebat sapiens Pontifex, id verum esse, quod olim Facundus Hermianensis Episcopus in libri 11. pro defensione trium capitulorum capite VI. Si humanis, inquit, persuasionibus semper disceptare sit liberum, nunquam deesse poterunt, qui veritati andeant resistere. Intelligebat id circumspectione summa dignum esse, quod Petrus Cantor Parisiensis Theologus idonea eruditione, & pietate præditus scribit in Abbreviati verbi capite 111. Qui de celestibus supra vires, & supra ea, quæ sufficiunt ad salutem, inquirunt, vestris & pugionibus Dominum Jesum CHRISTUM exagitare videntur. Quare si auditus fuisset Gregorius, & præscriptus ab eo docendæ Theologiæ modus servatus, Joannes Gerson Parisiensis Cancellarius non scripisset, quæ in lectione super Marcum ita scripsit: Denique cur ob aliud appellantur Theologi nostri temporis Sophistæ, verbosi, imo & phantastici, nisi quia relictis utilibus & intelligibilibus, pro auditorum qualitate transferunt se ad nudam Logicam, vel Metaphysicam, aut etiam Mathematicam, ubi & quando non oportet, nunc de intentione formarum, nunc de divisione continui, nunc detegentes sophismata Theologicis terminis obumbrata, nunc prioritates quasdam in divinis, mensuras, durationes, instantia, signa natura, & similia in medicum adducentes? Quæ etsi vera essent & solida, sicut non sunt, ad subversionem tamen magis audientium vel



irrisionem, quam rectam fidei adificationem proficiunt. Hæc autem mala & incommoda vitabuntur tum demum, si proposita à Gregorio tractandi in rebus Theologicis regula executioni mandetur.

## CAPUT XXVII.

*Observatus de Lugdunensi Concilio generali pro concordia Græcorum tractandi modus exponitur.*

**R**ES sic se habet in definitione pacis & concordie, quæ Græcos inter & Latinos sancita est:   
 359 *Fideli ac devota professione fateamur, quod Spiritus sanctus æternaliter ex Patre & Filio, non tanquam ex duobus principiis, sed tanquam ex uno, non duabus spirationibus, sed una spiratione procedit. Hoc professus est hæcenus, prædicavit & docuit sacrosancta Romana Ecclesia, mater omnium Fidelium & magistra; hoc habet orthodoxorum Patrum atque Doctorum Latinorum & Græcorum pariter incommutabilis & vera sententia. Hujus professionis, quam Concilium illud edidit, causam adfert duplicem, tum quod ita semper Romana prædicavit Ecclesia, tum quod ita docuerit Magistrorum omnium Græcorum & Latinorum incommutabilis & vera sententia, quæ & Scripturam, & catholicæ Ecclesiæ traditionem perpetuam important.*

## CAPUT XXVIII.

*Observatus de Clemente V. & Concilio Viennensi tractandi modus exponitur.*

**T**Empore Viennensis Concilii, quod anno Christi   
 MCCCXI. celebratum est in Gallia, fuerunt, qui aliter de Christo jam mortuo lancea perforato, quam se habet veritas, docerent. Sed hac via illorum errorem Clemens & Concilium damnarunt in Clementina de summa Trinitate. Verba sunt: *Fidei catholica fundamento, præter quod (teste Apostolo) nemo potest aliud ponere, firmiter inhaerentes, aperte cum sancta matre Ecclesia confitemur unigenium Dei Filium. Et post alia: Et hoc quod in assumpta natura ipsum Dei Verbum pro omnium operanda salute non solum affigi cruci, & in ea mori voluit; sed emissio jam spiritu perforari lancea sustinuit latus suum, ut exinde profluentibus undis aquæ & sanguinis formaretur unica & immaculata ac virgo sancta mater Ecclesia conjux Christi, sicut de latere primi hominis soporati Eva sibi in conjugium est formata, ut sic certa figura primi & veteris Adæ, qui secundum Apostolum est forma futuræ in novissimo nostro Adam, id est Christo, veritas responderet. Hæc, inquam, veritas illius prægrandis aquilæ vallata testimonio, quam Propheta vidit Ezechiel animalibus cæteris Evangelicis transvolantem, beati Joannis videlicet Apostoli & Evangelistæ, qui sacramenti hujus rem gestam narrans, & ordinem in Evangelio suo dixit: Ad JESUM autem cum venissent, ut viderunt eum jam mortuum, non fregerunt ejus crura; sed unus militum lancea latus ejus aperuit, & continuo exivit sanguis & aqua, & qui vidit, testimonium perhibuit, & verum est testimonium ejus, quia vera dicit, ut & vos credatis. Nos igitur ad tam præclarum testimonium, ac sanctorum Patrum & Doctorum communem sententiam Apostolica considerationis aciem convertentes, sacro approbante Concilio, declaramus prædictum Apostolum*   
 360 *& Evangelistam Joannem rectum in præmissis sanctæ rei ordinem tenuisse, narrando, quod Christo jam mortuo unus militum lancea latus ejus aperuit. Igitur Christus non ante transfixus fuit lancea, quam spiritum reddiderit. Quem autem in damnando errore illo-*

rum, qui docebant contrarium, Pontifex & Synodus modum servant, est ejusmodi. Scripturam imprimis adhibent, deinde perpetuam Ecclesiæ traditionem, quæ cum in testimoniis sanctorum Patrum, tum in communi Doctorum sententia custoditur.

Sed aliam rationem ineunt, eamque notatu dignissimam, dum varias Theologorum opiniones dijudicant, & alias aliis præferendas statuunt. Verba sunt hæc: *Ad hoc baptismum unicum baptizatos omnes in Christo regenerans (.sicut unus Deus ac fides unica) ab omnibus fideliter confitendum: Quod celebratum in aqua in nomine Patris & Filii & Spiritus sancti, credimus esse tam adultis quam parvulis communiter perfectum remedium ad salutem. Verum quantum ad effectum baptismi in parvulis reperiuntur Doctores quidam Theologi opiniones contrarias habuisse, quibusdam ex ipsis dicentibus, per virtutem baptismi parvulis quidem culpam remitti, sed gratiam non conferri: Aliis è contra asserentibus, quod & culpa eisdem in baptismo remittitur, & virtutes ac informans gratia infunduntur quoad habitum, etsi non pro illo tempore, quoad usum. Nos autem attendentes generalem efficaciam mortis Christi, (quæ per baptismum applicatur pariter omnibus baptizatis) opinionem secundam (quæ dicit tam parvulis quam adultis conferri in baptismo informantem gratiam & virtutes) tanquam probabiliorē, & dictis Sanctorum, ac Doctorum modernorum Theologia magis consonam & concordem, sacro approbante Concilio, duximus eligendam. Hoc autem ut apposite & convenienter instituto nostro intelligatur, scire oportet apud Philosophos & Theologos, quorum mentio hic fit, opinionem de re incertā, scientiam de re certa esse. Discrimen est ab illis inter scientiam & opinionem positum, & propria unicuique habitui definitione conclusum. Atque hoc ut quod omnibus notum sit, nihil est necesse pluribus verbis exponere. Ex eo autem discrimine sequitur omnino, id quod est in opinione positum, ut reipsa verum, ita & reipsa falsum esse posse. Quo fit ut dum Clemens & Synodus indicant opinionem alteram prima esse probabiliorē, & dictis sanctorum Patrum ac Doctorum modernorum Theologiæ magis consonam, non continuo judicent opinionem secundam esse reipsa veram & certam; sed eam duntaxat præferendam esse primæ, quod dictis sanctorum Patrum, & recentiorum Theologorum magis consentiat. Sic tantum inter duas opiniones modum eligendi & sentiendi præscribunt, à quo non licet recedere. Atque hoc quod animadvertimus, facile confirmatur ex mutua contentione duarum quæstionum, quas ex nostra Clementina proposuimus. Nam alius est primam, alius secundam tractandi modus. In prima Scripturæ auctoritas adfertur; deinde indicatur testimonium sanctorum Patrum, & communis Doctorum sententia, in qua duæ Theologorum opiniones non recensentur. In secunda nulla profertur Scriptura, nulla communis Doctorum sententia. Quinetiam opiniones memorantur duæ, quorum altera tantum dictis Sanctorum, & recentiorum Theologorum placitis magis concordet.*

## CAPUT XXIX.

*Observatus de Concilio Florentino inter Græcos & Latinos tractandi modus exponitur.*

**A**D Florentinum Concilium quod attinet, res in eo collationibus mutuis transiguntur. Pro omnibus Græcorum partes unus, alter vero Latinorum tuetur. Joannes Theologus Latinorum patronus antiquam fandiendorum fidei dogmatum rationem proponit, ut est in collatione XXI. novæ editionis num. VII. Bene novit (dicit Cardinali) quod in omnibus acume-

œcumenicis Synodis, in quibus facta sunt definitiones fidei, antequam definitiones promulgarentur, oportebat adducere testimonia & Epistolae Sanctorum, ex quibus Patres Conciliorum promulgabant definitiones, ita quod virtus definitionum sumebatur ex virtute testimoniorum. Id exprimeretur voluit, quod ante multis capitibus representatum est. Deinde inter Latinos & Græcos convenit, ut Ecclesiastici tractatores non proferrentur in medium, nisi qui ante exortum schisma claruissent: Quo in casu, sublato partium studio, facilius iniretur concordia.

Hinc nec Photius, nec Michael Constantinopolitanus Episcopus, nec Theophylactus, nec Oecumenius, nec Euthymius, nec Simeon Thessalonicensis, nec Zonaras, nec Balsamon, nec Matthæus Blastares, nec Cabasilas, nec alii qui pro Græcis contra Latinos scripserunt: Inde nec Nicolaus I. nec Joannes VIII. nec Leo IX. nec Humbertus Cardinalis, nec Lanfrancus, nec Anselmus, nec Algerus, nec Guilmundus, nec Thomas, nec alii qui pro Latinis contra Græcos commentaria ediderunt, laudati sunt. Audita est Patrum antiquitas, & quod alteris alteri suspecti non poterant, illud superiorum omnium sæculorum veneranda canities Christo propior, abs sua lite remotior decidit arbitrio.

Porro autem Concilii hujus editiones sunt duæ, vetus una, altera nova, in pluribus dissimiles, quæ iterum typis Italicis in lucem prodierunt. Sed cum ita dissimiles sint, non parum negotii possunt facillere iis, qui unius Concilii eadem esse debere acta, sibi merito persuaderent. Quæ nunc ego retuli, ex editione nova decerpsi: Parem verborum complexione vetus mihi non objecit; illa nihilominus referre volui, nec alia de causa retuli, quam quod in modo tractandi omnibus Conciliis & Patribus concordarent. Non ignoro enim quam in partem olim ante Tridentinum Concilium, & in hoc ipso Concilio Florentinam Synodum acceperint Gallicana Ecclesia, & nostra Parisiensis Academia. Carolus Cardinalis Lotharingus id significat in literis, quas anno MDLXIX. è Concilio dedit ad certum quemdam suum Notarium cognomento Britonem, qui tum Romæ privata illius negotia curabat. Gallica sunt verba, quæ Latina hic facimus: *Supereft modo titulum ultimus, quem adscribi nostro sanctissimo Patri volunt, è Florentina Synodo depromptus. Ego vero negare non possum, me & Galliam & Parisiensis Academiae alumnum esse, in qua Concilii supra Romanum Pontificem auctoritas defenditur, & ut heretici damnantur, qui contrarium tenent; Galliam, Constantiense Concilium quoad omnes suas partes œcumenicum habere, & Basiliense sequi; Florentinum vero nec pro legitimo, nec pro generali ducere. Quamobrem Galli de vita potius quam de sententia decedent. Hac autem cum ita sint, finio & seco, meque sanctitatis sue pedibus advolvo, & eam per viscera misericordiae Dei nostri precor, ut modo hujusmodi verba hac omnia, & disputationes hujusmodi omittantur: Afflictio regno danda non est afflictio. Hinc jam satis offenduntur heretici, inde Catholici reguntur à Theologis, qui clamores ad cælum usque tollent. Regni privilegia omnia veritati huic innituntur: Etsi disputatio hac fiat, ea tota ad subversionem audientium, & regni discessionem certissimum illius exitium terminabitur. Nam futurum esse, ut vel unus è regno Gallia Episcopus assentiretur, credere stultum foret. Legati protestabuntur, viaque tunc schismati aperietur: utrinque conscribentur libri, & tota revocabitur in dubium Sedis Apostolica auctoritas. Hoc moneo, & libero fidem meam, Deumque ipsum, & summum Pontificem testes appello. Tum demum mea sententia est, ut ab istis honorum titulis absteineatur impresentiarum, & Sedes Apostolica in sua possessione & auctoritate sua maneat. Quinam autem sint illi honorum tituli, de quibus Cardinalis loquitur, Claudius Sanctesius qui Tridenti erat, in literis ad Claudium Espenceum*

significat. Cæterum hæc & memoratæ Cardinalis literæ extant inter instructiones legatorum Regis, aliaque pertinentia ad Tridentinum Concilium monumenta, quæ ante aliquot annos studio Petri Puteani viri clarissimi Lutetiæ prodierunt.

Quamvis igitur Gallicani Præsules & Parisienses Theologi, Tridentino non improbane, quod sciam, Concilio, Florentinam Synodum rejecerint ut œcumenicam & legitimam, decidendarum tamen fidei controversiarum methodum, quam exhibuimus, rejecisse haudquaquam censendi sunt.

## CAPUT XXX.

567

*Observatus de Tridentina Synodo contra recentiores Heterodoxos tractandi modus exponitur.*

TRIDENTINA Synodus non uno in loco, sed in permultis eum tractandi modum præstituit, quo & fidei dogmata, & generalis disciplina Ecclesiæ sanciri facile possint, si semel studia partium secluderentur, & unicus regnaret amor veritatis.

Primus locus est in sessione IV. ubi legitur: *Præterea ad coercenda petulantia ingenia decernit, ut nemo sua prudentia innixus, in rebus fidei aut morum ad adificationem doctrinæ Christianæ pertinentium, sacram Scripturam ad suos sensus contorquens contra eum sensum, quem tenuit & tenet sancta mater Ecclesia, cuius est judicare de vero sensu & interpretatione Scripturarum sanctarum, aut etiam contra unanimem consensum Patrum ipsam Scripturam sacram interpretari audeat, etiamsi hujusmodi interpretationes nullo unquam tempore in lucem edenda forent: qui contraverint, per ordinarios declarentur, & pœnis à jure statutis puniantur.*

Alter in sessione V. ubi legitur: *Si quis recentes parvulos ab utero matrum baptizandos negat, etiamsi fuerint à baptizatis parentibus orti, aut dicit in remissionem quidem peccatorum eos baptizari; sed nihil ex Adam trahere originalis peccati, quod regenerationis lavacro necesse sit expiari ad vitam æternam consequendam; unde fit consequens, ut in eis forma baptismatis in remissionem peccatorum non vera, sed falsa intelligatur; anathema sit, quoniam non aliter intelligendum est id quod dixit Apostolus: Per unum hominem peccatum intravit in mundum, & per peccatum mors, & ita in omnes homines pertransiit, in quo omnes peccaverunt; quemadmodum Ecclesia catholica ubique diffusa semper intellexit. Sic proposita hoc in articulo quæstio per Scripturam & catholicæ Ecclesiæ traditionem, quæ ducatur jam inde ab initio, definitur.*

Tertius in sessione VI. ubi capite I. decreti de Reformatione legitur: *Eadem sacrosancta Synodus, eisdem presidentibus Apostolica Sedis legatis, ad restituendam collapsam admodum Ecclesiasticam disciplinam, depravatosque in Clero & populo Christiano mores emendandos: statuit, ut ad Ecclesiarum regimen, qui maxime digni fuerint, secundum venerabiles beatorum Patrum sanctiones assumantur. Sic collapsa Ecclesiæ disciplina per venerabiles & antiquas beatorum Patrum sanctiones restituitur. Quare paulo post dicitur: Placuit sacrosanctæ Synodo, antiquos canones, qui temporum atque hominum injuria pene in desuetudinem abierunt, adversus non residentes promulgatos, innovare.*

Quortus in sessione VII. ubi legitur in proœmio: *Propterea sacrosancta œcumenica & generalis Tridentina Synodus: ad errores eliminandos & extirpandas hæreses, qua circa sanctissima ipsa sacramenta hac nostra tempestate, tum de damnatis olim à Patribus nostris hæresibus suscitata, tum etiam de novo adinventæ sunt, qua catholica Ecclesia puritati, & animarum salutis magnopere officiant, sanctarum Scripturarum doctrina, Apostolicis traditionibus, atque aliorum Conciliorum*



& Patrum consensui inhaerendo, hos praesentes canones statuendos & decernendos censuit. Sic haereses novae Scripturarum auctoritate, & catholicae Ecclesiae traditione, necnon Conciliorum & Patrum omnium doctrina profligantur.

Quintus in sess. XIII. cap. VI. Consuetudo asseruanda in sacramento sanctam Eucharistiam, adeo antiqua est, ut eam etiam saculum Niceni Concilii agnovit. Sic antiquitas consuetudinis, qua de agitur, firmiter est.

Sextus in sess. XIV. cap. I. Dominus autem tunc praecipue sacramentum Pœnitentiae instituit, cum à mortuis excitatus insufflavisset in discipulos suos, dicens: Accipite Spiritum sanctum; quorum remisistis peccata, remittuntur eis, & quorum retinueritis, retenta sunt. Quotam insigni facto, & verbis tam perspicuis potestatem remittendi & retinendi peccata ad reconciliandos Fideles post baptismum lapsos, Apostolis & eorum successoribus fuisse communicatam, universorum Patrum consensus semper intellexit. Quod in canone ita compingitur: Si quis dixerit verba illa Domini Salvatoris: Accipite Spiritum sanctum; quorum remisistis peccata, remittuntur eis, & quorum retinueritis, retenta sunt; non esse intelligenda de potestate remittendi & retinendi peccata in sacramento Pœnitentiae, sicut Ecclesia catholica ab initio semper intellexit: Detorserit autem contra institutionem huius sacramenti ad auctoritatem predicandi Evangelium; anathema sit. In capite dicitur, universorum Patrum consensus semper intellexit. In canone, sicut Ecclesia catholica ab initio intellexit. Hæc eadem sunt, quibus & antiquitas doctrinae, & in antiquitate universalitas & consensus intelliguntur. Quæ tria novitati opponuntur.

Septimus in ejusdem sessionis capite V. ubi legitur: Ex institutione sacramenti Pœnitentiae jam explicata, universa Ecclesia semper intellexit, institutam olim à Domino integram peccatorum confessionem, & omnibus post baptismum lapsis jure divino necessariam existere. Quid est, universa Ecclesia semper intellexit, nisi quod Synodus ad definitionem suam rite faciendam crediderit necessarium esse Patrum consensum, in quo antiquitas consensus & universalitas comprehenduntur?

Octavus in ejusdem sessionis capite VIII. ubi legitur: Claves Sacerdotum non ad solvendum duntaxat, sed & ad ligandum concessas, etiam antiqui Patres & credunt & docent. Sic Patrum antiquitas novatoribus opponitur.

Nonus in ejusdem sess. capite I. de institutione sacramenti Extremæ Unctionis, ubi legitur: Quibus verbis (Jacobi) ut ex Apostolica traditione per manus accepta Ecclesia didicit, docet materiam, formam, proprium ministerium, & effectum huius salutaris sacramenti. Apostolica traditio per manus accepta, antiquitatem, consensionem & universalitatem importat.

Decimus in sessionis XXI. capite II. ubi legitur: Præterea declarat (sancta Synodus) hanc potestatem perpetuo in Ecclesia fuisse, ut in sacramentorum dispensatione, salva illorum substantia, ea statueret vel mutaret, quæ suscipientium utilitati, seu ipsorum sacramentorum venerationi, pro rerum, temporum & locorum varietate magis expedire judicaret. Etiam in iis quæ sunt disciplinae, observatur potestas, quæ ab initio Ecclesiae derivetur, & in tali potestate utilitas major attenditur.

Undecimus in ejusdem sessionis capite IV. ubi legitur: Denique eadem sancta Synodus docet, parvulos usu rationis carentes nulla obligari necessitate ad sacramentalem Eucharistia communionem: Siquidem per baptismi lavacrum regenerati, & Christo incorporati, adeptam jam filiorum Dei gratiam in illa ætate amittere non possunt. Neque ideo tamen damnanda est antiquitas, si eum morem in quibusdam locis aliquando servavit: ut enim sanctissimi illi Patres sui facti probabilem causam pro illius temporis ratione habuerunt,

ita certe eos nulla salutis necessitate id fecisse, sine controversia credendum est. Hæc Synodi Patribus tanta est in pretio & honore antiquitas, ut ab ea separari nolint; & ne separari videantur, commodam expositionem adferunt: Quod observatione summa dignum est. Sed observare negligunt, qui *ἐπιλαβία* & novitatis amore ducuntur.

Duodecimus in sess. XXIII. cap. I. ubi legitur: Cum igitur in novo Testamento sanctum Eucharistia sacrificium visibile ex Domini institutione catholica Ecclesia acceperit, fateri etiam oportet, in ea novum esse visibile & externum sacerdotium, in quod vetus translatus est. Hoc autem ab eodem Domino Salvatore nostro institutum esse, atque Apostolis eorumque successoribus in sacerdotio potestatem traditam consecrandi, offerendi, & ministrandi corpus & sanguinem ejus, necnon & peccata dimittendi & retinendi, sacra litera ostendunt, & catholica Ecclesia traditio semper docuit. Ecce tibi duo veræ Theologiae principia, sacræ literæ, & catholicae Ecclesiae traditio, quibus quicumque tractandi de rebus Theologicis modus inniti debet!

Decimus-tertius in ejusdem sess. capite III. ubi legitur: Cum Scriptura testimonio, Apostolica traditione, & Patrum unanimi consensu perspicuum sit, per sacram ordinationem, qua verbis & signis exterioribus perficitur, gratiam conferri, dubitare nemo debet ordinem esse, vere & proprie unum ex septem sanctæ Ecclesiae sacramentis. Hæc ad Scripturæ testimonium, & Apostolicam traditionem unanimis Patrum consensus adiungitur.

Decimus-quartus in ejusdem sess. capite VII. decreti de Reformatione, ubi legitur: Sancta Synodus antiquorum canonum vestigiis inhaerendo decernit, ut quando Episcopus ordinationem facere disposuerit, omnes, qui ad sacrum ministerium accedere voluerint, feria quarta ante ipsam ordinationem, vel quando Episcopo videbitur, ad civitatem evocentur. Quæ reformanda sunt in sacris ordinationibus, per antiquos canones reformatur: sic antiquitas canonum novis aberrationibus opponitur.

Decimus-quintus in ejusdem sessionis capite XVII. ubi legitur: ut sanctorum Ordinum à diaconatu ad offitium functiones ab Apostolorum temporibus in Ecclesia laudabiliter receptæ, & pluribus in locis intermissæ, in usum juxta sacros canones revocentur. Quæ hic memoratur intermissio, intermissionis consuetudine non confirmatur, sed destruitur, cum usus rei intermissæ juxta sacros canones revocetur.

Decimus-sextus in sess. XXIV. in doctrina de sacramento Matrimonii, ubi legitur: Cum igitur Matrimonium in lege Evangelica veteribus connubiis per Christum gratiam præstet, merito inter legis nova sacramenta annumerandum, sancti Patres nostri, Concilia, & universalis Ecclesia traditio semper docuerunt, &c. Doctrinæ hujus quæ exponitur, fundamentum in sanctis Patribus, Conciliis, & universalis Ecclesiae traditione consistit: Adeo verum est doctrinam de hoc & aliis sacramentis ita fundandam esse.

Decimus-septimus in ejusdem sess. capite XXI. decreti de Reformatione, ubi legitur: Cupiens sancta Synodus, ut ex decretis ab ea editis nulla unquam futuris temporibus dubitandi occasio oriatur, verba illa posita in decreto publicato sessione prima sub beatissimo Domino nostro Pio IV. videlicet: Quæ proponentibus legatis ac Praesidentibus ad horum temporum levandas calamitates, sedandas de religione controversias, coercendas linguas dolosas, depravatorum morum abusus corrigendos, Ecclesia veram & Christianam pacem conciliandam, apta & idonea ipsi sancta Synodo videbuntur, explicando declarat mentis suæ non esse, ut ex prædictis verbis solita ratio tractandi negotia in generalibus Conciliis ulla ex parte immutaretur, neque novi quidquam præter id quod à sacris canonibus vel generalium Synodorum forma hactenus statutum est, cuiquam adderetur vel detraheretur. Postrema peri-

periodus, quæ cedro digna est, antecedentia concludit omnia, & ad novitatis aditum tollit omnem.

Decimus-octavus in ea legati Franciæ ad legatos Concilii petitione, quæ anno Christi MDLXII. Calend. Junii facta est, ubi legitur: *Alerum petis Rex Christianissimus, non sua, Regina matris, fratrum, Regis Navarra, & aliorum Principum Gallie, sed eorum causa, qui à religione Romana Ecclesie discesserunt. Ii enim sapius indicaverunt continuationem Concilii Tridentini indicti & inchoati à Paulo III. Pontifice maximo suspectam, neque velle ad aliud, quam ad novum Concilium venire. Habent enim Catholici, cujusmodi sunt fere omnes Galli, sacram Scripturam, & antiquorum Patrum & Conciliorum libros, à quibus petunt dogmata, & veras sententias de religione, atque ipsam morum disciplinam.* Cum Tridentina Synodo communes sunt hi Gallorum fontes, è quibus eos sua fidei dogmata & morum disciplinam haurire ait legatus Gallia, Scriptura sacra & antiquorum Patrum & Conciliorum libri, qui Ecclesiasticam traditionem sine dubio complectuntur.

Decimus-nonus in forma juramenti professionis fidei, quam Pius IV. ex decretis Tridentinæ Synodi composuit, ubi legitur: *Item sacram Scripturam juxta eum sensum, quem tenuit & tenet sancta mater Ecclesia, cujus est judicare de vero sensu & interpretatione sacrarum Scripturarum, admittit, nec eam unquam nisi juxta unanimem consensum Patrum ascipiam & interpretabor.* Huic autem professionis fidei articulo, si mos gereretur ab omnibus, facile sedarentur controversiæ, quæ de religione moventur.

Porro autem his locis novemdecim, in quibus varia quidem est nonnunquam verborum contextio, sed idem fere sensus, decernendorum fidei dogmatum, & instaurandæ morum disciplinæ legem præscribunt, Scripturæ auctoritatem, & catholicæ Ecclesiæ traditionem, ut in singulis ferme locis admonui. Et sane nisi ad regulam, quam heic Tridentinum Concilium & Pius IV. Pontifex constituunt, expendantur quælibet Theologiæ placita, quies nulla unquam erit in Scholis, & in Ecclesia altercandi finis nullus, dum alii ad stabiliendum fidei dogma consensum unanimem Patrum necessario exigent, alii non exigent; sed id vel hæreticum vel Catholicum esse dicent, quod hæreticum vel Catholicum esse videbitur, & ductis ex publica professione & veteri magisterio præjudiciis & opportunitatibus expediet.

Hactenus quod auctore ac suafore te opus mihi proposueram, ad ingenii mei modulum perfeci. In eo sic se res habet, ut admodum pauca sint mea, reliqua omnia Patrum, Conciliorum, Romanorum Pontificum. Nempè collecta ex illis & docendæ Theologiæ & dirimendarum fidei quæstionum methodus, quæ apud eruditos & cordatos homines expedita semper erit & facilis. Ut fidei dogmata Scripturæ sacræ auctoritate, & catholicæ Ecclesiæ traditione astruantur, sic & his oppositæ hæreses, & quælibet novæ in Theologia opiniones Scripturæ sacræ auctoritate, & catholicæ Ecclesiæ traditione destruantur. Traditionem hanc obijciunt sanctorum Patrum in Scripturæ loca expositiones, quibus utrumque suo quodque modo absolvitur. At si Patres atque Ecclesiastici tractatores suis in expositionibus unanimiter non concordarent, ita ut merito dici posset, Scripturæ testimonia exposita non esse juxta unanimem consensum Patrum; Tunc fiet quod factum est in Viennensi Concilio, & Ecclesiarum paci ac tranquillitati, si turbata sit factionibus disceptantium, alia via quam statuto dogmate consulatur. Excitatæ quæstiones iis annuebuntur, de quibus beatus Augustinus in libri i. contra Julianum capite vi. sic loquitur: *Alia sunt, in quibus inter se aliquando etiam doctissimi atque optimi regula catholica defensores salva fidei compage non consonant, & alius alio de una re melius aliquid di-*

*cit & verum.* Sed ante in definiendæ rei modum vel regulam, quam res definiatur ipsa, inquirendum est. Quis unquam ponderabit nummos, nisi mensuras habeat, & pondera Reipublicæ vel Principis auctoritate firmata? Aliud est igitur constitutus definiendæ rei modus seu regula, aliud regulæ usus & applicatio. Primum in conditione juris, secundum in conditione facti potius quam juris versatur. Quando fallaciter ponderantur nummi, culpa est ponderantium & metientium, non mensurarum & ponderum, quæ Reipublicæ aut Principis auctoritate proponuntur, ut apud omnes rerum fervetur æqualitas. Hinc si quando culpa in usu & applicatione regulæ contingat, ut culpa illa corrigatur, ad mensuras & pondera recurrendum est, & ponderandum rursus quod antea minus diligenter ponderatum fuerat. Sed res ita temperari non debet, ut usus & applicatio regulæ, cujusmodi sit, maneat, atque ut maneat, regulæ ipsæ, quæ culpæ libelle non potest, vis inferatur. Quo in casu nova regulæ ad rem quæ definienda fuit, facienda est applicatio: Atque ita si coarctari materię non possit, capiendum erit consilium, quod tunc Ecclesiæ prudentia suppeditabit: Et si ei videbitur, Viennense poterit eminere Concilium, & causæ servire. Nam si quis præjudicio quodam ductus affirmaret non esse necessarium, ut propositis supra regulis aptentur momenta Ecclesiastica quæstionis singula, principium sine dubio peteret, communibus regulis contrairi, & perniciosæ contentionis funem duceret. Sic quod uni dogma fidei foret, alteri non foret, & in hac pugna mutua, quisque sibi Catholicus, & alter alteri hæreticus esset. Hic præjudicium adferret suum, ille regulam opponeret, quibus præjudicium non conveniret. Quis absorum auribus, animisque absurdum non judicet, mutandam esse libram & mutanda pondera, ut qui nummi sunt librati fallaciter, librati sincere putentur? Quo nihil potest esse in Ecclesia calamitosius, nihil à sancita per Christum suos inter Fideles concordia & pace alienius.

Vigilius Papa in suo pro tribus capitulis constituto sibi sumit libæ epistolam in Calchedonensi Concilio cum à Patribus, tum maxime à Sedis Apostolicæ legatis probatam esse ut orthodoxam; quæ tamen à Synodo v. ut heterodoxa rejecta est. In priori judicio culpa non fuit in regula, sed in regulæ usu & applicatione. In posteriori judicio emendatus est regulæ usus & applicatio. In uno nihil reipsa deperit Ecclesiæ, quia illius auctoritas, quæ magis in conditione juris, quam in conditione facti consistit, salva & incolumis remanet. In altero veritati, cui nunquam præscribitur, consultum est: Et in utroque justitia & æqualitas servata.

Qui cum Bellarmino sentiunt Honorium Papam à Synodo vi. perperam judicatum esse ut hæreticum, non aliter philosophantur. Sic enim Bellarminus in libri iv. de Pont. capite xi. scribit: *Quamvis enim generale Concilium non possit errare, ut neque erravit hoc sextum, in dogmatibus fidei definiendis, tamen errare potest in quæstionibus de facto. Itaque tuto dicere possumus, hos Patres deceptos fuisse ex falsis rumoribus, & non intellectis Honorii Epistolis, immerito cum hæreticis connumerasse Honorium.* Hic auctor celebris ponit in facti quæstionibus, quod alii forte non ponerent, Honorii Epistolarum à synodo, non intelligentiam. Atque hoc in casu juris regula, quæ in dammandis hæreticis servanda est, ad Honorium non bene intellectis illius epistolis perperam applicata fuit. Sic disputat Bellarminus, sic asseclæ disputant. Qui cum Bellarmino sentiunt, dixi. Nam ad rem ipsam quod attinet, ad eos non facile accedo. Nam Synodus vi. Honorii epistolas duas sat breves tam perfecte intelligere potuit, quam Scripturæ loca, & sanctorum Patrum testimonia, quorum auctoritate hinc damnata est Monothelitarum hæresis, inde confecta fidei



fidei definitio, perfecte intelligere potuit, & intellexit. Sed hoc non agitur modo: Quod Bellarminus & asseclæ ponunt, & Ecclesia patienter tolerat, agitur.

Cæterum, his in exemplis duobus & opere toto si quid occurrat curvum, & à te vel aliis piis atque

eruditis juxta hominibus corrigatur in melius, gratissima mihi erit correctio. Quod enim efficere non potui ut oportet, docente veritatis amore, qui magister est optimus, efficiam postea ut oportet. Vale, Lutetiæ Parisiorum, Calendis Sextilibus anni MDCLXIII.

# Joannes Launoiius

## JACOBO BEVILAQUÆ

Parisiensi Theologo, & Senonensis Ecclesiæ Decano.

581 **Q**UIN Stephanus & Cyprianus eminentissimarum Sedium Episcopi duo ad Ecclesiæ vulnera pervenerint, & nobile par extiterint martyrum, legitima nulla potest esse dubitatio: sed uter eorum celebrior, & plurius apud Romanam & cæteras Ecclesias per omnes consequentes annos habitus fuerit, studiose quæri potest aque utiliter. Quærendum igitur est, & tibi antiquæ traditionis non incurioso faciam satis, etiam ea in re, quam si per otium liceret, alios fideliter doceres. Hoc opus quod aggredior, prius exigit ut repræsentem momenta controversiæ, quæ tantos Antistites, quoad vixerunt, biennio plus minus inter se commissos acerrime tenuit.

Stephanus Romanus Antistes de baptismo ab hæreticis collato ita decernit apud Cyprianum in epistola LXXIV. ad Pompeium: Si quis ergo à quacunque hæresi venerit ad nos, nihil innovetur, nisi quod traditum est, ut manus illi imponatur in penitentiam, cum ipsi hæretici proprie alterutrum ad se venientes non baptizent, sed communicent tantum. Decreti hujus pars ultima sic refertur in epistola Firmiliani ad Cyprianum: Hæreticos quoque ipsos in baptismo convenire, & quod ad alterutrum ad se venientes non baptizent, sed communicent tantum. Stephani decretum ex Cypriani & Firmiliani epistolis repetere cogimur, quia epistolæ duæ quas Stephanus de baptismo hæreticorum scripsit, non extant. Nam si extarent, decretum illud ex ipsis repetere. Non repetimus ex Eusebii historia, quia Eusebius in libri VII. capite III. plura Stephano tribuit, quam Stephanus apud Cyprianum & Firmilianum edisserit. Verum, inquit, Stephanus nihil novi, aut alieni à traditione ex Apostolorum temporibus derivata moliendum arbitratus hac de re animo vehementer commotus fuit. Stephanus in decreto, quod Cyprianus & Firmilianus commemorant, traditionis ex Apostolorum temporibus derivatæ non meminit. Vincentius Lirinensis, qui uno post Eusebium sæculo claruit, Stephani decretum in commonitorio I. capite IX. sic diminute refert: Stephanus in epistola, quæ tunc ad Africam missa est, his verbis sanxit, nihil novandum nisi quod traditum est.

His autem ita constitutis, penes unum Cyprianum stat integrum Stephani decretum, quod Cyprianus ita refellit in epistola ad Pompeium: A quacunque hæresi venientem baptizari in Ecclesia venit, id est, omnium hæreticorum baptismata justa esse & legitima judicavit; & cum singula hæreses singula baptismata, & diversa peccata habeant, hic cum omnium

583 baptismo communicans, universorum delicta in sinum

suum coarservata concessit, & precepit nihil aliud innovari, nisi quod traditum est, quasi is innovet, qui unitatem tenens, unum baptismum uni Ecclesiæ vindicat; & non ille utique, qui unitatis oblitus, mendacia & contagia profane tinctionis usurpat. Nihil innovetur, inquit, nisi quod traditum est. Unde est ista traditio? Utrumne de Dominica & Evangelica auctoritate descendens, an de Apostolorum mandatis atque Apostolis veniens? Ea enim facienda esse, quæ scripta sunt, Deus testatur & proponit ad Iesum Nave, dicens: Non recedet liber legis hujus ex ore tuo; sed meditaberis in eo die ac nocte, ut observes facere omnia, quæ scripta sunt in eo. Item Dominus Apostolos suos mittens, mandat baptizari gentes, & doceri, ut observent omnia quacunque ille precepit. Si ergo aut in Evangelio precipitur, aut in Apostolorum Epistolis, aut Actibus continetur, ut à quacunque hæresi venientes non baptizentur, sed tantum manus illis imponatur in penitentiam, observetur divina hæc & sancta traditio; si vero ubique hæretici nihil aliud quam adversarii & anichristi nominantur; si vitandi & perversi, & à semetipsis damnati pronunciantur, quale est ut videantur damnandi à nobis non esse, quos constat Apostolica contestatione à semetipsis damnatos esse? ut nemo infamare Apostolos debeat, quasi illi hæreticorum baptismata probaverint, aut eis sine Ecclesia baptismum communicaverint, quando talia de hæreticis Apostoli scripserunt: Et hoc cum nondum hæretica pestes acriores prorupissent, necdum quoque Marcion de Ponto emerisset, cuius magister Cerdo sub Hygino tunc Episcopo, qui in urbe nonus fuit, Romam venit, quem Marcion secutus, additis ad crimen augmentis, impudenter ceteris, & abruptum in Deum Patrem Creatorem blasphemare instituit, & hæreticum furorem sacrilegis armis contra Ecclesiam rebellantem sceleratius & gravius armavit. Quod si hæreses constat postmodum plures ac peiores extitisse; & si retro nusquam omnino preceptum est, neque conscriptum, ut hæretico tantum manus in penitentiam imponatur, & sic ei communicetur; Et si baptismum non nisi unum est, quod apud nos est, & unum est, & soli Ecclesiæ de divina dignatione concessum est: Quæ ista obstinatio est, quæve præsumptio humanam traditionem divina dispositioni antepone, nec animadvertere, indignari & irasci Deum, quoties divina præcepta solvit & præterit humana traditio? Sicut per Esaiam Prophetam clamat & dicit: Populus iste labiis honorificat me, cor vero eorum longe separatum est à me. Sine causa autem colunt me, mandata & doctrinæ hominum docentes. Item Dominus in Evangelio increpans similiter & objurgans, ponit & dicit: Rejicitis mandatum Dei, ut traditionem vestram statuat. Cujus præcepti

memor

588 *memor beatus Apostolus Paulus commonet ipse quoque & instruit, dicens: Si quis aliter docet, & non acquiescit sanis verbis Domini nostri JESU CHRISTI & doctrina ejus, stupore elatus est, nihil sciens, & discedendum ab hujusmodi. Præclara sane & legitima traditio Stephano fratre nostro docente proponitur, quæ auctoritatem nobis idoneam præbeat. Nam in eodem loco Epistola sua addidit & adjecit: (Cum ipsi hæretici proprie alterutrum ad se venientes non baptizent, sed communicent tantum.) Ad hoc enim malorum devoluta est Ecclesia Dei & sponsa Christi, ut hæreticorum exempla sectetur, ut ad celebranda sacramenta caelestia disciplina nem lux de tenebris mutuetur, & id faciant Christiani, quod anticristi faciunt. Quæ vero est animi cecitas, quæ pravitas, fidei unitatem de Deo Patre & de JESU CHRISTI Domini & Dei nostri traditione venientem nolle cognoscere? Et post alia multa: Observatur itaque à nobis & tenerur, frater carissime, explorata & persècta veritate, ut omnes, qui ex quacunque hæresi ad Ecclesiam convertuntur, Ecclesia unico legitimo baptismo baptizentur, exceptis his, qui baptizari in Ecclesia prius fuerant, & sic ad hæreticos transferunt: Hos enim oportet cum redeunt, altæ pœnitentie per manus impositionem solum recipi, & in ovile, unde erraverant, à pastore restitui. Et hæc sunt maxime, quæ Stephani decreto Cyprianus nervose ac fortiter opponit. Alter alteri non cedit in hac controversia, neque Cyprianus Stephano, neque Cypriano Stephanus: Uterque in sua usque ad obitum perseveravit sententia.*

Nunc veniendum est ad propositam quaestionem, cui duplici modo respondendum esse mihi videtur.

586 Et primum quidem Cyprianus Stephano, quandiu illi vixerunt, celebrior fuit. Id rationibus certissimis, quæ & ad tempus excitatæ inter eos controversiæ, & antiquiorem complurium Ecclesiarum traditionem pertinent, confirmatur.

I. An Stephanus relatum decretum adversus Cypriani epistolam defenderit, & prolatas in ea epistola rationes editis in lucem decessorum exemplis, & vetustiorum Patrum testimoniis confutaverit, & Romæ tandem Synodum habuerit, qua decretum, cujusmodi est, vindicaretur, annales nulli produnt, nulla docet historia. Cyprianus contra, ut suam & epistolam & sententiam tueretur, Concilium habuit Episcoporum LXXXVII. quos ex provincia Africa, Numidia & Mauritania, Carthaginem advocavit. Secundum Cyprianum ab omnibus pronunciatum est.

II. Ecclesiasticus in Occidente & in Oriente tractator, nullus, Synodus nulla invenitur, quæ viventis Stephani causam adversus Cyprianum propugnandam suscepit. Percurre Britannias, Gallias, Hispanias, Pannonias, Dalmatiam, Italiam, cujus caput est Mediolanum, Siciliam, adjacentes insulas; Ægypti & Orientis provincias omnes percurrere; relati decreti fautorem atque approbatorem reperies neminem: At Cypriani viventis causam adversus Stephanum in Capadocia Firmilianus amplexus est in epistola quam ad Cyprianum scripsit: *De vobis, inquit, cognoscetes, quod* 587 *secundum regulam veritatis, & sapientiam Christi, hoc de quo nunc queritur, disposueritis, cum magna læticia exultavimus, & Deo gratias egimus, quia invenimus in fratribus tam longe positis tantam nobiscum fideli & veritatis unanimi-  
tatem. Potens est enim gratia Dei copulare & conjungere charitatis atque unitatis vinculo, etiam ea quæ videntur longiore terrarum spatio esse divisa. Et quibusdam interpositis: Nos vero ea quæ à vobis scripta sunt, quasi nostra propria suscipimus, nec in transcurso legimus, sed sæpe repetita memoria mandavimus: Neque debet utilitati salvari aut eadem retexere ad confirmandam veritatem, aut & quædam addere ad cumulantem probationem. Si quid autem à vobis additum fuerit, non sic additur, quasi à vobis*

aliquid minus dictum sit: Sed quoniam sermo divinus humanam naturam supergreditur, nec potest totum & perfectum anima concipere. Et paullo post: Et quidem quantum ad id pertineat quod Stephanus dixit, quasi Apostoli eos qui ab heresi veniant baptizari prohibuerint, & hoc custodiendum posteris tradiderint, plenissime vos respondistis, neminem tam stultum esse, qui hoc credat Apostolos tradidisse, quando etiam ipsas hereses constat exarabiles ac detestandas postea extitisse. Cum & Marcion Cerdonis discipulus invenitur sero post Apostolos, & post longa ab eis tempora sacrilegam adversus Deum traditionem induxisse: Apelles quoque blasphemie ejus consentiens, multa alia nova & graviora fidei ac veritatis inimica addiderit. Sed & Valentini & Basilidis tempus manifestum est, quod & ipsi post Apostolos, & post longam aetatem adversus Ecclesiam Dei sceleratis mendaciis suis rebellaverint. Ceteros quoque hereticos constat pravas suas sectas, & inventiones perverfas, prout quisque errore ductus est, postea induxisse: Quos omnes manifestum est a semetipsis damnatos esse, & ante diem judicii inexcusabilem sententiam adversus semetipsos dixisse: Quorum baptisma qui confirmat, quid aliud quam cum ipsis se adjudicat, & se ipse participem talibus faciendo condemnat? Eos autem, qui Roma sunt, non ea in omnibus observare, qua sint ab origine tradita, & frustra Apostolorum auctoritatem pretendere, scire quis etiam inde potest, quod circa celebrandos dies Pascha, & circa multa alia divine rei sacramenta videat esse apud illos aliquas diversitates, nec observari illic omnia equaliter, qua Hierosolymis observantur. Secundum quod in ceteris quoque plurimis provinciis multa pro locorum & nominum diversitate variantur: Nec tamen propter hoc ab Ecclesia catholica pace atque unitate aliquando discessum est. Quod nunc Stephanus ausus est facere, rumpens adversus vos pacem, quam semper antecessores ejus vobiscum amore & honore mutuo custodierunt: Adhuc etiam infamans Petrum & Paulum beatos Apostolos, quasi hoc ipsi tradiderint, qui in Epistolis suis hereticos execrati sunt, & ut eos evitemus, monuerunt. Unde apparet traditionem hanc humanam esse, qua hereticos asserit, & baptisma, quod non nisi solius Ecclesie est, eos habere defendit. Sed & ad illam partem bene a vobis responsum est, ubi Stephanus in Epistola sua dixit: (Hereticos quoque ipsos in baptismo convenire, & quod ad alterutrum ad se venientes non baptizent, sed communicent tantum) quasi & nos hoc facere debeamus. Quo in loco, etsi vos jam probastis satis ridiculum esse, ut quis sequatur errantes; illud tamen ex abundanti addimus, non esse mirum, si sic heretici agant, qui etsi in quibusdam minoribus discrepant, in eo tamen quod est maximum, unum & eundem consensum tenent, ut blasphement Creatorem, quaedam somnia sibi & phantasmata ignoti Dei confingentes: Quos utique consequens est sic consentire in baptismis sui vanitate, ut consentiunt in repudianda divinitatis veritate. De quibus quoniam longum est ad singula eorum vel scelerata, vel supervacua respondere, satis est breviter illud in compendio dicere, eos, qui non teneant verum Dominum Patrem, tenere non posse, nec Filium, nec Spiritum sancti veritatem. Secundum quod etiam illi, qui ταρσεύας appellantur, & novas prophetias usurpare conantur, nec Patrem possunt habere, nec Filium, nec Spiritum sanctum; a quibus si quæramus quem Christum prædicent, respondebunt eum se prædicare, qui miserit Spiritum per Montanum & Priscam locutum. In quibus cum animadvertamus non veritatis spiritum, sed erroris fuisse; cognoscimus eos, qui falsam illorum prophetiam contra Christi fidem vindicant, Christum habere non posse. Et paullo post: Hæretico enim sicut ordinare non licet, nec manum imponere, ita nec baptizare, nec quidquam sancte, nec spiritualiter gerere, quando alienus sit à spirituali & deifica sanctitate. Quod totum nos jampridem in Iconio, qui Phrygiæ locus est



est, collecti in unum convenientibus ex Galatia & Cilicia, & ceteris proximis regionibus, confirmavimus tenendum contra hæreticos firmiter & vindicandum, cum à quibusdam de ista re dubitaretur. Et quibusdam interjectis: Atqui illa mulier, qua prius per prestigias & fallacias demonis multa ad deceptionem fidelium moliebatur, inter cetera, quibus plurimos deceperat, etiam hoc frequenter ansa est, ut, & invocatione non contemptibili sanctificare se panem & Eucharistiam facere simularet, & sacrificium Domino sine sacramento solita pradicacionis offerret: Baptizaret quoque multos usitata & legitima verba interrogationis usurpans, ut nihil discrepare ab Ecclesiastica regula videretur. Quid igitur de huius baptismo dicemus, quo nequissimus demon per mulierem baptizavit? Nunquid & hoc Stephanus, & qui illi consentiunt, comprobant? Maxime cui nec Symbolum Trinitatis, nec interrogatio legitima, & Ecclesiastica defuit.

Et post alia: Quod autem pertinet ad consuetudinem refutandam, quam videntur opponere veritati; Quis tam vanus sit, ut veritati consuetudinem praeferat? Aut qui perspecta luce tenebras non derelinquat? Nisi si & Judeos Christo adventante, id est, veritate, adjuvat in aliquo antiquissima consuetudo, quod relicta nova veritatis via in vetustate permanserint. Quod quidem adversus Stephanum vos dicere Afri potestis, cognita veritate errorem vos consuetudinis reliquisse. Ceterum nos veritati & consuetudinem jungimus, & consuetudini Romanorum consuetudinem, sed veritatis opponimus; ad initio hoc tenentes, quod à Christo & ab Apostolo traditum est. Nec meminimus hoc apud nos aliquando cepisse, cum semper istic observatum sit, ut non nisi unam Dei Ecclesiam nossemus, & sanctum baptismum, non nisi sancta Ecclesia computaremus. Plane quoniam quidam de eorum baptismo dubitabant, qui etsi novos Prophetas recipiunt, eosdem tamen Patrem & Filium nosse nobiscum videntur; plurimi simul convenientes in Iconio diligentissime tractavimus, & confirmavimus repudiandum esse omne omnino baptismum, quod sit extra Ecclesiam constitutum.

Ad illud autem quod pro hæreticis ponunt, & aiunt Apostolum dixisse: Sive per occasionem, sive per veritatem Christus annuncietur, ut respondeamus, ineptum est, quando manifestum sit, Apostolum in Epistola sua qua hoc dixit, neque hæreticorum, neque baptismi eorum mentionem fecisse; sed locutum esse de fratribus tantum, sive perfide secum loquentibus, sive in fide sincera perseverantibus: Nec oporteat hoc longo tractatu excutere; sed ipsam satis sit epistolam legere, & quid Apostolus dixerit, de ipso Apostolo recognoscere. Et post alia: Non pudet, Stephanum talibus (Hæreticis) adversus Ecclesiam patrocinium prestare, & propter hæreticos asserendos fraternitatem scindere: Insuper & Cyprianum pseudochristum & pseudoapostolum, & dolosum operarium dicere? Qui omnia in se esse conscius prevenit, ut alteri ea per mendacium obficeret, qua ipse ex merito audire deberet. In hac Firmiliani oratione tota Stephanus constringitur, sive cum ad absurdas complexiones deducitur, sive cum à derivata ex temporibus Apostolorum traditione, & Scripturarum auctoritate urgetur, sive cum a retenta cum Afris decessorum concordia pulsatur.

III. Africanæ disciplinæ, quæ circa hæreticorum baptismum ante excitatam inter Stephanum & Cyprianum controversiam servabatur, monumenta suppeditant Agrippinus Carthaginiensis Episcopus, & Tertullianus Presbyter. Ille apud Cyprianum in Epistola lxxiii. ad Jubaianum Episcopum. Verba sunt: Apud nos autem non nova, aut repentina res est, ut baptizandos censeamus eos, qui ab hæreticis ad Ecclesiam veniunt, quando multi jam anni sint, & longa etas, ex quo sub Agrippino bona memoria viro convenientes in unum Episcopi plurimi hoc statuerint, atque ex-

inde in hodiernum tot millia hæreticorum in provinciis nostris ad Ecclesiam conversi, non aspernati sint, neque cunctati, imo & rationabiliter & libenter amplexi sint ut lavacri vitalis, & salutaris baptismi gratiam consequerentur. Decreto Concilii huius Carthaginiensis nemo restitit: Restitisset aliquis sine dubio, si constituta circa baptismum hæreticorum disciplinæ repugnasset. Nam mos iste semper in Ecclesia viguit, ut quo quisque foret religiosior, eo promptius novellis adinventionibus contraret. Id Vincentius Lirinensis in commonitorio i. capite ix. testatur.

Tertullianus qui ante Agrippinum claudit, & ad æræ Christianæ annum cciii. librum de præscriptione hæreticorum composuit, cap. xii. de collato ab hæreticis baptismo sic disputat: Viderit qui semper petit, quia nunquam audietur; ab eo enim petit qui non audit. Nobis etsi querendum esset adhuc & semper, ubi tamen queri oportet? Apud hæreticos, ubi omnia extranea & adversaria nostra veritati, ad quos vetamur accedere. Quis servus cibaria ab extraneo, ne dicam ab inimico domini sui petat? Quis miles ab infederatis, ne dicam ab hostibus regibus donativum & stipendium capiat, nisi plane desertor & transfuga & rebellis? Etiam anus illa intra rectum suum drachmam requiribat, etiam pulsator ille vicini januam tundebat, etiam vidua illa non inimicum licet durum judicem interpellabat. Nemo inde instrui potest unde destruitur, nemo ab eo illuminatur, à quo contenebratur. Quaramus ergo in nostro & à nostris & de nostro: Idque duntaxat, quod salva regula fidei potest in questionem devenire. Hoc in loco Tertullianus collatum ab hæreticis baptismum rejicit, non rejecturus, opinor, si ducta à Domino vel Apostolis non rebaptizandi hæreticos traditio in Africa, & cum primis Carthagine constitisset. Tertullianus, inquam, Apostolicarum traditionum vindex & assertor invictissimus, & earum maxime quæ ad baptismum pertinent.

In libri de corona capite ii. Ergo quaramus an & traditio nisi scripta non debeat recipi. Plane negabimus recipiendam, si nulla exempla præjudicent aliarum observationum, quæ sine ullius Scripturæ instrumenti, solius traditionis titulo, & exinde consuetudinis patrocinio vindicamus. Denique ut à baptismo ingrediar: Aquam adituri ibidem; sed & aliquanto prius in Ecclesia sub Antistitis manu contestamur nos renunciare diabolo & pompæ & angelis ejus; dehinc ter mergimur, amplius aliquid respondentes, quam Dominus in Evangelio determinavit: Inde suscepti lactis & mellis concordiam prægustamus: Ex eaque die lavacro quotidiano per totam hebdomadam abstinemus. De traditione suscipiendi baptismatis hæreticorum fileat; non fileret utique, si qua tunc in Africa fuisset.

In libri de baptismo capite xv. eandem recipiat ferram: Nescio siquid amplius ad controversiam baptismi veniatur: Sane retexam quod supra omisi, ne imminentes sensus videar interciderere. Unus omnino baptismus est nobis tam ex Domini Evangelio, quam ex Apostoli literis: Quoniam unus Deus, unum baptismum, & una Ecclesia in calis. Sed circa hæreticos sane quid custodiendum sit, digne quis retractet? Ad nos enim editum est; hæretici autem nullum habent consortium nostra disciplina: Quos extraneos utique testatur ipsa ademptio communicationis. Non debeo in illis agnoscere quod mihi est præceptum, quia non idem Deus est nobis & illis, nec unus Christus, id est, idem; ideoque nec baptismus unus, quia non idem, quem cum rise non habeant, sine dubio non habent, nec capit numerari quod non habetur: Ita nec possunt accipere, quia non habent; sed de isto plenius jam nobis in Græco digestum est. Hic hæreticorum baptismum sine exceptione ulla repudiat, & cur ita repudiet, rationes exponit. Non me latet Baronium in Annalibus Ecclesiasticis Tertullianum erroris incusare, quod hæreticorum baptis-

baptismum præ nimio in eos odio rejiciat. Communis hic locus est, qui nulli materiæ, quia omni convenit. Quis enim non peræque scriberet, Tertullianum præ nimio in Ecclesiâ amore libros de præscriptione hæreticorum, adversus Hermogenem, adversus Valentinianos, adversus Marcionem, & alios hæreticos edidisse, & continuo ex iis, quidquid palato haud saperet, non abjiceret? *Ὁ μὲν δὲ* accusandus est Baronius, quod post annos mille trecentos, & eo amplius, sine antecessorum patrocínio Tertullianum erroris insimulet. Hoc autem observasse, Tertullianum liberalis est; & maxime, si quis observet nullam Romanis Episcopis æqualibus cum Tertulliano ea super re fuisse controversiam. Igitur fatendum est ingenue traditionem de qua loquitur in decreto Stephanus, Romanæ fortassis Ecclesiæ tunc fuisse propriam; Africanis vero & Orientalibus Ecclesiis communem minime fuisse, ut liber, quem Tertullianus de baptismo Græce composuit, Firmilianus, & Iconiensis Synodus testantur.

IV. Clemens Alexandrinus qui ad annum cc. floruit, in libro 1. Stromatum Tertulliano consentit, & adversus hæreticorum baptismum paucis præscribit. Deinde acclamat, ita enim trajicies aquam alienam baptismum hæreticum, non convenientem, & germanam aquam reputans, & transmeabis fluvium alienum, qui in mare defert & detrahit, in quod emittitur, qui divertit ab ea stabilitate, quæ est in veritate, rursus confluent ad gentiles, & inordinatos vitæ fluctus. Quibus verbis apparet non novam Alexandriæ, sed vetustam rem esse baptismi hæreticorum rejectionem, quæ à beati Marci disciplina manare dicenda est, nisi contrarium evidenti testimonio probetur.

V. Irenæus Lugdunensis Episcopus ad annum c. lxxx. libros quinque contra hæreses elucubravir, & in libri 1. capite xviii. varia hæreticorum baptismata describit & rejicit: *Redemptionis*, inquit, ipsorum traditionem evenit invisibilem esse & incomprehensibilem, videlicet cum sit incomprehensibilem & invisibilem mater; & propter hoc cum sit instabilis, non simpliciter, neque uno sermone referendum est: Quoniam unusquisque illorum, quemadmodum ipsi volunt, tradunt eam. Quanti enim sunt hujusmodi sententia mystici Antistites, tot sunt & redemptiones; & quia ad negationem baptismatis, ejus quæ est in Deum regenerationis, & universæ fidei destructionem remissa est species hæc à Satana, arguentes eos referemus aptiori loco. Et paulo post: Quidam enim ex ipsis sponsale cubiculum quoddam adaptantes, & quasi mysticum conficiunt cum quibusdam profanis dictionibus iis qui sacrantur, & spirituales nuptias dicunt esse id quod ab ipsis fit, secundum similitudinem supernarum conjugationum. Alii autem adducunt ad aquam, & baptizantes ita dicunt: In nomine ignoti Patris omnium, in veritate matris omnium, & in nomine descenditis in Jesu ad unionem & redemptionem & communionem virtutum. Alii autem & Hebræica nomina supersunt, ut stupori sint, vel perterreant eos qui sacrantur. Sic: *Basima eacabasa, eanaa, irraurista, dyarbada caetaba fobor camelantbi*. Horum autem interpretatio est talis: Hoc quod est super omnem virtutem Patris invoco, quod vocatur lumen, & Spiritus & vita, quoniam in corpore regnasti. Alii autem rursus redemptionem profantur sic: Nomen quod absconditum est ab universa deitate & dominatione & veritate, quod induit Jesus Nazarenus in zonis luminis, Christus Dominus vivens per Spiritum sanctum in redemptionem angelicam. Nomen quod est restaurationis, *Messiau farmagno in seenchaldia, mofomeda, eacacha, faronepeba Jesu Nazarene*: Et horum interpretatio est talis: Christi non divido Spiritum, cor & supercelestem virtutem misericordem; fruor nomine tuo, Salvator veritatis. Et hæc quidem profantur ipsi qui sacrant. Qui autem sacrat, respondet: *Confirmatus sum, & redemptus sum, & redimo animam meam*

ab Aone hoc, & omnibus quæ sunt ab eo nomine in Iao, qui redemit animam ejus in redemptionem in Christo vivente. Dehinc supersunt qui adstant: Pax omnibus, in quibus hoc nomen requiescit. Post deinde unguunt sacrum opobalsamo; unguentum enim hoc typum esse dicunt ejus suavitatis, quæ sit super universa.

Quidam autem eorum adducere quidem ad aquam supervacuum esse dicunt: Admischentes autem oleum & aquam in unum, cum quibusdam profanis dictionibus similibus quæ supra prædiximus, mittunt super eorum caput qui sacrantur, & hoc esse redemptionem volunt. Ungunt autem & ipsi opobalsamo. Alii autem hæc omnia recusantes dicunt non oportere inenarrabilem & invisibilem virtutis mysterium per visibiles & corruptibiles perfici creaturas; & ea quæ mente concipi non possunt, & incorporalia & insensibilia per sensibilia & corporalia; esse autem perfectam redemptionem ipsam agnitionem inenarrabilis magnitudinis. Ea enim quæ sunt de ignorantia Labis, & passione facta, per agnitionem dissolvi universam ignorantiam statum, uti sit agnitio interioris hominis, & neque corporalem esse eam; corruptibile enim est corpus; Neque animale, quoniam anima de Labe est spiritus velut habitaculum: Spiritalem ergo oportere & redemptionem esse. Redimi enim per agnitionem interiorem hominem spiritalem, & sufficere eis universorum agnitionem, & hanc esse redemptionem veram. Et quibusdam interpositis: Et de redemptione quidem ipsorum hæc sunt, quæ quidem in nos venerunt. Cum autem discrepant ad invicem & doctrina & traditione, & qui recentiores eorum agnoscuntur, affestant per singulos dies novum aliquid adinvenire & fructificare, quod nunquam quisquam excogitavit; Durum est omnium describere sententias. Hæc est variorum, quæ nunc à variis hæreticis conferebantur, baptismatum recensio: Hæc est illorum absurda in baptizando disciplina, quam catholica, ut apparet apud Irenæum, rejiciebat Ecclesiâ. Irenæus igitur hæc recensens in Gallia & in Asia, non Stephano, sed Cypriano præluxit.

VI. Justinus Martyr, qui ad annum Christi c. l. enituit in Samaria Palæstinæ regione, quomodo dandus sit baptismus, ita præscribit in Apologia 11. Quicumque persuasi fuerint, & crediderint vera esse quæ à nobis traduntur & dicuntur, ac vivere se ita posse receperint, orare jejunantes, & petere à Deo priorum peccatorum remissionem doceantur, nobis tum illis una & orantibus & jejunantibus. Deinde eo adducuntur à nobis, ubi aqua est, atque eo regenerationis modo, quo ipsi regenerati sumus, regenerantur. Nam in nomine rerum cunctarum parentis, & Domini Dei & Servatoris nostri JESU CHRISTI, & Spiritus sancti in aqua tum lavantur. At vix ullos reperies hæreticos, qui tunc temporis hæc fervaverint omnia, cum vel baptizaverint, vel baptizati fuerint. Irenæus varia notavit hæreticorum baptismata, sed inter illa nullum est huic simile.

Justinus idem in dialogo, quem cum Tryphone Judæo habuit, non obscure significat, baptismi collatum à Judæis nullius esse usus: Illud ipsum, inquit, ab eo promulgatum baptismi, quod solum lustrare & purificare potest poenitentiam agentes, aquam esse vitæ; quas vero ipsi vobis fodistis cisternas esse dissipatas & nulli usui. Hoc est discrimen quod inter Christi & Judæorum baptismi constituit. At cum non sit potior hæreticorum, de quibus Irenæus & Cyprianus & Firmilianus sermonem faciunt, quam Judæorum, de quibus Justinus loquitur, ratio; Justinus hæreticorum perinde ac Judæorum baptismi rejicit, & Samaritanæ tunc rejiciebant Ecclesiæ. Quod hic de Justino & Samaritanis Ecclesiis notatur, Cypriano inservire potest, sed Stephano inservire non potest.

Cæterum ex iis finibus & terminis, quos per traditionem Tertulliani, Clementis Alexandrini, Irenæi, & Justinus, testium veritatis, usque ad tempus Stephani



phani & Cypriani jam posuimus, apparet quæ sit vera & certa latitudo & longitudo possessionis illius, de qua beatus Augustinus multis in locis verba facit: *Consuetudinis robore tenebatur orbis terrarum, & hac sola opponebatur volentibus inducere novitatem.* Urgenda hæc non est, sed potius sufflaminanda propositio. Nam consuetudo illa nec in Africa Cypriani, Agrippini, & Carthagenensis Synodi, nec Alexandria, & in Ægypto Clementis, qui Ecclesiasticam ibi scholam tenuit, nec in Oriente Firmiliani & I-  
601 coniensis Synodi, nec in Asia & in Gallis Irenæi, nec in Samaria Iustini tempore antiquos possessores ullos, vel inscriptiones possessionis fidei-jussorias sibi vindicat. Quinimo qui Africam, Orientem, Ægyptum, Asiam, & Gallias percurreret & scrutabitur, pacificam Ecclesiæ in baptizandis hæreticis possessionem reperiet. De possessione hac à vicinis gentibus lis mota nulla est: Et siquando de re vel de modo rei dubitatum inter possessores, coacta Episcoporum Synodo sublata est dubitatio vel controversia, & rigor servari jussus.

Monumentum ex antiquitate nullum superest, quo Stephanus de seipso, vel defensor ullus Stephani de Stephano vere & affirmate possit dicere, quod Julius de seipso in Epistola ad Orientales dicit: *Tametsi solus sim qui scripsi; non meam tamen solius sententiam, sed omnium Italarum, & omnium in his regionibus Episcoporum scripsi.* Ego autem nolui omnes scribere, ne à multis onerarentur. Certe ad constitutum tempus convenerunt Episcopi, & ejus sententia fuisse, quam vobis iterum significo. Quapropter, dilectissimi, etiamsi solus scribo, scribere me tamen communem omnium sententiam vos scire volo. Stephanum ad Africanos & Orientales Episcopos similia scripsisse nemo tunc, vel postea literis prodidit. Hoc autem de Cypriano dici non potest, ut ante docuimus.

Hic finiuntur monumenta celebritatis majoris, quam Cyprianus præ Stephano, sive spectetur tempus quo vixerunt ambo, sive traditio Patrum qui præcellerunt, facile consecutus est.

Deinde postquam desierunt vivere, Cyprianus adhuc Stephano celebrior, & pluris cum apud Romanam, tum apud alias Ecclesias habitus fuit.

I. Dionysius Alexandrinus ad Xistum Stephani decessorem scribit, eumque à tuenda de baptismo hæreticorum sententia deterret, & Cypriani sententiam confirmat. Epistolæ verba sunt apud Eusebium in libri VII. hist. capite IV. *Stephanus, inquit, scripserat de Heleno, de Firmiliano, de Episcopis omnibus, qui erant ex Cilicia, Cappadocia, & Galatia, & ex omnibus gentibus, quæ erant finitima, quod neque cum illis quidem ob eam causam communicare vellet.* Nam illi, inquit, hæreticos rebaptizant. Deinde Xistum sic alloquitur: *Rei igitur magnitudinem attenta cogitatione complectere.* Decreta enim in maximis Episcoporum Conciliis, sicut audio, facta fuerunt, ut qui ab hæresis impietate recedunt, debeant primum institui in fide; deinde veteris & impuri fermenti eluvis ac sordibus ablui purgatique. Atque ut pro his omnibus Episcopis illum deprecarer, Epistolam scripsi. Et paullo post subnectit: *Dilectis nobis & Compresbyteris Dionysio & Philemoni, qui antea Stephani suffragabantur sententia, quique ad me de iisdem rebus scripserant, sicut ante per literas breviter, ita ut jam pluribus verbis sententiam meam explicavi.* Hæc sunt rationum momenta, quæ Dionysius ad reconciliandum reliquis Episcopis hæreticos baptizantibus Stephanum adhibuerat, & opponebat Xisto, ut eum à tuenda Stephani decessoris sententia deterreret. Præterea notanda sunt duo. Primum quod Dionysius & Philemon Romanæ Ecclesiæ Presbyteri, Dionysium Alexandrinum hac super re consuluerant, non consulturi sine dubio, si hinc Stephani decreto firmiter adhæsisset, inde clarum & apertum fuisset traditionis id genus, quo decretum Stephanus communiaverat.

Deinde quod Dionysius de duobus Presbyteris illis dicat: *Qui antea Stephani suffragabantur sententia.* Quo dicendi genere innuit, Romanos illos Presbyteros desiisse Stephani suffragari sententiæ: Tantum abest ut in Stephani sententia constantissime perseverarent. Sed incertum relinquitur, quo modo Dionysius & Philemon Stephani sententiæ suffragari desierint, utrum probando baptismi iterationem in hæreticis, an judicando probabilem esse utramque Stephani & Cypriani aliorumque Præfulum illi concordantium sententiam, ac proinde Ecclesiasticæ dissensionis locum nullum suppetere.

Tum in ejusdem libri capite VI. *Idem Dionysius in tertia Epistola de baptismo, quam scribit ad Philemonem Presbyterum Romanum, ista tradit: Equidem tametsi hæreticorum libros & traditiones perlegebam, & meum ipsius animum ad tempus scelestissimis eorum opinionibus quodammodo inquinare videbar; hoc tamen ab illis capiebam commodi, ut non modo eos interiori animi mei cogitatione condemnarem ac resellerem, sed multo  
604 vehementius in posterum detestarer.* Et post alia Eusebius dicit: *Deinde paucis quibusdam de omnibus errorum generibus explicatis adjungit ista: Istum canonem, istudque exemplum à beato Papa nostro Heraclio cepi.* Ille enim eos, qui ab Ecclesia abscisissent, (imo vero non ita abscisissent, quin ob corporis præsentiam congregationis Fidelium viderentur esse participes) eo, inquam, cum essent accusati, quod consuetudine cujusdam eorum, qui alienam & diversam à fide doctrinam tuebantur, multum usi fuissent, Ecclesia ejecit: Et quamvis vere & ex animo ab erroribus se averterent, & in Ecclesiam admitti denuo magnopere flagitarent, non usque eo admisit, quoad omnia, quæ à veritatis adversariis audivissent, palam apud omnes essent elocuti. Atque tum in Ecclesiam & conventum recepit, non aliud baptisma in illis omnino desiderans: Quippe antea fuerant ab illo Spiritum sanctum affecti. Rursus ista questione copiosa admodum exagitata, addit hæc: *Hoc tamen didici, quod non Episcopi in Africa solum istam consuetudinem de hæreticis rebaptizandis jam invexerunt; verumetiam longo tempore ante, Episcoporum memoria, qui antegressi sunt in Ecclesiis maxima hominum frequentia celebratis, & Synodis fratrum tum Iconii, tum Synodis, tum aliis multis in locis convocatis istud decretum fuit: Quorum judicia & sententias condemnare irritaque facere non audeo; Sicque illos in odium & iridiam conjicere.* Terminos, ut est apud Salomonem, ac fines proximi tui non commutabis, quos patres  
605 tui præstituerunt. Complurium Ecclesiarum & Synodorum, quæ Cypriano vel præiverunt, vel eum potius quam Stephanum secutæ sunt, decreta prædicare non cessat, & nisi me mea fallit opinio, persuasus literis Dionysii Philemon Stephani sententiæ suffragari desiit.

Adjungendus est Hieronymus, qui Dionysii Alexandrini epistolas vidit, ac de illius epistolis & sententia in libro de viris illustribus sic censet: *Hic in Cypriani & Africana Synodi dogma consentiens de hæreticis rebaptizandis ad diversos plurimas misit Epistolæ, quæ usque hodie extant.*

Porro Dionysius qui Xisto successit, dum Stephani sententiæ suffragari desiit, cum Africanis & aliis Episcopis rebaptizantibus pacem coluit, & alterutro coluit è duobus modis, quos supra exposui.

II. Stephani successores non ita tuiti sunt illius decretum, ut contra sentientes & agentes durius appellarent. Id Pontius Cypriani Diaconus in libello, quem de vita illius composuit, non obscure significat, cum Xistum Stephani successorem proximum vocat bonum & pacificum Sacerdotem: *Ordinatis itaque pie rebus, & sic voluntate disposita proximabat dies crastinus.* Jam de Xisto bono & pacifico Sacerdote, ac propterea beatissimo martyre ab Urbe nuncius venerat. Bonus & pacificus hoc in loco Sacerdos dicitur, quod, opinor,

606 opinor, cum Africæ, aliarumque gentium Episcopis hæreticos rebaptizantibus pacem haberet. Ut autem tolleretur dissidium, Dionysius Alexandrinus operæ multum ac studii adhibuit, ut testes sunt multæ de baptismo epistolæ, quas ad Xistum Romanum Episcopum, & ad Philemonem & Dionysium Romanos Presbyteros scripsit.

III. Credibile est prorsus, eos Pontifices, qui post Xistum & Dionysium Romanam administraverunt Ecclesiam, horum instituisse vestigiis, & cum Africanis, aliisque rebaptizantibus hæreticos Episcopis coluisse pacem, quomodo supra indicavimus. Et ab anno cclxxii. quo Dionysius vita migravit v. Calend. Januarii, usque ad annum cccxiv. quo habita est Arelatensis Synodus prima, inter Africanos rebaptizantes, & Romanos motam fuisse ullam controversiam nemo est qui testetur. Hæc, ni fallor, controversia, quæ tanto incensa est studio, initium & finem in uno Stephano accepit.

IV. Silvestro certe pax erat cum Africanis hæreticos rebaptizantibus, quando Arelatensis Synodus celebrata est, consentientibus Silvestri legatis quatuor, qui interfuerunt, & una cum reliquis Patribus canonem condiderunt: *De Afris quod propria lege utuntur ut rebaptizent, placuit, ut si ad Ecclesiam aliquis de hæresi venerit, interrogent eum Symbolum, & si perviderint, eum in Patre & Filio & Spiritu sancto esse baptizatum, manus ei tantum imponatur, ut accipiat Spiritum sanctum: Quod si interrogatus non responderit hanc Trinitatem, baptizetur.* Hic est igitur canon, in quo quoniam hæreticorum admittendus, quinam rejiciendus esset baptismus, decernitur. Hic est canon, in quo Patres oppositas Stephani & Cypriani sententias ad legitimum modum reducere se putant.

Stephanus hæreticorum baptismum admittebat quemcumque, Cyprianus hæreticorum baptismum rejiciebat quemcumque: Arelatensis Synodus inter utrumque media est, nec quemcumque hæreticorum baptismum admittit, ut Stephanus, nec quemcumque rejicit, ut Cyprianus: Eum hæreticorum baptismum admittit, qui in Patris & Filii & Spiritus sancti nomine confertur, nec iterandum esse censet; eum hæreticorum baptismum rejicit, qui non ita confertur, & iterandum esse censet. Atque ita emendare id studuit, in quo contentionis æstu modum excessisse sibi videretur: Quo in casu Cypriani sententia emendationem minorem, Stephani vero majorem accepit. Nam subductis, quoad ejus fieri potest, hæreticorum omnium baptismatibus, non tot erant in nomine Trinitatis baptizati, quot non baptizati. Paucos admodum fuisse hæreticos, qui in nomine Trinitatis hujus baptizarent aut baptizarentur, ante exortam Stephanum inter & Cyprianum controversiam reperiens. Cujus rei fidem facit Irenæus, cujus verba è libri i. contra hæreses capite xvi. supra descripsimus. In cumulum accedit, quod Stephanus in Cypriani epistola lxxiv. ad Pompeium, Marcionis admittit baptismum, in quo nulla fiebat Trinitatis, Patris & Filii & Spiritus sancti mentio. Id Cyprianus exagitat iis verbis, quæ supra retulimus.

V. Posterius minus diligentes fuerunt in conservandis Stephani epistolis, quas ille vel ad Cyprianum scripsit, vel de Heleni, Firmiliani & aliorum excommunicatione ad eos misit. Has omnino intercidere & perire passi sunt. Sed in vindicandis ab oblivione & situ Cypriani & Firmiliani epistolis, quas adversus Stephanum exararunt, diligentissimi fuere. Quid ita, nisi quod Stephani epistolæ memoriæ minus dignas; Cypriani vero & Firmiliani epistolæ memoriæ dignissimas judicarunt?

VI. Baronius ad annum cclix. & cclx. recenset Stephani Papæ acta, quæ germana, ut ait, cognita atque legitima, non tantum Occidentalis Ecclesiæ complexa est, sed & Orientalis eadem Græce reddita in ipsorum Martyrum natalitiis legere consuevit. At his in actis multa narrantur de baptismo quem Stephanus multis contulit.

Sed illius de non rebaptizandis hæreticis decretum o-mittitur & ita filetur, ac si nullum unquam editum fuisset. Quis non miretur, cum illud vel unicum merito prædicari debuerit, si qui Romana in Ecclesia collegerunt hæc Stephani acta, merito prædicandum esse duxissent? In rei silentio plus laudis & gloriæ, quam in recitatione positum esse sibi persuaserunt. Pontius in Cypriani vita de iterandi hæreticorum baptismatis sententia nihil intulit, ratus id ex superstitionibus Doctoris hujus epistolis, & Carthaginensi Concilio sine difficultate nulla observatum iri.

VII. Romana Ecclesia Stephano Papæ & Martyri suo basilicam nullam erexit, licet multis aliis Pontificibus seu martyrio seu confessione illustribus basilicas erexit. Erigere tamen debuit, cum si quæ de Stephani decreto, & ejus successu narrat Baronius, veritate niterentur, nullus post beatum Petrum fuerit illustrior & fortior Christianæ religionis vindex & assessor. At Carthaginensis Ecclesia Cypriano Martyri suo non unam tantum basilicam, sed duas erexit, quæ celebritatem habuere maximam. Id Victor Uticensis in libro i. de persecutione Wandalorum memoriæ prodidit: *Pulso namque Episcopo (Carthaginis) cum Clero venerabili, illico Ecclesiam nomine Restitutam, in qua semper Episcopi commanebant, suæ religioni mancipavit (Geisericus) atque universas, quæ intra muros fuerant civitatis, Ecclesias cum suis divitiis abstulit; sed etiam quæ foras muros erant, quasque voluit, occupavit, & præcipue duas e-gregias & amplas sancti Martyris Cypriani, unam ubi sanguinem fudit, aliam ubi sepultum est corpus, qui locus Mappalia vocatur.* Sulpitius Severus in dialog. i. capite 11. basilicæ hujus celebritatem paucis attingit: *Libuit animo adire Carthaginem, loca visitare Sanctorum, & præcipue ad sepulcrum Cypriani Martyris adorare.* Sed pluribus attingit Evagrius in libri iv. hist. capite xvi. ubi quæ sequuntur, ex Procopii Wandalicis arcessit: *Commemorantur præterea ab eodem auctore nonnulla de Cypriano Martyre, quæ sunt huic nostræ historiæ valde accommodata.* Sic enim scribit: *Cyprianum virum sanctissimum Carthaginenses ad unum omnes imprimis colunt, cui templum plane memorabile extra urbem ad litus maris exstruxerunt, eumque cum aliis pietatis officiis venerantur, tum festum diem, quem Cypriana vocant, quotannis celebrant, atque nante tempestatem, quæ solet incidere eo ipso tempore, quo Libyes hoc festum celebrandum statuebant, hujus nomine, cujus mentionem nuper feci, nuncupare solent.* *Istud templum Vandalis regnante Onoricho Christianis vi abstulerunt, indeque Sacerdotibus ignominia expulsi, de reliquo Ariani, utpote ad eorum viis pertinent, reddiderunt.* *Ex quibus rebus cum Libyes magnam aggritudinem & angorem animis caperent, fertur, Cyprianum illis secundum quietem sæpe apparuisse dixisseque, Christianos non debere ob eam causam in mœrore & solitudine esse, se enim post aliquod temporis spatium eam injuriam vindicaturum: Quæ prædictis temporibus Belissarii expleta fuit.* *Nam idem Cyprianus Martyr prædixerat, Carthaginem post nonagesimum quintum annum, quo à Vandalis capta & excisa fuit, in potestatem Belissarii Ducis exercitus Romani venturam, & Vandalos omnino expugnatos fore, & opinionem Arianam ex sinibus Libyæ relegatam iri, & Christianos sua templa recuperaturos.* De Stephano & Stephani sepulcro simile nihil Ecclesiasticis commendatum est monumentis.

VIII. Nicæna Synodus cum canonem xix. statuit, ut Paulianiste ad Ecclesiam confugientes baptizentur omnimodis, non Stephani, sed Cypriani sententiam complectitur, si canonis hujus interpretes sit, qui Synodo interfuit, beatus Athanasius. Quis vero interpretationem illius jure rejiciet, ut aliam alius, qui nec interfuisset, nec potuisset per ætatem interesse, admittat? Nunc adscribenda sunt Athanasii verba: *Sed tamen quia series dicendi nos ad mentionem sacri baptismatis adduxit, necessum est, ut de ea re, quemadmodum & sentio & credo, verba faciamus.* Non enim quasi non sufficiat Pater, ideo



una conominaatur & Filius, neque id temere fit, aut fortuito: Sed quoniam Filius est Verbum Dei, & propria sapientia, splendorque illius, & cum eo utpote cum Patre suo semper existit; ideo impossibile est, ut praeante Patre non praebeat in Filio idipsum quod praebeat. In Patre enim est Filius, ut splendor in luce. Siquidem Deus non ut impotens, sed ut Pater in sua sapientia fundavit terram, & suo Verbo condidit omnia, & sacrum baptismum in Filio confirmat; ubi enim Pater, ibi & Filius, ut ubi lux, ibi splendor, & ut Pater operatur, ita & Filius, quem admodum Salvator suimetipsum verbis indicat: *Qua video Patrem facientem, ea quoque & ipse facio. Eadem ratione ubi baptismus datur, quem baptizat Pater, baptizat & Filius, & quem Filius baptizat, is in Spiritu sancto initiatur.* Rursum sicut sole lucente dixeris splendorem illuminare; (Una enim eademque hic lux est, quae neutriquam à sole dividi aut abscondi potest.)

612 Ita rursus ubi Pater est vel nominatur, ibi omnino & Filius existit. Nominatur autem Pater in baptismo. Necessarium ergo est, & Filium una nominari. Eaque de causa, ubi Christus ad Sanctos promissiones edit, ita locutus est: *Venimus ego & Pater, & mansionem apud eum faciemus.* Et rursus: *Ut quemadmodum ego & tu unum sumus, & illi unum sint in nobis.* Una quoque eadem gratia est, quae in munus venit, & per Filium à Patre in nos confertur, ut Paulus scribit: *Gratia vobis & pax à Deo patre nostro & Domino JESU CHRISTO.* Necessum est enim lucem cum splendore esse, & radios videri una cum luce. Quapropter Judaei una cum Arianis Filium abnegantes, ne Patrem quidem habent. Obtinentes autem fontem sapientiae (ut illis exprobrat Baruch) abjecerunt etiam à se sapientiam inde promanantem Dominum nostrum JESUM: Siquidem Christus, ut ait Apostolus, Dei virtus & Dei sapientia. Judaei igitur, dum affirmant se non habere Regem nisi Caesarem, pro ista infestatione egregium superpondium, auctariumque suae poenae adjecerunt. Perdidit enim una cum civitate rationationem. Ariani enim in periculum veniunt, ne amittant integritatem mysterii. Loquor autem de baptismo. Si enim in nomine Patris & Filii datur perfectitudo plenaeque initiatio; Patrem autem verum illi non pronunciant, eo quod negent aliquid ex ipso existere, & simile esse illius substantia, negant quoque verum Filium, aliumque ex non entibus conditum sibi comminiscunt, in baptismo proferunt. Qui,

613 quæso, igitur non plane vanum ac inutile fuerit baptismus, quod ab illis datur, cum id non nisi species sit & inane simulacrum, ipsique ea re nihil solida opis adferunt ad pietatem? Non enim in Patre & Filio tribuunt baptismum Arianis; sed in creatore & creatura, in factore & factura. Sicut igitur creatura diversum quiddam est à Filio: Ita diversum quiddam à vero baptismo est, quod ab illis existimatur dari; tametsi nomen Patris & Filii, quia illa in Scripturis vident, simulant sese nominare. Non enim qui simpliciter ait, Domine, is est qui donat legitimum baptismum; sed qui nomen exprimit, & fidem rectam habet: Ideoque Salvator non quovis modo baptizandum præcepit, sed primum dixit, *Docete*, ac deinde, *Baptizate in nomine Patris & Filii & Spiritus sancti*, ut ex doctrina recta fides oriretur, & cum fide baptismatis integra initiatio perficeretur. Certe alia etiam hæreses, eaque numero non exigua, nomine tenui ritum istum pronunciant: Sed non recte sentientes, ut dictum est, neque sanam fidem retinentes, inutilem possident aquam quam impertiunt, nimirum numine & religione destitutam, adeo ut qui ab illis adsparguntur, sordescant potius prava religione quam redimantur. Ita quoque & ethnici quamquam Deum in ore habent, impietatis crimini subijciuntur, eo quod verum Deum non agnoscant Patrem Domini nostri JESU CHRISTI. Isidem quoque Manichei & Phryges ac discipuli Samosatensis nomina nostra pronunciantes, nihil

614 ob id sunt minus heretici: Ita quoque deinceps & reliqui, & qui cum Ario sentiunt, etiamsi recitent scripta, proloquanturque ipsa nomina, frustrantur, illuduntque iis, qui ab ipsis baptismum accipiunt; homines nimirum improbiore,

quam ulli heretici, quos indies magis ac magis superant, hæresisque omnes propemodum iustas aris sui effraternitate reddant. Hæc Athanasius orat. III. contra Arianos, in quibus Alexandrinæ Ecclesiæ traditionem sequitur & confirmat, nec aliud reipsa scribit, quam quod in Cypriani epistolis ad Jubaianum & Pompeium, & Firmiliani ad Cyprianum, & in Carthaginiensi Concilio scriptum legimus. Deinde Nicænos Patres per explicatum à se canonem XIX. relicto Stephano ad Cyprianum recta perducit.

IX. Optatus Milevitanus Episcopus in libro I. de schismate contra Parmenianum inigne de Cypriano conscripsit elogium, dum ait: *Nec Cæcilianus recessit à cathedra Petri vel Cypriani, sed Majorinus.* Non dicit: *Nec Cæcilianus recessit à cathedra Stephani vel Cypriani:* Sed omnino dicit: *Nec recessit Cæcilianus à cathedra Petri vel Cypriani.* Quibus verbis offendit vel unam & eandem esse Petri & Cypriani cathedram propter Ecclesiasticæ unitatis indicium, vel ut Petri, sic & Cypriani cathedram eam esse, in qua unitas Ecclesiastica collocetur, & schismatica Donatistarum tempestas dissipetur. Quidquid in causa, quocunque modo verba illa intelligantur, ad insignem Cypriani gloriam intelliguntur.

Deinde in libro IV. longe magis ad Cyprianum 615 quam ad Stephanum accedit, cum ita loquitur: *Deinde sequitur unum baptismum, ut quia quod unum est, sanctum est, per quod unum est, non solum ab hæreticorum profanis & sacrilegis baptismatibus separatur; sed ne duplicetur quod unum est, aut iteretur quod semel est.* In hoc sacramento baptismatis celebrando tres esse species constat, quas & vos nec augere nec minuire nec pratermittere poteritis. Prima species est in Trinitate, secunda in credente, tertia in operante; sed non pari libramine ponderanda sunt singula: Duas enim video necessarias, & unam quasi necessariam: Principalem locum Trinitas possidet, sine qua res ipsa non potest geri; hanc sequitur fides credentis: jam persona operantis vicina est, quæ simili auctoritate esse non potest. Duæ priores permanent semper immutabiles & immotæ, Trinitas semper ipsa est; fides in singulis una est; vim suam semper retinent ambe. De baptismo hæreticorum idem sentit quod Athanasius.

X. Basilii Stephani sententiæ anteponit Cypriani sententiam in epistola I. ad Amphilochoium capite I. Verumenimvero antiquis visum est, Cypriano, inquam, & nostro Firmiliano, hos omnes uni calculo subijcere, Puros, Encratitas, Hydroparastaras. Et quibusdam interpositis: Eos, qui ab ipsis (hæreticis) baptizati erant, tanquam à laicis baptizatos jusserunt ad Ecclesiam venientes vero Ecclesia baptismum expurgari.

Deinde in epistola III. canone XLVII. Encratita 616 & Saccophori & Apotactita eidem subijciuntur rationi, cui & Novatiani, quia de illis canon est editus, etsi diversus; quæ autem ad hoc pertinent, silentio prætermittuntur. Nos autem una ratione eos rebaptizamus. Et paullo post: Ne dicant in Patrem & Filium & Spiritum sanctum se baptizari, qui certe Deum malorum effectorem esse supponunt, instar Marcionis & reliquarum hæresium.

Tum in libro III. contra Eunomium, ubi post verba Christi: *Euntes docete*, &c. subiungit: *Baptismus est sigillum fidei; fides vero deitatis confessio: nam credere primum oportet, ac postea baptismate designari; baptismus vero postea est secundum traditionem Domini.*

Denique in libro V. contra eundem hæreticum: *Docete*, inquit, omnes gentes, baptizantes eos in nomine Patris & Filii & Spiritus sancti. Et gentes jubet credentes & doctas baptizari in Trinitatis nomine. Basilii Athanasii amici & familiaris sententiam & doctrinam sequitur, & ab ea ne latum quidem unguem discedit.

XI. Gregorius Nazianzenus de Stephano Papa orationem qua laudetur, nullam habuit; sed de Cypriano orationem, qua mirum in modum laudetur, habuit egregiam, quæ est decima octava: Cyprianus, inquit,

fere

fere nos effugit. O ingens damnum! Idque vos passi estis, qui cum omnium maxime suspicis, annisq; honoribus & festis celebratis. Cyprianus, inquam, cuius vel etiam si  
 617 alioquin oblivionis visio laboraremus, meminisse tamen necesse fuerat; siquidem optimi potissimum viri memoria colendi sunt, iique quorum meminisse non modo pium est, sed etiam utile ac fructuosum. Verum hoc debitum cum fœnore dissolvamus. Infra: Tu mihi, Cypriane re & nomine carissime, supra ceteros Martyres celebrandus occurris, (nec enim verendum est, ne Martyres Martyribus invidant) atque & virtute tua maiorem in modum afficior, & memoria recreor, ac prae gaudio quasi lymphatus feror, dimicationisque socius ac particeps sum, ac totus ad te transeo, sive me tibi eloquentia & doctrina conciliet, qua tu tanto reliquos mortales anteibas, quanto nos brutis animantibus praestamus. Infra: Hic Cyprianus vir (ut & qui postis ex ipsa commemoratione majorem voluptatem capias, & qui ignoratis historiam omnium nostrarum pulcherrimam, commune Christianorum decus atque ornamentum discas:.) Hic, inquam, Cyprianus magnum quondam Carthaginensium, nunc autem totius orbis nomen, opibus conspicuus, potentia illustris, genere clarus. Infra: Ut apertiori distinctione haec (quae supra dixit) explicem, alios multiplices rerum cognitione, alios quod summum scientiae gradum attingisset, alios utraque laude; omnes autem omnibus nominibus superaret. Ac eruditionem quidem libri ipsi testantur, quos ille complures & luculentos pro nobis conscripsit, posteaquam Dei, qui omnia fecit, & in melius commutat, benignitate doctrinam suam transtulit, atque soliditatem rationi subiecit. Infra: Postea deinde creatur  
 618 pastor ac pastorum optimus & probatissimus. Neque enim Carthaginensi tantum Ecclesiae, nec Africa, ab eo & propter eum etiam nunc clava & celebri praeficitur; verumetiam Occiduis regionibus, ac prope etiam Orientali omni atque Australi, & Septentrionali ora. Quocumque illius fama & admiratio pervagata est: Sic Cyprianus noster efficitur. Infra: Habes, vir divine & sacrosanctae, meorum sermonum primitias, habes tum doctrinae premium, tum certamina non olivae olympicae, verum orationem, qua nihil est quod Verbi cultoribus magis conveniat; qua si certaminum tuorum doctrinaeque meritum assecuta est, Verbo id acceperim fero. Haec ille qui per antonomasiam Theologus appellatus est. Pauciora ex eo referre non potui, cum observare vulerim quanto in honore & pretio Cyprianus per universam habitus fuerit Ecclesiam. Gregorius Cypriani doctrinam atque eruditionem laudat, nec in eo quidquam reprehendit; sed absolvit omnia, cum dicit: Tu, Cypriane, doctrina & eloquentia tanto reliquos mortales anteibas, quanto nos brutis animantibus praestamus.

Nazianzeni praeterea civis Cyprianum annuis honoribus & festis celebrant, Stephanum non celebrant.

De haereticorum baptismo haec tradit in oratione  
 xxiv. Si eos, qui nondum purgati sunt, splendidiora cerno, si per privam initiatoris mei doctrinam tanquam talis quibusdam deludor, si praestantiorum spiritum quero  
 619 nec inventio, da mihi alterum lavacrum, eo tum de priore male cogita. Quid mihi perfectam regenerationem invides? Quid me cum spiritu tanquam Deitate agnam sim, rei creatae domicilium facis? Quid me patrii honore, patris contumelia affici? malum te denudari arbitrium praebens, ut mihi baptismum, vel meipsum potius per baptismum feces? Aut totum honorem prosequere, o nove Theologe, aut totum sperne, ut etiam si impius sis, tibi tamen ipse constes, naturam honore patrem huiusmodi quam dispari modo expendens.

Deinde in oratione xxv. Confessionem tuam miraria tene. In cuius nomine baptizatus es? Patrie. Recte, verum id adhuc Judaicum. Filius? Priusquam hoc jam minime Judaicum, sed nondum plenum ac perfectum est. Spiritus sancti? Optime. Nuncius annuus abso-

lutus est hic baptismus. Verum bene tu, an simpliciter in hac tria? An quoddam etiam nomen est, quod tribus his communiter quadret? Maxime, nimirum Dei nomen. In hoc igitur commune nomen crede, & prospere incede & regna: Atque hinc ad alterius vitae beatitudinem transibis. Ea porro in expressiore, ut mihi videtur, horum cognitione ac comprehensione sita est. At quis non videt ea quae ex Nazianzeno retulimus, magis in Cypriani doctrinam de baptismo haereticorum, quam in Stephani decretum quadrare?

XII. Pacianus Barcinonensis Episcopus, non Stephanum, sed Cyprianum Novatianis in Ecclesiastici dissidii causa opponit in epistola 1. ad Sympronianum: Quid parva nobis de Apostolicis viris, parva de primis  
 620 Sacerdotibus, parva de beatissimo Cypriano Martyre atque Doctore occurrat auctoritas? An volumus docere doctorem? An sapientiores illo sumus, & à spiritu carnis inflammamur adversus eum, quem aeterni Dei testem nobilis cruor, & clarissima passionis corona produxit? Quid tot earum partium Sacerdotes, quos per totam Ecclesiam cum eodem Cypriano pax una solidavit? Deinde in secunda ad eundem epistola: Cyprianus in concordia omnium, in pace communi, in Confessorum grege passus est.

XIII. Cyrillus Hierosolymitanus ad Cyprianum, non ad Stephanum accedit in prima catechesi, dum Christianae religionis candidatos ita docet: Non licet bis aut ter hoc lavacro uti, ut si semel fueris frustratus, deinceps corrigas: Si enim semel illo frustraberis, amplius ad correctionem non paritur. Unus enim Dominus & una fides & unum baptisma. Nam soli haeretici rebaptizantur: Siquidem prius illud non erat baptisma.

XIV. Gregorius Nyssenus relicto Stephano Cyprianum sequitur in oratione prima contra Eunomium: Credimus igitur quemadmodum discipulis suis Dominus fidem suam exposuit sic locutus: Euntes docete omnes gentes, baptizantes eos in nomine Patris & Filii & Spiritus sancti. Hic est sermo mysterii, in quo per supernam generationem nostra natura in melius transformatur. Et paulo post: Idcirco asserimus conjunctum sive adunatum, simul etiam discretum ac distinctum sanctis discipulis fuisse traditum pietatis mysterium, nempe oportere  
 621 credere in nomen Patris & Filii & Spiritus sancti. Deinde in oratione x. adversus eundem haeticum: Nos autem sanctis & beatis viris obtemperantes, neque nominum gravitate, neque rituum & mysticorum symbolorum proprietate dicimus pietatis mysterium confirmari; sed dogmatum accurata expensione. Tum sub finem: Ait (Eunomius) Domini legem pervertens, (lex enim est divina institutionis traditio) non in Patrem, in Filium & Spiritum sanctum baptisma fieri, sicut praecepit discipulis tradens mysterium; sed in opificem & creatorem, & non solum Patrem, inquit, unigenitum, sed etiam Deum. Et paulo post: Legamus in eo verborum vocem Domini: Euntes, inquit, docete omnes gentes, baptizantes eos in nomina Patris & Filii & Spiritus sancti. Ubi Filium creaturam appellavit? Ubi Patrem creatorem & conditorem unigenitum esse sermo docuit? Ubi in his quae dicta sunt, Filius esse servus Dei docetur? Ubi Deus Filii in mysterii traditione predicatur?

XV. Ambrosius in libri de iniciandis capite iv. laudari non potest, ut relatum Stephani decretum confirmetur: Sed laudari potest, ut Cypriani sententia illi decreto contraria confirmetur. Iudicium sit penes verba quae sequuntur: Credit autem etiam Catechumenus in crucem Domini Jesu, qua & ipse signatur; sed nisi baptizatus fuerit in nomine Patris & Filii & Spiritus sancti, remissionem non potest accipere peccatorum, nec spiritalis gratiae manus haurire. Et  
 622 paulo post: Credo ergo quia non sum vacua aqua. Ideo tibi dictum est, quia Angelus Domini descendens huc, &c. Haec piscina in Hierosolymis erat, in qua unus annuus sanabatur; sed nemo ante sanabatur, quam descen-



descendisset Angelus. Ut esset indicium, movebatur aqua propter incredulos, illis signum, tibi fides; illis Angelus descendebat, tibi Spiritus sanctus; illis creatura movebatur, tibi Christus operatur ipse Dominus creatura. Tunc curabatur unus, nunc omnes sanantur, aut certe unus solus populus Christianus. Est enim in aliquibus & aqua mendax. Non sanat baptismus perfidorum, non mundat, sed polluit.

Ambrosius deinde ne unum quidem de Stephano sermonem habet, sed de Cypriano duos habet. In primo dicit: Sancti Cypriani festivitatem, sicut omnibus notum est, hodie celebramus, & natali, sicut dicunt, imminente vindemia, natalem ejus martyrii procuramus. Conveniunt igitur vota nostra & mundi. Mundus vindemiarum ubertate latatur, nos Sanctorum passione gaudemus. Infra: Fratres, istius beatissimi Martyris Cypriani sectemur exempla, qui recto tramite Christum secutus est. In secundo dicit: Ante dies, cum beatissimi Martyris Cypriani celebraremus natalem, suavissime in ejus festivitate jucundati sumus. Quia enim hoc vindemiarum tempore passus est, tanquam & nos de vindemia dulces & varios fructus ex ejus passione collegimus.

XVI. Prudentius Hispanus Poeta, Stephanum in libro 623 *de sequar.* & in hymnis fileat; Cyprianum vero magnifice prædicat in hymno v.

Punica terra tulit, quo splendeat omne quicquid unquam est,  
Inde domo Cyprianum, sed decus orbis & Magistrum.  
Est proprius patria Martyr, sed amore & ore nostro,  
Incubat in Libya sanguis, sed ubique lingua pollet.  
Sola superstes agit, de corpore sola obire nescit.  
Dum genus esse hominum Christus finet, & vigere mundum,  
Dum liber ullus erit, dum scrinia sacra literarum,  
Te leget omnis amans Christum, tua, Cypriane, discet.  
Spiritus ille Dei, qui fluxerat auctor in Prophetas,  
Fontibus eloqui te cælitus actus irrigavit.  
O nive candidius lingua genus!

Infra:

Deerat Apostolicis scriptis opulenti exsecutor,  
Eligitur locuples facundia, quæ doceret orbem,  
Quaque voluminibus Pauli famulata disputeret,  
Quo magis cruda hominum præcordia perpolita nosset  
Sive timoris opus, seu mystica, seu profunda Christi.

624 Infra:

Flevit obire mæsta Africa, quo docente facta est  
Cultor, eloquio cujus sibi docta gloriatur.  
Mox tumulum lacrymans struxit, cineresque consecravit.  
Desine flere bonum tantum, tenet ille regna cali;  
Nec minus involutat terris, nec ab hoc recedit orbe.  
Disserit, eloquitur, tractat, docet, instruit, prophetat.  
Nec Libya populos tantum regit, exit usque in ortum,  
Solis & usque obitum, Gallos fovet, imbuat Britannos.  
Præsidet Hesperie, Christum ferit ultimis Hiberis,  
Denique Doctor humi est, idem quoque Martyr in supernis,  
Instruit hic homines, illic pia dona dat patronus.

Hinc effectum est, ut in iis locis omnibus, quæ designat Christianus Poeta, beati Cypriani opera diligenter asservata & custodita fuerint. Vetus Bibliotheca fere nulla est, quæ sancti Doctoris hujus opera illa non habeat. Stephani vero epistolæ nusquam in-

veniuntur gentium; ubi legatur decretum hoc: Siquis ergo à quacunque hæresi venerit ad nos, nihil innovetur, nisi quod traditum est, ut manus illi imponatur in penitentiam, cum ipsi etiam heretici proprie alterutrum ad se venientes non baptizent, sed communi- 625 cent tantum.

XVII. Beatus Hieronymus in libro de viris illustribus, de Victore Romano Pontifice notat: Victor tertius-decimus Romana urbis Episcopus, super questione Pasche, & alia quadam scribens opuscula, rexit Ecclesiam sub Severo Principe annis decem:

De Cornelio quoque notat: Cornelius Romana urbis Episcopus, ad quem octo Cypriani extant Epistolæ, scripsit Epistolam ad Flavianum Antiochena Ecclesia Episcopum de Synodo Romana, Italica & Africana, & aliam de Novatiano, & de his qui lapsi sunt, tertiam de gestis Synodi, quartam ad eundem Flavianum valde prolixam.

De Damaso etiam notat: Damasus Romana urbis Episcopus, elegans in versibus componendis ingenium habuit, multaque & brevia metro edidit. Sed Hieronymus de Stephano minime notat, eum scripsisse epistolas super baptismi hæreticorum questionem, quæ inter eum & Cyprianum agitata est acerrime. De Cypriano minime fileat. Hæc enim notat: Cyprianus Afer primum gloriose Rhetoricam docuit, exinde suadente Presbytero Cæcilio, à quo & cognomen sortitus est, Christianus factus, omnem substantiam pauperibus erogavit, ac post non multum temporis electus in Presbyterum, etiam Episcopus Carthaginiensis constitutus est. Hujus ingenii superfluum est indicem texere, cum sole clariora sint ejus opera. Ex his autem omnibus rite perpen- 626 sis nihil aliud colligitur, nisi quod Hieronymus judicaverit Stephani epistolas non esse dignas, quæ posteritati commendentur; & præterea quod pluris Cyprianum quam Stephanum æstimaverit. Id numero proximo confirmatum imus.

XVIII. Hieronymus in dialogo contra Luciferianos de Cypriano scribit: Conatus est beatus Cyprianus contritos lacus fugere, nec bibere de aqua aliena; & idcirco hæreticorum baptismum reprobans ad Stephanum Urbis Episcopum, qui à beato Petro vicesimus-sextus fuit, super hac re Africanam Synodum direxit. Sed conatus ejus frustra fuit. Denique illi ipsi Episcopi, qui rebaptizandos hæreticos cum eo stauerant, ad antiquam consuetudinem revoluti, novum emisere decretum. Hæc ille ad annum Christi cccclxxxii. Sed progressu temporis ostendit se, cum hæc scripsit, apocryphis quibusdam commentariis deceptum fuisse. Et primum quidem in libro de viris illustribus Stephanum contumaci silentio prætermisit, ut mox vidimus. Tunc excusandi Stephani locus erat, non tamen excusatus: Quemadmodum excusatus in dialogo Cyprianum ita scribens: Verum si voluerint hi qui ab Hilario instituti sunt, & oves sine pastore esse cæperunt, de Scripturis ea proferre, quæ beatus Cyprianus ob hæreticos non rebaptizandos in Epistolis suis reliquit, sciant illum hæc non cum anathemate eorum, qui se sequi noluerant, edidisse. Siquidem in communione eorum permansit, qui sententia sua contrarierant. De Stephano similia non 627 dicit. Non dicit quoque in libro de viris illustribus, quem annis post editum dialogum decem composuit. Cyprianus porro, Firmilianus & alii ad antiquam revoluti non sunt consuetudinem; sed in sua consuetudine, pro cuius antiquitate pugnaciter contendunt, remansere. Id testatur Arelatensis Synodus in canone vii. id quoque Basilius testatur in epistola ad Amphilo- chium. In summa, si verum esset nec apocryphum decretum, cujus meminit Hieronymus, Donatistæ ausi non essent Cypriani epistolas & Africanam illam Synodum Catholicis toties objicere, quoties apud Augustinum obijciunt, aut si essent ausi objicere, Augustinus hujusmodi compressisset audaciam objecto recenti decreto, quod Cyprianus & collegæ tandem

dem aliquando emisissent. Sed hac de re tota ne gry quidem in commentariis, quos Augustinus contra Donatistas edidit. Fuerunt homines perverse religiosi, qui post Cypriani tempus Cyprianum pœnitentia ductum finxerunt, & ei libellum inscriptum, *Pœnitentia sancti Cypriani*, subjecerunt: Qui libellus in Romana Synodo inter apocrypha relatus est anno post obitum Hieronymi LXXIV. Cum tunc Romæ dialogum scripsit adversus Luciferianos, seu, ut ipse loquitur, *Altercationem Luciferiani & orthodoxi*, potuit in libellum de sancti Cypriani pœnitentia incidere, & illius lectione induci.

Deinde quidquid Hieronymus in dialogo contra Luciferianos de baptismo hæreticorum disseruit, correxit postea tribus in locis, quorum primus est in commentario super caput II. Joëlis Prophætæ: *Sequentes regulam Prophetarum, quidquid Judæi in ultimo tempore sibi carnaliter repromittunt, spiritualiter in primo adventu Domini Salvatoris dicerent esse completum, maxime cum & illi & nos quæ promissa sunt, in Christo dicamus complenda, in hoc tantummodo discrepantes, quod illi futura, contendunt, nos jam facta convincimus. De quo in his quæ sequuntur, plenius differendum est. Omnis autem caro, super quam effusurum se de Spiritu sancto Dominus pollicetur, illa est, de qua Esaias loquitur: Et videbit omnis caro salutare Dei. Ergo salutare Dei videri non potest, nisi Spiritus sanctus effundatur; & quicumque credere se dicit in Christum, non in Spiritum sanctum, perfectæ fidei oculos non habebit. Unde & in Actibus Apostolorum, qui baptizati erant baptismo Joannis in eum qui venturus erat, hoc est, in nomine Domini JESU, quia responderunt Paulo interroganti, Sed nec si sit quidem Spiritus sanctus novimus, iterum baptizantur: Imo vero baptisma accipiunt, quia sine Spiritu & mysterio Trinitatis, quidquid in unam & alteram personam accipitur, imperfectum est. Hæc Stephani decreto convenire non possunt, sed epistolis Cypriani convenire possunt.*

Alter est in libro IV. super Evangelium Matthæi: *Enites autem docete omnes gentes, baptizantes eos in nomine Patris & Filii & Spiritus sancti. Primum docent omnes gentes; deinde doctas intingunt aqua. Non enim potest fieri, ut corpus baptismi recipiat sacramentum, nisi ante anima fidei susceperit veritatem. Baptizantur autem in nomine Patris & Filii & Spiritus sancti, & quorum una est divinitas, una sit largitio nomenque Trinitatis. Unus Deus est. Docentes eos servare omnia, quæcunque mandavi vobis. Ordo præcipuus: Fuit Apostolis, ut primum docerent universas gentes; deinde fidei intingerent sacramento, & post fidem ac baptismum, quæ essent observanda, præciperent. Ac ne putemus levia esse, quæ jussa sunt, & pauca, addidit: Omnia quæcunque mandavi vobis, ut quicumque crediderint, qui in Trinitate fuerint baptizati, omnia faciant, quæ præcepta sunt. Hieronymus in hujus loci expositione Concilium Carthaginense, cui Cyprianus præfuit, Athanasium, Basilium, & Gregorium Nyssenum sequitur, & sequendo stat à partibus Cypriani, non Stephani.*

Tertius est in commentario super caput IV. epistolæ ad Ephesios: *Propterea & una fides dicitur, quia similiter in Patrem & Filium & Spiritum sanctum credimus. Et baptisma unum; eodem enim modo & in Patrem & Filium & in Spiritum sanctum baptizamur & ter mergimur, ut Trinitatis unum appareat sacramentum. Et non baptizamur in nominibus Patris & Filii & Spiritus sancti, sed in uno nomine, quod intelligitur Deus. Et miror quæ consequentia in uno vocabulo, eodem opere & eodem sacramento, natura diversitatem Arius, Macedonius, & Eunomius suscipiunt, concordante in impietate discordia, & creatura in Filio & Spiritu sancto cœnosum fontem tenentes, diversos hæreseos rivulos duxerint. Unum baptisma, & contra Valentinum facit, qui duo baptismata esse contendit, & contra omnes hæ-*

*reticos, ut sciant non habere se baptismata, sed in una Christi Ecclesia fontem esse vitalem. Potest unum baptisma & ita dici, quod licet ter baptizemur propter mysterium Trinitatis, tamen unum baptisma reputetur. In hoc quoque loco, ut in duobus aliis, à Stephano recedens ad Cyprianum accedit. Porro autem his tribus locis tanquam certa quadam lege dirigi & corrigi necesse est, quidquid sanctus Doctor de baptismo hæreticorum in dialogo contra Luciferianos minus accurate disse-*

XIX. Beatus Hieronymus & Cyprianum & Cypriani opera quanti faciat, pluribus in locis ostendit. Et primum in illius Apologia contra Jovinianum: *Lege Tertullianum, lege Cyprianum, lege Ambrosium, & cum illis me vel accusa vel libera. In epistola ad Paulinum de institutione Monachi: Beatus Cyprianus instar fontis purissimi dulcis incedit & placidus, & cum totus sit in exercitatione virtutum, occupatus persecutionum angustiis, de Scripturis divinis nequaquam disternit. In epistola ad Lætam: Cypriani opuscula semper in manu teneat. In epistola ad Paulum Concordiensem de Novatiani epistolis: Ut dum schismatici hominis venena cognoscimus, libentius sancti Martyris Cypriani bibamus antidotum. In epistola ad Eustochium de custodia virginitatis: Legas Tertullianum ad amicum Philosophum, & de virginitate alios libellos, & beati Cypriani volumen egregium. In epistola ad Magnum oratorem Romanum: Cyprianus quod idola dii non sint, quæ brevitate, quæ historiarum omnium scientia, quorum verborum & sensuum splendore perstrinxit? In commentario super caput IV. Jonæ: Proponamus nobis beatum Cyprianum, qui prius idololatriæ assertor fuit, & in tantam gloriam venit eloquentiæ, ut oratoriam quoque doceret Carthagini; audisse tandem sermonem Jonæ, & ad pœnitentiam conversum in tantam venisse virtutem, ut Christum predicaret, & pro illo cervicem gladio flecteret. In libro XVII. super caput I. Esaiæ: Ac ne longo tempore sensum traham, vir sanctus & eloquentissimus Martyr Cyprianus, & nostri temporis Confessor Hilarius, nonne tibi videntur excelsa quondam in seculo arbores edificasse Ecclesiam Dei? At Hieronymus de Stephano simile nihil scribit: Non remittit ad illius epistolam ut ad schismatis antidotum: Non scribit Stephanum ædificasse Dei Ecclesiam per suum decretum: Si quis ergo à quacunque hæresi venerit ad nos, nihil innovetur, nisi quod traditum est, cum ipsi etiam heretici proprie alterutrum ad se venientes non baptizent, sed communicent tantum.*

XX. Beatus Augustinus in libri de unico baptismo contra Petilianum capite XIV. de Stephano & Cypriano sic verba facit: *Erant duo eminentissimum Ecclesiarum, Romana scilicet & Carthaginensis Episcopi duo, Stephanus & Cyprianus, ambo in unitate catholica constituti, quorum Stephanus baptismum hæreticorum in nullo iterandum esse censebat, & hoc graviter facientibus succensebat: Cyprianus autem in hæresi vel schismate baptizatos, tanquam non habentes baptismum Christi, baptizandos in Ecclesia catholica existimabat. Et quanquam Augustinus videtur heic utrumque pari modo laudare; tamen Cyprianum magis quam Stephanum laude dignum censuit. Augustinus scilicet de Stephano sermonem nullum, tractatum nullum instituit; sed de Cypriano plures instituit. De singulis ad specimen aliquid delibandum est. Et primum quidem de sermone XVII. in natali sancti Cypriani, quem venerabilis Beda laudat: Sermone à nobis debitum auribus & cordibus vestris exigit tam grata & religiosa solennitas, quæ passionem beati Cypriani Martyris celebramus. Tristis proculdubio tunc Ecclesia fuit, non damno cadentis, sed desiderio recedentis, semper cupiens videre tam bonum rectorem atque doctorem.*

Deinde



descendisset Angelus. Ut esset indicium, movebatur aqua propter incredulos, illis signum, tibi fides; illis Angelus descendebat, tibi Spiritus sanctus; illis creatura movebatur, tibi Christus operatur ipse Dominus creatura. Tunc curabatur unus, nunc omnes sanantur, aut certe unus solus populus Christianus. Est enim in aliquibus & aqua mendax. Non sanat baptismus perfidorum, non mundat, sed polluit.

Ambrosius deinde ne unum quidem de Stephano sermonem habet, sed de Cypriano duos habet. In primo dicit: Sancti Cypriani festivitatem, sicut omnibus notum est, hodie celebramus, & natali, sicut dicunt, imminente vindexia, natalem ejus martyrii procuramus. Conveniunt igitur vota nostra & mundi. Mundus vindemiarum ubertate latatur, nos Sanctorum passione gaudemus. Infra: Fratres, istius beatissimi Martyris Cypriani sectemur exempla, qui recto tramite Christum secutus est. In secundo dicit: Ante dies, cum beatissimi Martyris Cypriani celebraremus natalem, suavissime in ejus festivitate jucundati sumus. Quia enim hoc vindemiarum tempore passus est, tanquam & nos de vindemia dulces & varios fructus ex ejus passione collegimus.

XVI. Prudentius Hispanus Poeta, Stephanum in libro 623 *de sepulchris*, & in hymnis silet; Cyprianum vero magnifice prædicat in hymno v.

Punica terra tulit, quo splendeat omne quidquid unquam est,

Inde domo Cyprianum, sed decus orbis & Magistrum.

Est proprius patriæ Martyr, sed amore & ore nostro,

Incubat in Libya sanguis, sed ubique lingua pollet.

Sola superstes agit, de corpore sola obire nescit.

Dum genus esse hominum Christus sinet, & vigere mundum,

Dum liber ullus erit, dum scrinia sacra literarum,

Te leget omnis amans Christum, tua, Cypriane, discet.

Spiritus ille Dei, qui fluxerat auctor in Prophetas,

Fontibus eloqui te colitis actus irrigavit.

O nive candidius lingua genus?

Infra:

Deerat Apostolicis scriptis opulenti exsecutor,

Eligitur locuples facundia, quæ doceret orbem,

Quæque voluminibus Pauli famulata disputaret,

Quo magis cruda hominum præcordia perpolita nosset

Sive timoris opus, seu mystica, seu profunda Christi.

624 Infra:

Flevit obire mæsta Africa, quo docente facta est

Cultor, eloquio cujus sibi docta gloriatur.

Mox tumulum lacrymans struxit, cineresque consecravit.

Desine flere bonum tantum, tenet ille regna cali;

Nec minus involutat terris, nec ab hoc recedit orbe.

Differit, eloquitur, tractat, docet, instruit, prophetat.

Nec Libya populos tantum regit, exit usque in ortum,

Solis & usque obitum, Gallos fovet, imbuunt Britannos.

Præsidet Hesperie, Christum serit ultimis Hiberis,

Denique Doctor humi est, idem quoque Martyr in supernis,

Instruit hic homines, illic pia dona dat patronus.

Hinc effectum est, ut in iis locis omnibus, quæ designat Christianus Poeta, beati Cypriani opera diligenter asservata & custodita fuerint. Vetus Bibliotheca fere nulla est, quæ sancti Doctoris hujus opera illa non habeat. Stephani vero epistolæ nusquam in-

veniuntur gentium; ubi legatur decretum hoc: Siquis ergo a quacunque heresi venerit ad nos, nihil innovetur, nisi quod traditum est, ut manus illi imponatur in penitentiam, cum ipsi etiam hæretici proprie alterutrum ad se venientes non baptizent, sed communi-cent tantum. 625

XVII. Beatus Hieronymus in libro de viris illustribus, de Victore Romano Pontifice notat: Victor tertius-decimus Romana urbis Episcopus, super quaestione Pascha, & alia quadam scribens opuscula, rexit Ecclesiam sub Severo Principe annis decem:

De Cornelio quoque notat: Cornelius Romana urbis Episcopus, ad quem octo Cypriani extant Epistolæ, scripsit Epistolam ad Flavianum Antiochena Ecclesia Episcopum de Synodo Romana, Italica & Africana, & aliam de Novatiano, & de his qui lapsi sunt, tertiam de gestis Synodi, quartam ad eundem Flavianum valde prolixam.

De Damaso etiam notat: Damasus Romane urbis Episcopus, elegans in versibus componendis ingenium habuit, multaque & breviter metro edidit. Sed Hieronymus de Stephano minime notat, eum scripsisse epistolas super baptismi hæreticorum quaestionem, quæ inter eum & Cyprianum agitata est acerrime. De Cypriano minime silet. Hæc enim notat: Cyprianus Afer primum gloriose Rhetoricam docuit, exinde suadente Presbytero Cæcilio, a quo & cognomentum sortitus est, Christianus factus, omnem substantiam pauperibus erogavit, ac post non multum temporis electus in Presbyterum, etiam Episcopus Carthaginensis constitutus est. Hujus ingenii superfluum est indicem texere, cum sole clariora sint ejus opera. Ex his autem omnibus rite perpenfis nihil aliud colligitur, nisi quod Hieronymus judicaverit 626 Stephani epistolas non esse dignas, quæ posteritati commendentur; & præterea quod pluris Cyprianum quam Stephanum æstimaverit. Id numero proximo confirmatum imus.

XVIII. Hieronymus in dialogo contra Luciferianos de Cypriano scribit: Conatus est beatus Cyprianus contritos lacus fugere, nec bibere de aqua aliena; & idcirco hæreticorum baptismum reprobans ad Stephanum Urbis Episcopum, qui a beato Petro vicesimus-sextus fuit, super hac re Africanam Synodum direxit. Sed conatus ejus frustra fuit. Denique illi ipsi Episcopi, qui rebaptizandos hæreticos cum eo stauerant, ad antiquam consuetudinem revoluti, novum emisere decretum. Hæc ille ad annum Christi CCCLXXXII. Sed progressu temporis ostendit se, cum hæc scripsit, apocryphis quibusdam commentariis deceptum fuisse. Et primum quidem in libro de viris illustribus Stephanum contumaci silentio prætermisit, ut mox viderimus. Tunc excusandi Stephani locus erat, non tamen excusat: Quemadmodum excusat in dialogo Cyprianum ita scribens: Verum si voluerint hi qui ab Hilario instituti sunt, & oves sine pastore esse ceperunt, de Scripturis ea proferre, quæ beatus Cyprianus ob hæreticos non rebaptizandos in Epistolis suis reliquit, sciant illum hæc non cum anathemate eorum, qui se sequi noluerant, edidisse. Siquidem in communionem eorum permansit, qui sententia sua contrarierant. De Stephano similia non dicit. Non dicit quoque in libro de viris illustribus, quem annis post editum dialogum decem composuit. Cyprianus porro, Firmilianus & alii ad antiquam revoluti non sunt consuetudinem; sed in sua consuetudine, pro cujus antiquitate pugnaciter contendunt, remansere. Id testatur Arelatensis Synodus in canone VIII. id quoque Basilius testatur in epistola ad Amphiloichium. In summa, si verum esset nec apocryphum decretum, cujus meminit Hieronymus, Donatistæ ausi non essent Cypriani epistolas & Africanam illam Synodum Catholicis toties objicere, quoties apud Augustinum objiciunt, aut si essent ausi objicere, Augustinus hujusmodi compressisset audaciam objecto recenti decreto, quod Cyprianus & collegæ tandem

dem aliquando emisissent. Sed hac de re tota ne gry quidem in commentariis, quos Augustinus contra Donatistas edidit. Fuerunt homines perverse religiosi, qui post Cypriani tempus Cyprianum poenitentia ductum fixerunt, & ei libellum inscriptum, *Poenitentia sancti Cypriani*, subjecerunt: Qui libellus in Romana Synodo inter apocrypha relatus est anno post obitum Hieronymi LXXIV. Cum tunc Romæ dialogum scripsit adversus Luciferianos, seu, ut ipse loquitur, *Altercationem Luciferiani & orthodoxi*, potuit in libellum de sancti Cypriani poenitentia incidere, & illius lectione induci.

Deinde quidquid Hieronymus in dialogo contra 628 Luciferianos de baptismo hæreticorum disseruit, correxerat postea tribus in locis, quorum primus est in commentario super caput 11. Joelis Propheta: *Sequentes regulam Prophetarum, quidquid Judæi in ultimo tempore sibi carnaliter repromittunt, spiritualiter in primo adventu Domini Salvatoris dicerent esse completum, maxime cum & illi & nos quæ promissa sunt, in Christo dicamus complenda, in hoc tantummodo discrepantes, quod illi futura, contendunt, nos jam facta convincimus. De quo in his quæ sequuntur, plenius differendum est.* Omnis autem caro, super quam effusum se de Spiritu sancto Dominus pollicetur, illa est, de qua Esaias loquitur: *Et videbit omnis caro salutare Dei.* Ergo salutare Dei videri non potest, nisi Spiritus sanctus effundatur; & quicumque credere se dicit in Christum, non in Spiritum sanctum, perfectæ fidei oculos non habebit. Unde & in Actibus Apostolorum, qui baptizati erant baptismo Joannis in eum qui venturus erat, hoc est, in nomine Domini Iesu, quia responderunt Paulo interroganti, Sed nec si sit quidem Spiritus sanctus novimus, iterum baptizantur: Imo vero baptisma accipiunt, quia sine Spiritu & mysterio Trinitatis, quidquid in unam & alteram personam accipitur, imperfectum est. Hæc Stephani decreto convenire non possunt, sed epistolis Cypriani convenire possunt.

Alter est in libro IV. super Evangelium Matthæi: *Euntes autem docete omnes gentes, baptizantes eos in nomine Patris & Filii & Spiritus sancti.* Primum docent omnes gentes; deinde doctas intingunt aqua. Non 629 enim potest fieri, ut corpus baptismi recipiat sacramentum, nisi ante anima fidei susceperit veritatem. Baptizantur autem in nomine Patris & Filii & Spiritus sancti, & quorum una est divinitas, una sit largitio nominis Trinitatis. Unus Deus est. Docentes eos servare omnia, quæcunque mandavi vobis. Ordo præcipuus: Jussit Apostolis, ut primum docerent universas gentes; deinde fidei intingerent sacramento, & post fidem ac baptismum, quæ essent observanda, præciperent. Ac ne putemus levia esse, quæ jussa sunt, & pauca, addidit: *Omnia quæcunque mandavi vobis, ut quicumque crediderint, qui in Trinitate fuerint baptizati, omnia faciant, quæ præcepta sunt.* Hieronymus in hujus loci expositione Concilium Carthaginense, cui Cyprianus præfuit, Athanasium, Basilium, & Gregorium Nyssenum sequitur, & sequendo stat à partibus Cypriani, non Stephani.

Tertius est in commentario super caput IV. epistolæ ad Ephesios: *Propterea & una fides dicitur, quia similiter in Patrem & Filium & Spiritum sanctum credimus.* Et baptisma unum; eodem enim modo & in Patrem & Filium & in Spiritum sanctum baptizamur & ter mergimur, ut Trinitatis unum appareat sacramentum. Et non baptizamur in nominibus Patris & Filii & Spiritus sancti, sed in uno nomine, quod intelligitur Deus. Et miror quæ consequentia in uno vocabulo, eodem opere & eodem sacramento, nature diversitatem Arius, Macedonius, & Eunomius suspicentur, concordante in impietate discordia, & creatura in Filio & Spiritu sancto canosum fontem tenentes, diversos hæreseos rivulos duxerint. Unum baptismum, & contra Valentinum facit, 630 qui duo baptismata esse contendit, & contra omnes hæ-

reticos, ut sciant non habere se baptismata, sed in una Christi Ecclesia fontem esse vitalem. Potest unum baptismum & ita dici, quod licet ter baptizemur propter mysterium Trinitatis, tamen unum baptismum reputetur. In hoc quoque loco, ut in duobus aliis, à Stephano recedens ad Cyprianum accedit. Porro autem his tribus locis tanquam certa quadam lege dirigi & corrigi necesse est, quidquid sanctus Doctor de baptismo hæreticorum in dialogo contra Luciferianos minus accurate disse- ruerat.

XIX. Beatus Hieronymus & Cyprianum & Cypriani opera quanti faciat, pluribus in locis ostendit. Et primum in illius Apologia contra Jovinianum: *Lege Tertullianum, lege Cyprianum, lege Ambrosium, & cum illis me vel accusa vel libera.* In epistola ad Paulinum de institutione Monachi: *Beatus Cyprianus instar fontis purissimi dulcis incedit & placidus, & cum totus sit in exercitatione virtutum, occupatus persecutionum angustiis, de Scripturis divinis nequaquam disseruit.* In epistola ad Lætam: *Cypriani opuscula semper in manu teneat.* In epistola ad Paulum Concordiensem de Novatiani epistolis: *Ut dum schismatici hominis venena cognoscimus, libentius sancti Martyris Cypriani bibamus antidotum.* In epistola ad Eustochium de custodia virginitatis: *Legas Tertullianum ad amicum Philosophum, & de virginitate alios libellos, & beati Cypriani volumen egregium.* In epistola ad Magnum oratorem Romanum: *Cyprianus quod idola dii non sint, quæ brevitatem, quæ historiæ omnium scientia, quorum verborum & sensuum splendore perstrinxit? In commentario super caput IV. Jonæ: Proponamus nobis beatum Cyprianum, qui prius idololatria assertor fuit, & in tantam gloriam venit eloquentiæ, ut oratoriam quoque doceret Carthagini; audisse tandem sermonem Jonæ, & ad poenitentiam conversum in tantam venisse virtutem, ut Christum predicaret, & pro illo cervicem gladio flecteret.* In libro XVII. super caput 11. Esaiæ: *Ac ne longo tempore sensum traham, vir sanctus & eloquentissimus Martyr Cyprianus, & nostri temporis Confessor Hilarius, nonne tibi videntur excelsæ quondam in seculo arbores edificasse Ecclesiam Dei? At Hieronymus de Stephano simile nihil scribit: Non remittit ad illius epistolam ut ad schismatis antidotum: Non scribit Stephanum edificasse Dei Ecclesiam per suum decretum: Si quis ergo à quacunque hæresi venerit ad nos, nihil innovetur, nisi quod traditum est, cum ipsi etiam hæretici proprie alterutrum ad se venientes non baptizent, sed communicent tantum.*

XX. Beatus Augustinus in libri de unico baptismo contra Petilianum capite XIV. de Stephano & Cypriano sic verba facit: *Erant duo eminentissimarum Ecclesiarum, Romana scilicet & Carthaginensis Episcopi duo, Stephanus & Cyprianus, ambo in unitate catholica constituti, quorum Stephanus baptismum hæreticorum in nullo iterandum esse censebat, & hoc graviter facientibus succensebat: Cyprianus autem in hæresi vel schismate baptizatos, tanquam non habentes baptismum Christi, baptizandos in Ecclesia catholica existimabat.* Et quanquam Augustinus videtur heic utrumque pari modo laudare; tamen Cyprianum magis quam Stephanum laude dignum censuit. Augustinus scilicet de Stephano sermonem nullum, tractatum nullum instituit; sed de Cypriano plures instituit. De singulis ad specimen aliquid delibandum est. Et primum quidem de sermone XVI. in natali sancti Cypriani, quem venerabilis Beda laudat: *Sermonem à nobis debitum auribus & cordibus vestris exigite tam grata & religiosa solennitas, quæ passionem beati Cypriani Martyris celebramus.* Tristis proculdubio tunc Ecclesia fuit, non damno cadentis, sed desiderio recedentis, semper cupiens videre tam bonum rectorem atque doctorem.

Deinde



Deinde de sermone cxiii. de diversis cap. i. Quis hodie, non dicam in nostra civitate, sed plane per Africam totam, transmarinas regiones, non Christianus solus, sed paganus aut Judaeus, aut etiam haereticus poterit inveniri, qui non nobiscum dicat natalem Martyris Cypriani? Rursus cap. iiii. Sed cum Carthago habuerit cathedram ejus, Carthago habeat memoriam ejus. Unde nos celebraremus natalicia ejus, nisi esset & pretiosa in conspectu Domini mors Sanctorum: In  
633 omnem terram exivit sonus eorum, & in fines terra verba eorum. Docuit fideliter quod factum erat, fecit fortiter quod docuerat.

Tum de sermone cxiv. capite i. Sanctissimus & sollemnissimus deus, aique huic Ecclesiae familiarior & praeclarior latificandus nobis dies hodiernus illuxit, quem sua nobis gloria passionis Cyprianus beatissimus illustravit, cujus reverendi Episcopi & venerandi Martyris laudibus nulla lingua sufficeret, nec si seipse laudaret. Infra cap. ii. Quid enim nisi Dei sunt tanti Martyris laudes? Aut cujus honor est Cyprianus ad Deum toto corde conversus, nisi ejus, cui dictum est: Deus, converte nos? Cujus opus est Cyprianus doctor, nisi ejus, cui dictum est: Doce me justificationes tuas? Cujus opus est Cyprianus pastor, nisi ejus, qui dixit: Dabo vobis pastorem secundum cor meum, & pascet vos cum disciplina? Cujus opus Cyprianus Confessor, nisi ejus qui dixit: Dabo vobis os & sapientiam, cui non poterunt resistere inimici vestri?

Præterea de sermone cxv. capite i. Istum nobis festum diem passio beatissimi Martyris fecit, cujus nos victoribus celebratis in istum locum devotissimos congregavit; sed celebratio sollemnitas Martyrum imitatio debet esse virtutum. Infra: Beatissimus Martyr erroris sapientia, terrores patientia superavit. Iterum cap. iv. Aliquando ante annos valde multos istum locum invaserat pestilentia saltatorum, istum tam sanctum locum ubi jacet tam sancti Martyris corpus sicut meminerunt  
634 multi qui habent etatem: Locum, inquam, tam sanctum invaserat pestilentia & petulantia saltatorum; per totam noctem hic cantabantur nefaria, & cantibus saltabatur. Quando voluit Dominus per sanctum fratrem nostrum Episcopum vestrum, ex quo hic coeperunt sanctae vigiliae celebrari, illa pestis aliquantulum reluctata, postea cessit diligentia, erubuit sapientia.

Postremo de sermone cxvii. cap. i. Diei tam grati, latique sollemnitas & corona, tantique Martyris tam felix & jucunda festivitas sermonem a me debitum flagitat; sed tantam sarcinam orationes illius mecum portant, ut si quid minus quam debetur, exolvero, non me despiciat loquentem verbis, sed omnes resciat precando pro vobis. Iterum cap. iiii. Aliis quidem odor vita in vitam, aliis odor mortis in mortem, ad haec quis idoneus? Alii Cyprianum imitando vixerunt, alii Cypriano invidendo perierunt. Iterum cap. vi. Illi laus, illi gloria, Domino nostro Regi saeculorum creatori, & creatori hominum, qui suo tali Antistite hujus civitatis Ecclesiam ditavit, & tam sancto corpore hujus loci amplitudinem consecravat. Quin autem sermones vel tractatus hi sint Augustini, ut quis dubitet, Possidii non patitur indiculus, cum in eo notetur: De natali sancti Cypriani tractatus quatuor. Cur autem Augustinus de Cypriano tot sermones vel tractatus habuerit, & de Stephano ne unum quidem habuerit, nisi quod pluris in Ecclesia Dei Cyprianus quam Stephanus habitus fuerit?

635 XXI. Augustinus Stephani minus quam Cypriani sententiae patrocinari, qui tria certe noverit, asserere non verebitur. Primum, quod Stephanus haereticorum quorumcunque baptismata, ut iusta & legitima admisit, & in nullo iteranda esse censuit. Id manifeste præ se fert Stephani decretum, & Augustinus mox testatus est.

Deinde, quod sanctus Doctor existimavit haereti-

corum baptismata nec iusta esse, nec legitima, quae in Trinitatis, id est, Patris & Filii & Spiritus sancti, nomine collata non erant. Ea super re cum aliis in locis, tum maxime in tribus perspicue mentem aperit & confirmat suam. In libri iiii. de baptismo contra Donatistas capite xv. Quamobrem si Evangelicis verbis in nomine Patris & Filii & Spiritus sancti Marcion baptismum consecrabat, integrum erat sacramentum, quamvis ejus fides sub eisdem verbis aliud opinantis, quam catholica veritas docet, non esset integra, sed fabulosis falsitatibus inquinata. In libri vi. de eodem baptismo capite xxv. Caterum quis nesciat non esse baptismum, si verba Evangelica, quibus symbolum constat, illic defuerint? In ejusdem libri capite xxxv. i. Plane si non est baptismus Patris & Filii & Spiritus sancti nomine consecratus, haereticorum deputetur, & iniquus à nobis omni contestatione refutetur.

Denique, quod ante Stephani & Cypriani tempus nulli vel pauci admodum fuerunt haeretici, à quibus in nomine Trinitatis, Patris scilicet, Filii & Spiritus sancti nomine, baptisma datum vel acceptum sit: Tunc haeretici vel omnes vel pene omnes aliter baptizabant aut baptizabantur, ut ex Irenaeo in libri i. adversus haereses capite xvi. colligitur. Ante Stephani & Cypriani tempus, dixi; quia post illud tempus haeretici frequentius in Patris & Filii & Spiritus sancti nomine baptizari vel baptizare coeperunt. Sic Augustinus in libri vi. de baptismo contra Donatistas capite xxv. intelligendus est, cum ait: Sed  
636 facilius inveniuntur haeretici, qui omnino non baptizent, quam qui non illis verbis (Evangelicis) baptizent. Sic, inquam, intelligendus est Augustinus, nisi quis velit illum in re historica falli. Ad tempus suum procul dubio respectum habuit. Ad haec tria ut cumulus accedit, quod Stephani decretum hoc: Si quis ergo à quacunque haeresi venerit ad nos, nihil innovetur, nisi quod traditum est, ut manus illi imponatur in poenitentiam, cum ipsi haeretici proprie alterutrum ad se venientes non baptizent, sed communicent tantum; nusquam producit integrum, vel ut illud confirmet, vel ut ex eo quidquid de non iterando haereticorum baptismo differt, confirmetur.

XXII. Beatus Paulinus Nolæ Episcopus in poematibus suis non celebrat Stephanum: Sed Cyprianum celebrat hoc modo in natali xi.

At Carthago potens Cypriano Martyre gaudet,  
Cujus & ore simul profusi & sanguine fontes  
Fecundaverunt Libyes sitientis arenas.

XXIII. Vincentius Lirinensis Stephanum quidem  
637 laudat in commonitorii i. adversus profanas haereticorum omnium novationes capite ix. cum illum virum sanctum & prudentem nominat; sed Cyprianum multo magis laudat in capite xi. cum ait: Quis illud sanctorum omnium & Episcoporum & Martyrum lumen beatissimum Cyprianum cum ceteris collegis suis in aeternum dubitet regnaturum esse cum Christo? Rursus in commonitorii i. capite ii. Sunt ergo hi viri, quorum in illo Concilio (Ephesino) vel tanquam judicum, vel tanquam testium scripta recitata sunt. Et paulo post: Adhibitus est à meridie beatissimus Cyprianus Episcopus Carthaginiensis & Martyr. At nullo unquam in Concilio scripta Stephani vel ut judicis vel ut testis recitata sunt.

Verum non prius hic manum de tabula, quam nonnulla notavero, in quibus ab historica lapsione Vincentius defendi non potest. Sic enim scribit in commonitorii i. capite ix. Neque hoc sane novum: Si quidem mos iste semper in Ecclesia viguit, ut quo quisque foret religiosior, eo promptius novellis adinventionibus contraret. Exemplis talibus plena sunt omnia, sed ne longum fiat, unum aliquod, & hoc ab Apostolica potissimum Sede sumemus, ut omnes luce claris videant; beatorum

638 beatorum Apostolorum beata successio quanta vi semper, quanto studio, quanta contentione defenderit suscepta semel religionis integritatem. Quondam igitur venerabilis memoria Agrippinus Carthaginensis Episcopus, primus omnium mortalium contra divinum canonem, contra universalis Ecclesie regulam, contra sensum omnium confacerdotum, contra morem ac instituta majorum rebaptizandum esse censebat. Quæ præsumptio tantum mali invexit, ut non solum hæreticis omnibus formam sacrilegii, sed etiam quibusdam Catholicis occasionem præbuerit erroris. Cum ergo undique ad novitatem rei cuncti reclamarent, atque omnes quaquaversum Sacerdotes pro suo quisque studio reniterentur: Tunc beata memoria Papa Stephanus Apostolica Sedis Antistes, cum cæteris quidem collegis suis, sed tamen præ cæteris restitit; dignum, ut opinor, existimans, si reliquos omnes tantum fidei devotione vinceret, quantum loci auctoritate superabat. Denique in Epistola, quæ tunc ad Africum missa est, idem his verbis sanxit, nihil novandum, nisi quod traditum est.

Hoc autem in sermone toto consideranda sunt duo. Unum in quo servantur leges historiæ. Alterum in quo negliguntur nonnihil, pace viri tanti dixerim.

639 Primum est sermonis exordium, quo quidquid ad Carthaginensem Synodum, quam Agrippinus habuit, quo quidquid ad Tertulliani & Clementis Alexand. ad Irenæi, & ad Justinii testimonia observavimus, valide confirmatur. Etenim cum Agrippinus Synodum habuit annis ante pluribus quam Stephanus Romanam administraret Ecclesiam, in orbe toto qui resisteret, inventus est nemo. In primis non restiterunt Romani Pontifices, qui Agrippino æquales vel ætate suppres fuere. Tertullianus cum scripsit vel librum de baptismo, vel librum de præscriptione hæreticorum, & horum baptismum omnino abiecit, in orbe toto qui resisteret, inventus est nemo. In primis non restiterunt Romani Pontifices, qui quo tempore vir tantus suos edidit commentarios, vixere. Clementi non restiterunt. Irenæus cum varia hæreticorum baptismata descripsit, & ut absurda repulit, in orbe toto qui resisteret, inventus est nemo. In primis non restiterunt Romani Pontifices, qui quo tempore vir tantus scripsit, clauerunt. Justinus cum baptizandi formam apud Christianos delineavit, & Judæorum baptismum dissipatis cisternis æquavit & rejecit tanquam inutile, in orbe toto qui resisteret, inventus est nemo. In primis non restiterunt Romani Pontifices, qui quo tempore vir maximus scripsit, florere. Quis, quæso, Justinum redarguit? Quis diminutæ circa baptismum doctrinæ accusavit, quod hæreticorum baptismum ut Dominicæ vel Apostolicæ traditionis censum minime prædicaverit?

640 Hæc autem cum ita sint, necessario sequitur, novellis non posse adscribi adinventionibus, quod Agrippinus & cæteri Africani Præsules de baptismo hæreticorum decreverunt, quod Tertullianus & Clemens ante Agrippinum & Carthaginensem Synodum, quod Irenæus ante Tertullianum, quod Justinus ante Irenæum de baptismo hæreticorum tam pacifice traderunt. Cur vero, quidquid id est, novellis adscribi non possit adinventionibus, certo certius colligitur ex illo more, qui semper in Ecclesia viguit, ut quo quisque foret religiosior, eo promptius novellis adinventionibus contrairer.

Alterum sermonis exordium proximum est, & à Vincentio in exemplum assumitur; sed in hoc leges historiæ negliguntur.

I. Stephanus Sedis Apostolicæ Antistes Agrippino nec restitit, nec potuit resistere: Æquales tempore non erant, Stephanus Agrippinum post multos annos & longam ætatem subsecutus est.

II. Agrippinus non fuit omnium mortalium primus, qui rebaptizandum esse censuit. Tertullianus

ante Agrippinum duobus in locis hæreticorum baptismum abjudicat Ecclesiæ, ac proinde censet rebaptizandos seu baptizandos esse hæreticos, cum hi tum primum ad Ecclesiam veniunt. Clemens Alexandrinus Tertulliano æqualis, eundem Tertullianum sequitur. Irenæus ante Tertullianum & Clementem in deridiculo & contemptu ponit varia hæreticorum baptismata, quæ in libri I. contra hæreses capite XVII. late recenset. Justinus ante Irenæum in tradendo Christianorum baptismo rationem nullam habet baptismatis, quod ab hæreticis tunc conferebatur. His autem ita positis, Agrippinus rebaptizandum esse non ita perinde censuit, ac si omni retro versus Apostolos tempore in Africa hæreticorum omnium baptismata probarentur. Sed primus omnium, habito Concilio, majorum traditionem asseruit, cum à nonnullis dubitari cepit, num hæreticorum baptismum 641 iustum ac legitimum foret, necne.

III. Divinus canon nullus rebaptizandos esse prohibebat hæreticos, qui quomodo refert Irenæus, hæreticorum baptismum tradiderint aut acceperint. Divinum canonem intelligo, quem Scriptura sacra vel Apostolica traditio nobis objiciat. Hæc nunquam docet, baptismum ab hæreticis ubicunque & quomodocunque datum, iustum ac legitimum esse. Quinetiam Cyprianus & Firmilianus Stephano Scripturam & traditionem majorum suorum pugnaciter opponunt.

IV. Ante tempus, quo Agrippinus seu Carthaginensis Synodus rebaptizandum esse censuit, universalis Ecclesiæ regula occurrit nulla, quæ ne rebaptizentur hæretici præscribat. Ubi, quando & quare regula hæc constituta esset? Et si qua fuisset tunc regula ejusmodi, tunc ab Agrippino, vel à Carthaginensi Synodo, vel à Tertulliano violata non esset impune. Siquidem, ut ait noster Vincentius, *Mos iste semper in Ecclesia viguit, ut quo quisque foret religiosior, eo promptius novellis adinventionibus contrairer.* Cum venisset Petrus Antiochiam, Paulus in faciem ei restitit, quia reprehensibilis erat: In Epistolæ ad Galatas capite I. Irenæus Victori Papæ restitit, commonens eum non facile debere unitatem collegii scindere, servandam esse cum Polycrate & Asianis pacem, quam Anicetus decessor cum Polycarpo Smyrnenſi servaverat: Eusebius in lib. IV. hist. capite 642 XXIV. Hieronymus in catalogi virorum illustrium capite XLIV. Malchion Antiochenæ Ecclesiæ Presbyter Paulo Samosateno Præsuli sui Artemonis dogma instauranti restitit: Hieronymus in ejusdem catalogi capite LXXX. Athanasius negat decessorem suum Dionysium Arianis favisse, quia quo tempore favisse dicitur, ob id reprehensus non fuit: In libro de sententia Dionysii Alexandrini.

V. Agrippinus contra sensum omnium confacerdotum rebaptizandum esse non censuit, cum id quod censuit, habita multorum Episcoporum Synodo, una omnium voce censuerit. Sacerdotes tunc nulli fuerunt, vel qui in Africa, vel in Ægypto, vel in Oriente, vel in Occidente, atque adeo in ipsa Italia reclamarint. Si Firmiliani ad Cyprianum Epistolam legisset Vincentius, si Dionysii Alexandrini vidisset Epistolas, non scripsisset sine dubio, quod scripsit.

VI. Agrippinus contra morem ac instituta majorum rebaptizandum esse non censuit. Hic mos & instituta majorum simpliciter enunciantur à Vincentio, non probantur, nec probari possunt. Quinetiam Vincentianæ enunciationi majores obſistunt, Tertullianus, Clemens, Irenæus, Justinus, & si qui alii de baptismo & ejus disciplina jam inde ab Apostolicis temporibus usque ad Episcopatum Agrippini tractarunt.

VII. Stephanus Papa non Agrippino, sed Cypriano restitit: Quod erroris genus excusationem nul- 643  
5 M lam



iam habet. Anni jam erant complures, quod Agrippinus obierat, cum Stephanus ad Romanam accessit Ecclesiam.

VIII. Hac in re multo plures Cypriano, quam Stephano complauerunt: Tantum abest, ut undique ad novitatem rei cuncti reclamarent, atque omnes quaquaversum Sacerdotes pro suo quisque studio reniterentur. Novitas quippe non erat quod Vincentius novitatem appellat. Id supra perpensum atque examinatum est. Quis ante Stephanum in ceteris Ecclesiarum partibus inveniet simile quid decreto huic: Si quis ergo à quacunque hæresi venerit ad nos, nihil innovetur, nisi quod traditum est, ut manus illi imponatur in penitentiam, cum ipsi hæretici proprie alterutrum ad se venientes non baptizent, sed communicent tantum?

IX. In summa, hæc non est juris, sed facti quæstio, quæ non præsumpta opinione seu suspitione, sed certis atque evidentibus vetustiorum Agrippino Scriptorum testimoniis dirimenda est, nec adversus Agrippinum unquam hocce modo dirimetur. Exinde verba illa, quibus Auctor caput suum ix. concludit, evanescunt; nempe: Quis ergo tunc universi negotii exitus? quis utique, nisi usitatus & solitus? Retenta scilicet antiquitas, explosa novitas.

Sic igitur è duobus quæ in sermone Vincentii notanda sunt, unum, quia ei sua constat veritas, dissertationi nostræ multum prodest, & non potest obesse: Alterum, quia ei sua non constat veritas, nec obest  
644 reipia, nec potest obesse. Annus erat ab excessu Stephani ducentessimus septuagesimus quartus, cum hoc in Commonitorio scriberet Vincentius. Quo fit, ut quidquid narrat, auctoritate sola præstare non possit. Indiget antecessorum patrocínio, quod penitus deesse ostendimus.

XXIV. Sanctus Maximus Taurinensis Episcopus Stephanum Papam suis in homiliis incelebratum dimisit; Cyprianum vero in duabus celebrandum esse duxit. Mirifica est secunda, in qua sic habetur: In martyrio beatissimi Cypriani, fratres carissimi, universa nobiscum Christi exultat Ecclesia, quam in omne gaudium & celestis eruditione sermonis instruxit, & munere triumphalis sanguinis decoravit. Fuit in eo, sicut compertum habemus, & contra errores diaboli spiritalis sapientia plenitudo, & adversum persecutiones mundi, Christiani pectoris infatigata constantia. Quis hujusmodi virum quantis vellet præconiis prosequatur, cujus eloquentia inspirata divinitus & Ecclesias docuit & sæculum confutavit? Vere hic mirabiliter, atque omnium ubique studiis celebrandus, quem sanctitas Sacerdotem, peritia Doctorem, fides Martyrem consecravit. Infra: Hic est ille Evangelicus paterfamilias proferens de thesauro suo nova & vetera, qui veteris novique Testamenti unum atque idipsum mysterium prædicans, Ecclesias Christi locupletissima disputatione ditavit. Infra: Nec immerito, fratres, tanto cum honore nominis ejus memoria per amplissima mundi spatia celebratur, quia per  
645 universum orbem ad firmamentum fidei & passio ejus & doctrina proficit. Ut ante Mediolani in Italia capite per Ambrosium, sic & nunc Taurini per Maximum Cypriani doctrina & passio prædicantur: Stephani vero Romani Pontificis nec doctrina prædicatur, nec passio. Res est historica, quam persequor.

XXV. Theodoretus cum in exponendis Scripturis, tum in Ecclesiarum historia exercitissimus, non Stephanum, sed Cyprianum sequitur, cum Marcionis rejicit baptismum, quem Stephanus admittit: Qua de re sic ad Constantinopolitanos Monachos scribit in epistola cXLV. Non pro filiis duobus, sed pro unigenito Dei Filio, & contra Græcos, & contra Judæos, & contra Arii atque Eunomii morbo laborantes, & contra eos, qui Apollinarii amentiam sectantur, vel qui Marcionis tabo correpti sunt, certare nunquam destitimus. Et post a-

lia: Mihi vero flere libet ac lugere, quod quæ dudum adversus Marcionis tabe corruptos argumenta protuli, convictosque Dei beneficio plures decem millibus ad sanctissimum baptismum perduxi: Ea nunc in eos, qui fidei nostra creduntur, exorta hæresis proferre cogit. Ecqua enim de his unquam apud Ecclesia alumnos exiit dubitatio? Aut quis sanctorum Patrum doctrinam istam non tradidit? Hujus enim plena sunt Magni Basilii opera, ejusque commilitonum, Gregorii & Amphilochoi, & illorum qui in Occidente doctrina gratia claruerunt, Damasi magna Roma, & Ambrosii Mediolani, & Cypriani Carthagini, qui martyrii etiam coronam pro his dogmatibus adeptus est.

Deinde in libri de hæreticis fabulis quarti capite 1. idem sentit quod supra sentientem vidimus beatum Athanasium. Idem (Arius) gloria decantanda legibus relictis, quas tradiderant, qui ab initio spectatores & ministri Verbi fuerant, aliam formam introduxit, glorificare quos deceperat, docens Patrem per Filium in sancto Spiritu, & divini quidem baptismatis usitatum invocationem mutare propter apertam transgressionem ausus non est. Sed juxta Dominicum præceptum baptizare docuit in nomine Patris & Filii & Spiritus sancti. Baptizare autem juxta baptismatis legem vetuit, licet Deus & Salvator noster non simpliciter baptizare, sed prius docere præceperit. Euntes enim, inquit, docete omnes gentes, baptizantes eos in nomine Patris & Filii & Spiritus sancti. Ex hac autem lege & divini Apostoli, & qui eos secuti sunt Ecclesia Magistri docent eos qui accedunt, credere in nomine Patris & Filii & Spiritus sancti, & quos docuerunt, baptizant in nomine Patris & Filii & Spiritus sancti. Quocirca qui donum adepti sunt, sicut edocti fuerunt & baptizati; sic glorificant Patrem & Filium & Spiritum sanctum. Absurdum enim est eos, qui baptismi donum à sancta Trinitate acceperint, solam gloriam Patri offerre, & inhonoratum Filium ac Spiritum sanctum relinquere.

XXVI. Beatus Petrus Ravennas Episcopus, qui Chrysologi nomen obtinuit, de natali sancti Stephani Papæ & Martyris sermonem non habet; sed habet de natali sancti Cypriani Martyris, & dicit: Quoniam hodie Deo in natali sancti Cypriani Martyris convenimus, in quo vero certamine de diabolo triumphavit, & quia nobis virtutum suarum gloriosum reliquit exemplum, ideo exultare convenit & letari. Sic non tam longe ab urbe Roma siletur nomen Stephani, & longe ab urbe Carthagine Cypriani natale prædicatur.

XXVII. Romana Synodus, quæ libros authenticos ab apocryphis distinxit, Stephani Papæ Epistolis contra Cyprianum & Orientales editis locum nullum dedit; sed, quod mireris, primum locum dedit sancti Cypriani opusculis hoc modo: Jam nunc subjiciendum de opusculis sanctorum Patrum, quæ in catholica Ecclesia recipiuntur; Opuscula beati Cypriani Martyris & Carthaginensis Episcopi. Hic, quod observatione summa dignum est, nulla sit exceptio.

XXVIII. Ennodius Ticinensis Episcopus de Stephano hymnum nullum composuit, de Cypriano egregium composuit, qui sic se habet:

Vatis Cypriani & Martyris  
Cor, lingua, sensus, dignitas,  
Mortem ferendo proferunt.  
Vitalis ictum nex dedit,  
Mucrone parva lux micat:  
Dictis fuit præfulgidus,  
Et ore dives unico.  
Torrentis unda gurgitis.  
Impacta cornu spicula,  
Sermonem vincens promulo.  
Opus verendi pectoris,

*Qui iure Christo reddidit,  
Nunc munus implet pristinum,  
Orator orat, obinet, &c.*

Quæ Cyprianus docuit & fecit Carthagine, celebrantur in Italia; quæ vero Stephanus docuit & fecit Romæ, non celebrantur in Italia. Hæc est mira rerum conversio.

XXIX. Sanctus Fulgentius Ruspensis Episcopus Augustinum imitatur, non prædicat Stephanum, sed Cyprianum prædicat in sermone, quem in illius natali die habuit. *Clarum, inquit, tanti Martyris natalis diem, beati scilicet Cypriani, qui terrenis ac moribundis membris exiit ad æterna præmia vitæ transmigravit, & sacerdotii ejus doctrinam, & martyrii nobis victoriam commendavit. Et paulo post: Erat in memoria doctrina laudabilis, versabatur ante oculos virtus mirabilis, quando tantus Deo servabat quod docuerat, & quid ceteri deberent facere, non tam verbis, sed operibus demonstrabat. Laudatur Cypriani sine ulla exceptione doctrina.*

XXX. Cassiodorus Senator Cypriani laudes semel atque iterum exequitur in libro de divinis lectionibus: Semel quidem in cap. x i x. *Impossibile est omnino complecti, quantum inter alios (præterita ratione baptismatis, quem usus \* gratia repudiavit Ecclesia) conferat beatissimus Cyprianus, velut oleum decurrens in omnem suavitatem lingua composita, Declamator insignis, Doctorque mirabilis. Quantos enim ille dubitantes non pertulit labi, lapsos vero firmissima predicatione solidavit? Confessores ad martyrium ipse perduxit, & ne minor esset predicationibus suis, ipse quoque martyrii corona Domino præstante decoratus est. Iterum in cap. xxviii. Sicut beatus Augustinus in libro de doctrina Christiana meminit, dicens: Nos aspicimus quanto anro & argento & veste suffarcinatur, exiit de Ægypto Cyprianus & Doctor suavissimus & Martyr beatissimus. At de Stephano & de Stephani Epistolis simile nihil scribit.*

XXXI. Athalaricus Rex Italiæ non Stephano, sed Cypriano diem solennem instituit. Institutionis momentum est apud Cassiodorum in libro variarum octavo, num. xxxiii.

Severo v. s. Athalaricus Rex: Sicut incognita velle nosse prudens est, ita comperta dissimulare dementia est, eo præsertim tempore, cum nova res ad correctionem possit celerrimam pervenire; frequenti siquidem probatione didicimus, Lucania conventu, qui prisca superstitione Leucothea nomen accepit, quod ibi sit aqua nimio candore perspicua, præsumptionibus illicitis rusticorum, facultates negotiorum hostili direptione laceratas, ut qui ad natale sancti Cypriani religiosissime venerunt peragendum, mercimoniisque suis faciem civitatis ornare, e-gentes turpiter, inanesque discederent: Hoc non simplici ac facili remedio credidimus corrigendum, ut spectabilitas vestra prædicto tempore, una cum possessoribus atque conductoribus massarum diversarum ad quietem convenientium, anticipata debeat cautela procurare, ut atrocis facti reos inveniat, quos pena consumat. Quod si aliquis rusticorum vel cujuslibet loci homo causas nefariae litis attulerit, inter ipsa initia comprehensus sustinere protinus subdatur ultioni, & pompatus mala nota corrigat, quæ prius occultum facinus excitare tentabit. Est enim conventus iste nimia celebritate festinus, & circumjectis provinciis valde proficiuus. Neque Romæ, neque in Italia quidquam reperies, quo similis honor Stephano Papæ & Martyri decernatur.

XXXII. Facundus Hermianensis Episcopus, utrique Stephano & Cypriano honorem defert; sed Cypriano quam Stephano majorem. Adscribo verba è libri x. capite i i i. Si nemo sapiens Ecclesiam credit hereticam, quia doctrinam beati Cypriani Carthaginensis Episcopi & Martyris laudat; cum ille non solum privatim, ut ei visum est, verumetiam congregato Concilio

definierit, ut omnis hereticus ad Ecclesiam rediens baptizetur, & propter hoc culpatus à Stephano Antistite Romano restiterit, suamque sententiam scribens ad Pompeium quanta potuit humana argumentatione defenderit, injuriose tractans eundem beatum Stephanum, à quo fuerat iure culpatus, quomodo Epistola venerabilis Iba iuste diceretur heretica, quod Theodori doctrinam laudavit. Paulo post: Igitur sicut Ecclesia non approbans beati Cypriani ejusque prædecessoris Agrippini, qui hoc ante statuerat, de baptizandis omnibus hereticis definitionem, non solum ipsos, sed & omnes qui cum illis hoc definierunt, Episcopos Patres adscribit, eorumque fidem atque doctrinam, & maxime Cypriani toto orbe radiantem judicat esse laudabilem. Hæc non indigent commentariis ut intelligantur; sed notandum est Facundum eam inter Stephani & Cypriani sententiam in verbis prioribus comparisonem instituere quæ causæ suæ serviret, id est, ut Iba epistolam unam è tribus capitulis tueretur. Exinde tali occupatus comparatione in libro contra Mocianum ait: Stephani potius, quam Cypriani sententiam tenet Ecclesia. Tunc non recordabatur Stephani decretum hoc esse: Si quis ergo à quacunque hæresi venerit ad nos nihil innovetur, nisi quod traditum est, ut manus illi imponatur in penitentiam, cum ipsi heretici proprie alterutrum ad se venientes non baptizent, sed communicent tantum. Non recordabatur Augustinum de Stephani decreto observasse, quid decreti verba ipsa manifeste præ se ferunt, scilicet quod Stephanus in nullo hereticorum iterandum esse baptismum censeret; non recordabatur Augustinum illud tantum hereticorum recepisse baptismum, quod in nomine Patris & Filii & Spiritus sancti dabatur; non recordabatur Stephanum in Cypriani ad Pompeium Epistola Marcionis admittente baptismum, qui prædictis verbis Evangelicis consecratus non erat; non recordabatur ea quæ ad Arelatenis Concilii canonem viii. & ad Nicæni canonem xix. de Paulianistis ex Athanasio notari poterant, & nos supra notavimus.

XXXIII. Theodoretus ante num. xxiv. tradit Arium docuisse suos discipulos, ut dum baptizarent, in nomine Patris per Filium in Spiritu sancto baptizarent: Qui ritus per miraculum ita reprobatus est in Chronico Victoris Tunnonensis Episcopi. *Patritio & Hypatio Consulibus Barbas quidem Ariani erroris Episcopus, dum præsumit contra regulam super baptizandum dicere: Baptizat te Barbas in nomine Patris per Filium in Spiritu sancto; protinus aqua, in qua futurus erat baptizare, nunquam comparuit; vas vero ipsum, in quo aqua erat, confractum est. Quod considerans, qui baptizandus erat, protinus ad Catholicum currit, & baptismum regulariter sumit. Hinc Stephanus cum hereticorum baptismum sine exceptione ulla, & cum primis Marcionis quondam admisit, baptismum deteriori forma collatum admisit, ut ex Cypriano constat.*

XXXIV. Fortunatus Pictaviensis Presbyter in libri viii. carmine iv. de virginitate, seu potius de beatitudine, post laudatos Apostolos non laudat Stephanum Papam & Martyrem, sed proxime laudat Cyprianum hoc versu.

*Africa Cyprianum, dat Siscia clara Quirinum.*

XXXV. Gregorius Turonensis in libro de gloria Martyrum nihil habuit, quod de Stephano Papa & Martyre observaret; sed de Cypriano Episcopo & Martyre præclara quædam habuit, quæ in capite xciv. sic observaret: Cyprianus beatissimus Carthaginensis Antistes & Martyr salutem sapiens infirmis supplicamibus præstat, in cujus basilica analogus, in quo libro supra posito cunctatur aut legitur, mirabiliter compositus esse refertur. Nam ex uno lapide marmoris totus sculptus adseritur, id est, mensa desuper, ad quam per quatuor gradus ascenditur; cancelli in circuitu, subter



columna, quia & pulpitum habet, sub quo octo persona recipi possunt. Qui nunquam ibi ullo ingenio potuit exhiberi, nisi virtus Martyris præsisset. Deinde in libri I. historiae Francorum capite xxx. Tunc (Valeriano & Gallieno imperantibus) Romanam Cornelius, Cyprianus Carthaginem felici sanguine illustrarunt. In Gallia Cornelius notior fuit quam Stephanus, cum Gregorius Cornelii, non Stephani martyrium adscribat, & Cornelium Cypriano conjungat.

XXXVI. Quo tempore Gregorius magnus Romanam administrabat Ecclesiam, beati Cypriani dies natalis tam celebris erat Romæ, ut ille tractandis negotiis tanquam terminus apponatur. Id Pontifex in libri XII. epistola xxx. ad Petrum Subdiaconum Siciliæ significat. *Stude, inquit, si Deo placuerit, ut in hanc urbem ante natalem beati Cypriani transas.* Non dicit, ante natalem Cornelii: Etiam si vel commune fuerit, ut in libro sacramentorum ejusdem Gregorii legitur; vel speciale utriusque, Cornelii nempe & Cypriani, officium, ut ex laudata Epistola probari posset: Sed quia Gregorius in tali rerum & personarum conditione non dicit, ante natalem Cornelii, aut saltem ante natalem beati Cypriani & Cypriani; multo minus diceret, ante natalem Stephani. Hoc autem quantus in Romana Ecclesia Cyprianus audierit præ Cornelio & Stephano, perspicue demonstrat.

XXXVII. Idem Gregorius Papa sacramentorum librum edidit, vel à decessoribus editum adauxit: In quo qualiter Missa Romana celebrabatur, exponit. In præfatione seu canone Cyprianus ponitur, non ponitur Stephanus, qui tam acriter cum Cypriano disputavit: *Te igitur, clementissime Pater, per Jesum Christum Filium tuum Dominum nostrum, &c. commemorantes & memoriam venerantes, in primis gloriosa virginis Mariæ genetricis Dei & Domini nostri Jesu Christi; sed & beatorum Apostolorum & Martyrum tuorum Petri, Pauli, Andrea, Jacobi, Joannis, Thome, Jacobi, Philippi, Bartholomæi, Matthæi, Simonis, Thaddæi, Lini, Cleti, Clementis, Sixti, Cornelii, Cypriani, Laurentii, Chrysogoni, Joannis & Pauli, Cosmæ & Damiani, & omnium Sanctorum.* Quis autem præfationem hanc seu canonem temere, non consilio exaratum asseverare auderet?

XXXVIII. Quod hic de Romana observamus Ecclesia, id de cæteris observare debemus Ecclesiis, quæ præfatione Romanæ Missæ utuntur, & ab eo usque sunt tempore, quo præfatio conscripta est & recitari cæpit. Hinc efficitur ut dubitari merito nequeat, quin tam in Romana quam in Occidentalibus Ecclesiis Cyprianus pluris, quam Stephanus æstimatus semper fuerit.

XXXIX. In eodem Gregorii sacramentorum libro Stephani festum IV. nonas Augusti præfationem non habet; sed Cornelii & Cypriani festum XVIII. Calend. Octobris præfationem habet hujusmodi: *Vere dignum & justum est, æquum & salutare, Nos tibi semper & ubique gratias agere, Domine sancte Pater, omnipotens sempiternus Deus, tuamque in sanctorum tuorum Cornelii simul & Cypriani festivitate prædicare virtutem, quos diversis terrarum partibus greges sacros divino pane pascentes, una fide, eademque die pari nominis tui confessione coronasti. Per Christum.* Cyprianus in hac præfatione par cum Cornelio fortitur e-logium: Uterque greges sacros divino pane, id est, doctrina sacra pavisse, & in una fide martyrium implevisse dicitur. At Stephanus non ita laudatur, & cum non ita laudetur, signum est evidens Cyprianum in Romana Ecclesia tunc fuisse tractatum aliter, ac nunc à quibusdam è Schola Theologis tractatur; excusare tamen se utcumque possunt, quod ista prorsus ignorent: Notandum tamen est ne quis me *xp̄i-leus* accuset, in sacramentorum libro quem Grimoldus

Abbas quondam recensuit, Cornelium & Cyprianum præfatione hac vel simili carere. Enimvero si libri sacramentorum Romana præferenda esset editio, quæ Gregorio XIII. Pontifice accurata est, me vide Cornelii & Cypriani in doctrina & fide consortium ita describitur, ut ad statuendum hac in parte inter Cyprianum & Stephanum discrimen aditum omnem intercludat.

XL. Gregorius cum de admittendis in Ecclesiam hæreticis tractat, non dicit, sicuti Romani Pontifices consueverunt dicere: Nos Stephani Papæ & Martyris decessoris nostri vestigiis inhærendo, statuimus quod ille statuit. Si quis ergo à quacunque hæresi venerit ad nos, nihil innovetur nisi quod traditum est, ut manus illi imponatur in penitentiam, cum ipsi hæretici proprie alterutrum ad se venientes non baptizent, sed communcent tantum. Gregorius hoc non dicit: Illius verba sunt in libri IX. epistola LXI. ad Quirinum & alios, non Hiberniæ, ut in vulgata editione, sed Iberiæ, ut in manuscriptis, Episcopos. *Quia caritati nihil est longe, quos dividunt loca, jungat Epistola.* Lator itaque præsentium ad beati Petri Apostolorum Principis limina veniens fraternitatis vestra se asseruit ad nos Epistolam accepisse, easque in Hierosolymorum urbe cum rebus quoque aliis perdidisse, in quibus, sicut ipse ait, studuistis inquirere, Sacerdotes ac plebes, quæ Nestoriana hæreseos errore confusa sunt, cum ad matrem electorum omnium catholicam Ecclesiam revertuntur, utrum deberent baptizari, an certe solius veræ fidei confessione ejusdem matris Ecclesiæ visceribus adjungi. Et quidem ab antiqua Patrum institutione didicimus, ut qui apud hæreticos in Trinitatis nomine baptizantur, cum ad sanctam Ecclesiam redeunt, aut unctione chrismatis, aut impositione manus, aut sola professione fidei ad sinum matris Ecclesiæ revocentur. Unde Arianos per impositionem manus Occidentis; per unctionem vero sancti chrismatis ad ingressum sanctæ Ecclesiæ catholica Oriens reformat: Monophysitas & alios ex sola veræ confessione recipit, quia sanctum baptisma, quod sunt apud hæreticos consecuti, tunc in eis vires emendationis recipit, cum vel illi per manus impositionem Spiritum sanctum acceperint, vel isti propter professionem veræ fidei sanctæ & universalis Ecclesiæ visceribus fuerint uniti. Hi vero hæretici, qui in Trinitatis nomine minime baptizantur, sicuti Bonosiani & Cataphrygæ, quia & illi Christum Dominum perverso sensu esse quendam parvum hominem Montanum credunt, quorum similes multi sunt; & alii tamen cum ad sanctam Ecclesiam veniunt, baptizantur, quia baptisma non fuit, quod in errore positi in Trinitatis nomine minime perceperunt. Nec potest hoc ipsum iteratum dici baptisma, quod, sicut dictum est, in Trinitatis nomine non erat datum. Nestoriani vero, quia in sancta Trinitatis nomine baptizantur, sed eos Judaica perfidia similes, Incarnationem Unigeniti non credentes, suæ hæreseos error obscurat; & ideo ad sanctam Ecclesiam venientes veræ fidei firmitate & confessione docendi sunt, ut unum eundemque Dei & hominis Filium Deum Dominum nostrum Jesum Christum credant, ipsum existentem in divinitate ante sæcula. In hac quæ Gregorius ad recipiendos hæreticos præscribit, forma hæreticorum baptismata universa, excepto eo quod in Trinitatis nomine confertur, rejicit, & eam ob causam minus à Cypriano quam à Stephano recedit. Id facile perspiciet, qui quod de hæreticorum baptismo Cyprianus & Stephanus sentiunt, inter se comparabit.

Cæterum rationis hujus initio notavi Gregorium, cum de admittendis in Ecclesiam hæreticis tractat, non dicere, quemadmodum dicere consueverunt Romani Pontifices: Nos Stephani Papæ & Martyris decessoris nostri vestigiis inhærendo, statuimus quod ille statuit. At istud non dixit: Sed dicere facile potuit, si fecisset quod quidam è Schola Theologi faciunt. Hi enim nec ad Stephani tempus, nec ad pug-

natam inter Stephanum & Cyprianum pugnam, nec ad pugnae hujus conditiones ullatenus respiciunt, sed ad hodiernam tantum disciplinam, & ad doctrinam ac placita sua, de quibus Stephano Pontifici, ne suo videatur errasse iudicio, per summam, non gratiam, sed ἀντιστοιχίαν accommodant, & continuo prae se ferunt, certiora esse quae imaginantur & jaciunt in commentarios, quam quae apud Sagram; scilicet non aliud à Stephano haereticorum admissum esse baptismam, quam juxta ritum Ecclesiae in Trinitatis nomine collatum existimant, quia haeretici quos norunt, non aliter baptizant. Tantum in isto hominum grege opinio praedjudicata potest, ut pervelint aliquando suam sine ratione auctoritatem valere. De priscis haereticorum in baptizando moribus nihil cogitant, nihil unquam fortassis degustarunt. Hæc est perversa illorum, quos, si opus esset, facile nominarem, sapientia. Gregorius non sic se gerit, quia sic se gerere, veritate salva, non potuit. Intelligebat vir prudens Stephani decretum capiendum esse cum ex propriis illius verbis, quae nuda sunt, & perspicua; tum ex Epistolis, quas Cyprianus ea super re conscripsit. Intelligebat circumspexit Pontifex *dicentis intentionem*, ubi non apparet, cum jam persona defuncta est, ex communione religiosius estimari, ut Facundus Hermianensis Episcopus tradit in libri x. pro defensione trium capitulorum capite v. Pontifex abjecta usque adeo praepostera & dicendi & docendi methodo, Stephani decretum in praeteritis relinquere maluit, quam quod Stephani decreto quadrare nequit, perperam asserere.

659 XLI. Fuerunt in Gallia, qui post Gregorii tempus Missae praefationem, Hilarii, Martini, Augustini, Gregorii, Hieronymi & Benedicti nominibus auxerint, sed Stephani Papae nomine non auxerint: Iis tanti non fuit Stephanus, quanti Hilarius, Martinus, Augustinus, Gregorius, Hieronymus & Benedictus. Quidquid in causa, sic se habet praefatio, quæ in Gregorii libro sacramentorum ex Missali manuscripto sancti Eligii prodiit. *Te igitur, clementissime Pater, &c. Communicantes & memoriam venerantes, in primis gloriosa semper Virginis Mariae genitricis Dei & Domini nostri Iesu Christi; sed & beatorum Apostolorum ac Martyrum tuorum Petri, Pauli, Andreae, Jacobi, Joannis, Thomae, Jacobi, Philippi, Bartholomaei, Matthaei, Simonis & Thaddaei, Lini, Cleti, Clementis, Sixti, Cornelii, Cypriani, Laurentii, Chrysogoni, Joannis & Pauli, Cosmae & Damiani, Hilarii, Martini, Augustini, Gregorii, Hieronymi & Benedicti, & omnium Sanctorum.*

660 XLII. Inter antiquas Missae praefationes numero centum & tredecim, nulla est pro Stephano Papa & Martyre, sed pro Cornelio & Cypriano. Hæc est: *Aeternae Deus, tuamque in sanctorum Cornelii & Cypriani festiuitate predicare virtutem, quos pro diversis terrarum partibus greges sacros divino pane pascentes, una fide eadem die pari nominis tui confessione coronasti. Per Christum.* De his autem praefationibus Galterus Ruys a Gravia, Ordinis Praedicatorum Theologus, in Epistola, qua illarum libellum Provinciali suo nuncupat, sic loquitur: *Invenimus in collegio beati Stephani Martyris gratia dominorum Canoniorum volumen ornatissimis literis descriptum, & venerabilem antiquitatem contestans. Ex quo hunc praefationum libellum descriptum tibi, reverende Pater, dedicare volui.*

Præterea libellus idem vel alius similis extat inter Pamelii Liturgica, in quibus eadem est pro Cornelio & Cypriano praefatio; sed pro Stephano Papa nulla legitur.

661 XLIII. Synodus Quinisexta in can. 11. ubi vetustos canones confirmat, quod Stephanus contra Cyprianum & Carthagenensem Synodum decrevit, non confirmat; sed quod Cyprianus & Carthagenensis Sy-

nodus contra Stephanum statuerunt, confirmat hoc modo: *Præterea vero & à Cypriano, qui Afrorum regionis fuit Archiepiscopus & Martyr, & Synodo quæ sub ipso fuit, emissum canonem, qui in praedictis Praesulum locis secundum consuetudinem eis traditam servatus est (obsignamus.)* Hac in materia Synodi Quinisextæ Patres Stephano Cyprianum tacite anteponunt.

XLIV. Venerabilis Beda in libro de sex ætatibus mundi, Stephanum & Cyprianum aliter atque aliter appellat. *Hæc, inquit, persecutione (Valeriani) Cyprianus Carthagenensis Episcopus, cujus doctissima scripta extant, martyrio coronatur.* Et paullo post: *Stephanus & Xistus, Romani Episcopi martyrium passi.* Cypriani scripta laudat, eaque vocat doctissima. Decretum Stephani, vel exaratas ab eo de non rebaptizandis haereticis epistolas non laudat: Tantum abest ut nominet doctissimas, vel eis insignem aliquem vindictæ religionis titulum attribuat.

XLV. In Ephemeride, quæ est apud Bedam, ingens Stephanum inter & Cyprianum discrimen statuitur. In mense Augusto:

*Nonarum Stephanus, Martyrque & Papa beatus.*

In mense Sept.

*Corneliusque suam virtute & sanguine Romanæ Antistes fulcit, & Cypriano lata coruscet Carthago insigni Doctore & Martyre, totum Ecclesia scribingit cujus sacra dicta per orbem.*

662

Insignis Doctor non dicitur Stephanus, sed Cyprianus, cujus dicta totum per orbem ab Ecclesiis prædicantur. De Stephani dictis seu epistolis tacetur.

Porro, in Ephemeride apud Bedam, dixi, quia num Beda sit auctor illius, nonnihil dubito. Nam Ephemeridis dies pleni sunt omnes, & pleni non sunt dies omnes Martyrologii, quod certissime conscripsit. Martyrologium ab Ufuardo, non Ephemeris laudatur.

XLVI. Alcuinus Stephano Papae locum in suis poematibus nullum tribuit, sed aliquem Cypriano tribuit in poemate cclii.

*Scriptor Evangelicus servet hanc Mattheus arcem, Cornelius Praesul, Romana & Martyr in arce, Et decus Afrorum Cyprianus Martyr & ille.*

XLVII. Theodulfus Aurelianensis Episcopus in carminum libro iv. multorum Patrum laudes persequitur. Sed inter eos Stephanus Papa non eminet, Cyprianus eminet.

*Namque ego suctus eram hos libros legisse frequenter, Exiit ille mihi nocte dieque labor. Sape & Gregorium, Augustinum perlege saepe, Et dicta Hilarii, seu tua, Papa Leo. Hieronymum, Ambrosium, Isidorum fulvo ore Joannem, Inclyte seu Martyr te Cypriane pater.*

XLVIII. Imperante Carolo Magno, Cypriani reliquæ translatae sunt Carthagine in Gallias, & Lugduni summa cum veneratione & cultu susceptæ. Id testatur Ado Viennensis in Martyrologio xvi. Calend. Augusti. *Horum, inquit, (Martyrum Scyllitanorum) reliquæ cum ossibus beati Cypriani, & capite sancti Pamaleonis Martyris ex Africa in Gallias translatae venerantur Lugduni in basilica beatissimi Joannis Baptiste.* Tum ad xviii. Calen. Octobris: *Post multa vero curricula annorum gloriosissimo Carolo Francis imperante contigit legationem Francorum ferentibus, illustres ac sapientia circumspectos legatos transire per Africam fecisse. Hi cum Carthaginem dirutam & loca venerabilia sanctorum Martyrum, revertentes à Rege Persarum Aaron,*



Aaron, qui, excepta India, totum pene tenebat Orientem, vidissent facile sibi conciliato Principe ac favorem in re tali præstante pro magno munere rogaverunt, ut ossa beati Cypriani eis ferenda permitteret. Quod ille non magni ducens, continuo postulata concessit, utique pio Imperatori, cujus gratiam omnium, qui in toto terrarum orbe erant, Regum ac Principum amicitia præponeret, ipsi ea ferrent libenter assensit. Cumque venerabiles legati ingentia dona, Martyrum scilicet reliquias ferentes (nam beati Sperati Martyris membra, qui unus fuit ex XII. illis præclarissimis Martyribus Scyllitanis; caput etiam Martyris gloriosi Pantalconis secum, cum beatis ossibus Cypriani habebant) reverterentur, prosperis usi velis tandem pervenerunt Arelatem, ubi sacra Martyrum membra signata interim relinquentes, legationem suam glorioso Imperatori renuntiare festinarunt, & ut animum Regis amplius sibi de legatione strenue perfecta conciliarent, inter alia de Sanctorum reliquiis ab Africa deportatis ejus animos attollunt. Unde ille plurimum laetus eas tandem apud Arelatem digna veneratione reservari jussit, donec ipse magno aliquo opere in regno suo templum conderet, ubi tam pretiosum pignus ingenti cultu & ornatu reponeret; sed ejus cogentibus causis, dum opus tardius construitur, occasionem nactus Leidradus venerabilis Lugdunensis Episcopus gloriosum Imperatorem rogavit, ad civitatem suam deferre beata ossa Martyrum ei liceret. Annuit Imperator, sed & isdem oculus votum suum prius perficit, cum honore infra civitatem Lugduni deportata sunt, ibique in majori Ecclesia beati Joannis Baptista & sancti Martyris Stephani aliquanto tempore custodita, & ad defensionem civium, Deo id misericorditer operante, & Imperatore jam votum suum de adificatione templi in longe alia transferente, sanctus Episcopus beatissimas reliquias gloriosorum Martyrum in prædicta Ecclesia post venerabile & sacrum altare decentissima sepultura recondidit, ac posteris civibus suis profutura honorabiliter commendavit. Sed post interposito tempore, regnante glorioso Carolo Rege Ludovici Imperatoris filio, iterum reliquiae beati Cypriani ad Monasterium novum, quod idem Rex Augusto opere construxit, in Compendio palatio suo eo jubente translatae sunt. At Stephani Papæ reliquiae nusquam Roma translatae sunt alio, & ob id celebri veneratione cohonestatae.

XLIX. Agobardus Lugdunensis Episcopus reliquiarum translationem carmine cecinit, ex quo nonnullos versus juvat excerpere.

*Hic dum basilicas Deo dicatas,  
Et Christi subeunt verenda templi,  
Cernunt, ut tua, Cypriane Martyr,  
Servaret locus neglectus ossa.*

Infra :

*Illic (Arelate) eximias opes ovanti  
Deponunt animo, stupente portu  
Terrenis solitos patere fluctus  
Caelestes subito tulisse gazas.  
Quod mox comperit optimus Sacerdos  
Lugduni placidam tenens cathedram,  
Solerti studii calore flagrans,  
Intentusque sacris rebus ubique  
Leidradus, prece supplicis serenum  
Regem postulat, impetratque raptim,  
Ut rite sacra Martyrum piorum  
Nostris manibus ossa conderentur.  
Et nunc ad placidam Joannis aram  
Qui Christum vitrea aspergit unda,  
Dignis cultibus & honore claro  
Florens, inclite Cypriane, dormis.*

Infra, de Cypriani lingua :

*Hanc Christus jugiter benignus audit  
Vel sacro populos stilo excitantem*

*Heresesque pravas, falsosque deos  
Verbi fulmine funditus cremantem.  
Hanc & pro populo & patrono nostro  
Semper quasumus audiat rogantem,  
Pastorem foveat, gregem propaget,  
Det munus fidei Deus salutis.  
O doctor sacer, o beate martyr,  
Serva Pontificem pius Agobardum,  
Qui nomen, meritum, tuumque festum  
Dictis extulit, & honore compfit.*

666

Quis unquam talia de Stephano cecinit? Quis illius proinde ut Cypriani festum instituit, & aliquo carmine cohonestavit? Igitur Cyprianus pluris, quam Stephanus in Ecclesia habitus est. Quod lemma præcipuum mihi sumpsi.

L. Hincmarus Remensis Episcopus in libri de Prædestinatione capite 111. Stephanum & Cyprianum aliter atque aliter laudat. Scimus, inquit, sanctum Cyprianum aliter de hæreticorum baptismo sensisse, quam sanctus Stephanus Romana Ecclesia Pontifex senserit, & nunc sancta Ecclesia teneat: Tamen inter Catholicos computari Doctores. Iterum in cap. xxv. Cyprianus quoque Doctor mirificus & Martyr magnificus in libro de oratione dominica, &c. Cyprianum mirificum Doctorem appellat. Stephanum non appellat. Cæterum cum ait, nunc sancta tenet Ecclesia quod de baptismo sensit Stephanus, Stephani decretum haud legisse se significat. Fortassis opinione vulgi raptus est in errorem, qui veritati nocere minime debet: Non enim quod de baptismo hæreticorum sensit Stephanus, sed quod Arelatenensis synodus prima, & secutus hanc synodum Gregorius I. senserint, nunc sancta tenet, & ævo Hincmari tenuit Ecclesia.

LI. Anastasius sedis Apostolicæ bibliothecarius in vita Stephani Papæ aliarum ejus constitutionum meminit: Sed non meminit illius, quæ ad hæreticorum baptismum pertinet. Decretum istud omnino fileat, quasi qui Romæ scribunt, illud eloqui non auderent, vel etiam erubescerent. Anastasium imitatus esset Hincmarus, si tam probe novisset decretum Stephani, quam probe noverat Anastasius Hincmari æqualis, & rerum à Romanis Pontificibus gestarum peritior.

LII. Calendarium quod sub Romani nomine Joannes Fronto Cœnobii S. Genovesæ Paris. Cancellarius, juris publici fecit. In eo ponitur die xxix. Junii: Natale Apostolorum Petri & Pauli. Deinde ponitur: Hebdomada I. II. III. IV. V. & VI. post natale Apostolorum. Sic die xiv. Septembris ponitur: Natale sanctorum Cornelii Pont. & Cypriani. Et continuo subiungitur: Hebdomada I, II, III, IV, V. & VI, post natale S. Cypriani. Sed non ponitur: Hebdomada post natale SS. Cornelii & Cypriani, vel post natale S. Cornelii; vel multo minus suo loco ponitur: Hebdomada post natale S. Stephani Papæ & Martyris. Hæc autem si considerentur attentius, majoris apud Romanam Ecclesiam pro Cypriano, quam pro Stephano vel etiam Cornelio existimationis testimonium important.

LIII. Quod hoc in Calendario extat, hoc ipsum reperitur in Remensis Ecclesiæ codice MS. cujus argentei sunt characteres, nobilissimæ vetustatis indices. Ut post festum Apostolorum Petri & Pauli Dominica I, II, III, IV, V, & VI, notantur, sic & post sancti Cypriani festum Dominica quæ sequuntur usque ad festum sancti Andreæ Apostoli, notantur I, II, III, IV, V, & VI, post festum sancti Cypriani. Cyprianus hac in parte Petro & Paulo æquatur, & Stephano, cui simile nihil adscribitur, superior est. Sic non tantum Romæ, sed etiam Remis Cyprianus majoris quam Stephanus æstimatur.

LIV. Ro.

671

LIV. Romana Ecclesia in veteribus Litanis, quas Romanus ordo continet, Cyprianum invocat, Stephanum non invocat. *Sancte Line, S. Cleto, S. Clemens, S. Sixte, S. Cornelio, S. Cypriane, ora pro nobis.*

LV. Romanam Ecclesiam plures sequuntur Galliarum Ecclesiarum, in quibus similes Litanie decantantur.

Lugdunensis in Rituali libro, qui anno M.D. XLII. & M.D. LXII.

Lingonensis in Rituali libro, qui anno M.D. LXIII.

Viennensis in Rituali libro, qui anno M.D.

Turonensis in Rituali libro, qui anno M.D. LXX.

Nannetensis in Rituali libro, qui anno M.D. LX.

Bituricensis in Rituali libro, qui anno M.D. LXIX.

& M.D. LXXXVIII.

Aniciensis in Rituali libro, qui anno M.D. XXVII.

Lemovicensis in Rituali libro, qui anno M.D. LV.

Burdgalensis in Rituali libro, qui anno M.D. LXI.

Piæaviensis, Lucionensis, & Malleacensis in Rituali

libro, qui anno M.D. LXXXII. & M.D. XCIII.

Mimatensis in Rituali libro, qui anno M.D. XXX.

Uticensis in Rituali libro, qui anno M.D.

Magalonensis in Rituali libro, qui ann. M.D. XXXII.

Aquifextiensis in Rituali libro, qui ann. M.D. LXVII.

Meldensis in Rituali libro, qui anno M.D. XL.

Suessionensis in Rituali libro, qui anno M.D. XXXV.

Bellovacensis in Rituali libro, qui anno M.D. XLIV.

Noviomensis in Rituali libro, qui anno M.D. LX.

Atrebatensis in Rituali libro, qui anno M.D. LXII.

Metensis in Rituali libro, qui anno M.D. XLII. &

M.D.C.V. editus est.

Cameracensis in Rituali libro MS.

Atqui hæ sunt illustriores in Galliis Ecclesiarum Romanum ordinem eo secuta modo quem supra exhibuimus. In recentioribus Romanæ Ecclesiarum Litanis, ut Stephanus, sic & Cornelius & Cyprianus præmittuntur. Quo autem id factum fuerit consilio, me latet: Ne fortassis ex hoc precum genere Cyprianus plures quam Stephanus æstimatus iudicaretur. Sed frustra, quia Cyprianus in Missæ canone remansit: Quidquid id est, privatorum quorundam hominum sententia, non publico sedis Apostolicæ iudicio, cui resistendum non esset, accidisse credimus. Exinde quod argumentum ex veteribus Romani ordinis & conspirantium cum illo tot Ecclesiarum Litanis ducitur, aut duci potest, vim ac robur non amittit.

LVI. Notkerus Monachus Monasterii sancti Galli in martyrologio suo i.v. Nonas Augusti, brevium vitæ sancti Stephani Papæ & Martyris conficit, in quo variarum illius constitutionum meminit, & plures ab eo baptizatos fuisse dicit. Sed ne verbo quidem attingit constitutionem, quæ ne quis à quacumque hæresi veniens ad Ecclesiam baptizetur, vetuit, id traditioni tribuens, & confirmans exemplo hæreticorum, qui licet ab una secta transirent ad aliam, se se non rebaptizabant. Notkerus, inquam, ne verbo quidem decretum hoc attingit, quia post Stephani migrationem ab Romana Ecclesia vindicatum fuisse non compererat.

LVII. Petrus Damianus Ostiensis Episcopus & Cardinalis, de Stephano Papa & Martyre sermonem habet sat longum; sed eum minime laudat ab eo certamine, quod cum Cypriano de hæreticorum baptismate instituit: Non laudat ab ea sanctione, qua ne à quacumque hæresi ad Ecclesiam venientes rebaptizentur, vetuit, & sequendum ea in re hæreticorum se invicem non rebaptizantium exemplum proposuit. Atque ex hoc vel uno capite apparet, quanto Romæ in neglectu erat decretum, quod Stephanus de non rebaptizandis quibuscumque hæreticis ediderat.

LVIII. Leo IX. ut adversus Gummitanum Episcopum Carthaginensis Metropolitani jura tueatur, Concilium quod Cyprianus habuit, usurpat in Epistola i.v. ad Joannem & Petrum Episcopos. *Adversus Gummitanum Episcopum dignitatem Carthaginensis Ecclesie defendistis, quia sine dubio post Romanum Pontificem primus Archiepiscopus & totius Africa maximus Metropolitanus est Carthaginensis Episcopus, siue deserta jaceat Carthago, siue resurgat gloriosa aliquando. Hoc ex Concilio beati Martyris Cypriani, hoc ex Synodis Aurelii, hoc ex omnibus Africanis Conciliis . . . aperte monstratur.* Hic Pontifex eam in confirmandis Carthaginensis Ecclesie juribus diligentiam adhibet, ut argumentum ex præfatione Concilii, cui beatus Cyprianus præfuit, repetere non dubitet: Adeo non istam execretur præfationem, ut eam Joannes cognomento David, auctor recentior nuper execratus est.

LIX. Paschalis II. in Epistola i.x. ad Pontium Cluniacensem Abbatem: *Scribens, inquit, ad Cæcilium beatus Cyprianus ait: Quando, &c. Igitur in sumendo corpore & sanguine Domini juxta eundem Cyprianum Dominica traditio servetur.* At neque Paschalis, neque illius decessor, aut illius successor edixit unquam, ut Stephani Papæ decretum, quale à Cypriano recensetur, in auctoritatem admittatur, aut memorata in eo traditio servetur.

LX. Ordericus Vitalis in Ecclesiasticæ historiæ libro i. Cypriani scripta laudat; Stephani vero scripta vel decreta non laudat. *Hæc, inquit, persecutione (Valeriani & Gallieni) Cyprianus Carthaginensis Episcopus, cujus doctissima extant opuscula, martyrio coronatur.* Et paulo post: *Stephanus & Xistus Episcopi Romæ passi sunt.*

LXI. Lucius III. in libri v. decret. tit. xxxii. de novi operis nuntiatione: *Lucius III. Paduano Episcopo. Intelleximus ex literis tuis, quod cum causa vertitur in Priorem sancti Cypriani & Clericos de Rodigio super Capella, &c. Fuisse Paduæ monasterium S. Cypriano dedicatum colligitur ex hoc titulo, quem Gregorius nonus confirmat: Sed nusquam, quod apparet, sancto Stephano Papæ monasterium in Italia consecratum est.*

LXII. Beati Isidori Breviarium, quod Toleti anno M.D. II. in lucem prodit, hymnum de S. Stephano Papæ non habet; sed de S. Cypriano habet, & ille est hujusmodi.

*O decus orbis, o doctor unice veritatis magister,  
Catholica Catholicorum doctor Ecclesia,*

*Cypriane Martyr sanctissime, qui Christum & voce predicando, & sanguine & lingua amixtus, & passione monstraris esse conspicuus. Dumque doceres, agis; & quæ agis, posteris docendo derelinquis: In utroque admirabilis & praeclarus. Dum & Doctor mirificus & Martyr agnosceris gloriosus: Dum & doctrina clarus in saeculo, & de effuso sanguine letaris in cælo: Te quaesumus, te rogamus, rege, fove, instrue nos, tuis semper suffragiis pariter & doctrinis imbue ore nescios, precibus tuere infirmos, verbis doce, quod agere debent meritis obtine, quo possimus intrare illic; riga ignorantiam verbis; hic continuis fragilitatem nostram foveto suffragiis, ut per Deum unum in Trinitate perfectæ, quam tu & doctrina prædicasti & sanguine, nos & doctorum tuorum fructus hic libentius hauriamus, & meritorum tuorum gaudiis post tramitem juvæmur per ipsum qui nos docuit, amen dicere, Pater noster.*

*Oratio. Christus Dominus, qui beatissimum Cyprianum Ecclesie tuæ præfulem, quem doctrina magisterio clarum, & martyrio fecit esse conspicuum, impleat vos, & gratia sanctæ doctrinæ, & amoris tui opulentia & dulcedine.*  
*Amen.*



*Amen. R. Ut & in verbis Martyris correptionem vita integram assumatis, & in exemplis ejus adipiscamini, quod vos heredes efficiat in celestibus regnis. Amen. R. Quo & per ejus doctrinam peccatorum a vobis rubigo effugiat, & per ejus suffragia vita vobis commendetur aeterna.* At de Stephano Papa & Martyre hymnus talis nullus unquam compositus, aut decantatus fuit. Porro in privata Breviarii hujus rubrica ponitur: *Jejunium observatur tribus diebus ante festum S. Cypriani.* At jejunium istud licet, opinor, sit quatuor temporum; id tamen certæ cuidam beati Cypriani gloriæ vertitur, quod jejunium quatuor temporum ita notetur, cum aliis ita notari potuerit: *Jejunium observatur tribus diebus*

674 *ante festum sanctorum Cornelii & Cypriani.* Quod factum non est, cum in rubrica Cornelii nomen suppressum sit. Porro Breviarium dicitur *Musarabicum*, & secundum regulas beati Isidori inscribitur, Francisci Card. Ximenii opera & studio impressum.

LXIII. Quanti vero Cyprianus ineunte sæculo posteriori fuerit, nos docet Leo X. in Constitutione, qua Lutheri propositiones proscripsit. *Sanctorum*, inquit, *Patrum declarationibus, Conciliorum quoque & summorum Pontificum ordinationibus, seu canonibus non obtemperare, omnium hæresum & schismatum, teste Cypriano, fomes & causa semper fuit.* Hæc uti jacent, apud Cyprianum non extant; sed fecit viri tanti celebritas, ut ei potius quam ulli decessorum, puta Stephano Papæ & Martyri, illa tribueret, quæ Cyprianus nusquam dixit.

LXIV. In vetere Breviario Rom. quod Venetiis anno M. CCCCLXXVII. & Parisiis anno M. D. XLIII. editum est, de Stephano Papa & Martyre lectiones sunt numero sex, & ibi quos baptizaverit, quæ docuerit, & quæ decreverit, narrantur. Sed inter ea omnia decretum de non rebaptizandis hæreticis omnino siletur. De Cypriano lectiones sunt quoque numero sex, in quibus & Cypriani martyrium, & reliquæ illius in Galliam translata celebrantur.

LXV. In Ambrosiano Missali, quod anno M. XLVIII. typis mandatum est, sit tantum Stephani Papæ & Martyris commemoratio. Cornelii & Cypriani festum semiduplex est, in quo præfatio hæc habetur: *Eterne Deus, tuamque in sanctorum tuorum Cornelii* 675 *simul & Cypriani festivitatem predicare virtutem, quos dispersis terrarum partibus greges sacros divino pane pascentes una fide eademque die pari nominis tui confessione coronasti. Per Christum.* Præfatio hæc, ut jam vidimus, ex pristina Ecclesiæ traditione descendit; quo tempore Stephani decretum, prout tale, defensores nullos habuit, & Cypriani fama orbem totum impleverat.

LXVI. Mediolanenses Stephano Papæ & Martyri basilicam nullam erexerunt; Cypriano Carthaginensi Episcopo basilicam erexerunt: Basilica hæc antiquæ & egregiæ pietatis opus est.

LXVII. In Romano Breviario, quod Clementis VIII. primum, deinde Urbani VIII. auctoritate recognitum est, decretum quidem de non rebaptizandis hæreticis refertur, sed non tale, quale ab Stephano conditum est. Sic autem refertur in lectione II. *Baptizatos ab hæreticis iterum baptizari vetuit, rescribens sancto Cypriano verbis illis: Nihil innovetur, nisi quod traditum est.* At Stephani decretum aliter prorsus se habet in rescripto ad Cyprianum. Est autem hujusmodi: *Si quis ergo a quacumque hæresi venerit ad nos, nihil innovetur, nisi quod traditum est, ut manus illi imponatur in penitentiam, cum ipsi hæretici proprie alterutrum ad se venientes non baptizent, sed communicent tantum.* At quantum decretum hoc quod à Cypriano refertur, & illud quod in Breviario legitur, distent inter se, mutua nos docet contentio.

676 I. Stephani decretum, quod est in Breviario, sic verbis concipitur affirmantibus, ut ad negantia inflecti

non possit: Stephani decretum, quod est apud Cyprianum, contrario modo se habet. Sic enim formatur, ut sit reipsa & sensu negans, etiamsi oratione tenus affirmans esse videatur.

II. Stephani decretum, quod est in Breviario, distinctionem facile admittit, nimirum baptizatos ab hæreticis hac & non illa forma iterum baptizari vetuit: Stephani decretum, quod est apud Cyprianum, distinctionem nullam admittit; verba hæc à quacumque hæresi, quia hæresim nullam excipiunt, & omnem omnino includunt, distinctioni locum nullum præbent.

III. Stephani decretum quod est in Breviario, habito respectu ad hæreticorum hujus temporis baptismum, qui in nomine Trinitatis confertur, efformatum est: Stephani decretum, quod est apud Cyprianum, habito respectu ad baptismum, qui & Stephani tempore, & superiori ævo varia & absurda forma dabatur ab hæreticis, efformatum est.

IV. Stephani decretum, quod est in Breviario, hæreticorum se invicem non rebaptizantium exemplo minime confirmatur: Stephani decretum, quod est apud Cyprianum, hæreticorum se invicem non rebaptizantium exemplo confirmatur.

V. Decreti confirmatio, quæ est apud Cyprianum, rem ita circumscribit, ut decretum quod est in Breviario, funditus evertat, & ut alienum à vero Stephani decreto procul abjiciat: Nam decretum, quod est in Breviario; exceptionem pati potest. Decreti confirmatio, quæ est apud Cyprianum, ex hæreticorum moribus quæsitæ, exceptionem pati non potest. 677

VI. Romani Breviarii correctores cum Stephani decretum interpolatum mutilum & decurtatum repræsentant in Breviario, palam ostendunt Stephani decretum, quale ab eo editum, purum putum defendi non posse: Et necessaria consecutione firmari Cypriani ad Jubaianum & ad Pompeium, & Firmilianum ad Cyprianum epistolas, quibus relatum à Cypriano & Firmiliano Stephani decretum impugnatur & subvertitur.

LXVIII. In vetere Romano Breviario describebatur Cypriani martyrium; sed in hodierno sublatum est martyrium, & in ejus locum suffecta una lectio, quæ ex beati Hieronymi Catalogo virorum illustrium sic desumitur: *Cyprianus Afer primum gloriose Rhetoricam docuit, & cætera quæ supra numero XVII. relata sunt.* At ex eodem Hieronymi Catalogo nulla repeti potest de sancto Stephano Papa lectio, quia Hieronymus ibi epistolarum Stephani non meminit.

LXIX. Baronius in notis ad martyrologium XVIII. Calend. Octobris dicit: *Legi in antiquo Breviario Toletano hymnum, quo Cypriani martyrium egregie descriptum canitur. Est ejus exordium: Orbis magister Thascie, &c. Per &c. supprimit quæ sequuntur: Tu Cypriane Pontifex, fax luminosa & efficax, verbo docens & sanguine, ô doctior orbis, ô doctior unice, veritatis magister.* Sed non dicit, in eo vel alio Breviario legisse se hymnum, quo Stephani martyrium egregie descriptum canatur, & cujus esset exordium: *Orbis magister Stephane, tu Stephane Pontifex, fax luminosa & efficax, verbo docens & sanguine, ô doctior orbis, ô doctior unice, veritatis magister.* At quantum sit illud elogium, quo Toletana Ecclesia Cyprianum decorare voluit, cogitari quidem posset; sed pro dignitate verbis exprimi non posset. 678

LXX. Hodiernum Romanum Martyrologium de beato Stephano sic loquitur, IV. Nonas Augusti: *Roma in cæmeterio Callisti natalis Sancti Stephani Papæ & Martyris, qui in persecutione Valeriani, dum Missa sacrum perageret, supervenientibus militibus ante altare intrepidus & immobilis capra mysteria perficiens, in sede sua decollatus est.* De beato Cypriano sic, XVIII. Calendas

Calendas Octobris: In Africa passio Sancti Cypriani Episcopi Carthaginensis, sanctitate & doctrina clarissimi, qui sub Valeriano & Gallieno Principibus post durum exilium de truncatione capitis martyrium consummavit sexto milliario à Carthagine juxta mare. A doctrina non laudatur Stephanus sed Cyprianus laudatur: Et tamen multo magis laudandus esset Stephanus, si quod Baronius tradit in notis ad illum diem, certissima id veritate niteretur. Ejus, inquit, celeberrima & admiranda plane gesta, cum adversante orbe fere toto de baptismo hereticorum tutatus est majorum traditionem, digessimus in annalibus Ecclesiasticis. At in Stephani gestis, quæ ibi digessit, nulla est rei tantæ mentio: Tantum abest ut in gestis ejusmodi dicatur Stephanus, adversante orbe fere toto, majorum traditionem tutatus esse. Sic, quod dicit Baronius, non diceret, si gestorum, quæ ut celeberrima & plane admiranda venditat, recordaretur. Deinde (ad hominem disputo) si tutatus esset majorum traditionem Stephanus, cur Romani Breviarii correctores non regularent Stephani decretum quale ab eo conditum est, & quale in Ecclesiasticis annalibus refertur? Hic aqua hærebit. Cur iidem correctores Stephani decretum interpolatum mutilum & decurtatum representando, ut mox vidimus, in laqueos inextricabiles inciderunt? Cur Gregorius magnus Iberorum consultationi respondens, Stephani decretum probando non fecit suum? Cur idem Gregorius distinguit, ubi Stephanus non distinxit? Cur idem adhuc Gregorius ad Arelatenis Synodi primæ potius, quam ad Stephani constitutionis formam exprimit responsionem suam? Profecto Baronius cum falsis recentiorum curiæ doctorum præjudiciis occupatus Stephani Papæ honori & famæ velificari voluit, prorsus neglexit leges historiæ, & prodidit se in Ecclesiasticæ quæstionis cognitione hospitem & peregrinum omnino fuisse. Id mecum fatebuntur omnes, qui ad primam epistolæ hujus partem nonnihil attendent. Baronii calamus hac in re calamus est hominis velociter scribentis.

LXXI. Romana Ecclesia Cypriani, quam Stephani festum agit solennius. Id in Breviarii Calendario notatur iv. Nonas Augusti. Stephani Papæ & Martyris. xvii. Calend. Octobris. Cornelii & Cypriani Pontificum & Martyrum semiduplex. Cur ita? Nisi quod Cyprianus in Romana pluri factus est Ecclesia, quam Stephanus: Non quidem propter martyrium, quia in utroque par fuit; sed propter celebritatem martyrii in Cypriano quam in Stephano majorem, & propter exantlatos in ædificanda Dei Ecclesia labores. Ecclesia vero Dei non nisi fide, doctrina & operibus sanctis ædificatur. Quidquid id est, idonea facti ratio vix alia redderetur.

Hactenus explicate sunt rationes sat multæ, quibus primum apparet dici non posse de illis Stephani Papæ circa baptismum hereticorum epistolis; quod in apologia pro Origene Ruffinus ita dicit: Sancti Cypriani Martyris solet omne epistolarum corpus uno codice scribi. Deinde apparet majoris Cyprianum, quam Stephanum in Ecclesia, & præsertim Romana, semper habitum fuisse. Has inter rationes, quas ducta jam inde ab utriusque excessu perpetua suppeditavit traditio, principatum tenet trigesima septima. Eam objicit Missæ canon, in quo Cyprianus prætermisso Stephano collocatur. Præstabilis est dignitas, quam consequentes anni omnes ab initio conditi canonis ad nostram usque memoriam, & in oculis cunctorum hominum, atque in luce Ecclesiæ conservant. Et quandiu Missæ canon etiam unicus remanebit integer, id tandiu supererit, quo vindiciæ adversus beati Cypriani criminatores, & cum primis adversus Joannem cognomento Davidem, repetantur in perpetuum. Hic auctor de canonicis Episcoporum judiciis tractatum scripsit Gallice, in quo cum alia cri-

minatur in sancto Doctore & Martyre; tum illud potissimum, quod Cyprianus fundamenti Ordinis Hierarchici Ecclesiæ sit everfor, & privilegiorum Sedis Apostolicæ irrisor. Hoc accusationis genus cum inspexi, fateor, exhorui, & facinus detestabile averis in sinistram palmis abominatus sum. Hinc temperare mihi tunc non potui, quin abominationem meam in certo quodam gravium atque eruditorum hominum confessu exponerem. Hoc ille amici cujusdam symmistæ opera rescivit, & in alio postea scripto se id, quod de Cypriano pronunciaverat, vere pronunciasse confirmavit: Adeo non correxit, quod sine dubio corrigendum fuit. O confidentiam sine exemplo maximam! O licentiosam scriptionem, inultam nihilominus (proh superi) & impunitam! In qua omnes Ecclesiæ, & præsertim Romana, lethale vulnus acceperunt.

Porro autem recentiores quidam Scholastici, Albertus Pighius, Robertus Cardinalis Bellarminus, Martinus Becanus, & alii, cum ex inveniendi asserendique veri legibus diluendæ quæstioni huic Ecclesiasticæ non vacaverint, haud mirum est illos in varias abiisse sententias; quæ in eo tamen conveniunt, quod omnes à Theologicæ professionis scopo longius aberrant, id est, asserant quod considerata re asserendum neutiquam fuit.

Pighius in libri vi. de Hierarchia Ecclesiastica capite xiii. Africanum, inquit, Concilium illud ducentorum, & eo amplius Episcoporum, qui sub gloriosissimo Pontifice & Martyre Cypriano convenerunt longe ante Nicenam Synodum, quam ex se erat, errabat in definitione fidei, & baptizatos ab hæreticis & schismaticis ad unionem Catholicæ Ecclesiæ revertentes baptizandos censuit. Quod falsum & erroneum docet orthodoxa Christi Ecclesia. Sed definitionem suam Apostolicæ Sedis auctoritati submiserunt. Quod ut probet, Hieronymum laudat in Dialogo adversus Luciferianos.

Bellarminus in libri iv. de Romano Pontifice capite vii. ita scribit: Cyprianus quidem non fuit hæreticus, tum quia nec modo censetur manifeste hæretici, qui dicunt Pontificem posse errare; tum etiam quia sine dubio Stephanus Papa non definivit tanquam de fide; hæreticos non esse rebaptizandos, licet jussisset non rebaptizari, ut patet ex eo quod non excommunicavit Cyprianum, & alios contrarium sentientes. Sicut etiam è contrario Cyprianus in Concilio lxxx. Episcoporum definivit hæreticos rebaptizandos: Tamen noluit hoc haberi tanquam de fide, diserte protestans non propterea velle se separare ab iis, qui contrarium sentiebant. Neque his repugnat, quod, ut scribunt Eusebius libri vii. hist. cap. iv. & Augustinus libro de unico baptismo cap. xiv. Stephanus Papa non solum imperavit, ne rebaptizarentur ab hæreticis baptizati; sed etiam censuit excommunicandos qui non obedirent, tamen nihil illud fuit aliud quam comminatio. Constat enim ex Vincenzio Lirinensi in libro de profanis vocum novitatibus, & ex Augustino locis citatis, semper conjunctos fuisse Stephanum & Cyprianum. Et per hoc etiam respondetur ad confirmationem: Fuit enim post Pontificis definitionem adhuc liberum aliter sentire, ut Augustinus dicit, quia Pontifex noluit rem ipsam de fide facere sine generali Concilio. Sed solum voluit interim servari antiquam consuetudinem.

Becanus in cap. iv. de Sacram. in communi quæstione v. Primus error est, non esse valida Sacramenta, quæ conferantur ab hæreticis & schismaticis post eorum separationem ab unitate catholica. Ita enim docuerunt Asiatici, teste Eusebio lib. vii. hist. cap. vi. & Africani, teste Augustino libro de baptismo cap. vii. ubi etiam indicat primum auctorem hujus erroris fuisse Agrippinum Episcopum Carthaginensem sancti Cypriani prædecessorem. Hunc secutus est sanctus Cyprianus cum multis Africa Episcopis; sic tamen ut non propterea se separaret ab unitate Ecclesiæ, ut ipse fa-



684 tetur in epistola ad Quinum, & in epistola ad Pompeium: Unde nunquam hæreticus habitus est, imo multi putant eum postea revocasse sententiam, ut testatur divus Augustinus epistola XLVIII. ad Vincentium. Ceteros Episcopos qui adhaerunt Cypriano, constat errorem revocasse, permotos auctoritate Stephani Rom. Pont. ut scribit Hieronymus in Dialogo contra Luciferianos.

Hic ante notanda sunt nonnulla quæ ad examinandas & una confingendas auctorum trium scriptiones, necessaria mihi videntur.

Ac primum quidem Pighius, Bellarminus, Becanus quæstionem tractant, occupati non antiquis Sedis Apostolicæ traditionibus, sed recentibus Romanæ Curiae placitis & moribus, quos Hadrianus VI. describit in mandatis à Francisco Cheregato acceptis, cum hunc Pontifex ad Germaniæ Principes ablegavit. In hac mentis occupatione Stephano Papæ tribuunt non errandi privilegium, cui aptant quæcumque censent de exorta Cyprianum inter & Stephanum de baptismo hæreticorum controversia. Id verba hæc: *Africanum Concilium errabat in definitione fidei, sed definitionem suam Sedis Apostolicæ auctoritati submitit. Stephanus Papa non definivit tanquam de fide, Cyprianus non fuit hæreticus*; obijciunt. At ex vetustis Ecclesiæ tractatoribus neminem reperies unquam, qui quæstionem ita proposuerit.

685 Deinde cum de baptismo hæreticorum disputant, sibi tantum ante oculos constituunt hodiernos novatores, qui dum se à Catholica sejunxerunt Ecclesia, hunc in baptizando ritum scilicet, *In nomine Patris, & Filii, & Spiritus sancti*, retinuerunt. Sed nusquam sibi ante oculos constituunt varia baptismata hæreticorum, qui vel æquales fuerunt Stephano, vel Stephanum præcesserunt. Dissimulant Irenæum, qui baptismata illa etiam ad satietatem recensuit. Dissimulant Marcionis baptismata, quod uti justum & legitimum Stephanus admisit. Dissimulant quæ Justinus, Tertullianus, Clemens Alexandrinus de baptismo hæreticorum arbitrantur. Dissimulant tandem Stephanum decretum hoc: *Si quis igitur à quacumque hæresi venerit ad nos, nihil innovetur nisi quod traditum est, ut manus illi imponatur in penitentiam, cum ipsi hæretici proprie alterutrum ad se venientes non baptizent, sed communicent tantum*. Hæc momenta quinque, quæ scitu necessaria sunt ad decisionem controversiæ, tam non leguntur apud Pighium, Bellarminum, & Becanum, quam non leguntur apud Homerum, aut Virgilium.

Tum dissimulant, vel potius non probe norunt, Hieronymum ætate provectiorem tribus in locis tacite revocasse, quæ de baptismo hæreticorum in Dialogo contra Luciferianos junior scripserat. Hic tria illa loca non refero, quia ante num. XVII. relata sunt. In iis deposita priori sententia in contrariam illi transivit sententiam, & relicto Stephano ad Cyprianum accessit. Quo fit, ut quæ Hieronymus de baptismo hæreticorum docet in Dialogo, hæc non possint illi amplius nisi per summam injuriam attribui: *ὁ ὁ πᾶσι* nimirum *ἡ ἐκείνους ὁμολογία*, quas Pighius, Bellarminus, Becanus, & horum exscriptores nosse 686 debuerunt. Expectanda igitur lux non est ab iis, qui in tenebris, id est, in rei cognitu necessariæ ignorantie versantur. Versari se demonstrant sat perspicue, cum quæ scienda sunt ab initio, ut ita dicam, nesciant, & quæ sunt evolvida diligentius, pertinaciter silentio convolvant. In summa hoc deerat unum Pighii, Bellarmini & Becani negligentia & ἀμεροπεία, ut multa ex Dialogo Hieronymi contra Luciferianos Hieronymo tribuerint, quæ post secundas cogitationes, lectum Arelatenis Concilii I. canonem VIII. & evolutam Basilii ad Amphilochoium Epistolam canonicam, tribui jure non poterant amplius.

Denique, quod vix crederes, cum materiæ propius insistant, ipsis nescientibus cum Cypriano ma-

gis, quam cum Stephano conveniunt. Cyprianus hæretici cujuscumque baptismum simpliciter & absolute rejicit: Pighius, Bellarminus & Becanus hæretici cujuscumque baptismum rejiciunt, præter illum, qui in nomine Patris & Filii & Spiritus sancti confertur; Stephanus vero hæretici cujuscumque baptismum simpliciter & absolute recipit. Auctores illi tres hæretici cujuscumque baptismum minime recipiunt, quia non alium baptismum recipiunt, quam qui confertur in nomine Patris & Filii & Spiritus sancti. Quo autem tempore mutua Cyprianum inter & Stephanum exarsit contentio, hæretici nulli vel certe pauci baptizabant in nomine Patris & Filii & Spiritus sancti, ut videre est apud Irenæum in libri I. contra hæreses capite XV. II. His autem ita constitutis auctores nostri, nisi magis, certe non minus cum Cypriano, quam cum Stephano conveniunt, etiam si hoc sic se habere non existiment. Testantur hinc rem de qua agitur, nec ad plenum & perfectum se comprehendere; Inde veterum hæreticorum instituta baptizandi recentium hæreticorum institutis baptizandi minus considerate metiri. Quæ perversa est & discendi & docendi ratio.

Hæc generatim in aversione sint notata & animadversa: Nunc alia *σφάλματα* singillatim persequor, quæ in relatis auctorum trium testimoniis facileprehenduntur.

I. Pighius dicit Africanum Concilium fuisse ducentorum & eo amplius Episcoporum; Bellarminus vero ait Africanum Concilium fuisse Episcoporum LXXX. Uterque fallitur; ille magis, hic minus. Concilium fuit Episcoporum LXXXVII. quorum totidem extant sententiæ.

II. Quo sensu Pighius Africanum Concilium definitionem suam Sedis Apostolicæ auctoritati submitisse scribit, non submitit. Et quia Bellarminus & Becanus istud non scribunt, hac in parte minus quam Pighius falluntur.

III. Becanus non omnes refert, qui Stephano restiterunt: Nam præter Asiaticos & Africanos quorum memini, restiterunt alii; & potissimum Dionysius Alexandrinus, vir magni nominis restitit: atque ita historiam quæstionis Ecclesiasticæ, cui solvendæ vacat, haud perfecte calluit.

IV. Bellarminus non legit unquam Stephani decretum, cujusmodi mox relatum est: Vel si quando legit, legisse se non meminit, cum semel atque iterum ita scripsit. Semel: *Sine dubio Stephanus Papa non definivit tanquam de fide*. Iterum: *Pontifex noluit rem ipsam de fide facere sine Concilio generali*. Injuriam facit non mediocrem Stephano Papæ, cum id hoc modo proponit: quasi vero potuisset recte statuere, ut id quod decrevit, fide divina crederetur, scilicet baptizandum non esse à quacumque hæresi venientem ab illis hæresibus, quarum baptismata Irenæus in libri I. contra hæreses capite XVII. describit? Ubi Scriptura, ubi traditio, quibus fidei articulus inniteretur? Profecto nescire me fateor, qui res animis & auribus tam absurda Bellarmino in mentem venire potuerit, nisi fortassis ut obiter non errandi privilegium etiam in materia rei non apta lectoribus suis instillet: Sed vir cautus in aere piscatur, & in medio mari jaculo venatur.

V. Bellarminus cum ait: *Pontifex noluit rem ipsam de fide facere sine Concilio generali*; ariolorum & vatuum artem exercet. Stephani Epistolas duas, unam ad Cyprianum, alteram ad Orientales Episcopos, missas non vidit. Deinde qui has viderunt Cyprianus, & Firmilianus, & iis responderunt, id vidisse se non memorant, & ambo penitus silent de Concilio generali, quod habiturus esset Stephanus, ut rem de fide faceret. Augustinus quidem controversiæ hujus decisionem ad generale sæpius remisit Concilium 689

cilium, sed id fecisse vel semel Stephanum nunquam dicit. Quorsum, quæso, hic neglectus historia? Quorsum technæ tam inutiles, cum simplex prodenda est veritas?

VI. Bellarminus Stephanum non excommunicasse Cyprianum, id est, non sejunxisse se à Cypriani communione, vix potuisset scribere, si perlegisset Firmiliani ad Cyprianum Epistolam, in qua Stephanus Cyprianum appellat *pseudochristum, pseudoapostolum & dolosum operarium*. Quæ amabo vos Stephani communio cum illo, quem *pseudochristum, pseudoapostolum & dolosum operarium* esse judicat? Majus non est excommunicationis indicium.

VII. Becanus, si Augustini Epistolam XLVIII. ad Vincentium legisset, in duobus potuisset proficere, & primum quidem didicisset, fuisse qui hoc Cyprianum prorsus non sensisse contenderint, sed sub ejus nomine à præsumptoribus atque mendacibus fuisse confictum. Sed isti non minus falluntur, quam qui eodem in loco affirmant, Cyprianum suam correxisse sententiam. Deinde didicisset Augustinum neutrum in se recipere. Hinc dicit: *Nos non negamus illud sensisse Cyprianum, quod & stylus ejus habet quamdam propriam faciem, qua possit agnosci*. Inde subjicit, quod si quid in eo fuerat emendandum, purgavit salce passionis.

VIII. Scribit Episcopus qui adhaerent Cypriano, errorem revocasse, permotos auctoritate Stephani Rom. Pont. ut scribit Hieronymus in Dialogo contra Luciferianos. Et primo quidem Becanus Hieronymi testimonio, quod ex illo Dialogo repetitur, non uteretur, si contentam ibi de baptismo hæreticorum doctrinam cum iis, quæ Hieronymus in Commentariis ad caput II. Joëlis, ad caput ultimum Matthæi, & ad caput IV. Epistolæ ad Ephesios, de eodem hæreticorum baptismo disserit, perpendisset, & ea omnia inter se comparasset.

Deinde si vidisset Arelatensis Synodi primæ canonem VIII. qui sic adversus Hieronymi Dialogum præscribit: *De Afris qui propria lege utuntur, ut rebaptizent, &c.*

Tum si legisset Basilii canonicam ad Amphilochem Epistolam, in qua hic magnus ille Doctor scribit de baptismo hæreticorum. *Verumenimvero antiquis visum est, Cypriano, inquam, & nostro Firmiliano hos omnes (hæreticos) uni calculo subicere puros Encratitas Hydroparastatas.*

Hinc si observasset Augustinum Donatistis auctoritatem Cypriani toties objicientibus respondisse nunquam, Cyprianum suam revocasse sententiam, ac proinde eos operam & oleum perdere, cum Cypriani auctoritatem obijciunt: Id autem si verum esset, facile respondisset, & sese ab importunissimis hostibus prudenter liberasset: Hæc responsio ad stylum decretorium accessisset.

Denique si qui Cypriano adhaerent Antislites, permoti auctoritate Stephani, suam revocassent sententiam, decretum Stephani continuo amplexi fuissent, suum illud probando fecissent. Marcionis cum Stephano admisissent baptismum, quem Cyprianus tot tantisque rationum molibus oppressit, ut supra vidimus. Marci præstigiatoris admisissent baptismum, quem Theodoretus in libri I. de fabulis hæreticis capite IX. ita depingit. *Tingentes (Marci sectatores) quos decipiunt, dicere solent: In nomine ignoti Patris universorum, in veritatem matrem omnium, & in Jesum qui descendit ad unionem & redemptionem communionemque potestatum. Admiserunt & nomina Hebraica ad terrorem eorum, qui initiantur*. Illorum, qui *κατὰ πρῶτον* appellantur, admisissent baptismum, quem Firmilianus tam horride repræsentat in Epistola ad Cyprianum, ut supra quoque vidimus. Admisissent illa baptismata omnia, quæ Irenæus in libri I. contra hæreses capite XVII. memorix pro-

didit. Hæc autem nisi Becanus possit concoqnere, devoret necesse est, si stomachus satis habeat virium. In has Syrtis compellendi sunt & angustias, qui ab æquitatis campo deflectunt.

IX. Becanus post Bellarminum, ut Cypriani famæ & honori consulat, & adulatrici curiæ faveat opinionis novæ subsidio, dicit: *Cyprianus non est habitus hæreticus*; quasi quæ ad variam tradendi baptismatis rationem pertinent, hæreseos materia foret. Unum esse baptismum divina fide certum est, quia id scriptura sacra & Apostolorum symbolo sancitur. At varia tradendi baptismatis forma, quæ Stephani ævo reperitur inter hæreticos, divina fide certa non est, nec certa esse potest, quia id nec scriptura sacra, nec Apostolorum symbolo sancitur.

Deinde qui à simili proponeret, Paulum habitum non esse hæreticum, quod Petro in faciem restiterit, nonne oppido quam ridiculum se præberet theatris explodendum omnibus? Dolendum hoc non modo, sed erubescendum etiam est, quia non tam disputandi quam adulandi ratione seiplos reddidere dignos, qui experiantur absurdissima quæque & ultima.

Præterea si quod tractatur, hæreseos esset materia, Becanus & Bellarminus Stephanum vel ejus commilitones difficilius quam Cyprianum ab hæresi defenderent. Id planum facio. Irenæus & Tertullianus, qui ante utrumque vixere, hæresim definiunt. Ille in libri I. contra hæreses præfatione, cum ait de hæreticis: *Interpretatores mali eorum quæ bene dicta sunt effecti*; & sic hæresis aut origo hæreseos est interpretatio mala eorum quæ bene dicta sunt. Hic in libri de præscriptione hæret. capite VI. *Hæreses taxat, (Paulus) quarum opera sunt adultera doctrina: Hæreses dicta Græca voce ex interpretatione electionis, quæ quis sive ad instituendas vel ad suscipiendas eas nititur. Ideo & sibi damnatum dixit, quia & in quo damnatur, sibi elegit*. Et in ejusdem libri capite XXXIX. *Nec periclitor dicere, ipsas quoque Scripturas sic esse ex Dei voluntate dispositas, ut hæreticis materiam subministrarent, cum legam: Oportet hæreses esse, quæ sine scripturis esse non possunt. Sequitur, à quo intellectus interpretetur eorum, quæ ad hæreses faciunt? à diabolo scilicet, cujus partes sunt intervendi veritatem*. Periphrastico est hæreseos vel fundamenti illius definitio, quæ eo spectat, ut scripturæ bonæ non bene intelligantur. Sic Hilarius Pictaviensis, qui uno post Stephanum sæculo claruit, in libro II. de Trinitate scribit: *De intelligentia hæresis, non de scriptura est; & sensus, non sermo, sit crimen*. Hæresis igitur vel origo illius est, cum Scripturæ bonæ non bene intelliguntur, nec recte explicantur.

In Epistolis Cypriani locus scripturæ nullus est, quem sanctus hic Doctor agens de baptismo hæreticorum male interpretetur, sive habita ratione ad paria ejusdem scripturæ loca, quæ mutuo inter se conferantur, sive habita ratione ad traditionem, quæ inde ab Apostolis usque ad Stephani & Cypriani ætatem per Ecclesiasticorum tractatorum testimonia decurrerit. At Stephanus, vel Stephani commilitones Paulinæ ad Philippenfes Epistolæ locum: *Verumtamen omnimodo sive per occasionem, sive per veritatem Christus annuncietur*; cum ad baptismum hæreticorum referunt, male intelligunt, non bene interpretantur.

Id Tertullianus confirmat in libri V. contra Marcionem capite XX. *Sed causas solas animorum, non regulas sacramentorum in diversitate proponens, unum tamen Christum, & unum ejus Deum quocumque consilio predicatum, confirmat: Et ideo nihil mea, inquit, sive causatione, sive veritate Christus annuncietur, quia unus annuntiabatur, sive ex causatione, sive ex veritate fidei. Ad fidem enim predicationis retulit mentionem veritatis, non ad regulam ipsius, quia una quidem erat regula, sed fides predicantium quorundam vera*



id est, simplex, quorundam minus docta: Quod cum ita sit, apparet cum Christum pradicatum, qui semper annuntiabatur.

Id Cyprianus confirmat in Epistolis ad Jubaianum & Pompeium. Augustinus Cypriani verba suo loco refert, & suam ei auctoritatem adjiciet.

Id Firmilianus confirmat in Epistola ad Cyprianum, cujus verba jam in hujus nostræ Epistolæ parte prima retulimus, nec ut hic repetantur, necesse est.

Id Chrysostomus confirmat in caput 1. Epistolæ ad Philippenfes: Quid enim mea, inquit, interest, utrum hoc, an illo modo? Dum nihilominus, sive occasione, sive veritate Christus interea annuntiatur. Non dixit, annuncietur, quasi legem ferens; sed primum quidem eventum narravit. Deinde etiam si legem ferens hoc dixisset, non propterea hæresibus aditum patefecit. Rem enim ipsam, si libet, expendamus: Intelligemus profecto, etiam si ad eum modum prædicare jussisset, quemadmodum illi prædicabant, non tamen locum hæresi dari. Quomodo? Quoniam illi sacram quidem doctrinam prædicabant. Propositum vero ac mens qua id faciebant, ita corrupta erat, ut non tamen prædicata doctrina variaretur.

Id Augustinus, & Cyprianus apud Augustinum confirmant in libri iv. de baptismo contra Donatistas capite vii. Nam revera, inquit, quod quidam 695 Cypriani disputationibus opponebant, quod Apostolus ait: Verumtamen omnino, sive per occasionem, sive per veritatem Christus annuncietur; recte Cyprianus refellit, ostendens ad causam hæreticorum non pertinere, quoniam de his dicebat Apostolus, qui cum malevola invidia sua quærentes interius versabantur. Christum quidem annuntiabant, sicut se habet veritas, qua Christo credimus; sed non eo animo, quo & bonis Evangelistis illius columba filiis annuntiabatur. Neque enim de hæreticis, inquit (Cyprianus) aut de eorum baptismo loquebatur in Epistola sua Paulus, ut aliquid quod ad hanc rem pertineat, posuisse ostendatur: Verum loquebatur de fratribus, sive inordinate & contra Ecclesiasticam disciplinam ambulantibus, sive Evangelicam veritatem de Dei timore servantibus.

Id Theodoretus confirmat in caput 1. Epistolæ ad Philippenfes. Vel inviti, inquit, veritatis hostes veritatem adjuvant; hoc stulti quidam existimarunt esse dictum etiam de hæresibus, atque oportebat eos animadvertere, divinum Apostolum hoc non præcipiendo, sed narrando posuisse. Non enim dixit, annuncietur, sed annuncietur: Et illos quidem accusavit, non quod mala dicerent, sed quod bona quidem; at non bene, nec scopo ducti pietatis, sed extrema malevolentia.

Porro quam Pauli verbis interpretationem, Stephanus vel ejus commilitones appinxerunt, hanc singularem fecit cæterorum Ecclesiæ tractatorum contemptus.

Igitur Bellarminus & Becanus etiam atque etiam 696 velim considerent, quid de Stephano vel de Stephani fautoribus, adhibitis secum in judicium Irenæo, Tertulliano & Hilario, pronuntiaturi sint. Sic ad hominem, ut loquuntur dialectici, disputare placuit. Interim ego tantum pronuntio, rem istam non esse fidei, sed disciplinæ, quæ suas in Ecclesia vices habuit, ut de Arelatenfis Synodi primæ canone viii. & de Nicæno canone xix. & de multis Patribus antiquis observavimus, & ab aliis observari nullo negotio potest.

Jam vides, opinor, & perspicis, qui tam multa soles animo sagaci perspicere, fuisse tria potissimum, quæ novam & præcisæ sæculis inauditam propositionem hanc, Cyprianus non est habitus hæreticus, sollicitaverint & extuderint; inexploratam suis legibus veritatem, quærendam via omni adulatricis curiæ benevolentiam, & immensam ubicunque quomodocunque ingerendæ de non errandi privilegio in Rom. Pont. opinionis libidinem.

Nunc contrahenda sunt vela Epistolæ nostræ, in qua quicquid tibi & aliis reprehensione dignum videbitur, paratus sum emendare, & sincero emendandi voto, & asserendæ veritatis unius studio jam emendatum puta. Vale, Lutetiæ Paris. anno MDCLXXIII. Calend. Septembris.

F I N I S.

Hoc Epistolarum Tomo

*In quo a. primam, b. secundam Paginæ Columnam denotat.*

GEN.			I. CHRON.			PROV.			6		
Cap.	Verf.	Pag.	29	1	763 a	19	812 a	7	29	278 a	
1	26	795 b	1	5	763 a	8	685 a	9	16	655 a	
2	21	802 a	2	10	808 b	Ibid.	22	764 a	10	343 a	
Ibid.	22	266 b	31	4	340 a	9	140 b	31	12	812 a	
6	15	767 a		JOB.		14	800 a	48	23	418 b	
9	22	396 a		12	403 a	21	630 a	51	30	452 a	
EXOD.			12	13	812 a	22	28 { 283 b, 549 b, 810 b.		10	345 b	
3	14	398 a	33	23	753 b	25	554 a	5	9	378 a	
20	4	635 a	38	33	267 b	26	674 a		L A M.		
22	28	753 b		P S A L M.		Ibid.	5	281 a	21	816 a	
23	8	801 b		9	684 b	29	816 a	17	EZEKIEL.		
24	8	795 b		26	685 a	31	264 b	22	3	802 a	
25	10	767 a		2, &c.	664 a		ECCLES.		26	333 a	
Ibid.	18	799 b		8	753 b		27	344 b	33	12	
27	8	800 a		5 { 139 a, 561 b, 816 a.	3	C A N T.		34	23	816 b	
NUM.			19	23	768 a	2	2	765 b	18	799 b	
7	89	799 b	22	24	795 b	2	14	768 a	16	422 b	
18	21	340 a	23	12	454 b	Ibid.	12	764 a	D A N.		
19	20	762 b	27	10	342 a	4	13	765 b	21	634 b	
20	4	561 b	30	18	763 a	Ibid.	1	Ibid.	14	Ibid.	
21	8	799 a	34	3	548 a	5	9	766 b	16	561 b	
30	14	344 a	38	6	705 b	6	9	266 a	27	706 a	
DEUT.			40	8	172 b	8	E S A I.		3	395 a	
17	6	800 a	45	10.	561 a, 764 a		2	561 b	H O S.		
19	15	Ibid.		3	659 b	2	12	340 b	11	323 b	
27	17	810 b		6	666 b	2	6	138 a	12	405 a	
32	7	339 b		7.	498 a, 708 a	3	15	252 b	8	340 a	
Ibid.	10	753 b		5	265 a	4	3	227 a	J O E L.		
Ibid.	35	554 a		12	327 b	7	2	753 b	28	815 a	
J O S.			76	1	816 a	8	13	806 b	A M O S.		
1	8	806 b		1	427 b	16	7	753 b	11	484 b	
19	50	67 b		3	765 a	18	5	815 a	M I C.		
24	15	767 a		32	763 a	29	25	666 b	1	561 b	
JUDIC.			106	48	766 a	33	4	267 a	Z A C H.		
5	23	753 b	115	11	145 a	40	9	189 a	8	753 b	
11	20	810 b	116	15	816 a	43	32	266 b	10	795 b	
I. S A M.			Ibid.	16	664 a	62	J E R E M.		M A L.		
17	47	762 b	119	25	653 a		9	189 a	6	806 b	
I. R E G.			Ibid.	26	816 a		32	266 b	7	753 b	
8	14	762 b	140	10	396 b	1			M A T.		
Ibid.	55	561 a	149	1	763 a	2					



# Tabula Locorum S. Scripturae.

MATT.			JOHANN.			PHIL.		
2	6	466 a	12	42	85, &c.	10	10	408 b
4	8	175 b	15	8	192 b.	Ibid.	14	395 a
Ibid.	13	412 a. 779 b	18	5	Ibid.	Ibid.	4	687 a
Ibid.	14	561 a. 638 b. 779 b.	20	25	633 a	Ibid.	6	149 a
Ibid.	15	797 b	21	15	816 a	Ibid.	16	554 a
Ibid.	17	349 b	Ibid.	24	281 a	Ibid.	1	543 a. 580 b. 633 b. 682 b.
Ibid.	43	553 b	Ibid.	25	588 a	Ibid.	11	403 a
9	15	266 b	Ibid.	31	256 b. 369 b	Ibid.	16	763 a
Ibid.	17	45 b	Ibid.	32	402, &c. seq. ad 418.	Ibid.	20	408 a
Ibid.	20	799 b	Ibid.	36	410 b. 586 b	Ibid.	1	I. C O R.
10	8	629 &c.	Ibid.	39	567 b	Ibid.	10	2, a. 251 a
Ibid.	37	679 a	Ibid.	39	764 b	Ibid.	13	427 a
Ibid.	40	780 a	Ibid.	1	802 a	Ibid.	14	707 b
11	27	782 b	I	9	768 a	Ibid.	21	812 a
13	52	541 a	Ibid.	14	785 a. 792 b	Ibid.	15	108 a. 109 a
14	31	407 b	Ibid.	19	664 a	Ibid.	17	371 a
15	8	806 b	2	19	266 b	Ibid.	1	561 a
Ibid.	14	549 b	3	29	813 b	Ibid.	5	636 b
16	16	656 b	5	4	794 a	Ibid.	12	564 a
Ibid.	18	135, &c. 306 b. 336 a. 419, &c. ad 433. 763 a.	Ibid.	17	Ibid.	Ibid.	5	763 a
Ibid.	19	598 a. 656, &c.	Ibid.	19	Ibid.	Ibid.	6	645 b
Ibid.	23	410 a. 719 b	Ibid.	11	446 a. 637 b. 703 b.	Ibid.	12	753 a
17	27	66 a	Ibid.	16	768 a	Ibid.	13	341 a
18	1	Ibid.	Ibid.	30	785 a	Ibid.	16	169 a
Ibid.	6	176 a	Ibid.	38	812 a	Ibid.	13	370 a
Ibid.	7	640 b	Ibid.	27	371 a	Ibid.	17	267 a
Ibid.	15	136 a. 266 a	Ibid.	41	657 b	Ibid.	12	770 a
Ibid.	16	800 a	15	9	785 a	Ibid.	27	267 b
Ibid.	20	205 b. 483 b. 484 a. 561 a.	16	23	812 a	Ibid.	28	763 a
20	25	31 b. 281 a	17	4	273 b	Ibid.	11	165 b
Ibid.	39	798 b	Ibid.	12	165 a	Ibid.	4	763 a
22	19	643 a	Ibid.	9	409 a	Ibid.	9	561 b
23	4	782 a	20	11	682 b	Ibid.	33	571 b
24	36	694 a	Ibid.	15	812 a	Ibid.	2	812 a
Ibid.	45	86, &c. 808 b	16	34, &c. 802 a	Ibid.	12	342 a	
25	1	767 a	17	23	138 a. 364 b. 90, &c. 136 a. 187 a.	Ibid.	11	752 a
Ibid.	18	544 b	21	17	437, &c. 446 a. 483 b. 637 b. &c. 703, &c.	Ibid.	16	816 a
26	49	768 b	21	17	437, &c. 446 a. 483 b. 637 b. &c. 703, &c.	Ibid.	11	802 a
28	18	362 a	21	17	437, &c. 446 a. 483 b. 637 b. &c. 703, &c.	Ibid.	18	766 b
Ibid.	19	812 a. 815 a. 818 a.	21	17	437, &c. 446 a. 483 b. 637 b. &c. 703, &c.	Ibid.	16	767 a
M ARC.			ACT.			II. C O R.		
4	21	797 b	Ibid.	10	815 a	2	812 a	6
5	26	799 b	5	38	362 b	12	342 a	1
7	6	806 b	8	11	763 a	11	752 a	Ibid.
Ibid.	9	Ibid.	Ibid.	1	Ibid.	16	816 a	2
10	36	403 a. 798 b	Ibid.	14	17 b. 65 b. 161 b.	11	802 a	3
Ibid.	41	281 a	10	13	421 b	18	766 b	3
11	15	629 a	15	1	Ibid.	16	767 a	1
12	1	775 b	15	1	Ibid.	18	763 a	1
Ibid.	17	633 a	Ibid.	1	Ibid.	24	Ibid.	5
Ibid.	25	428 b	Ibid.	1	Ibid.	10	712 a	Ibid.
16	14	253 b	18	1	Ibid.	2	266 b	Ibid.
LUC.			ROM.			1	800 a	7
4	23	245 a	20	10	815 a	8	67 b	9
5	21	666 b	Ibid.	38	362 b	11	67 b	11
6	43	580 b	1	11	763 a	3	812 a	12
Ibid.	47	794 a	1	1	Ibid.	8	67 b	1
8	43	799 b	5	1	Ibid.	9	698 b	Ibid.
9	62	343 b	Ibid.	14	17 b. 65 b. 161 b.	13	561 b	Ibid.
10	16	543 b	7	13	421 b	11	161 b. 240 a. 371, &c. 435 a. 817 b.	2
Ibid.	19	663 b	Ibid.	1	Ibid.	16	784 b	1
Ibid.	21	664 a	Ibid.	1	Ibid.	11	770 a	2
11	10	808 b	8	1	Ibid.	6	387 a	3
Ibid.	33	797 b	9	1	Ibid.	14	343 a	Ibid.
						E P H.		
						22	63 b. 267 b. 770 b.	Ibid.
						19	765 a	Ibid.
						20	264 b. 421 a. 777 a.	1
						7	67 b	2
						11	92 &c. 580 b	Ibid.
						14	231 b. 554 a	1
						23	763 a	3
						25	92, &c. 267 b	21
						30	767 a	Ibid.
						PHILEM.		
						3	812 a	3
						HEB.		
						7	225 b	7
						12	800 a. 818 b	12
						19	784 b	19
						5	799 b	5
						1	247 a	1
						6	403 a	6
						JACOB.		
						12	407 a	12
						27	624 a	27
						20	630 b	20
						14	804 a	14
						I. PET.		
						18	806 a	18
						13	633 b	13
						10	806 b	10
						15	297 b	15
						1	90, b. 445 b	1
						2	316 b	2
						8	682 b	8
						II. PET.		
						12	808 a	12
						I. JOH.		
						1	561 a	1
						18	405 a	18
						REVEL.		
						20	753 b	20
						5	638 a	5
						14	428 a	14
						21	399 a	21

INDEX

## Et Eorum

A.

- Acholius, Thessalicensis episcopus, 707  
 Acemeta monachi, Nestorii sectatores, 795 b  
 Actio judiciaria tam diu ventilanda, quousque rei veritas  
 inveniatur, 38 b. 55 a. 723 b. 112 b. 176 a. 184 b  
 228 b. 721 b. 794 b. 800, 807 a.  
 Adamus, Bremensis canonicus, 272 b  
 Addere, nec diminuerè, refertur ad doctrinam, non ad  
 cultum, 538 b. 828 b. 740 a. 782 b  
 Adefonsus, Hispania rex, 211 b  
 Adelbertus, Gueltzburgensis episcopus, 212 b  
 Adelbertus, Mauriennensis antistes, 210 a. 726 a  
 Adeldacus, archi-preful Bremensis, 275 b  
 Adeodatus, provincia Numidia primas, 617 a  
 Adjunctione partis corrupta, grandis acerbum inficitur, 742 b  
 787 a  
 Ado, Viennensis in Galliâ archiep. Martyrologus, 26 a  
 242 b. Epiphanius aperit contradicit, 486 a  
 De Adoptione carnis Christi, 220 b. 394 a. 800  
 Adoratio vera in spiritu & veritate consistit, 635 a. 771 a  
 786 a  
 Adversarius non magni faciendus, 447 a. 674 a  
 Adulterantes verbum Dei, 85 b. 562, 783 a. 785 a  
 Adunatio filiorum, maxima est matris Ecclesie exultatio,  
 92 b. 764 a. 773 a. 770 b. 768 b. 771 b  
 Edificia alta paulatim extruuntur, 213 a  
 Agicanes, Hispania rex, 527 b. 715 b  
 Agyptii presules, in conciliis, Alexandrini episcopi sen-  
 tentiam secuti, 714 a  
 Emulatio, schismatum mater, 136 a. [I]  
 Aeneas Silvii error notatus, 355 b. 356 b. Illius operum medi-  
 tio, Henrici-Petrina, optima, 190 b. 356 a. 471. 472,  
 473, 593. Vide, Pius II.  
 Eonum pleroma, 396 a  
 Equitas praeceptorum Evangelii, 679 b. 678 b. 606 a  
 645 a  
 In Aëre piscari, 826 b  
 Aeternitas regni Christi, 1 a. 13 a. 820 b. 772 b. 788  
 Eternum est, quod cruciatur; etsi momentaneum sit, quod  
 in ipso peccato delectatur, 405 a  
 Arianæ hæresis, 220 b  
 Affectiones à peccato quomodo ablactande, 604 b  
 Ad Afflictionibus, Deo etiam charissimi, non exempti,  
 403 a. 407  
 Africana Ecclesia, Romana pariter ac Alexandrina, le-  
 gem imponit, 102 b  
 Agapetus I. quando moderationem R. Ecclesia aggressus  
 est, 183 b. & excessit è vitâ, 727 a  
 Agathensis synodus, 520 b. 575 a  
 Agathonis Diaconi peroratio ad synodum VI. 379 b  
 Agatho P. concilii VI. preses, 729, &c. quo tempore vi-  
 vebat, 377 b  
 Agobarus



# Index Rerum & Vocabulorum.

- Agobardus*, Lugdunensis praesul, qui cultum imaginum damnavit, 571 b. 822 a  
*Agrippinus*, Carthaginiensis episcopus, 808 a. 817 a. 825 b.  
*Albericus*, Ostiensis protomysta, 388 a  
*Albertus magnus*, Suevum, patriâ Lavingensis, Ratisponensis antistes, 459 b. 666 b.  
*Albinus Alcuinus*, Anglus, Bedae & Egberti discipulus, diaconus Eboracensis, Caroli M. magister, & academiae Parisiensis institutor, quando floruit, 170 b. author libri de divinis officiis incertus, 767 a  
*Ἀλβείας δὲ σὺν ἑτέρῳ τῷ ῥ. α. &*, 8 b  
*Alexander Alenis*, Anglus, doctor irrefragabilis, 666 b  
*Alexander*, Alexandria episcopus, 698 b. Nicaena synodi praeses, 693 a  
*Alexander*, Antiochenus episcopus, 316 a  
*Alexander P. III.* quando R. Pontificis munus obire occupavit, 169 b. † 189 a. 291 a  
*Alexandri IV.* exitus è vitâ, 1 b. † 459 a  
*Alexander V.* factus R. pontifex in concilio Pisano, 151 a  
*Ipsius ultima linea*, 59 a. † 152 a  
*Alexandri VII.* censura, 315, &c. ad 323. Ejusdem epistola ad Lovanienses theologos, 258 a  
*Alexandria schola Christiana*, 221. Urbs à Sarracenis occupatur, 730 b  
*Alexandrina ecclesia*, à S. Marco fundata, 10 b  
*Alexandrina synodus*, supposititia, 77 b. 309. 458 a  
*Alexandrinum concilium*, 37 a. 71 b. 309 a. 491 a. 496 b. 541 b. Ejus epistola ad Felicem P. falsaria, 420 b. 421 a.  
*Alexius Comnenus*, imperator, 533 a  
*Alfonsi Pisani* [Nicanum concilium] 699 b  
*Alfonso*, rex Hispania, 533 a  
*Alius*, cap. 622  
*Alius rerum mortalium*, alius naturalium status, 219 b  
*Almainus*, theologiae magisterium consecutus, 34 a. librum scribit de ecclesiae auctoritate, 39 a. Magnum viri acumen, 33 b. immatura mors & laudes, 34 a. 39 a. 236 b.  
*Altiora non perscrutanda*, 87 a. 95 a. 557 a. 801 b  
*Antonius Dadinus Alteferra*. Vid. Synops. Argum. P. VII. E. i, ii, vi.  
*Alvari Pelagii*, Silvensis, planctus ecclesiae, 230 a. 247 b. 667 a  
*Amadeus Guimenius*, 315, &c. 417. 449. 554 b  
*Amandus*, Traiectensis episcopus, 206 a. 289 b. 620 b  
*Ambigua verba*, 32 a. 449 a. 787 a. 791 a  
*Ambitio periculum veneratur*, 684 b. nunquam quiescit, 181 a  
*Ambrosianum missale*, 669 b. 824 a  
*Ambrosius*, Mediolanensis, praesul, qualis, 791 b. 792 b. 793 b. 798 b. 35 b. 86 a. 385 a. 404 a. 467 b. 565 a. 634 a. 786 a. 787 a. 789. Paulini vita S. Ambrosii, 653 b  
*Ambrosii Theodosium repellentis*, apostolica constantia, 652, &c. 662 b. Ambrosius non excommunicavit imperatorem, sed Mediolanensis templi ingressu dumtaxat prohibuit, 653 b. 672 a  
*Ambrosii liber de dignitate sacerdotali*, 90 b. 136 a. [2] 637 b. 780 b. versus 371 a. epistola ad sororem, 634 a  
*Nullum exaravit pastorale*, 672 a. Epistola, sub nomine Ambrosii, Siricio restituta, 38 b. Sub Ambrosio habitum Italia concilium, 197 a  
*Amedeus*, Lugdunensis archiepiscopus, 301 a  
*Ἀμεταία τῆς ἀνδοκῆς*, 164 a  
*Amicus Plato*, sed veritas amior, 6 a. 448 b. 553 b. 616 b  
*Aminadab*, i. e. urbanus, 140 a  
*Ammianus Marcellinus* citatur, 18 b  
*Ammonis Marmarici oraculum*, 166 b  
*Amore melius quam metu imperium continetur*, 460 a. 567 576 b. 624. 759 b  
*Amos*, Hierosolymorum Episcopus, 682 a  
*Amphilochius*, ex monacho Pontico, Lycaonum pastor, 497 b. 663 a. 788 a  
*Ampliora inveni, & minus invenire*, quid sit, 591 a. 742 b. 158 a. 535 a  
*Anagnia*, civitas Hernicorum in Latio, 758 a  
*Analogus*, quid? 819 b  
*Anastasius*, cap. 224 b. 244 a. 247 a. 250 a. 296 b. 321 b. 355 b. 560 a. 586 a  
*Anastasius*, abbas Romanus, ecclesiae R. Bibliothecarius, quando floruit, 170 b. Correctus, 527 a. 669 a. 732 a. Illustratus, 355. 622 a. 640, 641, 642. 644 b  
*Anastasius imperator*, Chalcedonensis synodi hostis, 726 a  
*Anastasius II. P.* quando Gelasio successit, 182 b. Ejusdem epistola ad Anastasium imperatorem, 441 b  
*Anastasius IV.* Conradus nominatus, quando gubernationem R. ecclesiae aggressus est, 189 a  
*Anastasius*, Thessalonicensis antistes, 745 a  
*Anathema*, dira poena, & quantum sit extimescendum, 585 a. 679 a. Est alienatio à Christo, & ejus corporis, ecclesiae, 664 b. 772 a. Anathematis gladius, nunquam subito nec temere vibrandus, 676 a. 678 a. 679. 686 a. Vid. Excommunicatio.  
*Anatolius*, Constantinopolitanus episcopus, 620 a. 724 b. 745 b  
*Anchora religionis* quanam sit, 562 b. 79 a. 585 a  
*Andabata gladiatores*, clausis oculis pugnabant, 32 a  
*Andegaviensis academia*, in Gallia, 323 b  
*Angelberga imperatrix*, 208 b  
*Angelici*, haeretici quidam ἀγγελολάτραι, 383 a  
*Angelii propositiones erroneae*, 7 b. 62 a. 225 a. 560 a  
*Angolorum differentes ordines & provinciae*, 200 b. 374 a. 403 b. 503 b. 580 b. Testimonia de resurrectione Christi, 253 b. 302 b. Per angelos in scripturâ aliquando intelliguntur magistratus & episcopi, 753 b  
*Angilramnus*, Metensis episcopus, 185 b. 531 b.  
*Anglicana ecclesia redintegratum exordium*, 748 b. Misit ad eam litera Joannis XIII. 169 a. Gregorii VII. 211 b. 264 a. Urbani III. 306 b. Innocentii IV. 673 a. Alexandri III. 27. & Leonis IV. 42 a. 186 a. 751 a. 779 b. Ex utroque archiepiscopatu, invitantur duo episcopi, ad Romanam synodum, 214 b  
*In quibus*, metropolitanorum jura instaurantur, 750 b  
*Anglicani Theologi*, à Carolo-manno consuluntur, 529 b. 800 b  
*Anglia rex*, à S. Germano Autissiodorensi, ob negatum hospitium, deponitur; & porculator in ejus locum sufficitur, 687 b. 688 a.  
*Anglie sanctorum*, legenda Capgravia, 687 b  
*Anianus*, Aurelianensis episcopus, 347 a  
*Anilinus*, Africa proconsul, 485 b  
*Anima credentis*, verum est Christi templum, 772 a. 813 a  
*Anima sanctorum*, an perfectam in caelo laureolam jam adeptæ, 7 a. 27 b. 167 a. 224 a. 237 b. 238. 239. 558.  
*Animi magni in viris bonis*, 15 a. 625 a. 652. 818 a  
*Anne Comnene*, Alexii Comneni imp. filia, Nicephori Bryennii Caesaris uxoris, Alexias, 533 a  
*Anno*, Coloniensis χροστῆς, 212 a. 213 a. 542 b  
*Annulus*, cur detur episcopo, in illius consecratione, 96 b. 172 b  
*Anselmus*, Augustæ in Alpibus natus, Cantuariensis archiepiscopus, 427 b. S. non canonizatus, 449 b. Inter illius opera extat Dolensis commentarius in epistolas Paulinas, 767 b. Vid. 665.  
*Anspertus*, Mediolanensis metropolitæ, propter absentiam à synodo, ecclesiasticâ communionem privatur, 209 a  
*Anhimus*, Trapezuntis episcopus, 727 b  
*Antichristi spiritum*, quinam inficiuntur, 543 b. 784 b. 806 b. 420 b. 539 b. 662 b. 807 b  
*Antiochena ecclesia*, 125 b  
*Antiochena synodus*, 46 b. 96 b. 98 b. 102 a. 125 b. 185 b. 197 a. 295 a. 383 a. 384 a. 413 a. 498 a. 538 a. 539 a. 508 a. 783 b.  
*Antiocheni pontificis creatio*, orientali synodo reservatur, 747 a.  
*Amio-*

# Index Rerum & Vocabulorum.

Antiocheno episcopo, quam provincia, tempore Niceni concilii, subiacebant, 698 a  
 Antiochenum concilium, quando celebratum, 220 a  
 Antiochus, episcopus Ptolemaidis, 793 b  
 Antipater, Bostorum praesul, 799 b  
 Antiquitas semper honoranda, 745 b. 355 a. 489 a  
 599 b. 622 b. 702 a. 745 b. 774 b. 790 a. Ad antiquitatem reducenda omnia, qua ad Dei cultum pertinent, 24 a. 139 a. 261 b. 302 a. 338, 339. 510 b. 544 b  
 570 a. 599. 601. 702 a. 774 b  
 Antonii Possesini apparatus sacer, 256 b. 687 a  
 Anoninus, cognomento Caracalla, 221 a  
 S. Antoninus, Florentinus archiepiscopus, 770 a  
 Anysius, Thessalonicensis antistes, 540 b. 744 b  
 Apelles, Cons, pictor eximius, 552 a  
 Apelles, Marcionis haeretici sectator, 807 b  
 Apocryphus; responsalis, qui causas ecclesiae ad imperatorem detulit, ejusque ad supplices responsum, 729 a  
 Apollinaristarum haeresis, 197 a. 220 b. 388 a. 792 a  
 793. 796 b. 798 b. 799. 818 a  
 Apollinarius, Alexandrinus patriarcha, 727 b. 797 a  
 Apollinarius, Hieropolitanus in Phrygia Episcopus, 383 a  
 Apollonius, Corinthiorum antistes, 220 b  
 Apostata, quis, 564 a  
 Apostolorum missio, 3 b. 143 a. 253 b. 604 b. 657 a  
 663 b. 704 a. 782 b. numerus duodenarius, quadripartitus in ternos, 137 a. 140 b.  
 Apostoli synodorum convocationem ad haereses extirpandas statuere, 562 b  
 Apostolici mandati forma, 285 a. 782 a  
 Apostolici, quomodo dicuntur, episcopi & ἡγούμενοι, 688 b  
 780 b. 786 b. 800 a  
 Apotheosis sanctorum, 557 b. Vid. Canonizatio.  
 Appellationes ad papam. 99 b. 110, &c. ad 119. 120 a  
 161. 373 b. 576. 617 b. 682 a.  
 Appellatio à papà ad concilium, 159, 160, 161, 162.  
 De Aquà mysticà, sive baptismali, 135 a. [2] 772 a  
 802 b. 809 a. 812 a. 813 b. 819 b  
 Aquensis synodus, 600 a  
 Aquila à Christianà religione deficit, 457 b  
 Aquileiense concilium, 77 a. 125 b. 496 b. 498  
 Aquinas, Vid. Thomas.  
 Aquisgranensia concilia, 92 b. 529 b. 530 b. 531 a. 575 a  
 Arbitrii vera libertas, per primum hominem perdità, per Christum recuperata, 787 a. 784 b. 803 b  
 Arborei theosophia, 65 a. 390 a. 409 a  
 Arcadius, Theodosii filius, à concilio omnium sectarum, augustus declaratur, 501  
 Archimandrita orientales, 103 a. 123 b. 199 a. 510 b  
 516 b. 716 a. 792 a  
 Ἀρχιεπίσκοπος ἑσθλός, πρόσωπον καὶ δέμιν πλάττης, 430 a  
 Arelatensia concilia, 45 b. 47. a. 102 b. 135 a. [2]  
 242 b. 260 b. 264 b. 266 a. 293 b. 366, 367 a. 486,  
 487. 530 a. 575 a. 699 a. 811 a. 814 b. 819 b.  
 822 b. 827 a. 828 b.  
 Argentei Characteres, nobilissima vetustatis indices, 822 b  
 Argumenta à negatione nihil valere, 688 b. Argumentorum vis non est in numero, sed in momento, 675 a. 691 a. 702 a  
 Ariamini, Hispania rex, 522 b  
 Arianorum, de aeternitate filii, & de modo productionis filii à patre, controversia, historia, 3 a. 9 a. 10 b. 49 a  
 89 a. 104 a. 113 a. 118 a. 120 a. 121 b. 122. 125 b  
 126 a. 128 a. 129 a. 136 b. [2] 163 a. 176 a. 180 a.  
 196 b. 220 a. 239 b. 242 b. 246 b. 285 a. 294 a. 321 a  
 368 b. 383 b. 398 b. 466 a. 488, 489. 492 b. 493 b  
 494 b. 496 b. 498 b. 501. 511 b. 536 b. 697 b. 710 a  
 783, 784, 785, 786. 796. 799 b. 812 a. 818 b  
 Ariminense concilium, 72 b. 78 a. 122 a. 128 b. 129. 197 a  
 252 b. 294 a. 413 b. 495 a. 737 b. 738. 787 b. 789 b  
 Aristoteles haeticorum patriarcha, 457 a. 594, 595 b  
 Aristotelis libri metaphysici, flammis traditi, 595 a. 690  
 Asinitas illi obicitur à Campanella, 602 a  
 Aristotelica schola disputacitas, 454 a. 477 b. 588 a  
 705 b. 786 a. 801 b

Aristotelis lectio prohibita, 392, 393  
 Arnoldus, Moguntinensis antistes, quo tempore vixit. 171 a  
 Arnulphus, ex archidiacono Sagiensi, Lexoviensis praesul, 768 b  
 Arsenius, Eugubinus episcopus, 352 a  
 Quam quisque norit Artem, in hac se exerceat, 477 b  
 Arvernense concilium, 521 a  
 Asellus, vector Sileni, 479 a  
 Asianorum praesulum cum Victore P. contentio, 333 b  
 Asterius, Amasea episcopus in Ponto, 799 b  
 Asterius Salernitanus praesul, 727 a  
 Astulfus, rex Longobardorum, à Pipino, victus praesulio, 646 b  
 Athalaricus, Gothorum rex in Italia, 819 a  
 Athanasii, Alexandria episcopi, [788 a. 698 a. 791 b  
 817 b.] & confessoris eminentissimi, [789 b] vexationis historia, 112, &c. 117 a. 121 b. 176 b. 177 a  
 195 b. 196. 281 b. 309 b. 379 a. 491 b. 493, 494  
 705, 706. 791 b. Lucifer Calaritanus libros ingentes duos pro eo scripsit, 309 b. 495 a  
 Athanasii liber adversus Apollinarium haeticum, 798 b  
 epistola synodica ad Jovinianum, 784 a. Epistola ad Felicem P. supposita, 420 b. 421 a. 539.  
 Athenodorus, Ponti episcopus, 539 a  
 Atheraldus, archi-praesul Dorobernensis, 750 b  
 Athicus, Armenus, Sebastea natus, Constantinopolitanus episcopus, 439 b. 789 a  
 Atho, Vercellensis antistes, 767 b  
 Avaritia interius sepe tegitur dum exterius praetenditur necessitas, 5, b. 755 b  
 Auctoritas, Latinis scriptoribus, quid, 648 a. 649 b  
 693 a. 723 b. Auctoritas consuetudinis longeva non est vilis, 702 a. Auctoritatis plenum est illud testimonium quod ab hostibus sumitur, 159 b. Auctoritas, & locus ab auctoritate, in divinis, quantum valeat, 554. 702  
 777 b. 338, 339. 449. 564 b. 672 b. 740 a. 774 b  
 821 a. Vide, Traditio.  
 Audientes, & penitentes, 182 b  
 Augustanum concilium, 29 a. 217 b. 245 b. 292 b  
 Augustinus, Anglorum doctor, 443 b. 627 b. 748 b  
 750 b  
 Augustini, Hipponensis landes, 138 b. 361 a. 370 a  
 375 b. 496 b. 625 a. 791 b. 798 b Contra haeticos differendi modus, 787. Tractatus in Joannem editi post librorum retractationem, 427 a. Liber de agone Christiano, 136 b. [2] 438 a. 638 a. 780 b  
 de unico baptismo, 227 a. Ejus tractatum, Possidii indiculus, 816 a.  
 Augustinus, Ambrosii discipulus, 653 b. tiubat, 785 b  
 787 b. correctus, 370 a. Augustini sententia de concilio auctoritate supra papam, 431. 361 &c. ad 375  
 Vid. 402 &c. ad 418  
 Augustodunense concilium, 575 a  
 Augustodunensis privilegia, 626, &c. 676 b  
 Aviti epistola ad Faustum & Symmachum senatores, 56, 57  
 Aurelianensia concilia, 520 b. 521 b. 575 a. 577 a  
 Aurelianensis academia, 323 b  
 Aurelius, Carthaginiensis antistes, 439 b  
 Audentia, quid, 719 a  
 Αὐθεντία καὶ δέμιν, ἡ δέμιν ἀρχαῖος, 193 b  
 Autissiodorense concilium, 575 a  
 Auxanius, Arelatensis praesul, 442 a  
 Auxilius, quando vixit, 696 b. Auxilii tractatus pro Formosi P. ordinationibus, 25 b. 96 a. 246 b. 547 b  
 Auxonius, Sebenitenensis episcopus, 715 b  
 Axiomata, in unaquaque scientia & arte, quare necessaria, 523 b. 554  
 Azor, magni pater ingenii, 29, b

## B.

B Acchylus, Corinthiorum Episcopus, 220 a  
 Bagotii theologiae institutiones, 228 b. 235 a. 322  
 Baldwinus



# Index Rerum & Vocabulorum.

- Baldvinus de Burgo, Francus, rex Hierosolymitanus,** 106 a. 757 a. 170 b
- Baldvini & Juditha conjunctio,** 170 b
- Baluzii nota ad Antonii Augustini Gratianum,** 708 b
- Bannes, quando scripsit,** 676 a
- Baptisma, quid sit ex Apostolo,** 772 a. 786 a. 802 b. fidei sacramentum, quo fidelium cœtibus aggregamur, 768 b. 770 a. 773 b. 775 b. quomodo necessarium ad consequendam vitam eternam, 28 b. 291 b. 561 a. 562 b. 802 b. non sine spiritu constitutum [ex S. Cypriano,] 420 a. 661 b. 100 b. 806 b. 815 a.
- Baptismatis forma,** 802 b. **Baptismatum variorum recensio,** 809. 812 a. 815 a. 820 b. 100 b. 826 b. 827 a. **Quæ persona baptizanda,** 802 b. 803 b. 812 b. **Quæ etiam baptizantes,** 136 a. [I] 661 b. 808 b. **Discrimen inter Christi & Judæorum baptisma,** 809 b.
- Baptismus, utrum collatus ab hæreticis repeti debeat,** 71 b. 149 a. 261 a. 285 b. 361, 362, 363, 364, 365, 366. 420 a. 812 a. Circa controversiam hanc, temperamentum inter Romanam & Africanam ecclesiam, 102 b. 242 b. 428 b. 810 b. 811 a. Vid. 44 b. & 45 b.
- Barberinus [Francisc.] Cardinalis,** 5, 8
- Barclai tractatus de potestate Papæ,** 565 b
- Bardefanite,** 383 a
- Barnerius, Gratianopolitana sedis episcopus,** 210 a. 754 a
- Vincentius Baro, Vid. seriem materialium, P.V. E. ix. P.VI. E. xiv.**
- Baronius, curialis magister,** 7 b. 279. 455 b. 643 b. **Quædam: accusatus,** 277 a. 809 a. negligit historia leges, 633, &c. 825 a. Joannem P. viriosissimum defendit, 271, &c. 278. Potestatem Papæ constabiles in reges, 609 b. in locis sexcentis annalium, R. Pontificem supra concilia omnia statuit, 39 a. 655 a.
- Baronii mala fides in citand. testimon. 824 b. Baronius egregie cordatus homo,** 271 b. mendax, 709 b illustratur, 718 b. reprehenditur, 809 a. secum pugnat, 825 a. velociter scribit, ibid. imperit Leonis II. epistolæ, 559 a. tradit Socratem scripsisse, quæ non scripsit, 45 b. à Combefio impetratus, 559 a. Quid senserit de Trajani salute, 258 b. Contra cardinalem aliquam duriora, in Combefio historia Monothelitarum, 555 b.
- Basilianus, episcopus Laudensis,** 385 a
- Basilæa concilium, ex decreto Constantiensis concilii, à Martino V. per Senense concilium, indictum ac promulgatum,** 153 b. 234 b. 300 a. **Ejusdem stabilimentum,** 153 b. 233 a. 234 a. 324 b. **Ejusdem intentio,** 154 a. **Martinus moritur, antequam celebrantur, ibid.** **Hujus, successoris, Eugenii IV. litera ad Julianum concilii præsidem, ibid.** 147 a. Vid. & 233 b. **Juliani epistola ad Eugenium,** 232, &c. **Responsio synodalis ad Eugenii oratores,** 304 b. **Bulla, quæ Eugenius confirmat acta synodi,** 305 a. 323 a. 332 a. **Bulla altera, quam refixit,** 481 a. 558 a. **Basilæenses remouent Græcos ab unionem cum Rom. Ecclesiâ,** 154 a. 155 a. 233 b. **confirmant decreta Constantiensis concilii, contra dignitatem papalem,** 154 b. 232 a. 331 b. **Basilæense concilium legitime inchoatum agnoscitur à Bellarmino,** 154 b. **in auctoritatem apud Gallos admittitur,** 158 b. 456 b. 737 a. 803 a. **Conclusiones theologorum in hoc concilio,** 301 a. **Quo anno synodus isthac finita,** 83 b.
- De Basilæensi concilio, plura,** 24 b. 52 b. 53 b. 59 a. 60 a. 63 a. 70 a. 71 a. 72 b. &c. 75 a. 81 b. 97 a. 135. 144 b. 145 a. 157. 159 b. 217 a. 230 a. 234 b. 244 a. 248 a. 249 a. 292 a. 296 a. 300. 307 a. 321 b. 323 a. 324 b. 325 b. 326 a. 330 a. 331 b. 428 a. 474 b. 481 a. 482 b. 558 a. 566 a. 770 a.
- Basilius, episcopus civitatis Gortyna insula Creta,** 729 b
- Basilius Hierosolymitanus rex,** 188 a. 215 b
- Basilii imperatoris subscriptio in synodo VIII.** 732 a. 735
- S. Basilii monastica constitutiones,** 136 a
- Basilus, Thessalonicensis presul,** 682 b
- Bassiani [primò Eusebii, postea] Ephesiorum episcopi causa,** 222 b. 725
- Beatitudo Dei ineffabilis,** 584 a. 813 b. 514 a. 679 a. 127 a. 642 b. 399 a. 421 b. 813 b
- Becani Cœdaxata,** 827, 828
- Becketus [Thomas,] 172 b**
- Beda, in agro Dunelmensi natus, venerabilis doctor Anglorum,** 379. **Martyrologii certissimus author,** 821 b. **Beda tribuitur commentarius in Job, qui inter Hieronymi extat opera,** 767 a.
- Bellarminus, curialium magistrorum signifer,** 79 a. 391 b. **quando Roma docere instituit,** 250 b. 417 b. **Familiari cuidam facitur, in curiâ Romanâ aliter quàm docuerat, docere non permitti,** 79 b. 96 a. **Cur prætermisit titulum [Vicarii S. Petri]** 167 b. &c. ad 172. **Bellarmini operum editiones,** 596 b. 597 a. **In ejus libris asseruari Lydium lapidem, Gratiam effacem,** 596 a. 604 a.
- Bellarminus correctus,** 385 b. **somniatur,** 500 a. **otio & literis abutitur,** 96 b. 121 a. 259 b. 389 b. 416 a. 513 a. nimis probat, ac proinde nihil, 90 a. 126 a. 523 b. 567 b. **unum errorem alio corrigit,** 149 b. 518 b. **sapius per male comparatos indices sapit,** 112 a. 430. 499 b. 507 a. **scribit, quod aperte falsum est,** 508 a. **Bellarmini verba simpliciter referre, simpliciter confutare est,** 149 a.
- Bellarmini placitum, de immaculatâ Virginis conceptione,** 597 a. **liber de descriptionibus ecclesiasticis,** 687 a. **tractatus contra Guillelmum Barclaium,** 565 b. **Bellarmini de hæresibus, 46 b. 140 b. 133 a. 322 b. 389 a. 805 b**
- Bellarminus communibus locis utitur, qui nulli materia, quia omni conveniunt,** 158 a. 535 a. **secum defultorie pugnat,** 150 a. 151 a. 157 b. 158 a. 223. 475. 507 b. 541 b. 648 a. 651 a. 654 b. 673 a. 710 b. 742 b. **verâ quoque paginâ,** 490 b. **Commentaria in Pauli epistolâ eidem Ambrosio attribuit, & abjudicat,** 21 b. 88 a.
- Bellarminus negligit Historia leges,** 59 a. 259 a. 324. 376 a. 437 a. 475 a. 490. 491. 500. 531 b. 643, 646, 647, 648, 649, 650, 651. 704 b. 710. & **Dialectica,** 87 b. 90 a. 92 a. 129 b. 130. 260 b. 377 b. 434 b. 490 b. 499 b. 513 a. 515. 516 a. 521 b. 534. 535 a. 541 b. 542 a. 639 b. 640. 645 b. 653. 655 b. 703 a. 704 b. 775 a. 777 a. **Bellarmini dissimulatio,** 15 a. 72 a. 79 a. 139 b. 144 b. 157 b. 218 b. 250 b. 365 b. 655 b. 706 b. **Bellarmini sublesta fides in citandis testimoniis,** 8 a. 9 b. 61 a. 99 b. 100 b. 101 b. 117 b. 119 a. 129 b. 138 b. 157 b. 256 b. 261 b. 312 a. 377 a. 382 a. 430, &c. 438. 474 b. 499 b. 516 a. 517 b. 643 b. 646 a. 647 b. 648 a. 655 b.
- Bellarminus in Hispaniâ prohibitus, quia argumentis validissimis debiliores dat solutiones,** 587 a. **Protestantium causam adjuvat,** 259 a. 339 b. 391 b. 429 b. 433 b. 535 a. 777 b. 781 b. **Pontifici R. jus deponendi reges asserit,** 475 b. 592 a. 639 b. 640. 644. 645. 683 a. **vera ecclesiastica traditionis prætermittit testimonia,** 44 b. 144 b. 150 a. 391 b. 415. 419 a. 475 a. 774. 775. 825 b. **cum Florentinâ synodo minime concordat,** 737 a. **à Constantiensis concilii patribus recedit,** 742 b. **peccat in Tridentina synodi professionem fidei,** 85, &c. 149 b. 402, &c. 415, 416, 417, 418. 433. & **seq. ad 446. 645 b. 704 b. idèque incidit in penas à concilio Trident. latus,** 417 b. **Orat pro istius animâ Lannoius,** 97 b.
- Benedicti III. electionis historia,** 351, 352, 353. 186 a
- Benedictus XIII. & Gregorius XII. de papatu damnablem contendant,** 151 b. **deprivantur ambo à concilio Pisano, ibid.** 324 a.
- Beneficium ecclesiasticum, pecuniâ, nec accipiendum, nec dandum,** 571 a. 619 b. 630 a. **Ad tale beneficium, quam**

# Index Rerum & Vocabulorum.

quam etas requiratur, 349 a. Beneficiorum venalium, & humani eo in negotio affectus execrabiles, 630 b. 549 b.

Beneventanum concilium, 445 a. quando celebratum, 215 b.  
Benno, Senogalliensis episcopus, 779 b.  
Berengarius, comes Longobardorum, 209 a.  
Bernardi, Galli, nobilis Burgundi, monachorum sanctissimi, (580 b.) mitis humilitas, 290 b. † epistola in pluviâ sine imbre servata, 343 b.  
Bernardus de Montepolitano in ipsâ eucharistiâ, Henricum VII. imp. veniendū extinxit, 568, 569.  
Bertherius, Viennensis episcopus, 750 a.  
Bertramni, seu Ratramni, Corbeiensis, liber de corpore & sanguine Domini, 594 a.  
Bertrandus, Megalonenſis antistes, 232 a.  
Bessarion, archiepiscopus Nicanus; ad Latinos transiens, Cardinalis factus; & titulo patriarcha Constantinopolitani donatus, 401 b.  
De Bibliopolis & impressoribus, 174 b. 297 a. 553 a. 593 a. 613. 796 b.  
Bibliorum translatio, 553 a. 167 a. 228 b. 556 b.  
De Bibliothecâ, 277 a. 689 b. 730 a. 814 a.  
Bignonii nota ad Marculphum, 609 a.  
Binii reprehenditur, 271 a. Binii annotationes, in Clementis epistolâ, ad Jacobum, 687 a.  
Blandus, Hortensis episcopus, 617 b.  
Blasphemia non toleranda, 580 b. 792 a.  
Blondus, Eugenii IV. P. amanuensis, 191 a. 682 a.  
Bonarum actionum qualitates & requisita, 112 b. 181 a. 622 b. 721 b. 746 a.  
Bonifacius, Carthaginiensis episcopus, 795 a.  
Bonifacius I. quando ad pontificis R. sedem adivit, 179 a.  
Bonifacius II. quo anno in R. præfulem ascitus, 183 a.  
Ejusdem insignis confessio, 57 b. 204 a.  
Bonifacius VIII. quando ad gradum altioris ministerii pervenit, 190 a. † 579 a.  
Bonifacius IX. Annatarum vectigalis auctor verus, 248 b.  
Bonius, Ingolismensis episcopus, 773 a.  
Bononiensis academia, non procul à Pado in Italiâ, 323 b.  
Bonum inceptum, & minime consummatum, nihil prodest, 127 a. 369 b. 624 a. Bonum ex ratione suâ communicativum, 86 a. 623. 40 a. 95 a. 125 b. 128 a.  
Bonum, quod habent & mali, non est tale, quale illud est, quod non habent nisi boni, 768 a. Bonum ex quo maxima proficiscitur utilitas, si pravè detorqueatur ad alium finem, quàm fuit institutum, maxima parit incommoda, 114 a. 544 b.  
Botheriche, apud Illyrios, militum præfecti, cades, 652 a.  
Bracarenſia concilia, 222 a. 522 b. 523 a.  
Breviarium Rom. ecclesia mutilatum, 732.  
Brevicoxa, propter Burgundionum factionem, 414 a. à Parisiensi ad Gebennensem ecclesiam translatus, 741 b.  
Britannia, Vid. Anglia.  
Brito, secretarius Caroli Cardinalis Lotharingii, 158 b.  
Brunichilda, regina Francorum, 206 a. 619 a. 630 b.  
Bruno, Signiensis antistes, 247 a. 665 b.  
Bruno, Veronensis præsul, 297 b. 547 a.  
Bubtus, Parmensis episcopus, 268 b.  
Bulgari, quo sæculo Christianam suscepere fidem, 2 b. 14 b. 461 b.  
Burchardus, patriâ Hassus, ex monacho Lobeienſi, Wormatiensis episcopus, 767 b.  
Burgardus, Wirziburgensis præsul, 621 b.  
Burguinus [Edmundus], 592 a.  
Byzantium, quâ atate, Constantinopolis vocabatur, 698 b.

## C.

Abasila liturgica expositio, 600 a.  
Cabilonenſia concilia, 141 a. 523 a. 524 a. 530 a. 575 a.  
Cacilianus, Carthaginiensis episcopus, 365 b.  
Celestis aula, quàm pulchra, quàm ordinata, quàm magna & durabilis, 399 a. 421 b. 813 b.  
Celestia & aterna appetenda; terrena & transitoria contemnenda, 5 b. 47 b. 108 a. 177 a. 625 a.  
De Calibatu clericorum, 627 a. 801 a.  
Calum, sacerdotalis & regia civitas, 399 a.  
Cæsar, quomodo, & quas partes agat in conciliis generalibus, 35 a. 730, &c.  
Cæsarum nonnunquam aliæ sunt leges, aliæ Christi 32 a.  
Cæsarangustanum concilium, 286 a. 384. 467 b. 527 b.  
Cæsarea quot, 699 a.  
Cæsarea Palaestina concilium, 492 a.  
Cæsarius, Arelatenſis episcopus, 748 a.  
Cajetani, curialium theologorum, in adulandi facultate, consummatissimi antesignani (263 a. 265 b.) materiales & formales argutia, 22, &c. 225 a. 255 b. 258 b. 417 a. opica & barbara locutio, 364 b. mala fides in citandis authoribus, 466, 467. 552 b. Cajetanus veritatis ad extremum omnia, 587 b. literas sacras suo exposuit arbitratu, ibid. tandem sapuit, 392 a.  
Caimianorum hæresis, 220 b.  
Calamitas ecclesia graphice descripta, 213 a. 549 b. 786 a.  
Calchedonenſis synodus, 5 a. 9 b. 12 b. 16 b. 18 a. 19 b. 33 b. 40 a. 49 a. 70 b. 71 a. 77 a. 78 b. 93 b. 94 b. 95 b. 99 b. 103 b. 104 a. 105 b. 111 b. 116. 120 b. 123 a. 124 a. 126, 127, 128. 130 a. 133. 134. 160 a. 202 a. 203. 204 b. 222 b. 272 a. 277 b. 285 a. 289 a. 295 a. 310 a. 333 a. 369 b. 381 b. 387 a. 429 b. 431 b. 432 a. 436 b. 437 a. 459 b. 466 b. 491 a. 502 b. 506 b. 510 b. 512 b. 513 a. 514 b. 515 a. 516. 517. 519. 520. 544 b. 574 b. 576 a. 577 b. 606 b. 664 b. 689 a. 715 a. 716 a. 720. 722 a. 723. 724. 725. 726. 727. 739 a. 742 b. 744 a. 792 a. 796. 798 b. 805 b.  
Calculorum mos qualis, 623 a.  
Calliditatis vitium, 490 b. 784 a.  
Callixtus II. quis, 280 b. Quando à Viennensi ecclesiâ ad Romanam transit, 188 b.  
Calvinista à Romanensibus non rebaptizandi, 457 b.  
Calvinus ecclesiastica historia rudis & ignarus, 490 a.  
Calvini judicium de schola theologiâ, 395 b.  
Camelus saltat, 476 b. 568 b.  
Campanella liber de gentilismo tollendo, 601 b.  
Canisiana conciliorum editio, 21 a.  
Canisiana ecclesiæ definitio, 774, &c.  
Canisius, quando è vivis excessit, 776 a.  
Canon, quid, 683 b. 686 a. 817 b. Canon acceptus pro ritu & consuetudine, 540 b. Canones SS. patrum à spiritu Dei conditi, 757 a. 40 a. 478 b. 519 b. 545 a. 564 b. 678 a. 689 a. 743 a. 800 b. Canones ecclesiastici ab omnibus observandi, 49 a. 467 b. 539 b. 564 b. 570, &c. 615 a. 619 b. 682 a. 724 b. 740 a. 757 a. 759 a.  
Canonum orientalium seu Africanorum compendiosa traditio, 695 b. Ecclesia canone regenda, 347, &c. 570, &c. Canones solvere, in religionem committere est, 183 a. 748 a. Canonum sacrorum instituta inviolabilia, 33 a. 39 b. 53 a. 95 a. 128 a. 451 a. 504 a. 544 b. 615 a. 677 b. 682 a. 723 a. 740 a. 743 a. 745, &c. 757 a. 786 a. 817 b. Canonum tamen rigor pro temporum necessitate relaxandus, 182 b. 348 b. 521 b. 580 a.  
De Canonizatione sanctorum, 2 b. 26 b. 27 a. 80 a. 167 a. 215 a. 249 b. 290 a. 557 b.  
Cantherius in portâ, 449 a.  
Cantuariensis sedes metropolitana, 748 b.  
5 O 2 Cap.



# Index Rerum & Vocabulorum.

- Capgravi legendæ Sanctorum Anglia, 358 a. 687 b  
 Capitula tria, [204 b. 378 a. 621 a. 801 b. 819 b.]  
 à Vigilio P. damnata, 481 a. aliquando à Vigilio de-  
 fensa, & aliquando impugnata, 160, 161 b. 285 a  
 289 a. 332 b. 372 b. 481 a. 522 a. 727 b. Capitu-  
 lorum trium discussio integra, Synodo V. à Justiniano  
 cur relicta, 481 a. 521 b  
 Capistrani tractatus, de auctoritate Papa, 248 b  
 Capreoli, Carthaginiensis episcopi, (338 b. 790 a.) ad  
 Ephesinam synodum epistola, 788 b  
 Capuense concilium, 30, &c. 34, &c. 118 a. 268 b  
 385 b. 439 b. 468 a  
 Caput ecclesie, quid, 21 a. 93 b. 428 b. 561 a. Caput  
 concilii, quid, 95 b  
 Carisiacense concilium, 575 a  
 Carlierii, Laudunensis canonici, tumultus, 623  
 Carmini parva est gratia, nisi eloquentia sit summa,  
 279 a  
 Carolus Calvus, quæ concilia convocavit, 531. 533 a. E-  
 jusdem capitula, 261 a. 503 a  
 Caroli magni fragmentum de ritibus ecclesie, 172 a. epi-  
 stola ad Constantinum & Irenem, 640 b  
 Carolinus codex, 150 b. 571 a. 779 b  
 Carthaginiensis concilia, 34 b. 44 b. 257 a. 287 a. 313 a  
 370. 373. 384 a. 395 b. 404 b. 439 b. 699 a. 700 a  
 795 a. 815 a. 817. 819 b. 823 b. 825 b  
 Carthaginiensis collatio, 20 a. 503 a  
 Carvagial, Portuensis ecclesie præsul. 328 a. 329 b  
 Cassiani contra Nestorium tractandi modus, 791 b  
 Cassiodori, patricii & senatoris Romani, divina lectio-  
 nes, 819 a  
 Castelnavi Matvisserii commentaria, 165 b  
 Castorius, Ariminensis episcopus, 606 a. 626 b  
 Casus, qui de novo emergunt, novo indigent auxilio legum,  
 677 a  
 Catana, Sicilia op. ad radicem Ætnæ suum, 204 b  
 Cathari, hæretici quidam antiqui, quos hodie Paritatos vul-  
 gus vocat, 561 a  
 Cathartini errores Cajetanici, 587 b  
 Cathedra nomen, auctoritatem docendi significare, 167.  
 221, &c. 229 b. De cathedris episcoporum, 222 a  
 Quid sit loqui de cathedrâ, 221, &c. ad 231.  
 166 b. 167. 322 b. Cathedra Moysis, & cathedra  
 Christi, 311 a  
 Catholica ecclesia, sponsa Christi, 684 b. 802 a. Christi-  
 anorum omnium mater, 264, &c. 740 a. 773 a. 820 b  
 quomodo secernatur à conventiculis clandestinis hæreti-  
 corum, 371 a. 562 b. 740 a. 764 a. 768 a  
 Catholica ecclesia, per orbem diffusa, quot modis probe-  
 tur existere, 664 b. 560, &c. 771 a. 776 a. Ca-  
 tholica ecclesia, est subiectum proximum ecclesiastica po-  
 testatis, 136, 137, &c. Catholica ecclesia episcopus,  
 12, &c. ad 18.  
 Catholica fides, quæ, 500 a. 795 a. 515 b. 563 a. 601 b  
 740 a  
 Catholici dogmatis notio, 79 a. 302 a. 601 b  
 Catholicorum collatio, cum Severianis habita, Constantino-  
 poli, 796  
 Catulli editiones prima, 472 a  
 Cavillus cavillo repellitur, 525 b  
 Causa martyrem facit, non poena, 766 b  
 Cedrenus reprehenditur, 701 b  
 Celchyth, al. Celichyth, locus celeberrimus in regno Mercio-  
 rum, 469 b  
 De Celebratione officiorum divinatorum, 211 a. 624 b  
 Celeritate conjungendarum inter se actionum, nonnunquam  
 una actio occultatur, 717 a  
 Celestinus, P. quando Bonifacio successit, 179 a. quando  
 migravit, 658 a. Celestini literæ ad Theodosium, 711 b  
 Celestinus & Cyrillus, Ephesina synodi I. præsidēs,  
 ibid.  
 Celestini V. papæ initium, 579 a  
 Cellotii hierarchia & hierarcha, 228 a  
 Cenalis, Abrincensis episcopus, 772 a  
 Censura ecclesiastica, secundum, & non ultra juris regulas,  
 exercenda, 665 a  
 Cerdonianorum hæresis, 220 b  
 Ceremonialis lex. Vid. Abrogatio.  
 Cerinthiani, Verbum Dei tardè natum, tum productum  
 credentes, cum in lucem est editum, à S. Paulo dam-  
 nati, 383 a  
 Certaminis lex, est perseverantia, 624 a. 127 a. 369 b  
 750 b  
 Character substantiæ patris, filius, in divinis, 121 b. 784 b  
 785 a. 788. 812 a  
 Charibertus, Galliarum rex, 522 b  
 Charitatis proprium donum est, providere profectibus alio-  
 rum, 378 a. 627 b. Sine charitate nulle possent pro-  
 desse virtutes, 93 a. 393 b. 567. 571 b. 627 b. 638 b  
 765 b. 773 a.  
 Charta imperialis, 168 a  
 Cheregatus, Hadriani VI. ad Germania principes legatus,  
 318. 826 a  
 Childebertus, rex Francorum, 205 a. 442 b. 521  
 De Childerici, Francigenarum monarcha, depositione, 621,  
 622  
 Chrestus, Syracusanorum episcopus, 486 a  
 Christianus perfectus quis, 624 b. 750 b. 780 a. Chri-  
 stianos inter & Philosophos, quantum distat, 495 b  
 784 a  
 Christiana reip. civium verus amor, 567, 627 b. 495 b  
 606 b. 614 b. Christiana resp. quibus machinis universum  
 orbem occupaverit, 663 b. 782 b. Christianam religio-  
 nem auxit sanguis martyrum, non potentia Christiano-  
 rum, 347 a  
 Christianitatis fides, ad quam amissim sit instituta & in-  
 stituenda, 395 a. 515 b. 567 b. 626 a. 663 b. non  
 agnoscit strophas, 6 a. 17 a. 18 b. 118 b. 134 a. 149 a  
 281 b. 508 a. 194 a. 258 b  
 Christophorus, correctus, 499 b  
 Christus, Deus humanatus, 295 a. 731 b. 11 a. 199 b  
 426 b. 512 a. 788 a. 791 b. 795 b. Secundus Ada-  
 mus, 264 b. 266 b. angularis lapis, 264 b. 421 b  
 422 a. Dei virtus & sapientia, 267 a  
 De Christi incarnatione, 265 b. 512 a. 515 b. 519 b  
 529 b. 791 b. 820 b. In Christo due voluntates, 526 b  
 798 a. persona unica, 788. 796. Christus Deum pa-  
 trem adorabat ut homo; & ipsemet Christus adoraba-  
 tur ut Deus, 227 b. 403 a  
 Ex Christi latere fluxere, & sanguis redemptionis, & aqua  
 baptismatis, 266 b. 291 b. 685 b. 704 b. 788 b. 802.  
 Qui mortuus est, ut filios dispersos congregaret in unum,  
 89 b. 267 a. 772 b. 774 b. 788 b. 92 b. 795 b. Christi  
 caro est cibus manens in vitam æternam, 636 b  
 765 b.  
 De Christi pontificatu, 1 a. 750 b. 265 b. 639 b. 678 a  
 Christus quomodo formetur in humanis cordibus,  
 108 b. 711 b. 759 b. 770 a. 807 b. 814 a. Christum  
 inter & ecclesiam matrimonium, 264 b. Vid. Eccles.  
 Matrim. Spons.  
 Chronologia Christianismi notanda, 502 a. 565 a  
 Chronologicus index LXII. R. Pontificum, 175, &c.  
 ad 190. Alius, XXIX. 285, & seq. ad 292. Alter,  
 324. Alter, 579 a. Alter, 657.  
 Chrysaphius, Theodosii cubiculi præfectus, 721 a  
 Chrysostomus, Constantinopolitanus antistes, 541 a. 787 b  
 791 b. illatus sibi à Theophilo Alexandrino injuria  
 enarrat, 14 b. 116 b. Eudoxiam imperatricem ve-  
 litat in concione, 502 b. 503 a. Chrysostomi mors,  
 14 b. 17 b.  
 Ciaconii error, 508 a  
 Circumcisio à Christianis non observanda, 363 a. 560 b  
 782 b.  
 Cisterciensis ordinis fundamenta, quis jecit, 452 a  
 Civitas Christiana, perfectissima Reip. partes habens,  
 772 a. Civitas supra montem posita, quomodo sit eccle-  
 sia, 773 b.  
 Clamengii tractatus de corrupto Ecclesie statu, 414 a  
 Claro-

# Index Rerum & Vocabulorum.

- Claremontanum concilium*, 445 a  
*Claudius Efpencans, de continentia*, 687 a  
*Claudius, Taurinensis praful*, 427 a  
*Clavium potestas, quam*, 136, &c. 145, &c. 656, &c. 549 b. *Clavis ordinis, & Clavis jurisdictionis*, 147 a. 387 b. 666 b. *Clavium discretio, & Clavium potestas*, 665 b. 667 b. *Claves, num ad mortuos usque pertinent*, 140 a. 333 a. 656 b. 657. 664  
*Ecclesia eas accepit proprie, Petrus figurative*, 147 b. 325. *Per quos exercenda, usque ad mundi finem*, 657. 659 a.  
*Clemens, Alexandrinus, Praful, Pantheni discipulus, & magister*, 221 a. *quando floruit*, 809 a  
*Clemens, Apostolorum discipulus*, 88 b. 89 a. *Clementis ad Jacobum epistola apochrypha*, 687 a  
*Clemens (Jacob.)* 457 a. 592 a. *Bellarmini doctrinam imbutus*, 475 b. 592 a  
*Clemens II. quando Rom. ecclesie praefecturam accepit*, 187 a  
*Clemens III. quando ad Rom. sedis pervenit fastigium*, 189 a  
*Clementis IV. mors*, 563 a  
*Clemens V. quando ab ecclesia Burdegalensi ad Romanam transiit*, 291 b. *promittit, expuncturum se ex Pontificum numero Bonifacium VIII.* 159 b. *Quando vna functus*, 563 a.  
*Clemens VI. quis*, 237 b  
*Clemens VII. Medicus, 79 b. quo anno Hadriano successit*, 292 b. *pro vero Pontifice a Gallis habitus*, 7 a  
*Eiusdem epistola ad Franciscum I. Gallie R.* 537 a & diploma, 217.  
*Clementina de S. Trinitate*, 802  
*Clericalis vocationis requisita*, 4 a. 182 b. 185 a. 187 b. 223 a. 308 a. 310 b. 343 a. 624 b. 628 a. 657. 665 b. 753 b. 757 a.  
*De Clericorum habitum & cultu externo*, 178 a. 628 a. 638 b. 707 b. *De Clericorum vita*, 140 a. 613 b. 630, &c. 704 b. *De Clericorum accusationibus*, 175 a. 630 b. 686 a. *Clericorum dignitas quanta*, 89 b. 138 b. 181 b. *Absoluta horum necessitas*, 136 a. [1]  
*Clithoveus, primus e Parisiensibus theologis, calumniam contra Lutherum strinxit*, 148 b  
*Clodoveus I. Gallie regum primus, Christianam religionem suscepit*, 520 b. 577 a  
*Clodoveus II. Francorum rex*, 524 a  
*Clotaricus, primo Suesionum Princeps, postea solus Francorum rex*, 206 a. 631 b  
*Clotaricus II. Gallorum rex*, 524 a  
*Cochlai, hereticorum mallei*, 390 b. *laudes*, 166 b. *historia Hussitarum*, 75 a  
*Codex canonum vetus Ecclesia Romana*, 696 a  
*Codex Dionysii Ecclesiasticorum canonum*, 535 b. 700 a  
*Codex juris Græco-Romani*, 259 b  
*De Coepiscopi nuncupatione, R. ecclesie traditio*, 4 b. 51 a. 54 b. 90 a. 92 b. 305 b. 308 a. 439, &c. ad 446. 478 b. 658 a. 724 a. 779 a.  
*Cogente lege, nemo plectitur, nisi & qui ante dirigenti legi parere noluerit*, 468 a  
*Cojacense concilium*, 533 a  
*Colarbasii haeresis*, 220 b  
*Collatio, & concilium, vel sessio, in quo differant*, 503 a. 504 b  
*Collectio Romana bipartita*, 21 a. 33 b. 385 b  
*Colonienfis concilia*, 245 b. 533 a  
*Colonienfis Academia*, 66 a. 82 b. 300 b. 326 a. 331 a  
*Colonienfis conciliorum editio*, 21 a  
*Columbus, Numidia Episcopus*, 443 b. 631 b  
*Combesisii historia Monothelitarum*, 555 b  
*Communiſter, quid*, 444 a. 446 a  
*Commoda privata, communi officio posthabenda*, 40 a. 86 a. 95 a. 125 b. 128 a. 181 a. 622 b. 721 b. 746 a  
*Communicare sacra Eucharistia, ter anno imperatum, saltem in Paschate*, 266 a  
*Communicatione quâdam inter se junguntur res omnes*, 129 a. 768 a  
*Communia fuere omnia, inter Christianos, Ecclesia nascentis initio*, 141 a. 246 a  
*Conatus illi omnes, qui divinam misericordiam deservuntur, sunt inanes*, 123 b. 216 b. 530 a  
*Conciliorum editiones*, 21 a. *praefationes*, 298 a. 699 b. 729 a. 730 b. 741 b. & *subscriptiones*, 696 a. 708 a. 713 a. 715 a. 729 b. 733 a. *In conciliis sedendi*, 724 a. 727 a. & *sententias ferendi mos*, 127. 133 a. 222 b. 725.  
*Concilium non est aliqua persona natura, sed juris*, 147 a. *sive nihil aliud quam magnum & universale Christi corpus*, 470 b. 537 a. *quod est Ecclesia tribunal ultimum*, 364 a. 365 b. & *ultimum juris silentium*, 207 b. 308 b. 336 b.  
*Conciliorum saluberrima in Ecclesia auctoritas*, 481 b. *quomodo fundata*, 562 b. 485 a. 198 b. 291 a. 298 a. 307 a. 324 b. 470 b. *Conciliorum prerogativa & privilegia*, 156. 235. 336 b  
*Conciliorum celebratio, necessaria*, 152 a. 193 & seq. ad 221. 219. 298. 562. *quomodo, inventum M. Constantini*, 218 b. 489 b. 520 a. a *Licio prohibita*, 218 b. *frequens esse debet*, 152. 201 b. 298. *Conciliorum celebrandorum causa sex*, 218 b  
*Conciliorum quædam generalia, quædam particularia, quædam provincialia, & quædam episcopalia*, 741 a  
*Concilia sacra, quando celebrari cœpta; & quodnam fuerit primum*, 148 b. 562 b. 484 b. 489 a. 193. 257 a. 284. 285. 500 b. *Concilia generalia quam*, 671 a. 673 a. 740 b. *de Conciliorum quatuor primorum dignitate*, 285 a. 526 b. 742 a  
*Conciliis generalis & particularis differentia*, 516 a. 230 b. 469 a. 566 a. 573 a. *Concilium generale, ad communes causas Ecclesie; in privatis vero causis, particulare unius, usque provincie congregandum*, 293. 740 a. *Concilia multa provincialia consentientia, generali æquatur concilio*, 220 a. *Concilium Lauroanum, ex R. Pontificibus LXII. Florentinus patribus, & legatis, Concilii Tridentini praesidibus, coalescens*, 191 b. *Vid. & 217 b. & 760 b.*  
*De Conciliorum utilitate*, 66 b. 152 a. 177 b. 186 b. 218 b. 384 b. 481 b. 562 b. 699 b. *Propter quas causas Concilium generale congregari debeat*, 218 b. 273 b. 66 b. 202 a. 219 b. 227 a. 293 a. *Concilium quo tempore celebrandum*, 15 b. 76 a. 213 b. 287 a. 298 b. 723 b. 739 a. *In conciliis negotia magni momenti geri & confici*, 147 a. *Concilia semper ad Ecclesia mores reformandos, & extirpandas haereses fuisse usitata*, 48 b. 94 a. 501 a. 503 a. 719 b. 620 b. 631 b.  
*Conciliorum congregatio, ad quos pertineat*, 485 a. 490 b. 491. 492. 493. 494. 495. 496. 497. 515. 741 a. & *publicatio, quomodo facienda*, 293 a. 487 b. 537 a. 673 a. 739 b. 741 b. 742 a. *Conciliis locus, qualis esse debeat*, 152 b. 708 a. *Concilio interesse cuilibet liberum*, 114 a. 196 b. 298 b. 487 b. 511 b. 528 b. 585 b. 673 a. 721 b. 741 a. 742. *Conciliis praesidentia, Spiritui S. tributa*, 419 b. 484 b. 562 b. 618 b. *Concilium quo casu censeatur acephalum*, 713 b. *Concilium per neminem cujuscunque dignitatis, etiam papalis, sine ipsius consensu dissolvendum, aut de loco ad alterum mutandum*, 66 b. 72 b. 154 b. 301 a.  
*Conciliorum symbola & decreta, esse normam controversiarum religionis*, 194 a. 470 b. 501 a. 562 b. 755 a. *Quid sit acta conciliorum approbare & confirmare*, 134 b. *Conciliis gesta episcoporum subscriptionibus confirmanda*, 134 b. 562 b. *Conciliis jam decreta, ne retractentur*, 119 b. 203. 245 b. 369 b. 390 b. 585 b. 783 a. *Concilia & patres, non artificio, non syllogismis, sed auctoritate duntaxat uti*, 511 b. 525 a. 535 b. 784 a. 789 a. *unionem fidei in ecclesia afferre*, 529 b. 562. *Quandocunque in aliquo concilio aliqua instituitur, tota auctoritas dans vigorem statuit, residet in spiritu*



# Index Rerum & Vocabulorum.

- Spiritu S. & ecclesiâ catholicâ*, 44 a. 62 a. 135 b  
 144 a. 145 a. 337 a. De obligatione se subijciendi  
 conciliorum decretis, 194 a  
*Conciliorum œcumenicorum miri & multi effectus*, 32 b  
 47 a. 98 b. 114 b. 117 a. 153. 189 a. 194 b. 195 a  
 206 b. 207 b. 210 b. 215 a. 216 b. 230 b. 244 b  
 293 b. 363 a. 622 b. 631 b. 699 b. 738 b. 740 a  
 742 a. 789 a. 797 a. 800 b. 804 b. Concilia œcu-  
 menica in summis christiana reip. periculis, remedium  
 optimum atque opportunissimum, 197 b. 363 a. 493 b  
 501. 537. 631 b. Concilia provincialia [32 b. 47 a  
 98 b. 230 b. 363 a. 740 a. 742 a. 800 b.] per me-  
 tropolitanos antistites, cum eorum suffraganeis, ad quid,  
 singulis annis, [183 a. 198 b. 201 b. 204 a. 205 a  
 210 b. 218 b. 524 a. 537 a. 618 b. 620 a.] cele-  
 brata, 490 b. 537 a. Conciliorum omnis materia sex  
 capitibus circumscripta, 273 b. Conciliorum canones  
 quinam recipiendi 751 a  
*Concilium qualiter fiat, secundum priorum canonum insti-  
 tuta*, 485 a. 519 a. Concilii unius decreta non pos-  
 sunt, nisi in alio concilio irritari, 195 b. 486 a. 487 a  
 512 a. Concilium reconciliet dissidentes episcopos,  
 178 a. 706 b. A concilio retractanda episcoporum  
 damnatio, 485 a. 618 a. A minori concilio damna-  
 tus, ad majus appellet, 111 a. 112 a. 502 b. Epif-  
 copus, qui ob aegritudinem non potest ad concilium ve-  
 nire, personam mutat pro se, 618 b. 741 a. In con-  
 ciliorum codicibus, dies & consules, sub quibus fu-  
 ere celebrata, cur sæpe desiderentur, 684 a. Vid. &  
 124.  
*Concilium generale, universalem representans ecclesiam*,  
 66 b. 296 a. 470 b. 566 a. 656 a. 741 a. vices ec-  
 clesie gerit, 144 a. 146 b. 148 b. 149 a. 150 a  
 293 b. 296 a. 308 a. quando integrum & plenarium  
 existit, 176 a. 470 b. 737. 738 b. 741. 742. An  
 dicendum immediatè à Christo potestatem habere,  
 33 a. 65 b. 68 a. 562 b. Error duplex circa in-  
 dictionem conciliorum, 538. Conciliorum univer-  
 salium autoritas, & quoad convocationem, & quoad  
 actorum robur & firmitatem, à R. sedis auctoritate  
 non oritur, 156. 157. 244 a. 363. 510. 531 b. 483.  
 & seq. ad 534. 537 a. 606 b. 739 b. 740 a.  
*Concilium legitime inchoatum & continuatum, an errare  
 possit in suis definitionibus*, 562 b. 563 a. 99 b. 148 b  
 235. 320 b. 336 b. 390 a. 413 b. Errare potest in facti  
 questionibus, 673 b. 701 a. Papa concilio subijcitur,  
 si errare possit; & errare potest, si subijcitur concilio,  
 240 b. 324 a. Utrum concilium sit suprâ Papam,  
 469 a. non questio nova, 59 a. 70 a. 148 a. 158 b  
 159 b. 239 b. 268 a. 293 b. 307 a. 369 a. Non  
 modò generale, sed & regionale concilium suprâ Pa-  
 pam, 68 a. 469 b. Concilia multa leges præfixerunt  
 R. ecclesiæ, 102, &c. De conciliorum auctoritate  
 suprâ Papam, Augustini, [336 b. 361, &c. ad 375.]  
 & Lovaniensis academia sententia, 298, &c.  
*Concilium apud Bajoarios*, 208 b  
*Concilium Cardinalium delectorum sub Paulo III.* 337 b  
 350  
*Concilium apud Cyperanum*, 215 b  
*Concilium apud S. Macram*, 170 a  
*Concilium omnium sectarum*, 501, 502  
*Conciliorum Orientalium disciplina*, 714 a  
*Concilium apud Theodoni suillam*, 172 a. 173 a  
*Concionandi facultas, quibus concedenda*, 86 a. 245 a  
 395 a. 642 b. 740 a. 749 b. 782 b. 795 a.  
*Confessio fidei in conciliis præponitur*, 124 a  
*Confessionum diligens debet haberi ratio*, 549 a. Con-  
 fessiones exigendi, & pœnitentias injungendi modus,  
 599 a. 657. 666 a. 764 a. Nec confessus, nec con-  
 tritus, absolvitur à peccato, 248 b. 664 a. 668 a. U-  
 trum qui confessi fuerant fratribus, suis iterum præ-  
 byteris parochialibus confiteri teneantur, 109 b. 549 a  
 658 b. De silentio, quod confessionis auricularis si-  
 gillum vocant Pontificii, 386 a. 658 b  
*Conjuraciones seu confratriæ nulla fieri debent*, 614 a  
*Conradus, Lucensis episcopus*, 268 b  
*Consecrator, Vid. Cœpiscopus.*  
*Conscientia quem non accusat, liber est, etsi eum omnes vi-  
 tuerent*, 15 a. 100 a. 555 a. 654 a  
*Consilii divini inscrutabilis altitudo*, 791 a  
*Constantiense concilium*, 28 a. 43 b. 59 a. 62 b. 64 a  
 65 a. 67 a. 70 a. 75 a. 97 a. 144 a. 147 a. 150 a  
 152. 153. 154. 155. 156 a. 157 b. 158 a. 170 a  
 224 a. 232 b. 236 a. 239 b. 244 a. 257 a. 273 b  
 292 a. 296 a. 298. 299. 300. 303 b. 304 a. 307 a  
 320 b. 321 a. 324. 325 b. 326 a. 331 b. 336. 345 a  
 355 b. 412 b. 414 a. 456 b. 474 b. 482 b. 566.  
 740 b. 803 a. Vid. Frequens.  
*Constantinopolitana synodus I.* [12 a. 77 a. 118 a. 123 a  
 140 a. 155 b. 158 b. 235 b. 251 a. 252 b. 285 a  
 294 b. 310 a. 368 b. 383 b. 442 a. 499. 533 a. 695 a  
 707. 708. 709. 710. 722 a. 738 a.] quare coacta, 294 b  
 à Damaso P. confirmationem actorum suorum minime pe-  
 tit, 125 a. 310 a. 515 b. Ejusdem epistola synodica,  
 295 a. 707 a.  
*Constantinopolitana synodus II.* 126 a. 155 b. 498 b  
 499 a.  
*Constantinopolitanus episcopus, Nicanî concilii tempore, ab  
 Heracleensi pendebat*, 699 a  
*Constantinus M. Christiani gregis Zorobabel*, 488 a. &  
 primus Imperator Christianus, 114 b  
*Constantinus à Neuzezio trucidatus*, 645 a  
*Constantinus IV. Pogonatus*, 730 b. præsidet in sexto  
 concilio, 731. 732. ultimus subscribit, 732 a. Ejus-  
 dem ad Donum P. epistola, 206 b. 525  
*Constantinus episcopus Nacolia*, 800 a  
*Constantinus, Arawscanus antistes*, 385 a  
*Constantinus, Faventia præsul*, 366 a  
*Constantinus, Mediolanensis episcopus*, 443 a. 739 a  
 748 b  
*Consuetudo ecclesiæ, vim habet obligativam legis*, 364 a  
 787 a. Consuetudo sine veritate, vetustas erroris est,  
 774 b. 808 a.  
*Contraria sunt contrariorum consequentia*, 157 a  
*Controversias ecclesiasticas decidendi ratio*, 218 a. 489 b  
 660 a. 785 a. 805  
*Contumelia spiritus, unde veniat*, 447 a. 548 a. 580 b  
 674 b. 691 a. 721 b. Non qui patitur, sed qui facit  
 contumeliam miser est, 482 a  
*Convitiû non est pro accusatione habendum*, 15 a. Con-  
 vitia, arma eorum, non qui vincunt, sed qui videntur,  
 447 a. 548 a. 674 a. \*\* Possè interfici, qui virum  
 aliquem honoratum convitiis afficit, nec potest aliter co-  
 gi, ut taceat, 555 a  
*Convivium, quod Agape nominatur*, 112 b  
*Convocationes generales quandonam faciendæ*, 201 a  
 501 a. 509  
*Copernici opinio, de motu terræ, Romæ damnata*, 392 b  
*Copronymus*, 739 b  
*Coriolani in summam conciliorum præludia reprehensa*,  
 526  
*Cornelii papatus initium*, 285 b. Ejusdem martyrium,  
 376 a  
*Correctio abusuûm quàm necessaria*, 107 b. Correctio, non  
 amore vindictæ, sed justitiæ; non odio persona, sed vitii  
 faciendâ, 142 a. 740 a  
*Correptio fraterna, quâ ratione sit instituenda*, 41 a. 87 a  
 100 b. 136 a. [2] 282 b. 345 a. 765 b. 778 a  
*Corrigere seipsum melius est, quàm ab alio corrigi*, 320 a  
 Qui non corrigit refecanda, committit, 317 b  
*Cracoviensis academia*, 65 b. 147 b. 244 a. 325. 770 a  
*Creare desit Deus, sed non desit providere*, 323 a  
*Creditur piscatoribus, non dialecticis*, 252 b. 346 a. 395 b  
 604 b. 662 a. 707 b. 784 a. 798 a  
*Credulitas nimia, quid sit*, 620 a. 610 a. cavenda impi-  
 mis circa impostorum miracula, 453 a  
*Cresconeana collectio*, 78 b  
*Critica vera leges*, 6 a. 9 b. 12 a. 13 a. 89 a. 118 b  
 162 a

# Index Rerum & Vocabulorum.

- 163 a. 166 b. 219 b. 231 a. 258 b. 279 a. 337 a  
 339 b. 359 b. 375 a. 396 a. 418. 455 b. 458 a. 587.  
 597 a. 611 b. 623 b. 632 a. 693 a. 717 b. 718 b  
 727 b. 742 b. 774 b. 805 b. 810 b. 821 a.  
*Crucis sacratissimum signum,* 265 a  
*Juxta modum Culpa temperanda semper est mensura vin-*  
*dicta,* 679 b  
*Cultus Dei, vel externus, vel internus,* 561 a  
*Cunibertus, Taurinensis episcopus,* 212 b. 213 a  
*Cupiditas & ambitio, duae sanguisugae, 5 b. 40 a. 99 a*  
 128 a. 181 a. 329 b. 627. b. 631 a. 639 a. 684 b  
 704 b. 745 b.  
*Cura pastoralis, triplex, 639 b. qualis esse debeat, 639 a*  
 704 b  
*Cursus temporis non mutat substantiam veritatis, 610 b*  
*Cusani libri de concordantiâ catholicâ, 33 b. 135 a. 224 b*  
 244 a  
*Cycladum insularum quis metropolita,* 699 a  
*Cypriani duo, Antiochenus, atque Carthaginensis, 718 b*  
*Cyprianus, sit Carthag. episcopus, 814 b. eloquentissimus*  
*& doctissimus, 813 a. 814 a. 815 b. 818 a. &c. pri-*  
*miū rhetoricam docuit, 814 b. 815 b. Cujus suāsu*  
*Christianus factus, 814 b. Cyprianus, Papa, [545 a.]*  
*secedit propter persecutionem, 90 b. 703 b. 815 b*  
*Cypriani, discipuli Tertulliani, (135 a. [2]) opinio*  
*de non rebaptizandi simplicitate, 362, 303, 364, 365.*  
 395 b. 806, &c. Cyprianus in obscurissimâ quaestione  
 laborabat, 364 a. Pseudo-christus & Pseudo-aposto-  
 lus à Stephano dictus, 808 a. non est habitus haretic-  
 us, 828 b. defensio adversus Joannem, cognomento  
 Davidem, 825 a. Locus scripturae nullus est, quem  
 sanctus hic doctor agens de baptismo hareticorum male  
 interpretetur, 827 b. Vid. Baptismus.  
*Cyprianus à Bellarmino in R. traditionis testem adductus,*  
 195 a. occupatus persecutionum angustiis, de Scriptu-  
 ris divinis nequaquam differuit, 815 b. Cypriani defi-  
 nitio ecclesiae, 764 a. 776 b. liber de unitate eccle-  
 siae, 446 a. epistola, LXVII. ad Stephanum, videbitur  
 supposita, 170 a. S. Cypriani praedictio, 811 b. &  
 martyrium, 364 a. 545 b. 787 a. 818 a. 820 a  
 825 a. Basilica duae martyri erecta, 811 b. Cypri-  
 ana, festus dies, ibid. 814 a. Pontii libellus de vitâ  
 illius, 810 b. 811 b. S. Cypriani poenitentia, inscrip-  
 tus liber, apochryphus, 815 a  
*Cyriacus, P. Britannus, suppositus, 356 b. 357, 358, 59.*  
 687 b  
*Cyrillus Alexandrinus (695) Apostolorum Cuiusq[ue] &*  
 717 b. 718 b. Ephesina synodi I. praeses, 462 a. 712,  
 &c. 738 b. scribit contra Nestorium, 11 a. 198 a  
 711 a. 788 a. amplificandis rebus non indulget, 3 a  
 verè laudatur à Florentinâ synodo, ibid. Cyrilli Go-  
 lia, 795 a. commentaria in vetus testamentum, 8 a  
 Thesaurorum codex, 2, &c. 8 b. Thome testimonia,  
 Cyrillo subjecta, 6 a. 450 b. 455 a. 476 a. 480 b  
 603 a. Cyrilli opera omnia Gr. & Lat. quando typis  
 mandata, 457 a. 458 b. 640 a  
*Cyrillus, episcopus Hierosolymorum, 125 b. 496 a. 497 b*  
*Cyrus, Alexandrinus amicus,* 799 a  
*Cyzicena synodus,* 520 a
- D.**
- D**emon mendaciorum pater, 552 b. 553 a. egregius  
 scelerum artifex, & optimorum inturbator con-  
 siliorum, 114 a. 682 b. 752 a. 1 b. 386 b. 409 a  
 511 b. 627 a. 809. Demonis quinam sint præcipui  
 in ecclesiam conatus, 15 b. 213 b. 218 b. 244 b. 264 a  
 511 b. 514 a. 715 a. 827 b. Dæmones cur dicantur  
 spiritus erratici, 682 b  
*Daimbertus, Senonensis Archiepiscopus,* 756 b  
*Damasus, quando Romanus Antistes creatus est, 177 b*  
 † 286 a. Vates elegans, 88 a. 491 a. 814 b. Plura  
 de eo, 496. Ejusdem pontificale, liber suppositus, 491 a  
*Damasi [vel potius Siricii] inaudita sinceritas, 31 a*  
 38 a. 39 a. Damasus non praesuisse Constantinopoli-  
 tana synodo I. 707, &c.  
*Damianus, Ostiensis Episcopus,* 780 b. 823 a  
*Damiani epistola ad Alexandrum II.* 142 a  
*Daniel vir Desideriorum,* 135 b. [2]  
*Datus, episcopus Mediolanensis,* 204 b  
*Debuit fideliter Deo absolvenda,* 626 b  
*Decentius, Eugubinus amicus,* 308 a  
*Decreta & canones sanctorum patrum ab omnibus tenen-*  
 da, 748 a. 178 b. 677 b. 467 b. 539 b. 564 b. 570,  
 &c. 615 a. 619 b. 682 a. 724 b. 740 a. 757 a  
 759 a.  
*Decretalium epistolarum [65 a. 552 b. 553 a.] cunctis*  
*ferè paginis anathema subjungitur,* 549 b. 679  
*Desipere vox à Nestorio impugnatur, 198. 507. 788 a*  
*Vid. Maria, & Nestorius.*  
*Deitas divisionem non sustinens, & una permanens, 783 b*  
 785 a. 783. 794 b. 796. 815 a. Deitas cum carne  
 Christi immaculatâ inconcussim unita, 265 b. 788 a  
 794 b. 796. Ut Deitatis una est essentia, ita unave-  
 ritate fidei veritas, 784 a. 791 b. 794 b. 796. 815 a  
*Delatores quâ ratione comescendi,* 618 a  
*In Delictis & excessibus, qualitas, quantitas, & aetas;*  
*scientia, sensus, atque conditio sunt attendenda, 471 a*  
 606 a. 679 a.  
*Desideria hominum, licet multa & varia, ad duo tamen*  
*reduci possunt, spirituale scilicet & carnale,* 108  
*Desiderius, Caturcensis episcopus,* 524 a  
*Dei nomen ineffabile, 813 b. Deus à πῶς & τὸς,* 135 b  
 omnium bonorum auctor, 679 a. 54 b. 216 b. 514 a  
 & 42 b. 813 a. Deus non solum quoddam, sed & omne  
 summè & per essentiam bonum, 642 b. In Deo om-  
 nia, & extra Deum nihil, ibid. Deum nullis linea-  
 mentis posse figurari, 807 b. Dei duos filios statuerunt  
 Photinus & Artemius, 818 a. Dei nutum sequuntur  
 omnia, 127 a. 642 b. 693 b. Deus adorandus probe-  
 neficiis, 506 b. 773 a. 813 a. Deum quinam adorant  
 in spiritu, 771 a. 773 a. 776 a. Deus nostrorum a-  
 nimi motuum spectator, & iudex, 6 a. 95 a. 554 a  
 solus iudex eorum, quae hominibus sunt incognita, 40 b  
 57 b. 657 a. tangit corda eorum quorum vult, 642 b  
 788 a. est quarendus in cordis simplicitate, 175 b  
 281 b. bonus est omnibus, & maxime poenitentibus,  
 460 a. 642 b. Dei judicia, abyssus multa, 81 b.  
 Dei hostis, est adversarius ecclesiae, 514 a. 642 b  
 773 a. Dei spiritum suae ecclesiae nunquam deesse, 566 a  
 Dei viventis tabernaculum est ecclesia, & quomodo,  
 766 a. Dei verbum, veritas est, 787 b. ab omni mu-  
 tatione immune, 782 b. 807. non debet abscondi ab  
 ullo, 126 a. [1] 204 a. Ad Dei cultum quae perti-  
 nent, non sunt innovanda, sed reducenda sunt omnia  
 ad antiquitatem, 642 b. 139 a. 544 b. 24 a. 302 a  
 338, 339. 510 b. 601. 702 a. 774 b. Deus cuili-  
 bet creatura dedit certam periodum, quâ determinatur  
 ad durandum in suo esse, 325 a  
 Δὲ τῶν περὶ τὴν ἐκκλησίαν, 2 b. 826 a  
*Diaboli hypostatica unio cum igne,* 394 b. 396 b  
*Diabolica opera abolenda,* 630 b. 699 b  
*Ad Diaconatus ordinem, quam aetatem requiratur, 631 b*  
*Dicentis inventio, cum jam persona defuncta est, ex com-*  
 munionem religiosius aestimatur, 821 a  
*Didacus, Compustellanus episcopus,* 779 b  
*Diei dominicae quam, & quam accurata debeat esse ob-*  
 servatio, 219 b  
*Digami, presbyteri, aut diaconi, non ordinandi, 136 a*  
 [1] 185 a  
*Dignitates in ecclesiis sunt instituta, ad conservandam au-*  
 gendamque ecclesiasticam disciplinam 500 a. 628 a  
*Dilectio proximi, [14 a. 553 b. 757 a.] ex dilectione*  
*Dei pendet, 638 b. Dilectionem Dei & proximi se-*  
*quitur mandatorum Dei observatio, 624. Ubi dilectio,*  
*ibi delectatio, 460 a. 627 b. Non diligendum, sicut*  
*adulatores diligunt, 46 a. Dilectio tenetur ad hominem,*  
 non ad errorem hominis diligendum, 174 b. 627 b  
 Dilectif-



# Index Rerum & Vocabulorum.

Dilectissimi, Christianorum fratrum titulus, 176 a  
 Diocletiani persecutio, 485 a  
 Diogenes, Cyzici episcopus, 510 b. 725 a  
 Dionysius, Alexandrinus antistes, 333 b. 826 b  
 Dionysii, Areopagita, Atheniensis episcopi, [797 b. 798 b.]  
 scripta subditiua, 795 b. Dionysium Parisiensem, ali-  
 um esse ab Areopagita, 552 a  
 Dionysius Carthusianus, de auctoritate Papa & generalis  
 concilii, 62 b. 66 b. 147 b. 224 b  
 Dionysius P. quando à vitâ migravit, 377 a. 811 a  
 Dionysii R. codex canonum ecclesiasticorum, 58 b. 133 b  
 744 a  
 Dioscori, Alexandria episcopi, Ephesini concilii II. prae-  
 sidis, 719, &c. nefaria artes, 200 b. Dioscorus ad  
 exilium damnatus, 726 b  
 Diploma Sixti V. bibliis praefixum, avulsam & dele-  
 tum, 29 b  
 Diptycha, tabula ecclesiastica nuncupata, 380 a  
 Diribitores veri, 482 a  
 Disciplina veteris severitas, omnium seve ordinum luxu &  
 cupiditate dissoluta, 522 b. 541 a. 580 b. 630 b. Si-  
 monia & fiduciis propè collapsa, 549 b. 630 b. Sic  
 depravata, heresum magna ex parte causa, & origo,  
 544 b. Disciplina antiqua observatio quantum necessa-  
 ria, 213 b. 545 a. 570 b. 619 b. 623 a. 743 a. 747 a  
 760 a. 817 b.  
 De Disciplina regulari, ubi collapsa est, instaurandâ, &  
 ubi viget, conservandâ, 549 b. 619 b. 677 b. 743 a  
 750 a. 786 a. 803 b. 817 b. Sine disciplina religio  
 non potest subsistere, 549 b. 625 a. 670 b. 760 a  
 795 a. Disciplina in legibus similem sentire eos dig-  
 num est, qui similem cum aliis suscipiunt vitam, 633 b  
 746 a. Disciplina veterum renovanda, 213 b. 537 a  
 545 a. 619 b. 630 b.  
 Discipuli tales, quales magistri, 450 a  
 Dispensationes utiles aliquando, 187 a. 749 a. necessa-  
 ris tempore locum habent, 185 a. 349 b. diligenter in-  
 spicienda, ut occurratur abusibus, 551 b. Ex dis-  
 pensationibus iniustis maximus legum contemptus, 185 a  
 192 b. 241 b. 348. 478 a. 549 b. 551 a. 558 b  
 583 a. 590. 603 b. De dispensatione ad contrahen-  
 dum matrimonium, 570 b. 583 a. Utrum dispensatio  
 super pluralitate beneficiorum tutum faciat hominem &  
 securum in foro conscientiae, 343, 344  
 Disputandi optima ratio, 476 a. 554 a. 691 a. 721 b  
 Vid. Critic.  
 Disputationes vana & obstinata, rejicienda à rebus sa-  
 cris, 252 b. 290 b. 395. 476 b. 525 a. 691 a  
 707 b. 784 a. 792 a. 801 b. Disputationes de fide  
 coram vulgo Marcianus imperator prohibuit, 517 a  
 Dissidia ubi sunt, veritas evangelica, & religio Christia-  
 na esse non potest, 48 b. 603 a. 617. 752 a. 805 b  
 Vid. Unanimit.  
 Dissimulare zelus nescit, 603 a. 625 b. 784 a  
 Ubi lex non distinguit, nec nos distinguere debemus,  
 260 a  
 Divine persona habent omnia communia, praeter hypostatice  
 & personales proprietates, 708. 784 b  
 Divisio quacunque, in corpore ecclesiae suscitata, quam pe-  
 riculosa, 687 a. 719. 805 b  
 Diurnum vetus R. ecclesiae detinetur Roma captivum,  
 19 a. 53 a. 191 a. 317 b. Parisiis manuscriptum ha-  
 betur, 708 b  
 Dixeris maledicta cuncta, cum ingratus hominem dixe-  
 ris, 455 a  
 Doctores polemici curia Romana, [17 a. 29 b. 53 b  
 147 a. 166 a. 208 b. 418 b. 471 a. 534 b. 643 b  
 670 a.] delicati & mollis palari, [173 b. 690 b.]  
 inter se dissentiant, 191 b. 192 a. Eorum opiniones,  
 59 b. 60 a. 552 a. 690 a. literatura, 732 b. & in-  
 sultitas, 192 a  
 Doctoris Christiani officium quoddam, 474 b. 663 a. 784 a  
 808 b. Doctores antiqui quare modernis praefereudi, 526 b  
 554. 566 a. 701 a. 788 a.

Doctrina omnis V. & N. testamenti ex inspiratione  
 Spiritus S. edita, 566 a. 782 b. Doctrina fidei per  
 se indemonstrabilia principia, per se nota lumine fidei,  
 662 a. 784 a. Doctrina evangelica simplicitas quanti  
 faciendâ, 562 b. 626 a. 740 a. 764 a. 782 b. 784 a  
 Doctrina veritas, non modò disceptatione, sed & mo-  
 rum integritate defendenda, 474 a. 784 a. 795 a  
 Doctrinis insolitis insurgentibus, quid faciendum, 782,  
 783. 805.  
 Dodonaeum oraculum, 166 b  
 Dogmatis catholici notio, 79 a. 302 a. 601 b. Dogma-  
 ta fidei in symbolo implicite vel explicite contenta,  
 515 b. 585 a. Dogma, de quo difficultas est, si fu-  
 erit inventum bonum, sub privata definitione apponen-  
 dum, 805 b  
 Cum Dolore abscondenda sunt, quae leviter sanari non pos-  
 sunt, 74 a. 96 a. 202 b. 653 a. 774 b. 791 a  
 Dolus malus est, cum aliud agitur, aliud simulatur,  
 415 b  
 Dominicanorum confidentia, 547 a. Dominicanos inter,  
 & Franciscanos lites, de conceptione B. Mariae, 482 a  
 Dominicus, Ravennas archi-episcopus, 754 b  
 Dominum verum in gratia gratum faciente non fundatum,  
 sed in divina providentia, 564 a  
 Dominus rei, non semper est usufructuarius, 146 a  
 Dominus, [vel Dominus] Theopolitanus patriarcha,  
 797 a. 727 b  
 Domui magna ecclesia comparata, 141 b. 764. 765 a  
 767 b  
 Donatianus fori Claudii episcopus, 366 a  
 Donatistarum schisma, 20 a. 361, &c. 486. 561 a  
 617 b  
 Donatus, Ostiensis praesul, 734 a  
 Donatus, Catholicos iterum baptizare tentans, compressus,  
 366. 485 b. 486 b. 503 b. 812 b  
 Donus P. vitam cum morte commutat, 206 b  
 Dorus, Beneventanus episcopus, 440 b  
 Driedonis dogmata ecclesiastica, 302 b. 303, 304  
 In Dubiis, quod certum, existimatur tenendum, 420 a  
 516 a. 787 a. 791 a  
 Durandi [Guillelmi] rationalis divinarum officiorum,  
 96 b. 173 a  
 Duziacensis concilia, 141 b. 348 b. 533 a

## E.

Ebionitae, secundam trinitatis personam Deum esse ne-  
 gantes à B. Lucâ percussi, 383 a. 784 a  
 Eboraci sedes metropolitana, 748 b  
 Ecclesia catholica una & apostolica mater omnium, 141 a  
 561 b. 740 a. 752 a. 755 a. 802 a. nobis est & alma  
 [580 a. 802 a.] mater & domina, 136 a. [1]  
 137 a. 513 a. 733 b. sponsa, [266 b. 267 a.] &  
 corpus Christi, 139 b. 267. variè ab haereticis &  
 orthodoxis definita, 470 b. Ecclesia fundator & ca-  
 put, quis, 63 b. 93 a. 172 a. 561 a. Quanam mem-  
 bra habet ecclesia, 93 b. 562 a. Ecclesia & solis  
 comparatio, 491 b. 561 b. 563 b. Ecclesia militans,  
 ecclesia in calo triumphantis effigies, 733 b. Ecclesia  
 primitiva actus imitari, perfectum vitae magisterium,  
 636 a. Deus ita regit suam ecclesiam, ut illi certum ad  
 tempus abscondat multa, quae tum inde patefacit, 165 a  
 228 b. 585 a.  
 Ecclesia semper est aliqua visibilis, per rectam fidem re-  
 gulata, 414 a. 225 b. 242 a. 254 a. 304 b. 325 b.  
 Cuius totum corpus in eadem observatione concordare  
 debet, 246 b. 451 b. Quippe Ecclesia nunquam sen-  
 sit, quod non accepit de sanctis, 784 b. 788 a. Iccir-  
 co ostenditur, in quibus hac unitas potissimum consi-  
 stat, 125 b. 500 a. 746 a. Causa ecclesiae, causa  
 Dei est, 171 b. & ecclesia causâ nihil non ferendum,  
 34 b. 208 b. 246 b. 295 a. 637 a. 751 a. 801 a  
 Ecclesia semper de suis oppugnatoribus triumphat, 561 a  
 663 b. 764 a.  
 Eccle-

# Index Rerum & Vocabulorum.

- Ecclesias, in oriente & occidente, quomodo apostoli fundaverint*, 562 a. 763 b. *Ecclesia, alia corporalis, alia spiritualis*, 769 a. *Ecclesia libera*, 213 a. 682 b. 684 b. *Ejus jura nemini usurpanda*, 52 b. 189 a. 470 a. 614 b. 746 b. 750 a. *Ecclesia Constantini & aliorum donariis aucta*, 636 b. 488 a. 485 b. 654 b. 799 a. *Ecclesia patrimonium à publicorum hominum molestiis defendendum*, 470 a. 686 a. *Ecclesia collatum, nec à collatore, nec ab illius heredibus repetendum*, 675 b. *Illius res à nemine pervadenda*, 370 a. 752 a. *De corruptelis ab ecclesiâ extirpandis*, 746
- Ecclesia varia significatio*, 773 b. 561 b. 733 b. 762, &c. 765 a. 767 b. *Ecclesiam esse cœtum fidelium*, 771 a. 469 a. 687 a. 762, &c. *De ecclesiâ militante in terris*, 776 a. 663 b. 771 b. 374 a. 560 a. 561 a. 563. 770 a. *triumphante in cœlis*, 374 a. 558. 564 b. *representante & representatâ*, 143 b. 144 a. 145 b. 150 a. *catholicâ & particulari*, 586 b. *visibili & invisibili*, 560 b. 561. 562. 563. 661 b.
- De regimine ecclesie*, 564 b. 663 a. 624 b. *Ejus regimen non esse monarchicum*, 176 a. 209 a. 543. 544. 570 a. 775 b. *Ecclesiam canone regendam*, 682 a. 761. *Ecclesiastica potestatis subiectum proximum & remotum*, 136. 137. 138, &c. 145, &c. *Ecclesiastica politia regiminis species immutabilis*, 661 b. 687 a. 761. 451. 570 b. 667 b. 740 a. *De ministris ecclesie extraordinariis*, 639 b. 661 b. *De ministris ecclesie ordinariis*, 93 b. 136 a. [1] 135 a. [2] 561 a. 660 a. 765 a. *Qualis sit Papa auctoritas in externo regimine ecclesie*, 563 a.
- Ecclesia matrices Tertulliani*, 783 a. *De Ecclesia Latina cum Gracâ controversiis*. 801 a. *Ecclesia non debet manere vidua*, 127 a. 748 b. *Extra Ecclesiam nulla salus*, 768 b. *Virtutibus magis quàm divitiis defenditur Ecclesia*, 347 a. *An Ecclesia possit deficere*, 586 b. *Vide Notas Ecclesiæ. Ecclesia stantium est, non lapsorum*, 428 b. *Huic qui non obediunt, præcipuè in concilio congregata, heretici sunt censendi*, 128 a. *Ecclesia Dei partem aliquam, mendacio famulari, non absolum*, 807 b. *Non esse de necessitate salutis, credere, Romanam Ecclesiam esse supremam inter alias ecclesias*, 64 b. *Moriens Pontifice, Rom. ecclesia vacare dicitur; Catholica ecclesia vacare non dicitur*, 89 a.
- Ecclesiastica judicia summâ cum aequitate fieri debent*, 196 b. *Ecclesiastici, beneficiorum & officiorum jura, viriliter defendere tenentur*, 614 b.
- An Ecclesiasticus, ultra victûs decentem necessitatem, consumens, de bonis ecclesie, teneatur ad restitutionem?* 340, 341, 342. 348 a.
- Adversus Edictum divinum nunquàm fuit, nec unquàm erit, usucapioni aut præscriptioni locus* 160 a. 265 b. 558 b. 757 b.
- Editiones prima scriptorum mendosissima*, 472 a.
- Edwardus Conf. sanctorum cœni adscriptus ab Alexandro III* 27 a. *Corpus ejus glorificandum & adorandum decernitur, ibid. b. Vid. 169 a.*
- Efficacia religionis Christiana*, 378 b.
- In Effigiem qui injurius est, eum, quem exhibet effigies, ledere*, 635 b.
- Ἡμεῖς, quid*, 715, 720 b.
- Eginhardus, Caroli magni notarius*, 621 b. *illustratus*, 646.
- Ekjus, de primatu Petri*, 67 a. 256 a. 426 b. *quando floruit*, 429 a.
- Electio ejus, qui omnibus præfuturus est, ab omnibus fieri debet*, 745. 758 b. 188. *Electio facta à majori parte capituli, non valet; nisi illa pars sit sanior*, 106 b.
- Electio Metropolitani, quomodo fit*, 745 a. *Electioes episcoporum, quæ à principibus per annulum & baculum fiebant, investitura appellata*, 106 a. 295 b.
- Eleemosyna non propalanda*, 624 a.
- Eleutherius, can.* 683 b.
- Elias, Hierosolymitanus episcopus*, 733 a.
- Eliberitanum concilium*, 47 a.
- Elipandus, Toletanus antistes, [422 b. 429 b.] Nestorianam hæresim instaurat*, 436 b. 800.
- Elpidii depositio*, 720 a.
- Eloquentia facundior vena, sanctitas conversationis, & plenitudo scientia, in prædicatore requiruntur*, 12 a. 87 a. 818 a.
- Emeritense concilium, quando celebratum*, 469 b.
- Enceladus, jaculator audax*, 457 b.
- Encyclica epistola quanam sint*, 18 b. 134 b. 168 a. 206 b. 620 b. 739 b. 784 a.
- Engelsfridus [vel Angelfridus] Aquileiensis patriarcha*, 268 b. 272 a.
- Ennodius, Ticinensis episcopus*, 818 b.
- Ennodius pro Symmacho quando scripsit apologeticum*, 56 a. *quod citatur*, 170 b. 520 b. 547 b.
- Enunciata non probant*, 579 b.
- Eonius, Arelatensis præsul*, 349 b.
- Epaonense concilium*, 575 a.
- Ἐπίγειον, quid*, 696 a.
- Ephemeridis apud Bedam, Beda non auctor*, 821 b.
- Ephesina synodus I. 2 a. 77 a. 78 a. 123 a. 134 a. 156 a. 251 a. 252 a. 285 a. 295 a. 333 a. 505, 506, 507, 508. 511. 515 b. 695 a. 711, 712, &c. ad 719. a. - - - - -*
- Elorum suorum confirmationem à Celestino haud petiit*, 126 a. *Vid. plur. 11 a. 71 a. 76 a. 103 a. 105 b. 198 b. 199 b. 200 b. 338 b. 423 a. 440 a. 446 a. 488 a. 656 a. 744 a. 788 b. 789, 790.*
- Ephesina synodus II. 72 b. 114 b. 115 a. 160 b. 288 b. 387 b. 518 a. 706 b. 713 b. 719, 720, 721, 722.*
- Ephremius, Antiochenus episcopus*, 797 b.
- Epicurei novi novorum temporum*, 793 b.
- Epiphanius, Aesculanus episcopus*, 727 a.
- Epiphanius Constantia Cypri episcopus*, 487 b. *quando creatus*, 489 a.
- Episcopatus unus, cujus à singulis in solidum pars tenetur*, 90 a. 135 a. [2] 139 b. 445 b. & qui jure divino instituitur, 136 b. [1] 577 b. 657 a. 661 b. 745 b. 779, 780. *Episcopales sedes, nomen episcopi, licet defuncti, inter viventes computabant, donec novitèr inthronizatus epistolam synodicam ad eas misisset, quâ quatuor synodos, sc. Nicanam, Constantinopolitanam, Ephesinam, & Chalcedonensem, se recepisse illis significaret*, 752 b.
- Episcopus in legitimo matrimonio natus esse debet*, 42 b. 187 b. 756 a. 761 a. *Episcopi per gradus ecclesiasticos promovendi*, 751 b. *non ex laicis assumendi*, 750 a.
- Episcoporum eligendorum veteres olim ritus*, 35 a. 46 b. 588 b. 725 a. 745 a. 754 a. 758. *Episcopus à metropolitano instituendus*, 588 b. 743, &c. *Episcopi electi intra tres menses à metropolitano suo consecrandi*, 744 a. 748 b. 752 b.
- Episcoporum jurisdictio*, 421 b. 682 b. *sunt Christi vicarii*, 172, 173. 271 b. 543 a. 780. *Non datur episcopus universalis, vel œcumenicus*, 19 b. *Episcoporum ornamenta novem*, 96 b. *Quilibet ecclesia sua sponsus est*, 95 b. 172 b. 558 b. 764 a.
- Quomodo se gerat ergà presbyterum criminofum*, 47 b. *Nicanæ concilii canone vetatur, nè quis ab unâ civitate in aliam transferatur*, 104 a. 347 b. 707 b.
- Episcopo fines non transgrediendi, nec invadendi alieni*, 40 a. 98 b. 179 a. 186 b. 469 b. 681 b. 687 a. 743 b. 745 b. *Episcoporum controversia per metropolitanos componenda*, 469 b. *Episcopi, qui à metropolitano aliquid paterentur injustum, ad caput patriarchale possent concurrere*, 186 b.
- Ergà Episcopos & clericos Constantini M. observantia*, 488 a. 671 b. 694 a.
- Episcopi absentes quomodo in conciliis œcumenicis suffragentur*, 213 b. 695 a. *Vid. 714 a.* *Episcopi, qui infirmitatis causâ ad synodum non veniebant, topoteretas mittebant*, 184 a. 207 a. 694 b. 711 a. 717 b. 719 b. *Vid. 209 a.* *Legati episcoporum ad syno.*



# Index Rerum & Vocabulorum.

- synodus, aliquando diaconi, aliquando superioris ordinis : aliquando duo legati erant, sed sapiens unus, 200 a. 206 b. In nullo apud orientem concilio, delecti sunt extra occidentem praesules, a quibus occidentales episcopi representarentur, 714 a
- Erasmi explicatio symboli apostolorum, 771 a
- Errare, hominis proprium est, 261 a. 586 a. 593 b. 701 a. 718 b. perstare verò in errore, diaboli, 44 b. 654 a. 737 b. 806 b.
- Errare nunquam, an sit privilegium conciliorum generalium, 583 b. 701 a. 718 b. Vid. Concilium.
- Errandi in fide impossibilitas, Papa non convenit, 463 a. 556, 557, 558, 559, 560. 700 b. [Vid. Infalibilitas.] siue ut privato, seu ut publico homini, 477 a. 671, 672. 824 a.
- Erratur nunquam tutius, quam cum in amore nimio veritatis erratur, 483 a
- Erroris spiritus unde veniat, 517 a. 643 a. Error parvus in principio, major in fine, 542 b. 718 b. Error facti nemini nocet, 701 a. 718 b. Error vulgi veritati nocere non debet, 822 b. Error, cui non resistitur, approbatur, 317 a. Erroribus insurgentibus, varia remedia adhibenda, 450 b. 517 a. Errores veteres qui sequuntur, veteribus decretis damnandi, 111. 119 b. 202, 203. 778 a. 783 a.
- Ervigius, rex Hispania, 378 a. 527 b
- Ethica Christianorum, Gentilium, & Judaeorum, 554
- Evagrius Synodi V. aetati suppar, 521 b. nonnulla ex Procopii Wandalicis arcessit, 811 b
- Evandrus, Ursini episcopus, 366 a
- Evangelicus status, status paupertatis, 347 a
- Evangelia in conciliis proponi solita, 277 b. 511 b. 725 a. 727 b
- Evangelio non crederem, nisi auctoritas Evangelii me commoveret, 336 b. 369 a
- Evangelium, intra viginti aut triginta annos, post Christi in caelos ascensum, in omnes orbis oras propagatum, 93 b. 139 a. 170 a. 763 b.
- Evantius, episcopus Cenetensis, 385 a
- De Eucharistia, 66 a. 184 a. 220 b. 325 a. 395 a. 394 a. 460 a. 652 a. 654 a. 655 b. 659 b. 660 b. 664 b. 804 a.
- Eudamon-Johannes, 323, &c.
- Eudoxia imperatrix convocat concilium, 502 b
- Eudoxius, Etenorum Pamphylia episcopus, 715 b
- Everarius, Ariciensis praesul, 268 b
- Eugenii Papa penitentia, 82 a
- Eugenius II. quando Rom. praesulis locum occupare cepit, 185 b
- Eugenius III. quando factus est R. antistes, 188 b. † 290 b
- Ejusdem epistola ad Moysen Ravennatem archiepiscopum, 757
- Eugenius Papa IV. quando creatus est, 292 a. † 581 a
- & Basileensis concilii acta confirmavit, 73 b
- Euladicia, quid, 495 b
- Eulalius, episcopus Persica Armenia, 424 a
- Eulogius, Alexandrinus Patriarcha, 222 b. 631 b
- Eunomianorum, siue Anomaeorum haeresis, Constantinopoli anathematizata, 120 a. 126 a. 220 b. 285 a. 368 b. 383 b. 501 b.
- Eunuchus, qui seipsum exsecuit, ne admittatur in clerum, & si in clero sit, desiciatur, 185 a
- S. Euphranon, Rhodiensis praesul, 383 a
- Euphrates, Eleutheona antistes, 716 a
- Euphronius, Turonensis episcopus, 546 a
- Eusebius, νομιμὸν, ἐκκλησιαστικόν, 177 a
- Eusebiani, ab Ecclesia ejecti, 122 a
- Eusebius, Ancyritanus episcopus, 720 b
- Eusebius, Caesariensis, rerum a se scriptarum, in synodo Nicanâ, oculatus testis, 697 a. 121 a. 693 b. reprehenditur, 806 a
- Eusebius Emesenus, 794 b
- Eusebius, Nicomediensis episcopus, 698 b
- Eusebius, Vercellarum, civitatis Liguria, Episcopus, 494 b
- Eustachius, Lilybaeorum episcopus, 220 b
- Eustathius, Antiochenus episcopus, 694 a. 698 a. Nicaena synodi praeses, 693 a
- Eustathius Berytensis episcopus, 720 b
- Eutychis, Archimandrita Constantinopolitani, [199. 287 b. 726 b. 794 b.] error, naturarum in Christo confusionem asserentis, 20 a. 76 a. 99 b. 103 a. 111 b. 116 a. 127 b. 199. 200, 201, 202. 285 a. 287 b. 432 a. 440 b. 509. 511. 513 b. 695 a. 719 a. 720 b.
- Eutychius, Constantinopolitanus Patriarcha, 727 b. 797 a
- Eutropius, Adadensis episcopus, 133 a
- Εὐτυχία, quid, 715. 720 b
- Exceptio firmat regulam in contrarium, 202 a
- Excommunicationis origo & praecipuus usus, 144 b. 69 a. 658 a. 667 b. 791 a. 135 a. 146 a. 189 b. 347 b. 636 b. 660. 746 a. 662 a. 808 b. Isthaec potestas de jure divino immediate à Christo Ecclesiae concessa, 62 b. 144 b. Excommunicatio, vel major, vel minor, 600 b. panarum omnium est gravissima & formidabilissima, 767 b. 562 a. 568 a. 632 b. 653 a. Excommunicatus ab uno episcopo, an aliis possit communicare, 5 b. 42 a. 47. 50 a. 102 a. 187 a. 373 a. 467 b. 678 a. 736 b. 751 b. Excommunicandus pro levibus causis nemo, 47 b. 320 a. 653 a. 764 a. Excommunicationem impii contemnunt, cum in profundum venerint; & plus apud eos potest temporalis etiam levissima poena, quam spiritualium bonorum nunquam forte reparanda jactura, 636 b. 767 a. Aliud ingressu Ecclesiae & fidelium communione, aliud imperio privare, 655 b. 671 b. \* Quam cito aliquis Princeps, per sententiam dehumiliatur excommunicatus propter apostasiam à fide, ipso facto ejus subditos absolutos esse à dominio ejus, & juramento fidelitatis, quo ei tenebantur, 570 a. 578 a. 588 b. 640 a.
- Execrabilis, constitutio Pii II. 162 a
- Exemplis non judicandum, sed legibus, 165 b
- Exemptiones inter, & muscum comparatio, 452 b
- Exitus acta probat, 249 a
- Explicit, librariis antiquis vocabulum solenne, 197 a
- De Extremâ unctione, 237 b. 600 a. 804 a

## F.

- Fabri Stapulensis, Magdalena, 450 a
- Fabula verus genius, 356. Fabula aniles & incircumspecta, 718 b. 225 a. 258 b. 591 b. 700 b
- Facere dicitur, qui cum posset, non prohibet, 317 a. 326 b
- Fas ex Facto nonnunquam trahitur, 781 a
- Facundus, Hermianensis episcopus, [140 a. 655 a. 664 b. 801 b.] quando floruit, 694 a
- Ut sine amatore Facitas est nulla; sic & sine patrono nulla est fatuitas, 296 a
- Fallaci argumento, non opinio, sed error gignitur, 316 a
- Falsitate veritas nunquam potis est superari; quamvis frequenter illius pateat calumniis, 482 b. 516 a. 706 a. 783 a. 784 a.
- Falsum nunquam sequi ex vero, regula infallibilis, 17 a. 134 a. 375 a. 474 a. 706 b
- Felicianus, quando Consul, 671 a
- Felix, Florentia Tuscorum episcopus, 366 a
- Felix, Jaderensis antistes, 385 a
- Felix, Madanaucensis episcopus, 208 a. 752 a
- Felix, P. Ariana secta addictus, 10 b. 77 b. 400 a
- Felix, P. quando Martyr effectus est, 377 a
- Felix III. quando magistratum inivit, 182 a. † 694 a
- Ejusdem epistola ad Flaviam Constantinopolitanum episcopum, 202 b
- Felix IV. quando pontificatum R. ecclesiae consecutus, 183 a
- De Felice, intruso Pontifice, 309. 563 a
- Felix trium Tabernarum episcopus, 366 a
- Felix, Urgellitanus episcopus, 427 a. 529 b
- Ferdinandus, rex Hispania, 533 a
- Ferrariensis synodus, 52 b. 81 b. 301 a
- De

# Index Rerum & Vocabulorum.

De Feflorum obfervatione,	816 a. 818 b	Fredericus, præful Salernitanus,	338 a
Fideles quomodo poffint & debeant fieri corpus Chrifti,		Fredericus, Saxonia dux,	301 b. 319
772 a. 712 a. 764 a.		Frequens] decretum concilii Conftantiensis, cur fic appella-	
Fidei viva quale fit ingenium, 662 a. 770 a. Fidei cer-		tum, 43 b. 44 a. 64 a. 72 b. 74 a. 78 a. 83. 153 b	
tiffimum fpeculum, 554. 788 b. 495 a. 563 a. 719 a		154 b. 158 a. 233 a. 273 b. 331 b.	
815 a. Fides, licet fit vera, tamen fine operibus mor-		Fronto, cœnobii S. Genovefa Parif. cancellarius,	822 b
na, 784 a. Fides, nifi ad eam fpes accedat & cha-		Frontarius, fedis Bituricenfis epifcopus,	444 a
ritas, nec unit perfecte cum Chrifto, neque corporis e-		Fulbertus, Carnotenfis epifcopus,	50 b
jus virum membrum efficit, 772 b. Fidei unitas con-		Fulco, Remenfis epifcopus,	754
cordiam parit, 46 b. 509 b. 11 a. 199 b. 512 b. 712 a		Fulgentius, Ruffenfis epifcopus,	819 a
764 a. 817 b. Fidem de temporibus afferere, inftar		Fulgemii liber de quinque quæftionibus, 89 a. reprehē-	
religionis eft,	239 b	lus,	785 b
Fidei regula neceffaria, 226 a. 245 a. & canon immu-		Fullo, Antiochenus epifcopus,	367 b. 388 b
tabilis, 79 a. 585 a. 563 a. 695 a. 784 a. Fides ca-		Fundamentalia religionis dogmata, quamam fin.,	558 b
tholica à feculis hætenus confervata, fic perpetuò in-		Furiofo non funt arma permittenda,	587 a
mota perfeverat, 519 b. 720 a. 562. 785 a. Ubi fi-			
des queritur, aufer argumenta, 346 a. Fidei eft ini-		G.	
mica argumentationum verfuta, 707 b. 785 a. 662 a		Gabrielis à Porta dictata theologica,	410 a
784 a. Fidei fplendor hereticorum nube fuffufus, 662 a		Galilai de motu terra fententia condemnatio,	392
Fidei adverfarii, per conciliorum fententias & vene-		Galli, quomodo erga R. pontificem affecti, 162 b	
randos canones, coerciti & repressi, 695 a. 712 a. Fi-		452 b. 463 b. 464. 474 b. 475. 564 b. [Vid.	
dei alia expositio, in Ecclefiam Dei non inferenda,		Parif.] Cur fynodum VII. pro univerfali duxe-	
præter Nicenam, 708 a. 719 a. 738 a. 785 a. Fi-		runt,	734 b
des eadem, in conciliis œcumenicis & univerfalibus,		Gallia ad fidem vocata, 520 b. Gallia fub Childeberto il-	
constantèr ftabilita, & propagata, 585 a. 509 b. 695 a		lata clades, 523 b. Gallia partes Clementis VII. am-	
797 a. 11 a. 21 b. 532 b. 538 b. 740 a.		plexa,	296 a
De particulâ, Filiôque, additâ Symbolo, 42 a. 761 a		Gallicana ecclefia libertates, 7 b. 473 b. 524 a. 568 a	
387 a. 481 a. 571 a. 670 a. 801 a.		578 a. 690 a. 805 a. Gallicana ecclefia conventus Bi-	
Fines duo funt in humanâ fragilitate; ingreffus in vitam,		turigibus habitus,	64 a. 71 b. 234 b
& exitus,	626	Galteri tractatus de primatu Petri & ecclefia, 64 b.	
Firmilianus, Cafarea Cappadocia epifcopus,	539 a	225 a. 240 b.	
Fifcheri, Roffenfis Epifcopi, libri, contra Oecolampadium,		Galterii tabula chronographica,	644 a
770 b. de unicâ Magdalenâ, 134 a. 542 a. contra		Gafparis Contareni conciliorum fuma,	740 b
Lutheranas affertiones, 69 b. 191 a. & Ultricum Ve-		Gaudentius, Pifanus epifcopus,	366 a
lenum,	770 b	Gazophylacium fpirituale ecclefia,	547 b
Flavianus, Antiochenus Epifcopus,	792 b. 793 b	Geboardus, Brugenfis præful,	211 b
Flavianus, Conftantinopolitani antiftitis, [792 a.] hiftoria,		Gebuinus, Lugdunenſis antiftes,	542 b
34 b. & c. 114 b. 498 b. 707 a. 720 b. 721, 722 a		Gelasius, Cafarienfis epifcopus,	792 b
723 a.		Gelasii Cyziceni incerta aras, 696 a. commentaria de	
Flavianus, Philippenſium Epifcopus,	713 a	aâis Nicana fynodi apochrypha, 699 a. in rebus ec-	
Flavita, Conftantinopolitanus præful,	779 b	clefticis ignorantia, ορδῆματα, & indiligentia, 697 b	
Florentius, Epidauritana civitatis Epifcopus, 205 a. 618 a		698, 699.	
Florentius, Peſtruenſis Epifcopus,	268 b	Gelaſius I. P. quando initiatus eft pontifex, 182 b. Ejuf-	
Florentinum concilium, 3 a. 52 b. 69. 130 a. 165 b		dem decretum de apochryphis ſcripturis, 500 a. & defi-	
166 b. 174 a. 191 a. 295 b. 296 a. 338 a. 389. 400 b		nifio benè geſta ſynodi,	728 b
401, 402. 456 b. 532 b. 534. 552 b. 565 b. 673 b		Gelaſius II. quando in R. cathedram aſcendit,	290 a
735 a. 740 b. 772 b. 802 b. 803.		Gemma pretioſior eſt, qua rarius invenitur,	595 b
Florentina ſynodi decretum de primatu Papa, 69 a. 295 b		In Genere aliquid proponere non ſufficit, quando qualibet	
389. 400 b. 401. 455 b. 47 a		ſpecies eundem non operatur effectum,	75 b
Florianus, Cafena epifcopus,	366 a	Gennadius, Conſtantinopolitanus epifcopus,	441 a
Forma Abſolutionis, quomodo depromenda, 668 a. Vid.		Gennadius, ſcu Georgius Scholarius,	3 a
Abſolutio.		Gentiliaca ſynodus,	528 a
Formate litera, quamam ſint,	440 a. 442 b	Gentilium ſuperſtitiones abolenda,	707 b
Formula profeſſionis fidei,	695 b	Gennflexio & adoratio, quandoam fieri debeat.	249 b
Forojuliense concilium,	225 a	Georgius Alexandrinus, quis,	671 b
Fortitudini ubi locus,	603 b	Georgius, Conſtantinopolis archiepifcopus, 729 a. 799 a	
Fortunatiani Afri, Aquileienſis epifcopi, [26 b. 379 a.]		Gerardus, Leodiensis antiftes,	665 a
commentaria in evangelia,	559 b	Gerardus, Ravennas archipæful,	758 b
Fortunatus, vates Piclavienſis,	95 b	S. Germani Antiſſiodorenfis, regem Anglia Pelagianum de-	
Fragmentum Petronii Tragurienſe,	472 a	ponentis, hiftoriola,	687 b. 688 a
Franciſcus, Card. Barberinus,	541 a	Gervonius, Pariſienſis cancellarii, commendatio, 144 b. 224 b	
Franciſcus, Gebennienſis, Beatorum ordini adſcriptus, 82 b		236 b. 240 a. 551 b. Ejufdem tractatus de anferibi-	
Franciſcus Torrenſis, de pontificis ſupra concilia auctori-		litate ſponſi,	307 a
tate,	56 a. 226 a	Gervafius, Remenſis archi-epifcopus,	210 a. 755 b
Francofordienſe concilium, 19 a. 92 b. 316 b. 529 a		Geuſa, Hungarorum dux,	211 a
575 a. 734 a. 800		Gizzo, Tertonenſis epifcopus,	269 b
Frater Dubitantiuſ,	567 a	Gilberti Porretani, Piclavienſis, negotium,	290 b
Fraternitates quemadmodum reformanda, 687 a. 761 b		Gillii loci Theologici,	235 a
189 a. 94 a. 192 b. 302 a. 514 a. 527 b. 786 a. 211 b		Gladii uſus ecclefia prohibitus, 567. Gladius tamen datur	
451 b. 527 b. 580 b. 216 b. 750 a. 761 b.		fpirituâlis, æquè, ac materialis, 144 b. 164 a. 281, & c.	
Fratrũ falſorum conſuetudo fugienda,	603 a	567 b. 641 b.	
Fraus & dolus, patrociniũ nulli præſtare debet,	603 b	Γλαυκὸς εἰς Ἀθήνας,	8 a
Frederici imperatoris excommunicatio,	60 a. 72 a	Gloria cœleſtis tam magna eſt, ut non poſſit comprehend,	
Fredericus Nauſea, Viennienſis archi-epifcopus, 322 a. 390 b		5 P 2	813 b.



# Index Rerum & Vocabulorum.

- 813 b. & tam preciosa, ut non possit aestimari, 399 a  
 421 b. Gloria huius vita quanto magis queritur, tanto minus futura desideratur, 342 b. 704 b. Sub gloria Dei titulo, post suam currunt homines, 48 a. 704 b  
 Gloriam veram nunquam obtinuit, qui sibi sapiens visus est, 818 b  
 Gobelinus Persona correctus, 50 a  
 Gorgias Leontinus, 395 b  
 Gothicum bellum, 546 a  
 Gottifredus, Lucensis episcopus, 779 b  
 Gozelinus, Burdegalensis archi-episcopus, 211  
 Graculi infamia, 432 b  
 Test. Iov. vbiq., 655 a  
 Gratia dumtaxat nos posse salvari, 138 a. 404 b. 638 b  
 659 a. 773 a. 784 b. Per gratiam, qua in baptismo confertur, tolli totum id, quod veram & propriam peccati rationem habet, 802 b. 812 a. Gratia Dei & remissionem tribuit peccatorum, & praestat adiutorium, ne peccetur, 370 a. 599 a. 312 b. 313 a. 405 b. 596 b  
 657. 738 b. 761 b. non solum scientiam tribuit, quod agamus, sed dilectionem inspirat, ut quod scimus implere valeamus, 665 b. 761 b. De gratia efficaci, 436 a  
 496, 497. 604 a.  
 Gratianus, quo tempore collegit librum decretorum, 687 b  
 Lapsus ejus, 620, 621, 622. 650 a. & mala fides, 680 a  
 Gratianus imperator, quando perit, 36 a  
 Graviora facit vitia sublimitas personarum, 100 a  
 Gregorius, Albanensis antistes, 278 a  
 Gregorius, Nyssae episcopus, 640 a. 642 b. 791 b. 793 b  
 duos in unum Cyprianos conflat, 18 a. 718 b. major Damasceno theologus, 813 a. Ex Nazianzi ad Constanti-nopolitanam sedem translatus, 294 b  
 Gregorius I. P. quando occipit R. praesse ecclesia, 184 a  
 † 289 a. 657 a. Christiana simplicitatis amans, 130 a  
 Pontificum omnium moderatissimus & patientissimus, 609 b  
 [Vid. Universal.] ut morem gessit imperatori, 634.  
 636 b. 640 a. Eiusdem laudes, 191 b. liber sacramen-talis, 820 a. decreta, 18 b. pastorale, 345 a. 460 b. 767 a  
 Epistolarum codices MS. 612. 689 b. qui emendantur, 820 b. Gregorii magni viventes scripta quadam falsata, 612 b. in Penitenciales psalmos septem, commentarius suppositus, 610 b. 684. 685  
 Gregorius II. quando factus R. pontifex, 185 a. † 657 b  
 Huius epistola ad Leonem Isaurum, 635, 636, 637. quem non privavit exactione tributorum Italia, 633, &c.  
 Gregorius III. quo tempore R. ecclesia administrationem sor-titus, 185 b  
 Gregorius VII. quo anno R. episcopi locum implevit, 187 b  
 † 611 b. 697 a. Laudum ejus limitatio, 215 a. 671, 672.  
 & dictatus apocryphus, 542, &c. ad 549  
 Gregorius IX. quando R. cepessit ecclesiam, 190 a  
 Gregorius X. quando renuntiatus est pontifex, ibid. † 291 b  
 563 a  
 Gregorii XI. testamentum, 558 a. recantatio testamenti ta-bulis apposta, 79 a. 164 b. & rescriptum ad magistros Parisenses, 564 b  
 Gregorius Thaumaturgus, 796 b. Neocesaria episcopus, 539 a  
 Gregorii Turonensis historia, 524 b  
 Gregorii de Valentia analysis fidei catholica, 156 a  
 Gretseri examen mysterii Plessaani, 610 a. 644 a. 684 b  
 278 b.  
 Grex Christi, ecclesia, 703, 704  
 Gribaldus, Tolosanus juris interpret, 610 b  
 Grodecii Glogoviensis vita S. Cyrilli Hierosolymitani, 493 a  
 Gropperus cardinalis galeri honorem recusat, 771 b  
 Guarnierius, Strazburgensis episcopus, 212 b  
 Guibertus, Ravennas Archi-praesul, 213 a. 214 a. 542 b  
 Guido, Sancti Pauli comes, 223 b  
 Guimannus, Cicensis episcopus, 347 b  
 Guilelmus, Papiensis episcopus, 211 a. 212 b  
 Guilelmus, rex Anglia, 533 a  
 Guiliartius, Carnotensis episcopus, 773 a  
 Guimenius, probabilis opinionis inductor, 475 b  
 Guntharii & Theutgandi depositio, 207 b  
 Gunthramnus, rex Burgundiae, 523 a  
 H.  
 Habitus vitiosi male vivendo comparati, contrariis vir-tutum actionibus tolluntur, 548 b  
 Hadriani [sen, Angilrami] epitome canonum, 701 a  
 705 a. 708 b.  
 Hadrianus I. quando in R. praesulem allectus, 185 b. † 657 b  
 & excessus & vitia, 658 a  
 Hadrianus II. quo anno R. instituit episcopus, 186 b  
 Hadrianus IV. quando R. cepessit ecclesiam, 189 a  
 Hadrianus V. Batavus, quando ad gubernandam R. eccle-siam aggressus, 292 b. Eiusdem mandata Cheregato ora-tori suo in Germaniam, 345, 346. vita & defensio, 24 a  
 27 b. 236 b. 245 a. 301. 314 a. 317 a. 318. 322 a  
 326 b. 327 a. 340. 340 b. 349 a. 350 a. 351 b. 389 b  
 391. 583 b. epitaphium, 319 a  
 Haeresis, unde dicta, 827 b. & oborta, 244 b. 395 b. 396 a  
 397 b. 517 a. Haereses parit amor gloriae, & philantia,  
 704 b. 804 b. 818 b. Haereses natae, dum scriptura bona intelliguntur non bene, 790 a. 565 a. 109 a. 244 b  
 338 b. 396 b. 397 b. 503 b. 516 a. 568 a. 706 b. 791 a  
 827 b. Haereses crimen quam sit perniciosum, 249 b  
 806 b. 382 b. 484 a. 792 a. 807 b. Haereses arma demonis, 5 b. 752 a. 215 a. 604 a. 807 b. 827 b. Haeresis alia aliam trudit, 57 b. 562 b. Pertinaciam esse quasi de formali ratione haeresis, 591 a. 249 b. 253 a. 311 a  
 787 a. Haeresis vasum & callidum ingenium, 700 a  
 121 b. 199 a. 297 a. 345 b. 362 a. 375 a. 604 a. 639 b  
 776 b. 786 a. 792 a. Haeresum extirpandarum praecipua remedia, 78 b. 511 a. 562. 799 a. 201 b. 261 b. 298.  
 346 b. 368 a. 544 b. 695 a. 797 b. 803 b. Haereses per congregationem religiosissimorum episcoporum, [442 a  
 562 b.] amputare mos imperatorum, 511 a. 699 b  
 Auctore cuiuslibet haeresis damnato, unusquisque erroris huius communicator, principali sententia damnationis est obstrictus, 119 b. 432 a. 544 b. Ex haeresi qui revertun-tur, quo pacto oporteat recipere, 457 b. 766 b. 807 a. 810 b  
 820 b. Haeresis genus est, ecclesia consuetudines velle con-vellere, 702 a. 786 a. Nihil proprie haeresi, praeterquam divina fidei dogma, opponitur, 158 b. 784 b. Non est minus haeresis, asserere aliquid esse de fide, quod nullatenus est de fide, quam negare aliquid de fide, quod est de fide, 316 a  
 Haereticus, quis, 246 a. 396 b. 769 a. Haereticum inter, & pseudopropheta, nulla differentia, 807 b. Haereticus nullus tam deploratus, qui non suum errorem scripturae tueri conetur, 464 a. Haeretici, novi Apostoli, legatione in mundo pro Satanâ fungentes, 783 a. 662 a. Ha-  
 reticorum conventicula, 93 a. 281 b. 740 a. derestanda & horribilia effata, 799 a. 662 a. 61 a. 797 b. 807 b  
 De haereticis rebaptizandis controversia, 553 b. 650 b  
 806, &c. [Vid. Baptismus.] Haeticorum iteran-di baptismi (auctor) Agrippinus, Carthaginensis ec-clesiae episcopus, 808 a. 817. De haereticis denudò bap-tizandis, cum ad ecclesiam vel redeunt vel aspirant, episcoporum in concilio Carthaginensi III. congregato-rum sententia, 807 a. De haereticis vitandis, 123 b  
 495 a. 806 b. 311 a. 594 a. 795 b. 807 b. Haeti-corum bellum pax est ecclesia, 299 a. 719 a. 215 a  
 371 a. 562 b. 752 a. Haesiarcharum veterum, con-ciliorum generalium auctoritate rabies oppressa & extin-cta, 105 b. 521 a. 120 b. 202 a. 339 a. 346 a. 526 b  
 702 a. 776 b. 778 a.  
 Heimburgius à Pio II. ad futurum concilium provo-car, 159  
 Helennus, Tarsi episcopus, 539 a  
 Henricus, Antegavensis antistes, 284 a  
 Henrici VIII. A. assertio septem sacramentorum contra Lu-therum citatur, 148 a. Propter quem librum, à Leone X. vocatus est ecclesiae defensor, ibid.  
 Henrici Canisii antiqua lectiones, 696 a  
 Hen-

# Index Rerum & Vocabulorum.

- Henrici IV. G. futura mortis rumor per varias Europa partes,* 556 b  
*Henricus, Gradenſis patriarcha,* 758 a  
*Henricus Haſſianus, quando floruit,* 64 a  
*Henrici Henriquez moralis theologia,* 453 a. 573 b. 683 a  
*Henricus I. Imperator, cælo illatus* 27 a  
*Henrici IV. depositio,* 215 a  
*Henricus VII. in ipſâ communione eucharifticâ, quo anno [569 b.] veneno à monacho extinctus,* 568 b. 569. 590 b.  
*Ab Heracleenſi ſede pendebat Conſtantiſopolitana, tempore Nicanæ concilii,* 699 a  
*Heracleonitarum hæreſis,* 220 b  
*Herfordienſis academia,* 67 a. 147 b. 244 a. 325 b  
*Herimannus, Babenbergienſis Episcopus,* 213 a. 214 a. 348 a  
*Herimannus, Metenſis episcopus,* 670 a  
*Hermenaldus, Regenſis episcopus,* 268 b  
*Heſſelius à Lovanio, infallibilitatis Papa architectus,* 388 a  
*quando ſcripſit, [312 b.] tractatum de cathedra Petri perpetuâ protectione & firmitate,* 310 b. 311. 312  
*Heſychius Salonitanus episcopus,* 439 b  
*Hierarchia eccleſiaſtica, divinâ ordinatione inſtituta,* 778 b  
*& ad exemplar cœleſtis formata,* 553  
*Hieremias antè confirmationem ſanctificatus in utero,* 135 b. [2]  
*Hieronymus, Arch. Brundufinus,* 338 a  
*Hieronymus Pragenſis,* 157 b. 158 a. 412 b  
*S. Hieronymus Romæ ſacro baptiſmi ritu initiatus,* 398 b  
*quando floruit,* 814 b. *pro facinoribus in ſolitudinem commigrat,* 397 b. *deſerit ſolitudinem, & Hieroſolymam petit,* 399 b. *Romam apud Damaſum ſe recipit, ibid. quem in conſcribendis ad varias conſultationes reſponſionibus adiuvit,* 400 a. *Hieronymi laudes,* 791 b. 798 b. *catalogus virorum illuſtrium,* 89 a  
*Chronicon uſque ad imperatorem Gratianum,* 309 b  
*contrâ hæreticos tractandi modus,* 786 b. *teſtimonium de Papa infallibilitate,* 397, 398, 399, 400. & *dialogus contrâ Luciferianos,* 24 a. *Hieronymus in interpretandis Scripturis Theodotionem, Symmachum, & Aquilam ſubinde ſequitur,* 149 b. *ætatè præcedior revocavit, quæ de baptiſmo hæreticorum, in dialogo contrâ Luciferianos, junior ſcripſerat,* 826 a  
*Hieroſolymitana ſynodus omnium prima,* 193, 194. 202 a. 245 a. 257 a. 297 a. 484 b.  
*Hieroſolymorum civitas, à Sarracenis occupata,* 730 b  
*quando quinta ſedes appellata eſt,* 699 a. & *vetere ſua metropoli, Cæſareâ Palæſtina, ſuperior evaſit, ibid.*  
*Hilarii Diaconi didaſcaliæ ſermones,* 24 a. *locus illuſtratus in commentariis in epistoſas Pauli,* 88, & c. *quæ laudantur,* 93 a  
*Hilarius, Narbonenſis episcopus,* 744 b  
*Hilarii, & Pictaviensis [559 a.] confessoris, [795 a.] & Eccleſiæ deſenſoris acerrimi [787 a. 791 b.] liber de ſynodis fidei catholicae adverſus Arrianos,* 309 b  
*Hildebertus, Cenomanorum Episcopus,* 413 a  
*Hildebrandi depositio,* 60 a  
*Hildericus, rex Francorum, in monachum conſuratur,* 648 a. V. C.  
*Hildefonſus, Toletana ſedis episcopus,* 800 b  
*Himerius, Tarraconenſis episcopus,* 670 a  
*Hincmarus, Laudunenſis episcopus,* 752 a  
*Hincmarus, Remenſis, quando clauit,* 697 a. 730 a. *Ejuſdem opuscula de divortio Lotharii & Tetberge,* 265 b  
*& contra Hincmarum Laudunenſem,* 425 b  
*Hiſtoriæ veritas non eſt numero hiſtoricorum aſtimanda, ſed eorum auctoritate & fide [355 a. 702 a.] & conditione temporum,* 2 b. 13 a. 89 a. 118 b. 279 a. 727 b. 784 b. *Hiſtoricorum ſtylus vix inter veritatis ſepa continetur, nè ad fabuloſa vulgò jactata declinet,* 624 a. 727 b. *Hiſtoria quoquo modo ſcripta delectat,* 279 a. *De hiſtoriâ Eccleſiaſticâ,* 482 a. 495 a. 624 b  
*Homeri præceptum,* 475 b  
*Homo veritatis & cognitionis Dei perfectâ ſcientiâ præditus, veri ſummi boni poſſeſſione fruitur,* 624  
*Origenis, Nicanæque doctrina, [398 a. 785 a. 787 b.] propugnator Athanaſius,* 784 b  
*Quod honeſtati natura adverſatur, id à Chriſtianâ pietate cenſetur inhoneſtum,* 624 b. 626 a  
*Honorii R. Pontificis, de Anglicanâ Eccleſiâ benè meriti, [379 a.] hæreſis,* 242 b. 378 a. 584 a. *qui propterea ab Orientalibus anathemate percutitur,* 25 a. 159 a. 163 a. 165 b. 251 a. 332 b. 379 b. 465 a. 571 b. 805 b. *etiam conſentiente ſede Romanâ,* 58 a. 381 b. 559 a. *Ejuſdem ſtatua reſtauratur,* 380 a  
*Honorius II. quando inauguratus eſt R. Eccleſiæ præſul,* 188 b  
*Hormiſda pontificatus initium,* 183 a  
*Hofius Cordubenſis episcopus,* 78 b. 88 b. 113 a. 281 b. 488 a. 492 b. 634 a. 694. 696 a. 699 a. 701 b. 705 a. 737 b. *formulam fidei in Nicanâ ſynodo concepit,* 694 b. *cui tam [701 b.] quàm Sardicenſi præſuit concilio,* 705, 706  
*Hofius Warmienſis episcopus,* 772 a  
*Hofpitalitatis quanta virtus,* 688 a  
*Hukertus, Romanus ſubdiaconus,* 214 b  
*Hucbaldus Elnonenſis, quando clauit,* 622 a  
*Hucbertus, ſiater Theutberge regina,* 207 b  
*Hugo, Dienſis episcopus,* 213 a. 214 a. 348 a  
*Hugo de S. Victore, ſanctus, non canonizatus,* 449 b. *de ſacramentis,* 142 b  
*Humbertus, prædicatorum magiſter generalis,* 24 a. 452 b  
*quando floruit,* 60 a  
*Humilitas caterarum virtutum fundamentum,* 172 b. 543 a. 659. 778 b. 780 a.  
*Huſſ igni traditus,* 345 a  
*Hymenæus, Hieroſolymorum episcopus,* 220 a. 539 a  
*Hypocriſis, quantopere Deo ſit inſiſa,* 12 a. 453 b. 624. 626 a. 782 b. 808 a.  
*Hypotheſes nova in Theologiâ,* 396 a

## I.

- Jacobus I. rex Angliæ,* 473 b  
*Jacobi, Niſibeni amiſtiſis, [347 a.] admiranda hiſtoria,* 698 a  
*Jacobi, Card. Papienſis, ad Paulum II. 327. & ad N. Card. Theanenſem, epistoſa,* 328  
*Jænienſis, Iprenſis episcopus,* 312 b. 313. 314  
*Januarius, Caralitinus episcopus,* 205 a  
*Iba Neſtoriani ad Marim Perſam epistoſa condemnata,* 285 a. 332 b. 333. 505 b. 739 a. 805 b. 819 b.  
*Iconienſis ſynodus,* 809 a  
*Iconomachorum hiſtoria,* 379 b. 633, & c. *ad 646. 733 b. 739 b.*  
*Icumeraycos, opicum & barbarum nomen,* 12 b  
*Idolorum cultu nullum majus peccatum,* 815 b. 90 b. 249 b. 491 b  
*Idolothytis non veſcendum,* 193 b. 484 b  
*Jejunia quàm ſtrictè obſervanda,* 265 b. 460 b. *Jejuniorum varietas,* 334 a  
*Jeſuitarum reſtitionis forma, circa generalis præpoſiti abdi-cationem,* 68 b  
*Ignarus, Tuſculanus episcopus,* 388 a  
*Ignatius, archi-episcopus Conſtantiſnopleus nova Roma,* 734 a. *à ſede deſectus,* 380 b. & *reſtitutus,* 207 b  
*Illiterati ad eccleſiaſticos gradus non admittendi,* 624 a  
*Illyrica ſynodi cauſa,* 496 b  
*Imaginum veneratio,* 503 a. 528 b. 740 a. *Pro earum uſu apologia,* 635. 799. 529 a. 640 a. 800  
*Imbricus, Auguſtenſis episcopus,* 212 b  
*Imitari Chriſtum, quàm ſit proſicuum & necceſſe,* 251 b. 413 a. 614 b. 625.  
*Immortalitatis ſpes ad virtutem & laborem debet exci-tare,* 547 b. 624 b  
*Immunitates, quanam,* 577 a. *conſervanda,* 547 a  
*Impaſſibilitas divina natura,* 794, 795 b  
*Impecca-*



# Index Rerum & Vocabulorum.

- Impeccabilitas*, proprius est divina natura fructus, 718 b  
*Imperatores & reges* sunt celestis regni quoddam simula-  
 chrum & imitatio terrena, 479 b. 607 b. Imperato-  
 ria Majestas ad convocandam synodum invocata, 76 a  
 103 a. 201 a. 288. 479 b. 487 b. 491 b. 493 b. 503 a  
 509. 636 b. 706 a. Imperatorum presidentia in con-  
 ventibus synodalibus, 730 a. 731. 732. 735. Impera-  
 torum & Pontificum, palatii & Ecclesiarum discrimen,  
 485 b. 607 b. 706 a. Imperatoris hodierni potestas,  
 537 a.  
*Non debet aliis legem imponere*, qui ipsam negligit ob-  
 servare, 261 b  
*Imposturam qui facit*, in stellionatus crimen incurrit, ibid.  
*De Impressione librorum*, 174 b. 553 a. 593 a. 613. 796 b  
*De Incantationibus*, adjurationibus, & superstitionibus,  
 96 a. 809  
*Incarnationis modus*, admodum subtilis & inexplicabilis,  
 807 b. Incarnationem Christi D. antiqui patres appel-  
 labant Theologiam, 394 b  
*Incesti*, i. e. incasti, quinam judicandi, 767 a  
*Incorporatio fidelium in Christum*, per quid, & quomodo  
 causata, 786 a  
*De Indulgentiis*, 147 a. 148 a. 150 b. 248 b. 251 b  
 658 b. 659 a.  
*De Infallibilitate Pape*, 302 b. &c. 583. 584. 700 b  
*Testim. Hieron.* 355 b. 306 a. Infallibilitatis privi-  
 legium nonnulli Pontifices sibi abjudicant, 79. &c. 161 a.  
 163. &c. ad 167. 239 a. 248 a. 319 b. 379 a. Pa-  
 pa sepe erraverunt, 146 a. 157 a. 223. &c. 323 b  
 errore & personali & sententiali, 230. 225 a. 234 b  
 246 a. 260 a. 311 b. 551. 563 a. 584 b. Fides inte-  
 rior R. Pontificis non necessaria Ecclesie, 257 b. Qui  
 Pontifices creantur, homines esse non desinunt, 261 b  
 Neminem magis decet plura scire, quam Papam, 82 b  
 264 a. 700 b. Multa illum circumspicere oportet,  
 multa metiri, 193 a. 228 b. Ex Bellarmini opinione,  
 errare non potest duntaxat, cum totam docet Ecclesi-  
 am, 431 a. Non provocatur ab illius judicio, qui er-  
 rare non potest, aut errare non posse creditur, 30 a  
 Ejus, aut minoris fallibilitatis privilegio gaudet con-  
 cilium oecumenicum, 156 a. 224 b. 562 b. Infallibi-  
 litatem Christus basilicarum valvis non illigavit, 29 b  
 222 b. 228 a.  
*Infantibus baptizatis olim eucharistia dari solita*, 804 a  
*Insensor & defensor*, Auxilii, 96 a  
*Aliquem per Infidelitatem*, peccantem, posse sententialiter  
 jus domini amittere, 564 a  
*Ingeniosiora qua in speciem videntur*, non sunt semper ve-  
 riora, 785 a. 786 b  
*Innocentia Christiana securitas*, in virtutum armis con-  
 sistit, 39 a. 785 a  
*Innocentius I.* quo anno sedis R. relictionem obtinuit, 177 b  
 † 287 a  
*Innocentii ad Arcadium epistola confecta*, 671 b  
*Innocentius II.* quando Rom. cathedram conscendit, 188 b  
 † 290 b  
*Innocentius III.* quando in R. presulem assumptus, 189 b  
 † 291 a  
*De Inquisitione faciendâ super literaturâ ecclesiasticarum*  
*personarum*, 9 a. 617 b. 619 b. 630 b. 638 b  
*Inquisitores curia Romana*, ἀνυπόκριτοι, 166 b. prohibi-  
 torio indici assignant, Rom. Pontifices & Florentinam  
 synodum, 130 a. & Parisiense senatus-consultum,  
 quo Joannes Chastellus parricida damnatus est, 44 b  
 174 a. 475 b. 556 b. 567 a. 591 b. 592 a. 690 a  
 Eorum artes & integritas, 166 b. 297 a. 329 b. 338 a  
 555. 670 a.  
*Inscriptio in testudine S. Petri Roma*, Tu es Petrus, &c.  
 207 a  
*Instituta vetera recentibus metienda non sunt*, 118 b. In-  
 stituta majorum pro lege tenenda, 40 b. 795 a. 798 a  
 101 a. 183 a. 199 a. 519 b. 570 b. 615 b. 810 b.  
*Institutio juventutis Christiana*, res magni momenti,  
 213 a  
*De Institutionibus & jure patronatus*, 619 b. 630 b  
*Instrumentis fidem de temporibus asserere*, instar religio-  
 nis est, 685 b  
*Intentio dicentis*, cum jam persona defuncta est, ex com-  
 munionem religiosius aestimatur, 821 a  
*Interpretationes Scripturae*, quam recipienda, 418. 457 b  
 481 b. 562 b. 568 a. 701 a.  
*Adversus Invasores bonorum ecclesiasticorum*, 630 b. 189 a  
 614 b. 470 a. 746 b. 750 a. 752 a.  
*Joanna Papissa*, Anglica semina sexum mentita, quando  
 sedisse ponitur, 134 b. rejicitur à Bellarmino, 134 a  
 702 b. & à Launoio, 351. 352. 353. 354. 355. 356.  
 359. 457 b. 488 b. 688. 702 b.  
*Joannis Andree laudes*, 357 a  
*Joannis Antiocheni conciliabulum*, 506 a  
*S. Joannes Apostolus*, 333 b  
*Joannis Arborei theosophia*, 241 b  
*Joannis Damasceni oratio de imaginibus*, 643 a  
*Joannes Diaconus*, quando claruit, 611 b  
*Joannes Major*, Parisiensis Theologus, quâ aetate flo-  
 ruit, 316 a  
*Joannes, Melchitanus Episcopus*, 442 a  
*Joannes Palaeologus*, Constantinopolitanus Imperator, 235 b  
 735 b  
*Joannes II.* quo anno in sede Rom. Bonifacium excepit,  
 183 b  
*Joannes VIII.* quando R. Praesul effectus, 186 b. † 290 a  
*Joannes XII.* impurissimus Pontifex, 96 a. 162 a. 269,  
 270. 271. 272. 273. 274. 275. 276. 277. 278. 279. 408 a  
 478. 533 b. 547 b. 550. 589 b. &c. 640 a.  
*Joannes XIII.* quando R. Ecclesiam administrandam sus-  
 cepit, 169 a  
*Joannes XVIII.* quando factus est R. Episcopus, 187 a  
*Joannes XXII.* quando creatus est Pontifex, 563 a. quan-  
 do obiit, & ubi, 239 a. Eiusdem doctrina de cecitate  
 animarum separatarum, [558. 560 a. Vid. p. 237.]  
 damnatur cum sono buccinarum, 28 b. 238 b  
*Joannes, Episcopus Portuensis*, 729 b  
*Joannes, Ravennas archi-episcopus*, damnatus, 207 b  
*Joannes, Episcopus Ecclesie Rhegitanae*, 729 b  
*Joannes Saresberienfis*, Carnutenis Episcopus, 143 a. de  
 nugis curialium, 143 a  
*Jonas, Aurelianensis Episcopus*, 339 a. 425 a  
*Jovinianistarum haeresis*, 613 a. 632 b. 678 b  
*Jovinianus sacrarum virginum nuptias inducit*, 384 b  
*Jovis trisulcum fulmen*, 470 b  
*Contra Iram cauriones*, 160 b  
*Irenaeus, Lugdunensis episcopus, & martyr*, 334 a. 782  
 787 a. restitit Victori P. 243 a. 817 b. Quando li-  
 bros contra haereses elucubravir, 809 a  
*Irene Concilium apud Niceam convocat*, 529 a. subscri-  
 bit eidem synodo, ibid.  
*Iro & Codro pauperior*, 591 b  
*Isaacus Commenus, Imperator*, 533 a  
*Issembertus, Pictaviensis Episcopus*, 211 a. 212 a  
*S. Isidori breviarium*, 823 b  
*Isidorus Hispalensis*, quando florebat, 375 b. & rebus  
 humanis excessit, 376 a. Idem de officiis 435 b  
*Isidori merces fucata*, 526 a. 531 b. 708 b. Vid.  
 Mercator.  
*Isidorus Pelusiota, Chrysosthomi auditor*, 764 b  
*Isrienses Vigiliis consuetudo adhaerent*, 378. 379  
*Italia concilia*, 118 a. 197 a. 294. 477 b. 498 b. 512 a. 707  
 Italica Ecclesia, 388 a  
*Jude traditoris divinitas*, 220 b  
*Judaizare vetitum Christianis*, 193. 815 a  
*Judicari à minore majorem non posse*, 54. 56 b. 64 b  
 436 a  
*Judicis officium quale sit*, 624 a. 653 a. 11. 55 a. 187 b  
 443 a. 657 a. 663 b. 679 a.  
*Judicium temere de aliorum vitâ factisque, quam non*  
*ferendum*, 100 b. *Judicia sanguinis clericis interdi-*  
*cta*, 567 a. *Judicium, quod in potestate ligandi & sol-*  
*vendi à Christo datâ continetur*, quantum differat ab alio  
 iudicio,

# Index Rerum & Vocabulorum.

- judiciis, quæ ab humana potestate proficiuntur, 663 b  
*Judoci* Clithovei anti-lutherus, 64 b  
*Jugum* legis quomodo exentiatur, 161 b. V. *Abrogatio*.  
*Julianus* Card. Eugenii IV. legatus, *Basilensis concilii præ-*  
*ses*, 230 a. 233 b  
*Julianus*, Cœnsis episcopus, 441 a. 716 a  
*Julianus*, *Halicarnassensis episcopus*, 798 a  
*Julianus*, *Hippensis episcopus*, 721 a. 724 b  
*Julianus*, imperator apostata, 565 a  
*Julius I.* quando R. ecclesia clavum tenere cepit, 176 a  
† 286 a. *Athanasii* patrocinium suscipit, 195 b  
*Julius II.* quando R. fastigium ascendit, 292 b  
† 669 a. *Ejusdem* bulla inductionis *Lateranensis concilii*, 20 b  
*Julii* epistola ad orientales *falsaria*, 671 a  
*Julius*, *Puteolani episcopus*, 720 b  
*Ivo*, *Carnotensis episcopus*, 665 b  
*Juramenti* religio quanta esse debeat, 270 a  
*In omni* jure per speciem derogatur, 399 b  
*Jurisdicctio* in communitate, non secundum actum, sed secundum originem, 145 a. *Jurisdicctio* & potestas duplex, secularis & ecclesiastica, 588. 636 b  
*Justellus* [ *Christophorus* ], 39 a  
*Justificatio*, Dei est peculium, 267 a. 668 a. 784 b  
*Justinianus*, Card. correctus, 534. 735 b  
*Justinus* Martyr, quando enituit, 763 b. † 809 b. 817 a  
*Justitia* æquæ sunt libramina, 213 a. 388 b. 615 b. 645 a  
679 a. 758 a. *Justitia*, virtus regia, 187 b. 805 b. quomodo observanda, 717 a  
*Juvenalis*, *Hierosolymorum episcopus*, 134 a. 713 a. 714 b  
720 a. 749 b. quamdiu sedem hanc tenuerit, 508 b
- K.  
*K* ad particula, 191 a. 467 a. 760 a  
*Κατάπρυς*, qui, 827 a  
*Kenulphus*, rex *Merciorum*, 750 b
- L.  
*L* *Ampfacenum concilium*, 513 a  
*Landericus*, *Parisiensis episcopus*, 611 a  
*Landohardus*, *Numendensis antistes*, 268 b  
*Lanfrancus*, *Cantuariensis archi-episcopus*, 109 a  
*Langii* *Bozawiensis* *Citizense* chronicon, 551 b  
*Laodicena synodus*, 750 a  
*Lateranensis concilia*, 9 b. 18 b. 20 b. 44 a. 72. 73 b. 75 a  
106 a. 109 b. 143 a. 147 b. 148 a. 162 a. 215. 216 a  
234 b. 237 a. 280 a. 291 a. 347 b. 386 a. 395 b. 458 a  
470 b. 485 b. 524 b. 536 a. 658 b. 676 a. 740 b. 742 b  
768 b. 772 b. 775 a. 797. 798.  
*De Latere Christi aperto*, 802 a  
*Latomus* Junior, *Lovanienfis theologus*, de primatu *Pape*, 304 a  
*Lavatri* regenerationis necessitas, 786 a. 776 b. 787 b  
802 b. 813 a.  
*Laudabilem* ] decretalis revocatur, 163 b. 232 a. 237 a  
326 b. 386 b. 464 b. 584 a.  
*Launoi* maximi nostri seculi luminis, 553 b. mitis placidusque vultus, 587 a. stylus, 32 a. 476 b. multiplex & accurata lectio, 14 b. 81 b. 277 b. 522 b. 672 a  
673 b. 697 b. cum *Barone* congressio, 597 b. 598, 599, 600, 601. *Launoius* *Michael* *Quercetanus* habet contubernalem, 392 a. *Taurini* invisit *Monodum*, 81 b. affectati in re sacrâ literariâ principatus accusatur, 549 a. 553 a. 601 b. 602. & quod *Bellarminum* duriusculè exceperit, 474 b. 587. 591 b. de quo arcanum revelat, 79 b. & pro cuius animâ orat, 85 b. 97 b  
*Launoi* neutralitas, 395 b. disputandi & agendi ratio, 97 b  
98 a. 167 b. 193 b. 229 b. 476 a. 556 a. 781 a. *laudat* *Lutheranos*, 429 b. 430 a. *hæreticorum* *prælo* & officinis fidem præstat, 593 a. *Illius* amici sunt
- veritatis amici, 447 a. *Launoius* asserte. R. *se-*  
*dis* traditioni immoriri se proficitur, 42 b. 147 b  
297 b. 446 b. 482 a. 509 a. 518 a. 569 b. 735 b.  
891 b. interfuit *senatus-consultus*, 574 a. *Rex* per  
latum ejus feritur, 568 b. 674 b. *Launoius* de con-  
troverſis *Augustini* cum *Pelagianis*, & de confes-  
sionis. ( *sacramento* ) non admodum ruit opinionones *se-*  
*clari*, 553  
*Launoi* libellus quidam *Roma* damnatus, 130 a. al-  
rer, 297 b. 556 a. 690. *inquisitio* in *Præmonstraten-*  
*sis* ordinis privilegia, 690 a. 574 b. 190 a. & in *mo-*  
*nasterii* *S. Medardi Snession.* privilegium, 297 b. 574 a  
assertio. *inquisitionis* in *chartam* *immunitatis* *Sang-*  
*monasterii*, 575 a. *defensio* *sedis* *apostolica* adver-  
sus privilegia *subreptitia*, 749 b.  *censura* *respon-*  
*sionis* *Norberti*, 130 a. 166 b. 297 b. 402 a  
690 b. *Launoius*, cur non faciat *Scripturam* so-  
lam *ecclesiastica* *controverſie* *judicem*, 598 b. 599 b  
787 b.  
*Launoius* accipit à *Duvallio* *Almaini* librum adversus  
*Cajetanum*, 34 a. *refutat* *scriptorem* *anonymum*,  
446 b. *Chassagnii* librum de *Regularium* ab *episcopis*  
*exemptione* *refellit*, 449 b. *typis* *mandat* *casum* *con-*  
*scientia* in *opem* *amici*, 392. *Launoi* *Pontificalis*  
*liber* *MS.* 169 b. *dissertatio* de *auctoritate* *negantis*  
*argumenti*. 688 b. de *Pelagii* *confessione* *fidei*, 138 b  
*discussio* de *duobus* *Dionysii*, 170 b. *asserta* per  
R. *pomifices* *metropolitanorum* *auctoritas*, 743,  
&c. *judicium* de *Valesii* *disceptatione*, 688 b. *liber*  
de *variâ* *Aristotelis* *fortuna*, 393 b. 394 b. 447 b  
595. & *juramentum* in *S. Thoma* *theologiam*, 598 a  
602 b.  
*S. Laurentii* *lipsana*, 283 a  
*Lansanense* *concilium*, 81 b. 82 a. 536 a  
*Legati* à *latere*, 212 b  
*Legum* *humanarum* & *divinarum* *discrimen*, 109 a  
468 b. 564 b. 667 b. 678 a. *Lex* *vetus* *onusta* *cere-*  
*moniis*, & *præceptis* *gravis*, 484 b. *Legis* & *natura*  
*infirmas* ad *homines* *justificandos*, 313 b. 370 a. 784 b  
*Leges* *etiam* *sanctissima* *nihil* *proſunt*, nisi *eas* *obser-*  
*vare* *contigerit*, 192 b. 468 a. 469 b. *Legis* *divisio*  
*in* *dirigentem* & *cogentem* *vituperata*, 468 a. *Ex*  
*legibus* & *institutis* *antiquis* *nihil* *dimovendum*,  
104 b. 183 a. 199 a. 519 b. 570 b. 615 b. 795 a. 798 a  
810 b.  
*Legionenſe* *concilium*, 533 a  
*Legislator* *primus* *Christus*, 667 b  
*Lemovicenſe* *concilium*, 51 a. 187 a. 246 b. 444 b  
*Leo* *Nolanus* *episcopus*, 727 a  
*Leo*, *pontifex*, *Calchedonenſis* *concilii* *præſes*, 723, &c.  
*Leo I.* quando R. ecclesia *navem* *conſcendit*, 179 b  
287 b. *Ejusdem* *litera* ad *Theodosium* de *Dioscoro*,  
721 b  
*Leonis II.* *epistola* ab *impetitionibus* *Baronis* à *Combeſio*  
*defenſa*, 559 a  
*Leoni IV.* quando R. ecclesia *impactum* *sacerdotum*,  
185 b  
*Leo IX.* quando *ſedi* R. *præſidere* *cæpit*, 187 a  
*Leo X.* quando *vitâ* *functus* *est*, 317 a. *Ejusdem* *contra*  
*Lutherum* *conſtitutio*, 28 b. 164 a. 250 a. 301 b. 319.  
824 a.  
*Leo*, *Velitrienſis* *episcopus*, 268 b  
*Leontardo* *imponitur* *pœnitentia*, 50 a  
*Leontius*, *Burdegalenſis* *episcopus*, 546 a  
*Leontii* *Byzantini* *liber* de *ſectis*, 511 a  
*Leontius*, *episcopus* *Nilopoleus*, 799 b  
*Leontius*, *Urbinas* *antistes*, 443 a  
*Lepra*, *qualis* *morbis*, 142 b. 599 a. *Nomine* *lepre* *cur*  
*peccatorum* *hæſis* *intellectum* & *mala* *doctrina*, 660 b  
663 b. 666 a. 57 b. 562 b.  
*Leſbia* *regula*, 231 a  
*Levitarum* & *sacerdotum* *privilegia*, 138 b. 89 b. 181 b  
*Libelli* *ſynodici* *auctor*, *incerta* *ætatis*, 696 b  
*Qui* *Liberat*, *damnat*, 461 b  
*Libe-*



# Index Rerum & Vocabulorum.

|   |  |   |                            |
|---|--|---|----------------------------|
| <i>Liberatus</i> , Carthaginiensis diaconus,  | 717 a  | <i>Magistra rerum efficax, experientia,</i>   | 702 a                      |
| <i>Liberius</i> , quando R. cepit ecclesiam administrare,   | 177 a  | <i>Magnanimitatis exempla,</i>  | 564 b                      |
| 286 a. Ariana perfidia conscius, 10. 26 b. 163 a  |  | <i>Magnardinus, Imolenis episcopus,</i>   | 779 b                      |
| 232 b. 242 b. 464 b. 494 a. 559. 584 a.   |  | <i>Magnericus, Moguminiensis episcopus,</i>   | 546 b                      |
| <i>Libertatis Christiane violatio,</i>  | 345 b  | <i>Magnonis nota literarum,</i>   | 124 a                      |
| <i>Liberum arbitrium, quomodo divina gratia [determinans] excludit,</i>   | 313. 369 b. 596 b  | <i>Mahometes, Turcorum princeps,</i>  | 174 b. 411 a               |
| <i>Libri gentilium, an legendi à Christiano,</i>  | 594 b. 595   | <i>Mahometi artes,</i>  | 345 b                      |
| <i>Licinius similem cum impiis tyrannis viam secutus,</i>   | 218 b  | <i>Mainonii, Laudunensis canonici epitaphium,</i>   | 624. 625                   |
| 221 a. 293 b  |  | <i>De Majore-domus seu palatii apud Gallos,</i>   | 19 a. 646 b                |
| <i>Liemarus, Bremensis archi-episcopus,</i>   | 212 a  | 647 a. 649 b  |                            |
| <i>Ligandi &amp; solvendi potestas, quomodo episcopis &amp; clerici omnibus intelligatur collata,</i>                           | 13 b. 598. 635 a   | <i>Majorum vestigia sequenda,</i>   | 547 a. 576 b. 622 b. 669 b |
| 638 b. 657 a. 790 a. V. Claves.   |  | 786 a. 817 b  |                            |
| <i>Lingonensis synodus,</i>   | 209 a. 214 a   | <i>Mala hominum non prius credenda, quam probanda,</i>  | 482 b                      |
| <i>Lingua asotica,</i>  | 474 a  | <i>Malchion, disertissimus Antiochena ecclesia presbyter,</i>   | 436 b. 817 b               |
| <i>Lipsius citatur,</i>   | 356 a  | <i>Malè vivendi qui quarunt licentiam, quarunt &amp; exempla malè viventium,</i>  | 670 a                      |
| <i>Liptinense concilium,</i>  | 527 b  | <i>Maledicta pro maledictis non reddenda,</i>   | 447 b                      |
| <i>Litania varia,</i>   | 823 a  | <i>Maledictionum Synodaliū formulæ,</i>   | 606 a                      |
| <i>Litera sacra plus habent in recessu, quam in fronte promittant,</i>  | 624 a. Literæ commendatiivæ, quibus de causis danda, 441 b. De literis ordinum & dimissoriis, 104 b. | <i>Manasses archi-episcopus Remensis,</i>   | 211 a. 348 a               |
| <i>Liutfredus, Novariensis episcopus,</i>   | 779 b  | <i>Manichæi principia quanam, 515 b. quomodo ecclesiæ auctoritatem imminuunt &amp; enervant, ibid. Manichæorum scelera,</i>   | 179 b. 385 a               |
| <i>Litigatores mali conqueruntur de malis iudiciis,</i>   | 366 a  | <i>Mansueti, Mediolanensis episcopi, [717 a.] ad Constantinum IV. epistola,</i>   | 798                        |
| <i>Lindprandus, Cremonensis episcopus,</i>  | 268 b  | <i>Mansuetudo servanda, cum non desperatur correctio,</i>   | 87 a                       |
| <i>Loca communia omni materiæ, ac proinde nulli conveniunt,</i>   | 476 b  | 91 a. 128 b. 140 a. 282 a. 655 b. 746 a   |                            |
| <i>Λόγος, quid,</i>   | 10 a   | <i>Manualia varia,</i>  | 668 a                      |
| <i>Londoniensis episcopus, à synodo propriâ consecratus,</i>  | 748 b  | <i>Manus imponebantur, non solum in ordinatione presbyterorum, &amp; episcoporum consecratione, 754 a. 756 b sed etiam in reconciliatione, 807 a. 820 b. penitentia impositione, 806 a. &amp; baptismo, 286 a. 808 b. 820 b</i> |                            |
| <i>Longobardorum gens, 174 b. &amp; bellum,</i>   | 248 b  | <i>Marcellus, Ancyra episcopus,</i>   | 694 b                      |
| <i>Loquendi recentiores modi &amp; forma,</i>   | 230 b  | <i>Marcellus P. quando decessit,</i>  | 539                        |
| <i>Lovanensis academia sententia, de conciliorum auctoritate,</i>   | 67 a. 148 a. 298. &c. 326 b  | <i>Marcelli epistola erroribus plena, 539 b. Quæ ad Antiochena provincia episcopos, subdititia, ibid.</i>   |                            |
| <i>Lucas, Tundensis episcopus, contra Valdenses scribit,</i>  | 223 a  | <i>Marcelli ritus ecclesiastici,</i>  | 26 b. 167 a                |
| <i>Lucense concilium,</i>   | 522 b  | <i>Marcellus II. quis, 351 a. non vidit, quomodo papæ salvari possent,</i>  | 351 a                      |
| <i>Lucianus, Byzensis episcopus,</i>  | 716 b  | <i>Marcellinus P. Idololatra,</i>   | 560 b                      |
| <i>Lucidus, Ganensis episcopus,</i>   | 268 b  | <i>S. Marci Syriaca testamenti novæ editio, rejicitur,</i>  | 133 b                      |
| <i>Luciferi Caralitani scripta,</i>   | 495 a  | <i>Marci prestigiatoris baptismus,</i>  | 827 a                      |
| <i>Lucius, episcopus Alexandrinus,</i>  | 798 a  | <i>Marciani imperatoris vox,</i>  | 369 b                      |
| <i>Lucii I. epistola ad episcopos Gallie &amp; Hispanie supposititia,</i>   | 376 a  | <i>Marcionis character, 5 b. &amp; historia, 42. 45. &amp;c. 361. 362. 467 a. 806 b. 807 b. 818 b. ad seniores adit, qui ab Apostolorum discipulis edocti, Roma supererant,</i>   | 46 a                       |
| <i>Lucius III. quando pontificatum suum inchoavit,</i>  | 189 a  | <i>B. Mariae virginitas, 37 b. 82 a. 157 b. 296 a. 412 b. 448 a. 795 b. Eam esse Deiparam negat Nestorius, 198 a. 511. 792 a. 795 a. Virgo unica filia vite genuit verbum vivens, 791 b. 788 a</i>                              |                            |
| <i>Lucius Sicinius, Romanus Achilles cur dictus,</i>  | 322 b  | <i>Maria Magdalena lipsana,</i>   | 578 b. &c.                 |
| <i>Lucrum turpe est, quicquid plus iusto appetit homo,</i>  | 619 b  | <i>Marinianus, Ravennas episcopus,</i>  | 576 a. 608 a               |
| <i>Ludovicus Alamandus, Basileensis concilii præsides, 79 Cardinalis Arelesii ostutia, &amp;c. 80 b. &amp;c.</i>                |  | <i>Marinus, Arelatensis præsul,</i>   | 366 a. 689 a               |
| <i>Ludovici XIV. sanctio, qua papam subiecit concilio,</i>  | 464 a. 465 b   | <i>Martianus, Narisitani episcopus,</i>   | 308 b. 439 b               |
| <i>Ludovicus Germania rex,</i>  | 289 b. 533 a   | <i>Martinus I. quando ordinatus R. ecclesiæ episcopus,</i>  | 185 a. † 289 b             |
| <i>Ludovicus Pius, quando adeptus imperium,</i>   | 170 b  | <i>Martinus IV. quando Papa effectus,</i>   | 579 a                      |
| <i>Ludovicus Pontannus, R. sedis notarius,</i>  | 330 a. 331 b   | <i>Martini V. diploma, de statutis ab auditoribus Rota observandis, 451 b. Ejusdem epitaphium,</i>  | 581 a                      |
| <i>Lugdunense concilium, 96 a. 172 a. 174 a. 216 b. 291 b 523 a. 672 a. 673 a. 740 b. 742 b. 802 a.</i>                         |  | <i>Martini Pèresii Aialæ divina &amp; apostolica traditiones,</i>   | 173 a                      |
| <i>Luporum insidias prævire, pastoris est, non ovium, 90</i>  |  | <i>Martinus Polonus, Innocentii IV. penitentiarius, 356 b quando claruit</i>  | 134 a                      |
| <i>Lutherus, condemnatus à Leone X. 28 b. Saxonia ducis præsidium implorat, 319 b. Ejusdem definitio scholastica theologia,</i> | 75 b. 395 b. 604 b. 781 a  | <i>Martyr quis propriè nominandus, 114 b. 136 a. 246 b 511 b. 543 a. 695 a. 704 a. 813 b. 818 a.</i>  |                            |
| <i>Luxus à statu clericali alienus,</i>   | 619 b  | <i>Martyrologia, 381 b. 539 a. 645 a. 821 b. 819 b</i>  |                            |
| <i>Lycosthenes Rubeaquis,</i>   | 471 a  | <i>Martyrum corporibus plena Africa,</i>  | 816 b                      |
|   |  | <i>Matthæus, episcopus Veronensis,</i>  | 338 a                      |
|   |  | <i>Matiscronensis concilia,</i>   | 523                        |
|   |  | <i>Matrimoniales causæ, ubi, &amp; apud quos examinari debeant, 43 b. 213 a. 589 a. Quæ diligentia tractanda, 164 b. 165.</i>   |                            |
|   |  | <i>Matri-</i>   |                            |

## M.

|   |                     |
|---|---------------------|
| <b>M</b> acarins, Antiochenus monothelita,                                | 729 a. 732 b        |
| Macarius, Hierosolymitanus episcopus,                                     | 696 a. 698 a        |
| Macedonii, Constantinopolitani, hæresis,                                  | 285 a. 368 b        |
| 500. 501 b. 120 a. 126 a. 158 b. 695 a. 726 a                             |                     |
| Machabeorum temporibus, plures summi pontifices legem Domini reliquerunt, | 246 a               |
| Magdalena Provincialium apostola & prædicatrix,                           | 579 a               |
| Magdeburgenses illustrati,  | 149 a. 650 b. 651 a |

# Index Rerum & Vocabulorum.

- Matrimonium in paradiso à Deo institutum*, 266 b. ordinatur ad perpetuitatem Ecclesia, 769 a. *Matrimonii nexus insolubilis*, 589 a. Num. *Matrimonium per verba de presenti contractum possit auctoritate Papae dissolvi*, 164 b. 165, 166. *Matrimonii impedimenta*, 42 a. 67 b. 185 a. 386 b. 570 b. 584 a. 729 a. *Matrimonium inter Christum & Ecclesiam quale*, 92 b. 266 b. 771 b. 802 a. *Plura de Matrimonio*, 93 a. 223. 591 a. 804 b.
- Maximianus, Constantinopolitanus Antistes*, 13 a. *Maximianus, quando Consul*, 671 a. *Maximiani persecutio*, 485 a. *Maximianus, Syracusanorum Episcopus*, 608 a. *Maximus, Antiochenus Praeful*, 350 a. 746 b. *Maximi & Nectarii ordinatio*, 707 b. 710 b. *Maximus, Bosfororum Episcopus*, 539 a. *Maximus, Emonensis*, 385 a. *Maximus, Ostiensis*, 366 a. *Maximus, Taurinensis*, 638 b. 818 a. *Medicus bonus morbum à radice curat*, 346 a. *Mediolanum, Italiae caput*, 807 a. *Mediolanensis synodus*, 385 a. 494, 495. *Melanchthonis iudicium de scholasticâ Theologiâ*, 395 b. *Meldenense concilium*, 172 a. 575 a. quando celebratum, 141 b. *Meletius, Antiochia praeful*, 294 b. 497. 708 b. *Membra saepe uruntur & refecantur, ut unius hominis vita conservetur*, 482 b. *Memnon, Ephesiorum Episcopus*, 713 a. 715 a. 717 b. *Menas, Constantinopolitanus antistes, quando claruit*, 717 a. 727. *Mendacium non solum veritati contradicit, sed & sibi*, 596 b. 462 a. *Mendologium, à Sifletio editum*, 717 b. *Mercator [Isidorus] primis Romanis Pontificibus epistulas subiecit*, 9 b. 439 a. 485 a. 522 b. 539 a. *Merces ipse suas Mercator emat*, 458 a. *Merlini Parisiensis conciliorum editio*, 20 a. *Merocles, Mediolanensis Episcopus*, 366 a. *Merovingorum regalis stirps apud Francos*, 647 a. *Metensis concilii acta rescinduntur*, 207 b. *Metrophanes, Byzantii Episcopus, quando migravit*, 698 a.
- De Metropolitanorum Antistitum iure & dignitate*, 52 a. 130 b. 134 a. 179 a. 186 b. 216 b. 376 a. 490 b. 699 a. 743, &c. 754. *Metropolitana sedes, ubi primum instituta*, 750 a. *Metropolitanorum & provincialium Episcoporum electio & ordinatio qualis*, 127 a. *Metropolitani munus quodnam sit*, 39 b. 607 a. 801 a. 169 b. 181 b. 189 b. 376 a. 490 b. *Metropolitano competit ius ordinationis sacerdotum seu Episcoporum sua provincia*, 104 b. 105 a. 178 a. 181 b. 588 b. *Metropolitani duo an possint esse in eadem provincia*, 179 a. 582 b. 744 b. *Metropolitani primi in sua provincia*, 208 a. 469. 523 b. 743 b. 749 b. *Ad Metropolitanum universa provincia cura confuit*, 98 b. *Quantum ei subiaceant ceteri Episcopi*, 134 a. 469 b. 743 b. *Metropolitanus in aliena provincia nihil presumat*, 106 a. 179 a. 188 a. 607 a. 757 a. *Metropolitani iura confirmantur*, 58 b. 748 b. 749 b. 752 a.
- Michaël Cerularius, Patriarcha Constantinopolitanus*, 387 a. 412 b. 439 a. 696 b. *Michael, Merseburgensis Episcopus*, 772 b. *Micrologi observationes ecclesiasticae*, 246 b. *Mildelburgii libri de rellâ Pascha celebratione*, 781 a. *Miles Christianus, quis*, 211 a. 213 b. *Milevitanum Concilium*, 287. 308 a. 313 b. 370. 404 b. 405 a. 412 a. 439 b. 786 a. *Militres hospitalis S. Lazari Hierosolymitani*, 43 b. *Militantis Ecclesiae speculum*, 687 a. 663 b. 771 b. 776 a. 374 a. 560 a. 561 a. 563. 770 a. *Miltiades, P. vel Melchiades*, 485 b. *Minutius Calvus, Novocomensis*, 318. *Miracula, concilio inconsulto, non publicanda*, 27. *Miraculum, quo Carolus II. Siciliae rex captivus Barcinone Narbonem unâ nocte translatus est*, 583 a. *Miron, rex Hispaniae*, 522 b. *Misenus, Cumanus Episcopus, absolutus*, 656 b. *Missale & Breviarium, quod dicitur Musarab, ab Isidoro confectum*, 824 a. *De Mirâ*, 717 b. 718 a. *Moderatus Junius Columella de re rusticâ*, 452 b. *Modestia sacerdotalis*, 182 a. *Modus res omnes ad gratiam & venustatem componit*, 30 a. *Moguniacum concilium*, 92 b. 245 b. 530 a. 575 a. 771 b. *Molina causa contra predicatores*, 597 a. *De Monachis*, 43. 81 b. 178 b. 182 a. 548 a. 550 a. 560 b. 563 b. 566 b. 568 a. 603 a. 611 a. 614 b. *Monachismi professio*, 549 a. 606 b. 682 b. *Monarchia inter genera gubernationum praestat*, 68 b. *De Monasteriis*, 163 b. 341 b. 568 a. 675 b. 687 a. 750 b. *Monasterium novum, nisi episcopo permittente aut probante, nullus incipere aut fundare praesumat*, 576 a. 577 a. 606 b. *Monasterium in potestate Episcopi, in cuius territorio situm est, debet consistere, juxta canonicam auctoritatem*, 576. 568. 579 b. 675 b. 343 a. 452. 577. 613 b. *Monasteria strenuè visitantur à propriis Episcopis & disponantur*, 606 b. 616 a. *A Monasterio, sine Episcopi permissione, longius vagari, Abbatibus prohibitum*, 577. *Monothelitarum historia*, 555 b. & haeresis damnata, 26 a. 41 b. 128 b. 134 b. 163 a. 206 b. 207 a. 251 a. 289 b. 295 b. 332. 378 a. 380 a. 500 b. 524 b. 526 b. 527 a. 620 b. 730 a. 797, 798, 799. 805 b. *Montesoni [Joannis] appellatio ad Clementem VII.* 334 b. &c. 480 a. *Mopsuestena synodus*, 728 a. *In Morboniam ire*, 457 b. *Mores Ecclesiae ab haeticis potissimum exprobrantur; & quantum in iis emendandis cura sit adhibenda*, 625 a. 192. 211 b. 189 a. 761 b. 514 a. 527 a. 786 a. *Mors non timenda*, 639 a. 625 a. 704 b. *In mortis articulo quemlibet sacerdotem, à peccatis omnibus, etiam reservatis, posse absolvere*, 566 b. 600 b. 682 a. *Moses, Ravennas Archi-episcopus*, 757 a. *Mulier naturali ratione portio viri est; ac per hoc vir in muliere seipsum diligit*, 92 b. *Per Nicaena synodi canonem, non licuit Clerico subintroductam habere mulierem*, 103 a. 104 b. *Multa simul juncta profunt, quae singula non sufficiunt*, 124 a. *Munera accipere, quantum nefas*, 756 a. *Mutationes omnes subita in rep. periculosa*, 346 b. *Mutatio in rebus fidei universaliter prohibenda*, 181 a. 538 b. 761 b. 786 a. *Mysteriorum regni Dei sublimitas, profunditas, & subtilitas*, 784 b. *Mysteria Christiana religionis non pugnare cum rectâ ratione*, 768 b.

N.

**N**arbonense Concilium, 524 a. *Narcissus, Episcopus Hierosolymorum*, 219 b. *Natalis, Salonitanus Episcopus, [49 b. 443] à Gregorio I. ob convivia lautiora reprehensus*, 41 a. 95 a. 282 b. 435 b. *Nature duae in Christo, inseparabiles & perfectae*, 511 b. *Nazareni*, 382 b. *Necessitate quod fit, non trahitur in exemplum*, 187 b. *Necessitate cessante, illud quod factum est pro Necessitate, debet cessare*, 178 b. 266 a. *Nectarii & Maximi ordinatio*, 294. *Nectarium [197 a.] non praefuisse Constantinopolitana synodo*, 709. *Negotiis novis nova leges imponi debent; ut morbis novis nova adhibeantur remedia*, 544 b. *Nemo;*

s Q



# Index Rerum & Vocabulorum.

- Nemo, canon suppositivus,* 58 b  
*Nemo repente fit summus,* 213 a  
*Neon Pſyllii Pamphylia episcopus,* 715 b  
*Nepopolitanum regnum visibile est ex regis presentia,* 562 a  
*De Nepotismo,* 344 b. 349. 753 a  
*Nestorius Constantinopolitana ecclesia perfidus antistes,* 134 b  
 717 a. *Quando vixit,* 198 a  
*Nestoriana heresis impugnata,* 9 b. 11 a. 20 b. 116 a  
 120 a. 126 b. 127 b. 198. 199 b. 285 a. 436 b  
 488 a. 505 a. 506 a. 507. 694 a. 695 a. 711 a. 713 a  
 714 a. 716. 719 a. 766 a. 788. 789 b. 791 b. 792 b  
 820 b.  
*Nicea, Bithynia metropoli, unde nomen,* 487 b  
 737 a.  
*Nicana synodus, à quo congregata,* 239 b. 285 b. 483.  
 487 b. 488. 489. 694 b. 697 b. *damnavit Arii dog-*  
*mata,* 294 a. 368 b. 487 b. &c. 539 b. 695 a. 698 b  
 783, &c. *non petiit à Silvestro gestorum suorum ap-*  
*probationem,* 121, &c. 323 a. *Ejusdem ad Silve-*  
*strum, & Silvestri ad eam epistola, falsaria,* 78 b  
 124, &c. 321 a. 515 b. *Quis praes,* 693, &c.  
 701 b. 703 a. *Statuta nonnulla,* 104 b. 128 a. 134 a  
 178 a. 182 a. 209 b. 588 b. 620 a. 725 b. 743.  
*Subscriptiones,* 700. *Omnia periisse acta, prater ea,*  
*quae apud Rufinum extant, ibid. Quamdiu duravit,*  
*125 b. & quando finita est,* 124 b. *De Nicanâ sy-*  
*nodo vid. plur.* 5 b. 10 b. 15 b. 17 b. 20 a. 33 b  
 36 b. 40 a. 42 a. 47 a. 48 a. 50 a. 72 a. 76 b. 77 a  
 78 b. 92 a. 95 a. 98 b. 99 a. 100 a. 101 b. 102 a  
 103 a. 105 a. 113 a. 114 b. 119 a. 120 a. 122. 123,  
 124, 125 b. 128 a. 129 a. 134 a. 150 b. 155 b. 176 a  
 177 b. 178 a. 179 a. 180 a. 181. 182. 186 b. 195 b  
 196 b. 197 b. 198 b. 199 b. 200 b. 202 a. 205 a. 209 a  
 210 a. 212 a. 218 a. 219 b. 235 b. 239 b. 285 a. 293 b  
 294 a. 309 b. 321 a. 348 b. 368 b. 373 a. 383 b. 397 b  
 399 b. 467 b. 469 a. 471 a. 485 b. 487 b. 488. 496.  
 500 b. 512 b. 515 b. 539 b. 677 b. 693 b. 715 a. 723 b  
 737. 745. 746. 761 b. 762 a. 784 b. 785 a. 811 b  
 825 b. 828 b.  
*Nicana synodus II.* 571 b. 736 a. 739 b  
*Nicetas, Aquileiensis episcopus,* 350 a. 441 a  
*Nicephorus, patriarcha Constantinopolitanus,* 643 a  
*Niceta, Serrarum episcopi, catena,* 86 a. 404 a  
*Nicolaitarum fornicaria commixtio, à S. Joanne, in A-*  
*pocalypsi ad Ephesinam ecclesiam scribente, reprobata,*  
 382 b  
*Nicolaus, Anagnina ecclesia antistes.* 352 a  
*Nicolaus de Cusa, doctor Christianissimus,* 63 a  
*Nicolaus, Panormitanus episcopus,* 330 a. 331 a  
*Nicolaus I. quando R. ecclesiam regendam accepit,* 186 a  
 † 289 b. & *quamdiu sedem tenuerit,* 207 b. *Quo tem-*  
*pore respondit ad consulta Bulgarorum,* 14 b. 461 b. &  
*quot concilia fecit,* 207 b  
*Nicolaus II. quando factus est pontifex,* 186 a. *citur ad*  
*Edwardum, Anglia regem,* 169 a  
*Nicolaus Pelveus, Senonensis archi-episc. & cardina-*  
*lis,* 661 a  
*Nicolaus Tudesius, Card. Lucerna juris,* 247 b  
*Nicomas, Iconii episcopus,* 539 a  
*Nilus, Metropoli Rhodius, quando clauit,* 709 a. *re-*  
*prehensus,* 701 b. 709 a. 710 b. *in libello de Synodis,*  
 697 a. 717 b  
*Nili, Thessalonicensis archiepiscopi, liber adversus primum*  
*Papa,* 236 a  
*Noetiani,* 383 a  
*Non quod sit Roma, sed quod fieri debet, attendendum est,*  
 551 b  
*Norberti Caillocii impotentia,* 690 a  
*Nota ecclesia V. pura verbi divini praedicatio,* 769 b. &  
*sacramentorum administratio,* 769 b. 772 b. 561 a  
 562. 636 b. 773 a. 774 a. *Nomen catholica,* 777 b  
 775 b. 791 a. *antiquitas,* 772 a. 775 a. 339 b. 562 b  
 601 b. 791 a. *perpetua & non interrupta duratio,* 13 b  
 66 a. 304 b. 325 a. 382 b. 423 a. 561 a. 662 a. *mul-*  
*titudo & varietas credentium,* 264 b. 764 b. 687 a  
 766. *continua episcoporum successio,* 657 a. 782 b. 136 b  
 [1] 260 a. 306 a. 310 b. 421 b. 562 b. 662 a. *con-*  
*spiratio doctrina cum ecclesia antiqua,* 304 b. 740 b  
 791 a. *unio membrorum inter se,* 708 b. 764 a. 149 a  
 374 a. 428 b. 513 b. 514 a. 562 a. 637 a. 712 a  
 & *cum capite,* 772 a. 775 b. 92 b. 95 b. 142 b. 428 b  
 812 a. *sanitas doctrina,* 304 b. 740 a. 764 a. 765 a  
 782 b. 791 a. *efficacia doctrina,* 372 b. 825 a. 91 b  
 703 b. 782 b. *sanctitas vite auctorum.* 113 b. 562 a  
 791 a. 825 a. *gloria miraculorum,* 91 b. 562 b. *lu-*  
*men prophetia,* 108 a. 763 a. *confessio adversario-*  
*rum,* 764 a. *infelix exitus eorum, qui ecclesi-*  
*am oppugnant,* 786 a. 371 a. 747 b. *felicitas*  
*temporalis eorum, qui ecclesiam defendunt,* 561 a  
 563.  
*Notkeri martyrologium,* 823 a  
*Notitia ecclesia, quid sit, secundum rem,* 769 b  
 774 a.  
*Nova dogmata,* 339 b  
*Nova voces per hereses genita,* 308 a. 338 b. 396 a. 702 a  
 740 b. 783 b. 784 b. 799 a.  
*Novati opinio inhumanissima,* 114 a. 178 b. 406 b  
 407 a.  
*Novatianorum error, dicere, apud sacerdotes nullam esse*  
*absolvendi facultatem,* 471 a  
*Novitas prophana, vetustas sacrata,* 504 a. 702 a. 777 a  
 786 a. 808 b. *Novitati nihil licet, quia nihil conve-*  
*nit adjici vetustati,* 261 b. 488 b. 620 a. 702 a  
 775 a. *Novitas ruinosa,* 787 b. & *abominanda,*  
 48 b. 104 b. 177 a. 245 b. 338. 339. 451 b. 541 a  
 660 a. 702 a. 711 b. 740 a. 774 b. 783. 786 a  
 790 a. 808 b.  
*Nuditatem pauperum ad se refert Christus,* 624  
*Nundinas quatuordecim sabbatis, clericis prohibitum,* 630 b  
*Nunechius, Laodicea Phrygia Pacatiana episcopus,* 133 a  
 715 b.

O.

- Obedientia maxima est virtus,* 172. 580 b. & *nullus*  
*rectè praesse potest, qui prius parere non didicit,* 576 b  
 759 b. 819 a. 452 a. 748 b. 778 b.  
*Oblationarium,* 269 a  
*Obviare non debet posterius concilium priori, ubi nulla illud*  
*perurget necessitas immutare,* 781  
*Occidentales & Orientales doctores, inter se concordantes,* 401.  
 802 a.  
*S. Odilonis vita,* 142 a  
*Odo, Bellovacensis episcopus,* 801 a  
*Odo, Tusculanus episcopus,* 660 a  
*Oikonomos evexa, quid,* 566 b  
*Okami, Angli, dialogorum citatur auctoritas,* 246 a  
 408 b. 413 b. 741 a. *Vid. 667 a.*  
*Olabus, Strigoniensis archi-episcopus,* 358 b  
*Olympius, Evassensis antistes,* 720 a  
*Omnipotentia divina ubinam maximè ostendatur,* 779 b  
*Onuphrius Parvinius, ecclesiastica pater historia,* 773 b  
*Opera bona, qui ad salutem negant necessaria, quantum de-*  
*lirent,* 630 b. 654 a. *Opera diaboli quamvis sint,*  
 723 b. 630 b. 699 b. *Opera Trinitatis sunt insepara-*  
*bilia,* 784 b. 788  
*Ophitarum heresis,* 220 b  
*Opinio de re incerta, scientia de re certa est,* 802 b. *Qui*  
*aliquà opinione occupantur, sibi omnia continere ut cu-*  
*piunt, ita & putant,* 98 a  
*Oportere, quid,* 575 a  
*Optati, Milevitani episcopi, [366 a. 400 a. 812 b.]*  
*liber contra Parmenianum,* 222 a  
*Opteramus, Viennensis archi-episcopus,* 210 a  
*Orandi instantia qua debeat esse in clericis,* 626 b  
*Orationi parva est gratia, nisi eloquentia sit summa,*  
 279 a.

Oratio

# Index Rerum & Vocabulorum.

- Oratio & jejunium, magna virtutes, 313 a. 347 a. 403 a. 626 b. 636 b. 809 b. Orationes & lachrymæ, Clericorum arma, 114 b. 723 a. Orationes in celebratione concilii Deo offerende, 216 b. 586 b. 694 a. 730 b. 783 b. O-ratio pro ecclesiâ, P. rege, & prælatis, 16 b. 33 a. 133 b. 374. 778 b. 780 b.
- Orbis terrarum imperium, Orientale, & Occidentale, 537 a. Ordinare nullus præsumat, extrâ conscientiam metropolitani, 104 b.
- De Ordinatione, 180 a. 185 a. 202 a. De Ordinandorum viâ, famâ, & moribus, 96 a. 125 b. 172 a. 178 a. 471 a. 619 b. 689 a. 762 a. Ordinatio gratis fieri debet, 547 b. 617 a. 629, &c. Ordinatio ab hereticis suscepta, an valeat, 804 b.
- Ordines quare distincti sunt in ecclesiâ, 93 b. 136 b. [1] 553. 580 b. 687 a. 758 a. 774 a. 778 b. Ordinum ecclesiasticorum collatio, est manuum impositio, 804 b.
- Ordo rebus in omnibus summopere commendandus, 37 b. 98 a. 619 b. 743 a. 781 b. Ordo sacer characterem imprimit in animâ indelebilem, 778 a. Ordo ecclesiasticus confunditur, cum sua unicuique iurisdic-tio non servatur, 188 b. 265 a. 580 b. 687 a. 746 a. 758 a.
- Ordo Templariorum, 217 a. 291 b.
- Orientalium conciliorum disciplina, 714 a. Orientalis ecclesie unio cum occidentali, 155 a. 233 b. 534-735 b. 803 a.
- Ex Oriente auctores religionis Christiane primum venere, 113 b.
- Origenis, professoris in academiâ Alexandrinâ, [221] dogmata Romam delata, 697 b. Pro Origene Russini apologia, 825 a.
- Originalis peccati effectus, 786 a. 668 a. 7 a. 367 b. 787 a. 803 b.
- De Ornamentis ecclesie, 561 a. 636 b.
- Orthodoxæ fidei prædicatio, stabile fundamentum ecclesie, 695. 779 b. Orthodoxa ecclesia in hoc viget, quod in eâ sit conspiratio una, compassio una, & confluentia una, 771 b. 778 b. Orthodoxi quomodo de divinis dispu-tent dogmatibus, 781, &c.
- Orthographia ratio semper habenda, 580 a.
- Ortisius, Baccalaurius formatus Parisiensis, 225 b.
- Oteramum, Viennensem, inter, & Joannem VIII. circa Genevensis episcopi ordinationem controversia, 752 b. 753, 754.
- Otgerius, episcopus Spirensis, 268 b.
- Otho, Constantiensis antistes, 212 b.
- Otho, Trevirensis archi-episcopus, 299 a.
- Otto, princeps Saxonum, 273 b.
- Ovium & pastorum ad se invicem munia, 56 b. 67 b. 89 b. 91 a. 140 b. 579 b. 779 b. 780 b. 795 b.
- Ozia regis pæna, 623 a.
- P.
- Pacianus, Barcinonensis præsul, 264 b. 662 a. 813 b.
- Pacifici quinam proprie sint, 519 a. 606 b. 623 b.
- Pacis dulce nomen, & ejus effectus, 484 a. Pacis cum veri-tate contubernium, 54 b. 73 b. 749 a. 802 b.
- Pactiones in baptismo quæ sint, 802 b.
- Palaologus, Constantinopolitanus imperator, 155 a. 167 a.
- Palaestina, non nisi post Calchedonense concilium, Hieroso-lymorum episcopo subiecta est, 698 a.
- Palastrarum trium synodus, 140 a.
- Palamedes Nauplii ex Climene filius, 461 b.
- In Palatiis regum rarissime reperitur humilitas, 513 a. Pa-latia ad imperatorem pertinent, ecclesia ad sacerdotem, 281 b. 636 b. 655 b. 672 b. 706 a.
- Palladius, Helenopolitanus episcopus, 405 a.
- Palladii dialogus de Chrysosthomi vitâ, 36 b. 117 b.
- Pallavicini historie auctoritas imminuitur, 340 a. 347 a.
- Pallii ecclesiastici descriptio, 749 b. Pallio, non, nisi sta-tutis temporibus uti, metropolitani licitum, 347 a. 619 a. 628 a. Pallium Augustino, Anglorum doctori, à Gre-gorio magno missum, 748 b.
- Palmerius emendatus, 721 a.
- Pamelii liturgica, 821 a.
- Panegyricus, Constantino IV. dictus, 491 a.
- Πάτρις οἰκία, 34 b. 59 b. 468 a.
- Pantanus Alexandrine academie rector, 211 a.
- Papa nomen, 545, 546. præsulibus commune, 279 a. 547 a.
- Papa munere est aqualis Episcopis, 6 b. 89 a. 507 b. 778, 779, 780, 781. Papa faciunda professio qualis, 44 a. 218 a. 328 a. [Vid. Rom. Pont.] Eiusdem ordinatio, 508 a. 600 a. Papa inscribitur, Episcopus urbis Romæ, &c. 20 b. 88, &c. Non qui urbis, idem & orbis Episcopus, 88 a. Roma duo Amistites, 107 a. Papa non est Rex ecclesie, 323 b. &c. 551 b. 563 a. Canonibus subijcitur, 180 b. 469 a. 477 b. 570, 571. & Ecclesia iudicio subest, 23, &c. 32, &c. 54, &c. 74, &c. 87, &c. 90 a. 92 b. 151, &c. 154 b. 156 b. 192 a. 233. 243 a. 468. & coactivæ sententia concilii, 70 a. 240 a. quoniam est Christianus viator peccabilis, 66 b. 240 a. 321 b. & potest committere peccatum schismatis, 51 b. 65 a. 233 a. 249 b. & potest hereticari, 246 a. 477 a. ideoque propemodum sine spe veniæ condemnandus, ut diabo-lus, 550 a.
- Papa voluntas, qualiscunque ea fuerit, non est regula, quâ operationes ejus & actiones diriguntur, 192 b. 233 a. 549 b. 570 a. 589. Papa non est incastiga-bilis, etiam si quotidie mille homines occideret, 146 b.
- Unus Hincmarus eum appellat Christi vicarium, 173 b.
- A Papâ excommunicati, per quemlibet clericum in ne-cessitate possunt absolvi, 755 b. Papa de dogmatibus ec-clesiasticis, fiduciario jure, & in rem præsentem, non potest decernere, 17 a. 200 b. Papam ex synodi au-ctoritate judicare convenit, 33 b. Ab ejus iudicio pro-vocatur ad concilium, 30 a. 159, &c. Utrum uni-versali concilio secluso, Papa sit subiectus potestati Ecclesie universalis, sicut subditus duci suo, 67 b. 240 b. 303 b. Sedens in Concilio generali, non potest & simul & semel infra & supra seipsum esse, 110 a.
- Papa sedes à sedeme distinguitur, 25 b. 226 b. 253 b. 502 b. 335. 377 b. 417 a.
- Papiense concilium, 74 a. 78 a. 153. 209 a. 233 a. 298 b. 299 a. quando celebraretur, 217 a.
- Papiensis universitas, 327.
- Papinianus quandoque aliud, aliud Paulus præcipit, 32 a. 281 b.
- Παπιναι aliud, aliud πατρίαι, 696 a. 714 b. 715 a.
- Parisiana schola fama celebris, 61 a. 82 a. 299 a. 323 b. 331 a. 595 b. 604 b. 801 b. Parisiensis theologi jus quid, 454 a. In Parisiensi academiâ tanquam hæresis est, docere, R. Pontificem non subesse Concilio, 7 b. 63 a. 150 b. 162 b. 242 a. 334. 464 a.
- Parisienfia concilia, 225 b. 238 b. 522 b. 524 a. 530 b. 531 a. 533 a. 575 a. 767 a.
- Parium eadem est potentia, nec major, 672 b. 777 b.
- Parricida immanes, 567 a. 568 b. 569 b. 573 a. 602 a.
- Parricidium quàm sit detestabile crimen, 587 a.
- Parte inaudita alterâ, anraturum & justum sit iudicium, 11.
- Parvulis baptisma sufficere ad salutem, 786 b. 802 b. 804 a.
- Passagium generale, pro recuperatione terra sanctæ in-dictum, 658 b.
- Pasce oves, quibus dictum, 437 b. 438. 637, &c. 703, 704. 780 b. Consule Scriptur. indic.
- Pascha quotempore celebrandum, 102 b. 124. 150 a. 178 b. 219 b. 220. 240 b. 333 b. 334. 487 b. 507 a. 807 b. 814 b. Paschatis tempus à Metropolitano requiren-dum, 748 b.
- Paschalis I. quando creatus sedis R. Præsul, 185 b.
- Paschalis II. quando ad R. Ecclesia gubernationem ac-cessit, 188 a. Eiusdem professio in concilio Lateranen-si, 215. & privilegium damnatum, 247 a.
- Pastoris vigilantissimi officium atque partes, 85 a. 91 b. 143 a. 282 b. 287 a. 340 b. 406 b. 515 a. 637, &c. 670 b. 703 b. 704. Non pastor, sed mercena-rius



# Index Rerum & Vocabulorum.

- rius est, qui in beneficiis ecclesiasticis temporalia principaliter contemplatur, 630 b. &c.
- Paterius, Romana Ecclesia subdiaconus, 638 b.
- Patiens, Lugdunensis archi-episcopus, 469 a.
- Patres & doctores priorum temporum quales, 482 a. 564 b.
- 789 a. 794 b. 797 a. Patres probabiles, 731 a. 774 b.
- 791 a. 799. 802 b. Patrum fidem in Ecclesia catholica servari debere, 196 a. 506 a. 514 a. 534 b. 622 b.
- 673 b. 695. 799 a. Patrum omnino servanda instituta, nisi necessitas urgeat, 182 a. 243 b. 577 a. 636 b.
- 744 b. Patrum precedentium & sequentium eadem fides, 514 a. 673 b. 789 a. 797 a.
- Patriarcha in universo mundo quinque, 22 b. Patriarcha non datur universalis, 130. Vid. Univ.
- Patroni ecclesiastici, in collatione beneficiorum, quid agere debeant, 619 b.
- Paulianiste, 811 b.
- Paulinus, Aquileiensis Episcopus, 427 a.
- Paulini, Nole Episcopi, poemata, 816 b.
- Paulinus, quando de vita decessit, 37.
- Pauli & Emilii historia Francorum, 648 a.
- Paulus Apost. ex persecutore, vas electionis, 135 b. [2] deiloquus, 169 a. tuba Spiritus S. 115 a. doctor gentium, 378 b. quare in faciem restitit Cepha & reliquis, 435 a. Vid. Petrus.
- Paulus, Constantinopolitanus episcopus, 799 a.
- Paulus Diaconus, de gestis Longobardorum, 640 b.
- Pauli II. mores, 327, 328, 329. 342 b. 343 a.
- Paulus III. quando Clementi VII. successit, 293 a. Eiusdem missale Romanum, 659 b.
- Paulus Samosatenus, Artemonis dogma instaurat, 102.
- 220 a. 383 a. 384 a. 413 a. 436 b. 537 a. 540 a.
- 588 b. 783 b. 784 b. 785. 812 a. 817 b.
- Paupertas Christi, quam fuerit, 543 a. 759 b.
- Peccare, ex necessitate, aliud est, aliud ex ignorantia, aliud ex studio, 28 b. 249 b. 653 b. 657 a. 734 a.
- Peccare si nemo voluisset, judicare nemo debuisset, 665 a.
- Peccanti, cum possis, non contradicere, consentire est, 318 a.
- Peccata omnia esse paria, Stoicorum opinio, 606 a. 679 a.
- De Peccato originali, 7 a. 367 b. 668 a. 787 a. 803 b.
- Pecunia non condemnata in divite, sed avaritia, 630 b.
- Pelagianorum heresis, 89 a. 126 b. 150 a. 367. 368 b.
- 384 a. 787. confutata, 369 b. 370. 404 b. 786.
- Pelagius, auctor commentariorum in epistolas S. Pauli, inter Hieronymi opera, 108 b.
- Pelagius I. quando ad R. accessit Ecclesiam, 184 a.
- Pelagius II. quo anno creatus est R. Pontifex, 378 b. Eiusdem libellus de tribus capitulis, 285 a. littera ad Episcopos Istria, 378. 708 a. 716 a. Epistola ad orientales prima, ficta & supposita, 522. 526 a. 530 a.
- Pennafortius auget numerum Divorum, 668 b.
- Per ] particula, quid importat, 437 a.
- Peregrinus, Guidixensis Episcopus, 772 a.
- Periculum minus, ad majus devitandum, potest eligi, 753 a.
- Perigenes, Corinthiorum Episcopus, 789 a.
- Perronii, Cardinalis, responsio ad Jacobum I. Britannia regem, 7 b. 473 b. 474. 562 a. reprehenditur, 644 b.
- Persona, Paderbornensis officialis, cosmodromium, 238 b.
- Typographicus error, 520 a. Persona, quando floruit, 359 a.
- Persona non communicatur, nec suppositi subsistentia, 501 b.
- 784 b.
- Pertinacia hereticorum hereditaria, 591 a. 249 b. 253 a.
- 311 a. 787 a.
- Petra, supra quam Christus suam edificavit Ecclesiam, quam sit, 137 a. 139 a. 253. 586 b.
- Petrobrussiani, 768 a.
- Petronii fragmentum Tragurienae, 472 a.
- Petri Alexandrini martyrium, 347 a.
- Petrus Alliatus, Cameracensis Episcopus, 413 b.
- Petrus, Alinensis Praesul, R. Ecclesia visitor, 203 b.
- Petri Alva diligentia, 601 b.
- Petrus Ap. dictus à petrâ, & quare, 3 b. 253 a. 656 b.
- & cur Cephas vocatur, 411 a. 586 b. reliquis Apostolis praefuit, 137 a. 179 a. 515 a. 703 b. An nomine suo acceperit potestatem ligandi & solvendi, aut nomine Ecclesiae, 704 a. Petri fides personalis, & generalis, 586 b. in mari periculum, 171 a. 403 b. imbecillus inscuria, 194 b. fortitudo, 406 b. miracula, 100 a. & resipiscencia, 91 a. 144 a. Petrus negationem trinam trinâ confessione expiavit, 638 a. 704.
- 407 a. Petrus à Paulo reprehensus, quod gentes recedens ad Christi fidem conversas ad Judaismi caeremonias impelleret, 115 a. 142 a. 161 b. 232 b. 321 b. 371 b.
- 550 b. 817 b. doctor mansuetudinis, 142 a. 193 b.
- 428 b. 435 b. 544 a. Petri ipsamet umbra quantum potens, 585 a. Petrus quam personam egerit in concilio Hierosolymitano, 193 a. Petrus, salus ex Apostolis maritus, 420 a. Roma evangelium praedicat, 88 b. à Nerone cruci damnatus, 407 a. & eodem die cum Paulo martyrium passus, 438 b. ad Dominica passionis gloriam perveniens, 136 b. [2] sed contra atque ille suspensus, 407 a. Petri sedes vel Antiochena vel Romana, 305 b. 441 a. Non sola regnat Petri Ecclesia, 10 b. [1] ues Petrus, &c. ] inscriptio in domate basilica S. Petri, 207 a. De S. Petro quid Cyrillus tradidit, 3 b. quid Chrysostomus 14 a. quid reliqui patres, 90, &c. 100 a. 135, &c. ad 150. praesertim Augustinus, 136 [2] 137, 138. 423. 638 b. Petri patrimonium, 570 b. statua, 635 b. & sepulchrum, 115 a. 282 b.
- Petrus Cambustus, Aurelianus Antistes, 446 b.
- S. Petrus Chrysologus, Ravennas Episcopus, 818 b.
- Petrus, Colimbriensis Episcopus, 445 b.
- Petri Comestoris scholastica historia, 687 a.
- Petrus, Constantinopolitanus Episcopus, 799 a.
- Petrus Corbolicensis, quando floruit, 237 b.
- Petrus Damianus de conciliorum necessitate, 215 a.
- Petri Diaconi nota literarum, 124 a.
- Petrus de Lunâ, quis, 324 a.
- Petrus Paludanus, Patriarcha Hierosolymitanus, 237 b.
- 586 a.
- Petrus Rogerius, ex Archi-episcopo Rotomagensi, factus Papa, 237 b.
- Phariseorum mores, 70 b. 267 a. 663 b.
- Philippicus Bardanes, heresi Monothelitarum imbutus, 332 b.
- Philippus abbas, quando emisit, 64 a.
- Philippus Augustus, Gallia rex, 216 a.
- Philippus, Caesariensis legatus, in Ephesino concilio, 712.
- Philippus Decius, insignis jurisconsultus, 248 b.
- Philippi Pulchri littera ad Clementem V. 223 b.
- Philippus Valesius, G. R. Joanni XXII. flammas minitatur, 7 a. 238 b.
- Philosophia caelestis, & planè divina, quam Christus docuit, 707 b. Philosophia secularis, & philosophia dominica, 474 a. 489 b. 602 b. 644. 765 a. 801 b.
- 802 b. Philosophia fidem prestigiis evertere conata, 784 a. 801 b.
- Philosophorum sapientia, vana, incerta, & supersticiosa, 525 a. 594. 697 a. Philosophi, conveniunt Nicaeni famam permoti, ad episcopos dialecticis captionibus & Aristotelis subtilitatibus vexandos convenire, 784 a.
- Philosophos inter & Christianos, quantum distet, 453 b.
- 707 b. 743 a.
- Phocas, ut imperator fieret, Mauritium cum uxore & filiis immaniter trucidat, 634 b.
- Photius, mala fidei scriptor, 701 b. 708 b. 709 a. 728 a.
733. & oppidò ridiculus, 726 b. quando floruit, 696 a.
- † 718 a. Photius, anathemate percussus, tanquam Constantinopolitana ecclesia incubator, 734 b. de sede hac dejicitur, 207 b. sed defuncto Ignatio restitutus, 735 a.
736. Photii bibliotheca, 700 a. & liber de septem synodis, 696 b. 734 b. Photius in multis, quos unicuique synodo praesides assignat, primum ferè semper facit Constantino-

# Index Rerum & Vocabulorum

- Constantinopolitanus episcopus*, 701 b  
*De Phrygio*, 718 a  
*Pietatis praeccepta, diffeminari non debet impietas*, 114 a  
 508. 511 a.  
*Pighis ordinata*, 174 a. 175 a. 176 a. 177 a.  
*Pindarus citatur*, 480 b  
*Pipinus, Caroli magni, imperatoris, pater*, 621 a  
*Pisannus, Senensis episcopus*, 268 b  
*Pisannum concilium*, 58 b. 60 a. 70 a. 143 b. 151 a. 152 a  
 155 b. 158 b. 196 a. 323 b. 324 a. 474 b. 536 a. 566 a  
 770 b. *quo tempore habitum*, 39 a  
*Piscatores illiterati quomodo theologi dixerint*, 604 b. 346 a  
 252 b. 395 b. 707 b. 784 a. 798 a.  
*Pissiacenus conventus*, 185 b  
*Pius II. quando R. sedis episcopus evasit*, 159 a. 190 a  
 & quando sedere desit, 159 a. *Ejusdem bulla retracta-*  
*tionis*, 69 b. 300 b. 330 a. & ad *Carolus V. H. regem*  
*Galliae*, 472. & ad *Mahometum Tercium principem*  
*epistola*, 248 a  
*Pius IV. quando R. ecclesiam administrare cepit*, 293 a.  
*Ejusdem diploma*, 217 b  
*Pii V. landes*, 468 b  
*Platina correctus*, 274 b. 353 b. 356  
*Platonis divina mysteria*, 594 b. 595 a  
*Plauti Comae editiones prima*, 472 a  
*Plinii Junioris ad Trajanum epistola*, 626 a  
*Plinii Naturalista principes impressiones*, 472 a  
*Super Pluritate beneficiorum, utrum omnis dispensatio*  
*in eum faciat quemvis & securum in foro conscripta*,  
 343. 344.  
*De Panis*, 320 a. 611 b. 660 a. 665. & c. 678. *De panis lai-*  
*corum, qui faciunt possessiones ecclesiarum*, 611 b. *Que-*  
*nam poena in foro canonico*, 679 a. *Pana, qua nulla po-*  
*teffe esse major in ecclesia, excommunicatio*, 320 a. 610 b  
 666 a. 585 a. 679 a. 664 b. 772 a. 676 a. 678 a. 679.  
 686 a. 653 a. 764 a. 47 b. 562 a. 568 a. 632 b. 767 b  
 808 b.  
*De Penitentia, & iis, quae ad eam pertinent*, 137 b. 178 a  
 398. 460 a. 636 b. 661. 804 a. *Penitentia, secunda*  
*post naufragium tabula*, 54 b. 182 a. 657 b. 666 a. 719 a.  
*Penitentia & satisfactio necessaria sunt ad absolutionis*  
*gratiam consequendam*, 52 a. 139 b. 598 b. 657 b  
 764 a. 804 a.  
*Penitentiale forum*, 659 a  
*Penitentibus, secundum differentiam peccatorum, sacerdotis*  
*arbitrio, penitentiae decernuntur*, 655 a  
*Poetarum audacia & ineptia*, 356 b  
*Polemon, discipulus Apollinaris*, 798 a  
*Polus [Reginaldus] Cardinalis Anglicus*, 166 a. 338 a  
*Polus gentium*, 771 a  
*Polycarpus, Smyrnenis episcopus, & martyr*, 333 b  
 817 b.  
*Polychronius, Hierosolymorum praeful*, 508 b. *fictitius* 6 a  
 134 a. 552 b.  
*Polycrates, Ephesiorum episcopus*, 333 b  
*Pompator*, 819 a  
*Pone siparium*, 219 b  
*Pontifici R. quid à patribus Basileensibus tributum*, 232.  
 In ejus electione *simoniaca pravitatis haud committenda*,  
 83 b. 187 a. *Pontifices simul duo*, 107 a. 151. *Ponti-*  
*ficem R. non posse subditos à fidelitatis sacramento ab-*  
*solvere*, 453 a. 570 a  
*Pontificia consultatio*, 164 b. 165  
*Pontigonensis synodus, quando habita*, 170 a  
*Pontius, Arvernensis comes*, 246 b  
*Pontius, Cypriani diaconus*, 810 b  
*Potentia frustrata est, quae ad actum non perducitur*, 31 b  
*Potestas dejecta, servata, vel aucta, quando*, 570 a. *De*  
*potestate & jurisdictione ecclesiastica*, 66 a. 281 b. 513  
 588, 589. 636 b. 679. 757 a. 780 a. *Potestas clau-*  
*vinum, ad quos actus definitur*, 667 a. *Potestas diabolo*  
*nulla est sine permissu Dei*, 403 a. *Potestas R. pontificis in*  
*ecclesia edificationem, & non in destructionem*, 67 b. 147 b  
 189 b. 676 b. 746 b.  
*De Probendis*, 341 a. 575 b  
*Prædecessorum decreta custodiens, docet, post decessum suum*  
*non esse ipsius decreta violanda ab iis, qui post ipsum fue-*  
*rint*, 101 a. 190 b. 787 b. 817 b  
*Prædictio & præcognitio Dei ineffabilis*, 765 b  
*Prædica divinis usibus tradita, humanis non applicanda*, 32 b  
 40 b. 55 a. 102 b. 182 a.  
*Prædicationis officio quomodo satisfaciendum*, 642 b. 86 a  
 245 a. 395 a. 12 a. 87 a. 740 a. 749 b. 782 b. 795 a  
 818 a.  
*Prædictus, Narniensis & Interamnia excisa episco-*  
*patus*, 608 b  
*Præjudiciis opinionum occupatus, sibi omnia concipere ut dix-*  
*it, ita & retur*, 337 a  
*Prælo commissio, vacant dignitatum nomina*, 474 a  
*De Præsidendi munere*, 36 a. 68 a. 703 a. 704 a. 721 a  
 722 a.  
*Præsentia sanctio, ubi, & quo tempore lata*, 72 a. 75 a  
 79 b. *Ejusdem abrogatio per Ludovicum XI. regem*  
*Gallie*, 81 a  
*Præcolii ecclesiastici annales*, 489 b  
*Prælegium, quid*, 215 b  
*Præceptes, magni nominis statutus*, 552 a  
*Presbyteri, sub nomine episcoporum intellecti*, 782 b  
*Presbyterium, ab apostolorum discipulis edoctum, Roma sum-*  
*peres*, 45 b. 46 a. 688 b  
*Priores [Silvest.] correctus*, 578 b  
*Primates quid habeant privilegii praeter ceteris episcopis*, 490 b  
 Vid. Metropolit.  
*De Primatu S. Petri*, 423 a. 428 b. *De primatu pape*  
 458 a. 570. 571. 572. *Primatus praerogativa collata est*  
*episcopo constantinopolitano post R.* 459 a. 760 a. *Aliud*  
*primatus in ecclesia, aliud primatus supra ecclesiam*, 97 a  
 100 b. 374 b.  
*Primicerius*, 174 b. 789 a. 797 b  
*Primitiva ecclesiae auctoritas sanctissima*, 626 a. 746  
*Principum virtus à quibus rebus censenda*, 500 a. 509 a  
 [Vid. zelus.] *Principum constitutiones non debent ec-*  
*clesiae praedjudicare*, 634 a. 757 a. *Ratum, confidentia*  
*genus est, interdum resistere contra vota Principis*,  
 603 b. *Utrum Princeps, propter apostasiam à fide, a-*  
*mutat dominium in subditos, ita quod ei obedire non tent-*  
*antur*, 450 a. Vid. Rex.  
*Principia, in unaquaque arte & scientia, necessaria*,  
 523 b  
*Priscillianistarum haeresis, reviviscens*, 201. 222 a. 286 a  
 concilio *Casarangustano damnatur*, 286 a. 384 b  
*De Privilegiis*, 43 a. 49 a. 82 b. 164 a. 348 a. 452 b  
 570. 573. & c. 582 a. 603 b. 605. & c. 746 a. *Privi-*  
*legiorum ratio, res odiosa*, 746 a. *De Privile-*  
*giis verbis interpretandis*, 614 a. 746 a. *Privilegia*  
*& libertates locis religiosis concessa*, 452 b. 573. & c.  
 605. & c. 683 a. *Privilegia ecclesiarum semper servanda*,  
 180 b. 746 a. *Privilegium nullum est, quod possit pug-*  
*nare adversus jus divinum*, 579 b. 609 b  
*Probabile, quid sit*, 322 b. 553 a. *Patres Probabiles*, 731 a  
 774 b. 791 a. 799. 802 b. *Probabilis opinionis, secre-*  
*tum*, 458 b. 461. 475 b  
*Pseudomonas, quid*, 710 a  
*Probationis firmum est genus, quod ab adversario sumi-*  
*tur*, 159 b  
*Probitas, ut necessaria*, 339 b  
*Proclus, Chrysostomi discipulus*, 694 a. *quando ex Cyzi-*  
*ceno factus Constantinopolitanus episcopus*, ibid.  
*Procopii Wandalica*, 811 b  
*Pseudopis, quid*, 711 a. 714 b. 715 b. 719 b  
*De Professione fidei*, 106 a. 169 b. 190 b. 470 a. 708 a  
 222 a  
*Profuturus, Bracarensis episcopus*, 732 b  
*Pseudopis, quid*, 732 b  
*Promissio quae Christo fit, quantum necessaria in baptis-*  
*mo*, 802 b  
*Promotiones ad ecclesiasticas dignitates quomodo faciende*,  
 9 a. 181 b. 346 b. 500 a. 617 b. 755 b. 803 b. *Pro-*  
*motio*



# Index Rerum & Vocabulorum.

- motio ad ecclesiasticos ordines, cum grandi examinatione fieri debet, 619 b
- De Promulgatione legum, 582 a. Promulgatio quidem definitioni necessitatem ad credendum vel agendum imponit, sed definitioni veritatem vel falsitatem nullam tribuit, 29 b
- Properii editiones prima, 472 a
- Propter quod unumquodque tale, & illud magis tale, 150 a
- Prosperi Aquitani chronicon, ab ortu rerum, ad mortem Valentis, cum annotatione consulum, 309 b. 519 a. Eiusdem epigrammata, 766 a
- Protasius, episcopus Aguenfis, 443 a
- Πρωτίον, quid, 719 a
- Proterius, Capuanus episcopus, 366 a
- Protophesis, Sardica archi-episcopus, 705 b
- Protonotarii, 190 b
- Providentia divina quieti & reconditi sinus, 509 b. 634 b. 719 a.
- De Provocatione & provocationis jure, Vid. Appel-latio.
- Prudentius, Hispanus poeta, & πρῶτος, 814 a
- Prochétrophia in quavis rep. frequentia esse debere, 576 a. 625 b.
- Prolemeia, 383 a
- Prothemas, Lucensis, 568 b
- Puerorum disciplina qualis esse debeat, 624 a
- Pulcheria sacra Archimandritis missa, 716 a. Pulcheria resedit in synodo Nicenâ, 519 a
- Purgatorii doctrina, 150 b. 464 b. 558 b. 666 b
- Pyrrhus, Constantinopolitanus episcopus, 799 a
- Pythium oraculum, 166 b
- Python ab Apolline interfectus, 470 b
- Q.**
- Quadragesima ante pascha observanda, 219 b. 334 a. 793 b. 801 a. Quadragesima jejunium, pretextus aegritudinis incommode, solventes, quomodo habendi, 623 a
- Quaestiones Christianae fidei, non sine totius ecclesiae congregatione tractanda, 801 b. 15 b. 48 b. 94 a. 501 a. 503 a. 620 b. 631 b. 719 b. Quaestiones profundiores, nec contemnenda, nec penitus asserenda, 802 b. 805.
- Quaternitas, Trinitati accedens, vox draconica, 796 a
- Quercetanus [Michael,] Launoi contubernalis, 392 a
- Qui dat esse, dat consequentia ad esse, 356 b
- Quinisexta synodus, 799 b. 821 a
- Quintillus, Heraclea prima Macedonia episcopus, 724 a
- Quisquam,] quid importat, 100 a
- R.**
- Rabanus, Moguntinensis antistes, 427 b
- S. Radegundis epistola ad episcopos Galliarum, 688 b
- Radvaldus, Portuensis episcopus, 352 a
- Radvaldus, R. sedis legatus, ob praevagationis causam abdicatus, 207 b
- Radulfus, Alexandria patriarcha, 757 a
- Radulfus, Flaviacensis episcopus, 339 a
- Raimundus Lullius, quando clauit, 171 b
- Raimundus Pennafortius, inter sanctos relatus, 659 b. 660 a. 668 b.
- Rainaldus, Noriomenfis antistes, 347 b. 451 b
- Rainaudi Jesuita, duos & q. a., 229 a. 231 b
- Rainerius, Ariminensis episcopus, 779 b
- Ratio anima est legis, 540 b. 645 a
- Rationales haud dicimur, sed fideles, 449 b. 784 a. 801 b. 252 b. 346 a. 395 b. 604 b. 662 a. 707 b. 798 a.
- Qui Rationes invalidas adfert, perinde est, ac si nullas attulisset, 542 b
- Ratipsonensis concilia, 529 b. 537 b
- Ravennas synodus, 167 a. 208. 752 b. 779 b
- Ravennatum civitas à Longobardis capta, 469 b
- Raynaldus [Odoricus] in annalibus reprehensus, 82 a
- Reatum majorem delinquit, qui potiori perfruitur bonore, 70 b. 100 a. 202 a. 471 a. 550 a. 676 b
- Recaredus, Suevorum rex, 524 a
- Quod à Recentiore auctore, sine alicujus vetustioris auctoritate, profertur, contemnitur, 709 b
- Recisindus, Hispania rex, 524 b
- Reconciliationis poenitentium ritus, 659, & c. 755 b. 759 a
- De Rectorum residentia, 180 a. 186 a
- Redemptoria actio, nostra est institutio, 780 b. 788 b
- Reduplicativa particula, quid importat, 167 b. 230 a. 386 b.
- Reformanda, quae contra ordinem gesta, 216 b. 451 b. 527 b. 580 b. 750 a. 761 b.
- Reformare quid sit, 750 a. 761 b
- Reformatio incipere debet à capite, 94 a. 192 b. 302 a
- Reformatorem officium, 189 a. 192. 211 b. 514 a. 527 b.
- Regalis cura haec est inefficax in causis divinis, 634 a. 640 a.
- Regenerationis baptismus, mortis Christi in cruce, typus & imago, 771 a. 802 b
- Regem vitam temere judicare, subditis haud licet, 435 b
- Regimen privatum & publicum legibus indiget, 588 a.
- Ecclesia Regimen spiritus S. commissum, 562 b. 774 b.
- Regimen ecclesiasticum [296 b. 780 a.] absque electione nemini dandum, 46 b. 588 b. 725 a. 745 a. 754 a. 758.
- Regnum verà religione communitum, firmitus duraturum 527 b. 711 b. Contra regnum, nefas, insurgere, 607 a. Regnum Christi est ecclesia, 588 a. Regni caelestis clavium, episcopis & prelati collata fuit potestas, 588 a. 656 b. & c.
- Regula patrum per singula concilia confirmata, cuius roboris, 179 a. 514 b. 515 b. 797 a. Regula ecclesiastica quantopere commendanda & observanda, 104 b. 182 a. 530 b. 577 b. 751 a.
- Religionis dignitas, 771 a. militas, 505 b. 514 a. & necessitas, 517 a. Religio quantum colenda, 527 a. 619 b. 626 b. 711 b. 791 b. Religione orthodoxa leges & respublica consistunt, 711 b. Religionis Christiana tota structura in quibus fundetur, 447 a. 515 b. 564 b. Nec sine Religione doctrina, nec sine disciplina religio potest subsistere, 619 b. Religionis in rebus novitas detestanda, 565 a. 791 a. Religionis & doctrina christiana controversia, quo dirimenda modo sint atque sedanda, 565 a. 721 b. 791 a
- Religionis est instar, fidem de temporibus asserere, 135 b
- De Reliquiis, 49 b. 101 a. 195 a. 282 b. 283 a. 453 b. 547 a. 578 b. 613 b. 689 a. 747 a. 761 a.
- Remedius, Linconensis episcopus, 169 a. 670 b
- Remense concilium, 170 a. 172 b. 210 a. 216 a. 290 b. 530 a. 575 a.
- Remissionis peccatorum forma quae, 598, & c. 659, & c.
- Remissioni canonum & temperamento, quandonam locus, 761 b
- Remunerationis digna primum à Deo habebis, qui diligentius, quod ad salutem commissi sibi plebis proficiat, fueris executus, 87 a. 395 a. 619 b. 628 a. 779 b.
- Reordinationes ab ecclesiâ Africanâ prohibere, 44 b
- De Reparatione ecclesiarum, 624 b
- Reparatus, Carthaginensis episcopus, 442 a. 748 a
- Repudiandi uxorem causa quae, 471 a
- Rerum humanarum eductio, 231 a
- Error, cui non Resistitur, approbatur, 317 a. 327 a
- Responsales, 205 a
- Respublica christiana perfectissima, 667 b. 766 a. 771 a. 772
- Resurrectio christi, arthabo resurrectionis nostra, 92 b. 135 b. [2] 219 b. 267 b. 637 a. 664 a.
- Revela-

# Index Rerum & Vocabulorum.

*Revelationes divinas varias fuisse, sed perfectissimam per D. Jesum,* 554. 549 a. 564 b  
*Rex quantopere venerandus,* 607 b. 633 b. 435 b. 603 a  
*Regum Majestas sancta & augusta,* 567 a. 607 a. 622 b  
 675 a. 568 b. 196 a. 509 b. 528 a. 549 b. 633 b  
 685 a. 723 a. *Regum prudentia in quibus potissimum debet enitere,* 512 a. 607 b. 622 a. 712 a. 751 b  
*Per reges Deus jura humana distribuit generi humano,* 200 b. 511 b. 711 b. *Boni regis quodnam sit erga Ecclesiam officium,* 605 b. 712 a. 751 b. *Regum in eligendis episcopis qualis sit auctoritas,* 188 a. 588 b  
*De Regum depositione,* 60 a. 158 a. 215 a. 504. 565, 566, 567, 568, 572. 573 b. 638 a. 639 b. 640. 644, 645. 655 b. 656, &c. 663 a. 671 b. 672. 674 b 683 a.  
*Rheticus Augustodunensis episcopus,* 366 a  
*Rhodense concilium,* 520 a  
*Ricardus, Wixiburgensis episcopus,* 646 b. *Vid. B.*  
*Richerius, Senonensis archi-præsul,* 214 a. 756 b  
*Rituales libri varii,* 600 b. 823 a  
*Rivessii epitome canonum & conciliorum,* 235 b  
*Robertus Autissiodorensis, emendatus,* 501 a  
*S. Robertus, Cisterciensis ordinis fundator,* 452 a  
*Robertus, Sicilia dux,* 412 b  
*Roberti Stephani catechismus,* 773 a  
*Rodericus, Toletanus episcopus,* 243 b  
*Rodulfus, Fesulanus Præsul,* 779 b  
*Rodulfus, Thuronensis Archi-episcopus,* 212 a. 214 a  
*Rogerus, Catalaunensis antistes,* 211 a  
*Rogerus, Tricariensis episcopus,* 779 b  
*Rolvinkii fasciculus temporum,* 81 a. 527 a  
*Roma, fame & mortalitate periclitans,* 274 a. dicta veterata & aterna, 115 a. 207 a. 397 b. à Saracenis devastata, 209 b. & ab Alarico Gothorum rege capta, 727 b. Haud uspiam revelatum, quod omnes Christiani à Turcâ non expellantur unquam à R. diœcesi, aut non transferantur in aliam diœcesim, nunquam amplius reversuri Romam, 254 a  
*Romana sedes, executrix SS. conciliorum,* 112 a. 778 a  
*De R. Ecclesia primatu,* 682 b. *Rom. curia, & Rom. ecclesia,* 218 b. 476 b. 534 b. 620 b. *Romana civitatis Clerus,* 285 b. 367 b. 393 a. *Romane curiæ Episcopi,* 279 a. *Unius sedis episcopus ad Rom. sedem, absque consecratione novâ, transfertur,* 255 a. *Rom. Ecclesia vel particularis, vel universalis,* 257 a. *Universa, an de universitate,* 6b. 257 a. *Romana sedis opportunitates,* 576, 577. 682 a. 715 b. & præclara olim in dandis consiliis existimatio, 651 b. *Vacante sede R. Ecclesia catholica vacare non dicitur,* 776 a  
*R. Ecclesiam neque infidelitatem nec turpe dogma unquam defendisse, falsum,* 10. *Ejus corruptela,* 166 a 192. 245 a. 248 a. 327, &c. 342 b. 346. 467 b 593 b. 762 a. 807 b. *Per eam Christi nomen blasphematur inter gentes,* 19 b. 478 b  
*Romana concilia,* 9 b. 18. 19 a. 39 a. 40 a. 54, &c. 94 b. 96. 102 b. 103 a. 107 a. 113 a. 118 a. 123 b 125 a. 126 a. 128 b. 129 b. 133 b. 134 a. 162 a 163 a. 166 a. 168 b. 170 a. 176 b. 177 b. 182 a 183 a. 185 b. 186 b. 187 a. 189 a. 192 a. 197 a 198. 202 a. 203 b. 204 a. 206 a. 207 b. 209. 210 b 212 a. 214 b. 219 a. 241 b. 247 a. 267 b. 268, 269, 270, 271. 273 a. 275. 277. 278. 288, 289 b. 294 a 295 a. 310 a. 338 b. 348 a. 366 a. 384 b. 388. 435 b. 441 b. 444 a. 469 b. 470 a. 473 b. 479. 485 b. 486. 487 a. 488 a. 492 b. 512 a. 520 a 529 b. 533 a. 544 b. 6. 5 a. 716 b. 725 b. 784 b 814 b. 818 b. *Romana synodus, à Constantino congregata, antè Nicanam,* 485 b  
*Romani Pontificis electio,* 106 b. 107 a. 145 b. 270 b 557 b. consecratio, 169 b. & professio fidei in inauguratione, 190 b. 328 a. 488 b. 749 b. *Qua nomina in scripturis tribuuntur Christo, eadem non tribuuntur Pape,* 87 b. *Rom. Pontifex Ecclesiastica hierarchia non est Princeps & Monarcha,* 671 a. est pars Eccle-

sia, 40 a. 232. 373 b. & metropolitani munere defungitur, 169 b. *Quomodo dicitur Ecclesia caput ministeriale,* 64 a. 146 a. 232 a. *Rom. Pontifices ad servanda religionis Christiana decreta obligati,* 44 a. 470 a 689 a. 750 a. *Sacramentum, quo sese quondam in consecratione suâ obligârunt,* 32 b. *Nullus est synodi vel generalis vel particularis canon, in quo R. Pontificis patenter excipitur auctoritas,* 105 b. *R. P. non habet jus indicendorum, transferendorum ac dissolvendorum conciliorum,* 76 b. 233 a. 483 & seqq. ad 534 Ipse agnoscit se subijci concil. generali, 157 a. 158 b 160, &c. 204 b. *Pontifices nonnulli, homines, monstro similes,* 479 a. 547 b. apostatârunt à fide, 769 a. auferibiles sunt de Papatu, 67 b. 146 b. 151 b. 243 a 249 b. 533 b. 550. (si non à sacerdotali, tamen ab imperiali concilio, 268 a.) possunt deponi pro fatiuræ, 68 b. aut haberi sicut Ethnici & publicani, 42 b 144 b. 146 b. 232 b. & ut morbida capita, si curari non possint, amputari, 96 a. 147 b. 271 a. & igni hæreticorum pena tradi, 477 a. 584 b. 557 b dum in eorum condemnatione duo testes sufficiunt, 550 a  
*Romanorum virtutibus orbis terrarum imperium præmiatum,* 115 a. 547 b  
*Romanus, præsul Feretinus,* 269 a  
*Romanus, Ravennas Archi-episcopus,* 209 b  
*Rostagnus, Arelatensis antistes,* ibid. a  
*Rota, Romana curia,* 346 b. 581 b. 761 b  
*Rothadus ad Sueffionensem revocatur Ecclesiam,* 207 b 242 b. 382 a.  
*Rufinus, Aquileiensis presbyter, propter Originis dogmata, Romam delata, damnatus,* 697 b. *Quando ex hac vita migravit,* ibid.  
*Rufinus, magister officiorum Theodosio,* 652 a  
*Rufus, Thessalonicensis episcopus,* 338 b  
*Rufius, Consentinus Archi-præsul,* 318 a  
*Rusticus, Fesulanus Antistes,* 727 a

## S.

*Sabbati jejunium à Gracis, Latine Ecclesia exprobratum,* 801 a  
*Sabellius personas Trinitatis confudit,* 119 b. 295 a. 710 a 784 a. 799 b.  
*Sabinus, Canusinus episcopus,* 727 a  
*Sabinus, Placentinus Antistes,* 385 a  
*Sacerdotes Ecclesiis Dei quales præficiendi,* 460 b. 638 b  
*Nulli Sacerdotum suos liceat canones ignorare,* 105 a  
*Sacerdos est animabus, quod medicus corporibus,* 655 a  
*De Sacerdotum concubinis,* 619 a. *Sacerdotum princeps Rom. sedis Episcopus non appellandus,* 553 a  
*Sacerdotii dignitas,* 4 a. 136 b. 663 a. *Sacerdotium ubique unum,* 445 b. *Sacerdotium & imperium, duo maxima munera celi,* 13 b. 588 a. 636 b. 663 a 672 a. *Vid. Clericus.*  
*Sacra, quæ,* 206 b. 516 b  
*Per Sacramenta, tanquam per media, Deus nobis gratiam confert,* 802 b. *De Sacramento Eucharistia,* 66 a. 184 a 220 b. 325 a. 395 a. 460 a. 625 a. 652 a. 654 a 655 b. 659 b. 664 b. 804 a.  
*Sacrilegium est, fraudare Ecclesiam,* 511 b. 630 b. 755 b  
*Sadoleti (Jacobi) Card. laudes,* 338 a  
*Sæculares, honores sæculares;* 607 b. *Ecclesiasticos, ecclesiastici decent,* 32 a. 181 b. 282 a. 500 a  
*Sæculum relinquere quid sit; & in quibus internosci possint, qui sæculum relinquunt,* 607 b. 765 b  
*Sagaris martyr,* 333 b  
*Salernitani Archi-episcopatus pertinentia,* 755  
*S. Salesius, Gebennensis episcopus,* 452 b  
*Salonii & Sagittarii causa,* 523 a  
*Salvari omnes homines, Deum velle; licet non omnes salventur,* 404 a. 712 a  
*Per Salutem principis,* 504 a  
*Samaria, Palestina regio,* 809 b  
*Samari.*



# Index Rerum & Vocabulorum.

|  |                 |  |                                   |   |                     |
|--|-----------------|--|-----------------------------------|---|---------------------|
| <i>Samaritana Ecclesia, hereticorum perinde ac Judaeorum baptisma rejiciebant,</i>   | 809 b           | <i>Sepulchra violare nefas,</i>  | 689 a.                            | <i>Sepulchra qui effodit, quomodo plectatur,</i>  | 282 b               |
| <i>Sammaximinenſis cœnobii privilegia,</i>   | 578 b. &c.      | <i>De ſepulturis,</i>  | 578 b.                            | <i>Sequeſter, ſive cuſtos,</i>  | 760 a               |
| <i>Sammedardenſi privilegio falſi dica impingitur,</i>   | 279 a           | <i>Sergius, Conſtantinopolitanus episcopus,</i>  | 799 a                             | <i>Severianorum negotium,</i>   | 383 a. 796          |
| <i>451 a. 574 a. 605, &amp;c. 674, &amp;c.</i>   |                 | <i>Severianus, Gabalorum episcopus,</i>  | 793 a                             | <i>Siagrius, Auguſtodunenſis antiſtes,</i>  | 443 b. 619 a        |
| <i>Sancius, Aragonia rex,</i>  | 348 a. 756 a    | <i>Sibyllina oracula,</i>  | 323 b                             | <i>Sichardus, Aquilegenſis episcopus,</i>   | 210 b. 213 a. 290 a |
| <i>Sancta, cur vocetur Eccleſia, in ſymbolo apoſtolico,</i>  | 460 b           | <i>Sico, Blebenſis episcopus,</i>  | 268 b                             | <i>Sigefredus, Moguntinus Archi-episcopus,</i>  | 212 b. 213 b        |
| <i>Sanctificatio ſpiritus, ſanguis redemptionis, &amp; aqua baptiſmatis, quomodo unum,</i>   | 788 b. 802      |  |                                   |   |                     |
| <i>Sanctius, Aragonenſis episcopus,</i>  | 187 b           | <i>Significâſti, cap.</i>  | 230 a. 247 b. 330 a. 414 a. 769 b | <i>Sigonii occidentale imperium,</i>  | 489 b. 501 a        |
| <i>Sanguis martyrum, ſemen Chriſtianorum,</i>  | 764 a           | <i>Sigulfus, Placentinus antiſtes,</i>   | 269 b                             | <i>Sileni rector aſellus,</i>   | 479 a               |
| <i>Sanromani ſpirituales expeditiones,</i>   | 668 a           | <i>Silentium, res bona, &amp; periculi expers,</i>   | 587 a                             | <i>Silvanectenſis ſynodus,</i>  | 50 a. 102 a         |
| <i>Sapaudus, Arelatenſis Episcopus,</i>  | 748 a           | <i>Silverius quo tempore R. cœpit præſſe Eccleſia,</i>   | 183 b                             | <i>Silveſter II. quo anno R. pontificium obrinuit,</i>  | 186 b               |
| <i>Sapientia Dei via nobis abſcondita, 634 b. 509 b. 719 a</i>   |                 | <i>Silveſtri ad Nicenam ſynodum epiſtola commentitia,</i>  | 78 b                              | <i>Simœon, Theſſalonicensis episcopus,</i>  | 803 a               |
| <i>Sardiana ſynodus, 12 b. 15 b. 77 a. 88 b. 110 a. 111. 113. 115 b. 118 a. 119 b. 373 b. 492, 493, 494. 576 a. 705, 706. 725 b.</i>   |                 | <i>Simeonis Metaphraſte viſa S. Athanaſii,</i>   | 493 a                             | <i>Simia ſemper erit ſimia,</i>   | 457 a               |
| <i>Sardis, urbs metropolitana Illyriorum &amp; Dacorum,</i>  | 493 a           | <i>Simleri epitome ſcriptorum,</i>   | 256 b                             | <i>Simoniaca pravitate ſcelus horribile, 471 a. 550 a. 570 a. 684 b. 755 b. Unde oriatur, &amp; quàm ſeriò vetitum, 629, 630, 631. Simonia labeſ quomodo puniendâ, 42 a. 70 b. 83 b. 551 a. 557 b. Simonia peccatum, ſed non hæſis, juxta Julium, 164 a. 558 a. 571 a. 629 a. 631 b. Electio ſimoniaca pontificis planè nulla, 557 b.</i> |                     |
| <i>Savinus, Terracina Episcopus,</i>   | 366 a           | <i>Simplicius quo tempore R. ſedem aſcendit,</i>   | 182 a                             | <i>Singula qua non ſufficiunt, multa ſimul juncta proſunt,</i>  | 124 a               |
| <i>Saxonica puella, muſarum ſacerdos,</i>  | 276 b           | <i>Sinifter locus dextera partis loco ſanctior &amp; dignior in eccleſiâ,</i>                            | 730 a                             | <i>Sinueſſanum concilium, ſuppoſitum, 9 b. 133 b. &amp;c. 271</i>   |                     |
| <i>Schiſmata unde nata, 99 a. 173 a. 752 a. 753 a. Schiſma quantum malum, 2 a. 177 a. 184 a. 298 a</i>   |                 | <i>Si Papa, can. 249 a. 250 b. 251 b. 330 a. 355 b. 391 a. 560 b. 585 b.</i>                             |                                   | <i>Siricius quando Rom. urbis episcopatum regere aggreſſus, 177 b. † 286 b. Huic epiſtola reſtituta, 5 a. 34 b. &amp;c. a. 38 b. 159 a. 161 a. 286 b. 439 b. 552 b. Quæ reſenſetur integra,</i>   | 37 b                |
| <i>Schombachi Urſula vindicata, 687 b</i>  |                 | <i>Sirleti Cardinalis menologium,</i>  | 717 b                             | <i>Sirmienſis ſynodus,</i>  | 495 a               |
| <i>Scipionis Duplex vita Philippi Pulchri, 581 b</i>   |                 | <i>Sirmiondi, eruditionum parentis, [ 265 a. 733 b. ] appendix ad codicem Theodoſianum,</i>              | 123 b                             | <i>Sisinnii, Conſtantinopolitani episcopi, conſecratio,</i>   | 504 b               |
| <i>Scotorum genti mittit literas Joannes IV. pro obſervatione Paſchatis, &amp; contra Pelagianam hæſim, 150 a</i>  |                 | <i>Sixtina biblia à Clemente VII. ſuppreſſa &amp; emendata, 29 a. 164 a. 167 a. 228 b. 229 a. 556 b.</i> |                                   | <i>Sixtus III. quando R. eccleſia ſacerdos opatus eſt, 179 b</i>  |                     |
| <i>Scripta omnia corrumpendi &amp; adulterandi, præcipuum hæreticis ſemper ſtudium fuit, 12 a. 565 a. 706 b. 785 a. 796 b.</i>   |                 | <i>quando migravit, 658 a. Ejuſdem epiſtola ad Orientales vitioſa,</i>                                   | 508                               | <i>Sixti V. ſermo in conſiſtorio, de morte Henrici III. G. R.</i>   | 548 a               |
| <i>Scriptura ſacra norma eſt noſtra religionis, 245 a. 365 b. 449 a. 553 a. 565 a. 662 a. 791 b. Scriptura haut ab humana voluntate, ſed à Deo accepit auctoritatem, 518 a. 552 b. 800 b. Scriptura, mortuum atramentum, 245 a. 553 a. Scriptura S. in uno eodẽmque ſermone plures ſenſus, literalis, &amp; ſpirituſalis, 245 a. 418 a. Scriptura tropica ſeu parabolica locutio, 376 b. Ex ſenſu Scriptura myſtico, analogico, allegorico, argumentum ſerme nullum depromitur, 418 a. Scripturas ſacras interpretandi modi &amp; regula, 375 a. 418 b. 457 b. 479 a. 552 b. 565 a. 587 b. 645 b. 701 a. 704 a. 791 a. 793. Scriptura extorta expoſitio, 109 a. 339 b. 396. 418 a. 429 a. Scriptura manifeſtis ſenſibus contravenire, haud eſt humana ignorancia, ſed ſuperba arrogantia, 598 b. Scriptura inter controverſiarum judices à concilio Tridentino principe loco collocata, 532 a. 566 a. 639 a. 703 a. 803 b, &amp;c.</i> |                 | <i>Smalchaldica ſynodus,</i>   | 149 a                             | <i>Societatis artiſſima vincula, ſunt vitiorum poena, &amp; virtutum premium, 619 b. Societatis occulta ſcrupulo haut caret, qui manifeſto facinori non obviat,</i>   | 25 a                |
| <i>Scyllam inter &amp; Charybdin navigare,</i>   | 245 b           | <i>Socrates correctus,</i>   | 502 a. 538, 539, 540, 541, 542    | <i>Solis dies quomodo ſanctificandus, 219 b. Solis &amp; eccleſie comparatio,</i>   | 491 b. 561 b. 563 b |
| <i>Scyllitani martyres,</i>  | 821 b           | <i>Somniâ ne cures,</i>  | 323 a                             | <i>Sophronius, Archi-episcopus Hieroſolymorum,</i>  | 799 b               |
| <i>Ut ſe habet Secundum quid ad Secundum quid, ſic ſe habet ſimpliciter ad ſimpliciter,</i>  | 434 b           | <i>Sorbona Theologi,</i>   | 241 b                             | <i>Soromeni errores emendati, 36 a. 502 a. 538, 539, 540, 541, 542.</i>   |                     |
| <i>Secundus, Præneſtinus episcopus,</i>  | 366 a           | <i>Sorex ſuo ipſum perit indicio,</i>  | 405 a                             | <i>Spatharius, conſtabularius, aut magiſter militum,</i>  | 511 a               |
| <i>Securitas carnalis, 86 b. 403 b. Quâ ratione per ſententiam de abſolutâ hominum prædeſtinatione in hominem introducatur,</i>  | 404 a           | <i>In omni jure per Speciem derogatur,</i>   | 399 b                             | <i>Niſi Specialiter notentur, quæ notabiliter facta ſunt, quaſi neglecta videntur,</i>  | 75 b                |
| <i>Sedium eccleſiaſticarum vel apoſtolicarum numerus &amp; ſeries, 12 a. 92 a. 127 a. 389 a. 517 b. 745 b. 760 a</i>   |                 |  |                                   | <i>Speltam</i>  |                     |
| <i>Sedium jura permanent, eſi diverſa ſint merita præſulorum, 746 b. Major auctoritas ſynodi, quàm Sedis Romana. 16 b. 23, &amp;c. Ad ſolam Sedem R. non pertinere, circa fidem declarare, vel reprobare, 6 b. Sedes perforata, cui novus pontifex imponitur,</i>  | 356 b           |  |                                   |   |                     |
| <i>Sequinius, Senonenſis Archi-episcopus,</i>  | 755 a           |  |                                   |   |                     |
| <i>Seleucia, urbs Iſauria,</i>   | 496 a           |  |                                   |   |                     |
| <i>Seleucienſe concilium,</i>  | 122 a. 495, 496 |  |                                   |   |                     |
| <i>Senenſe concilium, 74. 78 a. 144 b. 153 b. 155 a. 158 a. 217 a. 233 a. 244 a. 296 a. 300 a. 330 a.</i>  |                 |  |                                   |   |                     |
| <i>Senenſis academia,</i>  | 330 a           |  |                                   |   |                     |
| <i>Senonenſe concilium, 148 b. 172 b. 241 a. 290 b. 307 a. 314 b. 388 a. 390 a. 411 b. 426 a. 562. 741 b. 770 b.</i>   |                 |  |                                   |   |                     |
| <i>Senſi, qui,</i>   | 252 a. 586 b    |  |                                   |   |                     |
| <i>Senenſis multorum audire multum prodeſt, cum de rebus magni momenti agitur,</i>   | 11 b            |  |                                   |   |                     |
| <i>Septima habetur Pſeudo-ſynodus à Latinis,</i>   | 733 b           |  |                                   |   |                     |

# Index Rerum & Vocabulorum.

|  |   |   |   |
|--|---|---|---|
| <i>Spelam esse hordei speciem, à sede apostolicâ judicatur,</i>  | 237 b. 550 a  | <i>Synodi à quo congregata,</i>   | 497. 498. 499. 500. 501. 502. 503. 504. autumni tempore celebranda, 207 a. 213 a.   |
| <i>Spirativa virtus de naturâ filii,</i>   | 710 a   | <i>Synodis quantum deferendum,</i>  | 515 b. 784 b. Synodus,  |
| <i>Spiritus &amp; caro aperto Marte inter se pugnant,</i>  | 484 a   | <i>ultimum juris silentium,</i>   | 207 b. Dogmatum rectitudo   |
| <i>Spiritus S. non est creatura, 374 a. 784 a. sed eternitatem processionis à patre &amp; filio absque nativitate habet, 500 b. 629 a. 695 b. 708 a. 738 a. 802 a.</i> | <i>Spiritus S. ex patre filioque processionis fides, à Gracâ ecclesiâ Latine quasi erronea exprobrata, 801 a. In Spiritum S. Macedonii blasphemia apud synodum Constantinopolitanam profligata, 500. 695 b. 709 b. 710 a. Sp. S. primum &amp; summum donum, in quo omnia dona dantur, 630 b. 108 a. 629 a. 660 b. 719 a. manifestati- va vis occulta patris divinitatis, 507 a. 561 a. 802 a. Spiritum Dei ecclesiâ suâ nunquam deesse, 244 b. 365 a. 557 a. 561 a. 586 b. 662 b. 757 a. 760 a. 768 a. 772 a.</i> | <i>Synodus II. seu Constantinopolitana (duplex) 77 a. 497, 498, 499, 500, 501.</i>  | <i>Synodus Ephesina confirmationem eorum, qua ab illâ contra Nestorium gesta erant, poscit ab imperatoribus, 506. Synodorum nulla immutabilis forma, 701 a. De Synodorum universalium numero, 736, 737, 738, 739. 740. 741. 742. Septem synodi œcumenica, 567 b. 674 a. Septima habetur pseudo-synodus à Latinis, 733 b. Synodus septem episcoporum, 220 b. Vid. Concilium.</i> |
| <i>Spoletanum concilium,</i>   | 107 a   | <i>Synodus II. seu Constantinopolitana (duplex) 77 a. 497, 498, 499, 500, 501.</i>  | <i>Synodus V. 41 b. 161 b. 167 b. 194 a. 218 a. 219 a. 285. 289 a. 297 a. 332 b. 333. 373 a. 387 b. 481 a. 484 b. 488 b. 521, 522. 695 b. 708 b. 739 a. 797 a. 805 b. Vid. 727, 728.</i>  |
| <i>Spondanus, Baronii abbreviator,</i>   | 479 a   | <i>Synodus V. 41 b. 161 b. 167 b. 194 a. 218 a. 219 a. 285. 289 a. 297 a. 332 b. 333. 373 a. 387 b. 481 a. 484 b. 488 b. 521, 522. 695 b. 708 b. 739 a. 797 a. 805 b. Vid. 727, 728.</i>  | <i>Synodus VI. 10 a. 25 a. 51 b. 58 a. 128 b. 159 a. 163 a. 165 b. 169 b. 222 b. 242 b. 251 a. 317 b. 379 b. 380 a. 381. 389 b. 410 b. 457 b. 464 b. 465 a. 488 b. 490 b. 500 a. 525, 526, 527, 528. 559 a. 673 b. 695 b. 708 b. 716 b. 729, 730, 731, 732. 798, 799. 805 b. Hanc Leo II. Latinitate donavit, 380 a. 559 a.</i>   |
| <i>Sponsa Christi pulchritudo, 137 a. 179 b. 266 b. 267. 290 b. 595 b. 764 b. 802 a. Sponsa episcopi quam sit,</i>   | 589 a   | <i>Synodus VI. 10 a. 25 a. 51 b. 58 a. 128 b. 159 a. 163 a. 165 b. 169 b. 222 b. 242 b. 251 a. 317 b. 379 b. 380 a. 381. 389 b. 410 b. 457 b. 464 b. 465 a. 488 b. 490 b. 500 a. 525, 526, 527, 528. 559 a. 673 b. 695 b. 708 b. 716 b. 729, 730, 731, 732. 798, 799. 805 b. Hanc Leo II. Latinitate donavit, 380 a. 559 a.</i> | <i>Synodus VII. 165 b. 168 b. 170 a. 251 a. 306 b. 425 a. 465 a. 491 a. 528, 529: 733, 734. 740 b. 799, 800.</i>  |
| <i>Sponsalia de presenti transeuntia in matrimonium, an dissolvi possint,</i>  | 448 a   | <i>Synodus VII. 165 b. 168 b. 170 a. 251 a. 306 b. 425 a. 465 a. 491 a. 528, 529: 733, 734. 740 b. 799, 800.</i>  | <i>Synodus VIII. 19 a. 23 a. 25 b. 53 a. 58 a. 158 b. 163 a. 165 b. 174 a. 251 a. 332 a. 381 b. 435 b. 465 a. 532, 533, 534. 559 a. 709 a. 732 a. 734, 735, 736. Hanc Anastasius Latinè transtulit, 22 b.</i>   |
| <i>Sponsus quare appelletur Christus, 225 a. 802 a. 807 a.</i>   | <i>Stanislaus Hofius, contra Brentium, 255 b. 661 a.</i>  | T.  |   |
| <i>Stapletonus, in Duacensi academiâ professor,</i>  | 235 a   |   |   |
| <i>Starovolskii epitome conciliorum, tam generalium, quam provincialium,</i>   | 59 a  | T.  |   |
| <i>De Statuis, 641, 642. &amp; earum adoratione, 635. 640 b.</i>   | <i>Statua plumbea,</i>  |   |   |
| <i>Stemnius, Ariminensis episcopus,</i>  | 366 a   | T.  |   |
| <i>Stephanus Bostrorum episcopus,</i>  | 799 b   |   |   |
| <i>Stephanus, Ephesinus antistes,</i>  | 724 a   | T.  |   |
| <i>Stephanus, Nepefinus episcopus,</i>   | 734 b   |   |   |
| <i>Stephanus III. quando R. sedis clavum tenere cepit,</i>   | 168 b   | T.  |   |
| <i>Stephanus, præsul Parisiensis,</i>  | 426 a   |   |   |
| <i>Stephanus, Prænестinus episcopus,</i>   | 388 a   | T.  |   |
| <i>Stephanus, Serensis episcopus,</i>  | 268 b   |   |   |
| <i>Stefichori cecitas,</i>   | 435 a   | T.  |   |
| <i>Stoicorum error, de aequalitate peccatorum,</i>   | 549 b   |   |   |
| <i>Studia privilegiata,</i>  | 63 a  | T.  |   |
| <i>Sturmii [Johannes] Semilutheranus,</i>  | 166 b   |   |   |
| <i>De Stylo S. scripturarum &amp; primorum ecclesiâ patrum, 135 a. 611 b. 632 a.</i>   | <i>De Subreptionibus, vel obreptionibus, 451 a. 508 b. 580. 607 b.</i>  | T.  |   |
| <i>Subreptum quod fuerit, corrigi debet,</i>   | 622 b   |   |   |
| <i>Suessionenses synodi, 388 a. 527 b. 531 a. 575 a.</i>   | <i>Συγχαίρειν, quid sit,</i>  | T.  |   |
| <i>Συλλίτρυς, quid sit,</i>  | 126 a   |   |   |
| <i>Συλλίτρυς, quid,</i>  | 446 a   | T.  |   |
| <i>Sulpitius Severus emendatus,</i>  | 493 a   |   |   |
| <i>Summus, ] vox, inter veteres notas literarum non reperi- ritur,</i>   | 124 a   | T.  |   |
| <i>Συμπεροκότες, quid,</i>   | 445 b   |   |   |
| <i>Συνέσιμος, quid,</i>  | 446 a   | T.  |   |
| <i>Συνήγορος, quid,</i>  | 718 b   |   |   |
| <i>Superflua,</i>  | 352 b   | T.  |   |
| <i>Superstitio abolenda,</i>   | 786 a. 813 b. 819 a   |   |   |
| <i>Supremus in omni politia, quodnam jus habet, 321 a. 336 b.</i>  | <i>Surii [Laurentii] conciliorum editio,</i>  | T.  |   |
| <i>Surii [Laurentii] conciliorum editio,</i>   | 21 a  |   |   |
| <i>Sylvanus, episcopus Calagurensium ecclesiâ,</i>   | 747 a   | T.  |   |
| <i>Symboli explicatio, nunquam nisi per synodum œcumenicam facta, 69 a. 251 a. 515 b. Ephesinâ synodo I. vetita est nova Symboli editio, 585 a.</i>                    | <i>Symmachus, ex Pagano Christianus, 40 b. Quando R. cepessit ecclesiâ, 168 a. † 182 b. Synodus habuit numero sex, 203 b. Congregatur synodus à Theodorico ad judicandam ejus causam, 53, &amp; c. 203 b. 271 b. qui absolvitur, 55 b. Ennodius pro eo &amp; synodo componit apologeticum, ibid. 620 b. quod illustratur, 778 a. Synellus,</i>  |   |   |
|  | 750 b   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.  |   |
|  |   |   |   |
|  |   | T.</  |   |



# Index Rerum & Vocabulorum.

- interest Calchedonensi concilio, 519 a. in interpretandis scripturis Theodotionem, Symmachum, & Aquilam subinde laudat, 149 b. praefertur Socrati & Sozomeno, 35 a. Theodoretus commentarius super cantica canticorum, 766 b. dialogi tres, immutabilis, 792 b. inconfusus, 793 a. & impatibilis, ibid. b. ad Leonem P. epistola, 115. & appellationis ad occidentales episcopos historia, ibid. &c.
- Theodoricus, rex Francorum, 206 a. 631 a
- Theodoricus, Italia rex, Arianus, benè tamen Catholicis usus, 271 b. 479. 592 b. 603 b
- Theodori Abbatis Studita virtus & doctrina, 733 b
- Theodorus, praeful Antiochenus, 733 a
- Theodorus, Foroliviensis episcopus, 739 a
- Theodorus, Mopsuestenus antistes, 728 a. 797 a
- Theodorus, Oñodurensis episcopus, 385 a
- Theodori P. synodica ad Paulum patriarcham Constantinopolitanum, 206 a
- Theodorus, Pharanitanus episcopus, 799 a
- Theodorus, presbyter Ravennatis ecclesia, 729 b
- Theodorus, Tarvisinus episcopus, 329 a
- Theodorus episcopus civitatis Trimithuntana, 729 b
- Theodosiani codicis appendix, 40 b
- Theodosius, Casariensis episcopus, 536 b
- Theodosii imperatoris littera ad Dioscorum, 719 a. Ejus penitentia, 653 a. 654 a
- Theodulfus, Aurelianensis episcopus, 265 b. 821 b
- Theologia, prima divina sapientiae ancilla, 395 a. Theologiae principia, 54 a. 448 b. 465 b. 554. 564 b. 644 800 b. Quid, Christiana Theologia propositum & finis, 394 b. Adversus Theologiam philosophicam, 394. 395, 396, 397. 466 a. 566 a. 644. 705 b. 801 b.
- Theopaschita imaginem haut admittentes, 207 b
- Theophanes, Antiochia episcopus, 729 b
- Theophanes, Ceraeum Archi-paeful, 425 b
- Theophanis lapsus, 633 a. &c.
- Theophili Alexandrini tomus theotasticus, 794 b
- Theophilus, Apameus episcopus, 383 a
- Theophilus, Beneventi antistes, 366 a
- Theophilus, episcopus Cleopatridis, 715 b
- Theophylactus, Acrida in Bulgariâ Archiepiscopus, qui & qualis fuerit, 387 a. 439 a. 461. 466. Quando floruit, 387 a
- Theotecnus, Casariensis Palestina episcopus, 539 a
- Theffalonica urbis descriptio, 652 a
- Theffalonicensis cades, 652 a. 654 b
- Theffalonicensis synodus, 440 a
- Theta nigrum, 235 b. 391 b
- S. Thomas Aquinas, Alberti magni discipulus, 173 b. Dominicana familia summum decus, 449 a. & quintus ecclesiae doctor, 469 a. in sanctorum ordinem relatus, 411 a. illustratus, 554. 564. quando clarnit, 60 a. & Magistri sententias interpretari capit, 1 b. Thomas Gracorum errores confutare aggreditur, 1 b. 448 a. 450 b. 454 a. 459 a. 554 b. non nova opinionis sponte auctor, 251 b. Thoma liber contra gentes, 331 a. catena, quando Parisiis impressa, 10 a. opusculum de symbolo, 63 b. & de absolutionis formâ, 597 b. cui unum tantum diem insumpsit, 598 a. 600 a. Theologiae summa, opus ejus ultimum & perfectissimum, 1 b. Secundam secundam, cur suspicio est, esse opus alienum, 552 a. Quis recognovit, quae vera & germana sint ejus opera, 661 b
- Thoma theologia definitio, 448 b. & judicium de subjectione potestatis ecclesiasticae, 143 b. 251 a. 474 a. 550 a. Thomas ἀπολογεῖται, 143 b. 227 b. Vincentii Bellovacensis transcriptor, 553 a. chronologia imperitus, 461 a. & malâ utens ratiocinandi methodo, 413 a. 599 b. refellitur à Durando, 449. 603 b. Graece non intellexit, 3 a. 12 b. Chrysosthomum falsè citat, 2 b. 14 b. in vetitis Aristotelis libros edit commentaria, 447 b. 595 a. 601 b. & in scholis Minorum Scoti postponitur, 450 a. 603 b. Thoma doctrina de abdicandis ob haeresim regibus, 563, &c. ad 568. 597 b. & errores eruditi, 459, 460, 461. Discriminis haut parum inter ea, quae juvenis & mutua aetatis vir docuit, 165 b. Thomas excessit à vitâ, cum vocatus ad Lugdunense concilium II. pergeret, 173 a. 599 a
- Thomas Campegius, Feltrensis episcopus, 391 a
- Thoma Illyrici clypens papalis, 249 a
- Thomas, metropolita Tyri, 734 a
- Thraseas, martyr, 333 b
- Threicia nota, 580 a
- Throrochii chronica Hungarorum, 357 b
- Tiberius, Thuscus homo, se pro Imperatore vendidit, 645 b
- Tibulli editiones prima, 472 a
- Ticonii Donatistae exponendarum scripturarum regula, 457 b
- Tilpinus, Remensis Archi-episcopus, 572 a. 750 a
- Timotheus, Alexandrinus antistes, 294 b
- Timotheus, Apollinaris discipulus, 197 a
- Tveni controversiarum index, 774 a
- Titulorum praedia haud commutanda, 32 b. 183 b. 616
- Toletana concilia, 20 a. 177 b. 218 a. 243 b. 339 a. 524 b. 527 b. 675 b. 715 b.
- Tolosana Academia, 323 b
- Tornacensis diocesis, sub dominatu Burgundorum, 472 a
- Tostati Abulensis, tractatoris Ecclesiastici incomparabilis, [147 a. 224 a.] laudes, 700 b. Tostatus correctus, 146 a
- Tractoria, 209 a
- Traditionis universalis auctoritas, 24 a. 178 a. 261 b. 302 a. 355 a. 369 a. 554. 566 a. 599 a. 642 b. 702 a. 717 b. 750 a. 768 a. 774 a. 782 b. &c. 787 a. 798 a. 800 b. 810 a. Traditio per Ecclesias debet esse una, 177 b. 186 a. 467 b. 610 b. 669 b. 740 a. 817 b. A tramite ecclesiastica Traditionis Ecclesia haud unquam deviarit, 476 b. 792 b. Traditiones à patribus susceptas infringere, ridiculum, 39 b. 101 a. 190 b. 447 a. 467 b. 750 a. 760 b. 801 a. 817 b. Ecclesiastica Traditiones, quae fidei haud officium, quomodo observanda, 445 b. Traditiones sine scripto quanta auctoritatis, 782 b. 808 b
- Traditionum pontificiarum incertitudo, 17 a. 258 b. 581 b. 806 b. 808 a.
- Traguriense fragmentum Petronii, à Statilio editum, 472 a
- Trajanus, filius Gebenna, 655 a
- Tranquillitas, sapientia donum, 128 b. 625 a
- Tranquillus, Calchedonensis episcopus, 383 a
- Transferri ad aliena jura, nullo titulo debent praedia juris Ecclesiae, 32 b. 183 b
- Transgredi vel addere ad terminos patrum, quae persona judicantur, 42 b. 105 a. 141 a. 180 b. 187 a. 333 b. 339. 685 a. 746 a. 751 b. 755 b.
- Translationes Episcoporum [96 b. 104 a. 187 a.] Sardicensi synodo, [582 b.] in Ecclesiâ Africanâ prohibita, 44 b
- Trevirensis concilia, 245 b
- Tricassina synodi, 19 a. 208 b. 444 a
- Tridentinum concilium, 63 b. 65 a. 75 b. 103 a. 148 b. 150 b. 164 a. 173 a. 174 a. 175 a. 191 a. 217 b. 219 b. 220 b. 243 b. 245 a. 250 a. 255 a. 257 a. 266 a. 293 a. 296 a. 322 a. 374 b. 390 b. 433 b. 452 b. 470 b. 473 b. 535. 560 b. 575 b. 736 b. 772. 778 b. 803 b. 804, 805.
- Trinitatis fides catholica, 295 a. 812 a. 815 a. Trinitas consubstantialis, 295 a. 398 a. 501 b. 784 b. In Trinitate unam duntaxat personam esse, affirmabat Sabellius, 262 b. 295 a. S. Trinitas dividitur indivisè, & divisè iterum conjungitur, 398 a. 462 b. Trinitatis nomina personalia relativa, 784 b. & opera ad extra sunt indivisa, 812 a. Trinitas S. est causa principalis, unde baptismus habet virtutem, 361 b. 362. 383 b. 802 b. 808 a. 811 a. 812. 813 b. 815 a. 816 b. 818 b.
- Triumphus nulli clariores, quam quos veritatis defensor pollicetur, 514 a. 783 a. 787 a. 800 a
- Troja.

# Index Rerum & Vocabulorum.

Trojanum concilium, quando celebratum, 215 b  
Trojanus equus, 474 a  
Trosleianum concilium, 425 b  
Trullus, regale palatium Constantini, 26 a. 526 a. 730 b  
Tubingensis academia, 537 b  
Tunica Christi inconsutilis, qua, 137 a  
Turonensis concilia, 96 a. 142 b. 170 a. 271 a. 522 b  
530 a. 546 a. 575 a.  
Turpe est doctori, quem culpa redarguit ipsum, 474 a  
Turcremata Card. laudes, 468 b. 590 b  
Turribius, Asturicensis episcopus, 201. 384 b. 441 a  
Tutores pauperum & patres sunt episcopi, 183 b. 341 a  
S. Tyemon, seu Theodormus, Salisburgensis antistes, 171 a  
Tyrannorum in Christianos caca rabies, 68 b. 137 a. 218 b  
376 a. 485 a. 642 b. 652 a. 684 b. 685 a. 786 a  
821 b. Tyrannus non potest licite occidi per vasallum  
suum, 158 a  
Tyria synodus, 112 a. 492 a. quando convocata, & a  
quo, 491 b

## V.

**V**acuum non datur in ecclesia Dei, 127 a. 617 b. 744 b  
752 b. 754 b  
Vaironii, Laudunensis canonici, epitaphium, 625, 626  
Valentina concilia, 523 a. 531 b  
Valentiniani Imp. humilitas, 513 a  
Valerii Probi nota literarum, 124 a  
Valesiorum, immortalitatem anima negantium, haeresis,  
383 a  
Valetudo optima quam sit, 749 a  
Vaniloquia in rebus sacris non agenda, 176 a  
Vanitas erudita, qua, 643 a  
Varietatem haud recipit veritas, qua una & simplex,  
697 a. 701 a  
Varronis fragmentum de lingua Latina, ab Antonio Au-  
gustino editum, 472 a  
Vas, in quo universorum erant genera animantium, S.  
Petro ostensum, quid praesignaret, 100 b. 136 b. [2]  
421 b  
Vbalus praesul Faventinus, 759 a  
Vdalricus, Augustensis episcopus, in Sanctorum numerum  
relatus, 19 a. 27 a  
Vdo, archi-episcopus Trevirensis, 212 a  
Veccerii vita Henrici VII. imperatoris, 160 a  
Vestigia principibus haud deneganda, 643 a  
Venatio clericis vetita, 547 b  
Veneticum concilium, 575 a  
Venialia peccata, qua reputentur, 599 a. 659 a. 662 a  
749 a  
De Verbo Dei incarnato, quid credendum orthodoxe,  
122 a. 784 b. 788. 795 a. 796. Verbum in prin-  
cipio ante plasma, & ante solem, 785 a. Verbi di-  
vinitas adversus Ebionem & Cerinthum a S. Jo-  
anne asserta, ibid. Verbum internum Libertinorum,  
228 b. 322 b. 645 b. 807 b.  
Ad Verbi Dei predicationem & Christianam doctrinam  
pertinentia, 449 a. 557 a  
Verba haud solum excutienda, sed ipsa rerum natura  
investiganda ad veritatis cognitionem, 516 a. 792 a  
810 b.  
Veritas, res sempiterna est, 359 b. indissimulabilis, 30 b  
230 b. 429 b. 726 a. se per se ipsa defendit, 159 b  
542 b. 612 a. est omnium, 10 a. 149. 430 a  
490 a. 702 a. 793 a. omnino verum dicit, 6 b  
17 a. 112 b. 450 b. 483 a. 541 b. 542 b. 579 b  
610 b. 701 a. 783 a. potior, quam figura, 12 a. 453 b  
623 b. erubescit, cum absconditur, 735 a. ex fide  
persona, non ex personis probari debet, 147 b. 590 a  
610 b. Veritatem vix assequetur, qui facile pron-  
untiat, 742 b. Veritatis notitia una scientia &  
sudorum dignus finis, 490 a. 643 a. 693 a. 792 b. 795 a

Ad Veritatem certius pervenitur, adhibita multo-  
rum cognitione, 490 a. 516 a. 643 a. Veritas  
simplex, mendacium multiplex, 359 b. 490 a. 701 a  
794 b. Veritas, cum non defensatur, opprimitur 317 a  
Vel inviti, Veritatis hostes, veritatem adjuvant,  
828 b. Plus illi tribuendum, quam amico, 390 a.  
Quisquis post illam repertam aliquid ulterius discunt,  
quarit mendacium, 369 b. 450 b. Veritatis sub-  
stantia non mutatur temporis cursu, 777 b. jura  
ampliora omni antiquitate, 685 b. Per Veritatem  
Christiana religio a sectis omnibus distinguitur &  
constituitur, 118 b. Veritatis columna & firma-  
mentum, ecclesia, 11 b. 140 b. 245 a. 420. 448 b  
764. 783 a. 789 a. 792 b. 808 b. Veritas inde-  
fectibilis ecclesia, in his, qua fidei sunt, sunt &  
necessarii ad salutem, 453 b. 516 a. 783 a. 792 b  
808 b. Veritatis (apud Pontificios) injusti posses-  
sores, qui habeantur, 149. 490 a. Sua constat uni-  
cuique rei Veritas, 542 b  
Vermeriense concilium, 531 a  
Vernantius [Jocob.] 449 b  
Vernense concilium, 527 b. 575 a. 577 a  
Vetustati nihil oportet adicere, 658 a. 790 b. 817 b  
Vid. Novitas.  
Id Verum, quod prius traditum, 24 a. 29 a. 338, 339.  
359 b. 622 b. Nihil est pium, nisi quod idem Verum,  
228 a. 584 b. 783 a.  
Viatores, & comprehensores, 773 a. 775 b  
Vices rerum mundanarum alterna 634 b. 537 a  
Victor, P. Afianos Romana ecclesia communione privat,  
243 a  
Victor, Tunnonensis episcopus, 819 b  
Victoris Uricensis persecutio Wandalorum, 811 b  
Victoria [Francisci] in Salmanicensi academia pro-  
fessoris, [241 a.] laudes, 468 b. 590 b. Victoria  
quando claudit, 390 b  
Victorini memoriale historiarum, 392 b  
Victorius [non Victorinus] componit cyclos Paschales  
124 b  
Victoricus, Rotomagensis episcopus, 576 a. 677 b. 780 a  
Vienna, olim dicta Flavinianum, 300 b  
Viennense concilium, 159 b. 160 a. 215 a. 280 b. 291 b  
740 b. 742 b. 802.  
Viennensis Academia, 244 a. 324 b  
Vigilantius ecclesiastica pudicitia admodum infensus,  
385 b  
Vigilius Afer reprehenditur, 785 b  
Vigilius P. quando sedis R. gubernacula suscepit, 183 b  
† 289 a. Cur tria capitula aliquando defenderit,  
& aliquando impugnaret, 167. 728 a. 760 b. 805 b  
Illius constitutum, 41 b. 204 b  
Vigor ecclesiasticus qua maxime occasione deperat, 501 b  
676 b. 749 b.  
Vigoreus, Narbonensis archi-episcopus, 772 b  
Viguerii institutiones ecclesia, 226 a  
Vincentius frater Baro. V. Baro.  
Vincentii Bellovacensis laudes, 468 b  
Vincentii Lirinensis historica lapsio, 817, 818. & en-  
comia, 790 b  
Virgilius, Arelatensis episcopus, 606 a. 618 a  
Virginis Deiparae panegyris, 11 a. 785 a. 786 a  
788 a. 791 b. Vid. Maria.  
Virtutis est, haud solum inchoasse, sed & perfecisse,  
750 b  
Virtutum fons, Jesus Christus 543 a. 788.  
Visibilitatem ecclesia non pendere ex personâ R. ponti-  
ficis, 563 a. 776 a  
De Visitatione infirmorum, 600 b. 623 b. 659 b  
Vita contemplativa pulchritudo, 315 b. 624. 765 b  
Vita sancta verè vita est, 624 a. Vita posterior ju-  
dicat de priore, & vanus rumor cito opprimitur, 706 a  
Vita sanctius instituenda precepta varia, 626 a. 634 a  
755 a. 780 a.  
Vitalianus, quando R. ecclesia praesidere cepit, 185 a  
Vitalia-



# Index Rerum & Vocabulorum.

*Vitalianus, Sipontinus episcopus,* 608 a  
*Vitia divinis cultibus hant inferenda, per occasionem sup-  
 plenda clericalis penuria, 745 a. Vita peccatorum gra-  
 viora facit dignitatum sublimitas, 70 b. 100 a. 202 a  
 471 a. 550 a. 676 b. In Vitiis corrigendis pie sevien-  
 dum,* 482 b. 668 a  
*Vitiositas humana, monstrum princeps ac indomitum, 123 b*  
*Vitis quare dictus sit Christus,* 397 a. 371 a  
*Vitus & Vincentius, Sylvestri P. legati, in Nicano conci-  
 lio,* 694 b. 696 b. 697 a. 699 a  
*Vladislaus, Polonia Hungariaque rex,* 65 b. 244 a  
*Ulpianus, Jurisconsultus, Christianis insensissimus,* 261 b  
*Ultramontani,* 215 a  
*Umbra in modum obscurantur, & pereunt res humana, 12 a  
 281 a.*  
*Unam sanctam,] constitutio cassatur, 109 a. 14 a  
 597 b.*  
*Unanimitas habenda in populo Christiano, 5 b. 40 a. 46 a  
 48 b. 73 b. 94 a. 114 b. 125 b. 179 b. 245 a. 293 b. 361 b  
 365 b. 501 b. 562 b. 793. 807 a. summum inter homines  
 bonum,* 180 b. 483 b  
*Unctio chrismales una cum manuum impositione in suscipien-  
 dis hereticis adhibita; in quo occidentalis cum orientali  
 conveniebat ecclesia,* 820 b  
*Unifolius, dux magnus Lithuania,* 299 b  
*Unio carnis cum Verbo hypostatica, ubi definita, 295 a  
 500 a.*  
*Unitas omnium rerum principium, 740 a. 763 b. U-  
 nitatem in Trinitate non eadem persona, sed ea-  
 dem implet essentia, 295 a. 383 b. 500 a. 695 b  
 723 a.*  
*Universalis Pape attributum, à Gregorio magno explo-  
 sum, 19 b. 130. 316, 317. 432 a. 434 a. 436 b. 437 a  
 543. 614 b. 638 b. 778 b. Universalis concilii condi-  
 tiones quatuor,* 742  
*Universum partibus semper optimo jure praponitur, 40 a  
 61 a. 95 b. 373 b.*  
*Unum corpus, & unus panis, cur dicatur ecclesia, 740 a  
 763 b. 791 b.*  
*Vox populi, vox Dei,* 70 a  
*Vratislaus, dux Boemorum,* 211 b  
*Urbanus II. quando consecratus est R. ecclesia episco-  
 pus,* 188 a. † 290 a  
*Urbanus III. quando in R. sedis speculâ constitutus, 189 a*  
*Urbanus IV. quando mortem oppetit,* 1 b  
*Urgardus, Wiburgenfis episcopus, 647 b. Vid. B. & R.*  
*Ursus, dux Venetiarum, 186 b. 208 a. 444 a. 469 b*  
*De Usu bonorum ecclesiasticorum,* 470 a  
*Usuardus correctus,* 485 a  
*Ut se habet secundum quid ad secundum quid; sic se habet  
 simpliciter ad simpliciter,* 434 b  
*Uxor & sponsa reapse non differunt,* 96 a

## W.

**W** *Albertus, Mediolanensis episcopus,* 268 b  
*Waldenses contra, Alanus calamum exaravit, 708 b*  
*Waldensis [Thomas] Provincialis Anglia, adversus Hus-  
 sitas scribit, 144 b. de sacramentalibus, 769 a. de do-  
 ctrinali fide antiquâ, 741 a. Ad Auctorem hunc Mar-  
 tini V. epistola,* 144 b. 769 b  
*Wandalorum persecutio,* 811 b  
*Wendelstini opera & studio, codex canonum vetus R. ec-  
 clesia editus,* 700 a  
*Westmonasterii ades reparata,* 169 a  
*Wexelinus, Magdeburgensis archi-episcopus,* 544 b  
*Wiclefus primatum omnem Papa negabat, 97 a. 153 a. 466 b  
 568 b. Ejusdem dogmata, 157 b. 170 a. 299 b. 561 a*  
*Wido, Muziensis episcopus,* 269 b  
*Wido, Silva candida amistes,* 268 b  
*Wilderodus, præsul Argentinenfis,* 755 a  
*Wilhelmus, Philippenfis Archi-episcopus,* 759 a  
*Wintoniense concilium, sub Canuto rege,* 533 a  
*Wirttembergensis confessio, Tridentina synodo oblata, 257 a*  
*Wulfredus [al. Valfredus] Cantuariensis Archi-præsul,* 469 b

## X.

**D** *E Xenodochis,* 630 a. 686 a  
*Xistus P. Stephani decessor,* 810 a

## Z.

**Z** *Abarda, dux Sardinia,* 443 a  
*Zacchæus, Casariensis episcopus,* 383 a  
*Zacharias, Apost. legatione in oriente perperam defun-  
 ctus, excommunicatur,* 207 b  
*Zacharia quando R. sedes obtrigit, 185 b. † 657 b. Za-  
 charias Pipinum, per Bonifacium Moguntinum episco-  
 pum, in regem consecrat, 570 b. 621. 622. Ejus epi-  
 stola ad Willam, 657 b. & Bonifacium, 42 a. De  
 Zachariâ P. contra Bellarminum, 645, &c. ad 652*  
*Zecchi respublica Ecclesiastica,* 687 b  
*Zelus pietatis & Ecclesia, virtus in principe laudatissima,  
 126 b. 208 b. 287 b. 488 b. 500 a. 509 a. 522 a  
 636 b. 694 a. 712 a. 731 b. 751 b. 799 a.*  
*Zenoni imperatori, Felicis III. epistola, 202 a. 306 b  
 316 b. 367 b. 694 a.*  
*Zenonis Stoici magna constantia,* 18 b  
*Zizania diabolum ferere, 184 a. 189 a. 207 a. 208 a  
 238 a. 298 a. 442 a. 503 b. 562 b. 719 b. 731 b*  
*Zonara lapsus,* 633, &c.  
*Zosimus quando Rom. Ecclesia administrationem suscepit,  
 178 b. Ejusdem interlocutio.* 367 b  
*Zotinus, Quintiani episcopus,* 366 a

F I N I S.

